

# Holy Bible

*Aionian Edition®*

মুক্তভাবে বাংলা সমকালীন সংস্করণের  
**Open Bengali Contemporary Bible**

[AionianBible.org](http://AionianBible.org)

বিশ্বের প্রথম পরিত্র বাইবেলের উলটো অনুবাদ  
কপি এবং প্রিন্ট করা যাবে ১০০% বিনামূল্যে  
এই নামেও পরিচিত “বেঙ্গলি বাইবেল”

*Holy Bible Aionian Edition ®*

মুক্তভাবে বাংলা সমকালীন সংস্করণের  
Open Bengali Contemporary Bible

CC Attribution ShareAlike 4.0, 2018-2024

Source text: eBible.org

Source version: 2/21/2024

Source copyright: CC Attribution ShareAlike 4.0, International  
Biblica, Inc., 2007, 2017, 2019

Original work available for free at [www.biblica.com](http://www.biblica.com) and [open.bible](http://open.bible)

Formatted by Speedata Publisher 4.17.20 (Pro) on 3/21/2024

100% Free to Copy and Print

TOR Anonymously

<https://AionianBible.org>

Published by Nainoia Inc

<https://Nainoia-Inc.signedon.net>

We pray for a modern public domain translation in every language

Report content and format concerns to Nainoia Inc

Volunteer help is welcome and appreciated!

*Celebrate Jesus Christ's victory of grace!*



## ভূমিকা

বাংলা at [AionianBible.org/Preface](http://AionianBible.org/Preface)

The *Holy Bible Aionian Edition* ® is the world's first Bible *un-translation!* What is an *un-translation?* Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aīdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aīdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is *eternal!* However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Take the time to understand these eleven words. The original translation is unaltered and a note is added to 64 Old Testament and 201 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at [eBible.org](http://eBible.org), [Crosswire.org](http://Crosswire.org), [unbound.Biola.edu](http://unbound.Biola.edu), [Bible4u.net](http://Bible4u.net), and [NHEB.net](http://NHEB.net). The Aionian Bible is copyrighted with [creativecommons.org/licenses/by-nd/4.0](http://creativecommons.org/licenses/by-nd/4.0), allowing 100% freedom to copy and print, if respecting source copyrights. Check the Reader's Guide and read online at [AionianBible.org](http://AionianBible.org), with Android, and TOR network. Why purple? King Jesus' Word is royal... and purple is the color of royalty!



## সূচিপত্র

### পুরাতন নিয়ম

আদিপুস্তক .....	11
যাত্রাপুস্তক .....	133
লেবীয় বই .....	229
গণনার বই .....	294
দ্বিতীয় বিবরণ .....	384
যিহোশূয়ের বই .....	467
বিচারকর্তৃগণের বিবরণ .....	522
রূতের বিবরণ .....	580
শমুয়েলের প্রথম বই .....	588
শমুয়েলের দ্বিতীয় বই .....	664
প্রথম রাজাবলি .....	728
দ্বিতীয় রাজাবলি .....	804
বৎশাবলির প্রথম খণ্ড .....	878
বৎশাবলির দ্বিতীয় খণ্ড .....	943
ইস্রা .....	1027
নহিমিয়ের বই .....	1049
ইষ্টের বিবরণ .....	1080
ইয়োবের বিবরণ .....	1096
গীতসংহিতা .....	1155
হিতোপদেশ .....	1295
উপদেশক .....	1344
শলোমনের পরমগীত .....	1360
যিশাইয় ভাববাদীর বই .....	1369
যিরমিয়ের বই .....	1485
যিরমিয়ের বিলাপ .....	1615
যিহিস্কেল ভাববাদীর বই .....	1627
দানিয়েল .....	1735
হোশেয় ভাববাদীর বই .....	1768
যোয়েল ভাববাদীর বই .....	1786
আমোষ ভাববাদীর বই .....	1793
ওবদিয় ভাববাদীর বই .....	1806
যোনা ভাববাদীর বই .....	1809
মীখা ভাববাদীর পুস্তক .....	1814
নহুম ভাববাদীর বই .....	1824
হবকূক ভাববাদীর বই .....	1828
সফনিয় ভাববাদীর বই .....	1833
হগয় ভাববাদীর বই .....	1838
সখরিয় ভাববাদীর বই .....	1841
মালাখি ভাববাদীর বই .....	1860

### নতুন নিয়ম

মথি .....	1869
মার্ক .....	1942
লুক .....	1990
যোহন .....	2070
প্রেরিত .....	2131
রোমায় .....	2212
১ম করিন্থীয় .....	2245
২য় করিন্থীয় .....	2277
গালাতীয় .....	2299
ইফিয়ীয় .....	2310
ফিলিপীয় .....	2320
কলসীয় .....	2328
১ম থিষ্লনীকীয় .....	2335
২য় থিষ্লনীকীয় .....	2342
১ম তৌমথি .....	2346
২য় তৌমথি .....	2355
তীত .....	2361
ফিলীমন .....	2365
ইঞ্চীয় .....	2367
যাকোব .....	2391
১ম পিতর .....	2399
২য় পিতর .....	2408
১ম যোহন .....	2414
২য় যোহন .....	2422
৩য় যোহন .....	2423
যিহুদা .....	2425
প্রকাশিত বাক্য .....	2428
পরিশিষ্ট	
পাঠকের গাইড	
শব্দকোষ	
মানচিত্র	
ভবিতব্য	
ছবি, Doré	



পুরাতন নিয়ম



সেই মানুষটিকে তাড়িয়ে দেওয়ার পর, এদম বাগামের পূর্বদিকে তিনি কর্ণবদের মোতায়েন করে দিলেন এবং  
জীবনদায়ী গাছের কাছে পৌঁছানোর পথ রক্ষা করার জন্য ঘূর্ণায়মান জ্বলন্ত এক তরোয়ালও বসিয়ে দিলেন।

আদিপৃষ্ঠক 3:24

## ଆଦିପୁଣ୍ଡକ

1 ଶୁରୁତେ ଈଶ୍ଵର ଆକାଶମଞ୍ଜଳ ଓ ପୃଥିବୀ ସୃଷ୍ଟି କରଲେନ । 2 ଏମତାବହ୍ନ୍ୟ ପୃଥିବୀ ନିରବଯବ ଓ ଫାଁକା ଛିଲ, ଗଭୀରେର ଉପରେର ଶ୍ରେ ଅନ୍ଧକାର ଛେଯେ ଛିଲ, ଏବଂ ଈଶ୍ଵରେର ଆତ୍ମା ଜଲେର ଉପର ଭେସେ ବେଡ଼ାଚିଲେନ । 3 ଆର ଈଶ୍ଵର ବଲଲେନ, “ଆଲୋ ହୋକ,” ଏବଂ ଆଲୋ ହଲ । 4 ଈଶ୍ଵର ଦେଖଲେନ ଯେ ସେଇ ଆଲୋ ଭାଲୋ ହେଁଛେ, ଏବଂ ତିନି ଅନ୍ଧକାର ଥିକେ ଆଲୋକେ ବିଚିନ୍ନ କରଲେନ । 5 ଈଶ୍ଵର ଆଲୋକେ “ଦିନ” ନାମ ଦିଲେନ ଏବଂ ଅନ୍ଧକାରକେ “ରାତ” ନାମ ଦିଲେନ । ସନ୍ଧ୍ୟା ହଲ ଏବଂ ସକାଳ ହଲ—ଏହି ହଲ ପ୍ରଥମ ଦିନ । 6 ଆର ଈଶ୍ଵର ବଲଲେନ, “ପୃଥିବୀର ଜଳ ଥିକେ ଆକାଶେର ଜଳକେ ଆଲାଦା କରାର ଜନ୍ୟ ଏହି ଦୁଇ ଧରନେର ଜଲେର ମାଝଖାନେ ଉନ୍ମୁକ୍ତ ଏଲାକା ତୈରି ହୋକ ।” 7 ଅତେବଂ ଈଶ୍ଵର ଉନ୍ମୁକ୍ତ ଏଲାକା ତୈରି କରଲେନ ଏବଂ ସେଇ ଏଲାକାର ଉପରେ ଓ ନିଚେର ଜଳକେ ଆଲାଦା କରେ ଦିଲେନ । ଆର ତା ସେଇମତୋଇ ହଲ । 8 ଈଶ୍ଵର ସେଇ ଉନ୍ମୁକ୍ତ ଏଲାକାକେ “ଆକାଶ” ନାମ ଦିଲେନ । ଆର ସନ୍ଧ୍ୟା ହଲ ଓ ସକାଳ ହଲ—ଏହି ହଲ ଦ୍ୱିତୀୟ ଦିନ । 9 ଆର ଈଶ୍ଵର ବଲଲେନ, “ଆକାଶେର ନିଚେର ସବ ଜଳ ଏକ ହାନେ ଜମା ହୋକ, ଏବଂ ଶୁକନୋ ଜମି ଦୃଷ୍ଟିଗୋଚର ହୋକ ।” ଆର ତା ସେଇମତୋଇ ହଲ । 10 ଈଶ୍ଵର ସେଇ ଶୁକନୋ ଜମିର ନାମ ଦିଲେନ “ଭୂମି” ଏବଂ ଜମା ଜଳକେ ତିନି “ସମୁଦ୍ର” ନାମ ଦିଲେନ । ଆର ଈଶ୍ଵର ଦେଖଲେନ ଯେ ସେଠି ଭାଲୋ ହେଁଛେ । 11 ପରେ ଈଶ୍ଵର ବଲଲେନ, “ଭୂମି ଗାଛପାଳା ଉତ୍ପନ୍ନ କରକ: ସେଣ୍ଟଲିର ବିଭିନ୍ନ ଧରନ ଅନୁସାରେ ଭୂମିତେ ଉତ୍ପନ୍ନ ସବୀଜ ଲତାଗୁଲ୍ଲ ଓ ବୀଜ ସମେତ ଫଳ ଉତ୍ପାଦନକାରୀ ଗାଛ ଉତ୍ପନ୍ନ ହୋକ ।” ଆର ତା ସେଇମତୋଇ ହଲ । 12 ଭୂମି ଗାଛପାଳା ଉତ୍ପନ୍ନ କରଲ: ନିଜସ୍ତ ପ୍ରଜାତି ଅନୁସାରେ ବୀଜ ଉତ୍ପାଦନକାରୀ ଲତାଗୁଲ୍ଲ ଏବଂ ନିଜସ୍ତ ପ୍ରଜାତି ଅନୁସାରେ ବୀଜ ସମେତ ଫଳ ଉତ୍ପାଦନକାରୀ ଗାଛ ଉତ୍ପନ୍ନ ହଲ । ଏବଂ ଈଶ୍ଵର ଦେଖଲେନ ଯେ ସେଣ୍ଟଲି ଭାଲୋ ହେଁଛେ । 13 ଆର ସନ୍ଧ୍ୟା ହଲ ଓ ସକାଳ ହଲ—ଏହି ହଲ ଦ୍ୱିତୀୟ ଦିନ । 14 ଆର ଈଶ୍ଵର ବଲଲେନ, “ରାତ ଥିକେ ଦିନକେ ଆଲାଦା କରାର ଜନ୍ୟ ଆକାଶେର ଉନ୍ମୁକ୍ତ ଏଲାକାଯ ଜ୍ୟୋତି ହୋକ, ଏବଂ ବିଭିନ୍ନ ଖତୁ, ଦିନ ଓ ବହର ଚିହ୍ନିତ କରାର ଜନ୍ୟ ଏଣ୍ଟଲି ନିର୍ଦ୍ଦର୍ଶନରିପେ କାଜ କରଙ୍କ, 15 ଆର ପୃଥିବୀତେ ଆଲୋ ଦେଓଯାର ଜନ୍ୟ ଏଣ୍ଟଲି ଆକାଶେର ଉନ୍ମୁକ୍ତ ଏଲାକାଯ ଆଲୋର ଉତ୍ସ ହେଁବୁ ଯାକ ।” ଆର ତା ସେରକମାଇ ହଲ । 16

ঈশ্বর দুটি বড়ো জ্যোতি তৈরি করলেন—দিন নিয়ন্ত্রিত করার জন্য  
অপেক্ষাকৃত বড়ো জ্যোতি এবং রাত নিয়ন্ত্রিত করার জন্য অপেক্ষাকৃত  
ছোটো জ্যোতি। তিনি তারকামালাও তৈরি করলেন। 17 পৃথিবীতে  
আলো দেওয়ার জন্য ঈশ্বর সেগুলিকে আকাশের উন্মুক্ত এলাকায়  
বসিয়ে দিলেন, 18 যেন সেগুলি দিন ও রাতের উপরে প্রভৃতি করতে  
পারে, এবং অঙ্ককার থেকে আলোকে আলাদা করতে পারে। আর  
ঈশ্বর দেখলেন যে তা ভালো হয়েছে। 19 আর সন্ধ্যা হল এবং সকাল  
হল—এই হল চতুর্থ দিন। 20 আর ঈশ্বর বললেন, “জলে জীবিত  
প্রাণীর ঝাঁক দেখা যাক এবং আকাশে পৃথিবীর উপর পাখিরা উড়ে  
বেড়াক।” 21 তাই ঈশ্বর সমুদ্রের বড়ো বড়ো প্রাণীদের এবং জলে  
থাকা প্রত্যেকটি জীবিত ও গতিশীল জীবকে তাদের প্রজাতি অনুসারে,  
এবং প্রত্যেকটি ডানাযুক্ত পাখিকে তাদের প্রজাতি অনুসারে সৃষ্টি  
করলেন। আর ঈশ্বর দেখলেন যে তা ভালো হয়েছে। 22 ঈশ্বর তাদের  
আশীর্বাদ করে বললেন, “ফলবান হও ও সংখ্যায় বৃদ্ধি পেয়ে সমুদ্রের  
জল ভরিয়ে তোলো, এবং পৃথিবীর বুকে পাখিরাও সংখ্যায় বৃদ্ধি পাক।”  
23 আর সন্ধ্যা হল এবং সকাল হল—এই হল পঞ্চম দিন। 24 আর  
ঈশ্বর বললেন, “ভূমি নিজস্ব প্রজাতি অনুসারে জীবিত প্রাণী উৎপন্ন  
করক: গৃহপালিত পশু, জমির সরীসৃপ প্রাণী, এবং বন্যপশু, প্রত্যেকে  
নিজস্ব প্রজাতি অনুসারেই হোক।” আর তা সেইমতোই হল। 25  
বন্যপশুদের তাদের নিজস্ব প্রজাতি অনুসারে, গৃহপালিত পশুদের  
তাদের নিজস্ব প্রজাতি অনুসারে, এবং জমির সরীসৃপ প্রাণীদের তাদের  
নিজস্ব প্রজাতি অনুসারে ঈশ্বর তৈরি করলেন। আর ঈশ্বর দেখলেন যে  
তা ভালো হয়েছে। 26 তখন ঈশ্বর বললেন, “এসো, আমরা আমাদের  
প্রতিমূর্তিতে ও আমাদের সাদৃশ্যে মানুষ তৈরি করি, যেন তারা সমুদ্রের  
মাছেদের উপরে এবং আকাশের পাখিদের উপরে, গৃহপালিত পশুদের  
ও সব বন্যপশুর উপরে, এবং জমির সব সরীসৃপ প্রাণীর উপরে কর্তৃত  
করে।” 27 অতএব ঈশ্বর তাঁর নিজস্ব প্রতিমূর্তিতে মানুষ সৃষ্টি করলেন,  
ঈশ্বরের প্রতিমূর্তিতেই তিনি তাকে সৃষ্টি করলেন; পুরুষ ও স্ত্রী করে  
তিনি তাদের সৃষ্টি করলেন। 28 ঈশ্বর তাদের আশীর্বাদ করে বললেন,

“তোমরা ফলবান হও ও সংখ্যায় বৃদ্ধিলাভ করো; পৃথিবী ভরিয়ে  
তোলো ও এটি বশে রেখো। সমুদ্রের মাছগুলির উপরে ও আকাশের  
পাখিদের উপরে এবং প্রত্যেকটি সরীসৃপ প্রাণীর উপরে তোমরা কর্তৃত  
কোরো।” 29 পরে ঈশ্বর বললেন, “প্রত্যেকটি সবীজ লতাগুল্য, যা সমগ্র  
পৃথিবীর বুকে উৎপন্ন হয় ও বীজ সমেত ফল উৎপাদনকারী প্রত্যেকটি  
গাছপালা আমি তোমাদের দিলাম। সেগুলি তোমাদের খাদ্যদ্রব্য হবে।  
30 আর পৃথিবীর সব পশুর ও আকাশের সব পাখির এবং সব সরীসৃপ  
প্রাণীর কাছে—যে সবকিছুর মধ্যে জীবন আছে—খাদ্যদ্রব্যরূপে আমি  
প্রত্যেকটি সবুজ চারাগাছ দিলাম।” আর তা সেইমতোই হল। 31 ঈশ্বর  
যা যা তৈরি করলেন, তা তিনি দেখলেন, এবং তা খুবই ভালো হল।  
আর সন্ধ্যা হল ও সকাল হল—এই হল ষষ্ঠি দিন।

**২** এইভাবে আকাশমণ্ডল এবং পৃথিবী ও সেখানকার সবকিছু সৃষ্টির  
কাজ সম্পূর্ণ হল। 2 সপ্তম দিনে এসে ঈশ্বর তাঁর সব কাজকর্ম  
সমাপ্ত করলেন; তাই সপ্তম দিনে তিনি তাঁর সমস্ত কাজ থেকে বিশ্রাম  
নিলেন। 3 আর ঈশ্বর সপ্তম দিনকে আশীর্বাদ করে সেটিকে পরিত্র  
করলেন, কারণ এই দিনেই তিনি তাঁর সব সৃষ্টিকর্ম সম্পূর্ণ করে বিশ্রাম  
নিয়েছিলেন। 4 আকাশমণ্ডল ও পৃথিবী যখন সৃষ্টি হল, সদাপ্রভু ঈশ্বর  
যখন পৃথিবী ও আকাশমণ্ডল তৈরি করলেন তখন তার বর্ণনা এইরকম  
হল। 5 আর তখনও পর্যন্ত পৃথিবীতে কোনও গাছপালা উৎপন্ন হয়নি  
এবং কোনও চারাগাছ তখনও গজিয়ে ওঠেনি, কারণ সদাপ্রভু ঈশ্বর  
পৃথিবীতে বৃষ্টি পাঠাননি, এবং জমিতে চাষ করার জন্য সেখানে কোনও  
মানুষও ছিল না, 6 কিন্তু পৃথিবী থেকে জলধারা উঠে এল ও জমির  
সমগ্র বহির্ভাগ জলসিঙ্গ করে তুলল। 7 সদাপ্রভু ঈশ্বর জমির ধুলো  
থেকে মানুষকে গড়ে তুললেন এবং তার নাকে ফুঁ দিয়ে প্রাণবায়ু ভরে  
দিলেন, এবং সেই মানুষ এক জীবিত প্রাণী হয়ে গেল। 8 এমতাবস্থায়  
সদাপ্রভু ঈশ্বর এদনে, পূর্বদিকে একটি বাগান তৈরি করলেন; এবং  
ঈশ্বর ভূমিতে সব ধরনের গাছপালা জন্মাতে দিলেন—যেসব গাছপালা  
দেখতে ভালো লাগে এবং খাদ্যরূপেও যেগুলি ভালো। বাগানের

মাঝখানে জীবনদায়ী গাছ এবং ভালোমন্দের জ্ঞানদায়ী গাছ ছিল।  
10 এদন থেকে একটি নদী প্রবাহিত হয়ে বাগানটি জলসেচিত করে  
তুলল; সেখান থেকে এটি চার তাগে বিভক্ত হয়ে গেল। 11 প্রথমটির  
নাম পীশোন; এটি সমগ্র সেই হীলা দেশ জুড়ে প্রবাহিত হয়েছে,  
যেখানে সোনা পাওয়া যায়। 12 (সেই দেশের সোনা খুব উন্নত মানের;  
আর সেখানে সুগন্ধি ধূনো এবং স্ফটিকমণিও পাওয়া যায়) 13 দ্বিতীয়  
নদীটির নাম গীহোন, এটি সমগ্র কৃশ দেশ জুড়ে প্রবাহিত হয়েছে। 14  
তৃতীয় নদীটির নাম টাইগ্রিস; এটি আসিরিয়ার পূর্বদিক যেঁসে বয়ে  
গিয়েছে। চতুর্থ নদীটি হল ইউফ্রেটিস। 15 সদাপ্রভু ঈশ্বর মানুষটিকে  
নিয়ে এদন বাগানে কাজ করার এবং সেটির যত্ন নেওয়ার জন্য তাকে  
সেখানে রাখলেন। 16 আর সদাপ্রভু ঈশ্বর সেই মানুষটিকে আদেশ  
দিলেন, “বাগানের যে কোনো গাছের ফল খাওয়ার ক্ষেত্রে তুমি স্বাধীন;  
17 কিন্তু ভালোমন্দের জ্ঞানদায়ী গাছের ফল তুমি অবশ্যই খেয়ো না।  
যদি সেই গাছের ফল খাও, তবে তুমি নিশ্চয় মারা যাবে।” 18 সদাপ্রভু  
ঈশ্বর বললেন, “মানুষের একা থাকা ভালো নয়। আমি তার উপযুক্ত  
এক সহকারীণী তৈরি করব।” 19 এখন সদাপ্রভু ঈশ্বর সব বন্যপশুকে  
ও আকাশের সব পাখিকে মাটি দিয়ে তৈরি করলেন। সেই মানুষটি  
তাদের কী নাম দেয় তা দেখার জন্য ঈশ্বর তাদের তাঁর কাছে আনলেন;  
আর সেই মানুষটি প্রত্যেকটি জীবন্ত প্রাণীকে যে যে নাম দিলেন,  
তার নাম ঠিক তাই হল। 20 অতএব সেই মানুষটি সব গৃহপালিত  
পশুর, আকাশের পাখিদের এবং সব বন্যপশুর নামকরণ করলেন।  
কিন্তু আদমের জন্য উপযুক্ত কোনও সহকারীণী পাওয়া যায়নি। 21  
অতএব সদাপ্রভু ঈশ্বর মানুষটিকে গভীর ঘুমে ঘুমিয়ে পড়তে দিলেন;  
এবং যখন তিনি ঘুমাচ্ছিলেন, তখন ঈশ্বর সেই মানুষটির পাঁজরের  
একটি হাড় বের করে নিয়ে তাঁর সেই স্থানটি মাংস দিয়ে ভরাট করে  
দিলেন। 22 পরে সদাপ্রভু ঈশ্বর সেই মানুষটির পাঁজরের যে হাড়টি  
বের করলেন, তা দিয়ে এক নারী তৈরি করলেন, এবং ঈশ্বর তাঁকে  
সেই মানুষটির কাছে আনলেন। 23 মানুষটি বললেন, “এখন এই  
আমার অঙ্গের অঙ্গ ও আমার মাংসের মাংস; এর নাম হবে ‘নারী,’

কারণ একে নর থেকে নেওয়া হয়েছে।” 24 এই কারণে একজন পুরুষ  
তার পিতা ও মাতাকে ত্যাগ করে, তার স্ত্রীর সাথে সংযুক্ত হবে ও সেই  
দুজন একঙ্গ হবে। 25 সেই পুরুষ ও তাঁর স্ত্রী, দুজনেই নগ্ন ছিলেন,  
আর তাদের কোনো লজ্জাবোধও ছিল না।

3 এখন সদাপ্রভু ঈশ্বরের নির্মিত যে কোনো বন্যপশুর মধ্যে সাপই  
ছিল সবচেয়ে ধূর্ত। সে নারীকে বলল, “সত্যিই কি ঈশ্বর বলেছেন,  
'তোমরা অবশ্যই বাগানের কোনও গাছের ফল খেয়ো না'?” 2 নারী  
সাপকে বললেন, “আমরা বাগানের গাছগুলি থেকে ফল খেতে পারি, 3  
কিন্তু ঈশ্বর বলেছেন, 'বাগানের মাঝখানে যে গাছটি আছে, তার ফল  
তোমরা অবশ্যই খাবে না, আর এটি তোমরা ছোঁবেও না, এমনটি  
করলে তোমরা মারা যাবে।’” 4 “অবশ্যই তোমরা মরবে না,” সাপ  
নারীকে বলল। 5 “কারণ ঈশ্বর জানেন যে, যখন তোমরা এটি খাবে,  
তখন তোমাদের চোখ খুলে যাবে, ও তোমরা ভালোমন্দ জানার  
ক্ষেত্রে ঈশ্বরের মতো হয়ে যাবে।” 6 নারী যখন দেখলেন যে সেই  
গাছের ফলটি খাদ্য হিসেবে ভালো ও চোখের পক্ষে আনন্দদায়ক,  
এবং জ্ঞানার্জনের পক্ষেও কাম্য, তখন তিনি কয়েকটি ফল পেড়ে তা  
খেলেন। তিনি তাঁর সেই স্বামীকেও কয়েকটি ফল দিলেন, যিনি তাঁর  
সঙ্গেই ছিলেন ও তিনিও তা খেলেন। 7 তখন তাদের দুজনেরই চোখ  
খুলে গেল, এবং তারা অনুভব করলেন যে তারা উলঙ্গ; তাই তারা  
ডুমুর গাছের পাতা একসাথে সেলাই করে নিজেদের জন্য আচ্ছাদন  
তৈরি করলেন। 8 তখন সেই মানুষটি ও তাঁর স্ত্রী সেই সদাপ্রভু ঈশ্বরের  
হাঁটার আওয়াজ শুনতে পেলেন, যিনি দিনের পড়ন্ত বেলায় বাগানে  
হেঁটে চলে বেড়াচ্ছিলেন, এবং তারা সদাপ্রভু ঈশ্বরকে এড়িয়ে বাগানের  
গাছগুলির আড়ালে লুকিয়ে পড়লেন। 9 কিন্তু সদাপ্রভু ঈশ্বর সেই  
মানুষটিকে ডেকে বললেন, “তুমি কোথায়?” 10 তিনি উত্তর দিলেন,  
“বাগানে আমি তোমার হাঁটার আওয়াজ শুনতে পেয়েছিলাম, আর আমি  
ভয় পেয়েছিলাম কারণ আমি যে উলঙ্গ; তাই আমি লুকিয়ে পড়েছি।”  
11 আর সদাপ্রভু ঈশ্বর বললেন, “কে তোমাকে বলেছে যে তুমি উলঙ্গ?  
যে গাছের ফল না খাওয়ার আদেশ আমি তোমাকে দিয়েছিলাম, সেই

গাছের ফল তুমি কি খেয়েছ?” 12 মানুষটি বললেন, “আমার সঙ্গে তুমি  
যে নারীকে এখানে রেখেছ—সেই গাছটি থেকে কয়েকটি ফল আমায়  
দিয়েছিল এবং আমি তা খেয়ে ফেলেছি।” 13 তখন সদাপ্রভু ঈশ্বর  
নারীকে বললেন, “তুমি এ কী করলে?” নারী বললেন, “সাপ আমাকে  
প্রতিরিত করেছে, ও আমি খেয়ে ফেলেছি।” 14 অতএব সদাপ্রভু ঈশ্বর  
সাপকে বললেন, “যেহেতু তুমি এমনটি করেছ, তাই, “সব গবাদি পশুর  
মধ্যে ও সব বন্যপশুর মধ্যে তুমিই হলে অভিশপ্ত! তুমি বুকে তর দিয়ে  
চলবে আর সারা জীবনভর ধুলো খেয়ে যাবে। 15 তোমার ও নারীর  
মধ্যে আর তোমার ও তার সন্তানসন্তির মধ্যে আমি শক্রতা জন্মাব;  
সে তোমার মাথা গুঁড়িয়ে দেবে আর তুমি তার পায়ের গোড়ালিতে  
আঘাত হানবে।” 16 সদাপ্রভু ঈশ্বর নারীকে বললেন, “আমি তোমার  
সন্তান প্রসবের ব্যথা খুব বাড়িয়ে দেব; প্রচণ্ড প্রসববেদনা সহ্য করে  
তুমি সন্তানের জন্ম দেবে। তোমার স্বামীর প্রতি তোমার আকুল বাসনা  
থাকবে, আর সে তোমার উপর কর্তৃত্ব করবে।” 17 আদমকে তিনি  
বললেন, “যেহেতু তুমি তোমার স্ত্রীর কথা শুনে সেই গাছের ফল  
খেয়েছ, যেটির বিষয়ে আমি তোমাকে আদেশ দিয়েছিলাম, ‘তুমি  
এর ফল অবশ্যই খাবে না,’ তাই “তোমার জন্য ভূমি অভিশপ্ত হল;  
আজীবন তুমি কঠোর পরিশ্রম করে তা থেকে খাবার খাবে। 18 তা  
তোমার জন্য কাঁটাগাছ ও শিয়ালকাঁটা ফলাবে, আর তুমি ক্ষেত্রে  
লতাগুল্ম থাবে, 19 যতদিন না তুমি মাটিতে ফিরে যাচ্ছ, ততদিন তুমি  
কপালের ঘাম ঝরিয়ে তোমার খাবার থাবে, যেহেতু সেখান থেকেই  
তোমাকে আনা হয়েছে; কারণ তুমি তো ধুলো, আর ধুলোতেই তুমি  
যাবে ফিরে।” 20 আদম তাঁর স্ত্রীর নাম দিলেন হবা, কারণ তিনি হবেন  
সব জীবন্ত মানুষের মা। 21 সদাপ্রভু ঈশ্বর আদম ও তাঁর স্ত্রীর জন্য  
চামড়ার পোশাক বানিয়ে দিলেন এবং তাদের কাপড় পরিয়ে দিলেন।  
22 আর সদাপ্রভু ঈশ্বর বললেন, “মানুষ এখন ভালোমন্দের জ্ঞান পেয়ে  
আমাদের একজনের মতো হয়ে গিয়েছে। তাকে এই সুযোগ দেওয়া  
যাবে না, যেন সে তার হাত বাড়িয়ে আবার জীবনদায়ী গাছের ফল  
খেয়ে অমর হয়ে যায়।” 23 তাই সদাপ্রভু ঈশ্বর তাঁকে এদন বাগান

থেকে নির্বাসিত করে সেই ভূমিতে কাজ করার জন্য পাঠিয়ে দিলেন,  
যেখান থেকে তাঁকে তুলে আনা হয়েছিল। 24 সেই মানুষটিকে তাড়িয়ে  
দেওয়ার পর, এদেশ বাগানের পূর্বদিকে তিনি করবদের মোতায়েন  
করে দিলেন এবং জীবনদায়ী গাছের কাছে পৌঁছানোর পথ রক্ষা করার  
জন্য ঘৃণ্যায়মান জ্বলন্ত এক তরোয়ালও বসিয়ে দিলেন।

**4** আদম তাঁর স্ত্রী হবার সঙ্গে সহবাস করলেন, এবং হবা গর্ভবতী  
হয়ে কয়িনের জন্ম দিলেন। হবা বললেন, “সদাপ্রভুর সাহায্য নিয়ে  
আমি একটি পুরুষমানুষ উৎপন্ন করেছি।” 2 পরে তিনি কয়িনের  
ভাই হেবলের জন্ম দিলেন। হেবল মেষপাল দেখাশোনা করত, এবং  
কয়িন জমি চাষ-আবাদ করত। 3 অবশেষে কয়িন তার জমির কিছু  
ফল সদাপ্রভুর কাছে এক উপহার রূপে নিয়ে এল। 4 কিন্তু হেবল  
উপহার রূপে তার মেষপালের প্রথমজাত কয়েকটি মেষের চর্বিদার  
অংশ আনল। সদাপ্রভু হেবল ও তার উপহারের প্রতি সন্তুষ্ট হলেন, 5  
কিন্তু কয়িন ও তার উপহারের প্রতি তিনি সন্তুষ্ট হননি। তাই কয়িন খুব  
ক্রুদ্ধ হল এবং সে বিষণ্ণবদন হয়ে পড়ল। 6 তখন সদাপ্রভু কয়িনকে  
বললেন, “তুমি ক্রুদ্ধ হলে কেন? কেন তুমি বিষণ্ণবদন হয়ে পড়েছ? 7  
যদি তুমি ঠিক কাজ করতে, তবে কি গ্রাহ্য হতে না? কিন্তু যদি ঠিক  
কাজ না করে থাকো, তবে পাপ তোমার দরজায় গুটিসুটি মেরে আছে;  
পাপ তোমাকে গ্রাস করতে চাইছে, কিন্তু তোমাকেই পাপকে বশে  
রাখতে হবে।” 8 এদিকে কয়িন তার ভাই হেবলকে বলল, “চলো,  
আমরা জমিতে যাই।” আর তারা যখন জমিতে ছিল, তখন কয়িন তার  
ভাই হেবলকে আক্রমণ করে তাকে হত্যা করল। 9 তখন সদাপ্রভু  
কয়িনকে বললেন, “তোমার ভাই হেবল কোথায়?” “আমি জানি না,”  
সে উত্তর দিল, “আমি কি আমার ভাইয়ের তত্ত্বাবধায়ক?” 10 সদাপ্রভু  
বললেন, “তুমি এ কী করলে? শোনো! জমি থেকে তোমার ভাইয়ের  
রক্তের কান্না আমার কানে ভেসে আসছে। 11 এখন তুমি অভিশাপগ্রস্ত  
হলে এবং সেই জমি থেকে বিতাড়িতও হলে, যা তোমার হাত থেকে  
তোমার ভাইয়ের রক্ত গ্রহণ করার জন্য উন্মুক্ত হয়েছে। 12 যখন তুমি  
এই জমিতে কাজ করবে, তখন আর তা তোমার জন্য ফসল উৎপন্ন

করবে না। এ জগতে তুমি অশান্ত এক ভ্রমণকারী হয়েই থাকবে।” 13  
কয়িন সদাপ্রভুকে বলল, “আমার শাস্তি, আমার শক্তির অতিরিক্ত  
হয়ে গেল। 14 আজ তুমি আমাকে কৃষ্ণতুমি থেকে তাঢ়িয়ে দিলে,  
আর আমি তোমার উপস্থিতি থেকে লুকিয়ে পড়ব; পৃথিবীতে আমি  
অশান্ত এক ভ্রমণকারী হয়েই থাকব, এবং যে কেউ আমার দেখা পাবে  
সে আমাকে হত্যা করবে।” 15 কিন্তু সদাপ্রভু তাকে বললেন, “তা  
নয়; কেউ যদি কয়িনকে হত্যা করে, তবে তার প্রতিশোধে তাকে  
সাতগুণ বেশি নির্যাতন সহ্য করতে হবে।” পরে সদাপ্রভু কয়িনের  
গায়ে একটি চিহ্ন লাগিয়ে দিলেন, যেন যে কেউ কয়িনের খোঁজ  
পেয়ে তাকে হত্যা করতে না পারে। 16 অতএব কয়িন সদাপ্রভুর  
উপস্থিতি থেকে সরে গিয়ে এদনের পূর্বদিকে নোদ দেশে গিয়ে বসবাস  
করতে লাগল। 17 কয়িন তার স্ত্রীর সঙ্গে সহবাস করল, ও তার স্ত্রী  
গর্ভবতী হয়ে হনোকের জন্ম দিল। পরে কয়িন একটি নগর গড়ে তার  
ছেলে হনোকের নামানুসারে সেটির নাম রাখল হনোক। 18 হনোক  
ঈরন্দের জন্ম দিল, এবং ঈরন্দ মহুয়ায়েলের বাবা হল, এবং মহুয়ায়েল  
মথুশায়েলের বাবা হল, এবং মথুশায়েল লেমকের বাবা হল। 19 লেমক  
দুজন মহিলাকে বিয়ে করল, একজনের নাম আদা ও অন্যজনের  
নাম সিল্লা। 20 আদা যাবলের জন্ম দিল; যারা তাঁবুতে বসবাস করে  
ও গৃহপালিত পশুপাল পালন করে, সে তাদের পূর্বপুরুষ। 21 তার  
ভাইয়ের নাম যুবল; যারা বীণা ও বাঁশি বাজায়, সে তাদের পূর্বপুরুষ।  
22 সিল্লারও এক ছেলে ছিল, যে তূবল-কয়িন, ঝোঞ্জ ও লোহা দিয়ে  
সেসব ধরনের যন্ত্রপাতি গড়ে তুলত। তূবল-কয়িনের বোনের নাম  
নয়মা। 23 লেমক তার স্ত্রীদের বলল, “আদা ও সিল্লা; আমার কথা  
শোনো; ওহে লেমকের স্ত্রীরা, আমার কথায় কান দাও। আমায় যন্ত্রণা  
দেওয়ার জন্য একটি লোককে আমি হত্যা করেছি, আমায় আহত  
করার জন্য একটি যুবককে আমি হত্যা করেছি। 24 কয়িনের হত্যার  
প্রতিশোধ যদি সাতগুণ হয়, তবে লেমকের হত্যার প্রতিশোধ হবে 77  
গুণ।” 25 আদম আবার তাঁর স্ত্রীর সঙ্গে সহবাস করলেন, এবং হবা  
এক ছেলের জন্ম দিয়ে এই বলে তার নাম দিলেন শেখ, যে “কয়িন

হেবলকে হত্যা করেছে বলে স্টশ্র তার স্থানে আমাকে আর এক ছেলে  
মঞ্জুর করেছেন।” 26 শেখেরও একটি ছেলে হল, এবং তিনি তার নাম  
দিলেন ইনোশ। তখন থেকেই লোকেরা সদাপ্রভুর নামে ডাকতে শুরু  
করল।

5 এই হল আদমের বংশাবলির লিখিত নথি। স্টশ্র যখন মানবজাতিকে  
সৃষ্টি করলেন, তখন তিনি তাদের স্টশ্রের প্রতিমূর্তিতেই তৈরি করলেন।  
2 তিনি তাদের পুরুষ ও স্ত্রী করে সৃষ্টি করলেন এবং তাদের আশীর্বাদও  
করলেন। আর তারা যখন সৃষ্টি হলেন তখন তিনি তাদের “মানবজাতি”  
নাম দিলেন। 3 130 বছর বয়সে আদম তাঁর নিজের সাদৃশ্যে,  
তাঁর নিজের প্রতিমূর্তিতে এক ছেলে লাভ করলেন; আর তিনি তাঁর  
নাম দিলেন শেখ। 4 শেখের জন্ম হওয়ার পর, আদম 800 বছর  
বেঁচেছিলেন এবং তাঁর আরও ছেলেমেয়ে হল। 5 সব মিলিয়ে, আদম  
মোট 930 বছর বেঁচেছিলেন, আর পরে তিনি মারা যান। 6 105 বছর  
বয়সে শেখ ইনোশের বাবা হলেন। 7 ইনোশের বাবা হওয়ার পর  
শেখ 807 বছর বেঁচেছিলেন এবং তাঁর আরও ছেলেমেয়ে হল। 8 সব  
মিলিয়ে, শেখ মোট 912 বছর বেঁচেছিলেন, আর পরে তিনি মারা যান।  
9 90 বছর বয়সে ইনোশ কৈননের বাবা হলেন। 10 কৈননের বাবা  
হওয়ার পর ইনোশ 815 বছর বেঁচেছিলেন এবং তাঁর আরও ছেলেমেয়ে  
হল। 11 সব মিলিয়ে, ইনোশ মোট 905 বছর বেঁচেছিলেন, পরে তিনি  
মারা যান। 12 70 বছর বয়সে, কৈনন মহললেলের বাবা হলেন। 13  
মহললেলের বাবা হওয়ার পর কৈনন 840 বছর বেঁচেছিলেন এবং  
তাঁর আরও ছেলেমেয়ে হল। 14 সব মিলিয়ে, কৈনন মোট 910 বছর  
বেঁচেছিলেন, পরে তিনি মারা যান। 15 65 বছর বয়সে, মহললেল  
যেরদের বাবা হলেন। 16 যেরদের বাবা হওয়ার পর মহললেল 830  
বছর বেঁচেছিলেন এবং তাঁর আরও ছেলেমেয়ে হল। 17 সব মিলিয়ে,  
মহললেল মোট 895 বছর বেঁচেছিলেন, পরে তিনি মারা যান। 18  
162 বছর বয়সে, যেরদ হনোকের বাবা হলেন। 19 হনোকের বাবা  
হওয়ার পর যেরদ 800 বছর বেঁচেছিলেন এবং তাঁর আরও ছেলেমেয়ে  
হল। 20 সব মিলিয়ে, যেরদ মোট 962 বছর বেঁচেছিলেন, পরে তিনি

মারা যান। 21 65 বছর বয়সে হনোক, মথুশেলহের বাবা হলেন। 22  
 মথুশেলহের বাবা হওয়ার পর হনোক 300 বছর ধরে বিশ্বস্তাপূর্বক  
 স্টশুরের সাথে চলাফেরা করলেন, এবং তাঁর আরও ছেলেমেয়ে হল।  
 23 সব মিলিয়ে, হনোক মোট 365 বছর বেঁচেছিলেন। 24 হনোক  
 বিশ্বস্তাপূর্বক স্টশুরের সাথে চলাফেরা করলেন; পরে তিনি অদৃশ্য  
 হয়ে গোলেন, কারণ স্টশুর তাঁকে তুলে নিলেন। 25 187 বছর বয়সে  
 মথুশেলহ, লেমকের বাবা হলেন। 26 লেমকের বাবা হওয়ার পর  
 মথুশেলহ 782 বছর বেঁচেছিলেন এবং তাঁর আরও ছেলেমেয়ে হল।  
 27 সব মিলিয়ে, মথুশেলহ মোট 969 বছর বেঁচেছিলেন, পরে তিনি  
 মারা যান। 28 182 বছর বয়সে লেমকের এক ছেলে হল। 29 তিনি  
 তার নাম দিলেন নোহ এবং বললেন, “সদাপ্রভুর দ্বারা জমি অভিশপ্ত  
 হওয়ার কারণে হাতে কাজ করতে গিয়ে আমাদের যে ব্যথা ও কষ্টকর  
 পরিশ্রম ভোগ করতে হচ্ছে, তা থেকে এই ছেলেটি আমাদের স্বষ্টি  
 দেবে।” 30 নোহের জন্ম হওয়ার পর, লেমক 595 বছর বেঁচেছিলেন  
 এবং তাঁর আরও ছেলেমেয়ে হল। 31 সব মিলিয়ে, লেমক মোট 777  
 বছর বেঁচেছিলেন, পরে তিনি মারা যান। 32 500 বছর বয়সে নোহ,  
 শেম, হাম ও যেফতের বাবা হলেন।

**6** পৃথিবীতে মানুষের সংখ্যা যখন বাড়তে শুরু করল ও তাদের  
 ওরসে কন্যাসন্তানেরা জন্মাল, 2 তখন স্টশুরের ছেলেরা দেখল যে  
 মানুষের মেয়েরা বেশ সুন্দরী, এবং তাদের মধ্যে থেকে তারা নিজেদের  
 পছন্দমতো মেয়েকে বিয়ে করল। 3 তখন সদাপ্রভু বললেন, “আমার  
 আত্মা অনন্তকাল ধরে মানুষের সাথে বিবাদ করবেন না, কারণ  
 তারা নশ্বর; তাদের আয়ু হবে 120 বছর।” 4 সে যুগে পৃথিবীতে  
 নেফিলীমরা বসবাস করত—এবং পরবর্তীকালেও করত—যখন  
 স্টশুরের ছেলেরা মানুষের মেয়েদের সঙ্গে সহবাস করল এবং তাদের  
 মাধ্যমে সন্তানসন্ততি লাভ করল। তারাই প্রাচীনকালের বীরপুরুষ,  
 বিখ্যাত মানুষ হল। 5 সদাপ্রভু দেখলেন পৃথিবীতে মানুষের দুষ্টতা  
 কত বেড়ে গিয়েছে, এবং তাদের অস্তরের চিন্তাভাবনার প্রত্যেকটি  
 প্রবণতা সবসময় শুধু মন্দই থেকে গেল। 6 পৃথিবীতে মানবজাতিকে

তৈরি করেছেন বলে সদাপ্রভু মর্যাদিত হলেন, এবং তাঁর অন্তর গভীর মর্মবেদনায় ভরে উঠল। 7 তাই সদাপ্রভু বললেন, “যে মানবজাতিকে আমি সৃষ্টি করেছি, তাদের—এবং তাদের সাথে সাথে পশ্চদের, পাখিদের ও সরীসৃপ প্রাণীদেরও—আমি এই পৃথিবীর বুক থেকে নিশ্চিহ্ন করে ফেলব, কারণ তাদের তৈরি করেছি বলে আমার অনুত্তপ হচ্ছে।” 8 কিন্তু নোহ সদাপ্রভুর দৃষ্টিতে অনুগ্রহ লাভ করলেন। 9 এই হল নোহ ও তাঁর পরিবারের বিবরণ। নোহ তাঁর সমকালীন লোকদের মধ্যে এক ধার্মিক, অনিন্দনীয় লোক ছিলেন, আর তিনি বিশ্বস্তাপূর্বক ঈশ্বরের সাথে চলাফেরা করতেন। 10 নোহের তিন ছেলে ছিল: শেম, হাম ও যেফৎ। 11 এমতাবস্থায় পৃথিবী ঈশ্বরের দৃষ্টিতে নীতিভূষিত ছিল এবং হিংস্রতাতেও পরিপূর্ণ হয়েছিল। 12 ঈশ্বর দেখলেন পৃথিবী কত নীতিভূষিত হয়ে গিয়েছে, কারণ পৃথিবীর সব মানুষজন তাদের জীবনযাপন নীতিভূষিত করে তুলেছিল। 13 অতএব ঈশ্বর নোহকে বললেন, “আমি সব মানুষের জীবন শেষ করে দিতে চলেছি, কারণ এদের জন্যই পৃথিবী হিংস্রতায় পরিপূর্ণ হয়ে উঠেছে। আমি নির্যাত তাদের ও পৃথিবীকে একসাথে ধ্বংস করে দিতে চলেছি। 14 তাই তুমি নিজেই দেবদারু কাঠ দিয়ে একটি জাহাজ তৈরি করো; তার মধ্যে কয়েকটি ঘর তৈরি কোরো এবং তার ভিতরের ও বাইরের দিকে আলকাতরা মাথিয়ে দিয়ো। 15 এভাবেই তোমাকে এটি তৈরি করতে হবে: জাহাজটি 135 মিটার লম্বা, 23 মিটার চওড়া ও 14 মিটার উঁচু হবে। 16 এর একটি ছাদ তৈরি কোরো এবং ছাদের নিচে চারদিকে 45 সেন্টিমিটার উঁচু একটি জানালা তৈরি কোরো। জাহাজটির একদিকে একটি দরজা তৈরি কোরো এবং জাহাজে নিম্ন, মধ্যম ও উপর তলা তৈরি কোরো। 17 পৃথিবীতে বন্যার জল পাঠিয়ে আমি আকাশমণ্ডলের নিচে থাকা সব প্রাণকে, প্রাণবায়ুবিশিষ্ট প্রতোকটি প্রাণীকে ধ্বংস করে দিতে চলেছি। পৃথিবীর সবকিছু ধ্বংস হবে। 18 কিন্তু তোমার সাথে আমি আমার নিয়ম প্রতিষ্ঠিত করব, এবং তুমি সেই জাহাজে প্রবেশ করবে—তুমি ও তোমার সাথে তোমার ছেলেরা, ও তোমার স্ত্রী এবং তোমার পুত্রবধূরাও। 19 সব জীবিত প্রাণীর মধ্যে থেকে

এক এক জোড়া করে মন্দা ও মানি প্রাণীকে তোমার সাথে বাঁচিয়ে  
রাখার জন্য তোমাকে জাহাজে এনে রাখতে হবে। 20 জীবিত থাকার  
জন্য সব ধরনের পাখি, সব ধরনের পশু এবং সব ধরনের সরীসৃপ  
প্রাণী দুটি দুটি করে তোমার কাছে আসবে। 21 তোমাদের ও তাদের  
সকলের খাদ্যরপে তোমাকে সব ধরনের খাদ্যদ্রব্য মজুত করতে  
হবে।” 22 ঈশ্বর যেমন আদেশ দিয়েছিলেন, নোহ সবকিছু ঠিক  
সেভাবেই করলেন।

7 সদাপ্রভু পরে নোহকে বললেন, “তুমি ও তোমার সম্পূর্ণ পরিবার  
জাহাজে প্রবেশ করো, কারণ এই প্রজন্মে আমি তোমাকেই ধার্মিকরাপে  
খুঁজে পেয়েছি। 2 তুমি সব ধরনের শুচিশুদ্ধ পশুর মধ্যে সাত জোড়া  
করে, একটি মন্দা ও তার সহচরীকে, সব ধরনের অশুচি পশুর মধ্যে  
এক জোড়া করে, একটি মন্দা ও তার সহচরীকে, 3 আর সব ধরনের  
পাখির মধ্যে সাত জোড়া করে, মন্দা ও মাদিকেও সাথে নিয়ো, যেন  
পৃথিবীর সর্বত্র তাদের বিভিন্ন প্রজাতি রক্ষা পায়। 4 আর সাত দিন  
পর আমি পৃথিবীতে চল্লিশ দিন ও চল্লিশ রাত পর্যন্ত চলতে থাকা  
বৃষ্টি পাঠাব, এবং আমার তৈরি করা প্রত্যেকটি জীবিত প্রাণীকে আমি  
পৃথিবীর বুক থেকে নিশ্চিহ্ন করে ফেলব।” 5 আর সদাপ্রভু নোহকে যা  
যা আদেশ দিয়েছিলেন, তিনি সেসবকিছু করলেন। 6 নোহের 600  
বছর বয়সকালে বন্যার জল পৃথিবীতে ধেয়ে এল। 7 আর বন্যার জলের  
হাত থেকে রক্ষা পাওয়ার জন্য নোহ এবং তাঁর ছেলেরা ও তাঁর স্ত্রী ও  
পুত্রবধূরা সবাই সেই জাহাজে প্রবেশ করলেন। 8 শুচিশুদ্ধ ও অশুচি  
পশুদের, পাখিদের ও সরীসৃপ সব প্রাণীর মন্দা ও মাদিরা জোড়ায়  
জোড়ায়, 9 নোহকে দেওয়া ঈশ্বরের আদেশানুসারে নোহের কাছে এল  
এবং জাহাজে প্রবেশ করল। 10 আর সেই সাত দিন পর পৃথিবীতে  
বন্যার জল ধেয়ে এল। 11 নোহের জীবনকালের 600 তম বছরের,  
দ্বিতীয় মাসের সপ্তদশতম দিনে—সেদিন ভূগর্ভস্থ জলের সব উৎস  
বিক্ষেপিত হল, এবং আকাশের জলনিকাশের সব পথ খুলে গেল। 12  
আর চল্লিশ দিন ও চল্লিশ রাত পৃথিবীতে বৃষ্টি পড়ল। 13 সেদিনই  
নোহ ও তাঁর স্ত্রী এবং তাঁর ছেলেরা—শেম, হাম ও যেফৎ, ও তিনি

পুত্রবধূ সেই জাহাজে প্রবেশ করলেন। 14 তাদের সাথে তারা নিজ নিজ প্রজাতি অনুসারে সব ধরনের বন্যপশু, সব ধরনের গৃহপালিত পশু, সব ধরনের সরীসৃপ প্রাণী এবং ডানাওয়ালা সব ধরনের পাখি রাখলেন। 15 প্রাণবায়ুবিশিষ্ট সব প্রাণী জোড়ায় জোড়ায় নোহের কাছে এল এবং জাহাজে প্রবেশ করল। 16 যেসব পশু ভিতরে ঢুকল, তারা ছিল প্রত্যেকটি জীবিত প্রাণীর মদ্দা ও মাদ্দি পশু, ঠিক যেভাবে ঈশ্বর নোহকে আদেশ দিয়েছিলেন। পরে সদাপ্রভু তাঁকে ভিতর থেকে বন্ধ করে দিলেন। 17 চল্লিশ দিন ধরে পৃথিবীতে বন্যা হল, আর যেমন যেমন জল বেড়েছিল, তেমন তেমন জাহাজটিকে সেই জল ভূতল থেকে উঁচুতে তুলে ধরেছিল। 18 জল উপরে উঠে পৃথিবীর উপর অত্যন্ত বেড়ে গেল, এবং সেই জাহাজটি জলের উপর ভেসে উঠল। 19 জল পৃথিবীর উপর খুব বেড়ে গেল, ও সমগ্র আকাশমণ্ডলের নিচে অবস্থিত সব উঁচু উঁচু পাহাড়-পর্বত ঢাকা পড়ে গেল। 20 জলস্তর 6.8 মিটারেরও বেশি উচ্চতায় উঠে গেল ও পাহাড়-পর্বতগুলি ঢাকা পড়ে গেল। 21 পাখি, গৃহপালিত ও বন্যপশু, পৃথিবীতে উড়ে বেড়ানো সব কীটপতঙ্গ, ও সমগ্র মানবজাতি—পৃথিবীতে বিচরণকারী প্রত্যেকটি জীবিত প্রাণী ধ্বংস হল। 22 শুকনো জমির উপরে থাকা প্রত্যেকটি শ্বাসবিশিষ্ট প্রাণী মারা গেল। 23 পৃথিবীর বুকে যত জীবিত প্রাণী ছিল, সবাই নিশ্চিহ্ন হয়ে গেল; মানুষজন ও পশু এবং সরীসৃপ জীব ও আকাশের পাখি, সবাই পৃথিবী থেকে নিশ্চিহ্ন হয়ে গেল। শুধুমাত্র নোহ এবং জাহাজে যারা তাঁর সাথে ছিল, তারাই বাদ পড়ল। 24 150 দিন ধরে জল পৃথিবীকে প্লাবিত করে রাখল।

**৪** কিন্তু ঈশ্বর নোহকে এবং জাহাজে তাঁর সাথে থাকা সব বন্য ও গৃহপালিত পশুকে স্মারণ করলেন, এবং পৃথিবীতে তিনি বাতাস পাঠালেন, ও জল সরে গেল। 2 এদিকে মাটির নিচে থাকা জলের উৎসগুলি, ও আকাশমণ্ডলের জানালাগুলি বন্ধ হয়ে গেল, এবং আকাশ থেকে বৃষ্টি পড়াও বন্ধ হল। 3 পৃথিবী থেকে জল সরার প্রক্রিয়া অব্যাহত রইল। 150 দিন পর জল নিচে নামল, 4 এবং সপ্তম মাসের সপ্তদশতম দিনে জাহাজটি আরারট পর্বতের চূড়ায় এসে স্থির

হল। 5 দশম মাস পর্যন্ত জল অনবরত সরে এল, এবং দশম মাসের প্রথম দিনে পাহাড়-পর্বতের চূড়াগুলি দৃষ্টিগোচর হল। 6 চাল্লিশ দিন পর নোহ সেই জানালাটি খুলে দিলেন, যেতি তিনি সেই জাহাজে তৈরি করেছিলেন 7 এবং একটি দাঁড়কাক বাইরে পাঠালেন, আর পৃথিবীতে জল না শুকানো পর্যন্ত সেটি ইতস্তত বাইরে যাচ্ছিল ও ফিরে আসছিল। 8 পরে স্থলভূমির উপরে জল শুকিয়েছে কি না, তা দেখার জন্য তিনি একটি পায়রা বাইরে পাঠালেন। 9 কিন্তু পায়রাটি তার পা রাখার জায়গা পায়নি, কারণ পৃথিবীর উপরে সর্বত্র তখনও জল জমে ছিল; তাই সেটি জাহাজে নোহের কাছে ফিরে এল। তখন তিনি তাঁর হাত বাড়িয়ে পায়রাটিকে ধরে জাহাজে তাঁর নিজের কাছে ফিরিয়ে আনলেন। 10 তিনি আরও সাত দিন অপেক্ষা করলেন এবং আবার জাহাজ থেকে সেই পায়রাটিকে বাইরে পাঠালেন। 11 সন্ধ্যাবেলায় যখন সেই পায়রাটি তাঁর কাছে ফিরে এল, তখন সেটির চতুর্থ ছিল জলপাই গাছের একটি টাটকা পাতা! তখন নোহ জানতে পারলেন যে পৃথিবী থেকে জল সরে গিয়েছে। 12 তিনি আরও সাত দিন অপেক্ষা করলেন এবং আবার সেই পায়রাটিকে বাইরে পাঠালেন, এবার কিন্তু সেটি আর তাঁর কাছে ফিরে এল না। 13 নোহের জীবনকালের 601 তম বছরের প্রথম মাসের প্রথম দিনে, পৃথিবীর উপরে জল শুকিয়ে গেল। নোহ তখন জাহাজ থেকে আচ্ছাদনটি সরিয়ে দিলেন এবং দেখতে পেলেন যে স্থলভূমির উপরদিকটি শুকিয়ে গিয়েছে। 14 দ্বিতীয় মাসের সাতাশতম দিনে পৃথিবী পুরোপুরি শুকিয়ে গেল। 15 দ্বিতীয় তখন নোহকে বললেন, 16 “তুমি ও তোমার স্ত্রী ও তোমার ছেলেরা ও তাদের স্ত্রীরা—তোমরা জাহাজ থেকে বাইরে বেরিয়ে এসো। 17 যেসব জীবিত প্রাণী তোমার সাথে আছে—পাখিরা, পশুরা, ও সব সরীসৃপ প্রাণী—সবাইকে বাইরে বের করে আনো, যেন সেগুলি পৃথিবীতে বংশবৃদ্ধি করে এখানে ফলবান হয় ও সংখ্যায় বৃদ্ধি পায়।” 18 অতএব নোহ তাঁর স্ত্রীকে, ছেলেদের, এবং তাঁর পুত্রবধূদের সাথে নিয়ে বাইরে বের হয়ে এলেন। 19 সব পশু এবং সরীসৃপ প্রাণী ও পাখি—পৃথিবীতে বিচরণকারী সবকিছু, তাদের প্রজাতি অনুসারে এক এক করে জাহাজ

থেকে বাইরে বের হয়ে এল। 20 পরে নোহ সদাপ্রভুর উদ্দেশে একটি যজ্ঞবেদি তৈরি করলেন এবং, সব শুচিশুন্দ পশু ও শুচিশুন্দ পাখির মধ্যে থেকে কয়েকটি নিলেন, ও সেই বেদিতে হোমবলি উৎসর্গ করলেন। 21 সদাপ্রভু সেই প্রতিকর সৌরভের ঘ্রাণ নিয়ে মনে মনে বললেন: “মানুষের জন্য আমি আর কখনোই ভূমিকে অভিশাপ দেব না, যদিও শিশুকাল থেকেই মানুষের অন্তরের সব প্রবণতা মন্দ। যেভাবে আমি সব জীবিত প্রাণীকে ধ্বংস করেছি, আমি আর তা করব না। 22 “যতদিন এই পৃথিবী টিকে থাকবে, বীজবপনকাল ও ফসল গোলাজাত করার সময়, শৈত্য ও উত্তাপ, গ্রীষ্মকাল ও শীতকাল, দিন ও রাত কখনোই শেষ হবে না।”

9 পরে ঈশ্বর নোহ ও তাঁর ছেলেদের আশীর্বাদ করে বললেন, “ফলবান হও ও সংখ্যায় বৃদ্ধি পেয়ে পৃথিবী ভরিয়ে তোলো। 2 পৃথিবীর সব জন্ম ও আকাশের সব পাখি, সব সরীসৃপ প্রাণী, ও সমুদ্রের সব মাছ তোমাদের দেখে ভীত ও আতঙ্কিত হবে; তোমাদের হাতে এদের তুলে দেওয়া হল। 3 যা যা জীবন্ত ও চলেফিরে বেড়ায়, সেসব তোমাদের খাদ্য হবে। ঠিক যেভাবে আমি তোমাদের সবুজ গাছপালা দিয়েছি, সেভাবে এখন সবকিছু আমি তোমাদের দিচ্ছি। 4 “কিন্তু যে মাংসে প্রাণ-রক্ত অবশিষ্ট আছে, তোমরা সেই মাংস কখনোই খেয়ো না। 5 আর তোমাদের প্রাণ-রক্তের হিসেবও আমি নিশ্চিতভাবেই চাইব। প্রত্যেকটি পশুর কাছে আমি হিসেব চাইব। আর প্রত্যেকটি মানুষের কাছেও, আমি অন্যান্য মানুষের প্রাণের হিসেব চাইব। 6 “যে কেউ মানুষের রক্ত ঝরাবে, মানুষের দ্বারাই তার রক্ত ঝরবে; কারণ ঈশ্বরের প্রতিমূর্তিতে ঈশ্বর মানুষকে তৈরি করেছেন। 7 আর তোমরা ফলবান হয়ে সংখ্যায় বৃদ্ধিলাভ করো; পৃথিবীতে বংশবৃদ্ধি করো ও এখানে বর্ধিষ্ঠ হও।” 8 পরে ঈশ্বর নোহকে ও তাঁর সাথে থাকা তাঁর ছেলেদের বললেন, 9 “আমার নিয়মটি আমি এখন তোমাদের সঙ্গে ও তোমাদের ভাবী বংশধরদের সঙ্গে 10 এবং তোমাদের সাথে থাকা সব জীবিত প্রাণীর—পাখিদের, গৃহপালিত পশুদের ও সব বন্যপশুর, যারা তোমাদের সাথে জাহাজের বাইরে বের হয়ে এসেছিল—পৃথিবীর সব

জীবিত প্রাণীর সঙ্গে স্থাপন করছি। 11 আমি তোমাদের সঙ্গে আমার নিয়ম স্থাপন করছি: আর কখনও সব প্রাণী বন্যার জলে উচ্ছিন্ন হবে না; আর কখনও এই পৃথিবী ধ্বংস করার জন্য কেনও বন্যা হবে না।”

12 আর ঈশ্বর বললেন, “এই হল সেই নিয়মের চিহ্ন, যা আমি আমার ও তোমাদের মধ্যে তথা তোমাদের সঙ্গে থাকা প্রত্যেকটি জীবিত প্রাণীর সঙ্গে স্থাপন করেছি, পরবর্তী সব প্রজন্মের জন্যও এ এক নিয়ম হবে:

13 মেঘের মধ্যে আমি আমার মেঘধনু বসিয়ে দিয়েছি, আর এটিই হবে আমার ও পৃথিবীর মধ্যে স্থাপিত সেই চিহ্ন। 14 পৃথিবীর উপর যখনই আমি মেঘ বিস্তার করব ও সেই মেঘে মেঘধনু আবির্ভূত হবে,

15 তখনই আমি তোমাদের এবং তোমাদের সঙ্গে থাকা সব জীবিত প্রাণীর সঙ্গে স্থাপিত আমার সেই নিয়মটি স্মরণ করব। আর কখনও জল বন্যায় পরিণত হয়ে সব প্রাণীকে ধ্বংস করবে না। 16 যখনই মেঘে মেঘধনু আবির্ভূত হবে, আমি তা দেখব ও অনন্তকালস্থায়ী সেই নিয়মটি স্মরণ করব, যা ঈশ্বর ও পৃথিবীর সব ধরনের জীবিত প্রাণীর মধ্যে স্থাপিত হয়েছে।” 17 অতএব ঈশ্বর নোহকে বললেন, “এই সেই নিয়মের চিহ্ন, যা আমি আমার ও পৃথিবীর সব প্রাণীর মধ্যে স্থাপন করেছি।” 18 নোহের যে ছেলেরা জাহাজ থেকে বেরিয়ে এলেন, তারা হলেন শেম, হাম ও যেফৎ। (হাম কনানের বাবা) 19 এরাই হলেন নোহের সেই তিনি ছেলে, এবং তাঁদের থেকে যেসব লোকজন উৎপন্ন হল, তারা সমগ্র জগতে ছড়িয়ে পড়ল। 20 চাষিগৃহস্থ মানুষ নোহ, একটি দ্রাক্ষাক্ষেত তৈরি করার জন্য এগিয়ে গেলেন। 21 যখন তিনি সেখানকার খানিকটা দ্রাক্ষারস পান করলেন, তখন তিনি নেশাগ্রস্ত হয়ে পড়লেন এবং তাঁর তাঁবুর ভিতরে তিনি বিবস্ত্র হয়ে শুয়ে পড়লেন।

22 কনানের বাবা হাম তাঁর বাবাকে উলঙ্গ অবস্থায় দেখে বাইরে বেরিয়ে গিয়ে তাঁর দুই দাদাকে তা বললেন। 23 কিন্তু শেম ও যেফৎ একটি কাপড় নিয়ে সেটি তাঁদের কাঁধের উপর ফেলে রাখলেন; পরে তাঁরা পিছনের দিকে পিছিয়ে গিয়ে তাঁদের বাবার উলঙ্গতা ঢেকে দিলেন। তাঁদের মুখমণ্ডল অন্যদিকে ঘোরানো ছিল, যেন তাঁরা তাঁদের বাবার উলঙ্গতা দেখতে না পান। 24 নোহ যখন তাঁর নেশার ঘোর কাটিয়ে

উঠলেন ও জানতে পারলেন তাঁর ছোটো ছেলে তাঁর প্রতি ঠিক কী  
আচরণ করেছেন, 25 তখন তিনি বললেন, “কনান অভিশপ্ত হোক!  
তার দাদা-ভাইদের মধ্যে সে অত্যন্ত নীচ দাস হবে।” 26 তিনি আরও  
বললেন, “শেমের ঈশ্বর সদাপ্রভু ধন্য হোন! কনান শেমের দাস হোক।  
27 ঈশ্বর যেফতের এলাকা প্রসারিত করুন; যেফৎ শেমের তাঁবুতে  
বসবাস করুক, আর কনান তার ক্রীতদাস হোক।” 28 বন্যার পর নোহ  
350 বছর বেঁচেছিলেন। 29 নোহ মোট 950 বছর বেঁচেছিলেন, ও  
পরে তিনি মারা যান।

**10** এই হল নোহের ছেলে শেম, হাম ও যেফতের বিবরণ, যারা স্বযং  
বন্যার পর সন্তান লাভ করলেন। 2 যেফতের ছেলেরা: গোমর, মাগোগ,  
মাদয়, যবন, তুবল, মেশক ও তীরস। 3 গোমরের ছেলেরা: অক্ষিনস,  
রীফৎ, এবং তোগর্ম। 4 যবনের ছেলেরা: ইলীশা, তক্ষীশ, কিত্তীম  
এবং রোদানীম। 5 (এদের থেকেই সমুদ্র-উপকূল নিবাসী লোকেরা,  
প্রত্যেকে তাদের নিজস্ব ভাষা সমেত নিজেদের বংশানুসারে, তাদের  
এলাকায় ছড়িয়ে পড়েছিল।) 6 হামের ছেলেরা: কৃশ, মিশর, পুট ও  
কনান। 7 কৃশের ছেলেরা: সবা, হবীলা, সব্তা, রয়মা ও সব্তেকা।  
রয়মার ছেলেরা: শিবা ও দদান। 8 কৃশ সেই নিত্রোদের বাবা, যিনি  
পৃথিবীতে এক বলশালী যোদ্ধা হয়ে উঠলেন। 9 সদাপ্রভুর সামনে  
তিনি বলশালী এক শিকারি হলেন; তাই বলা হয়ে থাকে, “সদাপ্রভুর  
সামনে নিত্রোদের মতো বলশালী এক শিকারি।” 10 শিনারে অবস্থিত  
ব্যাবিলন, এরক, অকন্দ, ও কল্নী তাঁর রাজ্যের মূলকেন্দ্র হল। 11  
সেই দেশ থেকে তিনি সেই আসিরিয়া দেশে গেলেন, যেখানে তিনি  
নীনবী, রহোবোৎ স্টের, কেলহ 12 ও সেই রেষণ নগরটি গড়ে তুললেন  
যা নীনবী ও কেলহের মাঝখানে অবস্থিত; সেটিই সেই মহানগর। 13  
মিশর ছিলেন সেই লুদীয়, অনামীয়, লহাবীয়, নন্দহীয়, 14 পথোফীয়,  
কস্লুহীয় (যাদের থেকে ফিলিস্তিনীরা উৎপন্ন হয়েছে) ও কপ্তোরীয়দের  
বাবা। 15 কনান ছিলেন তাঁর বড়ো ছেলে সীদোনের, ও হিতীয়,  
16 যিবৃষীয়, ইমোরীয়, গির্গাশীয়, 17 হিরৌয়, অকীয়, সীনীয়, 18  
অর্বদীয়, সমারীয় ও হমাতীয়দের বাবা। (পরবর্তীকালে কনানীয় বংশ

ইতস্তত ছড়িয়ে পড়ল 19 এবং কনানের সীমানা সীদোন থেকে গরারের দিকে গাজা পর্যন্ত, ও পরে লাশার দিকে সদোম, ঘমোরা, অদ্মা, ও সবোয়ীম পর্যন্ত বিস্তৃত হল) 20 তাদের এলাকা ও জাতি ধরে এরাই হল বংশ ও ভাষা অনুসারে হামের সন্তান। 21 সেই শেমেরও কয়েকটি ছেলে জন্মাল, যাঁর দাদা ছিলেন যেফৎ; শেম হলেন এবরের সব সন্তানের পূর্বপুরুষ। 22 শেমের ছেলেরা: এলম, অশূর, অর্ফক্ষদ, লুদ ও অরাম। 23 অরামের ছেলেরা: উষ, হুল, গেথর, ও মেশক। 24 অর্ফক্ষদ হলেন শেলহের বাবা, এবং শেলহ এবরের বাবা। 25 এবরের দুটি ছেলের জন্ম হল: একজনের নাম দেওয়া হল পেলগ, কারণ তাঁর সময়কালেই পৃথিবী বিভিন্ন ভাষাবাদী জাতির আধারে বিভক্ত হল; তাঁর ভাইয়ের নাম দেওয়া হল যন্তন। 26 যন্তন হলেন অলমোদদ, শেলফ, হৎসর্মাবৎ, যেরহ, 27 হদোরাম, উষল, দিঙ্গ, 28 ওবল, অবীমায়েল, শিবা, 29 ওফীর, হৰীলা ও যোববের বাবা। তারা সবাই যন্তনের বংশধর ছিলেন। 30 (পূর্বদিকের পার্বত্য দেশের যে এলাকায় তারা বসবাস করতেন, সেটি মেষা থেকে সফার পর্যন্ত বিস্তৃত ছিল) 31 তাদের এলাকা ও জাতি ধরে বংশ ও ভাষা অনুসারে এরাই শেমের সন্তান। 32 তাদের জাতিগুলির মধ্যে, বংশানুক্রমিকভাবে এরাই নোহের ছেলেদের বংশধর। বন্যার পর এদের থেকেই বিভিন্ন জাতি সমগ্র পৃথিবীতে ছড়িয়ে পড়ল।

**11** এমতাবস্থায় সমগ্র জগতে এক ভাষা ও এক সাধারণ বাচনভঙ্গি ছিল। 2 মানুষজন যেমন যেমন পূর্বদিকে সরে গেল, তারা শিনারে এক সমভূমি খুঁজে পেল এবং সেখানেই বসতি স্থাপন করল। 3 তারা পরম্পরাকে বলল, “এসো, আমরা ইট তৈরি করি ও সেগুলি পুরোদস্তর আগুনে পুড়িয়ে শক্ত করে নিই।” তারা পাথরের পরিবর্তে ইট, ও চুনসুরকির পরিবর্তে আলকাতরা ব্যবহার করল। 4 পরে তারা বলল, “এসো, আমরা নিজেদের জন্য গগনস্পর্শী এক মিনার সমেত এক নগর নির্মাণ করি, যেন আমাদের নামতাক হয় ও সমগ্র পৃথিবীতে আমাদের ছড়িয়ে পড়তে না হয়।” 5 কিন্তু সদাপ্রভু সেই নগর ও মিনারটি দেখার জন্য নেমে এলেন, যেগুলি সেই মানুষেরা তখন নির্মাণ

করছিল। 6 সদাপ্রভু বললেন, “এক ভাষাবাদী মানুষ হয়ে যদি তারা এরকম করতে শুরু করে দিয়েছে, তবে তারা যাই করার পরিকল্পনা করুক না কেন, তা তাদের অসাধ্য হবে না। 7 এসো, আমরা নিচে নেমে যাই ও তাদের ভাষা গুলিয়ে দিই, যেন তারা পরস্পরের কথা বুবতে না পারে।” 8 অতএব সদাপ্রভু সেখান থেকে তাদের পৃথিবীর সর্বত্র ইতস্তত ছড়িয়ে দিলেন, আর তারা নগর নির্মাণের কাজ বন্ধ করে দিল। 9 সেজন্যই সেই স্থানটির নাম দেওয়া হল ব্যাবিলন—যেহেতু সেখানেই সদাপ্রভু সমগ্র জগতের ভাষা গুলিয়ে দিলেন। সেখান থেকে সদাপ্রভু তাদের পৃথিবীর সর্বত্র ইতস্তত ছড়িয়ে দিলেন। 10 এই হল শেমের বংশবৃত্তান্ত। বন্যার দুই বছর পর, শেমের বয়স যখন একশো বছর, তখন তিনি অর্ফক্ষদের বাবা হলেন। 11 আর অর্ফক্ষদের বাবা হওয়ার পর শেম 500 বছর বেঁচেছিলেন এবং তাঁর আরও ছেলেমেয়ে হল। 12 অর্ফক্ষদ পঁয়াত্রিশ বছর বয়সে শেলহের বাবা হলেন। 13 আর শেলহের বাবা হওয়ার পর অর্ফক্ষদ 403 বছর বেঁচেছিলেন এবং তাঁর আরও ছেলেমেয়ে হল। 14 শেলহ ত্রিশ বছর বয়সে এবরের বাবা হলেন। 15 আর এবরের বাবা হওয়ার পর শেলহ 403 বছর বেঁচেছিলেন এবং তাঁর আরও ছেলেমেয়ে হল। 16 এবর চৌত্রিশ বছর বয়সে পেলগের বাবা হলেন। 17 আর পেলগের বাবা হওয়ার পর এবর 430 বছর বেঁচেছিলেন এবং তাঁর আরও ছেলেমেয়ে হল। 18 পেলগ ত্রিশ বছর বয়সে রিয়ুর বাবা হলেন। 19 আর রিয়ুর বাবা হওয়ার পর এবর পেলগ 209 বছর বেঁচেছিলেন এবং তাঁর আরও ছেলেমেয়ে হল। 20 রিয়ু বত্রিশ বছর বয়সে সরুগের বাবা হলেন। 21 আর সরুগের বাবা হওয়ার পর রিয়ু 207 বছর বেঁচেছিলেন এবং তাঁর আরও ছেলেমেয়ে হল। 22 সরুগ ত্রিশ বছর বয়সে নাহোরের বাবা হলেন। 23 আর নাহোরের বাবা হওয়ার পর সরুগ 200 বছর বেঁচেছিলেন এবং তাঁর আরও ছেলেমেয়ে হল। 24 নাহোর উনত্রিশ বছর বয়সে তেরহের বাবা হলেন। 25 আর তেরহের বাবা হওয়ার পর নাহোর 119 বছর বেঁচেছিলেন এবং তাঁর আরও ছেলেমেয়ে হল। 26 তেরহ সত্ত্ব বছর বয়সে অব্রাম, নাহোর, ও হারণের বাবা হলেন। 27 এই হল তেরহের

বংশবৃত্তান্ত। তেরহ অব্রাম, নাহোর, ও হারণের বাবা হলেন। আর হারণ লোটের বাবা হলেন। 28 হারণ তাঁর জন্মস্থান, কলদীয় দেশের উরেই তাঁর বাবা তেরহের জীবন্দশায় মারা যান। 29 অব্রাম ও নাহোর, দুজনেই বিয়ে করলেন। অব্রামের স্ত্রীর নাম সারী, এবং নাহোরের স্ত্রীর নাম মিক্কা; মিক্কা সেই হারণের মেয়ে, যিনি মিক্কা ও যিক্কা, দুজনেরই বাবা। 30 সারী নিঃসন্তান ছিলেন যেহেতু তাঁর গর্ভধারণের ক্ষমতা ছিল না। 31 তেরহ তাঁর ছেলে অব্রাম, তাঁর নাতি তথা হারণের ছেলে লোট এবং তাঁর পুত্রবধু তথা তাঁর ছেলে অব্রামের স্ত্রী সারীকে সঙ্গে নিয়ে একসাথে কলদীয় দেশের উর ত্যাগ করে কলানে যাওয়ার জন্য যাত্রা শুরু করলেন। কিন্তু হারণ নামাঙ্কিত স্থানে পৌঁছে তারা সেখানে বসতি স্থাপন করলেন। 32 তেরহ 205 বছর বেঁচেছিলেন, এবং হারণেই তিনি মারা যান।

**12** সদাপ্রভু অব্রামকে বললেন, “তোমার দেশ, তোমার আত্মিয়স্বজন ও তোমার পৈত্রিক পরিবার ছেড়ে সেই দেশে চলে যাও, যা আমি তোমাকে দেখাতে চলেছি। 2 “আমি তোমাকে এক মহাজাতিতে পরিণত করব, আর আমি তোমাকে আশীর্বাদ করব; আমি তোমার নাম মহান করে তুলব, আর তুমি এক আশীর্বাদ হবে। 3 যারা তোমাকে আশীর্বাদ করবে, আমি তাদের আশীর্বাদ করব, আর যারা তোমাকে অভিশাপ দেবে, আমি তাদের অভিশাপ দেব; আর পৃথিবীর সব লোকজন তোমার মাধ্যমে আশীর্বাদ লাভ করবে।” 4 অতএব সদাপ্রভুর কথামতো অব্রাম চলে গেলেন; এবং লোট তাঁর সাথে গেলেন। 75 বছর বয়সে অব্রাম হারণ ছেড়ে বেরিয়ে এলেন। 5 তিনি তাঁর স্ত্রী সারী, ভাইপো লোট, ও হারণে উপর্যুক্ত সব বিষয়সম্পত্তি ও অর্জিত লোকজন সাথে নিয়ে কলান দেশের উদ্দেশে যাত্রা শুরু করে সেখানে পৌঁছে গেলেন। 6 অব্রাম সেই দেশের মধ্য দিয়ে ভ্রমণ করে শিখিমে মোরির সেই বিশাল গাছটির কাছে পৌঁছে গেলেন। সেই সময় কনানীয়েরা সেই দেশে বসবাস করত। 7 সদাপ্রভু অব্রামকে দর্শন দিয়ে বললেন, “তোমার সন্তানসন্ততিকে আমি এই দেশ দেব।” তাই তিনি সেখানে সেই সদাপ্রভুর উদ্দেশে এক যজ্ঞবেদি নির্মাণ করলেন,

যিনি তাঁকে দর্শন দিয়েছিলেন। ৪ সেখান থেকে তিনি বেথেলের পূর্বদিকে অবস্থিত পাহাড়ের দিকে চলে গেলেন এবং বেথেলকে পশ্চিমদিকে ও অয়কে পূর্বদিকে রেখে তিনি তাঁর তাঁবু খটালেন। সেখানে তিনি সদাপ্রভুর উদ্দেশে একটি যজ্ঞবেদি নির্মাণ করলেন এবং সদাপ্রভুর আরাধনা করলেন। ৫ পরে অব্রাম যাত্রা শুরু করে নেগেভের দিকে এগিয়ে গেলেন। ১০ এদিকে সেই দেশে এক দুর্ভিক্ষ হল, এবং অব্রাম মিশরে কিছুদিন বসবাস করার জন্য সেখানে নেমে গেলেন, কারণ দুর্ভিক্ষটি বেশ দুঃসহ হল। ১১ মিশরে প্রবেশ করার ঠিক আগে তিনি তাঁর স্ত্রী সারীকে বললেন, “আমি জানি তুমি খুব সুন্দরী। ১২ মিশরীয়রা যখন তোমায় দেখে বলবে, ‘এ তো এই লোকটির স্ত্রী।’ তখন তারা আমায় হত্যা করবে কিন্তু তোমাকে বাঁচিয়ে রাখবে। ১৩ তুমি বোলো, তুমি আমার বোন, যেন তোমার খাতিরে আমি ভালো ব্যবহার পাই ও তোমার জন্য আমার প্রাণরক্ষা হয়।” ১৪ অব্রাম যখন মিশরে এলেন, তখন মিশরীয়রা দেখল যে সারী পরম সুন্দরী। ১৫ আর ফরৌণের কর্মকর্তারা সারীকে দেখে ফরৌণের কাছে তাঁর প্রশংসা করলেন, এবং সারীকে ফরৌণের রাজপ্রাসাদে নিয়ে যাওয়া হল। ১৬ সারীর খাতিরে তিনি অব্রামের সঙ্গে খুব ভালো ব্যবহার করলেন, এবং অব্রাম প্রচুর মেষ ও গবাদি পশু, গাধা ও গাধি, দাস-দাসী ও উট অর্জন করলেন। ১৭ কিন্তু অব্রামের স্ত্রী সারীর কারণে সদাপ্রভু ফরৌণ ও তাঁর পরিবারের উপর সংকটজনক রোগব্যাধি চাপিয়ে দিলেন। ১৮ তাই ফরৌণ অব্রামকে ডেকে পাঠালেন, “আপনি আমার প্রতি এ কী করলেন?” তিনি বললেন, “আপনি কেন আমায় বলেননি যে ইনি আপনার স্ত্রী? ১৯ আপনি কেন বললেন, ‘এ আমার বোন,’ তাইতো আমি তাঁকে আমার স্ত্রীরূপে গ্রহণ করেছি? তবে এখন, এই রইল আপনার স্ত্রী। তাঁকে নিন আর চলে যান!” ২০ পরে ফরৌণ তাঁর লোকজনকে অব্রামের বিষয়ে আদেশ দিলেন, এবং তারা তাঁর স্ত্রী ও তাঁর অধিকারে থাকা সবকিছু সমেত তাঁকে বিদায় করে দিলেন।

**13** অতএব অব্রাম তাঁর স্ত্রী ও নিজের সবকিছু নিয়ে মিশর থেকে নেগেভের দিকে চলে গেলেন, এবং লোটও তাঁর সাথে গেলেন। ২

অৱাম তাঁর গৃহপালিত পশ্চপাল এবং রংপো ও সোনার নিরিখে খুবই  
ধনী হয়ে গেলেন। 3 নেগেত থেকে এদিক-ওদিক ঘোরাফেরা করে  
তিনি সেই বেথেলে পৌঁছালেন, যা বেথেল ও অয়ের মাঝখানে অবস্থিত  
এমন এক স্থান, যেখানে এর আগেও তাঁর তাঁবু খাটানো ছিল 4 এবং  
যেখানে তিনি প্রথমবার এক যজ্ঞবেদি নির্মাণ করেছিলেন। সেখানেই  
অৱাম সদাপ্রভুর আরাধনা করলেন। 5 এদিকে, যিনি অৱামের সঙ্গে  
যুরে বেড়াচ্ছিলেন, সেই লোটেরও প্রচুর মেষপাল ও পশ্চপাল ও তাঁবু  
ছিল। 6 কিন্তু একসাথে থাকার সময় সেখানে তাঁদের জায়গার অকুলান  
হচ্ছিল, কারণ তাঁদের বিষয়সম্পত্তি এত বেশি ছিল যে তাঁরা একসাথে  
থাকতে পারছিলেন না। 7 আর অৱামের ও লোটের রাখালদের মধ্যে  
ঝগড়া বেধে গেল। সেই সময় কনানীয় এবং পরিষীয়রাও সেদেশে  
বসবাস করছিল। 8 তাই অৱাম লোটকে বললেন, “তোমার ও আমার  
মধ্যে অথবা তোমার ও আমার রাখালদের মধ্যে যেন ঝগড়া না হয়,  
কারণ আমরা পরস্পরের খুব ঘনিষ্ঠ আত্মীয়। 9 তোমার সামনে কি  
গোটা দেশ পড়ে নেই? এসো, আমরা পৃথক হয়ে যাই। তুমি যদি  
বাঁদিকে যাও, আমি তবে ডানদিকে যাব; তুমি যদি ডানদিকে যাও,  
আমি তবে বাঁদিকে যাব।” 10 লোট চারিদিকে তাকালেন এবং দেখলেন  
যে সোয়ারের দিকে জর্ডনের সমগ্র সমভূমি বেশ জলসিক্ত, ঠিক যেন  
সদাপ্রভুর বাগানের মতো, মিশর দেশের মতো। (সদাপ্রভু সদোম ও  
ঘমোরা ধৰ্স করার আগে সেখানকার দশা এরকমই ছিল) 11 অতএব  
লোট তাঁর নিজের জন্য জর্ডনের সমগ্র সমভূমিটি মনোনীত করলেন  
এবং পূর্বদিকে এগিয়ে গেলেন। দুজন পরস্পরের সঙ্গ ত্যাগ করলেন:  
12 অৱাম কনান দেশে থেকে গেলেন, অন্যদিকে লোট সেই সমভূমির  
নগরগুলিতে থেকে গিয়ে সদোমের কাছে তাঁর তাঁবু খাটালেন। 13  
সদোমের মানুষজন খুব দুষ্ট ছিল ও সদাপ্রভুর বিরুদ্ধে তারা মহাপাপ  
করে যাচ্ছিল। 14 লোট অৱামের সঙ্গ ত্যাগ করে যাওয়ার পর সদাপ্রভু  
অৱামকে বললেন, “তুমি যেখানে আছ, সেখানে থেকেই তোমার  
চারপাশে—উত্তর, দক্ষিণ, পূর্ব ও পশ্চিমদিকে তাকিয়ে দেখো। 15  
তুমি যে দেশটি দেখতে পাচ্ছ, সম্পূর্ণ সেই দেশটিই আমি চিরতরে

তোমাকে ও তোমার বংশধরদের দেব। 16 তোমার বংশধরদের আমি  
পৃথিবীর ধূলিকণার মতো করে তুলব, যেন কেউ যদি ধূলিকণার সংখ্যা  
গুনতে পারে, তবে তোমার বংশধরদেরও গোনা যাবে। 17 যাও,  
দেশটির দৈর্ঘ্য ও প্রস্থ ধরে ঘুরে এসো, কারণ আমি এটি তোমাকেই  
দিচ্ছি।” 18 অতএব অব্রাম হিব্রোগে মন্ত্রির সেই বিশাল গাছগুলির কাছে  
থাকতে চলে গেলেন, যেখানে তিনি তাঁর তাঁবুগুলি খাটিয়েছিলেন।  
সেখানে তিনি সদাপ্রভুর উদ্দেশে এক যজ্ঞবেদি নির্মাণ করলেন।

**14** সেই সময় যখন অব্রাফল শিনারের রাজা, অরিয়োক ইল্লাসরের  
রাজা, কদর্ণায়োমর এলমের রাজা এবং তিদিয়ল গোয়ীমের রাজা,  
2 তখন এই রাজারা সদোমের রাজা বিরা, ঘমোরার রাজা বির্শা,  
অদ্মার রাজা শিনাব, সবোয়িমের রাজা শিমেবর ও বিলার (অর্থাৎ,  
সোয়ারের) রাজার বিরংদে যুদ্ধ করতে গেলেন। 3 শেষোক্ত এসব রাজা  
সিদ্ধীম উপত্যকায় (অর্থাৎ, মরুসাগরের উপত্যকায়) একজোট হয়ে  
সেনাবাহিনী মোতায়েন করলেন। 4 বারো বছর তাঁরা কদর্ণায়োমরের  
শাসনাধীন হয়ে ছিলেন, কিন্তু ত্রয়োদশতম বছরে তাঁরা বিদ্রোহ  
ঘোষণা করলেন। 5 চতুর্দশতম বছরে, এমীয়দের রাজা কদর্ণায়োমর  
এবং তাঁর সঙ্গী রাজারা মরুভূমির কাছাকাছি অবস্থিত এল-পারণ  
পর্যন্ত এগিয়ে গিয়ে অন্তরোৎ-কর্ণয়িমে রফায়ীয়দের, হমে সুফীয়দের,  
শাবি-কিরিয়াথায়িমে এমীয়দের 6 এবং সেয়ীরের পার্বত্য এলাকায়  
হেরীয়দের পরাজিত করলেন। 7 পরে সেখান থেকে ফিরে এসে তারা  
ঐনিম্পটে (অর্থাৎ, কাদেশে) গেলেন, এবং সেই অমালেকীয়দের ও  
ইমোরীয়দেরও সমগ্র এলাকা তারা জোর করে দখল করে নিলেন,  
যারা হৎসসোন-তামরে বসবাস করছিল। 8 পরে সদোমের রাজা,  
ঘমোরার রাজা, অদ্মার রাজা, সবোয়িমের রাজা এবং বিলার (অর্থাৎ  
সোয়ারের) রাজা কুচকাওয়াজ করে এগিয়ে গিয়ে সিদ্ধীম উপত্যকায় 9  
সেই এলমের রাজা কদর্ণায়োমর, গোয়ীমের রাজা তিদিয়ল, শিনারের  
রাজা অব্রাফল ও ইল্লাসরের রাজা অরিয়োকের বিরংদে সৈন্যশিবির  
স্থাপন করলেন—যে চারজন রাজা পাঁচজনের বিরংদে যুদ্ধ করছিলেন।  
10 ওই সিদ্ধীম উপত্যকায় প্রচুর আলকাতরার খনি ছিল, এবং সদোম

ও ঘমোরার রাজারা যখন পালিয়ে যাচ্ছিলেন, তখন কয়েকটি লোক  
সেইসব খনিতে গিয়ে পড়ল ও বাকিরা পাহাড়ে পালিয়ে গেল। 11  
সেই চারজন রাজা সদোম ও ঘমোরার সব জিনিসপত্র ও তাদের  
সব খাবারদাবার বাজেয়াপ্ত করলেন এবং তাঁরা চলে গেলেন। 12  
তাঁরা অব্রামের ভাইপো লোটকে ও তাঁর বিষয়সম্পত্তি ও তুলে নিয়ে  
গেলেন, যেহেতু লোট সদোমেই বসবাস করছিলেন। 13 একজন  
লোক পালিয়ে গিয়ে হিঙ্গ অব্রামের কাছে এসে খবর দিল। অব্রাম  
তখন সেই ইক্ষোলের ও আনেরের এক ভাই ইমোরীয় মণ্ডির বিশাল  
গাছগুলির কাছে বসবাস করছিলেন, যারা সবাই অব্রামের বন্ধু ছিলেন।  
14 অব্রাম যখন শুনলেন যে তাঁর আত্মীয়কে বন্দি করা হয়েছে, তখন  
তিনি তাঁর ঘরে জন্মানো 318 জন প্রশিক্ষণপ্রাপ্ত লোককে ডাক দিলেন  
ও দান পর্যন্ত তাঁদের পশ্চাদ্বাবন করে গেলেন, যাঁরা লোটকে বন্দি  
করেছিলেন। 15 রাতের বেলায় তাঁদের আক্রমণ করে ছত্রভঙ্গ করে  
দেওয়ার জন্য অব্রাম তাঁর লোকজনকে কয়েকটি ভাগে বিভক্ত করে  
দিলেন, ও দামাক্ষাসের উত্তরে অবস্থিত হোবা পর্যন্ত তাঁদের পশ্চাদ্বাবন  
করলেন। 16 তিনি সব জিনিসপত্র পুনরঢ়ার করলেন এবং তাঁর  
আত্মীয় লোটকে ও তাঁর বিষয়সম্পত্তি, তথা মহিলাদের ও অন্যান্য  
লোকজনকেও ফিরিয়ে আনলেন। 17 অব্রাম কদর্লায়োম ও তাঁর  
সঙ্গে জোট বাঁধা রাজাদের পরাজিত করে ফিরে আসার পর শাবী  
উপত্যকায় (অর্থাৎ, রাজার উপত্যকায়) সদোমের রাজা তাঁর সাথে  
দেখা করার জন্য বেরিয়ে এলেন। 18 তখন শালেমের রাজা মক্ষীয়দেক  
রঞ্চি ও দ্রাক্ষারস বের করে নিয়ে এলেন। তিনি পরাঃপর ঈশ্বরের  
যাজক ছিলেন। 19 তিনি অব্রামকে আশীর্বাদ করে বললেন, “অব্রাম,  
স্বর্গ-মর্ত্যের সৃষ্টিকর্তা পরাঃপর ঈশ্বরের আশীর্বাদধন্য হোন, 20 আর  
সেই পরাঃপর ঈশ্বরের প্রশংসা হোক, যিনি আপনার শক্তিদের আপনার  
হাতে সঁপে দিয়েছেন।” পরে অব্রাম তাঁকে নিজের সবকিছুর দশমাংশ  
দিলেন। 21 সদোমের রাজা অব্রামকে বললেন, “লোকজন আমাকে  
দিন ও সব জিনিসপত্র আপনি নিজের কাছে রেখে দিন।” 22 কিন্তু  
অব্রাম সদোমের রাজাকে বললেন, “স্বর্গ-মর্ত্যের সৃষ্টিকর্তা পরাঃপর

ঈশ্বর সেই সদাপ্রভুর উদ্দেশে হাত তুলে আমি শপথ করছি 23 যে  
আপনার অধিকারে থাকা কোনো কিছুই আমি গ্রহণ করব না, এমনকি  
একটি সুতো বা চটিজুতোর একটি ফিতেও নয়, যেন আপনি কখনও  
বলতে না পারেন, ‘আমি অব্রামকে ধনবান করে তুলেছি।’ 24 আমার  
লোকজন যা খেয়েছে ও যারা আমার সাথে গিয়েছিল—সেই আনের,  
ইক্ষোল ও মন্ত্রির ভাগে যা পড়ে, সেটুকু ছাড়া আমি আর কিছুই গ্রহণ  
করব না। তারা তাদের ভাগ বুঝে নিক।”

**15** পরে, এক দর্শনের মাধ্যমে সদাপ্রভুর বাক্য অব্রামের কাছে এল:

“অব্রাম, ভয় কোরো না। আমি তোমার ঢাল, তোমার মহা পুরক্ষার।” 2  
কিন্তু অব্রাম বললেন, “হে সার্বভৌম সদাপ্রভু, তুমি আর আমাকে কী  
দেবে? আমি যে নিঃসন্তান ও দামাক্ষাসের ইলীয়েষরই যে আমার  
ভূসম্পত্তির উত্তরাধিকারী হবে।” 3 আর অব্রাম বললেন, “তুমি তো  
আমাকে কোনও সন্তান দাওনি; তাই আমার ঘরের এক দাসই আমার  
উত্তরাধিকারী হবে।” 4 তখন তাঁর কাছে সদাপ্রভুর এই বাক্য এল:  
“এই লোকটি তোমার উত্তরাধিকারী হবে না, কিন্তু যে ছেলে তোমার  
নিজের রক্তমাংস, সেই হবে তোমার উত্তরাধিকারী।” 5 তিনি অব্রামকে  
বাহরে নিয়ে গিয়ে বললেন, “আকাশের দিকে তাকিয়ে দেখো ও যদি  
সন্তুষ্ট হয় তবে তারাগুলি গোনো।” পরে তিনি তাঁকে বললেন, “তোমার  
সন্তানসন্ততিরা এরকমই হবে।” 6 অব্রাম সদাপ্রভুকে বিশ্বাস করলেন,  
এবং তিনি তা অব্রামের পক্ষে ধার্মিকতা বলে গণ্য করলেন। 7 এছাড়াও  
তিনি অব্রামকে বললেন, “আমি সেই সদাপ্রভু, যিনি তোমাকে এই  
দেশের অধিকার দেওয়ার জন্য কলদীয় দেশের উর থেকে এদেশে  
বের করে এনেছি।” 8 কিন্তু অব্রাম বললেন, “হে সার্বভৌম সদাপ্রভু,  
আমি কীভাবে জানব যে আমি এদেশের অধিকার লাভ করব?” 9  
তাই সদাপ্রভু তাঁকে বললেন, “তুমি আমার কাছে তিন বছর বয়স্ক  
এক-একটি বকনা-বাচ্চুর, ছাগল, ও মেষ, ও একইসাথে একটি ঘুঘু,  
ও একটি কপোতশাবক নিয়ে এসো।” 10 অব্রাম এসব কিছু তাঁর  
কাছে আনলেন, সেগুলি দু-টুকরো করে কেটে অর্ধেক অর্ধেক অংশ  
পরম্পরের উল্টোদিকে সাজিয়ে রাখলেন; পাখিটিকে, অবশ্য তিনি

দুটুকরো করেননি। 11 পরে পশ্চাত্তির শবগুলির উপর শিকারি  
পাখিরা নেমে এল, কিন্তু অব্রাম তাদের তাড়িয়ে দিলেন। 12 সূর্য যখন  
অস্ত যাচ্ছিল, অব্রাম তখন গভীর ঘুমে আচ্ছন্ন হয়ে পড়লেন, এবং  
ত্রাসজনক অন্ধকার তাঁর উপর নেমে এল। 13 সদাপ্রভু তখন তাঁকে  
বললেন, “নিশ্চিত জেনে রাখো যে তোমার বংশধরেরা 400 বছর  
এমন একটি দেশে অপরিচিত মানুষ হয়ে বসবাস করবে, যা তাদের  
নিজস্ব নয়, এবং তারা সেখানে ক্রীতদাসে পরিণত হবে এবং তাদের  
সাথে দুর্ব্যবহার করা হবে। 14 কিন্তু যে দেশে তারা ক্রীতদাস হয়ে  
থাকবে, সেই দেশটিকে আমি শান্তি দেব, এবং শেষ পর্যন্ত তারা  
প্রচুর বিষয়সম্পত্তি নিয়ে বেরিয়ে আসবে। 15 তুমি অবশ্য, শান্তিতে  
মারা গিয়ে তোমার পূর্বপুরুষদের কাছে চলে যাবে, এবং বেশ বৃক্ষ  
অবস্থায় কবরস্থ হবে। 16 চতুর্থ প্রজন্মে তোমার বংশধরেরা এখানে  
ফিরে আসবে, কারণ ইমোরীয়দের পাপ এখনও পর্যন্ত ছুঁড়ান্ত সীমায়  
পৌঁছায়নি।” 17 সূর্য অস্ত যাওয়ার ও অন্ধকার নেমে আসার পর, জ্বলন্ত  
এক মশাল সমেত ধোঁয়ায় ভরা একটি উনুন আবির্ভূত হল এবং সেই  
টুকরোগুলির মাঝখান দিয়ে চলে গেল। 18 সেদিন সদাপ্রভু অব্রামের  
সঙ্গে একটি নিয়ম স্থাপন করে বললেন, “আমি মিশরের ওয়াদি থেকে  
সেই মহানদী ইউফ্রেটিস পর্যন্ত এই দেশটি— 19 কেনীয়, কনিষ্ঠীয়,  
কদম্বনীয়, 20 হিন্তীয়, পরিষ্ঠীয়, রফায়ীয়, 21 ইমোরীয়, কলানীয়,  
গির্গাশীয় ও যিবৃষ্মীয়দের দেশটি তোমার বংশধরদের দিয়েছি।”

**16** অব্রামের স্ত্রী সারী, তাঁর জন্য কোনও সন্তানের জন্ম দেননি। কিন্তু  
সারীর এক মিশরীয় ক্রীতদাসী ছিল, যার নাম হাগার; 2 তাই সারী  
অব্রামকে বললেন, “সদাপ্রভু আমাকে নিঃসন্তান করে রেখেছেন।  
যাও, আমার ক্রীতদাসীর সঙ্গে গিয়ে শোও; হয়তো তার মাধ্যমে  
আমি এক পরিবার গড়ে তুলতে পারব।” সারীর কথায় অব্রাম সম্মত  
হলেন। 3 অতএব অব্রাম কনানে দশ বছর বসবাস করার পর, তাঁর  
স্ত্রী সারী মিশরীয় ক্রীতদাসী হাগারকে নিয়ে তাকে নিজের স্বামীর স্ত্রী  
হওয়ার জন্য তাঁর হাতে তুলে দিলেন। 4 অব্রাম হাগারের সঙ্গে সহবাস  
করলেন, এবং সে গর্ভবতী হল। হাগার যখন জানতে পারল যে সে

গর্ভবতী হয়েছে, তখন সে তার মালকিনকে অবজ্ঞা করতে লাগল। ৫  
তখন সারী অব্রামকে বললেন, “আমি যে অন্যায় ভোগ করছি, তার  
জন্য তুমই দায়ী। আমি আমার ক্রীতদাসীকে তোমার হাতে তুলে  
দিয়েছি, আর এখন সে যখন জানতে পেরেছে যে সে গর্ভবতী হয়েছে,  
সে আমাকেই অবজ্ঞা করছে। সদাপ্রভুই তোমার ও আমার মধ্যে  
বিচারক হোন।” ৬ “তোমার ক্রীতদাসী তোমারই হাতে আছে,” অব্রাম  
বললেন, “তোমার যা ভালো মনে হয়, তুমি তার সাথে তাই করো।”  
তখন সারী হাগারের সঙ্গে দুর্ব্যবহার করলেন; তাই সে তাঁর কাছ থেকে  
পালিয়ে গেল। ৭ মরণভূমিতে একটি জলের উৎসের কাছে সদাপ্রভুর  
দৃত হাগারকে খুঁজে পেলেন; এটি সেই জলের উৎস, যা শূরের দিকে  
যাওয়ার পথের ধারে অবস্থিত। ৮ আর দৃত হাগারকে বললেন, “হে  
সারীর ক্রীতদাসী হাগার, তুমি কোথা থেকে এসেছ, ও কোথায় যাচ্ছ?”  
“আমি আমার মালকিন সারীর কাছ থেকে পালিয়ে যাচ্ছি,” সে উত্তর  
দিল। ৯ তখন সদাপ্রভুর দৃত তাকে বললেন, “তোমার মালকিনের  
কাছে ফিরে যাও ও তার বশ্যতাস্থীকার করো।” ১০ সদাপ্রভুর দৃত  
আরও বললেন, “আমি তোমার বংশধরদের সংখ্যা এত বৃদ্ধি করব যে  
গোনার পক্ষে তারা বহুসংখ্যক হয়ে উঠবে।” ১১ সদাপ্রভুর দৃত তাকে  
আরও বললেন: “এখন তুমি গর্ভবতী হয়েছ আর তুমি এক ছেলের  
জন্ম দেবে। তুমি তার নাম দেবে ইশ্মায়েল, কারণ সদাপ্রভু তোমার  
দুর্দশার কথা শুনেছেন। ১২ সে বন্য গাধার মতো এক মানুষ হবে;  
প্রত্যেকের বিরুদ্ধে তার হাত উঠবে আর প্রত্যেকের হাত তার বিরুদ্ধে  
উঠবে, আর তার সব ভাইয়ের প্রতি শক্রতা বজায় রেখে সে বসবাস  
করবে।” ১৩ যে সদাপ্রভু হাগারের সঙ্গে কথা বলেছিলেন, সে তাঁর  
এই নাম দিল: “তুমি দর্শনকারী ঈশ্বর,” কারণ সে বলল, “আমি এখন  
এমন একজনকে দেখেছি, যিনি আমাকে দেখেছেন।” ১৪ সেইজন্য  
সেই কুয়োর নাম হল বের-লহয়-রোয়ী; কাদেশ ও বেরদের মাঝখানে  
এটি এখনও আছে। ১৫ অতএব হাগার অব্রামের জন্য এক ছেলের  
জন্ম দিল, এবং সে যে ছেলের জন্ম দিল, অব্রাম তার নাম দিলেন

ইশ্বায়েল। 16 হাগার যখন অব্রামের জন্য ইশ্বায়েলের জন্ম দিল, তখন  
অব্রামের বয়স ছিয়াশি বছর।

**17** অব্রামের বয়স যখন 99 বছর, তখন সদাপ্রভু তাঁর কাছে আবির্ভূত  
হয়ে বললেন, “আমি সর্বশক্তিমান ঈশ্বর; বিশ্বস্ত ও অনিন্দনীয় হয়ে  
আমার সামনে চলাফেরা করো। 2 তবেই আমি আমার ও তোমার  
মধ্যে আমার নিয়ম স্থাপন করব এবং প্রচুর পরিমাণে তোমার বংশবৃদ্ধি  
করব।” 3 অব্রাম মাটিতে উরুড় হয়ে পড়ে গেলেন, এবং ঈশ্বর তাঁকে  
বললেন, 4 “দেখো, তোমার সঙ্গে এই হল আমার নিয়ম: তুমি বহু  
জাতির পিতা হবে। 5 তোমাকে আর অব্রাম বলে ডাকা হবে না; তোমার  
নাম হবে অব্রাহাম, কারণ আমি তোমাকে বহু জাতির পিতা করেছি।  
6 আমি তোমাকে অত্যন্ত ফলবান করব; আমি তোমার মধ্যে থেকে  
বহু জাতি উৎপন্ন করব, এবং রাজারা তোমার মধ্যে থেকেই উৎপন্ন  
হবে। 7 তোমার ঈশ্বর ও তোমার আগামী বংশধরদের ঈশ্বর হওয়ার  
জন্য আমার এবং তোমার মধ্যে ও তোমার আগামী বংশধরদের মধ্যে  
কয়েক প্রজন্ম পর্যন্ত স্থায়ী এক চিরস্থায়ী নিয়মরূপে আমি আমার  
নিয়মটি স্থাপন করব। 8 এখন যেখানে তুমি এক বিদেশিরূপে বসবাস  
করছ, সমগ্র সেই কলান দেশটি আমি তোমাকে ও তোমার বংশধরদের  
এক চিরস্থায়ী অধিকাররূপে দেব; আর আমি তাদের ঈশ্বর হব।” 9  
পরে ঈশ্বর অব্রাহামকে বললেন, “দেখো, তোমাকে অবশ্যই আমার  
নিয়মটি পালন করতে হবে, তোমাকে ও তোমার বংশধরদের আগামী  
বংশপরম্পরায় তা পালন করতে হবে। 10 এই হল তোমার ও তোমার  
পরবর্তী বংশধরদের জন্য আমার সেই নিয়ম, যা তোমাদের পালন  
করতে হবে: তোমাদের মধ্যে প্রত্যেক পুরুষকে সুন্নত করা হবে।  
11 তোমাকে সুন্নত করাতে হবে, আর এটিই হবে আমার ও তোমার  
মধ্যে স্থাপিত নিয়মের চিহ্ন। 12 পুরুষানুক্রমে তোমাদের মধ্যে আট  
দিন বয়স্ক প্রত্যেকটি পুরুষকে সুন্নত করাতে হবে, যারা তোমার  
পরিবারে জন্মেছে, তাদের বা কোনও বিদেশির কাছ থেকে যাদের  
অর্থ দিয়ে কেনা হয়েছে—যারা তোমার নিজের সন্তান নয়, তাদেরও  
করাতে হবে। 13 যারা তোমার পরিবারে জন্মেছে বা তোমার অর্থ দিয়ে

যাদের কেনা হয়েছে, তাদের সবাইকে সুন্নত করাতেই হবে। তোমার শরীরে স্থাপিত আমার এই নিয়মই চিরস্থায়ী এক নিয়ম হবে। 14 সুন্নত না হওয়া যে কোনো পুরুষ, যার শরীরে সুন্নত করা হয়নি, সে তার লোকজনের মধ্যে থেকে উৎখাত হবে; সে আমার নিয়ম ভঙ্গ করেছে।”

15 ঈশ্বর অব্রাহামকে আরও বললেন, “তোমার স্ত্রী সারীকে, তুমি আর সারী বলে ডাকবে না; তার নাম হবে সারা। 16 আমি তাকে আশীর্বাদ করব, আর অবশ্যই তাকে তার নিজের এক পুত্রসন্তান দেব। আমি তাকে আশীর্বাদ করব, যেন সে বহু জাতির মা হয়; তার মধ্যে থেকে লোকসমূহের রাজারা উৎপন্ন হবে।” 17 অব্রাহাম মাটিতে উরুড় হয়ে পড়ে গেলেন; তিনি হেসে আপনমনে বললেন, “একশো বছর বয়স্ক লোকের কি পুত্রসন্তান হবে? সারা কি নবাই বছর বয়সে সন্তানের জন্ম দেবে?” 18 আর অব্রাহাম ঈশ্বরকে বললেন, “ইশ্যায়েলই শুধু তোমার আশীর্বাদের অধীনে বেঁচে থাকুক!” 19 তখন ঈশ্বর বললেন, “হ্যাঁ, কিন্তু তোমার স্ত্রী সারা তোমার জন্য এক ছেলের জন্ম দেবে, এবং তুমি তার নাম দেবে ইস্থাক। তার আগামী বংশধরদের জন্য এক চিরস্থায়ী নিয়মরূপে আমি তার সঙ্গে আমার নিয়ম স্থাপন করব। 20 আর ইশ্যায়েলের সম্বন্ধেও তোমার করা প্রার্থনাটি আমি শুনেছি: আমি তাকে অবশ্যই আশীর্বাদ করব; আমি তাকে ফলবান করব ও তার প্রচুর বংশবৃদ্ধি করব। সে বারোজন শাসনকর্তার বাবা হবে এবং আমি তাকে এক বড়ো জাতিতে পরিণত করব। 21 কিন্তু আমার নিয়ম আমি সেই ইস্থাকের সঙ্গেই স্থাপন করব, যাকে আগামী বছর এইসময় সারা তোমার জন্য জন্ম দেবে।” 22 অব্রাহামের সঙ্গে কথা বলা শেষ করে ঈশ্বর তাঁর কাছ থেকে উঠে চলে গেলেন। 23 সেদিনই অব্রাহাম তাঁর ছেলে ইশ্যায়েলকে ও তাঁর পরিবারে জন্মানো বা তাঁর অর্থ দিয়ে কেনা সবাইকে, তাঁর পরিবারের প্রত্যেকটি পুরুষ সদস্যকে নিয়ে ঈশ্বরের কথানুসারে সুন্নত করালেন। 24 অব্রাহাম যখন সুন্নত করালেন তখন তাঁর বয়স 99 বছর, 25 এবং তাঁর ছেলে ইশ্যায়েলের বয়স তেরো বছর; 26 অব্রাহাম এবং তাঁর ছেলে ইশ্যায়েল দুজনে একই দিনে সুন্নত করালেন। 27 আর অব্রাহামের পরিবারের প্রত্যেকটি পুরুষ

সদস্যকে তথা তাঁর পরিবারে জন্মানো বা কোনও বিদেশির কাছ থেকে  
অর্থ দিয়ে কেনা প্রত্যেককে তাঁর সাথে সুন্মত করানো হল।

**18** অব্রাহাম যখন একদিন ভর-দুপুরে মহির বিশাল গাছগুলির কাছে  
তাঁর তাঁবুর প্রবেশদ্বারে বসেছিলেন, তখন সদাপ্রভু তাঁর কাছে আবির্ভূত  
হলেন। 2 অব্রাহাম চোখ তুলে চেয়ে দেখলেন তিনজন লোক তাঁর  
কাছাকাছি দাঁড়িয়ে আছেন। তাঁদের দেখতে পেয়ে তিনি তাঁদের  
সাথে দেখা করার জন্য তাড়াতাড়ি তাঁবুর প্রবেশদ্বার ছেড়ে এগিয়ে  
গেলেন ও মাটিতে উবুড় হয়ে প্রণাম করলেন। 3 তিনি বললেন,  
“হে আমার প্রভু, আপনার দৃষ্টিতে আমি যদি অনুগ্রহ পেয়ে থাকি,  
তবে আপনার এই দাসকে পার করে যাবেন না। 4 একটু জল এনে  
দিই, যেন আপনারা পা-টা ধুয়ে নিয়ে এই গাছের তলায় বিশ্রাম  
করে নিতে পারেন। 5 আপনারা যখন আপনাদের এই দাসের কাছে  
এসেই পড়েছেন—আপনাদের জন্য আমি কিছু খাবার এনে দিই, যেন  
আপনারা তরতাজা হয়ে আপনাদের যাত্রাপথে এগিয়ে যেতে পারেন।”  
“তা বেশ,” তাঁরা উত্তর দিলেন, “যা বললে তাই করো।” 6 অতএব  
অব্রাহাম চট্ট করে তাঁবুতে সারার কাছে চলে গেলেন। তিনি বললেন,  
“তাড়াতাড়ি করো, তিন মান মিহি আটা নাও ও তা মেখে কয়েকটি  
রূপটি সেঁকে দাও।” 7 পরে তিনি দোড়ে গোয়ালঘরে গেলেন এবং  
বাছাই করা একটি কচি বাচ্চুর নিয়ে সেটি তাঁর এক দাসকে দিলেন, যে  
চট্ট করে সেটি রান্না করতে গেল। 8 পরে অব্রাহাম খানিকটা দই ও  
দুধ এবং রান্না করা বাচ্চুরের মাংস এনে তাঁদের সামনে পরিবেশন  
করলেন। তাঁরা যখন ভোজনপান করছিলেন, তিনি তখন তাঁদের  
কাছে, একটি গাছের তলায় দাঁড়িয়েছিলেন। 9 “তোমার স্ত্রী সারা  
কোথায়?” তাঁরা তাঁকে জিজ্ঞাসা করলেন। “ওখানে, তাঁবুর মধ্যে  
আছে,” তিনি বললেন। 10 তখন তাঁদের মধ্যে একজন বললেন,  
“আগামী বছর মোটামুটি এইসময় আমি অবশ্যই তোমাদের কাছে  
ফিরে আসব, এবং তোমার স্ত্রী সারা এক পুত্রসন্তান লাভ করবে।”  
ইত্যবসরে সারা তাঁবুর প্রবেশদ্বারে সেই অতিথির পিছন দিকে দাঁড়িয়ে  
সেকথা শুনছিলেন। 11 অব্রাহাম ও সারা দুজনেরই খুব বয়স হয়েছিল

এবং সারার সন্তান প্রসবের বয়স পেরিয়ে গিয়েছিল। 12 তাই একথা  
ভেবে সারা মনে মনে হেসেছিলেন, “আমি জরাগ্রস্ত ও আমার স্বামী  
বৃদ্ধ হয়ে যাওয়ার পরেও কি এখন আমি এই সুখ পাব?” 13 তখন  
সদাপ্রভু অব্রাহামকে বললেন, “সারা কেন হেসে বলল, ‘সত্যিই কি  
আমি এক সন্তান লাভ করব, আমি যে এখন বৃদ্ধ হয়ে গিয়েছি?’ 14  
সদাপ্রভুর কাছে কোনো কিছু কি খুব কঠিন? আগামী বছর নিরূপিত  
সময়ে আমি তোমার কাছে ফিরে আসব, এবং সারার কাছে তখন এক  
পুত্রসন্তান থাকবে।” 15 সারা ভয় পেয়েছিলেন, তাই তিনি মিথ্যামিথ্য  
বললেন, “আমি হাসিনি।” কিন্তু তিনি বললেন, “হ্যাঁ, তুমি অবশ্যই  
হেসেছিলে।” 16 সেই লোকেরা চলে যাওয়ার জন্য উঠে দাঁড়িয়ে নিচে  
সদোমের দিকে তাকালেন, এবং অব্রাহাম তাঁদের বিদায় জানানোর  
জন্য তাঁদের সঙ্গে কিছুটা পথ হাঁটলেন। 17 তখন সদাপ্রভু বললেন,  
“আমি যা করতে যাচ্ছি তা কি আমি অব্রাহামের কাছে লুকাব?” 18  
অব্রাহাম নিঃসন্দেহে মহান ও শক্তিশালী এক জাতিতে পরিণত হবে,  
এবং পৃথিবীর সব জাতি তার মাধ্যমে আশীর্বাদ লাভ করবে। 19 কারণ  
আমি তাকে মনোনীত করেছি, যেন যা উপযুক্ত ও ন্যায্য, তা করার  
মাধ্যমে সদাপ্রভুর পথে চলার ক্ষেত্রে সে তারপরে তার সন্তানদের ও  
তার পরিবারকে পথ দেখায়, ও যেন সদাপ্রভু অব্রাহামের কাছে যে  
প্রতিজ্ঞা করেছেন তা তিনি সফল করেন। 20 পরে সদাপ্রভু বললেন,  
“সদোম ও ঘমোরার বিরুদ্ধে ওঠা কোলাহল এত তীব্র ও তাদের পাপ  
এত অসহ্য 21 যে আমি নিচে নেমে যাব এবং দেখব তারা যা করেছে,  
তা সত্যিই আমার কানে পৌঁছানো কোলাহলের মতো মন্দ কি না। যদি  
তা না হয়, আমি তা জানতে পারব।” 22 সেই লোকেরা পিছনে ফিরে  
সদোমের দিকে চলে গেলেন, কিন্তু অব্রাহাম সদাপ্রভুর সামনে দাঁড়িয়ে  
থাকলেন। 23 পরে অব্রাহাম তাঁর দিকে এগিয়ে গিয়ে বললেন: “তুমি  
কি দুষ্টদের সাথে ধার্মিকদেরও দ্রুত নিশ্চিহ্ন করে ফেলবে? 24 নগরে  
যদি পঞ্চাশ জন ধার্মিক লোক থাকে তবে কী হবে? তুমি কি সত্যিই  
নগরটি নিশ্চিহ্ন করে ফেলবে এবং সেখানকার পঞ্চাশ জন ধার্মিক  
লোকের খাতিরে সেই স্থানটিকে অব্যাহতি দেবে না? 25 এমন কাজ

করা থেকে তুমি বিরত থাকো—দুষ্টদের সাথে ধার্মিকদের হত্যা করা, ধার্মিকদের ও দুষ্টদের প্রতি একইরকম আচরণ করা—এমন কাজ করা থেকে তুমি বিরত থাকো! সমগ্র পৃথিবীর বিচারক কি ন্যায়বিচার করবেন না?” 26 সদাপ্রভু বললেন, “সদোম নগরে আমি যদি পঞ্চশ জন ধার্মিক লোক পাই, তবে তাদের খাতিরে সমগ্র স্থানটিকে আমি অব্যাহতি দেব।” 27 তখন অব্রাহাম আরেকবার বলে উঠলেন: “যদি ও আমি ধূলো ও ভস্ম ছাড়া আর কিছুই নই, তাও যখন আমি প্রভুর সাথে কথা বলার সাহস পেয়েই গিয়েছি, 28 তখন বলি কি, ধার্মিকদের সংখ্যা যদি পঞ্চশ জনের থেকে পাঁচজন কম হয়, তাতে কী? পাঁচজন লোক কম থাকার জন্য কি তুমি সমগ্র নগরটিকে ধ্বংস করে দেবে?” “আমি যদি সেখানে পঁয়তালিশ জন পাই,” তিনি বললেন, “আমি তা ধ্বংস করব না।” 29 আরেকবার অব্রাহাম তাঁকে বললেন, “সেখানে যদি শুধু চলিশ জন পাওয়া যায়, তবে কী হবে?” তিনি বললেন, “চলিশ জনের খাতিরে, আমি এরকম করব না।” 30 তখন অব্রাহাম বললেন, “প্রভু, রাগ করবেন না, কিন্তু আমায় বলতে দিন। সেখানে যদি শুধু ত্রিশজন পাওয়া যায়, তবে কী হবে?” তিনি উত্তর দিলেন, “সেখানে আমি যদি ত্রিশজন পাই, তাও আমি এরকম করব না।” 31 অব্রাহাম বললেন, “প্রভুর সাথে কথা বলার জন্য আমি যখন এতটাই সাহসী হয়েছি, তখন বলি কি, সেখানে যদি শুধু কুড়ি জন পাওয়া যায় তবে কী হবে?” তিনি বললেন, “কুড়ি জনের খাতিরে, আমি তা ধ্বংস করব না।” 32 তখন অব্রাহাম বললেন, “প্রভু রাগ করবেন না, আমাকে শুধু আর একটিবার বলতে দিন। সেখানে যদি শুধু দশজন পাওয়া যায়, তবে কী হবে?” তিনি উত্তর দিলেন, “দশজনের খাতিরে, আমি তা ধ্বংস করব না।” 33 অব্রাহামের সাথে কথোপকথন শেষ করে সদাপ্রভু চলে গেলেন, এবং অব্রাহাম ঘরে ফিরে গেলেন।

**19** সন্ধ্যাবেলায় সেই দুজন দৃত সদোমে উপস্থিত হলেন। লোট নগরের প্রবেশদ্বারে বসেছিলেন। তাঁদের দেখতে পেয়ে তিনি তাঁদের সাথে দেখা করার জন্য উঠে গেলেন ও মাটিতে উবুড় হয়ে প্রণাম করলেন। 2 “হে আমার প্রভুরা,” তিনি বললেন, “দয়া করে আপনাদের

এই দাসের বাড়ির দিকে আসুন। আপনারা পা ধুয়ে এখানে রাত  
কাটাতে পারেন ও তারপর ভোরবেলায় আপনাদের যাত্রাপথে এগিয়ে  
যান।” “না,” তাঁরা উত্তর দিলেন, “আমরা চকেই রাত কাটাব।” ৩ কিন্তু  
তিনি এত পীড়াপীড়ি করলেন যে তাঁরা তাঁর সাথে গেলেন ও তাঁর  
বাড়িতে প্রবেশ করলেন। তিনি তাঁদের জন্য কিছু খাবারদাবার রান্না  
করলেন ও খামিরবিহীন রংটি সেঁকে দিলেন, ও তাঁরা তা খেলেন। ৪  
তাঁরা শুভে যাওয়ার আগে, সদোম নগরের সবদিক থেকে লোকজন  
এসে—যুবকেরা ও বৃন্দেরা—সবাই বাড়িটি ঘিরে ধরল। ৫ তারা  
লোটকে ঢেকে বলল, “আজ রাতে যে লোকেরা তোমার কাছে এসেছে,  
তারা কোথায়? তাদের আমাদের কাছে বের করে নিয়ে এসো, যেন  
আমরা তাদের সঙ্গে ঘোনসঙ্গম করতে পারি।” ৬ তাদের সাথে দেখা  
করার জন্য লোট বাইরে গেলেন ও পিছন থেকে দরজাটি বন্ধ করে  
দিলেন ৭ এবং বললেন, “হে আমার বন্ধুরা, না। এরকম মন্দ কাজ  
কোরো না। ৮ দেখো, আমার এমন দুই মেয়ে আছে যারা কখনও  
কেনো পুরুষের সাথে সহবাস করেনি। আমি তাদের তোমাদের কাছে  
বের করে আনি, আর তোমরা তাদের সাথে যা ইচ্ছা তা করতে পারো।  
কিন্তু এই লোকদের প্রতি কিছু কোরো না, কারণ তাঁরা আমার ঘরে  
আশ্রয় নিতে এসেছেন।” ৯ “আমাদের পথ থেকে সরে দাঁড়া।” তারা  
উত্তর দিল। “এ তো এক বিদেশি হয়ে এখানে এসেছিল, আর এখন  
কি না বিচারক হওয়ার চেষ্টা করছে! আমরা তোর প্রতি ওদের চেয়েও  
মন্দ আচরণ করব।” তারা লোটের উপর চাপ বাড়িয়ে যাচ্ছিল ও দরজা  
ভেঙে ফেলার জন্য সামনে এগিয়ে গেল। ১০ কিন্তু ভিতরে থাকা ব্যক্তিরা  
হাত বাড়িয়ে লোটকে বাড়ির ভিতরে ঢুকিয়ে দরজা বন্ধ করে দিলেন।  
১১ পরে তাঁরা সেই বাড়ির দরজায় যারা দাঁড়িয়েছিল—যুবকদের ও  
বৃন্দদের—এমন অন্ধতায় আছম করলেন, যে তারা আর দরজাই খুঁজে  
পেল না। ১২ সেই দুই ব্যক্তি লোটকে বললেন, “এখানে তোমার  
আর কেউ কি আছে—জামাই, ছেলে বা মেয়ে, অথবা এই নগরের  
এমন কেউ, যারা তোমার আপনজন? এখান থেকে তাদের বের  
করে নিয়ে যাও, ১৩ কারণ আমরা এই স্থানটি ধ্বংস করতে যাচ্ছি।

এখানকার লোকজনের বিরক্তে ওঠা কোলাহল সদাপ্রভুর কানে এত  
জোরে বেজেছে, যে এটি ধ্বংস করার জন্যই তিনি আমাদের এখানে  
পাঠিয়েছেন।” 14 অতএব লোট বাইরে গিয়ে তাঁর সেই জামাইদের  
সাথে কথা বললেন, যারা তাঁর মেয়েদের বিয়ে করার জন্য বাগ্দান  
করেছিল। তিনি বললেন, “তাড়াতাড়ি করো ও এখান থেকে বেরিয়ে  
যাও, কারণ সদাপ্রভু এই নগরটি ধ্বংস করতে চলেছেন!” কিন্তু তাঁর  
জামাইরা ভেবেছিল যে তিনি বুঝি ঠাট্টা করছেন। 15 ভোর হতে না  
হতেই, দৃতেরা লোটকে অনুরোধ জানিয়ে বললেন, “তাড়াতাড়ি করো!  
যারা এখানে আছে, তোমার সেই স্ত্রী ও দুই মেয়েকে সাথে নাও, তা না  
হলে এই নগরটিকে যখন দণ্ড দেওয়া হবে, তখন তোমরাও নিশ্চিহ্ন  
হয়ে যাবে।” 16 তিনি যখন ইতস্তত বোধ করছিলেন, তখন সেই  
ব্যক্তিরা তাঁর হাত, তাঁর স্ত্রীর হাত ও তাঁর দুই মেয়ের হাত চেপে ধরে  
নিরাপদে তাঁদের নগরের বাইরে নিয়ে গেলেন, কারণ সদাপ্রভু তাঁদের  
প্রতি দয়াবান ছিলেন। 17 তাঁদের বাইরে বের করে আনার পরেই  
সেই ব্যক্তিদের মধ্যে একজন বললেন, “প্রাণ বাঁচানোর জন্য পালিয়ে  
যাও! পিছনে ফিরে তাকিয়ো না, আর সমভূমিতে কোথাও দাঁড়িয়ো না!  
পাহাড়-পর্বতে পালিয়ে যাও, তা না হলে তোমরা নিশ্চিহ্ন হয়ে যাবে।”  
18 কিন্তু লোট তাঁদের বললেন, “হে আমার প্রভুরা, না, দয়া করুন!  
19 আপনাদের এই দাস আপনাদের দৃষ্টিতে অনুগ্রহ লাভ করেছে,  
এবং আপনারা আমার প্রাণরক্ষার জন্য অশেষ দয়া দেখিয়েছেন। কিন্তু  
আমি পাহাড়-পর্বতে পালিয়ে যেতে পারব না; এই দুর্যোগ আমাকে  
গ্রাস করবে ও আমি মারা যাব। 20 দেখুন, এখানে কাছাকাছি পালিয়ে  
যাওয়ার উপযোগী একটি নগর আছে, আর তা ছোটও। আমাকে  
সেখানে পালিয়ে যেতে দিন—সেটি খুবই ছোটো, তাই না? তবেই  
তো আমার প্রাণরক্ষা হবে।” 21 তিনি তাঁকে বললেন, “তা বেশ, এই  
অনুরোধটিও আমি রাখব; যে নগরটির কথা তুমি বললে, আমি সেটি  
উৎখাত করব না। 22 কিন্তু তাড়াতাড়ি সেখানে পালিয়ে যাও, কারণ  
যতক্ষণ না তুমি সেখানে পৌঁছে যাচ্ছ, আমি কিছুই করতে পারব না।”  
(সেজন্যই নগরটিকে সোয়ার নাম দেওয়া হল।) 23 লোট সোয়ারে

পোঁচালে, দেশে সুর্যোদয় হল। 24 তখন সদাপ্রভু সদোম ও ঘমোরার উপর—সদাপ্রভুর কাছ থেকে, আকাশ থেকে—জ্বলন্ত গন্ধক বর্ষণ করলেন। 25 এভাবে তিনি সেই নগরগুলি ও সমগ্র সমতল এলাকা উৎখাত করলেন, ও নগরগুলিতে যত প্রাণী ছিল, সেসব—আর দেশের গাছপালা ও ধূঃস করে দিলেন। 26 কিন্তু লোটের স্তৰী পিছনে ফিরে তাকাল, ও সে এক লবণস্তন্তে পরিণত হল। 27 পরদিন ভোরবেলায় অব্রাহাম উঠে সেই স্থানে ফিরে গেলেন, যেখানে তিনি সদাপ্রভুর সামনে দাঁড়িয়েছিলেন। 28 তিনি নিচে সদোম ও ঘমোরার দিকে, এবং সমগ্র সমতল এলাকার দিকে তাকালেন, ও তিনি দেখলেন যে এক চুল্লি থেকে ওঠা ধোঁয়ার মতো ঘন ধোঁয়া সেই দেশ থেকে উঠে আসছে। 29 তাই ঈশ্বর যখন সমতল এলাকার নগরগুলি ধূঃস করে দিলেন, তখন তিনি অব্রাহামকে স্নারণ করলেন, এবং লোটকে তিনি সেই সর্বনাশ থেকে বের করে আনলেন, যা সেই নগরগুলিকে উৎখাত করে ছেড়েছিল, যেখানে লোট বসবাস করছিলেন। 30 লোট ও তাঁর দুই মেয়ে সোয়ার ছেড়ে পাহাড়-পর্বতের উপর বসতি স্থাপন করলেন, কারণ সোয়ারে থাকতে তিনি ভয় পেয়েছিলেন। তিনি ও তাঁর দুই মেয়ে একটি গুহাতে বসবাস করছিলেন। 31 একদিন তাঁর বড়ো মেয়ে ছোটো মেয়েকে বলল, “আমাদের বাবা বৃন্দ হয়ে গিয়েছেন, আর সমগ্র পৃথিবীর প্রাচলিত প্রথানুসারে—এখানে এমন কোনো পুরুষ ও নেই, যে আমাদের সন্তান দিতে পারে। 32 আয়, আমাদের বাবাকে দ্রাক্ষারস পান করাই ও পরে তাঁর সাথে সহবাস করি এবং আমাদের বাবার মাধ্যমে আমাদের পারিবারিক বংশধারা এগিয়ে নিয়ে যাই।” 33 সেরাতে তারা তাদের বাবাকে দ্রাক্ষারস পান করালো, এবং বড়ো মেয়ে ভিতরে গিয়ে তাঁর সাথে সহবাস করল। লোট জানতেই পারেননি কখন সে শুতে এসেছিল আর কখনোই বা সে উঠে পড়েছিল। 34 পরদিন বড়ো মেয়ে ছোটো মেয়েকে বলল, “গতকাল রাতে আমি আমার বাবার সাথে সহবাস করেছিলাম। আয়, আজ রাতেও আমরা তাঁকে দ্রাক্ষারস পান করাই আর তুই ভিতরে গিয়ে তাঁর সাথে সহবাস কর, যেন আমরা আমাদের বাবার মাধ্যমে আমাদের পারিবারিক বংশধারা এগিয়ে নিয়ে

যেতে পারি।” 35 তাই সেরাতেও তারা তাদের বাবাকে দ্রাক্ষারস পান করালো, আর ছোটো মেয়ে ভিতরে গিয়ে তাঁর সাথে সহবাস করল। এবারও তিনি জানতেই পারেননি কখন সে শুভে এসেছিল আর কখনোই বা সে উঠে পড়েছিল। 36 অতএব লোটের দুই মেয়েই তাদের বাবার মাধ্যমে গর্ভবতী হল। 37 বড়ো মেয়ে এক পুত্রসন্তান লাভ করল, আর সে তার নাম দিল মোয়াব; সে বর্তমানকালের মোয়াবীয়দের পূর্বপুরুষ। 38 ছোটো মেয়েও এক পুত্রসন্তান লাভ করল, ও সে তার নাম দিল বিন-অম্মি; সে বর্তমানকালের অম্মোনীয়দের পূর্বপুরুষ।

**20** এমতাবঙ্গায় অব্রাহাম স্থান থেকে নেগেভ অঞ্চলের দিকে এগিয়ে গিয়ে কাদেশ ও শূরের মাঝখানে বসবাস করলেন। কিছুকাল তিনি গরারে থেকে গেলেন, 2 আর সেখানে অব্রাহাম তাঁর স্ত্রী সারার বিষয়ে বললেন, “এ আমার বোন।” তখন গরারের রাজা অবীমেলক লোক পাঠিয়ে সারাকে তুলে আনলেন। 3 কিন্তু একদিন রাতে ঈশ্বর স্বপ্নে অবীমেলককে দর্শন দিয়ে তাঁকে বললেন, “যে মহিলাটিকে তুমি নিয়ে এসেছ, তার জন্য তুমি মৃত্যুর পাত্র হয়ে গিয়েছ; সে এক বিবাহিত মহিলা।” 4 অবীমেলক তখনও সারার কাছাকাছি যাননি, তাই তিনি বললেন, “প্রতু, তুমি কি নির্দোষ এক জাতিকে ধ্বংস করবে? 5 সেই লোকটি কি আমাকে বলেননি, ‘এ আমার বোন’ আর মহিলাটিও কি বলেননি, ‘উনি আমার দাদা?’ বিশুদ্ধ এক বিবেক সমেত ও শুচিশুদ্ধ হাতেই আমি এ কাজ করেছি।” 6 তখন ঈশ্বর স্বপ্নে তাঁকে বললেন, “হ্যাঁ, আমি জানি যে তুমি বিশুদ্ধ বিবেক সমেত এ কাজ করেছ, আর তাই আমি তোমাকে আমার বিরুদ্ধে পাপ করা থেকে বিরত রেখেছি। এজন্যই আমি তাকে ছুঁতে দিইনি। 7 এখন সেই লোকটির স্ত্রীকে ফিরিয়ে দাও, কারণ সে একজন ভাববাদী এবং সে তোমার জন্য প্রার্থনা করবে ও তুমি বেঁচে যাবে। কিন্তু যদি তুমি মহিলাটিকে ফিরিয়ে না দাও, তবে নিশ্চিত থাকতে পারো যে তুমি ও তোমার সব লোকজন মারা যাবে।” 8 পরদিন ভোরবেলায় অবীমেলক তাঁর সব কর্মকর্তাকে ডেকে পাঠালেন এবং যা যা ঘটেছে সেসব যখন তিনি তাঁদের বলে শোনালেন, তখন তাঁরা খুব ভয় পেয়ে গেলেন। 9

পরে অবীমেলক অব্রাহামকে নিজের কাছে ঢেকে পাঠিয়ে বললেন,  
 “আমাদের প্রতি আপনি এ কী করলেন? আমি আপনার প্রতি কী  
 এমন অন্যায় করেছি যে আপনি আমার ও আমার রাজ্যের উপর  
 এত বড়ো দোষ লাগিয়ে দিলেন? আপনি আমার প্রতি যা করলেন,  
 তা করা আপনার উচিত হয়নি।” 10 আর অবীমেলক অব্রাহামকে  
 জিজ্ঞাসা করলেন, “কেন আপনি এরকম করতে গেলেন?” 11 অব্রাহাম  
 উত্তর দিলেন, “আমি মনে করেছিলাম, ‘নিঃসন্দেহে এখানে মানুষের  
 মনে ঈশ্঵রভয় নেই, আর তারা আমার স্ত্রীর কারণে আমাকে হত্যা  
 করবে।’ 12 এছাড়াও, এ সত্যিই আমার বোন, আমার বাবার মেয়ে  
 হলেও সে আমার মায়ের মেয়ে নয়; পরে সে আমার স্ত্রী হয়েছে। 13  
 আর ঈশ্বর যখন আমার পিতৃগৃহ ছাড়তে আমাকে বাধ্য করেছিলেন,  
 তখন আমি একে বলেছিলাম, ‘এভাবেই তুমি আমার প্রতি তোমার  
 ভালোবাসা প্রকাশ করতে পারবে: আমরা যেখানে যেখানে যাব,  
 আমার বিষয়ে তুমি বলবে, “উনি আমার দাদা।’”” 14 তখন অবীমেলক  
 মেষ ও গবাদি পশুপাল এবং ক্রীতদাস ও দাসীদের এনে অব্রাহামকে  
 দিলেন, আর তাঁর স্ত্রী সারাকেও তিনি তাঁর কাছে ফিরিয়ে দিলেন। 15  
 আর অবীমেলক বললেন, “আমার দেশটি আপনার সামনেই আছে;  
 আপনার যেখানে ইচ্ছা সেখানে বসবাস করুন।” 16 সারাকে তিনি  
 বললেন, “আমি আপনার দাদাকে 1,000 শেকল রূপো দিচ্ছি।  
 যারা আপনার সাথে আছে, তাদের সামনেই আপনার বিরুদ্ধে করা  
 অন্যায়ের ক্ষতিপূরণস্বরূপ আমি এটি দিচ্ছি; আপনার সব দোষ খণ্ডন  
 হল।” 17 তখন অব্রাহাম ঈশ্বরের কাছে প্রার্থনা করলেন এবং ঈশ্বর  
 অবীমেলককে, তাঁর স্ত্রীকে ও তাঁর ক্রীতদাসীদের সুস্থ করে দিলেন  
 যেন তারা আবার সন্তান লাভ করতে পারে, 18 কারণ অব্রাহামের স্ত্রী  
 সারার জন্য সদাপ্রভু অবীমেলকের পরিবারের সব মহিলাকে গর্ভধারণ  
 করা থেকে বিরত রেখেছিলেন।

**21** সদাপ্রভু তাঁর বলা কথানুসারে সারার প্রতি অনুগ্রহকারী হলেন,  
 এবং সদাপ্রভু যে প্রতিজ্ঞা করেছিলেন, সারার প্রতি তাই করলেন। 2  
 সারা গর্ভবতী হলেন এবং অব্রাহামের বৃদ্ধাবস্থায়, ঈশ্বর যে সময়ের

প্রতিজ্ঞা তাঁর কাছে করেছিলেন, ঠিক সেই সময়ে অব্রাহামের জন্য এক পুত্রসন্তানের জন্ম দিলেন। ৩ অব্রাহামের জন্য সারা যে পুত্রসন্তানের জন্ম দিলেন, অব্রাহাম তার নাম দিলেন ইস্থাক। ৪ তাঁর ছেলে ইস্থাকের বয়স যখন আট দিন, তখন ঈশ্বরের আদেশানুসারে অব্রাহাম তার সুন্নত করালেন। ৫ অব্রাহামের ছেলে ইস্থাকের যখন জন্ম হয় তখন তাঁর বয়স একশো বছর। ৬ সারা বললেন, “ঈশ্বর আমাকে হাসির পাত্রী করে তুলেছেন, আর যে কেউ একথা শুনবে সেও আমাকে নিয়ে হাসাহাসি করবে।” ৭ পরে তিনি এও বললেন, “কে অব্রাহামকে বলতে পেরেছিল যে সারা শিশুসন্তানকে স্তন্যদান করবে? তা সত্ত্বেও তাঁর বৃদ্ধাবস্থায় আমি তাঁর জন্য এক ছেলের জন্ম দিয়েছি।” ৮ শিশুটি বেড়ে উঠল ও তার স্তন্য-ত্যাগ করানো হল, এবং মেদিন ইস্থাকের স্তন্য-ত্যাগ করানো হল, মেদিন অব্রাহাম এক মহাভোজের আয়োজন করলেন। ৯ কিন্তু সারা দেখতে পেলেন যে, যে ছেলেটিকে মিশরীয় হাগার অব্রাহামের জন্য জন্ম দিয়েছিল, সে ঠাট্টা-বিদ্রূপ করছে, ১০ আর তাই তিনি অব্রাহামকে বললেন, “ওই ক্রীতদাসী ও তার ছেলেকে তাড়িয়ে দাও, কারণ আমার ছেলে ইস্থাকের সম্পত্তির অধিকারে ওই মহিলার ছেলে কখনোই ভাগ বসাবে না।” ১১ বিষয়টি অব্রাহামকে খুবই ব্যথিত করে তুলেছিল, কারণ এতে তাঁর ছেলের স্বার্থ জড়িত ছিল। ১২ কিন্তু ঈশ্বর তাঁকে বললেন, “ছেলেটির ও তোমার ক্রীতদাসীর বিষয়ে তুমি এত ব্যথিত হোয়ো না। সারা তোমাকে যা বলছে, তা শোনো, কারণ ইস্থাকের মাধ্যমেই তোমার সন্তানসন্তি পরিচিত হবে। ১৩ আমি ওই ক্রীতদাসীর ছেলেকেও এক জাতিতে পরিণত করব, কারণ সেও তোমার সন্তান।” ১৪ পরদিন ভোরবেলায় অব্রাহাম কিছু খাবার ও এক মশক জল নিয়ে সেগুলি হাগারকে দিলেন। তিনি সেগুলি হাগারের কাঁধে চাপিয়ে দিয়ে তাকে সেই ছেলেটি সমেত বিদায় করে দিলেন। হাগার প্রস্তান করল এবং বের-শেবার মরুভূমিতে ইতস্তত ঘুরে ফিরে বেড়াচ্ছিল। ১৫ মশকের জল যখন শেষ হয়ে গেল, তখন সে ছেলেটিকে একটি ঝোপের তলায় নিয়ে গিয়ে রাখল। ১৬ পরে সে একটু দূরে, প্রায় ১০০ মিটার দূরে গিয়ে বসে পড়ল, কারণ সে

ভাবল, “আমি নিজের চোখে ছেলেটির মৃত্যুদৃশ্য দেখতে পারব না।”  
আর সেখানে বসে সে ফৌঁপাতে শুরু করল। 17 ঈশ্বর সেই ছেলেটির  
কানা শুনতে পেলেন, এবং ঈশ্বরের দৃত স্বর্গ থেকে হাগারকে ডেকে  
বললেন, “কী হল, হাগার? ভয় পেয়ো না; সেখানে শুয়ে ছেলেটি যখন  
কাঁদছে, তখন তার কানা ঈশ্বর শুনেছেন। 18 ছেলেটিকে তুলে তার  
হাত ধরো, কারণ আমি তাকে এক মহাজাতিরূপে গড়ে তুলব।” 19  
তখন ঈশ্বর হাগারের চোখ খুলে দিলেন আর সে জলের এক কুয়ো  
দেখতে পেল। তাই সে গিয়ে মশকে জল ভরে ছেলেটিকে পানীয়  
জল এনে দিল। 20 ছেলেটি যখন বেড়ে উঠছিল তখন ঈশ্বর তার  
সাথেই ছিলেন। সে মরুভূমিতে বসবাস করছিল ও এক তিরন্দাজ  
হয়ে উঠল। 21 সে যখন পারণ মরুভূমিতে বসবাস করছিল তখন  
তার মা, মিশর থেকে এক মহিলাকে তার স্ত্রী হওয়ার জন্য নিয়ে এল।  
22 সেই সময় অবীমেলক তাঁর সৈন্যদলের সেনাপতি ফীকোলকে  
সাথে নিয়ে অব্রাহামের কাছে এসে বললেন, “আপনি যা যা করেন,  
সবেতেই ঈশ্বর আপনার সহায় হন। 23 এখন ঈশ্বরকে সাক্ষী রেখে  
আমার কাছে শপথ করুন যে আপনি আমার বা আমার সন্তানসন্তির  
বা আমার বংশধরদের সঙ্গে প্রতারণা করবেন না। আমি আপনার  
প্রতি যে দয়া দেখিয়েছিলাম, সেই একইরকম দয়া আপনি আমার  
প্রতি ও যে দেশে এখন আপনি এক বিদেশিরূপে বসবাস করছেন,  
সেই দেশের প্রতিও দেখান।” 24 অব্রাহাম বললেন, “আমি শপথ  
করছি।” 25 তখন অব্রাহাম অবীমেলকের কাছে সেই সজল কুয়োটির  
বিষয়ে অভিযোগ জানালেন, যেটি অবীমেলকের দাসেরা জোর করে  
দখল করে নিয়েছিল। 26 কিন্তু অবীমেলক বললেন, “আমি জানি  
না কে এই কাজটি করেছে। আপনি ও আমাকে কিছু বলেননি, আর  
আজই আমি এই বিষয়ে শুনলাম।” 27 অতএব অব্রাহাম মেষ ও  
গবাদি পশুপাল আনিয়ে সেগুলি অবীমেলককে দিলেন এবং দুজনে  
এক সম্পূর্ণভাবে করলেন। 28 অব্রাহাম তাঁর মেষপাল থেকে মেষের  
সাতটি মাদি শাবক পৃথক করলেন, 29 এবং অবীমেলক অব্রাহামকে  
জিজাসা করলেন, “আপনি যে মেষের এই সাতটি মাদি শাবক পৃথক

করলেন, এর অর্থ কী?” 30 তিনি উত্তর দিলেন, “আমিই যে এই কুয়োটি খুঁড়েছি, তার প্রমাণস্বরূপ আপনি আমার হাত থেকে মেষের এই সাতটি শাবক গ্রহণ করুন।” 31 অতএব সেই স্থানটির নাম হল বের-শেবা, কারণ সেই দুজন লোক সেখানে এক শপথ নিয়েছিলেন। 32 বের-শেবায় সন্ধিচুক্তি সম্পাদিত হওয়ার পর অবীমেলক ও তাঁর সৈন্যদলের সেনাপতি ফীকোল ফিলিস্তিনীদের দেশে ফিরে গেলেন। 33 অব্রাহাম বের-শেবায় একটি ঝাট গাছ লাগালেন, ও সেখানে তিনি অনন্তজীবী ঈশ্বর সন্দা�প্রভুর আরাধনা করলেন। 34 আর অব্রাহাম দীর্ঘকাল ফিলিস্তিনীদের দেশে থেকে গেলেন।

**22** কিছুকাল পর ঈশ্বর অব্রাহামকে পরীক্ষা করলেন। তিনি তাঁকে বললেন, “অব্রাহাম!” “আমি এখানে,” অব্রাহাম উত্তর দিলেন। 2 তখন ঈশ্বর বললেন, “তোমার ছেলেকে, তোমার একমাত্র ছেলেকে, যাকে তুমি ভালোবাসো তাকে—সেই ইস্থাককে—নাও ও মোরিয়া প্রদেশে যাও। সেখানে এমন একটি পর্বতের উপর তাকে হোমবলিরপে উৎসর্গ করো, যেটি আমি তোমাকে দেখিয়ে দেব।” 3 পরদিন ভোরবেলায় অব্রাহাম উঠে তাঁর গাধায় জিন চাপালেন। তিনি তাঁর দাসদের মধ্যে দুজনকে ও তাঁর ছেলে ইস্থাককে সাথে নিলেন। হোমবলির জন্য যথেষ্ট পরিমাণ কাঠ কাটার পর তিনি সেই স্থানের উদ্দেশে যাত্রা শুরু করলেন, যেটির বিষয়ে ঈশ্বর তাঁকে আগেই বলে দিয়েছিলেন। 4 তৃতীয় দিনে অব্রাহাম চোখ তুলে তাকিয়ে দূর থেকে সেই স্থানটি দেখলেন। 5 তিনি তাঁর দাসদের বললেন, “ছেলেটিকে সাথে নিয়ে আমি যখন সেখানে যাচ্ছি, তখন তোমরা গাধাটির সঙ্গে এখানেই থাকো। আমরা আরাধনা করব ও পরে তোমাদের কাছে ফিরে আসব।” 6 অব্রাহাম হোমবলির কাঠ নিয়ে সেগুলি তাঁর ছেলে ইস্থাকের কাঁধে চাপিয়ে দিলেন, এবং তিনি স্বয়ং আগুন ও ছুরি নিলেন। তাঁরা দুজন যখন একসাথে এগিয়ে যাচ্ছিলেন, 7 ইস্থাক মুখ খুলে তাঁর বাবা অব্রাহামকে বললেন, “বাবা?” “বলো বাচা?” অব্রাহাম উত্তর দিলেন। “আগুন ও কাঠ তো এখানে আছে,” ইস্থাক বললেন, “কিন্তু হোমবলির জন্য মেষশাবক কোথায়?” 8 অব্রাহাম উত্তর দিলেন, “বাচা, ঈশ্বর

স্বযং হোমবলির জন্য মেষশাবকের জোগান দেবেন।” আর তাঁরা দুজন একসাথে এগিয়ে গেলেন। ৭ ঈশ্বর যে স্থানটির কথা বলেছিলেন, তারা যখন সেখানে পৌঁছালেন, তখন অব্রাহাম সেখানে একটি যজ্ঞবেদি নির্মাণ করলেন ও সেটির উপর কাঠ বিছিয়ে দিলেন। তিনি তাঁর ছেলে ইস্হাককে বেঁধে সেই বেদিতে, কাঠের উপর শুইয়ে দিলেন। 10 পরে তিনি হাত বাড়িয়ে ছুরিটি ধরে তাঁর ছেলেকে হত্যা করতে উদ্যত হলেন। 11 কিন্তু সদাপ্রভুর দৃত স্বর্গ থেকে তাঁকে ডেকে বললেন, “অব্রাহাম, অব্রাহাম!” “আমি এখানে,” তিনি উত্তর দিলেন। 12 “ছেলেটির গায়ে হাত দিয়ো না,” দৃত বললেন। “ওর কোনও ক্ষতি কোরো না। এখন আমি বুরোছি যে তুমি ঈশ্বরকে ভয় করো, কারণ আমাকে তুমি তোমার ছেলেটি, তোমার একমাত্র ছেলেটি দিতে অসম্মত হওনি।” 13 অব্রাহাম চোখ তুলে তাকিয়ে দেখতে পেলেন সেখানে বোপকাড়ের মধ্যে একটি মন্দা মেষ শিং আটকানো অবস্থায় পড়ে আছে। তিনি সেখানে গিয়ে মন্দা মেষটিকে এনে তাঁর ছেলের পরিবর্তে সেটিকে এক হোমবলিরূপে উৎসর্গ করলেন। 14 অতএব অব্রাহাম সেই স্থানটির নাম দিলেন সদাপ্রভু জোগাবেন। আর আজও পর্যন্ত একথা বলা হয়ে থাকে, “সদাপ্রভুর পর্বতে তা জোগানো হবে।” 15 সদাপ্রভুর দৃত দ্বিতীয়বার স্বর্গ থেকে অব্রাহামকে ডাক দিলেন 16 এবং বললেন, “সদাপ্রভু ঘোষণা করছেন, আমি নিজের নামে শপথ করছি, যেহেতু তুমি এই কাজটি করেছ এবং আমাকে তোমার ছেলেটি, তোমার একমাত্র ছেলেটি দিতে অসম্মত হওনি, 17 তাই অবশ্যই আমি তোমাকে আশীর্বাদ করব ও তোমার বংশধরদের আকাশের তারাগুলির মতো ও সমুদ্রের বালুকগার মতো বিপুল সংখ্যক করে তুলব। তোমার বংশধররা তাদের শক্রদের নগরগুলি দখল করে নেবে, 18 এবং তোমার সন্তানসন্ততির মাধ্যমে পৃথিবীর সব জাতি আশীর্বাদ লাভ করবে, কারণ তুমি আমার বাধ্য হয়েছ।” 19 পরে অব্রাহাম তাঁর দাসদের কাছে ফিরে এলেন, এবং তাঁরা সবাই মিলে বের-শেবার উদ্দেশ্যে যাত্রা শুরু করলেন। আর অব্রাহাম বের-শেবাতেই থেকে গেলেন। 20 কিছুকাল পর অব্রাহামকে বলা হল, ‘মিঞ্চাও মা হয়েছেন;

তিনি আপনার ভাই নাহোরের জন্য এই ছেলেদের জন্ম দিয়েছেন: 21  
প্রথমজাত উষ, তার ভাই বৃষ, কমুয়েল (অরামের বাবা), 22 কেষদ,  
হসো, পিলদশ, যিদলফ ও বথুয়েল।” 23 বথুয়েল রিবিকার বাবা।  
মিঞ্চা অব্রাহামের ভাই নাহোরের জন্য এই আটটি ছেলের জন্ম দিলেন।  
24 যার নাম রামা, নাহোরের সেই উপপন্নীও এই ছেলেদের জন্ম দিল:  
টেবহ, গহম, তহশ ও মাখা।

**23** সারা 127 বছর বেঁচেছিলেন। 2 কনান দেশের অন্তর্গত কিরিয়ৎ-  
অর্বে (অথবা, হির্বাণে) তিনি মারা গেলেন, এবং অব্রাহাম সারার  
জন্য শোকপ্রকাশ ও কানাকাটি করার জন্য (সেখানে) গেলেন। 3  
পরে অব্রাহাম তাঁর স্ত্রীর মৃতদেহের পাশ থেকে উঠে এসে হিতৌয়দের  
সাথে কথা বললেন। তিনি বললেন, 4 “আপনাদের মাঝখানে আমি  
একজন বিদেশি ও অপরিচিত ব্যক্তি। কবরস্থান বানানোর জন্য এখানে  
আমাকে কিছুটা জমি বিক্রি করে দিন, যেন আমি আমার স্ত্রীর মৃতদেহ  
কবর দিতে পারি।” 5 হিতৌয়েরা অব্রাহামকে উত্তর দিল, 6 “মশাই,  
আমাদের কথা শুনুন। আমাদের মাঝখানে আপনি তো এক মহান  
রাজপুরুষ। আমাদের কবরগুলির মধ্যে আপনার পছন্দসই সেরা  
কবরটিতেই আপনার মৃত পরিজনকে কবর দিন। আমাদের মধ্যে  
কেউই আপনার মৃত পরিজনকে কবর দেওয়ার জন্য নিজের কবরটি  
দিতে অস্বীকার করব না।” 7 তখন অব্রাহাম উঠে দাঁড়িয়ে সেই দেশের  
লোকদের অর্থাৎ, হিতৌয়দের সামনে প্রণত হলেন। 8 তিনি তাদের  
বললেন, “আপনারা যদি চান যে আমি আমার মৃত পরিজনকে এখানে  
কবর দিই, তবে আমার কথা শুনুন এবং আপনারা আমার হয়ে আমার  
ও সোহোরের ছেলে ইফ্রোণের মাঝে মধ্যস্থতা করুন, 9 যেন তিনি তাঁর  
অধিকারে থাকা সেই মক্পেলা গুহাটি আমায় বিক্রি করেন, যেটি তাঁর  
জমির শেষ প্রান্তে আছে। তাঁকে বলুন, তিনি যেন সেটি সম্পূর্ণ দাম  
নিয়ে আপনাদের মাঝে অবস্থিত এক কবরস্থানরূপে আমায় বিক্রি করে  
দেন।” 10 হিতৌয় ইফ্রোণ তাঁর লোকজনের মাঝখানে বসেছিলেন  
এবং যে হিতৌয়েরা তাঁর নগরের প্রবেশদ্বারের কাছে সমবেত হল,  
তাদের সবাইকে শুনিয়ে শুনিয়ে তিনি অব্রাহামকে উত্তর দিলেন।

11 “হে আমার প্রভু, না,” তিনি বললেন। “আমার কথা শুনুন; আমি  
আপনাকে সেই জমিটি দিলাম, ও সেখানে অবস্থিত গুহাটি ও দিলাম।  
আমার লোকজনের উপস্থিতিতেই আমি এগুলি আপনাকে দিলাম।  
আপনার মৃত পরিজনকে আপনি কবর দিন।” 12 অব্রাহাম আরও  
একবার সেই দেশের লোকদের সামনে প্রণত হলেন 13 এবং তাদের  
শুনিয়ে শুনিয়ে তিনি ইফ্রোগকে বললেন, “আমার কথা শুনতে চাইলে,  
শুনুন। আমি জমিটির দাম দেব। আমার কাছ থেকে তা প্রহণ করুন,  
যেন সেখানে আমি আমার মৃত পরিজনকে কবর দিতে পারি।” 14  
ইফ্রোগ অব্রাহামকে উত্তর দিলেন, 15 “হে আমার প্রভু, আমার কথা  
শুনুন; জমিটির দাম 400 শেকল রূপো, কিন্তু আপনার ও আমার  
মধ্যে তাতে কী আসে-যায়? আপনার মৃত পরিজনকে আপনি কবর  
দিন।” 16 ইফ্রোগের শর্তে অব্রাহাম রাজি হলেন এবং হিতীয়দের  
কর্ণগোচরে ইফ্রোগ যে দাম ধার্য করলেন, ততখানি পরিমাণ রূপো:  
বণিকদের মধ্যে প্রচলিত বর্তমান ওজন অনুসারে 400 শেকল রূপো  
তিনি তাঁকে ওজন করে দিলেন। 17 অতএব মন্ত্রির কাছাকাছি অবস্থিত  
মক্পেলায় ইফ্রোগের সেই জমিটি—সেখানকার জমি ও গুহা, দুটিই  
এবং সেই জমির সীমানার অন্তর্গত সব গাছপালা—হস্তান্তরের দলিল  
18 অব্রাহামের নামে তাঁর সম্পত্তিরপে সেই নগরের প্রবেশদ্বারের কাছে  
সমবেত সব হিতীয়ের উপস্থিতিতে পাকা করা হল। 19 পরে অব্রাহাম  
তাঁর স্ত্রী সারাকে কনান দেশে মন্ত্রির (অর্থাৎ, হিব্রোগের) পার্শ্ববর্তী  
মক্পেলার জমিতে অবস্থিত গুহায় কবর দিলেন। 20 অতএব সেই  
জমি ও সেখানকার গুহাটি হিতীয়েরা দলিল করে এক কবরস্থানরপে  
অব্রাহামের অধিকারভুক্ত করে দিল।

**24** অব্রাহাম খুব বৃদ্ধ হয়ে গেলেন এবং সদাপ্রভু তাঁকে সবদিক  
থেকেই আশীর্বাদ করলেন। 2 যিনি তাঁর সব সম্পত্তি দেখাশোনা  
করতেন, তাঁর ঘরের সেই প্রবীণ দাসকে তিনি বললেন, “তুমি আমার  
উরুর তলায় হাত রাখো। 3 যিনি স্বর্গের ঈশ্বর ও পৃথিবীরও ঈশ্বর,  
আমি চাই তুমি সেই সদাপ্রভুর নামে এই শপথ করো, যে আমি যাদের  
মধ্যে বসবাস করছি, সেই কনানীয়দের কোনো মেয়েকে তুমি আমার

ছেলের স্তৰী করে আনবে না, 4 কিন্তু তুমি আমার দেশে ও আমার আপন  
আত্মিয়স্বজনদের কাছে যাবে এবং আমার ছেলে ইস্থাকের জন্য এক  
স্তৰী নিয়ে আসবে।” 5 সেই দাস তাঁকে জিজ্ঞাসা করলেন, “সেই মেয়েটি  
যদি এই দেশে আসতে অনিচ্ছুক হয় তবে কী হবে? তবে কি যে  
দেশ থেকে আপনি এসেছেন, সেই দেশে আমি আপনার ছেলেকে  
ফিরিয়ে নিয়ে যাব?” 6 “তুমি কোনোমতেই আমার ছেলেকে সেই  
দেশে ফিরিয়ে নিয়ে যাবে না,” অব্রাহাম বললেন। 7 “স্বর্গের সেই ঈশ্বর  
সদাপ্রভু, যিনি আমাকে আমার পিতৃগৃহ থেকে ও আমার মাতৃভূমি  
থেকে বের করে এনেছেন এবং আমার সঙ্গে কথা বলেছেন এবং এক  
শপথের মাধ্যমে প্রতিজ্ঞা করে বলেছেন, ‘এই স্থানটি আমি তোমার  
সন্তানসন্ততিকে দেব,’ তিনিই তোমার অগ্রগামী করে তাঁর দৃতকে  
পাঠিয়ে দেবেন, যেন তুমি সেখান থেকে আমার ছেলের জন্য এক স্তৰী  
আনতে পারো। 8 যদি সেই মেয়েটি তোমার সঙ্গে আসতে না চায়,  
তবে তুমি আমার এই শপথ থেকে মুক্ত হয়ে যাবে। শুধু তুমি আমার  
ছেলেকে সেখানে ফিরিয়ে নিয়ে যেয়ো না।” 9 অতএব সেই দাস তাঁর  
প্রভু অব্রাহামের উরুর তলায় হাত রেখে এই বিষয়ে তাঁর কাছে শপথ  
করলেন। 10 পরে সেই দাস তাঁর প্রভুর উটগুলির মধ্যে থেকে দশটি  
উটের পিঠে তাঁর প্রভুর কাছ থেকে পাওয়া সব ধরনের ভালো ভালো  
জিনিসপত্র চাপিয়ে নিয়ে রওনা হয়ে গেলেন। তিনি অবাম-নহরযিমের  
উদ্দেশে রওনা হয়ে গেলেন এবং নাহোরের নগরে পৌঁছালেন। 11  
তিনি নগরের বাইরে অবস্থিত একটি কুয়োর কাছে উটগুলিকে নতজানু  
করে বসালেন; তখন প্রায় সন্ধ্যা ঘনিয়ে আসছিল, যে সময় মহিলারা  
কুয়ো থেকে জল তুলতে যায়। 12 তখন তিনি প্রার্থনা করলেন, “হে  
সদাপ্রভু, আমার প্রভু অব্রাহামের ঈশ্বর, আজ তুমি আমাকে সফল করে  
তোলো, এবং আমার প্রভু অব্রাহামের প্রতি দয়া দেখো। 13 দেখো,  
আমি এই জলের উৎসের ধারে দাঁড়িয়ে আছি, এবং নগরবাসীদের  
মেয়েরা জল তুলতে আসছে। 14 এরকমই হোক যেন আমি যখন  
একটি যুবতী মেয়েকে বলব, ‘দয়া করে তোমার কলশিটি নামিয়ে  
রাখো যেন আমি জলপান করতে পারি,’ এবং সে যখন বলবে, ‘আপনি

পান করুন এবং আপনার উটগুলির জন্যও আমি পানীয় জল দেব,’  
তখন সেই যেন সেই মেয়ে হয়, যাকে তুমি তোমার দাস ইস্থাকের  
জন্য মনোনীত করেছ। এর দ্বারাই আমি জানতে পারব যে তুমি আমার  
প্রভুর প্রতি দয়া দেখিয়েছ।” 15 সৈশ্বরের কাছে করা তাঁর প্রার্থনাটি শেষ  
হওয়ার আগেই রিবিকা তার কলশি কাঁধে নিয়ে বেরিয়ে এলেন। তিনি  
অব্রাহামের ভাই নাহোরের স্ত্রী মিঞ্চার ছেলে বথুয়েলের মেয়ে। 16 সেই  
মেয়েটি অপরূপ সুন্দরী, ও এক কুমারী ছিলেন; কোনও পুরুষ কখনও  
তাঁর সাথে শোয়ানি। তিনি জলের উৎসের কাছে নেমে গিয়ে, তাঁর  
কলশিতে জল ভরে আবার উপরে উঠে আসছিলেন। 17 সেই দাস  
তাড়াতাড়ি তাঁর সাথে দেখা করে বললেন, “দয়া করে তোমার কলশি  
থেকে আমায় একটু জল দাও।” 18 “হে আমার প্রভু, পান করুন,”  
এই বলে রিবিকা চট করে কলশিটি হাতে নামিয়ে এনে তাঁকে পানীয়  
জল দিলেন। 19 তাঁকে পানীয় জল দেওয়ার পর রিবিকা বললেন,  
“আমি আপনার উটগুলির জন্যও ততক্ষণ জল তুলতে থাকব, যতক্ষণ  
না তারা যথেষ্ট পরিমাণ জলপান করে ফেলছে।” 20 অতএব তিনি  
তাড়াতাড়ি সেই জাবপাত্রে কলশির জল খালি করে দিলেন, আরও জল  
তোলার জন্য কুয়োর কাছে দৌড়ে ফিরে গেলেন, এবং সেই দাসের  
সব উটের জন্য যথেষ্ট পরিমাণ জল তুলে আনলেন। 21 কোনও কথা  
না বলে সেই লোকটি এই বিষয়টি বোঝার জন্য তাঁকে খুব ভালো  
করে লক্ষ্য করছিলেন, যে সদাপ্রভু তাঁর যাত্রা আদৌ সফল করেছেন  
কি না। 22 উটগুলি জলপান করে ফেলার পর, সেই লোকটি এক  
বেকা ওজনের একটি সোনার নথ এবং দশ শেকল ওজনের সোনার  
দুটি বালা বের করলেন। 23 পরে তিনি প্রশ্ন করলেন, “তুমি কার  
মেয়ে? দয়া করে আমায় বলো তো, তোমার পিতৃগৃহে আমাদের রাত  
কাটানোর জন্য ঘর আছে কি?” 24 রিবিকা তাঁকে উত্তর দিলেন, “আমি  
সেই বথুয়েলের মেয়ে, যিনি নাহোরের ছেলে, ও যাঁকে মিঞ্চা নাহোরের  
জন্য জন্ম দিয়েছিলেন।” 25 তিনি আরও বললেন, “আমাদের কাছে  
প্রচুর খড়-বিচালি ও জাব আছে, তা ছাড়া আপনাদের রাত কাটানোর  
জন্য ঘরও আছে।” 26 তখন সেই লোকটি মাথা নত করে সদাপ্রভুর

আরাধনা করলেন, 27 এবং বললেন, “আমার প্রভু অব্রাহামের ঈশ্বর  
সেই সদাপ্রভুর প্রশংসা হোক, যিনি আমার প্রভুর প্রতি তাঁর দয়া ও  
বিশ্বস্তা দেখাতে ক্ষম্ত হননি। আমার ক্ষেত্রেও, সদাপ্রভু আমার প্রভুর  
আত্মায়স্তজনের বাড়ি পর্যন্ত যাত্রাপথে আমাকে পথ দেখালেন।” 28  
যুবতী মেয়েটি দৌড়ে গিয়ে তাঁর মায়ের পরিজনদের এইসব বিষয়  
জানালেন। 29 রিবিকার এক দাদা ছিলেন, যাঁর নাম লাবন, আর তিনি  
চট্ট করে জলের উৎসের কাছে দাঁড়িয়ে থাকা লোকটির কাছে চলে  
গেলেন। 30 সেই নথটি এবং তাঁর বোনের হাতের বালা দেখামাত্রই  
এবং রিবিকাকে সেই লোকটি যা যা বলেছিলেন, সেসব কথা তাঁর  
কাছ থেকে শোনামাত্রই তিনি সেই লোকটির কাছে চলে গেলেন  
এবং দেখতে পেলেন, তিনি সেই জলের উৎসের কাছে উটগুলি নিয়ে  
দাঁড়িয়ে আছেন। 31 “হে সদাপ্রভুর আশীর্বাদধন্য ব্যক্তি, আসুন,”  
তিনি বললেন। “আপনি এখানে বাইরে দাঁড়িয়ে আছেন কেন? আমি  
আপনার জন্য বাড়িঘর ঠিকঠাক করে রেখেছি এবং উটগুলির জন্যও  
জায়গা করে রেখেছি।” 32 অতএব সেই লোকটি বাড়িতে গেলেন এবং  
উটগুলিকেও ভারমুক্ত করা হল। উটগুলির জন্য খড়-বিচালি ও জাব  
আনা হল এবং তাঁর ও তাঁর লোকজনের পা ধোয়ার জন্য জল আনা  
হল। 33 পরে তাঁর সামনে খাবার পরিবেশন করা হল, কিন্তু তিনি  
বললেন, “আমার যা বলার আছে তা যতক্ষণ না আমি আপনাদের  
বলে শুনাচ্ছি, ততক্ষণ আমি কিছু খাব না।” “তবে আমাদের তা বলে  
ফেলুন।” লাবন বললেন। 34 অতএব তিনি বললেন, “আমি অব্রাহামের  
দাস। 35 সদাপ্রভু আমার প্রভুকে প্রচুর পরিমাণে আশীর্বাদ করেছেন,  
এবং তিনি ধনী হয়ে গিয়েছেন। সদাপ্রভু তাঁকে মেষ ও গবাদি পশ্চপাল,  
রংপো ও সোনা, দাস ও দাসী, এবং উট ও গাধা দিয়েছেন। 36 আমার  
প্রভুর স্ত্রী সারা বৃক্ষাবস্থায় তাঁর জন্য এক ছেলের জন্ম দিয়েছেন, এবং  
আমার প্রভুর নিজস্ব সবকিছু তিনি তাঁকেই দিয়েছেন। 37 আর আমার  
প্রভু আমাকে দিয়ে এক শপথ করিয়ে নিয়েছেন, ও বলেছেন, ‘যাদের  
দেশে আমরা বসবাস করছি, সেই কলানীয়দের মেয়েদের মধ্যে থেকে  
কাউকে তুমি আমার ছেলের স্ত্রী করে আনবে না, 38 কিন্তু তুমি আমার

পিতৃপরিজনদের এবং আমার নিজের গোত্রভুক্ত লোকজনের কাছে  
যাবে, ও আমার ছেলের জন্য এক স্ত্রী নিয়ে আসবে।’ 39 “তখন আমি  
আমার প্রভুকে জিজ্ঞাসা করেছিলাম, ‘সেই মেয়েটি যদি আমার সঙ্গে  
আসতে না চায় তবে কী হবে?’ 40 “তিনি উত্তর দিয়েছিলেন, ‘যাঁর  
সাক্ষাতে আমি বিশ্বস্তাপূর্বক চলেছি, সেই সদাপ্রভুই তাঁর দৃতকে  
তোমার সঙ্গে পাঠাবেন এবং তোমার যাত্রা সফল করবেন, যেন তুমি  
আমার নিজের গোত্রভুক্ত লোকজনের ও আমার পিতৃপরিজনদের  
মধ্য থেকেই আমার ছেলের জন্য এক স্ত্রী আনতে পারো। 41 আমার  
শপথ থেকে তুমি মুক্ত হয়ে যাবে যদি, তুমি যখন আমার গোত্রভুক্ত  
লোকজনের কাছে যাবে, ও তারা যদি মেয়েটিকে তোমার হাতে তুলে  
দিতে অস্বীকার করে—তখন তুমি আমার শপথ থেকে মুক্ত হয়ে  
যাবে।’ 42 “আজ যখন আমি জলের উৎসের কাছে এলাম, তখন আমি  
বললাম, ‘হে সদাপ্রভু, আমার প্রভু অব্রাহামের ঈশ্বর, যদি তোমার ইচ্ছা  
হয়, তবে দয়া করে তুমি আমার এই যাত্রা সফল করো, যে যাত্রায়  
আমি বের হয়ে এসেছি। 43 দেখো, আমি এই জলের উৎসের পাশে  
দাঁড়িয়ে আছি। একটি যুবতী মেয়ে যদি এখানে জল তুলতে আসে  
এবং আমি যদি তাকে বলি, “দয়া করে তোমার কলশি থেকে আমাকে  
একটু জলপান করতে দাও,” 44 আর সে যদি আমাকে বলে, “পান  
করুন, এবং আমি আপনার উটগুলির জন্যও জল তুলে দেব,” তবে  
সেই যেন এমন একজন হয়, যাকে সদাপ্রভু আমার প্রভুর ছেলের  
জন্য মনোনীত করে রেখেছেন।’ 45 “মনে মনে আমি এই প্রার্থনা শেষ  
করার আগেই, রিবিকা বেরিয়ে এল, ও তার কাঁধে কলশি ছিল। সে  
জলের উৎসের কাছে নেমে গেল ও জল তুলছিল, আর আমি তাকে  
বললাম, ‘দয়া করে আমাকে পান করার জল দাও।’ 46 “সে তাড়াতাড়ি  
কাঁধ থেকে তার কলশিটি নামিয়ে এনে বলল, ‘পান করুন, এবং আমি  
আপনার উটগুলির জন্যও জল দেব।’ অতএব আমি জলপান করলাম,  
এবং সে উটগুলিকেও জল দিল। 47 “আমি তাকে জিজ্ঞাসা করলাম,  
'তুমি কার মেয়ে?' “সে বলল, ‘আমি সেই বথুয়েলের মেয়ে, যিনি  
নাহোরের ছেলে, ও যাঁকে মিষ্টা নাহোরের জন্য জন্ম দিয়েছিলেন।’

“তখন আমি তার নাকে নথ ও হাতে বালা পরিয়ে দিলাম, 48 এবং  
আমি নতমস্তকে সদাপ্রভুর আরাধনা করলাম। আমি আমার প্রভু  
অব্রাহামের ঈশ্বর সেই সদাপ্রভুর প্রশংসা করলাম, যিনি সঠিক পথে  
আমাকে পরিচালিত করলেন, যেন আমার প্রভুর ছেলের জন্য তাঁর  
ভাইয়ের নাতনীকে আমি খুঁজে পাই। 49 এখন আপনারা যদি আমার  
প্রভুর প্রতি দয়া ও বিশ্বস্ততা দেখাতে চান, তবে বলুন; আর যদি তা না  
চান, তাও বলুন, যেন আমি জানতে পারি কোন দিকে আমাকে ফিরতে  
হবে।” 50 লাবন ও বথুয়েল উভর দিলেন, “সদাপ্রভুর দিক থেকেই  
এই ঘটনাটি ঘটেছে; এই ব্যাপারে আমরা আপনাকে ভালোমন্দ কিছুই  
বলতে পারব না। 51 রিবিকা এখানেই আছে; তাকে নিয়ে চলে যান,  
আর সে আপনার প্রভুর ছেলের স্তৰী হয়ে যাক, যেমনটি সদাপ্রভু নির্দেশ  
দিয়েছেন।” 52 তাঁরা যা বললেন, অব্রাহামের দাস যখন তা শুনলেন,  
তখন তিনি সদাপ্রভুর সামনে মাটিতে উরুড় হয়ে পড়লেন। 53 পরে  
সেই দাস সোনা ও রংপোর গয়না এবং বিভিন্ন ধরনের পোশাক-  
পরিচ্ছদ বের করে সেগুলি রিবিকাকে দিলেন; তিনি তাঁর দাদা ও  
মাকেও মূল্যবান উপহারসামগ্রী দিলেন। 54 পরে তিনি এবং তাঁর সঙ্গে  
থাকা লোকজন ভোজনপান করলেন এবং সেখানেই রাত কাটালেন।  
পরদিন সকালে ওঠার পর তিনি বললেন, “আমার প্রভুর কাছে যাওয়ার  
জন্য আমায় বিদায় দিন।” 55 কিন্তু রিবিকার দাদা ও মা উভর দিলেন,  
“মেয়েটি আমাদের কাছে দিন দশেক থাকুক; পরে আপনারা যেতে  
পারেন।” 56 কিন্তু তিনি তাঁদের বললেন, “আমাকে আটকে রাখবেন  
না, যেহেতু সদাপ্রভু আমার যাত্রা সফল করেছেন। আমাকে বিদায়  
দিন, যেন আমি আমার প্রভুর কাছে যেতে পারি।” 57 তখন তাঁরা  
বললেন, “মেয়েটিকে ডাকা হোক এবং তাকেই এই বিষয়ে জিজ্ঞাসা  
করায় যাক।” 58 অতএব তাঁরা রিবিকাকে ডেকে এনে তাঁকে জিজ্ঞাসা  
করলেন, “তুমি কি এই লোকটির সঙ্গে যাবে?” “আমি যাব,” তিনি  
বললেন। 59 অতএব তাঁরা তাঁদের বোন রিবিকাকে ও তাঁর ধাত্রীকে  
এবং অব্রাহামের দাস ও তাঁর লোকজনকে বিদায় জানালেন। 60 আর  
তাঁরা রিবিকাকে আশীর্বাদ করে তাঁকে বললেন, “হে আমাদের বোন,

তুমি বৃদ্ধি পাও হাজার হাজার গুণ; তোমার সন্তানসন্ততি অধিকার  
করুক তাদের শক্রদের নগরগুলি।” 61 পরে রিবিকা ও তাঁর সেবিকারা  
প্রস্তুত হয়ে উটের পিঠে চড়ে সেই লোকটির সাথে চলে গেলেন।  
অতএব সেই দাস রিবিকাকে সাথে নিয়ে প্রস্থান করলেন। 62 এদিকে  
ইস্থাক বের-লহয়-রোয়ী থেকে ফিরে আসছিলেন, কারণ তিনি তখন  
নেগেতে বসবাস করতেন। 63 এক সন্ধ্যায় তিনি ধ্যান করতে ক্ষেতে  
গেলেন, এবং যেই তিনি উপর দিকে তাকালেন, তিনি দেখতে পেলেন  
কয়েকটি উট এগিয়ে আসছে। 64 রিবিকা ও উপর দিকে তাকালেন  
এবং ইস্থাককে দেখতে পেলেন। তিনি তাঁর উটের পিঠ থেকে নেমে  
65 সেই দাসকে জিজ্ঞাসা করলেন, “ক্ষেত থেকে যিনি আমাদের সাথে  
দেখা করতে এগিয়ে আসছেন, তিনি কে?” “তিনি আমার প্রতু,” সেই  
দাস উত্তর দিলেন। অতএব রিবিকা তাঁর ঘোমটা টেনে এনে নিজের  
মুখ ঢাকলেন। 66 পরে সেই দাস নিজে যা যা করেছিলেন সেসব তিনি  
ইস্থাককে বলে শোনালেন। 67 ইস্থাক রিবিকাকে তাঁর মা সারার  
তাঁবুতে নিয়ে এলেন, এবং তাঁকে বিয়ে করলেন। অতএব রিবিকা তাঁর  
স্ত্রী হয়ে গেলেন, এবং ইস্থাক তাঁকে ভালোবাসলেন; আর ইস্থাক  
তাঁর মায়ের মৃত্যুর পর সান্ত্বনা লাভ করলেন।

**25** অব্রাহাম অন্য আর এক স্ত্রীকে বিয়ে করে আনলেন, যাঁর নাম  
কটুরা। 2 তাঁর জন্য কটুরা সিঞ্চন, যকষণ, মদান, মিদিয়ন, যিষবক ও  
শুহের জন্ম দিলেন। 3 যক্ষণ শিবা এবং দদানের বাবা; অশূরীয়,  
লটুশীয় ও লিয়ুমীয়রা হল দদানের বংশধর। 4 মিদিয়নের ছেলেরা  
হল ঐফা, এফর, হনোক, অবীদ ও ইলদায়া। এরা সবাই কটুরার  
বংশধর। 5 অব্রাহাম তাঁর অধিকারে থাকা সবকিছু ইস্থাককে দিলেন।  
6 কিন্তু বেঁচে থাকাকালীনই অব্রাহাম তাঁর উপপত্নীদের ছেলেদের  
উপহারসামগ্ৰী দিলেন এবং তাঁর ছেলে ইস্থাকের কাছ থেকে তাদের  
দূরে সরিয়ে দিয়ে পূর্বদেশে পাঠিয়ে দিলেন। 7 অব্রাহাম 175  
বছর বেঁচেছিলেন। 8 পরে অব্রাহাম শেষনিশ্বাস ত্যাগ করলেন এবং  
যথেষ্ট বৃদ্ধাবস্থায়, বৃদ্ধ ও পূর্ণায় মানুষরূপে মারা গেলেন; এবং তিনি  
তাঁর পূর্বপুরুষদের সাথে মিলিত হলেন। 9 তাঁর ছেলে ইস্থাক ও

ইশ্যায়েল তাঁকে হিতীয় সোহরের ছেলে ইফ্রোগের ক্ষেতে অবস্থিত  
মন্ত্রির নিকটবর্তী মক্পেলা গুহাতে কবর দিলেন। 10 সেই ক্ষেতটি  
অব্রাহাম হিতীয়দের কাছ থেকে কিনে নিয়েছিলেন। সেখানেই অব্রাহাম  
ও তাঁর স্ত্রী সারা সমাধিস্থ হলেন। 11 অব্রাহামের মৃত্যুর পর, ঈশ্বর  
তাঁর সেই ছেলে ইস্হাককে আশীর্বাদ করলেন, যিনি তখন বের-  
লহয়-রোয়ীর কাছে বসবাস করছিলেন। 12 এই হল অব্রাহামের  
ছেলে সেই ইশ্যায়েলের বংশবৃত্তান্ত, যাঁকে সারার খ্রীতদাসী, মিশরীয়া  
হাগার, অব্রাহামের জন্য জন্ম দিয়েছিল। 13 এই হল ইশ্যায়েলের  
ছেলেদের নাম, যা তাদের জন্মের অনুসারে নথিভুক্ত করা হয়েছে:  
ইশ্যায়েলের বড়ো ছেলে নবায়োৎ, পরে কেদর, অদবেল, মিবসম,  
14 মিশমা, দুমা, মসা, 15 হদদ, তেমা, যিটুর, নাফীশ ও কেদমা।  
16 এরাই ইশ্যায়েলের সন্তান, এবং তাদের উপনিবেশ ও শিবির  
অনুসারে এই হল বারোজন গোষ্ঠী-শাসকদের নাম। 17 ইশ্যায়েল  
137 বছর বেঁচেছিলেন। তিনি শেষনিশ্চাস ত্যাগ করে মারা গেলেন,  
এবং তাঁর পূর্বপুরুষদের সাথে মিলিত হলেন। 18 তাঁর বংশধরেরা  
আসিরিয়ার দিকে মিশরের পূর্বসীমার কাছাকাছি অবস্থিত হৰীলা থেকে  
শূর পর্যন্ত বিস্তৃত এলাকায় বসতি স্থাপন করল। তারা তাদের দূর-  
সম্পর্কের আত্মীয়-গোষ্ঠীদের প্রতি শক্রতাভাব বজায় রেখে বসবাস  
করে যাচ্ছিল। 19 এই হল অব্রাহামের ছেলে ইস্হাকের পারিবারিক  
বংশবৃত্তান্ত। অব্রাহাম ইস্হাকের বাবা হলেন, 20 এবং ইস্হাক চল্লিশ  
বছর বয়সে সেই রিবিকাকে বিয়ে করলেন, যিনি পদ্দন-আরামের  
বাসিন্দা অরামীয় বথুয়েলের মেয়ে এবং অরামীয় লাবনের বোন।  
21 ইস্হাক তাঁর স্ত্রীর হয়ে সদাপ্রভুর কাছে প্রার্থনা করলেন, কারণ  
রিবিকা নিঃসন্তান ছিলেন। সদাপ্রভু তাঁর প্রার্থনার উত্তর দিলেন, এবং  
তাঁর স্ত্রী রিবিকা গর্ভবতী হলেন। 22 শিশুরা রিবিকার গর্ভে একে  
অপরকে ধাক্কা দিচ্ছিল, এবং তিনি বললেন, “আমার ক্ষেত্রে কেন  
এমন ঘটছে?” অতএব তিনি সদাপ্রভুর কাছে খোঁজ নিতে গেলেন।  
23 সদাপ্রভু তাঁকে বললেন, “তোমার গর্ভে দুই জাতি আছে, এবং  
তোমার মধ্য থেকেই দুই বংশ পৃথক হবে; এক বংশ অন্য বংশ

থেকে বেশি শক্তিশালী হবে, এবং বড়ো ছেলে হোটো ছেলের সেবা করবে।” 24 সন্তান প্রসবের সময়কাল ঘনিয়ে এলে দেখা গেল তাঁর গর্ভে যমজ সন্তান। 25 প্রথমে যে ভূমিষ্ঠ হল, তার গায়ের রং ছিল লাল, এবং তার সারা শরীর ছিল লোমশ পোশাকের মতো; তাই তাঁরা তার নাম দিলেন এষো। 26 পরে, তার সেই ভাই বেরিয়ে এল, যার হাত এষোর গোড়ালি ধরে রেখেছিল; তাই তার নাম দেওয়া হল যাকোব। রিবিকা যখন তাদের জন্ম দেন তখন ইস্থাকের বয়স 60 বছর। 27 ছেলেরা বেড়ে উঠেছিল, এবং এষো এমন এক নিপুণ শিকারি হয়ে উঠেছিল, যিনি বাড়ির বাইরে ঘুরে বেড়াতেন, অন্যদিকে যাকোব ঘরের ভিতরে তাঁবুর মধ্যেই থাকতে পছন্দ করতেন। 28 যিনি শিকার করা পশুর মাংস খেতে পছন্দ করতেন, সেই ইস্থাক এষোকে ভালোবাসতেন, কিন্তু রিবিকা যাকোবকে ভালোবাসতেন। 29 একবার যাকোব যখন খানিকটা ঝোল-তরকারী রান্না করছিলেন, এষো তখন মাঠ থেকে ক্ষুধার্ত অবস্থায় ফিরে এলেন। 30 তিনি যাকোবকে বললেন, “তাড়াতাড়ি আমাকে লাল রংয়ের ওই ঝোল-তরকারী থেকে কিছুটা খেতে দাও! আমি ক্ষুধার্ত!” (এই জন্য তাঁকে ইদোম নামেও ডাকা হয়।) 31 যাকোব উন্নত দিলেন, “প্রথমে তুমি আমার কাছে তোমার জ্যেষ্ঠাধিকার বিক্রি করো।” 32 দেখো, আমি প্রায় মরতে চলেছি, “এষো বললেন। জ্যেষ্ঠাধিকার আমার কী কাজে লাগবে?” 33 কিন্তু যাকোব বললেন, “প্রথমে আমার কাছে শপথ করো।” অতএব এষো তাঁর কাছে শপথ করলেন, তাঁর জ্যেষ্ঠাধিকার যাকোবের কাছে বিক্রি করে দিলেন। 34 পরে যাকোব এষোকে কয়েকটি রূটি ও মশুরি দিয়ে তৈরি কিছুটা ঝোল-তরকারী দিলেন। তিনি ভোজনপান করলেন, ও পরে উঠে চলে গেলেন। অতএব এষো তাঁর জ্যেষ্ঠাধিকার হেয় জ্ঞান করলেন।

**26** এদিকে দেশে এক দুর্ভিক্ষ হল—যা অব্রাহামের সময়কালে হওয়া সাবেক দুর্ভিক্ষের অতিরিক্ত—এবং ইস্থাক গরারে ফিলিস্তিনীদের রাজা অবীমেলকের কাছে গেলেন। 2 সদাপ্রভু ইস্থাককে দর্শন দিয়ে বললেন, “তুমি মিশরে যেয়ো না; সেই দেশেই বসবাস করো, যেখানে

আমি তোমাকে বসবাস করতে বলছি। ৩ এদেশেই কিছুকাল থেকে  
যাও, আর আমি তোমার সহবতী হব ও তোমাকে আশীর্বাদ করব।  
কারণ তোমাকে ও তোমার বংশধরদের আমি এইসব দেশ দেব  
এবং তোমার বাবা অব্রাহামের কাছে করা আমার সেই শপথ বলবৎ  
করব। ৪ আমি তোমার বংশধরদের সংখ্যা আকাশের তারাগুলির মতো  
বিপুল সংখ্যক করব এবং তাদের এইসব দেশ দেব, এবং তোমার  
সন্তানসন্ততির মাধ্যমে পৃথিবীর সব জাতি আশীর্বাদ লাভ করবে, ৫  
কারণ অব্রাহাম আমার বাধ্য হয়েছিল এবং আমার আদেশ, আমার  
হৃকুম ও আমার নির্দেশনা পালনের ক্ষেত্রে আমি তার কাছে যা কিছু  
চেয়েছিলাম, সে সবকিছু করেছিল।” ৬ অতএব ইস্থাক গরারেই থেকে  
গেলেন। ৭ সেখানকার লোকজন যখন তাঁকে তাঁর স্ত্রীর বিষয়ে জিজ্ঞাসা  
করল, তখন তিনি বললেন, “সে আমার বোন,” কারণ “সে আমার স্ত্রী”  
একথা বলতে তাঁর ভয় হল। তিনি ভাবলেন, “এখানকার লোকজন  
রিবিকার জন্য আমাকে হয়তো মেরে ফেলবে, কারণ সে সুন্দরী।” ৮  
বেশ কিছুকাল ইস্থাক সেখানে থেকে যাওয়ার পর, ফিলিস্তিনীদের  
রাজা অবীমেলক জানালা থেকে নিচে তাকালেন এবং দেখতে পেলেন  
যে ইস্থাক তাঁর স্ত্রী রিবিকাকে আদর-সোহাগ করছেন। ৯ অতএব  
অবীমেলক ইস্থাককে ডেকে পাঠিয়ে বললেন, “উনি সত্যিই আপনার  
স্ত্রী! আপনি কেন তবে বললেন, ‘সে আমার বোন?’” ইস্থাক তাঁকে  
উত্তর দিলেন, “কারণ আমি ভেবেছিলাম, তার জন্য আমাকে হয়তো  
প্রাণ হারাতে হবে।” ১০ তখন অবীমেলক বললেন, “আপনি আমাদের  
প্রতি এ কী ব্যবহার করলেন? যে কোনো লোক অনায়াসে আপনার  
স্ত্রীর সঙ্গে শুয়ে পড়তে পারত, আর আপনি আমাদের উপর দোষ  
চাপিয়ে দিতেন।” ১১ অতএব অবীমেলক প্রজাদের সবাইকে আদেশ  
দিলেন: “যে কোনো লোক এই লোকটির বা তাঁর স্ত্রীর ক্ষতিসাধন  
করবে, তার অবশ্যই প্রাণদণ্ড হবে।” ১২ ইস্থাক সেই দেশে চাষাবাদ  
করলেন এবং সেবছর একশো গুণ ফসল পেলেন, কারণ সদাপ্রভু  
তাঁকে আশীর্বাদ করলেন। ১৩ তিনি ধনী হয়ে গেলেন এবং যতদিন  
না তিনি অত্যন্ত ধনী হতে পেরেছিলেন, তাঁর ধনসম্পদ ক্রমাগত

বেড়েই যাচ্ছিল। 14 তাঁর এত মেষপাল ও গবাদি পশুপাল এবং  
দাস-দাসী হল যে ফিলিস্তিনীরা তাঁকে হিংসা করতে লাগল। 15  
অতএব তাঁর বাবা অব্রাহামের সময় তাঁর বাবার দাসেরা যে কুয়োগুলি  
খুঁড়েছিল, ফিলিস্তিনীরা মাটি ফেলে সেগুলি ভরাট করে দিল। 16 তখন  
অবীমেলক ইস্থাককে বললেন, “আমাদের কাছ থেকে দূরে সরে  
যান; আমাদের তুলনায় আপনি খুব বেশি শক্তিশালী হয়ে উঠেছেন।”  
17 অতএব ইস্থাক সেখান থেকে দূরে সরে গিয়ে গরার উপত্যকায়  
শিবির স্থাপন করলেন। 18 তাঁর বাবা অব্রাহামের সময় যে কুয়োগুলি  
খোঁড়া হয়েছিল, ও অব্রাহামের মৃত্যুর পর যেগুলি ফিলিস্তিনীরা ভরাট  
করে দিয়েছিল, ইস্থাক আর একবার সেগুলি খুঁড়িয়েছিলেন, এবং  
তাঁর বাবা সেগুলির যে যে নাম দিয়েছিলেন, তিনি সেগুলির সেই সেই  
নাম বজায় রাখলেন। 19 ইস্থাকের দাসেরা সেই উপত্যকায় মাটি  
খুঁড়ে সেখানে টাটকা জলের একটি কুয়ো খুঁজে পেয়েছিল। 20 কিন্তু  
গরারের রাখালেরা ইস্থাকের রাখালদের সঙ্গে বাগড়া করে বলল, “এই  
জল আমাদের!” তাই তিনি সেই কুয়োর নাম দিলেন এষক, কারণ  
তারা তাঁর সাথে সংঘাতে জড়িয়ে পড়েছিল। 21 পরে তারা আরও  
একটি কুয়ো খুঁড়েছিল, কিন্তু তারা সেটির জন্যও বাগড়া করল; তাই  
তিনি সেটির নাম দিলেন সিটনা। 22 সেখান থেকে দূরে সরে গিয়ে  
তিনি আরও একটি কুয়ো খোঁড়ালেন, এবং সেটির জন্য কেউই বাগড়া  
করেনি। এই বলে তিনি সেটির নাম দিলেন রহোবোৎ, যে “সদাপ্রভু  
এখন আমাদের স্থান করে দিয়েছেন এবং আমরা এই দেশে সমৃদ্ধিলাভ  
করব।” 23 সেখান থেকে তিনি বের-শেবার দিকে উঠে গেলেন। 24  
সেরাতে সদাপ্রভু তাঁকে দর্শন দিয়ে বললেন, “আমি তোমার বাবা  
অব্রাহামের ঈশ্বর। ভয় কোরো না, কারণ আমি তোমার সাথে আছি;  
আমি তোমাকে আশীর্বাদ করব এবং আমার দাস অব্রাহামের খাতিরে  
আমি তোমার বংশধরদের সংখ্যা বৃদ্ধি করব।” 25 ইস্থাক সেখানে  
একটি যজ্ঞবেদি নির্মাণ করলেন এবং সদাপ্রভুর আরাধনা করলেন।  
সেখানে তিনি তাঁর খাটালেন, এবং সেখানে তাঁর দাসেরা একটি  
কুয়ো খুঁড়ল। 26 ইত্যবসরে, অবীমেলক গরার থেকে তাঁর কাছে

আসলেন, ও তাঁর সঙ্গে ছিলেন তাঁর ব্যক্তিগত পরামর্শদাতা অচূয়ৎ ও তাঁর সেনাবাহিনীর সেনাপতি ফীকোল। 27 ইস্থাক তাঁদের জিজ্ঞাসা করলেন, “আপনারা কেন আমার কাছে এসেছেন, যেহেতু আপনারা তো আমার প্রতি শক্রভাবাপন্ন ছিলেন এবং আমাকে দূরে পাঠিয়ে দিয়েছিলেন?” 28 তাঁরা উত্তর দিলেন, “আমরা স্পষ্টই দেখেছি যে, সদাপ্রভু আপনার সাথে ছিলেন; তাই আমরা বলছি, ‘আমাদের মধ্যে এক শপথ-চুক্তি হওয়া উচিত—আমাদের এবং আপনার মধ্যে।’ আসুন, আপনার সঙ্গে আমরা এমন এক সন্ধি করি 29 যে আপনি আমাদের কোনও ক্ষতি করবেন না, ঠিক যেভাবে আমরা আপনার ক্ষতি করিনি, কিন্তু সবসময় আপনার সাথে ভালো ব্যবহার করেছি এবং শান্তিপূর্বক আপনাকে বিদায় দিয়েছিলাম। আর এখন আপনি সদাপ্রভুর আশীর্বাদধন্য হয়েছেন।” 30 ইস্থাক তখন তাঁদের জন্য এক ভোজসভার আয়োজন করলেন, এবং তাঁরা ভোজনপান করলেন। 31 পরদিন ভোরবেলায় তাঁরা পরস্পরের উদ্দেশে শপথ করলেন। পরে ইস্থাক তাঁদের বিদায় দিলেন, এবং তাঁরাও শান্তিপূর্বক প্রস্থান করলেন। 32 সেইদিনই ইস্থাকের দাসেরা তাঁর কাছে এসে যে কুয়োটি তারা খুঁড়েছিল, সেটির কথা তাঁকে বলে শুনিয়েছিল। তারা বলল, “আমরা জল পেয়েছি!” 33 তিনি সেটির নাম দিলেন শেবা, আর আজও পর্যন্ত সেই নগরটি বের-শেবা নামাঙ্কিত হয়ে আছে। 34 এয়ৌর বয়স যখন চাল্লিশ বছর, তখন তিনি হিন্তীয় বেরির মেয়ে যিহুদীৎকে, এবং হিন্তীয় এলোনের মেয়ে বাসমৎকেও বিয়ে করলেন। 35 ইস্থাক ও রিবিকার কাছে তারা মর্মযন্ত্রণার উৎস হল।

**27** ইস্থাক যখন বৃদ্ধ হয়ে পড়েছিলেন ও তাঁর চোখদুটি যখন এত দুর্বল হয়ে পড়েছিল যে তিনি আর দেখতেই পারতেন না, তখন তিনি তাঁর বড়ো ছেলে এয়ৌকে ডেকে তাঁকে বললেন, “বাচ্চা।” “এই তো আমি এখানে,” এয়ৌ উত্তর দিলেন। 2 ইস্থাক বললেন, “আমি এখন বৃদ্ধ হয়ে গিয়েছি আর এও জানি না কবে আমার মৃত্যু হবে। 3 তাই এখন, তোমার সাজসরঞ্জাম—তোমার তৃণীর ও ধনুক হাতে তুলে নাও—এবং মরণপ্রাপ্তরে গিয়ে আমার জন্য পশু শিকার করে আনো। 4

আমি যে ধরনের সুস্বাদু খাবার পছন্দ করি, সেরকম পদ রান্না করে  
আমার কাছে নিয়ে এসো, আমি তা খাব; যেন মারা যাওয়ার আগে  
আমি আমার আশীর্বাদ তোমাকে দিয়ে যেতে পারি।” ৫ ইস্থাক যখন  
এষোর সাথে কথা বলছিলেন তখন রিবিকা তা শুনে ফেলেছিলেন।  
এষোর যখন শিকার করে আনার জন্য মরপ্রান্তরের উদ্দেশে বেড়িয়ে  
পড়লেন, ৬ তখন রিবিকা তাঁর ছেলে যাকোবকে বললেন, “দেখো,  
আমি আড়ি পেতে শুনে ফেলেছি, তোমার বাবা তোমার দাদা এষোকে  
বলেছেন, ৭ ‘আমার কাছে শিকার করা পশুর মাংস নিয়ে এসো এবং  
আমার জন্য সুস্বাদু খাবার রান্না করো, যেন মারা যাওয়ার আগে  
সদাপ্রভুর উপস্থিতিতে আমি তোমায় আশীর্বাদ দিয়ে যেতে পারি।’ ৮  
এখন বাছা, আমি তোমাকে যা বলছি তা ভালো করে শোনো এবং  
আমি যা বলছি, তাই করো: ৯ পশুপালের কাছে চলে যাও এবং বাছাই  
করা দুটি কচি পঁঠা নিয়ে এসো, যেন আমি তোমার বাবার জন্য সুস্বাদু  
খাবার রান্না করে দিতে পারি, ঠিক যেমনটি তিনি পছন্দ করেন। ১০  
পরে তুমি তা নিয়ে গিয়ে তোমার বাবাকে খেতে দিয়ো, যেন মারা  
যাওয়ার আগে তিনি তোমাকে তাঁর আশীর্বাদ দিয়ে যেতে পারেন।” ১১  
যাকোব তাঁর মা রিবিকাকে বললেন, “কিন্তু আমার দাদা এষো যে এক  
লোমশ মানুষ, অথচ আমার তৃক তো মস্ণি। ১২ আমার বাবা যদি  
আমাকে স্পর্শ করেন তবে কী হবে? আমি যে তাঁর সাথে ছলচাতুরি  
করছি তা প্রমাণ হয়ে যাবে এবং আমার উপর আশীর্বাদের পরিবর্তে  
অভিশাপ নেমে আসবে।” ১৩ তাঁর মা তাঁকে বললেন, “বাছা, সেই  
অভিশাপ আমার উপরেই নেমে আসুক। আমি যা বলছি তুমি শুধু তাই  
করো; যাও ও আমার জন্য সেগুলি নিয়ে এসো।” ১৪ অতএব তিনি চলে  
গেলেন ও সেগুলি সংগ্রহ করে তাঁর মায়ের কাছে নিয়ে এলেন, এবং  
তাঁর বাবা যেমনটি পছন্দ করতেন, রিবিকা ঠিক তেমনই সুস্বাদু খাবার  
রান্না করে দিলেন। ১৫ পরে রিবিকা তাঁর বড়ো ছেলে এষোর সবচেয়ে  
ভালো সেই পোশাকগুলি বের করলেন, যা সেই বাড়িতেই রাখা ছিল,  
এবং সেগুলি তাঁর ছোটো ছেলে যাকোবের গায়ে পরিয়ে দিলেন। ১৬  
তিনি যাকোবের দুটি হাত ও ঘাড়ের মস্ণি অংশগুলি ছাগচর্ম দিয়ে

আচ্ছাদিত করে দিলেন। 17 পরে তিনি তাঁর ছেলে যাকোবের হাতে  
তাঁর নিজের হাতে তৈরি করা সেই সুস্বাদু খাবার ও রংটি তুলে দিলেন।  
18 যাকোব তাঁর বাবার কাছে গিয়ে বললেন, “বাবা।” “হ্যাঁ বাচ্চা,” তিনি  
উত্তর দিলেন, “তুমি কে?” 19 যাকোব তাঁর বাবাকে বললেন, “আমি  
আপনার বড়ো ছেলে এঘো। আপনি আমায় যা বলেছিলেন, আমি তাই  
করেছি। দয়া করে উঠে বসুন এবং আমার শিকার করা পশুর মাংসের  
খানিকটা অংশ খান, যেন আপনি আমাকে আপনার আশীর্বাদ দিতে  
পারেন।” 20 ইস্হাক তাঁর ছেলেকে জিজ্ঞাসা করলেন, “বাচ্চা, এত  
তাড়াতাড়ি তুমি কীভাবে তা খুঁজে পেলেন?” “আপনার ঈশ্বর সদাপ্রভু  
আমাকে সফলতা দিয়েছেন,” তিনি উত্তর দিলেন। 21 তখন ইস্হাক  
যাকোবকে বললেন, “বাচ্চা, আমার কাছে এসো, যেন আমি তোমাকে  
স্পর্শ করে বুঝাতে পারি তুমি সত্যিই আমার ছেলে এঘো কি না।” 22  
যাকোব তাঁর বাবা ইস্হাকের কাছে গেলেন, ও তিনি যাকোবকে স্পর্শ  
করে বললেন, “কর্তৃপ্রর তো যাকোবের কর্তৃপ্ররের মতো, কিন্তু হাত  
দুটি এঘোর হাতের মতো।” 23 তিনি যাকোবকে চিনতে পারেননি,  
কারণ তাঁর হাত দুটি তাঁর দাদা এঘোর হাতের মতোই লোমশ ছিল;  
তাই তিনি তাঁকে আশীর্বাদ করার জন্য এগিয়ে গেলেন। 24 “তুমি কি  
সত্যিই আমার ছেলে এঘো?” তিনি জিজ্ঞাসা করলেন। “হ্যাঁ,” যাকোব  
উত্তর দিলেন। 25 তখন তিনি বললেন, “বাচ্চা, শিকার করা পশুর মাংস  
খাওয়ার জন্য খানিকটা আমার কাছে নিয়ে এসো, যেন আমি তোমাকে  
আমার আশীর্বাদ দিতে পারি।” যাকোব তাঁর কাছে তা নিয়ে এলেন  
ও তিনি তা খেলেন; এবং যাকোব তাঁকে কিছুটা দ্রাক্ষারসও এনে  
দিলেন ও তিনি তা পান করলেন। 26 তখন তাঁর বাবা ইস্হাক তাঁকে  
বললেন, “বাচ্চা, এখানে এসো, ও আমাকে চুমু দাও।” 27 অতএব  
যাকোব তাঁর কাছে গিয়ে তাঁকে চুমু দিলেন। ইস্হাক যখন তাঁর  
পোশাকের গন্ধ শুঁকলেন, তখন তিনি তাঁকে আশীর্বাদ করে বললেন,  
“আহা, আমার ছেলের সুগন্ধ তা যেন এমন এক ক্ষেত্রের সুগন্ধ যা  
সদাপ্রভুর আশীর্বাদধন্য। 28 ঈশ্বর তোমাকে আকাশের শিশির আর  
ভূমির প্রাচুর্য— শস্যপ্রাচুর্য ও নতুন দ্রাক্ষারস দান করব। 29 জাতিরা

তোমার সেবা করুক এবং মানুষজন তোমার কাছে মাথা নত করুক।  
তোমার ভাইদের উপর তুমি প্রভৃতি করো, আর তোমার মায়ের ছেলেরা  
তোমার কাছে মাথা নত করুক। যারা তোমাকে অভিশাপ দেয় তারা  
শাপগ্রস্ত হোক আর যারা তোমাকে আশীর্বাদ দেয় তারা আশীর্বাদধন্য  
হোক।” 30 ইস্থাক যাকোবকে আশীর্বাদ করার পর, ও তিনি তাঁর  
বাবার কাছ থেকে প্রস্থান করতে না করতেই, তাঁর দাদা এয়ো শিকার  
করে ফিরে এলেন। 31 তিনিও খানিকটা সুস্থাদু খাবার রান্না করে  
সেটি তাঁর বাবার কাছে আনলেন। পরে তিনি তাঁকে বললেন, “বাবা,  
দয়া করে উঠে বসুন ও আমার শিকার করা পশুর মাংসের তরকারি  
খানিকটা খেয়ে নিন, যেন আপনি আমাকে আপনার আশীর্বাদ দিতে  
পারেন।” 32 তাঁর বাবা ইস্থাক তাঁকে জিজ্ঞাসা করলেন, “তুমি কে?”  
“আমি তো আপনার ছেলে,” তিনি উত্তর দিলেন, “আপনার বড়ো ছেলে  
এয়ো।” 33 ইস্থাক প্রবলভাবে কাঁপতে কাঁপতে বললেন, “তবে, সে  
কে ছিল, যে পশু শিকার করেছিল ও আমার কাছে তা নিয়ে এসেছিল?  
তুমি আসার খানিকক্ষণ আগেই আমি তা খেয়ে ফেলেছি ও তাকে  
আশীর্বাদ দিয়েছি—আর সে অবশ্যই আশীর্বাদধন্য হবে।” 34 তাঁর  
বাবার কথা শুনে এয়ো জোর গলায় চিৎকার করে কাঁদতে শুরু করলেন  
এবং তাঁর বাবাকে বললেন, “বাবা, আমাকে—আমাকেও আশীর্বাদ  
করুন।” 35 কিন্তু তিনি বললেন, “তোমার ভাই ছলনা করে এসেছিল ও  
তোমার আশীর্বাদ আত্মসাং করে নিয়ে গিয়েছে।” 36 এয়ো বললেন,  
“তার নাম যাকোব রাখাই কি উচিত হয়নি? সে এই দ্বিতীয়বার আমার  
সাথে প্রতারণা করল: সে আমার জ্যেষ্ঠাধিকার আত্মসাং করেছিল  
আর এখন সে আমার আশীর্বাদও আত্মসাং করে নিল।” পরে তিনি  
জিজ্ঞাসা করলেন, “আমার জন্য আর কোনও আশীর্বাদ কি আপনি  
রাখেননি?” 37 ইস্থাক এয়োকে উত্তর দিলেন, “তোমার উপর আমি  
তাকে প্রভু করে দিয়েছি ও তার সব আত্মায়নকে আমি তার দাস  
করে দিয়েছি, এবং খাদ্যশস্য ও নতুন দ্রাক্ষারস দিয়ে আমি তাকে  
সবল করেছি। তাই, বাঢ়া, তোমার জন্য এখন আমি আর কী করতে  
পারি?” 38 এয়ো তাঁর বাবাকে বললেন, “বাবা, আপনার কাছে কি শুধু

একটিই আশীর্বাদ আছে? বাবা, আমাকেও আশীর্বাদ করুন না!” পরে  
এয়ে জোর গলায় কেঁদে ফেলেছিলেন। 39 তাঁর বাবা ইস্থাক তাঁকে  
উত্তর দিলেন, “তোমার বাসস্থান হবে ভূমির প্রাচুর্য থেকে দূরবর্তী,  
উৎকর্ষ আকাশের শিশির থেকে দূরবর্তী। 40 তরোয়ালের সাহায্যেই  
তুমি বেঁচে থাকবে আর তুমি তোমার ভাইয়ের সেবা করবে। কিন্তু তুমি  
যখন অস্ত্রির হয়ে পড়বে, তখন তোমার কাঁধ থেকে তুমি তার জোয়াল  
রেড়ে ফেলবে।” 41 যাকোবের বিরুদ্ধে এয়ে মনে আক্রেশ পুষ্ট  
রাখলেন, কারণ তাঁর বাবা যাকোবকে আশীর্বাদ দিয়েছিলেন। তিনি  
মনে মনে বললেন, “আমার বাবার জন্য শোকপ্রকাশের সময় আসম;  
তারপরেই আমি আমার ভাই যাকোবকে হত্যা করব।” 42 রিবিকার  
বড়ো ছেলে কী বলেছেন, তা যখন তাঁকে বলা হল, তখন রিবিকা  
লোক পাঠিয়ে তাঁর ছোটো ছেলে যাকোবকে ডেকে পাঠালেন ও তাঁকে  
বললেন, “তোমার দাদা এয়ে তোমাকে হত্যা করে প্রতিশোধ নেওয়ার  
পরিকল্পনা করছে। 43 এখন তবে, বাঢ়া, আমি যা বলছি তুমি তাই  
করো: এখনই তুমি হারণে আমার দাদা লাবনের কাছে পালিয়ে যাও।  
44 সেখানে অল্প কিছুদিন তাঁর কাছে গিয়ে থাকো, যতদিন না তোমার  
দাদার রাগ কমচ্ছে। 45 যখন তোমার উপর তোমার দাদার রাগ শান্ত  
হয়ে যাবে ও তুমি যা যা করেছ, সে যখন সেসব কথা ভুলে যাবে,  
তখন আমি সেখান থেকে ফিরে আসার জন্য তোমাকে খবর পাঠাব।  
একই দিনে কেন আমি তোমাদের দুজনকেই হারাব?” 46 পরে রিবিকা  
ইস্থাককে বললেন, “এই হিন্দীয় মেয়েদের সাথে বসবাস করতে  
করতে আমি বিত্তু হয়ে পড়েছি। এদের মতো যাকোবও যদি এই  
দেশের মেয়েদের মধ্যে থেকে, অর্থাৎ হিন্দীয় মেয়েদের মধ্যে থেকে  
কাউকে তার স্ত্রী করে আনে, তবে আমার বেঁচে থাকাই অর্থহীন হয়ে  
যাবে।”

**28** অতএব ইস্থাক যাকোবকে ডেকে পাঠালেন ও তাঁকে আশীর্বাদ  
করলেন। পরে তিনি তাঁকে আদেশ দিলেন: “কনানীয় কোনো মেয়েকে  
তুমি বিয়ে কোরো না। 2 এখনই তুমি পদ্ন-আরামে, তোমার দাদু  
বথুয়েলের বাড়িতে যাও। সেখান থেকেই, তোমার মামা লাবনের

মেয়েদের মধ্যে থেকেই কাউকে তোমার স্ত্রীরূপে গ্রহণ কোরো। 3  
সর্বশক্তিমান ঈশ্বর তোমাকে আশীর্বাদ করুন ও তোমাকে ফলবান  
করুন এবং যতদিন না তুমি এক জনসমাজ হয়ে উঠছ, ততদিন তোমার  
সংখ্যা বৃদ্ধি করে যান। 4 অব্রাহামকে যে আশীর্বাদ দেওয়া হয়েছিল,  
তিনি যেন তোমাকে ও তোমার বংশধরদের সেই আশীর্বাদই দেন,  
যার বলে তুমি সেই দেশের দখল নিতে পারো, যেখানে এখন তুমি  
এক বিদেশিরূপে বসবাস করছ, তা সেই দেশ, যেটি ঈশ্বর অব্রাহামকে  
দিয়েছিলেন।” 5 পরে ইস্থাক যাকোবকে বিদায় করে দিলেন, এবং  
তিনি পদ্দন-আরামে, অরামীয় বথুয়েলের ছেলে সেই লাবনের কাছে  
গেলেন, যিনি সেই রিবিকার দাদা, যিনি যাকোব ও এমৌর মা। 6  
এদিকে এমৌ জানতে পারলেন যে ইস্থাক যাকোবকে আশীর্বাদ করে  
পদ্দন-আরাম থেকে এক স্ত্রী আনার জন্য তাঁকে সেখানে পাঠিয়েছেন,  
এবং আশীর্বাদ দেওয়ার সময় তিনি তাঁকে এই আদেশও দিয়েছেন,  
“কনানীয় কোনো মেয়েকে বিয়ে কোরো না,” 7 এবং যাকোবও তাঁর  
বাবা-মায়ের আদেশ পালন করে পদ্দন-আরামে চলে গিয়েছেন। 8  
এয়ো তখন অনুভব করলেন কনানীয় মেয়েরা তাঁর বাবা ইস্থাকের  
কাছে কত অপচন্দস্ট; 9 তাই তাঁর একাধিক স্ত্রী থাকা সত্ত্বেও তিনি  
ইশ্মায়েলের কাছে গেলেন এবং সেই মহলৎকে বিয়ে করলেন, যিনি  
অব্রাহামের ছেলে ইশ্মায়েলের মেয়ে নবায়োতের বোন। 10 যাকোব  
বের-শেবা ত্যাগ করে হারণের দিকে যাত্রা শুরু করলেন। 11 নির্দিষ্ট  
এক স্থানে পৌঁছে, তিনি রাত্রিবাসের জন্য থামলেন, কারণ সূর্যাস্ত হয়ে  
গিয়েছিল। সেখানকার একটি পাথর নিয়ে, সেটি তিনি তাঁর মাথার  
নিচে রেখে ঘূমিয়ে পড়লেন। 12 তিনি একটি স্বপ্ন দেখলেন এবং সেই  
স্বপ্নে তিনি দেখলেন যে একটি সিঁড়ি পৃথিবীর উপর দাঁড়িয়ে আছে, ও  
সেটির মাথা আকাশ ছুঁয়েছে, এবং ঈশ্বরের দুতোরা সেটির উপর দিয়ে  
ওঠানামা করছেন। 13 সেটির মাথায় সদাপ্রভু দাঁড়িয়েছিলেন, এবং  
তিনি বললেন: “আমি সেই সদাপ্রভু, তোমার পূর্বপুরুষ অব্রাহামের  
ঈশ্বর ও ইস্থাকের ঈশ্বর। তুমি যে জমিতে শুয়ে আছ সেটি আমি  
তোমাকে ও তোমার বংশধরদের দেব। 14 তোমার বংশধরেরা পৃথিবীর

ধূলিকণার মতো হয়ে যাবে, এবং তুমি পশ্চিমে ও পূর্বে, উত্তরে ও দক্ষিণে ছড়িয়ে পড়বে। তোমার ও তোমার সন্তানসন্ততির মাধ্যমেই পৃথিবীর সব লোকজন আশীর্বাদধন্য হবে। 15 আমি তোমার সাথেই আছি ও তুমি যেখানেই যাও না কেন, আমি তোমার উপর নজর রাখব, এবং তোমাকে এই দেশেই ফিরিয়ে আনব। যতদিন না আমি তোমার কাছে আমার করা প্রতিজ্ঞাটি পূরণ করছি, ততদিন আমি তোমাকে ত্যাগ করব না।” 16 ঘূর্ম ভেঙে জেগে ওঠার পর, যাকোব ভাবলেন, “সদাপ্রভু নিশ্চয় এখানে আছেন, এবং আমি তা বুঝতে পারিনি।” 17 তিনি ভয় পেয়ে গিয়ে বললেন, “এই স্থানটি কি ভয়ংকর! এটি ঈশ্বরের গৃহ ছাড়া আর অন্য কিছু নয়; এটিই স্বর্গদ্বার।” 18 পরদিন ভোরবেলায় যাকোব তাঁর মাথার নিচে রাখা পাথরটি নিয়ে সেটি এক স্তম্ভরপে স্থাপন করলেন এবং সেটির উপর তেল ঢেলে দিলেন। 19 তিনি সেই স্থানটির নাম বেথেল রাখলেন, যদিও সেই নগরটিকে আগে লুস নামে ডাকা হত। 20 পরে যাকোব এই বলে এক শপথ নিলেন যে, “আমার এই যাত্রাপথে ঈশ্বর যদি আমার সাথে থাকেন ও আমার উপর নজর রাখেন এবং আমাকে খাওয়ার জন্য খাদ্য ও গায়ে পরার জন্য বন্দু জোগান, 21 যেন আমি আমার বাবার ঘরে নিরাপদে ফিরে যেতে পারি, তবে সদাপ্রভু আমার ঈশ্বর হবেন 22 এবং এই যে পাথরটি আমি স্তম্ভরপে স্থাপন করেছি, সেটিই ঈশ্বরের গৃহ হবে, এবং তুমি আমাকে যা কিছু দেবে, আমি অবশ্যই তোমাকে তার দশমাংশ দেব।”

**29** পরে যাকোব তাঁর যাত্রাপথে এগিয়ে গেলেন এবং প্রাচ্যদেশীয় লোকদের দেশে পৌঁছালেন। 2 সেখানে খোলা মাঠের মধ্যে তিনি একটি কুয়ো দেখতে পেলেন, যার কাছে মেষের তিনটি পাল শুয়েছিল, কারণ সেই কুয়ো থেকে পালগুলিকে জলপান করানো হত। কুয়োর মুখের উপর রাখা পাথরটি খুব বড়ো ছিল। 3 সবকটি পাল যখন সেখানে একত্রিত হত, তখন মেষপালকেরা কুয়োর মুখ থেকে সেই পাথরটি সরিয়ে মেষদের জলপান করাতো। পরে তারা আবার কুয়োর মুখে যথাস্থানে পাথরটি বসিয়ে দিত। 4 যাকোব মেষপালকদের জিঙ্গসা করলেন, “হে আমার ভাইসকল, তোমরা কোথাকার লোক?”

“আমরা হারপের অধিবাসী,” তারা উত্তর দিল। ৫ তিনি তাদের বললেন,  
“তোমরা কি সেই লাবনকে চেন, যিনি নাহোরের নাতি?” “হ্যাঁ, আমরা  
তাঁকে চিনি,” তারা উত্তর দিল। ৬ তখন যাকোব জিজ্ঞাসা করলেন,  
“তিনি ভালো আছেন তো?” “হ্যাঁ, তিনি ভালো আছেন,” তারা বলল,  
“আর দেখুন, তাঁর মেয়ে রাহেল মেষপাল নিয়ে এদিকেই আসছে।” ৭  
“দেখো,” তিনি বললেন, “সূর্য এখনও মাথার উপরেই আছে; পালগুলি  
একত্রিত করার সময় এখনও হয়নি। মেষদের জলপান করিয়ে তাদের  
আবার চরাতে নিয়ে যাও।” ৮ “আমরা তা পারবো না,” তারা উত্তর  
দিল, “আগে সব পাল একসঙ্গে একত্রিত হোক এবং কুয়োর মুখ থেকে  
পাথরটি সরানো হোক। পরে আমরা মেষদের জলপান করাব।” ৯  
তিনি তখনও তাদের সঙ্গে কথা বলছেন, ইতিমধ্যে রাহেল তাঁর বাবার  
মেষপাল নিয়ে উপস্থিত হলেন, কারণ তিনি এক মেষপালিকা ছিলেন।  
১০ যাকোব যখন তাঁর মামা লাবনের মেয়ে রাহেলকে, ও লাবনের  
মেষদের দেখতে পেলেন, তখন তিনি এগিয়ে গিয়ে কুয়োর মুখ থেকে  
পাথরটি সরিয়ে দিলেন ও তাঁর মামার মেষদের জলপান করালেন। ১১  
পরে যাকোব রাহেলকে চুমু দিলেন এবং জোর গলায় কাঁদতে শুরু  
করলেন। ১২ তিনি রাহেলকে বলে দিয়েছিলেন যে তিনি রাহেলের  
বাবার এক আত্মীয় ও রিবিকার এক ছেলে। তাই রাহেল দৌড়ে গিয়ে  
তাঁর বাবাকে সেকথা জানালেন। ১৩ যে মুহূর্তে লাবন তাঁর বোনের  
ছেলে যাকোবের খবর পেলেন, তিনি তাড়াতাড়ি তাঁর সঙ্গে দেখা  
করতে গেলেন। তিনি তাঁকে জড়িয়ে ধরলেন ও তাঁকে চুমু দিলেন এবং  
তাঁকে নিজের ঘরে নিয়ে এলেন, ও যাকোব সেখানে তাঁকে সবকিছু  
বলে শোনালেন। ১৪ তখন লাবন তাঁকে বললেন, “তুমি আমার আপন  
রক্তমাংসের আত্মীয়।” যাকোব সম্পূর্ণ এক মাস লাবনের সঙ্গে থাকার  
পর, ১৫ লাবন যাকোবকে বললেন, “তুমি আমার এক আত্মীয় বলে কি  
কিছু না নিয়েই আমার জন্য কাজ করবে? তোমার বেতন কত হওয়া  
উচিত তা তুমই বলে দাও।” ১৬ লাবনের দুই মেয়ে ছিল; বড়টির  
নাম লেয়া ও ছোটটির নাম রাহেল। ১৭ লেয়ার চোখদুটি দুর্বল ছিল,  
কিন্তু রাহেল স্বাস্থ্যবতী ও সুন্দরী ছিলেন। ১৮ যাকোব রাহেলের প্রেমে

পড়ে গেলেন এবং তিনি বললেন, “আপনার ছোটো মেয়ে রাহেলের জন্য আমি সাত বছর আপনার কাছে কাজ করব।” 19 লাবন বললেন, “তাকে অন্য কোনও পুরুষের হাতে তুলে দেওয়ার পরিবর্তে বরং তোমাকে দেওয়াই ভালো। আমার সঙ্গে তুমি এখানেই থাকো।” 20 অতএব যাকোব রাহেলকে পাওয়ার জন্য সাত বছর দাসত্ব করলেন, কিন্তু যেহেতু তিনি রাহেলকে ভালোবেসেছিলেন তাই এতগুলি বছর তাঁর কাছে মাত্র কয়েক দিন বলে মনে হল। 21 পরে যাকোব লাবনকে বললেন, “আমার স্ত্রীকে আমার হাতে তুলে দিন। আমার সময় সম্পূর্ণ হয়েছে, আর আমি তাকে প্রণয়জ্ঞাপন করতে চাই।” 22 অতএব লাবন সেখানকার সব লোকজনকে একত্রিত করে এক ভোজসভার আয়োজন করলেন। 23 কিন্তু সন্ধ্যাবেলায়, তিনি তাঁর মেয়ে লেয়াকে এনে তাঁকে যাকোবের কাছে পৌঁছে দিলেন এবং যাকোব তাঁকে প্রণয়জ্ঞাপন করলেন। 24 আর লাবন তাঁর দাসী সিল্পাকে তাঁর মেয়ে লেয়ার সেবিকারূপে তাঁকে দিলেন। 25 যখন সকাল হল, দেখা গেল তিনি লেয়া! অতএব যাকোব লাবনকে বললেন, “আপনি আমার সঙ্গে এ কী করলেন? আমি রাহেলের জন্যই তো আপনার দাসত্ব করেছি, তাই না? তবে কেন আপনি আমাকে ঠকালেন?” 26 লাবন উত্তর দিলেন, “আমাদের এখানে বড়ো মেয়ের আগে ছোটো মেয়ের বিয়ে দেওয়ার প্রথা নেই। 27 এই মেয়েটির দাস্পত্য-সন্তান সম্পূর্ণ করো; আরও সাত বছর কাজ করার পরিবর্তে পরে আমরা ছোটো মেয়েটিকেও তোমার হাতে তুলে দেব।” 28 আর যাকোব তেমনই করলেন। তিনি লেয়ার সন্তান সম্পূর্ণ করলেন, এবং পরে লাবন তাঁর মেয়ে রাহেলকে যাকোবের স্ত্রী হওয়ার জন্য তাঁর হাতে তুলে দিলেন। 29 লাবন তাঁর দাসী বিলহাকে রাহেলের সেবিকারূপে তাঁকে দিলেন। 30 যাকোব রাহেলকেও প্রণয়জ্ঞাপন করলেন, এবং লেয়াকে তিনি যত না ভালোবাসতেন, রাহেলকে সে তুলনায় অনেক বেশি ভালোবাসতেন। আর তিনি লাবনের জন্য আরও সাত বছর কাজ করলেন। 31 সদাপ্রভু যখন দেখলেন যে লেয়া ভালোবাসা পাচ্ছেন না, তখন তিনি তাঁকে গর্ভধারণের ক্ষমতা দিলেন, কিন্তু রাহেল নিঃস্তান রয়ে গেলেন। 32

ଲେଯା ଅନ୍ତଃସତ୍ତ୍ଵା ହଲେନ ଏବଂ ଏକଟି ଛେଲେର ଜନ୍ମ ଦିଲେନ । ତିନି ତାଁର ନାମ ରାଖଲେନ ରୁବେଣ, କାରଣ ତିନି ବଲଲେନ, “ସଦାପ୍ରଭୁ ଆମାର ଦୁର୍ଦ୍ଶା ଦେଖେଚେନ ବଲେଇ ଏମନଟି ଘଟେଛେ । ଏଥିନ ନିଶ୍ଚଯ ଆମାର ସ୍ଵାମୀ ଆମାକେ ଭାଲୋବାସବେନ ।” 33 ତିନି ଆବାର ଗର୍ଭବତୀ ହଲେନ, ଏବଂ ସଥିନ ତିନି ଆର ଏକଟି ଛେଲେର ଜନ୍ମ ଦିଲେନ, ତଥିନ ତିନି ବଲଲେନ, “ଯେହେତୁ ସଦାପ୍ରଭୁ ଶୁଣେଚେନ ଯେ ଆମି ଭାଲୋବାସା ପାଇନି, ତାଇ ତିନି ଆମାକେ ଏହି ଏକଟି ଛେଲେଓ ଦିଲେନ ।” ଅତ୍ୟବ ତିନି ତାର ନାମ ରାଖଲେନ ଶିମିଯୋନ । 34 ଆବାର ତିନି ଗର୍ଭବତୀ ହଲେନ, ଏବଂ ସଥିନ ତିନି ଆର ଏକଟି ଛେଲେର ଜନ୍ମ ଦିଲେନ, ତଥିନ ତିନି ବଲଲେନ, “ଏଥିନ ଅବଶ୍ୟେ ଆମାର ସ୍ଵାମୀ ଆମାର ପ୍ରତି ସଂଲଗ୍ନ ହବେନ, କାରଣ ଆମି ତାଁର ଜନ୍ଯ ତିନ ଛେଲେର ଜନ୍ମ ଦିଯେଛି ।” ଅତ୍ୟବ ତାର ନାମ ରାଖା ହଲ ଲେବି । 35 ତିନି ଆର ଏକବାର ଗର୍ଭବତୀ ହଲେନ, ଏବଂ ସଥିନ ତିନି ଆର ଏକଟି ଛେଲେର ଜନ୍ମ ଦିଲେନ, ତଥିନ ତିନି ବଲଲେନ, “ଏବାର ଆମି ସଦାପ୍ରଭୁର ପ୍ରଶଂସା କରିବ ।” ଅତ୍ୟବ ତିନି ତାର ନାମ ରାଖଲେନ ଯିହୁଦା । ପରେ ତିନି ଆର କୋନଓ ସନ୍ତାନେର ଜନ୍ମ ଦେନନି ।

**30** ରାହେଲ ସଥିନ ଦେଖିଲେନ ଯେ ତିନି ଯାକୋବେର ଜନ୍ଯ କୋନଓ ସନ୍ତାନଧାରଣ କରତେ ପାରଛେନ ନା, ତଥିନ ତିନି ତାଁର ଦିଦିର ପ୍ରତି ଈର୍ଷାକାତର ହଲେନ । ତାଇ ତିନି ଯାକୋବକେ ବଲଲେନ, “ଆମାକେ ସନ୍ତାନ ଦାଓ, ତା ନା ହଲେ ଆମି ମାରା ଯାବ !” 2 ଯାକୋବ ତାଁର ପ୍ରତି କ୍ରୁଦ୍ଧ ହେଁ ବଲଲେନ, “ଆମି କି ସେଇ ଈଶ୍ଵରେର ହୃଦୟ ନିତେ ପାରି, ଯିନି ତୋମାକେ ସନ୍ତାନଧାରଣ କରା ଥିକେ ବିରତ ରେଖେଚେନ ?” 3 ତଥିନ ରାହେଲ ବଲଲେନ, “ଆମାର ଦାସୀ ବିଲହା ତୋ ଆଛେ । ଏର ସାଥେ ଶୁଯେ ପଡ଼ୋ, ଯେନ ସେ ଆମାର ଜନ୍ଯ ସନ୍ତାନଧାରଣ କରତେ ପାରେ ଏବଂ ଆମିଓ ତାର ମାଧ୍ୟମେ ଏକ ପରିବାର ଗଡ଼େ ତୁଳତେ ପାରି ।” 4 ଅତ୍ୟବ ତିନି ତାଁର ଦାସୀ ବିଲହାକେ ସ୍ତ୍ରୀରଙ୍ଗେ ଯାକୋବକେ ଦିଲେନ । ଯାକୋବ ତାର ସାଥେ ଶୁଳେନ, 5 ଏବଂ ସେ ଗର୍ଭବତୀ ହଲ ଓ ତାଁର ଜନ୍ଯ ଏକ ପୁତ୍ରସନ୍ତାନେର ଜନ୍ମ ଦିଲ । 6 ତଥିନ ରାହେଲ ବଲଲେନ, “ଈଶ୍ଵର ଆମାର ପକ୍ଷସମର୍ଥନ କରେଚେନ; ତିନି ଆମାର ଅନୁରୋଧ ଶୁଣେଚେନ ଓ ଆମାକେ ଏକ ଛେଲେ ଦିଯେଛେ ।” ଏହି ଜନ୍ଯ ତିନି ତାଁର ନାମ ରାଖଲେନ ଦାନ । 7 ରାହେଲେର ଦାସୀ ବିଲହା ଆବାର ଗର୍ଭଧାରଣ କରିଲ ଓ ଯାକୋବେର ଜନ୍ଯ ଦ୍ୱିତୀୟ ଏକ ଛେଲେର ଜନ୍ମ ଦିଲ । 8 ତଥିନ ରାହେଲ ବଲଲେନ, “ଆମାର ଦିଦିର

সঙ্গে আমার এক মহাসংগ্রাম হয়েছে, এবং আমিই জয়লাভ করেছি।”

অতএব তিনি তার নাম রাখলেন নপ্তালি। ৭ লেয়া যখন দেখলেন যে তিনি সন্তানধারণ করতে অপারক, তখন তিনি তাঁর দাসী সিল্পাকে এক স্ত্রীরপে যাকোবকে দিলেন। ১০ লেয়ার দাসী সিল্পা যাকোবের জন্য এক ছেলের জন্ম দিল। ১১ তখন লেয়া বললেন, “আমার কী মহাসৌভাগ্য!” অতএব তিনি তার নাম রাখলেন গাদ। ১২ লেয়ার দাসী সিল্পা যাকোবের জন্য দ্বিতীয় এক ছেলের জন্ম দিল। ১৩ তখন লেয়া বললেন, “আমি কতই না সুখী! মহিলারা আমাকে সুখী বলে ডাকবে।” অতএব তিনি তার নাম রাখলেন আশের। ১৪ গম গোলাজাত করার সময়, রূবেণ ক্ষেতে গেল ও কিছু দূদা লতাগুল্ম খুঁজে পেল, যা সে তার মা লেয়ার কাছে এনেছিল। রাহেল লেয়াকে বললেন, “তোমার ছেলের আনা দূদাগুলি থেকে আমাকে দয়া করে কিছুটা দাও।” ১৫ কিন্তু লেয়া তাঁকে বললেন, “এই কি যথেষ্ট নয় যে তুমি আমার স্বামীকে ছিনিয়ে নিয়েছ? তুমি আমার ছেলের দূদাগুলিও নেবে নাকি?” “ঠিক আছে,” রাহেল বললেন, “তোমার ছেলের দূদাগুলির পরিবর্তে যাকোব আজ রাতে তোমার সাথে শুতে পারেন।” ১৬ অতএব সেদিন সন্ধ্যাবেলায় যাকোব যখন ক্ষেত থেকে ফিরে এলেন, লেয়া তখন তাঁর সঙ্গে দেখা করার জন্য বাইরে গেলেন। “তোমাকে আমার সাথে শুতে হবে,” তিনি বললেন। “আমি আমার ছেলের দূদাগুলি দিয়ে তোমাকে ভাড়া করেছি।” অতএব সেরাতে তিনি লেয়ার সাথে শুলেন। ১৭ স্টশ্বর লেয়ার প্রার্থনা শুনলেন ও তিনি অন্তঃসন্তোষ হলেন এবং যাকোবের জন্য পঞ্চম এক ছেলের জন্ম দিলেন। ১৮ পরে লেয়া বললেন, “আমার স্বামীকে আমার দাসী দিয়েছি বলে স্টশ্বর আমাকে পুরস্কৃত করেছেন।” অতএব তিনি তার নাম রাখলেন ইষাখর। ১৯ লেয়া আবার গর্ভধারণ করলেন এবং যাকোবের জন্য ষষ্ঠ এক ছেলের জন্ম দিলেন। ২০ পরে লেয়া বললেন, “স্টশ্বর আমাকে এক মূল্যবান উপহার দিয়েছেন। এবার আমার স্বামী আমাকে সম্মান দেবেন, কারণ আমি তাঁর জন্য ছয় ছেলের জন্ম দিয়েছি।” অতএব তিনি তাঁর নাম রাখলেন সবুজুন। ২১ আরও কিছুকাল পরে তিনি এক মেয়ের জন্ম দিলেন এবং তার

নাম রাখলেন দীগা। 22 পরে ঈশ্বর রাহেলকে স্নান করলেন; তিনি তাঁর প্রার্থনা শুনলেন ও তাঁকে গর্ভধারণের ক্ষমতা দিলেন। 23 তিনি অন্তঃসত্ত্ব হলেন এবং এক ছেলের জন্ম দিলেন ও বললেন, “ঈশ্বর আমার লাঞ্ছনা দূর করেছেন।” 24 তিনি তার নাম রাখলেন যোষেফ, এবং বললেন, “সদাপ্রভু আমার জীবনে আরও এক ছেলে যোগ করুন।” 25 রাহেল যোষেফের জন্ম দেওয়ার পর যাকোব লাবনকে বললেন, “আমাকে এবার যেতে দিন, যেন আমি নিজের স্বদেশে ফিরে যেতে পারি। 26 আমার সেই স্ত্রীদের ও সন্তানদেরও দিন, যাদের জন্য আমি আপনার দাসত্ব করেছি, এবং আমি দেশে ফিরে যাব। আপনি তো জানেন, আপনার জন্য আমি কত পরিশ্রম করেছি।” 27 কিন্তু লাবন তাঁকে বললেন, “আমি যদি তোমার দৃষ্টিতে দাক্ষিণ্য পেয়ে থাকি, তবে দয়া করে এখানে থেকে যাও। আমি অলৌকিক উপায়ে জানতে পেরেছি যে তোমার কারণেই সদাপ্রভু আমাকে আশীর্বাদ করেছেন।” 28 তিনি আরও বললেন, “তুমি কত পারিশ্রমিক চাও তা বলো, ও আমি তোমাকে তা দিয়ে দেব।” 29 যাকোব তাঁকে বললেন, “আপনি জানেন আপনার জন্য আমি কীভাবে পরিশ্রম করেছি ও আমার যত্নান্তিতে আপনার গবাদি পশুপাল কীভাবে বৃদ্ধি পেয়েছে। 30 আমি আসার আগে আপনার অল্পসল্প যা কিছু ছিল তা প্রচুর পরিমাণে বৃদ্ধি পেয়েছে, এবং আমি যেখানে থেকেছি সদাপ্রভু সেখানেই আপনাকে আশীর্বাদ করেছেন। কিন্তু এখন, আমার নিজের পরিবারের জন্য আমি কখন কী করব?” 31 “আমি তোমাকে কী দেব?” তিনি জিজ্ঞাসা করলেন। “আমাকে কিছু দিতে হবে না,” যাকোব উত্তর দিলেন। “কিন্তু আপনি যদি আমার জন্য এই একটি কাজ করেন, তবে আমি আপনার পশুপালের তত্ত্বাবধান করে যাব ও তাদের উপর নজরদারিও চালিয়ে যাব।” 32 আজ আমাকে আপনার পশুপালের মধ্যে দিয়ে যেতে দিন এবং সেগুলির মধ্যে থেকে প্রত্যেকটি দাগযুক্ত বা তিলকিত মেষ, প্রত্যেকটি শ্যামবর্ণ মেষশাবক ও প্রত্যেকটি তিলকিত বা দাগযুক্ত ছাগল আলাদা করতে দিন। সেগুলিই হবে আমার পারিশ্রমিক। 33 আর ভবিষ্যতে যখনই আপনি আমাকে দেওয়া পারিশ্রমিকের হিসেব

কষবেন, তখন আমার সততাই আমার হয়ে সাক্ষ্য দেবে। আমার  
অধিকারে থাকা যে কোনো ছাগল যদি দাগযুক্ত বা তিলকিত না হয়,  
অথবা যে কোনো মেষশাবক যদি শ্যামবর্ণ না হয়, তবে তা চুরি  
করা হয়েছে বলে গণ্য হবে।” 34 “আমি রাজি,” লাবন বললেন।  
“তোমার কথামতোই তা হোক।” 35 সেদিনই তিনি সেইসব মন্দ ছাগল  
আলাদা করলেন, যেগুলি ডোরাকাটা বা তিলকিত, ও সেইসব মাদি  
ছাগলও আলাদা করলেন, যেগুলি দাগযুক্ত ও তিলকিত (যেগুলির গায়ে  
সাদা দাগ ছিল) এবং সব শ্যামবর্ণ মেষশাবকও আলাদা করলেন,  
ও সেগুলি তাঁর ছেলেদের তত্ত্বাবধানে রাখলেন। 36 পরে তিনি তাঁর  
নিজের ও যাকোবের মধ্যে তিনদিনের যাত্রার ব্যবধান রাখলেন,  
অন্যদিকে যাকোব লাবনের বাদবাকি পশুপালের তত্ত্বাবধান করে  
গেলেন। 37 যাকোব অবশ্য, চিনার, কাঠবাদাম ও প্লেইন গাছের  
সদ্য কাটা ডালপালা নিয়ে সেগুলির ছাল ছাঢ়িয়ে ও ডালপালার  
ভিতরদিকের সাদা কাঠ বের করে সেগুলির উপর সাদা লস্বা লস্বা  
দাগ বানিয়ে দিলেন। 38 পরে তিনি সেইসব ছালছাড়ানো ডালপালা  
পশুদের জলপানের সব জাবপাত্রে রেখে দিলেন, যেন সেগুলি তখন  
সরাসরি সেইসব পশুর সামনে থাকে, যারা তখন জলপান করার জন্য  
সেখানে এসেছিল। পশুপাল যৌন আবেগে গরম হয়ে জলপান করতে  
এসে, 39 সেইসব ডালপালার সামনে যৌনমিলন করল। আর তারা  
সেইসব শাবকের জন্ম দিল, যারা ডোরাকাটা বা দাগযুক্ত বা তিলকিত।  
40 যাকোব পশুপালের সেইসব শাবক আলাদা করে দিলেন, কিন্তু  
বাদবাকি পশুদের সেইসব ডোরাকাটা ও শ্যামবর্ণ পশুদের দিকে মুখ  
করিয়ে রাখলেন, যেগুলি লাবনের অধিকারভুক্ত ছিল। এইভাবে তিনি  
নিজের জন্য আলাদা পশুপাল তৈরি করলেন এবং সেগুলিকে লাবনের  
পশুপালের সঙ্গে রাখেননি। 41 যখনই সবল মাদিগুলি যৌন আবেগে  
উত্তেজিত হত, যাকোব সেইসব ডালপালা পশুপালের জলপানের  
জাবপাত্রের মধ্যে পশুপালের সামনে রেখে দিতেন, যেন তারা সেইসব  
ডালপালার সামনে যৌনমিলন করতে পারে, 42 কিন্তু পশুগুলি যদি  
দুর্বল হত, তবে তিনি সেগুলিকে সেখানে রাখতেন না। অতএব দুর্বল

পশ্চগুলি লাবনের ও সবল পশ্চগুলি যাকোবের অধিকারভুক্ত হল। 43

এইভাবে সেই মানুষটি খুব সমৃদ্ধিশালী হয়ে উঠলেন এবং অনেক পশ্চপাল, ও দাস-দাসী, এবং উট ও গাধার মালিক হয়ে গেলেন।

**31** যাকোব শুনতে পেলেন যে লাবনের ছেলেরা বলাবলি করছে,  
“আমাদের বাবার অধিকারভুক্ত সবাকিছু যাকোব ছিনিয়ে নিয়েছে এবং  
আমাদের বাবার যেসব ধনসম্পদ ছিল তা নিয়েই তার বাড়বাড়ন্ত  
হয়েছে।” 2 আর যাকোব লক্ষ্য করলেন যে তার প্রতি লাবনের আচরণ  
আর আগের মতো নেই। 3 তখন সদাপ্রভু যাকোবকে বললেন, “তুমি  
তোমার পূর্বপুরুষদের ও আত্মীয়স্বজনের দেশে ফিরে যাও, আর আমি  
তোমার সঙ্গে থাকব।” 4 অতএব যাকোব রাহেল ও লেয়াকে খবর  
পাঠিয়ে সেই মাঠে ডেকে পাঠালেন, যেখানে তাঁর পশ্চপাল রাখা ছিল।  
5 তিনি তাঁদের বললেন, ‘আমি দেখছি যে আমার প্রতি তোমাদের  
বাবার আচরণ আর আগের মতো নেই, কিন্তু আমার পৈত্রিক ঈশ্বর  
আমার সঙ্গে আছেন। 6 তোমরা তো জানো যে তোমাদের বাবার  
জন্য আমি আমার সর্বশক্তি দিয়ে পরিশ্রম করেছি, 7 তবুও তোমাদের  
বাবা দশবার আমার পারিশ্রমিক পরিবর্তন করে আমাকে ঠকিয়েছেন।  
অবশ্য, ঈশ্বর তাঁকে আমার কোনও ক্ষতি করার অনুমতি দেননি। 8  
তিনি যদি বলেছেন, ‘দাগযুক্ত পশ্চগুলি তোমার পারিশ্রমিক হবে,’  
তবে সব পশ্চপালই দাগযুক্ত শাবকের জন্ম দিয়েছিল; আর তিনি যদি  
বলেছেন, ‘ডোরাকাটা পশ্চগুলি তোমার পারিশ্রমিক হবে,’ তবে সব  
পশ্চপালই ডোরাকাটা শাবকের জন্ম দিয়েছিল। 9 অতএব ঈশ্বরই  
তোমাদের বাবার গবাদি পশ্চপাল তাঁর কাছ থেকে কেড়ে নিয়েছেন ও  
সেগুলি আমাকে দিয়ে দিয়েছেন। 10 “পশুদের প্রজননের মরশুমে  
আমি একবার এক স্বপ্ন দেখেছিলাম যে আমি উপরের দিকে চোখ তুলে  
তাকিয়েছিলাম আর দেখেছিলাম যে, যে মন্দা ছাগলগুলি মাদিগুলির  
সাথে ঘোনমিলন করছে, সেগুলি ডোরাকাটা, দাগযুক্ত বা তিলকিত।  
11 ঈশ্বরের দৃত স্বপ্নে আমাকে বলেছিলেন, ‘যাকোব।’ আমি উপর  
দিয়েছিলাম, ‘আমি এখানে।’ 12 আর তিনি বলেছিলেন, ‘উপরের  
দিকে চোখ তুলে তাকাও ও দেখো মাদিগুলির সাথে যেসব মন্দা

ছাগল ঘৌনমিলন করছে সেগুলি ডোরাকাটা, দাগযুক্ত বা তিলকিত,  
কারণ লাবন তোমার সঙ্গে যা যা করে চলেছে, আমি সেসব দেখেছি।

13 আমি সেই বেথেলের ঈশ্বর, যেখানে তুমি এক স্তন্তকে অভিষিক্ত  
করেছিলে এবং আমার কাছে এক শপথ নিয়েছিলে। এখন তুমি এই  
মুহূর্তেই এই স্থান ত্যাগ করো এবং তোমার স্বদেশে ফিরে যাও।” 14  
তখন রাহেল ও লেয়া উত্তর দিলেন, “আমাদের বাবার ভূসম্পত্তিতে  
এখনও কি আমাদের আর কোনও অংশ ও অধিকার আছে? 15 তিনি  
কি আমাদের বিদেশি বলে গণ্য করেন না? তিনি যে শুধু আমাদের  
বিক্রি করে দিয়েছেন তা নয়, কিন্তু আমাদের জন্য যা দেওয়া হয়েছিল,  
তাও তিনি নিঃশেষ করে ফেলেছেন। 16 নিঃসন্দেহে যেসব ধনসম্পদ  
ঈশ্বর আমাদের বাবার কাছ থেকে কেড়ে নিয়েছেন, তা আমাদের  
ও আমাদের সন্তানদেরই। অতএব ঈশ্বর তোমাকে যা যা বলেছেন,  
তাই করো।” 17 তখন যাকোব তার সন্তানদের ও তাঁর স্ত্রীদের উটের  
পিঠে চাপিয়ে দিলেন, 18 এবং কনান দেশে তাঁর বাবা ইস্হাকের  
কাছে যাবার জন্য তিনি পদ্দন-আরামে থাকাকালীন যেসব জিনিসপত্র  
জমিয়েছিলেন, সেগুলি সাথে নিয়ে তাঁর আগে আগে তাঁর সব গবাদি  
পশুপালও তাড়িয়ে নিয়ে গেলেন। 19 লাবন যখন তাঁর মেষের লোম  
ছাঁটতে গিয়েছিলেন, রাহেল তখন তাঁর বাবার গৃহদেবতাদের মূর্তিগুলি  
চুরি করে নিলেন। 20 এছাড়াও, তিনি যে পালিয়ে যাচ্ছেন একথা  
অরামীয় লাবনকে না বলে যাকোব তাঁকে প্রতারিত করলেন। 21  
অতএব তিনি তাঁর সবকিছু সাথে নিয়ে, ইউফ্রেটিস নদী পার করে  
পালিয়ে গেলেন, এবং গিলিয়দের পার্বত্য এলাকার দিকে এগিয়ে  
গেলেন। 22 তৃতীয় দিনে লাবনকে বলা হল যে যাকোব পালিয়ে  
গিয়েছেন। 23 তাঁর আত্মায়স্ত্বজনদের সঙ্গে নিয়ে, তিনি সাত দিন ধরে  
যাকোবের পশ্চাদ্বাবন করলেন এবং গিলিয়দের পার্বত্য এলাকায় তাঁকে  
ধরে ফেললেন। 24 তখন রাতের বেলায় ঈশ্বর স্বপ্নে অরামীয় লাবনের  
কাছে এলেন ও তাঁকে বললেন, “যাকোবকে ভালো বা মন্দ কোনো  
কিছু বলার বিষয়ে তুমি সাবধান থেকো।” 25 লাবন যখন যাকোবের  
নাগাল ধরে ফেললেন, তখন যাকোব গিলিয়দের পার্বত্য এলাকায় তাঁর

তাঁরু খাটিয়েছিলেন, এবং লাবন ও তাঁর আত্মায়স্বজনরাও সেখানেই  
ঘাঁটি গেড়েছিলেন। 26 তখন লাবন যাকোবকে বললেন, “তুমি এ কী  
করলে? তুমি আমার সাথে প্রতারণা করেছ এবং তুমি আমার মেয়েদের  
যুদ্ধবন্দিদের মতো করে নিয়ে এসেছ। 27 তুমি কেন গোপনে পালিয়ে  
এসেছ ও আমাকে ঠকিয়েছ? তুমি কেন আমায় বলোনি, আমি তো  
আনন্দের সঙ্গে এবং খঞ্জনি ও বীণার বাজনা সহযোগে গান গেয়ে  
তোমাদের বিদায় জানাতে পারতাম? 28 এমনকি তুমি আমাকে আমার  
নাতি-নাতনিদের ও মেয়েদের চুমু দিয়ে বিদায় জানাতেও দাওনি।  
তুমি এক ঘূর্ঘের মতো কাজ করেছ। 29 তোমার ক্ষতিসাধন করার  
শক্তি আমার আছে; কিন্তু গতকাল রাতে তোমার পৈত্রিক ঈশ্বর আমাকে  
বললেন, ‘যাকোবকে ভালো বা মন্দ কোনো কিছু বলার বিষয়ে তুমি  
সাবধান থেকো।’ 30 তুমি প্রস্তান করেছ, কারণ তুমি তোমার বাবার  
ঘরে ফিরে যেতে চেয়েছিলে। কিন্তু আমার দেবতাদের তুমি চুরি করলে  
কেন?” 31 যাকোব লাবনকে উত্তর দিলেন, “আমি ভয় পেয়েছিলাম,  
কারণ আমি ভেবেছিলাম আপনি আপনার মেয়েদের জোর করে আমার  
কাছ থেকে ছিনিয়ে নেবেন। 32 কিন্তু এমন কাউকে যদি আপনি খুঁজে  
পান যার কাছে আপনার দেবতারা আছে, তবে সে আর বেঁচে থাকবে  
না। আমাদের আত্মায়স্বজনদের উপস্থিতিতে, আপনি নিজেই দেখে  
নিন আপনার কোনও জিনিস আমার সাথে আছে কি না; এবং যদি  
তা থাকে, তবে তা নিয়ে নিন।” যাকোব জানতেনই না যে রাহেল  
দেবতাদের চুরি করেছেন। 33 অতএব লাবন যাকোবের তাঁবুতে ও  
লেয়ার তাঁবুতে এবং দুই দাসীর তাঁবুতে প্রবেশ করলেন, কিন্তু তিনি  
কিছুই খুঁজে পেলেন না। আর লেয়ার তাঁবু থেকে বেরিয়ে আসার পর,  
তিনি রাহেলের তাঁবুতে প্রবেশ করলেন। 34 রাহেল গৃহদেবতাদের  
নিয়ে সেগুলি তাঁর উটের জিনের মধ্যে রেখে দিয়েছিলেন এবং  
সেটির উপরে বসেছিলেন। লাবন সেই তাঁবুর প্রত্যেকটি জিনিসপত্র  
খানাতল্লাশি করলেন কিন্তু কিছুই খুঁজে পেলেন না। 35 রাহেল তাঁর  
বাবাকে বললেন, “হে আমার প্রভু, আমি যে আপনার সামনে উঠে  
দাঁড়াতে পারছি না, সেজন্য আমার উপর রাগ করবেন না; আমার

মাসিক চলছে।” তাই লাবন খানাতল্লাশি করেও গৃহদেবতাদের খুঁজে  
পাননি। 36 যাকোব রেগে গিয়ে লাবনকে তিরক্ষার করলেন। “আমি  
কী অপরাধ করেছি?” তিনি লাবনকে জিজ্ঞাসা করলেন। “আমি  
আপনার কী এমন ক্ষতি করেছি যে আপনি আমাকে তন্ত্র করে খুঁজে  
বেড়াচ্ছেন? 37 এখন আপনি যে আমার সব জিনিসপত্র খানাতল্লাশি  
করলেন, তাতে এমন কিছু কি পেয়েছেন যা আপনার গৃহস্থালিভুক্ত?  
আপনার ও আমার আত্মীয়স্বজনদের সামনে তা এখানে এনে রাখুন,  
এবং তাদেরকেই আমাদের উভয়ের মধ্যে বিচার করতে দিন। 38  
“আমি আপনার কাছে এখন কুড়ি বছর ধরে আছি। না আপনার মেষ  
ও ছাগপালের গর্ভপাত হয়েছে, না আমি আপনার পশুপাল থেকে  
মদ্দা মেষগুলি ধরে ধরে খেয়েছি। 39 বন্যজন্মুরা যেসব পশুকে বিদীর্ণ  
করেছিল আমি সেগুলি আপনার কাছে নিয়ে আসিনি; সেই ক্ষতি আমি  
নিজেই বহন করেছি। আর দিনে বা রাতে যখনই কিছু চুরি গিয়েছিল,  
আপনি আমার কাছ থেকে তার দাম দাবি করেছিলেন। 40 এই ছিল  
আমার অবস্থা: দিনের বেলায় উত্তাপ ও রাতের বেলায় শৈত্য আমাকে  
গ্রাস করেছিল, এবং আমার চোখ থেকে নিদ্রা পালিয়ে গিয়েছিল। 41  
এভাবেই আমি কুড়িটি বছর আপনার ঘর-পরিবারে কাটিয়ে দিয়েছি।  
আপনার দুই মেয়ের জন্য চোদ্দো বছর এবং আপনার পশুপালের জন্য  
ছয় বছর আমি আপনার কাছে কাজ করেছি, আর দশবার আপনি  
আমার পারিশ্রমিকের পরিবর্তন করেছেন। 42 আমার পৈত্রিক ঈশ্বর,  
অব্রাহামের ঈশ্বর এবং ইস্থাকের সেই আশঙ্কা যদি আমার সাথে না  
থাকতেন, তবে আপনি নিঃসন্দেহে আমাকে শূন্য হাতেই পাঠিয়ে  
দিতেন। কিন্তু ঈশ্বর আমার কষ্ট ও আমার হাতের পরিশ্রম দেখেছেন,  
আর তাই গতকাল রাতে তিনি আপনাকে ভৎসনা করেছেন।” 43  
লাবন যাকোবকে উত্তর দিলেন, “এই মহিলারা আমার মেয়ে, এই  
সন্তানেরা আমার সন্তানসন্ততি ও এই পশুপাল আমারই পশুপাল।  
তুমি যা কিছু দেখছ এসবই আমার। তবুও আজ আমি আমার এই  
মেয়েদের বিষয়ে বা তারা যেসব সন্তানের জন্ম দিয়েছে, তাদের বিষয়ে  
কী-ই বা করতে পারি? 44 এখন তবে এসো, তুমি ও আমি, আমরা

এক নিয়ম তৈরি করি, এবং এটি আমাদের মধ্যে এক সাক্ষী হয়ে  
থাকুক।” 45 অতএব যাকোব একটি পাথর নিয়ে সেটি এক স্তুপে  
স্থাপন করলেন। 46 তিনি তাঁর আত্মীয়স্বজনদের বললেন, “কিছু পাথর  
সংগ্রহ করো।” অতএব তাঁরা বেশ কিছু পাথর নিয়ে সেগুলি একটি  
স্তুপে পাঁজা করে রাখলেন, এবং সেই স্তুপের পাশে বসে ভোজনপান  
করলেন। 47 লাবন সেটির নাম রাখলেন যিগর সাহসুথা, এবং যাকোব  
সেটির নাম রাখলেন গল-এদ। 48 লাবন বললেন, “এই স্তুপ আজ  
তোমার ও আমার মধ্যে এক সাক্ষী হয়ে রইল।” এজন্য সেটির নাম  
রাখা হল গল-এদ। 49 সেটির নাম মিস্পা রাখা হল, কারণ তিনি  
বললেন, “আমরা যখন পরম্পরের থেকে দূরে সরে থাকব তখনও  
সদাপ্রভু যেন আমাদের দুজনের উপর নজর রাখেন। 50 তুমি যদি  
আমার মেয়েদের সঙ্গে দুর্ব্যবহার করো বা আমার মেয়েদের পাশাপাশি  
অন্য কোনও স্ত্রীকে গ্রহণ করো, তবে যদিও আমাদের সঙ্গে কেউ  
নাও থাকে, তবু মনে রেখো যে তোমার ও আমার মাঝখানে ঈশ্বর  
এক সাক্ষী হয়ে আছেন।” 51 লাবন যাকোবকে এও বললেন, “এই  
সেই স্তুপ, ও এই সেই স্তুপ যা আমি তোমার ও আমার মাঝখানে  
স্থাপন করেছি। 52 এই স্তুপ এক সাক্ষী, এবং এই স্তুপ এক সাক্ষী হয়ে  
থাকল, যে এই স্তুপ পার হয়ে আমি তোমার ক্ষতিসাধন করার জন্য  
তোমার দিকে যাব না এবং তুমিও এই স্তুপ ও স্তুপ পার হয়ে আমার  
ক্ষতিসাধন করার জন্য আমার দিকে আসবে না। 53 অব্রাহামের ঈশ্বর  
এবং নাহোরের ঈশ্বর, তাঁদের পৈত্রিক ঈশ্বরই, আমাদের দুজনের মধ্যে  
বিচারক হয়ে থাকুন।” অতএব যাকোব তাঁর বাবা ইস্থাকের আশক্ষার  
নামে শপথ নিলেন। 54 সেই পার্বত্য এলাকায় তিনি এক বলি উৎসর্গ  
করলেন ও তাঁর আত্মীয়স্বজনদের এক ভোজসভায় নিমন্ত্রণ করলেন।  
ভোজনপান করার পর, তাঁরা সেখানে রাত কাটালেন। 55 পরদিন  
ভোরবেলায় লাবন তাঁর নাতি-নাতনিদের ও তাঁর মেয়েদের চুমু দিলেন  
এবং তাদের আশীর্বাদ করলেন। পরে তিনি বিদায় নিয়ে তাঁর স্বদেশে  
ফিরে গেলেন।

**32** যাকোবও তাঁর পথে রওনা দিলেন, এবং ঈশ্বরের দৃতেরা তাঁর  
সঙ্গে দেখা করলেন। 2 যাকোব যখন তাঁদের দেখলেন, তিনি তখন  
বললেন, “এ হল ঈশ্বরের শিবির!” অতএব তিনি সেই স্থানটির নাম  
রাখলেন মহনয়িম। 3 যাকোব নিজে যাওয়ার আগেই সেয়ার দেশে,  
ইদেম অঞ্চলে তাঁর দাদা এয়ৌর কাছে তাঁর দৃতদের পাঠিয়ে দিলেন।  
4 তিনি তাদের নির্দেশ দিলেন: “আমার প্রভু এয়ৌকে তোমাদের  
একথাই বলতে হবে: ‘আপনার দাস যাকোব বলেছেন, আমি লাবনের  
সঙ্গে বসবাস করছিলাম এবং এতদিন সেখানেই ছিলাম। 5 আমার  
কাছে গবাদি পশুগাল ও গাধা, মেষ ও ছাগল, এবং দাস-দাসী আছে।  
এখন আমি আমার প্রভুকে এই খবর পাঠাচ্ছি, যেন আমি আপনার  
দৃষ্টিতে দয়া পাই।’” 6 দৃতেরা যাকোবের কাছে ফিরে এসে বলল,  
“আমরা আপনার দাদা এয়ৌর কাছে গেলাম, আর এখন তিনি আপনার  
সঙ্গে দেখা করতে আসছেন, ও তাঁর সাথে 400 লোক আছে।” 7 খুব  
ভীত ও উদ্বিগ্ন হয়ে যাকোব তাঁর সঙ্গে থাকা সব লোকজনকে দুই  
দলে বিভক্ত করে দিলেন, এবং মেষ ও গোরূর পাল ও উটদেরও  
তেমনটিই করলেন। 8 তিনি ভাবলেন, “এয়ৌ যদি এসে একটি দলকে  
আক্রমণ করেন, তবে অন্য দলটি পালিয়ে যেতে পারবে।” 9 পরে  
যাকোব প্রার্থনা করলেন, “হে সদাপ্রভু, আমার পূর্বপুরুষ অব্রাহামের  
ঈশ্বর, আমার বাবা ইস্হাকের ঈশ্বর, তুমিই তো আমাকে বলেছ,  
'তোমার দেশে ও তোমার আত্মিয়স্বজনদের কাছে ফিরে যাও, এবং  
আমি তোমাকে সমৃদ্ধিশালী করব,' 10 তোমার দাসের প্রতি তুমি যে  
দয়া ও বিশ্বস্ততা দেখিয়েছ, আমি সেসব পাওয়ার যোগ্য নই। আমি  
যখন এই জর্জন নদী পার হলাম, তখন আমার হাতে শুধু আমার  
লাঠিটিই ছিল, কিন্তু এখন আমি দুটি শিবিরে পরিণত হয়েছি। 11  
প্রার্থনা করি, আমার দাদা এয়ৌর হাত থেকে আমাকে রক্ষা করো,  
কারণ আমার ভয় হচ্ছে যে তিনি এসে আমাকে, এবং সন্তানসন্ততিসহ  
মায়েদের আক্রমণ করবেন। 12 কিন্তু তুমিই তো বলেছ, 'আমি অবশ্যই  
তোমাকে সমৃদ্ধিশালী করব এবং তোমার বংশধরদের সমুদ্রের এমন  
বালুকণার মতো করব, যা গোনা যায় না।'” 13 সেই রাতটি তিনি

সেখানেই কাটালেন, এবং তাঁর কাছে যা কিছু ছিল তার মধ্যে থেকে  
তিনি তাঁর দাদা এয়ৌর জন্য এক উপহার বেছে নিলেন: 14 200-টি  
মাদি ছাগল ও কুড়িটি মদ্দা ছাগল, 200-টি মেষী ও কুড়িটি মদ্দা মেষ,  
15 শাবকসহ ত্রিশটি মাদি উট, চলিশটি গরু ও দশটি বলদ, এবং  
কুড়িটি গাধি ও দশটি গাধা। 16 আলাদা আলাদা করে প্রত্যেকটি  
পশুপাল তিনি তাঁর দাসদের তত্ত্বাবধানে রাখলেন, এবং তাঁর দাসদের  
বললেন, “আমার আগে আগে যাও, এবং পশুপালগুলির মধ্যে তোমরা  
কিছুটা ব্যবধান রেখো।” 17 নেতৃত্বে থাকা একজনকে তিনি নির্দেশ  
দিলেন: “আমার দাদা এয়ৌ যখন তোমার সঙ্গে দেখা করবেন ও  
জিঞ্জসা করবেন, ‘তুমি কার লোক ও তুমি কোথায় যাচ্ছ, এবং তোমার  
সামনে থাকা এইসব পশুর মালিক কে?’ 18 তখন তোমাকে বলতে  
হবে, ‘এগুলির মালিক আপনার দাস যাকোব। আমার প্রভু এয়ৌর  
কাছে এগুলি উপহারস্বরূপ পাঠানো হয়েছে, এবং আমাদের পিছু পিছু  
তিনিও আসছেন।’” 19 সেই পশুপালের অনুগামী দ্বিতীয়জনকে, তৃতীয়  
জনকে ও অন্যান্য সবাইকেও তিনি নির্দেশ দিলেন: “তোমরা যখন  
এয়ৌর সঙ্গে দেখা করবে, তখন তোমাদেরও তাঁকে একই কথা বলতে  
হবে। 20 আর অবশ্যই বলবে, ‘আপনার দাস যাকোব আমাদের পিছু  
পিছু আসছেন।’” কারণ তিনি ভেবেছিলেন, “আগেভাগেই আমি এই  
যেসব উপহার পাঠিয়ে দিচ্ছি, সেগুলি দিয়েই আমি তাঁকে শান্ত করব;  
পরে, আমার সঙ্গে যখন তাঁর দেখা হবে, হয়তো তিনি আমাকে গ্রহণ  
করবেন।” 21 অতএব যাকোবের উপহারগুলি তাঁর যাওয়ার আগেই  
পোঁচে গেল, কিন্তু তিনি স্বয়ং সেই রাতটি শিবিরেই কাটালেন। 22  
সেরাতে যাকোবের উর্দ্ধে পড়লেন ও তাঁর দুই স্ত্রীকে, তাঁর দুই দাসীকে  
এবং তাঁর এগারোজন ছেলেকে সঙ্গে নিয়ে যবেৰোক নদীর অগভীর  
অংশটি পার হয়ে গেলেন। 23 তাদের নদী পার করে পাঠিয়ে দেওয়ার  
পর, তিনি তাঁর সব জিনিসপত্রও পাঠিয়ে দিলেন। 24 অতএব যাকোব  
একাই থেকে গেলেন, এবং একজন লোক ভোর হয়ে ওঠা পর্যন্ত  
তাঁর সঙ্গে কুস্তি লড়লেন। 25 যখন সেই লোকটি দেখলেন যে তিনি  
তাঁকে হারাতে পারছেন না, তখন তিনি যাকোবের উরুর কোটর স্পর্শ

করলেন যেন সেই লোকটির সঙ্গে ক্রস্তি করতে করতে তাঁর উরু  
মচকে যায়। 26 পরে সেই লোকটি বললেন, “আমাকে যেতে দাও,  
কারণ তোর হয়ে আসছে।” কিন্তু যাকোব উত্তর দিলেন, “যতক্ষণ না  
পর্যন্ত আপনি আমাকে আশীর্বাদ করছেন, আমি আপনাকে যেতে  
দেব না।” 27 সেই লোকটি তাঁকে জিজ্ঞাসা করলেন, “তোমার নাম  
কী?” “যাকোব,” তিনি উত্তর দিলেন। 28 তখন সেই লোকটি বললেন,  
“তোমার নাম আর যাকোব থাকবে না, কিন্তু তা হবে ইস্রায়েল, কারণ  
তুমি ঈশ্বরের ও মানুষের সঙ্গে যুদ্ধ করে জয় পেয়েছ।” 29 যাকোব  
বললেন, “দয়া করে আপনার নাম বন্ধুন।” কিন্তু তিনি উত্তর দিলেন,  
“তুমি আমার নাম জিজ্ঞাসা করছ কেন?” পরে তিনি সেখানেই তাঁকে  
আশীর্বাদ করলেন। 30 অতএব যাকোব এই বলে সেই স্থানটির নাম  
রাখলেন পন্যোল, “আমি ঈশ্বরকে সামনাসামনি দেখেছি, আর তাও  
আমার প্রাণবক্ষা হয়েছে।” 31 তিনি যখন পন্যোল পার হচ্ছিলেন তখন  
সূর্য তাঁর মাথার উপর উদিত হল, এবং তাঁর উরুর জন্য তিনি খুঁড়িয়ে  
খুঁড়িয়ে হাঁটছিলেন। 32 তাই আজও পর্যন্ত ইস্রায়েলীরা উরুর কোটরের  
সঙ্গে সংলগ্ন কণ্ঠের খায় না, যেহেতু কণ্ঠের কাছেই যাকোবের উরুর  
কোটের স্পর্শ করা হয়েছিল।

**33** যাকোব চোখ তুলে তাকিয়ে সেই এষৌকে দেখতে পেলেন,  
যিনি 400 জন লোক নিয়ে এগিয়ে আসছিলেন; অতএব তিনি লেয়া,  
রাহেল ও দুই দাসীর মধ্যে সন্তানদের ভাগাভাগি করে দিলেন। 2  
সামনের দিকে তিনি দাসীদের ও তাদের সন্তানদের, পরে লেয়া ও তাঁর  
সন্তানদের এবং পিছন দিকে রাহেল ও যোষেফকে রাখলেন। 3 তিনি  
স্বয়ং সবার আগে এগিয়ে গেলেন এবং তাঁর দাদার কাছাকাছি পৌঁছে  
সাতবার মাটিতে মাথা ঠেকিয়ে অভিবাদন জানালেন। 4 কিন্তু এষৌ  
যাকোবের সঙ্গে দেখা করার জন্য ছুটে এলেন এবং তাঁকে আলিঙ্গন  
করলেন; তিনি দু-হাতে তাঁর গলা জড়িয়ে ধরে তাঁকে চুমু দিলেন। আর  
তাঁরা কান্নাকাটি করলেন। 5 পরে এষৌ মুখ তুলে তাকালেন এবং সব  
মহিলা ও সন্তানকে দেখতে পেলেন। “তোমার সঙ্গে এরা কারা?” তিনি  
জিজ্ঞাসা করলেন। যাকোব উত্তর দিলেন, “এরা সেইসব সন্তানসন্তি

বাদের ঈশ্বর অনুগ্রহ করে আপনার এই দাসকে দিয়েছেন।” ৬ তখন  
দাসীরা ও তাদের সন্তানেরা এগিয়ে এসে অভিবাদন জানাল। ৭ পরে,  
লেয়া ও তাঁর সন্তানেরা এসে অভিবাদন জানালেন। সবশেষে যোষেফ  
ও রাহেল এলেন, এবং তাঁরাও অভিবাদন জানালেন। ৮ এমৌ জিঙ্গাসা  
করলেন, “যেসব মেষ ও পশুপালের সঙ্গে আমার দেখা হল, সেগুলির  
অর্থ কী?” “হে আমার প্রভু, আপনার দৃষ্টিতে দয়া পাওয়ার জন্য,”  
তিনি বললেন। ৯ কিন্তু এমৌ বললেন, “হে আমার ভাই, আমার কাছে  
তো যথেষ্ট আছে। তোমার কাছে যা আছে, তা নিজের জন্যই রেখে  
দাও।” ১০ যাকোব বললেন, “আপনার দৃষ্টিতে আমি যদি দয়া পেয়েছি,  
তবে দয়া করে আমার কাছ থেকে এই উপহারটি গ্রহণ করুন। কারণ  
আপনার মুখ দেখার অর্থ হল ঈশ্বরেরই মুখ দেখা, যেহেতু এখন আপনি  
দয়া দেখিয়ে আমাকে গ্রহণ করেছেন। ১১ আপনার কাছে যে উপহারটি  
আনা হয়েছে তা দয়া করে গ্রহণ করুন, কারণ ঈশ্বর আমার প্রতি  
অনুগ্রহশীল হয়েছেন এবং আমার যা যা প্রয়োজন তা আমার কাছে  
আছে।” আর যেহেতু যাকোব পীড়াপীড়ি করলেন, তাই এমৌ তা গ্রহণ  
করলেন। ১২ পরে এমৌ বললেন, “চলো আমরা রওনা দিই; আমি ও  
তোমাদের সঙ্গে সঙ্গে যাব।” ১৩ কিন্তু যাকোব তাঁকে বললেন, “আমার  
প্রভু তো জানেন যে শিশুসন্তানেরা সুকুমার এবং আমাকে সেইসব  
মেয়ীর ও গরুর যত্ন নিতে হবে, যারা তাদের শাবকদের শুশ্রষা করছে।  
একদিনেই যদি তাদের জোরে তাড়িয়ে নিয়ে যাওয়া হয়, তবে সব পশু  
মারা যাবে। ১৪ অতএব আমার প্রভুই তাঁর দাসের আগে আগে চলে  
যান, আর যতক্ষণ না আমি আমার প্রভুর কাছে সেয়ীরে উপস্থিত হতে  
পারছি, ততক্ষণ আমি আমার আগে আগে যাওয়া মেষ ও পশুপালের  
এবং শিশু সন্তানদের গতির সাথে তাল মিলিয়ে এগিয়ে যাচ্ছি।” ১৫  
এমৌ বললেন, “তবে আমার কিছু লোকজন তোমাদের কাছে ছেড়ে  
যাই!” “কিন্তু তা কেন করবেন?” যাকোব জিঙ্গাসা করলেন। “আমার  
প্রভুর দৃষ্টিতে শুধু আমাকে দয়া পেতে দিন।” ১৬ অতএব সেদিন  
এমৌ সেয়ীরের দিকে ফিরে যাওয়ার জন্য যাত্রা শুরু করলেন। ১৭  
যাকোব, অবশ্য, সেই সুক্ষেত্রে চলে গেলেন, যেখানে তিনি নিজের

জন্য এক বাড়ি ও তাঁর গৃহপালিত পশুপালের জন্য নিরাপদ আশ্রয়স্থল  
তৈরি করলেন। সেই কারণে সেই স্থানটিকে সুকোৎ বলে ডাকা হয়।  
18 পদ্মন-আরাম থেকে চলে আসার পর যাকোব নিরাপদে কনান  
দেশের শিখিম নগরে পৌঁছে গেলেন এবং সেই নগরের কাছেই নিজের  
শিবির স্থাপন করলেন। 19 100 রোপমুদ্রা দিয়ে, তিনি শিখিমের বাবা  
হমোরের ছেলেদের কাছ থেকে সেই জমিখণ্টি কিনলেন, যেখানে  
তিনি তাঁরু খাটিয়েছিলেন। 20 সেখানে তিনি একটি যজ্ঞবেদি নির্মাণ  
করে সেটির নাম রাখলেন এল-এলোহে-ইস্রায়েল।

**34** যে মেয়েটিকে লেয়া যাকোবের জন্য জন্ম দিয়েছিলেন, সেই  
দীণা সেদেশের মহিলাদের সঙ্গে দেখা করার জন্য বাইরে গেল। 2  
সেই অঞ্চলের শাসনকর্তা হিবীয় হমোরের ছেলে শিখিম যখন তাকে  
দেখতে পেল, তখন সে তাকে উঠিয়ে নিয়ে গিয়ে ধর্ষণ করল। 3  
যাকোবের মেয়ে দীণার প্রতি তার মন আকর্ষিত হল; সে সেই যুবতী  
মেয়েটিকে ভালোবেসে ফেলল ও তার সঙ্গে কোমলভাবে কথা বলল।  
4 আর শিখিম তার বাবা হমোরকে বলল, “এই মেয়েটিকে আমার  
স্ত্রী করে এনে দাও।” 5 যাকোব যখন শুনতে পেলেন যে তাঁর মেয়ে  
দীণাকে কল্পিত করা হয়েছে, তখন তাঁর ছেলেরা তাঁর গৃহপালিত  
পশুপাল নিয়ে মাঠেই ছিল; তাই তারা বাড়ি ফিরে না আসা পর্যন্ত  
তিনি সে বিষয়ে কিছুই করলেন না। 6 পরে শিখিমের বাবা হমোর  
যাকোবের সঙ্গে কথা বলতে গেলেন। 7 এদিকে, যে ঘটনা ঘটেছিল  
তা শুনে যাকোবের ছেলেরা মাঠ থেকে ফিরে এসেছিল। তারা মর্মাহত  
ও অগ্নিশর্মা হয়ে উঠল, কারণ যাকোবের মেয়ের সাথে শুয়ে শিখিম  
ইস্রায়েলে এমন এক নিলজ্জ কাজ করেছিল—যা করা একদম উচিত  
হয়নি। 8 কিন্তু হমোর তাঁদের বললেন, “আমার ছেলে শিখিম আপনার  
মেয়েকে তার মন দিয়ে বসেছে। দয়া করে তাকে স্তুর্নপে তার হাতে  
তুলে দিন। 9 আমাদের সাথে অসবর্গমতে বিবাহবন্ধনে আবদ্ধ হোন;  
আপনাদের মেয়েদের আমাদের হাতে তুলে দিন ও আমাদের মেয়েদের  
আপনারা গ্রহণ করুন। 10 আমাদের মধ্যে আপনারা স্থায়ীভাবে  
বসবাস করতে পারেন; দেশটি আপনাদের কাছে খোলা পড়ে আছে।

এখানে বসবাস করুন, এখানে ব্যবসাবাণিজ্য করুন, এবং এখানে  
বিষয়সম্পত্তি অর্জন করুন।” 11 তখন শিখিম দীণার বাবাকে ও  
দাদাদের বলল, “আপনাদের দৃষ্টিতে আমাকে দয়া পেতে দিন, এবং  
আপনারা যা চান আমি আপনাদের তাই দেব। 12 যে স্ত্রী-পুণ ও  
উপহার আমাকে দিতে হবে, তা যতই বেশি হোক না কেন, আপনাদের  
ইচ্ছানুসারে তা আপনারাই ঠিক করুন, আর আপনারা আমার কাছে যা  
চাইবেন, আমি আপনাদের তাই দেব। শুধু যুবতী মেয়েটিকে আমার  
স্ত্রীরপে আমায় দিন।” 13 যেহেতু তাদের বোন দীণাকে কলুম্বিত করা  
হয়েছিল, তাই যাকোবের ছেলেরা শিখিম ও তার বাবা হমোরের সঙ্গে  
কথা বলার সময় ছলনা করে উত্তর দিয়েছিল। 14 তারা তাদের বলল,  
“আমরা এরকম কাজ করতে পারব না; আমরা এমন কোনও পুরুষের  
হাতে আমাদের বোনকে তুলে দিতে পারব না, যার সুন্নত হয়নি।  
তা আমাদের পক্ষে মর্যাদাহানিকর হবে। 15 একটিমাত্র শর্তে শুধু  
আমরা তোমাদের সঙ্গে চুক্তিবদ্ধ হতে পারি: তোমাদের সব পুরুষমানুষ  
সুন্নত করিয়ে যদি আমাদের মতো হয়ে যাও, তবেই তা সন্তুষ্ট। 16  
তখনই আমাদের মেয়েদের আমরা তোমাদের হাতে তুলে দেব ও  
তোমাদের মধ্যেই স্থায়ীভাবে বসবাস করব এবং তোমাদের সঙ্গে  
মিলেমিশে এক জাতি হয়ে যাব। 17 কিন্তু তোমরা যদি সুন্নত করাতে  
রাজি না হও, তবে আমরা আমাদের বোনকে নিয়ে চলে যাব।” 18  
তাদের প্রস্তাবটি হমোর ও তার ছেলে শিখিমের ভালোই লেগেছিল।  
19 সেই যুবকটি, যে তার বাবার পরিবারে সবচেয়ে বেশি সম্মানিত  
ছিল, সে তাদের কথামতো কাজ করতে একটুও সময় নষ্ট করেনি,  
কারণ যাকোবের মেয়েকে পেয়ে সে খুশি হয়েছিল। 20 অতএব হমোর  
ও তার ছেলে শিখিম তাদের নগরের লোকজনের সঙ্গে কথা বলার  
জন্য তাদের নগরের ফটকে চলে গেল। 21 “এই লোকেরা আমাদের  
প্রতি বন্ধুভাবাপন্ন,” তারা বলল। “তারা আমাদের দেশেই বসবাস  
করুক ও এখানেই ব্যবসাবাণিজ্য করুক; এদেশে তাদের জন্য প্রচুর  
স্থান আছে। আমরা তাদের মেয়েদের বিয়ে করতে পারি ও তারাও

আমাদের ঘেরেদের বিয়ে করতে পারে। 22 কিন্তু সেই লোকেরা একটিই মাত্র শর্তে আমাদের সঙ্গে এক জাতি হয়ে বসবাস করবে, যে আমাদের সব পুরুষমানুষ সুন্মত করাবে, যেমনটি তারা নিজেরাও করিয়েছে। 23 তাদের গবাদি পশুপাল, তাদের বিষয়সম্পত্তি ও তাদের বাকি সব পশু কি আমাদের হয়ে যাবে না? তাই এসো, আমরা তাদের শর্তে রাজি হয়ে যাই, এবং তারা আমাদের মধ্যে স্থায়ীভাবে বসবাস করক”। 24 যেসব লোকজন নগরের ফটকের বাইরে গিয়েছিল, তারা হমোর ও তার ছেলে শিখিমের কথায় রাজি হল, এবং সেই নগরের সব পুরুষমানুষ সুন্মত করাল। 25 তিন দিন পর, যখন তারা সবাই তখনও ব্যথায় কাতরাছিল, তখন যাকোবের ছেলেদের মধ্যে দুজন—দীণার দাদা শিমিয়োন ও লেবি, তাদের তরোয়াল হাতে তুলে নিয়ে সেই অসন্দিধ্ন নগরটি আক্রমণ করল, ও প্রত্যেকটি পুরুষমানুষকে হত্যা করল। 26 তারা হমোর ও তার ছেলে শিখিমকেও তরোয়াল দিয়ে হত্যা করল এবং দীণাকে শিখিমের বাড়ি থেকে নিয়ে চলে এল। 27 যাকোবের ছেলেরা মৃতদেহগুলির কাছে গিয়ে সেই নগরে লুটপাট চালাল, যেখানে তাদের বোনকে কল্পুষিত করা হয়েছিল। 28 তারা তাদের মেষপাল ও পশুপাল ও গাধাগুলি এবং সেই নগরে ও মাঠেঘাটে তাদের আরও যা যা ছিল, সেসবকিছু দখল করে নিল। 29 তারা তাদের ধনসম্পদ ও তাদের সব স্ত্রী ও সন্তানসন্ততিকে তুলে এনে, তাদের বাড়িগুলির সর্বস্ব লুট করল। 30 তখন যাকোব শিমিয়োন ও লেবিকে বললেন, “তোমরা সেই কনানীয় ও পরিযীয়দের কাছে, এই দেশে বসবাসকারী জাতিদের কাছে আমাকে আপত্তিকর করে তুলে আমার উপর সমস্যার বোৰা চাপিয়ে দিলে। আমরা সংখ্যায় কয়েকজন মাত্র, এবং তারা যদি আমার বিরুদ্ধে দল বেঁধে আমাকে আক্রমণ করে, তবে আমি ও আমার পরিবার ধ্বংস হয়ে যাব।” 31 কিন্তু তারা উত্তর দিল, “আমাদের বোনের সাথে এক বেশ্যার মতো ব্যবহার করা কি তার উচিত হয়েছে?”

**35** তখন ঈশ্বর যাকোবকে বললেন, “বেথেলে চলে যাও ও সেখানেই বসবাস করো, এবং সেখানে সেই ঈশ্বরের উদ্দেশে একটি যজ্ঞবেদি

নির্মাণ করো, যিনি তোমার কাছে সেই সময় আবির্ভূত হলেন, যখন  
তুমি তোমার দাদা এষৌর কাছ থেকে পালিয়ে যাচ্ছিলে।” 2 অতএব  
যাকোব তাঁর পরিবারের লোকজনদের ও তাঁর সঙ্গে আরও যারা  
ছিলেন, তাদের বললেন, “তোমাদের কাছে যে বিজাতীয় দেবতারা  
আছে, তাদের থেকে নিষ্কৃতি লাভ করো এবং নিজেদের শুচিশুদ্ধ করো  
ও তোমাদের পোশাক-পরিচ্ছদ বদলে ফেলো। 3 পরে এসো, আমরা  
সবাই যিলে সেই বেথেলে উঠে যাই, যেখানে সেই ঈশ্বরের উদ্দেশে  
আমি একটি যজ্ঞবেদি নির্মাণ করব, যিনি আমার দুঃখের দিনে আমাকে  
উত্তর দিয়েছিলেন ও আমি যেখানেই গিয়েছি, তিনি আমার সহায়  
হয়েছেন।” 4 অতএব তারা, তাদের কাছে যেসব বিজাতীয় দেবতাগুলি  
ছিল, সেগুলি ও তাদের কানের দুলগুলি যাকোবকে দিলেন, এবং  
যাকোব সেগুলি শিখিয়ে ওক গাছের তলায় পুঁতে দিলেন। 5 পরে তাঁরা  
রওনা দিলেন, এবং ঈশ্বরের আতঙ্ক এমনভাবে তাঁদের চারপাশের  
ছোটোখাটো সব নগরের উপর নেমে এল যে কেউই তাঁদের পশ্চাদ্বাবন  
করেনি। 6 যাকোব ও তাঁর সব সঙ্গীসাথী কনান দেশের লুসে (অথবা,  
বেথেলে) এলেন। 7 সেখানে তিনি একটি যজ্ঞবেদি নির্মাণ করেছিলেন,  
এবং তিনি সেই স্থানটির নাম রাখলেন এল-বেথেল, কারণ যখন তিনি  
তাঁর দাদার কাছ থেকে পালিয়ে যাচ্ছিলেন, তখন সেখানেই ঈশ্বর  
নিজেকে তাঁর কাছে প্রকাশিত করলেন। 8 তখন রিবিকার সেবিকা  
দবোরা মারা গেল এবং তাকে বেথেলের বাইরের দিকে একটি ওক  
গাছের তলায় কবর দেওয়া হল। তাই সেই স্থানটির নাম রাখা হল  
অলোন-বাখুৎ। 9 পদ্মন-আরাম থেকে ফিরে আসার পর, ঈশ্বর আবার  
যাকোবের কাছে আবির্ভূত হলেন ও তাঁকে আশীর্বাদ করলেন। 10  
ঈশ্বর তাঁকে বললেন, “তোমার নাম যাকোব, কিন্তু তোমাকে আর  
যাকোব বলে ডাকা হবে না; তোমার নাম হবে ইস্রায়েল।” অতএব  
তিনি তাঁর নাম রাখলেন ইস্রায়েল। 11 আর ঈশ্বর তাঁকে বললেন,  
“আমি সর্বশক্তিমান ঈশ্বর; ফলপ্রসূ হও এবং সংখ্যায় বৃদ্ধি পাও।  
তোমার মধ্যে থেকে এক জাতি ও এক জাতি-সমাজ উৎপন্ন হবে,  
এবং তোমার বংশধরদের মধ্যে অনেকেই রাজা হবে। 12 যে দেশটি

আমি অৱাহাম ও ইস্হাককে দিয়েছিলাম তা আমি তোমাকেও দেব,  
এবং তোমার পরে এই দেশটি আমি তোমার বংশধরদেরও দেব।” 13  
পরে ঈশ্বর তাঁর কাছ থেকে সেই স্থানে উঠে গেলেন, যেখানে তিনি তাঁর  
সঙ্গে কথা বলেছিলেন। 14 ঈশ্বর যে স্থানটিতে যাকোবের সঙ্গে কথা  
বললেন, সেখানে তিনি পাথরের একটি স্তম্ভ খাড়া করলেন এবং সেটির  
উপর তিনি এক পেয়-নৈবেদ্য উৎসর্গ করলেন; তিনি সেটির উপর  
তেলও ঢেলে দিলেন। 15 যে স্থানটিতে ঈশ্বর যাকোবের সঙ্গে কথা  
বললেন, তিনি সেটির নাম রাখলেন বেথেল। 16 পরে তাঁরা বেথেল  
ছেড়ে এগিয়ে গেলেন। যখন তাঁরা ইহুত্থ থেকে কিছুটা দূরে ছিলেন,  
তখন রাহেলের প্রসবযন্ত্রণা শুরু হল ও তিনি খুব কষ্ট পাচ্ছিলেন। 17  
আর সন্তানের জন্ম দিতে গিয়ে যখন তাঁর খুব অসুবিধা হচ্ছিল তখন  
তাঁর ধাত্রী তাঁকে বলল, “আপনি নিরাশ হবেন না, আপনি আরও এক  
ছেলের জন্ম দিয়েছেন।” 18 শেষনিশ্বাস ত্যাগ করতে করতে তিনি  
তাঁর ছেলের নাম রাখলেন বিন্যামীন। 19 অতএব রাহেল  
মারা গেলেন ও তাঁকে ইহুত্থে (অথবা, বেথেলহেমে) যাওয়ার পথেই  
কবর দেওয়া হল। 20 তাঁর সমাধির উপর যাকোব একটি স্তম্ভ খাড়া  
করলেন, এবং আজও পর্যন্ত সেই স্তম্ভটি রাহেলের কবররূপে চিহ্নিত  
হয়ে আছে। 21 ইস্রায়েল আরও আগে এগিয়ে গেলেন এবং মিগদল-  
এদোর পার করে তাঁর তাঁবু খাটালেন। 22 ইস্রায়েল যখন সেই অঞ্চলে  
বসবাস করছিলেন, রূবেণ তাঁর বাবার উপপন্নী বিলহার কাছে গিয়ে  
তাঁর সাথে শুয়েছিলেন, এবং ইস্রায়েল তা শুনতে পেলেন। যাকোবের  
বারোটি ছেলে ছিল: 23 লেয়ার ছেলেরা: যাকোবের বড়ো ছেলে রূবেণ,  
শিমিয়োন, লেবি, যিহুদা, ইষাখর ও সবূলুন। 24 রাহেলের ছেলেরা:  
যোষেফ ও বিন্যামীন, 25 রাহেলের দাসী সিল্পার ছেলেরা: দান ও  
নগালি। 26 লেয়ার দাসী সিল্পার ছেলেরা: গাদ ও আশের। এরাই  
যাকোবের সেই ছেলেরা, পদ্দন-আরামে যারা তাঁর ওরসে জন্মেছিল।  
27 কিরিয়ৎ-অবের (অথবা, হির্বানের) কাছাকাছি অবস্থিত সেই মগ্নিতে  
যাকোব ঘরে তাঁর বাবা ইস্হাকের কাছে এলেন, যেখানে অৱাহাম ও

ইস্থাক বসবাস করতেন। 28 ইস্থাক 180 বছর বেঁচেছিলেন। 29

পরে তিনি শেষনিশ্চাস ত্যাগ করলেন ও মারা গেলেন এবং তিনি বৃদ্ধ  
ও পূর্ণায় অবস্থায় তাঁর পূর্বপুরুষদের সাথে মিলিত হলেন। আর তাঁর  
ছেলে এয়ৌ ও যাকোব তাঁকে কবর দিলেন।

**৩৬** এই হল এয়ৌর (অথবা, ইদোমের) বংশপরম্পরার বৃত্তান্ত। 2

এয়ৌ কনানীয় মহিলাদের মধ্যে থেকেই তাঁর স্ত্রীদের গ্রহণ করলেন:  
হিতীয় এলোনের মেয়ে আদা এবং হিবীয় সিবিয়োনের নাতনি  
তথা অনার মেয়ে অহলীবামা— 3 এছাড়াও ইশ্যায়েলের মেয়ে ও  
নবায়োতের বোন বাসমৎ। 4 এয়ৌর জন্য আদা ইলীফসের, বাসমৎ  
রুয়েলের, 5 এবং অহলীবামা যিয়ুশ, যালম ও কোরহের জন্ম দিলেন।  
এরাই হল এয়ৌর সেই ছেলেরা, যাদের জন্ম কনান দেশে হয়েছিল।  
6 এয়ৌ তাঁর স্ত্রীদের ও ছেলেমেয়েদের এবং তাঁর পরিবারের সব  
সদস্যকে, এছাড়াও তাঁর গবাদি পশুপাল ও অন্যান্য পশুপাল তথা  
কনান দেশে তিনি যেসব জিনিসপত্র অর্জন করেছিলেন, সেসবকিছু  
নিয়ে তাঁর ভাই যাকোবের কাছ থেকে কিছুটা দূরত্ব বজায় রেখে এগিয়ে  
গেলেন। 7 তাঁদের বিষয়সম্পত্তির পরিমাণ এত বেশি ছিল যে একত্রে  
বসবাস করা তাঁদের পক্ষে সম্ভব হচ্ছিল না; যে দেশে তাঁরা বসবাস  
করছিলেন, তা তাঁদের গবাদি পশুপালের জন্য তাঁদের ভারবহন  
করতে পারছিল না। 8 অতএব এয়ৌ (অথবা, ইদোম) সেয়ীরের  
পার্বত্য অঞ্চলে বসতি স্থাপন করলেন। 9 সেয়ীরের পার্বত্য অঞ্চলে  
বসবাসকারী ইদোমীয়দের পূর্বপুরুষ এয়ৌর বংশপরম্পরা এইরকম:  
10 এয়ৌর ছেলেদের নাম এইরকম: এয়ৌর স্ত্রী আদার ছেলে ইলীফস,  
এবং এয়ৌর স্ত্রী বাসমতের ছেলে রুয়েল। 11 ইলীফসের ছেলেরা:  
তৈমন, ওমার, সফো, গয়িতম ও কনস। 12 এয়ৌর ছেলে ইলীফসের  
তিন্না নামের এক উপপত্নীও ছিল, যে ইলীফসের জন্য অমালেককে  
জন্ম দিয়েছিল। এরাই হল এয়ৌর স্ত্রী আদার সব নাতিপুতি। 13  
রুয়েলের ছেলেরা: নহৎ, সেরহ, শম্ম ও মিসা। এরাই হল এয়ৌর  
স্ত্রী বাসমতের সব নাতিপুতি। 14 এয়ৌর স্ত্রী তথা সিবিয়োনের  
নাতনি ও অনার মেয়ে অহলীবামা এয়ৌর জন্য যেসব ছেলের জন্ম

দিলেন তারা হল: যিযুশ, যালম ও কোরহ। 15 এষৌর বংশধরদের  
মধ্যে এরাই হলেন বিভাগীয় প্রধান: এষৌর বড়ো ছেলে ইলীফসের  
ছেলেরা: দল প্রধান তৈমন, ওমার, সফো, কনস, 16 কোরহ, গয়ত্ম  
ও অমালেক। ইদোমে এই বিভাগীয় প্রধানেরাই ইলীফসের বংশে  
জন্মগ্রহণ করলেন; তাঁরা আদার সব নাতিপুতি। 17 এষৌর ছেলে  
রুয়েলের ছেলেরা: বিভাগীয় প্রধান নহৎ, সেরহ, শম্ম ও মিসা। ইদোমে  
এই বিভাগীয় প্রধানেরাই রুয়েলের বংশে জন্মগ্রহণ করলেন; তাঁরা  
এষৌর স্ত্রী বাসমতের সব নাতিপুতি। 18 এষৌর স্ত্রী অহলীবামার  
ছেলেরা: বিভাগীয় প্রধান যিযুশ, যালম ও কোরহ। এই বিভাগীয়  
প্রধানেরাই এষৌর স্ত্রী তথা অনার মেয়ে অহলীবামার গর্ভজাত হলেন।  
19 এরাই হলেন এষৌর (অথবা, ইদোমের) সব ছেলে, এবং এরাই  
হলেন তাদের বিভাগীয় প্রধান। 20 এরাই হলেন হোরীয় সেয়ারের  
সেইসব ছেলে, যারা সেই অঞ্চলে বসবাস করতেন: লোটন, শোবল,  
শিবিয়োন, অনা, 21 দিশোন, এৎসর ও দীশন। ইদোমে সেয়ারের  
এই ছেলেরা ছিলেন হোরীয় বিভাগীয় প্রধান। 22 লোটনের ছেলেরা:  
হোরি ও হোমম। তিন্না ছিলেন লোটনের বোন। 23 শোবলের ছেলেরা:  
অলবন, মানহৎ, এবল, শফী ও ওনম। 24 সিবিয়োনের ছেলেরা: অয়া  
ও অনা। (এই অনাই মরংভূমিতে তাঁর বাবা সিবিয়োনের গাধাগুলি  
চরানোর সময় উষ্ণ জলের উৎসগুলি খুঁজে পেয়েছিলেন) 25 অনার  
সন্তানেরা: অনার মেয়ে দিশোন ও অহলীবামা। 26 দিশোনের ছেলেরা:  
হিমদন, ইশ্বন, যিত্রণ ও করাণ। 27 এৎসরের ছেলেরা: বিলহন,  
সাবন ও আকন। 28 দীশনের ছেলেরা: উষ ও অরাণ। 29 এরাই  
ছিলেন হোরীয় বিভাগীয় প্রধান: লোটন, শোবল, শিবিয়োন, অনা, 30  
দিশোন, এৎসর ও দীশন। সেয়ার দেশে তাদের বিভাগ অনুসারে  
এরাই হলেন হোরীয় বিভাগীয় প্রধান। 31 কোনো ইস্রায়েলী রাজা  
রাজত্ব করার আগে এরাই ইদোমে রাজা হয়ে রাজত্ব করলেন: 32  
বিয়োরের ছেলে বেলা ইদোমের রাজা হলেন। তাঁর রাজধানীর নাম  
দেওয়া হল দিনহাবা। 33 বেলা যখন মারা যান, বস্ত্রানিবাসী সেরহের  
ছেলে যোবব তখন রাজারপে তাঁর স্ত্রীভিষিক্ত হলেন। 34 যোবব যখন

মারা যান, তৈমন দেশ থেকে আগত হৃশম রাজারপে তাঁর স্তলাভিষিক্ত হলেন। 35 হৃশম যখন মারা যান, বেদদের ছেলে সেই হৃদদ তখন রাজারপে তাঁর স্তলাভিষিক্ত হলেন, যিনি মোয়াব দেশে মিদিয়নীয়দের পরাজিত করলেন। তাঁর নগরের নাম দেওয়া হল অবীৎ। 36 হৃদদ যখন মারা যান, মস্ত্রেকনিবাসী সম্ম তখন রাজারপে তাঁর স্তলাভিষিক্ত হলেন। 37 সম্ম যখন মারা যান, সেই নদীর নিকটবর্তী রহোবোৎ নিবাসী শৌল তখন রাজারপে তাঁর স্তলাভিষিক্ত হলেন। 38 শৌল যখন মারা যান, অকবোরের ছেলে বায়াল-হানন তখন রাজারপে তাঁর স্তলাভিষিক্ত হলেন। 39 অকবোরের ছেলে বায়াল-হানন যখন মারা যান, হৃদদ রাজারপে তাঁর স্তলাভিষিক্ত হলেন। তাঁর নগরের নাম দেওয়া হল পায়ু এবং তাঁর স্ত্রীর নাম মহেটবেল, যিনি মন্ত্রদের মেয়ে, ও মেষাহবের নাতনি ছিলেন। 40 নামানুসারে, এবং তাদের বংশ ও অঞ্চল অনুসারে এরাই হলেন এয়ৌর বংশে জন্মানো বিভাগীয় প্রধান: তিম্ম, অলবা, যিথেৎ, 41 অহলীবামা, এলা, পীনোন, 42 কনস, তৈমন, মিবসর, 43 মগ্ন্দীয়েল ও স্টরম। তাদের অধিকৃত দেশে তাঁরা যে বসতি স্থাপন করলেন, তা অনুসারে এরাই ইদোমের দলপতি ছিলেন। এই হল ইদোমীয়দের পূর্বপুরুষ এয়ৌর বংশপরম্পরা।

**37** যাকোব সেই কনান দেশে, যেখানে তাঁর বাবা বসবাস করতেন, সেখানেই বসবাস করছিলেন। 2 এই হল যাকোবের বংশপরম্পরার বৃত্তান্ত। সতেরো বছর বয়স্ক এক যুবক যোষেফ, তাঁর সেই দাদাদের সঙ্গে পশুপাল চরাচিলেন, যাঁরা ছিলেন তাঁদের বাবার স্ত্রী বিলহা ও সিল্পার ছেলে, এবং তাঁদের কুকর্মের খবর যোষেফ তাঁদের বাবার কাছে পৌঁছে দিলেন। 3 ইস্রায়েল যোষেফকে তাঁর অন্য ছেলেদের থেকে বেশি ভালোবাসতেন, কারণ ইস্রায়েলের বৃক্ষাবস্থায় যোষেফের জন্ম হয়েছিল; এবং ইস্রায়েল তাঁর জন্য একটি রংচঙ্গে আলখাল্লা বানিয়ে দিয়েছিলেন। 4 তাঁর দাদারা যখন দেখলেন যে তাঁদের বাবা যোষেফকে তাঁদের যে কোনো একজনের তুলনায় বেশি ভালোবাসেন, তখন তাঁরা তাঁকে ঘৃণা করলেন, এবং তাঁর উদ্দেশে তাঁরা কোনও প্রাতিকর কথা বলতে পারতেন না। 5 যোষেফ একটি স্বপ্ন দেখলেন

এবং যখন তিনি সেটি তাঁর দাদাদের বললেন, তখন তাঁরা তাঁকে আরও বেশি ঘৃণা করলেন। ৬ তিনি তাঁদের বললেন, “আমি যে স্বপ্নাটি দেখেছি তা শোনো: ৭ আমরা যখন জমিতে শস্যের আঁটি বাঁধছিলাম তখন হঠাৎই আমার আঁটিটি উঠে দাঁড়াল, আর তোমাদের আঁটিগুলি আমার আঁটিটির চারপাশ থিরে সেটিকে প্রণাম জানাল।” ৮ তাঁর দাদারা তাঁকে বললেন, “তুমি কি আমাদের উপর রাজত্ব করতে চাও? তুমি কি সত্যিই আমাদের শাসন করবে?” তাঁর এই স্বপ্নের জন্য ও তিনি যা যা বললেন, সেজন্য তাঁরা তাঁকে আরও বেশি ঘৃণা করলেন। ৯ পরে তিনি আরও একটি স্বপ্ন দেখলেন, এবং সেটি তিনি তাঁর দাদাদের বললেন। “শোনো,” তিনি বললেন, “আমি আরও একটি স্বপ্ন দেখেছি, এবং এবার সূর্য ও চন্দ্র ও এগারোটি তারা আমাকে প্রণাম করছে।” ১০ তিনি যখন তাঁর বাবাকে ও একইসাথে তাঁর দাদাদেরও তা বললেন, তখন তাঁর বাবা তাঁকে ভর্তসনা করে বললেন, “তুমি এ কী ধরনের স্বপ্ন দেখলে? তোমার মা, আমি ও তোমার দাদারা কি সত্যিই তোমার কাছে এসে মাটিতে মাথা ঠেকিয়ে তোমাকে প্রণাম করব?” ১১ তাঁর দাদারা তাঁর প্রতি ঈর্ষাপরায়ণ হলেন, কিন্তু তাঁর বাবা এই বিষয়টি মনে রাখলেন। ১২ তাঁর দাদারা শিখিমের কাছে তাঁদের বাবার পশ্চাল চরাতে গেলেন, ১৩ এবং ইত্যায়েল যোষেফকে বললেন, “তুমি তো জানো, তোমার দাদারা শিখিমের কাছে পশ্চাল চরাচ্ছ। এসো, আমি তোমাকে তাদের কাছে পাঠাতে যাচ্ছি।” “খুব ভালো,” তিনি উত্তর দিলেন। ১৪ অতএব তিনি যোষেফকে বললেন, “যাও ও দেখো পশ্চালের সাথে সাথে তোমার দাদারাও সব ঠিকঠাক আছে কি না, এবং আমার কাছে খবর নিয়ে এসো।” পরে তিনি তাঁকে হিরোণ উপত্যকা থেকে পাঠিয়ে দিলেন। যোষেফ যখন শিখিমে পৌঁছালেন, ১৫ তখন একজন লোক তাঁকে মাঠেঘাটে ঘোরাঘুরি করতে দেখে তাঁকে জিজ্ঞাসা করল, “তুমি কার খোঁজ করছ?” ১৬ তিনি উত্তর দিলেন, “আমি আমার দাদাদের খুঁজছি। তুমি কি বলতে পারবে কোথায় তাঁরা তাঁদের পশ্চাল চরাচ্ছেন?” ১৭ “তাঁরা এখান থেকে সামনে এগিয়ে গিয়েছেন,” লোকটি উত্তর দিল। “আমি তাঁদের বলতে শুনেছি, ‘চলো,

দোখনে যাই।” অতএব যোষেফ তাঁর দাদাদের অনুসরণ করলেন ও  
দোখনের কাছে তাঁদের খুঁজে পেলেন। 18 কিন্তু তাঁরা দূর থেকেই তাঁকে  
দেখতে পেলেন, এবং তিনি তাঁদের কাছে পৌঁছানোর আগেই, তাঁরা  
তাঁকে হত্যা করার পরিকল্পনা করলেন। 19 “সেই স্বপ্নদশী আসছে!”  
তাঁরা একে অপরকে বললেন। 20 “এখন এসো, আমরা তাকে হত্যা  
করি ও এখানে যে জলাশয়গুলি আছে তার মধ্যে একটিতে তাকে  
ফেলে দিই এবং বলি যে হিংস্র কোনো পশু তাকে গিলে ফেলেছে।  
পরে আমরা দেখব তার স্বপ্নের কী হয়।” 21 রূবেণ যখন তা শুনলেন,  
তখন তিনি তাঁদের হাত থেকে যোষেফকে রক্ষা করতে চাইলেন।  
“আমরা যেন তাকে হত্যা না করি,” তিনি বললেন। 22 “কোনও  
রক্তপাত কোরো না। এই মরহপ্রান্তের তাকে এই জলাশয়ের মধ্যে  
ফেলে দাও, কিন্তু তার গায়ে হাত দিয়ো না।” যোষেফকে তাঁদের  
হাত থেকে রক্ষা করার ও তাঁকে তাঁর বাবার কাছে ফিরিয়ে দেওয়ার  
জন্যই রূবেণ তা বললেন। 23 অতএব যোষেফ যখন তাঁর দাদাদের  
কাছে এলেন, তখন তাঁরা তাঁর সেই আলখাল্লাটি—তাঁর পরনের সেই  
রংচঙ্গে আলখাল্লাটি—খুলে নিলেন 24 এবং তাঁরা তাঁকে ধরে সেই  
জলাশয়ের মধ্যে ছুঁড়ে ফেলে দিলেন। জলাশয়টি খালি ছিল; তাতে  
জল ছিল না। 25 খাবার খেতে বসামাত্রই তারা মুখ তুলে তাকালেন  
এবং দেখতে পেলেন গিলিয়দ থেকে ইশ্যায়েলীয়দের একটি কাফেলা  
এগিয়ে আসছে। তাদের উটগুলি মশলাপাতি, সুগন্ধি মলম ও গন্ধরসে  
বোঝাই ছিল এবং তারা সেগুলি মিশরের উদ্দেশ্যে নিয়ে যাচ্ছিল। 26  
যিহূদা তাঁর দাদা-ভাইদের বললেন, “আমাদের ভাইকে হত্যা করে ও  
তার রক্ত লুকিয়ে রেখে আমাদের কী লাভ হবে? 27 এসো, আমরা  
বরং তাকে ইশ্যায়েলীয়দের কাছে বিক্রি করে দিই ও তার গায়ে হাত  
না দিই; যতই হোক, সে তো আমাদেরই ভাই, আমাদের নিজেদের  
রক্ত ও মাংস।” তাঁর দাদা-ভাইরাও একমত হলেন। 28 অতএব  
মিদিয়নীয় ব্যবসায়ীরা যখন সেখানে পৌঁছাল, যোষেফের দাদারা  
তাঁকে সেই জলাশয় থেকে টেনে তুললেন এবং সেই ইশ্যায়েলীয়দের  
কাছে কুড়ি শেকল রূপোর বিনিময়ে তাঁকে বিক্রি করে দিলেন, যারা

তাঁকে মিশরে নিয়ে গেল। 29 রবেণ যখন সেই জলাশয়ের কাছে ফিরে এসে দেখতে পেলেন যে যোষেফ সেখানে নেই, তখন তিনি নিজের পোশাক ছিঁড়ে ফেললেন। 30 তিনি তাঁর ভাইদের কাছে গিয়ে বললেন, “ছেলেটি তো সেখানে নেই! আমি এখন কোথায় যাব?” 31 তখন তাঁরা যোষেফের আলখাল্লাটি নিয়ে, একটি ছাগল জবাই করলেন এবং সেই আলখাল্লাটি রঙে চুবিয়ে নিলেন। 32 তাঁরা সেই রংচে আলখাল্লাটি তাঁদের বাবার কাছে ফিরিয়ে নিয়ে গিয়ে বললেন, “আমরা এটি খুঁজে পেয়েছি। পরীক্ষা করে দেখুন এটি আপনার ছেলেরই আলখাল্লা কি না।” 33 তিনি সেটি চিনতে পেরে বললেন, “এটি আমার ছেলেরই আলখাল্লা! কোনো হিংস্র জন্ম তাকে গিলে ফেলেছে। যোষেফকে নিশ্চয় টুকরো টুকরো করে ফেলা হয়েছে।” 34 তখন যাকোব তাঁর পোশাক ছিঁড়ে ফেলে দিলেন, গুনচট গায়ে দিলেন ও তাঁর ছেলের জন্য অনেক দিন ধরে শোক পালন করলেন। 35 তাঁর সব ছেলেমেয়ে তাঁকে সান্ত্বনা দিতে এলেন, কিন্তু তিনি সান্ত্বনা পেতে চাননি। “না,” তিনি বললেন, “যতদিন না পর্যন্ত আমি কবরে গিয়ে আমার ছেলের সঙ্গে মিলিত হচ্ছি, আমি শোক পালন করেই যাব।” অতএব তাঁর বাবা তাঁর জন্য কান্নাকাটি করলেন। (Sheol h7585) 36 ইতিমধ্যে, মিদিয়নীয়রা যোষেফকে মিশরে ফরৌগের রাজকর্মকর্তা, পাহারাদারদের দলপতি পোটিফরের কাছে বিক্রি করে দিল।

**38** সেই সময় যিহূদা তাঁর দাদা-ভাইদের ছেড়ে হীরা নামক অদুল্লম নিবাসী একজন লোকের সঙ্গে থাকতে চলে গেলেন। 2 সেখানে যিহূদা শূয় নামক কনানীয় একজন লোকের মেয়ের দেখা পেলেন। তিনি তাকে বিয়ে করলেন ও তাকে প্রণয়জ্ঞাপনও করলেন; 3 সে অস্তঃসন্তা হয়ে পড়ল ও এক ছেলের জন্ম দিল, যার নাম রাখা হল এর। 4 সে আবার গর্ভবতী হল ও এক ছেলের জন্ম দিল, ও তার নাম রাখল ওনন। 5 সে আরও এক ছেলের জন্ম দিল ও তার নাম রাখল শেলা। শেলার জন্মের সময় তাঁরা কষীবেই বসবাস করতেন। 6 যিহূদা তাঁর বড়ো ছেলে এরের জন্মে এক স্ত্রী এনেছিলেন, তার নাম তামর। 7 কিন্তু যিহূদার বড়ো ছেলে এর, সদাপ্রভুর দৃষ্টিতে দুষ্ট ছিল; তাই সদাপ্রভু

তাকে মেরে ফেললেন। ৪ পরে যিহুদা ওননকে বললেন, “তোমার দাদার স্ত্রীর সঙ্গে শুয়ে পড়ো এবং তোমার দাদার হয়ে সন্তানের জন্ম দেওয়ার জন্য তার প্রতি তোমার দায়িত্ব পালন করো।” ৫ কিন্তু ওনন জানত যে সেই সন্তানটি তার নিজের হবে না, তাই যখনহই সে তার দাদার স্ত্রীর সাথে শুতো, সে তার বীর্য মাটিতে ফেলে দিত, যেন তাকে তার দাদার হয়ে কোনও সন্তানের জন্ম দিতে না হয়। ১০ সে যা করল তা সদাপ্রভুর দৃষ্টিতে অপকর্মরূপে গণ্য হল; তাই সদাপ্রভু তাকেও মেরে ফেললেন। ১১ যিহুদা তখন তাঁর পুত্রবধু তামরকে বললেন, “আমার ছেলে শেলা যতদিন না বড়ো হচ্ছে, ততদিন তুমি তোমার বাবার ঘরে গিয়ে বিধবার মতো হয়ে থাকো।” কারণ তিনি ভাবলেন, “সেও হয়তো তার দাদাদের মতো মারা যাবে।” অতএব তামর তার বাবার ঘরে থাকতে চলে গেল। ১২ বেশ কিছুকাল পর শূয়ের সেই মেয়ে, যিহুদার স্ত্রী মারা গেল। যিহুদা যখন তাঁর মর্মযন্ত্রণা কাটিয়ে উঠলেন, তখন তিনি তিম্মায় সেই লোকজনের কাছে উঠে গেলেন, যারা তাঁর মেষগুলির লোম ছাঁটছিল, এবং তাঁর বন্ধু অদুল্লমীয় হীরাও তাঁর সঙ্গে গেলেন। ১৩ যখন তামরকে বলা হল, “তোমার শুশ্রমশাই তাঁর মেষগুলির লোম ছাঁটার জন্য তিম্মার উদ্দেশে রওনা দিয়েছেন,” ১৪ তখন সে তার বৈধব্য-বন্ত্রটি খুলে ফেলল, ছদ্মবেশ ধারণের জন্য ঘোমটায় মুখ ঢাকল, এবং পরে সেই ঐনয়িমের প্রবেশদ্বারে গিয়ে বসল, যা তিম্মায় যাওয়ার পথেই পড়ে। কারণ সে দেখল যে, যদিও শেলা এখন বেড়ে উঠেছে, তবুও তার স্ত্রীরূপে তাকে তার হাতে তুলে দেওয়া হয়নি। ১৫ যিহুদা যখন তাকে দেখলেন, তখন তিনি ভাবলেন যে সে একজন বেশ্যা, কারণ সে তার মুখ ঢেকে রেখেছিল। ১৬ সে যে তাঁর পুত্রবধু, একথা না বুঝেই তিনি রাস্তার ধারে তার কাছে গিয়ে বললেন, “এবার এসো, আমি তোমার সঙ্গে শুয়ে পড়ি।” “আর আপনার সঙ্গে শোয়ার জন্য আপনি আমাকে কী দেবেন?” সে জিজ্ঞাসা করল। ১৭ “আমার পশ্চাপাল থেকে একটি ছাগশাবক আমি তোমার কাছে পাঠিয়ে দেব,” তিনি বললেন। “যতদিন না আপনি আমার কাছে সেটি পাঠাচ্ছেন, ততদিন আপনি কি জামানতরূপে আমাকে কিছু দেবেন?”

সে জিজ্ঞাসা করল। 18 তিনি বললেন, “জামানতরপে তোমাকে আমি কী দেব?” “আপনার সিলমোহর ও সেটির সুতো, ও আপনার হাতের লাঠিটি,” সে উত্তর দিল। অতএব তিনি তাকে সেগুলি দিলেন ও তাঁর সঙ্গে শুলেন, এবং সে তাঁর দ্বারা অন্তঃসন্তু হয়ে পড়ল। 19 সেখান থেকে চলে যাওয়ার পর, সে তার ওড়নাটি খুলে ফেলল এবং আবার তার বৈধব্য-বস্ত্রটি পরে নিল। 20 ইতিমধ্যে যিহুদা সেই মহিলাটির কাছ থেকে তাঁর জামানতটি ফিরে পাওয়ার লক্ষ্যে তাঁর সেই অদুল্লমীয় বন্ধুর মাধ্যমে সেই ছাগশাবকটি পাঠিয়ে দিলেন, কিন্তু তিনি তাকে খুঁজে পাননি। 21 সেখানে বসবাসকারী লোকজনকে তিনি জিজ্ঞাসা করলেন, “এনিয়মের রাস্তার ধারে যে দেবদাসীটি ছিল, সে কোথায়?” তারা বলল, “এখানে কোনও দেবদাসী থাকে না।” 22 অতএব তিনি যিহুদার কাছে ফিরে গেলেন ও বললেন, “আমি তাকে খুঁজে পাইনি। এছাড়াও, সেখানে বসবাসকারী লোকজনও বলল, ‘এখানে কোনও দেবদাসী থাকে না।’” 23 তখন যিহুদা বললেন, “তার কাছে যা আছে তা সে রেখে দিক, তা না হলে আমাদের এক হাসির খোরাক হতে হবে। যাই হোক না কেন, আমি তো এই ছাগশাবকটি তার কাছে পাঠিয়েছিলাম, কিন্তু তুমি তাকে খুঁজে পাওনি।” 24 প্রায় তিন মাস পর যিহুদাকে বলা হল, “আপনার পুত্রবধু তামর বেশ্যাবৃত্তির অপরাধ করেছে, এবং পরিণামস্বরূপ এখন সে অন্তঃসন্তু হয়ে পড়েছে।” যিহুদা বললেন, “তাকে বের করে আনো ও আগুনে পুড়িয়ে মারো!” 25 তাকে যখন বের করে আনা হচ্ছিল, সে তখন তার শুশ্রেব কাছে একটি খবর পাঠিয়েছিল। “যিনি এগুলির মালিক, তাঁর দ্বারাই আমি অন্তঃসন্তু হয়েছি,” সে বলল। আর সে এও বলল, “দেখুন তো, এই সিলমোহর ও সুতো এবং লাঠিটি কার তা আপনি চিনতে পারেন কি না।” 26 যিহুদা সেগুলি চিনতে পেরে বললেন, “সে আমার থেকে বেশি ধার্মিক, যেহেতু আমি তাকে আমার ছেলে শেলার হাতে তুলে দিইনি।” তিনি আর কখনও তামরের সঙ্গে শয়ন করেননি। 27 যখন তামরের প্রসবকাল এসে উপস্থিত হল, তখন দেখা গেল তার গর্ভে যমজ ছেলে। 28 যখন সে সন্তান প্রসব করছিল, তাদের মধ্যে একজন তার হাত বাইরে বের

করল; অতএব ধাত্রী টকটকে লাল রংয়ের সুতো নিয়ে সেটি তার কজিতে বেঁধে দিল ও বলল, “এই প্রথমে বের হয়েছে।” 29 কিন্তু সে যখন তার হাতটি টেনে নিল, তখন তার ভাই বের হয়ে এল, ও ধাত্রী বলল, “অতএব তুমি এভাবেই আবির্ভূত হয়েছ!” আর তার নাম রাখা হল পেরস। 30 পরে তার সেই ভাই বের হয়ে এল, যার কজিতে টকটকে লাল রংয়ের সুতো বাঁধা ছিল। আর তার নাম রাখা হল সেরহ।

**39** যোষেফকে মিশরে নিয়ে যাওয়া হল। পোটিফর বলে একজন মিশরীয়, যিনি ফরৌণের রাজকর্মকর্তাদের মধ্যে একজন তথা পাহারাদারদের দলপতি ছিলেন, তিনি তাঁকে সেই ইশ্মায়েলীয়দের কাছ থেকে কিনে নিয়েছিলেন, যারা তাঁকে মিশরে নিয়ে গেল। 2 সদাপ্রভু যোষেফের সঙ্গে ছিলেন তাই তিনি সাফল্য পেলেন, এবং তিনি তাঁর মিশরীয় প্রভুর বাড়িতে বসবাস করতেন। 3 তাঁর প্রভু যখন দেখলেন যে সদাপ্রভু তাঁর সঙ্গে আছেন এবং তিনি যা যা করেন সবেতেই সদাপ্রভু তাঁকে সফলতা দেন, 4 তখন যোষেফ তাঁর দৃষ্টিতে অনুগ্রহ লাভ করলেন ও তাঁর সেবক হয়ে গেলেন। পোটিফর তাঁকে নিজের পরিবারের দেখাশোনার দায়িত্ব দিলেন, এবং তাঁর মালিকানাধীন সবকিছু দেখাশোনার দায়িত্বও তাঁকে দিলেন। 5 যে সময় থেকে তিনি যোষেফকে তাঁর পরিবারের ও তাঁর মালিকানাধীন সবকিছুর দায়িত্ব দিলেন, সদাপ্রভু যোষেফের জন্য সেই মিশরীয়ের পরিবারকে আশীর্বাদ করলেন। বাড়িতে ও জমিতে, পোটিফরের যা যা ছিল, সে সবকিছুর উপর সদাপ্রভুর আশীর্বাদ বর্তে ছিল। 6 অতএব পোটিফর তাঁর সবকিছু দেখাশোনার দায়িত্ব যোষেফের উপর ছেড়ে দিলেন; যোষেফ সেই দায়িত্ব সামলানোর সময়, তিনি যে যে খাবারদাবার খেতেন সেগুলি ছাড়া তিনি আর কোনো বিষয়ে চিন্তা করতেন না। যোষেফ শক্তপোক্ত ও সুদর্শন পুরুষ ছিলেন, 7 এবং কিছুকাল পর তার প্রভু-পত্নীর দৃষ্টি যোষেফের উপর গিয়ে পড়ল ও সে বলল, “আমার সাথে বিছানায় এসো!” 8 কিন্তু তিনি সেই প্রস্তাব প্রত্যাখ্যান করলেন। “আমাকে দায়িত্ব দিয়ে,” তিনি তাকে বললেন, “আমার প্রভু বাড়ির কোনও বিষয়েই আর মাঝা ঘামান না; তাঁর মালিকানাধীন সবকিছুই

তিনি আমার দায়িত্বে ছেড়ে দিয়েছেন। ৭ এই বাড়িতে আমার চেয়ে  
বড়ো আর কেউ নেই। আপনাকে ছাড়া আর কোনো কিছুই আমার  
প্রভু আমার কাছ থেকে দূরে সরিয়ে রাখেননি, কারণ আপনি যে তাঁর  
স্ত্রী। তবে কীভাবে আমি এ ধরনের জন্য কাজ এবং ঈশ্বরের বিরুদ্ধে  
পাপ করব?" ১০ আর যদিও সেই মহিলা দিনের পর দিন যোষেফকে  
একই কথা বলে যাচ্ছিল, তবুও তিনি তাঁর সাথে বিছানায় যেতে  
অস্বীকার করলেন; এমনকি তিনি তাঁর সঙ্গে থাকতেও চাইলেন না।  
১১ একদিন তিনি নিজের দায়িত্ব পালন করার জন্য বাড়ির ভিতরে  
গেলেন, এবং পারিবারিক দাস-দাসীদের মধ্যে কেউই তখন ভিতরে  
ছিল না। ১২ তাঁর প্রভু-পত্নী তাঁর আলখাল্লাটেনে ধরে বলল, "আমার  
সাথে বিছানায় এসো!" কিন্তু তিনি তার হাতে নিজের আলখাল্লাটি  
ছেড়ে দিয়ে বাড়ি থেকে পালিয়ে গেলেন। ১৩ যখন সে দেখল যে  
যোষেফ তার হাতে নিজের আলখাল্লাটি ছেড়ে দিয়ে বাড়ি থেকে  
পালিয়ে গিয়েছেন, ১৪ তখন সে তার পারিবারিক দাস-দাসীদের ডাক  
দিল। "দেখো," সে তাদের বলল, "এই হিঙ্গটিকে আমাদের সঙ্গে ফুর্তি  
করার জন্য আনা হয়েছে! সে এখানে ভিতরে এসে আমার সঙ্গে শুতে  
চেয়েছিল, কিন্তু আমি চিঢ়কার করে উঠেছিলাম। ১৫ যখন সে শুনল  
আমি সাহায্য পাওয়ার জন্য চিঢ়কার করছি, তখন সে আমার পাশে  
তার আলখাল্লাটি ছেড়ে দিয়ে বাড়ি থেকে পালিয়ে গেল।" ১৬ তাঁর প্রভু  
ঘরে না ফেরা পর্যন্ত সেই মহিলাটি তাঁর আলখাল্লাটি নিজের পাশে  
রেখে দিয়েছিল। ১৭ পরে সে পোটফরকে এই গল্পটি বলে শোনাল:  
"যে হিঙ্গ ক্রীতদাসটিকে তুমি এনেছিলে, সে আমার সঙ্গে ফুর্তি করার  
জন্য আমার কাছে এসেছিল। ১৮ কিন্তু যেই না আমি সাহায্যের  
জন্য চিঢ়কার করে উঠেছিলাম, সে আমার পাশে তার আলখাল্লাটি  
ছেড়ে দিয়ে পালিয়েছিল।" ১৯ "তোমার ক্রীতদাসটি আমার সঙ্গে এই  
ধরনের ব্যবহার করেছে," এই গল্পটি যখন যোষেফের প্রভু-পত্নী  
তাঁর প্রভুকে বলে শোনাল, তখন তিনি রাগে অগ্নিশৰ্মা হয়ে উঠলেন।  
২০ যোষেফের প্রভু যোষেফকে ধরে সেই জেলখানায় পুরে দিলেন,  
যেখানে রাজার কয়েদিদের বন্দি করে রাখা হত। কিন্তু যোষেফ যখন

সেই জেলখানায় ছিলেন, 21 সদাপ্রভু তখন তাঁর সঙ্গেই ছিলেন; তিনি তাঁকে দয়া দেখালেন ও সেই জেল-রক্ষকের দৃষ্টিতে তাঁকে অনুগ্রহ পেতেও দিলেন। 22 অতএব সেই জেল-রক্ষক যোষেফকে জেলের সব বন্দির তত্ত্বাবধায়ক করে দিলেন, এবং সেখানে যা যা কাজকর্ম হত, সেসবের দায়িত্বও তাঁকে দিলেন। 23 যোষেফের তত্ত্বাবধানে যা কিছু ছিল, তার কোনোটির প্রতিই সেই রক্ষক মনোযোগ দিতেন না, কারণ সদাপ্রভু যোষেফের সঙ্গে ছিলেন ও তিনি যা কিছু করতেন, সবেতেই তিনি তাঁকে সাফল্য দিলেন।

**40** কিছুকাল পর, মিশরের রাজার পানপাত্র বহনকারী ও রঞ্চিওয়ালা তাদের প্রভুকে, মিশরের রাজাকে অসন্তুষ্ট করল। 2 ফরৌণ তাঁর সেই দুই কর্মকর্তার, প্রধান পানপাত্র বহনকারী ও প্রধান রঞ্চিওয়ালার প্রতি ক্রুদ্ধ হলেন, 3 এবং যে জেলখানায় যোষেফ বন্দি ছিলেন, সেখানে পাহারাদারদের দলপতির হেফাজতেই তাদের রেখে দিলেন। 4 পাহারাদারদের দলপতি তাদের দেখাশোনার দায়িত্ব যোষেফকে দিলেন, এবং তিনি তাদের পরিচর্যা করলেন। তারা কিছুকাল সেখানে বন্দি থাকার পর, 5 দুজনের প্রত্যেকেই—যাদের জেলখানায় বন্দি করে রাখা হয়েছিল, মিশরের রাজার সেই পানপাত্র বহনকারী ও রঞ্চিওয়ালা—একই রাতে একটি করে স্বপ্ন দেখল, এবং প্রত্যেকটি স্বপ্নেই নিজস্ব অর্থ ছিল। 6 পরদিন সকালে যোষেফ যখন তাদের কাছে এলেন, তখন তিনি দেখলেন যে তারা দুজনেই বিমর্শ হয়ে আছে। 7 অতএব ফরৌণের যে কর্মকর্তারা তাঁর প্রভুর বাড়িতে তাঁর সঙ্গে বন্দি অবস্থায় ছিল, তাদের তিনি জিজ্ঞাসা করলেন, “আজ আপনাদের এত দুঃখিত দেখাচ্ছে কেন?” 8 “আমরা দুজনেই স্বপ্ন দেখেছি,” তারা উত্তর দিল, “কিন্তু সেগুলি ব্যাখ্যা করে দেওয়ার কেউ নেই।” তখন যোষেফ তাদের বললেন, “ব্যাখ্যা করার মালিক কি ঈশ্বর নন? আপনাদের স্বপ্নগুলি আমায় বলুন।” 9 অতএব প্রধান পানপাত্র বহনকারী যোষেফকে তার স্বপ্নটি বলল। সে তাঁকে বলল, “আমার স্বপ্নে আমার সামনে আমি একটি দ্রাক্ষালতা দেখলাম, 10 এবং সেই দ্রাক্ষালতায় তিনটি শাখা ছিল। সেটিতে কুঁড়ি ফোটামাত্র

ফুলও ফুটে উঠল, এবং সেটির গুচ্ছগুলি পাকা দ্রাক্ষফলে পরিণত হল। 11 ফরৌণের পানপাত্রটি আমার হাতে ছিল, এবং আমি সেই দ্রাক্ষফলগুলি নিয়ে সেগুলি ফরৌণের পানপাত্রে নিংড়ে দিলাম এবং পানপাত্রটি তাঁর হাতে তুলে দিলাম।” 12 “এই হল এর অর্থ,” যোষেফ তাকে বললেন। “তিনটি শাখা হল তিন দিন। 13 তিনদিনের মধ্যে ফরৌণ আপনার মাথা উন্নত করবেন ও আপনাকে আপনার পদে পুনর্বহাল করবেন, এবং আপনি ফরৌণের হাতে তাঁর পানপাত্রটি তুলে দেবেন, ঠিক যেভাবে আপনি তাঁর পানপাত্র বহনকারী থাকার সময় করতেন। 14 কিন্তু সবকিছু যখন আপনার ক্ষেত্রে ঠিকঠাক হয়ে যাবে, তখন আপনি আমায় মনে রাখবেন ও আমার প্রতি দয়া দেখাবেন; ফরৌণের কাছে আমার কথা বলবেন এবং আমাকে এই জেলখানা থেকে মুক্ত করবেন। 15 হিঙ্গদের দেশ থেকে আমাকে জোর করে ধরে আনা হয়েছে এবং এমনকি এখানেও আমি এমন কোনও কিছু করিনি যে কারণে আমাকে অঙ্কৃতে থাকতে হবে।” 16 যখন প্রধান রঞ্জিতওয়ালা দেখল যে যোষেফ এক যথাযথ ব্যাখ্যা দিয়েছেন, তখন তিনি যোষেফকে বললেন, “আমি একটি স্বপ্ন দেখেছি: আমার মাথায় তিন ঝুড়ি রুটি রাখা ছিল। 17 একদম উপরের ঝুড়িটিতে ফরৌণের জন্য সব ধরনের সেঁকা খাবারদাবার ছিল, কিন্তু পাখিরা আমার মাথায় রাখা সেই ঝুড়ি থেকে সেগুলি খেয়ে নিচ্ছিল।” 18 “এই হল এর অর্থ,” যোষেফ বললেন। “সেই তিনটি ঝুড়ি হল তিন দিন। 19 তিনদিনের মধ্যে ফরৌণ আপনার মাথা কেটে ফেলবেন ও আপনার দেহটি শূলে চড়াবেন। আর পাখিরা আপনার মাংস খুবলে খুবলে খাবে।” 20 তৃতীয় দিনটি ছিল ফরৌণের জন্মদিন, এবং তিনি তাঁর সব কর্মকর্তার জন্য এক ভোজসভার আয়োজন করলেন। তাঁর সব কর্মকর্তার উপস্থিতিতে তিনি তাঁর প্রধান পানপাত্র বহনকারী ও প্রধান রুটিওয়ালার মাথা উন্নত করলেন, যেন তিনি আরও একবার ফরৌণের হাতে পানপাত্রটি তুলে দিতে পারেন— 22 কিন্তু প্রধান রুটিওয়ালাকে তিনি শূলে চড়ালেন, ঠিক যেমনটি যোষেফ তাঁর ব্যাখ্যায় তাদের বলেছিলেন। 23 প্রধান

পানপাত্র বহনকারী, অবশ্য, যোষেফকে মনে রাখেনি; সে তাঁকে ভুলে গেল।

**41** সম্পূর্ণ দুই বছর যখন পার হয়ে গেল, তখন ফরৌণ একটি স্বপ্ন দেখলেন: তিনি নীলনদের কূলে দাঁড়িয়েছিলেন, 2 পরে নদী থেকে সাতটি মসৃণ ও হষ্টপুষ্ট গরু উঠে এল, এবং সেগুলি নলখাগড়ার বনে চরছিল। 3 এগুলির পরে অন্য আরও সাতটি কৃৎসিতদর্শন ও অঙ্গিচর্মসার গরু, নীলনদ থেকে উঠে এল ও নদীর কূলে চরা সেই গরুগুলির পাশে এসে দাঁড়াল। 4 আর যে গরুগুলি কৃৎসিত ও অঙ্গিচর্মসার ছিল, সেগুলি মসৃণ ও হষ্টপুষ্ট গরুগুলিকে গিলে ফেলল। পরে ফরৌণ জেগে উঠলেন। 5 তিনি আবার ঘুমিয়ে পড়লেন ও দ্বিতীয় একটি স্বপ্ন দেখলেন: সাতটি স্বাস্থ্যকর ও সুন্দর শস্যদানার শিষ একটিমাত্র বৃন্তে বেড়ে উঠছিল। 6 সেগুলির পরে, আরও সাতটি শস্যদানার শিষ—কৃষকায় ও পূর্বীয় বায়ু দ্বারা বলসিত শিষ অঙ্কুরিত হল। 7 সেই সাতটি কৃষকায় শিষ সাতটি স্বাস্থ্যকর, পূর্ণ শিষকে গিলে ফেলল। পরে ফরৌণ জেগে উঠলেন; তা এক স্বপ্ন ছিল। 8 সকালবেলায় তাঁর মন অঙ্গির হয়ে পড়ল, তাই তিনি মিশরের সব জাদুকর ও জ্ঞানীগুণী মানুষজনকে ডেকে পাঠালেন। ফরৌণ তাঁর স্বপ্নের কথা তাঁদের বললেন, কিন্তু কেউই সেগুলি তাঁর জন্য ব্যাখ্যা করে দিতে পারলেন না। 9 তখন সেই প্রধান পানপাত্র বহনকারী ফরৌণকে বলল, “আমার ক্রটি-বিচ্যুতির কথা আজ আমার মনে পড়ছে। 10 ফরৌণ একবার তাঁর দাসদের উপর ক্রুদ্ধ হয়েছিলেন, এবং তিনি আমাকে ও প্রধান রঢ়টিওয়ালাকে পাহারাদারদের দলপতির বাড়িতে বন্দি করে রেখেছিলেন। 11 একই রাতে আমরা দুজনেই একটি করে স্বপ্ন দেখেছিলাম, এবং প্রত্যেকটি স্বপ্নেরই নিজস্ব এক অর্থ ছিল। 12 সেখানে পাহারাদারদের দলপতির দাস, এক হিঙ্গ যুবক আমাদের সঙ্গেই ছিল। আমরা তাকে আমাদের স্বপ্নগুলি বলেছিলাম, এবং সে আমাদের জন্য সেগুলি ব্যাখ্যা করে দিয়েছিল, প্রত্যেককে তার স্বপ্নের অর্থ জানিয়েছিল। 13 আর যেভাবে সে আমাদের কাছে সেগুলি ব্যাখ্যা করে দিয়েছিল, ঠিক সেভাবেই তা ঘটল: আমি আমার

পদে পুনর্বহাল হলাম, এবং অন্যজনকে শুলে চড়ানো হল।” 14 অতএব  
ফরৌণ যোষেফকে ডেকে পাঠালেন, এবং তাঁকে তাড়াতাড়ি অন্ধকৃপ  
থেকে নিয়ে আসা হল। চুল-দাঢ়ি কামিয়ে ও পোশাক পরিবর্তন করে  
তিনি ফরৌণের সামনে এলেন। 15 ফরৌণ যোষেফকে বললেন,  
“আমি একটি স্বপ্ন দেখেছি, এবং কেউই সেটির ব্যাখ্যা করতে পারছে  
না। কিন্তু আমি তোমার বিষয়ে শুনেছি যে তুমি যখন কোনও স্বপ্নের  
কথা শোনো, তখন তা ব্যাখ্যা করে দিতে পারো।” 16 “আমি তা  
করতে পারি না,” যোষেফ ফরৌণকে উত্তর দিলেন, “কিন্তু ফরৌণের  
ইচ্ছানুসারে ঈশ্বরই তাঁকে উত্তর দেবেন।” 17 তখন ফরৌণ যোষেফকে  
বললেন, “আমার স্বপ্নে আমি যখন নীলনদের কূলে দাঁড়িয়েছিলাম,  
18 তখন নদী থেকে সাতটি হষ্টপুষ্ট ও মসৃণ গরু উঠে এল, এবং  
সেগুলি নলখাগড়ার বনে চরছিল। 19 সেগুলির পিছু পিছু, অন্য সাতটি  
গরু উঠে এল—অঙ্গোর ও খুব কৃৎসিত এবং কৃষকায়। সমগ্র মিশর  
দেশে আমি এরকম কৃৎসিত গরু কখনও দেখিনি। 20 সেই কৃষকায়,  
কৃৎসিত গরুগুলি সেই সাতটি হষ্টপুষ্ট গরুকে খেয়ে ফেলল। 21 কিন্তু  
সেগুলি খেয়ে ফেলার পরও, কেউই বলতে পারেন যে তারাই এ কাজ  
করেছিল; আগের মতো তখনও সেগুলিকে কৃৎসিতই দেখাচ্ছিল। পরে  
আমি জেগে উঠলাম। 22 “আমার স্বপ্নে আমি একই বৃন্তে বেড়ে ওঠা  
শস্যদানার সাতটি পূর্ণ ও স্বাস্থ্যকর শিষ দেখেছিলাম। 23 সেগুলির  
পিছু পিছু, আরও সাতটি শিষ অঙ্গুরিত হল—শুকনো ও কৃষকায় ও  
পূর্বীয় বায়ু দ্বারা ঝলসিত। 24 শস্যদানার সেই কৃষকায় শিষগুলি  
সেই সাতটি সুন্দর শিষকে গিলে ফেলল। আমি একথা জাদুকরদের  
বললাম, কিন্তু তাদের মধ্যে কেউই আমার কাছে তা ব্যাখ্যা করে  
দিতে পারেন।” 25 তখন যোষেফ ফরৌণকে বললেন, “ফরৌণের  
স্বপ্নগুলি এক ও অনুরূপ। ঈশ্বর ফরৌণের কাছে প্রকাশ করে দিয়েছেন  
তিনি কী করতে চলেছেন। 26 সাতটি সুন্দর গরু হল সাত বছর এবং  
সাতটি সুন্দর শস্যদানার শিষ হল সাত বছর; এ হল এক ও অনুরূপ  
স্বপ্ন। 27 যে সাতটি কৃষকায়, কৃৎসিত গরু পরে উঠে এল সেগুলি  
সাত বছর, এবং পূর্বীয় বায়ু দ্বারা ঝলসিত শস্যদানার সাতটি রংগু

অখাদ্য শিষ্যও তাই: সেগুলি হল সাত বছরের দুর্ভিক্ষ। 28 “আমি ফরৌণকে যেমনটি বললাম তা ঠিক এরকম: ঈশ্বর যা করতে চলেছেন তা তিনি ফরৌণকে দেখিয়েছেন। 29 মিশর দেশে অতিপ্রাচুর্যময় সাতটি বছর আসতে চলেছে, 30 কিন্তু তার পিছু পিছু দুর্ভিক্ষকবলিত সাতটি বছর আসবে। তখন মিশরের সব প্রাচুর্য মানুষ ভুলে যাবে, এবং দুর্ভিক্ষ দেশটিকে ধ্বংস করে দেবে। 31 দেশের প্রাচুর্যকে কেউ মনে রাখবে না, কারণ যে দুর্ভিক্ষ সেটির পিছু পিছু আসতে চলেছে তা খুব ভয়াবহ হবে। 32 ফরৌণকে দুটি আকারে স্বপ্নটি দেওয়ার কারণ হল এই যে বিষয়টি ঈশ্বর দ্বারা অটলভাবে নিশ্চিত হয়ে আছে, এবং অচিরেই ঈশ্বর তা বাস্তবায়িত করবেন। 33 “আর এখন ফরৌণ একজন বিচক্ষণ ও বৃদ্ধিমান লোক খুঁজে বের করুন এবং তার হাতে মিশর দেশের দায়িত্ব তুলে দিন। 34 প্রাচুর্যময় সাত বছর ধরে মিশরে উৎপন্ন শস্যের এক-পঞ্চাশ আদায় করার জন্য ফরৌণ সারা দেশে ভারপ্রাপ্ত কর্মকর্তাদের নিয়োগ করুন। 35 তাঁরা আগামী এই সুন্দর বছরগুলিতে যেন খাদ্যশস্য সংগ্রহ করেন এবং ফরৌণের কর্তৃত্বের অধীনে সেই শস্য মজুত করে যেন নগরগুলিতে খাদ্যভাণ্ডার গড়ে রাখেন। 36 মিশরের উপর দুর্ভিক্ষকবলিত যে সাতটি বছর নেমে আসতে চলেছে, সেই সময় ব্যবহারের উপযোগী করে দেশের জন্য এই খাদ্যশস্য মজুত করে রাখতে হবে, যেন দেশটি সেই দুর্ভিক্ষ দ্বারা ধ্বংস হয়ে না যায়।” 37 ফরৌণের ও তাঁর সব কর্মকর্তার কাছে সেই পরিকল্পনাটি বেশ ভালো বলে মনে হল। 38 অতএব ফরৌণ তাঁদের জিজ্ঞাসা করলেন, “এই লোকটির মতো কাউকে কি আমরা খুঁজে পাব, যার অন্তরে ঈশ্বরের আত্মা আছে?” 39 পরে ফরৌণ যোষেফকে বললেন, “যেহেতু ঈশ্বর এসব কিছু তোমাকেই জানিয়ে দিয়েছেন, তাই তোমার মতো এত বিচক্ষণ ও জ্ঞানীগুলী আর কেউ নেই। 40 তুমিই আমার প্রাসাদের দায়িত্ব সামলাবে, এবং আমার সব প্রজাকে তোমার আদেশের অধীন হতে হবে। শুধুমাত্র সিংহাসনের ক্ষেত্রে আমি তোমার চেয়ে মহত্তর হব।” 41 অতএব ফরৌণ যোষেফকে বললেন, “আমি এতদ্বারা তোমার হাতে সম্পূর্ণ মিশর দেশের দায়িত্ব সমর্পণ

করে দিলাম।” 42 পরে ফরৌণ নিজের আঙ্গুল থেকে তাঁর সিলমোহরের আংটিটি খুলে যোষেফের আঙ্গুলে পরিয়ে দিলেন। তিনি তাঁকে মিহি মসিনার আলখাল্লা দিয়ে সুসজ্জিত করলেন এবং তাঁর গলায় সোনার এক হার পরিয়ে দিলেন। 43 তিনি তাঁকে পদর্যাদায় তাঁর দ্বিতীয় প্রধান করে একটি রথে চড়িয়ে দিলেন এবং লোকজন তাঁর সামনে চিংকার করতে লাগল, “রাস্তা করে দাও!” এভাবে তিনি যোষেফের হাতে সম্পূর্ণ মিশর দেশের দায়িত্ব তুলে দিলেন। 44 পরে ফরৌণ যোষেফকে বললেন, “আমি ফরৌণ, কিন্তু তোমার আদেশ ছাড়া সমগ্র মিশরে কেউ হাত বা পা ওঠাবে না।” 45 ফরৌণ যোষেফের নাম রাখলেন সাফনৎ-পানেহ এবং তাঁর স্ত্রী হওয়ার জন্য তিনি ওনের যাজক পোটাফেরের মেয়ে আসনৎকে দান করলেন। আর যোষেফ সমগ্র মিশর দেশ জুড়ে ঘুরে বেড়ালেন। 46 ত্রিশ বছর বয়সে যোষেফ মিশরের রাজা ফরৌণের কাজে যোগ দিলেন। আর যোষেফ ফরৌণের সামনে থেকে চলে গেলেন এবং সমগ্র মিশর জুড়ে ঘুরে বেড়ালেন। 47 প্রাচুর্যময় সাত বছর জমিতে প্রচুর ফসল উৎপন্ন হল। 48 প্রাচুর্যময় সেই সাত বছর ধরে মিশরে যত খাদ্যশস্য উৎপন্ন হল, যোষেফ সেসব সংগ্রহ করলেন ও নগরগুলিতে মজুত করে রাখলেন। প্রত্যেকটি নগরের চারপাশের জমিতে উৎপন্ন খাদ্যশস্য তিনি সেইসব নগরেই রেখে দিলেন। 49 প্রচুর খাদ্যশস্য, সমুদ্রের বালুকণার মতো করে যোষেফ মজুত করে ফেললেন; তা পরিমাণে এত বেশি ছিল যে তিনি হিসেব রাখা বন্ধ করে দিলেন, কারণ তা অসম্ভব হয়ে পড়েছিল। 50 দুর্ভিক্ষকবলিত বছরগুলি এসে পড়ার আগেই, ওনের যাজক পোটাফেরের মেয়ে আসনতের মাধ্যমে যোষেফের দুই ছেলে জন্মেছিল। 51 যোষেফ তাঁর বড়ো ছেলের নাম রাখলেন মনঃশি এবং বললেন, “যেহেতু ঈশ্বর আমাকে আমার সব দুঃখকষ্ট ও আমার বাবার পুরো পরিবারকেই ভুলিয়ে দিয়েছেন।” 52 দ্বিতীয় ছেলের নাম তিনি রাখলেন ইফ্রায়িম এবং বললেন “যেহেতু ঈশ্বর আমাকে আমার দুঃখের দেশে ফলপ্রসূ করেছেন।” 53 মিশরে প্রাচুর্যময় সাত বছর সমাপ্ত হল, 54 এবং দুর্ভিক্ষকবলিত সাত বছর শুরু হল, যোষেফ ঠিক যেমনটি বলেছিলেন। অন্যান্য দেশেও দুর্ভিক্ষ

হল, কিন্তু সমগ্র মিশর দেশে খাদ্যদ্রব্য ছিল। 55 সমগ্র মিশরে যখন দুর্ভিক্ষের অনুভূতি শুরু হল, তখন প্রজারা ফরৌণের কাছে খাদ্যদ্রব্যের জন্য কানাকাটি করল। তখন ফরৌণ সব মিশরবাসীকে বললেন, “যোষেফের কাছে যাও ও সে যা বলবে তাই করো।” 56 দুর্ভিক্ষ যখন সমগ্র দেশে ছড়িয়ে পড়ল, তখন যোষেফ সব আড়ত খুলে দিলেন ও মিশরীয়দের কাছে খাদ্যশস্য বিক্রি করলেন, কারণ সমগ্র মিশর জুড়ে দুর্ভিক্ষ ভয়াবহ রূপ ধারণ করল। 57 সমগ্র জগৎ মিশরে যোষেফের কাছে খাদ্যশস্য কিনতে এল, কারণ দুর্ভিক্ষ সর্বত্র ভয়াবহ রূপ ধারণ করল।

**42** যাকোব যখন জানতে পারলেন যে মিশর দেশে খাদ্যশস্য আছে, তখন তিনি তাঁর ছেলেদের বললেন, “তোমরা কেন শুধু পরস্পরের মুখ দেখাদেখি করছ?” 2 তিনি আরও বললেন, “আমি শুনেছি যে মিশরে খাদ্যশস্য আছে। সেখানে যাও ও আমাদের জন্য কিছুটা খাদ্যশস্য কিনে আনো, যেন আমরা বাঁচতে পারি ও মরে না যাই।” 3 তখন যোষেফের দাদা-ভাইদের মধ্যে দশজন মিশর থেকে খাদ্যশস্য কিনে আনার জন্য সেখানে গেলেন। 4 কিন্তু যাকোব যোষেফের ছোটো ভাই বিন্যামীনকে, অন্যদের সঙ্গে পাঠাননি, কারণ তিনি ভয় পেয়েছিলেন, পাছে তার কোনও ক্ষতি হয়। 5 অতএব যারা খাদ্যশস্য কেনার জন্য মিশরে গেল তাদের মধ্যে ইস্রায়েলের ছেলেরাও ছিলেন, কারণ কনান দেশেও দুর্ভিক্ষ দেখা দিয়েছিল। 6 যোষেফ ছিলেন সেদেশের সেই শাসনকর্তা, যিনি সেখানকার সব প্রজার কাছে খাদ্যশস্য বিক্রি করছিলেন। অতএব যোষেফের দাদারা যখন সেখানে পৌঁছালেন, তাঁরা মাটিতে মাথা নত করে তাঁকে প্রণাম করলেন। 7 যোষেফ তাঁর দাদাদের দেখামাত্রই, তাঁদের চিনতে পারলেন, কিন্তু তিনি এক অপরিচিত লোক হওয়ার ভাব করলেন ও তাঁদের সঙ্গে কর্কশভাবে কথা বললেন। “তোমরা কোথা থেকে এসেছ?” তিনি জিজ্ঞাসা করলেন। “কনান দেশ থেকে,” তাঁরা উত্তর দিলেন, “খাদ্যশস্য কেনার জন্য।” 8 যোষেফ যদিও তাঁর দাদাদের চিনতে পেরেছিলেন, তাঁরা তাঁকে চিনতে পারেননি। 9 তখন তাঁর সেই স্বপ্নের কথা মনে পড়ল, যা তিনি

তাঁদের সমক্ষে দেখেছিলেন এবং তিনি তাঁদের বললেন, “তোমরা  
গুপ্তচর! তোমরা দেখতে এসেছ কোথায় আমাদের দেশ অসুরাক্ষিত  
হয়ে আছে।” 10 “হে আমার প্রভু, না,” তাঁরা উত্তর দিলেন। “আপনার  
দাসেরা খাদ্যশস্য কিনতে এসেছে। 11 আমরা সবাই এক ব্যক্তিরই  
ছেলে। আপনার দাসেরা সৎলোক, তারা গুপ্তচর নয়।” 12 “না!” তিনি  
তাঁদের বললেন। “তোমরা দেখতে এসেছ কোথায় আমাদের দেশ  
অসুরাক্ষিত হয়ে আছে।” 13 কিন্তু তাঁরা উত্তর দিলেন, “আপনার দাসেরা  
মোট বারোজন ভাই ছিল, সবাই সেই একজনেরই ছেলে, যিনি কনান  
দেশে বসবাস করেন। ছোটো ছেলেটি এখন আমাদের বাবার সঙ্গে  
আছে, এবং অন্যজন আর বেঁচে নেই।” 14 যোষেফ তাঁদের বললেন,  
“আমি যা বলেছি তাই ঠিক: তোমরা গুপ্তচর। 15 আর এভাবেই  
তোমাদের পরীক্ষা করা হবে: ফরৌণের প্রাণের দিব্যি, যতক্ষণ না  
তোমাদের ছোটো ভাই এখানে আসছে, তোমরা এই স্থান ছেড়ে যেতে  
পারবে না। 16 তোমাদের ভাইকে নিয়ে আসার জন্য তোমাদের  
মধ্যে থেকে একজনকে পাঠাও; তোমাদের মধ্যে অবশিষ্টজনেদের  
জেলখানায় পুরে রাখা হবে, যেন তোমাদের কথা পরীক্ষা করে দেখা  
যায় যে আদৌ তোমরা সত্যিকথা বলছ কি না। যদি তা না হয়, তবে  
ফরৌণের প্রাণের দিব্যি, তোমরা গুপ্তচরই।” 17 আর তিনিদিনের জন্য  
তিনি তাঁদের জেলে বন্দি করে রাখলেন। 18 তৃতীয় দিনে, যোষেফ  
তাঁদের বললেন “এরকম করো ও তোমরা বেঁচে যাবে, কারণ আমি  
ঈশ্বরকে ভয় করি: 19 যদি তোমরা সৎলোক হও, তবে তোমাদের  
ভাইদের মধ্যে একজন এখানে জেলখানায় থাকো, ততক্ষণ তোমাদের  
মধ্যে অন্যেরা চলে যাও ও তোমাদের নিরক্ষ পরিবার-পরিজনেদের  
জন্য খাদ্যশস্যও নিয়ে যাও। 20 কিন্তু তোমরা অবশ্যই তোমাদের  
ছোটো ভাইকে আমার কাছে নিয়ে আসবে, যেন তোমাদের বলা কথা  
যাচাই করা যায় ও তোমরা মারা না যাও।” তাঁরা তাই করতে উদ্যত  
হলেন। 21 তাঁরা পরম্পরাকে বললেন, “আমাদের ভাইয়ের কারণেই  
আমরা শাস্তি পাচ্ছি। সে যখন আমাদের কাছে প্রাণভিক্ষা চাইছিল,  
আমরা দেখেছিলাম সে কত আকুল হয়ে পড়েছিল, কিন্তু আমরা তার

কথা শুনিনি; সেজন্যই আমাদের উপর এই চরম বিপদ ঘনিয়েছে।”

22 রূবেণ উত্তর দিলেন, “আমি কি তোমাদের বলিনি যে বালকটির বিরুদ্ধে কোনও পাপ কোরো না? কিন্তু তোমরা তা শোনোনি! এখন তার রক্তের হিসেব আমাদের দিতেই হবে।” 23 তাঁরা অনুভবই করতে পারেননি যে যোষেফ তাঁদের কথা বুঝতে পারছিলেন, কারণ তিনি একজন অনুবাদক ব্যবহার করছিলেন। 24 তিনি তাঁদের কাছ থেকে দূরে সরে গেলেন ও কাঁদতে শুরু করলেন, কিন্তু পরে আবার ফিরে এলেন ও তাঁদের সঙ্গে কথা বললেন। তিনি তাঁদের মধ্যে থেকে শিমিয়োনকে নিয়ে তাঁদের চোখের সামনেই তাকে বেঁধে ফেললেন।

25 যোষেফ তাঁদের বস্তাগুলি খাদ্যশস্য দিয়ে ভর্তি করার, প্রত্যেকের রূপো তাঁদের বস্তায় আবার রেখে দেওয়ার, ও তাঁদের যাত্রাপথের জন্য প্রয়োজনীয় রসদপত্র তাঁদের দেওয়ার আদেশ দিলেন। তাঁদের জন্য এসব কিছু সম্পূর্ণ হওয়ার পর, 26 তাঁরা তাঁদের গাধাগুলির পিঠে তাঁদের খাদ্যশস্য চাপিয়ে রওনা হয়ে গেলেন। 27 রাত্রিযাপনের জন্য একটি স্থানে তাঁরা দাঁড়ানোর পর তাঁদের মধ্যে একজন তাঁর গাধার জাবনা নেওয়ার জন্য নিজের বস্তাটি খুললেন, আর তিনি বস্তার মুখে তাঁর রূপো দেখতে পেলেন। 28 “আমার রূপো ফিরিয়ে দেওয়া হয়েছে,” তিনি তাঁর ভাইদের বললেন। “এখানে আমার বস্তার মধ্যে তা রাখা আছে।” তাঁদের মনে কাঁপুনি ধরে গেল এবং তাঁরা কাঁপতে কাঁপতে পরস্পরের দিকে ফিরে বললেন, “ঈশ্বর আমাদের প্রতি এ কী করলেন?” 29 কনান দেশে তাঁরা যখন তাঁদের বাবা যাকোবের কাছে এলেন, তখন তাঁরা তাঁদের প্রতি যা যা ঘটেছিল সেসব কথা তাঁকে বললেন। তাঁরা বললেন, 30 “যে লোকটি সে দেশের প্রভু, তিনি আমাদের সঙ্গে কর্কশভাবে কথা বললেন এবং আমাদের সঙ্গে এমন ব্যবহার করলেন যে আমরা বুঝি সেই দেশে গুপ্তচর্বৃত্তি করতে গিয়েছি। 31 কিন্তু আমরা তাঁকে বললাম, ‘আমরা সৎলোক; আমরা গুপ্তচর নই।’ 32 আমরা বারোটি ভাই, সবাই একই বাবার ছেলে। একজন আর বেঁচে নেই, এবং ছোটো ভাই এখন কনানে আমাদের বাবার সাথে আছে।’ 33 “তখন সেদেশের প্রভু সেই লোকটি আমাদের

বললেন, ‘এভাবেই আমি জানতে পারব তোমরা সৎলোক কি না: তোমাদের ভাইদের মধ্যে একজনকে এখানে আমার কাছে ছেড়ে যাও, এবং তোমাদের নিরন্তর পরিবার-পরিজনেদের জন্য খাদ্যশস্য নাও ও চলে যাও। 34 কিন্তু তোমাদের ছোটো ভাইকে আমার কাছে নিয়ে এসো যেন আমি জানতে পারি যে তোমরা গুপ্তচর নও কিন্তু সৎলোক। পরে আমি তোমাদের ভাইকে তোমাদের কাছে ফিরিয়ে দেব, এবং তোমরা এই দেশে ব্যবসাবাণিজ্য করতে পারো।’” 35 তাঁরা যখন তাঁদের বস্তাগুলি খালি করছিলেন, প্রত্যেকের বস্তাতেই তাঁদের রূপো ভর্তি বটুয়া পাওয়া গেল। যখন তাঁরা এবং তাঁদের বাবা টাকার বটুয়াগুলি দেখলেন, তখন তাঁরা ভয় পেয়ে গেলেন। 36 তাঁদের বাবা যাকোব তাঁদের বললেন, “তোমরা আমাকে সন্তানহীন করেছ, যোমেফ আর বেঁচে নেই ও শিমিয়োনও আর নেই, এবং এখন তোমরা বিন্যামীনকে নিয়ে যেতে চাইছ। সবকিছুই আমার বিরুদ্ধে গিয়েছে!” 37 তখন রূবেণ তাঁর বাবাকে বললেন, “আমি যদি তাকে আপনার কাছে ফিরিয়ে আনতে না পারি তবে আপনি আমার দুই ছেলেকে মেরে ফেলতে পারেন। তার দায়িত্ব আমার হাতে তুলে দিন, আর আমি তাকে ফিরিয়ে আনব।” 38 কিন্তু যাকোব বললেন, “আমার ছেলে তোমাদের সাথে সেখানে যাবে না; তার দাদা মারা গিয়েছে এবং একমাত্র ওই বেঁচে আছে। তোমাদের যাত্রাপথে ওর যদি কোনও ক্ষতি হয়, তবে শোকার্ত অবস্থায় পাকাচুলে তোমরা আমাকে কবরে পাঠিয়ে দেবে।”

(Sheol h7585)

**43** তখনও পর্যন্ত সেদেশে ভয়াবহ দুর্ভিক্ষ চলছিল। 2 অতএব যখন তাঁরা মিশর থেকে আনা সব খাদ্যশস্য থেয়ে ফেললেন, তখন তাঁদের বাবা তাঁদের বললেন, “তোমরা ফিরে যাও ও আমাদের জন্য আরও কিছু খাদ্যশস্য কিনে আনো।” 3 কিন্তু যিহুদা তাঁকে বললেন, “সেই লোকটি শপথপূর্বক আমাদের সাবধান করে দিয়েছিলেন, ‘তোমাদের ভাই যদি তোমাদের সঙ্গে না থাকে তবে তোমরা আর আমার মুখ্যদর্শন করবে না।’ 4 আপনি যদি আমাদের সঙ্গে আমাদের ভাইকে পাঠান, তবেই আমরা সেখানে যাব ও আপনার জন্য খাদ্যশস্য কিনে আনব।

৫ কিন্তু আপনি যদি তাকে না পাঠান, আমরা সেখানে যাব না, কারণ  
সেই লোকটি আমাদের বলেছিলেন, ‘তোমাদের ভাই যদি তোমাদের  
সঙ্গে না থাকে তবে তোমরা আর আমার মুখদর্শন করবে না।’”  
৬ ইস্রায়েল জিজ্ঞাসা করলেন, “সেই লোকটিকে একথা বলে কেন  
তোমরা আমার উপর এই বিপত্তি ডেকে এনেছ যে তোমাদের অন্য  
একটি ভাই আছে?” ৭ তাঁরা উত্তর দিলেন, “সেই লোকটি আমাদের  
বিষয়ে ও আমাদের পরিবারের বিষয়ে পুঁজ্ঞনাপুঁজ্ঞভাবে আমাদের প্রশ্ন  
করেছিলেন। ‘তোমাদের বাবা কি এখনও জীবিত আছেন?’ তিনি  
আমাদের জিজ্ঞাসা করেছিলেন। ‘তোমাদের কি অন্য কোনও ভাই  
আছে?’ আমরা শুধু তাঁর প্রশ্নগুলির উত্তর দিয়েছিলাম। আমরা কীভাবে  
জানব যে তিনি বলবেন, ‘তোমাদের ভাইকে এখানে নিয়ে এসো?’” ৮  
তখন যিহূদা তাঁর বাবা ইস্রায়েলকে বললেন, “বালকটিকে আমার  
সঙ্গে পাঠিয়ে দিন এবং আমরা এখনই রওনা দেব, যেন আমরা ও  
আপনি এবং আমাদের সন্তানেরা বাঁচতে পারি এবং না মরি। ৯ আমি  
নিজে তার নিরাপত্তার মুচলেকা দেব; তার জন্য আপনি ব্যক্তিগতভাবে  
আমাকে দায়ী করতে পারেন। আমি যদি তাকে আপনার কাছে ফিরিয়ে  
আনতে না পারি ও আপনার সামনে তাকে দাঁড় করাতে না পারি,  
তবে সারা জীবন আমি এই দোষ বয়ে বেড়াব। ১০ তবে ঘটনা হল  
এই যে, আমরা যদি দেরি না করতাম, তবে এতক্ষণে আমরা দু-  
দুবার সেখানে গিয়ে ফিরে আসতে পারতাম।” ১১ তখন তাঁদের বাবা  
ইস্রায়েল তাঁদের বললেন, ‘যদি তা আবশ্যিক হয়, তবে এরকম করো:  
তোমাদের বস্তাগুলিতে এদেশের শ্রেষ্ঠ দ্রব্যগুলির মধ্যে কিছু কিছু  
নিয়ে রাখো ও এক উপহারসামগ্ৰীকে সেগুলি সেই লোকটির কাছে  
নিয়ে যাও—যেমন সামান্য কিছু গুগ্ণল ও সামান্য কিছু মধু, কিছু  
মশলাপাতি ও গন্ধৰস, কিছু পেস্তাবাদাম ও কাঠবাদাম। ১২ তোমরা  
নিজেদের সঙ্গে দ্বিতীয় পরিমাণ ঝুঁপো নাও, কারণ সেই ঝুঁপোগুলি  
তোমাদের ফেরত দিতে হবে যা তোমাদের বস্তার মুখে রেখে দেওয়া  
হয়েছিল। হয়তো ভুলবশতই তা হয়েছিল। ১৩ তোমাদের ভাইকেও  
সঙ্গে নাও এবং এখনই সেই লোকটির কাছে চলে যাও। ১৪ আর

সর্বশক্তিমান ঈশ্বর সেই লোকটির দৃষ্টিতে তোমাদের দয়া পেতে দিন,  
যেন তিনি তোমাদের অন্য ভাইকে ও বিন্যামীনকে তোমাদের সঙ্গে  
ফিরে আসতে দেন। আমার আর কি, আমাকে যদি সন্তানহারা হতে হয়  
তবে তাই হোক।” 15 অতএব তাঁরা উপহারসামগ্রী ও দ্বিষণ পরিমাণ  
রূপো, এবং বিন্যামীনকেও সঙ্গে নিলেন। তাঁরা তাড়াতাড়ি করে  
মিশরে গেলেন ও যোষেফের কাছে নিজেদের উপস্থিত করলেন। 16  
যোষেফ যখন বিন্যামীনকে তাঁদের সঙ্গে দেখতে পেলেন, তখন তিনি  
তাঁর বাড়ির গোমস্তাকে বললেন, “এদের আমার বাড়িতে নিয়ে যাও,  
একটি পশু বধ করো এবং ভোজের আয়োজন করো, দুপুরবেলায়  
এরা আমাদের সঙ্গে ভোজনপান করবে।” 17 যোষেফ যেমনটি  
করতে বললেন, সেই লোকটি ঠিক সেরকমই করলেন এবং তাঁদের  
যোষেফের বাড়িতে নিয়ে গেলেন। 18 যখন তাঁদের তাঁর বাড়িতে  
নিয়ে যাওয়া হল তখন তাঁরা ভয় পেয়ে গেলেন। তাঁরা ভাবলেন,  
“প্রথমবার আমাদের বস্তায় যে রূপো রেখে দেওয়া হয়েছিল সেজন্যই  
আমাদের এখানে আনা হয়েছে। তিনি আমাদের উপর হামলা করতে  
ও ক্রীতদাসরূপে আমাদের গ্রেপ্তার করতে এবং আমাদের গাধাগুলি  
দখল করে নিতে চাইছেন।” 19 অতএব তাঁরা যোষেফের গোমস্তার  
কাছে চলে গেলেন ও বাড়ির প্রবেশদ্বারে দাঁড়িয়ে তাঁর সঙ্গে কথা  
বললেন। 20 “হে আমাদের প্রভু, আমরা আপনার দয়া ভিক্ষা করছি,”  
তাঁরা বললেন, “প্রথমবার আমরা এখানে খাদ্যশস্য কেনার জন্যই  
এসেছিলাম। 21 কিন্তু রাত্রিযাপনের জন্য আমরা একটি হানে থেমে  
আমাদের বস্তাগুলি খুলেছিলাম এবং আমাদের প্রত্যেকেই বস্তার মুখে  
নিজের নিজের রূপো—একেবারে নির্ভুল ওজনের রূপো—খুঁজে  
পেয়েছিলাম। তাই আমরা তা নিজেদের সঙ্গে করে ফিরিয়ে এনেছি।  
22 খাদ্যশস্য কেনার জন্য আমরা আরও কিছু রূপো আমাদের সঙ্গে  
করে এনেছি। আমরা জানি না কে আমাদের বস্তাগুলিতে আমাদের  
রূপোগুলি রেখে দিয়েছিল।” 23 “ঠিক আছে,” তিনি বললেন। “ভয়  
পেয়ো না। তোমাদের ঈশ্বর, তোমাদের পৈত্রিক ঈশ্বর, তোমাদের  
বস্তাগুলিতে পুরে তোমাদের ধনসম্পদ দিয়েছেন; আমি তোমাদের

ରହିପୋ ପେଯେଛି।” ପରେ ତିନି ଶିମିଯୋନକେ ତାଁଦେର କାହେ ଆନଲେନ ।

24 ସେଇ ଗୋମଞ୍ଜା ତାଁଦେର ଯୋଷେଫେର ବାଡ଼ିତେ ନିଯେ ଗେଲେନ, ତାଁଦେର ପା ଧୋଯାର ଜନ୍ୟ ତାଁଦେର ଜଳ ଦିଲେନ ଏବଂ ତାଁଦେର ଗାଧାଶୁଳିର ଜନ୍ୟ ଜାବନାର ଜୋଗାନ ଦିଲେନ । 25 ଦୁପୁରେ ଯୋଷେଫ ଆସବେନ ବଲେ ତାଁରା ତାଁଦେର ଉପହାରସାମଗ୍ରୀ ପ୍ରସ୍ତୁତ କରେ ରାଖଲେନ, କାରଣ ତାଁରା ଶୁନେଛିଲେନ ଯେ ସେଥାନେ ତାଁଦେର ଭୋଜନପାନ କରତେ ହବେ । 26 ଯୋଷେଫ ସଥିନ ସରେ ଏଲେନ, ତଥିନ ସେଇ ବାଡ଼ିତେ ତାଁରା ଯେସବ ଉପହାରସାମଗ୍ରୀ ନିଯେ ଏସେଛିଲେନ, ସେଶୁଳି ତାଁରା ତାଁକେ ଦିଲେନ, ଏବଂ ମାଟିତେ ନତମଙ୍ଗକ ହୁଯେ ତାଁକେ ପ୍ରଶାସନ କରଲେନ । 27 ତିନି ତାଁଦେର ଜିଜ୍ଞାସା କରଲେନ ତାରା କେମନ ଆଛେନ, ଏବଂ ପରେ ତିନି ବଲଲେନ, “ତୋମାଦେର ଯେ ବୃଦ୍ଧ ବାବାର କଥା ତୋମରା ବଲେଛିଲେ, ତିନି କେମନ ଆଛେନ? ତିନି କି ଏଥିନେ ବେଁଚେ ଆଛେନ?” 28 ତାଁରା ଉତ୍ତର ଦିଲେନ, “ଆପନାର ଦାସ ଆମାଦେର ବାବା ଏଥିନେ ବେଁଚେ ଆଛେନ ଓ ଭାଲୋଇ ଆଛେନ ।” ଏବଂ ତାଁରା ତାଁର ସାମନେ ମାଟିତେ ଉବୁଡ଼ ହୁଯେ ତାଁକେ ଶ୍ରଦ୍ଧା ଜ୍ଞାପନ କରଲେନ । 29 ତିନି ଚୋଥ ତୁଲେ ତାକିଯେ ଯେହି ନା ତାଁର ଭାଇ ବିନ୍ୟାମୀନକେ, ତାଁର ସହୋଦର ଭାଇକେ ଦେଖିତେ ପେଲେନ, ତିନି ଜିଜ୍ଞାସା କରଲେନ, “ଏହି କି ତୋମାଦେର ସେଇ ଛୋଟୋ ଭାଇ, ଯାର କଥା ତୋମରା ଆମାକେ ବଲେଛିଲେ?” ଆର ତିନି ବଲଲେନ, “ବାଢା, ଦ୍ଵିତୀୟ ତୋମାର ପ୍ରତି ମଙ୍ଗଳମୟ ହୋନ ।” 30 ଭାଇକେ ଦେଖିତେ ପେଯେ ଯୋଷେଫ ଦାରଣ ଆବେଗତାଡ଼ିତ ହୁଯେ ପଡ଼ିଲେନ, ତାଇ ତିନି ତାଡ଼ାତାଡ଼ି ବାଇରେ ବୈରିଯେ ଗେଲେନ ଓ କାଁଦାର ଜନ୍ୟ ଏକଟି ହ୍ରାନ ଖୁଜିଲେନ । ତିନି ନିଜେର ଖାସ କାମରାୟ ଢୁକେ ଗେଲେନ ଓ ସେଥାନେ କେଂଦ୍ର ନିଲେନ । 31 ନିଜେର ମୁଖ ଧୁଯେ ନେଓୟାର ପର, ନିଜେକେ ସଂୟତ କରେ ତିନି ବାଇରେ ବୈରିଯେ ଏସେ ବଲଲେନ, “ଖାବାର ପରିବେଶନ କରୋ ।” 32 ତାରା ଆଲାଦା ଆଲାଦା କରେ ତାଁର ଜନ୍ୟ, ତାଁର ଭାଇଦେର ଜନ୍ୟ ଏବଂ ତାଁର ସାଥେ ଯେ ମିଶରିଆୟରା ଥେତେ ବସେଛିଲ, ତାଦେର ଜନ୍ୟ ଖାବାର ପରିବେଶନ କରିଲ, କାରଣ ମିଶରିଆୟରା ହିଙ୍କଦେର ସାଥେ ଭୋଜନପାନ କରିନ ନା, ଯେହେତୁ ମିଶରିଆୟଦେର କାହେ ତା ଘୃଣ୍ୟ ବଲେ ଗଣ୍ୟ ହତ । 33 ବଡ଼ୋ ଥେକେ ଶୁରୁ କରେ ଛୋଟୋ ପର୍ଯ୍ୟନ୍ତ, ତାଁଦେର ବସାନୁସାରେଇ ତାଁଦେର ତାଁର ସାମନେ ବସାନୋ ହଲ; ଏବଂ ତାଁରା ଅବାକ ହୁଯେ ପରମ୍ପରର ଦିକେ ତାକାଲେନ । 34 ଯୋଷେଫେର ଟେବିଲ ଥେକେ ସଥିନ ତାଁଦେର

থাবার পরিবেশন করা হল, বিন্যামীনের অংশটি অন্য যে কারোর  
অংশের চেয়ে পাঁচগুণ বেশি হল। অতএব তাঁরা তাঁর সাথে বসে অবাধে  
পেট পুরে ভোজনপান করলেন।

**44** যোষেফ তাঁর ঘরের গোমস্তাকে এই নির্দেশাঙ্গলি দিলেন: “এই  
লোকেরা যতখানি খাদ্যশস্য বয়ে নিয়ে যেতে পারে, ততখানি করে  
দিয়ে ওদের বস্তাঙ্গলি ভরে দাও, এবং প্রত্যেকের বস্তার মুখে তাদের  
রংপো রেখে দাও। 2 পরে খাদ্যশস্যের জন্য আনা রংপোর পাশাপাশি  
আমার পানপাত্রটি, সেই রংপোর পানপাত্রটিও সেই ছোটো ছেলেটির  
বস্তার মুখে রেখে দাও।” আর যোষেফ যেমনটি বললেন, তিনি  
তেমনটিই করলেন। 3 সকাল হওয়ামাত্র, তাঁদের গাধাঙ্গলির সঙ্গে  
তাঁদের বিদায় করে দেওয়া হল। 4 তাঁরা নগর থেকে তখন খুব বেশি  
দূরে যাননি, এমন সময় যোষেফ তাঁর গোমস্তাকে বললেন, “এখনই  
ওই লোকদের পশ্চাদ্বাবন করো, এবং তাদের নাগাল পেয়ে, তুমি  
তাদের বোলো, ‘ভালোর পরিবর্তে তোমরা কেন মন্দ প্রতিদান দিলে?  
5 এটি কি সেই পানপাত্র নয় যেটি থেকে আমার প্রভু পান করেন এবং  
ভবিষ্যৎ-কথনের জন্য যেটি ব্যবহার করেন? তোমরা এ এক মন্দ  
কাজ করে বসলে।’” 6 তাঁদের নাগাল পেয়ে তিনি তাঁদের কাছে এই  
কথাঙ্গলি বলে শোনালেন। 7 কিন্তু তাঁরা তাঁকে বললেন, “আমার প্রভু  
কেন এরকম কথা বলছেন? এরকম কোনও কাজ আপনার দাসেরা  
করতেই পারে না! 8 এমনকি আমরা সেই কনান দেশ থেকে সেই  
রংপোও তো ফেরত এনেছিলাম, যা আমাদের বস্তার মুখে পাওয়া  
গিয়েছিল। তাই আপনার প্রভুর বাড়ি থেকে কেনই বা আমরা রংপো  
বা সোনা চুরি করব? 9 যদি আপনার এই দাসেদের মধ্যে কারও  
কাছে তা পাওয়া যায়, তবে সে মরবে; এবং আমাদের মধ্যে বাকি  
সবাই আমার প্রভুর ক্রীতদাস হবে।” 10 “তবে ঠিক আছে,” তিনি  
বললেন, “তোমাদের কথানুসারেই তা হোক। যার কাছে সেটি পাওয়া  
যাবে সে আমার ক্রীতদাস হয়ে যাবে; তোমাদের মধ্যে বাদবাকি  
সবাই দোষমৃক্ত হবে।” 11 তাঁদের প্রত্যেকেই তাড়াতাড়ি মাটিতে বস্তা  
নামালেন ও তা খুলে ধরলেন। 12 পরে সেই গোমস্তা খানাতল্লাশি

করার জন্য এগিয়ে গেলেন, বড়ো থেকে শুরু করে ছোটো জনের কাছে গিয়ে খানাতল্লাশি শেষ করলেন। আর সেই পানপাত্রটি বিন্যামীনের বস্তাতে পাওয়া গেল। 13 তা দেখে, তাঁরা তাঁদের পোশাক ছিঁড়ে ফেললেন। পরে তাঁরা সবাই তাঁদের গাধার পিঠে বোঝা চাপিয়ে নগরে ফিরে গেলেন। 14 যিহূদা ও তাঁর ভাইয়েরা যখন ফিরে এলেন, যোষেফ তখনও বাড়ির মধ্যেই ছিলেন, এবং তাঁরা তাঁর সামনে গিয়ে মাটিতে উবুড় হয়ে পড়লেন। 15 যোষেফ তাঁদের বললেন, “তোমরা এ কী কাজ করলে? তোমরা কি জানো না যে আমার মতো একজন লোকগণনা করে সবকিছু খুঁজে বের করতে পারে?” 16 “আমার প্রভুর কাছে আমরা কী আর বলব?” যিহূদা উত্তর দিলেন। “আমরা কী আর বলব? আমরা কীভাবেই বা আমাদের নির্দোষিতার প্রমাণ দেব? ঈশ্বর আপনার দাসদের দোষ উন্মোচন করে দিয়েছেন। আমরা এখন আমার প্রভুর ক্রীতদাস হয়ে গিয়েছি—আমরা নিজেরা এবং সেই জন, যার কাছে সেই পানপাত্রটি পাওয়া গিয়েছে।” 17 কিন্তু যোষেফ বললেন, “এরকম কাজ যেন আমি না করি! শুধু যার কাছে সেই পানপাত্রটি পাওয়া গিয়েছে, সেই লোকটিই আমার ক্রীতদাস হবে। তোমাদের মধ্যে বাদবাকি সবাই শাস্তিতে তোমাদের বাবার কাছে ফিরে যাও।” 18 তখন যিহূদা তাঁর কাছে গিয়ে বললেন: “হে আমার প্রভু, আপনার এই দাসকে ক্ষমা করুন, আমার প্রভুর কাছে আমাকে একটি কথা বলতে দিন। আপনার এই দাসের প্রতি ক্রুদ্ধ হবেন না, যদিও বা আপনি স্বয�়ং ফরৌগের সমতুল্য। 19 আমার প্রভু তাঁর দাসদের জিজ্ঞাসা করেছিলেন, ‘তোমাদের কি বাবা অথবা ভাই আছে?’ 20 আর আমরা তাঁকে উত্তর দিয়েছিলাম, ‘আমাদের বৃন্দ বাবা আছেন, এবং তাঁর বৃন্দাবন্ধায় জন্মানো তাঁর এক ছোটো ছেলেও আছে। তার দাদা মারা গিয়েছে, এবং তার মায়ের একমাত্র সন্তানরূপে সেই বেঁচে আছে, এবং তার বাবা তাকে ভালোবাসেন।’ 21 “পরে আপনি আপনার দাসদের বলেছিলেন, ‘তাকে আমার কাছে নিয়ে এসো, যেন আমি তাকে স্বচক্ষে দেখতে পারি।’ 22 আর আমরা আমার প্রভুকে বলেছিলাম, ‘সেই বালকটি তার বাবার কাছছাড়া হতে পারবে না; যদি

সে তাঁকে ছেড়ে আসে, তবে তার বাবা মারা যাবেন।’ 23 কিন্তু আপনি  
আপনার দাসদের বলেছিলেন, ‘তোমাদের ছোটো ভাই যতক্ষণ না  
তোমাদের সঙ্গে আসছে, তোমরা আর আমার মুখদর্শন করবে না।’  
24 আমরা যখন আপনার দাস আমার বাবার কাছে ফিরে গেলাম,  
তখন আমার প্রভু যা যা বলেছিলেন, সেসব আমরা তাঁকে বলেছিলাম।  
25 “তখন আমাদের বাবা বললেন, ‘তোমরা ফিরে যাও এবং আরও  
অল্প কিছু খাদ্যশস্য কিনে আনো।’ 26 কিন্তু আমরা বললাম, ‘আমরা  
যেতে পারব না। আমাদের ছোটো ভাই যদি আমাদের সঙ্গে থাকে  
তবেই আমরা যাব। আমাদের ছোটো ভাই যদি আমাদের সঙ্গে না  
থাকে তবে আমরা সেই লোকটির মুখদর্শন করতে পারব না।’ 27  
“আপনার দাস আমার বাবা আমাদের বললেন, ‘তোমরা তো জানো  
যে আমার স্ত্রী আমার জন্য দুটি সন্তানের জন্ম দিয়েছিল। 28 তাদের  
মধ্যে একজন আমার কাছ থেকে দূরে চলে গিয়েছে, এবং আমি  
বলেছিলাম, ‘নিশ্চিতভাবে তাকে ছিন্ন-বিছিন্ন করে ফেলা হয়েছে।’  
তখন থেকে আমি আর তাকে দেখতে পাইনি। 29 তোমরা যদি একেও  
আবার আমার কাছ থেকে নিয়ে যাও এবং এর যদি কোনও ক্ষতি হয়,  
তবে এই পাকাচুলে মর্মপীড়ায় তোমরা আমাকে কবরে পাঠাবে।’  
(Sheol h7585) 30 “অতএব এখন, আমি যখন আপনার দাস আমার  
বাবার কাছে ফিরে যাব, তখন যদি বালকটি আমাদের সঙ্গে না থাকে  
এবং আমার সেই বাবা, যাঁর জীবন সেই বালকটির জীবনের সঙ্গে  
ঘনিষ্ঠভাবে যুক্ত, 31 তিনি যদি দেখেন যে বালকটি সেখানে নেই, তবে  
তিনি মারা যাবেন। আপনার দাসেরা আমার বাবাকে এই পাকাচুলে  
মর্মপীড়ায় কবরে পাঠাবে। (Sheol h7585) 32 আপনার এই দাস আমি  
আমার বাবার কাছে সেই বালকটির নিরাপত্তার মুচলেকা দিয়েছিলাম।  
আমি বলেছিলাম, ‘আমি যদি তাকে আপনার কাছে ফিরিয়ে আনতে না  
পারি, তবে হে আমার বাবা, আজীবন আমি আপনার সামনে দোষ বয়ে  
বেড়াব।’ 33 “এখন তবে, প্রভু দয়া করে এই বালকটির স্থানে আপনার  
এই দাসকেই এখানে আপনার ক্রীতদাস হয়ে থাকতে দিন, এবং এই  
বালকটিকে তার দাদাদের সঙ্গে ফিরে যেতে দিন। 34 বালকটি যদি

আমার সঙ্গে না থাকে তবে আমি কীভাবে আমার বাবার কাছে ফিরে  
যাব? না! আমার বাবার উপর যে মর্মপীড়া নেমে আসবে, তা যেন  
আমাকে দেখতে না হয়।”

**45** তখন যোষেফ তাঁর সব সেবকের সামনে নিজেকে আর সংযত  
করে রাখতে পারলেন না, এবং তিনি চিৎকার করে উঠলেন, “সবাই  
আমার সামনে থেকে সরে যাও!” অতএব যোষেফ যখন তাঁর দাদা-  
ভাইদের কাছে নিজের পরিচয় প্রকাশ করলেন তখন তাঁর কাছে আর  
কেউ ছিল না। 2 আর তিনি এত জোরে কাঁদলেন যে মিশরীয়রা তা  
শুনতে পেল, এবং ফরৌণের পরিবার-পরিজনও তা শুনতে পেল। 3  
যোষেফ তাঁর দাদা-ভাইদের বললেন, “আমি যোষেফ! আমার বাবা  
কি এখনও বেঁচে আছেন?” কিন্তু তাঁর দাদারা তাঁকে উত্তর দিতে  
পারলেন না, কারণ তাঁর উপস্থিতিতে তাঁরা ভয় পেয়ে গেলেন। 4  
পরে যোষেফ তাঁর দাদা-ভাইদের বললেন, “আমার কাছে এসো।”  
যখন তাঁরা এলেন, তখন তিনি বললেন, “আমিই তোমাদের সেই  
ভাই যোষেফ, যাকে তোমরা মিশরে বিক্রি করে দিয়েছিলে! 5 আর  
এখন, আমাকে এখানে বিক্রি করে দিয়েছ বলে আকুল হোয়ো না ও  
নিজেদের উপর রাগ কোরো না, কারণ মানুষের প্রাণরক্ষা করার জন্যই  
ঈশ্বর তোমাদের আগে আগে আমাকে পাঠিয়ে দিয়েছেন। 6 দুই বছর  
ধরে এখন এদেশে দুর্ভিক্ষ চলছে, এবং পরবর্তী পাঁচ বছর কোনও  
হলকর্ষণ ও শস্যচ্ছেদন হবে না। 7 কিন্তু এই পৃথিবীতে তোমাদের  
বংশরক্ষা করার জন্য ও এক মহামুক্তির মাধ্যমে তোমাদের প্রাণরক্ষা  
করার জন্য ঈশ্বর তোমাদের আগে আগে আমাকে পাঠিয়ে দিয়েছেন।  
8 “অতএব, এমনটি নয় যে তোমরা আমাকে এখানে পাঠিয়েছ,  
কিন্তু ঈশ্বরই পাঠিয়েছেন। তিনি আমাকে ফরৌণের বাবা, তাঁর সমস্ত  
পরিবারের মালিক এবং সমগ্র মিশরের শাসনকর্তা করেছেন। 9  
এখন তাড়াতাড়ি করে আমার বাবার কাছে ফিরে যাও এবং তাঁকে  
বলো, ‘তোমার ছেলে যোষেফ একথা বলেছে: ঈশ্বর আমাকে সমগ্র  
মিশরের মালিক করে তুলেছেন। আমার কাছে নেমে এসো; দেরি  
কোরো না। 10 তোমরা গোশন অঞ্চলে বসবাস করবে এবং আমার

কাছেই থাকবে—তোমরা, তোমাদের সন্তানেরা, এবং তোমাদের  
নাতিপুত্রিা, তোমাদের গোমেষাদি পশুপাল, এবং তোমাদের যা যা  
আছে সেসবকিছু। 11 আমি সেখানে তোমাদের জন্য সবকিছুর জোগান  
দেব, কারণ পাঁচ বছরের দুর্ভিক্ষ এখনও বাকি আছে। তা না হলে  
তোমরা ও তোমাদের পরিবার-পরিজন এবং তোমাদের অধিকারভুক্ত  
সবাই নিঃস্ব হয়ে যাবে।’ 12 “তোমরা নিজের চোখেই দেখতে পাচ্ছ,  
এবং আমার ভাই বিন্যামীনও দেখতে পাচ্ছে, যে তোমাদের সঙ্গে যে  
কথা বলছে সে আসলে আমিই। 13 মিশরে আমাকে যে সম্মান দেওয়া  
হয়েছে ও তোমরা যা যা দেখেছ সেসব আমার বাবাকে গিয়ে বলো।  
আর আমার বাবাকে তাড়াতাড়ি নিয়ে এসো।” 14 পরে তিনি তাঁর দু-  
হাত বাড়িয়ে দিয়ে তাঁর ভাই বিন্যামীনকে আলিঙ্গন করলেন এবং  
কাঁদলেন, এবং বিন্যামীনও তাঁকে জড়িয়ে ধরে কাঁদলেন। 15 আর  
তিনি তাঁর দাদাদের সবাইকে চুমু দিলেন, ও তাঁদের ধরে কাঁদলেন।  
পরে তাঁর দাদারা তাঁর সঙ্গে কথা বললেন। 16 মোষেফের দাদা-  
ভাইরা এসেছে, এই খবর যখন ফরৌণের প্রাসাদে এসে পৌঁছাল,  
তখন ফরৌণ ও তাঁর সব কর্মকর্তা খুশি হলেন। 17 ফরৌণ মোষেফকে  
বললেন, “তোমার দাদা-ভাইদের বলো, ‘এরকম করো: তোমাদের  
পশুদের পিঠে বোঝা চাপাও ও কনান দেশে ফিরে যাও, 18 এবং  
তোমাদের বাবাকে ও তোমাদের পরিবার-পরিজনকে নিয়ে আমার  
কাছে ফিরে এসো। মিশর দেশের সেরা জিনিসগুলি আমি তোমাদের  
দেব এবং তোমরা দেশের বাছাই করা জিনিসগুলি উপভোগ করবে।’  
19 “তোমাকে আরও নির্দেশ দেওয়া হল যেন তুমি তাদের বলো,  
‘এরকম করো: তোমাদের সন্তানদের ও তোমাদের স্ত্রীদের জন্য মিশর  
থেকে কয়েকটি দুই চাকার গাড়ি নাও, এবং তোমাদের বাবাকে নিয়ে  
চলে এসো। 20 তোমাদের বিষয়সম্পত্তির জন্য কোনও চিন্তা কোরো  
না, কারণ সমগ্র মিশরের সেরা জিনিসগুলি তোমাদেরই হবে।’” 21  
অতএব ইস্রাইলের ছেলেরা এমনটিই করলেন। ফরৌণ যেমনটি  
আদেশ দিলেন, সেই অনুসারে যোষেফ তাঁদের দু-চাকার গাড়িগুলি  
দিলেন, এবং তিনি তাঁদের যাত্রাপথের জন্য রসদপত্রও জোগালেন।

22 তাঁদের প্রত্যেককে তিনি নতুন নতুন পোশাক দিলেন, কিন্তু তিনি বিন্যামীনকে তিনশো শেকল রংপো ও পাঁচজোড়া পোশাক দিলেন। 23 আর তাঁর বাবার কাছে তিনি যা যা পাঠালেন তা হল এই: দশটি মদ্দা গাধার পিঠে বোঝাই করা মিশরের সেরা জিনিসপত্র, এবং দশটি গাধির পিঠে বোঝাই করা তাঁর যাত্রাপথের জন্য প্রয়োজনীয় খাদ্যশস্য এবং রংটি ও অন্যান্য রসদপত্র। 24 পরে তিনি তাঁর দাদা-ভাইদের পাঠিয়ে দিলেন, এবং তাঁরা যখন প্রস্থান করলেন, তিনি তাঁদের বললেন, “রাস্তায় ঝগড়াবাটি কোরো না!” 25 অতএব তাঁরা মিশর থেকে চলে গেলেন এবং কলান দেশে তাঁদের বাবা যাকোবের কাছে এলেন। 26 তাঁরা তাঁকে বললেন, “যোষেফ এখনও বেঁচে আছে! আসলে, সে সমগ্র মিশরের শাসনকর্তা হয়ে গিয়েছে।” যাকোব স্তুতি হয়ে গেলেন; তাঁদের কথা তিনি বিশ্বাস করলেন না। 27 কিন্তু তাঁরা যখন যোষেফ তাঁদের যা যা বলেছিলেন সেসব কথা তাঁকে বললেন, এবং তিনি যখন তাঁকে বয়ে নিয়ে যাওয়ার জন্য যোষেফের পাঠানো দুই চাকার গাড়িগুলি দেখলেন, তখন তাঁদের বাবা যাকোবের অন্তরাত্মা পুনরুজ্জীবিত হল। 28 আর ইস্রায়েল বললেন, “আমি নিশ্চিত! আমার ছেলে যোষেফ এখনও বেঁচে আছে। মরার আগে আমি যাব এবং তাকে দেখব।”

**46** অতএব ইস্রায়েল তাঁর যথাসর্বস্য নিয়ে রওনা দিলেন, এবং তিনি যখন বের-শেবাতে পৌঁছালেন, তখন তিনি তাঁর বাবা ইস্হাকের ঈশ্বরের উদ্দেশে বলি উৎসর্গ করলেন। 2 আর রাতের বেলায় এক দর্শনের মাধ্যমে ঈশ্বর ইস্রায়েলের সঙ্গে কথা বললেন, এবং তিনি বললেন, “যাকোব, যাকোব!” “আমি এখানে,” তিনি উত্তর দিলেন। 3 “আমি ঈশ্বর, তোমার বাবার সেই ঈশ্বর,” তিনি বললেন। ‘মিশরে যেতে ভয় পেয়ো না, কারণ সেখানে আমি তোমাকে এক বড়ো জাতি করে তুলব, 4 তোমার সঙ্গে আমিও মিশরে যাব, এবং আমি আবার সেখান থেকে তোমাকে অবশ্যই বের করে আনব। আর যোষেফ নিজের হাতে তোমার চোখ বন্ধ করবে।’ 5 পরে যাকোব বের-শেবা ছেড়ে এলেন, এবং ইস্রায়েলের ছেলেরা, তাঁদের বাবা যাকোবকে ও তাঁদের সন্তানদের এবং তাঁদের স্ত্রীদের সেই দুই চাকার গাড়িগুলিতে

করে আনলেন, যেগুলি ফরোগ তাঁকে বয়ে নিয়ে যাওয়ার জন্য পাঠিয়ে দিয়েছিলেন। 6 অতএব যাকোব ও তাঁর সব বংশধর নিজেদের সাথে কনানে অর্জিত তাঁদের গৃহপালিত পশুপাল ও বিষয়সম্পত্তি নিয়ে মিশরে গেলেন। 7 যাকোব নিজের সাথে তাঁর ছেলেদের ও নাতিদের এবং তাঁর মেয়েদের ও নাতনীদের—তাঁর সব বংশধরকে মিশরে আনলেন। 8 এই হল ইস্রায়েলের সেই ছেলেদের নাম (যাকোব এবং তাঁর বংশধররা) যারা মিশরে গিয়েছিলেন: যাকোবের প্রথমজাত রূবেণ। 9 রূবেণের ছেলেরা: হনোক, পল্লু, হিণ্ডোণ ও কর্মি। 10 শিমিয়োনের ছেলেরা: যিম্যুল, যামীন, ওহদ, যাখীন, সোহর ও এক কনানীয় মহিলার সেই ছেলে শৌল। 11 লেবির ছেলেরা: গের্শোন, কহাং, ও মরারি। 12 যিহুদার ছেলেরা: এর, ওনন, শোলা, পেরস ও সেরহ। (কিন্তু এর ও ওনন কনান দেশে মারা গিয়েছিল) পেরসের ছেলেরা: হিণ্ডোণ ও হামূল। 13 ইযাখরের ছেলেরা: তোলয়, পূয়, যাশূব ও শিম্মোণ। 14 সবূলনের ছেলেরা: সেরদ, এলোন, ও যহুলেল। 15 এরা হলেন লেয়ার সেই ছেলেরা, যাদের ও তা ছাড়াও যাকোবের মেয়ে দীণাকে যিনি পদ্ন-আরামে যাকোবের জন্য জন্ম দিয়েছিলেন। তাঁর এইসব ছেলে ও মেয়ে মোট তেত্রিশজন। 16 গাদের ছেলেরা: সেফোন, হগি, শূনী, ইয়বোন, এরি, অরোদী ও অরেলী। 17 আশেরের ছেলেরা: যিম্বা, যিশ্বা, যিশ্বি, বরিয়। তাদের বোন সেরহ। বরিয়ের ছেলেরা: হেবর ও মঙ্কীয়েল। 18 এরা হলেন যাকোবের সেই ছেলেমেয়ে, যারা লেয়ার সেই দাসী সিল্পা দ্বারা জাত হয়েছিল, যাকে লাবন তাঁর মেয়ে লেয়াকে দিয়েছিলেন—মোট ঘোলোজন। 19 যাকোবের স্ত্রী রাহেলের ছেলেরা: যোষেফ ও বিন্যামীন। 20 মিশরে, যোষেফের ছেলে মনঃশি ও ইফ্রায়িম ওনের যাজক পোটীফেরের মেয়ে আসনতের দ্বারা জন্মেছিলেন। 21 বিন্যামীনের ছেলেরা: বেলা, বেখর, অস্বেল, গেরা, নামান, এহী, রোশ, মূপপীম, ভৃপপীম ও অর্দ। 22 এরা হলেন যাকোবের সেই ছেলেরা, যারা রাহেলের দ্বারা জন্মেছিলেন—মোট চোদোজন। 23 দানের ছেলে: হুশীম। 24 নগালির ছেলেরা: যহসিয়েল, গুনি, যেৎসর ও শিল্পেম। 25 এরা হলেন যাকোবের সেই ছেলেরা,

যারা রাহেলের সেই দাসী বিলহা দ্বারা জাত হলেন, যাকে লাবন তাঁর  
মেয়ে রাহেলকে দিয়েছিলেন—মোট সাতজন। 26 যাকোবের সঙ্গে  
যারা মিশরে গেলেন—যারা তাঁর অব্যবহিত বৎসর নন, তাঁর সেই  
পুত্রবধূদের সংখ্যা না ধরে—তাদের সংখ্যা হয়েছিল ছেষটি জন। 27  
মিশরে যোষেফের যে দুই ছেলের জন্ম হয়েছিল তাদের সংখ্যা ধরে,  
যাকোবের পরিবারের যে সদস্যেরা মিশরে গেলেন তাদের সংখ্যা  
মোট সত্তর জন। 28 ইত্যবসরে গোশনে যাওয়ার পথনির্দেশনা লাভের  
জন্য যাকোব তাঁর আগে আগে যিহুদাকে যোষেফের কাছে পাঠিয়ে  
দিলেন। তাঁরা যখন সেই গোশন অঞ্চলে পৌঁছালেন, 29 যোষেফ  
তখন তাঁর রথ সাজিয়ে নিলেন ও তাঁর বাবা ইস্রায়েলের সঙ্গে  
দেখা করার জন্য গোশনে চলে গেলেন। যোষেফ তাঁর সামনে গিয়ে  
দাঁড়াতে না দাঁড়াতেই তিনি তাঁর বাবার দিকে দু-হাত বাড়িয়ে দিলেন  
ও অনেকক্ষণ ধরে কাঁদলেন। 30 ইস্রায়েল যোষেফকে বললেন, “আমি  
এখন মরার জন্য প্রস্তুত, যেহেতু আমি নিজের চোখেই দেখলাম যে  
তুমি এখনও জীবিত আছ।” 31 পরে যোষেফ তাঁর দাদা-ভাইদের ও  
তাঁর পৈত্রিক পরিবার-পরিজনদের বললেন, “আমি ফরৌণের কাছে  
গিয়ে তাঁর সাথে কথা বলব ও তাঁকে বলব, ‘যারা সেই কনান দেশে  
বসবাস করছিলেন, আমার সেই দাদা-ভাইয়েরা ও আমার পৈত্রিক  
পরিবার-পরিজনেরা আমার কাছে এসেছেন। 32 তারা মেষপালক;  
তারা গৃহপালিত পশুপাল চরান, এবং তাদের মেষপাল ও পশুপাল ও  
তাদের অধিকারভুক্ত সবকিছু সাথে নিয়ে তারা এখানে এসেছেন।’ 33  
ফরৌণ যখন তোমাদের ডেকে জিজ্ঞাসা করবেন যে, ‘তোমাদের পেশা  
কী?’ 34 তোমাদের তখন এই উত্তর দিতে হবে, ‘আমাদের ছেলেবেলা  
থেকেই আপনার এই দাসেরা গৃহপালিত পশুপাল চরিয়ে আসছে,  
ঠিক যেভাবে আমাদের পূর্বপুরুষরাও চরাতেন।’ তখন তোমাদের  
গোশন অঞ্চলে বসতি স্থাপন করার অনুমতি দেওয়া হবে, কারণ সব  
মেষপালকই মিশরীয়দের কাছে ঘৃণ্য।”

**47** যোষেফ চলে গেলেন এবং ফরৌণকে বললেন, “আমার বাবা ও  
দাদা-ভাইয়েরা তাদের মেষপাল ও পশুপাল এবং তাদের অধিকারভুক্ত

সবকিছু সাথে নিয়ে কনান দেশ থেকে চলে এসেছেন এবং এখন  
গোশনে আছেন।” 2 তিনি তাঁর দাদা-ভাইদের মধ্যে পাঁচ জনকে  
মনোনীত করে তাঁদের ফরৌণের সামনে উপস্থিত করলেন। 3 ফরৌণ  
সেই দাদা-ভাইদের জিজ্ঞাসা করলেন, “তোমাদের পেশা কী?”  
“আপনার এই দাসেরা মেষপালক,” তাঁরা ফরৌণকে উত্তর দিলেন,  
“ঠিক যেমনটি আমাদের পূর্বপুরুষেরাও ছিলেন।” 4 তাঁরা তাঁকে আরও  
বললেন, “আমরা এখানে অল্প কিছুকালের জন্য বসবাস করতে  
এসেছি, কারণ কনানে দুর্ভিক্ষ দৃঃসহ হয়ে দাঁড়িয়েছে এবং আপনার  
এই দাসেদের মেষপালের জন্য কোনও চারণভূমি নেই। অতএব এখন,  
দয়া করে আপনার এই দাসেদের গোশনে বসতি স্থাপন করতে দিন।”  
5 ফরৌণ যোষেফকে বললেন, “তোমার বাবা ও দাদা-ভাইয়েরা তোমার  
কাছে এসেছেন, 6 এবং এই মিশর দেশটি তোমার সামনেই আছে;  
দেশের সব থেকে ভালো জায়গায় তোমার বাবা ও দাদা-ভাইদের  
বসতি স্থাপন করিয়ে দাও। তারা গোশনেই বসবাস করুন। আর যদি  
তুমি জানো যে তাদের মধ্যে কেউ কেউ বিশেষ দক্ষতাবিশিষ্ট, তবে  
তাদের তুমি আমার নিজের গৃহপালিত পশুপাল দেখাশোনার দায়িত্ব  
দিয়ো।” 7 তখন যোষেফ তাঁর বাবা যাকোবকে নিয়ে গিয়ে ফরৌণের  
সামনে দাঁড় করিয়ে দিলেন। যাকোব ফরৌণকে আশীর্বাদ করার পর,  
8 ফরৌণ তাঁকে জিজ্ঞাসা করলেন, “আপনার বয়স কত?” 9 আর  
যাকোব ফরৌণকে বললেন, “আমার জীবনপরিক্রমার কাল 130 বছর  
হয়েছে। আমার আয়ুর বছরগুলি অল্প সংখ্যক ও কষ্টকর হয়েছে, এবং  
সেগুলি আমার পূর্বপুরুষদের জীবনপরিক্রমার বছরগুলির সমান নয়।”  
10 পরে যাকোব ফরৌণকে আশীর্বাদ করলেন এবং তাঁর সামনে থেকে  
চলে গেলেন। 11 অতএব যোষেফ তাঁর বাবা ও দাদা-ভাইদের মিশরে  
বসতি স্থাপন করিয়ে দিলেন এবং ফরৌণের নির্দেশানুসারে, দেশের  
সব থেকে ভালো জায়গায়, সেই রামিষে জেলায় তাঁদের বিষয়সম্পত্তি  
দিলেন। 12 এছাড়াও যোষেফ তাঁর বাবার ও দাদা-ভাইদের এবং তাঁর  
পৈত্রিক সব পরিবার-পরিজনের সন্তানসন্ততির সংখ্যা অনুসারে তাঁদের  
খাদ্যদ্রব্য জোগান দিলেন। 13 সমগ্র এলাকায় অবশ্য খাদ্যদ্রব্য ছিল

না, কারণ দুর্ভিক্ষ দুঃসহ হয়ে পড়েছিল; দুর্ভিক্ষের কারণে মিশর ও কনান, দুই দেশই ক্ষতিগ্রস্ত হয়ে পড়েছিল। 14 মিশর ও কনানে যে অর্থ পাওয়া গেল যোষেফ সেসব তাদের কেনা খাদ্যশস্যের মূল্যরূপে সংগ্রহ করে তা ফরৌণের প্রাসাদে নিয়ে এলেন। 15 মিশর ও কনানের প্রজাদের অর্থ যখন শেষ হয়ে গেল, তখন মিশরের সব লোকজন যোষেফের কাছে এসে বলল, “আমাদের খাদ্যদ্রব্য দিন। আপনার চোখের সামনে আমরা কেন মারা পড়ব? আমাদের সব অর্থ ফুরিয়ে গিয়েছে।” 16 “তবে তোমাদের গৃহপালিত পশুপাল নিয়ে এসো,” যোষেফ বললেন। “যেহেতু তোমাদের অর্থ ফুরিয়ে গিয়েছে তাই তোমাদের গৃহপালিত পশুপালের বিনিময়ে আমি তোমাদের খাদ্যদ্রব্য বিক্রি করব।” 17 অতএব তারা যোষেফের কাছে তাদের গৃহপালিত পশুপাল নিয়ে এল, এবং তিনি তাদের ঘোড়া, তাদের মেষ ও ছাগল, তাদের গবাদি পশুপাল ও গাধাগুলির বিনিময়ে তাদের খাদ্যদ্রব্য দিলেন। আর তাদের সব গৃহপালিত পশুর বিনিময়ে তাদের খাদ্যদ্রব্য দিয়ে তিনি সে বছরটি পার করে দিলেন। 18 যখন সেই বছরটি শেষ হল, পরের বছরও তারা তাঁর কাছে এসে বলল, “আমরা এই তথ্যটি আমাদের প্রভুর কাছে লুকিয়ে রাখতে পারছি না যে যেহেতু আমাদের অর্থ ফুরিয়ে গিয়েছে এবং আমাদের গৃহপালিত পশুপালও আপনারই হয়ে গিয়েছে, এখন আমাদের প্রভুর জন্য আমাদের শরীর ও আমাদের জমিজায়গা ছাড়া আর কিছুই অবশিষ্ট নেই। 19 আপনার চোখের সামনে আমরা কেন ধ্বংস হব—আমরা ও আমাদের জমিজায়গাও? খাদ্যদ্রব্যের পরিবর্তে আপনি আমাদের ও আমাদের জমিজায়গা কিনে নিন, এবং আমাদের জমিজায়গা সমেত আমরা ফরৌণের কাছে দাসত্ববন্ধনে আবদ্ধ হব। আমাদের বীজ দিন যেন আমরা বাঁচতে পারি ও মারা না যাই, এবং এই দেশ যেন জনশূন্য হয়ে না যায়।” 20 অতএব যোষেফ মিশরে সব জমিজায়গা ফরৌণের জন্য কিনে নিলেন। মিশরীয়রা, এক এক করে, সবাই তাদের জমিজায়গা বিক্রি করে দিল, কারণ তাদের পক্ষে দুর্ভিক্ষ অত্যন্ত দুঃসহ হয়েছিল। সেই জমিজায়গা ফরৌণের হয়ে গেল, 21 এবং যোষেফ মিশরের এক প্রান্ত থেকে অন্য

প্রান্ত পর্যন্ত প্রজাদের ক্রীতদাসে পরিগত করলেন। 22 অবশ্য, তিনি যাজকদের জমিজায়গা কেনেননি, কারণ তাঁরা ফরৌণের কাছ থেকে নিয়মিত এক ভাতা পেতেন এবং ফরৌণের দেওয়া সেই ভাতা থেকে যথেষ্ট পরিমাণ খাদ্যদ্রব্য জোগাড় হয়ে যেত। সেজন্যই তাঁরা তাঁদের জমিজায়গা বিক্রি করেননি। 23 যোষেফ প্রজাদের বললেন, “আজ যখন আমি তোমাদেরকে ও তোমাদের জমিজায়গা ফরৌণের জন্য কিনে নিয়েছি, এই রইল তোমাদের বীজ, যেন তোমরা জমিতে তা বপন করতে পারো। 24 কিন্তু যখন শস্য উৎপন্ন হবে, তখন তার এক-পঞ্চমাংশ তোমরা ফরৌণকে দিয়ো। অন্য চার-পঞ্চমাংশ তোমরা জমির জন্য বীজরূপে, এবং তোমাদের নিজেদের, তোমাদের পরিবার-পরিজনেদের এবং তোমাদের সন্তানদের জন্য খাদ্যদ্রব্যরূপে রাখতে পারো।” 25 “আপনি আমাদের প্রাণরক্ষা করেছেন,” তারা বলল। “আমরা যেন আমাদের প্রভুর দৃষ্টিতে অনুগ্রহ পাই; আমরা ফরৌণের ক্রীতদাস হয়ে থাকব।” 26 অতএব যোষেফ সোটি মিশরে জমি সংক্রান্ত এক আইনরূপে প্রতিষ্ঠিত করে দিলেন—যা আজও বলবৎ আছে—যে উৎপন্ন শস্যের এক-পঞ্চমাংশ ফরৌণের অধিকারভুক্ত। 27 শুধুমাত্র যাজকদের জমিজায়গাই ফরৌণের অধিকারভুক্ত হয়নি। 28 ইস্রায়েলীরা মিশরে গোশন অধ্যলে বসতি স্থাপন করল। তারা সেখানে বিষয়সম্পত্তি অর্জন করল এবং ফলবান হল ও সংখ্যায় ব্যাপকভাবে বৃদ্ধি পেল। 28 যাকোব মিশরে সতেরো বছর বেঁচেছিলেন, এবং তাঁর জীবনকাল হল 147 বছর। 29 ইস্রায়েলের মৃত্যুর সময় যখন ঘনিয়ে এল, তিনি তখন তাঁর ছেলে যোষেফকে ডেকে পাঠালেন এবং তাঁকে বললেন, “আমি যদি তোমার দৃষ্টিতে অনুগ্রহ পেয়ে থাকি, তবে আমার উরুর নিচে তোমার হাত রেখে প্রতিজ্ঞা করো যে তুমি আমার প্রতি দয়া ও বিশ্বস্তা দেখাবে। আমাকে মিশরে কবর দিয়ো না, 30 কিন্তু আমি যখন আমার পূর্বপুরুষদের সাথে চিরবিশ্রামে শায়িত হব, তখন মিশর থেকে আমাকে তুলে নিয়ে যেয়ো এবং সেখানেই কবর দিয়ো যেখানে তাঁদের কবর দেওয়া হয়েছে।” “আপনি যেমনটি বললেন, আমি তেমনটিই করব,” তিনি বললেন। 31 “আমার কাছে

প্রতিজ্ঞা করো,” তিনি বললেন। তখন যোষেফ তাঁর কাছে প্রতিজ্ঞা করলেন, এবং ইস্রায়েল তাঁর লাঠির ডগার উপর হেলান দিয়ে উপাসনা করলেন।

**48** কিছুকাল পর যোষেফকে বলা হল, “আপনার বাবা অসুস্থ হয়ে পড়েছেন।” অতএব তিনি তাঁর দুই ছেলে মনঃশি ও ইফ্রায়িমকে সঙ্গে করে নিয়ে গেলেন। 2 যাকোবকে যখন বলা হল, “আপনার ছেলে যোষেফ আপনার কাছে এসেছেন,” তখন ইস্রায়েল শক্তি সঞ্চয় করে বিছানায় উঠে বসলেন। 3 যাকোব যোষেফকে বললেন, “সর্বশক্তিমান ঈশ্বর কনান দেশের লুসে আমাকে দর্শন দিয়েছিলেন, এবং সেখানে তিনি আমাকে আশীর্বাদ করেছিলেন 4 ও আমাকে বলেছিলেন, ‘আমি তোমাকে ফলবান করতে ও তোমার সংখ্যা বৃদ্ধি করতে চলেছি। আমি তোমাকে এক জনসমাজে পরিণত করব, এবং আমি তোমার পরে তোমার বংশধরদের এই দেশটি চিরস্থায়ী এক অধিকারজনপে দেব।’ 5 “এখন তবে, আমি তোমার কাছে এখানে আসার আগে মিশরে তোমার যে দুই ছেলে জন্মেছিল, তারা আমারই বলে গণ্য হবে; ইফ্রায়িম ও মনঃশি আমারই হবে, ঠিক যেমন রবেণ ও শিমিয়োনও আমার। 6 এদের পরে তোমার যে কোনো সন্তান জন্মাবে, তারা তোমারই হবে; উত্তরাধিকারসূত্রে প্রাপ্ত সেই অঞ্চলে তারা তাদের দাদাদের নামেই পরিচিত হবে। 7 আমি যখন পদ্ধন থেকে ফিরছিলাম, তখন আমাদের যাত্রাপথেই ইফ্রাথ থেকে খানিকটা দূরে সেই কনান দেশে রাহেল মারা গিয়েছিল। তাই ইফ্রাথে (অথবা, বেখলেহেমে) যাওয়ার পথের পাশে আমি তাকে কবর দিয়েছিলাম।” 8 ইস্রায়েল যখন যোষেফের ছেলেদের দেখলেন, তখন তিনি তাঁকে জিজ্ঞাসা করলেন, “এরা কারা?” 9 “এরা সেই ছেলেরা, ঈশ্বর যাদের এখানে আমাকে দিয়েছেন,” যোষেফ তাঁর বাবাকে বললেন। তখন ইস্রায়েল বললেন, “তাদের আমার কাছে নিয়ে এসো, যেন আমি তাদের আশীর্বাদ করতে পারি।” 10 বার্ধক্যের কারণে ইস্রায়েলের চোখের দৃষ্টি ক্ষীণ হয়ে এসেছিল, এবং দেখতে তাঁর খুব অসুবিধা হত। তাই যোষেফ নিজের ছেলেদের তাঁর খুব কাছে নিয়ে এলেন, এবং তাঁর বাবা তাদের চুমু দিলেন ও তাদের আলিঙ্গন

করলেন। 11 ইস্রায়েল যোষেফকে বললেন, “আমি কখনও আশা করিনি যে তোমার মুখ আবার দেখতে পাব, আর ঈশ্বর এখন আমাকে তোমার সন্তানদেরও দেখার সুযোগ করে দিলেন।” 12 পরে যোষেফ ইস্রায়েলের দুই হাঁটুর মাঝখান থেকে তাদের সরিয়ে দিলেন এবং মাটিতে মুখ ঠেকিয়ে নতজানু হলেন 13 আর যোষেফ তাদের দুজনকে নিয়ে, ইফ্রিয়িমকে নিজের ডানদিকে রেখে ইস্রায়েলের বাঁ হাতের দিকে এবং মনঃশিকে নিজের বাঁদিকে রেখে ইস্রায়েলের ডান হাতের দিকে এগিয়ে দিলেন, এবং তাঁর খুব কাছাকাছি নিয়ে এলেন। 14 কিন্তু ইস্রায়েল তাঁর ডান হাত বাড়িয়ে দিলেন এবং তা ইফ্রিয়িমের মাথায় রাখলেন, যদিও সেই ছিল ছোটো, এবং তাঁর হাত দুটি আড়াআড়িভাবে বাড়িয়ে দিয়ে, তিনি তাঁর বাঁ হাত মনঃশির মাথায় রাখলেন, যদিও মনঃশিই ছিল প্রথমজাত সন্তান। 15 পরে তিনি যোষেফকে আশীর্বাদ করে বললেন, “আমার পূর্বপুরুষ অব্রাহাম ও ইস্থাক যে ঈশ্বরের সামনে বিশ্বস্তাপূর্বক চলাফেরা করতেন, আজও পর্যন্ত আমার সমগ্র জীবনভোর যে ঈশ্বর আমার মেষপালক হয়ে থেকেছেন, 16 যে দৃত আমাকে সব অনিষ্ট থেকে রক্ষা করেছেন, তিনিই এই বালকদের আশীর্বাদ করবন। তারা আমার এবং আমার পূর্বপুরুষ অব্রাহাম ও ইস্থাকের নাম দ্বারাই পরিচিত হোক, আর তারা এই পৃথিবীর বুকে ব্যাপকভাবে বৃদ্ধিলাভ করুক।” 17 যোষেফ যখন দেখলেন যে তাঁর বাবা তাঁর ডান হাত ইফ্রিয়িমের মাথায় রেখেছেন তখন তিনি অসন্তুষ্ট হলেন; তাই তিনি তাঁর বাবার হাতটি মনঃশির মাথার উপর রাখার জন্য সেটি ধরে ইফ্রিয়িমের মাথার উপর থেকে সরিয়ে দিলেন। 18 যোষেফ তাঁকে বললেন, “হে আমার বাবা, না না, এই প্রথমজাত, এরই মাথার উপর আপনার ডান হাতটি রাখুন।” 19 কিন্তু তাঁর বাবা তা প্রত্যাখ্যান করে বললেন, “আমি জানি, বাঢ়া, আমি জানি। সেও এক জাতিতে পরিণত হবে, এবং সেও মহান হবে। তা সত্ত্বেও, তার ছোটো ভাই তার থেকেও মহান হবে এবং তার বংশধরেরা এক জাতিপুঞ্জ হবে।” 20 সেদিন তিনি তাদের আশীর্বাদ করে বললেন, “তোমার নামেই ইস্রায়েল এই আশীর্বাদ উচ্চারণ করবে: ‘ঈশ্বর তোমাকে ইফ্রিয়িম ও

মনঃশির মতো করুন।” অতএব তিনি ইহায়িমকে মনঃশির আগে  
রাখলেন। 21 পরে ইস্রায়েল যোষেফকে বললেন, “আমি মরতে চলেছি,  
কিন্তু ঈশ্বর তোমাদের সহবতী থাকবেন এবং তোমাদের পূর্বপুরুষদের  
দেশে তোমাদের ফিরিয়ে নিয়ে যাবেন। 22 আর আমি তোমার দাদা-  
ভাইদের যা দেব তা থেকেও তোমাকে দেশের আরও একটি বেশি  
শৈলশিরা দেব, যে শৈলশিরাটি আমি আমার তরোয়াল ও আমার ধনুক  
দিয়ে ইয়োরীয়দের কাছ থেকে অধিকার করেছিলাম।”

**49** পরে যাকোব তাঁর ছেলেদের ডেকে বললেন: “তোমরা একত্রিত  
হও যেন আমি তোমাদের বলে দিতে পারি আগামী দিনগুলিতে  
তোমাদের প্রতি কী ঘটবে। 2 “হে যাকোবের সন্তানেরা, জমায়েত  
হও ও শোনো; তোমাদের বাবা ইস্রায়েলের কথা শোনো। 3 “হে  
রুবেণ, তুমি আমার প্রথমজাত, আমার বল, আমার শক্তির প্রথম চিহ্ন,  
সম্মানে উত্তম, পরাক্রমে উত্তম। 4 জলের মতো অদম্য বলে, তুমি আর  
শ্রেষ্ঠতর হবে না, কারণ তুমি তোমার বাবার বিছানায়, আমার শয্যায়  
গেলে ও সেটি কলুষিত করলে। 5 “শিমিয়োন ও লেবি দুই ভাই—  
তাদের তরোয়ালগুলি হিংস্তার অন্তর্শস্ত্র। 6 তাদের মন্ত্রণা-সভায় আমি  
যেন না ঢুকি, তাদের সমাবেশে যেন যোগ না দিই, কারণ তাদের  
ক্ষেত্রে তারা মানুষজনকে হত্যা করেছিল এবং তাদের খেয়ালখুশি  
মতো তারা বলদদের পায়ের শিরা কেটে দিয়েছিল। 7 অভিশপ্ত হোক  
তাদের ক্ষেত্রে, যা এত প্রচণ্ড, আর তাদের উন্মত্তা, যা এত নিষ্ঠুর!  
যাকোবের মধ্যে আমি তাদের ইতস্তত ছড়িয়ে দেব এবং ইস্রায়েলের  
মধ্যে তাদের বিক্ষিপ্ত করে দেব। 8 “হে যিহূদা, তোমার দাদা-ভাইয়েরা  
তোমার প্রশংসা করবে; তোমার শক্তদের ঘাড়ে তোমার হাত থাকবে;  
তোমার বাবার ছেলেরা তোমার কাছে মাথা নত করবে। 9 তুমি এক  
সিংহশাবক, হে যিহূদা; বাছা, তুমি শিকার করে ফিরে এলে। এক  
সিংহের মতো সে গুড়ি মারে ও শুয়ে থাকে, এক সিংহীর মতো—কে  
তাকে জাগাতে সাহস করে? 10 যিহূদা থেকে রাজদণ্ড বিদায় নেবে  
না, তার দুই পায়ের ফাঁক থেকে শাসকের ছাড়িও সরে যাবে না,  
যতদিন না তিনি আসছেন সেটি যাঁর অধিকারভুক্ত আর জাতিদের

সেই আনুগত্য তাঁরই হবে। 11 সে এক দ্রাক্ষালতায় তার গাধা বেঁধে  
রাখবে, তার অশ্বশাবক সেই পছন্দসই ডালে বেঁধে রাখবে; দ্রাক্ষারসে  
সে তার জামাকাপড় ধোবে, তার আলখাল্লাগুলি ধোবে দ্রাক্ষারসের  
রক্তে। 12 তার চোখদুটি দ্রাক্ষারসের থেকেও বেশি রক্তবর্ণ হবে, তার  
দাঁতগুলি দুধের থেকেও বেশি সাদা হবে। 13 “সবূলন সমন্বিতীরে  
বসবাস করবে আর জাহাজগুলির জন্য এক পোতাশ্রয় হবে; তার  
সীমানা সীদোনের দিকে প্রসারিত হবে। 14 “ইষাখর এক কঙ্কালসার  
গাধা মেষ-খোঁয়াড়ের মধ্যে যে পড়ে আছে। 15 যখন সে দেখবে তার  
বিশ্রামস্থান কত সুন্দর ও তার দেশ কত সুখকর, তখন ভারবহনের  
জন্য সে তার কাঁধ নত করবে ও কষ্টকল্পিত পরিশ্রমের প্রতি সমর্পিত  
হবে। 16 “ইস্রায়েলের গোষ্ঠীগুলির মধ্যে এক গোষ্ঠীরপে দান তার  
লোকজনের জন্য ন্যায় প্রদান করবে। 17 দান পথের পাশে পড়ে থাকা  
এক সাপ, সেই পথ বরাবর এমন এক বিষধর সাপ হবে, যে ঘোড়ার  
গোড়ালিতে ছোবল মারে যেন সেটির সওয়ার পিছন-পানে ডিগবাজি  
খায়। 18 “হে সদাপ্রভু, আমি তোমার উদ্বারের প্রত্যাশা করছি। 19  
“গাদ এক আক্রমণকারী দল দ্বারা আক্রান্ত হবে, কিন্তু সে তাদের  
গোড়ালি লক্ষ্য করে তাদের আক্রমণ করবে। 20 “আশেরের খাদ্যদ্রব্য  
হবে সমৃদ্ধ; সে এমন সুস্বাদু খাদ্য জোগাবে যা এক রাজার পক্ষে  
মানানসই। 21 “নগালি এমন এক বাঁধনমুক্ত হরিণী যা সুন্দর সুন্দর  
হরিণশিশু গর্ভে ধারণ করে। 22 “যোষেফ এক ফলবান দ্রাক্ষালতা, এক  
নির্বরণীর কাছে স্থিত এক ফলবান দ্রাক্ষালতা, যার শাখাপ্রশাখাগুলি  
এক দেয়াল বেয়ে ওঠে। 23 তিঙ্গতা সমেত তিরন্দাজরা তাকে আক্রমণ  
করেছিল; শক্রতা দেখিয়ে তারা তার দিকে তির ছুঁড়েছিল। 24 কিন্তু  
তার ধনুক অবিচলিত থেকেছিল, তার শক্তিশালী হাত দুটি নমনীয়  
হয়েই ছিল, যাকোবের সেই শক্তিমান-জনের সেই হাতের কারণে,  
ইস্রায়েলের সেই মেষপালকের, সেই শৈলের কারণে, 25 তোমার  
পৈত্রিক সেই ঈশ্বরের কারণে, যিনি তোমাকে সাহায্য করবেন, সেই  
সর্বশক্তিমানের কারণে, যিনি তোমাকে আশীর্বাদ করবেন উর্ধ্বস্থিত  
আকাশের আশীর্বাদসহ, নিচস্থ গভীর নির্বরণীর আশীর্বাদসহ, স্তন

ও গর্তের আশীর্বাদসহ। 26 তোমার পৈত্রিক আশীর্বাদগুলি সেই প্রাচীন পাহাড়-পর্বতের আশীর্বাদগুলির চেয়েও মহত্তর, শতান্ত্রী-প্রাচীন পাহাড়গুলির দানশীলতার চেয়েও মহত্তর। এসব কিছু যোষেফের মাথায় স্থির হোক, তার দাদা-ভাইদের মধ্যে যে নায়ক, তার ললাটে গিয়ে পড়ুক। 27 “বিন্যামীন এক বুভুক্ষ নেকড়ে; সকালবেলায় সে শিকার গ্রাস করে, সন্ধ্যাবেলায় সে লুণ্ঠিত জিনিসপত্র ভাগবাঁটোয়ারা করে।” 28 এরা সবাই ইস্রায়েলের সেই বারো বৎশ, এবং তাঁদের বাবা প্রত্যেককে যথাযথ আশীর্বাদ দিয়ে তাঁদের আশীর্বাদ করার সময় তাঁদের এই কথাগুলিই বললেন। 29 পরে তিনি তাঁদের এইসব নির্দেশ দিলেন: “আমি আমার পরিজনবর্গের সঙ্গে একত্রিত হতে যাচ্ছি। আমাকে আমার পূর্বপুরুষদের সঙ্গে হিন্তীয় ইঞ্জোনের ক্ষেত্রে সেই গুহায় কবর দিয়ো, 30 যে গুহাটি কনানে মন্ত্রির পার্শ্ববর্তী মক্পেলার ক্ষেত্রে অবস্থিত, যেটি অব্রাহাম হিন্তীয় ইঞ্জোনের কাছ থেকে ক্ষেত্রসহ এক কবরস্থানরূপে কিনেছিলেন। 31 সেখানে অব্রাহাম এবং তাঁর স্ত্রী সারাকে কবর দেওয়া হয়েছিল, সেখানেই ইস্থাক ও তাঁর স্ত্রী রিবিকাকে কবর দেওয়া হয়েছিল, এবং সেখানেই আমি লেয়াকে কবর দিয়েছি। 32 সেই ক্ষেত্রে সেই গুহাটি হিন্তীয়দের কাছ থেকে কেনা হয়েছিল।” 33 যাকোব তাঁর ছেলেদের নির্দেশদান সমাপ্ত করার পর, তিনি তাঁর পা-নৃতি বিছানায় টেনে আনলেন, শেষনিশ্চাস ত্যাগ করলেন এবং তাঁর পরিজনবর্গের সঙ্গে একত্রিত হলেন।

**50** যোষেফ তাঁর বাবার উপর ঝাঁপিয়ে পড়লেন এবং কাঁদতে কাঁদতে তাঁকে চুম্ব দিলেন। 2 পরে যোষেফ তাঁর সেবায় নিয়োজিত চিকিৎসকদের তাঁর বাবা ইস্রায়েলের দেহটি সুগন্ধি বস্ত্র দ্বারা রক্ষা করার নির্দেশ দিলেন। অতএব চিকিৎসকরা তাঁর দেহটি সুগন্ধি বস্ত্র দ্বারা সংরক্ষণ করলেন, 3 তাঁরা পুরো চাল্লিশ দিন সময় নিলেন, কারণ সুগন্ধি বস্ত্র দ্বারা শবদেহ সংরক্ষণ করার জন্য এতখানিই সময় লাগত। আর মিশরীয়রা তাঁর জন্য সত্তর দিন শোক পালন করল। 4 যখন শোকপালনকাল অতিবাহিত হয়ে গেল, তখন যোষেফ ফরৌণের রাজসভাসদদের কাছে গিয়ে বললেন, “আমি যদি আপনাদের দৃষ্টিতে

অনুগ্রহ পেয়ে থাকি, তবে আমার হয়ে ফরৌণের কাছে একথা বলুন।  
তাঁকে বলুন, ৫ ‘আমার বাবা আমাকে দিয়ে এক প্রতিজ্ঞা করিয়ে  
নিয়েছিলেন এবং বলেছিলেন, “আমি ঘরতে চলেছি; কনান দেশে আমি  
নিজের জন্য যে কবর খুঁড়ে রেখেছি সেখানেই আমাকে কবর দিয়ো।”  
এখন আমাকে গিয়ে আমার বাবাকে কবর দিয়ে আসতে দিন; পরে  
আমি ফিরে আসব।’” ৬ ফরৌণ বললেন, “যাও ও তোমার বাবাকে  
কবর দাও, যেমনটি করার জন্য তিনি তোমাকে দিয়ে প্রতিজ্ঞা করিয়ে  
নিয়েছেন।” ৭ অতএব যোষেফ তাঁর বাবাকে কবর দিতে গেলেন।  
ফরৌণের সব কর্মকর্তা যোষেফের সাথী হলেন—তাঁর দরবারের  
বিশিষ্ট ব্যক্তিবর্গ ও মিশরের সব বিশিষ্ট ব্যক্তিবর্গ— ৮ এছাড়াও  
যোষেফের পরিবারের সব সদস্য ও তাঁর দাদা-ভাইয়েরা এবং তাঁর  
পৈত্রিক পরিবারের অন্তর্গত সকলে তাঁর সঙ্গে গেলেন। শুধুমাত্র তাঁদের  
সন্তানেরা, এবং তাঁদের মেষপাল ও পশুপাল গোশনে থেকে গেল। ৯  
রথ ও অশ্বারোহীরাও তাঁর সঙ্গে গেল। সে ছিল বিশাল এক সমবেত  
জনসমষ্টি। ১০ তাঁরা যখন জর্ডনের কাছে আটদের খামারে পৌঁছালেন,  
তখন তাঁরা তারস্বরে ও তীব্রভাবে কান্নাকাটি করলেন; এবং যোষেফ  
সেখানে তাঁর বাবার জন্য সাত দিন ধরে শোক পালন করলেন। ১১  
যে কনানীয়রা সেখানে বসবাস করত, তারা যখন আটদের খামারে  
তাদের শোক পালন করতে দেখল, তখন তারা বলল, “মিশ্রীয়রা  
শোকের এক গুরুগন্তীর অনুষ্ঠান পালন করছে।” সেজন্যই জর্ডনের  
কাছে অবস্থিত সেই স্থানটি আবেল-মিস্ত্রীয় নামে আখ্যাত হল। ১২  
অতএব যাকোবের ছেলেরা তাই করলেন, যা তিনি তাঁদের আদেশ  
দিয়েছিলেন: ১৩ তাঁরা তাঁকে কনান দেশে বয়ে নিয়ে গেলেন এবং  
তাঁকে মন্ত্রির কাছে, মক্পেলার সেই ক্ষেত্রে অবস্থিত গুহায় কবর  
দিলেন, যেটি অরাহাম হিতৌয় ইফ্রেগের কাছ থেকে ক্ষেতজমিসহ এক  
কবরস্থানরূপে কিনে নিয়েছিলেন। ১৪ তাঁর বাবাকে কবর দেওয়ার পর,  
যোষেফ তাঁর দাদা-ভাইদের ও অন্যান্য সেইসব লোকজনের সাথে  
মিশরে ফিরে এলেন, যারা তাঁর বাবাকে কবর দেওয়ার জন্য তাঁর সঙ্গে  
সেখানে গিয়েছিলেন। ১৫ যোষেফের দাদা-ভাইয়েরা যখন দেখলেন

যে তাঁদের বাবা মারা গিয়েছেন, তখন তাঁরা বললেন, “যোষেফ যদি  
আমাদের বিরুদ্ধে আক্রোশ পূর্বে রাখে ও তার প্রতি আমরা যেসব  
অন্যায় করেছি সে যদি তার প্রতিশোধ নেয়, তবে কী হবে?” 16  
অতএব তাঁরা যোষেফের কাছে খবর পাঠিয়ে, বললেন, “তোমার বাবা  
মারা যাওয়ার আগে এসব নির্দেশ দিয়ে গিয়েছেন: 17 ‘যোষেফকে  
তোমাদের এই কথাটি বলতে হবে: তোমার দাদারা তোমার প্রতি  
এত খারাপ ব্যবহার করে যে পাপ ও অন্যায় করেছে আমি চাই তুমি  
যেন তা ক্ষমা করে দাও।’ এখন দয়া করে তোমার পৈত্রিক ঈশ্বরের  
দাসদের পাপগুলি ক্ষমা করে দাও।” তাঁদের এই খবর যখন যোষেফের  
কাছে এসে পৌঁছাল, তখন তিনি কেঁদে ফেললেন। 18 তাঁর দাদা-  
ভাইয়েরা পরে তাঁর কাছে এলেন এবং তাঁর সামনে নতমস্তক হয়ে  
প্রণাম করলেন। “আমরা তোমার ক্রীতদাস,” তাঁরা বললেন। 19  
কিন্তু যোষেফ তাঁদের বললেন, “ভয় পেয়ো না। আমি কি ঈশ্বরের  
স্থলাভিষিক্ত? 20 তোমরা আমার ক্ষতি করার সংকল্প করলে, কিন্তু  
এখন যা কিছু হয়েছে তা ভালোর জন্যই, প্রচুর প্রাণরক্ষা করার জন্য  
ঈশ্বরই মনস্ত করে রেখেছিলেন। 21 তাই এখন, ভয় পেয়ো না। আমি  
তোমাদের ও তোমাদের সন্তানদের জন্য রসদপত্র জোগাব।” আর  
তিনি আবার তাঁদের আশ্বস্ত করলেন এবং তাঁদের সাথে সদয় কথাবার্তা  
বললেন। 22 যোষেফ তাঁর পৈত্রিক পরিবারের সব লোকজনকে সঙ্গে  
নিয়ে মিশরে থেকে গেলেন। তিনি 110 বছর বেঁচেছিলেন 23 এবং  
ইফ্রায়িমের সন্তানদের তৃতীয় প্রজন্মকে স্বচক্ষে দেখলেন। এছাড়াও  
মনঃশির ছেলে মাঝীরের সন্তানদেরও জন্মের সময় যোষেফের কোলেই  
রাখা হল। 24 পরে যোষেফ তাঁর দাদা-ভাইদের বললেন, “আমি মরতে  
চলেছি। কিন্তু ঈশ্বর নিঃসন্দেহে তোমাদের সাহায্য করতে এগিয়ে  
আসবেন এবং তোমাদের এই দেশ থেকে বের করে সেই দেশে নিয়ে  
যাবেন, যেটি তিনি অব্রাহাম, ইস্থাক ও যাকোবকে দেওয়ার প্রতিজ্ঞা  
করেছিলেন।” 25 আর যোষেফ ইস্রায়েলীদের দিয়ে একটি প্রতিজ্ঞা  
করিয়ে নিলেন ও বললেন, “ঈশ্বর নিঃসন্দেহে তোমাদের সাহায্য  
করতে এগিয়ে আসবেন, এবং তখন তোমাদের অবশ্যই আমার অস্তি

এই স্থান থেকে বয়ে নিয়ে যেতে হবে।” 26 অতএব যোমেফ 110 বছর  
বয়সে মারা গেলেন। আর তাঁরা তাঁকে সুগন্ধি বস্ত্র দ্বারা সংরক্ষণ করার  
পর তাঁর মৃতদেহ মিশরে একটি শবাধারের মধ্যে রেখে দেওয়া হল।

## যাত্রাপুস্তক

১ এই হল ইস্রায়েলের সেই ছেলেদের নাম, যাঁরা প্রত্যেকে নিজের পরিবারসহ যাকোবের সঙ্গে মিশরে গিয়েছিলেন: ২ রূবেণ, শিমিয়োন, লেবি ও যিহুদা; ৩ ইষাখর, সবুলুন ও বিন্যামীন; ৪ দান ও নগালি; গাদ ও আশের। ৫ যাকোবের বংশধররা সংখ্যায় হল মোট সত্তরজন; যোষেফ ইতিপূর্বে মিশরেই ছিলেন। ৬ এদিকে যোষেফ ও তাঁর সব দাদা-ভাই, এবং সেই প্রজন্মের সবাই মারা গেলেন, ৭ কিন্তু ইস্রায়েলীরা অত্যন্ত ফলবান হল; তারা প্রচুর পরিমাণে বংশবৃদ্ধি করল, সংখ্যায় বৃদ্ধি পেয়ে এত সংখ্যক হয়ে উঠল যে সে দেশটি তাদের দিয়েই পরিপূর্ণ হয়ে গেল। ৮ পরে এমন এক নতুন রাজা মিশরের ক্ষমতায় এলেন, যাঁর কাছে যোষেফের কোনও গুরুত্বই ছিল না। ৯ “দেখো,” তিনি তাঁর প্রজাদের বললেন, “ইস্রায়েলীরা আমাদের পক্ষে বড়ো বেশি সংখ্যক হয়ে পড়েছে। ১০ এসো, আমরা তাদের প্রতি প্রজ্ঞাপূর্বক ব্যবহার করি, তা না হলে তারা এর চেয়েও বেশি সংখ্যক হয়ে যাবে এবং, যদি যুদ্ধ শুরু হয়ে যায়, তারা আমাদের শক্রদের সাথে যোগ দেবে, আমাদের বিরুদ্ধে লড়াই করবে ও দেশ ছেড়ে চলে যাবে।” ১১ অতএব তারা বাধ্যতামূলকভাবে পরিশ্রম করিয়ে ইস্রায়েলীদের নিগৃহীত করার জন্য তাদের উপর কড়া তত্ত্বাবধায়কদের নিযুক্ত করে দিল, এবং তারা ফরৌগের জন্য ভাগুর-নগরীরপে পিঠোম ও রামিয়ে গেঁথে তুলল। ১২ কিন্তু যত বেশি তাদের নিপীড়িত করা হল, তত বেশি তাদের সংখ্যা বৃদ্ধি হল ও তারা ছড়িয়ে পড়ল; অতএব মিশরীয়রা ইস্রায়েলীদের ভয় পেতে শুরু করল ১৩ এবং তারা নির্মমভাবে তাদের খাটাতে লাগল। ১৪ ইট ও চুনসুরকির কাজে এবং চাষবাসের সব ধরনের কাজে কঠোর পরিশ্রম করিয়ে তারা তাদের জীবন দুর্বিষহ করে তুলল; মিশরীয়রা নির্মমভাবে তাদের কাছে কঠোর পরিশ্রম দাবি করল। ১৫ মিশরের রাজা শিফ্রা ও পূয়া নামাঙ্কিত হিঙ্গ ধাত্রীদের বললেন, ১৬ “প্রসব-শ্যায় তোমরা যখন সন্তান প্রসবের সময় হিঙ্গ মহিলাদের সাহায্য করছ, তখন যদি তোমরা দেখো যে শিশুটি এক পুত্রসন্তান, তবে তাকে মেরে ফেলো; কিন্তু সে যদি এক কন্যাসন্তান

হয়, তবে তাকে বাঁচিয়ে রেখো।” 17 সেই ধাত্রীরা অবশ্য ঈশ্বরকে ভয় করত ও মিশরের রাজা তাদের ঘা করতে বললেন, তারা তা করল না; তারা শিশুপুত্রদের বাঁচিয়ে রাখল। 18 তখন মিশরের রাজা সেই ধাত্রীদের ডেকে পাঠিয়ে তাদের জিজ্ঞাসা করলেন, “তোমরা এরকম কেন করলে? তোমরা শিশুপুত্রদের বাঁচিয়ে রাখলে কেন?” 19 তারা ফরৌণকে উত্তর দিল, “হিন্দু মহিলারা মিশরীয় মহিলাদের মতো নয়; তারা সবলা ও ধাত্রীরা পৌঁছানোর আগেই তারা সন্তান প্রসব করে ফেলে।” 20 অতএব ঈশ্বর সেই ধাত্রীদের প্রতি দয়ালু হলেন এবং ইস্রায়েলীরা বৃদ্ধি পেয়ে আরও বহুসংখ্যক হয়ে উঠল। 21 আর যেহেতু সেই ধাত্রীরা ঈশ্বরকে ভয় করত, তাই তিনি তাদের নিজস্ব পরিবার দিলেন। 22 পরে ফরৌণ তাঁর সব প্রজাকে এই আদেশ দিলেন: “সদ্যজাত প্রত্যেকটি হিন্দু পুত্রসন্তানকে তোমরা অবশ্যই নীলনদে ছুঁড়ে ফেলবে, কিন্তু প্রত্যেকটি কন্যাসন্তানকে জীবিত রাখবে।”

**২** এদিকে লেবি বংশের একজন লোক এক লেবীয় মহিলাকে বিয়ে করলেন, 2 আর সেই মহিলাটি গর্ভবতী হলেন ও এক পুত্রসন্তানের জন্ম দিলেন। যখন তিনি দেখলেন যে শিশুটি দেখতে খুব সুন্দর, তখন তিনি তাকে তিন মাস ধরে লুকিয়ে রাখলেন। 3 কিন্তু যখন তিনি তাকে আর লুকিয়ে রাখতে পারলেন না, তখন তিনি তার জন্য নলখাগড়া দিয়ে একটি ডালি তৈরি করলেন ও সেটিতে আলকাতরা ও পিচ লেপন করে দিলেন। পরে তিনি সেই শিশুটিকে সেটির মধ্যে শুইয়ে দিয়ে সেটি নীলনদের পাড়ে নলবনের মধ্যে রেখে দিলেন। 4 শিশুটির দিদি একটু দূরে দাঁড়িয়ে লক্ষ্য রাখছিল তার ভাইয়ের প্রতি কী ঘটতে চলেছে। 5 পরে ফরৌণের মেয়ে নীলনদে স্নান করার জন্য নামলেন, এবং তাঁর পরিচারিকারা তাঁর পাশে পাশে নদীর পাড় ধরে হাঁটছিল। তিনি নলবনের মধ্যে সেই ডালিটি দেখতে পেলেন এবং সেটি তুলে আনার জন্য তিনি তাঁর ক্রীতদাসীকে পাঠালেন। 6 তিনি সেটি খুললেন ও সেই শিশুটিকে দেখতে পেলেন। সে কাঁদছিল, আর তার জন্য তাঁর দুঃখ হল। “এ হিন্দু শিশুদের মধ্যেই একজন,” তিনি বললেন। 7 তখন সেই শিশুটির দিদি ফরৌণের মেয়েকে জিজ্ঞাসা করল, “আমি কি গিয়ে

হিন্দু মহিলাদের মধ্যে একজনকে ডেকে আনব, যে আপনার জন্য  
এই শিশুটির শুশ্রাৰ্থা কৱবে?” ৪ “হ্যাঁ, যাও,” ফরৌণের মেয়ে উভৰ  
দিলেন। অতএব সেই মেয়েটি গিয়ে শিশুটির মাকে ডেকে আনল। ৫  
ফরৌণের মেয়ে তাঁকে বললেন, “এই শিশুটিকে নিয়ে যাও ও আমার  
হয়ে এর শুশ্রাৰ্থা কৱো, আৰ আমি তোমাকে বেতন দেব।” অতএব  
সেই মহিলাটি শিশুটিকে নিয়ে তার শুশ্রাৰ্থা কৱলেন। ১০ শিশুটি যখন  
বড়ো হল, তখন তিনি তাকে ফরৌণের মেয়ের কাছে নিয়ে এলেন ও  
সে তাঁৰ ছেলে হয়ে গেল। “আমি তাকে জল থেকে টেনে তুলেছি,” এই  
বলে তিনি তার নাম দিলেন মোশি। ১১ একদিন, মোশি বড়ো হয়ে  
যাওয়াৰ পৰ, যেখানে তাঁৰ নিজস্ব লোকজনেৱা ছিল, তিনি সেখানে  
গোলেন ও দেখলেন তারা কঠোৰ পৰিশ্ৰম কৱছে। তিনি দেখতে পেলেন  
একজন মিশ্ৰীয় লোক একজন হিন্দু লোককে মারধৰ কৱছে, যে  
কি না তাঁৰ নিজস্ব লোকজনেৱা মধ্যেই একজন। ১২ এদিক-ওদিক  
তাকিয়ে, কাউকে দেখতে না পেয়ে তিনি সেই মিশ্ৰীয় লোকটিকে  
হত্যা কৱলেন ও তাকে বালিতে পুঁতে দিলেন। ১৩ পৰদিন তিনি বাইৱে  
গোলেন ও দেখতে পেলেন দুজন হিন্দু লোক মারপিট কৱছে। যে  
অন্যায় কৱেছিল তিনি তাকে জিজ্ঞাসা কৱলেন, “তুমি কেন তোমার  
স্বজাতীয় হিন্দু ভাইকে মারছ?” ১৪ সেই লোকটি বলল, “কে তোমাকে  
আমাদেৱ উপৰ শাসক ও বিচাৰক নিযুক্ত কৱেছে? যেভাবে তুমি সেই  
মিশ্ৰীয় লোকটিকে হত্যা কৱেছিলে, সেভাবে আমাকেও কি হত্যা  
কৱাৰ কথা ভাবছ?” তখন মোশি ভয় পেয়ে গিয়ে ভাবলেন, “আমি যা  
কৱেছি তা নিশ্চয় লোকেৱা জেনে ফেলেছে।” ১৫ ফরৌণ যখন তা  
শুনতে পেলেন, তখন তিনি মোশিকে হত্যা কৱাৰ চেষ্টা কৱলেন, কিন্তু  
মোশি ফরৌণেৱ কাছ থেকে পালিয়ে মিদিয়নে বসবাস কৱতে চলে  
গোলেন, ও সেখানে গিয়ে তিনি এক কুয়োৰ পাড়ে বসে পড়লেন। ১৬  
মিদিয়নীয় এক যাজকেৱ সাতটি মেয়ে ছিল, এবং তারা তাদেৱ বাবাৰ  
মেষপালকে জলপান কৱাৰ জন্য জল তুলতে ও জাবপাত্ৰ ভৱতে  
এসেছিল। ১৭ কয়েকজন মেষপালক সেখানে এসে তাদেৱ তাড়িয়ে  
দিল, কিন্তু মোশি উঠে দাঁড়ালেন ও তাদেৱ রক্ষাকৰ্তা হয়ে তাদেৱ

মেষপালকে জলপান করালেন। 18 সেই মেয়েরা যখন তাদের বাবা  
রুয়েলের কাছে ফিরে গেল, তখন তিনি তাদের জিজ্ঞাসা করলেন,  
“আজ তোমরা কেন এত তাড়াতাড়ি ফিরে এলে?” 19 তারা উভর দিল,  
“একজন মিশরীয় লোক মেষপালকদের হাত থেকে আমাদের রক্ষা  
করেছেন। এমনকি তিনি আমাদের জন্য জল তুলে দিলেন ও আমাদের  
মেষপালকে জলপান করালেন।” 20 “আর তিনি কোথায়?” রুয়েল তাঁর  
মেয়েদের জিজ্ঞাসা করলেন। “তোমরা কেন তাঁকে ছেড়ে এলে? কিছু  
খাওয়ার জন্য তাঁকে নিমন্ত্রণ করো।” 21 মোশি সেই লোকটির সঙ্গে  
থাকতে সম্মত হলেন, যিনি মোশির সঙ্গে তাঁর মেয়ে সিপ্পোরার বিয়ে  
দিলেন। 22 সিপ্পোরা এক পুত্রসন্তানের জন্ম দিলেন, ও মোশি এই  
বলে তার নাম দিলেন গোর্ণোম যে “বিদেশভূমিতে আমি এক বিদেশি  
হয়ে গেলাম।” 23 সুন্দীর্ঘ সময়কাল পার হয়ে যাওয়ার পর, মিশরের  
রাজা মারা গেলেন। ইস্রায়েলীরা তাদের ক্রীতদাসত্ত্বের কারণে যন্ত্রণা  
পেয়ে গভীর আর্তনাদ করে উঠল, এবং তাদের ক্রীতদাসত্ত্বের কারণে  
তাদের চাওয়া সাহায্যের আকৃতি ঈশ্বরের কাছে পৌঁছে গেল। 24 ঈশ্বর  
তাদের কান্না শুনলেন এবং অব্রাহাম, ইস্থাক ও যাকোবের সঙ্গে করা  
তাঁর নিয়মটি তিনি স্নারণ করলেন। 25 অতএব ঈশ্বর ইস্রায়েলীদের  
দিকে দৃষ্টিপাত করলেন ও তাদের বিষয়ে উদ্বিগ্ন হলেন।

**৩** মোশি এক সময় তাঁর খণ্ডু, মিদিয়নীয় যাজক যিথ্রের মেষপাল  
চরাচ্ছিলেন, এবং সেই পালকে দুরে মরণ্প্রাপ্তরের এক প্রান্তে চরাতে  
চরাতে তিনি হোরেবে সদাপ্রভুর পর্বতে পৌঁছে গেলেন। 2 সেখানে  
এক ঝোপের মধ্যে থেকে সদাপ্রভুর দৃত আগনের শিখায় মোশির  
কাছে আবির্ভূত হলেন। মোশি দেখলেন যে যদিও ঝোপটি জ্বলছে  
তবুও তা পুড়ে শেষ হচ্ছে না। 3 অতএব মোশি ভাবলেন, “আমি  
পরিদর্শনে যাব ও এই অঙ্গুত ঘটনাটি দেখব—কেন ঝোপটি পুড়ে  
শেষ হচ্ছে না।” 4 সদাপ্রভু যখন দেখলেন যে মোশি দেখার জন্য  
পরিদর্শনে গিয়েছেন, তখন ঈশ্বর সেই ঝোপের মধ্যে থেকে মোশিকে  
ডেকে বললেন, “মোশি, মোশি!” আর মোশি বললেন, “আমি এখানে।”  
5 “আর কাছে এসো না,” ঈশ্বর বললেন। “তোমার চিত্তজুতো খুলে

ফেলো, কারণ তুমি যে স্থানে দাঁড়িয়ে আছ সেটি পবিত্র ভূমি।” 6  
পরে তিনি বললেন, “আমি তোমার পৈত্রিক ঈশ্বর, অব্রাহামের ঈশ্বর,  
ইস্হাকের ঈশ্বর ও যাকোবের ঈশ্বর।” তখন মোশি তাঁর মুখ আড়াল  
করলেন, কারণ তিনি ঈশ্বরের দিকে তাকাতে ভয় পেয়েছিলেন। 7  
সদাপ্রভু বললেন, “আমি সত্যই মিশরে আমার প্রজাদের দুর্দশা  
দেখেছি। তাদের উপর নিযুক্ত ক্রীতদাস পরিচালকদের কারণে তারা  
যে কামাকাটি করছে তা আমি শুনেছি, এবং তাদের কায়ক্লেশের বিষয়ে  
আমি উদ্বিগ্ন হয়ে পড়েছি। 8 তাই মিশরীয়দের হাত থেকে তাদের রক্ষা  
করার জন্য এবং সেদেশ থেকে ঘনোরম ও প্রশস্ত এক দেশে, দুধ  
ও মধু প্রবাহিত এক দেশে—কনানীয়, হিতীয়, ইমোরীয়, পরিষীয়,  
হিবীয় ও যিবুয়ীয়দের স্বদেশে তাদের নিয়ে যাওয়ার জন্য আমি নেমে  
এসেছি। 9 আর এখন ইস্রায়েলীদের কান্না আমার কাছে পৌঁছে গিয়েছে  
এবং আমি দেখেছি কীভাবে সেই মিশরীয়রা তাদের নিগৃহীত করছে।  
10 অতএব এখন, যাও। মিশর থেকে আমার প্রজা ইস্রায়েলীদের বের  
করে আনার জন্য আমি তোমাকে ফরৌগের কাছে পাঠাচ্ছি।” 11 কিন্তু  
মোশি ঈশ্বরকে বললেন, “আমি কে যে আমাকে ফরৌগের কাছে যেতে  
হবে ও মিশর থেকে ইস্রায়েলীদের বের করে আনতে হবে?” 12 আর  
ঈশ্বর বললেন, “আমি তোমার সঙ্গে থাকব। আর আমিই যে তোমাকে  
পাঠিয়েছি তার চিহ্ন হবে এই: তুমি যখন মিশর থেকে লোকদের বের  
করে আনবে, তখন এই পর্বতে তোমরা ঈশ্বরের আরাধনা করবে।”  
13 মোশি ঈশ্বরকে বললেন, “ধরে নিন আমি ইস্রায়েলীদের কাছে  
গেলাম ও তাদের বললাম, ‘তোমাদের পূর্বপুরুষদের ঈশ্বর আমাকে  
তোমাদের কাছে পাঠিয়েছেন,’ এবং তারা আমাকে জিজ্ঞাসা করবে,  
'তাঁর নাম কী?' তখন আমি তাদের কী বলব?” 14 ঈশ্বর মোশিকে  
বললেন, “আমি যে আছি, সেই আছি। ইস্রায়েলীদের তোমাকে একথাই  
বলতে হবে: ‘আমি আছি আমাকে তোমাদের কাছে পাঠিয়েছেন।’” 15  
এছাড়াও ঈশ্বর মোশিকে বললেন, “ইস্রায়েলীদের বোলো, ‘সদাপ্রভু,  
তোমাদের পূর্বপুরুষদের ঈশ্বর—অব্রাহামের ঈশ্বর, ইস্হাকের ঈশ্বর ও  
যাকোবের ঈশ্বর—আমাকে তোমাদের কাছে পাঠিয়েছেন।’” “এটিই

আমার অনন্তকালীন নাম, যে নামে তোমরা আমায় প্রজন্মের পর প্রজন্ম  
ধরে ডাকবে। 16 “যাও, ইস্রায়েলের প্রাচীনদের সমবেত করো ও  
তাদের বলো, ‘সদাপ্রভু, তোমাদের পূর্বপুরুষদের ঈশ্বর—অব্রাহামের  
ঈশ্বর, ইস্থাকের ঈশ্বর ও যাকোবের ঈশ্বর—আমাকে দর্শন দিয়ে  
বললেন: আমি তোমাদের পাহারা দিয়েছিলাম এবং দেখেছিলাম  
মিশরে তোমাদের প্রতি কী করা হয়েছে। 17 আর আমি তোমাদের  
মিশরের দুর্দশা থেকে বের করে এনে কনানীয়, হিতীয়, ইমোরীয়,  
পরিষীয়, হিবীয় ও যিবৃষীয়দের দেশে—দুধ ও মধু প্রবাহিত সেই  
দেশে নিয়ে যাওয়ার প্রতিজ্ঞা করলাম।’ 18 ‘ইস্রায়েলের প্রাচীনেরা  
তোমার কথা শুনবে। পরে তোমাকে ও সেই প্রাচীনদের মিশররাজের  
কাছে গিয়ে তাকে বলতে হবে, ‘সদাপ্রভু, হিতুদের ঈশ্বর, আমাদের  
দেখা দিয়েছেন। মরুপ্রান্তে তিনদিনের পথযাত্রা করে আমাদের ঈশ্বর  
সদাপ্রভুর উদ্দেশে আমাদের বলি উৎসর্গ করে আসতে দিন।’ 19 কিন্তু  
আমি জানি যে মিশররাজ ততক্ষণ তোমাদের যেতে দেবে না, যতক্ষণ  
না এক বলশালী হাত তাকে বাধ্য করবে। 20 অতএব আমি আমার  
হাত বাড়িয়ে দেব ও সেইসব আশ্চর্য কাজের মাধ্যমে মিশরীয়দের  
আঘাত হানব, যেগুলি আমি তাদের মধ্যে সম্প্রচার করতে চলেছি। পরে,  
সে তোমাদের যেতে দেবে। 21 “আর এই জাতির প্রতি মিশরীয়দের  
আমি এত অনুগ্রহকারী হতে দেব, যে যখন তোমরা দেশ ছেড়ে যাবে,  
তখন তোমাদের খালি হাতে যেতে হবে না। 22 প্রত্যেকটি মহিলাকে  
তার প্রতিবেশিনী ও তার বাড়িতে বসবাসকারী যে কোনো মহিলার  
কাছ থেকে রংপো ও সোনার গয়নাগাটি এবং পোশাক-পরিচ্ছদ চেয়ে  
নিতে হবে, যেগুলি তোমরা তোমাদের ছেলেমেয়েদের গায়ে পরিয়ে  
দেবে। আর এইভাবে তোমরা মিশরীয়দের উপর লুঠতরাজ চালাবে।”

**4** মোশি উত্তর দিলেন, “তারা যদি আমার কথা বিশ্বাস না করে বা  
আমার কথা না শোনে ও বলে, ‘সদাপ্রভু তোমার কাছে আবির্ভূত  
হননি,’ তবে কী হবে?” 2 তখন সদাপ্রভু তাঁকে বললেন, “তোমার  
হাতে ওটি কী?” “একটি ছড়ি,” তিনি উত্তর দিলেন। 3 সদাপ্রভু  
বললেন, “সেটি মাটিতে ছুঁড়ে ফেলে দাও।” মোশি সেটি মাটিতে ছুঁড়ে

ফেলে দিলেন এবং সেটি একটি সাপে পরিণত হল ও তিনি সেটির কাছ থেকে পালিয়ে গেলেন। 4 তখন সদাপ্রভু মোশিকে বললেন, “তোমার হাত বাড়িয়ে দাও ও সেটির লেজ ধরে ফেলো।” অতএব মোশি হাত বাড়িয়ে সাপটি ধরে ফেললেন এবং সেটি আবার তাঁর হাতে ধরা এক ছড়িতে পরিণত হল। 5 সদাপ্রভু বললেন, “এরকম করা হল, যেন তারা বিশ্বাস করে যে সদাপ্রভু, তাদের পূর্বপুরুষদের ঈশ্বর—অব্রাহামের ঈশ্বর, ইস্হাকের ঈশ্বর ও যাকোবের ঈশ্বর—তোমার কাছে আবির্ভূত হয়েছেন।” 6 পরে সদাপ্রভু বললেন, “তোমার আলখাল্লায় তোমার হাতটি ঢুকিয়ে নাও।” অতএব মোশি নিজের আলখাল্লায় তাঁর হাতটি ঢুকিয়ে নিলেন, ও তিনি যখন সেটি বের করে আনলেন, তখন তাঁর হাতের চামড়া কুঠরোগাক্রান্ত হয়ে—সেটি বরফের মতো সাদা হয়ে গেল। 7 “এখন হাতটি আবার তোমার আলখাল্লায় ঢুকিয়ে নাও।” তিনি বললেন। অতএব মোশি আবার নিজের হাতটি তাঁর আলখাল্লায় ঢুকিয়ে নিলেন, আর যখন তিনি তাঁর হাতটি বের করে আনলেন, তখন সেটি ঠিক হয়ে গেল, তাঁর শরীরের অন্যান্য অঙ্গের মতোই। 8 পরে সদাপ্রভু বললেন, “তারা যদি তোমার কথা বিশ্বাস না করে বা প্রথম চিহ্নিতে মনোযোগ না দেয়, তবে তারা হয়তো দ্বিতীয়টি বিশ্বাস করবে। 9 কিন্তু তারা যদি এই দুটি চিহ্নই বিশ্বাস না করে বা তোমার কথা না শোনে, তবে তুমি নীলনদ থেকে খানিকটা জল নিয়ে তা শুকনো মাটিতে ঢেলে দিয়ো। যে জল তুমি নদী থেকে আনবে তা মাটিতে রক্ত হয়ে যাবে।” 10 মোশি সদাপ্রভুকে বললেন, “হে প্রভু, আপনার এই দাসকে ক্ষমা করবেন। আমি কখনোই বাক্যবাগীশ ছিলাম না, না ছিলাম অতীতে আর না তখন, যখন আপনি আপনার এই দাসের সঙ্গে কথা বলেছিলেন। কথাবার্তায় ও জিভে আমার জড়তা আছে।” 11 সদাপ্রভু তাঁকে বললেন, “মানুষকে কে মুখ দিয়েছে? কে তাদের কালা বা বোবা তৈরি করেছে? কে তাদের দৃষ্টিশক্তি দিয়েছে বা তাদের অঙ্গ তৈরি করেছে? সে কি আমি, এই সদাপ্রভু নই? 12 এখন যাও; আমি তোমাকে কথা বলতে সাহায্য করব ও কী বলতে হবে তা শেখাব।” 13 কিন্তু মোশি বললেন, “হে প্রভু, আপনার এই দাসকে ক্ষমা

করবেন। দয়া করে অন্য কাউকে পাঠান।” 14 তখন সদাপ্রভুর ক্রোধ মোশির বিরুদ্ধে জ্বলে উঠল ও তিনি বললেন, “তোমার দাদা, সেই লেবীয় হারোগ নেই নাকি? আমি জানি সে বেশ তালোই কথা বলতে পারে। সে এখনই তোমার সাথে দেখা করতে আসছে এবং তোমার দেখা পেয়ে সে খুশিই হবে। 15 তুমি তার সাথে কথা বলবে এবং তার মুখে শব্দ বসিয়ে দেবে; আমি তোমাদের দুজনকেই কথা বলতে সাহায্য করব ও কী করতে হবে তা শিখিয়ে দেব। 16 সে তোমার হয়ে লোকজনের কাছে কথা বলবে, এবং সে তোমার মুখ হবে, ও তুমি তার কাছে ঈশ্বরস্বরূপ হবে। 17 কিন্তু এই ছড়িটি তোমার হাতে নাও যেন তুমি এটি দিয়ে চিহ্নকাজ করতে পারো।” 18 পরে মোশি তাঁর শঙ্কুর যিথোর কাছে ফিরে গোলেন এবং তাঁকে বললেন, “আমাকে মিশরে আমার নিজস্ব লোকজনের কাছে ফিরে গিয়ে দেখতে দিন যে তাদের মধ্যে কেউ এখনও বেঁচে আছে কি না।” যিথো বললেন, “যাও, ও আমি তোমার মঙ্গলকামনা করছি।” 19 মিদিয়নে থাকাকালীনই মোশিকে সদাপ্রভু বললেন, “মিশরে ফিরে যাও, কারণ যারা তোমাকে হত্যা করতে চেয়েছিল তারা সবাই মারা গিয়েছে।” 20 অতএব মোশি তাঁর স্ত্রী ও ছেলেদের নিয়ে, তাদের গাধার পিঠে চাপিয়ে মিশরে ফেরার জন্য রওনা হলেন। আর তিনি ঈশ্বরের সেই ছড়িটি নিজের হাতে তুলে নিলেন। 21 সদাপ্রভু মোশিকে বললেন, “তুমি যখন মিশরে ফিরে যাবে, তখন দেখো আমি তোমাকে যেসব আশৰ্য কাজ করার ক্ষমতা দিয়েছি, সেগুলি যেন তুমি ফরৌগের সামনে করে দেখাও। কিন্তু আমি তার হৃদয় এমন কঠিন করব যে সে লোকদের যেতে দেবে না। 22 পরে তুমি ফরৌগকে বোলো, ‘সদাপ্রভু একথাই বলেন: ইন্দ্রায়েল আমার প্রথম সন্তান, 23 আর আমি তোমাকে বলেছি, “আমার ছেলেকে যেতে দাও, যেন সে আমার আরাধনা করতে পারে।” কিন্তু তুমি তাকে যেতে দিতে অস্বীকার করলে; তাই আমি তোমার প্রথমজাত ছেলেকে হত্যা করব।” 24 পথিমধ্যে এক পান্থশালায়, সদাপ্রভু মোশির সাথে দেখা করলেন এবং তাঁকে প্রায় হত্যা করেই ফেলেছিলেন। 25 কিন্তু সিঙ্গোরা চকমকি পাথরের একটি ছুরি নিয়ে, তাঁর ছেলের লিঙ্গাগ্রস্তক কেটে

সেটি মোশির পায়ে ঠেকিয়ে দিলেন। “নিশ্চয় তুমি আমার কাছে রক্তের এক বর,” তিনি বললেন। 26 অতএব সদাপ্রভু মোশিকে নিষ্ক্রিতি দিলেন। (সেই সময় সিঙ্গেরা সুন্নতের উল্লেখ করে বললেন, “রক্তের বর।”) 27 সদাপ্রভু হারোণকে বললেন, “মোশির সঙ্গে দেখা করার জন্য মরণপ্রাপ্তরে যাও।” তাই তিনি ঈশ্বরের পর্বতে মোশির সঙ্গে দেখা করলেন ও তাঁকে চুম্ব দিলেন। 28 পরে সদাপ্রভু মোশিকে যা যা বলতে পাঠালেন, ও এছাড়াও যেসব চিহ্নকাজ তিনি তাঁকে সম্পাদন করার আদেশ দিয়েছিলেন, সেসবকিছু মোশি হারোণকে বললেন। 29 মোশি ও হারোণ ইস্রায়েলীদের সব প্রাচীনকে একত্রিত করলেন, 30 এবং সদাপ্রভু মোশিকে যা যা বলেছিলেন সেসবকিছু হারোণ তাঁদের বললেন। এছাড়াও তিনি লোকজনের সামনে সেই চিহ্নকাজগুলি সম্পাদন করলেন, 31 এবং তাঁরা বিশ্বাস করলেন। আর তাঁরা যখন শুনলেন যে সদাপ্রভু তাঁদের বিষয়ে উদ্বিধা হয়েছেন ও তাঁদের দুর্দশা দেখেছেন, তখন তাঁরা মাথা নত করে আরাধনা করলেন।

5 পরে মোশি ও হারোণ ফরৌণের কাছে গিয়ে বললেন, “ইস্রায়েলের ঈশ্বর সদাপ্রভু, একথাই বলেন: ‘আমার লোকজনকে যেতে দাও, যেন তারা মরণপ্রাপ্তরে গিয়ে আমার উদ্দেশে এক উৎসব পালন করতে পারে।’” 2 ফরৌণ বললেন, “সদাপ্রভু কে, যে আমাকে তার বাধ্য হতে হবে ও ইস্রায়েলকে যেতে দিতে হবে? আমি সদাপ্রভুকে চিনি না আর আমি ইস্রায়েলকেও যেতে দেব না।” 3 তখন তাঁরা বললেন, “হিঙ্গদের ঈশ্বর আমাদের দর্শন দিয়েছেন। এখন মরণপ্রাপ্তরে তিনদিনের পথ্যাত্মা করে আমাদের ঈশ্বর সদাপ্রভুর উদ্দেশে আমাদের বলি উৎসর্গ করে আসতে দিন, তা না হলে তিনি হয়তো আমাদের মহামারি বা তরোয়াল দিয়ে আঘাত করবেন।” 4 কিন্তু মিশররাজ বললেন, “ওহে মোশি ও হারোণ, লোকদের কেন তোমরা তাদের কাজকর্ম থেকে সরিয়ে নিয়ে যাচ্ছ? তোমাদের কাজে ফিরে যাও!” 5 পরে ফরৌণ বললেন, “দেখো, দেশের লোকজন এখন বহুসংখ্যক হয়ে গিয়েছে এবং তোমরা তাদের কাজ করা থেকে বিরত রাখছ।” 6 সেদিনই ফরৌণ লোকজনের দায়িত্বে থাকা ক্রীতদাস পরিচালকদের

ও তত্ত্বাবধায়কদের এই আন্দেশ দিলেন: ৭ “ইট তৈরি করার জন্য  
তোমরা লোকদের আর খড়ের জোগান দেবে না; তারা নিজেরাই  
গিয়ে খড় জোগাড় করুক। ৮ কিন্তু আগে তারা যে পরিমাণ ইট তৈরি  
করত, এখনও তাদের ততটাই তৈরি করতে বলো; প্রদেয় নির্দিষ্ট ভাগ  
কমিয়ে দিয়ো না। তারা অলস; তাই তারা কানাকাটি করে বলছে,  
'আমাদের যেতে দাও ও আমাদের সৈশ্বরের উদ্দেশে বলি উৎসর্গ করতে  
দাও।' ৯ লোকদের জন্য কাজকর্ম এত কঠিন করে দাও, যেন তারা  
কাজ করতেই থাকে ও মিথ্যা কথায় মনোযোগ না দেয়।” ১০ তখন  
ঞ্চীতদাস পরিচালকেরা ও তত্ত্বাবধায়কেরা বাইরে গিয়ে লোকজনকে  
বলল, “ফরৌণ একথাই বলেছেন: ‘আমি আর তোমাদের খড় দেব  
না। ১১ যাও, যেখান থেকে পারো তোমাদের খড় নিয়ে এসো, কিন্তু  
তোমাদের কাজকর্ম কোনোমতেই কম করা হবে না।’” ১২ অতএব  
লোকেরা খড়ের পরিবর্তে নাড়া সংগ্রহ করার জন্য মিশরের সর্বত্র  
ছড়িয়ে পড়ল। ১৩ ঞ্চীতদাস পরিচালকেরা এই বলে তাদের চাপ  
দিয়ে যাচ্ছিল, “তোমরা প্রতিদিনের নিরূপিত কাজকর্ম শেষ করো,  
ঠিক যেভাবে আগে তোমাদের কাছে খড় থাকার সময় তোমরা তা  
করতে।” ১৪ আর ফরৌণের ঞ্চীতদাস পরিচালকেরা যে ইস্রায়েলী  
তত্ত্বাবধায়কদের নিযুক্ত করল, তারা তাদের কাছে এই দাবি জানিয়ে  
তাদের মারধর করত, “গতকাল বা আজ কেন তোমরা আগের মতো  
তোমাদের যত ইট তৈরি করার কথা, ততখানি তৈরি করোনি?” ১৫  
তখন ইস্রায়েলী তত্ত্বাবধায়কেরা গিয়ে ফরৌণের কাছে নালিশ জানাল:  
“কেন আপনি আপনার এই দাসেদের সঙ্গে এরকম আচরণ করছেন?  
১৬ আপনার দাসেদের কোনও খড় দেওয়া হয়নি, অথচ আমাদের বলা  
হয়েছে, ‘ইট তৈরি করো।’ আপনার দাসেদের মারধর করা হয়েছে,  
কিন্তু আপনার নিজের প্রজারাই দোষ করেছে।” ১৭ ফরৌণ বললেন,  
“তোমরা অলস, তোমরা এরকমই—অলস! সেজন্যই তোমরা বলে  
যাচ্ছ, ‘চলো যাই ও সদাপ্রভুর উদ্দেশে বলি উৎসর্গ করি।’ ১৮ এখন  
কাজে লেগে পড়ো। তোমাদের কোনও খড় দেওয়া হবে না। তবুও  
তোমাদের নিরূপিত পরিমাণ ইটের পুরোটাই উৎপাদন করতে হবে।”

১৯ ইস্রায়েলী তত্ত্বাবধায়কদের যখন বলা হল, “প্রতিদিন তোমাদের যতগুলি করে ইট তৈরি করার কথা, তোমরা তার সংখ্যা কমাতে পারবে না,” তখন তারা বুবাতে পারল যে তারা অসুবিধায় পড়েছে। ২০ তারা যখন ফরৌণের কাছ থেকে ফিরে এল, তখন তারা দেখল যে মোশি ও হারোণ তাদের সাথে দেখা করার জন্য অপেক্ষা করছেন, ২১ এবং তারা বলল, “সদাপ্রভুই আপনাদের দিকে তাকিয়ে আপনাদের বিচার করুন! আপনারা ফরৌণের ও তাঁর কর্মকর্তাদের কাছে আমাদের আপত্তিকর করে তুলেছেন এবং আমাদের হত্যা করার জন্য তাদের হাতে এক তরোয়াল তুলে দিয়েছেন।” ২২ মোশি সদাপ্রভুর কাছে ফিরে গিয়ে বললেন, “কেন, হে প্রভু, কেন তুমি এই লোকদের অসুবিধায় ফেললে? এজন্যই কি তুমি আমাকে পাঠিয়েছিলে? ২৩ যখন থেকে আমি তোমার নাম করে ফরৌণের সাথে কথা বলতে গিয়েছি, তখন থেকেই তিনি এই লোকদের অসুবিধায় ফেলেছেন, এবং তুমি তোমার প্রজাদের আদৌ উদ্ধার করোনি।”

৬ তখন সদাপ্রভু মোশিকে বললেন, “এখন তুমি দেখবে আমি ফরৌণের প্রতি কী করব: আমার শক্তিশালী হাতের কারণে সে তাদের যেতে দেবে; আমার শক্তিশালী হাতের কারণে সে তাদের তার দেশ থেকে তাড়িয়ে দেবে।” ২ এছাড়াও ঈশ্বর মোশিকে বললেন, “আমি সেই সদাপ্রভু। ৩ সর্বশক্তিমান ঈশ্বররূপে আমি অব্রাহামের, ইস্থাকের ও যাকোবের কাছে আবির্ভূত হয়েছিলাম, কিন্তু সদাপ্রভু—আমার এই নামে পুরোপুরিভাবে আমি তাদের কাছে নিজের পরিচয় দিইনি। ৪ যে কনান দেশে তারা বিদেশিরূপে বসবাস করছিল, সেটি তাদের দেওয়ার জন্য আমি তাদের সাথে আমার নিয়ম প্রতিষ্ঠিতও করেছিলাম। ৫ এছাড়াও, আমি সেই ইস্রায়েলীদের কান্না শুনেছিলাম, যাদের মিশরীয়রা ক্রীতদাস করে রেখেছে, এবং আমি আমার নিয়ম স্মারণ করলাম। ৬ “সুতরাং, ইস্রায়েলীদের বলো: ‘আমি সদাপ্রভু, এবং মিশরীয়দের জোয়ালের তলা থেকে আমি তোমাদের বের করে আনব। তাদের ক্রীতদাস হয়ে থাকার হাত থেকে আমি তোমাদের স্বাধীন করব, এবং এক প্রসারিত হাত ও মহৎ দণ্ডদেশ সহ আমি তোমাদের

মুক্ত করব। 7 আমার নিজস্ব প্রজারূপে আমি তোমাদের গ্রহণ করব,  
 এবং আমি তোমাদের ঈশ্বর হব। তখন তোমরা জানবে যে আমিই  
 তোমাদের সেই ঈশ্বর সদাপ্রভু, যিনি মিশরীয়দের জোয়ালের তলা  
 থেকে তোমাদের বের করে এনেছেন। 8 আর উদ্যত হাত দিয়ে  
 আমি তোমাদের সেই দেশে নিয়ে আসব, যেটি দেওয়ার প্রতিজ্ঞা  
 আমি অব্রাহামের, ইস্খাকের ও যাকোবের কাছে করেছিলাম। এক  
 অধিকারুরূপে আমি সেটি তোমাদের দেব। আমিই সদাপ্রভু।” 9  
 মোশি ইস্রায়েলীদের এই খবর দিলেন, কিন্তু তাদের আত্মবিশ্বাসহীনতা  
 ও কঠোর পরিশ্রমের কারণে তারা তাঁর কথা শোনেনি। 10 তখন  
 সদাপ্রভু মোশিকে বললেন, 11 “যাও, মিশররাজ ফরৌণকে তার দেশ  
 ছেড়ে ইস্রায়েলীদের যেতে দিতে বলো।” 12 কিন্তু মোশি সদাপ্রভুকে  
 বললেন, “আমি যেহেতু কম্পমান ঠোঁটে কথা বলি তাই ইস্রায়েলীরাই  
 যখন আমার কথা শুনছে না, ফরৌণ তবে কেন আমার কথা শুনবেন?”  
 13 ইস্রায়েলীদের ও মিশররাজ ফরৌণের বিষয়ে সদাপ্রভু মোশি ও  
 হারোগের সাথে কথা বললেন, এবং ইস্রায়েলীদের মিশর থেকে বের  
 করে আনার আদেশ তিনি তাঁদের দিলেন। 14 তাঁদের কুলের নেতা  
 এঁরাই: ইস্রায়েলের প্রথমজাত সন্তান রূবেগের ছেলেরা: হনোক, পল্লু,  
 হিত্রোণ ও কর্মি। এরাই হলেন রূবেগের গোষ্ঠী। 15 শিমিয়োনের  
 ছেলেরা: যিমুয়েল, যামীন, ওহদ, যাথীন, সোহর, ও এক কনানীয়  
 মহিলার ছেলে শৌল। এঁরাই হলেন শিমিয়োনের গোষ্ঠী। 16 তাঁদের নথি  
 অনুসারে এই হল লেবির ছেলেদের নাম: গের্শোন, কহাণ, ও মরারি।  
 (লেবি 137 বছর বেঁচেছিলেন।) 17 গোষ্ঠী অনুসারে, গের্শোনের  
 ছেলেরা: লিব্নি ও শিমিয়ি। 18 কহাতের ছেলেরা: অম্রাম, যিষ্হর,  
 হিত্রোণ ও উষীয়েল। (কহাণ 133 বছর বেঁচেছিলেন।) 19 মরারির  
 ছেলেরা: মহলি ও মূশি। তাঁদের নথি অনুসারে এরাই লেবির বিভিন্ন  
 গোষ্ঠী। 20 অম্রাম তাঁর পিসিমা সেই যোকেবদকে বিয়ে করলেন,  
 যিনি অম্রামের জন্য মোশি ও হারোগের জন্য দিলেন। (অম্রাম 137  
 বছর বেঁচেছিলেন।) 21 যিষ্হরের ছেলেরা: কোরহ, নেফগ ও সিথি।  
 22 উষীয়েলের ছেলেরা: মীশায়েল, ইলসাফন ও সিথি। 23 হারোগ

অমীনাদবের মেয়ে ও নহশোনের বোন ইলীশেবাকে বিয়ে করলেন,  
এবং তিনি হারোগের জন্য নাদব ও অবীহু, ইলীয়াসর ও স্থামরের জন্য  
দিলেন। 24 কোরহের ছেলেরা হলেন: অসীর, ইল্কানা ও অবীয়াসফ।  
এঁরাই হলেন কোরহের বিভিন্ন গোষ্ঠী। 25 হারোগের ছেলে ইলীয়াসর  
পুটিয়েলের মেয়েদের মধ্যে একজনকে বিয়ে করলেন, এবং তিনি  
তাঁর জন্য পীনহসের জন্য দিলেন। এঁরাই হলেন গোষ্ঠী ধরে ধরে  
লেবীয় কুলের বিভিন্ন নেতা। 26 এই হারোণ ও মোশিকেই সদাপ্রভু  
বললেন, “বিভাগ ধরে ধরে তোমরা ইস্রায়েলীদের মিশর থেকে বের  
করে আনো।” 27 তাঁরাই—এই মোশি ও হারোণই ইস্রায়েলীদের  
মিশর থেকে বের করে আনার বিষয়ে মিশররাজ ফরৌণের সাথে  
কথা বললেন। 28 এদিকে সদাপ্রভু যখন মিশরে মোশির সাথে কথা  
বললেন, 29 তখন তিনি মোশিকে বললেন, “আমি সদাপ্রভু। আমি  
তোমাকে যা যা বলছি সেসব কথা মিশররাজ ফরৌণকে গিয়ে বলো।”  
30 কিন্তু মোশি সদাপ্রভুকে বললেন, “আমি যেহেতু কম্পমান ঠোঁটে  
কথা বলি, তাই ফরৌণ আমার কথা শুনবেন কেন?”

7 তখন সদাপ্রভু মোশিকে বললেন, “দেখো, আমি তোমাকে ফরৌণের  
কাছে ঈশ্বরের সমতুল্য করে দিয়েছি, এবং তোমার দাদা হারোণ  
তোমার ভাববাদী হবে। 2 আমি তোমাকে যে আদেশ দিচ্ছি সেসব  
কথা তোমাকে বলতে হবে, এবং তোমার দাদা হারোণ ফরৌণকে  
বলুক যেন সে ইস্রায়েলীদের তার দেশ ছেড়ে যেতে দেয়। 3 কিন্তু আমি  
ফরৌণের হৃদয় কঠিন করব, ও যদিও আমি মিশরে আমার চিহ্নের ও  
অলৌকিক কাজের সংখ্যা বৃদ্ধি করব, 4 তবুও সে তোমাদের কথা  
শুনবে না। পরে আমি মিশরের উপর আমার হাত বাড়াব এবং দণ্ডের  
ক্ষমতাশালী কাজের মাধ্যমে আমি আমার সৈন্যসামন্তকে, আমার প্রজা  
ইস্রায়েলীদের বের করে আনব। 5 আর আমি যখন মিশরের বিরুদ্ধে  
আমার হাত প্রসারিত করব ও সেখান থেকে ইস্রায়েলীদের বের করে  
আনব তখনই মিশরীয়রা জানবে যে আমিই সদাপ্রভু।” 6 মোশি ও  
হারোণকে সদাপ্রভু যে আদেশ দিলেন তাঁরা ঠিক তাই করলেন। 7  
তাঁরা যখন ফরৌণের সঙ্গে কথা বললেন তখন মোশির বয়স আশি ও

হারোগের তিরাশি বছর। ৪ সদাপ্রভু মোশি ও হারোণকে বললেন,  
৫ “ফরৌণ যখন তোমাদের বলবে, ‘একটি অলৌকিক কাজ করে  
দেখাও,’ তখন হারোণকে বোলো, ‘তোমার ছড়িটি নাও ও ফরৌণের  
সামনে সেটি নিষ্কেপ করো,’ আর সেটি একটি সাপে পরিণত হবে।”  
১০ অতএব মোশি ও হারোণ ফরৌণের কাছে গেলেন এবং সদাপ্রভু  
যেমন আদেশ দিয়েছিলেন ঠিক সেরকমই করলেন। হারোণ ফরৌণের  
ও তাঁর কর্মকর্তাদের সামনে তাঁর ছড়িটি নিষ্কেপ করলেন ও সেটি  
একটি সাপে পরিণত হল। ১১ ফরৌণ তখন পঞ্চিতদের ও গুলিনদের  
ডেকে পাঠালেন, এবং সেই মিশরীয় জাদুকররাও তাদের রহস্যময়  
শিল্পকলার মাধ্যমে একই কাজ করল: ১২ প্রত্যেকে নিজের নিজের  
ছড়ি নিষ্কেপ করল এবং তা সাপে পরিণত হল। কিন্তু হারোণের ছড়িটি  
তাদের ছড়িগুলি গিলে ফেলল। ১৩ তবুও ফরৌণের হন্দয় কঠিন হল ও  
তিনি তাদের কথা শুনতে চাননি, যেমন সদাপ্রভু বলেছিলেন। ১৪  
তখন সদাপ্রভু মোশিকে বললেন, “ফরৌণের হন্দয় অনমনীয়; সে  
গোকদের যেতে দিতে চায় না। ১৫ সকালে ফরৌণ যখন নদীর কাছে  
যাবে তখন তুমি ও তার কাছে যেয়ো। নীলনদের তীরে তার সমুখীন  
হোয়ো, এবং তোমার সেই ছড়িটি হাতে রেখো যেটি একটি সাপে  
পরিণত হয়েছিল। ১৬ পরে তাকে বোলো, ‘হিঙ্গদের ঈশ্বর সদাপ্রভু,  
আপনার কাছে আমাকে একথা বলতে পাঠিয়েছেন: আমার প্রজাদের  
যেতে দাও, যেন তারা মরুপ্তান্তরে আমার আরাধনা করতে পারে। কিন্তু  
এখনও পর্যন্ত তুমি সেকথা শোনোনি। ১৭ সদাপ্রভু একথাই বলেন:  
এর দ্বারাই তোমরা জানতে পারবে যে আমিই সদাপ্রভু: যে ছড়িটি  
আমার হাতে ধরা আছে সেটি দিয়ে আমি নীলনদের জলে আঘাত  
করব, আর তা রক্তে পরিণত হবে। ১৮ নীলনদে মাছ মারা যাবে,  
এবং তার ফলে নদীতে দুর্গন্ধ ছড়াবে; মিশরীয়রা এর জলপান করতে  
পারবে না।” ১৯ সদাপ্রভু মোশিকে বললেন, “হারোণকে বোলো,  
'তোমার ছড়িটি নাও এবং মিশরের সব স্নোতোজলের উপর—নদীর  
ও খালের উপর, পুকুরের ও সব জলাধারের উপর—তোমার হাত  
বাঢ়াও ও সেসব রক্তে পরিণত হবে।' মিশরে সর্বত্র রক্তই থাকবে,

এমনকি কাঠের ও পাথরের পাত্রেও থাকবে।” 20 মোশি ও হারোণ  
ঠিক তাই করলেন যা সদাপ্রভু তাঁদের করার আদেশ দিয়েছিলেন।  
ফরৌণ ও তাঁর কর্মকর্তাদের সামনে তিনি তাঁর ছড়িটি বাড়িয়ে দিলেন  
ও নীলনদের জলে আঘাত করলেন ও সব জল রক্তে পরিণত হল। 21  
নীলনদে মাছ মারা গেল, এবং নদীতে এত দুর্গন্ধ ছড়াল যে মিশরীয়রা  
সেচির জলপান করতে পারল না। মিশরে সর্বত্র রক্ত ছড়িয়ে পড়েছিল।  
22 কিন্তু মিশরের জাদুকররাও তাদের রহস্যময় শিল্পকলার দ্বারা একই  
কাজ করল, এবং ফরৌণের হন্দয় কঠিন হল; তিনি মোশি ও হারোণের  
কথা শোনেননি, ঠিক যেমনটি সদাপ্রভু বলেছিলেন। 23 পরিবর্তে,  
তিনি তাঁর প্রাসাদে ফিরে গেলেন, এবং এমনকি এতে কিছুই মনে  
করলেন না। 24 আর মিশরীয়রা সবাই পানীয় জল পাওয়ার জন্য  
নীলনদের পাশে কুয়ো খুঁড়েছিল, কারণ তারা নদীর জলপান করতে  
পারেনি। 25 সদাপ্রভু নীলনদের উপর আঘাত হানার পর সাত দিন  
কেটে গেল।

**৮** তখন সদাপ্রভু মোশিকে বললেন, “ফরৌণের কাছে যাও ও তাকে  
বলো, ‘সদাপ্রভু একথাই বলেন: আমার প্রজাদের যেতে দাও, যেন  
তারা আমার আরাধনা করতে পারে। 2 যদি তুমি তাদের যেতে  
দিতে অসম্ভব হও, তবে আমি তোমার সমগ্র দেশে ব্যাং দ্বারা  
এক আঘাত হানব। 3 নীলনদ ব্যাং-এ পরিপূর্ণ হয়ে যাবে। সেগুলি  
তোমার প্রাসাদে ও শয়নকক্ষে, এবং তোমার বিছানাতে, এবং তোমার  
কর্মকর্তাদের বাড়িতে ও তোমার প্রজাদের উপর, এবং তোমাদের  
উন্ননে ও কোঠাতেও উঠে আসবে। 4 ব্যাংগুলি তোমার গায়ে ও  
তোমার প্রজাদের এবং তোমার সব কর্মকর্তার গায়ে উঠে আসবে।’” 5  
পরে সদাপ্রভু মোশিকে বললেন, “হারোণকে বলো, ‘ছড়িসহ তোমার  
হাত সব জলস্ন্তোত্রের ও খালের এবং পুরুরের উপর বাড়িয়ে দাও,  
এবং মিশর দেশের উপর ব্যাঙ্গদের নিয়ে এসো।’” 6 অতএব হারোণ  
মিশরের স্ন্যাতোজলের উপর তাঁর হাত বাড়িয়ে দিলেন, এবং ব্যাংগুলি  
উঠে এসে দেশটি ঢেকে দিল। 7 কিন্তু জাদুকররা তাদের রহস্যময়  
শিল্পকলার মাধ্যমে একই কাজ করল; তারাও মিশর দেশের উপর

ব্যাঙ্গদের নিয়ে এল। ৪ ফরৌণ, মোশি ও হারোগকে দেকে পাঠিয়ে  
বললেন, “আমার ও আমার প্রজাদের কাছ থেকে ব্যাংগলি দূরে সরিয়ে  
নেওয়ার জন্য সদাপ্রভুর কাছে প্রার্থনা করো, এবং সদাপ্রভুর উদ্দেশে  
বলি উৎসর্গ করার জন্য আমি তোমাদের লোকজনকে যেতে দেব।” ৯  
মোশি ফরৌণকে বললেন, “শুধু নীলনদে যেসব ব্যাং আছে, সেগুলি  
ছাড়া আপনি ও আপনাদের ঘরবাড়ি যেন ব্যাং-এর হাত থেকে নিষ্কৃতি  
পান সেজন্য আমি কখন আপনার জন্য ও আপনার কর্মকর্তাদের  
এবং আপনার প্রজাদের জন্য প্রার্থনা করব, সেই সময়টি ঠিক করার  
ভার আমি আপনার হাতেই তুলে দিচ্ছি।” ১০ “আগামীকাল,” ফরৌণ  
বললেন। মোশি উত্তর দিলেন, “আপনার কথামতোই তা হোক, যেন  
আপনি জানতে পারেন যে আমাদের ঈশ্বর সদাপ্রভুর মতো আর কেউ  
নেই। ১১ ব্যাংগলি আপনার কাছ থেকে ও আপনার বাড়ি থেকে এবং  
আপনার কর্মকর্তাদের ও আপনার প্রজাদের বাড়ি থেকে চলে যাবে;  
সেগুলি শুধু নীলনদেই থাকবে।” ১২ মোশি ও হারোগ ফরৌণের কাছ  
থেকে চলে যাওয়ার পর, মোশি সেই ব্যাংগলির সমন্বে সদাপ্রভুর কাছে  
প্রার্থনা করলেন, যেগুলি তিনি ফরৌণের উপর নিয়ে এসেছিলেন।  
১৩ আর মোশি যা চেয়েছিলেন সদাপ্রভু তাই করলেন। বাড়িতে,  
প্রাঙ্গণে ও ক্ষেতজমিতে ব্যাংগলি মারা গেল। ১৪ সেগুলি গাদায় গাদায়  
স্তুপাকার করা হল, এবং সেগুলির কারণে দেশে দুর্গন্ধ ছড়াল। ১৫ কিন্তু  
ফরৌণ যখন দেখলেন যে মুক্তি পাওয়া গিয়েছে, তখন তিনি তাঁর  
হৃদয় কঠিন করলেন এবং মোশি ও হারোগের কথা শুনতে চাইলেন  
না, ঠিক যেমনটি সদাপ্রভু বলেছিলেন। ১৬ তখন সদাপ্রভু মোশিকে  
বললেন, “হারোগকে বলো, ‘তোমার ছড়িটি বাড়িয়ে দাও এবং মাঠের  
ধুলোতে আঘাত করো,’ এবং মিশর দেশের সর্বত্র ধুলোবালি ডঁশ-  
মশায় পরিণত হবে।” ১৭ তাঁরা তাই করলেন, এবং হারোগ যখন  
ছড়িসহ তাঁর হাতটি বাড়িয়ে দিয়ে মাঠের ধুলোতে আঘাত করলেন,  
তখন মানুষজনের ও পশুদের গায়ে ডঁশ-মশা উঠে এল। মিশর দেশের  
সর্বত্র সব ধুলোবালি ডঁশ-মশায় পরিণত হল। ১৮ কিন্তু জানুকররা  
যখন তাদের রহস্যময় শিল্পকলার মাধ্যমে ডঁশ-মশা উৎপন্ন করতে

চাইল, তারা তা করতে পারল না। যেহেতু সর্বত্র মানুষের ও পশ্চদের  
উপর ডাঁশ-মশা ছিয়ে গেল, 19 তাই জাদুকররা ফরৌণকে বলল,  
“এ হল ঈশ্বরের আঙুল।” কিন্তু ফরৌণের হন্দয় কঠিন হল এবং তিনি  
শুনতে চাইলেন না, ঠিক যেমনটি সদাপ্রভু বলেছিলেন। 20 তখন  
সদাপ্রভু মোশিকে বললেন, “সকালে তাড়াতাড়ি উঠে যেয়ো এবং  
ফরৌণ যখন নদীর কাছে যাবে তখন তার সমুখীন হোয়ো ও তাকে  
বোলো, ‘সদাপ্রভু একথাই বলেন: আমার প্রজাদের যেতে দাও, যেন  
তারা আমার আরাধনা করতে পারে। 21 যদি তুমি আমার প্রজাদের  
যেতে না দাও, তবে আমি তোমার উপর ও তোমার কর্মকর্তাদের,  
তোমার প্রজাদের উপর এবং তোমার বাড়ির মধ্যে মাছির ঝাঁক পাঠাব।  
মিশরীয়দের বাড়িগুলি মাছিতে পরিপূর্ণ হয়ে যাবে; এমনকি মাঠঘাটও  
সেগুলি দ্বারা ঢাকা পড়ে যাবে। 22 “কিন্তু সেদিন সেই গোশন প্রদেশের  
প্রতি আমি অন্যরকম আচরণ করব, যেখানে আমার প্রজারা বসবাস  
করে; সেখানে মাছির কোনও ঝাঁক থাকবে না, যেন তুমি জানতে  
পারো যে আমি, সদাপ্রভু এই দেশেই আছি। 23 আমি আমার প্রজাদের  
ও তোমার প্রজাদের মধ্যে এক পার্থক্য গড়ে তুলব। আগামীকাল এই  
চিহ্নটি ফুটে উঠবে।” 24 আর সদাপ্রভু এরকমই করলেন। মাছির ঘন  
ঝাঁক ফরৌণের প্রাসাদে, ও তাঁর কর্মকর্তাদের বাড়িগুলিতে আছড়ে  
পড়ল; মিশরের সর্বত্র দেশ মাছি দ্বারা ছারখার হয়ে গেল। 25 তখন  
ফরৌণ মোশি ও হারোণকে ডেকে পাঠালেন এবং বললেন, “যাও,  
দেশের মধ্যেই তোমাদের ঈশ্বরের উদ্দেশে বলি উৎসর্গ করো।” 26  
কিন্তু মোশি বললেন, “এরকম করা ঠিক হবে না। আমাদের ঈশ্বর  
সদাপ্রভুর উদ্দেশে আমরা যে বলি উৎসর্গ করি তা মিশরীয়দের কাছে  
ঘৃণ্য হবে। আর আমরা যদি সেই বলি উৎসর্গ করি যা তাদের দ্রষ্টিতে  
ঘৃণ্য, তবে তারা কি আমাদের উপর পাথর ছুঁড়বে না? 27 আমাদের  
অবশ্যই আমাদের ঈশ্বর সদাপ্রভুর উদ্দেশে বলি উৎসর্গ করার জন্য  
তিনিনের পথ পাড়ি দিয়ে মরণপ্রাপ্তরে যেতে হবে, যেমনটি তিনি  
আমাদের আদেশ দিয়েছেন।” 28 ফরৌণ বললেন, “মরণপ্রাপ্তরে  
তোমাদের ঈশ্বর সদাপ্রভুর উদ্দেশে বলি উৎসর্গ করার জন্য আমি

তোমাদের যেতে দেব, কিন্তু তোমরা খুব বেশি দূরে যাবে না। এখন  
আমার জন্য প্রার্থনা করো।” 29 মোশি উভর দিলেন, “আপনার কাছ  
থেকে চলে যাওয়ার পরই আমি সদাপ্রভুর কাছে প্রার্থনা করব, এবং  
আগামীকাল মাছিগুলি ফরৌণকে ও তাঁর কর্মকর্তাদের এবং তাঁর  
প্রজাদের ছেড়ে চলে যাবে। শুধু ফরৌণ যেন নিশ্চিতক্রপে সদাপ্রভুর  
উদ্দেশে লোকদের বলি দিতে যেতে না দিয়ে প্রতারণামূলক আচরণ  
না করেন।” 30 পরে মোশি ফরৌণের কাছ থেকে চলে গেলেন এবং  
সদাপ্রভুর কাছে প্রার্থনা করলেন, 31 এবং মোশি যেমনটি চেয়েছিলেন  
সদাপ্রভু তাই করলেন। মাছির ঝাঁক ফরৌণকে ও তাঁর কর্মকর্তাদের  
এবং তাঁর প্রজাদের ছেড়ে গেল; একটিও মাছি অবশিষ্ট রইল না। 32  
কিন্তু এবারও ফরৌণ তাঁর হৃদয় কঠিন করলেন এবং তিনি লোকদের  
যেতে দিলেন না।

**৭** তখন সদাপ্রভু মোশিকে বললেন, “ফরৌণের কাছে যাও এবং তাকে  
বলো, ‘হিন্দুদের ঈশ্বর সদাপ্রভু একথাই বলেন: “আমার প্রজাদের  
যেতে দাও, যেন তারা আমার আরাধনা করতে পারে।” 2 যদি তুমি  
তাদের যেতে দিতে অসম্মত হও এবং ক্রমাগত তাদের আটকে  
রাখো, 3 তবে সদাপ্রভুর হাত মাঠেঘাটে থাকা তোমাদের গৃহপালিত  
পশুপালের উপর—তোমাদের ঘোড়া, গাধা ও উটের এবং গবাদি  
পশুপালের, মেষ ও ছাগলদের উপর ভয়ংকর এক আঘাত নিয়ে  
আসবে। 4 কিন্তু সদাপ্রভু ইস্রায়েলীদের গৃহপালিত পশুপালের এবং  
মিশরীয়দের গৃহপালিত পশুপালের মধ্যে এক পার্থক্য গড়ে তুলবেন,  
যেন ইস্রায়েলীদের অধিকারভুক্ত কোনও পশু মারা না যায়।” 5  
সদাপ্রভু এক সময় নির্দিষ্ট করলেন ও বললেন, “আগামীকাল সদাপ্রভু  
দেশে এরকম করবেন।” 6 আর পরদিন সদাপ্রভু তা করলেন:  
মিশরীয়দের সব গৃহপালিত পশু মারা গেল, কিন্তু ইস্রায়েলীদের  
অধিকারভুক্ত একটি পশুও মারা গেল না। 7 ফরৌণ তদন্ত করলেন  
এবং জানতে পারলেন যে ইস্রায়েলীদের একটি পশুও মারা যায়নি।  
তবুও তাঁর হৃদয় অনমনীয়ই থেকে গেল এবং তিনি লোকদের যেতে  
দিলেন না। 8 পরে সদাপ্রভু মোশি ও হারোণকে বললেন, “একটি উন্নুন

থেকে মুঠো ভর্তি করে ছাইভস্মা তুলে নাও এবং ফরৌণের সামনেই  
মোশি তা হাওয়ায় ছড়িয়ে দিক। 9 সমগ্র মিশর দেশে তা মিহি ধুলোয়  
পরিষত হবে, এবং দেশের সর্বত্র মানুষজনের ও পশুপালের গায়ে  
পঁজ-ভরা ফোঁড়া ফুটে উঠবে।” 10 অতএব তাঁরা একটি উনুন থেকে  
ছাইভস্মা তুলে নিয়ে ফরৌণের সামনে গিয়ে দাঁড়ালেন। মোশি হাওয়ায়  
তা ছড়িয়ে দিলেন, এবং মানুষজনের ও পশুপালের গায়ে পঁজ-ভরা  
ফোঁড়াগুলি ফুটে উঠল, সেগুলির কারণে জাদুকররা মোশির সামনে  
দাঁড়াতে পারল না। 11 কিন্তু সদাপ্রভু ফরৌণের হন্দয় কঠিন করে  
দিলেন এবং তিনি মোশি ও হারোণের কথা শুনতে চাইলেন না, ঠিক  
যেমনটি সদাপ্রভু মোশিকে বলেছিলেন। 13 পরে সদাপ্রভু মোশিকে  
বললেন, “ভোরবেলায় ঘুম থেকে উঠে, ফরৌণের সমুখীন হয়ে তাকে  
বোলো, ‘হিন্দুদের ঈশ্বর সদাপ্রভু একথাই বলেন: আমার প্রজাদের  
যেতে দাও, যেন তারা আমার আরাধনা করতে পারে, 14 তা না হলে  
এবার আমি তোমার বিরঞ্জে ও তোমার কর্মকর্তাদের ও তোমার  
প্রজাদের বিরঞ্জে আমার আগাতগুলির পূর্ণ বল পাঠাব, যেন তুমি  
জানতে পারো যে সারা পৃথিবীতে আমার মতো আর কেউ নেই। 15  
কারণ এখনই আমি আমার হাত বাড়িয়ে তোমাকে ও তোমার প্রজাদের  
এমন এক আঘাত দ্বারা আহত করতে পারি যা তোমাদের এই পৃথিবীর  
বুক থেকে মুছে ফেলতে পারে। 16 কিন্তু ঠিক এই উদ্দেশ্যেই আমি  
তোমাকে উন্নত করেছি, যেন আমি তোমাকে আমার ক্ষমতা দেখাতে  
পারি ও সমগ্র পৃথিবীতে আমার নাম প্রচারিত হয়। 17 তুমি এখনও  
আমার প্রজাদের বিরঞ্জে নিজেকে দাঁড় করিয়ে রেখেছ এবং তাদের  
যেতে দিচ্ছ না। 18 তাই, আগামীকাল এইসময় আমি এমন ভারী  
শিলাবৃষ্টি পাঠাব যা মিশরের প্রতিষ্ঠা-দিবস থেকে শুরু করে আজ  
পর্যন্ত কখনও মিশরের উপর পড়েনি। 19 তুমি এখন এক আদেশ  
জারি করো, যেন মাঠেঘাটে তোমার যত গৃহপালিত পশুপাল ও যা যা  
আছে, সেসব নিরাপদ আশ্রয়ে নিয়ে আসা হয়, কারণ যেসব মানুষ ও  
পশুকে ভিতরে আনা হয়নি ও যারা এখনও মাঠেঘাটেই আছে, তাদের

প্রত্যেকের উপর শিলাবৃষ্টি নেমে আসবে, ও তারা মারা পড়বে।” 20  
ফরৌণের যেসব কর্মকর্তা সদাপ্রভুর বাক্যে ভয় পেয়েছিলেন, তাঁরা  
তাড়াতাড়ি করে তাঁদের ক্রীতদাস-দাসীদের ও তাঁদের গৃহপালিত  
পশুপালকে ভিতরে নিয়ে এলেন। 21 কিন্তু যারা সদাপ্রভুর বাক্য  
উপেক্ষা করল, তারা তাদের ক্রীতদাস-দাসীদের ও গৃহপালিত পশুপাল  
মাঠেঘাটেই ছেড়ে দিল। 22 পরে সদাপ্রভু মোশিকে বললেন, “তোমার  
হাত আকাশের দিকে প্রসারিত করো যেন মিশরে সর্বত্র শিলাবৃষ্টি নেমে  
আসে—মানুষজনের ও পশুপালের এবং মিশরের মাঠেঘাটে যা যা  
উৎপন্ন হচ্ছে, সবকিছুর উপরে নেমে আসে।” 23 মোশি যখন তাঁর  
ছড়িটি আকাশের দিকে প্রসারিত করলেন, তখন সদাপ্রভু বজ্রবিদ্যুৎ ও  
শিলাবৃষ্টি পাঠিয়ে দিলেন, এবং বজ্রবিদ্যুতের চমক মাটি স্পর্শ করল।  
অতএব সদাপ্রভু মিশর দেশের উপর শিলাবৃষ্টি বর্ষণ করলেন; 24  
শিলাবৃষ্টিপাত হয়েছিল এবং এদিক-ওদিক বজ্রবিদ্যুৎ চমকাল। যখন  
থেকে মিশর এক দেশে পরিণত হয়েছিল, তখন থেকে শুরু করে  
আজ পর্যন্ত মিশর দেশে এরকম শিলাবৃষ্টি আর কখনও হয়নি। 25  
মিশরে সর্বত্র শিলাবৃষ্টি মাঠের সবকিছুকে—মানুষজন ও পশুপাল,  
সবাইকেই আঘাত করল; মাঠেঘাটে যা যা উৎপন্ন হয় সেসবকিছু  
তা দুমড়ে-মুচড়ে দিল ও প্রত্যেকটি গাছ নেড়া করে ফেলল। 26  
একমাত্র যেখানে শিলাবৃষ্টি পড়েনি তা হল সেই গোশন প্রদেশ, যেখানে  
ইস্রায়েলীরা বসবাস করত। 27 তখন ফরৌণ মোশি ও হারোণকে  
ডেকে পাঠালেন। “এবার আমি পাপ করেছি,” তিনি তাঁদের বললেন।  
“সদাপ্রভু ন্যায়পরায়ণ, এবং আমি ও আমার প্রজারা অন্যায় করেছি।  
28 সদাপ্রভুর কাছে প্রার্থনা করো, কারণ আমরা যথেষ্ট বজ্রবিদ্যুৎ  
ও শিলাবৃষ্টি পেয়েছি। আমি তোমাদের যেতে দেব; তোমাদের আর  
এখানে থাকতে হবে না।” 29 মোশি উত্তর দিলেন, “আমি যখন নগরাটি  
ছেড়ে যাব, তখন আমি আমার হাত দুটি প্রার্থনায় সদাপ্রভুর দিকে  
প্রসারিত করব। বজ্রপাত থেমে যাবে এবং শিলাবৃষ্টি আর হবে না, যেন  
আপনি জানতে পারেন যে এই পৃথিবী সদাপ্রভুরই। 30 কিন্তু আমি  
জানি যে আপনি ও আপনার কর্মকর্তারা এখনও সদাপ্রভু ঈশ্বরকে

তয় পাচ্ছেন না।” 31 (শণগাছ ও যব ধৰংস হল, যেহেতু যবের শিয়  
ফুটেছিল ও শণগাছে ফুল ধরেছিল। 32 গম ও বাজরা অবশ্য ধৰংস  
হয়নি, কারণ সেগুলি পরে পাকে।) 33 পরে মোশি ফরৌণকে ছেড়ে  
নগর থেকে বাইরে চলে গেলেন। তিনি সদাপ্রভুর দিকে তাঁর হাত দুটি  
প্রসারিত করলেন; বজ্রবিদ্যুৎ ও শিলাবৃষ্টি পড়া বন্ধ হয়ে গেল, এবং  
বৃষ্টিও আর জমিতে নেমে এল না। 34 ফরৌণ যখন দেখলেন যে বৃষ্টি  
ও শিলাবৃষ্টি ও বজ্রবিদ্যুৎ পড়া বন্ধ হয়েছে, তখন আবার তিনি পাপ  
করলেন: তিনি ও তাঁর কর্মকর্তারা তাঁদের হন্দয় কঠিন করলেন। 35  
অতএব ফরৌণের হন্দয় কঠিন হল এবং তিনি ইস্রায়েলীদের যেতে  
দিলেন না, ঠিক যেমনটি সদাপ্রভু মোশির মাধ্যমে বলেছিলেন।

**10** পরে সদাপ্রভু মোশিকে বললেন, “ফরৌণের কাছে যাও, কারণ  
আমি তার হন্দয় ও তার কর্মচারীদের হন্দয় কঠিন করে দিয়েছি যেন  
তাদের মাঝখানে আমি আমার এই চিহ্নকাজগুলি সম্পন্ন করতে  
পারি 2 ও যেন তুমি তোমার সন্তানদের ও নাতি-নাতনিদের বলতে  
পারো কীভাবে আমি মিশরীয়দের সঙ্গে ঝুঁতভাবে আচরণ করোছি  
এবং কীভাবে আমি তাদের মাঝখানে আমার চিহ্নকাজগুলি সম্পন্ন  
করেছি, এবং তোমরা যেন জানতে পারো যে আমিই সদাপ্রভু।”  
3 অতএব মোশি ও হারোণ ফরৌণের কাছে গেলেন এবং তাঁকে  
বললেন, “হিন্দুদের ঈশ্বর সদাপ্রভু একথাই বলেন: ‘আর কত কাল  
তুমি আমার সামনে নিজেকে নত করতে অসম্ভত হবে? আমার  
প্রজাদের যেতে দাও, যেন তারা আমার আরাধনা করতে পারে। 4  
যদি তুমি তাদের যেতে না দাও, তবে আগামীকাল আমি তোমার  
দেশে পঙ্গপাল নিয়ে আসব। 5 সেগুলি মাঠঘাট এমনভাবে ঢেকে  
ফেলবে যেন তা দেখা না যায়। শিলাবৃষ্টির পর তোমাদের অল্পসল্প যা  
কিছু অবশিষ্ট আছে, সেগুলি ও তার পাশাপাশি তোমাদের মাঠঘাটে  
যত গাছপালা বেড়ে উঠছে, সেসব সেগুলি গ্রাস করবে। 6 সেগুলি  
তোমার বাড়িধর ও তোমার কর্মকর্তাদের এবং সমস্ত মিশরীয়ের  
বাড়িধর ভরিয়ে তুলবে—তা এমন এক ঘটনা হবে যা তোমার বাবা-  
মায়েরা বা তোমার পূর্বপুরুষরাও এদেশে তাদের বসতি স্থাপন করা

থেকে শুরু করে আজ পর্যন্ত কখনও দেখেনি।” পরে মোশি ঘূরে  
দাঁড়ালেন ও ফরৌণকে ছেড়ে চলে গেলেন। 7 ফরৌণের কর্মকর্তারা  
তাঁকে বললেন, “আর কত দিন এই লোকটি আমাদের পক্ষে এক  
ফাঁদ হয়ে থাকবে? লোকদের যেতে দিন, যেন তারা তাদের ঈশ্বর  
সদাপ্রভুর আরাধনা করতে পারে। আপনি কি এখনও বুঝতে পারছেন  
না যে মিশর ছারখার হয়ে গিয়েছে?” 8 তখন মোশি ও হারোণকে  
ফরৌণের কাছে ফিরিয়ে আনা হল। “যাও, তোমাদের ঈশ্বর সদাপ্রভুর  
আরাধনা করো,” তিনি বললেন। “কিন্তু আমায় বলো, কে কে যাবে।”  
9 মোশি উত্তর দিলেন, “আমরা আমাদের শিশু ও বৃদ্ধদের, আমাদের  
ছেলেমেয়েদের, এবং আমাদের মেষপাল ও পঙ্গপাল সঙ্গে নিয়ে যাব,  
কারণ সদাপ্রভুর উদ্দেশ্যে আমাদের এক উৎসব পালন করতে হবে।”  
10 ফরৌণ বললেন, “সদাপ্রভু তোমাদের সহবতী হোন—আমি যদি  
মহিলা ও শিশুদের সঙ্গে নিয়ে তোমাদের যেতে দিই! এতে তোমাদের  
অশুভ উদ্দেশ্য প্রকাশিত হচ্ছে। 11 না! শুধুমাত্র পুরুষরাই যাক এবং  
সদাপ্রভুর আরাধনা করুক, যেহেতু তোমরা তো তাই চেয়েছিলে।”  
পরে মোশি ও হারোণকে ফরৌণের কাছ থেকে তাড়িয়ে দেওয়া হল।  
12 আর সদাপ্রভু মোশিকে বললেন, “মিশরের উপর তোমার হাত  
প্রসারিত করো যেন পঙ্গপালেরা দেশের উপর ঝাঁকে ঝাঁকে নেমে আসে  
ও শিলাবৃষ্টির পর যা কিছু অবশিষ্ট থেকে গিয়েছে, মাঠঘাটে বেড়ে  
ওঠা সেসবকিছু সেগুলি গ্রাস করে নেয়।” 13 অতএব মোশি মিশর  
দেশের উপর তাঁর ছড়িটি বাড়িয়ে দিলেন, আর সদাপ্রভু সারাদিন ও  
সারারাত দেশে পূর্বীয় বাতাস বইতে দিলেন। সকাল হতে না হতেই  
সেই বাতাস ঝাঁকে ঝাঁকে পঙ্গপাল নিয়ে এল; 14 সেগুলি সমগ্র মিশর  
দেশে হানা দিল এবং বিপুল সংখ্যায় দেশের প্রত্যেকটি অঞ্চলে থিতুও  
হল। আগে কখনও পঙ্গপালের এরকম আঘাত সহ্য করতে হয়নি, আর  
কখনও তা করতেও হবে না। 15 অন্ধকার হওয়ার আগেই সেগুলি  
সমস্ত মাঠঘাট ঢেকে ফেলল। শিলাবৃষ্টির পর যা কিছু অবশিষ্ট থেকে  
গিয়েছিল—মাঠঘাটে বেড়ে ওঠা সবকিছু এবং গাছের ফলমূল সেগুলি  
গ্রাস করে ফেলল। মিশর দেশের সর্বত্র গাছপালায় বা লতাপাতায়

কেনও সবুজ অংশ অবশিষ্ট রইল না। 16 ফরৌণ তাঢ়াতাঢ়ি মোশি ও হারোগকে ডেকে পাঠালেন এবং বললেন, “আমি তোমাদের ঈশ্বর সদাপ্রভুর বিরুদ্ধে ও তোমাদের বিরুদ্ধেও পাপ করেছি। 17 এখন আর একবার আমার পাপ ক্ষমা করে দাও, এবং এই মৃত্যুজনক আঘাত আমার কাছ থেকে দূর করার জন্য তোমাদের ঈশ্বর সদাপ্রভুর কাছে প্রার্থনা করো।” 18 মোশি পরে ফরৌণকে ছেড়ে সদাপ্রভুর কাছে প্রার্থনা করতে গেলেন। 19 আর সদাপ্রভু সেই বাতাসকে প্রচণ্ড এক পশ্চিমী বাতাসে পরিবর্তিত করে দিলেন, যা পঙ্গপালগুলিকে ধরে উঠিয়ে নিয়ে গিয়ে লোহিত সাগরে ফেলে দিল। মিশরে কোথাও আর একটিও পঙ্গপাল অবশিষ্ট রইল না। 20 কিন্তু সদাপ্রভু ফরৌণের হৃদয় কঠিন করে দিলেন, এবং তিনি ইস্রায়েলীদের যেতে দিলেন না। 21 পরে সদাপ্রভু মোশিকে বললেন, “আকাশের দিকে তোমার হাত প্রসারিত করো যেন মিশরের উপর অন্ধকার ছাড়িয়ে পড়ে—তা এমন অন্ধকার যা অনুভব করা যায়।” 22 অতএব মোশি আকাশের দিকে তাঁর হাত প্রসারিত করলেন, এবং সমগ্র মিশর দেশ তিনদিনের জন্য অন্ধকারে ঢেকে গেল। 23 তিনি দিন ধরে কেউ কাউকে দেখতে পায়নি বা চলাফেরাও করতে পারেনি। অথচ ইস্রায়েলীরা যেখানে বসবাস করত সেখানে তাদের কাছে আলো ছিল। 24 তখন ফরৌণ মোশিকে ডেকে পাঠালেন এবং বললেন, “যাও, সদাপ্রভুর আরাধনা করো। এমনকি তোমাদের মহিলারা এবং সন্তানেরাও তোমাদের সঙ্গে যেতে পারে; শুধু তোমাদের মেষপাল ও পশুপাল এখানে রেখে যাও।” 25 কিন্তু মোশি বললেন, “আমাদের ঈশ্বর সদাপ্রভুর উদ্দেশে উপহার বলি এবং হোমবলি উৎসর্গ করার জন্য আপনাকে আমাদের অনুমতি দিতে হবে। 26 আমাদের গৃহপালিত পশুপালও আমাদের সঙ্গে অবশ্যই যাবে; একটি খুরও এখানে পড়ে থাকবে না। আমাদের ঈশ্বর সদাপ্রভুর আরাধনায় সেগুলির মধ্যে কয়েকটিকে আমাদের ব্যবহার করতে হবে, আর যতক্ষণ না আমরা সেখানে পৌঁছাচ্ছি, ততক্ষণ পর্যন্ত আমরা জানতে পারব না যে সদাপ্রভুর আরাধনার জন্য আমাদের কী কী ব্যবহার করতে হবে।” 27 কিন্তু সদাপ্রভু ফরৌণের

হাদয় কঠিন করে দিলেন, এবং তিনি তাঁদের যেতে দিতে চাইলেন না। 28 ফরৌণ মোশিকে বললেন, “আমার চোখের সামনে থেকে দূর হয়ে যাও! নিশ্চিত করে নাও যে আমার সামনে তুমি আর কখনও দর্শন দেবে না! যেদিন আমার মুখদর্শন করবে সেদিনই তুমি মারা যাবে!” 29 “আপনি ঠিকই বলেছেন,” মোশি উত্তর দিলেন, “আমি আর কখনোই আপনার সামনে দর্শন দেব না।”

**11** এদিকে সদাপ্রভু মোশিকে বললেন, “আমি ফরৌণের ও মিশরের উপর আরও একটি আঘাত নিয়ে আসব। পরে, সে তোমাদের এখান থেকে যেতে দেবে, এবং যখন সে তা করবে, তখন সম্পূর্ণরূপে সে তোমাদের তাড়িয়ে দেবে। 2 লোকদের বলো, স্ত্রী-পুরুষ সবাই যেন তাদের প্রতিবেশীদের কাছে ঝল্পো ও সোনার তৈরি জিনিসপত্র চেয়ে নেয়।” 3 (সদাপ্রভু লোকজনের প্রতি মিশরীয়দের অনুগ্রহকারী করে তুলেছিলেন, এবং স্বয়ং মোশি মিশরে ফরৌণের কর্মকর্তাদের ও তাঁর প্রজাদের দৃষ্টিতে খুব শ্রদ্ধাভাজন হয়ে উঠেছিলেন।) 4 অতএব মোশি বললেন, “সদাপ্রভু একথাই বলেন: ‘আবরাত নাগাদ আমি মিশরের মধ্যে দিয়ে যাব। 5 মিশরের প্রত্যেক প্রথমজাত পুত্রসন্তান মারা যাবে, যে সিংহাসনে বসতে চলেছে, ফরৌণের সেই প্রথমজাত ছেলেটি থেকে শুরু করে, ক্রীতদাসীর যাঁতার কাছে বসে থাকা তার প্রথমজাত ছেলে, এবং গবাদি পশুপালের প্রথমজাত সব শাবকও মারা যাবে। 6 মিশরের সর্বত্র প্রবল হাহাকার উঠবে—এত প্রবল হাহাকার আগে কখনও শোনা যায়নি বা আর কখনও শোনাও যাবে না। 7 কিন্তু ইস্রায়েলীদের মধ্যে কোনও মানুষের বা পশুর বিরংবে একটি কুকুরও ঘেউ ঘেউ করবে না।’ তখন আপনি জানতে পারবেন যে সদাপ্রভু মিশরের ও ইস্রায়েলীদের মধ্যে এক পার্থক্য রচনা করেছেন। 8 আপনার এইসব কর্মকর্তা আমার কাছে আসবে, আমার সামনে মাথা নত করবে ও বলবে, ‘যাও, তুমি ও তোমার অনুগামী সব লোকজন চলে যাও!’ পরে আমি চলে যাব।” এরপর মোশি প্রচণ্ড রেগে গিয়ে, ফরৌণকে ছেড়ে চলে গেলেন। 9 সদাপ্রভু মোশিকে বলে দিয়েছিলেন, “ফরৌণ তোমার কথা শুনতে চাইবে না—যেন মিশরে আমার অলৌকিক কাজের সংখ্যা বৃদ্ধি হয়।”

10 মোশি ও হারোণ ফরৌণের সামনে এইসব অলৌকিক কাজ সম্পন্ন করলেন, কিন্তু সদাপ্রভু ফরৌণের হাদয় কঠিন করে দিলেন, এবং তিনি তাঁর দেশ থেকে ইস্রায়েলীদের চলে যেতে দিলেন না।

**12** মিশরে সদাপ্রভু মোশি ও হারোণকে বললেন, 2 “এই মাসটি তোমাদের জন্য প্রথম মাস, তোমাদের বছরের প্রথম মাস হবে। 3 ইস্রায়েলের সমগ্র জনসাধারণকে বলো যে এই মাসের দশম দিনে প্রত্যেকটি লোককে তার পরিবারের জন্য একটি করে মেষশাবক নিতে হবে, এক-একটি পরিবারের জন্য এক-একটি মেষশাবক। 4 যদি কোনও পরিবার সম্পূর্ণ একটি মেষশাবক নেওয়ার ক্ষেত্রে খুব ছোটো হয়ে যায়, তবে তারা তাদের নিকটতম প্রতিবেশীদের সঙ্গে স্থানকার জনসংখ্যার আধারে অবশ্যই যেন সেটি ভাগাভাগি করে নেয়। প্রত্যেকে যতখানি করে খাবে সেই অনুসারে মেষশাবকের পরিমাণ তোমরা নির্দিষ্ট করে দিয়ো। 5 যে পশুগুলি তোমরা বাছাই করে রাখবে সেগুলি অবশ্যই যেন খুঁতবিহীন এক বছর বয়স্ক মদ্দা হয়, এবং তোমরা সেগুলি মেষ বা ছাগপাল থেকে নিতে পারো। 6 মাসের সেই চতুর্দশতম দিন পর্যন্ত সেগুলির যত্ন নিয়ো, যেদিন ইস্রায়েলী জনসাধারণের অন্তর্গত সব সদস্য অবশ্যই গোধূলি লঞ্চে সেগুলি বধ করবে। 7 পরে খানিকটা রক্ত নিয়ে তা তাদের সেই বাড়ির দরজার চৌকাঠের দুই পাশে ও উপর দিকে লাগিয়ে দিতে হবে, যেখানে তারা সেই মেষশাবকগুলি খাবে। 8 সেরাতেই আগুনে ঝলসে সেই মাংস তাদের তেতো শাক ও খামিরবিহীন রুটির সাথে খেতে হবে। 9 সেই মাংস কাঁচা বা জলে সিদ্ধ করে খেয়ো না, কিন্তু তা আগুনে ঝলসে নিও—মাথা, পা ও অভ্যন্তরীণ অঙ্গপ্রত্যঙ্গ সমেত। 10 সকাল পর্যন্ত সেটির কোনো কিছুই অবশিষ্ট রেখো না; যদি কোনো কিছু সকাল পর্যন্ত অবশিষ্ট থেকে যায়, তা তোমাদের পুড়িয়ে ফেলতে হবে। 11 এইভাবেই তোমাদের তা খেতে হবে: তোমরা আলখাল্লা কোমরবন্ধে গুঁজে নেবে, পায়ে চাটিজুতো পরে থাকবে এবং হাতে ছড়ি ধরে রাখবে। তাড়াতাড়ি করে তা খাবে; এ হল সদাপ্রভুর নিষ্ঠারপর্ব। 12 “সেরাতেই আমি মিশরের মধ্যে দিয়ে যাব এবং মানুষ ও পশু উভয়ের প্রত্যেক প্রথমজাতকে

আঘাত করব, এবং মিশরের সব দেবতাকে আমি দণ্ড দেব। আমিই  
সদাপ্রভু। 13 তোমরা যেখানে আছ, সেই ঘরগুলির উপর সেই রক্তই  
তোমাদের জন্য চিহ্ন হবে, এবং আমি যখন সেই রক্ত দেখব, তখন  
আমি তোমাদের অতিক্রম করে যাব। আমি যখন মিশরকে আঘাত  
করব, তখন কোনও ধর্মাত্মক আঘাত তোমাদের স্পর্শ করবে না।  
14 “এ এমন একদিন যা তোমাদের স্মরণার্থক দিনরূপে পালন করতে  
হবে; আগামী বৎসরম্পরায় তোমরা এটি সদাপ্রভুর উদ্দেশে পালনীয়  
এক উৎসবরূপে পালন করবে—যা হবে এক দীর্ঘস্থায়ী বিধি। 15  
সাত দিন ধরে তোমাদের খামিরবিহীন রুটি খেতে হবে। প্রথম দিনই  
তোমাদের বাড়িঘর থেকে খামির বিদায় করে দেবে, কারণ যে কেউ  
প্রথম দিন থেকে শুরু করে সপ্তম দিন পর্যন্ত খামিরযুক্ত কোনো কিছু  
খাবে, তাকে ইস্রায়েল থেকে বিচ্ছিন্ন করতে হবে। 16 প্রথম দিনে  
পৰিত্র সমাবেশ রাখবে এবং সপ্তম দিনও আরও একটি কোরো।  
শুধুমাত্র সবার জন্য খাবার রান্না করা ছাড়া এই দিনগুলিতে তোমরা  
আর কোনও কাজকর্ম কোরো না; শুধু এটুকুই করতে পারো। 17  
“খামিরবিহীন রুটির উৎসব পালন কোরো, কারণ ঠিক এই দিনেই  
আমি তোমাদের বাহিনীকে মিশর থেকে বের করে এনেছিলাম। আগামী  
বৎসরম্পরায় এক দীর্ঘস্থায়ী বিধিরূপে এই দিনটি পালন কোরো। 18  
প্রথম মাসে তোমাদের খামিরবিহীন রুটি খেতে হবে, চতুর্দশ দিনের  
সন্ধ্যাবেলো থেকে একুশতম দিনের সন্ধ্যাবেলো পর্যন্ত। 19 সাত দিন  
যেন তোমাদের বাড়িঘরে কোনও খামির পাওয়া না যায়। আর বিদেশ  
হোক বা দেশজাত, যে কেউ এইসময় খামিরযুক্ত কোনো কিছু খাবে,  
তাকে ইস্রায়েলের জনসমাজ থেকে বিচ্ছিন্ন করতে হবে। 20 খামির  
দিয়ে তৈরি কোনো কিছুই খেয়ো না। তোমরা যেখানেই বসবাস করো  
না কেন, তোমরা অবশ্যই খামিরবিহীন রুটি খাবে।” 21 তখন মোশি  
ইস্রায়েলের সব প্রাচীনকে ডেকে পাঠালেন এবং তাঁদের বললেন,  
“এক্ষনি যাও ও তোমাদের পরিবারগুলির জন্য পশুগুলি মনোনীত  
করো এবং নিষ্ঠারপর্বীয় মেষশাবক জবাই করো। 22 একগুচ্ছ এসোব  
নাও, গামলায় রাখা রক্তে সেটি চুবিয়ে নাও এবং সেই রক্তের কিছুটা

দরজার চৌকাঠের উপর দিকে ও দুই পাশে লাগিয়ে দাও। সকাল না  
হওয়া পর্যন্ত তোমাদের মধ্যে কেউ দরজা দিয়ে বাইরে যাবে না। 23  
সদাপ্রভু যখন মিশরীয়দের আঘাত করার জন্য দেশের মধ্যে দিয়ে  
এগিয়ে যাবেন, তিনি দরজার চৌকাঠের উপর দিকে ও দুই পাশে  
রক্ত দেখবেন এবং দরজার সেই চৌকাঠ পার করে যাবেন, ও তিনি  
বিনাশকারীকে তোমাদের ঘরে ঢুকে তোমাদের আঘাত করার অনুমতি  
দেবেন না। 24 “তোমাদের নিজেদের ও তোমাদের বংশধরদের জন্য  
দীর্ঘস্থায়ী এক বিধিরূপে তোমরা এই নির্দেশাবলির বাধ্য হোয়ো। 25  
যে দেশটি সদাপ্রভু তাঁর প্রতিজ্ঞানসারে তোমাদের দেবেন, তোমরা  
যখন সেখানে প্রবেশ করবে, তখন সেখানেও এই অনুষ্ঠানটি তোমরা  
পালন কোরো। 26 আর তোমাদের সন্তানেরা যখন তোমাদের জিজ্ঞাসা  
করবে, ‘তোমাদের কাছে এই অনুষ্ঠানটির অর্থ কী?’ 27 তখন তাদের  
বলো, ‘এটি সেই সদাপ্রভুর উদ্দেশে উৎসর্গীকৃত নিষ্ঠারপরীয় বলি,  
যিনি মিশরে ইস্রায়েলীদের বাড়িঘর অতিক্রম করে গিয়েছিলেন এবং  
যখন তিনি মিশরীয়দের আঘাত করেছিলেন, তখন আমাদের ঘরগুলি  
বাদ দিয়েছিলেন।’” তখন লোকেরা মাথা নত করে আরাধনা করল।  
28 সদাপ্রভু মোশি ও হারোণকে যে আদেশ দিয়েছিলেন ইস্রায়েলীরা  
ঠিক তাই করল। 29 মাঝারাতে সদাপ্রভু মিশরে সব প্রথমজাতকে,  
সিংহাসনে উপবিষ্ট ফরৌণের প্রথমজাত সন্তান থেকে শুরু করে  
অন্ধকূপে থাকা বন্দির প্রথমজাত সন্তান, এবং সব গৃহপালিত পশুর  
প্রথমজাত শাবক পর্যন্ত সবাইকে আঘাত করলেন। 30 রাতের বেলায়  
ফরৌণ এবং তাঁর কর্মকর্তারা ও মিশরীয়রা সবাই জেগে গেল, আর  
মিশরে প্রবল হাহাকার শুরু হয়ে গেল, কারণ এমন কোনও বাড়ি  
চিল না যেখানে কেউ মারা যায়নি। 31 রাতেই ফরৌণ মোশি ও  
হারোণকে ডেকে পাঠালেন ও বললেন, “ওঠো! তোমরা ও ইস্রায়েলীরা  
আমার প্রজাদের ছেড়ে চলে যাও! যাও, তোমরা যেমন অনুরোধ  
জানিয়েছিলে, সেই অনুসারে গিয়ে সদাপ্রভুর আরাধনা করো। 32  
তোমরা যেমন বলেছিলে, সেভাবেই তোমাদের মেষপাল ও পশুপাল  
নিয়ে চলে যাও। আর আমাকে আশীর্বাদও করো।” 33 মিশরীয়রা

লোকদের অনুরোধ জানাল যেন যত তাড়াতাড়ি সম্ব তারা দেশ  
ছেড়ে চলে যায়। “কারণ তা না হলে,” তারা বলল, “আমরা সবাই  
মারা যাব!” 34 অতএব লোকেরা খামির মেশানোর আগেই তাদের  
আটার তালগুলি তুলে নিল, এবং কাপড়ে মুড়ে সেগুলি কেঠোয়  
রেখে কাঁধে তুলে নিল। 35 ইস্রায়েলীরা মোশির নির্দেশানুসারেই  
সবকিছু করল এবং তারা মিশরীয়দের কাছে রঞ্চো ও সোনার তৈরি  
জিনিসপত্র এবং পোশাক-পরিচ্ছদ চেয়ে নিল। 36 সদাপ্রভু লোকদের  
প্রতি মিশরীয়দের অনুগ্রহকারী করে দিয়েছিলেন, এবং ইস্রায়েলীরা  
তাদের কাছে যা যা চেয়েছিল, তারা সেসবকিছু তাদের দিয়েছিল;  
অতএব তারা মিশরীয়দের জিনিসপত্র অপহরণ করল। 37 ইস্রায়েলীরা  
রামিষে থেকে সুকোতের উদ্দেশে যাত্রা করল। মহিলা ও শিশুদের  
বাদ দিয়ে, সেখানে প্রায় 6 লক্ষ পদাতিক পুরুষ ছিল। 38 অন্যান্য  
আরও অনেক লোকজন তাদের সঙ্গে গেল, এবং এছাড়াও গৃহপালিত  
পশুপালের বিশাল এক দলও গেল, তাতে মেষ ও গবাদি পশুপালও  
ছিল। 39 যে আটার তাল ইস্রায়েলীরা মিশর থেকে এনেছিল, তা দিয়ে  
তারা খামিরবিহীন রংটি সেঁকে নিল। আটার সেই তাল খামিরবিহীন  
ছিল কারণ তাদের মিশর থেকে তাড়িয়ে দেওয়া হয়েছিল ও তারা  
নিজেদের জন্য খাবার তৈরি করার সময় পায়নি। 40 ইস্রায়েলী জনগণ  
মিশরে 430 বছর ধরে বসবাস করল। 41 সেই 430 বছরের শেষে,  
সেদিনই, সদাপ্রভুর সব বাহিনী মিশর ছেড়ে এল। 42 যেহেতু সেরাতে  
তাদের মিশর থেকে বের করে আনার জন্য সদাপ্রভু সর্তর্কতা অবলম্বন  
করেছিলেন, তাই আগামী বৎসরম্পরায় সদাপ্রভুকে সম্মান জানানোর  
জন্য এরাতে ইস্রায়েলীদের সবাইকে সর্তর্কতা অবলম্বন করতে হবে।  
43 সদাপ্রভু মোশি ও হারোগকে বললেন, “এগুলিই হল নিষ্ঠারপর্বীয়  
খাদ্যের নিয়মকানুন: ‘কোনো বিদেশি লোক এটি খেতে পারবে না।  
44 যাকে তোমরা কিনে নেওয়ার পর সুন্নত করিয়েছ, সেরকম এক  
ক্রীতদাস এটি খেতে পারে, 45 কিন্তু অস্থায়ী এক বাসিন্দা বা এক  
ঠিকা শ্রমিক এটি খেতে পারবে না। 46 “বাড়ির ভিতরেই এটি খেতে  
হবে; সেই মাংসের কিছুই বাড়ির বাইরে নিয়ে যেয়ো না। কোনও অস্থি

ভেঙ্গে না। 47 ইস্রায়েলীদের সমগ্র জনসমাজকে এটি পালন করতে হবে। 48 “তোমাদের মধ্যে বসবাসকারী কোনো বিদেশি লোক যদি সদাপ্রভুর নিষ্ঠারপর্ব পালন করতে চায়, তবে তাকে পরিবারের সব পুরুষ সদস্যকে সুন্মত করাতে হবে; পরেই সে দেশজাত একজনের মতো এতে অংশগ্রহণ করতে পারবে। সুন্মত না করানো কোনো পুরুষ এটি খেতে পারবে না। 49 যারা দেশজাত ও যেসব বিদেশি তোমাদের মধ্যে বসবাস করছে, তাদের উভয়ের ক্ষেত্রেই একই নিয়মকানুন প্রযোজ্য হবে।” 50 ইস্রায়েলীরা সবাই ঠিক তাই করল, যা করার আদেশ সদাপ্রভু মোশি ও হারোগকে দিয়েছিলেন। 51 আর ঠিক সেদিনই সদাপ্রভু ইস্রায়েলীদের বাহিনী অনুসারে তাদের মিশর থেকে বের করে আনলেন।

**13** সদাপ্রভু মোশিকে বললেন, 2 “প্রত্যেকটি প্রথমজাত পুরুষকে আমার উদ্দেশে পবিত্র করো। মানুষ হোক কি পশু, ইস্রায়েলীদের মধ্যে প্রত্যেকটি গর্ভের প্রথম সন্তানটি আমার।” 3 তখন মোশি লোকদের বললেন, “যেদিন তোমরা মিশর থেকে, ক্রীতদাসত্ত্বের দেশ থেকে বের হয়ে এসেছিলে, সেদিনটির স্মরণার্থে এদিন উৎসব পালন করো, কারণ সদাপ্রভু শক্তিশালী হাত দিয়ে তোমাদের সেখান থেকে বের করে এনেছেন। খামিরযুক্ত কোনো কিছু খেয়ো না। 4 আজ, আবীর মাসে, তোমরা বের হয়ে যাচ্ছ। 5 সদাপ্রভু যখন তোমাকে কনানীয়, হিতীয়, ইমোরীয়, হির্বীয়, ও যিবুষীয়দের দেশে—যে দেশটি তিনি তোমাকে দেওয়ার বিষয়ে তোমার পূর্বপুরুষদের কাছে প্রতিজ্ঞা করেছিলেন, দুধ ও মধু প্রবাহিত সেই দেশে—নিয়ে আসবেন, তখন এই মাসে তোমাকে এই পর্বটি পালন করতে হবে: 6 সাত দিন ধরে তুমি খামিরবিহীন রুটি খেয়ো এবং সপ্তম দিনে সদাপ্রভুর উদ্দেশে একটি উৎসবের আয়োজন কোরো। 7 সেই সাত দিন যাবৎ তুমি খামিরবিহীন রুটি খেয়ো; খামিরযুক্ত কোনো কিছু যেন তোমার কাছে দেখা না যায়, বা তোমার সীমানার মধ্যেও যেন কোথাও কোনও খামির দেখা না যায়। 8 সেদিন তুমি তোমার সন্তানকে বোলো, ‘আমি যখন মিশর থেকে বের হয়ে এসেছিলাম তখন সদাপ্রভু আমার জন্য

যা করেছিলেন, সেজন্যই আমি এরকম করছি।’ ৭ এই অনুষ্ঠানটি তোমার জন্য তোমার হাতে এক চিহ্নের মতো ও তোমার কপালে এক স্মৃতিচিহ্ন হয়ে থাকবে যেন সদাপ্রভুর এই বিধান তোমার ঠেঁটেই থাকে। কারণ সদাপ্রভু তাঁর শক্তিশালী হাত দিয়ে তোমাকে মিশর থেকে বের করে এনেছেন। ১০ বছরের পর বছর ধরে নিরূপিত সময়ে তোমাকে এই বিধিটি পালন করতে হবে। ১১ “সদাপ্রভু তোমাকে কনানীয়দের দেশে নিয়ে আসার পর ও সেটি তোমাকে দেওয়ার পর, যেভাবে তিনি তোমার কাছে ও তোমার পূর্বপুরুষদের কাছে শপথ নিয়ে প্রতিজ্ঞা করেছিলেন, ১২ তোমার প্রত্যেকটি গর্ডের প্রথম সন্তান সদাপ্রভুর হাতে তুলে দিতে হবে। তোমার গৃহপালিত পশুপালের সব প্রথমজাত মদ্দা সদাপ্রভুর। ১৩ প্রত্যেকটি প্রথমজাত গাধাকে এক-একটি মেষশাবক দিয়ে মুক্ত কোরো, কিন্তু যদি সেটি মুক্ত না করো, তবে সেটির ঘাড় ভেঙে দিয়ো। তোমার ছেলেদের মধ্যে প্রত্যেক প্রথমজাতকে মুক্ত কোরো। ১৪ “ভবিষ্যতে, তোমার সন্তানেরা যখন তোমাকে জিজ্ঞাসা করবে, ‘এর অর্থ কী?’ তখন তুমি তাকে বোলো, ‘শক্তিশালী হাত দিয়ে সদাপ্রভু আমাদের মিশর থেকে, ক্রীতদাসত্ত্বের সেই দেশ থেকে বের করে এনেছেন। ১৫ ফরৌণ যখন একগুঁয়েমি দেখিয়ে আমাদের যেতে দিতে অস্বীকার করলেন, সদাপ্রভু তখন মিশরে মানুষ ও পশু, উভয়ের প্রথমজাতদের হত্যা করলেন। এজন্যই আমি সদাপ্রভুর উদ্দেশে প্রত্যেকটি গর্ডের প্রথম পুঁ-সন্তানকে বলি঱্বপে উৎসর্গ করছি এবং আমার প্রথমজাত ছেলেদের মধ্যে এক একজনকে মুক্ত করছি।’ ১৬ আর এটি তোমার হাতে এই এক চিহ্নের ও তোমার কপালে এই এক প্রতীকের মতো হবে যে সদাপ্রভু তাঁর শক্তিশালী হাত দিয়ে আমাদের মিশর থেকে বের করে এনেছেন।” ১৭ ফরৌণ যখন লোকদের যেতে দিলেন, ঈশ্বর তখন তাদের ফিলিস্তিনীদের দেশের মধ্যে দিয়ে স্থলপথে পথ দেখিয়ে নিয়ে যাননি, যদিও সেটিই সংক্ষিপ্ত পথ। কারণ ঈশ্বর বললেন, “যদি তারা যুদ্ধের সম্মুখীন হয়, তবে তারা হয়তো তাদের মন পরিবর্তন করে ফেলবে এবং মিশরে ফিরে যাবে।” ১৮ অতএব ঈশ্বর ঘূরপথে লোকদের মরুভূমির পথ দিয়ে লোহিত

সাগরের দিকে নিয়ে গেলেন। ইস্রায়েলীরা সুন্দর জন্য প্রস্তুত হয়েই  
মিশর থেকে বের হয়ে গেল। 19 মোশি যোষেফের অঙ্গি সাথে নিলেন  
কারণ যোষেফ ইস্রায়েলীদের দিয়ে এক প্রতিজ্ঞা করিয়ে নিয়েছিলেন।  
তিনি বলে দিয়েছিলেন, “ঈশ্বর নিঃসন্দেহে তোমাদের সাহায্য করতে  
আসবেন, এবং তখন তোমাদের অবশ্যই নিজেদের সাথে আমার  
অঙ্গ এখান থেকে বয়ে নিয়ে যেতে হবে।” 20 সুকোৎ ছেড়ে আসার  
পর তারা মরহুমির এক প্রান্তে অবস্থিত এথমে শিবির স্থাপন করল।  
21 সদাপ্রভু দিনের বেলায় এক মেঘসন্ধের মধ্যে থেকে তাদের পথ  
দেখানোর জন্য এবং রাতের বেলায় এক অগ্নিসন্ধের মধ্যে থেকে  
তাদের আলো দেওয়ার জন্য তাদের অগ্রগামী হলেন, যেন দিনরাত  
তারা যাত্রা করতে পারে। 22 দিনের বেলায় মেঘসন্ধ বা রাতের বেলায়  
অগ্নিসন্ধ, কোনোটিই লোকদের সামনে থেকে সরে যায়নি।

**14** পরে সদাপ্রভু মোশিকে বললেন, 2 ‘ইস্রায়েলীদের বলো, তারা  
যেন পিছনে ফিরে মিগ্দোলের ও সমুদ্রের মাঝামাঝিতে অবস্থিত  
পী-হহীরোতের কাছে শিবির স্থাপন করে। তাদের সরাসরি বায়াল-  
সফোনের বিপরীত দিকে, সমুদ্রের ধারে শিবির স্থাপন করতে হবে। 3  
ফরৌণ ভাববে, ‘ইস্রায়েলীরা মরহুমি দ্বারা পরিবেষ্টিত হয়ে, ধন্দে  
পড়ে দেশে ইতস্তত বিচরণ করে বেড়াচ্ছে।’ 4 আর আমি ফরৌণের  
হৃদয় কঠিন করে দেব, এবং সে তাদের পশ্চাদ্বাবন করবে। কিন্তু  
আমি ফরৌণ ও তার সমগ্র সৈন্যদলের মাধ্যমে স্বয়ং গৌরব লাভ  
করব, এবং মিশরীয়রা জানতে পারবে যে আমিই সদাপ্রভু।’ অতএব  
ইস্রায়েলীরা এরকমই করল। 5 মিশররাজকে যখন বলা হল যে  
লোকেরা পালিয়েছে, তখন ফরৌণ ও তাঁর কর্মকর্তারা তাদের বিষয়ে  
নিজেদের মন পরিবর্তন করে বললেন, “আমরা এ কী করলাম?  
আমরা ইস্রায়েলীদের যেতে দিলাম ও তাদের পরিষেবা হারালাম!” 6  
অতএব তিনি তাঁর রথ প্রস্তুত করলেন ও তাঁর সৈন্যদল সঙ্গে নিলেন।  
7 সেরা রথগুলির মধ্যে থেকে তিনি 600-টি রথ নিলেন, এছাড়াও  
মিশরের অন্য সব রথ ও সেসবের উপর নিযুক্ত কর্মকর্তাদেরও সঙ্গে  
নিলেন। 8 সদাপ্রভু মিশরের রাজা ফরৌণের হৃদয় কঠিন করে দিলেন,

যেন তিনি সেই ইস্রায়েলীদের পশ্চাদ্বাবন করেন, যারা নিষ্ঠীকভাবে  
কুচকাওয়াজ করে এগিয়ে যাচ্ছিল। ৭ মিশরীয়রা—ফরৌণের সব  
ঘোড়া ও রথ, ঘোড়সওয়ার ও সেনা—ইস্রায়েলীদের পশ্চাদ্বাবন করল  
এবং তারা যখন বায়াল-সফোনের বিপরীত দিকে, পী-হহীরোতের  
কাছে সমুদ্রের ধারে শিবির স্থাপন করে বসেছিল, তখন তাদের নাগাল  
পেল। ১০ ফরৌণ যেই না তাদের কাছে এগিয়ে এলেন, ইস্রায়েলীরা  
চোখ তুলে তাকাল, আর মিশরীয়রা তাদের পিছনে খেয়ে আসছিল।  
তারা আতঙ্কিত হয়ে পড়ল এবং সদাপ্রভুর কাছে কাঁদতে শুরু করল  
১১ তারা মোশিকে বলল, “মিশরে কি কোনও কবরস্থান ছিল না যে  
তুমি মরার জন্য আমাদের এই মরহৃমিতে নিয়ে এসেছ? মিশর থেকে  
আমাদের বের করে এনে তুমি আমাদের প্রতি এ কী করলে? ১২  
মিশরেই কি আমরা তোমাকে বলিনি, ‘আমাদের একা ছেড়ে দাও;  
মিশরীয়দের সেবা করতে দাও’? মরহৃমিতে মরার চেয়ে মিশরীয়দের  
সেবা করাই আমাদের পক্ষে ভালো ছিল।” ১৩ মোশি লোকদের উত্তর  
দিলেন, “তোমরা ভয় পেয়ো না! শক্ত হয়ে দাঁড়াও এবং তোমরা  
দেখতে পাবে আজ সদাপ্রভু কীভাবে তোমাদের রক্ষা করবেন। আজ  
তোমরা যে মিশরীয়দের দেখছ, তাদের আর কখনও দেখতে পাবে  
না। ১৪ সদাপ্রভু তোমাদের হয়ে যুদ্ধ করবেন; তোমাদের শুধু স্থির  
হয়ে থাকতে হবে।” ১৫ তখন সদাপ্রভু মোশিকে বললেন, “তুমি  
আমার কাছে কাঁদছ কেন? ইস্রায়েলীদের এগিয়ে যেতে বলো। ১৬  
তোমার ছড়িটি উঠিয়ে নাও এবং জল ভাগ করার জন্য তোমার হাতটি  
সমুদ্রের উপর প্রসারিত করো যেন ইস্রায়েলীরা সমুদ্রের একদিক থেকে  
অন্যদিকে শুকনো জমির উপর দিয়ে চলে যেতে পারে। ১৭ আমি  
মিশরীয়দের হদয় কঠিন করে দেব, যেন তারা তাদের পশ্চাংগামী  
হয়। আর আমি ফরৌণের ও তার সমগ্র সৈন্যদলের, তার রথগুলির ও  
তার ঘোড়সওয়ারদের মাধ্যমে গৌরব লাভ করব। ১৮ আমি যখন  
ফরৌণের, তার রথগুলির ও তার ঘোড়সওয়ারদের মাধ্যমে গৌরব লাভ  
করব, তখনই মিশরীয়রা জানবে যে আমিই সদাপ্রভু।” ১৯ স্টশরের  
যে দৃত ইস্রায়েলী সৈন্যদলের আগে আগে যাচ্ছিলেন, তিনি তখন

সরে গিয়ে তাদের পিছনে চলে গেলেন। মেঘস্তুতি ও তাদের সামনে থেকে সরে গেল এবং তাদের পিছনে গিয়ে, 20 মিশর ও ইস্রায়েলের সৈন্যদলের মাঝখানে চলে এল। সারারাত মেঘ একদিকে অন্ধকার ও অন্যদিকে আলো নিয়ে এসেছিল; তাই সারারাত তারা কেউই অন্য দলের কাছে যায়নি। 21 পরে মোশি সমুদ্রের উপর তাঁর হাত প্রসারিত করলেন, এবং সেই সারারাত সদাপ্রভু এক প্রবল পূর্বীয় বাতাস বইয়ে সমুদ্রকে পিছিয়ে দিলেন এবং সোটিকে শুকনো জমিতে পরিণত করলেন। জল দুই ভাগে বিভক্ত হয়ে গেল, 22 এবং ইস্রায়েলীরা শুকনো জমির উপর দিয়ে সমুদ্রের একদিক থেকে অন্যদিকে চলে গেল, আর তাদের ডানদিকে ও তাদের বাঁদিকে ছিল জলের এক প্রাচীর। 23 মিশরীয়রা তাদের পশ্চাদ্বাবন করল, এবং ফরৌণের সব ঘোড়া ও রথ ও ঘোড়সওয়ার ইস্রায়েলীদের অনুগামী হয়ে সমুদ্রে গিয়ে পড়ল। 24 রাতের শেষ প্রহরে সদাপ্রভু অগ্নিস্তুতি ও মেঘস্তুতি থেকে নিচে সেই মিশরীয় সৈন্যদলের দিকে দৃষ্টিপাত করলেন এবং সেখানে বিশ্বজ্ঞালা সৃষ্টি করলেন। 25 তিনি তাদের রথগুলির চাকা আটকে দিলেন যেন রথ চালাতে তাদের অসুবিধা হয়। আর মিশরীয়রা বলল, “এসো, আমরা ইস্রায়েলীদের কাছ থেকে দূরে সরে যাই! মিশরের বিরুদ্ধে সদাপ্রভুই তাদের হয়ে যুদ্ধ করছেন।” 26 তখন সদাপ্রভু মোশিকে বললেন, “তোমার হাত সমুদ্রের উপর প্রসারিত করে দাও যেন মিশরীয়দের উপর এবং তাদের রথ ও ঘোড়সওয়ারদের উপর জলধারা ধেয়ে আসে।” 27 মোশি সমুদ্রের উপর তাঁর হাত প্রসারিত করে দিলেন, এবং ভোরবেলায় সমুদ্র স্বষ্ঠানে ফিরে গেল। মিশরীয়রা সেদিকেই পালাচ্ছিল, এবং সদাপ্রভু তাদের সমুদ্রে ভাসিয়ে দিলেন। 28 জলধারা ধেয়ে এসে রথ ও ঘোড়সওয়ারদের—ফরৌণের সমগ্র সেই সৈন্যদলকে ঢেকে দিল যারা ইস্রায়েলীদের অনুগামী হয়ে সমুদ্রে নেমেছিল। তাদের একজনও প্রাণে বাঁচেনি। 29 কিন্তু ইস্রায়েলীরা তাদের ডানদিকে ও বাঁদিকে জলের এক প্রাচীর সাথে নিয়ে সমুদ্রের একদিক থেকে অন্যদিকে শুকনো জমির উপর দিয়ে চলে গেল। 30 ইস্রায়েলকে সেদিন সদাপ্রভু মিশরীয়দের হাত থেকে রক্ষা করলেন,

এবং ইস্রায়েল দেখল মিশরীয়রা সমুদ্রতীরে ঘরে পড়ে আছে। 31  
আর ইস্রায়েলীরা যখন মিশরীয়দের বিরুদ্ধে সদাপ্রভুর শক্তিশালী হাত  
প্রদর্শিত হতে দেখল, তখন লোকেরা সদাপ্রভুকে ভয় করল এবং তাঁর  
উপর ও তাঁর দাস মোশির উপর তাদের আস্থা স্থাপন করল।

**15** তখন মোশি ও ইস্রায়েলীরা সদাপ্রভুর উদ্দেশে এই গান গাইলেন:  
“আমি সদাপ্রভুর উদ্দেশে গান গাইব, কারণ তিনি অত্যন্ত মহিমাপ্রিম।  
যোঢ়া ও সওয়ার উভয়কেই তিনি সমুদ্রে নিষ্কেপ করেছেন। 2  
“সদাপ্রভু আমার শক্তি ও আমার সুরক্ষা; তিনি হলেন আমার পরিত্রাণ।  
তিনি আমার ঈশ্বর, এবং আমি তাঁর প্রশংসা করব, আমার পৈত্রিক  
ঈশ্বর, এবং আমি তাঁকে মহিমাপ্রিম করব। 3 সদাপ্রভু এক যোদ্ধা;  
তাঁর নাম সদাপ্রভু। 4 ফরৌগের রথ ও তাঁর সৈন্যদলকে তিনি সমুদ্রে  
নিষ্কেপ করলেন। ফরৌগের সেরা কর্মকর্তারা লোহিত সাগরে ডুবে  
গেল। 5 গভীর জলরাশি তাদের টেকে দিল; এক পাথরের মতো তারা  
গভীরে তলিয়ে গেল। 6 তোমার ডান হাত, হে সদাপ্রভু, পরাক্রমে  
অভ্যন্তর। তোমার ডান হাত, হে সদাপ্রভু, শক্তকে করেছে চৃণবিচূর্ণ।  
7 “তোমার মহত্ত্বের গরিমায় তোমার বিরোধীদের তুমি নিষ্কেপ করেছ।  
তোমার জ্বলন্ত ক্রোধ তুমি ছড়িয়ে দিয়েছ; তা তাদের নাড়ার মতো  
গ্রাস করেছে। 8 তোমার নাকের বিস্ফোরণে জলরাশি স্তুপাকার হল।  
উথাল জলরাশি, এক প্রাচীর হয়ে দাঁড়াল; গভীর জলরাশি সমুদ্র-গহুরে  
জমাট বেঁধে গেল। 9 শক্র দস্তভরে বলল, ‘আমি তাদের পশ্চাদ্বাবন  
করব, তাদের ধরে ফেলব। আমি লুটের মাল ভাগাভাগি করব; আমি  
তাদের উপর ঘাটি গাড়ব। আমি আমার তরোয়াল টেনে আনব আর  
আমার হাত তাদের ধ্বংস করবে।’ 10 কিন্তু তুমি তোমার শাস দিয়ে  
ফুঁ দিলে, আর সাগর তাদের টেকে দিল। তারা প্রবল জলরাশিতে  
সীসার মতো ডুবে গেল। 11 দেবতাদের মধ্যে কে তোমার মতো,  
হে সদাপ্রভু? তোমার মতো কে— পবিত্রতায় মহিমাপ্রিম, প্রতাপে  
অসাধারণ, অলৌকিক কর্মকারী? 12 “তোমার ডান হাত তুমি প্রসারিত  
করলে, আর পৃথিবী তোমার শক্তিদের গ্রাস করল। 13 তোমার চিরস্থায়ী  
প্রেমে করবে তুমি পরিচালনা তোমার মুক্তিপ্রাপ্ত জাতিকে। তোমার

শক্তিতে তুমি তাদের পথ দেখাবে তোমার পবিত্র বাসস্থানের দিকে।

14 জাতিরা শুনবে ও থরথরাবে; ফিলিস্তিনী প্রজারা যন্ত্রণায় কাতর হবে।

15 ইদোমের নেতারা আতঙ্কিত হবে, মোয়াবের নায়কেরা হবে কম্পন-

কবলিত। কনানের প্রজারা গলে যাবে; 16 আতঙ্ক ও শক্তি তাদের উপর

এসে পড়বে। তোমার বাহুবলে তারা পাথরের মতো স্থির হয়ে যাবে—

যতক্ষণ না তোমার প্রজারা পেরিয়ে যায়, হে সদাপ্রভু, যতক্ষণ না সেই

প্রজারা পেরিয়ে যায়, যাদের তুমি কিনে নিয়েছ। 17 তুমি তাদের

ভিতরে আনবে ও রোপণ করবে, তোমার উত্তরাধিকারের পাহাড়ে—

সেই স্থান, হে সদাপ্রভু, তুমি করে তোমার বাসস্থান রচেছ, হে সদাপ্রভু,

তোমার দুটি হাত সেই পবিত্রস্থান প্রতিষ্ঠিত করেছে। 18 “সদাপ্রভু

করলেন রাজত্ব করলেন অনন্তকাল ধরে।” 19 ফরৌণের ঘোড়া, রথ ও

ঘোড়সওয়ারেরা যখন সমুদ্রে তলিয়ে গেল, তখন সদাপ্রভু তাদের

উপর সমুদ্রের জলরাশি ফিরিয়ে আনলেন, কিন্তু ইস্রায়েলীরা সমুদ্রের

একদিক থেকে অন্যদিকে শুকনো জমির উপর দিয়ে হেঁটে চলে গেল।

20 তখন মহিলা ভাববাদী মরিয়ম, হারোগের দিদি, নিজের হাতে

একটি খঙ্গনি তুলে নিলেন, এবং সব মহিলা তাঁর দেখাদেখি খঙ্গনি

বাজিয়ে নেচেছিল। 21 মরিয়ম তাদের কাছে গান গাইলেন: “সদাপ্রভুর

উদ্দেশে গাও গান, কারণ তিনি অত্যন্ত মহিমাপ্রিণি। ঘোড়া ও সওয়ার

উভয়কেই তিনি করেছেন সমুদ্রে নিষ্কিষ্ট।” 22 পরে মোশি লোহিত

সাগর থেকে ইস্রায়েলীদের চালিত করলেন এবং তারা শূর মরণভূমিতে

চলে গেল। তিনি দিন ধরে তারা মরণভূমিতে জল না পেয়ে ভ্রমণ করল।

23 তারা যখন মারায় পৌঁছাল, তারা সেখানকার জলপান করতে

পারেনি কারণ তা ছিল তেতো। (সেজন্যই সেই স্থানটির নাম রাখা

হল মারা) 24 অতএব লোকেরা মোশির বিরুদ্ধে অভিযোগ জানিয়ে

বলল, “আমরা কী পান করব?” 25 তখন মোশি সদাপ্রভুর কাছে কেঁদে

ফেললেন, এবং সদাপ্রভু তাঁকে এক টুকরো কাঠ দেখিয়ে দিলেন।

তিনি সেটি জলে ছুঁড়ে দিলেন, এবং সেই জল পানের উপযুক্ত হয়ে

গেল। সেখানেই সদাপ্রভু তাদের জন্য এক বিধিনির্দেশ ও অনুশাসন

দিলেন এবং তাদের পরীক্ষায় ফেলে দিলেন। 26 তিনি বললেন,

“তোমরা যদি তোমাদের ঈশ্বর সদাপ্রভুর কথা যত্নসহকারে শোনো, এবং তাঁর দৃষ্টিতে যা ন্যায্য তাই করো, তোমরা যদি তাঁর আদেশগুলির প্রতি মনোযোগ দাও ও তাঁর সব ভুক্ত পালন করো, তবে তোমাদের উপর আমি সেইসব রোগব্যাধির মধ্যে একটিও আনব না, যেগুলি আমি মিশরীয়দের উপরে এনেছিলাম, কারণ আমি সেই সদাপ্রভু, যিনি তোমাদের সুস্থ করেছেন।” 27 পরে তারা সেই এলীমে এল, যেখানে বারোটি জলের উৎস ও সত্তরটি খেজুর গাছ ছিল, এবং সেখানে তারা জলের কাছেই শিবির স্থাপন করল।

**16** ইস্রায়েলীদের সমগ্র জনসমাজ মিশর থেকে বের হয়ে আসার পর দ্বিতীয় মাসের পঞ্চদশতম দিনে এলীম থেকে বের হয়ে সেই সীন মরুভূমিতে এল, যা এলীম ও সীনয়ের মাঝখানে অবস্থিত। 2 সেই মরুভূমিতে সমগ্র জনসমাজ মোশি ও হারোণের বিরক্তে অভিযোগ জানাল। 3 ইস্রায়েলীরা তাঁদের বলল, “হায় আমরা কেন মিশরেই সদাপ্রভুর হাতে মারা পড়িনি! সেখানে আমরা মাংসের হাঁড়ি ঘিরেই বসে থাকতাম ও আমাদের চাহিদানুসারেই সব খাবারদাবার খেতাম, কিন্তু তোমরা সমগ্র এই জনসমাজকে অনাহারে মেরে ফেলার জন্য আমাদের এই মরুভূমিতে নিয়ে এসেছ।” 4 তখন সদাপ্রভু মোশিকে বললেন, “আমি তোমাদের জন্য স্বর্গ থেকে খাদ্য বর্ষণ করব। লোকদের প্রতিদিন বাহিরে যেতে হবে এবং সেদিনের জন্য যথেষ্ট পরিমাণে তা কুড়াতে হবে। এইভাবে আমি তাদের পরীক্ষা করব ও দেখব তারা আমার নির্দেশাবলি পালন করে কি না। 5 ষষ্ঠ দিনে তারা যেটুকু কুড়াবে সেটুকুই রাখা করবে, এবং তা হবে অন্যান্য দিনে কুড়ানো খাদ্যের তুলনায় দ্বিগুণ বেশি।” 6 অতএব মোশি ও হারোণ সব ইস্রায়েলীকে বললেন, “সন্ধ্যাবেলায় তোমরা জানতে পারবে যে সদাপ্রভুই তোমাদের মিশর থেকে বের করে এনেছেন, 7 এবং সকালবেলায় তোমরা সদাপ্রভুর মহিমা দেখতে পাবে, কারণ তাঁর বিরক্তে তোমাদের গজ্জগজানি তিনি শুনেছেন। আমরা কে, যে তোমরা আমাদের বিরক্তে অভিযোগ জানাচ্ছ?” 8 মোশি এও বললেন, “যখন তিনি সন্ধ্যাবেলায় তোমাদের মাংস খেতে দেবেন

ও সকালবেলায় তোমাদের চাহিদানুসারে সব খাদ্য দেবেন তখনই  
তোমরা জানতে পারবে যে তা সদাপ্রভুই দিয়েছেন, কারণ তাঁর বিরঞ্ছে  
করা তোমাদের গজ্গজানি তিনি শুনেছেন। আমরা কে? তোমরা  
আমাদের বিরঞ্ছে অভিযোগ জানাচ্ছ না, কিন্তু সদাপ্রভুর বিরঞ্ছেই  
জানাচ্ছ।” ৭ তখন মোশি হারোগকে বললেন, “সমগ্র ইস্রায়েলী  
জনসমাজকে বলো, ‘সদাপ্রভুর সামনে এসো, কারণ তিনি তোমাদের  
গজ্গজানি শুনেছেন।’” ১০ হারোগ যখন সমগ্র ইস্রায়েলী জনসমাজের  
সঙ্গে কথা বলছিলেন, তখন তারা মরুভূমির দিকে তাকাল, এবং  
সেখানে সদাপ্রভুর মহিমা মেঘে আবির্ভূত হল। ১১ সদাপ্রভু মোশিকে  
বললেন, ১২ “আমি ইস্রায়েলীদের গজ্গজানি শুনেছি। তাদের বলো,  
‘গোধূলিবেলায় তোমরা মাংস খাবে, এবং সকালবেলায় তোমরা খাদ্যে  
পরিপূর্ণ হবে। তখন তোমরা জানবে যে আমিই সদাপ্রভু তোমাদের  
ঈশ্বর।’” ১৩ সেই সন্ধ্যায় ভারতী পাথির দল এল এবং শিবির ঢেকে  
ফেলল, এবং সকালবেলায় শিবিরের চারপাশে শিশিরের এক পরত  
পড়েছিল। ১৪ শিশির সরে যাওয়ার পর, মরুভূমির জমিতে হিমকণার  
মতো পাতলা আঁশ আবির্ভূত হল। ১৫ ইস্রায়েলীরা যখন তা দেখল,  
তখন তারা পরম্পরকে বলল, “এটি কী?” কারণ সেটি কী তা তারা  
জানতে পারেনি। মোশি তাদের বললেন, “এ হল সেই খাদ্য যা সদাপ্রভু  
তোমাদের খেতে দিয়েছেন। ১৬ সদাপ্রভু এই আদেশই দিয়েছেন:  
‘প্রত্যেকে তাদের প্রয়োজন অনুসারেই কুড়াবে। তোমাদের তাঁবুতে  
থাকা এক একজনের জন্য এক ওমর করে কুড়াও।’” ১৭ ইস্রায়েলীরা  
তাই করল যা তাদের করতে বলা হয়েছিল; কয়েকজন বেশি পরিমাণে  
কুড়াল এবং কয়েকজন কম পরিমাণে কুড়াল। ১৮ আর যখন তারা  
তা ওমর দিয়ে মাপল, তখন যে বেশি পরিমাণে কুড়িয়েছিল তার  
কাছে খুব কম ছিল না, এবং যে কম পরিমাণে কুড়িয়েছিল তার  
কাছে খুব কম ছিল না। প্রত্যেকে ঠিক তাদের চাহিদা অনুসারেই  
কুড়িয়েছিল। ১৯ পরে মোশি তাদের বললেন, “সকাল পর্যন্ত কেউ কেউ  
এর কোনো কিছুই রাখবে না।” ২০ অবশ্য, তাদের মধ্যে কেউ কেউ  
মোশির কথায় মনোযোগ দেয়নি; তারা সকাল পর্যন্ত এর অংশবিশেষ

ରେଖେ ଦିଯେଛିଲ, କିନ୍ତୁ ତାତେ ପୋକା ଲେଗେ ଗେଲ ଏବଂ ଦୁର୍ଗନ୍ଧ ଛଡ଼ାତେ ଶୁରୁ କରଲ । ଅତଏବ ମୋଶି ତାଦେର ଉପର କୁନ୍ଦ ହଲେନ । 21 ପ୍ରତ୍ୟେକଦିନ ସକାଳବେଳାଯ ପ୍ରତ୍ୟେକେ ତାଦେର ଚାହିଦା ଅନୁସାରେ କୁଡ଼ାତ, ଆର ସୂର୍ଯ୍ୟ ସଥନ ପ୍ରଥର ହତ, ତଥନ ତା ଗଲେ ଯେତ । 22 ସଞ୍ଚ ଦିନେ, ତାରା ଦ୍ଵିଗୁଣ ପରିମାଣେ କୁଡ଼ାଲ—ପ୍ରତ୍ୟେକେର ଜନ୍ୟ ଦୁଇ ଓମର କରେ—ଏବଂ ସମାଜେର ନେତାରା ଏସେ ମୋଶିକେ ଏହି ସଂବାଦ ଦିଲେନ । 23 ତିନି ତାଁଦେର ବଲଲେନ, “ସଦାପ୍ରଭୁ ଏହି ଆଦେଶଇ ଦିଯେଛେ: ‘ଆଗାମୀକାଳ ହବେ ସାବାଥ ବିଶାମେର ଦିନ, ସଦାପ୍ରଭୁର ଉଦ୍ଦେଶେ ଏକ ପବିତ୍ର ସାବାଥ । ତାଇ ଯା ଯା ତୋମରା ସେଁକତେ ଚାଓ ତା ସେଁକେ ନାଓ ଏବଂ ଯା ଯା ଜଲେ ମିନ୍ଦ କରତେ ଚାଓ ତା ମିନ୍ଦ କରୋ । ଯା ଯା ଅବଶିଷ୍ଟ ଥାକବେ ତା ବାଁଚିଯେ ସକାଳ ପର୍ଯ୍ୟନ୍ତ ରେଖେ ଦାଓ ।’” 24 ଅତଏବ ସକାଳ ପର୍ଯ୍ୟନ୍ତ ତାରା ତା ବାଁଚିଯେ ରାଖିଲ, ଠିକ ଯେମନଟି ମୋଶି ଆଦେଶ ଦିଯେଛିଲେନ, ଏବଂ ତାତେ ଦୁର୍ଗନ୍ଧ ଛଡ଼ାଯନି ବା ତାତେ କୋନୋ ପୋକାଓ ଲାଗେନି । 25 “ଆଜ ଏଟି ଖେଯେ ନାଓ,” ମୋଶି ବଲଲେନ, “କାରଣ ଆଜ ସଦାପ୍ରଭୁର ଉଦ୍ଦେଶେ ପାଲନୀୟ ଏକ ସାବାଥବାର । ମାଠେ ଆଜ ତୋମରା ଏର ଏକଟିଓ ଖୁଜେ ପାବେ ନା । 26 ଛୟ ଦିନ ତୋମରା ଏଟି କୁଡ଼ାବେ, କିନ୍ତୁ ସଞ୍ଚ ଦିନେ, ସାବାଥବାରେ, କିଛୁଇ ଥାକବେ ନା ।” 27 ତା ସତ୍ତ୍ଵେଓ, କ୍ରୟେକଜନ ଲୋକ ସଞ୍ଚ ଦିନେଓ ତା କୁଡ଼ାନୋର ଜନ୍ୟ ବାଇରେ ଗେଲ, କିନ୍ତୁ ତାରା କିଛୁଇ ପେଲ ନା । 28 ତଥନ ସଦାପ୍ରଭୁ ମୋଶିକେ ବଲଲେନ, “ଆର କତ ଦିନ ତୁମ ଆମାର ଆଦେଶଗୁଲି ଓ ଆମାର ନିର୍ଦ୍ଦେଶାବଳି ପାଲନ କରତେ ଅସ୍ଵିକାର କରବେ? 29 ମନେ ରେଖେ ଯେ ସଦାପ୍ରଭୁଇ ତୋମାଦେର ସାବାଥବାର ଦିଯେଛେ; ସେଜନ୍ୟଇ ସଞ୍ଚ ଦିନେ ତିନି ତୋମାଦେର ଦୁଇ ଦିନେର ଖାଦ୍ୟ ଦେନ । ସଞ୍ଚ ଦିନେ ଯେ ଯେଥାନେ ଆଛେ ତାକେ ଯେଥାନେଇ ଥାକତେ ହବେ; କେଉଁ ଯେନ ବାଇରେ ନା ଯାଯ ।” 30 ଅତଏବ ଲୋକେରା ସଞ୍ଚ ଦିନେ ବିଶାମ ନିଲ । 31 ଇନ୍ଦ୍ରାୟନୀରା ସେଇ ଖାଦ୍ୟକେ ମାନ୍ନା ନାମ ଦିଲ । ଏଟି ଦେଖିତେ ସାଦା ରଂଯେର ଧନେ ବୀଜେର ମତୋ ଏବଂ ସ୍ଵାଦେ ମଧୁ ମାଖାନୋ ଚାକତିର ମତୋ ହତ । 32 ମୋଶି ବଲଲେନ, “ସଦାପ୍ରଭୁ ଏହି ଆଦେଶଇ ଦିଯେଛେ: ‘ଏକ ଓମର ମାନ୍ନା ନାଓ ଏବଂ ସେଟି ପରବର୍ତ୍ତୀ ପ୍ରଜନ୍ୟଗୁଲିର ଜନ୍ୟ ରେଖେ ଦାଓ, ଯେନ ତାରା ସେଇ ଖାଦ୍ୟଟି ଦେଖିତେ ପାଯ ଯା ମିଶର ଦେଶ ଥେକେ ତୋମାଦେର ବେର କରେ ଆନାର ପର, ମର୍ଭୁମିତେ ଆମି ତୋମାଦେର ଥେତେ ଦିଯେଛିଲାମ ।’” 33 ଅତଏବ

মোশি হারোণকে বললেন, “একটি বয়াম নাও এবং তাতে এক ওমর  
মান্বা ভরে রাখো। পরে পরবর্তী প্রজন্মগুলির জন্য সেটি রক্ষা করে  
রাখার জন্য সদাপ্রভুর সামনে সাজিয়ে রাখো।” ৩৪ মোশিকে দেওয়া  
সদাপ্রভুর আদেশানুসারে, হারোণ বিধিনিয়মের ফলকগুলি সমেত  
সেই মান্বা সাজিয়ে রাখলেন, যেন তা সংরক্ষিত থাকে। ৩৫ ইস্রায়েলীরা  
যতদিন না স্থায়ী এক দেশে এল, ততদিন চল্লিশ বছর ধরে মান্বা  
খেয়েছিল; কনানের সীমানায় পৌঁছানো পর্যন্ত তারা মান্বা খেয়েছিল।  
৩৬ (এক ওমর এক ঐফার এক-দশমাংশ।)

**১৭** সমগ্র ইস্রায়েলী জনসমাজ সদাপ্রভুর আদেশানুসারে এক স্থান  
থেকে আরেক স্থানে ভ্রমণ করতে করতে সীন মরঢ়ুমি থেকে বের হয়ে  
এল। তারা রফীদীমে শিবির স্থাপন করল, কিন্তু সেখানে লোকজনের  
জন্য পানীয় জল ছিল না। ২ তাই তারা মোশির সঙ্গে ঝগড়া-বিবাদ করে  
বলল, “আমাদের পানীয় জল দাও।” মোশি উত্তর দিলেন, “তোমরা  
কেন আমার সঙ্গে ঝগড়া-বিবাদ করছ? তোমরা কেন সদাপ্রভুর  
পরীক্ষা নিছ?” ৩ কিন্তু লোকেরা সেখানে জলের জন্য তৃষ্ণার্ত হল  
এবং তারা মোশির বিরুদ্ধে অভিযোগ জানাল। তারা বলল, “কেন তুমি  
আমাদের ও আমাদের সন্তানসন্ততিকে এবং আমাদের গৃহপালিত  
পশুপালকে তৃষ্ণার্ত হয়ে মরে যাওয়ার জন্য মিশর থেকে বের করে  
এখানে নিয়ে এসেছ?” ৪ তখন মোশি সদাপ্রভুর কাছে কেঁদে বললেন,  
“এই লোকদের নিয়ে আমি কী করব? তারা তো প্রায় আমাকে পাথর  
মারার জন্য তৈরিই হয়ে আছে।” ৫ সদাপ্রভু মোশিকে উত্তর দিলেন,  
“লোকদের সামনে চলে যাও। ইস্রায়েলের কয়েকজন প্রাচীনকে  
তোমার সাথে নাও ও তোমার সেই ছড়িটি হাতে তুলে নাও, যেটি দিয়ে  
তুমি নীলনদে আঘাত করেছিলে, এবং যাও। ৬ আমি সেখানে তোমার  
সামনে হোরেবে শিলাপাথরের পাশে গিয়ে দাঁড়াব। সেই শিলাপাথরে  
আঘাত করো, এবং লোকজনের জন্য সেখান থেকে পানীয় জল বেরিয়ে  
আসবে।” অতএব মোশি ইস্রায়েলের প্রাচীনদের চোখের সামনে তা  
করলেন। ৭ আর তিনি সেই স্থানটির নাম দিলেন মঃসা ও মরীবা কারণ  
ইস্রায়েলীরা ঝগড়া-বিবাদ করেছিল এবং তারা এই বলে সদাপ্রভুর

পরীক্ষা নিয়েছিল, “সদাপ্রভু আমাদের মাঝে আছেন কি নেই?” ৪

অমালেকীয়রা রফীদীমে এসে ইস্রায়েলীদের আক্রমণ করল। ৫ মোশি  
যিহোশূয়কে বললেন, “আমাদের কয়েকজন লোককে মনোনীত করো  
এবং অমালেকীয়দের সাথে যুদ্ধ করতে যাও। আগামীকাল আমি  
ঈশ্বরের সেই ছড়িটি হাতে নিয়ে পাহাড়ের উপরে দাঁড়াব।” ১০ অতএব  
যিহোশূয় মোশির আদেশানুসারে অমালেকীয়দের সাথে যুদ্ধ করলেন,  
এবং মোশি, হারোণ ও হুর পাহাড়ের উপরে চলে গেলেন। ১১ যতক্ষণ  
মোশি তাঁর হাত দুটি উপরে উঠিয়ে রেখেছিলেন, ইস্রায়েলীরা জিতছিল,  
কিন্তু যখনই তিনি তাঁর হাত দুটি নিচে নামাচ্ছিলেন, অমালেকীয়রা  
জিতছিল। ১২ মোশির হাত দুটি যখন অবসম্ভ হয়ে গেল, তখন তাঁরা  
একটি পাথর নিলেন ও সেটি তাঁর নিচে রেখে দিলেন এবং তিনি  
সেটির উপর বসে পড়লেন। হারোণ ও হুর তাঁর হাত দুটি—একজন  
একদিকে, অন্যজন অন্যদিকে—তুলে ধরে রাখলেন, যেন সূর্যাস্ত পর্যন্ত  
তাঁর হাত দুটি অবিচলিত থাকে। ১৩ অতএব যিহোশূয় তরোয়াল  
দিয়ে অমালেকীয় সৈন্যদলকে পরাস্ত করলেন। ১৪ পরে সদাপ্রভু  
মোশিকে বললেন, “স্মরণযোগ্য করে রাখার জন্য এটি একটি গোটানো  
চামড়ার পুঁথিতে লিখে রাখো এবং নিশ্চিত কোরো যেন যিহোশূয় তা  
শোনে, কারণ আকাশের নিচ থেকে অমালেকের নাম আমি পুরোপুরি  
মুছে ফেলব।” ১৫ মোশি একটি যজ্ঞবেদি নির্মাণ করলেন ও সেটির  
নাম রাখলেন “সদাপ্রভু আমার নিশান।” ১৬ তিনি বললেন, “যেহেতু  
সদাপ্রভুর সিংহাসনের বিরংদে হাত উঠেছিল, তাই প্রজন্মের পর প্রজন্ম  
ধরে সদাপ্রভু অমালেকীয়দের বিরংদে যুদ্ধ করে যাবেন।”

**১৮** ঈশ্বর মোশির ও তাঁর প্রজাদের জন্য যা যা করলেন, এবং কীভাবে  
সদাপ্রভু ইস্রায়েলকে মিশর থেকে বের করে এনেছিলেন, সেসব কথা  
মিদিয়নীয় যাজক তথা মোশির শশুরমশাই যিথো শুনেছিলেন। ২  
মোশি তাঁর স্ত্রী সিঙ্গোরাকে পাঠিয়ে দেওয়ার পর, তাঁর শশুরমশাই  
যিথো সিঙ্গোরাকে, ৩ এবং তাঁর দুই ছেলেকে গ্রহণ করলেন। এক  
ছেলের নাম রাখা হল গের্শোম, কারণ মোশি বললেন, “আমি বিদেশে  
এক বিদেশি হয়ে গিয়েছি” ৪ আর অন্যজনের নাম রাখা হল ইলীয়েষর,

কারণ তিনি বললেন, “আমার পৈত্রিক স্টশ্বর আমার সাহায্যকারী  
হয়েছেন; তিনি আমাকে ফরৌণের তরোয়ালের হাত থেকে রক্ষা  
করেছেন।” ৫ মোশির শৃঙ্গরমশাই যিথো, মোশির ছেলেদের ও স্ত্রীকে  
নিয়ে সেই মরহুমিতে তাঁর কাছে এলেন, যেখানে স্টশ্বরের পর্বতের  
কাছে তিনি শিবির স্থাপন করেছিলেন। ৬ যিথো তাঁর কাছে এই কথা  
বলে পাঠালেন, “আমি, তোমার শৃঙ্গর যিথো, তোমার স্ত্রী ও তার দুই  
ছেলেকে সঙ্গে নিয়ে তোমার কাছে আসছি।” ৭ অতএব মোশি তাঁর  
শৃঙ্গরমশাই-এর সাথে দেখা করার জন্য বাইরে গেলেন এবং প্রণত  
হয়ে তাঁকে চুম্ব দিলেন। তাঁরা পরস্পরকে অভিবাদন জানালেন ও পরে  
তাঁরুর ভিতরে চলে গেলেন। ৮ ইস্রায়েলের জন্য সদাপ্রভু ফরৌণের ও  
মিশরীয়দের প্রতি যা যা করেছিলেন এবং পথিমধ্যে যেসব কষ্ট তাঁদের  
সহ্য করতে হয়েছিল ও সদাপ্রভু কীভাবে তাঁদের রক্ষা করেছিলেন,  
সেসব কথা মোশি তাঁর শৃঙ্গরমশাইকে বলে শোনালেন। ৯ মিশরীয়দের  
হাত থেকে ইস্রায়েলীদের রক্ষা করতে গিয়ে সদাপ্রভু ইস্রায়েলের  
জন্য যেসব ভালো ভালো কাজ করেছিলেন, তার বৃত্তান্ত শুনে যিথো  
খুব খুশি হলেন। ১০ তিনি বললেন, “সেই সদাপ্রভুর প্রশংসা হোক,  
যিনি মিশরীয়দের ও ফরৌণের হাত থেকে তোমাদের রক্ষা করেছেন  
এবং যিনি মানুষজনকে মিশরীয়দের হাত থেকে রক্ষা করেছেন। ১১  
এখন আমি জানলাম যে সদাপ্রভু অন্য সব দেবতার চেয়ে মহত্তর,  
কারণ তিনি তাদেরই প্রতি এরকম করেছেন, যারা ইস্রায়েলের প্রতি  
অহংকারী আচরণ দেখিয়েছিল।” ১২ পরে মোশির শৃঙ্গরমশাই যিথো,  
সদাপ্রভুর কাছে এক হোমবলি ও অন্যান্য নৈবেদ্য নিয়ে আসলেন,  
এবং হারোণ ইস্রায়েলের সব প্রাচীনকে সঙ্গে নিয়ে স্টশ্বরের উপস্থিতিতে  
মোশির শৃঙ্গরমশাই যিথোর সঙ্গে এক ভোজ খেতে এলেন। ১৩ পরদিন  
মোশি লোকদের বিচারক হয়ে তাঁর আসন গ্রহণ করলেন, এবং সকাল  
থেকে সন্ধ্যা পর্যন্ত লোকেরা তাঁর চারপাশে দাঁড়িয়ে থাকল। ১৪ মোশি  
লোকজনের জন্য যা কিছু করছিলেন, তাঁর শৃঙ্গরমশাই যখন সেসবকিছু  
দেখলেন, তখন তিনি বললেন, “লোকজনের জন্য তুমি এ কী করছ?  
একা তুমিই কেন বিচারক হয়ে বসে আছ, যখন এইসব লোক সকাল

থেকে সন্ধ্যা পর্যন্ত তোমার চারপাশে দাঁড়িয়ে আছে?” 15 মোশি তাঁকে উত্তর দিলেন, “কারণ লোকেরা ঈশ্বরের ইচ্ছার খোঁজ নেওয়ার জন্য আমার কাছে আসে। 16 যখনই তারা এক দন্দের সম্মুখীন হয়, তা আমার কাছে আনা হয়, এবং আমি দুই দলের মধ্যে মীমাংসা করি এবং ঐশ্বরিক হৃকুমাদি ও নির্দেশাবলি তাদের জানিয়ে দিই।” 17 মোশির শুশ্রমশাই তাঁকে উত্তর দিলেন, “তুমি যা করছ তা ঠিক নয়। 18 তুমি ও এই যেসব লোক তোমার কাছে আসছে, তোমরা সবাই অবসন্ন হয়ে পড়বে। তোমার পক্ষে এ কাজটি অত্যন্ত গুরুত্বার; একা তুমি এটি সামলাতে পারবে না। 19 এখন আমার কথা শোনো ও আমি তোমাকে কিছু পরামর্শ দেব, এবং ঈশ্বর তোমার সহবতী হোন। তোমাকে অবশ্যই ঈশ্বরের সামনে লোকজনের প্রতিনিধি হতে হবে এবং তাঁর কাছে তাদের দ্বন্দ্বগুলি নিয়ে আসতে হবে। 20 তাঁর হৃকুমাদি ও নির্দেশাবলি তাদের শিক্ষা দাও, এবং তাদের দেখিয়ে দাও কীভাবে তাদের জীবনযাপন করতে হবে ও তাদের কেমন আচরণ করতে হবে। 21 কিন্তু সব লোকজনের মধ্যে থেকে যোগ্য লোকদের মনোনীত করো—যারা ঈশ্বরকে ভয় করে, বিশ্বস্ত এমন সব লোক যারা অসাধু মুনাফা ঘৃণা করে—এবং কয়েক হাজার, কয়েকশো, পঞ্চাশ-পঞ্চাশ ও দশ-দশ জনের উপর তাদের কর্মকর্তারূপে নিযুক্ত করো। 22 সবসময় এদেরই লোকজনের বিচারক হয়ে থাকতে দিয়ো, কিন্তু প্রত্যেকটি দুরহ মামলা তাদের তোমার কাছে আনতে দিয়ো; সহজ মামলাগুলির নিষ্পত্তি তারা নিজেরাই করে নিতে পারবে। এতে তোমার বোৰা হালকা হয়ে যাবে, কারণ তারা তোমার সঙ্গে তা ভাগাভাগি করে নেবে। 23 তুমি যদি এরকম করো ও ঈশ্বরও যদি এরকম আদেশ দেন, তবে তুমি ধুকলাটি সামলাতে সক্ষম হবে, এবং এইসব লোক তৃষ্ণ হয়ে ঘরে ফিরে যাবে।” 24 মোশি তাঁর শুশ্রমশাই যিশ্বের কথা শুনলেন এবং তিনি যা যা করতে বললেন সেসবকিছু করলেন। 25 সমগ্র ইস্রায়েলের মধ্যে থেকে তিনি যোগ্য লোকদের মনোনীত করলেন এবং লোকজনের নেতারূপে, কয়েক হাজার, কয়েকশো, পঞ্চাশ-পঞ্চাশ ও দশ-দশ জনের উপর কর্মকর্তারূপে তাঁদের নিযুক্ত করে দিলেন। 26

সবসময় তাঁরা লোকজনের জন্য বিচারক হয়ে বিচার করতেন। দুরহ  
মামলাগুলি তাঁরা মোশির কাছে আনতেন, কিন্তু সহজ মামলাগুলির  
নিষ্পত্তি তাঁরা নিজেরাই করতেন। 27 পরে মোশি তাঁর শুঙ্গরমশাইকে  
বিদায় দিলেন, এবং যিথো তাঁর নিজের দেশে ফিরে গেলেন।

**19** ইস্রায়েলীরা মিশর ছেড়ে বেরিয়ে আসার পর তৃতীয় মাসের প্রথম  
দিনে—ঠিক সেদিনই—তারা সীনয় মরণভূমিতে এসেছিল। 2 রফীদীম  
থেকে যাত্রা শুরু করার পর, তারা সীনয় মরণভূমিতে প্রবেশ করল,  
এবং পর্বতের সামনের দিকে ইস্রায়েল সেখানে মরণভূমিতে শিবির  
স্থাপন করল। 3 পরে মোশি ঈশ্বরের কাছে উঠে গেলেন এবং সদাপ্রভু  
পর্বত থেকে তাঁকে ডাক দিয়ে বললেন, “যাকোবের বংশধরদের  
কাছে এবং ইস্রায়েলের লোকজনের কাছে তোমাকে একথাই বলতে  
হবে: 4 ‘তোমরা নিজেরাই তো দেখেছ আমি মিশরের প্রতি কী  
করেছিলাম, এবং কীভাবে আমি তোমাদের ঈগলের ডানায় তুলে  
বহন করেছিলাম ও তোমাদের নিজের কাছে এনেছিলাম। 5 এখন  
তোমরা যদি পুরোপুরি আমার বাধ্য হও ও আমার নিয়ম পালন করো,  
তবে সব জাতির মধ্যে তোমরাই আমার নিজস্ব সম্পত্তি হবে। যদি ও  
সমগ্র পৃথিবীই আমার, 6 তোমরা আমার জন্য যাজকদের এক রাজ্য  
এবং পবিত্র এক জাতি হবে।’ ইস্রায়েলীদের কাছে তোমাকে এইসব  
কথা বলতে হবে।” 7 অতএব মোশি ফিরে গেলেন এবং লোকদের  
প্রাচীনদের ডেকে পাঠালেন ও সদাপ্রভু তাঁকে যা যা বলার আদেশ  
দিয়েছিলেন সেসব কথা তাঁদের সামনে পেশ করলেন। 8 লোকজন  
সবাই একসঙ্গে উত্তর দিল, “সদাপ্রভু যা যা বলেছেন আমরা সেসবকিছু  
করব।” অতএব মোশি তাদের উত্তর সদাপ্রভুর কাছে ফিরিয়ে দিলেন।  
9 সদাপ্রভু মোশিকে বললেন, “আমি এক ঘন মেঘে তোমার কাছে  
আসতে চলেছি, যেন লোকেরা শোনে যে আমি তোমার সঙ্গে কথা  
বলছি এবং তারা সবসময় তোমার উপর তাদের আস্থা স্থাপন করে।”  
লোকেরা কী বলেছিল তা তখন মোশি সদাপ্রভুকে বললেন। 10 আর  
সদাপ্রভু মোশিকে বললেন, “লোকদের কাছে যাও এবং আজ ও  
আগামীকাল তাদের পবিত্র করো। তারা তাদের জামাকাপড় ধুয়ে নিক

11 ও তৃতীয় দিনের জন্য প্রস্তুত থাকুক, কারণ সেদিনই সব লোকের চোখের সামনে সদাপ্রভু সীনয় পর্বতে নেমে আসবেন। 12 পর্বতের চারপাশে লোকদের জন্য সীমানা নির্দিষ্ট করে দাও ও তাদের বলো, ‘সাবধান, তোমরা কেউ যেন পর্বতের কাছে না যাও বা এর পাদদেশ স্পর্শ না করো। যে কেউ পর্বত স্পর্শ করবে তাকে যেরে ফেলতে হবে।

13 তাদের পাথর ছুঁড়ে বা তির নিক্ষেপ করে হত্যা করতে হবে; তাদের উপর যেন কোনও হাত না পড়ে। কোনও মানুষ বা পশুকে বেঁচে থাকার অনুমতি দেওয়া হবে না।’ একমাত্র যখন শিঙার সুদীর্ঘ শব্দ শোনা যাবে, তখনই তারা পর্বতের কাছে আসতে পারবে।” 14 পর্বত থেকে মোশি নিচে ইস্রায়েলীদের কাছে নেমে আসার পর, তিনি তাদের পবিত্র করলেন, এবং তারা তাদের জামাকাপড় ধুয়ে নিল। 15 পরে তিনি লোকদের বললেন, “তৃতীয় দিনের জন্য তোমরা নিজেদের প্রস্তুত করো। যৌন সম্পর্ক স্থাপন করা থেকে বিরত থাকো।” 16 তৃতীয় দিন সকালবেলায় বজ্রপাত হল ও বিদ্যুৎ চমকাল, একইসাথে ঘন মেঘে পর্বত ঢেকে গেল ও খুব জোরে শিঙার শব্দ শোনা গেল। শিবিরের মধ্যে প্রত্যেকে কেঁপে উঠল। 17 তখন মোশি ঈশ্বরের সঙ্গে দেখা করার জন্য নেতৃত্ব দিয়ে লোকদের শিবির থেকে বের করে আনলেন, এবং তারা পর্বতের পাদদেশে এসে দাঁড়াল। 18 সীনয় পর্বত ধোঁয়ায় ঢেকে গেল, কারণ সদাপ্রভু অগ্নিবেষ্টিত হয়ে পর্বতের উপর নেমে এলেন। অগ্নিকুণ্ড থেকে ওঠা ধোঁয়ার মতো সেই ধোঁয়া গলগল করে সেখান থেকে উপরে উঠে গেল, এবং সমগ্র পর্বত থরথর করে কেঁপে উঠল।

19 শিঙার শব্দ ক্রমশ জোরালো হল, মোশি কথা বললেন এবং ঈশ্বরের কঠস্বর তাঁকে উত্তর দিল। 20 সদাপ্রভু সীনয় পর্বতের চূড়ায় নেমে এলেন এবং মোশিকে পর্বতের চূড়ায় ডেকে নিলেন। অতএব মোশি উপরে উঠে গেলেন 21 এবং সদাপ্রভু তাঁকে বললেন, “নিচে নেমে যাও ও লোকদের সাবধান করে দাও, পাছে তারা জোর করে সদাপ্রভুকে দেখতে যায় ও তাদের মধ্যে অনেকে প্রাণ হারায়। 22 এমনকি যারা সদাপ্রভুর নিকটবর্তী হয়, সেই যাজকরাও যেন নিজেদের পবিত্র করে, তা না হলে সদাপ্রভু তাদের বিরুদ্ধে সহসা আবির্ভূত হবেন।” 23 মোশি

সদাপ্রভুকে বললেন, “লোকেরা সীনয় পর্বতে উঠে আসতে পারবে না, কারণ তুমি নিজেই আমাদের সাবধান করে দিয়েছ, ‘পর্বতের চারপাশে সীমানা নির্দিষ্ট করে রাখো এবং সেচিকে পবিত্রতায় পৃথক করে রাখো।’” 24 সদাপ্রভু উভর দিলেন, “নিচে নেমে যাও এবং হারোগকে তোমার সঙ্গে নিয়ে উপরে উঠে এসো। কিন্তু যাজকেরা ও লোকেরা যেন জোর করে সদাপ্রভুর কাছে উঠে আসার চেষ্টা না করে, তা না হলে তিনি তাদের বিরঞ্জে সহসা আবির্ভূত হবেন।” 25 অতএব মোশি নিচে লোকদের কাছে নেমে গেলেন এবং তাদের এসব কথা বললেন।

**20** আর ঈশ্বর এইসব কথা বললেন: 2 “আমিই তোমার ঈশ্বর সেই সদাপ্রভু, যিনি তোমাকে মিশর থেকে, ক্রীতদাসত্বের সেই দেশ থেকে বের করে এনেছেন। 3 “আমার সামনে তুমি অন্য কোনও দেবতা রাখবে না। 4 নিজের জন্য তুমি উর্ধ্বস্থ স্বর্গের বা অধঃস্থ পৃথিবীর বা জলরাশির তলার কোনো কিছুর আকৃতিবিশিষ্ট কোনও প্রতিমা তৈরি করবে না। 5 তুমি তাদের কাছে মাথা নত করবে না বা তাদের আরাধনা করবে না; কারণ আমি, তোমার ঈশ্বর সদাপ্রভু, এক ঈর্যাণ্ডিত ঈশ্বর, বাবা-মার করা পাপের কারণে সন্তানদের শান্তি দিই, যারা আমাকে ঘৃণা করে তাদের ত্রুটীয় ও চতুর্থ প্রজন্ম পর্যন্ত দিই, 6 কিন্তু যারা আমাকে ভালোবাসে ও আমার আজ্ঞাগুলি পালন করে, হাজার প্রজন্ম পর্যন্ত তাদের প্রতি ভালোবাসা দেখাই। 7 তোমার ঈশ্বর সদাপ্রভুর নামের অপব্যবহার কোরো না, কারণ যে কেউ তাঁর নামের অপব্যবহার করে সদাপ্রভু তাকে নির্দোষ প্রতিপন্থ করবেন না। 8 পবিত্রতায় বিশ্রামদিন পালন করে স্মরণ কোরো। 9 ছয় দিন তুমি পরিশ্রম করবে ও তোমার সব কাজকর্ম করবে, 10 কিন্তু সপ্তম দিনটি তোমার ঈশ্বর সদাপ্রভুর উদ্দেশে বিশ্রামদিন। সেদিন তুমি, তোমার ছেলে বা মেয়ে, তোমার দাস বা দাসী, তোমার পশুপাল, বা তোমার নগরে বসবাসকারী কোনো বিদেশি, কেউ কোনও কাজ কোরো না। 11 কারণ ছয় দিনে সদাপ্রভু আকাশমণ্ডল ও পৃথিবী, সমুদ্র ও সেগুলির মধ্যে থাকা সমস্ত কিছু তৈরি করেছিলেন, কিন্তু সপ্তম দিন

তিনি বিশ্রাম নিয়েছিলেন। তাই সদাপ্রভু সাক্ষাত্বারকে আশীর্বাদ করে সেটি পবিত্র করলেন। 12 তোমার বাবাকে ও তোমার মাকে সম্মান কোরো, যেন তুমি সেই দেশে দীর্ঘকাল বেঁচে থাকতে পারো, যে দেশ তোমার ঈশ্বর সদাপ্রভু তোমাকে দিচ্ছেন। 13 তুমি নরহত্যা কোরো না। 14 তুমি ব্যতিচার কোরো না। 15 তুমি চুরি কোরো না। 16 তুমি তোমার প্রতিবেশীর বিরুদ্ধে মিথ্যা সাক্ষ্য দিয়ো না। 17 তুমি তোমার প্রতিবেশীর ঘরবাড়ির প্রতি লোভ কোরো না। তুমি তোমার প্রতিবেশীর স্ত্রীর, বা তার দাস বা দাসীর, তার বলদের বা গাধার, বা তোমার প্রতিবেশীর অধিকারভূক্ত কোনো কিছুর প্রতি লোভ কোরো না।” 18 যখন লোকেরা বজ্রপাত হতে ও বিদ্যুৎ চমকাতে দেখল এবং শিঙার শব্দ শুনল ও পর্বত ধোঁয়ায় ঢেকে যেতে দেখল, তখন তারা ভয়ে কেঁপে উঠল। তারা দূরে দাঁড়িয়ে পড়ল 19 এবং মোশিকে বলল, “আপনি নিজেই আমাদের সঙ্গে কথা বলুন ও আমরা তা শুনব। কিন্তু ঈশ্বর যেন আমাদের সঙ্গে কথা না বলেন পাছে আমরা মারা যাই।” 20 মোশি লোকদের বললেন, “ভয় পেয়ো না। ঈশ্বর তোমাদের পরীক্ষা করতে এসেছেন, যেন পাপ করা থেকে তোমাদের বিরত রাখার জন্য ঈশ্বরভয় তোমাদের সহবর্তী হয়।” 21 লোকেরা দূরে দাঁড়িয়ে থাকল, আর মোশি সেই ঘন অঙ্কারের দিকে এগিয়ে গেলেন যেখানে ঈশ্বর উপস্থিত ছিলেন। 22 তখন সদাপ্রভু মোশিকে বললেন, “ইস্রায়েলীদের একথা বলো: ‘তোমরা নিজেরাই দেখলে যে আমি স্বর্গ থেকে তোমাদের সঙ্গে কথা বলেছি: 23 আমার পাশাপাশি রাখার জন্য অন্য কোনও দেবতা তৈরি কোরো না; নিজেদের জন্য রংপোর দেবতা বা সোনার দেবতা তৈরি কোরো না। 24 “আমার জন্য মাটি দিয়ে একটি যজ্ঞবেদি তৈরি করো এবং সেটির উপর তোমাদের হোমবলি ও মঙ্গলার্থক বলি উৎসর্গ করো, মেষ ও ছাগল, ও তোমাদের গবাদি পশুপাল বলি দাও। আমি যেখানেই আমার নাম সম্মানিত করব, সেখানেই আমি তোমাদের কাছে আসব এবং তোমাদের আশীর্বাদ করব। 25 তোমরা যদি আমার জন্য পাথরের এক যজ্ঞবেদি তৈরি করো, তবে খোদিত পাথর দিয়ে তা নির্মাণ কোরো না, কারণ যদি সেটিতে যন্ত্রপাতি ব্যবহার করো তবে

তোমরা সেটি অঙ্গিচ করে তুলবে। 26 আর সিঁড়ির ধাপ বেয়ে আমার  
বজ্জবেদিতে উঠো না, পাছে তোমাদের গোপনাঙ্গগুলি অনাবৃত হয়ে  
যায়।'

**21** “এগুলি সেই বিধিবিধান যা তোমাকে তাদের সামনে রাখতে  
হবে: 2 “যদি তুমি কোনও হিন্দু দাসকে কিনে এনেছ, তবে সে ছয়  
বছর তোমার সেবা করুক। কিন্তু সপ্তম বছরে, সে স্বাধীন হয়ে চলে  
যাবে, তাকে কোনও অর্থ খরচ করতে হবে না। 3 সে যদি একা  
এসেছে, তবে সে একাই স্বাধীন হয়ে চলে যাক; কিন্তু আসার সময়  
যদি তার স্ত্রী তার সঙ্গে ছিল, তবে সেও তার সঙ্গে যাক। 4 তার  
মালিক যদি তাকে এক স্ত্রী দেন এবং সেই স্ত্রী তার জন্য ছেলে বা  
মেয়েদের জন্ম দেয়, তবে সেই মহিলা ও তার সন্তানেরা তার মালিকের  
অধিকারভুক্ত হবে, এবং শুধু সেই পুরুষটিই স্বাধীন হয়ে চলে যাবে। 5  
“কিন্তু সেই দাস যদি ঘোষণা করে, ‘আমি আমার মালিককে ও আমার  
স্ত্রী ও সন্তানদের ভালোবাসি এবং স্বাধীন হয়ে চলে যেতে চাই না,’  
6 তবে তার মালিক অবশ্যই তাকে দীর্ঘের সামনে নিয়ে যাবেন।  
মালিক তাকে দরজার কাছে বা দরজার ঢোকাঠের কাছে নিয়ে যাবেন  
এবং একটি কাঁটা দিয়ে তার কান বিদীর্ণ করে দেবেন। তখন সে  
সারা জীবনের জন্য তাঁর দাস হয়ে যাবে। 7 “যদি কোনও লোক তার  
মেয়েকে এক দাসীরপে বিক্রি করে দেয়, তবে সে দাসের মতো  
স্বাধীন হয়ে চলে যেতে পারবে না। 8 সে যদি তার সেই মালিককে  
সন্তুষ্ট করতে না পারে, যিনি তাকে নিজের জন্য পছন্দ করেছিলেন,  
তবে তিনি যেন অবশ্যই তাকে মুক্ত করে দেন। তাকে বিদেশিদের  
কাছে বিক্রি করার তাঁর কোনও অধিকার নেই, কারণ তিনি তার প্রতি  
বিশ্বাসঘাতকতা করেছেন। 9 সেই মালিক যদি তাকে নিজের ছেলের  
জন্য পছন্দ করেছেন, তবে তিনি যেন অবশ্যই তাকে এক মেয়ের  
অধিকার দেন। 10 তিনি যদি অন্য কোনও মহিলাকে বিয়ে করেন,  
তবে তিনি যেন অবশ্যই প্রথমজনকে তার খাদ্য, বস্ত্র ও দাম্পত্য  
অধিকার থেকে বঞ্চিত না করেন। 11 তিনি যদি তার প্রতি এই তিনটি  
কর্তব্য পালন না করেন, তবে সেই স্ত্রী কোনও অর্থ খরচ না করে,

স্বাধীন হয়ে ফিরে যেতে পারবে। 12 “যে কেউ অন্য কাউকে মারাত্মক  
এক ঘা দিয়ে জখম করে, তাকে মেরে ফেলতে হবে। 13 অবশ্য, তা  
যদি ইচ্ছাকৃতভাবে করা না হয়, কিন্তু ঈশ্বরই তা হতে দিয়েছেন, তবে  
তাকে এমন এক স্থানে পালিয়ে যেতে হবে যা আমি নির্দিষ্ট করে দেব।  
14 কিন্তু কেউ যদি চক্রান্ত করে কাউকে ইচ্ছাকৃতভাবে হত্যা করে,  
তবে সেই লোকটিকে আমার যজ্ঞবেদি থেকে সরিয়ে নিয়ে গিয়ে মেরে  
ফেলতে হবে। 15 “যে কেউ তার বাবা বা মাকে আক্রমণ করে, তাকে  
মেরে ফেলতে হবে। 16 “যে কেউ অন্য কাউকে অপহরণ করে সেই  
অপহত লোকটিকে বিক্রি করে দেয় বা তাকে নিজের দখলে রাখে,  
তবে সেই অপহরণকারীকে মেরে ফেলতে হবে। 17 “যে কেউ তার  
বাবা বা মাকে অভিশাপ দেয়, তাকে মেরে ফেলতে হবে। 18 “যদি  
মানুষজন বাগড়া-বিবাদ করতে করতে একজন অন্যজনকে পাথর দিয়ে  
আঘাত করে বা তাদের মুষ্টাঘাত করে এবং সেই আঘাতপ্রাপ্ত লোকটি  
মারা না যায় কিন্তু শয্যাশয়ী হয়, ও 19 সে যদি উঠে একটি ছড়ি  
ধরে বাইরে এদিক-ওদিক ঘোরাঘুরি করতে পারে, তবে যে আঘাত  
করল তাকে দায়ী করা হবে না; অবশ্য, সেই দোষী লোকটিকে সময়ের  
ক্ষতিপূরণস্বরূপ সেই আহত লোকটির জন্য খরচপত্র দিতে হবে এবং  
যতদিন না সে পুরোপুরি সুস্থ হচ্ছে ততদিন তার দেখাশোনা করতে  
হবে। 20 “যদি কেউ তার ক্রীতদাস বা ক্রীতদাসীকে একটি লাঠি  
দিয়ে মারে ও এর প্রত্যক্ষ ফলস্বরূপ সে যদি মারা যায় তবে অবশ্যই  
তাকে শাস্তি দিতে হবে, 21 কিন্তু যদি সেই ক্রীতদাস বা দাসী দুই  
একদিন পর সুস্থ হয়ে ওঠে তবে তাকে শাস্তি দেওয়া যাবে না, যেহেতু  
সেই ক্রীতদাস বা দাসী তারই সম্পত্তি। 22 “যদি লোকজন মারামারি  
করার সময় কোনও গর্ভবতী মহিলাকে আঘাত করে ও সে অকালে  
সন্তানের জন্য দেয় কিন্তু বড়ো ধরনের আঘাত না পায়, তবে সেই  
মহিলার স্বামী যা দাবি করবে এবং আদালত যেমনটি অনুমতি দেবে  
সেইমতোই অবশ্য অপরাধীর জরিমানা ধার্য করতে হবে। 23 কিন্তু  
সেই মহিলাটি যদি বড়ো ধরনের আঘাত পায়, তবে তোমাদের প্রাণের  
পরিবর্তে প্রাণ, 24 চোখের পরিবর্তে চোখ, দাঁতের পরিবর্তে দাঁত,

হাতের পরিবর্তে হাত, পায়ের পরিবর্তে পা, 25 দহনের পরিবর্তে দহন, ক্ষতের পরিবর্তে ক্ষত, কালশিটের পরিবর্তে কালশিটে আদায় করতে হবে। 26 “যে মালিক তাঁর ক্রীতদাস বা ক্রীতদাসীর চোখে আঘাত করে তা নষ্ট করে দেন, তাঁকে অবশ্যই সেই চোখের ক্ষতিপূরণ করার জন্য সেই ক্রীতদাস বা দাসীকে স্বাধীন করে দিতে হবে। 27 আর যে মালিক মেরে ক্রীতদাস বা ক্রীতদাসীর দাঁত উপড়ে ফেলেন, তাঁকে অবশ্যই সেই দাঁতের ক্ষতিপূরণ করার জন্য সেই ক্রীতদাস বা দাসীকে স্বাধীন করে দিতে হবে। 28 “একটি বলদ যদি তুঁ মেরে কোনও পুরুষ বা মহিলাকে মেরে ফেলে, তবে সেই বলদটিকে পাথর ছুঁড়ে মেরে ফেলতে হবে, এবং সেটির মাংস অবশ্যই খাওয়া যাবে না। কিন্তু সেই বলদটির মালিক দোষী সাব্যস্ত হবে না। 29 অবশ্য যদি, সেই বলদটির তুঁ মারার অভ্যাস ছিল এবং সেই মালিককে সাবধান করে দেওয়া হয়েছিল কিন্তু সে সেটিকে খোঁয়াড়ে বেঁধে রাখেনি ও সেটি কোনও পুরুষ বা মহিলাকে মেরে ফেলেছে, তবে সেই বলদটিকে পাথর ছুঁড়ে মেরে ফেলতে হবে এবং সেটির মালিককেও মেরে ফেলতে হবে। 30 অবশ্য, যদি খরচপত্র দাবি করা হয়, তবে সেই মালিক দাবিমতো খরচপত্র দিয়ে তার প্রাণ মুক্ত করতে পারবে। 31 সেই বলদটি যদি কোনও ছেলে বা মেয়েকে তুঁ মারে, সেক্ষেত্রেও একই নিয়ম প্রযোজ্য হবে। 32 সেই বলদটি যদি কোনও ক্রীতদাস বা ক্রীতদাসীকে তুঁ মারে, তবে সেই মালিককে অবশ্যই সেই ক্রীতদাস বা দাসীর মালিককে ত্রিশ শেকল রূপো দিতে হবে, এবং সেই বলদটিকে পাথর ছুঁড়ে মেরে ফেলতে হবে। 33 “যদি কেউ একটি খানাখন্দ অনাবৃত রাখে বা সেটি ঢেকে রাখতে ব্যর্থ হয় এবং কোনও বলদ বা কোনও গাধা সেটির মধ্যে পড়ে যায়, 34 তবে যে সেই খন্দটি খুঁড়েছিল সে অবশ্যই সেই মালিককে ক্ষতিপূরণ দেবে ও পরিবর্তে মৃত পশুটি নিয়ে নেবে। 35 “যদি কোনও লোকের বলদ অন্য কোনও লোকের বলদকে আহত করে ও সেটি মারা যায়, তবে দুই পক্ষই জীবিত বলদটিকে বিক্রি করবে এবং সেই অর্থ ও মৃত পশুটিকে সমপরিমাণে ভাগ করে নেবে। 36 অবশ্য, যদি জানা ছিল যে সেই বলদটির তুঁ মারার অভ্যাস ছিল, অথচ

মালিক সেটিকে খোঁয়াড়ে বেঁধে রাখেনি, তবে সেই মালিক অবশ্যই  
পশুর জন্য পশু দেবে, এবং পরিবর্তে মৃত পশুটি নিয়ে নেবে।

**২২** “যে কেউ একটি বলদ বা একটি মেষ চুরি করে সেটি জবাই  
করে বা বিক্রি করে দেয়, তবে তাকে অবশ্যই ক্ষতিপূরণস্বরূপ সেই  
বলদটির পরিবর্তে পাঁচটি গবাদি পশু ও সেই মেষটির পরিবর্তে চারটি  
মেষ দিতে হবে। ২ “রাতের বেলায় যদি কোনও চোর চুরি করতে  
এসে ধরা পড়ে এবং মারাত্মক আঘাত পেয়ে মারা যায়, তবে রক্ষক  
রক্তপাতের দোষে দোষী হবে না; ৩ কিন্তু তা যদি সূর্যোদয়ের পর  
ঘটে, তবে সেই রক্ষক রক্তপাতের দোষে দোষী হবে। “যে কেউ চুরি  
করেছে, তাকে অবশ্যই ক্ষতিপূরণ দিতে হবে, কিন্তু তার কাছে যদি  
কিছুই না থাকে, তবে চৌর্যবৃত্তির ক্ষতিপূরণের জন্য তাকে অবশ্যই  
বিক্রীত হতে হবে। ৪ চুরি যাওয়া পশুটিকে যদি তার সম্পত্তির মধ্যে  
জীবিত অবস্থায় পাওয়া যায়—তা সে বলদ বা গাধা বা মেষ যাই হোক  
না কেন—তাকে অবশ্যই দ্বিগুণ অর্থ ফিরিয়ে দিতে হবে। ৫ “কেউ  
যদি তার গৃহপালিত পশুপাল জমিতে বা দ্রাক্ষাক্ষেতে চরাতে নিয়ে  
যায় ও সেগুলি পথভ্রষ্ট হয়ে অন্য একজনের জমিতে চরাতে চলে যায়,  
তবে সেই অপরাধীকে অবশ্যই তার নিজস্ব জমি বা দ্রাক্ষাক্ষেতের  
সেরা ফলন দিয়ে ক্ষতিপূরণ করতে হবে। ৬ “যদি আগুন লেগে তা  
কাঁটাবোপে এমনভাবে ছড়িয়ে পড়ে যে তা কাঁচা বা পাকা শস্য অথবা  
সমগ্র ক্ষেতজমি পুড়িয়ে ছারখার করে দেয়, তবে যে প্রথমে সেই  
আগুন লাগিয়েছিল, তাকেই ক্ষতিপূরণ করতে হবে। ৭ “কেউ যদি তার  
প্রতিবেশীর কাছে রূপো বা সোনা গচ্ছিত রাখে এবং সেগুলি সেই  
প্রতিবেশীর বাড়ি থেকে চুরি হয়ে যায়, এবং চোর যদি ধরা পড়ে যায়,  
তবে তাকে অবশ্যই দ্বিগুণ ক্ষতিপূরণ দিতে হবে। ৮ কিন্তু সেই চোরকে  
যদি খুঁজে পাওয়া না যায়, তবে সেই বাড়ির মালিককে বিচারকদের  
সামনে দাঁড়াতে হবে, এবং তাঁদেরই স্থির করতে হবে সেই বাড়ির  
মালিক সেই অন্যজনের সম্পত্তিতে হস্তক্ষেপ করেছে, কি না। ৯ বলদ,  
গাধা, মেষ, পোশাকের, বা অন্য যে কোনো হারিয়ে যাওয়া সম্পত্তির  
বিষয়ে যদি কেউ বলে, ‘এটি আমার,’ সেগুলির অবৈধ দখলদারির সব

ক্ষেত্রে দুই পক্ষকেই তাদের মামলাগুলি বিচারকদের সামনে আনতে হবে। যাকে বিচারকেরা দোষী সাব্যস্ত করবেন, সেই অন্যজনকে দ্বিতীয় ক্ষতিপূরণ দেবে। 10 “যদি কেউ তার প্রতিবেশীর কাছে গাধা, বলদ, মেষ বা অন্য কোনো পশু গচ্ছিত রাখে এবং সেটি মারা যায় বা আহত হয় বা মানুষের অগোচরে চুরি হয়ে যায়, 11 তবে তাদের মধ্যে উৎপন্ন সমস্যাটির সমাধান হবে সদাপ্রভুর সামনে এই শপথ নেওয়ার মাধ্যমে, যে সেই প্রতিবেশী অন্যজনের সম্পত্তিতে হস্তক্ষেপ করেনি। মালিককে তা মেনে নিতে হবে, এবং কোনও ক্ষতিপূরণ দেওয়ার প্রয়োজন হবে না। 12 কিন্তু সেই পশুটি যদি সেই প্রতিবেশীর কাছ থেকে চুরি গিয়েছে, তবে তাকে মালিকের ক্ষতিপূরণ করতে হবে। 13 সেটি যদি কোনও বন্যপশু দ্বারা বিদীর্ণ হয়েছে, তবে সেই প্রতিবেশী প্রমাণস্বরূপ সেটির দেহাবশেষ আনবে এবং সেই বিদীর্ণ পশুটির জন্য কোনও ক্ষতিপূরণ দিতে হবে না। 14 “যদি কেউ তার প্রতিবেশীর কাছ থেকে কোনও পশু ধার নেয় এবং মালিকের অনুপস্থিতিতে সেটি আহত হয় বা মারা যায়, তবে তাকে অবশ্যই ক্ষতিপূরণ দিতে হবে। 15 কিন্তু মালিক যদি পশুটির সাথে থাকে, তবে তাকে ক্ষতিপূরণ দিতে হবে না। সেই পশুটি যদি ভাড়া নেওয়া হয়েছিল, তবে ভাড়াবাবদ দেওয়া অর্থেই ক্ষতিপূরণ হয়ে যাবে। 16 “যদি কোনও লোক, যার বাগদান হয়নি এমন এক কুমারীর সতীত্ব হরণ করে ও তার সাথে শোয়, তবে সে অবশ্যই কন্যাপণ দেবে এবং সেই কুমারী তার স্ত্রী হয়ে যাবে। 17 সেই কুমারীর বাবা যদি তাকে তার হাতে তুলে দিতে নিছক অস্বীকার করে, তা হলেও, তাকে কুমারীদের জন্য ধার্য কন্যাপণ দিতেই হবে। 18 “কোনও ডাকিনীকে বেঁচে থাকতে দিয়ো না। 19 “যে কেউ পশুর সঙ্গে যৌন সম্পর্ক স্থাপন করে তাকে মেরে ফেলতে হবে। 20 “যে কেউ সদাপ্রভু ছাড়া অন্য কোনো দেবতার কাছে বলি উৎসর্গ করে তাকে অবশ্যই ধ্বংস করে ফেলতে হবে। 21 “কোনও বিদেশির প্রতি মন্দ ব্যবহার বা জুলুম কোরো না, কারণ তোমরা মিশরে বিদেশিই ছিলে। 22 “বিধবা বা অনাথদের দুর্বলতার সুযোগ নিয়ো না। 23 তোমরা যদি তা করো ও তারা আমার কাছে কেঁদে ওঠে, তবে

আমি নিঃসন্দেহে তাদের কান্না শুনব। 24 আমার ক্রোধ জাগ্রত হবে,  
এবং আমি তরোয়াল দিয়ে তোমাদের হত্যা করব; তোমাদের স্ত্রীরা  
বিধবা হয়ে যাবে ও তোমাদের সন্তানেরা পিতৃহীন হবে। 25 “তুমি  
যদি তোমাদের মধ্যে বসবাসকারী আমার প্রজাদের মধ্যে অভাবগ্রস্ত  
কাটকে অর্থ ধার দাও, তবে তা এক ব্যবসায়িক চুক্তিরপে গণ্য কোরো  
না; সুন্দ ধার্য কোরো না। 26 তোমার প্রতিবেশীর আলখাল্লাটি যদি  
তুমি বন্ধকরণপে নিয়েছ, তবে সুর্যাস্তের আগেই তা ফিরিয়ে দিয়ো, 27  
কারণ সেই আলখাল্লাটিই তোমার প্রতিবেশীর কাছে থাকা একমাত্র  
আচ্ছাদন। তারা আর কীসে শোবে? তারা যখন আমার কাছে কেঁদে  
উঠবে, আমি তা শুনব; কারণ আমি করণাময়। 28 “ঈশ্বরনিন্দা কোরো  
না বা তোমাদের লোকজনের শাসককে অভিশাপ দিয়ো না। 29  
“তোমার শস্যাগারে বা তোমাদের ভাঁটিতে অর্ঘ্য আটকে রেখো না।  
“তোমার ছেলেদের মধ্যে প্রথমজাতকে আমার হাতে অবশ্যই তুলে  
দিতে হবে। 30 তোমার গবাদি পশুপালের ও তোমার মেষের ক্ষেত্রেও  
তুমি তাই কোরো। মায়েদের সাথে সেগুলি সাত দিন থাকুক, কিন্তু  
অষ্টম দিনে তুমি সেগুলি আমাকে দিয়ো। 31 “তোমাদের আমার পবিত্র  
প্রজা হতে হবে। অতএব বুনো পশুদের দ্বারা বিদীর্ণ কোনও পশুর  
মাংস খেয়ো না; কুকুরদের কাছে তা ছুঁড়ে ফেলে দিয়ো।

**23** “মিথ্যা গুজব ছাড়িয়ো না। এক বিদ্বেষপরায়ণ সাক্ষী হওয়ার দ্বারা  
কোনও দোষী লোককে সাহায্য কোরো না। 2 “অন্যায় করার ক্ষেত্রে  
জনসাধারণের অনুগামী হোয়ো না। কোনো মামলায় তুমি যখন সাক্ষ্য  
দাও, তখন জনসাধারণের পক্ষ নিয়ে ন্যায়বিচার বিকৃত কোরো না, 3  
এবং কোনো মামলায় কোনও দরিদ্র লোকের প্রতি পক্ষপাতিত্ব কোরো  
না। 4 “তোমার শক্তির বলদ অথবা গাধাকে যদি তুমি পথঅষ্ট হয়ে  
চরতে দেখো, তবে নিঃসন্দেহে সেটি ফিরিয়ে দেবে। 5 যে তোমাকে  
ঘৃণা করে, এমন কোনও লোকের গাধাকে যদি তুমি সেটির ভারের  
তলায় চাপা পড়তে দেখো, তবে সেটিকে সেখানে পড়ে থাকতে  
দিয়ো না; তুমি নিঃসন্দেহে সেটিকে ভারমুক্ত হতে সাহায্য করবে। 6  
“তোমাদের মধ্যবর্তী দরিদ্র লোকজনের মামলায় তাদের প্রতি যেন

ন্যায়বিচার অস্বীকার করা না হয়। 7 মিথ্যা দোষারোপ করা থেকে  
দূরে সরে থেকো এবং কোনও নির্দোষ বা সৎলোককে মৃত্যুর মুখে  
ঠেলে দিয়ো না, কারণ আমি সেই দোষীকে বেকসুর খালাস হতে দেব  
না। 8 “ঘুস নিয়ো না, কারণ যাদের দৃষ্টিশক্তি আছে, ঘুস তাদের  
অঙ্গ করে তোলে এবং নির্দোষ লোকদের কথা পরিবর্তন করে। 9  
“কোনও বিদেশির উপর জোরজুলুম কোরো না; তোমরা নিজেরাই  
জানো বিদেশি হয়ে থাকতে কেমন লাগে, কারণ তোমরাও মিশরে  
বিদেশিই হয়ে ছিলে। 10 “ছয় বছর ধরে তুমি তোমার জমিতে বীজ  
বুনবে এবং শস্য কাটবে, 11 কিন্তু সপ্তম বছরে সেই জমিটি অকর্ষিত ও  
অব্যবহৃত অবস্থায় পড়ে থাকতে দেবে। তখন তোমাদের লোকজনের  
মধ্যবর্তী দরিদ্র লোকেরা সেখান থেকে হয়তো খাদ্যশস্য পাবে, এবং  
যা অবশিষ্ট থেকে যাবে তা হয়তো বন্যপশুরা থেতে পারবে। তোমার  
দ্রাক্ষাক্ষেত্রে ও জলপাই বাগানের ক্ষেত্রেও তুমি তাই কোরো। 12 “ছয়  
দিন তুমি কাজ কোরো, কিন্তু সপ্তম দিন কাজ কোরো না; যেন তোমার  
বলদ ও গাধা বিশ্রাম নিতে পারে, এবং তোমার পরিবারে জন্মানো  
ক্রীতদাস ও তোমাদের মধ্যে বসবাসকারী বিদেশি যেন চাঙ্গা থাকতে  
পারে। 13 “আমি তোমাকে যা যা বলেছি সেসবকিছু করার ক্ষেত্রে  
সাবধান থেকো। অন্যান্য দেবতাদের নাম ধরে ডেকো না; তোমার  
মুখে যেন তাদের কথা শোনাও না যায়। 14 “বছরে তিনবার তোমাকে  
আমার উদ্দেশে উৎসব পালন করতে হবে। 15 “খামিরবিহীন রঞ্জির  
উৎসব উদ্যাপন কোরো; সাত দিন ধরে খামিরবিহীন রঞ্জি খেয়ো,  
যেমনটি আমি তোমাকে আদেশ দিয়েছি। আবীর মাসের নির্দিষ্ট সময়ে  
এরকমটি কোরো, কারণ সেই মাসেই তোমরা মিশর থেকে বেরিয়ে  
এসেছিলে। “কেউ যেন খালি হাতে আমার সামনে এসে না দাঁড়ায়।  
16 “তোমার জমিতে বোনা ফসলের প্রথম ফল দিয়ে শস্যচ্ছেদনের  
উৎসব উদ্যাপন কোরো। “বছর-শেষে, জমি থেকে যখন তুমি তোমার  
শস্য সংগ্রহ করবে, তখন শস্য সংগ্রহের উৎসব উদ্যাপন কোরো।  
17 “বছরে তিনবার সব পুরুষকে সার্বভৌম সদাপ্রভুর সামনে এসে  
দাঁড়াতে হবে। 18 “খামিরযুক্ত কোনো কিছু সমেত আমার উদ্দেশে

বলির রক্ত উৎসর্গ কোরো না। “আমার উৎসব-বলির মেদ যেন সকাল  
পর্যন্ত রেখে দেওয়া না হয়। 19 “তোমার জমির সেরা প্রথম ফলটি  
তোমার ঈশ্বর সদাপ্রভুর গৃহে নিয়ে এসো। “ছাগ-শিশুকে তার মায়ের  
দুধে রান্না কোরো না। 20 “দেখো, পথে তোমাকে রক্ষা করার জন্য ও  
যে স্থানটি আমি তৈরি করে রেখেছি, সেখানে তোমাকে পৌঁছে দেওয়ার  
জন্য আমি তোমার আগে আগে এক দৃত পাঠাচ্ছি। 21 তাঁর কথায়  
মনোযোগ দিয়ো এবং তিনি যা কিছু বলেন তা শুনো। তাঁর বিরহকে  
বিদ্রোহ কোরো না; তিনি তোমার বিদ্রোহ ক্ষমা করবেন না, যেহেতু  
তাঁর মধ্যে আমার নাম আছে। 22 তিনি যা বলেন তা যদি তুমি সংযতে  
শোনো এবং আমি যা কিছু বলি সেসব করো, তবে আমি তোমার  
শক্রদের শক্র হব ও যারা তোমার বিরোধিতা করে তাদের বিরোধিতা  
করব। 23 আমার দৃত তোমার আগে আগে যাবেন এবং ইমোরীয়,  
হিতীয়, পরিযীয়, কনানীয়, হিবীয়, ও যিবূয়ীয়দের দেশে তোমাকে  
নিয়ে আসবেন, এবং আমি তাদের নিশ্চিহ্ন করে ফেলব। 24 তাদের  
দেবতাদের সামনে মাথা নত কোরো না বা তাদের আরাধনা কোরো  
না অথবা তাদের রীতিনীতি পালন কোরো না। তোমরা অবশ্যই  
তাদের ধ্বংস করবে এবং তাদের পুণ্য পাথরগুলি ভেঙে টুকরো টুকরো  
করে দেবে। 25 তোমার ঈশ্বর সদাপ্রভুর আরাধনা কোরো, এবং  
তাঁর আশীর্বাদ তোমার খাদ্যে ও জলে বজায় থাকবে। তোমার মধ্যে  
থেকে আমি সব রোগব্যাধি দূর করে দেব, 26 এবং তোমার দেশে  
কারোর গর্ভপাত হবে না বা কেউ বন্ধ্যা থাকবে না। আমি তোমার  
আয়ুর পরিমাণ পূর্ণ করব। 27 “তোমার আগে আগে আমি আমার  
আতঙ্ক পাঠিয়ে দেব এবং যেসব জাতি তোমার সম্মুখীন হবে, তাদের  
প্রত্যেককে আমি বিশৃঙ্খল করে তুলব। তোমার সব শক্রকে আমি  
পিছু ফিরে পালাতে বাধ্য করব। 28 তোমার সামনে থেকে হিবীয়,  
কনানীয় ও হিতীয়দের তাড়িয়ে দেওয়ার জন্য আমি তোমার আগে  
আগে ভিমরূপ পাঠিয়ে দেব। 29 কিন্তু এক বছরের মধ্যেই আমি  
তাদের তাড়িয়ে দেব না, কারণ দেশটি জনশূন্য হয়ে যাবে এবং  
বন্যপশুরা তোমার পক্ষে অত্যধিক বহুসংখ্যক হয়ে যাবে। 30 তোমার

সামনে থেকে আমি তাদের একটু একটু করে তাড়িয়ে দেব, যতক্ষণ  
না পর্যন্ত তুমি সংখ্যায় যথেষ্ট পরিমাণে বেড়ে দেশের দখল নিতে  
পারছ। 31 “লোহিত সাগর থেকে ভূমধ্যসাগর পর্যন্ত, এবং মরুভূমি  
থেকে ইউফ্রেটিস নদী পর্যন্ত আমি তোমার সীমানা স্থাপন করব। যারা  
সেই দেশে বসবাস করে তাদের আমি তোমার হাতে তুলে দেব, এবং  
তোমার সামনে থেকে তুমি তাদের তাড়িয়ে দেবে। 32 তাদের সঙ্গে বা  
তাদের দেবতাদের সঙ্গে কোনও নিয়ম ছির কোরো না। 33 তোমার  
দেশে তাদের বসবাস করতে দিয়ো না, তা না হলে আমার বিরুদ্ধে  
তারা তোমাকে দিয়ে পাপ করবে, কারণ তাদের দেবতাদের আরাধনা  
নিঃসন্দেহে তোমার পক্ষে এক ফাঁদ হয়ে উঠবে।”

**24** পরে সদাপ্রভু মোশিকে বললেন, “তুমি ও হারোণ, নাদব, ও  
অবীহু, এবং ইস্রায়েলের সন্তরজন প্রাচীন, তোমরা সদাপ্রভুর কাছে  
উঠে এসো। তোমরা একটু দূরে থেকেই আরাধনা করবে, 2 কিন্তু  
মোশি একাই সদাপ্রভুর কাছে আসবে; অন্যেরা কাছাকাছি আসবে  
না। আর লোকদের কাছে গিয়ে সদাপ্রভুর সব কথা ও বিধি তাদের বলে  
শোনালেন, তখন তারা একস্বরে উত্তর দিল, “সদাপ্রভু যা যা বলেছেন,  
আমরা সেসবকিছু করব।” 4 মোশি তখন সদাপ্রভু যা যা বলেছিলেন  
সেসবকিছু লিখে রাখলেন। পরদিন ভোরবেলায় মোশি ঘুম থেকে  
উঠলেন ও সেই পর্বতের পাদদেশে এক যজ্ঞবেদি নির্মাণ করলেন  
এবং ইস্রায়েলের বারো গোষ্ঠীর প্রতিনিধিত্বমূলক পাথরের বারোটি স্তম্ভ  
খাড়া করলেন। 5 পরে তিনি ইস্রায়েলী যুবকদের পাঠালেন, এবং  
তারা হোমবলি উৎসর্গ করল ও মঙ্গলার্থক বলিরূপে সদাপ্রভুর উদ্দেশে  
ঁড়ে বাছুরগুলি উৎসর্গ করল। 6 মোশি অর্ধেক পরিমাণ রক্ত নিয়ে  
তা গামলাগুলিতে রাখলেন, এবং বাকি অর্ধেকটি তিনি যজ্ঞবেদির  
উপর ছিটিয়ে দিলেন। 7 পরে তিনি নিয়মের সেই গ্রন্থটি নিলেন এবং  
লোকদের কাছে তা পড়ে শোনালেন। তারা উত্তর দিল, “সদাপ্রভু যা যা  
বলেছেন আমরা সেসবকিছু করব; আমরা বাধ্য হব।” 8 মোশি তখন  
সেই রক্ত নিলেন, লোকদের উপর তা ছিটিয়ে দিলেন এবং বললেন,

“এ হল সেই নিয়মের রক্ত, যে নিয়মটি সদাপ্রভু এসব কথার আধারে  
তোমাদের সঙ্গে স্থির করেছেন।” 9 মোশি ও হারোগ, নাদব ও অবীহু  
এবং ইস্রায়েলের সেই সত্তরজন প্রাচীন উপরে উঠে গেলেন 10 এবং  
ইস্রায়েলের ঈশ্বরের দর্শন পেলেন। তাঁর পায়ের তলায় আকাশের  
মতো উজ্জ্বল নীল রংয়ের নীলকান্তমণি দিয়ে তৈরি শান-বাঁধান মেঝের  
মতো কিছু একটা ছিল। 11 কিন্তু ঈশ্বর ইস্রায়েলীদের এইসব নেতার  
বিরাঙ্গে তাঁর হাত ওঠাননি; তাঁরা ঈশ্বরের দর্শন পেলেন, এবং তাঁরা  
ভোজনপান করলেন। 12 সদাপ্রভু মোশিকে বললেন, “পর্বতে আমার  
কাছে উঠে এসো ও এখানে থাকো, এবং আমি তোমাকে সেই পাথরের  
ফলকগুলি দেব, যেগুলিতে আমি তাদের নির্দেশদানের উদ্দেশ্যে বিধি ও  
আদেশগুলি লিখে রেখেছি।” 13 তখন মোশি তাঁর সহায়ক যিহোশূয়কে  
সঙ্গে নিয়ে বেড়িয়ে পড়লেন, এবং মোশি ঈশ্বরের পর্বতে উঠে গেলেন।  
14 তিনি প্রাচীনদের বললেন, “যতক্ষণ না আমরা তোমাদের কাছে  
ফিরে আসছি, ততক্ষণ এখানে আমাদের জন্য অপেক্ষা করো। হারোগ  
ও হুর তোমাদের সঙ্গে আছেন, এবং যে কেউ কোনও বিবাদে জড়িয়ে  
পড়ে, সে তাদের কাছে যেতে পারে।” 15 মোশি যখন পর্বতের উপরে  
চলে গেলেন, তখন তা মেঘে ঢেকে গেল, 16 এবং সদাপ্রভুর গৌরব  
সীনয় পর্বতের উপর বসতি স্থাপন করল। ছয় দিন পর্বত মেঘে ঢাকা  
পড়ে গেল, এবং সপ্তম দিনে সদাপ্রভু মেঘের মধ্যে থেকে মোশিকে  
ডাক দিলেন। 17 ইস্রায়েলীদের কাছে সদাপ্রভুর গৌরব পর্বতচূড়ায়  
অবস্থিত গ্রাসকারী এক আগুনের মতো দেখাচ্ছিল। 18 পরে মোশি  
পর্বতে চড়তে চড়তে সেই মেঘে প্রবেশ করলেন। আর সেই পর্বতের  
উপর তিনি চল্লিশ দিন ও চল্লিশ রাত থেকে গেলেন।

**25** সদাপ্রভু মোশিকে বললেন, 2 “ইস্রায়েলীদের আমার কাছে এক  
নৈবেদ্য আনতে বলো। আমার জন্য তোমাকে সেই প্রত্যেকজনের  
কাছ থেকে নৈবেদ্য গ্রহণ করতে হবে যারা আন্তরিকভাবে দান দিতে  
ইচ্ছুক। 3 “এই নৈবেদ্যগুলি তোমাকে তাদের কাছ থেকে গ্রহণ  
করতে হবে: “সোনা, রংপো ও ব্রোঞ্জ; 4 নীল, বেগুনি, ও টকটকে  
লাল রংয়ের সুতো এবং মিহি মসিনা; ছাগলের লোম; 5 লাল রং করা

মেমের ছাল এবং অন্য এক ধরনের টেকসই চামড়া; বাবলা কাঠ;  
৬ আলোর জন্য জলপাই তেল; অভিষেক করার উপযোগী তেলের  
জন্য ও সুগন্ধি ধূপের জন্য মশলাপাতি; ৭ এবং এফোদ ও বুকপাটার  
উপরে বসানোর জন্য স্ফটিকমণি ও অন্যান্য মণিরত্ন। ৮ “পরে আমার  
জন্য এক পবিত্রস্থান তৈরি করতে তাদের দিয়ো, এবং আমি তাদের  
মধ্যে বসবাস করব। ৯ আমি তোমাদের যে নমুনাটি দেখিয়ে দেব ঠিক  
সেই অনুসারেই এই সমাগম তাঁবু ও সেটির সব আসবাবপত্র তৈরি  
কোরো। ১০ “প্রায় ১.১ মিটার লম্বা এবং ৬৮ সেন্টিমিটার করে চওড়া  
ও উঁচু বাবলা কাঠের একটি সিন্দুর তাদের তৈরি করতে দিয়ো। ১১  
ভিতরে ও বাইরে, দুই দিকেই এটি খাঁটি সোনা দিয়ে মুড়ে দিয়ো,  
এবং এটির চারপাশে সোনার এক ছাঁচ তৈরি কোরো। ১২ এটির জন্য  
সোনার চারটি কড়া ঢালাই কোরো এবং সেগুলি এটির চারটি পায়াতে  
আটকে দিয়ো, দুটি কড়া একদিকে ও দুটি কড়া অন্যদিকে। ১৩  
পরে বাবলা কাঠের খুঁটিগুলি তৈরি কোরো এবং সেগুলি সোনা দিয়ে  
মুড়ে দিয়ো। ১৪ সিন্দুরটি বহন করার জন্য সেটির দুই পাশে থাকা  
কড়াগুলিতে সেই খুঁটিগুলি ঢুকিয়ে দিয়ো। ১৫ এই সিন্দুরের কড়ার  
মধ্যে যেন সেই খুঁটিগুলি থাকে; সেগুলি সরানো যাবে না। ১৬ পরে  
সেই সিন্দুরটিতে বিধিনিয়মের সেই ফলকগুলি রেখো, যেগুলি আমি  
তোমাদের দেব। ১৭ “খাঁটি সোনা দিয়ে প্রায় ১.১ মিটার লম্বা এবং ৬৮  
সেন্টিমিটার চওড়া একটি প্রায়শিত্ত-আচ্ছাদন তৈরি কোরো। ১৮ আর  
সেই আচ্ছাদনের শেষ প্রান্তের দিকে পিটানো সোনা দিয়ে দুটি করব  
তৈরি কোরো। ১৯ একটি করব এক প্রান্তে এবং দ্বিতীয়টি অন্য প্রান্তে  
তৈরি কোরো; দুই প্রান্তেই আবরণসহ একটি করে করব তৈরি কোরো।  
২০ করবেরা তাদের ডানা উপর দিকে ছড়িয়ে রেখে, সেই আবরণটির  
উপরে নিজেদের দেহ দিয়ে ছায়া ফেলবে। করবেরা পরম্পরার দিকে  
মুখ করে, সেই আবরণের দিকে তাকিয়ে থাকবে। ২১ আবরণটি  
সিন্দুরের চূড়ায় রাখবে এবং সিন্দুরে সেই বিধিনিয়মের ফলকগুলি  
রাখবে, যেগুলি আমি তোমাদের দেব। ২২ সেখানে, সেই দুই করবের  
মাঝখানে বিধিনিয়মের সিন্দুরের উপরে রাখা সেই আবরণের উপরেই

আমি তোমার সঙ্গে দেখা করব ও ইস্রায়েলীদের জন্য তোমাকে আমার  
সমস্ত আজ্ঞা দেব। 23 “বাবলা কাঠ দিয়ে প্রায় 90 সেন্টিমিটার লম্বা,  
45 সেন্টিমিটার চওড়া ও 68 সেন্টিমিটার উঁচু একটি টেবিল তৈরি  
কোরো। 24 খাঁটি সোনা দিয়ে সেটি মুড়ে দিয়ো এবং সেটির চারপাশে  
সোনার এক ছাঁচ তৈরি কোরো। 25 এছাড়াও সেটির চারপাশে প্রায়  
7.5 সেন্টিমিটার চওড়া চক্রবেড় তৈরি করে সেই চক্রবেড়ের উপর  
সোনার এক ছাঁচ রেখো। 26 টেবিলের জন্য সোনার চারটি কড়া তৈরি  
কোরো ও যেখানে সেই চারটি পায়া আছে, সেই চার প্রান্তে সেগুলি  
বেঁধে দিয়ো। 27 কড়াগুলি যেন সেই চক্রবেড়গুলির কাছাকাছি থাকে ও  
সেই টেবিলটি বহন করার উপযোগী খুঁটিগুলি যেন সেগুলি ধরে রাখতে  
পারে। 28 বাবলা কাঠ দিয়ে খুঁটিগুলি তৈরি কোরো, সেগুলি সোনা  
দিয়ে মুড়ে দিয়ো এবং সেগুলির সাথে সাথে টেবিলটি বহন কোরো।  
29 আর খাঁটি সোনা দিয়ে এটির থালা ও বাসন, এছাড়াও নৈবেদ্য ঢেলে  
দেওয়ার জন্য এটির কলশি ও গামলাও তৈরি কোরো। 30 সবসময়  
আমার সামনে রাখার জন্য এই টেবিলে দর্শন-রঞ্জিত সাজিয়ে রেখো। 31  
“খাঁটি সোনার এক দীপাধার তৈরি কোরো। এটির ভিত ও দণ্ড পিটিয়ে  
নিতে হবে, এবং সেগুলির সাথে সাথে এতে একই টুকরো দিয়ে  
ফুলের মতো দেখতে পানপাত্র, কুঁড়ি ও মুকুলগুলি ও তৈরি কোরো। 32  
সেই দীপাধারের পাশ থেকে ছয়টি শাখা বেরিয়ে আসবে—একদিকে  
তিনটি এবং অন্যদিকে তিনটি। 33 একটি শাখায় কুঁড়ি ও মুকুল সহ  
কাগজি বাদামের আকৃতিবিশিষ্ট তিনটি পানপাত্র থাকবে, পরবর্তী  
শাখাতে তিনটি, এবং সেই দীপাধার থেকে বেরিয়ে আসা ছয়টি শাখার  
সবকটিতে একইরকম হবে। 34 আর সেই দীপাধারে কুঁড়ি ও মুকুল  
সহ কাগজি বাদামফুলের মতো আকৃতিবিশিষ্ট চারটি পানপাত্র থাকবে।  
35 সেই দীপাধার থেকে বেরিয়ে আসা মোট ছয়টি শাখার মধ্যে প্রথম  
জোড়া শাখার নিচে একটি কুঁড়ি থাকবে, দ্বিতীয় জোড়া শাখার নিচে  
তৃতীয় একটি কুঁড়ি থাকবে, এবং তৃতীয় জোড়ার নিচে তৃতীয় একটি  
কুঁড়ি থাকবে। 36 সেই দীপাধারের সাথে একই টুকরো দিয়ে সেই কুঁড়ি  
ও শাখাগুলি ও পিটানো খাঁটি সোনা দিয়ে তৈরি করতে হবে। 37 “পরে

এর সাতটি প্রদীপ তৈরি কোরো ও সেগুলি সেটির উপর এমনভাবে  
সাজিয়ে রেখো যেন সেগুলি সেটির সামনের দিকের প্রাঙ্গণে আলো  
ফেলে। 38 এর পলতে ছাঁটার যন্ত্র ও বারকোশগুলি ও খাঁটি সোনার  
হবে। 39 দীপাধার ও এইসব আনুষঙ্গিক উপকরণের জন্য এক তালন্ত  
খাঁটি সোনা ব্যবহার করতে হবে। 40 দেখো, পর্বতের উপরে তোমাকে  
যে নকশা দেখানো হয়েছিল, সেই অনুযায়ী সরবরিচ্ছু নির্মাণ কোরো।

**26** “একজন দক্ষ কারিগরকে দিয়ে মিহি পাকান মসিনা ও নীল,  
বেগুনি ও টকটকে লাল রংয়ের সুতোয় তৈরি দশটি পর্দায় করবদের  
নকশা ফুটিয়ে তুলে সমাগম তাঁবুটি তৈরি কোরো। 2 সব পর্দা একই  
মাপের—13 মিটার লম্বা ও 1.8 মিটার চওড়া হবে। 3 পাঁচটি পর্দা  
একসঙ্গে জুড়ে দিয়ো, এবং অন্য পাঁচটির ক্ষেত্রেও একই কাজ কোরো।  
4 এক পাটি পর্দায় এক প্রান্ত থেকে আর এক প্রান্ত পর্যন্ত কিনারা ধরে  
ধরে নীল কাপড়ের ফাঁস তৈরি কোরো, এবং অন্য পাটি পর্দাতেও এক  
প্রান্ত থেকে আর এক প্রান্ত পর্যন্ত একই কাজ কোরো। 5 একটি পর্দায়  
পঞ্চাশটি ফাঁস তৈরি কোরো এবং অন্য পাটি পর্দাতেও কিনারা ধরে  
ধরে পঞ্চাশটি ফাঁস তৈরি কোরো, যেন ফাঁসগুলি পরম্পরার বিপরীত  
দিকে থাকে। 6 পরে সোনার পঞ্চাশটি আঁকড়া তৈরি কোরো এবং  
পর্দাগুলি একসঙ্গে সংলগ্ন করে রাখার জন্য সেগুলি ব্যবহার কোরো,  
যেন এক এককরণে সমাগম তাঁবুটি অক্ষুণ্ণ থাকে। 7 “সমাগম তাঁবুটি  
চেকে রাখার জন্য ছাগ-লোমের পর্দা তৈরি কোরো—মোট এগারোটি।  
8 এগারোটি পর্দার সবগুলিই একই মাপের হবে—13.5 মিটার লম্বা ও  
1.8 মিটার চওড়া। 9 পাঁচটি পর্দা একসঙ্গে এক পাটিতে জুড়ে দিয়ো,  
এবং অন্য ছয়টি অন্য পাটিতে জুড়ে দিয়ো। ষষ্ঠ পর্দাটি দুই ভাঁজ করে  
তাঁবুর সামনের দিকে রেখে দিয়ো। 10 এক পাটি পর্দায় এক প্রান্ত  
থেকে আর এক প্রান্ত পর্যন্ত কিনারা ধরে ধরে পঞ্চাশটি ফাঁস তৈরি  
কোরো এবং অন্য পাটি পর্দাতেও এক প্রান্ত থেকে আর এক প্রান্ত  
পর্যন্ত তা কোরো। 11 পরে ব্রোঞ্জের পঞ্চাশটি আঁকড়া তৈরি কোরো  
এবং এক এককরণে একসঙ্গে তাঁবুটি বেঁধে রাখার জন্য সেগুলি  
ফাঁসগুলির মধ্যে আটকে দিয়ো। 12 তাঁবুর পর্দাগুলির বাড়তি দৈর্ঘ্যের

ক্ষেত্রে, যে অর্ধেক পর্দাটি বাড়তি থেকে যাবে, সেটি সমাগম তাঁবুর পিছন দিকে ঝুলিয়ে দিতে হবে। 13 তাঁবুর পর্দাগুলি দুই দিকেই 45 সেন্টিমিটার করে বেশি লম্বা হবে; যেটুকু বাড়তি থাকবে তা সমাগম তাঁবুটি ঢেকে রাখার জন্য তাঁবুর এপাশে ওপাশে ঝুলতে থাকবে। 14 তাঁবু ঢেকে রাখার জন্য মেঘের চামড়া লাল রং করে, তা দিয়ে একটি আচ্ছাদন তৈরি কোরো, এবং সেটির উপর অন্য এক টেকসই চামড়া দিয়ে আরও একটি আচ্ছাদন তৈরি কোরো। 15 “সমাগম তাঁবুর জন্য বাবলা কাঠ দিয়ে খাড়া কাঠামো তৈরি কোরো। 16 প্রত্যেকটি কাঠামো 4.5 মিটার করে লম্বা ও 68 সেন্টিমিটার করে চওড়া হবে, 17 এবং কাঠামোর বেরিয়ে থাকা অংশ দুটি পরম্পরের সমান্তরাল করে বসাতে হবে। এভাবেই সমাগম তাঁবুর সব কাঠামো তৈরি কোরো। 18 সমাগম তাঁবুর দক্ষিণ দিকের জন্য কুড়িটি কাঠামো তৈরি কোরো 19 এবং সেগুলির তলায় লাগানোর জন্য রূপোর চালিশটি ভিত তৈরি কোরো—প্রত্যেকটি কাঠামোর জন্য দুটি করে ভিত, এক-একটি অভিক্ষেপের তলায় একটি করে। 20 অন্য দিকের জন্য, সমাগম তাঁবুর উত্তর দিকের জন্য, কুড়িটি কাঠামো 21 এবং প্রত্যেকটি কাঠামোর তলায় দুটি করে ভিত লাগানোর জন্য চালিশটি রূপোর ভিত তৈরি কোরো। 22 দূরবর্তী প্রান্তের জন্য, অর্থাৎ, সমাগম তাঁবুর পশ্চিম প্রান্তের জন্য ছয়টি কাঠামো তৈরি কোরো, 23 এবং দূরবর্তী প্রান্তে কোণার জন্য দুটি কাঠামো তৈরি কোরো। 24 এই দুটি কোণায় সেগুলি যেন অবশ্যই নিচ থেকে একদম চূড়া পর্যন্ত দ্বিগুণ মাপের হয় এবং একটিই বলয়ে লাগানো থাকে; দুটিই একইরকম হবে। 25 অতএব সেখানে আটটি কাঠামো ও প্রত্যেকটি কাঠামোর তলায় দুটি করে—মোট যোলোটি রূপোর ভিত থাকবে। 26 “এছাড়াও বাবলা কাঠ দিয়ে অর্গল তৈরি কোরো: সমাগম তাঁবুর একদিকের কাঠামোগুলির জন্য পাঁচটি, 27 অন্য দিকের কাঠামোগুলির জন্য পাঁচটি, এবং সমাগম তাঁবুর শেষ প্রান্তে, পশ্চিমদিকের কাঠামোগুলির জন্য পাঁচটি। 28 মাঝখানের অর্গলটি কাঠামোগুলির মাঝখানে এক প্রান্ত থেকে অন্য প্রান্ত পর্যন্ত বিস্তৃত থাকবে। 29 কাঠামোগুলি সোনা দিয়ে মুড়ে দিয়ো

এবং অর্গলগুলি ধরে রাখার জন্য সোনার আংটা তৈরি কোরো। আর অর্গলগুলি সোনা দিয়ে মুড়ে দিয়ো। 30 “পর্বতের উপরে তোমার কাছে যেমনটি প্রদর্শিত হল, ঠিক সেই পরিকল্পনা অনুসারেই সমাগম তাঁবুটি প্রতিষ্ঠিত কোরো। 31 ‘নীল, বেগুনি ও টকটকে লাল রংয়ের সুতো ও মিহি পাকান মসিনা দিয়ে একটি পর্দা তৈরি কোরো, এবং দক্ষ কারিগর দিয়ে তাতে করবদের নকশা ফুটিয়ে তোলো। 32 সোনা দিয়ে মোড়া এবং রংপোর চারটি ভিত্তের উপর দাঁড়ান বাবলা কাঠের চারটি খুঁটির উপরে এটি সোনার আঁকড়া দিয়ে ঝুলিয়ে দিয়ো। 33 পর্দাটি আঁকড়া থেকে নিচে ঝুলিয়ে দিয়ো এবং বিধিনিয়মের সিন্দুকটি পর্দার পিছন দিকে রেখে দিয়ো। পর্দাটিই পবিত্র স্থানটিকে মহাপবিত্র স্থান থেকে পৃথক করবে। 34 মহাপবিত্র স্থানে, বিধিনিয়মের সিন্দুকটির উপরে প্রায়শিক্ত-আবরণটি রেখে দিয়ো। 35 সমাগম তাঁবুর উত্তর দিকে পর্দার বাইরে টেবিলটি রেখে দিয়ো এবং সেটির বিপরীতে দক্ষিণ দিকে দীপাধারটি রেখে দিয়ো। 36 “তাঁবুর প্রবেশদ্বারের জন্য নীল, বেগুনি, টকটকে লাল রংয়ের সুতো এবং মিহি পাকান মসিনা দিয়ে একটি পর্দা তৈরি কোরো—যা হবে একজন সূচিশিল্পীর হস্তকলা। 37 এই পর্দাটির জন্য সোনার আঁকড়া এবং সোনায় মোড়া বাবলা কাঠের পাঁচটি খুঁটি পাঁচটি তৈরি কোরো। আর এগুলির জন্য ব্রোঞ্জের পাঁচটি ভিত ঢালাই করে দিয়ো।

**27** “বাবলা কাঠ দিয়ে 1.4 মিটার উঁচু একটি বেদি নির্মাণ কোরো; এটি যেন 2.3 মিটার লম্বা ও 2.3 মিটার চওড়া বর্গাকার হয়। 2 চার কোণার প্রত্যেকটিতে একটি করে, চারটি শিং তৈরি কোরো, যেন সেই শিংগুলি বেদির সাথে অখণ্ড হয়, এবং বেদিটি ব্রোঞ্জ দিয়ে মুড়ে দিয়ো। 3 এটির সব বাসনপত্র—ছাই ফেলার হাঁড়ি, ও বেলচা, ছিটানোর গামলা, মাংস তোলার কাঁটাচামচ এবং আঙ্গনে সেঁকার চাটু, সবই ব্রোঞ্জ দিয়ে তৈরি কোরো। 4 এটির জন্য একটি জাফরি, ব্রোঞ্জের পরম্পরাচ্ছেদী একটি জাল তৈরি কোরো, এবং সেই জালের চার কোণার প্রত্যেকটিতে একটি করে ব্রোঞ্জের আংটা তৈরি কোরো। 5 এটি বেদির তাকের নিচে রেখে দিয়ো যেন এটি বেদির অর্ধেক উচ্চতায় অবস্থিত

থাকে। 6 বেদির জন্য বাবলা কাঠের খুঁটি তৈরি কোরো এবং সেগুলি  
ৰোঞ্জ দিয়ে মুড়ে দিয়ো। 7 খুঁটিগুলিকে আংটাগুলির মাঝে মাঝে ঢুকিয়ে  
দিতে হবে যেন বেদিটি বহন করার সময় সেগুলি বেদির দুই পাশে  
থাকে। 8 তঙ্গা দিয়ে, বেদিটি ফাঁপা করে তৈরি কোরো। এটি ঠিক  
সেভাবেই তৈরি করতে হবে যেমনটি পর্বতের উপরে তোমার কাছে  
প্রদর্শিত হয়েছিল। 9 “সমাগম তাঁবুর জন্য একটি প্রাঙ্গণ তৈরি কোরো।  
দক্ষিণ দিকটি 45 মিটার লম্বা হবে এবং সেখানে মিহি পাকান মসিনা  
দিয়ে তৈরি পর্দা থাকবে, 10 এবং কুড়িটি খুঁটি ও ৰোঞ্জের কুড়িটি ভিত  
তথা খুঁটিগুলির উপরে রংপোর আঁকড়া ও শেকলও থাকবে। 11 উত্তর  
দিকটিও 45 মিটার লম্বা হবে এবং সেখানে পর্দা, তথা কুড়িটি খুঁটি ও  
ৰোঞ্জের কুড়িটি ভিত এবং খুঁটিগুলির উপরে রংপোর আঁকড়া ও শিকল  
থাকবে। 12 “প্রাঙ্গণের পশ্চিমপ্রান্তটি 23 মিটার চওড়া হবে, এবং  
সেখানে পর্দা, তথা দশটি খুঁটি ও দশটি ভিত থাকবে। 13 সূর্যোদয়ের  
দিকে, পূর্বপ্রান্তেও, প্রাঙ্গণটি 23 মিটার চওড়া হবে। 14 6.8 মিটার  
লম্বা পর্দাগুলি প্রবেশদ্বারের একদিকে থাকবে, ও সাথে থাকবে তিনটি  
খুঁটি ও তিনটি ভিত, 15 এবং 6.8 মিটার লম্বা পর্দাগুলি অন্যদিকে  
থাকবে, ও সাথে থাকবে তিনটি খুঁটি ও তিনটি ভিত। 16 “প্রাঙ্গণের  
প্রবেশদ্বারের জন্য, নীল, বেগুনি এবং টকটকে লাল রংয়ের সুতো এবং  
মিহি পাকান মসিনা দিয়ে তৈরি 9 মিটার লম্বা একটি পর্দার জোগান  
দিয়ো—তা হবে এক সূচিশিল্পীর হস্তকলা—সাথে চারটি খুঁটি ও চারটি  
ভিতও দিয়ো। 17 প্রাঙ্গণের চারপাশের সব খুঁটির শিকল ও আঁকড়াগুলি  
রংপোর এবং ভিতগুলি ৰোঞ্জের হবে। 18 প্রাঙ্গণটি হবে 45 মিটার  
লম্বা ও 23 মিটার চওড়া, এবং পর্দাগুলি মিহি পাকান মসিনা দিয়ে  
তৈরি 2.3 মিটার উচ্চতাবিশিষ্ট হবে, এবং সাথে ৰোঞ্জের ভিতগুলিও  
থাকবে। 19 সমাগম তাঁবুর সেবাকাজে ব্যবহৃত অন্য সব জিনিসপত্র,  
তা তাদের কাজ যাই হোক না কেন, সাথে সাথে সেটির এবং প্রাঙ্গণের  
সব তাঁবু-খুঁটা, ৰোঞ্জের হবে। 20 “আলোর জন্য নিংড়ে নেওয়া স্বচ্ছ  
জলপাই তেল তোমার কাছে নিয়ে আসার জন্য ইস্রায়েলীদের আদেশ  
দাও যেন প্রদীপগুলি সবসময় জ্বলতেই থাকে। 21 সমাগম তাঁবুর

তিতরে, যে পর্দাটি বিধিনিয়মের সিন্দুকটি আড়াল করে রাখে, সেটির বাইরের দিকে, হারোণ ও তার ছেলেরা সন্ধ্যা থেকে সকাল পর্যন্ত সদাপ্রভুর সামনে প্রদীপগুলি জ্বালিয়ে রাখবে। আগামী বৎসরম্পরায় ইস্রায়েলীদের মধ্যে এটি একটি চিরস্থায়ী বিধিনিয়ম হয়েই থাকবে।

**28** “ইস্রায়েলীদের মধ্যে থেকে তোমার দাদা হারোণকে এবং তার ছেলে নাদব ও অবীহু, ইলীয়াসর ও ঈথামরকে তোমার কাছে ডেকে আনো, যেন তারা যাজকরূপে আমার সেবা করতে পারে। 2 তোমার দাদা হারোণকে মর্যাদা ও সম্মান দিতে তার জন্য পবিত্র পোশাক তৈরি কোরো। 3 যাদের আমি এই বিষয়ে প্রজ্ঞা দিয়েছি, সেইসব দক্ষ কারিগরকে বোলো, তারা যেন হারোণের জন্য, তার অভিষেকের জন্য পোশাক তৈরি করে, সে যেন যাজকরূপে আমার সেবা করতে পারে। 4 এইসব পোশাক-পরিচ্ছদ তারা তৈরি করবে: একটি বুকপাটা, একটি এফোদ, একটি আলখাল্লা, হাতে বোনা একটি নিমা, একটি পাগড়ি ও একটি উত্তরীয়। তোমার দাদা হারোণ ও তার ছেলেদের জন্য তাদের এইসব পবিত্র পোশাক-পরিচ্ছদ তৈরি করতে হবে, যেন তারা যাজকরূপে আমার সেবা করতে পারে। 5 তাদের সোনা, ও নীল, বেগুনি ও টকটকে লাল রংয়ের সুতো এবং মিহি মসিনা ব্যবহার করতে দিয়ো। 6 “সোনা, এবং নীল, বেগুনি ও টকটকে লাল রংয়ের সুতো এবং মিহি পাকান মসিনা দিয়ে এফোদটি তৈরি কোরো—যা দক্ষ হস্তকলা হবে। 7 এতে কোণাগুলির সাথে যুক্ত দুটি কাঁধ-পাটি থাকবে, যেন এফোদটি বেঁধে রাখা যায়। 8 দক্ষতার সাথে বোনা এটির কোমরবন্ধটিও এরই মতো হবে—এটি এফোদের সাথেই জুড়ে থাকা একই ভাগ হবে এবং সোনা, ও নীল, বেগুনি ও টকটকে লাল রংয়ের সুতো এবং মিহি পাকান মসিনা দিয়ে তৈরি করা হবে। 9 “তুমি দুটি শ্ফটিকমণি নাও এবং সেগুলির উপর ইস্রায়েলের ছেলেদের নাম খোদাই করে দাও। 10 তাদের জন্মের ক্রমানুসারে—একটি মণিতে ছয়টি নাম এবং অন্যটিতে বাকি ছয়টি নাম খোদাই করো। 11 যেভাবে একজন রত্নশিল্পী একটি সিলমোহর খোদাই করে, সেভাবেই সেই মণি দুটিতে ইস্রায়েলের ছেলেদের নামগুলি খোদাই করে দিয়ো। পরে

মণিগুলি সোনার তারের সূক্ষ্ম কারুকার্য করা বালরে চড়িয়ে দিয়ো 12  
এবং ইস্রায়েলের ছেলেদের জন্য স্মরণার্থক মণিরপে সেগুলি সেই  
এফোদের কাঁধ-পটিগুলিতে বেঁধে দিয়ো। সদাপ্রভুর সামনে এক  
স্মারকরূপে হারোণ তার কাঁধে সেই নামগুলি বহন করবে। 13 সোনার  
তারের সূক্ষ্ম কারুকার্য করা বালর 14 এবং খাঁটি সোনা দিয়ে দড়ির  
মতো দেখতে দুটি পাতা-কাটা শিকল তৈরি কোরো, ও সেই শিকলটি  
বালরে জুড়ে দিয়ো। 15 “সিদ্ধান্ত নেওয়ার জন্য একটি বুকপাটা গড়ে  
দিয়ো—যা হবে দক্ষ হস্তকলা। এটিকে এফোদের মতো করেই:  
সোনা, ও নীল, বেগুনি ও টকটকে লাল রংয়ের সুতো এবং মিহি  
পাকান মসিনা দিয়ে তৈরি কোরো। 16 এটি বর্গাকার, 23 সেন্টিমিটার  
লম্বা ও চওড়া হবে এবং তা দুই ভাঁজ করে রাখতে হবে। 17 পরে  
এটির উপর মূল্যবান মণিরত্বের চারটি সারি চড়িয়ে দিয়ো। প্রথম  
সারিতে থাকবে চুণী, গোমেদ ও পান্না; 18 দ্বিতীয় সারিতে থাকবে  
ফিরোজা, নীলা ও পান্না; 19 তৃতীয় সারিতে থাকবে নীলকান্তমণি,  
অকীক ও নীলা; 20 চতুর্থ সারিতে থাকবে পোখরাজ, স্ফটিকমণি  
ও সূর্যকান্তমণি। এগুলি সোনার তারের সূক্ষ্ম কারুকার্য করা বালরে  
চড়িয়ে দিয়ো। 21 ইস্রায়েলের ছেলেদের এক একজনের নামের  
জন্য বারোটি মণি থাকবে, প্রত্যেকটি মণির উপরে বারোটি গোষ্ঠীর  
মধ্যে এক এক গোষ্ঠীর নাম এক সিলমোহরের মতো খোদাই করে  
দিয়ো। 22 “বুকপাটার জন্য খাঁটি সোনা দিয়ে দড়ির মতো পাতা-  
কাটা শিকল তৈরি কোরো। 23 এটির জন্য সোনার দুটি আংটা তৈরি  
করে সেগুলি সেই বুকপাটার দুই কোনায় বেঁধে দিয়ো। 24 সেই  
বুকপাটার কোনায় থাকা আংটাগুলিতে সোনার সেই শিকল দুটি বেঁধে  
দিয়ো, 25 এবং সেই শিকলগুলির অন্য প্রান্তগুলি সেই দুটি বালরে  
বেঁধে দিয়ে এফোদের সামনের দিকের কাঁধ-পটিতে জুড়ে দিয়ো।  
26 সোনার দুটি আংটা তৈরি করে সেগুলি এফোদের পাশে থাকা  
ভিতরদিকের বুকপাটার অন্য দুই কোনায় জুড়ে দিয়ো। 27 সোনার  
আরও দুটি আংটা তৈরি করে সেগুলি এফোদের সামনের দিকের  
কাঁধ-পটির তলায়, এফোদের কোমরবন্দের ঠিক উপরে, দুই প্রান্তের

জোড়ের কাছে জোড়া দিয়ে দিয়ো। 28 বুকপাটার আংটাগুলিকে  
কোমরবন্ধের সাথে যুক্ত করে নীল দড়ি দিয়ে এফোদের আংটাগুলির  
সাথে এমনভাবে বেঁধে দিতে হবে, যেন বুকপাটাটি দোল খেয়ে  
এফোদ থেকে সরে না যায়। 29 “হারোণ যখনই পবিত্রস্থানে প্রবেশ  
করবে, সদাপ্রভুর সামনে চিরস্থায়ী এক স্মারকরূপে সিদ্ধান্তের সেই  
বুকপাটায় সে তার হৃদয়ের উপরে ইস্রায়েলের ছেলেদের নামগুলি  
বহন করবে। 30 এছাড়াও সেই বুকপাটায় উরীম ও তুম্মীম রেখো,  
যেন হারোণ যখনই সদাপ্রভুর উপস্থিতিতে প্রবেশ করে, সেগুলি তার  
হৃদয়ের উপরেই থেকে যায়। এইভাবে হারোণ সবসময় সদাপ্রভুর  
সামনে ইস্রায়েলীদের জন্য সিদ্ধান্ত গ্রহণের সাধন তার বুকের উপরে  
বয়ে বেড়াবে। 31 “এফোদের আলখাল্লাটি আগাগোড়াই নীল কাপড়  
দিয়ে তৈরি করে, 32 মাথা ঢোকানোর জন্য মাঝাখানে একটি ফাঁক  
রেখো। এই ফাঁকের চারপাশে গলাবন্ধের মতো হাতে বোনা একটি  
ধারি থাকবে, যেন এটি ছিঁড়ে না যায়। 33 সেই আলখাল্লার আঁচলের  
চারপাশে নীল, বেগুনি ও টকটকে লাল রংয়ের সুতো দিয়ে ডালিম  
তৈরি করে, সেগুলির মাঝে মাঝে সোনার ঘণ্টা ঝুলিয়ে দিয়ো। 34  
সোনার ঘণ্টা ও ডালিমগুলি আলখাল্লার আঁচলের চারপাশে পর্যায়ক্রমে  
বসানো থাকবে। 35 পরিচর্যা করার সময় হারোণকে অবশ্যই এটি পরে  
থাকতে হবে। সে যখন পবিত্রস্থানে সদাপ্রভুর সামনে প্রবেশ করবে  
এবং যখন সে বাইরে বেরিয়ে আসবে, তখন সেই ঘণ্টার শব্দ শোনা  
যাবে, যেন সে মারা না যায়। 36 “খাঁটি সোনা দিয়ে একটি ফলক তৈরি  
করে তাতে সিলমোহরের মতো করে খোদাই করে দিয়ো: সদাপ্রভুর  
উদ্দেশে পবিত্র। 37 এটিকে পাগড়ির সাথে জুড়ে রাখার জন্য এতে  
একটি নীল সুতো বেঁধে দিয়ো; এটি পাগড়ির সামনের দিকে থাকবে।  
38 এটি হারোণের কপালের উপরে থাকবে, এবং সে ইস্রায়েলীদের  
উৎসর্গ করা পবিত্র নৈবেদ্যগুলির সাথে যুক্ত অপরাধ বহন করবে,  
তাদের নৈবেদ্যগুলি যাই হোক না কেন। অবিচ্ছিন্নভাবে এটি হারোণের  
কপালে থাকবে যেন তারা সদাপ্রভুর কাছে গ্রাহ্য হয়। 39 ‘মিহি মসিনা  
দিয়ে নিমা বুনো এবং পাগড়িও তৈরি কোরো। উন্নরীয়টি হবে দক্ষ

এক সূচিশিল্পীর হস্তকলা। 40 হারোনের ছেলেদের মর্যাদা ও সম্মান দিতে তাদের জন্য নিমা, উত্তরীয় ও টুপি তৈরি কোরো। 41 তোমার দাদা হারোণ ও তার ছেলেদের এইসব পোশাক পরিয়ে দেওয়ার পর তুমি তাদের অভিষিক্ত ও নিযুক্ত কোরো। তাদের পবিত্র কোরো যেন তারা যাজকরূপে আমার সেবা করতে পারে। 42 “শরীর ঢেকে রাখার জন্য মসিনা দিয়ে অন্তর্বাস তৈরি কোরো, যা কোমর থেকে উরু পর্যন্ত বিস্তৃত থাকবে। 43 হারোণ ও তার ছেলেরা যখনই সমাগম তাঁবুতে প্রবেশ করবে বা পবিত্রস্থানে পরিচর্যা করার জন্য বেদির নিকটবর্তী হবে, তখনই তাদের সেগুলি পরতে হবে, যেন তারা অপরাধের ভাগী হয়ে মারা না যায়। “হারোণ ও তার বংশধরদের জন্য এটি চিরস্থায়ী এক বিধি হবে।

**29** “তারা যেন যাজকরূপে আমার সেবা করতে পারে, সেজন্য তাদের পবিত্র করার ক্ষেত্রে তোমাকে এরকম করতে হবে: নিখুঁত একটি এঁড়ে বাচুর ও দুটি মেষ নিও। 2 আর গমের মিহি আটায় জলপাই তেল মিশ্রিত করে খামিরবিহীন গোলাকার রংটি, খামিরবিহীন মোটা মোটা রংটি এবং জলপাই তেল মাখানো পাতলা পাতলা রংটি তৈরি কোরো। 3 সেগুলি একটি বুড়িতে রেখো এবং সেগুলি সেই এঁড়ে বাচুর ও মেষ সমেত উপহার দিয়ো। 4 পরে হারোণ ও তার ছেলেদের সমাগম তাঁবুর প্রবেশস্থারে এনো এবং জল দিয়ে তাদের গা ধুয়ে দিয়ো। 5 পোশাকগুলি নিয়ে হারোণকে নিমা, এফোদের আলখাল্লা, এফোদ ও বুকপাটাটি পরিয়ে দিয়ো। দক্ষতার সঙ্গে বোনা কোমরবন্ধ দিয়ে তার গায়ে এফোদটি বেঁধে দিয়ো। 6 তার মাথায় পাগড়ি পরিয়ে দিয়ো এবং সেই পাগড়িতে পবিত্র প্রতীক জুড়ে দিয়ো। 7 অভিষেক-তেল নিয়ে তা তার মাথায় ঢেলে দিয়ে তাকে অভিষিক্ত কোরো। 8 তার ছেলেদের নিয়ে এসে তাদেরও নিমা পরিয়ে দিয়ো 9 এবং মাথায় টুপি বেঁধে দিয়ো। পরে হারোণ ও তার ছেলেদের গায়ে উত্তরীয় পরিয়ে দিয়ো। দীর্ঘস্থায়ী এক বিধি দ্বারা যাজকত্ব তাদেরই অধিকারভুক্ত হয়েছে। “পরে তুমি হারোণ ও তার ছেলেদের যাজকপদে নিযুক্ত কোরো। 10 “সেই বাচুরটিকে তুমি সমাগম তাঁবুর সামনে এনো, এবং

হারোণ ও তার ছেলেরা সেটির মাথায় তাদের হাত রাখবে। 11 সমাগম তাঁবুর প্রবেশদ্বারে সদাপ্রভুর উপস্থিতিতে সেটি বধ কোরো। 12 সেই বাচ্চুরাটির রক্ত থেকে কিছুটা রক্ত নিয়ো ও তোমার আঙুল দিয়ে তা সেই বেদির শিং-এ মাখিয়ে দিয়ো, এবং বাদবাকি রক্ত সেই বেদির তলায় ঢেলে দিয়ো। 13 পরে অভ্যন্তরীণ অঙ্গের সব চর্বি, কলিজার বড়ো পালি, ও চর্বি সমেত কিডনি দুটি নিয়ে সেগুলি বেদির উপর পুড়িয়ে ফেলো। 14 কিন্তু বাচ্চুরাটির মাংস ও সেটির চামড়া ও অন্তর্গুলি শিবিরের বাইরে পুড়িয়ে দিয়ো। এ হল এক পাপার্থক বলি। 15 “মেষগুলির মধ্যে একটিকে নিয়ো, এবং হারোণ ও তার ছেলেরা সেটির মাথায় তাদের হাত রাখবে। 16 সেটিকে বধ কোরো ও রক্ত নিয়ে তা বেদির উপরে চারপাশে ছিটিয়ে দিয়ো। 17 মেষটিকে টুকরো টুকরো করে কেটো এবং সব অভ্যন্তরীণ অঙ্গ ও পা ধূয়ে দিয়ো, এবং সেগুলি মাথা ও অন্যান্য টুকরোগুলির সাথেই রেখো। 18 পরে সমগ্র মেষটি বেদিতে রেখে পুড়িয়ে ফেলো। এ হল সদাপ্রভুর উদ্দেশে দন্ত এক হোমবলি, প্রীতিকর সৌরভ, সদাপ্রভুর উদ্দেশে নিবেদিত এক ভক্ষ্য-নৈবেদ্য। 19 “অন্য মেষটিকেও নিও, এবং হারোণ ও তার ছেলেরা সেটির মাথায় তাদের হাত রাখবে। 20 সেটিকে বধ কোরো, সেটির রক্ত থেকে কিছুটা রক্ত নিয়ো এবং তা হারোণ ও তার ছেলেদের ডান কানের লতিতে, তাদের ডান হাতের বুড়ো আঙুলে ও তাদের ডান পায়ের বুড়ো আঙুলে লাগিয়ে দিয়ো। পরে বেদির উপরে চারপাশে রক্ত ছিটিয়ে দিয়ো। 21 আর বেদি থেকে কিছুটা রক্ত ও কিছুটা অভিষেক-তেল নিও এবং হারোণের ও তার পোশাকের উপরে এবং তার ছেলেদের ও তাদের পোশাকের উপরে ছিটিয়ে দিয়ো। তখন সে ও তার ছেলেরা এবং তাদের পোশাকগুলি শুচিশুদ্ধ হবে। 22 “এই মেষটি থেকে চর্বি, মোটা লেজ, অভ্যন্তরীণ অঙ্গগুলিতে লেগে থাকা চর্বি, কলিজার বড়ো পালি, দুটি কিডনি ও সেগুলিতে লেগে থাকা চর্বি, এবং ডানাদিকের উরুটি নিও। (এ হল যাজকপদে নিযুক্তিমূলক মেষ) 23 সদাপ্রভুর সামনে রাখা খামিরবিহীন রুটির ঝুড়ি থেকে একটি গোলাকার রুটি, জলপাই তেল মিশিত একটি মোটা রুটি, এবং একটি পাতলা রুটি

নিও। 24 এসব কিছু হারোণ ও তার ছেলেদের হাতে দিয়ো এবং এক দোলনীয়-নৈবেদ্যরূপে সদাপ্রভুর সামনে সেগুলি তাদের দোলাতে দিয়ো। 25 পরে তাদের হাত থেকে সেগুলি নিয়ে নিও এবং হোমবলির সাথে সাথে সেগুলিও সদাপ্রভুর উদ্দেশে এক প্রীতিকর সৌরভরূপে, সদাপ্রভুর কাছে নিবেদিত এক ভক্ষ্য-নৈবেদ্যরূপে বেদিতে পুড়িয়ে দিয়ো। 26 হারোণের নিযুক্তির জন্য তুমি মেষের বক্ষটি নেওয়ার পর, সেটি এক দোলনীয়-নৈবেদ্যরূপে সদাপ্রভুর সামনে দুলিয়ো, এবং এটি তোমার অংশ হবে। 27 “যাজকপদে নিযুক্তিমূলক মেষের সেই অঙগুলি শৃঙ্গশুল্ক কোরো, যেগুলি হারোণ ও তার ছেলেদের অধিকারভুক্তঃ সেই বক্ষঃশুল, যা দোলানো হল এবং সেই উরং, যা উপহার দেওয়া হল। 28 এটি সবসময় হারোণ ও তার ছেলেদের জন্য ইস্রায়েলীদের কাছ থেকে নেওয়া চিরস্থায়ী অংশ হবে। এ হল ইস্রায়েলীদের সেই উপহার, যা সদাপ্রভুর উদ্দেশে দন্ত মঙ্গলার্থক বলি থেকে তারা দিয়ে থাকে। 29 “হারোণের পবিত্র পোশাকগুলি তার বংশধরদের অধিকারভুক্ত হবে যেন তারা সেগুলি পরে অভিষিক্ত ও নিযুক্ত হয়। 30 তার যে ছেলে যাজকরূপে তার স্থলাভিষিক্ত হবে এবং পবিত্রস্থানে পরিচর্যা করার জন্য সমাগম তাঁবুতে আসবে, তাকে সাত দিন ধরে সেগুলি পরে থাকতে হবে। 31 “যাজকপদে নিযুক্তিমূলক মেষটি নিও এবং পবিত্র এক স্থানে সেই মাংস রান্না কোরো। 32 সমাগম তাঁবুর প্রবেশদ্বারে, হারোণ ও তার ছেলেদের সেই মেষের মাংস ও ঝুড়িতে রাখা রূটি খেতে হবে। 33 তাদের যাজকপদে নিযুক্তি ও অভিষেকের জন্য যে যে প্রায়শিত্ব বলি উৎসর্গ করা হল, সেগুলির আধারেই তাদের এই নৈবেদ্যগুলি খেতে হবে। কিন্তু অন্য কেউ সেগুলি খেতে পারবে না, কারণ সেগুলি পবিত্র। 34 আর যাজকপদে নিযুক্তিমূলক সেই মেষের কিছুটা মাংস বা কয়েকটি রূটি যদি সকাল পর্যন্ত অবশিষ্ট থেকে যায়, তবে সেগুলি পুড়িয়ে ফেলো। তা যেন অবশ্যই খাওয়া না হয়, কারণ তা পবিত্র। 35 “তোমাকে দেওয়া আমার আদেশানুসারে তুমি হারোণ ও তার ছেলেদের প্রতি সবকিছু কোরো, যাজকপদে তাদের নিযুক্ত করার জন্য সাত দিন সময় নিও। 36 প্রায়শিত্ব করার

জন্য এক পাপার্থক বলিনুপে প্রতিদিন একটি করে বলদ বলি দিয়ো।  
বেদির জন্য প্রায়শিত্ত করার দ্বারা সেটি শুচিশুন্দ কোরো, এবং সেটি  
পবিত্র করার জন্য তা অভিষিক্ত কোরো। 37 সাত দিন ধরে বেদির  
জন্য প্রায়শিত্ত কোরো এবং সেটি পবিত্র কোরো। তখন সেই বেদিটি  
মহাপবিত্র হয়ে যাবে এবং যা কিছু সেটিকে স্পর্শ করবে তাও পবিত্র  
হবে। 38 “প্রতিদিন নিয়মিতভাবে সেই বেদির উপরে তোমাকে যা যা  
উৎসর্গ করতে হবে, তা হল এই: এক বছর বয়স্ক দুটি মেষশাবক। 39  
একটি সকালে ও অন্যটি গোধূলিবেলায় উৎসর্গ কোরো। 40 প্রথম  
মেষশাবকটির সাথে সাথে হিনের এক-চতুর্থাংশ নিংড়ানো জলপাই  
তেল মিশিত ঐফার এক-দশমাংশ মিহি আটা এবং পেয়-নৈবেদ্যরূপে  
হিনের এক-চতুর্থাংশ দ্রাক্ষারসও উৎসর্গ কোরো। 41 গোধূলিবেলায়  
অন্য মেষশাবকটি ও সকালবেলার মতো একই শস্য-নৈবেদ্য ও পেয়-  
নৈবেদ্য সহযোগে সদাপ্রভুর উদ্দেশে নিবেদিত এক প্রীতিকর সৌরভ,  
এক ভক্ষ্য-নৈবেদ্যরূপে উৎসর্গ কোরো। 42 “বংশপরম্পরায় সদাপ্রভুর  
সামনে, সমাগম তাঁবুর প্রবেশদ্বারে নিয়মিতভাবে এই হোমবলিটি  
উৎসর্গ করতে হবে। সেখানে আমি তোমার সাথে দেখা করব ও  
তোমার সাথে কথা বলব; 43 এছাড়াও সেখানেই আমি ইস্রায়েলীদের  
সাথে দেখা করব, এবং সেই স্থানটি আমার মহিমা দ্বারা পবিত্র হবে।  
44 “অতএব আমি সেই সমাগম তাঁবু ও বেদিটি পবিত্র করব এবং  
যাজকরূপে আমার সেবা করার জন্য হারোণ ও তার ছেলেদেরও পবিত্র  
করব। 45 পরে আমি ইস্রায়েলীদের মধ্যে বসবাস করব এবং তাদের  
ঈশ্বর হব। 46 তারা জানতে পারবে যে আমিই তাদের সেই ঈশ্বর  
সদাপ্রভু, যিনি তাদের মধ্যে বসবাস করার জন্য মিশ্র থেকে তাদের  
বের করে এনেছিলেন। আমিই তাদের ঈশ্বর সদাপ্রভু।

**30** “ধূপ জ্বালানোর জন্য বাবলা কাঠ দিয়ে একটি বেদি তৈরি কোরো।  
2 এটি 45 সেন্টিমিটার করে লম্বা ও চওড়া, এবং 90 সেন্টিমিটার উঁচু  
বর্ণাকার হবে—এর শিংগুলি এর সাথে একই টুকরো দিয়ে গড়া হবে।  
3 এর চূড়া ও সবদিক এবং শিংগুলি খাঁটি সোনা দিয়ে মুড়ে দিয়ো,  
এবং এর চারপাশে সোনার এক ছাঁচ তৈরি কোরো। 4 সেই ছাঁচের

তলায় বেদিটির জন্য সোনার দুটি আংটা তৈরি কোরো—বেদিটি বহন করার ক্ষেত্রে ব্যবহৃত খুঁটিগুলি ধরে রাখার জন্য বিপরীত দিকগুলির প্রত্যেকটিতে দুটি দুটি করে আংটা তৈরি কোরো। ৫ বাবলা কাঠ দিয়ে খুঁটিগুলি তৈরি কোরো এবং সেগুলি সোনা দিয়ে মুড়ে দিয়ো। ৬ যে পর্দাটি বিধিনিয়মের সিন্দুরকটিকে আড়াল করে রাখে, সেটির সামনের দিকে—যে প্রায়শিক্তি-আচ্ছাদনটি বিধিনিয়মের ফলকগুলির উপরে থাকে, সেটির সামনে—সেই বেদিটি রেখো, যেখানে আমি তোমার সাথে দেখা করব। ৭ “প্রতিদিন সকালে হারোণ যখন প্রদীপগুলি পরিষ্কার করবে তখন তাকে বেদিতে সুগন্ধি ধূপ জ্বালাতে হবে। ৮ আবার গোধূলিবেলায় সে যখন প্রদীপগুলি জ্বালাবে তখনও তাকে ধূপ জ্বালাতে হবে, যেন আগামী বৎশপরম্পরায় সদাপ্রভুর সামনে নিয়মিতভাবে ধূপ জ্বলে। ৯ এই বেদিতে আর অন্য কোনো ধূপ বা কোনো হোমবলি বা শস্য-নৈবেদ্য উৎসর্গ কোরো না, এটির উপরে কোনো পেয়-নৈবেদ্য ঢেলো না। ১০ বছরে একবার হারোণ বেদির শিংগুলির উপরে প্রায়শিক্তি সাধন করবে। এই বাংসবিক প্রায়শিক্তি আগামী বৎশপরম্পরায় প্রায়শিক্তিকারক পাপার্থক বলির রক্ত দিয়ে করতে হবে। সদাপ্রভুর উদ্দেশ্যে এটি অতি পবিত্র।” ১১ পরে সদাপ্রভু মোশিকে বললেন, ১২ “ইস্রায়েলীদের সংখ্যা গণনা করার জন্য যখন তুমি তাদের জনগণনা করবে, তখন গণিত হওয়ার সময় প্রত্যেককে তার জীবনের জন্য সদাপ্রভুকে এক মুক্তিপণ দিতে হবে। তুমি তাদের সংখ্যা গণনা করার সময় তখন আর তাদের উপর কোনও আঘাত নেমে আসবে না। ১৩ যারা ইতিমধ্যেই গণিত হয়ে গিয়েছে, সেই লোকজনের মধ্যে যে কেউ আসবে, তাকে পবিত্রস্থানের শেকল অনুসারে আধ শেকল দিতে হবে, এক শেকলের ওজন কুড়ি গেরা। এই আধ শেকল সদাপ্রভুর উদ্দেশ্যে দত্ত এক উপহার। ১৪ এদিকে আসা যাদের বয়স কুড়ি বছর বা তার বেশি, তারা সদাপ্রভুর উদ্দেশ্যে এক নৈবেদ্য উৎসর্গ করবে। ১৫ তোমাদের জীবনের জন্য প্রায়শিক্তি করতে গিয়ে তুমি যখন সদাপ্রভুর উদ্দেশ্য নৈবেদ্য উৎসর্গ করবে, তখন ধনবান লোক আধ শেকলের বেশি দেবে না এবং দরিদ্রও কম দেবে না। ১৬ ইস্রায়েলীদের

কাছ থেকে প্রায়শিত্বকারী অর্থ গ্রহণ কোরো এবং সেই অর্থ সমাগম তাঁবুর সেবাকাজে ব্যবহার কোরো। সদাপ্রভুর সামনে ইস্রায়েলীদের জন্য এক স্নারক হয়ে থেকে তা তোমাদের জীবনের জন্য প্রায়শিত্ব করবে।” 17 পরে সদাপ্রভু মোশিকে বললেন, 18 “ধোয়াধুয়ি করার জন্য ব্রোঞ্জের একটি গামলা ও ব্রোঞ্জ দিয়ে সেটির মাচাও তৈরি কোরো। সমাগম তাঁবুর ও বেদির মাঝখানে সেটি রেখো, এবং সেটিতে জল ভরে দিয়ো। 19 সেখান থেকে জল নিয়ে হারোণ ও তার ছেলেদের তাদের হাত পা ধুতে হবে। 20 যখনই তারা তাঁবুর ভিতরে প্রবেশ করবে, তারা জল দিয়ে নিজেদের ধুয়ে ফেলবে, যেন তারা মারা না যায়। এছাড়াও, যখন তারা সদাপ্রভুর উদ্দেশে এক ভক্ষ্য-নৈবেদ্য উৎসর্গ করার মাধ্যমে পরিচর্যা করার জন্য সেই বেদির নিকটবর্তী হবে, 21 তখনও তারা তাদের হাত পা ধুয়ে নেবে, যেন তারা মারা না যায়। আগামী বৎশপরম্পরায় হারোণ ও তার বৎশধরদের জন্য এ এক দীর্ঘস্থায়ী বিধি হবে।” 22 পরে সদাপ্রভু মোশিকে বললেন, 23 “তুমি এই সুন্দর সুন্দর মশলাগুলি নিও: 500 শেকল তরল গন্ধরস, এর অর্ধেক পরিমাণ (অর্থাৎ 250 শেকল) সুগন্ধি দারঢচিনি, 250 শেকল সুগন্ধি বচ, 24 500 শেকল নীরসে ধরনের দারঢচিনি—সবই পরিত্রানের শেকল অনুসারে—এবং এক হিন জলপাই তেল। 25 এগুলি দিয়ে সুগন্ধি দ্রব্যাদির প্রস্তুতকারকের হস্তকলার মতো করে পবিত্র এক অভিষেক-তেল, সুগন্ধি এক মিশ্রণ তৈরি কোরো। 26 পরে সমাগম তাঁবু, বিধিনিয়মের সিন্দুক, 27 টেবিল ও তার সব জিনিসপত্র, দীপাধার ও তার আনুষঙ্গিক উপকরণ, ধূপবেদি, 28 হোমবলির বেদি ও তার সব বাসনপত্র, এবং গামলা ও তার মাচাটি অভিষিক্ত করার জন্য তা ব্যবহার কোরো। 29 সেগুলি তুমি পবিত্র করবে, যেন সেগুলি অতি পবিত্র হয়ে যায় এবং যা কিছু সেগুলির সংস্পর্শে আসবে সেগুলি ও পবিত্র হয়ে যাবে। 30 “হারোণ ও তার ছেলেদের অভিষিক্ত এবং পবিত্র কোরো, যেন তারা যাজকরূপে আমার সেবা করতে পারে। 31 ইস্রায়েলীদের বোলো, ‘আগামী বৎশপরম্পরায় এটিই হবে আমার পবিত্র অভিষেক-তেল।’ 32 অন্য কোনো মানুষের দেহে এটি ঢেলো না

এবং একই প্রস্তুতপ্রণালী ব্যবহার করে অন্য কোনো তেল তৈরি কোরো  
না। এটি পবিত্র, আর তোমাদের এটি পবিত্র বলেই গণ্য করতে হবে।  
৩৩ যে কেউ এটির মতো সুগন্ধি তৈরি করে এবং একজন যাজক ছাড়া  
অন্য কোনো মানুষের গায়ে ঢেলে দেয়, তাকে তার লোকজনদের কাছ  
থেকে বিচ্ছিন্ন হতে হবে।” ৩৪ পরে সদাপ্রভু মোশিকে বললেন, “তুমি  
সম্পরিমাণে সুগন্ধি মশলাপাতি—আঠা রজন, নখী, কুন্দুর—এবং  
খাঁটি গুগলুল নিয়ো, ৩৫ এবং একজন সুগন্ধি দ্রব্যাদি প্রস্তুতকারকের  
হস্তকলার মতো করে ধূপের এক সুগন্ধি মিশ্রণ তৈরি কোরো। এটি যেন  
লবণাক্ত এবং খাঁটি ও পবিত্র হয়। ৩৬ তা থেকে কিছুটা পিষে গুঁড়ো করে  
নিও এবং তা সমাগম তাঁবুতে বিধিনিয়মের সেই সিন্দুকটির সামনে  
এনে রেখো, যেখানে আমি তোমার সাথে দেখা করব। এটি তোমাদের  
কাছে অতি পবিত্র হবে। ৩৭ এই প্রস্তুতপ্রণালী দিয়ে নিজেদের জন্য  
তোমরা কোনো ধূপ তৈরি কোরো না; সদাপ্রভুর উদ্দেশে এটি পবিত্র  
বলে গণ্য কোরো। ৩৮ যে কেউ এটির সুগন্ধি উপভোগ করার জন্য  
এটির মতো ধূপ তৈরি করবে, তাকে তার লোকজনদের কাছ থেকে  
বিচ্ছিন্ন হতে হবে।”

**৩১** পরে সদাপ্রভু মোশিকে বললেন, ২ “দেখো, আমি যিহুদা  
গোষ্ঠীভুক্ত হুরের নাতি তথা উরির ছেলে বৎসলেলকে মনোনীত  
করোছি, ৩ এবং আমি তাকে ঈশ্বরের আত্মায়, প্রজ্ঞায়, বুদ্ধিতে, জ্ঞানে  
এবং সব ধরনের দক্ষতায় পরিপূর্ণ করোছি— ৪ যেন সে সোনা, রংপো  
ও ব্রোঞ্জ দিয়ে চারণশিল্পসম্মত নকশা ফুটিয়ে তুলতে, ৫ পাথর কেটে  
তা বসাতে, কাঠের কাজ করতে, এবং সব ধরনের কারণশিল্পের  
কাজে লিঙ্গ হতে পারে। ৬ এছাড়াও, তাকে একাজে সাহায্য করার  
জন্য আমি দান গোষ্ঠীভুক্ত অঙ্গীয়ামকের ছেলে অহলীয়াবকেও নিযুক্ত  
করোছি। ‘যা যা করার আদেশ’ আমি তোমাকে দিয়েছিলাম, সেসবকিছু  
তৈরি করার দক্ষতা আমি সব দক্ষ কারিগরকে দিয়েছি: ৭ “সমাগম  
তাঁবু, বিধিনিয়মের সিন্দুক এবং সেটির উপরের প্রায়শিত্ব-আচ্ছাদন,  
এবং তাঁবুর অন্যান্য সব আসবাবপত্র— ৮ টেবিল এবং সেটির  
সব জিনিসপত্র, খাঁটি সোনার দীপাধার এবং সেটির সব আনুষঙ্গিক

উপকরণ, ধূপবেদি, ৭ হোমবলির বেদি এবং সেটির সব পাত্র, গামলা  
এবং সেটির মাচা— 10 আর এছাড়াও হাতে বোনা পোশাক-পরিচ্ছদ,  
যাজক হারোগের জন্য সেই পবিত্র পোশাক এবং তার ছেলেদের জন্যও  
সেই পোশাক, যেগুলি তারা যাজকরূপে সেবাকাজ করার সময় গায়ে  
দেবে, 11 এবং পবিত্রস্থানের জন্য সেই অভিষেক-তেল ও সুগন্ধি  
ধূপ। “আমি তোমাকে যেমন আদেশ দিয়েছিলাম, ঠিক সেভাবেই  
তারা যেন সেগুলি তৈরি করে।” 12 পরে সদাপ্রভু মোশিকে বললেন,  
13 ইস্রায়েলীদের বলো, “তোমাদের অবশ্যই আমার সাক্ষাত পালন  
করতে হবে। আগামী বৎসরম্পরায় এটি আমার ও তোমাদের মধ্যে  
এক চিহ্ন হবে, যেন তোমরা জানতে পারো যে আমিই সেই সদাপ্রভু,  
যিনি তোমাদের পবিত্র করেছেন। 14 “সাক্ষাত পালন কোরো, কারণ  
তোমাদের কাছে এই দিনটি পবিত্র। যে কেউ এই দিনটিকে অপবিত্র  
করবে, তাকে মেরে ফেলতে হবে; যারা সেদিন কোনও কাজ করবে,  
তাদের অবশ্যই তাদের লোকজনের কাছ থেকে বিছিন্ন হতে হবে। 15  
ছয় দিন কাজ করা যেতে পারে, কিন্তু সপ্তম দিনটি সাক্ষাত বিশ্রামের  
দিন, যা সদাপ্রভুর উদ্দেশে পবিত্র। যে কেউ সাক্ষাত্বারে কোনও কাজ  
করবে, তাকে মেরে ফেলতে হবে। 16 আগামী বৎসরম্পরায় দীর্ঘস্থায়ী  
এক নিয়মরূপে সাক্ষাত্বার উদ্যাপন করার মাধ্যমে ইস্রায়েলীদের তা  
পালন করতে হবে। 17 চিরকালের জন্য এটি আমার ও ইস্রায়েলীদের  
মধ্যে এক চিহ্ন হয়ে থাকবে, কারণ ছয় দিনে সদাপ্রভু আকাশমণ্ডল ও  
পৃথিবী তৈরি করেছিলেন, এবং সপ্তম দিনে তিনি বিশ্রাম নিয়েছিলেন ও  
চাঙা হয়েছিলেন।” 18 সীনয় পর্বতে মোশির সঙ্গে সদাপ্রভুর কথা বলা  
শেষ হয়ে যাওয়ার পর, তিনি মোশিকে ঈশ্বরের আঙুল দিয়ে খোদাই  
করা পাথরের ফলকগুলি, বিধিনিয়মের সেই দুটি ফলক দিলেন।

**32** গোকেরা যখন দেখেছিল যে মোশি পর্বত থেকে নিচে নামতে  
খুব দেরি করছেন, তখন তারা হারোগের চারপাশে একত্রিত হয়ে  
বলল, “আসুন, আমাদের জন্য এমন সব দেবতা তৈরি করে দিন, যারা  
আমাদের অগ্রগামী হবেন। যে মোশি আমাদের মিশর দেশ থেকে  
বের করে এনেছেন, তার কী হল তা আমরা জানি না।” 2 হারোণ

তাদের উভয় দিলেন, “তোমাদের স্ত্রী, ছেলে ও মেয়েরা যেসব সোনার  
কানের দুল পরে আছে, সেগুলি খুলে ফেলো ও আমার কাছে নিয়ে  
এসো।” ৩ অতএব সব লোকজন তাদের সোনার কানের দুল খুলে  
ফেলল ও হারোণের কাছে এনে দিল। ৪ তারা তাঁর হাতে যা সঁপে দিল,  
সেগুলি তিনি গ্রহণ করলেন এবং ঢালাই করে এক যন্ত্রের সাহায্যে  
তিনি বাচ্চুরের আকৃতিবিশিষ্ট একটি প্রতিমা তৈরি করে দিলেন। তখন  
তারা বলল, “হে ইস্রায়েল, এরাই তোমাদের সেই দেবতা, যারা মিশ্র  
থেকে তোমাদের বের করে এনেছেন।” ৫ হারোণ যখন তা দেখলেন,  
তখন তিনি সেই বাচ্চুরের সামনে একটি বেদি নির্মাণ করে দিলেন  
ও ঘোষণা করলেন, “আগামীকাল সদাপ্রভুর উদ্দেশ্যে একটি উৎসব  
হবে।” ৬ অতএব লোকজন পরদিন ভোরবেলায় উঠে পড়ল এবং  
হোমবলি উৎসর্গ করল ও মঙ্গলার্থক বলি নিবেদন করল। পরে তারা  
ভোজনপান করার জন্য বসে পড়ল, তারপর উঠে পরজাতীয়দের  
মতো হল্লোড়ে মন্ত্র হল। ৭ পরে সদাপ্রভু মোশিকে বললেন, “নিচে  
নেমে যাও, কারণ তোমার যে লোকদের তুমি মিশ্র থেকে বের করে  
এনেছ, তারা নীতিভূষ্ট হয়ে পড়েছে। ৮ আমি তাদের যে আদেশ  
দিয়েছিলাম তা থেকে তারা খুব তাড়াতাড়ি বিপথগামী হয়ে পড়েছে  
এবং নিজেদের জন্য তারা ঢালাই করে বাচ্চুরের আকৃতিবিশিষ্ট একটি  
প্রতিমা তৈরি করেছে। সেটির সামনে তারা নতজানু হয়েছে এবং  
সেটির উদ্দেশ্যে বলি উৎসর্গ করে বলেছে, ‘হে ইস্রায়েল, এরাই তোমার  
সেইসব দেবতা, যারা মিশ্র থেকে তোমাকে বের করে এনেছেন।’ ৯  
“আমি এই লোকদের দেখেছি,” সদাপ্রভু মোশিকে বললেন, “আর এরা  
খুব একগুঁয়ে লোক। ১০ এখন আমার কাজে হস্তক্ষেপ কোরো না, যেন  
এদের বিরুদ্ধে আমি ক্রোধে ফেটে পড়তে পারি ও যেন এদের আমি  
ধ্বংস করে ফেলতে পারি। পরে আমি তোমাকে এক মহাজাতিতে  
পরিণত করব।” ১১ কিন্তু মোশি তাঁর দুশ্মর সদাপ্রভুর অনুগ্রহ চাইলেন,  
“হে সদাপ্রভু,” তিনি বললেন, “তুমি কেন তোমার সেই প্রজাদের  
বিরুদ্ধে ক্রোধে ফেটে পড়বে, যাদের তুমি মহাশক্তিতে ও বলশালী এক  
হাত দিয়ে মিশ্র থেকে বের করে এনেছ? ১২ মিশ্রীয়রা কেন বলবে,

‘মন্দ উদ্দেশ্য নিয়ে, পাহাড়-পর্বতে তাদের হত্যা করার এবং পৃথিবীর  
বুক থেকে তাদের নিশ্চিহ্ন করে ফেলার জন্যই তিনি তাদের বের করে  
এনেছেন?’ তোমার প্রচণ্ড ক্রোধ প্রশংসিত করো; কোমল হও ও তোমার  
এই প্রজাদের উপর বিপর্যয় দেকে এনো না। 13 তোমার সেই দাস  
অব্রাহাম, ইস্খাক ও যাকোবকে স্মারণ করো, যাদের কাছে তুমি নিজের  
নামে শপথ করে বলেছিলে: ‘আমি তোমার বংশধরদের আকাশের  
তারার মতো অসংখ্য করে তুলব এবং আমি তোমার বংশধরদের এই  
সমগ্র দেশটি দেব, যেটি আমি তাদের দেওয়ার প্রতিজ্ঞা করলাম,  
এবং চিরকালের জন্য এই দেশটি তাদের উত্তরাধিকার হবে।’” 14  
তখন সদাপ্রভু কোমল হলেন এবং তাঁর প্রজাদের উপর যে বিপর্যয়  
দেকে আনার হ্রাসকি তিনি দিয়েছিলেন, তা আর আনেননি। 15 মোশি  
যুরে দাঁড়ালেন এবং বিধিনিয়মের সেই দুটি ফলক হাতে নিয়ে পাহাড়  
থেকে নিচে নেমে এলেন। সেই ফলকগুলির সামনে ও পিছনে, দুই  
দিকেই বিধিনিয়ম খোদাই করা ছিল। 16 ফলকগুলি ছিল ঈশ্বরের  
কাজ; রচনাটি ছিল ফলকগুলির উপর খোদাই করা ঈশ্বরের রচনা। 17  
যিহোশূয় যখন লোকজনের চিঢ়কার শুনলেন, তখন তিনি মোশিকে  
বললেন, “শিবিরে যুদ্ধের শব্দ হচ্ছে।” 18 মোশি উত্তর দিলেন: “এটি  
জয়ধ্বনির শব্দ নয়, এটি পরাজয়ের শব্দ নয়; আমি গানের শব্দ শুনতে  
পাচ্ছি।” 19 মোশি যখন শিবিরের কাছাকাছি এলেন, এবং সেই  
বাছুরটিকে ও নাচানাচি দেখলেন, তখন তিনি ক্রোধে ফেটে পড়লেন  
এবং তিনি ফলকগুলি হাত থেকে ছুঁড়ে ফেলে দিয়ে পর্বতের পাদদেশে  
সেগুলি ভেঙে টুকরো টুকরো করে দিলেন। 20 আর তিনি লোকদের  
তৈরি করা সেই বাছুরটি নিয়ে আগুনে পুড়িয়ে দিলেন; পরে তিনি সেটি  
পিষে গুঁড়ো করে, তা জলের উপর ছাড়িয়ে দিলেন এবং ইস্রায়েলীদের  
তা পান করতে বাধ্য করলেন। 21 তিনি হারোণকে বললেন, “এই  
লোকেরা তোমার কী করেছিল, যে তুমি তাদের দিয়ে এত বড়ো  
পাপ করালে?” 22 “হে আমার প্রভু, ক্রুদ্ধ হবেন না,” হারোণ উত্তর  
দিলেন। “আপনি তো জানেন এই লোকেরা কত দুষ্টতাপ্রবণ। 23 তারা  
আমাকে বলল, ‘আমাদের জন্য এমন সব দেবতা তৈরি করে দিন,

যারা আমাদের অগ্রগামী হবেন। যে মোশি আমাদের মিশ্র থেকে বের করে এনেছেন, তার কী হয়েছে তা আমরা জানি না।’ 24 তাই আমি তাদের বললাম, ‘যার যার কাছে সোনার অলংকার আছে, সেগুলি খুলে ফেলো।’ তখন তারা আমাকে সেই সোনা দিয়েছিল, আর আমি সেগুলি আগুনে ফেলে দিয়েছিলাম, ও সেখান থেকে এই বাহুরাটি বেরিয়ে এসেছে!” 25 মোশি দেখলেন যে, লোকেরা যা খুশি তাই করছে এবং হারোণও তাদের লাগামছাড়া হতে দিয়েছেন ও এভাবে তাদের শক্রদের কাছে উপহাসের পাত্রে পরিণত হয়েছেন। 26 অতএব তিনি শিবিরের প্রবেশদ্বারে দাঁড়িয়ে বললেন, “যে কেউ সদাপ্রভুর স্বপক্ষে, সে আমার কাছে চলে এসো।” আর লেবীয়রা সবাই তাঁর কাছে এসে একত্রিত হল। 27 তখন তিনি তাদের বললেন, “ইস্রায়েলের ঈশ্বর সদাপ্রভু একথাই বলেন: ‘প্রত্যেকে নিজের নিজের দেহের পাশে একটি করে তরোয়াল বেঁধে নিক। শিবিরের এক প্রান্ত থেকে অন্য প্রান্ত পর্যন্ত সে আসা যাওয়া করুক, এবং প্রত্যেকে তার ভাই ও বন্ধু ও প্রতিবেশীকে হত্যা করুক।’” 28 লেবীয়রা মোশির আদেশানুসারেই কাজ করল, আর সেদিন প্রায় 3,000 লোক মারা গেল। 29 তখন মোশি বললেন, “আজ তোমরা সদাপ্রভুর উদ্দেশে পৃথক হলে, কারণ তোমরা তোমাদের নিজের ছেলে ও ভাইদের বিরুদ্ধে রংখে দাঁড়িয়েছ, এবং এই দিনে তিনি তোমাদের আশীর্বাদ করেছেন।” 30 পরদিন মোশি লোকদের বললেন, “তোমরা মহাপাপ করেছ। কিন্তু আমি সদাপ্রভুর কাছে যাব; হয়তো আমি তোমাদের পাপের প্রায়শিষ্ট করতে পারব।” 31 অতএব মোশি সদাপ্রভুর কাছে ফিরে গিয়ে বললেন, “হায়, হায়, এই লোকেরা কী মহাপাপই না করেছে! তারা নিজেদের জন্য সোনার দেবতা তৈরি করেছে। 32 কিন্তু এখন, দয়া করে এদের পাপ ক্ষমা করো—কিন্তু যদি না করো, তবে তোমার লেখা বই থেকে আমার নামটি মুছে ফেলো।” 33 সদাপ্রভু মোশিকে উত্তর দিলেন, “যে কেউ আমার বিরুদ্ধে পাপ করেছে, তারই নাম আমি আমার বই থেকে মুছে ফেলব। 34 এখন যাও, যে স্থানের কথা আমি আমার বলেছিলাম, লোকদের সেখানে নিয়ে যাও এবং আমার দূত তোমার অগ্রগামী হবেন। অবশ্য,

যখন শান্তি দেওয়ার সময় আসবে, তখন তাদের পাপের জন্য আমি  
তাদের শান্তি দেব।” 35 আর হারোগের তৈরি করা সেই বাছুরটিকে  
নিয়ে লোকেরা যা করেছিল সেজন্য সদাপ্রভু এক সংক্রামক মহামারি  
দ্বারা লোকদের আঘাত করলেন।

**33** পরে সদাপ্রভু মোশিকে বললেন, “তুমি ও যাদের তুমি মিশর  
থেকে বের করে এনেছ, তারা সবাই এই স্থান ত্যাগ করে সেই দেশে  
যাও, যে দেশের বিষয়ে আমি অব্রাহাম, ইস্থাক, ও যাকোবের কাছে  
শপথ নিয়ে প্রতিজ্ঞা করে বলেছিলাম, ‘এটি আমি তোমার বংশধরদের  
দেব।’ 2 তোমার আগে আগে আমি এক দৃত পাঠাব এবং কনানীয়,  
ইমোরীয়, হিতীয়, পরিষীয়, হিবীয় ও যিবৃষীয়দের তাড়িয়ে দেব। 3 দুধ  
ও মধু প্রবাহিত সেই দেশে চলে যাও। কিন্তু আমি তোমাদের সাথে যাব  
না, কারণ তোমরা একগুঁয়ে লোক এবং পাছে পথে আমি তোমাদের  
ধ্বংস করে ফেলি।” 4 লোকেরা যখন এই অসুখকর কথা শুনল, তখন  
তারা দুঃখ প্রকাশ করল এবং কেউই কোনও অলংকার পরল না।  
5 কারণ সদাপ্রভু মোশিকে বললেন, ‘ইস্রায়েলীদের বলো, ‘তোমরা  
একগুঁয়ে লোক। এক মুহূর্তের জন্যও যদি আমি তোমাদের সাথে যাই,  
তবে হয়তো আমি তোমাদের ধ্বংসই করে ফেলব। এখন তোমাদের  
অলংকারগুলি খুলে ফেলো এবং আমিই ঠিক করব তোমাদের নিয়ে  
কী করতে হবে।’” 6 অতএব হোরেব পর্বতে ইস্রায়েলীরা তাদের গা  
থেকে অলংকারগুলি খুলে ফেলেছিল। 7 আর মোশি একটি তাঁবু নিয়ে  
শিবিরের বাইরে কিছুটা দূরে তা খাটিয়ে দিলেন, ও সেটির নাম দিলেন  
“সমাগম তাঁবু।” যে কেউ সদাপ্রভুর কাছে কিছু জানতে চাইত, সে  
শিবিরের বাইরে সমাগম তাঁবুর কাছে যেত। 8 আর যখনই মোশি সেই  
তাঁবুর কাছে যেতেন, সব লোকজন উঠে তাদের তাঁবুগুলির প্রবেশদ্বারে  
দাঁড়িয়ে পড়ত, ও যতক্ষণ না মোশি সেই তাঁবুতে প্রবেশ করতেন,  
ততক্ষণ তাঁর উপর নজর রাখত। 9 মোশি যেই না সেই তাঁবুর ভিতরে  
প্রবেশ করতেন, মেঘস্তুপ নেমে আসত ও যতক্ষণ সদাপ্রভু মোশির  
সাথে কথা বলতেন, ততক্ষণ তা সেই প্রবেশদ্বারে অবস্থান করত। 10  
যখনই লোকেরা সেই মেঘস্তুপটিকে তাঁবুর প্রবেশদ্বারে অবস্থান করতে

দেখত, তখনই তারা প্রত্যেকে নিজেদের তাঁবুর প্রবেশাদারে দাঁড়িয়ে  
আরাধনা করত। 11 একজন বন্ধু যেভাবে তার বন্ধুর সাথে কথা বলে,  
সদাপ্রভুও মোশির সাথে সেভাবে মুখোমুখি কথা বলতেন। পরে মোশি  
নিজের তাঁবুতে ফিরে আসতেন, কিন্তু নূনের ছেলে যিহোশুয়—তাঁর  
তরঙ্গ সহায়ক, সেই তাঁবু ত্যাগ করতেন না। 12 মোশি সদাপ্রভুকে  
বললেন, “তুমি আমাকে বলে চলেছ, ‘এই লোকদের নেতৃত্ব দাও,’  
কিন্তু তুমি আমাকে জানতে দাওনি আমার সাথে তুমি কাকে পাঠাবে।  
তুমি বলেছ, ‘আমি তোমাকে নাম ধরে চিনি এবং তুমি আমার দৃষ্টিতে  
অনুগ্রহ লাভ করেছ।’ 13 আমি যদি তোমাকে খুশি করতে পেরেছি,  
তবে তোমার পথের বিষয়ে আমাকে শিক্ষা দাও যেন আমি তোমাকে  
জানতে পারি ও অবিরতভাবে তোমার দৃষ্টিতে অনুগ্রহ পেতেই থাকি।  
মনে রেখো যে এই জাতি তোমারই প্রজা।” 14 সদাপ্রভু উভর দিলেন,  
“আমার উপস্থিতি তোমার সাথেই যাবে, এবং আমি তোমাকে বিশ্রাম  
দেব।” 15 তখন মোশি তাঁকে বললেন, “তোমার উপস্থিতি যদি  
আমাদের সাথে না যায়, তবে এখান থেকে আমাদের পাঠিয়ো না।  
16 তুমি যদি আমাদের সাথে না যাও তবে কেউ কীভাবে জানবে যে  
আমি ও তোমার প্রজারা তোমাকে খুশি করতে পেরেছি? আর কী-ই বা  
আমাকে ও তোমার প্রজাদের এই পৃথিবীর অন্যান্য সব মানুষজনের  
থেকে ভিন্ন করে তুলবে?” 17 আর সদাপ্রভু মোশিকে বললেন, “তুমি  
যা চেয়েছ, আমি ঠিক তাই করব, কারণ তুমি আমাকে খুশি করেছ এবং  
আমি তোমাকে নাম ধরে চিনি।” 18 তখন মোশি বললেন, “তোমার  
মহিমা এখন আমাকে দেখাও।” 19 আর সদাপ্রভু বললেন, “আমি  
আমার সব চমৎকারিত্ব তোমার সামনে দিয়ে পার হতে দেব, এবং  
তোমার উপস্থিতিতে আমি আমার সেই সদাপ্রভু নামটি ঘোষণা করব।  
যার প্রতি আমি দয়া দেখাতে চাই, তার প্রতি আমি দয়া দেখাব, এবং  
যার প্রতি করণা করতে চাই, তার প্রতি করণা করব। 20 কিন্তু,” তিনি  
বললেন, “তুমি আমার মুখ দেখতে পাবে না; কারণ কেউ আমাকে  
দেখে বেঁচে থাকে না।” 21 পরে সদাপ্রভু বললেন, “আমার কাছাকাছি  
একটি স্থান আছে যেখানে তুমি পায়াণ-পাথরের উপরে গিয়ে দাঁড়াতে

পারো। 22 আমার মহিমা যখন পার হবে, তখন আমি তোমাকে সেই  
পাষাণ-পাথরের এক ফটলে রেখে দেব এবং যতক্ষণ না আমি পার  
হয়ে যাচ্ছি ততক্ষণ তোমাকে আমি আমার হাত দিয়ে ঢেকে রাখব। 23  
পরে আমি আমার হাত সরিয়ে নেব ও তুমি আমার পিঠ দেখতে পাবে;  
কিন্তু আমার মুখ দেখা যাবে না।”

**34** সদাপ্রভু মোশিকে বললেন, “প্রথম দুটির মতো আরও দুটি  
পাথরের ফলক খোদাই করো, এবং তুমি যে ফলকগুলি ভেঙে  
ফেলেছিলে, সেগুলিতে যা যা লেখা ছিল আমি এগুলিতেও সেসব কথা  
লিখে দেব। 2 সকালবেলায় তৈরি থেকো, ও পরে সীনয় পর্বতে উঠে  
এসো। সেই পর্বতের চূড়ায় সেখানে আমার কাছে উপস্থিত হোয়ো।  
3 কেউ যেন তোমার সাথে না আসে বা সেই পর্বতে কোথাও যেন  
কাউকে দেখা না যায়; এমনকি সেই পর্বতের সামনে মেষপাল ও  
পশুপালও যেন না চরে।” 4 অতএব মোশি সদাপ্রভুর আজ্ঞানুসারে  
প্রথম দুটি ফলকের মতো আরও দুটি পাথরের ফলক খোদাই করলেন  
এবং খুব সকালবেলায় সীনয় পর্বতে উঠে গেলেন; এবং তিনি সেই  
পাথরের ফলক দুটি ও হাতে করে তুলে নিয়ে গেলেন। 5 তখন সদাপ্রভু  
মেঘে নিচে নেমে এলেন এবং মোশির সাথে সেখানে দাঁড়িয়ে থেকে,  
সদাপ্রভু—তাঁর এই নাম ঘোষণা করলেন। 6 আর তিনি একথা ঘোষণা  
করতে করতে মোশির সামনে দিয়ে পার হয়ে গেলেন, “সদাপ্রভু,  
সদাপ্রভু, তিনি করণাময় ও অনুগ্রহকারী ঈশ্বর, ক্রোধে ধীর, প্রেম ও  
বিশ্বস্তায় সম্মত, 7 হাজার হাজার জনের প্রতি প্রেম প্রদর্শনকারী,  
এবং দুষ্টতা, বিদ্রোহ ও পাপ ক্ষমাকারী। তবুও অপরাধীকে শান্তি না  
দিয়ে তিনি ছেড়ে দেন না; তৃতীয় ও চতুর্থ প্রজন্ম পর্যন্ত তিনি বাবা-মার  
পাপের জন্য তাদের সন্তানদের ও নাতি-নাতনিদের শান্তি দেন।” 8  
মোশি তৎক্ষণাত মাটিতে মাথা নত করে আরাধনা করলেন। 9 “হে  
প্রভু,” তিনি বললেন, “আমি যদি তোমার দৃষ্টিতে অনুগ্রহ পেয়ে থাকি,  
তবে প্রভু যেন আমাদের সাথে যান। এরা যদিও একগুঁয়ে লোক, তাও  
আমাদের দুষ্টতা ও আমাদের পাপ ক্ষমা করো, এবং আমাদের তোমার  
উত্তরাধিকার করে নাও।” 10 তখন সদাপ্রভু বললেন: “আমি তোমার

সঙ্গে এক নিয়ম স্থির করছি। তোমার সব লোকজনের সামনে আমি  
এমন সব আশ্চর্য কাজ করব যা সমগ্র পৃথিবীতে কোনও জাতির মধ্যে  
আগে কখনও করা হয়নি। যেসব লোকজনের মধ্যে তুমি বসবাস  
করছ, তারা দেখবে আমি, সদাপ্রভু তোমার জন্য যে কাজ করব, তা  
কতই না অসাধারণ। 11 আজ আমি তোমাকে যে আদেশ দিচ্ছি,  
তা পালন কোরো। আমি তোমার সামনে থেকে ইমোরীয়, কনানীয়,  
হিতীয়, পরিষীয়, হিব্রীয় ও যিব্রীয়দের তাড়িয়ে দেব। 12 সাবধান, যে  
দেশে তুমি যাচ্ছ, সেখানে বসবাসকারী লোকদের সঙ্গে কোনও চুক্তি  
কোরো না, তা না হলে তারা তোমাদের মধ্যে এক ফাঁদ হয়ে যাবে। 13  
তাদের বেদিগুলি ভেঙে দিয়ো, তাদের পবিত্র পাথরগুলি চূর্ণবিচূর্ণ করে  
দিয়ো ও তাদের আশেরা-খুঁটিগুলি কেটে নামিয়ে দিয়ো। 14 অন্য আর  
কোনও দেবতার আরাধনা কোরো না, কারণ যাঁর নাম ঈর্ষাপরায়ণ,  
সেই সদাপ্রভু ঈর্ষাপ্রিত ঈশ্বর। 15 “সাবধান, সেই দেশে বসবাসকারী  
লোকদের সঙ্গে চুক্তি কোরো না; কারণ তারা যখন তাদের দেবতাদের  
কাছে বেশ্যাবৃত্তি করবে ও তাদের উদ্দেশে বলি উৎসর্গ করবে, তখন  
তারা তোমাকে আমন্ত্রণ জানাবে ও তুমি তাদের বলি দেওয়া প্রসাদ  
খেয়ে ফেলবে। 16 আর তুমি যখন তোমার ছেলেদের জন্য স্তীরূপে  
তাদের মেয়েদের মধ্যে কয়েকজনকে মনোনীত করবে এবং সেই  
মেয়েরা তাদের দেবতাদের কাছে বেশ্যাবৃত্তি করবে, তখন তারা  
তোমার ছেলেদেরও একই কাজ করতে বাধ্য করবে। 17 “কোনও  
প্রতিমা তৈরি কোরো না। 18 “খামিরবিহীন রঞ্চির উৎসব পালন  
কোরো। তোমাকে দেওয়া আদেশানুসারে, সাত দিন খামিরবিহীন  
রঞ্চি খেয়ো। আবীর মাসের নির্দিষ্ট সময়ে এরকম কোরো, কারণ সেই  
মাসেই তুমি মিশ্র থেকে বের হয়ে এসেছিলে। 19 “প্রত্যেকটি গর্ভের  
প্রথম সন্তানটি আমার, এবং তোমার গৃহপালিত পশুপালের প্রথমজাত  
সব মদ্দাও আমার, তা সে গোপাল বা মেষপাল, যাই হোক না কেন।  
20 প্রথমজাত গাধাকে এক মেষশাবক দিয়ে মুক্ত কোরো, কিন্তু যদি তা  
মুক্ত না করো, তবে সেটির ঘাড় ভেঙে দিয়ো। তোমার সব প্রথমজাত  
ছেলেকে মুক্ত কোরো। “কেউ যেন খালি হাতে আমার সামনে উপস্থিত

না হয়। 21 “হয় দিন তুমি পরিশ্রম কোরো, কিন্তু সপ্তম দিন বিশ্রাম নিয়ো; এমনকি চাষ করার ও ফসল কাটার সময়েও তোমাকে বিশ্রাম নিতে হবে। 22 “কাটা গমের অগ্রিমাংশ নিয়ে সাত সপ্তাহের উৎসব, এবং বছর ঘুরে এলে ফল সংগ্রহের উৎসবও পালন কোরো। 23 বছরে তিনবার তোমাদের সব পুরুষকে ইস্রায়েলের ঈশ্বর, সার্বভৌম সদাপ্রভুর সামনে উপস্থিত হতে হবে। 24 আমি তোমার সামনে থেকে জাতিদের তাড়িয়ে দেব এবং তোমার এলাকা সম্প্রসারিত করব, এবং তুমি যখন বছরে তিনবার তোমার ঈশ্বর সদাপ্রভুর সামনে উপস্থিত হতে যাবে, তখন কেউ তোমার জমিজায়গার উপর লোভ করবে না। 25 “খামিরযুক্ত কোনো কিছু সমেত আমার উদ্দেশে বলির রক্ত উৎসর্গ কোরো না, এবং নিষ্ঠারপর্বীয় উৎসবের কোনও নৈবেদ্য সকাল পর্যন্ত পড়ে থাকতে দিয়ো না। 26 “তোমার জমির সেরা প্রথম ফলটি তোমার ঈশ্বর সদাপ্রভুর গৃহে নিয়ে এসো। “ছাগ-শিশুকে তার মায়ের দুধে রান্না কোরো না।” 27 পরে সদাপ্রভু মোশিকে বললেন, “এসব কথা লিখে ফেলো, কারণ এই কথাগুলির আধারে আমি তোমার সাথে ও ইস্রায়েলের সাথে এক নিয়ম স্থির করেছি।” 28 রুটি না খেয়ে ও জলপান না করে মোশি সেখানে চল্লিশ দিন ও চল্লিশ রাত সদাপ্রভুর সাথে ছিলেন। আর সেই ফলকের উপর তিনি নিয়মের সেই কথাগুলি—দশাজ্ঞাটি লিখলেন। 29 মোশি যখন বিধিনিয়মের সেই দুটি ফলক হাতে নিয়ে সীনয় পর্বত থেকে নেমে এলেন, তখন তিনি জানতেই পারেননি যে যেহেতু তিনি সদাপ্রভুর সাথে কথা বলেছিলেন তাই তাঁর মুখটি উজ্জ্বল হয়ে উঠেছিল। 30 হারোণ ও ইস্রায়েলীরা সবাই যখন মোশিকে দেখেছিল, তখন তাঁর মুখটি উজ্জ্বল দেখাচ্ছিল, এবং তারা তাঁর কাছে আসতে ভয় পেল। 31 কিন্তু মোশি তাঁদের ডাক দিলেন; অতএব হারোণ ও সমাজের নেতারা সবাই তাঁর কাছে ফিরে এলেন, এবং মোশি তাঁদের সাথে কথা বললেন। 32 পরে ইস্রায়েলীরা সবাই তাঁর কাছে এল, এবং সদাপ্রভু সীনয় পর্বতে তাঁকে যেসব আদেশ দিয়েছিলেন তা তিনি তাদের জানালেন। 33 মোশি তাদের কাছে সব কথা বলে শেষ করার পর, তিনি তাঁর মুখে একটি

আবরণ দিলেন। 34 কিন্তু যখনই তিনি সদাপ্রভুর সাথে কথা বলার জন্য তাঁর উপস্থিতিতে প্রবেশ করতেন, বের হয়ে না আসা পর্যন্ত তিনি সেই আবরণ সরিয়ে রাখতেন। আর যখনই তিনি বাইরে বেরিয়ে এসে ইস্রায়েলীদের বলতেন তাঁকে কী কী আদেশ দেওয়া হয়েছে, 35 তখনই তারা দেখত যে তাঁর মুখ উজ্জ্বল হয়ে আছে। তখন মোশি যতক্ষণ না সদাপ্রভুর সাথে কথা বলার জন্য ভিতরে যেতেন ততক্ষণ তাঁর মুখে একটি আবরণ দিয়ে রাখতেন।

**35** মোশি সমগ্র ইস্রায়েলী সমাজকে একত্রিত করলেন এবং তাদের বললেন, “সদাপ্রভু তোমাদের এরকম করার আদেশ দিয়েছেন: 2 ছয় দিন কাজ করা যাবে, কিন্তু সপ্তম দিনটি তোমাদের জন্য পবিত্র দিন, সদাপ্রভুর উদ্দেশে সাক্ষাত্তের এক বিশ্রামবার হবে। যে কেউ এদিন কোনও কাজ করবে তাকে মেরে ফেলতে হবে। 3 সাক্ষাত্তবারে তোমাদের কোনও বাড়িতে আগুন জ্বালিয়ো না।” 4 মোশি সমগ্র ইস্রায়েল সমাজকে বললেন, “সদাপ্রভু তোমাদের এরকম করার আদেশ দিয়েছেন: 5 তোমাদের কাছে যা আছে তা থেকে সদাপ্রভুর জন্য এক উপহার নিয়ো। যে কেউ ইচ্ছুক, সে সদাপ্রভুর উদ্দেশে এক উপহাররূপে এগুলি আনুক: “সোনা, রূপো ও ব্রোঞ্জ; 6 নীল, বেগুনি ও টকটকে লাল রংয়ের সুতো এবং মিহি মসিনা; ছাগলের লোম; 7 লাল রং করা মেঘের ছাল এবং অন্য এক ধরনের টেকসই চামড়া; বাবলা কাঠ; 8 আলোর জন্য জলপাই তেল; অভিমেক করার উপযোগী তেলের জন্য ও সুগন্ধি ধূপের জন্য মশলাপাতি; 9 এবং এফোদ ও বুকপাটার উপরে বসানোর জন্য স্ফটিকমণি ও অন্যান্য মণিরত্ন। 10 “তোমাদের মধ্যে যারা দক্ষ কারিগর, তাদের এগিয়ে আসতে হবে ও সদাপ্রভুর আদেশানুসারে সবকিছু করতে হবে: 11 “আবাস এবং সেটির তাঁবু ও সেটির আচ্ছাদন, আঁকড়া, কাঠামো, আগল, খুঁটি ও ভিতগুলি; 12 সিন্দুক ও সেটির খুঁটিগুলি এবং প্রায়শিক্তি-আচ্ছাদন ও সেটিকে আঢ়াল করে থাকা পর্দা; 13 টেবিল ও সেটির খুঁটিগুলি এবং সেটির সব উপকরণ ও দর্শন-রূপটি; 14 আলো দেওয়ার জন্য দীপাধার ও সেটির আনুষঙ্গিক উপকরণ, প্রদীপ ও আলোর জন্য

তেল; 15 ধূপবেদি ও সেটির খুঁটিগুলি, অভিষেক-তেল ও সুগন্ধি ধূপ; সমাগম তাঁবুর প্রবেশদ্বারে দরজার জন্য পর্দা; 16 হোমবলির বেদি ও সেটির ব্রোঞ্জের জাফরি, সেটির খুঁটিগুলি ও সেটির সব পাত্র; ব্রোঞ্জের গামলা ও সেটির মাচা; 17 প্রাঙ্গণের পর্দাগুলি ও সেখানকার খুঁটি ও ভিতগুলি, এবং প্রাঙ্গণের প্রবেশদ্বারের জন্য পর্দা; 18 সমাগম তাঁবুর ও প্রাঙ্গণের জন্য তাঁবু-খুটা এবং সেগুলির দড়াদড়ি; 19 হাতে বোনা যে পোশাক পরে পবিত্রস্থানে পরিচর্যা করতে হত, সেগুলি ও যাজক হারোগের জন্য পবিত্র পোশাক এবং যাজকরূপে সেবা করার সময় তাঁর ছেলেদের যে পোশাকগুলি পরে, সেই পোশাকগুলিও।” 20 পরে সমগ্র ইস্রায়েলী সমাজ মোশির কাছ থেকে চলে গেল, 21 এবং যে যে ইচ্ছুক হল ও যাদের অন্তর তোলপাড় হল, তারা প্রত্যেকে এগিয়ে এল এবং সমাগম তাঁবুর জন্য, সেখানকার সব সেবাকাজের জন্য, ও পবিত্র পোশাকগুলির জন্য সদাপ্রভুর কাছে এক উপহার নিয়ে এল। 22 পুরুষ-স্ত্রী নির্বিশেষে যারা যারা ইচ্ছুক হল, তারা এগিয়ে এল এবং সব ধরনের সোনার অলংকার নিয়ে এল: বালা, কানের দুল, আংটি ও গয়নাগাঢ়ি। তারা সবাই তাদের সোনাদানা সদাপ্রভুর উদ্দেশে এক দোলনীয়-নৈবেদ্যরূপে উৎসর্গ করল। 23 যার যার কাছে নীল, বেগুনি বা টকটকে লাল রংয়ের সুতো অথবা মিহি মসিনা, বা ছাগলের লোম, লাল রং করা মেষচর্ম অথবা অন্যান্য টেকসই চামড়া ছিল, তারা প্রত্যেকে সেগুলি নিয়ে এল। 24 যারা যারা রংপো বা ব্রোঞ্জের উপহার উৎসর্গ করল, সদাপ্রভুর উদ্দেশেই তারা সেটি নিয়ে এল, এবং যাদের কাছে যে কোনো কাজে ব্যবহারের উপযোগী বাবলা কাঠ ছিল তারা প্রত্যেকেই তা নিয়ে এল। 25 এক একজন দক্ষ মহিলা নিজের হাতে সুতো কেটেছিল ও নীল, বেগুনি বা টকটকে লাল রংয়ের সুতো অথবা মিহি মসিনা—যা কেটেছিল তাই আনল। 26 আর যেসব মহিলা ইচ্ছুক হল ও যাদের সেই দক্ষতা ছিল, তারা ছাগলের লোম দিয়ে সুতো কেটেছিল। 27 নেতারা এফোদ ও বুকপাটায় বসানোর জন্য স্ফটিকমণি ও অন্যান্য মণিরত্ন আনলেন। 28 এছাড়াও তারা আলোর জন্য এবং অভিষেক-তেলের জন্য ও সুগন্ধি ধূপের জন্য

মশলাপাতি ও জলপাই তেল আনলেন। 29 যেসব ইস্রায়েলী স্তৰী-পুরুষ  
ইচ্ছুক হল, তারা মোশির মাধ্যমে সদাপ্রভু তাঁর জন্য তাদের যেসব  
কাজ করার আদেশ দিয়েছিলেন, তা করার জন্য সদাপ্রভুর কাছে  
স্বেচ্ছাদান নিয়ে এল। 30 পরে মোশি ইস্রায়েলীদের বললেন, “দেখো,  
সদাপ্রভু যিন্হাঁ গোষ্ঠীভুক্ত হুরের নাতি তথা উরির ছেলে বৎসলেলকে  
মনোনীত করেছেন, 31 এবং তিনি তাকে স্টশ্বরের আত্মায়, প্রজ্ঞায়,  
বুদ্ধিতে, জ্ঞানে এবং সব ধরনের দক্ষতায় পরিপূর্ণ করেছেন— 32  
যেন সে সোনা, রূপো ও ব্রোঞ্জ দিয়ে শিল্পবোধসম্পন্ন নকশা ফুটিয়ে  
তোলে, 33 মণিরত্ন কেটে বসায়, কাঠের কাজ করে এবং সব ধরনের  
শিল্পবোধসম্পন্ন কারুশিল্পের কাজে লিপ্ত হয়। 34 আর তিনি তাকে  
ও দান গোষ্ঠীভুক্ত অঙ্গীকারী কারুশিল্পের কাজে লিপ্ত হয়, এই দুজনকেই  
অন্যান্য মানুষজনকে শিক্ষা দেওয়ার ক্ষমতা দিয়েছেন। 35 তিনি  
তাদের ও তাঁদের খোদাইকারী, নকশাকার ও সূচিশিল্পীরপে নীল,  
বেগুনি ও টকটকে লাল রংয়ের সুতো ও মিহি মসিনা দিয়ে সব ধরনের  
কাজ করার দক্ষতায় পরিপূর্ণ করেছেন—তারা সবাই দক্ষ কারিগর ও  
নকশাকার।

**৩৬** অতএব ঠিক কীভাবে সদাপ্রভুর আদেশানুসারে পবিত্রস্থান নির্মাণ-  
সংক্রান্ত সব কাজ সম্পন্ন করতে হবে তা জানার জন্য সদাপ্রভু  
বৎসলেলকে, অহলীয়াবকে ও প্রত্যেক দক্ষ লোককে দক্ষতা ও সামর্থ্য  
দিলেন।” 2 পরে মোশি সেই বৎসলেল ও অহলীয়াব এবং দক্ষ এক  
একজন লোককে ডেকে পাঠালেন, যাদের সদাপ্রভু সামর্থ্য দিয়েছিলেন  
ও যারা এসে কাজ করতে ইচ্ছুক হল। 3 পবিত্রস্থান নির্মাণ-সংক্রান্ত  
কাজটি সম্পন্ন করার জন্য ইস্রায়েলীরা যেসব উপহার এনেছিল,  
মোশির হাত থেকে তাঁরা সেগুলি গ্রহণ করলেন। আর লোকেরা  
প্রতিদিন সকালবেলায় অব্যাহতভাবে স্বেচ্ছাদান এনেই যাচ্ছিল। 4  
অতএব যেসব দক্ষ কারিগর পবিত্রস্থানের সব কাজকর্ম করছিল, তারা  
নিজেদের কাজ থামিয়ে 5 মোশির কাছে এসে বলল, “সদাপ্রভু যে  
কাজ করার আদেশ দিয়েছেন তা করার জন্য যা দরকার, লোকেরা  
তার চেয়েও বেশি উপকরণ নিয়ে এসেছে।” 6 তখন মোশি এক

আদেশ জারি করলেন এবং তারা শিবিরের সর্বত্র একথা ঘোষণা করে দিলেন: “কোনও স্ত্রী বা পুরুষ যেন পবিত্রস্থানের জন্য এক উপহাররূপে আর কিছু না আনে।” আর তাই লোকেরা আরও বেশি কিছু আনা থেকে ক্ষত্ত হল, 7 যেহেতু তাদের কাছে ইতিমধ্যেই যা ছিল, তা সব কাজ করার পক্ষে প্রয়োজনের তুলনায় অতিরিক্তই ছিল। 8 কারিগরদের মধ্যে যাঁরা দক্ষ ছিলেন, তাঁরা পাকা হাতে মিহি পাকান মসিনা ও নীল, বেগুনি ও টকটকে লাল রংয়ের সুতোয় তৈরি দশটি পর্দায় করবদ্দের নকশা ফুটিয়ে তুলে সমাগম তাঁবুটি তৈরি করলেন। 9 সব পর্দা একই মাপের—13 মিটার লম্বা ও 1.8 মিটার চওড়া হল। 10 তাঁরা পাঁচটি পর্দা একসাথে জুড়ে দিলেন ও অন্য পাঁচটির ক্ষেত্রেও একই কাজ করলেন। 11 পরে তাঁরা এক পাটি পর্দায় এক প্রান্ত থেকে আর এক প্রান্ত পর্যন্ত কিনারা ধরে ধরে নীল কাপড়ের ফাঁস তৈরি করলেন, এবং অন্য পাটি পর্দাতেও এক প্রান্ত থেকে আর এক প্রান্ত পর্যন্ত একই কাজ করলেন। 12 এছাড়াও তাঁরা একটি পর্দায় পথঝাশটি ফাঁস ও অন্য পাটির শেষ প্রান্তের পর্দায় পথঝাশটি ফাঁস তৈরি করে দিলেন, এবং ফাঁসগুলি পরস্পরের মুখোমুখি ছিল। 13 পরে তাঁরা সোনার পথঝাশটি আঁকড়া তৈরি করলেন এবং দুই পাটি পর্দা একসাথে বেঁধে রাখার জন্য সেগুলি ব্যবহার করলেন, যেন সমাগম তাঁবুটি অক্ষুণ্ণ থাকে। 14 তাঁরা সমাগম তাঁবুটি ঢেকে রাখার জন্য ছাগ-লোমের মোট এগারোটি পর্দা তৈরি করলেন। 15 এগারোটি পর্দার সবকটি একই মাপের—14 মিটার লম্বা ও 1.8 মিটার চওড়া হল। 16 তাঁরা পর্দাগুলির মধ্যে পাঁচটি একসাথে জুড়ে এক পাটি করলেন এবং অন্য ছটি জুড়ে আর এক পাটি করলেন। 17 পরে তাঁরা এক পাটি পর্দায় এক প্রান্ত থেকে আর এক প্রান্ত পর্যন্ত কিনারা ধরে ধরে পথঝাশটি ফাঁস তৈরি করলেন এবং অন্য পাটি পর্দাতেও এক প্রান্ত থেকে আর এক প্রান্ত পর্যন্ত তা করলেন। 18 তাঁবুটি একসাথে অক্ষুণ্ণ অবস্থায় বেঁধে রাখার জন্য তাঁরা ব্রোঞ্জের পথঝাশটি আঁকড়া তৈরি করলেন। 19 পরে তাঁরা সেই তাঁবুটি ঢেকে রাখার জন্য মেঘের চামড়া লাল রং করে, তা দিয়ে একটি আচ্ছাদন তৈরি করলেন, এবং সেটির উপর অন্য এক টেকসই চামড়া দিয়ে আরও

একটি আচ্ছাদন তৈরি করলেন। 20 তাঁরা সমাগম তাঁবুর জন্য বাবলা  
কাঠ দিয়ে খাড়া কাঠামো তৈরি করলেন। 21 প্রত্যেকটি কাঠামো  
4.5 মিটার করে লম্বা ও 68 সেন্টিমিটার করে চওড়া হল, 22 এবং  
কাঠামোর বেরিয়ে থাকা অংশ দুটি পরস্পরের সমান্তরাল করে বসানো  
হল। এভাবেই তাঁরা সমাগম তাঁবুর সব কাঠামো তৈরি করলেন। 23  
সমাগম তাঁবুর দক্ষিণ দিকের জন্য তাঁরা কুড়িটি কাঠামো তৈরি করলেন  
24 এবং সেগুলির তলায় দেওয়ার জন্য—প্রত্যেকটি কাঠামোর জন্য  
দুটি করে, ও প্রত্যেকটি বেরিয়ে থাকা অংশের তলায় একটি করে  
মোট চালিশটি রংপোর ভিত তৈরি করলেন। 25 অন্য দিকের, সমাগম  
তাঁবুর উত্তর দিকের জন্য তাঁরা কুড়িটি কাঠামো 26 এবং প্রত্যেকটি  
কাঠামোর তলায় দুটি করে মোট চালিশটি রংপোর ভিত তৈরি করলেন।  
27 শেষ প্রান্তের, অর্থাৎ, সমাগম তাঁবুর পশ্চিম প্রান্তের জন্য তাঁরা  
ছয়টি কাঠামো তৈরি করলেন, 28 এবং শেষ প্রান্তে সমাগম তাঁবুর  
কোণাগুলির জন্যও দুটি কাঠামো তৈরি হল। 29 এই দুই কোনায়  
কাঠামোগুলি নিচ থেকে একদম চূড়া পর্যন্ত দিগ্নে মাপের হল এবং  
একটিই চক্রে সেগুলি লাগানো হল; দুটি কোনা একইরকম ভাবে তৈরি  
করা হল। 30 অতএব সেখানে আটটি কাঠামো ও প্রত্যেকটি কাঠামোর  
তলায় দুটি করে—মোট ঘোলোটি রংপোর ভিত ছিল। 31 এছাড়াও  
তাঁরা বাবলা কাঠের আগল তৈরি করলেন: সমাগম তাঁবুর একদিকের  
কাঠামোগুলির জন্য পাঁচটি, 32 অন্য দিকের কাঠামোগুলির জন্য  
পাঁচটি, এবং সমাগম তাঁবুর শেষ প্রান্তে, পশ্চিমদিকের কাঠামোগুলির  
জন্য পাঁচটি। 33 তাঁরা এমনভাবে মধ্যবর্তী আগলটি তৈরি করলেন যে  
সেটি কাঠামোর মাঝখানে এক প্রান্ত থেকে অন্য প্রান্ত পর্যন্ত সম্প্রসারিত  
হল। 34 কাঠামোগুলি তাঁরা সোনা দিয়ে মুড়ে দিলেন এবং আগলগুলি  
ধরে রাখার জন্য সোনার আংটা তৈরি করলেন। আগলগুলি ও তাঁরা  
সোনা দিয়ে মুড়ে দিলেন। 35 তাঁরা নীল, বেগুনি ও টকটকে লাল  
রংয়ের সুতো ও মিহি পাকান মসিনা দিয়ে একটি পর্দা তৈরি করলেন,  
এবং দক্ষ কারিগর দিয়ে তাতে করবদের নকশা ফুটিয়ে তুললেন। 36  
সেটির জন্য তাঁরা বাবলা কাঠের চারটি খুঁটি তৈরি করলেন এবং সেগুলি

সোনা দিয়ে মুড়ে দিলেন। সেগুলির জন্য তাঁরা সোনার আঁকড়া তৈরি  
করলেন এবং সেগুলির চারটি রংপোর ভিতও ঢালাই করে দিলেন। 37  
তাঁবুর প্রবেশদ্বারের জন্য নীল, বেগুনি, টকটকে লাল রংয়ের সুতো  
এবং মিহি পাকান মসিনা দিয়ে একটি পর্দা তৈরি করলেন—যা হল  
একজন সূচিশিল্পীর হস্তকলা; 38 এবং তাঁরা পাঁচটি খুঁটি ও সেগুলির  
জন্য আঁকড়াও তৈরি করলেন। তাঁরা খুঁটিগুলির ছড়া ও বেড়াগুলি  
সোনা দিয়ে মুড়ে দিলেন এবং ব্রোঞ্জ দিয়ে সেগুলির পাঁচটি ভিত তৈরি  
করলেন।

**37** বৎসলেল বাবলা কাঠ দিয়ে 1.1 মিটার লম্বা, 68 সেন্টিমিটার  
চওড়া, ও 68 সেন্টিমিটার উঁচু সিন্দুকটি তৈরি করলেন। 2 ভিতরে ও  
বাইরে, দুই দিকেই তিনি সেটি খাঁটি সোনা দিয়ে মুড়ে দিলেন, এবং  
সেটির চারপাশে সোনা দিয়ে একটি ছাঁচ তৈরি করলেন। 3 সেটির জন্য  
তিনি সোনার চারটি কড়া ঢালাই করে দিলেন এবং সেগুলি সেটির  
চারটি পায়ায় বেঁধে দিলেন—দুটি আংটা একদিকে ও দুটি আংটা  
অন্যদিকে রাখলেন। 4 পরে তিনি বাবলা কাঠ দিয়ে খুঁটি তৈরি করলেন  
ও সেগুলি সোনা দিয়ে মুড়ে দিলেন। 5 আর সিন্দুকটি বহন করার  
জন্য তিনি সেটির দুই পাশে রাখা আংটায় খুঁটিগুলি চুকিয়ে দিলেন। 6  
খাঁটি সোনা দিয়ে তিনি 1.1 মিটার লম্বা ও 68 সেন্টিমিটার চওড়া  
প্রায়শিত্ত-আচ্ছাদন তৈরি করলেন। 7 পরে তিনি সেই আচ্ছাদনের  
দুই কিনারায় পিটানো সোনা দিয়ে দুটি করব তৈরি করলেন। 8  
একদিকের কিনারায় তিনি একটি করব ও অন্যদিকে দ্বিতীয় করবটি  
তৈরি করলেন; দুই কিনারায় আবরণ সমেত তিনি সেগুলি অখণ্ডিত  
রূপ দিয়েই তৈরি করলেন। 9 করবেরা তাদের ডানাগুলি উপরের  
দিকে ছড়িয়ে দিয়েছিল, ও সেগুলি দিয়ে আবরণটি আড়াল করে  
রেখেছিল। করবেরা পরম্পরার দিকে মুখ করে সেই আবরণের দিকে  
তাকিয়েছিল। 10 তাঁরা বাবলা কাঠ দিয়ে 90 সেন্টিমিটার লম্বা, 45  
সেন্টিমিটার চওড়া ও 68 সেন্টিমিটার উঁচু টেবিলটি তৈরি করলেন। 11  
পরে তাঁরা সেটি খাঁটি সোনা দিয়ে মুড়ে দিলেন এবং সেটির চারপাশে  
সোনার এক ছাঁচ তৈরি করে দিলেন। 12 এছাড়াও তাঁরা সেটির

চারপাশে 7.5 সেন্টিমিটার চওড়া একটি চক্রবেড় তৈরি করলেন এবং  
সেই চক্রবেড়ে সোনার এক ছাঁচ বসিয়ে দিলেন। 13 টেবিলের জন্য  
তাঁরা সোনার চারটি আংটা ঢালাই করে দিলেন এবং সেগুলি সেই চার  
কোণায় বেঁধে দিলেন, যেখানে চারটি পায়াও ছিল। 14 টেবিল বহনের  
উদ্দেশে ব্যবহৃত খুঁটিগুলি ধরে রাখার জন্য সেই কড়াগুলি চক্রবেড়ের  
কাছাকাছি রাখা হল। 15 টেবিল বহনকারী খুঁটিগুলি বাবলা কাঠ দিয়ে  
তৈরি করা হল এবং সোনা দিয়ে মুড়ে দেওয়া হল। 16 আর টেবিলের  
জন্য খাঁটি সোনা দিয়ে তাঁরা এইসব জিনিসপত্র—থালা ও বাটি ও  
গামলা ও পেয়—নৈবেদ্য ঢালার জন্য কলশিগুলি তৈরি করলেন। 17  
তাঁরা খাঁটি সোনা দিয়ে দীপাধার তৈরি করলেন। পিটিয়ে পিটিয়ে  
তাঁরা সেটির ভিত ও হাতল তৈরি করলেন, এবং সেগুলির সাথে একই  
টুকরো দিয়ে ফুলের মতো দেখতে পেয়ালা, কুঁড়ি ও মুকুলগুলি ও  
তৈরি করলেন। 18 সেই দীপাধারের দুই ধার থেকে একদিকে তিনটি  
ও অন্যদিকে তিনটি—মোট ছয়টি শাখা বের করা হল। 19 কুঁড়ি ও  
মুকুল সমেত কাগজি বাদামফুলের মতো দেখতে তিনটি পেয়ালা ছিল  
একটি শাখায়, ও অন্য তিনটি ছিল পরবর্তী শাখায় এবং দীপাধার  
থেকে বের হয়ে থাকা ছয়টি শাখাই একইরকম দেখতে হল। 20 আর  
দীপাধারে কুঁড়ি ও মুকুল সমেত কাগজি বাদামফুলের মতো দেখতে  
চারটি পানপাত্র ছিল। 21 একটি কুঁড়ি ছিল দীপাধার থেকে বের হয়ে  
থাকা মোট ছয়টি শাখার মধ্যে প্রথম জোড়া শাখার তলায়, দ্বিতীয়  
কুঁড়িটি ছিল দ্বিতীয় জোড়ার তলায় এবং তৃতীয় কুঁড়িটি ছিল তৃতীয়  
জোড়ার তলায়। 22 সবকটি কুঁড়ি ও শাখা সেই দীপাধারের সঙ্গে অঞ্চল  
ছিল, যা খাঁটি সোনা পিটিয়ে পিটিয়ে তৈরি করা হল। 23 খাঁটি সোনা  
দিয়ে তাঁরা সেটির সাতটি প্রদীপ, সেইসাথে সেটির পলতে ছাঁটার যন্ত্র  
ও বারকোশগুলি ও তৈরি করলেন। 24 এক তালন্ত খাঁটি সোনা দিয়ে  
তাঁরা সেই দীপাধার ও সেটির সব আনুষঙ্গিক উপকরণ তৈরি করলেন।  
25 ধূপ জ্বালানোর জন্য তাঁরা বাবলা কাঠ দিয়ে একটি বেদি তৈরি  
করলেন। এটি ছিল বর্গাকার, 45 সেন্টিমিটার করে লম্বা ও চওড়া  
এবং 90 সেন্টিমিটার উঁচু—এর শিংগুলি এর সাথে একই টুকরো

দিয়ে গড়া হল। 26 তাঁরা সেই বেদির চূড়া ও সবদিক এবং শিংগুলি  
খাঁটি সোনা দিয়ে মুড়ে দিলেন, এবং এর চারপাশে সোনার এক ছাঁচ  
তৈরি করলেন। 27 তাঁরা বেদিটি বহন করার কাজে ব্যবহৃত খুঁটিগুলি  
ধরে রাখার জন্য সেই ছাঁচের তলায়—সামনাসামনি দুই দিকের জন্য  
দুটি দুটি করে—সোনার দুটি আংটা তৈরি করলেন। 28 বাবলা কাঠ  
দিয়ে তাঁরা খুঁটি তৈরি করলেন ও সেগুলি সোনা দিয়ে মুড়ে দিলেন।  
29 এছাড়াও তাঁরা পবিত্র অভিষেক-তেল ও খাঁটি সুগন্ধি ধূপ তৈরি  
করলেন—যা হল সুগন্ধি দ্রব্যাদি প্রস্তুতকারকের হস্তকলা।

**38** বাবলা কাঠ দিয়ে তাঁরা 1.4 মিটার উঁচু হোমবলির বেদি নির্মাণ  
করলেন; সেটি বর্গাকার, 2.3 মিটার করে লম্বা ও চওড়া হল। 2  
চারটি কোণের প্রত্যেকটিতে তাঁরা একটি করে শিং তৈরি করলেন,  
যেন শিংগুলি বেদির সাথে অখণ্ড হয়, এবং বেদিটি তাঁরা ব্রোঞ্জ দিয়ে  
মুড়ে দিলেন। 3 সেটির সব পাত্র তাঁরা ব্রোঞ্জ দিয়ে তৈরি করলেন:  
হাঁড়ি, বেলচা, জল ছিটানোর গামলা, মাংস তোলার কাঁটাচামচ ও  
আগুনে সেঁকার চাটু। 4 বেদির জন্য তাঁরা একটি জাফরি, ব্রোঞ্জের  
পরস্পরছেদী একটি জাল তৈরি করলেন, যা বেদির মাঝামাঝিতে,  
সেটির তাকের নিচে বসানো হল। 5 ব্রোঞ্জের জাফরির চার কোণের  
খুঁটিগুলি ধরে রাখার জন্য তাঁরা ব্রোঞ্জের আংটা ঢালাই করে দিলেন। 6  
বাবলা কাঠ দিয়ে তাঁরা খুঁটিগুলি তৈরি করলেন এবং সেগুলি ব্রোঞ্জ  
দিয়ে মুড়ে দিলেন। 7 খুঁটিগুলি তাঁরা আংটায় ঢুকিয়ে দিলেন, যেন  
বেদি বহনের জন্য সেগুলি বেদির পাশেই থাকে। তাঁরা সেগুলি তক্ষা  
দিয়ে, ফাঁপা করে তৈরি করলেন। 8 যেসব মহিলা সমাগম তাঁবুর  
প্রবেশদ্বারে সেবাকাজ করত, তাদের ব্যবহৃত আয়নাগুলি দিয়ে তাঁরা  
ব্রোঞ্জের গামলা ও সেটির মাচা তৈরি করলেন। 9 পরে তাঁরা প্রাঙ্গণটি  
তৈরি করলেন। দক্ষিণ দিকটি ছিল 45 মিটার লম্বা এবং সেখানে মিহি  
পাকান মসিনা দিয়ে তৈরি পর্দা, 10 এবং কুড়িটি খুঁটি ও ব্রোঞ্জের  
কুড়িটি ভিত ছিল, ও খুঁটিগুলির উপরে রঞ্চোর আঁকড়া ও বেড়ীও  
ছিল। 11 উত্তর দিকটিও ছিল 45 মিটার লম্বা এবং সেখানে কুড়িটি  
খুঁটি ও ব্রোঞ্জের কুড়িটি ভিত ছিল, ও খুঁটিগুলির উপরে রঞ্চোর আঁকড়া।

ও বেড়ীও ছিল। 12 পশ্চিম দিকটি ছিল 23 মিটার চওড়া এবং সেখানে পর্দা, এবং দশটি খুঁটি ও দশটি ভিত, এবং খুঁটিগুলির উপরে রংপোর আঁকড়া ও বেড়ীও ছিল। 13 সূর্যোদয়ের দিকে, পূর্ব দিকটিও ছিল 23 মিটার চওড়া। 14 প্রবেশদ্বারের এক পাশে, তিনটি খুঁটি ও তিনটি ভিত সমেত 6.8 মিটার লম্বা পর্দা ছিল, 15 এবং প্রাঙ্গণের প্রবেশদ্বারের অন্য দিকেও তিনটি খুঁটি ও তিনটি ভিত সমেত 6.8 মিটার লম্বা পর্দা ছিল। 16 প্রাঙ্গণের চারপাশের সব পর্দা মিহি পাকান মসিনা দিয়ে তৈরি করা হল। 17 সব খুঁটির ভিতগুলি ব্রোঞ্জ দিয়ে তৈরি করা হল। খুঁটির উপরের আঁকড়া ও বেড়ীগুলি রংপো দিয়ে তৈরি করা হল, এবং খুঁটির চূড়াগুলি রংপো দিয়ে মুড়ে দেওয়া হল; অতএব প্রাঙ্গণের সব খুঁটিতে রংপোর বেড়ী ছিল। 18 প্রাঙ্গণের প্রবেশদ্বারের পর্দাটি নীল, বেগুনি ও টকটকে লাল রংয়ের সুতো এবং মিহি পাকান মসিনা দিয়ে তৈরি করা হল—যা এক সূচিশিল্পীর হস্তকলা হল। সেটি 9 মিটার লম্বা এবং, প্রাঙ্গণের পর্দাগুলির মতো, 2.3 মিটার উঁচু হল, 19 এবং সেটির সাথে চারটি খুঁটি ও ব্রোঞ্জের চারটি ভিতও ছিল। সেগুলির আঁকড়া ও বেড়ীগুলি রংপো দিয়ে তৈরি করা হল, এবং চূড়াগুলি রংপো দিয়ে মুড়ে দেওয়া হল। 20 সমাগম তাঁবুর ও পার্শ্ববর্তী প্রাঙ্গণের সব তাঁবু-খুটা ব্রোঞ্জ দিয়ে তৈরি করা হল। 21 মোশির আদেশানুসারে, যাজক হারোগের ছেলে দ্বিথামরের নেতৃত্বে লেবীয়েরা সমাগম তাঁবুতে, বিধিনিয়মের সেই সমাগম তাঁবুতে ব্যবহারযোগ্য সামগ্রীর যে সংখ্যা নথিভুক্ত করলেন তা এইরকম। 22 (সদাপ্রভু মোশিকে যে আদেশ দিয়েছিলেন, সেইমতোই যিহূদা গোষ্ঠীভুক্ত হুরের নাতি ও উরির ছেলে বৎসলেল সবকিছু তৈরি করলেন; 23 তাঁর সাথে ছিলেন দান গোষ্ঠীভুক্ত অহীষ্মাকের ছেলে অহলীয়াব—যিনি এক ক্ষেদক ও নকশাকার, এবং নীল, বেগুনি ও টকটকে লাল রংয়ের সুতোর ও মিহি মসিনার কাজ জানা এক সূচিশিল্পী ছিলেন) 24 পবিত্রস্থানের শেকল অনুসারে, পবিত্রস্থানের সব কাজে ব্যবহৃত দোলনীয়-নৈবেদ্য থেকে সংগৃহীত সোনার মেট পরিমাণ দাঁড়িয়েছিল 29 তালস্ত ও 730 শেকল। 25 পবিত্রস্থানের শেকল অনুসারে, সমাজভুক্ত যাদের সংখ্যা জনগণনায় স্থান পেয়েছিল,

তাদের কাছ থেকে সংগৃহীত রঞ্জপোর পরিমাণ দাঁড়িয়েছিল 100 তালন্ত ও 1,775 শেকল— 26 কুড়ি বছর ও ততোধিক বয়স্ক মোট 6,03,550 জন লোক, যারা গণিত হওয়ার জন্য পার হয়ে এসেছিল, তাদের মধ্যে প্রত্যেকের জন্য পবিত্রস্থানের শেকল অনুসারে এক বেকা, অর্থাৎ, আধ শেকল করে নেওয়া হল। 27 100 তালন্ত রঞ্জপো পবিত্রস্থানের ও পর্দার জন্য ভিত ঢালাইয়ের উদ্দেশে 100-টি ভিতের জন্য 100 তালন্ত, প্রত্যেকটি ভিতের জন্য এক এক তালন্ত রঞ্জপো ব্যবহৃত হল। 28 খুঁটির আঁকড়া তৈরি করার, খুঁটির চূড়া মুড়ে দেওয়ার, ও সেগুলির বেঢ়ী তৈরি করার জন্য তাঁরা 1,775 শেকল ব্যবহার করলেন। 29 দোলনীয়-নৈবেদ্য থেকে সংগৃহীত ব্রোঞ্জের পরিমাণ হল 70 তালন্ত ও 2,400 শেকল। 30 সেই ব্রোঞ্জ তাঁরা সমাগম তাঁবুর প্রবেশদ্বারের ভিত, ব্রোঞ্জের বেদি ও সেটির সাথে যুক্ত ব্রোঞ্জের জাফরি এবং সেটির সব পাত্র, 31 পার্শ্ববর্তী প্রাঙ্গণের ও সেটির প্রবেশদ্বারের ভিতগুলি এবং সমাগম তাঁবুর ও পার্শ্ববর্তী প্রাঙ্গণের জন্য তাঁবু-খুটা তৈরি করার কাজে ব্যবহার করলেন।

**39** পবিত্রস্থানে পরিচর্যা করার জন্য তাঁরা নীল, বেগুনি ও টকটকে লাল রংয়ের সুতো দিয়ে হাতে বোনা পোশাক তৈরি করলেন। এছাড়াও, সদাপ্রভু মোশিকে যে আদেশ দিয়েছিলেন, সেই আদেশানুসারে তাঁরা হারোনের জন্য পবিত্র পোশাক তৈরি করে দিলেন। 2 তাঁরা সোনা, ও নীল, বেগুনি ও টকটকে লাল রংয়ের সুতো, এবং মিহি পাকান মসিনা দিয়ে এফোদ তৈরি করলেন। 3 তাঁরা সোনা পিটিয়ে পিটিয়ে সরু পাত তৈরি করলেন এবং তা থেকে সুতো কেটে নীল, বেগুনি ও লাল রংয়ের সুতোয় ও মিহি মসিনায় গেঁথে দিলেন—যা দক্ষ হস্তকলা হল। 4 তাঁরা এফোদের জন্য কাঁধ-পটি তৈরি করলেন, ও এমনভাবে সেগুলি এফোদের দুটি কোণে জুড়ে দিলেন যেন তা বাঁধা থাকে। 5 দক্ষতার সাথে বোনা কোমরবন্ধটি ও এটির মতো করে তৈরি হল—এফোদের সাথেই জুড়ে থাকা একই ভাগ হবে এবং সোনা, ও নীল, বেগুনি ও টকটকে লাল রংয়ের সুতো, এবং মিহি পাকান মসিনা দিয়ে, সদাপ্রভু মোশিকে যেমন আদেশ দিয়েছিলেন, সেরকমই হল। 6 সোনার

তারের সূক্ষ্ম কারুকার্য্যে স্ফটিকমণি বসিয়ে তাঁরা তাতে ইস্রায়েলের ছেলেদের নামগুলি সিলমোহরের মতো খোদাই করে দিলেন। ৭  
সন্দাপ্রভু মোশিকে যে আদেশ দিয়েছিলেন, সেই অনুসারে পরে তাঁরা ইস্রায়েলের ছেলেদের জন্য স্যারক-মণিরূপে সেগুলি এফোদের কাঁধ-পটিগুলিতে বেঁধে দিলেন। ৮ তাঁরা বুকপাটাটি তৈরি করলেন—যা দক্ষ এক কারিগরের কাজ হল। এফোদের মতো করেই তাঁরা সেটি তৈরি করলেন: সোনা, ও নীল, বেগুনি ও টকটকে লাল রংয়ের সুতো, এবং মিহি পাকান মসিনা দিয়ে সেটি তৈরি করা হল। ৯ সেটি বর্গাকার—23 সেন্টিমিটার করে লম্বা ও চওড়া হল—এবং তা দুই ভাঁজ করে রাখা হল। ১০ পরে তাঁরা সেটির উপর চার সারি মূল্যবান মণিরত্ন বসিয়ে দিলেন। প্রথম সারিতে ছিল চুণী, গোমেদ ও পান্না; ১১ দ্বিতীয় সারিতে ছিল নীলকান্তমণি, অকীক ও নীলা; ১২ তৃতীয় সারিতে ছিল নীলকান্তমণি, ১৩ চতুর্থ সারিতে ছিল পোখরাজ, স্ফটিকমণি ও সূর্যকান্তমণি। সেগুলি সোনার তারের সূক্ষ্ম কারুকার্য্য করা নকশার উপরে বসানো হল। ১৪ ইস্রায়েলের ছেলেদের প্রত্যেকের নামে একটি করে, মোট বারোটি মণিরত্ন নেওয়া হল, এবং প্রত্যেকটি মণি বারোটি গোষ্ঠীর মধ্যে এক এক গোষ্ঠীর নামে সিলমোহরের মতো খোদাই করে দেওয়া হল। ১৫ বুকপাটাটির জন্য তাঁরা খাঁটি সোনা দিয়ে দড়ির মতো দেখতে পাতা-কাটা শিকল তৈরি করলেন। ১৬ তাঁরা সোনার তারের সূক্ষ্ম কারুকার্য্য করা দুটি নকশা ও সোনার দুটি আংটা তৈরি করলেন, এবং সেই আংটা দুটি বুকপাটার দুই কোণে বেঁধে দিলেন। ১৭ তাঁরা সোনার সেই দুটি শিকল বুকপাটার কোণগুলিতে রাখা আংটাগুলিতে বেঁধে দিলেন, ১৮ এবং শিকলের অন্য প্রান্তগুলি নকশা দুটিতে বেঁধে দিয়ে, সেগুলি সামনের দিকে এফোদের কাঁধ-পটিতে জুড়ে দিলেন। ১৯ তাঁরা সোনার দুটি আংটা তৈরি করলেন ও এফোদের পাশের বুকপাটার ভিতরদিকে অন্য দুই কোণে সেগুলি জুড়ে দিলেন। ২০ পরে তাঁরা সোনার আরও দুটি আংটা তৈরি করলেন ও এফোদের কোমরবন্ধের ঠিক উপরে, যেখানে জোড়ের মুখের সেলাই পড়েছিল, তার কাছেই এফোদের সামনের দিকে কাঁধ-পটির

তলায় সেগুলি জুড়ে দিলেন। 21 নীল সুতো দিয়ে তাঁরা এফোদের আংটাগুলির সাথে বুকপাটার আংটাগুলি বেঁধে, সেটি কোমরবন্ধের সাথে জুড়ে দিলেন, যেন বুকপাটাটি নড়ে গিয়ে এফোদ থেকে খুলে না যায়—যেমন সদাপ্রভু মোশিকে আদেশ দিয়েছিলেন। 22 তাঁরা পুরোপুরি নীল কাপড় দিয়েই তাঁতির কাজের মতো করে এফোদের আলখাল্লাটি তৈরি করলেন, 23 এবং সেই আলখাল্লার মাঝখানে মাথা ঢেকানোর মতো একটি ফাঁক, ও সেই ফাঁকের চারপাশে একটি বেড়ি রেখে দিলেন, যেন তা ছিঁড়ে না যায়। 24 সেই আলখাল্লার আঁচল ধরে ধরে তাঁরা নীল, বেগুনি ও টকটকে লাল রংয়ের সুতো ও মিহি পাকান মসিনা দিয়ে ডালিম তৈরি করে দিলেন। 25 আর তাঁর খাঁটি সোনা দিয়ে ঘণ্টা তৈরি করলেন এবং ডালিমগুলির মাঝে মাঝে আঁচলের চারপাশে সেগুলি জুড়ে দিলেন। 26 সদাপ্রভু মোশিকে যে আদেশ দিয়েছিলেন সেই আদেশানুসারে, পরিচর্যা করার সময় যে আলখাল্লাটি পরতে হত, সেটির আঁচলের চারপাশে পর্যায়ক্রমিকভাবে ঘণ্টা ও ডালিমগুলি লাগানো হল। 27 হারোণ ও তাঁর ছেলেদের জন্য, তাঁরা মিহি মসিনা দিয়ে তাঁতির কাজের মতো করে নিমা 28 এবং মিহি মসিনা দিয়ে পাগড়ি, মসিনার টুপি ও মিহি পাকান মসিনা দিয়ে অন্তর্বাসগুলি তৈরি করলেন। 29 সদাপ্রভু মোশিকে যে আদেশ দিয়েছিলেন সেই আদেশানুসারে, একজন সূচিশিল্পীর হস্তকলার মতো করে মিহি পাকান মসিনা এবং নীল, বেগুনি ও টকটকে লাল রংয়ের সুতো দিয়ে উত্তরীয়াটি তৈরি করা হল। 30 তাঁরা খাঁটি সোনা দিয়ে ফলক, সেই পবিত্র প্রতীকটি তৈরি করে, তাতে সিলমোহরে খোদাই করা লিপির মতো খোদাই করে লিখে দিলেন: সদাপ্রভুর উদ্দেশে পবিত্র। 31 সদাপ্রভু মোশিকে যে আদেশ দিয়েছিলেন সেই আদেশানুসারে, পরে তাঁরা পাগড়ির সাথে সেটি জুড়ে রাখার জন্য তাতে একটি নীল সুতো বেঁধে দিলেন। 32 অতএব আবাসের, সমাগম তাঁবুর সব কাজ সম্পূর্ণ হল। ইস্রায়েলীরা সবকিছু সেভাবেই করল, যেমনটি করার আদেশ সদাপ্রভু মোশিকে দিয়েছিলেন। 33 পরে তারা সেই সমাগম তাঁবুটি মোশির কাছে নিয়ে এল: সেই তাঁবু ও

সেটির সব আসবাবপত্র, সেটির আঁকড়া, কাঠামো, আগল, খুঁটি ও ভিতগুলি; 34 লাল রং করা মেষচর্মের আচ্ছাদন এবং অন্য একটি টেকসই চামড়ার আচ্ছাদন ও আচ্ছাদক-পর্দা; 35 খুঁটি ও প্রায়শিক্তি-আচ্ছাদন সমেত বিধিনিয়মের সিন্দুক; 36 সব উপকরণ সমেত টেবিল এবং দর্শন-রংটি; 37 প্রদীপের সারি ও আনুষঙ্গিক উপকরণ সমেত খাঁটি সোনার দীপাধার, এবং আলোর জন্য জলপাই তেল; 38 সোনার বেদি, অভিষেক-তেল, সুগন্ধি ধূপ, এবং তাঁবুর প্রবেশদ্বারের জন্য পর্দা; 39 ব্রোঞ্জের জাফরি সমেত ব্রোঞ্জের বেদি, সেটির খুঁটি ও সব পাত্র; গামলা ও সেটির মাচা; 40 খুঁটি ও ভিত সমেত প্রাঙ্গণের পর্দাগুলি, এবং প্রাঙ্গণের প্রবেশদ্বারের পর্দা; প্রাঙ্গণের জন্য তাঁবু-খুটা ও দড়াদড়ি; আবাসের, সেই সমাগম তাঁবুর জন্য সব আসবাবপত্র; 41 এবং হাতে বোনা যে পোশাক পরে পরিচ্ছানে পরিচর্যা করতে হত, সেগুলি ও যাজক হারোগের জন্য পুরিত্ব পোশাকগুলি পরতে হত, সেই পোশাকগুলিও। 42 সদাপ্রভু মোশিকে যেমন আদেশ দিয়েছিলেন, ঠিক সেভাবেই ইস্রায়েলীরা সব কাজ করল। 43 মোশি সেই কাজ পরিদর্শন করলেন এবং দেখলেন যে সদাপ্রভু যেমন আদেশ দিয়েছিলেন, ঠিক সেভাবেই তারা তা করেছে। তাই মোশি তাদের আশীর্বাদ করলেন।

**40** পরে সদাপ্রভু মোশিকে বললেন: 2 “প্রথম মাসের প্রথম দিনে সমাগম তাঁবু, সেই আবাসটি প্রতিষ্ঠিত করো। 3 বিধিনিয়মের সিন্দুকটি সেটির মধ্যে রেখে দাও এবং সিন্দুকটি পর্দা দিয়ে ঢেকে দাও। 4 টেবিলটি এনে সেটির উপরে সব জিনিসপত্র সাজিয়ে রাখো। পরে দীপাধারটি এনে সেটির প্রদীপগুলি জ্বালিয়ে দাও। 5 বিধিনিয়মের সিন্দুকটির সামনে সোনার ধূপবেদিটি এনে রাখো এবং সমাগম তাঁবুর প্রবেশদ্বারে পর্দা টাঙিয়ে দাও। 6 “সমাগম তাঁবুর, সেই আবাসের প্রবেশদ্বারের সামনে হোমবলির বেদিটি এনে রাখো; 7 সমাগম তাঁবু ও বেদির মাঝখানে গামলাটি এনে রাখো এবং তাতে জল ভরে দাও। 8 সেটির চারপাশের প্রাঙ্গণটি সাজিয়ে রাখো এবং সেই প্রাঙ্গণের প্রবেশদ্বারে পর্দা টাঙিয়ে দাও। 9 “অভিষেক-তেল নাও

এবং সমাগম তাঁবু ও সেখানকার সবকিছু অভিষিক্ত করো; সেটি  
ও সেখানকার সব আসবাবপত্র পরিত্ব করো, এবং তা পরিত্ব হয়ে  
যাবে। 10 পরে হোমবলির বেদিটি ও সেটির সব পাত্র অভিষিক্ত  
করো; বেদিটি অভিষিক্ত করো, এবং তা মহাপরিত্ব হয়ে যাবে। 11  
গামলা ও সেটির মাচাটি অভিষিক্ত করো এবং সেগুলি পরিত্বও করো।  
12 “হারোণ ও তার ছেলেদের সমাগম তাঁবুর প্রবেশাদ্বারের কাছে  
নিয়ে এসো এবং তাদের জল দিয়ে স্নান করাও। 13 পরে হারোণকে  
পরিত্ব পোশাকগুলি পরিয়ে দাও, তাকে অভিষিক্ত করো এবং তাকে  
পরিত্ব করো, যেন সে যাজকরূপে আমার সেবা করতে পারে। 14  
তার ছেলেদের নিয়ে এসো এবং তাদের নিমা পরাও। 15 যেভাবে  
তাদের বাবাকে অভিষিক্ত করলে, ঠিক সেভাবে তাদেরও অভিষিক্ত  
করো, যেন তারা যাজকরূপে আমার সেবা করতে পারে। তাদের এই  
অভিষেক এমন এক যাজকত্বের জন্য হবে, যা তাদের বংশপরম্পরা  
ধরে চলতে থাকবে।” 16 সদাপ্রভু মোশিকে যে আদেশ দিয়েছিলেন,  
ঠিক সেই অনুসারেই তিনি সবকিছু করলেন। 17 অতএব দ্বিতীয়  
বছরের প্রথম মাসের প্রথম দিনে সমাগম তাঁবুটি প্রতিষ্ঠিত হল। 18  
মোশি যখন সমাগম তাঁবুটি প্রতিষ্ঠিত করলেন, তখন তিনি ভিতগুলি  
সঠিক স্থানে বসালেন, কাঠামোগুলি দাঁড় করালেন, আগলগুলি টুকিয়ে  
দিলেন এবং খুঁটিগুলি পুঁতে দিলেন। 19 পরে তিনি সমাগম তাঁবুর  
উপরে তাঁবু বিছিয়ে দিলেন এবং তাঁবুর উপরে আবরণ দিলেন, ঠিক  
যেভাবে সদাপ্রভু তাঁকে আদেশ দিয়েছিলেন। 20 তিনি বিধিনিয়মের  
ফলকগুলি নিলেন এবং সেগুলি সিন্দুকে রেখে দিলেন, সেই সিন্দুকের  
সাথে খুঁটিগুলি জুড়ে দিলেন ও সেটির উপরে প্রায়শিক্তি-আচ্ছাদনটি  
রেখে দিলেন। 21 পরে তিনি সেই সিন্দুকটি সমাগম তাঁবুতে নিয়ে  
এলেন এবং আড়ালকারী পর্দাটি ঝুলিয়ে দিলেন ও বিধিনিয়মের সেই  
সিন্দুকটি আড়াল করে রাখলেন, ঠিক যেভাবে সদাপ্রভু মোশিকে  
আদেশ দিয়েছিলেন। 22 মোশি সেই টেবিলটি সমাগম তাঁবুতে, পর্দার  
বাইরে, আবাসের উত্তর দিকে রেখে দিলেন 23 এবং সদাপ্রভুর সামনে  
সেটির উপরে রূটি সাজিয়ে রাখলেন, ঠিক যেভাবে সদাপ্রভু তাঁকে

আদেশ দিয়েছিলেন। 24 তিনি সেই দীপাধারটি সমাগম তাঁবুতে, টেবিলের বিপরীতে, আবাসের দক্ষিণ দিকে রেখে দিলেন 25 এবং সদাপ্রভুর সামনে প্রদীপগুলি জ্বালিয়ে দিলেন, ঠিক যেভাবে সদাপ্রভু তাঁকে আদেশ দিয়েছিলেন। 26 মোশি সোনার বেদিটি সমাগম তাঁবুতে পর্দার সামনে রেখে দিলেন 27 এবং সেটির উপরে সুগন্ধি ধূপ জ্বালিয়ে দিলেন, ঠিক যেভাবে সদাপ্রভু তাঁকে আদেশ দিয়েছিলেন। 28 পরে তিনি সমাগম তাঁবুর প্রবেশদ্বারে পর্দা টাঙিয়ে দিলেন। 29 তিনি হোমবলির বেদিটি সমাগম তাঁবুর, সেই আবাসের প্রবেশদ্বারের কাছে রেখে দিলেন, এবং সেটির উপরে হোমবলি ও শস্য-নৈবেদ্য উৎসর্গ করলেন, ঠিক যেভাবে সদাপ্রভু তাঁকে আদেশ দিয়েছিলেন। 30 গামলাটি তিনি সমাগম তাঁবু ও বেদির মাঝখানে রেখে দিলেন ও ধোয়াধুয়ি করার জন্য তাতে জল ভরে রাখলেন, 31 এবং মোশি এবং হারোণ ও তাঁর ছেলেরা সেই জল তাঁদের হাত পা ধোয়ার জন্য ব্যবহার করতেন। 32 যখনই তাঁরা সমাগম তাঁবুতে প্রবেশ করতেন বা বেদিটির কাছে যেতেন, তাঁরা নিজেদের ধোয়াধুয়ি করতেন, ঠিক যেভাবে সদাপ্রভু মোশিকে আদেশ দিয়েছিলেন। 33 পরে মোশি সমাগম তাঁবুর ও বেদির চারপাশে প্রাঙ্গণ তৈরি করলেন এবং প্রাঙ্গণের প্রবেশদ্বারে পর্দা লাগিয়ে দিলেন। আর এইভাবে মোশি কাজটি সমাপ্ত করলেন। 34 তখন মেঘ এসে সমাগম তাঁবুটি ঢেকে দিল, এবং সমাগম তাঁবুটি সদাপ্রভুর মহিমায় পরিপূর্ণ হয়ে উঠল। 35 মোশি সমাগম তাঁবুতে প্রবেশ করতে পারেননি কারণ তা মেঘে ছেয়ে ছিল, এবং সদাপ্রভুর মহিমা সমাগম তাঁবুটি পরিপূর্ণ করে রেখেছিল। 36 ইস্রায়েলীদের সব যাত্রায়, যখনই মেঘ সমাগম তাঁবুর উপর থেকে সরে যেত, তখনই তারা যাত্রা শুরু করত; 37 কিন্তু মেঘ যদি না সরত, তবে যতদিন তা না সরত, ততদিন তারা যাত্রা শুরু করত না। 38 অতএব ইস্রায়েলীদের সব যাত্রায় তাদের সকলের দৃষ্টিগোচরে দিনের বেলায় সদাপ্রভুর মেঘ সমাগম তাঁবুর উপরে থাকত, এবং রাতের বেলায় সেই মেঘে আগুন থাকত।

## ଲେବୀୟ ବଇ

୧ ସଦାପ୍ରଭୁ ମୋଶିକେ ଡାକଲେନ ଓ ସମାଗମ ତାଁବୁ ଥେକେ ତାଁର ସଙ୍ଗେ କଥା ବଲିଲେନ । ତିନି ବଲିଲେନ, ୨ “ଇନ୍ଦ୍ରାୟେଲୀଦେର ସଙ୍ଗେ କଥା ବଲୋ, ତାଦେର ବଲୋ: ‘ତୋମାଦେର ମଧ୍ୟେ ଯଦି କେଉଁ ସଦାପ୍ରଭୁର ଉଦ୍ଦେଶେ ଉପହାର ଦେଇ, ମେ ପଣ୍ଡପାଳ ଥେକେ ଅର୍ଥାତ୍ ଗୋପାଳ ଅଥବା ମେଷପାଳ ଥେକେ ଏକଟି ପଣ୍ଡ ଉତ୍ସର୍ଗ କରନ୍ତକ । ୩ “ଯଦି ମେ ପଣ୍ଡପାଳ ଥେକେ ହୋମବଲି ଉପହାର ଦେଇ, ତାହଲେ ନିଷ୍କଳକ୍ଷ ଏକ ପୁଂପଣ୍ଡ ଉତ୍ସର୍ଗ କରନ୍ତକ । ମେ ଅବଶ୍ୟକ ସମାଗମ ତାଁବୁର ପ୍ରବେଶଦାରେ ଏଇ ଉପହାର ରାଖବେ, ଯେନ ତା ସଦାପ୍ରଭୁର ଗ୍ରହଣଯୋଗ୍ୟ ହୁଏ । ୪ ହୋମବଲିର ମାଥାଯ ମେ ହାତ ରାଖବେ ଓ ତା ପ୍ରାୟଚିତ୍ତରୁପେ ତାର ପକ୍ଷେ ଗୃହୀତ ହବେ । ୫ ପରେ ସଦାପ୍ରଭୁର ସାମନେ ମେ ଏଁଡ଼େ ବାଚୁରାଟି ବଧ କରବେ ଏବଂ ଏରପରେ ହାରୋଗେର ପୁତ୍ର ଯାଜକେରା ରଙ୍ଗ ନେବେ ଓ ସମାଗମ ତାଁବୁର ପ୍ରବେଶଦାରେ ଚାରପାଶେ ବେଦିର ସର୍ବତ୍ର ରଙ୍ଗ ଛିଟିଯେ ଦେବେ । ୬ ମେ ଓଇ ହୋମବଲିର ଚାମଡ଼ା ଖୁଲିବେ ଓ ବଲିକୃତ ପଣ୍ଡ କେଟେ ଖଣ୍ଡ ଖଣ୍ଡ କରବେ । ୭ ଏରପର ହାରୋଗେର ପୁତ୍ର ଯାଜକେରା ବେଦିତେ ଅନ୍ତିମ ସଂଯୋଗ କରବେ ଓ ଆଗ୍ନନ୍ତର ମଧ୍ୟେ କାଠ ଦେବେ । ୮ ପରେ ହାରୋଗେର ପୁତ୍ର ଯାଜକେରା ପଣ୍ଡର ମାଥା ଓ ଚର୍ବି ସମେତ ଖଣ୍ଡଗୁଲି ସାଜାବେ, ଏବଂ ବେଦିତେ ଜ୍ଵଳନ୍ତ କାଠେର ଉପରେ ରାଖବେ । ୯ ପଣ୍ଡର ଶରୀରେ ଭିତରେର ଅଂଶ ଓ ପାଣ୍ଡଗୁଲି ମେ ଜଳେ ଧୋବେ ଏବଂ ଯାଜକ ମେ ସକଳ ବେଦିର ଆଗ୍ନନ୍ତ ପୋଡ଼ାବେ । ଏଟି ହୋମବଲି, ସଦାପ୍ରଭୁର ଉଦ୍ଦେଶେ ସନ୍ତୋଷଜନକ ସୌରଭାର୍ଥକ ଅନ୍ତିମ ଏକ ଉପହାର । ୧୦ “ଯଦି ମେଷପାଳ ଥେକେ ହୋମବଲି ଉତ୍ସର୍ଗ କରା ହୁଏ, ପାଲେର ମେଷ କିଂବା ଛାଗଳ ହୋକ, ତା ହବେ ନିଷ୍କଳକ୍ଷ ଏକ ପୁଂଶାବକ । ୧୧ ସଦାପ୍ରଭୁର ସାମନେ ବେଦିର ଉତ୍ତର ଦିକେ ମେ ପଣ୍ଡଟି ହତ୍ୟା କରବେ ଓ ହାରୋଗେର ପୁତ୍ର ଯାଜକେରା ବେଦିର ଚାରପାଶେ ବଲିଦାନେର ରଙ୍ଗ ଛିଟିଯେ ଦେବେ । ୧୨ ମେ ପଣ୍ଡଟିକେ ଖଣ୍ଡ ଖଣ୍ଡ କରେ କାଟିବେ ଏବଂ ପଣ୍ଡଟିର ମାଥା ଓ ଚର୍ବି ସମେତ ସମସ୍ତ ଅର୍ଯ୍ୟ ଯାଜକ ସାଜାବେ ଓ ବେଦିତେ ଜ୍ଵଳନ୍ତ କାଠେର ଉପରେ ରାଖବେ । ୧୩ ମେ ଓଇ ପଣ୍ଡର ଅନ୍ତର ଓ ପା ଜଳେ ଧୁଯେ ନେବେ ଏବଂ ଯାଜକ ସମସ୍ତ ନୈବେଦ୍ୟ ତୁଳିବେ ଓ ବେଦିତେ ପୋଡ଼ାବେ । ଏଟି ହୋମବଲି, ସଦାପ୍ରଭୁର ଉଦ୍ଦେଶେ ସୌରଭାର୍ଥକ ସନ୍ତୋଷଜନକ ଉପହାର । ୧୪ “ଯଦି ସଦାପ୍ରଭୁର ଉଦ୍ଦେଶେ ପାଖିଦେର ହୋମବଲି ଉତ୍ସର୍ଗ କରା ହୁଏ, ତାହଲେ ସୁଧୁ ଅଥବା କପୋତଶାବକ ମେ ଉପହାର ଦେବେ ।

15 যাজক ওই পাখিকে বেদিতে আনবে, তার মাথা মুচড়ে বেদিতে পোড়াবে; পাখির রক্ত বেদির পাশ দিয়ে প্রবাহিত হতে দেবে। 16 সে ওই পাখির কঠনালীর থলি ও অন্যান্য আবর্জনা তুলবে ও ভস্মস্থানের বেদির পূর্বদিকে নিষ্কেপ করবে। 17 সে পাখিটির ডানা ভাঙবে, কিন্তু পাখিটিকে পুরোপুরি ছিঁড়ে ফেলবে না, এবং বেদিতে জ্বলন্ত কাঠে যাজক পাখিটিকে পোড়াবে। এটি হোমবলি, যা সদাপ্রভুর উদ্দেশে সৌরভার্থক সন্তোষজনক এক উপহার।

2 “যখন কেউ সদাপ্রভুর উদ্দেশে শস্য-নৈবেদ্য আনবে, সে মিহি ময়দার উপহার আনবে, ময়দাতে জলপাই তেল ঢালবে, নৈবেদ্যের উপরে ধূপ রাখবে 2 এবং হারোগের পুত্র যাজকদের কাছে নিয়ে যাবে। যাজক সমস্ত ধূপ সমেত একমুঠো মিহি ময়দা ও তেল নেবে এবং নৈবেদ্যের স্মরণীয় অংশরূপে তা বেদিতে পোড়াবে, যা সদাপ্রভুর উদ্দেশে সৌরভার্থক সন্তোষজনক অগ্নিকৃত উপহার। 3 শস্য-নৈবেদ্যের অবশিষ্টাংশ হারোগের ও তাঁর ছেলেদের হবে; এটি সদাপ্রভুর উদ্দেশে অগ্নিকৃত সমস্ত উপহারের অতি পবিত্র অংশ। 4 “যদি তুমি উন্ননে শেঁকা শস্য-নৈবেদ্য আনো, তাহলে মিহি ময়দা দিয়ে তা তৈরি করতে হবে, যা হবে খামিরবিহীন, অথচ তেলমিশ্রিত পিঠে, তৈলাক্ত সরু চাকলী। 5 যদি পিঠে সেঁকার পাত্রে তোমার শস্য-নৈবেদ্য প্রস্তুত করো, তাহলে তেলমিশ্রিত মিহি ময়দা দিয়ে তা তৈরি করতে হবে, কিন্তু সেই খাদ্য খামিরবিহীন রাখতে হবে। 6 নৈবেদ্য খণ্ড খণ্ড করো, তাতে তেল ঢালো; এটি শস্য-নৈবেদ্য। 7 যদি তোমার শস্য-নৈবেদ্য একটি পাত্রে রাখা করা হয়, তা মিহি ময়দা ও জলপাই তেল সহযোগে রাখা করতে হবে। 8 এই সমস্ত উপাদান মিশ্রিত শস্য-নৈবেদ্য সদাপ্রভুর কাছে আনো; যাজকের হাতে দাও, যাজক সেটি বেদিতে নিয়ে যাবেন। 9 তিনি শস্য-নৈবেদ্য থেকে স্মরণীয় অংশ তুলে নেবেন, এবং অগ্নিকৃত নৈবেদ্যরূপে বেদিতে পোড়াবেন, যা সদাপ্রভুর উদ্দেশে সৌরভার্থক সন্তোষজনক উপহার। 10 শস্য-নৈবেদ্যের অবশিষ্টাংশ হারোগের ও তাঁর ছেলেদের হবে। এটি সদাপ্রভুর উদ্দেশে অগ্নিকৃত সমস্ত উপহারের অতি পবিত্র অংশ। 11 “সদাপ্রভুর উদ্দেশে নিবেদিত তোমার যে

কোনো শস্য-নৈবেদ্য অবশ্যই খামিরবিহীন হবে। মধুমিশ্রিত কোনো নৈবেদ্য তুমি পোড়াতে পারবে না। 12 তুমি সেগুলি তোমার প্রথম ফসলরূপে সদাপ্রভুর কাছে আনবে, কিন্তু সৌরভার্থক প্রীতিজনক উপহাররূপে সেগুলি উৎসর্গ করা যাবে না। 13 তুমি তোমার শস্য-নৈবেদ্যের সব বস্তু লবণাক্ত করবে। তোমার শস্য-নৈবেদ্য তোমার দ্টেশ্বরের সঙ্গে সন্ধিচুক্তির লবণ বিহীন রাখবে না। তোমার সব নৈবেদ্যে লবণ মিশ্রিত করো। 14 “যদি তুমি সদাপ্রভুর উদ্দেশে তোমার প্রথম ফসলের শস্য-নৈবেদ্য নিবেদন করতে চাও, তাহলে আগুনে ঝলসানো নতুন ফসলের মর্দিত শিষ নিবেদন করবে। 15 এই নৈবেদ্যে তেল ঢালো ও এর উপরে ধূপ রাখো; এটি শস্য-নৈবেদ্য। 16 যাজক সমস্ত ধূপ সমেত মর্দিত ফসলের স্মরণীয় অংশ ও তেল পোড়াবে, যা সদাপ্রভুর উদ্দেশে অগ্নিকৃত উপহাররূপে নিবেদিত হবে।

**৩** “যদি কেউ মঙ্গলার্থক বলিদান দেয় এবং পশ্চাল থেকে একটি পশু উৎসর্গ করে, সেটি পুংপশু বা স্ত্রীপশু যাই হোক না কেন, সদাপ্রভুর সামনে সেটি নির্দোষ হওয়া চাই। 2 সে ওই পশুর মাথায় হাত রাখবে ও সমাগম তাঁবুর প্রবেশাধারে সেটিকে বধ করবে। পরে হারোগের পুত্র যাজকেরা বেদির চারপাশে রক্ত ছিটাবে। 3 মঙ্গলার্থক বলিদান থেকে সে এক অর্ঘ্য আনবে, যা সদাপ্রভুর উদ্দেশে অগ্নিকৃত উপহার, ভিতরের অঙ্গ এবং সমস্ত মেদ তার সঙ্গে যুক্ত, 4 অন্ত্র আচ্ছাদনকারী সমস্ত মেদ অথবা এর সঙ্গে সংযুক্ত প্রত্যঙ্গ, কোমরের কাছাকাছি মেদসহ দুটি কিডনি ও কিডনির পর্দা সে বাদ দেবে। 5 তারপর হোমবলির শীর্ষ ভাগে বেদির উপরে হারোগের ছেলেরা নৈবেদ্য পোড়াবে, অর্থাৎ কাঠে অর্ঘ্য ঝলসানো হবে; এটি অগ্নিকৃত এক নৈবেদ্য যা সদাপ্রভুর উদ্দেশে সৌরভার্থক প্রীতিজনক উপহার। 6 “যদি সে সদাপ্রভুর উদ্দেশে পশ্চাল থেকে কোনো পুংশাবক অথবা স্ত্রীশাবক মঙ্গলার্থক নৈবেদ্যরূপে উৎসর্গ করে, তাহলে তা যেন ক্রটিমুক্ত হয়। 7 যদি সে এক মেষশাবক বলি দেয়, সদাপ্রভুর সামনে সে তাকে রাখবে। 8 সে তার বলির পশুর মাথায় হাত রাখবে ও সমাগম তাঁবুর সামনে বধ করবে। পরে হারোগের ছেলেরা বেদির চারপাশে বধ করা পশুর

রক্ত ছিটাবে। ৭ মঙ্গলার্থক বলি থেকে অগ্নিকৃত উপহার সে সদাপ্রভুর উদ্দেশে নিবেদন করবে। বলিকৃত পঞ্চর সমস্ত মেদ, অথবা এতে সংযুক্ত অন্যান্য প্রত্যঙ্গ, ১০ কোমরের কাছাকাছি মেদসহ দুটো কিডনি ও যকৃতের পর্দা সে সরিয়ে দেবে। ১১ যাজক খাদ্যরূপে সেগুলি বেদিতে পোড়াবে, যা সদাপ্রভুর উদ্দেশে অগ্নিকৃত এক উপহার। ১২ “যদি সে একটি ছাগল উৎসর্গ করতে চায়, সদাপ্রভুর সামনে সে তাকে রাখবে, ১৩ ছাগটির মাথায় সে হাত রাখবে ও সমাগম তাঁবুর সামনে তাকে বধ করবে। পরে হারোণের পুত্রেরা বেদির চারপাশে বধ করা পঞ্চর রক্ত ছিটাবে। ১৪ তার যে কোনো বলিদান সদাপ্রভুর উদ্দেশে অগ্নিকৃত উপহার হতেই হবে; অন্ত্র আচ্ছাদনকারী সমস্ত মেদ অথবা এতে সংযুক্ত প্রত্যঙ্গ ১৫ কোমরের কাছাকাছি মেদসহ দুটো কিডনি ও যকৃতের পর্দা সে সরিয়ে দেবে। ১৬ যাজক সেগুলি ভক্ষ্যরূপে বেদিতে পোড়াবে, যা সৌরভার্থক প্রীতিজনক অগ্নিকৃত এক উপহার। সমস্ত মেদ সদাপ্রভুর। ১৭ “পুরুষানুক্রমে তোমরা যেখানেই বসবাস করো এটি হবে তোমাদের জন্য চিরস্থায়ী বিধি, তোমরা মেদ অথবা রক্ত ভোজন করবে না।”

**৪** সদাপ্রভু মোশিকে বললেন, ২ “তুমি ইস্রায়েলীদের বলো: ‘কেউ যখন অনিচ্ছাকৃতভাবে পাপ করে এবং সদাপ্রভুর আদেশসমূহের যে কোনো নিষিদ্ধ আদেশ লঙ্ঘন করে। ৩ “যদি অভিষিক্ত যাজক পাপ করে, লোকদের উপরে দোষ বর্তায়, তাহলে তার করা পাপের জন্য সে সদাপ্রভুর উদ্দেশে পাপার্থক বলিরূপে ক্রটিহীন এঁড়ে বাচুর উৎসর্গ করবে। ৪ সে সদাপ্রভুর সামনে সমাগম তাঁবুর প্রবেশদ্বারে গোবৎস রাখবে। বাচুরাটির মাথায় সে হাত রাখবে ও সদাপ্রভুর সামনে তাকে বধ করবে। ৫ পরে অভিষিক্ত যাজক বাচুরাটির কিছু রক্ত নেবে ও সমাগম তাঁবুতে নিয়ে যাবে। ৬ সে রক্তের মধ্যে আঙুল ডুবিয়ে পরিত্রানের সামনের দিকে গিয়ে সদাপ্রভুর সামনে সেই রক্তের কিছুটা ছিটিয়ে দেবে। ৭ পরে যাজক সমাগম তাঁবুর মধ্যে সদাপ্রভুর সামনে সুগন্ধি ধূপযুক্ত বেদির শৃঙ্গে অল্প রক্ত দেবে। সমাগম তাঁবুর প্রবেশদ্বারে হোমবলির বেদির মূলে সে বাচুরাটির অবশিষ্ট রক্ত ঢালবে।

৪ পাপার্থক বলিলির বাচ্চুরটির সমস্ত মেদ সে ছাড়াবে যা অন্তের সঙ্গে  
সংযুক্ত অংশ, ৫ কোমরের কাছাকাছি মেদযুক্ত দুটি কিডনি ও যকৃতের  
পর্দা সে সরিয়ে দেবে। ১০ একইভাবে বলিকৃত বাচ্চুরটির মেদ সরাবে,  
যা মঙ্গলার্থক বলিদান। পরে যাজক হোমবলিলির বেদিতে সেগুলি  
পোড়াবে। ১১ কিন্তু ওই বাচ্চুরটির চামড়া, সমস্ত মাংস, মাথা ও পা,  
অন্ত ও গোবর, ১২ সম্পূর্ণ বাচ্চুরটিকে নিয়ে শিবিরের বাইরে কোনো  
আনুষ্ঠানিক শুচিশুদ্ধ স্থানে কাঠের উপরে আগুনে পোড়াবে, তস্মা ফেলার  
স্থানেই ভস্মের স্তুপে সেগুলি পুড়বে। ১৩ “যদি সমগ্র ইন্দ্রায়েলী সমাজ  
অনিচ্ছাকৃতভাবে পাপ করে ও সদাপ্রভুর আদেশসমূহের মধ্যে যে  
কোনো একটি নিষিদ্ধ আদেশ লজ্জন করে, এমনকি বিষয়টি সমাজের  
অজ্ঞান থাকলেও তারা দোষী সাব্যস্ত হবে ১৪ যখন সমাজ তাদের  
করা পাপের কথা জানতে পারবে, সকলে পাপার্থক বলিলিপে অবশ্যই  
একটি এঁড়ে বাচ্চুর আনবে ও সমাগম তাঁবুর সামনে রাখবে। ১৫  
সমাজের প্রাচীনেরা সদাপ্রভুর সামনে বাচ্চুরটির মাথায় হাত রাখবে  
এবং বাচ্চুরটিকে সদাপ্রভুর সামনে বধ করবে। ১৬ তারপর অভিষিক্ত  
যাজক বাচ্চুরটির কিছুটা রক্ত নিয়ে সমাগম তাঁবুর মধ্যে যাবে। ১৭  
সে রক্তের মধ্যে আঙুল ডুবিয়ে পরিত্বানের সামনের দিকে গিয়ে  
সদাপ্রভুর সামনে সেই রক্তের কিছুটা ছিটিয়ে দেবে। ১৮ বেদির শৃঙ্গে  
সে খানিকটা রক্ত ঢালবে, যা সমাগম তাঁবুর সদাপ্রভুর সামনে রয়েছে।  
সমাগম তাঁবুর প্রবেশদ্বারে হোমবলিলির বেদিমূলে সে অবশিষ্ট রক্ত  
ঢালবে। ১৯ সে বাচ্চুরটির সমস্ত মেদ ছাড়াবে ও বেদিতে পোড়াবে, ২০  
এবং পাপার্থক বলিদানে বাচ্চুরটির প্রতি কৃতকর্মের মতো এই বাচ্চুরটির  
প্রতি আচরণ করবে। এভাবে তাদের জন্য যাজক প্রায়শিক্ত করবে  
ও তারা ক্ষমা পাবে। ২১ পরে সে বাচ্চুরটিকে শিবিরের বাইরে নিয়ে  
যাবে ও তাকে পোড়াবে, যেমন প্রথমে বাচ্চুরকে পুড়িয়েছিল। এই হল  
সমাজের পাপার্থক বলিদান। ২২ “যখন কোনো নেতা অনিচ্ছাকৃতভাবে  
পাপ করে এবং তার ঈশ্বর সদাপ্রভুর আদেশসমূহের মধ্যে যে কোনো  
একটি নিষিদ্ধ আদেশ লজ্জন করে, সে যখন তার অপরাধ বুঝতে  
পারবে ২৩ এবং তার করা পাপ অন্যেরা জানতে পারবে, সে অবশ্যই

ক্রিটিমুক্ত মাদ্দা ছাগল উৎসর্গ করবে। 24 ছাগলটির মাথায় সে হাত  
রাখবে ও সেখানে তাকে বধ করবে, সেখানে সদাপ্রভুর সামনে  
হোমবলি করা হয়। এটি পাপার্থক বলিদান। 25 এরপর পাপার্থক  
বলিদানের খানিকটা রক্ত যাজক আঙুল দিয়ে তুলবে এবং হোমবলির  
বেদিশৃঙ্গে ঢালবে ও অবশিষ্ট রক্ত বেদিমূলে ঢালবে। 26 সে সমস্ত মেদ  
বেদিতে জ্বালাবে, যেমন মঙ্গলার্থক বলিদানে জ্বালিয়েছিল। এভাবে  
মানুষের পাপের জন্য যাজক প্রায়শিষ্ট করবে ও সে পাপের ক্ষমা  
পাবে। 27 “যদি সমাজের কোনো সদস্য অনিচ্ছাকৃতভাবে পাপ করে  
ও সদাপ্রভুর আদেশসমূহের মধ্যে যে কোনো একটি নিষিদ্ধ আদেশ  
লঙ্ঘন করে, যখন তারা তার দোষ বুঝতে পারবে 28 এবং তার করা  
পাপ অন্যেরা জানতে পারবে, তাদের করা পাপের জন্য বলিদানরূপে  
অবশ্যই একটি ক্রিটিমুক্ত মাদ্দি ছাগল আনবে। 29 পাপার্থক বলির  
মাথায় সে হাত রাখবে ও হোমবলির জায়গায় সেটিকে বধ করবে। 30  
এবাবে যাজক তার আঙুল দিয়ে খানিকটা রক্ত তুলবে এবং হোমবলির  
বেদিশৃঙ্গে ঢালবে ও অবশিষ্ট রক্ত বেদিমূলে ঢালবে। 31 সে সমস্ত  
মেদ ছাড়াবে, যেমন মঙ্গলার্থক বলি থেকে ছাড়িয়েছিল; পরে যাজক  
সদাপ্রভুর উদ্দেশে সৌরভার্থে বেদিতে রাখা সবকিছুই জ্বালিয়ে দেবে।  
এভাবে যাজক তার পক্ষে প্রায়শিষ্ট করবে এবং সে ক্ষমা পাবে। 32  
“যদি সে তার পাপার্থক বলিরূপে একটি মেষশাবক আনে, তাকে  
ক্রিটিমুক্ত মাদ্দি মেষশাবক আনতে হবে। 33 শাবকটির মাথায় সে হাত  
রাখবে, এবং হোমবলি বধ করার জায়গায় পাপার্থক বলিরূপে সেটিকে  
বধ করবে। 34 তারপর পাপার্থক বলিদানের খানিকটা রক্ত যাজক  
তার আঙুল দিয়ে তুলবে এবং হোমবলির বেদিশৃঙ্গে ঢালবে ও অবশিষ্ট  
রক্ত বেদিমূলে ঢালবে। 35 সে সমস্ত মেদ ছাড়াবে, যেমন মঙ্গলার্থক  
বলিদানের মেষশাবকের মেদ ছাড়িয়েছিল এবং সদাপ্রভুর উদ্দেশে  
অগ্নিকৃত নৈবেদ্যের বেদির উপরে পোড়াবে। এইভাবে যাজক তার  
কৃত পাপের কারণে প্রায়শিষ্ট করবে এবং সে ক্ষমা পাবে।

**৫** “যদি কেউ নিজের চোখে দেখে অথবা নিজের কানে শুনেও তা  
প্রকাশ না করার জন্য পাপ করে, তাহলে সেই বিষয়ের জন্য সে দায়ী

হবে। 2 “যদি কোনো ব্যক্তি জানতে পারে যে সে দোষী—যদি সে অজান্তে আনুষ্ঠানিকভাবে অশুচি কোনো জিনিস স্পর্শ করে (হতে পারে অশুচি পশুর মৃতদেহ, বন্য অথবা গৃহপালিত, অথবা কোনো অশুচি জীব যা মাটিতে চলে) এবং জানে না যে সে অশুচি, কিন্তু পরে উপলব্ধি করে যে সে অশুচি; 3 অথবা যদি সে মানুষের অশৌচ স্পর্শ করে (যা তাকে অশুচি করে) যদিও সে সেই বিষয় অবগত না হয়, কিন্তু পরে জানতে পারে এবং নিজের দোষ উপলব্ধি করে; 4 অথবা যদি কেউ অবিবেচকের মতো ভালো বা মন্দ কোনো কিছু করার শপথ গ্রহণ করে (যে কোনো কিছু করতে অ্যত্বে শপথ গ্রহণ করে) যদিও সে সেই বিষয় অবগত না হয়, কিন্তু পরে জানতে পারে এবং নিজের দোষ উপলব্ধি করে। 5 এগুলির কোনো একটির দ্বারা যখন কেউ অপরাধী হয়, সে নিজের পাপ অবশ্যই স্বীকার করবে। 6 তার কৃত পাপের দণ্ডনুপে এক পাপার্থক বলির জন্য একটি মেষবৎসা অথবা ছাগবৎসা সদাপ্রভুর উদ্দেশে সে নিবেদন করবে এবং তার পাপমোচনের জন্য তার পক্ষে যাজক প্রায়শিষ্ট করবে। 7 “সে যদি মেষবৎসা আনতে অসমর্থ হয়, তাহলে তার কৃত পাপের জন্য দুটি ঘৃঘৃ অথবা দুটি কপোতশাবক এক দোষার্থক-নৈবেদ্যনুপে সদাপ্রভুর কাছে আনবে—একটি পাপার্থক ও অন্যটি হোমবলি হবে। 8 সে যাজকের কাছে সেগুলি আনবে, তিনি পাপার্থক বলিরনুপে প্রথমে একটি শাবক উৎসর্গ করবেন। যাজক ওই শাবকের মাথা থেকে গলা মোচড় দেবে, কিন্তু ছিঁড়ে ফেলবে না, 9 এবং পাপার্থক বলির কিছুটা রক্ত নিয়ে বেদির গায়ে ছিটাবে এবং অবশিষ্ট রক্ত বেদির মূলে ঢেলে দেবে। এটি পাপার্থক বলি। 10 এবারে যাজক নির্ধারিত উপায়ে হোমবলিরনুপে অন্য শাবকটি উৎসর্গ করবে এবং সেই ব্যক্তির কৃত পাপের জন্য তার পক্ষে প্রায়শিষ্ট করবে, এবং তার পাপের ক্ষমা হবে। 11 “অন্যদিকে, যদি সে দুটি ঘৃঘৃ অথবা দুটি কপোতশাবক জোগাড় করতে অসমর্থ হয়, তাহলে সে তার পাপের জন্য এক ঐফার দশমাংশ সূক্ষ্ম ময়দা পাপার্থক বলিরনুপে উৎসর্গ করবে। সে তার নৈবেদ্যের উপরে জলপাই তেল অথবা সুগন্ধিদ্রব্য ঢালবে না, কারণ এটি পাপার্থক বলিদান। 12

সে এই বলিদান যাজকের কাছে আনবে যে এক স্মরণীয় অংশরূপে  
বলিদানের একমুঠো তুলে নিয়ে বেদিতে ভক্ষ্য-নৈবেদ্যের উপরে  
সদাপ্রভুর উদ্দেশে পোড়াবে। এটি পাপার্থক বলিদান। 13 এইভাবে  
তাদের কৃত যে কোনো পাপের জন্য যাজক প্রায়শিত্ত করবে এবং  
তাদের পাপের ক্ষমা হবে। অবশিষ্ট নৈবেদ্য যাজকের হবে, যেমন  
শস্য-নৈবেদ্যের ক্ষেত্রে হয়েছিল।” 14 সদাপ্রভু মোশিকে বললেন,  
15 “যখন কোনও ব্যক্তি আজ্ঞা লঙ্ঘন করে এবং সদাপ্রভুর পবিত্র  
বিষয়গুলির কোনো একটি বিষয়ে অনিচ্ছাকৃতভাবে পাপ করে, সে  
দণ্ডবরূপ মেষপাল থেকে একটি ত্রুটিমুক্ত মেষ সদাপ্রভুর উদ্দেশে  
আনবে ও ধর্মধামের শেকল অনুসারে নিরূপিত পরিমাণে রংপো  
রাখবে। এটি হবে দোষার্থক-নৈবেদ্য। 16 পবিত্র বিষয়গুলির সম্বন্ধে  
তার ব্যর্থতা হেতু সে অবশ্যই ক্ষতিপূরণ দেবে ও সামগ্রিক পরিমাণের  
পঞ্চমাংশ আনবে ও সমস্তই যাজককে দেবে। অপরাধের বলিদানরূপে  
একটি মেষ নিয়ে তার পক্ষে যাজক প্রায়শিত্ত করবে, এবং পাপীকে  
ক্ষমা করা হবে। 17 “যদি কেউ পাপ করে ও সদাপ্রভুর আদেশগুলির  
মধ্যে কোনো একটি আদেশ লঙ্ঘন করে, নিজের অজ্ঞানে ওই পাপ  
করলেও সে অপরাধী ও দায়ী হবে। 18 দোষার্থক-নৈবেদ্যরূপে  
মেষপাল থেকে একটি মেষ সে যাজকের কাছে আনবে; মেষটি নিখুঁত  
সঠিক মূল্যের হবে। তার অনিচ্ছাকৃত অপরাধ হেতু তার পক্ষে যাজক  
প্রায়শিত্ত করবে, এবং সে তার কৃত পাপের ক্ষমা পাবে। 19 এটি  
দোষার্থক এক নৈবেদ্য। সদাপ্রভুর বিপক্ষে কৃত মন্দ কাজ হেতু সে  
অপরাধী হয়েছে।”

**৬** সদাপ্রভু মোশিকে বললেন, 2 “যদি কেউ পাপ করে, এবং তার  
প্রতি অর্পিত কোনো বিষয় সম্বন্ধে তার প্রতিবেশীকে প্রবর্ধিত করার  
দ্বারা সদাপ্রভুর প্রতি অবিশ্বস্ত হয়, অথবা তার কাছে গচ্ছিত বস্তু চুরি  
করে, কিংবা সে প্রতিবেশীকে প্রবর্ধিত করে, 3 অথবা হারানো সম্পত্তি  
খুঁজে পায়, অথচ মিথ্যা কথা বলে, কিংবা মিথ্যা শপথ করে, কিংবা  
তার কৃত পাপের মতো অন্য কেউ একই পাপ করে এভাবে যখন  
সে পাপ করে, 4 যখন সে এরকম কোনো পাপ করে এবং বুঝতে

পারে যে সে অপরাধী, তখন চুরি করা বস্তু বা লুঁচিত জিনিস, অথবা তার প্রতি অর্পিত জিনিস কিংবা হারানো প্রাপ্ত সম্পদ পেয়ে নিজের কাছে রেখেছে ৫ অথবা মিথ্যা শপথ করা যে কোনো বস্তু সে অবশ্যই ফেরত দেবে। যেদিন সে তার দোষার্থক-নৈবেদ্য উৎসর্গ করবে, সেদিন নির্ধারিত পরিমাণের পঞ্চমাংশ সমেত পরিশোধ যোগ্য সমস্ত দ্রব্যের ক্ষতিপূরণ প্রাপকের হাতে দেবে। ৬ দণ্ডন্বরূপ সে যাজকের কাছে, অর্গাঃ সদাপ্রভুর উদ্দেশে মেষপাল থেকে নিখুঁত ও যথার্থ মানের একটি মেষ অবশ্যই আনবে। ৭ এভাবে সদাপ্রভুর সামনে তার পক্ষে যাজক প্রায়শিক্ত করবে এবং এসব আদেশের যে কোনো একটি আদেশ অমান্য হেতু তার পাপের ক্ষমা হবে, যা তাকে দোষী করেছিল।” ৮ সদাপ্রভু মোশিকে বললেন, ৯ “হারোণ ও তার ছেলেদের এই আদেশ দাও, ‘হোমবলির নিয়মাবলি এইরকম: সারারাত, সকাল অবধি হোমবলি বেদিগ্রহে থাকবে, এবং বেদিতে অগ্নি নির্বাপিত হবে না। ১০ এবারে যাজক সুতির পোশাক ও অন্তর্বাস পরিধান করবেন, এবং হোমবলির অগ্নিভস্য সরাবেন ও বেদির পাশে রাখবেন। ১১ এরপর যাজক তার পোশাক ছাড়বেন ও অন্য পোশাক পরিহিত হবেন এবং সমস্ত ভস্য শিবিরের বাইরে এক জায়গায় নিয়ে যাবেন, যা আনুষ্ঠানিকভাবে শুচি স্থান। ১২ বেদিতে সংযোগ করা আগুন যেন জলতে থাকে; এই আগুন কোনোভাবে নির্বাপিত হবে না। প্রতিদিন সকালে যাজক কাঠ জোগান দেবে, আগুনে হোমবলি সাজাবে ও এর উপরে মঙ্গলার্থক বলির মেদ পোড়াবে। ১৩ বেদিতে আগুন অবশ্যই অবিরাম জলবে; আগুন নির্বাপিত হবে না। ১৪ “শস্য-নৈবেদ্যের পক্ষে নিয়মাবলি এইরকম, হারোণের ছেলেরা সদাপ্রভুর সামনের দিকে বেদি সামনের দিকে এই নৈবেদ্য আনবে। ১৫ যাজক সমস্ত ধূপ সমেত এক মৃঠি মিহি ময়দা ও জলপাই তেল তুলে নিয়ে শস্য-নৈবেদ্যের উপরে রাখবে, এবং সদাপ্রভুর উদ্দেশে সৌরভার্থক সন্তোষজনক উপহাররূপে বেদিতে স্মরণীয় অংশ পোড়াবে। ১৬ হারোণ ও তার ছেলেরা অবশিষ্ট খাদ্য ভোজন করবে, কিন্তু তাদের পবিত্রস্থানে খামিরবিহীন খাদ্য ভোজন করতে হবে; সমাগম তাঁবুর উঠোনে তারা যেন আহার করে।

17 খামিরযুক্ত খাদ্যবস্তু রান্না করা যাবে না; আমার উদ্দেশে প্রস্তুত অগ্নিকৃত উপহারগুলির অংশকূপে এটি আমি তাদের দিয়েছি। পাপার্থক বলি ও দোষার্থক-নৈবেদ্যের মতো এটি অত্যন্ত পবিত্র। 18 হারোগের যে কোনো পুরুষ বংশধর এই খাদ্য ভোজন করতে পারে। সদাপ্রভুর উদ্দেশে অগ্নিকৃত উপহারগুলির মধ্যে এই অংশবিশেষ তার অধিকার ও পুরুষানুক্রমে তারা ভোজন করবে। তাদের স্পর্শে যে কোনো বস্তু পবিত্র হবে।” 19 সদাপ্রভু মোশিকে আরও বললেন, 20 “হারোণ ও তার ছেলেরা অভিষেকের দিনে সদাপ্রভু উদ্দেশে এই উপহার আনবে: এক নিয়মিত শস্য-নৈবেদ্যকূপে এক ট্রিফা মিহি ময়দার দশমাংশ, সকালে অর্ধেক ভাগ ও সন্ধ্যায় অর্ধেক ভাগ। 21 পাত্রে তেল চেলে তা প্রস্তুত করো, সুমিশ্রিত খাদ্য আনো ও সদাপ্রভুর উদ্দেশে খণ্ড খণ্ড করে কেটে সৌরভার্থক সন্তোষজনক উপহারকূপে ওই শস্য-নৈবেদ্য উৎসর্গ করো। 22 অভিষিক্ত যাজকরূপে তার উত্তরাধিকারী ছেলে এই খাদ্য প্রস্তুত করবে। এটি সদাপ্রভুর নিয়মিত অংশ, যা পুরোপুরি পোড়াতে হবে। 23 যাজকের প্রত্যেক শস্য-নৈবেদ্য পুরোপুরি পুড়ে যাবে, এটি ভোজন করা যাবে না।” 24 সদাপ্রভু মোশিকে বললেন, 25 “হারোণ ও তার ছেলেদের বলো, পাপার্থক বলিদানের নিয়মাবলি এইরকম: সদাপ্রভুর সামনে হোমবলি হত্যা করার জায়গায় পাপার্থক বলিকে হত্যা করতে হবে; এটি অত্যন্ত পবিত্র। 26 উৎসর্গকারী যাজক এই খাদ্য খাবে। সমাগম তাঁবুর উঠোনের পবিত্রস্থানে খাদ্যটি ভোজন করতে হবে; 27 যে তা স্পর্শ করবে সে পবিত্র হবে; যদি পোশাকে রক্তের দাগ লাগে, তোমাকে এক পবিত্রস্থানে তা ধূয়ে ফেলতে হবে। 28 মাংস রান্নার জন্য মাটির পাত্রকে অবশ্যই ভেঙ্গে ফেলতে হবে; কিন্তু যদি পিতলের পাত্রে তা রান্না করা হয়, তাহলে জল দিয়ে ধূয়ে পাত্রটি পরিষ্কার করতে হবে। 29 যাজকের পরিবারের যে কোনো পুরুষ এই খাদ্য ভোজন করতে পারে; এটি অত্যন্ত পবিত্র। 30 কিন্তু পবিত্রস্থানে প্রায়শিক্ত করবার জন্য সমাগম তাঁবুতে আনা যে কোনো পাপার্থক বলির রক্ত ভোজন করা যাবে না; এই ভক্ষ্য দ্রব্যকে পোড়াতেই হবে।

7 “দোষার্থক-নৈবেদ্যদানের পক্ষে এই নিয়মাবলি, যা অত্যন্ত পবিত্র:  
2 দোষার্থক-নৈবেদ্যদান স্থানে করতে হবে, যেখানে হোমবলি করা  
হয় এবং বেদির উপরে চারপাশে এর রক্ত ছিটাতে হবে। 3 এর সমস্ত  
চর্বি উৎসর্গ করা হবে, মেদযুক্ত লেজ, অন্ত আচ্ছাদনকারী মেদ, 4  
কেমরের কাছাকাছি মেদযুক্ত দুটি কিটনি এবং যকৃতের পর্দা ছাড়িয়ে  
ফেলে দিতে হবে। 5 সদাপ্রভুর উদ্দেশে অগ্নিকৃত উপহাররূপে এগুলি  
বেদিতে রেখে যাজক পোড়াবে। এটি দোষার্থক-নৈবেদ্যদান। 6  
যাজকের পরিবারের যে কোনো পুরুষ এই খাদ্য ভোজন করতে পারে,  
কিন্তু অবশ্যই এক পবিত্রস্থানে তা ভোজন করতে হবে; এটি অত্যন্ত  
পবিত্র ভক্ষ্য। 7 “পাপার্থক বলি ও দোষার্থক-নৈবেদ্য উভয় ক্ষেত্রে  
একই নিয়ম প্রযোজ্য হবে; সবই যাজক নেবে, যার দ্বারা সকলের  
জন্য প্রায়শিত্ব সাধিত হবে। 8 হোম বলিদানকারী যাজক নিজের  
জন্য চামড়া রাখতে পারবে। 9 প্রত্যেক শস্য-নৈবেদ্য উন্মনে অথবা  
পাত্রে কিংবা চাটুতে রাখা করা খাদ্য যাজকের হবে, যে এই নৈবেদ্য  
উৎসর্গ করবে 10 এবং তেলমিশ্রিত কিংবা অমিশ্রিত যে কোনো শস্য-  
নৈবেদ্য হারোণের ছেলেরা সবাই সমপরিমাণে পাবে। 11 “মঙ্গলার্থক  
বলিদানের পক্ষে এই নিয়মাবলি, যা যে কোনো ব্যক্তি সদাপ্রভুর  
উদ্দেশে উপহার দিতে পারে। 12 “যদি সে কৃতজ্ঞতার প্রকাশস্বরূপ  
বলি আনে, তাহলে ধন্যবাদসূচক এই বলিদানের সঙ্গে সে তেলমিশ্রিত  
খামিরবিহীন রুটি, তৈলাক্ত খামিরবিহীন সরঢ়চাকলি, তৈলসিঙ্গ মিহি  
ময়দার পিঠে আনবে। 13 সে তার কৃতজ্ঞতাপূর্ণ মঙ্গলার্থক বলির  
সঙ্গে খামিরযুক্ত ময়দার পিঠে উপহার দেবে। 14 সব ধরনের ভক্ষ্য  
সে সদাপ্রভুর উদ্দেশে একটি করে উপহার দানরূপে আনবে; এগুলি  
সেই যাজকের হবে যে বেদিতে মঙ্গলার্থক বলির রক্ত ছিটাবে। 15  
তার ধন্যবাদ জ্ঞাপনের মঙ্গলার্থক বলির মাংস উৎসর্গীকরণের দিনে  
অবশ্যই ভোজন করতে হবে; সকাল পর্যন্ত যেন কোনো খাদ্য রাখা  
না হয়। 16 “যাইহোক, যদি, তার উপহার কোনো মানত কিংবা  
স্বেচ্ছাকৃত দানের পরিণতি হয়, তাহলে উৎসর্গীকরণের দিনে ওই  
বলি ভোজন করতে হবে, তবে অবশিষ্ট যে কোনো ভক্ষ্য পরের দিন

ভোজন করতে পারে। 17 বলিদানের কোনো মাংস তৃতীয় দিন পর্যন্ত থাকলে তা অবশ্যই পোড়াতে হবে। 18 যদি মঙ্গলার্থক বলিদানের কোনো মাংস তৃতীয় দিনে ভোজন করা হয়, তাহলে তা গৃহীত হবে না। উপহারদাতার প্রতি তা আরোপিত হবে না, কারণ সেটি অশুচি; যদি কেউ এই মাংস ভক্ষণ করে, সে তার জন্য দায়ী হবে। 19 “মাংস কোনো আনুষ্ঠানিক অশুচি বস্তুকে স্পর্শ করলে তা ভক্ষণ করা যাবে না; সেটি জ্বালিয়ে দিতে হবে। আনুষ্ঠানিকভাবে শুচি যে কোনো ব্যক্তি অন্য মাংস ভক্ষণ করতে পারে। 20 কিন্তু অশুচি কেউ যদি সদাপ্রভুর উদ্দেশে নিবেদিত মঙ্গলার্থক বলিদানের মাংস ভক্ষণ করে, তাহলে নিজের লোকদের মধ্য থেকে সে উচ্ছিন্ন হবে। 21 যদি কেউ কোনো অশুচি বস্তু স্পর্শ করে, কোনো অশুচি মানুষ অথবা এক অশুচি পশু, কিংবা ভূমিতে বিচরণকারী কোনো অশুচি ঘৃণার্হ বস্তু, এবং পরে সদাপ্রভুর উদ্দেশে নিবেদিত মঙ্গলার্থক বলিদানের মাংস ভক্ষণ করে, তাহলে সে নিজের লোকদের মধ্য থেকে অবশ্যই উচ্ছিন্ন হবে।” 22 সদাপ্রভু মোশিকে বললেন, 23 “তুমি ইস্রায়েলীদের এই কথা বলো: ‘গরু, মেষ অথবা ছাগলের মেদ তোমরা ভোজন করবে না। 24 মৃত পশুর অথবা বন্যপশু দ্বারা ছিন্নভিন্ন পশুর মেদ অন্য যে কোনো উদ্দেশ্যে ব্যবহৃত হতে পারে কিন্তু তোমরা কিছুতেই ভোজন করবে না। 25 যদি কেউ এমন কোনো পশুর মেদ ভোজন করে যা অগ্নিকৃত উপহার রূপে সদাপ্রভুর উদ্দেশে নিবেদিত, সে আপন লোকদের মধ্য থেকে অবশ্যই উচ্ছিন্ন হবে। 26 তোমরা যেখানেই থাকো, কোনো পাথির অথবা পশুর রক্ত কখনও ভোজন করবে না। 27 যদি কেউ রক্ত ভোজন করে, তাহলে আপনজনদের মধ্য থেকে সে অবশ্যই উচ্ছিন্ন হবে।” 28 সদাপ্রভু মোশিকে বললেন, 29 “তুমি ইস্রায়েলীদের এই কথা বলো: ‘সদাপ্রভুর উদ্দেশে যদি কেউ মঙ্গলার্থক বলিদান আনে, তাহলে সদাপ্রভুর উদ্দেশে সে তার বলিদানের অংশ আনুক। 30 সে নিজের হাতে সদাপ্রভুর উদ্দেশে অগ্নিকৃত উপহার নৈবেদ্যরূপে সদাপ্রভুর সামনে আনবে; বক্ষের সঙ্গে মেদও আনতে হবে এবং সেই বক্ষ দোলনীয়-নৈবেদ্যস্বরূপ সদাপ্রভুর সামনে দোলাবে। 31 বেদির উপরে

যাজক মেদ জ্বালাবে, কিন্তু হারোণ ও তার ছেলেরা পক্ষের অধিকারী।

32 তোমরা নিজ নিজ মঙ্গলার্থক বলিদানের ডান জাং উপহাররূপে

যাজককে দেবে। 33 হারোগের যে ছেলে মঙ্গলার্থক বলিদানের রক্ত

ও মেদ উৎসর্গ করবে, তার ভাগের অংশরূপে ডান জাং পাবে। 34

ইস্রায়েলীদের মঙ্গলার্থক বলিদান থেকে এক দোলনীয় বক্ষ আমি

নিলাম ও উৎসর্গীকৃত জাং নিয়ে ইস্রায়েল-সন্তানদের দেয় চিরস্থায়ী

অধিকাররূপে সেই নৈবেদ্য যাজক হারোণ ও তার ছেলেদের দিলাম।”

35 অগ্নিকৃত উপহারের এই অংশ সদাপ্রভুর উদ্দেশে নিবেদিত, যা

সেদিন হারোণ ও তার ছেলেদের জন্য চিহ্নিত হল, যেদিন যাজকরূপে

তারা সদাপ্রভুর সেবাকর্মে সমর্পিত হয়েছিল। 36 যেদিন তারা অভিষিক্ত

হল, সেদিন সদাপ্রভু আদেশ দিলেন যে বংশপ্ররূপরায় ইস্রায়েলীদের

দেয় চিরস্থায়ী অধিকাররূপে এই উৎসর্গীকৃত জাং তারা হারোণ ও

তার ছেলেদের দেবে। 37 হোমবলি, শস্য-নৈবেদ্য, পাপার্থক বলি,

দোষার্থক-নৈবেদ্য, অভিষিক্তকরণ ও মঙ্গলার্থক বলিদানের পক্ষে

এই বিধান, 38 যা সেদিন সদাপ্রভু সীনয় পর্বতে মোশির প্রতি অর্পণ

করেছিলেন, যেন ইস্রায়েলীরা সীনয় মরণভূমিতে সদাপ্রভুর উদ্দেশে

তাদের সব বলিদান উৎসর্গ করে।

**৮** সদাপ্রভু মোশিকে বললেন, 2 “তুমি হারোণ ও তার ছেলেদের,

তাদের পোশাক-পরিচ্ছদ, অভিষেকার্থ তেল, পাপার্থক বলিদানের জন্য

বাচ্চুর, দুটি মেষ ও এক বুড়ি খামিরবিহীন রংটি আনো, 3 এবং সমাগম

তাঁবুর প্রবেশদ্বারে সমগ্র মঙ্গলীকে সমবেত করো।” 4 সদাপ্রভুর

আদেশমতো মোশি কাজ করলেন ও সমাগম তাঁবুর প্রবেশদ্বারে

জনমঙ্গলী সমবেত হল। 5 জনগণের উদ্দেশে মোশি বললেন, “এই

কাজ করতে সদাপ্রভু আদেশ দিয়েছেন।” 6 পরে হারোণ ও তাঁর

ছেলেদের মোশি সামনে আনলেন ও জল দিয়ে তাদের ধূয়ে দিলেন

করলেন। 7 তিনি হারোণকে কাপড় পরালেন, রেশমি ফিতে দিয়ে

তার কোমর বেঁধে, তার গায়ে পোশাক ও তার উপরে এফোদ দিলেন

এবং একটি বুনানি করা কোমরবন্ধ দিয়ে তার গায়ের এফোদ বেঁধে

দিলেন। এর দ্বারা হারোণ সুদৃঢ় হল। 8 মোশি হারোণকে বুকপাটা

দিলেন ও বুকপাটাতে উরীম ও তুমীম স্থাপন করলেন। ৭ পরে হারণের মাথায় তিনি পাগড়ি পরিয়ে দিলেন, এবং পাগড়ির সামনের দিকে সোনার পাত দিয়ে গড়া পবিত্র প্রতীক জুড়ে দিলেন, যেমন মোশিকে সদাপ্রভু আদেশ দিয়েছিলেন। ১০ পরে মোশি অভিষেকার্থক তেল নিলেন, এবং সমাগম তাঁবু ও তার মধ্যের সমস্ত দ্রব্য অভিষিক্ত করলেন, এবং সেগুলি উৎসর্গ করলেন। ১১ তিনি বেদিতে সাতবার তেল ছিটালেন; বেদি এবং বেদির সমস্ত পাত্র, খাড়া রাখার উপাদান সমেত প্রক্ষালন পাত্র পবিত্র করণার্থে অভিষেক করলেন। ১২ হারোগের মাথায় তিনি কিছুটা অভিষেকার্থক তেল ঢাললেন ও তাকে পবিত্র করণার্থে অভিষিক্ত করলেন। ১৩ তারপর তিনি হারোগের ছেলেদের সামনে আনলেন, কাপড় পরালেন, কঠি বন্ধনে আবদ্ধ করলেন ও তাদের মাথায় শিরোভূষণের বন্ধনী দিলেন, যেমন মোশিকে সদাপ্রভু আদেশ দিয়েছিলেন। ১৪ পরে পাপার্থক বলিদানের জন্য তিনি বাচ্চুর রাখলেন, এবং হারোগ ও তার ছেলেরা বাচ্চুরটির মাথায় হাত রাখলেন। ১৫ মোশি ওই বাচ্চুরটিকে বধ করলেন এবং বেদি শুচি করার জন্য বেদির শিংগুলিতে আঙুল দিয়ে কিছুটা রক্ত ঢাললেন। অবশিষ্ট রক্ত তিনি বেদিমূলে ঢেলে দিলেন। এইভাবে প্রায়শিত্ব করার জন্য তিনি সমস্তই পবিত্র করলেন। ১৬ আর মোশি অন্ত্রের সব মেদ, যকৃতের পর্দা, দুটি কিডনি ও কিডনির মেদ ছাড়িয়ে নিলেন ও বেদিতে জ্বালিয়ে দিলেন। ১৭ কিন্তু বাচ্চুরটির চামড়া, মাংস ও গোবর শিবিরের বাইরে নিয়ে গেলেন ও সেগুলি পুড়িয়ে দিলেন, যেমন মোশিকে সদাপ্রভু আদেশ দিয়েছিলেন। ১৮ পরে হোমবলির জন্য তিনি মেষ রাখলেন এবং হারোগ ও তাঁর ছেলেরা সেটির মাথায় তাঁদের হাত রাখল। ১৯ পরে মোশি ওই মেষকে বধ করলেন ও বেদির উপরে চারপাশে রক্ত ছিটালেন। ২০ তিনি মেষটিকে খণ্ড খণ্ড করে কাটলেন এবং তার মাথা, মাংসখণ্ড, ও মেদ পোড়ালেন। ২১ তিনি অন্ত্র ও পাণ্ডলি জল দিয়ে ধূয়ে দিলেন এবং হোমবলিরপে গোটা মেষ বেদিতে পোড়ালেন যা সদাপ্রভুর উদ্দেশে নিবেদিত অগ্নিকৃত সৌরভার্থক সন্তোষজনক উপহার, যেমন মোশিকে সদাপ্রভু আদেশ দিয়েছিলেন। ২২ এরপর

অভিষেকের জন্যে তিনি অন্য একটি মেষ রাখলেন, এবং হারোণ ও তাঁর ছেলেরা সেটির মাথায় হাত রাখলেন। 23 মোশি ওই মেষকে বধ করলেন এবং হত মেষের কিছুটা রক্ত নিয়ে হারোণের ডান কানের ডগায়, তার ডান হাতের বুঢ়ো আঙুলে ও তার ডান পায়ের বুঢ়ো আঙুলে লেপন করলেন। 24 মোশি হারোণের ছেলেদেরও সামনে আনলেন এবং তাদের ডান কানের ডগায়, তাদের ডান হাতের বুঢ়ো আঙুলে ও ডান পায়ের বুঢ়ো আঙুলে কিছুটা রক্ত টেলে দিলেন। পরে তিনি বেদির উপরে চারপাশে রক্ত ছিটালেন। 25 এরপরে তিনি মেদ, মেদ্যুক্ত লেজ, অন্ত্রবেষ্টিত সব মেদ, যকৃতের পর্দা, দুটি কিডনি ও কিডনির মেদ ডান জাং-এ ছাঢ়িয়ে নিলেন। 26 পরে সদাপ্রভুর সামনে রাখা খামিরবিহীন রঞ্জির ঝুঁড়ি থেকে একটি রঞ্জি, তৈলপক্ষ একটি রঞ্জি এবং একটি সরঞ্জাকলি তিনি তুলে নিলেন, তিনি মেদের অংশে ও ডান জাং-এ এগুলি রাখলেন। 27 হারোণ ও তার ছেলেদের হাতে তিনি এগুলি দিলেন, এবং দোলনীয়-নৈবেদ্যরূপে সদাপ্রভুর সামনে এগুলি দোলালেন। 28 এরপর তাদের হাত থেকে মোশি সেগুলি নিলেন এবং অভিষেক নৈবেদ্যরূপে হোমবলির উপরে বেদিতে সকল নৈবেদ্য পোড়ালেন, যা সদাপ্রভুর উদ্দেশে নিবেদিত অগ্নিকৃত সৌরভার্থক সন্তোষজনক এক উপহার। 29 তিনি বক্ষটিও নিলেন যা অভিষেক মেষ থেকে মোশির অংশ এবং দোলনীয় এক নৈবেদ্যরূপে সদাপ্রভুর সামনে সেটি দোলালেন যেমন সদাপ্রভু মোশিকে আদেশ দিয়েছিলেন। 30 পরে মোশি বেদি থেকে কিছুটা অভিষেকার্থক তেল ও রক্ত নিলেন এবং হারোণ ও তাঁর পরিধানে এবং তাঁর সকল ছেলে ও তাদের পোশাকে ছিটালেন। এইভাবে হারোণ ও তাঁর পোশাককে, এবং তাঁর সকল ছেলে ও তাদের পোশাককে মোশি পরিত্ব করলেন। 31 পরে হারোণ ও তার ছেলেদের মোশি বললেন, “সমাগম তাঁবুর প্রবেশদ্বারে তোমরা মাংস রাখা করো ও অভিষেক নৈবেদ্যগুলির ঝুঁড়ি থেকে রঞ্জি নিয়ে মাংস দিয়ে ভোজন করো: ‘যেমন আমি বললাম, হারোণ ও তার ছেলেরা সবাই সেরকমই করুক।’ 32 পরে অবশিষ্ট মাংস ও রঞ্জি পুড়িয়ে দাও। 33 সাত দিনের জন্য সমাগম তাঁবুর

প্রবেশদ্বার হেতু যেয়ো না, যতদিন না তোমাদের অভিষেকের দিনগুলি  
সম্পূর্ণ হয়, কেননা তোমাদের অভিষেক সাত দিন স্থায়ী হবে। 34  
সদাপ্রভুর আদেশানুসারে আজ সেই কাজ করা হল, যেন তোমাদের  
জন্য প্রায়শিত্ব সাধিত হয়। 35 সমাগম তাঁবুর প্রবেশদ্বারে দিনরাত  
সাত দিন অবধি তোমরা অবশ্যই থেকো, এবং সদাপ্রভুর চাহিদা  
অনুযায়ী কাজ করো; তাহলে তোমরা মরবে না; কেননা আমাকে এই  
আদেশ করা হয়েছে।” 36 সুতরাং মোশির মাধ্যমে সদাপ্রভুর আদেশ  
অনুযায়ী হারোণ ও তাঁর ছেলেরা সকল কাজ করল।

**৭** অষ্টম দিনে হারোণ, তাঁর সব ছেলেদের ও ইস্রায়েলের প্রাচীনবর্গকে  
মোশি ডাকলেন, 2 তিনি হারোণকে বললেন, “তুমি পাপার্থক-  
নৈবেদ্যরূপে ক্রটিহীন এক এঁড়ে বাচ্চুর ও হোমবলিরূপে ক্রটিহীন এক  
মেষ নাও এবং সদাপ্রভুর সামনে নিয়ে এসো। 3 পরে ইস্রায়েলীদের  
তিনি বললেন, ‘পাপার্থক-নৈবেদ্যরূপে তোমরা একটি পাঁঠা ও  
হোমবলিরূপে একটি বাচ্চুর, একটি মেষশাবক নাও; দুটিই যেন এক  
বর্ষীয় ও ক্রটিমুক্ত হয়, 4 এবং মঙ্গলার্থক বলিদানের জন্য একটি ঘাঁড়  
ও একটি মেষ এবং জলপাই তেলে মেশানো শস্য-নৈবেদ্য নেবে  
সদাপ্রভুর সামনে উৎসর্গ করার জন্য, কেননা আজ তোমাদের সামনে  
সদাপ্রভু আবির্ভূত হবেন।” 5 মোশির আদেশানুসারে তারা এইসব  
সমাগম তাঁবুর সামনে আনল, এবং সমগ্র জনমণ্ডলী কাছে এল ও  
সদাপ্রভুর সামনে দাঁড়াল। 6 পরে মোশি বললেন, “সদাপ্রভু এই  
কাজ করতে তোমাদের আদেশ দিয়েছেন, যেন সদাপ্রভুর মহিমা  
তোমাদের প্রতি প্রদর্শিত হয়।” 7 মোশি হারোণকে বললেন, “তুমি  
বেদির নিকটবর্তী হও এবং তোমার পাপার্থক বলি ও তোমার হোমবলি  
উৎসর্গ করো এবং তোমার ও লোকদের পক্ষে প্রায়শিত্ব করো;  
লোকদের জন্য উপহার নিবেদন করো এবং তাদের জন্য প্রায়শিত্ব  
করো, যেমন সদাপ্রভু আজ্ঞা দিয়েছিলেন।” 8 সুতরাং হারোণ বেদির  
কাছে এলেন ও নিজের পাপার্থক বলিরূপে এঁড়ে বাচ্চুর বধ করলেন।  
৯ তাঁর ছেলেরা তাঁকে রক্ত এনে দিল এবং তিনি তাঁর আঙুল রক্তে  
ডুবালেন, বেদির শৃঙ্গগুলিতে রক্তের প্রলেপ দিলেন ও অবশিষ্ট রক্ত

বেদিমূলে নিষ্কেপ করলেন। 10 পাপার্থক বলি থেকে মেদ, দুটো  
কিউনি ও যকৃতের পর্দা নিয়ে তিনি বেদিতে সেগুলি পোড়ালেন, যেমন  
মোশিকে সদাপ্রভু আদেশ দিয়েছিলেন; 11 তিনি শিবিরের বাইরে  
মাংস ও চামড়া পোড়ালেন। 12 পরে তিনি হোমবলি বধ করলেন,  
তার ছেলেরা রক্ত এগিয়ে দিল এবং তিনি বেদির উপরে চারপাশে  
রক্ত ছিটালেন। 13 ছেলেরা খণ্ড খণ্ড করে হোমবলি মাথা সমেত  
হারোগের হাতে দিল এবং হারোগ সেগুলি বেদিতে পোড়ালেন। 14  
তিনি অন্ত্র ও পাণ্ডুলি ধুয়ে দিলেন ও বেদিতে হোমবলির উপরে সেগুলি  
পোড়ালেন। 15 পরে হারোগ উপহার আনলেন, যা লোকদের জন্য  
ছিল। লোকদের পাপার্থক বলিদানের জন্য তিনি ছাগল নিলেন, সেটি  
বধ করলেন এবং পাপার্থক বলিরপে উপহার দিলেন, যেমন প্রথম  
উপহার দিয়েছিলেন। 16 তিনি হোমবলি আনলেন ও নিয়মানুসারে তা  
নিবেদন করলেন। 17 তিনি শস্য-নৈবেদ্যও আনলেন, ওই নৈবেদ্য  
থেকে এক মুঠি নিলেন এবং বেদিতে তা পোড়ালেন, যা প্রাতঃকালীন  
হোমবলির অতিরিক্ত। 18 লোকদের পক্ষে মঙ্গলার্থক বলিরপে ঘাঁড় ও  
মেষ তিনি বধ করলেন। তাঁর ছেলেরা তাঁর হাতে রক্ত জোগান দিল  
এবং তিনি বেদির উপরে চারপাশে রক্ত ছিটালেন। 19 কিন্তু ঘাঁড়  
ও মেষের মেদের অংশ, মেদযুক্ত লেজ, মেদের স্তর, দুটি কিউনি  
ও যকৃতের পর্দা, 20 তারা সেগুলি বক্ষস্থলে রাখল ও পরে হারোগ  
বেদির উপরে মেদ পোড়ালেন। 21 সদাপ্রভুর সামনে হারোগ বক্ষদুটি  
ও ডান জাং দোলনীয়-নৈবেদ্যরপে দোলান, যেমন মোশি আদেশ  
দিয়েছিলেন। 22 পরে লোকদের দিকে হারোগ তাঁর হাত তুলে ধরলেন  
ও তাদের আশীর্বাদ করলেন। পাপার্থক বলি, হোমবলি ও মঙ্গলার্থক  
বলিদান শেষ হওয়ার পরে হারোগ নিচে নামলেন। 23 পরে মোশি  
ও হারোগ সমাগম তাঁবুর মধ্যে গেলেন। শিবির থেকে বেরিয়ে এসে  
তাঁরা লোকদের আশীর্বাদ করলেন, এবং সব লোকের কাছে সদাপ্রভুর  
প্রতাপ আবির্ভূত হল। 24 সদাপ্রভুর উপস্থিতি থেকে আগুন নির্গত হল  
এবং বেদিতে রাখা হোমবলি ও মেদমিশ্রিত অংশগুলিকে সেই আগুন

গ্রাস করল। সব লোক এই দৃশ্য চাক্ষুষ করে, হর্ষন্ধনি করল ও উবুড়  
হয়ে পড়ল।

**10** হারোগের ছেলে নাদব ও অবীহু তাদের ধূপাধার নিল, এবং তাতে  
ধূপ দিয়ে আগুন সংযোগ করল ও সদাপ্রভুর সামনে অসমর্থিত আগুন  
উৎসর্গ করল, যা তাঁর আজ্ঞার পরিপন্থী। 2 সুতরাং সদাপ্রভুর উপস্থিতি  
থেকে অগ্নি নির্গত হয়ে তাদের গ্রাস করল ও সদাপ্রভুর সামনে তারা  
মারা গেল। 3 পরে মোশি হারোগকে বললেন, সদাপ্রভু এমন কথাই  
বলেছিলেন যখন তিনি আমাকে বলেছিলেন: “যারা আমার নিকটবর্তী  
হয়, তাদের আমি আমার পবিত্রতা দেখাব ও সব মানুষের দৃষ্টিতে আমি  
সম্মানিত হব।” হারোগ নীরব থাকলেন। 4 হারোগের কাকা উষীয়েলের  
ছেলে মীশায়েল ও ইল্সাফনকে মোশি ডাকলেন ও তাদের বললেন,  
“তোমরা এখানে এসো; ধর্মধামের সামনে থেকে দূরে, শিবিরের বাইরে  
তোমাদের জ্ঞাতিদের নিয়ে যাও।” 5 সুতরাং তারা এল, জ্ঞাতিদের  
বহন করল ও কাপড় পরা অবস্থাতেই তাদের শিবিরের বাইরে নিয়ে  
গেল, যেমন মোশি আদেশ দিয়েছিলেন। 6 পরে হারোগ, তাঁর ছেলে  
ইলীয়াসর ও ঈথামরকে মোশি বললেন, “তোমাদের মাথা নেড়া কোরো  
না ও তোমাদের পরিধান ছিঁড়ো না, পাছে তোমরাও মারা যাও, এবং  
সমগ্র জনমণ্ডলীর উপরে সদাপ্রভুর ক্রোধ বর্ষিত হয়। কিন্তু তোমাদের  
পরিজন, ইস্রায়েলের সমগ্র সমাজ সদাপ্রভুর কৃত অগ্নিদ্বারা মৃতদের  
জন্য কাঁদুক। 7 সমাগম তাঁবুর প্রবেশদ্বার ত্যাগ কোরো না, অন্যথায়  
তোমরা মরবে, কেননা তোমাদের গায়ে সদাপ্রভুর অভিষেকার্থক  
তেল আছে।” সুতরাং মোশি যেমন বললেন তারা তেমনই করল। 8  
পরে সদাপ্রভু হারোগকে বললেন, 9 “সমাগম তাঁবুতে যাওয়ার সময়  
তোমরা দ্রাক্ষারস অথবা মদ্যপান করবে না, নইলে তোমরা মরবে।  
এটি বংশপরম্পরায় তোমাদের পালনীয় চিরস্থায়ী বিধি, 10 যেন পবিত্র  
ও সাধারণের মধ্যে, শুচি ও অঙ্গচির মধ্যে তুমি অবশ্যই পার্থক্য রাখো  
11 এবং মোশির মাধ্যমে সদাপ্রভু যেসব বিধি দিয়েছেন সেগুলি তুমি  
ইস্রায়েলীদের অবশ্যই শেখাবে।” 12 মোশি হারোগকে ও তাঁর দুই  
ছেলে ইলীয়াসর ও ঈথামরকে বললেন, “সদাপ্রভুর উদ্দেশে নিবেদিত

অগ্নিকৃত উপহারের অবশিষ্ট যে শস্য-নৈবেদ্য আছে, তা নিয়ে বেদির পাশে খামিরবিহীন খাদ্য প্রস্তুত ও ভোজন করো, কেননা এটি অত্যন্ত পবিত্র। 13 এক পবিত্রস্থানে এই খাদ্য ভোজন করো, কেননা এটি তোমার ও তোমার ছেলেদের অংশ যা সদাপ্রভুর উদ্দেশে অগ্নিকৃত উপহার; কেননা আমি এই আজ্ঞা পেয়েছি। 14 কিন্তু তুমি, তোমার ছেলেমেয়েরা বক্ষ ভোজন করবে, যা দোলানো হল এবং জাং যা সামনে রাখা হল; আনুষ্ঠানিকভাবে শুচি জায়গায় তোমরা এই খাদ্য ভোজন করবে; ইস্রায়েলীদের মঙ্গলার্থক বলি থেকে তোমাদের অংশরূপে এই ভক্ষ্য তোমাকে ও তোমার সন্তানদের দেওয়া হয়েছে। 15 নিবেদিত জাং ও দোলায়িত বক্ষ অগ্নিকৃত উপহারের মেদযুক্ত অংশগুলির সঙ্গে অবশ্যই আনতে হবে, যেন দোদুল্যমান উপহাররূপে সদাপ্রভুর সামনে সেগুলি দোলানো হয়। এগুলি তোমার ও তোমার সন্তানদের নিয়মিত অংশ হবে, যেমন সদাপ্রভু আদেশ দিয়েছেন।” 16 যখন মোশি পাপার্থক বলির জন্য ছাগল অস্বেষণ করলেন, তিনি জানতে পারলেন যে হারোগের অবশিষ্ট দুই ছেলে ইলীয়াসর ও সৈথামর ছাগল পুড়িয়ে দিয়েছে, মোশি ক্রুদ্ধ হয়ে জানতে চাইলেন, 17 “পবিত্রস্থানের এলাকায় তোমরা পাপার্থক বলি ভোজন করলে না কেন? এটি অত্যন্ত পবিত্র এবং জনমণ্ডলীর অপরাধ বহনার্থে সদাপ্রভুর সামনে প্রায়শিত্ব করণার্থে তিনি এটি তোমাদের দিয়েছেন। 18 যেহেতু এর রক্ত পবিত্রস্থানে আনা হয়নি, তাই আমার আজ্ঞানুসারে পবিত্রস্থানের এলাকায় তোমাদের এই ছাগল ভোজন করা উচিত ছিল।” 19 হারোগ মোশিকে উত্তর দিলেন, “আজ সদাপ্রভুর সামনে তারা তাদের পাপার্থক বলি ও হোমবলি উৎসর্গ করল, কিন্তু এই ধরনের ঘটনা আমার প্রতি ঘটল। সদাপ্রভু কি সন্তুষ্ট হতেন, যদি আজ আমি পাপার্থক বলি ভোজন করতাম?” 20 এই কথা শুনে মোশি সন্তুষ্ট হলেন।

**11** সদাপ্রভু মোশি ও হারোগকে বললেন, 2 “তোমরা ইস্রায়েলীদের বলো, ‘ভূচর সব পশুর মধ্যে সমস্ত জীব তোমাদের খাদ্য হবে: 3 পশুদের মধ্যে যেসব পশু দ্বিখণ্ড খুরবিশিষ্ট ও জাবর কাটে, তার মাংস তোমরা ভোজন করতে পারবে। 4 “পশুদের মধ্যে যে পশুরা কেবল

জাবর কাটে অথবা কেবল দ্বিখণ্ড খুরবিশিষ্ট, তোমরা কোনোভাবে সেই  
 পশু ভক্ষণ করবে না। উট যদি ও জাবর কাটে, কিন্তু দ্বিখণ্ড খুরবিশিষ্ট  
 নয়, তাই আনুষ্ঠানিকভাবে তোমাদের পক্ষে উট অঙ্গটি। ৫ শাফল  
 জাবর কাটলেও দ্বিখণ্ড খুরবিশিষ্ট নয়; তাই তোমাদের পক্ষে এটি  
 অঙ্গটি। ৬ খরগোশ যদি ও জাবর কাটে, কিন্তু দ্বিখণ্ড খুরবিশিষ্ট নয়;  
 তোমাদের পক্ষে এটি অঙ্গটি। ৭ আর শূকর যদি ও তার খুর দ্বিখণ্ডিত,  
 জাবর কাটে না; তোমাদের পক্ষে এটি অঙ্গটি। ৮ তোমরা তাদের মাংস  
 খাবে না কিংবা তাদের মৃতদেহও ছোঁবে না; তোমাদের পক্ষে এগুলি  
 অঙ্গটি। ৯ “সমুদ্রের জলে ও জলস্তোতে বসবাসকারী সব প্রাণীর মধ্যে  
 যেগুলির ডানা ও আঁশ আছে সেগুলি তোমরা খেতে পারবে। ১০ কিন্তু  
 সমুদ্রে অথবা জলস্তোতে বসবাসকারী যে প্রাণীদের ডানা ও আঁশ নেই,  
 সেগুলি ঝাঁকে ঝাঁকে থাকলেও অথবা জলচর প্রাণীদের দলভুক্ত হলেও  
 সেগুলি তোমাদের ঘৃণার্থ। ১১ যেহেতু সেগুলি তোমাদের কাছে ঘৃণার্থ,  
 তাই তোমরা কিছুতেই সেগুলির মাংস ভক্ষণ করবে না; সেগুলির  
 মৃতদেহও অবশ্যই ঘৃণা করবে। ১২ জলচর যে প্রাণীদের ডানা ও  
 আঁশ নেই, তোমাদের পক্ষে সেগুলি ঘৃণার্থ। ১৩ “এই পাখিগুলিকে  
 তোমাদের ঘৃণা করতে হবে এবং তাদের মাংস তোমরা ভক্ষণ করবে  
 না, কারণ সেগুলি ঘৃণার্থ: এগুলি ঈগল, শকুন, কালো শকুন, ১৪ লাল  
 চিল, যে কোনো ধরনের কালো চিল, ১৫ যে কোনো ধরনের দাঁড়কাক,  
 ১৬ শিংযুক্ত প্যাঁচা, কালপ্যাঁচা, শঙ্খচিল, যে কোনোরকম বাজপাথি, ১৭  
 ছোটো প্যাঁচা, পানকোড়ি, বড়ো প্যাঁচা, ১৮ সাদা প্যাঁচা, মরু-প্যাঁচা,  
 সিঙ্গু-ঈগল, ১৯ সারস, যে কোনো ধরনের কাক, ঝুঁটিওয়ালা পাথি ও  
 বাদুড়। ২০ “চার পায়ে চলা সব পতঙ্গ তোমাদের ঘৃণিত। ২১ অন্যদিকে  
 কিছু ডানাওয়ালা প্রাণী রয়েছে, যারা চার পায়ে গমনাগমন করে,  
 সেগুলি তোমরা ভোজন করতে পারো; ভূমিতে গমনশীল চতুর্পদ  
 প্রাণীদের মধ্যে। ২২ যে কোনো ধরনের পঙ্গপাল, বাঘাফড়িং, বিঁঁঝি  
 অথবা অন্য ধরনের ফড়িং তোমরা ভোজন করতে পারো, ২৩ কিন্তু  
 ডানাওয়ালা যে প্রাণীরা চতুর্পদ, তারা তোমাদের কাছে ঘৃণার্থ। ২৪  
 “এসব দ্বারা তোমরা অঙ্গটি হবে, যে কেউ ঘৃণিত প্রাণীদের অথবা

পাখিদের মৃতদেহ স্পর্শ করবে, সন্ধ্যা পর্যন্ত সে অশুচি থাকবে। 25 যে কেউ তাদের মৃতদেহ তুলে ধরবে, তাকে তার পরিধান ধুতেই হবে এবং সন্ধ্যা পর্যন্ত সে অশুচি থাকবে। 26 “যেসব পশু কিছুটা ছিন্ন স্ফুরবিশিষ্ট, পুরোপুরি দ্বিখণ্ডিত নয়, অথবা জাবর কাটে না, তোমাদের পক্ষে এরা অশুচি। যে কেউ তাদের কোনো মৃতদেহ স্পর্শ করবে, সে অশুচি হবে। 27 যেসব পশু চার পায়ে গমনাগমন করে, যে পশুরা থারা ফেলে চলে, তোমাদের পক্ষে ওরা অশুচি। ওদের মৃতদেহ যে কেউ স্পর্শ করবে, সন্ধ্যা পর্যন্ত সে অশুচি থাকবে। 28 তাদের মৃতদেহ যদি কেউ তুলে নেয়, তার পরিধান তাকে ধুতেই হবে, এবং সন্ধ্যা অবধি সে অশুচি থাকবে। এই পশুগুলি তোমাদের পক্ষে অশুচি। 29 “ভূমিতে বিচরণকারী পশুরা তোমাদের পক্ষে অশুচি, যেমন বেজি, ইঁদুর, বড়ো চেহারার যে কোনো ধরনের টিকটিকি, 30 গোসাপ, নীল টিকটিকি, মেটে গিড়গিটি, সবুজ টিকটিকি ও কাঁকলাশ। 31 এগুলির মধ্যে যেগুলি ভূমিতে চলে, তোমাদের পক্ষে সেগুলি অশুচি। ওদের মৃতদেহ যে কেউ স্পর্শ করবে, সন্ধ্যা পর্যন্ত সে অশুচি থাকবে। 32 এদের একটি যখন মরে ও কোনো কিছুর উপরে পড়ে যায়, কাঠ, কাপড়, চামড়া, অথবা চট্টের তৈরি সেই উপাদান ব্যবহৃত হলে সেটি অশুচি হবে। সেটি জলে ডোবাবে; সন্ধ্যা পর্যন্ত সেটি অশুচি থাকবে, পরে শুচি হবে। 33 যদি তাদের মধ্যে কোনও একটি মাটির কোনো পাত্রে পড়ে যায়, পাত্রস্থিত সবকিছুই অশুচি হবে এবং পাত্রটি তোমরা অবশ্যই ভেঙে ফেলবে, 34 কোনো খাদ্য ভোজনযোগ্য হলে যদি উপরোক্ত পাত্র থেকে সেই খাদ্যে জল পড়ে, তাহলে সেই খাদ্য অশুচি হবে এবং সেই পাত্র থেকে পানযোগ্য যে কোনো পানীয় অশুচি। 35 যদি কোনো দ্রব্যের উপরে তাদের মৃতদেহ থেকে কিছুটা পড়ে যায়, তাহলে সেই জিনিস অশুচি হবে; উন্নন অথবা রান্নার বাসন ভেঙে ফেলতে হবে; ওগুলি অশুচি এবং তোমরা ওই উপাদানগুলিকে অশুচি বিবেচনা করবে। 36 অন্যদিকে, জলধারা অথবা চৌবাচ্চা শুচি রাখতে হবে, কিন্তু কেউ যদি কোনো মৃতদেহ স্পর্শ করে, সে অশুচি হবে। 37 তাদের মৃতদেহের কিছুটা যদি বপনীয় বীজের উপরে পতিত হয়,

বীজগুলি শুচি থাকবে। 38 কিন্তু বীজের উপরে যদি জল ছিটানো হয় ও সেগুলির উপরে মৃতদেহ পড়ে যায়, তাহলে তোমাদের পক্ষে তা অশুচি। 39 “তোমাদের ভোজনযোগ্য কোনো পশু যদি মরে এবং যদি কেউ মৃতদেহটি স্পর্শ করে, তাহলে সন্ধ্যা পর্যন্ত সে অশুচি থাকবে। 40 মৃতদেহগুলির কিছুটা যদি কেউ ভোজন করে, সে তার পরিধান অবশ্যই ধূয়ে দেবে এবং সন্ধ্যা পর্যন্ত সে অশুচি থাকবে। যদি কেউ মৃতদেহ বহন করে তাহলে তাকে তার পরিধান অবশ্যই ধূয়ে দিতে হবে এবং সে সন্ধ্যা পর্যন্ত অশুচি থাকবে। 41 “ভূমিতে গমনশীল সমস্ত প্রাণী ঘৃণিত; তাদের মাংস ভক্ষণ করা নিষিদ্ধ। 42 ভূমিতে গমনশীল কোনো প্রাণী তোমরা ভোজন করবে না; হতে পারে তারা পেটে অথবা চার পায়ে কিংবা ততোধিক পায়ে ভর দিয়ে চলে; সেগুলি ঘৃণিত। 43 এই পতঙ্গগুলির মধ্যে থেকে কোনো কিছুর দ্বারা তোমরা নিজেদের অশুচি করো না। তাদের কাজে লাগিয়ে অথবা তাদের দ্বারা তোমরা অশুচি হোয়ো না। 44 আমি তোমাদের ঈশ্বর সদাপ্রভু; তোমরা উৎসর্গীকৃত ও পবিত্র হও, কেননা আমি পবিত্র। ভূমিতে গমনশীল কোনো প্রাণী দ্বারা নিজেদের অশুচি কোরো না। 45 আমি সদাপ্রভু মিশর থেকে তোমাদের বের করে এনেছি, যেন তোমাদের ঈশ্বর হতে পারি; অতএব, তোমরা পবিত্র হও, যেমন আমি পবিত্র। 46 “এই নিয়মাবলি সব ধরনের পশু, পাখি, জলে গমনশীল সব ধরনের প্রাণী এবং ভূমিতে গমনশীল প্রত্যেক প্রাণীর ক্ষেত্রে প্রযোজ্য। 47 অশুচি ও শুচির মধ্যে এবং খাদ্য ও অখাদ্য জীবিত প্রাণীদের মধ্যে তোমরা অবশ্যই পার্থক্য রাখবে।”

**12** সদাপ্রভু মোশিকে বললেন, 2 “তুমি ইস্রায়েলীদের বলো: ‘সন্তান গর্ভধারণ করার পর কোনো মহিলা যখন একটি ছেলের জন্ম দেয় তবে সে আনুষ্ঠানিকভাবে সাত দিনের জন্য অশুচি থাকবে, যেমন তার মাসিক ঝতুন্নাব থাকাকালীন সে অশুচি থাকে। 3 অষ্টম দিনে বালকটিকে সুশ্রত করতে হবে। 4 পরে মহিলাটি তার ঝতুন্নাব থেকে শুন্দি হওয়ার জন্য তেত্রিশ দিন অপেক্ষা করবে। তার শুচিশুন্দি হওয়ার দিনগুলি অতিবাহিত না হওয়া পর্যন্ত সে কোনোভাবে পবিত্র বস্ত্র স্পর্শ

করবে না অথবা পবিত্রস্থানে যাবে না। ৫ যদি সে একটি মেয়ের জন্ম দেয়, তাহলে দুই সপ্তাহের জন্য তার অশুদ্ধতা থাকবে, যেমন ঝুতুস্ত্রাব থাকাকালীন সে অশুচি থাকে। তারপর তার রক্তস্ত্রাব থেকে শুচিশুদ্ধ হওয়ার জন্য তাকে ছেষটি দিন অবশ্যই প্রতীক্ষা করতে হবে। ৬ “যখন একটি ছেলে অথবা মেয়ের জন্য তার শুচিশুদ্ধ হওয়ার দিনগুলি অতিবাহিত হয়, হোমবলির জন্য এক বৰীয় মেষশাবক ও পাপার্থক বলির জন্য একটি কপোতশাবক অথবা একটি ঘুঁঁসু সে সমাগম তাঁবুর প্রবেশদ্বারে যাজকের কাছে আনবে। ৭ তার জন্য প্রায়শিত্ব সাধনার্থে সদাপ্রভুর যাজক সেগুলি উৎসর্গ করবে এবং পরে ওই মহিলা তার রক্তস্ত্রাব থেকে আনুষ্ঠানিকভাবে শুচিশুদ্ধ হবে। “এই নিয়মাবলি ওই মহিলার জন্য, যে একটি ছেলে অথবা একটি মেয়ের জন্ম দেবে। ৮ যদি সে একটি মেষশাবক জোগান দিতে না পারে, তাহলে দুটি ঘুঁঁসু কিংবা দুটি কপোতশাবক আনবে; প্রথমটি হোমবলিদানার্থে ও দ্বিতীয়টি পাপার্থক বলিদানার্থে তার নিবেদন। এইভাবে তার জন্য যাজক প্রায়শিত্ব করবে এবং সে শুচিশুদ্ধ হবে।”

**13** সদাপ্রভু মোশি ও হারোণকে বললেন, ২ “যদি কারোর চামড়ায় ফেঁড়া অথবা ফুসকুড়ি কিংবা উজ্জ্বল দাগ দেখা যায়, তা সংক্রামক চর্মরোগ হতে পারে, তাহলে তাকে অবশ্যই যাজক হারোণের কাছে অথবা তার কোনো ছেলের সামনে আনতে হবে এবং সেই ছেলে যেন যাজক হয়। ৩ যাজক ওই ব্যক্তির চামড়ায় ক্ষত পরীক্ষা করবে এবং যদি ক্ষতের লোম সাদা রংয়ের হয়ে থাকে ও ক্ষতটির আকার চামড়ার গভীরতার চেয়েও গভীর মনে হয়, তাহলে তা এক সংক্রামক চর্মরোগ। সেটি পরীক্ষা করে যাজক তাকে অশুচি বলবে। ৪ যদি তার চামড়ার ক্ষতঙ্গান সাদা রংয়ের হয়, কিন্তু চামড়ার গভীরতার চেয়েও ক্ষতঙ্গান বেশি গভীর এবং ক্ষতঙ্গানের লোম সাদা রংয়ের হয়নি, তাহলে যাজক তাকে সাত দিন পৃথক জায়গায় রাখবে। ৫ সপ্তম দিনে যাজক তাকে পরীক্ষা করবে এবং যদি তার নজরে ক্ষত অপরিবর্তিত থাকে ও চামড়ায় তা প্রসারিত না হয়, তাহলে আরও সাত দিন যাজক তাকে পৃথক জায়গায় রাখবে। ৬ সপ্তম দিনে যাজক আবার তাকে

পরীক্ষা করবে এবং যদি ক্ষত মুছে যায় ও চামড়ায় প্রসারিত না হয় তাহলে যাজক তাকে শুচি ঘোষণা করবে। মানুষটির শুধু ফুসকুড়ি হয়েছে। সে অবশ্যই তার পরিধান ধূয়ে নেবে ও শুচি হবে। 7 নিজে শুচি ঘোষিত হওয়ার জন্য যাজকের কাছে নিজেকে দেখানোর পরে যদি সেই ফুসকুড়ি তার চামড়ায় প্রসারিত হয়, তাহলে সে আবার যাজকের সামনে উপস্থিত হবে। 8 যাজক তাকে পরীক্ষা করবে এবং যদি তার চামড়ায় ফুসকুড়ি প্রসারিত হয়ে থাকে তাহলে যাজক তাকে অশুচি বলবে; এটি এক সংক্রামক রোগ। 9 “যখন কারোর সংক্রামক চর্মরোগ হয়, যাজকের কাছে তাকে আনতেই হবে। 10 যাজক তাকে পরীক্ষা করবে এবং যদি চামড়ায় সাদা রংয়ের ফোঁড়া হয় ও লোম সাদা রং হয়ে যায় এবং ফোঁড়াতে কাঁচা মাংস থাকে, 11 তাহলে এটি এক দুরারোগ্য চর্মরোগ এবং যাজক তাকে অশুচি বলবে ও তাকে আলাদা জায়গায় রাখবে না, কারণ ইতিমধ্যে সে অশুচি হয়েছে। 12 “যদি তার সারা শরীরে রোগ প্রসারিত হয় এবং যাজকের নজরে পড়ে যে সংক্রমিত মানুষটি আপাদমস্তক রোগগ্রস্ত, 13 তাহলে যাজক তাকে পরীক্ষা করবে এবং যদি তার সারা শরীর রোগে আচ্ছন্ন হয়ে থাকে, তাহলে যাজক তাকে শুচি বলবে। যেহেতু তার সারা শরীর সাদা হয়ে গিয়েছে, তাই সে শুচি। 14 কিন্তু যখনই তার দেহে কাঁচা মাংস দেখা যায়, সে অশুচি হবে। 15 কাঁচা মাংস যাজকের নজরে পড়লে যাজক তাকে অশুচি বলবে। কাঁচা মাংস অশুচি; তার সংক্রমিত রোগ হয়েছে। 16 কাঁচা মাংস অপরিবর্তিত হয়ে যদি সাদা রং হয়ে যায়, তাহলে সে অবশ্যই যাজকের কাছে যাবে। 17 যাজক তাকে পরীক্ষা করবে এবং যদি ক্ষতঙ্গানগুলি সাদা রং হয়, তাহলে সংক্রমিত মানুষটিকে যাজক শুচি বলবে; এইভাবে সে শুচি হবে। 18 “যখন কারোর চামড়ায় একটি ফেঁড়া থাকে এবং তা সেরে যায়, 19 আর ফেঁড়ার জায়গায় সাদা রংয়ের অথবা হালকা শ্বেতির ছোপ দেখা যায়, তাহলে তাকে অবশ্যই যাজকের কাছে আনতে হবে। 20 যাজক তাকে পরীক্ষা করবে এবং যদি চামড়ার গভীরতার চেয়েও তা বেশি গভীর দেখায় ও সংক্রমিত স্থানের লোম সাদা হয়ে যায়, তাহলে যাজক তাকে অশুচি বলবে। এটি

এক সংক্রামক চর্মরোগ, যা ফোঁড়া রূপে উৎপাদিত হয়েছে। 21 কিন্তু যাজকের পরীক্ষায় যদি দেখা যায়, তাতে সাদা রংয়ের লোম নেই এবং চামড়ার গভীরতার চেয়ে তা বেশি গভীর নয়, দাগ মুছে গিয়েছে, তাহলে যাজক সাত দিনের জন্য তাকে পৃথক রাখবে। 22 যদি চামড়ায় দাগ প্রসারিত হতে থাকে, তাহলে যাজক তাকে অশুচি বলবে; রোগটি সংক্রামক। 23 কিন্তু যদি দাগ অপরিবর্তিত থাকে এবং না বাড়ে, এটি ফোঁড়ার ক্ষতচিহ্নমাত্র ও যাজক তাকে শুচি বলবে। 24 “যখন কারো চামড়া পুড়ে যায় এবং পোড়া কাঁচা মাংসে হালকা রক্তিম সাদাটে অথবা সাদা দাগ দেখা যায়, 25 তাহলে যাজক সেই দাগ পরীক্ষা করবে এবং যদি ওই স্থানের লোম সাদা রং হয়ে যায় ও চামড়া থেকে অংশটি নিম্ন মানের মনে হয়, তাহলে এটি এক সংক্রামক রোগ, যা আগুনে পুড়ে উৎপন্ন হয়েছে। যাজক তাকে অশুচি বলবে; এটি সংক্রামক এক চর্মরোগ। 26 কিন্তু যদি যাজক দ্বারা পরীক্ষা করার পর ক্ষতস্থানে সাদা রংয়ের লোম না দেখা যায় ও চামড়ার গভীরে না থাকে, দাগ মুছে যায়, তাহলে যাজক সাত দিনের জন্য তাকে পৃথক স্থানে রাখবে। 27 সপ্তম দিনে যাজক তাকে পরীক্ষা করবে এবং যদি তার চর্মরোগ ছড়িয়ে যায়, তাহলে যাজক তাকে অশুচি বলবে; এটি সংক্রামক এক চর্মরোগ। 28 অন্যদিকে, যদি দাগ অপরিবর্তিত থাকে এবং চামড়ায় ছড়িয়ে না যায়, কিন্তু দাগ দেখা না যায়, তাহলে তা আগুনে পোড়া এক ফোলা অংশ এবং যাজক তাকে শুচি বলবে; এটি কেবল আগুনে পোড়া এক ক্ষতচিহ্ন। 29 “যদি কোনো নর বা নারীর মাথায় কিংবা থুতনিতে ক্ষত থাকে, 30 তাহলে যাজক সেই ক্ষত পরীক্ষা করবে এবং যদি সেই ক্ষত চামড়ার চেয়েও গভীরে থাকে এবং ক্ষতস্থানের লোম হলুদ ও রংগু হয়, তাহলে ওই মানুষকে যাজক অশুচি ঘোষণা করবে; এটি মস্তকের অথবা থুতনির এক সংক্রামক রোগ। 31 কিন্তু যদি যাজক দ্বারা এই ধরনের ক্ষত পরীক্ষা করার পর তা চামড়ার চেয়েও গভীরে না থাকে এবং সেখানে কালো রংয়ের লোম দেখা না যায়, তাহলে রোগগ্রস্ত মানুষটিকে যাজক সাত দিনের জন্য পৃথক জায়গায় রাখবে। 32 সপ্তম দিনে যাজক তার ক্ষতস্থান পরীক্ষা করবে এবং যদি

সেটি প্রসারিত না হয় ও সেখানে হলুদ রংয়ের লোম না থাকে এবং  
 চামড়ার চেয়েও গভীরে এর অবস্থান না থাকে, 33 তাহলে রোগগ্রস্ত  
 নর বা নারীর ক্ষতস্থান ছাড়া সর্বত্র লোম চেঁচে ফেলবে এবং যাজক  
 সাত দিনের জন্য তাকে পৃথক জায়গায় রাখবে। 34 সপ্তম দিনে যাজক  
 তার ক্ষত পরীক্ষা করবে এবং যদি চামড়ায় ক্ষতের প্রসারণ না দেখা  
 যায় ও চামড়ার চেয়েও গভীরে এর অবস্থান না হয়, তাহলে যাজক  
 তাকে শুচি ঘোষণা করবে। সে তার পরিধান অবশ্যই ধূয়ে পরিষ্কার  
 করবে ও নিজে শুন্দ হবে। 35 কিন্তু যদি যাজক দ্বারা তাকে শুচি ঘোষণা  
 করার পর তার চামড়ায় ক্ষত প্রসারিত হয়, 36 তাহলে যাজক তাকে  
 পরীক্ষা করবে এবং যদি চামড়ায় প্রসারিত ক্ষত দেখা যায়, তাহলে  
 যাজকের হলুদ রংয়ের লোম দেখার প্রয়োজন নেই; মানুষটি অশুচি।  
 37 অন্যদিকে, তার বিচারে যদি দাগ অপরিবর্তিত থাকে এবং সেখানে  
 কালো রংয়ের লোম উৎপন্ন হয়, তাহলে ক্ষত নিরাময় হয়েছে। সে  
 শুচিশুন্দ এবং যাজক তাকে শুচি ঘোষণা করবে। 38 “যখন কোনো  
 নর বা নারীর চামড়ায় সাদা রং দাগ দেখা যায়, 39 তাহলে যাজক  
 সমস্ত দাগ পরীক্ষা করবে এবং যদি দাগগুলি হালকা সাদা রং থাকে,  
 তাহলে তা ক্ষতিহীন ফুসকুড়ি, যা চামড়ায় ফুটে উঠেছে; সেই ব্যক্তি  
 শুন্দ। 40 “যদি কোনো মানুষের মাথায় চুল না থাকে ও তার টাক  
 পড়ে, সে শুচি। 41 যদি তার মাথার সামনের দিকে চুল না থাকে  
 এবং টাকপড়া কপাল দেখা যায়, তাহলে সে শুচি। 42 কিন্তু যদি তার  
 টাক মাথায় বা কপালে হালকা রক্তিম সাদাটে ক্ষত থাকে, তাহলে তা  
 মাথায় বা কপালে অঙ্কুরিত এক সংক্রামক রোগ। 43 যাজক তাকে  
 পরীক্ষা করবে এবং যদি তার মাথায় অথবা কপালে ফুলে ওঠা ক্ষত  
 এবং সংক্রামক চামড়ার রোগের মতো হালকা রক্তিম সাদাটে হয়, 44  
 তাহলে মানুষটি রোগগ্রস্ত ও অশুচি। তার মাথায় ক্ষতের কারণে যাজক  
 তাকে অশুচি ঘোষণা করবে। 45 “এমন এক সংক্রামক রোগগ্রস্ত  
 মানুষ অবশ্যই ছেঁড়া কাপড় পরবে, তার চুল এলোমেলো থাকুক; সে  
 তার মুখমণ্ডলের নিচের দিকটি ভাগ ঢেকে রাখবে ও তারস্বরে বলবে  
 ‘অশুচি! অশুচি!’ 46 যতদিন তার ক্ষত থাকবে, তাকে অশুচি বলা

হবে। সে অবশ্যই একলা থাকবে; সে অবশ্যই শিবিরের বাইরে দিন কাটাবে। 47 “ছাতারোগ দ্বারা যদি কোনো কাপড় কলঙ্কিত হয়, হতে পারে তা পশ্চিম বা মসিনা কাপড়, 48 তাঁতের কাপড়, অথবা মসিনা কিংবা পশমে বোনা, যে কোনো চামড়ার উপাদান অথবা চামড়ার জিনিস, 49 যদি কাপড়ে অথবা চামড়ায়, কিংবা তাঁত কাপড়ে বা বোনা উপাদানে অথবা চামড়ার জিনিসে কলঙ্ক থাকে, সবুজ অথবা হালকা রঙ্গিম রং পাওয়া যায়, তাহলে প্রসারিত ছাতারোগ এবং অবশ্যই তা যাজককে দেখাতে হবে। 50 যাজক ওই ছাতারোগ পরীক্ষা করবে ও সাত দিনের জন্য রোগগ্রস্ত উপাদান বিচ্ছিন্ন রাখবে। 51 সপ্তম দিনে সে সেটি পরীক্ষা করবে এবং যদি ছাতারোগ কাপড়ে, অথবা কোনো বোনায়, কিংবা বোনা পরিধানে, অথবা চামড়ায়, কিংবা ব্যবহার করা যে কোনো জিনিসে প্রসারিত হয়ে থাকে, তাহলে তা এক মারাত্মক ছাতারোগ, অশুচি জিনিস। 52 সে ওই কাপড়, অথবা তাঁতের কাপড়, কিংবা পশম বা মসিনার কাপড় অথবা কলঙ্কিত যে কোনো চর্মজাত জিনিস পোড়াবে, কেননা ছাতারোগ ধ্বংসাত্মক। ওই জিনিস অবশ্যই পুড়িয়ে দিতে হবে। 53 “কিন্তু যাজক দ্বারা পরীক্ষার পর যদি দেখা যায় ছাতারোগ কাপড়ে কিংবা কোনো বয়ন শিল্পে বা বোনা উপাদানে অথবা চর্মজাত দ্রব্যে প্রসারিত না হয়, 54 তাহলে সেই কলঙ্কিত জিনিস ধূয়ে নিতে তাকে আদেশ দেওয়া হবে। পরে আরও সাত দিনের জন্য সে ওই জিনিস দূরে রাখবে। 55 প্রভাবিত জিনিস ধোয়ার পরে যাজক সেটি পরীক্ষা করবে এবং যদি ছাতারোগের ছোপ পরিবর্তিত না হয় ও তার প্রসারণ নজরে না পড়ে, তবুও এটি অশুচি। একদিকে বা অন্যদিকে প্রভাবিত ছাতা আগুনে পোড়াতে হবে। 56 যদি যাজক দ্বারা পরীক্ষিত হয়ে জিনিসটি ধোয়ার পরে ছাতারোগ না দেখা যায়, তাহলে কলঙ্কিত কাপড়ের টুকরো অথবা চামড়া কিংবা বয়ন শিল্প বা বোনা উপাদান সে ছিঁড়ে ফেলবে। 57 কিন্তু যদি তা কাপড়ে অথবা বয়ন শিল্পে কিংবা বোনা উপাদানে বা চামড়ার জিনিসে আবার দেখা যায়, তাহলে তা ছড়িয়ে যাচ্ছে এবং অল্পবিস্তর ছাতারোগ অবশ্যই আগুনে পোড়াতে হবে। 58 কাপড় অথবা বয়ন শিল্প কিংবা বোনা উপাদান

অথবা চামড়ার জিনিস যা ধোয়া হয়েছে ও সেটি ছাতারোগ মুক্ত দেখা যায়, তাহলে ওই জিনিস অবশ্যই পুনরায় ধুয়ে নিতে হবে, তাহলে সেটি শুন্দ হবে।” ৫৭ পশমি বা মসিনার কাপড়, বয়ন শিল্প কিংবা বোনা উপাদান অথবা চর্মজাত যে কোনো জিনিসের মলিনতা সম্বন্ধে নিয়মাবলি রয়েছে যেগুলি শুন্দ অথবা অশুন্দ বলা যেতে পারে।

**১৪** সদাপ্রভু মোশিকে বললেন, ২ “রোগগ্রস্ত ব্যক্তির পক্ষে তার আনুষ্ঠানিক শুচিশুন্দ হওয়ার সময় নিয়মাবলি এই ধরনের, যখন তাকে যাজকের কাছে আনা হয়: ৩ যাজক শিবিরের বাইরে যাবে ও তাকে পরীক্ষা করবে। যদি সেই ব্যক্তির সংক্রামক চর্মরোগ সুস্থ হয়ে থাকে, ৪ তাহলে তার শুচিকরণের জন্য যাজক দুটি জীবিত শুচি পাখি কিছু দেবদারু কাঠ, লাল রংয়ের সুতো ও এসোব আনতে আদেশ দেবে। ৫ পরে যাজক মাটির পাত্রে টাটকা জলের উপরে একটি পাখিকে হত্যা করতে আদেশ দেবে। ৬ এবারে যাজক জীবিত পাখিটি নেবে এবং দেবদারু কাঠ, লাল রংয়ের সুতো ও এসোবের সঙ্গে ওই পাখি টাটকা জলের উপরে বধ করা পাখির রক্তে ডুবিয়ে রাখবে। ৭ সংক্রামক রোগগ্রস্ত ব্যক্তিকে শুচিশুন্দ করার জন্য যাজক সাতবার রক্ত ছিটাবে ও তাকে শুচি ঘোষণা করবে। পরে যাজক জীবিত পাখিটিকে খোলা মাঠে মুক্তি দেবে। ৮ “ওই রোগী শুচি হওয়ার জন্য অবশ্যই তার পরিধান ধুয়ে নেবে, তার মাথার সমস্ত চুল নেড়া করবে ও জলে স্নান করবে। এবারে সে আনুষ্ঠানিকভাবে শুচিশুন্দ হবে। এরপরে সে শিবিরে আসতে পারে, কিন্তু সাত দিনের জন্য তাকে তাঁবুর বাইরে থাকতে হবে। ৯ সপ্তম দিনে সে তার সর্বাঙ্গের লোম চেঁচে ফেলবে; সে মাথার চুল, দাঢ়ি, ভুরুর ও সর্বাঙ্গের সমস্ত লোম চেঁচে ফেলবে। সে তার পোশাক অবশ্যই ধুয়ে নেবে, নিজেও জলে স্নান করবে ও শুচিশুন্দ হবে। ১০ “অষ্টম দিনে দুটি মন্দা মেষশাবক এবং একটি এক বছরের মেষী সে অবশ্যই আনবে, যেগুলির প্রত্যেকটি হবে নিখুঁত, সঙ্গে থাকবে শস্য-নৈবেদ্যের জন্য তেলমিশ্রিত মিহি ময়দার এক ঐফার দশ ভাগের তিন ভাগ ও এক লোগ তেল। ১১ যে যাজক তাকে শুচি ঘোষণা করবে, সে তাকে ও তার নৈবেদ্য উভয়কে সমাগম

তাঁবুর প্রবেশদ্বারে সদাপ্রভুর সামনে উপস্থিত করবে। 12 “পরে যাজক একটি মন্দা মেষশাবক নেবে ও এক লোগ তেলের সঙ্গে দোষার্থক-নৈবেদ্যরপে তা উৎসর্গ করবে। দোলনীয়-নৈবেদ্যরপে বলিদান নিয়ে সদাপ্রভুর সামনে যাজক সেগুলি দোলাবে। 13 যাজক পবিত্রস্থানে সেই মেষশাবকটি বধ করবে, যেখানে পাপার্থক বলি ও হোমবলি বধ করা হয়। পাপার্থক বলির মতো দোষার্থক-নৈবেদ্য যাজকের; এটি অত্যন্ত পবিত্র। 14 যাজক দোষার্থক-নৈবেদ্যের কিছুটা রক্ত নিয়ে যে শুচি হবে তার ডান কানের লতি, তার ডান হাতের বুড়ো আঙুলে ও তার ডান পায়ের বুড়ো আঙুলে রক্তের প্রলেপ দেবে শুচি হবার জন্য। 15 এবারে যাজক এক লোগ তেলের কিছুটা নেবে এবং আপন বাম হাতের তালুতে ঢালবে, 16 তার হাতে ঢালা তেলের মধ্যে তার তর্জনী ডোবাবে এবং সদাপ্রভুর সামনে আঙুল দিয়ে সাতবার তেল ছিটাবে। 17 যাজক তার হাতের অবশিষ্ট তেলের কিছুটা তেল নেবে, এবং শুচিকরণ প্রার্থীর ডান কানের লতিতে, তার ডান হাতের বুড়ো আঙুলে, ডান পায়ের বুড়ো আঙুলে দোষার্থক-নৈবেদ্যের রক্তের উপরে চেলে দেবে। 18 যাজক তার হাতের অবশিষ্ট তেল শুচিকরণ প্রার্থীর মাথায় ঢালবে ও সদাপ্রভুর সামনে তার জন্য প্রায়শিত্ব করবে। 19 “পরে যাজক পাপার্থক বলি উৎসর্গ করবে ও অশুচিতা থেকে শুচিতা প্রত্যাশী প্রার্থীর জন্য প্রায়শিত্ব করবে। এরপরে যাজক হোমবলির পশ্চ বধ করবে। 20 এরপরে শস্য-নৈবেদ্যের সঙ্গে যাজক বেদিতে ওই প্রার্থীর জন্য প্রায়শিত্ব করবে এবং সে শুচিশুদ্ধ হবে। 21 “অন্যদিকে, যদি সে দরিদ্র হয় ও বলিদানের সামগ্রী জোগাতে না পারে, তবুও দোষার্থক-নৈবেদ্যরপে একটি মন্দা মেষশাবক তাকে আনতেই হবে এবং শস্য-নৈবেদ্যরপে তেলমিশ্রিত মিহি ময়দার এক ঐফার দশমাংশ ও এক লোগ তেল সহযোগে প্রায়শিত্ব সাধনার্থে নৈবেদ্য দোলাতে হবে। 22 সে তার সংগতি অনুসারে দুটি ঘৃঘৃ অথবা দুটি কপোতশাবক আনবে এবং পাপার্থক বলিদানার্থে একটি ও হোমবলিদানার্থে অন্যটি উৎসর্গ করবে। 23 “সে তার শুদ্ধকরণের জন্য অষ্টম দিনে সদাপ্রভুর সামনে সমাগম তাঁবুর প্রবেশদ্বারে যাজকের কাছে উল্লিখিত ঘৃঘৃ অথবা

কপোত আনবে। 24 যাজক এক লোগ তেল সহযোগে দোষার্থক-নৈবেদ্যদানের পক্ষে মেষশাবক গ্রহণ করবে ও দোলনীয়-নৈবেদ্যরূপে সেগুলি সদাপ্রভুর সামনে দোলাবে। 25 দোষার্থক-নৈবেদ্যদানের জন্য যাজক মেষশাবককে বধ করবে ও কিছুটা রক্ত নিয়ে শুচিতা প্রত্যাশী প্রার্থীর ডান কানের লতিতে, তার ডান হাতের বুড়ো আঙুলে ও তার ডান পায়ের বুড়ো আঙুলে রক্তের প্রলেপ দেবে। 26 যাজক তার বাম হাতের তালুতে কিছুটা তেল ঢালবে 27 এবং তার হাতের তালু থেকে ডান তালুতে কিছুটা তেল নিয়ে সদাপ্রভুর সামনে সাতবার ছিটাবে। 28 দোষার্থক-নৈবেদ্যের রক্ত যেখানে ঢালা হয়েছিল সেখানে, শুচিতা প্রত্যাশী প্রার্থীর ডান কানের লতিতে, তার ডান হাতের বুড়ো আঙুলে ও তার ডান পায়ের বুড়ো আঙুলে যাজক তার হাতের তালু থেকে কিছুটা তেল ঢালবে। 29 যাজক তার হাতের তালুর অবশিষ্ট তেল ওই প্রার্থীর মাথায় ঢালবে, এবং এইভাবে সদাপ্রভুর সামনে তার জন্য প্রায়শিত্ব করবে। 30 পরে সে তার সংগতি অনুসারে দুটি ঘৃঘৃ অথবা দুটি কপোতশাবককে উৎসর্গ করবে। 31 ঘৃঘৃ অথবা কপোতশাবকের একটি পাপার্থক বলিঙ্গপে এবং অন্যটি হোমবলিঙ্গপে শস্য-নৈবেদ্য সহকারে সে উৎসর্গ করবে। এইভাবে শুচিত হতে ইচ্ছুক ব্যক্তির পক্ষে সদাপ্রভুর সামনে যাজক প্রায়শিত্ব করবে।” 32 যে কোনো ব্যক্তির পক্ষে নিয়মাবলি এই ধরনের, যার সংক্রামক চামড়ার রোগ হয়েছে এবং যে তার শুচিতার জন্য নিয়মিত বলিদান দিতে অক্ষম। 33 সদাপ্রভু মোশি ও হারোগকে বললেন, 34 “তোমরা যখন কনান দেশে প্রবেশ করবে, যে দেশ আমি তোমাদের অধিকার করতে দিচ্ছি, সেই দেশের কোনো বাড়িতে আমি যখন বিস্তৃত ছাতারোগ উৎপন্ন করব, 35 তখন বাড়ির মালিক যাজকের কাছে গিয়ে বলবে, ‘আমার বাড়িতে ছাতারোগের মতো কলঙ্ক আমার নজরে এসেছে।’ 36 যাজক ওই ছাতারোগ পরীক্ষা করার আগে বাড়িটি খালি করতে আদেশ দেবে, যেন বাড়ির কোনো জিনিসকে অঙ্গুচি না বলা হয়। এরপরে যাজক বাড়ির মধ্যে প্রবেশ করে সেটি পরীক্ষা করবে। 37 যাজক দেওয়ালগুলির ছাতারোগ পরীক্ষা করবে এবং যদি হালকা

সবুজ অথবা হালকা লাল দাগ দেওয়ালের বাইরের দিকের চেয়ে গাঢ়  
মনে হয়, 38 যাজক বাড়ির দরজা দিয়ে বেরিয়ে যাবে এবং তা সাত  
দিন বন্ধ রাখবে। 39 সপ্তম দিনে বাড়িটি পরীক্ষা করার জন্য যাজক  
ফিরে আসবে। যদি সমস্ত দেওয়ালে ছাতারোগ বিস্তৃত দেখা যায়,  
40 তাহলে তার আদেশে কলুমিত পাথর খুঁড়ে বের করতে হবে ও  
নগরের বাইরের অঙ্গটি জায়গায় ছুঁড়ে ফেলতে হবে। 41 সে বাড়ির  
ভিতরের দেওয়ালগুলি অবশ্যই ঘষাবে ও ঘষার উপাদানের ধূলো  
নগরের বাইরে অঙ্গটি জায়গায় ফেলবে। 42 পরে তারা অন্য পাথর  
নিয়ে আগে গাঁথা পাথরের জায়গায় বসাবে ও নতুন প্রলেপ দিয়ে  
বাড়ি পলস্তরা করবে। 43 “কলুমিত পাথর ফেলে দেওয়ার, বাড়ি ঘষে  
পলস্তরা করার পর যদি বাড়িতে ছাতারোগ আবার দেখা যায়, 44  
তাহলে যাজক গিয়ে তা পরীক্ষা করবে এবং যদি ছাতারোগ বাড়িতে  
ছাড়িয়ে পড়ে, তাহলে সেটি ধ্বংসাত্মক ছাতারোগ; ওই বাড়ি অঙ্গন।  
45 প্রত্বাবিত সমস্ত পাথর, কাঠ ও পলস্তরা তুলে নগরের বাইরে অঙ্গটি  
জায়গায় ফেলে দিতে হবে। 46 “যদি বন্ধ বাড়িতে কেউ প্রবেশ করে,  
সন্ধ্যা পর্যন্ত সে অঙ্গন ঘোষিত হবে। 47 যে কেউ সেই বাড়িতে ঘুমায়  
অথবা খাবার খায়, সে তার কাপড় অবশ্যই ধূয়ে নেবে। 48 “যদি  
যাজক তা পরীক্ষা করতে আসে ও সেই বাড়ি পলস্তরা করার পর  
ছাতারোগ ছড়িয়ে পড়তে না দেখা যায়, তাহলে সেই বাড়িকে সে শুচি  
আখ্যা দেবে, কারণ ছাতারোগ নিরসন হয়েছে। 49 ওই বাড়ি পবিত্র  
করার জন্য যাজক দুটি পাথি, কিছু দেবদারু কাঠ, উজ্জ্বল লাল রংয়ের  
পাকানো সুতো ও এসোব নেবে। 50 মাটির পাত্রে টাটকা জলের  
ওপরে সে একটি পাথিকে বধ করবে। 51 এবারে সে দেবদারু কাঠ,  
এসোব, উজ্জ্বল লাল রংয়ের পাকানো সুতো নিয়ে মৃত পাথির রক্তে ও  
টাটকা জলে ডোবাবে এবং সাতবার সেই বাড়িতে ছিটাবে। 52 পাথির  
রক্ত, টাটকা জল, জীবিত পাথি, দেবদারু কাঠ, এসোব ও উজ্জ্বল  
লাল রংয়ের পাকানো সুতো দিয়ে সে বাড়িটি শুন্দি করবে। 53 পরে  
নগরের বাইরে খোলা মাঠে সে জীবিত পাথিকে ছেড়ে দেবে। এইভাবে  
বাড়িটির জন্য সে প্রায়শিক্ত করবে ও সেই বাড়ি শুন্দি হবে।” 54 এই

নিয়মাবলি যে কোনো সংক্রামক চামড়ার রোগ, চুলকানি, ৫৫ কাপড়ে  
অথবা বাড়িতে ছাতারোগ, ৫৬ এবং কোনো আব, ফুসকুড়ি অথবা  
উজ্জল দাগের জন্য, ৫৭ যেন কোনো কিছুর শুন্দতা বা অশুন্দতা নির্ণয়  
করা যায়। এসব নিয়মাবলি সংক্রামক চর্মরোগ ও ছাতারোগের জন্য।

**15** সদাপ্রভু মোশি ও হারোণকে বললেন, ২ “তোমরা ইস্রায়েলীদের  
বলো, ‘যখন কারোর দেহে অস্বাভাবিক ক্ষরণ হয়, সেই ক্ষরণ অশুন্দ।  
৩ তার দেহ থেকে ক্ষরণ অব্যাহত বা বন্ধ থাকলে সেটি তাকে অশুচি  
করবে। এইভাবে তার ক্ষরণ অশুচিতা নিয়ে আসবে। ৪ “‘ক্ষরণযুক্ত  
কোনো ব্যক্তি বিছানায় শুলে সেই বিছানা অশুচি হবে এবং আসন বা  
যা কিছুর উপরে সে বসবে, সেটি অশুচি বিবেচিত হবে। ৫ যদি কেউ  
তার বিছানা স্পর্শ করে, তাকে তার কাপড় অবশ্যই ধুয়ে নিতে হবে  
এবং জলে স্নান করতে হবে এবং সন্ধ্যা পর্যন্ত সে অশুচি থাকবে।  
৬ ক্ষরণযুক্ত মানুষটির বসা আসবাবপত্রের ওপরে যদি কেউ বসে,  
তাকে তার কাপড় ধুয়ে নিতেই হবে ও সে জলে স্নান করবে ও সন্ধ্যা  
পর্যন্ত তাকে অশুচি বলা হবে। ৭ “‘ক্ষরণযুক্ত মানুষকে যে কেউ স্পর্শ  
করবে, সে অবশ্যই তা পরিহিত কাপড় ধোবে ও জলে স্নান করবে  
এবং সন্ধ্যা পর্যন্ত অশুচি থাকবে। ৮ “‘ক্ষরণযুক্ত মানুষ যদি কারোর  
দেহে খুতু ফেলে, যে শুচি, সেই ব্যক্তি নিজের কাপড় ধোবে ও জলে  
স্নান করবে এবং সন্ধ্যা পর্যন্ত অশুচি থাকবে। ৯ “‘ক্ষরণযুক্ত মানুষটি  
যে কোনো গাড়িতে চড়ে, সেই গাড়ি অশুচি হয় ১০ এবং তার বসার  
জায়গায় নিচে রাখা কোনো জিনিস যদি কেউ স্পর্শ করে সন্ধ্যা পর্যন্ত  
সেই জিনিসটি অশুচি থাকবে। যে কেউ সেই জিনিসগুলি তুলে নেয়,  
তাকে অবশ্যই নিজ কাপড় ধুতে ও জলে স্নান করতে হবে এবং  
সন্ধ্যা পর্যন্ত সে অশুচি থাকবে। ১১ “‘ক্ষরণযুক্ত মানুষ তার হাত না  
ধুয়ে যদি কাউকে স্পর্শ করে, সে নিজের কাপড় ধোবে ও জলে স্নান  
করবে এবং সন্ধ্যা পর্যন্ত তাকে অশুচি বলা হবে। ১২ “ওই মানুষটি  
দ্বারা স্পর্শ করা মাটির পাত্র অবশ্যই ভেঙে ফেলতে হবে ও কাঠের  
আসবাবপত্র জল দিয়ে ধুতে হবে। ১৩ “‘ক্ষরণযুক্ত মানুষ যখন শুচি  
হয়, সে নিজের আনুষ্ঠানিক শুচিতার জন্য সাত দিন গণনা করবে। সে

তার কাপড় অবশ্যই ধোবে ও টাটকা জলে স্নান করবে, এভাবে সে শুন্দি হবে। 14 অষ্টম দিনে সে দুটি ঘৃণ্ড অথবা দুটি কপোতশাবক নেবে, সমাগম তাঁবুর প্রবেশদ্বারে সদাপ্রভুর সামনে আসবে এবং ঘৃণ্ড অথবা কপোতশাবক যাজককে দেবে। 15 একটি পাপার্থক বলি ও অন্যটি হোমবলিঙ্গে যাজক পাখিঙ্গলি উৎসর্গ করবে। এইভাবে ক্ষরণযুক্ত মানুষের পক্ষে সদাপ্রভুর সামনে যাজক প্রায়শিত্ব করবে। 16 “যদি কোনো পুরুষের বীর্যপাত হয়, তাহলে সে তার সমস্ত শরীর জলে ধুয়ে নেবে এবং সন্ধ্যা পর্যন্ত সে অশুন্দি থাকবে। 17 কোনো কাপড়ে অথবা চামড়ার জিনিসে বীর্যপাত হলে, জলে সেটি ধুতেই হবে ও সেই জিনিসটি সন্ধ্যা পর্যন্ত অশুন্দি থাকবে। 18 যদি একটি নারীর সাথে কোনো পুরুষ শয়ন করে এবং বীর্যপাত হয়, তাহলে উভয়ে জলে স্নান করবে ও সন্ধ্যা পর্যন্ত তারা অশুন্দি বিবেচিত হবে। 19 “যখন কোনো মহিলার নিয়মিত রক্তস্নাব হয়, ঝতুমতীর মাসিক সময়ের অশুন্দতা সাত দিন থাকবে এবং যে কেউ তাকে স্পর্শ করে, সন্ধ্যা পর্যন্ত সে অশুন্দি বিবেচিত হবে। 20 “মাসিক চলাকালীন যে কিছুর ওপরে সে শোবে, এবং বসবে সবকিছুই অশুচি হবে। 21 তার বিছানা স্পর্শকারী যে কেউ নিজের কাপড় ধোবে ও স্নান করবে এবং সন্ধ্যা পর্যন্ত সে অশুন্দি থাকবে। 22 তার বসা আসবাব যে কেউ স্পর্শ করে, সে তার কাপড় অবশ্যই ধুয়ে নেবে ও নিজে স্নান করবে এবং সন্ধ্যা পর্যন্ত সে অশুন্দি থাকবে। 23 বিছানা অথবা তার বসা যে কোনো আসবাবপত্র যদি কেউ স্পর্শ করে, সে সন্ধ্যা পর্যন্ত অশুন্দি থাকবে। 24 “যদি কোনো পুরুষ ওই নারীর সঙ্গে শয়ন করে ও তার মাসিক রক্তস্নাব ওই পুরুষের দেহে লাগে, তাহলে পুরুষটি সাত দিনের জন্যে অশুন্দি থাকবে ও তার শয়ন করা বিছানা অশুন্দি বিবেচিত হবে। 25 “যদি কোনো মহিলার মাসিক কাল চেয়েও একবারে দীর্ঘদিন ধরে রক্তস্নাব হয়, অথবা তার রক্তস্নাব নিয়মিত সময় অতিক্রম করে, তাহলে তার মাসিক ঝতুস্নাবের দিনগুলির মতো অনিয়মিত দীর্ঘকাল পর্যন্ত সে অশুন্দি থাকবে। 26 রক্তস্নাব চলাকালীন তার শোয়ার বিছানা অশুন্দি হবে, যেমন তার মাসিক ঝতুকালের বিছানা অশুন্দি হবে, যেমন তার অশৌচকালের

সময় তার বিছানা অশুন্দ হয় এবং তার বসা যে কোনো আসন তার অশৌচকালের মতো অশুন্দ হবে। 27 সেগুলি স্পর্শকারী যে কেউ অশুন্দ হবে; সে নিজের কাপড় অবশ্যই ধূয়ে নেবে ও নিজে জলে স্নান করবে এবং সন্ধ্যা পর্যন্ত তাকে অশুন্দ বলা হবে। 28 “তার রক্তদ্রাব থেকে যখন সে শুন্দ হবে, সে নিজের জন্য সাত দিন গণনা করবে এবং এরপরে আনুষ্ঠানিকভাবে সে শুন্দ হবে। 29 অষ্টম দিনে দুটি ঘৃঘু অথবা দুটি কপোতশাবক সে নেবে এবং সমাবেশ-তাঁবুর প্রবেশদ্বারে যাজকের হাতে সেগুলি তুলে দেবে। 30 একটি পাপার্থক বলি ও অন্যটি হোমবলিরূপে পাখিগুলিকে যাজক উৎসর্গ করবে। এভাবে মহিলাটির স্বাবের অশুচিতার জন্য সদাপ্রভুর সামনে প্রায়শিত্ব করবে। 31 “তোমরা সমস্ত অশুচিতা থেকে ইস্রায়েলীদের পৃথক রাখবে, যেন আমার বাসস্থান অশুচি করার দ্বারা তাদের অশুচিতায় তাদের মৃত্যু না হয়, যা তাদের মধ্যবর্তী।” 32 পুরুষের যে কোনো ক্ষরণ, বীর্যপাতের হেতু যে কোনো পুরুষের অশুচিতার জন্য এসব নিয়মবিধি, 33 কারণ কেনো নারীর মাসিক রক্তদ্রাবের ক্ষেত্রে, কোনো পুরুষ অথবা মহিলার ক্ষরণের পক্ষে এবং কোনো মহিলার সঙ্গে শয়নকারী আনুষ্ঠানিকভাবে অশুচি পুরুষের জন্য নিয়মগুলি প্রযোজ্য।

**16** হারোনের দুই ছেলে সদাপ্রভুর কাছে এসে মারা যাওয়ার পর সদাপ্রভু মোশির সঙ্গে কথা বললেন। 2 সদাপ্রভু মোশিকে বললেন, “তুমি তোমার দাদা হারোনকে বলো, সে যেন মহাপবিত্র জায়গায় তিরক্ষারণীর পিছনে সিন্দুকের সামনে পাপাবরণের জায়গায় যখন তখন যেন প্রবেশ না করে, অন্যথায় সে মরবে, কারণ পাপাবরণের ওপরে মেঘের মধ্যে আমি আবির্ভূত হই। 3 “পাপার্থক বলিরূপে একটি বাচ্চুর ও হোমবলিরূপে একটি মেষ সঙ্গে নিয়ে হারোণ মহাপবিত্র জায়গায় প্রবেশ করবে। 4 মসিনার পবিত্র নিমা সে গায়ে দেবে, মসিনার অন্তর্বাস পরবে, মসিনার কটিবন্ধন বাঁধবে ও মসিনার পাগড়িতে বিভূষিত হবে। এগুলি পবিত্র পোশাক সুতরাং এই পোশাক পরার আগে সে অবশ্যই স্নান করবে। 5 পাপার্থক বলির জন্য দুটি পুঁছাগ ও হোমবলির জন্য একটি মেষ ইস্রায়েলী সমাজ থেকে সে সংগ্রহ

করবে। 6 “হারোণ নিজের পাপার্থক বলিরপে প্রায়শিত্ত সাধনার্থে ও তার কুলের পক্ষে বাচ্চুরটি উৎসর্গ করবে। 7 পরে সে দুটি ছাগল নেবে এবং সমাগম তাঁবুর প্রবেশদ্বারে সদাপ্রভুর সামনে রাখবে। 8 পরে দুটি ছাগলের পক্ষে সে গুটিকাপাত করবে। সদাপ্রভুর উদ্দেশে একটি ছাগল ও অন্যদের অপরাধে দণ্ডিত হবার জন্য অন্য ছাগলের ভাগ্য নির্ণীত হবে। 9 সদাপ্রভুর উদ্দেশে নির্ণীত ছাগকে এনে হারোণ পাপার্থক বলি উৎসর্গ করবে। 10 কিন্তু অন্যদের জন্য শাস্তি পাওয়ার জন্য মনোনীত ছাগটিকে জীবিতাবস্থায় সদাপ্রভুর সামনে আনতে হবে ও প্রায়শিত্ত সাধনার্থে অন্যের পক্ষে দণ্ডিতরপে তাকে মরণপ্রাপ্তরে পাঠাতে হবে।

11 “হারোণ নিজের পাপার্থক বলিরপে বাচ্চুর আনবে এবং তার কুলের পক্ষে প্রায়শিত্ত করবে এবং আপন পাপার্থক বলিদানার্থে সে বাচ্চুরটিকে বধ করবে। 12 সদাপ্রভুর সামনের বেদি থেকে সে জ্বলন্ত কয়লাপূর্ণ ধূপাধার নেবে এবং পূর্ণ দুই মুঠো চৃণীকৃত সুগন্ধি ধূপ নিয়ে পর্দার পিছনে রাখবে। 13 সদাপ্রভুর সামনে আওনের মধ্যে সে ধূপ নিক্ষেপ করবে; ফলে সাক্ষ্য-সিন্দুকের ওপরে রাখা পাপাবরণ ধূপের ধূমমেঘে আচ্ছন্ন হবে; সুতরাং সে মরবে না। 14 সে বাচ্চুরটির কিছুটা রক্ত নেবে ও তার আঙুল দিয়ে পাপাবরণের সামনে ছিটাবে; পরে সে তার আঙুল দিয়ে কিছুটা রক্ত নিয়ে পাপাবরণের সামনে সাতবার ছিটাবে। 15 “এবারে লোকদের জন্য পাপার্থক বলিদানার্থে সে ছাগকে বধ করবে এবং বাচ্চুরটির রক্ত ছিটানোর মতো ছাগলের রক্ত ছিটাবে। পাপাবরণের উপরে সাতবার ছিটাবে। 16 এভাবে মহাপবিত্র স্থানের জন্য সে প্রায়শিত্ত করবে, কেননা ইস্রায়েলীদের রকমারি অশুচিতা, বিরোধিতা ও অন্যান্য পাপ সেখানে ঘটেছিল। সমাগম তাঁবুর জন্য সে একই কাজ করবে, যা তাদের অশুচিতার মাঝে তাদের মধ্যে রয়েছে। 17 মহাপবিত্র জায়গায় প্রায়শিত্ত সাধনার্থে হারোণ চলে যাওয়ার সময় থেকে তার ফিরে না আসা পর্যন্ত সমাগম তাঁবুতে কেউ যাবে না। সে নিজের জন্য, তার কুলের পক্ষে ও সমগ্র ইস্রায়েল সমাজের জন্য প্রায়শিত্ত সাধনের পর সেখান থেকে বেরিয়ে আসবে।

18 ‘পরে সদাপ্রভুর সম্মুখবর্তী বেদির সামনে সে আসবে ও বেদির

জন্য প্রায়শিত্ব করবে। সে বাচ্চুরটির কিছুটা রক্ত ও ছাগলের কিছুটা  
রক্ত নেবে এবং বেদির সমস্ত শিৎ-এ ঢালবে। 19 বেদি শুচি করতে  
ও ইস্রায়েলীদের সব ধরনের অশুচিতা থেকে বেদিকে পবিত্র করার  
জন্য সে তার আঙুল দিয়ে কিছুটা রক্ত নিয়ে সাতবার ছিটাবে। 20  
“মহাপবিত্র স্থান, সমাগম তাঁবুর ও বেদির জন্য প্রায়শিত্ব সাধনের পর  
হারোণ জীবিত ছাগকে সামনে আনবে। 21 জীবিত ছাগলের মাথায়  
সে তার দু-হাত রাখবে এবং ইস্রায়েলীদের সমস্ত দুষ্টতা, বিরোধিতা  
স্বীকার করবে তাদের সকল পাপ ছাগলের মাথার ওপরে রাখা হবে।  
দায়িত্ব পালনার্থে নিযুক্ত ব্যক্তির তত্ত্বাবধানে সে ছাগটিকে প্রান্তরে  
পাঠিয়ে দেবে। 22 ছাগটি তাদের সব পাপ বহন করে এক নির্জন  
জায়গায় নিয়ে যাবে ও তত্ত্বাবধায়ক ছাগটিকে মরণপ্রান্তরে ছেড়ে দেবে।  
23 “পরে হারোণ সমাগম তাঁবুতে যাবে এবং মহাপবিত্র স্থানে প্রবেশ  
করার আগে পরিহিত সব মসিনার পোশাক ছাড়বে ও সেগুলি সেখানে  
রাখবে। 24 এক পবিত্রস্থানে সে জলে স্নান করবে এবং তার নিয়মিত  
কাপড় পরবে। এবারে সে বাইরে আসবে এবং নিজের জন্য হোমবলি  
ও লোকদের জন্য হোমবলি উৎসর্গ করবে, এইভাবে নিজের জন্য ও  
লোকদের জন্য প্রায়শিত্ব সাধিত হবে। 25 আর সে পাপার্থক বলির  
মেদ বেদিতে পোড়াবে। 26 “অন্যের জন্য দণ্ডিত ছাগকে যে ব্যক্তি মুক্ত  
করবে, সে তার কাপড় অবশ্যই ধুয়ে নেবে ও জলে স্নান করবে; পরে  
সে শিবিরে আসতে পারে। 27 পাপার্থক বলির জন্য আনা বাচ্চুর ও  
ছাগলের রক্ত প্রায়শিত্ব সাধনের জন্য মহাপবিত্র স্থান থেকে শিবিরের  
বাইরে নিয়ে যেতেই হবে; তাদের চামড়া, মাংস ও নাড়ি আগুনে  
জ্বালিয়ে দিতে হবে। 28 এগুলি যে ব্যক্তি জ্বালাবে, সে তার কাপড়  
অবশ্যই ধুয়ে নেবে ও নিজে জলে স্নান করবে; পরে সে শিবিরে আসতে  
পারবে। 29 “এটি তোমাদের জন্য চিরস্থায়ী বিধি হবে: সগুম মাসের  
দশম দিনে তোমরা আত্মসংযোগ হবে এবং স্বদেশি অথবা তোমাদের  
মধ্যে বসবাসকারী প্রবাসী কোনো কাজ করবে না, 30 কারণ ওই  
দিনে তোমাদের জন্য প্রায়শিত্ব সাধিত হবে, তোমরা পরিষ্কৃত হবে।  
পরে সদাপ্রভুর সামনে তোমরা সব পাপ থেকে শুচিশুদ্ধ হবে। 31

এই দিন তোমাদের বিশ্বামৈর জন্য বিশ্বামদিন এবং তোমরা অবশ্যই আত্মসংযোগী হবে; এটি চিরস্থায়ী বিধি। 32 যে যাজককে অভিষেক ও নিযুক্তি দ্বারা মহাযাজকরূপে তার বাবার উত্তরসূরি করা হবে, সে প্রায়শিক্ত করবে। পবিত্র মসিনা কাপড় সে পরবে 33 এবং সমাগম তাঁবু ও বেদির জন্য এবং যাজকদের ও সমাজের সমস্ত লোকের জন্য মহাপবিত্র জায়গায় প্রায়শিক্ত করবে। 34 “তোমাদের জন্য এটি চিরস্থায়ী বিধি হবে: ইস্রায়েলীদের সব পাপের জন্য বার্ষিক একবার প্রায়শিক্ত করতে হবে।” এই কাজ করা হল, যেমন সদাপ্রভু মোশিকে আদেশ করেছিলেন।

**17** সদাপ্রভু মোশিকে বললেন, 2 “তুমি হারোগকে এবং তার ছেলেদের ও ইস্রায়েলীদের সবাইকে এই কথা বলো, ‘সদাপ্রভু এই আদেশ দিয়েছেন: 3 যদি কোনো ইস্রায়েলী শিবিরের মধ্যে অথবা শিবিরের বাইরে গরু, অথবা মেষ কিংবা ছাগল হত্যা করে, 4 কিন্তু সদাপ্রভুর আবাসের সামনে, সদাপ্রভুর উদ্দেশে উপহার উৎসর্গ করতে সমাগম তাঁবুর প্রবেশদ্বারে তা না আনে, তাহলে সেই মানুষটি রক্তপাতের অপরাধী গণিত হবে; সে রক্তপাত করছে; সুতরাং তার পরিজনদের কাছ থেকে সে উচ্ছিন্ন হবে। 5 এরপরে ইস্রায়েলীরা সদাপ্রভুর উদ্দেশে বিভিন্ন বলিদান আনবে, যেগুলি ওই সময় পর্যন্ত তারা খোলা ময়দানে উৎসর্গ করছিল। তারা যাজকের কাছে সেগুলি অবশ্যই আনবে: অর্থাৎ সমাগম তাঁবুর প্রবেশদ্বারে সদাপ্রভুর সামনে এনে মঙ্গলার্থক বলিঙ্গে সেগুলি উৎসর্গ করবে। 6 সমাগম তাঁবুর প্রবেশদ্বারে সদাপ্রভুর বেদির সামনে যাজক রক্ত ছিটাবে এবং সদাপ্রভুর সুগন্ধি সন্তোষজনক উপহাররূপে মেদ পোড়াবে। 7 ছাগল প্রতিমাদের উদ্দেশে তারা আর কোনোরকম বলিদান করবে না, যাদের অনুগমনে তারা ব্যতিচার করেছে। তাদের জন্যে ও আগামী প্রজন্মের জন্য এটি চিরস্থায়ী বিধি।’ 8 ‘তাদের বলো, ‘তাদের মধ্যে বসবাসকারী কোনো ইস্রায়েলী অথবা প্রবাসী যদি হোম অথবা বলিদান করে 9 এবং সদাপ্রভুর উদ্দেশে বলিদান করার জন্য সমাগম তাঁবুর প্রবেশদ্বারে ওই নৈবেদ্য না আনে, তাহলে তার পরিজনদের নিকট থেকে সে অবশ্যই

উচ্ছিন্ন হবে। 10 “তোমাদের মধ্যে বসবাসকারী কোনো ইস্রায়েলী অথবা কোনো প্রবাসী যদি রক্ত ভোজন করে, তাহলে আমি ওই রক্ত ভোজনকারীর প্রতি বিমুখ হব ও তার পরিজনদের কাছ থেকে তাকে উচ্ছিন্ন করব। 11 কেননা একটি প্রাণীর রক্তে জীবন থাকে এবং এই জীবন আমি তোমাদের দিয়েছি, যেন তোমাদের জন্য তোমরা বেদির ওপরে প্রায়শিত্ব করতে পারো; এই রক্ত প্রত্যেকজনের জন্য প্রায়শিত্ব সাধন করে। 12 অতএব ইস্রায়েলীদের উদ্দেশে আমি এই কথা বলি, “তোমাদের কেউ অথবা তোমাদের মধ্যে বসবাসকারী কোনো প্রবাসী যেন রক্ত ভোজন না করে।” 13 “কোনো ইস্রায়েল সন্তান অথবা তোমাদের মধ্যে বসবাসকারী কোনো প্রবাসী যদি মৃগয়াতে গিয়ে ভোজনের উপযোগী পশু অথবা পাখি বধ করে, তাহলে মৃত পশুর অথবা পাখির প্রবাহিত রক্তধারাকে ধুলো দিয়ে ঢেকে দিতে হবে, 14 কারণ প্রত্যেক প্রাণীর জীবন রক্তের মধ্যে রয়েছে। এই কারণে আমি ইস্রায়েলীদের বলেছি, “তোমরা কোনো প্রাণীর রক্ত একেবারে ভোজন করবে না, কারণ রক্তের মধ্যে প্রত্যেক প্রাণীর জীবন রয়েছে, যদি কেউ তা ভোজন করে, তাকে উচ্ছিন্ন হতেই হবে।” 15 “স্বদেশি অথবা বিদেশি কেউ যদি কোনো মৃত অথবা বিদীর্ঘ বন্যপশুর মাংস ভক্ষণ করে, তাহলে সে নিজের কাপড় অবশ্যই ধূয়ে নেবে ও জলে স্নান করবে এবং সন্ধ্যা পর্যন্ত সে আনুষ্ঠানিকভাবে অঙ্গন্ধ থাকবে; পরে সে শুন্দ হবে। 16 কিন্তু সে যদি তার কাপড় না ধোয় ও নিজে স্নান না করে, তাহলে সে নিজের অপরাধ বহন করবে।”

**18** সদাপ্রভু মোশিকে বললেন, 2 “ইস্রায়েলীদের বলো, ‘আমি তোমাদের ঈশ্বর সদাপ্রভু। 3 মিশরে তাদের কর্মের মতো কাজ তোমরা কোরো না, যেখানে তোমরা বসবাস করতে এবং কনান দেশে তাদের কর্মানুষারী তোমরা কোনও কাজ কোরো না, যেখানে আমি তোমাদের আনন্দি। তাদের কোনও অনুশীলন অনুকরণ কোরো না। 4 আমার শাসন তোমরা অবশ্যই পালন করবে এবং আমার সব বিধি সফলভাবে। আমি তোমাদের ঈশ্বর সদাপ্রভু। 5 আমার বিধিলিপি ও নিয়মাবলি পালন করবে, কেননা যে ব্যক্তি সেগুলি পালন করে সে

এসবের দ্বারা বাঁচবে। আমি সদাপ্রভু। ৬ “যৌন সম্পর্ক স্থাপনের জন্য  
কেউ নিকট আত্মায়ের কাছে যাবে না। আমি সদাপ্রভু। ৭ “তোমাদের  
মায়ের সাথে যৌন সম্পর্ক রেখে তুমি তোমার বাবাকে অশ্রদ্ধা করো  
না। তিনি তোমার মা; তাঁর সাথে কোনো যৌন সম্পর্ক রেখো না। ৮  
“তোমার বাবার স্ত্রীর সঙ্গে যৌন সম্পর্ক রেখো না; এই কাজ তোমার  
বাবার অসম্মানজনক। ৯ “তোমার বোনের সাথে অর্থাৎ তোমার বাবার  
মেয়ের সাথে অথবা তোমার মায়ের মেয়ের সাথে যৌন সম্পর্ক রেখো  
না; হতে পারে সে একই বাড়িতে অথবা অন্যত্র জন্মেছে। ১০ “তোমার  
ছেলের মেয়ে অথবা তোমার মেয়ের কোনো মেয়ের সাথে যৌন সম্পর্ক  
রাখবে না, এই কাজ তোমার অসম্মানজনক। ১১ “তোমার বাবার  
ওরসে জাত মেয়ের সঙ্গে তুমি যৌন সম্পর্ক রাখবে না; সে তোমার  
বোন। ১২ “তোমার বাবার বোনের সঙ্গে তুমি যৌন সম্পর্ক রাখবে না;  
সে তোমার বাবার নিকট আত্মীয়। ১৩ “তোমার মায়ের বোনের সঙ্গে  
যৌন সম্পর্ক রেখো না, কেননা সে তোমার মায়ের নিকট আত্মীয়।  
১৪ “তোমার বাবার ভ্রাতৃবধূর সঙ্গে যৌন সম্পর্ক স্থাপন করতে গিয়ে  
বাবার ভাইকে অশ্রদ্ধা কোরো না; তিনি তোমার কাকীমা। ১৫ “তোমার  
ছেলের বড়-এর সঙ্গে যৌন সম্পর্ক রেখো না। সে তোমার পুত্রের বড়;  
তার সাথে অবৈধ সম্পর্ক রাখবে না। ১৬ “তোমার ভাই-এর বড়-  
এর সঙ্গে যৌন সম্পর্ক রাখবে না; এ কাজ তোমার ভাই-এর প্রতি  
অসম্মানজনক। ১৭ “কোনো এক মহিলা ও তার মেয়ের সঙ্গে যৌন  
সম্পর্ক রাখবে না। তার ছেলের মেয়ে অথবা তার মেয়ের কোনো  
মেয়ের সঙ্গে যৌন সম্পর্ক রাখবে না। তারা তার নিকট আত্মীয়;  
এটি পাপাচার। ১৮ “তোমার স্ত্রীর বোনকে এক প্রতিযোগিনী স্ত্রীরপে  
গ্রহণ করবে না ও তোমার স্ত্রী জীবিত থাকাকালীন তার সঙ্গে যৌন  
সম্পর্ক রাখবে না। ১৯ “কোনো মহিলার মাসিক রক্তস্নাবের অশুচিতা  
থাকাকালীন যৌন সম্পর্ক স্থাপন করার জন্য তার কাছে যাবে না। ২০  
“তোমার প্রতিবেশীর স্ত্রী সঙ্গে যৌন সম্পর্ক রেখে তার দ্বারা নিজেকে  
অশুচি করবে না। ২১ “মোলকের উদ্দেশে তোমার কোনো সন্তান  
বলিদানার্থে দিয়ো না, কেননা তোমার ঈশ্বরের নাম তুমি কখনও

অপবিত্র করবে না। আমি সদাপ্রভু। 22 “কোনো পুরুষের সঙ্গে সংসগ্রহ করবে না, যেমন কেউ কোনো মহিলার সঙ্গে শয়ন করে। এই কাজ ঘৃণিত। 23 “কোনো পশুর সঙ্গে যৌন সম্পর্ক রেখে নিজেকে অশুচি করবে না। একটি নারী কামনা চরিতার্থ করতে যেন কখনও কোনো পশুর কাছে না যায়। এই কাজ চৃড়ান্ত দুর্কর্ম। 24 “এসব দুর্কর্ম দ্বারা তোমরা নিজেদের কলুষিত করবে না, কারণ তোমাদের সামনে থেকে যে জাতিদের আমি বিতাড়িত করতে চলেছি, তারা এইভাবে কলুষিত হয়েছিল। 25 এমনকি দেশও কলুষিত হয়েছিল; সুতরাং দেশের পাপের জন্য তাকে শাস্তি দিলাম এবং দেশ তার বাসিন্দাদের উপরে ফেলল। 26 কিন্তু আমার বিধি ও আমার বিধান অবশ্যই পালন করবে। স্বদেশে জাত ও তোমাদের মধ্যে বসবাসকারী বিদেশিরা যেন কোনো ঘৃণিত কাজ না করে। 27 কারণ তোমাদের আগে এই দেশে বসবাসকারী লোকেরা এই সমষ্টি করেছিল ও দেশ কলুষিত হয়েছিল। 28 আর তোমরা যদি দেশ কলুষিত করো, তাহলে দেশ তোমাদের উপরে দেবে, যেমন তোমাদের আগে সেই জাতিদের উপরে দিয়েছিল। 29 “যদি কেউ এই ঘৃণিত কাজগুলির মধ্যে কোনো একটি কাজ করে, তাহলে নিজের পরিজনদের মধ্য থেকে সে উচ্ছিন্ন হবে। 30 আমার চাহিদাগুলি পূরণ করবে ও ঘৃণিত কোনো কাজ অনুসরণ করবে না, তোমাদের আগে যেগুলি অনুশীলিত হয়েছিল এবং কুকাজগুলির দ্বারা নিজেদের কলুষিত করবে না। আমি তোমাদের ঈশ্বর সদাপ্রভু।”

**19** সদাপ্রভু মোশিকে বললেন, 2 “সমগ্র ইস্রায়েলী জনতার সঙ্গে তুমি কথা বলো এবং তাদের জানাও, ‘তোমরা পবিত্র হও, কেননা তোমাদের ঈশ্বর সদাপ্রভু, আমি পবিত্র।’ 3 “তোমাদের প্রত্যেকজন বাবা-মাকে অবশ্যই সম্মান দিয়ো, এবং আমার বিশ্রামদিন নিশ্চিতরণে পালন করবে। আমি তোমাদের ঈশ্বর সদাপ্রভু। 4 “প্রতিমাদের দিকে তোমরা ফিরো না, অথবা তোমাদের জন্য গলিত ধাতু দিয়ে প্রতিমা নির্মাণ করবে না। আমি তোমাদের ঈশ্বর সদাপ্রভু। 5 “সদাপ্রভুর উদ্দেশ্যে যখন তোমরা মঙ্গলার্থক বলি উৎসর্গ করতে চাও, এমনভাবে তা উৎসর্গ করবে, যেন তোমাদের পক্ষে নৈবেদ্য গৃহীত হয়। 6

উৎসর্গীকরণ দিনে অথবা পরবর্তী দিনে বলিদানের মাংস ভক্ষণ করতে হবে; তৃতীয় দিন পর্যন্ত যা কিছু পড়ে থাকবে তা পোড়াতে হবে। 7 যদি ভক্ষ্য দ্রব্যের কিছু অংশ তৃতীয় দিনে ভোজন করা হয়, সেটি অশুদ্ধ এবং গৃহীত হবে না। 8 যদি কেউ তা ভোজন করে, সে দায়ী হবে, কারণ সদাপ্রভুর উদ্দেশে পবিত্র দ্রব্যকে সে অপবিত্র করেছে; সেই ব্যক্তি নিজের পরিজনদের মধ্য থেকে অবশ্যই উচ্ছিন্ন হবে। 9 “তোমাদের জমির ফসল কাটার সময় একেবারে ফসলের গোড়া কাটবে না, অথবা জমিতে পড়ে থাকা ফসল সংগ্রহ করবে না। 10 তোমাদের দ্রাক্ষাক্ষেত্রে দ্বিতীয়বার যেয়ো না, অথবা বারে পড়া আঙুর তুলবে না। দরিদ্র ও বিদেশিদের জন্য সেগুলি ছেড়ে দিয়ো। আমি তোমাদের ঈশ্বর সদাপ্রভুর। 11 “চুরি কোরো না। “মিথ্যা কথা বোলো না। “একজন অন্যজনকে প্রতারণা কোরো না। 12 “আমার নাম নিয়ে মিথ্যা দিব্য করবে না এবং এইভাবে তোমাদের ঈশ্বরের নাম অপবিত্র করবে না। আমি সদাপ্রভু। 13 “তোমাদের প্রতিবেশীকে নির্যাতন করবে না কিংবা তার কোনো জিনিস হরণ করবে না। “বেতনজীবীর বেতন রাখি অতিবাহিত না হওয়া পর্যন্ত ধরে রেখো না। 14 “বধিরকে অভিশাপ দিয়ো না, অথবা অন্ধজনের সামনে বাধা রেখো না; কিন্তু তোমাদের ঈশ্বরকে ভয় কোরো। আমি সদাপ্রভু। 15 “তোমরা বিচারে অন্যায় করবে না; দরিদ্রের প্রতি পক্ষপাতিত্ব দেখাবে না, অথবা ধনবানকে তোষণ করবে না, কিন্তু তোমাদের প্রতিবেশীর প্রতি ন্যায়বিচার করবে। 16 “তোমাদের লোকদের মাঝে কুৎসা রটাতে এগিয়ে যেয়ো না। “এমন কোনো কাজ করবে না, যার দ্বারা তোমাদের প্রতিবেশীর জীবন বিপন্ন হয়। আমি সদাপ্রভু। 17 “তোমরা হৃদয়ে তোমাদের আত্মায়কে ঘৃণা কোরো না। তোমাদের প্রতিবেশীকে খোলাখুলিভাবে অনুযোগ করো, যেন তার অপরাধের ভাগী হতে না হয়। 18 “তোমার লোকদের কারও বিরুদ্ধে প্রতিহিংসাপরায়ণ হবে না, অথবা তার বিপক্ষে বিরূপ মনোভাব রেখো না, কিন্তু প্রতিবেশীকে নিজের মতোই ভালোবেসো। আমি সদাপ্রভু। 19 “আমার বিধিবিধান পালন করবে। “বিভিন্ন ধরনের পশুর মধ্যে সংসর্গ করতে দিয়ো না। “তোমার জমিতে দুই ধরনের

বীজবপন করবে না। “নুই ধরনের উপাদান দিয়ে বোনা কাপড় পরবে  
না। 20 “যদি একটি পুরুষ কোনো এক নারীর সঙ্গে শয়ন করে, যে  
এক ক্রীতদাসী ও অন্য পুরুষের প্রতি বাগদত্তা, কিন্তু যার বন্ধনমুক্ত  
হয়নি, অথবা তাকে স্বাধীনতা দেওয়া হয়নি, তার শাস্তি হবেই।  
কিন্তু তাদের মৃত্যুদণ্ড দেওয়া হবে না, কেননা সে মুক্ত হয়নি। 21  
অন্যদিকে, সদাপ্রভুর উদ্দেশে এক দোষার্থক-নৈবেদ্যদানার্থে সমাগম  
তাঁরুর প্রবেশদ্বারে ওই পুরুষ অবশ্যই একটি মেষ আনবে। 22 যাজক  
দোষার্থক-নৈবেদ্যদানের মেষটি নিয়ে পুরুষটির পাপের জন্য সদাপ্রভুর  
সামনে তার পক্ষে প্রায়চিত্ত করবে এবং তার পাপের ক্ষমা হবে। 23  
“দেশে প্রবেশের পর তোমরা যে কোনো ফলের গাছ রোপণ করো,  
এর ফল নিষিদ্ধ বিবেচনা করো, কেননা তিনি বছর পর্যন্ত এটি নিষিদ্ধ  
বিবেচিত হবে। এর ফল ভোজন করা যাবে না। 24 চতুর্থ বছরে এর  
সমস্ত ফল পবিত্র হবে, সদাপ্রভুর উদ্দেশে এটি প্রশংসাসূচক এক  
উপহার। 25 কিন্তু পঞ্চম বছরে তুমি এর ফল ভোজন করতে পারো।  
এইভাবে তোমার ফসল বৃদ্ধি পাবে। আমি তোমার ঈশ্বর সদাপ্রভু। 26  
“রক্ত সমেত কোনো মাংস ভোজন করবে না। “ভবিষ্যৎ-কথন অথবা  
জানুবিদ্যা অনুশীলন করবে না। 27 “তোমার মাথার কিনারার চুল  
অথবা তোমার দাঢ়ির প্রান্তভাগ ছাঁটবে না। 28 “মৃত মানুষের জন্য  
তোমার দেহে অস্ত্রাঘাত কোরো না অথবা দেহে ক্ষেদিত চিঙ্গ দিয়ো  
না। আমি সদাপ্রভু। 29 “তুমি তোমার মেয়েকে ব্যভিচারিণী বানিয়ে  
তার মর্যাদাহানি করবে না পাছে দেশ ব্যভিচারে পূর্ণ হয় ও সব ধরনের  
লাস্পট্যে ভরে যায়। 30 “আমার বিশ্রামবার পালন কোরো ও আমার  
পবিত্র ধর্মধামের প্রতি সম্মান দেখাও। আমি তোমার ঈশ্বর সদাপ্রভু।  
31 “তোমরা প্রেত মাধ্যমদের ও মায়াবীদের অভিমুখে যেয়ো না,  
কেননা তাদের সংস্পর্শে তোমরা কল্পিত হবে। আমি তোমাদের  
ঈশ্বর সদাপ্রভু। 32 “বয়স্কদের উপস্থিতিতে তোমরা উঠে দাঁড়াও,  
প্রাচীনদের প্রতি সম্মান দেখাও এবং তোমার ঈশ্বরকে ভয় কোরো।  
আমি সদাপ্রভু। 33 “তোমাদের দেশে তোমাদের সঙ্গে বসবাসকারী  
বিদেশির প্রতি দুর্ব্যবহার করবে না। 34 তোমার কাছে স্বদেশীয় যেমন,

তোমাদের সঙ্গে বসবাসকারী বিদেশির প্রতিও তুমি অবশ্যই একই  
ব্যবহার করবে। তুমি তাকে নিজের মতো ভালোবেসো, কেননা মিশরে  
তুমিও প্রবাসী ছিলে। আমি তোমার ঈশ্বর সদাপ্রভু। 35 “দৈর্ঘ্য, ওজন  
অথবা পরিমাণ পরিমাপ করার সময় অবৈধ বাটখারা ব্যবহার করবে  
না। 36 ন্যায্য মাপনী, ন্যায্য বাটখারা, ন্যায্য এফা ও ন্যায্য হিন  
ব্যবহার করবে। আমি তোমাদের ঈশ্বর সদাপ্রভু, যিনি মিশর দেশ  
থেকে তোমাদের বের করে এনেছেন। 37 “আমার সব অনুশাসন  
ও বিধিবিধান পালন করবে, এবং সেগুলির অনুগামী হবে। আমি  
সদাপ্রভু।”

**20** সদাপ্রভু মোশিকে বললেন, 2 ‘ইস্রায়েলীদের বলো, ‘কোনো  
ইস্রায়েলী অথবা ইস্রায়েলে বসবাসকারী কোনো প্রবাসী যদি তার  
সন্তানদের মোলকের উদ্দেশে উৎসর্গ করার জন্য দেয়, তাহলে অবশ্যই  
তার প্রাণদণ্ড হবে। সমাজের লোকেরা তাকে প্রস্তরাঘাত করবে। 3  
আমি তার বিরুদ্ধে বিমুখ হব ও তার পরিজনদের মধ্যে থেকে তাকে  
উচ্ছিন্ন করব; কারণ মোলকের উদ্দেশে তার সন্তান দিয়ে সে আমার  
পবিত্র ধর্মধার কল্যাণিত করেছে ও আমার পবিত্র নাম কলঙ্কিত করেছে।  
4 যখন সে তার সন্তানদের মধ্য থেকে একটি সন্তান মোলককে উৎসর্গ  
করে, তখন যদি সমাজের লোকেরা তাদের চোখ বন্ধ রাখে ও তাকে  
মৃত্যুদণ্ড দিতে না পারে, 5 তাহলে সেই ব্যক্তি ও তার পরিবারের  
বিপক্ষে আমি বিমুখ হব এবং তাকে ও তার অনুগামী মোলকের সঙ্গে  
ব্যতিচারী সবাইকে তাদের পরিজনদের মধ্য থেকে উচ্ছিন্ন করব। 6  
“সেই মানুষের বিপক্ষে আমি বিমুখ হব, যে ভূতপ্রেত ও গুণীনদের  
অনুগমনে ব্যতিচার করার জন্য তাদের অভিমুখে যায় এবং তাকে তার  
আপনজনদের মধ্য থেকে আমি উচ্ছিন্ন করব। 7 “তোমরা নিজেদের  
উৎসর্গ করো ও পবিত্র হও, কেননা আমি তোমাদের ঈশ্বর সদাপ্রভু। 8  
আমার বিধিবিধান পালন করবে, সেগুলির অনুগামী হবে। আমিই  
সদাপ্রভু, যিনি তোমাদের পবিত্র করেন। 9 “যদি কেউ তার বাবাকে বা  
মাকে অভিশাপ দেয়, তাকে মৃত্যুদণ্ড পেতে হবে। সে তার বাবাকে বা  
মাকে অভিশাপ দিয়েছে; সুতরাং তার রক্ত তার নিজের মাথায় প্রযোজ্য

হবে। 10 “যদি কোনো ব্যক্তি অন্যের স্ত্রীর সঙ্গে ব্যভিচার করে—তার প্রতিবেশীর স্ত্রীর সঙ্গে—ব্যভিচারী ও ব্যভিচারিণী উভয়ের অবশ্যই প্রাণদণ্ড হবে। 11 “যদি কোনো পুরুষ তার বাবার স্ত্রীর সঙ্গে শয়ন করে, সে তার বাবাকে অশ্রদ্ধা করেছে। সেই পুরুষ ও নারী উভয়ের অবশ্যই মৃত্যুদণ্ড হবে; তাদের রক্ত তাদের নিজেদের মাথায় গিয়ে পড়বে। 12 “যদি কেউ তার ছেলের বউ-এর সঙ্গে শয়ন করে তাদের উভয়ের প্রাণদণ্ড হবে। তারা যা করেছে তা স্বেচ্ছাচারিতা; তাদের রক্ত তাদের নিজেদের মাথায় গিয়ে পড়বে। 13 “যদি কোনো পুরুষ অন্য এক পুরুষের সঙ্গে শয়ন করে, যেমন একটি পুরুষ কোনো নারীর সঙ্গে যৌন সম্পর্কে করে তাহলে তারা দুজনই ঘৃণিত কাজ করেছে। অবশ্যই তাদের মৃত্যুদণ্ড হবে; তাদের রক্ত তাদের নিজেদের মাথায় গিয়ে পড়বে। 14 “যদি কোনো পুরুষ এক নারী ও তার মাকে বিয়ে করে, এটি দুশ্চরিত্ব। তাকে ও তাদের আগনে জ্বালিয়ে দিতে হবে, যেন তোমাদের মাঝে কোনো দুশ্চরিত্ব না থাকে। 15 “যদি কোনো পুরুষ একটি পশুর সঙ্গে কামনা চরিতার্থ করে, তার অবশ্যই মৃত্যুদণ্ড হবে এবং পশুকে তোমরা অবশ্যই বধ করবে। 16 “যদি একটি নারী কামনা চরিতার্থ করতে কোনো পশুর কাছে যায়, সেই নারী ও পশু উভয়কে তোমরা অবশ্যই বধ করবে। অবশ্যই তাদের মৃত্যুদণ্ড দেবে। তাদের রক্ত তাদের নিজেদের মাথায় গিয়ে পড়বে। 17 “যদি কোনো পুরুষ তার বোনকে বিয়ে করে, যে তার বাবার অথবা মায়ের মেয়ে এবং তারা কামনা চরিতার্থ করে, এটি লজ্জার বিষয়। তাদের পরিজনদের নজর থেকে তাদের উচ্ছিন্ন করতেই হবে। সে তার বোনের সতীত্ব হরণ করেছে এবং এই দুর্ক্ষর্মের জন্য সে দায়ী থাকবে। 18 “যদি কোনো পুরুষ একটি স্ত্রীলোকের মাসিক রক্তস্ন্যাব চলাকালীন তার সঙ্গে শয়ন ও কামনা চরিতার্থ করে, সে ওই স্ত্রীলোকের স্নাবের উৎস উন্মোচন করে এবং স্ত্রীলোকটি ও তা অনাবৃত করে। তাদের উভয়কে তাদের আপনজনদের মধ্য থেকে অবশ্যই উচ্ছিন্ন করতে হবে। 19 “তোমার মায়ের অথবা তোমার বাবার বোনের সঙ্গে যৌন সম্পর্ক স্থাপন করবে না; কেননা সেই কাজ নিকট আত্মীয়ের প্রতি অসম্মানজনক। এর জন্য

তোমরা দুজনই দায়ী থাকবে। 20 “যদি কোনো পূর্ব তার আত্মীয়ার  
সঙ্গে শয়ন করে, তাহলে সে তার আত্মীয়কে অশ্রদ্ধা করেছে। তারা  
অপরাধী হবে ও নিঃসন্তান থাকাকালীন মারা যাবে। 21 “যদি কোনো  
পূর্ব তার ভাইয়ের বউকে বিয়ে করে, এই কাজ অশুদ্ধাচার; সে  
তার অগ্রজকে অশ্রদ্ধা করেছে। তারা নিঃসন্তান থাকবে। 22 “আমার  
সব অনুশাসন ও বিধান পালন করবে ও সেগুলির অনুগামী হবে,  
যেন যে দেশে তোমাদের আমি নিয়ে যাচ্ছি, সেই দেশ তোমাদের  
উগরে না ফেলে। 23 তোমরা ওই সমস্ত জাতির বিভিন্ন প্রথা অনুযায়ী  
জীবনযাপন করবে না, তোমাদের সামনে থেকে যাদের আমি বিতাড়িত  
করতে যাচ্ছি, কেননা আমার দৃষ্টিতে অত্যন্ত ঘৃণিত কাজগুলি এরা  
করেছে। 24 কিন্তু আমি তোমাদের বলেছি, “তাদের দেশ তোমরা  
অধিকার করবে। আমি উত্তরাধিকারীরপে দেশটি তোমাদের দেব,  
যে দেশে দুধ ও মধু প্রবাহিত হয়।” আমি তোমাদের ঈশ্বর সদাপ্রভু,  
যিনি সমস্ত জাতি থেকে তোমাদের পৃথক করেছেন। 25 “অতএব,  
শুচি ও অশুচি পশুদের মাঝে এবং অশুচি ও শুচি পাখিদের মাঝে  
তোমরা অবশ্যই তফাত রাখবে। কোনো পশু অথবা পাখি কিংবা  
ভূমিতে বিচরণকারী কোনো কিছুর দ্বারা নিজেদের কল্পিত করবে  
না—তোমাদের জন্য অশুচিরপে সেগুলিকে আমি পৃথক রেখেছি। 26  
আমার উদ্দেশ্যে তোমাদের পবিত্র হতে হবে, কারণ আমি সদাপ্রভু  
পবিত্র এবং জাতিদের মধ্য থেকে তোমাদের আমি পৃথক রেখেছি, যেন  
তোমরা আমার নিজস্ব হও। 27 “তোমাদের মধ্যে বসবাসকারী কোনো  
পূর্ব বা নারী যদি প্রেতমাধ্যম অথবা জাদুকর হয়, তার অবশ্যই  
মৃত্যুদণ্ড হবে। তাদের তোমরা প্রস্তরাঘাত করবে। তাদের রক্ত তাদের  
নিজেদের মাথায় গিয়ে পড়বে।”

**21** সদাপ্রভু মোশিকে বলগেন, “হারোগের ছেলে যাজকদের জানাও,  
তাদের বলো, ‘কোনো যাজক তার কোনো মৃত আপনজনের পক্ষে  
আনুষ্ঠানিকভাবে যেন নিজেকে অশুচি না করে, 2 কেবল কোনো নিকট  
আত্মীয়, যেমন তার মা অথবা বাবা, তার ছেলে অথবা মেয়ে, তার  
ভাই, 3 অথবা অবিবাহিতা বোন, যে তার উপরে নির্ভরশীল, যেহেতু

তার স্বামী নেই—এই বোনের জন্য সে নিজেকে অঙ্গটি করতে পারে।

৪ বিবাহ দ্বারা সম্পর্কিত লোকদের জন্য সে নিজেকে কখনও অঙ্গন্ত  
করবে না, কোনোভাবে নিজে কল্পিত হবে না। ৫ “যাজকেরা তাদের  
মাথা ও দাঢ়ির প্রান্তভাগ ছাঁটবে না, অথবা নিজেদের দেহে অস্ত্রাঘাত  
করবে না। ৬ তারা তাদের ঈশ্বরের উদ্দেশে অবশ্যই পবিত্র হবে এবং  
তাদের ঈশ্বরের নাম কখনও কলঙ্কিত করবে না। যেহেতু সদাপ্রভুর  
উদ্দেশে তারা অগ্রিমত উপহার আনে, তাদের ঈশ্বরের উদ্দেশে ভক্ষ্য-  
নৈবেদ্য রাখে, সেই কারণে তাদের পবিত্র হতে হবে। ৭ “বেশ্যাবৃত্তি  
দ্বারা কলঙ্কিত রমণীদের অথবা বিবাহবিচ্ছেদ হয়েছে এমন মহিলাদের  
তারা কোনোমতে বিয়ে করবে না, কারণ যাজকেরা তাদের ঈশ্বরের  
কাছে পবিত্র। ৮ পবিত্ররপে তাদের বিবেচনা করো, কারণ তোমাদের  
ঈশ্বরের উদ্দেশে তারা ভক্ষ্য-নৈবেদ্য উৎসর্গ করে। তাদের পবিত্র  
বলে বিবেচনা করো, কেননা সদাপ্রভু পবিত্র—আমি তোমাদের পবিত্র  
করি। ৯ “যদি কোনো যাজকের মেয়ে বেশ্যা হয়ে নিজেকে কল্পিত  
করে, সে তার বাবাকে লজ্জা দেয়, তাকে অবশ্যই আগনে জ্বালিয়ে  
দিতে হবে। ১০ “নিজের ভাইদের মধ্যে প্রধান যাজক, যার মাথায়  
অভিষেকের তেল ঢালা হয়েছে এবং যাজকীয় পোশাক পরার জন্য যে  
অভিষিক্ত হয়েছে, সে তার চুল এলোমেলো রাখবে না, অথবা তার  
কাপড় ছিঁড়বে না। ১১ সে এমন জায়গায় কখনও প্রবেশ করবে না,  
যেখানে মৃতদেহ রয়েছে। সে তার বাবা অথবা মায়ের জন্যও নিজেকে  
কখনও অঙ্গটি করবে না, ১২ তার ঈশ্বরের পবিত্রস্থান পরিত্যাগ করবে  
না, অথবা তা অপবিত্র করবে না, কারণ সে তার ঈশ্বরের অভিষেকের  
তেল দিয়ে স্থানটিকে উৎসর্গ করেছে। আমি সদাপ্রভু। ১৩ “তার বিয়ের  
জন্য পাত্রী যেন অবশ্যই কুমারী মেয়ে হয়। ১৪ সে কোনো বিধবাকে,  
বিবাহ-বিচ্ছিন্না মহিলাকে অথবা বেশ্যাকে কখনও বিয়ে করবে না,  
কিন্তু তার লোকদের মধ্য থেকে কেবল একটি কুমারী মেয়েকে বিয়ে  
করবে, ১৫ যেন এইভাবে তার লোকদের মাঝে নিজের বংশধরদের  
সে অপবিত্র না করে। আমি সদাপ্রভু, যিনি তাকে পবিত্র করেন।”

১৬ সদাপ্রভু মোশিকে বললেন, ১৭ “তুমি হারোগকে বলো, ‘আগামী

প্রজন্মাণুলিতে তার বংশধরদের মধ্যে যদি কারও খুঁত থাকে, সে যেন তার ঈশ্বরের উদ্দেশে ভক্ষ্য-নৈবেদ্য উৎসর্গ করতে নিকটবর্তী না হয়। 18 দোষযুক্ত কোনো মানুষ কাছে আসতে পারবে না, অন্ধ অথবা খঙ্গ, বিকলাঙ্গ অথবা অঙ্গহীন কেউ দোষমুক্ত নয়; 19 যার পা অথবা হাত অকেজো, 20 অথবা যে কুঁজো বা বামন, কিংবা যার চেখে ছানি পড়েছে অথবা যে পুঁজযুক্ত ক্ষতবিশিষ্ট, কিংবা ভগ্ন অঙ্গকোষ বিশিষ্ট, 21 যাজক হারোণের বংশধরদের মধ্যে কেউ খুঁতযুক্ত থাকলে সদাপ্রভুর উদ্দেশে অগ্নিকৃত উপহার উৎসর্গ করতে সে আসতে পারবে না। যেহেতু তার দোষ আছে; তাই তার ঈশ্বরের উদ্দেশে ভক্ষ্য-নৈবেদ্য উৎসর্গ করতে সে কখনও কাছে আসতে পারবে না। 22 সে তার ঈশ্বরের অতি পবিত্র ভক্ষ্য এবং পবিত্র খাদ্যবস্তু ভোজন করতে পারবে; 23 তবুও তার খুঁতের কারণে সে পর্দার কাছে অথবা বেদির অভিমুখে একেবারেই যাবে না, যেন আমার পবিত্রস্থান কল্পিত না হয়। আমি সদাপ্রভু, যিনি তাদের পবিত্র করেন।” 24 সুতরাং হারোণকে, তার সব ছেলেকে ও সব ইস্রায়েলীকে মোশি এইসব কথা বললেন।

**22** সদাপ্রভু মোশিকে বললেন, 2 “হারোণ ও তার ছেলেদের তুমি জানিয়ে দাও, আমার উদ্দেশে ইস্রায়েলীদের উৎসর্গীকৃত পবিত্র উপহারগুলির প্রতি তারা যেন সম্মান প্রদর্শন করে এবং আমার পবিত্র নাম তারা যেন অপবিত্র না করে। আমি সদাপ্রভু। 3 “তাদের বলো, ‘আগামী প্রজন্মাণুলিতে তোমাদের বংশধরদের মধ্যে কেউ যদি আনুষ্ঠানিকভাবে অঙ্গচি থাকে এবং তবুও সদাপ্রভুর উদ্দেশে ইস্রায়েলীদের উৎসর্গীকৃত পবিত্র উপহারগুলির কাছে সে আসে, তাহলে আমার সামনে থেকে সেই ব্যক্তি উচ্ছিন্ন হবে। আমি সদাপ্রভু। 4 “যদি হারোণের কোনো এক বংশধরের সংক্রামক চর্মরোগ অথবা দেহের ক্ষরণ থাকে, পবিত্র নৈবেদ্য সে ভোজন করবে না, যতক্ষণ না সে শুচি হয়। সে অঙ্গচি হবে, যদি মৃতদেহ দ্বারা কল্পিত কোনো বস্তু অথবা বীর্য নির্গমিত ব্যক্তিকে স্পর্শ করে; 5 অথবা যদি সে কোনো সরীসৃপকে স্পর্শ করে, সেই স্পর্শে সে অঙ্গচি হবে, অথবা সে কোনো অঙ্গচিতায় কোনো অঙ্গচি মানুষের স্পর্শে সে অঙ্গচি হবে। 6 এই

ধরনের দ্রব্যকে যে কেউ স্পর্শ করবে, সে সম্ভ্যা পর্যন্ত অশুচি বিবেচিত  
 হবে। সে কোনো পবিত্র নৈবেদ্য ভোজন করতেই পারবে না, যতক্ষণ  
 না জলে স্নান করছে। 7 সূর্য অস্ত গেলে সে শুচিশুন্দ হবে এবং এরপরে  
 পবিত্র নৈবেদ্য সে ভোজন করতে পারবে; কেননা সেগুলি তার খাদ্য।  
 8 কোনো মৃত অথবা বন্যপশু দ্বারা ছিন্ন-বিচ্ছিন্ন কোনো প্রাণী সে  
 কখনও ভোজন করবে না এবং এইভাবে নিজে অশুচি হবে না। আমি  
 সদাপ্রভু। 9 “যাজকেরা আমার চাহিদাগুলি পূরণ করবে, যেন অপরাধী  
 না হয় এবং সেগুলিকে অবজ্ঞা করে মারা না যায়। আমি সদাপ্রভু, যিনি  
 তাদের পবিত্র করেন। 10 “যাজকীয় পরিবারের বহির্ভূত কেউ পবিত্র  
 নৈবেদ্য ভোজন করতে পারবে না, অথবা যাজকের কোনো অতিথি  
 কিংবা বেতনজীবী কর্মী এই খাদ্যের অংশীদার হবে না। 11 কিন্তু  
 যদি যাজক টাকা দিয়ে এক ক্রীতদাস ক্রয় করে, অথবা তার বাড়িতে  
 কোনো ক্রীতদাসের জন্ম হয়, তাহলে ক্রীতদাস সেই খাদ্য ভোজন  
 করতে পারে। 12 যদি যাজকের একটি মেয়ে যাজকের পরিবর্তে  
 অন্য একজনকে বিয়ে করে, তাহলে মেয়েটি কোনো পবিত্র নৈবেদ্য  
 ভোজন করবে না। 13 কিন্তু যাজকের মেয়ে যদি বিধবা হয়, অথবা  
 তার বিবাহবিচ্ছেদ হয়ে থাকে, অথচ সন্তান না থাকে এবং তার ঘোবন  
 থাকাকালীন বাবার বাড়িতে বসবাস করতে সে ফিরে আসে, তাহলে সে  
 তার বাবার খাদ্য ভোজন করবে। অন্যদিকে, কোনো অস্মীকৃত মানুষ  
 ভোজন করতে পারবে না। 14 “যদি কেউ ভুলবশত পবিত্র নৈবেদ্য  
 ভোজন করে, তাহলে ওই নৈবেদ্যের পক্ষে সে যাজককে ক্ষতিপূরণ  
 দেবে। খাদ্যমানের পঞ্চমাংশ সে সংযোজিত করবে। 15 সদাপ্রভুর  
 উদ্দেশ্যে ইস্রায়েলীদের উৎসর্গীকৃত পবিত্র নৈবেদ্য যাজক কিছুতেই  
 কালিমালিষ্ট করবে না, 16 পবিত্র খাদ্য লোকদের ভোজন করতে  
 দেবে না, যেন এর বিনিময়ে তাদের ওপরে অপরাধ না বর্তায়। আমি  
 সদাপ্রভু, যিনি তাদের পবিত্র করেন।” 17 সদাপ্রভু মোশিকে বললেন,  
 18 ‘হারোণ, তার সব ছেলেদের ও সব ইস্রায়েলীর সঙ্গে তুমি কথা  
 বলো এবং তাদের জানাও, ‘যদি তোমাদের কেউ, কিংবা ইস্রায়েলের  
 কোনো একজন অথবা ইস্রায়েলে বসবাসকারী কোনো প্রবাসী মানত

পূরণে অথবা স্বেচ্ছাদত্ত উপহারনপে সদাপ্রভুর উদ্দেশে হোমার্থক বলি  
উৎসর্গ করে, 19 তাহলে একটি নির্দোষ বলদ, অথবা পুংমেষ কিংবা  
পুংছাগ তোমরা অবশ্যই উৎসর্গ করবে, যেন তোমাদের পক্ষে এই  
উৎসর্গ গৃহীত হয়। 20 খুঁতযুক্ত কোনো কিছু আনবে না, অন্যথায়  
তোমাদের পক্ষে তা গৃহীত হবে না। 21 যখন কেউ কোনো মানত পূরণ  
করার জন্য অথবা স্বেচ্ছাদত্ত উপহারস্বরূপ সদাপ্রভুর উদ্দেশে ষাঁড়  
অথবা মেষ মঙ্গলার্থক বলিদানন্তরপে আনে, সেটি গৃহীত হওয়ার জন্য  
যেন নির্দোষ বা নিষ্কলঙ্ঘ হয়। 22 সদাপ্রভুর উদ্দেশে অন্ধ, আহত,  
অথবা বিকলাঙ্গ, কিংবা আবযুক্ত অথবা পুঁজযুক্ত ক্ষতবিশিষ্ট কোনো  
কিছু আনবে না। সদাপ্রভুর উদ্দেশে এই ধরনের কোনো দোষযুক্ত  
পশু হোমার্থক বলিক্রপে বেদিতে রাখবে না। 23 অন্যদিকে, একটি  
গরু অথবা একটি মেষ স্বেচ্ছাদত্ত উপহারনপে উৎসর্গ করতে পারো,  
এগুলি বিকলাঙ্গ অথবা বুদ্ধিবিহীন বিশিষ্ট হতে পারে, কিন্তু কোনো  
মানত পূরণের জন্য এই উপহার গৃহীত হবে না। 24 সদাপ্রভুর উদ্দেশে  
এমন কোনো পশু উৎসর্গ করবে না, যার অঙ্গকোষ থেঁতলানো, চূর্ণ  
অথবা বিদীর্ণ। তোমাদের দেশে তোমরা এই কাজ কখনও করবে না।  
25 কোনো বিদেশির নিকট থেকে এই ধরনের পশু তোমরা কখনও  
গ্রহণ করবে না এবং ভক্ষ-নৈবেদ্য স্বরূপ তোমার ঈশ্বরের উদ্দেশে  
উৎসর্গ করবে না। তোমাদের পক্ষে সেগুলি গৃহীত হবে না, কারণ  
সেগুলি বিকৃত ও খুঁতযুক্ত।” 26 সদাপ্রভু মোশিকে বললেন, 27 “যখন  
কোনো বাচ্চুর, মেষশাবক অথবা ছাগল জন্মাবে, তার মায়ের সঙ্গে  
তাকে সাত দিন থাকতে হবে। অষ্টম দিন থেকে ওই শাবক হোমার্থক  
বলিক্রপে সদাপ্রভুর উদ্দেশে গৃহীত হবে। 28 একই দিনে কোনো গরু  
অথবা মেষ ও তার শাবককে হত্যা করবে না। 29 “যখন সদাপ্রভুর  
উদ্দেশে তোমরা ধন্যবাদের উপহার বলি দেবে, এমনভাবে সেই বলি  
দিতে হবে, যেন তোমাদের পক্ষে তা গৃহীত হয়। 30 বলিদানের মাংস  
সেদিনই ভোজন করতে হবে; সকাল পর্যন্ত কিছু অবশিষ্ট রেখো না।  
আমি সদাপ্রভু। 31 “আমার সব আদেশ পালন করো এবং সেগুলি  
অনুসরণ করো। আমি সদাপ্রভু। 32 আমার পবিত্র নাম অপবিত্র করবে

না। ইস্রায়েলীদের দ্বারা পবিত্ররপে আমাকে স্বীকৃতি পেতেই হবে।  
আমি সদাপ্রভু, যিনি তোমাদের পবিত্র করেন ৩৩ এবং যিনি মিশ্র  
থেকে তোমাদের বের করে এনেছেন, যেন তোমাদের ঈশ্বর হন। আমি  
সদাপ্রভু।”

**২৩** সদাপ্রভু মোশিকে বললেন, ২ “ইস্রায়েলীদের সঙ্গে তুমি কথা  
বলো এবং তাদের বলো, ‘এগুলি আমার নির্দিষ্ট উৎসব, সদাপ্রভুর  
নির্দিষ্ট উৎসব, পবিত্র সমাবেশরপে সেগুলি তোমরা ঘোষণা করবে। ৩  
“তোমরা ছয় দিন কাজ করতে পারবে, কিন্তু সপ্তম দিন বিশ্রামের  
জন্য বিশ্রামদিন, পবিত্র সমাবেশ দিবস। এই দিনে তোমরা কোনো  
কাজ করবে না; তোমরা যেখানেই থাকো, দিনটি সদাপ্রভুর উদ্দেশে  
বিশ্রামদিন। ৪ “এগুলি সদাপ্রভুর নির্দিষ্ট উৎসব, এগুলি নির্দিষ্ট সময়ে  
তোমরা বিভিন্ন পবিত্র সমাবেশে ঘোষণা করবে। ৫ প্রথম মাসের  
চতুর্দশ দিনে গোধূলি লঞ্চে সদাপ্রভুর নিষ্ঠারপর্ব শুরু হয়। ৬ সেই  
মাসের পঞ্চদশ দিনে সদাপ্রভুর খামিরবিহীন রুটির উৎসব শুরু হয়;  
সাত দিন ধরে খামিরবিহীন রুটি তোমরা অবশ্যই ভোজন করবে। ৭  
প্রথম দিনে পবিত্র সমাবেশ রাখবে এবং সেদিন নিয়মিত কাজ করবে  
না। ৮ সাত দিন ধরে সদাপ্রভুর উদ্দেশে ভক্ষ্য-নৈবেদ্য আনবে। সপ্তম  
দিনে পবিত্র সভা রাখবে এবং সেদিন কোনো নিয়মিত কাজ করবে  
না।” ৯ সদাপ্রভু মোশিকে বললেন, ১০ “ইস্রায়েলীদের সঙ্গে তুমি  
কথা বলো এবং তাদের বলো, ‘তোমরা যে দেশে প্রবেশ করবে,  
যা আমি তোমাদের দিতে যাচ্ছি, সেখানে তোমরা ফসল সংগ্রহ  
করবে এবং সংগৃহীত শস্যের প্রথম আঁটি যাজকের কাছে আনবে।  
১১ সদাপ্রভুর সামনে যাজক সেই আঁটি দোলাবে, যেন তোমাদের  
পক্ষে তা গৃহীত হয়; বিশ্রামদিনের পরবর্তী দিনে যাজক সেই আঁটি  
দোলাবে। ১২ যেদিন তোমরা বাঁধা আঁটি দোলাবে, সেদিন এক  
বর্ষীয় নির্দোষ মেষশাবক হোমবলিরপে সদাপ্রভুর উদ্দেশে উৎসর্গ  
করবে, ১৩ এবং একইসঙ্গে তেল মিশ্রিত এক ঐফা মিহি ময়দার  
দুই-দশমাংশ শস্য-নৈবেদ্য আনবে—সদাপ্রভুর উদ্দেশে সুগন্ধযুক্ত  
সন্তোষজনক এক উপহার—এবং এক হিন দ্রাক্ষারসের এক-চতুর্থাংশ

পেয়-নৈবেদ্য রাখবে। 14 যতদিন না নির্দিষ্ট দিনে সদাপ্রভুর উদ্দেশে  
তোমরা এই উপহার আনছ, ততদিন পর্যন্ত কোনো রংটি বা সেঁকা খাদ্য  
অথবা নবান্ন ভোজন করবে না। তোমরা যেখানেই বসবাস করো,  
আগামী প্রজন্মগুলির পক্ষে এ এক চিরস্থায়ী বিধি। 15 “বিশ্রামদিনের  
পরবর্তী দিন থেকে, দোলনীয় উপহাররূপ আঁটি আনার দিন থেকে  
সম্পূর্ণ সাত সপ্তাহ গণনা করবে। 16 সপ্তম বিশ্রামদিনের পরবর্তী  
দিন থেকে পথঝাশ দিন গণনা করবে এবং পরে সদাপ্রভুর উদ্দেশে  
নতুন শস্যের নৈবেদ্য নিয়ে আসবে। 17 তোমরা যেখানেই বসবাস  
করো সেখান থেকে এক গ্রাম মিহি ময়দার দুই-দশমাংশ দিয়ে তৈরি  
খামিরযুক্ত দুটি রংটি সদাপ্রভুর উদ্দেশে প্রথম ফসলের দোলনীয়  
উপহাররূপে আনবে। 18 এই রংটির সঙ্গে এক বর্ষীয় সাতটি নির্দোষ  
মদ্দা মেষশাবক, একটি কমবয়সি ঘাঁড় ও দুটি মেষ রাখবে। শস্য-  
নৈবেদ্য ও পেয়-নৈবেদ্যের সঙ্গে এগুলি সদাপ্রভুর উদ্দেশে হোম-  
নৈবেদ্যরূপে বিবেচিত হবে—সদাপ্রভুর উদ্দেশে সুরভিযুক্ত ভক্ষ্য-  
নৈবেদ্যের সন্তোষজনক এক উপহার। 19 পরে পাপার্থক বলিরূপে  
একটি পুঁচাগ এবং মঙ্গলার্থক বলিরূপে এক বর্ষীয় দুটি মেষশাবক  
উৎসর্গ করবে। 20 সদাপ্রভুর উদ্দেশে প্রথম ফসলের রংটির সঙ্গে  
দোলনীয় উপহাররূপে দুটি মেষশাবক যাজক দোলাবে। যাজকের  
পক্ষে এগুলি সদাপ্রভুর উদ্দেশে পবিত্র উপহার। 21 একই দিনে  
তোমরা পবিত্র সমাবেশ ঘোষণা করবে এবং কোনো নিয়মিত কাজ  
করবে না। তোমরা যেখানেই বসবাস করো, আগামী প্রজন্মগুলির  
পক্ষে এ এক চিরস্থায়ী বিধি। 22 “যখন তোমাদের দেশে তোমরা শস্য  
ছেদন করবে, ক্ষেত্রের প্রান্তসীমার শস্য ছেদন অথবা পতিত শস্য  
সংগ্রহ করবে না। দরিদ্র ও তোমাদের মধ্যে বসবাসকারী বিদেশিদের  
জন্য সেগুলি রেখে দিয়ো। আমি তোমাদের ঈশ্বর সদাপ্রভু।” 23  
সদাপ্রভু মোশিকে বললেন, 24 “তুমি ইস্রায়েলীদের বলো, ‘সপ্তম  
মাসের প্রথম দিনে বিশ্রামদিন পালন করবে, তৃৰীক্ষণি সহকারে পবিত্র  
সমাবেশ দিবস স্মরণ করবে। 25 নিয়মিত কোনো কাজ করবে না,  
কিন্তু সদাপ্রভুর উদ্দেশে ভক্ষ্য-নৈবেদ্য নিরবেদন করবে।’” 26 সদাপ্রভু

মোশিকে বললেন, 27 “এই সপ্তম মাসের দশম দিনটি প্রায়চিত্ত দিবস। এক পবিত্র সমাবেশ আয়োজন করো এবং নিজেদের অস্তীকার করবে ও সদাপ্রভু উদ্দেশে ভক্ষ্য-নৈবেদ্য দেবে। 28 ওই দিনে কোনো কাজ করবে না, কারণ দিনটি প্রায়চিত্ত দিবস, যেদিন তোমাদের ঈশ্বর সদাপ্রভুর সামনে তোমাদের জন্য প্রায়চিত্ত করা হয়। 29 যদি সেদিন কেউ নিজেকে অস্তীকার না করে, সে তার আপনজনদের মধ্য থেকে উচ্ছিন্ন হবে। 30 যদি সেদিন কেউ কাজ করে, তাহলে তার আপনজনদের মধ্য থেকে আমি তাকে বিনষ্ট করব। 31 তোমরা কোনো কাজই করবে না। তোমরা যেখানেই বসবাস করো, আগামী প্রজন্মগুলির পক্ষে এটি চিরস্থায়ী বিধি। 32 এটি তোমাদের জন্যে এক বিশ্রামের দিন, সেদিন তোমরা নিজেদের অস্তীকার করবে। মাসের নবম দিনের সন্ধ্যা থেকে পরবর্তী সন্ধ্যা পর্যন্ত এটি তোমাদের পালনীয় বিশ্রামদিন।” 33 সদাপ্রভু মোশিকে বললেন, 34 “ইস্রায়েলীদের বলো, ‘সপ্তম মাসের পঞ্চদশ দিনে সদাপ্রভুর উদ্দেশে কুটিরবাস-পর্ব পালন করতে হবে এবং এই পর্ব সাত দিন পর্যন্ত চলবে। 35 প্রথম দিনে এক পবিত্র সমাবেশ হবে; সেদিন কোনো নিয়মিত কাজ করবে না। 36 সাত দিন ধরে সদাপ্রভুর উদ্দেশে ভক্ষ্য-নৈবেদ্য উৎসর্গ করবে এবং অষ্টম দিনে এক পবিত্র সমাবেশ রাখবে এবং সদাপ্রভুর উদ্দেশে তোমরা ভক্ষ্য-নৈবেদ্য উৎসর্গ করবে। এটি বিশেষ সমাপ্তি সমাবেশ; সেদিন কোনো নিয়মিত কাজ করবে না। 37 (“‘এগুলি সদাপ্রভুর নির্দিষ্ট উৎসব, পবিত্র সমাবেশকাপে যেগুলি তোমরা ঘোষণা করবে, যখন সদাপ্রভুর উদ্দেশে তোমরা ভক্ষ্য-নৈবেদ্য আনবে—প্রতিদিনের জন্য হোমবলি, শস্য-নৈবেদ্য, বিভিন্ন বলিদান ও পেয়-নৈবেদ্য দিতে হবে। 38 এই উপাদানগুলি সদাপ্রভুর বিশ্রামদিনের উদ্দেশে, তোমাদের বিভিন্ন দান এবং তোমাদের রকমারি মানত ও সদাপ্রভুর উদ্দেশে তোমাদের স্বেচ্ছাদত্ত সব দানের অতিরিক্ত।) 39 “‘সুতরাং সপ্তম মাসের পঞ্চদশ দিনে জমি থেকে শস্য সংগ্রহ করার পর সাত দিন ধরে সদাপ্রভুর উদ্দেশে তোমরা উৎসব পালন করবে; প্রথম দিনটি বিশ্রামদিন এবং অষ্টম দিনটিও বিশ্রামদিন। 40 প্রথম দিনে তোমরা

পছন্দসই গাছের ফল, খেজুর পাতা, পাতাবাহার গাছের শাখা ও দীর্ঘ  
বৃক্ষবিশেষের শাখা তুলবে এবং তোমাদের ঈশ্বর সদাপ্রভুর সামনে  
সাত দিন ধরে আনন্দে মাতোয়ারা হবে। 41 প্রতি বছর সাত দিন  
ধরে সদাপ্রভুর উদ্দেশে তোমরা এই উৎসব পালন করবে; আগামী  
প্রজন্মগুলির জন্য এটি চিরস্থায়ী বিধি। সপ্তম মাসে বিধি অনুযায়ী  
তোমরা উৎসব পালন করবে। 42 সাত দিনের জন্য তোমরা কুটিরে  
থাকবে; স্বদেশে জাত সব ইস্রায়েলী থাকবে, 43 যেন তোমাদের  
বংশধরেরা জানতে পারে, যখন আমি মিশ্র থেকে তাদের বের করে  
এনেছিলাম তখন ইস্রায়েলীদের আমি কুটিরে বসবাস করিয়েছিলাম।  
আমি তোমাদের ঈশ্বর সদাপ্রভু।” 44 তখন সদাপ্রভুর উদ্দেশে নির্দিষ্ট  
উৎসবগুলি সমন্বে মোশি ইস্রায়েলীদের জানালেন।

**24** সদাপ্রভু মোশিকে বললেন, 2 “আলোর জন্য নিংড়ে নেওয়া  
স্বচ্ছ জলপাই তেল তোমার কাছে নিয়ে আসার জন্য ইস্রায়েলীদের  
আদেশ দাও যেন প্রদীপগুলি সবসময় জ্বলতেই থাকে। 3 সমাগম  
তাঁবুতে সাক্ষ্য-সিদ্ধুকের পর্দার বাইরে সন্ধ্যা থেকে সকাল পর্যন্ত  
হারোণ অবিরত সদাপ্রভুর সামনে বাতিগুলি সাজিয়ে রাখবে। আগামী  
প্রজন্মগুলির জন্য এটি চিরস্থায়ী বিধি হবে। 4 সদাপ্রভুর সামনে নির্মল  
সোনার দীপাধারগুলিতে ওই প্রদীপগুলি সারাক্ষণ জ্বলবে। 5 “মিহি  
ময়দা দিয়ে বারোটি রংটি তৈরি করবে, প্রত্যেক রংটিতে এক ঐফা  
আটার দুই-দশমাংশ খরচ করবে। 6 প্রভু সদাপ্রভুর সামনে নির্মল  
সোনার টেবিলে দুটি সারির প্রত্যেক সারিতে ছয়টি রংটি সাজিয়ে  
রাখবে। 7 এক স্যারক অংশকূপে আবার রংটি জোগাতে ও সদাপ্রভুর  
উদ্দেশে ভক্ষ্য-নৈবেদ্য দিতে প্রত্যেক সারির পাশে কিছুটা নির্মল  
ধূপ ঢালবে। 8 সদাপ্রভুর সামনে নিয়মিতভাবে প্রত্যেক বিশ্রামদিনে  
ইস্রায়েলীদের পক্ষে চিরস্থায়ী সন্ধিচুক্তিরূপে এই রংটি সাজাতে হবে।  
9 এটি হারোণ ও তার ছেলেদের জন্য, এক পবিত্রস্থানে তারা এই  
খাদ্য ভোজন করবে, কারণ এটি হল তাদের নিয়মিত উপহারের  
অংশের এক অত্যন্ত পবিত্র অংশ যা সদাপ্রভুর উদ্দেশে ভক্ষ্য-নৈবেদ্য।”  
10 ঘটনাক্রমে এক ইস্রায়েলী মায়ের ও এক মিশ্রীয় বাবার ছেলে

ইস্রায়েলীদের মাঝে উপস্থিত হল এবং শিবিরের মধ্যে তার সঙ্গে  
এক ইস্রায়েলীর বিবাদ সংঘটিত হল। 11 ইস্রায়েলী মহিলার ছেলে  
(ঈশ্বরের) নামের প্রতি নিন্দা ও অভিশাপবাণী উচ্চারণ করল। সুতরাং  
লোকেরা তাকে মোশির কাছে আনল। (তার মাঝের নাম শিলোমিঃ, সে  
দান বংশীয় দিব্রির মেয়ে) 12 তাদের প্রতি সদাপ্রভুর ইচ্ছা স্পষ্টভাবে  
প্রকাশিত না হওয়া পর্যন্ত তারা তাকে আটকে রাখল। 13 পরে সদাপ্রভু  
মোশিকে বললেন, 14 “ঈশ্বরনিন্দুককে শিবিরের বাইরে নিয়ে যাও,  
তার কথা যতজন শুনেছে, তারা তার মাথায় হাত রাখবে ও সমগ্র  
জনসমাজ তাকে প্রস্তরাঘাত করবে। 15 তুমি ইস্রায়েলীদের বলো,  
‘যদি কেউ তার ঈশ্বরকে অভিশাপ দেয়, সে পাপের দায়ী হবে; 16 যে  
কেউ সদাপ্রভুর নামের নিন্দা করবে, তার অবশ্যই মৃত্যুদণ্ড হবে।  
সমগ্র মঙ্গলী তাকে প্রস্তরাঘাত করবে। এক বিদেশি অথবা স্বদেশে  
জাত যে কেউ তাঁর নামের নিন্দা করবে, তাকে মৃত্যুদণ্ড পেতেই হবে।  
17 “যদি কেউ মানুষের জীবন নাশ করে, অবশ্যই তাকে মৃত্যুদণ্ড  
দেওয়া হবে। 18 যদি কেউ কারোর পশুর জীবন নেয় তাকে ক্ষতিপূরণ  
দিতেই হবে—প্রাণের পরিশোধে প্রাণ। 19 যদি কেউ প্রতিবেশীকে  
আঘাত করে, সে যেমনি করুক, তাকে প্রত্যাঘাত পেতেই হবে। 20  
জখ্মের পরিশোধে জখ্ম, চোখের পরিবর্তে চোখ, দাঁতের পরিবর্তে  
দাঁত। সে যেমন অন্যকে আহত করেছে তেমনই তাকেও আহত হতে  
হবে। 21 যে কেউ একটি পশুকে হত্যা করবে, সে অবশ্যই ক্ষতিপূরণ  
দেবে, কিন্তু কেউ যদি কোনো মানুষকে হত্যা করে, তাকেই হত হতে  
হবে। 22 বিদেশি ও স্বদেশে জাত প্রত্যেকজনের জন্য একই নিয়ম  
প্রযোজ্য হবে। আমি তোমাদের ঈশ্বর সদাপ্রভু।” 23 পরে মোশি  
ইস্রায়েলীদের বললেন এবং লোকেরা ঈশ্বরনিন্দুককে শিবিরের বাইরে  
নিয়ে গেল ও তাকে প্রস্তরাঘাত করল। ইস্রায়েলীরা সেই কাজ করল,  
সদাপ্রভু মোশিকে যেমন আদেশ দিয়েছিলেন।

**25** সদাপ্রভু সীনয় পর্বতে মোশিকে বললেন, 2 ‘ইস্রায়েলীদের সঙ্গে  
তুমি কথা বলো, তাদের জানাও, ‘আমি যে দেশ তাদের দিতে যাচ্ছি,  
যখন তারা সেই দেশে প্রবেশ করবে, তখন সদাপ্রভুর উদ্দেশ্যে যেন ভূমি

বিশ্রাম ভোগ করে। 3 ছয় বছর ধরে তোমরা ক্ষেতে বীজবপন করবে  
এবং ছয় বছর ধরে দ্রাক্ষাক্ষেতের অপ্রয়োজনীয় ডালপালা ছাঁটবে ও  
দ্রাক্ষাফল সংগ্রহ করবে। 4 কিন্তু সপ্তম বছরে ভূমি বিশ্রাম, সদাপ্রভুর  
উদ্দেশে এক বিশ্রাম ভোগ করবে। এই বছরে তোমাদের ক্ষেত্রগুলি  
বীজবপন করবে না, অথবা দ্রাক্ষাক্ষেতের অনর্থক ডালপালাগুলি  
ছেঁটে ফেলবে না। 5 ক্ষেত্রগুলি থেকে যে শস্য এমনি এমনি উৎপন্ন  
হয়েছে তা কাটবে না, অথবা আবোড়া দ্রাক্ষাফল সংগ্রহ করবে না।  
ভূমির জন্য বিশ্রামের বছর রাখতে হবে। 6 বিশ্রাম বছর চলাকালীন  
ভূমির খাদ্যশস্য তোমাদের জন্য—তোমার নিজের, তোমার দাস-  
দাসী, বেতনজীবী কর্মী, তোমার মাঝে অস্থায়ীভাবে বসবাসকারী  
মানুষের জন্য 7 এবং তোমার গৃহপালিত সমস্ত পশু ও তোমার দেশের  
বন্য পশুরাও এই খাদ্যশস্যের অংশীদার। ভূমিতে উৎপন্ন যাবতীয়  
খাদ্যশস্য ভোজন করতে হবে। 8 “সাতটি বিশ্রাম বছর—সাতগুণ  
সাত বছর—গণনা করবে, যেন সাত বিশ্রাম বছরের মোট সংখ্যা  
উনপঞ্চাশ বছর হয়। 9 এরপর সপ্তম মাসের দশম দিনে সর্বত্র তুরী  
বাজাতে হবে; প্রায়চিত্ত দিনে তোমার সারা দেশে তুরী বাজবে। 10  
পঞ্চাশতম বছর পবিত্র করবে ও সারা দেশে সব বসবাসকারীদের জন্য  
মুক্তি ঘোষণা করবে। তোমাদের পক্ষে এটি অর্ধশতবার্ষিক মহোৎসব  
হবে; তোমরা প্রত্যেকজন নিজের নিজের পারিবারিক অধিকারে ও  
গোষ্ঠীতে ফিরে যাবে। 11 পঞ্চাশতম বছরটি তোমাদের পক্ষে আনন্দ  
উৎসবের বছর হবে। এসময় কোনো বীজবপন করবে না, ভূমিতে  
আপনা-আপনি উৎপন্ন শস্যচয়ন অথবা আবোড়া দ্রাক্ষাফল সংগ্রহ  
করবে না। 12 কেননা তখন মহোৎসবের সময়, যা তোমাদের জন্য  
পবিত্র হবে; কেবল ক্ষেত্রগুলি থেকে সরাসরি তুলে আনা ভক্ষ্য তোমরা  
ভোজন করবে। 13 “এই অর্ধশতবার্ষিক অনুষ্ঠানে প্রত্যেকজনকে  
নিজের নিজের অধিকারে ফিরে আসতে হবে। 14 “যদি তোমার  
কোনো দেশবাসীর কাছে তুমি জমি বিক্রি করো অথবা তার কাছ  
থেকে জমি কেনো, তাহলে পরম্পর সুযোগ নিও না। 15 অর্ধশতবর্ষের  
পরে বছর অতিবাহিত হওয়ার ভিত্তিতে তুমি দেশবাসীর নিকট থেকে

কিনবে এবং শস্য সংগ্রহের জন্য অবশিষ্ট বছরগুলির ভিত্তিতে সে বিক্রি করবে। 16 বছর-সংখ্যার আধিক্য অনুসারে তুমি মূল্য বৃদ্ধি করবে ও বছর সংখ্যা কম হলে তুমি মূল্য কম করবে, কারণ আসলে সে তোমার কাছে ফলোৎপাদক সংখ্যা অনুসারে বিক্রি করবে। 17 তোমরা পরম্পর সুযোগ নিও না, কিন্তু ঈশ্বরকে তয় কোরো। আমি তোমাদের ঈশ্বর সদাপ্রভু। 18 “আমার অনুশাসনের অনুগামী হও এবং আমার সব বিধান মেনে চলতে যত্নশীল থেকো, তাহলে তোমরা দেশে নিরাপদে বসবাস করবে। 19 ভূমি ফল উৎপন্ন করবে এবং তপ্তি অবধি তোমরা ভোজন করবে ও তোমাদের নিরাপত্তা থাকবে। 20 তোমাদের প্রশ্ন থাকতে পারে, “সপ্তম বছরে আমরা কী ভোজন করব, যদি আমরা বীজবপন ও শস্য সংগ্রহ না করি?” 21 ঘষ্ট বছরে আমি এমন আশীর্বাদ বর্ণণ করব যে তিন বছরের জন্য জমিতে প্রচুর ফসল উৎপন্ন হবে। 22 অষ্টম বছরে বীজ বপনকালের আগে সংগৃহীত ফসল থেকে তোমরা ভোজন করবে এবং নবম বছরে ফসল সংগৃহীত না হওয়া পর্যন্ত তোমরা পুরোনো খাদ্য ভোজন করবে। 23 “চিরদিনের জন্য ভূমি বিক্রি করা যাবে না, কেননা ভূমি আমার এবং তোমরা প্রবাসী ও ভাড়াটিয়া ব্যতীত আর কিছু নও। 24 সারা দেশে তোমরা যে ভূমির অধিকারী হয়েছ, তা মুক্ত করতে তোমরা অবশ্যই সুযোগ দিয়ো। 25 “যদি তোমার স্বদেশবাসীর মধ্যে কেউ দরিদ্র হয় এবং সে তার কিছু জমি বিক্রি করে, তাহলে তার নিকটতম আত্মীয় আসবে ও স্বদেশবাসীর বিক্রীত ভূমি মুক্ত করবে। 26 অন্যদিকে, যদি এমন কেউ থাকে, যার ভূমির মুক্তিকর্তা কেউ নেই, কিন্তু সে নিজে সমৃদ্ধিশালী হয় এবং ভূমি মুক্ত করতে তার যথেষ্ট সঙ্গতি থাকে, 27 তাহলে বিক্রি করার সময় থেকে পরবর্তী বছরগুলির জন্য সে মূল্য নির্ধারণ করবে ও বিক্রীত মূল্য ক্রেতাকে ফেরত দেবে; পরে সে নিজের অধিকারে ফিরে যাবে। 28 কিন্তু ক্রেতার পাওনা মেটাতে যদি তার সামর্থ্য না থাকে, তাহলে অর্ধশতবার্ষিক পর্যন্ত বিক্রীত সম্পদ ক্রেতার কাছে থাকবে। অর্ধশতবার্ষিকীর সময় তা ফিরিয়ে দেওয়া হবে এবং সে নিজের অধিকারে ফিরে যাবে। 29 “যদি কোনো ব্যক্তি প্রাচীরবেষ্টিত নগরে

তার বাড়ি বিক্রি করে তাহলে বিক্রি করার সময় থেকে সম্পূর্ণ এক বছর পর্যন্ত তার মুক্ত করার অধিকার থাকবে। ওই সময়ের মধ্যে বিক্রেতা মুক্ত করতে পারবে। 30 যদি সম্পূর্ণ এক বছরের আগে তা মুক্ত করা না হয়, তাহলে প্রাচীরবেষ্টিত নগরের বাড়িটি চিরদিনের জন্য ক্রেতার ও তার বৎসরদের হয়ে যাবে। অর্ধশতবর্ষে এই সম্পত্তি ফেরত দেওয়া হবে না। 31 কিন্তু প্রাচীরহীন গ্রামগুলিতে নির্মিত বাড়িগুলি দেশের সার্বিক সম্পত্তিরপে বিবেচিত হবে। এগুলি মুক্ত করা যাবে এবং অর্ধশতবর্ষে ফেরত দেওয়া হবে। 32 “লেবীয় অধ্যুষিত নগরগুলিতে নির্মিত লেবীয়দের বাড়িগুলি মুক্ত করতে লেবীয়দের সবসময় অধিকার থাকবে, যেগুলি তাদের অধিকৃত। 33 সুতরাং লেবীয়দের সম্পত্তি মুক্তিযোগ্য অর্থাত যে কোনো নগরে তাদের অধিকৃত বাড়ি বিক্রীত হলে অর্ধশতবর্ষে তা ফেরত দিতে হবে, কারণ লেবীয়দের নগরগুলিতে নির্মিত বাড়িগুলি ইস্রায়েলীদের মাঝে লেবীয়দের সম্পত্তি। 34 কিন্তু তাদের নগরগুলির চারণভূমি বিক্রি করা যাবে না; এটি তাদের চিরস্থায়ী অধিকার। 35 “যদি তোমাদের দেশবাসীর মধ্যে কেউ দরিদ্র ও তোমাদের মাঝে নিজের ভরণ-পোষণ চালাতে অসমর্থ হয়, তাহলে তাকে সাহায্য করো, যেমন তোমরা বিদেশি এবং অপরিচিতদের প্রতি করে থাকো; যেন তোমাদের মাঝে সে বসবাস করতে পারে। 36 তার কাছ থেকে কোনোরকম সুদ অথবা সুবিধা গ্রহণ করবে না, কিন্তু তোমাদের ঈশ্বরকে ভয় করবে, যেন তোমাদের দেশবাসী তোমাদের মাঝে বসবাস করতে পারে। 37 সুদ গ্রহণের শর্তে তুমি তাকে অর্থ ধার দিতে পারবে না, অথবা লাভের আশায় তার কাছে খাদ্য বিক্রি করবে না। 38 আমি তোমাদের ঈশ্বর সদাপ্রভু, যিনি মিশর দেশ থেকে তোমাদের বের করে এনেছেন, যেন কলান দেশ তোমাদের দেন ও তোমাদের ঈশ্বর হন। 39 “যদি তোমার দেশবাসীর মধ্যে কেউ দরিদ্র হয় ও তোমার কাছে নিজেকে বিক্রি করে, এক ক্রীতদাসরূপে তাকে কাজ করতে দিয়ো না। 40 এক বেতনজীবী কর্মী অথবা তোমার মাঝে এক অস্থায়ী বাসিন্দারূপে তার প্রতি আচরণ করতে হবে। অর্ধশত বছর পর্যন্ত তোমার জন্য সে কাজটি করবে। 41 পরে সে ও তার সন্তানেরা

মুক্ত হবে এবং সে তার গোষ্ঠীতে ও তার পিতৃপুরুষদের অধিকারে ফিরে যাবে। 42 যেহেতু ইস্রায়েলীরা আমার ভূত্য, আমি মিশর থেকে যাদের বের করেছিলাম; তারা কোনোমতে ক্রীতদাসরূপে বিক্রীত হবে না। 43 নির্দয়ভাবে তাদের শাসন করবে না, কিন্তু তোমাদের দৈশ্বরকে ভয় কোরো। 44 “তোমাদের ক্রীতদাস ও দাসীরা তোমাদের চারপাশের দেশ থেকে আসবে; তাদের মধ্যে থেকে তোমরা দাস ও দাসী কিনতে পারবে। 45 তোমাদের মাঝে বসবাসকারী অঙ্গী বাসিন্দাদের মধ্য থেকে কয়েকজনকে ও তোমাদের দেশে তাদের গোষ্ঠীজাত সদস্যদের তোমরা কিনতে পারো এবং তারা তোমাদের সম্পদ হবে। 46 তোমাদের সন্তানদের পক্ষে অধিকৃত সম্পদরূপে তোমরা তাদেরকে দিতে পারো এবং সারা জীবনের জন্য তাদের ক্রীতদাস করে রাখতে পারো, কিন্তু তোমাদের সঙ্গী ইস্রায়েলীদের ওপরে নির্দয়ভাবে শাসন করতে পারবে না। 47 “তোমাদের মাঝে বসবাসকারী কোনো বিদেশি যদি ধনী হয় এবং তোমাদের কোনো একজন ইস্রায়েলী দেশবাসী দরিদ্র হয় ও সেই বিদেশির অথবা প্রবাসীগোষ্ঠীর কোনো এক সদস্যের কাছে নিজেকে বিক্রি করে, 48 বিক্রীত হওয়ার পরে তার মুক্তিলাভের অধিকার থাকবে; তার কোনো এক আত্মীয় তাকে মুক্ত করতে পারবে। 49 তার জ্যাঠা, কাকা অথবা জাতিভাই বা বোন কিংবা তার গোষ্ঠীর রক্তের সম্পর্কযুক্ত কেউ তাকে মুক্ত করতে পারবে। অথবা যদি সে সম্পদশালী হয়, তাহলে নিজেই নিজেকে মুক্ত করবে। 50 বিক্রি করার বছর থেকে পঞ্চাশ বছর পর্যন্ত সে ও তার ক্রেতা সময় গণনা করবে। বছরগুলির সংখ্যা সাপেক্ষে বেতনজীবী মানুষের প্রতি বেতন দেওয়ার হারের ভিত্তিতে তার মুক্তির মূল্য ধার্য হবে। 51 যদি অনেক বছর অবশিষ্ট থাকে, তাহলে ক্রয় মূল্য থেকে বেশিরভাগটাই সে নিজের মুক্তির জন্য অবশ্যই দেবে। 52 যদি অর্ধশত বছর না আসা পর্যন্ত কেবল কয়েক বছর অবশিষ্ট থাকে, তাহলে সে তা গণনা করবে ও তদনুসারে নিজের মুক্তির জন্য মূল্য দেবে। 53 বছরের পর বছর ধরে এক ভাড়া করা মানুষরূপে তার প্রতি আচরণ করা হবে; তুমি অবশ্যই নজর রাখবে, যেন তার মালিক

তাকে নির্দয়ভাবে শাসন না করে। ৫৪ “যদি এই উপায়গুলির কোনো  
উপায়ে সে মুক্তি না পায়, তাহলে সে ও তার সন্তানেরা পঞ্চশতম  
বছরে মুক্ত হবে, ৫৫ কেননা ইঙ্গৱীরা দাসরপে আমার অধিকার।  
ওরা আমার দাস-দাসী, আমি মিশ্র থেকে যাদের বের করে এনেছি।  
আমি তোমাদের ঈশ্বর সদাপ্রভু।

**২৬** “তোমরা নিজেদের জন্য প্রতিমা নির্মাণ কোরো না, অথবা  
প্রতিমূর্তি কিংবা পবিত্র পাথর স্থাপন কোরো না এবং তোমাদের  
দেশে ক্ষেত্রিত পাথর রেখে তার সামনে প্রণিপাত কোরো না। আমি  
তোমাদের ঈশ্বর সদাপ্রভু। ২ “আমার বিশ্রামবার পালন কোরো ও  
আমার পবিত্র ধর্মধামের প্রতি সম্মান দেখাও। আমি তোমার ঈশ্বর  
সদাপ্রভু। ৩ “তোমরা যদি আমার বিধানগুলি অনুধাবন করো ও আমার  
সব আদেশ মেনে চলতে যত্নশীল থাকো, ৪ তাহলে আমি যথাসময়ে  
বৃষ্টি পাঠাব; ফলে ভূমি শস্য উৎপন্ন করবে ও ক্ষেত্রের গাছগুলিতে ফল  
ভরে যাবে। ৫ দ্রাক্ষাচয়ন পর্যন্ত তোমাদের শস্যমর্দনের কাজ চলবে,  
এবং বীজবপনকাল পর্যন্ত দ্রাক্ষাচয়নের কাজ চলবে এবং তোমরা  
ইচ্ছামতো খাদ্য ভোজন করবে ও নিরাপদে তোমাদের দেশে বসবাস  
করবে। ৬ “দেশের প্রতি আমি শান্তি মণ্ডুর করব ও শয়নকালে কেউ  
তোমাদের ভয় দেখাবে না। আমি দেশ থেকে হিংস্র জন্মুদের তাড়িয়ে  
দেব ও তোমাদের দেশের মধ্য দিয়ে তরোয়াল যাবে না। ৭ তোমরা  
শক্রদের তাড়া করবে ও তোমাদের সামনে তারা তরোয়াল দ্বারা  
পতিত হবে। ৮ তোমাদের পাঁচজন একশো জনের পিছনে ধাবমান  
হবে ও তোমাদের একশো জন 10,000 জনকে তাড়িয়ে নিয়ে যাবে  
এবং তোমাদের সামনে তোমাদের শক্ররা তরোয়াল দ্বারা পতিত  
হবে। ৯ “তোমাদের প্রতি আমি সদয় দৃষ্টি রাখব, তোমাদের ফলবান  
রাখব, তোমাদের সংখ্যা বৃদ্ধি করব এবং তোমাদের সঙ্গে আমার  
অঙ্গীকার-চুক্তি রাখব। ১০ বিগত বছরে সংগৃহীত শস্য থেকে তখনও  
তোমরা ভোজন করবে, যখন পুরোনো খাদ্যশস্য সরিয়ে রাখবে,  
যেন নতুন শস্য রাখার স্থান প্রস্তুত থাকে। ১১ আমি তোমাদের মাঝে  
আমার আবাসস্থান রাখব এবং আমি তোমাদের ঘৃণা করব না। ১২

তোমাদের মাবো আমি গমনাগমন করব, আমি তোমাদের ঈশ্বর হব  
এবং তোমরা আমার প্রজা হবে। 13 আমি তোমাদের ঈশ্বর সদাপ্রভু,  
যিনি মিশ্র থেকে তোমাদের বের করে এনেছেন, যেন তোমরা আর  
মিশরীয়দের ক্রীতদাস না হও; আমি তোমাদের জোয়ালের কাঠ  
ভেঙেছি ও মাথা উঁচু করে চলার যোগ্যতা তোমাদের দিয়েছি। 14  
“কিন্তু তোমরা যদি আমার কথা না শুনে এই সমস্ত আদেশ অমান্য  
করো 15 এবং তোমরা যদি আমার সকল অনুশাসন অগ্রহ্য করো,  
আমার বিধানগুলি ঘৃণা করো, আমার সমস্ত আদেশ পালনে ব্যর্থ  
হও এবং এইভাবে আমার অঙ্গীকার-চুক্তি লঙ্ঘন করো, 16 তাহলে  
তোমাদের প্রতি আমার হস্তক্ষেপ এই ধরনের হবে, যথা: তোমাদের  
ওপরে আমি অকস্মাত প্রচণ্ড ভীতি আনব, মারাত্মক বিবিধ রোগ  
ও জ্বর পাঠাব করব, যেগুলির দাপটে তোমরা দৃষ্টিশক্তি হারাবে ও  
তোমাদের প্রাণনাশ হবে। তোমাদের বীজবপন বৃথা যাবে, কারণ  
তোমাদের শক্ররা সমস্ত খাদ্য ভোজন করবে। 17 তোমাদের বিপক্ষে  
আমি বিমুখ হব, যেন তোমাদের শক্ররা তোমাদের পরাস্ত করে;  
যারা তোমাদের ঘৃণা করে তারা তোমাদের উপরে কর্তৃত্ব করবে এবং  
তোমাদের পিছনে কেউ ধাবমান না হলেও তোমরা পলায়ন করবে। 18  
“এসবের পরেও যদি আমার কথায় তোমরা অবধান না করো, তাহলে  
তোমাদের পাপসমূহের কারণে আমি তোমাদের সাতগুণ বেশি শাস্তি  
দেব। 19 তোমাদের একগুঁয়ে গর্ব আমি ভেঙে দেব, উর্ধ্বস্থ আকাশ  
লোহার মতো ও নিমিস্ত ভূমি পিতলের মতো করব। 20 তোমাদের  
শক্তি প্রয়োগ বৃথা যাবে, কারণ তোমাদের মাটি ফসল উৎপন্ন করবে  
না, এমনকি দেশের গাছগুলি ও ফল ফলাবে না। 21 “যদি আমার  
প্রতি তোমরা বৈরীভাবাপন্ন থাকো ও আমার কথা শুনতে না চাও,  
তাহলে তোমাদের ক্লেশ আমি সাতগুণ বৃদ্ধি করব, যা পাপের কারণে  
তোমাদের প্রাপ্য। 22 তোমাদের বিপক্ষে আমি বন্যপশু প্রেরণ করব;  
ওরা তোমাদের সন্তানদের হরণ করবে, তোমাদের গবাদি পশু বিনষ্ট  
করবে ও তোমাদের সংখ্যা এত হ্রাস করবে যে তোমাদের সমস্ত  
পথঘাট জনশূন্য হবে। 23 “এত বেশি ক্ষতি হওয়া সত্ত্বেও যদি তোমরা

সংশোধিত না হও এবং আমার প্রতি বৈরিতা চালিয়ে যাও, 24 তাহলে  
তোমাদের প্রতি আমি শক্রতা করব ও তোমাদের পাপের কারণে  
সাতগুণ ক্লেশ বৃদ্ধি করব। 25 তোমাদের বিপক্ষে তরোয়াল পাঠিয়ে  
আমি অঙ্গীকার-চুক্তি ভঙ্গের প্রতিশোধ নেব। তোমরা যখন নিজের  
নিজের নগরে ফিরে যাবে, তোমাদের মাঝে আমি মহামারি পাঠাব এবং  
শক্রদের হাতে তোমাদের অর্পণ করব। 26 যখন আমি তোমাদের ভক্ষ্য  
রঞ্চিটির জোগান ছিন করব, একটি উন্ননে দশজন মহিলা তোমাদের  
জন্য রঞ্চি তৈরি করতে পারবে এবং নির্দিষ্ট পরিমাণ ওজনের রঞ্চি  
তারা তোমাদের দেবে। তোমরা ভোজন করবে, কিন্তু তৃষ্ণ হবে না। 27  
“উদরপূর্তি ও তৃষ্ণ না হওয়া সত্ত্বেও যদি তোমরা আমার কথা শ্রবণ  
না করো কিন্তু আমার বিরোধিতা করতেই থাকো, 28 তাহলে আমি  
ক্রুদ্ধ হয়ে তোমাদের বিরোধিতা করব এবং তোমাদের পাপের কারণে  
সাতগুণ বেশি শাস্তি আমি তোমাদের দেব। 29 তোমরা নিজের নিজের  
ছেলেদের ও মেয়েদের মাংস ভক্ষণ করবে। 30 তোমাদের সমস্ত  
উচ্চস্থলী আমি বিনষ্ট করব, তোমাদের ধূপবেদিগুলি উচ্ছেদ করব,  
তোমাদের প্রতিমাগুলির নিষ্প্রাণ আকৃতির উপরে তোমাদের মৃতদেহ  
রাখব ও তোমাদের ঘৃণা করব। 31 তোমাদের নগরগুলিকে আমি  
ধ্বংসাবশেষে পরিণত করব, তোমাদের ধর্মধারাগুলি ধ্বংস করব এবং  
তোমাদের সুরভিযুক্ত সন্তোষজনক উপহারে আমি মোটেই পরিত্থ হব  
না। 32 তোমাদের দেশ আমি ধ্বংস করব, যেন তোমাদের শক্ররা  
যারা সেখানে বসবাস করে তারা অত্যন্ত ভীত হয়। 33 জাতিদের মাঝে  
আমি তোমাদের ছড়িয়ে-ছিটিয়ে রাখব, আমার তরোয়াল নিষ্কোষ করব  
এবং তোমাদের পিছনে ধাবমান হব। তোমাদের দেশ উৎসন্ন হবে ও  
তোমাদের নগরগুলি ধ্বংসস্থান হয়ে থাকবে। 34 ফলে যতদিন দেশ  
ধ্বংসস্থান হয়ে থাকবে ও তোমরা তোমাদের শক্রদের দেশে বসবাস  
করবে, ততদিন পর্যন্ত দেশ বিশ্রামের বছরগুলি উপভোগ করবে; পরে  
দেশ বিশ্রাম পাবে ও বিশ্রামবারগুলি উপভোগ করবে। 35 যতকাল  
দেশ পরিত্যক্ত থাকবে, দেশ বিশ্রাম পাবে, যদিও দেশে তোমাদের  
থাকাকালীন দেশ বিশ্রামবারগুলিতে বিশ্রাম পায়নি। 36 “তোমাদের

মধ্যে যারা অবশিষ্ট থাকবে, শক্রদের দেশে তাদের হন্দয় এত ভয়ে  
ভরিয়ে দেব যে হাওয়াতে পাতা ওড়ার শব্দ শুনে তারা পালাতে চাইবে।  
তাদের দৌড় দেখে মনে হবে যেন কেউ তরোয়াল নিয়ে তাদের তাড়া  
করছে এবং তারা পতিত হবে, যদিও কেউ তাদের তাড়া করেনি। 37  
কেউ তাড়া না করলেও তরোয়াল থেকে বাঁচবার তাগিদে তারা একজন  
অন্যজনের উপরে পতিত হবে। সুতরাং তোমাদের শক্রদের সামনে  
তোমরা দাঁড়াতে পারবে না। 38 জাতিদের মাঝে তোমরা বিনষ্ট হবে;  
তোমাদের শক্রদের দেশ তোমাদের গ্রাস করবে। 39 যারা অবশিষ্ট  
থাকবে, তারা তাদের অসংখ্য পাপের কারণে শক্রদের দেশে বিনষ্ট  
হবে; তাদের পূর্বপুরুষদের পাপের কারণেও তাদের ধ্বংস অনিবার্য।  
40 “কিন্তু তারা যদি তাদের পাপ ও তাদের পূর্বপুরুষদের পাপস্থীকার  
করে, এই স্বীকারোভিতে যদি আমার বিপক্ষে তাদের বিশ্বাসঘাতকতা  
ও আমার প্রতি তাদের শক্রতার উল্লেখ থাকে, 41 যা তাদের প্রতি  
আমাকে বৈরীভাবাপন্ন করেছিল, যার প্রেরণায় শক্রদের দেশে তাদের  
আমি পাঠালাম, এর ফলে যখন তাদের সুন্নত করা হন্দয়গুলি অবনত  
হয় ও তাদের পাপের কারণে তারা মূল্য দেয়, 42 যাকোবের সঙ্গে  
আমার অঙ্গীকার-চুক্তি, ইস্হাকের সঙ্গে আমার অঙ্গীকার-চুক্তি ও  
অব্রাহামের সঙ্গে আমার অঙ্গীকার-চুক্তি আমি স্নারণ করব এবং আমি  
দেশকে স্নারণ করব। 43 কেননা তাদের দ্বারা দেশ পরিত্যাক্ত হবে এবং  
তাদের বিহনে জনশূন্য জায়গায় দেশ বিশ্রামবারগুলি উপভোগ করবে।  
তাদের পাপের কারণে তারা ক্ষতিপূরণ দেবে, কারণ আমার বিধানগুলি  
তারা অগ্রাহ্য করেছে ও আমার অনুশাসনগুলি ঘৃণা করেছে। 44 আমার  
প্রতি অবমাননা করা সত্ত্বেও যখন শক্রদের দেশে তারা থাকবে, আমি  
তাদের অগ্রাহ্য অথবা ঘৃণা করব না; এবং পুরোপুরিভাবে তাদের বিনষ্ট  
করব না, তাদের সঙ্গে আমার অঙ্গীকার-চুক্তি ভঙ্গ করব না। আমি  
তাদের ঈশ্বর সদাপ্রভু। 45 কিন্তু তাদের পক্ষে তাদের পূর্বপুরুষদের  
সঙ্গে আমার অঙ্গীকার-চুক্তি আমি স্নারণ করব, মিশর থেকে সর্বজাতির  
গোচরে আমি যাদের বের করে আনলাম, যেন তাদের ঈশ্বর হতে  
পারি। আমি সদাপ্রভু।” 46 এসব আদেশ, অনুশাসন ও নিয়মাবলি

সদাপ্রভু সীনয় পর্বতে মোশির মাধ্যমে তাঁর ও ইস্রায়েলীদের মধ্যে  
প্রতিষ্ঠা করলেন।

**27** সদাপ্রভু মোশিকে বললেন, 2 “ইস্রায়েলীদের সঙ্গে তুমি কথা  
বলো ও তাদের জানিয়ে দাও: ‘যদি কেউ সদাপ্রভুর উদ্দেশে কোনো  
একজনকে উৎসর্গ করবার জন্য সমতুল্য মূল্য দিয়ে এক বিশেষ  
মানত করে, 3 তাহলে কুড়ি থেকে ষাট বছরের মধ্যে বয়স্ক কোনো  
এক পুরুষের মূল্য হিসেবে সে পঞ্চাশ শেকল রূপো ধার্য করবে, যা  
পবিত্রস্থানের শেকল অনুসারে হবে, 4 একজন নারীর ক্ষেত্রে তাকে  
ত্রিশ শেকল মূল্য ধার্য করতে হবে। 5 যদি পাঁচ থেকে কুড়ি বছরের  
মধ্যে বয়স্ক কোনো এক ব্যক্তিকে উৎসর্গ করতে হয়, তাহলে পুরুষের  
ক্ষেত্রে কুড়ি শেকল এবং নারীর ক্ষেত্রে দশ শেকল ধার্য করতে হবে। 6  
যদি এক মাস ও পাঁচ বছরের মধ্যে যে কোনো বয়সি কেউ থাকে,  
তাহলে পুরুষের ক্ষেত্রে পাঁচ শেকল রূপো ও নারীর ক্ষেত্রে তিন শেকল  
রূপো ধার্য করতে হবে। 7 যদি কারও বয়স ষাট অথবা তদুর্ধ্ব হয়,  
তাহলে পুরুষের ক্ষেত্রে পনেরো শেকল ও নারীর ক্ষেত্রে দশ শেকল  
ধার্য করতে হবে। 8 যদি কেউ মানত করে, অথচ অত্যন্ত দরিদ্রতার  
কারণে নির্দিষ্ট পরিমাণ মূল্য দিতে অসমর্থ হয়, তাহলে সেই নির্দিষ্ট  
ব্যক্তিকে যাজকের কাছে আনা হবে এবং মানতকারীর সামর্থ্য অনুযায়ী  
সেই ব্যক্তির পক্ষে যাজক মূল্য নির্ধারণ করবে। 9 “একটি পশু দিয়ে  
যদি সে মানত করে, সদাপ্রভুর উদ্দেশে এক উপহাররূপে সেই মানত  
গ্রহণযোগ্য। সদাপ্রভুর উদ্দেশে দত্ত এমন এক পশু পবিত্র হয়। 10 সে  
যেন পরিবর্তন না করে, অথবা বিকল্পরূপে মন্দের স্থানে ভালো কিংবা  
ভালোর স্থানে মন্দ পশু জোগান না দেয়। যদি সে একটিরও পক্ষে অন্য  
পশু বিকল্পরূপে দেয়, তাহলে বিকল্প দুটিই পবিত্র হয়। 11 যদি তার  
মানত করা পশু আনুষ্ঠানিকভাবে অঙ্গি হয়, যদি তা সদাপ্রভুর উদ্দেশে  
এক উপহাররূপে গ্রহণযোগ্য না হয়, তাহলে ওই পশুকে অবশ্যই  
যাজকের কাছে নিয়ে যেতে হবে। 12 পশুটি ভালো অথবা মন্দ, সে  
বিষয়ের গুণাগুণ যাজক বিচার করবে। পরে যাজক দ্বারা নিরূপিত মূল্য  
অনুযায়ী পশুর মূল্য নির্ধারিত হবে। 13 পশুর মালিক যদি পশুকে

মুক্ত করতে চায়, নিরূপিত মূল্যের পঞ্চমাংশ সে অবশ্যই অতিরিক্ত দেবে। 14 “যদি কোনো পুরুষ পবিত্র বস্ত্ররপে তার বাড়ি সদাপ্রভুর উদ্দেশে উৎসর্গ করে তাহলে তালো অথবা মন্দ বাড়িটির গুণাগুণ যাজক বিচার করবে; যাজক দ্বারা নির্ধারিত মূল্য মেনে নেওয়া হবে। 15 যদি উৎসর্গকারী তার বাড়ি মুক্ত করে, তাহলে নিরূপিত মূল্যের অতিরিক্ত পঞ্চমাংশ সে অবশ্যই দেবে। বাড়িটি পুনরায় তার হবে। 16 “যদি কোনো পুরুষ তার অধিকৃত ক্ষেত্রে অংশবিশেষ সদাপ্রভুর উদ্দেশে উৎসর্গ করে, সেই ক্ষেত্রে বপনীয় বীজের পরিমাণানুসারে ক্ষেত্রটির মূল্য নিরূপিত হবে—এক হোমর যবের বীজের জন্য পঞ্চাশ শেকল রহপো। 17 অর্ধশত বছর চলাকালীন যদি সে তার ক্ষেত্র উৎসর্গ করে, তাহলে ক্ষেত্রটির নিরূপিত মূল্য অপরিবর্তিত থাকবে। 18 কিন্তু যদি অর্ধশতবার্ষিকীর পরে সে তার ক্ষেত্র উৎসর্গ করে, পরবর্তী অর্ধশতবার্ষিকী না আসা পর্যন্ত বছরগুলির সংখ্যা অনুযায়ী যাজক মূল্য নির্ধারণ করবে এবং নির্ধারিত মূল্য হ্রাস পাবে। 19 উৎসর্গকারী যদি তার ক্ষেত্র মুক্ত করতে চায়, ক্ষেত্রটির মূল্যের অতিরিক্ত পঞ্চমাংশ সে অবশ্যই দেবে এবং ক্ষেত্রটি আবার তার হয়ে যাবে। 20 অন্যদিকে, যদি সে তার ক্ষেত্র মুক্ত না করে, অথবা অন্য কারণে কাছে ক্ষেত্রটি বিক্রি করে, তাহলে তা কখনও মুক্ত হবে না। 21 অর্ধশতবার্ষিকীতে ক্ষেত্র মুক্ত হলে তা হবে পবিত্র, যেন সদাপ্রভুর উদ্দেশে বিকশিত এক ক্ষেত্র; এটি হবে যাজকদের সম্পত্তি। 22 “যদি কোনো এক পুরুষ তার কেনা একটি ক্ষেত্র সদাপ্রভুর উদ্দেশে উৎসর্গ করে, যা তার পৈতৃক ভূমির অংশ নয়, 23 অর্ধশত বছর পর্যন্ত যাজক সেই ক্ষেত্রটির মূল্য নির্ধারণ করবে এবং সেই মালিককে তার মূল্য সেদিন দিতে হবে যা সদাপ্রভুর উদ্দেশে পবিত্র বলে বিবেচিত হবে। 24 পঞ্চাশতম বছরে ক্ষেত্রটি পূর্ব অধিকারে যাবে, যার নিকট থেকে সে ক্ষেত্রটি কিনেছিল অর্থাৎ পূর্বাধিকারী সেই ক্ষেত্র পাবে। 25 পবিত্রস্থানের শেকল অনুযায়ী প্রত্যেক বিষয়ের মূল্য নিরূপিত হবে, প্রতি শেকলে কুড়ি গেরা। 26 “অন্যদিকে, প্রথমজাত কোনো পশুকে কেউ উৎসর্গ করতে পারবে না, যেহেতু প্রথমজাত সদাপ্রভুর অধিকার; ঘাঁড় অথবা মেষ যা জন্মাবে,

তা প্রভুর। 27 যদি তা এক অশুচি পশু হয়, তাহলে নিরাপিত মূল্যে সে আবার প্রথমজাতকে কিনবে, এর মূল্যের অতিরিক্ত পঞ্চমাংশ সে দেবে। যদি পশুটিকে সে মুক্ত না করে, তাহলে নিরাপিত মূল্যে ওই পশুকে বিক্রি করতে হবে। 28 “কিন্তু কোনো ব্যক্তি নিজের সর্বস্ব থেকে—মানুষ কিংবা পশু কিংবা পৈতৃক সম্পত্তি—সদাপ্রভুর উদ্দেশে উৎসর্গীকৃত করে; তা বিক্রি বা মুক্ত করা যাবে না; সদাপ্রভুর উদ্দেশে নিবেদিত সবকিছুই অতি পবিত্র। 29 “ধৰ্মসাত্ত্বক কর্মে লিঙ্গ কোনো বর্জিত ব্যক্তির বন্দিত্বমোচন হবে না; তাকে মৃত্যুদণ্ড পেতেই হবে। 30 “ভূমি থেকে উৎপন্ন সবকিছুর দশমাংশ মাটি থেকে উৎপন্ন খাদ্যশস্য অথবা গাছের ফল, সমস্তই সদাপ্রভুর। উৎপাদিত সবকিছু সদাপ্রভুর উদ্দেশে পবিত্র। 31 যদি কোনো পুরুষ তার দশমাংশের কিছুটা মুক্ত করে, তাহলে দশমাংশ মূল্যের অতিরিক্ত পঞ্চমাংশ সে অবশ্যই দেবে। 32 গরু ও মেষের সম্পূর্ণ দশমাংশ মেষপালকের চরাণী পাওয়া প্রত্যেক দশটি পশু সদাপ্রভুর উদ্দেশে পবিত্র হবে। 33 সে মন্দ পশুদের মধ্য থেকে ভালো পশু বেছে নেবে না, অথবা বিকল্প বিধান নেবে না। যদি সে বিকল্প উপায় গ্রহণ করে, তাহলে পশু ও তাদের বিকল্প উভয়ই পবিত্র হবে এবং তাদের মুক্ত করা যাবে না।” 34 সদাপ্রভুর এই আদেশগুলি ইত্তায়েলীদের জন্য সীনয় পর্বতে মোশিকে দেওয়া হল।

## গণনার বই

১ ইস্রায়েলীরা মিশ্র থেকে বের হয়ে আসার পর দ্বিতীয় বছরের, দ্বিতীয় মাসের, প্রথম দিনে, সদাপ্রভু সীনয় মরণভূমিতে সমাগম তাঁবুর মধ্যে মোশির সঙ্গে কথা বললেন। তিনি বললেন, ২ “গোষ্ঠী এবং পরিবার অনুযায়ী, সমস্ত ইস্রায়েলী সম্প্রদায়ের জনগণনা করো। প্রত্যেক ব্যক্তির নাম, এক এক করে তালিকাভুক্ত করতে হবে। ৩ ইস্রায়েলের সমস্ত পুরুষ কুড়ি বছর বা তারও বেশি বয়স্ক ব্যক্তিদের, যারা সেনাদলে কাজ করতে সক্ষম, তুমি ও হারোগ, শ্রেণিবিভাগ অনুসারে তাদের গণনা করো। ৪ প্রত্যেক গোষ্ঠীর মধ্যে একজন ব্যক্তি, যে তাদের কুলের পুরোধা, সে তোমাদের সাহায্য করবে। ৫ “যে সমস্ত ব্যক্তি তোমাদের সহকারী হবে, তাদের নাম হল: ‘রূবেগ থেকে শদেয়ুরের ছেলে ইলীষূর; ৬ শিমিয়োন থেকে সূরীশদ্যের ছেলে শলুমীয়েল; ৭ যিহুদা থেকে অম্মীনাদবের ছেলে নহশোন; ৮ ইষাখর থেকে সৃয়ারের ছেলে নথনেল; ৯ সবুলুন থেকে হেলোনের ছেলে ইলীয়াব; ১০ যোষেফের ছেলেদের মধ্য থেকে, ইফ্রায়িম থেকে, অম্মীহুদের ছেলে ইলীশামা, মনঃশি থেকে পদাহসুরের ছেলে গমলীয়েল; ১১ বিন্যামীন থেকে গিদিয়োনির ছেলে অবীদান; ১২ দান থেকে অম্মীশদ্যের ছেলে অহীয়েষর; ১৩ আশের থেকে অক্রণের ছেলে পগীয়েল; ১৪ গাদ থেকে দৃয়েলের ছেলে ইলীয়াসফ; ১৫ নগ্নালি থেকে ঐননের ছেলে অহীরঃ।” ১৬ সমাজের মধ্য থেকে এই ব্যক্তিদের নিযুক্ত করা হল। তারা নিজের নিজের গোষ্ঠীর নেতা ছিলেন। ইস্রায়েলী গোষ্ঠীসমূহের তারা শীর্ষস্থানীয় ব্যক্তি ছিলেন। ১৭ যাদের নাম দেওয়া হয়েছিল, মোশি ও হারোগ সেই ব্যক্তিদের নিলেন। ১৮ দ্বিতীয় মাসের প্রথম দিনে, তাঁরা সমস্ত সমাজকে একত্র হওয়ার আহ্বান দিলেন। জনতার পৈতৃক কুল তাদের গোষ্ঠী ও পরিবার অনুযায়ী সূচিত হচ্ছিল, যাদের বয়স কুড়ি বা তারও বেশি, সেই সমস্ত পুরুষ ব্যক্তিরই নাম এক একজন করে তালিকাভুক্ত করা হয়েছিল, ১৯ যে রকম সদাপ্রভু মোশিকে আদেশ দিয়েছিলেন। তিনি সীনয় মরণভূমিতেই তাদের গণনা করেছিলেন। ২০ ইস্রায়েলের বড়ো ছেলে রূবেগের উত্তরসূরিদের মধ্য থেকে, সমস্ত পুরুষ যাদের বয়স কুড়ি

বছর বা তারও বেশি, যারা সেনাদলে কাজ করতে সক্ষম, তাদের গোষ্ঠী এবং পরিবারের নথি অনুসারে এক একজনের নাম তালিকাভুক্ত করা হয়েছিল। 21 রবেণ গোষ্ঠীর জনসংখ্যা ছিল 46,500। 22 শিমিয়োনের উত্তরসূরিদের মধ্য থেকে, সমস্ত পুরুষ যাদের বয়স কুড়ি বছর বা তারও বেশি, যারা সেনাদলে কাজ করতে সক্ষম, তাদের গোষ্ঠী ও পরিবারের নথি অনুসারে, এক একজন গণিত ও নাম তালিকাভুক্ত করা হয়েছিল। 23 শিমিয়োন গোষ্ঠীর জনসংখ্যা ছিল 59,300। 24 গাদের উত্তরসূরিদের মধ্য থেকে, সমস্ত পুরুষ যাদের বয়স কুড়ি বছর বা তারও বেশি যারা সেনাদলে কাজ করতে সক্ষম, তাদের গোষ্ঠী ও পরিবারের নথি অনুসারে এক একজনের নাম তালিকাভুক্ত করা হয়েছিল। 25 গাদ গোষ্ঠীর জনসংখ্যা ছিল 45,650। 26 যিহুদার উত্তরসূরিদের মধ্য থেকে, সমস্ত পুরুষ যাদের বয়স কুড়ি বছর বা তারও বেশি, যারা সেনাদলে কাজ করতে সক্ষম, তাদের গোষ্ঠী ও পরিবারের নথি অনুসারে এক একজনের নাম তালিকাভুক্ত করা হয়েছিল। 27 যিহুদা গোষ্ঠীর জনসংখ্যা ছিল 74,600। 28 ইষাখরের উত্তরসূরিদের মধ্য থেকে, সমস্ত পুরুষ যাদের বয়স কুড়ি বছর বা তারও বেশি, যারা সেনাদলে কাজ করতে সক্ষম, তাদের গোষ্ঠী এবং পরিবারের নথি অনুসারে এক একজনের নাম তালিকাভুক্ত করা হয়েছিল। 29 ইষাখর গোষ্ঠীর জনসংখ্যা ছিল 54,400। 30 সবূলনের উত্তরসূরিদের মধ্য থেকে, সমস্ত পুরুষ যাদের বয়স কুড়ি বছর বা তারও বেশি, যারা সেনাদলে কাজ করতে সক্ষম, তাদের গোষ্ঠী এবং পরিবারের নথি অনুসারে এক একজনের নাম তালিকাভুক্ত করা হয়েছিল। 31 সবূলন গোষ্ঠীর জনসংখ্যা ছিল 57,400। 32 যোষেফের সন্তানদের মধ্য থেকে, ইফ্রায়িমের উত্তরসূরিদের মধ্য থেকে, সমস্ত পুরুষ যাদের বয়স কুড়ি বছর বা তারও বেশি, যারা সেনাদলে কাজ করতে সক্ষম, তাদের গোষ্ঠী এবং পরিবারের নথি অনুসারে এক একজনের নাম তালিকাভুক্ত করা হয়েছিল। 33 ইফ্রায়িম গোষ্ঠীর জনসংখ্যা ছিল 40,500। 34 মনঃশির উত্তরসূরিদের মধ্য থেকে, সমস্ত পুরুষ যাদের বয়স কুড়ি বছর বা তারও বেশি, যারা

সেনাদলে কাজ করতে সক্ষম, তাদের গোষ্ঠী এবং পরিবারের নথি  
অনুসারে এক একজনের নাম তালিকাভুক্ত করা হয়েছিল। 35 মনঃশি  
গোষ্ঠীর জনসংখ্যা ছিল 32,200। 36 বিন্যামীনের উত্তরসূরিদের  
মধ্য থেকে, সমস্ত পুরুষ যাদের বয়স কুড়ি বছর বা তারও বেশি,  
যারা সেনাদলে কাজ করতে সক্ষম, তাদের গোষ্ঠী এবং পরিবারের  
নথি অনুসারে, এক একজনের নাম তালিকাভুক্ত করা হয়েছিল। 37  
বিন্যামীন গোষ্ঠীর জনসংখ্যা ছিল 35,400। 38 দানের উত্তরসূরিদের  
মধ্য থেকে, সমস্ত পুরুষ যাদের বয়স কুড়ি বছর বা তারও বেশি,  
যারা সেনাদলে কাজ করতে সক্ষম, তাদের গোষ্ঠী এবং পরিবারের  
নথি অনুসারে এক একজনের নাম তালিকাভুক্ত করা হয়েছিল। 39  
দান গোষ্ঠীর জনসংখ্যা ছিল 62,700। 40 আশেরের উত্তরসূরিদের  
মধ্য থেকে, সমস্ত পুরুষ যাদের বয়স কুড়ি বছর বা তারও বেশি,  
যারা সেনাদলে কাজ করতে সক্ষম, তাদের গোষ্ঠী এবং পরিবারের  
নথি অনুসারে এক একজনের নাম তালিকাভুক্ত করা হয়েছিল। 41  
আশের গোষ্ঠীর জনসংখ্যা ছিল 41,500। 42 নগালির উত্তরসূরিদের  
মধ্য থেকে, সমস্ত পুরুষ যাদের বয়স কুড়ি বছর বা তারও বেশি,  
যারা সেনাদলে কাজ করতে সক্ষম, তাদের গোষ্ঠী এবং পরিবারের  
নথি অনুসারে এক একজনের নাম তালিকাভুক্ত করা হয়েছিল। 43  
নগালি গোষ্ঠীর জনসংখ্যা ছিল 53,400। 44 মোশি ও হারোগ এবং  
নিজের নিজের গোষ্ঠীর প্রতিনিধিস্বরূপ ইস্রায়েলের বারোজন নেতা,  
এই ব্যক্তিদের গণনা করেছিলেন। 45 সমস্ত ইস্রায়েলী, যাদের বয়স  
কুড়ি বছর এবং তারও বেশি, যারা ইস্রায়েলী সেনাবাহিনীতে কাজ  
করতে সক্ষম ছিল তাদের নিজের নিজের গোষ্ঠী অনুসারে গণিত  
হয়েছিল। 46 এই সমগ্র জনগোষ্ঠীর সংখ্যা ছিল 6,03,550 জন।  
47 লেবীয় গোষ্ঠীভুক্ত পরিবারগুলি অন্যদের সঙ্গে গণিত হয়নি। 48  
সদাপ্রভু মোশিকে বলেছিলেন, 49 “তুমি অবশ্যই লেবির গোষ্ঠীকে  
গণনা করবে না অথবা অন্যান্য ইস্রায়েলীদের সঙ্গে তাদের সংখ্যা  
যুক্ত করবে না। 50 তার পরিবর্তে, লেবীয়দের নিয়োগ করবে, যেন  
তারা সাক্ষ্যপ্তরূপ উপাসনা-তাঁর, তার আসবাব এবং তার মধ্যবর্তী

সমস্ত দ্রব্যের তত্ত্বাবধায়ক হয়। তারা উপাসনা-তাঁবু ও তার সমস্ত দ্রব্য বহন করবে; তারা তার তত্ত্বাবধান করবে এবং তার চতুর্দিকে ছাউনি স্থাপন করবে। 51 যখনই উপাসনা-তাঁবুর স্থানান্তরের প্রয়োজন হবে, লেবীয়েরা তা খুলে ফেলবে। যখন উপাসনা-তাঁবু স্থাপন করতে হবে, লেবীয়েরাই তা করবে। অন্য যে কেউ তার নিকটবর্তী হয়, তাকে বধ করতে হবে। 52 ইস্রায়েলীরা তাদের নিজের তাঁবু, শ্রেণী অনুসারে প্রত্যেকজন তার নিজস্ব ছাউনিতে, নিজেরাই পতাকার তলায় স্থাপন করবে। 53 কিন্তু লেবীয়েরা, সাক্ষ্যস্বরূপ উপাসনা-তাঁবুর চারিদিকে তাদের ছাউনি স্থাপন করবে যেন আমার ক্ষেত্র ইস্রায়েলী সমাজের উপরে না বর্তায়। লেবীয়েরাই সাক্ষ্যস্বরূপ উপাসনা-তাঁবুর তত্ত্বাবধানের জন্য দায়ী হবে।” 54 ইস্রায়েলীরা এই সমস্তই সঠিক করেছিল, যে রকম সদাপ্রভু মোশিকে আদেশ দিয়েছিলেন।

**২** সদাপ্রভু মোশি ও হারোগকে বললেন, ২ “ইস্রায়েলের প্রত্যেক ব্যক্তি, নিজের নিজের পিতৃকুলের চিহ্নের সঙ্গে দলীয় পতাকার সঙ্গে কিছুটা দূরত্ব রেখে, সমাগম তাঁবুর চতুর্দিকে ছাউনি করবে।” ৩ পূর্বদিকে, সূর্যোদয় অভিমুখে: যিহুদার শিবিরের সেনাদল তাদের পতাকার তলায় সন্ধিবেশিত হবে। অমীনাদবের ছেলে নহশোন যিহুদা জনগোষ্ঠীর নেতা হবে। ৪ তার বিভাগীয় সেনাদের সংখ্যা 74,600। ৫ তার পরবর্তী ছাউনি হবে ইষাখর গোষ্ঠীর। সূয়ারের ছেলে নথনেল ইষাখর জনগোষ্ঠীর নেতা হবে। ৬ তার বিভাগীয় সেনাদের সংখ্যা 54,400। ৭ তার পরবর্তী ছাউনি হবে সবূলুন গোষ্ঠীর। হেলোনের ছেলে ইলীয়াব সবূলুন জনগোষ্ঠীর নেতা হবে। ৮ তার বিভাগীয় সেনাদের সংখ্যা 57,400। ৯ সমস্ত বিভাগীয় সেনাদল অনুসারে যিহুদা শিবিরের জন্য নির্দিষ্ট পুরুষের সংখ্যা 1,86,400 জন। প্রথমে তারা যাত্রা শুরু করবে। ১০ দক্ষিণপ্রান্তে: রুবেনের শিবিরের সেনাদল তাদের পতাকার তলায় সন্ধিবেশিত হবে। শদেয়ুরের ছেলে ইলীয়ুর রূবেণ জনগোষ্ঠীর নেতা হবে। ১১ তার বিভাগীয় সেনাদের সংখ্যা 46,500। ১২ শিমিয়োনের গোষ্ঠী তাদের পাশে ছাউনি স্থাপন করবে। ১৩

তার বিভাগীয় সেনাদের সংখ্যা 59,300। 14 তার পাশের ছাউনি হবে গাদের। দৃঃয়েলের ছেলে ইলীয়াসফ গাদ জনগোষ্ঠীর নেতা হবে। 15 তার বিভাগীয় সেনাদের সংখ্যা 45,650। 16 কবেণের শিবিরের জন্য নির্দিষ্ট তাদের বিভাগীয় সেনাদের অনুসারে, সমস্ত পুরুষের সংখ্যা 1,51,450। দ্বিতীয় স্থানে তারা যাত্রা শুরু করবে। 17 তারপর শিবির সমূহের মধ্যস্থানে, সমাগম তাঁবু এবং লেবীয়দের ছাউনি যাত্রা শুরু করবে। তারা যে রকম ছাউনি স্থাপন করে, সেইরকম অভিন্ন ক্রম অনুসারে যাত্রা করবে, প্রত্যেকজন দলীয় পতাকার কাছে, তাদের নির্দিষ্ট স্থানে। 18 পশ্চিম প্রান্তে: ইফ্রয়িম শিবিরের সেনাদল তাদের পতাকার তলায় অবস্থান করবে। অম্মীহুদের ছেলে ইলীশামা ইফ্রয়িম জনগোষ্ঠীর নেতা হবে। 19 তার বিভাগীয় সেনাদের সংখ্যা 40,500। 20 তাদের পরবর্তী ছাউনি হবে মনঃশি গোষ্ঠীর। পদাহসূরের ছেলে গমলীয়েল, মনঃশি জনগোষ্ঠীর নেতা হবে। 21 তার বিভাগীয় সেনাদের সংখ্যা 32,200। 22 বিন্যামীন গোষ্ঠীর ছাউনি হবে তাদের পরে। গিদিয়োনির ছেলে অবীদান বিন্যামীন জনগোষ্ঠীর নেতা হবে। 23 তার বিভাগীয় সেনাদের সংখ্যা 35,400। 24 ইফ্রয়িমের শিবিরের জন্য নির্দিষ্ট, তাদের সেনাদল অনুসারে পুরুষের সংখ্যা 1,08,100। তারা তৃতীয় স্থানে যাত্রা শুরু করবে। 25 উত্তর প্রান্তে: দানের শিবিরের সেনাদল তাদের পতাকার তলায় সন্নিবেশিত হবে। অম্মীশদ্যের ছেলে অহীয়েষ দান জনগোষ্ঠীর নেতা হবে। 26 তার বিভাগীয় সেনাদের সংখ্যা 62,700। 27 তার পরবর্তী ছাউনি হবে আশের গোষ্ঠীর। অক্ষণের ছেলে পগীয়েল আশের জনগোষ্ঠীর নেতা হবে। 28 তার বিভাগীয় সেনাদের সংখ্যা 41,500। 29 তারপরে অবস্থান হবে নগ্নালি গোষ্ঠী। ঐননের ছেলে অহীরঃ নগ্নালি জনগোষ্ঠীর নেতা হবে। 30 তার বিভাগীয় সেনাদের সংখ্যা 53,400। 31 দানের শিবিরের জন্য নির্দিষ্ট সমস্ত পুরুষের সংখ্যা 1,57,600 জন। তাদের পতাকা সমেত তারা সবশেষে যাত্রা করবে। 32 এরাই ইস্রায়েলী জনগোষ্ঠী, তাদের পিতৃকুল অনুসারে গণিত। শিবির সমূহে, তাদের বিভাগ অনুসারে গণিত সর্বমোট জনসংখ্যা 6,03,550 জন। 33 কিন্তু

এদের মধ্যে অন্য ইস্রায়েলীদের সঙ্গে লেবীয়েরা গণিত হয়নি, যেমন  
সদাপ্রভু মোশিকে আদেশ দিয়েছিলেন। 34 সদাপ্রভু মোশিকে যেমন  
আদেশ দিয়েছিলেন, এইভাবে ইস্রায়েলীরা সে সমস্তই করেছিল; তারা  
সেইভাবে তাদের পতাকাতলে সন্ধিবেশিত প্রত্যেক ব্যক্তি তার গোষ্ঠী  
এবং পিতৃকুল অনুসারে সেইভাবে যাত্রা করত।

**৩** সদাপ্রভু যে সময়ে সীনয় পর্বতে মোশির সঙ্গে কথোপকথন  
করছিলেন, সেই সময় হারোণ ও মোশির বংশবৃত্তান্ত ছিল এইরকম।  
২ হারোণের ছেলেদের নাম হল, প্রথমজাত নাদব, তারপর অবীহু,  
ইলীয়াসর ও ঈথামর। ৩ হারোণের ছেলেদের নাম এই। তারা অভিষিক্ত  
যাজক ছিলেন। যাজকীয় কাজের জন্য তাদের নিযুক্ত করা হয়েছিল।  
৪ কিন্তু, নাদব ও অবীহু সদাপ্রভুর সামনে নিহত হয়েছিল, যখন তারা  
সীনয় মরণভূমিতে তাঁর উদ্দেশে অননুমোদিত অগ্নি নিবেদন করেছিল।  
তাদের কোনো পুত্রসন্তান ছিল না। তাই তাদের বাবা হারোণের  
জীবদ্ধশায় শুধুমাত্র ইলীয়াসর ও ঈথামর যাজক হিসেবে পরিচর্যা  
করেছিলেন। ৫ সদাপ্রভু মোশিকে বললেন, ৬ “লেবি গোষ্ঠীকে নিয়ে  
এসো ও যাজক হারোণকে সাহায্য করার জন্য তাদের তার কাছে  
উপস্থিত করো। ৭ তারা সমাগম তাঁবুতে, উপাসনা-তাঁবু সংক্রান্ত  
কাজ দ্বারা তার এবং সমস্ত সম্প্রদায়ের জন্য নিরপিত কর্তব্য করবে।  
৮ তারা সমাগম তাঁবুর সমস্ত আসবাবপত্রের তত্ত্বাবধান করবে ও  
উপাসনা সম্পর্কিত কাজের মাধ্যমে ইস্রায়েলীদের বাধ্যবাধকতা সম্পূর্ণ  
করবে। ৯ হারোণ ও তার ছেলেদের হাতে লেবীয়দের সমর্পণ করো;  
ইস্রায়েলীদের মধ্যে তারাই সম্পূর্ণরূপে তার কাছে দণ্ড হবে। ১০  
হারোণ ও তার ছেলেদের যাজক হিসেবে পরিচর্যার জন্য নিযুক্ত করো।  
অন্য কোনো ব্যক্তি পবিত্রস্থানের নিকটবর্তী হলে অবশ্যই তার প্রাণদণ্ড  
হবে।” ১১ সদাপ্রভু মোশিকে আরও বললেন, ১২ “প্রত্যেক ইস্রায়েলী  
মহিলার প্রথমজাত পুরুষ শিশুর পরিবর্তে আমি লেবি গোষ্ঠীকে গ্রহণ  
করেছি। লেবীয় গোষ্ঠী আমারই, ১৩ যেহেতু সমস্ত জ্যেষ্ঠ সন্তানেরা  
আমার। যখন মিশরে আমি সমস্ত প্রথমজাতকে আঘাত করি, তখন  
ইস্রায়েলীদের মধ্য থেকে আমি পশ্চ হোক অথবা মানুষ, প্রত্যেক

প্রথমজাত প্রাণীকে নিজের জন্য স্বতন্ত্র করে রাখি। তারা আমারই হবে।  
আমিই সদাপ্রভু।” 14 সদাপ্রভু মোশিকে সীনয় মরণভূমিতে বললেন,  
15 “বৎশ এবং গোষ্ঠী অনুসারে লেবীয়দের গণনা করো। এক মাস বা  
তারও বেশি বয়সি প্রত্যেক পুরুষের সংখ্যা গ্রহণ করো।” 16 তাই  
মোশি তাদের গণনা করলেন, যেমন সদাপ্রভু বাণীর মাধ্যমে তাকে  
আদেশ দিয়েছিলেন। 17 লেবির সন্তানদের নাম এই: গের্শোন, কহাং  
ও মরারি। 18 গের্শোন গোষ্ঠীসমূহের নাম: লিব্নি ও শিমিয়। 19  
কহাতীয় গোষ্ঠীসমূহ হল: অভ্রাম, যিষ্হুর, হিরোণ ও উষীয়েল। 20  
মরারি গোষ্ঠীসমূহের নাম: মহলি ও মৃশি। বৎশক্রম অনুসারে লেবীয়  
গোষ্ঠীসমূহ হল এরাই। 21 গের্শোন থেকে লিব্নীয় গোষ্ঠী ও শিমিয়ি  
গোষ্ঠী; এরা গের্শোনীয়দের গোষ্ঠী। 22 এক মাস বা তারও বেশি  
বয়সের সমস্ত পুরুষের গণিত সংখ্যা 7,500। 23 গের্শোনীয়দের  
গোষ্ঠী সকলকে পশ্চিমদিকে উপাসনা-তাঁবুর পিছন দিকে শিবির স্থাপন  
করতে হবে। 24 গের্শোনের বৎশসমূহের নেতা ছিলেন, লায়েলের  
ছেলে ইলীয়াসফ। 25 সমাগম তাঁবুতে গের্শোনীয়েরা, উপাসনালয়  
ও তাঁবু, তাদের আচ্ছাদন, সমাগম তাঁবুর প্রবেশপথের পর্দা, 26  
মন্দির প্রাঙ্গণের পর্দাসকল, উপাসনা-তাঁবু ও বেদি আবেষ্টনকারী  
অঙ্গনের প্রবেশপথের পর্দা ও দড়ি সকল এবং সেইগুলি সম্পর্কিত  
সমস্ত ব্যবহার্য দ্রব্যের তত্ত্বাবধানের জন্য দায়িত্ব ছিল। 27 কহাতের  
অন্তর্গত ছিল অভ্রামীয়, যিষ্হুরীয়, হিরোণীয় এবং উষীয়েলীয় গোষ্ঠী;  
এরাই ছিল কহাং গোষ্ঠী। 28 এক মাস বা তারও বেশি বয়সের সমস্ত  
পুরুষের সংখ্যা 8,600। কহাং গোষ্ঠী পবিত্রিষ্ঠল রক্ষণাবেক্ষণের জন্য  
দায়ী ছিলেন। 29 কহাতীয় গোষ্ঠী সকলকে তাদের উপাসনা-তাঁবুর  
দক্ষিণপ্রান্তে শিবির স্থাপন করতে হত। 30 উষীয়েলের ছেলে ইলীয়াফণ  
ছিলেন কহাতীয় গোষ্ঠীবন্দের বৎশসমূহের নেতা। 31 তারা তত্ত্বাবধান  
করত সিন্দুক, মেজ, দীপাধার, বেদিসমূহ, পবিত্রিষ্ঠানের ব্যবহার্য  
বিশেষ দ্রব্যসকল, পর্দা এবং সেই সকলের সঙ্গে সম্পর্কিত ব্যবহার্য  
সমস্ত দ্রব্য। 32 লেবি গোষ্ঠীর মুখ্য নেতা ছিলেন, যাজক হারোণের  
ছেলে ইলীয়াসর। যারা পবিত্রিষ্ঠানের দায়িত্বে ছিল, তিনি তাদের উপর

নিযুক্ত হয়েছিলেন। 33 মরারির অন্তর্গত মহলীয় গোষ্ঠী ও মৃশীয় গোষ্ঠী; এরা ছিল মরারি গোষ্ঠী। 34 এক মাস বা তার অধিক বয়সি যে সমস্ত পুরুষ গণিত হয়েছিল, তাদের সংখ্যা 6,200। 35 অবীহয়িলের ছেলে সূরীয়েল ছিলেন মরারি গোষ্ঠীর বংশসমূহের নেতা। উপাসনা-তাঁবুর উত্তর প্রান্তে তাদের ছাউনি ফেলতে হত। 36 মরারিদের নিযুক্ত করা হয়েছিল, যেন তারা উপাসনা-তাঁবুর কাঠামো, তঙ্গা, তার সমস্ত অর্গল, স্তন্ত, চুঙ্গি ও তার সমস্ত জিনিস এবং সেই সকলের সঙ্গে সম্পর্কিত ব্যবহারের জিনিসের, 37 সেই সঙ্গে প্রাঙ্গণের চারিদিকের সমস্ত খুঁটি, তাঁবুর গোঁজ ও দড়ির তত্ত্বাবধান করে। 38 মোশি, হারোণ এবং তাঁর ছেলেদের, উপাসনা-তাঁবুর পূর্বপ্রান্তে, সূর্যোদয় অভিযুক্তে, সমাগম তাঁবুর সমূখ্যভাগে শিবির স্থাপন করতে হত। তারা ইস্রায়েলীদের তরফে পবিত্রস্থান তত্ত্বাবধানের জন্য দায়ী ছিলেন। অন্য যে কেউ পবিত্রস্থানের কাছে হত, তাকে মৃত্যুদণ্ড দেওয়া হত। 39 লেবি গোষ্ঠীর পূর্ণ জনসংখ্যা, সদাপ্রভুর আদেশ অনুসারে মোশি ও হারোণ, গোষ্ঠী অনুসারে যাদের গণনা করেছিলেন। এক মাস বা তার অধিক বয়সি যে সমস্ত পুরুষ গণিত হয়েছিল, তাদের সংখ্যা 22,000। 40 সদাপ্রভু মোশিকে বললেন, “এক মাস বা তারও বেশি বয়সি ইস্রায়েলী সমস্ত প্রথমজাত সন্তানকে গণনা করে তাদের নামের একটি তালিকা তৈরি করো। 41 ইস্রায়েলী সমস্ত জ্যোষ্ঠ সন্তানের পরিবর্তে লেবীয়দের এবং সেই সঙ্গে তাদের গৃহপালিত পশুসকলের পরিবর্তে লেবীয়দের গৃহপালিত পশুসকল, আমার জন্য অধিকার করো। আমিই সদাপ্রভু।” 42 অতএব সদাপ্রভু যে রকম আদেশ দিয়েছিলেন, মোশি ইস্রায়েলী সমস্ত প্রথমজাত সন্তানের সংখ্যা নিলেন। 43 এক মাস ও তারও বেশি বয়সি, নাম তালিকাভুক্ত প্রথমজাত সন্তানের সংখ্যা ছিল 22,273। 44 সদাপ্রভু মোশিকে একথাও বললেন, 45 “ইস্রায়েলী সমস্ত প্রথমজাত সন্তানের পরিবর্তে লেবীয়দের ও তাদের গৃহপালিত পশুসকলের পরিবর্তে লেবীয়দের পশুসকল গ্রহণ করো। লেবীয়রা আমারই হবে। আমিই সদাপ্রভু। 46 লেবীয়দের সংখ্যা থেকে অতিরিক্ত 273 জন ইস্রায়েলী প্রথমজাত সন্তানের মৃত্তির উদ্দেশ্যে, 47 প্রত্যেক ব্যক্তির

বিনিময়ে, পরিত্রানের নিরাপিত শেকল অনুসারে, পাঁচ শেকল করে আদায় করো, যার ওজন কুড়ি গেরা। 48 ইস্রায়েলীদের মুক্তি বাবদ প্রাপ্ত এই অতিরিক্ত অর্থ হারোণ ও তাঁর ছেলেদের দিয়ে দাও।” 49 তাই মোশি, লেবীয়দের দ্বারা মুক্ত ইস্রায়েলীদের থেকে যারা সংখ্যায় অতিরিক্ত ছিল, তাদের কাছ থেকে মুক্তিপণ আদায় করলেন। 50 ইস্রায়েলী প্রথমজাত সন্তানের কাছ থেকে তিনি, পরিত্রানের নিরাপিত শেকল অনুসারে, 1,365 শেকল রংপো আদায় করলেন। 51 মোশি সেই মুক্তিপণ, হারোণ ও তার ছেলেদের দিয়ে দিলেন, যে রকম তিনি সদাপ্রভুর বাণীর মাধ্যমে আদেশপ্রাপ্ত হয়েছিলেন।

**৪** সদাপ্রভু মোশি ও হারোণকে বললেন, ২ “লেবি গোষ্ঠীর অন্তর্গত, কহাঃ সন্তানদের, গোষ্ঠী ও বংশ অনুসারে জনগণনা করো। ৩ যারা সমাগম তাঁবু সম্পর্কিত কাজ করার জন্য সমাগত হয়, ত্রিশ থেকে পঞ্চাশ বছর বয়স্ক সেই পুরুষদের সংখ্যা গণনা করো। ৪ “সমাগম তাঁবুতে কহাতীয়দের কাজকর্ম এই; অতি পবিত্র দ্রব্যসমূহের তত্ত্বাবধান। ৫ যখন শিবির যাত্রা শুরু করবে, হারোণ ও তার ছেলেরা ভিতরে ঢেকে দেবে। তারা আচ্ছাদক-পর্দা নামিয়ে এনে, তা দিয়ে সাক্ষ্যের সিদ্ধুক আবৃত করবে। ৬ তার উপরে তারা টেকসই চামড়ার আচ্ছাদন দেবে। এরপর তারা ঘন নীল রংয়ের এক বন্ত্রের আবরণ দিয়ে যথাস্থানে বহন-দণ্ড পরিয়ে দেবে। ৭ “উপস্থিতির মেজের উপর তারা নীল রংয়ের বন্ত্র পাতবে, তার উপরে সমস্ত রেকাব, থালা ও বাটি এবং পেয়-নেবেদ্য রাখার ঘটগুলি রাখবে। যে ঝটি সতত সেই মেজের উপরে রাখা থাকে, তা যথারীতি থাকবে। ৮ এই সমস্তের উপরে তারা এক উজ্জ্বল লাল রংয়ের বন্ত্র পাতবে ও টেকসই চামড়ার আচ্ছাদন দেবে এবং তার বহন-দণ্ড যথাস্থানে পরিয়ে দেবে। ৯ “তারা একটি নীল রংয়ের বন্ত্র নিয়ে, দীপ্তিদানের উদ্দেশে যে দীপাধার, তা আবৃত করবে; সেই সঙ্গে তার প্রদীপগুলি, সলিতা-কাটা যন্ত্রগুলি, বারকোশ এবং তার প্রজ্জলনের উদ্দেশে দণ্ড জলপাই তেলের পাত্রগুলি আবৃত করবে। ১০ তারপর, তারা সেই দীপাধার ও তার সম্পর্কিত সমস্ত জিনিসের উপর টেকসই চামড়ার আচ্ছাদন দেবে এবং সেই সমস্ত

তারা বহনকারী কাঠামোর উপরে রাখবে। 11 “স্বর্ণ-বেদির উপরে  
 তারা নীল রংয়ের বস্ত্র পাতবে এবং টেকসই চামড়ার আচ্ছাদন দিয়ে  
 তার বহন-দণ্ড যথাস্থানে পরিয়ে দেবে। 12 “পবিত্রস্থানে পরিচর্যার  
 উদ্দেশ্যে ব্যবহৃত সমস্ত পাত্র নিয়ে তারা নীল রংয়ের কাপড়ে জড়াবে;  
 সেই সমস্তের উপরে টেকসই চামড়ার আচ্ছাদন দেবে এবং বহনকারী  
 কাঠামোর উপরে রাখবে। 13 “তারা পিতলের বেদি থেকে সমস্ত ছাই  
 বের করে দেবে। তার উপরে বেগুনি রংয়ের কাপড় পাতবে। 14 তার  
 উপরে তারা বেদির উদ্দেশ্যে ব্যবহৃত সমস্ত বাসনপত্র রাখবে, সমস্ত  
 অঙ্গারধানী, ত্রিশূল, বেলচা, রক্ত ছিটানোর উদ্দেশ্যে ব্যবহৃত বাটি  
 সমূহ। এর উপরে তারা টেকসই চামড়ার আচ্ছাদন দেবে এবং তার  
 বহন-দণ্ড যথাস্থানে পরাবে। 15 “হারোণ ও তার ছেলেরা সমস্ত পবিত্র  
 আসবাব ও পবিত্র দ্রব্যসমূহ আবৃত করার পর, যখন ছাউনি যাবার  
 উদ্দেশ্যে অগ্নসর হবে, তখন কেবল কহাতীয়েরা বহন করার জন্য  
 এগিয়ে আসবে। তারা কিন্তু পবিত্র দ্রব্যসকল স্পর্শ করবে না, নইলে  
 মৃত্যুবরণ করবে। কহাতীয়েরা সমাগম তাঁবুর মধ্যে স্থিত দ্রব্যসকল  
 বহন করবে। 16 “যাজক হারোণের ছেলে ইলীয়াসর, দীপ্তির জন্য  
 তেলের, সুগন্ধি ধূপ, নিয়মিত শস্য-নেবেদ্য ও অভিষেকের তেলের  
 দায়িত্ব নেবে। সে সমস্ত পবিত্র আসবাব ও জিনিসপত্র সমাগম তাঁবু  
 ও তার ভিতরের সমস্ত বিষয়ের তত্ত্বাবধায়ক হবে।” 17 সদাপ্রভু  
 মোশি ও হারোণকে বললেন, 18 “দেখবে, যেন কহাতীয় গোষ্ঠীর  
 বংশসমূহ, লেবীয় গোষ্ঠী থেকে উচ্ছিন্ন না হয়। 19 যখন তারা অতি  
 পবিত্র দ্রব্যসমূহের নিকটবর্তী হয়, তারা যেন জীবিত থাকে, হত না  
 হয়; তাদের জন্য এই কাজ করো, হারোণ ও তার ছেলেরা পবিত্রস্থানের  
 ভিতরে যাবে এবং প্রত্যেক ব্যক্তিকে তার কাজ এবং কোন দ্রব্য  
 সে বহন করবে, তা নিরূপণ করবে। 20 কিন্তু কহাতীয়েরা অবশ্যই  
 ভিতরে গিয়ে, এক মুহূর্তের জন্যও পবিত্র দ্রব্যসকল দেখবে না, নইলে  
 তাদের মৃত্যু হবে।” 21 সদাপ্রভু মোশিকে বললেন, 22 “বংশ এবং  
 গোষ্ঠী অনুসারে গের্শোনীয়দের জনগণনা করো, 23 সমাগম তাঁবুর  
 কাজে যারা অংশগ্রহণ করে, ত্রিশ থেকে পঞ্চাশ বছর বয়স্ক সেইসব

পুরুষের সংখ্যা গণনা করো। 24 “গের্শেন গোষ্ঠীর সকলে, যখন তারা ভারবহন ও কাজ করে, তাদের কর্তব্য এরকম হবে। 25 তারা উপাসনা-তাঁবুর সব পর্দা, তার বাইরে টেকসই চামড়ার আচ্ছাদন, সমাগম তাঁবুর প্রবেশপথের সব পর্দা, 26 উপাসনা-তাঁবু ও যজ্ঞবেদি পরিবেষ্টনকারী অঙ্গনের পর্দাসকল, প্রবেশপথের পর্দা, দড়ি সকল এবং পরিচর্যায় ব্যবহৃত সমস্ত উপকরণ বহন করবে। গের্শেনীয়েরা এসব দ্রব্য-সংক্রান্ত অথবা অন্যান্য যে কোনো কাজই হোক না কেন তা করতে হবে। 27 তাদের সমস্ত কাজ, বহন-সংক্রান্ত অথবা অন্যান্য যে কোনো কাজই হোক না কেন, সেই সমস্ত হারোণ এবং তার ছেলেদের নির্দেশে করতে হবে। তাদের দায়িত্বে যে সকল বহন করার কাজ থাকবে তা তুমি নির্দিষ্ট করে দেবে। 28 সমাগম তাঁবুর জন্য গের্শেনীয়দের কাজকর্ম এই। তাদের করণীয় কর্তব্য যাজক হারোণের ছেলে ঈথামরের নির্দেশ অনুসারে হবে। 29 “মরারিদেরও তাদের গোষ্ঠী ও বৎশ অনুসারে গণনা করো। 30 সমাগম তাঁবুর কাজে অংশগ্রহণের জন্য যারা সমাগত হয়, ত্রিশ থেকে পঞ্চাশ বছর বয়স্ক সেই সমস্ত পুরুষের সংখ্যা গণনা করো। 31 সমাগম তাঁবুতে, তারা যখন কাজ করে, তাদের করণীয় কর্তব্য হবে এরকম; তারা উপাসনা-তাঁবুর কাঠামোর তক্ষ সকল, তার অর্গলদণ্ড গুলি, খুঁটি ও পীঠসকল, 32 সেই সঙ্গে প্রাঙ্গের পরিবেষ্টনকারী খুঁটি সকল, তাঁবুর গোঁজ, দড়ি, তাদের উপকরণ এবং ব্যবহার্য সমস্ত আনুষঙ্গিক দ্রব্য বহন করবে। বহনের জন্য প্রত্যেক ব্যক্তিকে তার নির্দিষ্ট দ্রব্যসকল নিরূপণ কোরো। 33 সমাগম তাঁবু সম্পর্কিত কাজ করার সময় মরারি গোষ্ঠীর করণীয় কর্তব্য এই। তারা যাজক হারোণের ছেলে ঈথামরের নির্দেশে এই সমস্ত কাজ করবে।” 34 মোশি, হারোণ এবং সমাজের নেতারা, গোষ্ঠী ও বৎশ অনুসারে কহাতীয়দের গণনা করলেন। 35 ত্রিশ থেকে পঞ্চাশ বছর বয়স্ক সমস্ত পুরুষের, যারা সমাগম তাঁবুর কাজ করার জন্য সমাগত হল, 36 গোষ্ঠী অনুসারে তাদের গণিত সংখ্যা 2,750। 37 কহাতীয় গোষ্ঠীর যারা সমাগম তাঁবুর পরিচর্যা করত, সেই সমস্ত ব্যক্তির এই মোট সংখ্যা। মোশির মাধ্যমে সদাপ্রভু যে

আদেশ দিয়েছিলেন, সেই অনুসারে মোশি ও হারোণ তাদের গণনা করেছিলেন। 38 গের্শেনীয়েরা তাদের গোষ্ঠী এবং বংশ অনুসারে গণিত হয়েছিল। 39 সমস্ত পুরুষ যাদের বয়স ত্রিশ থেকে পঞ্চাশ বছর, যারা সমাগম তাঁবুর কাজে অংশগ্রহণ করতে আসত, 40 তাদের গোষ্ঠী এবং বংশ অনুসারে গণিত জনসংখ্যা ছিল 2,630। 41 যারা সমাগম তাঁবু পরিচর্যা করত, সেই গের্শেনীয়দের এই ছিল মোট জনসংখ্যা। সদাপ্রভুর আদেশমতো মোশি ও হারোণ তাদের গণনা করেছিলেন। 42 মরারিদের তাদের গোষ্ঠী ও বংশ অনুসারে গণনা করা হয়েছিল। 43 সমস্ত পুরুষ যাদের বয়স ত্রিশ থেকে পঞ্চাশ বছর, যারা সমাগম তাঁবুর কাজে অংশগ্রহণ করতে আসত, 44 গোষ্ঠী অনুসারে তাদের গণিত সংখ্যা ছিল 3,200। 45 মরারি গোষ্ঠীর এই ছিল মোট সংখ্যা। সদাপ্রভু মোশির মাধ্যমে যে আদেশ দিয়েছিলেন, সেই অনুসারে মোশি ও হারোণ তাদের গণনা করেছিলেন। 46 এইভাবে মোশি, হারোণ এবং ইস্রায়েলের নেতারা, সমস্ত লেবীয়দের, তাদের গোষ্ঠী ও বংশ অনুসারে গণনা করেছিলেন। 47 ত্রিশ থেকে পঞ্চাশ বছর বয়স্ক সমস্ত পুরুষ যারা পরিচর্যার ও সমাগম তাঁবু বহনের জন্য আসত, 48 তাদের গণিত সংখ্যা হয়েছিল 8,580। 49 মোশির মাধ্যমে দেওয়া সদাপ্রভুর আদেশ অনুসারে তাদের প্রত্যেকজনকে তার কাজ ও বহনীয় দ্রব্যসামগ্রী নিরূপণ করা হয়েছিল। এইভাবে তাদের মোট সংখ্যা গণিত হয়েছিল, যে রকম সদাপ্রভু মোশিকে আদেশ দিয়েছিলেন।

**5** সদাপ্রভু মোশিকে বললেন, 2 “ইস্রায়েলীদের আদেশ দাও যেন তারা সংক্রামক চর্মরোগী বা প্রমেই অথবা শবের জন্য আনুষ্ঠানিকভাবে অশুচি ব্যক্তিকে ছাউনি থেকে বহিক্ষার করে। 3 পুরুষ ও স্ত্রী নির্বিশেষে, তারা তাদের বহিক্ষার করবে। তাদের ছাউনির বাইরে পাঠাতে হবে যেন যে শিবিরে আমি তাদের মধ্যে অবস্থান করি, সেই শিবির কল্পিত না হয়।” 4 ইস্রায়েলীরা সেইরকমই করল; তারা তাদের ছাউনির বাইরে পাঠিয়ে দিল। সদাপ্রভু যে রকম মোশিকে আদেশ দিয়েছিলেন, তারা ঠিক সেই কাজ করল। 5 সদাপ্রভু মোশিকে বললেন, 6 “ইস্রায়েলীদের বলো, ‘যখন কোনো পুরুষ বা স্ত্রী, অন্য কোনো ব্যক্তির প্রতি কোনও

ধরনের অন্যায় আচরণ করে এবং সে সদাপ্রভুর কাছে অবিশ্বস্ত প্রতিপন্থ  
হয়, তাহলে সেই ব্যক্তি অপরাধী সাব্যস্ত হবে। 7 সে তার কৃত  
পাপস্থীকার করবে। তার অন্যায়ের জন্য সে পূর্ণ ক্ষতিপূরণ দেবে, তার  
সঙ্গে এক-পঞ্চমাংশ বেশি যোগ করবে এবং যার বিরুদ্ধে সে অন্যায়  
করেছে, সেই ব্যক্তিকে তার সমস্তটাই দেবে। 8 যদি সেই ব্যক্তির  
কোনো নিকটাত্মীয় না থাকে, যাকে সেই অন্যায়ের জন্য ক্ষতিপূরণ  
দেওয়া যেতে পারে, তাহলে তা সদাপ্রভুর অধিকারভুক্ত হবে। তার  
জন্য কৃত প্রায়শিত্তের মেষের সঙ্গে সেইসব অবশ্যই যাজককে দিতে  
হবে। 9 যাজকের কাছে ইত্তায়েলীদের দ্বারা আনীত সমস্ত পবিত্র  
উপহার, তাদেরই অধিকারস্বরূপ হবে। 10 প্রত্যেক ব্যক্তির পবিত্র  
দানসকল তার নিজস্ব হলেও, যে সমস্ত সে যাজকের কাছে নিবেদন  
করে তা যাজকেরই হবে।” 11 তারপর সদাপ্রভু মোশিকে বললেন,  
12 “ইত্তায়েলীদের সঙ্গে আলাপ করে তাদের বলো, ‘যদি কারোর স্ত্রী  
বিপথগামী ও তার প্রতি অবিশ্বস্ত হয়, 13 অন্য পুরুষের সঙ্গে শয়ন  
করে এবং সেই বিষয় তার স্বামীর নিকট গুপ্ত থাকে, তার অশুদ্ধতা  
অনাবিকৃত থেকে যায় (যেহেতু তার বিপক্ষে কোনো সাক্ষী নেই, অথবা  
সেই কাজ কারোর দৃষ্টিগোচর হয়নি), 14 যদি তার স্বামী ঈর্ষান্বিত  
হয়ে তাকে সন্দেহ করে এবং সে অশুচি হয় অথবা যদি ঈর্ষান্বিত  
হয়ে স্ত্রীকে সন্দেহ করলেও যদিও সে অশুচি না হয়ে থাকে, 15  
সে তার স্ত্রীকে যাজকের কাছে নিয়ে যাবে। সে অবশ্যই তার স্ত্রীর  
তরফে, এক ঐফার এক-দশমাংশ যবের ময়দা নৈবেদ্যরূপে নিয়ে  
আসবে। সে তার উপরে জলপাই তেল দেবে না, বা ধূপ নিবেদন  
করবে না, কারণ এই শস্য-নৈবেদ্য ঈর্ষাজনিত কারণে আনীত, যা  
অপরাধ চিহ্নিতকরণের অভিপ্রায়ে আনা স্মরণার্থক দানস্বরূপ। 16  
“যাজক সেই স্ত্রীকে সদাপ্রভুর সামনে দাঁড় করাবে। 17 তারপর সে  
একটি মাটির পাত্রে সামান্য পবিত্র জল নেবে এবং উপাসনা-তাঁবুর  
মেঝে থেকে একটু ধূলো নিয়ে ওই জলের মধ্যে দেবে। 18 যাজক  
সেই স্ত্রীকে সদাপ্রভুর সামনে দাঁড় করিয়ে তার চুল খুলে দেবে ও তার  
হাতে স্যারক নৈবেদ্য, অর্থাৎ ঈর্ষাজনিত শস্য-নৈবেদ্য দেবে। সে কিন্তু

ওই তিক্ত জল নিজের হাতে ধারণ করবে, যা শাপ বহন করে আনবে।

19 তারপর যাজক সেই স্ত্রীকে শপথ করিয়ে বলবে, “যদি কোনো পুরুষ  
তোমার সঙ্গে শয়ন না করে থাকে, তুমি যদি ভট্টা না হয়ে থাকো এবং  
যদি তোমার স্বামীর সঙ্গে বিবাহিত হয়েছ, তাই যদি অশুচি না হয়ে  
থাকো, তাহলে এই তিক্ত জল যা শাপ বহন করে আনে, তা তোমার  
ক্ষতি না করবে। 20 কিন্তু তোমার স্বামীর সঙ্গে সম্মিলিত হলেও যদি  
তুমি ভট্টা হয়ে থাকো এবং তোমার স্বামী ছাড়াও অন্য ব্যক্তির সঙ্গে  
শয়ন করে কল্পুষ্ট হয়ে থাকো,” 21 এখানে যাজক, সেই স্ত্রীকে  
শপথের এই শাপের অধীনে নিয়ে আসবে, “তাহলে সদাপ্রভু তাই  
করুন যেন তোমার জনগোষ্ঠী তোমাকে অভিশাপ দেয় ও প্রকাশ্যে  
তোমার নিন্দা করে এবং তিনি তোমার উরুদেশ নিশ্চল ও উদর স্ফীত  
করুন। 22 এই অভিশপ্ত জল তোমার মধ্যে প্রবেশ করে তোমার উদর  
স্ফীত ও উরুদেশ নিশ্চল করবে।” “তখন স্ত্রীলোকটিকে বলতে হবে,  
“আমেন, হ্যাঁ তাই হোক।” 23 “যাজক এই শাপের বাণীগুলি একটি  
গোটান পুঁথিতে লিখে ওই তিক্ত জলে সেই লেখা ধূয়ে ফেলবে। 24 সে  
স্ত্রীলোকটিকে ওই তিক্ত জলপান করাবে, যা শাপ বহন করে আনবে  
এবং সেই জল তার উদরে প্রবেশ করে দুঃসহ যন্ত্রণা সৃষ্টি করবে। 25  
যাজক তার হাত থেকে ঈর্ষাজনিত শস্য-নৈবেদ্য গ্রহণ করে সদাপ্রভুর  
অভিমুখে দোলাবে এবং যজ্ঞবেদির কাছে নিয়ে আসবে। 26 তারপর  
যাজক পূর্ণ একমুঠো ওই শস্য-নৈবেদ্য নিয়ে স্মারক নৈবেদ্যরূপে  
বেদিতে পোড়াবে; তারপর সে, সেই স্ত্রীকে ওই জলপান করাবে। 27  
যদি সে নিজেকে কল্পুষ্ট করে থাকে এবং তার স্বামীর প্রতি অবিশ্঵স্ত  
হয়ে থাকে, তাহলে সে যখন শাপবাহী ওই জলপান করবে, সেটি  
তার উদরে প্রবেশ করে দুঃসহ যন্ত্রণা সৃষ্টি করবে; তার উদর স্ফীত  
হবে ও উরুদেশ নিশ্চল হয়ে যাবে। সে তার গোষ্ঠীর মধ্যে অভিশপ্ত  
প্রতিপন্থ হবে। 28 কিন্তু যদি সেই স্ত্রী নিজেকে অশুচি না করে থাকে  
এবং নিষ্কলুষ থাকে, তাহলে সে অপরাধ মুক্ত হবে এবং সন্তানের জন্ম  
দিতে সক্ষম হবে। 29 “এই হবে ঈর্ষাপরায়ণতার বিধি, যখন কোনো  
স্ত্রীলোক ভট্টাচারী এবং তার স্বামীর সঙ্গে বিবাহিতা হলেও অশুচি হয়।

৩০ অথবা যখন কোনো ব্যক্তির মনে ঈর্ষার মনোভাব জাগে ও সে তার স্ত্রীর প্রতি সন্ধিক্ষমনা হয়। যাজক সদাপ্রভুর কাছে তার অবস্থান যাচাই করে দেখবে এবং এই সম্পূর্ণ বিধি তার উপরে প্রয়োগ করবে। ৩১ কৃত কোনও অন্যায় কাজের জন্য স্বামী নির্দোষ প্রতিপন্থ হবে, কিন্তু সেই স্ত্রীলোকটি তার পাপের পরিণতি ভোগ করবে।”

**৬** সদাপ্রভু মোশিকে বললেন, ২ “ইস্রায়েলীদের সঙ্গে আলাপ করে তাদের বলো, ‘যদি কোনো পুরুষ বা স্ত্রী বিশেষ মানত রাখতে চায়, অর্থাৎ নাসরীয় হিসেবে সদাপ্রভুর উদ্দেশে পৃথক থাকার মানত, ৩ তাহলে সে দ্রাক্ষারস; অথবা অন্য উত্তেজক পানীয় পান করা থেকে নিযুক্ত থাকবে; সে দ্রাক্ষারস অথবা অন্য উত্তেজক পানীয় থেকে প্রস্তুত সিরকাও পান করবে না। দ্রাক্ষার রস সে অবশ্যই পান করবে না, দ্রাক্ষা বা কিশমিশ খাবে না। ৪ যতদিন পর্যন্ত সে নাসরীয় থাকে, দ্রাক্ষালতা থেকে উৎপন্ন কোনো কিছুই, এমনকি তার বীজ বা খোসাও সে আহার করবে না। ৫ “তার পৃথক থাকার নাসরীয় মানতের সম্পূর্ণ পর্যায়ে মাথায় ক্ষুর ব্যবহার করা হবে না। সদাপ্রভুর উদ্দেশে পৃথক থাকার সম্পূর্ণ পর্যায় সে অবশ্যই পবিত্র থাকবে। সে তার চুলের বৃন্দি ঘটতে দেবে। ৬ “সদাপ্রভুর উদ্দেশে পৃথক থাকার সম্পূর্ণ পর্যায়ে সে কোনো শবের কাছে যাবে না। ৭ যদি তার বাবা, মা, ভাই, বা বোন কেউ মারা যায়, তাদের জন্য সে নিজেকে কোনোভাবে অঙ্গুচি করবে না, কারণ সদাপ্রভুর উদ্দেশে উৎসর্গীকৃত থাকার প্রতীক তার মাথায় আছে, ৮ তাদের উৎসর্গীকরণের সমস্ত সময় তারা সদাপ্রভুর উদ্দেশে পবিত্র থাকবে। ৯ “যদি কেউ তার সান্নিধ্যে হঠাত প্রাণত্যাগ করে ও পরিণামে তার উৎসর্গিত চুল অঙ্গুচি হয়, তাহলে শুন্দকরণের দিন, অর্থাৎ সপ্তম দিনে সে তার মাথা নেড়া করবে। ১০ তারপর অষ্টম দিনে সে দুটি ঘুঘু অথবা দুটি কপোত সমাগম তাঁবুর প্রবেশদ্বারে যাজকের কাছে নিয়ে আসবে। ১১ যাজক তার একটি পাপার্থে ও অন্যটি হোমার্থক বলিরপে উৎসর্গ করে তার জন্য প্রায়শিত্ব করবে, কারণ সে শবের সংস্পর্শে এসে পাপ করেছে। সেদিনই তার মাথার শুন্দায়ন করতে হবে। ১২ স্বতন্ত্র থাকা পূর্ণ পর্যায়ে সে অবশ্যই সদাপ্রভুর নিকট উৎসর্গ করবে

এবং তার অপরাধের নৈবেদ্যস্বরূপ একটি এক বষীয় মন্দা মেষশাবক নিয়ে আসবে। পূর্বকালীন দিন সমূহ আর গণিত হবে না কারণ তার পৃথকস্থিতির সময় সে অঙ্গটি হয়েছিল। 13 “যখন স্বতন্ত্র থাকার পর্যায় সমাপ্ত হবে, তখন নাসরীয় ব্যক্তির করণীয় বিধি হবে এইরকম। তাকে সমাগম তাঁবুর প্রবেশপথে নিয়ে আসতে হবে। 14 সেই স্থানে সে তার উপহার সদাপ্রভুর কাছে নিয়ে আনবে। হোম-নৈবেদ্যের জন্য ক্রুতিহীন একটি এক বষীয় মন্দা মেষশাবক, পাপার্থক বলির জন্য নিখুঁত একটি এক বষীয় মাদি মেষশাবক, মঙ্গলার্থক বলিদানের জন্য একটি নিখুঁত মেষ; 15 এর সঙ্গে তাদের শস্য-নৈবেদ্য ও পেয়-নৈবেদ্য, এক ঝুড়ি খামিরবিহীন রুটি, জলপাই তেলমিশ্রিত মিহি ময়দায় প্রস্তুত পিঠে ও জলপাই তেলে ভিজানো পাতলা রুটি। 16 “যাজক সেই সমস্ত নৈবেদ্য সদাপ্রভুর সামনে নিয়ে আসবে এবং পাপার্থক বলি ও হোম-নৈবেদ্য উৎসর্গ করবে। 17 সে খামিরবিহীন রুটির চুপড়ির সঙ্গে একটি মেষ মঙ্গলার্থক বলিরূপে সদাপ্রভুর উদ্দেশে উৎসর্গ করবে, তার সঙ্গে শস্য-নৈবেদ্য ও পেয়-নৈবেদ্যও নিবেদন করবে। 18 “তারপর, সমাগম তাঁবুর প্রবেশপথে, সেই নাসরীয় ব্যক্তি তার উৎসর্গিত চুল মুণ্ডন করবে। সেই চুল নিয়ে সে মঙ্গলার্থক বলির উপকরণের সঙ্গে আগুনে নিক্ষেপ করবে। 19 “নাসরীয় ব্যক্তির উৎসর্গিত হওয়ার প্রতীকরণ চুল মুণ্ডনের পর, যাজক তার হাতে মেষের সিদ্ধ করা একটি কাঁধ, খামিরবিহীন তৈরি করা একটি পিঠে ও একটি পাতলা রুটি দেবে। 20 তারপর যাজক সেই সমস্ত নিয়ে দোলনীয়-নৈবেদ্যরূপে সদাপ্রভুর অভিমুখে দোলাবে; পবিত্র সেই দ্রব্যগুলি, দোলানো বক্ষের ও নিবেদিত উরুর সঙ্গে সবকিছুই যাজকের প্রাপ্য হবে। এরপরে নাসরীয় ব্যক্তি সুরা পান করতে পারে। 21 “নাসরীয় ব্যক্তি সম্পর্কিত বিধি এরকম যে সদাপ্রভুর কাছে নৈবেদ্যের মানত করে, তার পৃথকস্থিতির বিধি অনুসারে, এই সমস্ত দ্রব্য ছাড়তে অতিরিক্ত যে সমস্ত উপহার সে দিতে সমর্থ হয়, দিতে পারে। নাসরীয় বিধি অনুসারে, তার মানত সে অবশ্যই পূর্ণ করবে।” 22 সদাপ্রভু মোশিকে বললেন, 23 “হারোণ এবং তার ছেলেদের বলো, ‘তোমরা এইভাবে ইস্রায়েলীদের আশীর্বাদ

করবে। তাদের বোলো 24 ““সদাপ্রভু তোমাদের আশীর্বাদ করুন ও তোমাদের রক্ষা করুন; 25 সদাপ্রভু তোমাদের প্রতি প্রসন্ন-মুখ হোন ও তোমাদের প্রতি সদয় হোন; 26 সদাপ্রভু তোমাদের প্রতি তার মুখ ফেরান ও তোমাদের শান্তি দিন।” 27 “এইভাবে তারা ইত্যায়েলীদের উপর আমার নাম স্থাপন করবে ও আমি তাদের আশীর্বাদ করব।”

7 মোশি উপাসনা-তাঁবু স্থাপনের কাজ সমাপ্ত করার পর তিনি সেই তাঁবু ও তার সমস্ত আসবাবপত্র অভিষেক ও উৎসর্গ করলেন। তিনি যজ্ঞবেদি ও তার সমস্ত বাসনপত্রও অভিষেক ও উৎসর্গ করলেন। 2 পরে ইত্যায়েলের নেতৃবৃন্দ, গোষ্ঠীসমূহের মুখ্য ব্যক্তিরা, যাঁরা গণিত ব্যক্তিদের তত্ত্বাবধায়ক ছিলেন, তাঁরা নৈবেদ্য নিয়ে এলেন। 3 তাঁরা সদাপ্রভুর উদ্দেশে উপহারস্মরণ আচ্ছাদন যুক্ত ছয়টি শকট ও বারোটি ষাঁড়, প্রত্যেক নেতার পক্ষে একটি করে ষাঁড় এবং একটি শকট প্রত্যেক দুজনের জন্য এনে আবাস তাঁবুর সামনে উপস্থিত করলেন। 4 সদাপ্রভু মোশিকে বললেন, 5 “এই সমস্ত তাদের কাছ থেকে গ্রহণ করো যেন সেগুলি সমাগম তাঁবুর কাজে ব্যবহৃত হয়। প্রয়োজন অনুসারে সেই সমস্ত লেবীয়দের দান করো।” 6 মোশি সেইসব শকট ও ষাঁড়গুলি নিয়ে লেবীয়দের দান করলেন। 7 তিনি গেশোনীয়দের কাজের চাহিদা অনুসারে দুটি শকট ও চারটি ষাঁড় দিলেন। 8 আবার মরারীয়দের কাজের চাহিদা অনুসারে তিনি তাদের চারটি শকট ও আটটি ষাঁড় দিলেন। তারা সবাই যাজক হারোগের ছেলে ঈথামরের নির্দেশের অধীন ছিল। 9 মোশি কিন্তু কহাতীয়দের কিছু দিলেন না, কারণ পবিত্র দ্রব্যসমূহ তাদের কাঁধে করে বহন করতে হত। এই কাজের জন্য তারাই ছিল দায়ী। 10 যজ্ঞবেদি অভিযিক্ত হওয়ার পর, তা উৎসর্গ করার জন্য নেতৃবর্গ নৈবেদ্য নিয়ে এসে, যজ্ঞবেদির সামনে রাখলেন। 11 কারণ সদাপ্রভু মোশিকে বলেছিলেন, “প্রত্যেকদিন এক একজন নেতা যজ্ঞবেদি উৎসর্গের জন্য তার নৈবেদ্য নিয়ে আসবে।” 12 প্রথম দিন, যিনি তাঁর নৈবেদ্য নিয়ে এলেন, তিনি যিহুদা গোষ্ঠীর অম্মীনাদবের ছেলে নহশোন। 13 তাঁর উপহারের মধ্যে ছিল, 130 শেকল ওজনের একটি রংপোর থালা, একটি সত্ত্বর শেকল ওজনের

রংপোর বাটি, উভয়েরই পরিমাপ পরিত্রানের শেকলের মানদণ্ড  
অনুযায়ী ছিল। তার প্রত্যেকটি শস্য-নৈবেদ্যস্বরূপ জলপাই তেল  
মিশ্রিত মিহি ময়দায় পূর্ণ ছিল। 14 দশ শেকল পরিমিত, ধূপে পূর্ণ  
একটি সোনার থালা; 15 হোম-নৈবেদ্যের জন্য একটি এঁড়ে বাচ্চুর,  
একটি মেষ ও একটি এক বর্ষীয় মদ্দা মেষশাবক; 16 পাপার্থক বলির  
জন্য একটি ছাগল, 17 এবং মঙ্গলার্থক বলি উৎসর্গের জন্য দুটি ঘাঁড়,  
পাঁচটি মেষ পাঁচটি ছাগল, ও পাঁচটি এক বর্ষীয় মেষশাবক। এই ছিল  
অমীনাদবের ছেলে নহশোনের উপহার। 18 দ্বিতীয় দিন, ইয়াখর  
গোষ্ঠীর নেতা, সূয়ারের ছেলে নথনেল তাঁর নৈবেদ্য নিয়ে এলেন।  
19 যে উপহার সে নিয়ে এল, তার মধ্যে ছিল, 130 শেকল ও জনের  
একটি রংপোর থালা, একটি সন্তুর শেকল ও জনের রংপোর বাটি,  
উভয়েরই পরিমাপ পরিত্রানের শেকলের মানদণ্ড অনুযায়ী ছিল। তার  
প্রত্যেকটি শস্য-নৈবেদ্যস্বরূপ জলপাই তেলমিশ্রিত মিহি ময়দায় পূর্ণ  
ছিল। 20 দশ শেকল পরিমিত, ধূপে পূর্ণ একটি সোনার থালা; 21  
হোম-নৈবেদ্যের জন্য একটি এঁড়ে বাচ্চুর, একটি মেষ ও একটি এক  
বর্ষীয় মদ্দা মেষশাবক; 22 পাপার্থক বলির জন্য একটি ছাগল, 23 এবং  
মঙ্গলার্থক বলি উৎসর্গের জন্য দুটি ঘাঁড়, পাঁচটি মেষ, পাঁচটি ছাগল ও  
পাঁচটি এক বর্ষীয় মেষশাবক। এই ছিল সূয়ারের ছেলে নথনেলের  
উপহার। 24 তৃতীয় দিনে, সবূলুন গোষ্ঠীর নেতা, হেলোনের ছেলে  
ইলীয়াব তাঁর উপহার নিয়ে এলেন। 25 তাঁর উপহার ছিল, 130 শেকল  
ও জনের একটি রংপোর থালা, একটি সন্তুর শেকল ও জনের রংপোর  
বাটি, উভয়েরই পরিমাপ পরিত্রানের শেকলের মানদণ্ড অনুযায়ী  
ছিল। তার প্রত্যেকটি শস্য-নৈবেদ্যস্বরূপ জলপাই তেলমিশ্রিত মিহি  
ময়দায় পূর্ণ ছিল। 26 দশ শেকল পরিমিত, ধূপে পূর্ণ সোনার থালা; 27  
হোম-নৈবেদ্যের জন্য একটি এঁড়ে বাচ্চুর, একটি মেষ ও একটি এক  
বর্ষীয় মদ্দা মেষশাবক; 28 পাপার্থক বলির জন্য একটি ছাগল; 29  
এবং মঙ্গলার্থক বলি উৎসর্গের জন্য দুটি ঘাঁড়, পাঁচটি মেষ, পাঁচটি  
ছাগল ও পাঁচটি এক বর্ষীয় মেষশাবক। এই ছিল হেলোনের ছেলে  
ইলীয়াবের উপহার। 30 চতুর্থ দিন, রুবেণ গোষ্ঠীর নেতা, শদেয়ুরের

ছেলে ইলীয়র, তাঁর নৈবেদ্য নিয়ে এলেন, 31 তাঁর উপহার ছিল,  
130 শেকল ওজনের একটি রংপোর থালা, একটি সন্তুর শেকল  
ওজনের রংপোর বাটি, উভয়েরই পরিমাপ পরিব্রহ্মানের শেকলের  
মানদণ্ড অনুযায়ী ছিল। তার প্রত্যেকটি শস্য-নৈবেদ্যস্বরূপ জলপাই  
তেলমিশ্রিত মিহি ময়দায় পূর্ণ ছিল। 32 দশ শেকল পরিমিত, ধূপে পূর্ণ  
একটি সোনার থালা; 33 হোম-নৈবেদ্যের জন্য একটি এঁড়ে বাচ্চুর,  
একটি মেষ ও একটি এক বর্ষীয় মদ্দা মেষশাবক; 34 পাপার্থক বলির  
জন্য একটি ছাগল, 35 এবং মঙ্গলার্থক বলি উৎসর্গের জন্য দুটি ঘাঁড়,  
পাঁচটি মেষ, পাঁচটি ছাগল ও পাঁচটি এক বর্ষীয় মেষশাবক। এই ছিল  
শদেয়ুরের ছেলে ইলীয়রের উপহার। 36 পঞ্চম দিন, শিমিয়োন গোষ্ঠীর  
নেতা, সূরীশদ্যের ছেলে শলুমীয়েল, তাঁর নৈবেদ্য নিয়ে এলেন। 37  
তাঁর উপহার ছিল, 130 শেকল ওজনের একটি রংপোর থালা, একটি  
সন্তুর শেকল ওজনের রংপোর বাটি, উভয়েরই পরিমাপ পরিব্রহ্মানের  
শেকলের মানদণ্ড অনুযায়ী ছিল। তার প্রত্যেকটি শস্য-নৈবেদ্যস্বরূপ  
জলপাই তেলমিশ্রিত মিহি ময়দায় পূর্ণ ছিল। 38 দশ শেকল পরিমিত,  
ধূপে পূর্ণ একটি সোনার থালা; 39 হোম-নৈবেদ্যের জন্য একটি এঁড়ে  
বাচ্চুর, একটি মেষ ও একটি এক বর্ষীয় মদ্দা মেষশাবক; 40 পাপার্থক  
বলির জন্য একটি ছাগল; 41 এবং মঙ্গলার্থক বলি উৎসর্গের জন্য  
দুটি ঘাঁড়, পাঁচটি মেষ, পাঁচটি ছাগল ও পাঁচটি এক বর্ষীয় মেষশাবক।  
এই ছিল সূরীশদ্যের ছেলে শলুমীয়েলের উপহার। 42 ষষ্ঠি দিন,  
গাদ গোষ্ঠীর নেতা, দ্যয়েলের ছেলে ইলীয়াসফ, তাঁর নৈবেদ্য নিয়ে  
এলেন, 43 তাঁর উপহার ছিল, 130 শেকল ওজনের একটি রংপোর  
থালা, একটি সন্তুর শেকল ওজনের রংপোর বাটি, উভয়েরই পরিমাপ  
পরিব্রহ্মানের শেকলের মানদণ্ড অনুযায়ী ছিল। তার প্রত্যেকটি শস্য-  
নৈবেদ্যস্বরূপ জলপাই তেলমিশ্রিত মিহি ময়দায় পূর্ণ ছিল। 44 দশ  
শেকল পরিমিত, ধূপে পূর্ণ একটি সোনার থালা; 45 হোম-নৈবেদ্যের  
জন্য একটি এঁড়ে বাচ্চুর, একটি মেষ ও একটি এক বর্ষীয় মদ্দা  
মেষশাবক; 46 পাপার্থক বলির জন্য একটি ছাগল; 47 এবং মঙ্গলার্থক  
বলি উৎসর্গের জন্য দুটি ঘাঁড়, পাঁচটি মেষ, পাঁচটি ছাগল ও পাঁচটি এক

বৰ্ষীয় মেষশাবক। এই ছিল দ্যয়েলের ছেলে ইলীয়াসফের উপহার। 48  
সপ্তম দিন, ইন্দ্ৰিয় গোষ্ঠীৰ নেতা, অমীহুদেৱ ছেলে ইলীশামা, তাঁৰ  
নৈবেদ্য নিয়ে এলেন। 49 তাঁৰ উপহার ছিল, 130 শেকল ওজনেৱ  
একটি রংপোৱ থালা, একটি সন্তুষ্ট শেকল ওজনেৱ রংপোৱ বাটি,  
উভয়েৱই পৰিমাপ পৰিবিহ্নানেৱ শেকলেৱ মানদণ্ড অনুযায়ী ছিল। তাৰ  
প্ৰত্যেকটি শস্য-নৈবেদ্যস্বৰূপ জলপাই তেলমিশ্রিত মিহি ময়দায় পূৰ্ণ  
ছিল। 50 দশ শেকল পৰিমিত, ধূপে পূৰ্ণ একটি সোনার থালা; 51  
হোম-নৈবেদ্যেৱ জন্য একটি এঁড়ে বাচুৱ, একটি মেষ ও একটি এক  
বৰ্ষীয় মদ্দা মেষশাবক; 52 পাপাৰ্থক বলিৱ জন্য একটি ছাগল; 53  
এবং মঙ্গলাৰ্থক বলি উৎসৰ্গেৱ জন্য দুটি ঘাঁড়, পাঁচটি মেষ, পাঁচটি  
ছাগল ও পাঁচটি এক বৰ্ষীয় মেষশাবক। এই ছিল অমীহুদেৱ ছেলে  
ইলীশামাৱ উপহার। 54 অষ্টম দিনে, মনঃশি গোষ্ঠীৰ নেতা, পদাহসুৱেৱ  
ছেলে গমলীয়েল, তাঁৰ নৈবেদ্য নিয়ে এলেন। 55 তাঁৰ উপহার ছিল,  
130 শেকল ওজনেৱ একটি রংপোৱ থালা, একটি সন্তুষ্ট শেকল  
ওজনেৱ রংপোৱ বাটি, উভয়েৱই পৰিমাপ পৰিবিহ্নানেৱ শেকলেৱ  
মানদণ্ড অনুযায়ী ছিল। তাৰ প্ৰত্যেকটি শস্য-নৈবেদ্যস্বৰূপ জলপাই  
তেলমিশ্রিত মিহি ময়দায় পূৰ্ণ ছিল। 56 দশ শেকল পৰিমিত, ধূপে পূৰ্ণ  
একটি সোনার থালা; 57 হোম-নৈবেদ্যেৱ জন্য একটি এঁড়ে বাচুৱ,  
একটি মেষ ও একটি এক বৰ্ষীয় মদ্দা মেষশাবক; 58 পাপাৰ্থক বলিৱ  
জন্য একটি ছাগল, 59 এবং মঙ্গলাৰ্থক বলি উৎসৰ্গেৱ জন্য দুটি ঘাঁড়,  
পাঁচটি মেষ, পাঁচটি ছাগল ও পাঁচটি এক বৰ্ষীয় মেষশাবক। এই ছিল  
পদাহসুৱেৱ ছেলে গমলীয়েলেৱ উপহার। 60 নবম দিনে, বিন্যামীন  
গোষ্ঠীৰ নেতা, গিদিয়োনিৰ ছেলে অবীদান তাঁৰ নৈবেদ্য নিয়ে এলেন।  
61 তাঁৰ উপহার ছিল, 130 ওজনেৱ একটি রংপোৱ থালা, একটি  
সন্তুষ্ট শেকল ওজনেৱ রংপোৱ বাটি, উভয়েৱই পৰিমাপ পৰিবিহ্নানেৱ  
শেকলেৱ মানদণ্ড অনুযায়ী ছিল। তাৰ প্ৰত্যেকটি শস্য-নৈবেদ্যস্বৰূপ  
জলপাই তেলমিশ্রিত মিহি ময়দায় পূৰ্ণ ছিল। 62 দশ শেকল পৰিমিত,  
ধূপে পূৰ্ণ একটি সোনার থালা; 63 হোম-নৈবেদ্যেৱ জন্য একটি এঁড়ে  
বাচুৱ, একটি মেষ ও একটি এক বৰ্ষীয় মদ্দা মেষশাবক; 64 পাপাৰ্থক

বলির জন্য একটি ছাগল, ৬৫ এবং মঙ্গলার্থক বলি উৎসর্গের জন্য দুটি ষাঁড়, পাঁচটি মেষ, পাঁচটি ছাগল ও পাঁচটি এক বর্ষীয় মেষশাবক। এই ছিল গিদিয়োনির ছেলে অবীদানের উপহার। ৬৬ দশম দিনে, দান গোষ্ঠীর নেতা, অমীশদয়ের ছেলে অহীয়েষর; তাঁর নৈবেদ্য নিয়ে এলেন। ৬৭ তাঁর উপহার ছিল, 130 শেকলের ওজনের একটি রংপোর থালা, একটি সন্তুর শেকল ও জনের রংপোর বাটি, উভয়েরই পরিমাপ পরিত্বানের শেকলের মানদণ্ড অনুযায়ী ছিল। তার প্রত্যেকটি শস্য-নৈবেদ্যস্বরূপ জলপাই তেলমিশ্রিত মিহি ময়দায় পূর্ণ ছিল। ৬৮ দশ শেকল পরিমিত, ধূপে পূর্ণ একটি সোনার থালা; ৬৯ হোম-নৈবেদ্যের জন্য একটি এঁড়ে বাচ্চুর, একটি মেষ ও একটি এক বর্ষীয় মদ্দা মেষশাবক; ৭০ পাপার্থক বলির জন্য একটি ছাগল, ৭১ এবং মঙ্গলার্থক বলি উৎসর্গের জন্য দুটি ষাঁড়, পাঁচটি মেষ, পাঁচটি ছাগল ও পাঁচটি এক বর্ষীয় মেষশাবক। এই ছিল অমীশদয়ের ছেলে অহীয়েষরের উপহার। ৭২ একাদশ দিনে, আশের গোষ্ঠীর নেতা, অক্রণের পুত্র পগীয়েল তাঁর নৈবেদ্য নিয়ে এলেন। ৭৩ তাঁর উপহার ছিল, 130 শেকল ও জনের একটি রংপোর থালা, একটি সন্তুর শেকলের ওজনের রংপোর বাটি, উভয়েরই পরিমাপ পরিত্বানের শেকলের মানদণ্ড অনুযায়ী ছিল। তার প্রত্যেকটি শস্য-নৈবেদ্যস্বরূপ জলপাই তেলমিশ্রিত মিহি ময়দায় পূর্ণ ছিল। ৭৪ দশ শেকল পরিমিত, ধূপে পূর্ণ একটি সোনার থালা; ৭৫ হোম-নৈবেদ্যের জন্য একটি এঁড়ে বাচ্চুর, একটি মেষ ও একটি এক বর্ষীয় মদ্দা মেষশাবক; ৭৬ পাপার্থক বলির জন্য একটি ছাগল, ৭৭ এবং মঙ্গলার্থক বলি উৎসর্গের জন্য দুটি ষাঁড়, পাঁচটি মেষ, পাঁচটি ছাগল ও পাঁচটি এক বর্ষীয় মেষশাবক। এই ছিল অক্রণের পুত্র পগীয়েলের উপহার। ৭৮ দ্বাদশ দিনে, নগালি গোষ্ঠীর নেতা, ঐননের পুত্র অহীরঃ, তাঁর নৈবেদ্য নিয়ে এলেন। ৭৯ তাঁর উপহার ছিল, 130 শেকল ও জনের একটি রংপোর থালা, একটি সন্তুর শেকল ও জনের রংপোর বাটি, উভয়েরই পরিমাপ পরিত্বানের শেকলের মানদণ্ড অনুযায়ী ছিল। তার প্রত্যেকটি শস্য-নৈবেদ্যস্বরূপ জলপাই তেলমিশ্রিত মিহি ময়দায় পূর্ণ ছিল। ৮০ দশ শেকল পরিমিত, ধূপে পূর্ণ একটি সোনার থালা; ৮১

হোম-নৈবেদ্যের জন্য একটি এঁড়ে বাচুর, একটি মেষ ও একটি এক  
বর্ষীয় মন্দা মেষশাবক; 82 পাপার্থক বলির জন্য একটি ছাগল, 83  
এবং মঙ্গলার্থক বলি উৎসর্গের জন্য দুটি শাঁড়, পাঁচটি ছাগল ও পাঁচটি  
এক বর্ষীয় মেষশাবক। এই ছিল ঐনন্দের পুত্র অহীরঃর উপহার। 84  
যজ্ঞবেদি অভিষেক করার পর, তা উৎসর্গ করার জন্য এই সমস্ত ছিল  
ইস্রায়েলী নেতাদের নৈবেদ্য; বারোটি রংপোর থালা, বারোটি রংপোর  
বাটি ও বারোটি সোনার থালা। 85 প্রত্যেকটি রংপোর থালার ওজন  
ছিল 130 শেকল এবং প্রত্যেক রংপোর বাটি সত্ত্বর শেকল। রংপোর  
পাত্রগুলির সর্বমোট ওজন পরিত্রস্থানের শেকল অনুসারে, 2,400  
শেকল 86 ধূপে পূর্ণ বারোটি সোনার থালা, পরিত্রস্থানের শেকলের  
অনুসারে প্রত্যেকটির ওজন দশ শেকল। সোনার থালিগুলির সর্বমোট  
ওজন 120 শেকল। 87 হোম-নৈবেদ্যের জন্য আনীত সমস্ত পশুর  
সংখ্যা, বারোটি এঁড়ে বাচুর, বারোটি মেষ ও বারোটি এক বর্ষীয় মন্দা  
মেষশাবক এবং তাদের পরিপূরক শস্য-নৈবেদ্য। পাপার্থক বলির  
জন্য ব্যবহৃত হয়েছিল বারোটি ছাগল। 88 মঙ্গলার্থক বলি উৎসর্গের  
জন্য সর্বমোট পশুর সংখ্যা ছিল চারিশাটি শাঁড়, ষাটটি মেষ, ষাটটি  
ছাগল ও ষাটটি এক বর্ষীয় মেষশাবক। যজ্ঞবেদি অভিষিক্ত হওয়ার  
পর এই সমস্ত ছিল উৎসর্গ করার নৈবেদ্য। 89 যখন মোশি সমাগম  
তাঁবুর ভিতরে সদাপ্রভুর সঙ্গে কথা বলার জন্য প্রবেশ করলেন, তিনি  
সাক্ষ্য-সিন্দুকের উপরে পাপাবরণের উর্ধ্বে অবস্থিত দুই করবের  
মধ্যস্থল থেকে তাঁর রব শুনতে পেলেন। এভাবে সদাপ্রভু তাঁর সঙ্গে  
কথা বললেন।

**৮** সদাপ্রভু মোশিকে বললেন, 2 “তুমি হারোণের সঙ্গে আলাপ করে  
তাকে বলো, ‘তুমি যখন সপ্ত-প্রদীপ প্রতিষ্ঠা করবে, তখন সেগুলি যেন  
দীপাধারের সামনের দিকে আলো দেয়।’” 3 হারোণ সেইমতো করলেন;  
তিনি প্রদীপগুলি স্থাপন করে, সেগুলির মুখ দীপাধারের সামনের  
দিকে রাখলেন, যে রকম সদাপ্রভু মোশিকে আদেশ দিয়েছিলেন।  
4 দীপাধার এইভাবে নির্মিত হয়েছিল; এর নিচ থেকে ফুল পর্যন্ত,  
সমস্ত অংশই সোনা পিটিয়ে তৈরি করা হয়েছিল। সদাপ্রভু মোশিকে

যেমন নমুনা দেখিয়েছিলেন, দীপাধার ঠিক সেইরকম নির্মিত হয়েছিল।

5 সদাপ্রভু মোশিকে বললেন, 6 “অন্য ইস্রায়েলীদের মধ্য থেকে  
লেবীয়দের নিয়ে, তাদের আনুষ্ঠানিকভাবে শুন্দ করো। 7 তাদের  
শুন্দকরণের জন্য এই কাজ করো, তাদের উপর শুন্দকরণের জল  
সেচন করো; তারা সমস্ত শরীরের লোম ক্ষোরি করে, জলে তাদের  
পোশাক ধুয়ে ফেলুক ও এইভাবে নিজেদের শুচি করুক। 8 শস্য-  
নৈবেদ্যস্রূপ জলপাই তেলমিশ্রিত মিহি ঘয়না সমেত তারা একটি  
এঁড়ে বাচ্চুর নেবে; তারপর পাপার্থক বলির জন্য তুমি দ্বিতীয় একটি  
এঁড়ে বাচ্চুর নেবে। 9 লেবীয়দের সমাগম তাঁবুর সামনের দিকে আনবে  
এবং সমস্ত ইস্রায়েলী সমাজকে একত্র করবে। 10 তুমি লেবীয়দের  
সদাপ্রভুর সামনে নিয়ে আসবে এবং ইস্রায়েলীরা তাদের উপরে হাত  
রাখবে। 11 হারোণ ইস্রায়েলীদের দোলনীয়-নৈবেদ্যস্রূপে লেবীয়দের  
সদাপ্রভুর সামনে নিবেদন করবে, যেন তারা সদাপ্রভুর কাজ করার  
জন্য প্রস্তুত হয়। 12 “লেবীয়েরা ওই এঁড়ে বাচ্চুরের উপর হাত রাখার  
পর, সদাপ্রভুর উদ্দেশে তাদের একটি পাপার্থক বলিরূপে, অন্যটি  
গোমবলিরূপে উৎসর্গ করবে, যেন লেবীয়দের জন্য প্রায়শিত্ব সাধিত  
হয়। 13 হারোণ ও তার ছেলেদের সামনে লেবীয়েরা দাঁড় করাবে।  
তারপর, সদাপ্রভুর অভিমুখে দোলনীয়-নৈবেদ্যস্রূপে তাদের নিবেদন  
করবে। 14 এইভাবে, অন্য ইস্রায়েলীদের থেকে তুমি লেবীয়দের পৃথক  
করবে। লেবীয়দের সকলে আমারই হবে। 15 “লেবীয়দের শুন্দ করে,  
তুমি তাদের দোলনীয়-নৈবেদ্যস্রূপে নিবেদন করার পর, তারা সমাগম  
তাঁবুতে তাদের সেবাকাজ করতে আসবে। 16 ইস্রায়েলীদের মধ্যে শুধু  
তারাই সম্পূর্ণরূপে আমাকে দণ্ড হবে। আমি প্রথমজাতদের, প্রত্যেক  
ইস্রায়েলী স্ত্রীর প্রথম পুরুষ-সন্তানের পরিবর্তে তাদের নিজস্ব স্বত্ত্ব বলে  
গ্রহণ করেছি। 17 মানুষ অথবা পশু, ইস্রায়েলের সমস্ত প্রথমজাত  
পুরুষ আমার। মিশরে যখন আমি সমস্ত প্রথমজাত প্রাণীকে নির্ধন  
করি, আমি তাদের নিজের জন্য স্বতন্ত্র করে রেখেছিলাম। 18 তারপর  
আমি সমস্ত ইস্রায়েলী প্রথমজাত সন্তানের পরিবর্তে লেবীয়দের গ্রহণ  
করেছি। 19 সমস্ত ইস্রায়েলীর মধ্য থেকে, আমি হারোণ ও তার

ছেলেদের, লেবীয়দের দান করেছি, যেন তারা সমস্ত ইস্রায়েলীর পক্ষে  
 সমাগম তাঁবুর কাজ করে, তাদের জন্য প্রায়শিত্ব করে, যেন তারা যখন  
 পবিত্রস্থানের অভিমুখী হয়, তখন কোনো মহামারি ইস্রায়েলীর আঘাত  
 না করে।” 20 মোশি, হারোণ এবং সমস্ত ইস্রায়েল সম্প্রদায়, লেবীয়  
 গোষ্ঠীকে নিয়ে সেরকম করলেন, যেমন সদাপ্রভু মোশিকে আদেশ  
 দিয়েছিলেন। 21 লেবীয়েরা নিজেদের শুন্দ করে তাদের পোশাক  
 ধূয়ে ফেলল। তখন হারোণ সদাপ্রভুর সামনে দোলনীয়-নৈবেদ্যরূপে  
 তাদের নিবেদন করলেন ও তাদের শুন্দ করার জন্য প্রায়শিত্ব করলেন।  
 22 তারপর লেবীয়েরা, হারোণ ও তার ছেলেদের তত্ত্বাবধানে, সমাগম  
 তাঁবুর কাজ করার জন্য উপস্থিত হল। তাঁরা লেবীয়দের নিয়ে সেরকম  
 কাজ করলেন, যেমন সদাপ্রভু মোশিকে আদেশ দিয়েছিলেন। 23  
 সদাপ্রভু মোশিকে বললেন, 24 “এই কথা লেবীয়দের ক্ষেত্রে প্রযোজ্য,  
 পঁচিশ বছর বা তারও বেশি বয়স্ক পুরুষেরা, সমাগম তাঁবুর কাজে  
 অংশগ্রহণ করতে আসবে, 25 কিন্তু পঞ্চাশ বছর বয়স হলে তারা  
 সেবাকাজ থেকে অবসর নেবে ও আর কোনো কাজ করবে না। 26  
 তারা সমাগম তাঁবুর কাজে, তাদের ভাইদের সহায়ক হবে, কিন্তু তারা  
 নিজেরা কোনো কাজ করবে না। এইভাবে তুমি লেবীয়দের দায়িত্ব  
 নিরূপণ করবে।”

**৯** মিশর থেকে বের হয়ে আসার পর, দ্বিতীয় বছরের প্রথম মাসে,  
 সদাপ্রভু সীনয় মরণভূমিতে মোশির সঙ্গে কথা বললেন। তিনি বললেন,  
 2 “ইস্রায়েলীরা নিরূপিত সময়ে নিষ্ঠারপর্ব পালন করুক। 3 নির্দিষ্ট  
 সময়ে, অর্থাৎ এই মাসের চতুর্দশ দিনের সন্ধ্যাবেলায়, সমস্ত বিধিনিয়ম  
 অনুসারে, তারা তা সম্পন্ন করুক।” 4 মোশি তখন ইস্রায়েলীদের  
 নিষ্ঠারপর্ব পালন করতে বললেন। 5 তারা সীনয় মরণভূমিতে, প্রথম  
 মাসের চতুর্দশ দিনের সন্ধ্যাবেলায় তা সম্পন্ন করল। ইস্রায়েলীরা ঠিক  
 তাই করল, যে রকম সদাপ্রভু মোশিকে আদেশ দিয়েছিলেন। 6 কিন্তু  
 তাদের মধ্যে কয়েকজন একটি মৃতদেহ স্পর্শ করায় আনুষ্ঠানিকভাবে  
 অশুচি হয়েছিল। তাই তারা সেইদিন নিষ্ঠারপর্ব পালন করতে পারেনি।  
 তারা সেদিনই মোশি ও হারোণের কাছে এল 7 এবং মোশিকে বলল,

“আমরা একটি মৃতদেহ স্পর্শ করে অশুচি হয়েছি; তা সত্ত্বেও, অন্য ইস্রায়েলীদের সঙ্গে, নিরূপিত সময়ে, সদাপ্রভুর উদ্দেশে নৈবেদ্য আনতে আমরা কেন বধিত হব?” ৪ মোশি তাদের উত্তর দিলেন, “সদাপ্রভু তোমাদের সম্পর্কে কী আদেশ দেন, আমি তা জেনে আসা অবধি, তোমরা অপেক্ষা করো।” ৫ সদাপ্রভু তখন মোশিকে বললেন, ১০ “তুমি ইস্রায়েলীদের বলো, ‘যখন তোমাদের মধ্যে কোনো ব্যক্তি বা তার বংশধরদের কেউ, শবজনিত কারণে অশুচি হয়, অথবা ভ্রমণপথে দূরে থাকে, তারা তা সত্ত্বেও, সদাপ্রভুর উদ্দেশে নিষ্ঠারপর্ব পালন করতে পারবে। ১১ তারা দ্বিতীয় মাসের চতুর্দশ দিনের সন্ধিয়বেলা সেই পর্ব সম্পন্ন করবে। খামিরবিহীন রুটি ও তিক্ত শাকের সঙ্গে তারা সেই মেষশাবক আহার করবে। ১২ তার কোনো কিছুই তারা সকাল পর্যন্ত রাখবে না, বা তার কোনো অস্থি ভঙ্গ করবে না। তারা যখন নিষ্ঠারপর্ব পালন করবে, তখন তার সমস্ত বিধিনিয়ম অনুসরণ করবে। ১৩ কিন্তু, যদি কোনো ব্যক্তি আনুষ্ঠানিকভাবে শুচি থাকে, ভ্রমণপথে না থাকে, অথচ নিষ্ঠারপর্ব পালন না করে, সেই ব্যক্তিকে, তার গোষ্ঠী থেকে অবশ্যই উচ্ছেদ করতে হবে। কারণ, সে নির্দিষ্ট সময়ে সদাপ্রভুর নৈবেদ্য নিরবেদন করেনি। সেই ব্যক্তি তার পাপের পরিণতি ভোগ করবে। ১৪ “তোমাদের মধ্যে কোনো প্রবাসী, কোনো বিদেশি ব্যক্তি যদি সদাপ্রভুর নিষ্ঠারপর্ব পালন করতে ইচ্ছুক হয়, সমস্ত বিধিনিয়ম অনুসরণ করে সে তা অবশ্য করবে। বিদেশি ব্যক্তি হোক অথবা স্বদেশ জাত, প্রত্যেকের ক্ষেত্রে একই নিয়ম প্রযোজ্য হবে।” ১৫ যেদিন আবাস তাঁবু, অর্থাৎ সাক্ষ্যের তাঁবু স্থাপিত হল, মেঘ তা আবৃত করল। সন্ধ্যা থেকে সকাল পর্যন্ত, আবাস তাঁবুর উর্ধ্বস্তু মেঘ, অগ্নিসদৃশ প্রত্যক্ষ হল। ১৬ সেইরকমই নিত্য হত, মেঘ তা আবৃত করত এবং রাত্রিবেলা সেই মেঘ অগ্নিসদৃশ তা প্রত্যক্ষ হত। ১৭ যখনই মেঘ তাঁবুর উপর থেকে সরে যেত, ইস্রায়েলীরা যাত্রা শুরু করত। যেখানে মেঘ সুষ্ঠির হত, ইস্রায়েলীরা ছাউনি স্থাপন করত। ১৮ সদাপ্রভুর আদেশে ইস্রায়েলীরা যাত্রা শুরু করত এবং তাঁর আদেশেই তারা ছাউনি স্থাপন করত। যতক্ষণ পর্যন্ত মেঘ আবাস তাঁবুর উপরে নিশ্চল থাকত, তারা

ছাউনিতে অবস্থান করত। 19 যখন মেঘ দীর্ঘ সময় ধরে আবাস তাঁবুর উপরে অবস্থান করত, ইস্রায়েলীরা সদাপ্রভুর আদেশ পালন করে যাত্রা করত না। 20 কোনো কোনো সময় আবাস তাঁবুর উপর মেঘ কয়েক দিন অবস্থিতি করত; সদাপ্রভুর আদেশে তারা ছাউনি স্থাপন করত এবং তাঁর আদেশক্রমেই তারা যাত্রা শুরু করত। 21 কোনো কোনো সময় মেঘ কেবলমাত্র সম্মেলনে থেকে সকাল পর্যন্ত অবস্থান করত। যখন সকালবেলায় তা উন্নীত হত, তারা যাত্রা শুরু করত। দিনের বেলা হোক, অথবা রাতের বেলা, যখনই মেঘ উন্নীত হত, তারা যাত্রা করত। 22 মেঘ, আবাস তাঁবুর উপর দু-দিন, বা এক মাস, অথবা এক বছর, যতদিনই অবস্থিতি করুক, ইস্রায়েলীরা তাদের ছাউনিতে অবস্থান করত, যাত্রা করত না; কিন্তু যখন তা উন্নীত হত, তারা যাত্রা করত। 23 সদাপ্রভুর আদেশে ছাউনিতে তারা অবস্থান করত এবং সদাপ্রভুর আদেশেই তারা যাত্রা শুরু করত। মোশির মাধ্যমে দেওয়া তাঁর নির্দেশ অনুসারেই, তারা সদাপ্রভুর আদেশ পালন করত।

**10** সদাপ্রভু মোশিকে বললেন, 2 “পিটানো রূপো দিয়ে দুটি তুরী নির্মাণ করো এবং জনসাধারণকে একত্র করতে ও ছাউনির যাত্রা শুরু করার জন্য সেগুলি ব্যবহার করবে। 3 যখন উভয় তুরী ধ্বনিত হবে, সমস্ত সমাজ, সমাগম তাঁবুর প্রবেশপথে, তোমার কাছে একত্র হবে। 4 যদি একটিমাত্র ধ্বনিত হয়, তাহলে নেতৃবর্গ, অর্থাৎ ইস্রায়েলী গোষ্ঠীর প্রধানেরা, তোমার কাছে একত্র হবে। 5 যখন প্রথমবার তুরীধ্বনি শোনা যাবে, তখন ছাউনিস্থিত পূর্ব প্রান্তের গোষ্ঠীসমূহ যাত্রা শুরু করবে। 6 দ্বিতীয়বার তুরীধ্বনি শোনা গেলে, দক্ষিণপ্রান্তের ছাউনিসমূহ যাত্রা করবে। তুরীধ্বনিই যাত্রা শুরুর সংকেত হবে। 7 জনসাধারণকে একত্র করার জন্য, তুরীধ্বনি করবে, কিন্তু যাত্রা শুরু করার সংকেত হবে না। 8 “হারোণের ছেলেরা যাজকেরা তুরী বাজাবে। এই আদেশ তোমাদের ও তোমাদের ভবিষ্যৎ প্রজন্মের জন্য চিরদিন থাকবে। 9 স্বদেশে, যারা তোমাদের নিপীড়ন করে, যখন তোমরা সেই সমস্ত শক্তির বিপক্ষে যুদ্ধ করতে যাবে, তুরী বাজাবে। সেই সময় সদাপ্রভু, তোমাদের ঈশ্বর, তোমাদের স্নান করবেন এবং শক্তির হাত থেকে নিষ্ঠার করবেন। 10

তোমাদের আনন্দের দিনেও, অর্ধাৎ তোমাদের নিরাপিত পর্বসমূহে ও  
পূর্ণিমার উৎসবে, তোমাদের হোম-নৈবেদ্যের ও মঙ্গলার্থক-নৈবেদ্য  
উৎসর্গ করার সময়ে, তোমরা তুরী বাজাবে। সেসব ঈশ্বরের সামনে  
তোমাদের জন্য স্মারকক্ষণে হবে। আমিই সদাপ্রভু তোমাদের ঈশ্বর।”  
11 দ্বিতীয় বছরে, দ্বিতীয় মাসের, বিংশতিতম দিনে, সাক্ষ্যের তাঁবুর  
উপর থেকে মেঘ উঞ্চীত হল। 12 তখন ইস্তায়েলীরা সীনয় মরুভূমিতে  
থেকে বের হল এবং তারা এক স্থান থেকে আরেক স্থানে ভ্রমণ করল,  
যতক্ষণ না মেঘ, পারণ প্রান্তরে এসে থামল। 13 মোশির মাধ্যমে  
সদাপ্রভুর আজ্ঞানুসারে, তারা এই প্রথমবার যাত্রা করল। 14 প্রথমে  
যিহুদার শিবিরের অন্তর্গত সমষ্ট সেনাবিভাগ, তাদের নিশান নিয়ে  
অগ্রসর হল। অমীনাদবের ছেলে নহশোন তাদের সেনাপতি ছিলেন।  
15 ইষাখর গোষ্ঠীর সেনাবিভাগের শীর্ষে সূয়ারের ছেলে নথনেল ছিলেন  
16 এবং হেলোনের ছেলে ইলীয়াব ছিলেন সবূলুন গোষ্ঠীর সেনাপতি।  
17 এরপর সমাগম তাঁবু তুলে ফেলা হল এবং যারা তা বহন করত,  
সেই গোর্ণোনীয়েরা এবং মরারীয়েরা তখন যাত্রারন্ত করল। 18 তারপর  
রুবেণের শিবিরের সমষ্ট সৈন্য দলীয় নিশান নিয়ে যাত্রা শুরু করল।  
শদেয়ূরের ছেলে ইলীষূর তাদের সেনাপতি ছিলেন। 19 শিমিয়োনের  
গোষ্ঠীর সেনাবিভাগের শীর্ষে ছিলেন সূরীশদ্যের ছেলে শলুমীয়েল। 20  
দ্যয়েলের ছেলে ইলীয়াসফ ছিলেন গাদ গোষ্ঠীর সেনাবিভাগের শীর্ষে।  
21 এরপর কহাতীয়েরা বের হল। তারা পবিত্র দ্রব্যসমূহ বহন করছিল। 22  
তারপর ইফ্রায়িমের শিবিরে সেনাবিভাগ, দলীয় নিশান নিয়ে যাত্রা শুরু  
করল। অমীহুদের ছেলে ইলীশামা ছিলেন সেনাপতি। 23 পদাহসূরের  
ছেলে গমলীয়েল, মনঃশি গোষ্ঠীর শীর্ষে ছিলেন। 24 গিদিয়োনির  
ছেলে অবীদান ছিলেন বিন্যামীন গোষ্ঠীর সেনাবিভাগের শীর্ষে। 25  
সমষ্ট শিবিরের পিছনে প্রহরীরূপে দানের শিবিরের সমষ্ট সেনাবিভাগ,  
তাদের নিশান নিয়ে যাত্রা করল। অমীশদ্যের ছেলে অহীয়েষের  
ছিলেন তাদের সেনাপতি। 26 আশের গোষ্ঠীর সেনাবিভাগের শীর্ষে  
ছিলেন অক্রণের ছেলে পগীয়েল। 27 আবার ঐনন্দের ছেলে অহীরঃ

ছিলেন নগালির গোষ্ঠীর সেনাবিভাগের শীর্ষে। 28 সমস্ত ইস্রায়েলী সেনাবিভাগ এই ধারায় যাত্রা করত। 29 এরপর মোশি, তাঁর শুশুর, মিদিয়নীয় রূয়েলের ছেলে হোববকে বললেন, “আমরা সেই স্থানের উদ্দেশে বের হয়েছি, যার সম্পর্কে সদাপ্রভু বলেছিলেন, ‘আমি সেই দেশ তোমাকে দেব।’ আমাদের সঙ্গে এসো, আমরা তোমাদের সঙ্গে যথোচিত ব্যবহার করব, কারণ সদাপ্রভু ইস্রায়েলের কাছে উত্তম বিষয়সমূহের শপথ করেছেন।” 30 সে উত্তর দিল, “না আমি যাব না। আমি স্বদেশে, আমার স্বজাতির কাছে ফিরে যাচ্ছি।” 31 মোশি তা সত্ত্বেও বললেন, “দয়া করে আমাদের ত্যাগ কোরো না। তুমি জানো প্রান্তরে আমাদের কোন স্থানে ছাউনি স্থাপন করতে হবে এবং তুমি আমাদের পথপ্রদর্শক হতে পারো।” 32 যদি তুমি আমাদের সঙ্গে চলো, তাহলে সদাপ্রভু যে সকল উত্তম দ্রব্য আমাদের দান করবেন, আমরা তোমার সঙ্গে সেই সমস্ত ভাগ করে নেব।” 33 এইভাবে তারা সদাপ্রভুর পর্বত থেকে বের হয়ে তিনদিনের পথ ভ্রমণ করল। সদাপ্রভুর নিয়ম-সিন্দুক তাদের অগ্রবর্তী হয়ে সেই তিনি দিন চলার পর তারা বিশ্রামের জন্য জায়গা অন্বেষণ করল। 34 তারা যখন শিবির থেকে বের হল, সদাপ্রভুর মেঘ তাদের উর্ধ্বে বিদ্যমান ছিল। 35 যখনই সিন্দুক যাত্রা করত মোশি বলতেন, “হে সদাপ্রভু, ওঠো! তোমার শক্রদের ছিন্নভিন্ন করো; যারা তোমাকে ঘৃণা করে তারা তোমার সামনে থেকে পালিয়ে যাক।” 36 যখনই বিশ্রামের অবকাশ হত, তিনি বলতেন, “সদাপ্রভু, ফিরে এসো, অযুত অযুত ইস্রায়েলীদের মধ্যে।”

**11** এরপর জনগণ সদাপ্রভুর কর্ণগোচরে তাদের ক্লেশের জন্য অভিযোগ করল এবং তিনি যখন তা শুনলেন তখন তিনি রুষ্ট হলেন। তখন সদাপ্রভুর কাছ থেকে আগুন বের হয়ে ছাউনির প্রান্তসীমার কিছু অংশ পুড়িয়ে দিল। 2 যখন সেই লোকেরা মোশির কাছে কাঁদল, তিনি সদাপ্রভুর কাছে বিনতি করলেন এবং আগুন নিবে গেল। 3 এজন্য সেই স্থানের নাম তবেরা রাখা হল, কারণ সদাপ্রভুর কাছ থেকে আগুন বেরিয়ে এসে তাদের পুড়িয়ে দিয়েছিল। 4 তাদের মধ্যে বসবাসকারী উচ্চঝল লোকেরা, বিকল্প খাবারের জন্য অনুময় করল

এবং ইস্রায়েলীরা পুনরায় বিলাপ করে বলতে লাগল, “আমাদের খাবারের জন্য যদি একটু মাংস পেতাম! 5 স্মরণে আসছে, মিশরে আমরা বিনামূল্যে মাছ খেতাম, সেই সঙ্গে শসা, তরমুজ, সবজি, পিঁয়াজ, রসুনও খেতাম। 6 কিন্তু এখন আমাদের ক্ষুধার অবলুপ্তি ঘটেছে; এই মান্না ছাড়া অন্য কিছু দেখা যায় না।” 7 মান্না, ধনে বীজের মতো আকৃতি এবং দেখতে কিশমিশের মতো ছিল। 8 লোকেরা চতুর্দিকে ভ্রমণ করে তা সংগ্রহ করত, তারপর যাঁতায় পেষণ অথবা হামানদিস্তায় চূর্ণ করত। তারা কোনো পাত্রে সেই মান্না রাখা করত, নতুবা তা দিয়ে পিঠে তৈরি করত। জলপাই তেলে প্রস্তুত কোনো পদের মতোই তার স্বাদ ছিল। 9 রাত্রিবেলা, ছাউনিতে শিশিরের সঙ্গে মান্না পড়ত। 10 মোশি প্রত্যেক পরিবারের বিলাপ শুনতে পেলেন। তারা প্রত্যেকে নিজেদের তাঁবুর প্রবেশ মুখে ছিল। সদাপ্রভু ভয়ংকর ঝষ্ট হওয়াতে, মোশি উদ্বিগ্ন হলেন। 11 তিনি সদাপ্রভুকে জিজ্ঞাসা করলেন, “তোমার দাসকে এই সমস্যার সম্মুখীন কেন করেছ? আমি কোন কাজ করতে তোমাকে অসন্তুষ্ট করেছি যে তুমি এই সমস্ত লোকের ভার আমার উপর চাপিয়ে দিলে? 12 এদের সবাইকে কি আমি গর্তে ধারণ করেছিলাম? আমি কি তাদের জন্ম দিয়েছি? ধাত্রী যেমন শিশুসন্তান বহন করে, সেভাবে, কেন তুমি আমাকে বলেছিলে, তাদের বহন করে, পূর্বপুরুষদের কাছে করা শপথ অনুসারে প্রতিজ্ঞাত দেশে নিয়ে যেতে? 13 এই সমস্ত লোকের জন্য আমি এখন কোথায় মাংস পাব? তারা আমার কাছে কেঁদে বলছে, ‘আমাদের খাবারের জন্য মাংস দাও!’ 14 আমি এককভাবে, এই সমস্ত লোকের দায়িত্ব বহন করতে পারব না। তা আমার শক্তির অতিরিক্ত। 15 আমার সঙ্গে অনুরূপ ব্যবহার যদি তোমার অভিপ্রেত হয়, তাহলে এই মুহূর্তেই আমাকে বধ করো, যদি তোমার দৃষ্টিতে কৃপা লাভ করে থাকি, আমাকে ধ্বংসের সম্মুখীন হতে দিয়ো না।” 16 সদাপ্রভু মোশিকে বললেন, “আমার কাছে ইস্রায়েলের সন্তরজন প্রবীণ ব্যক্তিকে, যারা জনসমাজের নেতা ও কর্মকর্তারূপে তোমার কাছে পরিচিত, তাদের নিয়ে এসো। তারা সমাগম তাঁবুতে সমাগত হোক, যেন তারা সেই জায়গায় তোমার সঙ্গে

দাঁড়ায়। 17 আমি নেমে এসে তোমার সঙ্গে আলাপ করব এবং তোমার উপরে যে আত্মা বিদ্যমান, সেই আত্মা আমি তাদের উপরেও অধিষ্ঠান করব। তারা তোমার সঙ্গে জনসমাজের দায়িত্ব বহন করবে, যেন তোমাকে এককভাবে সমস্ত ভারবহন করতে না হয়। 18 “লোকদের বলো, ‘আগামীকালের জন্য প্রস্তুত হও, নিজেদের পবিত্র করো, যখন তোমরা মাংস ভোজন করতে পারবে। তোমরা যখন বিলাপ করে বলেছিলে, “যদি আহার করার জন্য মাংস পেতাম! মিশরেই আমরা অপেক্ষাকৃত ভালো ছিলাম!” সেই কথা সদাপ্রভু শুনেছিলেন। এইবার, সদাপ্রভু তোমাদের মাংস জোগাবেন, তোমরা তা ভোজন করবে। 19 মাত্র একদিন, দু-দিন, পাঁচ, দশ কি কুড়ি দিনের জন্য তোমরা ভোজন করবে, তা নয়; 20 সম্পূর্ণ এক মাস অবধি, যতক্ষণ না মাংস তোমাদের নাক থেকে বহুর্গত হয় ও তোমাদের বিরাগ জন্মে, কারণ যিনি তোমাদের মধ্যে অবস্থানকারী, তোমরা সেই সদাপ্রভুকে প্রত্যাখ্যান করেছ, বলেছ, “কেন আমরা সম্পূর্ণরূপে মিশর পরিত্যাগ করে এলাম?”” 21 কিন্তু মোশি বললেন, “এখানে আমি ছয় লক্ষ পদাতিকের মধ্যে অবস্থান করছি এবং তুমি বলছ, ‘আমি তাদের এক মাস পর্যন্ত মাংস ভোজন করতে দেব।’ 22 যদি পাল পাল গবাদি পশু ও মেষ হনন করা হয়, তা হলেও তাদের জন্য পরিমাণে কি তা পর্যাপ্ত হবে? যদি সমুদ্রের সমস্ত মাছ ধরা হয়, তাও কি তাদের জন্য যথেষ্ট হবে?” 23 সদাপ্রভু মোশিকে উত্তর দিলেন, “সদাপ্রভুর হাত কি নিতান্তই সংকুচিত হয়েছে? তুমি এবার দেখবে, আমি যা বলি, তা তোমাদের জন্য বাস্তব হয় কি না!” 24 অতএব মোশি বাইরে গিয়ে সদাপ্রভু যে সমস্ত কথা বলেছিলেন, তা লোকদেরকে বললেন। তাদের সত্ত্বজন প্রবীণকে একত্র করে, সেই শিবিরের চতুর্দিকে দাঁড় করালেন। 25 তখন সদাপ্রভু মেঘের মধ্যে অবতীর্ণ হলেন এবং তাঁর সঙ্গে কথা বললেন; তিনি ঈশ্বরের সেই আত্মা সত্ত্বজন প্রবীণের উপর অধিষ্ঠান করালেন, যে আত্মা মোশির উপর ছিলেন। যখন আত্মা তাঁদের উপর অধিষ্ঠান করলেন, তাঁরা ভাববাণী বলতে লাগলেন, অবশ্য পরে তাঁরা আর তা করেননি। 26 কিন্তু, ইল্দদ ও মেদদ নামক দুজন

ব্যক্তি ছাউনিতেই থেকে গিয়েছিলেন। তাঁরাও প্রবীণদের মধ্যে গণিত হয়েছিলেন, যদিও বের হয়ে সেই শিবিরের কাছে যাননি। তা সত্ত্বেও আত্মা তাঁদের উপরে অধিষ্ঠিত হলেন এবং তাঁরা ছাউনির মধ্যেই ভাববাণী বলা শুরু করলেন। 27 একজন যুবক দৌড়ে গিয়ে মোশিকে বলল, “ইল্দদ ও মেদদ, ছাউনির মধ্যেই ভাববাণী বলছেন।” 28 নূনের ছেলে যিহোশূয়, যিনি যৌবনকাল থেকে মোশির পরিচারক ছিলেন, তিনি বললেন, “আমার প্রভু, মোশি, ওদের বারণ করুন!” 29 কিন্তু মোশি উত্তরে বললেন, “আমার জন্য তুমি কি ঈর্ষান্বিত হয়েছ? আমার বাসনা, সদাপ্রভুর প্রত্যেকজন ব্যক্তি ভাববাণী হোন এবং তিনি তাদের সকলের উপর আত্মাকে অধিষ্ঠিত করুন।” 30 তারপর মোশি ও ইস্রায়েলের প্রবীণেরা ছাউনিতে ফিরে গেলেন। 31 তখন সদাপ্রভুর কাছ থেকে এক ঝাড় বের হয়ে সমুদ্র থেকে ভারুই পাখিদের তুলে নিয়ে এল। সেই ঝাড়, ছাউনির চতুর্দিকে তাদের উড়িয়ে নিয়ে এল। তারা ভূমি থেকে তিন ফুট উঁচুতে অবস্থান করল এবং যে কোনো দিশায়, একদিনের চলার পথ পর্যন্ত বিস্তৃত হয়ে রইল। 32 সেদিন, সম্পূর্ণ দিন ও রাত এবং তার পরেরও সম্পূর্ণ দিন সবাই ভারুই পাখি সংগ্রহ করল। কোনো ব্যক্তিই দশ হোমারের কম সংগ্রহ করল না। তারা সেই সমস্ত পাখি ছাউনির চতুর্দিকে ছড়িয়ে রাখল। 33 মাংস তাদের দাঁতে থাকতে থাকতেই এবং সব সমাপ্ত হবার আগেই লোকদের বিপক্ষে সদাপ্রভুর রোষ বক্ষিমান হল। তিনি ভয়ংকর এক মহামারি দ্বারা তাদের আঘাত করলেন। 34 অতএব সেই স্থানের নাম রাখা হল কির্বোৎ-হত্তাবা, কারণ যারা ভিন্নতর খাবারের জন্য লোভাতুর হয়েছিল, তাদের সেখানেই তারা সমাধি দিল। 35 কির্বোৎ-হত্তাবা থেকে সেই জনতা, হৎসেরোতে যাত্রা করল এবং সেই জায়গায় অবস্থান করল।

**12** মরিয়ম ও হারোণ, মেশির কৃশীয়া স্তীর জন্য, তাঁর বিপক্ষে কথা বলা শুরু করলেন, কারণ তিনি এক কৃশীয়া নারীকে বিয়ে করেছিলেন। 2 তাঁরা প্রশ্ন করলেন, “সদাপ্রভু কি শুধু মোশির মাধ্যমেই কথা বলেছেন? তিনি কি আমাদের মাধ্যমেও কথা বলেননি?” সদাপ্রভু সেই কথা শুনলেন। 3 (এদিকে মোশি, একজন অত্যন্ত নম্র,

তৃপ্তি নিবাসী যে কোনো ব্যক্তি অপেক্ষা অধিকতর নয় ছিলেন।) 4  
 সদাপ্রভু অনতিবিলম্বে মোশি, হারোণ ও মরিয়মকে বললেন, “তোমরা  
 তিনজনই বেরিয়ে সমাগম তাঁবুর কাছে এসো।” তাঁরা তিনজনই  
 বেরিয়ে এলেন। 5 তখন সদাপ্রভু এক মেষস্তন্ত্রে অবতরণ করলেন;  
 তিনি তাঁবুর প্রবেশপথে দাঁড়িয়ে হারোণ ও মরিয়মকে ডাকলেন। তাঁরা  
 উভয়েই যখন সামনে এগিয়ে গেলেন, 6 তিনি বললেন, “আমার কথা  
 শোনো, “তোমাদের মধ্যে থেকে যখন কোনো ভাববাদীর কাছে, আমি,  
 সদাপ্রভু, দর্শনের মাধ্যমে নিজেকে প্রকাশ করি, আমি স্বপ্নে তাঁর সঙ্গে  
 আলাপ করি। 7 কিন্তু আমার দাস মোশি সেরকম নয়, সে আমার সমস্ত  
 গৃহের মধ্যে বিশ্বাসভাজন। 8 আমি তাঁর সঙ্গে সরাসরি আলাপ করি,  
 স্পষ্টভাষায় বলি, হেঁয়ালি করে নয়, সে সদাপ্রভুর অবয়ব প্রত্যক্ষ করে।  
 তাহলে তোমরা ভীত হলে না কেন, আমার সেবক মোশির বিপক্ষে  
 কথা বলতে?” 9 সদাপ্রভুর রোষ তাঁদের প্রতি বহিমান হল এবং তিনি  
 তাঁদের ত্যাগ করে চলে গেলেন। 10 যখন সেই মেঘ, তাঁবুর উপর  
 থেকে প্রস্থান করল, মরিয়ম হিমের মতো কুঠরোগাক্রান্ত হয়ে সেখানে  
 দাঁড়িয়েছিলেন। হারোণ তাঁর দিকে ফিরে দৃষ্টিপাত করলেন, দেখলেন  
 তাঁর কুঠ হয়েছে। 11 তিনি মোশিকে বললেন, “আমার প্রভু, নির্বোধের  
 মতো করে ফেলা আমাদের পাপ, দয়া করে আমাদের বিপক্ষে ধরে  
 রাখবেন না। 12 সে মাতৃগর্ভ থেকে নিঃস্ত, অর্ধ-ক্ষয়িষ্ণু, মৃতজাত  
 শিশুর মতো না হোক।” 13 মোশি তাই সদাপ্রভুর কাছে কেঁদে বললেন,  
 “হে ঈশ্বর, কৃপাবশত তাকে সুস্থ করো!” 14 সদাপ্রভু মোশিকে উত্তর  
 দিলেন, ‘যদি তাঁর বাবা, তাঁর মুখে থুতু দিত, তাহলে সাত দিন সে  
 কি লজ্জিত হত না? ছাউনির বাইরে তাঁকে সাত দিন আবদ্ধ রাখো;  
 তারপর ফিরিয়ে আনা যেতে পারে।’ 15 অতএব, মরিয়ম সাত দিন,  
 ছাউনির বাইরে আবদ্ধ রাইলেন এবং তাঁর ফিরে না আসা অবধি,  
 লোকেরা যাত্রায় অগ্রসর হল না। 16 তারপর সেই লোকেরা হৎসেরোৎ  
 ত্যাগ করে পারণ মরুভূমিতে গিয়ে ছাউনি স্থাপন করল।

**13** সদাপ্রভু মোশিকে বললেন, 2 “আমি ইস্রায়েলীদের যে দেশ  
 দিতে চাই, সেই কনানের ভূমি নিরীক্ষণ করতে কয়েকজন ব্যক্তিকে

পাঠাও। প্রত্যেক পিতৃ-গোষ্ঠীর নেতৃত্বে থেকে একজন করে পাঠাও।”

৩ অতএব মোশি সদাপ্রভুর আদেশ অনুসারে, তাদের পারণ প্রান্তর থেকে পাঠালেন। তাঁরা প্রত্যেকেই ইন্দ্রায়েলীদের নেতা ছিলেন। ৪ এই তাঁদের নাম: রবেণ গোষ্ঠী থেকে সুকরের ছেলে শম্মুয়; ৫ শিমিয়োন গোষ্ঠী থেকে হোরির ছেলে শাফট; ৬ যিহুদা গোষ্ঠী থেকে যিফুনির ছেলে কালেব; ৭ ইয়াখর গোষ্ঠী থেকে যোষেফের ছেলে যিগাল; ৮ ইফ্রায়িম গোষ্ঠী থেকে নূনের ছেলে হোশেয়; ৯ বিন্যামীন গোষ্ঠী থেকে রাফুর ছেলে পলুটি; ১০ সবুলুন গোষ্ঠী থেকে সোদির ছেলে গন্দীয়েল; ১১ মনঞ্চি (যোষেফের একটি গোষ্ঠী) গোষ্ঠী থেকে সূষির ছেলে গান্দি; ১২ দান গোষ্ঠী থেকে গমল্লির ছেলে অম্মীয়েল; ১৩ আশের গোষ্ঠী থেকে মীখায়েলের ছেলে সথুর; ১৪ নপ্তালি গোষ্ঠী থেকে বক্সির ছেলে নহুবি; ১৫ গাদ গোষ্ঠী থেকে মাখির ছেলে গ্যয়েল। ১৬ মোশি যে ব্যক্তিদের দেশ নিরীক্ষণ করতে পাঠিয়েছিলেন, তাঁদের নামগুলি এই। (মোশি নূনের ছেলে হোশেয়ের নাম রাখলেন যিহোশুয়।) ১৭ কনান নিরীক্ষণ করতে পাঠানোর সময় মোশি তাঁদের বললেন, “নেগেভের মধ্য দিয়ে উঠে পার্বত্য অঞ্চলে গমন করবে। ১৮ লক্ষ্য করবে, সেই দেশ কী রকম, সেখানকার লোকেরা দুর্বল না শক্তিশালী। তারা সংখ্যায় অল্প না বেশি। ১৯ কোন ধরনের ভূমিতে তারা বসবাস করে? তা কী ভালো না মন্দ? কোন ধরনের নগরে তাদের নিবাস? সেগুলি প্রাচীর বিহীন না সুরক্ষিত? ২০ মাটিই বা কী রকম? উর্বর না সাধারণ? বৃক্ষসমন্বিত না বৃক্ষবিহীন? আপ্রাণ চেষ্টা কোরো, সেই দেশের কিছু ফল নিয়ে আসতে।” (তখন আঙুর পাকার সময় ছিল।) ২১ অতএব তাঁরা উঠে গেলেন এবং সীন মরুভূমি থেকে রহের পর্যন্ত, লেবো-হমাও অভিমুখে ভ্রমণ করলেন। ২২ তাঁরা নেগেভ হয়ে নিরীক্ষণ করে হির্বাণে এলেন। সেখানে অহীমান, শেশয়, ও তল্ময় নামবিশিষ্ট, অনাকের তিনজন উত্তরাধিকারী বসবাস করত। (মিশরে সোয়ন নির্মিত হওয়ার সাত বছর আগে হির্বাণ নির্মিত হয়েছিল।) ২৩ যখন তাঁরা ইক্সোল উপত্যকায় উপস্থিত হলেন, তাঁরা দ্রাক্ষার গুচ্ছ সমন্বিত একটি শাখা কাটলেন। দুজন ব্যক্তি, একটি দণ্ডের দ্বারা সেই দ্রাক্ষাগুচ্ছ এবং কিছু বেদানা

ও ডুমুর বহন করে আনলেন। 24 যেহেতু দ্রাক্ষাগুচ্ছ ইস্রায়েলীরা কেটে এনেছিল, তাই সেই স্থানের নাম হল, ইক্ষোল উপত্যকা। 25 চালিশ দিনের শেষে, তাঁরা দেশ নিরীক্ষণ করে ফিরে এলেন। 26 পারণ প্রান্তরে, কাদেশে তাঁরা মোশি, হারোগ এবং সমস্ত ইস্রায়েলীদের কাছে ফিরে এলেন। সেখানে তাঁরা, তাঁদের এবং সমস্ত সম্প্রদায়কে দেশ নিরীক্ষণের বিশদ বিবরণ দিলেন ও সেই দেশের ফল তাদের দেখালেন। 27 তাঁরা মোশিকে বর্ণনা দিয়ে বললেন, “আপনি যে দেশে আমাদের পাঠিয়েছিলেন, আমরা সেখানে গিয়েছিলাম। সেই দেশ অবশ্যই দুধ ও মধু প্রবাহী! এই ফলগুলি, সেই দেশের। 28 কিন্তু যারা সেখানে বসবাস করে, তারা বলিষ্ঠ, তাদের নগরগুলি সুরক্ষিত এবং বড়ো বড়ো। আমরা সেখানে অনাকের উত্তরসূরীদেরও দেখেছি। 29 নেগেভে অমালেকীয়েরা বসবাস করে; হিতীয়, যিবৃষীয়, ইমোরীয়েরা পার্বত্য অঞ্চলে এবং কনানীয়েরা সমুদ্রের কাছে ও জর্ডন উপকূলে বসবাস করে।” 30 তখন কালেব, মোশির সামনে তাঁদের শাস্ত করে বলল, “আমাদের উচিত, উঠে গিয়ে সেই দেশ অধিকার করা, কারণ সেই শক্তি আমাদের অবশ্যই আছে।” 31 যে ব্যক্তিরা তাঁর সঙ্গে গিয়েছিলেন তাঁরা বললেন, “আমরা ওই ব্যক্তিদের আক্রমণ করতে পারি না; তারা আমাদের থেকেও বেশি শক্তিশালী।” 32 তাঁরা যে দেশ নিরীক্ষণ করে এসেছিলেন, সেই দেশ সম্পর্কে ইস্রায়েলীদের মধ্যে বিরূপ সংবাদ ছড়াল। তাঁরা বললেন, “যে দেশ আমরা নিরীক্ষণ করেছি সেই দেশ নিজের অধিবাসীদের গ্রাস করে। যে সমস্ত লোককে সেখানে আমরা দেখেছি তারা সবাই বৃহদাকার। 33 আমরা নেফিলীমদেরও সেখানে দেখেছি। (অনাকের উত্তরসূরিদের আগমন নেফিলিম থেকে) আমরা নিজেদের দৃষ্টিতে, সেই সঙ্গে তাদের দৃষ্টিতেও, ফড়িং-এর মতো প্রতিপন্থ হয়েছি।”

**14** সেই রাতে, সমাজের আপামর জনতা, উচ্চস্থরে কান্নাকাটি করল। 2 ইস্রায়েলীরা সবাই, মোশি ও হারোগের বিপক্ষে অসন্তোষ প্রকাশ করল। সম্পূর্ণ সমাজ তাঁদের বলল, “ভালো হত, যদি আমরা মিশরেই, অথবা এই প্রান্তরেই মারা যেতাম! 3 সদাপ্রভু তরোয়াল দ্বারা বধ করার

অভিপ্রায়ে, কেন আমাদের এই দেশে নিয়ে এলেন? আমাদের স্তু  
ও সন্তানেরা লুক্ষিত হবে। আমাদের জন্য মিশরে ফিরে যাওয়াই কি  
বেশি ভালো নয়?” ৪ তারা পরস্পর আলোচনা করে বলল, “একজন  
নেতা মনোনীত করে আমাদের মিশরে ফিরে যাওয়াই উচিত।” ৫  
তখন মোশি ও হারোণ, সমবেত সমগ্র ইস্রায়েলী সমাজের সামনে  
উপুড় হয়ে পড়লেন। ৬ নূনের ছেলে যিহোশূয় এবং যিফ্নিমির ছেলে  
কালেব, যাঁরা দেশ নিরীক্ষণ করেছিলেন, নিজেদের বন্ত্র চিরলেন, ৭  
এবং সমগ্র ইস্রায়েলী সমাজকে বললেন, “যে দেশ আমরা সরেজমিনে  
নিরীক্ষণ করেছি, তা অত্যন্ত ভালো। ৮ যদি সদাপ্রভু আমাদের উপরে  
প্রীত হন, তিনি সেই দেশে, দুধ ও মধু প্রবাহী দেশে, আমাদের নিয়ে  
যাবেন ও তা দান করবেন। ৯ কেবল সদাপ্রভুর বিদ্রোহী হোয়ো না।  
সেই দেশনিবাসী লোকেদের ভয় পেয়ো না কারণ আমরা তাদের  
দেশ কুক্ষিগত করব। তাদের নিরাপত্তা বিলীন হয়েছে, কিন্তু সদাপ্রভু  
আমাদের সহবতী আছেন। তাদের থেকে ভীত হোয়ো না।” ১০ সমগ্র  
জনতা কিন্তু তাঁদের প্রস্তরাঘাত করার কথা বলল। তখন ইস্রায়েলীদের  
সবার সামনে, সদাপ্রভুর মহিমা, সমাগম তাঁবুতে প্রত্যক্ষ হল। ১১  
সদাপ্রভু মোশিকে বললেন, “কত কাল এই লোকেরা আমার অবমাননা  
করবে? তাদের মধ্যে আমার সমস্ত অলৌকিক চিহ্নকাজ প্রদর্শিত  
হওয়া সত্ত্বেও, কত কাল তারা আমাকে বিশ্বাস করতে অস্বীকার  
করবে? ১২ আমি তাদের মহামারির মাধ্যমে আঘাত করে ধ্বংস করব  
এবং তোমাকে এক মহন্তর ও তাদের অপেক্ষাও শক্তিধর জাতিতে  
পরিণত করব।” ১৩ মোশি সদাপ্রভুকে বললেন, “যখন মিশরীয়রা এই  
কথা শুনতে পাবে! তোমরা শক্তিবলে এই লোকদেরকে, তুমি তাদের  
মধ্য থেকে বের করে নিয়ে এসেছিলে। ১৪ তারা এই দেশনিবাসী  
সবাইকে সেই কথা বলবে। তারা ইতিমধ্যেই শুনেছে, তুমি সদাপ্রভু,  
এই লোকদের সহবতী আছ এবং সদাপ্রভু, তুমি সামনাসামনি এদের  
দর্শন দিয়ে থাকো। তোমার মেঘ এদের উপরে অবস্থান করে এবং  
তুমি এদের পুরোভাগে থেকে, দিনের বেলায় মেঘস্তন্ত্রে ও রাত্রিবেলায়  
অগ্নিস্তন্ত্রে গমন করো। ১৫ যদি তুমি এদের সবাইকে একসঙ্গে

বিনাশ করো, কাউকে জীবিত না রাখ, তাহলে যে জাতিসমূহ তোমার  
সম্পর্কে এই সমস্ত কথা শুনেছে, তারা বলবে, 16 ‘সদাপ্রভু শপথ  
করে যে দেশ এই জাতিকে দেওয়ার প্রতিজ্ঞা করেছিলেন, তা দিতে  
সক্ষম হলেন না, তাই তিনি প্রান্তরে তাদের বধ করলেন।’ 17 “এখন  
সদাপ্রভুর শক্তি প্রদর্শিত হোক, যেতাবে তুমি ঘোষণা করেছ, 18  
‘সদাপ্রভু ক্রোধে ধীর, প্রেমে সমৃদ্ধ, পাপ ও বিদ্রোহ ক্ষমা করেন।  
তা সত্ত্বেও অপরাধীকে শান্তি না দিয়ে তিনি ছেড়ে দেন না; তৃতীয় ও  
চতুর্থ প্রজন্ম পর্যন্ত তিনি বাবা-মার পাপের জন্য তাদের সন্তানদের  
শান্তি দেন।’ 19 তোমার মহান প্রেমবশত লোকদের পাপ মার্জনা  
করো, ঠিক যে রকম ভাবে, মিশর পরিত্যাগ করার সময় থেকে,  
এ পর্যন্ত তাদের মার্জনা করে এসেছ।” 20 সদাপ্রভু উত্তর দিলেন,  
“তুমি যেমন চেয়েছ, আমি তাদের ক্ষমা করেছি। 21 তা সত্ত্বেও,  
আমার জীবনের দিব্য এবং সমস্ত পৃথিবী সদাপ্রভুর প্রতাপে পরিপূর্ণ  
হবে, 22 যত লোক আমার প্রতাপ এবং মিশরে ও প্রান্তরে আমার  
সাধিত অলৌকিক কাজগুলি প্রত্যক্ষ করেছে, কিন্তু আমাকে অমান্য  
করে দশবার আমার পরীক্ষা করেছে, 23 তাদের মধ্যে একজনও  
কখনোই সেই দেশ দেখতে পাবে না, যা আমি শপথপূর্বক, তাদের  
পূর্বপুরুষদের দান করার প্রতিজ্ঞা করেছিলাম। যারা আমাকে অবজ্ঞা  
করেছে তাদের মধ্যে কেউই, কখনোই সেই দেশ দেখতে পাবে না।  
24 কিন্তু, যেহেতু আমার সেবক কালেবের অন্তরে এক ভিন্নতর আত্মা  
আছে এবং যে সর্বান্তকরণে আমার অনুগামী হয়েছে, তাই যে দেশে  
সে গিয়েছিল, আমি তাকে সেই দেশে নিয়ে যাব এবং তাঁর বংশধরেরা  
সেই দেশ অধিকার করবে। 25 যেহেতু উপত্যকাসমূহে অমালেকীয়  
ও কনানীয়েরা বসতি করে, সেইজন্য আগামীকাল বিপরীতমুখী হও  
এবং লোহিত সাগরের পথ দিয়ে প্রান্তরের অভিমুখে যাত্রারন্ত করো।”  
26 সদাপ্রভু মোশি ও হারোণকে বললেন, 27 “কত কাল এই দুষ্ট  
জনতা আমার বিপক্ষে বচসা করবে? আমি বচসাকারী এই সমস্ত  
ইস্রায়েলীদের অভিযোগ শুনেছি। 28 তাই তাদের বলো, ‘সদাপ্রভু  
এই কথা ঘোষণা করেন, আমার জীবনের দিব্য, তোমরা যে কথা

বলেছ, আমি তোমাদের জন্য সেই কাজই করব। 29 যাদের বয়স কুড়ি  
বছর বা তারও বেশি, জনগণনায় যারা অন্তর্ভুক্ত হয়েছিল এবং আমার  
বিপক্ষে যারা বচসা করেছে, তাদের প্রত্যেকের দেহ এই প্রান্তরে  
নিপাতিত হবে। 30 তোমাদের মধ্যে একজন ব্যক্তিও সেই দেশে  
প্রবেশ করবে না, যা তোমাদের বাসভূমি হবে বলে আমি হস্ত উত্তোলন  
পূর্বক শপথ করেছিলাম। শুধুমাত্র যিফুন্নির ছেলে কালেব ও নূনের  
ছেলে যিহোশূয় হবে ব্যক্তিক্রম। 31 কিন্তু যে সমস্ত শিশুর সম্পর্কে  
তোমরা বলেছিলে যে তারা লুণ্ঠিত হবে, আমি তাদের সেই দেশে নিয়ে  
যাব, যে দেশ তোমরা প্রত্যাখ্যান করেছ। 32 কিন্তু তোমাদের দেহ এই  
মরভূমিতে পতিত হবে। 33 তোমাদের সন্তানেরা চল্লিশ বছর এখানে  
পশু চরাবে, তোমাদের অবিশ্বস্ততার জন্য তারা কষ্টভোগ করবে,  
যতদিন না তোমাদের শেষ ব্যক্তির দেহ এই প্রান্তরে কবরস্থ হয়। 34  
চল্লিশ বছর পর্যন্ত, দেশ পরিক্রমা করার উদ্দেশে চল্লিশ দিনের জন্য,  
এক একদিনের পরিবর্তে এক এক বছর, তোমরা তোমাদের পাপের  
পরিণতি ভোগ করবে। তোমরা উপলব্ধি করবে, আমার বিপক্ষতা  
করা, কতই না ভয়ানক বিষয়।' 35 আমি সদাপ্রভু এই কথা বলেছি,  
এর সমস্তই এই দুষ্ট সমাজের প্রতি পূর্ণ করব, যারা একসঙ্গে আমার  
বিপক্ষতা করার উদ্দেশে জোটবদ্ধ হয়েছে। তারা তাদের অন্তিমদশা  
এই প্রান্তরে দেখতে পাবে। তারা সবাই এখানেই মরবে।" 36 তাই,  
মোশি যাদের দেশ নিরীক্ষণ করতে পাঠিয়েছিলেন তারা ফিরে এসে  
সেই দেশ সম্পর্কে বিরূপ মন্তব্য করে সমস্ত সমাজকে বচসা করতে  
প্রোচিত করেছিল, 37 সেই ব্যক্তিরা, যারা সেই দেশ সম্পর্কে বিরূপ  
মন্তব্য করছিল, তারা সদাপ্রভুর সামনে এক মহামারিতে আক্রান্ত হয়ে  
মরল। 38 যারা দেশ পরিক্রমা করতে গিয়েছিল, তাদের মধ্যে কেবল  
নূনের ছেলে যিহোশূয় ও যিফুন্নির ছেলে কালেব অবশিষ্ট রইলেন।  
39 মোশি যখন ইস্রায়েলীদের সবাইকে এই সংবাদ দিলেন, তারা  
খুব কান্নাকাটি করল। 40 পরদিন ভোরবেলায়, তারা উঁচু পর্বতাঞ্চলে  
আরোহণ করল। তারা বলল, "আমরা পাপ করেছি। সদাপ্রভু যে  
দেশের বিষয় প্রতিজ্ঞা করেছেন, আমরা সেখানে যাব।" 41 কিন্তু

মোশি উত্তর দিলেন, “তোমরা সদাপ্রভুর আদেশ কেন লজ্জন করেছ? এভাবে কৃতকার্য হবে না। 42 উপরে উঠে যাবে না, কারণ সদাপ্রভু তোমাদের সহবর্তী নন। তোমরা শক্রদের হাতে পরাজিত হবে, 43 কারণ অমালেকীয় ও কনানীয়েরা সেখানে তোমাদের সম্মুখীন হবে। যেহেতু তোমরা সদাপ্রভুর কাছ থেকে বিপথগমন করেছ, তিনি আর তোমাদের সহবর্তী থাকবেন না এবং তরোয়াল দ্বারা তোমাদের পতন হবে।” 44 তা সত্ত্বেও, সন্তাব্য ঝুঁকি নিয়ে, তারা উঁচু পর্বতে অবস্থিত নগরে উঠে গেল, যদিও মোশি, অথবা সদাপ্রভুর নিয়ম-সিন্দুক ছাউনি থেকে অগ্রসর হয়নি। 45 তখন সেই পাহাড়ি এলাকায় বসবাসকারী অমালেকীয় ও কনানীয়েরা নেমে এসে তাদের আক্রমণ করল এবং হর্ষ পর্যন্ত মারতে মারতে নিয়ে গেল।

**15** সদাপ্রভু মোশিকে বললেন, 2 “ইস্রায়েলীদের সঙ্গে কথা বলো, তাদের বলো, ‘যে দেশ তোমাদের বাসভূমি বলে আমি দান করেছি, সেখানে প্রবেশ করার পর, 3 তোমরা সদাপ্রভুর কাছে গবাদি পশুপাল অথবা মেষপাল থেকে, আগুনের মাধ্যমে, সদাপ্রভুর আনন্দদায়ক সুরভিস্বরূপ নৈবেদ্য নিয়ে আসবে। সেই নৈবেদ্য হোম-নৈবেদ্য বা পশুবলি, বিশেষ মানতের উদ্দেশে বা স্বেচ্ছাদত্ত উপহার, অথবা উৎসবের বলি, যাইহোক না কেন, নিয়ে আসবে। 4 তখন যে ব্যক্তি তার নৈবেদ্য নিয়ে আসবে, সে এক ঐফার এক-দশমাংশ মিহি ময়দা, হিনের এক-চতুর্থাংশ জলপাই তেলের সঙ্গে মিশ্রিত করে, শস্য-নৈবেদ্য সদাপ্রভুকে উপহার দেবে। 5 হোম-নৈবেদ্যের প্রত্যেকটি মেষশাবক, অথবা অন্য পশুবলির সঙ্গে, হিনের এক-চতুর্থাংশ দ্রাক্ষারস দিয়ে পেয়-নৈবেদ্য প্রস্তুত করবে। 6 “একটি মেষের সঙ্গে এক ঐফার দুই-দশমাংশ ও মিহি ময়দা নিয়ে, হিনের এক-তৃতীয়াংশ জলপাই তেল মিশ্রিত করে শস্য-নৈবেদ্য 7 এবং সেই সঙ্গে হিনের এক-তৃতীয়াংশ দ্রাক্ষারস দিয়ে পেয়-নৈবেদ্য প্রস্তুত করবে। সদাপ্রভুর আনন্দদায়ক সুরভিস্বরূপে এই সমস্ত নিবেদন করবে। 8 “যখন তোমার একটি এঁড়ে বাচ্চুর হোম-নৈবেদ্য বা বলিরস্বরূপে নিয়ে আসবে, সদাপ্রভুর উদ্দেশে কোনও বিশেষ মানত পূরণ অথবা মঙ্গলার্থক-নৈবেদ্যের জন্য, 9 তখন

সেই এঁড়ে বাহুরের সঙ্গে এক ঐফার তিন-দশমাংশ যিহি ময়দার সঙ্গে  
অর্ধ হিন জলপাই তেল মিশ্রিত করে শস্য-নৈবেদ্য নিয়ে আসবে। 10  
সেই সঙ্গে অর্ধ হিন দ্রাক্ষারস, পেয়-নৈবেদ্যরূপে নিয়ে আসবে। এটি  
ভক্ষ্য-নৈবেদ্য, সদাপ্রভুর আনন্দদায়ক সুরভিরূপে, আগুনের মাধ্যমে  
নিবেদিত হবে। 11 প্রত্যেকটি মাঁড় অথবা মেষ, প্রত্যেকটি মেষশাবক  
অথবা ছাগশিশু, এইরূপে আয়োজন করতে হবে। 12 তোমরা তাদের  
সংখ্যানুসারে প্রত্যেকটি ক্ষেত্রে একই ধরনের করবে। 13 “স্বদেশে  
জাত প্রত্যেক ব্যক্তি, যখন সে সদাপ্রভুর আনন্দদায়ক সুরভিরূপে  
ভক্ষ্য-নৈবেদ্য নিয়ে আসে, তখন এই সমস্ত বিষয় এভাবেই করবে। 14 ভবিষ্যৎ প্রজন্মের জন্য, তোমাদের মধ্যে বসবাসকারী কোনো  
বিদেশি বা অন্য কেউ যদি সদাপ্রভুর আনন্দদায়ক সুরভিরূপে ভক্ষ্য-  
নৈবেদ্য উৎসর্গ করে, সে ঠিক তোমাদের মতোই করবে। 15 সমাজের  
মধ্যে তোমাদের এবং তোমাদের মধ্যে বসবাসকারী বিদেশিদের  
জন্যও একই বিধি প্রযোজ্য হবে। ভবিষ্যৎ প্রজন্মের জন্যও এই বিধি  
চিরস্থায়ী। সদাপ্রভুর সামনে তোমরা এবং বিদেশি ব্যক্তি, উভয়ই  
সমান প্রতিপন্থ হবে। 16 অভিন্ন বিধি ও নিয়ম তোমাদের ও তোমাদের  
মধ্যে বসবাসকারী বিদেশিদের ক্ষেত্রে প্রযোজ্য হবে।” 17 সদাপ্রভু  
মোশিকে বললেন, 18 “ইত্যায়েলীদের সঙ্গে কথা বলো, তাদের বলো,  
'যেখানে আমি তোমাদের নিয়ে যাচ্ছি, যখন তোমরা সেই দেশে প্রবেশ  
করবে 19 এবং সেই দেশের খাদ্যদ্রব্য আহার করবে, তখন তার  
একটু অংশ নিয়ে সদাপ্রভুর কাছে নৈবেদ্যরূপে উপহার দেবে। 20  
তোমাদের ভূমিজাত প্রথম খাদ্যদ্রব্য থেকে একটি পিঠে নিবেদন  
করবে; খামারের উত্তোলনীয় নৈবেদ্য বলেই সেটি উৎসর্গ করবে। 21  
পুরুষ-পরম্পরায় তোমাদের প্রথম ভূমিজাত খাদ্যদ্রব্যের এই  
উত্তোলনীয় নৈবেদ্য সদাপ্রভুর উদ্দেশে নিবেদন করতে হবে। 22  
“এখন মোশিকে দত্ত সদাপ্রভুর এই আদেশসমূহের কোনো একটি,  
তোমরা সমাজরূপে যদি অনিচ্ছাকৃতভাবে, পালন করতে ব্যর্থ হও,  
23 এমনকি সদাপ্রভু যে দিনে তোমাদের আদেশ দিয়েছেন, সেদিন  
থেকে পুরুষ-পরম্পরায় তোমাদের জন্য সদাপ্রভু মোশির মাধ্যমে

তোমাদের যত আদেশ দিয়েছেন, 24 সেসব যদি অনিচ্ছাকৃতভাবে পালন না করো এবং তা যদি সমাজের অঙ্গাতসারে হয়, তাহলে সমস্ত সমাজ, হোম-নৈবেদ্যরূপে, সদাপ্রভুর আনন্দদায়ক সুরভির জন্য, এক এঁড়ে বাচ্চুর উৎসর্গ করবে ও সেই সম্পর্কিত শস্য-নৈবেদ্য, পেয়-নৈবেদ্য এবং পাপার্থক বলির জন্য একটি ছাগল উৎসর্গ করবে। 25 যাজক সমস্ত ইস্রায়েলী সমাজের জন্য প্রায়শিত্ব করবে এবং তাদের পাপ ক্ষমা করা হবে। যেহেতু তাদের অন্যায়ের জন্য তারা সদাপ্রভুর কাছে ভক্ষ্য-নৈবেদ্য ও পাপার্থক বলি নিয়ে আসবে, কারণ সেই পাপ ইচ্ছাকৃত ছিল না। 26 সমস্ত ইস্রায়েলী সমাজ এবং তাদের মধ্যবর্তী বসবাসকারী বিদেশিদের ক্ষমা করা হবে, যেহেতু সব লোক সেই অনিচ্ছাকৃত অন্যায়ে জড়িত ছিল। 27 “কিন্তু যদি মাত্র একজন ব্যক্তি অনিচ্ছাকৃতভাবে পাপ করে, সে পাপার্থক বলির জন্য একটি এক বর্ষীয় ছাগী নিয়ে আসবে। 28 যাজক সেই ব্যক্তির জন্য সদাপ্রভুর সামনে প্রায়শিত্ব করবে, যে অনিচ্ছাকৃতভাবে পাপ করে অন্যায় করেছিল যখন তাঁর জন্য প্রায়শিত্ব সম্পন্ন হবে তার পাপ ক্ষমা হবে। 29 যারা অনিচ্ছাকৃত পাপ করে, তাদের প্রত্যেকের জন্য সেই একই বিধি প্রযোজ্য হবে, সে স্বদেশি ইস্রায়েলী হোক, অথবা তাদের মধ্যে বসবাসকারী বিদেশি ব্যক্তি। 30 “কিন্তু যদি কোনো স্বদেশি বা বিদেশি ব্যক্তি গুরুত্ব দেখিয়ে পাপ করে, যদি সে সদাপ্রভুর নিন্দা করে, সেই ব্যক্তি, তার জনগোষ্ঠী থেকে উচ্ছিন্ন হবে। 31 কারণ সে সদাপ্রভুর আদেশ প্রত্যাখ্যান করেছে ও তাঁর বিধি লঙ্ঘন করেছে। সেই ব্যক্তি নিশ্চিতরূপে উচ্ছিন্ন হবে; কারণ তার অপরাধ তার উপরে বর্তাবে।” 32 ইস্রায়েলীরা যখন প্রান্তরে ছিল, তখন একজন ব্যক্তিকে বিশ্রামবারে কাঠ সংগ্রহ করতে দেখা গেল। 33 যারা তাকে কাঠ সংগ্রহ করতে দেখেছিল, তারা তাকে মোশি, হারোণ এবং সমস্ত সমাজের কাছে উপস্থিত করল। 34 তাঁরা তাকে অবরুদ্ধ করে রাখলেন, কারণ তার প্রতি কী করণীয়, তা সুম্পষ্ট জানা ছিল না। 35 তখন সদাপ্রভু মোশিকে বললেন, “লোকটি অবশ্যই মরবে। সমস্ত সমাজ তাকে ছাউনির বাইরে নিয়ে গিয়ে প্রস্তরাঘাত করবে।” 36 অতএব সমস্ত সমাজ তাকে

ছাউনির বাইরে নিয়ে গেল এবং যেমন সদাপ্রভু মোশিকে আদেশ দিয়েছিলেন, তাকে প্রস্তরাঘাতে বধ করল। 37 সদাপ্রভু মোশিকে বললেন, 38 “ইস্রায়েলীদের সঙ্গে কথা বলো, তাদের বলো, ‘পুরুষ-পরম্পরায় তোমাদের পরিধেয় বস্ত্রের কোণে থোপ দেবে। প্রত্যেক থোপ নীল রংয়ের সুতো দিয়ে তৈরি হবে। 39 তোমরা এই সমস্ত থোপ প্রত্যক্ষ করলে, সদাপ্রভুর বিধিগুলি স্মারণে আনতে পারবে; তাহলে তোমরা সেই সমস্ত পালন করে তোমাদের হৃদয় ও চোখের অভিলাষ অনুসারে ব্যভিচার করবে না। 40 তখন তোমরা আমার আদেশগুলি পালন করার বিষয় স্মারণে আনবে এবং তোমাদের ঈশ্বরের উদ্দেশে পবিত্র হবে। 41 আমি সদাপ্রভু, তোমাদের ঈশ্বর, যিনি মিশর থেকে তোমাদের ঈশ্বর হওয়ার জন্য তোমাদের মুক্ত করে এনেছি। আমিই সদাপ্রভু, তোমাদের ঈশ্বর।”

**16** লেবির ছেলে কহাঃ, তার ছেলে যিষ্ঠর, তার ছেলে কোরহ এবং কয়েকজন রূবেণ গোষ্ঠীর ব্যক্তি—ইলীয়াবের ছেলে দাথন ও অবীরাম এবং পেলতের ছেলে ওন—উদ্বত হল 2 এবং মোশির বিপক্ষতা করল। তাদের সঙ্গে 250 জন ইস্রায়েলী পুরুষ ছিল, যারা প্রত্যেকে সমাজের সুপরিচিত নেতা ছিল, যাদের মন্ত্রণা-সভার সদস্য নিযুক্ত করা হয়েছিল। 3 তারা দলবদ্ধ হয়ে মোশি ও হারোগের বিরোধিতা করতে এল এবং তাঁদের বলল, “তোমাদের স্পর্ধা বহুদূর বিস্তৃত হয়েছে! সমস্ত সমাজ পবিত্র, প্রত্যেক ব্যক্তিই পবিত্র এবং সদাপ্রভু তাদের সহবতী আছেন। তাহলে কেন তোমরা নিজেদের অবঙ্গন সদাপ্রভুর সমাজের উর্ধ্বে উল্লীত করেছ?” 4 মোশি এই কথা শুনে ভূমিতে উপুড় হয়ে পড়লেন। 5 তিনি কোরহ ও তার অনুগামীদের বললেন, “সকালবেলায় সদাপ্রভু প্রকাশ করবেন, কে তাঁর অধিকারভুক্ত এবং কে পবিত্র। তিনি সেই ব্যক্তিকে তাঁর নিকটবর্তী করবেন। যে ব্যক্তিকে তিনি মনোনীত করেন, সেই তাঁর নিকটবর্তী হবে। 6 কোরহ, তুমি ও তোমার অনুগামী সবাই এই কাজ করো, অঙ্গরধনী নাও 7 এবং আগামীকাল তার মধ্যে আগুন ও ধূপ দিয়ে, সদাপ্রভুর সামনে নিবেদন করো। যে ব্যক্তিকে সদাপ্রভু মনোনীত করেন, সেই ব্যক্তি পবিত্র গণ্য হবে। লেবীয়রা,

তোমাদের স্পর্ধা সীমা ছাড়িয়ে গেছে!” ৪ মোশি কোরহকে এই কথাও  
বললেন, “লেবীয়েরা তোমরা এই কথা শোনো! ৫ ইস্রায়েলের ঈশ্বর,  
অবশিষ্ট সমাজ থেকে তোমাদের পৃথক করে, তাঁর সানিধ্যে নিয়ে  
এসেছেন, যেন তোমরা সদাপ্রভুর আবাস তাঁবুর কাজকর্ম করো  
এবং সমাজের সামনে দাঁড়িয়ে থেকে তাদের পরিচর্যা করো, এই কি  
তোমাদের জন্য যথেষ্ট ছিল না? ৬ তিনি তোমাদের ও তোমাদের  
সহচর লেবীয়দের তাঁর নিকটস্থ করেছেন, কিন্তু এখন তোমরা যাজকত্ব  
পদের জন্যও চেষ্টা করছ। ৭ তোমরা ও তোমাদের অনুগামী সবাই,  
সদাপ্রভুর বিপক্ষেই জোটবদ্ধ হয়েছে। হারোণ কে যে তোমরা তার  
বিপক্ষে বচসা করো?” ৮ মোশি ইলীয়াবের ছেলে দাথন ও অবীরামকে  
ডেকে পাঠালেন, কিন্তু তারা বলল, “আমরা যাব না। ৯ তুমি এক দুধ  
ও মধু প্রবাহী দেশ থেকে, এই প্রান্তরে আমাদের মেরে ফেলতে এনেছ,  
এই কি যথেষ্ট নয়? এখন আমাদের উপর প্রভৃতি করতে চাইছ? ১০  
এছাড়াও, এখনও তুমি আমাদের কোনো দুধ ও মধু প্রবাহী দেশে নিয়ে  
যাওনি অথবা শস্যক্ষেত্র ও দ্রাক্ষাকুঞ্জের কোনো অধিকার দান করোনি।  
তুমি কি এই সমস্ত ব্যক্তির সঙ্গে ক্রীতদাসের মতো ব্যবহার করবে?  
না, আমরা যাব না!” ১১ মোশি তখন অত্যন্ত ক্রুদ্ধ হয়ে সদাপ্রভুকে  
বললেন, “ওই ব্যক্তিদের নিবেদ্য গ্রহণ কোরো না। আমি তাদের কাছ  
থেকে, সর্বাধিক একটি গাধা ও গ্রহণ করিনি অথবা তাদের কারও  
প্রতি কোনো অন্যায় আচরণ করিনি।” ১২ মোশি কোরহকে বললেন,  
“তুমি ও তোমার সমস্ত অনুগামী, আগামীকাল সদাপ্রভুর সামনে  
উপস্থিত হবে—তুমি, তারা সবাই এবং হারোণ। ১৩ প্রত্যেক ব্যক্তি  
অঙ্গারধানী নেবে—সর্বমোট ২৫০-টি অঙ্গারধানী—এবং সদাপ্রভুর  
সামনে নিবেদন করতে হবে।” তুমি ও হারোণ তোমাদের অঙ্গারধানী ও  
সদাপ্রভুর সামনে নিবেদন করবে। ১৪ অতএব তারা প্রত্যেকে তাদের  
অঙ্গারধানী নিল ও তার মধ্যে আগুন ও ধূপ রাখল। তারপর তারা  
মোশি ও হারোণের সঙ্গে সমাগম তাঁবুর প্রবেশপথে দাঁড়াল। ১৫ যখন  
কোরহ তার অনুগামীদের, তাঁদের বিপক্ষে সমাগম তাঁবুর প্রবেশপথে  
একত্র করল, তখন সদাপ্রভুর মহিমা সমস্ত সমাজের কাছে প্রত্যক্ষ

হল। 20 সদাপ্রভু মোশি ও হারোণকে বললেন, 21 “তোমরা নিজেদের এই সমাজ থেকে পৃথক করো, যেন এক মুহূর্তে আমি তাদের বিলুপ্ত করি।” 22 কিন্তু মোশি ও হারোণ ভূমিতে উপুড় হয়ে উচ্চস্বরে বললেন, “হে ঈশ্বর, সমস্ত জীবিত বস্ত্র আত্মাদের ঈশ্বর, যখন কোনো একজন ব্যক্তি পাপ করে, তখন তাঁর জন্য কি ভূমি সমস্ত সমাজের প্রতি রঞ্চ হবে?” 23 সদাপ্রভু মোশিকে বললেন, 24 “ভূমি সমাজকে বলো, ‘তোমরা কোরহ, দাথন ও অবীরামের তাঁবুর কাছ থেকে সরে যাও।’” 25 মোশি উঠে দাথন ও অবীরামের কাছে গেলেন এবং ইস্রায়েলের প্রবীগেরা তাঁকে অনুসরণ করল। 26 তিনি সমাজকে সাবধান করে দিয়ে বললেন, “এই দুষ্ট ব্যক্তিদের তাঁবু থেকে সরে যাও! তাদের কোনো জিনিস স্পর্শ করো না, তা না হলে, তাদের পাপের জন্য তোমরাও বিনষ্ট হবে।” 27 অতএব তারা কোরহ, দাথন ও অবীরামের তাঁবুর কাছ থেকে সরে গেল। দাথন ও অবীরাম, তাদের স্ত্রী, সন্তান ও শিশুসহ তাঁবু থেকে বের হয়ে প্রবেশপথে দাঁড়িয়ে রইল। 28 মোশি তখন বললেন, “এবার তোমরা অবগত হবে যে সদাপ্রভু এই সমস্ত কাজ করবার জন্য আমাকেই প্রেরণ করেছেন এবং কোনোটিই আমার কল্পনাপ্রসূত নয়। 29 যদি এই ব্যক্তিরা স্বাভাবিক মৃত্যুবরণ করে ও মানুষমাত্রের প্রতি যা ঘটে থাকে, তাই ভোগ করে, তাহলে সদাপ্রভু আমাকে পাঠাননি। 30 কিন্তু সদাপ্রভু যদি সম্পূর্ণ নতুন কিছু করেন, ভূমি মুখ বিদীর্ঘ করে সমস্ত দ্রব্য সমেত তাদের গ্রাস করে এবং যদি তারা জীবিত অবস্থায় সমাধিপ্রাপ্ত হয়, তাহলে তোমরা অবগত হবে যে এই ব্যক্তিরা সদাপ্রভুর অবমাননা করেছে।” (Sheol h7585) 31 যে মুহূর্তে তিনি এই সমস্ত কথা সমাপ্ত করলেন, তাদের নিম্নস্থ ভূমি বিদীর্ঘ হল, 32 ভূমি তার মুখ বিদীর্ঘ করে কোরহ, তার সব অনুগামী ও তার আত্মীয়স্বজনদের, সমস্ত বিষয়সম্পত্তি গ্রাস করল। 33 তাদের অধিকারভুক্ত সমস্ত দ্রব্যসহ তারা জীবিত অবস্থায় সমাধিপ্রাপ্ত হল। ভূমি তাদের অবরুদ্ধ করল। তারা বিনাশপ্রাপ্ত হয়ে সমাজ থেকে অবলুপ্ত হল। (Sheol h7585) 34 তাদের আর্তস্বর শুনে, চতুর্দিকের ইস্রায়েলীরা পলায়ন করল। তারা চিৎকার করে বলে উঠল, “ভূমি

আমাদেরও গ্রাস করবে!” 35 সদাপ্রভুর কাছ থেকে আগুন নির্গত হয়ে, যারা ধূপ নিবেদন করেছিল, সেই 250 জন ব্যক্তিকেও পুড়িয়ে দিল। 36 সদাপ্রভু মোশিকে বললেন, 37 “যাজক হারোণের ছেলে ইলীয়াসরকে বলো, সব অঙ্গারধানী নিয়ে, তাদের অবশিষ্ট অঙ্গার, দূরে কোথাও ফেলে দিতে, কারণ ওইসব অঙ্গারধানী পবিত্র। 38 সেই লোকদের অঙ্গারধানী যারা নিজেদের জীবনের প্রতিকূলে পাপ করেছিল। অঙ্গারধানীগুলি হাতুড়ি দিয়ে পিটিয়ে বেদির আচ্ছাদনের জন্য পাত প্রস্তুত করো, কারণ সেসব সদাপ্রভুর উদ্দেশে নিবেদিত হয়েছিল, তাই পবিত্র। সেগুলি ইস্রায়েলীদের জন্য নির্দর্শনস্বরূপ হোক।” 39 অতএব যাজক ইলীয়াসর, যারা পুড়ে মরেছিল, তাদের আনা পিতলের সেইসব অঙ্গারধানী নিলেন এবং সেগুলি পিটিয়ে বেদির আচ্ছাদনের জন্য পাত প্রস্তুত করলেন, 40 যে রকম সদাপ্রভু, মোশির মাধ্যমে, তাঁকে নির্দেশ দিয়েছিলেন। এই নির্দর্শন ছিল ইস্রায়েলীদের স্মরণার্থক, যেন হারোণের উন্নরসূরি ব্যতীত অন্য কেউ সদাপ্রভুর উদ্দেশে ধূপদাহ না করে; তা না হলে, তার পরিণতি কোরহ ও তার অনুগামীদের মতোই হবে। 41 পরদিন, সমস্ত ইস্রায়েলী সমাজ, মোশি ও হারোণের বিপক্ষে বচসা করল। তারা বলল, “আপনারাই সদাপ্রভুর প্রজাদের হত্যা করলেন।” 42 যখন সেই সমাজ মোশি ও হারোণের বিপক্ষে একত্র হল এবং সমাগম তাঁবুর অভিযুক্ত ফিরল, হঠাৎ মেঘ তা আবৃত করল এবং সদাপ্রভুর মহিমা প্রত্যক্ষ হল। 43 তখন মোশি ও হারোণ, সমাগম তাঁবুর সামনে গেলেন 44 এবং সদাপ্রভু মোশিকে বললেন, 45 “এই সমাজ থেকে পৃথক হও যেন আমি এক নিমেষেই এদের বিলুপ্ত করি।” তাঁরা ভূমিতে উপুড় হয়ে পড়লেন। 46 মোশি তারপর হারোণকে বললেন, “তোমার অঙ্গারধানী নাও, বেদি থেকে অঙ্গার নিয়ে তার মধ্যে আগুন ও ধূপ দাও এবং তাড়াতাড়ি সমাজের মধ্যে গিয়ে তাদের জন্য প্রায়শিত্ব করো। সদাপ্রভুর রোষ নির্গত হয়েছে; মহামারি শুরু হয়ে গিয়েছে।” 47 মোশি যে রকম বললেন, হারোণ ঠিক তাই করলেন, তিনি সমাজের মধ্যে দৌড়ে গেলেন। ততক্ষণে জনতার মধ্যে মহামারি ছড়িয়ে পড়েছিল, কিন্তু হারোণ ধূপ

দিয়ে তাদের জন্য প্রায়শিত্ব করলেন। 48 তিনি জীবিত ও মৃত, এই উভয় দলের মধ্যে দণ্ডযামান হলেন এবং মহামারি নির্বস্তু হল। 49 কেরাহের জন্য যারা নিহত হয়েছিল, তাদের অতিরিক্ত, ওই মহামারিতে নিহতের সংখ্যা 14,700। 50 পরে হারোগ সমাগম তাঁবুর প্রবেশপথে, মোশির কাছে ফিরে গেলেন, কারণ মহামারি নির্বস্তু হয়েছিল।

**17** সদাপ্রভু মোশিকে বললেন, 2 “ইস্রায়েলীদের সঙ্গে কথা বলো এবং তাদের কাছ থেকে প্রত্যেক পিতৃকুলের নেতা প্রতি একটি করে, বারোটি লাঠি গ্রহণ করো। প্রত্যেক ব্যক্তির নাম তার লাঠিতে লেখো। 3 লেবির লাঠিতে হারোগের নাম লিখবে, কারণ প্রত্যেক পিতৃকুলের শীর্ষ নেতার একটি করে লাঠি থাকবে। 4 সেগুলি নিয়ে, যেখানে আমি তোমার সঙ্গে দেখা করি, সমাগম তাঁবুর সেই সাক্ষ্য-সিন্দুকের সামনে রাখো। 5 যে ব্যক্তিকে আমি মনোনীত করব তার লাঠি অঙ্কুরিত হবে এবং আমি আমার বিপক্ষে ইস্রায়েলীদের নিরবচ্ছিন্ন অসন্তোষ থেকে অব্যহতি পাব।” 6 আর মোশি ইস্রায়েলীদের সঙ্গে কথা বললেন এবং তাদের নেতৃবৃন্দ তাঁকে প্রত্যেক পিতৃকুলের প্রধানের জন্য একটি করে বারোটি লাঠি দিলেন। হারোগের লাঠিও তাদের মধ্যে ছিল। 7 মোশি সাক্ষ্য তাঁবুর মধ্যে সেই লাঠিগুলি সদাপ্রভুর সামনে রাখলেন। 8 পরদিন, মোশি সাক্ষ্য তাঁবুতে প্রবেশ করে দেখলেন, লেবির কুলসূচক হারোগের লাঠি; শুধুমাত্র যে অঙ্কুরিত হয়েছে, তা নয় কিন্তু মুকুলিত ও পুষ্পিত হয়েছে এবং কাঠবাদামও ধরেছে। 9 তখন মোশি, লাঠিগুলি সদাপ্রভুর কাছ থেকে বাইরে, ইস্রায়েলীদের কাছে নিয়ে এলেন। তারা সেগুলি দেখল এবং প্রত্যেক নেতা নিজের নিজের লাঠি গ্রহণ করলেন। 10 সদাপ্রভু মোশিকে বললেন, “হারোগের লাঠি আবার সাক্ষ্য-সিন্দুকের সামনে রাখো, তা বিদ্রোহীকুলের পক্ষে নির্দর্শনস্বরূপ হবে। এরপরে তারা আমার বিপক্ষে বচসা করতে নির্বস্তু হবে এবং তারা যেন আর না মরে।” 11 মোশি ঠিক তাই করলেন, যে রকম সদাপ্রভু তাকে আদেশ দিয়েছিলেন। 12 ইস্রায়েলীরা মোশিকে বলল, “আমরা মারা যাব! আমরা বিনাশপ্রাপ্ত হয়েছি, প্রত্যেকেই বিনষ্ট হলাম!

13 যে কেউ সদাপ্রভুর আবাস তাঁবুর কাছেও যদি আসে, সে মারা পড়বে। আমরা কি সবাই মরব?”

**18** সদাপ্রভু হারোণকে বললেন, “তুমি, তোমার ছেলেরা এবং তোমার পিতৃকুল, পবিত্রস্থানের বিপক্ষে কৃত অপরাধের জন্য দায়ী হবে এবং তুমি ও তোমার ছেলেরা যাজকত্ত পদের বিপক্ষে কৃত অপরাধের জন্য দায়ী হবে। 2 তোমার পিতৃকুল থেকে সহচর লেবীয়দের নিয়ে এসো। যখন তুমি ও তোমার ছেলেরা সাক্ষ্য তাঁবুর সামনে পরিচর্যা করো, তারা তোমার সঙ্গে ঘোগ দিয়ে তোমাদের সাহায্য করুক। 3 তারা তোমার প্রতি দায়িত্বশীল থাকবে এবং তারা তাঁবুর সংশ্লিষ্ট সমস্ত কাজ করবে, কিন্তু পবিত্রস্থানের আসবাব অথবা যজ্ঞবেদির কাছে যাবে না, নতুবা তুমি এবং তারা উভয়ই মারা পড়বে। 4 তারা তোমার সঙ্গে যুক্ত হয়ে সাক্ষ্য তাঁবুর তত্ত্ববধানের জন্য দায়ী হবে, তাঁবু সংক্রান্ত সমস্ত কাজের জন্যই, কিন্তু কেউই যেখানে তোমরা থাকবে সেখানে যাবে না। 5 “তুমি পবিত্রস্থান ও যজ্ঞবেদির জন্য দায়ী হবে, যেন আবার ইস্রায়েলীদের উপর আমার রোষ না বর্তায়। 6 আমি স্বয়ং তোমার সহচর লেবীয়দের, ইস্রায়েলীদের মধ্য থেকে মনোনীত করে, তোমাকে উপহার দিয়েছি, সদাপ্রভুর উদ্দেশে পবিত্র করেছি, যেন তারা সমাগম তাঁবুর কাজকর্ম করতে পারে। 7 কিন্তু যজ্ঞবেদি সম্পর্কিত সমস্ত বিষয়ে এবং পর্দার অভ্যন্তরে শুধুমাত্র তুমি ও তোমার ছেলেরা যাজকরাপে পরিচর্যা করবে। আমি যাজকত্ত পদের পরিচর্যা, তোমাকে উপহারস্বরূপ দিয়েছি। অন্য কেউ যদি পবিত্রস্থানের কাছে যায়, তার প্রাণদণ্ড হবে।” 8 তারপর সদাপ্রভু হারোণকে বললেন, “যে নৈবেদ্যগুলি আমার উদ্দেশে নিবেদিত হয়, আমি স্বয়ং তোমাকে সেসবের তত্ত্ববধায়ক করেছি; সমস্ত পবিত্র উপহার, যা ইস্রায়েলীরা আমাকে নিবেদন করে, আমি তোমাকে ও তোমার ছেলেদের তোমাদের অংশ ও প্রাপ্য বলে দিয়েছি। 9 যে সমস্ত দ্রব্য অগ্নি আভৃতি থেকে অবশিষ্ট থাকে, তুমি সেই অতি পবিত্র নৈবেদ্যের অংশ প্রাপ্ত হবে। সমস্ত উপহার, যা তারা অতি পবিত্র নৈবেদ্যরূপে নিয়ে আসে, অর্থাৎ শস্য বা পাপার্থক-নৈবেদ্য, সেই অংশে তোমার ও তোমার পুত্রগণের অধিকার থাকবে। 10

অত্যন্ত পবিত্র গণ্য করে তা ভোজন কোরো; প্রত্যেক পুরুষ তা ভোজন করবে, তুমি অবশ্যই তা পবিত্র বলে সম্মান করবে। 11 “এই সমস্ত তোমার, ইস্রায়েলীদের আনীত দোলনীয়-নৈবেদ্যের উপহারসমূহ থেকে যা কিছু পৃথক করে রাখা হয়। আমি সেসব তোমাকে, তোমার ছেলে ও মেয়েদের, তোমাদের নিয়মিত প্রাপ্য অংশ বলে দিলাম। তোমার কুলের প্রত্যেক ব্যক্তি, যে আনুষ্ঠানিকভাবে শুচিশুদ্ধ, সে তা ভোজন করতে পারবে। 12 “তারা সদাপ্রভুর উদ্দেশে তাদের যেসব উৎকৃষ্ট জলপাই তেল, উভয় নতুন দ্রাক্ষারস ও শস্য নিবেদন করে, যেসব অগ্রিমাংশ তারা উৎসর্গ করে, সে সমস্তই আমি তোমাকে দিলাম। 13 ভূমিজাত সমস্ত ফলের অগ্রিমাংশ যা তারা সদাপ্রভুর কাছে নিয়ে আসে, তা তোমাদেরই হবে। তোমরা পরিবারের প্রত্যেকে, যে আনুষ্ঠানিকভাবে শুচিশুদ্ধ, সে তা ভোজন করতে পারবে। 14 “ইস্রায়েলের সবকিছুই, যা সদাপ্রভুর উদ্দেশে উৎসর্গীকৃত হয়, তা তোমার হবে। 15 মানুষ বা পশু, যাবতীয় প্রাণীর মধ্যে প্রথমজাত সব প্রাণীকে সদাপ্রভুর উদ্দেশে উৎসর্গ করবে, সে সব তোমার হবে। কিন্তু মনুষের প্রথমজাতকে এবং অশুচি পশুর প্রথমজাত পুঁঁপশুকে তুমি অবশ্য মুক্ত করবে। 16 যখন তাদের বয়স এক মাস হবে, তুমি তাদের নির্ধারিত মুক্তির মূল্যে, অর্থাৎ পবিত্রস্থানের শেকল অনুসারে, পাঁচ শেকল রূপোর বিনিময়ে মুক্ত করবে। এক শেকলের ওজন, কুড়ি গেরা। 17 “তুমি কিন্তু প্রথমজাত ঘাঁড়, মেষ অথবা ছাগলকে মুক্ত করবে না; সেগুলি পবিত্র। তাদের রক্ত বেদিতে ছিটাবে এবং তাদের মেদ, সদাপ্রভুর আনন্দায়ক সুরভিস্বরূপ, ভক্ষ্য-নৈবেদ্যরূপে আগুনে পোড়াবে। 18 তাদের মাংস তোমাদেরই প্রাপ্য হবে, যেমন দোলনীয়-নৈবেদ্যের বক্ষ ও দক্ষিণ উরু তোমাদের। 19 সদাপ্রভুর উদ্দেশে নিবেদিত, ইস্রায়েলীদের পবিত্র নৈবেদ্য থেকে যা কিছু স্বতন্ত্র রাখা হয়, তা আমি তোমাকে, তোমার ছেলে ও মেয়েদের নিয়মিত অংশ বলে দিলাম। তুমি ও তোমার সন্তানদের জন্য এই হল সদাপ্রভুর সাক্ষাতে চিরস্থায়ী লবণ-নিয়ম।” 20 সদাপ্রভু হারোণকে বললেন, “তাদের দেশে তোমার কোনো উত্তরাধিকার থাকবে না, কিংবা তাদের মধ্যে তোমার

কোনো অংশ থাকবে না। ইস্রায়েলীদের মধ্যে আমিই তোমার অংশ  
এবং অধিকার। 21 “সমাগম তাঁবুর পরিচর্যার সময় লেবীয়েরা যে  
কাজ করে, তাঁর পরিবর্তে আমি উত্তরাধিকারস্বরূপ তাদের ইস্রায়েলের  
সমস্ত দশমাংশ দিলাম। 22 এখন অবধি ইস্রায়েলীরা অবশ্যই সমাগম  
তাঁবুর নিকটস্থ হবে না, নতুবা তারা তাদের পাপের পরিণতি ভোগ  
করবে ও মারা পড়বে। 23 কেবলমাত্র লেবীয়েরাই সমাগম তাঁবুর  
সংশ্লিষ্ট কাজকর্ম করবে এবং তাঁর বিপক্ষে কৃত অপরাধসমূহের দায়িত্ব  
বহন করবে। ভবিষ্যৎ প্রজন্মের জন্যও এই বিধি চিরস্থায়ী। তারা  
ইস্রায়েলীদের মধ্যে কোনো উত্তরাধিকার পাবে না। 24 পরিবর্তে,  
আমি লেবীয়দের অধিকারস্বরূপ সমস্ত দশমাংশ দান করছি, যা  
ইস্রায়েলীরা, সদাপ্রভুর কাছে উপহারস্বরূপ নিবেদন করে। এই  
জন্য আমি তাদের সম্পর্কে এই কথা বলেছি, ‘ইস্রায়েলীদের মধ্যে  
তাদের কোনো উত্তরাধিকার থাকবে না।’” 25 সদাপ্রভু মোশিকে  
বললেন, 26 “লেবীয়দের সঙ্গে কথা বলো, তাদের বলো, ‘যখন  
তোমরা ইস্রায়েলীদের কাছ থেকে দশমাংশ গ্রহণ করবে, যা আমি  
তোমাদের অধিকারস্বরূপ দান করেছি, তোমরা সেই দশমাংশের  
দশমাংশ, সদাপ্রভুর নৈবেদ্যস্বরূপ উপহার দেবে। 27 তোমাদের  
নৈবেদ্য তোমাদের জন্য খামারের শস্য অথবা দ্রাক্ষা নিষ্পেষণ যন্ত্রের  
নির্যাসস্বরূপ গণ্য হবে। 28 একইভাবে, তোমরাও ইস্রায়েলীদের কাছ  
থেকে যে সমস্ত দশমাংশ পাও, তা থেকে সদাপ্রভুর উদ্দেশে এক  
নৈবেদ্য উপহার দেবে। এই সমস্ত দশমাংশ থেকে, তোমরা অবশ্যই  
সদাপ্রভুর অংশ, যাজক হারোগকে দেবে। 29 তোমাদের যা দেওয়া  
হয়, তার মধ্যে থেকে সর্বোত্তম এবং পবিত্রতম অংশ, সদাপ্রভুর অংশ  
বলে নিবেদন করবে, তখন তা তোমাদের জন্য খামারের  
শস্য অথবা দ্রাক্ষা নিষ্পেষণ যন্ত্রের নির্যাসের মতোই গণ্য হবে। 31  
তোমরা ও তোমাদের স্বজনবর্গ, তাঁর অবশিষ্ট অংশ, যে কোনো স্থানে  
আহার করতে পারো, কারণ তা সমাগম তাঁবুতে তোমাদের কাজের  
বেতনস্বরূপ। 32 তাঁর সর্বোত্তম অংশ নিবেদন করে, তোমরা এই

বিষয়ে অপরাধী হবে না; ফলে তোমরা ইস্রায়েলীদের পবিত্র নৈবেদ্য কল্পিত করবে না এবং তোমরা মারা পড়বে না।”

**19** সদাপ্রভু মোশি ও হারোগকে বললেন, ২ “সদাপ্রভু যা আদেশ করেছেন, শাস্ত্রের সেই বিধান হল এই; ইস্রায়েলীদের বলো, একটি লাল রংয়ের ক্রুতিহীন ও বিকলাঙ্ক নয়, এমন বকনা-বাচ্চুর, যে কখনও জোয়াল টানেনি, তোমার কাছে নিয়ে আসতে। ৩ তুমি তা নিয়ে যাজক ইলীয়াসরকে দেবে; সেটিকে ছাউনির বাইরে নিয়ে গিয়ে তাঁর সামনে জবাই করতে হবে। ৪ পরে যাজক ইলীয়াসর তাঁর আঙুলে সামান্য রক্ত নিয়ে, সমাগম তাঁবুর অভিমুখে সাতবার ছিটিয়ে দেবে। ৫ তাঁর দৃষ্টিগোচরে সেই বকনা-বাচ্চুরটিকে, তাঁর চামড়া, মাংস, রক্ত এবং গোবর সমেত পোড়াতে হবে। ৬ যাজক কিছু পরিমাণ দেবদারু কাঠ, এসোব ও লাল রংয়ের পশম নিয়ে ওই পোড়া বাচ্চুরের উপরে নিক্ষেপ করবে। ৭ তারপর যাজক অবশ্যই তাঁর পোশাক ধুয়ে জলে স্নান করবে। পরে সে ছাউনিতে ফিরে আসতে পারে; তা সত্ত্বেও, আনুষ্ঠানিকভাবে সে সন্ধ্যা পর্যন্ত অঙ্গ থাকবে। ৮ যে ব্যক্তি তা পোড়ায়, সেও নিজের পোশাক ধুয়ে জলে স্নান করবে এবং সন্ধ্যা পর্যন্ত অঙ্গ থাকবে। ৯ “একজন শুচিশুদ্ধ ব্যক্তি সেই বকনা-বাচ্চুরের ছাই সংগ্রহ করে, ছাউনির বাইরে, আনুষ্ঠানিকভাবে শুচিকৃত কোনও এক স্থানে রাখবে। সেগুলি ইস্রায়েলী সমাজের কাছে রাখবে যেন শুদ্ধকরণের জন্য। ১০ যে ব্যক্তি ওই বকনা-বাচ্চুরের ভস্য সংগ্রহ করে, সে নিজের পোশাক ধুয়ে নেবে এবং সন্ধ্যা পর্যন্ত অঙ্গ থাকবে। ইস্রায়েলী এবং তাদের মধ্যে বসবাসকারী বিদেশিদের জন্য এই আদেশ হবে চিরস্থায়ী। ১১ “যে কেউ কোনো মৃত ব্যক্তিকে স্পর্শ করবে সে সাত দিন অঙ্গ থাকবে। ১২ তাদের অবশ্যই সেই জল নিয়ে তৃতীয় দিনে ও সপ্তম দিনে নিজেকে শুচিশুদ্ধ করতে হবে; তারপর তারা শুচিশুদ্ধ হবে। কিন্তু তারা যদি তৃতীয় ও সপ্তম দিনে নিজেদের শুচিশুদ্ধ না করে, তারা শুচিশুদ্ধ হবে না। ১৩ মৃত ব্যক্তিকে স্পর্শ করে যদি কেউ নিজেকে পাপমুক্ত না করে, তাহলে তারা সদাপ্রভুর

আবাস তাঁর অঙ্গচি করবে। তারা ইস্রায়েলের মধ্য থেকে বিলুপ্ত হবে।  
যেহেতু শুন্দকরণের জল তাদের উপর ছিটানো হয়নি, তাই তারা অঙ্গচি  
থাকবে; তাদের অঙ্গচিতা থেকেই যাবে। 14 “যখন কেউ তাঁর মধ্যে  
মারা যায়, এই বিধি সেই সময়ের জন্য প্রযোজ্য। যে কেউ সেই তাঁর  
অভ্যন্তরে থাকে ও যে কোনো ব্যক্তি তাঁর মধ্যে প্রবেশ করে, তারা  
সাত দিন পর্যন্ত অঙ্গচি থাকবে 15 এবং সমস্ত খোলা পাত্র ও সুতোয়  
বাঁধা ঢাকনাবিহীন পাত্র অঙ্গচি হবে। 16 “উন্মুক্ত স্থানে কোনো ব্যক্তি  
যদি তরোয়াল দ্বারা নিহত বা স্বাভাবিকভাবে মৃত কোনো ব্যক্তিকে  
স্পর্শ করে, অথবা যদি কেউ কোনো মৃত ব্যক্তির অঙ্গ বা সমাধি স্পর্শ  
করে, তাহলে সেই ব্যক্তি সাত দিন অঙ্গচি থাকবে। 17 “অঙ্গচি ব্যক্তির  
শুন্দকরণের জন্য একটি পাত্রে পাপার্থক নৈবেদ্যের সামান্য ভস্ম নিয়ে  
তাঁর মধ্যে টাটকা জল দিতে হবে। 18 তারপর, আনুষ্ঠানিকভাবে  
শুচিশুদ্ধ এমন কোনো ব্যক্তি, সামান্য এসোব নিয়ে, সেই জলে ডুবিয়ে  
তাঁর, তাঁর আসবাবপত্র এবং সেই স্থানের সমস্ত ব্যক্তির উপর ছিটিয়ে  
দেবে। সে অবশ্য সেই জল তার উপরেও ছিটিয়ে দেবে, যে কোনো  
মানুষের অঙ্গ অথবা সমাধি অথবা কোনো নিহত বা স্বাভাবিকভাবে  
মৃত ব্যক্তিকে স্পর্শ করেছে। 19 যে ব্যক্তি শুচিশুদ্ধ, সে ওই অঙ্গচি  
ব্যক্তিদের উপর তৃতীয় ও সপ্তম দিনে জল ছিটাবে এবং সপ্তম দিনে সে  
তাদের শুচিশুদ্ধ করবে। যারা এইভাবে শুন্দিকৃত হয়, তারা অবশ্যই  
তাদের পোশাক ধূয়ে নেবে ও জলে স্নান করবে এবং সেই সন্ধ্যায় তারা  
শুচিশুদ্ধ হবে। 20 কিন্তু যদি অঙ্গচি ব্যক্তিরা নিজেদের শুচিশুদ্ধ না  
করে, তারা অবশ্যই সমাজ থেকে বিলুপ্ত হবে, কারণ তারা সদাপ্রভুর  
পবিত্র স্থানকে অঙ্গচি করেছে। শুন্দকরণের জল তাঁর উপরে ছিটানো  
হয়নি, তাই তারা অঙ্গচি। 21 তাদের জন্য এই আদেশ হবে চিরস্থায়ী।  
“যে ব্যক্তি সেই জল ছিটাবে, সেও নিজের পোশাক ধূয়ে নেবে এবং  
যে কেউ সেই শুন্দকরণের জল স্পর্শ করবে সে সন্ধ্যা পর্যন্ত অঙ্গচি  
থাকবে। 22 কোনো অঙ্গচি ব্যক্তি যা কিছু স্পর্শ করবে, তা অঙ্গচি হবে  
এবং যে কেউ তা স্পর্শ করে, সে সন্ধ্যা পর্যন্ত অঙ্গচি থাকবে।”

**20** প্রথম মাসে সমগ্র ইস্রায়েলী সমাজ, সীন মরহুমিতে উপস্থিত হয়ে  
কাদেশে অবস্থান করল। সেই স্থানে মরিয়ম মারা গেলেন এবং তাঁকে  
কবর দেওয়া হল। 2 সেখানে সমাজের ব্যবহার্য কোনো জল ছিল না।  
তাই জনতা মোশি ও হারোগের বিপক্ষে একত্র হল। 3 তারা মোশির  
সঙ্গে বিবাদ করে বলল, “আমাদের আত্মবর্গ যখন সদাপ্রভুর সামনে  
মারা গেল, তখন আমরা ও যদি মারা যেতাম! 4 কেন তোমরা সদাপ্রভুর  
সমাজকে এই প্রান্তরে নিয়ে এলে, যেন আমরা ও আমাদের পশ্চাল  
এই জায়গায় মারা যাই? 5 কেন তোমরা মিশ্র থেকে আমাদের বের  
করে এই ভয়ংকর জায়গায় নিয়ে এলে? এখানে কোনো শস্য বা ডুমুর,  
দ্রাক্ষালতা বা বেদানা নেই। পান করার জন্য জলও নেই!” 6 মোশি ও  
হারোগ, মণ্ডলী থেকে পৃথক হয়ে সমাগম তাঁর প্রবেশপথে গেলেন  
এবং তারা উপুড় হয়ে পড়লেন আর তাদের সামনে সদাপ্রভুর মহিমা  
প্রকাশিত হল। 7 সদাপ্রভু মোশিকে বললেন, 8 “তোমার লাঠিটি নাও  
এবং তুমি ও তোমার ভাই হারোগ মণ্ডলীকে একত্র করো। তাদের  
দৃষ্টিগোচরে ওই শৈলকে দিয়ে বলো, সে তার অভ্যন্তরস্থ জল নির্গত  
করবে। তুম শৈল থেকে সমাজের জন্য জল নির্গত করবে, যেন তারা  
ও তাদের পশ্চাল সেই জলপান করতে পারে।” 9 অতএব মোশি,  
সদাপ্রভুর উপস্থিতিতে সেই লাঠিটি গ্রহণ করলেন, যেমন তিনি তাকে  
আদেশ দিয়েছিলেন। 10 তিনি এবং হারোগ, মণ্ডলীকে সেই শৈলের  
সামনে একত্র করলেন এবং মোশি তাদের বললেন, “বিদ্রোহীকুল,  
তোমরা শোনো, আমরা কি এই শৈল থেকে তোমাদের জন্য জল  
নির্গত করব?” 11 তারপর মোশি হাত তুলে, তাঁর লাঠি দিয়ে দু-বার  
সেই শৈলে আঘাত করলেন। জল পূর্ণ বেগে নির্গত হল এবং সমাজ  
ও তাদের পশ্চাল সেই জলপান করল। 12 সদাপ্রভু কিন্তু মোশি ও  
হারোগকে বললেন, “যেহেতু তোমরা, ইস্রায়েলীদের দৃষ্টিতে পবিত্র  
বলে আমাকে সম্মান দিয়ে, আমার উপর পর্যাপ্ত বিশ্বাস রাখলে না,  
তাই যে দেশ আমি তাদের দান করব, তোমরা এই মণ্ডলীকে সেই  
দেশে নিয়ে যাবে না।” 13 এই ছিল মরীবার জল, যেখানে ইস্রায়েলীরা  
সদাপ্রভুর সঙ্গে বিবাদ করেছিল এবং সেই স্থানে তিনি তাদের মধ্যে

পবিত্র প্রমাণিত হয়েছিলেন। 14 মোশি কাদেশ থেকে ইদোমের রাজার কাছে বার্তাবাহকদের মাধ্যমে এই বার্তা প্রেরণ করলেন, “আপনার ভাই ইস্রায়েল এই কথা বলছে, আমাদের প্রতি যে সমস্ত কষ্ট ঘটেছিল, সেই বিষয় আপনি অবগত আছেন। 15 আমাদের পূর্বপুরুষেরা মিশরে গিয়েছিলেন এবং বহু বছর আমরা সেখানে বসবাস করেছিলাম। মিশরীয়েরা আমাদের ও আমাদের পূর্বপুরুষদের প্রতি দুর্ব্যবহার করেছিল, 16 কিন্তু আমরা সদাপ্রভুর কাছে যখন কাঁদলাম তিনি আমাদের কান্না শুনে একজন স্বর্গদৃত পাঠিয়েছিলেন এবং মিশর থেকে আমাদের বের করে নিয়ে এলেন। “এখন আমরা, আপনার অধিগ্লের প্রান্তে কাদেশ নগরে অবস্থান করছি। 17 কৃপা করে আপনার দেশের মধ্যে দিয়ে আমাদের যাত্রা করতে দিন। আমরা কোনো চাষের জমি বা দ্রাক্ষাকুঞ্জের মধ্যে দিয়ে যাব না, কুয়ো থেকে জলও পান করব না। আমরা সরাসরি রাজপথ দিয়ে যাব এবং যতক্ষণ না আপনার সীমানা পার হই, আমরা ডানদিকে বা বাঁদিকে ঘুরব না।” 18 কিন্তু ইদোম উত্তর দিল, “তোমরা এই দেশের মধ্য দিয়ে যেতে পারবে না। যদি সেই চেষ্টা করো, তাহলে আমরা তোমাদের বিরুদ্ধে যাব এবং তরোয়াল নিয়ে তোমাদের আক্রমণ করব।” 19 প্রত্যুভরে ইস্রায়েলীরা বলল, “আমরা প্রধান পথ ধরেই যাত্রা করব। যদি আমরা, বা আমাদের পশ্চাল কেউ জলপান করে, তার জন্য আমরা মূল্য দেব। আমরা শুধুমাত্র পায়ে হেঁটে পার হতে চাই, অন্য কিছু নয়।” 20 তারা আবার উত্তর দিল, “তোমরা যেতে পারবে না।” তারপর ইদোম এক বড়ো এবং শক্তিশালী সেনাদল নিয়ে তাদের বিপক্ষে বেরিয়ে এল। 21 যেহেতু ইদোম, তাদের ভূখণ্ড দিয়ে যেতে দিল না, তাই ইস্রায়েলীরা তাদের কাছ থেকে ফিরে এল। 22 সমগ্র ইস্রায়েলী সমাজ কাদেশ থেকে যাত্রা করে হোর পর্বতে উপস্থিত হল। 23 ইদোমের সীমানার কাছে, হোর পর্বতে, সদাপ্রভু মোশি ও হারোণকে বললেন, 24 “হারোণ তাঁর স্বজনবর্গের কাছে সংগ্রহীত হবে। ইস্রায়েলীদের আমি যে দেশ দিতে চাই, সেখানে সে প্রবেশ করবে না, কারণ তোমরা উভয়েই মরীচার জলের কাছে আমার বিরুদ্ধাচারণ করেছিলে। 25 হারোণ ও তাঁর ছেলে ইলীয়াসরকে

নিয়ে হোর পর্বতে যাও। 26 হারোগের পোশাক খুলে ইলীয়াসরকে পরিয়ে দাও, কারণ হারোগ তাঁর স্বজনবর্গের কাছে সংগৃহীত হবে; সে সেখানেই মারা যাবে।” 27 সদাপ্রভু যে রকম বলেছিলেন, মোশি, ঠিক তাই করলেন। তাঁরা সমগ্র সমাজের দৃষ্টিগোচরে হোর পর্বতে উঠে গেলেন। 28 মোশি, হারোগের পোশাক খুলে, তাঁর পুত্র ইলীয়াসরকে পরিয়ে দিলেন। হারোগ সেই পর্বতের উপরে মারা গেলেন। তারপর মোশি ও ইলীয়াসর পর্বত থেকে নেমে এলেন। 29 যখন সমগ্র সমাজ অবগত হল যে হারোগ মারা গিয়েছেন, তখন ইস্রায়েলীরা সবাই তাঁর জন্য ত্রিশ দিন শোক করল।

**21** কনান বংশীয় অরাদের রাজা, যিনি নেগেতে বসবাস করতেন, যখন শুনলেন যে ইস্রায়েলীরা অথারীমের পথ ধরে আসছে, তখন তিনি তাদের আক্রমণ করে কয়েকজনকে বন্দি করলেন। 2 তখন ইস্রায়েল সদাপ্রভুর কাছে এই শপথ করল, “যদি তুমি এই লোকদের আমাদের হাতে সমর্পণ করো, তবে আমরা তাদের নগরগুলি নিঃশেষে বিনষ্ট করব।” 3 সদাপ্রভু ইস্রায়েলীদের অনুনয় শুনলেন এবং তাদের হাতে কনানীয়দের সমর্পণ করলেন। তারা তাদের নগর সমেত সবাইকে সম্পূর্ণরূপে ধ্বংস করল। তাই সেই স্থানের নাম রাখা হল হর্মা। 4 তারা হোর পর্বত থেকে যাত্রা শুরু করল, ইদোম প্রদক্ষিণ করার উদ্দেশে লোহিত সাগর অভিমুখে গমন করল। কিন্তু জনতা পথের মধ্যে অসহিষ্ণু হয়ে উঠল। 5 তারা স্টথরের এবং মোশির বিপক্ষে নিন্দা করে বলল, “আপনারা কেন মিশর থেকে আমাদের বের করে এই প্রান্তরে মেরে ফেলার জন্য নিয়ে এলেন? এখানে কোনো রুটি নেই! জল নেই! এই কষ্টদায়ক আহারে আমাদের অরুচি ধরে গেছে!” 6 তখন সদাপ্রভু তাদের মধ্যে বিষধর সাপ পাঠালেন; সেগুলি লোকদের দংশন করল এবং অনেক ইস্রায়েলী মারা গেল। 7 লোকেরা মোশির কাছে এসে তাঁকে বলল, “আমরা সদাপ্রভু ও আপনার বিপক্ষে কথা বলে পাপ করেছি। প্রার্থনা করুন যেন সদাপ্রভু এই সাপদের আমাদের কাছ থেকে দূর করেন।” তাই মোশি লোকদের জন্য বিনতি করলেন। 8 সদাপ্রভু মোশিকে বললেন, “একটি সাপ নির্মাণ করে তুমি খুঁটির

উপরে স্থাপন করো। কাউকে সাপ দংশন করলে সে তার প্রতি দৃষ্টিপাত  
করে রক্ষা পাবে।” 9 মোশি তখন ব্রোঞ্জের একটি সাপ নির্মাণ করে  
একটি খুঁটির উপরে স্থাপন করলেন। তারপর যখনই কোনো ব্যক্তিকে  
সাপ দংশন করত এবং সে ওই ব্রোঞ্জ নির্মিত সাপের প্রতি দৃষ্টিপাত  
করত, সে বেঁচে যেত। 10 ইস্রায়েলীরা যাত্রা করে ওবোতে ছাউনি  
স্থাপন করল। 11 তারপর তারা ওবোৎ থেকে যাত্রা করে, সূর্যোদয়ের  
অভিমুখে, মরুভূমি সন্ধিত মোয়াবের কাছে ঈয়ী-অবারীমে ছাউনি  
স্থাপন করল। 12 সেখান থেকে অগ্রসর হয়ে তারা সেরদ উপত্যকায়  
ছাউনি স্থাপন করল। 13 সেখান থেকে যাত্রা করে তারা অর্ণনের পাশে  
ছাউনি স্থাপন করল। অর্ণন মরুভূমিতে অবস্থিত, যা ইমোরীয়দের  
এলাকা পর্যন্ত বিস্তৃত ছিল। মোয়াব এবং ইমোরীয়দের মধ্যে অর্ণনই  
হল মোয়াবের সীমানা। 14 এই কারণে সদাপ্রভুর যুদ্ধ সংক্রান্ত পুস্তকে  
লিপিবদ্ধ আছে, “শূফাতে অবস্থিত বাহেব ও উপত্যকা সকল, অর্ণন  
15 এবং উপত্যকা সকলের পার্শ্ব ভূমি, যা আর-এর অভিমুখী, এবং  
মোয়াবের সীমানার পাশে অবস্থিত।” 16 সেই স্থান থেকে তারা দ্রুমাগত  
অগ্রসর হয়ে বীর-এ গেল। সেই কুয়োর কাছে সদাপ্রভু মোশিকে  
বললেন, “লোকদের একটি করো। আমি তাদের জল দেব।” 17 তখন  
ইস্রায়েলীরা এই গীত গাইল “উৎসারিত হও, হে কুয়ো, এর উদ্দেশ্যে  
গাও গীত, 18 রাজপুত্রদের খনিত এই কুয়োর বিষয়ে অভিজাত  
ব্যক্তিরা যা খনন করেছিলেন, অভিজাত ব্যক্তিদের রাজদণ্ড ও লাঠি  
দিয়ে।” তারপর তারা প্রান্তর থেকে মন্ত্রনায় গেল। 19 মন্ত্রনা থেকে  
নহলীয়েলে, নহলীয়েল থেকে বামোতে, 20 বামোৎ থেকে মোয়াব  
উপত্যকায়, যেখানে পিস্গা শিখর থেকে মরুভূমি প্রত্যক্ষ হল। 21  
ইস্রায়েল, ইমোরীয়দের রাজা সীহোনের কাছে বার্তাবাহকদের প্রেরণ  
করল। তারা গিয়ে বলল, 22 “আপনার দেশের মধ্য দিয়ে আমাদের  
যাওয়ার অনুমতি দিন। আমরা কোনো শস্যক্ষেত্র বা দ্রাক্ষাকুঞ্জের মধ্য  
গিয়ে যাব না, কুয়ো থেকে জলও পান করব না। যতদিন না আমরা  
এলাকা পার হয়ে যাই, আমরা শুধু রাজপথ দিয়েই গমন করব।” 23  
সীহোন কিন্তু তাঁর এলাকা দিয়ে ইস্রায়েলীদের যেতে দিলেন না।

তিনি তাঁর সমস্ত সেনা সমাবেশ করে প্রান্তরে ইস্রায়েলীদের বিপক্ষে  
অগ্রসর হলেন। যহসে পৌঁছে তিনি ইস্রায়েলের সঙ্গে যুদ্ধ করলেন।

24 তাতে ইস্রায়েল তাঁকে তরোয়াল দিয়ে আঘাত করল এবং অর্ণেন  
থেকে যবোক পর্যন্ত দখল করে নিল, কারণ অম্মোনীয়দের সীমানা  
সুরক্ষিত ছিল। 25 ইস্রায়েল হিয়্বোন সমেত ইমোরীয়দের সমস্ত  
নগর এবং তাদের সম্মিহিত উপনিবেশগুলি দখল করে বসতি স্থাপন  
করল। 26 হিয়্বোন, ইমোরীয়দের রাজা সীহোনের শহর ছিল, যা তিনি  
মোয়াবের সঙ্গে যুদ্ধ করে অর্ণেন পর্যন্ত তাঁর সমস্ত রাজ্য অধিকারভুক্ত  
করেছিলেন। 27 সেইজন্য কবিরা বলেছেন, “হিয়্বোনে এসো, তা  
পুনর্নির্মিত হোক, সীহোনের নগর পুনরুদ্ধার হোক। 28 “হিয়্বোন  
থেকে আগু, সীহোনের নগর থেকে নির্গত হল এক বহিশিখা, তা  
মোয়াবের আর ও অর্ণেনের উচ্চভূমির নাগরিকদের বিনাশ করল। 29  
হে মোয়াব, ধিক্ তোমাকে! কমোশের প্রজারা, তোমরা বিনষ্ট হলে।  
সে তার ছেলেদের পলাতকদের হাতে, ও মেয়েদের বন্দিরূপে সমর্পণ  
করেছে, ইমোরীয়দের রাজা সীহোনের হাতে। 30 “কিন্তু আমরা তাদের  
নিপাতিত করেছি; হিয়্বোন দীবোন পর্যন্ত ধ্বংস হয়েছে, আমরা নোফঃ  
পর্যন্ত তাদের ধ্বংস করেছি, যা মেদ্বা পর্যন্ত বিস্তৃত।” 31 এইভাবে  
ইস্রায়েল ইমোরীয়দের দেশে বসতি স্থাপন করল। 32 মোশি যাসেরে  
গুপ্তচর পাঠানোর পর, ইস্রায়েলীরা তার চতুর্দিকের গ্রামগুলি অধিকার  
করে নিল এবং সেখানকার সমস্ত ইমোরীয়দের বিতাড়িত করল। 33  
তারপর তারা ঘুরে বাশনের পথে উঠে গেল। আর বাশনের রাজা ওগ  
তাঁর সৈন্যদল নিয়ে তাদের সঙ্গে যুদ্ধ করার জন্য ইদ্রিয়াতে এলেন। 34  
সদাপ্রভু মোশিকে বললেন, “তাকে ভয় পেয়ো না। আমি তাকে, তার  
সমস্ত সেনাবাহিনী ও তার দেশ তোমার হাতে সমর্পণ করেছি। তার  
প্রতি সেরকমই কোরো, যেমন তুমি ইমোরীয়দের রাজা সীহোনের  
প্রতি করেছিলে, যে হিয়্বোনে রাজত্ব করত।” 35 তাই তারা ওগ ও  
তার ছেলেদের ও সমস্ত সৈন্যবাহিনীকে আঘাত করল, কাউকে বাঁচিয়ে  
রাখল না এবং তারা তাঁর দেশ অধিকার করে নিল।

**২২** তারপর ইন্দ্রায়েলীরা মোয়াব দেশের সমতলে যাত্রা করল এবং  
যিরীহোর অন্য পাশে, জর্ডন বরাবর ছাউনি স্থাপন করল। ২ ইন্দ্রায়েল  
ইয়েরীয়দের প্রতি যা করেছিল, সিঞ্চোরের ছেলে বালাক তা দেখলেন  
৩ এবং বিশাল জনতা দেখে মোয়াব অত্যন্ত শক্তি হল। প্রকৃতপক্ষে,  
মোয়াব ইন্দ্রায়েলীদের জন্য আসে পূর্ণ হল। ৪ মোয়াবীয়েরা, মিদিয়নের  
প্রবীণদের বলল, “যেমন ঘাঁড় ক্ষেত্রের ঘাস চেটে খায়, তেমনি এই  
যায়াবর সম্প্রদায় আমাদের চতুর্দিকের সবকিছুই চেটে খাবে।” তাই  
সিঞ্চোরের ছেলে বালাক, যিনি সেই সময় মোয়াবের রাজা ছিলেন, ৫  
বিলিয়মের কাছে বার্তাবাহকদের পাঠালেন। তিনি  
সেই সময় ইউফ্রেটিস নদীর সন্ধিকটে, তাঁর জন্মভূমি পথের নগরে  
ছিলেন। বালাক বলে পাঠালেন, “এক জনসমাজ মিশর থেকে বের  
হয়ে এসেছে; তারা ভূপৃষ্ঠ ছেয়ে গেছে এবং আমার রাজ্যের পাশেই  
বসতি করছে। ৬ আপনি এসে এই জনসমাজকে অভিশাপ দিন, কারণ  
তারা আমার থেকেও বেশি ক্ষমতাসম্পন্ন। সন্তুষ্ট তখন আমি তাদের  
পর্যন্ত করে দেশ থেকে বিতাড়ন করতে পারব। আমি জানি, আপনি  
যাদের আশীর্বাদ করেন, তারা আশীর্বাদপ্রাপ্ত হয় এবং যাদের অভিশাপ  
দেন তারা অভিশপ্ত হয়।” ৭ মোয়াবের ও মিদিয়নের প্রবীণেরা প্রস্তান  
করলেন। তাঁরা প্রত্যাদেশের জন্য দেয় পারিশ্রমিক সঙ্গে নিয়ে গেলেন।  
তাঁরা বিলিয়মের কাছে গিয়ে, তাঁকে বালাকের বার্তা পৌঁছে দিলেন। ৮  
বিলিয়ম তাঁদের বলল, “রাতে এখানেই থাকুন সদাপ্রভু আমাকে যা  
উত্তর দেন, তা আমি আপনাদের জ্ঞাত করব।” অতএব মোয়াবীয়  
কর্মকর্তারা তার সঙ্গে থাকলেন। ৯ ঈশ্বর বিলিয়মের কাছে এসে প্রশ্ন  
করলেন, “তোমার সঙ্গী, এই সমস্ত ব্যক্তি কারা?” ১০ বিলিয়ম ঈশ্বরকে  
বললেন, “মোয়াবের রাজা, সিঞ্চোরের ছেলে বালাক, আমার কাছে  
এই বার্তা পাঠিয়েছেন, ১১ ‘এক জনসমাজ মিশর থেকে বের হয়ে  
এসে সমস্ত দেশ ছেয়ে গেছে। এখন আপনি এসে আমার অনুকূলে  
তাদের অভিশাপ দিন। সন্তুষ্ট তখন আমি তাদের সঙ্গে যুদ্ধ করতে  
পারব ও তাদের বিতাড়ন করব।’” ১২ কিন্তু ঈশ্বর বিলিয়মকে বললেন,  
“তুমি তাদের সঙ্গে যাবে না। তুমি অবশ্যই ওই লোকদের অভিশাপ

দেবে না, কারণ তারা আশীর্বাদপ্রাপ্ত।” 13 পরদিন সকালে, বিলিয়ম  
উঠে বালাকের কর্মকর্তাদের বলল, “আপনাদের দেশে ফিরে যান,  
কারণ সদাপ্রভু আমাকে, আপনাদের সঙ্গে যেতে দিতে অস্বীকার  
করলেন।” 14 অতএব মোয়াবীয় কর্মকর্তারা বালাকের কাছে ফিরে  
গিয়ে বললেন, “বিলিয়ম আমাদের সঙ্গে আসতে অস্বীকার করেছেন।”  
15 তখন বালাক, সংখ্যায় আরও বেশি ও প্রথম দল অপেক্ষা অধিকতর  
বিশিষ্ট কর্মকর্তাদের পাঠালেন। 16 তাঁরা বিলিয়মের কাছে এসে বলল,  
“সিপ্লোরের ছেলে বালাক এই কথা বলেছেন যে, আমার কাছে আসতে  
কেনো কিছুই যেন আপনাকে নিবারিত না করে, 17 কেননা আমি  
উদারভাবে আপনাকে পুরস্কৃত করব এবং আপনি যা কিছু বলেন, সে  
সমস্তই করব। আসুন এবং আমার অনুকূলে এই লোকদের অভিশাপ  
দিন।” 18 কিন্তু বিলিয়ম তাঁদের উত্তর দিল, “বালাক যদি তাঁর প্রাসাদের  
সমস্ত রংপো ও সোনা আমাকে দান করেন, আমার ঈশ্বর, সদাপ্রভু  
আমাকে যে আদেশ দেন, আমি তার থেকে বেশি বা অল্প কিছুই  
করতে পারব না। 19 এখন অন্য দলের মতো আপনারাও আজ রাতে  
এখানে থাকুন যেন আমি চেষ্টা করে দেখি সদাপ্রভু আমাকে আর  
কিছু বলেন কি না।” 20 সেই রাতে সদাপ্রভু বিলিয়মের কাছে এসে  
বললেন, “যেহেতু এই ব্যক্তিরা তোমাকে ডাকতে এসেছে, তাদের  
সঙ্গে যাও; কিন্তু সেই কাজই করবে, যা আমি তোমাকে করতে বলব।”  
21 বিলিয়ম সকালে উঠে তাঁর গর্দভীর সজ্জা পরালো এবং মোয়াবের  
কর্মকর্তাদের সঙ্গে গেল। 22 কিন্তু সে যখন গেল, ঈশ্বর ভয়ানক ঝংঠ  
হলেন, সদাপ্রভুর দৃত তার বিরোধিতা করার উদ্দেশে পথের মধ্যে  
দাঁড়ালেন। বিলিয়ম তার গর্দভীতে আরোহণ করেছিল এবং তার দুই  
ভূত্য তার সঙ্গে ছিল। 23 যখন সেই গর্দভী, নিষ্কোষ তরোয়াল হাতে  
সদাপ্রভুর দৃতকে পথের মধ্যে দাঁড়িয়ে থাকতে দেখল, সে রাস্তা থেকে  
নেমে এক ক্ষেত্রে মধ্যে গেল। বিলিয়ম পথে ফিরানোর জন্য তাকে  
মারল। 24 তারপর সদাপ্রভুর দৃত, সেই দ্রাক্ষাকুঞ্জের মধ্যবর্তী এক  
সংকীর্ণ স্থানে দাঁড়ালেন, যার দুই ধারে দেওয়াল ছিল। 25 যখন সেই  
গর্দভী সদাপ্রভুর দৃতকে দেখল, সে দেওয়ালের নিকট ঘেসে গেল

এতে বিলিয়মের পা ঘষে গেল। সেইজন্য সে তাকে পুনরায় প্রহার করল। 26 এরপর সদাপ্রভুর দৃত অগ্রসর হয়ে এক সংকীর্ণ স্থানে গিয়ে দাঁড়ালেন, যেখান থেকে ডানদিকে বা বাঁদিকে কোনও পথে ফিরবার উপায় ছিল না। 27 যখন গর্দভী সদাপ্রভুর দৃতকে দেখল, সে বিলিয়মের নিচে বসে পড়ল। এতে সে ক্রুদ্ধ হল ও লাঠি দিয়ে সেই গর্দভীকে মারল। 28 তখন সদাপ্রভু গর্দভীটির মুখ খুলে দিলেন এবং সে বিলিয়মকে বলল, “আমি আপনার প্রতি কী করেছি যে এই তিনবার আপনি আমাকে মারলেন?” 29 বিলিয়ম গর্দভীকে উত্তর দিল, “তুমি আমাকে কি নির্বোধ পেয়েছ? যদি আমার হাতে তরোয়াল থাকত, তাহলে আমি এখনই তোমাকে বধ করতাম।” 30 গর্দভী বিলিয়মকে বলল, “আমি কি আপনার ব্যক্তিগত গর্দভী নই, যার উপরে আজ পর্যন্ত আপনি আরোহণ করে এসেছেন? আমি কি অনুরূপ আচরণ কখনও আপনার প্রতি করেছি?” সে বলল, “না।” 31 তখন সদাপ্রভু বিলিয়মের চোখ খুলে দিলেন, আর সে দেখল সদাপ্রভুর দৃত, পথের মধ্যে তাঁর তরোয়াল উন্মুক্ত করে দাঁড়িয়ে আছেন। তাই তিনি মাথা নত করে উপুড় হয়ে পড়লেন। 32 সদাপ্রভুর দৃত তাকে জিজ্ঞাসা করলেন, “তোমার গর্দভীকে তুমি এই তিনবার কেন মারলে? আমি তোমার বিপক্ষতা করতে এসেছি, কারণ তোমার কর্মপন্থা আমার দৃষ্টিতে অবিবেচকের মতো প্রতিপন্থ হয়েছে। 33 গর্দভীটি আমাকে দেখতে পেয়ে এই তিনবার আমার কাছ থেকে সরে গিয়েছিল। যদি সে না সরে যেত, আমি অবশ্যই এতক্ষণে তোমাকে বধ করতাম, কিন্তু তাকে বাঁচিয়ে রাখতাম।” 34 বিলিয়ম সদাপ্রভুর দৃতকে বলল, “আমি পাপ করেছি। আমি উপলব্ধি করিনি যে আপনি আমার বিপক্ষতা করার জন্য পথের মধ্যে দাঁড়িয়ে আছেন। এখন আপনি যদি অসন্তুষ্ট হয়ে থাকেন, তাহলে আমি ফিরে যাব।” 35 সদাপ্রভুর দৃত বিলিয়মকে বললেন, “তুমি ওই লোকদের সঙ্গে যাও, কিন্তু আমি তোমাকে যে কথা বলি, তুমি ঠিক তাই বলবে।” বিলিয়ম এরপর বালাকের কর্মকর্তাদের সঙ্গে গেল। 36 বালাক যখন বিলিয়মের আগমনের সংবাদ পেলেন, তিনি তার সঙ্গে মিলিত হতে তাঁর অঞ্চলের প্রান্তিক্তি অর্ণোনের সীমায় অবস্থিত

মোয়াবীয় এক নগরে গেলেন। 37 বালাক বিলিয়মকে বললেন, “আমি  
কি আপনাকে জরুরি ভিত্তিতে ডেকে পাঠাইনি? আপনি কেন আমার  
কাছে আসেননি? আমি কি বাস্তবিকই আপনাকে পুরস্কৃত করতে  
অক্ষম?” 38 বিলিয়ম উভর দিলেন, “বেশ, এখন আমি তো আপনার  
কাছে উপস্থিত হয়েছি। কিন্তু আমি আমার ইচ্ছা মতন কথা বলতে  
পারি না। সদাপ্রভু আমার মুখে যে ভাষ্য দেবেন, আমি শুধু সেকথাই  
বলতে পারব।” 39 তারপর বিলিয়ম, বালাকের সঙ্গে কিরিয়ৎ-হৰ্মোতে  
গেল। 40 বালাক গবাদি পশু ও মেষ বলিদান করলেন এবং তাদের  
কয়েকটি নিয়ে বিলিয়ম ও তার সঙ্গী সেই কর্মকর্তাদের দান করলেন।  
41 পরদিন সকালে বালাক, বিলিয়মকে নিয়ে বামোৎ বায়ালে আরোহণ  
করলেন এবং সেই স্থান থেকে তিনি ইস্রায়েলীদের শিবিরের প্রান্তদেশ  
দেখতে পেলেন।

**23** বিলিয়ম বলল, “আমার জন্য আপনি এখানে সাতটি বেদি নির্মাণ  
করুন এবং সাতটি ঘাঁড় ও সাতটি মেষের আয়োজন করুন।” 2  
বিলিয়মের কথামতো বালাক সব কাজ করলেন। তারা উভয়ে প্রতিটি  
বেদিতে, একটি ঘাঁড় ও একটি মেষ উৎসর্গ করলেন। 3 তারপর  
বালাককে বিলিয়ম বলল, ‘যখন আমি একান্তে যাই, আপনি আপনার  
নৈবেদ্যের পাশে অপেক্ষা করুন। সন্তুষ্ট সদাপ্রভু আমার সঙ্গে দেখা  
করতে আসবেন। যা কিছু তিনি আমার কাছে প্রকাশ করেন, আমি  
আপনাকে অবহিত করব।’ তারপর সে এক অনুর পাহাড়ের উপরে  
উঠে গেল। 4 সেশ্বর তার সঙ্গে দেখা করলেন এবং বিলিয়ম বলল,  
“আমি সাতটি বেদি নির্মাণ করেছি। প্রত্যেকটির উপর একটি করে ঘাঁড়  
ও একটি করে মেষ উৎসর্গ করেছি।” 5 সদাপ্রভু বিলিয়মের মুখে একটি  
বাণী দিলেন এবং বললেন, “বালাকের কাছে ফিরে গিয়ে তাকে এই  
বার্তা শোনাও।” 6 সে তাঁর কাছে ফিরে গিয়ে দেখল তিনি মোয়াবের  
সমস্ত কর্মকর্তার সঙ্গে তাঁর নৈবেদ্যের কাছে দাঁড়িয়ে আছেন। 7 তখন  
বিলিয়ম তার প্রত্যাদেশ ব্যক্ত করল, “আরাম থেকে বালাক আমাকে  
আনলেন, মোয়াব রাজা, প্রাচ্যের পর্বতসমূহ থেকে আনলেন, সে বলল,  
'এসো, আমার অনুকূলে যাকোবকে অভিশাপ দাও, এসো, ইস্রায়েলের

বিষয় অঙ্গলের কথা বলো।’ 8 দৈশ্বর যাদের অভিশাপ দেননি আমি  
কীভাবে তাদের অভিশাপ দিই? সদাপ্রভু যাদের অবলুপ্ত করেননি,  
আমি কীভাবে তাদের অবলুপ্তি ঘোষণা করব? 9 শৈলময় শিখর থেকে  
আমি তাদের নিরীক্ষণ করি, উচ্চস্থল থেকে আমি তাদের লক্ষ্য করি;  
দেখতে পাই, স্বতন্ত্র এক জাতির নিবাস, যারা অন্য জাতিসমূহের  
পর্যায়ভুক্ত বলে নিজেদের গণ্য করে না। 10 যাকোবের ধুলো, কে  
করতে গণনা পারে অথবা, ইস্রায়েলের এক-চতুর্থাংশের সংখ্যা নির্ণয়  
করতে পারে? ধার্মিকের মৃত্যুর মতো আমার মৃত্যু হোক, যেন তাদেরই  
অনুরূপ আমরাও পরিণতি হয়।” 11 বালাক, বিলিয়মকে বললেন,  
“আপনি আমার প্রতি এ কী করলেন? আমি, আমার শক্রদের অভিশাপ  
দিতে আপনাকে ডেকেছিলাম, কিন্তু আপনি কিছুই না করে, তাদের  
আশীর্বাদ করলেন।” 12 সে উত্তর দিল, “সদাপ্রভু আমার মুখে যে  
কথা দেন, আমি কি সেকথাই বলতে বাধ্য নই?” 13 পরে বালাক  
তাকে বললেন, “আমার সঙ্গে অন্য স্থানে চলুন, সেখান থেকে আপনি  
তাদের দেখতে পাবেন। আপনি তাদের সবাইকে নয়, কিন্তু তাদের  
শিবিরের প্রান্তভাগ দেখতে পাবেন। সেখান থেকে আমার অনুকূলে  
তাদের অভিশাপ দিন।” 14 সেই লক্ষ্যে তিনি তাকে পিস্গা শিখরে  
সোফীমের ক্ষেত্রে নিয়ে গেলেন। সেখানে সাতটি বেদি নির্মাণ করে,  
প্রত্যেকটির উপর একটি করে ঘাঁড় ও একটি মেষ উৎসর্গ করলেন।  
15 বালাককে বিলিয়ম বলল, “যখন আমি তাঁর সঙ্গে দেখা করতে  
যাই, আপনি আপনার নৈবেদ্যের পাশে অপেক্ষা করুন।” 16 সদাপ্রভু  
বিলিয়মের সঙ্গে দেখা করে তার মুখে বাণী দিলেন এবং বললেন,  
“বালাকের কাছে ফিরে যাও ও এই বার্তা তাকে দাও।” 17 সে তাঁর  
কাছে গিয়ে দেখল তিনি মোয়াবের কর্মকর্তাদের সঙ্গে তাঁর নৈবেদ্যের  
কাছে দাঁড়িয়ে আছেন। বালাক তাকে জিজাসা করলেন, “সদাপ্রভু কী  
কথা বললেন?” 18 তখন তিনি তার প্রত্যাদেশ ব্যক্ত করলেন, “বালাক,  
ওঠো ও শ্রবণ করো, সিঙ্গোরের ছেলে, আমার কথায় কর্ণপাত করো।  
19 সদাপ্রভু মানব নন যে তাঁকে মিথ্যা বলতে হবে, মনুষ্য সন্তান নন  
যে তাঁর মতের পরিবর্তন করবেন। তিনি কথা দিয়ে কি কাজে রূপায়িত

করেন না? প্রতিজ্ঞা করে তিনি কি পূর্ণ করেন না? 20 আমি আশীর্বাদ  
করার আদেশ পেয়েছি; তিনি আশীর্বাদ করেছেন, আমি তার অন্যথা  
করতে পারি না। 21 “যাকোবের মধ্যে কোনো দুর্বিপাক দেখা যায়নি,  
ইস্রায়েলে কোনো ক্লেশ প্রত্যক্ষ হয়নি; সদাপ্রভু, তাদের ঈশ্বর, তাদের  
সহায় আছেন রাজার জয়োল্লাস তাদের সঙ্গে বিদ্যমান। 22 ঈশ্বর,  
মিশর থেকে তাদের নিয়ে এসেছেন, বন্য বৃষের মতো তারা শক্তিধর;  
23 যাকোবের বিপক্ষে কোনও ইন্দ্রজাল, ইস্রায়েলের বিপক্ষে কোনও  
ভবিষ্যৎ-কথন কৃতকার্য হবে না। যাকোব এবং ইস্রায়েল সম্পর্কে এখন  
বলা হবে, ‘দেখো, ঈশ্বর কী কাজই না সাধন করেছেন!’ 24 সেই জাতি  
সিংহীর মতো উঠিত হয়, সিংহের মতোই তারা গাত্রোথান করে।  
তারা যতক্ষণ না শিকার বিদীর্ণ করে ততক্ষণ বিশ্রাম করে না, এবং  
নিহতদের রক্ত পান করে।” 25 বালাক তখন বিলিয়মকে বললেন,  
“তাদের অভিশাপ দেবেন না, কিংবা আশীর্বাদও করবেন না।” 26  
বিলিয়ম উত্তর দিল, “আমি কি আপনাকে একথা বলিনি, যে আমি  
শুধু সেই কাজই করব, যা সদাপ্রভু আমাকে করতে বলবেন?” 27  
তারপরে বিলিয়মকে বালাক বললেন, “আসুন আমি আপনাকে অন্য  
এক স্থানে নিয়ে যাই। সম্ভবত ঈশ্বর সন্তুষ্ট হবেন, যেন আপনি আমার  
পক্ষে সেখান থেকে তাদের অভিশাপ দেন।” 28 আর বালাক মরুভূমি  
অভিমুখী পিয়োর শৃঙ্গে বিলিয়মকে নিয়ে গেলেন। 29 বিলিয়ম বলল,  
“এখানে আমার জন্য আপনি সাতটি বেদি নির্মাণ করুন এবং সাতটি  
ষাঁড় ও সাতটি মেষের বলিদানের আয়োজন করুন।” 30 বিলিয়মের  
কথামতো বালাক তাই করলেন এবং প্রত্যেকটি বেদির উপরে একটি  
করে ষাঁড় ও একটি মেষ উৎসর্গ করা হল।

**২৪** বিলিয়ম যখন দেখল যে ইস্রায়েলীদের আশীর্বাদ করা সদাপ্রভুর  
সন্তোষজনক, তখন অন্য সময়ের মতো সে প্রত্যাদেশ লাভ করতে  
অন্যত্র গেল না, কিন্তু তার মুখ প্রান্তরের দিকে ফেরালো। 2 বিলিয়ম  
দেখল, গোষ্ঠী অনুসারে ইস্রায়েল ছাউনি স্থাপন করে আছে, তখন  
ঈশ্বরের আত্মা তার উপরে এলেন 3 এবং সে তার প্রত্যাদেশ ব্যক্ত  
করল, “বিয়োরের ছেলে বিলিয়মের প্রত্যাদেশ, যার চোখ স্পষ্ট প্রত্যক্ষ

করে, তার প্রত্যাদেশ, 4 তার প্রত্যাদেশ, যে ঐশ্ব বাণী শ্রবণ করে, যে সর্বশক্তিমানের কাছ থেকে দর্শন পায়, যে সাষ্টাঙ্গ প্রণত হয়, ও যার চোখ খোলা থাকে। 5 “হে যাকোব, তোমার তাঁগুলি, হে ইস্রায়েল, তোমার নিবাসস্থান কেমন মনোহর! 6 “উপত্যকার মতো সেগুলি বিস্তৃত হয়, নদী-তীরের বাগানের মতো হয়; সদাপ্রভু দ্বারা রোপিত অগুরু গাছগুলির মতো, জলস্ন্তোতের পাশে থাকা দেবদারু গাছগুলির মতো হয়। 7 তাদের বালতি থেকে জল উপচে পড়বে, তাদের বীজ প্রচুর জল পাবে। “তাদের রাজা হবেন অগাগ থেকেও মহৎ, উন্নত হবে তাদের রাজ্য। 8 “ঈশ্বর মিশ্র থেকে তাদের নির্গত করেছেন, তারা বন্য ঘাঁড়ের মতো শক্তিশালী। বৈরী জাতিদের তারা ছিন্নভিন্ন করে, খণ্ডিত করে তাদের অঙ্গুলি, তিরঙ্গলি দিয়ে তাদের বিদ্ধ করে। 9 সিংহের মতোই তারা হামাগুড়ি দেয়, সিংহীর মতোই শয়ন করে; কোন সাহসী তাকে উঠাতে পারে? “যারা তোমাকে আশীর্বাদ করে তারা আশিস ধন্য হবে, যারা তোমাকে অভিশাপ দেয় তারা অভিশপ্ত হবে!” 10 তখন বিলিয়মের প্রতি বালাকের ক্রোধ বক্ষিমান হল। তিনি হাতে করাঘাত করে তাকে বললেন, “আমি আপনাকে ডেকে এনেছিলাম যেন আপনি আমার শক্রদের অভিশাপ দেন, কিন্তু এই তিনবার আপনি তাদের আশীর্বাদ করলেন। 11 এখন এই মুহূর্তে, প্রস্থান করুন ও বাড়িতে ফিরে যান! আমি বলেছিলাম, আপনাকে উদারভাবে পুরস্কৃত করব, কিন্তু সদাপ্রভুই আপনাকে পুরস্কার নিতে দিলেন না।” 12 বালাককে বিলিয়ম উত্তর দিল, “আপনি যে বার্তাবাহকদের পাঠিয়েছিলেন, আমি কি তাদের বলিনি, 13 ‘বালাক যদিও তাঁর প্রাসাদের সমস্ত সোনা ও রংপো দেন, আমি স্বেচ্ছায়, ভালো অথবা মন্দ, সদাপ্রভুর আদেশের অতিরিক্ত, কিছুই করতে পারি না। আমি শুধু সেই কথা বলব, যা সদাপ্রভু আমাকে বলে দেবেন।’ 14 এখন আমি আমার স্বজ্ঞাতির কাছে ফিরে যাই, কিন্তু এই লোকেরা ভবিষ্যতে আপনার লোকদের প্রতি কী করবে, আসুন, সেই বিষয়ে আপনাকে সচেতন করে দিই।” 15 পরে সে তার প্রত্যাদেশ ব্যক্ত করল, “বিয়োরের ছেলে বিলিয়মের প্রত্যাদেশ, যার চোখ স্পষ্ট প্রত্যক্ষ করে, তার প্রত্যাদেশ, 16 তার

প্রত্যাদেশ, যে ঐশ্ব বাণী শ্রবণ করে, যিনি পরাঃপরের কাছে থেকে  
জ্ঞান লাভ করেছে, যে সর্বশক্তিমানের কাছ থেকে দর্শন পায়, যে  
সাটাঙ্গ প্রণত হয় ও যার চোখ খোলা থাকে। 17 “আমি তাঁকে দেখব,  
কিন্তু এখন নয়, আমি দর্শন করব, কিন্তু কাছ থেকে নয়; যাকোব  
থেকে উদিত হবেন এক তারকা, ইস্রায়েল থেকে এক রাজদণ্ডের  
উত্থান হবে। তিনি মোয়াবের কপালগুলি ও শেথের সমস্ত সন্তানের  
খুলিগুলি চূর্ণ করবেন। 18 ইদোম পরাভূত হবে, তার শক্তি সেয়ার  
পরাভূত হবে, কিন্তু ইস্রায়েল উত্তরোত্তর শক্তিমান হবে। 19 যাকোব  
থেকে এক প্রশাসকের আগমন হবে, তিনি নগরের অবশিষ্ট ব্যক্তিদের  
বিনাশ করবেন।” 20 পরে বিলিয়ম অমালেকের প্রতি দৃষ্টিপাত করে  
তার প্রত্যাদেশ ব্যক্ত করল, “অমালেক জাতিসমূহের মধ্যে অগ্রগণ্য  
ছিল, কিন্তু বিনাশই হবে তার পরিণতি।” 21 তারপর সে কেনীয়দের  
প্রতি দৃষ্টিপাত করে তার প্রত্যাদেশ ব্যক্ত করল, “তোমার নিবাসস্থল  
সুরক্ষিত, তোমার নীড় শৈলের মধ্যে স্থাপিত, 22 তা সত্ত্বেও কেনীয়েরা,  
তোমার হবে বিধ্বংস যখন আসিরীয়রা বন্দি করে তোমাদের নিয়ে  
যাবে।” 23 তারপর সে তার প্রত্যাদেশ ব্যক্ত করল, “হায়! ঈশ্বর যখন  
এই কাজ করেন, তখন কে রক্ষা পেতে পারে? 24 কিন্তু মের সৈকত  
থেকে জাহাজগুলি আসবে, তারা আসিরিয়া ও এবরকে দমন করবে;  
কিন্তু তাদের নিজেদেরও বিনাশ হবে।” 25 এরপরে বিলিয়ম উঠে  
নিজের ঘরে ফিরে গেল এবং বালাকও নিজের পথে প্রস্থান করলেন।

**25** শিটিমে অবস্থানকালে ইস্রায়েলীরা, মোয়াবীয় স্ত্রীলোকদের সঙ্গে  
ব্যভিচারে লিঙ্গ হল, 2 যারা তাদের দেবতাদের উদ্দেশে বলিকৃত  
খাদ্য খাওয়ার জন্য তাদের আমন্ত্রণ জানাল। লোকেরা তা খেয়ে সেই  
দেবতাদের কাছে প্রণিপাত করল। 3 এইভাবে ইস্রায়েল, পিয়োরের  
বায়ালের উপাসনায় যোগ দিল। তখন তাদের বিপক্ষে সদাপ্রভুর  
ক্রোধ বহিমান হল। 4 সদাপ্রভু মোশিকে বললেন, “এই জাতির  
সমস্ত নেতৃবর্গকে নাও এবং প্রকাশ্য দিবালোকে তাদের বধ করো,  
যেন সদাপ্রভুর প্রচণ্ড ক্রোধ ইস্রায়েল থেকে দূরীভূত হয়।” 5 তাই  
মোশি ইস্রায়েলের বিচারকদের বললেন, “তোমরা প্রত্যেকে পিয়োরের

বায়াল-প্রতিমার উপাসনাকারী স্বজনদের অবশ্যই বধ করবে।” 6 সেই  
সময়, একজন ইস্রায়েলী ব্যক্তি, মোশি এবং সমগ্র ইস্রায়েলী সমাজের  
দৃষ্টিগোচরে, একজন মিদিয়নীয় স্ত্রীলোককে তার বাড়িতে নিয়ে এল।  
তখন সমাগম তাঁবুর প্রবেশপথে, তারা সকলে কান্নাকাটি করছিল। 7  
যখন যাজক হারোগের নাতি, ইলিয়াসরের ছেলে পীনহস তা দেখলেন,  
তিনি সমাজ থেকে প্রস্থান করে হাতে একটি বর্ণা নিলেন। 8 তিনি  
সেই ইস্রায়েলী ব্যক্তিকে অনুসরণ করে তার তাঁবু পর্যন্ত গোলেন। তিনি  
তাদের উভয়ের, সেই ইস্রায়েলী ব্যক্তি ও স্ত্রীলোকটির পেটে বর্ণা  
বিদ্ধ করলেন। তখন ইস্রায়েলীদের মধ্যে ছড়িয়ে পড়া মহামারি নির্বৃত  
হল; 9 কিন্তু সেই মহামারিতে যারা মারা গিয়েছিল তাদের সংখ্যা  
24,000। 10 সদাপ্রভু মোশিকে বললেন, 11 “যাজক হারোগের নাতি,  
ইলিয়াসরের ছেলে পীনহস, ইস্রায়েলীদের প্রতিকূলে আমার ক্রোধ  
নির্বৃত করেছে, কারণ আমার সম্মান রক্ষার জন্য আমার মতোই সেও  
উদ্যোগী হয়েছে। তাই আমি ক্রোধ প্রকাশ করে তাদের শেষ করে  
দিইনি। 12 সেইজন্য তাকে বলো, আমি তার সঙ্গে আমার শান্তিচুক্তি  
কার্যকর করছি। 13 সে ও তার বংশধরেরা চিরকাল যাজকত্ব পদের  
জন্য চুক্তিবদ্ধ হল, কারণ সে তার ঈশ্বরের সম্মান রক্ষার উদ্যোগী হয়ে  
ইস্রায়েলীদের জন্য প্রায়চিত্ত সাধন করেছে।” 14 যে ইস্রায়েলী ব্যক্তি,  
ওই মিদিয়নীয় স্ত্রীলোকটির সঙ্গে হত হয়েছিল, তার নাম সিমি। সে  
সালুর ছেলে ও শিমিয়োনীয় গোষ্ঠীর একজন নেতা ছিল। 15 আর  
সেই মিদিয়নীয় স্ত্রীলোক, যাকে হত্যা করা হয়েছিল, তার নাম কস্বী।  
সে মিদিয়ন বংশের জনৈক গোষ্ঠীর প্রধান, সূর-এর মেয়ে ছিল।  
16 সদাপ্রভু মোশিকে বললেন, 17 “মিদিয়নীয়দের শক্র-জ্ঞান করে  
তাদের বধ করো। 18 কারণ তারাও তোমাদের শক্র-জ্ঞান করেছে;  
তারা পিয়োর সংক্রান্ত বিষয়ে এবং মিদিয়নীয় জনৈক নেতার মেয়ে  
তাদের বোন কস্বী নামক যে স্ত্রীলোকটি হত হয়েছিল, তার মাধ্যমে  
তোমাদের প্রতারণা করেছিল। পরিণতিস্বরূপ, এই পিয়োরের জন্য  
তোমরা মহামারিতে আক্রান্ত হয়েছিলে।”

**26** মহামারির পরে সদাপ্রভু, মোশি ও যাজক হারোগের ছেলে ইলীয়াসরকে বললেন, 2 “বৎশ অনুসারে সমস্ত ইস্রায়েলী সম্প্রদায়ের লোকগণনা করো। তাদের সবাইকে গণনা করো যাদের বয়স কুড়ি বছর বা তারও বেশি এবং যারা ইস্রায়েলী সেনাবাহিনীতে কাজ করতে সক্ষম।” 3 অতএব মোশি ও যাজক ইলীয়াসর, মোয়াবের সমতলে, জর্ডনের কাছে, যিরীহোর অপর পাশে, তাদের সঙ্গে আলাপ করলেন ও বললেন, 4 “সদাপ্রভু যেমন মোশিকে আদেশ করেছেন, কুড়ি বছর বা তারও বেশি বয়স্ক পুরুষদের সংখ্যা গণনা করো।” এই ইস্রায়েলীরা মিশর থেকে বের হয়ে এসেছিল: 5 ইস্রায়েলের বড়ো ছেলে রূবেগের বৎশধরেরা হল: হনোক থেকে হনোকীয় গোষ্ঠী, পল্লু থেকে পল্লুয়ীয় গোষ্ঠী; 6 হিত্রোণ থেকে হিত্রোণীয় গোষ্ঠী, কর্মি থেকে কর্মীয় গোষ্ঠী। 7 এরা সবাই রূবেগের গোষ্ঠী; এদের গণিত সংখ্যা ছিল 43,730। 8 পল্লুর ছেলে ইলীয়াব 9 এবং ইলীয়াবের ছেলেরা হল নম্যোল, দাথন ও অবীরাম। এই দাথন ও অবীরাম ছিলেন সম্প্রদায়ের আধিকারিক, যারা মোশি ও হারোগের বিরুদ্ধে বিদ্রোহ করেছিল। তারা কোরহের অনুগামীদলের অন্তর্ভুক্ত ছিল, যখন তারা সদাপ্রভুর বিপক্ষে বিদ্রোহ করেছিল। 10 পথিবী, তাঁর মুখ খুলে কোরহের সঙ্গে তার অনুগামী দলকে গ্রাস করেছিল। সেসময় আগুন, 250 জন ব্যক্তিকেও পুড়িয়ে দিয়েছিল। তাদের ঘটনা দৃষ্টান্তস্বরূপ হয়ে রইল। 11 যাইহোক, কোরহের বৎশধরেরা কেউই মারা পড়েনি। 12 গোষ্ঠী অনুযায়ী, শিমিয়োনের বৎশধরেরা হল: নম্যোল থেকে নম্যোলীয় গোষ্ঠী, যামীন থেকে যামীনীয় গোষ্ঠী, যাখীন থেকে যাখীনীয় গোষ্ঠী, 13 সেরহ থেকে সেরহীয় গোষ্ঠী, শৌল থেকে শৌলীয় গোষ্ঠী। 14 এরা সবাই শিমিয়োনের গোষ্ঠী। এদের গণিত পুরুষের সংখ্যা 22,200। 15 গোষ্ঠী অনুযায়ী, গাদের বৎশধরেরা হল: সিফোন থেকে সিফোনীয় গোষ্ঠী, হগি থেকে হগীয় গোষ্ঠী, শূনি থেকে শূনীয় গোষ্ঠী, 16 ওষ্ণ থেকে ওষ্ণীয় গোষ্ঠী, এরি থেকে এরীয় গোষ্ঠী; 17 আরোদ থেকে আরোদীয় গোষ্ঠী, অরেলি থেকে অরেলীয় গোষ্ঠী। 18 এরা সবাই গাদের গোষ্ঠী। এদের গণিত সংখ্যা ছিল 40,500। 19 এর ও ওনন, যিহুদার

সন্তান। তারা সবাই কলানে মারা গিয়েছিল। 20 গোষ্ঠী অনুযায়ী, যিহুদার বংশধরেরা হল: শেলা থেকে শেলানীয় গোষ্ঠী, পেরস থেকে পেরসীয় গোষ্ঠী, সেরহ থেকে সেরহীয় গোষ্ঠী। 21 পেরসের বংশধরেরা হল: হিত্রোণ থেকে হিত্রোণীয় গোষ্ঠী, হামূল থেকে হামূলীয় গোষ্ঠী। 22 এরা সবাই যিহুদার গোষ্ঠী। এদের গণিত সংখ্যা ছিল 76,500। 23 গোষ্ঠী অনুযায়ী ইষাখরের বংশধরেরা হল: তোলয় থেকে তোলয়ীয় গোষ্ঠী; পৃয় থেকে পৃয়ীয় গোষ্ঠী, 24 যাশুব থেকে যাশুবীয় গোষ্ঠী, শিত্রোণ থেকে শিত্রোণীয় গোষ্ঠী। 25 এরা সবাই ইষাখরের গোষ্ঠী। এদের গণিত সংখ্যা ছিল 64,300। 26 গোষ্ঠী অনুযায়ী, সবূলনের বংশধরেরা হল: সেরদ থেকে সেরদীয় গোষ্ঠী, এলোন থেকে এলোনীয় গোষ্ঠী, যহলেল থেকে যহলেলীয় গোষ্ঠী। 27 এরা সবাই সবূলনের গোষ্ঠী। এদের গণিত সংখ্যা ছিল, 60,500। 28 গোষ্ঠী অনুযায়ী, মনঃশি ও ইফ্রায়িমের মাধ্যমে, যোষেফের বংশধরেরা হল: 29 মনঃশির বংশধরেরা হল: মাখীর থেকে মাখীরীয় গোষ্ঠী। (গিলিয়দের বাবা ছিলেন মাখীর) গিলিয়দ থেকে গিলিয়দীয় গোষ্ঠী। 30 গিলিয়দের বংশধরেরা হল: ঈয়েমর থেকে ঈয়েমরীয় গোষ্ঠী, হেলক থেকে হেলকীয় গোষ্ঠী, 31 অস্তীয়েল থেকে অস্তীয়েলীয় গোষ্ঠী, শেখম থেকে শেখমীয় গোষ্ঠী, 32 শিমীদা থেকে শিমীদায়ীয় গোষ্ঠী, হেফর থেকে হেফরীয় গোষ্ঠী। 33 (হেফরের ছেলে সলফাদের কোনো ছেলে ছিল না। তাঁর শুধুমাত্র কয়েকটি মেয়ে ছিল। তাদের নাম ছিল মহলা, নোয়া, হগ্লা, মিঞ্কা ও তির্সা) 34 এরা সবাই মনঃশির গোষ্ঠী। এদের গণিত সংখ্যা ছিল 52,700। 35 গোষ্ঠী অনুযায়ী ইফ্রায়িমের বংশধরেরা হল: শূথেলহ থেকে শূথেলহীয় গোষ্ঠী, বেখর থেকে বেখরীয় গোষ্ঠী, তহন থেকে তহনীয় গোষ্ঠী। 36 এরা সবাই শূথেলহের বংশধর, এরণ থেকে এরণীয় গোষ্ঠী। 37 এরা সবাই ইফ্রায়িম গোষ্ঠী। এদের গণিত সংখ্যা ছিল 32,500। গোষ্ঠী অনুযায়ী, এরা সকলে যোষেফের বংশধর। 38 গোষ্ঠী অনুযায়ী, বিন্যামীনের বংশধরেরা হল: বেলা থেকে বেলায়ীয় গোষ্ঠী, অস্বেল থেকে অস্বেলীয় গোষ্ঠী। অহীরাম থেকে অহীরামীয় গোষ্ঠী। 39 শূফম থেকে শূফমীয় গোষ্ঠী, হৃফম থেকে হৃফমীয় গোষ্ঠী। 40 অর্দ

এবং নামানের মাধ্যমে, বেলার বংশধরেরা হল: অর্দ থেকে অদীয় গোষ্ঠী, নামান থেকে নামানীয় গোষ্ঠী। 41 এরা সবাই বিন্যামীনের গোষ্ঠী। এদের গণিত সংখ্যা হল 45,600। 42 গোষ্ঠী অনুযায়ী, দানের বংশধরেরা হল: শূহম থেকে শূহমীয় গোষ্ঠী। এরা সবাই দানের গোষ্ঠী। 43 তারা সবাই শূহমীয় গোষ্ঠীভুক্ত ছিল। তাদের গণিত সংখ্যা ছিল 64,400। 44 গোষ্ঠী অনুযায়ী, আশেরের বংশধরেরা হল: যিঙ্গ থেকে যিঙ্গীয় গোষ্ঠী, যিস্বি থেকে যিস্বীয় গোষ্ঠী, বরিয় থেকে বরিয়ীয় গোষ্ঠী। 45 আবার বরিয়ের বংশধরেরা হল: হেবের থেকে হেবরীয় গোষ্ঠী, মঙ্কীয়েল থেকে মঙ্কীয়েলীয় গোষ্ঠী। 46 আশেরের সারহ নামে একটি মেয়ে ছিল। 47 এরা সবাই আশেরের গোষ্ঠী, তাদের গণিত সংখ্যা ছিল, 53,400। 48 গোষ্ঠী অনুযায়ী, নগ্নালির বংশধরেরা হল: যহসীয়েল থেকে যহসীয়েলীয় গোষ্ঠী, গুনি থেকে গুনীয় গোষ্ঠী। 49 যেৎসর থেকে যেৎসরীয় গোষ্ঠী, শিল্পেম থেকে শিল্পেমীয় গোষ্ঠী। 50 এরা সবাই নগ্নালির গোষ্ঠী। এদের গণিত সংখ্যা ছিল 45,400। 51 ইস্রায়েলী পুরুষদের সর্বমোট গণিত সংখ্যা ছিল 6,01,730 জন। 52 সদাপ্রভু মোশিকে বললেন, 53 “নামের গণিত সংখ্যা অনুযায়ী তাদের মধ্যে ভূমির স্বত্ত্বাধিকার বণ্টন করতে হবে। 54 বড়ো দলকে বেশি এবং ছোটো দলকে অল্প স্বত্ত্বাধিকার দিতে হবে। নামের তালিকা অনুযায়ী, প্রত্যেক ব্যক্তি তার স্বত্ত্বাধিকার লাভ করবে। 55 ভূমি নিশ্চিতরূপে গুটিকাপাতের মাধ্যমে বন্দিত হবে। পিতৃ-গোষ্ঠীর নাম অনুযায়ী প্রতিটি দল স্বত্ত্বাধিকার লাভ করবে। 56 বড়ো বা ছোটো সমস্ত দলের মধ্যেই গুটিকাপাতের মাধ্যমে বন্দিত হবে।” 57 এই লেবীয়েরাও তাদের গোষ্ঠী অনুযায়ী গণিত হল: গের্শোন থেকে গের্শোনীয় গোষ্ঠী, কহাং থেকে কহাতীয় গোষ্ঠী, মরারি থেকে মরারীয় গোষ্ঠী। 58 এরাও সবাই লেবীয় গোষ্ঠী ছিল: লিবনীয় গোষ্ঠী, হিরোগীয় গোষ্ঠী, মহলীয় গোষ্ঠী, মূশীয় গোষ্ঠী, কোরহীয় গোষ্ঠী। কহাং অগ্রামের পূর্বপুরুষ ছিলেন। 59 অগ্রামের স্তুর নাম যোকেবদ। ইনি লেবির বংশ। মিশরে ও লেবি গোষ্ঠীতে তাঁর জন্ম হয়েছিল। অগ্রামের জন্য তিনি হারোণ, মোশি ও তাঁদের দিদি মরিয়মকে জন্ম দিয়েছিলেন। 60 হারোণ ছিলেন

নাদব, অবীহু, ইলীয়াসর ও ঈথামরের বাবা। 61 কিন্তু নাদব ও অবীহু  
অশুচি আগুনের মাধ্যমে সদাপ্রভুর উদ্দেশে নৈবেদ্য উৎসর্গ করায়  
মারা পড়েছিল।) 62 এক মাস বা তারও বেশি বয়স্ক লেবীয়দের সব  
পুরুষের গণিত সংখ্যা ছিল 23,000। অন্য ইস্রায়েলীদের সঙ্গে তাদের  
গণনা করা হয়নি, কারণ তাদের মধ্যে তারা কোনো স্বত্ত্বাধিকার প্রাপ্ত  
হয়নি। 63 মোশি ও যাজক ইলীয়াসর মোয়াবের সমতলে জর্ডনের  
তীরে যিরাহোর অপর পাশে এই ইস্রায়েলীদের গণনা করেছিলেন। 64  
মোশি ও যাজক হারোণ, সীনয় মরণভূমিতে, যে ইস্রায়েলীদের গণনা  
করেছিলেন, এই গণিত লোকদের মধ্যে তাদের একজনও অন্তর্ভুক্ত  
ছিল না। 65 কারণ সদাপ্রভু সেই ইস্রায়েলীদের বলেছিলেন যে তারা  
নিশ্চিতরপেই প্রাপ্তরে মারা যাবে। তাই যিফুন্নির ছেলে কালেব ও  
নূনের ছেলে যিহোশূয় ছাড়া, তাদের একজনও অবশিষ্ট ছিল না।

**27** মনঃশির ছেলে মাথীর, তাঁর ছেলে গিলিয়দ, তাঁর ছেলে হেফর;  
তাঁর ছেলে সলফাদের মেয়েরা, যোষেফের ছেলে মনঃশির গোষ্ঠীভুক্ত  
ছিল। সেই মেয়েদের নাম ছিল মহলা, নোয়া, হগ্লা, মিঞ্চা ও  
তিস্রা। 2 তারা সমাগম তাঁবুর প্রবেশ মুখে মোশি, যাজক ইলীয়াসর,  
নেতৃবর্গ এবং সমগ্র সমাজের সামনে এসে দাঁড়াল। তারা বলল, 3  
“আমাদের বাবা প্রাপ্তরে মারা গিয়েছিলেন। যারা সদাপ্রভুর বিপক্ষে  
জেটিবন্দ হয়েছিল, সেই কোরহের অনুগামীদের মধ্যে তিনি ছিলেন  
না, কিন্তু তিনি নিজের পাপেই মারা গিয়েছেন এবং কোনো ছেলে  
রেখে যাননি। 4 যেহেতু তাঁর ছেলে নেই, তাই আমাদের বাবার নাম,  
তাঁর গোষ্ঠী থেকে কেন অবলুপ্ত হবে? আমাদের বাবার আত্মজনের  
মধ্যে থেকে, আমাদের ভূমির স্বত্ত্বাধিকার দিন।” 5 মোশি তাদের  
আবেদন সদাপ্রভুর সামনে নিয়ে গেলেন। 6 সদাপ্রভু তাঁকে বললেন,  
7 “সলফাদের কন্যাগণ সঠিক কথাই বলেছে। তুমি নিশ্চিতরপে  
তাদের বাবার আত্মীয়দের অধিকারের মধ্যে, তাদের ভূমির স্বত্ত্বাধিকার  
দেবে এইভাবে, তাদের বাবার স্বত্ত্বাধিকার, তাদের দান করবে। 8  
‘ইস্রায়েলীদের বলো, ‘যদি কোনো ব্যক্তি মারা যায় ও তার ছেলে না  
থাকে তাহলে স্বত্ত্বাধিকার তার মেয়ের হবে। 9 যদি তার মেয়েও না

থাকে, তবে তার ভাতৃবৃন্দকে সেই স্বত্ত্বাধিকার দিতে হবে। 10 যদি তার ভাতৃবৃন্দও না থাকে, তাহলে তার পিতৃকুলের ভাতৃগণকে তার স্বত্ত্বাধিকার দিতে হবে। 11 যদি তার বাবারও কোনো ভাই না থাকে, তাহলে গোষ্ঠীর নিকটতম আত্মায়কে তা দান করতে হবে। এইভাবে সে তার স্বত্ত্বাধিকার লাভ করবে। ইস্রায়েলীদের জন্য এই বিধি হবে আইনানুগ, কারণ সদাপ্রভু মোশিকে এরকমই আদেশ দিয়েছেন।” 12 তারপর সদাপ্রভু মোশিকে বললেন, “অবারীয় পর্বতশ্রেণীর এই পর্বতে ওঠো এবং ইস্রায়েলীদের যে দেশ আমি দিতে চাই, সেই দেশ দেখো। 13 সেটি দেখার পর তুমিও, তোমার দাদা হারোনের মতো স্বজনবর্গের কাছে সংগৃহীত হবে। 14 কারণ সীন মরহুমিতে যখন জনতা জলের জন্য বিদ্রোহ করেছিল, তোমরা উভয়েই আমার আদেশের অবাধ্য হয়ে তাদের দৃষ্টিগোচরে আমাকে পরিত্ব বলে সম্মান করোনি।” (এই জল ছিল সীন মরহুমির মরীবা কাদেশের জল।) 15 মোশি সদাপ্রভুকে বললেন, 16 “হে সদাপ্রভু, সমগ্র মানবজাতির আত্মাস্বরূপ ঈশ্বর, এই সম্প্রদায়ের উপরে এক ব্যক্তিকে নিযুক্ত করছন, 17 যে তাদের সামনে গমনাগমন করবে ও তাদের নেতৃত্ব দিয়ে বাইরে নিয়ে যাবে ও ভিতরে নিয়ে আসবে, যেন সদাপ্রভুর প্রজারা পালকবিহীন মেষপালের মতো না হয়।” 18 অতএব সদাপ্রভু মোশিকে বললেন, “নূনের ছেলে যিহোশূয়াকে নিয়ে তার উপরে তুমি তোমার হাত রাখো, সে আত্মাবিষ্ট ব্যক্তি। 19 তাকে যাজক ইলীয়াসর ও সমগ্র সমাজের সামনে দাঁড় করাও এবং তাদের উপস্থিতিতে তাকে নিরোগ করো। 20 তোমার কর্তৃত্বভারের কিছু অংশ তাঁকে দাও, যেন সমগ্র ইস্রায়েলী সম্প্রদায় তাঁকে মেনে চলে। 21 সে যাজক ইলিয়াসরের সামনে দাঁড়াবে, যে তার জন্য সদাপ্রভুর কাছে, উরিম মারফত সদাপ্রভুর সিদ্ধান্ত যাঞ্চাঁ করবে। তাঁর আদেশে সে এবং সমস্ত ইস্রায়েলী সম্প্রদায় বাইরে যাবে এবং তাঁর আদেশে তারা ভিতরে আসবে।” 22 মোশি ঠিক তাই করলেন, যে রকম সদাপ্রভু তাঁকে আদেশ করেছিলেন। তিনি যিহোশূয়াকে নিয়ে যাজক ইলীয়াসর ও সমগ্র সমাজের সামনে দাঁড় করালেন। 23 তারপর

তিনি তাঁর উপর হাত রাখলেন এবং তাঁকে নিয়োগ করলেন যেমন  
সদাপ্রভু মোশির মাধ্যমে সেরকমই নির্দেশ দিয়েছিলেন।

**28** সদাপ্রভু মোশিকে বললেন, 2 “ইস্রায়েলীদের আদেশ দিয়ে  
তাদের এই কথা বলো, ‘তোমরা নিরূপিত সময়ে, আমার আনন্দদায়ক  
সুরভিরূপে, আগনের মাধ্যমে ভক্ষ্য-নৈবেদ্য উৎসর্গ করবে।’ 3 তাদের  
বলো, ‘আগনের মাধ্যমে অনুরূপ নৈবেদ্য তোমরা সদাপ্রভুর উদ্দেশে  
প্রতিদিন হোম-নৈবেদ্যরূপে ক্রুটিহীন এক বর্ষীয় দুটি মেষশাবক  
উৎসর্গ করবে। 4 একটি মেষ সকালে ও অন্যটি গোধূলিবেলায় উৎসর্গ  
করো। 5 তার সঙ্গে শস্য-নৈবেদ্য হিসেবে, এক ঐফার এক-দশমাংশ  
মিহি ময়দা, এক হিনের এক-চতুর্থাংশ নিষ্পেষিত জলপাই তেলের  
সঙ্গে মিশ্রিত করে দিতে হবে। 6 এই নিয়মিত হোম-নৈবেদ্য, সীনয়  
পর্বতে স্থাপিত আনন্দদায়ক সুরভিত বলি, যা সদাপ্রভুর উদ্দেশে এক  
ভক্ষ্য-নৈবেদ্য। 7 এর পেয়-নৈবেদ্যরূপে, প্রত্যেকটি মেষশাবকের  
সঙ্গে, এক হিনের এক-চতুর্থাংশ গাঁজানো দ্রাক্ষারস দিতে হবে। সেই  
পেয়-নৈবেদ্য, পবিত্রস্থানে সদাপ্রভুর উদ্দেশে ঢেলে দিতে হবে। 8  
সন্ধ্যাবেলায় দ্বিতীয় মেষটি, একই ধরনের শস্য-নৈবেদ্য ও পেয়-  
নৈবেদ্য সহযোগে প্রস্তুত করবে, যেমন সকালবেলা করেছিল। এটি  
ভক্ষ্য-নৈবেদ্য, আগনের মাধ্যমে সদাপ্রভুর আনন্দদায়ক সুরভিরূপে  
নিবেদিত হবে। 9 “বিশ্রামবারে ক্রুটিহীন এক বর্ষীয় দুটি মেষশাবক  
নিয়ে উৎসর্গ করবে। সেই সঙ্গে তার পরিপূরক পেয়-নৈবেদ্য ও  
শস্য-নৈবেদ্যরূপে, এক ঐফার দুই-দশমাংশ মিহি ময়দা তেল  
মিশ্রিত করে নিবেদন করবে। 10 নিয়মিত হোম-নৈবেদ্য ও পরিপূরক  
পেয়-নৈবেদ্যর অতিরিক্ত এই হোম-নৈবেদ্য প্রতি বিশ্রামবারের জন্য  
প্রযোজ্য। 11 “প্রত্যেক মাসের প্রথম দিনে, সদাপ্রভুর কাছে দুটি এঁড়ে  
বাচ্চুর, একটি মেষ এবং সাতটি মদা মেষশাবক, হোম-নৈবেদ্যরূপে  
উৎসর্গ করবে। এদের প্রত্যেকটিই ক্রুটিহীন হতে হবে। 12 প্রত্যেকটি  
এঁড়ে বাচ্চুরের সঙ্গে শস্য-নৈবেদ্যরূপে এক ঐফার তিন-দশমাংশ  
মিহি ময়দা তেলে মিশ্রিত করে দিতে হবে। মেষটির জন্য শস্য-  
নৈবেদ্য হবে, তেলে মিশ্রিত এক ঐফার দুই-দশমাংশ মিহি ময়দা;

13 আবার প্রত্যেকটি মেষশাবকের শস্য-নৈবেদ্য হবে এক ঐফার এক-দশমাংশ তেলে মিশ্রিত মিহি ময়দা। এই সমস্ত হোম-নৈবেদ্য, আগুনের মাধ্যমে, সদাপ্রভুর আনন্দদায়ক সুরভিরূপে নিবেদিত হবে।

14 এদের পরিপূরক পেয়-নৈবেদ্য হবে, প্রত্যেকটি এঁড়ে বাচ্চুরের সঙ্গে হিনের এক অর্ধাংশ; মেষটির হিনের এক-তৃতীয়াংশ এবং প্রত্যেকটি মেষশাবকের সঙ্গে হিনের এক-চতুর্থাংশ দ্রাক্ষারস। বছরের প্রত্যেক অমাবস্যায় এই মাসিক হোম-নৈবেদ্য উৎসর্গ করতে হবে। 15 নিয়মিত হোম-নৈবেদ্য ও তার পরিপূরক পেয়-নৈবেদ্যের সঙ্গে পাপার্থক বলিকুরূপে, সদাপ্রভুর কাছে একটি পাঁঠাও উপহার দিতে হবে। 16 “প্রথম মাসের চতুর্দশ দিনে, সদাপ্রভুর নিষ্ঠারপর্ব অনুষ্ঠিত হবে। 17 এই মাসের পঞ্চদশ দিনে এক উৎসর্ব হবে। সাত দিন খামিরবিহীন রুটি ভোজন করতে হবে। 18 প্রথম দিনে পবিত্র সমাবেশ রাখবে এবং সেদিন নিয়মিত কাজ করবে না। 19 সদাপ্রভুর নিকট আগুনের মাধ্যমে এক নৈবেদ্য, অর্থাৎ এক হোম-নৈবেদ্য নিবেদন কোরো। দুটি এঁড়ে বাচ্চুর, একটি মেষ ও সাতটি এক বর্ষীয় মদ্দা মেষশাবক নিতে হবে। এর সব কটিই ক্রটিহীন হওয়া চাই। 20 প্রত্যেকটি এঁড়ে বাচ্চুরের সঙ্গে পরিপূরক শস্য-নৈবেদ্য দিতে হবে, তেলে মিশ্রিত এক ঐফার তিন-দশমাংশ মিহি ময়দা, মেষটির সঙ্গে দুই-দশমাংশ 21 ও সাতটি মেষশাবকের প্রত্যেক সাতটি মেষের জন্য এক-দশমাংশ মিহি ময়দা। 22 তোমাদের প্রায়শিত্ব সাধনের উদ্দেশে, পাপার্থক বলির জন্য একটি পাঁঠাও নেবে। 23 সকালবেলায় নিয়মিত হোম-নৈবেদ্যের অতিরিক্তরূপে এই সমস্তের আয়োজন করতে হবে। 24 এইভাবে সাত দিন ধরে প্রত্যেকদিন, সদাপ্রভুর আনন্দদায়ক সুরভিরূপে নিবেদিত ভক্ষ্য-নৈবেদ্যের আয়োজন করবে। নিয়মিত হোম-নৈবেদ্য ও তার পরিপূরক পেয়-নৈবেদ্যের অতিরিক্তরূপে এই আয়োজন করতে হবে।

25 সপ্তম দিনে পবিত্র সভা রাখবে এবং সেদিন কোনো নিয়মিত কাজ করবে না। 26 “প্রথম উৎপন্ন শস্যের দিনে, সাত সপ্তাহের উৎসবে, যখন তোমরা সদাপ্রভুকে নতুন শস্য নিবেদন করবে, পবিত্র নতুন শস্যের সভা আহ্বান করবে এবং কোনো নিয়মিত কাজ করবে

না। 27 সদাপ্রভুর আনন্দদায়ক সুরভিষ্঵রূপ হোম-নৈবেদ্যরূপে, দুটি এঁড়ে বাছুর, একটি মেষ ও সাতটি এক বর্ষীয় মদ্দা মেষশাবক উৎসর্গ করবে। 28 প্রত্যেকটি এঁড়ে বাছুরের জন্য পরিপূরক শস্য-নৈবেদ্য হবে তেলে মিশ্রিত এক ঐফার তিন-দশমাংশ মিহি ময়দা; মেষটির জন্য দুই-দশমাংশ 29 এবং সাতটি মেষশাবকের প্রত্যেকটির জন্য এক-দশমাংশ করে। 30 তোমাদের প্রায়শিত্ব সাধনের উদ্দেশে একটি পাঁঠাও নেবে। 31 নিয়মিত হোম-নৈবেদ্য ও শস্য-নৈবেদ্যর অতিরিক্তরূপে এই সমস্তের আয়োজন পেয়-নৈবেদ্য সহযোগে করবে। নিশ্চিত হবে, যেন পঙ্গুলি ক্রটিহীন হয়।

**29** “সপ্তম মাসের প্রথম দিনে, এক পবিত্র সভার আয়োজন কোরো এবং কোনো নিয়মিত কাজ করবে না। এই দিন তোমরা তৃরী বাজাবে। 2 সদাপ্রভুর আনন্দদায়ক সুরভিষ্঵রূপ হোম-নৈবেদ্যরূপে ক্রটিহীন একটি এঁড়ে বাছুর, একটি মেষ ও সাতটি এক বর্ষীয় মেষশাবকের আয়োজন করবে। 3 এঁড়ে বাছুরটির সঙ্গে শস্য-নৈবেদ্য দিতে হবে, এক ঐফার তিন-দশমাংশ জলপাই তেলে মিশ্রিত মিহি ময়দা, মেষটির সঙ্গে দুই-দশমাংশ 4 এবং সাতটি মেষশাবকের প্রত্যেকটির সঙ্গে এক-দশমাংশ। 5 তোমাদের প্রায়শিত্ব সাধনের উদ্দেশে পাপার্থক বলির জন্য একটি পাঁঠাও নেবে। 6 যেমন সবিস্তারে বর্ণিত হয়েছে, এসব নৈবেদ্য, মাসিক ও প্রাত্যহিক হোম-নৈবেদ্য এবং তার পরিপূরক শস্য-নৈবেদ্য ও পেয়-নৈবেদ্যর অতিরিক্ত। এই সমস্তই অগ্নির মাধ্যমে সদাপ্রভুকে নিবেদিত আনন্দদায়ক সুরভিত ভক্ষ্য-নৈবেদ্য। 7 “এই সপ্তম মাসের দশম দিনে এক পবিত্র সভা আহ্লান করবে। তোমরা কৃষ্ণসাধন করবে এবং কোনো কাজ করবে না। 8 সদাপ্রভুর কাছে আনন্দদায়ক সুরভিষ্঵রূপ হোম-নৈবেদ্যর জন্য একটি এঁড়ে বাছুর, একটি মেষ ও সাতটি এক বর্ষীয় মদ্দা মেষশাবক উৎসর্গ করবে। প্রত্যেকটি ক্রটিহীন হওয়া চাই। 9 এঁড়ে বাছুরটির জন্য পরিপূরক শস্য-নৈবেদ্যরূপে আনতে হবে এক ঐফার তিন-দশমাংশ তেলে মিশ্রিত মিহি ময়দা; মেষটির সঙ্গে দুই-দশমাংশ, 10 সাতটি মেষশাবকের প্রত্যেকটির সঙ্গে এক-দশমাংশ করে। 11 প্রায়শিত্বের জন্য পাপার্থক

বলিকৃপে নিয়মিত হোম-নৈবেদ্য ও তার পরিপূরক শস্য-নৈবেদ্য ও  
পেয়-নৈবেদ্যর অতিরিক্ত পাপার্থক বলিকৃপে একটি পাঁঠাও অন্তর্ভুক্ত  
করবে। 12 “সপ্তম মাসের পঞ্চদশ দিনে, একটি পবিত্র সভার  
আয়োজন করবে এবং সেদিন কোনো নিয়মিত কাজ করবে না।  
সদাপ্রভুর উদ্দেশে, সাত দিন ব্যাপী এক আনন্দোৎসব করবে। 13  
তেরোটি এঁড়ে বাছুর, দুটি মেষ এবং চোদ্দটি এক বর্ষীয় মদ্দা মেষশাবক  
নিয়ে, আগুনের মাধ্যমে সদাপ্রভুর আনন্দদায়ক সুরভিকৃপে হোম-  
নৈবেদ্য উৎসর্গ করবে। প্রত্যেকটি ক্রটিহীন হওয়া চাই। 14 পরিপূরক  
শস্য-নৈবেদ্য আনতে হবে, তেরোটি এঁড়ে বাছুরের প্রত্যেকটির জন্য  
এক এফার তিন-দশমাংশ, দুটি মেষের প্রত্যেকটির সঙ্গে দুই-দশমাংশ  
15 এবং চোদ্দটি মেষশাবকের প্রত্যেকটির সঙ্গে এক-দশমাংশ তেলে  
মিশ্রিত মিহি ময়দা। 16 নিয়মিত হোম-নৈবেদ্য এবং তার পরিপূরক  
শস্য-নৈবেদ্য ও পেয়-নৈবেদ্যর অতিরিক্ত, পাপার্থক বলিকৃপে একটি  
পাঁঠাও অন্তর্ভুক্ত করবে। 17 “দ্বিতীয় দিনে বারোটি এঁড়ে বাছুর, দুটি  
মেষ ও চোদ্দটি এক বর্ষীয় মদ্দা মেষশাবক উৎসর্গ করবে। এদের  
প্রত্যেকটি ক্রটিহীন হতে হবে। 18 সেই ঘাঁড়, মেষ ও মেষশাবকদের  
সংখ্যা অনুযায়ী তাদের পরিপূরক শস্য-নৈবেদ্য ও পেয়-নৈবেদ্য  
উৎসর্গ করবে। 19 পাপার্থক বলিকৃপে একটি পাঁঠাও অন্তর্ভুক্ত করবে।  
এই সমস্ত নিয়মিত হোম-নৈবেদ্য ও তার পরিপূরক শস্য-নৈবেদ্য ও  
তাদের পেয়-নৈবেদ্যর অতিরিক্ত হবে। 20 “তৃতীয় দিনে এগারোটি  
ঘাঁড়, দুটি মেষ ও চোদ্দটি এক বর্ষীয় মদ্দা মেষশাবক উৎসর্গ করবে।  
প্রত্যেকটি ক্রটিহীন হওয়া চাই। 21 সেই ঘাঁড়, মেষ ও মেষশাবকদের  
সংখ্যা অনুযায়ী তাদের পরিপূরক শস্য-নৈবেদ্য ও পেয়-নৈবেদ্য  
উৎসর্গ করবে। 22 পাপার্থক বলির জন্য একটি পাঁঠাও অন্তর্ভুক্ত করবে।  
এই সমস্ত নিয়মিত হোম-নৈবেদ্য ও তার পরিপূরক শস্য-নৈবেদ্য ও  
তাদের পেয়-নৈবেদ্যর অতিরিক্ত হবে। 23 “চতুর্থ দিনে এগারোটি  
ঘাঁড়, দুটি মেষ ও চোদ্দটি এক বর্ষীয় মদ্দা মেষশাবক উৎসর্গ করবে।  
প্রত্যেকটি ক্রটিহীন হওয়া চাই। 24 সেই ঘাঁড়, মেষ ও মেষশাবকদের  
সংখ্যা অনুযায়ী, তাদের পরিপূরক শস্য-নৈবেদ্য ও পেয়-নৈবেদ্য

উৎসর্গ করবে। 25 নিয়মিত হোম-নৈবেদ্য এবং তার পরিপূরক শস্য-নৈবেদ্য ও পেয়-নৈবেদ্য অতিরিক্ত, পাপার্থক বলিঙ্গপে একটি পাঁঠাও অন্তর্ভুক্ত করবে। 26 “পঞ্চম দিনে নয়টি ষাঁড়, দুটি মেষ ও চোদ্দটি এক বর্ষীয় মদ্দা মেষশাবক উৎসর্গ করবে। প্রত্যেকটি ক্রটিহীন হওয়া চাই। 27 সেই ষাঁড়, মেষ ও মেষশাবকদের সংখ্যা অনুযায়ী, তাদের পরিপূরক শস্য-নৈবেদ্য ও পেয়-নৈবেদ্য উৎসর্গ করবে। 28 পাপার্থক বলির জন্য একটি পাঁঠাও অন্তর্ভুক্ত করবে। এই সমস্ত, নিয়মিত হোম-নৈবেদ্য ও তার পরিপূরক শস্য-নৈবেদ্য ও তাদের পেয়-নৈবেদ্য অতিরিক্ত হবে। 29 “ষষ্ঠ দিনে আটটি ষাঁড়, দুটি মেষ ও চোদ্দটি এক বর্ষীয় মদ্দা মেষশাবক উৎসর্গ করবে। প্রত্যেকটি ক্রটিহীন হওয়া চাই। 30 সেই ষাঁড়, মেষ ও মেষশাবকদের সংখ্যা অনুযায়ী তাদের পরিপূরক শস্য-নৈবেদ্য ও পেয়-নৈবেদ্য উৎসর্গ করবে। 31 পাপার্থক বলির জন্য একটি পাঁঠাও অন্তর্ভুক্ত করবে। এই সমস্ত, নিয়মিত হোম-নৈবেদ্য ও তার পরিপূরক শস্য-নৈবেদ্য ও তাদের পেয়-নৈবেদ্য অতিরিক্ত হবে। 32 “সপ্তম দিনে সাতটি ষাঁড় মেষ, দুটি মেষ ও চোদ্দটি এক বর্ষীয় মদ্দা মেষশাবক উৎসর্গ করবে। প্রত্যেকটি ক্রটিহীন হওয়া চাই। 33 সেই ষাঁড়, মেষ ও মেষশাবকদের সংখ্যা অনুযায়ী, তাদের পরিপূরক শস্য-নৈবেদ্য ও পেয়-নৈবেদ্য উৎসর্গ করবে। 34 পাপার্থক বলির জন্য একটি পাঁঠাও অন্তর্ভুক্ত করবে। এই সমস্ত নিয়মিত হোম-নৈবেদ্য ও তার পরিপূরক শস্য-নৈবেদ্য ও তাদের পেয়-নৈবেদ্য অতিরিক্ত হবে। 35 “অষ্টম দিনে শেষ দিনের এক বিশেষ সভা করবে এবং কোনো নিয়মিত কাজ করবে না। 36 একটি ষাঁড়, একটি মেষ ও সাতটি এক বর্ষীয় মদ্দা মেষশাবক নিয়ে, সদাপ্রভুর আনন্দায়ক সুরভিত উপহারঙ্গপে, আগুনের মাধ্যমে হোম-নৈবেদ্য উৎসর্গ করবে। প্রত্যেকটি ক্রটিহীন হওয়া চাই। 37 সেই ষাঁড়, মেষ এবং মেষশাবকগুলির সঙ্গে, সংখ্যা অনুযায়ী তাদের শস্য-নৈবেদ্য ও পেয়-নৈবেদ্য উৎসর্গ করবে। 38 পাপার্থক বলির জন্য একটি পাঁঠাও অন্তর্ভুক্ত করবে। এই সমস্ত, নিয়মিত হোম-নৈবেদ্য ও তার পরিপূরক শস্য-নৈবেদ্য ও তাদের পেয়-নৈবেদ্য অতিরিক্ত হবে।

39 “তোমাদের মানত ও স্বেচ্ছাদানের অতিরিক্তরূপে, তোমাদের নিরূপিত উৎসবসমূহে, সদাপ্রভুর উদ্দেশে এই সমস্ত উৎসর্গ করবে। তোমাদের হোম-নৈবেদ্য, শস্য-নৈবেদ্য, পেয়-নৈবেদ্য ও মঙ্গলার্থক-নৈবেদ্য থেকে এই সমস্ত স্বতন্ত্র।” 40 সদাপ্রভু মোশিকে যে সমস্ত আদেশ দিয়েছিলেন, তিনি ইস্রায়েলীদের সেই সমস্তই বললেন।

**30** মোশি, ইস্রায়েলী গোষ্ঠীপ্রধানদের বললেন, “সদাপ্রভু এই আদেশ দিয়েছেন, 2 যখন কোনো ব্যক্তি সদাপ্রভুর উদ্দেশে কোনো মানত স্থির করে, অথবা শপথপূর্বক কোনো অঙ্গীকারে নিজেকে আবদ্ধ করে, তাহলে সে নিজের শপথের অন্যথা করবে না, কিন্তু যা কিছু সে অঙ্গীকার করে, তা অবশ্যই পালন করবে। 3 “কোনো যুবতী যদি তার পিতৃগৃহে অবস্থানকালে, সদাপ্রভুর উদ্দেশে কোনো মানত স্থিত করে অথবা অঙ্গীকারে নিজেকে আবদ্ধ করে, 4 এবং তার বাবা যদি সেই মানত এবং অঙ্গীকার শোনে, কিন্তু তাকে কিছুই না বলে, তাহলে যার দ্বারা সে আবদ্ধ হয়েছে, সেই সমস্ত মানত এবং অঙ্গীকার স্থির থাকবে। 5 কিন্তু সেই শপথ শোনার পর যদি তার বাবা তাকে নিষেধ করে থাকে, তাহলে তার কোনও মানত বা অঙ্গীকার, যার দ্বারা সে আবদ্ধ হয়েছে, স্থির থাকবে না। সদাপ্রভু তাকে মুক্তি দেবেন, কারণ তার বাবা তাকে নিষেধ করেছিল। 6 “যদি সে মানত স্থির করে বা ওষ্ঠনির্গত, অবিবেচনাপূর্ণ শপথের দ্বারা নিজেকে আবদ্ধ করে বিবাহিতা হয়, 7 এবং তার স্বামী সেকথা শুনলেও তাকে কিছু না বলে, তাহলে তার মানত বা অঙ্গীকার, যার দ্বারা সে আবদ্ধ হয়েছিল, স্থির থাকবে। 8 কিন্তু সেকথা শোনার পর যদি তার স্বামী নিষেধ করে থাকে এবং তার মানত বা যে অবিবেচনাপূর্ণ শপথ দ্বারা সে নিজেকে আবদ্ধ করেছে তা বাতিল করে দেয়, সদাপ্রভু তাকে মুক্ত করবেন। 9 “বিধবা বা বিবাহ-বিচ্ছিন্না স্ত্রীর যে কোনো মানত বা বাধ্যবাধকতা তার বন্ধনস্বরূপ হবে। 10 “যদি কোনো স্ত্রীলোক, তার স্বামীর সঙ্গে বসবাস করার সময়, কোনো মানত স্থির করে বা শপথপূর্বক কোনো অঙ্গীকারে আবদ্ধ হয়, 11 তার স্বামী সেকথা শুনেও যদি তাকে কিছু না বলে এবং তাকে নিষেধ না করে, তাহলে তার সমস্ত মানত এবং অঙ্গীকার, যার দ্বারা সে

নিজেকে আবদ্ধ করেছে, স্থির থাকবে। 12 কিন্তু সেই সমস্ত শোনার  
পর যদি তার স্বামী সব বাতিল করে দেয়, তাহলে কোনও মানত বা  
তার ওষ্ঠনির্গত অঙ্গীকারের শপথ স্থির থাকবে না। তার স্বামী সেই  
সমস্ত বাতিল করেছে, অতএব সদাপ্রভু তাকে মুক্ত করবেন। 13 তার  
প্রত্যেক মানত ও অঙ্গীকারকে দুঃখ দেবার প্রতিজ্ঞাযুক্ত প্রত্যেক মানত  
তার স্বামী স্থির করতেও পারে বা ব্যর্থ করতেও পারে। 14 কিন্তু দিন-  
প্রতিদিন, এই সম্পর্কে যদি তার স্বামী তাকে কিছু না বলে, তাহলে  
তার সমস্ত মানত ও অঙ্গীকার, যার দ্বারা সে আবদ্ধ হয়, সে তার  
অনুমোদন করে। সমস্ত বিষয় শোনার পরও তাকে কিছু না বলার  
পরিণতিস্বরূপ সে সেই সমস্তের অনুমোদন করে। 15 কিন্তু, যদি সে  
সেই সমস্ত শোনার কিছুদিন পরে বাতিল করে, তাহলে সে তার স্ত্রীর  
অপরাধের জন্য দায়ী হবে।” 16 পুরুষ ও স্ত্রীর সম্পর্কে এবং বাবা ও  
তার যুবতী যেয়ে, যখন সে পিতৃগৃহে থাকে, তাদের সম্পর্কের এই  
সমস্ত নিয়মবিধি, সদাপ্রভু মোশির মাধ্যমে দিয়েছিলেন।

**31** সদাপ্রভু মোশিকে বললেন, 2 “ইস্রায়েলীদের তরফে  
মিদিয়নীয়দের উপর প্রতিশোধ নাও। তারপর তুমি তোমার স্বজনবর্গের  
কাছে সংগৃহীত হবে।” 3 অতএব মোশি লোকদের বললেন,  
“মিদিয়নীয়দের বিপক্ষে যুদ্ধ করার জন্য তোমরা কিছু ব্যক্তিকে  
অন্তসংজ্ঞিত করো, যেন সদাপ্রভুর জন্য তাদের বিরুদ্ধে প্রতিশোধ  
গ্রহণ করে। 4 ইস্রায়েলের প্রত্যেক গোষ্ঠী থেকে এক এক হাজার  
সৈন্য যুদ্ধে পাঠাও।” 5 অতএব ইস্রায়েলী বংশসমূহ থেকে, প্রত্যেক  
গোষ্ঠীর এক হাজার করে বারো হাজার সৈন্য, সমর সজ্জায় সজ্জিত  
হল। 6 মোশি প্রত্যেক গোষ্ঠী থেকে এক হাজার ব্যক্তিকে যুদ্ধে  
পাঠালেন। তাদের সঙ্গে যাজক ইলিয়াসরের ছেলে পীনহসকেও  
পাঠানো হল। তিনি পরিত্রস্থান থেকে পরিত্র জিনিসগুলি ও সংকেত  
জ্ঞাপনের উদ্দেশে তৃরী সঙ্গে নিলেন। 7 সদাপ্রভু যেমন মোশিকে  
আদেশ দিয়েছিলেন, তারা মিদিয়নের বিপক্ষে যুদ্ধ করে তাদের  
প্রত্যেক পুরুষকে বধ করল। 8 তাদের শিকারের মধ্যে ছিল, মিদিয়নের  
পাঁচজন রাজা—ইবি, রেকম, সূর, তুর ও রেবা। তারা বিয়োরের

ছেলে বিলিয়মকেও তরোয়ালের আঘাতে বধ করল। 9 ইস্রায়েলীরা, মিদিয়নীয় স্ত্রীলোক ও ছেলেমেয়েদের বন্দি করল এবং তারা তাদের গবাদি পশু, মেষপাল ও সমস্ত জিনিস লুণ্ঠন করল। 10 তারা তাদের নগরগুলি, যেখানে তারা বসবাস করত এবং তাদের সমস্ত ছাউনি পুড়িয়ে দিল। 11 তারা মানুষ ও পশু সমেত সমস্ত লুণ্ঠিত দ্রব্য ও সমস্ত প্রাণীকে নিয়ে গেল। 12 সমস্ত বন্দি, ধৃত প্রাণী ও লুণ্ঠিত জিনিসগুলি নিয়ে তারা মোশি, যাজক ইলিয়াসর ও ইস্রায়েলী সমাজের কাছে তাদের ছাউনিতে, মোয়াবের সমতলে, জর্ডনের সমীপে, যিরীহোর অপর পাশে নিয়ে এল। 13 মোশি, যাজক ইলিয়াসর ও মণ্ডলীর সমস্ত নেতৃবর্গ, ছাউনির বাইরে তাদের সঙ্গে দেখা করতে গেলেন। 14 মোশি যুদ্ধ থেকে ফেরা দায়িত্বপ্রাপ্ত সেনা আধিকারিকদের, অর্থাৎ সহস্র-সেনাপতি ও শত-সেনাপতিদের উপর রুষ্ট হলেন। 15 তিনি তাদের প্রশ্ন করলেন, “তোমরা কি সব স্ত্রীলোককে জীবিত রেখেছ? 16 বিলিয়মের পরামর্শে তারাই ইস্রায়েলীদের সদাপ্রভুর কাছে থেকে পথভ্রষ্ট করেছিল। পিয়োরে সেই ঘটনা ঘটেছিল যখন সদাপ্রভুর প্রজারা এক মহামারি দ্বারা আক্রান্ত হয়। 17 এখন সব কিশোরকে বধ করো। পুরুষের সঙ্গে শায়িতা সব স্ত্রীলোককেও বধ করো, 18 কিন্তু, যারা কোনো পুরুষের সঙ্গে কখনও শয়ন করেনি, সেই কুমারীদের নিজেদের জন্য জীবিত রাখো। 19 “তোমাদের মধ্যে প্রত্যেকে, যারা কাউকে বধ করেছে বা নিহত কাউকে স্পর্শ করেছে, ছাউনির বাইরে সাত দিন অবস্থিতি করবে। তৃতীয় ও সপ্তম দিনে, তোমরা নিজেদের ও তোমাদের বন্দিদের অবশ্যই শুন্দ করবে। 20 প্রত্যেকটি বন্দি, সেই সঙ্গে চর্মনির্মিত, ছাগ-লোম বা কাঠ নির্মিত সমস্ত দ্রব্যকে শুন্দ করতে হবে।” 21 তারপর যাজক ইলিয়াসর, যারা যুদ্ধে গিয়েছিল, সেই সৈন্যদের বললেন, “সদাপ্রভু মোশিকে যা বলেছিলেন, সেই বিধানের চাহিদা এই, 22 সোনা, রংপো, ব্রোঞ্জ, লোহা, টিন, সীসা, 23 এবং অন্য যে সমস্ত দ্রব্য আগুনের উত্তাপ সহ্য করতে পারে, তাদের আগুনের মধ্য দিয়ে পরিশোধন করতে হবে, তখন তা শুন্দ হবে। তা সত্ত্বেও, শুন্দকরণের জল দিয়ে সেসব পরিশোধন করতে

হবে। যে কোনো দ্রব্য আগনের উত্তাপ সহ্য করতে পারে না, সেগুলি  
জলে পরিশোধন করতে হবে। 24 সপ্তম দিনে তোমরা নিজেদের  
বস্ত্র ধূয়ে পরিষ্কৃত হবে। তারপর তোমরা ছাটুনিতে প্রবেশ করবে।”  
25 সদাপ্রভু মোশিকে বললেন, 26 “তুমি, যাজক ইলিয়াসর এবং  
সমাজের বৎশ-প্রধানেরা, সমস্ত বন্দি মানুষ ও ধূত পশুদের সংখ্যা  
গণনা করো। 27 যারা যুদ্ধে অংশগ্রহণ করেছিল, সেই সৈন্যদের মধ্যে  
ও সমাজের অবশিষ্ট ব্যক্তিদের মধ্যে লুণ্ঠিত দ্রব্য সমান ভাগে ভাগ  
করো। 28 যারা যুদ্ধ করেছিল সেই সৈন্যদের কাছ থেকে মানুষ অথবা  
গবাদি পশু, গাঢ়া, মেষ বা ছাগল, প্রত্যেক 500 প্রাণী প্রতি একটি  
করে প্রাণী সদাপ্রভুকে দেয় রাজস্ব হিসেবে পৃথক করো। 29 তাদের  
প্রাপ্য এই অর্ধাংশ থেকে এই রাজস্ব নিয়ে, সদাপ্রভুর অংশ হিসেবে,  
যাজক ইলিয়াসরকে দান করো। 30 ইস্রায়েলীদের প্রাপ্য অর্ধাংশ  
থেকে, মানুষ, গবাদি পশু, গাঢ়া, মেষ, ছাগল বা অন্য পশু, প্রত্যেক  
পঞ্চাশটি প্রাণী প্রতি একটি করে প্রাণী পৃথক করো। সেই সমস্ত নিয়ে  
লেবীয়দের দাও, যারা সদাপ্রভুর আবাস তাঁৰ রক্ষণাবেক্ষণের দায়িত্বে  
আছে।” 31 অতএব মোশি ও যাজক ইলিয়াসর ঠিক তাই করলেন,  
যেমন সদাপ্রভু মোশিকে বলেছিলেন। 32 অন্যান্য লুণ্ঠিত দ্রব্য ছাড়া  
সৈন্যদের ধূত প্রাণীর সংখ্যা, 6,75,000-টি মেষ, 33 72,000-টি  
গবাদি পশু, 34 61,000-টি গাঢ়া, 35 এবং 32,000 জন কুমারী যারা  
কখনও কোনো পুরুষের সঙ্গে শয়ন করেনি। 36 যারা যুদ্ধে অংশগ্রহণ  
করেছিল, তাদের প্রাপ্তি অর্ধাংশ ছিল: 3,37,500-টি মেষ, 37 এর  
মধ্যে সদাপ্রভুকে দেয় রাজস্বের সংখ্যা 675-টি মেষ; 38 36,000-টি  
গবাদি পশু, এর মধ্যে সদাপ্রভুকে দেয় রাজস্বের সংখ্যা 72-টি পশু;  
39 30,500-টি গাঢ়া, এর মধ্যে সদাপ্রভুকে দেয় রাজস্বের সংখ্যা  
61; 40 16,000 জন মানুষ, এর মধ্যে সদাপ্রভুকে দেয় রাজস্বের  
সংখ্যা 32-টি গাঢ়া। 41 মোশি এই রাজস্ব নিয়ে, সদাপ্রভুর প্রাপ্য বলে  
যাজক ইলিয়াসরকে দিলেন, যেমন সদাপ্রভু মোশিকে বলেছিলেন। 42  
ইস্রায়েলীদের প্রাপ্য অর্ধেকাংশ, যা মোশি সৈন্যদের প্রাপ্তি অর্ধাংশ  
থেকে পৃথক করে রেখেছিলেন, 43 অর্থাৎ সমাজের প্রাপ্য অর্ধাংশ

ছিল 3,37,500-টি মেষ, 44 36,000-টি গবাদি পশু, 45 30,500-টি গাধা 46 এবং 16,000 জন মানুষ। 47 ইস্রায়েলীদের অর্ধাংশ থেকে, মোশি প্রতি পঞ্চাশ জন মানুষ ও পশু থেকে একটি করে পৃথক করলেন, যেমন সদাপ্রভু মোশিকে আদেশ দিয়েছিলেন এবং তিনি সেই সমস্ত নিয়ে লেবীয়দের দিলেন, যারা সদাপ্রভুর আবাস তাঁরুর রক্ষণাবেক্ষণের দায়িত্বে ছিল। 48 তখন সামরিক বিভাগের পদস্থ আধিকারিকেরা, অর্থাৎ সহস্র-সেনাপতিরা ও শত-সেনাপতিরা, মোশির কাছে গিয়ে, 49 তাঁকে বললেন, “আপনার সেবকেরা আমাদের অধীনস্থ সৈন্যদের গণনা করে দেখেছে, তাদের মধ্যে একজনও নিরংদেশ হয়নি। 50 অতএব আমরা আমাদের অর্জিত স্বর্ণালংকার থেকে, সদাপ্রভুর কাছে নিরবেদ্য এনেছি—তাগা, বালা, আংটি, কানের দুল ও গলার হার—যেন সদাপ্রভুর কাছে আমরা নিজেদের জন্য প্রায়শিক্ত করতে পারি।” 51 মোশি ও যাজক ইলিয়াসর, তাদের কাছে থেকে সেই সোনা—সকল কারকার্যময় দ্রব্য গ্রহণ করলেন। 52 সহস্র-সেনাপতির ও শত-সেনাপতির কাছে থেকে গৃহীত সমস্ত সোনার পরিমাণ, যা মোশি ও যাজক ইলিয়াসর সদাপ্রভুকে নিরবেদন করেছিলেন, তার ওজন 16,750 শেকল। 53 সৈনিকরা প্রত্যেকে নিজেদের জন্য লুঁচিত দ্রব্য নিয়েছিল। 54 মোশি ও যাজক ইলিয়াসর সেই সোনা, সহস্র সেনা অধিনায়ক ও শত সেনা অধিনায়কদের কাছ থেকে গ্রহণ করে এবং সদাপ্রভুর সামনে ইস্রায়েলীদের জন্য স্মারকরূপে সমাগম তাঁরুতে নিয়ে এলেন।

**32** রূবেণ ও গাদ গোষ্ঠীর খুব বড়ো বড়ো গোপাল ও মেষপাল ছিল। তারা দেখল যে যাসের ও গিলিয়দ অঞ্চল পশুপালনের জন্য উপযোগী। 2 তারা মোশি, ও যাজক ইলিয়াসর এবং সমাজের নেতৃবর্গের কাছে এল এবং বলল, 3 “আটোৱা, দীৰ্ঘোন, যাসের, নিয়া, হিয়োন, ইলিয়ালী, সেবাম, নেবো ও বিয়োন, 4 সদাপ্রভু ইস্রায়েলীদের সামনে যে সমস্ত অঞ্চলের পতন ঘটিয়েছেন, তা পশুপালের জন্য উপযোগী এবং আপনাদের সেবকদের কাছে পশুপাল আছে। 5 যদি আমরা আপনাদের দৃষ্টিতে কৃপা লাভ করে থাকি,” তারা বলল, “তাহলে

স্বত্ত্বাধিকারকপে এই ভূমি আমাদের দান করা হোক। আমাদের জর্ডনের অপর পারে যেতে বাধ্য করবেন না।” 6 গাদ ও রূবেণ গোষ্ঠীর সবাইকে মোশি বললেন, “তোমাদের ইস্রায়েলী ভাইয়েরা যুদ্ধে যাবে আর তোমরা সবাই এখানে বসে থাকবে? 7 সদাপ্রভু যে দেশ ইস্রায়েলীদের দান করেছেন, তোমরা সেখানে যেতে কেন তাদের নিরঙ্গসাহ করছ? 8 এরকমই কাজ তোমাদের পূর্বপুরুষেরা করেছিল, যখন আমি কাদেশ-বর্গের থেকে তাদের দেশ পর্যবেক্ষণ করতে পাঠিয়েছিলাম। 9 তারা ইক্ষোল উপত্যকা পর্যন্ত উঠে গিয়ে দেশ নিরীক্ষণ করে এসে, যে দেশ সদাপ্রভু তাদের দান করেছিলেন, সেই দেশে প্রবেশ করতে ইস্রায়েলীদের হতোদ্যম করেছিল। 10 সেদিন সদাপ্রভুর ক্ষেত্র প্রজ্ঞালিত হয়েছিল এবং তিনি শপথ করে বলেছিলেন, 11 ‘যেহেতু তারা সর্বান্তকরণে আমার অনুগমন করেনি, তাই তাদের মধ্যে যাদের বয়স কুড়ি বছর বা তারও বেশি, যারা মিশ্র থেকে বেরিয়ে এসেছিল, তাদের মধ্যে একজনও সেই দেশে প্রবেশ করবে না, যে দেশ আমি অব্রাহাম, ইস্থাক ও যাকোবের নিকট দেওয়ার প্রতিজ্ঞা করেছিলাম। 12 কেবলমাত্র, কনিষ্ঠীয়, যিফুন্নির ছেলে কালেব ও নূনের ছেলে যিহোশূয় ছাড়া, অন্য একজনও নয়, কারণ তারা সর্বান্তকরণে সদাপ্রভুর অনুগমন করেছিল।’ 13 ইস্রায়েলের বিপক্ষে সদাপ্রভুর ক্ষেত্র বহিমান হয়েছিল, তিনি চল্লিশ বছর তাদের প্রান্তরে পরিভ্রমণ করিয়েছিলেন, যতদিন না সেই সম্পূর্ণ প্রজন্ম, যারা তার দৃষ্টিতে কুকাজ করেছিল, মারা গেল। 14 “এখন, পাপিষ্ঠ ব্যক্তিদের সন্তান তোমরা সকলে, যারা তোমাদের পূর্বপুরুষদের স্থানে দণ্ডয়মান হয়েছে, ইস্রায়েলীদের বিপক্ষে সদাপ্রভুকে আরও বেশি রংষ্ট করছ। 15 যদি তোমরা তাঁর অনুগমন থেকে ফিরে আস, তিনি এই সমস্ত লোককে প্রান্তরে পরিত্যাগ করবেন এবং তোমরাই তাদের বিনাশের কারণ হবে।” 16 তারা তখন তাঁর কাছে এসে বলল, “আমরা এখানে আমাদের পশুপালের জন্য খোঁয়াড় ও স্ত্রী-সন্তানদের জন্য নগর নির্মাণ করতে চাই। 17 তা সত্ত্বেও, আমরা অন্ত্রসজ্জিত হয়ে, ইস্রায়েলের পুরোভাগে যাব, যতদিন না তাদের গন্তব্য স্থানে নিয়ে যাই। এসময়,

আমাদের স্তৰী ও সন্তানেরা, দেশবাসীদের থেকে নিরাপত্তার জন্য  
সুরক্ষিত নগরে বসবাস করবে। 18 যতক্ষণ না প্রত্যেক ইস্রায়েলী  
তাদের অধিকার লাভ করে, আমরা আমাদের বাড়িতে ফিরে যাব না,  
19 জর্ডনের অপর পাড়ে, আমরা তাদের সঙ্গে আর কোনো স্বত্ত্বাধিকার  
গ্রহণ করব না, কারণ আমাদের স্বত্ত্বাধিকার জর্ডনের পূর্বপাড়ে আমরা  
প্রাপ্ত হয়েছি।” 20 তখন মোশি তাদের বললেন, “যদি তোমরা সেরকম  
করো, সদাপ্রভুর সামনে যুদ্ধের জন্য যদি নিজেদের অস্ত্রসজ্জা গ্রহণ  
করো, 21 যদি তোমাদের প্রত্যেক ব্যক্তি সদাপ্রভুর সামনে, সশস্ত্র  
হয়ে জর্ডনের অন্য পাড়ে যাও, যতক্ষণ না তিনি তাঁর শক্রদের তাঁর  
সামনে থেকে বিতাড়িত করেন, 22 যখন দেশ, সদাপ্রভুর সামনে  
পদানত হবে, তখন তোমরা ফিরে আসতে পারো এবং সদাপ্রভু ও  
ইস্রায়েলীদের প্রতি বাধ্যবাধকতা থেকে মুক্ত হতে পারো। তখন  
সদাপ্রভুর সামনে এই ভূমির স্বত্ত্বাধিকার, তোমাদের হবে। 23 “কিন্তু  
এই কাজ করতে যদি অক্ষম হও, তোমরা সদাপ্রভুর বিপক্ষে পাপ  
করবে। তাহলে নিশ্চিত জেনো, তোমাদের পাপ তোমাদের ধরবে। 24  
তোমাদের স্তৰী ও সন্তানদের জন্য নগর ও পশুপালের জন্য খোঁঁয়াড়  
নির্মাণ করো, কিন্তু যা শপথ করেছ, কাজেও তা পূর্ণ করবে।” 25 গাদ  
ও রূবেণ গোষ্ঠী মোশিকে বলল, “আমদের প্রভু যেমন আদেশ দিলেন,  
আপনার দাস আমরা তাই করব। 26 আমাদের স্তৰী ও সন্তানেরা,  
মেষপাল ও গোপালসমূহ, গিলিয়দ অঞ্চলের এই সমস্ত নগরে অবস্থান  
করবে। 27 কিন্তু আপনার দাসেরা, যুদ্ধের জন্য সশস্ত্র প্রত্যেক পুরুষ,  
সদাপ্রভুর সামনে যুদ্ধের জন্য জর্ডন পার হয়ে যাবে, যেমন আমাদের  
প্রভু বলেছেন।” 28 মোশি তখন তাদের সম্বন্ধে, যাজক ইলিয়াসর,  
নূনের ছেলে যিহোশূয় এবং ইস্রায়েল গোষ্ঠীর বংশ-প্রধানদের আদেশ  
দিলেন। 29 তিনি তাদের বললেন, “যদি গাদ ও রূবেণ গোষ্ঠীর প্রত্যেক  
পুরুষ যুদ্ধের জন্য সসজ্জ হয়, সদাপ্রভুর সামনে তোমাদের সঙ্গে  
জর্ডন অতিক্রম করে, তাহলে দেশ যখন তোমাদের সামনে পদানত  
হবে, তখন স্বত্ত্বাধিকারস্বরূপ তাদের গিলিয়দের ভূমি দান করবে।  
30 কিন্তু সশস্ত্র হয়ে তারা যদি তোমাদের সঙ্গে জর্ডন অতিক্রম না

করে, তাহলে তারা অবশ্যই তাদের স্বত্ত্বাধিকার, কনানে, তোমাদের  
সঙ্গে লাভ করবে।” 31 গাদ ও রূবেণ গোষ্ঠী উভর দিন, “সদাপ্রভু  
যে রকম বলেছেন, আপনার দাসেরা সেরকমই করবে। 32 আমরা  
সদাপ্রভুর সামনে, সশস্ত্র অবস্থায় পার হয়ে কনানে প্রবেশ করব,  
কিন্তু আমাদের অধিকারস্বরূপ স্বত্ত্ব, জর্ডনের এই পাড়ে থাকবে।” 33  
তখন মোশি, গাদ গোষ্ঠী, রূবেণ গোষ্ঠী ও যোষেফের ছেলে মনঃশির  
অর্ধগোষ্ঠীকে, ইমোরীয় রাজা সীহোনের রাজ্য ও বাশনের রাজা  
ওগের রাজ্য দান করলেন। তাদের নগর সমেত সমস্ত দেশ ও তাদের  
সন্নিহিত অঞ্চলগুলি দিলেন। 34 গাদ গোষ্ঠী দীবোন, অটারোৎ,  
অরোয়ের, 35 অটারোৎ শোফন, যাসের, যগ্বিহ, 36 বেথ-নিষ্ঠা ও  
বেত-হারণ, সুরক্ষিত নগর এবং পশুগালের খোঁয়াড় নির্মাণ করল। 37  
আবার রূবেণ গোষ্ঠী হিয়বোন, ইলিয়ালী ও কিরিয়াথয়িম, 38 সেই  
সঙ্গে নেবো, বায়াল-মিয়োন (এই নামগুলি পরিবর্তিত হয়েছিল) এবং  
সিব্র্মা। এসব নগর তারা পুনর্নির্মাণ করে তাদের নামকরণ করল। 39  
মনঃশির ছেলে মাথীরের বংশধরেরা গিলিয়দে গিয়ে তা দখল করল  
ও যারা সেখানে ছিল, সেই ইমোরীয়দের বিতাড়িত করল। 40 তাই  
মোশি, মনঃশির বংশধর মাথীরীয়দের গিলিয়দ দান করলেন। তারা  
সেখানেই উপনিবেশ স্থাপন করল। 41 মনঃশির বংশধর যায়ীরও  
তাদের উপনিবেশগুলি দখল করে সেগুলির নাম হরোথ-যায়ীর  
রাখলেন। 42 নোবহ, কনাং ও তার সন্নিহিত অঞ্চলগুলি দখল করে  
তার নিজের নামানুসারে তার নাম নোবহ রাখল।

**33** মোশি এবং হারোগের নেতৃত্বে যখন ইস্রায়েলীরা মিশর থেকে  
সৈন্য প্রেরণাবিভাগ অনুযায়ী বের হয়েছিল, তখন এই হল যাত্রাপথের  
পর্যায়ক্রমিক বিবরণ। 2 সদাপ্রভুর আদেশমতো মোশি তাদের  
যাত্রাপথের পর্যায়ক্রমের বিবরণ নথিভুক্ত করেন। এই হল তাদের  
যাত্রাপথের পর্যায়ক্রম বিবরণ। 3 প্রথম মাসের পঞ্চদশ দিনে,  
নিস্তারপর্বের পরদিন, ইস্রায়েলীরা রামিমেষ থেকে বের হয়। তারা সমস্ত  
মিশরীয়ের সামনে দিয়ে সদস্তে বেরিয়ে আসে। 4 সেই সময় তারা  
তাদের প্রথমজাত সন্তানের কবর দিচ্ছিল, যাদের সদাপ্রভু আঘাত

করে বধ করেছিলেন। এইভাবে ঈশ্বর তাদের দেবতাদের বিচার করেছিলেন। ৫ ইস্রায়েলীরা রামিষেষ ত্যাগ করে সুকোতে ছাউনি স্থাপন করল। ৬ তারা সুকোৎ ত্যাগ করে মরণভূমির প্রান্তে, এথমে ছাউনি স্থাপন করল। ৭ তারা এথম ত্যাগ করে, পী-হহীরোতের বিপরীতমুখী হয়ে, বায়াল-সফোনের পূর্বপ্রান্তে এল। তারপর মিগ্দোলের কাছে ছাউনি স্থাপন করল। ৮ তারা পী-হহীরোৎ ত্যাগ করে, সমুদ্রের ভিতর দিয়ে মরণভূমিতে গেল এবং এথমের প্রান্তের তিনদিনের পথ অতিক্রম করে, তারা মারায় ছাউনি স্থাপন করল। ৯ মারা ত্যাগ করে তারা এলীমে গেল, যেখানে বারোটি জলের উৎস ও সতরাটি খেজুর গাছ ছিল। তারা সেখানে ছাউনি স্থাপন করল। ১০ তারা এলীম ত্যাগ করে লোহিত সাগরতীরে ছাউনি স্থাপন করল। ১১ তারা লোহিত সাগর ত্যাগ করে, সীন প্রান্তের ছাউনি স্থাপন করল। ১২ সীন প্রান্তের ত্যাগ করে তারা দপ্কাতে ছাউনি স্থাপন করল। ১৩ দপ্কা ত্যাগ করে তারা আলুশে ছাউনি স্থাপন করল। ১৪ আলুশ ত্যাগ করে তারা রফীদীমে ছাউনি স্থাপন করল, যেখানে লোকদের পান করার জন্য জল ছিল না। ১৫ রফীদীম ত্যাগ করে তারা সীনয় মরণভূমিতে ছাউনি স্থাপন করল। ১৬ সীনয় মরণভূমি ত্যাগ করে তারা কির্ণোৎ-হন্তাবায় ছাউনি স্থাপন করল। ১৭ কির্ণোৎ-হন্তাবা ত্যাগ করে তারা হৎসেরোতে ছাউনি স্থাপন করল। ১৮ হৎসেরোৎ ত্যাগ করে তারা রিত্মায় ছাউনি স্থাপন করল। ১৯ রিত্মা ত্যাগ করে তারা রিম্মোণ-পেরসে ছাউনি স্থাপন করল। ২০ রিম্মোণ-পেরস ত্যাগ করে তারা লিব্নায় ছাউনি স্থাপন করল। ২১ লিব্না ত্যাগ করে তারা রিস্সায় ছাউনি স্থাপন করল। ২২ রিস্সা ত্যাগ করে তারা কহেলাথায় ছাউনি স্থাপন করল। ২৩ কহেলাথা ত্যাগ করে তারা শেফর পর্বতে ছাউনি স্থাপন করল। ২৪ শেফর পর্বত ত্যাগ করে তারা হরাদায় ছাউনি স্থাপন করল। ২৫ হরাদা ত্যাগ করে তারা মখেলোতে ছাউনি স্থাপন করল। ২৬ মখেলোৎ ত্যাগ করে তারা তহতে ছাউনি স্থাপন করল। ২৭ তহৎ ত্যাগ করে তারা তেরহে ছাউনি স্থাপন করল। ২৮ তেরহ ত্যাগ করে তারা মিংকায় ছাউনি স্থাপন করল। ২৯ মিংকা ত্যাগ করে তারা হশ্মোনায় ছাউনি স্থাপন করল। ৩০ হশ্মোনা ত্যাগ করে

তারা মোষেরোতে ছাউনি স্থাপন করল। 31 মোষেরোৎ ত্যাগ করে তারা বনেয়াকনে ছাউনি স্থাপন করল। 32 বনেয়াকন ত্যাগ করে তারা হোৱ-হগিদ্গদে ছাউনি স্থাপন করল। 33 হোৱ-হগিদ্গদ ত্যাগ করে তারা যটবাথায় ছাউনি স্থাপন করল। 34 যটবাথা ত্যাগ করে তারা অৰ্ণোগায় ছাউনি স্থাপন করল। 35 অৰ্ণোগা ত্যাগ করে তারা ইৎসিয়োন-গেৰে ছাউনি স্থাপন করল। 36 ইৎসিয়োন-গেৰ ত্যাগ করে তারা সীন মৱভূমিতে, কাদেশে ছাউনি স্থাপন করল। 37 কাদেশ ত্যাগ করে তারা ইদোমের সীমানায়, হোৱ পৰ্বতে ছাউনি স্থাপন করল। 38 সদাপ্রভুৰ আদেশে যাজক হারোণ হোৱ পৰ্বতে উঠে গেলেন। ইস্রায়েলীদেৱ মিশ্ৰ থেকে বেৱ হওয়াৰ পৱ, চল্লিশতম বছৱেৱ পথওম মাসেৱ প্ৰথম দিনে, তিনি সেখানে প্ৰাণত্যাগ কৱলেন। 39 হোৱ পৰ্বতে মাৰা যাবাৰ সময় হারোণেৱ বয়স হয়েছিল, 123 বছৱ। 40 কনানীয় রাজা অৱাদ, যিনি কনানেৱ নেগেত অঞ্চলে বসবাস কৱতেন, তিনি শুনলেন যে ইস্রায়েলীৱা আসছে। 41 তারা হোৱ পৰ্বত ত্যাগ কৱে সল্মোনায় ছাউনি স্থাপন কৱল। 42 সল্মোনা ত্যাগ কৱে তারা পুনোনে ছাউনি স্থাপন কৱল। 43 পুনোন ত্যাগ কৱে তারা ওবোতে ছাউনি স্থাপন কৱল। 44 ওবোৎ ত্যাগ কৱে তারা মোয়াবেৱ সীমানায় ঈয়ী-অবাৱীমে ছাউনি স্থাপন কৱল। 45 তারা ঈয়ী-অবাৱীম ত্যাগ কৱে দীবোন গাদে ছাউনি স্থাপন কৱল। 46 তারা দীবোন গাদ ত্যাগ কৱে অল্মোন দিল্লাথয়িমে ছাউনি স্থাপন কৱল। 47 অল্মোন দিল্লাথয়িম ত্যাগ কৱে তারা নেবোৱ কাছে অবাৱীম পৰ্বতমালায় ছাউনি স্থাপন কৱল। 48 অবাৱীম পৰ্বতমালা ত্যাগ কৱে জৰ্ডন সমীপে, যিৱীহোৱ অপৱ পাশে, মোয়াবেৱ সমতলে ছাউনি স্থাপন কৱল। 49 সেখানে, তারা মোয়াবেৱ সমতলে, জৰ্ডন বৱাবৱ, বেথ-যিশীমোৎ থেকে আবেল শিটিম পৰ্যন্ত ছাউনি স্থাপন কৱল। 50 জৰ্ডন সমীপে, যিৱীহোৱ অপৱ পাশে, মোয়াবেৱ সমতলে সদাপ্রভু মোশিকে বললেন, 51 “ইস্রায়েলীদেৱ সঙ্গে কথা বলো এবং তাদেৱ বলো, ‘তোমৱা যখন জৰ্ডন অতিক্ৰম কৱে কনানে যাবে, 52 সেখানকাৱ সমস্ত অধিবাসীদেৱ বিতাড়িত কৱবে। তাদেৱ সমস্ত ক্ষেত্ৰিত প্ৰতিমা ও ছাঁচে ঢালা দেবমূৰ্তি বিনষ্ট

এবং তাদের উচ্চস্থলগুলি ধ্বংস করবে। 53 দেশ দখল করে তার মধ্যে  
উপনিবেশ স্থাপন করবে, কারণ আমি ওই দেশ তোমাদের অধিকারের  
জন্য দিয়েছি। 54 গোষ্ঠী অনুসারে গুটিকাপাত দ্বারা সেই দেশ তোমরা  
ভাগ করবে। বেশি লোককে বেশি অংশ এবং যাদের লোকসংখ্যা অল্প  
তাদের অল্প অংশ দেবে। গুটিকাপাত দ্বারা তাদের যা নির্ধারিত হবে  
তা তাদেরই। তোমাদের পৈতৃক গোষ্ঠী অনুযায়ী তা বণ্টন করবে। 55  
“কিন্তু, যদি তোমরা সেই দেশনিবাসীদের তাড়িয়ে না দাও, যাদের  
তোমরা বসবাস করার অনুমতি দেবে, তারা তোমাদের চোখের শূল ও  
বুকের অঙ্কুশস্বরূপ হবে। যে দেশে তোমরা বসবাস করবে, সেখানে  
তারা তোমাদের ক্লেশ দেবে। 56 তখন আমি তোমাদের প্রতি তাই  
করব, যা আমি তাদের প্রতি করতে মনস্ত করেছিলাম।”

**34** সদাপ্রভু মোশিকে বললেন, 2 “ইস্রায়েলীদের আদেশ দাও,  
তাদের বলো, ‘যখন তোমরা কনানে প্রবেশ করবে, যে দেশ তোমাদের  
স্বত্ত্বাধিকারকৃপে বণ্টন করা হবে, তার সীমানা হবে এইরকম: 3  
“তোমাদের দক্ষিণপ্রান্তের সীমানা হবে, ইদোমের সীমানা বরাবর,  
সীন মরুভূমির কিছুটা অংশ। পূর্বপ্রান্তে, তোমাদের দক্ষিণ দিকের  
সীমানা শুরু হবে মরুসাগরের প্রান্তভাগ থেকে। 4 বৃক্ষিক গিরিপথের  
দক্ষিণভাগ অতিক্রম করে, সীন পর্যন্ত গিয়ে তা কাদেশ-বর্ণেয়ের  
দক্ষিণ দিক পর্যন্ত বিস্তৃত হবে। তারপরে তা হৎসর-অদর পর্যন্ত গিয়ে  
অস্মোন পর্যন্ত যাবে। 5 সেখানে বেঁকে গিয়ে মিশরের ওয়াদি ও  
ভূমধ্যসাগরের প্রান্তে গিয়ে সংযুক্ত হবে। 6 তোমাদের পশ্চিম প্রান্তের  
সীমানা হবে ভূমধ্যসাগরের উপকুলভাগ। এই হবে তোমাদের পশ্চিম  
সীমানা। 7 তোমাদের উত্তরপ্রান্তের সীমানার জন্য, ভূমধ্যসাগর থেকে  
হোর পর্বত 8 এবং হোর পর্বত থেকে লেবো-হ্যাঙ পর্যন্ত সরলরেখা  
বরাবর হবে। তারপর সীমানা সদাদ পর্যন্ত গিয়ে, 9 সিফ্রোগ হয়ে  
হৎসর-ঐনন পর্যন্ত বিস্তৃত হবে। এই হবে তোমাদের উত্তর সীমানা।  
10 তোমাদের পূর্ব প্রান্তের সীমানার জন্য হৎসর-ঐনন থেকে শফাম  
পর্যন্ত সরলরেখা বরাবর হবে। 11 সীমানা শফাম থেকে নিচে ঐনের  
পূর্বপ্রান্তে রিন্না পর্যন্ত যাবে; সেখান থেকে গালীল সাগরের পূর্ব প্রান্তের

ତାଳ ବରାବର ବିଷ୍ଟୁତ ହବେ । 12 ତାରପର ସୀମାନା ଜର୍ଦନ ବରାବର ନେମେ ଗିଯେ ମର୍ମସାଗରେ ଶେଷ ହବେ । “ଏହି ହବେ ଚତୁର୍ଦିକେର ସୀମାନା ସମ୍ବନ୍ଧିତ ତୋମାଦେର ଦେଶ ।” 13 ମୋଶି ଇଞ୍ଚାଯେଲୀଦେର ନିର୍ଦେଶ ଦିଲେନ, “ଏହି ଦେଶେର ସ୍ଵତ୍ତ୍ଵାଧିକାର ଗୁଟିକାପାତର ମାଧ୍ୟମେ ବଣ୍ଟନ କରେ ଅଧିକାର କରବେ । ସଦାପ୍ରଭୁ ଆଦେଶ ଦିଯେଛେ ଯେ ସାଡ଼େ ନୟ ଗୋଟୀକେ ଏହି ଭୂମି ଦାନ କରା ହବେ, 14 କାରଣ ରୁବେଣ ଗୋଟୀ, ଗାଦ ଗୋଟୀ ଓ ମନଃଶିର ଅର୍ଧ ଗୋଟୀର ବଂଶସମ୍ମହ ତାଦେର ସ୍ଵତ୍ତ୍ଵାଧିକାର ପ୍ରାପ୍ତ ହେଁଥେ । 15 ଏହି ଆଡ଼ାଇ ଗୋଟୀ, ସୂର୍ଯ୍ୟଦୟ ଅଭିମୁଖେ, ଯିରୀହୋର ସନ୍ନିହିତ ଜର୍ଦନର ପୂର୍ବପ୍ରାନ୍ତେ ତାଦେର, ସ୍ଵତ୍ତ୍ଵାଧିକାର ଲାଭ କରିଛେ ।” 16 ସଦାପ୍ରଭୁ ମୋଶିକେ ବଲଲେନ, 17 “ଯେ ବ୍ୟକ୍ତିରା ତୋମାଦେର ମଧ୍ୟେ ସ୍ଵତ୍ତ୍ଵାଧିକାର ଭାଗ କରିବେ, ତାଦେର ନାମ ଏରକମ: ଯାଜକ ଇଲିଆସର ଓ ନୂନେର ଛେଲେ ଯିହୋଶ୍ୟ । 18 ଆବାର ପ୍ରତ୍ୟେକ ଗୋଟୀ ଥେକେ ଭୂମି ବିଭାଗେ ଜନ୍ୟ ଏକ ଏକଜନ ନେତାକେ ସାହାଯ୍ୟକାରୀ ନିଯୋଗ କରିବୋ । 19 “ତାଦେର ନାମଗୁଣି ହବେ: “ଯିହୁଦା ଗୋଟୀ ଥେକେ, ଯିହୁନ୍ନିର ଛେଲେ କାଲେବ । 20 ଶିମିଯୋନ ଗୋଟୀ ଥେକେ ଅମ୍ମିହୁଦେର ଛେଲେ ଶମୁଯେଲ । 21 ବିନ୍ୟାମୀନ ଗୋଟୀ ଥେକେ କିଶ୍ଲୋନେର ଛେଲେ ଇଲୀଦଦ । 22 ଦାନ ଗୋଟୀର ନେତା, ଯଗଳିର ଛେଲେ ବୁକି । 23 ଯୋଷେଫେର ଛେଲେ ମନଃଶି ଗୋଟୀର ନେତା, ଏଫୋଦେର ଛେଲେ ହଣ୍ଣୀଯେଲ । 24 ଯୋଷେଫେର ଛେଲେ ଇଫ୍ରୁଯିମ ଗୋଟୀର ନେତା, ଶିଞ୍ଚନେର ଛେଲେ କମ୍ବୁଯେଲ 25 ସବୁଲୁନ ଗୋଟୀର ନେତା, ପର୍ଣକେର ଛେଲେ ଇଲୀଯାଫଣ । 26 ଇସାଖର ଗୋଟୀର ନେତା, ଅସ୍ମନେର ଛେଲେ ପଲାଟିଯେଲ । 27 ଆଶେର ଗୋଟୀର ନେତା, ଶଲୋମିର ଛେଲେ ଅହୀହୁଦ । 28 ନାନ୍ଦାଲି ଗୋଟୀର ନେତା, ଅମ୍ମିହୁଦେର ଛେଲେ ପଦହେଲ ।” 29 କଳାନ ଦେଶେ ଇଞ୍ଚାଯେଲୀଦେର ମଧ୍ୟେ ଅଧିକାର ବିଭାଗ କରେ ଦିତେ ସଦାପ୍ରଭୁ ଏହି ଲୋକଦେର ଆଦେଶ ଦିଯେଛିଲେନ ।

**35** ମୋଯାବେର ସମତଳେ, ଯିରୀହୋର ଅପର ପାଶେ, ଜର୍ଦନ ସନ୍ନିହିତ ଅଞ୍ଚଳେ, ସଦାପ୍ରଭୁ ମୋଶିକେ ବଲଲେନ, 2 “ଇଞ୍ଚାଯେଲୀଦେର ଆଦେଶ ଦାଓ ଯେନ ତାରା ଯେ ସ୍ଵତ୍ତ୍ଵାଧିକାର ଲାଭ କରିବେ, ତାର ମଧ୍ୟ ଥେକେ ଯେନ କଯେକଟି ନଗର ଲେବୀଯଦେର ବାସ କରାର ଜନ୍ୟ ଦାନ କରେ । ସେଇସବ ନଗର ସନ୍ନିହିତ ଚାରଗଭୂମିଓ ଯେନ ତାଦେର ଦେଓଯା ହ୍ୟ । 3 ତାହଲେ ତାରା ସେଇ ସମନ୍ତ ନଗରେ ବସିବାସ କରିବେ ଏବଂ ତାଦେର ଗବାଦି ପଣ୍ଡ, ମେସପାଳ ଓ ଅନ୍ୟାନ୍ୟ

প্রাচীর জন্য চারণভূমি ও লাভ করবে। 4 “তোমরা লেবীয়দের জন্য নগরের চতুর্দিকে যে চারণভূমি দান করবে, তা নগরের প্রাচীর থেকে পরের একশো হাত পর্যন্ত বিস্তৃত হবে। 5 নগরের বাইরে, পূর্বদিকে 2,000 হস্ত, দক্ষিণ দিকে 2,000 হস্ত, পশ্চিমদিকে 2,000 হস্ত ও উত্তর দিকে 2,000 হাত, মাঝখানে নগরটি থাকবে। তারা এই এলাকা, নগরের সকলের চারণভূমি হিসেবে প্রাপ্ত হবে। 6 “যে সমস্ত নগর তোমরা লেবীয়দের দেবে, তার মধ্যে ছয়টি আশ্রয়-নগর হবে। 7 কোনো ব্যক্তি কাউকে বধ করে থাকলে সেখানে পালিয়ে যেতে পারবে। তার অতিরিক্ত তাদের আরও বিয়ালিশটি নগর দেবে। 8 ইসায়েলীয়দের অধিকৃত অংশ থেকে যে সমস্ত নগর তোমরা লেবীয়দের দেবে, তা প্রত্যেক গোষ্ঠীর প্রাপ্ত অধিকার অনুসারে হবে। যে গোষ্ঠীর বেশি সংখ্যা আছে, তাদের থেকে নগরের সংখ্যা বেশি নেবে, কিন্তু যাদের কম আছে, তাদের থেকে কম সংখ্যক নগর নেবে।”

9 তারপর সদাপ্রভু মোশিকে বললেন, 10 “ইসায়েলীদের সঙ্গে কথা বলো, তাদের বলো, ‘যখন তোমরা জর্ডন পার হয়ে কনান দেশে যাবে, 11 তখন কয়েকটি নগর মনোনীত করবে যেগুলি আশ্রয়-নগর হবে, যেন কেউ আন্তিবশত কারোর প্রাণ নিলে সেখানে পলায়ন করতে পারে। 12 সেইগুলি প্রতিশোধলিঙ্গু ব্যক্তির কাছে রক্ষাকারী আশ্রয়স্থল হবে, যেন নরহত্যার দায়ে অভিযুক্ত ব্যক্তি, মণ্ডলীর সামনে বিচারিত হওয়ার আগেই মারা না পড়ে। 13 এই যে ছয়টি নগর তোমরা দান করবে, সেগুলি তোমাদের আশ্রয়-নগর হবে। 14 জর্ডনের এই পাড়ে তিনটি এবং কনানে তিনটি আশ্রয়-নগর দান করবে। 15 ইসায়েলী এবং যেসব বিদেশি তোমাদের মধ্যে বসবাস করছে তাদের জন্য এই ছয়টি নগর আশ্রয়স্থল হবে, যেন কেউ যদি আন্তিবশত কারোর প্রাণ নেয় তাহলে সেখানে পলায়ন করতে পারে। 16 “যদি কোনো ব্যক্তি, অন্য কোনো ব্যক্তিকে কোনো লৌহ পদার্থ দিয়ে এমন আঘাত করে যে তার মৃত্যু হয়, তাহলে সেই ব্যক্তি হত্যাকারী; সেই হত্যাকারী ব্যক্তিকে মৃত্যুদণ্ড দিতে হবে। 17 অথবা যদি কোনো ব্যক্তির হাতে একটি পাথর

থাকে এবং সে অন্য এক ব্যক্তিকে তার দ্বারা এমন আঘাত করে যে  
তার মৃত্যু হয়, তাহলে সেই ব্যক্তি হত্যাকারী; সেই হত্যাকারী ব্যক্তিকে  
মৃত্যুদণ্ড দিতে হবে। 18 অথবা নিহত হতে পারে এমন কোনো  
কাঠের বস্ত্র কারোর হাতে থাকে এবং তার দ্বারা সে কোনো ব্যক্তিকে  
এমন আঘাত করে যে তার মৃত্যু হয়, তাহলে সেই ব্যক্তি হত্যাকারী;  
সেই হত্যাকারী ব্যক্তিকে মৃত্যুদণ্ড দিতে হবে। 19 রক্তপাতের জন্য  
প্রতিশোধগ্রহণকারী ব্যক্তি সেই হত্যাকারী ব্যক্তিকে বধ করবে; যখনই  
সে হত্যাকারীর দেখা পাবে, তাকে বধ করবে। 20 যদি কেউ আগে  
থেকে বিদ্বেষবশত কাউকে সজোরে ধাক্কা দেয়, অথবা ইচ্ছাকৃতভাবে  
কোনো বস্ত্র কারোর দিকে নিষ্কেপ করে, যার ফলে সে মারা যায়, 21  
অথবা শক্তিতার কারণে সে তাকে এমন মুষ্ট্যাঘাত করে, যার ফলে  
সেই ব্যক্তি মারা যায়, তাহলে সেই ব্যক্তিকে মৃত্যুদণ্ড দিতে হবে,  
তাহলে সেই ব্যক্তি হত্যাকারী। রক্তপাতের জন্য প্রতিশোধগ্রহণকারী  
ব্যক্তি তাকে দেখামাত্র সেই হত্যাকারী ব্যক্তিকে বধ করবে। 22 “কিন্তু  
শক্তিতার মনোভাব ছাড়াই, যদি কোনো ব্যক্তি হঠাতে কাউকে ধাক্কা  
দেয়, অথবা অনিচ্ছাকৃতভাবে কোনো বস্ত্র তার দিকে নিষ্কেপ করে 23  
অথবা তার প্রতি লক্ষ্য না করে যদি কোনো ভারী পাথর তার ওপর  
নিষ্কেপ করে যার দ্বারা মৃত্যু হতে পারে এবং সে মারা যায়, তাহলে  
যেহেতু সে তার শক্তি ছিল না এবং তার ক্ষতিসাধন করার কোনো  
মনোবাসনা সেই ব্যক্তির ছিল না 24 মণ্ডলী অবশ্যই সেই ব্যক্তির এবং  
রক্তপাতের জন্য প্রতিশোধগ্রহণকারী ব্যক্তির মধ্যে এই সমস্ত নিয়ন্ত্রণ  
বিধির পরিপ্রেক্ষিতে বিচার করবে। 25 মণ্ডলী অবশ্যই সেই ব্যক্তিকে  
রক্তপাতের জন্য প্রতিশোধগ্রহণকারী ব্যক্তির হাত থেকে রক্ষা করবে  
এবং সেই আশ্রয়-নগরে তাকে আবার পাঠিয়ে দেবে, যেখানে সে  
পালিয়ে গিয়েছিল। যে পর্যন্ত পবিত্র তেলে অভিষিক্ত মহাযাজকের মৃত্যু  
না হয়, সেই পর্যন্ত সে ওই স্থানে অবস্থিতি করবে। 26 “কিন্তু অভিযুক্ত  
ব্যক্তি, যেখানে সে পলায়ন করেছিল, সেই আশ্রয়-নগরের সীমানার  
বাইরে যদি কখনও যায় 27 এবং রক্তপাতের জন্য প্রতিশোধগ্রহণকারী  
ব্যক্তি সেই নগর সীমানার বাইরে তার দেখা পায়, তাহলে সে অভিযুক্ত

ব্যক্তিকে বধ করতে পারবে। নরহত্যার কোনো অপরাধ তার হবে না।

28 অভিযুক্ত ব্যক্তি অবশ্যই তার আশ্রয়-নগরে অবস্থান করবে, যতদিন  
না মহাযাজকের মৃত্যু হয়; কেবলমাত্র মহাযাজকের মৃত্যু হলেই সে তার  
নিজস্ব অধিকারে ফিরে যেতে পারবে। 29 “তোমরা যেখানে বসবাস  
করো, সেখানেই ভবিষ্যৎ বৎসরস্পরায় এই বিধান প্রযোজ্য হবে। 30  
“কোনও ব্যক্তি, অন্য কোনো ব্যক্তিকে হত্যা করলে, প্রত্যক্ষদশীদের  
সাক্ষ্যদানের ভিত্তিতে, হত্যাকারী হিসেবে তাকে বধ করতে হবে। কিন্তু  
শুধুমাত্র একজন সাক্ষীর সাক্ষ্যের ভিত্তিতে কাউকে মৃত্যুদণ্ড দেওয়া  
যাবে না। 31 “মৃত্যুদণ্ডযোগ্য কোনো হত্যাকারীর জীবনের বিনিময়ে  
কোনো মুক্তির মূল্য গ্রহণ করবে না। তাকে নিশ্চিতরপেই বধ করতে  
হবে। 32 “যে ব্যক্তি আশ্রয়-নগরে পলায়ন করেছে, তার কাছ থেকে  
কোনো মুক্তিপণ নেবে না এবং মহাযাজকের মৃত্যু হওয়ার আগেই  
তাকে ফিরে যেতে ও নিজস্ব নিবাস ভূমিতে বসবাস করার অনুমতি  
দেবে না। 33 “যে দেশে তোমরা বসবাস করো, সেই দেশকে কল্পুষিত  
করবে না। রক্তপাত দেশকে কল্পুষিত করে এবং যেখানে রক্তপাত  
হয় সেখানে রক্তপাতকারীর রক্তপাত বিনা দেশের প্রায়চিন্ত হতে  
পারে না। 34 যেখানে তোমরা জীবনযাপন করো ও যেখানে আমি  
বসবাস করি, সেই দেশকে কল্পুষিত করবে না। কারণ আমি, সদাপ্রভু,  
ইস্রায়েলীদের মধ্যে বসবাস করি।”

**36** যোষেফের বংশধরদের গোষ্ঠীসমূহ থেকে মনঃশির নাতি মাখীরের  
ছেলে গিলিয়দের গোষ্ঠীর প্রধানেরা এসে মোশি ও ইস্রায়েলী  
পরিবারগুলির প্রধানদের সঙ্গে কথা বললেন। 2 তাঁরা বললেন, “যখন  
সদাপ্রভু আমাদের প্রভুকে আদেশ দিয়ে বলেছিলেন গুটিকাপাত দ্বারা  
স্বত্ত্বাধিকারকুপে ইস্রায়েলীদের দেশ বণ্টন করতে, তিনি আপনাকে  
আদেশ দিয়েছিলেন যেন আপনি আমাদের ভাই সলফাদের অধিকার  
তার মেয়েদের দেন। 3 এখন, মনে করুন, তারা যদি ইস্রায়েলী অন্য  
গোষ্ঠীগুলি কাউকে বিয়ে করে; তাহলে তাদের স্বত্ত্বাধিকার আমাদের  
পৈতৃক উত্তরাধিকার থেকে নিয়ে নেওয়া হবে এবং যে গোষ্ঠীতে তাদের  
বিয়ে হবে তারা তাদের অংশে অঙ্গৰ্ভুক্ত হবে। তাই আমাদের জন্য

বন্তির অধিকারের অংশ আমাদের থেকে নিয়ে নেওয়া হবে। 4 যখন ইস্রায়েলীদের জয়ষ্ঠী বছর উপস্থিত হবে, তখন যে গোষ্ঠীতে তাদের বিয়ে হবে, সেই গোষ্ঠীর অধিকারে তাদের অধিকার যুক্ত হবে এবং আমাদের পিতৃবংশের অধিকার থেকে তাদের সম্পত্তি নিয়ে নেওয়া হবে।” 5 তখন সদাপ্রভুর আদেশ অনুযায়ী মোশি, ইস্রায়েলীদের এই বিধান দিলেন, “যোষেফের গোষ্ঠীর বংশধরেরা যে কথা বলছে, তা যথার্থ। 6 সদাপ্রভু, সলফাদের মেয়েদের জন্য এই আদেশ দিয়েছেন, তাদের বাবার গোষ্ঠীর মধ্যে তারা যাকে চায়, তাকেই বিয়ে করতে পারে। 7 কিন্তু ইস্রায়েলীদের মধ্যে কোনো অধিকার এক গোষ্ঠী থেকে অন্য গোষ্ঠীতে যাবে না, কারণ প্রত্যেক ইস্রায়েলী তার পূর্বপুরুষদের কাছ থেকে পাওয়া গোষ্ঠীর ভূমি রক্ষা করবে। 8 প্রত্যেক মেয়ে যে ইস্রায়েলী গোষ্ঠীর মধ্যে অধিকার প্রাপ্ত হবে, সে অবশ্যই তা পিতৃ-গোষ্ঠীর মধ্যে কোনো ব্যক্তিকে বিয়ে করবে। এভাবে প্রত্যেক ইস্রায়েলী ব্যক্তি তার বাবার অধিকার ভোগ করবে। 9 কোনো উত্তরাধিকার এক গোষ্ঠী থেকে অন্য গোষ্ঠীতে যাবে না, কারণ প্রত্যেক ইস্রায়েলী গোষ্ঠী তার অধিকারভুক্ত ভূমি নিজের কাছে রাখবে।” 10 অতএব সলফাদের মেয়েরা সেইরকমই করল, যেমন সদাপ্রভু মোশিকে বলেছিলেন। 11 সলফাদের মেয়েরা—মহলা, তির্সা, হগলা, মিঞ্চা ও নোয়া—তাদের পিতৃ-গোষ্ঠীর ছেলেদের বিয়ে করল। 12 তারা যোষেফের ছেলে মনঃশির বংশধরদের গোষ্ঠীর মধ্যে বিয়ে করল এবং তাদের অধিকার তাদের বাবার বংশ ও গোষ্ঠীর মধ্যেই রইল। 13 এই সমস্ত আদেশ ও নিয়ন্ত্রণবিধি, সদাপ্রভু জর্ডনের সামনে, যিরীহোর অন্য পাশে, মোয়াবের সমতলে, মোশির মাধ্যমে ইস্রায়েলীদের দান করেছিলেন।

## ଦ୍ୱିତୀୟ ବିବରଣ

୧ ମୋଶି ଜର୍ଡନ ନଦୀର ପୂର୍ବଦିକେର ମରକ୍କଳାକାୟ ଅର୍ଥାଏ ଅରାବାତେ ସୁଫେର ସାମନେ, ପାରଣ ଓ ତୋଫଲ, ଲାବନ, ହୃଦେରୋତ୍ ଓ ଦୀଷାହବେର ମାଝଖାନେ ଇନ୍ଦ୍ରାୟେଲୀଦେର କାହେ ଏସବ କଥା ବଲେଛିଲେନ । ୨ (ହୋରେବ ଥେକେ ସେଇର ପାହାଡ଼େର ରାଷ୍ଟ୍ର ଧରେ କାଦେଶ-ବର୍ଣେଯ ପର୍ଯ୍ୟନ୍ତ ଯେତେ ଏଗାରୋ ଦିନ ଲାଗେ ।) ୩ ସଦାପ୍ରଭୁ ଇନ୍ଦ୍ରାୟେଲୀଦେର ସମ୍ବନ୍ଧେ ମୋଶିକେ ଯେସବ ନିର୍ଦେଶ ଦିଯେଛିଲେନ ତା ତିନି ଚଙ୍ଗିଶତମ ବଚରେର ଏକାଦଶ ମାସେର ପ୍ରଥମ ଦିନେ ତାଦେର କାହେ ପ୍ରକାଶ କରେଛିଲେନ । ୪ ଇମୋରୀଯଦେର ରାଜ୍ଞୀ ସୀହୋନକେ ଏବଂ ଇନ୍ଦ୍ରିଆତେ ବାଶନେର ରାଜ୍ଞୀ ଓଗକେ ହାରିଯେ ଦେବାର ପର ଏହି ଘଟନା ଘଟେଛିଲ । ସୀହୋନ ରାଜତ୍ୱ କରତେନ ହିସ୍ବୋନେ ଏବଂ ଓଗ ରାଜତ୍ୱ କରତେନ ଅଷ୍ଟାରୋତେ । ୫ ଜର୍ଡନେର ପୂର୍ବଦିକେ ମୋଯାବ ଦେଶେ ମୋଶି ଏହି ବିଧାନ ବ୍ୟାଖ୍ୟା କରତେ ଲାଗଲେନ, ତିନି ବଲଲେନ: ୬ ଆମାଦେର ଈଶ୍ଵର ସଦାପ୍ରଭୁ ହୋରେବେ ଆମାଦେର ବଲେଛିଲେନ, “ତୋମରା ଅନେକ ଦିନ ପାହାଡ଼ ଥେକେଛ । ୭ ଏଥନ ତୋମରା ଛାଉନି ତୁଲେ ନିଯେ ଇମୋରୀଯଦେର ପାହାଡ଼ ଏଲାକା ଏବଂ ତାର ନିକଟବର୍ତ୍ତୀ ଜାଯଗାର ଲୋକଦେର କାହେ ଯାଓ ଯାରା ଅରାବାତେ, ଡୁଚୁ ପାହାଡ଼ ଏଲାକାୟ, ପଶ୍ଚିମ ପ୍ରଦେଶେର ନିଚେର ପାହାଡ଼ ଏଲାକାୟ, ନେଗେଭେ ଏବଂ ସମୁଦ୍ରେର ତୀରେ, ମହାନଦୀ ଇଉଫ୍ରେଟିସ ନଦୀ ପର୍ଯ୍ୟନ୍ତ କନାନୀଯଦେର ଦେଶେ ଓ ଲେବାନନେ ବସବାସ କରେ । ୮ ଦେଖୋ, ଆମି ତୋମାଦେର ଏହି ଦେଶ ଦିଯେଛି । ତୋମାଦେର ପୂର୍ବପୁରୁଷଦେର କାହେ ଅଭାବ, ଇନ୍ଦ୍ରାକ ଓ ଯାକୋବ ଏବଂ ତାଁଦେର ବଂଶଧରଦେର କାହେ ଯେ ଦେଶ ଦିତେ ସଦାପ୍ରଭୁ ଶପଥ କରେଛିଲେନ ତୋମରା ସେଥାନେ ଗିଯେ ସେହି ଦେଶ ଅଧିକାର କରୋ ।” ୯ ସେହି ସମୟ ଆମି ତୋମାଦେର ବଲେଛିଲାମ, “ଆମାର ଏକାର ପକ୍ଷେ ତୋମାଦେର ଭାର ବୟେ ନିଯେ ଯାଓୟା ସନ୍ତ୍ବନ୍ନ ନୟ । ୧୦ ତୋମାଦେର ଈଶ୍ଵର ସଦାପ୍ରଭୁ ତୋମାଦେର ଏତ ବୃଦ୍ଧି କରେଛେନ ଯେ ଆଜକେ ତୋମରା ଆକାଶେର ତାରାର ମତୋ ଅସଂଖ୍ୟ ହୟ ଉଠେଛ । ୧୧ ତୋମାଦେର ପୂର୍ବପୁରୁଷଦେର ଈଶ୍ଵର ସଦାପ୍ରଭୁ ତୋମାଦେର ସଂଖ୍ୟା ଆରଓ ହାଜାର ଗୁଣ ବାଡ଼ିଯେ ଦିନ ଏବଂ ତାଁର ପ୍ରତିଜ୍ଞା ଅନୁସାରେଇ ତିନି ତୋମାଦେର ଆଶୀର୍ବାଦ କରନ୍ତି! ୧୨ କିନ୍ତୁ ଆମି ଏକା କୀ କରେ ତୋମାଦେର ସବ ସମସ୍ୟା ଓ ତୋମାଦେର ବୋବା ଏବଂ ତୋମାଦେର ବାଗଡ଼ା ବହନ କରବ? ୧୩ ତୋମରା ତୋମାଦେର ପ୍ରତ୍ୟେକଟି ଗୋଷ୍ଠୀ ଥେକେ

কয়েকজন করে জ্ঞানবান, বুদ্ধিমান ও সম্মানীয় লোক বেছে নাও,  
আমি তাদের উপর তোমাদের দেখাশোনার ভার দেব।” 14 তোমরা  
আমাকে উত্তর দিয়েছিলে, “আপনি যা বলেছেন তাই করা ভালো।” 15  
সেইজন্য আমি তোমাদের গোষ্ঠীর প্রধানদের, জ্ঞানবান ও বুদ্ধিমান  
লোকদের নিয়ে তোমাদের উপরে নিযুক্ত করেছিলাম—সহস্রপতি,  
শতপতি, পঞ্চাশৎপতি, দশপতি এবং গোষ্ঠীগত কর্মকর্তাদের। 16  
আর সেই বিচারকদের তখন আমি বলেছিলাম, “তোমরা বগড়া-  
বিবাদের সময়ে দুই পক্ষের কথা শুনে ন্যায়পূর্বক বিচার করবে, সেই  
বগড়া ইস্রায়েলী ভাইদের মধ্যেই হোক কিংবা ইস্রায়েলী এবং ভিন্ন  
জাতির লোকদের মধ্যেই হোক। 17 বিচারের ব্যাপারে তোমরা কারও  
পক্ষ নেবে না এবং বড়ো-ছাতো সবার কথাই শুনবে। কোনো মানুষকে  
ভয় পাবে না, কেননা বিচার ঈশ্বরের। যদি কোনো বিচার তোমাদের  
কাছে কঠিন বলে মনে হয় তবে তোমরা তা আমার কাছে নিয়ে  
আসবে, আমি সেই বিচার করব।” 18 আর তোমাদের যা করতে হবে  
তাও আমি তখন তোমাদের বলে দিয়েছিলাম। 19 এরপর, আমাদের  
ঈশ্বর সদাপ্রভুর আদেশ অনুসারে, আমরা হোরেব ছেড়ে ইমোরীয়দের  
পাহাড় এলাকার দিকে যাওয়ার পথে তোমরা সেই বড়ো ও ভয়ংকর  
মরুএলাকা দেখেছিলে, এবং আমরা কাদেশ-বর্ণেয় পৌঁছালাম। 20  
তারপর আমি তোমাদের বলেছিলাম, “তোমরা ইমোরীয়দের পাহাড়  
এলাকায় এসে গিয়েছ, যেটি আমাদের ঈশ্বর সদাপ্রভু আমাদের  
দিচ্ছেন। 21 দেখো, তোমাদের ঈশ্বর সদাপ্রভু সেই দেশ তোমাদের  
দিয়েছেন। উঠে গিয়ে সেটি অধিকার করো যেমন সদাপ্রভু, তোমাদের  
পূর্বপুরুষদের ঈশ্বর, তোমাদের বলেছিলেন। ভয় পেয়ো না; হতাশ  
হোয়ো না।” 22 তখন তোমরা সবাই এসে আমাকে বলেছিলে,  
“কয়েকজন লোককে আগেই পাঠিয়ে দেওয়া হোক যেন তারা দেশটি  
দেখে এসে আমাদের বলতে পারে কোন পথে আমাদের সেখানে যেতে  
হবে এবং কোন কোন নগর আমাদের সামনে পড়বে।” 23 তোমাদের  
কথাটি আমার ভালো মনে হয়েছিল; সেইজন্য আমি তোমাদের মধ্যে  
বারোজনকে মনোনীত করেছিলাম, একজন করে প্রত্যেক গোষ্ঠীর। 24

তারা যাত্রা করে পাহাড়ি এলাকায় উঠে গেল এবং ইক্ষোল উপত্যকায়  
গিয়ে ভালো করে সবকিছু দেখে আসল। 25 তারা সেই দেশের কিছু  
ফল সঙ্গে করে নিয়ে এসে বলেছিল, “আমাদের ঈশ্বর সদাপ্রভু যে  
দেশটি আমাদের দিচ্ছেন তা সত্যিই চমৎকার।” 26 কিন্তু তোমরা সেই  
দেশে যেতে চাইলে না; তোমরা তোমাদের ঈশ্বর সদাপ্রভুর আদেশের  
বিরুদ্ধাচরণ করেছিলে। 27 তোমাদের তাঁবুতে তোমরা দোষারোপ করে  
বলেছিল, “সদাপ্রভু আমাদের ঘৃণা করেন; সেইজন্য তিনি ইমোরীয়দের  
হাতে তুলে দিয়ে ধ্বংস করার জন্য আমাদের মিশর থেকে বের করে  
এনেছেন। 28 আমরা কোথায় যাব? আমাদের ভাইয়েরা আমাদের  
মন ভেঙে দিয়েছে। তারা বলেছে, ‘সেখানকার লোকেরা আমাদের  
থেকে শক্তিশালী এবং লস্বা; নগরগুলি খুব বড়ো ও তাদের প্রাচীর  
গগনচুম্বী। আমরা সেখানে অনাকীয়দেরও দেখেছি।’” 29 তখন আমি  
তোমাদের বলেছিলাম, “আতঙ্কগ্রস্ত হোয়ো না; তাদের ভয় পেয়ো  
না। 30 তোমাদের ঈশ্বর সদাপ্রভু, যিনি তোমাদের আগে যাচ্ছেন,  
তিনি তোমাদের হয়ে যুদ্ধ করবেন, যেমন তিনি তোমাদের হয়ে মিশরে  
করেছিলেন, তোমাদের চোখের সামনে, 31 মর়এলাকায়। সেখানে  
তোমরা দেখেছিলে তোমাদের ঈশ্বর সদাপ্রভু কেমন করে তোমাদের  
বহন করেছিলেন, যেমন করে একজন বাবা তার ছেলেকে বহন করে,  
তেমনি করে তিনি নিয়ে এসেছেন যতক্ষণ না তোমরা এই জায়গায়  
পৌঁছেছ।” 32 তবুও তোমরা তোমাদের ঈশ্বর সদাপ্রভুকে বিশ্বাস  
করোনি, 33 যিনি যাত্রাপথে রাতে আগুনের মধ্যে ও দিনে মেঘের  
মধ্যে তোমাদের আগে আগে গিয়েছিলেন, তোমাদের তাঁবু ফেলার  
জায়গার খোঁজে এবং পথ দেখাবার জন্য যেখান দিয়ে তোমাদের  
যেতে হবে। 34 তোমরা যা বলেছ তা সদাপ্রভু যখন শুনলেন, তিনি  
ভীষণ অসন্তুষ্ট হলেন এবং এই শপথ করলেন 35 “এই দুষ্ট বংশের  
কোনো লোক সেই চমৎকার দেশ দেখতে পাবে না যা আমি তাদের  
পূর্বপুরুষদের কাছে প্রতিজ্ঞা করেছিলাম, 36 কেবল যিফুন্নির ছেলে  
কালেব ছাড়া। সে তা দেখবে, এবং আমি তাকে ও তার বংশধরদের  
সেই জায়গা দেব যেখানে সে পা রেখেছিল, কেননা সে পুরোপুরিভাবে

সদাপ্রভুর কথা অনুসারে চলেছে।” 37 তোমাদের দরং সদাপ্রভু আমার উপরেও ভীষণ অসন্তুষ্ট হয়ে বলেছিলেন, “তোমারও, ওই দেশে ঢেকা হবে না। 38 কিন্তু তোমার সাহায্যকারী নূনের ছেলে যিহোশূয় চুকবে। তাকে উৎসাহ দাও, কারণ সেই ইস্রায়েলকে দেশটি অধিকার করতে নেতৃত্ব দেবে। 39 যেসব ছেলেমেয়েকে বন্দি করে নিয়ে যাওয়া হবে বলে তোমরা বলেছিলে তোমাদের সেইসব ছেলেমেয়ে, যাদের ভালোমন্দের জ্ঞান হয়নি তারাই সেই দেশে চুকবে। আমি দেশটি তাদেরই দেব এবং তারা তা অধিকার করবে। 40 কিন্তু তোমরা ফেরো এবং সূফসাগরের পথ দিয়ে মরহুমাকার দিকে যাও।” 41 তখন তোমরা উত্তর দিয়েছিলে, “আমরা সদাপ্রভুর বিরুদ্ধে পাপ করেছি। আমরা উঠে যাব এবং যুদ্ধ করব, আমাদের ঈশ্বর সদাপ্রভু আমাদের যেমন আদেশ করেছেন।” অতএব তোমরা সবাই অন্তর্শন্ত্র নিয়েছিলে, ভেবেছিলে পাহাড়ি এলাকায় উঠে যাওয়া খুব সহজ। 42 কিন্তু সদাপ্রভু আমাকে বললেন, “তাদের বলো, ‘উপরে উঠে যুদ্ধ কোরো না, কেননা আমি তোমাদের সঙ্গে থাকব না। তোমরা শক্তদের দ্বারা পরাজিত হবে।’” 43 আমি তোমাদের সেই কথা জানালাম, কিন্তু তোমরা শুনলে না। তোমরা সদাপ্রভুর আদেশের বিরুদ্ধে বিদ্রোহ করলে এবং অহংকারের সঙ্গে পর্বতে অবস্থিত নগরে উঠে গেলে। 44 সেই পাহাড়ি এলাকায় বসবাসকারী ইমেরীয়েরা তোমাদের বিরুদ্ধে বের হয়ে এসে এক ঝাঁক মৌমাছির মতো তোমাদের তাড়া করে সেয়ার থেকে হর্মা পর্যন্ত মারতে মারতে নিয়ে গিয়েছিল। 45 তোমরা ফিরে এসে সদাপ্রভুর কাছে কেঁদেছিলে, কিন্তু তিনি তোমাদের কানায় কোনও মনোযোগ দিলেন না এবং তিনি কান বন্ধ করেছিলেন। 46 আর তোমরা অনেক দিন কাদেশে থাকলে—সেখানেই তোমাদের সময় কাটল।

**২** পরে সদাপ্রভু যেমন নির্দেশ দিয়েছিলেন সেইভাবে আমরা পিছন ফিরে সূফসাগরের পথ ধরে মরহুমাকার দিকে রওনা হয়েছিলাম। সেয়ারের পাহাড়ি এলাকা ঘুরে যেতে আমাদের অনেক দিন কেটে গেল। 2 তারপর সদাপ্রভু আমাকে বললেন, 3 “তোমরা পাহাড়ি এলাকায় অনেক দিন ধরে ঘুরছ; এখন উত্তর দিকে ফের। 4 লোকদের

এই আদেশ করো: ‘সেয়ীরে বসবাসকারী এষৌর বংশধর তোমাদের  
আত্মীয়দের রাজ্যের মধ্যে দিয়ে এখন তোমাদের যেতে হবে।  
তোমাদের দেখে তারা ভয় পাবে কিন্তু তোমরা খুব সাবধানে থেকো।  
৫ তাদের যুদ্ধের উসকানি দেবে না, কারণ তাদের দেশের কোনও  
অংশই আমি তোমাদের দেব না, এমনকি পা রাখার জায়গা পর্যন্ত দেব  
না। আমি সেয়ীরের এই পাহাড়ি এলাকা এষৌকে তার নিজের দেশ  
হিসেবে দিয়েছি। ৬ তাদের কাছ থেকে খাবার ও জল তোমাদের রংপো  
দিয়ে কিনে খেতে হবে।’” ৭ তোমাদের ঈশ্বর সদাপ্রভু সবকাজেই  
তোমাদের আশীর্বাদ করেছেন। এই বিশাল মরহেলাকার মধ্যে দিয়ে  
যাওয়ার সময় তিনি তোমাদের দেখাশোনা করেছেন। এই চাল্লিশ বছর  
তোমাদের ঈশ্বর সদাপ্রভু তোমাদের সঙ্গেই থেকেছেন, এবং তোমাদের  
কোনও অভাব হয়নি। ৮ অতএব আমরা সেয়ীরে বসবাসকারী এষৌর  
বংশধর আমাদের আত্মীয়দের রাজ্যের মধ্যে দিয়ে গোলাম। আমরা  
অরাবার যে পথটি এলৎ ও ইৎসিয়োন-গেবর থেকে বের হয়ে এসেছে  
সেই পথ ছেড়ে মোয়াবের মরহেলাকার পথে গোলাম। ৯ তারপর  
সদাপ্রভু আমাকে বললেন, “মোয়াবীয়দের তোমরা বিরক্ত কোরো না  
কিংবা তাদের যুদ্ধের উসকানি দিয়ো না, কারণ তাদের দেশের কোনও  
অংশই আমি তোমাদের দেব না। আমি সম্পত্তি হিসেবে আর অঞ্চলটি  
লোটের বংশধরদের দিয়েছি।” ১০ (এমীয়েরা—আগে সেখানে থাকত  
তারা শক্তিশালী ও অসংখ্য ছিল, এবং অনাকীয়দের মতো লম্বা। ১১  
অনাকীয়দের মতো এমীয়দেরও রফায়ীয় বলা হত, কিন্তু মোয়াবীয়রা  
তাদের বলত এমীয়। ১২ হোরীয়েরাও সেয়ীরে বসবাস করত, কিন্তু  
এষৌর বংশধরেরা তাদের সেখান থেকে তাড়িয়ে দিয়েছিল। তারা  
হোরীয়দের তাদের সামনেই ধ্বংস করে, তাদের অধিকারে থাকা  
জায়গায় বসবাস করতে লাগল, যেমন ইস্রায়েলীরা সদাপ্রভুর দেওয়া  
জায়গায় করেছিল।) ১৩ আর সদাপ্রভু বললেন, “এখন তোমরা উঠে  
সেরদ উপত্যকা পার হয়ে যাও।” সুতরাং আমরা উপত্যকা পার হলাম।  
১৪ কাদেশ-বর্ণেয় ছেড়ে সেরদ উপত্যকা পার হয়ে আসতে আমাদের  
আটক্রিশ বছর কেটে গিয়েছিল। তার মধ্যে, তাঁবুতে যেসব সৈন্য ছিল

তারা সবাই ধ্বংস হয়ে গিয়েছিল, যেমন সদাপ্রভু তাদের কাছে শপথ করেছিলেন। 15 তাঁরু থেকে তাদের সম্পূর্ণরূপে উচ্ছেদ না করা পর্যন্ত সদাপ্রভুর হাত তাদের বিরুদ্ধে ছিল। 16 লোকদের মধ্য থেকে সেই সমস্ত সৈন্য মারা যাবার পর, 17 সদাপ্রভু আমাকে বললেন, 18 “আজ তোমরা মোয়াবের এলাকা আর পার হয়ে যাবে। 19 তোমরা যখন অযোনীয়দের মধ্যে আসবে, তোমরা তাদের বিরুদ্ধে কোরো না কিংবা তাদের যুদ্ধের উসকানি দিয়ো না, কারণ মোয়াবীয়দের দেশের কোনও অংশই তোমাদের দেব না। লোটের বংশধরদের আমি সেটি সম্পত্তি হিসেবে দিয়ে রেখেছি।” 20 (সেই দেশও রফায়ীয়দের দেশ বলে মনে করা হত, কারণ সেখানে তারা আগে বসবাস করত; কিন্তু অযোনীয়েরা তাদের সম্মুখীয় জাতির লোক বলত। 21 তারা শক্তিশালী ও অসংখ্য ছিল, এবং অনাকীয়দের মতো লস্বা। সদাপ্রভু তাদের অযোনীয়দের আগে ধ্বংস করেছিলেন, যারা তাদের তাড়িয়ে দিয়ে সেই জায়গায় বসবাস করছিল। 22 সদাপ্রভু এমৌয়ের বংশধরদের প্রতি সেইরকম করেছিলেন, যারা সেয়ীরে বসবাস করত, যখন তিনি হোৱায়দের তাদের আগে ধ্বংস করেছিলেন। 23 আর অবীয়েরা যারা গাজা পর্যন্ত সমস্ত গ্রামে বসবাস করত, তাদের কঙ্গোর থেকে আসা কঙ্গোৱায়েরা ধ্বংস করে তাদের জায়গায় বসবাস করছিল।) 24 “তোমরা বের হয়ে পড়ো এবং অর্ণেন উপত্যকা পার হও, আমি হিষ্বোনের রাজা ইমেরীয় সীহোনকে ও তার দেশ তোমাদের হাতে দিয়ে দিয়েছি। তোমরা দেশটি দখল করতে শুরু করে তাকে যুদ্ধে নামতে বাধ্য করো। 25 আজ থেকে আমি পৃথিবীর সমস্ত জাতির মধ্যে তোমাদের সম্বন্ধে একটি ভয়ের ভাব ও কাঁপনি ধরাতে শুরু করব। তারা তোমাদের কথা শুনলে কাঁপতে থাকবে এবং তোমাদের দরঢ়ন তাদের মনে ভীষণ দুর্চিন্তা জাগবে।” 26 এরপর আমি কদেমোৎ মর়এলাকা থেকে হিষ্বোনের রাজা সীহোনের কাছে শান্তি বজায় রাখার জন্য দূত পাঠালাম এই বলে, 27 আপনাদের দেশের মধ্যে দিয়ে আমাদের যেতে দিন। আমরা প্রধান রাস্তাতেই থাকব; আমরা ডানদিকে কিংবা বাঁদিকে যাব না। 28 আপনাদের খাবার ও জল রূপোর মূল্য দিয়ে

আমাদের কাছে বিক্রি করন। আমাদের কেবল পায়ে হেঁটে পার হতে দিন, 29 যেমন সেয়ারে বসবাসকারী এয়ৌর বংশধরেরা এবং আর-এ মোয়াবীয়ের আমাদের প্রতি করেছিল—যতক্ষণ না আমরা জর্ডন পার হয়ে সেই দেশে যাই যে দেশ আমাদের ঈশ্বর সদাপ্রভু আমাদের দিচ্ছেন। 30 হিম্বোনের রাজা সীহোন কিন্তু আমাদের যেতে দিতে রাজি হলেন না। কারণ তোমাদের ঈশ্বর সদাপ্রভু তাঁর মন কঠিন ও তাঁর হৃদয় শক্ত করেছিলেন যেন তোমাদের হাতে তাঁকে সমর্পণ করেন, যেমন তিনি এখন করেছেন। 31 সদাপ্রভু আমাকে বললেন, “দেখো, আমি সীহোন ও তাঁর দেশ তোমার হাতে তুলে দিতে আরস্ত করেছি। এখন তাঁর দেশ জয় করে অধিকার করতে শুরু করো।” 32 সীহোন যখন তাঁর সমস্ত সৈন্য নিয়ে আমাদের সঙ্গে যহসে যুদ্ধ করার জন্য বের হয়ে এলেন, 33 আমাদের ঈশ্বর সদাপ্রভু তাঁকে আমাদের হাতে সমর্পণ করলেন এবং আমরা তাঁকে, তাঁর ছেলেদের এবং তাঁর সমগ্র সৈন্যবাহিনীকে আঘাত করলাম। 34 সেই সময় আমরা তাদের সমস্ত নগর অধিকার করে সম্পূর্ণরূপে ধ্বংস করলাম—পুরুষ, মহিলা ও শিশুদের। আমরা কাউকে জীবিত রাখিনি। 35 কিন্তু পশ্চাল এবং নগর থেকে লুট করা জিনিসপত্র আমরা নিজেদের জন্য নিয়ে এলাম। 36 অর্গেন উপত্যকার সীমানায় অরোয়ের নগর এবং সেই উপত্যকার মধ্যবর্তী নগর থেকে গিলিয়দ পর্যন্ত, কোনও নগরই আমাদের কাছে শক্তিশালী ছিল না। আমাদের ঈশ্বর সদাপ্রভু সবগুলিই আমাদের দিলেন। 37 কিন্তু আমাদের ঈশ্বর সদাপ্রভুর আদেশ অনুসারে, আমরা অম্মোনীয়দের কোনো জায়গা, এমনকি যব্বোকের সীমানার জায়গা ও পাহাড়ের পাশের নগরগুলি বলপূর্বক দখল করিনি।

**3** পরে আমরা ঘুরে বাশনের পথে উঠে গেলাম। আর বাশনের রাজা ওগ তাঁর সৈন্যদল নিয়ে আমাদের সঙ্গে যুদ্ধ করার জন্য ইন্দ্রিয়ীতে এলেন। 2 সদাপ্রভু আমাকে বললেন, “তাকে ভয় পেয়ো না। আমি তাকে, তার সমস্ত সেনাবাহিনী ও তার দেশ তোমার হাতে সমর্পণ করেছি। তার প্রতি সেরকমই কোরো, যেমন তুমি ইমোরীয়দের রাজা সীহোনের প্রতি করেছিলে, যে হিম্বোনে রাজত্ব করত।” 3 এইভাবে

আমাদের ঈশ্বর সদাপ্রভু বাশনের রাজা ওগ ও তার সমগ্র সেনাবাহিনী  
আমাদের হাতে দিয়ে দিয়েছিলেন। আমরা তাদের আঘাত করলাম,  
কাউকে বাঁচিয়ে রাখিনি। 4 সেই সময় আমরা তাঁর সবগুলি নগরই  
দখল করলাম। তাঁর খাটটি নগরের সবগুলোই আমরা দখল করে  
নিয়েছিলাম, এমন একটিও ছিল না যা আমরা নিইনি—অর্গোবের  
সমস্ত এলাকা, বাশনে ওগের রাজ্য। 5 সেইসব নগর উঁচু প্রাচীর দিয়ে  
ঘেরা ছিল আর তাতে দ্বার ও হৃড়কা ছিল, আর সেখানে অনেক গ্রামও  
ছিল যেগুলি প্রাচীর দিয়ে ঘেরা ছিল না। 6 আমরা সেগুলি সম্পূর্ণরূপে  
ধ্বংস করে দিয়েছিলাম, যেমন আমরা হিম্বোনের রাজা সীহোনের  
প্রতি করেছিলাম, প্রত্যেক নগর ধ্বংস করে দিয়েছিলাম—পুরুষ,  
মহিলা ও শিশুদের। 7 কিন্তু পশ্চাল এবং নগর থেকে লুট করা  
জিনিসপত্র আমরা নিজেদের জন্য নিয়ে আসলাম। 8 সেই সময় আমরা  
অর্গোন উপত্যকা থেকে হর্মোণ পর্বত পর্যন্ত জর্ডন নদীর পূর্বদিকের  
এলাকাটি এই দুজন ইমোরীয় রাজার হাত থেকে নিয়ে নিয়েছিলাম।  
9 (সীদোনীয়েরা হর্মোণকে সিরিয়োণ বলে আর ইমোরীয়েরা বলে  
সনীর) 10 আমরা মালভূমির সমস্ত নগর, গিলিয়দের সব এলাকা এবং  
বাশনের রাজা ওগের রাজ্যের সল্খা ও ইন্দ্রিয় পর্যন্ত গোটা বাশন  
দেশটি দখল করে নিয়েছিলাম। 11 (রফায়ীয়দের বাকি লোকদের  
মধ্যে কেবল বাশনের রাজা ওগই বেঁচেছিলেন। তাঁর লোহার তৈরি  
শোবার খাটটি ছিল লস্বায় তেরো ফুটের বেশি এবং চওড়ায় ছয় ফুট।  
সেটি এখনও অম্মোনীয়দের রক্ষাতে আছে।) 12 সেই সময় আমরা যে  
দেশ অধিকার করেছিলাম, আমি অর্গোন উপত্যকার কাছে অরোয়ের  
উত্তর দিকের এলাকা পর্যন্ত এবং গিলিয়দের পাহাড়ি এলাকার অর্ধেক  
ও সেখানকার সব নগর রূবেগীয়দের ও গান্দীয়দের দিলাম। 13  
গিলিয়দের বাকি অংশ এবং রাজা ওগের গোটা বাশন রাজ্যটি আমি  
মনঃশির অর্ধেক বংশকে দিলাম। (বাশনের মধ্যবর্তী সমস্ত অর্গোব  
এলাকাটিকে রফায়ীয়দের দেশ বলা হত। 14 যায়ীর, মনঃশির এক  
বংশধর, গশুরীয়দের ও মাথাথীয়দের সীমানা পর্যন্ত অর্গোবের গোটা  
এলাকাটি দখল করে নিজের নাম অনুসারে তার নাম রেখেছিল,

আজ পর্যন্ত বাশনকে হৰোৎ-যায়ীর বলা হয়ে থাকে) 15 আর আমি  
মাখীরকে গিলিয়দ এলাকাটি দিলাম। 16 কিন্তু গিলিয়দ থেকে অর্ণেন  
উপত্যকার (মাঝখানের সীমারেখাটি পর্যন্ত) সমস্ত এলাকা এবং সেখান  
থেকে অম্বোনীয়দের সীমানা যবোক নদী পর্যন্ত আমি রুবেণীয়দের ও  
গান্ডীয়দের দিলাম। 17 পশ্চিমদিকে তাদের সীমানা ছিল অরাবার জর্ডন  
নদী, কিন্নেরৎ থেকে অরাবা (লবণ-সমুদ্র), পিস্গা পাহাড়শ্রেণীর ঢালু  
অংশের নিচে। 18 সেই সময় আমি তোমাদের আদেশ করেছিলাম,  
“তোমাদের ঈশ্বর সদাপ্রভু এই দেশটি তোমাদের দখল করবার  
জন্য দিয়েছেন। কিন্তু তোমাদের মধ্যে যাদের গায়ে জোর আছে  
সেইসব লোককে যুদ্ধের জন্য তৈরি হয়ে ইস্রায়েলী ভাইদের আগে  
আগে নদী পার হয়ে যেতে হবে। 19 তবে তোমাদের যেসব নগর  
আমি দিয়েছি সেখানে তোমাদের স্ত্রী, ছেলেমেয়ে আর পশুপাল রেখে  
যেতে পারবে (আমি জানি তোমাদের অনেক পশু আছে), 20 যতদিন  
পর্যন্ত সদাপ্রভু তোমাদের মতো করে তোমাদের ভাইদেরও বিশ্রামের  
সুযোগ না দেন এবং জর্ডনের ওপাড়ে যে দেশটি তোমাদের ঈশ্বর  
সদাপ্রভু তাদের দিতে যাচ্ছেন তা তারা অধিকারের জন্য দেওয়া হয়েছে সেখানে প্রত্যেকে  
ফিরে আসবে।” 21 সেই সময় আমি যিহোশূয়াকে আদেশ করলাম  
“তোমাদের ঈশ্বর সদাপ্রভু এই দুই রাজার কী অবস্থা করেছেন তা  
তো তুমি নিজের চোখেই দেখেছ। তোমরা যেখানে যাচ্ছ সেখানকার  
সব রাজ্যের অবস্থা ও সদাপ্রভু সেইরকমই করবেন। 22 তাদের ভয়  
কোরো না; তোমাদের ঈশ্বর সদাপ্রভু তোমাদের হয়ে যুদ্ধ করবেন।”  
23 সেই সময় আমি সদাপ্রভুর কাছে মিনতি করলাম, 24 “হে সার্বভৌম  
সদাপ্রভু, তুমি যে কত মহান ও শক্তিশালী তা তোমার দাসকে দেখাতে  
আরম্ভ করেছ। স্বর্গে বা পৃথিবীতে এমন ঈশ্বর কে আছে যে, তুমি  
যেসব কাজ করেছ তা করতে পারে এবং তুমি যে শক্তি দেখিয়েছ  
তা দেখাতে পারে? 25 আমাকে ওপাড়ে গিয়ে জর্ডনের পারে সেই  
মনোরম জায়গাটি দেখতে দাও—সেই চমৎকার পাহাড়ি দেশ এবং  
লেবানন।” 26 কিন্তু তোমাদের জন্য সদাপ্রভু আমার উপরে বিরক্ত

হওয়াতে আমার কথা শুনলেন না। সদাপ্রভু বললেন, “যথেষ্ট হয়েছে,  
এই বিষয়ে আমাকে আর বোলো না। 27 তুমি পিস্গার চূড়ায় উঠে  
পশ্চিম ও উত্তর এবং দক্ষিণ ও পূর্বদিকে দেখো। তুমি নিজের চোখে  
সেই দেশ দেখো, কেননা তুমি জর্জন পার হতে পারবে না। 28 কিন্তু  
যিহোশূয়কে দায়িত্ব দাও, এবং তাকে উৎসাহ ও সাহস জোগাও,  
কারণ সে এই লোকদের আগে আগে গিয়ে পার হবে এবং যে দেশটি  
তুমি দেখতে যাচ্ছ তা তাদের দিয়ে অধিকার করাবে।” 29 সেইজন্য  
আমরা বেথ-পিয়োরের কাছের উপত্যকায় থেকে গেলাম।

**4** এখন, হে ইস্রায়েল, আমি তোমাদের যেসব অনুশাসন ও বিধান  
শিক্ষা দিতে যাচ্ছি তা শোনো। সেগুলি মেনে চলো যেন যে দেশ,  
সদাপ্রভু, তোমাদের পূর্বপুরুষদের ঈশ্বর, তোমাদের দিতে যাচ্ছেন  
সেখানে প্রবেশ করে তা অধিকার করতে পারো। 2 আমি তোমাদের  
যে আদেশ দিচ্ছি তার সঙ্গে কিছু যোগ কোরো না এবং তা থেকে  
কিছু বাদ দিয়ো না, কিন্তু তোমাদের ঈশ্বর সদাপ্রভুর যেসব আদেশ  
আমি তোমাদের দিচ্ছি তা তোমরা মেনে চলবে। 3 সদাপ্রভু বায়াল-  
পিয়োরে যা করেছিলেন তা তো তোমরা নিজের চোখেই দেখেছ।  
তোমাদের মধ্যে যারা পিয়োরের বায়াল-দেবতার পূজা করেছিল  
তোমাদের ঈশ্বর সদাপ্রভু তাদের প্রত্যেককে তোমাদের মধ্য থেকে  
ধ্বংস করেছিলেন, 4 কিন্তু তোমরা যারা তোমাদের ঈশ্বর সদাপ্রভুকে  
আঁকড়ে ধরেছিলে, তোমরা সবাই এখনও বেঁচে আছ। 5 দেখো,  
আমার ঈশ্বর সদাপ্রভুর আদেশ মেনে আমি তোমাদের অনুশাসন ও  
বিধান শিক্ষা দিয়েছি, যেন যে দেশ তোমরা অধিকার করতে যাচ্ছ সেই  
দেশে তা পালন করতে পারো। 6 সেগুলি সাবধানতার সঙ্গে পালন  
কোরো, কারণ তাতে অন্যান্য জাতির মধ্যে তোমাদের জ্ঞান ও বুদ্ধি  
প্রকাশ পাবে, যারা এসব অনুশাসনের বিষয় শুনে বলবে, “সত্যিই এই  
মহান জাতি জ্ঞানী ও বুদ্ধিমান।” 7 এমন আর কোনও মহান জাতি কি  
আছে যাদের ঈশ্বর তাদের কাছে থাকে, যেমন করে আমাদের ঈশ্বর  
সদাপ্রভুকে ডাকলে তাঁকে কাছে পাওয়া যায়? 8 আর আমি আজ  
তোমাদের সামনে যে বিধান দিচ্ছি, তার মতো ন্যায়নির্ণয় অনুশাসন

ও বিধান কোনও বড়ো জাতির আছে? ৭ কেবল সাবধান থেকো,  
এবং নিজের উপর দৃষ্টি রেখো যেন তোমরা যা দেখেছ তা ভুলে না  
যাও বা যতদিন বেঁচে থাকবে ততদিন তোমাদের অন্তর থেকে তা  
মুছে না যায়। এসব তোমরা তোমাদের ছেলেমেয়েদের এবং পরে  
তাদের ছেলেমেয়েদের শেখাবে। ১০ তোমরা সেদিনের কথা মনে করো  
যেদিন তোমরা হোরেবে তোমাদের ঈশ্বর সদাপ্রভুর সামনে উপস্থিত  
হয়েছিলে, যখন তিনি আমাকে বলেছিলেন, “আমার কথা শোনার জন্য  
তুমি লোকদের আমার সামনে জড়ো করো যেন তারা এই পৃথিবীতে  
যতদিন বাঁচবে ততদিন আমাকেই ভক্তি করে চলতে শিখতে পারে  
এবং যেন তাদের ছেলেমেয়েদেরও শিক্ষা দিতে পারে।” ১১ তোমরা  
কাছে এসে পাহাড়ের নিচে দাঁড়িয়েছিলে, তখন পাহাড়টি মেঘ ও  
ঘন অঙ্ককারে ঘেরা ছিল আর তার মধ্যে সেটি স্বর্গ পর্যন্ত জুলছিল।  
১২ সেই সময় আগন্তের মধ্য থেকে সদাপ্রভু তোমাদের কাছে কথা  
বলেছিলেন। তোমরা তাঁর কথা শুনেছিলে কিন্তু কোনও চেহারা দেখতে  
পাওনি; সেখানে কেবল আওয়াজ ছিল। ১৩ তিনি তোমাদের কাছে  
তাঁর বিধান, দশাজ্ঞা ঘোষণা করেছিলেন, যেগুলি তিনি তোমাদের  
পালন করতে বলেছিলেন এবং পরে দুটি পাথরের ফলকে লিখে  
দিয়েছিলেন। ১৪ তোমরা জর্ডন নদী পার হয়ে যে দেশ অধিকার  
করতে যাচ্ছ সেই দেশে গিয়ে তোমাদের যে অনুশাসন ও বিধান  
পালন করে চলতে হবে তা তোমাদের শিক্ষা দেওয়ার জন্য সদাপ্রভু  
আমাকে নির্দেশ দিয়েছিলেন। ১৫ যেদিন সদাপ্রভু হোরেবে আগন্তের  
মধ্য থেকে তোমাদের সঙ্গে কথা বলেছিলেন সেইদিন তোমরা তাঁর  
কোনও চেহারা দেখোনি। সুতরাং তোমরা নিজেদের উপর দৃষ্টি রেখো,  
১৬ যেন তোমরা কুপথে গিয়ে নিজেদের জন্য কোনো আকারের প্রতিমা  
তৈরি না করো, তা পুরুষের বা স্ত্রীলোকেরই হোক, ১৭ কিংবা মাটির  
উপরের কোনো জন্মুর বা আকাশে উড়ে বেড়ানোর কোনো পাখিরই  
হোক, ১৮ কিংবা বুকে হাঁটা কোনো প্রাণীর বা জলের নিচের কোনো  
মাছেরই হোক। ১৯ আর যখন তোমরা আকাশের দিকে তাকাবে  
এবং সূর্য, চাঁদ ও তারাদের—আকাশের সমস্ত বিন্যাস—দেখে আন্ত

হয়ে তাদের প্রতি নত হোয়ো না এবং আরাধনা কোরো না কারণ  
এগুলি তোমাদের ঈশ্বর সদাপ্রভু আকাশের নিচে সমস্ত জাতিকে  
দিয়েছেন। 20 কিন্তু তোমার জন্য, সদাপ্রভু তোমাদের গ্রহণ করে  
লোহা গলানো হাপর থেকে বের করেছেন, মিশর থেকে তোমাদের  
বের করে এনেছেন যেন তোমরা তাঁরই উত্তরাধিকারের লোক হতে  
পারো, যেমন তোমরা এখন আছ। 21 তোমাদের জন্য সদাপ্রভু আমার  
উপর ক্রুদ্ধ হলেন, এবং তিনি গন্তীরভাবে শপথ করলেন যে আমি  
জর্ডন পার হতে পারব না ও সেই দেশে চুকব না যা তোমাদের ঈশ্বর  
সদাপ্রভু তোমাদের উত্তরাধিকারসূত্রে দেবেন। 22 আমি এই দেশেই  
মারা যাব; আমি জর্ডন পার হতে পারব না; কিন্তু তোমরা পার হয়ে  
সেই চমৎকার দেশ অধিকার করতে যাচ্ছ। 23 সাবধান তোমাদের  
ঈশ্বর সদাপ্রভু তোমাদের জন্য যে বিধান স্থাপন করেছেন তা তোমরা  
ভুলে যেয়ো না; নিজেদের জন্য কোনো কিছুর মতো কোনও মূর্তি তৈরি  
কোরো না যা তোমাদের ঈশ্বর সদাপ্রভু বারণ করেছেন। 24 কারণ  
তোমাদের ঈশ্বর সদাপ্রভু হলেন সবকিছু পুড়িয়ে দেওয়া আগুনের  
মতো, যিনি নিজের গৌরব রক্ষা করতে উদ্যোগী ঈশ্বর। 25 তোমরা  
এবং তোমাদের সন্তানদের এবং তাদের সন্তানদের সেই দেশে অনেক  
দিন বসবাস করার পর—যদি তোমরা তখন কৃপথে গিয়ে কোনও  
মূর্তি তৈরি করো, আর সদাপ্রভু তোমাদের ঈশ্বরের চোখে যা খারাপ  
তাই করে তাঁকে অসন্তুষ্ট করো, 26 আমি আজকের এই দিনে স্বর্গ ও  
পৃথিবীকে তোমাদের বিরুদ্ধে সাক্ষী রেখে বলছি, তোমরা জর্ডন নদী  
পার হয়ে যে দেশ অধিকার করতে যাচ্ছ সেই দেশে তোমরা অল্প  
দিনেই শেষ হয়ে যাবে। তোমরা সেখানে বেশি দিন বসবাস করতে  
পারবে না কিন্তু নিশ্চয়ই ধ্বংস হবে। 27 সদাপ্রভু বিভিন্ন জাতির মধ্যে  
তোমাদের ছড়িয়ে দেবেন এবং যাদের মধ্যে তিনি তোমাদের তাড়িয়ে  
দেবেন, তোমাদের খুব কম লোকই তাদের মধ্যে বেঁচে থাকবে।  
28 সেখানে তোমরা মানুষের তৈরি কাঠের ও পাথরের দেবতাদের  
উপাসনা করবে, যারা না পারে দেখতে, না পারে শুনতে, না পারে  
খেতে, না পারে গন্ধ শুঁকতে। 29 কিন্তু যদি তোমরা সেখান থেকে

তোমাদের ঈশ্বর সদাপ্রভুর দিকে মন ফিরাও, তোমরা তাঁকে পাবে যদি  
তোমরা তোমাদের সমস্ত মন ও সমস্ত প্রাণ দিয়ে তাঁর অন্নেষণ করো।  
30 যখন তোমরা সংকটে পড়বে এবং এসব তোমাদের প্রতি ঘটবে  
তখন ভবিষ্যতের সেই দিনগুলিতে তোমরা তোমাদের ঈশ্বর সদাপ্রভুর  
কাছে ফিরে আসবে এবং তাঁর বাধ্য হবে। 31 কারণ তোমাদের ঈশ্বর সদাপ্রভু  
সদাপ্রভু এক করুণাময় ঈশ্বর; তিনি তোমাদের ছেড়ে যাবেন না বা  
ধ্বংস করবেন না, কিংবা তোমাদের পূর্বপুরুষদের জন্য শপথ করে যে  
নিয়ম স্থাপন করেছেন তা ভুলে যাবেন না। 32 বিগত দিনের কথা  
জিজ্ঞাসা করো, তোমাদের সময়ের অনেক আগে, যেদিন থেকে ঈশ্বর  
পৃথিবীতে মানুষ সৃষ্টি করেছিলেন; আকাশমণ্ডলের এক প্রান্ত থেকে  
অন্য প্রান্ত পর্যন্ত জিজ্ঞাসা করো। যা ঘটেছে তার থেকে মহান কি আর  
কিছু ঘটেছে বা এর মতো মহান কি কিছু শোনা গেছে? 33 কোনও  
মানুষ কি আগন্তের মধ্য থেকে ঈশ্বরের রব শুনেছে, যেমন তোমরা  
শুনেছ এবং বেঁচে আছ? 34 কিংবা তোমাদের ঈশ্বর সদাপ্রভু মিশরে  
তোমাদের সামনে যে সমস্ত কাজ করেছিলেন, আর কোনো ঈশ্বর কি  
কখনও সেইরকম পরীক্ষা, আশ্চর্য চিহ্ন ও কাজ, যুদ্ধ, শক্তিশালী হাত  
ও বিস্তারিত হাত, মহান ও ভয়ংকর কাজের মাধ্যমে অন্য জাতির মধ্যে  
থেকে নিজের জন্য এক জাতিকে বের করে এনেছে? 35 তোমাদের  
এসব বিষয় দেখানো হয়েছে যেন তোমরা জানতে পারো যে সদাপ্রভুই  
ঈশ্বর; আর কেউ না। 36 তোমাদের উপদেশ দেবার জন্য তিনি স্বর্গ  
থেকে তাঁর রব তোমাদের শুনিয়েছিলেন। পৃথিবীতে তিনি তোমাদের  
তাঁর মহান আগন্ত দেখিয়েছিলেন এবং তোমরা আগন্তের মধ্যে তাঁর রব  
শুনেছিলে। 37 যেহেতু তিনি তোমাদের পূর্বপুরুষদের ভালোবাসতেন  
এবং তাদের বংশধরদের মনোনীত করেছিলেন, তিনি তোমাদের তাঁর  
উপস্থিতিতে ও মহাপরাক্রমে মিশর থেকে বের করে এনেছেন, 38  
যেন তোমাদের চেয়েও শক্তিশালী জাতিগুলিকে তোমাদের সামনে  
থেকে তাড়িয়ে দিয়ে তাদের দেশে তোমাদের নিয়ে যেতে পারেন  
এবং তোমাদের অধিকার করতে দেন, যেমন আজ হয়েছে। 39  
আজকে তোমরা এই কথা জানো ও মনে রেখো যে সদাপ্রভুই উপরে

স্বর্গে ও নিচে পৃথিবীর ঈশ্বর। অন্য কেউ নেই। 40 তোমাদের ও  
তোমাদের পরে তোমাদের সন্তানদের যেন মঙ্গল হয় এবং তোমাদের  
ঈশ্বর সদাপ্রভু যে দেশ চিরকালের জন্য তোমাদের দিছেন তাতে  
যেন তোমরা অনেক দিন বেঁচে থাকতে পারো সেইজন্য আমি যেসব  
বিধান ও আদেশ আজ তোমাদের দিচ্ছি তা তোমরা মেনে চলবে।  
41 এরপরে মোশি জর্ডনের পূর্বদিকের তিনটি নগর বেছে নিলেন,  
42 যেন কেউ কাউকে মেরে ফেললে সেখানে পালিয়ে গিয়ে আশ্রয়  
নিতে পারে অবশ্য যদি সে মনে কোনও হিংসা না রেখে হঠাত তা  
করে থাকে তবেই সে সেখানে আশ্রয় নিতে পারবে। সে নগরগুলির  
মধ্যে একটিতে পালিয়ে নিজের জীবন বাঁচাতে পারবে। 43 নগরগুলি  
হল রূবেণীয়দের জন্য মরুএলাকার সমভূমির বেৎসর; গাদীয়দের  
জন্য গিলিয়দের রামোৎ এবং মনঃশীয়দের জন্য বাশনের গোলন।  
44 মোশি ইস্রায়েলীদের সামনে এই বিধান তুলে ধরেছিলেন। 45  
মিশর থেকে বের হয়ে মোশি তাদের এসব চুক্তির বিষয়, অনুশাসন ও  
বিধান দিয়েছিলেন 46 এবং তারা তখন জর্ডনের পূর্বদিকে হিয়বোনের  
ইমোরীয় রাজা সীহোনের দেশে বেথ-পিয়োরের কাছে উপত্যকায়  
ছিল আর মোশি এবং ইস্রায়েলীরা মিশর থেকে বেরিয়ে এসে তাদের  
পরাজিত করেছিল। 47 তারা জর্ডনের পূর্বদিকের দুজন ইমোরীয় রাজা  
এবং বাশনের রাজা ওগের দেশ অধিকার করেছিল। 48 এই দেশ  
অর্ণেন উপত্যকার সীমানায় অরোয়ের থেকে সীওন পাহাড় (অর্থাৎ  
হর্মোণ) পর্যন্ত সমস্ত দেশ, 49 এবং জর্ডনের পূর্বদিকের সম্পূর্ণ অরাবা  
এলাকা, পিস্গা পাহাড়শ্রেণীর ঢালু অংশের নিচে অরাবার তলভূমির  
সূফ সাগর পর্যন্ত চলে গিয়েছে।

**৫** মোশি সমস্ত ইস্রায়েলীকে ডেকে বললেন: হে ইস্রায়েল, শোনো,  
আজ আমি তোমাদের কাছে অনুশাসন ও বিধানগুলি ঘোষণা করছি।  
সেগুলি শিখে নিয়ো এবং যত্নের সঙ্গে পালন কোরো। 2 আমাদের  
ঈশ্বর সদাপ্রভু হোরেবে আমাদের সঙ্গে এক নিয়ম স্থাপন করেছিলেন।  
3 সদাপ্রভু আমাদের পূর্বপুরুষদের সঙ্গে সেই নিয়ম স্থাপন করেননি,  
করেছিলেন আমাদের কাছে, আজ আমরা যারা এখানে বেঁচে আছি

আমাদের সকলের কাছে। 4 সদাপ্রভু সেই পাহাড়ের উপরে আগনের  
মধ্য থেকে তোমাদের মুখোমুখি হয়ে কথা বলেছিলেন। 5 (সেই  
সময় আমিই তোমাদের সদাপ্রভুর কথা প্রকাশ করার জন্য সদাপ্রভুর  
ও তোমাদের মাঝে দাঁড়িয়েছিলাম, কেননা তোমরা আগনের ভয়ে  
পাহাড়ের উপর ওঠেনি।) এবং তিনি বললেন: 6 “আমিই তোমার  
ঈশ্বর সেই সদাপ্রভু, যিনি তোমাকে মিশর থেকে, ক্রীতদাসত্ত্বের সেই  
দেশ থেকে বের করে এনেছেন। 7 “আমার সামনে তুমি অন্য কোনও  
দেবতা রাখবে না। 8 নিজের জন্য তুমি উর্ধ্বস্থ স্বর্গের বা অধঃস্থ  
পৃথিবীর বা জলরাশির তলার কোনো কিছুর আকৃতিবিশিষ্ট কোনও  
প্রতিমা তৈরি করবে না। 9 তুমি তাদের কাছে মাথা নত করবে না বা  
তাদের আরাধনা করবে না; কারণ আমি, তোমার ঈশ্বর সদাপ্রভু, এক  
ঈর্ষান্বিত ঈশ্বর, বাবা-মার করা পাপের কারণে সন্তানদের শান্তি দিই,  
যারা আমাকে ঘৃণা করে তাদের তৃতীয় ও চতুর্থ প্রজন্ম পর্যন্ত দিই, 10  
কিন্তু যারা আমাকে ভালোবাসে ও আমার আঙঙাঙ্গলি পালন করে,  
হাজার প্রজন্ম পর্যন্ত তাদের প্রতি ভালোবাসা দেখাই। 11 তোমার ঈশ্বর  
সদাপ্রভুর নামের অপব্যবহার কোরো না, কারণ যে কেউ তাঁর নামের  
অপব্যবহার করে সদাপ্রভু তাকে নির্দোষ প্রতিপন্থ করবেন না। 12  
তোমার ঈশ্বর সদাপ্রভু তোমাকে যেমন আদেশ করেছেন, তেমনি করে  
বিশ্রামদিন পালন করে পবিত্র রেখো। 13 ছয় দিন তুমি পরিশ্রম করবে  
ও তোমার সব কাজকর্ম করবে, 14 কিন্তু সপ্তম দিনটি তোমার ঈশ্বর  
সদাপ্রভুর উদ্দেশ্যে বিশ্রামদিন। সেদিন তুমি, তোমার ছেলে বা মেয়ে,  
তোমার দাস বা দাসী, তোমার বলদ বা তোমার গাধা বা অন্য কোনও  
পশ্চপাল বা তোমার নগরে বসবাসকারী কোনো বিদেশি, কেউ কোনও  
কাজ কোরো না, যেন তোমার দাস বা দাসী বিশ্রাম পায়, যেমন তুমি ও  
পাও। 15 মনে রেখো যে তোমরা মিশরে দাস ছিলে এবং তোমার  
ঈশ্বর সদাপ্রভু বলবান হাত ও বিস্তারিত বাহু দিয়ে সেখান থেকে  
তোমাকে বের করে এনেছেন। সেইজন্যই তোমার ঈশ্বর সদাপ্রভু  
তোমাকে বিশ্রামদিন পালন করার আদেশ দিয়েছেন। 16 তোমার  
বাবাকে ও তোমার মাকে সম্মান কোরো, যেমন তোমার ঈশ্বর সদাপ্রভু

তোমাকে আদেশ দিয়েছেন, যেন তুমি সেই দেশে দীর্ঘকাল বেঁচে  
থাকতে পারো ও তোমার মঙ্গল হয়, যে দেশ তোমার ঈশ্বর সদাপ্রভু  
তোমাকে দিচ্ছেন। 17 তুমি নরহত্যা কোরো না। 18 তুমি ব্যভিচার  
কোরো না। 19 তুমি চুরি কোরো না। 20 তুমি তোমার প্রতিবেশীর  
বিরুদ্ধে মিথ্যা সাক্ষ্য দিয়ো না। 21 তুমি তোমার প্রতিবেশীর স্ত্রীর উপর  
লোভ কোরো না। তোমার প্রতিবেশীর বাড়ি বা জমিতে, তার দাস বা  
দাসীর, তার বলদের বা গাধার, বা তোমার প্রতিবেশীর অধিকারভূক্ত  
কোনো কিছুর প্রতি লোভ কোরো না।” 22 সেই পাহাড়ের উপর আগুন,  
মেঘ ও ঘোর অন্ধকারের মধ্য থেকে সদাপ্রভু এই আজ্ঞাগুলি তোমাদের  
সকলের কাছে জোরে ঘোষণা করেছিলেন; এবং তিনি আর কিছু যোগ  
করেননি। পরে তিনি সেগুলি দুটি পাথরের ফলকের উপর লিখে আমার  
কাছে দিয়েছিলেন। 23 যখন তোমরা অন্ধকারের মধ্য থেকে সেই  
আওয়াজ শুনতে পেয়েছিলে, এবং আগুনে পাহাড় ঝলছিল, তখন  
তোমাদের সব গোষ্ঠীর নেতারা ও প্রাচীনেরা আমার কাছে এসেছিলে।  
24 আর তোমরা বলেছিলে, “আমাদের ঈশ্বর সদাপ্রভু আমাদের তাঁর  
প্রতাপ ও মহিমা দেখিয়েছেন, আর আমরা আগুনের মধ্য থেকে তাঁর  
রব শুনেছি। আজ আমরা দেখলাম যে মানুষের সঙ্গে ঈশ্বর কথা  
বললেও সে বাঁচতে পারে। 25 কিন্তু এখন আমরা কেন মারা পড়ব?  
এই আগুন আমাদের পুড়িয়ে ফেলবে, এবং আমরা যদি আমাদের  
ঈশ্বর সদাপ্রভুর রব আরও শুনি তাহলে মারা পড়ব। 26 মানুষের মধ্যে  
এমন কে আছে যে আমাদের মতো করে আগুনের মধ্য থেকে জীবন্ত  
ঈশ্বরের রব শুনবার পরেও বেঁচে আছে? 27 আমাদের ঈশ্বর সদাপ্রভু  
যা বলছেন, আপনি কাছে গিয়ে তা শুনে আসুন। পরে আমাদের ঈশ্বর  
সদাপ্রভু আপনাকে যা বলবেন তা আমাদের বলবেন। আমরা তা  
শুনব ও বাধ্য হব।” 28 তোমরা যখন আমার সঙ্গে কথা বলছিলে  
তখন সদাপ্রভু তোমাদের কথা শুনেছিলেন এবং সদাপ্রভু আমাকে  
বলেছিলেন, “লোকে তোমাকে যা বলেছে আমি তা শুনেছি। তারা  
যা বলেছে সবই ভালো। 29 আহা, সবসময় আমাকে ভয় করতে ও  
আমার আজ্ঞা পালন করতে যদি তাদের এরকম মনের ইচ্ছা থাকে,

তাহলে তাদের ও তাদের সন্তানদের চিরকাল মঙ্গল হবে! 30 “যাও,  
তাদের বলো নিজেদের তাঁবুতে ফিরে যেতে। 31 কিন্তু তুমি আমার  
সঙ্গে থাকো যেন আমি তোমাকে সমস্ত আদেশ, অনুশাসন ও বিধান  
দিতে পারি যেগুলি তুমি তাদের শেখাবে যেন অধিকার করার জন্য যে  
দেশ আমি আদের দিতে যাচ্ছি সেখানে তারা সেগুলি পালন করে।” 32  
অতএব তোমাদের ঈশ্বর সদাপ্রভু তোমাদের যে আদেশ দিয়েছেন  
সেগুলি যত্নের সঙ্গে পালন কোরো; তার ডানদিকে বা বাঁদিকে যাবে  
না। 33 যাতে তোমরা বাঁচতে পারো এবং তোমাদের মঙ্গল হয় আর যে  
দেশ তোমরা অধিকার করবে সেখানে অনেক দিন বেঁচে থাকতে পারো  
সেইজন্য তোমাদের ঈশ্বর সদাপ্রভু যে যে পথে তোমাদের চলবার  
আদেশ দিয়েছেন তোমরা সেইসব পথেই চলবে।

**৬** তোমাদের শিক্ষা দেওয়ার জন্য তোমাদের ঈশ্বর সদাপ্রভু আমাকে  
এই আজ্ঞা, অনুশাসন ও বিধান দিয়েছেন যেন জর্জন নদী পার হয়ে  
তোমরা যে দেশ অধিকার করতে যাচ্ছ সেখানে তোমরা তা পালন  
করে চলো, 2 যেন তোমরা, তোমাদের সন্তানেরা ও তাদের পরে  
তাদের সন্তানেরা তোমাদের ঈশ্বর সদাপ্রভুকে ভয় করে, আমি যে  
সকল বিধান ও আদেশ দিচ্ছি সেগুলি পালন করো যেন তোমরা  
বহুকাল বেঁচে জীবন উপভোগ করো। 3 হে ইস্রায়েল, শোনো, এ  
সমস্ত যত্নের সঙ্গে মেনে চলো যাতে, তোমাদের পূর্বপুরুষদের ঈশ্বর,  
সদাপ্রভু যেমন বলেছিলেন তেমনি তোমরা দুধ ও মধু প্রবাহিত সেই  
দেশে যাওয়ার পরে তোমাদের মঙ্গল হয় আর তোমরা সংখ্যায় বৃদ্ধি  
পাও। 4 হে ইস্রায়েল, শোনো: আমাদের ঈশ্বর সদাপ্রভু, একই প্রভু।  
5 তুমি তোমার সমস্ত হস্তয় ও তোমার সমস্ত প্রাণ ও তোমার সমস্ত  
শক্তি দিয়ে তোমার ঈশ্বর সদাপ্রভুকে প্রেম করবে। 6 এসব আদেশ যা  
আজ আমি তোমাদের দিচ্ছি তা যেন তোমাদের অন্তরে থাকে। 7  
তোমাদের সন্তানদের তোমরা সেগুলি বারবার শেখাবে। ঘরে বসে  
থাকার সময় ও যখন তোমরা পথে চলবে, শোবার সময় ও যখন ঘুম  
থেকে উঠবে তাদের সেই সময় বলবে। 8 তোমরা তা মনে রাখবার  
চিহ্ন হিসেবে হাতে বেঁধে রাখবে এবং তোমাদের কপালে বেঁধে

রাখবে। ৭ সেগুলি তোমাদের বাড়ির দরজার চৌকাঠে ও তোমাদের  
দ্বারে লিখে রাখবে। ১০ তোমাদের ঈশ্বর সদাপ্রভু যখন তোমাদের সেই  
দেশে নিয়ে যাবেন যা তিনি তোমাদের পূর্বপুরুষ অব্রাহাম, ইস্থাক  
ও যাকোবের কাছে দেবার জন্য প্রতিজ্ঞা করেছিলেন—যে দেশে  
থাকবে বড়ো বড়ো সমৃদ্ধশালী নগর যেগুলি তোমরা তৈরি করোনি, ১১  
এমন সব জিনিসে ভরা ঘরবাড়ি যেগুলি তোমরা জোগাড় করোনি,  
কুয়ো যা তোমরা খোঁড়োনি, এবং আঙুরের বাগান ও জলপাই গাছ  
যা তোমরা লাগাওনি—তখন তোমরা সেগুলি খাবে ও তৃষ্ণ হবে, ১২  
সতর্ক থেকে যেন তোমরা সদাপ্রভুকে ভুলে না যাও, যিনি মিশ্র  
দেশ থেকে, দাসত্বের দেশ থেকে, তোমাদের বের করে এনেছেন।  
১৩ তোমরা তোমাদের ঈশ্বর সদাপ্রভুকে ভয় করবে, কেবল তাঁরই  
সেবা করবে এবং তাঁর নামেই শপথ করবে। ১৪ অন্য দেবতাদের  
অনুসরণ করবে না, যারা তোমাদের চারিদিকের জাতিদের দেবতা; ১৫  
কারণ তোমাদের ঈশ্বর সদাপ্রভু, যিনি তোমাদের মধ্যে আছেন, তিনি  
নিজের গৌরব রক্ষা করার বিষয়ে খুবই উদ্যোগী, এবং তাঁর ক্ষেত্রের  
আগুন তোমাদের বিরুদ্ধে ঝুলবে, আর তিনি তোমাদের পৃথিবীর উপর  
থেকে ধ্বংস করবেন। ১৬ তোমরা তোমাদের ঈশ্বর সদাপ্রভুর পরীক্ষা  
কোরো না যেমন তোমরা মঃসাতে করেছিলেন। ১৭ তোমরা তোমাদের  
ঈশ্বর সদাপ্রভুর দেওয়া আদেশ, শর্তাবলি ও অনুশাসন যত্নের সঙ্গে  
পালন কোরো। ১৮ সদাপ্রভুর দৃষ্টিতে যা কিছু সঠিক এবং ভালো তাই  
কোরো, যেন তোমাদের মঙ্গল হয় এবং তোমরা গিয়ে সেই উত্তম দেশ  
অধিকার করো যার বিষয়ে সদাপ্রভু তোমাদের পূর্বপুরুষদের কাছে  
শপথ করে প্রতিজ্ঞা করেছিলেন, ১৯ এবং সদাপ্রভুর কথা অনুসারে  
তোমরা তোমাদের শক্তিয়ে দিতে পারবে। ২০ ভবিষ্যতে যখন  
তোমার ছেলে তোমাকে জিজ্ঞাসা করবে, “আমাদের ঈশ্বর সদাপ্রভু এই  
যেসব শর্তাবলি, অনুশাসন ও আদেশ তোমাদের দিয়েছেন সেইসবের  
মানে কী?” ২১ তাকে বলবে “আমরা মিশ্রে ফরোগের দাস ছিলাম,  
কিন্তু সদাপ্রভু তাঁর শক্তিশালী হাত দিয়ে আমাদের মিশ্র থেকে বের  
করে নিয়ে এসেছেন। ২২ আমাদের চেখের সামনে সদাপ্রভু—বড়ো

বড়ো ও ভয়ংকর—চিহ্ন ও আশ্চর্য কাজ মিশর এবং ফরৌগ ও তার  
বাড়ির সকলের উপর করেছিলেন। 23 কিন্তু তিনি আমাদের সেখান  
থেকে বের করে এনেছিলেন যাতে আমাদের পূর্বপুরুষদের কাছে যে  
দেশ দেওয়ার প্রতিজ্ঞা করে শপথ করেছিলেন যেন তা দিতে পারেন।  
24 সদাপ্রভু আমাদের এই সমস্ত অনুশাসন পালন করতে ও আমাদের  
ঈশ্বর সদাপ্রভুকে ভয় করতে আদেশ দিয়েছিলেন, যেন আমাদের  
উন্নতি হয় এবং বাঁচিয়ে রাখেন, যেমন আজকে আছি। 25 আর আমরা  
যদি আমাদের ঈশ্বর সদাপ্রভুর সামনে, তাঁর আদেশ অনুসারে, যত্নের  
সঙ্গে এসব বিধান পালন করি তবে সেটিই হবে আমাদের ধার্মিকতা।”

7 তোমাদের ঈশ্বর সদাপ্রভু তোমাদের সেই দেশে নিয়ে যাবেন যেটি  
তোমরা অধিকার করতে যাচ্ছ এবং তোমাদের সামনে থেকে অনেক  
জাতিকে তাড়িয়ে দেবেন—হিন্দীয়, গির্গাশীয়, ইমোরীয়, কনানীয়,  
পরিষীয়, হিব্রীয় ও যিবৃষীয়, সাতটি জাতি যারা তোমাদের থেকে  
বড়ো এবং শক্তিশালী 2 আর যখন তোমাদের ঈশ্বর সদাপ্রভু তাদের  
তোমাদের হাতে সমর্পণ করবেন এবং তোমরা তাদের পরাজিত করবে,  
তখন তোমরা তাদের একেবারে ধ্বংস করবে। তাদের সঙ্গে কোনও  
চুক্তি করবে না, এবং তাদের প্রতি করণা দেখাবে না। 3 তাদের সঙ্গে  
অসর্বর্গমতে বিয়ে করবে না। তোমাদের মেয়েদের তাদের ছেলেদের  
হাতে দেবে না অথবা তাদের মেয়েদের তোমাদের ছেলেদের জন্য  
নেবে না, 4 কেননা তারা তোমাদের সন্তানদের আমার কাছ থেকে দূরে  
সরিয়ে নিয়ে গিয়ে অন্যান্য দেবতাদের সেবা করাবে তাতে সদাপ্রভুর  
ক্ষেত্রের আগুন তোমাদের বিরুদ্ধে জ্বলবে এবং তোমাদের সঙ্গে সঙ্গে  
ধ্বংস করবেন। 5 তাদের প্রতি তোমাদের এই কাজ করতে হবে:  
তাদের বেদিগুলি ভেঙ্গে দিয়ো, তাদের পবিত্র পাথরগুলি চূর্ণবিচূর্ণ করে  
দিয়ো ও তাদের আশেরা-খুঁটিগুলি কেটে নামিয়ে দিয়ো এবং তাদের  
মূর্তিগুলি আগুনে পুড়িয়ে দিয়ো। 6 কেননা তোমরা তোমাদের ঈশ্বর  
সদাপ্রভুর পবিত্র লোক। পৃথিবীর যত জাতি আছে সে সকলের মধ্যে  
থেকে নিজের লোক, তাঁর অধিকারের সম্পদ করার জন্য তোমাদের  
ঈশ্বর সদাপ্রভু তোমাদেরই মনোনীত করেছেন। 7 অন্য জাতির চেয়ে

তোমাদের লোকসংখ্যা বেশি মনে করে যে সদাপ্রভু তোমাদের মেহ  
করেছেন ও মনোনীত করেছেন তা নয়, কারণ অন্য সব জাতির চেয়ে  
তোমরা সংখ্যায় অল্প ছিলে। ৪ কিন্তু এই জন্য যে, সদাপ্রভু তোমাদের  
ভালোবাসেন এবং তোমাদের পূর্বপুরুষদের যে দেশ দিবেন বলে  
শপথ করেছিলেন তা রক্ষা করতে তিনি তাঁর শক্তিশালী হাত দিয়ে  
তোমাদের দাসত্বের দেশ ও মিশরের রাজা ফরৌণের ক্ষমতা থেকে  
উদ্বার করেছেন। ৫ অতএব তোমরা জেনে রেখো যে, তোমাদের ঈশ্বর  
সদাপ্রভুই ঈশ্বর; তিনি হলেন বিশ্বস্ত ঈশ্বর, যারা তাঁকে ভালোবাসে ও  
তাঁর আদেশগুলি পালন করে তাদের জন্য তিনি যে ভালোবাসার বিধান  
স্থাপন করেছেন তা তিনি হাজার হাজার পুরুষ পর্যন্ত রক্ষা করেন। ১০  
কিন্তু যারা তাঁকে ঘৃণা করে তাদের ধ্বংস করে তিনি তার শোধ দেন;  
তাঁর ঘৃণাকারীদের শোধ দিতে তিনি দেরি করেন না। ১১ অতএব, আজ  
আমি তোমাদের যেসব আদেশ, অনুশাসন ও বিধান দিচ্ছি তা তোমরা  
যত্ত্বের সঙ্গে পালন করবে। ১২ যদি তোমরা এসব বিধানের প্রতি  
মনোযোগ দাও এবং তা যত্ত্বের সঙ্গে পালন করো, তবে তোমাদের  
ঈশ্বর সদাপ্রভু তোমাদের পূর্বপুরুষদের কাছে যে শপথ করেছিলেন  
সেই অনুসারে তিনি তোমাদের প্রতি তাঁর ভালোবাসার বিধান রক্ষা  
করবেন। ১৩ তিনি তোমাদের ভালোবাসবেন ও তোমাদের আশীর্বাদ  
করবেন এবং সংখ্যায় বৃদ্ধি করবেন। তিনি যে দেশ দিবেন বলে  
তোমাদের পূর্বপুরুষদের কাছে শপথ করেছিলেন সেই দেশে তিনি  
তোমাদের গর্ভের ফলকে, জমির ফসলকে—তোমাদের শস্য, নতুন  
দ্রাক্ষারস ও জলপাই তেল—পশ্চপালের বাচ্চুর এবং মেষদের আশীর্বাদ  
করবেন। ১৪ অন্য সব লোকের চেয়ে তোমরা বেশি আশীর্বাদ পাবে;  
তোমাদের কোনও পুরুষ বা স্ত্রীলোক নিঃসন্তান হবে না, এমনকি  
তোমাদের পশ্চদের কেউ শাবক ছাড়া থাকবে না। ১৫ সদাপ্রভু সব  
রোগ থেকে তোমাদের মুক্ত রাখবেন। মিশরে যেসব ভীষণ রোগ  
তোমরা দেখেছ তা তিনি তোমাদের উপর হতে দেবেন না, কিন্তু  
যারা তোমাদের ঘৃণা করবে তাদের উপর সেইসব হতে দেবেন। ১৬  
তোমাদের ঈশ্বর সদাপ্রভু তোমাদের হাতের মুঠোয় যেসব জাতিকে

এনে দেবেন তাদের সবাইকে তোমাদের ধ্বংস করে ফেলতে হবে।  
তাদের তোমরা দয়া দেখাবে না এবং তাদের দেবতাদেরও সেবা  
করবে না, কারণ তা তোমাদের পক্ষে ফাঁদ হয়ে দাঁড়াবে। 17 তোমরা  
মনে মনে বলতে পারো, “এসব জাতি আমাদের থেকে শক্তিশালী।  
আমরা কী করে তাদের তাড়াব?” 18 কিন্তু তোমরা তাদের ভয় কোরো  
না; তোমাদের ঈশ্বর সদাপ্রভু ফরৌণ ও সমগ্র মিশর দেশের উপর কী  
করেছিলেন তা ভুলে যেয়ো না। 19 তোমরা নিজের চোখে সেই সকল  
পরীক্ষা দেখেছ, সেই চিহ্ন এবং অঙ্গুত লক্ষণ, সেই শক্তিশালী ও  
বিস্তারিত হাত, যার দ্বারা তোমাদের ঈশ্বর সদাপ্রভু তোমাদের বের করে  
এনেছেন। তোমরা এখন যে সকল লোককে ভয় পাছ তাদের প্রতিও  
তোমাদের ঈশ্বর সদাপ্রভু সেইরকম করবেন। 20 এর পরেও তাদের  
মধ্যে যারা বেঁচে যাবে এবং তোমাদের কাছ থেকে নিজেদের লুকিয়ে  
রাখবে তোমাদের ঈশ্বর সদাপ্রভু তাদের মধ্যে ভিমরঞ্জ পাঠিয়ে দেবেন  
আর তারা সবাই ধ্বংস হয়ে যাবে। 21 তাদেরকে ভয় পেয়ো না,  
কারণ তোমাদের ঈশ্বর সদাপ্রভু, যিনি তোমাদের মধ্যে আছেন, তিনি  
মহান ও অসাধারণ ঈশ্বর। 22 তোমাদের ঈশ্বর সদাপ্রভু তোমাদের  
সামনে থেকে ওইসব জাতিকে, অল্প অল্প করে, তাড়িয়ে দেবেন।  
তাদের সবাইকে তোমরা একসঙ্গে তাড়িয়ে দেবে না, কারণ তাহলে  
তোমাদের চারপাশে বন্যপন্থের সংখ্যা বেড়ে যাবে। 23 কিন্তু তোমাদের  
ঈশ্বর সদাপ্রভু তোমাদের সামনে তাদের তুলে দেবেন, এবং যতক্ষণ  
না তারা ধ্বংস হয় ততক্ষণ তাদের ভীষণ বিশ্রঞ্চলার মধ্যে ফেলে  
দেবেন। 24 তাদের রাজাদের তিনি তোমাদের হাতে তুলে দেবেন,  
এবং তোমরা আকাশমণ্ডলের নিচ থেকে তাদের নাম মুছে ফেলবে।  
তোমাদের বিপক্ষে কেউ দাঁড়াতে পারবে না; তোমরা তাদের ধ্বংস  
করবে। 25 তাদের দেবতাদের মূর্তিগুলি তোমরা আগুনে পুড়িয়ে  
ফেলবে। তোমরা তাদের গায়ের সোনারূপের উপর লোভ করবে না,  
এবং সেগুলি নিজেদের জন্য নেবে না, অথবা সেগুলির দ্বারা ফাঁদে  
পড়বে না, কারণ সেগুলি তোমাদের ঈশ্বর সদাপ্রভুর কাছে ঘৃণ্য দ্রব্য।  
26 কোনো ঘৃণ্য দ্রব্য তোমাদের ঘরে আনবে না, পাছে তার মতো

ধ্বংসের জন্য তোমাদের আলাদা করা হয়েছে। সেগুলিকে ভীষণ ঘৃণা  
ও অবজ্ঞা করবে, যেহেতু সেগুলি ধ্বংসের জন্য আলাদা করা।

**৪** আমি আজ তোমাদের যেসব আদেশ দিচ্ছি তার প্রত্যেকটি পালন  
করবার দিকে তোমরা মন দাও, যাতে তোমরা বেঁচে থাকো ও সংখ্যায়  
বেড়ে ওঠো আর সদাপ্রভু তোমাদের পূর্বপুরুষদের কাছে যে দেশ  
দেওয়ার কথা শপথ করে প্রতিজ্ঞা করেছিলেন সেখানে ঢুকে তা  
অধিকার করতে পারো। ২ মনে করে দেখো তোমাদের ঈশ্বর সদাপ্রভু  
এই চল্লিশটি বছর প্রাপ্তরের মধ্যে দিয়ে কীভাবে সব দিকে তোমাদের  
চালিয়ে এনেছেন, তোমাদের অহংকার ভেঙে দেওয়ার জন্য এবং  
পরীক্ষা করে জানার জন্য যে তোমাদের মনে কী আছে, তোমরা তাঁর  
আদেশ পালন করবে কি না। ৩ তিনি তোমাদের নত করেছিলেন,  
তোমাদের ক্ষিদে দিয়ে এবং পরে তোমাদের মাঝা খেতে দিয়েছিলেন,  
যা তোমরা বা তোমাদের পূর্বপুরুষেরা জানত না, তোমাদের এই শিক্ষা  
দেওয়ার জন্য যে মানুষ কেবলমাত্র রংটিতে বাঁচে না কিন্তু সদাপ্রভুর মুখ  
থেকে নির্গত প্রত্যেকটি বাক্য দ্বারাই জীবনধারণ করবে। ৪ এই চল্লিশ  
বছর তোমাদের গায়ের পোশাক নষ্ট হয়নি এবং পাও ফুলে যায়নি। ৫  
এই কথা তোমাদের অন্তরে জেনে রেখো যে, বাবা যেমন ছেলেকে  
শাসন করেন ঠিক সেইভাবে তোমাদের ঈশ্বর সদাপ্রভু তোমাদের  
শাসন করেন। ৬ তোমরা তোমাদের ঈশ্বর সদাপ্রভুর আদেশ পালন  
করবে, তাঁর পথে চলবে এবং তাঁকে ভক্তি করবে। ৭ কেননা তোমাদের  
ঈশ্বর সদাপ্রভু তোমাদের মনোরম দেশে নিয়ে যাচ্ছেন—যে দেশে  
রয়েছে উপত্যকা ও পাহাড় থেকে বয়ে চলা নদী, ফোয়ারা আর মাটির  
তলার জল; ৮ সেই দেশে রয়েছে প্রচুর গম ও যব, আঙুর ও ডুমুর গাছ,  
ডালিম, জলপাই তেল এবং মধু; ৯ সেই দেশে তোমরা প্রচুর খাবার  
পাবে এবং তোমাদের কোনো কিছুরই অভাব থাকবে না; সেখানকার  
পাথরে রয়েছে লোহা এবং সেখানকার পাহাড় থেকে তোমরা তামা  
খুঁড়ে তুলতে পারবে। ১০ তোমরা সেখানে খেয়েদেয়ে তৃপ্ত হওয়ার পর  
তোমাদের ঈশ্বর সদাপ্রভু যে চমৎকার দেশটি দিয়েছেন তার জন্য তাঁর  
গৌরব করবে। ১১ সাবধান, তোমাদের ঈশ্বর সদাপ্রভুকে ভুলে যেয়ো

না, আমি আজ তাঁর যেসব আদেশ, বিধান ও অনুশাসন তোমাদের দিচ্ছি তা ভুলে যেয়ো না। 12 নয়তো, তোমরা যখন খেয়েদেয়ে তৃপ্ত হবে, তোমরা যখন সুন্দর সুন্দর বাড়ি তৈরি করে সেখানে বসবাস করবে, 13 আর যখন তোমাদের পালের গরু, ছাগল ও মেষের সংখ্যা বৃদ্ধি পাবে এবং তোমাদের অনেক সোনা ও রঙপো হবে, 14 তখন তোমরা অহংকারী হয়ে উঠবে এবং যিনি মিশর দেশ থেকে, সেই দাসত্বের দেশ থেকে, তোমাদের বের করে এনেছেন তোমাদের সেই ঈশ্বর সদাপ্রভুকে তোমরা ভুলে যাবে। 15 তিনি তোমাদের এক বিরাট, ভয়ংকর, শুকনো, জলহীন এবং বিষাক্ত সাপ ও কাঁকড়াবিছেতে ভরা প্রান্তরের মধ্যে দিয়ে নিয়ে এসেছেন। তিনি শক্ত পাথরের মধ্য থেকে তোমাদের জন্য জল বের করেছেন। 16 তিনি তোমাদের প্রান্তরে খাওয়ার জন্য মাঝা দিয়েছিলেন, যার কথা তোমাদের পূর্বপুরুষেরা কখনও জানেননি, যেন তিনি তোমাদের মঙ্গলের জন্য তোমাদের নত করতে ও তোমাদের পরীক্ষা করতে পারেন। 17 তোমরা হয়তো মনে মনে বলতে পারো, “আমার নিজের শক্তিতে, নিজের হাতে কাজ করে আমি এসব ধনসম্পত্তি করেছি।” 18 কিন্তু তোমরা তোমাদের ঈশ্বর সদাপ্রভুকে মনে রেখো, কারণ তিনিই তোমাদের ক্ষমতা দেন এই ধনসম্পত্তি করার, আর এইভাবে তিনি তোমাদের পূর্বপুরুষদের কাছে যে নিয়মের কথা শপথ করে বলেছিলেন তা তিনি এখন পূর্ণ করতে চলেছেন। 19 তোমরা যদি কখনও তোমাদের ঈশ্বর সদাপ্রভুকে ভুলে গিয়ে অন্য দেবতাদের অনুসরণ করো এবং তাদের সেবা ও পূজা করো, তবে আজ আমি তোমাদের বিরুদ্ধে এই কথা নিশ্চয় করে বলছি যে, তোমরা ধ্বংস হয়ে যাবে। 20 সদাপ্রভু তোমাদের সামনে যেসব জাতিকে ধ্বংস করেছেন তাদের মতো তোমরাও তোমাদের ঈশ্বর সদাপ্রভুর অবাধ্য হওয়ার দরজন ধ্বংস হয়ে যাবে।

**৯** হে ইস্রায়েল, শোনো যেসব জাতি তোমাদের থেকে লোকসংখ্যায় ও শক্তিতে বড়ো, তোমরা এখন গিয়ে তাদের গগনচুম্বী প্রাচীর দিয়ে ঘেরা বড়ো বড়ো নগরগুলি অধিকার করার জন্য জর্ডন নদী পার হতে যাচ্ছ।  
২ সেখানকার লোকেরা অনাকীয়—তারা শক্তিশালী ও লম্বা! তোমরা

তাদের সমক্ষে জানো এবং শুনেছ বলা হয়ে থাকে “অনাকীয়দের  
বিরুদ্ধে কে দাঁড়াতে পারে?” ৩ কিন্তু আজ তুমি এই কথা জেনে রেখো  
যে তোমাদের ঈশ্বর সদাপ্রভুই গ্রাসকারী আগুনের মতো তোমাদের  
আগে আগে জর্ডন নদী পার হয়ে যাচ্ছেন। তিনি তাদের ধ্বংস করবেন;  
তিনি তোমাদের সামনে তাদের দমন করবেন। আর তোমরা তাদের  
তাড়িয়ে দেবে এবং সত্ত্বর ধ্বংস করবে, যেমন সদাপ্রভু তোমাদের  
কাছে প্রতিজ্ঞা করেছেন। ৪ তোমাদের ঈশ্বর সদাপ্রভু তোমাদের  
সামনে থেকে তাদের তাড়িয়ে দেওয়ার পর, তোমরা কেউ মনে মনে  
বোলো না, “আমার ধার্মিকতার জন্য সদাপ্রভু আমাকে এই দেশ  
অধিকার করাতে এখানে নিয়ে এসেছেন।” তা নয়, এসব জাতির  
লোকদের দুষ্টতার জন্যই সদাপ্রভু তোমাদের সামনে থেকে তাদের  
তাড়িয়ে দিতে যাচ্ছেন। ৫ তোমাদের ধার্মিকতা কিংবা সাধুতার জন্য  
তোমরা যে তাদের দেশ অধিকার করতে যাচ্ছ তা নয়; কিন্তু এই  
জাতিদের দুষ্টতার জন্য, বরং তোমাদের ঈশ্বর সদাপ্রভু তোমাদের  
পূর্বপুরুষ অব্রাহাম, ইস্হাক ও যাকোবের কাছে যে কথা প্রতিজ্ঞা করে  
বলেছিলেন তা পূরণ করবার জন্যই তিনি এসব জাতির দুষ্টতার দরঢ়ন  
তোমাদের সামনে থেকে তাদের তাড়িয়ে দেবেন। ৬ কাজেই তোমরা  
জেনে রেখো, তোমাদের ধার্মিকতার জন্য যে তোমাদের ঈশ্বর সদাপ্রভু  
এই চমৎকার দেশটি তোমাদের অধিকার করতে দিচ্ছেন তা নয়,  
কারণ তোমরা তো একগুঁয়ে এক জাতি। ৭ তোমরা প্রান্তরে তোমাদের  
ঈশ্বর সদাপ্রভুর ক্রোধ কীভাবে জাগিয়ে তুলেছিলে তা মনে রেখো,  
কখনও ভুলে যেয়ো না। মিশর ছেড়ে আসবার দিন থেকে শুরু করে  
এখানে পৌঁছানো পর্যন্ত তোমরা সদাপ্রভুর বিরুদ্ধে বিরুদ্ধাচারী হয়ে  
আসছ। ৮ হোরেবে তোমরা এমনভাবে সদাপ্রভুর ক্রোধ জাগিয়ে  
তুলেছিলে যে, তার দরঢন তিনি তোমাদের ধ্বংস করতে চেয়েছিলেন।  
৯ সদাপ্রভু যে বিধান তোমাদের জন্য স্থাপন করেছেন সেই বিধান  
লেখা পাথরের ফলক দুটি গ্রহণ করার জন্য আমি পাহাড়ের উপর  
উঠে চল্লিশ দিন ও চল্লিশ রাত সেখানেই ছিলাম; আমি জল বা রুটি  
কিছুই খাইনি। ১০ ঈশ্বরের আঙুল দিয়ে লেখা এমন দুটি পাথরের

ফলক সদাপ্রভু আমাকে দিয়েছিলেন। তোমরা সবাই যেদিন সদাপ্রভুর সামনে জড়ো হয়েছিলে, সেদিন তিনি পাহাড়ের উপরে আগুনের মধ্য থেকে যেসব আদেশ তোমাদের কাছে ঘোষণা করেছিলেন সেগুলি ওই ফলক দুটির উপর লেখা ছিল। 11 সেই চল্লিশ দিন আর চল্লিশ রাত কেটে যাওয়ার পর সদাপ্রভু ওই বিধান লেখা পাথরের ফলক দুটি আমাকে দিয়েছিলেন। 12 তারপর সদাপ্রভু আমাকে বললেন, “তুমি এখনই নিচে নেমে যাও, কেননা যে লোকদের তুমি মিশ্র থেকে বের করে এনেছ তারা কুপথে গেছে। যে পথে চলবার আদেশ আমি দিয়েছিলাম এর মধ্যেই তারা তা থেকে দূরে সরে গেছে এবং পূজার জন্য নিজেদের জন্য একটি মূর্তি তৈরি করেছে।” 13 আর সদাপ্রভু আমাকে বললেন, “আমি এই লোকদের দেখেছি, এরা একগুঁয়ে এক জাতি! 14 তুমি আমাকে বাধা দিয়ো না, যেন আমি তাদের ধ্বংস করি এবং পৃথিবী থেকে তাদের নাম মুছে ফেলি। আর আমি তোমার মধ্য দিয়ে আরও শক্তিশালী এবং তাদের চেয়ে আরও বড়ো একটি জাতি তৈরি করব।” 15 তখন আমি পাহাড় থেকে নেমে আসলাম যখন পাহাড় আগুনে ভ্রুলছিল। আর আমার হাতে বিধানের দুটি ফলক ছিল। 16 আমি চেয়ে দেখলাম, তোমরা তোমাদের ঈশ্বর সদাপ্রভুর বিরুদ্ধে পাপ করেছ; পূজার জন্য তোমরা ছাঁচে ফেলে একটি বাচ্চুরের মূর্তি তৈরি করে নিয়েছ। সদাপ্রভু তোমাদের যে পথে চলবার আদেশ দিয়েছিলেন তোমরা ঐটুকু সময়ের মধ্যেই সেই পথ থেকে সরে গিয়েছিলে। 17 সেইজন্য আমি পাথরের ফলক দুটি আমার হাত থেকে ছুঁড়ে ফেলে দিয়েছিলাম, তাতে সেগুলি তোমাদের চোখের সামনে টুকরো টুকরো হয়ে গিয়েছিল। 18 সদাপ্রভুর দৃষ্টিতে মন্দ এমন সব পাপ তোমরা করে তাঁর ক্রোধ জাগিয়ে তুলেছিলে সেইজন্য আমি আগের বারের মতো আবার চল্লিশ দিন ও চল্লিশ রাত সদাপ্রভুর সামনে উপুড় হয়ে পড়েছিলাম; জল বা রুটি কিছুই খাইনি। 19 সদাপ্রভুর ভীষণ অসন্তোষকে আমি ভয় করেছিলাম, কারণ তোমাদের ধ্বংস করে ফেলবার মতো ক্রোধ তাঁর হয়েছিল। কিন্তু এবারও সদাপ্রভু আমার কথা শুনেছিলেন। 20 আর হারোণকে ধ্বংস করে ফেলবার

মতো ক্রোধও তাঁর হয়েছিল, কিন্তু সেই সময় আমি হারোনের জন্যও  
মিনতি করেছিলাম। 21 আর আমি তোমাদের সেই পাপময় জিনিসটি,  
তোমাদের তৈরি সেই বাছুরটি, নিয়ে আগুনে পুড়িয়ে দিয়েছিলাম।  
তারপর আমি সেটি ধূলোর মতো গুঁড়ো করে পাহাড় থেকে বয়ে আসা  
নদীর স্রোতে ফেলে দিয়েছিলাম। 22 তোমরা তবেরাতে, মঃসাতে ও  
কিরোৎ-হত্তাবাতে সদাপ্রভুর ক্রোধ জাগিয়ে তুলেছিলে। 23 তারপর  
সদাপ্রভু তোমাদের কাদেশ-বর্ণেয় থেকে রওনা করে দেওয়ার সময়  
বলেছিলেন, “তোমরা উঠে যাও এবং যে দেশ আমি তোমাদের দিয়েছি  
তা অধিকার করো।” কিন্তু তোমরা তোমাদের ঈশ্বর সদাপ্রভুর আজ্ঞার  
বিরুদ্ধে বিদ্রোহ করেছিলে। তোমরা তাঁকে বিশ্বাস করোনি বা তাঁর  
বাধ্য হওনি। 24 আমি যখন থেকে তোমাদের জেনেছি তখন থেকেই  
তোমরা সদাপ্রভুর বিরুদ্ধে কেবল বিদ্রোহই করে চলেছ। 25 সদাপ্রভু  
তোমাদের ধ্বংস করার কথা বলেছিলেন বলে আমি সেই চালিশ দিন  
ও চালিশ রাত সদাপ্রভুর সামনে উবুড় হয়ে পড়েছিলাম। 26 আমি  
সদাপ্রভুর কাছে প্রার্থনা করে বলেছিলাম, “হে সার্বভৌম সদাপ্রভু,  
তোমার লোকদের তুমি ধ্বংস করে ফেলো না, তারা তো তোমারই  
উত্তরাধিকারী যাদের তুমি তোমার মহাশক্তি দ্বারা মুক্ত করেছ এবং  
তোমার শক্তিশালী হাত ব্যবহার করে মিশর দেশ থেকে বের করে  
এনেছ। 27 তোমার দাস অব্রাহাম, ইস্হাক ও যাকোবকে স্নান করো।  
এই লোকদের একগুঁয়েমি, দুষ্টা এবং পাপের দিকে চেয়ে দেখো না।  
28 তা করলে যে দেশ থেকে তুমি আমাদের বের করে এনেছ সেই  
দেশের লোকেরা বলবে, ‘সদাপ্রভু তাঁর প্রতিজ্ঞাত দেশে তাদের নিয়ে  
যেতে পারলেন না বলে এবং তাদের ঘণ্টা করেন বলে, তাদের মেরে  
ফেলার জন্য এই প্রান্তরে নিয়ে এসেছেন।’ 29 কিন্তু তারা তোমার  
লোক, তোমারই উত্তরাধিকারী যাদের তুমি তোমার হাত বাড়িয়ে দিয়ে  
মহাশক্তিতে বের করে এনেছ।”

**10** সেই সময়ে সদাপ্রভু আমাকে বলেছিলেন, “তুমি দু-টুকরো পাথর  
কেটে আগের পাথরের ফলকের মতো করে নাও এবং পাহাড়ের উপরে  
আমার কাছে উঠে এসো। সেই সঙ্গে একটি কাঠের সিন্দুকও তৈরি

কোরো। 2 আগের যে ফলকগুলি তুমি ভেঙে ফেলেছ, সেগুলির উপরে  
যে কথা লেখা ছিল তাই এই ফলক দুটির উপর লিখে দেব। তারপর  
তুমি সেই দুটি নিয়ে সিন্দুকটির মধ্যে রাখবে।” 3 সেইজন্য আমি  
বাবলা কাঠ দিয়ে একটি সিন্দুক তৈরি করলাম এবং দু-টুকরো পাথর  
কেটে আগের ফলক দুটির মতো করে নিলাম, তারপর সেই দুটি  
হাতে করে পাহাড়ের উপর উঠে গিয়েছিলাম। 4 সদাপ্রভু প্রথম ফলক  
দুটির উপরে যে কথা লিখেছিলেন এই দুটির উপরও তাই লিখলেন,  
সেই দশাজ্ঞা যা তিনি তোমাদের সকলের একসঙ্গে সমবেত হওয়ার  
দিনে পাহাড়ের উপর আগন্তের মধ্য থেকে তোমাদের কাছে ঘোষণা  
করেছিলেন। আর সদাপ্রভু সেগুলি আমাকে দিয়ে দিলেন। 5 তারপর,  
সদাপ্রভু আমাকে যেমন আদেশ করেছিলেন সেইমতো আমি পাহাড়ের  
উপর থেকে নেমে এসে সেই ফলক দুটি আমার তৈরি করা সিন্দুকে  
রেখেছিলাম, আর সেগুলি এখনও সেখানেই আছে। 6 (ইস্রায়েলীরা  
বেরোৎ-বেনেয়াকনের কুয়ো থেকে রওনা হয়ে মোষেরোতে পৌঁছাল।  
সেখানেই হারোণ মারা গিয়েছিলেন এবং তাঁকে কবর দেওয়া হয়েছিল,  
এবং তাঁর ছেলে ইলিয়াসর তাঁর জায়গায় যাজক হয়েছিলেন। 7 সেখান  
থেকে তারা গুরুত্বপূর্ণ এবং তারপর যট্টবাথায় গিয়েছিল, যে দেশে  
অনেক জলপ্রবাহ ছিল। 8 সেই সময় সদাপ্রভু তাঁর নিয়ম-সিন্দুক বয়ে  
নেওয়ার এবং তাঁর সামনে দাঁড়াবার জন্য ও সেবাকাজের উদ্দেশ্যে  
আর তাঁর নামে আশীর্বাদ উচ্চারণ করবার জন্য লেবীয় বংশকে বেছে  
নিয়েছিলেন, যেমন তারা আজ পর্যন্ত করছে। 9 এই জন্য লেবীয়েরা  
তাদের ইস্রায়েলী ভাইদের মধ্যে সম্পত্তির কোনও ভাগ বা অধিকার  
পায়নি; তোমাদের স্তোত্র সদাপ্রভুর কথা অনুসারে সদাপ্রভুই তাদের  
উত্তরাধিকার।) 10 আগের বারের মতো, সেই বারও আমি চল্লিশ  
দিন ও চল্লিশ রাত পাহাড়ের উপরে ছিলাম আর সেই বারও সদাপ্রভু  
আমার কথা শুনেছিলেন। তোমাদের ধৰ্ম করার ইচ্ছা তাঁর ছিল  
না। 11 সদাপ্রভু আমাকে বলেছিলেন, “যাও, তুমি গিয়ে লোকদের  
পরিচালনা করে নিয়ে যাও, যেন তাদের পূর্বপুরুষদের কাছে আমি  
যে দেশ দেওয়ার শপথ করেছিলাম সেখানে গিয়ে তারা তা অধিকার

করে নিতে পারে।” 12 এখন হে ইস্টায়েল, তোমাদের ঈশ্বর সদাপ্রভু  
তোমাদের কাছে কী চান? তিনি কেবল চান যেন তোমরা তোমাদের  
ঈশ্বর সদাপ্রভুকে ভয় করো, সব ব্যাপারে তাঁর পথে চলো, তাঁকে  
ভালোবাসো, তোমাদের সমস্ত হৃদয় ও প্রাণ দিয়ে তাঁর সেবা করো, 13  
আর তোমাদের মঙ্গলের জন্য আজ আমি তোমাদের কাছে সদাপ্রভুর  
যেসব আদেশ ও অনুশাসন দিচ্ছি তা পালন করো। 14 আকাশ  
ও তার উপরের সবকিছু এবং পৃথিবী ও তার মধ্যবর্তী সবকিছুই  
তোমাদের ঈশ্বর সদাপ্রভুর। 15 তবুও তোমাদের পূর্বপুরুষদের প্রতি  
তাঁর স্নেহ ছিল এবং তিনি তাদের ভালোবাসতেন, আর তিনি সমস্ত  
জাতির মধ্য থেকে তাদের বংশধরদের, অর্থাৎ তোমাদের মনোনীত  
করেছেন—যেমন তোমরা আজও আছ। 16 তোমাদের হৃদয়ের সুন্নত  
করো, আর একগুঁয়ে হয়ে থেকো না। 17 তোমাদের ঈশ্বর সদাপ্রভু  
ঈশ্বরদের ঈশ্বর এবং প্রভুদের প্রভু, তিনিই মহান ঈশ্বর, ক্ষমতাশালী ও  
ভয়ংকর, যিনি কারোর মুখাপেক্ষা করেন না এবং ঘুষও নেন না। 18  
পিতৃহীনদের ও বিধবাদের অধিকার তিনি রক্ষা করেন, এবং তোমাদের  
মধ্যে বসবাস করা বিদেশিদের খেতে পরতে দিয়ে তাঁর ভালোবাসা  
দেখান। 19 আর তোমরা বিদেশিদের ভালোবাসবে, কারণ তোমরা  
নিজেরাও মিশরে বিদেশি হয়েছিলে। 20 তোমরা তোমাদের ঈশ্বর  
সদাপ্রভুকে ভয় করবে এবং তাঁর সেবা করবে। তাঁকেই আঁকড়ে  
ধরে থাকবে এবং তাঁর নামেই শপথ করবে। 21 তিনিই সেই জন  
যাঁর তোমরা প্রশংসা করবে; তিনি তোমাদের ঈশ্বর, যিনি তোমাদের  
জন্য সেই মহান ও ভয়ংকর কাজ করেছিলেন যেগুলি তোমরা নিজের  
চোখে দেখেছ। 22 তোমাদের যে পূর্বপুরুষেরা মিশরে গিয়েছিলেন  
তাদের মোট সংখ্যা ছিল সত্তর, আর এখন তোমাদের ঈশ্বর সদাপ্রভু  
তোমাদের সংখ্যা করেছেন আকাশের তারার মতো অসংখ্য।

**11** তোমাদের ঈশ্বর সদাপ্রভুকে ভালোবাসবে আর তিনি যা চান তা  
করবে, এবং তাঁর অনুশাসন, বিধান ও আদেশ সবসময় পালন করবে।  
2 আজ তোমরা মনে রেখো যে তোমাদের সন্তানেরা তোমাদের ঈশ্বর  
সদাপ্রভুর শিক্ষার বিষয়ে দেখেনি ও তাঁর মহিমা, তাঁর শক্তিশালী

হাত, তাঁর বাড়িয়ে দেওয়া হাতের অভিজ্ঞতা লাভ করেনি; ৩ যে  
সকল চিহ্নকাজ তিনি মিশরের মধ্যে, মিশরের রাজা ফরোগের এবং  
তাঁর সমগ্র দেশের উপর করেছিলেন; ৪ তিনি মিশরীয় সৈন্যদলের  
প্রতি যা করেছিলেন, তাদের ঘোড়া ও রথগুলির প্রতি, এবং তারা  
যখন তোমাদের পিছনে তাড়া করে আসছিল তখন কেমন করে  
তিনি লোহিত সাগরের জলে তাদের ডুবিয়ে দিয়েছিলেন আর কেমন  
করে সদাপ্রভু তাদের সম্পূর্ণকুপে ধ্বংস করে দিয়েছিলেন তাও তারা  
দেখেনি। ৫ তোমরা এখানে এসে না পৌঁছানো পর্যন্ত তিনি প্রান্তরে  
তোমাদের জন্য যা করেছিলেন তা তোমাদের সন্তানেরা দেখেনি, ৬  
এবং তিনি রুবেণের ছেলে ইলীয়াবের সন্তান দাথন ও অবীরামের  
প্রতি যা করেছিলেন, যখন ইস্রায়েলীদের মাঝখানে পৃথিবী মুখ খুলে  
তাদের ও তাদের পরিবারের লোকজন, তাদের তাঁবু এবং তাদের  
সমস্ত জীবন্ত প্রাণীকে গিলে ফেলেছিল। ৭ কিন্তু সদাপ্রভুর এসব বড়ো  
বড়ো কাজ তোমরাই নিজের চোখে দেখেছ। ৮ অতএব আজ আমি  
তোমাদের এসব আজ্ঞা দিচ্ছি, যেন তোমরা শক্তিশালী হও এবং জর্ডন  
পার হয়ে যে দেশ অধিকার করতে যাচ্ছ তা যেন দখল করতে পারো,  
৯ আর যেন সদাপ্রভু তোমাদের পূর্বপুরুষদের ও তাদের বংশধরদের  
যে দেশ দেওয়ার জন্য শপথ করেছিলেন, সেই দুধ আর মধু প্রবাহী  
দেশে অনেক দিন বসবাস করতে পারো। ১০ তোমরা যে দেশটি দখল  
করতে যাচ্ছ সেটি মিশর দেশের মতো নয়, যেখান থেকে তোমরা  
এসেছ, সেখানে তোমরা বীজ বুনতে আর সবজি ক্ষেত্রের মতো পা  
দিয়ে জল সেচতে। ১১ কিন্তু জর্ডন পার হয়ে যে দেশটি তোমরা দখল  
করতে যাচ্ছ সেটি পাহাড় আর উপত্যকায় ভরা যা আকাশের বৃষ্টির  
জলপান করে। ১২ সেই দেশের যত্ন তোমাদের ঈশ্বর সদাপ্রভু করেন;  
বছরের প্রথম থেকে শেষ পর্যন্ত সবসময় তোমাদের ঈশ্বর সদাপ্রভুর  
চোখ তার উপরে আছে। ১৩ অতএব আমি আজ তোমাদের যে সকল  
আজ্ঞা দিচ্ছি—তোমাদের ঈশ্বর সদাপ্রভুকে ভালোবাসো ও সমস্ত  
হৃদয় ও প্রাণ দিয়ে তাঁর সেবা করো ১৪ তাহলে আমি সব ঝুতে বৃষ্টি  
দেব, শরৎ ও বসন্তে, যেন তোমরা শস্য, নতুন দ্রাক্ষারস ও জলপাই

তেল সংগ্রহ করতে পারো। 15 আমি তোমাদের পশ্চদের জন্য মাঠে  
ঘাস হতে দেব, এবং তোমরা খাবে ও তৃপ্ত হবে। 16 তোমরা কিন্তু  
সতর্ক থাকো, তা না হলে তোমরা ছলনায় পড়ে সদাপ্রভুর কাছ থেকে  
সরে যাবে এবং অন্যান্য দেবতাদের সেবা ও পূজা করবে। 17 এতে  
তোমাদের উপর সদাপ্রভুর ক্ষেত্রের আগুন জ্বলে উঠবে এবং তিনি  
আকাশের দরজা বন্ধ করে দেবেন, যার ফলে বৃষ্টিও হবে না এবং  
জমিতে ফসলও হবে না, এবং যে চমৎকার দেশটি সদাপ্রভু তোমাদের  
দিচ্ছেন সেখান থেকে তোমরা অল্প সময়ের মধ্যেই শেষ হয়ে যাবে।  
18 তোমাদের অন্তরে ও মনে আমার এই কথাগুলি গেঁথে রাখবে; তা  
মনে রাখার চিহ্ন হিসেবে হাতে বেঁধে রাখবে এবং কপালে লাগিয়ে  
রাখবে। 19 সেগুলি তোমাদের সন্তানদের শেখাবে, ঘরে বসে কথা  
বলার সময় আর যখন তাদের সঙ্গে হাঁটবে, যখন শোবার সময় ও  
বিছানা থেকে উঠবার সময়। 20 সেগুলি তোমাদের বাড়ির দরজার  
চৌকাঠে ও তোমাদের দ্বারে লিখে রাখবে, 21 যেন সদাপ্রভু তোমাদের  
পূর্বপুরুষদের যে দেশ দেওয়ার জন্য শপথ করেছিলেন সেখানে তোমরা  
ও তোমাদের সন্তানেরা ততকাল বেঁচে থাকো যতকাল এই পৃথিবীর  
উপর মহাকাশ থাকবে। 22 আমি যে সমস্ত আজ্ঞা তোমাদের দিচ্ছি  
সেগুলি যদি তোমরা যত্নের সঙ্গে পালন করো—তোমাদের ঈশ্বর  
সদাপ্রভুকে ভালোবাসো, তাঁর বাধ্যতায় চলো এবং তাঁকে আঁকড়ে ধরে  
থাকো। 23 তাহলে তোমাদের সামনে থেকে সদাপ্রভু এসব জাতিকে  
তাড়িয়ে দেবেন, আর তোমরা তোমাদের থেকে বড়ো বড়ো এবং  
শক্তিশালী জাতিকে বেদখল করবে। 24 তোমরা যে জায়গায় পা  
ফেলবে সেই জায়গাই তোমাদের হবে: তোমাদের সীমানা বাড়বে  
প্রান্তর থেকে লেবানন পর্যন্ত এবং ইউফ্রেটিস নদী থেকে ভূমধ্যসাগর  
পর্যন্ত। 25 তোমাদের বিরলদে কেউ দাঁড়াতে পারবে না। তোমরা  
সেই দেশের যেখানেই যাবে তোমাদের ঈশ্বর সদাপ্রভু তাঁর প্রতিজ্ঞা  
অনুসারে সেখানকার লোকদের মনে তোমাদের সংস্কৃত আতঙ্ক ও ভয়  
ছাড়িয়ে দেবেন। 26 দেখো, আজ আমি তোমাদের সামনে আশীর্বাদ  
ও অভিশাপ রাখলাম, 27 আজ আমি তোমাদের কাছে তোমাদের

ঈশ্বর সদাপ্রভুর যে আজ্ঞাগুলি দিলাম তা যদি তোমরা পালন করো,  
তবে এই আশীর্বাদ তোমাদের হবে; 28 কিন্তু যদি তোমরা তোমাদের  
ঈশ্বর সদাপ্রভুর আজ্ঞাগুলি অমান্য করো এবং যে পথে চলবার আদেশ  
আজ আমি দিয়েছি তা থেকে সরে গিয়ে তোমাদের অজানা অন্য  
দেবতার পিছনে যাও, তবে তোমাদের উপর অভিশাপ নেমে আসবে।  
29 অধিকার করার জন্য তোমরা যে দেশে চুক্তে যাচ্ছ তোমাদের  
ঈশ্বর সদাপ্রভু যখন সেই দেশে তোমাদের নিয়ে যাবেন তখন, তোমরা  
গরিষ্ঠীম পর্বতের উপর থেকে সেই আশীর্বাদের কথা ঘোষণা করবে  
আর অভিশাপের কথা এবল পর্বতের উপর থেকে ঘোষণা করবে। 30  
তোমরা তো জানো, এই পাহাড়গুলি জর্ডনের ওপাড়ে, পশ্চিমদিকে,  
যেদিকে সূর্য অস্ত যায়, মোরির বড়ো বড়ো গাছের কাছে, গিলগলের  
কাছাকাছি অরাবায় বসবাসকারী কনানীয়দের দেশে। 31 তোমাদের  
ঈশ্বর সদাপ্রভু তোমাদের যে দেশ দিচ্ছেন, সেই দেশ অধিকার করবার  
জন্য তোমরা জর্ডন নদী পার হতে যাচ্ছ। তোমরা যখন তা দখল করে  
সেখানে বসবাস করতে থাকবে, 32 তখন আজ আমি তোমাদের যেসব  
অনুশাসন ও নির্দেশ দিলাম তা অবশ্যই তোমরা পালন করে চলবে।

**12** তোমাদের পূর্বপুরুষদের ঈশ্বর সদাপ্রভু যে দেশ তোমাদের  
অধিকার করার জন্য দিয়েছেন সেখানে—যতদিন বেঁচে থাকবে—এসব  
অনুশাসন ও বিধান যত্নের সঙ্গে পালন করবে। 2 তোমরা যেসব  
জাতিকে অধিকারচ্যুত করবে, তারা উঁচু পাহাড়ের উপরে ও ডালপালা  
ছড়ানো সবুজ গাছের নিচে যেসব জায়গায় তাদের দেবতাদের উপাসনা  
করে সেগুলি সম্পূর্ণরূপে ধ্বংস করবে। 3 তাদের বেদিগুলি ভেঙে  
ফেলবে, তাদের পরিত্র পাথরগুলি চুরমার করে দেবে এবং আশেরার  
খুঁটিগুলি আগুনে পুড়িয়ে দেবে; তাদের দেবতাদের মূর্তিগুলি ভেঙে  
ফেলবে এবং সেই সমস্ত জায়গা থেকে তাদের নাম মুছে ফেলবে। 4  
তোমরা তোমাদের ঈশ্বর সদাপ্রভুকে তাদের মতো করে উপাসনা  
করবে না। 5 কিন্তু তোমাদের ঈশ্বর সদাপ্রভু নিজেকে প্রকাশ করার  
জন্য তোমাদের সব গোষ্ঠীকে দেওয়া জায়গা থেকে সেই জায়গাটি  
তাঁর বাসস্থান হিসেবে বেছে নেবেন। তোমরা সেখানেই তাঁর উপাসনার

জন্য যাবে; 6 সেখানে তোমরা হোম ও বলি, তোমাদের দশমাংশ ও  
বিশেষ দান, যা তোমরা দেওয়ার জন্য মানত করেছ এবং স্বেচ্ছাকৃত  
দান, আর তোমাদের গরুর ও মেষের পালের প্রথম শাবকটি নিয়ে  
যাবে। 7 সেখানে, তোমাদের ঈশ্বর সদাপ্রভুর উপস্থিতে, তোমরা ও  
তোমাদের পরিবারের লোকেরা খাওয়াদাওয়া করবে এবং তোমরা  
হাতে যা কিছু পেয়েছ তার জন্য আনন্দ করবে, কারণ তোমাদের  
ঈশ্বর সদাপ্রভু তোমাদের আশীর্বাদ করেছেন। 8 এখানে আমরা  
এখন প্রত্যেকে নিজের যা মনে হয় ঠিক তাই করছি, তোমরা সেরকম  
করবে না, 9 কারণ তোমাদের ঈশ্বর সদাপ্রভু তোমাদের যে বিশ্রামস্থান  
ও অধিকার দিচ্ছেন সেখানে তোমরা এখনও পৌঁছাওনি। 10 কিন্তু  
তোমাদের ঈশ্বর সদাপ্রভু উন্নরাধিকার হিসেবে যে দেশ তোমাদের  
দিচ্ছেন তোমরা জর্ডন নদী পার হয়ে গিয়ে যখন সেই দেশে বসবাস  
করতে থাকবে তখন তিনি চারপাশের সমস্ত শক্তির থেকে তোমাদের  
বিশ্রাম দেবেন যেন তোমরা নিরাপদে বসবাস করতে পারো। 11  
তখন তোমাদের ঈশ্বর সদাপ্রভু নিজের নামের জন্য এক বাসস্থান  
বেছে নেবেন—সেখানে তোমরা আমার আদেশ করা সব জিনিস  
নিয়ে আসবে তোমাদের হোম ও বলি, তোমাদের দশমাংশ ও বিশেষ  
উপহার, এবং তোমাদের বাছাই করা জিনিস যা তোমরা সদাপ্রভুর  
কাছে মানত করেছ। 12 আর সেখানে তোমাদের ঈশ্বর সদাপ্রভুর  
সামনে আনন্দ কোরো—তোমরা, তোমাদের ছেলেমেয়েরা, তোমাদের  
দাস-দাসীরা, এবং তোমাদের নগরের লেবীয়েরা যাদের নিজেদের  
অংশ বা অধিকার তোমাদের মধ্যে নেই। 13 সাবধান, তোমাদের  
মনের মতো কোনও জায়গায় তোমরা হোমবলি উৎসর্গ করবে না। 14  
তোমাদের কোনও এক গোষ্ঠীকে দেওয়া জায়গা থেকে যে জায়গাটি  
সদাপ্রভু বেছে নেবেন সেখানেই তোমরা হোমবলি উৎসর্গ করবে,  
আর সেখানে তোমরা আমার আদেশ করা সবকিছু করবে। 15  
তবে, তোমাদের ঈশ্বর সদাপ্রভু তোমাদের আশীর্বাদ করে যেসব পশু  
দেবেন তা তোমরা যে কোনও নগরে কেটে তোমাদের খুশিমতো  
মাংস খেতে পারবে, সেটি হতে পারে গজলা হরিণ কিংবা হরিণ।

শুচি-অশুচি সব লোক খেতে পারবে। 16 কিন্তু তোমরা রক্ত খাবে না; জলের মতো করে মাটিতে ঢেলে দেবে। 17 তোমাদের শস্যের, নতুন দ্রাক্ষারসের ও জলপাই তেলের দশমাংশ, অথবা তোমাদের গরুর ও মেষের পালের প্রথম শাবক, অথবা তোমাদের মানত করা জিনিসপত্র, অথবা তোমাদের নিজের ইচ্ছায় করা কোনও উৎসর্গ, অথবা বিশেষ উপহার এসব তোমরা তোমাদের নগরের মধ্যে খেতে পারবে না। 18 তার পরিবর্তে, তোমরা তোমাদের ঈশ্বর সদাপ্রভুর বেছে নেওয়া জায়গায় তাঁর সামনে এগুলি তোমাদের খেতে হবে—তোমরা, তোমাদের ছেলেমেয়েরা, তোমাদের দাস-দাসীরা, এবং তোমাদের নগরের লেবীয়েরা—আর তোমরা যা কিছুতেই হাত দেবে তা নিয়ে তোমাদের ঈশ্বর সদাপ্রভুর সামনে আনন্দ করবে। 19 সাবধান, তোমাদের দেশে তোমরা যতদিন বসবাস করবে ততদিন লেবীয়দের প্রতি তোমরা অবহেলা করবে না। 20 তোমাদের ঈশ্বর সদাপ্রভু তাঁর প্রতিজ্ঞা অনুসারে তোমাদের দেশের সীমানা বাড়িয়ে দেওয়ার পরে যখন তোমরা মাংস খাবার ইচ্ছা নিয়ে বলবে, “আমি মাংস খাব,” তখন তোমরা খুশিমতো মাংস খেতে পারবে। 21 তোমাদের ঈশ্বর সদাপ্রভু নিজের নামের জন্য ও তাঁর নাম প্রকাশ করবার জন্য যে জায়গাটি বেছে নেবেন সেটি যদি তোমাদের কাছ থেকে অনেক দূরে হয়, তবে আমার দেওয়া আদেশ অনুসারে তোমরা সদাপ্রভুর দেওয়া গরু ও মেষের পাল থেকে পশু নিয়ে কাটতে পারবে এবং যার যার নগরে খুশিমতো মাংস খেতে পারবে। 22 গজলা হরিণ কিংবা হরিণের মাংসের মতোই তোমরা তা খাবে। শুচি-অশুচি সব লোক খেতে পারবে। 23 কিন্তু সাবধান, রক্ত খাবে না, কারণ রক্তই প্রাণ, আর তোমরা মাংসের সঙ্গে সেই প্রাণ খাবে না। 24 তোমরা রক্ত খাবে না; জলের মতো করে মাটিতে ঢেলে দেবে। 25 তোমাদের ও তোমাদের পরে তোমাদের সন্তানদের যাতে মঙ্গল হয় সেইজন্য তোমরা রক্ত খাবে না, তাহলে সদাপ্রভুর চোখে যা ভালো তাই করা হবে। 26 কিন্তু তোমাদের পরিত্র জিনিসপত্র এবং মানতের জিনিসপত্র সদাপ্রভুর মনেন্নীত জায়গায় নিয়ে যেতে হবে। 27 তোমাদের ঈশ্বর সদাপ্রভুর

যজ্ঞবেদির উপরে তোমাদের হোমবলি উৎসর্গ করবে, মাংস ও রক্ত সমেত। তোমাদের ঈশ্বর সদাপ্রভুর যজ্ঞবেদির গায়ে তোমাদের উৎসর্গ করা পঙ্কর রক্ত ঢেলে দিতে হবে। 28 সাবধান হয়ে আমার দেওয়া এসব আদেশ যত্নের সঙ্গে পালন করবে, কারণ তা করলে তোমাদের ঈশ্বর সদাপ্রভুর দৃষ্টিতে যা ন্যায্য এবং ভালো তাই করা হবে, তাতে তোমাদের ও তোমাদের পরে তোমাদের সন্তানদের যাতে সবসময় মঙ্গল হবে। 29 তোমরা যেসব জাতিকে অধিকারযুক্ত করতে যাচ্ছ তাদেরকে যখন তোমাদের ঈশ্বর সদাপ্রভু তোমাদের সামনে থেকে উচ্ছেদ করবেন, যখন তোমরা তাদেরকে অধিকারযুক্ত করে তাদের দেশে বসবাস করবে, 30 এবং তোমাদের সামনে থেকে তাদের ধ্বংস হয়ে যাওয়ার পর, তাদের দেবতাদের বিষয়ে খোঁজ নিতে গিয়ে তোমরা ফাঁদে পোড়ো না এবং জিজ্ঞাসা কোরো না “এসব জাতি কেমন করে তাদের দেবতাদের সেবা করত? আমরাও তাই করব।” 31 তোমরা তোমাদের ঈশ্বর সদাপ্রভুর উপাসনা তাদের পূজার মতো করে করবে না, কারণ তাদের দেবতাদের পূজায় তারা এমন সব জঘন্য কাজ করে যা সদাপ্রভু ঘৃণা করেন। এমনকি, তারা তাদের দেবতাদের কাছে তাদের ছেলেমেয়েদের আগুনে পুড়িয়ে উৎসর্গ করে। 32 আমি তোমাদের যেসব আদেশ দিলাম সেসব তোমরা পালন করবে; এর সঙ্গে কিছু যোগ করবে না বা এর থেকে কিছু বাদ দেবে না।

**13** তোমাদের মধ্যে কোনো ভাববাদী বা স্বপ্নদর্শক যদি তোমাদের সামনে উপস্থিত হয় এবং তোমাদের কোনো আশ্চর্য চিহ্ন বা কাজের কথা বলে, 2 এবং যদি সেই আশ্চর্য চিহ্ন বা কাজ ঘটে, ও সেই ভাববাদী বলে, “চলো আমরা অন্য দেবতাদের অনুগামী হই (যে দেবতাদের সম্বন্ধে তোমরা জানো না) এবং তাদের পূজা করি,” 3 তোমরা সেই ভাববাদী বা স্বপ্নদর্শকের কথা শুনবে না। তোমরা তোমাদের সমস্ত মনপ্রাণ দিয়ে তোমাদের ঈশ্বর সদাপ্রভুকে ভালোবাসো কি না তা জানার জন্য তিনি তোমাদের পরীক্ষায় ফেলেছেন। 4 তোমাদের ঈশ্বর সদাপ্রভুর কথামতো তোমাদের চলতে হবে এবং তাঁকে গভীর শন্দা করতে হবে। তাঁর আজ্ঞা পালন করবে ও তাঁর বাধ্য হবে; তাঁর

সেবা করবে এবং তাঁকে আঁকড়ে ধরবে। ৫ সেই ভাববাদী কিংবা স্বপ্নদর্শককে প্রাণদণ্ড দেবে কারণ তোমাদের ঈশ্বর সদাপ্রভু, যিনি মিশ্র থেকে তোমাদের বের করে এনেছেন এবং সেই দাসত্বের দেশ থেকে তোমাদের মুক্ত করেছেন, সে তাঁরই বিরঞ্জে বিদ্রোহের উসকানি দিয়েছে। সেই ভাববাদী কিংবা স্বপ্নদর্শক তোমাদের ঈশ্বর সদাপ্রভু যে পথে চলতে তোমাদের আদেশ করেছেন সেই পথ থেকে তোমাদের ফিরাতে চেষ্টা করেছে। তোমাদের মধ্য থেকে সেই দুষ্টতা তোমরা লোপ করে দেবে। ৬ যদি তোমার নিজের ভাই, অথবা তোমার ছেলে বা মেয়ে, অথবা যে স্ত্রীকে তুমি ভালোবাসো, অথবা তোমার খুব কাছের বন্ধু গোপনে বিপথে নিয়ে যাওয়ার জন্য বলে, “চলো আমরা অন্য দেবতার আরাধনা করি” (যে দেবতাদের তোমরা বা তোমাদের পূর্বপুরুষেরা জানোনি, ৭ তোমাদের চারিদিকে, দূরে বা কাছে, দেশের এক প্রান্ত থেকে অপর প্রান্ত পর্যন্ত যে কোনও দেবতা হোক), ৮ তাদের কাছে আত্মসমর্পণ করবে না বা তাদের কথা শুনবে না। তাদের প্রতি কোনও করণ্ণা করবে না। তাদের নিষ্কৃতি দেবে না কিংবা রক্ষা করবে না। ৯ তাদের অবশ্যই মেরে ফেলবে। তাদের মেরে ফেলার কাজটি তুমি নিজের হাতেই আরাস্ত করবে, তারপর অন্য সবাই মেরে ফেলবে। ১০ যিনি তোমাকে মিশ্র দেশের দাসত্ব থেকে বের করে এনেছেন তোমার সেই ঈশ্বর সদাপ্রভুর দিক থেকে সে তোমাকে ফিরাবার চেষ্টা করেছে বলে তাকে পাথর ছুঁড়ে মেরে ফেলবে। ১১ তাতে ইস্রায়েলীরা সকলে সেই কথা শুনে ভয় পাবে এবং তোমাদের মধ্যে কেউ আর এরকম মন্দ কাজ করবে না। ১২ তোমাদের ঈশ্বর সদাপ্রভু যেসব নগরে তোমাদের বসবাস করবার জন্য দিতে যাচ্ছেন তার কোনো একটির সম্বন্ধে হয়তো তোমরা শুনতে পাবে যে, ১৩ সেখানকার ইস্রায়েলীদের মধ্যে কিছু দুষ্টলোক উদিত হয়েছে যারা নগরবাসী লোকদের এই বলে বিপথে টেনে নিয়ে গিয়েছে, “চলো আমরা অন্য দেবতার আরাধনা করি” (যে দেবতাদের সম্বন্ধে তোমরা জানো না), ১৪ তবে তুমি জিজ্ঞাসা করবে, অনুসন্ধান করবে ও যত্নের সঙ্গে প্রশ্ন করবে। আর সেই কথা যদি সত্যি হয় এবং প্রমাণিত হয় যে

তোমাদের মধ্যে এই ঘৃণ্য কাজ সম্পন্ন হয়েছে, 15 তবে সেখানকার সব বাসিন্দাকে অবশ্যই তরোয়ালের আঘাতে মেরে ফেলতে হবে। সেই নগর এবং তার লোকজন ও পশ্চপাল তোমরা সম্পূর্ণরূপে ধ্বংস করে দেবে। 16 সেখানকার সব লুট করা জিনিসপত্র তোমরা নগরের চকের মাঝখানে একত্র করে সেই নগর ও সেইসব জিনিসপত্র তোমার ঈশ্বর সদাপ্রভুর উদ্দেশে আগুনে পুড়িয়ে দেবে। তাতে সেই নগর চিরকালের জন্য ধ্বংসাবশেষ হয়ে থাকবে, সেটি আর কখনও যেন তৈরি করা না হয়, 17 এবং এসব বর্জিত জিনিসপত্রের একটিও যেন তোমাদের হাতে দেখা না যায়। তবে সদাপ্রভু তাঁর ভীষণ ক্ষেত্র থেকে ফিরবেন, তোমাদের প্রতি কৃপা করবেন ও করণাবিষ্ট হবেন। তিনি তোমাদের সংখ্যা বৃদ্ধি করবেন, যেমন তিনি তোমাদের পূর্বপুরুষদের কাছে প্রতিজ্ঞা করে শপথ করেছিলেন, 18 কারণ আজ আমি তোমাদের যেসব আদেশ দিচ্ছি তা পালন করবে এবং তাঁর দৃষ্টিতে যা ভালো তাই করে তোমরা তোমাদের ঈশ্বর সদাপ্রভুর বাধ্য হবে।

**14** তোমরা তোমাদের ঈশ্বর সদাপ্রভুর সন্তান। তোমরা মৃত লোকদের জন্য দেহের কোনও জায়গায় ক্ষত করবে না কিংবা মাথার সামনের চুল কামাবে না, 2 কেননা তোমরা তোমাদের ঈশ্বর সদাপ্রভুর পরিত্র প্রজা। পৃথিবীর সমস্ত জাতির মধ্য থেকে সদাপ্রভু তোমাদের বেছে নিয়েছেন যাতে তোমরা তাঁর নিজের বিশেষ সম্পত্তি হও। 3 কোনও ঘৃণ্য জিনিস খাবে না। 4 এসব পশু তোমরা খেতে পারো: গরু, মেষ, ছাগল, 5 হরিণ, গজলা হরিণ, রাই হরিণ, বুনো ছাগল, বুনো ছাগলবিশেষ, কৃষ্ণসোর হরিণ এবং পাহাড়ি মেষ। 6 যেসব পশু দ্বিখণ্ড খুরবিশিষ্ট ও জাবর কাটে তার মাংস তোমরা ভোজন করতে পারবে। 7 কিন্তু, যারা জাবর কাটে অথবা কেবল দ্বিখণ্ড খুরবিশিষ্ট এমন পশু যেমন উট, খরগোশ অথবা শাফন খাবে না। যদিও তারা জাবর কাটে, তাদের খুর চেরা নয়; সেগুলি তোমাদের পক্ষে অশুচি। 8 শূকরও অশুচি; যদিও তার খুর দ্বিখণ্ডিত, সে জাবর কাটে না। তোমরা তাদের মাংস খাবে না কিংবা তাদের মৃতদেহও ছোঁবে না। 9 জলে বাস করা প্রাণীদের মধ্যে যেগুলির ডানা ও আঁশ আছে সেগুলি তোমরা খেতে পারবে। 10

কিন্তু যেগুলির ডানা ও আঁশ নেই সেগুলি তোমরা খেতে পারবে না; তোমাদের জন্য সেগুলি অশুচি। 11 তোমরা যে কোনো শুচি পাখি খেতে পারো। 12 কিন্তু এগুলি তোমরা খাবে না যেমন ঈগল, শুকুন, কালো শুকুন, 13 লাল চিল, কালো চিল, যে কোনো বাজপাখি, 14 যে কোনো ধরনের দাঁড়কাক, 15 শিংযুক্ত প্যাঁচা, কালপ্যাঁচা, শঙ্খচিল, যে কোনোরকম বাজপাখি, 16 ছোটো প্যাঁচা, বড়ো প্যাঁচা, সাদা প্যাঁচা, 17 মরহ-প্যাঁচা, সিন্ধু-ঈগল, পানকোড়ি, 18 সারস, যে কোনো ধরনের কাক, বুঁটিওয়ালা পাখি ও বাদুড়। 19 উড়ে বেড়ায় এমন সব পোকা তোমাদের পক্ষে অশুচি; সেগুলি খাবে না। 20 কিন্তু যেসব প্রাণীর ডানা আছে এবং শুচি সেগুলি তোমরা খেতে পারবে। 21 মরে পড়ে থাকা কোনো প্রাণী তোমরা খাবে না। তোমাদের নগরে বসবাস করা অন্য জাতির কোনো লোককে তোমরা সেটি দিয়ে দিতে পারবে এবং সে তা খেতে পারবে, কিংবা তোমরা কোনো বিদেশির কাছে সেটি বিক্রি করে দিতে পারবে। কিন্তু তোমরা তোমাদের ঈশ্বর সদাপ্রভু কাছে পবিত্র প্রজা। ছাগলছানার মাংস তার মায়ের দুধে রান্না করবে না। 22 প্রত্যেক বছর তোমাদের জমিতে যেসব ফসল ফলবে তার দশ ভাগের এক ভাগ তোমরা অবশ্যই আলাদা করে রাখবে। 23 তোমাদের ঈশ্বর সদাপ্রভুকে যাতে তোমরা সবসময় ভক্তি করতে শেখো সেইজন্য তোমাদের শস্য, নতুন দ্রাক্ষারস ও জলপাই তেলের দশমাংশ এবং তোমাদের পালের গরঃ, মেষ ও ছাগলের প্রথম শাবক তোমাদের ঈশ্বর সদাপ্রভুর সামনে থাবে। তোমাদের এমন জায়গায় খেতে হবে যে জায়গাটি তিনি নিজেকে প্রকাশ করবার জন্য তাঁর বাসস্থান হিসেবে বেছে নেবেন। 24 কিন্তু যদি সেই জায়গাটি খুব দূরে হয় এবং তোমাদের ঈশ্বর সদাপ্রভু তোমাদের এত আশীর্বাদ করে থাকেন যে সেই দশ ভাগের এক ভাগ বয়ে নিয়ে যাওয়া সম্ভব নয় (কারণ যে জায়গাটি সদাপ্রভু তাঁর নামের জন্য মনোনীত করবেন সেটি অনেক দূরে), 25 তোমাদের দশমাংশ রূপোর সঙ্গে বদলে নেবে, এবং সেই রূপো সঙ্গে নিয়ে তোমরা তোমাদের ঈশ্বর সদাপ্রভুর মনোনীত জায়গায় যাবে। 26 সেই রূপো ব্যবহার করে তোমরা যা

ইচ্ছা কিনতে পারবে যেমন গরু, মেষ, দ্রাক্ষারস কিংবা গাঁজানো  
পানীয় বা তোমাদের খুশিমতো যা কিছু। তারপর তোমরা তোমাদের  
পরিবার নিয়ে তোমাদের ঈশ্বর সদাপ্রভুর সামনে খাওয়াওয়া করে  
আনন্দ করবে। 27 যে লেবীয়েরা তোমাদের নগরে বসবাস করে  
তাদের অবহেলা করবে না, কারণ তাদের নিজেদের কোনও ভাগ  
বা উত্তরাধিকার নেই। 28 প্রত্যেক ত্রুটীয় বছরের শেষে, তোমাদের  
সেই বছরের ফসলের দশমাংশ তোমাদের নগরে জমা করবে, 29  
যেন লেবীয়েরা (যাদের নিজেদের কোনো ভাগ বা উত্তরাধিকার নেই)  
এবং বিদেশিরা, পিতৃহীন ও বিধবা যারা তোমাদের নগরে বাস করে  
তারা এসে থেয়ে তৃপ্ত হতে পারে, এবং যেন তোমাদের ঈশ্বর সদাপ্রভু  
তোমাদের হাতের সব কাজে আশীর্বাদ করেন।

**15** প্রতি সপ্তম বছরের শেষে তোমরা খণ্ড মকুব করবে। 2 এইভাবে  
এটি করতে হবে প্রত্যেক খণ্ডাতা অন্য ইস্রায়েলীকে দেওয়া খণ্ড  
মকুব করে দেবে। খণ্ড মকুব করার জন্য সদাপ্রভু যে সময় ঠিক করে  
দিয়েছেন তা ঘোষণা করা হয়েছে বলে তাদের নিজের লোকদের  
কাছ থেকে খণ্ড শোধের দাবি করবে না। 3 বিদেশিদের কাছ থেকে  
খণ্ড শোধের দাবি করতে পারো, কিন্তু তোমাদের ইস্রায়েলী ভাইদের  
খণ্ড তোমাদের মকুব করে দিতে হবে। 4 তবে, তোমাদের মধ্যে  
কারোর গরিব থাকার কথা নয়, কারণ তোমাদের ঈশ্বর সদাপ্রভু  
যে দেশ তোমাদের অধিকার করার জন্য দিচ্ছেন, তিনি তোমাদের  
প্রচুর আশীর্বাদ করবেন, 5 কেবল আজ আমি তোমাদের যে সমস্ত  
আজ্ঞা দিচ্ছি সেগুলি যত্নের সঙ্গে পালন করার জন্য তোমাদের ঈশ্বর  
সদাপ্রভুর সম্পূর্ণ বাধ্য হোয়ো। 6 কেননা তোমাদের ঈশ্বর সদাপ্রভু  
তাঁর প্রতিজ্ঞানুসারে তোমাদের আশীর্বাদ করবেন, এবং তোমরা  
অনেক জাতিকে খণ্ড দেবে কিন্তু কারোর কাছ থেকে খণ্ড নেবে না।  
তোমরা বহু জাতির উপর রাজত্ব করবে কিন্তু কেউ তোমাদের উপরে  
রাজত্ব করবে না। 7 তোমাদের ঈশ্বর সদাপ্রভু যে দেশ তোমাদের  
দিতে যাচ্ছেন সেই দেশের কোনো জায়গায় যদি তোমাদের কোনো  
ইস্রায়েলী ভাই গরিব হয়, তার প্রতি তোমাদের হন্দয় কঠিন কোরো না

কিংবা তার জন্য তোমাদের হাত মুঠো কোরো না। ৪ বরং, তোমরা হাত খোলা রেখো এবং তাদের প্রয়োজন অনুসারে তাদের খণ্ড দিয়ো। ৫ সাবধান, তোমাদের মনে এই মন্দ চিন্তাকে আমল দিয়ো না “সপ্তম বছর, খণ্ড মরুবের বছর, প্রায় এসে গেছে,” সেইজন্য তোমাদের সেই অভিবী ইস্রায়েলী ভাইয়ের প্রতি এই মনোভাব নিয়ে তাকে খালি হাতে বিদায় কোরো না। সে তখন সদাপ্রভুর কাছে তোমাদের বিরচক্ষে আবেদন করতে পারে, এবং তোমরা এই পাপের জন্য দোষী হবে। ১০ মনে অনিচ্ছা না রেখে খোলা হাতে তাকে দেবে; তাহলে এর জন্য তোমাদের ঈশ্বর সদাপ্রভু তোমাদের সব কাজে আশীর্বাদ করবেন এবং তোমরা যাতে হাত দেবে তাতেই আশীর্বাদ পাবে। ১১ দেশের মধ্যে সবসময়ই গরিব মানুষজন থাকবে। সেইজন্য আমি তোমাদের এই আদেশ দিচ্ছি যে, তোমাদের দেশে যেসব ইস্রায়েলী ভাই গরিব এবং অভিবী তাদের প্রতি তোমাদের হাত খোলা রাখবে। ১২ যদি তোমাদের কোনও মানুষ—হিঙ্গ পুরুষ কিংবা স্ত্রী—নিজেদেরকে তোমাদের কাছে বিক্রি করে এবং ছয় বছর তোমাদের সেবা করে, তাহলে সপ্তম বছরে তাকে অবশ্যই ছেড়ে দিতে হবে। ১৩ আর যখন তোমরা তাকে ছেড়ে দেবে, তাকে খালি হাতে বিদায় করবে না। ১৪ তোমাদের পাল, খামার ও আঙুর মাড়াইয়ের জায়গা থেকে যথেষ্ট পরিমাণ তাকে দেবে। তোমাদের ঈশ্বর সদাপ্রভু তোমাদের যে পরিমাণ আশীর্বাদ করেছেন তোমরা সেই পরিমাণেই তাকে দেবে। ১৫ মনে রেখো, মিশরে তোমরাও দাস ছিলে এবং তোমাদের ঈশ্বর সদাপ্রভু তোমাদের মুক্ত করেছেন। সেইজন্য আজ আমি তোমাদের এই আদেশ দিচ্ছি। ১৬ কিন্তু তোমার দাস যদি তোমাকে বলে, “আমি আপনাকে ছেড়ে যেতে চাই না,” কেননা সে তোমাকে ও তোমার পরিবারকে ভালোবাসে এবং সে তোমার কাছে ভালোই আছে, ১৭ তবে তুমি তার কানের লতি দরজার উপর রেখে তুরপুণ দিয়ে ফুটো করে দেবে, আর সে সারা জীবন তোমার দাস হয়ে থাকবে। তোমার দাসীর বেলায়ও তাই করবে। ১৮ দাস কিংবা দাসীকে মুক্ত করে দেওয়াটা তোমার কোনও কষ্টের ব্যাপার বলে মনে কোরো না, কারণ এই ছয় বছর

সে তোমার জন্য যে কাজ করেছে তার দায় দুজন মজুরের মজুরির  
সমান। তাতে তোমার ঈশ্বর সদাপ্রভু তোমার সব কাজে তোমাকে  
আশীর্বাদ করবেন। 19 তোমাদের গরু, মেষ ও ছাগলের প্রত্যেকটি  
প্রথমজাত পুরুষ শাবক তোমাদের ঈশ্বর সদাপ্রভুর জন্য আলাদা করে  
রাখবে। তোমাদের গরুর প্রথমজাত বাচ্চাকে কাজে লাগাবে না ও  
মেষের প্রথম শাবকের লোম ছাঁটবে না। 20 তোমাদের ঈশ্বর সদাপ্রভুর  
মনোনীত জায়গায় প্রত্যেক বছর তোমরা তোমাদের পরিবার নিয়ে  
তাঁর সামনে সেগুলির মাংস খাবে। 21 যদি কোনো পশুর খুঁত থাকে,  
খোঁড়া কিংবা অন্ধ হয়, কিংবা কোনো বড়ো ধরনের দোষ থাকে,  
সেটি তোমাদের ঈশ্বর সদাপ্রভুর উদ্দেশে উৎসর্গ করবে না। 22 সেটি  
তোমরা নিজেদের নগরেই খাবে। অশুচি এবং শুচি সকলেই সেটি  
গজলা হরিণ বা হরিণের মাংসের মতোই খেতে পারবে। 23 কিন্তু  
তোমরা রক্ত খাবে না; জলের মতো করে মাটিতে ঢেলে দেবে।

**16** আবীর মাসে তোমাদের ঈশ্বর সদাপ্রভুর উদ্দেশে তোমরা  
নিষ্ঠারপর্ব পালন করবে, কারণ আবীর মাসেই রাতের বেলায় তিনি  
তোমাদের মিশ্র থেকে বের করে এনেছিলেন। 2 সদাপ্রভু নিজের  
নামের জন্য যে বাসস্থান মনোনীত করবেন সেখানে তোমরা তোমাদের  
ঈশ্বর সদাপ্রভুর উদ্দেশে তোমাদের গরু বা মেষের পাল থেকে পশু  
নিয়ে নিষ্ঠারপর্বে উৎসর্গ করবে। 3 সেই পশুর মাংস তোমরা খামিরযুক্ত  
রঞ্চির সঙ্গে খাবে না, কিন্তু সাত দিন খামিরবিহীন রঞ্চি খাবে, তা  
দুঃখের সময়ের রঞ্চি, কারণ তোমরা দ্রুত মিশ্র থেকে বেরিয়ে  
এসেছিলে—যেন সারা জীবন মিশ্র থেকে বেরিয়ে আসার সময়  
তোমরা মনে রাখতে পারো। 4 এই সাত দিন সারা দেশে তোমাদের  
মধ্যে যেন খামির পাওয়া না যায়। প্রথম দিনের সন্ধ্যাবেলা তোমরা যে  
মাংস উৎসর্গ করবে তা যেন সকাল পর্যন্ত পড়ে না থাকে। 5 তোমাদের  
ঈশ্বর সদাপ্রভুর দেওয়া আর কোনও নগরে তোমরা নিষ্ঠারপর্বের পশু  
উৎসর্গ করবে না 6 যে জায়গাটি তিনি নিজেকে প্রকাশ করবার জন্য  
তাঁর বাসস্থান হিসেবে মনোনীত করবেন কেবল সেখানেই তা উৎসর্গ  
করবে। যেদিন তোমরা মিশ্র দেশ থেকে বের হয়ে এসেছ প্রত্যেক

বছর সেদিনে সেখানে তোমরা সন্ধ্যাবেলায় নিস্তারপর্বের পশ্চ উৎসর্গ  
করবে, যখন সূর্য ডুবে যাবে। ৭ তোমাদের ঈশ্বর সদাপ্রভুর মনোনীত  
জায়গায় সেই মাংস রান্না করে খাবে। তারপর সকালে নিজেদের  
তাঁবুতে ফিরে যাবে। ৮ ছয় দিন ধরে তোমরা খামিরবিহীন রুটি খাবে  
আর সাত দিনের দিন তোমরা তোমাদের ঈশ্বর সদাপ্রভুর উদ্দেশে  
শেষ দিনে পবিত্র সভার আয়োজন করবে এবং কোনও কাজ করবে  
না। ৯ মাঠের ফসলে প্রথম কাস্টে দেওয়া আরস্ত করা থেকে তোমরা  
সাত সপ্তাহ গণনা করবে। ১০ তারপর তোমাদের ঈশ্বর সদাপ্রভুর  
আশীর্বাদ অনুযায়ী সংগতি থেকে নিজের ইচ্ছায় উপহার দিয়ে সপ্তাহের  
উৎসব পালন করবে। ১১ আর তোমাদের ঈশ্বর সদাপ্রভুর নিজের  
নামের বাসস্থানের জন্য যে জায়গা মনোনীত করবেন সেখানে—তুমি,  
তোমার ছেলেমেয়ে, তোমার দাস-দাসীরা, তোমার নগরের লেবীয়রা  
ও বিদেশিরা, পিতৃহীনেরা ও বিধবারা যারা তোমাদের মধ্যে বাস  
করে সবাই আনন্দ করবে। ১২ মনে রাখবে তোমরাও মিশরে দাস  
ছিলে, এবং এসব অনুশাসন যত্নের সঙ্গে পালন করবে। ১৩ তোমাদের  
খামার এবং আঙুর মাড়াই করবার জায়গা থেকে সবকিছু তুলে রাখবার  
পরে তোমরা কুটিরবাস-পর্ব পালন করবে। ১৪ তোমাদের উৎসবে  
আনন্দ করবে—তুমি, তোমার ছেলেমেয়ে, তোমার দাস-দাসীরা,  
তোমার নগরের লেবীয়রা ও বিদেশিরা, পিতৃহীনেরা ও বিধবারা  
যারা তোমাদের মধ্যে বসবাস করে সবাই। ১৫ তোমাদের ঈশ্বর  
সদাপ্রভু যে জায়গা মনোনীত করবেন সেখানেই তোমরা তাঁর উদ্দেশে  
সাত দিন ধরে এই উৎসব পালন করবে। কারণ তোমাদের ঈশ্বর  
সদাপ্রভু তোমাদের সমস্ত ফসলে ও হাতের সমস্ত কাজে আশীর্বাদ  
করবেন, এবং তোমাদের আনন্দ সম্পূর্ণ হবে। ১৬ তোমাদের ঈশ্বর  
সদাপ্রভুর মনোনীত জায়গায় তাঁর সামনে তোমাদের সব পুরুষ বছরে  
তিনবার উপস্থিত হবে খামিরবিহীন রুটির উৎসব, সপ্তাহের উৎসব  
এবং কুটিরবাস-পর্ব। সদাপ্রভুর সামনে কেউ খালি হাতে আসবে না  
১৭ তোমাদের ঈশ্বর সদাপ্রভু তোমাদের যে পরিমাণ আশীর্বাদ করছেন  
তা বুঝে তোমাদের প্রত্যেকেই যেন কিছু না কিছু নিয়ে আসে। ১৮

তোমাদের ঈশ্বর সদাপ্রভু তোমাদের যেসব নগর দিতে যাচ্ছেন তার প্রত্যেকটিতে প্রত্যেক গোষ্ঠীর জন্য তোমরা বিচারক ও কর্মকর্তা নিযুক্ত করবে, এবং তারা ন্যায়ভাবে লোকদের বিচার করবে। 19 অন্যায় বিচার করবে না কিংবা কারোর পক্ষ নেবে না। ঘৃস নিয়ো না, কারণ ঘৃস জ্ঞানীদের চোখ অক্ষ করে এবং নির্দোষ লোকদের কথা পরিবর্তন করে। 20 ন্যায় কেবল ন্যায়রই অনুগামী হবে, যেন তোমরা বেঁচে থেকে তোমাদের ঈশ্বর সদাপ্রভু যে দেশ দেবেন তা অধিকার করতে পারো। 21 তোমরা তোমাদের ঈশ্বর সদাপ্রভুর উদ্দেশ্যে যে যজ্ঞবেদি তৈরি করবে তার পাশে কোনোরকম কাঠের আশেরা-খুঁটি পুঁতবে না, 22 এবং কোনো পবিত্র পাথর খাড়া করবে না, কারণ তোমাদের ঈশ্বর সদাপ্রভু এসব ঘৃণা করেন।

**17** তোমাদের ঈশ্বর সদাপ্রভুর উদ্দেশ্যে তোমরা এমন কোনও গরু কিংবা মেষ উৎসর্গ করবে না যার খুঁত আছে, কারণ তিনি তা ঘৃণা করেন। 2 তোমাদের ঈশ্বর সদাপ্রভু তোমাদের যেসব নগর দেবেন তার যে কোনো একটির মধ্যে যদি কোনও পুরুষ কিংবা স্ত্রীলোক তোমাদের ঈশ্বর সদাপ্রভুর দেওয়া বিধান অমান্য করে তাঁর দৃষ্টিতে যা মন্দ তা করে, 3 এবং আমার আদেশের বিরুদ্ধে গিয়ে অন্য দেবতাদের উপাসনা করে, তাদের কাছে কিংবা সূর্য, চাঁদ বা আকাশের তারাদের কাছে নত হয়, 4 এবং তা তোমাদের জানানো হয়, তবে তোমরা তা ভালো করে তদন্ত করে দেখবে। যদি তা সত্যি হয় এবং এরকম ঘৃণিত কাজ ইস্রায়েলীদের মধ্যে করা হয়েছে বলে প্রমাণিত হয়, 5 তবে যে পুরুষ বা স্ত্রীলোক এরকম জঘন্য কাজ করেছে তোমরা তাকে নগরের দ্বারের কাছে নিয়ে গিয়ে পাথর ছুঁড়ে মেরে ফেলবে। 6 কোনও মানুষকে মেরে ফেলতে হলে দুই বা তিনজন সাক্ষীর কথার উপর নির্ভর করে তা করতে হবে, মাত্র একজন সাক্ষীর কথার উপর নির্ভর করে তা করবে না। 7 তাকে মেরে ফেলবার জন্য সাক্ষীরাই প্রথমে পাথর ছুঁড়বে, তারপর অন্যান্য লোকেরা ছুঁড়বে। তোমাদের মধ্য থেকে দুষ্টতা শেষ করে দেবে। 8 যদি এমন সব মামলা তোমাদের আদালতে আসে যেগুলি বিচার করা তোমাদের পক্ষে কঠিন হয়ে দাঁড়ায়—সেটি

রক্তপাত, বিবাদ অথবা আঘাতের কারণে—তবে সেই মামলা নিয়ে  
সদাপ্রভুর মনোনীত জায়গায় যাবে। ৭ লেবীয় যাজকের এবং সেই  
সময় যে বিচারের দায়িত্বে থাকবে তাদের কাছে যাবে। তোমরা তাদের  
কাছে জিজ্ঞাসা করবে এবং তারা রায় দেবে। ৮ সদাপ্রভুর মনোনীত  
জায়গায় তারা যে রায় দেবে, তোমরা সেই অনুযায়ী কাজ করবে।  
তবে সাবধান, তারা তোমাদের যা যা করতে বলবে তোমরা তার  
সবই করবে। ৯ তোমাদের তারা যা শিক্ষা দেবে এবং যে রায় দেবে  
সেইমতোই তোমরা কাজ করবে। তারা তোমাদের যা বলবে সেই  
অনুযায়ী করবে, ডানদিকে বা বাঁদিকে ফিরবে না। ১০ যদি কেউ  
বিচারকের কথা কিংবা তোমাদের ঈশ্বর সদাপ্রভুর সেবাকারী সেই  
যাজকের কথা অবজ্ঞা করে তবে তাকে মেরে ফেলবে। ইস্রায়েলের  
মধ্যে থেকে দুষ্টতা তোমাদের শেষ করতে হবে। ১১ সমস্ত লোক সেই  
কথা শুনে ভয় পাবে, এবং আর অবজ্ঞা দেখাবে না। ১২ তোমাদের  
ঈশ্বর সদাপ্রভু যে দেশটি তোমাদের দিতে যাচ্ছেন সেখানে গিয়ে  
তা অধিকার করে যখন তোমরা সেখানে বসবাস করতে থাকবে  
এবং বলবে, “আমাদের নিকটবর্তী জাতিগুলির মতো এসো, আমরা  
আমাদের জন্য একজনকে রাজা হিসেবে বেছে নিই,” ১৩ তোমাদের  
ঈশ্বর সদাপ্রভু যাকে ঠিক করে দেবেন তাকেই তোমরা নিশ্চয় করে  
তোমাদের রাজা করবে। সে যেন তোমাদের ইস্রায়েলী ভাইদের মধ্যে  
একজন হয়। যে ইস্রায়েলী নয়, এমন কোনও বিদেশিকে তোমাদের  
উপরে রাজা করবে না ১৪ সেই রাজা যেন নিজের জন্য অনেক ঘোড়া  
জোগাড় না করে কিংবা আরও ঘোড়া আনার জন্য মিশরে ফেরত  
না পাঠায়, কেননা সদাপ্রভু তোমাদের বলেছেন, “তোমরা ওই পথে  
আর ফিরে যাবে না।” ১৫ তার যেন অনেক স্ত্রী না থাকে, তাতে  
তার মন বিপথে যাবে। সে যেন প্রচুর পরিমাণে সোনা এবং রূপো  
জমা না করে। ১৬ সে যখন নিজের সিংহাসনে বসবে তখন সে যেন  
নিজের জন্য গোটানো পুঁথিতে এই বিধানের কথাগুলি লিখে রাখে,  
যেটি লেবীয় যাজকদের বিধানের অনুলিপি। ১৭ সেটি তার কাছে  
থাকবে, এবং সারা জীবন তাকে সেটি পড়তে হবে যাতে সে তার

ঈশ্বর সদাপ্রভুকে ভক্তিপূর্ণ ভয় করতে শেখে এবং এই বিধানের সমস্ত কথা ও অনুশাসনের কথাগুলি মেনে চলে 20 এবং নিজেকে অন্যান্য ইস্রায়েলী ভাইদের থেকে ভালো মনে না করে আর সেই বিধানের ডানদিকে বা বাঁদিকে সরে না যায়। তাহলে সে এবং তার বংশধরেরা ইস্রায়েলের উপরে বহুদিন রাজত্ব করতে পারবে।

**18** লেবীয় যাজকদের—বাস্তবিক, লেবির সমস্ত গোষ্ঠীর—ইস্রায়েলের সঙ্গে কোনও অংশ বা উত্তরাধিকার থাকবে না। তোমরা সদাপ্রভুর উদ্দেশে আগুন দ্বারা যে উপহার উৎসর্গ করবে তার উপরেই তারা নির্ভর করবে, কারণ সেটিই তাদের উত্তরাধিকার। 2 তাদের ইস্রায়েলী ভাইদের মধ্যে কোনও উত্তরাধিকার থাকবে না; সদাপ্রভুই তাদের উত্তরাধিকার, যেমন তিনি তাদের কাছে প্রতিজ্ঞা করেছিলেন। 3 গোকেরা গরু বা মেষ উৎসর্গ করলে তার থেকে এগুলি হল যাজকদের প্রাপ্য: কাঁধ, পাকস্থলী এবং মাথা থেকে মাংস। 4 তোমরা তাদের তোমাদের শস্যের, নতুন দ্রাক্ষারসের ও জলপাই তেলের অগ্রিমাংশ, এবং তোমাদের মেষদের গা থেকে ছেঁটে নেওয়া প্রথম লোম দেবে, 5 কারণ সমস্ত গোষ্ঠীর মধ্য থেকে তোমাদের ঈশ্বর সদাপ্রভু তাদের ও তাদের বংশধরদের মনোনীত করেছেন যেন তারা সবসময় সদাপ্রভুর নামে দাঁড়িয়ে তাঁর সেবা করে। 6 যদি কোনও লেবীয় তার বাসস্থান ছেড়ে ইস্রায়েলের যে কোনো নগরে চলে যায়, এবং সত্ত্বিকারের ইচ্ছা নিয়ে সদাপ্রভুর মনোনীত জায়গায় যায়, 7 তবে অন্যান্য লেবীয় ভাইদের মতো সেও সদাপ্রভুর উপস্থিতিতে সেখানে তার ঈশ্বর সদাপ্রভুর নামে সেবাকাজ করতে পারবে। 8 তার পৈতৃক সম্পত্তি বিক্রির মূল্য পেলেও সেখানকার লেবীয়দের সঙ্গে সে সমান ভাগের অধিকারী হবে। 9 তোমাদের ঈশ্বর সদাপ্রভু তোমাদের যে দেশ দিতে যাচ্ছেন, সেখানে গিয়ে সেখানকার জাতিগুলির সব ঘৃণ্য কাজ তোমরা অনুকরণ করে শিখবে না। 10 তোমাদের মধ্যে যেন একজনকেও পাওয়া না যায় যারা তাদের ছেলেমেয়েদের আগুনে উৎসর্গ করে, যারা ভবিষ্যৎ-কথন বা মায়াবিদ্যা অনুশীলন করে, লক্ষণ দেখে ভবিষ্যতের কথা বলে, যাদু করে, 11 মন্ত্রতন্ত্র খাটায় বা আত্মার মাধ্যম

বা প্রেতসাধক হয়। 12 যে কেউ এসব কাজ করে সে সদাপ্রভুর কাছে  
ঘৃণ্য; কেননা এসব ঘৃণ্য কাজের জন্যই তোমাদের ঈশ্বর সদাপ্রভু  
সেই সমস্ত জাতিকে তোমাদের সামনে থেকে তাড়িয়ে দেবেন। 13  
তোমাদের ঈশ্বর সদাপ্রভুর সামনে তোমাদের নির্দোষ থাকতে হবে।  
14 তোমরা যে জাতিদের অধিকারচ্যুত করবে তারা গণক কিংবা  
মায়াবিদ্যা ব্যবহারকারীদের কথা শোনে। কিন্তু তোমাদের ক্ষেত্রে,  
তোমাদের ঈশ্বর সদাপ্রভু তোমাদের তা করার অনুমতি দেননি। 15  
তোমাদের ঈশ্বর সদাপ্রভু তোমাদের ইস্রায়েলী ভাইদের মধ্য থেকে  
আমার মতো একজন ভাববাদীর উত্থান ঘটাবেন। তোমরা নিশ্চয়ই  
তাঁর কথা শুনবে। 16 কেননা হোরেবে যেদিন তোমরা সবাই সদাপ্রভুর  
সামনে সমবেত হয়েছিলে যখন তোমরা বলেছিলে, “আমরা আর আমাদের  
ঈশ্বর সদাপ্রভুর রব শুনতে কিংবা এই মহান আগুন দেখতে চাই  
না, তাহলে আমরা মরে যাব।” 17 সদাপ্রভু আমাকে বলেছিলেন,  
“তারা ঠিকই বলেছে। 18 আমি তাদের ইস্রায়েলী ভাইদের মধ্য থেকে  
তাদের জন্য তোমার মতো একজন ভাববাদী উঠাব, এবং আমি তার  
মুখে আমার বাক্য দেব। তাকে আমি যা বলতে আদেশ দেব সে তাই  
বলবে। 19 সেই ভাববাদী আমার নাম করে যে কথা বলবে কেউ  
আমার সেই কথা যদি না শোনে, তবে আমি নিজেই সেই লোককে  
প্রতিফল দেব। 20 কিন্তু আমি আদেশ করিনি এমন কোনও কথা যদি  
কোনও ভাববাদী আমার নাম করে বলে কিংবা সে যদি অন্য দেবতার  
নামে কথা বলে, তবে তাকে মেরে ফেলতে হবে।” 21 তোমরা মনে  
মনে বলতে পারো, “সদাপ্রভু এই কথা বলেছেন কি না তা আমরা  
কেমন করে জানব?” 22 কোনও ভাববাদী যদি সদাপ্রভুর নাম করে  
কোনও কথা বলে আর তা যদি অসত্য হয় কিংবা না ঘটে, তবে বুঝতে  
হবে সেই কথা সদাপ্রভু বলেননি। সেই ভাববাদী নিজের ধারণার উপর  
ভিত্তি করে বলেছে, সুতরাং ভয় পেয়ো না।

**19** তোমাদের ঈশ্বর সদাপ্রভু যে দেশ তোমাদের অধিকার করবার  
জন্য দেবেন সেখানকার জাতিদের যখন তিনি ধৰ্মস করে ফেলবেন

এবং তোমরা তাদের নগরে এবং বাড়িতে বসবাস করবে, 2 তখন  
যে দেশ তোমাদের ঈশ্বর সদাপ্রভু তোমাদের অধিকার করবার জন্য  
দেবেন সেখান থেকে তিনটি নগর তোমরা আলাদা করে রাখবে। 3  
তোমরা নিজেদের জন্য পথ প্রস্তুত করবে এবং সদাপ্রভু যে দেশের  
অধিকার দেবেন, তোমরা সেটি তিন ভাগ করবে, যেন যে ব্যক্তি  
কাউকে হত্যা করে তাহলে সে কোনও একটি নগরে পালিয়ে গিয়ে  
আশ্রয় নিতে পারে। 4 যে হত্যা করেছে সে সেখানে পালিয়ে বাঁচতে  
পারে, তার অনুশুসন এইরকম—কোনও হিংসা না করে যদি কেউ  
তার প্রতিবেশীকে অনিচ্ছাবশত হত্যা করে। 5 যেমন, একজন লোক  
অন্য একজনের সঙ্গে বনে কাঠ কাটতে গেল, আর সেখানে গাছ  
কাটতে শিয়ে কোপ দেবার সময় কুড়ুলের ফলাটি ফসকিয়ে গিয়ে অন্য  
লোকটিকে আঘাত করল এবং তাতে সে মারা গেল। সেই লোকটি  
কোনও একটি আশ্রয়-নগরে গিয়ে নিজের প্রাণ বাঁচাতে পারে। 6  
তা না হলে রক্তের প্রতিশোধ যার নেওয়ার কথা সে রাগের বশে  
তাকে তাড়া করতে পারে আর আশ্রয়-নগর কাছে না হলে তাকে মেরে  
ফেলতে পারে, যদিও মনে হিংসা নিয়ে মেরে ফেলেনি বলে মৃত্যু  
তার প্রাপ্য শাস্তি নয়। 7 সেইজন্য আমি তোমাদের নিজেদের জন্য  
তিনটি নগর আলাদা করে রাখবার আদেশ দিচ্ছি। 8 যদি তোমাদের  
ঈশ্বর সদাপ্রভু তোমাদের এলাকা বৃদ্ধি করেন, যেমন তিনি তোমাদের  
পূর্বপুরুষদের কাছে প্রতিজ্ঞা করে শপথ করেছিলেন, এবং তাদের  
কাছে প্রতিজ্ঞা অনুসারে তোমাদের সম্পূর্ণ দেশটিই দেবেন, 9 কারণ  
আমি যেসব আজ্ঞা আজ তোমাদের দিচ্ছি সেগুলি যত্নের সঙ্গে পালন  
করবে—তোমাদের ঈশ্বর সদাপ্রভুকে ভালোবাসবে এবং তাঁর বাধ্য  
হয়ে চলবে—তাহলে আরও তিনটি নগর আলাদা করবে। 10 তোমরা  
এটি করবে যাতে সম্পত্তি হিসেবে যে দেশটি তোমাদের ঈশ্বর সদাপ্রভু  
তোমাদের দিতে যাচ্ছেন সেই দেশের উপর নির্দোষ লোকের রক্তপাত  
না হয় এবং রক্তপাতের দোষে তোমরা দোষী না হও। 11 কিন্তু  
যদি কেউ হিংসা করে প্রতিবেশীর উপর হামলা করে মেরে ফেলবার  
জন্য সঠিক সময়ের অপেক্ষায় বসে থাকে এবং তাকে আক্রমণ করে

মেরে ফেলে আর তার কাছের আশ্রয়-নগরে পালিয়ে যায়, 12 তবে  
তার নগরের প্রবীণ নেতারা লোক পাঠিয়ে সেই নগর থেকে তাকে  
ধরে আনবে এবং রক্তের প্রতিশোধ যার নেওয়ার কথা তার হাতে  
তাকে মেরে ফেলার জন্য তুলে দেবে। 13 তাকে কোনও দয়া দেখাবে  
না। তোমরা ইস্রায়েলীদের মধ্য থেকে নির্দোষ লোকের রক্তপাতের  
দোষ মুছে ফেলবে, তাতে তোমাদের মঙ্গল হবে। 14 তোমাদের  
ঈশ্বর সদাপ্রভু যে দেশ অধিকার করার জন্য তোমাদের দিচ্ছেন সেই  
দেশে তোমাদের পূর্বপুরুষেরা চিহ্ন দিয়ে যে সীমানা চিহ্নিত করেছে,  
তোমাদের প্রতিবেশীর সেই সীমানা সরাবে না। 15 কেউ কোনো  
দোষ বা অপরাধ করলে তাকে দোষী সাব্যস্ত করতে তার বিরুদ্ধে মাত্র  
একজন সাক্ষী দাঁড়ালে হবে না। দুই বা তিনজন সাক্ষীর সাক্ষ্য প্রমাণে  
কোনো বিষয় সত্যি বলে প্রমাণিত হবে। 16 যদি কোনও বিদ্যেষপরায়ণ  
সাক্ষী কারও বিরুদ্ধে অন্যায় কাজের নালিশ করে, 17 তবে সেই  
বিতর্কে লিপ্ত দুজনকে সেই সময়কার যাজকদের ও বিচারকদের কাছে  
গিয়ে সদাপ্রভুর সামনে দাঁড়াতে হবে। 18 বিচারকেরা ভালো করে  
তদন্ত করবে, আর যদি সে তার ইস্রায়েলী ভাইয়ের বিরুদ্ধে মিথ্যা  
সাক্ষ্য দেবার দরুন মিথ্যাবাদী বলে ধরা পড়ে, 19 তবে সে তার  
ভাইয়ের যা করতে চেয়েছিল তাই তার প্রতি করতে হবে। তোমাদের  
মধ্য থেকে এই রকমের দুষ্টতা শেষ করে দেবে। 20 এই কথা শুনে  
অন্য সব লোক ভয় পাবে এবং তোমাদের মধ্যে এরকম মন্দ কাজ  
আর কখনও তারা করবে না। 21 কোনও দয়া দেখাবে না: প্রাণের  
বদলে প্রাণ, চোখের পরিবর্তে চোখ, দাঁতের পরিবর্তে দাঁত, হাতের  
পরিবর্তে হাত, পায়ের পরিবর্তে পা।

**20** তোমরা যখন তোমাদের শক্রদের বিরুদ্ধে যুদ্ধযাত্রা করবে তখন  
তোমাদের চেয়ে বেশি ঘোড়া, রথ ও সৈন্য দেখে ভয় পাবে না, কারণ  
তোমাদের ঈশ্বর সদাপ্রভু, যিনি তোমাদের মিশ্র থেকে বের করে  
নিয়ে এসেছেন, তিনি তোমাদের সঙ্গে থাকবেন। 2 তোমরা যুদ্ধযাত্রা  
করার আগে, যাজক সামনে এসে সৈন্যদের উদ্দেশ্যে বলবেন।  
3 তিনি বলবেন, “হে ইস্রায়েল, শোনো আজ তোমরা তোমাদের

শক্রদের বিরুদ্ধে যুদ্ধযাত্রা করতে যাচ্ছ। দুর্বলচিত্ত হবে না বা ভয় পাবে না; তাদের দেখে আতঙ্কগ্রস্ত হবে না বা ভয়ে কঁপবে না। 4  
কারণ তোমাদের ঈশ্বর সদাপ্রভু যিনি তোমাদের সঙ্গে যাচ্ছেন তিনি  
তোমাদের হয়ে শক্রদের বিরুদ্ধে যুদ্ধ করে তোমাদের জয়ী করবেন।”  
5 পদাধিকারীরা সৈন্যদের উদ্দেশ্যে বলবে “তোমাদের মধ্যে কি কেউ  
নতুন বাড়ি তৈরি করে তা উৎসর্গ করেনি? সে বাড়ি ফিরে যাক, পাছে  
সে যদি যুদ্ধে মারা যায় তাহলে অন্য কেউ তার বাড়িতে বসবাস করা  
শুরু করবে। 6 কেউ কি নতুন দ্রাক্ষাক্ষেত্র প্রস্তুত করেছে এবং এখনও  
তা উপভোগ করা শুরু করেনি? সে বাড়ি ফিরে যাক, পাছে সে যদি  
যুদ্ধে মারা যায় তাহলে অন্য কেউ তা উপভোগ করবে। 7 কারোর কি  
বিয়ের সম্বন্ধ হয়েছে কিন্তু এখনও বিয়ে হয়নি? সে বাড়ি ফিরে যাক,  
পাছে সে যদি যুদ্ধে মারা যায় তাহলে অন্য কেউ সেই স্ত্রীকে বিয়ে  
করবে।” 8 তারপর পদাধিকারীরা আরও বলবে, “কেউ কি ভয় পেয়েছে  
কিংবা দুর্বলচিত্ত? তাহলে সে বাড়ি ফিরে যাক যেন অন্য সৈনিক  
ভাইদের মনোবলও নষ্ট না হয়।” 9 পদাধিকারীরা সৈন্যদের কাছে কথা  
বলা শেষ করার পর, তারা সৈন্যদের উপরে সেনাপতি নিযুক্ত করবে।  
10 যখন তোমরা কোনও নগর আক্রমণ করতে তার কাছে পৌছাবে,  
সেখানকার লোকদের কাছে সন্দির কথা ঘোষণা করবে। 11 তারা যদি  
সন্ধি করতে রাজি হয় এবং তাদের দ্বার খুলে দেয়, তবে সেখানকার  
সমস্ত লোক তোমাদের অধীন হবে এবং তোমাদের জন্য কাজ করবে।  
12 যদি তারা সন্ধি করতে রাজি না হয় এবং তোমাদের সঙ্গে যুদ্ধ করে,  
সেই নগর তোমরা অবরোধ করবে। 13 তোমাদের ঈশ্বর সদাপ্রভু  
যখন সেই নগরটি তোমাদের হাতে তুলে দেবেন, তখন সেখানকার  
সমস্ত পুরুষকে তোমরা তরোয়ালের আঘাতে মেরে ফেলবে। 14 সেই  
নগরের স্ত্রীলোক, ছেলেমেয়ে, পশুপাল এবং অন্য সবকিছু তোমরা  
লুটসামগ্রী হিসেবে নিজেদের জন্য নিয়ে নেবে। শক্রদের দেশ থেকে  
লুট করা যেসব জিনিস তোমাদের ঈশ্বর সদাপ্রভু তোমাদের দেবেন  
তা তোমরা ভোগ করতে পারবে। 15 যেসব নগর তোমাদের দেশ  
থেকে দূরে আছে, যেগুলি তোমাদের কাছের জাতিগুলির নগর নয়,

সেগুলির প্রতি তোমরা এরকম করবে। 16 কিন্তু তোমাদের ঈশ্বর  
সদাপ্রভু সম্পত্তি হিসেবে যেসব জাতির নগর তোমাদের দিতে যাচ্ছেন  
সেখানকার কাউকেই তোমরা বাঁচিয়ে রাখবে না। 17 তোমাদের ঈশ্বর  
সদাপ্রভুর আদেশ অনুসারে তোমরা—হিন্দীয়, ইমোরীয়, কনানীয়,  
পরিয়ায়, হিব্রীয় ও যিবৃষ্মীয়দের—সম্পূর্ণরূপে ধ্বংস করবে। 18 তা  
না করলে, তারা তাদের দেবতাদের পূজা করার সময় যেসব ঘৃণ্য  
কাজ করে তা তোমরাও শিখবে আর তাতে তোমরা তোমাদের ঈশ্বর  
সদাপ্রভুর বিরুদ্ধে পাপ করবে। 19 অনেক দিন ধরে যখন তোমরা  
কেনও নগর অবরোধ করবে, সেটির বিরুদ্ধে যুদ্ধ করে সেটি অধিকার  
করার জন্য, তখন কুড়ুল দিয়ে সেখানকার কোনো গাছ নষ্ট করবে না,  
কারণ তোমরা তার ফল খেতে পারবে। সেগুলিকে কেটে ফেলবে না।  
গাছেরা কি মানুষ, যে তোমরা সেগুলিকে অবরোধ করবে? 20 তবে যে  
গাছগুলিতে ফল ধরে না বলে তোমরা জানো সেগুলি কেটে ফেলবে  
এবং অবরোধ তৈরি করতে পারবে যতক্ষণ না যে নগরের বিরুদ্ধে  
তোমাদের যুদ্ধ হচ্ছে সেটি পতিত হচ্ছে।

**21** তোমাদের ঈশ্বর সদাপ্রভু যে দেশ অধিকার করার জন্য তোমাদের  
দিতে যাচ্ছেন সেখানকার কোনো মাঠে হয়তো কাউকে খুন হয়ে  
পড়ে থাকতে দেখা যেতে পারে, কিন্তু কে হত্যা করেছে তা জানা  
যায়নি, 2 তাহলে তোমাদের প্রবীণ নেতারা ও বিচারকেরা বাইরে  
গিয়ে সেই মৃতদেহ থেকে সবচেয়ে কাছের নগর কত দূর তা মেপে  
দেখবে। 3 তারপর যে নগর মৃতদেহের কাছে সেখানকার প্রবীণ  
নেতারা একটি বকনা-বাছুর নেবে যেটি কখনও কোনও কাজ করেনি  
ও যার কাঁধে কখনও জোয়াল দেওয়া হয়নি 4 এবং তারা সেটিকে  
এমন এক উপত্যকায় নিয়ে যাবে যেখানে একটি জলপ্রোত আছে আর  
চাষ বা বীজবপন করা হয়নি। সেই উপত্যকায় তারা বকনা-বাছুরটির  
ঘাড় ভেঙ্গে দেবে। 5 লেবীয় যাজকেরা সামনে এগিয়ে যাবে, কারণ  
তোমাদের ঈশ্বর সদাপ্রভু তাদের মনোনীত করেছেন পরিচর্যা কাজের  
জন্য, সদাপ্রভুর নামে আশীর্বাদ উচ্চারণ করার জন্য এবং বিবাদের ও  
শারীরিক আক্রমণের বিচার করার জন্য। 6 তারপর মৃতদেহের সব

থেকে কাছের নগরের প্রবীণ নেতারা উপত্যকায় যে বকনা-বাহুরটির  
ঘাড় ভাঙা হয়েছিল তার উপরে তাদের হাত ধূয়ে ফেলবে, 7 আর  
তারা ঘোষণা করবে “এই রক্তপাত আমরা নিজেরা করিনি, এবং  
হতেও দেখিনি। 8 হে সদাপ্রভু, যে ইন্দ্রায়েলীদের তুমি মুক্ত করেছ  
তাদের ক্ষমা করো, এবং এই নির্দোষ লোকটির রক্তপাতের জন্য তুমি  
তোমার লোকদের দায়ী কোরো না।” এতে সেই রক্তপাতের দোষ  
ক্ষমা করা হবে, 9 এবং তোমরা নিজেদের মধ্য থেকে নির্দোষ লোকের  
রক্তপাতের দোষ মুছে ফেলতে পারবে, কারণ তোমরা সদাপ্রভুর চোখে  
যা ভালো তাই করেছ। 10 তোমরা যখন শক্রদের সঙ্গে যুদ্ধ করতে  
যাবে এবং তোমাদের ঈশ্বর সদাপ্রভু তোমাদের হাতে তাদের তুলে  
দেবেন আর তোমরা তাদের বন্দি করবে, 11 তখন যদি তাদের মধ্যে  
কোনও সুন্দরী স্ত্রীলোককে দেখে তোমাদের কারণ তাকে ভালো লাগে  
তবে সে তাকে স্ত্রী হিসেবে গ্রহণ করতে পারবে। 12 স্ত্রীলোকটিকে  
তোমার বাড়িতে নিয়ে যাবে আর তার মাথার চুল কামিয়ে দেবে ও তার  
নখ কেটে ফেলবে 13 এবং বন্দি হবার সময় সে যে কাপড় পরেছিল  
সেগুলি খুলে ফেলবে। সে যখন তোমার বাড়িতে থেকে এক মাস তার  
বাবা-মায়ের জন্য শোক করবে, তারপর তুমি তার কাছে যেতে পারবে  
ও তার স্বামী হবে এবং সে তোমার স্ত্রী হবে। 14 যদি তুমি তার উপর  
সন্তুষ্ট না হও, তাকে যেখানে তার ইচ্ছা সেখানে তাকে যেতে দেবে।  
তুমি তাকে বিক্রি করবে না বা তাকে দাসী করবে না, কারণ তুমি  
তাকে অসম্মান করেছ। 15 যদি কোনও পুরুষের দুই স্ত্রী থাকে, এবং  
সে একজনকে ভালোবাসে অন্যজনকে নয়, এবং তাদের দুজনেরই  
ছেলে হয় কিন্তু যার প্রথমে ছেলে হয় তাকে সে ভালোবাসে না, 16  
সে যখন ছেলেদের জন্য তার সম্পত্তির উইল করবে, যে স্ত্রীকে সে  
ভালোবাসে না তার ছেলেকে বাদ দিয়ে অন্য স্ত্রীর ছেলেটিকে প্রথম  
ছেলের প্রাপ্য অধিকার দিতে পারবে না। 17 যে স্ত্রীকে সে ভালোবাসে  
না তার ছেলেকে প্রথম ছেলে বলে স্বীকার করে তাকে তার নিজের  
সর্বস্ব থেকে অন্যদের চেয়ে দ্বিগুণ দিতে হবে। সেই ছেলেই তার বাবার  
শক্তির প্রথম ফল। প্রথমজাতকের অধিকার তারই পাওনা। 18 যদি

কারও ছেলে একগুঁয়ে এবং বিদ্রোহী হয় যে তার বাবা-মায়ের অবাধ্য  
এবং তাদের কথা শোনে না যখন তারা তাকে শাসন করে, 19 তার  
বাবা-মা তাকে তাদের নগরের দ্বারে প্রবীণ নেতাদের কাছে ধরে নিয়ে  
যাবে। 20 তারা নগরের বয়স্ক নেতাদের বলবে, “আমাদের এই ছেলে  
একগুঁয়ে এবং বিদ্রোহী। সে আমাদের অবাধ্য। সে আমাদের অর্থ  
উড়িয়ে দেয় এবং সে মাতাল।” 21 তখন সেই নগরের সমস্ত পুরুষ  
তাকে পাথর ছুঁড়ে মেরে ফেলবে। তোমাদের মধ্য থেকে সেই দুষ্টতা  
শেষ করতে হবে। সমস্ত ইস্রায়েল সেই বিষয় শুনবে এবং ভয় পাবে।  
22 যদি কোনও লোক মৃত্যুর শাস্তি পাবার মতো কোনও দোষ করে  
এবং তাকে মেরে ফেলে গাছে টাঙিয়ে রাখা হয়, 23 তবে সকাল পর্যন্ত  
তার দেহ গাছে টাঙিয়ে রাখবে না। সেদিনই তাকে কবর দিতে হবে,  
কারণ যাকে গাছে টাঙানো হয় সে ঈশ্বরের অভিশপ্ত। তোমাদের ঈশ্বর  
সদাপ্রভু তোমাদের যে দেশ দিচ্ছেন তা তোমরা অঙ্গটি করবে না।

**22** তোমার ইস্রায়েলী ভাইয়ের কোনও গরু বা মেষকে পথ হারিয়ে  
অন্য কোথাও চলে যেতে দেখলে তুমি চুপ করে বসে থাকবে না  
কিন্তু তাকে তার মালিকের কাছে ফিরিয়ে নিয়ে যাবে। 2 যদি তারা  
তোমার বাড়ির কাছে না থাকে অথবা তুমি না জানতে পারো যে আসল  
মালিক কে, তাহলে সেটির বাড়িতে নিয়ে যাবে আর সেখানে রাখবে  
যতক্ষণ না তারা সেটার খোঁজে আসে। তখন সেটি ফিরিয়ে দেবে। 3  
গাধা কিংবা গায়ের কাপড় কিংবা হারিয়ে যাওয়া অন্য কিছুর ক্ষেত্রে  
একইরকম করবে। চুপ করে বসে থাকবে না। 4 তুমি যদি দেখো  
তোমার ইস্রায়েলী ভাইয়ের গাধা কিংবা গরু রাস্তায় পড়ে গেছে, চুপ  
করে বসে থাকবে না। সেটি যাতে উঠে দাঢ়াতে পারে তার জন্য  
মালিককে সাহায্য করবে। 5 কোনও স্ত্রীলোক পুরুষের পোশাক কিংবা  
কোনও পুরুষ স্ত্রীলোকের পোশাক পরবে না, কারণ যে তা করে  
তোমাদের ঈশ্বর সদাপ্রভু তাকে ঘৃণা করেন। 6 তোমরা যদি পথের  
পাশে কোনও পাথির বাসা দেখো, তা গাছের উপরে কিংবা মাটিতে  
হতে পারে, এবং পাথির মা শাবকদের উপর বসে আছে কিংবা ডিমের  
উপর তা দিচ্ছে, তবে শাবক সমেত মাকে তোমরা ধরে নিয়ে যাবে না।

৭ তোমরা শাবকগুলি নিতে পারো, কিন্তু মাকে অবশ্যই ছেড়ে দেবে,  
যেন তোমাদের মঙ্গল হয় এবং তোমরা অনেক দিন বেঁচে থাকতে  
পারো। ৮ তোমরা যখন নতুন বাড়ি তৈরি করবে, তার ছাদের চারপাশে  
দেয়ালের মতো করে কিছুটা উঁচু করে দেবে যাতে কেউ ছাদের উপর  
থেকে পড়লে তোমরা যেন তোমাদের বাড়িতে রক্তপাতের দোষে  
দোষী না হও। ৯ তোমাদের দ্রাক্ষাক্ষেতে দুই জাতের বীজ লাগাবে না;  
যদি তোমরা তা করো, তাহলে সেই বীজের ফসল এবং দ্রাক্ষাক্ষেতের  
আঙুর দুই-ই উপাসনা গৃহের জন্য অপবিত্র হবে। ১০ তোমরা বলদ  
আর গাধা একসঙ্গে জুড়ে চাষ করবে না। ১১ তোমরা পশম আর  
মসিনা সুতো মিশিয়ে বোনা কাপড় পরবে না। ১২ তোমাদের গায়ের  
চাদরের চার কোনায় থোপ লাগাবে। ১৩ কোনও লোক যদি বিয়ে করে  
স্ত্রীকে নিয়ে শোবার পরে তাকে অপছন্দ করে ১৪ এবং তার নিন্দা ও  
বদনাম করে, বলে, “আমি এই স্ত্রীলোককে বিয়ে করেছিলাম, কিন্তু সে  
যে কুমারী তার মধ্যে সেই প্রমাণ আমি পেলাম না,” ১৫ তবে সেই  
স্ত্রীলোকের বাবা-মা নগরের দ্বারে প্রবীণ নেতাদের কাছে তার কুমারী  
অবস্থার প্রমাণ নিয়ে যাবে। ১৬ তার বাবা প্রবীণ নেতাদের বলবে,  
“আমি এই লোকের সঙ্গে আমার মেয়ের বিয়ে দিয়েছিলাম, কিন্তু সে  
তাকে অপছন্দ করে। ১৭ এখন সে তার নিন্দা করে বলছে, ‘আমি  
আপনার মেয়েকে কুমারী অবস্থায় পাইনি।’ কিন্তু এই দেখুন আমার  
মেয়ের কুমারী অবস্থার প্রমাণ।” পরে তারা সেই কাপড় নগরের প্রবীণ  
নেতাদের সামনে মেলে ধরবে, ১৮ আর নগরের প্রবীণ নেতারা তার  
স্বামীকে শাস্তি দেবে। ১৯ তার কাছ থেকে তারা জরিমানা হিসেবে  
একশো শেকল রূপো আদায় করে মেয়েটির বাবাকে দেবে, কারণ এই  
লোকটি একজন ইস্রায়েলী কুমারী মেয়ের বদনাম করেছে। সে তার  
স্ত্রীই থাকবে; আর সে যতদিন বেঁচে থাকবে তাকে ছেড়ে দিতে পারবে  
না। ২০ কিন্তু, সেই অভিযোগ যদি সত্য হয় এবং মেয়েটির কুমারী  
অবস্থার কোনও প্রমাণ পাওয়া না যায়, ২১ তবে মেয়েটিকে তার বাবার  
বাড়ির দরজার কাছে নিয়ে যেতে হবে আর তার নগরের পুরুষেরা  
সেখানে তাকে পাথর ছুঁড়ে মেরে ফেলবে। বাবার বাড়িতে থাকবার

সময় ব্যতিচার করে ইন্দ্রায়েলীদের মধ্যে মর্যাদাহানিকর কাজ করেছে।  
তোমরা তোমাদের মধ্য থেকে এরকম দুষ্টতা শেষ করে দেবে। 22  
কেন্তো লোককে যদি অন্য লোকের স্ত্রীর সঙ্গে শুভে দেখা যায়, তবে  
যে তার সঙ্গে শুয়েছে সেই পুরুষ ও সেই স্ত্রীলোক দুজনকেই মেরে  
ফেলবে। তোমরা তোমাদের মধ্য থেকে এরকম দুষ্টতা শেষ করে  
দেবে। 23 বিয়ে ঠিক হয়ে আছে এমন কোনও কুমারী মেয়েকে নগরের  
মধ্যে পেয়ে যদি কেউ তার সঙ্গে শোয়, 24 তোমরা দুজনকেই নগরের  
দ্বারের কাছে নিয়ে গিয়ে পাথর ছুঁড়ে মেরে ফেলবে—মেয়েটিকে মেরে  
ফেলবে কারণ নগরের মধ্যে থেকেও সে সাহায্যের জন্য চিৎকার  
করেনি, আর পুরুষটিকে মেরে ফেলতে হবে কারণ সে অন্যের স্ত্রীকে  
নষ্ট করেছে। তোমরা তোমাদের মধ্য থেকে এরকম দুষ্টতা শেষ করে  
দেবে। 25 কিন্তু বিয়ে ঠিক হয়ে আছে এমন কোনও মেয়েকে মাঠে  
পেয়ে যদি তাকে কোনও পুরুষ ধর্ষণ করে, তবে যে লোকটি তা করবে  
কেবল তাকেই মেরে ফেলবে। 26 মেয়েটির প্রতি তোমরা কিছু করবে  
না; মৃত্যুর শাস্তি পাওয়ার মতো কোনও পাপ সে করেনি। এটি একজন  
তার প্রতিবেশীকে আক্রমণ করে মেরে ফেলবার মতোই, 27 কারণ  
লোকটি মাঠে মেয়েটিকে পেয়েছিল, আর বাগদন্তা মেয়েটি যদিও  
চিৎকার করেছিল, তবুও তাকে রক্ষা করবার মতো কেউ সেখানে ছিল  
না। 28 যদি কোনও পুরুষ অবিবাহিতা কোনও কুমারী মেয়েকে পেয়ে  
ধর্ষণ করে এবং তারা ধরা পড়ে, 29 তাকে মেয়েটির বাবাকে পঞ্চাশ  
শেকল বংশো দেবে। মেয়েটিকে নষ্ট করেছে বলে, সেই পুরুষকে বিয়ে  
করতে হবে। সে আজীবন তাকে ছেড়ে দিতে পারবে না। 30 কোনও  
পুরুষ যেন তার বাবার স্ত্রীকে বিয়ে না করে; সে বাবার স্ত্রীর সঙ্গে শুয়ে  
তার বাবাকে যেন অসম্মান না করে।

**23** যার অগুকোষ খেঁৎলে দেওয়া কিংবা পুরুষাঙ্গ কেটে ফেলা হয়েছে  
সে সদাপ্রভুর লোকদের সমাজে যোগ দিতে পারবে না। 2 কোনও  
জারজ লোক বা তার বংশধর সদাপ্রভুর লোকদের সমাজে যোগ দিতে  
পারবে না; তার দশম পুরুষ পর্যন্তও তা করতে পারবে না। 3 কোনও  
অম্যুনীয় কিংবা মোয়াবীয় বা তাদের বংশধরেরা কেউ সদাপ্রভুর

লোকদের সমাজে যোগ দিতে পারবে না; তার দশম পুরুষ পর্যন্তও তা  
করতে পারবে না। 4 কেননা তোমরা মিশ্র থেকে বের হয়ে আসবার  
পরে তোমাদের যাত্রাপথে তারা খাবার ও জল নিয়ে তোমাদের কাছে  
এগিয়ে আসেনি, বরং তোমাদের অভিশাপ দেবার জন্য তারা অরাম-  
নহরায়ম দেশের পথের নগর থেকে বিয়োরের ছেলে বিলিয়মকে টাকা  
দিয়ে নিয়ে এসেছিল। 5 কিন্তু তোমাদের ঈশ্বর সদাপ্রভু বিলিয়মের  
কথায় সায় দেননি বরং সেই অভিশাপকে তিনি তোমাদের জন্য  
আশীর্বাদে পরিবর্তন করেছিলেন, কেননা তোমাদের ঈশ্বর সদাপ্রভু  
তোমাদের ভালোবাসেন। 6 তোমরা যতদিন বাঁচবে ততদিন এদের  
সঙ্গে মৈত্রীচুক্তি করবে না। 7 কোনও ইদোমীয়কে ঘৃণা করবে না,  
কারণ ইদোমীয়রা তোমাদের আত্মীয়। কোনও মিশ্রীয়কে ঘৃণা করবে  
না, কারণ তোমরা তাদের দেশে বিদেশি হয়ে বসবাস করেছিলেন। 8  
তাদের মধ্যে তৃতীয় পুরুষ থেকে তারা সদাপ্রভুর লোকদের সমাজে  
যোগ দিতে পারবে। 9 শক্রদের বিরুদ্ধে যুদ্ধ করতে গিয়ে ছাউনি  
ফেলবার পরে সমস্ত রকম অশুচিতা থেকে তোমরা দূরে থাকবে। 10  
রাতে বীর্যপাতের দরজন যদি তোমাদের কোনও পুরুষ অশুচি হয়, তবে  
তাকে ছাউনির বাইরে গিয়ে থাকতে হবে। 11 বিকাল হয়ে আসলে  
তাকে স্নান করে ফেলতে হবে, এবং সূর্য ডুবে গেলে সে ছাউনিতে  
ফিরে যেতে পারবে। 12 শৌচকর্ম করার জন্য ছাউনির বাইরে একটি  
জায়গা ঠিক করবে। 13 তোমাদের বিভিন্ন উপকরণের মধ্যে মাটি  
খোঁড়ার জন্য কিছু রাখবে, এবং শৌচকর্ম করার পরে, একটি গর্ত  
খুড়ে সেই মলে মাটি চাপা দেবে। 14 কারণ তোমাদের ঈশ্বর সদাপ্রভু  
তোমাদের রক্ষা করার জন্য এবং তোমাদের শক্রদের তোমাদের হাতে  
তুলে দেবার জন্য ছাউনির মধ্যে ঘুরে বেড়ান। তোমাদের ছাউনিকে  
পবিত্র রাখবে, যেন তিনি তোমাদের মধ্যে মন্দ কিছু না দেখেন এবং  
তোমাদের থেকে মুখ ফিরিয়ে নেন। 15 কারও দাস যদি তোমাদের  
কাছে আশ্রয় নেয়, তাকে তার মনিবের হাতে ফিরিয়ে দেবে না। 16  
তারা যেখানে চায় ও যে নগর বেছে নেয় সেখানেই তাদের বসবাস  
করতে দেবে। তাদের উপর অত্যাচার করবে না। 17 কোনও ইস্রায়েলী

পুরুষ বা স্ত্রীলোক যেন দেবদাস-দাসী না হয়। 18 মানত পূরণের জন্য কোনো স্ত্রীলোক বেশ্যা কিংবা পুরুষ বেশ্যার উপার্জন তোমাদের ঈশ্বর সদাপ্রভুর গৃহে নিয়ে আসবে না, কারণ তোমাদের ঈশ্বর সদাপ্রভু উভয়কেই ঘৃণা করেন। 19 কোনও ইস্রায়েলী ভাইয়ের কাছ থেকে সুদ নেবে না, সেটি অর্থ কিংবা খাবার কিংবা অন্য কিছুর উপর হোক। 20 তোমরা বিদেশির কাছ থেকে সুদ নিতে পারো, কিন্তু ইস্রায়েলী ভাইয়ের কাছ থেকে নয়, যেন তোমরা যে দেশ অধিকার করতে যাচ্ছ, সেই দেশে তোমরা যাতে হাত দেবে তাতেই তোমাদের ঈশ্বর সদাপ্রভু তোমাদের আশীর্বাদ করেন। 21 তোমাদের ঈশ্বর সদাপ্রভুর কাছে যদি তোমরা কোনও মানত করো, তা পূরণ করতে দেরি কোরো না, কেননা তোমাদের ঈশ্বর সদাপ্রভু নিশ্চয়ই তা দাবি করবেন এবং তোমরা পাপে দোষী হবে। 22 কিন্তু তোমরা যদি মানত না করো, তোমরা দোষী হবে না। 23 তোমরা মুখ দিয়ে যে মানতের কথা উচ্চারণ করবে তা তোমাদের পূরণ করতেই হবে, কারণ তোমরা নিজের ইচ্ছায় নিজের মুখেই তোমাদের ঈশ্বর সদাপ্রভুর কাছে সেই মানত করেছ। 24 তোমরা যদি তোমাদের প্রতিবেশীর দ্রাক্ষাক্ষেত্রে যাও, তোমরা খুশিমতো আঙুর খেতে পারবে, কিন্তু তোমাদের ঝুড়িতে কিছু রাখবে না। 25 তোমরা যদি তোমাদের প্রতিবেশীর শস্যক্ষেত্রে যাও, তোমরা হাত দিয়ে শিষ ছিঁড়তে পারবে, কিন্তু ফসলের গায়ে কাস্টে লাগাবে না।

**24** বিয়ে করার পরে যদি কেউ তার স্ত্রীর মধ্যে কোনও দোষ দেখে তার উপর অসন্তুষ্ট হয়, আর ত্যাগপত্র লিখে তার হাতে দিয়ে তাকে বাড়ি থেকে বিদায় করে দেয়, 2 আর স্ত্রীলোকটি তার বাড়ি থেকে চলে গিয়ে অন্য এক পুরুষের স্ত্রী হয়, 3 এবং তার দ্বিতীয় স্বামীও যদি পরে তাকে অপছন্দ করে একটি ত্যাগপত্র লিখে তার হাতে দিয়ে তাকে বাড়ি থেকে বিদায় করে দেয়, কিংবা সে মারা যায়, 4 তাহলে তার প্রথম স্বামী, যে তাকে ত্যাগপত্র দিয়েছিল, সে তাকে আর বিয়ে করতে পারবে না কারণ সে অশুচি হয়ে গিয়েছে। সদাপ্রভুর চোখে সেটি ঘৃণ্য কাজ। তোমাদের ঈশ্বর সদাপ্রভু তোমাদের যে দেশ অধিকারের জন্য দিচ্ছেন তোমরা এইভাবে তার উপর পাপ ডেকে আনবে না। 5

অল্পদিন বিয়ে হয়েছে এমন কোনও লোককে যুদ্ধে পাঠানো চলবে না  
কিংবা তার উপর অন্য কোনও কাজের বোৰা চাপিয়ে দেওয়া চলবে  
না। তাকে এক বছর পর্যন্ত বাড়িতে স্বাধীনভাবে থাকতে দিতে হবে  
যেন সে যে স্ত্রীকে বিয়ে করেছে তাকে আনন্দ দিতে পারে। ৬ খণ্ডের  
বন্ধক হিসেবে কারও জাতা নেওয়া চলবে না—তার উপরের পাথরটিও  
নয়—কারণ তাতে লোকটির বেঁচে থাকার উপায়টিই বন্ধক নেওয়া  
হবে। ৭ যদি দেখা যায়, কোনও লোক এক ইস্রায়েলী ভাইকে চুরি  
করে নিয়ে দাস হিসেবে ব্যবহার করছে কিংবা বিক্রি করে দিয়েছে,  
তবে সেই চোরকে মরতে হবে। তোমরা তোমাদের মধ্য থেকে এরকম  
দুষ্টতা শেষ করে দেবে। ৮ চর্মরোগ দেখা দিলে তোমাদের সতর্ক হতে  
হবে এবং লেবীয় যাজকেরা যে নির্দেশ দেবে তা যত্নের সঙ্গে পালন  
করতে হবে। আমি তাদের যে আজ্ঞা দিয়েছি তোমাদের সাবধান হয়ে  
সেইমতো চলতে হবে। ৯ মিশর দেশ থেকে বেরিয়ে আসার পরে পথে  
তোমাদের ঈশ্বর সদাপ্রভু মরিয়মের প্রতি যা করেছিলেন সেই কথা মনে  
রেখো। ১০ তোমাদের প্রতিবেশীকে কোনও রকম ধার দিলে, তোমরা  
বন্ধকি জিনিস নেওয়ার জন্য তার বাড়ির মধ্যে যাবে না। ১১ বাইরে  
থাকবে এবং যাকে তোমরা ধার দিচ্ছ সেই বন্ধকি জিনিসটি বাইরে  
নিয়ে আসবে। ১২ যদি সেই প্রতিবেশী গরিব হয়, তবে তোমরা তার  
বন্ধকি জিনিসটি রেখে ঘুমাতে যাবে না। ১৩ সূর্য অস্ত যাওয়ার আগে  
তার গায়ের কাপড় তাকে ফিরিয়ে দেবে যেন তোমাদের প্রতিবেশী  
সেটি গায়ে দিয়ে ঘুমাতে পারে। এতে সে তোমাদের ধন্যবাদ দেবে,  
এবং তোমাদের ঈশ্বর সদাপ্রভুর দৃষ্টিতে এটি তোমাদের ধার্মিকতার  
কাজ হবে। ১৪ যে দিনমজুর গরিব বা অভাবগ্রস্ত তার কাছ থেকে  
সুবিধা নেবে না, সেই মজুর এক ইস্রায়েলী ভাই কিংবা একজন বিদেশি  
যে তোমাদের কোনও এক নগরে বাস করছে। ১৫ প্রতিদিন সূর্য অস্ত  
যাওয়ার আগেই তার মজুরি দিয়ে দেবে, কারণ সে গরিব এবং তার  
উপরেই নির্ভর করে। তা না করলে সে তোমাদের বিরংদে সদাপ্রভুর  
কাছে কাতর হয়ে বিচার চাইবে, আর তোমরা পাপে দোষী হবে। ১৬  
ছেলেমেয়েদের পাপের জন্য বাবা-মাকে কিংবা বাবা-মায়ের পাপের

জন্য ছেলেমেয়েদের মেরে ফেলা যাবে না; প্রত্যেককেই তার নিজের পাপের জন্য মরতে হবে। 17 বিদেশির কিংবা পিতৃহীনদের বিচারে অন্যায় করবে না, অথবা কোনও বিধবার কাছ থেকে বন্ধক হিসেবে তার গায়ের কাপড় নেবে না। 18 মনে রাখবে তোমরা মিশরে দাস ছিলে আর তোমাদের ঈশ্বর সদাপ্রভু সেখান থেকে তোমাদের মুক্ত করে এনেছেন। সেইজন্যই আমি তোমাদের এসব করার আজ্ঞা দিচ্ছি। 19 তোমাদের জমির ফসল কাটবার পরে যদি শস্যের কোনও আঁটি তোমার সঙ্গে নিয়ে যেতে ভুলে যাও, তবে সেটি নেওয়ার জন্য আর ফিরে যেয়ো না। বিদেশির, পিতৃহীনের এবং বিধবার জন্য সেটি রেখে দেবে, যেন তোমাদের ঈশ্বর সদাপ্রভু সবকাজেই তোমাদের আশীর্বাদ করেন। 20 জলপাই পাড়বার সময় তোমরা একই ডাল থেকে দু-বার ফল পাড়তে দ্বিতীয়বার যাবে না। যা থেকে যাবে তা বিদেশির, পিতৃহীনের এবং বিধবার জন্য সেটি রেখে দেবে। 21 তোমাদের আঙুর ক্ষেত থেকে আঙুর তুলবার সময় তোমরা এক ডাল থেকে দ্বিতীয়বার আঙুর তুলতে যাবে না। যা থেকে যাবে তা বিদেশির, পিতৃহীনের এবং বিধবার জন্য সেটি রেখে দেবে। 22 মনে রাখবে তোমরা মিশরে দাস ছিলে। সেইজন্যই আমি তোমাদের এসব করার আজ্ঞা দিচ্ছি।

**25** লোকদের মধ্যে যখন বাগড়া হবে, সেই বিষয় যেন আদালতে নিয়ে যাওয়া হয় এবং বিচারকেরা তার বিচার করে নির্দোষকে নির্দোষ এবং দোষীকে দোষী বলে রায় দেবে। 2 দোষীর যদি মারধর প্রাপ্য হয়, বিচারক তাকে মাটিতে শুইয়ে দোষ অনুসারে যে কটি চাবুকের ঘা তার প্রাপ্য তা তাঁর উপস্থিতিতে দেওয়াবে, 3 কিন্তু বিচারক তাকে চাল্লিশটির বেশি ঘা দিতে পারবে না। দোষীকে এর চেয়ে বেশি চাবুক মারলে, তোমাদের ইস্রায়েলী ভাইকে তোমার দৃষ্টিতে অসম্মান করা হবে। 4 শস্য মাড়াই করার সময় বলদের মুখে জালতি বেঁধো না। 5 ভাইয়েরা যদি একসঙ্গে বসবাস করে এবং এক ভাই অপুত্রক অবস্থায় মারা যায়, তবে তার বিধবা স্ত্রী পরিবারের বাইরে আর কাউকে বিয়ে করতে পারবে না। তার দেওর তাকে বিয়ে করবে এবং তার প্রতি দেওরের কর্তব্য পালন করবে। 6 তার যে প্রথম ছেলে হবে সে সেই মৃত

ভাইয়ের নাম রক্ষা করবে আর সেই ভাইয়ের নাম ইস্রায়েলীদের মধ্য  
থেকে মুছে যাবে না। 7 কিন্তু, যদি কোনও পুরুষ তার বৌদিকে বিয়ে  
করতে না চায়, তবে সেই স্ত্রী নগরের দ্বারের কাছে প্রবীণ নেতাদের  
কাছে গিয়ে বলবে, “আমার দেওর ইস্রায়েলীদের মধ্যে তার দাদার  
নাম রক্ষা করতে রাজি নয়। আমার প্রতি দেওরের যে কর্তব্য তা সে  
পালন করতে চায় না।” 8 তখন নগরের প্রবীণ নেতারা তাকে ডেকে  
পাঠাবে এবং তার সঙ্গে কথা বলবে। এর পরেও যদি সে বলতে থাকে  
যে, “আমি তাকে বিয়ে করতে চাই না,” 9 তার দাদার বিধবা স্ত্রী  
প্রবীণ নেতাদের সামনেই লোকটির কাছে গিয়ে তার পা থেকে এক  
পাটি চটি খুলে নেবে, তার মুখে থুতু দিয়ে বলবে, “দাদার বংশ যে  
রক্ষা করতে চায় না তার প্রতি এমনই করা হোক।” 10 ইস্রায়েলীদের  
মধ্যে সেই লোকের বংশকে বলা হবে “জুতো খোয়ানোর বংশ।” 11  
দুজন লোক মারামারির সময় যদি তাদের একজনের স্ত্রী তার স্বামীকে  
অন্যজনের হাত থেকে রক্ষা করবার জন্য কাছে গিয়ে অন্য লোকটির  
পুরুষাঙ্গ চেপে ধরে, 12 তবে তোমরা সেই স্ত্রীলোকের হাত কেটে  
ফেলবে। তার প্রতি কোনও দয়া দেখাবে না। 13 তোমাদের থলিতে  
যেন দুই রকম ওজনের বাটখারা না থাকে—একটি ভারী, একটি  
হালকা। 14 তোমাদের বাড়িতে যেন দুই রকম পরিমাণ মাপার পাত্র  
না থাকে—একটি বড়ো, একটি ছোটো। 15 তোমরা সঠিক মাপের  
বাটখারা ও পাত্র রাখবে, যেন তোমাদের ঈশ্বর সদাপ্রভু তোমাদের যে  
দেশ দিতে যাচ্ছেন সেখানে অনেক দিন বেঁচে থাকতে পারো। 16  
কারণ যে এসব কাজ করে, যে অসাধুতা করে, সে তোমাদের ঈশ্বর  
সদাপ্রভুর ঘৃণার পাত্র। 17 মনে রেখো, মিশ্র থেকে তোমরা যখন  
বের হয়ে আসছিলে তখন পথে অমালেকীয়েরা তোমাদের প্রতি কি  
করেছিল। 18 তোমাদের শ্রান্ত-ক্লান্ত অবস্থায় যারা পিছনে পড়েছিল  
তারা তাদের উপর আক্রমণ করেছিল; তারা ঈশ্বরকে ভয় করেনি। 19  
তোমাদের ঈশ্বর সদাপ্রভু যে দেশটি তোমাদের অধিকারের জন্য দিতে  
যাচ্ছেন সেখানে তোমাদের চারপাশের শত্রুদের থেকে তোমাদের

বিশ্রাম দেবেন, তোমরা তখন পৃথিবীর উপর থেকে অমালেকীয়দের  
চিহ্ন একেবারে মুছে দেবে। ভুলে যাবে না!

**26** তোমাদের ঈশ্বর সদাপ্রভু যে দেশ তোমাদের অধিকারের জন্য  
দিচ্ছেন সেটি অধিকার করে সেখানে তোমরা যখন বসবাস করবে,  
2 তখন তোমাদের ঈশ্বর সদাপ্রভুর দেওয়া দেশের জমিতে তোমরা  
যেসব ফসল ফলাবে তার প্রথম তোলা কিছু ফসল টুকরিতে রাখবে।  
তোমাদের ঈশ্বর সদাপ্রভু নিজের নামের জন্য যে জায়গা তাঁর বাসস্থান  
হিসেবে মনোনীত করবেন তোমরা সেখানে সেই ফসল নিয়ে যাবে  
3 এবং সেই সময় যে যাজক থাকবে তাকে বলবে, “আপনার ঈশ্বর  
সদাপ্রভুর কাছে আমি স্বীকার করছি যে, তিনি যে দেশটি দেবেন  
বলে আমাদের পূর্বপুরুষদের কাছে শপথ করেছিলেন সেই দেশে  
আমি এসে গিয়েছি।” 4 যাজক তোমাদের হাত থেকে সেই টুকরি  
নিয়ে তোমাদের ঈশ্বর সদাপ্রভুর বেদির সামনে রাখবে। 5 তারপর  
তোমরা তোমাদের ঈশ্বর সদাপ্রভুর সামনে ঘোষণা করবে “আমার  
পিতৃপুরুষ একজন অরামীয় যায়াবর ছিলেন, এবং তিনি কয়েকজন  
লোক নিয়ে মিশরে গিয়েছিলেন ও সেখানে বসবাস করবার সময়  
তাঁর মাধ্যমে মহান, শক্তিশালী ও বহুসংখ্যক লোকের এক জাতির  
সৃষ্টি হয়েছিল। 6 কিন্তু মিশরীয়েরা আমাদের সঙ্গে দুর্ব্যবহার করেছিল  
ও কষ্ট দিয়েছিল, এবং আমাদের উপর একটি কঠিন পরিশ্রমের  
বোঝা চাপিয়ে দিয়েছিল। 7 তখন আমরা সদাপ্রভুর কাছে কাঁদলাম,  
আমাদের পূর্বপুরুষদের ঈশ্বরের কাছে, আর সদাপ্রভু আমাদের রব  
শুনলেন ও আমাদের কষ্ট, পরিশ্রম এবং আমাদের উপর অত্যাচার  
দেখলেন। 8 সেইজন্য সদাপ্রভু তাঁর শক্তিশালী হাত, বিস্তারিত বাহু ও  
মহা ভয়ংকরতা এবং আশ্চর্য কাজ ও চিহ্ন দ্বারা আমাদের মিশর থেকে  
বের করে আনলেন। 9 তিনি আমাদের এখানে এনেছেন এবং দুধ আর  
মধু প্রবাহিত এই দেশ আমাদের দিয়েছেন; 10 সেইজন্য হে সদাপ্রভু,  
তোমার দেওয়া জমির প্রথমে তোলা ফসল আমি তোমার কাছেই  
এনেছি।” তোমরা তোমাদের ঈশ্বর সদাপ্রভুর সামনে টুকরি রাখবে  
এবং মাথা নত করবে। 11 তোমাদের এবং তোমাদের পরিবারকে

তোমাদের ঈশ্বর সদাপ্রভু যেসব ভালো জিনিসপত্র দিয়েছেন তা নিয়ে  
তোমরা, লেবীয়েরা এবং তোমাদের মধ্যে বসবাসকারী বিদেশিরা  
আনন্দ করবে। 12 তৃতীয় বছরে, অর্থাৎ দশমাংশের বছরে, তোমাদের  
সব ফসলের দশমাংশ পৃথক করা শেষ করে, সেগুলি তোমরা লেবীয়,  
বিদেশি বসবাসকারী, পিতৃহীন এবং বিধবাদের দেবে, যেন তারা  
তোমাদের নগরের মধ্যে খেয়ে তৃপ্ত হয়। 13 তারপর তোমাদের ঈশ্বর  
সদাপ্রভুকে বলবে “আমি তোমার আজ্ঞা অনুসারে আমার বাড়ি থেকে  
পরিত্র জিনিসপত্র বের করে লেবীয়, বিদেশি বসবাসকারী, পিতৃহীন  
এবং বিধবাদের দিয়েছি। তোমার আজ্ঞা আমি অমান্য করিনি কিংবা  
সেগুলির একটিও আমি ভুলে যাইনি। 14 আমার শোকের সময় আমি  
সেই পরিত্র অংশ থেকে কিছুই খাইনি, কিংবা অশুচি অবস্থায় আমি  
তার কিছুই সরাইনি, কিংবা তা থেকে কোনও অংশ মৃত লোকদের  
উদ্দেশে দান করিনি। আমি আমার ঈশ্বর সদাপ্রভুর বাধ্য হয়েছি;  
তোমার আজ্ঞা অনুসারে আমি সবকিছুই করেছি। 15 তুমি তোমার  
পরিত্র বাসস্থান থেকে, স্বর্গ থেকে দেখো, তোমার প্রজা ইস্রায়েলকে  
আশীর্বাদ করো এবং আমাদের পূর্বপুরুষদের কাছে তোমার শপথ  
করা প্রতিজ্ঞা অনুসারে দুধ আর মধু প্রবাহিত যে দেশ তুমি আমাদের  
দিয়েছ সেই দেশকেও আশীর্বাদ করো।” 16 তোমাদের ঈশ্বর সদাপ্রভু  
আজ তোমাদের এই সমস্ত অনুশাসন ও বিধান মেনে চলবার আজ্ঞা  
দিচ্ছেন; তোমরা সতর্ক হয়ে তোমার সমস্ত হৃদয় ও তোমার সমস্ত  
প্রাণ দিয়ে তা পালন করবে। 17 আজই তোমরা স্বীকার করেছ যে,  
সদাপ্রভুই তোমাদের ঈশ্বর এবং তাঁর পথেই তোমরা চলবে, তাঁর  
অনুশাসন, আদেশ ও বিধান তোমরা পালন করবে—তাঁর কথা শুনবে।  
18 আর সদাপ্রভুও আজকে ঘোষণা করেছেন যে তাঁর প্রতিজ্ঞা অনুসারে  
তোমরা তাঁরই প্রজা এবং তাঁর নিজের মূল্যবান সম্পত্তি হয়েছ ও তাঁর  
সমস্ত আজ্ঞা পালন করবে। 19 তিনি ঘোষণা করেছেন যে প্রশংসা,  
সুনাম ও গৌরবের দিক থেকে তাঁর সৃষ্টি অন্যান্য জাতিদের উপরে  
তিনি তোমাদের স্থান দেবেন এবং তোমাদের ঈশ্বর সদাপ্রভুর প্রতিজ্ঞা  
অনুসারে তোমরা হবে তাঁর উদ্দেশে পরিত্র প্রজা।

**২৭** মোশি ও ইস্রায়েলী প্রবীণ নেতারা লোকদের এই আদেশ দিলেন:

“আজ আমি তোমাদের যেসব আজ্ঞা দিচ্ছি সেগুলি পালন করবে।

২ তোমরা জর্ডন নদী পার হয়ে তোমাদের ঈশ্বর সদাপ্রভুর দেওয়া  
দেশে গিয়ে বড়ো বড়ো পাথর খাড়া করে রাখবে এবং সেগুলি চুন  
দিয়ে লেপে দেবে। ৩ তার উপরে এই বিধানের সমস্ত কথা লিখবে  
যখন তোমরা পার হয়ে সেই দেশে প্রবেশ করবে যেটি তোমাদের  
ঈশ্বর সদাপ্রভু তোমাদের দিতে যাচ্ছেন, যে দেশ দুধ আর মধু প্রবাহী,  
ঠিক যেমন সদাপ্রভু, তোমাদের পূর্বপুরুষদের ঈশ্বর, তোমাদের কাছে  
প্রতিজ্ঞা করেছিলেন। ৪ এবং তোমরা যখন জর্ডন পার হবে, এই  
পাথরগুলি এবল পর্বতের উপর খাড়া করে রাখবে এবং সেগুলি চুন  
দিয়ে লেপে দেবে যেমন তোমাদের আমি আজ আদেশ দিয়েছি। ৫  
তোমাদের ঈশ্বর সদাপ্রভুর উদ্দেশে তোমরা সেখানে একটি পাথরের  
বেদি তৈরি করবে। সেগুলির উপরে কোনও লোহার যন্ত্রপাতি ব্যবহার  
করবে না। ৬ সদাপ্রভুর বেদি গোটা গোটা পাথর দিয়ে তৈরি করবে  
এবং সেখানে তোমাদের ঈশ্বর সদাপ্রভুর উদ্দেশে হোমবলি উৎসর্গ  
করবে। ৭ সেখানে মঙ্গলার্থক বলিদান করবে, আর সেই জায়গায়  
সেগুলি খাবে এবং তোমাদের ঈশ্বর সদাপ্রভুর সামনে আনন্দ করবে।  
৮ আর এই পাথরগুলি যা তোমরা খাড়া করে রেখেছ তার উপরে এই  
বিধানের সমস্ত কথা খুব স্পষ্ট করে লিখবে।” ৯ এরপর মোশি ও  
লেবীয় যাজকেরা সমস্ত ইস্রায়েলকে বললেন, “হে ইস্রায়েল, তোমরা  
চুপ করো আর শোনো! আজ তোমরা তোমাদের ঈশ্বর সদাপ্রভুর  
প্রজা হলে। ১০ তোমরা তোমাদের ঈশ্বর সদাপ্রভুর বাধ্য হবে এবং  
আজ আমি তোমাদের যে সমস্ত আজ্ঞা ও অনুশাসন দিচ্ছি তা তোমরা  
পালন করবে।” ১১ সেই দিনই মোশি লোকদের এই আদেশ দিলেন:  
১২ তোমরা যখন জর্ডন পার হবে, এই গোষ্ঠীর লোকেরা গরিষ্ঠীম  
পর্বতের উপরে দাঁড়িয়ে লোকদের আশীর্বাদ করবে: শিমিয়োন, লেবি,  
যিহুদা, ইষাখর, যোফে ও বিন্যামীন। ১৩ আর এই গোষ্ঠীর লোকেরা  
এবল পর্বতের উপরে দাঁড়িয়ে অভিশাপ উচ্চারণ করবে: রূবেগ, গাদ,  
আশের, সবূন, দান ও নঞ্চালি। ১৪ লেবীয়েরা তখন সমস্ত ইস্রায়েলীর

সামনে চিৎকার করে এই কথা বলবে: 15 “সেই লোক অভিশপ্ত যে প্রতিমা তৈরি করে—সদাপ্রভুর কাছে এই জিনিস ঘৃণার্হ, এটি শুধু দক্ষ হাতে তৈরি করা—এবং গোপনে স্থাপন করে।” তখন সমস্ত লোক বলবে, “আমেন!” 16 “সেই লোক অভিশপ্ত যে বাবাকে কিংবা মাকে অসম্মান করে।” তখন সমস্ত লোক বলবে, “আমেন!” 17 “সেই লোক অভিশপ্ত যে অন্য লোকের জমির সীমানা-চিহ্ন সরিয়ে দেয়।” তখন সমস্ত লোক বলবে, “আমেন!” 18 “সেই লোক অভিশপ্ত যে অন্ধকে ভুল পথে নিয়ে যায়।” তখন সমস্ত লোক বলবে, “আমেন!” 19 “সেই লোক অভিশপ্ত যে বিদেশিদের, পিতৃহীনদের কিংবা বিধবাদের প্রতি অন্যায় বিচার করে।” তখন সমস্ত লোক বলবে, “আমেন!” 20 “সেই লোক অভিশপ্ত যে তার বাবার স্ত্রীর সঙ্গে শোয় কারণ তাতে সে বাবাকে অসম্মান করে।” তখন সমস্ত লোক বলবে, “আমেন!” 21 “সেই লোক অভিশপ্ত যে পঞ্চ সঙ্গে ঘোন সম্পর্ক স্থাপন করে।” তখন সমস্ত লোক বলবে, “আমেন!” 22 “সেই লোক অভিশপ্ত যে তার বোন, তার বাবার মেয়ে, কিংবা মায়ের মেয়ের সঙ্গে ব্যভিচার করে।” তখন সমস্ত লোক বলবে, “আমেন!” 23 “সেই লোক অভিশপ্ত যে তার শাশুড়ির সঙ্গে ব্যভিচার করে।” তখন সমস্ত লোক বলবে, “আমেন!” 24 “সেই লোক অভিশপ্ত যে প্রতিবেশীকে গোপনে হত্যা করে।” তখন সমস্ত লোক বলবে, “আমেন!” 25 “সেই লোক অভিশপ্ত যে নির্দোষ লোককে হত্যা করার জন্য ঘুস নেয়।” তখন সমস্ত লোক বলবে, “আমেন!” 26 “সেই লোক অভিশপ্ত যে বিধানের কথাগুলি পালন করে না।” তখন সমস্ত লোক বলবে, “আমেন!”

**28** তোমরা যদি তোমাদের ঈশ্বর সদাপ্রভুর সম্পূর্ণ বাধ্য হও এবং আমি আজ তাঁর যেসব আদেশ তোমাদের দিচ্ছি তা পালন করো, তাহলে তোমাদের ঈশ্বর সদাপ্রভু পৃথিবীর সব জাতির উপরে তোমাদের স্থান দেবেন। 2 তোমরা যদি তোমাদের ঈশ্বর সদাপ্রভুর বাধ্য হও তবে এসব আশীর্বাদ তোমরা পাবে আর তা তোমাদের সঙ্গে থাকবে 3 তোমরা নগরে আশীর্বাদ পাবে এবং দেশে আশীর্বাদ পাবে। 4 তোমাদের গর্ভের ফলে, ক্ষেত্রের ফসলে এবং পশুধনের ফলে আশীর্বাদ

পাবে—তোমাদের পশ্চালের বাচুর ও মেষীদের শাবক। ৫ তোমাদের  
রুড়ি এবং ময়দা মাথার পাত্রে আশীর্বাদ পাবে। ৬ ভিতরে আসবার  
সময় তোমরা আশীর্বাদ পাবে এবং বাইরে যাওয়ার সময় তোমরা  
আশীর্বাদ পাবে। ৭ যারা শক্র হয়ে তোমাদের বিরুদ্ধে দাঁড়াবে সদাপ্রভু  
এমন করবেন যাতে তারা তোমাদের সামনে হেরে যায়। তারা একদিক  
থেকে তোমাদের আক্রমণ করতে এসে সাত দিক দিয়ে পালিয়ে  
যাবে। ৮ তোমাদের গোলাঘরের উপর সদাপ্রভুর আশীর্বাদ থাকবে  
এবং যে কাজে তোমরা হাত দেবে তাতেই তিনি আশীর্বাদ করবেন।  
তোমাদের ঈশ্বর সদাপ্রভু তাঁর দেওয়া দেশে তোমাদের আশীর্বাদ  
করবেন। ৯ তোমরা যদি তোমাদের ঈশ্বর সদাপ্রভুর আজ্ঞা পালন  
করো ও তাঁর পথে চলো তাহলে তিনি তাঁর প্রতিজ্ঞার উপর শপথ  
অনুসারে তোমাদের তাঁর পবিত্র প্রজা হিসেবে স্থাপন করবেন। ১০  
তখন পৃথিবীর সমস্ত জাতি দেখতে পাবে যে, সদাপ্রভুর নামেই  
তোমাদের পরিচয়, আর তাতে তারা তোমাদের ভয় করে চলবে। ১১  
সদাপ্রভু তোমাদের খুব সমৃদ্ধ করবেন—তোমাদের গর্ভের ফলে,  
পশ্চধনের ফলে এবং ক্ষেত্রের ফসলে—সেই দেশে যা তিনি দেবেন  
বলে তোমাদের পূর্বপুরুষদের কাছে শপথ করেছিলেন। ১২ তোমাদের  
সময়মতো বৃষ্টি দিয়ে তোমাদের হাতের সব কাজে আশীর্বাদ করবার  
জন্য সদাপ্রভু তাঁর দানের ভাণ্ডার, আকাশ খুলে দেবেন। তোমরা  
অনেক জাতিকে ঝণ দেবে কিন্তু তোমরা নিজেরা কারোর কাছ থেকে  
ঝণ নেবে না। ১৩ সদাপ্রভু এমন করবেন যাতে তোমরা সকলের  
মাথার উপরে থাকো, পায়ের তলায় নয়। তোমাদের ঈশ্বর সদাপ্রভুর  
যেসব আদেশ আজ আমি তোমাদের দিচ্ছি তাতে যদি মনোযোগ  
দাও এবং যত্নের সঙ্গে পালন করো, তবে সবসময় তোমরা উন্নত  
হবে, কখনোই অবনত হবে না। ১৪ আজ আমি তোমাদের যেসব  
আদেশ দিচ্ছি, অন্য দেবতাদের অনুগামী হয়ে এবং তাদের সেবা  
করার জন্য তার ডানদিকে কিংবা বাঁদিকে যাবে না। ১৫ কিন্তু তোমরা  
যদি তোমাদের ঈশ্বর সদাপ্রভুর কথায় কান না দাও এবং আজকে  
দেওয়া আমার এসব আদেশ ও অনুশাসন যত্নের সঙ্গে পালন না করো,

তাহলে এসব অভিশাপ তোমাদের উপর নেমে আসবে এবং তোমাদের  
সঙ্গে থাকবে 16 তোমরা নগরে অভিশপ্ত হবে এবং দেশে অভিশপ্ত  
হবে। 17 তোমাদের ঝুঢ়ি এবং ঘয়না মাথার পাত্র অভিশপ্ত হবে।  
18 তোমাদের গর্ভের ফল, ক্ষেত্রের ফসল এবং বাচ্চুর ও মেষীদের  
শাবক অভিশপ্ত হবে। 19 ভিতরে আসবার সময় তোমরা অভিশপ্ত  
হবে এবং বাইরে যাওয়ার সময় তোমরা অভিশপ্ত হবে। 20 মন্দ  
কাজ করে সদাপ্রভুকে ত্যাগ করার অপরাধে তোমাদের সমস্ত কাজে  
তিনি তোমাদের অভিশাপ দেবেন, বিশৃঙ্খলায় ফেলবেন ও তিরক্ষার  
করবেন, যতক্ষণ না তোমরা হঠাত ধ্বংস হয়ে নির্মূল না হও। 21  
তোমরা যে দেশ অধিকার করতে যাচ্ছ সেখান থেকে যতক্ষণ না  
তোমরা ধ্বংস হও ততক্ষণ সদাপ্রভু তোমাদের মধ্যে বিভিন্ন রোগের  
মহামারি আনবেন। 22 সদাপ্রভু তোমাদের ক্ষয়রোগ, জ্বর, জ্বালা,  
প্রচণ্ড উত্তাপ ও তরোয়াল, তার সঙ্গে উত্তিদের রোগ ও ছাঁকাক দ্বারা  
মহামারি আনবেন যতক্ষণ না তোমরা ধ্বংস হও। 23 তোমাদের মাথার  
উপরের আকাশ ব্রোঞ্জের মতো, আর পায়ের তলার মাটি লোহার মতো  
হবে। 24 সদাপ্রভু তোমাদের দেশে বৃষ্টির বদলে ধুলো আর বালি  
বর্ষণ করবেন; সেগুলি আকাশ থেকে তোমাদের উপরে পড়বে যতক্ষণ  
না তোমরা ধ্বংস হও। 25 সদাপ্রভু এমনটি করবেন যাতে তোমরা  
তোমাদের শক্তিদের সামনে হেরে যাও। তোমরা একদিক থেকে তাদের  
আক্রমণ করবে কিন্তু তাদের সামনে থেকে পালিয়ে যাবে সাত দিক  
দিয়ে, এবং পৃথিবীর অন্য সব রাজ্যের লোকেরা তোমাদের অবস্থা  
দেখে ভয়ে আঁতকে উঠবে। 26 তোমাদের মৃতদেহ হবে পাখি এবং  
বন্যপশুদের খাবার, আর তাদের তাড়িয়ে দেবার জন্য কেউ থাকবে  
না। 27 সদাপ্রভু তোমাদের মিশরীয়দের সেই ফোঁড়া, আব, ফোক্ষা  
এবং চুলকানি দিয়ে যন্ত্রণা দেবেন, যা তোমরা ভালো করতে পারবে  
না। 28 সদাপ্রভু তোমাদের পাগলামি, অঙ্কতা দিয়ে এবং চিন্তাশক্তি  
নষ্ট করে যন্ত্রণা দেবেন। 29 অঙ্ক লোক যেমন অঙ্ককারে হাতড়ে বেড়ায়  
তেমনি করে তোমরা দিনের বেলাতেই হাতড়ে বেড়াবে। তোমরা যে  
কাজ করবে তাতেই বিফল হবে; দিনের পর দিন তোমরা অত্যাচারিত

ও লুণ্ঠিত হবে, তোমাদের উদ্ধার করার জন্য কেউ থাকবে না। 30  
তোমার বিয়ে একজন স্ত্রীলোকের সঙ্গে ঠিক হবে, কিন্তু অন্যজন  
তাকে নিয়ে গিয়ে ধর্ষণ করবে। তুমি বাড়ি তৈরি করবে, কিন্তু সেখানে  
বসবাস করতে পারবে না। তুমি দ্রাক্ষাক্ষেত তৈরি করবে, কিন্তু তার  
ফলভোগ করতে পারবে না। 31 তোমাদের সামনেই তোমাদের গরু  
কাটা হবে, কিন্তু তোমরা তা খেতে পাবে না। তোমাদের গাধাকে  
জোর করে তোমাদের কাছ থেকে নিয়ে যাওয়া হবে, কিন্তু তা আর  
ফিরিয়ে দেওয়া হবে না। তোমাদের মেষদের তোমাদের শক্রদের  
হাতে তুলে দেওয়া হবে, আর কেউ তাদের উদ্ধার করবে না। 32  
তোমাদের ছেলেদের এবং মেয়েদের অন্য এক জাতির কাছে দেওয়া  
হবে, আর দিনের পর দিন তাদের আসবাব পথ চেয়ে তোমাদের ঢোখ  
অঙ্গ হয়ে যাবে, কিন্তু তোমাদের হাতে কোনও শক্তি থাকবে না।  
33 যে লোকদের তোমরা জানো না তারা তোমাদের জমির ফসল ও  
পরিশ্রমের ফলভোগ করবে, এবং তোমরা সারা জীবন ধরে অত্যাচার  
ভোগ করবে কিন্তু তোমাদের কিছুই করার থাকবে না। 34 তোমরা  
যা দেখবে তা তোমাদের পাগল করে দেবে। 35 সদাপ্রভু তোমাদের  
হাঁটুতে ও পায়ে এমন সব কষ্টদায়ক ফেঁড়া দেবেন যা কখনও ভালো  
হবে না, আর সেই ফেঁড়া তোমাদের পায়ের তলা থেকে মাথার তালু  
পর্যন্ত সব জায়গায় হবে। 36 তোমরা যাকে তোমাদের উপরে রাজা  
করে বসাবে সদাপ্রভু তাকে এবং তোমাদের বন্দি করে নিয়ে যাওয়ার  
জন্য এমন এক জাতির হাতে দেবেন যাদের তোমরা এবং তোমাদের  
পূর্বপুরুষেরা জানে না। সেখানে তোমরা অন্য দেবতাদের সেবা করবে,  
যে দেবতারা কাঠ এবং পাথরের তৈরি। 37 সদাপ্রভু তোমাদের যেসব  
জাতির মধ্যে তাড়িয়ে দেবেন তারা তোমাদের অবঙ্গ দেখে ভয়ে  
আঁতকে উঠবে, আর তোমরা তাদের কাছে বিন্দুপের পাত্র হবে। 38  
তোমরা জমিতে অনেক বীজ বুনবে কিন্তু অল্প সংগ্রহ করবে, কারণ  
পঙ্গপালে ফসল খেয়ে ফলবে। 39 তোমরা দ্রাক্ষাক্ষেত তৈরি করবে  
এবং তার যত্নও নেবে কিন্তু পোকায় তার ফল খেয়ে ফেলবে বলে  
তোমরা দ্রাক্ষারস খেতে পারবে না কিংবা আঙুর সংগ্রহ করতে পারবে

না। 40 তোমাদের সারা দেশে জলপাই গাছ থাকবে কিন্তু তোমরা তেল  
ব্যবহার করতে পারবে না, কারণ জলপাই ঝরে পড়বে। 41 তোমাদের  
ছেলেমেয়ে হবে কিন্তু তাদেরকে নিজের কাছে রাখতে পারবে না,  
কারণ তারা বন্দি হয়ে যাবে। 42 ঝাঁকে ঝাঁকে পঙ্গপাল তোমাদের  
দেশের সমস্ত গাছ ও ফসল অধিকার করবে। 43 তোমাদের মধ্যে  
বসবাসকারী অন্যান্য জাতির লোকেরা দিন দিন তোমাদের উপরে  
উন্নতি করবে, কিন্তু তোমরা নিচে নামতে থাকবে। 44 তারা তোমাদের  
খণ্ড দেবে, কিন্তু তোমরা তাদের খণ্ড দিতে পারবে না। তারা থাকবে  
তোমাদের মাথার উপরে, কিন্তু তোমরা থাকবে তাদের পায়ের তলায়।  
45 এই সমস্ত অভিশাপ তোমাদের উপরে নেমে আসবে। তোমরা  
তোমাদের ঈশ্বর সদাপ্রভুর বাধ্য না হওয়ার দরক্ষ এবং তিনি যেসব  
আজ্ঞা ও অনুশাসন দিয়েছেন তা পালন না করার দরক্ষ এসব অভিশাপ  
তোমাদের পিছনে তাড়া করে আসবে ও তোমাদের মধ্যে থাকবে  
যতক্ষণ না তোমরা ধ্বংস হও। 46 এই সমস্ত তোমাদের ও তোমাদের  
বংশধরদের কাছে চিরকাল আশ্চর্য চিহ্ন এবং আশ্চর্য কাজ হিসেবে  
থাকবে। 47 যেহেতু তোমাদের সমৃদ্ধির সময়ে তোমরা আনন্দের সঙ্গে  
তোমাদের ঈশ্বর সদাপ্রভুর সেবা করোনি, 48 সেইজন্য ক্ষুধায় ও  
তৃষ্ণায়, উলঙ্ঘনায় ও দারিদ্র্যে তোমরা তোমাদের শক্রদের সেবা করবে  
যাদের সদাপ্রভু তোমাদের বিরুদ্ধে পাঠাবেন। যতক্ষণ না তোমরা  
ধ্বংস হও তিনি তোমাদের ঘাড়ে লোহার জোয়াল চাপিয়ে রাখবেন।  
49 সদাপ্রভু দূর থেকে, পৃথিবীর শেষ সীমানা থেকে এমন এক জাতিকে  
তোমাদের বিরুদ্ধে নিয়ে আসবেন, যেমন ঈগল পাখি উড়ে আসে,  
আর তোমরা তাদের ভাষা বুঝবে না। 50 সেই জাতি হিংস্র চেহারার  
যারা বয়স্কদের সম্মান করবে না কিংবা ছোটদের প্রতি করণা দেখাবে  
না। 51 তারা তোমাদের পঙ্গপালের শাবকগুলি ও ক্ষেত্রের ফসল  
থেয়ে ফেলবে যতক্ষণ না তোমরা ধ্বংস হও। তারা তোমাদের কোনও  
শস্য, নতুন দ্রাক্ষারস কিংবা জলপাই কিংবা গরুর বাহুর বা মেষশাবক  
অবশিষ্ট রাখবে না যতক্ষণ না তোমরা ধ্বংস হও। 52 তারা তোমাদের  
নগরগুলি ঘিরে রাখবে আর শেষ পর্যন্ত তোমাদের উঁচু প্রাচীরগুলি

ভেঙ্গে পড়বে যার উপর তোমরা এত ভরসা করছ। তোমাদের ঈশ্বর  
সদাপ্রভু যে দেশ তোমাদের দিতে যাচ্ছেন সেই দেশের সমস্ত নগর  
তারা ঘেরাও করে রাখবে। 53 শক্ররা নগরগুলি ঘিরে রাখবার সময়  
এমন কষ্ট দেবে যে, তোমরা তোমাদের নিজেদের সন্তানদের খাবে,  
অর্থাৎ তোমরা তোমাদের ঈশ্বর সদাপ্রভুর দেওয়া ছেলেমেয়েদের মাংস  
খাবে। 54 এমনকি তোমাদের মধ্যে সব থেকে নম্র ও সংবেদনশীল  
লোকেরও তার নিজের ভাই কিংবা স্ত্রী যাকে সে ভালোবাসে কিংবা  
তার জীবিত সন্তানদের প্রতি কোনও দয়ামায়া থাকবে না, 55 আর সে  
যে সন্তানের মাংস খাবে তার একটুও সে অন্যদের দেবে না। শক্ররা  
যখন তোমাদের নগর ঘেরাও করে রেখে তোমাদের কষ্ট দেবে তখন  
এছাড়া আর কোনও খাবারই তার কাছে থাকবে না। 56 তোমাদের  
মধ্যে সব থেকে নম্র ও সংবেদনশীল স্ত্রীলোক—সংবেদনশীল ও নম্র  
যারা নিজের পা মাটিতে ফেলতে চাইবে না—সেও তার প্রিয় স্বামী  
ও তার ছেলেমেয়েদের প্রতি রঞ্চ হবে যে 57 তার গর্ভের ফল এবং  
যাদের সে জন্ম দিয়েছে। কারণ তার ভীষণ প্রয়োজনে সে গোপনে  
তাদের খাবে যেহেতু শক্ররা তোমাদের নগর ঘিরে রেখে তোমাদের  
কষ্টের মধ্যে ফেলবে। 58 এই পুনর্কে যে সমস্ত বিধানের কথা লেখা  
আছে, সেগুলি যদি যত্নের সঙ্গে পালন না করো, এবং—তোমাদের  
ঈশ্বর সদাপ্রভু—গৌরবময় ও চমৎকার নামকে সম্মান ও ভয় না  
করো 59 সদাপ্রভু তোমাদের ও তোমাদের বংশধরদের প্রতি ভয়ানক  
মহামারি, কঠোর ও দীর্ঘস্থায়ী দুর্যোগ এবং গুরুতর এবং দীর্ঘস্থায়ী  
অসুস্থিতা পাঠাবেন। 60 মিশরে যে সমস্ত অসুখ দেখে তোমরা ভয়  
পেতে সেগুলি তিনি তোমাদের মধ্যে দেবেন এবং সেগুলি তোমাদের  
আঁকড়ে থাকবে। 61 এই বিধানপুনর্কে লেখা নেই এমন সব রোগ  
ও আঘাত তোমরা ধ্বংস না হওয়া পর্যন্ত সদাপ্রভু তোমাদের উপরে  
আনবেন। 62 তোমাদের লোকসংখ্যা আকাশের তারার মতো হলেও  
তোমাদের ঈশ্বর সদাপ্রভুর প্রতি অবাধ্যতার দরুণ তোমরা তখন মাত্র  
অল্প কয়েকজনই বেঁচে থাকবে। 63 যে আনন্দে সদাপ্রভু তোমাদের  
মঙ্গল করেছেন এবং তোমাদের লোকসংখ্যা বৃদ্ধি করেছেন, তেমনি

তিনি তোমাদের সর্বনাশ ও ধ্বংস করে আনন্দ পাবেন। যে দেশ  
অধিকার করতে যাচ্ছ সেখান থেকে তোমরা নির্মূল হবে। 64 তারপর  
সদাপ্রভু তোমাদের সমস্ত জাতির মধ্যে ছড়িয়ে দেবেন, পৃথিবীর এক  
প্রান্ত থেকে আরেক প্রান্তে। সেখানে তোমরা অন্যান্য দেবতাদের  
উপাসনা করবে—কাঠ এবং পাথরের তৈরি দেবতা, যাদের তোমরা  
কিংবা তোমাদের পূর্বপুরুষেরা জানতে না। 65 সেই জাতিদের মধ্যে  
তোমরা শান্তি পাবে না, আর তোমাদের পায়ের গোড়ালি রাখার কোনও  
জায়গা থাকবে না। সেখানে সদাপ্রভু তোমাদের মনে দুশ্চিন্তা, আশা  
করে চেয়ে থাকা চোখ এবং এক হতাশার হাদয় দেবেন। 66 তোমরা  
নিয়মিত উদ্দেগে থাকবে, দিন এবং রাত উভয় সময়ই ভয় পাবে,  
তোমাদের জীবন নিয়ে কখনও নিশ্চিত হবে না। 67 সকালে তোমরা  
বলবে, “যদি এখন সন্ধ্যা হত!” এবং সন্ধ্যায় বলবে, “যদি এখন সকাল  
হত!” কারণ আতঙ্কে তোমাদের মন ভরে থাকবে এবং তোমরা যে  
দৃশ্য স্বচক্ষে দেখবে। 68 মিশরে যাওয়ার সম্বন্ধে আমি তোমাদের  
বলেছিলাম যে, সেই পথে আর তোমাদের যেতে হবে না, কিন্তু সদাপ্রভু  
জাহাজে করে তোমাদের মিশরে ফেরত পাঠাবেন। সেখানে তোমরা  
তোমাদের শক্তদের কাছে নিজেদের দাস এবং দাসী হিসেবে বিক্রি  
করতে চাইবে, কিন্তু কেউ তোমাদের কিনবে না।

**29** সদাপ্রভু হোরেব পাহাড়ে যে বিধান দিয়েছিলেন তার অতিরিক্ত  
বিধানের এসব নিয়মাবলি তিনি মোয়াব দেশে ইস্রায়েলীদের কাছে  
মোশিকে দিতে আদেশ দিয়েছিলেন। 2 মোশি সব ইস্রায়েলীকে ডেকে  
বললেন: সদাপ্রভু মিশরে ফরৌণ ও তাঁর সমস্ত কর্মচারী এবং সম্পূর্ণ  
দেশের প্রতি যা করেছিলেন তা তোমরা নিজেরাই দেখেছ। 3 তোমরা  
নিজের চোখে সেই সমস্ত মহাপরীক্ষা, চিহ্ন এবং মহা আশ্চর্য লক্ষণ  
দেখেছ। 4 কিন্তু আজ পর্যন্ত সদাপ্রভু সেই মন যে বুবাতে পারে কিংবা  
চোখ যে দেখতে পায় কিংবা কান যে শুনতে পায় তা তোমাদের দেননি।  
5 তবুও সদাপ্রভু বলেন, “আমি চাল্লাশ বছর তোমাদের প্রান্তরের মধ্য  
দিয়ে নিয়ে গিয়েছি, তোমাদের কাপড় ছেঁড়েনি কিংবা তোমাদের  
পায়ের চাটি নষ্ট হয়নি। 6 তোমরা কোনও রুটি খাওনি এবং কোনও

দ্রাক্ষারস কিংবা কোনও গাঁজানো পানীয় পান করোনি। আমি এরকম  
করেছিলাম যেন তোমরা জানতে পারো যে আমিই তোমাদের ঈশ্বর  
সদাপ্রভু।” ৭ তোমরা এই জায়গায় পৌঁছানোর পর, হিংসনের রাজা  
সীহোন ও বাশনের রাজা ওগ আমাদের সঙ্গে যুদ্ধ করবার জন্য বের  
হয়ে এসেছিল, কিন্তু আমরা তাদের হারিয়ে দিয়েছি। ৮ আমরা তাদের  
দেশ নিয়ে অধিকারের জন্য তা রূবেণীয়, গাদীয় এবং মনঃশি গোষ্ঠীর  
অর্ধেক লোককে দিয়েছি। ৯ তোমরা এই বিধানের নিয়মাবলি যত্নের  
সঙ্গে পালন কোরো, যেন তোমরা যা কিছু করো তাতেই উন্নতি করতে  
পারো। ১০ তোমরা সবাই এখন তোমাদের ঈশ্বর সদাপ্রভুর সামনে  
দাঁড়িয়ে আছ—তোমাদের নেতারা ও প্রধান লোকেরা, তোমাদের  
প্রবীণ নেতারা ও কর্মকর্তারা, এবং ইস্রায়েলের সব লোকজন, ১১  
তাদের সঙ্গে তোমাদের সন্তানেরা ও তোমাদের স্ত্রীরা, এবং বিদেশিরা  
যারা তোমাদের ছাউনিতে বসবাস করে তোমাদের জন্য কাঠ কাটে  
ও জল তোলে। ১২ তোমাদের ঈশ্বর সদাপ্রভু তোমাদের জন্য আজ  
নিচয়তার শপথ করে যে বিধান স্থাপন করেছেন সেই শপথ ও বিধান  
মেনে নেবার জন্য তোমরা এখানে এসে দাঁড়িয়েছ, ১৩ যেন তিনি আজ  
তোমাদের নিজের প্রজাকূপে স্থাপন করেন, যেন তিনি তোমাদের ঈশ্বর  
হন যেমন তিনি তোমাদের এবং তোমাদের পূর্বপুরুষদের, অব্রাহাম,  
ইস্থাক ও যাকোবের কাছে প্রতিজ্ঞা করে শপথ করেছিলেন। ১৪ আমি  
এই নিয়ম স্থাপন ও তার সঙ্গে শপথ করছি, কেবল তোমাদের সঙ্গে  
নয় ১৫ যারা এখানে আমাদের সঙ্গে আজ দাঁড়িয়ে আছ তোমাদের  
ঈশ্বর সদাপ্রভুর সামনে কিন্তু যারা আজ এখানে নেই তাদের জন্যও  
করছি। ১৬ তোমরা নিজেরা জানো আমরা মিশ্রে কীভাবে বসবাস  
করেছি এবং এখানে আমরা কেমন করে বিভিন্ন দেশের মধ্য দিয়ে  
এসেছি। ১৭ কাঠ, পাথর, ঝুঁপো ও সোনার তৈরি ঘণ্য মূর্তি এবং  
প্রতিমা তোমরা তাদের মধ্যে দেখেছ। ১৮ সেই জাতিগুলির দেবতাদের  
সেবা করবার জন্য আজ তোমাদের ঈশ্বর সদাপ্রভুকে ফেলে এমন  
কোনও পুরুষ বা স্ত্রীলোক, কোনও বংশ বা গোষ্ঠী তোমাদের মধ্যে  
যেন না থাকে; কোনও তীব্র বিষাক্ত মূল যেন তোমাদের মধ্যে না

থাকে সে বিষয়ে নিশ্চিত হবে। 19 যখন কোনও ব্যক্তি এই শপথ করা কথাগুলি শোনার সময় নিজেকে ভাগ্যবান বলে মনে করে এবং মনে মনে ভাবে, “নিজের ইচ্ছামতো চলতে থাকলেও আমি নিরাপদে থাকব,” তারা উর্বর জমি এমনকি শুষ্ক জমির উপর বিপর্যয় নিয়ে আসবে। 20 সদাপ্রভু কখনও তাদের ক্ষমা করতে রাজি হবেন না; তাদের বিরুদ্ধে তাঁর ক্রোধ এবং অন্তর ঈর্ষায় জলে উঠবে। এই পুস্তকে যেসব অভিশাপের কথা লেখা আছে তা সবই তাদের উপরে পড়বে, এবং সদাপ্রভু পৃথিবী থেকে তাদের নাম মুছে ফেলবেন। 21 বিধানপুস্তকে লেখা নিয়মের সমস্ত অভিশাপ অনুসারে সদাপ্রভু ইহায়েলীদের সমস্ত গোষ্ঠীর মধ্য থেকে অমঙ্গলের জন্য তাদেরই পৃথক করবেন। 22 সেই দেশের উপরে সদাপ্রভু যেসব বিপর্যয় ও রোগ পাঠিয়ে দেবেন তা তোমাদের বংশধরেরা আর দূরদেশ থেকে আসা বিদেশিরা দেখবে। 23 সমগ্র দেশটি নুন আর গন্ধকে পুড়ে পড়ে থাকবে—তাতে কোনও গাছ লাগানো যাবে না, কোনও বীজ অঙ্কুরিত হবে না, কোনও গাছপালা জন্মাবে না। এই দেশের অবস্থা হবে সদৌম, ঘমোরা, অদ্মা ও সবোয়িমের মতো, যেগুলি সদাপ্রভু তাঁর ভয়ংকর ক্রোধে জলে উঠে ধ্বংস করে দিয়েছিলেন। 24 সমস্ত জাতি জিজ্ঞাসা করবে “সদাপ্রভু কেন এই দেশটির এই দশা করেছেন? কেন তাঁর এই ভয়ংকর জলস্ত ক্রোধ?” 25 আর তার উত্তর হবে “কারণ এই জাতি তাদের পূর্বপুরুষদের ঈশ্বর সদাপ্রভুর নিয়ম ত্যাগ করেছে, যে নিয়ম মিশ্র দেশ থেকে তাদের বের করে আনবার পর তিনি তাদের জন্য স্থাপন করেছিলেন। 26 তারা গিয়ে অন্য দেবতাদের সেবা করেছে এবং তাদের সামনে মাথা নত করেছে, যে দেবতাদের তারা জানত না, যাদের সদাপ্রভু তাদের দেননি। 27 সেইজন্য সদাপ্রভুর ক্রোধ এই দেশের প্রতি জলে উঠেছিল, আর তিনি এই পুস্তকে লেখা সমস্ত অভিশাপ ঢেলে দিয়েছিলেন। 28 ভীষণ ক্রোধে এবং ভয়ংকর জলস্ত ক্রোধে সদাপ্রভু তাদের নিজেদের দেশ থেকে উপড়ে নিয়ে তাদের অন্য দেশে ছুঁড়ে ফেলে দিয়েছেন, আর আজও তারা সেখানে আছে।” 29 গোপন সরকিছু আমাদের ঈশ্বর সদাপ্রভুর অধিকার, কিন্তু

প্রকাশিত সবকিছু চিরকালের জন্য আমাদের ও আমাদের সন্তানদের অধিকার, যেন এই বিধানের সব কথা আমরা পালন করতে পারি।

**30** আমি তোমাদের সামনে যে আশীর্বাদ ও অভিশাপগুলি তুলে ধরলাম তার সমস্ত কথা যখন তোমাদের উপরে ফলবে আর তোমাদের ঈশ্বর সদাপ্রভু যেসব জাতির মধ্যে তোমাদের ছড়িয়ে দেবেন তাদের মধ্যে বসবাস করবার সময় এসব কথায় তোমরা মন দেবে, 2 সেই সময় তোমরা ও তোমাদের সন্তানেরা তোমাদের ঈশ্বর সদাপ্রভুর কাছে ফিরে আসবে এবং সমস্ত হৃদয় ও সমস্ত প্রাণ দিয়ে তাঁর বাধ্য হবে আর আমি আজ তোমাদের যেসব আদেশ দিচ্ছি তা পালন করবে, 3 তাহলে তোমাদের ঈশ্বর সদাপ্রভু তোমাদের ধন ফিরিয়ে দেবেন। তিনি তোমাদের প্রতি করণা করবেন এবং যেসব জাতির মধ্যে তোমাদের ছড়িয়ে দেবেন তাদের মধ্য থেকে তিনি আবার তোমাদের সংগ্রহ করবেন। 4 পৃথিবীর শেষ সীমানায়ও যদি তোমাদের দূর করে দেওয়া হয় সেখান থেকেও তোমাদের ঈশ্বর সদাপ্রভু তোমাদের সংগ্রহ করবেন। 5 তোমাদের পূর্বপুরুষদের দেশেই তিনি তোমাদের ফিরিয়ে আনবেন আর তোমরা তা আবার অধিকার করবে। তিনি তোমাদের আরও সমৃদ্ধিশালী করবেন ও তোমাদের পূর্বপুরুষদের থেকেও তোমাদের লোকসংখ্যা বৃদ্ধি করবেন। 6 তোমরা যাতে তোমাদের সমস্ত মন ও তোমাদের সমস্ত প্রাণ দিয়ে তাঁকে ভালোবেসে বেঁচে থাকো সেইজন্য তোমাদের ঈশ্বর সদাপ্রভু তোমাদের ও তোমাদের বংশধরদের হৃদয়ের সুন্নত করবেন। 7 এসব অভিশাপ তোমাদের ঈশ্বর সদাপ্রভু তোমাদের শক্তিদের উপর আনবেন যারা তোমাদের ঘৃণা ও অত্যাচার করবে। 8 তখন তোমরা আবার সদাপ্রভুর বাধ্য হয়ে চলবে আর তাঁর যেসব আদেশ আজ আমি তোমাদের দিচ্ছি তা মেনে চলবে। 9 তখন তোমাদের ঈশ্বর সদাপ্রভু তোমাদের হাতের সব কাজে, গর্ভের ফলে, পশুধনের ফলে এবং ক্ষেত্রের ফসলে আশীর্বাদ করবেন। তোমাদের পূর্বপুরুষদের প্রতি তাঁর যে আনন্দ ছিল, তোমাদের উপরে আবার তাঁর সেই আনন্দ হবে এবং তিনি তোমাদের সমৃদ্ধিশালী করবেন, 10 যদি তোমরা এই বিধানপুস্তকে লেখা তাঁর সব আজ্ঞা

ও অনুশাসন পালন করে তোমাদের ঈশ্বর সদাপ্রভুর বাধ্য হও, আর  
তোমাদের সমস্ত মন ও তোমাদের সমস্ত প্রাণ দিয়ে তাঁর প্রতি ফের।  
11 আজ আমি তোমাদের যে আদেশ দিচ্ছি তা পালন করা তোমাদের  
পক্ষে তেমন শক্ত নয় কিংবা তোমাদের নাগালের বাইরেও নয়। 12 তা  
স্বর্গে নয়, যে তোমাদের জিজ্ঞাসা করতে হবে, “কে স্বর্গে গিয়ে তা এনে  
আমাদের শোনাবে যাতে আমরা তা পালন করতে পারি?” 13 এটি  
সমুদ্রের ওপাড়েও নয়, যে তোমাদের জিজ্ঞাসা করতে হবে, “কে সমুদ্র  
পার হয়ে গিয়ে তা এনে আমাদের শোনাবে যাতে আমরা তা পালন  
করতে পারি?” 14 না, সেই বাক্য তোমাদের খুব কাছেই আছে; তা  
তোমাদের মুখে ও তোমাদের হৃদয়ে রয়েছে, যেন তোমরা তা পালন  
করতে পারো। 15 দেখো, আজ আমি তোমাদের সামনে জীবন ও  
সমৃদ্ধি, মৃত্যু ও বিনাশ রাখলাম। 16 এজন্য আজ আমি তোমাদের এই  
আদেশ দিচ্ছি যে তোমরা তোমাদের ঈশ্বর সদাপ্রভুকে ভালোবাসো,  
তাঁর পথে বাধ্য হয়ে চলো, এবং তাঁর আজ্ঞা, অনুশাসন ও বিধান  
পালন করো; তাহলে তোমরা বাঁচবে ও সংখ্যায় বৃদ্ধি পাবে, এবং যে  
দেশ তোমরা অধিকার করতে যাচ্ছ যেখানে তোমাদের ঈশ্বর সদাপ্রভু  
তোমাদের আশীর্বাদ করবেন। 17 কিন্তু তোমাদের হৃদয় যদি তাঁর  
কাছ থেকে সরে যায় এবং তোমরা তাঁর বাধ্য না হও, আর যদি তোমরা  
অন্য দেবতাদের কাছে গিয়ে তাদের প্রণাম করো এবং সেবা করো, 18  
তবে আজ আমি তোমাদের বলে দিচ্ছি যে, তোমরা নিশ্চয়ই ধৰ্মস  
হবে। জর্ডন নদী পার হয়ে যে দেশ তোমরা অধিকার করতে যাচ্ছ  
সেখানে তোমরা বেশি দিন বেঁচে থাকতে পারবে না। 19 তোমাদের  
বিরুদ্ধে মহাকাশ ও পৃথিবীকে সাক্ষী রেখে আমি আজ বলছি যে, আমি  
তোমাদের সামনে জীবন ও মৃত্যু, আশীর্বাদ ও অভিশাপ রাখছি।  
এখন জীবন বেছে নাও, যেন তোমরা ও তোমাদের সন্তানেরা বেঁচে  
থাকো 20 এবং যেন তোমাদের ঈশ্বর সদাপ্রভুকে ভালোবাসো, তাঁর  
রব শোনো, আর তাঁতে আসক্ত হও। কেননা সদাপ্রভুই তোমাদের  
জীবন, এবং তিনি তোমাদের পূর্বপুরুষদের, অব্রাহাম, ইস্হাক ও

যাকোবকে যে দেশ দেবেন বলে শপথ করেছিলেন সেখানে তোমরা  
বহু বছর বসবাস করতে পারো ।

**31** পরে মোশি বাইরে গিয়ে সমস্ত ইস্রায়েলীর সামনে এই কথা  
বললেন ২ “আমার বয়স এখন 120 বছর, এবং আমি আর তোমাদের  
পরিচালনা করতে পারছি না । সদাপ্রভু আমাকে বলেছেন, ‘তুমি জর্জন  
পার হতে পারবে না ।’ ৩ তোমাদের ঈশ্বর সদাপ্রভু নিজেই নদী পার  
হয়ে তোমাদের আগে আগে যাবেন । তোমাদের সামনে তিনি এই  
জাতিদের ধ্বংস করবেন, এবং তোমরা তাদের দেশ অধিকার করবে ।  
সদাপ্রভুর কথা অনুসারে যিহোশূয়াই নদী পার হয়ে তোমাদের আগে  
আগে যাবে । ৪ ইমোরীয়দের রাজা সীহোন এবং ওগ আর তাদের  
দেশ যেমন সদাপ্রভু ধ্বংস করে দিয়েছিলেন তেমনি তিনি সেইসব  
জাতিকেও ধ্বংস করবেন । ৫ তাদের তিনি তোমাদের হাতে তুলে  
দেবেন, আর আমি তাদের প্রতি যা করবার আদেশ দিয়েছি তোমরা  
তাদের প্রতি তাই করবে । ৬ তোমরা বলবান হও ও সাহস করো ।  
তাদের তোমরা ভয় পেয়ো না কিংবা আতঙ্কগত হোয়ো না, কারণ  
তোমাদের ঈশ্বর সদাপ্রভু তোমাদের সঙ্গে যাবেন; তিনি কখনও  
তোমাদের ছেড়ে যাবেন না বা ত্যাগ করবেন না ।” ৭ এরপর মোশি  
যিহোশূয়াকে ডাকলেন এবং সমস্ত ইস্রায়েলীর সামনে তাঁকে বললেন,  
“বলবান হও ও সাহস করো, কারণ তোমাকেই এই লোকদের সঙ্গে  
সেই দেশে যেতে হবে যে দেশটি এদের দেবার শপথ সদাপ্রভু এদের  
পূর্বপুরুষদের কাছে করেছিলেন । তোমাকেই সেই দেশটি সম্পত্তি  
হিসেবে এদের মধ্যে ভাগ করে দিতে হবে । ৮ সদাপ্রভু নিজেই  
তোমার আগে আগে যাবেন এবং তোমার সঙ্গে থাকবেন; তিনি কখনও  
তোমাকে ছেড়ে যাবেন না বা ত্যাগ করবেন না । তুমি ভয় পেয়ো না;  
নিরাশ হোয়ো না ।” ৯ পরে মোশি এই বিধান লিখলেন এবং লোবি  
গোষ্ঠীর যাজকদের, যারা সদাপ্রভুর নিয়ম-সিন্দুক বয়ে নিয়ে যেতেন,  
তাদের ও ইস্রায়েলের সমস্ত প্রবীণ নেতাদের হাতে দিলেন । ১০ তারপর  
মোশি আদেশ দিলেন: “প্রত্যেক সপ্তম বছরের শেষে, খণ্ড মকুবের  
বছরে, কুটিরবাস-পর্বের সময়, ১১ যখন সমস্ত ইস্রায়েলী তোমাদের

ঈশ্বর সদাপ্রভুর সামনে উপস্থিত হওয়ার জন্য তাঁর বেছে নেওয়া  
জায়গায় যাবে তখন তোমরা এই বিধান সকলের সামনে পাঠ করবে  
যেন সবাই শুনতে পায়। 12 লোকদের একত্র করো—পূরুষ, স্ত্রীলোক  
ও ছেলেমেয়ে এবং তোমাদের নগরে বসবাসকারী বিদেশিদের—যেন  
তারা শোনে এবং শিক্ষাগ্রহণ করে তোমাদের ঈশ্বর সদাপ্রভুকে ভয়  
পায় এবং এই বিধানের সমস্ত কথা যত্নের সঙ্গে পালন করে। 13 তাদের  
ছেলেমেয়েরা, যারা এই বিধান জানে না, তাদের শুনতে হবে এবং  
তোমাদের ঈশ্বর সদাপ্রভুকে ভয় করতে শিখতে হবে যতদিন তোমরা  
সেই দেশে বসবাস করবে যে দেশ জর্ডন পার হয়ে অধিকার করবে।”  
14 সদাপ্রভু মোশিকে বললেন, “তোমার মৃত্যুর দিন কাছে এসে গেছে।  
যিহোশূয়কে ডেকে নিয়ে তুমি সমাগম তাঁবুতে উপস্থিত হও, সেখানে  
আমি তাকে নিয়োগ করব।” তাতে মোশি ও যিহোশূয় সমাগম তাঁবুতে  
উপস্থিত হলেন। 15 তখন সদাপ্রভু মেঘস্তৰের মধ্যে সেই তাঁবুতে  
উপস্থিত হলেন এবং সেই শুষ্টি তাঁবুর দরজার উপরে দাঁড়াল। 16  
আর সদাপ্রভু মোশিকে বললেন, “তুমি তোমার পূর্বপুরুষদের কাছে  
বিশ্রাম করতে যাবে, কিন্তু যে দেশে এই লোকেরা চুকতে যাচ্ছে  
সেখানে খুব তাড়াতাড়ি তারা বিজাতীয় দেবতাদের কাছে নিজেদের  
বিক্রি করবে। তারা আমাকে ত্যাগ করবে এবং আমি তাদের জন্য যে  
নিয়ম স্থাপন করেছি তা ভেঙে ফেলবে। 17 আর সেদিন ক্রোধে আমি  
তাদের ত্যাগ করব; আমি তাদের কাছ থেকে আমার মুখ ফিরিয়ে  
নেব আর তারা ধ্বংস হয়ে যাবে। তাদের উপরে অনেক বিপর্যয় ও  
দুঃখকষ্ট নেমে আসবে আর সেদিন তারা জিজ্ঞাসা করবে, ‘আমাদের  
ঈশ্বর আমাদের সঙ্গে নেই বলেই কি এই বিপর্যয় আমাদের উপরে  
এসেছে?’ 18 তারা অন্য দেবতাদের দিকে ফিরে যেসব মন্দ কাজ  
করবে সেইজন্য আমি নিশ্চয়ই সেদিন আমার মুখ ফিরিয়ে নেব। 19  
“এখন তোমরা এই গানটি লিখে নাও আর ইস্রায়েলীদের শেখাবে  
এবং তাদের দিয়ে গাওয়াবে, যেন তাদের বিরুদ্ধে এটি আমার পক্ষে  
এক সাক্ষী হয়ে থাকে। 20 তাদের পূর্বপুরুষদের কাছে আমার শপথ  
করা সেই দুধ আর মধু প্রবাহী দেশে যখন আমি তাদের নিয়ে যাব

আর যখন তারা পেট পুরে খেয়ে সুখে থাকবে তখন তারা আমাকে  
তুচ্ছ করে আমার বিধান ভেঙে অন্য দেবতাদের দিকে ফিরে তাদের  
সেবা করবে। 21 আর যখন অনেক বিপর্যয় ও দুঃখকষ্ট তাদের উপরে  
নেমে আসবে, এই গান তাদের বিরংদে সাক্ষী দেবে, কেননা তাদের  
বংশধরেরা গানটি ভুলে যাবে না। আমার শপথ নিয়ে প্রতিজ্ঞা করা  
দেশে নিয়ে যাওয়ার আগেই আমি জানি যে, তারা কী করতে যাচ্ছে।”  
22 সুতরাং মোশি সেদিন গানটি লিখে ইস্রায়েলীদের শিখিয়েছিলেন।  
23 নূনের ছেলে যিহোশূয়াকে সদাপ্রভু এই আদেশ দিলেন: “বলবান  
হও ও সাহস করো, কারণ যে দেশ দেওয়ার প্রতিজ্ঞা আমি শপথ করে  
ইস্রায়েলীদের কাছে করেছিলাম সেখানে তুমই তাদের নিয়ে যাবে,  
এবং আমি নিজেই তোমার সঙ্গে থাকব।” 24 মোশি এই বিধানের  
সব কথা প্রথম থেকে শেষ পর্যন্ত একটি পুস্তকে লেখা শেষ করার পর  
25 তিনি সদাপ্রভুর নিয়ম-সিন্দুক বহনকারী লেবীয়দের এই আদেশ  
দিলেন: 26 “তোমরা এই বিধানপুস্তক নিয়ে তোমাদের ঈশ্বর সদাপ্রভুর  
নিয়ম-সিন্দুকের পাশে রাখো। এটি সেখানে তোমাদের বিরংদে সাক্ষী  
হয়ে থাকবে। 27 কেননা তোমরা কেমন বিদ্রোহী ও একগুঁয়ে তা  
আমি জানি। আমি তোমাদের মধ্যে বেঁচে থাকতেই যখন তোমরা  
সদাপ্রভুর বিরংদে বিদ্রোহ করেছ, তখন আমি মারা যাওয়ার পরে  
আরও কত বেশি করেই না বিদ্রোহী হবে। 28 তোমরা তোমাদের  
গোষ্ঠীর প্রবীণ নেতাদের ও কর্মকর্তাদের আমার সামনে একত্র করো,  
যেন আমি তাদের শুনবার জন্য এসব কথা বলি এবং তাদের বিরংদে  
মহাকাশ ও পৃথিবীকে সাক্ষী করি। 29 কেননা আমি জানি যে, আমার  
মৃত্যুর পরে তোমরা একেবারেই মন্দ হয়ে যাবে এবং যে পথে আমি  
তোমাদের চলবার নির্দেশ দিয়েছি তোমরা তা থেকে সরে যাবে।  
ভবিষ্যতে তোমাদের উপরে বিপর্যয় নেমে আসবে কারণ সদাপ্রভুর  
দৃষ্টিতে যা মন্দ তাই তোমরা করবে এবং তোমাদের নিজের হাতের  
কাজ দিয়ে তোমরা তাঁকে অসন্তুষ্ট করে তুলবে।” 30 তারপর সমস্ত  
ইস্রায়েলী যারা সমবেত হয়েছিল মোশি তাদের এই গানের কথাগুলি  
প্রথম থেকে শেষ পর্যন্ত শোনালেন:

**৩২** হে আকাশমণ্ডল, শোনো, আর আমি কথা বলব; হে পৃথিবী,  
আমার মুখের কথা শোনো। ২ আমার শিক্ষা বৃষ্টির মতো করে ঝরে  
পড়ুক আর আমার কথা শিশিরের মতো করে নেমে আসুক, নতুন  
ঘাসের উপর পড়া বিন্দু বিন্দু বৃষ্টির মতো, কোমল চারাগাছের উপর  
পড়ুক ভারী বৃষ্টির মতো। ৩ আমি সদাপ্রভুর নাম ঘোষণা করব, তোমরা  
আমাদের ঈশ্বরের মহিমাকীর্তন করো! ৪ তিনিই শৈল, তাঁর কাজ  
নিখুঁত, আর তাঁর সমস্ত পথ ন্যায্য। একজন বিশ্বস্ত ঈশ্বর যিনি কোনও  
অন্যায় করেন না, তিনি ন্যায়পরায়ণ ও সঠিক। ৫ তারা অসৎ এবং  
তাঁর সন্তান নয়; তাদের লজ্জা হল তারা পক্ষপাতদুষ্ট এবং কুটিল বংশ।  
৬ এই কি তোমাদের সদাপ্রভুর ঝণ পরিশোধ করার পদ্ধতি, হে মূর্খ  
এবং অবিবেচক লোকসকল? তিনি কি তোমার বাবা, সৃষ্টিকর্তা নন,  
যিনি তোমাকে নির্মাণ ও গঠন করেছেন? ৭ পুরোনো দিনের কথা  
স্মরণ করো; বহুকাল আগের পূর্বপুরুষদের কথা বিবেচনা করো।  
তোমার বাবাকে জিজ্ঞাসা করো আর তিনি তোমাকে বলবেন, তোমার  
প্রবীণ নেতাদের করো, তারা তোমাকে বুবিয়ে দেবেন। ৮ পরাণ্পর  
যখন জাতিদের উত্তরাধিকার দিলেন, যখন তিনি সমস্ত মানুষকে তা  
ভাগ করে দিলেন, তিনি লোকদের জন্য সীমানা ঠিক করে দিলেন  
ইন্দ্রায়েলের ছেলেদের সংখ্যা অনুসারে। ৯ কেননা সদাপ্রভুর প্রাপ্য  
ভাগই হল তাঁর লোকেরা, যাকোবই তাঁর বরাদ্দ উত্তরাধিকার। ১০ তিনি  
তাকে এক মরণেলাকায় পেলেন, অনুর্বর এবং গর্জন ভরা স্থানে। তিনি  
তাকে ঘিরে রাখলেন ও তার যত্ন নিলেন; তিনি তাকে চোখের মণির  
মতো পাহারা দিলেন, ১১ ঈগল যেমন তার বাসাকে জাগায় আর তার  
বাচ্চাদের উপর ওড়ে, যে তার ডানা মেলে তাদের ধরে এবং তাদের  
উপরে তুলে নেয়। ১২ সদাপ্রভু একাই তাকে চালিয়ে নিয়ে আসলেন;  
কোনও বিজাতীয় দেবতা তার সঙ্গে ছিল না। ১৩ তিনি দেশের এক  
পাহাড় থেকে অন্য পাহাড়ে তাকে নিয়ে গেলেন এবং তাকে ক্ষেত্রের  
ফসল থেতে দিলেন। তিনি পাহাড়ের ফাটল থেকে মধু দিয়ে তাকে পুষ্ট  
করলেন, এবং পাথুরে পাহাড় থেকে তেল দিয়ে, ১৪ পশুপাল থেকে দই  
ও দুধ দিয়ে এবং স্বাস্থ্যবান মেষ ও ছাগল দিয়ে, বাশনের বাছাই করা

মেষ দিয়ে এবং পরিপুষ্ট গম দিয়ে। তোমরা গেঁজে ওঠা আঙুরের রস পান করলে। 15 যিশুরণ হষ্টপুষ্ট হয়ে লাথি মারল; অতিরিক্ত খেয়ে, তারা ভারী ও চকচকে হয়ে। যে ঈশ্বর তাদের নির্মাণ করেছেন তাঁকে পরিত্যাগ করেছে এবং তাদের পরিত্রাতা সেই শৈলকে প্রত্যাখ্যান করেছে। 16 তাদের বিজাতীয় দেবতাদের দরশন তাঁকে ঈর্ষান্বিত করেছ এবং তাদের ঘৃণ্য মূর্তি দ্বারা তাঁকে অসন্তুষ্ট করেছে। 17 তারা মিথ্যা দেবতাদের কাছে বলিদান করেছে, যারা ঈশ্বর নয়, যে দেবতাদের তারা জানত না, যে দেবতারা কিছুদিন আগে সম্প্রতি হাজির হয়েছে, যে দেবতাদের তোমাদের পূর্বপুরুষেরা ভয় করত না। 18 তোমরা সেই শৈল, যিনি তোমাদের বাবা তাঁকে পরিত্যাগ করেছ; তোমরা সেই ঈশ্বরকে ভুলে গিয়েছ যিনি তোমাদের জন্ম দিয়েছেন। 19 তা দেখে সদাপ্রভু তাদের অগ্রাহ্য করেছেন কারণ তিনি তাঁর ছেলে ও তাঁর মেয়েদের দ্বারা অসন্তুষ্ট হয়েছিলেন। 20 তিনি বললেন, “আমি তাদের থেকে আমার মুখ লুকাব, এবং তাদের শেষ দশা কী হয় তা দেখব; কেননা তারা এক বিপথগামী বংশ, সন্তানেরা যারা অবিশ্বস্ত। 21 যারা ঈশ্বর নয় তাদের দ্বারা আমাকে ঈর্ষান্বিত করেছে এবং তাদের মূল্যহীন মূর্তি দ্বারা আমার ক্রোধ জাগিয়েছে। যারা প্রজা নয় তাদের দ্বারা আমি তাদের পরশ্চীকাতর করব; যে জাতি কিছু বোঝে না তাদের দ্বারা আমি তাদের অসন্তুষ্ট করব। 22 কেননা আমার ক্রোধের আগুন জলে উঠবে, যা পাতাল পর্যন্ত পুড়িয়ে দেবে। যা পৃথিবী ও তার ফসল গ্রাস করবে এবং পাহাড়ের ভিতে আগুন জ্বালাবে। (Sheol h7585) 23 “আমি তাদের উপরে বিপর্যয় স্তুপাকার করব এবং তাদের উপরে আমার সব তির ছুঁড়ব। 24 আমি তাদের বিরুদ্ধে দেহ ক্ষয় করা দুর্ভিক্ষ আনব, ধ্বংসকারী মহামারি ও কষ্ট ভরা রোগ পাঠিয়ে দেব; আমি তাদের বিরুদ্ধে বন্য দাঁতাল পশুদের আর বুকে ভর দিয়ে চলা বিষাক্ত সাপ পাঠাব। 25 রাস্তায় তরোয়াল দ্বারা তারা সন্তানহীন হবে; বাড়ির ভিতরে ভয়ের রাজত্ব চলবে। তাদের যুবক ও যুবতীরা, শিশুরা ও বৃদ্ধরা ধ্বংস হবে। 26 আমি বলেছিলাম আমি তাদের ছড়িয়ে দেব এবং মানুষের স্মৃতি থেকে তাদের নাম মুছে দেব, 27 কিন্তু আমি শক্রদের বিন্দুপ

তয় করেছিলাম, পাছে বিপক্ষেরা ভুল বোবে আর বলে, ‘আমাদের  
শক্তি জয় করেছে; সদাপ্রভু এই সমস্ত করেননি।’” 28 তারা এক  
বোধশক্তিহীন জাতি, তাদের মধ্যে কোনও সূক্ষ্ম বুদ্ধি নেই। 29 তারা  
যদি জ্ঞানী হত ও এটি বুঝতে পারত আর উপলব্ধি করত যে তাদের  
শেষ পরিণতি কী হবে! 30 একজন লোক কেমন করে হাজার জনকে  
তাড়াবে, কিংবা দুজনকে দেখে দশ হাজার পালাবে, যদি তাদের  
শৈল তাদের বিক্রি না করেন, যদি সদাপ্রভু তাদের তুলে না দেন?  
31 কেননা তাদের শৈল আমাদের শৈলের মতো নয়, যা আমাদের  
শক্তি ও স্বীকার করে। 32 তাদের দ্রাক্ষালতা সদোমের দ্রাক্ষালতা থেকে  
এবং ঘমোরার ক্ষেত থেকে এসেছে। তাদের আঙুর বিষে ভরা, এবং  
তাদের আঙুরের গোচা তেতো। 33 তাদের দ্রাক্ষারস হল সাপের  
বিষ, কেউটের ভয়ংকর বিষ। 34 “আমি কি এটি সঞ্চয় করে রাখিনি  
এবং আমার ভাঙ্গার ঘরে সিলমোহর দিইনি? 35 প্রতিশোধ নেওয়া  
আমারই কাজ; আমি প্রতিফল দেব। সময় হলেই তাদের পা পিছলে  
যাবে; তাদের বিপর্যয়ের দিন নিকটবর্তী তাদের জন্য যা নিরূপিত  
তা তাড়াতাড়ি আসবে।” 36 সদাপ্রভু তাঁর প্রজাদের বিচার করবেন  
এবং তাঁর দাসদের প্রতি সদয় হবেন যখন তিনি দেখবেন যে তাদের  
শক্তি চলে গিয়েছে এবং দাস অথবা মুক্ত, কেউ বাকি নেই। 37 তিনি  
বলবেন: “তাদের দেবতারা এখন কোথায়, সেই শৈল কোথায় যার  
কাছে তারা আশ্রয় নিয়েছিল, 38 সেই দেবতারা যারা তাদের বলির  
মেদ খেয়েছিল এবং তাদের পেয়-নেবেদ্যের দ্রাক্ষারস পান করেছিল?  
তারা উঠে তোমাদের সাহায্য করুক! তারা তোমাদের আশ্রয় দিক! 39  
“এখন দেখো, আমি, আমিই তিনি! আমি ছাড়া আর কোনও ঈশ্বর  
নেই। আমি মৃত্যু দিই এবং আমিই জীবন দিই, আমি আঘাত করেছি  
এবং আমিই সুস্ত করব, আমার হাত থেকে কেউ উদ্ধার করতে পারবে  
না। 40 আমি স্বর্গের দিকে আমার হাত তুলে শপথ করে বলছি: আর  
বলি, আমি অনন্তজীবী, 41 যখন আমি আমার ঝকঝকে তরোয়ালে  
শান দিই এবং বিচারের জন্য আমার হাতে তা ধরি, আমার শক্তদের  
আমি শাস্তি দেব এবং যারা আমাকে ঘৃণা করে আমি তার প্রতিফল

দেব। 42 নিহত আর বন্দিদের রক্ত খাইয়ে, আমার তিরগুলিকে মাতাল  
করে তুলব, আমার তরোয়াল মাংস খাবে, শক্র সেনাদের মাথার মাংস  
খাবে।” 43 জাতিরা, তার লোকদের সঙ্গে আনন্দ করো, কেননা তিনি  
তাঁর দাসদের রক্তের প্রতিফল দেবেন; তাঁর শক্রদের প্রতিশোধ নেবেন  
এবং নিজের দেশ ও লোকদের জন্য প্রায়শিত্ব করবেন। 44 মোশি  
নূনের ছেলে যিহোশূয়াকে সঙ্গে নিয়ে এই গানের সব কথা লোকদের  
শোনালেন। 45 সমস্ত ইস্রায়েলীর কাছে মোশি যখন এসব কথা শেষ  
করলেন, 46 তিনি তাদের বললেন, “আমি আজ তোমাদের কাছে  
সাক্ষ্য হিসেবে যা কিছু বললাম, তোমরা সেই সমস্ত কথায় মনোযোগ  
দাও, আর তোমাদের সন্তানেরা যেন এই বিধানের সব কথা যত্নের  
সঙ্গে পালন করে এজন্য তাদের সেই আদেশ দাও। 47 এগুলি নির্থক  
কথা নয়—এগুলি তোমাদের জীবন। তোমরা যে দেশ অধিকার  
করতে জর্ডন পার হয়ে যাচ্ছ, সেই দেশে এই কথাগুলি পালন করে  
বহুদিন বাঁচবে।” 48 সেদিনই সদাপ্রভু মোশিকে বললেন, 49 “তুমি  
যিরিহোর উল্টোদিকে মোয়াব দেশের অবারীম পর্বতমালার মধ্যে  
নেবো পর্বতে গিয়ে ওঠো এবং অধিকার হিসেবে যে কনান দেশটি  
আমি ইস্রায়েলীদের দিচ্ছি তা একবার দেখে নাও। 50 তোমার দাদা  
হারোগ যেমন হোর পাহাড়ে মারা গিয়ে তার পূর্বপুরুষদের সঙ্গে মিলিত  
হয়েছে তেমনি করে তুমিও যে পাহাড়ে উঠবে সেখানে তুমি মারা  
যাবে এবং তোমার পূর্বপুরুষদের সঙ্গে মিলিত হবে। 51 এর কারণ  
হল, সীন মরহুমিতে কাদেশের মরীবার জলের কাছে ইস্রায়েলীদের  
সামনে তোমরা দুজনেই আমার প্রতি অবিশ্বস্ততার কাজ করেছিলে  
এবং ইস্রায়েলীদের সামনে আমাকে পবিত্র বলে মান্য করোনি। 52  
সেইজন্য যে দেশটি আমি ইস্রায়েলীদের দিতে যাচ্ছি তা তুমি কেবল  
দূর থেকে দেখতে পাবে কিন্তু সেখানে তোমার ঢোকা হবে না।”

**33** ঈশ্বরের লোক মোশি মৃত্যুর আগে ইস্রায়েলীদের এই বলে  
আশীর্বাদ করেছিলেন: 2 তিনি বলেছিলেন: “সদাপ্রভু সীনয় থেকে  
আসলেন তিনি সেয়ীর থেকে তাদের উপর আলো দিলেন; পারণ পাহাড়  
থেকে নিজের উজ্জ্বলতা প্রকাশ করলেন। অসংখ্য পবিত্রজনেদের কাছ

থেকে আসলেন দক্ষিণ থেকে, তাঁর পাহাড়ের ঢাল থেকে। ৩ সত্যই  
তুমি যে লোকদের ভালোবাসো; সকল পবিত্রজন তোমার হাতে।  
তোমার পায়ের নিচে তারা নত হয়, এবং তোমার কাছ থেকে নির্দেশ  
নেয়, ৪ মোশি আমাদের যে বিধান দিয়েছিলেন, সেটি হল যাকোব  
গোষ্ঠীর ধন। ৫ লোকদের নেতারা যখন একত্র হল, ইস্রায়েলের সমস্ত  
বংশের সাথে, তখন তিনি ছিলেন যিশুরণের রাজা। ৬ “রবেণ যেন  
বেঁচে থাকে ও না মরে, তার লোকসংখ্যা যেন কম না হয়।” ৭ এবং  
তিনি যিহুদার বিষয়ে এই কথা বলেছিলেন: “হে সদাপ্রভু, তুমি যিহুদার  
কান্না শোনো; তার লোকদের কাছে তাকে আনো। সে নিজের হাতে  
তার উদ্দেশ্য রক্ষা করে। শক্তির বিরুদ্ধে তুমি তার সাহায্যকারী হও!”  
৮ লেবির বিষয়ে তিনি বলেছিলেন: “তোমার তুমীম ও উরীম আছে  
তোমার বিশ্বস্ত দাসের কাছে। মঃসাতে তুমি তার পরীক্ষা করেছিলে;  
মরীচির জলের কাছে তুমি তার সঙ্গে ঝগড়া করেছিলে। ৯ সে তার  
বাবা-মায়ের সমস্তে বলেছিল, ‘তাদের প্রতি আমার কোনও সম্মান  
নেই।’ সে তার ভাইদের চিনতে পারেনি বা সে তার নিজের সন্তানদের  
স্বীকার করেনি, কিন্তু সে তোমার বাক্য পাহারা দিয়েছিল এবং তোমার  
নিয়ম রক্ষা করেছে। ১০ তোমার আদেশ সে যাকোবকে এবং তোমার  
বিধান ইস্রায়েলকে শিক্ষা দেয়। সে তোমার সামনে ধূপ জ্বালায় এবং  
তোমার বেদির উপরে পূর্ণাঙ্গতি রাখে। ১১ সদাপ্রভু, তার সকল  
দক্ষতাতে আশীর্বাদ করো, এবং তার হাতের কাজে খুশি হও। যারা  
তার বিরুদ্ধে যাবে তাদের আঘাত করো, যেন তার শক্তিরা আর উঠতে  
না পারে।” ১২ বিন্যামীনের বিষয়ে তিনি বলেছিলেন: “সদাপ্রভু যাকে  
ভালোবাসেন সে নিরাপদে তাঁর কাছে থাকবে, তিনি সবসময় তাকে  
আড়ালে রাখেন, এবং সদাপ্রভু যাকে ভালোবাসেন তাঁরই কাঁধের  
উপরে তার স্থান।” ১৩ যোথেফের বিষয়ে তিনি বলেছিলেন, “সদাপ্রভু  
যেন তার দেশ আশীর্বাদ করেন আকাশের মহামূল্য শিশির দিয়ে এবং  
মাটির নিচের জল দিয়ে; ১৪ সূর্যের সেরা দান দিয়ে এবং চাঁদের সেরা  
ফসল দিয়ে; ১৫ পুরোনো পাহাড়ের সম্পদ দিয়ে এবং চিরকালীন  
পাহাড়ের উর্বরতা দিয়ে; ১৬ পৃথিবীর ভালো ভালো জিনিস দিয়ে

আর জ্বলন্ত বোপে যিনি ছিলেন তাঁর দয়া দিয়ে। যোষেফের মাথায় এসব আশীর্বাদ ঘরে পড়ুক, ভাইদের মধ্যে যে রাজকুমার তার মাথার তালুতে পড়ুক। 17 তার মহিমা প্রথমজাত শাঁড়ের মতো; তার শিং বন্য শাঁড়ের শিং। তা দিয়ে সে জাতিদের গুঁতাবে, এমনকি পৃথিবীর শেষ প্রান্ত পর্যন্ত। এরকমই হবে ইহুয়িমের লক্ষ লক্ষ লোক; এরকমই হবে মনঃশির হাজার হাজার লোক।” 18 সবুল্নের বিষয়ে তিনি বলেছিলেন: “সবুল্ন, তোমার নিজের বাইরে যাওয়াতে আনন্দ করো, আর তুমি, ইষাখর, নিজের তাঁবুতে আনন্দ করো। 19 তারা লোকদের পাহাড়ে ডাকবে আর সেখানে ধার্মিকতার বলি উৎসর্গ করবে; সমুদ্র থেকে তারা প্রচুর ধন তুলবে, আর বালি থেকে তুলে আনবে বালির তলার ধন।” 20 গাদের বিষয়ে তিনি বলেছিলেন: “ধন্য তিনি, যিনি গাদের রাজ্যের সীমানা বাড়াবেন! গাদ সেখানে সিংহের মতো বসবাস করে, সে হাত ও মাথা ছিঁড়বে। 21 সে নিজের জন্য সব থেকে ভালো স্থান নিয়েছে; নেতার অংশ তার জন্য রাখা আছে। লোকদের প্রধানেরা যখন একত্র হয়, সে সদাপ্রভুর ধার্মিকতার ইচ্ছা পালন করেছে, এবং ইহায়েল সম্মতে তার বিচার পালন করেছে।” 22 দানের বিষয়ে তিনি বলেছিলেন: “দান সিংহশাবক, সে যেন বাশন থেকে লাফিয়ে আসে। 23 “নগ্নালির বিষয়ে তিনি বলেছিলেন: “নগ্নালি সদাপ্রভুর করণ্যায় তৃষ্ণ আর তাঁর আশীর্বাদে পরিপূর্ণ; সে সমুদ্র ও দক্ষিণ অধিকার করবে।” 24 আশেরের বিষয়ে তিনি বলেছিলেন: আশের অন্যদের চেয়ে বেশি আশীর্বাদ পাবে; সে যেন ভাইদের কাছে প্রিয় হয়, তার পাদুটি যেন তেলের মধ্যে ডুবে থাকে। 25 তোমার দ্বারের হৃড়কাণ্ডল লোহা ও ব্রোঞ্জের হবে, এবং তোমার যেমন দিন তেমন শক্তি হবে। 26 “যিশুরণের ঈশ্বরের মতো আর কেউ নেই, যিনি তোমাকে সাহায্য করার জন্য আকাশপথে চলেন, ও নিজের মহিমায় মেঘরথে চড়েন। 27 যিনি আদিকালের ঈশ্বর তিনিই তোমার আশ্রয়, এবং তার নিচে তাঁর অনন্তস্থায়ী হাত। তিনি তোমাদের সামনে তোমাদের শক্তদের তাড়িয়ে দেবেন, আর বলবেন, ‘এদের ধ্বংস করো।’ 28 তাই ইহায়েল নিরাপদে থাকবে; যাকোব বিপদ সীমার বাইরে বসবাস করবে শস্যের

ও নতুন দ্রাক্ষারসের দেশে যেখানে আকাশ থেকে শিশির পড়বে।

২৯ হে ইস্রায়েল, তুমি ধন্য! তোমার মতো কে, যে জাতিকে সদাপ্রভু  
রক্ষা করেছেন? তিনি তোমার ঢাল ও সাহায্যকারী এবং তোমার  
গৌরবজনক তরোয়াল। তোমার শক্ররা তোমার সামনে ভয়ে জড়সড়  
হয়ে থাকবে, আর তুমি তাদের উচ্চস্থলী পদদলিত করবে।”

**৩৪** এরপর মোশি মোয়াবের সমতল থেকে যিরীহোর উল্টেদিকে  
পিস্গা পর্বতমালার মধ্যে নেবো পর্বতে উঠলেন। সেখান থেকে  
সদাপ্রভু তাঁকে সমগ্র দেশটি দেখালেন—গিলিয়দ থেকে দান পর্যন্ত,  
২ নগালির সমষ্টি স্থান, ইফ্রায়িম ও মনঃশির দেশ, যিহুদার দেশ  
ভূমধ্যসাগর পর্যন্ত, ৩ নেগেভ এবং খেজুর নগর যিরীহোর তলভূমির  
সমষ্টি অঞ্চল থেকে সোয়ার পর্যন্ত। ৪ তারপর সদাপ্রভু তাঁকে বললেন,  
“এই সেই দেশ যা আমি অব্রাহাম, ইস্খাক ও যাকোবের কাছে শপথ  
করে বলেছিলাম, ‘দেশটি আমি তোমার বংশধরদের দেব।’ আমি  
সেটি তোমাকে নিজের চোখে দেখতে দিলাম, কিন্তু তুমি পার হয়ে  
সেই স্থানে যাবে না।” ৫ তখন সদাপ্রভুর দাস মোশি মোয়াব দেশে  
মারা গেলেন, যেমন সদাপ্রভু বলেছিলেন। ৬ মোয়াব দেশের বেথ-  
পিয়োরের সামনের উপত্যকাতে সদাপ্রভুই তাঁকে কবর দিলেন, কিন্তু  
তাঁর কবরটি যে কোথায় তা আজ পর্যন্ত কেউ জানে না। ৭ মারা যাবার  
সময় মোশির বয়স হয়েছিল ১২০ বছর, তবুও তাঁর দৃষ্টিশক্তি দুর্বল  
হয়নি কিংবা তাঁর গায়ের জোরও কমে যায়নি। ৮ ইস্রায়েলীরা মোয়াবের  
সমভূমিতে মোশির জন্য সেই ত্রিশ দিন শোক পালন করল, যতক্ষণ  
না কান্নাকাটি ও দুঃখপ্রকাশের সময় শেষ হল। ৯ আর নূনের ছেলে  
যিহোশূয় বিজ্ঞতার আত্মায় পরিপূর্ণ হয়েছিলেন, কারণ মোশি তাঁর  
উপরে হাত রেখেছিলেন। সেইজন্য ইস্রায়েলীরা তাঁর কথা শুনত এবং  
সদাপ্রভু মোশিকে যে আজ্ঞা দিয়েছিলেন সেই অনুসারে কাজ করত।  
১০ আজও পর্যন্ত ইস্রায়েলীদের মধ্যে মোশির মতো আর কোনও  
ভাববাদী জন্মাননি যার সঙ্গে সদাপ্রভু বন্ধুর মতো সামনাসামনি কথা  
বলতেন, ১১ যিনি সেইসব চিহ্ন ও আশ্চর্য কাজ করেছিলেন যেগুলি  
সদাপ্রভু তাঁকে দিয়ে করাবার জন্য মিশ্রে পাঠিয়েছিলেন—ফরৌণের

ও তার কর্মচারীদের এবং তার সমস্ত দেশের কাছে। 12 কেন্দ্রা কেট  
এমন পরাক্রম কিংবা ভয়ংকর কাজ করেনি যা মোশি সমস্ত ইস্রায়েলের  
সামনে করেছিলেন।

## যিহোশূয়ের বই

১ সদাপ্রভুর দাস মোশির মৃত্যুর পরে, সদাপ্রভু মোশির পরিচারক, নূনের ছেলে যিহোশূয়কে বললেন: ২ “আমার দাস মোশির মৃত্যু হয়েছে। এখন তবে, তুমি ও এই সমস্ত লোকজন, তোমরা জর্ডন নদী অতিক্রম করে, যে দেশ আমি ইস্রায়েলীদের দিতে চলেছি, সেই দেশে প্রবেশ করার জন্য প্রস্তুত হও। ৩ তোমরা যেখানে যেখানে পা রাখবে, সেই সেই স্থান আমি তোমাদের দেব, যেমন আমি মোশির কাছে প্রতিজ্ঞা করেছিলাম। ৪ তোমাদের সীমা বিস্তৃত হবে এই মরুভূমি থেকে লেবানন পর্যন্ত এবং মহানদী ইউফ্রেটিস থেকে—হিতীয়দের সমস্ত দেশ—পশ্চিমদিকে ভূমধ্যসাগর পর্যন্ত। ৫ তোমার সমস্ত জীবনকালে কেউই তোমার বিরুদ্ধে উঠে দাঁড়াতে পারবে না। আমি যেমন মোশির সঙ্গে ছিলাম, তেমনই আমি তোমারও সঙ্গে থাকব; আমি তোমাকে কখনও ছেড়ে দেব না, কখনও পরিত্যাগ করব না। ৬ তুমি শক্তিশালী ও সাহসী হও, কারণ আমি যে দেশ দেওয়ার জন্য তাদের পূর্বপুরুষদের কাছে শপথ করেছিলাম, তুমি এই লোকদের নেতৃত্ব দিয়ে তা অধিকার করবে। ৭ “তুমি শক্তিশালী ও অত্যন্ত সাহসী হও। আমার দাস মোশি যে বিধান তোমাদের দিয়েছিল, তা পালন করার ব্যাপারে যত্নশীল হোয়ো; তার ডানদিকে বা বাঁদিকে ফিরো না, যেন তুমি যে কোনো স্থানে যাও, সেখানে সফল হও। ৮ বিধানের এই পুস্তকের বাণী সবসময় তোমাদের ঠোঁটে বজায় রেখো; দিনরাত এ নিয়ে ধ্যান কোরো, যেন এর মধ্যে যা কিছু লেখা আছে, তা পালন করার ব্যাপারে তুমি যত্নশীল হও। তবেই তুমি সমৃদ্ধিশালী ও কৃতকার্য হবে। ৯ আমি কি তোমাকে এই আদেশ দিইনি? তুমি শক্তিশালী ও সাহসী হও। তুমি ভীত হোয়ো না; হতাশ হোয়ো না, কারণ তুমি যেখানেই যাবে, তোমার ঈশ্বর সদাপ্রভু তোমার সঙ্গে সঙ্গে থাকবেন।” ১০ অতএব যিহোশূয় লোকদের কর্মকর্তাদের আদেশ দিলেন: ১১ “তোমরা শিবিরের মধ্যে গিয়ে লোকদের বলো, ‘তোমাদের সঙ্গের পাথেয় খাদ্যসামগ্ৰী প্রস্তুত কৰো। এখন থেকে তিনিদিনের মধ্যে তোমরা জর্ডন নদী অতিক্রম করবে। তোমরা সেই দেশ অধিকার

করবে, যে দেশ তোমাদের নিজস্ব অধিকারবলে তোমাদের ঈশ্বর  
সদাপ্রভু তোমাদের দিতে চলেছেন।” 12 কিন্তু রূবেণীয়, গাদীয় ও  
মনঃশির অর্ধ বংশের উদ্দেশে যিহোশূয় বললেন, 13 “সদাপ্রভুর দাস  
মোশি তোমাদের যে আদেশ দিয়েছিলেন, তোমরা তা স্মরণ করো:  
‘সদাপ্রভু, তোমাদের ঈশ্বর, তোমাদের বিশ্বাম দিচ্ছেন ও এই ভূমি  
তোমাদের অধিকারস্বরূপ দিয়েছেন।’ 14 জর্ডন নদীর পূর্বদিকে মোশি  
তোমাদের যে ভূমি দিয়েছেন, সেখানে তোমাদের স্ত্রী, সন্তানসন্ততি ও  
পঞ্চাল থাকতে পারে, কিন্তু তোমাদের সমস্ত যোদ্ধা, সম্পূর্ণ সশস্ত্র হয়ে  
তোমাদের ভাইদের সামনে সামনে অবশ্য জর্ডন নদী পার হয়ে যাবে।  
তোমরা তোমাদের ভাইদের সাহায্য করবে, 15 যতক্ষণ না সদাপ্রভু  
তাদের বিশ্বাম দেন, যেমন তিনি তোমাদের দিয়েছেন এবং যতক্ষণ না  
তারা সেই দেশ অধিকার করে, যা তোমাদের ঈশ্বর সদাপ্রভু তাদের  
দিতে চলেছেন। পরে তোমরা ফিরে গিয়ে তোমাদের জমির অধিকার  
ভোগ করবে, যা সদাপ্রভুর দাস মোশি, সূর্যোদয়ের দিকে, জর্ডন নদীর  
পূর্বদিকে তোমাদের দান করেছেন।” 16 তারা তখন যিহোশূয়কে  
উত্তর দিল, “আপনি আমাদের যে সমস্ত আদেশ দিয়েছেন, আমরা  
সেগুলি পালন করব, আর আপনি আমাদের যেখানে পাঠাবেন, আমরা  
সেখানেই যাব। 17 আমরা যেমন মোশির সমস্ত কথা শুনতাম, তেমনই  
আপনারও আদেশ পালন করব। শুধুমাত্র আপনার ঈশ্বর সদাপ্রভু  
আপনার সঙ্গে থাকুন, যেমন তিনি মোশির সঙ্গে ছিলেন। 18 যে কেউ  
আপনার আদেশের বিদ্রোহী হয়, আপনি যা কিছু আদেশ দেন তা  
পালন না করে, তার প্রাণদণ্ড হবে। শুধু আপনি শক্তিশালী ও সাহসী  
হোন!”

**2** পরে নূনের ছেলে যিহোশূয়, গোপনে দুজন গুপ্তচরকে শিটিম থেকে  
পাঠালেন। তিনি বললেন, “তোমরা যাও, ওই দেশ, বিশেষ করে  
যিরীহো নগরটি পর্যবেক্ষণ করো।” তাই তারা রাহব নামক এক  
বেশ্যার বাড়িতে গিয়ে উঠল ও সেখানে অবস্থান করল। 2 যিরীহোর  
রাজাকে বলা হল, “দেখুন! কয়েকজন ইস্রায়েলী আজ রাতে এখানে  
দেশ পর্যবেক্ষণ করার জন্য এসেছে।” 3 তাই যিরীহোর রাজা, রাহবের

কাছে এই খবর পাঠালেন: “যে লোকেরা তোমার কাছে এসে তোমার  
ঘরে প্রবেশ করেছে, তাদের বের করে আনো, কারণ তারা সমস্ত  
দেশ পর্যবেক্ষণ করতে এসেছে।” 4 কিন্তু সেই নারী তাদের দুজনকে  
লুকিয়ে রেখেছিল। সে বলল, “সত্যিই সেই দুজন লোক আমার কাছে  
এসেছিল, কিন্তু আমি জানতাম না, তারা কোথা থেকে এসেছিল। 5  
সূর্য অন্ত যাওয়ার সময়, যখন নগর-দুয়ার বন্ধ হওয়ার সময় হল, ওই  
লোকেরা চলে গেল। আমি জানি না, তারা কোন পথে গেল। তাদের  
পিছনে দ্রুত তাড়া করে যাও। তোমরা হয়তো তাদের নাগাল পাবে।”  
6 (কিন্তু সে তাদের ছাদের উপরে নিয়ে গিয়ে, সেখানে ছাদের উপরে  
তার রাখা মসিনার ডাঁটার পাঁজায় তাদের লুকিয়ে রেখেছিল) 7 তাই  
ওই লোকেরা সেই গুপ্তচরদের খুঁজে বের করার জন্য তাড়া করে গেল।  
তারা জর্ডন নদী পার হওয়ার জন্য পারঘাটের অভিমুখে চলে গেল।  
তারা যাওয়া মাত্র নগর-দুয়ার বন্ধ হল। 8 রাতে, ওই দুজন গুপ্তচর  
শুতে যাওয়ার আগে, রাহব ছাদে তাদের কাছে গেল 9 ও তাদের বলল,  
“আমি জানি, সদাপ্রভু এই দেশ তোমাদের হাতে দিয়েছেন। আমাদের  
মধ্যে এক মহা ভয় এসে পড়েছে। সেই কারণে, তোমাদের জন্য এই  
দেশে বসবাসকারী প্রত্যেকের হৃদয় ভয়ে গলে গিয়েছে। 10 আমরা  
শুনেছি, যখন তোমরা মিশ্র থেকে বের হয়ে এসেছিলে, তোমাদের  
জন্য সদাপ্রভু কীভাবে লোহিত সাগরের জল শুকিয়ে দিয়েছিলেন।  
আরও শুনেছি, জর্ডন নদীর পূর্বদিকে, ইমোরীয়দের দুই রাজা সীহোন  
ও ওগের প্রতি তোমরা কী করেছিলে। তোমরা তাদের সম্পূর্ণরূপে  
ধ্বংস করেছে। 11 আমরা যখন সেকথা শুনলাম, আমাদের হৃদয় গলে  
গেল, তোমাদের জন্য আমাদের প্রত্যেকের সাহস নষ্ট হয়ে গেল, কারণ  
তোমাদের ঈশ্বর সদাপ্রভু উপরে স্বর্গের ও নিচে পৃথিবীর ঈশ্বর। 12  
“তাই এখন, দয়া করে তোমরা আমার কাছে সদাপ্রভুর নামে শপথ  
করো যে, তোমরা আমার পরিবারবর্গের উপরে করুণা প্রদর্শন করবে,  
কারণ আমিও তোমাদের প্রতি করুণা প্রদর্শন করেছি। আমাকে একটি  
নিশ্চিত চিহ্ন দাও 13 যে, তোমরা আমার বাবা ও মা, আমার ভাইদের  
ও বোনেদের এবং তাদের সঙ্গে সম্পর্কিত সকলের প্রাণভিক্ষা দেবে ও

মৃত্যু থেকে আমাদের রক্ষা করবে।” 14 সেই গুপ্তচরেরা তাকে আশ্বাস দিল, “তোমাদের প্রাণের পরিবর্তে আমাদের প্রাণ যাক। আমরা যা করতে চলেছি, তা যদি তুমি কাউকে না বলো, তবে সদাপ্রভু যখন এই দেশ আমাদের দেবেন, তখন আমরা তোমাদের সঙ্গে বিশ্বস্তাপূর্বক সদয় ব্যবহার করব।” 15 তাই রাহব জানালার পথে ওই দুজনকে একটি দড়ি দিয়ে নামিয়ে দিল, কারণ যে বাড়িতে সে বসবাস করত তা নগর-প্রাচীরের অংশবিশেষ ছিল। 16 সে তাদের বলল, “তোমরা পাহাড়ে উঠে যাও, যেন তোমাদের পশ্চাদ্বাবনকারীরা তোমাদের সন্ধান না পায়। তারা ফিরে না আসা পর্যন্ত তিন দিন তোমরা সেখানেই নিজেদের লুকিয়ে রাখো, পরে নিজেদের পথে চলে যাবে।” 17 ওই লোকেরা তাকে বলল, “এই শপথ, যা তুমি আমাদের নিতে বাধ্য করেছ, তা থেকে আমরা মুক্ত হব, 18 যদি আমাদের এই দেশে প্রবেশ করার সময়, যে জানালা দিয়ে তুমি আমাদের নামিয়ে দিলে, তাতে এই টকটকে লাল রংয়ের দড়িটি বেঁধে না রাখো। সেই সঙ্গে তুমি তোমার বাবা ও মা, তোমার ভাইরা ও তাদের সমস্ত পরিজন তোমার এই বাড়িতে এসে আশ্রয় নেবে। 19 যদি কেউ তোমার বাড়ির বাইরে পথে যায়, তার রক্তের দায় তারই মাথায় বর্তাবে; আমরা তার দায় নেব না। কিন্তু তোমার বাড়ির ভিতরে যারা থাকে, তাদের কারও উপরে আমাদের কেউ যদি হাত উঠায়, তার রক্তের দায় আমাদের মাথায় বর্তাবে। 20 কিন্তু আমরা যা করতে চলেছি, তা যদি তুমি প্রকাশ করে দাও, তবে যে শপথে তুমি আমাদের আবক্ষ করেছ, তা থেকে আমরা মুক্ত হব।” 21 “আমি রাজি,” রাহব উত্তর দিল। “তোমরা যেমন বলেছ, তেমনই হবে।” এভাবে সে তাদের বিদায় দিল, ও তারা চলে গেল। সে তখন ওই টকটকে লাল রংয়ের দড়িটি তার জানালায় বেঁধে দিল। 22 তারা প্রস্থান করে পাহাড়ি এলাকায় চলে গেল। সেখানে তারা তিন দিন অবস্থান করল। তাদের পশ্চাদ্বাবনকারীরা সমস্ত পথ ধরে তাদের খুঁজে বেড়াল এবং তাদের সন্ধান না পেয়ে নগরে ফিরে গেল। 23 পরে সেই দুজন লোক ফিরে গেল এবং পাহাড়ের পাদদেশে নেমে গিয়ে জর্ডন নদী অতিক্রম করে নূনের ছেলে যিহোশূয়ের কাছে

চলে গেল। তাদের প্রতি যা কিছু ঘটেছিল, তারা সে সমস্তই তাঁকে  
বলল। 24 তারা যিহোশূয়কে বলল, “সদাপ্রভু নিশ্চিতভাবেই এই সমস্ত  
দেশ আমাদের হাতে দিয়েছেন; আমাদের কারণে সেখানকার সমস্ত  
মানুষের হৃদয় ভয়ে গলে গিয়েছে।”

3 ভোরবেলায় যিহোশূয় সমস্ত ইস্রায়েলী মানুষজনকে সাথে নিয়ে  
শিটিম থেকে যাত্রা করে জর্ডন নদীর তীরে চলে গেলেন। নদী  
অতিক্রম করার আগে তাঁরা সেখানে শিবির স্থাপন করলেন। 2  
তিন দিন পরে, কর্মকর্তারা সমস্ত শিবির পরিদর্শন করলেন 3 ও  
লোকদের এই আদেশ দিলেন: “তোমরা যখন তোমাদের ঈশ্বর  
সদাপ্রভুর নিয়ম-সিন্দুক লেবীয় যাজকদের বহন করতে দেখবে,  
তখন নিজের নিজের স্থান ছেড়ে তাঁদের অনুসরণ করবে। 4 পরে  
তোমরা জানতে পারবে, কোন পথে তোমাদের যেতে হবে, কারণ  
তোমরা এই পথে আগে কখনও যাত্রা করোনি। কিন্তু নিয়ম-সিন্দুক ও  
তোমাদের মধ্যে 900 মিটার দূরত্ব থাকবে; তোমরা সেটির কাছে  
যাবে না।” 5 যিহোশূয় লোকদের বললেন, “তোমরা নিজেদের পবিত্র  
করো, যেহেতু আগামীকাল সদাপ্রভু তোমাদের মধ্যে বিস্ময়কর সব  
কাজ করবেন।” 6 যিহোশূয় যাজকদের বললেন, “আপনারা নিয়ম-  
সিন্দুক তুলে নিন ও লোকদের আগে আগে পার হয়ে যান।” তাই  
তাঁরা তা তুলে নিয়ে তাদের আগে আগে পার হয়ে গেলেন। 7 আর  
সদাপ্রভু যিহোশূয়কে বললেন, “আমি আজ তোমাকে সমস্ত ইস্রায়েলের  
সামনে উন্নত করতে শুরু করব, যেন তারা জানতে পারে যে, আমি  
যেমন মোশির সঙ্গে ছিলাম, তেমনই তোমার সঙ্গেও আছি। 8 যারা  
নিয়ম-সিন্দুক বহন করে, তুমি সেই যাজকদের বলো: ‘আপনারা যখন  
জর্ডন নদীর জলের কিনারায় পৌঁছাবেন, তখন আপনারা গিয়ে নদীর  
মাঝখানে দাঁড়াবেন।’” 9 যিহোশূয় ইস্রায়েলীদের বললেন, “তোমরা  
এখানে এসো এবং তোমাদের ঈশ্বর সদাপ্রভুর এই বাণী শোনো।” 10  
আর যিহোশূয় বললেন, “তোমরা এভাবে জানতে পারবে যে, জীবন্ত  
ঈশ্বর তোমাদের মধ্যে আছেন আর তিনি নিশ্চিতরূপে তোমাদের  
সামনে থেকে কনানীয়, হিতৰীয়, হিরৰীয়, পরিষীয়, গিগাশীয়, ইমোরীয়

ও যিবুয়ীয়দের তাড়িয়ে দেবেন। 11 দেখো, সমস্ত পৃথিবীর প্রভুর নিয়ম-সিন্দুক তোমাদের আগে জর্ডন নদীতে যাবে। 12 তবে তোমরা এখন ইস্রায়েলী গোষ্ঠীসমূহের মধ্য থেকে বারোজন পুরুষকে বেছে নাও। প্রত্যেক গোষ্ঠী থেকে একজন করে নেবে। 13 আর যে মুহূর্তে সদাপ্রভুর—সমস্ত পৃথিবীর প্রভুর—সিন্দুক বহনকারী যাজকেরা জর্ডন নদীতে পা রাখবেন, নিচের দিকে বয়ে যাওয়া এর জলরাশি বিচ্ছিন্ন হয়ে স্তুপীকৃত হয়ে যাবে।” 14 অতএব লোকেরা যখন জর্ডন নদী পার হওয়ার জন্য শিবির তুলে ফেলল, যাজকেরা নিয়ম-সিন্দুক তুলে নিয়ে লোকদের আগে আগে চললেন। 15 ফসল কাটার সময়ে জর্ডন নদীর জল সমস্ত তীর প্লাবিত করে। তবুও, সিন্দুক বহনকারী যাজকেরা জর্ডন নদীর তীরে পৌঁছালেন ও তাঁদের পা জলের প্রান্ত স্পর্শ করল, 16 উপর থেকে বয়ে আসা জলস্রোত থেমে গেল। বহুদূরে, সর্তনের নিকটবর্তী আদম নগরের কাছে তা স্তুপীকৃত হয়ে রইল। ফলে অরাবা সাগরে (অর্থাৎ, মরসুমাগরে), যে জল নেমে যাচ্ছিল, তা সম্পূর্ণরূপে বিচ্ছিন্ন হল। অতএব লোকেরা যিরীগোর বিপরীত দিক থেকে নদী পার হয়ে গেল। 17 যতক্ষণ না সমগ্র ইস্রায়েল জাতি নদী পার হয়ে গেল, সদাপ্রভুর নিয়ম-সিন্দুক বহনকারী যাজকেরা জর্ডন নদীর মাঝখানে শুকনো ভূমিতে অবিচল দাঁড়িয়ে রইলেন। সমগ্র জাতিই শুকনো ভূমির উপর দিয়ে পার হয়ে গেল।

**৪** যখন সমগ্র জাতি জর্ডন নদী পার হয়ে গেল, তখন সদাপ্রভু যিহোশূয়কে বললেন, 2 “তুমি প্রত্যেক গোষ্ঠী থেকে এক একজন করে, মোট বারোজনকে লোকদের মধ্য থেকে বাছাই করো, 3 ও তাদের বলো, যেখানে যাজকেরা দাঁড়িয়েছিলেন, অর্থাৎ জর্ডন নদীর মাঝখান থেকে তারা যেন বারোটি পাথর তুলে আনে ও তোমার সাথে থেকে সেগুলি বহন করে যেখানে তোমরা আজ রাতে থাকবে, সেখানে এনে ফেলে।” 4 তাই যিহোশূয় যে বারোজনকে ইস্রায়েলীদের প্রত্যেক গোষ্ঠীর মধ্য থেকে এক একজন করে নিযুক্ত করলেন, তাদের একসাথে ডেকে নিলেন, 5 ও তিনি তাদের বললেন, “তোমরা জর্ডন নদীর মাঝখানে তোমাদের ঈশ্বর সদাপ্রভুর সিন্দুকের সামনে যাও।

ইস্রায়েলীদের গোষ্ঠীসমূহের সংখ্যা অনুযায়ী, তোমরা প্রত্যেকে সেখান থেকে এক-একটি করে পাথর নিজেদের কাঁধে তুলে নেবে। 6 সেগুলি তোমাদের পক্ষে চিহ্নস্মরণ হবে। ভবিষ্যতে, তোমাদের সন্তানেরা যখন জিজ্ঞাসা করবে, ‘এই পাথরগুলির তাংপর্য কী?’ 7 তোমরা তাদের বোলো যে, সদাপ্রভুর নিয়ম-সিন্দুকের সামনে জর্ডন নদীর প্রবাহিত স্রোত ছিন্ন হয়ে গিয়েছিল। তা যখন জর্ডন নদী অতিক্রম করেছিল, তখন জর্ডন নদীর জলরাশি বিচ্ছিন্ন হয়ে গিয়েছিল। এই পাথরগুলি চিরকালের জন্য ইস্রায়েলী লোকদের কাছে স্মারকস্মরণ হবে।” 8 তাই যিহোশূয়ের আদেশমতো ওই ইস্রায়েলীরা সেরকমই করল। সদাপ্রভু যেমন যিহোশূয়কে বললেন, ইস্রায়েলীদের গোষ্ঠী সংখ্যা অনুসারে, তারা জর্ডন নদীর মাঝখান থেকে বারোটি পাথর তুলে আনল। তারা সেগুলি বয়ে নিয়ে তাদের শিবিরে নিয়ে গেল। তারা সেখানেই সেগুলি নামিয়ে রাখল। 9 যেখানে নিয়ম-সিন্দুক বহনকারী যাজকেরা দাঁড়িয়েছিলেন, সেখানে জর্ডন নদীর মধ্যে যিহোশূয় বারোটি পাথর স্থাপন করলেন। আর সেগুলি আজও পর্যন্ত সেখানেই আছে। 10 মোশি যিহোশূয়কে যেমন নির্দেশ দিয়েছিলেন, সেইমতো যিহোশূয়কে দেওয়া সদাপ্রভুর সমস্ত আদেশ লোকেরা পালন না করা পর্যন্ত সিন্দুক বহনকারী যাজকেরা জর্ডন নদীর মাঝখানে দাঁড়িয়ে রইলেন। লোকেরা তাড়াতাড়ি নদী পার হয়ে গেল। 11 যেই তারা সবাই নদী পার হয়ে গেল, সদাপ্রভুর সিন্দুক ও যাজকেরা লোকদের চক্ষুগোচরে নদীর অন্য পারে চলে গেলেন। 12 রুবেণ, গাদ ও মনাশির অর্ধ বংশের লোকেরা সশস্ত্র হয়ে ইস্রায়েলীদের সামনে পার হয়ে গেল, যেমন মোশি তাদের নির্দেশ দিয়েছিলেন। 13 যুদ্ধ করার জন্য প্রস্তুত প্রায় 40,000 সৈন্য সদাপ্রভুর সামনে নদী পার হয়ে যুদ্ধের জন্য যিরীহোর সমভূমিতে গেল। 14 সেদিন সদাপ্রভু সমস্ত ইস্রায়েলের সাক্ষাতে যিহোশূয়কে উন্নত করলেন; তারা তাঁর জীবনকালের শেষ পর্যন্ত তাঁকে সন্তুষ্ম করে চলল, যেমন তারা মোশির ক্ষেত্রেও করত। 15 পরে সদাপ্রভু যিহোশূয়কে বললেন, 16 “তুমি যাজকদের আদেশ দাও, তারা যেন বিধিনিয়মের সিন্দুক বহন করে জর্ডন নদী থেকে বের হয়ে আসে।” 17

তাই যিহোশূয় যাজকদের আদেশ দিলেন, “আপনারা জর্ডন নদী থেকে  
উঠে আসুন।” 18 তখন যাজকেরা সদাপ্রভুর নিয়ম-সিন্দুক বহন করে  
নদী থেকে উপরে উঠে এলেন। তাঁরা শুকনো ভূমিতে পা রাখামাত্র,  
জর্ডন নদীর জলরাশি স্বস্থানে ফিরে গেল এবং আগের মতোই সমস্ত  
তীরের উপরে প্লাবিত হল। 19 প্রথম মাসের দশম দিনে, লোকেরা  
জর্ডন নদী পার হয়ে যিরীহোর পূর্ব সীমায় গিল্গলে শিবির স্থাপন  
করল। 20 আর যিহোশূয় জর্ডন নদী থেকে তুলে আনা সেই বারোটি  
পাথর গিল্গলে স্থাপন করলেন। 21 তিনি ইস্রায়েলীদের বললেন,  
“ভাবীকালে যখন তোমাদের বৎসরের তাদের বাবাদের জিজ্ঞাসা  
করবে, ‘এই পাথরগুলির তাংপর্য কী?’ 22 তাদের বোলো, ইস্রায়েল  
শুকনো ভূমি দিয়ে জর্ডন নদী পার হয়েছিল। 23 কারণ যতক্ষণ না  
তোমরা তা পার হলে, তোমাদের ঈশ্বর সদাপ্রভু তোমাদের সামনে  
জর্ডন নদী শুকনো করে দিয়েছিলেন। তোমাদের ঈশ্বর সদাপ্রভু জর্ডন  
নদীর প্রতি তাই করেছেন, যা তিনি লোহিত সাগরের প্রতি করেছিলেন,  
তিনি তা শুকনো করে দিয়েছিলেন, যতক্ষণ না আমরা তা অতিক্রম  
করলাম। 24 তিনি এরকম এই কারণে করলেন, যেন পৃথিবীর সমস্ত  
মানুষ জানতে পারে যে, সদাপ্রভুর হাত পরাক্রমশালী এবং তোমরা  
যেন সবসময়ই তোমাদের ঈশ্বর সদাপ্রভুকে ভয় করো।”

**৫** যখন জর্ডন নদীর পশ্চিম পারে ইমেরীয়দের সমস্ত রাজা ও উপকূল  
বরাবর কনানীয়দের সমস্ত রাজা শুনতে পেলেন, জর্ডন নদী অতিক্রম  
না করা পর্যন্ত, সদাপ্রভু কীভাবে তা ইস্রায়েলীদের সামনে শুকনো করে  
দিয়েছিলেন, তবে তাদের হৃদয় গলে গেল। ইস্রায়েলীদের সমুখীন  
হওয়ার সাহস আর তাদের রইল না। 2 সেই সময় সদাপ্রভু যিহোশূয়কে  
বললেন, “তুমি চকমকি পাথরের কয়েকটি ছুরি তৈরি করো এবং  
আরেকবার ইস্রায়েলীদের সুন্নত করাও।” 3 তাই যিহোশূয় চকমকি  
পাথরের কয়েকটি ছুরি তৈরি করলেন এবং গিবিয়োৎ-হারালোতে  
ইস্রায়েলীদের সুন্নত করালেন। 4 যিহোশূয় এরকম করার কারণ  
হল এই: যারা মিশর থেকে বের হয়ে এসেছিল—সৈন্যবাহিনীতে  
যোগদানের উপযোগী বয়ঃপ্রাপ্ত সমস্ত পুরুষ—তারা সবাই মিশর

ত্যাগ করে আসার পর পথে মরণপ্রান্তরে যারা গিয়েছিল। ৫ যারা বের হয়ে এসেছিল, তাদের সকলের সুন্নত হয়েছিল, কিন্তু যাদের জন্য মিশর থেকে যাত্রাপথে মরণপ্রান্তরে হয়েছিল, তাদের সুন্নত করা হয়নি। ৬ মরণপ্রান্তরে ইস্রায়েলীরা চল্লিশ বছর ইতস্তত ভ্রমণ করল। সেই সময়, সৈন্যবাহিনীতে যোগদান করা সমস্ত পুরুষের—যারা মিশর থেকে বের হয়ে এসেছিল—মৃত্যু হল, যেহেতু তারা সদাপ্রভুর আদেশ পালন করেনি। সদাপ্রভু তাদের কাছে শপথ করে বলেছিলেন যে, যে দুধ ও মধু প্রবাহিত দেশটি তিনি তাদের পূর্বপুরুষদের দেওয়ার প্রতিশ্রুতি দিয়েছিলেন, তা তারা দেখতেই পাবে না। ৭ তাই তিনি তাদের স্থানে তাদের সন্তানদের উৎপন্ন করলেন, এবং যিহোশূয় এদেরই সুন্নত করিয়েছিলেন। তাদের তখনও পর্যন্ত সুন্নত হয়নি, যেহেতু পথিমধ্যে তাদের সুন্নত করানো হয়নি। ৮ আর সমগ্র জাতির সুন্নত করানোর পর, যতক্ষণ না তারা সুস্থ হল, তারা সেখানেই শিবিরের মধ্যে অবস্থান করল। ৯ পরে সদাপ্রভু যিহোশূয়কে বললেন, “আজ আমি তোমাদের মধ্য থেকে মিশরের দুর্নাম গড়িয়ে দিলাম।” তাই সেই স্থানটির নাম আজও পর্যন্ত গিল্গল বলে আখ্যাত রয়েছে। ১০ যিরাহোর সমভূমিতে গিল্গলে শিবির স্থাপন করে থাকার সময়, মাসের চতুর্দশ দিনের সন্ধ্যাবেলায় ইস্রায়েলীরা নিষ্ঠারপর্ব উদ্যাপন করল। ১১ নিষ্ঠারপর্বের পরের দিন, ঠিক সেদিনই, তারা সেই দেশে উৎপন্ন শস্যের খানিকটা: খামিরবিহীন রুটি ও সেঁকা শস্য ভোজন করল। ১২ দেশের এই খাদ্য ভোজন করার পরই মান্না বর্ষণ নির্বৃত্ত হল; ইস্রায়েলীদের জন্য কোনও মান্না আর রইল না, কিন্তু সেবছর তারা কনানে উৎপন্ন শস্য ভোজন করল। ১৩ পরে যিহোশূয় যখন যিরাহোর কাছে গেলেন, তিনি উপরে তাকিয়ে খাপ খোলা তরোয়াল হাতে একজন লোককে তাঁর সামনে দাঁড়িয়ে থাকতে দেখলেন। যিহোশূয় তাঁর দিকে এগিয়ে গিয়ে তাঁকে জিজ্ঞাসা করলেন, “আপনি কি আমাদের পক্ষে, না আমাদের শক্রদের পক্ষে?” ১৪ “কোনও পক্ষেই নই,” তিনি উত্তর দিলেন, “কিন্তু আমি এখন সদাপ্রভুর সৈন্যদলের সেনাপতিরূপে এসেছি।” তখন যিহোশূয় সম্মান দেখিয়ে মাটিতে মাথা নত করে তাঁকে জিজ্ঞাসা করলেন,

“আমার প্রভু তাঁর এই দাসের জন্য কী খবর এনেছেন?” 15 সদাপ্রভুর সৈন্যদলের সেনাপতি উভর দিলেন, “তোমার চটিজুতো খুলে ফেলো, যেহেতু তুমি যেখানে দাঁড়িয়ে আছ, সেই স্থানটি পবিত্র।” আর যিহোশূয় সেরকমই করলেন।

6 সেই সময় ইত্রায়েলীদের কারণে যিরীহোর নগর-দুয়ারগুলিতে শক্ত করে খিল দেওয়া ছিল। কেউ বাইরে যেত না ও কেউ ভিতরেও আসত না। 2 তখন সদাপ্রভু যিহোশূয়কে বললেন, “দেখো, আমি যিরীহোরকে তার রাজা ও তার সব যোদ্ধাসহ তোমার হাতে সঁপে দিয়েছি। 3 তোমার সব সশস্ত্র লোকজন নিয়ে নগরটি একবার প্রদক্ষিণ করো। ছয় দিন ধরে এরকম কোরো। 4 সাতজন যাজক নিয়ম-সিন্দুকের সামনে থেকে মেষের শিং দিয়ে তৈরি শিঙা বহন করুক। সপ্তম দিনে, নগরটি সাতবার প্রদক্ষিণ করবে ও যাজকেরা শিঙা বাজাবে। 5 যখন তোমরা তাদের দীর্ঘক্ষণ ধরে শিঙা বাজাতে শুনবে, তখন সমগ্র সৈন্যবাহিনী জোরে চিৎকার করে উঠবে; তখন নগর-প্রাচীর ভেঙে পড়বে এবং সৈন্যবাহিনীর প্রত্যেকে সোজা সামনের দিকে উঠে যাবে।” 6 অতএব নূনের ছেলে যিহোশূয় যাজকদের ডেকে পাঠালেন ও তাঁদের বললেন, “আপনারা সদাপ্রভুর নিয়ম-সিন্দুকটি তুলে নিন এবং সাতজন যাজক সেটির সামনে শিঙা বহন করুন।” 7 আর তিনি সৈন্যবাহিনীকে আদেশ দিলেন, “তোমরা এগিয়ে চলো! নগরটি প্রদক্ষিণ করো এবং একজন সশস্ত্র প্রহরী সদাপ্রভুর সিন্দুকের আগে আগে যাক।” 8 যিহোশূয় যখন লোকদের একথা বললেন, তখন সাতজন যাজক সাতটি শিঙা বহন করে সদাপ্রভুর সামনে সামনে এগিয়ে গেলেন ও তাঁদের শিঙাগুলি বাজাতে লাগলেন, এবং সদাপ্রভুর নিয়ম-সিন্দুক তাঁদের অনুগামী হল। 9 সশস্ত্র প্রহরীটি শিঙাবাদক যাজকদের অগ্রগামী হল এবং পিছনে থাকা প্রহরীটি সিন্দুকটির অনুগামী হল। এসময় অনবরত শিঙা বেজেই যাচ্ছিল। 10 কিন্তু যিহোশূয় সৈন্যবাহিনীকে আদেশ দিলেন, “তোমরা রণঙ্কার দিয়ো না, তোমাদের কর্তৃপক্ষের তীব্র কোরো না, যতদিন না আমি তোমাদের চিৎকার করতে বলছি, ততদিন একটি কথাও বোলো না। পরে তোমরা চিৎকার কোরো।” 11 এভাবে তিনি

সদাপ্রভুর সিন্দুকটিকে নগর প্রদক্ষিণ করতে দিলেন, রোজ একবার  
করে তা বৃত্তাকারে ঘুরল। পরে সৈন্যবাহিনী শিবিরে ফিরে এল এবং  
সেখানে রাত্রিযাপন করল। 12 পরদিন ভোরবেলায় যিহোশূয় উঠলেন  
এবং যাজকেরা সদাপ্রভুর সিন্দুক তুলে নিলেন। 13 সাতজন যাজক  
সাতটি শিঙ্গা বহন করে সামনে এগিয়ে গেলেন এবং শিঙ্গা বাজাতে  
বাজাতে সদাপ্রভুর সিন্দুকের আগে আগে চললেন। সশন্ত লোকেরা  
তাঁদের আগে আগে গেল এবং পিছন দিকের প্রহরীটি সদাপ্রভুর  
সিন্দুকের অনুগামী হল, আর এসময় শিঙ্গাগুলি বেজেই যাচ্ছিল। 14  
তাই দ্বিতীয় দিনেও তারা একবার নগর প্রদক্ষিণ করল ও শিবিরে  
ফিরে গেল। ছয় দিন ধরে তারা এরকম করল। 15 সপ্তম দিনে,  
ভোরবেলায় তারা উঠে পড়ল এবং একইভাবে তারা সেই নগরাটি  
সাতবার প্রদক্ষিণ করল। কেবলমাত্র সেদিনই তারা সাতবার নগরাটি  
প্রদক্ষিণ করল। 16 সাতবার প্রদক্ষিণ শেষে যখন যাজকেরা শিঙ্গা  
বাজাচ্ছিলেন, যিহোশূয় লোকদের আদেশ দিলেন, “তোমরা সিংহনাদ  
করো, কারণ সদাপ্রভু এই নগরাটি তোমাদের দান করেছেন! 17  
এই নগর এবং এর মধ্যে থাকা সবকিছু সদাপ্রভুর উদ্দেশে বর্জিত  
হবে। শুধুমাত্র বেশ্যা রাহব এবং তার সঙ্গী সকলে, যারা তার বাড়িতে  
অবস্থান করবে, তাদের রক্ষা করা হবে, কারণ সে আমাদের পাঠানো  
গুণ্ঠচরদের লুকিয়ে রেখেছিল। 18 কিন্তু বর্জিত জিনিসগুলি থেকে  
তোমরা দূরে সরে থাকবে, যেন সেগুলির কিছু গ্রহণ করে তোমরা  
নিজেদের ধর্মস ডেকে না আনো। অন্যথায়, তোমরা ইস্রায়েলের  
শিবিরে বিনাশ ও তার উপরে বিপর্যয় ডেকে আনবে। 19 সমস্ত সোনা  
ও রূপো এবং ব্রোঞ্জ ও লোহার জিনিসপত্র সদাপ্রভুর উদ্দেশে পৃথক  
থাকবে ও সেগুলি অবশ্যই তাঁর ভাগোরে যাবে।” 20 যখন শিঙ্গা  
বাজানো হল, সৈন্যদল সিংহনাদ করে উঠল। শিঙ্গাধ্বনির কারণে  
যখন তারা সিংহনাদ করল, প্রাচীর ধসে গেল; অতএব প্রত্যেকে  
সোজা নিজেদের সামনে উঠে গেল ও নগর নিজেদের দখলে নিল।  
21 তারা সদাপ্রভুর উদ্দেশে নগরাটি উৎসর্গ করল এবং তার মধ্যে  
জীবিত সমস্ত প্রাণীকে তরোয়াল দিয়ে ধর্মস করল—সমস্ত পুরুষ

ও নারী, যুবক বা বৃন্দ, গৃহপালিত পশুপাল, মেষপাল ও সমস্ত গাধা  
তারা ধ্বংস করল। 22 পরে যিহোশূয় সেই দুজন গুপ্তচরকে, যারা  
নগরটি পর্যবেক্ষণ করার জন্য গিয়েছিল, তাদের বললেন, “তোমরা  
ওই বেশ্যার বাড়িতে যাও এবং তোমাদের শপথমতো তাকে, তার  
সমস্ত পরিজনসহ স্থান থেকে বের করে আনো।” 23 তাই সেই দুজন  
যুবক, যারা দেশ পর্যবেক্ষণ করতে গিয়েছিল, তারা সেই বাড়িতে  
গিয়ে রাহবকে, তার বাবা-মা, ভাইদের ও তার সমস্ত আপনজনকে  
বের করে আনল। তারা তার সমস্ত পরিবারকে বের করে আনল এবং  
ইস্রায়েলীদের শিবিরের বাইরে এক স্থানে নিয়ে গিয়ে রাখল। 24 পরে  
তারা সমস্ত নগরটি ও তার মধ্যে থাকা সবকিছু পুড়িয়ে দিল, কিন্তু  
তারা সোনা ও রূপো, ব্রোঞ্জ ও লোহার তৈরি সমস্ত জিনিসপত্র নিয়ে  
সদাপ্রভুর গৃহের ভাণ্ডারে রাখল। 25 কিন্তু যিহোশূয় বেশ্যা রাহব, তার  
পরিবার ও সমস্ত আপনজনকে বাঁচিয়ে রাখলেন, কারণ সে যিরীহো  
নগরে পাঠানো যিহোশূয়ের দুজন গুপ্তচরকে লুকিয়ে রেখেছিল—আর  
আজও পর্যন্ত ইস্রায়েলীদের মধ্যে বসবাস করছে। 26 সেই সময়  
যিহোশূয় এই গুরুগন্তির শপথ উচ্চারণ করলেন: “যে এই যিরীহো  
নগর পুনর্নির্মাণ করতে উদ্যোগী হয়, সে সদাপ্রভুর সাক্ষাতে অভিশপ্ত  
হোক: ‘তার প্রথমজাত ছেলের প্রাণের বিনিময়ে সে এটির ভিত্তি স্থাপন  
করবে; তার সবচেয়ে ছোটো ছেলের প্রাণের বিনিময়ে সে এটির দুয়ার  
নির্মাণ করবে।’” 27 অতএব সদাপ্রভু যিহোশূয়ের সঙ্গে ছিলেন এবং  
যিহোশূয়ের খ্যাতি সমস্ত দেশে ছড়িয়ে পড়ল।

**৭** কিন্তু ইস্রায়েলীরা উৎসর্গীকৃত বস্তুগুলির বিষয়ে অবিশ্বস্ত হল; যিহুদা  
গোষ্ঠীভুক্ত সেরহের ছেলে সিম্বী, তার ছেলে কর্মি, তার ছেলে আখন  
সেগুলির কিছুটা অংশ রেখে নিয়েছিল। তাই ইস্রায়েলের বিরুদ্ধে  
সদাপ্রভুর ক্রোধ জ্বলে উঠল। 2 এদিকে যিহোশূয় যিরীহো থেকে সেই  
অয় নগরে লোক পাঠালেন, যেটি বেথেলের পূর্বদিকে বেথ-আবনের  
কাছে অবস্থিত ছিল, এবং তাদের বললেন, “তোমরা উঠে যাও ও ওই  
অঞ্চলটি গোপনে পর্যবেক্ষণ করো।” তাই সেই লোকেরা উঠে গেল ও  
গোপনে অয় নগরটি পর্যবেক্ষণ করল। 3 যিহোশূয়ের কাছে ফিরে এসে

তারা বলল, “অয়ের বিরংদ্বে সমগ্র সৈন্যদল ধাওয়ার প্রয়োজন নেই।  
সেটি অধিকার করার জন্য 2,000 বা 3,000 লোক পাঠান এবং সমগ্র  
সৈন্যদলকে কষ্ট দেবেন না, কারণ সেখানে মাত্র অল্প কিছু লোকই  
বসবাস করে।” 4 তাই, প্রায় 3,000 লোক উঠে গেল, কিন্তু তারা অয়ের  
সেই লোকদের কাছে সম্পূর্ণরূপে নাস্তানাবুদ হল, 5 যারা ইস্রায়েলীদের  
মধ্যে প্রায় ছত্রিশ জনকে মেরে ফেলল। অয়ের নগর-দুয়ার থেকে  
পাথরের খনি পর্যন্ত তারা ইস্রায়েলীদের পিছু ধাওয়া করল এবং ঢালু  
পথে তাদের আঘাত করল। এতে ভয়ে লোকদের হাদয় গলে জলের  
মতো হয়ে গেল। 6 তখন যিহোশূয় তাঁর পোশাক ছিঁড়ে ফেললেন এবং  
সন্ধ্যা পর্যন্ত একইরকম ভাবে সদাপ্রভুর সিন্দুকের সামনে মাটিতে মুখ  
লুটিয়ে পড়ে থাকলেন। ইস্রায়েলের প্রাচীনরাও সেরকমই করলেন, ও  
নিজেদের মাথায় ধুলো ছড়ালেন। 7 আর যিহোশূয় বললেন, “হায়,  
সার্বভৌম সদাপ্রভু, কেন তুমি এই লোকজনকে জর্ডন নদীর এপারে  
নিয়ে এসে আমাদের ধ্বংস করার জন্য ইমোরীয়দের হাতে সঁপে  
দিলে? জর্ডন নদীর ওপারে থাকাই আমাদের পক্ষে ভালো ছিল! 8 হে  
প্রভু, তোমার এই দাসকে ক্ষমা করো। ইস্রায়েল এখন যে শক্তদের  
কাছে নাস্তানাবুদ হয়েছে, তাই আমি আর কী বলব? 9 কনানীয়রা  
ও দেশের অন্যান্য সব লোকজন এই ঘটনার কথা শুনবে ও তারা  
আমাদের চারপাশ থেকে ঘিরে ধরবে এবং পৃথিবী থেকে আমাদের  
নাম মুছে ফেলবে। তখন তুমি তোমার নিজের মহৎ নামের জন্য  
কী করবে?” 10 সদাপ্রভু যিহোশূয়কে বললেন, ‘উঠে দাঁড়াও! তুমি  
এখানে মুখ লুটিয়ে পড়ে থেকে কী করছ? 11 ইস্রায়েল পাপ করেছে;  
তারা আমার সেই নিয়ম লঙ্ঘন করেছে, যা আমি তাদের পালন করার  
আদেশ দিয়েছিলাম। তারা উৎসর্গীকৃত বস্ত্রগুলির কিছুটা অংশ নিয়ে  
নিয়েছে; তারা চুরি করেছে, তারা মিথ্যা কথা বলেছে, সেগুলি তারা  
তাদের নিজস্ব বিষয়সম্পত্তির মধ্যে রেখে দিয়েছে। 12 সেই কারণে  
ইস্রায়েলীরা তাদের শক্তদের সামনে দাঁড়াতে পারছে না; তারা পিছু  
ফিরে পালিয়েছে কারণ তারাই তাদের সর্বনাশের জন্য দায়ী। তোমরা  
যদি বিনাশের জন্য উৎসর্গীকৃত বস্ত্রগুলি ধ্বংস না করো তবে আমি আর

তোমাদের সঙ্গে থাকব না। 13 “যাও, লোকদের পবিত্র করো। তাদের  
 বলো, ‘আগামীকালের জন্য প্রস্তুতি নিয়ে তোমরা নিজেদের পবিত্র  
 করো; কারণ ইস্রায়েলের ঈশ্বর সদাপ্রভু একথাই বলেন: হে ইস্রায়েল,  
 তোমাদের মধ্যে উৎসর্গীকৃত বস্তগুলি আছে। তোমরা যতক্ষণ না  
 সেগুলি দূর করছ, তোমরা শক্রদের সামনে দাঁড়াতে পারবে না। 14  
 “সকালবেলায়, তোমরা এক এক গোষ্ঠী করে নিজেদের উপস্থিত  
 কোরো। যে গোষ্ঠীকে সদাপ্রভু মনোনীত করবেন, তারা এক এক  
 বংশরূপে এগিয়ে আসবে। যে বংশকে সদাপ্রভু মনোনীত করবেন,  
 তারা এক এক পরিবাররূপে এগিয়ে আসবে; আর যে পরিবারকে  
 সদাপ্রভু মনোনীত করবেন, তারা এক একজন করে এগিয়ে আসবে।  
 15 উৎসর্গীকৃত বস্ত সমেত যে ধরা পড়বে, সে এবং তার অধিকারে  
 থাকা সবকিছু আগুন দ্বারা ধ্বংস হয়ে যাবে। সে সদাপ্রভুর নিয়ম  
 লজ্জন করেছে এবং ইস্রায়েলের মধ্যে এক জঘন্য কাজ করেছে।” 16  
 পরদিন ভোরবেলায়, যিহোশূয় গোষ্ঠী ধরে ধরে ইস্রায়েলকে কাছে  
 ডাকলেন, এবং যিহুদা গোষ্ঠী মনোনীত হল। 17 যিহুদার বংশগুলি  
 এগিয়ে এল, এবং সেরহীয় বংশ মনোনীত হল। পরিবার ধরে ধরে  
 তিনি সেরহীয়দের কাছে ডাকলেন, এবং সিম্মী মনোনীত হল। 18  
 জনে জনে যিহোশূয় তার পরিবারকে কাছে ডাকলেন, এবং যিহুদা  
 গোষ্ঠীভুক্ত সেরহের ছেলে সিম্মীর ছেলে কর্মির ছেলে আখন মনোনীত  
 হল। 19 তখন যিহোশূয় আখনকে বললেন, “বাঢ়া আমার, ইস্রায়েলের  
 ঈশ্বর সদাপ্রভুর গৌরব স্বীকার করো, ও তাঁকে সম্মান করো। তুমি কী  
 করেছ তা আমাকে বলো; আমার কাছ থেকে তা লুকিয়ে রেখো না।”  
 20 আখন যিহোশূয়কে উত্তর দিল, “একথা সত্য! ইস্রায়েলের ঈশ্বর,  
 সদাপ্রভুর বিরুদ্ধে আমি পাপ করেছি। আমি এরকম করেছি: 21 লুঁচিত  
 জিনিসপত্রের মধ্যে আমি যখন ব্যাবিলনিয়ার একটি সুন্দর আলখাল্লা,  
 200 শেকল রূপো ও পঞ্চাশ শেকল ওজনের সোনার একটি লম্বা  
 টুকরো দেখেছিলাম, তখন লোভে পড়ে আমি সেগুলি নিয়েছিলাম।  
 আমার তাঁবুর মধ্যে মাটিতে সেগুলি লুকানো আছে, আর সেগুলির  
 নিচে রূপোও রাখা আছে।” 22 অতএব যিহোশূয় দৃতদের পাঠালেন,

এবং তারা দৌড়ে তাঁবুর কাছে গেল, ও সেখানে, তার তাঁবুর মধ্যে  
সেগুলি লুকানো ছিল, আর সেগুলির নিচে ঝপোও রাখা ছিল। 23 তারা  
তাঁবু থেকে সেই জিনিসগুলি নিয়ে, যিহোশূয় ও সমগ্র ইস্রায়েলীর কাছে  
সেগুলি আনল এবং সদাপ্রভুর সামনে সেগুলি মেলে ধরল। 24 তখন  
সমগ্র ইস্রায়েলের সঙ্গে সঙ্গে যিহোশূয় সেই ঝপো, আলখাল্লা, সোনার  
লম্বা টুকরো, তার ছেলেমেয়ে, তার গবাদি পশুপাল, গাধা ও মেষ, তার  
তাঁবু ও তার যা কিছু ছিল, সবকিছু সমেত সেরহের সন্তান আখনকে  
আখোর উপরে এই বিপত্তি নিয়ে এলে? সদাপ্রভুই আজ তোমার  
উপরে বিপত্তি নিয়ে আসবেন।” তখন সমগ্র ইস্রায়েল তাকে পাথর  
ছুঁড়ে মারল, এবং বাকিদেরও পাথর ছুঁড়ে মারার পর, তারা তাদের  
আগুনে পুড়িয়ে দিল। 26 আখনের উপরে তারা পাথরের বিশাল এক  
স্তুপ তৈরি করল, যা আজও পর্যন্ত বজায় আছে। পরে সদাপ্রভু তাঁর  
ভয়ংকর ক্রোধ থেকে নিবৃত্ত হলেন। তাই তখন থেকেই সেই স্থানটি  
আখোর উপত্যকা নামে পরিচিত হয়ে আছে।

**৮** পরে সদাপ্রভু যিহোশূয়কে বললেন, “ভয় পেয়ো না; হতাশ হোয়ো  
না। সমগ্র সৈন্যদল সাথে নাও, এবং উঠে গিয়ে অয় নগর আক্রমণ  
করো। কারণ অয়ের রাজা, তার প্রজা, তার নগর ও তার দেশকে আমি  
তোমার হাতে সমর্পণ করেছি। 2 যিরীহো ও তার রাজার প্রতি তুমি  
যেমন করেছিলে, অয় ও তার রাজার প্রতিও তুমি তেমনই করবে,  
শুধু ব্যতিক্রম হবে এই যে তোমরা তাদের লুণ্ঠিত জিনিসপত্র ও  
গৃহপালিত পশুপাল নিজেদের জন্য নিতে পারবে। নগরের পিছন দিকে  
ওৎ পেতে লুকিয়ে থাকো।” 3 অতএব যিহোশূয় ও সমগ্র সৈন্যদল  
অয় আক্রমণ করার জন্য এগিয়ে গেলেন। তাঁর সেরা যোদ্ধাদের মধ্যে  
থেকে তিনি 30,000 জনকে মনোনীত করলেন এবং রাতের বেলায়  
তাদের এই আদেশ দিয়ে 4 পাঠিয়ে দিলেন: “ভালো করে শোনো।  
নগরের পিছন দিকে তোমাদের ওৎ পেতে লুকিয়ে থাকতে হবে।  
সেখান থেকে বেশি দূরে যাবে না। তোমরা সবাই সজাগ থেকো। 5  
আমি ও আমার সঙ্গী লোকজন, আমরা সবাই নগরের দিকে এগিয়ে

যাব এবং লোকেরা যখন আগের মতো আমাদের বিরুদ্ধে এগিয়ে  
আসবে, তখন আমরা তাদের কাছ থেকে পালিয়ে যাব। 6 আমরা  
তাদের নগর থেকে দূরে প্রলুক্ষ করে নিয়ে না যাওয়া পর্যন্ত তারা  
আমাদের পশ্চাদ্বাবন করে যাবে, কারণ তারা বলবে, ‘আগের মতোই  
তারা আমাদের কাছ থেকে পালিয়ে যাচ্ছে।’ তাই আমরা যখন তাদের  
কাছ থেকে পালাব, 7 তোমরা তখন গুপ্ত স্থান থেকে উঠে এসে  
নগরাটি দখল করবে। তোমাদের ঈশ্বর সদাপ্রভু সেটি তোমাদের হাতে  
সঁপে দেবেন। 8 তোমরা নগরের দখল নিয়ে, তাতে আগুন ধরিয়ে  
দিয়ো। সদাপ্রভু যে আদেশ দিয়েছেন, তা পালন কোরো। দেখো;  
আমি তোমাদের আদেশ দিলাম।” 9 পরে যিহোশূয় তাদের পাঠিয়ে  
দিলেন, এবং তারা ওৎ পেতে থাকার জন্য নিরূপিত স্থানে গেল এবং  
অয়ের পশ্চিমদিকে, বেথেল ও অয়ের মাঝখানে অপেক্ষা করতে  
থাকল—কিন্তু যিহোশূয় সমস্ত রাত লোকদের সঙ্গেই কাটালেন। 10  
পরদিন ভোরবেলায় যিহোশূয় তাঁর সৈন্যদল জড়ে করলেন, এবং  
তিনি ও ইস্রায়েলের নেতারা সৈন্যদলের সামনের সারিতে থেকে অয়ের  
দিকে কুচকাওয়াজ করে এগিয়ে গেলেন। 11 তাঁর সঙ্গে থাকা সমগ্র  
সৈন্যদল কুচকাওয়াজ করে নগরের দিকে এগিয়ে গেল ও সেটির  
সামনে পৌঁছে গেল। অয়ের উত্তর দিকে তারা শিবির স্থাপন করল,  
এবং তাদের ও নগরের মাঝখানে উপত্যকা ছিল। 12 যিহোশূয় প্রায়  
5,000 লোক নিয়ে নগরের পশ্চিমদিকে বেথেল ও অয়ের মাঝখানে  
তাদের গোপনে লুকিয়ে রাখলেন। 13 অতএব সৈন্যরা নিজেদের  
অবস্থান নিল—একদিকে প্রধান শিবিরটি নগরের উত্তর দিকে এবং  
ওৎ পেতে লুকিয়ে থাকা সৈন্যরা সেটির পশ্চিমদিকে ছিল। সেরাতে  
যিহোশূয় উপত্যকায় চলে গেলেন। 14 অয়ের রাজা যখন তা দেখলেন,  
তিনি ও নগরের সব লোকজন তখন ভোরবেলায় অরাবার দিকে নজর  
না দিয়ে তাড়াভুংড়ো করে নির্দিষ্ট এক স্থানে ইস্রায়েলের সঙ্গে যুদ্ধ  
করার জন্য বেরিয়ে পড়লেন। কিন্তু তিনি জানতেন না যে নগরের  
পিছন দিকে তাঁর বিরুদ্ধে একদল সৈন্য ওৎ পেতে লুকিয়ে আছে। 15  
যিহোশূয় ও সমগ্র ইস্রায়েল তাদের সামনে থেকে স্বেচ্ছায় পিছু হটলেন,

এবং তাঁরা মরণভূমির দিকে পালিয়ে গেলেন। 16 অয়ের সব লোককে তাঁদের পশ্চাদ্বাবন করার জন্য ডাকা হল, এবং তারা যিহোশূয়ের পশ্চাদ্বাবন করল ও প্রলুক্ত হয়ে নগর থেকে দূরে চলে গেল। 17 অয় বা বেথেলে এমন একজন লোকও অবশিষ্ট ছিল না যে ইস্রায়েলের পশ্চাদ্বাবন করেনি। তারা নগর উন্মুক্ত রেখে ইস্রায়েলের পশ্চাদ্বাবন করল। 18 তখন সদাপ্রভু যিহোশূয়কে বললেন, “তোমার হাতে যে বর্ণাটি আছে, তা অয়ের দিকে তাক করে ধরো, কারণ তোমার হাতে আমি এই নগরটি সমর্পণ করব।” অতএব যিহোশূয় তাঁর হাতে থাকা বর্ণাটি অয়ের দিকে তাক করে ধরলেন। 19 তিনি তা করামাত্রই, ওৎ পেতে লুকিয়ে থাকা সৈন্যরা তাড়াতাড়ি তাঁদের অবস্থান থেকে উঠে এসে সামনের দিকে দৌড়ে গেল। তারা নগরে প্রবেশ করে তাঁর দখল নিল এবং তাড়াতাড়ি তাঁতে আগুন ধরিয়ে দিল। 20 অয়ের লোকেরা পিছনে ফিরে তাকাল এবং দেখল নগরের ধোঁয়া আকাশে উঠে যাচ্ছে, কিন্তু তারা কোনো দিকে পালিয়ে যাওয়ার সুযোগ পায়নি; যে ইস্রায়েলীরা মরণপ্রাপ্তরের দিকে পালিয়ে যাচ্ছিল, তারা তাঁদের পশ্চাদ্বাবনকারীদের বিরুদ্ধে ঘুরে দাঁড়াল। 21 কারণ যিহোশূয় ও সমগ্র ইস্রায়েল যখন দেখলেন যে, ওৎ পেতে লুকিয়ে থাকা সৈন্যরা নগর দখল করে নিয়েছে এবং সেখান থেকে ধোঁয়া উপরে উঠে যাচ্ছে, তখন তাঁরা পিছনে ঘুরে অয়ের লোকদের আক্রমণ করলেন। 22 ওৎ পেতে লুকিয়ে থাকা সৈন্যরাও নগর থেকে তাঁদের বিরুদ্ধে বেরিয়ে এল, তাঁতে তারা মাঝাখানে পড়ে গেল, এবং তাঁদের দুই দিকেই ইস্রায়েলীরা মোতায়েন ছিল। ইস্রায়েল তাঁদের কচুকাটা করল, কাউকে অবশিষ্ট রাখল না বা পালিয়েও যেতে দিল না। 23 কিন্তু তারা অয়ের রাজাকে জীবিত অবস্থায় ধরে তাঁকে যিহোশূয়ের কাছে নিয়ে এল। 24 যারা ইস্রায়েলের পশ্চাদ্বাবন করছিল অয়ের সেইসব লোকজনকে সেই ক্ষেত্রে ও মরণপ্রাপ্তরে হত্যা করার, এবং তাঁদের প্রত্যেককে তরোয়াল দিয়ে কচুকাটা করার পর, ইস্রায়েলীরা সবাই অয়ে ফিরে এল এবং সেখানে যারা ছিল, তাঁদেরও হত্যা করল। 25 অয়ের সব লোকজন 12,000 নারী-পুরুষ সেদিন নিহত হল। 26 কারণ যিহোশূয় অয়ে

বসবাসকারী লোকজনকে ধ্বংস না করা পর্যন্ত তাঁর সেই হাতটি পিছনে  
টেনে আনেননি, যেটিতে বর্ণা ধরা ছিল। 27 কিন্তু ইস্রায়েল নিজেদের  
জন্য সেই নগরের গৃহপালিত পশুপাল ও লুণ্ঠিত জিনিসপত্র বয়ে  
নিয়ে গেল, যেমনটি সদাপ্রভু যিহোশূয়কে নির্দেশ দিয়েছিলেন। 28  
অতএব যিহোশূয় অয় নগরটি পুড়িয়ে দিলেন এবং তা এক চিরস্থায়ী  
ধ্বংসস্তূপে, এক নির্জন স্থানে পরিণত করলেন, যা আজও পর্যন্ত তাই  
হয়ে আছে। 29 অয়ের রাজাকে তিনি শূলে চড়ালেন এবং সন্ধ্যা পর্যন্ত  
তাঁর মৃতদেহ সেখানেই রেখে দিলেন। সূর্যাস্তের সময়, যিহোশূয়  
লোকজনকে তাঁর শবটি শূল থেকে নামিয়ে নগর-দুয়ারের প্রবেশস্থানে  
ছুঁড়ে ফেলার আদেশ দিলেন। আর তারা সেটির উপর বিশাল পাথরের  
এক স্তুপ তৈরি করল, যা আজও পর্যন্ত বজায় আছে। 30 পরে যিহোশূয়  
এবল পর্বতে ইস্রায়েলের ঈশ্বর সদাপ্রভুর উদ্দেশে এক যজ্ঞবেদি নির্মাণ  
করলেন। 31 সদাপ্রভুর দাস মোশি ইস্রায়েলীদের যেমন আদেশ  
দিয়েছিলেন সেই আদেশানুসারে তিনি মোশির বিধানপুস্তকের লিখিত  
বয়ান অনুযায়ী তা নির্মাণ করলেন—সেই বেদি অকর্তৃত পাথরে তৈরি  
হল, যার উপরে কোনো লোহার যন্ত্র ব্যবহৃত হয়নি। তার উপরে  
তারা সদাপ্রভুর উদ্দেশে হোমবলি ও মঙ্গলার্থক বলি উৎসর্গ করল।  
32 সেখানে, ইস্রায়েলীদের উপস্থিতিতে, যিহোশূয় একটি পাথরের  
ফলকে মোশির বিধানের অনুলিপি লিখে দিলেন। 33 ইস্রায়েলীরা  
সবাই, তাদের প্রাচীন, কর্মকর্তা ও বিচারকদের সঙ্গে মিলিতভাবে,  
সদাপ্রভুর নিয়ম-সিন্দুক বহনকারী লেবীয় যাজকদের দিকে মুখ করে  
সদাপ্রভুর সেই নিয়ম-সিন্দুকের দুই পাশে দাঁড়িয়েছিল। তাদের মধ্যে  
বসবাসকারী বিদেশিরাও সেখানে ছিল এবং স্বদেশি লোকজনরাও  
ছিল। ইস্রায়েলী লোকদের আশীর্বাদ দান সংক্রান্ত নির্দেশদান করার  
সময় সদাপ্রভুর দাস মোশি আগেই তাদের যেমন আদেশ দিয়েছিলেন,  
সেই আদেশানুসারে অর্ধেক লোক গরিষ্ঠীম পর্বতের সামনে ও অর্ধেক  
লোক এবল পর্বতের সামনে এসে দাঁড়াল। 34 পরে, বিধানপুস্তকে  
ঠিক যেমনটি লেখা আছে, সেই অনুসারে যিহোশূয় বিধানের সব  
কথা—আশীর্বাদ ও অভিশাপের কথা—পাঠ করলেন। 35 মোশির

দেওয়া আদেশের এমন কোনও কথা বাকি ছিল না যা যিহোশূয় নারী  
ও শিশুসহ সমগ্র ইস্রায়েলী সমাজ এবং তাদের মধ্যে বসবাসকারী সব  
বিদেশির কাছে পাঠ করেননি।

**৭** এদিকে জর্ডন নদীর পশ্চিম পারের সব রাজা—পার্বত্য অঞ্চলের,  
পশ্চিম পাদদেশের, এবং লেবানন পর্যন্ত ভূমধ্যসাগরের সমগ্র  
উপকূলবর্তী এলাকার রাজারা (হিতীয়, ইমোরীয়, কনানীয়, পরিষীয়,  
হিবীয় ও যিবূয়ীয়দের রাজারা) যখন এসব বিষয় শুনলেন, ২ তখন  
তাঁরা একসঙ্গে মিলিত হয়ে যিহোশূয় ও ইস্রায়েলের বিরুদ্ধে যুদ্ধ  
ঘোষণা করলেন। ৩ অবশ্য, গিবিয়োনের লোকজন যখন শুনতে পেল,  
যিহোশূয় যিরীহো ও অয়ের প্রতি কী করেছেন, ৪ তখন তারা এক  
কৌশল অবলম্বন করল: তারা এমন এক প্রতিনিধিত্বপূর্ণ গেল যাদের  
গাধাগুলির পিঠে ছেঁড়া বস্তা ও চিঢ়-খাওয়া ও তাঙ্গি মারা সুরাধার  
রাখা ছিল। ৫ তারা ক্ষয়ে যাওয়া ও তাঙ্গি মারা চটিজুতো পায়ে দিল  
এবং পুরোনো পোশাক গায়ে দিল। তাদের খাওয়ার জন্য সব রুটি  
ছিল শুকনো ও ছাতাধর। ৬ পরে তারা গিল্গলে অবস্থিত শিবিরে  
যিহোশূয়ের কাছে গেল এবং তাঁকে ও ইস্রায়েলীদের বলল, “আমরা  
এক দূরদেশ থেকে আসছি; আমাদের সঙ্গে আপনারা মৈত্রীচুক্তি  
করুন।” ৭ ইস্রায়েলীরা হিবীয়দের বলল, “কিন্তু হয়তো তোমরা  
আমাদের কাছাকাছি বসবাস করছ, তাই আমরা কীভাবে তোমাদের  
সঙ্গে মৈত্রীচুক্তি করব?” ৮ “আমরা আপনার দাস,” তারা যিহোশূয়কে  
বলল। কিন্তু যিহোশূয় জিজ্ঞাসা করলেন, “তোমরা কারা এবং তোমরা  
কোথা থেকে এসেছ?” ৯ তারা উত্তর দিল: “আপনাদের সংশ্রে সদাপ্রভুর  
সুখ্যাতি শুনে আপনার দাস আমরা বহু দূরের এক দেশ থেকে  
এখানে এলাম। কারণ আমরা তাঁর খবর শুনলাম: তিনি মিশ্রে যেসব  
কাজ করেছেন, ১০ এবং জর্ডন নদীর পূর্বপারের ইমোরীয়দের দুই  
রাজার—হিস্বোনের রাজা সীহোন ও যিনি অষ্টারোতে রাজত্ব করতেন,  
বাশনের রাজা সেই ওগের—প্রতি তিনি যেসব কাজ করেছেন,  
সেকথাও আমরা শুনেছি। ১১ আর আমাদের প্রাচীনেরা ও আমাদের  
দেশে বসবাসকারী সবাই আমাদের বললেন, ‘তোমাদের যাত্রার

জন্য তোমরা পাথেয় নাও; যাও এবং তাদের সঙ্গে দেখা করো ও তাদের বলো, “আমরা আপনাদের দাস; আমাদের সঙ্গে এক মৈত্রীচুক্তি করুন।” 12 যেদিন আমরা আপনাদের কাছে আসার জন্য বাড়ি ছেড়েছিলাম, সেদিন ঘরে বোঁচকা বাঁধা আমাদের এই রুটিগুলি সব টাটকা ছিল। কিন্তু এখন দেখুন, এগুলি কেমন শুকনো হয়ে গিয়েছে ও এতে ছাতা ধরেছে। 13 আর আমাদের ভর্তি করা এই সুরাধারগুলি নতুন ছিল, কিন্তু দেখুন, এগুলিতে কেমন চিঢ় ধরেছে। আর এই সুদীর্ঘ যাত্রার ফলে আমাদের পোশাক-পরিচ্ছন্দ ও চটিজুতোও ছিঁড়ে গিয়েছে।” 14 ইস্রায়েলীরা সেইসব খাবারদাবার পরীক্ষা করে দেখল কিন্তু সদাপ্রভুর কাছে খোঁজ করল না। 15 তখন যিহোশূয় তাদের সঙ্গে এক মৈত্রীচুক্তি করলেন, যেন তারা বেঁচে থাকে, এবং সমাজের সব নেতা শপথের দ্বারা সেটির অনুমোদন দিলেন। 16 গিবিয়োনীয়দের সঙ্গে মৈত্রীচুক্তি করার তিন দিন পর, ইস্রায়েলীরা শুনতে পেল যে, তারা তাদেরই প্রতিবেশী, তাদের কাছেই বসবাস করছিল। 17 তাই ইস্রায়েলীরা যাত্রা করে তৃতীয় দিনে তাদের এই নগরগুলির কাছে পৌঁছে গেল: গিবিয়োন, কফীরা, বেরোৎ ও কিরিয়ৎ-যিয়ারীম। 18 ইস্রায়েলীরা কিন্তু তাদের আক্রমণ করল না, কারণ সমাজের নেতারা ইস্রায়েলের ঈশ্বর সদাপ্রভুর নামে তাদের কাছে শপথ করেছিলেন। 19 সমগ্র জনসমাজ নেতাদের বিরুদ্ধে অসন্তোষ প্রকাশ করল, 20 কিন্তু নেতারা সবাই তাদের উন্নত দিলেন, “আমরা ইস্রায়েলের ঈশ্বর সদাপ্রভুর নামে তাদের কাছে শপথ করেছি, তাই এখন আমরা আর তাদের স্পর্শ করতে পারব না। 21 আমরা তাদের প্রতি এরকম করব: আমরা তাদের বেঁচে থাকতে দেব, যেন তাদের কাছে করা শপথ ভাঙ্গার জন্য আমাদের উপরে ঈশ্বরের ক্ষোধ নেমে না আসে।” 22 তাঁরা আরও বললেন, “তারা বেঁচে থাকুক, কিন্তু সমগ্র সমাজের সেবায় তারা কার্তৃরিয়া ও জল বহনকারী হয়েই থাকুক।” অতএব তাদের কাছে করা নেতাদের প্রতিজ্ঞা রক্ষিত হল। 23 পরে যিহোশূয় গিবিয়োনীয়দের ডেকে পাঠালেন ও বললেন, “তোমরা কেন একথা বলে আমাদের সঙ্গে প্রতারণা করলে যে, ‘আমরা আপনাদের থেকে বহুদ্বারে বসবাস করি,’

প্রকৃতপক্ষে যখন তোমরা আমাদের কাছেই থাকো? 23 এখন তোমরা  
এক অভিশাপের অধীন হলে: আমার ঈশ্বরের গৃহের জন্য কাঠুরিয়ার ও  
জল বহনকারীর সেবাকাজ থেকে তোমরা কখনও নিঃস্তি পাবে না।”

24 তারা যিহোশূয়কে উত্তর দিল, “আপনার দাসেদের স্পষ্ট করে বলে  
দেওয়া হয়েছিল কীভাবে আপনার ঈশ্বর সদাপ্রভু তাঁর দাস মোশিকে  
আদেশ দিয়েছিলেন, যে তিনি সমগ্র দেশটি আপনাদের দেবেন এবং  
এখানকার সমস্ত অধিবাসীকে আপনাদের সামনে থেকে নিশ্চিহ্ন করে  
ফেলবেন। তাই আপনাদের কারণে আমরা প্রাণভয়ে ভীত হয়েছি, এবং  
সেজন্যই এরকম করেছি। 25 এখন আমরা আপনার হাতেই আছি।  
আপনার যা ভালো ও ন্যায্য মনে হয়, আমাদের প্রতি তাই করুন।” 26  
অতএব যিহোশূয় ইস্রায়েলীদের হাত থেকে তাদের রক্ষা করলেন,  
এবং ইস্রায়েলীরা তাদের হত্যা করল না। 27 গিবিয়োনীয়দের সেদিন  
তিনি সমাজের জন্য কাঠুরিয়া ও জল বহনকারীরূপে, ও সদাপ্রভুর  
মনোনীত স্থানে সদাপ্রভুর যজ্ঞবেদির চাহিদা মিটানোর কাজে নিযুক্ত  
করলেন। আর আজও পর্যন্ত তারা এরকমই হয়ে আছে।

**10** এদিকে জেরুশালেমের রাজা অদোনী-য়েদক শুনতে পেলেন  
যে যিহোশূয় অয় দখল করে তা সম্পূর্ণরূপে ধ্বংস করে ফেলেছেন,  
যিরীহো ও সেখানকার রাজার প্রতি তিনি যেমন করেছিলেন, অয়  
ও সেখানকার রাজার প্রতিও সেরকমই করেছেন, এবং গিবিয়োন-  
নিবাসীরা ইস্রায়েলের সঙ্গে এক মৈত্রীচুক্তি করেছে ও তাদের মিত্রশক্তি  
হয়ে উঠেছে। 2 রাজা ও তাঁর প্রজারা এতে ভীষণ উদ্ব্লাস্ত হয়ে গেলেন,  
কারণ যে কোনো রাজকীয় নগরের মতো গিবিয়োনও ছিল গুরুত্বপূর্ণ  
এক নগর; সেটি আকারে অয়ের থেকেও বড়ো ছিল এবং সেখানকার  
সব লোকজন ছিল ভালো মোদ্দা। 3 তাই জেরুশালেমের রাজা অদোনী-  
য়েদক হির্বাণের রাজা হোহমের, যর্মুতের রাজা পিরামের, লাবীশের  
রাজা যাফিয়ের ও ইঘোনের রাজা দবীরের কাছে আবেদন জানালেন।  
4 “আপনারা আমার কাছে আসুন এবং গিবিয়োন আক্রমণ করার জন্য  
আমাকে সাহায্য করুন,” তিনি বললেন, “কারণ তারা যিহোশূয় ও  
ইস্রায়েলের সঙ্গে সম্বন্ধ করেছে।” 5 তখন ইমোরীয়দের এই পাঁচজন

রাজা—জেরশালেমের, হির্বানের, যর্মুতের, লাখীশের ও ইংল্যান্ডের  
রাজা—তাঁদের সৈন্যদল সমবেত করলেন। তাঁদের সমগ্র সৈন্যদল  
নিয়ে তাঁরা এগিয়ে গেলেন ও গিবিয়োনের বিরুদ্ধে অবস্থান নিয়ে  
সেটি আক্রমণ করলেন। ৫ গিবিয়োনীয়েরা তখন গিল্গলের শিবিরে  
যিহোশূয়ের কাছে খবর পাঠাল: “আপনার দাসদের ছেড়ে যাবেন  
না। তাড়াতাড়ি আমাদের কাছে আসুন ও আমাদের রক্ষা করুন!  
আমাদের সাহায্য করুন, কারণ পার্বত্য প্রদেশের ইমেরীয় রাজারা  
সবাই আমাদের বিরুদ্ধে জোট বেঁধেছেন।” ৭ অতএব যিহোশূয় তাঁর  
সমগ্র সৈন্যদল ও সেরা যোদ্ধাদের সবাইকে সাথে নিয়ে গিল্গল  
থেকে কুচকাওয়াজ করে এগিয়ে গেলেন। ৮ সদাপ্রভু যিহোশূয়কে  
বললেন, “ওদের ভয় পেয়ো না; ওদের আমি তোমার হাতে সমর্পণ  
করেছি। ওদের কেউই তোমার সামনে দাঁড়াতে পারবে না।” ৯ গিল্গল  
থেকে বেরিয়ে সারারাত কুচকাওয়াজ করে এগিয়ে যাওয়ার পর,  
যিহোশূয় হঠাৎ তাঁদের সামনে উপস্থিত হয়ে তাঁদের চমকে দিলেন।  
১০ ইস্রায়েলের সামনে সদাপ্রভু তাদের বিহুল করে তুললেন, তাই  
যিহোশূয় ও ইস্রায়েলীরা গিবিয়োনে তাদের সম্পূর্ণরূপে পরাজিত  
করলেন। বেথ-হোরোণ পর্যন্ত উঠে যাওয়া পথটি ধরে ইস্রায়েল তাদের  
পশ্চাদ্বাবন করল এবং অসেকা ও মক্কেদা পর্যন্ত এগিয়ে গিয়ে তাদের  
হত্যা করল। ১১ তারা যখন বেথ-হোরোণ থেকে অসেকা পর্যন্ত  
বিস্তৃত পথে নামতে নামতে ইস্রায়েলের কাছ থেকে পালিয়ে যাচ্ছিল,  
তখন সদাপ্রভু তাদের উপরে বড়ো বড়ো শিলা বর্ষণ করলেন এবং  
ইস্রায়েলীদের তরোয়ালের আঘাতে যতজন না নিহত হল, তার থেকেও  
বেশি সংখ্যক লোক শিলাবৃষ্টিতে নিহত হল। ১২ যেদিন সদাপ্রভু  
ইমেরীয়দের ইস্রায়েলের হাতে সমর্পণ করলেন, যিহোশূয় সমস্ত  
ইস্রায়েলের সামনে সদাপ্রভুর কাছে প্রার্থনা করলেন। তিনি বললেন:  
“সূর্য, তুমি গিবিয়োনে স্থির হয়ে দাঁড়াও, আর চাঁদ, তুমি দাঁড়াও  
অয়লোন উপত্যকায়।” ১৩ তাই সূর্য স্থির হয়ে দাঁড়াল, চাঁদও থেমে  
রইল, যতক্ষণ না সেই জাতি তার শক্রদের উপর প্রতিশোধ নিল,  
যেমনটি যাশেরের পুস্তকে লেখা আছে। সূর্য মধ্যাকাশে থেমে রইল

ও অঙ্গ যেতে প্রায় সম্পূর্ণ একদিন দেরি করল। 14 এর আগে বা এয়াবৎ আর কখনও এমন কোনও দিন হয়নি, যেদিন সদাপ্রভু কোনো মানুষের কথা এভাবে শুনেছেন। নিঃসন্দেহে সদাপ্রভু ইস্রায়েলের হয়ে যুদ্ধ করছিলেন! 15 পরে যিহোশূয় সমগ্র ইস্রায়েলকে সঙ্গে নিয়ে গিল্গালের শিবিরে ফিরে এলেন। 16 এদিকে সেই পাঁচজন রাজা পালিয়ে গিয়ে মক্ষদায় একটি গুহাতে লুকিয়েছিলেন। 17 যিহোশূয়কে যখন বলা হল যে সেই পাঁচজন রাজাকে মক্ষদায় একটি গুহাতে লুকিয়ে থাকতে দেখা গিয়েছে, 18 তখন তিনি বললেন, “সেই গুহাটির মুখে বড়ো বড়ো পাখাণ-পাথর গড়িয়ে দাও ও সেটি পাহারা দেওয়ার জন্য কয়েকজন লোক মোতায়েন করে দাও। 19 কিন্তু তোমরা থেমে থেকো না; তোমাদের শক্রদের পশ্চাদ্বাবন করে যাও! পিছন দিক থেকে তাদের আক্রমণ করো ও তাদের নিজেদের নগরগুলিতে পৌঁছাতে দিয়ো না, কারণ তোমাদের ঈশ্বর সদাপ্রভু তাদের তোমাদের হাতে সমর্পণ করে দিয়েছেন।” 20 অতএব যিহোশূয় ও ইস্রায়েলীরা সম্পূর্ণরূপে তাদের পরাজিত করলেন, কিন্তু প্রাণে বাঁচা কয়েকজন লোক তাদের প্রাচীরবেষ্টিত নগরগুলিতে পৌঁছে যেতে পারল। 21 সমগ্র সৈন্যদল নিরাপদে মক্ষদার শিবিরে যিহোশূয়ের কাছে ফিরে এল, এবং কেউই ইস্রায়েলীদের বিরঞ্জে একটি শব্দও উচ্চারণ করতে পারল না। 22 যিহোশূয় বললেন, “গুহার মুখটি খোলো এবং সেই পাঁচজন রাজাকে আমার কাছে নিয়ে এসো।” 23 অতএব তারা সেই পাঁচজন রাজাকে—জেরুশালেমের, হির্বাণের, যর্মুতের, লাখীশের ও ইঁহুনের রাজাকে গুহা থেকে বের করে আনল, তখন তিনি ইস্রায়েলের সব লোকজনকে ডেকে পাঠালেন এবং তাঁর সঙ্গে আসা সৈন্যদলের সেনাপতিদের বললেন, “তোমরা এখানে এসো ও এই রাজাদের ঘাড়ে নিজেদের পা রাখো।” তাই তাঁরা এগিয়ে এলেন ও সেই রাজাদের ঘাড়ে নিজেদের পা রাখলেন। 25 যিহোশূয় তাদের বললেন, “তোমরা ভয় পেয়ো না; নিরাশও হোয়ো না। তোমরা বলবান ও সাহসী হও। তোমরা যেসব শক্রের সঙ্গে যুদ্ধ করতে যাচ্ছ, সদাপ্রভু তাদের সবারই

প্রতি এরকম করবেন।” 26 পরে যিহোশূয় সেই রাজাদের হত্যা করলেন ও পাঁচটি শূলে তাঁদের মৃতদেহ টাঙিয়ে দিলেন, এবং সন্ধ্যা পর্যন্ত তাঁদের মৃতদেহ ওই শূলগুলিতে ঝুলে রাইল। 27 সূর্যাস্তের সময় যিহোশূয় আদেশ দিলেন ও তারা ওই রাজাদের মৃতদেহ শূল থেকে নামাল এবং তাঁরা যেখানে লুকিয়েছিলেন, সেই গুহায় তাঁদের শবগুলি ছুঁড়ে ফেলে দিল। গুহার মুখে তারা বড়ো বড়ো পাষাণ-পাথর রেখে দিল, যা আজও পর্যন্ত সেখানে রাখা আছে। 28 সেদিন যিহোশূয় মকেদা দখল করলেন। তিনি সেই নগরের ও সেখানকার রাজার উপর তরোয়াল চালালেন ও সেটির মধ্যে বসবাসকারী প্রত্যেককে সম্পূর্ণরূপে ধ্বংস করলেন। তিনি কাউকেই প্রাণে বাঁচতে দিলেন না। আর যিরীহোর রাজার প্রতি তিনি যেমন করেছিলেন, মকেদার রাজার প্রতিও তিনি তেমনই করলেন। 29 পরে যিহোশূয় ও সমগ্র ইস্রায়েল মকেদা থেকে লিব্নার দিকে এগিয়ে গেলেন ও তা আক্রমণ করলেন। 30 সদাপ্রভু সেই নগরটি ও তার রাজাকেও ইস্রায়েলের হাতে সমর্পণ করলেন। সেই নগরের ও সেখানে বসবাসকারী প্রত্যেকের উপর যিহোশূয় তরোয়াল চালালেন। সেখানে কাউকে তিনি প্রাণে বাঁচতে দিলেন না। আর যিরীহোর রাজার প্রতি তিনি যেমন করেছিলেন, এখানকার রাজার প্রতিও তিনি তেমনই করলেন। 31 পরে যিহোশূয় ও তাঁর সঙ্গে থাকা সমগ্র ইস্রায়েল লিব্না থেকে লাখীশের দিকে এগিয়ে গেলেন; তিনি সেই নগরের বিরুদ্ধে অবস্থান নিলেন ও তা আক্রমণ করলেন। 32 সদাপ্রভু ইস্রায়েলের হাতে লাখীশ সমর্পণ করলেন, এবং দ্বিতীয় দিনে যিহোশূয় তা দখল করলেন। সেই নগরের ও সেখানে বসবাসকারী প্রত্যেকের উপরে তিনি তরোয়াল চালালেন, ঠিক যেমনটি তিনি লিব্নার প্রতি করেছিলেন। 33 ইতিমধ্যে, গেমরের রাজা হেরম লাখীশকে সাহায্য করতে এলেন, কিন্তু যিহোশূয় তাঁকে ও তাঁর সৈন্যদলকেও পরাজিত করলেন—কাউকে প্রাণে বাঁচতে দিলেন না। 34 পরে যিহোশূয় ও তাঁর সঙ্গে থাকা সমগ্র ইস্রায়েল লাখীশ থেকে ইঞ্জোনের দিকে এগিয়ে গেলেন; তাঁরা নগরের বিরুদ্ধে অবস্থান নিলেন ও তা আক্রমণ করলেন। 35 সেদিনই তাঁরা তা দখল করে

নিলেন এবং সেটির উপরে তরোয়াল চালিয়ে সেখানে বসবাসকারী  
 প্রত্যেককে সম্পূর্ণরূপে ধ্বংস করলেন, ঠিক যেমনটি তাঁরা লাখীশের  
 প্রতি করেছিলেন। 36 পরে যিহোশূয় ও তাঁর সঙ্গে থাকা সমগ্র ইস্রায়েল  
 ইঁগ্লান থেকে হির্বাণের দিকে এগিয়ে গিয়ে তা আক্রমণ করলেন। 37  
 তাঁরা নগরটি দখল করলেন এবং সেটির উপরে ও সেখানকার রাজার,  
 সেখানকার গ্রামগুলির এবং সেখানে বসবাসকারী প্রত্যেকের উপরে  
 তরোয়াল চালিয়ে দিলেন। কাউকেই তাঁরা প্রাণে বাঁচতে দিলেন না।  
 ইঁগ্লানের প্রতি যেমন করেছিলেন, সেভাবে সেই নগর ও সেখানে  
 বসবাসকারী প্রত্যেককে তাঁরা সম্পূর্ণরূপে ধ্বংস করলেন। 38 পরে  
 যিহোশূয় ও তাঁর সঙ্গে থাকা সমগ্র ইস্রায়েল পিছনে ফিরে দ্বীর  
 আক্রমণ করলেন। 39 তাঁরা নগরটির রাজা ও গ্রামগুলি সমেত সেটি  
 দখল করে নিলেন এবং তাদের উপরে তরোয়াল চালিয়ে দিলেন।  
 সেখানে বসবাসকারী প্রত্যেককে তাঁরা সম্পূর্ণরূপে ধ্বংস করলেন।  
 কাউকেই তাঁরা প্রাণে বাঁচতে দিলেন না। লিব্না ও সেখানকার রাজার  
 এবং হির্বাণের প্রতি তাঁরা যেমন করেছিলেন, দ্বীর ও সেখানকার  
 রাজার প্রতিও তাঁরা তেমনই করলেন। 40 অতএব যিহোশূয় পার্বত্য  
 প্রদেশ, নেগেভ, পশ্চিমী পাহাড়ের পাদদেশ ও পর্বতের ঢাল সমেত  
 সমগ্র অঞ্চলটি, এবং তাদের সব রাজাকে পদানত করলেন। তাদের  
 কাউকেই তিনি প্রাণে বাঁচতে দিলেন না। শাসবিশিষ্ট সকলকেই তিনি  
 সম্পূর্ণরূপে ধ্বংস করলেন, ঠিক যেমনটি ইস্রায়েলের ঈশ্বর সদাপ্রভু  
 আদেশ দিয়েছিলেন। 41 কাদেশ-বর্ণেয় থেকে গাজা পর্যন্ত এবং  
 গোশনের সমগ্র অঞ্চল থেকে গিবিয়োন পর্যন্ত, যিহোশূয় তাদের  
 পদানত করলেন। 42 একই সামরিক অভিযানে যিহোশূয় এসব রাজা  
 ও তাঁদের দেশগুলির উপর জয়লাভ করলেন, কারণ ইস্রায়েলের ঈশ্বর  
 সদাপ্রভু ইস্রায়েলের হয়ে যুদ্ধ করেছিলেন। 43 পরে যিহোশূয় সমগ্র  
 ইস্রায়েলকে সঙ্গে নিয়ে গিল্গনের শিবিরে ফিরে এলেন।

**11** হাত্সোরের রাজা যাবীন যখন একথা শুনলেন, তখন তিনি  
 মাদোনের রাজা যোববের কাছে, শিশ্রোণের ও অক্ষফের রাজাদের  
 কাছে, 2 এবং পার্বত্য অঞ্চলে বসবাসকারী উভয় দিকের রাজাদের

কাছে, কিন্নেরতের দক্ষিণে অরাবায়, পশ্চিমী পাহাড়ের পাদদেশে ও  
আরও পশ্চিমে নাফোৎ-দোরে খবর পাঠালেন; ৩ এছাড়াও পূর্ব ও  
পশ্চিমদিকের কনানীয়দের কাছে; পার্বত্য অঞ্চলের ইমোরীয়, হিতীয়,  
পরিযীয় ও যিবুয়ীয়দের কাছে; এবং হর্মোগের নিচের দিকের মিস্পা  
অঞ্চলে হিবীয়দের কাছেও তিনি খবর পাঠালেন। ৪ তাঁরা তাঁদের  
সমগ্র সৈন্যদল এবং বিপুল সংখ্যক ঘোড়া ও রথ নিয়ে—সমুদ্রতীরের  
বালুকণার মতো বিশাল সৈন্যদল নিয়ে বেরিয়ে এলেন। ৫ এসব  
রাজা সৈন্যদলগুলি একত্রিত করে ইস্রায়েলের বিরুদ্ধে যুদ্ধ করার  
জন্য মেরোম জলাশয়ের কাছে শিবির স্থাপন করলেন। ৬ সদাপ্রভু  
যিহোশূয়কে বললেন, “তুমি ওদের ভয় কোরো না, কারণ আগামীকাল  
এই সময়ে, আমি তাদের সবাইকে হত্যা করে ইস্রায়েলের হাতে  
সমর্পণ করব। তোমাকে তাদের ঘোড়াগুলির পায়ের শিরা কেটে  
ফেলতে হবে ও তাদের রথগুলি পুড়িয়ে দিতে হবে।” ৭ অতএব  
যিহোশূয় ও তাঁর সমগ্র সৈন্যদল অতর্কিতে মেরোম জলাশয়ের  
কাছে গিয়ে তাদের আক্রমণ করলেন, ৮ এবং সদাপ্রভু তাদের  
ইস্রায়েলের হাতে সমর্পণ করলেন। তাঁরা তাদের পরাজিত করলেন  
এবং মহাসীদোন, মিশ্রফোৎ-ময়িম ও পূর্বদিকে মিস্পা উপত্যকা  
পর্যন্ত এগিয়ে গিয়ে তাদের পশ্চাদ্বাবন করে গেলেন, ও একজনকেও  
প্রাণে বাঁচতে দিলেন না। ৯ সদাপ্রভু যেমন নির্দেশ দিয়েছিলেন,  
যিহোশূয় তাদের প্রতি তেমনই করলেন: তিনি তাদের ঘোড়াগুলির  
পায়ের শিরা কেটে ফেললেন এবং তাদের রথগুলি পুড়িয়ে দিলেন। ১০  
সেই সময় যিহোশূয় পিছনে ফিরে হাত্সোর নিয়ন্ত্রণে আনলেন এবং  
সেখানকার রাজার উপরে তরোয়াল চালিয়ে দিলেন। (এসব রাজ্যের  
মধ্যে হাত্সোর প্রধান ছিল) ১১ সেখানে বসবাসকারী প্রত্যেকের  
উপরে তারা তরোয়াল চালিয়ে দিলেন। তাঁরা তাদের সম্পূর্ণরূপে ধ্বংস  
করলেন, তাদের মধ্যে শ্বাসবিশিষ্ট কাউকেই জীবিত রাখলেন না,  
এবং তিনি হাত্সোর নগরটিই পুড়িয়ে দিলেন। ১২ যিহোশূয় এসব  
রাজকীয় নগর ও সেখানকার রাজাদের নিয়ন্ত্রণে এনে তাঁদের উপরে  
তরোয়াল চালিয়ে দিলেন। সদাপ্রভুর দাস মোশির আদেশানুসারে

তিনি তাঁদের সম্পূর্ণরূপে ধ্বংস করলেন। 13 তবুও শুধু যিহোশূয় যেটি পুড়িয়ে দিয়েছিলেন, সেই হাতসোর ছাড়া, তাদের টিলাগুলির উপরে নির্মিত আর কোনো নগর তারা পোড়ায়নি। 14 ইস্রায়েলীরা এসব নগরের সমস্ত লুণ্ঠিত জিনিসপত্র ও গৃহপালিত পশুপাল নিজেদের জন্য বহন করে নিয়ে গেল, কিন্তু সব লোকজনকে সম্পূর্ণরূপে ধ্বংস না করা পর্যন্ত তারা তাদের উপরে তরোয়াল চালিয়ে গেল, এবং শ্বাসবিশিষ্ট কাটকেও তারা জীবিত রাখেনি। 15 সদাপ্রভু তাঁর দাস মোশিকে যেমন আদেশ দিয়েছিলেন, মোশি যিহোশূয়কে তেমনই আদেশ দিয়েছিলেন, ও যিহোশূয় তা পালন করলেন; সদাপ্রভু মোশিকে যেসব আদেশ দিয়েছিলেন, যিহোশূয় তার কোনোটিই অসম্পূর্ণ রাখেননি।

16 অতএব যিহোশূয় সমগ্র এই দেশ: পার্বত্য প্রদেশ, সমগ্র নেগেভ, গোশনের সম্পূর্ণ অঞ্চল, পশ্চিমী পাহাড়ের পাদদেশগুলি, অরাবা এবং ইস্রায়েলের পর্বতগুলি ও সেগুলির পাদদেশগুলি, 17 সেয়ারের দিকে উঠে যাওয়া হালক পর্বত থেকে হর্মোগ পর্বতের নিচে অবস্থিত লেবানন উপত্যকার বায়াল-গাদ পর্যন্ত দখল করলেন। তিনি সেখানকার সব রাজাকে বন্দি করে তাদের হত্যা করলেন। 18 দীর্ঘদিন ধরে যিহোশূয় এসব রাজার বিরুদ্ধে যুদ্ধ চালালেন। 19 গিবিয়োনে বসবাসকারী হিবীয়রা ছাড়া, আর কোনও নগর সেই ইস্রায়েলীদের সঙ্গে মৈত্রীচুক্তি করেনি, যারা যুদ্ধে তাদের সবাইকে পরাজিত করেছিল। 20 কারণ স্বয়ং সদাপ্রভুই তাদের হৃদয় কঠোর করলেন, যেন তারা ইস্রায়েলের বিরুদ্ধে যুদ্ধ চালায় এবং তিনি তাদের সম্পূর্ণরূপে ধ্বংস করতে পারেন, দয়া না দেখিয়ে তাদের যেন নির্মূল করে ফেলেন, যেমনটি সদাপ্রভু মোশিকে আদেশ দিয়েছিলেন। 21 সেই সময় যিহোশূয় গিয়ে পার্বত্য প্রদেশের অনাকীয়দের ধ্বংস করলেন: হিব্রোণ, দ্বীর ও অনাব থেকে, যিহুদার সমস্ত পার্বত্য প্রদেশ থেকে। তাদের ও তাদের নগরগুলি যিহোশূয় সম্পূর্ণরূপে ধ্বংস করলেন। 22 ইস্রায়েলী এলাকায় আর কোনো অনাকীয় অবশিষ্ট ছিল না; শুধুমাত্র গাজা, গাঢ় ও অস্দোদে কিছু লোক অবশিষ্ট ছিল। 23 অতএব যিহোশূয় সমগ্র দেশটি দখল করলেন, ঠিক যেমনটি সদাপ্রভু

মোশিকে নির্দেশনা দিয়েছিলেন, এবং তাদের গোষ্ঠী-বিভাগ অনুসারে  
তিনি সেই দেশটি এক উত্তরাধিকাররূপে ইস্রায়েলকে দিলেন। পরে  
দেশে যুদ্ধবিরাম হল।

**12** এঁরাই হলেন সেই দেশের রাজারা, যাঁদের ইস্রায়েলীরা পরাজিত  
করল এবং যাঁদের এলাকা জর্ডন নদীর পূর্বপারে, অর্ণেন গিরিখাত  
থেকে হর্মোন পর্বত পর্যন্ত বিস্তৃত ছিল, সেই এলাকা এবং অরাবার  
পূর্বদিকের সমস্ত এলাকা তারা দখল করল: 2 ইমোরীয়দের রাজা  
সীহোন, যিনি হিয়বোনে রাজত্ব করতেন। অর্ণেন গিরিখাতের প্রান্তে  
অরোয়ের থেকে—গিরিখাতের মাঝামাঝি থেকে—অম্মোনীয়দের  
সীমানারূপে চিহ্নিত যবোক নদী পর্যন্ত বিস্তৃত এলাকা তাঁর শাসনাধীন  
ছিল। গিলিয়দের অর্ধেক অংশও এর অন্তর্ভুক্ত। 3 এছাড়াও গালীল  
সাগর থেকে অরাবা সাগর (অর্থাৎ, মরস্যাগর) পর্যন্ত এবং বেথ-  
যিশীমোৎ ও পরে পিস্গার ঢালের নিচে, দক্ষিণ দিক পর্যন্ত তাঁর  
শাসনাধীন ছিল। 4 আর বাশনের রাজা সেই ওগের এলাকা, যিনি  
রফায়ীয়দের শেষদিকের একজন রাজা, ও যিনি অষ্টারোতে ও  
ইদ্রিয়াতে রাজত্ব করতেন। 5 হর্মোন পর্বত, সল্খা, গশূর ও মাখার  
লোকদের সীমানা পর্যন্ত সমস্ত বাশন এবং হিয়বোনের রাজা সীহোনের  
রাজ্যের সীমানা পর্যন্ত বিস্তৃত গিলিয়দের অর্ধেক অংশ তাঁর শাসনাধীন  
ছিল। 6 সদাপ্রভুর দাস মোশি এবং ইস্রায়েলীরা তাঁদের উপর জয়লাভ  
করেন। আর সদাপ্রভুর দাস মোশি তাঁদের দেশটি অধিকাররূপে  
রুবেনীয় ও গাদীয়দের এবং মনাশির অর্ধেক বংশকে দিয়েছিলেন।  
7 জর্ডন নদীর পশ্চিমদিকে, লেবানন উপত্যকার বায়াল-গাদ থেকে  
যা সেয়ীরের দিকে উঠে যায়, সেই হালক পর্বত পর্যন্ত বিস্তৃত যে  
দেশটি যিহোশূয় ও ইস্রায়েলীরা জয় করলেন, সেখানকার রাজাদের  
এক তালিকা এখানে দেওয়া হল। যিহোশূয় তাঁদের দেশগুলি এক  
অধিকাররূপে গোষ্ঠী-বিভাগ অনুসারে ইস্রায়েলের বিভিন্ন বংশকে  
দিয়েছিলেন। 8 এই দেশগুলিতে পার্বত্য প্রদেশ, পশ্চিমী পাহাড়ের  
পাদদেশ, অরাবা, পর্বতের ঢাল, মরস্যাত্তর ও নেগেভ যুক্ত ছিল।  
এগুলি হিত্তীয়, ইমোরীয়, কনানীয়, পরিষীয়, হিবীয় ও যিবূরীয়দের

দেশ। এঁরাই সেইসব রাজা: ১ যিনীহোর রাজা একজন (বেথেলের নিকটবর্তী) অয়ের রাজা একজন ১০ জেরশালেমের রাজা একজন হির্বোগের রাজা একজন ১১ যর্মুতের রাজা একজন লাখীশের রাজা একজন ১২ ইঁগ্লেনের রাজা একজন গেওরের রাজা একজন ১৩ দবীরের রাজা একজন গেদরের রাজা একজন ১৪ হর্মার রাজা একজন অরাদের রাজা একজন ১৫ লিব্নার রাজা একজন অদুল্লমের রাজা একজন ১৬ মক্কেদার রাজা একজন বেথেলের রাজা একজন ১৭ তপুহের রাজা একজন হেফরের রাজা একজন ১৮ অফেকের রাজা একজন লশারোগের রাজা একজন ১৯ মাদোনের রাজা একজন হাত্সোরের রাজা একজন ২০ শিঞ্চোণ-মেরোগের রাজা একজন অক্ষফের রাজা একজন ২১ তানকের রাজা একজন মগিদোর রাজা একজন ২২ কেদশের রাজা একজন কর্মিলে যাক্সিয়ামের রাজা একজন ২৩ (নাফোৎ-দোরে) দোরের রাজা একজন গিলগালে গয়িমের রাজা একজন ২৪ তিস্রার রাজা একজন মোট একত্রিশ জন রাজা।

**১৩** যিহোশূয় বৃন্দ হয়ে যাওয়ার পর সদাপ্রভু তাঁকে বললেন, “তুমি খুব বৃন্দ হয়ে গিয়েছ, আর দেশের বিস্তর এলাকা এখনও দখল করা হয়ে ওঠেনি। ২ “এসব দেশ এখনও অবশিষ্ট আছে: “ফিলিস্তিনী ও গশ্চীয়দের সমস্ত অঞ্চল, ৩ মিশরের পূর্বদিকে প্রবাহিত সীহোর নদী থেকে উত্তর দিকে ইক্রোগের এলাকা পর্যন্ত বিস্তৃত এলাকা, যার সম্পূর্ণটাই কনানীয়দের অধিকারকৃপে গণ্য, যদিও গাজা, অস্দোদ, অক্সিলোন, গাং ও ইক্রোগে রাজত্বকারী পাঁচজন ফিলিস্তিনী রাজা তা দখল করে রেখেছে; দক্ষিণ দিকে ৪ অবীয়দের এলাকা; সীদোনীয়দের আরা থেকে অফেক পর্যন্ত ও ইমোরীয়দের সীমানা পর্যন্ত বিস্তৃত কনানীয়দের দেশ; ৫ গিব্লীয়দের অঞ্চল; এবং পূর্বদিকে হর্মোণ পর্বতের নিচে অবস্থিত বাযাল-গাদ থেকে লেবো-হমাং পর্যন্ত বিস্তৃত সমগ্র লেবানন। ৬ “লেবানন থেকে মিস্রফোৎ-ময়িম পর্যন্ত বিস্তৃত পার্বত্য অঞ্চলের সমস্ত অধিবাসীকে, অর্থাৎ, সীদোনীয়দের সবাইকে আমি স্বয়ং ইস্রায়েলীদের সামনে থেকে তাড়িয়ে দেব। তোমাকে আমি যেমন নির্দেশ দিয়েছিলাম, সেই অনুসারে এক উত্তরাধিকারকৃপে

এই দেশটি তুমি অবশ্যই ইস্রায়েলীদের জন্য বরাদ্দ কোরো, 7 এবং  
এটি এক উত্তরাধিকাররূপে নয় বংশের ও মনঃশির অর্ধেক বংশের  
মধ্যে ভাগ করে দিয়ো।” 8 মনঃশির অন্য অর্ধেক বংশ, রুবেণীয়রা  
ও গাদীয়রা তাদের সেই উত্তরাধিকার লাভ করল যা মোশি জর্ডনের  
পূর্বপারে তাদের দিয়েছিলেন, যেভাবে তিনি, সদাপ্রভুর দাস, তাদের  
জন্য সেটি বরাদ্দ করে দিয়েছিলেন। 9 এটি অর্ণেন গিরিখাতের প্রান্তে  
অবস্থিত অরোয়ের থেকে, এবং সেই গিরিখাতের মাঝখানে অবস্থিত  
নগর থেকে সম্প্রসারিত হল এবং দীর্ঘন পর্যন্ত বিস্তৃত মেদ্বার  
সমগ্র মালভূমি, 10 ও অম্মোনীয়দের সীমানা পর্যন্ত ছড়িয়ে থাকা  
ইমোরীয়দের রাজা সেই সীহোনের সমস্ত নগরও এতে যুক্ত হল, যিনি  
হিয়বনে রাজত্ব করতেন। 11 এছাড়াও এতে গিলিয়দ অঞ্চল, গশুর ও  
মাখার অধিবাসীদের এলাকা, সমগ্র হর্মোণ পর্বত ও সল্খা পর্যন্ত বিস্তৃত  
সমগ্র বাশন যুক্ত হল— 12 অর্থাৎ, বাশনে সেই ওগের সমগ্র রাজ্য,  
যিনি অষ্টারোৎ ও ইদ্রিয়াতে রাজত্ব করতেন। (তিনিই রফায়ীয়দের  
সর্বশেষ জন) মোশি তাদের পরাজিত করলেন ও তাদের দেশ  
অধিকার করে নিলেন। 13 কিন্তু ইস্রায়েলীরা গশুর ও মাখার লোকদের  
সম্পূর্ণরূপে তাড়িয়ে দেয়নি, তাই আজও পর্যন্ত তারা ইস্রায়েলীদের  
মধ্যে বসবাস করে যাচ্ছে। 14 কিন্তু লেবি বংশকে তিনি কোনও  
উত্তরাধিকার দেননি, যেহেতু ইস্রায়েলের ঈশ্বর, সদাপ্রভুর উদ্দেশে  
উৎসর্গীকৃত ভক্ষ্য নৈবেদ্যই হল তাদের উত্তরাধিকার, যেভাবে সদাপ্রভু  
তাদের কাছে প্রতিজ্ঞা করেছিলেন। 15 রুবেণ বংশকে, তাদের গোষ্ঠী  
অনুসারে মোশি এই অধিকার দিলেন: 16 অর্ণেন গিরিখাতের প্রান্তে  
অবস্থিত অরোয়ের থেকে, এবং গিরিখাতের মাঝখানে অবস্থিত নগর  
থেকে, এবং মেদ্বা ছাড়িয়ে সমগ্র মালভূমি থেকে 17 হিয়বন এবং  
মালভূমিতে ছড়িয়ে থাকা নগরগুলির সাথে দীর্ঘন, বামোৎ-বায়াল,  
বেথ-বায়াল-মিয়োন, 18 যহস, কদম্বোৎ, মেফাওৎ, 19 কিরিয়াথয়িম,  
সিব্রামা, উপত্যকার পাহাড়ে অবস্থিত সেরোৎ-নগর, 20 বেথ-পিয়োর,  
পিস্গার ঢাল, ও বেথ-ফিশীমোৎ 21 মালভূমিতে অবস্থিত সমস্ত নগর  
এবং হিয়বনে রাজত্বকারী ইমোরীয়দের রাজা সীহোনের সমগ্র

অঞ্চল পর্যন্ত বিস্তৃত এলাকা তাদের দিলেন। মোশি সীহোনকে এবং  
মিদিয়নীয় সর্দারদের, ইবি, রেকম, সূর, হুর ও রেবাকে—সীহোনের  
সঙ্গে জোট বাঁধা এই অধিপতিদের—পরাজিত করলেন, যাঁরা সেই  
দেশে বসবাস করতেন। 22 যুদ্ধে যারা নিহত হল, তাদের সাথে  
বিয়োরের ছেলে সেই বিলিয়মকেও ইস্রায়েলীরা তরোয়াল চালিয়ে  
মেরে ফেলল, যে ভবিষ্যৎ-কথনের অনুশীলন করত। 23 রুবেণীয়দের  
সীমানা ছিল জর্ডন নদীর পাড়। তাদের গোষ্ঠী অনুসারে এইসব নগর  
ও সেগুলির সন্নিহিত গ্রামগুলি রুবেণ বংশের অধিকার হল। 24 গাদ  
বংশকে, তাদের গোষ্ঠী অনুসারে মোশি এই অধিকার দিলেন: 25  
যাসেরের এলাকা, গিলিয়দের সবকটি নগর এবং রুবার নিকটবর্তী,  
আরোয়ের পর্যন্ত বিস্তৃত অম্মোনীয়দের অর্ধেক দেশ; 26 এবং হিয়বোন  
থেকে রামৎ-মিস্পী ও বটেনীম পর্যন্ত এবং মহনয়িম থেকে দৰীরের  
এলাকা পর্যন্ত বিস্তৃত অঞ্চল; 27 এবং উপত্যকায়, বেথ-হারম, বেথ-  
নিম্রা, সুক্রোৎ ও সাফোন, ও সেই সঙ্গে হিয়বোনের রাজা সীহোনের  
অবশিষ্ট সমস্ত অঞ্চল। (জর্ডনের পূর্বদিকে, গালীল সাগরের শেষ প্রান্ত  
পর্যন্ত বিস্তৃত অঞ্চল) 28 এসব নগর ও সেগুলির সন্নিহিত গ্রামগুলি  
তাদের গোষ্ঠী অনুসারে গাদ বংশের অধিকার হল। 29 মনঃশির অর্ধেক  
বংশকে, অর্থাৎ, মনঃশির বংশধরদের অর্ধেক ভাগকে, তাদের গোষ্ঠী  
অনুসারে মোশি এই অধিকার দিলেন: 30 মহনয়িম ছাড়িয়ে এবং সমগ্র  
বাশন যুক্ত এলাকা, বাশনের রাজা ওগের সমগ্র এলাকা—বাশনে  
অবস্থিত যায়ীরের সমস্ত জনবসতি, ঘাটটি নগর, 31 গিলিয়দের অর্ধেক  
ভাগ এবং অষ্টারোৎ ও ইদ্রিয়ী। (বাশনে অবস্থিত ওগের রাজকীয়  
নগরগুলি) মনঃশির ছেলে মাখীরের বংশধরদের জন্য—তাদের গোষ্ঠী  
অনুসারে মাখীরের সন্তানদের অর্ধেক সংখ্যার জন্য এটি অধিকার  
হল। 32 মোশি যখন যিরীহোর পূর্বদিকে, জর্ডন নদীর পারে মোয়াবের  
সমভূমিতে ছিলেন, তখন তিনি এই উত্তরাধিকারটি দিয়েছিলেন। 33  
কিন্তু লেবির বংশকে মোশি কোনও উত্তরাধিকার দেননি; ইস্রায়েলের  
ঈশ্বর সদাপ্রভুই তাদের অধিকার, যেভাবে তিনি তাদের কাছে প্রতিজ্ঞা  
করেছিলেন।

**১৪** কনান দেশে ইস্রায়েলীরা এই সমস্ত এলাকা এক উত্তরাধিকারকরপে  
লাভ করল, যা যাজক ইলীয়াসর, নূনের ছেলে যিহোশূয় এবং  
ইস্রায়েলের গোষ্ঠীপতিরা তাদের জন্য বরাদ্দ করে দিলেন। ২ মোশির  
মাধ্যমে সদাপ্রভু যে আদেশ দিয়েছিলেন, সেই আদেশানুসারে তাদের  
উত্তরাধিকার গুটিকাপাত দ্বারা সাড়ে নয় বৎশের জন্য নির্দিষ্ট হল। ৩  
আড়াই বৎশকে মোশি জর্ডন নদীর পূর্বপারে অধিকার দিয়েছিলেন  
কিন্তু অবশিষ্টজনেদের মধ্যে তিনি লেবির বৎশকে কোনও উত্তরাধিকার  
দেননি, ৪ কারণ যোমেফের বৎশধরেরা মনঃশি ও ইফ্রয়িম—এই  
দুই গোষ্ঠীতে পরিণত হল। লেবীয়েরা দেশের কোনও অংশ পায়নি,  
কিন্তু বসবাস করার জন্য শুধু কয়েকটি নগর এবং তাদের মেষপাল ও  
পশুপালের জন্য চারণভূমি পেয়েছিল। ৫ অতএব ইস্রায়েলীরা দেশ  
বিভাগ করল, ঠিক যেভাবে সদাপ্রভু মোশিকে আদেশ দিয়েছিলেন। ৬  
এদিকে যিহুদার লোকজন গিলগালে যিহোশূয়ের কাছে এগিয়ে এল,  
এবং কনিষ্ঠীয় যিফুন্নির ছেলে কালেব তাঁকে বললেন, “আপনি জানেন,  
আপনার ও আমার সম্পর্কে সদাপ্রভু, কাদেশ-বর্ণেয়তে ঈশ্বরের লোক  
মোশিকে কী বলেছিলেন। ৭ দেশ অনুসন্ধান করার জন্যে সদাপ্রভুর  
দাস মোশি যখন কাদেশ-বর্ণেয় থেকে আমাকে পাঠিয়েছিলেন, তখন  
আমার বয়স চাল্লিশ বছর। আর আমার দৃঢ় বিশ্বাস অনুসারেই আমি  
তাঁর কাছে এক প্রতিবেদন পেশ করেছিলাম, ৮ কিন্তু আমার যে সহ-  
ইস্রায়েলী ভাইরা আমার সঙ্গে গিয়েছিল, তারা লোকদের অন্তরে ভয়  
উৎপন্ন করে তা গলিয়ে দিয়েছিল। আমি, অবশ্য, সর্বান্তকরণে আমার  
ঈশ্বর সদাপ্রভুর অনুগামী হয়েছিলাম। ৯ তাই মোশি সেদিন আমার  
কাছে শপথ করে বলেছিলেন, ‘দেশের যেখানে যেখানে তোমার পা  
পড়েছে, তা তোমার ও তোমার সন্তানদের চিরস্থায়ী অধিকার হয়ে  
থাকবে, কারণ তুমি সর্বান্তকরণে আমার ঈশ্বর সদাপ্রভুর অনুগামী  
হয়েছ।’ ১০ “তবে, সদাপ্রভু যেমন প্রতিজ্ঞা করেছিলেন, ইস্রায়েলীরা  
মরণপ্রাপ্তরে ঘুরে বেড়ানোর সময় মোশিকে একথা বলার সময় থেকে  
শুরু করে এখন পর্যন্ত তিনি আমাকে এই পঁয়তাল্লিশ বছর জীবিত  
রেখেছেন। তাই আজ দেখুন, আমার বয়স পঁচাশি বছর হয়ে গেল!

11 মোশি যেদিন আমাকে বাইরে পাঠিয়েছিলেন, সেদিনের মতো  
আমি আজও ততটাই শক্তিশালী; যুদ্ধে যাওয়ার জন্য তখনকার মতো  
আমি আজও ততটাই বীর্যবান। 12 সেদিন সদাপ্রভু আমার কাছে  
যে প্রতিজ্ঞা করেছিলেন, সেই প্রতিজ্ঞানুসারে এখন আপনি আমাকে  
এই পার্বত্য দেশটি দিন। তখন তো আপনি স্বয়ং সেকথা শুনেছিলেন  
যে, অনাকীয়েরা সেখানে আছে এবং তাদের নগরগুলি বড়ো বড়ো  
ও দেয়াল-ঘেরা, কিন্তু সদাপ্রভুর সাহায্য নিয়ে আমি তাদের সেখান  
থেকে তাড়িয়ে দেব, ঠিক যেমনটি তিনি বলেছিলেন।” 13 তখন  
যিহোশূয় যিফুমির ছেলে কালেবকে আশীর্বাদ করলেন এবং তাঁর  
উত্তরাধিকাররূপে তাঁকে হিরোণ দিলেন। 14 তাই তখন থেকেই হিরোণ  
কনিষ্ঠীয় যিফুমির ছেলে কালেবের অধিকারভুক্ত হয়ে আছে, কারণ  
তিনি সর্বান্তকরণে ইস্রায়েলের ঈশ্বর সদাপ্রভুর অনুগামী হয়েছিলেন।  
15 (হিরোণ সেই অর্বের নামানুসারে কিরিয়ৎ-অর্ব নামে পরিচিত ছিল,  
যিনি অনাকীয়দের মধ্যে শ্রেষ্ঠতম ব্যক্তি ছিলেন।) পরে দেশে যুদ্ধবিরাম  
হল।

**15** গোষ্ঠী অনুসারে যিহুদা বংশের জন্য বরাদ্দ অংশ নিচের দিকে  
ইদোমের এলাকা পর্যন্ত, চূড়ান্ত দক্ষিণে সীন মরণভূমি পর্যন্ত বিস্তৃত  
হল। 2 তাদের দক্ষিণ সীমানা মরসাগরের দক্ষিণপ্রান্তে অবস্থিত  
উপসাগর থেকে শুরু হয়ে, 3 বৃশিক-গিরিপথ অতিক্রম করে, সীন  
পর্যন্ত গিয়ে ও কাদেশ-বর্ণেয়র দক্ষিণে গিয়ে পৌঁছাল। পরে সেই  
সীমানা হিত্রোণ পেরিয়ে অদ্বরের দিকে উঠে গেল ও কর্কা পর্যন্ত ঘুরে  
গেল। 4 পরে তা অস্মোন হয়ে, মিশরের নির্বারণীতে যুক্ত হয়ে  
ভূমধ্যসাগরে গিয়ে শেষ হল। এই হল তাদের দক্ষিণ সীমানা। 5 পূর্ব  
সীমানা হল জর্ডনের মোহনা হয়ে মরসাগর। উত্তর সীমানা জর্ডনের  
মোহনায় অবস্থিত উপসাগর থেকে শুরু হয়ে, 6 বেথ-হল্লা পর্যন্ত উঠে  
গিয়ে বেথ-অরাবার উত্তর দিক যেঁসে রূবেগের সন্তান বোহনের পাথর  
পর্যন্ত পৌঁছাল। 7 সেই সীমানা এরপর আখোর উপত্যকা থেকে  
দৰীর পর্যন্ত উঠে গিয়ে উত্তর দিকে সেই গিল্গলে বাঁক নিল, যা  
সেই গিরিখাতের দক্ষিণে অবস্থিত অদুমীম গিরিপথের মুখোমুখি

অবস্থিত। তা আরও এগিয়ে ঐন-শেমশের জলাশয়ের গা ঘেঁসে ঐন-রোগেল পর্যন্ত নেমে এল। ৪ পরে তা বিন-হিন্নোম উপত্যকা দিয়ে উঠে যিবৃষীয় নগরের (অর্থাৎ, জেরশালেমের) দক্ষিণ দিকের ঢালে পৌঁছাল। সেখান থেকে তা রফায়ীম উপত্যকার উত্তর প্রান্তে অবস্থিত হিন্নোম উপত্যকার পশ্চিমী পর্বতচূড়ার দিকে উঠে গেল। ৫ পর্বতচূড়া থেকে সেই সীমানা নিষ্ঠাহের জলরাশির উৎসের দিকে এগিয়ে গিয়ে, ইক্রোণ পর্বতের নগরগুলিতে বের হল এবং বালার (অর্থাৎ, কিরিয়ৎ-যিয়ারাইমের) দিকে নেমে গেল। ১০ পরে তা পশ্চিমদিকে বাঁক নিয়ে বালা থেকে সেয়ীর পর্বতের দিকে গিয়ে, যিয়ারাইম পর্বতের (অর্থাৎ, কসালোনের) উত্তরপ্রান্তের ঢাল বেয়ে বেত-শেমশ পর্যন্ত গেল ও তিছু অতিক্রম করল। ১১ তা ইক্রোণের উত্তরপ্রান্তের ঢালের দিকে গিয়ে, শিকরোগের দিকে ফিরল, পরে বালা পর্বত অতিক্রম করে যব্বনিয়েলে পৌঁছাল। সীমানাটি সমুদ্রে গিয়ে শৈষ হল। ১২ পশ্চিম সীমানা হল ভূমধ্যসাগরের উপকূল এলাকা। গোষ্ঠী অনুসারে এই হল যিহুদা সন্তানদের চারপাশের সীমানা। ১৩ তাঁর প্রতি দন্ত সদাপ্রভুর আদেশানুসারে যিহোশূয় যিফুন্নির ছেলে কালেবকে যিহুদায় একটি অংশ—কিরিয়ৎ-অর্ব, অর্থাৎ, হিরোণ দিলেন। (অর্ব ছিলেন অনাকের পূর্বপুরুষ) ১৪ হিরোণ থেকে কালেব তিন অনাকীয়কে—অনাকের ছেলে শোশয়, অহীমান ও তল্ময়কে তাড়িয়ে দিলেন। ১৫ সেখান থেকে তিনি দ্বীরে বসবাসকারী লোকদের বিরুদ্ধে কুচকাওয়াজ করে এগিয়ে গেলেন (দ্বীরের পূর্বতন নাম ছিল কিরিয়ৎ-সেফর) ১৬ আর কালেব বললেন, “যে ব্যক্তি কিরিয়ৎ-সেফর আক্রমণ করে তা নিয়ন্ত্রণে আনবে, আমি তার সঙ্গে আমার মেয়ে অক্ষয়ার বিয়ে দেব।” ১৭ কালেবের ভাই, কনসের ছেলে অংনীয়েল সেটি দখল করলেন; অতএব কালেব তাঁর মেয়ে অক্ষয়ার সঙ্গে অংনীয়েলের বিয়ে দিলেন। ১৮ একদিন অক্ষয়া অংনীয়েলের কাছে এসে তাঁকে প্ররোচিত করলেন যেন তিনি তাঁর বাবার কাছে একটি ক্ষেতজমি চেয়ে নেন। অক্ষয়া তাঁর গাধার পিঠ থেকে নামার পর, কালেব তাঁকে জিঞ্জাসা করলেন, “আমি তোমার জন্য কী করতে পারি?” ১৯ তিনি উত্তর দিলেন, “আমার প্রতি

বিশেষ এক অনুগ্রহ দেখান। আপনি যেহেতু নেগেতে আমাকে জমি দিয়েছেন, জলের উৎসগুলি আমাকে দিন।” অতএব কালেব উচ্চতর ও নিম্নতর জলের উৎসগুলি তাঁকে দিলেন। 20 গোষ্ঠী অনুসারে, এই হল যিহূদা বংশের উত্তরাধিকার: 21 ইদোমের সীমানার দিকে নেগেতে অবস্থিত যিহূদা বংশের সর্বদক্ষিণস্থ নগরগুলি হল: কব্সীল, এদর, যাগুর, 22 কীনা, দিমোনা, অদাদা, 23 কেদশ, হাত্সোর, যিৎনন, 24 সীফ, টেলম, বালোৎ, 25 হাত্সোর-হদতা, কিরিয়োৎ-হির্ণোণ (অর্থাৎ, হাত্সোর), 26 অমাম, শমা, মোলাদা, 27 হৎসর-গন্দা, হিয়মোন, বেথ-পেলট, 28 হৎসর-শুয়াল, বের-শেবা, বিষিয়োথিয়া, 29 বালা, ইয়ীম, এৎসম, 30 ইলতোলদ, কসীল, হর্মা, 31 সিকুর, মদ্মন্না, সন্সন্না, 32 লবায়োৎ, শিলহীম, ঐন্ ও রিমোণ—মোট উনত্রিশটি নগর ও সেগুলির সন্নিহিত গ্রামগুলি। 33 পশ্চিমী পর্বতের পাদদেশে: ইষ্টায়োল, সরা, অশ্না, 34 সানোহ, ঐন-গন্নীম, তপৃহ, ঐনম, 35 যর্মুৎ, অদুল্লম, সোখো, অসেকা, 36 শারয়িম, অদীথয়িম ও গদেরা—চোদোটি নগর ও সেগুলির সন্নিহিত গ্রামগুলি। 37 সনান, হদাশা, মিগদল-গাদ, 38 দিলিয়ন, মিস্পী, যক্তেল, 39 লাথীশ, বক্সৎ, ইঁঁগোন, 40 কবন, লহমম, কিৎলিশ, 41 গদেরোৎ, বেথ-দাগোন, নয়মা ও মক্কেদা—মোলোটি নগর ও সেগুলির সন্নিহিত গ্রামগুলি। 42 লিবনা, এথর, আশন, 43 যিষ্টহ, অশ্না, নৎসীব, 44 কিয়ালা, অক্ষীব ও মারেশা—নয়টি নগর ও সেগুলির সন্নিহিত গ্রামগুলি। 45 ইক্রোণ ও তার চারপাশের উপনিবেশ ও গ্রামগুলি; 46 ইক্রোণের পশ্চিমদিকে, অস্দোদের পার্শ্ববর্তী সব উপনগর, সেই সঙ্গে সেগুলির সন্নিহিত গ্রামগুলি; 47 অস্দোদ ও তার চারপাশের উপনিবেশ ও গ্রামগুলি; এবং গাজা, এবং মিশরের নির্বারিণী ও ভূমধ্যসাগরের উপকূল বরাবর গড়ে উঠা সেটির উপনিবেশ ও গ্রামগুলি। 48 পার্বত্য প্রদেশে: শামীর, যতীর, সোখো, 49 দন্না, কিরিয়ৎ-সন্না (অর্থাৎ, দবীর), 50 অনাব, ইষ্টিমোয়, আনীম, 51 গোশন, হোলোন ও গীলো—এগারোটি নগর ও সেগুলির সন্নিহিত গ্রামগুলি। 52 অরাব, দূমা, ইশিয়ন, 53 যানীম, বেথ-তপৃহ, অফেকা, 54 হুমটা, কিরিয়ৎ-অর্ব (অর্থাৎ, হির্ণোণ) ও

সীয়োর—নয়টি নগর ও সেগুলির সম্মিলিত গ্রামগুলি। 55 মায়োন, কর্মিল, সীফ, যুটা, 56 যিন্ট্রিয়েল, যক্দিয়াম, সানোহ, 57 কয়িন, গিবিয়া ও তিঙ্গা—দশটি নগর ও সেগুলির সম্মিলিত গ্রামগুলি। 58 হল্টুল, বেত-সূর, গদোর, 59 মারৎ, বেথ-অনোৎ ও ইল্তকোন—ছয়টি নগর ও সেগুলির সম্মিলিত গ্রামগুলি। 60 কিরিয়ৎ-বাল (অর্থাৎ, কিরিয়ৎ-যিয়ারীম) ও রবো—দুটি নগর ও সেগুলির সম্মিলিত গ্রামগুলি। 61 মরঢপ্রান্তরে: বেথ-অরাবা, মিদীন, সকাখা, 62 নিব্শন, লবণ-নগর ও ঐন-গদী—ছয়টি নগর ও সেগুলির সম্মিলিত গ্রামগুলি। 63 যিহুদা বংশ সেই যিবূষীয়দের অধিকারচ্যুত করতে পারেনি, যারা জেরশালেমে বসবাস করত; আজও পর্যন্ত সেই যিবূষীয়েরা যিহুদা সন্তানদের সঙ্গেই সেখানে বসবাস করছে।

**16** যোষেফের জন্য বরাদ্দ অংশ জর্ডনে, যিরীহোর জলাশয়ের পূর্বে শুরু হল, এবং সেখান থেকে মরুভূমি হয়ে বেথেলের পার্বত্য অপ্তগ্লে উঠে গেল। 2 তা বেথেল (অর্থাৎ, লুস) থেকে এগিয়ে গিয়ে অটারোতে অকীয়দের এলাকায় পৌঁছাল। 3 সেখান থেকে পশ্চিমদিকে নেমে গিয়ে তা নিম্নতর বেথ-হোরোনের এলাকা ও গেষর হয়ে যফ্লেটীয়দের এলাকায় পৌঁছে, ভূমধ্যসাগরে গিয়ে শেষ হল। 4 অতএব যোষেফের বংশধর, মনঃশি ও ইফ্রায়িম, তাদের উত্তরাধিকার লাভ করল। 5 গোষ্ঠী অনুসারে এই হল ইফ্রায়িমের এলাকা: তাদের উত্তরাধিকারের সীমানা পূর্বে অটারোৎ-অন্দর থেকে উচ্চতর বেথ-হোরোণ পর্যন্ত গেল 6 এবং তা ভূমধ্যসাগর পর্যন্ত বিস্তৃত হল। উত্তরে মিক্মথৎ থেকে পূর্বদিকে বাঁক নিয়ে তা তানৎ-শীলো পর্যন্ত গিয়ে, তা অতিক্রম করে পূর্বদিকে যানোহ পর্যন্ত গেল। 7 পরে যানোহ থেকে নেমে তা অটারোৎ ও নারার দিকে গেল, ও যিরীহো স্পর্শ করে তা জর্ডনে বেরিয়ে এল। 8 তপূহ থেকে সেই সীমানা পশ্চিমে কান্না গিরিখাতের দিকে গেল ও ভূমধ্যসাগরে গিয়ে শেষ হল। গোষ্ঠী অনুসারে, এই হল ইফ্রায়িম বংশের উত্তরাধিকার। 9 এতে মনঃশি সন্তানদের উত্তরাধিকারের মধ্যে পড়া সেইসব নগর ও সেগুলির সম্মিলিত গ্রামগুলি ও যুক্ত হল, যেগুলি ইফ্রায়িম সন্তানদের জন্য পৃথক করা হল। 10 গেষরে

বসবাসকারী কনানীয়দের তারা অধিকারচ্ছত করেনি; আজও পর্যন্ত  
সেই কনানীয়েরা ইফ্রায়িমের লোকদের সঙ্গে বসবাস করছে, কিন্তু  
বেগার শ্রমিকের কাজ করতে তাদের বাধ্য করা হয়েছে।

**17** যোষেফের প্রথম সন্তানরূপে মনঃশি বংশের জন্য বরাদ্দ অংশটি  
এইরকম। গিলিয়দীয়দের পূর্বপুরুষ, মনঃশির বড়ো ছেলে মাখীর,  
গিলিয়দ ও বাশন লাভ করলেন, কারণ মাখীয়েরা মহাযোদ্ধা  
ছিল। 2 অতএব এই অংশটি মনঃশি বংশের অবশিষ্ট লোকদের  
জন্য—অবীয়েমর, হেলক, অস্তীয়েল, শেখাম, হেফর ও শর্মীদা গোষ্ঠীর  
জন্য বরাদ্দ হল। গোষ্ঠী অনুসারে এরাই যোষেফের ছেলে মনঃশির  
অন্যান্য পুরুষ বংশধর। 3 এদিকে মনঃশির ছেলে মাখীর, তার ছেলে  
গিলিয়দ, তার ছেলে হেফর, তার ছেলে সল্ফাদের কোনও পুত্রসন্তান  
ছিল না, কিন্তু শুধু এই কয়েকটি মেয়ে ছিল, যাদের নাম মহলা, নোয়া,  
হগ্লা, মিঞ্চা ও তির্সা। 4 তারা যাজক ইলীয়াসর, নূনের ছেলে যিহোশূয়  
ও নেতাব্যক্তিদের কাছে গিয়ে বলল, “সদাপ্রভু মোশিকে আদেশ  
দিয়েছিলেন যেন আমাদের আত্মীয়স্বজনদের মধ্যে আমাদেরও এক  
উত্তরাধিকার দেওয়া হয়।” তাই সদাপ্রভুর আদেশানুসারে যিহোশূয়,  
তাদের কাকাদের সঙ্গে তাদেরও এক উত্তরাধিকার দিলেন। 5 জর্ডনের  
পূর্বপাড়ে গিলিয়দ ও বাশন ছাড়াও মনঃশি বংশের ভাগে আরও দশ  
খণ্ড জমি এল, 6 কারণ মনঃশি বংশের মেয়েরাও ছেলেদের মধ্যে এক  
উত্তরাধিকার লাভ করল। গিলিয়দ দেশটি মনঃশির অবশিষ্ট বংশধরদের  
অধিকারভুক্ত হল। 7 মনঃশির এলাকা আশের থেকে শিথিমের  
পূর্বদিকে অবস্থিত মিক্মথৎ পর্যন্ত বিস্তৃত হল। সীমানাটি সেখান থেকে  
দক্ষিণ দিকে এগিয়ে গিয়ে ঐন-তপুহে বসবাসকারী লোকদেরও যুক্ত  
করল। 8 (মনঃশির সন্তানেরা তপুহ দেশটি পেয়েছিল, কিন্তু মনঃশির  
সীমানায় অবস্থিত তপুহ নগরটি ইফ্রায়িমের অধিকারভুক্ত থেকে গেল)  
9 পরে সেই সীমানা দক্ষিণ দিকে কানা গিরিখাত পর্যন্ত এগিয়ে  
গেল। সেখানে মনঃশির নগরগুলির মধ্যে ইফ্রায়িমের অধিকারভুক্ত  
নগরগুলিও পড়ে গেল, কিন্তু মনঃশির সীমানা ছিল সেই গিরিখাতের  
উত্তর দিকে এবং তা ভূমধ্যসাগরে গিয়ে শেষ হল। 10 দক্ষিণ দিকের

দেশটি ছিল ইফ্রায়িমের অধিকারভুক্ত, যা মনঃশির উত্তর দিকে অবস্থিত ছিল। মনঃশির এলাকা ভূমধ্যসাগর পর্যন্ত পৌঁছাল এবং উত্তর দিকে আশের ও পূর্বদিকে ইষাখর তার সীমানা হল। 11 ইষাখর ও আশেরের সীমার মধ্যে মনঃশির চারপাশের উপনিবেশ সমেত বেথ-শান, যিব্লিয়ম এবং দোরের, ঐন্দোরের, তানকের ও মগিদ্দোর অধিবাসীদেরও লাভ করল। (তালিকায় অন্তর্ভুক্ত তৃতীয় নগরটি হল নাফোৎ)। 12 তবুও, মনঃশির সন্তানেরা এসব নগর দখল করতে পারেনি, কারণ কনানীয়েরা ওইসব অঞ্চলে বসবাস করার জন্য বদ্ধপরিকর হয়েই ছিল। 13 অবশ্য, ইস্রায়েলীরা যখন আরও শক্তিশালী হল, তখন তারা কনানীয়দের বেগার শ্রমিক হতে বাধ্য করল, কিন্তু সেখান থেকে তাদের সম্পূর্ণরূপে তাড়িয়ে দিল না। 14 যোষেফের সন্তানেরা যিহোশূয়কে বলল, “আপনি কেন এক উত্তরাধিকাররূপে আমাদের শুধু একটি অংশ ও একটি ভাগ দিয়েছেন? আমরা বহুসংখ্যক এক জাতি, এবং সদাপ্রভু আমাদের প্রচুর পরিমাণে আশীর্বাদ করেছেন।” 15 “তোমরা যদি এতই বহুসংখ্যক,” যিহোশূয় উত্তর দিলেন, “এবং ইফ্রায়িমের পার্বত্য প্রদেশ তোমাদের জন্য খুব ছোটো হয়ে যাচ্ছে, তবে অরণ্যে উঠে যাও এবং সেই পরিষীয় ও রফায়ীয়দের দেশে গিয়ে সেখানে নিজেদের জন্য তোমরা জমিজায়গা পরিষ্কার করে নাও।” 16 যোষেফের সন্তানেরা উত্তর দিল, “সেই পার্বত্য প্রদেশ আমাদের জন্য যথেষ্ট নয়, আর সমতলে, বিশেষত, বেথ-শানে ও সেখানকার উপনিবেশগুলিতে এবং যিত্রিয়েল উপত্যকায় বসবাসকারী কনানীয়দের কাছে লৌহরথ আছে।” 17 কিন্তু যিহোশূয় যোষেফ বংশকে—ইফ্রায়িম ও মনঃশিকে—বললেন, “তোমরা বহুসংখ্যক ও খুব শক্তিশালী। তোমরা শুধুমাত্র একটি অংশ পাবে না। 18 কিন্তু তোমরা বনাকীর্ণ পার্বত্য প্রদেশও পাবে। সেটি পরিষ্কার করে নাও, এবং এর সর্বাধিক দূরবর্তী সীমানা তোমাদেরই হবে; যদিও কনানীয়দের লৌহরথ আছে ও তারা যদিও শক্তিশালী, তোমরা কিন্তু তাদের তাড়িয়ে দিতে পারবে।”

**18** ইস্রায়েলীদের সমগ্র মণ্ডলী শীলোত্তম একত্রিত হল এবং সেখানে সমাগম তাঁবুটি স্থাপন করল। দেশটি তাদের নিয়ন্ত্রণাধীন হল, 2 কিন্তু

ইস্রায়েলীদের সাতটি বৎশ তখনও তাদের উত্তরাধিকার লাভ করেনি। 3 অতএব যিহোশূয় ইস্রায়েলীদের বললেন: “তোমাদের পূর্বপুরুষদের ঈশ্বর সদাপ্রভু যে দেশটি তোমাদের দিয়েছেন, তা অধিকার করার আগে তোমরা আর কত দিন অপেক্ষা করবে? 4 প্রত্যেক বৎশ থেকে তিনজন করে লোক নিযুক্ত করো। দেশটি পুঞ্জানুপুঞ্জভাবে পরীক্ষা করার ও প্রত্যেকটি বৎশের উত্তরাধিকার অনুসারে সেখানকার এক বর্ণনা লিখে আনার জন্য আমি তাদের সেখানে পাঠাব। পরে তারা আমার কাছে ফিরে আসবে। 5 তোমরা দেশটিকে সাত ভাগে বিভক্ত করবে। যিহুদা দক্ষিণ দিকে তার এলাকায় থাকবে এবং উত্তর দিকে থাকবে যোষেফের বৎশগুলি। 6 দেশের সাতটি ভাগের বর্ণনা লিখে আনার পর, তোমরা সেগুলি এখানে আমার কাছে নিয়ে আসবে এবং আমাদের ঈশ্বর সদাপ্রভুর উপস্থিতিতে আমি তোমাদের জন্য গুটিকাপাতের দান চালব। 7 লেবীয়েরা অবশ্য, তোমাদের মধ্যে কোনও অংশ পাবে না, কারণ সদাপ্রভুর যাজকীয় সেবাকাজই হল তাদের অধিকার। আর গাদ ও রূবেণ বৎশ এবং মনঃশির অর্ধেক বৎশ জর্ডন নদীর পূর্বপাড়ে ইতিমধ্যেই তাদের উত্তরাধিকার লাভ করেছে। সদাপ্রভুর দাস মোশি তাদের তা দান করেছেন।” 8 লোকজন দেশের মানচিত্র তৈরি করার কাজে হাত লাগাতে না লাগাতেই যিহোশূয় তাদের নির্দেশ দিলেন, “তোমরা যাও ও দেশটি পুঞ্জানুপুঞ্জভাবে পরীক্ষা করো এবং তার একটি বর্ণনা লিখে ফেলো। পরে আমার কাছে ফিরে এসো, এবং আমি এখানে এই শীলোত্তম, সদাপ্রভুর উপস্থিতিতে তোমাদের জন্য গুটিকাপাতের দান চালব।” 9 অতএব লোকেরা প্রস্তান করল ও সেই দেশের এক প্রান্ত থেকে অন্য প্রান্তে ছাড়িয়ে পড়ল। একটি গুটানো চামড়ার পুঁথিতে তারা এক-একটি নগর ধরে ধরে সাতটি ভাগে সেখানকার বর্ণনা লিখে নিল ও শীলোর শিবিরে যিহোশূয়ের কাছে ফিরে এল। 10 যিহোশূয় তখন শীলোত্তম সদাপ্রভুর উপস্থিতিতে তাদের জন্য গুটিকাপাতের দান চাললেন, এবং সেখানেই তিনি ইস্রায়েলীদের বৎশ-বিভাগ অনুসারে তাদের জন্য সেই দেশটি বিতরণ করলেন। 11 গোষ্ঠী অনুসারে বিন্যামীন

বংশের নামে গুটিকাপাতের প্রথম দান পড়ল। তাদের জন্য বরাদ্দ  
এলাকা যিহুদা ও যোষেফ বংশের মধ্যে পড়ল: 12 উত্তর দিকে তাদের  
সীমানা জর্ডন নদী থেকে শুরু হয়ে, যিরীহোর উত্তর দিকের ঢাল  
বেয়ে পশ্চিমাভিমুখী হয়ে পার্বত্য প্রদেশের দিকে এগোলো এবং বেথ-  
আবনের মরহপ্রাস্তরে বের হয়ে এল। 13 সেখান থেকে তা লুসের  
(অর্থাৎ, বেথেলের) দক্ষিণ দিকের ঢাল অতিক্রম করল এবং নিম্নতর  
বেথ-হোরোগের দক্ষিণে অবস্থিত পাহাড় এলাকায় আটারোৎ-অন্দরে  
নেমে গেল। 14 দক্ষিণ দিকে অবস্থিত বেথ-হোরোগের দিকে মুখ করে  
দাঁড়িয়ে থাকা পাহাড় থেকে সীমানাটি পশ্চিমদিক ধরে দক্ষিণ দিকে  
বাঁক নিল এবং সেই কিরিয়ৎ-বালে (অর্থাৎ, কিরিয়ৎ-যিয়ারীমে) বের  
হয়ে এল, যা হল যিহুদার লোকজনের অধিকারভুক্ত একটি নগর। এই  
হল পশ্চিম সীমানা। 15 দক্ষিণ দিকের সীমানাটি শুরু হল পশ্চিমে  
কিরিয়ৎ-যিয়ারীমের উপকর্ষ থেকে, এবং তা বের হয়ে এল নিষ্ঠোহের  
জলরাশির উৎসে। 16 সীমানাটি নেমে গেল সেই পাহাড়ের পাদদেশে,  
যা রফায়ীম উপত্যকার উত্তরে অবস্থিত বিন-হিন্নোম উপত্যকার দিকে  
মুখ করে দাঁড়িয়েছিল। তা হিন্নোম উপত্যকার আরও নিচে নেমে গিয়ে  
যিরূষীয় নগরের দক্ষিণ দিকের ঢাল হয়ে ঐন-রোগেল পর্যন্ত গেল। 17  
পরে তা উত্তর দিকে বাঁক নিয়ে, ঐন-শেমশে গেল ও সেই গলীলৎ  
পর্যন্ত গেল, যা আদুমীম গিরিখাতের দিকে মুখ করে দাঁড়িয়েছিল এবং  
পরে তা ঝুবেণের ছেলে বোহনের পাথরের কাছে নেমে গেল। 18  
সেখান থেকে তা বেথ-অরাবার উত্তর দিকের ঢালের দিকে গেল এবং  
আরও নিচে অরাবায় নেমে গেল। 19 পরে তা বেথ-হগ্গার উত্তর দিকের  
ঢালের দিকে গিয়ে দক্ষিণ দিকে জর্ডন নদীর মোহানায়, মরসাগরের  
উত্তর উপসাগরে বের হয়ে এল। এই হল দক্ষিণ সীমানা। 20 পূর্বদিকে  
জর্ডন নদীই সীমানা হল। চারিদিকে এই সীমানা গুলিই বিন্যামীনের  
সন্তানদের বিভিন্ন গোষ্ঠীর উত্তরাধিকার চিহ্নিত করল। 21 গোষ্ঠী  
অনুসারে, বিন্যামীন বংশ এসব নগর লাভ করল: যিরীহো, বেথ-  
হগ্গা, এমক-কশিশ, 22 বেথ-অরাবা, সমারয়িম, বেথেল, 23 অরীম,  
পারা, অফ্রা, 24 কফর-অম্মোনী, অফ্নি, ও গেবা—বারোটি নগর ও

সেগুলির সন্নিহিত গ্রামগুলি। 25 গিবিয়োন, রামা, বেরোৎ, 26 মিস্পী, কফীরা, মোৎসা, 27 রেকম, যির্পেল, তরলা, 28 সেলা, এলফ, যিবৃষীয় নগর (অর্থাৎ, জেরশালেম), গিবিয়া ও কিরিয়—চোদ্দোটি নগর ও সেগুলির সন্নিহিত গ্রামগুলি। গোষ্ঠী অনুসারে এই হল বিন্যামীন বৎশের উত্তরাধিকার।

**19** দ্বিতীয় গুটিকাপাতের দানটি উঠল নিজেদের গোত্র অনুসারে শিমিয়োন গোষ্ঠীর নামে। তাদের উত্তরাধিকার যিহুদা গোষ্ঠীর এলাকার মধ্যে ছিল। 2 এর অন্তর্ভুক্ত নগরগুলি হল: বের-শেবা (বা শেবা), মোলাদা, 3 হৎসর-শূয়াল, বালা, এৎসম, 4 ইল্তোলদ, বথুল, হর্মা, 5 সিক্লগ, বেথ-মর্কাবোৎ, হৎসর-সুসা, 6 বেথ-লবায়োৎ ও শারহন—তেরোটি নগর ও তাদের সন্নিহিত গ্রামগুলি; 7 ওন, রিম্মোণ, এথর ও আশন—চারটি নগর ও তাদের সন্নিহিত গ্রামগুলি— 8 এবং বালৎ-বের (অর্থাৎ নেগেভের রামা) পর্যন্ত এসব নগরের চারপাশের সমস্ত গ্রাম। এই ছিল গোত্র অনুযায়ী শিমিয়োন গোষ্ঠীর উত্তরাধিকার। 9 শিমিয়োনীয়দের উত্তরাধিকার যিহুদার অংশ থেকে নেওয়া হল, কারণ যিহুদার অংশ তাদের প্রয়োজনের চেয়েও বেশি ছিল। সেই কারণে, শিমিয়োনীয়েরা তাদের উত্তরাধিকার যিহুদার এলাকাতেই পেল। 10 তৃতীয় গুটিকাপাতের দানটি উঠল নিজেদের গোত্র অনুসারে সবূলুন গোষ্ঠীর নামে: তাদের উত্তরাধিকারের সীমারেখা সারিদ পর্যন্ত গেল। 11 পশ্চিমদিকে গিয়ে তা মারালায়, পরে দর্বেশৎকে ছুঁয়ে যক্কিয়ামের কাছে গিরিখাত পর্যন্ত বিস্তৃত হল। 12 সারিদ থেকে তা পূর্বদিকে ফিরে সূর্যোদয়ের দিকে কিশ্লোৎ-তাবোরের এলাকা পর্যন্ত গেল ও সেখান থেকে দাবরৎ ও যাফিয়া পর্যন্ত উঠে গেল। 13 পরে তা ক্রমাগতভাবে গাং-হেফর ও এৎ-কাংসীন পর্যন্ত গেল; তা রিম্মোগের কাছে বের হয়ে নেয়ের অভিমুখে গেল। 14 সেখান থেকে সীমারেখা হন্নাথনের উত্তর দিকে ঘুরল এবং যিষ্টহেল উপত্যকায় গিয়ে শেষ হল। 15 এর আরও অন্তর্ভুক্ত ছিল কটৎ, নহলাল, শিম্রোণ, যিদালা ও বেথলেহেম। বারোটি নগর ও তাদের সন্নিহিত গ্রামগুলি এর অন্তর্ভুক্ত ছিল। 16 গ্রামগুলিসহ এসব নগর ছিল গোত্র অনুযায়ী সবূলুন

গোষ্ঠীর উত্তরাধিকার। 17 চতুর্থ গুটিকাপাতের দানটি উঠল নিজেদের গোত্র অনুসারে ইষাখর গোষ্ঠীর নামে। 18 তাদের এলাকায় অন্তর্ভুক্ত ছিল: ফিন্স্ট্রিয়েল, কসুল্লোৎ, শূন্মে, 19 হফারয়িম, শীয়োন, অনহৱৎ, 20 রবিঃ, কিশিয়োন, এবস, 21 রেমৎ, ঐন-গল্লীম, ঐন-হন্দা ও বেথ-পৎসেস। 22 এর সীমারেখা তাবোর, শহৎসূমা ও বেত-শেমশ স্পর্শ করল এবং জর্ডন নদীতে গিয়ে শেষ হল। সেখানে ছিল মোট ঘোলোটি নগর ও তাদের সন্নিহিত গ্রামগুলি। 23 এই নগরগুলি ও তাদের সন্নিহিত গ্রামগুলি ছিল গোত্র অনুযায়ী ইষাখর গোষ্ঠীর উত্তরাধিকার। 24 পঞ্চম গুটিকাপাতের দানটি উঠল নিজেদের গোত্র অনুসারে আশের গোষ্ঠীর নামে। 25 তাদের এলাকায় অন্তর্ভুক্ত ছিল: হিল্কৎ, হালি, বেতন, অক্ষফ, 26 অলম্যেলক, অমাদ ও মিশাল। পশ্চিমদিকে সেই সীমারেখা কর্মিল ও শীহোর-লিবনাং স্পর্শ করল। 27 পরে তা পূর্বদিকে বেথ-দাগোনের দিকে গেল, সবূলুন ও যিপ্তহেল উপত্যকা স্পর্শ করে বাঁদিকে কাবুলকে রেখে, উত্তর দিকে বেথ-এমক ও ন্যায়েল পর্যন্ত গেল। 28 তা গেল অদোন, রহব, হম্মোন ও কানা-য়, সেই মহাসীদোন পর্যন্ত। 29 সেই সীমারেখা পরে রামার দিকে ফিরে গেল ও টায়ারের প্রাচীর-ঘেরা সুরক্ষিত নগরের দিকে গেল, পরে হোষার দিকে ঘুরে অক্ষীব 30 উম্মা, অফেক ও রাহব অঞ্চল পার হয়ে সমুদ্রে গিয়ে পড়ল। এর অন্তর্ভুক্ত ছিল বাইশটি নগর ও তাদের সন্নিহিত গ্রামগুলি। 31 এসব নগর ও তাদের সন্নিহিত গ্রামগুলি ছিল গোত্র অনুযায়ী আশের গোষ্ঠীর উত্তরাধিকার। 32 ষষ্ঠ গুটিকাপাতের দানটি উঠল নিজেদের গোত্র অনুসারে নগ্নালি গোষ্ঠীর নামে: 33 তাদের সীমারেখা হেলফ থেকে সানন্নীমের বিশাল গাছ থেকে শুরু হয়ে অদামীনেকব ও যব্নিয়েল পার হয়ে লুক্কমে গেল ও জর্ডন নদীতে শেষ হল। 34 সেই সীমা অস্নোৎ-তাবোর হয়ে পশ্চিমদিকে হুক্কোক পর্যন্ত গেল। দক্ষিণে তা সবূলুনের সীমা, পশ্চিমে আশেরের সীমা ও পূর্বদিকে জর্ডন নদীর কাছে যিহুদার সীমা স্পর্শ করল। 35 আর প্রাচীরবেষ্টিত সুরক্ষিত নগরগুলি ছিল সিদ্দীম, সের, হম্মৎ, রাক্কৎ, কিন্নেরৎ, 36 অদামা, রামা, হাত্সোর, 37 কেদশ, ইদ্রিয়ী, ঐন-হাত্সোর, 38 যিরোণ, মিগ্দল-এল,

হোরেম, বেথ-অনাং ও বেত-শেমশ। উনিশটি নগর ও তাদের সন্নিহিত গ্রামগুলি এই এলাকায় ছিল। 39 এসব নগর ও তাদের সন্নিহিত গ্রামগুলি, গোত্র অনুযায়ী ছিল নগালি গোষ্ঠীর উত্তরাধিকার। 40 সপ্তম গুটিকাপাতের দানটি উঠল গোত্র অনুসারে দান গোষ্ঠীর নামে। 41 তাদের উত্তরাধিকারে অস্তর্ভুক্ত ছিল এসব নগর: সরা, ইষ্টায়োল, স্ট্র-শেমশ, 42 শালাবিন, অয়ালোন, যিত্লা, 43 এলোন, তিম্বা, ইক্রোণ, 44 ইল্তকী, গিরথোন, বালৎ, 45 যিহুদ, বেনে-বরক, গাং-রিম্মোণ, 46 মেয়ার্কোণ ও রক্কোন এবং জোপ্পার সমুখ্বর্তী এলাকা। 47 দান গোষ্ঠীর এলাকা যখন দখল হয়ে গেল তখন তারা উঠে গিয়ে লেশম আক্রমণ করল। তা দখল করে সেখানকার অধিবাসীদের তারা তরোয়ালের আঘাতে হত্যা করল। তারা লেশমে বসতি স্থাপন করল এবং তাদের পূর্বপুরুষের নাম অনুযায়ী নগরটির নাম দান রাখল।) 48 এসব নগর ও তাদের সন্নিহিত গ্রামগুলি ছিল গোত্র অনুযায়ী দান গোষ্ঠীর উত্তরাধিকার। 49 যখন নির্দিষ্ট বণ্টন-প্রক্রিয়া দ্বারা তাঁরা দেশ বিভাগ সম্পূর্ণ করলেন, ইস্রায়েলীরা নূনের ছেলে যিহোশূয়কেও তাদের মধ্যে একটি অংশ উত্তরাধিকারকর্পে দিল, 50 যেমন সদাপ্রভু আজ্ঞা দিয়েছিলেন। ইক্সিমের পার্বত্য প্রদেশে তিনি তিম্বৎ-সেরহ নগরটি চাইলে, তারা তাঁকে তা দিল। তিনি সেই নগরটি নির্মাণ করে সেখানে বসবাস করতে লাগলেন। 51 এই সমস্ত এলাকা, যাজক ইলীয়াসর, নূনের ছেলে যিহোশূয় ও ইস্রায়েল-সন্তানদের বংশসমূহের গোষ্ঠী প্রধানেরা শীলোত্তে, সদাপ্রভুর উপস্থিতিতে সমাগম তাঁবুর প্রবেশদ্বারে গুটিকাপাতের মাধ্যমে বিভাগ করে দিলেন। এইভাবে তাঁরা দেশ-বিভাগের কাজটি সম্পন্ন করলেন।

**20** পরে সদাপ্রভু যিহোশূয়কে বললেন: 2 “তুমি ইস্রায়েলীদের বলো, আমি যেমন মোশির মাধ্যমে তোমাদের নির্দেশ দিয়েছিলাম, তারা যেন তেমনই আশ্রয়-নগরগুলি মনোনীত করে। 3 কেউ যদি দুর্ঘটনাবশত বা অনিচ্ছাকৃতভাবে কোনো মানুষকে হত্যা করে ফেলে, সে যেন সেখানে পালিয়ে যেতে পারে। এর ফলে রক্তপাতের প্রতিশোধদাতার হাত থেকে সে রক্ষা পাবে। 4 এসব নগরের কোনো একটিতে তারা যখন

পালিয়ে যাবে, তখন তারা নগর-দুয়ারের সামনে গিয়ে দাঁড়াবে এবং  
সেই নগরের প্রাচীনদের কাছে নিজেদের বক্তব্য উপস্থাপন করবে।  
পরে তারা পলাতককে তাদের নগরে প্রবেশ করতে দেবে ও তাদের  
সঙ্গে বসবাস করার জন্য একটি স্থান নির্দিষ্ট করে দেবে। ৫ রক্তপাতের  
জন্য প্রতিশোধদাতা যদি তার পিছু ধাওয়া করে যায়, তবে প্রাচীনেরা  
যেন সেই পলাতককে তার হাতে সমর্পণ না করে, কারণ সে তার  
প্রতিবেশীকে অনিচ্ছাকৃতভাবে এবং পূর্বপরিকল্পিত কোনো বিদ্যম  
ছাড়াই মেরে ফেলেছিল। ৬ যতক্ষণ না তারা বিচারের জন্য মণ্ডলীর  
সামনে গিয়ে দাঁড়ায় এবং যতদিন না সেই সময়কার মহাযাজকের  
মৃত্যু হয়, তাদের সেই নগরেই থেকে যেতে হবে। পরে তারা যেখান  
থেকে পালিয়েছিল, নিজের বাড়িতে, তাদের নিজস্ব নগরে ফিরে যেতে  
পারবে।” ৭ তাই তারা নপ্তালি গোষ্ঠীর এলাকায় পার্বত্য প্রদেশের  
অন্তর্ভুক্ত গালীলের কেদশ, ইফ্রিয়ম গোষ্ঠীর পার্বত্য প্রদেশের শিখিম  
ও যিহুদা গোষ্ঠীর পার্বত্য প্রদেশের কিরিয়ৎ-অর্বকে (বা হিরোণকে)  
পৃথক করল। ৮ যিরীহোর জর্ডন নদীর পূর্বপারের এলাকায় তারা  
রুবেণ গোষ্ঠীর অন্তর্ভুক্ত মালভূমির মরং এলাকার বেৎসর, গাদ গোষ্ঠীর  
অন্তর্ভুক্ত গিলিয়দের রামোৎ এবং মনঃশি গোষ্ঠীর অন্তর্ভুক্ত বাশনের  
গোলন, আশ্রয়-নগররূপে পৃথক করল। ৯ কোনো ইস্রায়েলী বা তাদের  
মধ্যে বসবাসকারী বিদেশি ব্যক্তি, যে দুর্ঘটনাবশত কাউকে হত্যা  
করেছে, সে এই নির্ধারিত নগরগুলির যে কোনো একটিতে পালিয়ে  
যেতে পারবে। তবে সে মণ্ডলীর সাক্ষাতে বিচারিত হওয়ার আগে  
রক্তপাতের জন্য প্রতিশোধদাতার হাতে নিহত হবে না।

**২১** লেবীয়দের পিতৃকুলপতিরা যাজক ইলীয়াসর, নূনের ছেলে  
যিহোশূয় ও ইস্রায়েলী অন্যান্য গোষ্ঠীপ্রধানদের কাছে এলেন। ২ তাঁরা  
কনান দেশের শীলোতে তাঁদের বললেন, “সদাপ্রভু মোশির মাধ্যমে  
আদেশ দিয়েছিলেন যে, আপনি আমাদের বসবাস করার জন্য নগর ও  
আমাদের পশ্চালের জন্য চারণভূমি দেবেন।” ৩ তাই, সদাপ্রভুর  
আদেশানুসারে, ইস্রায়েলীরা তাদের উত্তরাধিকার থেকে এই সমস্ত  
নগর ও চারণভূমি লেবীয়দের দান করল: ৪ প্রথম গুটিকাপাতের

দানটি তাদের বংশানুসারে উঠল কহাতীয় গোষ্ঠীর নামে। লেবীয়েরা ছিল যাজক হারোগের বংশধর। তাদের যিহুদা, শিমিয়োন ও বিন্যামীন গোষ্ঠীর বংশধরদের থেকে তেরোটি নগর দেওয়া হল। 5 কহাতের অবশিষ্ট বংশধরদের জন্য ইফ্রায়িম, দান ও মনঃশির অর্ধ গোষ্ঠীর বংশধরদের থেকে দশটি নগর দেওয়া হল। 6 গের্শোনের বংশধরদের দেওয়া হল তেরোটি নগর। তারা ইষাখর, আশের, নপ্তালি ও বাশনের মনঃশির অর্ধ গোষ্ঠীর বংশধরদের কাছ থেকে এই নগরগুলি পেল। 7 মরারির বংশধরেরা রূবেণ, গাদ ও সবৃলুন গোষ্ঠী থেকে বংশ অনুসারে বারোটি নগর পেল। 8 এইভাবে ইস্রায়েলীরা চারণভূমিসহ এই সমস্ত নগর লেবীয়দের দিল, যেমন সদাপ্রভু মোশির মাধ্যমে আদেশ দিয়েছিলেন। 9 যিহুদা ও শিমিয়োন গোষ্ঠী থেকে তারা এই নামবিশিষ্ট নগরগুলি বরাদ্দ করল। 10 এই নগরগুলি হারোগের সেই বংশধরদের দেওয়া হল, যারা ছিল লেবীয় গোষ্ঠীভুক্ত কহাতীয় গোত্র, যেহেতু প্রথম গুটিকাপাতের দান তাদের নামেই উঠেছিল: 11 যিহুদার পার্বত্য প্রদেশে তারা চারণভূমিসহ তাদের কিরিয়ৎ-অর্ব (অর্থাৎ, হির্বাণ) নগরটি দিল। (অর্ব ছিল অনাকীয়দের পূর্বপুরুষ) 12 কিন্তু ওই নগরের মাঠগুলি ও চারপাশের সব গ্রাম তারা উত্তরাধিকারস্বরূপ যিহুদিদের ছেলে কালেবকে দিয়েছিল। 13 এভাবে তারা যাজক হারোগের বংশধরদের দিল চারণভূমিসহ হির্বাণ (নগরটি ছিল নরহত্যার দায়ে অভিযুক্তের জন্য আশ্রয়-নগর), লিব্না, 14 যত্তীর, ইষ্টিমোয়, 15 হোলোন, দবীর, 16 এন, যুটা ও বেত-শেমশ—এই দুই গোষ্ঠী থেকে নয়টি নগর দেওয়া হল। 17 আর বিন্যামীন গোষ্ঠী থেকে তারা দিল: চারণভূমিসহ গিবিয়োন, গেবা, 18 অনাথোৎ ও অলমোন—এই চারটি নগর। 19 চারণভূমিসহ মোট তেরোটি নগর হারোগের বংশধর যাজকদের অধিকার হল। 20 লেবীয় গোষ্ঠীভুক্ত কহাতীয় গোত্রের অবশিষ্টদের জন্য ইফ্রায়িম গোষ্ঠী থেকে নগর বরাদ্দ করা হল: 21 ইফ্রায়িমের পার্বত্য প্রদেশে তাদের দেওয়া হল: চারণভূমিসহ শিথিম (নরহত্যার দায়ে অভিযুক্তের জন্য একটি আশ্রয়-নগর) ও গেষর, 22 কিবসয়িম ও বেথ-হোরোণ—মোট চারটি নগর। 23 সেই সঙ্গে দান গোষ্ঠী থেকে

তারা পেল: চারণভূমিসহ ইল্টকী, গিবথোন, 24 অয়ালোন ও গাঁ-  
রিম্মোগ—এই চারটি নগর। 25 মনঃশির অর্ধ গোষ্ঠী থেকে তারা পেল:  
চারণভূমিসহ তানক ও গাঁ-রিম্মোগ—এই দুটি নগর। 26 চারণভূমিসহ  
এই দশটি নগর কহাতীয়দের অবশিষ্ট গোত্রদের দেওয়া হল। 27  
লেবীয় গোষ্ঠীভুক্ত গের্শোনীয় গোত্রকে এই নগরগুলি দেওয়া হল:  
মনঃশির অর্ধ গোষ্ঠী থেকে: চারণভূমিসহ বাশনের গোলন (নরহত্যার  
দায়ে অভিযুক্তের জন্য একটি আশ্রয়-নগর) ও বে-এস্তেরা—এই দুটি  
নগর; 28 ইষাখর গোষ্ঠী থেকে দেওয়া হল: চারণভূমিসহ কিশিয়োন,  
দাবরৎ, 29 যর্মুৎ ও এন-গন্নীম—এই চারটি নগর; 30 আশের  
গোষ্ঠী থেকে দেওয়া হল: চারণভূমিসহ মিশাল, আদোন, 31 হিল্কৎ  
ও রাহব—এই চারটি নগর; 32 নপ্তালি গোষ্ঠী থেকে দেওয়া হল:  
চারণভূমিসহ গালীলের কেদশ (নরহত্যার দায়ে অভিযুক্তের জন্য  
একটি আশ্রয়-নগর), হম্মোৎ-দোর ও কর্তন—এই তিনটি নগর। 33  
গের্শোনীয় গোত্রদের জন্য ছিল চারণভূমিসহ মোট তেরোটি নগর। 34  
(অবশিষ্ট লেবীয় গোষ্ঠীর মধ্যে) মরারীয় গোষ্ঠীকে দেওয়া হল: সবূলুন  
গোষ্ঠী থেকে: চারণভূমিসহ যক্কিয়াম, কার্তা, 35 দিম্বা ও নহলাল—এই  
চারটি নগর; 36 রুবেণ গোষ্ঠী থেকে: চারণভূমিসহ বেৎসর, যহস,  
37 কদেমোৎ ও মেফাং—এই চারটি নগর; 38 গাদ গোষ্ঠী থেকে:  
চারণভূমিসহ গিলিয়দের রামোৎ (নরহত্যার দায়ে অভিযুক্তের জন্য  
একটি আশ্রয়-নগর), মহনয়িম, 39 হিষ্বোন ও যাসের—মোট এই  
চারটি নগর। 40 লেবীয় গোষ্ঠীভুক্ত অবশিষ্ট মরারীয় গোত্রগুলির জন্য  
বণ্টন করা হল এই বারোটি নগর। 41 ইস্রায়েলীদের দখলীকৃত এলাকা  
থেকে লেবীয়দের জন্য নির্দিষ্ট চারণভূমিসহ নগরগুলির সংখ্যা মোট  
আটচল্লিশটি। 42 এসব নগরের চারপাশে ছিল চারণভূমি। সমস্ত  
নগরের ক্ষেত্রেই একথা সত্যি ছিল। 43 এভাবে সদাপ্রভু ইস্রায়েলের  
পূর্বপুরুষদের কাছে যে দেশ দেওয়ার প্রতিশ্রুতি দিয়েছিলেন, তা  
তাদের দিলেন ও তারা ওই দেশের দখল নিয়ে সেখানে বসতি স্থাপন  
করল। 44 সদাপ্রভু চারদিক থেকে তাদের বিশ্রাম দিলেন, যেমন  
তিনি তাদের পূর্বপুরুষদের কাছে শপথ করেছিলেন। তাদের কোনও

শক্র তাদের সামনে দাঁড়াতে পারল না। সদাপ্রভু তাদের সব শক্রকে তাদের হাতে সমর্পণ করলেন। 45 ইস্রায়েল কুলকে সদাপ্রভুর দেওয়া সমস্ত সুন্দর প্রতিশ্রূতির মধ্যে একটিও ব্যর্থ হয়নি; সব প্রতিশ্রূতিই পূর্ণ হল।

**22** পরে যিহোশূয় রূবেণীয়দের, গাদীয়দের ও মনঃশির অর্ধ বংশকে ডেকে পাঠালেন 2 ও তাদের বললেন, “সদাপ্রভুর দাস মোশি যেমন আদেশ দিয়েছিলেন, তোমরা সে সমস্তই পালন করেছ এবং আমি তোমাদের যে যে আদেশ দিয়েছিলাম, তোমরা সে সমস্তই মেনে চলেছ। 3 আজ পর্যন্ত, এই দীর্ঘ সময়, তোমরা তোমাদের ইস্রায়েলী ভাইদের ছেড়ে দাওনি, কিন্তু তোমাদের ঈশ্বর সদাপ্রভু তোমাদের যে লক্ষ্য দিয়েছিলেন, তা তোমরা পূর্ণ করেছ। 4 এখন সদাপ্রভু, তোমাদের ঈশ্বর, তাঁর প্রতিশ্রূতি অনুযায়ী তোমাদের ভাইদের বিশ্রাম দিয়েছেন। তোমরা তোমাদের স্বভূমিতে, যে দেশটি সদাপ্রভুর দাস মোশি তোমাদের দিয়েছিলেন, সেই জর্ডন নদীর ওপারে তোমাদের ঘরে ফিরে যাও। 5 কিন্তু সদাপ্রভুর দাস মোশি তোমাদের যে বিধান দিয়েছেন, তা পালন করার ব্যাপারে তোমরা অত্যন্ত যত্নশীল হোয়ো: তোমাদের ঈশ্বর সদাপ্রভুকে তোমরা ভালোবাসবে, তাঁর দেখানো সমস্ত পথে জীবনযাপন করবে, তাঁর আজ্ঞাগুলি পালন করবে, তাঁকে দৃঢ়ভাবে আঁকড়ে ধরে থাকবে ও তোমাদের সম্পূর্ণ মন ও প্রাণ দিয়ে তাঁর সেবা করবে।” 6 পরে যিহোশূয় তাদের আশীর্বাদ করলেন ও তাদের বিদায় দিলেন, ও তারা তাদের ঘরে ফিরে গেল। 7 (মনঃশির অর্ধ বংশকে মোশি বাশন দেশে জমি দিয়েছিলেন ও তাদের অপর অর্ধ বংশকে যিহোশূয় জর্ডন নদীর পশ্চিমদিকে তাদের ইস্রায়েলী ভাইদের সঙ্গে উত্তরাধিকার দিয়েছিলেন) যখন যিহোশূয় তাদের ঘরে ফেরত পাঠালেন, তিনি তাদের আশীর্বাদ করলেন। 8 তিনি তাদের বললেন, “তোমরা প্রচুর সম্পত্তি নিয়ে নিজেদের ঘরে ফিরে যাও—গৃহপালিত পশুর বড়ো বড়ো পাল, রংপো, সোনা, ব্রোঞ্জ ও লোহা এবং প্রচুর পরিমাণে পরিধেয় পোশাক নিয়ে যাও—ও তোমরা তোমাদের শক্রদের কাছ থেকে যে সমস্ত জিনিসপত্র লুট করেছ,

তা তোমাদের ইস্রায়েলী ভাইদের সঙ্গে ভাগ করে নিয়ো।” ৭ তাই  
রূবেণ ও গাদ গোষ্ঠী এবং মনঃশির অর্ধ গোষ্ঠী কনানের শীলোতে  
ইস্রায়েলীদের ছেড়ে গিলিয়দে, তাদের স্বদেশে ফিরে গেল। এই  
স্থানটি তারা মোশির মাধ্যমে দেওয়া সদাপ্রভুর আদেশ অনুসারে লাভ  
করেছিল। ১০ তারা যখন কনান দেশের জর্ডন নদীর কাছে গিলিলোতে  
উপস্থিত হল, তখন রূবেণ, গাদ ও মনঃশির অর্ধ গোষ্ঠীর লোকেরা  
জর্ডন নদীতীরে এক জমকালো বেদি তৈরি করল। ১১ ইস্রায়েলীরা  
যখন শুনতে পেল যে, তারা কনানের সীমায়, ইস্রায়েলের অংশে, জর্ডন  
নদীর কাছে গিলিলোতে সেই বেদি তৈরি করেছে, ১২ তখন ইস্রায়েলের  
সমস্ত মণ্ডলী তাদের বিরুদ্ধে যুদ্ধ করার জন্য শীলোতে একত্রিত হল।  
১৩ এই কারণে ইস্রায়েলীরা যাজক ইলিয়াসরের ছেলে পীনহসকে  
গিলিয়দে, রূবেণ, গাদ ও মনঃশির অর্ধ গোষ্ঠীর কাছে পাঠাল। ১৪ তাঁর  
সঙ্গে তারা ইস্রায়েলের প্রত্যেক গোষ্ঠী থেকে এক একজন করে দশজন  
প্রধান ব্যক্তিকে পাঠাল, যারা ইস্রায়েলী গোত্রগুলির নিজের নিজের  
বংশের মধ্যে প্রধান ছিলেন। ১৫ যখন তাঁরা রূবেণ, গাদ ও মনঃশির  
অর্ধ গোষ্ঠীর কাছে গিলিয়দে পৌঁছালেন, তাঁরা তাদের বললেন: ১৬  
“সদাপ্রভুর সমস্ত মণ্ডলী একথা বলছে: ‘আপনারা কীভাবে ইস্রায়েলের  
ঈশ্বরের সঙ্গে এমন বিশ্বাসঘাতকতা করলেন? কীভাবে আপনারা  
সদাপ্রভু থেকে বিমুখ হয়ে, তাঁর বিরুদ্ধে এ ধরনের বিরুদ্ধাচরণ করে  
নিজেদের জন্য একটি বেদি নির্মাণ করেছেন?’ ১৭ পিয়োরে করা  
পাপই কি আমাদের শিক্ষার জন্য যথেষ্ট নয়? আজ পর্যন্ত আমরা  
সেই পাপ থেকে নিজেদের শুচিশুদ্ধ করতে পারিনি, যদিও সদাপ্রভুর  
সমাজে এক মহামারি নেমে এসেছিল! ১৮ আর এখন আপনারাও কি  
সদাপ্রভুর কাছ থেকে ফিরে যাচ্ছেন? “আজ যদি আপনারা সদাপ্রভুর  
বিরুদ্ধে বিদ্রোহ করেন, আগামীকাল তিনি ইস্রায়েলের সমস্ত সমাজের  
প্রতি ক্রুদ্ধ হবেন। ১৯ আপনারা যে দেশ অধিকার করেছেন, তা যদি  
কল্পিত হয়, তবে সদাপ্রভুর ভূমিতে ফিরে আসুন, যেখানে সদাপ্রভুর  
সমাগম তাঁর আছে ও আমাদের সঙ্গে সেই ভূমি ভাগ করে নিন।  
কিন্তু নিজেদের জন্য আমাদের ঈশ্বর সদাপ্রভুর বেদি ছাড়া অন্য

একটি বেদি নির্মাণ করে আপনারা সদাপ্রভুর বা আমাদের বিরংক্ষে  
বিদ্রোহী হবেন না। 20 বর্জিত বিষয়গুলি সম্পর্কে যখন সেরহের  
ছেলে আখন অবিশ্বস্ততার কাজ করেছিল, তখন কি সমস্ত ইস্রায়েলী  
সমাজের উপরে সদাপ্রভুর ক্ষেত্র উপস্থিত হয়নি? তার পাপের জন্য  
কেবলমাত্র সেই নিহত হয়নি।” 21 তখন রূবেণ, গাদ ও মনঃশির অর্ধ  
গোষ্ঠীর লোকেরা ইস্রায়েলী গোত্রগুলির প্রধানদের উত্তর দিল: 22  
“সদাপ্রভু ঈশ্বর পরাক্রমী! সদাপ্রভু ঈশ্বর পরাক্রমী! তিনি জানেন! আর  
ইস্রায়েলও তা জানুক! এ যদি সদাপ্রভুর বিরংক্ষে বিদ্রোহ বা অবাধ্যতা  
হয়, তবে আজ আপনারা আমাদের নিষ্কৃতি দেবেন না। 23 যদি আমরা  
নিজেদের নির্মিত বেদি সদাপ্রভু থেকে সরে যাওয়ার জন্য ও তার  
উপরে হোমবলি বা ভক্ষ্য-নৈবেদ্য কিংবা মঙ্গলার্থক বলি উৎসর্গ করার  
জন্য নির্মাণ করে থাকি, তবে সদাপ্রভু স্বয়ং আমাদের তার প্রতিফল  
দিন। 24 “না! আমরা ভয়ে এই কাজ করেছি, কারণ কোনোদিন হয়তো  
আপনাদের বংশধরেরা আমাদের বংশধরদের বলবে, ‘ইস্রায়েলের  
ঈশ্বর সদাপ্রভুর সঙ্গে তোমাদের কী সম্পর্ক?’ 25 সদাপ্রভু তোমাদের,  
অর্থাৎ রূবেণীয় ও গাদীয়দের এবং আমাদের মধ্যে জর্ডন নদীকে  
সীমানারূপে রেখেছেন! সদাপ্রভুর উপরে তোমাদের কোনও অধিকার  
নেই।’ তাই আপনাদের বংশধরেরা আমাদের বংশধরদের সদাপ্রভুকে  
ভয় করতে বাধা দিতে পারে। 26 “সেই কারণে আমরা বললাম,  
‘এসো, আমরা তৈরি হই ও একটি বেদি নির্মাণ করি—কিন্তু তার  
উপরে হোমবলি বা অন্যান্য বলি উৎসর্গ করার জন্য নয়।’ 27 উল্টে,  
এটি বরং আপনাদের ও আমাদের ও পরবর্তী প্রজন্মপরম্পরার মধ্যে  
সাক্ষীস্বরূপ হবে, যেন আমরা তাঁর ধর্মধামে হোমবলি, অন্যান্য বলি ও  
মঙ্গলার্থক বলি নিয়ে সদাপ্রভুর আরাধনা করতে পারবে না যে,  
‘সদাপ্রভুর উপরে তোমাদের কোনও অধিকার নেই।’ 28 “আমরা  
আরও বললাম, ‘তারা যদি কখনও একথা আমাদের কিংবা আমাদের  
বংশধরদের কাছে বলে, আমরা উত্তর দেব: সদাপ্রভুর বেদির ওই ক্ষুদ্র  
সংক্ষরণ দেখো। এটি আমাদের পিতৃপুরুষেরা নির্মাণ করেছিলেন,

হোমবলি বা অন্যান্য বলি উৎসর্গের জন্য নয়, কিন্তু তোমাদের ও  
আমাদের মধ্যে এক সাক্ষী হওয়ার জন্য।’ 29 ‘সদাপ্রভুর বিরংতে যে  
আমরা বিদোহ করি, তাঁর কাছ থেকে বিমুখ হয়ে, আমাদের ঈশ্বর  
সদাপ্রভুর সমাগম তাঁবুর সামনে স্থিত বেদি ছাড়া, আমরা হোমবলি,  
শস্য-নৈবেদ্য ও অন্যান্য বলি উৎসর্গের জন্য যে অন্য বেদি নির্মাণ  
করি, তা আমাদের থেকে দূরে থাকুক।’ 30 যখন যাজক পীনহস  
ও সমাজের নেতৃবন্দ—ইস্রায়েলীদের গোষ্ঠীপতিরা—রূবেণ, গাদ  
ও মনঃশি গোষ্ঠীর বক্তব্য শুনলেন, তাঁরা সন্তুষ্ট হলেন। 31 আর  
ইলিয়াসরের ছেলে যাজক পীনহস, রূবেণ, গাদ ও মনঃশি গোষ্ঠীর  
লোকদের বললেন, “আজ আমরা বুঝাতে পারলাম যে, সদাপ্রভু  
আমাদের সঙ্গে আছেন, কারণ এই ব্যাপারে আপনারা সদাপ্রভুর প্রতি  
অবিশ্বস্ততার কাজ করেননি। এখন সদাপ্রভুর হাত থেকে আপনারা  
ইস্রায়েলীদের উদ্ধার করলেন।” 32 পরে ইলিয়াসরের ছেলে যাজক  
পীনহস ও ইস্রায়েলী নেতারা গিলিয়দে রূবেণীয় ও গাদীয়দের সঙ্গে  
সভা সেরে কনানে ফিরে গেলেন ও ইস্রায়েলীদের কাছে সেই সংবাদ  
দিলেন। 33 তারা সেই সংবাদ শুনে আনন্দিত হল ও ঈশ্বরের প্রশংসা  
করল। রূবেণীয়েরা ও গাদীয়েরা যেখানে থাকে, তারা সেই দেশে  
গিয়ে আর তাদের ধ্বংস করার কথা বলল না। 34 আর রূবেণীয়েরা ও  
গাদীয়েরা সেই বেদির নাম দিল এদ, কারণ তারা বলল, “তাদের ও  
আমাদের মধ্যে এই বেদি সাক্ষী যে—সদাপ্রভুই ঈশ্বর।”

**23** এরপর বহুদিন পার হয়ে গেল এবং সদাপ্রভু ইস্রায়েলের  
চারপাশের সমস্ত শক্তি থেকে তাদের বিশ্রাম দিলেন। যিহোশূয়  
সেই সময় অতি বৃদ্ধ হয়ে গিয়েছিলেন। 2 তিনি ইস্রায়েলীদের  
সবাইকে—সমস্ত প্রাচীন, নেতা, বিচারক ও কর্মকর্তাদের—ডেকে  
পাঠালেন ও তিনি তাঁদের বললেন: ‘আমার অনেক বয়স হয়েছে। 3  
তোমরা নিজেরা দেখেছ, তোমাদের জন্য তোমাদের ঈশ্বর সদাপ্রভু  
এই সমস্ত জাতির প্রতি কী করেছেন; তোমাদের ঈশ্বর সদাপ্রভুই  
তোমাদের হয়ে যুদ্ধ করেছেন। 4 জর্ডন নদী থেকে পশ্চিমে ভূমধ্যসাগর  
পর্যন্ত যেসব জাতিকে আমি ধ্বংস করেছি ও যারা এখনও বাকি আছে,

মনে করে দেখো, তাদের সেই দেশ আমি কীভাবে তোমাদের মধ্যে  
উত্তরাধিকারকুপে বণ্টন করে দিয়েছি। ৫ তোমাদের ঈশ্বর সদাপ্রভু  
স্বয়ং অবশিষ্ট ওই জাতিদের তোমাদের পথ থেকে তাড়িয়ে দেবেন।  
তিনি তোমাদের সামনে থেকে তাদের বিতাড়িত করবেন, আর তোমরা  
তাদের দেশের দখল নেবে, যেমন তোমাদের ঈশ্বর সদাপ্রভু তোমাদের  
প্রতিশ্রূতি দিয়েছেন। ৬ “তোমরা অত্যন্ত শক্তিশালী হও; মোশির  
বিধানপুস্তকে যা লেখা আছে, সেগুলির সবকিছু সাবধান হয়ে পালন  
কোরো। তা থেকে ডানদিকে বা বাঁদিকে সরে যেয়ো না। ৭ তোমরা  
এই সমস্ত জাতি, যারা তোমাদের মধ্যে রয়ে গিয়েছে, তাদের সহযোগী  
হোয়ো না; তাদের দেবতাদের নামে মিনতি বা শপথ কোরো না।  
তোমরা অবশ্যই তাদের সেবা করবে না অথবা তাদের সামনে প্রণত  
হবে না। ৮ কিন্তু তোমরা তোমাদের ঈশ্বর সদাপ্রভুকে আঁকড়ে ধরে  
রাখবে, যেমন তোমরা এ পর্যন্ত করে এসেছ। ৯ “সদাপ্রভু তোমাদের  
সামনে মহান ও শক্তিশালী সব জাতিকে তাড়িয়ে দিয়েছেন; আজ  
পর্যন্ত, তারা কেউই তোমাদের সামনে দাঁড়াতে পারেনি। ১০ তোমাদের  
এক একজন, 1,000 জনকে বিতাড়িত করছে, কারণ তোমাদের  
ঈশ্বর সদাপ্রভু তাঁর প্রতিশ্রূতিমতো, তোমাদের জন্য যুদ্ধ করেছেন।  
১১ তাই তোমাদের ঈশ্বর সদাপ্রভুকে ভালোবাসার ব্যাপারে তোমরা  
অত্যন্ত যত্নশীল হবে। ১২ “কিন্তু তোমরা যদি পিছনে ফিরে যাও ও  
তোমাদের মধ্যে অবশিষ্ট এই সমস্ত জাতির সঙ্গে তোমরা কোনোরকম  
মেট্রী স্থাপন করো, যদি তাদের সঙ্গে তোমরা পারস্পরিক বৈবাহিক  
সম্পর্ক স্থাপন করো ও তাদের সহযোগী হও, ১৩ তবে তোমরা নিশ্চয়  
জানবে, তোমাদের ঈশ্বর সদাপ্রভু, আর এসব জাতিকে তোমাদের  
সামনে থেকে তাড়িয়ে দেবেন না। তারা বরং তোমাদের পক্ষে জাল ও  
ফাঁদস্বরূপ হবে, তারা তোমাদের পিঠে চাবুকের মতো ও তোমাদের  
চোখে কাঁটার মতো হবে, যতক্ষণ না তোমরা এই উৎকৃষ্ট দেশ  
থেকে বিনষ্ট হও, যে দেশ তোমাদের ঈশ্বর সদাপ্রভু তোমাদের দান  
করেছেন। ১৪ “এখন সমস্ত পৃথিবীর যে অস্তিম পথ, আমি সেই পথে  
যাচ্ছি। তোমরা সমস্ত মনেপ্রাণে জানো যে, সদাপ্রভু যে সমস্ত উৎকৃষ্ট

প্রতিশ্রূতি তোমাদের দিয়েছিলেন, সেগুলির একটিও ব্যর্থ হয়নি।  
সব প্রতিশ্রূতিই পূর্ণ হয়েছে; একটিও ব্যর্থ হয়নি। 15 কিন্তু, যেমন  
তোমাদের ঈশ্বর সদাপ্রভুর প্রত্যেকটি উৎকৃষ্ট প্রতিশ্রূতি সত্য প্রমাণিত  
হয়েছে, তেমনই সদাপ্রভু যে সমস্ত মন্দ বিষয়ের ব্যাপারে তোমাদের  
ভীতিপ্রদর্শন করেছেন, তা তোমাদের উপরে নিয়ে আসবেন, যতক্ষণ  
না এই যে উৎকৃষ্ট দেশ তিনি তোমাদের দান করেছেন, সেখান থেকে  
তোমাদের ধৰ্মস করেন। 16 তোমরা যদি তোমাদের ঈশ্বর সদাপ্রভুর  
নিয়ম, যা পালন করার আদেশ তিনি তোমাদের দিয়েছেন, তা লজ্জন  
করো, এবং গিয়ে অন্য দেবদেবীর পুজো করো ও তাদের সামনে  
প্রণত হও, তবে সদাপ্রভুর ক্রোধ তোমাদের উপরে ফেটে পড়বে এবং  
তোমরা দ্রুত সেই উৎকৃষ্ট দেশে বিনষ্ট হবে, যে দেশ তিনি তোমাদের  
দান করেছেন।”

**24** পরে যিহোশূয় ইস্রায়েলের সমস্ত গোষ্ঠীকে শিখিমে একত্রিত  
করলেন। তিনি ইস্রায়েলের প্রাচীনদের, নেতাদের, বিচারকদের ও  
কর্মকর্তাদের তেকে পাঠালেন ও তাঁরা সকলে নিজেদের ঈশ্বরের সামনে  
উপস্থিত করলেন। 2 যিহোশূয় সমস্ত লোককে বললেন, “ইস্রায়েলের  
ঈশ্বর সদাপ্রভু এই কথা বলেন: ‘বহুপূর্বে তোমাদের পূর্বপুরুষেরা এবং  
অব্রাহামের ও নাহোরের বাবা তেরহও ইউফ্রেটিস নদীর অপর পারে  
বসবাস করতেন ও বিভিন্ন দেবদেবীর পুজো করতেন। 3 কিন্তু আমি  
তোমাদের পূর্বপুরুষ অব্রাহামকে সেই নদীর ওপার থেকে নিয়ে এসে  
সমস্ত কনান দেশে চালিত করলাম ও তাঁকে বহু বংশধর দিলাম।  
আমি তাকে দিলাম ইস্থাককে, 4 আবার ইস্থাককে দিলাম যাকোব  
ও এঘোকে। আমি সেরীরের পার্বত্য প্রদেশ এঘোকে দিলাম, কিন্তু  
যাকোব ও তার ছেলেরা মিশরে নেমে গেল। 5 “পরে আমি মোশি ও  
হারোণকে পাঠালাম, ও আমি সেখানে যে কাজ করলাম, তার দ্বারা  
মিশরীয়দের ক্লেশ দিলাম ও আমি তোমাদের বের করে আনলাম। 6  
তোমাদের পূর্বপুরুষদের আমি যখন মিশর থেকে বের করে আনলাম,  
তোমরা সমুদ্রের কাছে এলে এবং মিশরীয়রা বহু রথ ও অশ্বারোহী  
নিয়ে লোহিত সাগর পর্যন্ত তাদের পশ্চাদ্বাবন করে এল। 7 কিন্তু

ইস্রায়েলীরা সাহায্যের জন্য সদাপ্রভুর কাছে কাঁদল এবং সদাপ্রভু  
তোমাদের ও মিশরীয়দের মধ্যে অঙ্গকার নিয়ে এলেন; তিনি সমুদ্রকে  
তাদের উপরে নিয়ে এসে তাদের জলে আবৃত করলেন। মিশরীয়দের  
প্রতি আমি কী করেছিলাম, তা তোমরা নিজেদের চোখে দেখেছ। পরে  
দীর্ঘ সময় তোমরা মরণপ্রাণে বসবাস করলে। ৪ “আমি তোমাদের  
সেই ইমোরীয়দের দেশে নিয়ে এলাম, যারা জর্ডন নদীর পূর্বদিকে  
বসবাস করত। তারা তোমাদের বিরুদ্ধে যুদ্ধ করলে আমি তাদের  
তোমাদের হাতে সমর্পণ করলাম। আমি তোমাদের সামনে থেকে  
তাদের ধ্বংস করলাম এবং তোমরা তখন তাদের দেশের দখল নিলে।  
৫ যখন সিঞ্চনের ছেলে মোয়াবের রাজা বালাক ইস্রায়েলের বিরুদ্ধে  
যুদ্ধ করার জন্য প্রস্তুত হল, সে বিয়োরের ছেলে বিলিয়মকে পাঠাল, যেন  
সে তোমাদের অভিশাপ দেয়। ১০ কিন্তু আমি বিলিয়মের কথা শুনলাম  
না। তাই সে বারবার তোমাদের আশীর্বাদ দিল এবং আমি বালাকের  
হাত থেকে তোমাদের উদ্বার করলাম। ১১ “পরে তোমরা জর্ডন  
নদী অতিক্রম করে যিরীহোতে এলে। যিরীহোর লোকেরা তোমাদের  
বিরুদ্ধে যুদ্ধ করল, যেমন করল ইমোরীয়, পরিষীয়, কনানীয়, হিন্তীয়,  
গির্গাশীয়, হির্কীয় ও যিবুষীয়েরা, কিন্তু তাদের আমি তোমাদের হাতে  
সমর্পণ করলাম। ১২ আমি তোমাদের আগে আগে ভিমরূল পাঠালাম,  
যারা তোমাদের সামনে থেকে তাদের তাড়িয়ে দিল—সেই সঙ্গে  
ইমোরীয়দের দুই রাজাকেও তাড়ালো। তোমরা নিজেদের তরোয়াল ও  
তিরখনুক নিয়ে তা করোনি। ১৩ তাই আমি তোমাদের এমন এক  
দেশ দিলাম, যার জন্য তোমরা পরিশ্রম করোনি; তোমরা সেগুলিতে বসবাস  
করছ এবং যে দ্রাক্ষালতা ও জলপাই গাছ তোমরা রোপণ করোনি,  
তার ফল তোমরা ভোগ করছ।’ ১৪ “এখন তোমরা সদাপ্রভুকে ভয়  
করো এবং সম্পূর্ণ বিশ্বস্তার সঙ্গে তাঁর সেবা করো। ইউফ্রেটিস  
নদীর ওপারে এবং মিশরে তোমাদের পূর্বপুরুষেরা যেসব দেবদেবীর  
আরাধনা করতেন, সেগুলি তোমরা ছুঁড়ে ফেলে দাও ও সদাপ্রভুর সেবা  
করো। ১৫ কিন্তু যদি সদাপ্রভুর সেবা করতে তোমরা অনিচ্ছুক হও,

তবে আজই তোমরা বেছে নাও কার সেবা করবে, তা সে ইউফ্রেটিস  
নদীর অপর পারে তোমাদের পূর্বপুরুষেরা যেসব দেবদেবীর সেবা  
করত তাদের, না সেই ইমোরীয়দের সব দেবদেবীর, যাদের দেশে  
তোমরা বসবাস করছ, তাদের। কিন্তু আমি ও আমার পরিজন,  
আমরা সকলে সদাপ্রভুর সেবা করব।” 16 তখন লোকেরা উত্তর দিল,  
“আমরা সদাপ্রভুকে পরিত্যাগ করে অন্যান্য দেবদেবীর সেবা করব,  
তা যেন কখনও না হয়! 17 আমাদের ঈশ্বর সদাপ্রভু স্বয়ং আমাদের  
ও আমাদের পূর্বপুরুষদের মিশর থেকে, সেই ক্ষীতিদাসত্ত্বের দেশ  
থেকে মুক্ত করে এনেছিলেন এবং আমাদের চোখের সামনে ওইসব  
মহৎ চিহ্নকাজ সম্পন্ন করেছিলেন। আমাদের সমস্ত যাত্রাপথে ও যে  
সমস্ত জাতির মধ্যে দিয়ে আমরা পথ অতিক্রম করেছিলাম, তিনি  
আমাদের সুরক্ষা দিয়েছিলেন। 18 আর সদাপ্রভু আমাদের সামনে  
থেকে সব জাতিকে বিতাড়িত করলেন, ইমোরীয়দেরও করলেন, যারা  
এই দেশে বসবাস করত। আমরাও সদাপ্রভুর সেবা করব, কারণ তিনি  
আমাদের ঈশ্বর।” 19 যিহোশূয় লোকদের বললেন, “তোমরা সদাপ্রভুর  
সেবা করতে পারবে না। তিনি পবিত্র ঈশ্বর; তিনি ঈর্ষাপরায়ণ ঈশ্বর।  
তিনি তোমাদের বিদ্রোহ ও পাপ ক্ষমা করবেন না। 20 তোমরা যদি  
সদাপ্রভুকে পরিত্যাগ করো ও বিজাতীয় দেবদেবীর সেবা করো,  
তিনি আগে তোমাদের মঙ্গলসাধন করলেও, পরে তোমাদের প্রতি  
বিমুখ হয়ে তোমাদের উপরে বিপর্যয় নিয়ে আসবেন ও তোমাদের  
সংহার করবেন।” 21 কিন্তু লোকেরা যিহোশূয়কে বলল, “না! আমরা  
সদাপ্রভুরই সেবা করব।” 22 তখন যিহোশূয় বললেন, “তোমরা  
নিজেদেরই বিপক্ষে নিজেরা সাক্ষী যে, তোমরা সদাপ্রভুকে সেবা করা  
মনোনীত করেছ।” “হ্যাঁ, আমরা সাক্ষী,” তারা উত্তর দিল। 23 যিহোশূয়  
বললেন, “তবে এখন তোমাদের মধ্যে যেসব বিজাতীয় দেবদেবীর  
মূর্তি আছে সেগুলি ছুঁড়ে ফেলো এবং তোমাদের হৃদয়, ইস্রায়েলের  
ঈশ্বর সদাপ্রভুর কাছে সমর্পণ করো।” 24 আর লোকেরা যিহোশূয়কে  
বলল, “আমরা আমাদের ঈশ্বর সদাপ্রভুর সেবা করব ও তাঁর আদেশ  
পালন করব।” 25 সেদিন যিহোশূয় লোকদের জন্য একটি নিয়ম স্থির

করলেন, ও সেখানে, ওই শিখিমে তিনি লোকদের পালন করার জন্য বিধিনিয়ম ও বিধান পুনঃস্থাপন করলেন। 26 আর যিহোশূয় এসব বিষয় ঈশ্বরের বিধানপুস্তকে নথিভুক্ত করলেন। পরে তিনি এক বিশাল বড়ো পাথর নিয়ে, সদাপ্রভুর পবিত্রস্থানের কাছে একটি ওক গাছের নিচে রেখে দিলেন। 27 তিনি সমস্ত লোককে বললেন, “দেখো, এই পাথরটি আমাদের বিপক্ষে সাক্ষ্য দেবে। সদাপ্রভু যেসব কথা আমাদের বলেছেন, সেগুলি এটি শুনেছে। তোমরা যদি তোমাদের ঈশ্বরকে দেওয়া কথা থেকে পিছিয়ে যাও, তবে এই পাথরটি তোমাদের বিরুদ্ধে সাক্ষ্য দেবে।” 28 পরে যিহোশূয় তাদের নিজের নিজের অধিকারে যাওয়ার জন্য বিদায় দিলেন। 29 এসব ঘটনার পরে, সদাপ্রভুর দাস, নূনের ছেলে যিহোশূয়, 110 বছর বয়সে মারা গেলেন। 30 লোকেরা তাঁকে তাঁর নিজের অধিকারের দেশে, গাশ পর্বতের উত্তর দিকে, ইফ্রিয়মের পাহাড়ি অঞ্চলে, তিম্বৎ-সেরহে কবর দিল। 31 ইস্রায়েল যিহোশূয়ের জীবনকালে ও সেইসব প্রাচীনের জীবনকালে আগাগোড়াই সদাপ্রভুর সেবা করল, যারা যিহোশূয়ের মৃত্যুর পরও জীবিত ছিলেন ও ইস্রায়েলের জন্য সদাপ্রভু যেসব মহান কাজ করেছিলেন, সেগুলি সব প্রত্যক্ষ করেছিলেন। 32 আর যোষেফের অঙ্গি, যেগুলি ইস্রায়েলীরা মিশ্র থেকে নিয়ে এসেছিল, তা লোকেরা শিখিমে সেই জমিখণ্ডে কবর দিল, যা যাকোব শিখিমের বাবা হমোরের ছেলেদের কাছ থেকে একশো রৌপ্যমুদ্রা দিয়ে কিনেছিলেন। এটি যোষেফের বংশধরদের অধিকার হয়ে রইল। 33 আর হারোগের ছেলে ইলীয়াসেরেও মৃত্যু হল ও তাঁকে গিবিয়াতে কবর দেওয়া হল। এই স্থানটি ইফ্রিয়মের পার্বত্য প্রদেশে, তাঁর ছেলে পীনহসকে দেওয়া হয়েছিল।

## বিচারকর্তৃগণের বিবরণ

১ যিহোশুয়ের মৃত্যুর পর ইস্রায়েলীরা সদাপ্রভুকে জিজ্ঞাসা করল, “কনানীয়দের বিরুদ্ধে যুদ্ধ করার জন্য আমাদের মধ্যে থেকে কোন গোষ্ঠী প্রথমে যাবে?” ২ সদাপ্রভু উভর দিলেন, “যিহুদা গোষ্ঠী যাবে; আমি তাদেরই হাতে এই দেশটি সমর্পণ করেছি।” ৩ তখন যিহুদা গোষ্ঠীর লোকেরা তাদের সহ-ইস্রায়েলী শিমিয়োনীয়দের বলল, “কনানীয়দের বিরুদ্ধে যুদ্ধ করার জন্য আমাদের সাথে আমাদের জন্য বরাদ্দ অঞ্চলে এসো। পরে আমরাও তোমাদের সঙ্গে তোমাদের জন্য নির্দিষ্ট অঞ্চলে যাব।” সুতরাং শিমিয়োন গোষ্ঠীর লোকেরাও তাদের সঙ্গে গেল। ৪ যিহুদা গোষ্ঠীর লোকেরা যখন আক্রমণ করল, সদাপ্রভু তাদের হাতে কনানীয় ও পরিষ্যীয়দের সমর্পণ করলেন, এবং তারা বেষকে 10,000 লোককে হত্যা করল। ৫ সেখানে তারা অদোনী-বেষকের সন্ধান পেল ও তাঁর বিরুদ্ধে যুদ্ধ করল এবং কনানীয় ও পরিষ্যীয়দের ছত্রভঙ্গ করে দিল। ৬ অদোনী-বেষক পালিয়ে গেলেন; কিন্তু তারা তাড়া করে তাঁকে ধরে ফেলল এবং তাঁর হাত-পায়ের বুড়ো আঙুল কেটে দিল। ৭ তখন অদোনী-বেষক বললেন, “হাত-পায়ের বুড়ো আঙুল কাটা সত্ত্বজন রাজা আমার টেবিলের নিচে পড়ে থাকা এঁটোকাটা কুড়িয়ে খেতেন। আমি তাঁদের প্রতি যা করেছিলাম, ঈশ্বর আমাকে তার উপযুক্ত প্রতিফল দিয়েছেন।” যিহুদা গোষ্ঠীর লোকেরা তাঁকে জেরুশালেম নিয়ে এল এবং সেখানেই তিনি মারা গেলেন। ৮ তারা জেরুশালেম ও আক্রমণ করল এবং নগরটি অধিকার করল। তারা নগরের অধিবাসীদের তরোয়াল দ্বারা হত্যা করল এবং নগরটিতে আগুন ধরিয়ে দিল। ৯ তারপর, যিহুদা গোষ্ঠীর লোকেরা পাহাড় অঞ্চলে, নেগোতে এবং পশ্চিমী পাহাড়ের পাদদেশে বসবাসকারী কনানীয়দের বিরুদ্ধেও অগ্রসর হল এবং শেশয়, অহীমান ও তল্ময়কে পরাজিত করল। (হির্বাণের পূর্বতন নাম ছিল কিরিয়ৎ-অর্ব) ১১ সেখান থেকে তারা দ্বীরে বসবাসকারী লোকদের বিরুদ্ধে অগ্রসর হল (দ্বীরের পূর্বতন নাম ছিল কিরিয়ৎ-সেফর)। ১২ আর কালেব

বললেন, “যে ব্যক্তি কিরিয়ৎ-সেফর আক্রমণ করে তা নিয়ন্ত্রণে আনবে,  
আমি তার সঙ্গে আমার মেয়ে অক্ষয়ার বিয়ে দেব।” 13 কালেবের  
ছোটো ভাই, কনসের ছেলে অংনীয়েল সেটি দখল করলেন; অতএব  
কালেব তাঁর মেয়ে অক্ষয়ার সঙ্গে অংনীয়েলের বিয়ে দিলেন। 14  
একদিন অক্ষয় অংনীয়েলের কাছে এসে তাঁকে প্ররোচিত করলেন  
যেন তিনি তাঁর বাবার কাছে একটি ক্ষেতজমি চেয়ে নেন। অক্ষয় তাঁর  
গাধার পিঠ থেকে নামার পর, কালেব তাঁকে জিঞ্জাসা করলেন, “আমি  
তোমার জন্য কী করতে পারি?” 15 তিনি উত্তর দিলেন, “আমার প্রতি  
বিশেষ এক অনুগ্রহ দেখান। আপনি যেহেতু নেগোতে আমাকে জমি  
দিয়েছেন, জলের উৎসগুলি আমাকে দিন।” অতএব কালেব উচ্চতর  
ও নিম্নতর জলের উৎসগুলি তাঁকে দিলেন। 16 মোশির শশুরমশাই-  
এর বংশধরেরা, অর্থাৎ কেনীয়েরা যিহুদা গোষ্ঠীর লোকদের সঙ্গে  
খর্জুরপুর থেকে অরাদের নিকটবর্তী নেগেভে, যিহুদার মরুভূমি নিবাসী  
লোকদের মধ্যে বসবাস করার জন্য চলে গেল। 17 তখন যিহুদা  
গোষ্ঠীর লোকেরা তাদের সহ-ইসায়েলী আত্মীয় শিমিয়োন গোষ্ঠীর  
লোকদের সঙ্গে গিয়ে সফাই নিবাসী কনানীয়দের আক্রমণ করল এবং  
নগরাটি সম্পূর্ণকপে ধ্বংস করে দিল। এজন্য নগরাটির নাম হল হর্মা।  
18 যিহুদা গাজা, অক্সিলোন ও ইক্রেণ—প্রত্যেকটি নগর এবং সেগুলির  
সম্মিলিত অঞ্চলগুলি অধিকার করল। 19 সদাপ্রভু যিহুদা গোষ্ঠীর  
লোকদের সহায় ছিলেন। তারা পার্বত্য অঞ্চলটি অধিকার করে নিল,  
কিন্তু সমভূমির অধিবাসীদের তারা বিতাড়িত করতে পারল না, কারণ  
তাদের কাছে লৌহরথ ছিল। 20 মোশির প্রতিশ্রুতি অনুযায়ী হিরোণ  
কালেবকে দেওয়া হল। তিনি সেখান থেকে অনাকের তিন ছেলেকে  
বিতাড়িত করলেন। 21 বিন্যামীনীয়েরা অবশ্য জেরুশালেম নিবাসী  
সেই যিবূষীয়দের বিতাড়িত করেনি, যারা জেরুশালেমে বসবাস করত;  
আজও পর্যন্ত সেই যিবূষীয়েরা বিন্যামীনীয়দের সঙ্গে সেখানে বসবাস  
করছে। 22 এবার যোষেফ গোষ্ঠীভুক্ত লোকেরা বেথেল আক্রমণ  
করল, এবং সদাপ্রভু তাদের সহবর্তী ছিলেন। 23 তারা যখন বেথেলে  
(সেই নগরের পূর্বতন নাম লুস) গুপ্তচরবৃত্তি করার জন্য লোক পাঠাল,

24 গুপ্তচরেরা একটি লোককে নগর থেকে বেরিয়ে আসতে দেখে তাকে বলল, “এই নগরে প্রবেশ করার পথ আমাদের দেখিয়ে দাও ও আমরা দেখব যেন তোমার প্রতি সদয় ব্যবহার করা হয়।” 25 তাই সে তাদের তা দেখিয়ে দিল এবং তারা নগরে প্রবেশ করে তরোয়াল দ্বারা নগরবাসীদের হত্যা করল কিন্তু সেই লোকটিকে ও তার সমগ্র পরিবারকে অব্যাহতি দিল। 26 লোকটি পরে হিতীয়দের দেশে গিয়ে সেখানে একটি নগর পত্তন করল এবং তার নাম দিল লুস, যা আজও এই নামেই পরিচিত। 27 কিন্তু মনঃশি গোষ্ঠীর লোকেরা বেথ-শান বা তানক বা দোর বা যিব্লিয়ম বা মগিদো প্রভৃতি নগর-নিবাসী ও সেগুলির সম্মিহিত অঞ্চল-নিবাসী লোকজনকে বিতাড়িত করেনি, কারণ কনানীয়েরা সেদেশেই বসবাস করতে দৃঢ়সংকল্প হয়েছিল। 28 ইস্রায়েল যখন শক্তিশালী হয়ে উঠল, তখন কনানীয়দের সম্পূর্ণরূপে বিতাড়িত করার পরিবর্তে তারা জোর করে তাদের বেগার শ্রমিকে পরিণত করল। 29 ইফ্রায়িম গোষ্ঠীর লোকেরাও গেষর নিবাসী কনানীয়দের বিতাড়িত করল না, কিন্তু কনানীয়েরা গেষরে তাদের মধ্যেই বসবাস করতে থাকল। 30 সবূলুন গোষ্ঠীর লোকেরাও কিটরোণ ও নহলাল নিবাসী কনানীয়দের বিতাড়িত করল না, তাই সেই কনানীয়রা তাদের মধ্যেই বসবাস করল, কিন্তু সবূলুন তাদেরও জোর করে বেগার শ্রমিকে পরিণত করল। 31 আশের গোষ্ঠীর লোকেরাও অক্ষো বা সীদোন বা অহলব বা অক্ষীব বা হেল্বা বা অফীক বা রহোব নিবাসী লোকজনকে বিতাড়িত করল না। 32 আশেরীয়রা সেই দেশের অধিবাসী কনানীয়দের মধ্যেই বসবাস করতে থাকল কারণ তারা কনানীয়দের বিতাড়িত করেনি। 33 নগ্নালি গোষ্ঠীর লোকেরাও বেত-শেমশ বা বেথ-অনান নিবাসী লোকজনকে বিতাড়িত করল না; কিন্তু নগ্নালীয়েরা সেদেশের অধিবাসী কনানীয়দের মধ্যেই বসবাস করতে থাকল, এবং বেত-শেমশ ও বেথ-অনান নিবাসী লোকজন তাদের জন্য বেগার শ্রমিকে পরিণত হল। 34 ইমেরীয়রা দান বংশীয় লোকজনকে পার্বত্য অঞ্চলেই সীমাবদ্ধ করে রাখল, তাদের সমভূমিতে নেমে আসতে দিল না। 35 আর ইমেরীয়রা হেরস পর্বতে, অয়ালোনে

ও শাল্বীমে স্থায়ীভাবে বসবাস করতে দৃঢ়প্রতিজ্ঞ হল, কিন্তু যোষেফ-  
গোষ্ঠীর যখন শক্তিরুদ্ধি হল, তখন ইমোরীয়দেরও জোর করে বেগার  
শ্রমিকে পরিণত করা হল। ৩৬ ইমোরীয়দের সীমানা বিস্তৃত হল বৃশিক-  
গিরিপথ থেকে সেলা ও তা অতিক্রম করে আরও বহুদূর পর্যন্ত।

২ সদাপ্রভুর দৃত গিল্গিল থেকে বোধীমে উঠে গিয়ে বললেন, “আমি  
মিশ্র থেকে তোমাদের বের করে এনেছি এবং যে দেশ দেওয়ার  
শপথ আমি তোমাদের পূর্বপুরুষদের কাছে করেছিলাম, সেই দেশে  
তোমাদের নিয়ে এসেছি। আমি বলেছিলাম, ‘আমি তোমাদের কাছে  
আমার নিয়মটি কখনোই ভঙ্গ করব না, ২ আর তোমরাও এই দেশের  
অধিবাসীদের সঙ্গে কোনও নিয়ম ছির করবে না, কিন্তু তোমরা  
তাদের যজ্ঞবেদিঙ্গলি ভেঙ্গে ফেলবে।’ অথচ তোমরা আমার অবাধ্য  
হয়েছ। তোমরা কেন এরকম করলে? ৩ আর আমি এও বলেছি,  
‘আমি তোমাদের সামনে থেকে তাদের বিতাড়িত করব না; তারা  
তোমাদের জন্য জালে পরিণত হবে, এবং তাদের দেবতারা তোমাদের  
কাছে ফাঁদে পরিণত হবে।’” ৪ সদাপ্রভুর দৃত ইস্রায়েলীদের কাছে  
এসব কথা বলাতে, তারা তারস্বরে কেঁদে ফেলল, ৫ এবং তারা সেই  
স্থানটির নাম রাখল বোধীম। সেখানে তারা সদাপ্রভুর উদ্দেশে বলি  
উৎসর্গ করল। ৬ যিহোশূয় ইস্রায়েলীদের বিদায় করে দেওয়ার পর,  
তারা প্রত্যেকে তাদের নিজস্ব অধিকার অনুসারে, দেশ দখল করতে  
গেল। ৭ লোকজন যিহোশূয়ের জীবনকালে ও সেইসব প্রাচীনের  
জীবনকালে আগাগোড়াই সদাপ্রভুর সেবা করল, যারা যিহোশূয়ের  
মৃত্যুর পরও জীবিত ছিলেন ও ইস্রায়েলের জন্য সদাপ্রভু যেসব মহান  
কাজ করেছিলেন, সেগুলি দেখেছিলেন। ৮ নুনের ছেলে, সদাপ্রভুর  
দাস যিহোশূয় ১১০ বছর বয়সে মারা গেলেন। ৯ আর তারা তাঁকে  
গাশ পর্বতের উভরে, ইফ্রায়িমের পার্বত্য প্রদেশের তিম্ভ-হেরসে,  
তাঁর নিজস্ব অধিকার-ভূমিতে কবর দিল। ১০ সেই প্রজন্মের সমস্ত  
লোকজন তাদের পূর্বপুরুষদের সঙ্গে একত্রিত হওয়ার পর, অপর  
এক প্রজন্ম বেড়ে উঠল, যারা না চিনত সদাপ্রভুকে, না জানত তিনি  
ইস্রায়েলের জন্য কী কী করেছিলেন। ১১ পরে ইস্রায়েলীরা সদাপ্রভুর

দৃষ্টিতে যা মন্দ তাই করল এবং বায়াল-দেবতাদের সেবা করল।

12 তারা তাদের পূর্বপুরুষদের ঈশ্বর, সেই সদাপ্রভুকে পরিত্যাগ করল, যিনি মিশ্র থেকে তাদের বের করে এনেছিলেন। তারা তাদের চারপাশে বসবাসকারী লোকদের আরাধ্য বিভিন্ন দেবতাদের অনুগামী হল এবং তাদের আরাধনা করতে লাগল। তারা সদাপ্রভুর ক্রোধ জাগিয়ে তুলল 13 কারণ তারা তাঁকে পরিত্যাগ করল এবং বায়াল-দেবতার ও অষ্টারোৎ দেবীদের সেবা করল। 14 ইস্রায়েলের বিষয়কে ক্রোধের বশবর্তী হয়ে সদাপ্রভু তাদের সেই আক্রমণকারীদের হাতে সমর্পণ করলেন, যারা তাদের উপরে লুঠতরাজ চালিয়েছিল। তিনি তাদের চারপাশের সেই শক্তিদের হাতে তাদের বিক্রি করে দিলেন, যাদের প্রতিরোধ তারা আর করে উঠতে পারেনি। 15 যখনই ইস্রায়েল যুদ্ধযাত্রা করতে যেত, তাদের পরাজিত করার জন্য সদাপ্রভুর হাত তাদের বিরুদ্ধাচারী হত, ঠিক যেভাবে তিনি তাদের কাছে শপথ করেছিলেন। তাদের উপরে চরম দুর্দশা নেমে এল। 16 তখন সদাপ্রভু সেই বিচারকদের উত্থাপিত করলেন, যারা আক্রমণকারীদের হাত থেকে তাদের রক্ষা করেছিলেন। 17 তবুও তারা তাদের বিচারকদের কথায় কর্ণপাত করত না কিন্তু অন্যান্য দেবতাদের প্রতি আকৃষ্ট হয়ে বেশ্যাবৃত্তিতে নেমে তাদের আরাধনা করত। তারা দ্রুত তাদের সেই পূর্বপুরুষদের পথ থেকে ফিরে গেল, যারা সদাপ্রভুর আদেশগুলির প্রতি বাধ্য হয়ে চলতেন। 18 সদাপ্রভু যখনই তাদের জন্য কোনও বিচারক উত্থাপিত করতেন, তিনি সেই বিচারকের সহায় হতেন এবং যতদিন সেই বিচারক জীবিত থাকতেন ততদিন সদাপ্রভু তাদের শক্তিদের হাত থেকে তাদের রক্ষা করতেন; যেহেতু তাদের শোষণের কারণে ও নির্যাতনকারীদের অধীনে তাদের জীবনে উৎপন্ন কাতরোভিত্তির কারণে সদাপ্রভু করণাবিষ্ট হতেন। 19 কিন্তু সেই বিচারক মারা গেলেই, লোকেরা আবার অন্যান্য দেবতাদের অনুগামী হয়ে, তাদের সেবা ও আরাধনা করার মাধ্যমে তাদের পূর্বপুরুষদের থেকেও বেশি পরিমাণে কল্যাণিত হয়ে বিপথগামী হয়ে পড়ত। তারা তাদের মন্দ অভ্যাস ও অনমনীয় স্বভাব ত্যাগ করতে চাইত না। 20 অতএব সদাপ্রভু

ইস্রায়েলের উপরে প্রচণ্ড ক্রুদ্ধ হয়ে বললেন, “যেহেতু এই জাতি সেই নিয়মটি ভঙ্গ করেছে, যা আমি তাদের পূর্বপুরুষদের জন্য নিরূপিত করেছিলাম এবং যেহেতু আমার কথায় তারা কর্ণপাত করেনি, 21 তাই আমি আর সেইসব জাতির মধ্যে কোনো জাতিকেই তাদের সামনে থেকে বিতাড়িত করব না, যিহোশূয় মারা যাওয়ার সময় যাদের অবশিষ্ট রেখে গিয়েছিল। 22 ইস্রায়েলকে পরীক্ষা করার জন্য ও তাদের পূর্বপুরুষদের মতো তারা সদাপ্রভুর পথে চলে তাঁর আজ্ঞা পালন করছে কি না তা দেখার জন্য আমি এই জাতিকে ব্যবহার করব।” 23 সদাপ্রভু সেইসব জাতিকে সেখানে থাকতে দিলেন; তিনি যিহোশূয়ের হাতে তাদের সমর্পণ করার দ্বারা অবিলম্বে তাদের বিতাড়িত করলেন না।

3 যেসব ইস্রায়েলী কনানে কোনও যুদ্ধের অভিজ্ঞতা লাভ করেনি, তাদের পরীক্ষা করার জন্য সদাপ্রভু এসব জাতিকে অবশিষ্ট রেখেছিলেন: 2 (ইস্রায়েলীদের সেই বংশধরদের যুদ্ধবিগ্রহ শিক্ষা দেওয়ার জন্যই শুধুমাত্র তিনি এরকম করলেন, ইতিপূর্বে যাদের যুদ্ধের কোনও অভিজ্ঞতা ছিল না) 3 ফিলিস্তিনীদের পাঁচজন শাসনকর্তা, বায়াল-হর্মোগ পর্বত থেকে লেবো-হমাং পর্যন্ত বিস্তৃত লেবাননের পার্বত্য অঞ্চলে বসবাসকারী সমষ্ট কনানীয়, সীদোনীয় এবং হিব্রীয় জাতি। 4 মোশির মাধ্যমে ইস্রায়েলীদের পূর্বপুরুষদের সদাপ্রভু যে আদেশগুলি দিয়েছিলেন, সেগুলি তারা পালন করে কি না, তা জানার জন্যই এই জাতিদের অবশিষ্ট রাখা হল। 5 ইস্রায়েলীরা কনানীয়, হিত্তীয়, ইমোরীয়, পরিষীয়, হিব্রীয় এবং যিবূষীয়দের মধ্যে বসবাস করল। 6 ইস্রায়েলীরা তাদের মেয়েদের বিয়ে করে আনত ও নিজেদের মেয়েদের সঙ্গে তাদের ছেলেদের বিয়ে দিত, এবং তাদের দেবতাদের সেবা করত। 7 সদাপ্রভুর দৃষ্টিতে যা মন্দ ইস্রায়েলীরা তাই করল; তারা তাদের ঈশ্বর সদাপ্রভুকে ভুলে গিয়ে বায়াল-দেবতাদের ও আশেরা-দেবীদের সেবা করল। 8 সদাপ্রভুর ক্রেতে ইস্রায়েলীদের বিরুদ্ধে প্রজ্বলিত হল, আর তিনি তাদের অরাম-নহরায়িমের রাজা সেই কৃশন-রিশিয়াথিয়িমের হাতে বিক্রি করে দিলেন, ইস্রায়েলীরা আট বছর যাঁর শাসনাধীন হয়ে থাকল। 9 কিন্তু তারা যখন সদাপ্রভুর কাছে

কেঁদে উঠল, তিনি তাদের জন্য এক রক্ষাকর্তাকে—কালেবের ছোটো  
ভাই কনসের ছেলে অংনীয়েলকে—উত্থাপিত করলেন, যিনি তাদের  
রক্ষা করলেন। 10 সদাপ্রভুর আত্মা অংনীয়েলের উপর নেমে এলেন,  
আর তিনি ইস্রায়েলীদের বিচারক হলেন এবং যুদ্ধযাত্রা করলেন।  
সদাপ্রভু অরামের রাজা কৃশ্ণ-রিশিয়াথয়িমকে সেই অংনীয়েলের  
হাতে সমর্পণ করলেন, যিনি তাঁকে পরাজিত করলেন। 11 অতএব  
কনসের ছেলে অংনীয়েলের মৃত্যু না হওয়া পর্যন্ত চলিশ বছরের জন্য  
দেশে শান্তি বজায় থাকল। 12 আবার ইস্রায়েলীরা সদাপ্রভুর দৃষ্টিতে যা  
মন্দ তাই করল, এবং যেহেতু তারা এরকম মন্দ কাজ করল, তাই  
সদাপ্রভু মোয়াবের রাজা ইগ্লোনকে ইস্রায়েলের উপর শক্তিপ্রদর্শন  
করতে দিলেন। 13 অম্মোনীয় ও অমালেকীয়দের সঙ্গে নিয়ে এসে  
ইগ্লোন ইস্রায়েলকে আক্রমণ করলেন, এবং খর্জুরপুর অধিকার করে  
নিলেন। 14 ইস্রায়েলীরা আঠারো বছর যাবৎ মোয়াবের রাজা ইগ্লোনের  
শাসনাধীন হয়ে থাকল। 15 ইস্রায়েলীরা আবার সদাপ্রভুর কাছে  
কেঁদে উঠল, এবং তিনি তাদের এক রক্ষাকর্তা দিলেন—যিনি হলেন  
বিন্যামীনীয় গেরার ছেলে ন্যাটা এহুদ। ইস্রায়েলীরা তাঁকে রাজস্ব-  
অর্থ সমেত মোয়াবরাজ ইগ্লোনের কাছে পাঠাল। 16 এহুদ প্রায় 45  
সেন্টিমিটার লম্বা এবং উভয় দিকে ধারবিশিষ্ট একটি ছোরা তৈরি  
করলেন, ও সেটি তিনি তাঁর পোশাকের নিচে তাঁর ডান উর্ঘতে বেঁধে  
রাখলেন। 17 তিনি মোয়াবের রাজা সেই ইগ্লোনের কাছে সেই রাজস্ব-  
অর্থ পেশ করলেন, যিনি অত্যন্ত স্তুলকায় এক ব্যক্তি ছিলেন। 18  
সেই রাজস্ব-অর্থ পেশ করার পর এহুদ তাদের বিদায় করে দিলেন,  
যারা তা বহন করে এনেছিল। 19 কিন্তু গিল্গলের নিকটবর্তী সেই  
পাথর-প্রতিমাণ্ডলির কাছে পৌঁছানোর পর আবার তিনি ইগ্লোনের  
কাছে ফিরে এসে বললেন, “হে মহারাজ, আপনার জন্য আমার কাছে  
এক গোপন সংবাদ আছে।” রাজামশাই তাঁর সেবকদের বললেন,  
“আমাদের একা ছেড়ে দাও!” আর তারা সবাই বাইরে চলে গেল। 20  
রাজামশাই যখন তাঁর প্রাসাদের উপরতলার ঘরে একা বসেছিলেন,  
তখন এহুদ তাঁর কাছে এগিয়ে গিয়ে বললেন, “আপনার জন্য আমার

কাছে সৈশ্বরের এক বাণী আছে।” রাজামশাই যেই না তাঁর আসন ছেড়ে উঠে দাঁড়ালেন, 21 এহুদ তাঁর বাঁ হাত বাড়িয়ে ডান উরু থেকে সেই ছোরাটি টেনে বের করে সোজা রাজামশাই-এর পেটে চুকিয়ে দিলেন। 22 এমনকি ছোরার সঙ্গে বাঁটিও ভিতরে চুকে গেল, এবং তাঁর নাড়িভুঁড়ি বাইরে বেরিয়ে এল। এহুদ ছোরাটি টেনে বের করলেন না, এবং সোচি চর্বিতে আটকে থাকল। 23 পরে এহুদ বাইরে বারান্দায় বেরিয়ে এলেন; তিনি উপরতলার ঘরের দরজা বাইরে থেকে বন্ধ করে তাতে তালা লাগিয়ে দিলেন। 24 তিনি চলে যাওয়ার পর দাসেরা এসে দেখল যে উপরতলার ঘরের দরজা তালাবন্ধ। তারা বলল, “রাজামশাই নিশ্চয় প্রাসাদের শৌচাগারে প্রকৃতির ডাকে সাড়া দিতে গিয়েছেন।” 25 তারা বিরত না হওয়া পর্যন্ত অপেক্ষা করে গেল, কিন্তু রাজামশাই দরজা খুলছেন না দেখে তারা একটি চাবি নিয়ে দরজাটি খুলে ফেলল। সেখানে তারা দেখল যে তাদের মনিব মৃত অবস্থায় মেঝেতে পড়ে আছেন। 26 তারা যখন অপেক্ষা করছিল, তখন এহুদ পালিয়ে গেলেন। তিনি পাথর-প্রতিমাণ্ডলি পার করে গেলেন ও পালিয়ে সিয়ীরাতে গিয়ে পোঁচালেন। 27 সেখানে পোঁছে তিনি ইফ্রায়িমের পার্বত্য অঞ্চলে শিঙা বাজালেন, এবং ইস্রায়েলীরা তাঁর সঙ্গে পাহাড় থেকে নেমে গেল, ও এহুদ তাদের নেতৃত্ব দিলেন। 28 “আমার অনুগামী হও,” তিনি আদেশ দিলেন, “কারণ সদাপ্রভু তোমাদের শক্তি মোয়াবকে তোমাদের হাতে সমর্পণ করে দিয়েছেন।” অতএব তারা এহুদের অনুগামী হল এবং জর্ডনের হাঁটুজলবিশিষ্ট সেই স্থানগুলি অধিকার করে নিল, যেগুলি মোয়াবের দিকে উঠে যায়; তারা কাউকেই ওপারে যেতে দিল না। 29 সেই সময় তারা প্রায় 10,000 মোয়াবীয়কে আঘাত করল, যারা সবাই ছিল সবল ও শক্তিশালী; একজনও পালাতে পারল না। 30 সেদিন মোয়াবকে ইস্রায়েলের শাসনাধীন করা হল, এবং আশি বছরের জন্য দেশে শান্তি বজায় থাকল। 31 এহুদের পর এলেন অনাতের ছেলে শম্গর, যিনি বলদের অঙ্কুশ দিয়ে 600 ফিলিস্তিনীকে আঘাত করলেন। তিনিও ইস্রায়েলকে রক্ষা করলেন।

৪ এহুন মারা যাওয়ার পর ইস্রায়েলীরা আবার সদাপ্রভুর দৃষ্টিতে যা  
মন্দ, তাই করল। ২ তাই সদাপ্রভু তাদের কনানের রাজা সেই যাবীনের  
হাতে সমর্পণ করে দিলেন, যিনি হাংসোরে রাজত্ব করতেন। তাঁর  
সৈন্যদলের সেনাপতি সীষরা হরোশৎ-হণ্ডীয়ামের অধিবাসী ছিলেন।  
৩ যেহেতু তাঁর কাছে ৯০০-টি লৌহরথ ছিল এবং তিনি কুড়ি বছর  
ধরে ইস্রায়েলীদের উপর নির্মমভাবে অত্যাচার চালিয়েছিলেন, তাই  
ইস্রায়েলীরা সাহায্য পাওয়ার আশায় সদাপ্রভুর কাছে কেঁদেছিল।  
৪ সেই সময় লগ্নীদোতের স্ত্রী দবোরা—একজন মহিলা ভাববাদী,  
ইস্রায়েলীদের নেতৃত্ব দিচ্ছিলেন। ৫ ইফ্রিয়মের পার্বত্য প্রদেশে রামা ও  
বেথেলের মাঝখানে অবস্থিত দবোরার খেজুর গাছের তলায় বসে তিনি  
বিচারকাজ চালাতেন, এবং ইস্রায়েলীরা তাদের দন্দ নিষ্পত্তির জন্য  
সেখানে তাঁর কাছে যেত। ৬ তিনি কেদশ-নগ্নালি থেকে অবীনোয়মের  
ছেলে বারককে ডেকে পাঠালেন এবং তাঁকে বললেন, “ইস্রায়েলের  
ঈশ্বর সদাপ্রভু, তোমাকে এই আদেশ দিয়েছেন: ‘যাও, নগ্নালি ও  
সবূলন গোষ্ঠীভুক্ত ১০,০০০ লোক সঙ্গে নাও এবং তাবোর পর্বত পর্যন্ত  
তাদের নেতৃত্ব দিয়ে যাও। ৭ আমি যাবীনের সৈন্যদলের সেনাপতি  
সীষরাকে এবং তার রথ ও তার সৈন্যবাহিনীকে কীশোন নদীর কাছে  
পরিচালনা দিয়ে নিয়ে যাব এবং তাকে তোমার হাতে সমর্পণ করব।’”  
৮ বারক তাঁকে বললেন, “আপনি যদি আমার সঙ্গে যান, তবেই  
আমি যাব; কিন্তু আপনি যদি আমার সঙ্গে না যান, তবে আমি যাব  
না।” ৯ “আমি নিশ্চয় তোমার সঙ্গে যাব,” দবোরা বললেন। “কিন্তু  
এ যাত্রায় তুমি সম্মান লাভ করবে না, কারণ সদাপ্রভু সীষরাকে  
একজন স্ত্রীলোকের হাতে সমর্পণ করবেন।” অতএব দবোরা বারকের  
সঙ্গে কেদশে চলে গেলেন। ১০ বারক সেখানে সবূলন ও নগ্নালি  
গোষ্ঠীভুক্ত লোকদের ডেকে পাঠালেন, এবং ১০,০০০ লোক তাঁর  
নেতৃত্বাধীন হয়ে তাঁর সঙ্গে গেল। দবোরা ও তাঁর সঙ্গে গেলেন। ১১  
ইত্যবসরে মোশির শ্যালক, কেনীয় হেবর হেববের বংশধর অন্যান্য  
কেনীয়দের থেকে পৃথক হয়ে কেদশের নিকটবর্তী সানগ্নীমের বিশাল  
সেই গাছটির কাছে তাঁর তাঁরু খাটিয়েছিলেন। ১২ সীষরাকে যখন বলা

হল যে অবীনোয়মের ছেলে বারক তাবোর পর্বতে উঠেছে, 13 তখন  
সীষরা হরোশৎ-হাশ্নোয়ীম থেকে তাঁর সব লোকজনকে ও তাঁর 900-  
টি লৌহরথ কীশোন নদীতীরে ডেকে আনালেন। 14 তখন দর্বোরা  
বারককে বললেন, “যাও! সদাপ্রভু আজই তোমার হাতে সীষরাকে  
সমর্পণ করেছেন। সদাপ্রভু কি তোমার অগ্রগামী হননি?” অতএব  
বারক তাঁর 10,000 জন অনুচরকে সঙ্গে নিয়ে তাবোর পর্বত থেকে  
নেমে এলেন। 15 বারক এগিয়ে যেতে না যেতেই সদাপ্রভু সীষরাকে  
এবং তাঁর সব রথ ও সৈন্যবাহিনীকে তরোয়ালের আঘাতে ছত্রভঙ্গ  
করে দিলেন, এবং সীষরা তাঁর রথ থেকে নেমে পায়ে হেঁটে পালিয়ে  
গেলেন। 16 বারক হরোশৎ-হাশ্নোয়ীম পর্যন্ত সেইসব রথ ও সৈন্যদলের  
পশ্চাদ্বাবন করলেন এবং সীষরার সৈন্যবাহিনী তরোয়াল দ্বারা পতিত  
হল; একজনও অবশিষ্ট রইল না। 17 এদিকে, সীষরা পায়ে হেঁটে  
কেনীয় হেবরের স্ত্রী যায়েলের তাঁবুর কাছে পালিয়ে গেলেন, কারণ  
হাঁসোরের রাজা যাবীনের সঙ্গে কেনীয় হেবরের পরিবারের এক  
মৈত্রীর সম্পর্ক ছিল। 18 যায়েল সীষরার সঙ্গে দেখা করার জন্য বাইরে  
এসে তাঁকে বললেন, “হে আমার প্রভু, ভিতরে আসুন। ভয় পাবেন না।”  
অতএব সীষরা যায়েলের তাঁবুতে প্রবেশ করলেন, এবং তিনি একটি  
কম্বল দিয়ে সীষরাকে ঢেকে দিলেন। 19 “আমার পিপাসা পেয়েছে,”  
সীষরা বললেন। “দয়া করে আমাকে একটু জল দাও।” যায়েল তখন  
দুধ-ভর্তি একটি মশক খুলে তাঁকে খানিকটা দুধ পান করতে দিলেন,  
এবং আবার তাঁকে ঢেকে দিলেন। 20 “তুমি তাঁবুর দরজায় দাঁড়িয়ে  
থাকো,” তিনি যায়েলকে বললেন। “কেউ যদি এসে তোমায় জিজ্ঞাসা  
করে, ‘এখানে কি কেউ আছে?’ তবে বোলো, ‘না, কেউ নেই।’” 21  
কিন্তু হেবরের স্ত্রী যায়েল একটি তাঁবু-খুটা ও একটি হাতুড়ি তুলে নিয়ে  
নিঃশব্দে তাঁর কাছে গেলেন। ক্লান্ত সীষরা গভীর ঘুমে নিদ্রাগত হয়ে  
পড়েছিলেন। যায়েল সেই খুটিটি সীষরার রংগে এমনভাবে বিধিয়ে  
দিলেন যে সেটি মাটিতে গেঁথে গেল, ও তিনি মারা গেলেন। 22 ঠিক  
তখনই বারক সীষরার পশ্চাদ্বাবন করতে করতে সেখানে উপস্থিত  
হলেন এবং যায়েল তাঁর সঙ্গে দেখা করার জন্য বাইরে গেলেন।

“আসুন,” যায়েল বললেন, “আপনি যে লোকটির খোঁজ করছেন, তাকে আমি দেখিয়ে দিচ্ছি।” অতএব বারক তাঁর সঙ্গে তাঁবুতে প্রবেশ করলেন, এবং সেখানে সীমরা রগে তাঁবু-খুটা বিন্দু অবস্থায় মরে পড়েছিলেন। 23 সেদিন ঈশ্বর কনানের রাজা যাবীনকে ইস্রায়েলীদের সামনে অবনমিত করলেন। 24 আর ইস্রায়েলীরা কনানের রাজা যাবীনকে ধ্বংস না করা পর্যন্ত তাদের হাত তাঁর বিরুদ্ধে ক্রমাগত কঠোর থেকে কঠোরতর হতেই থাকল।

**5** সেদিন দরোরা এবং অবীনোয়মের ছেলে বারক এই গানটি গাইলেন:

2 “ইস্রায়েলের নেতারা যখন নেতৃত্বার হাতে নিলেন, প্রজারা যখন স্বেচ্ছায় নিজেদের উৎসর্গ করল— সদাপ্রভুর প্রশংসা করো! 3 “হে রাজারা, একথা শোনো! হে শাসকেরা, কর্ণপাত করো! আমি, আমিই সদাপ্রভুর উদ্দেশে গান গাইব; গানে গানে ইস্রায়েলের ঈশ্বর সদাপ্রভুর প্রশংসা করব। 4 “হে সদাপ্রভু, তুমি যখন সেয়ীর থেকে চলে গোলে, ইদোমের দেশ থেকে কুচকাওয়াজ করলে, পৃথিবী কম্পিত হল, আকাশমণ্ডলও বর্ষণ করল, মেঘমালা জলধারা ঢেলে দিল। 5 পর্বতগুলি সীনয়ের সেই সদাপ্রভুর সামনে কম্পিত হল, ইস্রায়েলের ঈশ্বর সেই সদাপ্রভুর সামনেই হল। 6 “অনাতের পুত্র শম্ভুরের সময়ে, রাজপথগুলি যায়েলের সময়ে পরিত্যক্ত হল; ভ্রমণকারীরা ঘূরপথে যেত। 7 ইস্রায়েলের গ্রামবাসীরা যুদ্ধ করতে চায়নি; তারা ক্ষান্ত ছিল, যতদিন না আমি, দরোরা উঠে দাঁড়ালাম, যতদিন না আমি, ইস্রায়েলের এক মাতৃস্থানীয়া উঠে দাঁড়ালাম। 8 ঈশ্বর নতুন নেতৃবৃন্দ মনোনীত করলেন যুদ্ধ যখন নগর-প্রবেশদ্বারে ঘনিয়ে এল, কিন্তু একটিও ঢাল অথবা বর্ণ দেখা গেল না, ইস্রায়েলে হাজার চল্লিশ সেই সেনানীর হাতে। 9 আমার হৃদয় ইস্রায়েলী নেতৃবৃন্দের প্রতি আসন্ত হল, জনতার মধ্যে ইচ্ছুক স্বেচ্ছাসেবকদের প্রতি। সদাপ্রভুর প্রশংসা করো! 10 “তোমরা যারা সাদা গাধার পিঠে চেপে যাও, জিন কস্বলের উপর বসে থাকো, আর তোমরা যারা পথ্যাত্রা করো, বিবেচনা করো। 11 জলসেচনের স্থানে সেই গায়কদের রব। তারা সদাপ্রভুর বিজয় বর্ণনা করে, ইস্রায়েলের গ্রামবাসীদের বিজয়। “তখন সদাপ্রভুর প্রজাসকল

নগরদ্বারে নেমে গেল। 12 ‘জাগো, জাগো হে দবোরা! জাগো, জাগো,  
গানে মুখরিত হও! হে বারক, ওঠো! হে অবীনোয়মের পুত্র, বন্দি  
করো তোমার বন্দিদের।’ 13 “পরিষদবর্গের অবশিষ্টাংশ নেমে এল;  
সদাপ্রভুর প্রজারা আমার কাছে বিক্রমীদের বিরুদ্ধাচারী হয়ে নেমে  
এল। 14 কেউ ইহুয়িম থেকে এল, যাদের মূল অমালেকেতে ছিল;  
বিন্যামীন তোমার অনুগামীদের সহবর্তী ছিল। অধিনায়কেরা মাঝীর  
থেকে নেমে এলেন, সেই রণ-দণ্ডাচারীরা সবূলুন থেকে এলেন। 15  
ইষাখরের নেতারা দবোরার সঙ্গী ছিলেন; হ্যাঁ, ইষাখর বারকেরও সঙ্গী  
ছিল, তাঁর আদেশে তাঁরা উপত্যকায় সবেগে ছুটে গেলেন। রূবেগের  
জেলাগুলিতে খুব অন্তর অনুসন্ধান হল। 16 কেন তোমরা মেষ-  
খোঁয়াড়ের মাঝে বসে রইলে শুধু মেষপালকদের বাঁশির সুর শুনবে  
বলে? রূবেগের জেলাগুলিতে খুব অন্তর অনুসন্ধান হল। 17 গিলিয়দ  
জর্ডনের ওপারে থেকে গেল। আর দান, কেনই বা সে জাহাজের  
পাশে গড়িমসি করল? আশের সমুদ্র উপকূলে থেকে গেল আর তার  
সেই উপসাগরে বসবাস করল। 18 সবূলুন-প্রজারা নিজ জীবনের  
বুঁকি নিল; নগ্নালিও তাদের দেখাদেখি সোপানক্ষেত্রে তা করল। 19  
“রাজারা এলেন, যুদ্ধ করলেন, কনানের রাজারা যুদ্ধ করলেন। তানকে,  
মগিদোর নদীতীরে, তারা রূপোর কোনো লুক্ষিত জিনিসপত্র নেয়নি।  
20 আকাশমণ্ডল থেকে নক্ষত্রেরা যুদ্ধ করল, তাদের কক্ষপথ থেকে  
সীমরার বিরুদ্ধে তারা যুদ্ধ করল। 21 কীশোন নদী তাদের ভাসিয়ে  
দিল, যুগবাহিত সেই নদী, সেই কীশোন নদী। হে আমার প্রাণ, এগিয়ে  
যাও, বলীয়ান হও! 22 তখন অশ্ব-ক্ষুরের বজ্রনিনাদ হল— তাঁর সবল  
ঘোড়ার জোরে ছোটার শব্দ। 23 সদাপ্রভুর দৃত বললেন ‘মেরোসকে  
অভিশাপ দাও।’ তার প্রজাদের দারণ অভিশাপ দাও, কারণ তারা  
সদাপ্রভুকে সাহায্য করতে আসেনি, সদাপ্রভুকে বলশালীদের বিরুদ্ধে  
সাহায্য করতে।’ 24 ‘নারীকুলে যায়েল পরমধন্যা, কেনীয় হেবরের  
স্ত্রী, তাঁবু-নিবাসী নারীকুলে পরমধন্যা। 25 সীমরা জল চেয়েছিলেন,  
আর তিনি তাঁকে দুধ দিলেন; অভিজাতদের জন্য উপযুক্ত পাত্রে তিনি  
দধি এনে দিলেন। 26 তিনি তাঁবু-খুটা হাতে তুলে নিলেন, ডান হাতে

শ্রমিকদের হাতুড়ি নিলেন। তিনি সীমরাকে আঘাত করলেন, তাঁর মাথা চূর্ণ করলেন, তিনি তাঁর রগ চুরমার ও বিন্দ করলেন। 27 তিনি যায়েলের পদাবনত হলেন, পতিত হলেন; যেখানে তিনি পদাবনত হলেন, সেখানেই মরে পতিত হয়ে রইলেন। 28 “খোলা জানালা দিয়ে সীমরার মা তাকিয়েছিলেন; জাফরির পিছন থেকে তিনি চিৎকার করেছিলেন, ‘তার রথ আসতে কেন এত দেরি হচ্ছে? কেন তার রথের ঘর্ষণ-ধ্বনি বিলম্বিত?’ 29 তাঁর জ্ঞানবতী সহচরীরা তাঁকে উত্তর দিল; তিনি নিজেও আপনমনে কথা বললেন, 30 ‘ওরা কি লুণ্ঠিত জিনিসপত্র পায়নি? ভাগাভাগি কি করেনি? প্রত্যেক পুরুষের জন্য একটি বা দুটি করে রমণী, সীমরার জন্য লুণ্ঠিত রঙিন পোশাক, দোরোখা রঙিন পোশাক, আমার গ্রীবার জন্য উচ্চমানের দোরোখা পোশাক— লুণ্ঠিত জিনিসপত্রে এসবই?’ 31 “হে সদাপ্রভু, তোমার সব শক্ত এভাবেই বিনষ্ট হোক! কিন্তু যারা তোমায় ভালোবাসে তারা সব সেই সূর্যের মতো হোক যখন তা সপ্রতাপে উদিত হয়।” পরে চল্লিশ বছর দেশে শান্তি বজায় ছিল।

**৬** ইস্রায়েলীরা সদাপ্রভুর দৃষ্টিতে যা মন্দ তাই করল, এবং সাত বছরের জন্য তিনি তাদের মিদিয়নীয়দের হাতে সমর্পণ করলেন। 2 মিদিয়নীয়রা এত নিষ্ঠুর ছিল যে ইস্রায়েলীরা নিজেদের জন্য পর্বত-গহুরে, গুহায় ও দুর্গম স্থানে আশ্রয়স্থল তৈরি করল। 3 যখনই ইস্রায়েলীরা শষ্য-বীজ বপন করত, মিদিয়নীয়, অমালেকীয় এবং প্রাচ্যদেশীয় অন্যান্য জাতিরা এসে দেশ আক্রমণ করত। 4 তারা দেশে শিবির স্থাপন করত এবং গাজা পর্যন্ত বিস্তৃত ক্ষেত্রের ফসল নষ্ট করে দিত। তারা ইস্রায়েলীদের জন্য কোনো জীবিত প্রাণী অবশিষ্ট রাখত না, তা সে মেষ, গবাদি পশুপাল বা গাধা, যাই হোক না কেন। 5 পশুপালের ঝাঁকের মতো তারা তাদের পশুপাল ও তাঁরু সঙ্গে নিয়ে আসত। তাদের সংখ্যা বা তাদের উটদের সংখ্যা গোনা অসম্ভব হত; তারা দেশ ছারখার করে দেওয়ার জন্যই সেখানে আক্রমণ চালাত। 6 মিদিয়ন ইস্রায়েলীদের এমনভাবে নিঃস্ব করে তুলেছিল যে তারা সাহায্য লাভের আশায় সদাপ্রভুর কাছে কেঁদে উঠল। 7 মিদিয়নের

কারণে ইস্রায়েলীরা যখন সদাপ্রভুর কাছে কেঁদে উঠল, ৪ তখন তিনি  
তাদের কাছে একজন ভাববাদীকে পাঠিয়ে দিলেন, যিনি বললেন,  
“ইস্রায়েলের ঈশ্বর সদাপ্রভু একথাই বলেন: আমি মিশ্র থেকে,  
ক্রীতদাসত্ত্বের দেশ থেকে তোমাদের বের করে এনেছি। ৫ মিশরীয়দের  
হাত থেকে আমি তোমাদের উদ্ধার করেছি। আর আমি তোমাদের সব  
উপদ্রবকারীর হাত থেকে তোমাদের মুক্ত করেছি; তোমাদের সামনে  
থেকে আমি তাদের বিতাড়িত করেছি ও তাদের দেশটি তোমাদের  
দিয়েছি। ১০ আমি তোমাদের বলেছি, ‘আমি তোমাদের ঈশ্বর সদাপ্রভু;  
যাদের দেশে তোমরা বসবাস করছ, সেই ইমোরীয়দের দেবতাদের  
আরাধনা তোমরা কোরো না।’ কিন্তু তোমরা আমার কথা শোনোনি।”

১১ সদাপ্রভুর দৃত অবীয়েষীয় যোয়াশের অধিকারভুক্ত অফ্রায় এক ওক  
গাছের তলায় এসে বসলেন। যোয়াশের ছেলে গিদিয়োন তখন সেখানে  
মিদিয়নীয়দের দৃষ্টির আড়ালে সরিয়ে রাখার জন্য এক আঙুর মাড়াই-  
কলে দাঁড়িয়ে গম মাড়াই করছিলেন। ১২ সদাপ্রভুর দৃত গিদিয়োনের  
কাছে আবির্ভূত হয়ে বললেন, “হে বলবান যোদ্ধা, সদাপ্রভু তোমার  
সহবর্তী।” ১৩ “হে আমার প্রভু, আমাকে ক্ষমা করুন,” গিদিয়োন উত্তর  
দিলেন, “কিন্তু সদাপ্রভু যদি আমাদের সহবর্তী হন, তবে আমাদের  
প্রতি কেন এসব কিছু ঘটল? তাঁর সেইসব অলৌকিক কাজকর্ম  
কোথায় গেল, যেগুলির বিষয়ে আমাদের পূর্বপুরুষরা আমাদের বলে  
শোনাতেন, ‘সদাপ্রভু কি আমাদের মিশ্র থেকে বের করে আনেননি?’  
কিন্তু এখন সদাপ্রভু আমাদের পরিত্যাগ করেছেন এবং মিদিয়নের  
হাতে আমাদের সমর্পণ করে দিয়েছেন।” ১৪ সদাপ্রভু তাঁর দিকে ফিরে  
বললেন, “তোমার নিজস্ব শক্তিতেই তুমি যাও এবং মিদিয়নের হাত  
থেকে ইস্রায়েলকে রক্ষা করো। আমিই কি তোমাকে পাঠাচ্ছি না?”

১৫ “হে আমার প্রভু, আমায় ক্ষমা করুন,” গিদিয়োন উত্তর দিলেন,  
“আমি কীভাবে ইস্রায়েলকে রক্ষা করব? আমার বংশই মনঃশি গোষ্ঠীর  
মধ্যে সবচেয়ে দুর্বল, এবং আমার পরিবারে আমিই সবচেয়ে নগণ্য।”

১৬ সদাপ্রভু উত্তর দিলেন, “আমি তোমার সহবর্তী হব, এবং তুমি  
মিদিয়নীয়দের সবাইকে আঘাত করবে, একজনকেও জীবিত রাখবে

না।” 17 গিদিয়োন উত্তর দিলেন, “এখন আমি যদি আপনার দৃষ্টিতে  
অনুগ্রহ লাভ করেছি, তবে আমাকে এমন এক চিহ্ন দেখান যে সত্য  
আপনিই আমার সঙ্গে কথা বলছেন। 18 আমি যতক্ষণ না ফিরে আসছি  
ও আমার নৈবেদ্য এনে আপনার কাছে উৎসর্গ করছি, ততক্ষণ দয়া  
করে এখান থেকে চলে যাবেন না।” আর সদাপ্রভু বললেন, “তুমি  
ফিরে না আসা পর্যন্ত আমি অপেক্ষা করব।” 19 গিদিয়োন তাঁবুর  
ভিতরে গিয়ে একটি কচি পাঁঠার মাংস রাখা করলেন, এবং এক  
ঐফা ময়দা দিয়ে খামিরবিহীন রুটি তৈরি করলেন। একটি ডালিতে  
মাংস ও একটি পাত্রে ঝোল রেখে, তিনি সেগুলি বাইরে এনে ওক  
গাছের তলায় সেগুলি তাঁর উদ্দেশে উৎসর্গ করলেন। 20 ঈশ্বরের দৃত  
তাঁকে বললেন, “মাংস ও খামিরবিহীন রুটিগুলি নিয়ে সেগুলি এই  
পায়াণ-পাথরের উপরে রাখো, এবং ঝোল ঢেলে দাও।” আর গিদিয়োন  
সেরকমই করলেন। 21 পরে সদাপ্রভুর দৃত তাঁর হাতে ধরা লাঠিটির  
ডগা দিয়ে সেই মাংস ও খামিরবিহীন রুটি স্পর্শ করলেন। পায়াণ-  
পাথর থেকে আগুন বের হয়ে দাউদাউ করে জ্বলে উঠল এবং সেই  
মাংস ও রুটি গ্রাস করল। আর সদাপ্রভুর দৃত অদৃশ্য হয়ে গেলেন। 22  
গিদিয়োন যখন উপলক্ষ্মি করলেন যে উনি সদাপ্রভুর দৃত, তখন তিনি  
চিৎকার করে বললেন, “হায়, সার্বভৌম সদাপ্রভু! আমি যে মুখোমুখি  
সদাপ্রভুর দৃতকে দেখলাম।” 23 কিন্তু সদাপ্রভু তাঁকে বললেন, “শান্তি  
বজায় রাখো! ভয় পেয়ো না। তুমি মরবে না।” 24 অতএব গিদিয়োন  
সদাপ্রভুর উদ্দেশে একটি যজ্ঞবেদি নির্মাণ করলেন এবং সেটির নাম  
দিলেন “সদাপ্রভু শান্তি।” আজও পর্যন্ত অবীয়েষ্মায়দের অক্ষয় সেটি  
দাঁড়িয়ে আছে। 25 সেরাতেই সদাপ্রভু গিদিয়োনকে বললেন, “তোমার  
বাবার পশুপাল থেকে সেই দ্বিতীয় বলদটি নাও, যেটির বয়স সাত  
বছর। বায়ালদেবের উদ্দেশে তোমার বাবার দ্বারা নির্মিত বেদিটি ভেঙে  
ফেলো এবং সেটির পাশে অবস্থিত আশেরা-খুঁটিটি কেটে নামাও।”  
26 তারপর পাহাড়-চূড়ায় তোমার বাবার দ্বারা নির্মিত বেদিটি ভেঙে  
ধরনের এক যজ্ঞবেদি নির্মাণ করো। কেটে ফেলা আশেরা-খুঁটির কাঠ  
ব্যবহার করে, দ্বিতীয় বলদটিকে এক হোমবলিরূপে উৎসর্গ করো।”

27 গিদিয়োন তাঁর দাসদের মধ্যে থেকে দশজনকে সঙ্গে নিলেন এবং  
সদাপ্রভুর বলা কথা অনুসারে সবকিছু করলেন। কিন্তু পরিবারকে  
এবং নগরবাসী অন্যান্য লোকদের ভয় করার কারণে তিনি সে কাজটি  
দিনে না করে রাতে করলেন। 28 সকালবেলায় নগরবাসীরা উঠে  
দেখল যে বায়ালদেবের বেদিটি ভেঙে ফেলা হয়েছে ও সেটির পাশে  
অবস্থিত আশেরা-খুঁটিটি কেটে নামানো হয়েছে এবং সেই নবনির্মিত  
বেদির উপর দ্বিতীয় বলদাটি উৎসর্গ করা হয়েছে! 29 তারা পরম্পরকে  
জিজ্ঞাসা করল, “কে এ কাজ করেছে?” ভালো করে যখন তারা তদন্ত  
করল, তখন তাদের বলা হল, “যোয়াশের ছেলে গিদিয়োন এ কাজ  
করেছে।” 30 নগরবাসীরা যোয়াশের কাছে দাবি জানাল, “তোমার  
ছেলেকে বের করে আনো। তাকে মরতে হবে, কারণ সে বায়ালদেবের  
বেদি ভেঙে ফেলেছে এবং সেটির পাশে অবস্থিত আশেরা-খুঁটিটি ও  
কেটে নামিয়েছে।” 31 কিন্তু যোয়াশ তাঁর চারপাশে দাঁড়িয়ে থাকা  
বৈরিতাবিশ্ট জনতাকে বললেন, “তোমরা কি বায়ালদেবের পক্ষে  
দাঁড়িয়ে ওকালতি করতে এসেছ? তোমরা কি তাকে রক্ষা করার চেষ্টা  
করছ? যে কেউ বায়ালদেবের হয়ে লড়াই করবে, কাল সকালে তাদের  
মেরে ফেলা হবে। বায়াল যদি সত্যিই দেবতা হয়, তবে কেউ তার বেদি  
ভেঙে ফেললে সে নিজেই নিজেকে রক্ষা করতে পারবে।” 32 তাই  
যেহেতু গিদিয়োন বায়ালদেবের বেদি ভেঙে ফেললেন, তাই সেদিন  
তারা এই বলে তাঁর নাম দিল “যিরুব্বায়াল,” যে “বায়ালদেবই তার  
সঙ্গে বিবাদ করুন।” 33 ইত্যবসরে মিদিয়নীয়, অমালেকীয় এবং  
অন্যান্য প্রাচ্যদেশীয় লোকেরা সবাই সৈন্যবাহিনী একত্রিত করল এবং  
জর্ডন নদী পার হয়ে যিষ্ঠিয়োলের উপত্যকায় শিবির স্থাপন করল।  
34 তখন সদাপ্রভুর আত্মা গিদিয়োনের উপর নেমে এলেন, এবং  
শিঙ্গা বাজিয়ে তিনি অবীহেষ্মীয়দের তাঁর অনুগামী হওয়ার জন্য ডাক  
দিলেন। 35 মনঃশি গোষ্ঠীভুক্ত এলাকার সর্বত্র তিনি দৃত পাঠালেন,  
অন্তর্শস্ত্রে সুসজ্জিত হওয়ার আহ্বান জানালেন, এবং আশের, সবূলুন  
ও নঙ্গালি গোষ্ঠীভুক্ত লোকদের কাছেও পাঠালেন, আর তারাও তাঁর  
সঙ্গে দেখা করতে গেল। 36 গিদিয়োন স্টশরকে বললেন, “তোমার

প্রতিজ্ঞানুসারে, তুমি যদি আমার হাত দিয়েই ইস্রায়েলকে রক্ষা করতে চাও— 37 তবে দেখো, আমি খামারে পশমের একটি টুকরো রাখব। সেই পশমের টুকরোতেই যদি শিশির পড়ে এবং সমগ্র মাঠ শুকনো থাকে, তবেই আমি বুঝব যে আমার হাত দিয়ে তুমি ইস্রায়েলকে রক্ষা করবে, যেমনটি কি না তুমি বলেছিলে।” 38 আর ঠিক তাই ঘটল। পরদিন ভোরবেলায় গিদিয়োন ঘুম থেকে উঠলেন; তিনি সেই পশমের টুকরোটি নিংড়লেন এবং নিংড়ে সেই শিশিরটুকু বের করলেন—তাতে একবাটি জল হল। 39 তখন গিদিয়োন ঈশ্বরকে বললেন, “আমার উপর ক্রুদ্ধ হোয়ো না। আমাকে আর একটিমাত্র অনুরোধ জানাতে দাও। পশম নিয়ে আমাকে আর একটি পরীক্ষা করার অনুমতি দাও, কিন্তু এবার পশমের টুকরোটিকে শুকনো করে রাখো এবং মাঠে যেন শিশির ছড়িয়ে থাকে।” 40 সেরাতে ঈশ্বর সেরকমই করলেন। শুধু পশমের টুকরোটি শুকনো ছিল; সমগ্র মাঠ শিশিরে ছেয়ে ছিল।

7 যিরুক্বায়াল (অর্থাৎ, গিদিয়োন) ও তাঁর লোকজন ভোরবেলায় উঠে হারোদ নামক জলের উৎসের কাছে শিবির স্থাপন করলেন। মিদিয়ন-শিবির স্থাপিত হল তাদের উত্তর দিকে, মৌরি পাহাড়ের কাছাকাছি অবস্থিত উপত্যকায়। 2 সদাপ্রভু গিদিয়োনকে বললেন, “তোমার লোকজনের সংখ্যা খুব বেশি হয়ে গিয়েছে। আমি তাদের হাতে মিদিয়নকে সমর্পণ করতে পারব না, পাছে ইস্রায়েল আমার বিরুদ্ধে অহংকার করে বলে যে, ‘আমার নিজস্ব শক্তিতেই আমি রক্ষা পেলাম।’ 3 এখন সৈন্যদলের কাছে ঘোষণা করে দাও, ‘যে কেউ ভয়ে কম্পিত হচ্ছে, সে পিছু ফিরে গিলিয়দ পর্বত থেকে প্রস্থান করুক।’” অতএব 22,000 লোক চলে গেল, আর 10,000 লোক অবশিষ্ট থাকল। 4 কিন্তু সদাপ্রভু গিদিয়োনকে বললেন, “এখনও অনেক বেশি লোক আছে। তাদের নিয়ে তুমি জলের উৎসের কাছে নেমে যাও, এবং সেখানে আমি পরীক্ষা করার মাধ্যমে তোমার জন্য তাদের সংখ্যা হ্রাস করব। আমি যদি বলি, ‘এই লোকটি তোমার সঙ্গে যাবে,’ তবে সে যাবে; কিন্তু যদি বলি, ‘এই লোকটি তোমার সঙ্গে যাবে না,’ তবে সে যাবে না।” 5 অতএব গিদিয়োন লোকদের নিয়ে জলের উৎসের কাছে

নেমে গেলেন। সেখানে সদাপ্রভু তাঁকে বললেন, “যারা তাদের জিভ  
দিয়ে কুকুরের মতো চেটে চেটে জলপান করে, তাদের কাছ থেকে যারা  
নতজানু হয়ে জলপান করে, তাদের পৃথক করে দাও।” ৬ তাদের মধ্যে  
৩০০ জন কুকুরের মতো চেটে চেটে অঞ্জলি ভরে জলপান করল। বাকি  
সবাই জলপান করার জন্য নতজানু হল। ৭ সদাপ্রভু গিদিয়োনকে  
বললেন, “যে ৩০০ জন লোক চেটে চেটে জলপান করেছে, তাদের  
দ্বারাই আমি তোমাদের রক্ষা করব এবং মিদিয়নীয়দের তোমাদের  
হাতে সমর্পণ করব। অন্য সবাই ঘরে ফিরে যাক।” ৮ অতএব গিদিয়োন  
অন্য সব ইস্রায়েলীকে ঘরে পাঠিয়ে দিলেন কিন্তু ৩০০ জনকে রেখে  
দিলেন, যারা অন্যান্য লোকদের রসদপত্র ও শিঙাগুলি হস্তগত করল।  
ইত্যবসরে মিদিয়ন তাঁর নিচের দিকে অবস্থিত উপত্যকায় শিবির  
স্থাপন করেছিল। ৯ সেরাতে সদাপ্রভু গিদিয়োনকে বললেন, “ওঠো,  
শিবিরের দিকে নেমে যাও, কারণ আমি সেটি তোমার হাতেই সমর্পণ  
করতে যাচ্ছি। ১০ আক্রমণ করতে যদি তোমার ভয় হয়, তবে তোমার  
দাস ফুরাকে সঙ্গে নিয়ে শিবিরের দিকে নেমে যাও ১১ এবং তারা  
কী বলছে তা শোনো। তারপর, শিবির আক্রমণ করার জন্য তুমি  
উৎসাহিত হবে।” অতএব গিদিয়োন ও তাঁর দাস ফুরা শিবিরের  
উপকণ্ঠে নেমে গেলেন। ১২ মিদিয়নীয়, অমালেকীয় ও প্রাচ্যদেশীয়  
অন্যান্য সব জাতি পঙ্গপালের ঘন ঝাঁকের মতো উপত্যকা জুড়ে  
শিবির স্থাপন করে বসেছিল। তাদের উটগুলি ও সমুদ্রতীরের বালুকণার  
মতো অসংখ্য ছিল। ১৩ একজন লোক তার বন্ধুকে যখন তার স্বপ্নের  
কথা বলে শোনাচ্ছিল, ঠিক তখনই গিদিয়োন সেখানে পৌঁছালেন।  
“আমি এক স্বপ্ন দেখেছি,” সে বলছিল। “মিদিয়নীয় শিবিরের মধ্যে  
গোলাকার যবের একটি রূটি গড়িয়ে এসে পড়ল। সেটি তাঁবুর গায়ে  
এত জোরে আঘাত করল যে তাঁবুটি উল্টে গিয়ে ধসে পড়ল।” ১৪ তার  
বন্ধু উত্তরে বলল, “এ আর কিছুই নয়, কিন্তু ইস্রায়েলী যোয়াশের ছেলে  
গিদিয়োনের তরোয়াল। ঈশ্বর মিদিয়নীয়দের এবং সমগ্র শিবিরকে  
তার হাতে সমর্পণ করে দিয়েছেন।” ১৫ গিদিয়োন যখন সেই স্বপ্নের ও  
সেটির ব্যাখ্যা শুনলেন, তখন তিনি নতজানু হয়ে আরাধনা করলেন।

তিনি ইস্রায়েল-শিবিরে ফিরে গিয়ে সবাইকে ডেকে বললেন, “ওঠো! সদাপ্রভু মিদিয়নীয় শিবির তোমাদের হাতে সমর্পণ করে দিয়েছেন।”

16 সেই 300 জন লোককে তিনটি দলে বিভক্ত করে তিনি তাদের সবার হাতে শিঙা ও খালি ঘট তুলে দিলেন; আর ঘটের মধ্যে মশাল দিলেন। 17 “আমার দিকে লক্ষ্য রাখো,” তিনি তাদের বললেন। “আমি যা যা করি, তোমরাও তাই কোরো। আমি যখন শিবিরের কিনারায় যাব, তোমরাও হ্রবহ আমার মতো কোরো। 18 আমি ও যারা আমার সঙ্গে আছে—আমরা যখন আমাদের শিঙাগুলি বাজাব, তখন তোমরাও শিবিরের চারিদিক থেকে শিঙা বাজিয়ো এবং চিৎকার করে বোলো, ‘সদাপ্রভুর জন্য এবং গিদিয়োনের জন্য।’” 19 রাতের মধ্যম প্রহরের শুরুতে, ঠিক যখন পাহারাদারদের পালা-বদল হল, তারপরেই গিদিয়োন ও তাঁর সঙ্গে থাকা একশো জন লোক শিবিরের কিনারায় পৌঁছে গেলেন। তাঁরা শিঙা বাজালেন এবং তাঁদের হাতে ধরা ঘটগুলি ভেঙে ফেললেন। 20 তিনটি দলই শিঙা বাজালো ও ঘট ভেঙে ফেলল। তারা তাদের বাঁ হাতে মশাল নিয়ে ও ডান হাতে বাজানোর উপযোগী শিঙা ধরে, চিৎকার করে উঠল, “সদাপ্রভুর ও গিদিয়োনের তরোয়াল!” 21 প্রত্যেকে যখন শিবির ঘিরে ধরে নিজের নিজের অবস্থান নিল, তখন মিদিয়নীয়রা ভয়ে চিৎকার করতে করতে ছুটে পালালো।

22 300-টি শিঙা যখন বেজে উঠল, তখন সদাপ্রভু শিবিরের সর্বত্র লোকদের পরম্পরের বিরুদ্ধে তরোয়াল নিয়ে যুদ্ধ করতে উসকানি দিলেন। সৈন্যদল টুকুতের কাছাকাছি অবস্থিত আবেল-মহোলার সীমানা পর্যন্ত গিয়ে, সরোরার দিকে বেথ-শিট্টায় পালিয়ে গেল। 23 নগালি, আশের ও মনঃশি গোষ্ঠীভুক্ত এলাকা থেকে ইস্রায়েলীদের ডেকে আনা হল, এবং তারা মিদিয়নীয়দের পশ্চাদ্বাবন করল। 24 গিদিয়োন এই বলে ইফ্রয়িমের পার্বত্য প্রদেশের সর্বত্র দৃত পাঠালেন, “মিদিয়নীয়দের বিরুদ্ধে নেমে এসো এবং তাদের সামনের দিকে বেথ-বারা পর্যন্ত বিস্তৃত জর্ডন নদীর জলসেচিত এলাকাটি দখল করো।”

তখন ইফ্রয়িমের সব লোকজনকে ডেকে আনা হল এবং তারা বেথ-বারা পর্যন্ত বিস্তৃত জর্ডন নদীর জলসেচিত এলাকাটি দখল করল। 25

তারা ওরেব ও সেব, এই দুই মিদিয়নীয় নেতাকে বন্দি করল। তারা ওরেবকে ওরেব নামক পর্বতে ও সেবকে সেব নামক আঙুর মাড়াই-কলের কাছে হত্যা করল। তারা মিদিয়নীয়দের পশ্চাদ্বাবন করল এবং ওরেবের ও সেবের মুগ্ধ দুটি গিদিয়োনের কাছে নিয়ে এল; তিনি তখন জর্ডন নদীতীরে দাঁড়িয়েছিলেন।

৮ ইত্যবসরে ইফ্রায়িমীয়েরা গিদিয়োনকে জিজ্ঞাসা করল, “আপনি আমাদের সঙ্গে এরকম ব্যবহার করলেন কেন? মিদিয়নের বিরুদ্ধে যুদ্ধ করতে যাওয়ার সময় আপনি আমাদের ডাকলেন না কেন?” আর তারা গিদিয়োনের সঙ্গে তীব্র বাদানুবাদ করল। ২ কিন্তু গিদিয়োন তাদের উত্তর দিলেন, “তোমাদের তুলনায় আমি এমন কী-ই বা পেরেছি? অবীয়েষরের দ্রাক্ষাফল-চয়নের পূর্ণ শস্যচ্ছেদনের তুলনায় ইফ্রায়িমের বাগানে পরিত্যক্ত দ্রাক্ষাফল কুড়ানোই কি ভালো নয়? ৩ মিদিয়নীয় দুই নেতা ওরেব ও সেবকে টক্ষর তোমাদের হাতে সমর্পণ করেছেন। তোমাদের তুলনায় আমি এমন কী-ই বা করতে পেরেছি?” এতে, তাঁর বিরুদ্ধে ওঠা তাদের অস্তোষ প্রশংসিত হল। ৪ গিদিয়োন ও তাঁর সঙ্গে থাকা 300 জন লোক ক্লান্ত অবস্থাতেও মিদিয়নীয়দের পশ্চাদ্বাবন করতে করতে জর্ডন নদীর কাছে এসে তা পার হয়ে গেলেন। ৫ তিনি সুক্ষেত্রে লোকদের বললেন, “আমার সৈন্যবাহিনীর লোকদের কিছু রুটি দাও; তারা শ্রান্ত-ক্লান্ত হয়ে পড়েছে, এবং এখনও আমি মিদিয়নের দুই রাজা, সেবহ ও সল্মুন্নার পশ্চাদ্বাবন করে যাচ্ছি।” ৬ কিন্তু সুক্ষেত্রে কর্মকর্তারা বললেন, “সেবহ ও সল্মুন্নাকে আপনি কি বন্দি করতে পেরেছেন? আমরা কেন আপনার সৈন্যবাহিনীর লোকদের রুটি দেব?” ৭ তখন গিদিয়োন উত্তর দিলেন, “ঠিক আছে, যখন সদাপ্রতু সেবহ ও সল্মুন্নাকে আমার হাতে সমর্পণ করবেন, আমি তখন মরণভূমির কাঁটাগাছ ও শিয়ালকাঁটা দিয়ে তোমাদের শরীর ছিন্নভিন্ন করে দেব।” ৮ সেখান থেকে তিনি পন্যুয়েলে গেলেন এবং সেখানকার লোকদের কাছেও একই অনুরোধ জানালেন, কিন্তু তারাও সুক্ষেত্রে লোকদের মতোই উত্তর দিল। ৯ তাই গিদিয়োন পন্যুয়েলের লোকদের বললেন, “আমি যখন বিজয়ী হয়ে ফিরে আসব, তখন আমি

এই মিনারটি চূর্ণবিচূর্ণ করে ফেলব।” 10 ইত্যবসরে সেবহ ও সল্মুন্না  
প্রায় 15,000 সৈন্য নিয়ে কর্কোরে ছিলেন। প্রাচ্যদেশীয় লোকদের  
সৈন্যবাহিনীতে এতজনই অবশিষ্ট ছিল। 1,20,000 তরোয়ালধারী  
যোদ্ধা নিহত হল। 11 গিদিয়োন নোবহের ও যগ্বিহের পূর্বদিকে  
যায়াবরদের পথ ধরে উঠে গিয়ে সেই অসন্দিপ্ত সৈন্যবাহিনীকে  
আক্রমণ করলেন। 12 মিদিয়নের দুই রাজা, সেবহ ও সল্মুন্না পালিয়ে  
গেলেন, কিন্তু গিদিয়োন তাঁদের পশ্চাদ্বাবন করে তাঁদের ধরে ফেললেন  
এবং তাঁদের সমগ্র সৈন্যবাহিনীকে ছত্রভঙ্গ করে দিলেন। 13 পরে  
যোয়াশের ছেলে গিদিয়োন যুদ্ধ সাঙ্গ করে হেরসের গিরিপথ ধরে ফিরে  
এলেন। 14 সুক্ষেত্রের এক যুবককে ধরে তিনি তাকে জিজ্ঞাসাবাদ  
করলেন, এবং সেই যুবকটি তাঁর কাছে সুক্ষেত্রের সাতান্ত্র জন  
কর্মকর্তার, নগরের প্রাচীনদের নাম লিখে দিল। 15 পরে গিদিয়োন  
এসে সুক্ষেত্রের লোকদের বললেন, “এই দেখো সেই সেবহ ও  
সল্মুন্না, যাদের বিষয়ে তোমরা আমাকে বিদ্রূপ করে বলেছিলে,  
'সেবহ ও সল্মুন্নকে আপনি কি বন্দি করতে পেরেছেন? আমরা কেন  
আপনার শ্রান্ত-ক্লান্ত লোকদের রূপটি দেব?'” 16 তিনি সেই নগরের  
প্রাচীনদের ধরলেন এবং মরুভূমির কাঁটাগাছ ও শিয়ালকাঁটা দিয়ে  
তিনি সুক্ষেত্রের লোকজনকে শাস্তি দেওয়ার দ্বারা তাদের উচিত  
শিক্ষা দিলেন। 17 এছাড়াও তিনি পন্যোলের মিনারটি চূর্ণবিচূর্ণ করে  
দিলেন এবং সেই নগরবাসীদের হত্যা করলেন। 18 পরে তিনি সেবহ  
ও সল্মুন্নাকে জিজ্ঞাসা করলেন, “তাবোরে আপনারা যাদের হত্যা  
করেছিলেন, তাঁরা কী ধরনের লোক?” “আপনারই মতো লোক,” তারা  
উত্তর দিলেন, “প্রত্যেকের চেহারা রাজপুত্রের মতো।” 19 গিদিয়োন  
উত্তর দিলেন, “তারা আমার ভাই, আমারই সহোদর। জীবন্ত সদাপ্রভুর  
দিব্যি, আপনারা যদি তাদের জীবিত রাখতেন, তবে আমি আপনাদের  
হত্যা করতাম না।” 20 তাঁর বড়ো ছেলে যেখানকে তিনি বললেন,  
“এদের হত্যা করো।” কিন্তু যেখান তার খাপ থেকে তরোয়াল বের  
করল না, কারণ সে ছেলেমানুষ ছিল, তাই ভয় পেয়েছিল। 21 সেবহ  
ও সল্মুন্না বললেন, “আসুন, আপনি নিজেই তা করুন, ‘যে যেমন,

তার তেমনই শক্তি।” অতএব গিদিয়োন এগিয়ে গিয়ে তাঁদের হত্যা করলেন, এবং তাঁদের উটগুলির গলা থেকে অলংকারগুলি খুলে নিলেন। 22 ইশ্যায়েলীরা গিদিয়োনকে বলল, “আপনি, আপনার ছেলে, এবং নাতি—আপনারা আমাদের উপর রাজত্ব করুন, কারণ আপনিই মিদিয়নের হাত থেকে আমাদের রক্ষা করেছেন।” 23 কিন্তু গিদিয়োন তাদের বললেন, “আমি তোমাদের উপর রাজত্ব করব না, আমার ছেলেও করবে না। সদাপ্রভুই তোমাদের উপর রাজত্ব করবেন।” 24 তিনি আরও বললেন, “আমার একটি অনুরোধ আছে, তোমাদের প্রাপ্য লুঁচিত জিনিসপত্রের মধ্যে থেকে প্রত্যেকে আমাকে একটি করে কানের দুল এনে দাও।” (ইশ্যায়েলীদের মধ্যে সোনার দুল পরার প্রথা ছিল।) 25 তারা উন্নত দিল, “সেগুলি দিলে আমাদের ভালোই লাগবে।” অতএব তারা একটি কাপড় পেতে দিল, এবং প্রত্যেকে তাতে তাদের লুট করা এক-একটি দুল ছুঁড়ে দিল। 26 যেসব সোনার দুল তিনি চেয়েছিলেন, তার ওজন হল 1,700 শেকল। অলংকারাদি, ঝুমকো ও মিদিয়নীয় রাজাদের পরিধেয় বেগুনি রংয়ের পোশাক অথবা তাঁদের উটগুলির গলার হারগুলি এর মধ্যে গণ্য হয়নি। 27 সেই সোনা দিয়ে গিদিয়োন একটি এফোদ তৈরি করলেন, এবং সেটি তিনি তাঁর নিজের নগর অক্ষাতে নিয়ে গিয়ে রাখলেন। সমগ্র ইশ্যায়েল সেখানে সেই এফোদের আরাধনা করার দ্বারা বেশ্যাবৃত্তি করল, এবং সেটি গিদিয়োন ও তাঁর পরিবারের কাছে ফাঁদ হয়ে দাঁড়াল। 28 এইভাবে মিদিয়ন ইশ্যায়েলীদের কাছে বশীভূত হল এবং আর কখনও তারা মাথা তুলে দাঁড়াতে পারেনি। গিদিয়োনের জীবনকালে দেশে চালুশ বছর শাস্তি বজায় ছিল। 29 যোয়াশের ছেলে যিরুব্বায়াল ঘরে বসবাস করতে চলে গেলেন। 30 তাঁর নিজের সন্তরাটি ছেলে ছিল, কারণ তাঁর অনেক স্ত্রী ছিল। 31 শিথিমে বসবাসকারী গিদিয়োনের এক উপপত্নীও তাঁর জন্য এক পুত্রসন্তানের জন্ম দিয়েছিল, যার নাম তিনি রেখেছিলেন অবীমেলক। 32 যোয়াশের ছেলে গিদিয়োন যথেষ্ট বৃদ্ধাবস্থায় মারা গেলেন এবং অবীয়েন্নীয়দের অক্ষাতে তাঁর বাবা যোয়াশের কবরে তাঁকে কবর দেওয়া হল। 33 গিদিয়োন মারা যেতে না

যেতেই ইন্দ্রায়েলীরা আবার বায়ালের উদ্দেশে বেশ্যাবৃত্তি করল। তারা বায়াল-বরীৎকে তাদের দেবতারূপে প্রতিষ্ঠিত করল ৩৪ এবং তাদের ঈশ্বর সেই সদাপ্রভুকে মনে রাখল না, যিনি তাদের চারপাশের সব শক্তির হাত থেকে তাদের রক্ষা করেছিলেন। ৩৫ যিরুক্বায়াল (অর্থাৎ, গিদিয়োন) তাদের জন্য এত মঙ্গলজনক কাজ করা সত্ত্বেও, তারা তাঁর পরিবারের প্রতি কোনও আনুগত্য দেখায়নি।

১ যিরুক্বায়ালের ছেলে অবীমেলক শিথিমে তার মামাদের কাছে গিয়ে তাদের এবং তার মায়ের গোষ্ঠীভুক্ত সব লোকজনকে বলল, ২ “তোমরা শিথিমের সব নাগরিককে জিজ্ঞাসা করো, ‘তোমাদের পক্ষে কোনটি ভালো: তোমাদের উপরে যিরুক্বায়ালের সন্তরজন ছেলের কর্তৃত্ব করা, না শুধু একজনের?’ মনে রেখো, আমি তোমাদের রক্তমাংসের আত্মীয়।” ৩ তার মায়ের আত্মীয়েরা তার এই কথাগুলি শিথিমের লোকদের কাছে বলাতে তারা অবীমেলকের অনুগামী হওয়ার সিদ্ধান্ত গ্রহণ করল, কারণ তারা বলল, “উনি তো আমাদের আত্মীয়।” ৪ তারা বায়াল-বরীতের মন্দির থেকে সন্তু শেকল রূপো এনে অবীমেলককে উপহার দিল, এবং অবীমেলক বেপরোয়া ও নীচমনা কিছু লোককে ভাড়া করার জন্য সেই রূপো ব্যবহার করল, ও তারা তার অনুগামী হল। ৫ সে অক্ষয় তার বাবার ঘরে গিয়ে যিরুক্বায়ালের ছেলেদের, তার সন্তরজন ভাইকে একটি পাষাণ-পাথরের উপরে হত্যা করল। কিন্তু যিরুক্বায়ালের ছোটো ছেলে যোথম লুকিয়ে পালিয়েছিলেন। ৬ পরে শিথিম ও বেথ-মিল্লোর সব নাগরিক শিথিমের সেই বিশাল গাছটির পাশে অবস্থিত স্তন্দের কাছে একত্রিত হয়ে অবীমেলককে রাজপদে অভিষিক্ত করল। ৭ যোথম একথা শুনতে পেয়ে গরিবীম পর্বতের চূড়ায় গিয়ে উঠলেন এবং চিৎকার করে তাদের বললেন, “হে শিথিমের নাগরিকেরা, তোমরা আমার কথা শোনো, যেন ঈশ্বরও তোমাদের কথা শোনেন। ৮ একদিন গাছেরা তাদের জন্য একজন রাজাকে অভিষিক্ত করতে গেল। তারা জলপাই গাছকে বলল, ‘তুমি আমাদের রাজা হও।’ ৯ “কিন্তু জলপাই গাছ তাদের বলল, ‘আমার যে তেল দ্বারা দেবতা ও মানুষেরা সম্মানিত হয়, তা ত্যাগ করে

আমি কি গাছদের উপর দুলতে থাকব?’ 10 “তারপর, গাছেরা ডুমুর  
 গাছকে বলল, ‘এসো, তুমি আমাদের রাজা হও।’ 11 “কিন্তু ডুমুর গাছ  
 উত্তর দিল, ‘আমি কি গাছদের উপর দুলবার জন্য আমার ভালো ও  
 মিষ্টি ফল উৎপন্ন করা ছেড়ে দেব?’ 12 “গাছেরা তখন দ্রাক্ষালতাকে  
 বলল, ‘তুমি এসে আমাদের উপর রাজত্ব করো।’ 13 “কিন্তু দ্রাক্ষালতা  
 বলল, ‘আমার যে দ্রাক্ষারস মানুষ ও দেবতাদের আমোদিত করে,  
 তা উৎপন্ন না করে, আমি কি গাছদের উপর দুলবো?’ 14 “শেষে  
 সব গাছ কাঁটাবোপকে বলল, ‘তুমি এসো, আমাদের রাজা হও।’ 15  
 “কাঁটাবোপ গাছদের বলল, ‘তোমরা যদি সত্যিই আমাকে তোমাদের  
 রাজাঙ্কপে অভিষিক্ত করতে চাও, তবে এসো ও আমার ছায়ায়  
 আশ্রয় নাও; কিন্তু যদি না নাও, তবে এই কাঁটাবোপ থেকে আগুন  
 বের হয়ে এসে লেবাননের দেবদারু গাছগুলিকে গ্রাস করুক।’ 16  
 “অবীমেলককে রাজা করে তোমরা কি সম্মানজনক ও যথার্থ আচরণ  
 করেছ? তোমরা কি যিরুব্বায়াল ও তাঁর পরিবারের প্রতি সদাচরণ  
 করেছ? তোমাদের এই ব্যবহার কি তাঁর প্রাপ্য ছিল? 17 মনে রেখো  
 যে আমার বাবা তোমাদের জন্য যুদ্ধ করেছিলেন এবং জীবনের ঝুঁকি  
 নিয়ে মিদিয়নীয়দের হাত থেকে তোমাদের রক্ষা করেছিলেন। 18 কিন্তু  
 আজ তোমরা আমার বাবার পরিবারের বিরুদ্ধে বিদ্রোহ করে বসেছো।  
 একটিই পাথরের উপরে তোমরা তাঁর সন্তুরজন ছেলেকে হত্যা করেছ  
 এবং তাঁর ক্রীতদাসীর ছেলে অবীমেলককে শিখিমের নাগরিকদের  
 উপরে রাজা করেছ, যেহেতু সে তোমাদের আত্মীয়। 19 অতএব  
 তোমরা কি আজ যিরুব্বায়াল ও তাঁর পরিবারের প্রতি সম্মানজনক ও  
 যথার্থ আচরণ করেছ? যদি তা করে থাকো, তবে অবীমেলককে নিয়ে  
 তোমরা আনন্দ করো, এবং সেও তোমাদের নিয়ে আনন্দ করুক! 20  
 কিন্তু যদি তা না করে থাকো, তবে অবীমেলকের কাছ থেকে আগুন বের  
 হয়ে আসুক এবং তোমাদের, ও শিখিম ও বেথ-মিল্লোর নাগরিকদের  
 গ্রাস করুক, এবং তোমাদের ও শিখিম ও বেথ-মিল্লোর নাগরিকদের  
 কাছ থেকেও আগুন বের হয়ে আসুক ও অবীমেলককে গ্রাস করুক!”  
 21 পরে যোথম পালিয়ে গেলেন ও বেরে পৌঁছালেন এবং সেখানেই

বসবাস করতে লাগলেন যেহেতু তিনি তাঁর ভাই অবীমেলককে ডয় পেয়েছিলেন। 22 অবীমেলক ইস্রায়েলীদের উপর তিনি বছর রাজত্ব করার পর, 23 ঈশ্বর অবীমেলক ও শিখিমের নাগরিকদের মধ্যে এমন শক্রতা উৎপন্ন করলেন যে তারা অবীমেলকের বিরুদ্ধে বিশ্বাসঘাতকতা করল। 24 ঈশ্বর এরকমটি করলেন যেন যিরুব্বায়ালের সভরজন ছেলের বিরুদ্ধে সম্পন্ন অপরাধের, তাদের রক্তপাতের দায় তাদের ভাই অবীমেলক এবং শিখিমের সেই নাগরিকদের উপর বর্তায়, যারা তার ভাইদের হত্যা করার সময় তাকে সাহায্য করেছিল। 25 অবীমেলকের বিরুদ্ধাচরণ করে শিখিমের নাগরিকরা পর্বতের চূড়ায় চূড়ায় গোপনে লোকদের ঘাঁটি গোড়ে বসিয়ে দিল এবং সেখান দিয়ে যাওয়া প্রত্যেকের সবকিছু তারা লুট করতে লাগল। আর এই খবরটি অবীমেলককে জানানো হল। 26 এদিকে এবদের ছেলে গাল তার আত্মীয়দের সঙ্গে নিয়ে শিখিমের দিকে এগিয়ে গেল, এবং সেখানকার নাগরিকরা তার উপর আঙ্গুষ্ঠা স্থাপন করল। 27 ক্ষেতে গিয়ে দ্রাক্ষাফল সংগ্রহ করার ও সেগুলি মাড়াই করার পরে তারা তাদের দেবতার মন্দিরে উৎসব উদ্যাপন করল। ভোজনপান করতে করতে তারা অবীমেলককে অভিশাপ দিল। 28 পরে এবদের ছেলে গাল বলল, “অবীমেলক কে, আর আমরা শিখিমীয়রা কেন তার বশ্যতাস্ত্বীকার করব? সে কি যিরুব্বায়ালের ছেলে নয় ও সবূল কি তার সহকারী নয়? শিখিমের বাবা হমোরের পরিবারের সেবা করো! আমরা কেন অবীমেলকের সেবা করব? 29 যদি শুধু এই লোকেরা আমার নিয়ন্ত্রণাধীন থাকত! তবে আমি তার হাত থেকে রেহাই পেতাম। আমি অবীমেলককে বলতাম, ‘তোমার সমগ্র সৈন্যবাহিনীকে ডেকে আনো!’” 30 এবদের ছেলে গাল কী বলেছিল, তা যখন নগরাধ্যক্ষ সবূল শুনতে পেল, তখন সে ভীষণ ঝুঁক্দ হল। 31 গোপনে সে অবীমেলকের কাছে দৃত পাঠিয়ে বলল, “এবদের ছেলে গাল ও তার আত্মীয়েরা শিখিমে এসেছে এবং তারা আপনার বিরুদ্ধে নগরের লোকদের উভেজিত করে তুলছে। 32 তাই এখন, রাতের বেলায় আপনাকে ও আপনার লোকজনদের আসতে হবে ও ক্ষেতে লুকিয়ে অপেক্ষা করতে হবে। 33 সকালে

সূর্যোদয়ের সময় নগরের বিরুদ্ধে আপনারা এগিয়ে যাবেন। যখন  
গাল ও তার লোকজন আপনাদের বিরুদ্ধে বের হয়ে আসবে, তখন  
তাদের আক্রমণ করার যে সুযোগ পাবেন তার সন্দেহ্যবহার করবেন।”

34 অতএব অবীমেলক ও তার সব সৈন্যসামন্ত রাতের বেলায় উঠে  
চার দলে বিভক্ত হয়ে শিখিমের কাছে লুকিয়ে থাকল। 35 এদিকে  
অবীমেলক ও তার সৈন্যসামন্ত যখন তাদের গোপন আস্তানা থেকে  
বের হয়ে আসছিল ঠিক তখনই এবদের ছেলে গাল বাইরে বেরিয়ে  
নগরের প্রবেশদ্বারে এসে দাঁড়িয়ে গেল। 36 গাল যখন তাদের দেখল,  
তখন সে সবূলকে বলল, “দেখো, পর্বত-চূড়াগুলি থেকে লোকেরা  
নেমে আসছে!” সবূল উভর দিল, “তুমি পর্বতের ছায়াকে মানুষ বলে  
মনে করে ভুল করছ!” 37 কিন্তু গাল আবার বলে উঠল: “দেখো,  
পাহাড়ের মাঝাখান থেকে লোকেরা নিচে নেমে আসছে, এবং গণকদের  
গাছের দিক থেকেও একদল লোক চলে আসছে।” 38 তখন সবূল  
তাকে বলল, “তোমার হামবড়াইমার্কা কথাবার্তা এখন কোথায় গেল,  
তুমিই তো বলেছিলে, ‘অবীমেলক কে যে আমাদের তার নিয়ন্ত্রণাধীন  
হতে হবে?’ এই লোকদেরই কি তুমি তুচ্ছতাচ্ছিল্য করোনি? যাও, ও  
তাদের বিরুদ্ধে যুদ্ধ করো।” 39 অতএব গাল শিখিমের নাগরিকদের  
নেতৃত্ব দিল এবং অবীমেলকের বিরুদ্ধে যুদ্ধ করল। 40 অবীমেলক  
নগরের প্রবেশদ্বার পর্যন্ত তাকে তাড়া করে গেল, এবং পালানোর সময়  
তাদের মধ্যে অনেকেই নিহত হল। 41 পরে অবীমেলক অরুমায়  
গিয়ে বসবাস করল, এবং সবূল গাল ও তার দলবলকে শিখিম থেকে  
তাড়িয়ে দিল। 42 পরদিন শিখিমের লোকেরা ক্ষেতে বের হয়ে গেল, ও  
এই খবরটি অবীমেলকের কাছে পৌঁছে দেওয়া হল। 43 অতএব সে  
তার লোকজনদের নিয়ে, তাদের তিনটি দলে বিভক্ত করে ক্ষেতে  
গোপনে ঘাঁটি গেড়ে থাকল। সে যখন দেখল যে লোকেরা নগর থেকে  
বেরিয়ে আসছে, তখন সে তাদের আক্রমণ করার জন্য উঠে পড়ল। 44  
অবীমেলক এবং তার সঙ্গে থাকা দলবল, তাড়াতাড়ি সামনে এগিয়ে  
গিয়ে নগরের প্রবেশদ্বারের কাছে নিজেদের অবস্থান নিল। তখন দুটি  
দল ক্ষেতে থাকা লোকদের আক্রমণ করে তাদের হত্যা করল। 45

সারাটি দিন ধরে ততক্ষণ অবীমেলক সেই নগরের বিরুদ্ধে আক্রমণ চালিয়ে গেল যতক্ষণ না সে সেটি দখল করে সেখানকার সব লোককে বধ করল। পরে সে নগরটি ধ্বংস করে সেটির উপর লবণ ছড়িয়ে দিল। 46 এই খবর শুনে, শিখিমের মিনারের নাগরিকেরা এল-বরীতের মন্দিরের দুর্গে প্রবেশ করল। 47 অবীমেলক যখন শুনল যে তারা সেখানে সমবেত হয়েছে, 48 তখন সে এবং তার সব লোকজন সল্মন পর্বতে উঠে গেল। সে একটি কুড়ুল নিয়ে গাছের কয়েকটি ডালপালা কেটে, সেগুলি তার কাঁধে তুলে নিল। তার সঙ্গে থাকা লোকদের সে আদেশ দিল, “তাড়াতাড়ি করো! আমাকে যা করতে দেখছ, তোমরাও তাই করো!” 49 অতএব সব লোকজন গাছের ডালপালাগুলি কেটে নিয়ে অবীমেলকের অনুগামী হল। দুর্গের চারপাশে তারা সেই ডালপালাগুলি স্তুপাকারে রেখে তাতে আগুন ধরিয়ে দিল আর লোকজন তখনও সেই দুর্গের ভিতরেই ছিল। অতএব শিখিমের দুর্গের ভিতরে থাকা সব লোকজন, প্রায় 1,000 জন নারী-পুরুষও মারা গেল। 50 এরপর অবীমেলক তেবেসে গেল এবং সেটি অবরুদ্ধ করে তা দখল করে নিল। 51 সেই নগরের মধ্যে, অবশ্য, একটি মজবুত দুর্গ ছিল। সব নারী-পুরুষ—নগরের সব লোকজন—পালিয়ে গিয়ে সেখানে আশ্রয় নিল। তারা ভিতর থেকে নিজেদের তালাবন্ধ করে দুর্গের ছাদে উঠে গেল। 52 অবীমেলক দুর্গের কাছে গিয়ে সেটি আক্রমণ করল। কিন্তু যেই না সে দুর্গে আগুন লাগানোর জন্য দুর্গ-দুয়ারের দিকে গেল, 53 একজন স্ত্রীলোক তার মাথায় জাঁতা-পাথরের উপরের এক পাটি ফেলে দিল এবং তার মাথার খুলি ফাটিয়ে দিল। 54 তখন অবীমেলক তাড়াতাড়ি তার অন্ত-বহনকারীকে ডেকে বলল, “তুমি তরোয়াল টেনে বের করো ও আমাকে হত্যা করো, যেন তারা বলতে না পারে যে, ‘একজন স্ত্রীলোক তাকে হত্যা করেছে।’” অতএব তার দাস তাকে বিদ্ধ করল, ও সে মারা গেল। 55 ইস্রায়েলীয়া যখন দেখল যে অবীমেলক মারা গিয়েছে, তখন তারা স্বদেশে ফিরে গেল। 56 এইভাবে ঈশ্বর অবীমেলকের সেই দুষ্টার প্রতিফল তাকে দিলেন, যা সে তার সউরজন ভাইকে হত্যা করার মাধ্যমে তার বাবার প্রতি

করেছিল। ৫৭ আবার শিখিমের লোকদের সব দুষ্টতার প্রতিফলও ঈশ্বর তাদের দিলেন। যিরুব্বায়ালের ছেলে যোথমের অভিশাপ তাদের উপরে বর্তালো।

**১০** অবীমেলকের পরে ইস্রায়েলকে রক্ষা করার জন্য ইয়াখর গোষ্ঠীভুক্ত তোলয় নামক একজন লোক উৎসাহিত হলেন; তিনি দোদয়ের নাতি ও পূয়ার ছেলে। তিনি ইফ্রায়িমের পার্বত্য প্রদেশের শামীরে বসবাস করতেন। ২ তেইশ বছর তিনি ইস্রায়েলকে নেতৃত্ব দিলেন; পরে তিনি মারা গেলেন, এবং শামীরেই তাঁকে কবর দেওয়া হল। ৩ তাঁর পরে এলেন গিলিয়দীয় যায়ীর, যিনি বাইশ বছর ইস্রায়েলকে নেতৃত্ব দিলেন। ৪ তাঁর ত্রিশজন ছেলে ছিল, যারা ত্রিশটি গাধার পিঠে চড়ে ঘুরে বেড়াত। গিলিয়দে ত্রিশটি নগর তারা নিয়ন্ত্রণ করত, যেগুলি আজও হৰোৎ-যায়ীর নামে পরিচিত। ৫ যায়ীর মারা যাওয়ার পর তাঁকে কমোনে কবর দেওয়া হল। ৬ ইস্রায়েলীরা আবার সদাপ্রভুর দৃষ্টিতে যা মন্দ তাই করল। তারা বায়াল-দেবতাদের, অষ্টারোৎ দেবীদের, এবং অরামের দেবতাদের, সীদোনের দেবতাদের, মোয়াবের দেবতাদের, অম্মোনীয়দের দেবতাদের ও ফিলিস্তিনীদের দেবতাদের সেবা করতে লাগল। আর যেহেতু ইস্রায়েলীরা সদাপ্রভুকে ত্যাগ করল এবং আর তাঁর সেবা করল না, ৭ তাই তাদের বিরুদ্ধে তিনি ক্রুদ্ধ হলেন। তিনি সেই ফিলিস্তিনী ও অম্মোনীয়দের হাতে তাদের বিক্রি করে দিলেন, ৮ যারা সেই বছর তাদের চূর্ণবিচূর্ণ ও সর্বনাশ করে ছাড়লো। ইমোরীয়দের দেশ গিলিয়দে, জর্ডন নদীর পূর্বপারে বসবাসকারী সব ইস্রায়েলীর উপরে তারা আঠারো বছর ধরে দমনপীড়ন চালাল। ৯ অম্মোনীয়রা যিহুদা, বিন্যামীন ও ইফ্রায়িমের বিরুদ্ধে যুদ্ধ করার জন্য জর্ডন নদী পার হয়ে আসত; ইস্রায়েল চরম দুর্দশাগ্রস্ত হল। ১০ তখন ইস্রায়েলীরা সদাপ্রভুর কাছে কেঁদে বলল, “আমরা তোমার বিরুদ্ধে পাপ করেছি, আমাদের ঈশ্বরকে ত্যাগ করেছি ও বায়াল-দেবতাদের সেবা করেছি।” ১১ সদাপ্রভু তাদের উত্তর দিলেন, “যখন মিশরীয়, ইমোরীয়, অম্মোনীয়, ফিলিস্তিনী, ১২ সীদোনীয়, অমালেকীয় ও মায়োনীয়রা তোমাদের উপর দমনপীড়ন চালাচ্ছিল এবং তোমরা

আমার কাছে সাহায্য চেয়ে কেঁদেছিলে, তখন কি আমি তাদের হাত থেকে তোমাদের রক্ষা করিনি? 13 কিন্তু তোমরা আমাকে ত্যাগ করে অন্যান্য দেবতাদের সেবা করলে, তাই আমি আর তোমাদের রক্ষা করব না। 14 যাও ও সেই দেবতাদের কাছে গিয়ে কাঁদো যাদের তোমরা মনোনীত করেছিলে। সংকটের সময় তারাই তোমাদের রক্ষা করুক!” 15 কিন্তু ইস্রায়েলীরা সদাপ্রভুকে বলল, “আমরা পাপ করেছি। তোমার যা ভালো বলে মনে হয়, আমাদের প্রতি তাই করো, কিন্তু দয়া করে এখন আমাদের রক্ষা করো।” 16 পরে তারা তাদের মধ্যে থাকা বিজাতীয় দেবতাদের দূর করে দিল ও সদাপ্রভুর সেবা করল। ইস্রায়েলের এই দুর্দশা আর তিনি সহ্য করতে পারলেন না। 17 অম্মোনীয়রা যখন অস্ত্রশস্ত্রে সজ্জিত হয়ে গিলিয়দে শিবির স্থাপন করার জন্য আহুত হল, তখন ইস্রায়েলীরাও মিস্পাতে সমবেত হয়ে শিবির স্থাপন করল। 18 গিলিয়দের অধিবাসীদের নেতারা পরম্পর বলাবলি করল, “যে কেউ অম্মোনীয়দের আক্রমণ করার ক্ষেত্রে নেতৃত্ব দেবে, সেই হবে সেইসব লোকজনের সর্দার, যারা গিলিয়দে বসবাস করে।”

**11** গিলিয়দীয় যিষ্ঠহ ছিলেন এক শক্তিমান যোদ্ধা। তাঁর বাবার নাম গিলিয়দ; তাঁর মা ছিল এক বেশ্যা। 2 গিলিয়দের স্ত্রীও তাঁর জন্য কয়েকটি ছেলের জন্ম দিয়েছিলেন, এবং তারা যখন বেড়ে উঠল, তখন তারা যিষ্ঠহকে তাড়িয়ে দিল। “আমাদের পরিবারে তুমি কোনও উত্তরাধিকার পাবে না,” তারা বলল, “কারণ তুমি অন্য এক মহিলার ছেলে।” 3 অতএব যিষ্ঠহ তাঁর ভাইদের কাছ থেকে পালিয়ে গেলেন ও সেই টোব দেশে বসতি স্থাপন করলেন, যেখানে একদল ইতর দুর্ব্বল লোক তাঁর চারপাশে সমবেত হয়ে তাঁর অনুগামী হল। 4 কিছুকাল পর, অম্মোনীয়রা যখন ইস্রায়েলের বিরুদ্ধে যুদ্ধ করছিল, 5 তখন অম্মোনীয়দের সাথে যুদ্ধ করার জন্য গিলিয়দের প্রাচীনেরা টোব দেশ থেকে যিষ্ঠহকে আনতে গেলেন। 6 “এসো,” তাঁরা যিষ্ঠহকে বললেন, “তুমি আমাদের সেনাপতি হও, যেন আমরা অম্মোনীয়দের বিরুদ্ধে যুদ্ধ করতে পারি।” 7 যিষ্ঠহ তাঁদের বললেন, “আপনারা কি আমাকে ঘৃণা করে আমার বাবার বাড়ি থেকে আমাকে তাড়িয়ে দেননি? এখন

যখন অসুবিধায় পড়েছেন, তখন কেন আমার কাছে এসেছেন?”

৪ গিলিয়দের প্রাচীনেরা তাঁকে বললেন, “তা সত্ত্বেও, আমরা এখন তোমার কাছে ফিরে এসেছি; অম্মোনীয়দের বিরুদ্ধে যুদ্ধ করার জন্য আমাদের সঙ্গে এসো, এবং আমরা যারা গিলিয়দে বসবাস করি, তুমি আমাদের সকলের সর্দার হবে।” ৯ যিষ্ঠহ উত্তর দিলেন, “ধরে নিন আপনারা অম্মোনীয়দের বিরুদ্ধে যুদ্ধ করার জন্য আমাকে ফিরিয়ে নিয়ে গেলেন এবং সদাপ্রভু আমার হাতে তাদের সমর্পণ করলেন—সেক্ষেত্রে আমি কি সত্যিই আপনাদের সর্দার হব?” ১০ গিলিয়দের প্রাচীনেরা তাঁকে উত্তর দিলেন, “সদাপ্রভু আমাদের সাক্ষী; আমরা নিশ্চয় তোমার কথামতোই কাজ করব।” ১১ অতএব যিষ্ঠহ গিলিয়দের প্রাচীনদের সঙ্গে গেলেন, এবং লোকেরা তাঁকে তাদের সর্দার ও সেনাপতি করল। আর তিনি মিস্পাতে সদাপ্রভুর সামনে তাঁর সব কথার পুনরাবৃত্তি করলেন। ১২ পরে যিষ্ঠহ এই প্রশ্ন সমেত অম্মোনীয় রাজার কাছে দৃত পাঠালেন: “আমার বিরুদ্ধে আপনার কী অভিযোগ আছে যে আপনি আমার দেশ আক্রমণ করেছেন?” ১৩ অম্মোনীয়দের রাজা যিষ্ঠহের দৃতদের উত্তর দিলেন, “ইস্রায়েল যখন মিশর থেকে বের হয়ে এসেছিল, তখন তারা অর্ণেন থেকে যাবোক হয়ে, জর্ডন নদী পর্যন্ত আমার দেশটি দখল করে নিয়েছিল। এখন শান্তিপূর্বক আমার দেশটি ফিরিয়ে দাও।” ১৪ যিষ্ঠহ অম্মোনীয় রাজার কাছে আবার দৃত পাঠিয়ে, ১৫ বললেন: “যিষ্ঠহ একথাই বলেন: ইস্রায়েল মোয়াবের দেশ বা অম্মোনীয়দের দেশ দখল করেনি। ১৬ কিন্তু তারা যখন মিশর থেকে বের হয়ে এসেছিল, ইস্রায়েল তখন মরণপ্রাপ্তরের মধ্যে দিয়ে লোহিত সাগর হয়ে কাদেশে এসে পৌঁছেছিল। ১৭ পরে ইস্রায়েল ইদোমের রাজার কাছে দৃত পাঠিয়ে বলেছিল, ‘আপনার দেশের মধ্যে দিয়ে যাওয়ার অনুমতি আমাদের দিন,’ কিন্তু ইদোমের রাজা তা শোনেননি। তারা মোয়াবের রাজার কাছেও দৃত পাঠিয়েছিল, এবং তিনি প্রত্যাখ্যান করেছিলেন। অতএব ইস্রায়েল কাদেশেই থেকে গিয়েছিল। ১৮ “এরপর তারা মরণপ্রাপ্তরের মধ্যে দিয়ে যাত্রা করল, এবং ইদোম ও মোয়াব দেশকে পাশে রেখে, মোয়াব দেশের পূর্বদিক ধরে এগিয়ে গিয়ে অর্ণেন

নদীর অপর পারে শিবির স্থাপন করল। তারা মোয়াবের এলাকায় প্রবেশ করেনি, কারণ অর্ণেনই ছিল মোয়াবের সীমারেখ। 19 “পরে ইস্রায়েল ইমোরীয়দের রাজা সেই সীহোনের কাছে দৃত পাঠাল, যিনি হিয়বোনে রাজত্ব করতেন এবং তাঁকে বলল, ‘আপনার দেশের মধ্যে দিয়ে আমাদের নিজেদের স্থানে যাওয়ার অনুমতি আপনি আমাদের দিন।’ 20 সীহোন অবশ্য, তাঁর এলাকার মধ্যে দিয়ে যাওয়ার কথায় ইস্রায়েলকে বিশ্বাস করেননি। তিনি তাঁর সব সৈন্যসামগ্র্য একত্রিত করে যহসে শিবির স্থাপন করলেন ও ইস্রায়েলের সঙ্গে যুদ্ধ করলেন। 21 “তখন ইস্রায়েলের ঈশ্বর সদাপ্রভু সীহোন ও তাঁর সমগ্র সৈন্যদলকে ইস্রায়েলের হাতে সমর্পণ করে দিলেন, এবং ইস্রায়েল তাদের পরাজিত করল। সেই দেশে বসবাসকারী ইমোরীয়দের সব জমিজায়গা ইস্রায়েল দখল করে নিল। 22 অর্ণেন নদী থেকে যবেক নদী পর্যন্ত এবং মরহুমি থেকে জর্ডন নদী পর্যন্ত সেখানকার সব এলাকা তাদের দখলে এল। 23 “এখন যেহেতু ইস্রায়েলের ঈশ্বর সদাপ্রভু তাঁর প্রজা ইস্রায়েলের সামনে থেকে ইমোরীয়দের তাড়িয়ে দিয়েছেন, তাই তা ফেরত পাওয়ার কোনও অধিকার কি আপনার আছে? 24 আপনার দেবতা কমোশ আপনাকে যা দেন, তা কি আপনি গ্রহণ করবেন না? সেভাবে, আমাদের ঈশ্বর সদাপ্রভু আমাদের যা দিয়েছেন, আমরা তা অধিকার করব। 25 আপনি কি সিঞ্চোরের ছেলে মোয়াবের রাজা বালাকের থেকেও শ্রেষ্ঠ? তিনি কি কখনও ইস্রায়েলের সঙ্গে বিবাদ বা যুদ্ধ করেছিলেন? 26 300 বছর ধরে ইস্রায়েল হিয়বোন, অরোয়ের, তাদের পার্শ্ববর্তী উপনিবেশগুলি ও অর্ণেনের পার বরাবর অবস্থিত নগরগুলি অধিকার করে রেখেছে। সেসময় আপনারা কেন সেগুলি পুনর্দখল করেননি? 27 আমি আপনাদের প্রতি কোনও অন্যায় করিনি, কিন্তু আমার বিরুদ্ধে যুদ্ধ ঘোষণা করে আপনিই আমার প্রতি অন্যায় করছেন। বিচারকর্তা সদাপ্রভুই আজ ইস্রায়েলী ও অম্মোনীয়দের মধ্যে উৎপন্ন বিতর্কের নিষ্পত্তি করুন।” 28 অম্মোনীয়দের রাজা অবশ্য যিষ্ঠহের পাঠানো বার্তায় কর্ণপাত করেননি। 29 পরে সদাপ্রভুর আত্মা যিষ্ঠহের উপরে এলেন। যিষ্ঠহ গিলিয়দ ও মনঃশি প্রদেশ পার করে,

গিলিয়দের মিস্পাতে এলেন, এবং সেখান থেকে তিনি অম্বোনীয়দের  
বিরংদে যুদ্ধযাত্রা করলেন। 30 আর তিনি সদাপ্রভুর উদ্দেশে মানত  
করে বললেন: “তুমি যদি আমার হাতে অম্বোনীয়দের সমর্পণ করো,  
31 তবে অম্বোনীয়দের উপরে জয়লাভ করে ফিরে আসার সময় যা কিছু  
আমার বাড়ির দরজা দিয়ে বেরিয়ে আমার সঙ্গে দেখা করতে আসবে,  
তা সদাপ্রভুরই হবে, এবং আমি সেটি এক হোমবলিঙ্গপে উৎসর্গ  
করব।” 32 পরে যিষ্ঠহ অম্বোনীয়দের সঙ্গে যুদ্ধ করতে গোলেন, এবং  
সদাপ্রভু তাদের তাঁর হাতে সমর্পণ করলেন। 33 তিনি অরোয়ের থেকে  
মিমীতের পার্শ্ববর্তী এলাকার কুড়িটি নগর এবং আবেল-করামীম পর্যন্ত  
বিস্তৃত সমগ্র অঞ্চলটি বিধ্বস্ত করলেন। এইভাবে ইস্রায়েল অম্বোনকে  
শায়েস্তা করল। 34 যিষ্ঠহ যখন মিস্পায় তাঁর ঘরে ফিরে এলেন, তখন  
যে তাঁর সঙ্গে দেখা করার জন্য বের হয়ে এল সে ছিল তাঁর মেয়ে,  
এবং সে খঞ্জনি বাজিয়ে নাচতে নাচতে আসছিল! সে তাঁর একমাত্র  
সন্তান। সে ছাড়া তাঁর আর কোনও ছেলে বা মেয়ে ছিল না। 35 তাকে  
দেখামাত্রই যিষ্ঠহ তাঁর পোশাক ছিঁড়ে ফেলে চিঢ়কার করে উঠলেন,  
“হায় হায়, বাচ্চা! তুমি আমাকে শোকাকুল করে দিলে এবং আমি  
বিধ্বস্ত হয়ে গেলাম। আমি সদাপ্রভুর কাছে মানত করেছি, যা আমি  
ভঙ্গ করতে পারব না।” 36 “বাবা,” সে উত্তর দিল, “তুমি সদাপ্রভুকে  
কথা দিয়েছ। তুমি যেমন প্রতিজ্ঞা করেছ, আমার প্রতি তাই করো,  
কারণ সদাপ্রভু তোমার হয়ে তোমার শক্রদের, অম্বোনীয়দের উপরে  
প্রতিশোধ নিয়েছেন। 37 কিন্তু আমার এই একটি অনুরোধ রাখো,” সে  
বলল। “পাহাড়ে ঘুরে বেড়ানোর ও আমার বান্ধবীদের সঙ্গে কানাকাটি  
করার জন্য আমাকে দুই মাস সময় দাও, কারণ আমার কখনও বিয়ে  
হবে না।” 38 “তুমি যেতে পার,” তিনি বললেন। আর তিনি তাকে  
দুই মাসের জন্য যেতে দিলেন। সে ও তার বান্ধবীরা পাহাড়ে গেল  
এবং শোক পালন করল যেহেতু সে কখনও বিয়ে করবে না। 39 দুই  
মাস পর, সে তার বাবার কাছে ফিরে এল, এবং যিষ্ঠহ তাঁর করা  
মানত অনুসারে তার প্রতি তা করলেন। সে কুমারীই থেকে গেল। এ  
থেকে ইস্রায়েলীদের মধ্যে এই প্রথা প্রচলিত হল 40 যে প্রত্যেক বছর

ইস্রায়েলের কুমাৰী মেয়েৱা চারদিনেৱ জন্য গিলিয়দীয় যিষ্ঠহেৱ মেয়েৱ  
স্মারণাৰ্থে বাইৱে ঘাৰে।

**12** ইফ্রায়িমীয় বাহিনীকে আহ্বান কৰা হল, এবং তাৱা জৰ্ডন নদী পার  
হয়ে সাফোনে গেল। তাৱা যিষ্ঠহকে বলল, “তোমাৱ সঙ্গে যাওয়াৱ জন্য  
আমাদেৱ না ডেকে তুমি কেন অম্মোনীয়দেৱ সঙ্গে যুদ্ধ কৰতে গেলে?  
আমৱা তোমাকে সুন্দৰ তোমাৱ বাড়িঘৰ আগুনে পুড়িয়ে দেব।” 2 যিষ্ঠহ  
উত্তৰ দিলেন, “আমি ও আমাৱ লোকজন অম্মোনীয়দেৱ সঙ্গে মহাযুদ্ধে  
লিষ্ট হয়েছিলাম, আৱ যদিও আমি তোমাদেৱ ডেকেছিলাম, তোমৱা  
তাদেৱ হাত থেকে আমাকে রক্ষা কৱোনি। 3 আমি যখন দেখিলাম যে  
তোমৱা সাহায্য কৱবে না, তখন আমি প্ৰাণ হাতে কৱে অম্মোনীয়দেৱ  
সঙ্গে যুদ্ধ কৱাৱ জন্য ওপাৱে গেলাম, এবং সদাপ্ৰভু তাদেৱ উপৱে  
আমাকে বিজয়ী কৱেছেন। তাই আজ কেন তোমৱা আমাৱ সঙ্গে যুদ্ধ  
কৰতে এসেছ?” 4 পৱে যিষ্ঠহ গিলিয়দীয় লোকজনদেৱ সমবেত কৱে  
ইফ্রায়িমেৱ বিৱৰণে যুদ্ধ কৱলেন। গিলিয়দীয়ৱা তাদেৱ আঘাত কৱল  
কাৱণ ইফ্রায়িমীয়ৱা বলেছিল, “ওহে গিলিয়দীয়ৱা, তোমৱা ইফ্রায়িম ও  
মনঃশি গোষ্ঠীৱ দলত্যাগী লোক।” 5 গিলিয়দীয়ৱা ইফ্রায়িম অভিমুখী  
জৰ্ডন নদীৱ পাৱঘাটগুলি নিজেদেৱ নিয়ন্ত্ৰণে আনল, এবং যখনই  
ইফ্রায়িমেৱ কোনো পলাতক লোক এসে বলত, “আমাকে ওপাৱে যেতে  
দাও,” গিলিয়দীয়ৱা তাকে জিজ্ঞাসা কৱত, “তুমি কি ইফ্রায়িমীয়?”  
সে যদি উত্তৰ দিত, “না,” 6 তখন তাৱা বলত “ঠিক আছে, বলো  
‘সিৰোলেৎ।’” সে যদি বলত, “সিৰোলেৎ,” যেহেতু সেই শব্দটি সে  
ঠিকঠাক উচ্চারণ কৱতে পাৱত না, তখন তাৱা তাকে ধৰে জৰ্ডন নদীৱ  
পাৱঘাটেই হত্যা কৱত। সেই সময় 42,000 ইফ্রায়িমীয়কে হত্যা কৱা  
হল। 7 যিষ্ঠহ ছয় বছৰ ইস্রায়েলকে নেতৃত্ব দিলেন। পৱে গিলিয়দীয়  
যিষ্ঠহ মাৰা গেলেন এবং গিলিয়দেৱ একটি নগৱে তাঁকে কৱৰ দেওয়া  
হল। 8 যিষ্ঠহেৱ পৱে, বেথলেহেম নিবাসী ইব্সন ইস্রায়েলকে নেতৃত্ব  
দিলেন। 9 তাঁৰ ত্ৰিশজন ছেলে ও ত্ৰিশজন মেয়ে ছিল। তাঁৰ মেয়েদেৱ  
বিয়ে তিনি তাঁৰ গোষ্ঠী বহিৰ্ভূত ছেলেদেৱ সঙ্গে দিলেন, এবং তাঁৰ  
ছেলেদেৱ স্ত্ৰী হওয়াৱ জন্য তিনি তাঁৰ গোষ্ঠী বহিৰ্ভূত ত্ৰিশজন যুবতী

মেয়েকে নিয়ে এলেন। ইব্সন সাত বছর ইস্রায়েলকে নেতৃত্ব দিলেন।  
10 পরে ইব্সন মারা গেলেন এবং বেথলেহেমেই তাঁকে কবর দেওয়া  
হল। 11 তাঁর পরে, সবুলনীয় এলোন দশ বছর ইস্রায়েলকে নেতৃত্ব  
দিলেন। 12 পরে এলোন মারা গেলেন এবং সবুলন দেশের অয়ালোনে  
তাঁকে কবর দেওয়া হল। 13 তাঁর পরে, পিরিয়াথোনীয় হিল্লেলের ছেলে  
অব্দেন ইস্রায়েলকে নেতৃত্ব দিলেন। 14 তাঁর চল্লিশ জন ছেলে ও  
ত্রিশজন নাতি ছিল, যারা সন্তরাটি গাধার পিঠে চড়ে ঘুরে বেঢ়াত।  
তিনি আট বছর ইস্রায়েলকে নেতৃত্ব দিলেন। 15 পরে হিল্লেলের ছেলে  
অব্দেন মারা গেলেন এবং ইফ্রায়িম দেশে, অমালেকীয়দের পার্বত্য  
প্রদেশের পিরিয়াথোনে তাঁকে কবর দেওয়া হল।

**13** ইস্রায়েলীরা আবার সদাপ্রভুর দৃষ্টিতে মন্দ কাজকর্ম করল, তাই  
সদাপ্রভু চল্লিশ বছরের জন্য ফিলিস্তিনীদের হাতে তাদের সমর্পণ  
করলেন। 2 দানীয় গোষ্ঠীভুক্ত, সরা নিবাসী মানোহ বলে একজন  
ব্যক্তির স্ত্রী বন্ধ্যা ছিলেন। তিনি সন্তানের জন্ম দিতে পারেননি। 3  
সদাপ্রভুর দৃত সেই স্ত্রীকে দর্শন দিয়ে বললেন, “তুমি তো বন্ধ্যা ও  
সন্তানহীনা, কিন্তু তুমি অন্তঃস্ত্রী হয়ে এক ছেলের জন্ম দিতে যাচ্ছ। 4  
এখন দেখো, তুমি যেন দ্রাক্ষারস বা অন্য কোনও গাঁজানো পানীয় পান  
কোরো না এবং অশুচি কোনো কিছু খেয়ো না। 5 তুমি অন্তঃস্ত্রী হয়ে  
এমন এক পুত্রসন্তানের জন্ম দেবে যার মাথায় কখনও ক্ষুর ছোঁয়ানো  
যাবে না কারণ ছেলেটি হবে একজন নাসরীয়, গর্ভে থাকার সময়  
থেকেই সে ঈশ্বরের উদ্দেশে উৎসর্গীকৃত হবে। ফিলিস্তিনীদের হাত  
থেকে ইস্রায়েলকে রক্ষা করার ক্ষেত্রে সেই নেতৃত্ব দেবে।” 6 তখন সেই  
মহিলাটি তাঁর স্বামীর কাছে গিয়ে তাঁকে বললেন, “ঈশ্বরের একজন  
লোক আমার কাছে এসেছিলেন। তাঁকে দেখতে লাগছিল ঈশ্বরের এক  
দৃতের মতো, খুবই ভয়ংকর। আমি তাঁকে জিজ্ঞাসা করিনি তিনি কোথা  
থেকে এসেছেন, এবং তিনিও আমাকে তাঁর নাম বলেননি। 7 কিন্তু  
তিনি আমাকে বললেন, ‘তুমি অন্তঃস্ত্রী হবে এবং এক পুত্রসন্তানের  
জন্ম দেবে। তাই এখন থেকে, তুমি দ্রাক্ষারস বা অন্য কোনও গাঁজানো  
পানীয় পান কোরো না এবং অশুচি কোনো কিছু খেয়ো না, কারণ

সেই ছেলেটি গর্ত থেকে তার মৃত্যুর দিন পর্যন্ত ঈশ্বরের উদ্দেশে এক নাসরীয় হয়ে থাকবে।” 8 তখন মানোহ সদাপ্রভুর কাছে প্রার্থনা করলেন: “হে প্রভু, আপনার এই দাসকে ক্ষমা করবেন। আমি আপনার কাছে মিনতি করছি, ঈশ্বরের যে লোকটিকে আপনি আমাদের কাছে পাঠিয়েছিলেন, তিনি যেন আবার ফিরে এসে আমাদের শিক্ষা দেন কীভাবে আমরা সেই ছেলেটিকে বড়ো করে তুলব, যার জন্ম হতে চলেছে।” 9 ঈশ্বর মানোহের প্রার্থনা শুনলেন, এবং ঈশ্বরের দৃত আবার সেই মহিলাটির কাছে এলেন, যখন তিনি ক্ষেতে ছিলেন; কিন্তু তাঁর স্বামী মানোহ তাঁর সঙ্গে ছিলেন না। 10 মহিলাটি দৌড়ে গিয়ে তাঁর স্বামীকে বললেন, “সেদিন যে লোকটি আমাকে দর্শন দিয়েছিলেন, তিনি এখানে এসেছেন!” 11 মানোহ উঠে তাঁর স্ত্রীকে অনুসরণ করলেন। সেই লোকটির কাছে পৌঁছে তিনি বললেন, “আপনিই কি সেই ব্যক্তি যিনি আমার স্ত্রীর সঙ্গে কথা বলেছিলেন?” “আমিই সেই ব্যক্তি,” তিনি বললেন। 12 অতএব মানোহ তাঁকে জিজ্ঞাসা করলেন, “আপনার কথা যখন পূর্ণ হবে, তখন সেই ছেলেটির জীবন ও কর্ম নিয়ন্ত্রণকারী নিয়মটি কী হবে?” 13 সদাপ্রভুর দৃত তাঁকে উত্তর দিলেন, “তোমার স্ত্রীকে আমি যা যা করতে বলেছি, সে যেন অবশ্যই তা করে। 14 সে যেন এমন কিছু না খায় যা দ্রাক্ষালতা থেকে উৎপন্ন, অথবা যেন দ্রাক্ষারস বা গাঁজানো অন্য কোনও পানীয় পান না করে বা অশুচি কোনো কিছু না খায়। আমি তাকে যেসব আদেশ দিয়েছি, সে যেন অবশ্যই তা পালন করে।” 15 মানোহ সদাপ্রভুর দৃতকে বললেন, “আমরা চাই আপনি ততক্ষণ অপেক্ষা করুন, যতক্ষণ না আমরা আপনার জন্য একটি কঢ়ি পাঁঠার মাংস রাখা করে আনছি।” 16 সদাপ্রভুর দৃত উত্তর দিলেন, “তুমি আমাকে অপেক্ষা করালেও, আমি তোমার আনা কোনও খাবার খাব না। কিন্তু তুমি যদি হোমবলি উৎসর্গ করো, তবে তা সদাপ্রভুর উদ্দেশেই করো।” (মানোহ বুঝতে পারেননি যে তিনি সদাপ্রভুর দৃত।)

17 পরে মানোহ সদাপ্রভুর দৃতের কাছে জানতে চাইলেন, “আপনার নাম কী, যেন আপনার কথা যখন পূর্ণ হবে, তখন আমরা আপনাকে সম্মান জানাতে পারি?” 18 তিনি উত্তর দিলেন, “আমার নাম জিজ্ঞাসা

করছ কেন? তা তোমার বোধের অগম্য।” 19 তখন মানোহ একটি কচি  
পাঁঠা নিলেন ও সঙ্গে নিলেন শস্য-নৈবেদ্য, এবং সদাপ্রভুর উদ্দেশে তা  
একটি পাষাণ-পাথরের উপরে উৎসর্গ করলেন। আর মানোহ ও তাঁর  
স্ত্রীর চোখের সামনেই সদাপ্রভু এক বিস্ময়কর ঘটনা ঘটালেন: 20  
বেদি থেকে যখন আগুনের শিখা আকাশের দিকে উঠে যাচ্ছিল, তখন  
সদাপ্রভুর দৃত ওই শিখা ধরে উঠে গেলেন। তা দেখে, মানোহ ও তাঁর  
স্ত্রী মাটিতে উবুড় হয়ে পড়লেন। 21 সদাপ্রভুর দৃত যখন আর মানোহ  
ও তাঁর স্ত্রীকে দর্শন দিলেন না, তখন মানোহ বুঝতে পারলেন যে  
তিনি ছিলেন সদাপ্রভুর দৃত। 22 “আমাদের মৃত্যু অনিবার্য!” তিনি তাঁর  
স্ত্রীকে বললেন। “আমরা স্টশ্বরকে দেখেছি!” 23 কিন্তু তাঁর স্ত্রী উত্তর  
দিলেন, “সদাপ্রভু যদি আমাদের হত্যা করতে চাইতেন, তবে তিনি  
আমাদের হাত থেকে হোমবলি ও শস্য-নৈবেদ্য গ্রহণ করতেন না, বা  
এসব কিছু আমাদের দেখাতেন না বা এখন এসব কথাও আমাদের  
বলতেন না।” 24 পরে সেই মহিলাটি এক পুত্রসন্তানের জন্ম দিলেন  
এবং তার নাম রাখলেন শিম্শোন। ছেলেটি বেড়ে উঠল এবং সদাপ্রভু  
তাকে আশীর্বাদ করলেন, 25 এবং সে যখন সরা ও ইষ্টায়োলের  
মাঝাখানে অবস্থিত মহনেদানে ছিল, তখন থেকেই সদাপ্রভুর আত্মা  
তাকে চালাতে শুরু করলেন।

**14** শিম্শোন তিম্যায় নেমে গেলেন ও সেখানে এক যুবতী ফিলিস্তিনী  
মহিলাকে দেখতে পেলেন। 2 ফিরে এসে, তিনি তাঁর বাবা-মাকে  
বললেন, “তিম্যায় আমি এক ফিলিস্তিনী মহিলাকে দেখেছি; এখন  
তোমরা তাকে আমার স্ত্রী করে এনে দাও।” 3 তাঁর বাবা-মা উত্তর  
দিলেন, “তোমার আত্মীয়দের মধ্যে বা আমাদের সব আত্মীয়স্বজনের  
মধ্যে কি উপযুক্ত কোনও মেয়ে নেই? স্ত্রী পাওয়ার জন্য তোমাকে  
কি সেই সুন্ত না করানো ফিলিস্তিনীদের কাছেই যেতে হবে?” কিন্তু  
শিম্শোন তাঁর বাবাকে বললেন, “আমার জন্য তাকেই এনে দাও।  
সেই আমার জন্য উপযুক্ত।” 4 (তাঁর বাবা-মা জানতেন না যে এই  
ঘটনা সেই সদাপ্রভুর ইচ্ছাতেই ঘটছে, যিনি ফিলিস্তিনীদের শায়েস্তা  
করার এক সুযোগ খুঁজাচ্ছিলেন; কারণ সেই সময় তারা ইস্রায়েলের

উপর রাজত্ব করছিল।) ৫ শিম্শোন তাঁর বাবা-মার সঙ্গে তিম্বায় নেমে গেলেন। তারা তিম্বার দ্রাক্ষাক্ষেতের কাছাকাছি পৌঁছানোমাত্রই, আচমকা এক যুবা সিংহ গর্জন করতে করতে শিম্শোনের দিকে তেড়ে এল। ৬ সদাপ্রভুর আত্মা এমন সপরাক্রমে শিম্শোনের উপর নেমে এসেছিলেন যে শিম্শোন খালি হাতে ছাগশাবক ছিঁড়ে ফেলার মতো করে ওই সিংহটিকে ছিঁড়ে টুকরো টুকরো করে ফেললেন। কিন্তু তিনি কী করলেন, তা তিনি তাঁর বাবা বা মা কাটকেই জানালেন না। ৭ পরে তিনি সেই মহিলাটির কাছে গিয়ে তার সঙ্গে কথাবার্তা বললেন, এবং মেয়েটিকে তাঁর খুব পছন্দ হল। ৮ কিছুকাল পর, শিম্শোন যখন তাকে বিয়ে করার জন্য সেখানে ফিরে গেলেন, তখন তিনি সেই সিংহের শবটি দেখার জন্য পথের অন্য পাশে গেলেন, ও গিয়ে দেখলেন যে সেই শবটিতে এক ঝাঁক মৌমাছি ও কিছু মধু লেগে আছে। ৯ তিনি হাত দিয়ে কিছুটা মধু বের করলেন ও পথে যেতে যেতে তা খেতে থাকলেন। তিনি যখন তাঁর বাবা-মার সঙ্গে আবার মিলিত হলেন, তখন তিনি তাঁদেরও খানিকটা মধু দিলেন ও তাঁরাও তা খেলেন। কিন্তু তিনি তাঁদের বলেননি যে সেই মধু তিনি সিংহের মৃতদেহ থেকে সংগ্রহ করেছেন। ১০ এমতাবঙ্গয় তাঁর বাবা সেই মহিলাটিকে দেখতে গেলেন। আর যুবা পুরুষেরা প্রথাগতভাবে যেমন করত, সেই প্রথানুসারে শিম্শোনও সেখানে এক ভোজসভার আয়োজন করলেন। ১১ লোকেরা যখন তাঁকে দেখল, তখন তারা তাঁর সহচর হওয়ার জন্য ত্রিশজন লোককে মনোনীত করল। ১২ “আমি তোমাদের কাছে একটি ধাঁধা বলছি,” শিম্শোন তাদের বললেন। “তোমরা যদি উৎসব চলাকালীন এই সাত দিনের মধ্যে এর অর্থ আমায় ব্যাখ্যা করে দিতে পারো, তবে আমি তোমাদের ত্রিশটি মসিনার পোশাক এবং ত্রিশ জোড়া কাপড়চোপড় দেব। ১৩ কিন্তু তোমরা যদি এর অর্থ আমাকে বলতে না পারো, তবে তোমরাই আমাকে ত্রিশটি মসিনার পোশাক এবং ত্রিশ জোড়া কাপড়চোপড় দেবে।” “তোমার ধাঁধাটি আমাদের বলো,” তারা বলল। “তা শোনা যাক।” ১৪ শিম্শোন উত্তর দিলেন, “ভক্ষকের মধ্যে থেকে কিছু খাদ্যদ্রব্য বেরিয়ে এল; শক্তিধরের

মধ্যে থেকে কিছু মিষ্টদ্রব্য বেরিয়ে এল।” তিনিদিনে তারা এই ধাঁধার অর্থোন্দার করতে পারেনি। 15 চতুর্থ দিনে, তারা শিম্শোনের স্ত্রীকে বলল, “তোমার স্বামীকে তোষামোদ করে ভুলিয়েভালিয়ে আমাদের জন্য ধাঁধার অর্থটি জেনে নাও, তা না হলে আমরা তোমাকে এবং তোমার বাবার পরিবার-পরিজনদের আগুনে পুড়িয়ে মারব। আমাদের সম্পত্তি হরণ করার জন্যই কি তোমরা এখানে আমাদের নিমন্ত্রণ করেছে?” 16 তখন শিম্শোনের স্ত্রী তাঁর কোলে ঝাঁপিয়ে পড়ে ককাতে ককাতে বলল, “তুমি আমাকে ঘৃণাই করো! তুমি সত্যিই আমাকে ভালোবাসো না। তুমি আমার লোকজনদের কাছে একটি ধাঁধা বলেছ, কিন্তু আমাকে তার অর্থ ব্যাখ্যা করে দাওনি।” “আমার মা-বাবাকেই আমি এর অর্থ বলিনি,” তিনি উত্তর দিলেন, “অতএব তোমাকে কেন আমি এর অর্থ বলতে যাব?” 17 উৎসব চলাকালীন সেই সাত দিন যাবৎ সে কান্নাকাটি করল। অতএব সপ্তম দিনে শেষ পর্যন্ত শিম্শোন তাকে ধাঁধাটির অর্থ বলে দিলেন, কারণ সেই স্ত্রী অনবরত তাঁকে চাপ দিয়ে যাচ্ছিল। সেও তখন তার লোকজনদের সেই ধাঁধাটির অর্থ বলে দিল। 18 সপ্তম দিনে সূর্যাস্তের আগেই সেই নগরের লোকেরা এসে শিম্শোনকে বলল, “মধুর থেকে বেশি মিষ্টি আর কী হতে পারে? সিংহের থেকে বেশি শক্তিশালী আর কে হতে পারে?” শিম্শোন তাদের বললেন, “আমার বকনা-বাচুর দিয়ে যদি চাষ না করতে, আমার ধাঁধার নিষ্পত্তি করতে তোমাদের নাভিশ্বাস উঠে যেত।” 19 পরে সদাপ্রভুর আত্মা সপরাক্রমে তাঁর উপরে এলেন। শিম্শোন অক্ষিলোনে নেমে গেলেন, সেখানকার ত্রিশজন লোককে আঘাত করে, তাদের সব পোশাক-আশাক খুলে নিলেন ও তাদের পোশাকগুলি তাদের দিয়ে দিলেন, যারা তাঁর ধাঁধার অর্থ ব্যাখ্যা করে দিয়েছিল। রাগে অগ্নিশৰ্মা হয়ে, শিম্শোন তাঁর বাবার ঘরে ফিরে গেলেন। 20 আর শিম্শোনের স্ত্রীকে তাঁর সহচরদের মধ্যে এমন একজনের হাতে তুলে দেওয়া হল, যে সেই উৎসব চলাকালীন তাঁর পরিচর্যা করেছিল।

**15** কিছুকাল পর, গম কাটার মরশুমে, শিম্শোন একটি ছাগশাবক নিয়ে তাঁর স্ত্রীর সঙ্গে দেখা করতে গেলেন। তিনি বললেন, “আমি

আমার স্তুর ঘরে যাচ্ছি।” কিন্তু তাঁর স্তুর বাবা শিম্শোনকে ভিতরে ঢুকতে দিলেন না। 2 “আমি এত নিশ্চিত ছিলাম যে তুমি তাকে ঘৃণা করো,” তিনি বললেন, “আমি তাকে তোমার সহচরের সঙ্গে বিয়ে দিয়েছি। তার ছোটো বোন কি তার চেয়েও বেশি সুন্দরী নয়? তার পরিবর্তে বরং তুমি তার বোনকেই বিয়ে করো।” 3 শিম্শোন তাদের বললেন, “এবার আমি ফিলিস্তিনীদের বিরুদ্ধে প্রতিশোধ নেওয়ার সুযোগ পেয়েছি; আমি সত্যিই তাদের ক্ষতি করব।” 4 অতএব তিনি বাহরে গিয়ে 300-টি শিয়াল ধরলেন এবং জোড়ায় জোড়ায় সেগুলির লেজ বেঁধে দিলেন। এরপর তিনি প্রত্যেক জোড়া লেজে একটি করে মশাল বেঁধে দিলেন, 5 মশালগুলি জ্বালিয়ে দিলেন এবং শিয়ালগুলিকে ফিলিস্তিনীদের ফসলের ক্ষেত্রে ছেড়ে দিলেন। তিনি দ্রাক্ষাক্ষেত ও জলপাই বাগান সুন্দ আঁটি বাঁধা ফসল এবং না কাটা ফসল, সব পুড়িয়ে দিলেন। 6 ফিলিস্তিনীরা যখন জিজ্ঞাসা করল, “কে এই কাজ করেছে?” তখন তাদের বলা হল, “সেই তিখীয় লোকটির জামাই শিম্শোন এ কাজ করেছে, কারণ তার স্ত্রীকে তার সহচরের হাতে তুলে দেওয়া হয়েছে।” তখন ফিলিস্তিনীরা গিয়ে সেই মহিলা ও তার বাবাকে আগুনে পুড়িয়ে মারল। 7 শিম্শোন তাদের বললেন, “যেহেতু তোমরা এরকম কাজ করেছ, তাই আমি শপথ নিছি যে তোমাদের উপর প্রতিশোধ না নেওয়া পর্যন্ত আমি ক্ষান্ত হব না।” 8 তিনি তাদের উপর ভয়ংকর আক্রমণ শানালেন এবং বহু মানুষজনকে হত্যা করলেন। পরে তিনি সেখান থেকে চলে গিয়ে ঐটম পাষাণ-পাথরের একটি গুহায় বসবাস করতে লাগলেন। 9 ফিলিস্তিনীরা গিয়ে যিহূদা দেশে শিবির স্থাপন করল এবং লিহীর কাছে ছড়িয়ে পড়ল। 10 যিহূদা গোষ্ঠীভুক্ত লোকেরা তাদের জিজ্ঞাসা করল, “তোমরা কেন আমাদের সঙ্গে যুদ্ধ করতে এসেছ?” “আমরা শিম্শোনকে বন্দি করে নিয়ে যেতে এসেছি,” তারা উত্তর দিল, “সে আমাদের প্রতি যা করেছে, আমরাও তার প্রতি তেমনই করব।” 11 পরে যিহূদা দেশ থেকে 3,000 লোক এসে ঐটমের পাষাণ-পাথরের গুহায় নেমে গিয়ে শিম্শোনকে বলল, “তুমি কি বুঝতে পারছ না যে ফিলিস্তিনীরা আমাদের উপরে রাজত্ব

করছে? আমাদের প্রতি তুমি এ কী করলে?” শিম্শোন উভর দিলেন,  
“তারা আমার প্রতি যা করেছে, আমি ও তাদের প্রতি শুধু সেরকমই  
করেছি।” 12 তারা তাঁকে বলল, “আমরা তোমাকে বেঁধে ফিলিস্তিনীদের  
হাতে সমর্পণ করে দিতে এসেছি।” শিম্শোন বললেন, “আমার কাছে  
শপথ করো যে তোমরা নিজেরাই আমাকে হত্যা করবে না?” 13  
“ঠিক আছে,” তারা উভর দিল, “আমরা শুধু তোমাকে বেঁধে নিয়ে  
গিয়ে তাদের হাতে সমর্পণ করে দেব। আমরা তোমাকে হত্যা করব  
না।” অতএব তারা দুই গাছা নতুন দড়ি দিয়ে শিম্শোনকে বাঁধল  
এবং সেই পাষাণ-পাথর থেকে তাঁকে নিয়ে গেল। 14 তিনি লিহীর  
কাছাকাছি আসতে না আসতেই, ফিলিস্তিনীরা চিৎকার করতে করতে  
তাঁর দিকে ছুটে এল। সদাপ্রভুর আত্মা সপরাক্রমে তাঁর উপরে নেমে  
এলেন। তাঁর হাতের দড়ি পোড়া শণের মতো হয়ে গেল, এবং হাত  
দুটি থেকে বাঁধনগুলি খসে পড়ল। 15 গাধার চোয়ালের একটি টাটকা  
হাড় পেয়ে, তিনি সেটি হাতে তুলে নিলেন এবং সেটি দিয়ে 1,000  
লোককে আঘাত করে হত্যা করলেন। 16 পরে শিম্শোন বললেন,  
“গাধার চোয়ালের হাড় দিয়ে আমি তাদের গাধা বানালাম। গাধার  
চোয়ালের হাড় দিয়ে আমি 1,000 লোক মারলাম।” 17 কথা বলা শেষ  
করে, তিনি গাধার চোয়ালের হাড়টি ছুঁড়ে ফেলে দিলেন; এবং সেই  
স্থানটির নাম রাখা হল রামৎ-লিহী। 18 যেহেতু তিনি খুব ত্রুট্য হয়ে  
পড়েছিলেন, তাই তিনি সদাপ্রভুকে ডেকে বললেন, “তুমি তোমার  
দাসকে এই মহাবিজয় দান করেছ। এখন কি আমাকে পিপাসায়  
মরতে হবে এবং ওই সুন্নতবিহীন লোকদের হাতে গিয়ে পড়তে হবে?”  
19 তখন ঙশ্শর লিহীতে একটি গর্ত খুঁড়ে দিলেন, এবং সেখান থেকে  
জল বের হয়ে এল। শিম্শোন যখন সেই জলপান করলেন, তখন  
তাঁর শক্তি ফিরে এল এবং তিনি চাঞ্চা হয়ে গেলেন। তাই সেই জলের  
উৎসের নাম রাখা হল ঐন-হক্কোরী, এবং আজও পর্যন্ত লিহীতে সেটি  
অবস্থিত আছে। 20 ফিলিস্তিনীদের সময়কালে শিম্শোন কুড়ি বছর  
ইস্রায়েলীদের নেতৃত্ব দিলেন।

**১৬** একদিন শিম্শোন গাজাতে গিয়ে সেখানে এক বেশ্যাকে দেখতে পেয়ে তার সঙ্গে রাত কাটালেন। ২ গাজার লোকজনকে বলা হল, “শিম্শোন এখানে এসেছে!” অতএব তারা সেই স্থানটি চারদিক থেকে ঘিরে ধরল এবং নগরের প্রবেশদ্বারে সারারাত ধরে তাঁর জন্য অপেক্ষা করে থাকল। তারা এই কথা বলে সারারাত নিশ্চল হয়ে থাকল যে, “তোর হওয়ামাত্রই আমরা তাকে হত্যা করব।” ৩ কিন্তু শিম্শোন সেখানে শুধু মাঝরাত পর্যন্ত শয়ে থাকলেন। পরে তিনি উঠে পড়লেন ও নগরের প্রবেশদ্বারের পাছ্টা এবং দুটি থাম ও খিল—সবকিছু ধরে উপড়ে ফেললেন। তিনি সেগুলি কাঁধে চাপিয়ে সেই পাহাড়ের চূড়ায় বয়ে নিয়ে গেলেন, যেটি হিরোগের মুখোমুখি অবস্থিত ছিল। ৪ কিছুকাল পর, শিম্শোন সোরেক উপত্যকার এক মহিলার প্রেমে পড়লেন, যার নাম দলীলা। ৫ ফিলিস্তিনী শাসনকর্তারা সেই মহিলাটির কাছে গিয়ে বললেন, “দেখো, যদি তুমি ছলে-বলে-কৌশলে তার কাছ থেকে তার মহাশক্তির রহস্যটি এবং কীভাবে আমরা তাকে বশে আনতে পারব, তা জেনে নিতে পারো, যেন আমরা তাকে বেঁধে ফেলতে ও জন্ম করতে পারি, তবে আমাদের মধ্যে প্রত্যেকে তোমাকে ১,১০০ শেকল করে রংপো দেব।” ৬ অতএব দলীলা শিম্শোনকে বলল, “তোমার মহাশক্তির রহস্যটি এবং কীভাবে তোমাকে বেঁধে বশে আনা যায়, তা আমাকে বলে দাও।” ৭ শিম্শোন তাকে উভর দিলেন, “কেউ যদি ধনুকের এমন তাজা সাত-গাছি ছিলা দিয়ে আমাকে বাঁধে, যেগুলি শুকনো হয়নি, তবে আমি অন্য যে কোনো লোকের মতো দুর্বল হয়ে পড়ব।” ৮ তখন ফিলিস্তিনী শাসনকর্তারা দলীলাকে ধনুকের এমন তাজা সাত-গাছি ছিলা এনে দিলেন, যেগুলি শুকনো হয়নি, এবং সে সেগুলি দিয়ে শিম্শোনকে বেঁধে ফেলল। ৯ সেই ঘরে তখন কয়েকজন লোক লুকিয়ে ছিল। দলীলা তাঁকে ডাক দিয়ে বলল, “শিম্শোন, ফিলিস্তিনীরা তোমাকে ধরতে এসেছে!” কিন্তু যেভাবে আগনের সংস্পর্শে এসে এক টুকরো দড়ি ছিঁড়ে যায়, ঠিক সেভাবে তিনি খুব সহজেই ধনুকের ছিলাগুলি দুম করে ছিঁড়ে ফেললেন। অতএব তাঁর শক্তির রহস্যটি জানা গেল না। ১০ পরে দলীলা শিম্শোনকে বলল, “তুমি আমাকে বোকা

বানিয়েছ; তুমি আমাকে মিথ্যা কথা বলেছ। এখন এসো, আমাকে  
বলে দাও কীভাবে তোমাকে বাঁধা যাবে?” 11 শিম্শোন বললেন,  
“যদি কেউ এমন নতুন দড়ি দিয়ে আমাকে শক্ত করে বাঁধে, যা আগে  
কখনও ব্যবহার করা হয়নি, তবে আমি অন্য যে কোনো লোকের  
মতো দুর্বল হয়ে পড়ব।” 12 অতএব দলীলা কয়েকগাছি নতুন দড়ি  
নিয়ে সেগুলি দিয়ে শিম্শোনকে বেঁধে ফেলল। পরে, ঘরে লুকিয়ে  
থাকা লোকজনের সঙ্গে মিলে সে তাকে ডাক দিয়ে বলল, “শিম্শোন,  
ফিলিস্তিনীরা তোমাকে ধরতে এসেছে!” কিন্তু শিম্শোন তাঁর হাত দুটি  
থেকে দড়িগুলি এমনভাবে দুম করে ছিঁড়ে ফেললেন যেন সেগুলি বুবি  
নেহাতই সুতোমাত্র। 13 দলীলা তখন শিম্শোনকে বলল, “সবসময়  
তুমি আমাকে বোকা বানিয়েই আসছ এবং আমাকে মিথ্যা কথাই  
বলেছ। এখন বলো দেখি, কীভাবে তোমাকে বাঁধা যাবে?” শিম্শোন  
উত্তর দিলেন, “তুমি যদি আমার মাথার সাত-গাছি চুল তাঁতের বুননের  
সাথে বুনে সেগুলি গোঁজের সঙ্গে শক্ত করে আটকে দাও, তবে আমি  
অন্য যে কোনো লোকের মতো দুর্বল হয়ে পড়ব।” অতএব শিম্শোন  
যখন ঘুমিয়েছিলেন, দলীলা তখন তাঁর মাথার সাত-গাছি চুল নিয়ে  
সেগুলি তাঁতের বুননের সাথে বুনলো 14 এবং গোঁজের সঙ্গে শক্ত  
করে আটকে দিল। আবার সে শিম্শোনকে ডেকে বলল, “শিম্শোন,  
ফিলিস্তিনীরা তোমাকে ধরতে এসেছে।” শিম্শোন ঘুম থেকে জেগে  
উঠেই টান মেরে গোঁজসমেত তাঁতযন্ত্র ও বুনন—সবকিছু উপড়ে  
ফেললেন। 15 তখন দলীলা তাঁকে বলল, “তুমি কীভাবে বলতে পারো,  
'আমি তোমাকে ভালোবাসি,' যখন তুমি আমাকে বিশ্বাস করে কিছু  
বলতেই চাইছ না? এই নিয়ে তিনবার তুমি আমাকে বোকা বানালে  
এবং তোমার মহাশক্তির রহস্য আমাকে বললে না।” 16 এভাবে  
দিনের পর দিন বিরক্তিকরভাবে সে শিম্শোনকে খুঁচিয়ে খুঁচিয়ে তাঁর  
প্রাণ ওষ্ঠাগত করে তুলছিল। 17 অতএব তিনি দলীলাকে সবকিছু  
বলে দিলেন। “আমার মাথায় কখনও ক্ষুর ব্যবহৃত হয়নি,” তিনি  
বললেন, “কারণ মায়ের গর্ভ থেকেই আমি এক নাসরীয়রূপে ঈশ্বরের  
উদ্দেশে উৎসর্গীকৃত হয়ে আছি। আমার মাথা যদি কামানো হয়, তবে

আমার শক্তি আমাকে ছেড়ে চলে যাবে, এবং আমি অন্য যে কোনো  
লোকের মতো দুর্বল হয়ে পড়ব।” 18 দলীলা যখন দেখল যে শিম্শোন  
তাকে সবকিছু বলে দিয়েছে, তখন সে ফিলিস্তিনী শাসনকর্তাদের  
কাছে খবর পাঠাল, “আপনারা আর একবার চলে আসুন; সে আমাকে  
সবকিছু বলে দিয়েছে।” অতএব ফিলিস্তিনী শাসনকর্তারা রংপো হাতে  
নিয়ে ফিরে এলেন। 19 শিম্শোনকে কোলে নিয়ে ঘুম পাড়িয়ে, সে  
একজন লোককে ঢেকে তাকে দিয়ে শিম্শোনের মাথার সাত-গাছি  
চুল কামিয়ে দিল, এবং এভাবেই তাকে জন্ম করতে শুরু করলো। আর  
শিম্শোনের শক্তি তাঁকে ছেড়ে গেল। 20 তখন দলীলা তাঁকে ঢেকে  
বলল, “শিম্শোন, ফিলিস্তিনীরা তোমাকে ধরতে এসেছে!” শিম্শোন  
ঘুম থেকে জেগে উঠে ভাবলেন, “আমি আগের মতোই বাইরে গিয়ে  
গা বাড়া দিয়ে মুক্ত হয়ে যাব।” কিন্তু তিনি বোবেননি যে সদাপ্রভু  
তাঁকে ছেড়ে চলে গিয়েছেন। 21 পরে ফিলিস্তিনীরা তাঁকে ধরে তাঁর  
চোখদুটি উপড়ে ফেলল ও এবং তাঁকে গাজায় নিয়ে গেল। ব্রাঞ্জের  
বেড়ি দিয়ে তাঁকে বেঁধে, তারা জেলখানায় তাঁকে জাঁতা পেষাট-এর  
কাজে লাগিয়ে দিল। 22 কিন্তু মাথা কামানোর পরেও তাঁর মাথার চুল  
আবার বাড়তে শুরু করল। 23 ইত্যবসরে ফিলিস্তিনী শাসনকর্তারা  
তাদের দেবতা দাগোনের উদ্দেশে এক মহাবলি উৎসর্গ করার ও  
উৎসব পালন করার জন্য সমবেত হয়ে বললেন, “আমাদের দেবতা  
আমাদের শক্তি শিম্শোনকে আমাদের হাতে সমর্পণ করে দিয়েছেন।”  
24 শিম্শোনকে দেখে লোকেরা তাদের আরাধ্য দেবতার প্রশংসা  
করে বলল, “আমাদের দেবতা আমাদের শক্তিকে সঁপে দিয়েছেন  
আমাদের হাতে, এ সেই, যে আমাদের দেশটি করেছে ধ্বংস আর  
অসংখ্য লোককে করেছে হত্যা।” 25 খোশমেজাজে তারা চিৎকার  
করে বলল, “আমাদের চিন্ত-বিনোদনের জন্য শিম্শোনকে নিয়ে  
এসো।” অতএব তারা জেলখানা থেকে তাঁকে ঢেকে আনালো,  
এবং তিনি তাদের সামনে কসরত দেখাতে লাগলেন। যখন তারা  
তাঁকে স্তন্ত্রগুলির মাঝখানে দাঁড় করিয়ে দিল, 26 তখন যে দাসটি  
তাঁর হাত ধরে রেখেছিল, তাকে শিম্শোন বললেন, “আমাকে এমন

জায়গায় দাঁড় করিয়ে দাও, যেখানে আমি এই মন্দিরের ভারবহনকারী  
স্তন্ত্রগুলি যেন অনুভব করতে পারি ও যেন সেগুলির গায়ে হেলান  
দিয়ে দাঁড়াতে পারি।” 27 মন্দিরটি পুরুষ ও মহিলার ভিত্তে পরিপূর্ণ  
হয়েছিল; ফিলিস্তিনীদের সব শাসনকর্তাও সেখানে উপস্থিত ছিলেন,  
এবং ছাদের উপর থেকে প্রায় 3,000 নরনারী শিম্শোনের কসরত  
দেখছিল। 28 তখন শিম্শোন সদাপ্রভুর কাছে প্রার্থনা করলেন, “হে  
সার্বভৌম সদাপ্রভু, আমাকে স্মরণ করো। দয়া করে ঈশ্বর আর একবার  
শুধু আমাকে শক্তি জোগাও, এবং একটিমাত্র ঘৃষিতেই আমার দুই  
চোখ উপড়ে নেওয়ার প্রতিশোধ ফিলিস্তিনীদের উপর আমায় নিতে  
দাও।” 29 পরে শিম্শোন মাঝখানের সেই দুটি স্তম্ভের কাছে পৌঁছে  
গেলেন, যেগুলির উপর ভর দিয়ে মন্দিরটি দাঁড়িয়েছিল। ডান হাত  
একটির ও বাঁ হাত অন্যটির দিকে বাঢ়িয়ে দিয়ে সেগুলি জড়িয়ে ধরে,  
30 শিম্শোন বললেন, “ফিলিস্তিনীদের সঙ্গে আমারও মৃত্যু হোক!”  
পরে তিনি সর্বশক্তি দিয়ে সেগুলিকে ধাক্কা দিলেন, এবং মন্দিরটির  
ভিতরে থাকা শাসনকর্তাদের ও সব লোকজনের উপরে সেটি ভেঙে  
পড়ল। এভাবে শিম্শোন বেঁচে থাকার সময় যত না লোককে হত্যা  
করেছিলেন, মরার সময় তার চেয়েও বেশি লোককে হত্যা করলেন।  
31 পরে তাঁর ভাইরা এবং তাঁর বাবার সমগ্র পরিবার তাঁকে আনতে  
গেলেন। তারা তাঁকে ফিরিয়ে এনে সরা ও ইষ্টায়োলের মাঝখানে  
অবস্থিত তাঁর বাবা মানোহের সমাধিতে তাঁকে কবর দিলেন। শিম্শোন  
কুড়ি বছর ইস্রায়েলকে নেতৃত্ব দিয়েছিলেন।

**17** ইফ্রায়িমের পার্বত্য প্রদেশে বসবাসকারী মীখা নামক একজন লোক  
2 তার মাকে বলল, “তোমার যে 1,100 শেকল রূপো চুরি হয়েছিল  
এবং যার জন্য আমি তোমাকে অভিশাপ দিতে শুনেছিলাম—সেই  
রূপো আমার কাছেই আছে; আমিই তা নিয়েছিলাম।” তখন তার মা  
বললেন, “বাছা, সদাপ্রভু তোমায় আশীর্বাদ করুন!” 3 সে যখন তার  
মাকে সেই 1,100 শেকল রূপো ফিরিয়ে দিল, তখন তার মা বললেন,  
“আমার এই রূপো আমি শপথ নিয়ে সদাপ্রভুর উদ্দেশে উৎসর্গ করছি,  
যেন আমার ছেলে রূপো দিয়ে মোড়া একটি মূর্তি তৈরি করে। এই

ରଙ୍ଗୋ ଆମି ତୋମାକେଇ ଫିରିଯେ ଦେବ ।” 4 ଅତଏବ ମୀଖା ସେଇ ରଙ୍ଗୋ ତାର ମାକେ ଫିରିଯେ ଦେଓୟାର ପର, ତିନି ତା ଥେକେ 200 ଶେକଳ ରଙ୍ଗୋ ନିଯେ ସେଣ୍ଠଳି ଏମନ ଏକଜନ ରୌପ୍ୟକାରକେ ଦିଲେନ, ଯେ ପ୍ରତିମା ନିର୍ମାଣ କରାର ଜନ୍ୟ ସେଣ୍ଠଳି ବ୍ୟବହାର କରଲ । ଆର ସେଚି ମୀଖାର ବାଡ଼ିତେଇ ରାଖା ହଲ । 5 ସେଇ ମୀଖାର ଏକଟି ମନ୍ଦିର ଛିଲ, ଏବଂ ସେ ଏକଟି ଏଫୋଦ ଓ କଯେକଟି ଗୃହଦେବତା ତୈରି କରଲ ଓ ତାର ଏକ ଛେଲେକେ ନିଜେର ଯାଜକରନ୍ପେ ଅଭିଷିକ୍ତ କରଲ । 6 ସେଇ ସମୟ ଇନ୍ଦ୍ରାୟଳେ କୋନ୍ତା ରାଜା ଛିଲେନ ନା; ପ୍ରତ୍ୟେକେ, ତାଦେର ଯା ଭାଲୋ ବଲେ ମନେ ହତ, ତାଇ କରତ । 7 ଯିହୁଦାର ବେଥିଲେହେମେ ଏକ ତରଣ ଲେବୀୟ ଛିଲ, ଯେ ଯିହୁଦା ଗୋଟୀଭୁକ୍ତ ଲୋକଜନେର ସଙ୍ଗେ ବସବାସ କରତ । 8 ସେ ସେଇ ନଗର ଛେଡେ ବସବାସେର ଉପଯୋଗୀ ଅନ୍ୟ କୋନୋ ସ୍ଥାନେର ଖୋଁଜେ ବେରିଯେ ପଡ଼ିଲ । ପଥେ ଯେତେ ଯେତେ ସେ ଇନ୍ଦ୍ରାୟମେର ପାର୍ବତ୍ୟ ପ୍ରଦେଶେ ମୀଖାର ବାଡ଼ିତେ ଏସେ ପୌଁଛାଲ । 9 ମୀଖା ତାକେ ଜିଜ୍ଞାସା କରଲ, “ତୁମ କୋଥାକାର ଲୋକ?” “ଆମି ଯିହୁଦାର ବେଥିଲେହେମ ନିବାସୀ ଏକ ଲେବୀୟ,” ସେ ବଲିଲ, “ଆର ଆମି ଥାକାର ଜନ୍ୟ ଏକଟି ସ୍ଥାନ ଖୁଁଜାଇ ।” 10 ପରେ ମୀଖା ସେଇ ଲେବୀୟକେ ବଲିଲ, “ଆମାର ସଙ୍ଗେ ଥାକୋ ଏବଂ ଆମାର ପିତୃସ୍ଥାନୀୟ ଏକ ଯାଜକ ହୁୟେ ଯାଓ, ଏବଂ ଆମି ତୋମାକେ ବଛରେ ଦଶ ଶେକଳ କରେ ବଲ୍ପୋ, ତୋମାର ଜାମାକାପଡ଼ ଓ ତୋମାର ଖାଦ୍ୟଦ୍ରବ୍ୟ ଦେବ ।” 11 ଅତଏବ ସେଇ ଲେବୀୟ ତରଣ ତାର ସଙ୍ଗେ ଥାକତେ ରାଜି ହୁୟେ ଗେଲ, ଏବଂ ସେ ମୀଖାର କାହେ ତାର ପୁତ୍ରସ୍ଥାନୀୟ ହୁୟେ ଗେଲ । 12 ପରେ ମୀଖା ସେଇ ଲେବୀୟକେ ଅଭିଷିକ୍ତ କରଲ, ଏବଂ ସେଇ ତରଣ ତାର ଯାଜକ ହୁୟେ ଗେଲ ଓ ତାର ବାଡ଼ିତେଇ ବସବାସ କରତେ ଲାଗିଲ । 13 ଆର ମୀଖା ବଲିଲ, “ଏଥନ ଆମି ବୁଝାତେ ପାରାଇ ଯେ ସଦାପ୍ରଭୁ ଆମାର ପ୍ରତି ମଙ୍ଗଲମୟ ହବେନ, ଯେହେତୁ ଏହି ଲେବୀୟ ଆମାର ଯାଜକ ହୁୟେଛେ ।”

**18** ସେଇ ସମୟ ଇନ୍ଦ୍ରାୟଳେ କୋନ୍ତା ରାଜା ଛିଲେନ ନା । ଆର ସେଇ ସମୟ ଦାନ ଗୋଟୀଭୁକ୍ତ ଲୋକଜନ ନିଜସ୍ତ ଏମନ ଏକ ସ୍ଥାନ ଖୁଁଜିଲ ଯେଥାମେ ତାରା ବସତି ସ୍ଥାପନ କରତେ ପାରେ, କାରଣ ତଥନେ ପର୍ଯ୍ୟନ୍ତ ତାରା ଇନ୍ଦ୍ରାୟଳେର ବିଭିନ୍ନ ଗୋଟୀର ମଧ୍ୟେ କୋନ୍ତା ଉତ୍ତରାଧିକାର ଲାଭ କରେନି । 2 ଅତଏବ ଦାନ ଗୋଟୀଭୁକ୍ତ ଲୋକେରା ତାଦେର ମଧ୍ୟେ ପାଁଚଜନ ମୁଖ୍ୟ ଲୋକକେ ସରା ଓ ଇଷ୍ଟାୟୋଲ ଥେକେ ଦେଶ ପର୍ଯ୍ୟବେକ୍ଷଣ ଓ ଅନୁସନ୍ଧାନ କରାର ଜନ୍ୟ ପାଠାଲ ।

এই লোকেরা সংগ্রহ দান গোষ্ঠীর প্রতিনিধিত্ব করছিল। তারা তাদের বলল, “যাও, দেশটি অনুসন্ধান করো।” অতএব তারা ইন্দ্রিয়মের পার্বত্য প্রদেশে প্রবেশ করে মীথার বাড়িতে এল, এবং সেখানেই রাত কাটাল। ৩ মীথার বাড়ির কাছাকাছি পৌঁছে, তারা সেই লেবীয় তরঙ্গের কঠস্বর শুনে তাকে চিনতে পারল; তাই তারা সেখানে গিয়ে তাকে জিজ্ঞাসা করল, “কে তোমাকে এখানে এনেছে? তুমি এখানে কী করছ? তুমি এখানে কেন এসেছ?” ৪ মীথা তার জন্য যা যা করেছিল, সে তা তাদের বলে শোনাল এবং বলল, “তিনি আমাকে ভাড়া করেছেন ও আমি তাঁর যাজক হয়েছি।” ৫ তখন তারা তাকে বলল, “দয়া করে ঈশ্বরের কাছ থেকে জেনে নাও যে আমাদের যাত্রা সফল হবে কি না।” ৬ যাজকটি তাদের উত্তর দিল, “শান্তিপূর্বক এগিয়ে যাও। তোমাদের যাত্রায় সদাপ্রভুর অনুমোদন আছে।” ৭ অতএব সেই পাঁচজন লোক সেই স্থানটি ত্যাগ করে লয়িশে এল। সেখানে তারা দেখল যে লোকজন সীদোনীয়দের মতো নিরাপদে, শান্তিতে ও নিশ্চিন্ত-নির্ভয়ভাবে জীবনযাপন করছে। আর যেহেতু তাদের দেশে কোনো কিছুরই অভাব ছিল না, তাই তারা সমৃদ্ধিশালীও হল। এছাড়াও, তারা সীদোনীয়দের কাছ থেকে বহুদূরে বসবাস করত এবং অন্য কারোর সঙ্গে তাদের কোনও সম্পর্ক ছিল না। ৮ সেই পাঁচজন যখন সরা ও ইষ্টায়োলে ফিরে এল, তখন দান গোষ্ঠীভুক্ত তাদের আত্মায়স্তজনেরা তাদের জিজ্ঞাসা করল, “অবঙ্গা কেমন দেখলে?” ৯ তারা উত্তর দিল, “চলো, তাদের আক্রমণ করা যাক! আমরা সেই দেশটি দেখলাম, এবং সেটি খুব সুন্দর। তোমরা কি কিছু করবে না? সেখানে গিয়ে সেটি দখল করে নিতে দ্বিধাবোধ কোরো না।” ১০ তোমরা যখন সেখানে যাবে, তখন দেখতে পাবে যে অসন্দিঘ্চরিত্ব মানুষজনদের ও খুব সুন্দর এমন এক দেশ ঈশ্বর তোমাদের হাতে তুলে দিয়েছেন, যেখানে কোনো কিছুরই অভাব নেই।” ১১ পরে দান গোষ্ঠীভুক্ত ৬০০ জন লোক, যুদ্ধের জন্য প্রস্তুত হয়ে ও অন্তর্শস্ত্রে সুসজ্জিত হয়ে, সরা ও ইষ্টায়োল থেকে যাত্রা শুরু করল। ১২ পথে যেতে যেতে তারা যিহুদার কিরিয়ৎ-যিয়ারীমের কাছে শিবির স্থাপন করল।

এই জন্য আজও কিরিয়ৎ-যিয়ারীমের পশ্চিমে অবস্থিত স্থানটিকে  
মহনেদান বলে ডাকা হয়। 13 সেখান থেকে যাত্রা করে তারা ইফ্রায়িমের  
পার্বত্য প্রদেশে গেল এবং মীথার বাড়ি পর্যন্ত এল। 14 তখন যে  
পাঁচজন লোক লয়শে দেশ পর্যবেক্ষণ করেছিল, তারা দান গোষ্ঠীভুক্ত  
তাদের আন্তীয়স্বজনদের বলল, “তোমরা কি জানো যে এই বাড়িগুলির  
মধ্যে কোনো একটিতে একটি এফোদ, কয়েকটি গৃহদেবতা এবং  
রহপো দিয়ে মোড়া একটি মূর্তি আছে? এখন তোমরা তো জানো,  
তোমাদের কী করণীয়।” 15 অতএব তারা সেদিকে মুখ ফিরিয়ে মীথার  
বাড়িতে গেল, যেখানে সেই লেবীয় তরঙ্গটি বসবাস করত এবং  
তারা তাকে অভিবাদন জানাল। 16 যুদ্ধের জন্য প্রস্তুত হয়ে অন্তর্শস্ত্রে  
সুসজ্জিত দান গোষ্ঠীভুক্ত সেই 600 জন লোক প্রবেশদ্বারের কাছে  
দাঁড়িয়েছিল। 17 দেশ পর্যবেক্ষণকারী সেই পাঁচজন লোক ভিতরে  
প্রবেশ করল এবং সেই প্রতিমা, এফোদ ও গৃহদেবতাদের তুলে নিল,  
আর সেই যাজক এবং অন্তর্শস্ত্রে সুসজ্জিত 600 জন লোক প্রবেশদ্বারের  
কাছে দাঁড়িয়েছিল। 18 সেই পাঁচজন লোক যখন মীথার বাড়িতে  
গিয়ে সেই প্রতিমা, এফোদ ও গৃহদেবতাদের তুলে নিল, তখন সেই  
যাজক তাদের বলল, “তোমরা এ কী করছ?” 19 তারা তাকে উত্তর  
দিল, “চুপ করে থাকো! কোনও কথা বোলো না। আমাদের সঙ্গে  
চলো, এবং আমাদের পিতৃস্থানীয় এক যাজক হয়ে যাও। একটিমাত্র  
লোকের পরিবারের সেবা করার চেয়ে ইস্রায়েলের একটি বংশ ও  
গোষ্ঠীর সেবা করা কি তোমার পক্ষে ভালো নয়?” 20 সেই যাজক খুব  
খুশি হল। সে সেই এফোদ, গৃহদেবতাদের এবং সেই প্রতিমাটি নিয়ে  
সেই লোকদের সঙ্গে চলে গেল। 21 তাদের ছোটো ছোটো শিশুদের,  
তাদের গবাদি পশুপাল ও তাদের বিষয়সম্পত্তি সামনে রেখে তারা  
মুখ ফিরিয়ে চলে গেল। 22 মীথার বাড়ি থেকে তারা কিছু দূর যেতে  
না যেতেই, মীথার বাড়ির কাছে বসবাসকারী লোকদের ডাকা হল  
এবং তারা দান গোষ্ঠীভুক্ত লোকদের নাগাল ধরে ফেলল। 23 দান  
গোষ্ঠীভুক্ত লোকদের লক্ষ্য করে তারা যখন চিন্কার করেছিল, তখন  
দান গোষ্ঠীভুক্ত লোকেরা মুখ ফিরিয়ে মীথাকে বলল, “তোমার কী

হয়েছে যে তুমি যুদ্ধ করার জন্য তোমার লোকদের ডেকে আনলে?”

24 সে উত্তর দিল, “তোমরা আমার তৈরি করা দেবতাদের, ও আমার যাজককে নিয়ে চলে গিয়েছ। আমার কাছে আর কী রইল? তোমরা কীভাবে প্রশ্ন করতে পারো, ‘তোমার কী হয়েছে?’” 25 দান গোষ্ঠীভুক্ত লোকেরা উত্তর দিল, “আমাদের সঙ্গে তর্কাতর্কি কোরো না, তা না হলে কয়েকজন লোক ক্রুদ্ধ হয়ে তোমাদের আক্রমণ করে ফেলতে পারে, এবং তুমি ও তোমার পরিবার-পরিজন প্রাণ হারাবে।” 26 অতএব দান গোষ্ঠীভুক্ত লোকেরা নিজেদের পথ ধরে চলে গেল, এবং তারা যে তার চেয়ে অনেক বেশি শক্তিশালী, তা বুঝতে পেরে মীখা মুখ ফিরিয়ে ঘরে ফিরে গেল। 27 পরে তারা মীখার তৈরি করা বস্তুগুলি ও তার যাজককে নিয়ে সেই লয়শে গেল, যেখানকার লোকেরা শাস্তিতে ও নিশ্চিন্ত-নির্ভয় অবস্থায় ছিল। তারা তরোয়াল চালিয়ে তাদের আক্রমণ করল এবং তাদের নগরটি আগুনে পুড়িয়ে দিল। 28 তাদের রক্ষা করার কেউ ছিল না, কারণ তারা সীদোন থেকে বহুদূরে বসবাস করছিল এবং অন্য কারোর সঙ্গে তাদের সম্পর্ক ছিল না। সেই নগরটি বেথ-রহোবের নিকটবর্তী এক উপত্যকায় অবস্থিত ছিল। দান গোষ্ঠীভুক্ত লোকেরা সেই নগরটি পুনর্নির্মাণ করে সেখানে বসতি স্থাপন করল। 29 তারা তাদের পূর্বপুরুষ সেই দানের নামানুসারে সেই নগরটির নাম দিল দান, যিনি ইস্রায়েলের ছেলে ছিলেন—যদিও সেই নগরটিকে আগে লয়শ বলে ডাকা হত। 30 তারা নিজেদের জন্য সেখানে সেই প্রতিমাটি প্রতিষ্ঠিত করল, এবং মোশির ছেলে গের্শোমের সন্তান যোনাথন ও তার ছেলেরা দেশের বন্দিদশার সময়কাল পর্যন্ত দান গোষ্ঠীর যাজক হয়ে রইল। 31 যতদিন শীলোত্তম স্থানের মন্দির ছিল, ততদিন তারা মীখার তৈরি করা প্রতিমাটি ব্যবহার করে যাচ্ছিল।

**19** সেই সময় ইস্রায়েলে কোনও রাজা ছিলেন না। ইফ্রায়িমের পার্বত্য প্রদেশের প্রত্যন্ত এলাকায় একজন লেবীয় বসবাস করত। সে যিহুদার বেথলেহেম থেকে এক উপপন্থী এনেছিল। 2 কিন্তু সেই মহিলাটি তার প্রতি অবিশ্বস্ত হল। সে তাকে ত্যাগ করে যিহুদার বেথলেহেমে তার বাবা-মার ঘরে ফিরে গেল। সেখানে চার মাস থাকার পর, 3 তার

স্বামী তাকে ফিরে আসার জন্য রাজি করাতে তার কাছে গেল। তার সাথে ছিল তার দাস ও দুটি গাধা। সেই লোকটির উপপত্নী তাকে নিজের বাবা-মার ঘরে নিয়ে গেল, এবং তার বাবা যখন সেই লেবীয়কে দেখল, তখন সে সানন্দে তাকে অভ্যর্থনা জানাল। 4 তার শৃঙ্খরমশাই, সেই মেয়েটির বাবা, তাকে সেখানে থেকে যেতে অনুরোধ করায় সে তিন দিন তার সঙ্গে থাকল এবং ভোজনপান করল ও সেখানে রাত কাটাল। 5 চতুর্থ দিন ভোরবেলায় উঠে সে যাওয়ার জন্য প্রস্তুত হল, কিন্তু সেই মেয়েটির বাবা তার জামাইকে বলল, “কিছু খেয়ে নিজেকে চাঙ্গা করে নাও; পরে যেতে পারো।” 6 অতএব তারা দুজনে একসঙ্গে বসে ভোজনপান করল। তারপর সেই মেয়েটির বাবা বলল, “দয়া করে আজকের রাতটিও থেকে যাও ও একটু আরাম করে নাও।” 7 আর সেই লোকটি যখন যাওয়ার জন্য উঠে দাঁড়াল, তখন তার শৃঙ্খরমশাই তাকে অনুরোধ জানাল, তাই সে সেই রাতটিও সেখানে থেকে গেল। 8 পঞ্চম দিন সকালবেলায়, সে যখন যাওয়ার জন্য উঠল, তখন সেই মেয়েটির বাবা বলল, “জলখাবার খেয়ে নাও। দুপুর পর্যন্ত অপেক্ষা করো!” অতএব তারা দুজনে একসঙ্গে খাওয়াদাওয়া করল। 9 পরে যখন সেই লোকটি তার উপপত্নী ও তার দাসকে সাথে নিয়ে যাওয়ার জন্য উঠল, তখন তার শৃঙ্খরমশাই—সেই মেয়েটির বাবা বলল, “দেখো, সন্ধ্যা ঘনিয়ে আসছে। রাতটুকু এখানেই কাটিয়ে যাও; দিন প্রায় ফুরিয়েই এল। এখানে থেকে একটু আরাম করে নাও। আগামীকাল ভোরবেলায় উঠে তোমরা ঘরের দিকে রওনা হয়ে যেতে পারো।” 10 কিন্তু, আর একটি রাত সেখানে কাটাতে রাজি না হয়ে, সেই লোকটি উঠে জিন পরাণো দুটি গাধা ও তার উপপত্নীকে সঙ্গে নিয়ে যিবুঘের (অর্থাৎ, জেরংশালেমের) দিকে চলে গেল। 11 তারা যিবুঘের কাছে পৌঁছাতে না পৌঁছাতেই বেলা প্রায় গড়িয়ে গেল ও দাস তার মনিবকে বলল, “আসুন, যিবুঘীয়দের এই নগরে থেমে রাত কাটানো যাক।” 12 তার মনিব উত্তর দিল, “না। আমরা এমন কোনো নগরে প্রবেশ করব না, যেখানকার লোকেরা ইস্রায়েলী নয়। আমরা গিবিয়ার দিকে এগিয়ে যাব।” 13 সে আরও বলল, “এসো,

গিবিয়ায় বা রামায় পৌঁছে, সেগুলির মধ্যে কোনো একটি স্থানে রাত  
কাটানো যাক।” 14 অতএব তারা এগিয়ে গেল, এবং বিন্যামীনের  
অন্তর্গত গিবিয়ার কাছে তারা পৌঁছানোমাত্রই সূর্য অস্ত গেল। 15 রাত  
কাটানোর জন্য তারা সেখানে থামল। তারা নগরের চকে গিয়ে বসল,  
কিন্তু রাতে থাকার জন্য কেউই তাদের ঘরে নিয়ে গেল না। 16 সেই  
সন্ধিয়ায় ইফ্রয়িমের পার্বত্য প্রদেশের অধিবাসী, গিবিয়ায় বসবাসকারী  
একজন বৃন্দ ভদ্রলোক ক্ষেতে কাজ করে ফিরে আসছিলেন। (সেই  
স্থানের অধিবাসীরা বিন্যামীনীয় ছিল) 17 যখন সেই বৃন্দ ভদ্রলোক  
চোখ তুলে নগরের চকে সেই পথিককে দেখতে পেলেন, তখন তিনি  
জিজ্ঞাসা করলেন, “তুমি কোথায় যাচ্ছ? তুমি আসছই বা কোথা  
থেকে?” 18 সে উত্তর দিল, “আমরা যিহুদার অন্তর্গত বেথলেহেম থেকে  
ইফ্রয়িমের পার্বত্য প্রদেশের এক প্রত্যন্ত এলাকায় যাচ্ছি, যা আমার  
বাসস্থান। আমি যিহুদার অন্তর্গত বেথলেহেমে গিয়েছিলাম, আর এখন  
আমি সদাপ্রভুর মন্দিরে যাচ্ছি। রাতে থাকার জন্য কেউ আমাকে ঘরে  
নিয়ে যায়নি। 19 আমাদের গাধাগুলির জন্য আমাদের কাছে খড় ও  
পশ্চিমাদ্য আছে এবং আপনার দাসেদের—আমার, স্ত্রীলোকটির ও  
আমাদের সঙ্গী এই যুবকটির জন্যও ঝটি ও দ্রাক্ষারস আছে। আমাদের  
কোনো কিছুরই অভাব নেই।” 20 “আমার বাড়িতে তোমাদের সাদর  
আমন্ত্রণ জানাচ্ছি,” সেই বৃন্দ ভদ্রলোক বললেন। “তোমাদের যা যা  
প্রয়োজন সেসব আমাকেই সরবরাহ করতে দাও। তোমরা শুধু চকে  
রাত কাটিয়ো না।” 21 অতএব তিনি তাদের তাঁর বাড়িতে নিয়ে গেলেন  
এবং গাধাগুলিকে খাবার দিলেন। পাধোয়ার পর, তারাও ভোজনপান  
করল। 22 তারা যখন একটু আরাম করছিল, তখন নগরের কয়েকজন  
দুষ্টলোক সেই বাড়িটি ঘিরে ধরল। দরজায় ধাক্কা দিতে দিতে, তারা  
চিৎকার করে সেই গৃহকর্তা বৃন্দ ভদ্রলোককে বলল, “তোমার বাড়িতে  
যে লোকটি এসেছে, তাকে বের করে আনো, যেন আমরা তার সঙ্গে  
যৌন সহবাস করতে পারি।” 23 সেই গৃহকর্তা বাইরে বের হয়ে তাদের  
বললেন, “ওহে বন্ধুরা, না, না, এত নীচ হোয়ো না। যেহেতু এই  
লোকটি আমার অতিথি, তাই এরকম জঘন্য কাজ কোরো না। 24

দেখো, এই আমার কুমারী মেয়ে, ও সেই লোকটির উপপত্নী। আমি এখনই তাদের তোমাদের কাছে বের করে আনব, তোমরা তাদের ভোগ করতে পারো এবং তাদের নিয়ে যা ইচ্ছা তাই করো। কিন্তু এই লোকটির প্রতি এ ধরনের কোনও জঘন্য কাজ কোরো না।” 25 কিন্তু সেই লোকেরা তাঁর কথা শুনতে চাইল না। তাই সেই লেবীয় লোকটি তার উপপত্নীকে নিয়ে তাকে বাইরে তাদের কাছে পাঠিয়ে দিল, আর তারা সারারাত ধরে তাকে ধর্ষণ করল ও তার উপর নির্যাতন চালাল, এবং ভোরবেলায় তাকে ছেড়ে দিল। 26 ভোরবেলায় সেই মহিলাটি উঠে যে বাড়িতে তার স্বামী ছিল সেখানে ফিরে গোল, ও দিনের আলো না ফোটা পর্যন্ত দোরগোড়ায় পড়ে রইল। 27 তার স্বামী সকালবেলায় উঠে বাড়ির দরজা খুলল এবং যাওয়ার জন্য বাইরে এসে দেখল, তার উপপত্নী সেই বাড়ির দরজায় পড়ে আছে ও গোবরাটে তার হাত ছাড়িয়ে রেখেছে। 28 সে তাকে বলল, “ওঠো; যাওয়া যাক।” কিন্তু কোনও উত্তর পাওয়া গেল না। তখন সেই লোকটি তাকে গাধার পিঠে চাপিয়ে ঘরের দিকে রওনা হল। 29 ঘরে ফিরে এসে, সে একটি ছুরি নিয়ে অঙ্গপ্রত্যঙ্গ ধরে ধরে তার উপপত্নীর দেহটি বারো টুকরো করে, সেগুলি ইস্রায়েলের সব এলাকায় পাঠিয়ে দিল। 30 যারা যারা তা দেখল, তারা প্রত্যেকে নিজেদের মধ্যে বলাবলি করল, “ইস্রায়েলীরা মিশ্র থেকে বের হয়ে আসার পর থেকে শুরু করে আজ পর্যন্ত এ ধরনের ঘটনা কখনও দেখা যায়নি বা ঘটেওনি। তাবা যায়! আমাদের কিছু একটা করতেই হবে! তাই চিংকার করে ওঠো!”

**20** পরে দান থেকে বের-শেবা পর্যন্ত বিস্তৃত এলাকা থেকে এবং গিলিয়দ দেশ থেকে এসে সমগ্র ইস্রায়েল একজন মানুষের মতো ঐক্যবদ্ধ হয়ে মিস্পাতে সদাপ্রভুর সামনে সমবেত হল। 2 ইস্রায়েলের বিভিন্ন গোষ্ঠীর সব লোকজনের নেতারা ঈশ্বরের প্রজাদের জনসমাবেশে 4,00,000 তরোয়ালধারী লোকের মধ্যে তাঁদের স্থান গ্রহণ করলেন। 3 (বিন্যামীন গোষ্ঠীভুক্ত লোকজন শুনেছিল যে ইস্রায়েলীরা মিস্পাতে গিয়েছে) পরে ইস্রায়েলীরা বলল, “আমাদের বলো কীভাবে এই ভয়াবহ ঘটনাটি ঘটল।” 4 অতএব সেই নিহত মহিলাটির স্বামী—সেই

ଲେବିୟ ଲୋକଟି ବଲଲ, “ଆମି ଓ ଆମାର ଉପପତ୍ନୀ ରାତ କାଟାନୋର ଜନ୍ୟ ବିନ୍ୟାମୀନେର ଅନ୍ତଗତ ଗିବିଯାତେ ଗିଯେଛିଲାମ । 5 ରାତରେ ବେଳାୟ ଗିବିଯାର ଲୋକଜନ ଆମାକେ ଧରାର ଜନ୍ୟ ଏସେଛିଲ ଏବଂ ଆମାକେ ହତ୍ୟା କରାର ମତଲବେ, ସେଇ ବାଢ଼ିଟି ଘରେ ଧରେଛିଲ । ତାରା ଆମାର ଉପପତ୍ନୀକେ ଧର୍ଷଣ କରଲ, ଓ ସେ ମରେ ଗେଲ । 6 ଆମି ଆମାର ଉପପତ୍ନୀକେ ନିୟେ, ତାକେ ଟୁକରୋ ଟୁକରୋ କରେ କେଟେ ଇସ୍ରାୟେଲେର ଅଧିକାରଭୁକ୍ତ ପ୍ରତ୍ୟେକଟି ଏଲାକାୟ ଏକଟି କରେ ଟୁକରୋ ପାଠିଯେ ଦିଲାମ, କାରଣ ତାରା ଇସ୍ରାୟେଲେର ମଧ୍ୟେ ଏହି ନୀଚ ଓ ଜଘନ୍ୟ କାଜଟି କରେଛେ । 7 ଏଥିନ ତୋମରା, ଇସ୍ରାୟେଲୀରା ସବାଇ, ଚିତ୍କାର କରେ ଓଠୋ ଓ ଆମାୟ ବଲୋ ତୋମରା କୀ କରାର ସିନ୍ଦ୍ରାନ୍ତ ନିଲେ ।” 8 ସବ ଲୋକଜନ ଉଠେ ଦାଁଡିଯେ ଏକଯୋଗେ ବଲେ ଉଠିଲ, “ଆମରା କେଉ ଘରେ ଯାବ ନା । ନା, ଆମାଦେର ମଧ୍ୟେ ଏକଜନଙ୍କ ତାର ବାଢ଼ିତେ ଫିରେ ଯାବେ ନା । 9 କିନ୍ତୁ ଏଥିନ ଗିବିଯାର ପ୍ରତି ଆମରା ଯା କରବ ତା ହଲ ଏହି: ଗୁଡ଼ିକାପାତରେ ମାଧ୍ୟମେ କ୍ରମ ହିଲି କରେ ଆମରା ଗିବିଯାର ବିରଳଦେ ଆକ୍ରମଣ ଚାଲାବ । 10 ଇସ୍ରାୟେଲେର ସବ ଗୋଷ୍ଠୀ ଥିକେ ପ୍ରତି ଏକଶୋ ଜନେର ମଧ୍ୟେ ଦଶଜନ, ପ୍ରତି 1,000 ଜନେର ମଧ୍ୟେ ଏକଶୋ ଜନ ଏବଂ ପ୍ରତି 10,000 ଜନେର ମଧ୍ୟେ 1,000 ଜନକେ ନିୟେ ଆମରା ତାଦେର ସୈନ୍ୟବାହିନୀର ଖାଦ୍ୟ ସରବରାହେର ଜନ୍ୟ ନିୟୁକ୍ତ କରବ । ପରେ, ସୈନ୍ୟବାହିନୀ ସଥିନ ବିନ୍ୟାମୀନେର ଅନ୍ତଗତ ଗିବିଯାତେ ପୌଁଛାବେ, ତଥନ ଇସ୍ରାୟେଲେର ମଧ୍ୟେ କରା ଏହି ଜଘନ୍ୟ କାଜେର ଜନ୍ୟ ତାରା ତାଦେର ଉପଯୁକ୍ତ ଦଣ୍ଡ ଦେବେ ।” 11 ଅତଏବ ଇସ୍ରାୟେଲୀରା ସବାଇ ଏକତ୍ରିତ ହେଁ ସେଇ ନଗରାଟିର ବିରଳଦେ ଏକଜନ ମାନୁଷେର ମତୋ ସଂଘବନ୍ଦ ହଲ । 12 ଇସ୍ରାୟେଲେର ବିଭିନ୍ନ ଗୋଷ୍ଠୀ ବିନ୍ୟାମୀନ ଗୋଷ୍ଠୀଭୁକ୍ତ ଏଲାକାର ସର୍ବତ୍ର ଲୋକ ମାରଫତ ବଲେ ପାଠାଲ, “ତୋମାଦେର ମଧ୍ୟେ ଏସବ କୀ ଭୟାବହ ଅପକର୍ମ ହେଁଥେ? 13 ଏଥିନ ଗିବିଯାର ସେଇସବ ଦୁର୍ଜନ ଲୋକକେ ତୋମରା ଆମାଦେର ହାତେ ତୁଲେ ଦାଓ ଯେନ ଆମରା ତାଦେର ହତ୍ୟା କରେ ଇସ୍ରାୟେଲ ଥିକେ ଦୁଷ୍ଟାଚାର ଲୋପ କରତେ ପାରି ।” କିନ୍ତୁ ବିନ୍ୟାମୀନ ଗୋଷ୍ଠୀଭୁକ୍ତ ଲୋକେରା ତାଦେର ସ୍ଵଜାତୀୟ ଇସ୍ରାୟେଲୀଦେର କଥା ଶୁଣିତେ ଚାଇଲ ନା । 14 ତାଦେର ନଗରଗୁଲି ଥିକେ ବେରିଯେ ଏସେ ତାରା ଇସ୍ରାୟେଲୀଦେର ସଙ୍ଗେ ଯୁଦ୍ଧ କରାର ଜନ୍ୟ ଗିବିଯାଯ ସମବେତ ହଲ । 15 ଅବିଲମ୍ବେ ବିନ୍ୟାମୀନ ଗୋଷ୍ଠୀଭୁକ୍ତ ଲୋକେରା ତାଦେର ନଗରଗୁଲି ଥିକେ

26,000 তরোয়ালধারী লোক সংগ্রহ করল। এর পাশাপাশি গিবিয়াতে বসবাসকারী লোকদের মধ্যে থেকেও 700 জন দক্ষ যুবক সংগ্রহ করা হল। 16 এইসব সৈনিকের মধ্যে বাছাই করা 700 জন সৈনিক ছিল ন্যটো, যাদের প্রত্যেকেই চুলের মতো সূক্ষ্ম নিশানায় গুলতি দিয়ে পাথর ছুঁড়তে পারত ও লক্ষ্যভূষ্ট হত না। 17 বিন্যামীনকে বাদ দিয়ে ইস্রায়েল তরোয়ালধারী এমন 4,00,000 লোক জোগাড় করল, যারা সবাই যুদ্ধের জন্য যোগ্যতাসম্পন্ন ছিল। 18 ইস্রায়েলীরা বেথেলে গিয়ে ঈশ্বরের কাছে জানতে চাইল। তারা বলল, “বিন্যামীন গোষ্ঠীভুক্ত লোকদের বিরুদ্ধে যুদ্ধ করার জন্য আমাদের মধ্যে থেকে কারা আগে যাবে?” সদাপ্রভু উত্তর দিলেন, “যিহুদা গোষ্ঠী আগে যাবে।” 19 পরদিন সকালে ইস্রায়েলীরা উঠে গিবিয়ার কাছে শিবির স্থাপন করল। 20 ইস্রায়েলীরা বিন্যামীন গোষ্ঠীভুক্ত লোকদের সঙ্গে যুদ্ধ করার জন্য বাইরে গেল এবং গিবিয়ায় তাদের বিরুদ্ধে যুদ্ধের অবস্থান নিল। 21 বিন্যামীন গোষ্ঠীভুক্ত লোকেরা গিবিয়া থেকে বেরিয়ে এসে সেদিন যুদ্ধক্ষেত্রে 22,000 ইস্রায়েলীকে হত্যা করল। 22 কিন্তু ইস্রায়েলীরা পরম্পরাকে উৎসাহিত করল এবং প্রথম দিন যেখানে তারা নিজেদের মোতায়েন করেছিল, সেখানেই আবার তাদের অবস্থান গ্রহণ করল। 23 ইস্রায়েলীরা গিয়ে সেদিন সন্ধ্যা পর্যন্ত সদাপ্রভুর কাছে কান্নাকাটি করল, এবং তাঁর কাছে জানতে চাইল। তারা বলল, “আমরা কি আবার আমাদের স্বজাতীয় বিন্যামীন গোষ্ঠীভুক্ত লোকদের বিরুদ্ধে যুদ্ধ করতে যাব?” সদাপ্রভু উত্তর দিলেন, “তাদের বিরুদ্ধে চলে যাও।” 24 পরে ইস্রায়েলীরা দ্বিতীয় দিনে বিন্যামীনের দিকে এগিয়ে গেল। 25 এবার, বিন্যামীন গোষ্ঠীভুক্ত লোকেরা ইস্রায়েলীদের বিরুদ্ধাচরণ করার জন্য গিবিয়া থেকে বেরিয়ে এসে এমন আরও 18,000 ইস্রায়েলীকে হত্যা করল, যারা সবাই ছিল তরোয়ালধারী সৈনিক। 26 পরে ইস্রায়েলীরা সবাই—সমগ্র সৈন্যবাহিনী বেথেলে গেল, এবং সেখানে বসে তারা সদাপ্রভুর সামনে কান্নাকাটি করতে লাগল। সেদিন সন্ধ্যা পর্যন্ত তারা উপবাস করল এবং সদাপ্রভুর কাছে হোমবলি ও মঙ্গলার্থক-নৈবেদ্য উৎসর্গ করল। 27 আর ইস্রায়েলীরা সদাপ্রভুর কাছে জানতে

চাইল। (সেই সময় ঈশ্বরের নিয়ম-সিন্দুকটি সেখানে ছিল, 28 এবং হারোগের নাতি, তথা ইলিয়াসরের ছেলে পীনহস সেটির সামনে থেকে পরিচর্যা করতেন) তারা জিজ্ঞাসা করল, “আমরা কি আবার আমাদের স্বজাতীয় বিন্যামীন গোষ্ঠীভুক্ত লোকদের বিরুদ্ধে যুদ্ধ করতে যাব, কি যাব না?” সদাপ্রভু উত্তর দিলেন, “যাও, কারণ আগামীকাল আমি তাদের তোমাদের হাতে সমর্পণ করে দেব।” 29 পরে ইস্রায়েল গিবিয়ার চারপাশে ৩৭ পেতে বসে থাকল। 30 তৃতীয় দিনে তারা বিন্যামীন গোষ্ঠীভুক্ত লোকদের বিরুদ্ধে উঠে গেল এবং গিবিয়ার বিরুদ্ধে অবস্থান নিল, যেভাবে আগেও তারা নিয়েছিল। 31 বিন্যামীন গোষ্ঠীভুক্ত লোকেরা ইস্রায়েলীদের সম্মুখীন হওয়ার জন্য বেরিয়ে এল এবং তাদের নগর থেকে দূরে আকৃষ্ট করা হল। আগের মতোই তারা ইস্রায়েলীদের হত্যা করতে শুরু করল, তাতে খোলা মাঠে এবং পথের উপরে—একটি বেথেলের অভিমুখে ও অন্যটি গিবিয়ার অভিমুখে, প্রায় ত্রিশজন মরে পড়ে থাকল। 32 একদিকে বিন্যামীন গোষ্ঠীভুক্ত লোকেরা বলছিল, “আগের মতোই আমরা ওদের পরাজিত করছি,” অন্যদিকে ইস্রায়েলীরা বলছিল, “এসো আমরা পিছিয়ে যাই এবং নগর থেকে ওদের পথের দিকে আকর্ষণ করি।” 33 ইস্রায়েলের লোকজন সবাই তাদের স্থান থেকে সরে এসে বায়াল-তামরে অবস্থান গ্রহণ করল, এবং ৩৭ পেতে বসে থাকা ইস্রায়েলীরা গিবিয়ার পশ্চিমদিকে অবস্থিত তাদের গুপ্ত স্থান ছেড়ে বেরিয়ে এল। 34 পরে ইস্রায়েলের 10,000 জন যোগ্যতাসম্পন্ন যুবক সামনে থেকে গিবিয়ার উপর আক্রমণ চালাল। সেই যুদ্ধ এত ধুন্দুমার হল যে বিন্যামীন গোষ্ঠীভুক্ত লোকেরা বুঝতেই পারেনি যে বিপর্যয় ঘনিয়ে এসেছে। 35 সদাপ্রভু ইস্রায়েলের সামনে বিন্যামীনকে পরাজিত করলেন, এবং সেদিন ইস্রায়েলীরা বিন্যামীন গোষ্ঠীভুক্ত 25,100 জন লোককে হত্যা করল। তারা সবাই ছিল তরোয়ালধারী সৈনিক। 36 তখন বিন্যামীন গোষ্ঠীভুক্ত লোকেরা দেখল যে তারা পরাজিত হয়েছে। ইত্যবসরে ইস্রায়েলের লোকজন বিন্যামীন গোষ্ঠীভুক্ত লোকদের সামনে থেকে পালিয়ে গেল, কারণ তারা সেইসব লোকের উপরে নির্ভর করছিল, যারা গিবিয়ার কাছে

ওৎ পেতে বসেছিল। 37 যারা ওৎ পেতে বসেছিল, তারা আচমকাই গিবিয়াতে ঢুকে পড়ল, এবং চারপাশে ছড়িয়ে গিয়ে তরোয়াল চালিয়ে নগরবাসী সবাইকে আঘাত করল। 38 ইস্রায়েলীরা ওৎ পেতে থাকা লোকদের বলে দিয়েছিল, যেন তারা নগর থেকে ধোঁয়াযুক্ত বিশাল মেঘ ছড়িয়ে দেয়, 39 এবং তখনই ইস্রায়েলীরা পালটা আক্রমণ করবে। বিন্যামীন গোষ্ঠীভুক্ত লোকেরা ইস্রায়েলীদের (প্রায় ত্রিশ জনকে) হত্যা করতে শুরু করল, এবং তারা বলল, “প্রথমবারের যুদ্ধের মতোই আমরা তাদের পরাজিত করছি।” 40 কিন্তু নগর থেকে যখন ধোঁয়ার স্তম্ভ উপরে উঠতে শুরু করল, তখন বিন্যামীন গোষ্ঠীভুক্ত লোকেরা মুখ ফিরিয়ে দেখল যে সমগ্র নগর থেকে গলগল করে ধোঁয়া আকাশে উঠে যাচ্ছে। 41 তখন ইস্রায়েলীরাও তাদের পালটা আক্রমণ করল, এবং বিন্যামীন গোষ্ঠীভুক্ত লোকেরা আতঙ্কিত হয়ে পড়ল, কারণ তারা বুঝতে পারল যে তাদের উপরে বিপর্যয় নেমে এসেছে। 42 অতএব তারা ইস্রায়েলীদের কাছ থেকে মরুপ্রান্তরের দিকে পালিয়ে গেল, কিন্তু তারা যুদ্ধ এড়িয়ে পালাতে পারল না। আর যেসব ইস্রায়েলী লোকজন নগর থেকে বেরিয়ে এসেছিল, তারা সেখানেই তাদের হত্যা করল। 43 ইস্রায়েলীরা বিন্যামীন গোষ্ঠীভুক্ত লোকদের ঘিরে ধরল, তাড়া করল এবং খুব সহজেই পূর্বদিকে গিবিয়ার কাছে গিয়ে তাদের ছারখার করে দিল। 44 বিন্যামীন গোষ্ঠীভুক্ত 18,000 লোক নিহত হল। তারা সবাই ছিল বীর যোদ্ধা। 45 তারা যখন মরুপ্রান্তরের দিকে পিছু ফিরে রিম্মোণ পাষাণ-পাথরের দিকে পালিয়ে গেল, তখন ইস্রায়েলীরা পথেই 5,000 জন লোককে হত্যা করল। গিদোম পর্যন্ত এগিয়ে গিয়ে তারা বিন্যামীন গোষ্ঠীভুক্ত লোকদের পশ্চাদ্বাবন করে গেল এবং আরও 2,000 লোককে হত্যা করল। 46 সেদিন বিন্যামীন গোষ্ঠীভুক্ত 25,000 তরোয়ালধারী লোক নিহত হল। তারা সবাই ছিল বীর যোদ্ধা। 47 কিন্তু তাদের মধ্যে 600 জন লোক মরুপ্রান্তরের দিকে পিছু ফিরে রিম্মোণ পাষাণ-পাথরের দিকে পালিয়ে গেল এবং চার মাস তারা সেখানেই থাকল। 48 ইস্রায়েলী লোকজন বিন্যামীন গোষ্ঠীর অধিকারভুক্ত এলাকায় ফিরে গেল এবং সব নগরে তরোয়াল চালিয়ে

মানুষ, পশ্চপাল ও আরও যা যা পাওয়া গেল, সেসব ছারখার করে দিল। তারা যত নগর পেল, সেগুলিতে আগুন জ্বালিয়ে দিল।

**21** ইস্রায়েলী লোকজন মিস্পাতে এক শপথ নিয়েছিল: “আমাদের মধ্যে কেউই তার মেয়ের সঙ্গে বিন্যামীন গোষ্ঠীভুক্ত কোনও ছেলের বিয়ে দেবে না।” 2 লোকেরা বেথেলে গেল, এবং সন্ধ্যা পর্যন্ত তারা টিশুরের সামনে বসে জোর গলায় প্রচণ্ড কাহাকাটি করল। 3 “ইস্রায়েলের টিশুর, হে সদাপ্রভু,” তারা চিৎকার করে বলল, “ইস্রায়েলের মধ্যে এমন ঘটনা কেন ঘটল? আজ কেন ইস্রায়েল থেকে একটি গোষ্ঠী বিলুপ্ত হতে চলেছে?” 4 পরদিন ভোরবেলায় লোকেরা এক যজ্ঞবেদি নির্মাণ করল এবং হোমবলি ও মঙ্গলার্থক-নৈবেদ্য উৎসর্গ করল। 5 পরে ইস্রায়েলীরা জিজ্ঞাসা করল, “ইস্রায়েলের সব গোষ্ঠীর মধ্যে কারা সদাপ্রভুর সামনে সমবেত হয়নি?” কারণ তারা এক আনুষ্ঠানিক শপথ নিয়েছিল যে মিস্পাতে যদি কেউ সদাপ্রভুর সামনে না আসে তবে তাকে মেরে ফেলা হবে। 6 ইত্যবসরে ইস্রায়েলীরা তাদের স্বজাতীয় বিন্যামীন গোষ্ঠীর জন্য শোকসন্তপ্ত হল। “আজ ইস্রায়েল থেকে একটি গোষ্ঠী বিচ্ছিন্ন হল,” তারা বলল। 7 “আমরা কীভাবে তবে যারা এখনও অবশিষ্ট আছে তাদের জন্য স্তৰীর বিধান করব, যেহেতু আমরা তো সদাপ্রভুর নামে শপথ নিয়েছি যে তাদের সঙ্গে আমাদের মেয়েদের বিয়ে দেব না।” 8 পরে তারা জিজ্ঞাসা করল, “ইস্রায়েলের গোষ্ঠীগুলির মধ্যে কোন গোষ্ঠী মিস্পাতে সদাপ্রভুর সামনে আসেনি?” তারা জানতে পারল যে যাবেশ-গিলিয়দ থেকে কেউ সেই সভায় যোগ দেওয়ার জন্য শিবিরে আসেনি। 9 কারণ তারা যখন লোকগণনা করল, তখন দেখা গেল যে যাবেশ-গিলিয়দের লোকদের মধ্যে কেউ সেখানে নেই। 10 অতএব জনসমাজ 12,000 যোদ্ধাকে নির্দেশ দিয়ে পাঠাল যেন তারা যাবেশ-গিলিয়দে যায় এবং মহিলা ও শিশুসহ সেখানে বসবাসকারী সব লোককে তরোয়াল দিয়ে হত্যা করে। 11 “তোমাদের এরকম করতে হবে,” তারা বলল। “প্রত্যেক পুরুষমানুষকে এবং যে কুমারী নয়, এমন প্রত্যেক মহিলাকে হত্যা কোরো।” 12 যাবেশ-গিলিয়দে বসবাসকারী লোকদের মধ্যে তারা

এমন 400 জন তরণীর খোঁজ পেল, যারা কোনো পুরুষমানুষের সঙ্গে  
কখনও শোয়নি, এবং তারা তাদের কনান দেশের শীলোতে অবস্থিত  
শিবিরে নিয়ে এল। 13 পরে সমগ্র জনসমাজ রিমোগ পাষাণ-পাথরে  
বসবাসকারী বিন্যামীন গোষ্ঠীভুক্ত লোকদের কাছে এক শান্তি-প্রস্তাব  
দিয়ে পাঠাল। 14 অতএব বিন্যামীন গোষ্ঠীভুক্ত লোকেরা সেই সময়  
ফিরে এল এবং যাবেশ-গিলিয়দের যে মেয়েদের বাঁচিয়ে রাখা হয়েছিল,  
তাদের সঙ্গে সেই লোকদের বিয়ে দেওয়া হল। কিন্তু তাদের সবার  
জন্য যথেষ্ট সংখ্যক মেয়ে পাওয়া গেল না। 15 লোকেরা বিন্যামীনের  
জন্য মনঃক্ষুণ্ণ হল, কারণ সদাপ্রভু ইস্রায়েলের গোষ্ঠীগুলির মধ্যে  
এক ফাঁক তৈরি করলেন। 16 আর জনসমাজের প্রাচীনেরা বললেন,  
“বিন্যামীন গোষ্ঠীভুক্ত মহিলারা ধৰ্ম হয়ে গিয়েছে, এখন অবশিষ্ট  
পুরুষমানুষদের জন্য আমরা কীভাবে স্ত্রীর ব্যবস্থা করব? 17 বিন্যামীন  
গোষ্ঠীভুক্ত প্রাণে বেঁচে যাওয়া লোকদের বংশরক্ষাও তো করতে হবে,”  
তাঁরা বললেন, “যেন ইস্রায়েলের একটি গোষ্ঠী নিশ্চিহ্ন হয়ে না যায়।  
18 আমরা তো আমাদের মেয়েদের সঙ্গে তাদের বিয়ে দিতে পারব না,  
যেহেতু আমরা, ইস্রায়েলীরা এই শপথ নিয়েছি: ‘যে কেউ বিন্যামীন  
গোষ্ঠীভুক্ত কাউকে কন্যাদান করবে, সে অভিশপ্ত হোক।’ 19 কিন্তু  
দেখো, সেই শীলোতে সদাপ্রভুর উদ্দেশে প্রতি বছর এক উৎসব হয়,  
যা বেথেলের উভয়ে, এবং বেথেল থেকে শিখিমের দিকে চলে যাওয়া  
পথের পূর্বদিকে, এবং লবোনার দক্ষিণ দিকে অবস্থিত।” 20 অতএব  
তাঁরা বিন্যামীন গোষ্ঠীভুক্ত লোকদের নির্দেশ দিয়ে বললেন, “যাও ও  
দ্রাক্ষাক্ষেতে লুকিয়ে থাকো 21 এবং লক্ষ্য রাখো। শীলোর তরণীরা  
যখন দল বেঁধে নাচ করতে করতে বেরিয়ে আসবে, তখন দ্রাক্ষাক্ষেত  
থেকে তাড়াতাড়ি বেরিয়ে এসে তোমরা প্রত্যেকে তাদের মধ্যে এক  
একজনকে নিজেদের স্ত্রী করে নিয়ো। পরে বিন্যামীন দেশে ফিরে  
যেয়ো। 22 তাদের বাবারা বা ভাইরা যখন আমাদের কাছে অভিযোগ  
জানাবে, তখন আমরা তাদের বলব, ‘তাদের সাহায্য করার মাধ্যমে  
আমাদের একটু উপকার করো, কারণ যুদ্ধের সময় আমরা তাদের জন্য  
স্ত্রী পাইনি। তোমরা তোমাদের শপথ ভাঙ্গার দোষে দোষী হবে না,

কারণ তোমরা তো তোমাদের মেয়েদের তাদের হাতে তুলে দাওনি।”

23 অতএব বিন্যামীন গোষ্ঠীভুক্ত লোকেরা সেরকমই করল। সেই  
তরঙ্গীরা যখন নাচছিল, তখন প্রত্যেকজন পুরুষমানুষ এক একজনকে  
ধরে তার স্ত্রী হওয়ার জন্য তাকে তুলে নিয়ে গেল। পরে তারা তাদের  
অধিকারভুক্ত এলাকায় ফিরে গেল এবং নগরগুলি পুনর্নির্মাণ করে  
সেগুলিতে বসতি স্থাপন করল। 24 সেই সময় ইস্রায়েলীরা সেই স্থান  
ত্যাগ করে প্রত্যেকে তাদের নিজস্ব অধিকার অনুসারে তাদের গোষ্ঠী  
ও বংশভুক্ত এলাকায়, নিজেদের ঘরে ফিরে গেল। 25 সেই সময়  
ইস্রায়েলে কোনও রাজা ছিলেন না; প্রত্যেকে, তাদের যা ভালো বলে  
মনে হত, তাই করত।

## ରାତେର ବିବରଣ

1 ବିଚାରକରା ସଖନ ଦେଶ ଶାସନ କରଛିଲେନ ସେଇ ସମୟ ଦେଶେ ଦୁର୍ଭିକ୍ଷ ହୁଯା । ଯିହୁଦିଆର ବେଥିଲେହେମ ଥେକେ ଏକଟି ଲୋକ ତାର ସ୍ତ୍ରୀ ଓ ଦୁଇ ଛେଳେ ନିଯେ କିଛୁଦିନେର ଜନ୍ୟ ମୋଯାବ ଦେଶେ ଥାକବେ ବଲେ ସେଖାନେ ଯାଯା । 2 ସେଇ ଲୋକଟିର ନାମ ଛିଲ ଇଲୀମେଲକ, ତାର ସ୍ତ୍ରୀର ନାମ ନୟମୀ ଏବଂ ତାର ଦୁଇ ପୁତ୍ରେର ନାମ ମହଲୋନ ଓ କିଲିଯୋନ । ତାରା ଯିହୁଦିଆର ବେଥିଲେହେମେର ଅଧିବାସୀ ଇକ୍ଷାଥୀଯ ଛିଲ । ତାରା ମୋଯାବ ଦେଶେ ଗିଯା ବସବାସ କରତେ ଲାଗଲ । 3 କିନ୍ତୁ ସଟନାକ୍ରମେ ନୟମୀର ସ୍ଵାମୀ ଇଲୀମେଲକ ମାରା ଗେଲ । ତାଇ ସେ ଦୁଇ ଛେଳେ ନିଯେ ଏକା ବସବାସ କରତେ ଲାଗଲ । 4 ନୟମୀର ଦୁଇ ଛେଳେ ମୋଯାବେର ମେଯେଦେର ବିଯେ କରଲ । ସେଇ ଦୁଇ ମୋଯାବୀଯ ମହିଳାର ନାମ ଛିଲ ଅର୍ପା ଓ ରାତ । ମୋଯାବ ଦେଶେ ଏରା ଦଶ ବଚର ଥାକାର ପର, 5 ନୟମୀର ଦୁଇ ଛେଳେ ମହଲୋନ ଓ କିଲିଯୋନ ଓ ମାରା ଗେଲ । ତାଇ ନୟମୀ ସ୍ଵାମୀ ଓ ଦୁଇ ଛେଳେ ହାରିଯେ ଏକା ହୟେ ଗେଲ । 6 ଏରପର ନୟମୀ ତାର ଦୁଇ ଛେଳେର ସ୍ତ୍ରୀଦେର ନିଯେ ମୋଯାବ ଦେଶ ଥେକେ ଫିରେ ଆସାର ଜନ୍ୟ ତୈରି ହଲ । ମୋଯାବ ଦେଶେ ଥାକାର ସମୟ ମେ ଶୁନେଛିଲ ଯେ ସଦାପ୍ରଭୁ ଦୁର୍ଭିକ୍ଷର ସମୟ ତାଁ ଲୋକଦେର ଖାବାର ଜୁଗିଯେଛେନ । 7 ତାଇ ନୟମୀ ତାର ଦୁଇ ପୁତ୍ରବଧୂକେ ନିଯେ ଯିହୁଦା ଦେଶେର ରାନ୍ତାର ଦିକେ ଗେଲ । 8 କିନ୍ତୁ ନୟମୀ ତାର ଦୁଇ ପୁତ୍ରବଧୂକେ ବଲଲ, “ତୋମରା ଯେ ଯାର ମାୟେର ବାଡ଼ିତେ ଫିରେ ଯାଓ । ସଦାପ୍ରଭୁ ତୋମାଦେର ଦୟା ଦେଖାନ, ସେମନ ତୋମରା ଯାରା ମାରା ଗେଛେ ତାଦେର ଉପର ଓ ଆମାର ଉପର ଦୟା ଦେଖିଯେଛ । 9 ସଦାପ୍ରଭୁ ତୋମାଦେର ଦୁଜନକେ ନିଜେର ନିଜେର ସ୍ଵାମୀର ସର ପେତେ ସାହାଯ୍ୟ କରନ୍ତି” ତାରପର ମେ ତାଦେର ଚୁମୁ ଖେଲ ଆର ତାରା ଜୋରେ ଜୋରେ କାଁଦିତେ ଲାଗଲ 10 ଏବଂ ତାରା ନୟମୀକେ ବଲଲ, “ନା, ଆମରା ତୋମାର ସଙ୍ଗେ ତୋମାର ଲୋକଦେର କାହେ ଫିରେ ଯାବ ।” 11 କିନ୍ତୁ ନୟମୀ ବଲଲ, “ବାଢା ତୋମରା ଫିରେ ଯାଓ । କେନ ତୋମରା ଆମାର ସଙ୍ଗେ ଯାବେ? ଆମାର ସଙ୍ଗେ ଆର କି କୋନ୍ତେ ଛେଲେ ଆହେ ଯେ ତୋମାଦେର ସ୍ଵାମୀ ହତେ ପାରବେ? 12 ବାଢା, ଫିରେ ଯାଓ । କାରଣ ଆମି ଯେ ବୃଦ୍ଧା, ବିଯେ କରେ ଆରେକଟି ସ୍ଵାମୀ ପାଓଯାର ବୟସ ଆର ନେଇ । ଯଦି ଆମାର ଆଶାଓ ଥାକେ, ଯଦି ଆଜ ରାତେଇ ଆମି ବିଯେ କରେ ସ୍ଵାମୀ ପାଇ ଏବଂ ଛେଳେଦେର ଜନ୍ୟ ଦିଇ, 13 ତାରା ଯତଦିନ ପର୍ଯ୍ୟନ୍ତ ନା ବଡ଼ୋ ହଞ୍ଚେ ତତଦିନ ପର୍ଯ୍ୟନ୍ତ ତୋମରା କି

তাদের জন্য বিয়ে না করে অপেক্ষা করবে? না বাছা, এরকম করা  
তোমাদের থেকে আমার জন্য খুবই শক্ত কাজ। কারণ সদাপ্রভু আমার  
বিরোধী হয়েছেন!” 14 নয়মীর কথা শুনে, আবার তারা জোরে জোরে  
চিৎকার করে কাঁদতে লাগল। তারপর অর্পা তার শাশুড়িকে চুমু দিয়ে  
তার পথে চলে গেল, কিন্তু রাত তাকে ধরে থাকল। 15 নয়মী তাকে  
বলল, “দেখো, তোমার জা তার লোকজনের ও তার দেবতাদের কাছে  
ফিরে গেল। তাই তুমিও তার সঙ্গে ফিরে যাও।” 16 কিন্তু রাত বলল,  
“আপনার কাছ থেকে ফিরে যেতে বা আপনাকে ছেড়ে যেতে আর  
আমাকে অনুরোধ করবেন না। আপনি যেখানে যাবেন আমিও সেখানে  
যাব। আপনি যেখানে থাকবেন আমিও সেখানে থাকব। আপনার  
লোকেরা আমার লোক এবং আপনার ঈশ্বর হবেন আমার ঈশ্বর। 17  
আপনি যেখানে মরবেন আমিও সেখানে মরব, এবং সেখানেই আমার  
কবর হবে। তাই সদাপ্রভুই এই বিষয়ে আমার বিচার করে শাস্তি দিন।  
আর যাই হোক শুধু মৃত্যুই যেন আমাকে আপনার থেকে আলাদা  
করে।” 18 যখন নয়মী দেখলো যে, রুত কোনোমতেই তাকে ছেড়ে  
যাবে না, তাই সে আর কিছু বলল না। 19 তাই তারা দুজন চলতে  
লাগল, যতক্ষণ পর্যন্ত না তারা বেথলেহেমে পৌঁছাল। তারা যখন  
বেথলেহেমে পৌঁছাল, তখন তাদের কারণে সমগ্র নগর আলোড়িত  
হল, এবং মহিলারা বলল, “এ মহিলাটি কি নয়মী?” 20 নয়মী তাদের  
বলল, “আমাকে নয়মী বলো না। আমাকে মারা বলে ডাকো। কারণ  
সর্বশক্তিমান ঈশ্বর আমার জীবনে অনেক সমস্যা নিয়ে এসেছেন। 21  
আমি পরিপূর্ণ হয়ে মোয়াবে গিয়েছিলাম, কিন্তু সদাপ্রভু আমাকে শূন্য  
করে ফিরিয়ে নিয়ে এসেছেন। কেন আমাকে নয়মী বলছ? সদাপ্রভু  
আমার বিরুদ্ধে কথা বলেছেন। সর্বশক্তিমান আমাকে দুঃখভোগ করতে  
অনুমতি দিয়েছেন।” 22 তাই নয়মী তার বউমা মোয়াবীয় রুতের সঙ্গে  
মোয়াব দেশ থেকে বেথলেহেমে ফিরে এল। যব কাটা শুরু হওয়ার  
সময় তারা বেথলেহেমে এসে পৌঁছাল।

**২** নয়মীর স্বামী ইলীমেলকের পরিবারের একজন সম্ভাস্ত লোক ছিলেন,  
যাঁর নাম বোয়স। 2 আর মোয়াবীয় রুত তার শাশুড়িকে বলল, “দয়া

করে আমাকে যে কোনো জমিতে শিষ্য কুড়াতে অনুমতি দিন। যাতে  
জমিতে পড়ে থাকা শিষ্য কুড়ানোর জন্য আমি যার পিছনে যাই তার  
কাছেই দয়া পাই।” নয়মী তাকে বলল, “বাছা আমার, যাও।” ৩  
তাই রূত বাইরে গেল, যেখানে মজুরেরা যব কেটে জমা করছিল,  
এবং তাদের পিছনে গিয়ে জমিতে পড়ে থাকা যবের শিষ্য  
কুড়াতে লাগল। সেদিন ঘটনাক্রমে, সে জানতে পারল, যে জমির  
অংশটিতে সে কুড়াচ্ছে, সেই জমিটি বোয়সের ছিল, যিনি নয়মীর  
স্বামী ইলীমেলকের পরিবারের একজন। ৪ ঠিক সেই সময় বোয়স  
বেঁথলেহেম থেকে আসলেন। যে মজুরেরা শস্য কেটে জমা করছিল,  
তিনি তাদের উদ্দেশে বললেন, “সদাপ্রভু তোমাদের সঙ্গে থাকুন!” আর  
তারাও উভয়ে বলল, “সদাপ্রভু আপনাকে আশীর্বাদ করুন!” ৫ তখন  
বোয়স মজুরদের উপরে নিযুক্ত প্রধানকে বললেন, “কে এই যুবতী  
মহিলা?” ৬ মজুরদের উপরে নিযুক্ত প্রধান বলল, “এই যুবতী সেই  
মোয়াবীয় মহিলা যে নয়মীর সঙ্গে মোয়াব দেশ থেকে এসেছে।” ৭ সে  
বলেছিল, “দয়া করে আমাকে মজুরদের পিছনে পিছনে গিয়ে জমিতে  
পড়ে থাকা যবের শিষ্য কুড়াতে দিন। সে জমিতে গেছে এবং ঘরে খুব  
কম সময় আরাম করা ছাড়া, সকাল থেকে এখন পর্যন্ত অনবরত কাজ  
করে চলেছে।” ৮ তাই বোয়স রূতকে বললেন, “বাছা আমার, খুব মন  
দিয়ে আমার কথা শোনো, এই জমি ছেড়ে আর অন্য কোনো লোকের  
জমিতে শিষ্য কুড়াতে যেয়ো না। এখানে আমার দাসীদের সঙ্গে থাকো।  
৯ তারা যে জমিতে শস্য জমা করছে, সেই জমির উপর তোমার চোখ  
রেখে, তাদের পিছনে পিছনে শিষ্য কুড়াও। আমি আমার দাসদের বলে  
দিয়েছি, যেন তারা তোমার গায়ে হাত না দেয়। আর যখন তোমার  
পিপাসা পাবে তখন আমার দাসেরা যে জল ভরে রেখেছে সেই জলের  
পাত্রের কাছে গিয়ে জল পান করবে।” ১০ বোয়সের সব কথা শোনার  
পর রূত মাটিতে উবুড় হয়ে প্রগাম করল। সে জিজ্ঞাসা করল, “কেন  
আমি আপনার চোখে এত দয়া পেয়েছি? কেনই বা আপনি আমার  
এত যত্ন নিচ্ছেন? আমি তো অন্য দেশের লোক, আপনার কাছে  
বিদেশিনী।” ১১ বোয়স উভয়ে বললেন, “তোমার স্বামীর মৃত্যুর পর

তুমি তোমার শাশ্বতির জন্য যা কিছু করেছ, এবং কীভাবে তুমি তোমার জন্মভূমি, তোমার বাবা ও মাকে ছেড়ে, যে লোকদের তুমি আগে জানতে না, তাদের সঙ্গে বসবাস করতে এসেছ, সেই বিষয়ে তোমার সব কথা আমি লোকের মুখে শুনেছি। 12 সদাপ্রভু তোমার কাজের পুরক্ষার দিন। সদাপ্রভু ইন্দ্রায়েলের ঈশ্বর তোমাকে তোমার কাজের পুরো দাম দিন, যাঁর কাছে আশ্রয় নিয়ে সুরক্ষা পেতে তুমি এখানে এসেছ।” 13 তখন রূত বোয়সকে বলল, “হে আমার প্রভু, এখন আমি যেমন আপনার কাছে দয়া পেয়েছি, তেমনি দয়া যেন এর পরেও পেতে পারি। আপনি আমাকে সান্ত্বনা দিয়েছেন এবং আপনার এই দাসীর সঙ্গে দয়ালু ভাব দেখিয়েছেন—যদিও আমি আপনার যত দাসী আছে তাদের একজনেরও ঘোগ্য নই।” 14 দুপুরবেলায় খাবার সময় বোয়স রূতকে ডেকে বললেন, “এখনে উঠে এসো, কিছু রুটি নিয়ে সিরকায় ডুবিয়ে নাও।” যখন সে শস্যচ্ছেদকদের কাছে গিয়ে বসল, তখন বোয়স তাকে কিছুটা ভাজা শস্য দিলেন। মনের ইচ্ছামতো পেট পুরে সে খেল এবং কিছু রেখে দিল। 15 যখন সে আবার শস্য কুড়াতে উঠল, তখন বোয়স তার দাসদের আদেশ দিয়ে বললেন, “বরং একে তোমাদের আঁটির মধ্যে থেকে কুড়াতে দিয়ো, তার বিরুদ্ধে কিছু কথা বলবে না। 16 বরং আঁটির মধ্যে থেকে কিছু শিষ বের করে তার জন্য ফেলে দিয়ো যেন সে কুড়াতে পারে এবং তাকে বকাবকি করবে না।” 17 তাই রূত সন্ধ্যা পর্যন্ত বোয়সের জমিতে শিষ কুড়ালো। পরে সে কুড়ানো যব ঝাড়াই করলে তার পরিমাণ প্রায় এক ঐফা হল। 18 এরপর সে সেগুলি নিয়ে নগরে গেল আর তার শাশ্বতি দেখল যে সে কত কুড়িয়েছে। রূত যথেষ্ট খাওয়ার পর বেঁচে যাওয়া খাবার বের করে তার শাশ্বতিকে দিল। 19 তার শাশ্বতি তাকে জিজ্ঞাসা করল, “তুমি আজ কোথায় শিষ কুড়াতে গিয়েছিলে? আজ তুমি কোথায় কাজ করলে? যিনি তোমার উপর দয়া দেখিয়েছেন তাঁর মঙ্গল হোক!” তাই সে তার শাশ্বতিকে বলল, “আমি আজ যার জমিতে কাজ করেছি সেই ব্যক্তির নাম বোয়স।” 20 তখন নয়মী রূতকে বলল, “ধন্য সদাপ্রভু যিনি তাঁর দয়া জীবিত ও মৃতদের উপর দেখিয়েছেন।” নয়মী রূতকে

আরও বলল, “সে আমাদের পরিবারের এক নিকট আত্মীয় এবং আমাদের একজন মুক্তিকর্তা জ্ঞাতি।” 21 পরে মোয়াবীয় রূত বলল, “তিনি আমাকে আরও বললেন, তুমি আমার দাসদের সঙ্গে থেকো যতক্ষণ না তারা শস্য জমা করার কাজ শেষ করছে।” 22 নয়মী তার বটমা রূতকে বলল, “বাছা, তোমার পক্ষে এই ভালো যে তুমি তাঁর দাসীদের সঙ্গে ছিলে কারণ অন্যের জমি হলে তোমার ক্ষতি হত।” 23 তাই যব ও গম কুড়ানো শেষ না হওয়া পর্যন্ত রূত বোয়সের দাসীদের সঙ্গেই ছিল। এইভাবে সে তার শাশুড়ির সঙ্গে থাকতে লাগল।

**৩** একদিন রূতের শাশুড়ি নয়মী তাকে বলল, “বাছা আমার, আমি কি তোমার জন্য এমন একটি ঘর দেখব না যেখানে তোমার জন্য যা কিছু প্রয়োজন সবকিছুই তুমি পেতে পারবে? 2 বোয়স আমাদেরই পরিবারের লোক যাঁর দাসীদের সঙ্গে তুমি সারাদিন ছিলে। আজ রাতে তিনি খামারে যব ঝাড়াই করবেন। 3 তাই তেল মেখে চান করো ও গায়ে আতর লাগাও এবং তোমার সব থেকে সুন্দর কাপড়টি পরে নাও। তারপর খামারে নেমে যাও, কিন্তু সাবধান, যতক্ষণ না বোয়স খাবার খেয়ে জলপান করছেন, ততক্ষণ তিনি যেন জানতে না পারেন যে তুমি সেখানে আছ। 4 যখন তিনি শুতে যাবেন, ভালো করে দেখবে তিনি কোথায় শুয়েছেন। ভিতরে গিয়ে তাঁর পায়ের চাদর সরিয়ে, তুমি তাঁর পায়ের তলায় শোবে। তখন তিনি তোমাকে কী করতে হবে তা বলে দেবেন।” 5 রূত তার শাশুড়িকে উত্তর দিল, “আপনি আমাকে যা কিছু বললেন আমি তাই করব।” 6 তাই রূত খামারে নেমে গেল এবং তার শাশুড়ির কথামতো সবকিছু করল। 7 যখন বোয়স খাওয়াদাওয়া শেষ করে খামারের এক পাশে কোনাতে শুতে গেলেন, তাঁর মন খুব খুশি ছিল। পরে রূত চুপিচুপি খামারের ভিতরে এল। তারপর বোয়সের পায়ের চাদর সরিয়ে, তাঁর পায়ের তলায় শুয়ে পড়ল। 8 গভীর রাতে যখন বোয়স পাশ ফিরলেন তিনি ভয়ে চমকে উঠলেন, তিনি দেখলেন যে একজন মহিলা তাঁর পায়ের তলায় শুয়ে আছে। 9 বোয়স তাকে জিজ্ঞাসা করলেন, “কে তুমি?” সে উত্তর দিল, “আমি আপনার দাসী রূত, আপনার দাসীর উপর আপনার চাদর ঢেকে

দিন। কারণ আপনি আমাদের পরিবারের একজন মুক্তিকর্তা জ্ঞাতি।”

10 বোয়স বললেন, “বাছা আমার, সদাপ্রভু তোমাকে আশীর্বাদ করুন।

ধনী বা দরিদ্র কোনও যুবকের পিছনে না গিয়ে তুমি প্রথমে যে দয়া

দেখিয়েছিলে তার থেকে এই দয়াটি মহৎ। 11 এখন বাছা আমার, ভয়

কেরো না। তুমি যা বলবে আমি তোমার জন্য তাই করব। কারণ এই

নগরের সবাই জানে যে তুমি আদর্শ চরিত্রবিশিষ্ট এক মহিলা। 12

একথা সত্যি যে আমি তোমার মুক্তিকর্তা জ্ঞাতি কিন্তু আমার থেকেও

একজন আরও খুব কাছের মুক্তিকর্তা জ্ঞাতি এই নগরে আছেন। 13

আজ রাতটি এখানে কাটাও। সকালে আমি তাঁকে বলবো, যদি তিনি

তোমাকে তাঁর নিজের করে গ্রহণ করেন তবে ভালো, কিন্তু তিনি যদি

গ্রহণ না করেন তবে জীবিত সদাপ্রভুর নামে আমি তোমাকে আমার

নিজের করে গ্রহণ করব! তাই সকাল পর্যন্ত এখানে শুয়ে থাকো।” 14

তাই রুত সকাল পর্যন্ত বোয়সের পায়ের তলায় শুয়ে থাকল, কিন্তু

যখন লোকে একে অপরকে চিনতে পারে সেই সময় খুব অন্ধকার

থাকতে সে উঠল; কারণ বোয়স তাকে বলেছিলেন, “দেখো কেউ যেন

জানতে না পারে যে একজন মহিলা খামারে এসেছিল।” 15 তিনি

আরও বললেন, “তোমার গায়ের শালাটি আমার কাছে এনে মেলে

ধরো।” সে তাই করল, বোয়স তাকে ছয় মান যব দিলেন। এরপর

সে নগরে চলে গেল। 16 যখন রুত তার শাশুড়ির কাছে ফিরে এল,

নয়মী তাকে জিজ্ঞাসা করল, “বাছা আমার, তোমার কী হল?” তখন

রুত তার প্রতি যা কিছু ঘটেছিল, সব তার শাশুড়িকে বলল। 17 রুত

আরও বলল, “তিনি এই ছয় মান যব আমাকে দিয়ে বললেন, ‘তোমার

শাশুড়ির কাছে থালি হাতে যেয়ো না।’” 18 এরপর নয়মী তাকে বলল,

“বাছা আমার, এবার তুমি অপেক্ষা করো আর দেখো কী হয়। কারণ

যতক্ষণ না আজ কিছু স্থির হয়, তিনি আরাম করবেন না।”

**4** ইত্যবসরে বোয়স নগরের ফটকের কাছে গেলেন এবং সেখানে

বসলেন। যে মুক্তিকর্তা জ্ঞাতির কথা তিনি রুতকে বলেছিলেন, তাঁকে

যখন তিনি রাস্তা দিয়ে যেতে দেখলেন, তখন বোয়স তাঁকে ডেকে

বললেন, “বন্ধু আমার কাছে এখানে এসে বসো।” তাই তিনি বোয়সের

কাছে এসে বসলেন। ২ বোয়স নগরের আরও দশজন প্রাচীনকে  
ডেকে বললেন, “এখানে আমার কাছে এসে বসুন।” তাঁরা ও তাঁর কাছে  
এসে বসলেন। ৩ তখন বোয়স সেই মুক্তিকর্তা জ্ঞাতিকে বললেন, “যে  
নয়মী মোয়াব দেশ থেকে ফিরে এসেছে, সে তার স্বামী ইলীমেলকের  
জমিটি বিক্রি করতে চায়। ৪ আমি ভাবলাম যে এই বিষয়টি তোমার  
নজরে আমার আনা উচিত এবং এখানে যাঁরা বসে আছেন ও আমার  
স্বজাতীয় প্রাচীনদের সামনে আমি এই জমিটি মুক্ত করার প্রস্তাব  
রাখছি। যদি তুমি সেই জমিটি মুক্ত করতে চাও, মুক্ত করতে পারো।  
কিন্তু যদি না করতে চাও, আমাকে বলো, যেন আমি তা জানতে  
পারি। কারণ সেই জমিটি মুক্ত করার প্রথম অধিকার তোমার ছাড়া  
আর কারোর নেই এবং তারপর সেই অধিকার আছে আমার।” সেই  
মুক্তিকর্তা জ্ঞাতি বললেন, “আমি এটি মুক্ত করব।” ৫ তারপর বোয়স  
বললেন, “যেদিন তুমি নয়মী ও রুতের কাছ থেকে সেই জমি কিনবে,  
সেদিন তাদের মরা লোকের সম্পত্তির সঙ্গে মরা লোকটির নাম উদ্ধার  
করার জন্য তার বিধবা মোয়াবীয় মহিলা রুতকে নিজের স্ত্রীরপে গ্রহণ  
করতে হবে।” ৬ তখন সেই মুক্তিকর্তা জ্ঞাতি বললেন, “আমি মুক্ত  
করতে পারব না, কারণ পরে এমন হলে আমি আমার নিজের সম্পত্তি ও  
হারাব। তুমি নিজেই এই সম্পত্তি মুক্ত করো। আমি করতে পারব না।”  
৭ (প্রাচীনকালে ইস্রায়েল জাতির মধ্যে সম্পত্তি মুক্ত করার ও তার  
মালিকানা হস্তান্তর করে তা চূড়ান্ত করার জন্য এক পক্ষ তার পায়ের  
চটি খুলে তা অন্য পক্ষকে দিয়ে দিত। ইস্রায়েলে এই প্রথা বিনিময়ের  
ক্ষেত্রে বৈধতা পেত।) ৮ তাই সেই মুক্তিকর্তা জ্ঞাতি বোয়সকে বললেন,  
“তুমই কিনে নাও।” আর তিনি নিজের চটি খুলে ফেললেন। ৯ তখন  
বোয়স, যারা সেখানে বসেছিল সেই লোকদের ও প্রাচীনদের উদ্দেশে  
ঘোষণা করে বললেন, “আজ আমি আপনাদের সকলকে সাক্ষী রেখে  
ইলীমেলক, কিলিয়োন এবং মহলোনের সমস্ত সম্পত্তি নয়মীর কাছ  
থেকে কিনে নিলাম। ১০ আর আমি মহলোনের স্ত্রী মোয়াবীয় রুতকে  
নিজের স্ত্রীরপে সেই মৃত ব্যক্তির নাম রক্ষা করার জন্য গ্রহণ করলাম,  
যেন সেই ব্যক্তির নাম নগরের পারিবারিক নামের তালিকা থেকে বাদ

না যায়। আজ আপনারা তার সাক্ষী হলেন!” 11 নগরের ফটকের  
কাছে যত লোক ছিল এবং প্রাচীনেরা সবাই বললেন, “আমরা এর  
সাক্ষী রইলাম। যে মহিলা তোমার ঘরে আসছে তাকে সদাপ্রভু রাহেল  
ও লেয়ার মতো তৈরি করুন, যাঁরা দুজন ইস্রায়েল পরিবারকে তৈরি  
করেছিলেন। ইফ্রাথায় তুমি ধনবান হও এবং বেথলেহেমে তোমার  
নাম বিখ্যাত হোক। 12 এই যুবতী মহিলার মাধ্যমে সদাপ্রভু তোমাকে  
যে সন্তানদের দেন, তারা যেন যিহূদা ও তামরের পুত্র পেরসের মতো  
হয়।” 13 তাই বোয়স রূতকে গ্রহণ করলেন এবং সে তাঁর স্ত্রী হল।  
এরপর বোয়স তার কাছে গেলে, সদাপ্রভু রূতকে গর্ভধারণ করার  
শক্তি দিলেন এবং সে এক ছেলের জন্ম দিল। 14 সেই দেশের মহিলারা  
নয়মীকে বলল, “সদাপ্রভুর প্রশংসা হোক, কারণ তিনি তোমাকে  
মুক্তিকর্তা জ্ঞাতি থেকে আলাদা করেননি। সমগ্র ইস্রায়েল জাতির  
মধ্যে সে বিখ্যাত হোক! 15 এই পুত্র তোমার জীবন আবার নতুন  
করে দিক এবং বৃদ্ধাবস্থায় তোমার যত্ন করুক। কারণ তুমি যাকে  
সাত ছেলের থেকেও বেশি ভালোবাসো সেই এর জন্ম দিয়েছে।” 16  
এরপর নয়মী ছেলেটিকে বুকে জড়িয়ে ধরল এবং তার যত্ন নিল। 17  
সেখানে বসবাসকারী মহিলারা বলল, “নয়মীর এক ছেলে জন্মেছে!”  
এই বলে তারা সেই ছেলেটির নাম রাখল ওবেদ। ইনি যিশয়ের বাবা,  
যিনি দাউদের বাবা। 18 আর এই হল পেরসের পরিবারের সন্তানদের  
বংশতালিকা: পেরসের ছেলে হিস্রোণ, 19 হিস্রোণের ছেলে রাম, রামের  
ছেলে অমীনাদব, 20 অমীনাদবের ছেলে নহশোন, নহশোনের ছেলে  
সলমন, 21 সল্মোনের ছেলে বোয়স, বোয়সের ছেলে ওবেদ, 22  
ওবেদের ছেলে যিশয়, এবং যিশয়ের ছেলে দাউদ।

## শমূয়েলের প্রথম বই

১ ইফ্রায়িমের পার্বত্য এলাকায় রামাথয়িম-সোফিম নগরে ইল্কানা নামে ইফ্রায়িম গোষ্ঠীভুক্ত এক ব্যক্তি বসবাস করতেন। তাঁর বাবার নাম যিরোহম, যিরোহম ইলীত্তুর ছেলে, ইলীত্তু তোহের ছেলে এবং তোহ ছিলেন সূফের ছেলে। ২ ইল্কানার দুই স্ত্রী ছিল; একজনের নাম হান্না, অন্যজনের নাম পনিন্না। পনিন্না সন্তানের জন্ম দিয়েছিলেন, কিন্তু হান্নার কোনও সন্তান ছিল না। ৩ প্রত্যেক বছর ইল্কানা নিজের নগর থেকে শীলোতে গিয়ে সর্বশক্তিমান সদাপ্রভুর আরাধনা করতেন ও বলিদান সম্পন্ন করতেন। সেখানে এলির দুই ছেলে, হফনি ও পীনহস সদাপ্রভুর যাজকের কাজ করত। ৪ বলিদানের নিরূপিত দিন এলে ইল্কানা তাঁর স্ত্রী পনিন্না ও তাঁর সব ছেলেমেয়েকে বলিকৃত মাংসের ভাগ দিতেন। ৫ কিন্তু হান্নাকে তিনি দ্বিতীয় অংশ দিতেন, যেহেতু তিনি তাঁকে ভালোবাসতেন, এবং সদাপ্রভু হান্নাকে বন্ধ্য করে রেখেছিলেন। ৬ যেহেতু সদাপ্রভু হান্নাকে বন্ধ্য করে রেখেছিলেন তাই তাঁর সতীন তাঁকে বিরক্ত করার জন্য অনবরত তাঁকে প্ররোচিত করে যেত। ৭ বছরের পর বছর এরকম হয়েই চলেছিল। যখনই হান্না সদাপ্রভুর মন্দিরে যেতেন, তাঁর সতীন তাঁকে প্ররোচিত করত এবং তিনি অশ্রুপাত করতেন ও ভোজনপানও করতেন না। ৮ তাঁর স্বামী ইল্কানা তাঁকে বলতেন, “হান্না, তুমি কেন অশ্রুপাত করছ? তুমি ভোজনপান করছ না কেন? তুমি মন খারাপই বা করে আছ কেন? তোমার কাছে দশ ছেলের চেয়ে আমি কি বেশি নই?” ৯ একবার শীলোতে তাঁদের ভোজনপান শেষ হয়ে যাওয়ার পর হান্না উঠে দাঁড়িয়েছিলেন। যাজক এলি তখন সদাপ্রভুর গৃহের দ্বারে, তাঁর আসনে বসেছিলেন। ১০ গভীর মনোবেদনা নিয়ে হান্না অশ্রুপাত করে সদাপ্রভুর কাছে প্রার্থনা করলেন। ১১ তিনি শপথ করে বললেন, “হে সর্বশক্তিমান সদাপ্রভু, যদি তুমি শুধু তোমার এই দাসীর দুর্দশা দেখে আমাকে স্মরণ করো, এবং তোমার এই দাসীকে ভুলে না গিয়ে আমাকে একটি ছেলে দাও, তবে আমি তাকে সারাটি জীবনের জন্য সদাপ্রভুর হাতে সমর্পণ করে দেব, এবং তার মাথায় কখনও ক্ষুর

ব্যবহার করা হবে না।” 12 তিনি যখন সদাপ্রভুর কাছে প্রার্থনা করেই  
যাচ্ছিলেন তখন এলি তাঁর মুখটি নিরীক্ষণ করছিলেন। 13 হান্না মনে  
মনে প্রার্থনা করছিলেন, এবং তাঁর ঠোঁট দুটি কাঁপছিল কিন্তু তাঁর  
কষ্টস্বর শোনা যাচ্ছিল না। এলি ভেবেছিলেন, হান্না মদ্যপান করেছেন।  
14 তিনি তাঁকে বললেন, “আর কত কাল তুমি মদ্যপ অবস্থায় থাকবে?  
মদ্যপান করা বন্ধ করো।” 15 হান্না উত্তর দিলেন, “হে আমার প্রভু,  
এমনটি নয়; আমি এমন এক নারী, যে বড়েই দুঃখিতী। আমি দ্রাক্ষারস  
পান করিনি বা মদ্যপানও করিনি; আমি সদাপ্রভুর উদ্দেশে আমার  
অন্তর উজাড় করে দিচ্ছিলাম। 16 আপনার এই দাসীকে বদ মহিলা  
বলে মনে করবেন না; আমি গভীর দুঃখ ও মনস্তাপ নিয়ে এখানে  
প্রার্থনা করে চলেছি।” 17 এলি উত্তর দিলেন, “শান্তিপূর্বক চলে যাও,  
এবং ইস্রায়েলের ঈশ্বরের কাছে তুমি যা চেয়েছ, তিনি তা তোমাকে  
দান করুন।” 18 হান্না বললেন, “আপনার এই দাসী আপনার দৃষ্টিতে  
অনুগ্রহপ্রাপ্ত হোক।” পরে তিনি ফিরে গিয়ে ভোজনপান করলেন,  
এবং তাঁর মুখ আর বিষম্প থাকেনি। 19 পরদিন ভোরবেলায় তাঁরা  
উঠে সদাপ্রভুর আরাধনা করলেন এবং পরে রামায় তাঁদের বাড়িতে  
ফিরে গেলেন। ইল্কানা তাঁর স্ত্রী হান্নার সঙ্গে শারীরিক সম্পর্ক স্থাপন  
করলেন, এবং সদাপ্রভু হান্নাকে স্নানণ করলেন। 20 যথাসময়ে হান্না  
গর্ভবতী হলেন এবং এক ছেলের জন্ম দিলেন। তিনি এই বলে ছেলের  
নাম রাখলেন শমুয়েল যে, “আমি সদাপ্রভুর কাছ থেকে তাকে চেয়ে  
নিয়েছি।” 21 হান্নার স্বামী ইল্কানা যখন তাঁর সম্পূর্ণ পরিবারসহ  
সদাপ্রভুর উদ্দেশে বাঃসরিক বলিদান উৎসর্গ করতে ও তাঁর মানত  
পূরণ করতে গেলেন, 22 হান্না সঙ্গে যাননি। তিনি তাঁর স্বামীকে  
বললেন, “বালকটির স্তন্য-ত্যাগ করানোর পরই আমি তাকে নিয়ে  
গিয়ে সদাপ্রভুর সামনে উপস্থিত করব, এবং সে আজীবন সেখানে  
বসবাস করবে।” 23 তাঁর স্বামী ইল্কানা তাঁকে বললেন, “তোমার যা  
ভালো বলে মনে হয়, তুমি তাই করো। তার স্তন্য-ত্যাগ না হওয়া  
পর্যন্ত তুমি এখানে থাকো; সদাপ্রভু শুধু যেন তাঁর বাক্য সুস্থির করেন।”  
অতএব হান্না ঘরে থেকে গিয়ে ছেলেটি স্তন্য-ত্যাগ না করা পর্যন্ত তাকে

স্তন্যদান করে যেতে লাগলেন। 24 সে স্তন্য-ত্যাগ করার পর তিনি  
একটি তিন বছর বয়স্ক বলদ, এক ঐফা ময়দা, এবং এক মশক  
দ্রাক্ষারস সমেত ছেলেটিকে শীলোতে সদাপ্রভুর গৃহে নিয়ে গেলেন।  
25 বলদটিকে বলি দেওয়ার পর তাঁরা ছেলেটিকে এলির কাছে নিয়ে  
গেলেন, 26 এবং হান্না তাঁকে বললেন, “হে আমার প্রভু, আমায় ক্ষমা  
করবেন। আপনার জীবনের দিবিয়, আমিই সেই নারী, যে এখানে  
আপনার পাশে দাঁড়িয়ে সদাপ্রভুর কাছে প্রার্থনা করছিল। 27 আমি  
এই শিশুটির জন্য প্রার্থনা করেছিলাম, এবং সদাপ্রভুর কাছে আমি  
যা চেয়েছিলাম, তিনি আমাকে তাই দিয়েছেন। 28 অতএব, এখন  
আমি একে সদাপ্রভুর হাতে সমর্পণ করছি। সারাটি জীবনের জন্য সে  
সদাপ্রভুর হয়েই থাকবে।” পরে তাঁরা সেখানে সদাপ্রভুর আরাধনা  
করলেন।

2 পরে হান্না প্রার্থনা করে বললেন: “মম অন্তর সদাপ্রভুতে আনন্দিত  
রয়; মম শৃঙ্খল সদাপ্রভুতে উন্নত হয়। মম মুখ শক্রদের পরে গর্বিত হয়,  
তব উদ্ধারে আমি আনন্দিত হই। 2 “সদাপ্রভুর মতো পবিত্র কেউ  
যে আর নেই; মোদের ঈশ্বরের মতো শৈল যে আর নেই। 3 “এত  
গর্ভরে তোমরা কথা বোলো না তব মুখ এত অহংকারে ভরা কথা  
না বলুক কারণ সদাপ্রভু এমন ঈশ্বর যিনি সব জানেন, আর তিনি  
কাজের হিসেব ওজন করে রাখেন। 4 “যোদ্ধাদলের ধনুসকল ভগ্ন  
হয়েছে, কিন্তু যারা ঠোকর খেয়েছে তারা সুসংলগ্ন হয়েছে। 5 ক্ষুধার  
জ্বালায় পূর্ণ-উদর বেতনজীবী হয়েছে, কিন্তু যাদের ক্ষুধা ছিল তারা  
আজ তৃপ্ত হয়েছে। যিনি বন্ধ্য ছিলেন তিনি সপ্ত সন্তান জন্ম দিলেন,  
কিন্তু যে বহু পুত্রের জন্মী সে আজ দুর্বলভারলক্ষ্মা। 6 “সদাপ্রভু মৃত্যু  
আনেন ও তিনি জীবনও দেন তিনি কবরস্থানে পাঠান ও বাঁচিয়ে  
তোলেন। (Sheol h7585) 7 সদাপ্রভু দারিদ্র ও সম্পদ পাঠিয়ে দেন;  
তিনিই নত করেন আবার উন্নতও করেন। 8 তিনি ধূলো থেকে দরিদ্রকে  
উত্তোলন করেন আর ভস্মস্তূপের মধ্য থেকে অভাবীকে তোলেন;  
তাদের তিনি রাজাধিরাজদের সাথে বসিয়ে দেন আর তাদের সম্মানের  
রাজাসনে বসিয়ে দেন। “কেননা ধরাধামের বনেদগুলি সদাপ্রভুরই

অধিকার; তিনি সেগুলির উপরে এই চরাচর ধরে রেখেছেন। ৭ তিনি তাঁর ভক্তজনের চরণগুলি রক্ষা করবেন, কিন্তু দুরাচারী আঁধারে ঘেরা স্থানে নির্বাক হবে। “বলবীর্যে কেউ যুক্তে বিজয়শ্রী হয় না; ১০ যারা সদাপ্রভুর বিরোধিতা করে তারা চুরমার হবে। স্বর্গ হতে পরাম্পর বজ্রাঘাত করবেন; সদাপ্রভু সমগ্র মর্ত্যলোকের বিচার করবেন। “তিনিই তাঁর রাজাকে শক্তি সামর্থ্য দেবেন আর অভিষিক্ত-জনের শৃঙ্খলাত করবেন।” ১১ পরে ইল্কানা রামায় তাঁর ঘরে ফিরে গোলেন, কিন্তু ছেলেটি যাজক এলির অধীনে থেকে সদাপ্রভুর পরিচর্যা করতে থাকলো। ১২ এলির ছেলেরা ছিল একেবারে অমানুষ; সদাপ্রভুকে তারা আদৌ শ্রদ্ধা করত না। ১৩ সেখানে যাজকদের এই প্রথা প্রচলিত ছিল যে, যখনই কেউ উপহার বলি উৎসর্গ করতে আসত, বলিলি মাংস সিদ্ধ হওয়ার সময় যাজকের দাস হাতে ত্রিফলাযুক্ত এক কাঁটাচামচ নিয়ে চলে আসত ১৪ এবং সেই কাঁটাচামচটি চাটু বা কেটলি বা কড়াই বা রান্নার পাত্রে সজোরে নিষ্কেপ করত। কাঁটাচামচের সঙ্গে যা উঠে আসত যাজক তা নিজের জন্য রেখে দিত। শীলোত্তম যেসব ইস্যায়েলী আসত, তাদের প্রতি তারা এরকমই আচরণ করত। ১৫ কিন্তু মেদ দহনের আগেই, যাজকের দাস এসে বলি উৎসর্গকারী ব্যক্তিকে বলত, “ঝলসানোর জন্য যাজককে কিছুটা মাংস দাও; তিনি তোমার কাছ থেকে সিদ্ধ মাংস নেবেন না, কিন্তু শুধু কাঁচা মাংসই নেবেন।” ১৬ যদি সেই লোকটি তাকে বলত, “আগে মেদ দহন হয়ে যাক, পরে তোমার যা ইচ্ছা তা নিও,” তখন দাসটি উন্নত দিত, “তা হবে না, এখনই সেটি আমার হাতে তুলে দাও; যদি না দাও, আমি তবে জোর করে তা কেড়ে নেব।” ১৭ সদাপ্রভুর দৃষ্টিগোচরে যুবকদের এই পাপটি অত্যন্ত ভয়াবহ বলে গণ্য হল, কারণ তারা সদাপ্রভুর উপহার বলিকে তুচ্ছজ্ঞান করে যাচ্ছিল। ১৮ কিন্তু কিশোর শমূয়েল মসিনার এফোদ গায়ে দিয়ে সদাপ্রভুর সামনে থেকে পরিচর্যা করে যাচ্ছিল। ১৯ প্রতি বছর তার মা তার জন্য একটি করে আকারে ছোটো, লম্বা টিলেটালা বর্হিবাস তৈরি করে যখন তিনি তাঁর স্বামীর সঙ্গে বাসারিক বলিদান সম্পন্ন করতে আসতেন, তখন সেটি তার কাছে নিয়ে আসতেন। ২০

এলি ইল্কানা ও তাঁর স্ত্রীকে আশীর্বাদ করে বলতেন, “এই স্ত্রীলোকটি  
প্রার্থনা করে সন্তান পেয়েও যাকে সদাপ্রভুর হাতে তুলে দিয়েছিল,  
তার হান নেওয়ার জন্য সদাপ্রভু তোমাকে তার মাধ্যমে আরও সন্তান  
দান করুন।” পরে তাঁরা ঘরে ফিরে যেতেন। 21 সদাপ্রভু হান্নার প্রতি  
অনুগ্রহ দেখিয়েছিলেন; হান্না তিন ছেলে ও দুই মেয়ের জন্ম দিলেন।  
এদিকে, কিশোর শমুয়েল সদাপ্রভুর উপস্থিতিতে বেড়ে উঠেছিল।  
22 ইতিমধ্যে এলি অত্যন্ত বৃদ্ধ হয়ে গেলেন, ও তাঁর ছেলেরা সব  
ইস্রায়েলী মানুষজনের প্রতি যা যা করত ও যেসব স্ত্রীলোক সমাগম  
তাঁর প্রবেশদ্বারে সেবাকাজে লিপ্ত থাকত, কীভাবে তারা তাদের সঙ্গে  
যৌন মিলনে মিলিত হত, সেসব কথা তিনি শুনতে পেয়েছিলেন। 23  
অতএব তিনি তাদের বললেন, “তোমরা কেন এরকম কাজ করছ?  
আমি সব মানুষজনের কাছ থেকে তোমাদের এইসব কুকর্মের কথা  
শুনতে পাচ্ছি। 24 না না, বাঢ়া; সদাপ্রভুর প্রজাদের মধ্যে ছড়িয়ে পড়া  
যে খবর আমি শুনতে পাচ্ছি, তা ভালো নয়। 25 একজন ব্যক্তি যদি  
অন্যজনের বিরুদ্ধে পাপ করে, তবে ঈশ্বর হয়তো অপরাধীর হয়ে  
মধ্যস্থতা করবেন; কিন্তু কেউ যদি সদাপ্রভুর বিরুদ্ধেই পাপ করে বসে,  
কে তার হয়ে মধ্যস্থতা করবে?” যাই হোক না কেন, তাঁর ছেলেরা  
তাদের বাবার তিরক্ষারে কান দেয়নি, কারণ সদাপ্রভুই তাদের মেরে  
ফেলতে চেয়েছিলেন। 26 কিশোর শমুয়েল ক্রমাগত দৈহিক উচ্চতায়  
এবং সদাপ্রভুর ও মানুষজনের অনুগ্রহে বৃদ্ধি পেয়ে যাচ্ছিল। 27  
ইত্যবসরে, ঈশ্বরের একজন লোক এলির কাছে এসে তাঁকে বললেন,  
“সদাপ্রভু একথা বলছেন: ‘তোমার পূর্বপুরুষের পরিবার যখন মিশ্রে  
ফরৌণের অধীনে ছিল, তখন কি আমি নিজেকে স্পষ্টভাবে তাদের  
কাছে প্রকাশ করিনি?’ 28 ইস্রায়েলের সব গোষ্ঠীর মধ্যে থেকে আমি  
তোমার পূর্বপুরুষকে বেছে নিয়ে তাকে আমার যাজক করেছিলাম,  
আমার বেদিতে যাওয়ার, ধূপদাহ করার, ও আমার উপস্থিতিতে  
এফোদ গায়ে দেওয়ার অধিকারও দিয়েছিলাম। ইস্রায়েলীদের উপহার  
দেওয়া সব ভক্ষ্য-নৈবেদ্যও আমি তোমার পূর্বপুরুষের পরিবারকে  
দিয়েছিলাম। 29 তোমরা কেন তবে আমার সেই নৈবেদ্য ও উপহার

অশ্রদ্ধেয় জ্ঞান করছ, যা আমি আমার বাসস্থানের জন্য নির্দিষ্ট করে  
রেখেছি? আমার প্রজা ইন্দ্রায়লের দেওয়া প্রত্যেকটি উপহারের বাছাই  
করা অংশগুলি দিয়ে নিজেদের পুষ্ট করার দ্বারা কেন তুমি আমার  
তুলনায় তোমার ছেলেদের বেশি সম্মান জানাচ্ছ?’ 30 ‘অতএব,  
সদাপ্রভু, ইন্দ্রায়লের ঈশ্বর এই কথা বলেন: ‘আমি প্রতিজ্ঞা করেছিলাম  
যে তোমার পরিবারের সদস্যরা আমার সামনে চিরকাল পরিচর্যা করে  
যাবে।’ কিন্তু এখন সদাপ্রভু একথা বলেন: ‘আর তা হবে না! যারা  
আমাকে সম্মান করে আমি তাদের সম্মানিত করব, কিন্তু যারা আমাকে  
তুচ্ছতাচ্ছিল্য করে তারা উপোক্ষিত হবে। 31 সময় আসছে যখন আমি  
তোমার শক্তি ও তোমার যাজকীয় পরিবারের শক্তি এভাবে খর্ব করব,  
যেন এই পরিবারের কেউ বৃদ্ধাবস্থায় পৌঁছাতে না পারে, 32 এবং তুমি  
আমার বাসস্থানে চরম দুর্দশা দেখবে। যদিও ইন্দ্রায়লের প্রতি মঙ্গল  
বর্ণিত হবে, তোমার বৎশে কেউ কখনও বৃদ্ধাবস্থায় পৌঁছাবে না। 33  
তোমাদের মধ্যে যাকে আমি আমার বেদিতে সেবাকাজ করার জন্য না  
মেরে বাঁচিয়ে রাখব, সে শুধু তোমার দৃষ্টিশক্তি নষ্ট করার ও তোমার  
শক্তি নিঃশেষ করে দেওয়ার জন্যই বেঁচে থাকবে, এবং তোমার সব  
বংশধর যুবাবস্থাতেই মারা যাবে। 34 “তোমার দুই ছেলে, হফনি ও  
পীনহসের প্রতি যা ঘটবে, তা তোমার পক্ষে এক চিহ্নস্মরণ হবে: তারা  
দুজন একই দিনে মরবে। 35 আমার জন্য আমি এক বিশ্বস্ত যাজক  
গড়ে তুলব, যে আমার অন্তর ও মনের বাসনানুসারে কাজ করবে।  
আমি তার যাজকীয় পরিবারকে সুদৃঢ়ভাবে প্রতিষ্ঠিত করব, এবং তারা  
অভিষিক্ত ব্যক্তিরূপে চিরকাল আমার সামনে পরিচর্যা করবে। 36  
তখন তোমার পরিবারের বাদবাকি প্রত্যেকে তাঁর সামনে এসে একখণ্ড  
রূপো ও এক টুকরো রূপটির জন্য নতজানু হয়ে অনুরোধ জানিয়ে  
বলবে, ‘আমাকে কোনও যাজকীয় কাজে নিযুক্ত করুন যেন আমি কিছু  
খেতে পাই।’”

**৩** কিশোর শম্ভুয়েল এলির অধীনে থেকে সদাপ্রভুর পরিচর্যা করে  
যাচ্ছিল। সেকালে সদাপ্রভুর বাক্য বিরল ছিল; দর্শনও খুব একটা  
দেখতে পাওয়া যেত না। 2 এলির দৃষ্টিশক্তি এতই ক্ষীণ হয়ে যাচ্ছিল যে

তিনি প্রায় দেখতেই পেতেন না। এই অবস্থায় রাতের বেলায় একদিন তিনি সেখানে শুয়েছিলেন, যেখানে সচরাচর তিনি শুয়ে থাকতেন। 3  
সদাপ্রভুর প্রদীপ তখনও নেতানো হয়নি, এবং শমুয়েল সদাপ্রভুর সেই গৃহে শুয়েছিলেন, যেখানে ঈশ্বরের নিয়ম-সিন্দুক রাখা থাকত। 4  
তখন সদাপ্রভু শমুয়েলকে ডাক দিলেন। শমুয়েল উত্তর দিল, “আমি এখানে।” 5 আর সে দৌড়ে এলির কাছে গিয়ে বলল, “আপনি আমায় ডাকছেন; আমি তো এখানে।” কিন্তু এলি বললেন, “আমি তোমায় ডাকিনি; ফিরে গিয়ে তুমি শুয়ে পড়ো।” অতএব সে ফিরে গিয়ে শুয়ে পড়ল। 6 সদাপ্রভু আবার ডাক দিলেন, “শমুয়েল!” শমুয়েলও এলির কাছে গিয়ে বলল, “আপনি আমায় ডাকছেন; আমি তো এখানে।”  
“ওহে বাঢ়া,” এলি বললেন, “আমি তোমায় ডাকিনি; ফিরে গিয়ে তুমি শুয়ে পড়ো।” 7 তখনও পর্যন্ত শমুয়েল সদাপ্রভুর পরিচয় পায়নি: সদাপ্রভুর বাক্য তখনও তার কাছে প্রকাশিত হয়নি। 8 তৃতীয়বার সদাপ্রভু ডাক দিলেন, “শমুয়েল!” শমুয়েলও উঠে এলির কাছে গিয়ে বলল, “আপনি আমায় ডাকছেন; আমি তো এখানে।” তখন এলি অনুভব করলেন যে সদাপ্রভুই ছেলেটিকে ডাকছিলেন। 9 অতএব এলি শমুয়েলকে বললেন, “তুমি ফিরে গিয়ে শুয়ে পড়ো, আর যদি তিনি আবার তোমায় ডাকেন, তুমি বোলো, ‘সদাপ্রভু, বলুন, কারণ আপনার দাস শুনছে।’” অতএব শমুয়েল ফিরে গিয়ে নিজের জায়গায় শুয়ে পড়ল। 10 সদাপ্রভু এসে, সেখানে দাঁড়িয়ে অন্যান্যবারের মতো এবারও ডাক দিয়ে বললেন, “শমুয়েল! শমুয়েল!” তখন শমুয়েল বলল, “বলুন, কারণ আপনার দাস শুনছে।” 11 সদাপ্রভু শমুয়েলকে বললেন: “দেখো, ইস্রায়েলের মধ্যে আমি এমন কিছু করতে যাচ্ছি যা শুনে প্রত্যেকের কান ভোঁ ভোঁ করবে। 12 আমি এলির পরিবারের সম্বন্ধে যা যা বলেছি, সেই সময় আমি এলির প্রতি—শুরু থেকে শেষ পর্যন্ত ঠিক তাই ঘটাব। 13 কারণ আমি তাকে বলেছি যে তার জানা পাপের কারণে আমি চিরতরে তার পরিবারের বিচার করতে চলেছি; তার ছেলেরা ঈশ্বরনিন্দা করেছে, আর সে তাদের শাসন করতে ব্যর্থ হয়েছে। 14 তাই আমি এলির বংশের উদ্দেশে শপথ করে বলেছি, ‘এলির বংশের

অপরাধের প্রায়শিত্ব, বলি বা নৈবেদ্য দ্বারা হবে না।” 15 শমুয়েল  
সকাল পর্যন্ত শুয়ে থাকল ও পরে সদাপ্রভুর গৃহের দরজাগুলি খুলে  
দিল। এলিকে দর্শনটির কথা বলতে তার তয় হচ্ছিল, 16 কিন্তু এলি  
তাকে ডেকে বললেন, “বাছা শমুয়েল।” শমুয়েল উত্তর দিল, “আমি  
এখানে।” 17 “তিনি তোমাকে কী বলেছেন?” এলি প্রশ্ন করলেন।  
“আমার কাছে তা লুকিয়ে রেখো না। তিনি তোমাকে যা বলেছেন তার  
কেন্দ্রে কিছু যদি তুমি আমার কাছে লুকিয়ে রাখো, তবে যেন ঈশ্বর  
তোমাকে কড়া শাস্তি দেন।” 18 তখন শমুয়েল তাঁকে সবকিছু বলে  
দিল, তাঁর কাছে কিছুই লুকিয়ে রাখল না। পরে এলি বললেন, “তিনি  
সদাপ্রভু; তাঁর দৃষ্টিতে যা ভালো বলে মনে হয়, তিনি তাই করন।” 19  
শমুয়েল যখন বেড়ে উঠেছিলেন সদাপ্রভু তখন তাঁর সহবতী ছিলেন,  
আর তিনি শমুয়েলের কোনও কথা ব্যর্থ হতে দিতেন না। 20 আর  
দান থেকে শুরু করে বের-শেবা পর্যন্ত ইস্রায়েলীরা সবাই স্বীকার করে  
নিল যে শমুয়েল সদাপ্রভুর এক ভাববাদীরূপে স্বীকৃতি পেয়েছেন। 21  
সদাপ্রভু শীলোত্তম দর্শন দিতে থাকলেন, এবং সেখানে তিনি তাঁর  
বাকেয়ের মাধ্যমে নিজেকে শমুয়েলের কাছে প্রকাশিত করলেন।

4 আর শমুয়েলের বাক্য সব ইস্রায়েলীর কাছে পৌঁছে গেল। ইস্রায়েলীরা  
তখন ফিলিস্তিনীদের বিরংদী যুদ্ধযাত্রা করল। ইস্রায়েলীরা এবন-এষরে  
সৈন্যদলের শিবির স্থাপন করল, এবং ফিলিস্তিনীরা অফেকে তাদের  
শিবির স্থাপন করল। 2 ইস্রায়েলের সঙ্গে সমুখসমরে নামার জন্য  
ফিলিস্তিনীরা তাদের সৈন্যদল সাজিয়েছিল, এবং যুদ্ধ ছড়িয়ে পড়ার  
সঙ্গে সঙ্গে ইস্রায়েল ফিলিস্তিনীদের কাছে পরাজিত হল। যুদ্ধক্ষেত্রে  
ফিলিস্তিনীরা তাদের প্রায় 4,000 সৈন্যকে হত্যা করল। 3 সৈনিকরা  
শিবিরে ফিরে আসার পর ইস্রায়েলের প্রাচীনেরা তাদের প্রশ্ন করলেন,  
“সদাপ্রভু কেন ফিলিস্তিনীদের সামনে আজ আমাদের পরাজিত হতে  
দিলেন? এসো, শীলো থেকে আমরা সদাপ্রভুর নিয়ম-সিন্দুকটি নিয়ে  
আসি, যেন তিনি আমাদের সঙ্গে সঙ্গে যান এবং শক্রদের হাত থেকে  
আমাদের রক্ষা করেন।” 4 অতএব লোকেরা কয়েকজনকে শীলোত্তম  
পাঠিয়ে দিল, এবং তারা সেই সর্বশক্তিমান সদাপ্রভুর নিয়ম-সিন্দুকটি

ফিরিয়ে নিয়ে এল, যিনি করুবদ্যের মধ্যে বিরাজমান। এলির দুই  
ছেলে, হফনি ও পীনহস, ঈশ্বরের নিয়ম-সিন্দুকের সঙ্গে সেখানে  
ছিল। ৫ সদাপ্রভুর নিয়ম-সিন্দুক যখন সৈন্যশিবিরে এল, ইস্রায়েলীরা  
সবাই এত জোরে চিংকার করে উঠল যে ধরাতল কেঁপে উঠেছিল।  
৬ কোলাহল শুনে, ফিলিস্তিনীরা প্রশ্ন করল, “হিঙ্গদের শিবিরে এত  
চিংকার শোনা যাচ্ছে কেন?” ফিলিস্তিনীরা যখন জানতে পারল যে  
সদাপ্রভুর সিন্দুক শিবিরে এসেছে, ৭ তখন তারা ভয় পেয়ে গেল।  
“শিবিরে একজন দেবতা এসে পড়েছেন,” তারা বলল। “আরে না!  
এর আগে এমনটি কখনও ঘটেনি। ৮ আমাদের সর্বনাশ হয়ে গেল!  
এইসব শক্তিশালী দেবতার হাত থেকে কে আমাদের রক্ষা করবে?  
তারা সেইসব দেবতা, যারা মরহুমাত্তরে সব ধরনের উপদ্রব দিয়ে  
মিশরীয়দের আঘাত করেছিলেন। ৯ ফিলিস্তিনীরা, শক্তিপোত্ত হও!  
পুরুষ দেখাও, তা না হলে হিঙ্গরা যেভাবে তোমাদের বশীভৃত  
হয়েছিল, তোমরাও তাদের বশীভৃত হয়ে পড়বে। পুরুষের মতো  
যুদ্ধ করো!” ১০ অতএব ফিলিস্তিনীরা যুদ্ধ করল, আর ইস্রায়েলীরা  
পরাজিত হয়ে প্রত্যেকে নিজের নিজের তাঁবুতে ফিরে গেল। হত্যালীলা  
চরম শিখরে পৌঁছাল; ইস্রায়েল 30,000 পদাতিক সৈন্য হারাল। ১১  
সদাপ্রভুর সিন্দুকটি শক্রদের হস্তগত হল, এবং এলির দুই ছেলে,  
হফনি ও পীনহস মারা গেল। ১২ ঠিক সেদিনই বিন্যামীন গোষ্ঠীভুক্ত  
একজন লোক যুদ্ধক্ষেত্র থেকে ছিন্নবন্ধে ও ধূলিধূসরিত মস্তকে শীলোত্তে  
পালিয়ে গেল। ১৩ সে যখন সেখানে পৌঁছাল, এলি তখন পথের ধারে  
তাঁর আসনে বসে অধীর আগ্রহে অপেক্ষা করছিলেন, কারণ ঈশ্বরের  
সিন্দুকের জন্য তাঁর অন্তর ব্যাকুল হয়েছিল। যখন সেই লোকটি নগরে  
প্রবেশ করে যা যা ঘটেছিল, তা সবিস্তারে বলে শোনাল, তখন গোটা  
নগরে চিংকার-চেঁচামেচি শুরু হয়ে গেল। ১৪ এলি সেই চিংকার-  
চেঁচামেচি শুনে জিজ্ঞাসা করলেন, “এত গোলমাল হচ্ছে কেন?”  
লোকটি তৎক্ষণাত এলির কাছে দৌড়ে গেল। ১৫ তাঁর বয়স তখন  
আটানবই বছর এবং তাঁর দৃষ্টিশক্তি লোপ পাওয়ায় তিনি দেখতেও  
পাচ্ছিলেন না। ১৬ লোকটি এলিকে বলল, “আমি এইমাত্র যুদ্ধক্ষেত্র

থেকে এসেছি; আজই আমি সেখান থেকে পালিয়ে এসেছি।” এলি  
জিজ্ঞাসা করলেন, “বাছা, কী হয়েছে?” 17 সংবাদবাহক লোকটি  
উত্তর দিল, “ইস্রায়েল ফিলিস্তিনীদের সামনে থেকে পালিয়ে গিয়েছে,  
এবং সৈন্যদল ভারী ক্ষয়ক্ষতির সম্মুখীন হয়েছে। এছাড়া আপনার  
দুই ছেলে, হফনি ও পীনহসও মারা গিয়েছে, এবং ঈশ্বরের সিন্দুকও  
শক্রদের করায়ত্ত হয়েছে।” 18 সে ঈশ্বরের সিন্দুকের কথা বলামাত্র,  
এলি দরজার পাশেই তাঁর আসন থেকে পিছন দিকে উল্টে পড়ে  
গেলেন। তাঁর ঘাড় ভেঙে গেল এবং তিনি মারা গেলেন, কারণ তাঁর  
বয়স হয়েছিল, ও তাঁর শরীরও ভারী ছিল। তিনি চল্লিশ বছর ধরে  
ইস্রায়েলকে নেতৃত্ব দিয়েছিলেন। 19 তাঁর পুত্রবধু, তথা পীনহসের  
স্ত্রী, গর্ভবতী ছিল ও তার প্রসবকালও ঘনিয়ে এসেছিল। ঈশ্বরের  
সিন্দুক শক্রদের করায়ত্ত হয়েছে এবং তার শশুরমশাই ও স্বামী মারা  
গিয়েছেন, এই খবর শুনে তার প্রসববেদনা শুরু হল ও সে এক  
সন্তানের জন্ম দিল, কিন্তু প্রসববেদনায় সে অবসন্ন হয়ে পড়েছিল। 20  
সে যখন মারা যাচ্ছিল, তার শুশ্রাকারী স্ত্রীলোকেরা বলল, “হতাশ  
হোয়ো না; তুমি এক পুত্রসন্তানের জন্ম দিয়েছ।” কিন্তু সে উত্তর দেয়নি  
বা তাদের কথায় মনোযোগও দেয়নি। 21 সে এই বলে ছেলেটির  
নাম ঈখাবোদ রেখেছিল যে, “ইস্রায়েল থেকে প্রতাপ চলে গিয়েছে,”  
যেহেতু ঈশ্বরের সিন্দুক শক্রদের করায়ত্ত হয়েছে এবং তার শশুরমশাই  
ও স্বামীর মৃত্যু হয়েছে। 22 সে বলল, “ইস্রায়েল থেকে প্রতাপ চলে  
গিয়েছে, কারণ ঈশ্বরের সিন্দুক শক্রদের করায়ত্ত হয়েছে।”

**৫** ফিলিস্তিনীরা ঈশ্বরের সিন্দুকটি করায়ত্ত করার পর, তারা সেটিকে  
এবন-এষর থেকে অস্দোদে এনেছিল। 2 পরে তারা সিন্দুকটিকে  
দাগোন দেবতার মন্দিরে এনে দাগোনের মূর্তির পাশেই রেখে  
দিয়েছিল। 3 অস্দোদের অধিবাসীরা পরদিন সকালে উঠে দেখল,  
সদাপ্রভুর সিন্দুকের সামনে দাগোন মাটিতে মুখ থুবড়ে পড়ে আছে!  
তারা দাগোনকে তুলে এনে আবার স্থানে বসিয়ে দিল। 4 কিন্তু  
পরদিন সকালে উঠে তারা দেখল, আবার সদাপ্রভুর সিন্দুকের সামনে  
দাগোন মাটিতে মুখ থুবড়ে পড়ে আছে! সেটির মাথা ও হাত দুটি

তাঙ্গ অবস্থায় দোরগোড়ায় লুটিয়ে পড়েছে; শুধু দেহের মূল অংশটি  
অবশিষ্ট রয়েছে। ৫ ঠিক এই কারণে আজও পর্যন্ত না দাগোনের  
যাজকেরা আর না অন্য কেউ, অস্দোদে দাগোনের মন্দিরে প্রবেশ  
করে চৌকাঠ মাড়ায়। ৬ অস্দোদ ও পার্শ্ববর্তী এলাকার মানুষজনের  
উপর সদাপ্রভুর হাত ভারী হল; তাদের উপর তিনি প্রলয় নিয়ে  
এলেন এবং আব দিয়ে তাদের দৈহিক যন্ত্রণাগ্রস্ত করলেন। ৭ যা যা  
ঘটছিল, তা দেখে অস্দোদের মানুষজন বলল, “ইস্রায়েলের ঈশ্বরের  
সিন্দুকটি এখানে আমাদের সঙ্গে যেন না থাকে, কারণ তাঁর হাত  
আমাদের ও আমাদের দেবতা দাগোনের উপর ভারী হয়ে পড়েছে।” ৮  
অতএব তারা ফিলিস্তিনীদের সব শাসনকর্তাকে একত্রিত করে বলল,  
“ইস্রায়েলের ঈশ্বরের সিন্দুকটি নিয়ে আমরা কী করব?” তারা উত্তর  
দিল, “ইস্রায়েলের ঈশ্বরের সিন্দুকটি গাতে পাঠিয়ে দেওয়া যাক।”  
অতএব তারা ইস্রায়েলের ঈশ্বরের সিন্দুকটি সেখানে পাঠিয়ে দিল। ৯  
কিন্তু তারা সেটিকে সেখানে পাঠিয়ে দেওয়ার পর, সদাপ্রভুর হাত  
সেই নগরটির বিরক্তিও প্রসারিত হল, সেখানেও মহা আতঙ্ক ছড়িয়ে  
পড়ল। ছোটো-বড়ো নির্বিশেষে, নগরের সব মানুষজনের শরীরে আব  
ফুটিয়ে তিনি তাদের দৈহিক যন্ত্রণা দিলেন। ১০ তাই তারা ঈশ্বরের  
সিন্দুকটিকে ইক্রাগে পাঠিয়ে দিল। ঈশ্বরের সিন্দুকটি যখন ইক্রাগে  
প্রবেশ করছিল, তখন ইক্রাগের অধিবাসীরা চিংকার করে বলে উঠল,  
“এরা আমাদের ও আমাদের মানুষজনকে হত্যা করার জন্য ইস্রায়েলের  
ঈশ্বরের সিন্দুকটি আমাদের কাছে নিয়ে এসেছে।” ১১ অতএব তারা  
ফিলিস্তিনীদের সব শাসনকর্তাকে একত্রিত করে বলল, ‘ইস্রায়েলের  
ঈশ্বরের সিন্দুকটিকে এখান থেকে সরিয়ে নিয়ে যান; এটি স্বস্তানে  
ফিরে যাক, তা না হলে এটি আমাদের ও আমাদের লোকজনকে মেরে  
ফেলবে।’ কারণ মৃত্যুর আতঙ্ক গোটা নগরে ছড়িয়ে পড়েছিল; ঈশ্বরের  
হাত নগরটির উপরে খুব ভারী হয়ে গেল। ১২ যারা মারা যায়নি, তারাও  
আবের যন্ত্রণায় কষ্ট পাচ্ছিল, এবং নগরটির আর্তনাদ আকাশ পর্যন্ত  
পোঁচে গেল।

**৬** সদাপ্রভুর সিন্দুকটি সাত মাস ফিলিস্তিনী এলাকায় থাকার পর, ২ ফিলিস্তিনীরা যাজক ও গণৎকারদের ডেকে পাঠিয়ে বলল, “সদাপ্রভুর সিন্দুকটিকে নিয়ে আমরা কী করব? আমাদের বলুন, কীভাবে আমরা এটিকে স্থানে ফেরত পাঠাব?” ৩ তারা উত্তর দিল, “তোমরা যদি ইস্রায়েলের ঈশ্বরের সিন্দুকটিকে ফেরত পাঠাতেই চাও, তবে একটি উপহার না দিয়ে সেটিকে তাঁর কাছে ফেরত পাঠিয়ো না; যে করেই হোক না কেন, তাঁর কাছে একটি দোষার্থক-নৈবেদ্য পাঠাও। তখনই তোমরা সুস্থ হবে, এবং তোমরা জানতে পারবে কেন তাঁর হাত তোমাদের উপর থেকে সরে যায়নি।” ৪ ফিলিস্তিনীরা জিজ্ঞাসা করল, “তাঁর কাছে আমরা কী রকম দোষার্থক-নৈবেদ্য পাঠাব?” তারা উত্তর দিল, “ফিলিস্তিনী শাসনকর্তাদের সংখ্যানুসারে পাঁচটি সোনার আব এবং পাঁচটি সোনার ইঁদুর, কারণ একই আঘাত তোমাদের উপর ও তোমাদের শাসনকর্তাদের উপরও নেমে এসেছে। ৫ তোমরা দেশ ধ্বংসকারী আব ও ইঁদুরের ছাঁচ গড়ে তোলো, এবং ইস্রায়েলের ঈশ্বরকে গৌরবান্বিত করো। হয়তো তিনি তোমাদের, তোমাদের দেবদেবীদের ও তোমাদের দেশের উপর থেকে তাঁর হাত সরিয়ে নেবেন। ৬ মিশরীয়দের ও ফরৌণের মতো তোমরাও কেন তোমাদের অন্তর কঠোর করছ? ইস্রায়েলীদের যেতে দিতে বাধ্য হয়নি? ৭ “তবে এখন, নতুন একটি গাড়ি সমেত দুটি এমন গরু প্রস্তুত রাখো, যেগুলির বাচ্চুর আছে ও যেগুলির ঘাড়ে কখনও জোয়াল চাপেনি। গরু দুটিকে গাড়ির সঙ্গে জুড়ে দিয়ো, কিন্তু তাদের বাচ্চুরগুলিকে সরিয়ে নিয়ে গিয়ে খোঁয়াড়ে পুরে দিয়ো। ৮ সদাপ্রভুর সিন্দুকটিকে নিয়ে সেটিকে গাড়ির উপরে রেখো, এবং সেটির পাশে একটি কাঠের বাক্সের মধ্যে সেইসব সোনার বস্ত্র রেখে দিয়ো, যেগুলি তোমরা দোষার্থক-নৈবেদ্যরূপে তাঁর কাছে পাঠাচ্ছ। গাড়িটিকে নিজের মতো করে যেতে দিয়ো, ৯ তবে সেটির উপর নজর রেখো। সেটি যদি নিজের এলাকায়, বেত-শেমশের দিকে যায়, তবে জানবে যে সদাপ্রভুই আমাদের উপর এই মহা দুর্বিপাক এনেছেন। কিন্তু যদি সেটি সেদিকে না যায়, তবে আমরা

জানব যে তাঁর হাত আমাদের আঘাত করেনি কিন্তু হঠাত করেই তা  
আমাদের প্রতি ঘটে গিয়েছে।” 10 অতএব তারা এরকমই করল। তারা  
এ ধরনের দুটি গরু নিয়ে সেগুলি গাড়িতে জুড়ে দিল ও বাচুরগুলিকে  
খোঁয়াড়ে পুরে দিল। 11 সদাপ্রভুর সিন্দুকটি তারা গাড়িটির উপর  
বসিয়ে দিল এবং সেটির পাশাপাশি তারা কাঠের বাক্সের মধ্যে সোনার  
ইঁদুর ও আবের ছাঁচও রেখে দিল। 12 গরুগুলি তখন সোজা পথের  
মাঝখান দিয়ে হাস্বা হাস্বা ডাক ছেড়ে বেত-শেমশের দিকে এগিয়ে  
গেল; সেগুলি ডাইনে বা বাঁয়ে, কোনোদিকেই ঘোরেনি। বেত-শেমশের  
সীমাত্ত পর্যন্ত ফিলিস্তিনী শাসনকর্তারা সেগুলির পশ্চাদ্বাবন করে  
গেল। 13 বেত-শেমশের মানুষজন তখন উপত্যকায় ক্ষেতের গম  
কাটছিল, আর ঢোক তুলে চেয়ে তারা সিন্দুকটি দেখতে পেয়ে আনন্দে  
মেতে উঠল। 14 গাড়িটি বেত-শেমশের অধিবাসী যিহোশূয়ের ক্ষেতে  
পৌঁছে বিশাল এক পাষাণ-পাথরের পাশে এসে দাঁড়াল। সেখানকার  
মানুষজন গাড়িটির কাঠ কেটে গরুগুলি হোমবলিঙ্গে সদাপ্রভুর  
উদ্দেশে উৎসর্গ করে দিল। 15 লেবীয়রা সোনার বস্ত্রগুলি দিয়ে ভরা  
বাক্সটি সমেত সদাপ্রভুর সিন্দুকটিকে নামিয়ে এনে সেগুলি সেই  
বিশাল পাষাণ-পাথরটির উপর সাজিয়ে রাখল। সেইদিন বেত-শেমশের  
লোকজন সদাপ্রভুর উদ্দেশে হোমবলি ও উপহার উৎসর্গ করল।  
16 ফিলিস্তিনীদের পাঁচজন শাসনকর্তা এসব দেখার পর সেদিনই  
ইক্রোণে ফিরে গেল। 17 সদাপ্রভুর উদ্দেশে দোষার্থক-নৈবেদ্যরূপে  
ফিলিস্তিনীরা যে সোনার আবগুলি পাঠিয়েছিল সেগুলি হল—অস্দোদ,  
গাজা, অক্সিলোন, গাঁৎ ও ইক্রোণের জন্য এক-একটি করে পাঠানো  
সোনার আব। 18 সোনার ইঁদুরের সংখ্যা নিরূপিত হল পাঁচজন  
শাসনকর্তার অধিকারে থাকা ফিলিস্তিনী নগরের—গ্রাম্য এলাকা সমেত  
প্রাচীরবেষ্টিত নগরের সংখ্যানুসারে। যে বিশাল পাষাণ-পাথরটির উপর  
লেবীয়রা সদাপ্রভুর সিন্দুকটিকে রেখেছিল, সেটি আজও পর্যন্ত বেত-  
শেমশের অধিবাসী যিহোশূয়ের ক্ষেতে সাক্ষ্য-স্তম্ভ হয়ে আছে। 19  
কিন্তু ঈশ্বর বেত-শেমশের অধিবাসীদের মধ্যে কয়েকজনকে আঘাত  
করলেন, তাদের মধ্যে সত্ত্বর জনকে মেরে ফেললেন কারণ তারা

সদাপ্রভুর সিন্দুকের ভিতরে তাকিয়েছিল। সদাপ্রভু লোকজনের উপর এই ভীষণ আঘাত হেনেছিলেন বলে তারা শোকপ্রকাশ করল। 20 বেত-শেমশের অধিবাসীরা প্রশ্ন করল, “এই পবিত্র ঈশ্বরের, সদাপ্রভুর সামনে কে দাঁড়াতে পারে? এখান থেকে সিন্দুকটি কাদের কাছে যাবে?” 21 পরে তারা কিরিযৎ-যিয়ারীমের অধিবাসীদের কাছে দৃত পাঠিয়ে বলল, “ফিলিস্তিনীরা সদাপ্রভুর সিন্দুকটি ফেরত পাঠিয়েছে। তোমরা নেমে এসো এবং সেটি তোমাদের নগরে নিয়ে যাও।”

7 তাই কিরিযৎ-যিয়ারীমের অধিবাসীরা এসে সদাপ্রভুর সিন্দুকটি নিয়ে গেল। তারা সেটিকে পাহাড়ের উপর অবস্থিত অবীনাদবের বাড়িতে এনে তুলল এবং সদাপ্রভুর সিন্দুকটি রক্ষণাবেক্ষণ করার জন্য তাঁর ছেলে ইলিয়াসরকে উৎসর্গীকৃত করল। 2 সিন্দুকটি বেশ কিছুকাল—প্রায় কুড়ি বছর কিরিযৎ-যিয়ারীমে রাখা ছিল। সেই সময় ইস্রায়েলী জনগণ সদাপ্রভুর দিকে ফিরে এসেছিল। 3 অতএব শমুয়েল সব ইস্রায়েলীকে বললেন, “যদি তোমরা সর্বান্তকরণে সদাপ্রভুর দিকে ফিরে আসতে চাও, তবে তোমাদের মধ্যে থেকে ভিন্নদেশী দেবতাদের ও অষ্টারোৎ দেবীদের দূর করে দাও এবং সদাপ্রভুর উদ্দেশে নিজেদের সমর্পণ করো ও একমাত্র তাঁরই সেবা করো, তবে দেখবে তিনি ফিলিস্তিনীদের হাত থেকে তোমাদের উদ্ধার করবেন।” 4 অতএব ইস্রায়েলীরা তাদের বায়াল-দেবতাদের ও অষ্টারোৎ দেবীদের দূর করে দিল, এবং একমাত্র সদাপ্রভুরই সেবা করল। 5 তখন শমুয়েল বললেন, “ইস্রায়েলের সব লোকজনকে মিস্পাতে সমবেত করো, আর আমি তোমাদের জন্য সদাপ্রভুর কাছে অনুরোধ জানাব।” 6 তারা মিস্পাতে সমবেত হয়ে, জল সংগ্রহ করে সদাপ্রভুর সামনে তা ঢেলে দিল। সেদিন তারা উপবাস রেখে, সেখানে পাপস্থীকার করে বলল, “সদাপ্রভুর বিরুদ্ধে আমরা পাপ করেছি।” শমুয়েল তখন মিস্পাতে থেকে ইস্রায়েলের নেতা হয়ে সেবাকাজ চালিয়ে যাচ্ছিলেন। 7 ফিলিস্তিনীরা যখন শুনল যে ইস্রায়েল মিস্পাতে সমবেত হয়েছে, তখন ফিলিস্তিনী শাসনকর্তারা ইস্রায়েলীদের আক্রমণ করতে উঠে এল। ইস্রায়েলীরা তা শুনে ফিলিস্তিনীদের কারণে ভয় পেয়ে গেল।

৪ তারা শমুয়েলকে বলল, “আমাদের জন্য আপনি আমাদের ঈশ্বর  
সদাপ্রভুর কাছে আর্তনাদ করা বন্ধ করবেন না, যেন তিনি আমাদের  
ফিলিস্তিনীদের হাত থেকে উদ্বার করতে পারেন।” ৫ তখন শমুয়েল  
একটি দুঃখপোষ্য মেষশাবক নিয়ে সদাপ্রভুর উদ্দেশে সেটিকে এক  
অখণ্ড হোমবলিঙ্গে উৎসর্গ করলেন। ইস্রায়েলের হয়ে তিনি সদাপ্রভুর  
উদ্দেশে আর্তনাদ করলেন, এবং সদাপ্রভু তাঁকে উত্তরও দিলেন।  
১০ শমুয়েল যখন হোমবলি উৎসর্গ করছিলেন, তখন ফিলিস্তিনীরা  
ইস্রায়েলীদের সঙ্গে যুদ্ধে লিপ্ত হওয়ার জন্য এগিয়ে এল। কিন্তু সেদিন  
ফিলিস্তিনীদের বিরুদ্ধে সদাপ্রভু প্রচণ্ড গর্জনে বজ্রপাত করলেন এবং  
তাদের মধ্যে এমন আতঙ্ক ছড়িয়ে দিলেন যে তারা ইস্রায়েলীদের  
সামনে ছত্রভঙ্গ হয়ে পড়ল। ১১ ইস্রায়েলীরা মিস্পা থেকে ছুটে এসে  
ফিলিস্তিনীদের পিছু ধাওয়া করল, ও তাদের হত্যা করতে করতে বেথ-  
করের তলদেশ পর্যন্ত পৌঁছে গেল। ১২ তখন শমুয়েল একটি পাথর  
নিয়ে সেটিকে মিস্পা ও শেনের মাঝখানে প্রতিষ্ঠা করলেন। তিনি  
এই বলে সেটির নাম রাখলেন এবন-এষর যে, “এয়াবৎ সদাপ্রভু  
আমাদের সাহায্য করেছেন।” ১৩ অতএব ফিলিস্তিনীরা বশীভূত হল  
এবং তারা ইস্রায়েলের এলাকায় সশস্ত্র আক্রমণ করা বন্ধ করল।  
শমুয়েলের সমগ্র জীবনকালে, সদাপ্রভুর হাত ফিলিস্তিনীদের বিরুদ্ধে  
প্রসারিত হয়েই ছিল। ১৪ ইক্রোগ থেকে গাঁথ পর্যন্ত যেসব ছোটো  
ছোটো নগর ফিলিস্তিনীরা ইস্রায়েলের হাত থেকে কেড়ে নিয়েছিল,  
সেগুলি আবার ইস্রায়েলের কাছে ফিরিয়ে দিতে হল, এবং ইস্রায়েলীরা  
পার্শ্ববর্তী এলাকাগুলি ও ফিলিস্তিনীদের হাত থেকে মুক্ত করল। ইস্রায়েল  
ও ইমেরীয়দের মধ্যেও শান্তি বলবৎ ছিল। ১৫ শমুয়েল আজীবন  
ইস্রায়েলের নেতা হয়েই থেকে গোলেন। ১৬ বছরের পর বছর তিনি  
বেথেল থেকে শুরু করে গিলগ্ল থেকে মিস্পা পর্যন্ত ঘুরে ঘুরে সেইসব  
স্থানে ইস্রায়েলের বিচার করে বেড়াতেন। ১৭ কিন্তু সবসময় তিনি সেই  
রামাতে ফিরে যেতেন, যেখানে তাঁর ঘরবাড়ি ছিল, এবং সেখানে তিনি  
ইস্রায়েলের জন্য বিচারসভারও আয়োজন করতেন। সেখানে তিনি  
সদাপ্রভুর উদ্দেশে একটি বেদি ও নির্মাণ করলেন।

৪ শমুয়েল যখন বৃদ্ধ হয়ে গেলেন, তখন তিনি তাঁর ছেলেদের ইস্রায়েলের নেতৃত্বপে নিযুক্ত করলেন। ২ তাঁর প্রথমজাত ছেলের নাম যোয়েল ও দ্বিতীয়জনের নাম অবিয়, এবং তারা বের-শেবায় সেবাকাজে লিঙ্গ ছিল। ৩ কিন্তু তাঁর ছেলেরা তাঁর পথে চলত না। তারা অসাধু উপায়ে অর্থলাভের পথে গেল এবং ঘুস নিত তথা ন্যায়বিচার বিকৃত করত। ৪ তাই ইস্রায়েলের সব প্রাচীন একজোট হয়ে রামাতে শমুয়েলের কাছে এলেন। ৫ তারা তাঁকে বললেন, “আপনার বয়স হয়েছে, আর আপনার ছেলেরাও আপনার পথে চলে না; এখন তাই আমাদের নেতৃত্ব দেওয়ার জন্য একজন রাজা নিযুক্ত করুন, যেমন অন্য সব জাতিরও রাজা আছে।” ৬ “আমাদের নেতৃত্ব দেওয়ার জন্য একজন রাজা দিন,” তাদের বলা এই কথাটি কিন্তু শমুয়েলকে অসন্তুষ্ট করল; তাই তিনি সদাপ্রভুর কাছে প্রার্থনা করলেন। ৭ সদাপ্রভু তাঁকে বললেন: “লোকেরা তোমায় যা যা বলছে তুমি তা শুনে নাও; তারা যে তোমায় প্রত্যাখ্যান করেছে তা নয়, কিন্তু তাদের রাজারপে তারা আমাকেই প্রত্যাখ্যান করেছে। ৮ যেদিন আমি তাদের মিশর দেশ থেকে বের করে এনেছিলাম, সেদিন থেকে শুরু করে আজ পর্যন্ত তারা যেভাবে আমাকে ছেড়ে অন্যান্য দেবদেবীর সেবা করে এসেছে, সেরকম আচরণ তারা তোমার প্রতি করছে। ৯ এখন তুমি তাদের কথা শোনো; কিন্তু শপথপূর্বক তুমি তাদের সতর্ক করে দাও এবং তারা জানুক, যে রাজা তাদের উপর রাজত্ব করতে চলেছেন, তিনি তাঁর অধিকাররপে কী দাবি জানাবেন।” ১০ যারা শমুয়েলের কাছে একজন রাজা চেয়েছিল, তাদের তিনি সদাপ্রভুর বলা সব কথা বলে শোনালেন। ১১ তিনি বললেন, “যে রাজা তোমাদের উপর রাজত্ব করবেন, তিনি তাঁর অধিকাররপে তোমাদের কাছে এই দাবি জানাবেন: তিনি তোমাদের ছেলেদের নিয়ে তাঁর রথ ও অশ্বগুলির পরিচর্যাকাজে লাগাবেন, ও তারা তাঁর রথের সামনে সামনে দৌড়াবে। ১২ তাদের মধ্যে কয়েকজনকে তিনি সহস্র-সেনাপতি ও পঞ্চাশ-সেনাপতি পদে নিযুক্ত করবেন, এবং অন্য কয়েকজনকে তিনি তাঁর জমি চাষ করার ও ফসল কাটার কাজে লাগাবেন, এবং অন্য আরও কয়েকজনকে যুদ্ধান্ত্র ও তাঁর

রথের সাজসরঞ্জাম তৈরির কাজে লাগাবেন। 13 তিনি তোমাদের মেয়েদের নিয়ে তাদের সুগন্ধি-প্রস্তুতকারিনী, রাঁধুনী ও রংটিওয়ালী করে ছাড়বেন। 14 তিনি তোমাদের সেরা চাষযোগ্য জমি, দ্রাক্ষাক্ষেত ও জলপাই-এর বাগানগুলি কেড়ে নিয়ে, সেগুলি তাঁর পরিচারকদের হাতে তুলে দেবেন। 15 তিনি তোমাদের ফসলের ও মরশুমী দ্রাক্ষারসের দশমাংশ আদায় করে তা তাঁর কর্মকর্তা ও পরিচারকদের হাতে তুলে দেবেন। 16 তোমাদের দাস-দাসীদের ও সেরা পশ্চপাল ও গাধার পাল তিনি নিজের ব্যবহারের জন্য দখল করে নেবেন। 17 তিনি তোমাদের পশ্চপালের দশমাংশ ছিনিয়ে নেবেন, ও তোমরা নিজেরাই তাঁর ক্রীতদাস-দাসীতে পরিণত হবে। 18 এমন একদিন আসতে চলেছে, যেদিন তোমরা তোমাদেরই মনোনীত রাজার হাত থেকে নিষ্ঠার পাওয়ার জন্য আর্তনাদ করবে, কিন্তু সেদিন সদাপ্রভু তোমাদের কোনও উত্তর দেবেন না।” 19 কিন্তু লোকেরা শমুয়েলের কথা শুনতেই চায়নি। তারা বলল, “আরে ধুর! আমরা একজন রাজা চাই। 20 তবেই তো আমরা অন্য সব জাতির মতো হতে পারব, একজন রাজা আমাদের উপর রাজত্ব করবেন এবং তিনিই আমাদের অগ্রগামী হবেন ও আমাদের হয়ে যুদ্ধও করবেন।” 21 শমুয়েল লোকদের সব কথা শোনার পর তিনি সদাপ্রভুর কাছে আবার তা বলে শোনালেন। 22 সদাপ্রভু উত্তর দিলেন, “তাদের কথা শোনো ও তাদের জন্য একজন রাজা ঠিক করে দাও।” পরে শমুয়েল ইস্রায়েলীদের বললেন, “তোমরা প্রত্যেকে নিজের নিজের নগরে ফিরে যাও।”

**৭** সেখানে সমাজে সুপ্রতিষ্ঠিত বিন্যামীন বংশীয় একজন ব্যক্তি ছিলেন, যাঁর নাম কীশ। কীশ অবীয়েলের ছেলে, অবীয়েল সরোরের ছেলে, সরোর বখোরতের ছেলে, বখোরত বিন্যামীন বংশীয় অফিয়ের ছেলে ছিলেন। 2 কীশের এক ছেলে ছিল, যাঁর নাম শৌল। তিনি এত সুদর্শন ছিলেন যে ইস্রায়েল দেশে কোথাও তাঁর মতো একজন যুবক খুঁজে পাওয়ার উপায় ছিল না, এবং তিনি অন্য সবার চেয়ে বেশ কিছুটা লম্বা ছিলেন। 3 শৌলের বাবা কীশের কয়েকটি গাধি হারিয়ে গিয়েছিল, তাই কীশ তাঁর ছেলে শৌলকে বললেন, “দাসদের মধ্যে একজনকে সঙ্গে

নিয়ে গিয়ে গাধিগুলির খোঁজ করো।” 4 তাই তিনি ইফ্রাইমের পার্বত্য এলাকা হয়ে শালিশা অঞ্চলে এক চৰু ঘুরে এলেন, কিন্তু সেগুলির খোঁজ পেলেন না। তখন তাঁরা শালীম প্রদেশ পর্যন্ত গেলেন, কিন্তু গাধিগুলি সেখানেও ছিল না। পরে তিনি বিন্যামিনীয়দের এলাকাতেও গেলেন, কিন্তু সেগুলির খোঁজ পাওয়া যায়নি। 5 তাঁরা যখন সূফ জেলায় পৌছালেন, শৌল তখন তাঁর সঙ্গে চলা দাসকে বললেন, “এসো, আমরা ফিরে যাই, তা না হলে আমার বাবা গাধিগুলির জন্য চিন্তা করা বন্ধ করে দিয়ে আমাদের জন্যই দুশ্চিন্তাগ্রস্ত হয়ে পড়বেন।” 6 কিন্তু সেই দাস উত্তর দিল, “দেখুন, এই নগরে ঈশ্বরের একজন লোক আছেন; তাঁকে সবাই খুব সম্মান করে, এবং তিনি যা যা বলেন, সব সত্যি হয়। চলুন না, সেখানে একবার যাওয়া যাক। হয়তো তিনি আমাদের বলে দেবেন কোন পথে যেতে হবে।” 7 শৌল তাঁর দাসকে বললেন, “আমরা সেখানে গিয়ে ভদ্রলোককে কী-ই বা দিতে পারব? আমাদের থলিতে রাখা সব খাবারদাবার শেষ হয়ে গিয়েছে। ঈশ্বরের লোকের কাছে নিয়ে যাওয়ার মতো কোনো উপহারও আমাদের কাছে নেই। আমাদের কাছে কিছু আছে কি?” 8 দাস আবার তাঁকে উত্তর দিল। সে বলল, “দেখুন, আমার কাছে এক শেকলের চার ভাগের এক ভাগ রংপো আছে। আমি সেটি ঈশ্বরের লোককে দিয়ে দেব যেন তিনি আমাদের বলে দেন, কোন পথে আমাদের যেতে হবে।” 9 (প্রাচীনকালে ইস্রায়েল দেশে, যদি কেউ ঈশ্বরের কাছে কোনো কিছুর খোঁজ নিতে যেত, তখন তারা বলত, “এসো, দর্শকের কাছে যাওয়া যাক,” কারণ বর্তমানে যাদের ভাববাদী বলা হয়, আগে তাদের দর্শক বলা হত।) 10 শৌল তাঁর দাসকে বললেন, “ঠিক আছে, চলো, সেখানে যাওয়া যাক।” অতএব তাঁরা সেই নগরটির উদ্দেশে রওনা হয়ে গেলেন, যেখানে ঈশ্বরের লোক তখন ছিলেন। 11 পাহাড় পেরিয়ে যখন তাঁরা নগরটির দিকে যাচ্ছিলেন, তখন তাঁরা এমন কয়েকজন যুবতী মহিলার দেখা পেলেন যারা জল ভরতে যাচ্ছিল। তাঁরা তাদের জিজ্ঞাসা করলেন, “দর্শক কি এখানে আছেন?” 12 তারা উত্তর দিল, “হ্যাঁ, তিনি আপনাদের থেকে একটু আগেই আছেন। তাড়াতাড়ি যান; তিনি একটু

আগেই আমাদের নগরে এসেছেন, কারণ টিলার উপর আজ লোকেরা  
এক বলি উৎসর্গ করবে। 13 তিনি টিলায় ভোজনপান করতে যাচ্ছেন।  
তিনি সেখানে যাওয়ার আগে, নগরে প্রবেশ করলেই আপনারা তাঁর  
দেখা পাবেন। তিনি না আসা পর্যন্ত লোকেরা ভোজনপান শুরু করবে  
না, কারণ প্রথমে তাঁকেই বলির নৈবেদ্যটিতে আশীর্বাদ বর্ষণ করতে  
হবে; পরে নিম্নিত্তি লোকেরা ভোজনপান করবে। এখনই চলে যান;  
অল্প কিছুক্ষণের মধ্যেই তাঁর দেখা পেয়ে যাবেন।” 14 তাঁরা নগরাটির  
দিকে যাচ্ছিলেনই, আর ঠিক যখন তাঁরা সেখানে প্রবেশ করবেন,  
শমুয়েল টিলায় চড়ার পথে তাঁদের দিকে এগিয়ে এলেন। 15 এদিকে  
শৌল আসার একদিন আগেই সদাপ্রভু শমুয়েলের কাছে একথা প্রকাশ  
করে দিয়েছিলেন: 16 “আগামীকাল প্রায় এইসময়েই আমি তোমার  
কাছে বিন্যামীন গোষ্ঠীভুক্ত অঞ্চল থেকে একজন লোককে পাঠাব।  
তুমি তাকে আমার প্রজা ইস্রায়েলের উপর শাসনকর্তা পদে অভিষিক্ত  
করবে; সে ফিলিষ্টিনীদের হাত থেকে তাদের মুক্ত করবে। আমি  
আমার প্রজাদের দিকে দৃষ্টিপাত করেছি, কারণ তাদের আর্তনাদ  
আমার কাছে পৌঁছে গিয়েছে।” 17 শৌলের দিকে শমুয়েলের চোখ  
পড়ার সাথে সাথেই সদাপ্রভু তাঁকে বললেন, “এই লোকটির কথাই  
আমি তোমাকে বলেছিলাম; এই আমার প্রজাদের পরিচালনা করবে।”  
18 সদর দরজায় গিয়ে শৌল শমুয়েলের কাছাকাছি পৌঁছে জিজ্ঞাসা  
করলেন, “দয়া করে আমায় জানাবেন কি, দর্শকের বাড়িটি কোথায়?”  
19 শমুয়েল তাঁকে উত্তর দিলেন, “আমি সেই দর্শক। আমার আগে  
আগে টিলায় চড়, কারণ আজ তোমরা আমার সঙ্গে ভোজনপান করবে,  
আর সকালবেলায় আমি তোমাদের বিদায় দেব ও তোমার মনে যা যা  
আছে সব বলে দেব। 20 তিনি দিন আগে তোমাদের যে গাধিগুলি  
হারিয়ে গিয়েছিল, সেগুলির সম্বন্ধে দুচিন্তা কোরো না; সেগুলির খোঁজ  
পাওয়া গিয়েছে। আর ইস্রায়েলের সব বাসনা কার দিকে ঘুরে গিয়েছে,  
সে কি তোমার ও তোমার সব পরিবার-পরিজনের দিকে নয়?” 21  
শৌল উত্তর দিলেন, “আমি কি সেই বিন্যামীন গোষ্ঠীভুক্ত নই, যা  
ইস্রায়েলের মধ্যে সবচেয়ে ছোটো গোষ্ঠী, এবং আমার বংশই কি

বিন্যামীন গোষ্ঠীভুক্ত সব বৎশের মধ্যে সবচেয়ে ছোটো বংশ নয়? তবে  
কেন আপনি আমাকে এ ধরনের কথা বলছেন?” 22 তখন শমুয়েল,  
শৌল ও তাঁর দাসকে বড়ো খাবার ঘরে নিয়ে এসে নিমত্তি—প্রায়  
ত্রিশজন অতিথির মধ্যে সম্মানজনক স্থানে তাঁদের বসিয়ে দিলেন।  
23 শমুয়েল রাঁধুনীকে বললেন, “মাংসের যে টুকরোটি আমি তোমায়  
সরিয়ে রাখতে বলেছিলাম, সেটি নিয়ে এসো।” 24 অতএব রাঁধুনী  
রান্নের টুকরোটি ও সেটির সঙ্গে লেগে থাকা মাংস এনে শৌলের পাতে  
সাজিয়ে দিল। শমুয়েল বললেন, “এগুলি তোমারই জন্য রেখে দেওয়া  
হয়েছে। খাও, কারণ ‘আমি অতিথিদের নিমত্তি করেছি,’ একথা বলার  
সময় থেকে শুরু করে এখন এই উপলক্ষের জন্যই এগুলি সরিয়ে রাখা  
হয়েছে।” সেদিন শৌল শমুয়েলের সঙ্গে ভোজনপান করলেন। 25  
ঢিলা থেকে তাঁরা নগরে নেমে আসার পর, শমুয়েল তাঁর বাড়ির ছাদে  
উঠে শৌলের সঙ্গে কথাবার্তা বললেন। 26 ভোর প্রায় হয়ে আসছিল,  
তখনই তাঁরা উঠে পড়লেন, এবং শমুয়েল শৌলকে ছাদেই ডেকে  
বললেন, “তৈরি হয়ে নাও, আমি তোমাদের বাড়িতে ফেরত পাঠাব।”  
শৌল তৈরি হওয়ার পর তিনি ও শমুয়েল একসঙ্গেই বাইরে বের  
হলেন। 27 তাঁরা নগরের প্রান্ত পর্যন্ত পৌঁছাতে না পৌঁছাতেই শমুয়েল  
শৌলকে বললেন, “দাসটিকে একটু এগিয়ে যেতে বলো,” আর দাসও  
তেমনটিই করল, “কিন্তু তুমি এখানে কিছুক্ষণ থেকে যাও, যেন আমি  
ঈশ্বরের কাছ থেকে আসা একটি বাণী তোমাকে দিতে পারি।”

**10** একথা বলে শমুয়েল এক কুপি জলপাইয়ের তেল নিয়ে শৌলের  
মাথায় তা ঢেলে দিলেন ও তাঁকে চুমু দিয়ে বললেন, “সদাপ্রাভুই কি  
তোমাকে তাঁর অধিকারের উপর শাসনকর্তা পদে অভিষিক্ত করেননি?  
2 আজ আমায় ছেড়ে যাওয়ার পর, বিন্যামীন গোষ্ঠীভুক্ত এলাকার  
সীমানায় সেলসহ বলে একটি স্থানে রাহেলের সমাধির কাছে তুমি  
দুজন লোকের দেখা পাবে। তারা তোমাকে বলবে, ‘যে গাধিগুলির  
খোঁজে আপনি গিয়েছিলেন, সেগুলি পাওয়া গিয়েছে। এখন আপনার  
বাবা সেগুলির কথা না ভেবে বরং আপনার কথা ভেবেই দুশ্চিন্তাগ্রস্ত  
হয়ে পড়েছেন। তিনি জানতে চাইছেন, ‘আমার ছেলের জন্য আমি

কী করব?” ৩ “তারপর তুমি সেখান থেকে তাবোরের ওক গাছটির  
কাছাকাছি গিয়ে পৌঁছাবে। বেথেলে আরাধনা করতে যাচ্ছে, এমন  
তিনটি লোকের সঙ্গে সেখানে তোমার দেখা হবে। দেখবে একজন  
তিনটি ছাগলছানা, অন্যজন তিনটি রংটি, আর একজন এক মশক  
ভর্তি দ্রাক্ষারস বহন করে নিয়ে যাচ্ছে। ৪ তারা তোমায় শুভেচ্ছা  
জানাবে এবং তোমাকে দুটি রংটি নিতে বলবে, যা তুমি তাদের  
কাছ থেকে গ্রহণও করবে। ৫ “পরে তুমি ঈশ্বরের গিবিয়াতে যাবে,  
যেখানে ফিলিস্তিনীদের একটি সেনা-ছাউনি আছে। নগরে পৌঁছাতে না  
পৌঁছাতেই, তুমি একদল ভাববাদীকে শোভাযাত্রা করে টিলা থেকে  
নেমে আসতে দেখবে। তাঁদের সামনে সামনে লোকেরা দোতারা,  
খোল, বাঁশি ও বীণা বাজাবে, এবং তাঁরা ভাববাণী বলবেন। ৬  
সদাপ্রভুর আত্মা প্রবল পরাক্রমে তোমার উপর নেমে আসবেন, এবং  
তুমি ও তাঁদের সঙ্গে সঙ্গে ভাববাণী বলবে; আর তুমি পরিবর্তিত হয়ে  
গিয়ে একদম অন্যরকম মানুষ হয়ে যাবে। ৭ একবার এই চিহ্নগুলি  
সার্থক হতে দাও, পরে তুমি যা যা করতে চাও, সব কোরো, কারণ  
ঈশ্বর তোমার সঙ্গে আছেন। ৮ “আমার আগে আগেই তুমি গিল্গলে  
নেমে যাও। আমি ও অবশ্যই হোমবলি ও মঙ্গলার্থক-নৈবেদ্য উৎসর্গ  
করার জন্য তোমার কাছে নেমে আসব, কিন্তু আমি এসে তোমাকে কী  
করতে হবে, তা না বলা পর্যন্ত তোমাকে সাত দিন অপেক্ষা করতেই  
হবে।” ৯ শমুয়েলের কাছ থেকে চলে যাওয়ার জন্য শৌল ঘুরে দাঁড়াতে  
না দাঁড়াতেই, ঈশ্বর শৌলের অন্তর পরিবর্তিত করে দিলেন, এবং  
সেদিনই সেইসব চিহ্ন সার্থক হল। ১০ যখন তিনি ও তাঁর দাস  
গিবিয়াতে পৌঁছালেন, শোভাযাত্রা করে আসা ভাববাদীদের সঙ্গে তাঁর  
দেখা হল; ঈশ্বরের আত্মা প্রবল পরাক্রমে তাঁর উপর নেমে এলেন,  
এবং তিনিও তাঁদের সঙ্গে যোগ দিয়ে ভাববাণী বললেন। ১১ যখন  
তাঁর পূর্বপরিচিত লোকেরা ভাববাদীদের সঙ্গে সঙ্গে তাঁকেও ভাববাণী  
বলতে দেখল, তারা তখন পরম্পরকে জিজ্ঞাসা করল, “কীশের ছেলের  
হোলো-টা কী? শৌলও কি ভাববাদীদের মধ্যে একজন?” ১২ সেখানে  
বসবাসকারী একজন উত্তর দিল, “আর এদের বাবাই বা কে?” অতএব

এটি এক প্রবাদবাকেয় পরিপন্থ হল: “শৌলও কি ভাববাদীদের মধ্যে  
একজন?” 13 শৌল ভাববাণী বলা শেষ করে, টিলায় উঠে গেলেন।  
14 পরে শৌলের কাকা তাঁকে ও তাঁর দাসকে জিজ্ঞাসা করলেন,  
“তোমরা কোথায় গিয়েছিলে?” “গাধিগুলির খোঁজে,” তিনি উত্তর  
দিলেন। “কিন্তু সেগুলির খোঁজ না পেয়ে আমরা শমুয়েলের কাছে চলে  
গিয়েছিলাম।” 15 শৌলের কাকা বললেন, “আমায় বলো শমুয়েল  
তোমায় কী বলেছেন।” 16 শৌল উত্তর দিলেন, “তিনি আমাদের  
আশ্বস্ত করে বললেন যে গাধিগুলি খুঁজে পাওয়া গিয়েছে।” কিন্তু  
শমুয়েল রাজপদের বিষয়ে কী বলেছিলেন তা তিনি তাঁর কাকাকে  
বলেননি। 17 শমুয়েল লোকজনকে মিস্পাতে সদাপ্রভুর কাছে উপস্থিত  
হওয়ার ডাক দিলেন 18 এবং তাদের বললেন, “ইস্রায়েলের ঈশ্বর  
সদাপ্রভু একথা বলেন: ‘আমি ইস্রায়েলকে মিশ্র থেকে বাইরে বের  
করে এনেছি, এবং তোমাদের উপর যারা অত্যাচার করত, সেই  
মিশ্রের ও অন্য সব রাজ্যের হাত থেকে আমিই তোমাদের মুক্ত  
করেছি।’ 19 কিন্তু এখন তোমরা তোমাদের সেই ঈশ্বরকেই নাকচ  
করে দিয়েছ, যিনি তোমাদের সব দুর্বিপাক ও বিপর্যয়ের হাত থেকে  
উদ্ধার করেছেন। আর তোমরা বলেছ, ‘না, আমাদের উপর একজন  
রাজা নিযুক্ত করে দিন।’ তাই এখন তোমাদের গোষ্ঠী ও বংশ অনুসারে  
সদাপ্রভুর সামনে নিজেদের পেশ করো।” 20 শমুয়েল ইস্রায়েলের  
সব লোকজনকে তাদের গোষ্ঠী অনুসারে কাছে ডেকে আনার পর  
গুটিকাপাত করে বিন্যামীনের গোষ্ঠীকে বেছে নেওয়া হল। 21 পরে  
এক-একটি বংশ ধরে ধরে তিনি বিন্যামীনের গোষ্ঠীকে কাছে ডেকে  
এনেছিলেন, এবং মদ্রীয় বংশকে মনোনীত করা হল। সবশেষে কীশের  
ছেলে শৌলকে মনোনীত করা হল। কিন্তু যখন তারা তাঁর খোঁজ করল,  
তাঁকে খুঁজে পাওয়া গেল না। 22 অতএব তারা আরেকবার সদাপ্রভুর  
কাছে জানতে চাইল, “লোকটি কি এখনও এখানে আসেনি?” সদাপ্রভু  
বললেন, “হ্যাঁ, সে মালপত্রের মধ্যে নিজেকে লুকিয়ে রেখেছে।” 23  
তারা দৌড়ে গিয়ে তাঁকে বের করে আনল, এবং তিনি লোকজনের  
মাঝখানে দাঁড়ালে দেখা গেল, তিনি অন্য সবার চেয়ে বেশ কিছুটা

লম্বা। 24 শমুয়েল সব লোকজনকে বললেন, “সদাপ্রভু যাঁকে মনোনীত করেছেন তাঁকে কি তোমরা দেখতে পাচ্ছ? সব লোকজনের মধ্যে তাঁর সমতুল্য কেউই নেই।” তখন লোকেরা চি�ৎকার করে বলে উঠল, “রাজা চিরজীবী হোন!” 25 শমুয়েল লোকজনের কাছে রাজপদের অধিকার ও দায়িত্ব-কর্তব্যগুলি ব্যাখ্যা করে দিলেন। একটি পুঁথিতে সেগুলি লিখে রেখে তিনি সোটি সদাপ্রভুর সামনে গচ্ছিত রাখলেন। পরে শমুয়েল নিজের নিজের বাড়িতে ফিরে যাওয়ার জন্য লোকদের অনুমতি দিলেন। 26 শৌলও গিবিয়াতে নিজের ঘরে ফিরে গেলেন, ও তাঁর সঙ্গে গেলেন এমন কয়েকজন অসমসাহসী লোক, যাদের অন্তর ঈশ্বর স্পর্শ করেছিলেন। 27 কিন্তু কয়েকজন নীচমনা লোক বলল, “এ ‘ব্যাটা’ কীভাবে আমাদের রক্ষা করবে?” তারা তাঁকে অবজ্ঞা করল ও তাঁর জন্য কোনও উপহার আনল না। কিন্তু শৌল নীরব থেকে গেলেন।

**11** অম্মোনীয় নাহশ যাবেশ-গিলিয়দ আক্রমণ করে নগরটি অবরুদ্ধ করলেন। যাবেশের সব মানুষজন তাঁকে বলল, “আমাদের সঙ্গে আপনি এক শান্তিচুক্তি করুন, আর আমরাও আপনার বশীভৃত হয়ে থাকব।” 2 কিন্তু অম্মোনীয় নাহশ উত্তর দিলেন, “আমি একমাত্র এই শর্তেই তোমাদের সঙ্গে শান্তিচুক্তি করব: আমি তোমাদের প্রত্যেকের ডান চোখ উপড়ে নেব ও এরকম করার দ্বারা সমগ্র ইস্রায়েল জাতিকে কলঙ্কিত করব।” 3 যাবেশের প্রাচীনেরা তাঁকে বললেন, “আমাদের সাত দিন সময় দিন যেন আমরা ইস্রায়েলের বিভিন্ন প্রান্তে দূত পাঠাতে পারি; যদি কেউ আমাদের রক্ষা করতে এগিয়ে না আসে, তবে আমরা আপনার হাতে নিজেদের সমর্পণ করে দেব।” 4 দূতেরা যখন শৌলের নগর গিবিয়াতে এসে লোকদের কাছে এইসব শর্তের খবর দিল, তারা সবাই চি�ৎকার করে কাঙ্কাটি করল। 5 ঠিক সেই সময় শৌল বলদদের পিছু পিছু ক্ষেত থেকে বাড়ি ফিরেছিলেন। তিনি তাদের জিজ্ঞাসা করলেন, “কী হয়েছে? এরা কাঁদছে কেন?” তখন যাবেশের লোকেরা যা যা বলল, তা তারা আরেকবার শৌলকে বলে শোনাল। 6 শৌল তাদের কথা শোনার পর, ঈশ্বরের আত্মা সপরাক্রমে তাঁর উপর নেমে এলেন, ও তিনি রাগে অগ্নিশর্মা হয়ে উঠলেন। 7 তিনি এক জোড়া

বলদ নিয়ে, সেগুলি টুকরো টুকরো করে কেটে দৃতদের মাধ্যমে সেই টুকরোগুলি ইস্রায়েলের বিভিন্ন প্রান্তে পাঠিয়ে দিয়ে ঘোষণা করলেন, “যদি কেউ শৌল ও শমুয়েলের অনুসরণ না করে তবে তার বলদদের প্রতিও এরকমই করা হবে।” তখন সদাপ্রভুর আতঙ্ক লোকজনের মনে বাসা বাঁধল, ও তারা একজোট হয়ে বাইরে বের হয়ে এল। 8 শৌল যখন বেষকে তাদের সমবেত করলেন, তখন ইস্রায়েলের জনসংখ্যা হল 3,00,000 জন ও যিহুদার হল 30,000 জন। 9 সেখানে আসা দৃতদের তারা বলল, “যাবেশ-গিলিয়দের লোকদের গিয়ে তোমরা বোলো, ‘আগামীকাল সূর্য যখন মধ্য-গগনে থাকবে, তখনই তোমাদের রক্ষা করা হবে।’” দৃতেরা গিয়ে যখন যাবেশের লোকদের কাছে এ খবর দিল, তারা খুব খুশি হল। 10 তারা অম্মোনীয়দের বলল, “আগামীকাল আমরা তোমাদের হাতে নিজেদের সমর্পণ করে দেব, আর তোমরা আমাদের প্রতি যা ইচ্ছা হয়, তাই কোরো।” 11 পরদিন শৌল তাঁর লোকজনকে তিন দলে বিভক্ত করলেন; রাতের শেষ প্রহরে তারা অম্মোনীয়দের সৈন্যশিবিরে ঝাঁপিয়ে পড়ল ও রোদ প্রথর হওয়া পর্যন্ত তাদের উপর হত্যার তাঙ্গু চালিয়ে গেল। যারা বেঁচে গেল, তারা ছ্রেঙ্গ হয়ে পড়ল, তাতে এমন দশা হল যে তাদের মধ্যে দুজনও একসঙ্গে থাকতে পারেনি। 12 লোকজন তখন শমুয়েলকে বলল, “তারা কারা, যারা বলেছিল, ‘শৌল কি আমাদের উপর রাজত্ব করবে?’ সেইসব লোককে আমাদের হাতে তুলে দিন যেন আমরা তাদের মেরে ফেলতে পারি।” 13 কিন্তু শৌল বললেন, “আজ আর কাউকে মারা হবে না, কারণ আজকের এই দিনেই সদাপ্রভু ইস্রায়েলকে রক্ষা করেছেন।” 14 তখন শমুয়েল লোকদের বললেন, “এসো, আমরা সবাই গিল্গলে যাই ও সেখানে নতুন করে রাজপদটি প্রতিষ্ঠিত করি।” 15 অতএব সব লোকজন গিল্গলে গিয়ে সদাপ্রভুর উপস্থিতিতে শৌলকে রাজা করল, সেখানে তারা সদাপ্রভুর সামনে মঙ্গলার্থক-নৈবেদ্য উৎসর্গ করল, এবং শৌল ও ইস্রায়েলের সব লোকজনকে বললেন, “তোমরা আমাকে যা যা বলেছিলে আমি সেসব শুনেছিলাম ও তোমাদের উপর একজন

**12** শমুয়েল ইস্রায়েলের সব লোকজনকে বললেন, “তোমরা আমাকে

শমুয়েলের প্রথম বই

রাজা নিযুক্ত করে দিয়েছিলাম। 2 এখন তোমাদের নেতারূপে তোমরা একজন রাজা পেয়ে গিয়েছ। আমার ক্ষেত্রে বলি কি, আমার তো বয়স হয়েছে ও আমার চুলও পেকে গিয়েছে, আর আমার ছেলেরা এখানে তোমাদের সাথেই আছে। আমার ঘোবনকাল থেকে আজকের এই দিনটি পর্যন্ত আমি তোমাদের নেতা হয়ে থেকেছি। 3 আমি এখানেই দাঁড়িয়ে আছি। সদাপ্রভু ও তাঁর অভিষিক্ত-জনের উপস্থিতিতে আমার বিরংদ্বে সাক্ষ দিয়ে বলো দেখি: আমি কার বলদ নিয়েছি? কার গাধা নিয়েছি? কাকে ঠকিয়েছি? কার প্রতি অত্যাচার করেছি? কার হাত থেকে ঘুস নিয়ে আমি ঢোখ বন্ধ করে রেখেছি? যদি আমি এগুলির মধ্যে একটিও করে থাকি, তবে বলো, আমি তার ক্ষতিপূরণ করে দেব।” 4 তারা উত্তর দিল, “আপনি আমাদের ঠকাননি বা আমাদের উপর অত্যাচারও করেননি। আপনি কারও হাত থেকে কিছু গ্রহণও করেননি।” 5 শমুয়েল তাদের বললেন, “সদাপ্রভুই তোমাদের বিরংদ্বে সাক্ষী রইলেন, আর আজ এই দিনে তাঁর অভিষিক্ত-জনও সাক্ষী রইলেন, যে তোমরা আমার হাতে কিছুই পাওনি।” “তিনিই সাক্ষী,” তারা বলল। 6 তখন শমুয়েল লোকদের বললেন, “সদাপ্রভুই মোশি ও হারোগকে নিযুক্ত করেছিলেন ও তোমাদের পূর্বপুরুষদের মিশ্র থেকে বের করে নিয়ে এসেছিলেন। 7 এখন তাই, এখানে দাঁড়াও, যেহেতু আমি সদাপ্রভুর সামনেই তোমাদের ও তোমাদের পূর্বপুরুষদের জন্য সদাপ্রভুর করা সব ন্যায়নিষ্ঠ কাজের প্রমাণ তোমাদের কাছে তুলে ধরছি। 8 “যাকোব মিশ্রে প্রবেশ করার পর, তারা সাহায্য পাওয়ার আশায় সদাপ্রভুর কাছে আর্তনাদ করেছিল, এবং সদাপ্রভু মোশি ও হারোগকে পাঠিয়ে দিয়েছিলেন। তাঁরা তোমাদের পূর্বপুরুষদের মিশ্র থেকে বের করে এনে এই স্থানেই তাদের স্থায়ীভাবে বসবাস করার ব্যবস্থা করে দিয়েছিলেন। 9 “কিন্তু তারা তাদের ঈশ্বর সদাপ্রভুকে ভুলে গেল; তাই তিনি তাদের হাস্তোরের সৈন্যদলের সেনাপতি সীষ্যরার হাতে এবং ফিলিস্তিনীদের ও মোয়াবের রাজার হাতে বিক্রি করে দিলেন, যারা তাদের বিরংদ্বে যুদ্ধ করল। 10 তারা সদাপ্রভুর কাছে আর্তনাদ করে বলল, ‘আমরা পাপ করেছি; আমরা সদাপ্রভুকে

ছেড়ে বায়াল-দেবতাদের ও অষ্টারোৎ দেবীদের পূজার্চনা করেছি।  
কিন্তু এখন তুমি এই শক্রদের হাত থেকে আমাদের রক্ষা করো,  
আর আমরা তোমারই সেবা করব।' 11 তখন সদাপ্রভু যিরুক্বায়াল,  
বারক, যিষ্ঠহ ও শমুয়েলকে পাঠিয়ে দিয়ে তোমাদের চারপাশে ঘিরে  
থাকা শক্রদের হাত থেকে তোমাদের রক্ষা করলেন, যেন তোমরা  
নিরাপদে দেশে বসবাস করতে পারো। 12 'কিন্তু যখন তোমরা দেখলে  
যে অম্মোনীয়দের রাজা নাহশ তোমাদের বিরুদ্ধে যুদ্ধযাত্রা করছেন,  
তোমরা আমাকে বললে, 'না, আমাদের উপর রাজত্ব করার জন্য  
আমাদের একজন রাজা দরকার,' যদিও তোমাদের ঈশ্বর সদাপ্রভুই  
তোমাদের রাজা হয়ে ছিলেন। 13 এখন এই তোমাদের সেই রাজা,  
যাঁকে তোমরা মনোনীত করেছ, যাঁকে তোমরা চেয়েছিলে; দেখো,  
সদাপ্রভু তোমাদের উপর একজন রাজা নিযুক্ত করেছেন। 14 যদি  
তোমরা সদাপ্রভুকে ভয় করো ও তাঁর বাধ্য হয়ে তাঁর সেবা করো এবং  
তাঁর আদেশগুলির বিরুদ্ধে যদি বিদ্রোহ না করো, তথা তোমরা ও  
তোমাদের উপর রাজত্বকারী রাজা, উভয়েই যদি তোমাদের ঈশ্বর  
সদাপ্রভুকে অনুসরণ করো—তবে তো ভালোই! 15 কিন্তু তোমরা যদি  
সদাপ্রভুর বাধ্য না হও, ও তোমরা যদি তাঁর আদেশগুলির বিরুদ্ধে  
বিদ্রোহ করো, তবে তাঁর হাত তোমাদের বিরুদ্ধে উঠবে, যেভাবে তা  
তোমাদের পূর্বপুরুষদের বিরুদ্ধে উঠেছিল। 16 'তবে এখন, স্থির হয়ে  
দাঁড়াও এবং তোমাদের চোখের সামনে সদাপ্রভু যে মহৎ কাজ করতে  
চলেছেন তা দেখে নাও! 17 এখনই কি গম কাটার সময় নয়? আমি  
সদাপ্রভুকে ডেকে বজ্রবিদ্যুৎ ও বৃষ্টি পাঠাতে বলব। তখনই তোমরা  
বুঝতে পারবে যে রাজা দাবি করে সদাপ্রভুর দৃষ্টিতে তোমরা কতই না  
অন্যায় করেছ।' 18 পরে শমুয়েল সদাপ্রভুর কাছে প্রার্থনা করলেন,  
এবং সেদিনই সদাপ্রভু বজ্রবিদ্যুৎ ও বৃষ্টি পাঠিয়ে দিলেন। তখন সব  
মানুষজনের মনে সদাপ্রভুর ও শমুয়েলের প্রতি সন্তুষ্ম উৎপন্ন হল।  
19 সব মানুষজন শমুয়েলকে বলে উঠল, 'আপনার দাসদের জন্য  
আপনি আপনার ঈশ্বর সদাপ্রভুর কাছে প্রার্থনা করুন, যেন আমরা  
মারা না পড়ি, কারণ একজন রাজা দাবি করে যে অন্যায় আমরা

করেছি, তা আমাদের করা অন্যান্য পাপের সঙ্গেও যুক্ত হয়েছে।” 20  
শমুয়েল উত্তর দিলেন, “তোমরা ভয় পেয়ো না।” তোমরা এত অন্যায়  
করেছ; তবু সদাপ্রভুর কাছ থেকে সরে যেয়ো না, কিন্তু সর্বান্তঃকরণে  
সদাপ্রভুর সেবা করো। 21 অসার প্রতিমাদের দিকে ঘুরে যেয়ো না।  
সেগুলি তোমাদের মঙ্গলও করতে পারবে না, আর তোমাদের রক্ষাও  
করতে পারবে না, যেহেতু তারা যে অসার। 22 সদাপ্রভুর মহৎ নামের  
খাতিরেই তিনি তাঁর প্রজাদের প্রত্যাখ্যান করবেন না, কারণ সদাপ্রভু  
তোমাদের তাঁর নিজস্ব প্রজা করতে পেরে খুব খুশি হয়েছেন। 23  
আমার ক্ষেত্রে, আমি একথাই বলতে পারি, আমি যেন তোমাদের  
জন্য প্রার্থনা করতে ব্যর্থ হয়ে সদাপ্রভুর বিরণক্ষেত্রে পাপ করে না বসি।  
আমি তোমাদের সেই পথ শিক্ষা দেব যা উত্তম ও সঠিক। 24 কিন্তু  
নিশ্চিত থেকো, যেন তোমরা সদাপ্রভুকে ভয় কোরো ও সর্বান্তঃকরণে  
বিশ্বস্তাপূর্বক তাঁর সেবা কোরো; বিবেচনা কোরো তিনি তোমাদের  
জন্য কী মহৎ কাজ করেছেন। 25 তবুও যদি তোমরা অন্যায় করেই  
যাও, তবে তোমরা ও তোমাদের রাজা, সবাই ধৰংস হয়ে যাবে।

**13** শৌল ত্রিশ বছর বয়সে রাজা হলেন, এবং তিনি ইস্রায়েলের উপর  
বিয়ালিশ বছর রাজত্ব করলেন। 2 শৌল ইস্রায়েল থেকে 3,000  
জনকে বেছে নিলেন; 2,000 জন তাঁর সঙ্গে মিক্রমসে ও বেথেলের  
পার্বত্য এলাকায় ছিল, এবং 1,000 জন যোনাথনের সঙ্গে বিন্যামীন  
গোষ্ঠীভুক্ত গিবিয়াতে ছিল। অবশিষ্ট লোকজনকে তিনি তাদের ঘরে  
ফিরিয়ে দিলেন। 3 যোনাথন গেবাতে অবস্থিত ফিলিস্তিনীদের সেনা-  
ছাউনি আক্রমণ করলেন, এবং ফিলিস্তিনীরা তা শুনতে পেল। তখন  
শৌল গোটা দেশ জুড়ে শিঙা বাজিয়ে বললেন, “হিন্দু মানুষজন শুনুক!”  
4 অতএব ইস্রায়েলের সব মানুষজন খবরটি শুনতে পেল: “শৌল  
ফিলিস্তিনীদের সেনা-ছাউনি আক্রমণ করেছেন, এবং ইস্রায়েল এখন  
ফিলিস্তিনীদের কাছে আপত্তিকর হয়ে গিয়েছে।” অতএব গিল্গলে  
শৌলের সঙ্গে যোগ দেওয়ার জন্য প্রজাদের ডেকে পাঠানো হল। 5  
3,000 রথ, 6,000 সারথি, এবং সমুদ্র-সৈকতের বালুকণার মতো  
অসংখ্য সৈন্যসামন্ত নিয়ে ফিলিস্তিনীরা ইস্রায়েলের সঙ্গে যুদ্ধ করার জন্য

সমবেত হল। তারা বেথ-আবনের পূর্বদিকে অবস্থিত মিক্মসে গিয়ে শিবির স্থাপন করল। ৬ ইস্রায়েলীরা যখন দেখল যে তাদের অবস্থা খুব শোচনীয় ও তাদের সৈন্যদল চাপে পড়ে গিয়েছে, তখন তারা গুহায় ও রোপঝাড়ে, শিলাস্তুপের খাঁজে, এবং খাদে ও জলাধারে গিয়ে লুকিয়ে পড়ল। ৭ হিন্দুদের মধ্যে কয়েকজন এমনকি জর্ডন নদী পেরিয়ে গাদ ও গিলিয়দ দেশেও চলে গেল। শৌল গিল্গলে থেকে গেলেন, এবং তাঁর সঙ্গে থাকা সব সৈন্যসামন্ত তায়ে কাঁপছিল। ৮ শমুয়েলের নির্দিষ্ট করে দেওয়া সময়ানুসারে তিনি সাত দিন অপেক্ষা করলেন; কিন্তু শমুয়েল গিল্গলে আসেননি, এবং শৌলের লোকজন ছত্রভঙ্গ হতে শুরু করল। ৯ তাই তিনি বললেন, “আমার কাছে হোমবলি ও মঙ্গলার্থক-নৈবেদ্য নিয়ে এসো।” এই বলে শৌল হোমবলি উৎসর্গ করলেন। ১০ তিনি বলি উৎসর্গ করতে না করতেই শমুয়েল সেখানে পৌঁছে গেলেন, এবং শৌল তাঁকে শুভেচ্ছা জানানোর জন্য বাইরে বেরিয়ে এলেন। ১১ শমুয়েল জিজ্ঞাসা করলেন, “তুমি এ কী করলে?” শৌল উত্তর দিলেন, “আমি যখন দেখলাম যে লোকজন ছত্রভঙ্গ হচ্ছে, এবং আপনি নির্দিষ্ট সময়ে এলেন না, ইত্যবসরে আবার ফিলিস্তিনীরাও মিক্মসে সমবেত হচ্ছে, ১২ তখন আমি ভাবলাম, ‘এবার ফিলিস্তিনীরা গিল্গলে আমার বিরুদ্ধে চড়াও হবে, আর আমি সদাপ্রভুর অনুগ্রহও প্রার্থনা করিনি।’ তাই বাধ্য হয়েই আমাকে হোমবলি উৎসর্গ করতে হল।” ১৩ শমুয়েল তাঁকে বললেন, “তুমি মূর্খের মতো কাজ করেছ। তোমার ঈশ্বর সদাপ্রভু তোমাকে যে আজ্ঞা দিয়েছিলেন, তা তুমি পালন করোনি; যদি তুমি তা করতে, তবে তিনি চিরতরে ইস্রায়েলের উপর তোমার রাজত্ব স্থায়ী করে দিতেন। ১৪ কিন্তু এখন তোমার রাজত্ব আর স্থায়ী হবে না; সদাপ্রভু তাঁর মনের মতো এক মানুষ খুঁজে নিয়েছেন এবং তাকে তাঁর প্রজাদের শাসনকর্তারূপে নিযুক্ত করেছেন, কারণ তুমি সদাপ্রভুর আজ্ঞা পালন করোনি।” ১৫ পরে শমুয়েল গিল্গল ছেড়ে বিন্যামীন প্রদেশের গিবিয়াতে চলে গেলেন, এবং শৌল তাঁর সঙ্গে থাকা লোকজনের সংখ্যা গণনা করলেন। তাদের সংখ্যা হল প্রায় ৬০০। ১৬ শৌল ও তাঁর ছেলে যোনাথন এবং তাঁদের সঙ্গে

থাকা লোকজন বিন্যামীন প্রদেশের গিবিয়াতে ছিলেন, অন্যদিকে ফিলিস্তিনীরা মিক্রমসে শিবির স্থাপন করেছিল। 17 ফিলিস্তিনীদের শিবির থেকে আক্রমণকারী সৈন্যরা তিন দলে বিভক্ত হয়ে বেরিয়ে এল। একদল সৈন্য শুয়াল এলাকায় অবস্থিত অফ্ফার দিকে গেল, 18 অন্য দলটি গেল বেথ-হোরোগের দিকে, এবং তৃতীয় দলটি মরহপ্রান্তরের দিকে দৃষ্টি রেখে সিবোয়িম উপত্যকা লক্ষ্য করে সীমান্ত এলাকার দিকে গেল। 19 গোটা ইস্রায়েল দেশে কোনও কামার পাওয়া যাচ্ছিল না, কারণ ফিলিস্তিনীরা বলেছিল, “পাছে হিঙ্গরা তরোয়াল বা বর্শা তৈরি করে!” 20 তাই ইস্রায়েলের সব লোকজন তাদের লাঙ্গলের ফাল, কোদাল, কুড়ুল ও কাস্টে ধার করার জন্য ফিলিস্তিনীদের কাছে যেত। 21 লাঙ্গলের ফাল ও কোদাল ধার করার জন্য দিতে হত এক শেকলের দুই-তৃতীয়াংশ রংপো এবং কাঁটা-বেলচা ও কুড়ুল ধার করার তথা অঙ্কুশ শান দেওয়ার জন্য দিতে হত এক শেকলের এক-তৃতীয়াংশ রংপো। 22 তাই যুদ্ধের দিনে শৌল ও যোনাথনের সঙ্গে থাকা একজনও সৈনিকের হাতে কোনও তরোয়াল বা বর্শা ছিল না; শুধু শৌল ও যোনাথনের হাতেই সেগুলি ছিল। 23 ইতিমধ্যে ফিলিস্তিনী সৈন্যদলের একটি অংশ মিক্রমসের সংকীর্ণ গিরিপথে চলে গিয়েছিল।

**14** একদিন শৌলের ছেলে যোনাথন তাঁর অন্ত্র বহনকারী যুবক ছেলেটিকে বললেন, “এসো, অন্যদিকে অবস্থিত ফিলিস্তিনীদের সৈন্যশিবিরে যাওয়া যাক।” কিন্তু একথা তিনি তাঁর বাবাকে বলেননি। 2 শৌল গিবিয়ার প্রান্তদেশে মিঠোগে একটি ডালিম গাছের তলায় বসেছিলেন। তাঁর সঙ্গে ছিল প্রায় 600 জন, 3 তাদের মধ্যে ছিলেন অহিয়, যাঁর পরনে ছিল এফোদ। তিনি ছিলেন অহীটুবের ছেলে, অহীটুব ছিলেন ঈখাবোদের ভাই, ঈখাবোদ ছিলেন পীনহসের ছেলে, এবং পীনহস ছিলেন সেই এলির ছেলে, যিনি শীলোতে সদাপ্রভুর যাজক ছিলেন। কেউই বুঝতে পারেনি যে যোনাথন বের হয়ে গিয়েছেন। 4 যে গিরিপথটি পেরিয়ে যোনাথন ফিলিস্তিনীদের সৈন্যশিবিরে পৌঁছাতে চেয়েছিলেন সেটির দুধারেই একটি করে খাড়া বাঁধ ছিল; একটির নাম বোৎসেস ও অন্যটির নাম সেনি। 5 একটি খাড়া বাঁধ উভর দিকে

মিক্রমসের মুখোমুখি ছিল, অন্যটি ছিল দক্ষিণ দিকে গেবার মুখোমুখি।

৬ যোনাথন তাঁর অস্ত্র বহনকারী ঘুবকটিকে বললেন, “চলো, আমরা ইত্যবসরে সেইসব লোকজনের ঘাঁটিতে যাই, যারা নেহাতই অধার্মিক। হয়তো সদাপ্রভু আমাদের হয়ে কাজ করবেন। বেশি লোক দিয়েই হোক বা অল্প লোক দিয়েই হোক, দৈশ্বর উদ্ধার করবেনই, কোনো কিছুই তাঁকে আটকাতে পারবে না।” ৭ তাঁর অস্ত্র বহনকারী বলল, “আপনার যা মনে হয় তাই করুন। এগিয়ে যান, আমি মনেগ্রাণে আপনার সঙ্গে সঙ্গে আছি।” ৮ যোনাথন বললেন, “তবে, এসো; আমরা পার হয়ে ওদের দিকে যাব এবং ওরাও আমাদের দেখুক। ৯ যদি ওরা আমাদের বলে, ‘আমরা তোমাদের কাছে না আসা পর্যন্ত ওখানে অপেক্ষা করো,’ তবে আমরা যেখানে আছি সেখানেই থাকব ও ওদের কাছে উঠে যাব না। ১০ কিন্তু ওরা যদি বলে, ‘আমাদের কাছে উঠে এসে লড়ো,’ তবে আমরা উপরে উঠে যাব, কারণ সেটিই আমাদের কাছে এই চিহ্ন হয়ে যাবে যে সদাপ্রভু ওদের আমাদের হাতে তুলে দিয়েছেন।” ১১ অতএব তাঁরা দুজনেই ফিলিস্তিনী সেনা-ঘাঁটির সামনে গিয়ে নিজেদের দর্শন দিলেন। ফিলিস্তিনীরা বলল, “ওই দেখো, গর্তে লুকিয়ে থাকা হিঙ্গরা হামাগুড়ি দিয়ে বের হয়ে আসছে।” ১২ সেনা-ঘাঁটির লোকজন চিৎকার করে যোনাথন ও তাঁর অস্ত্র-বহনকারীকে বলল, “আমাদের কাছে উঠে এসে লড়ো, আমরা তোমাদের উচিত শিক্ষা দেব।” অতএব যোনাথন তাঁর অস্ত্র-বহনকারীকে বললেন, “আমার পিছু পিছু উপরে উঠে এসো; সদাপ্রভু ইস্রায়েলের হাতে ওদের তুলে দিয়েছেন।” ১৩ যোনাথন তাঁর হাত পা ব্যবহার করে উপরে উঠে গেলেন, এবং তাঁর অস্ত্র বহনকারী ছিল ঠিক তাঁর পিছনেই। ফিলিস্তিনীরা যোনাথনের সামনে পড়ে যাচ্ছিল, ও তাঁর অস্ত্র-বহনকারীও তাঁকে অনুসরণ করে তাদের হত্তা করে যাচ্ছিল। ১৪ প্রথম আক্রমণেই যোনাথন ও তাঁর অস্ত্র বহনকারী লোকটি কমবেশি অর্ধেক একর এলাকা জুড়ে প্রায় কুড়ি জনকে হত্যা করলেন। ১৫ তখন সমগ্র সৈন্যদলে—যারা শিবিরে ও যুদ্ধক্ষেত্রে ছিল, এবং যারা সেনা-ঘাঁটিতে ছিল ও যারা হামলা চালাচ্ছিল, তাদের মধ্যেও—আতঙ্ক ছেয়ে গেল, এবং ভূমিকম্প হল।

সেই আতঙ্ক ঈশ্বরই পাঠালেন। 16 বিন্যামীনের গিবিয়ায় শৌলের প্রহরীরা দেখতে পেয়েছিল যে সৈন্যদল চর্তুদিকে কমে যাচ্ছে। 17 তখন শৌল তাঁর সঙ্গে থাকা লোকজনকে বললেন, “সৈন্যদের জমায়েত করে গুনে দেখো, কে কে আমাদের ছেড়ে গিয়েছে।” যখন তারা এমনটি করল, দেখা গেল যোনাথন ও তাঁর অন্ত বহনকারী সেখানে অনুপস্থিত। 18 শৌল অহিয়কে বললেন, “ঈশ্বরের নিয়ম-সিন্দুকটি এখানে আনুন।” (সেই সময় সেটি ইস্রায়েলীদের সঙ্গেই ছিল) 19 শৌল যখন যাজকের সঙ্গে কথা বলছিলেন, ফিলিস্তিনী-শিবিরে তখন ক্রমাগত হৈ হটগোল বেড়েই চলেছিল। তাই শৌল যাজককে বললেন, “আপনার হাত সরিয়ে নিন।” 20 পরে শৌল ও তাঁর সব লোকজন একত্রিত হয়ে যুদ্ধে গোলেন। তাঁরা দেখেছিলেন যে ফিলিস্তিনীরা পুরোপুরি এলোমেলো হয়ে গিয়ে নিজেদেরই তরোয়াল দিয়ে পরস্পরকে আঘাত হেনে চলেছে। 21 যেসব হিঙ্গ লোকজন ইতিপূর্বে ফিলিস্তিনীদের সঙ্গে ছিল ও তাদের সাথে মিলে তাদের সৈন্যশিবিরে চলে গিয়েছিল, তারাও সেইসব ইস্রায়েলীর কাছে ফিরে এসেছিল, যারা শৌল ও যোনাথনের সঙ্গে ছিল। 22 ইফ্রয়িমের পার্বত্য এলাকায় লুকিয়ে থাকা ইস্রায়েলীরা যখন শুনেছিল যে ফিলিস্তিনীরা পালিয়ে যাচ্ছে, তখন তারাও যুদ্ধে যোগ দিয়ে প্রচণ্ড বেগে তাদের পশ্চাদ্বাবন করল। 23 অতএব সেদিন সদাপ্রভু ইস্রায়েলকে রক্ষা করলেন, এবং যুদ্ধ বেথ-আবন পার করে ছড়িয়ে পড়েছিল। 24 সেদিন ইস্রায়েলীরা গুরুতর অসুবিধায় পড়েছিল, কারণ শৌল এই বলে লোকজনকে এক শপথের অধীনে বেঁধে দিলেন, “সন্ধ্যা ঘনিয়ে আসার আগে, আমার শক্রদের উপর আমি প্রতিশোধ নেওয়ার আগে যদি কেউ খাবার খায়, তবে সে শাপগ্রস্ত হোক!” তাই সৈন্যদলের কেউই খাবার মুখে তোলেনি। 25 গোটা সৈন্যদল অরণ্যে প্রবেশ করল, আর সেখানে জমির উপর মধু পড়েছিল। 26 অরণ্যে প্রবেশ করে তারা দেখেছিল যে মধু চুইয়ে পড়ছে; তবুও কেউ মুখে হাত ঢেকায়নি, কারণ তারা শপথের ভয় করছিল। 27 কিন্তু যোনাথন শোনেননি যে তাঁর বাবা প্রজাদের শপথে বেঁধে রেখেছেন, তাই তিনি তাঁর হাতে থাকা ছড়ির ডগাটি বাড়িয়ে মৌচাকে ডুবিয়ে

দিলেন। তিনি হাত বাড়িয়ে মুখে দেওয়ামাত্র তাঁর চোখদুটি উজ্জল হয়ে উঠেছিল। 28 তখন সৈন্যদের মধ্যে একজন তাঁকে বলল, “আপনার বাবা এই বলে সৈন্যদলকে কঠোর নিয়মানুবর্তী এক শপথে বেঁধে রেখেছেন যে, ‘আজ যে কেউ খাবার খাবে সে শাপগ্রস্ত হোক!’ তাইতো লোকেরা দুর্বল হয়ে পড়েছে।” 29 যোনাথন বললেন, “আমার বাবা দেশে কষ্ট দেকে এনেছেন। দেখো তো, এই মধুর কিছুটা চাখাতেই কীভাবে আমার চোখদুটি উজ্জল হয়ে উঠেছে। 30 লোকেরা আজ যদি তাদের শক্রদের কাছ থেকে কেড়ে নেওয়া লুণ্ঠিত জিনিসপত্রের কিছুটা থেতে পারত তবে কতই না ভালো হত। ফিলিস্তিনীদের সংহার আরও বড়ো মাপের হত নাকি?” 31 সেদিন, মিক্রমস থেকে অয়ালোন পর্যন্ত ফিলিস্তিনীদের আঘাত করতে করতে ইস্রায়েলীরা ঝান্ট হয়ে পড়েছিল। 32 তারা লুণ্ঠিত জিনিসপত্রের উপর বাঁপিয়ে পড়ে মেষ, গবাদি পশু ও বাচ্চুরদের ধরে ধরে জমির উপরেই সেগুলি বধ করে রক্ত সমেত খেয়ে ফেলেছিল। 33 তখন কেউ একজন গিয়ে শৌলকে বলল, “দেখুন, রক্ত সমেত মাংস খেয়ে লোকেরা সদাপ্রভুর বিরুদ্ধে পাপ করছে।” তিনি বললেন, “তোমরা বিশ্বাস ভঙ্গ করেছ। এখনই এখানে একটি বড়ো পাথর গাঢ়িয়ে আনো।” 34 পরে তিনি বললেন, “লোকদের মধ্যে গিয়ে তাদের বলো, ‘তোমাদের মধ্যে প্রত্যেকে আমার কাছে তোমাদের গবাদি পশু ও মেষপাল নিয়ে এসো, ও সেগুলি এখানে বধ করে খেয়ে ফেলো। রক্ত সমেত মাংস খেয়ে তোমরা সদাপ্রভুর বিরুদ্ধে পাপ কোরো না।’” অতএব প্রত্যেকে সেরাত্রে যে যার বলদ নিয়ে এসে সেখানে বধ করল। 35 তখন শৌল সদাপ্রভুর উদ্দেশে এক যজ্ঞবেদি তৈরি করলেন; এই প্রথমবার তিনি এমনটি করলেন। 36 শৌল বললেন, “চলো, আজ রাতেই আমরা ফিলিস্তিনীদের পিছনে তাড়া করে ভোর পর্যন্ত তাদের উপর লুটপাট চালাই, এবং তাদের মধ্যে একজনকেও প্রাণে বাঁচিয়ে না রাখি।” তারা উত্তর দিয়েছিল, “আপনার যা ভালো মনে হয় তাই করুন।” কিন্তু যাজক বললেন, “আসুন, আমরা এখানে ঈশ্বরের কাছে খোঁজ করি।” 37 অতএব শৌল ঈশ্বরকে জিঙ্গাসা করলেন, “আমি কি ফিলিস্তিনীদের পিছনে তাড়া

করব? তুমি কি তাদের ইস্রায়েলের হাতে তুলে দেবে?” কিন্তু ঈশ্বর  
সেদিন তাঁকে কোনও উত্তর দেননি। 38 অতএব শৌল বললেন,  
“তোমরা যারা সৈন্যদলের নেতা, তারা এখানে এসো, এবং খুঁজে  
দেখা যাক আজ কী পাপ ঘটেছে। 39 ইস্রায়েলের রক্ষাকর্তা সদাপ্রভুর  
দিব্যি, দোষ যদি আমার ছেলে যোনাথন করে থাকে, তবে তাকেই  
মরতে হবে।” কিন্তু তাদের কেউই কোনও কথা বলেনি। 40 শৌল  
তখন সব ইস্রায়েলীকে বললেন, “তোমরা সব ওখানে দাঁড়িয়ে থাকো;  
আমি ও আমার ছেলে যোনাথন এখানে এসে দাঁড়াব।” “আপনার যা  
ভালো মনে হয়, তাই করুন,” তারা উত্তর দিয়েছিল। 41 তখন শৌল  
ইস্রায়েলের ঈশ্বর সদাপ্রভুর কাছে প্রার্থনা করলেন, “আজ তুমি কেন  
তোমার দাসকে উত্তর দিলে না? আমি বা আমার ছেলে যোনাথন যদি  
দোষ করে থাকি, তবে উরীমের মাধ্যমে উত্তর দাও, কিন্তু ইস্রায়েলের  
জনতা যদি ভুল করে থাকে, তবে তৃংমীমের মাধ্যমে উত্তর দাও।”  
গুটিকাপাতের মাধ্যমে যোনাথন ও শৌল ধরা পড়েছিলেন, এবং জনতা  
মুক্ত হল। 42 শৌল বললেন, “আমার ও আমার ছেলে যোনাথনের  
মধ্যে গুটিকাপাতের দান চালো।” তাতে যোনাথন ধরা পড়েছিলেন।  
43 তখন শৌল যোনাথনকে বললেন, “তুমি কী করেছ তা আমায়  
বলো।” যোনাথন তাঁকে বললেন, “আমি আমার লাঠির ডগায় করে  
একটু মধু চেঞ্চেছি। এখন আমায় মরতে হবে!” 44 শৌল বললেন,  
“যোনাথন, তুমি যদি মারা না যাও, তবে ঈশ্বর যেন আমায় আরও  
বেশি শাস্তি দেন।” 45 কিন্তু লোকেরা শৌলকে বলল, “যিনি ইস্রায়েলে  
এমন মহা উদ্ধার এনে দিয়েছেন—সেই যোনাথন মরবেন? তা হবে  
না! জীবন্ত সদাপ্রভুর দিব্যি, তাঁর মাথার একটি চুলও মাটিতে পড়বে  
না, কারণ ঈশ্বরের সাহায্য নিয়ে তিনিই আজ এমনটি করেছেন।”  
অতএব লোকেরা যোনাথনকে রক্ষা করল, এবং তাঁকে মরতে হয়নি।  
46 পরে শৌল আর ফিলিস্তিনীদের পশ্চাদ্বাবন করেননি, এবং তারাও  
তাদের দেশে ফিরে গেল। 47 শৌল ইস্রায়েলের উপর রাজত্ব করা  
শুরু করার পরপরই তিনি তাদের সব শক্তির: মোয়াব, অম্মোনীয়,  
ইদোমীয়, সোবার রাজাদের ও ফিলিস্তিনীদের বিরুদ্ধে যুদ্ধ করলেন।

তিনি যেদিকেই যেতেন, তাদের শাস্তি দিয়ে যেতেন। 48 তিনি বীরের  
মতো যুদ্ধ করে অমালেকীয়দের পরাজ করলেন, ও ইস্রায়েলকে তাদের  
হাত থেকে মুক্ত করলেন, যারা তাদের উপর লুঠতরাজ চালিয়েছিল।  
49 শৌলের ছেলেদের নাম যোনাথন, যিশবি ও মন্দীশ্য। তাঁর বড়ো  
মেয়ের নাম মেরব ও ছোটোটির নাম মীখ্ল। 50 তাঁর স্ত্রীর নাম  
অহীনোয়ম, যিনি অহীমাসের মেয়ে। শৌলের সৈন্যদলের সেনাপতির  
নাম অবনের, তিনি নেরের ছেলে, এবং নের ছিলেন শৌলের কাকা।  
51 শৌলের বাবা কীশ ও অবনের বাবা নের ছিলেন অবীয়েলের  
ছেলে। 52 শৌলের সমগ্র রাজত্বকাল জুড়ে ফিলিস্তিনীদের সঙ্গে তাদের  
ভীষণ যুদ্ধ লেগেই থাকত, এবং শৌল যখনই কোনও মহান বা সাহসী  
লোক দেখতেন, তিনি তাকে তাঁর সৈন্যদলে ভর্তি করে নিতেন।

**15** শমুয়েল শৌলকে বললেন, “সদাপ্রভু তাঁর প্রজা ইস্রায়েলের উপর  
তোমাকে রাজপদে অভিষিক্ত করার জন্য আমাকেই পাঠিয়েছিলেন;  
তাই এখন তুমি সদাপ্রভুর বাণীটি শোনো। 2 সর্বশক্তিমান সদাপ্রভু  
একথাই বলেন: ‘ইস্রায়েল যখন মিশর থেকে বের হয়ে এসেছিল তখন  
অমালেকীয়রা তাদের উপর লুটপাট চালাবার জন্য ওৎ পেতে বসে  
থেকে যা যা করেছিল সেজন্য আমি তাদের শাস্তি দেব। 3 এখন যাও,  
অমালেকীয়দের আক্রমণ করো এবং তাদের যা যা আছে, সব পুরোপুরি  
ধ্বংস করে দাও। তাদের নিঃস্তুতি দিয়ো না; স্ত্রী-পুরুষ, সন্তানসন্ততি  
ও শিশু, গবাদি পশু ও মেষ, উট ও গাধাগুলি মেরে ফেলো।’” 4  
শৌল তখন লোকজনকে ডেকে পাঠিয়ে টলায়িমে তাদের গণনা করার  
জন্য একত্রিত করলেন, 2,00,000 পদাতিক সৈন্য ও যিহুদা থেকে  
10,000 জন সংগ্রহীত হল। 5 শৌল সৈন্যসামন্ত নিয়ে অমালেকীয়দের  
নগরে গিয়ে সরু গিরিখাতের মধ্যে ওৎ পেতে বসেছিলেন। 6 পরে তিনি  
কেনীয়দের বললেন, “তোমরা সরে যাও, অমালেকীয়দের সঙ্গ ত্যাগ  
করো, যেন তাদের সঙ্গে সঙ্গে আমি তোমাদেরও ধ্বংস করে না ফেলি;  
কারণ ইস্রায়েলীরা যখন মিশর থেকে বের হয়ে এসেছিল, তোমরা  
তাদের প্রতি দয়া দেখিয়েছিলে।” তাই কেনীয়েরা অমালেকীয়দের  
কাছ থেকে দূরে সরে গেল। 7 পরে শৌল হৃবীলা থেকে মিশরের পূর্ব-

সীমানার কাছাকাছি অবস্থিত শূর পর্যন্ত অমালেকীয়দের আক্রমণ করে গেলেন। 8 তিনি অমালেকীয়দের রাজা অগাগকে জীবিত অবস্থায় ধরে রেখে তার সব লোকজনকে তরোয়াল দিয়ে ধ্বংস করে ফেললেন। 9 কিন্তু শৌল ও তাঁর সৈন্যরা অগাগকে ও ভালো ভালো মেষ ও গবাদি পশুপাল, হষ্টপুষ্ট বাচুর ও মেষশাবকদের—যা যা ভালো বলে মনে হল, সেসব বাঁচিয়ে রেখেছিলেন। সেগুলি তাঁরা পুরোপুরি ধ্বংস করতে চাননি, কিন্তু যা যা তুচ্ছ ও দুর্বল ছিল, সেগুলিই তাঁরা পুরোপুরি ধ্বংস করে ফেলেছিলেন। 10 তখন সদাপ্রভুর এই বাক্য শমুয়েলের কাছে এসেছিল: 11 “আমি শৌলকে রাজা করেছি বলে আমার আক্ষেপ হচ্ছে, কারণ সে আমার কাছ থেকে সরে গিয়েছে এবং আমার নির্দেশ পালন করেনি।” শমুয়েল ঝুঁক্দ হলেন, এবং সারারাত সেদিন তিনি সদাপ্রভুর কাছে কান্নাকাটি করলেন। 12 পরদিন ভোরবেলায় শমুয়েল উঠে শৌলের সঙ্গে দেখা করতে গেলেন, কিন্তু তাঁকে বলা হল, “শৌল কর্মিলে গিয়েছেন। সেখানে তিনি নিজের সম্মানার্থে একটি স্মৃতিসৌধ প্রতিষ্ঠা করার পর গিল্গলে নেমে গিয়েছেন।” 13 শমুয়েল শৌলের কাছে গিয়ে পৌঁছালে শৌল বললেন, “সদাপ্রভু আপনাকে আশীর্বাদ করুন! আমি সদাপ্রভুর নির্দেশ পালন করেছি।” 14 কিন্তু শমুয়েল বললেন, “তবে আমার কানে কেন মেঘের ডাক ভেসে আসছে? আমি কেন তবে গবাদি পশুর ডাক শুনতে পাচ্ছি?” 15 শৌল উত্তর দিলেন, “সৈন্যরা এগুলি অমালেকীয়দের কাছ থেকে নিয়ে এসেছে; আপনার দীশের সদাপ্রভুর উদ্দেশে বলি দেওয়ার জন্য তারা ভালো ভালো মেষ ও গবাদি পশু বাঁচিয়ে রেখেছে, কিন্তু বাদবাকি সবকিছু আমরা পুরোপুরি ধ্বংস করে ফেলেছি।” 16 “যথেষ্ট হয়েছে!” শমুয়েল শৌলকে বললেন। “গতরাতে সদাপ্রভু আমাকে যা বলেছিলেন, তা আমায় বলতে দাও।” “আমায় বলুন,” শৌল উত্তর দিলেন। 17 শমুয়েল বললেন, “যদিও এক সময় তুমি নিজের দৃষ্টিতেই ক্ষুদ্র ছিলে, তাও কি তুমি ইস্রায়েলের সব গোষ্ঠীর প্রধান হওনি? সদাপ্রভু তোমাকে ইস্রায়েলের উপর রাজপদে অভিযিঙ্ক করেছেন। 18 তিনিই তোমাকে একটি কাজের দায়িত্ব দিয়ে পাঠিয়ে বলেছিলেন, ‘যাও ও সেই দৃষ্ট জাতিকে, অমালেকীয়দের

পুরোপুরি ধ্বংস করে দাও; তাদের পুরোপুরি মুছে না দেওয়া পর্যন্ত  
তাদের বিরুদ্ধে যুদ্ধ করেই যাও।’ 19 তুমি সদাপ্রভুর বাধ্য হলে  
না কেন? কেন তুমি লুণ্ঠিত জিনিসপত্রের উপর ঝাঁপিয়ে পড়লে ও  
সদাপ্রভুর দৃষ্টিতে পাপ করলে?” 20 “কিন্তু আমি তো সদাপ্রভুর বাধ্য  
হয়েছি,” শৌল শমুয়েলকে বললেন। “সদাপ্রভু আমায় যে কাজের  
দায়িত্ব দিয়ে পাঠিয়েছিলেন, আমি তো সে কাজেই গিয়েছিলাম।  
আমি অমালেকীয়দের পুরোপুরি ধ্বংস করেছি এবং তাদের রাজা  
অগাগকে ধরে এনেছি। 21 সৈন্যরা লুণ্ঠিত জিনিসপত্র থেকে কয়েকটি  
মেষ ও গবাদি পশু নিয়েছে, সেগুলির মধ্যে থেকে ভালো ভালো  
কয়েকটিকে গিলগলে আপনার ঈশ্বর সদাপ্রভুর উদ্দেশে বলি দেওয়ার  
জন্য সরিয়ে রাখা হয়েছে।” 22 কিন্তু শমুয়েল উত্তর দিলেন: “সদাপ্রভুর  
বাধ্য হলে তিনি যত খুশি হন, হোম ও বলি পেয়ে কি তিনি তত খুশি  
হন? বলি দেওয়ার থেকে বাধ্য হওয়া ভালো, মদ্দা মেঘের চর্বির  
থেকে কথা শোনা ভালো। 23 কারণ বিরুদ্ধাচরণ হল ভবিষ্যৎ-কথনের  
মতো পাপ, এবং গুরুত্ব হল প্রতিমাপূজার মতো পাপ। যেহেতু  
তুমি সদাপ্রভুর বাক্য অগ্রাহ্য করেছ, তাই তিনি তোমায় রাজারপে  
অগ্রাহ্য করেছেন।” 24 তখন শৌল শমুয়েলকে বললেন, “আমি পাপ  
করেছি। আমি সদাপ্রভুর আজ্ঞা ও আপনার নির্দেশ অমান্য করেছি।  
গোকজনকে ভয় পেয়ে আমি তাদের কথানুসারে কাজ করেছি। 25  
এখন আমি আপনাকে সন্নির্বন্ধ অনুরোধ জানাচ্ছি, আমার পাপ ক্ষমা  
করুন ও আমার সঙ্গে ফিরে চলুন, যেন আমি সদাপ্রভুর আরাধনা  
করতে পারি।” 26 কিন্তু শমুয়েল তাঁকে বললেন, “আমি তোমার সঙ্গে  
ফিরে যাব না। তুমি সদাপ্রভুর বাক্য অগ্রাহ্য করেছ, আর সদাপ্রভু ও  
ইস্রায়েলের রাজারপে তোমাকে অগ্রাহ্য করেছেন।” 27 শমুয়েল প্রস্তুন  
করার জন্য ঘুরে দাঁড়াতেই শৌল শমুয়েলের আলখাল্লার আঁচল ধরে  
টান দিলেন, এবং সেটি ছিঁড়ে গেল। 28 শমুয়েল তাঁকে বললেন,  
“সদাপ্রভু আজ ইস্রায়েলের রাজ্যটি তোমার কাছ থেকে ছিঁড়ে নিলেন  
এবং তোমার প্রতিবেশীদের মধ্যে একজনকে—যে তোমার চেয়ে  
ভালো, তাকে দিয়ে দিলেন। 29 যিনি ইস্রায়েলের প্রতাপ, তিনি মিথ্যা

কথা বলেন না বা মন পরিবর্তন করেন না; কারণ তিনি মানুষ নন যে তাঁর মন পরিবর্তন করবেন।” 30 শৌল উত্তর দিলেন, “আমি পাপ করেছি। কিন্তু দয়া করে আমার প্রজাকুলের প্রাচীনদের সামনে ও ইস্রায়েলের সামনে আমার সম্মান বজায় রাখুন; আমার সঙ্গে ফিরে চলুন, যেন আমি আপনার দৈশ্বর সদাপ্রভুর আরাধনা করতে পারি।” 31 অতএব শমুয়েল শৌলের সঙ্গে ফিরে গেলেন, এবং শৌল সদাপ্রভুর আরাধনা করলেন। 32 পরে শমুয়েল বললেন, “আমালেকীয়দের রাজা অগাগকে আমার কাছে নিয়ে এসো।” শিকলে বাঁধা অবস্থায় অগাগ তাঁর কাছে এলেন। তিনি ঘনে করলেন, “মৃত্যুর তীব্রতা নিশ্চয় দূর হয়ে গিয়েছে।” 33 কিন্তু শমুয়েল বললেন, “তোমার তরোয়াল যেভাবে স্ত্রীলোকদের নিঃসন্তান করেছে, তোমার মা স্ত্রীলোকদের মধ্যে তেমনই নিঃসন্তান হবে।” শমুয়েল গিল্গলে সদাপ্রভুর সামনে অগাগকে হত্যা করলেন। 34 পরে শমুয়েল রামার উদ্দেশে রওনা হলেন, কিন্তু শৌল শৌলের গিবিয়ায় নিজের ঘরে ফিরে গেলেন। 35 আমৃত্যু শমুয়েল আর শৌলের সঙ্গে দেখা করতে যাননি, যদিও শমুয়েল তাঁর জন্য অবশ্য কানাকাটি করতেন। শৌলকে ইস্রায়েলের রাজা করেছিলেন বলে সদাপ্রভুর আক্ষেপ হয়েছিল।

**16** সদাপ্রভু শমুয়েলকে বললেন, “ইস্রায়েলের রাজাকৃপে আমি শৌলকে অগ্রাহ্য করেছি, তাই তুমি আর কত দিন তার জন্য কানাকাটি করবে? তোমার শিঙায় তেল ভরে নাও ও বেরিয়ে পড়ো; আমি তোমাকে বেথলেহেমে যিশয়ের কাছে পাঠাচ্ছি। আমি তার ছেলেদের মধ্যে একজনকে রাজা হওয়ার জন্য মনোনীত করেছি।” 2 কিন্তু শমুয়েল বললেন, “আমি কীভাবে যাব? শৌল যদি শুনতে পায়, তবে সে আমাকে মেরে ফেলবে।” সদাপ্রভু বললেন, “তুমি সাথে করে একটি বকনা-বাচ্চুর নিয়ে গিয়ে বলো, ‘আমি সদাপ্রভুর উদ্দেশে বলিদান উৎসর্গ করতে এসেছি।’ 3 বলিদানের অনুষ্ঠানে যিশয়কে নিমত্তণ কোরো, আর আমি তোমায় জানিয়ে দেব ঠিক কী করতে হবে। আমি যার দিকে ইঙ্গিত করব, তুমি তাকেই অভিষিক্ত করবে।” 4 সদাপ্রভু যা বললেন শমুয়েল ঠিক তাই করলেন। তিনি বেথলেহেমে

পৌঁছালে, তাঁকে দেখে নগরের প্রাচীনেরা শিহরিত হলেন। তাঁরা প্রশ্ন করলেন, “আপনি শান্তিভাব নিয়ে এসেছেন তো?” ৫ শমুয়েল উত্তর দিলেন, “হ্যাঁ, শান্তিভাব নিয়েই এসেছি; আমি সদাপ্রভুর উদ্দেশে বলিদান উৎসর্গ করতে এসেছি। তোমরা নিজেদের শুচিশুদ্ধ করো ও আমার সঙ্গে বলিদান উৎসর্গ করতে চলো।” পরে তিনি যিশয় ও তাঁর ছেলেদের শুদ্ধকরণ করে বলিদান উৎসর্গ করার জন্য তাঁদের নিমন্ত্রণ জানালেন। ৬ তাঁরা সেখানে পৌঁছালে, শমুয়েল ইলীয়াবকে দেখে ভাবলেন, “সদাপ্রভুর অভিষিক্ত ব্যক্তিই নিশ্চয় এখানে সদাপ্রভুর সামনে এসে দাঁড়িয়েছে।” ৭ কিন্তু সদাপ্রভু শমুয়েলকে বললেন, “এর চেহারা বা উচ্চতা দেখতে যেয়ো না, কারণ আমি একে অগ্রাহ্য করেছি। মানুষ যা দেখে সদাপ্রভু তা দেখেন না। মানুষ বাইরের চেহারাই দেখে, কিন্তু সদাপ্রভু অন্তর দেখেন।” ৮ পরে যিশয় অবীনাদবকে ডেকে তাকে শমুয়েলের সামনে দিয়ে হাঁটালেন। কিন্তু শমুয়েল বললেন, “সদাপ্রভু একেও মনোনীত করেননি।” ৯ যিশয় পরে শমাকে হাঁটালেন, কিন্তু শমুয়েল বললেন, “সদাপ্রভু একেও মনোনীত করেননি।” ১০ যিশয় তাঁর সাত ছেলেদের প্রত্যেককেই শমুয়েলের সামনে দিয়ে হাঁটালেন, কিন্তু শমুয়েল তাঁকে বললেন, “সদাপ্রভু এদের কাউকেই মনোনীত করেননি।” ১১ অতএব তিনি যিশয়কে প্রশ্ন করলেন, “তোমার কি এই কটিই ছেলে আছে?” “সবচেয়ে ছোটো একজন আছে,” যিশয় উত্তর দিলেন। “সে তো মেষ চরাচ্ছে।” শমুয়েল বললেন, “তাকে ডেকে পাঠাও; সে না আসা পর্যন্ত আমরা খেতে বসব না।” ১২ অতএব যিশয় লোক পাঠিয়ে তাকে ডেকে আনালেন। সে ছিল সুস্মান্ত্রের অধিকারী ও তার চোখদুটি ছিল সুন্দর এবং দেখতেও সে ছিল রূপবান। তখন সদাপ্রভু বলে উঠলেন, “ওর্ঠো ও একে অভিষিক্ত করো; এই সেই লোক।” ১৩ তাই শমুয়েল তেলের শিঙা নিয়ে তাকে তার দাদাদের উপস্থিতিতে অভিষিক্ত করলেন, আর সেইদিন থেকেই সদাপ্রভুর আত্মা দাউদের উপর সপরাক্রমে নেমে এলেন। পরে শমুয়েল রামায় চলে গেলেন। ১৪ ইত্যবসরে সদাপ্রভুর আত্মা শৌলকে ছেড়ে গেলেন, এবং সদাপ্রভুর কাছ থেকে এক মন্দ আত্মা এসে তাঁকে উত্যক্ত করল।

15 শৌলের পরিচারকেরা তাঁকে বলল, “দেখুন, ঈশ্বরের কাছ থেকে  
আসা এক মন্দ-আত্মা আপনাকে উত্যক্ত করছে। 16 আমাদের প্রভু  
এখানে তাঁর দাসদের আদেশ করুন, আমরা এমন একজনকে খুঁজে  
আনি যে বীণা বাজাতে পারে। মন্দ আত্মাটি যখন ঈশ্বরের কাছ থেকে  
আপনার উপর নেমে আসবে তখন সে বীণা বাজাবে, এবং আপনার  
ভালো লাগবে।” 17 অতএব শৌল তাঁর পরিচারকদের বললেন,  
“এমন কাউকে খুঁজে বের করো যে বেশ ভালো বাজাতে জানে এবং  
তাকে আমার কাছে নিয়ে এসো।” 18 দাসদের মধ্যে একজন উত্তর  
দিল, “আমি বেথলেহেম নিবাসী যিশয়ের ছেলেদের মধ্যে একজনকে  
দেখেছি যে বীণা বাজাতে জানে। সে একজন বীরপুরুষ ও এক  
যোদ্ধাও। সে বেশ ভালো কথা বলে ও রূপবানও বটে। সদাপ্রভুও  
তার সহবর্তী।” 19 তখন শৌল যিশয়ের কাছে দৃত পাঠিয়ে বললেন,  
“আমার কাছে তোমার ছেলে সেই দাউদকে পাঠিয়ে দাও, যে মেষগাল  
দেখাশোনা করছে।” 20 অতএব যিশয় একটি গাধার পিঠে কিছু রঞ্জি  
ও এক মশক ডরা দ্রাক্ষারস, এবং একটি কচি পাঁঠা সমেত তাঁর ছেলে  
দাউদকে শৌলের কাছে পাঠিয়ে দিলেন। 21 দাউদ শৌলের কাছে  
এসে তাঁর সেবাকাজে বহাল হলেন। শৌলের তাকে খুব পছন্দ হল,  
এবং দাউদ তাঁর অন্ত্র-বহনকারীদের মধ্যে একজন হয়ে গেলেন। 22  
পরে শৌল যিশয়কে বলে পাঠালেন, “দাউদকে আমার সেবাকাজে  
বহাল থাকতে দাও, কারণ আমার ওকে ভালো লেগেছে।” 23 যখনই  
ঈশ্বরের কাছ থেকে আত্মাটি নেমে আসত, দাউদ তার বীণাটি নিয়ে  
বাজাতে শুরু করতেন। তখনই শৌল স্বত্ত্ব পেতেন; তাঁর ভালো লাগত,  
ও মন্দ আত্মাটি তাঁকে ছেড়ে চলে যেত।

**17** ফিলিস্তিনীরা যুদ্ধ করার জন্য যিহুদা প্রদেশের সোখোতে তাদের  
সৈন্যদল একত্রিত করল। সোখো ও অসেকার মাঝখানে অবস্থিত  
এফস-দম্বীমে তারা সৈন্যশিবির স্থাপন করল। 2 শৌল ও ইস্রায়েলীরা  
একত্রিত হয়ে এলা উপত্যকায় শিবির স্থাপন করে ফিলিস্তিনীদের  
বিরুদ্ধে সৈন্য সমাবেশ করলেন। 3 মাঝখানে উপত্যকাটিকে রেখে  
ফিলিস্তিনীরা একটি টিলা এবং ইস্রায়েলীরা অপর একটি টিলা অধিকার

করল। 4 ফিলিস্তিনীদের শিবির থেকে গাঁৎ নিবাসী গলিয়াত নামক একজন বীরপুরূষ বের হয়ে এসেছিল। সে ছিল প্রায় তিন মিটার লম্বা। 5 তার মাথায় ছিল ব্রোঞ্জের শিরস্ত্রাণ ও সে অঙ্গে ধারণ করেছিল 5,000 শেকল ওজনের ব্রোঞ্জের তৈরি আঁশের মতো দেখতে এক বর্ম; 6 তার পায়ে ছিল ব্রোঞ্জের বর্ম ও তার পিঠে ঝুলছিল ব্রোঞ্জের একটি বল্লম। 7 তার বর্ণার হাতলটি ছিল তাঁতির দণ্ডের মতো, ও বর্ণার লোহার ডগাটিরই ওজন ছিল 600 শেকল। তার ঢাল বহনকারী তার আগে আগে যাচ্ছিল। 8 গলিয়াত দাঁড়িয়ে পড়ে ইস্রায়েলের সৈন্যদলের উদ্দেশে চিৎকার করে বলে উঠল, “তোমরা কেন এখানে এসে যুদ্ধ করার জন্য সৈন্য সাজিয়েছ? আমি কি একজন ফিলিস্তিনী নই, আর তোমরাও কি শৌলের দাস নও? তোমরা একজনকে বেছে নাও আর সে আমার কাছে নেমে আসুক। 9 সে যদি যুদ্ধ করে আমাকে মারতে পারে, তবে আমরা তোমাদের বশ্যতাস্ত্রীকার করব; কিন্তু আমি যদি পরাজিত করে তাকে মারতে পারি, তোমরা আমাদের বশ্যতাস্ত্রীকার করে আমাদের দাসত্ব করবে।” 10 পরে সেই ফিলিস্তিনী বলল, “আজ আমি ইস্রায়েলের সৈন্যদলকে দ্বন্দ্বে আহ্বান করছি! আমাকে একজন লোক দাও আর আমরা একে অপরের সঙ্গে যুদ্ধ করি।” 11 সেই ফিলিস্তিনীর কথা শুনে শৌল ও ইস্রায়েলীরা সবাই বিমর্শ ও আতঙ্কগ্রস্ত হয়ে পড়লেন। 12 এদিকে দাউদ ছিলেন যিহুদা প্রদেশের বেথলেহেম নিবাসী ইক্রাথীয় যিশয়ের ছেলে। যিশয়ের আটটি ছেলে ছিল, এবং শৌলের রাজত্ব চলাকালীন তিনি খুব বৃদ্ধ হয়ে গিয়েছিলেন। 13 যিশয়ের ছেলেদের মধ্যে প্রথম তিনজন শৌলের অনুগামী হয়ে যুদ্ধে গেলেন: তাঁর বড়ো ছেলের নাম ইলীয়াব; দ্বিতীয়জনের নাম অবীনাদব; ও তৃতীয় জনের নাম শম্মা। 14 দাউদ ছিলেন সবচেয়ে ছোটো। বড়ো তিনজন শৌলের অনুগামী হলেন, 15 কিন্তু দাউদ শৌলের কাছ থেকে বেথলেহেমে তাঁর বাবার মেষপাল দেখাশোনা করার জন্য যাওয়া-আসা করতেন। 16 সেই ফিলিস্তিনী চল্লিশ দিন ধরে রোজ সকালে বিকেলে এগিয়ে এসে দাঁড়িয়ে পড়ত। 17 একদিন যিশয় তাঁর ছেলে দাউদকে বললেন, “তুমি তোমার দাদাদের জন্য এই এক ঐফা সেঁকা শস্য ও

এই দশ টুকরো রুটি নিয়ে তাড়াতাড়ি তাদের সৈন্যশিবিরে যাও। 18  
এই দশ তাল পনীরও তাদের সহস্র-সেনাপতির কাছে নিয়ে যাও।  
দেখে এসো তোমার দাদারা কেমন আছে এবং তাদের কাছ থেকে  
কিছু প্রতিশ্রূতি নিয়ে এসো। 19 তারা শৌল ও ইস্রায়েলের সৈন্যদলের  
সঙ্গে থেকে এলা উপত্যকায় ফিলিস্তিনীদের বিরুদ্ধে যুদ্ধ করছে।” 20  
পরদিন ভোরবেলায় দাউদ একজন রাখালের হাতে পশুপালের ভার  
সঁপে দিয়ে যিশয়ের নির্দেশানুসারে সরকিছু নিয়ে রওনা হয়ে গেলেন।  
ঠিক যখন সৈন্যরা রণহস্তান দিতে দিতে সমুখসমরে নামতে যাচ্ছিল,  
তিনি সৈন্যশিবিরে গিয়ে পৌছালেন। 21 ইস্রায়েল ও ফিলিস্তিনীরা  
সমুখসমরে অবতীর্ণ হওয়ার জন্য পরস্পরের মুখোমুখি হল। 22 দাউদ  
তাঁর জিনিসপত্র রসদ দেখাশোনাকারী একজন লোকের কাছে ফেলে  
রেখে যুদ্ধক্ষেত্রে দৌড়ে গেলেন ও তাঁর দাদাদের জিজ্ঞাসা করলেন,  
তারা কেমন আছেন। 23 তিনি যখন তাদের সঙ্গে কথা বলছিলেন,  
তখন গাং নিবাসী ফিলিস্তিনী বীরপুরুষ গলিয়াত তার অভ্যাসমতো  
সামনে এগিয়ে এসে চিংকার করে তাদের টিটকিরি দিচ্ছিল, এবং  
দাউদ তা শুনেছিলেন। 24 ইস্রায়েলীরা সেই লোকটিকে দেখামাত্র  
খুব ভয় পেয়ে গিয়ে সবাই তার সামনে থেকে পালিয়ে গেল। 25  
ইস্রায়েলীরা বলাবলি করছিল, “দেখছ, কীভাবে এই লোকটি বারবার  
বের হয়ে আসছে? এ ইস্রায়েলকে টিটকিরি দেওয়ার জন্যই বের হয়ে  
আসছে। যে একে মারতে পারবে তাকে রাজামশাই প্রচুর ধনসম্পদ  
দেবেন। তিনি তাঁর মেয়ের সঙ্গে তার বিয়েও দেবেন ও তার পরিবারকে  
ইস্রায়েলে খাজনা দেওয়ার হাত থেকেও নিষ্কৃতি দেওয়া হবে।” 26  
দাউদ তাঁর কাছাকাছি দাঁড়িয়ে থাকা লোকদের জিজ্ঞাসা করলেন,  
“যে এই ফিলিস্তিনীকে হত্যা করবে ও ইস্রায়েল থেকে এই অপযশ  
দূর করবে তার প্রতি কী করা হবে? এই বিধমী ফিলিস্তিনীটি কে যে  
এ জীবন্ত স্টথরের সৈন্যদলকে টিটকিরি দিচ্ছে?” 27 তারা যা যা  
বলেছিল তা আরও একবার তাঁকে বলে শোনাল এবং তাঁকে এও  
বলল, “যে তাকে হত্যা করতে পারবে তার প্রতি এমনটিই করা হবে।”  
28 দাউদের বড়ো দাদা ইলীয়াব যখন তাঁকে লোকদের সঙ্গে কথাবার্তা

বলতে শুনেছিলেন, তখন তিনি তাঁর প্রতি রাগে অগ্নিশর্মা হয়ে জিঞ্জাসা করলেন, “তুই কেন এখানে নেমে এসেছিস? কার কাছেই বা তুই মরণপ্রাপ্তরে সেই অল্প কয়েকটি মেষ ছেড়ে এসেছিস? আমি জানি তুই কত দাস্তিক আর তোর মন কত দুষ্টিমিতে ভরা; তুই শুধু যুদ্ধ দেখতে এসেছিস।” 29 “আমি আবার কী করলাম?” দাউদ বললেন। “আমি কি কথাও বলতে পারব না?” 30 এই বলে তিনি অন্য একজনের দিকে ফিরে একই বিষয় উপ্থাপন করলেন, এবং লোকেরা আগেকার মতোই উত্তর দিল। 31 কেউ আড়ি পেতে দাউদের বলা কথাগুলি শুনেছিল ও শৌলকে গিয়ে খবর দিয়েছিল, এবং শৌল তাঁকে ডেকে পাঠালেন। 32 দাউদ শৌলকে বললেন, “এই ফিলিস্তিনীর জন্য কাউকে মন খারাপ করতে হবে না; আপনার এই দাস গিয়েই তার সঙ্গে যুদ্ধ করবে।” 33 শৌল উত্তর দিলেন, “তোমার পক্ষে এই ফিলিস্তিনীর বিরুদ্ধে গিয়ে যুদ্ধ করা সম্ভব নয়; তুমি তো এক বাচ্চা ছেলে, আর সে ছেলেবেলা থেকেই যুদ্ধ করে আসছে।” 34 কিন্তু দাউদ শৌলকে উত্তর দিলেন, “আপনার এই দাস তার বাবার মেষপাল দেখাশোনা করে আসছে। যখন যখন কোনো সিংহ বা ভালুক পাল থেকে মেষ উঠিয়ে নিয়ে গিয়েছে, 35 আমি সেগুলির পিছু ধাওয়া করেছি, আঘাত করে সেগুলির মুখ থেকে মেষটিকে উদ্ধার করে এনেছি। সেটি আমার দিকে ঘুরে দাঁড়াতেই আমি সেটির কেশির জাপতে ধরে মারতে মারতে শেষ করে ফেলেছি।

36 আপনার এই দাস সিংহ ও ভালুক—দুটিকেই মেরে ফেলেছে; এই বিধর্মী ফিলিস্তিনীও তো ওদের মতোই একজন হবে, কারণ সে জীবন্ত ঈশ্বরের সৈন্যদলকে টিটকিরি দিয়েছে। 37 যে সদাপ্রভু আমাকে সিংহের থাবা থেকে ও ভালুকের থাবা থেকেও রক্ষা করেছেন তিনিই আমাকে এই ফিলিস্তিনীর হাত থেকেও রক্ষা করবেন।” শৌল দাউদকে বললেন, “যাও, সদাপ্রভু তোমার সঙ্গে থাকুন।” 38 পরে শৌল দাউদকে নিজের পোশাকটি পরিয়ে দিলেন। তিনি দাউদের গায়ে যুদ্ধের সাজ ও মাথায় ব্রোঞ্জের শিরত্রাণ চাপিয়ে দিলেন। 39 দাউদ পোশাকের উপর তাঁর তরোয়ালটি বেঁধে চলাফেরা করার চেষ্টা করলেন, কারণ তিনি এতে খুব একটা অভ্যন্তর ছিলেন না। “এগুলি

নিয়ে আমি চলতে পারছি না,” তিনি শৌলকে বললেন, “কারণ আমি  
এতে খুব একটা অভ্যন্তর নই।” তাই তিনি সেগুলি খুলে ফেললেন।  
40 পরে তিনি হাতে নিজের লাঠিটি নিয়ে, জলস্রোত থেকে পাঁচটি  
মসৃণ নুড়ি-পাথর বেছে নিয়ে সেগুলি রাখালেরা যে থলি রাখে, নিজের  
কাছে থাকা সেরকমই একটি থলিতে রেখে দিলেন, এবং হাতে নিজের  
গুলতিটি নিয়ে সেই ফিলিস্তিনীর দিকে এগিয়ে গেলেন। 41 এদিকে,  
সেই ফিলিস্তিনী তার ঢাল বহনকারীকে সামনে রেখে দাউদের দিকে  
এগিয়ে আসতে শুরু করল। 42 সে দাউদের দিকে ভালো করে তাকিয়ে  
যখন দেখল যে তাঁর বয়স খুব অল্প এবং তিনি সুস্মান্ত্যের অধিকারী ও  
রূপবান, তখন সে তাঁকে অবজ্ঞা করল। 43 সে দাউদকে বলল, “আমি  
কি কুকুর নাকি, যে তুই লাঠি নিয়ে আমার কাছে এসেছিস?” আর  
সেই ফিলিস্তিনী নিজের দেবতাদের নাম নিয়ে দাউদকে গালাগালি  
দিল। 44 “এখানে আয়,” সে বলল, “আর আমি তোর মাংস পাখি ও  
বন্যপশুদের খাওয়াব!” 45 দাউদ সেই ফিলিস্তিনীকে বললেন, “তুমি  
তরোয়াল, বর্ণা ও বল্লম নিয়ে আমার বিরংদে লড়তে এসেছ, কিন্তু  
আমি ইস্রায়েলের সৈন্যদলের ঈশ্বর সেই সর্বশক্তিমান সদাপ্রভুর নামে  
তোমার বিরংদে যুদ্ধ করতে এসেছি, তুমি যাঁর নামে টিটকিরি দিয়েছ।  
46 আজকের এই দিনে সদাপ্রভু তোমাকে আমার হাতে সমর্পণ করে  
দেবেন, আর আমি তোমাকে আঘাত করে তোমার মাথা কেটে ফেলব।  
আজই আমি ফিলিস্তিনী সৈন্যদের মৃতদেহ পাখি ও বন্যপশুদের  
খাওয়াব, আর সমগ্র জগৎসংসার জানবে যে ইস্রায়েলে একজন ঈশ্বর  
আছেন। 47 এখানে যারা যারা উপস্থিত আছে তারা সবাই জানবে  
যে সদাপ্রভু তরোয়াল বা বর্ণা দিয়ে উদ্ধার দেন না; কারণ যুদ্ধ তো  
সদাপ্রভুরই, আর তিনিই তোমাদের সবাইকে আমাদের হাতে সমর্পণ  
করে দেবেন।” 48 সেই ফিলিস্তিনী যেই দাউদকে আক্রমণ করার  
জন্য তাঁর দিকে এগিয়ে এল, তিনি চট করে তার মুখেমুখি হওয়ার  
জন্য সামনে দৌড়ে গেলেন। 49 তিনি থলি থেকে একটি পাথর বের  
করে গুলতিতে ভরে সেই ফিলিস্তিনীর কপাল লক্ষ্য করে সেটি ছুঁড়ে  
মারলেন। পাথরটি তার কপাল ভেদ করে ভিতরে চুকে গেল, এবং

সে উবুড় হয়ে মাটিতে পড়ে গেল। 50 অতএব দাউদ একটি গুলাতি  
ও একটি পাথর নিয়েই সেই ফিলিস্তিনীর উপর জয়লাভ করলেন;  
হাতে কোনও তরোয়াল না নিয়েই তিনি সেই ফিলিস্তিনীকে আঘাত  
করে তাকে মেরে ফেললেন। 51 দাউদ দৌড়ে গিয়ে তার উপর উঠে  
দাঁড়ালেন। তিনি সেই ফিলিস্তিনীর তরোয়ালটি ধরে সেটি খাপ থেকে  
বের করে আনলেন। তাকে হত্যা করার পর তিনি তরোয়াল দিয়ে তার  
মাথাটি কেটে ফেললেন। ফিলিস্তিনীরা যখন দেখল তাদের বীরপুরুষ  
মারা পড়েছে, তখন তারা পিছু ফিরে পালালো। 52 পরে ইস্রায়েল  
ও যিহূদার লোকজন প্রবল উচ্ছাসে চিৎকার করে সামনে এগিয়ে  
গিয়ে গাতের প্রবেশদ্বার ও ইক্রোণের ফটক পর্যন্ত ফিলিস্তিনীদের  
পশ্চাদ্বাবন করল। তাদের শবঙ্গলি গাত ও ইক্রোণ পর্যন্ত শারায়িমের  
পথে পথে ছাড়িয়ে পড়ল। 53 ইস্রায়েলীরা ফিলিস্তিনীদের তাড়িয়ে দিয়ে  
ফিরে আসার পথে তাদের সৈন্যশিবিরে লুঠতরাজ চালাল। 54 দাউদ  
সেই ফিলিস্তিনীর মাথাটি তুলে এনে সেটি জেরক্ষালেমে নিয়ে এলেন;  
তিনি সেই ফিলিস্তিনীর অস্ত্রশস্ত্র এনে নিজের তাঁবুতে রেখে দিলেন।  
55 শৌল দাউদকে সেই ফিলিস্তিনীর মুখোমুখি হওয়ার জন্য যেতে  
দেখে সৈন্যদলের সহস্র-সেনাপতি অবনেরকে বললেন, “অবনের,  
এই যুবকটি কার ছেলে?” অবনের উত্তর দিলেন, “মহারাজ, আপনার  
প্রাণের দিবি, আমি জানি না।” 56 রাজামশাই বললেন, “খুঁজে বের  
করো এই যুবকটি কার ছেলে।” 57 দাউদ সেই ফিলিস্তিনীকে হত্যা  
করে ফিরে আসার পর মুহূর্তেই অবনের তাঁকে নিয়ে শৌলের কাছে  
পোঁছে গেলেন। দাউদের হাতে তখনও সেই ফিলিস্তিনীর কাটা মাথাটি  
ধরা ছিল। 58 ‘ওহে যুবক, তুমি কার ছেলে?’ শৌল তাঁকে জিজ্ঞাসা  
করলেন। দাউদ বললেন, “আমি আপনার দাস বেথলেহেম নিবাসী  
যিশয়ের ছেলে।”

**18** শৌলের সঙ্গে দাউদের কথাবার্তা শেষ হতে না হতেই যোনাথন  
দাউদের সঙ্গে একাত্ম হয়ে গেলেন, এবং তিনি দাউদকে নিজের মতো  
করে ভালোবাসলেন। 2 সেদিন থেকেই শৌল দাউদকে নিজের কাছে  
রেখে দিলেন এবং তাঁকে ঘরে তাঁর পরিবারের কাছে ফিরে যেতে

দেননি। 3 যোনাথনও দাউদের সঙ্গে এক চুক্তি করলেন, কারণ তিনি তাঁকে নিজের মতো করে ভালোবেসেছিলেন। 4 যোনাথন তাঁর পরনের পোশাকটি খুলে দাউদকে দিলেন, সঙ্গে নিজের আলখাল্লাটি, এমনকি নিজের তরোয়াল, ধনুক ও কোমরবন্ধটিও দিয়ে দিলেন। 5 শৌল যে কোনো কাজের দায়িত্ব দিয়ে দাউদকে পাঠাতেন, তাতে তিনি এতটাই সফল হতেন যে শৌল সৈন্যদলে তাঁকে আরও উঁচু পদে নিযুক্ত করে দিলেন। এতে সৈনিকরা সবাই খুব খুশি হল ও শৌলের কর্মকর্তারাও খুব খুশি হল। 6 দাউদ সেই ফিলিষ্টিনীকে হত্যা করার পর যখন লোকজন ঘরে ফিরে আসছিল, তখন ইস্রায়েলের সব নগর থেকে স্ত্রীলোকেরা নাচ-গান করতে করতে, খঞ্জনি ও সুরবাহার বাজিয়ে আনন্দগান গাইতে গাইতে রাজা শৌলের সঙ্গে দেখা করতে বের হয়ে এল। 7 নাচতে নাচতে তারা গাইল: “শৌল মারলেন হাজার হাজার, আর দাউদ মারলেন অযুত অযুত।” 8 শৌলের খুব রাগ হল; এই গানের ধূয়া তাঁকে খুব অসন্তুষ্ট করল। “এরা দাউদকে অযুত অযুতের কথা বলে কৃতিত্ব দিয়েছে,” তিনি ভাবলেন, “কিন্তু আমার বিষয়ে শুধুই হাজার হাজার। পরে আর রাজ্য ছাড়া তার কী-ই বা পাওয়ার আছে?” 9 আর সেই সময় থেকেই শৌল দাউদের উপর সজাগ দৃষ্টি রাখতে শুরু করলেন। 10 পরদিনই ঈশ্বরের কাছ থেকে একটি মন্দ আত্মা সবলে শৌলের উপর নেমে এল। তিনি তাঁর বাড়িতে বসে ভাববাণী বলছিলেন, অন্যদিকে দাউদ সচরাচর যেমনটি করতেন, সেভাবে বীণা বাজিয়ে যাচ্ছিলেন। শৌলের হাতে ছিল একটি বর্ণা 11 এবং “আমি দাউদকে দেওয়ালে গেঁথে ফেলব,” আপনমনে একথা বলে তিনি সেটি ছুঁড়ে দিলেন। কিন্তু দাউদ দু-দুবার তাঁর হাত ফসকে পালিয়ে গেলেন। 12 শৌল দাউদকে ভয় পেতে শুরু করলেন, কারণ সদাপ্রভু দাউদের সঙ্গে ছিলেন কিন্তু শৌলকে ছেড়ে গিয়েছিলেন। 13 অতএব তিনি দাউদকে নিজের কাছ থেকে সরিয়ে দিয়ে তাঁকে সহস্র-সেনাপতি পদে নিযুক্ত করলেন, এবং দাউদ যুদ্ধে সেনাবাহিনীর নেতৃত্ব দিলেন। 14 সবকাজেই তিনি মহাসাফল্য লাভ করলেন, কারণ সদাপ্রভু তাঁর সঙ্গে ছিলেন। 15 শৌল তাঁকে এত বেশি সফল হতে

দেখে তাঁকে ভয় করতে শুরু করলেন। 16 কিন্তু ইস্রায়েল ও যিহুদার  
সব লোকজন দাউদকে ভালোবেসেছিল, কারণ যুদ্ধে তিনি তাদের  
নেতৃত্ব দিয়েছিলেন। 17 শৌল দাউদকে বললেন, “এই আমার বড়ো  
মেয়ে মেরব। আমি এর সঙ্গে তোমার বিয়ে দেব; তুমি শুধু নিভীকভাবে  
আমার সেবা করে যাও ও সদাপ্রভুর জন্য যুদ্ধ করে যাও।” কারণ শৌল  
মনে মনে বললেন, “আমি এর বিরুদ্ধে হাত উঠাব না। ফিলিস্তিনীরাই  
এ কাজটি করঞ্চ!” 18 কিন্তু দাউদ শৌলকে বললেন, “আমি কে,  
আর ইস্রায়েলে আমার পরিবার বা আমার বংশই বা কী এমন, যে  
আমি রাজার জামাই হব?” 19 অবশ্য যখন শৌলের মেয়ে মেরবকে  
দাউদের হাতে তুলে দেওয়ার সময় এল, তখন মেরবকে মহোলাতীয়  
অদ্বীয়েলের সঙ্গে বিয়ে দিয়ে দেওয়া হল। 20 ইত্যবসরে আবার  
শৌলের মেয়ে মীখল দাউদের প্রেমে পড়ে গেলেন, আর শৌলকে যখন  
খবরটি জানানো হল, তিনি খুশিই হলেন। 21 “আমি মীখলকে ওর  
হাতে তুলে দেব,” তিনি ভাবলেন, “এতে মীখল ওর কাছে এক ফাঁদ  
হয়ে দাঁড়াবে এবং ফিলিস্তিনীদের হাতও ওর বিরুদ্ধে উঠবে।” অতএব  
শৌল দাউদকে বললেন, “এখন দ্বিতীয়বার তোমার কাছে আমার  
জামাই হওয়ার সুযোগ এসেছে।” 22 পরে শৌল তাঁর কর্মচারীদের  
আদেশ দিলেন: “তোমরা গিয়ে গোপনে দাউদকে বলো, ‘দেখো,  
রাজামশাই তোমাকে পছন্দ করেন, আর তাঁর সব কর্মচারীও তোমাকে  
ভালোবাসে; এখন তুমি তাঁর জামাই হয়ে যাও।’” 23 তারা এইসব  
কথা দাউদকে বলে শোনাল। কিন্তু দাউদ বললেন, “তোমাদের কি  
মনে হয় রাজামশায়ের জামাই হওয়া সামান্য ব্যাপার? আমি তো  
এক গরিব মানুষ ও আমাকে বিশেষ কেউ চেনেও না।” 24 শৌলের  
দাসেরা যখন দাউদের বলা কথাগুলি শৌলকে গিয়ে শোনাল, 25 শৌল  
তখন উত্তর দিলেন, “দাউদকে গিয়ে বলো, ‘রাজামশাই আর কোনও  
কন্যাপণ চান না, শুধু ফিলিস্তিনীদের 100-টি লিঙ্গত্বক দিলেই হবে,  
যেন তাঁর শক্রদের উপর প্রতিশোধ নেওয়া যায়।’” শৌল পরিকল্পনা  
করে রেখেছিলেন, যেন দাউদ ফিলিস্তিনীদের হাতেই মারা পড়েন।  
26 কর্মকর্তারা যখন দাউদকে এসব কথা বলে শুনিয়েছিলেন, তিনি

খুশিমনে রাজার জামাই হওয়ার জন্য প্রস্তুত হলেন। অতএব নিরাপিত  
সময় অতিবাহিত হওয়ার আগেই, 27 দাউদ তাঁর দলবল নিয়ে বাইরে  
বেরিয়ে গিয়ে 200 জন ফিলিস্তিনীকে হত্যা করে তাদের লিঙ্গত্বক নিয়ে  
এলেন। রাজামশায়ের কাছে তারা সেগুলি পূর্ণ সংখ্যায় শুনে দিল যেন  
দাউদ রাজার জামাই হতে পারেন। পরে শৌল তাঁর সঙ্গে নিজের মেয়ে  
মীখলের বিয়ে দিলেন। 28 শৌল যখন অনুভব করলেন যে সদাপ্রভু  
দাউদের সঙ্গে আছেন ও তাঁর মেয়ে মীখল দাউদকে ভালোবাসেন, 29  
তখন তিনি দাউদকে আরও বেশি ভয় করতে শুরু করলেন, এবং  
জীবনের বাকি দিনগুলি তিনি দাউদের শক্র হয়েই থেকে গেলেন। 30  
ফিলিস্তিনী সহস্র-সেনাপতিরা যুদ্ধ করেই যেতে থাকল, এবং যতবার  
তারা তা করত, শৌলের অন্যান্য কর্মকর্তাদের তুলনায় দাউদ আরও  
বেশি সাফল্য অর্জন করতেন, ও তাঁর নাম সুপরিচিত হয়ে গেল।

**19** শৌল তাঁর ছেলে যোনাথন ও সব কর্মকর্তাকে বললেন যেন  
তারা দাউদকে হত্যা করেন। কিন্তু যোনাথন দাউদকে খুব পছন্দ  
করতেন 2 তাই তিনি তাঁকে সতর্ক করে দিয়ে বললেন, “আমার বাবা  
শৌল তোমাকে হত্যা করার সুযোগ খুঁজছেন। কাল সকালে তুমি  
একটু সাবধানে থেকো; গোপন এক হানে গিয়ে তুমি লুকিয়ে থেকো।  
3 তুমি যেখানে থাকবে আমি ও আমার বাবার সঙ্গে সেখানে গিয়ে  
দাঁড়াব। তোমার বিষয়ে আমি তাঁর সঙ্গে কথা বলব ও আমি যা জানতে  
পারব তা তোমাকে বলে দেব।” 4 যোনাথন তাঁর বাবা শৌলের কাছে  
দাউদের প্রশংসা করে বললেন, “মহারাজ, আপনার দাস দাউদের  
প্রতি কোনও অন্যায় করবেন না; সে তো আপনার বিরুদ্ধে কোনও  
অন্যায় করেনি, আর সে যা যা করেছে তাতে বরং আপনি উপকৃতই  
হয়েছেন। 5 সেই ফিলিস্তিনীকে হত্যা করার সময় সে প্রাণের ঝুঁকি ও  
নিয়ে ফেলেছিল। গোটা ইয়ায়েল জাতির জন্য সদাপ্রভু এক মহাবিজয়  
ছিনিয়ে এনেছেন, এবং আপনি তা দেখে খুশি ও হয়েছিলেন। অকারণে  
দাউদের মতো নিরপরাধ একজনকে হত্যা করার মতো অপকর্ম আপনি  
কেন করতে যাচ্ছেন?” 6 শৌল যোনাথনের কথা শুনে এই শপথ নিয়ে  
বসলেন: “জীবন্ত সদাপ্রভুর দিবিয়, দাউদকে হত্যা করা হবে না।”

৭ অতএব যা যা কথা হল, যোনাথন দাউদকে ডেকে এনে সেসব  
তাঁকে বলে শোনালেন। তিনি দাউদকে শৌলের কাছে নিয়ে এলেন,  
এবং আগের মতোই তিনি শৌলের সঙ্গে থাকতে শুরু করলেন। ৮  
আরেকবার যুদ্ধ শুরু হল, এবং দাউদ গিয়ে ফিলিস্তিনীদের সঙ্গে যুদ্ধ  
করলেন। তিনি এত জোরে তাদের আঘাত করলেন যে তারা তাঁর  
সামনে থেকে পালিয়ে গেল। ৯ কিন্তু শৌল যখন হাতে বর্ণা নিয়ে  
বাড়িতে বসেছিলেন, তখন সদাপ্রভুর কাছ থেকে একটি মন্দ আত্মা  
তাঁর উপর নেমে এল। দাউদ তখন বীণা বাজাচ্ছিলেন, ১০ শৌল তাঁকে  
বর্ণা দিয়ে দেওয়ালে গেঁথে ফেলার চেষ্টা করলেন, কিন্তু শৌল যখন  
দেওয়ালের দিকে বর্ণা ছুঁড়লেন, তখন দাউদ তাঁর হাত এড়িয়ে সরে  
গেলেন। সেরাতে দাউদ পালিয়ে প্রাণে বাঁচলেন। ১১ দাউদের উপর  
নজর রাখার জন্য শৌল তাঁর বাড়িতে লোক পাঠালেন, যেন সকালেই  
তাঁকে হত্যা করতে পারেন। কিন্তু দাউদের স্ত্রী মীখল তাঁকে সতর্ক  
করে দিয়ে বললেন, “আজ রাতেই যদি তুমি প্রাণ বাঁচিয়ে না পালাও  
তবে কাল তুমি নিহত হবে।” ১২ অতএব মীখল দাউদকে জানালা  
দিয়ে নিচে নামিয়ে দিলেন, এবং তিনি পালিয়ে রক্ষা পেলেন। ১৩ পরে  
মীখল একটি প্রতিমা নিয়ে সেটিকে বিছানায় শুইয়ে, কাপড়চোপড়  
দিয়ে ঢেকে রেখে মাথার দিকে কিছুটা ছাগলের লোম রেখে দিলেন।  
১৪ দাউদকে বন্দি করার জন্য শৌল যখন লোক পাঠালেন, মীখল  
বললেন, “উনি অসুস্থ।” ১৫ পরে আবার শৌল দাউদকে দেখার জন্য  
লোক পাঠিয়ে তাদের বলে দিলেন, “ওকে খাট সমেত আমার কাছে  
নিয়ে এসো যেন আমি ওকে হত্যা করতে পারি।” ১৬ কিন্তু লোকেরা  
ঘরে চুকে দেখল, বিছানার উপর প্রতিমা রাখা আছে, ও মাথার দিকে  
কিছুটা ছাগলের লোম রাখা আছে। ১৭ শৌল মীখলকে বললেন,  
“তুমি কেন আমাকে এভাবে ঠকালে ও আমার শক্রকে পালিয়ে যেতে  
দিলে?” মীখল তাঁকে বললেন, “সে আমাকে বলল, ‘আমাকে যেতে  
দাও। আমি কেন তোমায় হত্যা করব?’” ১৮ দাউদ পালিয়ে নিজের  
প্রাণরক্ষা করার পর রামায় শমুয়েলের কাছে গেলেন ও শৌল তাঁর  
প্রতি যা যা করেছিলেন সেসব বলে শোনালেন। পরে তিনি ও শমুয়েল

নায়োতে গিয়ে সেখানেই বসবাস করলেন। 19 শৌলের কাছে খবর এল: “দাউদ রামাতে অবস্থিত নায়োতে আছে” 20 তাই তিনি তাঁকে বন্দি করে আনার জন্য লোক পাঠালেন। কিন্তু যখন তারা দেখল একদল ভাববাদী ভাববাণী বলছেন, ও শমুয়েল দাঁড়িয়ে থেকে তাঁদের নেতৃত্ব দিচ্ছেন, তখন ঈশ্বরের আত্মা শৌলের লোকজনের উপর নেমে এলেন, ও তারাও ভাববাণী বলল। 21 শৌলকে সেকথা বলা হল, এবং তিনি আরও লোকজন পাঠালেন, ও তারাও ভাববাণী বলল। 22 শেষ পর্যন্ত, তিনি নিজেই রামার উদ্দেশে রওনা হয়ে সেখুতে অবস্থিত সেই বড়ো কুরোটির কাছে পৌঁছে গেলেন। তিনি জিজ্ঞাসা করলেন, “শমুয়েল ও দাউদ কোথায়?” “রামাতে অবস্থিত নায়োতে,” তারা বলল। 23 অতএব শৌল রামাতে অবস্থিত নায়োতে চলে গেলেন। কিন্তু ঈশ্বরের আত্মা তাঁর উপরেও নেমে এলেন, এবং যতক্ষণ না তিনি নায়োতে পৌঁছালেন, সারা রাস্তায় তিনি ভাববাণী বলে গেলেন। 24 তিনি পোশাক খুলে ফেললেন, ও শমুয়েলের উপস্থিতিতে তিনি ও ভাববাণী বললেন। তিনি সারাদিন ও সারারাত উলঙ্গ হয়েই ছিলেন। এজন্যই লোকেরা বলে, “শৌলও কি ভাববাদীদের মধ্যে একজন?”

**20** পরে দাউদ রামার নায়োতে থেকে পালিয়ে যোনাথনের কাছে গিয়ে তাঁকে জিজ্ঞাসা করলেন, “আমি কী করেছি? আমি কী দোষ করেছি? আমি তোমার বাবার প্রতি কী এমন অন্যায় করেছি, যে তিনি আমায় হত্যা করতে চাইছেন?” 2 “কখনোই না!” যোনাথন উত্তর দিলেন। “তুমি মারা পড়বে না! দেখো, আমার বাবা, ছোটো হোক কি বড়ো, কোনো কিছুই আমাকে না জানিয়ে করেন না। তিনি আমার কাছে একথা লুকাবেন কেন? এ হতেই পারে না!” 3 কিন্তু দাউদ দিবিয় করে বললেন, “তোমার বাবা ভালোভাবেই জানেন যে আমি তোমার প্রিয়পত্র, আর তিনি মনে মনে বলেছেন, ‘যোনাথন যেন একথা জানতে না পারে, তা না হলে সে খুব দুঃখ পাবে।’ তবুও জীবন্ত সদাপ্রভুর দিবিয় ও তোমার প্রাণের দিবিয়, আমার ও মৃত্যুর মাঝখানে শুধু এক পায়ের ফাঁক রয়ে গিয়েছে।” 4 যোনাথন দাউদকে বললেন, “তুমি আমাকে যা

করতে বলবে, আমি তোমার জন্য তাই করব।” ৫ অতএব দাউদ তাঁকে  
বললেন, “দেখো, আগামীকাল আমাবস্যার উৎসব, আর মহারাজের  
সঙ্গে আমার ভোজনপান করার কথা; কিন্তু আমি পরশু সন্ধ্যা পর্যন্ত  
মাঠে গিয়ে লুকিয়ে থাকব। ৬ যদি তোমার বাবা আমার খোঁজ করেন  
তবে তাঁকে বলো, ‘দাউদ তাড়াতাড়ি তার আপন নগর বেথলেহেমে  
যাওয়ার জন্য আমার কাছে আন্তরিকভাবে অনুমতি চেয়েছিল, কারণ  
তার সম্পূর্ণ গোষ্ঠীর জন্য সেখানে এক বাংসরিক বলিদানের অনুষ্ঠান  
হওয়ার কথা।’ ৭ যদি তিনি বলেন, ‘ঠিক আছে,’ তবে তোমার দাস  
সুরক্ষিত থাকবে। কিন্তু তিনি যদি মেজাজ হারান, তুমি নিশ্চিন্ত থাকতে  
পারো যে তিনি আমার ক্ষতি করবেনই করবেন। ৮ আর তুমি তোমার  
দাসের প্রতি দয়া দেখিয়ো, কারণ সদাপ্রভুকে সাক্ষী রেখে তুমি তার  
সঙ্গে এক নিয়ম স্থির করেছ। আমি যদি দোষী সাব্যস্ত হই তবে তুমিই  
আমাকে হত্যা কোরো! তোমার বাবার হাতে তুমি কেন আমাকে সমর্পণ  
করবে?” ৯ “কখনোই না!” যোনাথন বললেন। “আমি যদি বিন্দুমাত্র  
আভাস পেতাম যে আমার বাবা তোমার ক্ষতি করার জন্য মনস্থির করে  
ফেলেছেন, তবে কি আমি তোমাকে বলতাম না?” ১০ দাউদ জিজ্ঞাসা  
করলেন, “তোমার বাবা তোমাকে রুক্ষভাবে উভর দিয়েছেন কি না তা  
আমাকে কে বলে দেবে?” ১১ “এসো,” যোনাথন বললেন, “আমরা  
মাঠে যাই।” অতএব তাঁরা দুজনে সেখানে গেলেন। ১২ পরে যোনাথন  
দাউদকে বললেন, “আমি ইস্রায়েলের ঈশ্বর সদাপ্রভুর নামে শপথ  
করে বলছি, পরশুদিন এইসময় আমি নিশ্চয় আমার বাবার সঙ্গে কথা  
বলব! যদি তিনি তোমার প্রতি সদয় হন, তবে কি আমি তোমাকে খবর  
দিয়ে পাঠাব না? ১৩ কিন্তু যদি আমার বাবা তোমার ক্ষতি করতে  
চান ও আমি তোমাকে তা জানিয়ে নিরাপদে ফেরত না পাঠাই, তবে  
সদাপ্রভু যোনাথনকে যেন কঠোর দণ্ড দেন। সদাপ্রভু যেভাবে আমার  
বাবার সহবর্তী ছিলেন, সেভাবে যেন তোমারও সহবর্তী হন ১৪ কিন্তু  
আমি যতদিন বেঁচে থাকব তুমি আমার প্রতি তেমনই অপর্যাঙ্গ দয়া  
দেখিয়ো যেমনটি দয়া সদাপ্রভু দেখান, যেন আমাকে নিহত হতে না  
হয়, ১৫ এবং আমার পরিবার-পরিজনের প্রতিও তোমার দয়ায় কাটছাঁট

কোরো না—এমনকি যখন সদাপ্রভু পঃথিবীর বুক থেকে দাউদের এক-  
একটি শক্রকে মুছে দেবেন, তখনও এমনটি কোরো না।” 16 অতএব  
যোনাথন এই বলে দাউদের বংশের সঙ্গে এক নিয়ম স্থির করলেন,  
“সদাপ্রভু যেন দাউদের শক্রদের কাছে কৈফিয়ত তলব করেন।” 17  
যেহেতু যোনাথন দাউদকে প্রাণ দিয়ে ভালোবাসতেন, তাই তাঁকে  
ভালোবাসার খাতিরে তিনি আরেকবার দাউদকে দিয়ে শপথ করিয়ে  
নিলেন। 18 পরে যোনাথন দাউদকে বললেন, “আগামীকাল অমাবস্যার  
উৎসব। তোমার অভাববোধ হবে, কারণ তোমার আসনটি খালি  
থাকবে। 19 এই সমস্যাটি শুরু হওয়ার সময় তুমি যেখানে লুকিয়ে  
ছিলে, পরশুদিন সন্ধ্যার দিকে তুমি সেখানেই চলে যেয়ো, এবং এষল  
নামক সেই পাথরটির পাশে দাঁড়িয়ে অপেক্ষা কোরো। 20 আমি  
এমনভাবে সেটির পাশে তিনটি তির ছুঁড়ব, যেন মনে হয় আমি বুঝি  
নিশানা তাক করে তির ছুঁড়ছি। 21 পরে আমি একটি ছেলেকে পাঠিয়ে  
বলব, ‘যাও, তিরগুলি খুঁজে নিয়ে এসো।’ যদি আমি তাকে বলি,  
'দেখো, তিরগুলি তোমার এদিকে আছে; সেগুলি এখানে নিয়ে এসো,'  
তবে তুমি এসো, কারণ, জীবন্ত সদাপ্রভুর দিব্যি, তুমি নিরাপদেই আছ;  
কোনও বিপদ নেই। 22 কিন্তু আমি যদি সেই ছেলেটিকে বলি, 'দেখো,  
তিরগুলি তোমার ওদিকে গিয়ে পড়েছে,' তবে তোমাকে যেতেই হবে,  
কারণ সদাপ্রভু তোমাকে পাঠিয়ে দিয়েছেন। 23 আর তুমি ও আমি যে  
বিষয়ে আলোচনা করেছি—মনে রেখো, সে বিষয়ে সদাপ্রভু তোমার ও  
আমার মধ্যে চিরকালের জন্য সাক্ষী হয়ে রইলেন।” 24 অতএব দাউদ  
মাঠে লুকিয়ে থাকলেন, ও যখন অমাবস্যার উৎসব এল, রাজামশাই  
থেতে বসেছিলেন। 25 প্রথানুযায়ী তিনি দেওয়ালের পাশে বসেছিলেন,  
ও যোনাথন তাঁর উল্টোদিকে বসেছিলেন, এবং অবনের শৌলের  
ঠিক পাশেই বসেছিলেন, কিন্তু দাউদের আসনটি খালি ছিল। 26  
শৌল সেদিন কিছু বলেননি, কারণ তিনি ভেবেছিলেন, “দাউদের এমন  
কিছু হয়েছে যার দ্বারা সে আনুষ্ঠানিকভাবে অঙ্গটি হয়েছে—নিশ্চয়  
সে অঙ্গটি অবঙ্গ্য আছে।” 27 কিন্তু পরদিন, মাসের দ্বিতীয় দিনেও  
দাউদের আসন খালি পড়েছিল। তখন শৌল তাঁর ছেলে যোনাথনকে

বললেন, “যিশয়ের ছেলে কেন গতকাল ও আজও খেতে আসেনি?”

28 যোনাথন তাঁকে উত্তর দিলেন, “বেথলেহেমে খাওয়ার জন্য দাউদ  
আমার কাছে আন্তরিকভাবে অনুমতি চেয়েছিল। 29 সে বলেছিল,  
‘আমাকে যেতে দাও, কারণ আমাদের পরিবার সেই নগরে বলিদানের  
এক অনুষ্ঠান পালন করছে ও আমার দাদা আমাকে সেখানে উপস্থিত  
থাকার আদেশ দিয়েছেন। আমি যদি তোমার প্রিয়পাত্র হয়ে থাকি,  
তবে দয়া করে আমাকে আমার দাদাদের সঙ্গে দেখা করে আসতে  
দাও।’ এজন্যই সে আজ মহারাজের খাওয়ার টেবিলে আসেনি।” 30  
শৌল যোনাথনের প্রতি ক্রোধে ফেটে পড়লেন ও তাঁকে বললেন,  
“ওরে স্বেচ্ছাচারিণী ও বিদ্রোহিণী নারীর ছেলে! আমি কি জানি না যে  
তুই নিজেকে ও তোর জন্মদাত্রী মাকে লজ্জিত করার জন্য যিশয়ের  
ছেলের পক্ষ নিয়েছিস? 31 যতদিন যিশয়ের ছেলে এই পৃথিবীতে বেঁচে  
থাকবে, না তুই স্থির থাকবি, না তোর রাজ্য স্থির থাকবে। এখন কাউকে  
পাঠিয়ে ওকে আমার কাছে ডেকে আন, কারণ ওকে মরতেই হবে!” 32  
“ওকে কেন মরতে হবে? ও কী করেছে?” যোনাথন তাঁর বাবাকে  
জিজ্ঞাসা করলেন। 33 কিন্তু শৌল তাঁর বর্ণাটি যোনাথনের দিকে ছুঁড়ে  
তাঁকেই মেরে ফেলতে চাইলেন। তখন যোনাথন বুবাতে পারলেন যে  
তাঁর বাবা দাউদকে হত্যা করবেন বলে মনস্থির করে ফেলেছেন।  
34 যোনাথন প্রচণ্ড ক্রুদ্ধ হয়ে টেবিল থেকে উঠে গেলেন; উৎসবের  
সেই দ্বিতীয় দিনে তিনি ভোজনপান করেননি, কারণ দাউদের প্রতি  
তাঁর বাবার লজ্জাজনক আচরণ দেখে তিনি মনে দুঃখ পেয়েছিলেন।  
35 সকালে যোনাথন দাউদের সঙ্গে দেখা করার জন্য মাঠে গেলেন।  
তাঁর সাথে ছিল একটি ছোটো ছেলে, 36 আর তিনি সেই ছেলেটিকে  
বললেন, “দৌড়ে গিয়ে আমার ছোঁড়া তিরগুলি খুঁজে নিয়ে এসো।”  
ছেলেটি দৌড়াতে শুরু করলে, তিনি তাকে পার করে একটি তির ছুঁড়ে  
দিলেন। 37 যোনাথনের তিরটি যেখানে গিয়ে পড়ল, ছেলেটি সেখানে  
পোঁচানোর পর যোনাথন তাকে ডেকে বললেন, “তিরটি কি তোমাকে  
পার করে যায়নি?” 38 পরে তিনি চিংকার করে বললেন, “তাড়াতাড়ি  
করো! জোরে দৌড়াও! থেমো না!” ছেলেটি তিরটি সংগ্রহ করে তার

মালিকের কাছে ফিরে এল। 39 (ছেলেটি এসব বিষয়ে কিছুই জানতে পারেন; শুধু যোনাথন ও দাউদই জানতে পেরেছিলেন) 40 পরে যোনাথন তাঁর অস্ত্রশস্ত্র ছেলেটির হাতে দিয়ে বললেন, “যাও, এগুলি নগরে ফিরিয়ে নিয়ে যাও।” 41 ছেলেটি ফিরে যাওয়ার পর, দাউদ সেই পাথরটির দক্ষিণ দিক থেকে উঠে এসে যোনাথনের সামনে তিনবার মাটিতে উবুড় হয়ে তাঁকে প্রণাম করলেন। পরে তাঁরা দুজন পরস্পরকে চুম্ব দিয়ে একসঙ্গে কাঁদলেন—কিন্তু দাউদই বেশি করে কাঁদলেন। 42 যোনাথন দাউদকে বললেন, “নির্বাঞ্ছাটে চলে যাও, কারণ এই বলে আমরা সদাপ্রভুর নামে পরস্পরের সঙ্গে বন্ধুত্ব করেছি যে, ‘সদাপ্রভু তোমার ও আমার মধ্যে, এবং তোমার ও আমার বংশধরদের মধ্যে চিরকাল সাক্ষী হয়ে আছেন।’” পরে দাউদ বিদায় নিলেন ও যোনাথন নগরে ফিরে গেলেন।

**21** দাউদ নোবে যাজক অহীমেলকের কাছে চলে গেলেন। তাঁর দেখা পেয়ে অহীমেলক ভয়ে কম্পিত হয়ে তাঁকে জিজ্ঞাসা করলেন, “আপনি একা কেন? আপনার সঙ্গে আর কেউ নেই কেন?” 2 দাউদ যাজক অহীমেলককে উত্তর দিলেন, “রাজামশাই একটি কাজের দায়িত্বার দিয়ে আমাকে পাঠিয়েছেন এবং আমায় বলেছেন, ‘আমি তোমায় যে কাজের দায়িত্বার দিয়ে পাঠাচ্ছি সেই বিষয়ে যেন কেউ কিছু জানতে না পারে।’ আর আমার লোকজন! আমি তাদের বলে দিয়েছি তারা যেন নির্দিষ্ট এক স্থানে এসে আমার সঙ্গে দেখা করে। 3 তবে এখন, আপনার হাতে কী আছে? আমাকে পাঁচ টুকরো রংটি, বা যা খুঁজে পাচ্ছেন, তাই দিন।” 4 কিন্তু যাজকমশাই দাউদকে উত্তর দিলেন, “আমার হাতে তো সাধারণ কোনও রংটি নেই; অবশ্য, এখানে কয়েকটি পবিত্র রংটি আছে—যদি লোকেরা স্ত্রীলোকদের সংস্পর্শ থেকে নিজেদের দূরে সরিয়ে রেখেছে তবেই এগুলি তারা খেতে পারবে।” 5 দাউদ যাজককে উত্তর দিলেন, “যথারীতি আমি যখন কাজে বের হয়েছি তখন থেকেই আমরা স্ত্রীলোকদের সংস্পর্শ থেকে দূরে সরে আছি। কাজের দায়িত্বার পবিত্র না থাকাকালীনও আমার লোকজনের দেহ শুচিশুদ্ধ থাকে। তবে আজ তা আরও

কত না বেশি শুচিশুন্দ হয়ে আছে!” ৬ কাজেই যাজকমশাই তাঁকে  
সেই পবিত্র রূপটিগুলি দিলেন, যেহেতু সেখানে সেই দর্শন-রূপটি ছাড়া  
আর কোনও রূপটি ছিল না, যা সদাপ্রভুর সামনে থেকে সরিয়ে দিয়ে  
সেদিন সেটির বদলে গরম রূপটি রাখা হয়েছিল। ৭ ইত্যবসরে শৌলের  
দাসদের মধ্যে একজন সদাপ্রভুর সামনে আটকে গিয়ে সেখানে থেকে  
গিয়েছিল: সে হল ইদোমীয় দোয়েগ, শৌলের প্রধান রাখাল। ৮ দাউদ  
অঙ্গীমেলককে জিজ্ঞাসা করলেন, “আপনার কাছে এখানে কি কোনও  
বর্ণ বা তরোয়াল নেই? আমি আমার তরোয়াল বা অন্য কোনও অস্ত  
নিয়ে আসিনি, কারণ মহারাজের কাজটি জরুরি ছিল।” ৯ যাজকমশাই  
উত্তর দিলেন, “আপনি এলা উপত্যকায় যাকে হত্যা করেছিলেন, সেই  
ফিলিস্তিনী গলিয়াতের তরোয়ালটি এখানে আছে; এফোদের পিছনে  
সেটি কাপড়ে মোড়া অবস্থায় রাখা আছে। আপনি চাইলে সেটি নিতে  
পারেন; সেটি ছাড়া এখানে আর অন্য কোনও তরোয়াল নেই।” দাউদ  
বললেন, “সেটির মতো আর কিছুই হতে পারে না; আমাকে সেটিই  
এনে দিন।” ১০ সেদিন দাউদ শৌলের কাছ থেকে পালিয়ে গিয়ে  
গাতের রাজা আখীশের কাছে উপস্থিত হলেন। ১১ কিন্তু আখীশের  
দাসেরা তাঁকে বলল, “এই কি দেশের রাজা দাউদ নয়? এরই বিষয়ে  
কি লোকেরা নাচতে নাচতে গেয়ে ওঠেনি: “শৌল মারলেন হাজার  
হাজার, আর দাউদ মারলেন অযুত অযুত’?” ১২ দাউদ সেকথা মনে  
রেখেছিলেন আর গাতের রাজা আখীশকে দেখে খুব ভয় পেয়ে গেলেন।  
১৩ তাই তাদের উপস্থিতিতে তিনি পাগল হওয়ার ভান করলেন; আর  
তাদের কাছে থাকার সময় তিনি পাগলের মতো সদর-দরজার কপাটে  
আঁকিবুকি কাটছিলেন ও তাঁর দাঢ়ির উপর লালা ঝরাছিলেন। ১৪  
আখীশ তাঁর দাসদের বললেন, “লোকটির দিকে তাকাও দেখি! এ তো  
পাগল! একে আমার কাছে এনেছ কেন? ১৫ আমার কাছে কি পাগলের  
অভাব আছে যে তোমরা আমার সামনে পাগলামি করার জন্য একে  
নিয়ে এসেছ? এ লোকটি আমার বাড়িতে আসবে নাকি?”

**২২** দাউদ গাত ছেড়ে অদুল্লম গুহাতে পালিয়ে গেলেন। তাঁর দাদারা  
ও তাঁর বাবার পরিবার-পরিজন যখন তা জানতে পারলেন, তখন

তাঁরা সেখানে তাঁর কাছে পৌঁছে গেলেন। 2 যারা যারা দুর্শাহস্ত বা ঝণ-ধারে জর্জরিত অথবা অতৃপ্তি ছিল, তারা সবাই তাঁর চারপাশে একত্রিত হল, এবং তিনি তাদের সেনাপতি হয়ে গেলেন। প্রায় 400 জন তাঁর সঙ্গী হল। 3 সেখান থেকে দাউদ মোয়াবের মিস্পীতে চলে গিয়ে মোয়াবের রাজাকে বললেন, “আমি যতদিন না জানতে পারছি টেশ্বর আমার জন্য কী করতে চলেছেন, ততদিন কি আপনি আমার মা-বাবাকে আপনার কাছে থাকতে দেবেন?” 4 এই বলে তিনি তাঁদের মোয়াবের রাজার কাছে রেখে গেলেন, ও দাউদ যতদিন সেই ঘাঁটিতে ছিলেন, তাঁরও রাজার সঙ্গেই ছিলেন। 5 কিন্তু ভাববাদী গাদ দাউদকে বললেন, “ঘাঁটিতে থাকবেন না। যিহুদা দেশে চলে যান।” অতএব দাউদ সেই স্থান ত্যাগ করে হেরৎ বনে চলে গেলেন। 6 ইত্যবসরে শৌল খবর পেয়েছিলেন যে দাউদ ও তাঁর লোকজনের খোঁজ পাওয়া গিয়েছে। শৌল হাতে বর্ণ নিয়ে গিবিয়ায় ছোটো একটি পাহাড়ের উপর অবস্থিত একটি ঝাউ গাছের নিচে বসেছিলেন, ও তাঁর সব কর্মকর্তা তাঁর পাশেই দাঁড়িয়েছিল। 7 তিনি তাঁদের বললেন, “ওহে বিন্যামীনীয় লোকেরা, শোনো! যিশয়ের ছেলে কি তোমাদের সবাইকে ক্ষেতজমি ও দ্রাক্ষাকুণ্ড দেবে? সে কি তোমাদের সবাইকে সহস-সেনাপতি ও শত-সেনাপতি করে দেবে? 8 এজন্যই কি তোমরা সবাই আমার বিরঞ্জে ষড়যন্ত্র করেছ? কেউই বলোনি কখন আমার ছেলে, যিশয়ের ছেলের সঙ্গে নিয়ম স্থির করেছে। তোমরা কেউ আমার বিষয়ে উদ্বিধ হওনি বা আমাকে বলোনি যে আমার ছেলেই আমার দাসকে আমার বিরঞ্জে ঘাঁটি পেতে বসে থাকার জন্য উসকানি দিয়েছিল, যেমনটি সে আজ করেছে।” 9 কিন্তু শৌলের কর্মকর্তাদের সঙ্গে যে দাঁড়িয়েছিল, সেই ইদোমীয় দোয়েগ বলল, “আমি নোবে অহীটুবের ছেলে অহীমেলকের কাছে যিশয়ের ছেলেকে আসতে দেখেছিলাম। 10 অহীমেলক ওর হয়ে সদাপ্রভুর কাছে খোঁজ নিয়েছিল; সে ওকে খাদ্যদ্রব্য এবং ফিলিস্তিনী গলিয়াতের তরোয়ালটি দিয়েছিল।” 11 তখন রাজামশাই নোবে যাঁরা যাজকের কাজ করতেন, সেই অহীটুবের ছেলে যাজক অহীমেলক ও তাঁর পরিবারের সব পুরুষ সদস্যকে ডেকে

আনার জন্য লোক পাঠালেন, এবং তাঁরা সবাই রাজামশাইয়ের কাছে এলেন। 12 শৌল বললেন, “ওহে অহীট্টবের ছেলে, শোনো।” “হ্যাঁ, প্রভু,” তিনি উত্তর দিলেন। 13 শৌল তাঁকে বললেন, “তোমরা কেন আমার বিরঞ্চে ঘড়যন্ত্র করেছ, তুমি ও যিশয়ের সেই ছেলে; তুমি তাকে ঝটি দিয়েছ, তরোয়াল দিয়েছ, আবার তার হয়ে ঈশ্বরের কাছে খোঁজও নিয়েছ, যেন সে আমার বিরঞ্চে বিদ্রোহ করতে পারে ও আমার বিরঞ্চে ঘাঁটি পেতে বসে থাকতে পারে, যেমনটি সে আজ করেছে?” 14 অহীমেলক রাজামশাইকে উত্তর দিলেন, “আপনার দাসদের মধ্যে দাউদের মতো এত অনুগত আর কে আছেন, তিনি তো মহারাজের জামাই, আপনার দেহরক্ষীদের সর্দার ও আপনার পরিবারের সমস্ত লোকজনের মধ্যে সবচেয়ে সম্মানিত একজন ব্যক্তি? 15 সেদিনই কি প্রথমবার আমি তাঁর হয়ে ঈশ্বরের কাছে খোঁজ নিয়েছিলাম? তা নিশ্চয় নয়! মহারাজ যেন আপনার দাসকে বা তার বাবার পরিবারের কাউকে দোষ না দেন, কারণ আপনার দাস এই গোটা ঘটনাটির বিন্দুবিসর্গও জানে না।” 16 কিন্তু রাজামশাই বললেন, “অহীমেলক, তোমাকে মরতেই হবে, তোমাকে আর তোমার পুরো পরিবারকেই মরতে হবে।” 17 পরে রাজামশাই তাঁর পাশে দাঁড়িয়ে থাকা পাহারাদারদের আদেশ দিলেন: “ঘুরে গিয়ে সদাপ্রভুর যাজকদের হত্যা করো, কারণ এরাও দাউদের পক্ষ নিয়েছে। ওরা জানত যে সে পালাচ্ছে, অথচ ওরা আমাকে সেকথা বলেনি।” কিন্তু রাজার কর্মচারীরা সদাপ্রভুর যাজকদের উপর হাত তুলতে চায়নি। 18 তখন রাজামশাই দোয়েগকে আদেশ দিলেন, “তুমি ঘুরে গিয়ে যাজকদের আঘাত করো।” ইদোমীয় দোয়েগ তখন ঘুরে গিয়ে আঘাত করে তাঁদের ধরাশায়ী করে ফেলেছিল। সেদিন সে মসিনার এফোদ গায়ে দেওয়া পঁচাশি জনকে হত্যা করল। 19 এছাড়াও সে যাজকদের নগর নোবের উপর তরোয়াল চালিয়ে সেখানকার স্ত্রী-পুরুষ, ছেলেমেয়ে ও শিশু সন্তানদের, এবং পশুপাল, গাধা ও মেষদেরও শেষ করে ফেলেছিল। 20 কিন্তু অহীট্টবের ছেলে অহীমেলকের একমাত্র ছেলে অবিযাথর কোনোমতে রক্ষা পেয়ে দাউদের কাছে পালিয়ে গেলেন। 21

তিনি দাউদকে বললেন, শৌল সদাপ্রভুর যাজকদের হত্যা করেছেন।

22 তখন দাউদ অবিয়াথরকে বললেন, “ইদোমীয় দোয়েগকে সেদিন  
যখন আমি সেখানে দেখেছিলাম, তখনই বুঝেছিলাম যে সে নিশ্চয়  
শৌলকে বলে দেবে। আপনার পুরো পরিবারের মৃত্যুর জন্য আমিই  
দায়ী। 23 আপনি আমার সঙ্গেই থাকুন; তব পাবেন না। যে আপনাকে  
হত্যা করতে চাইছে সে আমাকেও হত্যা করার চেষ্টা করছে। আপনি  
আমার কাছে নিরাপদেই থাকবেন।”

**23** দাউদকে যখন বলা হল, “দেখুন, ফিলিস্তিনীরা কিয়ীলার বিরুদ্ধে  
যুদ্ধ করে সেখানকার খামারগুলির উপর লুটপাট চালাচ্ছে,” 2 তখন  
তিনি এই বলে সদাপ্রভুর কাছে খোঁজ নিয়েছিলেন, “আমি কি গিয়ে  
এইসব ফিলিস্তিনীকে আক্রমণ করব?” সদাপ্রভু তাঁকে উত্তর দিলেন,  
“যাও, ফিলিস্তিনীদের আক্রমণ করে কিয়ীলাকে রক্ষা করো।” 3 কিন্তু  
দাউদের লোকজন তাঁকে বলল, “এখানে এই যিহুদাতেই আমরা  
ভয়ে ভয়ে আছি। তবে কিয়ীলাতে ফিলিস্তিনী সৈন্যদলের বিরুদ্ধে  
যুদ্ধে গেলে আমাদের আরও কত না বেশি তব পেতে হবে!” 4 আরও  
একবার দাউদ সদাপ্রভুর কাছে খোঁজ নিয়েছিলেন, এবং সদাপ্রভু  
তাঁকে উত্তর দিলেন, “কিয়ীলাতে নেমে যাও, কারণ আমি তোমার হাতে  
ফিলিস্তিনীদের সঁপে দিতে চলেছি।” 5 অতএব দাউদ ও তাঁর লোকজন  
কিয়ীলাতে গিয়ে ফিলিস্তিনীদের সঙ্গে যুদ্ধ করে তাদের গবাদি পশুগাল  
কেড়ে নিয়ে এলেন। তিনি ফিলিস্তিনীদের প্রচুর ক্ষতিসাধন করলেন ও  
কিয়ীলার অধিবাসীদের রক্ষা করলেন। 6 (ইত্যবসরে অহীমেলকের  
ছেলে অবিয়াথর কিয়ীলাতে দাউদের কাছে পালিয়ে আসার সময়  
এফোদটিও সঙ্গে নিয়ে এলেন।) 7 শৌল খবর পেয়েছিলেন যে দাউদ  
কিয়ীলাতে গিয়েছেন, তাই তিনি বললেন, “ঈশ্বর তাকে আমার হাতে  
সমর্পণ করে দিয়েছেন, কারণ দাউদ সদর দরজা ও অর্গল দিয়ে  
ঘেরা একটি নগরে চুকে নিজেই নিজেকে বন্দি করে ফেলেছে।” 8  
যুদ্ধ করার জন্য, এবং কিয়ীলাতে গিয়ে দাউদ ও তাঁর লোকজনকে  
অবরোধ করার জন্য শৌল তাঁর সৈন্যদলকে ডাক দিলেন। 9 দাউদ  
যখন জানতে পারলেন যে শৌল তাঁর বিরুদ্ধে ঘড়্যন্ত করছেন, তখন

তিনি যাজক অবিয়াথরকে বললেন, “এফোদিতি আনুন।” 10 দাউদ  
বললেন, “হে ইস্রায়েলের ঈশ্বর সদাপ্রভু, তোমার দাস সঠিকভাবে  
শুনেছে যে শৌল কিয়লাতে এসে আমার জন্যই নগরাতি ধ্বংস করার  
পরিকল্পনা করেছেন। 11 কিয়লার নাগরিকরা কি আমাকে তাঁর হাতে  
তুলে দেবে? তোমার দাসের শোনা কথা অনুসারে কি শৌল এখানে  
নেমে আসবেন? হে ইস্রায়েলের ঈশ্বর সদাপ্রভু, আমাকে বলে দাও।”  
সদাপ্রভু বললেন, “সে আসবে।” 12 আরেকবার দাউদ জিজ্ঞাসা  
করলেন, “কিয়লার নাগরিকরা কি আমাকে ও আমার লোকজনকে  
শৌলের হাতে তুলে দেবে?” সদাপ্রভু বললেন, “তারা তুলে দেবে।” 13  
অতএব দাউদ ও তাঁর লোকজন, সংখ্যায় প্রায় 600 জন, কিয়লা  
ছেড়ে এক স্থান থেকে অন্য স্থানে ঘুরে বেড়াতে লাগলেন। শৌলকে  
যখন বলা হল যে দাউদ কিয়লা ছেড়ে পালিয়েছেন, তিনি তখন আর  
সেখানে যাননি। 14 দাউদ মরণপ্রাপ্তরের ঘাঁটিতে ও সীফ মরণভূমির  
ছোটো ছোটো পাহাড়ে থেকে গেলেন। দিনের পর দিন শৌল তাঁকে  
খুঁজে বেড়িয়েছিলেন, কিন্তু ঈশ্বর তাঁকে শৌলের হাতে পড়তে দেননি।  
15 দাউদ যখন সীফ মরণভূমির হোরেশে ছিলেন, তখন তিনি শুনতে  
পেলেন যে শৌল তাঁর প্রাণহানি করার জন্য এসে গিয়েছেন। 16  
শৌলের ছেলে যোনাথন হোরেশে দাউদের কাছে গিয়ে তাঁকে ঈশ্বরে  
শক্তি লাভ করতে সাহায্য করলেন। 17 “তুমি ভয় পেয়ো না,” তিনি  
বললেন। “আমার বাবা শৌল তোমার উপর হাত উঠাতে পারবেন না।  
তুমই ইস্রায়েলের রাজা হবে, ও আমি তোমার নিচেই থাকব। এমনকি  
আমার বাবা শৌলও একথা জানেন।” 18 তাঁরা দুজনেই সদাপ্রভুর  
সামনে এক চুক্তি করলেন। পরে যোনাথন ঘরে ফিরে গেলেন, কিন্তু  
দাউদ হোরেশেই থেকে গেলেন। 19 সীফীয়রা গিবিয়াতে শৌলের  
কাছে গিয়ে বলল, “দাউদ কি হোরেশের ঘাঁটিতে, যিশীমনের দক্ষিণ  
দিকে, হথীলা পাহাড়ে, আমাদের মাঝেই লুকিয়ে নেই? 20 এখন, হে  
রাজাধিরাজ, আপনার যখন ইচ্ছা তখনই নেমে আসুন, আর আমরা  
দায়িত্ব নিয়ে তাকে আপনার হাতে তুলে দেব।” 21 শৌল উত্তর দিলেন,  
“আমার জন্য তোমরা উদ্বিগ্ন হয়েছ বলে সদাপ্রভু তোমাদের আশীর্বাদ

করুন। 22 যাও, আরও তথ্য সংগ্রহ করো। খুঁজে দেখো, দাউদ সাধারণত কোথায় যায় ও সেখানে তাকে কে দেখেছে। লোকে বলে সে নাকি খুব চালাক। 23 সে লুকিয়ে থাকার জন্য যেসব স্থান ব্যবহার করে, সেগুলির খোঁজ নাও ও নির্দিষ্ট তথ্য নিয়ে আমার কাছে ফিরে এসো। পরে আমি তোমাদের সঙ্গে যাব; সে যদি সেখানে থাকে, আমি তবে যিহৃদার সব বংশের মধ্যে থেকে তাকে খুঁজে বের করবই।” 24 অতএব তারা শৌল যাওয়ার আগেই সীফের উদ্দেশে রওয়ানা হয়ে গোল। ইত্যবসরে দাউদ ও তাঁর লোকজন মায়োন মরণভূমিতে, যিশীমোনের দক্ষিণ দিকে অবস্থিত অরাবায় ছিলেন। 25 শৌল ও তাঁর লোকজন অনুসন্ধান শুরু করলেন, ও দাউদকে যখন সেকথা বলা হল, তিনি সেই বড়ো পাথরটির কাছে নেমে গোলেন ও মায়োন মরণভূমিতেই থেকে গোলেন। শৌল যখন তা শুনতে পেলেন, তিনিও দাউদের পশ্চাদ্বাবন করার জন্য সেই মায়োন মরণভূমিতে গোলেন। 26 শৌল পাহাড়ের একদিক দিয়ে যাচ্ছিলেন, এবং দাউদ ও তাঁর লোকজন অন্যদিকে ছিলেন, শৌলের নাগাল এড়িয়ে পালাতেই তাঁরা ব্যস্ত ছিলেন। শৌল ও তাঁর সৈন্যসামন্তরা যখন দাউদ ও তাঁর লোকজনকে ধরে ফেলার জন্য প্রায় তাঁদের কাছাকাছি পৌঁছে গোলেন, 27 তখন একজন দূত এসে শৌলকে বলল, “তাড়াতাড়ি আসুন! ফিলিস্তিনীরা দেশ আক্রমণ করেছে।” 28 তখন শৌল দাউদের পশ্চাদ্বাবন করা থেকে বিরত হয়ে ফিলিস্তিনীদের সামলানোর জন্য ফিরে গোলেন। এজন্যই লোকেরা এই স্থানটির নাম দিয়েছিল সেলা-হম্লকোৎ। 29 দাউদ সেখান থেকে চলে গিয়ে ঐন-গদীর ঘাঁটিতে বসবাস করতে শুরু করলেন।

**24** ফিলিস্তিনীদের পশ্চাদ্বাবন করে ফিরে আসার পর শৌলকে বলা হল, “দাউদ ঐন-গদীর মরণভূমিতে আছেন।” 2 অতএব শৌল সমস্ত ইস্রায়েল থেকে 3,000 দক্ষ যুবক সংগ্রহ করে দাউদ ও তাঁর লোকজনের খোঁজে জংলী ছাগলদের পাহাড়ের চুড়োয় উঠে গোলেন। 3 পার্থিমধ্যে তিনি মেষের খোঁয়াড়ে পৌঁছে গোলেন; সেখানে একটি গুহা ছিল, ও শৌল মলমূত্র ত্যাগ করার জন্য সেটির মধ্যে প্রবেশ করলেন। 4 দাউদ ও তাঁর লোকজন গুহার একদম ভিতরের দিকে বসেছিলেন।

লোকেরা বলল, “সদাপ্রভু এই দিনটির বিষয়েই আপনাকে বললেন,  
‘আমি তোমার শক্তিকে তোমার হাতে তুলে দেব, যেন তুমি তার প্রতি  
বা ইচ্ছা হয় তাই করতে পারো।’” তখন দাউদ সবার অলক্ষ্যে সেখানে  
চুকে শৌলের আলখাল্লার এক কোনা কেটে নিয়ে এলেন। ৫ পরে,  
শৌলের পোশাকের এক কোনা কেটে নেওয়াতে দাউদ বিবেকের  
দংশনে বিন্দু হচ্ছিলেন। ৬ তিনি তাঁর লোকজনকে বললেন, “সদাপ্রভু  
না করুন! আমি যেন আমার প্রভুর—সদাপ্রভুর অভিষিক্ত ব্যক্তির  
বিরুদ্ধে এরকম কাজ না করি, বা তাঁর উপর হাত না তুলি; কারণ  
তিনি তো সদাপ্রভুর অভিষিক্ত ব্যক্তি।” ৭ একথা বলে দাউদ তাঁর  
লোকজনকে জোরালো ভাষায় ধমক দিলেন ও শৌলকে আক্রমণ  
করার সুযোগই তাদের দেননি। শৌলও গুহা ছেড়ে বেরিয়ে গেলেন।  
৮ তখন দাউদ গুহা থেকে বেরিয়ে এসে শৌলকে ডেকে বললেন,  
“হে আমার প্রভু মহারাজ!” শৌল যখন পিছনে ফিরে তাকিয়েছিলেন,  
দাউদ তখন মাটিতে উরুড় হয়ে তাঁকে প্রণাম জানিয়েছিলেন। ৯ তিনি  
শৌলকে বললেন, “লোকে যখন আপনাকে বলে, ‘দাউদ আপনার ক্ষতি  
করার চেষ্টা করছে, তখন আপনি তাদের কথা শোনেন কেন?’ ১০ আজ  
তো আপনি নিজের চোখেই দেখলেন কীভাবে সদাপ্রভু সেই গুহার  
মধ্যে আপনাকে আমার হাতে সমর্পণ করে দিয়েছিলেন। কয়েকজন  
তো আমাকে পীড়াপীড়িও করল যেন আমি আপনাকে হত্যা করি, কিন্তু  
আমি আপনাকে অব্যাহতি দিয়েছিলাম; আমি বললাম, ‘আমি আমার  
প্রভুর উপর হাত তুলব না, কারণ তিনি সদাপ্রভুর অভিষিক্ত ব্যক্তি।’  
১১ দেখুন, হে আমার বাবা, আমার হাতে আপনার পোশাকের এই কাটা  
টুকরোটি দেখুন! আমি আপনার পোশাকের কোনাটি কেটে নিয়েছিলাম  
কিন্তু আপনাকে হত্যা করিনি। দেখুন আমার হাতে এমন কিছু নেই যা  
দিয়ে বোঝা যায় আমি অপরাধ বা বিদ্রোহের দোষে দোষী। আমি  
আপনার বিরুদ্ধে কোনও অন্যায় করিনি, কিন্তু আপনি আমার প্রাণনাশ  
করার জন্য আমার পিছু পিছু তাড়া করে বেড়াচ্ছেন। ১২ সদাপ্রভুই  
আপনার ও আমার বিচার করুন। সদাপ্রভুই আমার প্রতি করা আপনার  
অন্যায়ের প্রতিফল দিন, কিন্তু আমার হাত আপনাকে স্পর্শ করবে না।

13 প্রাচীন প্রবাদবাক্যে যেমন বলা হয়েছে, ‘পাষণ্ডরাই অনিষ্ট সাধন করে,’ তাই আমার হাত আপনাকে স্পর্শ করবে না। 14 “ইস্রায়েলের রাজা কার বিরদ্বে উঠে এসেছেন? আপনি কার পশ্চাদ্বাবন করছেন? একটি মৃত কুকুরের? একটি মাছির? 15 সদাপ্রভুই যেন আমাদের বিচার করে আমাদের মধ্যে একজনের স্বপক্ষে সিদ্ধান্ত নেন। তিনিই যেন আমার উদ্দেশ্য বিবেচনা করে তা অনুমোদন করলেন; আপনার হাত থেকে আমাকে রক্ষা করে তিনি যেন আমার পক্ষসমর্থন করলেন।”

16 দাউদের কথা বলা শেষ হওয়ার পর শৌল জিজ্ঞাসা করলেন, “বাছা দাউদ, এ কি তোমার কঠস্বর?” একথা বলে তিনি সজোরে কেঁদে ফেলেছিলেন। 17 “তুমি আমার তুলনায় বেশি ধার্মিক,” তিনি বললেন। “তুমি আমার সঙ্গে সদয় ব্যবহার করলে, কিন্তু আমি তোমার সঙ্গে খারাপ ব্যবহার করেছি। 18 এইমাত্র তুমি আমাকে বলেছ, তুমি আমার প্রতি কত ভালো ব্যবহার করেছ; সদাপ্রভু আমাকে তোমার হাতে সমর্পণ করে দিয়েছিলেন, কিন্তু তুমি আমাকে হত্যা করোনি। 19 যখন কেউ তার শক্তিকে হাতের নাগালে পায়, সে কি তাকে অক্ষত অবস্থায় ছেড়ে দেয়? আজ আমার প্রতি তুমি যে ব্যবহার করেছ, সেজন্য সদাপ্রভু তোমাকে যেন যথাযথভাবে পুরস্কৃত করেন। 20 আমি জানি তুমি অবশ্যই রাজা হবে ও ইস্রায়েলের রাজত্ব তোমার হাতেই সুষ্ঠির হবে। 21 এখন সদাপ্রভুর নামে আমার কাছে শপথ করো যে তুমি আমার বংশধরদের হত্যা করবে না বা আমার বাবার বংশ থেকে আমার নাম মুছে ফেলবে না।” 22 অতএব দাউদ শৌলের কাছে শপথ করলেন। পরে শৌল ঘরে ফিরে গেলেন, কিন্তু দাউদ ও তাঁর লোকজন ঘাঁটিতে চলে গেলেন।

**25** এদিকে হয়েছে কী, শমুয়েল মারা গেলেন ও সমস্ত ইস্রায়েল একত্রিত হয়ে তাঁর জন্য শোকপ্রকাশ করল; এবং তারা তাঁকে রামায় তাঁর ঘরেই কবর দিয়েছিল। পরে দাউদ পারণ মরহুমির দিকে চলে গেলেন। 2 মাঝেনে কোনো একজন লোক ছিল, কর্মিলে তার কিছু বিষয়সম্পত্তি ছিল ও সে খুব ধনীও ছিল। তার কাছে 1,000 ছাগল ও 3,000 মেষ ছিল, সে তখন কর্মিলে সেগুলির লোম ছাঁটছিল। 3

তার নাম নাবল ও তার স্তুর নাম অবীগল। অবীগল খুব বুদ্ধিমতী  
ও সুন্দরী ছিলেন, কিন্তু তাঁর স্বামী ছিল অভদ্র ও বেয়াদুর—সে ছিল  
কালের বংশীয় একজন লোক। 4 দাউদ মরণপ্রাপ্তরে থাকার সময়  
শুনতে পেয়েছিলেন যে নাবল মেষের লোম ছাঁটছে। 5 তাই তিনি  
তার কাছে দশজন যুবককে পাঠিয়ে তাদের বলে দিলেন, “তোমরা  
কর্মিলে নাবলের কাছে গিয়ে তাকে আমার নামে শুভেচ্ছা জানাবে। 6  
তাকে গিয়ে বোলো: ‘আপনি দীর্ঘজীবী হোন! আপনি কুশলে থাকুন  
ও আপনার পরিবারও কুশলে থাকুক! এবং আপনার সর্বস্বের কুশল  
হোক! 7 “আমি শুনতে পেয়েছি এখন নাকি মেষের লোম ছাঁটার  
সময়। আপনার রাখালরা যখন আমাদের সঙ্গে ছিল, আমরা তাদের  
সঙ্গে খারাপ ব্যবহার করিনি, আর যতদিন তারা কর্মিলে ছিল তাদের  
কোনো কিছুই হারায়নি। 8 আপনার দাসদের জিজ্ঞাসা করুন, তারাই  
আপনাকে বলে দেবে। অতএব আমার লোকজনের প্রতি একটু অনুগ্রহ  
দেখান, যেহেতু আমরা উৎসবের দিনে এলাম। আপনি যা পারেন,  
দয়া করে আপনার এই দাসদের ও আপনার ছেলে দাউদের হাতে তা  
তুলে দিন।” 9 দাউদের লোকজন নাবলের কাছে পৌঁছে দাউদের  
নাম করে তাকে এসব কথা বলল। পরে তারা অপেক্ষা করল। 10  
নাবল দাউদের দাসদের উত্তর দিয়েছিল, “কে এই দাউদ? কে এই  
যিশয়ের ছেলে? আজকাল বিস্তর দাস তাদের প্রভুদের ছেড়ে চলে  
যাচ্ছে। 11 আমি কেন আমার মেষের পশমকর্তকদের জন্য রাখা রঞ্চি  
ও জল ও মাংস নিয়ে সেইসব লোকের হাতে তুলে দেব, যাদের বিষয়ে  
আমি জানিই না তারা কোথা থেকে এসেছে?” 12 দাউদের লোকজন  
মুখ ফিরিয়ে চলে গেল। তাঁর কাছে ফিরে গিয়ে তারা প্রতিটি কথা  
বলে শুনিয়েছিল। 13 দাউদ তাঁর লোকজনকে বললেন, “তোমরা  
প্রত্যেকে কোমরে তরোয়াল বেঁধে নাও!” তারা তেমনটিই করল,  
ও দাউদও নিজের তরোয়ালটি বেঁধে নিয়েছিলেন। প্রায় 400 জন  
দাউদের সঙ্গে গেল, আর 200 জন মালপত্র দেখাশোনা করার জন্য  
থেকে গেল। 14 দাসদের মধ্যে একজন নাবলের স্তু অবীগলকে বলল,  
“দাউদ আমাদের প্রভুকে শুভেচ্ছা জানানোর জন্য মরণপ্রাপ্তর থেকে

দ্রুত পাঠিয়েছিলেন, কিন্তু তিনি তাদের চৃড়ান্ত অপমান করেছেন।

15 অথচ ওই লোকগুলি আমাদের পক্ষে বড়োই ভালো ছিল। তারা আমাদের সঙ্গে খারাপ ব্যবহার করেননি, আর যতদিন আমরা মাঠে তাদের কাছে ছিলাম, আমাদের কোনো কিছুই হারায়নি। 16 যতদিন আমরা তাদের কাছে থেকে আমাদের মেষগুলি চরাতাম, রাতদিন তারা আমাদের চারপাশে তখন এক দেওয়াল হয়েই ছিল। 17 এখন ভেবে দেখুন আপনি কী করতে পারবেন, কারণ আমাদের প্রভুর ও তার সমগ্র পরিবারের উপর সর্বনাশ ঘনিয়ে এসেছে। তিনি এমনই বজ্জাত যে কেউই তাকে কিছু বলতে পারে না।” 18 অবীগল দ্রুত ব্যবস্থা নিয়েছিলেন। তিনি 200 টুকরো ঝটি, চামড়ার দুই থলি দ্রাক্ষারস, রান্নার জন্য কেটেকুটে প্রস্তুত করা পাঁচটি মেষ, পাঁচ কাঠা সেঁকা শস্যদানা, 100 তাল কিশমিশ ও 200 তাল নিংড়ানো ডুমুর নিয়ে সেগুলি গাধার পিঠে চাপিয়ে দিয়েছিলেন। 19 পরে তিনি তাঁর দাসদের বললেন, “তোমরা এগিয়ে যাও; আমি তোমাদের পিছু পিছু আসছি।” কিন্তু তিনি তাঁর স্বামীকে কিছু বলেননি। 20 তিনি যখন গাধার পিঠে চেপে পাহাড়ের সরু গিরিখাত ধরে আসছিলেন, তখন দাউদ ও তাঁর লোকজন নিয়ে অবীগলের দিকে নেমে আসছিলেন, ও তাদের সঙ্গে তাঁর দেখা হল। 21 দাউদ অল্প কিছুক্ষণ আগেই বলেছিলেন, “কোনও লাভ হয়নি—আমি অনর্থক এই লোকটির সম্পত্তি মরণপ্রাপ্তরে পাহারা দিয়েছি আর তার কোনো কিছুই হারায়নি। সে ভালোর বদলে আমাকে মন্দ উপহার দিয়েছে। 22 যদি কাল সকাল পর্যন্ত আমি তার পরিবারের একটিও পুরুষ সদস্যকে জীবিত রাখি, তবে যেন ঈশ্বর দাউদকে আরও কঠোর শাস্তি দেন!” 23 অবীগল দাউদকে দেখে চট করে গাধার পিঠ থেকে নেমে মাটিতে উবুড় হয়ে তাঁকে প্রণাম করলেন। 24 তিনি দাউদের পায়ে পড়ে বললেন: “হে আমার প্রভু, আপনার দাসীকে ক্ষমা করুন, আমাকে বলতে দিন; আপনার দাসী যা বলতে চায় তা একটু শুনুন। 25 হে আমার প্রভু, দয়া করে সেই বজ্জাত লোকটির কথায় মনোযোগ দেবেন না। তার যেমন নাম সেও ঠিক সেরকমই—তার নামের অর্থ মূর্খ, আর মূর্খতা তার সহবতী। আর আমার কথা যদি

বলেন, আপনার এই দাসী, আমি আমার প্রভুর পাঠানো লোকদের  
দেখতে পাইনি। 26 আর এখন, হে আমার প্রভু, আপনার ঈশ্বর  
জীবন্ত সদাপ্রভুর দিব্য ও আপনার গ্রাণের দিব্য, যেহেতু সদাপ্রভু  
আপনাকে রক্তপাত করা থেকে ও নিজের হাতে প্রতিশোধ নেওয়া  
থেকে বিরত রেখেছেন, তাই আপনার শক্রদের ও যারা আমার প্রভুর  
ক্ষতি করতে চায়, তাদের দশা যেন নাবলের মতো হয়। 27 আপনার  
দাসী আমার প্রভুর কাছে এই যেসব উপহার নিয়ে এসেছে, সেগুলি  
যেন আপনার অনুগামী লোকদের দেওয়া হয়। 28 “দয়া করে আপনার  
দাসীর বেয়াদবি ক্ষমা করবেন। আপনার ঈশ্বর সদাপ্রভু নিঃসন্দেহে  
আমার প্রভুর জন্য এক স্থায়ী সাম্রাজ্য প্রতিষ্ঠিত করবেন, কারণ আপনি  
সদাপ্রভুর হয়ে যুদ্ধ করছেন, এবং আপনি যতদিন বেঁচে থাকবেন  
ততদিন আপনার মধ্যে কোনও অন্যায় খুঁজে পাওয়া যাবে না। 29 যদি  
কেউ আপনার প্রাণহানি করার জন্য আপনার পশ্চাদ্বাবনও করে, তবুও  
আমার প্রভুর প্রাণ আপনার ঈশ্বর সদাপ্রভুর দ্বারা জীবিতদের দলে  
সুরক্ষিত থাকবে, কিন্তু আপনার শক্রদের প্রাণ গুলতির থলিতে রাখা  
পাথরের মতো তিনি ছুঁড়ে ফেলে দেবেন। 30 সদাপ্রভু যখন আমার  
প্রভুর জন্য তাঁর করা প্রতিটি মঙ্গল-প্রতিজ্ঞা পূর্ণ করবেন ও ইন্দ্রায়লের  
উপর তাঁকে শাসনকর্তারপে নিযুক্ত করবেন, 31 তখন আমার প্রভুকে  
আর তাঁর বিরেকে অনর্থক রক্তপাতের বা নিজেরই নেওয়া প্রতিশোধের  
হতভুককারী বোৰা বয়ে বেঢ়াতে হবে না। আপনার ঈশ্বর সদাপ্রভু  
যখন আমার প্রভুকে সাফল্য দেবেন, আপনার এই দাসীকে তখন  
একটু স্মরণ করবেন।” 32 দাউদ অবীগলকে বললেন, “ইন্দ্রায়লের  
ঈশ্বর সেই সদাপ্রভুর গৌরব হোক, যিনি তোমাকে আজ আমার সঙ্গে  
দেখা করতে পাঠিয়েছেন। 33 তোমার সুবিবেচনার জন্য এবং আমাকে  
আজ তুমি রক্তপাত করা থেকে ও নিজের হাতে প্রতিশোধ নেওয়া  
থেকে বিরত রেখেছ বলে তুমি ধন্য। 34 তা না হলে, যিনি আমাকে  
আজ তোমার ক্ষতি করা থেকে বিরত রেখেছেন সেই জীবন্ত সদাপ্রভুর  
দিব্য, তুমি যদি তাড়াতাড়ি আমার সঙ্গে দেখা করতে না আসতে, তবে  
নাবলের পরিবারের একজন পুরুষ সদস্যও সকাল পর্যন্ত বেঁচে থাকত

না।” 35 পরে দাউদ অবীগলের আনা সবকিছু তাঁর হাত থেকে গ্রহণ করলেন ও তাঁকে বললেন, “শান্তিতে ঘরে ফিরে যাও। আমি তোমার কথা শুনেছি ও তোমার অনুরোধ রেখেছি।” 36 অবীগল যখন নাবলের কাছে ফিরে গেলেন, সে তখন বাড়িতে ছিল ও সেখানে রাজকীয় এক ভোজসভা চলছিল। সে খোশমেজাজে ছিল ও পুরোপুরি মাতাল হয়ে পড়েছিল। তাই সকাল না হওয়া পর্যন্ত অবীগল তাকে কিছু বলেননি। 37 পরে সকালে নাবল যখন ভদ্রস্থ হল, তার স্ত্রী তাকে সব কথা বলে শুনিয়েছিলেন, ও সে মনমরা হয়ে পাথরের মতো স্তুর হয়ে গেল। 38 প্রায় দশদিন পর, সদাপ্রভু নাবলকে আঘাত করলেন ও সে মারা গেল। 39 নাবলের মৃত্যুর খবর পেয়ে দাউদ বললেন, “সদাপ্রভুর গৌরব হোক, আমার প্রতি নাবল অবজ্ঞামূলক আচরণ করেছিল বলেই তিনি আমার পক্ষে দাঁড়িয়েছেন। তিনি তাঁর দাসকে অন্যায় করা থেকে বিরত রেখেছেন ও নাবলের অন্যায় তারই মাথায় বর্ষণ করেছেন।” পরে দাউদ অবীগলকে খবর পাঠালেন, তাঁকে তাঁর স্ত্রী হওয়ার প্রস্তাব দিলেন 40 তাঁর দাসেরা কর্মিলে গিয়ে অবীগলকে বলল, “দাউদ তাঁর স্ত্রী করে নিয়ে যাওয়ার জন্য আপনার কাছে আমাদের পাঠিয়ে দিয়েছেন।” 41 তিনি মাটিতে উরুড় হয়ে পড়ে বললেন, “আমি আপনার দাসী এবং আমি আপনার সেবা করার ও আমার প্রভুর দাসদের পাধুয়ে দেওয়ার জন্য প্রস্তুত।” 42 অবীগল তাড়াতাড়ি একটি গাধার পিঠে চেপে, পাঁচজন দাসী সঙ্গে নিয়ে দাউদের পাঠানো দূতদের সঙ্গে চলে গেলেন ও তাঁর স্ত্রী হলেন। 43 দাউদ যিণ্ট্রিলীয় অঙ্গীনোয়মকেও বিয়ে করলেন, ও তারা দুজনেই তাঁর স্ত্রী হলেন। 44 কিন্তু শৌল তাঁর মেয়ে, দাউদের স্ত্রী মীখলকে গল্লীম নিবাসী লয়িশের ছেলে পল্টিয়েলের হাতে তুলে দিলেন।

**২৬** সীফীয়েরা গিবিয়াতে শৌলের কাছে গিয়ে তাঁকে বলল, “দাউদ কি যিশীমোনের সামনে অবস্থিত হথীলা পাহাড়ে লুকিয়ে নেই?” 2 অতএব শৌল তাঁর 3,000 বাহাই করা ইস্রায়েলী সৈন্য নিয়ে দাউদের খোঁজে সীফ মরণভূমিতে নেমে গেলেন। 3 শৌল যিশীমোনের সামনে অবস্থিত হথীলা পাহাড়ের উপর রাস্তার ধারে তাঁর শিবির স্থাপন

করলেন, কিন্তু দাউদ মরণপ্রাপ্তরেই থেকে গেলেন। তিনি যখন দেখলেন শৌল সেখানেও তাঁর পিছু পিছু চলে এসেছেন, 4 তখন তিনি গুপ্তচর পাঠিয়ে নিশ্চিত হলেন যে শৌল চলে এসেছেন। 5 পরে দাউদ উঠে শৌল যেখানে শিবির করে বসেছিলেন, সেখানে পৌঁছে গেলেন। শৌল এবং সৈন্যদলের সেনাপতি, নেরের ছেলে অবনের যেখানে শুয়েছিলেন, দাউদ সেই স্থানটি দেখেছিলেন। শৌল শিবিরের ভিতরে শুয়েছিলেন, এবং সৈন্যদল তাঁকে চারপাশে ঘিরে রেখেছিল। 6 দাউদ তখন হিতীয় অহীমেলক ও সরঞ্জার ছেলে যোয়াবের ভাই অবীশয়কে জিজ্ঞাসা করলেন, “কে আমার সঙ্গে শিবিরে শৌলের কাছে যাবে?” “আমি আপনার সঙ্গে যাব,” অবীশয় বললেন। 7 অতএব দাউদ ও অবীশয় রাতের বেলায় সেখানে চলে গেলেন, যেখানে শৌল শিবিরের ভিতরে ঘুমিয়েছিলেন ও তাঁর বর্ণাটি তাঁর মাথার কাছে মাটিতে পোঁতা ছিল। অবনের ও সৈন্যসামন্তরা তাঁকে ঘিরে সবাই শুয়েছিল। 8 অবীশয় দাউদকে বললেন, “আজ ঈশ্বর আপনার শক্তিকে আপনার হাতে সমর্পণ করে দিয়েছেন। এখন আমায় অনুমতি দিন, আমি তাঁকে বর্ণার এক আঘাতে মাটিতে গেঁথে ফেলি; আমি তাঁকে দু-বার আঘাত করব না।” 9 কিন্তু দাউদ অবীশয়কে বললেন, “তাঁকে মেরে ফেলো না! সদাপ্রভুর অভিষিক্ত ব্যক্তির উপর হাত উঠিয়ে কে নির্দোষ থাকতে পারবে? 10 জীবন্ত সদাপ্রভুর দিবি,” তিনি বললেন, “সদাপ্রভু স্বয়ং তাঁকে আঘাত করবেন, বা তাঁর সময় ফুরোবে ও তিনি মারা যাবেন, অথবা তিনি যুদ্ধে গিয়েই শেষ হয়ে যাবেন। 11 কিন্তু সদাপ্রভু না করুন, আমি যেন সদাপ্রভুর অভিষিক্ত ব্যক্তির উপর হাত ওঠাই। এখন তাঁর মাথার কাছে যে বর্ণা ও জলের পাত্রটি রাখা আছে, সেগুলি নিয়ে এসো, ও চলো যাওয়া যাক।” 12 অতএব দাউদ শৌলের মাথার কাছে রাখা বর্ণা ও জলের পাত্রটি তুলে নিয়েছিলেন, ও তাঁরা সেখান থেকে চলে গেলেন। কেউ তা দেখেনি বা সে বিষয়ে জানতে পারেনি, আর কেউ জেগেও ওঠেনি। তারা সবাই ঘুমাচ্ছিল, কারণ সদাপ্রভু তাদের গভীর ঘুমে আচ্ছম করে রেখেছিলেন। 13 পরে দাউদ অন্যদিকে কিছুটা দূরে গিয়ে পাহাড়ের উপরে দাঁড়িয়ে গেলেন; তাঁদের দুজনের মাঝখানে বেশ

কিছুটা খালি স্থান ছিল। 14 তিনি সৈন্যদের ও নেরের ছেলে অবনেরকে ডেকে বললেন, “অবনের, আপনার কি কিছু বলার নেই?” অবনের উত্তর দিলেন, “তুমি কে যে রাজার কাছে চেঁচামেচি করছ?” 15 দাউদ বললেন, “আপনি তো একজন পুরুষ, তাই না? ইস্রায়েলে আপনার মতো আর কে আছে? তবে আপনি কেন আপনার প্রভু মহারাজকে রক্ষা করেননি? কেউ একজন আপনার প্রভু মহারাজকে মারতে এসেছিল। 16 আপনি যা করেছেন তা যোটেই ভালো হয়নি। জীবন্ত সদাপ্রভুর দিবিয়, আপনাকে ও আপনার লোকজনকে মরতে হবে, কারণ আপনারা আপনাদের প্রভু, সদাপ্রভুর অভিযিত্ত ব্যক্তিকে রক্ষা করেননি। চারপাশে একটু দেখুন, মহারাজের মাথার কাছে যে বর্ণা ও জলের পাত্রটি রাখা ছিল, সেগুলি কোথায়?” 17 শৌল দাউদের কঠস্বর চিনতে পেরে বলে উঠেছিলেন, “বাছা দাউদ, এ কি তোমার কঠস্বর?” দাউদ উত্তর দিলেন, “হ্যাঁ আমার প্রভু মহারাজ, এ আমারই কঠস্বর।” 18 তিনি এও বললেন, “আমার প্রভু কেন আমার পিছু ধাওয়া করছেন? আমি কী করেছি, ও আমি কী এমন অন্যায় করেছি? 19 এখন হে আমার প্রভু মহারাজ, আপনার দাসের কথা একটু শুনুন। সদাপ্রভু যদি আপনাকে আমার বিবরণে প্রয়োচিত করে থাকেন, তবে তিনি যেন এক নৈবেদ্য গ্রহণ করেন। অবশ্য, যদি লোকেরা তা করে থাকে, তবে তারাই যেন সদাপ্রভুর সামনে অভিশাঙ্গ হয়। তারাই আজ সদাপ্রভুর উত্তরাধিকারে আমার যে অংশ আছে, তা থেকে আমাকে বঞ্চিত করেছে ও বলেছে, ‘যাও, অন্যান্য দেবদেবীর সেবা করো।’ 20 এখন আমার রক্ত যেন সদাপ্রভুর উপস্থিতি থেকে দূরে মাটিতে গিয়ে না পড়ে। ইস্রায়েলের রাজা এক মাছির খোঁজে বের হয়ে এসেছেন—যেভাবে একজন পাহাড়ে তিতির পাখি শিকারে যায়।” 21 তখন শৌল বললেন, “আমি পাপ করেছি। বাছা দাউদ, তুমি ফিরে এসো। যেহেতু আজ তুমি আমার প্রাণ মূল্যবান গণ্য করেছ, তাই আমি আর কখনও তোমার ক্ষতি করার চেষ্টা করব না। নিঃসন্দেহে আমি এক মূর্খের মতো আচরণ করেছি ও যারপরনাই অন্যায় করেছি।” 22 “মহারাজ, এই সেই বর্ণা,” দাউদ উত্তর দিলেন। “আপনার যুবকদের মধ্যে একজন এসে এটি

নিয়ে যাক। 23 সদাপ্রভু প্রত্যেককে ধার্মিকতার ও বিশ্বস্ততার পুরক্ষার দেন। সদাপ্রভু আজ আপনাকে আমার হাতে সমর্পণ করে দিয়েছিলেন, কিন্তু আমি সদাপ্রভুর অভিষিক্ত ব্যক্তির উপরে হাত তুলতে চাইনি। 24 যেভাবে আজ আমি আপনার প্রাণ মূল্যবান গণ্য করেছি, নিশ্চিতভাবে সদাপ্রভুও যেন আমার প্রাণটি মূল্যবান গণ্য করেন ও আমাকে সব বিপদ-আপদ থেকে রক্ষা করেন।” 25 তখন শৌল দাউদকে বললেন, “বাছা দাউদ, তুমি আশীর্বাদপ্রাপ্ত হও; তুমি বড়ো বড়ো কাজ করবে ও বিজয়ীও হবে।” পরে দাউদ নিজের পথে চলে গেলেন, ও শৌল ঘরে ফিরে গেলেন।

**27** দাউদ মনে মনে ভেবেছিলেন, “একদিন না একদিন আমাকে শৌলের হাতে মরতেই হবে। আমার পক্ষে ফিলিস্তিনীদের দেশে পালিয়ে যাওয়াই ভালো। তখন শৌল ইস্রায়েলে আর কোথাও আমার খোঁজ করবেন না, ও আমি তাঁর হাত এড়িয়ে পালিয়ে যেতে পারব।” 2 অতএব দাউদ ও তাঁর সঙ্গে থাকা 600 জন লোক দেশ ছেড়ে মায়োকের ছেলে গাতের রাজা আখীশের কাছে পৌঁছে গেলেন। 3 দাউদ ও তাঁর লোকজন গাতে আখীশের কাছেই থেকে গেলেন। প্রত্যেকে তাদের পরিবার সমেতই সেখানে ছিল, এবং দাউদের সঙ্গে ছিলেন তাঁর দুই স্ত্রী: যিস্ত্রিয়েলীয়া অহীনোয়ম ও নাবলের বিধবা কর্মিলীয়া অবীগল। 4 শৌলকে যখন বলা হল দাউদ গাতে পালিয়ে গিয়েছেন, তখন তিনি আর তাঁর খোঁজ করেননি। 5 তখন দাউদ আখীশকে বললেন, “আমি যদি আপনার দৃষ্টিতে অনুগ্রহ পেয়েছি, তবে আমার থাকার জন্য যেন পল্লি-অঞ্চলে একটি স্থান নির্দিষ্ট করে দেওয়া হয়। আপনার দাস কেন আপনার সঙ্গে রাজধানী নগরে বসবাস করবে?” 6 অতএব সেদিন আখীশ তাঁকে সিঙ্গুর নগরটি দান করে দিলেন, ও সেদিন থেকেই সেটি যিহুদার রাজাদের অধিকারে চলে গেল। 7 দাউদ ফিলিস্তিনী এলাকায় এক বছর চার মাস ধরে বসবাস করলেন। 8 ইতিমধ্যে দাউদ ও তাঁর লোকজন গিয়ে গশুরীয়, গির্বীয় ও অমালেকীয়দের উপরে অতক্রিত আক্রমণ শানিয়েছিলেন। (প্রাচীনকাল থেকেই এইসব লোকজন শূর ও মিশর পর্যন্ত বিস্তৃত এলাকায় বসবাস

করত) ৭ যখনই দাউদ কোনো এলাকা আক্রমণ করতেন, তিনি সেখানে একটি পুরুষ বা স্ত্রীলোককে জীবিত ছাড়তেন না, কিন্তু মেষ ও গবাদি পশু, গাধা ও উট, এবং পোশাক-পরিচ্ছদ লুট করতেন। পরে তিনি আখীশের কাছে ফিরে আসতেন। ১০ আখীশ যখন জিজ্ঞাসা করতেন, “আজ তুমি কোথায় অতর্কিত আক্রমণ শান্ত করেছ?” দাউদ তখন উত্তর দিতেন, “যিহুদার নেগেভে” অথবা “যিরহমেলীয়দের নেগেভে” বা “কেনীয়দের নেগেভে।” ১১ গাতে নিয়ে আসার জন্য তিনি কোনো পুরুষ বা স্ত্রীলোককে জীবিত রাখতেন না, কারণ তিনি ভাবতেন, “এরা হয়তো আমাদের বিষয়ে বলে দেবে, ‘দাউদ এ ধরনের কাজ করেছেন।’” আর যতদিন তিনি ফিলিস্তিনী এলাকায় বসবাস করলেন, ততদিন তিনি এরকমই করে গেলেন। ১২ আখীশ দাউদকে বিশ্বাস করতেন ও মনে মনে বলতেন, “সে তার নিজের জাতি ইস্রায়েলের কাছে নিজেকে আপত্তিকর করে তুলেছে, তাই সারা জীবন সে আমার দাস হয়েই থাকবে।”

**২৮** তখন ফিলিস্তিনীরা ইস্রায়েলের বিরুদ্ধে যুদ্ধ করার জন্য সৈন্যদল একত্রিত করল। আখীশ দাউদকে বললেন, “তোমার নিশ্চয় জানা আছে যে তোমাকে তোমার দলবল সমেত আমার সৈন্যদলের সঙ্গে যোগ দিতে হবে।” ২ দাউদ বললেন, “আপনি নিজেই দেখতে পাবেন, আপনার দাস ঠিক কী করতে পারে।” আখীশ উত্তর দিলেন, “ঠিক আছে, আমি আজীবন তোমাকে আমার দেহরক্ষী করে রাখব।” ৩ শমুয়েল মারা গিয়েছিলেন, আর ইস্রায়েলীরা সবাই তাঁর জন্য শোকপ্রকাশ করে তাঁকে তাঁর নিজের নগর রামায় কবর দিয়েছিলেন। শৌল দেশ থেকে প্রেতমাধ্যম ও গুনিনদের দ্রু করে দিলেন। ৪ ফিলিস্তিনীরা একত্রিত হয়ে শূন্মে সৈন্যশিবির স্থাপন করল, অন্যদিকে শৌল ইস্রায়েলীদের একত্রিত করে গিলবোয়ে সৈন্যশিবির স্থাপন করলেন। ৫ ফিলিস্তিনীদের সৈন্যদল দেখে শৌল ভয় পেয়ে গেলেন; তাঁর অন্তর আতঙ্কে ভরে গেল। ৬ তিনি সদাপ্রভুর কাছে জানতে চেয়েছিলেন, কিন্তু সদাপ্রভু স্বপ্ন বা উরীম বা ভাববাদীদের মাধ্যমে তাঁকে উত্তর দেননি। ৭ তখন শৌল তাঁর পরিচারকদের বললেন,

“এমন একজন মহিলাকে খুঁজে নিয়ে এসো, যে একজন প্রেতমাধ্যম, যেন আমি তার কাছে গিয়ে একটু খোঁজখবর নিতে পারি।” তারা বলল, “ঐনদোরে এমন একজন মহিলা আছে।” ৪ অতএব শৌল ছদ্মবেশ ধারণ করে, সাধারণ কাপড় পরে রাতের অন্ধকারে দুজন লোককে সঙ্গে নিয়ে সেই মহিলাটির কাছে গেলেন। তিনি বললেন, “আমার জন্য একটি প্রেতমাধ্যমের সঙ্গে যোগাযোগ করো ও যাঁর নাম বলছি তাঁকে ডেকে আনো।” ৫ কিন্তু মহিলাটি তাঁকে বলল, “আপনি তো জানেনই শৌল কী করেছেন। তিনি প্রেতমাধ্যম ও গুনিনদের দেশ থেকে বের করে দিয়েছেন। তবে কেন আপনি আমাকে মেরে ফেলার জন্য ফাঁদ পাতছেন?” ১০ শৌল সদাপ্রভুর নামে শপথ করে তাকে বললেন, “জীবন্ত সদাপ্রভুর দিবিয়, এজন্য তোমাকে শাস্তি পেতে হবে না।” ১১ তখন মহিলাটি প্রশ্ন করল, “আপনার জন্য আমি কাকে ডেকে আনব?” “শমূয়েলকে ডেকে আনো,” তিনি বললেন। ১২ মহিলাটি শমূয়েলকে দেখতে পেয়ে জোর গলায় চিৎকার করে শৌলকে বলল, “আপনি কেন আমার সঙ্গে ছলনা করলেন? আপনি তো শৌল!” ১৩ রাজামশাই তাকে বললেন, “তুম পেওনা। বলো তুমি কী দেখছ?” মহিলাটি বলল, “আমি এক ভুতুড়ে চেহারা দেখতে পাচ্ছি, যিনি ভূতল থেকে উঠে আসছেন।” ১৪ “তিনি কার মতো দেখতে?” তিনি প্রশ্ন করলেন। “লম্বা আলখাল্লা পরে একজন বৃক্ষ মানুষ এগিয়ে আসছেন,” মহিলাটি বলল। তখন শৌল বুঝতে পারলেন যে তিনি শমূয়েল, এবং তিনি মাটিতে উরুড় হয়ে তাঁকে প্রণাম করলেন। ১৫ শমূয়েল শৌলকে বললেন, “আমাকে তুলে এনে তুমি কেন আমাকে বিরক্ত করলে?” “আমি খুব বিপদে পড়েছি,” শৌল বললেন। “ফিলিস্তিনীরা আমার বিরক্তকে যুদ্ধ করছে, আর স্টপ্ররও আমাকে ছেড়ে গিয়েছেন। তিনি আর আমার ডাকে সাড়া দেন না, ভাববাদীদের দ্বারাও নয় বা স্বপ্নের দ্বারাও নয়। তাই আমি আপনাকে ডেকে এনেছি যেন আপনি বলে দেন, আমাকে কী করতে হবে।” ১৬ শমূয়েল বললেন, “সদাপ্রভুই যখন তোমাকে ছেড়ে গিয়েছেন ও তোমার শক্ত হয়ে গিয়েছেন তখন আর আমার পরামর্শ চাইছ কেন? ১৭ আমার মাধ্যমে সদাপ্রভু আগে থেকে যা বলে

দিয়েছিলেন তাই করেছেন। সদাপ্রভু তোমার হাত থেকে রাজ্যটি কেড়ে  
নিয়ে তোমার প্রতিবেশীদের মধ্যে একজনের—দাউদের হাতে তুলে  
দিয়েছেন। 18 যেহেতু তুমি সদাপ্রভুর বাধ্য হওনি বা অমালেকীয়দের  
বিরুদ্ধে তাঁর প্রচণ্ড ক্রোধ সম্পাদন করোনি, তাই সদাপ্রভু আজ তোমার  
প্রতি এরকমটি করেছেন। 19 সদাপ্রভু ইস্রায়েলকে ও তোমাকেও  
ফিলিস্তিনীদের হাতে সঁপে দেবেন এবং আগামীকাল তুমি ও তোমার  
ছেলেরা আমার সঙ্গে থাকবে। সদাপ্রভু ইস্রায়েলের সৈন্যদলকেও  
ফিলিস্তিনীদের হাতে সঁপে দেবেন।” 20 শমুয়েলের কথা শুনে শৌল  
ভয় পেয়ে তৎক্ষণাত্ স্টান মাটিতে উবুড় হয়ে পড়ে গেলেন। তাঁর  
শক্তি নিঃশেষ হয়ে গেল, কারণ সারা দিনরাত তিনি কিছুই খাননি। 21  
সেই মহিলাটি শৌলের কাছে এসে যখন দেখল তিনি খুব বিচলিত  
হয়ে পড়েছেন, তখন সে বলল, “দেখুন, আপনার দাসী আপনার বাধ্য  
হয়েছে। আমি প্রাণ হাতে নিয়ে আপনি আমাকে যা করতে বলেছিলেন  
তাই করেছি। 22 এখন দয়া করে আপনার দাসীর কথা শুনুন ও  
আপনাকে কিছু খাবার দিতে দিন যেন সেই খাবার খেয়ে আপনি  
ফিরে যাওয়ার শক্তি লাভ করেন।” 23 তিনি রাজি না হয়ে বললেন,  
“আমি খাব না।” কিন্তু তাঁর লোকজনও মহিলাটির সঙ্গে মিলিতভাবে  
তাঁকে পীড়াপীড়ি করল, ও তিনি তাদের কথা শুনেছিলেন। তিনি মাটি  
থেকে উঠে খাটে গিয়ে বসেছিলেন। 24 মহিলাটির গোয়ালঘরে একটি  
হষ্টপুষ্ট বাচ্চুর ছিল, যেটি সে তক্ষুনি বধ করল। সে কিছুটা ময়দা মেখে  
খামিরবিহীন কয়েকটি রুটি বানাল। 25 পরে সে সেগুলি শৌল ও তাঁর  
লোকজনের সামনে এনে রেখেছিল, ও তাঁরা ভোজনপান করলেন।  
রাত থাকতে থাকতেই তাঁরা উঠে চলে গেলেন।

**29** ফিলিস্তিনীরা অফেকে তাদের সব সৈন্য একত্রিত করল, এবং  
ইস্রায়েল যিত্রিয়েলের ঝর্নার কাছে শিবির স্থাপন করল। 2 ফিলিস্তিনী  
শাসনকর্তারা যখন এক-একশো ও এক এক হাজার সৈন্য সঙ্গে নিয়ে  
এগিয়ে যাচ্ছিল, দাউদ তাঁর লোকজন নিয়ে আখীশের সঙ্গী হয়ে  
পিছন পিছন যাচ্ছিলেন। 3 ফিলিস্তিনী সেনাপতিরা জিজ্ঞাসা করল,  
“এই হিঙ্গ লোকগুলি কী করছে?” আখীশ উত্তর দিলেন, “এ কি সেই

দাউদ নয়, যে ইস্রায়েলের রাজা শৌলের উচ্চপদস্থ এক সামরিক কর্মচারী ছিল? সে আমার সঙ্গে এক বছরেরও বেশি সময় ধরে রয়েছে, এবং যেদিন সে শৌলকে ছেড়ে এসেছিল, সেদিন থেকে শুরু করে আজ পর্যন্ত আমি তার জীবনে কোনও দোষ খুঁজে পাইনি।” 4 কিন্তু ফিলিস্তিনী সেনাপতিরা আখীশের উপর রেগে গেল ও তাঁকে বলল, “এই লোকটিকে আপনি ফেরত পাঠিয়ে দিন, যেন সে সেখানেই ফিরে যেতে পারে যে স্থানটি আপনি তার জন্য নিরপিত করে রেখেছেন। সে যেন আমাদের সঙ্গে যুদ্ধে না যায়, পাছে যুদ্ধ চলাকালীন সে আমাদের বিরুদ্ধে চলে যায়। আমাদের নিজস্ব লোকজনের মৃগু কেটে তার মনিবের অনুগ্রহ ফিরে পাওয়ার এমন সুযোগ সে কি আর পাবে? 5 এই দাউদের বিষয়েই কি লোকেরা নাচ-গান করে বলেনি: “শৌল মারলেন হাজার হাজার, আর দাউদ মারলেন অযুত অযুত’?” 6 আখীশ তাই দাউদকে ডেকে তাঁকে বললেন, “জীবন্ত সদাপ্রভুর দিব্য, তুমি নির্ভরযোগ্য, এবং তোমায় আমি আমার সঙ্গে সৈন্যদলে রাখতে পারলে খুশিই হতাম। যেদিন তুমি আমার কাছে এসেছিলে সেদিন থেকে আজ পর্যন্ত আমি তোমার মধ্যে কোনও দোষ খুঁজে পাইনি, কিন্তু শাসনকর্তারা তোমাকে গ্রহণযোগ্য মনে করছে না। 7 এখন শান্তিতে ফিরে যাও; ফিলিস্তিনী শাসনকর্তারা অসন্তুষ্ট হয় এমন কোনও কাজ কোরো না।” 8 “কিন্তু আমি কী করেছি?” দাউদ জিজ্ঞাসা করলেন। “যেদিন আমি আপনার কাছে এসেছিলাম, সেদিন থেকে আজ পর্যন্ত আপনি আপনার দাসের বিরুদ্ধে কি কিছু খুঁজে পেয়েছেন? তবে কেন আমি গিয়ে আমার প্রভু মহারাজের শক্তিদের বিরুদ্ধে যুদ্ধ করতে পারব না?” 9 আখীশ উত্তর দিলেন, “আমি জানি যে আমার নজরে তুমি দীর্ঘের এক দূতের মতোই ভালো; তা সত্ত্বেও, ফিলিস্তিনী সেনাপতিরা বলেছে, ‘সে যেন আমাদের সঙ্গে যুদ্ধে না যায়।’ 10 এখন তাড়াতাড়ি উঠে পড়ো, তোমার মনিবের সেইসব দাসকে সঙ্গে নিয়ে সকাল সকাল আলো ফোটামাত্র এখান থেকে চলে যাও, যারা তোমার সঙ্গে এখানে এসেছিল।” 11 তাই দাউদ ও তাঁর লোকজন ফিলিস্তিনীদের দেশে

ফিরে যাওয়ার জন্য সকাল সকাল উঠে পড়েছিলেন, এবং ফিলিস্তিনীরা যিত্রিয়েলে চলে গেল।

**30** দাউদ ও তাঁর লোকজন তৃতীয় দিনে সিক্রগে গিয়ে পৌঁছালেন। ইত্যবসরে অমালেকীয়রা নেগেভে ও সিক্রগে হামলা চালিয়েছিল। তারা সিক্রগ আক্রমণ করে সেটি পুড়িয়ে দিয়েছিল, 2 এবং স্ত্রীলোকদের ও ছেটো-বড়ো সবাইকে বন্দি করল। তারা কাউকেই হত্যা করেনি, কিন্তু ফিরে যাওয়ার সময় তাদের তুলে নিয়ে গেল। 3 দাউদ ও তাঁর লোকজন যখন সিক্রগে পৌঁছেছিলেন, তখন তাঁরা দেখেছিলেন নগরটি আগুনে পুড়ে ধ্বংস হয়ে গিয়েছে ও তাদের স্ত্রী ও ছেলেমেয়েরা বন্দি হয়েছে। 4 তাই দাউদ ও তাঁর লোকজন গলা ছেড়ে কেঁদেছিলেন। শেষে এমন হল যে তাঁদের আর কাঁদার শক্তি অবশিষ্ট ছিল না। 5 দাউদের দুই স্ত্রী—যিত্রিয়েলের অহীনোয়ম ও কর্মিল-নিবাসী নাবলের বিধবা অবীগল বন্দি হয়েছিলেন। 6 দাউদ মনে খুব দুঃখ পেয়েছিলেন কারণ লোকেরা তাঁকে পাথর মারার কথা বলছিল; ছেলেমেয়েদের জন্য প্রত্যেকের মন খারাপ হয়েছিল। কিন্তু দাউদ তাঁর ঈশ্বর সদাপ্রভুতে শক্তি অর্জন করলেন। 7 পরে দাউদ অহীমেলকের ছেলে যাজক অবিয়াথরকে বললেন, “এফোদটি আমার কাছে নিয়ে আসুন।” অবিয়াথর সেটি তাঁর কাছে এনেছিলেন, 8 এবং দাউদ সদাপ্রভুর কাছে জানতে চেয়েছিলেন, “আমি কি আক্রমণকারীদের পিছু ধাওয়া করব? আমি কি তাদের ধরে ফেলতে পারব?” “পিছু ধাওয়া করো,” তিনি উত্তর দিলেন। “তুমি নিঃসন্দেহে তাদের ধরে ফেলতে পারবে ও উদ্ধারকাজে সফল হবে।” 9 দাউদ ও তাঁর সঙ্গে থাকা 600 জন লোক বিঘোর উপত্যকায় পৌঁছে গেলেন। কয়েকজন সেখানেই থেকে গেল। 10 তাদের মধ্যে 200 জন এত ক্লান্ত হয়ে পড়েছিল যে তারা আর উপত্যকাটি পার হতে পারেনি, কিন্তু দাউদ ও অন্য 400 জন লোক আক্রমণকারীদের পিছু ধাওয়া করেই যাচ্ছিলেন। 11 তারা মাঠে একজন মিশরীয় লোককে খুঁজে পেয়ে তাকে দাউদের কাছে নিয়ে এসেছিল। তারা তাকে জলপান করতে ও খাবার খেতে দিয়েছিল— 12 সেই খাবার ছিল ডুমুরচাকের খানিকটা পিঠে ও কিশমিশ দিয়ে তৈরি দুটি পিঠে। সে সেগুলি খেয়ে শক্তি ফিরে

পেয়েছিল, কারণ সে তিন দিন তিনরাত খাবার খায়নি বা জলও পান করেননি। 13 দাউদ তাকে জিজ্ঞাসা করলেন, “তুমি কার লোক? কোথা থেকেই বা এসেছ?” সে বলল, “আমি জাতিতে একজন মিশ্রীয়, আমি একজন অমালেকীয়ের দাস। তিন দিন আগে আমি যখন অসুস্থ হয়ে পড়েছিলাম তখন আমার মনিব আমাকে একা ফেলে রেখে চলে গিয়েছিলেন। 14 আমরা করেথীয়দের নেগেভে, যিহুদার অধিকারভুক্ত কিছু এলাকায় ও কালেবের নেগেভে হানা দিয়েছিলাম। আবার আমরা সিরুগও আগুনে পুড়িয়ে দিয়েছি।” 15 দাউদ তাকে জিজ্ঞাসা করলেন, “তুমি কি পথ দেখিয়ে আমাকে সেই আক্রমণকারীদের কাছে নিয়ে যেতে পারবে?” সে উত্তর দিয়েছিল, “আপনি ঈশ্বরের কাছে শপথ করে বলুন যে আপনি আমাকে হত্যা করবেন না বা আমাকে আমার মনিবের হাতে তুলে দেবেন না, তবেই আমি আপনাকে তাদের কাছে নিয়ে যাব।” 16 সে দাউদকে তাদের কাছে নিয়ে গেল, আর সেখানে তারা গ্রামাঞ্চলে ছড়িয়ে-ছিটিয়ে ভোজনপান ও বিশ্রাম করছিল কারণ তারা ফিলিস্তিনীদের দেশ থেকে ও যিহুদা থেকে প্রচুর পরিমাণে লুণ্ঠিত জিনিসপত্র সংগ্রহ করেছিল। 17 দাউদ সেদিন ভরসন্ধ্যা থেকে শুরু করে পরদিন সন্ধ্যাবেলা পর্যন্ত তাদের সঙ্গে যুদ্ধ করলেন, ও উটের পিঠে চেপে পালিয়ে যাওয়া 400 জন যুবক ছাড়া তাদের মধ্যে আর কেউই রক্ষা পায়নি। 18 অমালেকীয়রা যা যা নিয়ে গেল সে সবকিছুই, এমনকি তাঁর দুই স্ত্রীকেও দাউদ ফিরিয়ে এনেছিলেন। 19 কোনো কিছুই হারায়নি: অল্পবয়স্ক বা বয়সে বৃদ্ধ, ছেলে বা মেয়ে, লুণ্ঠিত জিনিসপত্র বা তারা নিয়ে গিয়েছিল এমন অন্য সবকিছু দাউদ ফিরিয়ে নিয়ে এলেন। 20 তিনি সব মেষ ও পশ্চাল ছিনিয়ে এনেছিলেন, এবং এই বলে তাঁর লোকজন সেগুলি অন্যান্য গবাদি পশুর আগে আগে তাড়িয়ে এনেছিল, “এসব দাউদের লুণ্ঠিত জিনিসপত্র।” 21 পরে দাউদ সেই 200 জন লোকের কাছে এলেন যারা খুব ক্লান্ত হয়ে পড়েছিল বলে তাঁর অনুগামী হতে পারেনি ও তারা বিশ্বের উপত্যকায় থেকে গিয়েছিল। তারা দাউদ ও তাঁর সঙ্গে থাকা লোকজনের সঙ্গে দেখা করতে এসেছিল। দাউদ ও তাঁর লোকজন সেখানে পৌঁছালে

তিনি তাদের জিজ্ঞাসা করলেন তারা কেমন আছে। 22 কিন্তু দাউদের অনুগামীদের মধ্যে সব দুষ্ট প্রকৃতির ও ঝামেলা সৃষ্টিকারী লোক বলল, “যেহেতু এরা আমাদের সঙ্গে যায়নি, তাই আমাদের ফিরিয়ে আনা লুণ্ঠিত জিনিসপত্রের বখরা আমরা এদের দেব না। অবশ্য, এরা প্রত্যেকে নিজেদের স্ত্রী-সন্তান নিয়ে যেতে পারে।” 23 দাউদ উত্তর দিলেন, “না না, হে আমার ভাইয়েরা, সদাপ্রভু আমাদের যা দিয়েছেন, তা নিয়ে তোমরা এরকম কোরো না। তিনি আমাদের সুরক্ষা জুগিয়েছেন ও সেই আক্রমণকারীদের আমাদের হাতে সঁপে দিয়েছেন, যারা আমাদের বিরুদ্ধে এসেছিল। 24 কে তোমাদের কথা শুনবে? যারা রসদসামগ্রী পাহারা দিয়েছিল তারাও, যারা যুদ্ধে গিয়েছিল, তাদের মতোই ভাগ পাবে। সবার বখরাই সমান হবে।” 25 সোদিন থেকে শুরু করে আজ পর্যন্ত দাউদ ইস্রায়েলের জন্য এই নিয়ম ও বিধি স্থির করে দিয়েছেন। 26 সিঙ্গে পৌঁছে দাউদ এই বলে লুণ্ঠিত জিনিসপত্রের কিছুটা অংশ তাঁর বন্ধুস্থানীয় যিহুদার প্রাচীনদের কাছে পাঠিয়ে দিলেন যে, “সদাপ্রভুর শক্তিদের কাছ থেকে পাওয়া লুণ্ঠিত জিনিসপত্র থেকে আপনাদের জন্য সামান্য উপহার পাঠাচ্ছি।” 27 দাউদ তাঁদেরই কাছে সেগুলি পাঠালেন, যাঁরা বেথেল, নেগেভের রামোৎ ও যত্তীরে থাকতেন; 28 যাঁরা অরোয়ের, শিফমোৎ, ইষ্টিমোয় 29 ও রাখলে থাকতেন; যাঁরা যিরহমেলীয়দের ও কেনীয়দের নগরগুলিতে থাকতেন; 30 যাঁরা হর্মা, বোর-আশন, অথাক 31 ও হির্বাণে থাকতেন; তথা অন্যান্য সেইসব স্থানে থাকতেন, যেখানে যেখানে তিনি ও তাঁর লোকজন ঘুরে বেড়াতেন।

**31** ইত্যবসরে ফিলিস্তিনীরা ইস্রায়েলের বিরুদ্ধে যুদ্ধ করছিল; ইস্রায়েলীরা তাদের সামনে থেকে পালিয়ে গেল, ও অনেকেই গিলবোয় পর্বতে মারা পড়েছিল। 2 ফিলিস্তিনীরা বীর-বিক্রমে শৌল ও তাঁর ছেলেদের পিছু ধাওয়া করল, এবং তারা তাঁর ছেলে যোনাথন, অবীনাদব ও মক্ষিশূয়কে হত্যা করল। 3 শৌলের চারপাশে ভীষণ যুদ্ধ চলছিল, এবং তীরন্দাজেরা তাঁর নাগাল পেয়ে তাঁকে গুরুতরভাবে আহত করে ফেলেছিল। 4 শৌল তাঁর অন্ত বহনকারী লোকটিকে

বললেন, “তোমার তরোয়ালটি বের করে আমার উপর চালিয়ে দাও,  
তা না হলে সুন্নত না করা এইসব লোকজন এসে আমাকে হত্যা  
করে আমার অপমান করবে।” কিন্তু তাঁর অন্ত বহনকারী লোকটি  
ভয় পেয়েছিল ও তা করতে চায়নি; তাই শৌল নিজের তরোয়ালটি  
বের করে সেটির উপর নিজেই পড়ে গেলেন। ৫ সেই অন্ত বহনকারী  
লোকটি যখন দেখল যে শৌল মারা গিয়েছেন, তখন সেও নিজের  
তরোয়ালের উপর পড়ে গিয়ে তাঁর সঙ্গেই মারা গেল। ৬ অতএব  
একই দিনে শৌল, তাঁর তিন ছেলে ও তাঁর অন্ত বহনকারী লোকটি  
এবং তাঁর সব লোকজন একসঙ্গে মারা গেলেন। ৭ উপত্যকার  
ইস্রায়েলীরা ও জর্ডন নদীর ওপারে বসবাসকারী লোকেরা যখন দেখল  
যে ইস্রায়েলী সৈন্যদল পালিয়েছে এবং শৌল ও তাঁর ছেলেরা মারা  
গিয়েছেন, তখন তারাও নিজেদের নগরগুলি ছেড়ে পালিয়ে গেল।  
ফিলিস্তিনীরা এসে তখন সেই নগরগুলি দখল করল। ৮ পরদিন  
ফিলিস্তিনীরা যখন মৃতদেহগুলি থেকে সাজসজ্জা খুলে নিতে এসেছিল,  
তারা শৌল ও তাঁর ছেলেদের গিলবোয় পর্বতে মরে পড়ে থাকতে  
দেখেছিল। ৯ তারা তাঁর মাথা কেটে নিয়েছিল ও তাঁর অন্ত-সজ্জাও  
খুলে নিয়েছিল, এবং তারা ফিলিস্তিনীদের গোটা দেশ জুড়ে তাদের  
দেবদেবীর মন্দিরে মন্দিরে ও প্রজাদের মধ্যে এই খবর ঘোষণা  
করার জন্য দৃতদের পাঠিয়ে দিয়েছিল। ১০ তারা তাঁর মাথাটি নিয়ে  
গিয়ে অষ্টারোৎ দেবীদের মন্দিরে রেখেছিল এবং তাঁর দেহটি বেথ-  
শানের প্রাচীরে ঝুলিয়ে রেখেছিল। ১১ যাবেশ-গিলিয়দের লোকজন  
যখন শুনতে পেল ফিলিস্তিনীরা শৌলের প্রতি কী করেছে, ১২ তখন  
সেখানকার বীরপুরুষরা রাতারাতি কুচকাওয়াজ করে বেথ-শানে পৌঁছে  
গেল। তারা বেথ-শানের প্রাচীর থেকে শৌল ও তাঁর ছেলেদের শবগুলি  
নামিয়ে এনে যাবেশে ফিরে গেল, ও সেখানে তারা সেগুলি পুড়িয়ে  
দিল। ১৩ পরে তারা তাদের হাড়গুলি নিয়ে সেগুলি যাবেশে একটি  
ঝাউ গাছের তলায় কবর দিল, এবং সাত দিন ধরে উপবাস করল।

## শমূয়েলের দ্বিতীয় বই

১ শৌলের মৃত্যুর পর, দাউদ অমালেকীয়দের বধ করে ফিরে আসার পর সিঙ্গে দু-দিন কাটিয়েছিলেন। ২ তৃতীয় দিনে শৌলের সৈন্যশিবির থেকে ছিন্নবস্ত্রে ও মাথায় ধূলো মেখে একটি লোক সেখানে পৌঁছেছিল। দাউদের কাছে এসে সে তাঁকে সম্মান জানানোর জন্য মাটিতে উবুড় হয়ে পড়েছিল। ৩ “তুমি কোথা থেকে এসেছ?” দাউদ তাকে জিজ্ঞাসা করলেন। সে উত্তর দিয়েছিল, “আমি ইস্রায়েলী সৈন্যশিবির থেকে পালিয়ে এসেছি।” ৪ “কী হয়েছে?” দাউদ জিজ্ঞাসা করলেন। “আমায় বলো।” “লোকজন যুদ্ধস্থল থেকে পালিয়েছে,” সে উত্তর দিয়েছিল। “তাদের মধ্যে অনেকেই মারা গেছে। শৌল ও তাঁর ছেলে যোনাথনও মারা গিয়েছেন।” ৫ যে যুবকটি দাউদের কাছে এই খবরটি এনেছিল তাকে তখন দাউদ বললেন, “তুমি কী করে জানলে শৌল ও তাঁর ছেলে যোনাথন মারা গিয়েছেন?” ৬ “ঘটনাচক্রে আমি গিলবোয় পাহাড়ে ছিলাম,” যুবকটি বলল, “আর শৌল তখন সেখানে তাঁর বর্ষার উপর হেলান দিয়ে দাঁড়িয়েছিলেন, আর রথ ও সেগুলির সারাথিরা বীর-বিক্রমে তাঁর পিছু ধাওয়া করল। ৭ তিনি যখন এদিক-ওদিক চেয়ে আমাকে দেখতে পেয়েছিলেন, তখন তিনি আমায় ডাক দিলেন, ও আমি বললাম, ‘আমি কী করতে পারি?’ ৮ “তিনি আমায় জিজ্ঞাসা করলেন, ‘তুমি কে?’ “‘একজন অমালেকীয়,’ আমি উত্তর দিয়েছিলাম। ৯ “পরে তিনি আমায় বললেন, ‘আমার পাশে দাঁড়িয়ে আমাকে হত্যা করো! আমি মৃত্যুযন্ত্রণা ভোগ করছি, কিন্তু আমি এখনও বেঁচে আছি।’ ১০ “তাই আমি তাঁর পাশে দাঁড়িয়ে তাঁকে হত্যা করলাম, যেহেতু আমি বুঝতে পেরেছিলাম যে পড়ে যাওয়ার পর তাঁর পক্ষে আর কোনোভাবেই বেঁচে থাকা সম্ভব নয়। আর আমি তাঁর মাথার মুকুটটি ও তাঁর হাতের বাজুটি খুলে নিয়ে সেগুলি এখানে আমার প্রভু আপনার কাছে এনেছি।” ১১ তখন দাউদ ও তাঁর সঙ্গে থাকা সব লোকজন নিজেদের পোশাক ধরে ছিঁড়ে ফেলেছিলেন। ১২ সন্ধ্যা পর্যন্ত তারা শৌলের ও তাঁর ছেলে যোনাথনের, ও সদাপ্রভুর সৈন্যদলের এবং ইস্রায়েল জাতির জন্য শোকপ্রকাশ করে কেঁদেছিলেন ও উপবাস করলেন, কারণ তারা

তরোয়ালের আঘাতে মারা পড়েছিলেন। 13 যে ছেলেটি দাউদের কাছে  
এই খবরটি এনেছিল, তিনি তাকে বললেন, “তুমি কোথাকার লোক?”  
“আমি এক বিদেশির ছেলে, একজন অমালেকীয়,” সে উত্তর দিয়েছিল।  
14 দাউদ তাকে জিজ্ঞাসা করলেন, “সদাপ্রভুর অভিষিক্ত ব্যক্তিকে মেরে  
ফেলার জন্য হাত উঠাতে কেন তোমার ভয় করল না?” 15 পরে দাউদ  
তাঁর লোকদের মধ্যে একজনকে ডেকে বললেন, “যাও, ওকে আঘাত  
করে মাটিতে ফেলে দাও!” তখন সে তাকে আঘাত করে মাটিতে ফেলে  
দিল, ও সে মারা গেল। 16 কারণ দাউদ তাকে বললেন, “তোমার  
রক্তের দোষ তুমই তোমার মাথায় বহন করো। তোমার নিজের মুখেই  
তুমি তোমার বিরংদে সাক্ষ্য দিয়ে বলেছ, ‘আমি সদাপ্রভুর অভিষিক্ত  
ব্যক্তিকে হত্যা করেছি।’” 17 শৌল ও তাঁর ছেলে যোনাথনের জন্য  
দাউদ এই বিলাপ-গীতটি গেয়েছিলেন, 18 এবং তিনি আদেশ দিলেন  
যেন যিহুদার লোকজনকেও ধনুকের এই বিলাপ-গীতটি শেখানো হয়  
(এটি যাশের প্রথমে লেখা আছে): 19 “হে ইস্রায়েল, তোমার চূড়ায় এক  
গজলা হরিণ মরে পড়ে আছে। বীরপুরুষেরা হেথায় কেমন সব পড়ে  
আছেন! 20 “গাতে এ খবর দিয়ো না, অঙ্কিলোনের পথে পথে তা  
ঘোষণা কোরো না, ফিলিস্তিনীদের মেয়েরা পুলকিত হোক, বিধর্মী  
লোকদের মেয়েরা আনন্দিত হোক। 21 “হে গিলবোয়ের পাহাড়-পর্বত,  
তোমাদের উপর যেন কখনও শিশির বা বৃষ্টি না পড়ে, তোমাদের  
সমতল ক্ষেত্রেও যেন বৃষ্টি না পড়ে। কারণ সেখানে বীরপুরুষের ঢাল  
অবজ্ঞাত হল, শৌলের সেই ঢাল—আর তৈল-মর্দিত হবে না। 22  
“নিহতের রক্ত না নিয়ে, বীরপুরুষের মাংস না পেয়ে, যোনাথনের  
ধনুক কখনও পিছু ফিরত না, শৌলের তরোয়াল কখনও অত্পুত্র ফিরত  
না। 23 শৌল ও যোনাথন— জীবনকালে তারা ছিলেন প্রিয়তম ও  
প্রশংসিত, মরণেও তারা হননি বিচ্ছিন্ন। তারা ছিলেন ঈগলের চেয়েও  
দ্রুতগামী, তারা ছিলেন সিংহের চেয়েও শক্তিশালী। 24 “হে ইস্রায়েলের  
মেয়েরা, শৌলের জন্য কাঁদো, যিনি তোমাদের টকটকে লাল রংয়ের  
মিহি কাপড় পরিয়েছেন, যিনি তোমাদের পোশাক সোনা গয়নায়  
সাজিয়েছেন। 25 ‘বীরপুরুষেরা যুদ্ধে কেমন হত হলেন! তোমার চূড়ায়

যোনাথন মৃত পড়ে আছেন। 26 হে যোনাথন, ভাই আমার; তোমার  
জন্য আজ আমি মর্মাহত, হে বন্ধু, আমার কাছে তুমি কত যে প্রিয়  
ছিলে। আমার প্রতি তোমার প্রেম যে অপরূপ ছিল, নারীদের প্রেমের  
চেয়েও বুঝি বেশি অপরূপ। 27 “বীরপুরুষেরা আছেন হেথায় কেমন  
সব পড়ে! যুদ্ধের সব হাতিয়ার যে বিনষ্ট রায়েছে পড়ে!”

২ কালক্রমে, দাউদ সদাপ্রভুর কাছে খোঁজ নিয়েছিলেন। “আমি কি  
যিহুদার নগরগুলির মধ্যে কোনো একটিতে যাব?” তিনি জিজ্ঞাসা  
করলেন। সদাপ্রভু বললেন, “চলে যাও।” দাউদ জিজ্ঞাসা করলেন,  
“আমি কোথায় যাব?” “হিরোণে যাও,” সদাপ্রভু উত্তর দিলেন। ২  
অতএব দাউদ তাঁর দুই স্ত্রী, যিত্রিয়েলীয় অঙ্গীনোয়ম ও কর্মিলীয়  
নাবলের বিধবা অবীগলকে সঙ্গে নিয়ে সেখানে পৌঁছে গেলেন। ৩  
দাউদ সাথে করে পরিবার-পরিজনসহ তাঁর সঙ্গী লোকজনকেও নিয়ে  
গেলেন, এবং তারা হিরোণে ও তার পাশাপাশি গ্রামগুলিতে বসবাস  
করতে শুরু করল। ৪ পরে যিহুদার লোকজন হিরোণে পৌঁছেছিল, ও  
সেখানে তারা দাউদকে যিহুদা কুলের রাজারূপে অভিষিক্ত করল।  
দাউদকে যখন বলা হল যে যাবেশ-গিলিয়দের লোকজন শৌলকে কবর  
দিয়েছে, ৫ তখন তিনি একথা বলার জন্য তাদের কাছে কয়েকজন  
দৃত পাঠালেন, “তোমরা তোমাদের প্রভু শৌলকে কবর দিয়ে তাঁর  
প্রতি যে দয়া দেখিয়েছ, সেজন্য সদাপ্রভু তোমাদের আশীর্বাদ করুন।  
৬ সদাপ্রভু এখন যেন তোমাদের প্রতি দয়া ও বিশ্বস্ততা দেখান,  
এবং আমিও তোমাদের প্রতি একইরকম অনুগ্রহ দেখাব, কারণ  
তোমরা ভালো কাজ করেছ। ৭ তবে এখন, সবল ও সাহসী হও,  
কারণ তোমাদের মনিব শৌল মারা গিয়েছেন, এবং যিহুদার লোকজন  
তাদের উপর আমাকে রাজারূপে অভিষিক্ত করেছে।” ৮ ইতিমধ্যে,  
শৌলের সৈন্যদলের সেনাপতি, নেরের ছেলে অবনের শৌলের ছেলে  
ঈশ্বোশতকে মহনয়িমে এনে তুলেছিলেন। ৯ তিনি তাঁকে গিলিয়দ,  
আশের ও যিত্রিয়েল, তথা ইফ্রায়িম, বিন্যামীন ও সম্পূর্ণ ইস্রায়েলের  
উপর রাজা করে দিলেন। ১০ চল্লিশ বছর বয়সে শৌলের ছেলে  
ঈশ্বোশত ইস্রায়েলের উপর রাজা হলেন, এবং তিনি দুই বছর রাজত্ব

করলেন। যিহুদা কুল অবশ্য দাউদের প্রতি অনুগত থেকে গেল। 11  
যিহুদা কুলে দাউদ সাত বছর ছয় মাস হিরোগে রাজা হয়ে ছিলেন। 12  
নেরের ছেলে অবনের শৌলের ছেলে ঈশ্বরোশতের লোকদের সঙ্গে  
নিয়ে মহনয়িম ছেড়ে গিবিয়োনে গেলেন। 13 সরুয়ার ছেলে যোয়াব  
ও দাউদের লোকরাও বের হয়ে এলেন এবং গিবিয়োনের ডোবার  
কাছে তাদের দেখা পেয়েছিলেন। একটি দল ডোবার এপারে ও অন্য  
দলটি ডোবার ওপারে গিয়ে বসেছিল। 14 পরে অবনের যোয়াবকে  
বললেন, “আমাদের মধ্যে থেকে কয়েকজন যুবক উঠে গিয়ে আমাদের  
চোখে সামনেই হাতাহাতি যুদ্ধ করুক।” “ঠিক আছে, তারা এরকমই  
করুক,” যোয়াব বললেন। 15 তারা উঠে দাঁড়িয়েছিল ও তাদের সংখ্যা  
গোনা হল—বিন্যামীন ও শৌলের ছেলে ঈশ্বরোশতের পক্ষে বারোজন,  
এবং দাউদের পক্ষে বারোজন। 16 পরে প্রত্যেকে নিজের নিজের  
প্রতিদ্বন্দ্বীদের মাথা জাপটে ধরে তাদের দেহপার্শ্বে ছোরা চুকিয়ে  
দিয়েছিল, ও তারা একসাথেই মারা গেল। তাই গিবিয়োনের সেই  
স্থানটি হিলকৎ-হৎসূরীম নামে আখ্যাত হল। 17 সেদিন যুদ্ধ ভয়াবহ  
আকার ধারণ করল, এবং অবনের ও ইস্রায়েলীরা দাউদের লোকজনের  
হাতে পরাজিত হল। 18 সরুয়ার তিনি ছেলে সেখানে উপস্থিত ছিলেন:  
যোয়াব, অবীশয় ও অসাহেল। অসাহেল আবার এক গজলা হরিণের  
মতো ক্ষিপ্র গতিসম্পন্ন ছিলেন। 19 তিনি অবনেরের পিছু ধাওয়া  
করলেন, আর অবনেরের পিছু ধাওয়া করতে গিয়ে তিনি ডাইনে বা  
বাঁয়ে, কোনোদিকেই ঘুরে তাকাননি। 20 অবনের তাঁর দিকে পিছু  
ফিরে জিজ্ঞাসা করলেন, “এ কি তুমি, অসাহেল?” “হ্যাঁ আমিই,”  
তিনি উত্তর দিলেন। 21 তখন অবনের তাঁকে বললেন, “ডাইনে বা  
বাঁয়ে ফিরে যুবকদের মধ্যে কাউকে ধরে তার অন্তর্শন্ত্র খুলে নাও।”  
কিন্তু অসাহেল তাঁর পিছু ধাওয়া করা বন্ধ করেননি। 22 আরেকবার  
অবনের তাঁকে সাবধান করে দিলেন, “আর আমার পিছু ধাওয়া কোরো  
না! কেন মিছিমিছি আমি তোমাকে মারব? আর আমি তোমার দাদা  
যোয়াবের কাছে তখন কীভাবেই বা মুখ দেখাব?” 23 কিন্তু অসাহেল  
পশ্চাদ্বাবন বন্ধ করতে রাজি হননি; তাই অবনের তাঁর বর্ণার বাঁটটি

অসাহেলের পেটে চুকিয়ে দিলেন, ও বর্ণাটি তাঁর পিঠ ভেদ করে  
বেরিয়ে এসেছিল। অকুস্থলেই তিনি পড়ে গেলেন। যেখানে অসাহেল  
পড়ে মারা গেলেন, প্রত্যেকেই সেখানে এসে দাঁড়িয়ে পড়েছিল। 24  
কিন্তু যোয়াব ও অবীশয় অবনেরের পিছু ধাওয়া করে গেলেন, এবং  
সূর্য যখন অস্ত যাচ্ছিল, তখন তারা শিবিয়োনের মরহেলাকার পথে  
গীহের কাছাকাছি অম্মা পাহাড়ে পৌঁছেছিলেন। 25 তখন বিন্যামীনের  
লোকজন অবনেরের পিছনে জমায়েত হল। তারা দল বেঁধে পাহাড়ের  
চূড়ায় গিয়ে দাঁড়িয়েছিল। 26 অবনের যোয়াবকে ডেকে বললেন,  
“তরোয়াল কি চিরকাল গ্রাসই করতে থাকবে? তুমি কি বুঝতে পারছ  
না যে তিক্ততা দিয়েই এর সমাপ্তি হবে? আর কখন তুমি তোমার  
লোকজনকে তাদের সমগ্রোত্তীয় ইস্রায়েলীদের পিছু ধাওয়া করতে  
মানা করবে?” 27 যোয়াব উত্তর দিলেন, “জীবন্ত ঈশ্বরের দিব্য,  
তুমি যদি কথা না বলতে, তবে লোকেরা সকাল পর্যন্ত তাদের পিছু  
ধাওয়া করেই যেত।” 28 অতএব যোয়াব শিঙা বাজিয়েছিলেন, এবং  
সৈন্যসামন্ত সবাই থেমে গেল; তারা আর ইস্রায়েলের পিছু ধাওয়া  
করেনি, বা তারা আর যুদ্ধও করেনি। 29 সারারাত ধরে অবনের ও  
তাঁর লোকজন অরাবার মধ্যে দিয়ে কুচকাওয়াজ করে এগিয়ে গেলেন।  
তারা জর্ডন নদী পার হয়ে সকালের দিকে মহনয়িমে এসে উপস্থিত  
হলেন। 30 পরে যোয়াব অবনেরের পিছু ধাওয়া করা বন্ধ করে দিয়ে  
সমগ্র সৈন্যদল একত্রিত করলেন। অসাহেলের পাশাপাশি দেখা গেল  
দাউদের উনিশজন লোকও কম পড়েছিল। 31 কিন্তু দাউদের লোকজন  
অবনেরের সঙ্গে থাকা 360 জন বিন্যামীনীয় লোককে হত্যা করল। 32  
তারা অসাহেলকে তুলে নিয়ে গিয়ে তাঁকে বেথলেহেমে তাঁর বাবার  
কবরে কবর দিয়েছিল। পরে যোয়াব ও তাঁর লোকজন সারারাত ধরে  
কুচকাওয়াজ করে ভোরবেলায় হিরোগে পৌঁছে গেলেন।

**৩** শৌল গোষ্ঠী ও দাউদ গোষ্ঠীর মধ্যে চলা যুদ্ধ দীর্ঘদিন স্থায়ী হল।  
দাউদ দিন দিন শাক্তিশালী হয়ে উঠেছিলেন, অথচ শৌল গোষ্ঠী দিন  
দিন দুর্বল হয়ে পড়েছিল। 2 হিরোগে দাউদের কয়েকটি ছেলের জন্ম  
হল: তাঁর বড়ো ছেলের নাম অন্নোন, যিনি যিত্তিয়েলীয় অহীনোয়মের

ছেলে; 3 তাঁর দ্বিতীয় ছেলে কিলাব, যিনি কর্মলীয় নাবলের বিধবা অবীগলের সন্তান; তৃতীয় ছেলে অবশালোম, যিনি গশূরের রাজা তলময়ের মেয়ে মাথার সন্তান; 4 চতুর্থ ছেলে আদোনিয়, যিনি হণীতের সন্তান; পঞ্চম ছেলে শফটিয়, যিনি অবীটলের সন্তান; 5 ষষ্ঠ ছেলে যিত্রিয়ম, যিনি দাউদের স্ত্রী ইগ্নার সন্তান। দাউদের এইসব ছেলের জন্ম হল হিরোগে। 6 শৌল গোষ্ঠী ও দাউদ গোষ্ঠীর মধ্যে যখন যুদ্ধ চলছিল তখন অবনের শৌল গোষ্ঠীতে নিজের পদ শক্তপোক্ত করে যাচ্ছিলেন। 7 ইত্যবসরে রিস্পা বলে শৌলের এক উপপত্নী ছিল। সে ছিল অয়ার মেয়ে। ঈশ্বরোশত অবনেরকে বললেন, “আপনি কেন আমার বাবার উপপত্নীর সঙ্গে বিছানায় শুয়েছেন?” 8 ঈশ্বরোশতের কথা শুনে অবনের খুব রেগে গেলেন। তাই তিনি উভর দিলেন, “যিহুদার পক্ষে আমি কি কুকুরের মুণ্ড? আজও পর্যন্ত আমি তোমার বাবা শৌলের গোষ্ঠীর ও তাঁর পরিবারের ও বন্ধুবান্ধবদের প্রতি আনুগত্য দেখিয়ে এসেছি। তোমাকে আমি দাউদের হাতেও তুলে দিইনি। অথচ এখন কি না তুমি এই মহিলাটির সঙ্গে নাম জড়িয়ে আমাকে অপবাদ দিচ্ছ! 9 ঈশ্বর যেন অবনেরকে দণ্ড দেন, যেন কঠোর দণ্ড দেন। সদাপ্রভু শপথ করে দাউদের কাছে যে প্রতিজ্ঞা করলেন, আমি যদি তাঁর হয়ে তা না করি 10 ও শৌল গোষ্ঠীর হাত থেকে রাজ্য কেড়ে নিয়ে দান থেকে বের-শেবা পর্যন্ত ইস্রায়েল ও যিহুদার উপরে দাউদের সিংহাসন স্থির না করি।” 11 ঈশ্বরোশত অবনেরকে আর একটিও কথা বলার সাহস পাননি, কারণ তিনি তাঁকে ভয় পেয়েছিলেন। 12 পরে অবনের তাঁর হয়ে এই কথা বলার জন্য দাউদের কাছে দৃত পাঠালেন, “এই দেশটি কার? আমার সঙ্গে একটি চুক্তি করুন, সম্পূর্ণ ইস্রায়েলকে আপনার পক্ষে আনার জন্য আমি আপনাকে সাহায্য করব।” 13 “ভালো,” দাউদ বললেন, “আমি আপনার সঙ্গে চুক্তি করব। কিন্তু আমি আপনার কাছে একটি দাবি জানাচ্ছি: আমার সঙ্গে দেখা করার সময় যদি শৌলের মেয়ে মীখলকে নিয়ে আসতে না পারেন, তবে আমার সামনে আর আসবেন না।” 14 পরে দাউদ শৌলের ছেলে ঈশ্বরোশতের কাছে দৃত পাঠিয়ে দাবি জানিয়েছিলেন, “আমার স্ত্রী সেই মীখলকে ফিরিয়ে

দাও, যাকে আমি একশো জন ফিলিস্তিনীর লিঙ্গত্বকরণ্পী মেয়েপেণ্ড  
দিয়ে বিয়ে করেছি।” 15 তখন ঈশ্বরোশত আদেশ দিয়ে মীখলকে তাঁর  
স্বামী, লয়িশের ছেলে পল্টিয়েলের কাছ থেকে আনিয়েছিলেন। 16  
তাঁর স্বামী অবশ্য পিছন পিছন বহুরীম পর্যন্ত কাঁদতে কাঁদতে তাঁর  
সঙ্গে গেলেন। তখন অবনের তাঁকে বললেন, “তুমি ঘরে ফিরে যাও!”  
তাই তিনি ফিরে গেলেন। 17 অবনের ইস্রায়েলের প্রাচীনদের সঙ্গে  
আলোচনা করে তাদের বললেন, “বেশ কিছুদিন থেকেই আপনারা  
দাউদকে আপনাদের রাজা বানাতে চাইছেন। 18 এখনই তা করে  
ফেলুন! কারণ সদাপ্রভু দাউদের কাছে প্রতিজ্ঞা করেছেন, ‘আমার  
দাস দাউদকে দিয়েই ফিলিস্তিনদের ও আমার প্রজা ইস্রায়েলের  
সব শক্তির হাত থেকে আমি তাদের উদ্ধার করব।’” 19 অবনের  
আবার আলাদা করে বিন্যামিনীয়দের সঙ্গেও কথা বললেন। পরে  
তিনি হির্বাণে দাউদের কাছে সবকিছু বলতে গেলেন, যা ইস্রায়েল ও  
বিন্যামীনের কূলজাত সব লোকজন করতে চেয়েছিল। 20 অবনের  
যখন কুড়ি জন লোক সঙ্গে নিয়ে হির্বাণে দাউদের কাছে এলেন,  
দাউদ তখন তাঁর ও তাঁর লোকজনের জন্য তোজসভার আয়োজন  
করলেন। 21 অবনের দাউদকে বললেন, “আমাকে এখনই যেতে দিন।  
আমি আমার প্রভু মহারাজের জন্য সমস্ত ইস্রায়েলকে একত্রিত করব,  
যেন তারা আপনার সঙ্গে এক নিয়মবদ্ধ হয়, ও আপনি যেন আপনার  
অঙ্গের বাসনানুসারে সবার উপর রাজত্ব করতে পারেন।” তখন  
দাউদ অবনেরকে বিদায় দিলেন, ও তিনি শান্তিতে ফিরে চলে গেলেন।  
22 ঠিক তখনই দাউদের লোকজন ও যোয়াব কোথাও থেকে অতর্কিত  
আক্রমণ সেরে ফিরছিলেন ও সঙ্গে করে প্রচুর লুপ্তিত জিনিসপত্রও  
নিয়ে আসছিলেন। কিন্তু অবনের তখন আর হির্বাণে দাউদের সঙ্গে  
ছিলেন না, কারণ দাউদ তাঁকে বিদায় দিলেন, ও তিনি শান্তিতে চলে  
গেলেন। 23 যোয়াব যখন তাঁর সঙ্গে থাকা সব সৈন্যসামন্ত নিয়ে  
সেখানে পৌঁছেছিলেন, তিনি খবর পেয়েছিলেন যে নেরের ছেলে  
অবনের রাজার কাছে এসেছিলেন এবং রাজা তাঁকে বিদায় দিয়েছেন  
ও তিনিও শান্তিতে চলে গিয়েছেন। 24 তখন যোয়াব রাজার কাছে

গিয়ে বললেন, “এ আপনি কী করেছেন? দেখুন, অবনের আপনার  
কাছে এলেন। আপনি কেন তাঁকে যেতে দিলেন? এখন তো তিনি  
চলেই গিয়েছেন! 25 নেরের ছেলে অবনেরকে তো আপনি জানেনই;  
তিনি আপনাকে ঠকাতে ও আপনার সব গতিবিধি খুঁটিয়ে লক্ষ্য করতে  
তথা আপনি কী কী করছেন তার খোঁজ নেওয়ার জন্যই তিনি এলেন।”

26 যো়াব পরে দাউদের কাছ থেকে চলে গিয়ে অবনেরের কাছে  
করেকজন দৃত পাঠালেন, ও তারা সিরার জলাধারের কাছ থেকে তাঁকে  
ফিরিয়ে এনেছিল। কিন্তু দাউদ তা জানতে পারেননি। 27 অবনের  
যখন হিরোগে ফিরে এলেন, যো়াব তখন তাঁর সঙ্গে গোপনে কথা  
বলার অচিলায় তাঁকে একান্তে ভিতরের একটি ঘরে নিয়ে গেলেন।  
সেখানে যো়াব তাঁর ভাই অসাহেলের রক্তের প্রতিশোধ নেওয়ার  
জন্য তাঁর পেটে ছোরা চুকিয়ে দিলেন, ও তিনি মরে গেলেন। 28  
পরে, দাউদ যখন সেকথা শুনেছিলেন, তিনি বললেন, “নেরের ছেলে  
অবনেরের রক্তপাতের বিষয়ে আমি ও আমার রাজ্য চিরকাল সদাপ্রভুর  
সামনে নির্দোষ থাকব। 29 তাঁর রক্তপাতের দোষ যো়াব ও তাঁর  
সম্পূর্ণ পরিবারের উপরেই বর্তুক! যো়াবের পরিবারে যেন কখনও  
এমন কোনও লোকের অভাব না হয় যাদের শরীরে কাঁচা ঘা বা  
কুষ্টরোগ আছে অথবা যারা খঙ্গের লাঠিতে ভর দিয়ে চলে বা যারা  
তরোয়ালের আঘাতে মারা পড়ে বা খাবারের অভাবগ্রস্ত হয়।” 30  
(যো়াব ও তাঁর ভাই অবীশয় অবনেরকে হত্যা করলেন, কারণ তিনি  
তাদের ভাই অসাহেলকে গিবিয়োনের যুদ্ধক্ষেত্রে হত্যা করলেন।) 31  
পরে দাউদ যো়াব ও তাঁর সঙ্গে থাকা সব লোকজনকে বললেন,  
“নিজেদের কাপড়গুলি ছিঁড়ে ফেলো ও চটের কাপড় পরে অবনেরের  
আগে আগে শোকপ্রকাশ করতে করতে হাঁটতে থাকো।” রাজা দাউদ  
স্বয়ং শবাধারের পিছু পিছু হেঁটেছিলেন। 32 তারা হিরোগে অবনেরকে  
কবর দিলেন, এবং রাজামশাই অবনেরের সমাধিস্থনের কাছে দাঁড়িয়ে  
জোরে জোরে কেঁদেছিলেন। সব লোকও কেঁদেছিল। 33 রাজামশাই  
অবনেরের জন্য এই বিলাপগাথা গেয়েছিলেন: “অবনেরকে কি বোকার  
মতো মরতেই হত? 34 তোমার হাত তো বাঁধা ছিল না, তোমার পা তো

শিকলে বাঁধা ছিল না। তুমি এমন পড়লে যেভাবে কেউ দুষ্টলোকের  
সামনে পড়ে।” সব লোকজন আবার তাঁর জন্য কাঁদতে শুরু করল। 35  
পরে তারা সবাই এসে দিন থাকতে থাকতেই দাউদকে কিছু খেয়ে  
নেওয়ার অনুরোধ জানিয়েছিল; কিন্তু এই বলে দাউদ এক শপথ  
নিয়েছিলেন, “যদি আমি সূর্য অস্ত যাওয়ার আগে রঞ্চি বা অন্য কিছুর  
স্বাদ নিই, তবে ঈশ্বর যেন আমায় দণ্ড দেন, কঠোর দণ্ড দেন!” 36 সব  
লোকজন তা লক্ষ্য করে সন্তুষ্ট হল; সত্যিই, রাজামশাই যা যা করলেন  
তা তাদের সন্তুষ্ট করল। 37 অতএব সেদিন সেখানকার সব লোকজন  
ও সমস্ত ইস্রায়েল জানতে পেরেছিল যে নেরের ছেলে অবনেরের খুন  
হয়ে যাওয়ার পিছনে রাজার কোনও ভূমিকা ছিল না। 38 তখন রাজা  
তাঁর লোকজনকে বললেন, “তোমরা কি বুঝতে পারছ না যে আজ  
ইস্রায়েল এক সেনাপতি ও মহান এক ব্যক্তি পতিত হয়েছেন? 39  
আর আজ, আমি যদিও অভিযিঙ্ক রাজা, তবুও আমি দুর্বল, সরদার  
এই ছেলেরা আমার পক্ষে বড়েই শক্তিশালী। সদাপ্রভু পাপিষ্ঠকে তার  
পাপকাজের আধারেই প্রতিফল দিন!”

**৪** শৌলের ছেলে ঈশ্বরোশত যখন শুনেছিলেন যে অবনের হিত্রোণে  
মারা গিয়েছেন, তখন তিনি সাহস হারিয়ে ফেলেছিলেন, ও সমস্ত  
ইস্রায়েল আশঙ্কিত হয়ে পড়েছিল। 2 শৌলের ছেলের কাছে দুজন  
লোক ছিল, যারা ছিল আক্রমণকারী দলের সর্দার। একজনের নাম  
ছিল বানা, অন্যজনের নাম রেখব; তারা ছিল বিন্যামীন বংশীয়  
বেরোতীয় রিম্মাগের ছেলে—বেরোৎ বিন্যামীনের অংশবিশেষ বলে  
বিবেচিত হত, 3 যেহেতু বেরোতীয়েরা গিত্তিয়মে পালিয়ে গিয়ে আজও  
পর্যন্ত সেখানে বিদেশিরপে বসবাস করে চলেছে। 4 (শৌলের ছেলে  
যোনাথনের এক ছেলে ছিল, যে আবার দু-পায়েই খঙ্গ ছিল। যিত্তিয়েল  
থেকে শৌল ও যোনাথনের বিষয়ে খবর আসার সময় তার বয়স ছিল  
পাঁচ বছর। তার ধাত্রী তাকে কোলে তুলে নিয়ে পালিয়েছিল, কিন্তু সেই  
ধাত্রী যখন দোড়ে পালাতে যাচ্ছিল, তখন শিশুটি পড়ে গিয়ে অক্ষম  
হয়ে যায়। তার নাম মফিমোশৎ।) 5 ইত্যবসরে বেরোতীয় রিম্মাগের  
দুই ছেলে রেখব ও বানা ঈশ্বরোশতের বাড়ির উদ্দেশে রওয়ানা হল, ও

তর-দুপুরে তিনি যখন দুপুরের বিশ্রাম নিচ্ছিলেন, তখন তারা সেখানে গিয়ে উপস্থিত হল। ৬ তারা কিছুটা গম নেওয়ার অছিলায় বাড়ির ভিতরদিকে চলে গেল, ও সেখানে গিয়ে তারা তাঁর পেটে ছোরা বিঁধিয়ে দিয়েছিল। পরে রেখব ও তার ভাই বানা পালিয়ে গেল। ৭ ঈশ্বোশ্বত যখন তাঁর শোবার ঘরে বিছানার উপর শুয়েছিলেন, তখনই তারা সেই বাড়িতে ঢুকেছিল। তাঁকে ছোরা মেরে খুন করার পর তারা তাঁর মুণ্ডুটি কেটে নিয়েছিল। সেটি সঙ্গে নিয়ে তারা সারারাত অরাবার পথ ধরে হেঁটে গেল। ৮ হিরোগে দাউদের কাছে তারা ঈশ্বোশ্বতের মুণ্ডুটি নিয়ে গিয়ে রাজাকে বলল, “এই মুণ্ডুটি হল শৌলের সেই ছেলে ঈশ্বোশ্বতের মুণ্ডু, যে আপনার শক্র, ও যে আপনাকে খুন করতে চেয়েছিল। আজই শৌল ও তাঁর বংশধরের বিরুদ্ধে সদাপ্রভু আমার প্রভু মহারাজের হয়ে প্রতিশোধ নিয়েছেন।” ৯ বেরোতীয় রিমোগের দুই ছেলে রেখব ও তার ভাই বানাকে দাউদ উত্তর দিলেন, “যিনি আমাকে সব বিপদ-আপদ থেকে রক্ষা করেছেন, সেই জীবন্ত সদাপ্রভুর দিবিয়, ১০ যখন কেউ একজন আমাকে বলল, ‘শৌল মরেছেন,’ ও ভোবেছিল যে সে সুখবর এনেছে, আমি কিন্তু তাকে ধরে সিঁকুগে হত্যা করলাম। তার দেওয়া খবরের জন্য আমি তাকে এই পুরক্ষারই দিয়েছিলাম! ১১ তোমরা, এই দুষ্ট লোকেরা যখন একজন নির্দোষ ব্যক্তিকে তাঁর নিজের ঘরে, তাঁরই বিছানায় খুন করেছ—তখন আরও কত না বেশি করে আমি তাঁর রক্তের প্রতিশোধ তোমাদের কাছ থেকে নেব ও এই পৃথিবীর বুক থেকে তোমাদের উচ্ছেদ করে ছাড়ব!” ১২ অতএব দাউদ তাঁর লোকজনকে আদেশ দিলেন, ও তারা তাদের হত্যা করল। তারা তাদের হাত পা কেটে দেহগুলি হিরোগের ডোবার পাশে ঝুলিয়ে রেখেছিল। কিন্তু তারা ঈশ্বোশ্বতের মুণ্ডুটি নিয়ে গিয়ে সেটি হিরোগে অবনেরের কবরে কবর দিয়েছিল।

**৫** ইস্রায়েলের সব গোষ্ঠী হিরোগে দাউদের কাছে এসে বলল, “আমরা আপনারই রক্তমাংস। ২ অতীতে, শৌল যখন আমাদের উপর রাজা ছিলেন, আপনিই তো ইস্রায়েলের সামরিক অভিযানে তাদের নেতৃত্ব দিতেন। সদাপ্রভু আপনাকে বললেন, ‘তুমি আমার প্রজা ইস্রায়েলের

পালক হবে, ও তুমই তাদের শাসক হবে।” ৩ ইস্রায়েলের প্রাচীনেরা সবাই যখন হিরোগে রাজা দাউদের কাছে এলেন, রাজা তখন সদাপ্রভুকে সাক্ষী রেখে হিরোগে তাদের সাথে একটি চুক্তি করলেন, ও তারা দাউদকে ইস্রায়েলের উপর রাজারূপে অভিষিক্ত করলেন। ৪ দাউদ যখন রাজা হলেন তখন তাঁর বয়স তিরিশ বছর, ও তিনি চল্লিশ বছর রাজত্ব করলেন, এবং জেরশালেমে ইস্রায়েল ও যহুদার উপর তিনি তেব্রিশ বছর রাজত্ব করলেন। ৫ হিরোগে যিহুদার উপর তিনি সাত বছর ছয় মাস রাজত্ব করলেন, এবং জেরশালেমে ইস্রায়েল ও যিহুদার উপর তিনি তেব্রিশ বছর রাজত্ব করলেন। ৬ রাজামশাই ও তাঁর লোকজন সেই যিবৃষীয়দের আক্রমণ করার জন্য জেরশালেমের দিকে যুদ্ধযাত্রা করলেন, যারা সেখানে বসবাস করত। যিবৃষীয়রা দাউদকে বলল, “আপনি এখানে চুক্তে পারবেন না; এমনকি অন্ধ ও খঙ্গ লোকরাও আপনাকে তাড়িয়ে দেবে।” ৭ তা সত্ত্বেও, দাউদ সিয়োনের দুর্গটি দখল করলেন—যোটি হল দাউদ-নগর। ৮ সেদিন দাউদ বললেন, “যে কেউ যিবৃষীয়দের অধিকার করবে, তাকে সেইসব ‘খঙ্গ ও অন্ধের’ কাছে পৌঁছানোর জন্য জল-সুড়ঙ্গপথ ব্যবহার করতে হবে, যারা দাউদের শক্তবিশেষ।” এজন্যই তারা বলে, “‘অন্ধ ও খঙ্গের’ প্রাসাদে প্রবেশ করবে না।” ৯ দাউদ পরে দুর্গটিকেই নিজের বাসস্থান বানিয়ে সেটির নাম দিলেন দাউদ-নগর। তিনি ভিতরের দিকে চাতাল থেকে সেটির চারপাশ ঘিরে দিলেন। ১০ তিনি দিন দিন আরও শক্তিশালী হয়ে উঠেছিলেন, কারণ সর্বশক্তিমান ঈশ্বর সদাপ্রভু তাঁর সঙ্গে ছিলেন। ১১ আবার সোরের রাজা হীরাম দাউদের কাছে দেবদার জাতীয় কাঠের গুঁড়ি, ছুতোর ও রাজমিষ্টি সমেত কয়েকজন দৃত পাঠিয়ে দিলেন, এবং তারা দাউদের জন্য এক প্রাসাদ তৈরি করল। ১২ তখন দাউদ বুঝতে পেরেছিলেন যে সদাপ্রভু ইস্রায়েলের উপর তাঁর রাজপদ স্থির করেছেন। ১৩ হিরোগ ছেড়ে আসার পর দাউদ জেরশালেমে আরও কয়েকজনকে স্তৰী ও উপপত্নীরূপে গ্রহণ করলেন, এবং তাঁর আরও কয়েকটি ছেলেমেয়ের জন্ম হল। ১৪ সেখানে তাঁর যেসব সন্তানের জন্ম হল তারা হল: শম্মুয়, শোবৰ, নাথন, শলোমন, ১৫ যিভর, ইলীশূয়, নেফগ, যাফিয়, ১৬

ইলীশামা, ইলিয়াদা ও ইলীফেলট। 17 ফিলিস্তিনীরা যখন শুনতে পেয়েছিল দাউদ ইস্রায়েলের উপর রাজারূপে অভিষিক্ত হয়েছেন, তখন সর্বশক্তি প্রয়োগ করে তারা তাঁকে খুঁজতে শুরু করল, কিন্তু দাউদ সেকথা শুনে দুর্গে নেমে গেলেন। 18 ফিলিস্তিনীরা এসে রফায়ীম উপত্যকায় ছড়িয়ে পড়েছিল; 19 দাউদ তখন সদাপ্রভুর কাছে জানতে চেয়েছিলেন, “আমি কি গিয়ে ফিলিস্তিনীদের আক্রমণ করব? তুমি কি আমার হাতে তাদের সঁপে দেবে?” সদাপ্রভু তাঁকে উত্তর দিলেন, “যাও, কারণ আমি অবশ্যই তোমার হাতে ফিলিস্তিনীদের সঁপে দেব।” 20 তখন দাউদ বায়াল-পরাসীমে গেলেন, ও সেখানে তিনি তাদের পরাজিত করলেন। তিনি বললেন, “বাঁধ ফেটে জল যেভাবে বেগে বেরিয়ে যায়, সদাপ্রভুও আমার সামনে আমার শক্তিদের বিরুদ্ধে সেভাবে ফাটিয়েছেন।” তাই সেই স্থানটির নাম হল বায়াল-পরাসীম। 21 ফিলিস্তিনীরা সেখানেই তাদের দেবদেবীর মৃত্যুলি ফেলে রেখে গেল এবং দাউদ ও তাঁর লোকজন সেগুলি উঠিয়ে নিয়ে এলেন। 22 আরও একবার ফিলিস্তিনীরা এসে রফায়ীম উপত্যকায় ছড়িয়ে পড়েছিল; 23 তাই দাউদ সদাপ্রভুর কাছে জানতে চেয়েছিলেন ও তিনি উত্তর দিলেন, “সরাসরি তোমরা তাদের দিকে যেয়ো না, কিন্তু তাদের পিছন দিকে গিয়ে তাদের ঘিরে ধরো ও চিনার গাছগুলির সামনে গিয়ে তাদের আক্রমণ করো। 24 যে মুহূর্তে তোমরা চিনার গাছগুলির মাথায় কুচকাওয়াজের শব্দ শুনবে, তাড়াতাড়ি এগিয়ে যেয়ো, কারণ এর অর্থ হল এই যে ফিলিস্তিনী সৈন্যদলকে আক্রমণ করার জন্য সদাপ্রভুই তোমাদের আগে চলে গিয়েছেন।” 25 অতএব সদাপ্রভু দাউদকে যে আদেশ দিলেন, তিনি সেই অনুসারেই কাজ করলেন এবং তিনি গিবিয়োন থেকে শুরু করে গেষর পর্যন্ত ফিলিস্তিনীদের আঘাত করে গেলেন।

**৬** দাউদ ইত্যবসরে আবার ইস্রায়েলের 30,000 দক্ষ যুবককে একত্রিত করলেন। 2 তিনি ও তাঁর সব লোকজন যিহুদার বালা থেকে ঈশ্বরের সেই নিয়ম-সিন্দুকটি আনতে গেলেন, যেটি সেই নামে—সর্বশক্তিমান সদাপ্রভুর নামে পরিচিত, যিনি নিয়ম-সিন্দুকে

দুটি করবের মাঝখানে বিরাজমান। ৩ তারা ঈশ্বরের নিয়ম-সিন্দুকটি  
নতুন একটি গাড়িতে তুলে দিলেন এবং সেটি পাহাড়ের উপর অবস্থিত  
গিবিয়ায় অবীনাদবের বাড়ি থেকে নিয়ে এলেন। অবীনাদবের দুই  
ছেলে উষ ও অহিয়ো সেই নতুন গাড়িটি চালাচ্ছিল ৪ ও ঈশ্বরের  
নিয়ম-সিন্দুকটি সেটির উপর রাখা ছিল, এবং গিবিয়ায় বসবাসকারী  
অবীনাদবের ছেলে অহিয়ো সেটির আগে আগে হাঁটছিল। ৫ দাউদ ও  
সমস্ত ইস্রায়েল সদাপ্রভুর সামনে গান গেয়ে ও বীণা, খঙ্গনি, তবলা,  
সুরবাহার ও করতাল বাজিয়ে আনন্দ প্রকাশ করছিলেন। ৬ তারা যখন  
নাখোনের খামারে পৌঁছেছিলেন, উষ হাত বাড়িয়ে ঈশ্বরের নিয়ম-  
সিন্দুকটি ধরেছিল, কারণ বলদগুলি হোঁচ্ট খেয়েছিল। ৭ উষের এই  
ভক্তিহীন আচরণ দেখে সদাপ্রভু তার উপর ক্ষেত্রে জুলে উঠেছিলেন;  
তাই ঈশ্বর তাকে যন্ত্রণা করলেন, ও সে সেখানে ঈশ্বরের নিয়ম-  
সিন্দুকের পাশেই পড়ে মারা গেল। ৮ সদাপ্রভুর ক্ষেত্রে উষের উপর  
ফেটে পড়তে দেখে দাউদ তখন ক্রুদ্ধ হলেন, এবং আজও পর্যন্ত সেই  
স্থানটিকে পেরস-উষ বলে ডাকা হয়। ৯ সেদিন দাউদ সদাপ্রভুকে  
ভয় পেয়ে বললেন, “সদাপ্রভুর নিয়ম-সিন্দুকটি তবে কীভাবে আমার  
কাছে আসবে?” ১০ দাউদ-নগরে তিনি তাঁর সঙ্গে সদাপ্রভুর নিয়ম-  
সিন্দুকটি নিয়ে যেতে চাননি। তার পরিবর্তে তিনি সেটি গাতীয় ওবেদ-  
ইদোমের বাড়িতে এনে রেখেছিলেন। ১১ সদাপ্রভুর নিয়ম-সিন্দুকটি  
গাতীয় ওবেদ-ইদোমের বাড়িতে তিনি মাস ধরে রাখা ছিল, এবং  
সদাপ্রভু তাকে ও তার সম্পূর্ণ পরিবারকে আশীর্বাদ করলেন। ১২ রাজা  
দাউদকে বলা হল, “ঈশ্বরের নিয়ম-সিন্দুকের খাতিরে সদাপ্রভু ওবেদ-  
ইদোম ও তার সবকিছুকে আশীর্বাদ করেছেন।” তাই ওবেদ-ইদোমের  
বাড়ি থেকে ঈশ্বরের নিয়ম-সিন্দুকটি দাউদ-নগরে নিয়ে আসার জন্য  
দাউদ আনন্দ করতে করতে সেখানে গেলেন। ১৩ সদাপ্রভুর নিয়ম-  
সিন্দুক বহনকারী লোকেরা ছয়পা যেতে না যেতেই তিনি একটি বলদ  
ও একটি হষ্টপুষ্ট বাছুর বলি দিলেন। ১৪ মসিনার এফোদ গায়ে দিয়ে  
দাউদ সদাপ্রভুর সামনে তাঁর সব শক্তি নিয়ে নেচে যাচ্ছিলেন, ১৫ এবং  
এভাবেই তিনি ও সমস্ত ইস্রায়েল চিৎকার-চেঁচামেচি করে ও শিঙ্গা

বাজিয়ে সদাপ্রভুর নিয়ম-সিন্দুকটি নিয়ে আসছিলেন। 16 সদাপ্রভুর নিয়ম-সিন্দুকটি যখন দাউদ-নগরে প্রবেশ করছিল, শৌলের মেয়ে মীখল জানলা থেকে তা লক্ষ্য করলেন। যখন তিনি দেখেছিলেন যে রাজা দাউদ সদাপ্রভুর সামনে লাফালাফি ও নাচানাচি করছেন, তিনি তখন মনে মনে তাঁকে তুচ্ছজ্ঞান করলেন। 17 তারা সদাপ্রভুর নিয়ম-সিন্দুকটি সেই তাঁবুর মধ্যে এনে রেখেছিল, যেটি দাউদ সেটি রাখার জন্যই খাটিয়ে রেখেছিলেন, এবং দাউদ সদাপ্রভুর সামনে হোমবলি ও মঙ্গলার্থক বলি উৎসর্গ করলেন। 18 হোমবলি ও মঙ্গলার্থক বলি উৎসর্গ করার পর তিনি সর্বশক্তিমান সদাপ্রভুর নামে প্রজাদের আশীর্বাদ করলেন। 19 পরে তিনি স্ত্রী-পুরুষ নির্বিশেষে, ইস্রায়েলী জনতার এক একজনকে একটি করে রঞ্জি, খেজুরের পিঠে ও কিশমিশের পিঠে দিলেন। প্রজারা সবাই নিজেদের ঘরে ফিরে গেল। 20 পরিবারের লোকজনকে আশীর্বাদ করার জন্য যখন দাউদ ঘরে ফিরে গেলেন, শৌলের মেয়ে মীখল তাঁর সঙ্গে দেখা করতে বেরিয়ে এলেন ও তাঁকে বললেন, “ইস্রায়েলের রাজা আজ এ কীভাবে নিজেকে সম্মানিত করলেন, অন্য যে কোনো নীচ লোকের মতো আপনিও কি না আপনার দাসদের ক্রীতদাসীদের সামনে অর্ধ-উলঙ্ঘ হয়ে ঘুরে বেড়ালেন!” 21 দাউদ মীখলকে বললেন, “আমি সেই সদাপ্রভুর সামনেই তা করেছি, যিনি তোমার বাবা বা তাঁর পরিবারের অন্য কোনও লোককে না বেছে আমাকেই সদাপ্রভুর প্রজা ইস্রায়েলের উপর শাসনকর্তারপে নিযুক্ত করলেন—আমি সদাপ্রভুর সামনেই আনন্দ প্রকাশ করব। 22 আমি এর থেকেও আরও নীচ হব, ও আমি নিজের দৃষ্টিতে হীন হব। কিন্তু তুমি যেসব ক্রীতদাসীর কথা বললে, আমি তাদের কাছে সম্মানিতই থেকে যাব।” 23 আর শৌলের মেয়ে মীখলের আম্ভুয় কোনও সন্তান হয়নি।

7 রাজামশাই তাঁর প্রাসাদে স্থির হয়ে বসার ও সদাপ্রভু তাঁকে তাঁর চারপাশের সব শক্তির দিক থেকে বিশ্রাম দেওয়ার পর, 2 তিনি ভাববাদী নাথনকে বললেন, “দেখুন, আমি তো দেবদারু কাঠে তৈরি বাড়িতে বসবাস করছি, অথচ ঈশ্বরের নিয়ম-সিন্দুকটি তাঁবুতেই রাখা

আছে।” ৩ নাথন রাজাকে উত্তর দিলেন, “আপনার যা মনে হয়, আপনি  
তাই করুন, কারণ সদাপ্রভু আপনার সঙ্গেই আছেন।” ৪ কিন্তু সেই  
রাতে সদাপ্রভুর বাক্য এই বলে নাথনের কাছে এসেছিল: ৫ “তুমি গিয়ে  
আমার দাস দাউদকে বলো, ‘সদাপ্রভু একথাই বলেন: তুমই কি আমার  
বসবাসের জন্য এক গৃহ নির্মাণ করবে? ৬ যেদিন আমি ইস্রায়েলীদের  
মিশর থেকে বের করে এনেছিলাম, সেদিন থেকে শুরু করে আজ  
পর্যন্ত আমি কোনও গৃহে বসবাস করিনি। এক তাঁরুকেই আমার  
বাসস্থান করে নিয়ে আমি এক স্থান থেকে অন্য স্থানে ঘুরে বেরিয়েছি।  
৭ সমস্ত ইস্রায়েলীর সাথে আমি যেখানে যেখানে গিয়েছি, আমি কি  
কখনও যাদের আমার প্রজা ইস্রায়েলকে দেখাশোনা করার আদেশ  
দিয়েছিলাম, তাদের সেইসব শাসনকর্তার মধ্যে কাউকে বললাম,  
“তোমরা কেন আমার জন্য দেবদারু কাঠের এক গৃহ নির্মাণ করে  
দাওনি?”” ৮ “তবে এখন, আমার দাস দাউদকে বলো, ‘সর্বশক্তিমান  
সদাপ্রভু একথাই বলেন: আমি তোমাকে পশ্চারণভূমি থেকে, তুমি  
যখন মেঘের পাল চরাচিলে, তখন সেখান থেকেই তুলে এনেছিলাম,  
এবং তোমাকে আমার প্রজা ইস্রায়েলের উপর শাসনকর্তারাপে নিযুক্ত  
করলাম। ৯ তুমি যেখানে যেখানে গিয়েছ, আমি তোমার সঙ্গে সঙ্গে  
থেকেছি, এবং তোমার সামনে আসা সব শক্তিকে আমি উচ্ছেদ করেছি।  
এখন আমি তোমার নাম পৃথিবীর মহাপুরুষদের মতোই মহৎ করব।  
১০ আমার প্রজা ইস্রায়েলের জন্য আমি এক স্থান জোগাব ও তাদের  
সেখানে বসতি করে দেব, যেন তারা তাদের নিজস্ব ঘরবাড়ি পায় ও  
আর কখনও যেন তাদের উপদ্রুত হতে না হয়। দুষ্ট লোকজন আর  
কখনও তাদের অত্যাচার করবে না, যেমনটি তারা শুরু করল ১১ ও  
আমার প্রজা ইস্রায়েলের উপর আমি নেতা নিযুক্ত করার সময় থেকেই  
যেমনটি তারা করে আসছিল। আমি তোমার সব শক্তির দিক থেকে  
তোমাকে বিশ্রামও দেব। “সদাপ্রভু তোমার কাছে এই ঘোষণা করছেন  
যে সদাপ্রভু স্বয়ং তোমার জন্য এক গৃহ স্থির করবেন: ১২ তোমার  
দিন ফুরিয়ে যাওয়ার পর ও তোমার পূর্বপুরুষদের সঙ্গে তুমি যখন  
বিশ্রাম নেবে, তখন আমি তোমার স্ত্রীভিষিঞ্চ হওয়ার জন্য তোমার

সেই বৎসরকে তুলে আনব, যে হবে তোমারই মাংস ও তোমারই  
রক্ত, এবং আমি তার রাজ্য স্থির করব। 13 সেই আমার নামের জন্য  
এক গৃহ নির্মাণ করবে, ও আমি তার রাজ্যের সিংহাসন চিরস্থায়ী  
করব। 14 আমি তার বাবা হব, ও সে আমার ছেলে হবে। সে যখন  
ভুলচুক করবে, আমি তখন তাকে লোকজনের চালানো ছড়ি দিয়ে,  
মানুষের হাতে ধরা চাবুক দিয়ে শাস্তি দেব। 15 কিন্তু আমার প্রেম  
কখনও তার উপর থেকে সরে যাবে না, যেতাবে আমি সেই শৌলের  
কাছ থেকে তা সরিয়ে নিয়েছিলাম, যাকে আমি তোমার সামনে থেকে  
উৎখাত করলাম। 16 তোমার বৎস ও তোমার রাজ্য আমার সামনে  
চিরস্থায়ী হবে; তোমার সিংহাসনও চিরস্থায়ী হবে।” 17 সম্পূর্ণ এই  
প্রত্যাদেশের সব কথা নাথন দাউদকে জানিয়েছিলেন। 18 পরে রাজা  
দাউদ ভিতরে সদাপ্রভুর সামনে গিয়ে বসেছিলেন, ও বললেন: “হে  
সার্বভৌম সদাপ্রভু, আমি কে, আর আমার পরিবারই বা কী, যে তুমি  
আমাকে এত দূর নিয়ে এসেছ? 19 আর বুঝি এও তোমার দৃষ্টিতে  
যথেষ্ট বলে বিবেচিত হ্যানি, হে সার্বভৌম সদাপ্রভু, যে তুমি তোমার  
দাসের বৎসের ভবিষ্যতের বিষয়েও বলে দিয়েছ—আর হে সার্বভৌম  
সদাপ্রভু, এই বিধানটি কি নিছক মানুষের জন্য! 20 “দাউদ তোমার  
কাছে আর বেশি কী বলবে? হে সার্বভৌম সদাপ্রভু, তুমি তো তোমার  
দাসকে জানোই। 21 তোমার বাকের খাতিরে ও তোমার ইচ্ছানুসারে,  
তুমি এই মহৎ কাজটি করেছ ও তোমার দাসকে তা জানিয়েছ। 22  
“হে সার্বভৌম সদাপ্রভু, তুমি কতই না মহান! তোমার মতো আর  
কেউ নেই, এবং তুমি ছাড়া সংশ্র আর কেউ নেই, যেমনটি আমরা  
নিজের কানেই শুনেছি। 23 তোমার প্রজা ইস্রায়েলের মতো আর কে  
আছে—পৃথিবীতে বিরাজমান একমাত্র জাতি, যাদের তাঁর নিজস্ব  
প্রজা করার জন্য সংশ্র তাদের মুক্ত করতে গেলেন, ও নিজের  
জন্য এক নাম প্রতিষ্ঠিত করার জন্য, তথা তোমার প্রজাদের সামনে  
থেকে বিভিন্ন জাতি ও তাদের দেবদেবীদের উৎখাত করার দ্বারা মহৎ  
ও বিস্ময়কর আশৰ্য সব কাজ করে যাদের তুমি মিশ্র থেকে মুক্ত  
করলে? 24 তুমি চিরকালের জন্য তোমার প্রজা ইস্রায়েলকে তোমার

একান্ত আপন করে নিয়েছ, ও তুমি, হে সদাপ্রভু, তাদের ঈশ্বর হয়েছ।

25 “আর এখন, হে সদাপ্রভু ঈশ্বর, তোমার দাসের ও তার বংশের  
সম্মে তুমি যে প্রতিজ্ঞা করেছ, তা চিরকাল রক্ষা কোরো। তোমার  
প্রতিজ্ঞানুসারেই তা কোরো, 26 যেন তোমার নাম চিরতরে মহৎ হয়।  
লোকজন বলুক, ‘সর্বশক্তিমান সদাপ্রভুই ইত্যায়েলের উপর ঈশ্বর হয়ে  
আছেন!’ আর তোমার দাস দাউদের বংশ তোমার দৃষ্টিতে সুস্থির হবে।

27 “হে সর্বশক্তিমান সদাপ্রভু, ইত্যায়েলের ঈশ্বর, তুমি এই বলে তোমার  
দাসের কাছে এটি প্রকাশ করে দিয়েছে, ‘আমি তোমার জন্য এক বংশ  
গড়ে তুলব।’ তাইতো তোমার দাস তোমার কাছে এই প্রার্থনাটি করতে  
সাহস পেয়েছে। 28 হে সার্বভৌম সদাপ্রভু, তুমিই ঈশ্বর! তোমার  
পবিত্র নিয়মাটি নির্ভরযোগ্য, এবং তুমিই তোমার দাসের কাছে এইসব  
উত্তম বিষয়ের প্রতিজ্ঞা করেছ। 29 এখন তোমার দাসের বংশকে  
আশীর্বাদ করতে প্রীত হও, যেন তোমার দৃষ্টিতে তা চিরকাল টিকে  
থাকে; কারণ তুমিই, হে সার্বভৌম সদাপ্রভু, একথা বলেছ, ও তোমার  
আশীর্বাদেই তোমার দাসের বংশ চিরতরে আশীর্বাদযুক্ত হবে।”

**৮** কালক্রমে, দাউদ ফিলিস্তিনীদের পরাজিত করে তাদের বশীভূত  
করলেন, ও তিনি ফিলিস্তিনীদের হাত থেকে মেথগ-অম্মা ছিনিয়ে  
এনেছিলেন। 2 দাউদ মোয়াবীয়দেরও পরাজিত করলেন। তিনি  
তাদের মাটিতে শুয়ে পড়তে বাধ্য করলেন ও তাদের এক নির্দিষ্ট  
মাপের দড়ি দিয়ে মেপেছিলেন। এক এক করে তাদের মধ্যে দড়ির  
মাপানুযায়ী দুই দড়ি বিস্তৃত এলাকার লোকজনকে হত্যা করা হল, ও  
পরবর্তী এক দড়ি বিস্তৃত এলাকার লোকজনকে বেঁচে থাকার সুযোগ  
দেওয়া হল। তাই মোয়াবীয়রা দাউদের বশীভূত হল ও তাঁর কাছে  
রাজকর নিয়ে এসেছিল। 3 এছাড়াও, সোবার রাজা রহোবের ছেলে  
হন্দেমের যখন ইউফেটিস নদীর কাছে তাঁর স্মৃতিসৌধটি পুনরুদ্ধার  
করতে গেলেন, তখন দাউদ তাঁকেও পরাজিত করলেন। 4 দাউদ তাঁর  
1,000 রখ, 7,000 অশ্বারোহী ও 20,000 পদাতিক সৈন্য দখল  
করলেন। রথের সঙ্গে জুড়ে থাকা 100-টি ঘোড়া বাদ দিয়ে বাকি  
সব ঘোড়ার পায়ের শিরা কেটে তিনি সেগুলিকে খঙ্গ করে দিলেন।

৫ দামাক্ষাসের অরামীয়রা যখন সোবার রাজা হন্দদেশরকে সাহায্য করতে এসেছিল, তখন দাউদ তাদের মধ্যে বাইশ হাজার জনকে যন্ত্রণা করে ফেলে দিলেন। ৬ তিনি দামাক্ষাসের অরামীয় রাজ্য সৈন্যদল মোতায়েন করে দিলেন, এবং অরামীয়রা তাঁর বশীভৃত হয়ে তাঁর কাছে রাজকর নিয়ে এসেছিল। দাউদ যেখানে যেখানে গেলেন, সদাপ্রভু সেখানে সেখানে তাঁকে বিজয়ী করলেন। ৭ দাউদ হন্দদেশরের কর্মকর্তাদের অধিকারে থাকা সোনার তালগুলি জেরচশালেমে নিয়ে এলেন। ৮ হন্দদেশরের অধিকারে থাকা চিভৎ ও বেরোথা নগর দুটি থেকে রাজা দাউদ প্রচুর পরিমাণে ব্রোঞ্জ নিয়ে এলেন। ৯ হমাতের রাজা তোয়ু যখন শুনেছিলেন যে দাউদ হন্দদেশরের সম্পূর্ণ সৈন্যদলকে পরাজিত করেছেন, ১০ তখন তিনি তাঁকে শুভেচ্ছা ও হন্দদেশরের বিরুদ্ধে যুদ্ধজয়ের অভিনন্দন জানানোর জন্য তাঁর ছেলে যোরামকে দাউদের কাছে পাঠালেন, কারণ হন্দদেশরের সঙ্গে তায়িরেরও অনবরত যুদ্ধ লেগেই থাকত। যোরাম সাথে করে রংপো, সোনা ও ব্রোঞ্জের তৈরি জিনিসপত্র নিয়ে এলেন। ১১ রাজা দাউদ এইসব জিনিসপত্র সদাপ্রভুর উদ্দেশে উৎসর্গ করে দিলেন, যেভাবে তিনি নিজের বশে আনা অন্য সব জাতির কাছ থেকে সংগ্রহ করা রংপো ও সোনার ক্ষেত্রেও করলেন: ১২ অর্থাৎ, ইদোমীয় ও মোয়াবীয়, অম্মোনীয় ও ফিলিস্তিনী, এবং অমালেকীয়দের কাছ থেকে। তিনি সোবার রাজা রহোবের ছেলে হন্দদেশরের কাছ থেকে পাওয়া লুণ্ঠিত জিনিসপত্রও উৎসর্গ করে দিলেন। ১৩ লবণ উপত্যকায় আঠারো হাজার ইদোমীয়কে শেষ করে ফিরে আসার পর দাউদ বিখ্যাত হয়ে গেলেন। ১৪ তিনি ইদোম দেশের সর্বত্র সৈন্যদল মোতায়েন করে দিলেন, ও ইদোমীয়রা সবাই দাউদের বশীভৃত হল। দাউদ যেখানে যেখানে গেলেন, সদাপ্রভু সেখানে সেখানে তাঁকে বিজয়ী করলেন। ১৫ দাউদ সমস্ত ইস্রায়েলের উপর রাজত্ব করলেন, ও তাঁর সব প্রজার জন্য যা যা ন্যায্য ও উপযুক্ত ছিল, তিনি তাই করতেন। ১৬ সরঞ্জার ছেলে যোয়াব সৈন্যদলের প্রধান সেনাপতি ছিলেন; অহীলুদের ছেলে যিহোশাফট ছিলেন লিপিকার; ১৭ অহীটুবের ছেলে সাদোক ও অবিয়াথরের ছেলে অহীমেলক ছিলেন

বাজক; সরায় ছিলেন সচিব; 18 যিহোয়াদার ছেলে বনায় করেথীয় ও  
পলেথীয়দের উপর নিযুক্ত ছিলেন; এবং দাউদের ছেলেরা ছিলেন  
বাজক।

9 দাউদ জিজ্ঞাসা করলেন, “শৌলের বৎশে এমন কেউ কি অবশিষ্ট  
আছে, যার প্রতি আমি যোনাথনের খাতিরে দয়া দেখাতে পারি?”  
2 সীব নামে শৌলের এক পারিবারিক দাস ছিল। তাকে দাউদের  
সামনে উপস্থিত হওয়ার জন্য ডেকে পাঠানো হল, এবং রাজামশাই  
তাকে বললেন, “তুমই কি সীব?” “আপনার দাস তাই বটে,” সে উত্তর  
দিয়েছিল। 3 রাজামশাই জিজ্ঞাসা করলেন: “শৌলের বৎশে আর কি  
কেউ জীবিত নেই, যার প্রতি আমি ঐশ্বরিক দয়া দেখাতে পারি?” সীব  
রাজাকে উত্তর দিয়েছিল, “যোনাথনের এক ছেলে এখনও অবশিষ্ট  
আছেন; তিনি দুই পায়েই খঙ্গ।” 4 “সে কোথায়?” রাজামশাই জিজ্ঞাসা  
করলেন। সীব উত্তর দিয়েছিল, “তিনি লো-দ্বারে অমীয়েলের ছেলে  
মাথীরের বাসায় আছেন।” 5 তখন রাজা দাউদ লো-দ্বারে লোক  
পাঠিয়ে তাঁকে অমীয়েলের ছেলে মাথীরের বাসা থেকে আনিয়েছিলেন।  
6 শৌলের নাতি ও যোনাথনের ছেলে মফীবোশৎ দাউদের কাছে এসে  
তাঁকে সম্মান জানানোর জন্য মাটিতে উরুড় হয়ে প্রণাম করলেন।  
দাউদ বললেন, “মফীবোশৎ!” “এই তো আমি, আপনার দাস,” তিনি  
উত্তর দিলেন। 7 “ভয় পেয়ো না,” দাউদ তাঁকে বললেন, “কারণ  
নিঃসন্দেহে তোমার বাবা যোনাথনের খাতিরে আমি তোমার প্রতি  
দয়া দেখাব। তোমার বাবামহ শৌলের সব জমি আমি তোমাকে  
ফিরিয়ে দেব, ও তুমি সবসময় আমার টেবিলে বসে ভোজনপান  
করবে।” 8 মফীবোশৎ নতজানু হয়ে বললেন, “আপনার দাস এমন  
কে, যে আপনি আমার মতো এক মরা কুকুরকে দয়া দেখাচ্ছেন?”  
9 তখন রাজামশাই শৌলের সেবক সীবকে ডেকে পাঠিয়ে তাকে  
বললেন, “আমি তোমার মনিবের নাতিকে সেসবকিছু দিয়েছি, যা  
শৌল ও তাঁর পরিবারের অধিকারে ছিল। 10 তুমি ও তোমার ছেলেরা  
ও তোমার দাসেরা তাঁর জমি চাষ করবে এবং ফসল নিয়ে আসবে,  
যেন তোমার মনিবের নাতির কাছে খাদ্যের জোগান থাকে। তোমার

মনিবের নাতি মফীবোশৎ অবশ্য সবসময় আমার টেবিলে বসে  
ভোজনপান করবেন।” (সেই সীবের পনেরোজন ছেলে ও কুড়ি জন  
দাস ছিল।) 11 তখন সীব রাজামশাইকে বলল, “আমার প্রভু মহারাজ  
তাঁর দাসকে যা যা আদেশ দিয়েছেন, আপনার দাস তাই করবে।”  
অতএব মফীবোশৎ একজন রাজপুত্রের মতোই দাউদের টেবিলে বসে  
ভোজনপান করতে লাগলেন। 12 মফীবোশতের এক শিশুছেলে ছিল,  
যার নাম মীখা, ও সীবের পরিবারের সবাই মফীবোশতের দাস-দাসী  
ছিল। 13 মফীবোশৎ জেরশালেমে বসবাস করতেন, কারণ তিনি  
সবসময় রাজার টেবিলেই বসে ভোজনপান করতেন; তিনি দু-পায়েই  
খঙ্গ ছিলেন।

**10** কালক্রমে, অম্মোনীয়দের রাজা মারা গেলেন, ও তাঁর ছেলে  
হানুন রাজারপে তাঁর স্থলাভিষিক্ত হলেন। 2 দাউদ ভেবেছিলেন,  
“আমি নাহশের ছেলে হানুনের প্রতি সহানুভূতি দেখাব, ঠিক যেভাবে  
তাঁর বাবা আমার প্রতি দয়া দেখিয়েছিলেন।” অতএব দাউদ হানুনের  
বাবার প্রতি তাঁর সহানুভূতি প্রকাশ করার জন্য একদল লোককে তাঁর  
প্রতিনিধি করে পাঠালেন। দাউদের লোকজন যখন অম্মোনীয়দের  
দেশে এসেছিল, 3 অম্মোনীয় সৈন্যদলের সেনাপতিরা তাদের মনিব  
হানুনকে বলল, “আপনি কি মনে করছেন যে দাউদ লোকজন পাঠিয়ে  
আপনার বাবাকে সম্মান জানাচ্ছেন? দাউদ কি নগরের খোঁজখবর  
নিয়ে চরবৃত্তি করে এটি ধ্বংস করে দেওয়ার জন্যই আপনার কাছে  
তাদের পাঠাননি?” 4 তাই হানুন দাউদের পাঠানো লোকজনকে ধরে,  
তাদের দাড়ির অর্ধেকটা করে কেটে দিয়ে, তাদের কাপড়চোপড় ও  
নিতৃপদেশ পর্যন্ত ছিঁড়ে দিয়ে তাদের ফেরত পাঠালেন। 5 দাউদকে  
যখন একথা বলা হল, তিনি তখন সেই লোকদের সাথে দেখা করার  
জন্য কয়েকজন দৃত পাঠালেন, কারণ তারা অত্যন্ত লজ্জিত হয়েছিল।  
রাজামশাই বললেন, “যতদিন না তোমাদের চুল-দাড়ি না বড়ো হচ্ছে,  
ততদিন তোমরা যিরীহোতেই থাকো, পরে তোমরা এখানে ফিরে  
এসো।” 6 অম্মোনীয়রা যখন বুঝেছিল যে তারা দাউদের দৃষ্টিতে  
আপত্তিকর হয়ে গিয়েছে, তখন তারা বৈৎ-রহোব ও সোবা থেকে

20,000 অরামীয় পদাতিক সৈন্য, তথা মাখার রাজার কাছ থেকে এক হাজার জন, ও টোব থেকে 12 হাজার জন লোক ভাড়া করল। 7 একথা শুনতে পেয়ে, দাউদ লড়াকু লোকবিশিষ্ট সমস্ত সৈন্যদল সমেত যোয়াবকে সেখানে পাঠিয়ে দিলেন। 8 অম্মোনীয়রা বেরিয়ে এসে তাদের নগরের প্রবেশদ্বারে সৈন্যদল সাজিয়ে রেখেছিল, আবার সোবা ও রহোবের অরামীয়রা এবং টোব ও মাখার লোকজনও খোলা মাঠে আলাদা করে গিয়ে দাঁড়িয়েছিল। 9 যোয়াব দেখেছিলেন যে তাঁর আগে পিছে সৈন্যদল সাজিয়ে রাখা হয়েছে; তাই তিনি ইস্রায়েলের সেরা কর্যকর্তা জন সৈন্য বেছে নিয়ে অরামীয়দের বিরুদ্ধে তাদের মোতায়েন করলেন। 10 বাকি সৈন্যদের তিনি তাঁর ভাই অবীশয়ের কর্তৃত্বাধীন করে রেখেছিলেন, এবং তারা অম্মোনীয়দের বিরুদ্ধে মোতায়েন হল। 11 যোয়াব বললেন, “অরামীয়রা যদি আমার চেয়ে বেশি শক্তিশালী হয়ে যায়, তবে তোমরা আমাকে রক্ষা করার জন্য এগিয়ে আসবে; কিন্তু অম্মোনীয়রা যদি তোমাদের চেয়ে বেশি শক্তিশালী হয়ে যায়, তবে আমি তোমাদের রক্ষা করার জন্য এগিয়ে আসব। 12 শক্তিশালী হও, এসো—আমরা আমাদের জাতির ও আমাদের ঈশ্বরের নগরগুলির জন্য বীরের মতো লড়াই করি। সদাপ্রভুই তাঁর দৃষ্টিতে যা ভালো বোধ হয়, তাই করবেন।” 13 পরে যোয়াব ও তাঁর সৈন্যদল অরামীয়দের বিরুদ্ধে যুদ্ধ করার জন্য এগিয়ে গেলেন, ও তারা তাঁর সামনে থেকে পালিয়ে গেল। 14 অম্মোনীয়রা যখন বুঝতে পেরেছিল যে অরামীয়রা পালিয়ে যাচ্ছে, তখন তারাও অবীশয়ের সামনে থেকে পালিয়ে গেল ও নগরের ভিতরে চুকে পড়ল। তখন যোয়াব অম্মোনীয়দের ছেড়ে জেরুশালেমে ফিরে এলেন। 15 অরামীয়রা যখন দেখেছিল যে তারা ইস্রায়েলীদের সামনে ছত্রপদ্ধতি হয়েছে, তখন তারা আবার দল বেঁধেছিল। 16 হৃদদেয়র ইউফ্রেটিস নদীর ওপার থেকে অরামীয়দের আনিয়েছিলেন; তারা হেলমে গেল, ও হৃদদেয়রের সৈন্যদলের সেনাপতি শোবক তাদের নেতৃত্বে ছিলেন। 17 দাউদকে যখন একথা বলা হল, তিনি সমস্ত ইস্রায়েলকে একত্রিত করলেন, জর্ডন নদী পার হলেন ও হেলমে গেলেন। অরামীয়রা দাউদের সামনে তাদের সৈন্যদল সাজিয়ে তাঁর

বিরুদ্ধে যুদ্ধ করল। 18 কিন্তু তারা ইস্রায়েলের সামনে থেকে পালিয়ে গেল, ও দাউদ তাদের মধ্যে 700 সারথি এবং 40,000 পদাতিক সৈন্যকে হত্যা করলেন। এছাড়াও তিনি তাদের সৈন্যদলের সেনাপতি শোবককেও আঘাত করলেন, ও তিনি সেখানে মারা গেলেন। 19 যখন হৃদয়ের দাসানুদাস সব রাজা দেখেছিলেন যে ইস্রায়েলের কাছে তারা ছত্রভঙ্গ হয়েছেন, তখন তারা ইস্রায়েলীদের সঙ্গে শান্তিচুক্তি করলেন ও তাদের বশীভৃত হলেন। তাই অরামীয়রা আর কখনও অম্মোনীয়দের সাহায্য করার সাহস পায়নি।

**11** বসন্তকালে, রাজারা সাধারণত যখন যুদ্ধে যেতেন, দাউদ তখন রাজার লোকজন ও সমস্ত ইস্রায়েলী সৈন্যদলের সঙ্গে যোয়াবকেই সেখানে পাঠালেন। তারা অম্মোনীয়দের ধ্বংস করে রব্বা অবরোধ করল। কিন্তু দাউদ জেরুশালেমেই থেকে গেলেন। 2 একদিন বিকেলবেলায় দাউদ তাঁর বিছানা ছেড়ে উঠে রাজপ্রাসাদের ছাদে পায়চারি করছিলেন। ছাদ থেকে তিনি দেখতে পেয়েছিলেন, একজন মহিলা স্নান করছেন। মহিলাটি অপরূপ সুন্দরী ছিলেন, 3 তাই দাউদ কাউকে পাঠিয়ে তাঁর বিষয়ে খোঁজখবর নিয়েছিলেন। লোকটি বলল, “ইনি ইলিয়ামের মেয়ে ও হিতীয় উরিয়ের স্ত্রী বৎশেবা।” 4 তখন দাউদ তাঁকে কাছে পাওয়ার জন্য তাঁর কাছে কয়েকজন দৃত পাঠালেন। তিনি তাঁর কাছে এলেন, ও দাউদ তাঁর সঙ্গে শুয়েছিলেন। (ইত্যবসরে মহিলাটি মাসিক-ধর্মের অশুচিতা থেকে নিজেকে শুচিশুদ্ধ করছিলেন) পরে তিনি ঘরে ফিরে গেলেন। 5 মহিলাটি গর্ভবতী হয়ে পড়ায় এই বলে দাউদকে খবর পাঠালেন, “দেখুন, আমি অন্তঃস্ত্বা হয়ে পড়েছি।” 6 তখন দাউদ যোয়াবকে একথা বলে পাঠালেন: “হিতীয় উরিয়কে আমার কাছে পাঠিয়ে দাও।” যোয়াব তখন তাঁকে দাউদের কাছে পাঠিয়ে দিলেন। 7 উরিয় যখন দাউদের কাছে এলেন, দাউদ তাঁর কাছে জানতে চেয়েছিলেন যোয়াব কেমন আছেন, সৈন্যরা সব কেমন আছে ও যুদ্ধ কেমন চলছে। 8 পরে দাউদ উরিয়কে বললেন, “তোমার বাসায় গিয়ে পা-টা ধুয়ে নাও।” তাই উরিয় রাজপ্রাসাদ ত্যাগ করে চলে গেলেন, ও তাঁর পিছু পিছু রাজার কাছ থেকে কিছু উপহারও পাঠানো

হল। 9 কিন্তু উরিয় তাঁর মনিবের সব দাসের সঙ্গে মিলে রাজপ্রাসাদের সিংহদুয়ারেই ঘুমিয়েছিলেন ও নিজের বাসায় আর যাননি। 10 দাউদকে বলা হল, “উরিয় ঘরে যাননি।” তাই তিনি উরিয়কে জিজ্ঞাসা করলেন, “এইমাত্র কি তুমি যুদ্ধক্ষেত্র থেকে ফিরে আসোনি? তবে কেন তুমি ঘরে গেলে না?” 11 উরিয় দাউদকে বললেন, “সেই নিয়ম-সিন্দুক এবং ইস্রায়েল ও যিহুদা তাঁবুতে আছে, এবং আমার সেনাপতি যোয়াব ও আমার প্রভুর লোকজন খোলা মাঠে শিবির করে আছেন। তবে আমিই বা কেমন করে বাসায় গিয়ে ভোজনপান করব ও আমার স্ত্রীকে সোহাগ করব? আপনার প্রাণের দিব্যি, আমি এ কাজ করতে পারব না!” 12 তখন দাউদ তাঁকে বললেন, “আরও একদিন এখানে থাকো, আগামীকাল আমি তোমাকে ফেরত পাঠাব।” অতএব উরিয় সেদিন ও পরদিন জেরশালেমে থেকে গেলেন। 13 দাউদ তাঁকে নিমন্ত্রণ করায় তিনি তাঁর সঙ্গে ভোজনপান করলেন ও দাউদ তাঁকে মাতাল করে ছেড়েছিলেন। কিন্তু সন্ধ্যাবেলায় উরিয় তাঁর মনিবের দাসদের মাঝে গিয়ে মেঝেতে পাতা মাদুরে শুয়ে পড়েছিলেন; তিনি ঘরে যাননি। 14 সকালবেলায় দাউদ যোয়াবকে একটি চিঠি লিখে, সেটি উরিয়ের হাতে দিয়ে পাঠালেন। 15 সেই চিঠিতে তিনি লিখেছিলেন, “উরিয়কে তুমি একদম প্রথম সারিতে রেখো, যেখানে যুদ্ধের পরিস্থিতি খুব ভয়ংকর। পরে তার পাশ থেকে সরে যেয়ো, যেন সে যন্ত্রণা পেয়ে মারা যায়।” 16 অতএব নগর অবরোধ করার সময় যোয়াব উরিয়কে এমন এক স্থানে দাঁড় করিয়ে রেখেছিলেন, যেখানে তিনি জানতেন সবচেয়ে শক্তিশালী প্রতিরোধকারীরা মজুত আছে। 17 নগরের লোকজন বেরিয়ে এসে যখন যোয়াবের বিরুদ্ধে যুদ্ধ করল, তখন দাউদের সৈন্যদলের মধ্যেও কেউ কেউ মরেছিল; এছাড়া, হিতীয় উরিয়ও মারা গেল। 18 যোয়াব যুদ্ধের এক পূর্ণ বিবরণ দাউদের কাছে পাঠালেন। 19 তিনি দৃতকে নির্দেশ দিয়ে রেখেছিলেন: “রাজামশাইকে যুদ্ধের এই বিবরণ দেওয়ার পর, 20 রাজা হয়তো রাগে জ্বলে উঠতে পারেন, ও তিনি হয়তো তোমাকে জিজ্ঞাসা করতে পারেন, ‘যুদ্ধ করার জন্য তোমরা নগরের এত কাছে গেলে কেন? তোমরা কি জানতে না যে তারা প্রাচীরের

উপর থেকে তির ছুঁড়বে? 21 কে যিন্বেশতের ছেলে অবীমেলককে হত্যা করেছিল? প্রাচীরের উপর থেকেই কি একজন স্ত্রীলোক জাঁতার উপরের পাটটি এমনভাবে তার উপর ফেলেনি, যে সে তেবেমেই মারা গিয়েছিল? তবে কেন তোমরা প্রাচীরের এত কাছে গেলে?’ তিনি যদি তোমাকে একথা জিজ্ঞাসা করলেন, তবে তাঁকে তুমি বোলো, ‘এছাড়া, আপনার দাস হিতীয় উরিয়ও মারা গিয়েছে।’” 22 সেই দৃত বেরিয়ে পড়েছিল, এবং দাউদের কাছে পৌঁছে গিয়ে সে তাঁকে সেসব কথাই বলল, যা যোয়াব তাকে বলতে বললেন। 23 দৃতটি দাউদকে বলল, “লোকেরা আমাদের কাবু করে ফেলেছিল ও খোলা মাঠে আমাদের বিরংদে নেমে পড়েছিল, কিন্তু আমরা তাদের নগরের সিংহদুয়ার পর্যন্ত তাড়িয়ে দিয়েছিলাম। 24 পরে তিরন্দাজরা প্রাচীরের উপর থেকে আপনার দাসদের দিকে তির নিক্ষেপ করল, ও রাজার লোকজনের মধ্যে কয়েকজন মারা গিয়েছে। এছাড়া, আপনার দাস হিতীয় উরিয়ও মারা গিয়েছে।” 25 দাউদ দৃতকে বললেন, “যোয়াবকে একথা বোলো: ‘এতে যেন তোমার মন খারাপ না হয়; তরোয়াল যেমন একজনকে গ্রাস করে, তেমনি তা অন্যজনকেও গ্রাস করে। নগরাটির বিরংদে আক্রমণ জোরালো করো ও সেটি ধ্বংস করে দাও।’ যোয়াবকে উৎসাহিত করার জন্য একথা বোলো।” 26 উরিয়ের স্ত্রী যখন শুনেছিলেন যে তাঁর স্বামী মারা গিয়েছেন, তখন তিনি তাঁর জন্য শোকপ্রকাশ করলেন। 27 শোকপ্রকাশকাল সম্পূর্ণ হওয়ার পর দাউদ তাঁকে নিজের বাসায় নিয়ে এলেন, ও তিনি দাউদের স্ত্রী হলেন ও তাঁর ছেলের জন্ম দিলেন। কিন্তু দাউদের এই কাজটি সদাপ্রভুকে অসন্তুষ্ট করল।

**12** সদাপ্রভু নাথনকে দাউদের কাছে পাঠালেন। তাঁর কাছে এসে তিনি বললেন, “কোনও এক নগরে দুজন লোক ছিল, একজন ছিল ধনী ও অন্যজন দরিদ্র। 2 ধনী লোকটির কাছে প্রচুর মেষ ও গবাদি পশু ছিল, 3 কিন্তু দরিদ্র লোকটির কাছে কিনে আনা একটি ছোটো শাবক মেষী ছাড়া আর কিছুই ছিল না। সে সেটির লালনপালন করল, ও সেটি তার কাছে থেকে তার ছেলেমেয়ের সঙ্গে বড়ো হয়ে উঠেছিল।

সেটি তার হাত থেকেই খাবার খেতো, তার পানপাত্র থেকেই জলপান করত ও এমন কী তার কোলেই ঘুমাতো। তার কাছে সেটি এক মেয়ের মতোই ছিল। 4 “একবার সেই ধনী লোকটির কাছে একজন পথিক এসেছিল, কিন্তু সেই ধনী লোকটি তার কাছে আসা পথিকের জন্য খাবারের আয়োজন করতে গিয়ে নিজের পাল থেকে কোনও মেষ বা পশু না নিয়ে, তার পরিবর্তে, সে দরিদ্র লোকটির অধিকারে থাকা শাবক ভেড়াটি ছিনিয়ে এনে সেটি তার বাসায় আসা অতিথির জন্য রান্না করে দিয়েছিল।” 5 সেই লোকটির বিরঞ্চে দাউদ রাগে জ্বলে উঠেছিলেন ও নাথনকে বললেন, “জীবন্ত সদাপ্রভুর দিব্যি, যে এ কাজটি করেছে তাকে মরতেই হবে! 6 সেই শাবক ভেড়াটির চারণে দাম তাকে ফিরিয়ে দিতে হবে, কারণ সে এরকম কাজ করেছে ও তার মনে দয়ামায়াও হয়নি।” 7 তখন নাথন দাউদকে বললেন, “আপনিই সেই লোক! ইস্রায়েলের ঈশ্বর সদাপ্রভু একথাই বলেন: ‘আমি তোমাকে ইস্রায়েলের উপর রাজপদে অভিষিক্ত করলাম, আর আমি শৌলের হাত থেকে তোমাকে উদ্ধারও করলাম। 8 আমি তোমার মনিবের ঘরবাড়ি, ও তোমার মনিবের স্ত্রীদেরও তোমার হাতে তুলে দিয়েছিলাম। আমি তোমাকে সমস্ত ইস্রায়েল ও যিহুদার অধিকার দিয়েছিলাম। আর এসবও যদি কম হয়ে থাকে, তবে আমি তোমাকে আরও অনেক কিছু দিতে পারতাম। 9 তুমি কেন সদাপ্রভুর দৃষ্টিতে মন্দ কাজ করার দ্বারা তাঁর বাক্য অগ্রাহ্য করেছ? তুমি হিতীয় উরিয়কে তরোয়াল দিয়ে আঘাত করেছ এবং তার স্ত্রীকে নিজের স্ত্রী করে নিয়েছ। তুমি তাকে অম্মোনীয়দের তরোয়াল দিয়ে হত্যা করলে। 10 এখন তাই, তরোয়াল কখনোই তোমার বংশ থেকে দূর হবে না, কারণ তুমি আমাকে অগ্রাহ্য করলে ও হিতীয় উরিয়ের স্ত্রীকে তোমার নিজের স্ত্রী করে নিয়েছিলে।’

11 “সদাপ্রভু একথাই বলেন: ‘তোমার পরিবার থেকেই আমি তোমার উপর বিপর্যয় নিয়ে আসতে চলেছি। তোমার নিজের চোখের সামনেই আমি তোমার স্ত্রীদের নিয়ে এমন একজনের হাতে তুলে দেব, যে তোমার খুব ঘনিষ্ঠ, আর সে স্পষ্ট দিনের আলোতেই তোমার স্ত্রীদের সঙ্গে বিছানায় শোবে। 12 তুমি তো গোপনে এ কাজ করলে, কিন্তু আমি

স্পষ্ট দিনের আলোতেই সব ইন্দ্রায়েলের সামনে এমনটি করব।” 13  
তখন দাউদ নাথনকে বললেন, “আমি সদাপ্রভুর বিরুদ্ধে পাপ করেছি।”  
নাথন উভর দিলেন, “সদাপ্রভুও আপনার পাপ ক্ষমা করলেন। আপনি  
আর মরবেন না। 14 কিন্তু যেহেতু এ কাজ করে আপনি সদাপ্রভুকে  
চূড়ান্ত হেনস্থা করেছেন, তাই আপনার যে ছেলেটি জন্মাবে, সে মারা  
যাবে।” 15 নাথন ঘরে ফিরে যাওয়ার পর সদাপ্রভু সেই শিশুটিকে  
আঘাত করলেন, যাকে উরিয়ের স্তৰী দাউদের গুরসে জন্ম দিলেন, ও  
সে অসুস্থ হয়ে পড়ল। 16 দাউদ শিশুটির জন্য ঈশ্বরের কাছে মিনতি  
জানিয়েছিলেন। তিনি উপবাস করলেন ও কয়েকরাত মেঝের উপর  
চট পেতে শুয়েছিলেন। 17 তাঁর পরিবারের প্রাচীনেরা তাঁর পাশে বসে  
তাঁকে মেঝে থেকে তোলার চেষ্টা করলেন, কিন্তু তিনি রাজি হননি, ও  
তিনি তাদের সঙ্গে ভোজনপানও করতে চাননি। 18 সপ্তম দিনে শিশুটি  
মারা গেল। দাউদের কর্মচারীরা তাঁকে বলার সাহস পায়নি যে শিশুটি  
মারা গিয়েছে, কারণ তারা ভেবেছিল, “শিশুটি যখন বেঁচে ছিল, তখনই  
তো তিনি আমাদের কথা শোনেননি। তবে এখন আমরা তাঁকে কীভাবে  
বলব যে শিশুটি মারা গিয়েছে? তিনি হয়তো চরম কোনও পদক্ষেপ  
নিতে পারেন।” 19 দাউদ লক্ষ্য করলেন যে তাঁর কর্মচারীরা নিজেদের  
মধ্যে কানাকানি করছে, ও তিনি বুঝতে পেরেছিলেন যে শিশুটি মারা  
গিয়েছে। “শিশুটি কি মারা গিয়েছে?” তিনি জিজ্ঞাসা করলেন। “হ্যাঁ,”  
তারা উভর দিয়েছিল, “সে মারা গিয়েছে।” 20 তখন দাউদ মেঝে থেকে  
উঠলেন। স্নান করে, তেল মেখে ও পোশাক বদলে তিনি সদাপ্রভুর  
গৃহে গিয়ে আরাধনা করলেন। পরে তিনি নিজের বাসায় গেলেন, ও  
তাঁর অনুরোধে তারা তাঁর সামনে খাবার পরিবেশন করল, ও তিনি  
ভোজনপান করলেন। 21 তাঁর কর্মচারীরা তাঁকে জিজ্ঞাসা করল,  
“আপনি এরকম আচরণ করলেন কেন? শিশুটি যখন বেঁচে ছিল, তখন  
তো আপনি উপবাস করলেন ও কানাকাটি করলেন, কিন্তু এখন  
শিশুটি যখন মারা গিয়েছে, আপনি উঠে ভোজনপান করলেন!” 22  
তিনি উভর দিলেন, “শিশুটি যখন বেঁচে ছিল, তখন আমি উপবাস  
করে কানাকাটি করলাম। আমি ভেবেছিলাম, ‘কে জানে? সদাপ্রভু

হয়তো আমার প্রতি করণা দেখাবেন ও শিশুটিকে বাঁচিয়ে রাখবেন।’  
23 কিন্তু এখন যেহেতু সে মারা গিয়েছে, আমি কেনই বা উপবাস  
করব? আমি কি তাকে ফিরিয়ে আনতে পারব? আমি তার কাছে যাব,  
কিন্তু সে আমার কাছে ফিরে আসবে না।” 24 পরে দাউদ তাঁর স্ত্রী  
বৎশেবাকে সান্ত্বনা জানিয়েছিলেন, ও তাঁর কাছে গিয়ে তাঁর সঙ্গে  
সহবাস করলেন। তিনি এক ছেলের জন্ম দিলেন, ও তারা তার নাম  
রেখেছিলেন শালোমন। সদাপ্রভু তাকে ভালোবেসেছিলেন; 25 আর  
যেহেতু সদাপ্রভু তাকে ভালোবেসেছিলেন, তাই ভাববাদী নাথনের  
মাধ্যমে বলে পাঠালেন, যেন তার নাম রাখা হয় যিদীদীয়। 26 এদিকে  
যোঝাব অম্মোনীয়দের রাজধানী নগর রক্বার বিরংদী যুদ্ধযাত্রা করে  
সেটি দখল করে নিয়েছিলেন। 27 যোঝাব পরে দাউদের কাছে দৃত  
পাঠিয়ে বললেন, “আমি রক্বার বিরংদী যুদ্ধ করে সেখানকার জলের  
ভাণ্ডারটি দখল করে নিয়েছি। 28 এখন আপনি সৈন্যদল একত্র করে  
নগরটি অবরোধ করে তা দখল করে নিন। তা না হলে আমি নগরটি  
দখল করব, ও সেটি আমারই নামে পরিচিত হবে।” 29 তাই দাউদ  
সমস্ত সৈন্যদল একত্র করে রক্বায় গেলেন, ও সেটি আক্রমণ করে  
দখল করে নিয়েছিলেন। 30 দাউদ তাদের রাজার মাথা থেকে মুকুট  
কেড়ে নিয়েছিলেন, ও সেটি তাঁর মাথায় পরিয়ে দেওয়া হল। সেটি এক  
তালস্ত সোনা দিয়ে তৈরি করা হয়েছিল, ও সেটি ছিল মনি-মুক্তো-  
খচিত। নগর থেকে দাউদ প্রচুর পরিমাণ লুণ্ঠিত জিনিসপত্র বের করে  
এনেছিলেন 31 ও সেখানকার লোকজনকেও নিয়ে এসে তিনি তাদের  
করাত, লোহার গাঁইতি ও কুড়ুল চালানোর, এবং ইট তৈরির কাজে  
লাগিয়ে দিলেন। দাউদ অম্মোনীয়দের সব নগরের প্রতিই এরকম  
করলেন। পরে তিনি তাঁর সমস্ত সৈন্যদল নিয়ে জেরশালেমে ফিরে  
এলেন।

**13** কালক্রমে, দাউদের ছেলে অম্মোন দাউদের অপর ছেলে  
অবশালোমের নিজের সুন্দরী বোন তামরের প্রেমে পড়েছিল। 2  
অম্মোন তার বোন তামরের প্রতি এমন মোহবিষ্ট হয়ে গেল যে সে  
নিজেকে অসুস্থ্র করে ফেলেছিল। তামর কুমারী ছিল, ও তার প্রতি

কিছু করা অঘোনের পক্ষে অসম্ভব হয়ে দাঁড়িয়েছিল। 3 এদিকে  
দাউদের ভাই শিমিয়ের ছেলে যোনাদব ছিল অঘোনের মন্ত্রণাদাতা।  
যোনাদব খুব ধূরন্ধর লোক ছিল। 4 সে অঘোনকে জিজ্ঞাসা করল, “হে  
রাজাৰ ছেলে, তোমাকে দিনেৰ পৱ দিন কেন এত বিৰুষ্ম দেখাচ্ছে?  
তুমি কি আমাকে বলবে না?” অঘোন তাকে বলল, “আমি আমাৰ  
ভাই অবশালোমেৰ বোন তামৱেৰ পথে পড়েছি।” 5 “বিছানায় গিয়ে  
অসুস্থ হওয়াৰ ভান কৱো,” যোনাদব বলল। “তোমাৰ বাবা যখন  
তোমাকে দেখতে আসবেন, তাঁকে বোলো, ‘আমি চাই আমাৰ বোন  
তামৱ এসে আমাকে কিছু খেতে দিক। সে আমাৰ সামনেই খাবাৰ  
তৈৰি কৱক, যেন আমি তাকে দেখতে দেখতে তাৰ হাত থেকেই  
তা খেতে পাৰি।’” 6 তাই অঘোন শুয়ে পড়েছিল ও অসুস্থ হওয়াৰ  
ভান কৱল। রাজামশাই যখন তাকে দেখতে এলেন, অঘোন তাঁকে  
বলল, “আমি চাই, আমাৰ বোন তামৱ এসে আমাৰ সামনেই কয়েকটি  
বিশেষ ধৰনেৰ ঝটি তৈৰি কৱে দিক, যেন আমি তাৰ হাত থেকেই  
সেগুলি খেতে পাৰি।” 7 দাউদ রাজপ্রাসাদে তামৱকে খবৱ পাঠালেন:  
“তোমাৰ দাদা অঘোনেৰ বাসায় যাও ও তাৰ জন্য কিছু খাবাৰ তৈৰি  
কৱে দাও।” 8 অতএব তামৱ তাৰ দাদা অঘোনেৰ বাসায় গেল। সে  
তখন শুয়েছিল। তামৱ কিছুটা আটা মেখে অঘোনেৰ চোখেৰ সামনেই  
ঝটি বানিয়ে সেগুলি সেঁকে দিয়েছিল। 9 পৱে সে তাওয়াশুন্দু ঝটিগুলি  
নিয়ে গিয়ে অঘোনেৰ সামনে রেখেছিল, কিন্তু সে খেতে চায়নি। “সবাই  
এখান থেকে চলে যাক,” অঘোন বলল। তাই সবাই তাকে ছেড়ে  
গেল। 10 তখন অঘোন তামৱকে বলল, “খাবাৰগুলি এখানে আমাৰ  
শোওয়াৰ ঘৱে নিয়ে এসো, যেন আমি তোমাৰ হাত থেকেই সেগুলি  
খেতে পাৰি।” তামৱ তাৰ তৈৰি কৱা ঝটিগুলি নিয়ে দাদা অঘোনেৰ  
শোওয়াৰ ঘৱে গেল। 11 কিন্তু যখন সে তাকে খাওয়াতে যাচ্ছিল,  
সে তাকে জাপটে ধৱে বলল, “বোন আমাৰ, আমাৰ সঙ্গে বিছানায়  
চলো।” 12 “না, দাদা না!” সে তাকে বলল। “আমাৰ উপৱ জোৱ-  
জবৱদস্তি কোৱো না! ইস্বায়েলে এৱকম হওয়া উচিত নয়! এৱকম  
জঘন্য কাজ কোৱো না। 13 আমাৰ কী হবে? আমাৰ এ কলক্ষ আমি

কোথায় গিয়ে মেটাৰ? আৱ তোমাৱই বা কী হবে? ইস্বায়েলে তোমাৱ  
দশা হবে এক দুষ্ট নিৰ্বোধেৰ মতো। দয়া কৱে রাজামশাইকে বলো;  
তোমাৱ সঙ্গে আমাৱ বিয়ে দিতে তিনি অসম্ভত হবেন না।” 14 কিন্তু  
সে তাৱ কথা শুনতে রাজি হয়নি, ও যেহেতু সে তামৱেৱ তুলনায় বেশি  
শক্তিশালী ছিল, তাই সে তাকে ধৰ্ষণ কৱল। 15 পৱে তীব্ৰ বিৱাগ নিয়ে  
সে তাকে ঘৃণা কৱল। প্ৰকৃতপক্ষে, সে তাকে যত ভালোবেসেছিল, তাৱ  
চেয়েও বেশি ঘৃণা কৱল। অয়োন তামৱকে বলল, “ওঠো ও এখান  
থেকে বেৱিয়ে যাও!” 16 তামৱ তাকে বলল, “না, না! আমাৱ প্ৰতি তুমি  
যা কৱেছ, আমাকে বেৱ কৱে দিলে তো তাৱ চেয়েও বেশি অন্যায়  
কৱা হয়ে যাবে।” কিন্তু সে তাৱ কথা শুনতে চায়নি। 17 সে তাৱ খাস  
চাকৱকে ডেকে বলল, “এই মহিলাটিকে আমাৱ চোখেৰ সামনে থেকে  
দূৰ কৱে দাও ও দৱজায় খিল দিয়ে দাও।” 18 তখন তাৱ চাকৱটি  
তামৱকে বেৱ কৱে দিয়ে দৱজায় খিল লাগিয়ে দিয়েছিল। তামৱেৱ  
পৱনে ছিল অলংকাৱসমৃদ্ধ এক পোশাক, কাৱণ কুমাৰী রাজাৱ মেয়েৱা  
এ ধৰনেৱ পোশাকই পৱে থাকত। 19 তামৱ মাথায় ছাইভস্ম মেখে  
পৱনেৱ অলংকাৱসমৃদ্ধ পোশাকটি ছিঁড়ে ফেলেছিল। মাথায় হাত  
দিয়ে, জোৱে কাঁদতে কাঁদতে সে বাইৱে বেৱিয়ে গেল। 20 তাৱ দাদা  
অবশালোম তাকে বলল, “তোমাৱ দাদা অয়োন কি তোমাৱ সঙ্গে  
ছিল? হে আমাৱ বোন, আপাতত চুপচাপ থাকো; সে তো তোমাৱই  
দাদা। এটি নিয়ে মন খাৱাপ কোৱো না।” সেই থেকে তামৱ এক  
নিঃসঙ্গ মহিলাৰ মতো তাৱ দাদা অবশালোমেৱ বাসাতেই থাকতে শুৱ  
কৱল। 21 রাজা দাউদ এসব কথা শুনে রাগে অগ্ৰিশৰ্মা হয়ে গেলেন।  
22 অবশালোমও অয়োনকে ভালোমন্দ—একটি ও কথা বলেনি; সে  
অয়োনকে ঘৃণা কৱতে শুৱ কৱেছিল, যেহেতু সে তাৱ নিজেৰ বোন  
তামৱকে কলাঙ্কিত কৱল। 23 দুই বছৰ পৱ, ইফ্রায়িমেৱ সীমানাৱ কাছে  
বায়াল-হাংসোৱে যখন অবশালোমেৱ মেষগুলিৱ গা থেকে লোম ছাঁটা  
হচ্ছিল, সে রাজাৱ সব ছেলেকে সেখানে আসাৱ নিমন্ত্ৰণ জানিয়েছিল।  
24 অবশালোম রাজামশাই-এৱে কাছে গিয়ে বলল, “আপনাৱ দাসেৱ  
কাছে মেষেৱ লোম ছাঁটাৱ লোকেৱা এসে গিয়েছে। রাজামশাই ও

তাঁর কর্মচারীরা কি দয়া করে আমার সাথে যোগ দেবেন?” 25

“বাছা, না,” রাজামশাই উত্তর দিলেন। “আমাদের সকলের যাওয়া উচিত হবে না; আমরা শুধু তোমার বোৰাই হব।” যদিও অবশালোম তাঁকে পীড়াপীড়ি করল, তাও তিনি যেতে রাজি হননি, তবে তিনি তাকে আশীর্বাদ করলেন। 26 তখন অবশালোম বলল, “আপনি যদি না যান, তবে অস্তত আমার ভাই অঘোনকে আমাদের সঙ্গে যেতে দিন।” রাজামশাই তাকে জিজ্ঞাসা করলেন, “সে কেন তোমাদের সঙ্গে যাবে?” 27 কিন্তু যেহেতু অবশালোম তাঁকে পীড়াপীড়ি করল, তিনি অঘোন ও অন্যান্য রাজার ছেলেদের তার সঙ্গে পাঠালেন। 28 অবশালোম তার লোকজনকে আদেশ দিয়েছিল, “শুনে রাখো! অঘোন যখন দ্রাক্ষারস পান করে বেশ খোশমেজাজে থাকবে ও আমি যখন তোমাদের বলব ‘অঘোনকে মারো,’ তখন তাকে হত্যা কোরো। ভয় পেয়ো না। আমিই কি তোমাদের এই আদেশ দিইনি? শক্ত হও ও সাহস করো।” 29 তখন অবশালোমের লোকজন অঘোনের প্রতি অবশালোমের আদেশমতোই কাজ করল। পরে রাজপুত্রেরা সবাই যে যার খচরের পিঠে চেপে পালিয়েছিল। 30 তারা তখনও পথেই ছিল, আর এই খবরটি দাউদের কাছে পৌঁছে গেল: “অবশালোম রাজার সব ছেলেকে মেরে ফেলেছে; তাদের মধ্যে একজনও বেঁচে নেই।” 31 রাজামশাই উঠে দাঁড়িয়েছিলেন, কাপড়চোপড় ছিঁড়ে ফেলেছিলেন ও মেরোতে শুয়ে পড়েছিলেন; আর তাঁর সব কর্মচারীও নিজেদের কাপড়চোপড় ছিঁড়ে তাঁর পাশে দাঁড়িয়েছিল। 32 কিন্তু দাউদের ভাই শিমিয়ের ছেলে যোনাদব বলল, “আমার প্রভু মনে করবেন না যে তারা রাজার সব ছেলেকে মেরে ফেলেছে; শুধু অঘোনই মরেছে। যেদিন অঘোন অবশালোমের বোন তামরকে ধর্ষণ করল, সেদিন থেকেই অবশালোম এরকম করতে বন্ধপরিকর ছিল। 33 আমার প্রভু মহারাজ এই খবর পেয়ে দুশ্চিন্তা করবেন না যে রাজার সব ছেলে মারা গিয়েছে। শুধু অঘোনই মারা গিয়েছে।” 34 ইতিমধ্যে, অবশালোম পালিয়েছিল। একজন পাহারাদার চোখ তুলে চেয়ে দেখেছিল তার পশ্চিমাদিকের পথে প্রচুর লোকজন পাহাড়ের পাশ থেকে নেমে আসছে। সেই

পাহারাদার গিয়ে রাজামশাইকে বলল, “আমি দেখলাম হরোনয়ীমের দিক থেকে পাহাড়ের ঢাল বেয়ে কিছু লোক নেমে আসছে।” 35 যোনাদব রাজামশাইকে বলল, “দেখুন, রাজপুত্রেরা ফিরে আসছে; আপনার দাস যেমনটি বলল, ঠিক তেমনটিই হয়েছে।” 36 তার কথা শেষ হতে না হতেই, রাজপুত্রেরা জোর গলায় কাঁদতে কাঁদতে সেখানে পৌঁছে গেল। রাজা ও তাঁর কর্মচারীরাও জোর গলায় কাঁদতে শুরু করলেন। 37 অবশালোম পালিয়ে গশূরের রাজা অমীহূরের ছেলে তলময়ের কাছে গেল। কিন্তু রাজা দাউদ দীর্ঘদিন তাঁর ছেলের জন্য শোকপ্রকাশ করলেন। 38 অবশালোম গশূরে পালিয়ে গিয়ে তিনি বছর সেখানে ছিল। 39 রাজা দাউদ অবশালোমের কাছে যাওয়ার জন্য খুব আকাঙ্ক্ষিত হলেন, কারণ অন্নোনের মৃত্যুর বিষয়ে তিনি সান্ত্বনা পেয়েছিলেন।

**14** সরুয়ার ছেলে যোয়াব জানতেন যে অবশালোমের জন্য রাজার প্রাণ আকাঙ্ক্ষিত হয়ে আছে। 2 তাই যোয়াব তকোয়ে একজন লোক পাঠিয়ে সেখান থেকে একজন চালাক-চতুর মহিলাকে আনিয়েছিলেন। তিনি মহিলাটিকে বললেন, “শোক করার ভান কোরো। শোক পালনের উপযোগী পোশাক পরে থেকো, ও কোনও সাজগোজ কোরো না বা তেলও মেখো না। এমন একজন মহিলার মতো আচরণ কোরো যে দীর্ঘদিন ধরে মরা মানুষের জন্য শোকপ্রকাশ করে চলেছে। 3 পরে রাজার কাছে গিয়ে তাঁকে এই কথাগুলি বোলো।” এই বলে যোয়াব তার মুখে কথা বসিয়ে দিলেন। 4 তকোয়ের মহিলাটি রাজার কাছে গিয়ে, তাঁকে সম্মান জানানোর জন্য মাটিতে উরুড় হয়ে পড়েছিল ও বলল, “হে মহারাজ, আমাকে সাহায্য করুন!” 5 রাজা তাকে জিজ্ঞাসা করলেন, “তোমার অসুবিধাটি কী?” সে বলল, “আমি একজন বিধবা নারী; আমার স্বামী মারা গিয়েছে। 6 আপনার এই দাসীর—আমার দুই ছেলে ছিল। মাঠে তারা দুজন পরস্পরের সঙ্গে মারপিট করছিল, আর কেউ তাদের ছাড়াতে পারছিল না। একজন অন্যজনকে আঘাত করল ও তাকে মেরে ফেলেছিল। 7 এখন সম্পূর্ণ গোষ্ঠী আপনার দাসীর বিরুদ্ধে রংখে দাঁড়িয়েছে; তারা বলছে, ‘যে তার ভাইকে মেরে ফেলেছে

তাকে আমাদের হাতে তুলে দাও, যেন আমরা তার সেই ভাইয়ের  
প্রাণের পরিবর্তে তাকে হত্যা করতে পারি, যাকে সে খুন করল; তখন  
আর সম্পত্তির উত্তরাধিকারীও কেউ থাকবে না।' তারা আমার কাছে  
অবশিষ্ট একমাত্র জুলন্ত কয়লাটিকেও নিভিয়ে দিতে চাইছে, পৃথিবীর  
বুকে আমার স্বামীর নাম বা বংশ, কোনো কিছুই আর রাখতে চাইছে  
না।" ৪ রাজা মহিলাটিকে বললেন, "বাড়ি ফিরে যাও, আমি তোমার  
স্বপক্ষে ভুক্ত জারি করে দিচ্ছি।" ৫ কিন্তু তকোয় থেকে আসা মহিলাটি  
তাঁকে বলল, "আমার প্রভু মহারাজ আমায় ও আমার পরিবারকে  
ক্ষমা করুন, এবং মহারাজ ও তাঁর সিংহাসন নির্দোষ থাকুক।" ১০  
রাজামশাই উত্তর দিলেন, "কেউ যদি তোমায় কিছু বলে, তবে তাদের  
আমার কাছে নিয়ে এসো, তারা আর তোমায় জ্বালাতন করবে না।" ১১  
সে বলল, "তবে মহারাজ তাঁর ঈশ্বর সদাপ্রভুর নামে শপথ করুন,  
যেন রক্তের প্রতিশোধকারী আর সর্বনাশ করতে না পারে, ও আমার  
ছেলেও যেন না মরে।" "জীবন্ত সদাপ্রভুর দিব্যি," তিনি বললেন,  
"তোমার ছেলের মাথার একটি চুলও মাটিতে পড়বে না।" ১২ তখন  
সেই মহিলাটি বলল, "আপনার দাসীকে আমার প্রভু মহারাজের কাছে  
একটি কথা বলতে দিন।" "বলো," তিনি উত্তর দিলেন। ১৩ মহিলাটি  
বলল, "তবে কেন আপনি ঈশ্বরের প্রজাদের বিরুদ্ধে এরকম এক  
কৌশল অবলম্বন করলেন? মহারাজ যখন এরকম বলছেন, তিনি কি  
তখন নিজেকেই দোষী করে তুলছেন না, কারণ মহারাজ যে নিজেই  
তাঁর নির্বাসিত ছেলেকে ফিরিয়ে আনেননি?" ১৪ মাটিতে ঢেলে দেওয়া  
জল যেমন তুলে আনা যায় না, তেমনি আমাদেরও মরতেই হবে। কিন্তু  
ঈশ্বর এমনটি চান না; বরং, তিনি এমন কৌশল বের করলেন যেন  
একজন নির্বাসিত ব্যক্তি বরাবরের জন্য তাঁর কাছ থেকে নির্বাসিত হয়ে  
না থাকে। ১৫ "এখন আমার প্রভু মহারাজের কাছে আমি একথাই  
বলতে এসেছি, কারণ লোকেরা আমাকে ভয় দেখিয়েছিল। আপনার  
দাসী ভেবেছিল, 'আমি মহারাজের কাছে একথা বলব; হয়তো তিনি  
তাঁর দাসীর প্রার্থনা মঞ্জুর করবেন।' ১৬ হয়তো মহারাজ তাঁর দাসীকে  
সেই লোকটির হাত থেকে রক্ষা করতে রাজি হবেন, যে ঈশ্বরের

উত্তরাধিকার থেকে আমাকে ও আমার ছেলে—দুজনকেই বঞ্চিত  
করতে চাইছে।’ 17 “এখন আপনার দাসী আমি বলছি, ‘আমার প্রভু  
মহারাজের কথাই যেন আমার উত্তরাধিকার সুরক্ষিত করে, কারণ  
ভালোমন্দ বিচার করার ক্ষেত্রে আমার প্রভু মহারাজ ঈশ্বরের এক  
দৃতের মতোই। আপনার ঈশ্বর সদাপ্রভু আপনার সঙ্গেই থাকুন।’” 18  
তখন রাজামশাই মহিলাটিকে বললেন, “আমি যে প্রশ্নটি তোমাকে  
করতে চলেছি, সেটির উত্তর আমার কাছে লুকিয়ো না।” “আমার প্রভু  
মহারাজ বলুন,” মহিলাটি বলল। 19 রাজামশাই জিজ্ঞাসা করলেন,  
“তোমার সঙ্গে এই সবে যোয়াবের হাত নেই তো?” মহিলাটি উত্তর  
দিয়েছিল, “হে আমার প্রভু মহারাজ, আপনার প্রাণের দিব্যি, আমার  
প্রভু মহারাজ যা বলেন, সেখান থেকে কেউ ডাইনে বা বাঁয়ে ফিরতে  
পারে না। হ্যাঁ, আপনার দাস যোয়াবই এসব করতে আমাকে নির্দেশ  
দিলেন ও তিনিই আপনার দাসীর মুখে এই কথাগুলি বসিয়ে দিলেন।  
20 বর্তমান পরিস্থিতি বদলানোর জন্যই আপনার দাস যোয়াব এসব  
করলেন। আমার প্রভু, ঈশ্বরের একজন দৃতের মতোই জনী—দেশে  
যা যা হয়, তিনি সেসব জানেন।” 21 রাজামশাই যোয়াবকে বললেন,  
“ঠিক আছে, আমি এরকমই করব। যাও, সেই যুবক অবশালোমকে  
ফিরিয়ে নিয়ে এসো।” 22 তাঁকে সম্মান জানানোর জন্য যোয়াব মাটিতে  
উরুড় হয়ে পড়েছিলেন, ও রাজাকে ধন্যবাদ জানিয়েছিলেন। যোয়াব  
বললেন, “হে আমার প্রভু মহারাজ, আজই আপনার দাস জেনেছে যে  
সে আপনার দৃষ্টিতে অনুগ্রহ লাভ করেছে, কারণ মহারাজ তাঁর দাসের  
প্রার্থনা মঞ্জুর করেছেন।” 23 পরে যোয়াব গশূরে গিয়ে অবশালোমকে  
জেরুশালেমে ফিরিয়ে এনেছিলেন। 24 কিন্তু রাজামশাই বললেন,  
“তাকে নিজের বাসায় যেতে হবে; সে যেন আমার মুখদর্শন না করে।”  
অতএব অবশালোম নিজের বাসায় গেল ও রাজার মুখদর্শন করেনি।  
25 সমস্ত ইস্রায়েলের মধ্যে আর কেউ অবশালোমের মতো তার অপরাপ  
সুন্দর রূপের জন্য প্রশংসা পাওয়ার যোগ্য হয়নি। তার মাথার তালু  
থেকে পায়ের পাতা পর্যন্ত কোথাও একটুও খুঁত ছিল না। 26 যখনই সে  
তার মাথার চুল কাটাত—সে বছরে একবারই তার চুল কাটাত, কারণ

সেগুলি তার পক্ষে খুব ভারী হয়ে যেত—সে সেগুলি ওজন করাতো,  
 আর সেগুলির ওজন রাজকীয় মাপ অনুসারে হত 200 শেকল। 27  
 অবশালোমের তিনটি ছেলে ও একটি মেয়ের জন্ম হল। তার মেয়ের  
 নাম তামর, আর সে খুব সুন্দরী হল। 28 অবশালোম রাজার মুখদর্শন  
 না করে দুই বছর জেরশালেমে বসবাস করল। 29 পরে অবশালোম  
 রাজার কাছে পাঠানোর জন্য যোয়াবকে ডেকে পাঠিয়েছিল, কিন্তু  
 যোয়াব তার কাছে আসতে চাননি। তাই সে দ্বিতীয়বার তাঁকে ডেকে  
 পাঠিয়েছিল, কিন্তু তাও তিনি আসতে রাজি হননি। 30 তখন সে তার  
 দাসদের বলল, “দেখো, যোয়াবের ক্ষেত্রটি আমার ক্ষেত্রের পাশেই  
 আছে, আর সে সেখানে যব বুনেছে। যাও, সেখানে আগুন লাগিয়ে  
 দাও।” অবশালোমের দাসেরা তখন ক্ষেত্রে আগুন লাগিয়ে দিয়েছিল।  
 31 যোয়াব পরে অবশালোমের বাসায় গেলেন, ও তিনি তাকে বললেন,  
 “তোমার দাসেরা কেন আমার ক্ষেত্রে আগুন লাগিয়ে দিয়েছে?” 32  
 অবশালোম যোয়াবকে বলল, “দেখুন, আমি আপনাকে খবর পাঠিয়ে  
 বললাম, ‘এখানে আসুন, যেন আমি আপনাকে রাজার কাছে পাঠিয়ে  
 তাঁকে জিজ্ঞাসা করতে পারি, “আমি কেন গশূর থেকে ফিরে এলাম?  
 আমি সেখানে থাকলেই ভালো হত!”’ আর এখন, আমি মহারাজের  
 মুখদর্শন করতে চাই, ও আমি যদি দোষ করে থাকি, তিনি আমায়  
 মেরে ফেলতে পারেন।” 33 তাই যোয়াব রাজার কাছে গিয়ে তাঁকে  
 সেকথা বললেন। তখন রাজামশাই অবশালোমকে ডেকে পাঠালেন, ও  
 সে এসে রাজার সামনে মাটিতে উরুড় হয়ে পড়েছিল। রাজামশাই  
 তাকে চুম্বন করলেন।

**15** কালক্রমে, অবশালোম নিজের জন্য একটি রথ, কয়েকটি ঘোড়া ও  
 তার আগে আগে দৌড়ানোর উপযোগী 50 জন লোক জোগাড় করল।  
 2 সে সকাল সকাল ঘুম থেকে উঠে নগরের সিংহদুয়ার পর্যন্ত চলে  
 যাওয়া রাজপথের ধারে দাঁড়িয়ে যেত। যখনই কেউ বিচার পাওয়ার  
 আশায় রাজার কাছে কোনও নালিশ নিয়ে আসত, অবশালোম তাকে  
 ডেকে বলত, “তুমি কোনও নগরের লোক?” সে হয়তো উত্তর দিত,  
 “আপনার দাস ইন্দ্রায়েলের অমুক বংশের লোক।” 3 তখন অবশালোম

তাকে বলত, “দেখো, তোমার দাবি-দাওয়া তো ন্যায্য ও উপযুক্ত,  
কিন্তু তোমার কথা শোনার জন্য রাজার কোনও প্রতিনিধি নেই।” 4  
আবার অবশালোম এর সঙ্গে যোগ করত, “আমাকে যদি কেউ দেশে  
বিচারক নিযুক্ত করত! তবে যার যার নালিশ বা মামলা আছে, তারা  
সবাই আমারই কাছে নিয়ে আসতে পারত ও আমি দেখতাম যেন তারা  
ন্যায়বিচার পায়।” 5 এছাড়াও, যখনই কেউ অবশালোমকে প্রণাম  
করতে যেত, সে হাত বাঢ়িয়ে তাকে জড়িয়ে ধরে চুম্বন করত। 6 যেসব  
ইস্রায়েলী রাজার কাছে বিচার চাইতে আসত, অবশালোম তাদের  
প্রত্যেকের সঙ্গেই এরকম আচরণ করত, ও সে ইস্রায়েল জাতির  
মন জয় করে নিয়েছিল। 7 চার বছরের শেষে, অবশালোম রাজাকে  
বলল, “হির্বাণে গিয়ে সদাপ্রভুর উদ্দেশে করা একটি মানত আমাকে  
পূর্ণ করে আসতে দিন। 8 আপনার দাস—এই আমি যখন অরামের  
গৃহে বসবাস করছিলাম, তখনই আমি এই মানতটি করেছিলাম:  
'সদাপ্রভু যদি আমাকে জেরুশালেমে ফিরিয়ে আনেন, তবে আমি  
হির্বাণে গিয়ে সদাপ্রভুর আরাধনা করব।'” 9 রাজা তাকে বললেন,  
“শান্তিতে যাও।” তাই সে হির্বাণে চলে গেল। 10 পরে অবশালোম  
এই কথা বলার জন্য ইস্রায়েলের সব বংশের কাছে গুপ্তচর পাঠিয়ে  
দিয়েছিল, “যেই তোমরা শিঙার শব্দ শুনতে পাবে, তখনই বলবে,  
'অবশালোম হির্বাণে রাজা হলেন।'” 11 জেরুশালেম থেকে 200 জন  
লোক অবশালোমের সঙ্গী হল। তারা অতিথিরূপে আমন্ত্রিত হল ও বেশ  
সরল মনে কিছু না জেনেই গেল। 12 অবশালোম বলি উৎসর্গ করার  
সময় দাউদের পরামর্শদাতা গীলোনীয় অহীথোফলকে তাঁর নিজের  
নগর গীলো থেকে ডেকে এনেছিল। আর তাই ষড়যন্ত্রিটি বেশ জোরালো  
হল, ও অবশালোমের অনুগামীদের সংখ্যা দিনের পর দিন বাঢ়তে  
শুরু করল। 13 একজন দৃত এসে দাউদকে বলল, “ইস্রায়েল জাতির  
অন্তঃকরণ অবশালোমের সঙ্গী হয়েছে।” 14 তখন দাউদ জেরুশালেমে  
তাঁর সঙ্গে থাকা সব কর্মকর্তাকে বললেন, “এসো! আমাদের পালাতে  
হবে, তা না হলে আমাদের মধ্যে কেউই অবশালোমের হাত থেকে  
রেহাই পাব না। এক্ষুনি আমাদের এখান থেকে যেতে হবে, তা না

হলে সে তাড়াতাড়ি এসে আমাদের ধরে ফেলবে ও আমাদের সর্বনাশ করে নগরটিকে তরোয়ালের আঘাতে উচ্ছেদ করবে।” 15 কর্মকর্তারা তাঁকে উত্তর দিয়েছিল, “আমাদের প্রভু মহারাজের যা ইচ্ছা, আপনার দাসেরা তাই করতে প্রস্তুত।” 16 রাজামশাই রওয়ানা হলেন, ও তাঁর সম্পূর্ণ পরিবারও তাঁর অনুগামী হল; কিন্তু তিনি শুধু প্রাসাদ দেখাশোনা করার জন্য দশজন উপপত্নীকে রেখে গেলেন। 17 অতএব রাজামশাই রওয়ানা হলেন, ও সব লোকজন তাঁকে অনুসরণ করছিল, এবং নগরের শেষ প্রান্তে গিয়ে তারা থেমেছিলেন। 18 তাঁর সব লোকজন করেথীয় ও পলেথীয়দের সঙ্গে নিয়ে কুচকাওয়াজ করে এগিয়ে গেল; এবং গাত থেকে তাঁর সঙ্গী হয়ে আসা ছয়শো জন গাতীয় লোকও রাজার সামনে কুচকাওয়াজ করল। 19 রাজামশাই গাতীয় ইত্যকে বললেন, “তুমি কেন আমাদের সঙ্গে যাবে? ফিরে যাও ও রাজা অবশালোমের সঙ্গে গিয়ে থাকো। তুমি একজন বিদেশি, তোমার স্বদেশ থেকে আসা এক নির্বাসিত লোক। 20 তুমি মাত্র কালই এসেছ। আর আজ কি না আমি তোমাকে আমাদের সঙ্গে উদ্দেশ্যহীনভাবে ঘুরে ঘুরে বেড়াতে দেব, যেখানে আমিই জানি না, আমি কোথায় যাচ্ছি? ফিরে যাও, আর তোমার লোকজনকেও সঙ্গে করে নিয়ে যাও। সদাপ্রভু যেন তোমাকে দয়া ও বিশ্বস্তা দেখান।” 21 কিন্তু ইত্য রাজাকে উত্তর দিলেন, “জীবন্ত সদাপ্রভুর দিব্যি, ও আমার প্রভু মহারাজের দিব্যি, আমার প্রভু মহারাজ যেখানে থাকবেন, তাতে জীবনই থাকুক বা মৃত্যুই আসুক, আপনার দাস সেখানেই থাকবে।” 22 দাউদ ইত্যকে বললেন, “তবে এগিয়ে যাও, কুচকাওয়াজ করো।” তাই গাতীয় ইত্য তাঁর সব লোকজন ও তাঁর সঙ্গে থাকা পরিবার-পরিজন নিয়ে কুচকাওয়াজ করলেন। 23 সব লোকজন যখন পাশ দিয়ে যাচ্ছিল, তখন পল্লিতঞ্চলের সব অধিবাসী জোর গলায় কেঁদেছিল। রাজা ও কিদ্রোণ উপত্যকা পার হলেন, ও সব লোকজন মরণপ্রাপ্তরের দিকে এগিয়ে গেল। 24 সাদোকও সেখানে ছিলেন, ও তাঁর সঙ্গে থাকা লেবীয়রা সবাই ঈশ্বরের নিয়ম-সিন্দুকটি বয়ে নিয়ে যাচ্ছিল। নগর থেকে সব লোকজন বেরিয়ে না যাওয়া পর্যন্ত তারা ঈশ্বরের সিন্দুকটি

নামিয়ে রেখেছিল, ও অবিয়াথর বলি উৎসর্গ করলেন। 25 পরে  
রাজামশাই সাদোককে বললেন, “ঈশ্বরের সিন্দুকটি নগরে ফিরিয়ে  
নিয়ে যাও। আমি সদাপ্রভুর দৃষ্টিতে অনুগ্রহ পেলে তিনি আমাকে  
ফিরিয়ে আনবেন এবং এটি ও তাঁর বাসস্থানটিও আবার আমাকে  
দেখতে দেবেন। 26 কিন্তু তিনি যদি বলেন, ‘আমি তোমার উপর সন্তুষ্ট  
নই,’ তবে আমি প্রস্তুত আছি; তাঁর যা ভালো লাগে তিনি আমার প্রতি  
তাই করতে পারেন।” 27 রাজামশাই যাজক সাদোককেও বললেন,  
“বুবলে তো? আমার আশীর্বাদ নিয়ে নগরে ফিরে যাও। তোমার ছেলে  
অঙ্গীমাসকে সঙ্গে নাও, আর অবিয়াথরের ছেলে যোনাথনকেও নাও।  
তুমি ও অবিয়াথর তোমাদের দুই ছেলেকে সঙ্গে নিয়ে ফিরে যাও। 28  
যতক্ষণ না তোমরা আমাকে খবর দিয়ে পাঠাচ্ছো, আমি মরহপ্রাপ্তরে  
নদীর অগভীর অংশের কাছে অপেক্ষা করে বসে থাকব।” 29 অতএব  
সাদোক ও অবিয়াথর ঈশ্বরের সিন্দুকটি নিয়ে জেরশালেমে ফিরে  
গিয়ে সেখানেই থেকে গেলেন। 30 কিন্তু দাউদ জলপাই পাহাড়ে  
উঠে যাচ্ছিলেন, ও যেতে যেতে তিনি কাঁদছিলেন; তাঁর মাথা ঢাকা  
ছিল ও তিনি খালি পায়ে ছিলেন। তাঁর সঙ্গে থাকা সব লোকজনও  
তাদের মাথা ঢেকে রেখেছিল ও যেতে যেতে তারাও কাঁদছিল। 31  
এদিকে দাউদকে বলা হল, “অঙ্গীয়োফলও অবশালোমের সঙ্গে থাকা  
ষড়যন্ত্রকারীদের মধ্যে একজন।” অতএব দাউদ প্রার্থনা করলেন,  
“হে সদাপ্রভু, অঙ্গীয়োফলের পরামর্শকে মূর্খতায় বদলে দাও।” 32  
দাউদ যখন সেই পাহাড়ের চূড়ায় পৌঁছেছিলেন, যেখানে লোকেরা  
ঈশ্বরের আরাধনা করত, তখন অকীয় হৃশয় তাঁর সঙ্গে দেখা করতে  
এলেন। তাঁর কাপড়চোপড় ছেঁড়া ছিল ও তাঁর মাথা ছিল ধূলিধূসরিত।  
33 দাউদ তাঁকে বললেন, “তুমি যদি আমার সঙ্গে যাও, তবে তুমি  
আমার পক্ষে এক বোৰা হয়ে দাঁড়াবে। 34 কিন্তু যদি নগরে ফিরে  
গিয়ে অবশালোমকে বলো, ‘হে মহারাজ, আমি আপনার দাস হয়ে  
থাকব; অতীতে আমি আপনার বাবার দাস ছিলাম, কিন্তু এখন আমি  
আপনার দাস হব,’ তবে অঙ্গীয়োফলের পরামর্শ ব্যর্থ করে তুমি আমার  
উপকারই করবে। 35 তোমার সঙ্গে কি সেখানে যাজক সাদোক ও

অবিয়াথর থাকবে না? রাজপ্রাসাদে তুমি যা যা শুনবে, সবকিছুই  
তাদের গিয়ে বলবে। 36 তাদের দুই ছেলে, সাদোকের ছেলে অহীমাস  
ও অবিয়াথরের ছেলে যোনাথনও সেখানে তাদের সঙ্গে আছে। তুমি যা  
কিছু শুনবে তারা সেসব তাদের দিয়ে আমার কাছে বলে পাঠাবে।”  
37 অতএব অবশ্যালোম যখন জেরশালেমে প্রবেশ করছিল, তখন  
দাউদের প্রাণের বন্ধু হৃশয়ও নগরে পৌঁছেছিলেন।

**16** পাহাড়ের চূড়া পার করে দাউদ অল্প একটু দূর এ গেলেন,  
সেখানে তাঁর সঙ্গে দেখা করার জন্য মফীবোশতের দাস সীব অপেক্ষা  
করে দাঁড়িয়েছিল। তার সঙ্গে ছিল একপাল গাধা, যেগুলির পিঠে বাঁধা  
ছিল 200-টি রংটি, কিশমিশ দিয়ে তৈরি একশোটি, ও ডুমুর দিয়ে  
তৈরি একশোটি পিঠে এবং একটি চামড়ার খলিতে ভরা দ্রাক্ষারস। 2  
রাজামশাই সীবকে জিজ্ঞাসা করলেন, “তুমি কেন এগুলি এনেছ?” সীব  
উত্তর দিয়েছিল, “গাধাগুলি এনেছি মহারাজের পরিবারের লোকজনের  
চড়ে যাওয়ার জন্য, রংটি ও ফলগুলি এনেছি লোকদের খাওয়ার জন্য,  
এবং দ্রাক্ষারস এনেছি যেন মরণপ্রাপ্তরে যারা ক্লান্ত হয়ে পড়বে, তারা  
চাঙ্গা হয়ে যায়।” 3 রাজামশাই তখন জিজ্ঞাসা করলেন, “তোমার  
মনিবের নাতি কোথায়?” সীব তাঁকে বলল, “তিনি জেরশালেমেই  
আছেন, কারণ তিনি ভেবেছেন, ইস্রায়েলীরা আজ আমার কাছে আমার  
পৈতৃক রাজ্যটি ফিরিয়ে দেবে।” 4 তখন রাজামশাই সীবকে বললেন,  
“মফীবোশতের অধিকারে থাকা সবকিছুই এখন তোমার।” “আমি  
আপনাকে প্রণাম জানাচ্ছি,” সীব বলল। “হে আমার প্রভু মহারাজ, আমি  
যেন আপনার দৃষ্টিতে অনুগ্রহ পাই।” 5 রাজা দাউদ বহুরীমে পৌঁছালে  
শৌলের কুণ্ডুক্ত একজন লোক সেখানে এসে গেল। তার নাম শিমিয়ি,  
ও সে ছিল গেরার ছেলে। আসতে আসতে সে অভিশাপ দিচ্ছিল। 6  
দাউদের ডাইনে বাঁয়ে বিশেষ রক্ষীদল থাকা সত্ত্বেও সে দাউদ ও  
সব রাজকর্মচারীর দিকে পাথর ছুঁড়েছিল। 7 অভিশাপ দিতে দিতে  
শিমিয়ি বলল, “দূর হ, দূর হ, ওরে খুনি, ওরে বজ্জাত! 8 যাঁর স্থানে  
তুই রাজত্ব করছিস, সেই শৌলের কুলে তুই যত রক্তপাত করেছিস  
তার প্রতিফল সদাপ্রভুই তোকে দিয়েছেন। সদাপ্রভু রাজ্যটি তোর

ছেলে অবশালোমের হাতে তুলে দিয়েছেন। তুই একজন খুনি বলেই  
 তোর সর্বনাশ হয়েছে।” ৭ তখন সরয়ার ছেলে অবীশয় রাজাকে বলল,  
 “এই মরা কুকুরটি কেন আমার প্রভু মহারাজকে অভিশাপ দেবে?  
 আমাকে গিয়ে ওর মাথাটি কেটে নিয়ে আসার জন্য আমাকে অনুমতি  
 দিন।” ১০ কিন্তু রাজামশাই বললেন, “হে সরয়ার ছেলেরা, এতে  
 তোমাদের কী? সে যদি এজন্যই অভিশাপ দিচ্ছে যেহেতু সদাপ্রভু  
 তাকে বলেছেন, ‘দাউদকে অভিশাপ দাও,’ তবে কে-ই বা প্রশ্ন করতে  
 পারে, ‘তুমি কেন এমনটি করছ?’” ১১ দাউদ পরে অবীশয় ও তাঁর  
 সব কর্মকর্তাকে বললেন, “আমার ছেলে, আমার নিজের রক্তমাঃসই  
 আমাকে খুন করার চেষ্টা করছে। তবে এই বিন্যামীনীয় আরও কত না  
 বেশি করে তা করবে! ওকে একা ছেড়ে দাও; ওকে অভিশাপ দিতে  
 দাও, কারণ সদাপ্রভুই ওকে এরকম করতে বলেছেন। ১২ হয়তো  
 দেখা যাবে যে আজ ওর দেওয়া অভিশাপের বদলে সদাপ্রভু আমার  
 দুর্দশা দেখে, আমার কাছে তাঁর নিয়মের অধীনে থাকা আশীর্বাদ  
 ফিরিয়ে দেবেন।” ১৩ অতএব দাউদ ও তাঁর লোকজন পথে যেতে  
 থাকলেন, অন্যদিকে শিমিয়ি তাঁর বিপরীত দিকের পাহাড়ি পথ ধরে  
 যেতে যেতে অভিশাপ দিয়ে যাচ্ছিল ও তাঁর দিকে পাথর ছুঁড়ছিল এবং  
 ধুলোবর্ষণও করছিল। ১৪ রাজামশাই ও তাঁর সঙ্গে থাকা সব লোকজন  
 ক্লান্ত অবস্থায় তাদের গন্তব্যস্থলে পৌঁছেছিলেন। আর সেখানে তিনি  
 নিজের ক্লান্তি দূর করলেন। ১৫ এদিকে, অবশালোম ও ইস্রায়েলের  
 সব লোকজন জেরশালেমে এসেছিল, ও অহীর্ঘোফলও তাদের সঙ্গে  
 ছিল। ১৬ তখন দাউদের অন্তরঙ্গ বন্ধু অকীয় হুশয় অবশালোমের কাছে  
 গিয়ে তাকে বললেন, “মহারাজ চিরজীবী হোন, মহারাজ চিরজীবী  
 হোন!” ১৭ অবশালোম হুশয়কে বলল, “তোমার বন্ধুর প্রতি এই তোমার  
 ভালোবাসা? তিনি যদি তোমার বন্ধু, তবে তুমি তাঁরই কাছে গেলে  
 না কেন?” ১৮ হুশয় অবশালোমকে বললেন, “তা নয়, যিনি সদাপ্রভু  
 দ্বারা, এই লোকদের দ্বারা, ও ইস্রায়েলের সব লোকজন দ্বারা মনোনীত  
 হয়েছেন—আমি তাঁরই হব, ও তাঁর সঙ্গেই থাকব। ১৯ এছাড়াও,  
 আমি কার সেবা করব? আমি কি তাঁর ছেলেরই সেবা করব না? আমি

যেতাবে আপনার বাবার সেবা করতাম, ঠিক সেতাবে আপনারও সেবা  
করব।” 20 অবশালোম অহীথোফলকে বলল, “আপনি আমাদের  
পরামর্শ দিন। আমাদের কী করা উচিত?” 21 অহীথোফল উভর  
দিয়েছিল, “তোমার বাবা রাজপ্রাসাদ দেখাশোনা করার জন্য যেসব  
উপপত্তি রেখে গিয়েছেন, তুমি তাদের সঙ্গে যৌনসঙ্গম করো। তখন  
সমস্ত ইস্রায়েল শুনবে যে তুমি নিজেকে তোমার বাবার কাছে ঘৃণ্ণ করে  
তুলেছ, ও তোমার সঙ্গে থাকা প্রত্যেকে আরও বেশি দৃঢ়প্রতিষ্ঠ হবে।”  
22 তাই তারা অবশালোমের জন্য ছাদে একটি তাঁবু খাটিয়ে দিয়েছিল,  
ও সে সমস্ত ইস্রায়েলীর চোখের সামনে তার বাবার উপপত্তীদের  
সঙ্গে যৌনসঙ্গম করল। 23 এদিকে, সেই সময় অহীথোফলের দেওয়া  
পরামর্শকে মনে হত ঈশ্বরের কাছ থেকে আসা পরামর্শ। দাউদ ও  
অবশালোম, দুজনেই অহীথোফলের সব পরামর্শকে এরকমই মনে  
করতেন।

**17** অহীথোফল অবশালোমকে বলল, “আমি 12 হাজার লোক বেছে  
নিয়ে আজ রাতেই দাউদের পিছু ধাওয়া করব। 2 তিনি যখন ক্লান্ত ও  
দুর্বল হয়ে পড়বেন তখনই আমি তাঁকে আক্রমণ করব। আমি তাঁকে  
আক্রমণ করে ভয় পাইয়ে দেব, ও তাতে তাঁর সঙ্গে থাকা সব লোকজন  
পালিয়ে যাবে। আমি শুধু রাজাকেই যন্ত্রণা করব 3 ও সব লোকজনকে  
তোমার কাছে ফিরিয়ে আনব। তুমি যাঁর মৃত্যু কামনা করছ, তিনি মারা  
যাওয়ার অর্থই হল তোমার কাছে সবার ফিরে আসা; সব লোকজন  
অক্ষতই থাকবে।” 4 এই পরিকল্পনাটি অবশালোম ও ইস্রায়েলের  
সব প্রাচীনের কাছে ভালো বলে মনে হল। 5 কিন্তু অবশালোম বলল,  
“অকীয় হৃশয়কেও ডেকে আনো, যেন আমরা তারও বক্তব্য শুনতে  
পারি।” 6 হৃশয় যখন তার কাছে এলেন, অবশালোম তাঁকে বলল,  
“অহীথোফল এই পরামর্শটি দিয়েছে। সে যা বলেছে আমাদের কি  
তা করা উচিত হবে? যদি তা না হয়, তবে তোমার মতামত কী, তা  
আমাদের জানাও।” 7 হৃশয় অবশালোমকে উভর দিলেন, “এবার  
অহীথোফল যে পরামর্শটি দিয়েছেন, তা ভালো হয়নি। 8 আপনি তো  
আপনার বাবা ও তাঁর লোকজনকে জানেন; তারা যোদ্ধা, ও এমন

এক-একটি বুনো ভালুকের মতো, যার কাছ থেকে তার শাবক কেড়ে নেওয়া হয়েছে। এছাড়াও, আপনার বাবা একজন অভিজ্ঞ যোদ্ধা; তিনি সৈন্যদলের সঙ্গে রাত কাটাবেন না। ৭ এমন কী, এখনও তিনি কোনও গুহায় বা অন্য কোথাও গিয়ে লুকিয়ে আছেন। তিনি যদি আপনার সৈন্যদলকে প্রথমে আক্রমণ করেন, তবে যে কেউ তা শুনবে, সে বলবে, ‘অবশালোমের অনুগামী সৈন্যদলের মধ্যে ব্যাপক নরহত্যা সম্পন্ন হয়েছে।’ ১০ তখন সিংহ-হন্দয়বিশিষ্ট বীরশ্রেষ্ঠ সৈনিকের প্রাণও ভয়ে গলে যাবে, কারণ সমস্ত ইস্রায়েল জানে যে আপনার বাবা একজন যোদ্ধা এবং যারা তাঁর সঙ্গে আছে, তারাও সাহসী মানুষজন। ১১ “তাই আমি আপনাকে এই পরামর্শ দিচ্ছি: দান থেকে শুরু করে বের-শেবা পর্যন্ত সমস্ত ইস্রায়েল—সাগরতীরের বালুকণার মতো যারা সংখ্যায় প্রচুর—আপনার কাছে সমবেত হোক, এবং আপনি নিজে যুদ্ধে তাদের নেতৃত্ব দিন। ১২ তখনই আমরা তাঁকে আক্রমণ করব, তা সে তিনি যেখানেই থাকুন না কেন, এবং শিশির যেভাবে মাটিতে পড়ে, আমরা তাঁকে সেভাবেই মাটিতে পেড়ে ফেলব। না তিনি, না তাঁর লোকজন, কেউই বেঁচে থাকবে না। ১৩ তিনি যদি কোনও নগরে সরে যান, তবে সমস্ত ইস্রায়েল সেই নগরে দড়ি নিয়ে আসবে, ও আমরা এমনভাবে সেটি উপত্যকার কাছে টেনে নিয়ে যাব, যেন একটি নুড়ি-পাথরও সেখানে অবশিষ্ট থাকতে না পারে।” ১৪ অবশালোম ও সব ইস্রায়েলী লোকজন বলল, “অকীয় হুশয়ের পরামর্শটি অহীথোফলের দেওয়া পরামর্শের তুলনায় ভালো।” কারণ অবশালোমের উপর বিপর্যয় আনার জন্য সদাপ্রভুই অহীথোফলের ভালো পরামর্শটি বানচাল করে দেবেন বলে ঠিক করে রেখেছিলেন। ১৫ হুশয়, সাদোক ও অবিয়াথর এই দুই যাজককে বললেন, “অহীথোফল অবশালোম ও ইস্রায়েলের প্রাচীনদের এই এই কাজ করার পরামর্শ দিয়েছে, কিন্তু আমি তাদের অমুক অমুক কাজ করার পরামর্শ দিয়েছি। ১৬ তোমরা এখনই দাউদের কাছে খবর পাঠিয়ে বোলো, ‘আপনি মরণপ্রাপ্তরে নদীর অগভীর স্থানের কাছে রাত কাটাবেন না; যে করেই হোক সেটি পার হয়ে যান, তা না হলে রাজামশাই ও তাঁর সঙ্গে থাকা সব লোকজন নিঃশেষ হয়ে যাবেন।’”

17 যোনাথন ও অহীমাস ঐন-রোগেলে ছিলেন। একজন দাসীর তাদের খবর দেওয়ার কথা ছিল, ও তাদের গিয়ে রাজা দাউদকে তা বলার কথা ছিল, কারণ নগরে প্রবেশ করে ধরা পড়ার ঝুঁকি তারা নিতে চাননি। 18 কিন্তু একজন যুবক তাদের দেখে ফেলেছিল ও অবশালোমকে খবর দিয়েছিল। তাই তারা দুজনেই তৎক্ষণাত্ম পালিয়ে বল্হরীমে একজনের বাসায় গিয়ে উঠেছিলেন। তার উঠোনে একটি কুয়ো ছিল, ও তারা তার মধ্যে নেমে গেলেন। 19 গৃহকর্তার স্ত্রী কুয়োর খোলামুখটি ঢাকনা দিয়ে ঢাকা দিয়েছিল ও সেটির উপর শস্যদানা ছড়িয়ে রেখেছিল। কেউই এ বিষয়ে কিছুই জানতে পারেনি। 20 অবশালোমের লোকজন সেই বাড়িতে মহিলাটির কাছে এসে তাকে জিজ্ঞাসা করল, “অহীমাস ও যোনাথন কোথায়?” মহিলাটি তাদের উভয় দিয়েছিল, “তারা ছেটো নদীটি পার হয়ে গিয়েছে।” সেই লোকেরা তাদের খুঁজেছিল, কিন্তু কাউকেই পায়নি, তাই তারা জেরশালেমে ফিরে গেল। 21 তারা চলে যাওয়ার পর সেই দুজন কুয়ো থেকে উঠে এলেন ও রাজা দাউদকে খবর দেওয়ার জন্য চলে গেলেন। তারা তাঁকে বললেন, “এক্ষুনি বেরিয়ে পড়ুন ও নদী পার হয়ে যান; অহীথোফল আপনার বিরুদ্ধে এই এই পরামর্শ দিয়েছে।” 22 তাই দাউদ ও তাঁর সঙ্গে থাকা লোকজন বেরিয়ে পড়েছিলেন ও জর্ডন নদী পার হয়ে গেলেন। সকালের আলো ফোটা অবধি এমন একজনও অবশিষ্ট ছিল না, যে জর্ডন নদী পার হয়ে যায়নি। 23 অহীথোফল যখন দেখেছিল যে তার পরামর্শ অনুসারে কাজ করা হয়নি, তখন সে তার গাধায় জিন পরিয়ে নিজের নগরে অবস্থিত তার বাসার দিকে রওয়ানা হয়ে গেল। সে তার বাসার সবকিছু ঠিকঠাক করে ফাঁসিতে ঝুলে পড়েছিল। অতএব সে মারা গেল ও তাকে তার বাবার কবরে কবর দেওয়া হল। 24 দাউদ মহনয়িমে গেলেন, ও অবশালোম ইস্রায়েলের সব লোকজনকে সঙ্গে নিয়ে জর্ডন নদী পার হয়ে গেল। 25 অবশালোম যোয়াবের স্থানে অমাসাকে সৈন্যদলের সেনাপতি নিযুক্ত করল। অমাসা ছিল একজন ইশ্যায়েলীয় ব্যক্তি সেই যিথের ছেলে, যে নাহশের মেয়ে ও যোয়াবের মা সরুয়ার বোন অবীগলকে বিয়ে করল। 26 ইস্রায়েলীরা ও অবশালোম গিলিয়দ

প্রদেশে শিবির স্থাপন করল। 27 দাউদ যখন মহনয়িমে এলেন তখন অম্মোনীয়দের রক্ষা নগর থেকে নাহশের ছেলে শোবি, ও লো-দবার থেকে অম্মীয়েলের ছেলে মাখির, এবং রোগলীম থেকে গিলিয়দীয় বর্সিল্লয় 28 বিছানাপত্র, বেশ কয়েকটি গামলা ও মাটির পাত্র নিয়ে এসেছিল। এছাড়াও তারা গম ও যব, আটা-ময়দা ও আঙুনে সেঁকা শস্যদানা, সিম-বরবটি ও কিছু ডাল, 29 মধু ও দই, মেষ, ও গরুর দুধ দিয়ে তৈরি পনীর দাউদ ও তাঁর লোকজনের খাওয়ার জন্য এসেছিল। কারণ তারা বলল, “লোকেরা মরণপ্রাপ্তরে ক্লান্ত, ক্ষুধার্ত ও তৃষ্ণার্ত হয়ে পড়েছে।”

**18** দাউদ তাঁর সঙ্গে থাকা লোকজনকে একত্র করে তাদের উপর সহস্র-সেনাপতি ও শত-সেনাপতিদের নিযুক্ত করে দিলেন। 2 দাউদ তাঁর সৈন্যদলকে তিন ভাগে বিভক্ত করে এক ভাগ যোয়াবের, অন্য এক ভাগ যোয়াবের ভাই সরয়ার ছেলে অবীশয়ের, ও তৃতীয় ভাগটি গাতীয় ইউয়ের কর্তৃত্বাধীনে রেখে, তাদের যুদ্ধে পাঠিয়ে দিলেন। রাজামশাই তাঁর সৈন্যদের বললেন, “আমি নিজেও অবশ্য তোমাদের সঙ্গে কুচকাওয়াজ করে যাব।” 3 কিন্তু লোকেরা বলল, “আপনাকে যেতে হবে না; আমাদের যদি পালাতেও হয়, তারা আমাদের নিয়ে মাথা ঘামাবে না। এমন কী আমাদের মধ্যে অর্ধেক লোকও যদি মারা যায়, তবু তারা মাথা ঘামাবে না; কিন্তু আপনার দাম আমাদের মতো 10,000 লোকের সমান। ভালো হয়, যদি আপনি নগরে থেকেই আমাদের সাহায্য করে যান।” 4 রাজামশাই উত্তর দিলেন, “তোমাদের যা ভালো মনে হয়, আমি তাই করব।” অতএব রাজামশাই সিংহদুয়ারের কাছে দাঁড়িয়েছিলেন, আর তাঁর সব লোকজন এক-একশো ও এক এক হাজার জনের দলে বিভক্ত হয়ে কুচকাওয়াজ করে এগিয়ে গেল। 5 রাজামশাই যোয়াব, অবীশয় ও ইউয়কে আদেশ দিলেন, “আমার খাতিরে সেই যুবক অবশালোমের প্রতি সদয় আচরণ কোরো।” আর সব সৈন্যসামন্ত শুনেছিল রাজামশাই অবশালোমের বিষয়ে সেনাপতিদের এক একজনকে কী আদেশ দিলেন। 6 দাউদের সৈন্যদল ইস্রায়েলীদের সঙ্গে যুদ্ধ করার জন্য কুচকাওয়াজ করে নগর

ছেড়ে বেরিয়েছিল, এবং ইন্দ্ৰিয়মের অৱগ্নে যুদ্ধ হল। 7 ইন্দ্ৰায়েলের সৈন্যদল সেখানে দাউদের লোকদের হাতে সম্পূর্ণরূপে পরাজিত হল, এবং সেদিন প্রচুর লোকজন মারা গেল—সংখ্যায় তা হবে 20,000। 8 সমস্ত গ্রাম্য এলাকায় যুদ্ধ ছড়িয়ে পড়েছিল, ও সেদিন যত না লোক তরোয়ালের আঘাতে মারা গেল, তাৰ চেয়েও বেশি লোক মারা গেল অৱগ্নের গ্রাসে। 9 এদিকে অবশালোম দাউদের লোকজনের সামনে পড়ে গেল। সে খচৰের পিঠে চেপে যাচ্ছিল, ও খচৰাটি যখন বেশ বড়সড় একটি ওক গাছের ঘন ডালপালার তলা দিয়ে যাচ্ছিল, অবশালোমের মাথার চুল গাছে আটকে গেল। সে শূন্যে ঝুলে গেল, অৰ্থচ যে খচৰাটির পিঠে চেপে সে যাচ্ছিল, সেটি এগিয়ে গেল। 10 যা ঘটেছিল, লোকদের মধ্যে একজন যখন তা দেখেছিল, সে যোয়াবকে বলল, “আমি এইমাত্ৰ দেখলাম যে অবশালোম একটি ওক গাছে ঝুলছে।” 11 যোয়াবকে যে একথা বলল তাকে তিনি বললেন, “তাই নাকি! তুমি তাকে দেখেছ? সেখানেই তুমি কেন তাকে যন্ত্ৰণা করে মাটিতে পেড়ে ফেলোনি? তবে তো আমি তোমাকে দশ শেকল রংপো ও একজন যোদ্ধার কোমরবন্ধ দিতে পারতাম।” 12 কিন্তু সেই লোকটি উত্তৰ দিয়েছিল, “আমাৰ হাতে যদি হাজাৰ শেকল রংপোও ওজন করে ধৰিয়ে দেওয়া হয়, তবু আমি রাজপুত্ৰের গায়ে হাত দেব না। আমুৰা শুনেছি মহারাজ আপনাকে, অবীশয়কে ও ইন্দ্যকে আদেশ দিয়েছিলেন, ‘আমাৰ খাতিৰে যুবক অবশালোমকে রক্ষা কোৱো।’

13 আৰ আমি যদি আমাৰ প্রাণেৰ ঝুঁকিও নিয়ে ফেলি—মহারাজেৰ কাছে কিছুই লুকিয়ে রাখা যায় না—আপনিই তখন আমাৰ সঙ্গে দূৱত্ব বাঢ়িয়ে ফেলবেন।” 14 যোয়াব বললেন, “আমি তোমাৰ জন্য এভাৱে অপেক্ষা কৰতে পাৱব না।” অতএব তিনি হাতে তিনটি বৰ্ণা নিয়ে সেগুলি অবশালোমেৰ বুকে গেঁথে দিলেন, অৰ্থচ অবশালোম তখনও ওক গাছে ঝুলেও বেঁচেছিলেন। 15 যোয়াবেৰ অস্ত্ৰ-বহনকাৰীদেৱ মধ্যে দশজন অবশালোমকে ঘিৰে রেখে তাকে আঘাত কৰে হত্যা কৰল। 16 পৱে যোয়াব শিঙা বাজিয়েছিলেন, ও সৈন্যদল ইন্দ্ৰায়েলেৰ পিছু ধাওয়া কৰা বন্ধ কৰে দিয়েছিল, কাৰণ যোয়াব তাদেৱ থামিয়ে

দিলেন। 17 তারা অবশালোমকে নিয়ে অরণ্যে অবস্থিত এক বড়ো  
গর্তে ফেলে দিয়েছিল ও তার উপর পাথরের বড়ো এক স্তুপ সাজিয়ে  
দিয়েছিল। এদিকে, সমস্ত ইস্রায়েলী তাদের বাসায় পালিয়ে গেল। 18  
বেঁচে থাকার সময় অবশালোম একটি স্তম্ভ বানিয়ে সেতি নিজের এক  
স্মৃতিসৌধরূপে রাজার উপত্যকায় স্থাপন করল, কারণ সে ভেবেছিল,  
“আমার নামের স্মৃতি রক্ষা করার জন্য আমার তো কোনও ছেলে নেই।”  
সে নিজের নামে স্তম্ভটির নামকরণ করল, এবং আজও পর্যন্ত সেতি  
অবশালোমের নামেই পরিচিত হয়ে আছে। 19 এদিকে সাদোকের  
ছেলে অহীমাস বললেন, “আমি দৌড়ে গিয়ে মহারাজের কাছে এই  
খবরটি নিয়ে যাব যে মহারাজের শক্রদের হাত থেকে তাঁকে উদ্ধার  
করার দ্বারা সদাপ্রভু তাঁকে সমর্থন জানিয়েছেন।” 20 “আজ তুমি এ  
খবরটি নিয়ে যাবে না,” যোয়াব তাঁকে বললেন। “অন্য কোনও এক  
সময় তুমি এ খবরটি নিয়ে যেয়ো, কিন্তু আজ এরকমটি করতে যেয়ো  
না, কারণ রাজার ছেলে মারা গিয়েছেন।” 21 পরে যোয়াব একজন  
কৃশীয়কে বললেন, “যাও, তুমি যা যা দেখেছ, মহারাজকে গিয়ে তা  
বলো।” কৃশীয় লোকটি যোয়াবকে প্রশান্ত করে দৌড়ে চলে গেল। 22  
সাদোকের ছেলে অহীমাস আরেকবার যোয়াবকে বললেন, “যা হয়  
হোক, আমাকে সেই কৃশীয়র পিছন পিছন দৌড়ে যেতে দিন।” কিন্তু  
যোয়াব উন্নত দিলেন, “বাছা, তুমি কেন যেতে চাইছ? তোমার কাছে  
এমন কোনও খবর নেই যা দিয়ে তুমি পুরক্ষার পাবে।” 23 তিনি  
বললেন, “যা হয় হোক, আমি দৌড়ে যেতে চাই।” অগত্যা যোয়াব  
বললেন, “দৌড়াও!” তখন অহীমাস সমভূমির পথ ধরে দৌড়ে গিয়ে  
কৃশীয়কে পিছনে ফেলে দিলেন। 24 দাউদ যখন ভিতরের ও বাইরের  
দরজার মাঝামাঝিতে বসেছিলেন, পাহারাদার তখন দেয়াল বেয়ে  
দরজার ছাদে উঠে গেল। বাইরে তাকিয়ে সে দেখেছিল, একজন লোক  
একা দৌড়ে আসছে। 25 পাহারাদার রাজামশাইকে ডেকে সে খবর  
জানিয়েছিল। রাজামশাই বললেন, “সে যদি একা আছে তবে নিশ্চয়  
ভালো খবরই আনছে।” লোকটি দৌড়াতে দৌড়াতে খুব কাছাকাছি  
এসে পড়েছিল। 26 পরে পাহারাদার আরও একজনকে দৌড়ে আসতে

দেখেছিল, আর সে উপর থেকে দারোয়ানকে ডেকে বলল, “দেখো, আরও একজন লোক একা দৌড়ে আসছে!” রাজামশাই বললেন, “সেও নিশ্চয় ভালো খবর নিয়ে আসছে।” 27 পাহারাদার বলল, “আমার মনে হচ্ছে যে প্রথমজন সাদোকের ছেলে অহীমাসের মতো দৌড়াচ্ছেন।” “সে একজন ভালো লোক,” রাজামশাই বললেন। “সে ভালো খবর নিয়ে আসছে।” 28 অহীমাস জোর গলায় রাজামশাইকে ডেকে বললেন, “সব ঠিক আছে!” তিনি মাটিতে উরুড় হয়ে রাজাকে প্রণাম করে বললেন, “আপনার ঈশ্বর সদাপ্রভুর প্রশংসা হোক! আমার প্রভু মহারাজের বিরংদো যারা হাত তুলেছিল, তিনি তাদের ত্যাগ করেছেন।” 29 রাজামশাই জিজ্ঞাসা করলেন, “সেই যুবক অবশালোম কি সুরক্ষিত আছে?” অহীমাস উত্তর দিলেন, “ঠিক যখন যোঘার মহারাজের দাসকে ও আপনার দাস—আমাকে পাঠাতে যাচ্ছিলেন, তখন খুব গোলমাল হচ্ছিল, তবে আমি জানি না ঠিক কী হল।” 30 রাজামশাই বললেন, “এক পাশে সরে গিয়ে সেখানে দাঁড়িয়ে গেলেন। 31 পরে সেই কৃশীয় লোকটি সেখানে পৌঁছে বলল, “হে আমার প্রভু মহারাজ, সুখবর শুনুন! যারা মহারাজের বিরংদো দাঁড়িয়েছিল, তাদের হাত থেকে তাঁকে উদ্ধার করার দ্বারা সদাপ্রভু তাঁকে সমর্থন জানিয়েছেন।” 32 রাজামশাই সেই কৃশীয়কে জিজ্ঞাসা করলেন, “সেই যুবক অবশালোম সুরক্ষিত আছে?” কৃশীয় লোকটি উত্তর দিয়েছিল, “আমার প্রভু মহারাজের শক্রদের ও যারা যারা আপনার বিরংদো উঠেছিল, তাদের সকলের দশা যেন সেই যুবকের মতোই হয়।” 33 রাজামশাই কেঁপে উঠেছিলেন। তিনি সদর-দরজার উপরের ঘরে গিয়ে কেঁদেছিলেন। যেতে যেতে তিনি বললেন: “বাছা অবশালোম! আমার ছেলে, আমার ছেলে অবশালোম! তোমার পরিবর্তে শুধু আমি যদি মরতে পারতাম—হে অবশালোম, আমার ছেলে, আমার ছেলে!”

**19** যোঘাবকে বলা হল, ‘রাজামশাই অবশালোমের জন্য কাঁদছেন ও শোকপ্রকাশ করছেন।’ 2 আর সমস্ত সৈন্যদলের কাছে সেদিন সেই বিজয় শোকে পরিণত হল, কারণ সেদিন সৈন্যসামন্তরা শুনতে

পেয়েছিল, “রাজামশাই তাঁর ছেলের জন্য খুব দুঃখ পেয়েছেন।” ৩  
লোকজন সেদিন নিঃশব্দে এমনভাবে নগরে প্রবেশ করল, যে মনে  
হচ্ছিল একদল লোক যেন লজ্জিত হয়ে যুদ্ধক্ষেত্র হেঢ়ে পালিয়ে চুপিচুপি  
নগরে প্রবেশ করছে। ৪ রাজামশাই মুখ ঢেকে জোর গলায় কেঁদে  
কেঁদে বলছিলেন, “বাছা অবশালোম! হে অবশালোম, আমার ছেলে,  
আমার ছেলে!” ৫ তখন যোয়াব প্রাসাদে রাজার কাছে গিয়ে বললেন,  
“আজ আপনি আপনার সেইসব লোকজনকে অপমান করেছেন, যারা  
এইমাত্র আপনার প্রাণ ও আপনার ছেলেমেয়েদের প্রাণ ও আপনার স্ত্রী  
ও উপপত্নীদের প্রাণরক্ষা করেছে। ৬ আপনি তাদেরই ভালোবাসেন  
যারা আপনাকে ঘৃণা করে ও তাদেরই ঘৃণা করেন যারা আপনাকে  
ভালোবাসে। আজ আপনি স্পষ্ট করে দিয়েছেন যে আপনার কাছে  
সেনাপতি ও তাদের লোকজন কোনো কিছুই নয়। আমি দেখতে  
পাচ্ছি আজ যদি অবশালোম জীবিত থাকত ও আমরা সবাই মারা  
যেতাম, তবেই আপনি খুশি হতেন। ৭ এখন তাই বাইরে গিয়ে  
আপনার লোকজনকে উৎসাহিত করুন। আমি সদাপ্রভুর নামে শপথ  
করে বলছি, যদি আপনি বাইরে না যান, তবে সন্দ্যা পর্যন্ত একজনও  
আপনার সঙ্গে থাকবে না। আপনার যৌবনকাল থেকে শুরু করে এখন  
পর্যন্ত আপনার উপর যত বিপর্যয় এসেছে, সেসবের তুলনায় এটি  
আরও মন্দ হবে।” ৮ তাই রাজামশাই উঠে সিংহদুয়ারের কাছে গিয়ে  
বসেছিলেন। লোকজনকে যখন বলা হল, “মহারাজ সিংহদুয়ারের কাছে  
বসে আছেন,” তখন তারা সবাই তাঁর সামনে এসেছিল। এদিকে,  
ইন্দ্রায়েলীরা নিজের নিজের বাসায় পালিয়ে গেল। ৯ ইন্দ্রায়েলের  
গোষ্ঠীদের মধ্যে সর্বত্র, সব লোকজন নিজেদের মধ্যে তর্কাতর্কি  
করে বলাবলি করছিল, “মহারাজ শক্রদের হাত থেকে আমাদের রক্ষা  
করলেন; তিনিই ফিলিস্তিনীদের হাত থেকে আমাদের উদ্ধার করলেন।  
কিন্তু এখন তিনি অবশালোমের হাত থেকে অব্যাহতি পাওয়ার জন্য  
দেশ ছেড়ে পালিয়েছেন; ১০ এবং যাকে আমরা আমাদের উপর  
শাসনকর্তারূপে অভিষিক্ত করলাম, সেই অবশালোমও যুদ্ধে মারা  
গিয়েছে। তবে তোমরা মহারাজকে ফিরিয়ে আনার বিষয়ে কোনও কথা

বলছ না কেন?” 11 রাজা দাউদ যাজকদ্বয় সাদোক ও অবিয়াথরের  
কাছে এই খবর পাঠালেন: “যিহুদার প্রাচীনদের জিজ্ঞাসা করো,  
‘রাজাকে তাঁর প্রাসাদে ফিরিয়ে আনার ক্ষেত্রে আপনারা কেন সবার  
পিছনে পড়ে থাকবেন, যেহেতু ইস্রায়েলে সর্বত্র যা বলাবলি হচ্ছে তা  
রাজার সৈন্যশিবিরে তাঁর কানে গিয়েছে? 12 আপনারা তো আমার  
আত্মীয়স্বজন, আমার নিজের রক্তমাংস। তাই রাজাকে ফিরিয়ে আনার  
ক্ষেত্রে আপনারা কেন পিছিয়ে থাকবেন?’ 13 অমাসাকেও বোলো,  
‘তুমি কি আমার নিজের রক্তমাংস নও? যদি যোয়াবের স্থানে তুমি  
সারা জীবনের জন্য আমার সৈন্যদলের সেনাপতি না হও, তবে ঈশ্বর  
যেন আমাকে কঠোর দণ্ড দেন।’” 14 তিনি যিহুদার লোকজনের  
মন এমনভাবে জিতে নিয়েছিলেন যে তারা সকলে একমত হল।  
তারা রাজামশাইকে খবর দিয়ে পাঠিয়েছিল, “আপনি ও আপনার সব  
লোকজন ফিরে আসুন।” 15 তখন রাজামশাই ফিরে এলেন ও জর্ডন  
নদী পর্যন্ত চলে গেলেন। এদিকে যিহুদার লোকজন রাজার সঙ্গে দেখা  
করে তাঁকে জর্ডন নদী পার করিয়ে আনার জন্য গিলগলে গেল। 16  
বহুরীমের অধিবাসী গেরার ছেলে বিন্যামীনীয় শিমিয়ি রাজা দাউদের  
সঙ্গে দেখা করার জন্য তড়িঘড়ি যিহুদার লোকজনের সাথে মিলে  
সেখানে এসেছিল। 17 তার সঙ্গে ছিল এক হাজার জন বিন্যামীনীয়  
লোক, শৌলের পারিবারিক দাস সীব, এবং সীবের পনেরোজন ছেলে  
ও কুড়ি জন দাস। রাজামশাই যেখানে ছিলেন, তারা জর্ডন নদীর সেই  
পারে দৌড়ে গেল। 18 রাজার পরিবারকে আনার ও তাঁর ইচ্ছামতো  
সবকিছু করার জন্য তারা নদীর অগভীর স্থানটি পার হয়ে গেল। গেরার  
ছেলে শিমিয়ি জর্ডন নদী পার করে উবুড় হয়ে রাজামশাইকে প্রণাম  
করল 19 ও তাঁকে বলল, ‘মহারাজ যেন আমায় দোষী সাব্যন্ত না  
করলেন। আমার প্রভু মহারাজ যেদিন জেরুশালেম ছেড়ে গেলেন,  
সেদিন আপনার দাস যে অপরাধ করেছিল, তা মনে রাখবেন না।  
মহারাজ যেন তা মন থেকে বের করে ফেলেন। 20 কারণ আপনার দাস  
আমি জানি যে আমি পাপ করেছি, কিন্তু আজ আমিই যোরফের বংশ  
থেকে প্রথমজন হয়ে এখানে আমার প্রভু মহারাজের সঙ্গে দেখা করার

জন্য নেমে এসেছি।” 21 তখন সরঞ্জার ছেলে অবীশয় বলল, “এজন্য কি শিমিয়িকে মেরে ফেলা হবে না? সে তো সদাপ্রভুর অভিষিক্ত ব্যক্তিকে অভিশাপ দিয়েছিল।” 22 দাউদ উভর দিলেন, “হে সরঞ্জার ছেলেরা, এতে তোমাদের কী? তোমাদের কি অনধিকারচর্চা করার কোনও অধিকার আছে? আজ কি ইস্রায়েলে কাটকে মেরে ফেলা উচিত হবে? আমি কি জানি না যে আজ আমি ইস্রায়েলের রাজা?” 23 তাই রাজামশাই শিমিয়িকে বললেন, “তুমি মরবে না।” রাজামশাই শপথ করে তার কাছে প্রতিজ্ঞা করলেন। 24 শৌলের নাতি মফীবোশৎও রাজার সঙ্গে দেখা করতে নেমে গেলেন। যেদিন রাজামশাই চলে গেলেন, সেদিন থেকে শুরু করে নিরাপদে তাঁর ফিরে আসার দিন পর্যন্ত মফীবোশৎ তাঁর পায়ের যত্ন নেননি বা তাঁর দাঢ়ি-গোঁফ ছাঁটেননি বা তাঁর কাপড়চোপড়ও ধোয়াধুয়ি করেননি। 25 জেরুশালেম থেকে যখন তিনি রাজার সঙ্গে দেখা করতে এলেন, রাজামশাই তাঁকে জিজ্ঞাসা করলেন, “মফীবোশৎ, তুমি কেন আমার সঙ্গে যাওনি?” 26 তিনি বললেন, “হে আমার প্রভু মহারাজ, যেহেতু আপনার দাস—আমি খঙ্গ, তাই আমি বললাম, ‘আমার গাধায় জিন চাপিয়ে, আমি তাতে চড়ে যাব, যেন আমি মহারাজের সঙ্গেই যেতে পারি।’ কিন্তু আমার দাস সীব আমার সঙ্গে বিশ্বাসঘাতকতা করেছে। 27 সে আমার প্রভু মহারাজের কাছে আমার বদনামও করেছে। আমার প্রভু মহারাজ এক স্বর্গদূতের মতো মানুষ; তাই আপনার যা ইচ্ছা তাই করুন। 28 আমার ঠাকুরদাদার সব বংশধরই আমার প্রভু মহারাজের কাছ থেকে মৃত্যু ছাড়া আর কিছুই পাওয়ার যোগ্য নয়, কিন্তু আপনি সেইসব লোকের মাঝখানে আপনার দাসকে এক স্থান করে দিয়েছেন, যারা আপনার টেবিলে বসে ভোজনপান করে। তাই মহারাজের কাছে আর কোনও আবেদন জানানোর অধিকার কি আমার আছে?” 29 রাজামশাই তাঁকে বললেন, “আর কিছু বলবেই বা কেন? আমি তো তোমাকে ও সীবকে জমি ভাগাভাগি করে নেওয়ার আদেশ দিয়েই দিয়েছি।” 30 মফীবোশৎ রাজাকে বললেন, “এখন যখন আমার প্রভু মহারাজ নিরাপদে বাসায় ফিরে এসেছেন, তখন সেই সবকিছু নিয়ে নিক।” 31

গিলিয়দীয় বর্সিল্লায়ও রোগলীম থেকে রাজার সঙ্গী হয়ে জর্ডন নদী পার  
করে সেখান থেকে তাঁকে পাঠিয়ে দেওয়ার জন্য নেমে এলেন। 32  
বর্সিল্লায় বয়সে বৃদ্ধ ছিলেন, তাঁর বয়স তখন আশি বছর। রাজামশাই  
যখন মহনয়িমে ছিলেন, তখন বর্সিল্লায় তাঁর জন্য খাবারদাবারের  
ব্যবস্থা করলেন, কারণ তিনি খুব ধনী লোক ছিলেন। 33 রাজামশাই  
বর্সিল্লায়কে বললেন, “নদী পার হয়ে আমার সঙ্গে গিয়ে জেরুশালেমে  
থাকুন, আর আমি আপনার জন্য সব ব্যবস্থা করব।” 34 কিন্তু বর্সিল্লায়  
রাজাকে উত্তর দিলেন, “আর কয়বছুরই বা আমি বাঁচব যে মহারাজের  
সঙ্গে আমি জেরুশালেমে গিয়ে থাকব? 35 আমার বয়স এখন আশি  
বছর। কী উপভোগ্য আর কী নয়, তার পার্থক্য কি এখন আমি করতে  
পারি? আপনার এই দাস কি খাদ্য বা পানীয়ের স্বাদ বুঝতে পারে?  
আমি কি এখন আর গায়ক ও গায়িকার সুর শুনতে পারি? আপনার  
এই দাস কেনই বা আমার প্রভু মহারাজের কাছে অতিরিক্ত এক বোঝা  
হয়ে থাকবে? 36 আপনার এই দাস জর্ডন নদী পার হয়ে অল্প কিছু  
দূর মহারাজের সঙ্গে যাবে, কিন্তু কেনই বা মহারাজ এভাবে আমাকে  
পুরস্কৃত করবেন? 37 আপনার দাসকে ফিরে যেতে দিন, যেন আমি  
আমার নিজের নগরে আমার মা-বাবার কবরের কাছেই মরতে পারি।  
কিন্তু এই দেখুন আপনার দাস কিম্হম। একেই আমার প্রভু মহারাজের  
সঙ্গে নদী পার হয়ে যেতে দিন। আপনার যা ইচ্ছা, আপনি এর জন্য  
তাই করুন।” 38 রাজামশাই বললেন, “কিম্হম তো আমার সঙ্গে নদী  
পার হয়ে যাবে, এবং আপনি আমার কাছে যা চান, আমি আপনার জন্য  
তাই করুন।” 39 অতএব সব লোকজন জর্ডন নদী পার হয়ে গেল, এবং  
পরে রাজা নিজে পার হলেন। রাজা বর্সিল্লায়কে চুম্বন করলেন ও তাঁকে  
বিদায় জানিয়েছিলেন, এবং বর্সিল্লায় নিজের ঘরে ফিরে গেলেন। 40  
রাজামশাই যখন নদী পার হয়ে গিল্গলে গেলেন, কিমহম ও তাঁর সঙ্গে  
নদী পার হল। যিহুদার সৈন্যদলের সমষ্টি সৈন্যসামন্ত ও ইস্রায়েলের  
সৈন্যদলের অর্ধেক সৈন্যসামন্ত রাজামশাইকে নিয়ে এসেছিল। 41  
অচিরেই ইস্রায়েলের সব লোকজন রাজার কাছে এসে তাঁকে বলল,  
“আমাদের ভাইরা, যিহুদার লোকজন কেন মহারাজকে চুরি করে

নিয়ে গিয়ে আবার তাঁকে ও তাঁর পরিবার-পরিজনদের তাঁর সব লোকজন সমেত জর্ডন নদী পার করে নিয়ে এসেছে?” 42 যিহূদার সব লোকজন ইস্রায়েলের লোকজনকে বলল, “আমরা এরকম করেছি, কারণ মহারাজ আমাদের ঘনিষ্ঠ আত্মীয়। তোমরা এতে রাগ করছ কেন? আমরা কি মহারাজের কিছু খেয়েছি? আমরা কি নিজেদের জন্য কিছু নিয়েছি?” 43 তখন ইস্রায়েলের লোকজন যিহূদার লোকজনকে উত্তর দিয়েছিল, “মহারাজের উপর আমাদের দশ ভাগ অধিকার আছে; তাই দাউদের উপর তোমাদের তুলনায় আমাদের বেশি দাবি আছে। তোমরা কেন তবে আমাদের অবজ্ঞার চোখে দেখছ? আমরাই কি প্রথমে আমাদের মহারাজকে ফিরিয়ে আনার কথা বলিনি?” কিন্তু যিহূদার লোকজন তাদের দাবিটি ইস্রায়েলের লোকজনের তুলনায় বেশি জোরালোভাবে পেশ করল।

**20** বিখ্রির ছেলে বিন্যামীনীয় শেব নামক এক উত্তেজনা সৃষ্টিকারী লোক সেখানে উপস্থিত ছিল। সে শিঙা বাজিয়ে চিৎকার করে বলল, “দাউদে আমাদের কোনও ভাগ নেই, যিশয়ের ছেলেতে কোনও অংশ নেই! হে ইস্রায়েল, প্রত্যেকে যে যার তাঁরুতে ফিরে যাও!” 2 তাই ইস্রায়েলের সব লোকজন দাউদকে ছেড়ে বিখ্রির ছেলে শেবের অনুগামী হল। কিন্তু যিহূদার লোকজন সেই জর্ডন থেকে জেরশালেম পর্যন্ত তাদের রাজার সাথেই ছিল। 3 দাউদ যখন জেরশালেমে তাঁর প্রাসাদে ফিরে এলেন, তখন তিনি যাদের সেই প্রাসাদ দেখাশোনা করার জন্য ছেড়ে গেলেন, সেই দশজন উপপত্নীকে এনে এমন একটি বাসায় রেখেছিলেন, যেখানে পাহারা বসানো ছিল। তিনি তাদের সব প্রয়োজন মিটিয়েছিলেন, কিন্তু তাদের সঙ্গে কোনো ঘোন সম্পর্ক রাখেননি। বিধবার মতো, আমৃত্যু তাদের বন্দিদশায় দিন কাটাতে হল। 4 পরে রাজামশাই অমাসাকে বললেন, “যিহূদার লোকজনকে তিনদিনের মধ্যে আমার কাছে আসতে বলো, ও তুমি নিজে এখানে থাকো।” 5 কিন্তু অমাসা যখন যিহূদার লোকজনকে ডাকতে গেলেন, তখন তিনি তাঁর জন্য রাজার নির্দিষ্ট করে দেওয়া সময়ের থেকে কিছু বেশি সময় নিয়ে ফেলেছিলেন। 6 দাউদ অবীশয়কে বললেন,

“অবশালোম আমাদের যত না ক্ষতি করল, এখন বিশ্বির ছেলে শেব  
তার চেয়েও বেশি ক্ষতি করবে। তোমার মনিবের লোকজনকে নিয়ে  
তার পিছু ধাওয়া করো, তা না হলে সে সুরক্ষিত কোনো নগর খুঁজে  
নিয়ে আমাদের কাছ থেকে পালিয়ে সেখানে চলে যাবে।” ৭ তাই  
যোয়াবের লোকজন এবং করেথীয়রা ও পলেগীয়রা এবং সব বীর  
যোদ্ধা অবীশয়ের নেতৃত্বাধীন হয়ে বের হল। বিশ্বির ছেলে শেবের  
পশ্চাদ্বাবন করার জন্য তারা জেরশালেম থেকে কুচকাওয়াজ শুরু  
করল। ৮ তারা যখন গিবিয়োনে বিশাল সেই পাথরটির কাছে ছিল,  
অমাসা তাদের সঙ্গে দেখা করতে এলেন। যোয়াবের পরনে ছিল  
সামরিক পোশাক, এবং তাঁর কোমরে বাঁধা ছিল একটি কোমরবন্ধ, ও  
সেখানে ঝুলছিল খাপে পোরা একটি ছোরা। তিনি সামনে এগিয়ে  
গেলে ছোরাটি খাপ থেকে খুলে পড়ে গেল। ৯ যোয়াব অমাসাকে  
বললেন, “ভাই, তুমি কেমন আছ?” পরে যোয়াব ডান হাতে অমাসার  
দাঢ়ি টেনে ধরে তাঁকে চুম্বন করতে গেলেন। ১০ অমাসা যোয়াবের  
হাতে থাকা ছোরার কথা খেয়াল করেননি, আর যোয়াব সেটি অমাসার  
পেটে চুকিয়ে দিলেন, ও তাঁর পেটের নাড়িভুঁড়ি বেরিয়ে মাটিতে পড়ে  
গেল। দ্বিতীয়বার আর যন্ত্রণা করতে হ্যানি, অমাসা মারা গেলেন। পরে  
যোয়াব ও তাঁর ভাই অবীশয় বিশ্বির ছেলে শেবের পশ্চাদ্বাবন করে  
গেলেন। ১১ যোয়াবের লোকজনের মধ্যে একজন অমাসার পাশে  
দাঁড়িয়ে বলল, “যে কেউ যোয়াবকে পছন্দ করে, ও দাউদের পক্ষে  
আছে, সে যোয়াবের অনুগামী হোক!” ১২ পথের মাঝখানে অমাসার  
দেহটি রক্তাত্মক অবস্থায় মাটিতে গড়াগড়ি খাচ্ছিল, ও সেই লোকটি  
দেখেছিল, যেসব সৈন্যসামন্ত সেখানে এসে দাঁড়িয়ে যাচ্ছিল। সে  
যখন বুঝেছিল যে প্রত্যেকেই অমাসার দেহটির কাছে এসে দাঁড়িয়ে  
যাচ্ছে, তখন সে তাঁর দেহটি পথের মাঝখান থেকে টেনে ক্ষেতে  
নিয়ে গেল ও সেটির উপর একটি কাপড় বিছিয়ে দিয়েছিল। ১৩  
অমাসার দেহটি পথ থেকে সরিয়ে ফেলার পর প্রত্যেকেই বিশ্বির ছেলে  
শেবের পশ্চাদ্বাবন করার জন্য যোয়াবের সাথে চলে গেল। ১৪ শেব  
ইস্রায়েলের সব গোষ্ঠীভুক্ত এলাকার মধ্যে দিয়ে ও বিশ্বিয়দের গোটা

অঞ্চল দিয়ে গিয়ে আবেল-বৈৎমাখায় পৌঁছেছিল, ও বিশ্বিয়রা একত্রিত হয়ে শেবের অনুগামী হল। 15 যোয়াবের সব সৈন্যসমন্ত এসে আবেল বেথ-মাখায় শেবকে চারদিক থেকে ঘিরে ধরেছিল। নগর পর্যন্ত তারা অবরোধকারী এক খাড়া বেষ্টন-পথ তৈরি করল, ও সেটি বাইরের দিকের প্রাচীরে উঠে গেল। তারা যখন প্রাচীর ভেঙে ফেলার জন্য বারবার সেখানে সজোরে যন্ত্রণা করছিল, 16 নগর থেকে একজন বুদ্ধিমতী মহিলা বলে উঠেছিল, “শোনো! শোনো! যোয়াবকে এখানে আসতে বলো, যেন আমি তাঁর সাথে কথা বলতে পারি।” 17 তিনি মহিলাটির দিকে এগিয়ে গেলেন, ও সে জিজ্ঞাসা করল, “আপনিই কি যোয়াব?” “হ্যাঁ, আমিই,” তিনি উত্তর দিলেন। মহিলাটি বলল, “আপনার দাসীর যা বলার আছে, তা একটু শুনুন।” “আমি শুনছি,” তিনি বললেন। 18 সে বলে যাচ্ছিল, “বহুকাল আগে লোকে বলত, ‘আবেলে গিয়ে উত্তরাটি জেনে এসো,’ এবং সেভাবেই মামলার নিষ্পত্তি হত। 19 ইস্রায়েলে আমরাই শান্তিপূর্ণ ও বিশৃঙ্খল গোষ্ঠী। আপনি এমন এক নগরকে ধ্বংস করতে চাইছেন, যা ইস্রায়েলে এক মাতৃস্থানীয় নগর। আপনি কেন সদাপ্রভুর উত্তরাধিকার গ্রাস করতে চাইছেন?” 20 “এ কাজ আমার কাছ থেকে দূরে থাকুক!” যোয়াব উত্তর দিলেন, “গ্রাস করার বা ধ্বংস করার বিষয়টি আমার কাছ থেকে দূরে থাকুক! 21 ব্যাপারটি এরকম নয়। ইফ্রিয়েমের পার্বত্য এলাকা থেকে একজন লোক, বিশ্বির ছেলে শেব—মহারাজের বিরুদ্ধে, দাউদের বিরুদ্ধে হাত উঠিয়েছে। এই একটি লোককে আমার হাতে তুলে দাও, আর আমি নগর ছেড়ে চলে যাব।” মহিলাটি যোয়াবকে বলল, “প্রাচীরের উপর থেকেই তার মুণ্ডুটি আপনার কাছে ছুঁড়ে ফেলে দেওয়া হবে।” 22 পরে সেই মহিলাটি তার বিচারবুদ্ধিসম্পন্ন পরামর্শ নিয়ে সব লোকজনের কাছে গেল, ও তারা বিশ্বির ছেলে শেবের মুণ্ডু কেটে সেটি যোয়াবের কাছে ছুঁড়ে ফেলে দিয়েছিল। তিনি তখন শিঙ্গা বাজিয়েছিলেন, ও তাঁর লোকজন সেই নগরটি ছেড়ে নিজের নিজের বাসায় ফিরে গেল। যোয়াবও জেরুশালেমে রাজার কাছে ফিরে গেলেন। 23 যোয়াব ছিলেন ইস্রায়েলের সমগ্র সৈন্যদলের প্রধান সেনাপতি; যিহোয়াদার ছেলে

বনায় ছিলেন করেথীয় ও পলেথীয়দের প্রধান; 24 অদোনীরাম বেগার শ্রমিকদের দেখাশোনার দায়িত্বে ছিলেন; অহীলুদের ছেলে যিহোশাফট ছিলেন লিপিকার; 25 শ্বা ছিলেন সচিব; সাদোক ও অবিয়াথর ছিলেন যাজক; 26 এবং যায়ীরীয় ঈরা ছিলেন দাউদের ব্যক্তিগত যাজক।

**21** দাউদের রাজত্বকালে পরপর তিন বছর দেশে দুর্ভিক্ষ হল; তাই দাউদ সদাপ্রভুর কাছে এর কারণ জানতে চেয়েছিলেন। সদাপ্রভু বললেন, “শৌল ও তার পরিবারে রক্তপাতের দোষ আছে বলেই এমনটি হয়েছে; শৌল যেহেতু গিবিয়োনীয়দের হত্যা করেছিল, তাই এমনটি হয়েছে।” 2 রাজামশাই গিবিয়োনীয়দের তেকে পাঠিয়ে তাদের সঙ্গে কথা বললেন। (এদিকে গিবিয়োনীয়রা তো ইস্রায়েল জাতিভুক্ত ছিল না, কিন্তু তারা ছিল ইয়োরীয়দের উত্তরজীবী; ইস্রায়েলীরা তাদের রেহাই দেওয়ার বিষয়ে শপথ করল, কিন্তু ইস্রায়েল ও যিহুদার হয়ে উদ্যোগ দেখাতে গিয়ে শৌল তাদের নির্মূল করার চেষ্টা চালিয়েছিলেন)

3 দাউদ গিবিয়োনীয়দের জিজ্ঞাসা করলেন, “আমি তোমাদের জন্য কী করতে পারি? আমি কীভাবে ক্ষতিপূরণ করব যে তোমরা সদাপ্রভুর উত্তরাধিকারকে আশীর্বাদ করবে?” 4 গিবিয়োনীয়রা তাঁকে উত্তর দিয়েছিল, “শৌল বা তাঁর পরিবারের থেকে রূপো বা সোনা দাবি করার আমাদের কোনও অধিকার নেই, আর না আমাদের এই অধিকার আছে যে আমরা ইস্রায়েলে কাউকে মেরে ফেলতে পারব।” “তোমরা কী চাও, আমি তোমাদের জন্য কী করব?” দাউদ জিজ্ঞাসা করলেন।

5 তারা রাজামশাইকে উত্তর দিয়েছিল, “যিনি আমাদের সংহার করলেন এবং যেন আমরা ধ্বংস হয়ে যাই ও ইস্রায়েলে কোথাও আমাদের কোনও স্থান না থাকে, আমাদের বিরুদ্ধে যিনি এই ষড়যন্ত্র রচনা করলেন, 6 তাঁর পুরুষ বংশধরদের মধ্যে থেকে সাতজনকে আমাদের হাতে তুলে দেওয়া হোক, যেন আমরা তাদের হত্যা করে দেহগুলি সদাপ্রভুর মনোনীত লোক—শৌলের নগর গিবিয়াতে সদাপ্রভুর সামনে প্রকাশ্যে টাঙিয়ে দিতে পারি।” রাজা তখন বললেন, “আমি তাদের তোমাদের হাতে তুলে দেব।” 7 রাজা দাউদ সদাপ্রভুর সামনে তাঁর ও শৌলের ছেলে যোনাথনের মধ্যে করা শপথের খাতিরে

শৌলের নাতি ও যোনাথনের ছেলে মফীবোশৎকে রেহাই দিলেন। ৪  
কিন্তু রাজামশাই অয়ার মেয়ে রিস্পাৰ গৰ্ভজাত শৌলের দুই ছেলে  
অর্মাণি ও মফীবোশৎকে, এবং শৌলের মেয়ে মীখলের সেই পাঁচ  
ছেলেকে, যাদের সে মহোলাতীয় বৰ্সিল্লয়ের ছেলে অদ্বীয়েলের জন্য  
জন্ম দিয়েছিল, তুলে এনেছিলেন। ৫ তিনি তাদের গিবিয়োনীয়দের  
হাতে তুলে দিলেন, এবং তারা তাদের হত্যা করে দেহগুলি সদাপ্রভুর  
সামনে একটি পাহাড়ের চূড়ায় প্রকাশ্যে টাঙিয়ে দিয়েছিল। সাতজনের  
প্রত্যেকে একইসাথে মারা গেল; ফসল কাটার দিন আৱস্ত হওয়ামাত্ৰ,  
যব কাটা মাত্ৰ শুরু হতে চলেছে, ঠিক তখনই তাদের মেরে ফেলা হল।  
১০ অয়ার মেয়ে রিস্পা একটি বড়ো পাথৰের উপর নিজের জন্য একটি  
চট বিছিয়েছিল। ফসল কাটার দিন শুরু হওয়া থেকে আৱস্ত করে  
যতদিন না আকাশ থেকে বৃষ্টি এসে সেই দেহগুলি ভিজিয়ে দিয়েছিল,  
সে না দিনে পাখিদের, না রাতে বুনো পশুদের সেগুলি স্পৰ্শ করতে  
দিয়েছিল ১১ অয়ার মেয়ে তথা শৌলের উপপত্নী রিস্পা কী কৱল, তা  
যখন দাউদকে বলা হল, ১২ তখন তিনি গিয়ে যাবেশ-গিলিয়দের  
নগরবাসীদের কাছ থেকে শৌল ও তাঁর ছেলে যোনাথনের অস্তি নিয়ে  
এলেন। (ফিলিস্তিনীরা গিলবোয়ে শৌলকে আঘাত করে মেরে ফেলে  
দেওয়ার পর যখন তাদের দেহগুলি বেথ-শানের খোলা চকে টাঙিয়ে  
রেখেছিল, তারা সেখান থেকে দেহগুলি চুৰি করে এনেছিল) ১৩ দাউদ  
সেখান থেকে শৌল ও তাঁর ছেলে যোনাথনের অস্তি জোগাড় করে  
এনেছিলেন, এবং তাদেরও অস্তি সংগ্ৰহ কৰা হল, যাদের হত্যা করে  
টাঙিয়ে দেওয়া হল। ১৪ তারা বিন্যামীনের সেলায় শৌলের বাবা  
কীশের কবরে শৌল ও তাঁর ছেলে যোনাথনের অস্তি কবৰ দিয়েছিল,  
এবং সবকিছুই রাজার আদেশমতোই কৱল। পৱেই, ঈশ্বর দেশের  
জন্য কৱা প্রার্থনার উত্তর দিলেন। ১৫ আৱস্ত একবাৰ ফিলিস্তিনী ও  
ইস্রায়েলীদের মধ্যে যুদ্ধ বেধে গেল। দাউদ তাঁৰ লোকজনকে সঙ্গে  
নিয়ে ফিলিস্তিনীদের বিৰুদ্ধে যুদ্ধ কৰতে নেমে গেলেন, ও তিনি ক্লান্ত  
হয়ে পড়েছিলেন ১৬ ইত্যবসৱে রফার বংশধরদের মধ্যে একজন, সেই  
যিশবী-বনোৰ, যার বৰ্ষাৰ ফলাটি ব্ৰাঞ্জেৰ ছিল ও যেটিৰ ওজন ছিল

তিনশো শেকল এবং নতুন এক তরোয়ালে যে সুসজ্জিত ছিল, সে বলল দাউদকে সে হত্যা করবে। 17 কিন্তু সরয়ার ছেলে অবীশয় দাউদকে বাঁচাতে এগিয়ে এলেন; তিনি সেই ফিলিস্তিনীকে আঘাত করে মেরে ফেলেছিলেন। পরে দাউদের লোকজন শপথ করে তাঁকে বলল, “আপনি আর কখনও আমাদের সঙ্গে যুদ্ধে যাবেন না, যেন ইস্রায়েলের প্রদীপ কখনও না নেতে।” 18 কালক্রমে, গোবে ফিলিস্তিনীদের সঙ্গে তাদের অন্য একটি যুদ্ধ হল। সেই সময় হৃষাতীয় সিরিখয় সেই সফকে হত্যা করল, যে ছিল রফার বংশধরদের মধ্যে একজন। 19 ফিলিস্তিনীদের সঙ্গে গোবে অন্য একটি যুদ্ধে বেথলেহেমীয় যায়ীরের ছেলে ইলহানন গাতীয় গলিয়াতের সেই ভাইকে হত্যা করল, যার বর্ণার হাতলটি ছিল তাঁতির দণ্ডের মতো। 20 গাতে সম্পন্ন অন্য আর একটি যুদ্ধে, এক-একটি হাতে ছয়টি করে ও এক-একটি পায়ে ছয়টি করে, মোট চৰিশাটি আঙুল-বিশিষ্ট দৈত্যাকার একজন লোক যুদ্ধ করছিল। সেও রফারই বংশধর ছিল। 21 সে যখন ইস্রায়েলকে বিদ্রূপের খোঁচা দিয়েছিল, তখন দাউদের ভাই শিমিয়ের ছেলে যোনাথন তাকে হত্যা করল। 22 গাতের এই চারজনই রফার বংশধর ছিল, এবং তারা দাউদ ও তাঁর লোকজনের হাতে মারা গেল।

**22** সদাপ্রভু যখন দাউদকে তাঁর সব শক্তির তথা শৌলের হাত থেকে উদ্বার করলেন, তখন সদাপ্রভুর উদ্দেশে তিনি এই গানের কথাগুলি গেয়ে উঠেছিলেন। 2 তিনি বললেন: “সদাপ্রভু আমার শৈল, আমার উচ্চদুর্গ ও আমার উদ্বারকর্তা; 3 আমার ঈশ্বরই আমার শৈল, যাঁতে আমি আশ্রয় নিই, আমার ঢাল ও আমার ত্রাণশৃঙ্গ। তিনিই আমার দুর্গ, আমার আশ্রয়স্থল ও আমার পরিত্রাতা। মারমুখী লোকদের হাত থেকে তুমিই আমাকে রক্ষা করে থাকো। 4 “আমি সদাপ্রভুকে ডাকলাম, যিনি প্রশংসার যোগ্য, এবং শক্তিদের হাত থেকে উদ্বার পেয়েছি। 5 মৃত্যুর বাঁধন আমাকে আবদ্ধ করেছিল; ধ্বংসের স্ত্রোত আমাকে বিধ্বস্ত করেছিল। 6 পাতালের বাঁধন আমাকে জড়িয়ে ধরেছিল; মৃত্যুর ফাঁদ আমার সমুখীন হয়েছিল। (Sheol h7585) 7 “সংকটে আমি সদাপ্রভুকে ডাকলাম; আমার ঈশ্বরের কাছে ডাকলাম। তাঁর মন্দির থেকে তিনি

আমার গলার স্বর শুনলেন; আমার কান্না তাঁর কানে পৌঁছাল। ৪  
তখন পৃথিবী টলে উঠল, কেঁপে উঠল, আকাশমণ্ডলের ভিত্তি নড়ে  
উঠল; কেঁপে উঠল তাঁর ক্ষেত্রের কারণে। ৫ তাঁর নাক থেকে ধোঁয়া  
হল; মুখ থেকে গ্রাসকারী আগুন বেরিয়ে এল, জ্বল্ত কয়লা প্রজ্বলিত  
হল। ১০ তিনি আকাশমণ্ডল ভেদ করলেন ও নেমে এলেন; তাঁর  
পায়ের তলায় অঙ্ককার মেঘ ছিল। ১১ করুবের পিঠে চড়ে তিনি উড়ে  
গেলেন; বাতাসের ডানায় তিনি উড়ে এলেন। ১২ তিনি অঙ্ককারকে  
তাঁর চারপাশের আচ্ছাদন করলেন, আকাশের অঙ্ককারাচ্ছন্ন মেঘ  
চতুর্দিকে ঘিরে রাখল তাঁকে। ১৩ তাঁর উপস্থিতির উজ্জ্বলতা থেকে  
বজ্রপাতে আগুন ফেটে পড়েছিল। ১৪ আকাশ থেকে সদাপ্রভু বজ্রনাদ  
করলেন; শিলাবৃষ্টি ও বজ্রবিদ্যুতের মাঝে প্রতিধ্বনিত হল পরাংপরের  
কণ্ঠস্বর। ১৫ তিনি তাঁর তির ছুঁড়লেন ও শক্রদের ছ্রিভঙ্গ করে দিলেন,  
বজ্রবিদ্যুতের সাথে তাদের পর্যন্ত করলেন। ১৬ সদাপ্রভুর আদেশে  
তাঁর নাকের নিঃশ্বাসের বিস্ফোরণে, সাগরের তলদেশ উন্মুক্ত হল,  
আর পৃথিবীর ভিত্তিমূল অনাবৃত হল। ১৭ “তিনি আকাশ থেকে হাত  
বাঢ়ালেন ও আমাকে ধারণ করলেন; গভীর জলরাশি থেকে আমাকে  
টেনে তুললেন। ১৮ আমার শক্তিশালী শক্তির কবল থেকে তিনি আমাকে  
রক্ষা করলেন, যারা আমাকে ঘৃণা করত তাদের হাত থেকে, আর তারা  
আমার জন্য খুবই শক্তিশালী ছিল। ১৯ আমার বিপদের দিনে তারা  
আমার মোকাবিলা করেছিল, কিন্তু সদাপ্রভু আমার সহায় ছিলেন।  
২০ তিনি আমায় মুক্ত করে এক প্রশস্ত স্থানে আনলেন, তিনি আমায়  
উদ্বার করলেন, কারণ তিনি আমাতে সন্তুষ্ট ছিলেন। ২১ “আমার  
ধার্মিকতা অনুযায়ী সদাপ্রভু আমায় প্রতিফল দিলেন, আমার হাতের  
পরিচ্ছন্নতা অনুযায়ী আমাকে পুরক্ষত করলেন। ২২ কারণ আমি  
সদাপ্রভুর নির্দেশিত পথে চলেছি, আমার ঈশ্বরকে পরিত্যাগ করার  
অপরাধী আমি নই। ২৩ তাঁর সব বিধান আমার সামনে রয়েছে, তাঁর  
আদেশ থেকে আমি কখনও দূরে সরে যাইনি। ২৪ তাঁর সামনে আমি  
নিজেকে নির্দোষ রেখেছি আর পাপ থেকে নিজেকে সরিয়ে রেখেছি।  
২৫ যা ন্যায়পরায়ণ তা পালন করার জন্য সদাপ্রভু আমায় পুরক্ষার

দিয়েছেন, তাঁর দৃষ্টিতে আমার বিশুদ্ধতা দেখে। 26 “যারা বিশুদ্ধ,  
তাদের প্রতি তুমি বিশুদ্ধ, যারা নির্দোষ, তাদের প্রতি তুমি সিদ্ধ, 27  
যারা শুন্দ, তাদের প্রতি তুমি শুন্দ, কিন্তু যারা কুটিল, তাদের প্রতি তুমি  
চতুর আচরণ করো। 28 তুমি নন্দকে রক্ষা করো, কিন্তু অহংকারীদের  
নত করার জন্য তোমার দৃষ্টি তাদের উপর আছে। 29 তুমি, সদাপ্রভু,  
আমার প্রদীপ; সদাপ্রভু আমার আঁধার আলোতে পরিণত করলেন। 30  
তোমার সাহায্যে আমি বিপক্ষের বিরুদ্ধে অগ্রসর হতে পারি; আমার  
ঈশ্বর সহায় হলে আমি প্রাচীর অতিক্রম করতে পারি। 31 “ঈশ্বরের  
সমস্ত পথ সিদ্ধ: সদাপ্রভুর বাক্য নিখুঁত; যারা তাঁতে শরণ নেয় তিনি  
তাদের ঢাল। 32 কারণ সদাপ্রভু ছাড়া আর ঈশ্বর কে আছে? আমাদের  
ঈশ্বর ছাড়া আর শৈল কে আছে? 33 ঈশ্বর আমায় শক্তি জোগান আর  
আমার পথ সুরক্ষিত রাখেন। 34 তিনি আমার পা হরিণের পায়ের মতো  
করেন; উঁচু স্থানে দাঁড়াতে আমাকে সক্ষম করেন। 35 তিনি আমার  
হাত যুদ্ধের জন্য প্রশিক্ষিত করেন; আমার বাহু পিতলের ধনুক বাঁকাতে  
পারে। 36 রক্ষাকারী সাহায্য দিয়ে আমার ঢাল গড়েছ; তোমার দেওয়া  
সাহায্য আমায় মহান করেছে। 37 তুমি আমার চলার পথ প্রশস্ত করেছ,  
যেন আমার পা পিছলে না যায়। 38 “আমি শক্রদের পিছনে ধাওয়া  
করে তাদের চূর্ণবিচূর্ণ করেছি; তারা ধ্বংস না হওয়া পর্যন্ত আমি পিছু  
হচ্ছি। 39 আমি তাদের পুরোপুরি চূর্ণবিচূর্ণ করেছি, যেন তারা আর  
উঠে দাঁড়াতে না পারে; তারা আমার পায়ের তলায় পতিত হয়েছে।  
40 যুদ্ধের জন্য তুমি আমাকে শক্তি দিয়েছ; আমার সামনে আমার  
বিপক্ষদের তুমি নত করেছ। 41 আমার শক্রদের তুমি পিছু ফিরে  
পালাতে বাধ্য করেছ, আর আমি আমার প্রতিপক্ষদের ধ্বংস করেছি।  
42 তারা সাহায্যের জন্য আর্তনাদ করেছে, কিন্তু কেউ তাদের রক্ষা  
করেনি, তারা সদাপ্রভুকে ডেকেছে কিন্তু তিনি তাদের ডাকে সাড়া  
দেননি। 43 পৃথিবীর ধূলিকণার মতো মিহি করে আমি তাদের গুঁড়ো  
করেছি; পথের কাদা-মাটির মতো আমি তাদের পিষ্ট করে মাড়িয়েছি।  
44 “তুমি আমাকে লোকেদের আক্রমণ থেকে বাঁচিয়েছ; তুমি আমাকে  
জাতিদের কর্তারূপে তুমি আমায় রক্ষা করেছ। আমার অপরিচিত

লোকেরাও এখন আমার সেবা করে, 45 অইহুদিরা আমার সামনে  
 মাথা নত হয়ে থাকে; যে মুহূর্তে তারা আমার আদেশ শোনে, তা  
 পালন করে। 46 তারা সবাই সাহস হারায়; কাঁপতে কাঁপতে তারা  
 তাদের দুর্গ থেকে বেরিয়ে আসে। 47 “সদাপ্রভু জীবিত! আমার শৈলের  
 প্রশংসা হোক! আমার ঈশ্বর, আমার শৈল, আমার পরিত্রাতার গৌরব  
 হোক! 48 তিনিই সেই ঈশ্বর যিনি আমার হয়ে প্রতিশোধ নেন, যিনি  
 জাতিদের আমার অধীনস্থ করেন, 49 যিনি শক্রদের কবল থেকে  
 আমাকে উদ্ধার করেন। আমার প্রতিপক্ষদের থেকে তুমি আমাকে  
 উন্নত করেছ; মারমুখী লোকের কবল থেকে তুমি আমাকে রক্ষা করেছ।  
 50 তাই, হে সদাপ্রভু, আমি জাতিদের মাঝে তোমার প্রশংসা করব;  
 আমি তোমার নামের প্রশংসাগান করব। 51 “তিনি তাঁর রাজাকে মহান  
 বিজয় প্রদান করেন; তাঁর অভিষিক্ত দাউদ ও তাঁর বংশধরদের প্রতি  
 তিনি চিরকাল তাঁর অবিচল দয়া প্রদর্শন করেন।”

**23** এগুলিই হল দাউদের শেষ সময়ে বলা কথা: “যিশয়ের ছেলে  
 দাউদের অনুপ্রাণিত উক্তি, পরাত্পর দ্বারা উন্নত ব্যক্তির এই উক্তি,  
 যাকোবের ঈশ্বর যাঁকে অভিষিক্ত করেছেন, ইস্রায়েলের মধ্যে যিনি  
 মধুর গায়ক: 2 “সদাপ্রভুর আত্মা আমার মাধ্যমে বলেছেন; তাঁর বাক্য  
 আমার কঠে ছিল। 3 ইস্রায়েলের ঈশ্বর বলেছেন, ইস্রায়েলের পাষাণ-  
 পাথর আমাকে বলেছেন: ‘ন্যায়পরায়ণতায় যখন কেউ প্রজাদের উপর  
 রাজত্ব করে, যখন সে ঈশ্বর ভয়ে শাসন করে, 4 সে সূর্যোদয়ে প্রভাতি  
 আলোর মতো মেঘশূণ্য সকালে যা দেখা যায়, বৃষ্টির পরে পাওয়া  
 উজ্জ্বলতার মতো যা দিয়ে মাটিতে ঘাস জন্মায়।’ 5 “আমার বংশ  
 যদি ঈশ্বরের কাছে যথাযথ না হত, অবশ্যই তিনি আমার সঙ্গে এক  
 চিরস্থায়ী নিয়ম স্থির করতেন না, যা সবদিক থেকে সুব্যবস্থিত ও  
 সুরক্ষিত; অবশ্যই আমার পরিত্রাণ তিনি সার্থক করতেন না আর আমার  
 প্রত্যেকটি মনোবাঞ্ছা পূরণ করতেন না। 6 কিন্তু দুষ্ট লোকেরা সেইসব  
 কাঁটার মতো ছুঁড়ে ফেলার যোগ্য, যেগুলি হাত দিয়ে সংগ্রহ করা হয়  
 না। 7 যে কেউ কাঁটা স্পর্শ করে সে লোহার এক যন্ত্র বা এক বর্ণফলক  
 ব্যবহার করে; সেগুলি যেখানে পড়ে থাকে সেখানেই আগুনে ভস্তীভূত

হয়।” ৪ দাউদের বলবান যোদ্ধাদের নাম এইরকম: তখমোনীয় যোশেব-বশেবৎ, তিনি তিনজনের মধ্যে প্রধান ছিলেন; তিনি ৪০০ জনের বিরংদে তাঁর বর্ণা উত্তোলন করলেন, ও একবারেই তাদের মেরে ফেলেছিলেন। ৫ তাঁর পরবর্তীজন ছিলেন অহোহীয় দোদয়ের ছেলে ইলিয়াসর। ফিলিস্তিনীরা যখন পস-দম্বীমে যুদ্ধ করার জন্য সমবেত হল, তখন যারা তাদের বিদ্রুপ করার জন্য দাউদের কাছে ছিলেন, সেই তিনজন বলবান যোদ্ধার মধ্যে তিনিও একজন। পরে ইস্রায়েলীরা পিছিয়ে এসেছিল, ১০ কিন্তু ইলীয়াসর ততক্ষণ পর্যন্ত মাটি কামড়ে দাঁড়িয়ে থেকে ফিলিস্তিনীদের যন্ত্রণা করে গেলেন, যতক্ষণ না তাঁর হাত অবশ হয়ে তরোয়ালে জমে গেল। সেদিন সদাপ্রভু মহাবিজয় এনে দিলেন। সৈন্যসামন্তরা ইলিয়াসরের কাছে ফিরে গেল, কিন্তু শুধু মৃতদেহটির সাজপোশাক খুলে ফেলার জন্যই। ১১ তাঁর পরবর্তীজন ছিলেন হরারীয় আগির ছেলে শম্ম। মসুর ক্ষেত্রের কাছে একটি স্থানে যখন ফিলিস্তিনীরা সমবেত হল, তখন ইস্রায়েলী সৈন্যসামন্তরা তাদের কাছ থেকে পালিয়ে গেল। ১২ কিন্তু শম্ম ক্ষেত্রের মাঝখানে মাটি কামড়ে দাঁড়িয়ে গেলেন। তিনি সেটি রক্ষা করলেন ও ফিলিস্তিনীদের আঘাত করে মেরে ফেলেছিলেন, এবং সদাপ্রভু এক মহাবিজয় এনে দিলেন। ১৩ ফসল কাটার সময়, ত্রিশজন প্রধান যোদ্ধাদের মধ্যে তিনজন অদুঃস্ম গুহায় দাউদের কাছে এলেন, অন্যদিকে একদল ফিলিস্তিনী রফায়ীম উপত্যকায় শিবির করে বসেছিল। ১৪ সেই সময় দাউদ দুর্গের মধ্যেই ছিলেন, এবং দুর্গ রক্ষার জন্য মোতায়েন ফিলিস্তিনী সৈন্যদল বেথলেহেমে অবস্থান করছিল। ১৫ দাউদ তৃষ্ণায় কাতর হয়ে বলে উঠেছিলেন, “হায়, কেউ যদি আমার জন্য বেথলেহেমের ফটকের কাছে অবস্থিত সেই কুয়ো থেকে একটু জল এনে দিত!” ১৬ অতএব সেই তিনজন বলবান যোদ্ধা ফিলিস্তিনী সৈন্যশিবির পার করে বেথলেহেমের সিংহদুয়ারের কাছে অবস্থিত কুয়ো থেকে জল তুলে দাউদের কাছে নিয়ে এলেন। কিন্তু তিনি তা পান করতে চাননি; তা না করে, তিনি সেই জল সদাপ্রভুর সামনে ঢেলে দিলেন। ১৭ “হে সদাপ্রভু, এমন কাজ যেন আমি না করি!” তিনি বললেন। “এ কি সেই

লোকদের রক্ত নয়, যারা তাদের প্রাণ বিপন্ন করে গেল?" দাউদ তাই  
সেই জলপান করেননি। সেই তিনজন বলবান যোদ্ধার এই সেই উজ্জ্বল  
কীর্তি। 18 সরয়ার ছেলে, যোয়াবের ভাই অবীশয় সেই তিনজনের  
মধ্যে প্রধান ছিলেন। তিনি তিনশো জনের বিরুদ্ধে বর্ষা তুলেছিলেন  
ও তাদের হত্যা করলেন, এবং এভাবেই তিনিও সেই তিনজনের  
মতো বিখ্যাত হয়ে গেলেন। 19 তাঁকে কি সেই তিনজনের তুলনায়  
বেশি সম্মান দেওয়া হয়নি? তিনিই তাদের সেনাপতি হলেন, যদিও  
তাঁকে তাদের মধ্যে ধরা হত না। 20 কব্সীলের এক বীর যোদ্ধা, তথা  
যিহোয়াদার ছেলে বনায় বিশাল সব উজ্জ্বল কীর্তি স্থাপন করলেন।  
তিনি মোয়াবের অত্যন্ত বলশালী দুই যোদ্ধাকে মেরে ফেলেছিলেন।  
এছাড়াও একদিন যখন খুব তুষারপাত হচ্ছিল, তখন তিনি একটি  
গর্তের মধ্যে নেমে গিয়ে একটি সিংহকে মেরে ফেলেছিলেন। 21 এক  
বিশালদেহী মিশরীয়কেও তিনি আঘাত করে মেরে ফেলেছিলেন।  
যদিও সেই মিশরীয়র হাতে ছিল একটি বর্ষা, বনায় একটি মুগুর নিয়ে  
তার বিরুদ্ধে রঞ্চে দাঁড়িয়েছিলেন। তিনি সেই মিশরীয়র হাত থেকে  
বর্ষাটি কেড়ে নিয়ে সেটি দিয়েই তাকে হত্যা করলেন। 22 যিহোয়াদার  
ছেলে বনায়ের উজ্জ্বল সব কীর্তি এরকমই ছিল; তিনিও সেই তিনজন  
বলবান যোদ্ধার মতোই বিখ্যাত হয়ে গেলেন। 23 সেই ত্রিশজনের  
মধ্যে যে কোনো একজনের তুলনায় তাঁকেই বেশি সম্মান দেওয়া হত,  
কিন্তু তিনি সেই তিনজনের মধ্যে গণ্য হননি। আর দাউদ তাঁকে তাঁর  
দেহরক্ষীদের তত্ত্বাবধায়ক করে দিলেন। 24 সেই ত্রিশজনের মধ্যে  
ছিলেন: যোয়াবের ভাই অসাহেল, বেথলেহেমের অধিবাসী দোদয়ের  
ছেলে ইলহানন, 25 হরোদীয় শম্মা, হরোদীয় ইলীকা, 26 পল্টায় হেলস,  
তকোয়ের অধিবাসী ইক্কেশের ছেলে সুরা, 27 অনাথোতের অধিবাসী  
অবীয়েষর, হুশাতীয় সিরবখয়, 28 অহোহীয় সল্মন, নটোফাতীয়  
মহরয়, 29 নটোফাতীয় বানার ছেলে হেলদ, বিন্যামীন প্রদেশে অবস্থিত  
গিবিয়ার অধিবাসী রীবয়ের ছেলে ইত্তয়, 30 পিরিয়াথোনীয় বনায়, গাশ  
গিরিখাতের অধিবাসী হিন্দয়, 31 অর্বতীয় অবি-য়লবোন, বাহরুমীয়  
অস্মাবৎ, 32 শালবোনীয় ইলিয়হবা, যাশেনের ছেলেরা, যোনাথন, 33

যিনি ছিলেন হরারীয় শম্ভুর ছেলে, হরারীয় সাররের ছেলে অহীয়াম, 34  
মাখাতীয় অহসবায়ের ছেলে ইলীফেলট, গীলোনীয় অহীথোফলের  
ছেলে ইলিয়াম, 35 কর্মিলীয় হিন্দ্রয়, অবীয় পারয়, 36 সোবার অধিবাসী  
নাথনের ছেলে যিগাল, হগ্রির ছেলে গাদীয় বানী, 37 অম্মোনীয় সেলক,  
সরয়ার ছেলে যোয়াবের অস্ত্র বহনকারী বেরোতীয় নহরয়, 38 যিত্রীয়  
ঈরা, যিত্রীয় গারেব 39 এবং হিতীয় উরিয়। সবসুন্দ মোট সাঁইত্রিশজন  
ছিল।

**24** আরেকবার সদাপ্রভুর ক্রোধ ইস্রায়েলের উপর জ্বলে উঠেছিল,  
এবং এই বলে তিনি তাদের বিরুদ্ধে দাউদকে প্ররোচিত করলেন,  
“যাও, গিয়ে ইস্রায়েল ও যিহুদার জনগণনা করো।” 2 অতএব  
রাজামশাই যোয়াব ও তাঁর সঙ্গে থাকা সেনাপতিদের বললেন, “দান  
থেকে বের-শেবা পর্যন্ত ইস্রায়েলের সব গোষ্ঠীর কাছে যাও ও যোদ্ধাদের  
এক তালিকা তৈরি করো, যেন আমি জানতে পারি তারা সংখ্যায় ঠিক  
কতজন।” 3 কিন্তু যোয়াব রাজাকে উত্তর দিলেন, “আপনার ঈশ্বর  
সদাপ্রভু যেন সৈন্যসামন্তের সংখ্যা একশো গুণ বাঢ়িয়ে দেন, ও আমার  
প্রভু মহারাজ যেন স্বচক্ষে তা দেখতে পান। কিন্তু আমার প্রভু মহারাজ  
কেন এমনটি করতে চাইছেন?” 4 রাজার আদেশে অবশ্য যোয়াব ও  
সেনাপতিদের কথা নাকচ হয়ে গেল; তাই তারা ইস্রায়েলের যোদ্ধাদের  
তালিকা তৈরি করার জন্য রাজার সামনে থেকে চলে গেলেন। 5  
জর্ডন নদী পার হওয়ার পর, তারা অরোয়ের কাছে, নগরাটির দক্ষিণ  
দিকের গিরিখাতে শিবির স্থাপন করলেন, এবং পরে গাদের মধ্যে  
দিয়ে যাসেরে গেলেন। 6 তারা গিলিয়দে ও তহতীম-হদশি এলাকায়,  
ও সেখান থেকে দান-যান হয়ে ঘুরে সৌদোনের দিকে চলে গেলেন। 7  
পরে তারা সোরের দুর্গের এবং হিবীয় ও কনানীয়দের সব নগরের  
দিকে চলে গেলেন। সবশেষে, তারা যিহুদার নেগেতে অবস্থিত বের-  
শেবায় চলে গেলেন। 8 সম্পূর্ণ দেশের এক প্রান্ত থেকে অন্য প্রান্ত  
পর্যন্ত ঘুরে এসে তারা নয়মাস কুড়ি দিন পর জেরুশালেমে ফিরে  
এলেন। 9 যোয়াব রাজার কাছে যোদ্ধাদের সংখ্যার বিবরণ দিলেন:  
ইস্রায়েলে তরোয়াল চালাতে সক্ষম ও সুস্থান্ত্রের অধিকারী আট লক্ষ,

এবং যিহুদায় এরকম পাঁচ লক্ষ লোক ছিল। 10 যোদ্ধাদের সংখ্যা গণনা করার পর দাউদ বিবেকের দংশনে বিন্দ হলেন, ও তিনি সদাপ্রভুকে বললেন, “এ কাজ করে আমি মহাপাপ করে ফেলেছি। এখন, হে সদাপ্রভু, আমি মিনতি জানাচ্ছি, তোমার দাসের অপরাধ ক্ষমা করো। আমি মহামূর্খের মতো কাজ করেছি।” 11 পরদিন সকালে দাউদ ঘুম থেকে ওঠার আগেই সদাপ্রভুর বাক্য দাউদের দর্শক ভাববাদী গাদের কাছে উপস্থিত হল: 12 “যাও, দাউদকে গিয়ে বলো, ‘সদাপ্রভু একথাই বলেন: আমি তোমার সামনে তিনটি বিকল্প রাখছি। সেগুলির মধ্যে একটিকে তুমি বেছে নাও, যেন আমি সেটিই তোমার বিরংদে প্রয়োগ করতে পারি।’” 13 অতএব গাদ দাউদের কাছে গিয়ে তাঁকে বললেন, “আপনার দেশে কি তিনি বছর ধরে দুর্ভিক্ষ চলবে? অথবা আপনার শক্রুরা যখন আপনার পশ্চাদ্বাবন করবে, তখন তিনি মাস ধরে আপনি কি তাদের হাত থেকে পালিয়ে বেড়াবেন? বা আপনার দেশে কি তিনি দিন ধরে মহামারি চলবে? তবে এখন এ বিষয়ে ভাবুন ও সিদ্ধান্ত নিন, যিনি আমাকে পাঠিয়েছেন তাঁকে আমি কী উত্তর দেব।” 14 দাউদ গাদকে বললেন, “আমি খুব বিপদে পড়েছি। সদাপ্রভুর হাতেই পড়া যাক, কারণ তাঁর দয়া সুমহান; তবে আমরা যেন মানুষের হাতে না পড়ি।” 15 অতএব সেদিন সকাল থেকে শুরু করে নিরাপিত সময়ের সমাপ্তি পর্যন্ত সদাপ্রভু ইস্রায়েলে এক মহামারি পাঠালেন, এবং দান থেকে বের-শেবা পর্যন্ত সত্ত্বর হাজার লোক মারা গেল। 16 স্বর্গদৃত যখন জেরুশালেম ধ্বংস করার জন্য হাত বাড়িয়েছিলেন, তখন সেই দুর্বিপাকের বিষয়ে সদাপ্রভু দয়ার্দ হলেন ও লোকজনকে যিনি যন্ত্রণা দিছিলেন, সেই স্বর্গদৃতকে তিনি বললেন, “যথেষ্ট হয়েছে! তোমার হাত সরিয়ে নাও।” সদাপ্রভুর দৃত তখন যিবূষীয় অরৌগার খামারে ছিলেন। 17 যিনি লোকজনকে আঘাত করছিলেন, সেই স্বর্গদৃতকে দাউদ যখন দেখতে পেয়েছিলেন, তখন তিনি সদাপ্রভুকে বললেন, “আমি পাপ করেছি; আমিই, এই পালক, অন্যায় করেছি। এরা তো সব মেষের মতো। এরা কী করেছে? তোমার হাত আমার ও আমার পরিবারের উপরেই এসে পড়ুক।” 18 সেদিনই গাদ দাউদের কাছে

গিয়ে তাঁকে বললেন, “যান, যিবৃষীয় অরোগার খামারে গিয়ে সদাপ্রভুর  
উদ্দেশে একটি যজ্ঞবেদি নির্মাণ করুন।” 19 অতএব সদাপ্রভু গাদের  
মাধ্যমে যে আদেশ দিলেন, তা পালন করতে দাউদ উঠে চলে গেলেন।  
20 অরোগা যখন চোখ তুলে চেয়ে দেখেছিলেন যে রাজামশাই ও তাঁর  
কর্মচারীরা তাঁর দিকে এগিয়ে আসছেন, তখন তিনি বাইরে গিয়ে  
মাটিতে উরুড় হয়ে রাজাকে প্রণাম করলেন। 21 অরোগা বললেন,  
“আমার প্রভু মহারাজ কেন তাঁর দাসের কাছে এসেছেন?” “তোমার  
খামারটি কেনার জন্য,” দাউদ উত্তর দিলেন, “যেন আমি সদাপ্রভুর  
উদ্দেশে একটি যজ্ঞবেদি নির্মাণ করতে পারি, ও লোকজনের উপর  
ছাড়িয়ে পড়া এই মহামারি থেমে যায়।” 22 অরোগা দাউদকে বললেন,  
“আমার প্রভু মহারাজের যা ইচ্ছা তাই নিয়ে বলি উৎসর্গ করুন।  
হোমবলির জন্য এখানে বলদগুলি রাখা আছে, এবং জ্বালানি কাঠের  
জন্য এখানে শস্য মাড়াই কল ও বলদের জোয়ালও রাখা আছে। 23  
হে মহারাজ, অরোগা এসব কিছুই মহারাজকে দিচ্ছে।” এছাড়াও  
অরোগা তাঁকে বললেন, “আপনার ঈশ্বর সদাপ্রভু আপনাকে গ্রাহ্য  
করুন।” 24 কিন্তু রাজামশাই অরোগাকে উত্তর দিলেন, “তা হবে না,  
আমি অবশ্যই তোমাকে এর দাম দেব। আমি আমার ঈশ্বর সদাপ্রভুর  
উদ্দেশে এমন কোনও হোমবলি উৎসর্গ করব না, যার জন্য আমাকে  
কোনও দাম দিতে হ্যানি।” অতএব দাউদ সেই খামারটি ও বলদগুলি  
কিনে নিয়েছিলেন এবং সেগুলির জন্য পথঝাশ শেকল রংপো দাম  
দিলেন। 25 দাউদ সেখানে সদাপ্রভুর উদ্দেশে একটি যজ্ঞবেদি নির্মাণ  
করে হোমবলি ও মঙ্গলার্থক বলি উৎসর্গ করলেন। তখন সদাপ্রভু  
দেশের হয়ে করা তাঁর প্রার্থনাটির উত্তর দিলেন, এবং ইন্দ্রায়েলের উপর  
চলতে থাকা মহামারি থেমে গেল।

## প্রথম রাজাবলি

১ রাজা দাউদ যখন খুব বৃদ্ধ হয়ে গেলেন, তখন এমনকি তাঁর শরীর প্রচুর কাপড় দিয়ে ঢেকে রাখলেও গরম থাকত না। ২ তাই তাঁর পরিচারকেরা তাঁকে বলল, “মহারাজের সেবা করার ও তাঁর যত্ন নেওয়ার জন্য আমরা একজন অল্পবয়স্ক কুমারী মেয়েকে খুঁজে আনি। সে আপনার পাশে শুয়ে থাকবে, যেন আমাদের প্রভু মহারাজের শরীর গরম থাকে।” ৩ পরে তারা ইস্তায়েলের এক প্রাস্ত থেকে আর এক প্রাস্ত পর্যন্ত সুন্দরী এক যুবতীর খোঁজ করল এবং শুনেমীয়া অবীশগকে পেয়ে তাকে রাজার কাছে নিয়ে এসেছিল। ৪ মেয়েটি অপরূপ সুন্দরী ছিল; সে মহারাজের দায়িত্ব নিয়েছিল ও খুব যত্নাভিত্তি করল, কিন্তু রাজা তার সঙ্গে ঘোন সম্পর্ক স্থাপন করেননি। ৫ এদিকে হগীতের ছেলে আদোনিয় আগ বাড়িয়ে বলে বেড়াচ্ছিল, “আমিই রাজা হব।” তাই সে রথ ও ঘোড়া সাজিয়েছিল, ও তার আগে আগে দৌড়ানোর জন্য ৫০ জন লোক জোগাড় করল। ৬ (তার বাবা কখনও এই বলে তাকে তিরক্ষার করেননি, “তুমি কেন এরকম আচরণ করছ?” সেও দেখতে খুব সুন্দর ছিল ও অবশালোমের পরেই তার জন্ম হল।) ৭ আদোনিয় সরয়ার ছেলে যোয়াব ও যাজক অবিযাথরের সঙ্গে আলোচনা করল, এবং তারা তাকে তাদের সমর্থন জানিয়েছিলেন। ৮ কিন্তু যাজক সাদোক, যিহোয়াদার ছেলে বনায়, ভাববাদী নাথন, শিমিয় ও রেয়ি এবং দাউদের বিশেষ রক্ষীদল আদোনিয়ের সঙ্গে যোগ দেননি। ৯ আদোনিয় পরে ঐন-রোগেলের কাছে অবস্থিত সোহেলৎ পাথরে কয়েকটি মেষ, গবাদি পশু ও হষ্টপুষ্ট বাচ্চুর বলি দিয়েছিল। সে তার সব ভাইকে, অর্থাৎ রাজার ছেলেদের, ও যিহুদার সব কর্মকর্তাকে নিমন্ত্রণ জানিয়েছিল, ১০ কিন্তু সে ভাববাদী নাথনকে বা বনায়কে বা বিশেষ রক্ষীদলকে অথবা তার ভাই শলোমনকে নিমন্ত্রণ জানায়নি। ১১ তখন শলোমনের মা বৎশেবাকে নাথন জিজ্ঞাসা করলেন, “আপনি কি শোনেননি যে হগীতের ছেলে আদোনিয় রাজা হয়েছে, এবং আমাদের মনিব দাউদ এ বিষয়ে কিছুই জানেন না? ১২ তবে এখন, কীভাবে আপনি নিজের ও আপনার ছেলে শলোমনের প্রাণরক্ষা করবেন, সে

বিষয়ে আমি আপনাকে পরামর্শ দিচ্ছি। 13 রাজা দাউদের কাছে যান  
ও তাঁকে গিয়ে বলুন, ‘হে আমার প্রভু মহারাজ, আপনি কি আপনার  
দাসীর কাছে এই প্রতিজ্ঞা করেননি: “তোমার ছেলে শলোমন অবশ্যই  
আমার পরে রাজা হবে, ও সেই আমার সিংহাসনে বসবে”? তবে  
আদোনিয় কেন রাজা হল?’ 14 মহারাজের সঙ্গে আপনার কথাবার্তা  
শেষ হওয়ার আগেই আমি সেখানে পৌঁছে যাব ও আপনার বলা কথার  
সঙ্গে আমার নিজের কথাও যোগ করব।’ 15 অতএব বৎশেবা বৃক্ষ  
রাজামশাইকে দেখতে তাঁর ঘরে গেলেন। সেখানে তখন শূন্মোহীয়া  
অবীশগ তাঁর যত্নাত্তি করছিল। 16 বৎশেবা মহারাজের সামনে উরুড়  
হয়ে তাঁকে প্রণাম করলেন। ‘তুমি কী চাও?’ রাজামশাই জিজ্ঞাসা  
করলেন। 17 বৎশেবা তাঁকে বললেন, ‘হে আমার প্রভু, আপনার ঈশ্বর  
সদাপ্রভুর নামে আপনি নিজেই আপনার এই দাসী—আমার কাছে  
প্রতিজ্ঞা করলেন: ‘তোমার ছেলে শলোমন আমার পরে রাজা হবে, ও  
সে আমার সিংহাসনে বসবে।’ 18 কিন্তু এখন আদোনিয় রাজা হয়ে  
গিয়েছে, এবং আপনি, আমার প্রভু মহারাজ এ বিষয়ে কিছুই জানেন  
না। 19 সে প্রচুর পরিমাণে গবাদি পশু, হষ্টপুষ্ট বাচ্চুর ও মেষ বলি  
দিয়েছে, এবং রাজার ছেলেদের সবাইকে, যাজক অবিয়াথরকে ও  
সেনাপতি যোঁয়াবকে নিমন্ত্রণ করেছে, অথচ আপনার দাস শলোমনকে  
নিমন্ত্রণ করেননি। 20 হে আমার প্রভু মহারাজ, আপনার পরে আমার  
প্রভু মহারাজের সিংহাসনে কে বসবে তা জানার জন্য ইত্রায়েলে  
সবার চোখের দৃষ্টি আপনার উপর স্থির হয়ে আছে। 21 তা না হলে,  
আমার প্রভু মহারাজ যেই না তাঁর পূর্বপুরুষদের সঙ্গে চিরবিশ্রামে  
শায়িত হবেন, আমার সঙ্গে ও আমার ছেলে শলোমনের সঙ্গে তখন  
অপরাধীর মতো ব্যবহার করা হবে।’ 22 তিনি তখনও রাজার সঙ্গে  
কথা বলছিলেন, এমন সময় ভাববাদী নাথন সেখানে পৌঁছেছিলেন। 23  
রাজামশাইকে বলা হল, ‘ভাববাদী নাথন এখানে এসেছেন।’ অতএব  
তিনি রাজার সামনে গিয়ে উরুড় হয়ে তাঁকে প্রণাম করলেন। 24 নাথন  
বললেন, ‘হে আমার প্রভু মহারাজ, আপনি কি ঘোষণা করেছেন যে  
আপনার পরে আদোনিয় রাজা হবে ও সেই আপনার সিংহাসনে

বসবে? 25 আজই সে নিচে নেমে গিয়ে প্রচুর পরিমাণে গবাদি পশু, হষ্টপুষ্ট বাচ্চুর ও মেষ বলি দিয়েছে। সে রাজার ছেলেদের সবাইকে, সৈন্যদলের সেনাপতিদের ও যাজক অবিয়াথরকে নিমন্ত্রণ করল। ঠিক এই মুহূর্তে তারা তার সঙ্গে বসে ভোজনপান করছে ও বলছে, ‘রাজা আদেনিয় চিরজীবী হোন!’ 26 কিন্তু আপনার এই দাস আমাকে, যাজক সাদোককে, ও যিহোয়াদার ছেলে বনায়কে এবং আপনার দাস শলোমনকে সে নিমন্ত্রণ করেননি। 27 আমার প্রভু মহারাজের পরে তাঁর সিংহাসনে কে বসবে সে বিষয়ে তাঁর দাসদের কিছু না জানিয়ে কি আমার প্রভু মহারাজ কিছু সিদ্ধান্ত নিয়েছেন?” 28 তখন রাজা দাউদ বললেন, “বৎশেবাকে ডেকে আনো।” অতএব তিনি রাজার কাছে এসে তাঁর সামনে দাঁড়িয়েছিলেন। 29 রাজামশাই তখন একটি শপথ নিয়েছিলেন: “যিনি আমাকে সব বিপন্তি থেকে রক্ষা করেছেন, সেই জীবন্ত সদাপ্রভুর দিব্যি, 30 আমি ইস্রায়েলের ঈশ্বর সদাপ্রভুর নামে তোমার কাছে যে প্রতিজ্ঞাটি করলাম, সেটি আমি অবশ্যই পালন করব: তোমার ছেলে শলোমনই আমার পরে রাজা হবে, আর আমার স্থানে আমার সিংহাসনে সেই বসবে।” 31 তখন বৎশেবা মাটিতে উবুড় হয়ে রাজামশাইকে প্রণাম করে বললেন, “আমার প্রভু মহারাজ দাউদ, চিরজীবী হোন!” 32 রাজা দাউদ বললেন, “যাজক সাদোক, ভাববাদী নাথন ও যিহোয়াদার ছেলে বনায়কে ডেকে আনো।” তারা রাজার সামনে আসার পর 33 তিনি তাদের বললেন: “তোমরা তোমাদের মনিবের দাসদের সঙ্গে নাও ও আমার ছেলে শলোমনকে আমার নিজস্ব খচরের পিঠে চাপিয়ে তাকে নিয়ে গীহোন জলের উৎসে নেমে যাও। 34 সেখানে গিয়ে যাজক সাদোক ও ভাববাদী নাথন তাকে ইস্রায়েলের উপর রাজপদে অভিষিক্ত করুক। তোমরা শিঙা বাজিয়ে চিৎকার করে বোলো, ‘রাজা শলোমন দীর্ঘজীবী হোন!’ 35 পরে তোমরা তার সঙ্গে থেকে উপরে উঠে যেয়ো ও সে এসে আমার সিংহাসনে বসে আমার স্থানে রাজত্ব করুক। আমি তাকে ইস্রায়েল ও যিহুদার উপর শাসক নিযুক্ত করলাম।” 36 যিহোয়াদার ছেলে বনায় রাজামশাইকে উত্তর দিলেন, “আমেন! আমার প্রভু মহারাজের ঈশ্বর

সদাপ্রভুও এরকমই ঘোষণা করলন। 37 সদাপ্রভু যেমন আমার প্রভু  
 মহারাজের সঙ্গে সঙ্গে ছিলেন, তিনি যেন সেভাবেই শলোমনেরও  
 সঙ্গে সঙ্গে থাকেন ও তাঁর সিংহাসন আমার প্রভু মহারাজ দাউদের  
 সিংহাসনের চেয়েও বড়ো করলেন!” 38 অতএব যাজক সাদোক,  
 ভাববাদী নাথন, যিহোয়াদার ছেলে বনায়, করেথীয়রা ও পলেথীয়রা  
 শলোমনকে রাজা দাউদের খচরের পিঠে চাপিয়ে, তাঁর সমগ্রামী হয়ে  
 তাঁকে গীহনে নিয়ে গেলেন। 39 যাজক সাদোক পবিত্র তাঁর থেকে  
 তেলের সেই শিং নিয়ে এসে শলোমনকে অভিষিক্ত করলেন। পরে  
 তারা শিঙা বাজিয়েছিলেন ও সব লোকজন চিৎকার করে উঠেছিল,  
 “রাজা শলোমন দীর্ঘজীবী হোন!” 40 সব লোকজন তাঁর পিছু পিছু  
 বাঁশি বাজিয়ে ও মহানন্দে এমনভাবে ছুটতে শুরু করল, যে সেই  
 শব্দে মাটি কেঁপে উঠেছিল। 41 আদোনিয় ও তার সঙ্গে থাকা সব  
 অতিথি ভোজসভার ভোজনপান প্রায় শেষ করে এসেছে, এমন সময়  
 তারা সেই শব্দ শুনতে পেয়েছিল। শিঙার শব্দ শুনতে পেয়ে যোয়ার  
 জিজ্ঞাসা করলেন, “নগরে কী এত চিৎকার-চেঁচামেচি হচ্ছে?” 42 তিনি  
 একথা বলতে না বলতেই যাজক অবিয়াখ্যারের ছেলে যোনাথন সেখানে  
 পৌঁছে গেলেন। আদোনিয় বলল, “আসুন, আসুন। আপনার মতো  
 গুণীজন নিশ্চয় ভালো খবরই নিয়ে এসেছেন।” 43 “একেবারেই না!”  
 যোনাথন আদোনিয়কে উত্তর দিলেন। “আমাদের প্রভু মহারাজ দাউদ  
 শলোমনকে রাজা করেছেন। 44 মহারাজ তাঁর সঙ্গে যাজক সাদোক,  
 ভাববাদী নাথন, যিহোয়াদার ছেলে বনায়, করেথীয় ও পলেথীয়দেরও  
 পাঠালেন, এবং তারা শলোমনকে মহারাজের খচরের পিঠে চাপিয়ে  
 দিলেন, 45 এবং যাজক সাদোক ও ভাববাদী নাথন গীহনে তাঁকে  
 রাজপদে অভিষিক্ত করেছেন। সেখান থেকে তারা হর্ষধ্বনি করতে  
 করতে চলে গিয়েছেন, এবং নগরেও তার প্রতিধ্বনি ছড়িয়ে পড়েছে।  
 তোমরা এই চিৎকারই শুনেছ। 46 এছাড়াও, শলোমন রাজসিংহাসনে  
 বসে পড়েছেন। 47 আবার, রাজকর্মচারীরা এই বলে আমাদের প্রভু  
 মহারাজ দাউদকে অভিনন্দন জানাতে এসেছে যে, ‘আপনার স্বীকৃতি,  
 শলোমনের নাম আপনার নামের চেয়েও বিখ্যাত করে তুলুন এবং তাঁর

সিংহাসন আপনার সিংহাসনের চেয়েও বড়ো করে তুলুন!' মহারাজ নিজের বিছানাতেই আরাধনা করে 48 বলেছেন, 'ইন্দ্রায়েলের ঈশ্বর সদাপ্রভুর প্রশংসা হোক, যিনি আজ আমাকে নিজের চোখেই আমার সিংহাসনের উত্তরাধিকারী দেখে যাওয়ার সুযোগ দিলেন।'" 49 একথা শুনে আদোনিয়ের অতিথিরা সবাই আতঙ্কগ্রস্ত হয়ে উঠে ছত্রভঙ্গ হয়ে গেল। 50 কিন্তু আদোনিয় শলোমনের ভয়ে গিয়ে যজ্ঞবেদির শিংগুলি আঁকড়ে জড়িয়ে ধরেছিল। 51 তখন শলোমনকে বলা হল, "আদোনিয় রাজা শলোমনের ভয়ে যজ্ঞবেদির শিংগুলি আঁকড়ে ধরে আছে। সে বলছে, 'রাজা শলোমন আজ আমার কাছে শপথ করে বলুন যে তিনি তাঁর দাসকে তরোয়ালের আঘাতে হত্যা করবেন না।'" 52 শলোমন উত্তর দিলেন, "সে যদি নিজেকে অনুগত প্রমাণিত করতে পারে, তবে তার মাথার একটি চুলও মাটিতে পড়বে না; কিন্তু যদি তার মধ্যে দুষ্টতা খুঁজে পাওয়া যায়, তবে তাকে মরতেই হবে।" 53 পরে রাজা শলোমন লোক পাঠালেন, ও তারা তাকে যজ্ঞবেদি থেকে নামিয়ে এনেছিল। আদোনিয় এসে রাজা শলোমনের কাছে নতজানু হল, ও শলোমন বললেন, "তোমার ঘরে ফিরে যাও।"

2 যখন দাউদের মৃত্যুর সময়কাল ঘনিয়ে এসেছিল, তাঁর ছেলে শলোমনকে তিনি তখন কিছু নির্দেশ দিলেন। 2 "পৃথিবীতে সবাই যে পথে যায়, আমিও সেই পথেই যাচ্ছি," তিনি বললেন। "তাই বলবান হও, একজন পুরুষের মতো আচরণ করো, 3 এবং তোমার ঈশ্বর সদাপ্রভু যা চান, তা লক্ষ্য করো: তাঁর প্রতি বাধ্য হয়ে চলো, আর মোশির বিধানে তাঁর যে হৃকুম ও আদেশ, তাঁর বিধান ও বিধিনিয়ম লেখা আছে, তা পালন করো। এরকমটি করো, যেন তুমি যা যা করো ও যেখানে যেখানে যাও, সবেতেই সফল হতে পারো। 4 এবং সদাপ্রভু যেন আমার কাছে করা তাঁর সেই প্রতিজ্ঞাটি রক্ষা করতে পারেন: 'যদি তোমার বংশধররা তাদের জীবনযাপনের প্রতি লক্ষ্য রাখতে পারে, ও যদি তারা আমার সামনে তাদের সমস্ত মনপ্রাণ দিয়ে বিশ্বস্তাপূর্বক চলে, তবে ইন্দ্রায়েলের সিংহাসনে বসার জন্য তোমার কোনও উত্তরাধিকারীর অভাব হবে না।' 5 "এখন তুমি নিজেই

তো জানো সরয়ার ছেলে যোয়াব আমার প্রতি কী করল—ইস্রায়েলী  
সৈন্যদলের দুই সেনাপতি, নেরের ছেলে অবনের ও যেথরের ছেলে  
অমাসার প্রতি সে কী করল। সে তাদের হত্যা করল, শান্তির সময়েও  
সে এমনভাবে তাদের রক্তপাত করল, যেন মনে হয় যুদ্ধেই তা হয়েছে,  
এবং সেই রক্তে সে তার কোমরের কোমরবন্ধ ও পায়ের চটিজুতো  
রাঙিয়ে নিয়েছিল। 6 তোমার প্রজ্ঞা অনুসারেই তার মোকাবিলা কোরো,  
কিন্তু পাকাচুলে তাকে শান্তিতে কবরে যেতে দিয়ো না। (Sheol h7585)

7 “কিন্তু গিলিয়দীয় বর্সিল্লয়ের ছেলেদের প্রতি দয়া দেখিয়ো এবং তারা  
যেন সেইসব লোকজনের মধ্যেই থাকে, যারা তোমার টেবিলে বসে  
ভোজনপান করবে। আমি যখন তোমার দাদা অবশালোমের কাছ  
থেকে পালিয়ে গেলাম, তখন তারাই আমার পাশে দাঁড়িয়েছিল। 8  
“আরও মনে রেখো, তোমার কাছে বহুরীমের অধিবাসী গেরার ছেলে  
বিন্যামীনীয় শিমিয়ি আছে। যেদিন আমি মহনয়িমে গেলাম, সেদিন  
সে আমাকে সাংঘাতিক অভিশাপ দিয়েছিল। সে যখন জর্ডন নদীর  
পারে আমার সঙ্গে দেখা করতে এসেছিল, আমি সদাপ্রভুর নামে শপথ  
করে তাকে বললাম: ‘আমি তরোয়ালের আঘাতে তোমাকে হত্যা করব  
না।’ 9 কিন্তু এখন, তাকে আর নির্দোষ বলে মনে কোরো না। তুমি  
একজন বিচক্ষণ লোক; তুমি জেনে নিয়ো, তার প্রতি কী করতে হবে।  
রক্তশুদ্ধ পাকাচুলে তাকে কবরে পাঠিয়ো।” (Sheol h7585) 10 পরে  
দাউদ তাঁর পূর্বপুরুষদের সঙ্গে চিরবিশ্রামে শায়িত হলেন এবং তাঁকে  
দাউদ-নগরে কবর দেওয়া হল। 11 তিনি ইস্রায়েলে চল্লিশ বছর—সাত  
বছর হিরোগে ও তেত্রিশ বছর জেরশালেমে—রাজত্ব করলেন। 12  
অতএব শলোমন তাঁর বাবা দাউদের সিংহাসনে বসেছিলেন, ও তাঁর  
শাসনকাল স্থিতিশীল হল। 13 এদিকে হগীতের ছেলে আদোনিয়  
শলোমনের মা বৎশেবার কাছে গেল। বৎশেবা তাকে জিজ্ঞাসা  
করলেন, “তুমি কি শান্তিপূর্ণভাবে এসেছ?” সে উত্তর দিয়েছিল, “হ্যাঁ,  
শান্তিপূর্ণভাবেই এসেছি।” 14 সে আরও বলল, “আপনাকে আমার  
কিছু বলার আছে।” “তুমি বলতে পারো,” তিনি উত্তর দিলেন। 15  
“আপনি তো জানেনই,” সে বলল, “রাজ্যটি আমারই ছিল। ইস্রায়েলে

সবাই আমাকেই তাদের রাজারপে দেখতে চেয়েছিল। কিন্তু পরে  
পরিস্থিতি বদলে গেল, ও রাজ্যটি আমার ভাইয়ের হাতে চলে গিয়েছে;  
কারণ সদাপ্রভুর দিক থেকেই এটি তার কাছে এসেছে। 16 এখন আমি  
আপনার কাছে একটি অনুরোধ রাখছি। আমাকে প্রত্যাখ্যান করবেন  
না।” “তুমি বলতে পারো,” তিনি বললেন। 17 অতএব সে বলে গেল,  
“দয়া করে রাজা শলোমনকে বলুন—তিনি আপনার কথা অগ্রহ্য  
করবেন না—তিনি যেন আমার স্ত্রী হওয়ার জন্য শূন্মুক্ষু অবীশগকে  
আমার হাতে তুলে দেন।” 18 “ঠিক আছে,” বৎশেবা উত্তর দিলেন,  
“আমি তোমার হয়ে রাজার সঙ্গে কথা বলব।” 19 বৎশেবা যখন  
আদোনিয়ের হয়ে কথা বলার জন্য রাজা শলোমনের কাছে গেলেন,  
তাঁর সঙ্গে দেখা করার জন্য রাজা উঠে দাঁড়িয়েছিলেন, তাঁকে প্রণাম  
করলেন ও নিজের সিংহাসনে বসে পড়েছিলেন। তিনি রাজমাতার  
জন্য একটি সিংহাসন আনিয়েছিলেন, ও বৎশেবা তাঁর ডানদিকে  
গিয়ে বসেছিলেন। 20 “তোমার কাছে আমার একটি ছোটো অনুরোধ  
জানানোর আছে,” তিনি বললেন। “আমাকে প্রত্যাখ্যান কোরো না।”  
রাজা উত্তর দিলেন, “মা, বলে ফেলো; আমি তোমাকে প্রত্যাখ্যান করব  
না।” 21 অতএব বৎশেবা বললেন, “তোমার দাদা আদোনিয়ের সঙ্গে  
শূন্মুক্ষু অবীশগের বিয়ে দিয়ে দাও।” 22 রাজা শলোমন তাঁর মাকে  
উত্তর দিলেন, “আদোনিয়ের জন্য তুমি কেন শূন্মুক্ষু অবীশগকে  
চাইছ? তুমি তো তার জন্য রাজ্যটিও চাইতে পারো—যাই হোক না  
কেন, সে তো আমার বড়ো দাদা—হ্যাঁ, তার ও যাজক অবিযাথ্র  
ও সরুয়ার ছেলে যোয়াবের জন্যও তো চাইতে পারো!” 23 পরে  
রাজা শলোমন সদাপ্রভুর নামে দিব্যি করে বললেন: “এই অনুরোধ  
জানানোর জন্য আদোনিয়কে যদি তার প্রাণ হারাতে না হয়, তবে যেন  
ঈশ্বর আমাকে কঠোর থেকে কঠোরতর দণ্ড দেন! 24 আর এখন,  
সেই জীবন্ত সদাপ্রভুর দিব্যি—যিনি আমাকে পাকাপাকিভাবে আমার  
বাবা দাউদের সিংহাসনে বসিয়েছেন এবং তাঁর প্রতিজ্ঞানুসারে এক  
সাম্রাজ্য স্থাপন করেছেন—আজই আদোনিয়কে মেরে ফেলা হবে!” 25  
অতএব রাজা শলোমন যিহোয়াদার ছেলে বনায়কে আদেশ দিলেন,

ও তিনি আদোনিয়কে আঘাত করলেন ও সে মারা গেল। 26 যাজক অবিয়াথরকে রাজা বললেন, “আপনি অনাথোতে আপনার ক্ষেতে ফিরে যান। আপনি মরারই যোগ্য, তবে এখন আমি আপনাকে মারছি না, কারণ আমার বাবা দাউদের কাছে থেকে আপনি সার্বভৌম সদাপ্রভুর নিয়ম-সিন্দুকটি বহন করলেন এবং আমার বাবার সব কষ্টের সাথী হলেন।” 27 অতএব শীলোতে এলির বংশের বিষয়ে সদাপ্রভু যা বলেছিলেন, তা সত্য প্রমাণিত করে শলোমন অবিয়াথরকে যাজক পদ থেকে সরিয়ে দিলেন। 28 এই খবরটি যখন সেই যোয়াবের কাছে পৌঁছেছিল, যিনি অবশালোমের সঙ্গে ষড়যন্ত্রে শামিল না হলেও আদোনিয়ের সঙ্গে ষড়যন্ত্রে শামিল হলেন, তখন তিনি সদাপ্রভুর আবাস তাঁবুতে পালিয়ে গিয়ে যজবেদির শিংগুলি আঁকড়ে জড়িয়ে ধরলেন। 29 রাজা শলোমনকে বলা হল যে যোয়াব সদাপ্রভুর আবাস তাঁবুতে পালিয়ে গিয়েছেন ও যজবেদির পাশেই আছেন। তখন শলোমন যিহোয়াদার ছেলে বনায়কে আদেশ দিলেন, “যাও, তাঁকে গিয়ে আঘাত করো!” 30 অতএব বনায় সদাপ্রভুর আবাস তাঁবুতে চুকে যোয়াবকে বললেন, “রাজামশাই বলছেন, ‘বেরিয়ে আসুন!’” কিন্তু তিনি উত্তর দিলেন, “তা হবে না, আমি এখানেই মরব।” বনায় রাজাকে খবর দিলেন, “যোয়াব এভাবেই আমার কথার উত্তর দিয়েছেন।” 31 তখন রাজামশাই বনায়কে আদেশ দিলেন, “তাঁর কথামতোই কাজ করো। তাঁকে আঘাত করে মেরে কবর দিয়ে দাও, ও এভাবেই যোয়াব যে নির্দোষ রক্তপাত করলেন তার দোষ থেকে আমাকে ও আমার পরিবারকে মুক্ত করো। 32 তিনি যে রক্তপাত করলেন, তার প্রতিফল তাঁকে সদাপ্রভুই দেবেন, কারণ আমার বাবা দাউদের আজান্তেই তিনি দুজন মানুষকে আক্রমণ করে তরোয়ালের আঘাতে তাদের মেরে ফেলেছিলেন। তারা দুজনই—নেরের ছেলে, তথা ইস্রায়েলী সৈন্যদলের সেনাপতি অবনের, এবং যেথরের ছেলে, তথা যিহুদা সৈন্যদলের সেনাপতি অমাসা—ভালো লোক ছিলেন এবং তাঁর তুলনায় বেশি সৎ ছিলেন। 33 তাদের রক্তপাতের অপরাধ চিরকাল যেন যোয়াব ও তাঁর বংশধরদের মাথার উপরেই বর্তায়। কিন্তু দাউদ ও তাঁর

বংশধরদের, তাঁর পরিবার ও তাঁর সিংহাসনের উপর যেন চিরকাল  
সদাপ্রভুর শান্তি বিরাজমান থাকে।” 34 অতএব যিহোয়াদার ছেলে  
বনায় গিয়ে যোয়াবকে আগ্রাত করে তাঁকে হত্যা করলেন, এবং তাঁকে  
গ্রামাঞ্চলে তাঁর ঘরের উঠোনে কবর দেওয়া হল। 35 রাজামশাই  
যিহোয়াদার ছেলে বনায়কে যোয়াবের স্থানে সৈন্যদলের সেনাপতি  
নিযুক্ত করলেন এবং অবিয়াথরের পরিবর্তে যাজক সাদোককে নিযুক্ত  
করলেন। 36 পরে রাজামশাই শিমিয়িকে ডেকে পাঠিয়ে তাকে বললেন,  
“জেরুশালেমে একটি বাড়ি তৈরি করে সেখানে গিয়ে থাকো, কিন্তু  
আর কোথাও যেয়ো না। 37 যেদিন তুমি নগর ছেড়ে কিন্দ্রোণ উপত্যকা  
পার করবে, সেদিন নিশ্চিত জেনো, তুমি মরবেই মরবে; তোমার  
রক্তপাতের অপরাধ তোমার মাথাতেই বর্তাবে।” 38 শিমিয়ি রাজাকে  
উত্তর দিয়েছিল, “আপনি যা বলেছেন, ভালোই বলেছেন। আমার প্রভু  
মহারাজ যা বলেছেন, আপনার দাস তাই করবে।” আর শিমিয়ি বেশ  
কিছুকাল জেরুশালেমে থেকে গেল। 39 কিন্তু তিনি বছর পর শিমিয়ির  
দাসদের মধ্যে দুজন দাস, মাথার ছেলে তথা গাতের রাজা আখীশের  
কাছে পালিয়ে গেল, এবং শিমিয়িকে বলা হল, “তোমার দাসেরা  
গাতে আছে।” 40 একথা শুনে সে তার গাধার পিঠে জিন চাপিয়ে,  
তার দাসদের খোঁজে গাতে আখীশের কাছে গেল। অতএব শিমিয়ি  
গিয়ে গাত থেকে তার দাসদের নিয়ে এসেছিল। 41 শলোমনকে যখন  
বলা হল যে শিমিয়ি জেরুশালেম থেকে গাতে গিয়ে আবার ফিরেও  
এসেছে, 42 রাজামশাই শিমিয়িকে ডেকে পাঠিয়ে তাকে বললেন,  
“আমি কি সদাপ্রভুর নামে তোমাকে শপথ করাইনি ও সাবধান করে  
দিইনি, ‘যেদিন তুমি অন্য কোথাও যাওয়ার জন্য পা বাঢ়াবে, তুমি  
নিশ্চিত থেকো, তোমাকে মরতেই হবে’? সেসময় তুমি আমাকে  
বললে, ‘আপনি যা বলেছেন, ভালোই বলেছেন। আমি এর বাধ্য হব।’  
43 তবে কেন তুমি সদাপ্রভুর কাছে করা শপথ রক্ষা করোনি এবং  
আমার দেওয়া আদেশের বাধ্য হওনি?” 44 রাজামশাই শিমিয়িকে  
আরও বললেন, “আমার বাবা দাউদের প্রতি তুমি যে অন্যায় করলে তা  
তো তুমি বিলক্ষণ জানো। এখন সদাপ্রভুই তোমার অন্যায় কাজের

প্রতিফল দেবেন। 45 কিন্তু রাজা শলোমন আশীর্বাদধন্য হবেন, এবং  
সদাপ্রভুর সামনে দাউদের সিংহাসন চিরকাল সুরক্ষিত থাকবে।” 46  
পরে রাজামশাই যিহোয়াদার ছেলে বনায়কে আদেশ দিলেন, এবং  
তিনি বাইরে গিয়ে শিমিয়িকে আঘাত করলেন ও সে মারা গেল।  
অতএব শলোমনের হাতে রাজ্য সুস্থির হল।

**৩** শলোমন মিশরের রাজা ফরৌণের সঙ্গে মৈত্রী স্থাপন করলেন ও  
তাঁর মেয়েকে বিয়ে করলেন। তাঁর প্রাসাদ ও সদাপ্রভুর মন্দির এবং  
জেরুশালেমের চারপাশের প্রাচীর তৈরির কাজ শেষ না হওয়া পর্যন্ত  
তিনি তাঁর স্ত্রীকে এনে দাউদ-নগরেই রেখেছিলেন। 2 লোকজন  
তখনও অবশ্য উঁচু পীঠস্থানগুলিতেই বলি উৎসর্গ করে যাচ্ছিল, কারণ  
সদাপ্রভুর নামের উদ্দেশে তখনও কোনও মন্দির তৈরি করা হয়নি। 3  
শলোমন তাঁর বাবা দাউদের দেওয়া নির্দেশানুসারে চলে সদাপ্রভুর  
প্রতি তাঁর প্রেম-ভালোবাসা দেখিয়েছিলেন, এছাড়া অবশ্য তিনি  
উঁচু পীঠস্থানগুলিতে বলি উৎসর্গ করতেন ও ধূপও পোড়াতেন। 4  
রাজামশাই গিবিয়োনে বলি উৎসর্গ করতে গেলেন, কারণ সেটি ছিল  
সবচেয়ে গুরুত্বপূর্ণ উঁচু পীঠস্থান, এবং শলোমন সেই যজ্ঞবেদিতে  
এক হাজার হোমবলি উৎসর্গ করলেন। 5 গিবিয়োনে রাতের বেলায়  
সদাপ্রভু এক স্বপ্নে শলোমনের কাছে আবির্ভূত হলেন, এবং ঈশ্বর  
বললেন, “আমার কাছে তোমার যা চাওয়ার আছে তুমি তা চেয়ে  
নাও।” 6 শলোমন উভর দিলেন, “তুমি তো তোমার দাস, আমার  
বাবা দাউদের প্রতি অসাধারণ দয়া দেখিয়েছো, যেহেতু তিনি তোমার  
প্রতি বিশ্বস্ত এবং অন্তরে ন্যায়পরায়ণ ও সৎ ছিলেন। তুমি তাঁর প্রতি  
এই অসাধারণ দয়া দেখিয়েই গিয়েছ ও ঠিক এই দিনটিতেই তাঁর  
সিংহাসনে বসার জন্য তাঁকে এক ছেলে দিয়েছ। 7 “এখন, হে আমার  
ঈশ্বর সদাপ্রভু, তুমি আমার বাবা দাউদের স্থানে তোমার এই দাসকে  
রাজা করেছ। কিন্তু আমি তো ছোটো এক শিশুর মতো ও কীভাবে  
আমার দায়িত্ব পালন করব, তাও জানি না। 8 তোমার দাস এখানে  
তোমার সেই মনোনীত লোকজনের মাঝখানেই আছে, যারা এমন  
এক বিশাল জনতা, যাদের গুনে শেষ করা যায় না। 9 তাই তোমার

প্রজাদের পরিচালনা করার ও ভালোমন্দ বিচার করার জন্য তোমার  
দাসকে দূরদর্শিতাসম্পন্ন এক অস্তঃকরণ দিয়ো। কারণ তোমার এই  
বিশাল প্রজাদলকে পরিচালনা করার ক্ষমতা কারই বা আছে?” 10  
শলোমনকে এই বিষয়টি চাইতে দেখে প্রভু সন্তুষ্ট হলেন। 11 তাই  
ঈশ্বর তাঁকে বললেন, “যেহেতু তুমি নিজের জন্য দীর্ঘায়ু বা ধনসম্পদ  
না চেয়ে এই বিষয়টি চেয়েছ, বা তুমি তোমার শক্তিদের মৃত্যু কামনা  
না করে ন্যায়ের শাসন কায়েম করার জন্য দূরদর্শিতা চেয়েছ, 12  
তাই তুমি যা চেয়েছ, আমি তাই করব। আমি তোমাকে সুবিবেচক ও  
দূরদর্শিতাসম্পন্ন এমন এক অস্তঃকরণ দেব, যেমনটি তোমার আগেও  
কেউ পায়নি, আর তোমার পরেও কেউ পাবে না। 13 এছাড়াও, আমি  
তোমাকে সেসবকিছু দেব, যা তুমি চাওনি—ধনসম্পদ ও সম্মানও  
দেব—যেন তোমার জীবনকালে তোমার সমতুল্য কোনও রাজা না  
থাকে। 14 আর যদি তুমি আমার প্রতি বাধ্যতা দেখিয়ে চলো ও  
তোমার বাবা দাউদের মতো আমার বিধিনিয়ম ও আদেশগুলি পালন  
করো, তবে আমি তোমাকে দীর্ঘায়ু দেব।” 15 পরে শলোমন জেগে  
উঠেছিলেন—আর তিনি অনুভব করলেন যে তা ছিল এক স্বপ্ন। তিনি  
জেরুশালামে ফিরে গেলেন, সদাপ্রভুর নিয়ম-সিন্দুকের সামনে গিয়ে  
দাঁড়িয়েছিলেন এবং হোমবলি ও মঙ্গলার্থক বলি উৎসর্গ করলেন।  
পরে তিনি তাঁর রাজসভাসদদের জন্য এক ভূরিভোজনের আয়োজন  
করলেন। 16 এদিকে দুজন বারবনিতা রাজার কাছে এসে তাঁর সামনে  
দাঁড়িয়েছিল। 17 তাদের মধ্যে একজন বলল, “হে আমার প্রভু,  
আমায় ক্ষমা করবেন। এই মহিলাটি ও আমি একই বাড়িতে থাকি,  
ও সে আমার সঙ্গে থাকতে থাকতেই আমার একটি সন্তান হল। 18  
আমার সন্তান হওয়ার তিন দিন পর এরও একটি সন্তান হল। আমরা  
তো একাই ছিলাম; সেই বাড়িতে আর কেউ ছিল না, শুধু আমরা  
দুজনই ছিলাম। 19 “সেদিন রাতে এই মহিলাটির ছেলে মারা গেল  
কারণ সে তার উপর শয়ে পড়েছিল। 20 তাই মাঝরাতে আপনার  
এই দাসী যখন ঘুমিয়ে ছিল তখন এ ঘুম থেকে উঠে আমার পাশ  
থেকে আমার ছেলেকে সরিয়ে নিয়েছিল। এ আমার ছেলেকে নিজের

বুকের কাছে রেখে তার মৃত ছেলেকে আমার বুকের কাছে শুইয়ে  
দিয়েছিল। 21 পরদিন সকালে আমি ঘুম থেকে উঠে যেই না আমার  
ছেলেকে দুধ খাওয়াতে গিয়েছি—দেখি সে মরে পড়ে আছে! কিন্তু  
আমি যখন সকালের আলোয় খুব কাছ থেকে তাকে দেখলাম, তখন  
বুবলাম যে এ সেই ছেলে নয় যাকে আমি জন্ম দিয়েছিলাম।” 22  
অন্য মহিলাটি বলে উঠেছিল, “তা নয়! জীবিত ছেলেটি আমার ছেলে;  
মৃত ছেলেটি তোমার।” কিন্তু প্রথমজন জোর দিয়ে বলল, “তা নয়!  
মৃত ছেলেটি তোমার; জীবিত ছেলেটি আমার।” আর তারা রাজার  
সামনেই তর্কাতর্কি শুরু করল। 23 রাজামশাই বললেন, “একজন  
বলছে, ‘আমার ছেলে জীবিত আর তোমার ছেলে মৃত,’ আবার অন্যজন  
বলছে, ‘তা নয়। তোমার পুত্র মৃত আর আমার ছেলে জীবিত।’” 24 পরে  
রাজামশাই বললেন, “আমার কাছে একটি তরোয়াল নিয়ে এসো।”  
তখন তারা রাজার জন্য একটি তরোয়াল নিয়ে এসেছিল। 25 পরে  
তিনি আদেশ দিলেন: “জীবিত শিশুটিকে দু-টুকরো করে অর্ধেকটা  
একজনকে ও অর্ধেকটা অন্যজনকে দিয়ে দাও।” 26 যে মহিলাটির  
ছেলে বেঁচে ছিল, সে ছেলেমন্দে আকুল হয়ে রাজামশাইকে বলল,  
“হে আমার প্রভু, দয়া করে জীবিত শিশুটিকে ওর হাতেই তুলে দিন!  
শিশুটিকে হত্যা করবেন না!” কিন্তু অন্যজন বলল, “একে আমিও পাব  
না, তুমিও পাবে না। একে দু-টুকরো করে ফেলা হোক!” 27 তখন  
রাজামশাই তাঁর রায় দিলেন: “জীবিত শিশুটিকে প্রথম মহিলাটির  
হাতেই তুলে দাও। ওকে হত্যা কোরো না; এই ওর মা।” 28 যখন  
ইন্দ্রায়েলে সবাই রাজার দেওয়া রায়ের কথা শুনেছিল, তারা রাজাকে  
সমীহ করতে শুরু করল, কারণ তারা দেখতে পেয়েছিল যে ন্যায়বিচার  
সম্পন্ন করার জন্য তাঁর কাছে ঈশ্বরদণ্ড সুবিবেচনা আছে।

**4** অতএব রাজা শলোমন সমস্ত ইন্দ্রায়েল জুড়ে রাজত্ব করলেন। 2  
এরাই ছিলেন তাঁর প্রধান কর্মকর্তা: সাদোকের ছেলে অসরিয় ছিলেন  
যাজক; 3 শীশার ছেলে ইলীহোরফ ও অহিয় ছিলেন সচিব; অইলুদের  
ছেলে যিহোশাফট ছিলেন লিপিকার; 4 যিহোয়াদার ছেলে বনায় ছিলেন  
প্রধান সেনাপতি; সাদোক ও অবিয়াথর ছিলেন যাজক; 5 নাথনের

ছেলে অসরিয় জেলাশাসকদের উপর ভারপ্রাপ্ত ছিলেন; নাথনের ছেলে  
সাবুদ ছিলেন একজন যাজক ও রাজার পরামর্শদাতা; 6 অহীশার  
ছিলেন রাজপ্রাসাদের তত্ত্বাবধায়ক; অব্দের ছেলে অদেনীরাম বেগার  
শ্রমিকদের উপর ভারপ্রাপ্ত ছিলেন। 7 সমস্ত ইন্দ্রায়েলে শলোমন  
বারোজন জেলাশাসক নিযুক্ত করলেন, যারা রাজা ও রাজপরিবারের  
জন্য খাদ্যসম্ভার জোগান দিতেন। এক একজনকে বছরে এক এক  
মাসের জন্য খাদ্যসম্ভার জোগান দিতে হত। 8 এই তাদের নাম:  
ইফ্রয়িমের পার্বত্য অঞ্চলে বিন-হূর; 9 মাকস, শালবীম, বেত-শেমশ ও  
এলোন-বেথ-হাননে বিন-দেকর; 10 অরংবোতে বিন-হেবদ (সোখো  
ও সমস্ত হেফর প্রদেশ তাঁর অধীনে ছিল); 11 নাফৎ-দোরে বিন-  
অবীনাদব (শলোমনের মেয়ে টাফতের সঙ্গে তাঁর বিয়ে হল); 12 তানক  
ও মগিদোতে, এবং সর্তনের কাছাকাছি ও যিন্নিয়েলের নিচে অবস্থিত  
বেথ-শানের সমস্ত অঞ্চলে, এবং বৈৎ-শান থেকে যকমিয়াম পার করে  
আবেল-মহোলা পর্যন্ত অহীলুদের ছেলে বানা; 13 রামোৎ-গিলিয়দে  
বিন-গেবর (গিলিয়দে মনগ্নির ছেলে যায়ীরের গ্রামগুলি, তথা বাশনে  
অর্গোবের অঞ্চলটি এবং সেখানকার ব্রোঞ্জ দিয়ে তৈরি অর্গলসুন্দ  
প্রাচীরবেষ্টিত ষাটটি বড়ো বড়ো নগর তাঁর অধীনে ছিল); 14 মহনয়িমে  
ইদোর ছেলে অহীনাদব; 15 নগ্নালিতে অহীমাস (তিনি শলোমনের  
মেয়ে বাসমৎকে বিয়ে করলেন); 16 আশেরে ও বালোতে হূশয়ের  
ছেলে বানা; 17 ইষাখরে পারাহের ছেলে যিহোশাফট; 18 বিন্যামীনে  
এলার ছেলে শিমিয়ি; 19 গিলিয়দে উরির ছেলে গেবর। (ইমোরীয়দের  
রাজা সীহোনের দেশ ও বাশনের রাজা ওগের দেশও তাঁর অধিকারে  
ছিল) ওই জেলায় তিনিই একমাত্র জেলাশাসক ছিলেন। 20 যিহুদা ও  
ইন্দ্রায়েলের জনসংখ্যা সমুদ্রতীরের বালুকণার মতো বহুসংখ্যক ছিল;  
তারা ভোজন করত, পান করত ও তারা খুশিই ছিল। 21 শলোমন  
ইউফ্রেটিস নদী থেকে শুরু করে ফিলিস্তিনীদের দেশ পর্যন্ত, অর্থাৎ  
একেবারে মিশরের সীমানা পর্যন্ত, সব রাজ্যের উপর শাসন চালাতেন।  
শলোমন যতদিন বেঁচেছিলেন, এই দেশগুলি তাঁকে কর দিত ও তাঁর  
শাসনাধীন হয়েই ছিল। 22 শলোমনের দৈনিক খাদ্যসম্ভার ছিল ত্রিশ

কোর মিহি ময়দা ও ষাট কোর যবের আটা, 23 গোশালায় জাবনা  
খাওয়া দশটি গবাদি পশু, বাইরে চরে খাওয়া কুড়িটি গবাদি পশু  
এবং একশোটি মেষ ও ছাগল, তথা হরিণ, গজলা হরিণ, ক্রফসার  
হরিণ ও বাছাই করা বড়ো বড়ো কিছু জলচর পাখি। 24 যেহেতু তিনি  
তিপসহ থেকে গাজা পর্যন্ত ইউফ্রেটিস নদীর পশ্চিমদিকের সব রাজ্য  
শাসন করতেন, তাই সবদিকেই শান্তি বজায় ছিল। 25 শলোমন  
যতদিন বেঁচেছিলেন, দান থেকে বের-শেবা পর্যন্ত যিহুদা ও ইস্রায়েলে  
প্রত্যেকে নিজের নিজের দ্বাক্ষাক্ষেত্রে ও ডুমুর গাছের নিচে নিরাপদে  
বসবাস করত। 26 শলোমনের কাছে রথের ঘোড়াগুলি রাখার জন্য  
চার হাজার আস্তাবল, এবং 12,000 ঘোড়া ছিল। 27 জেলাশাসকেরা  
প্রত্যেকে তাদের নিরপিত মাসে রাজা শলোমন ও রাজার টেবিলে  
বসে যারা ভোজনপান করতেন, তাদের জন্য খাদ্যসম্ভার জোগান  
দিতেন। তারা খেয়াল রাখতেন যেন কোনো কিছুরই অভাব না হয়।  
28 রথের ঘোড়া ও অন্যান্য ঘোড়াগুলির জন্য তারা নির্দিষ্ট পরিমাণ যব  
ও বিচালিও নির্দিষ্ট স্থানে এনে রাখতেন। 29 সৈশ্বর শলোমনকে প্রজ্ঞা  
ও প্রচুর পরিমাণে অর্তন্দৃষ্টি এবং সমুদ্রতীরের বালুকণার মতো অগাধ  
বোধবুদ্ধি দিলেন। 30 প্রাচ্যের সব লোকজনের প্রজ্ঞা থেকে, এবং  
মিশরের সব প্রজ্ঞার তুলনায় শলোমনের প্রজ্ঞা ছিল অসামান্য। 31  
তিনি অন্য যে কোনো লোকের, এমনকি ইহুদীয় এথনের চেয়েও বেশি  
বিচক্ষণ ছিলেন—মাহোলের ছেলে হেমন, কলকোল ও দর্দার চেয়েও  
বেশি বিচক্ষণ ছিলেন। আর তাঁর সুখ্যাতি পার্শ্ববর্তী সব দেশে ছড়িয়ে  
পড়েছিল। 32 তিনি তিন হাজার প্রবাদবাক্য বললেন এবং এক হাজার  
পাঁচটি গানও লিখেছিলেন। 33 লেবাননের দেবদার থেকে শুরু করে  
প্রাচীরের গায়ে উৎপন্ন এসোৰ পর্যন্ত সব গাছপালার বিষয়ে তিনি  
কথা বললেন। এছাড়াও তিনি পশুদের ও পাখিদের, সরীসৃপদের ও  
মাছেরও বিষয়ে কথা বললেন। 34 সব দেশ থেকে সেইসব লোকজন  
শলোমনের প্রজ্ঞার কথা শুনতে আসত, যাদের পৃথিবীর সেইসব রাজা  
পাঠাতেন, যারা তাঁর প্রজ্ঞার বিষয়ে খবর পেয়েছিলেন।

৫ সোরের রাজা হীরম যখন শুনেছিলেন যে শলোমন তাঁর বাবার স্থানে রাজপদে অভিষিক্ত হয়েছেন, তখন শলোমনের কাছে তিনি তাঁর প্রতিনিধিদের পাঠালেন, কারণ দাউদের সঙ্গে সবসময় তাঁর এক সুসম্পর্ক বজায় ছিল। ২ শলোমন হীরমের কাছে এই খবর দিয়ে পাঠালেন: ৩ “আপনি জানেন, যেহেতু সবদিক থেকেই আমার বাবা দাউদের বিরুদ্ধে যুদ্ধ চালানো হল, তাই যতদিন না সদাপ্রভু তাঁর শক্রদের তাঁর পদতলে এনেছিলেন, তিনি তাঁর ঈশ্বর সদাপ্রভুর নামের উদ্দেশে এক মন্দির নির্মাণ করতে পারেননি। ৪ কিন্তু এখন আমার ঈশ্বর সদাপ্রভু সবদিক থেকেই আমাকে বিশ্রাম দিয়েছেন, এবং এখন আর কোনও প্রতিপক্ষ বা দুর্বিপাক নেই। ৫ তাই আমি সংকল্প করেছি, সদাপ্রভু আমার বাবা দাউদকে যা বললেন, সেই অনুসারেই আমি আমার ঈশ্বর সদাপ্রভুর নামের উদ্দেশে একটি মন্দির নির্মাণ করব। কারণ সদাপ্রভু তাঁকে বললেন, ‘যাকে আমি তোমার স্থানে সিংহাসনে বসাব, তোমার সেই ছেলেই আমার নামের উদ্দেশে মন্দির নির্মাণ করবে।’ ৬ “তাই আদেশ দিন, যেন আমার জন্য লেবাননের দেবদারু গাছগুলি কাটা হয়। আমার লোকজন আপনার লোকজনের সঙ্গে থেকে কাজ করবে, এবং আপনার ঠিক করে দেওয়া বেতনই আমি আপনার লোকজনকে দেব। আপনি তো জানেনই যে সীদোনীয়দের মতো আমাদের কাছে কাঠ কাটার কাজে এত নিপুণ কোনও লোক নেই।” ৭ শলোমনের কাছ থেকে এই খবর পেয়ে হীরম খুব খুশি হয়ে বললেন, “আজ সদাপ্রভুর প্রশংসা হোক, কারণ তিনি দাউদকে এই বিশাল দেশটি শাসন করার জন্য বিচক্ষণ এক ছেলে দিয়েছেন।” ৮ তাই হীরম শলোমনের কাছে এই খবর পাঠালেন: “আপনি আমায় যে খবর পাঠিয়েছেন, তা আমি পেয়েছি এবং দেবদারু ও চিরহরিৎ গাছের কাঠ জোগানোর সম্বন্ধে আপনি আমার কাছে যা যা চেয়েছেন, আমি সেসবকিছু করব। ৯ আমার লোকজন লেবানন থেকে সেগুলি ভূমধ্যসাগরে টেনে নামাবে, এবং আমি সমুদ্রের জলে সেগুলি ভেলার মতো করে ভাসিয়ে ঠিক সেখানেই পৌঁছে দেব, আপনি যে স্থানটি নির্দিষ্ট করে দেবেন। সেখানে আমি

সেগুলির বাঁধন খুলিয়ে দেব এবং আপনাকেও আমার রাজপরিবারের  
জন্য খাবারদাবারের জোগান দেওয়ার মাধ্যমে আমার ইচ্ছা পূরণ  
করতে হবে।” 10 এইভাবে হীরম শলোমনের চাহিদানুসারে তাঁকে  
দেবদার ও চিরহরিৎ গাছের কাঠ সরবরাহ করে যাচ্ছিলেন, 11  
এবং শলোমন হীরমের পরিবারের জন্য খাদ্যসম্ভারকপে 20,000  
বাত মাড়াই করা জলপাই তেলের পাশাপাশি 20,000 কোর গম  
তাঁকে দিলেন। বছরের পর বছর শলোমন হীরমের জন্য এমনটি করে  
গেলেন। 12 সদাপ্রভু তাঁর নিজের করা প্রতিজ্ঞানুসারে শলোমনকে  
সুবিবেচনা দিলেন। হীরম ও শলোমনের মধ্যে শান্তিপূর্ণ সম্পর্ক ছিল,  
এবং তারা দুজন এক চুক্তি স্বাক্ষরিত করলেন। 13 রাজা শলোমন  
সমস্ত ইস্রায়েল থেকে ত্রিশ হাজার লোককে বাধ্যতামূলকভাবে কাজে  
লাগালেন। 14 প্রতি মাসে পালা করে দশ-দশ হাজার লোককে তিনি  
লেবাননে পাঠাতেন, ফলস্বরূপ এক মাস তারা লেবাননে ও দুই মাস  
ঘরে কাটাত। অদোনীরাম বেগার শ্রমিকদের দেখাশোনার দায়িত্বে  
ছিলেন। 15 শলোমনের কাছে সন্তুর হাজার ভারবহনকারী ও পাহাড়ে  
আশি হাজার পাথর ভাঙ্গার লোক ছিল, 16 এছাড়াও শলোমনের  
33,000 সর্দার-শ্রমিকও ছিল, যারা প্রকল্পটির তত্ত্বাবধান করত ও  
শ্রমিকদের পরিচালনা করত। 17 রাজার আদেশে তারা পাথর খাদান  
থেকে উৎকৃষ্ট মানের বড়ো বড়ো পাথরের চাঞ্চড় কেটে তুলত, যা  
দিয়ে মন্দিরের জন্য আকর্ষণীয় ভিত্তিপ্রস্তর তৈরি হতে যাচ্ছিল। 18  
শলোমনের ও হীরমের কারিগররা এবং গির্লীয় শ্রমিকেরা মন্দির  
নির্মাণের জন্য কাঠ ও পাথর কেটে সেগুলি তৈরি করে রাখত।

**৬** ইস্রায়েলীরা মিশর থেকে বের হয়ে আসার পর 480 তম বছরে,  
ইস্রায়েলের উপর শলোমনের রাজত্বের চতুর্থ বছরে, বছরের দ্বিতীয়  
মাসে, অর্থাৎ সিব মাসে তিনি সদাপ্রভুর মন্দির নির্মাণ করতে শুরু  
করলেন। 2 যে মন্দিরটি রাজা শলোমন নির্মাণ করলেন, সেটি প্রায়  
সাতাশ মিটার লম্বা, নয় মিটার চওড়া ও চৌদ্দো মিটার উচ্চতাবিশিষ্ট  
হল। 3 সেই মন্দিরের মূল ঘরের সামনের দিকের দ্বারমণ্ডপটি মন্দিরের  
প্রস্ত্রে মাপ নয় মিটার বাড়িয়ে দিয়েছিল, এবং মন্দিরের সামনের

দিকের মাপ প্রায় সাড়ে-চার মিটার বাড়িয়ে দিয়েছিল। ৪ মন্দিরের দেয়ালের উপরদিকে তিনি কয়েকটি জানালা তৈরি করলেন। ৫ মূল ঘরের দেয়ালগুলির ও ভিতরদিকের পবিত্রস্থানের গা ঘেঁসে তিনি ভবনটির চারপাশে এমন একটি কাঠামো গড়েছিলেন, যেটিতে কয়েকটি পার্শ্ব-ঘর ছিল। ৬ সবচেয়ে নিচের তলাটি ছিল প্রায় 2.3 মিটার চওড়া, মাঝের তলাটি প্রায় 2.7 মিটার ও তৃতীয় তলাটি প্রায় 3.2 মিটার চওড়া ছিল। তিনি মন্দিরের বাইরে চারপাশে ভারসাম্য বজায়কারী সরু তাক তৈরি করলেন, যেন আর অন্য কোনো কিছু মন্দিরের দেয়ালে গাঁথা না যায়। ৭ মন্দির নির্মাণের সময় শুধুমাত্র পাথর খাদানে কেটেকুটে প্রস্তুত করা পাথরের চাঙড়ই ব্যবহার করা হল, এবং মন্দির নির্মাণস্থলে সেটি গড়ে ওঠার সময় কোনও হাতুড়ি, ছেনি বা লোহার অন্য কোনও যন্ত্রপাতির শব্দ শোনা যায়নি। ৮ সবচেয়ে নিচের তলার প্রবেশদ্বারাটি ছিল মন্দিরের দক্ষিণ দিকে; সেখান থেকে একটি সিঁড়ি মাঝের তলা হয়ে তৃতীয় তলায় উঠে গেল। ৯ এইভাবে তিনি কড়িকাঠ ও দেবদারু কাঠের তক্তা দিয়ে মন্দিরের ছাদ বানিয়ে সেটির নির্মাণকাজ সমাপ্ত করলেন। ১০ তিনি মন্দিরের দৈর্ঘ্য বরাবর কয়েকটি পার্শ্ব-ঘর তৈরি করলেন। প্রত্যেকটির উচ্চতা ছিল পাঁচ হাত, এবং সেগুলি দেবদারু কাঠের কড়িকাঠ দিয়ে মন্দিরের সাথে জুড়ে দেওয়া হল। ১১ সদাপ্রভুর এই বাক্য শলোমনের কাছে এসেছিল: ১২ “তুমি যদি আমার বিধিবিধান অনুসরণ করো, আমার নিয়মকানুন পালন করো ও আমার আদেশগুলি মেনে সেগুলির বাধ্য হও, তবে তোমার তৈরি করা এই মন্দিরের বিষয়ে আমি তোমার বাবা দাউদের কাছে যে প্রতিজ্ঞাটি করলাম, তা তোমার মাধ্যমেই আমি পূরণ করব। ১৩ আর আমি ইস্রায়েলীদের মাঝখানে বসবাস করব ও আমার প্রজা ইস্রায়েলকে ত্যাগ করব না।” ১৪ অতএব শলোমন মন্দির নির্মাণ করে সেটি সম্পূর্ণ করলেন। ১৫ তিনি মন্দিরের ভিতরদিকের দেয়ালগুলি দেবদারু কাঠের তক্তা দিয়ে মুড়ে দিলেন, মন্দিরের মেঝে থেকে ছাদের ভিতরের দিক পর্যন্ত দেয়ালে খুপি তৈরি করে দিলেন, এবং মন্দিরের মেঝেটি চিরহরিৎ কাঠের তক্তা দিয়ে ঢেকে দিলেন। ১৬

মন্দিরের ভিতরে এক অভ্যন্তরীণ পবিত্রস্থান অর্ধাং মহাপবিত্র স্থান  
গড়ার জন্য তিনি মন্দিরের মধ্যেই পিছন দিকে দেবদারু তত্ত্ব দিয়ে  
কুড়ি হাত এলাকা আলাদা করে দিলেন। 17 এই ঘরটির সামনের  
দিকের মূল ঘরটি ছিল দৈর্ঘ্যে প্রায় 18 মিটার। 18 মন্দিরের ভিতরদিকে  
দেবদারু কাঠ খোদাই করে লাট-এর মতো ফলের ও প্রস্ফুটিত ফুলের  
আকার গড়ে দেওয়া হল। সেখানে সবকিছুই ছিল দেবদারু কাঠের;  
কেনো পাথর দেখা যাচ্ছিল না। 19 সদাপ্রভুর নিয়ম-সিন্দুকটি রাখার  
জন্যই তিনি মন্দিরের মধ্যে অভ্যন্তরীণ পবিত্র স্থানটি প্রস্তুত করলেন।  
20 অভ্যন্তরীণ পবিত্র স্থানটি ছিল প্রায় 9.2 মিটার করে লম্বা, চওড়া  
ও উঁচু। ভিতরদিকটি তিনি পাকা সোনা দিয়ে মুড়ে দিলেন, এবং  
দেবদারু কাঠের যজ্ঞবেদিটিও তিনি পাকা সোনা দিয়ে মুড়ে দিলেন।  
21 শলোমন মন্দিরের ভিতরদিকটিও পাকা সোনা দিয়ে মুড়ে দিলেন,  
এবং তিনি সেই অভ্যন্তরীণ পবিত্রস্থানের সামনের দিক পর্যন্ত সোনার  
শিকল টেনে নিয়ে গেলেন, যেটি সোনা দিয়ে মুড়ে দেওয়া হল।  
22 অতএব তিনি সেই ভবনের ভিতরদিকটি পুরোপুরি সোনা দিয়ে  
মুড়ে দিলেন। এছাড়াও সেই যজ্ঞবেদিটিও তিনি সোনা দিয়ে মুড়ে  
দিলেন, যেটি অভ্যন্তরীণ পবিত্রস্থানের অন্তর্গত ছিল। 23 অভ্যন্তরীণ  
পবিত্রস্থানের জন্য তিনি জলপাই কাঠের এক জোড়া করুব তৈরি  
করলেন, যেগুলির এক একটির উচ্চতা ছিল প্রায় 4.6 মিটার। 24  
প্রথম করুবটির একটি ডানার উচ্চতা ছিল প্রায় 2.3 মিটার, ও অন্য  
ডানাটিরও উচ্চতা ছিল প্রায় 2.3 মিটার—এক ডানার ডগা থেকে অন্য  
ডানার ডগার দূরত্ব প্রায় 4.6 মিটার। 25 দ্বিতীয় করুবটির মাপ ছিল  
প্রায় 4.6 মিটার, কারণ দুটি করুবের উচ্চতা ছিল প্রায় 4.6 মিটার করে। 27 তিনি  
করুব দুটি মন্দিরের একদম ভিতরের ঘরে রেখেছিলেন, এবং সে  
দুটির ডানাগুলি ছড়ানো ছিল। একটি করুবের ডানা একটি দেয়াল  
ছুঁয়েছিল, আবার অন্য করুবটির ডানা অন্য একটি দেয়াল ছুঁয়েছিল,  
এবং তাদের ডানাগুলি ঘরের মাঝখানে পরস্পরকে ছুঁয়েছিল। 28  
তিনি করুব দুটি সোনা দিয়ে মুড়ে দিলেন। 29 ভিতরের ও বাইরের

ঘরগুলিতে, মন্দিরের এক প্রান্ত থেকে অন্য প্রান্তের দেয়াল জুড়ে  
তিনি করবের, খেজুর গাছের ও প্রস্ফুটিত ফুলের ছবি খোদাই করে  
ফুটিয়ে তুলেছিলেন। 30 এছাড়াও তিনি মন্দিরের ভিতরের ও বাইরের  
ঘরগুলির মেঝে সোনা দিয়ে ঢেকে দিলেন। 31 অভ্যন্তরীণ পবিত্রস্থানে  
প্রবেশ করার জন্য তিনি জলপাই কাঠের এমন এক জোড়া দরজা তৈরি  
করলেন যার মাপ পবিত্রস্থানের প্রস্তরে এক-পঞ্চমাংশ। 32 আবার  
জলপাই কাঠের তৈরি দরজার দুটি পাল্লায় তিনি করবের, খেজুর  
গাছের ও প্রস্ফুটিত ফুলের ছবি খোদাই করে ফুটিয়ে তুলেছিলেন, এবং  
করব ও খেজুর গাছগুলি তিনি সোনার পাত দিয়ে মুড়ে দিলেন। 33  
একইরকম ভাবে, মূল ঘরে প্রবেশ করার জন্য তিনি জলপাই কাঠ দিয়ে  
দরজার এমন চৌকাঠ তৈরি করলেন, যার মাপ ছিল মূল ঘরের প্রস্তরে  
এক-চতুর্থাংশ। 34 এছাড়াও তিনি চিরহরিৎ গাছের কাঠ দিয়ে দরজার  
এমন দুটি পাল্লা তৈরি করলেন, যেগুলি কজা দিয়ে পাক খাওয়ানো  
যেত। 35 সেগুলির উপর তিনি করবের, খেজুর গাছের ও প্রস্ফুটিত  
ফুলের ছবি খোদাই করে ফুটিয়ে তুলেছিলেন এবং খোদাইয়ের কাজের  
উপর সোনার পাত দিয়ে সমানভাবে সেগুলি মুড়ে দিলেন। 36 আবার  
কেটেকুটে প্রস্তত করা পাথরের তিনি পর্বে ও দেবদারু কাঠের পরিচ্ছন্ন  
কড়িকাঠের এক পর্বে তিনি ভিতরদিকের উঠোন তৈরি করলেন। 37  
চতুর্থ বছরের সিব মাসে সদাপ্রভুর মন্দিরের ভিত্তিমূল গাঁথা হল।  
38 একাদশ বছরের অষ্টম মাসে, অর্থাৎ বুল মাসে মন্দিরের নকশা  
অনুসারে অনুপুর্জ্জিভাবে সেটি সম্পূর্ণ হল। সেটি নির্মাণ করার জন্য  
তিনি সাত সাতটি বছর কাটিয়ে দিলেন।

7 তাঁর প্রাসাদের নির্মাণকাজ সম্পূর্ণ করতে অবশ্য শলোমনের তেরো  
বছর লেগে গেল। 2 লেবাননের অরণ্যে যে প্রাসাদটি তিনি নির্মাণ  
করলেন, সেটি দৈর্ঘ্যে ছিল প্রায় 45 মিটার, প্রস্থে প্রায় 23 মিটার ও  
উচ্চতায় 14 মিটার, এবং দেবদারু কাঠে তৈরি চারটি থাম দেবদারু  
কাঠেই তৈরি পরিচ্ছন্ন কড়িকাঠগুলি ধরে রেখেছিল। 3 কড়িকাঠের  
উপরের ছাদ তৈরি হল দেবদারু কাঠে এবং কড়িকাঠগুলি থামের উপর  
বসানো ছিল—এক এক সারিতে পনেরোটি করে মোট পঁয়তাল্লিশটি

কড়িকাঠ ছিল। 4 সেটির জানালাগুলি উপরের দিকে মুখোমুখি তিন তিনটি করে রাখা হল। 5 সব দরজায় আয়তাকার চৌকাঠ ছিল; সামনের দিকে মুখোমুখি সেগুলি তিন তিনটি করে রাখা হল। 6 তিনি প্রায় 23 মিটার লম্বা ও 14 মিটার চওড়া এক স্তম্ভসারি তৈরি করলেন। সেটির সামনের দিকে একটি দ্বারমণ্ডপ ছিল, এবং সেটির সামনের দিকে ছিল কয়েকটি থাম ও একটি ঝুলবারান্দা। 7 তিনি সিংহাসন-দরবার, সেই বিচার-দরবারটি তৈরি করলেন, যেখানে বসে তিনি বিচার করতে যাচ্ছিলেন। সেটি তিনি মেঝে থেকে ছাদের ভিতর দিক পর্যন্ত দেবদারু কাঠ দিয়ে ঢেকে দিলেন। 8 যে প্রাসাদে তিনি থাকতে যাচ্ছিলেন, সেটি সেই একই নকশা অনুসারে বিচার-দরবারের পিছন দিকে তৈরি করা হল। শলোমন যাঁকে বিয়ে করলেন, ফরৌগের সেই মেয়ের জন্যও তিনি এই দরবারটির মতো একটি প্রাসাদ তৈরি করলেন। 9 এইসব ভবন, বাইরে থেকে শুরু করে বড়ো প্রাঙ্গণ পর্যন্ত, এবং ভিত্তি থেকে ছাঁচা পর্যন্ত, মাপ করে কাটা ও ভিতর ও বাইরের দিকে মসৃণ করা উন্নত মানের পাথরের চাঞ্চড় দিয়ে তৈরি করা হল। 10 ভীত গাঁথা হল উন্নত মানের বড়ো বড়ো পাথর দিয়ে, যার কোনো কোনোটির মাপ ছিল প্রায় 4.5 মিটার, আবার কোনো কোনোটির মাপ ছিল প্রায় 3.6 মিটার। 11 উপরেও ছিল মাপ করে কাটা উন্নত মানের পাথর ও দেবদারু কাঠের কড়িকাঠ। 12 বড়ো প্রাঙ্গণটি ঘেরা ছিল তিন সারি পরিচ্ছন্ন পাথর ও দেবদারু কাঠের এক সারি পরিচ্ছন্ন কড়িকাঠ দিয়ে তৈরি এক প্রাচীর দিয়ে, ঠিক যেভাবে দ্বারমণ্ডপ সমেত সদাপ্রভুর মন্দিরের ভিতরদিকের প্রাঙ্গণটি তৈরি হল। 13 রাজা শলোমন লোক পাঠিয়ে সোর থেকে সেই হূরমকে আনিয়েছিলেন, 14 যাঁর মা নগালি গোষ্ঠীভুক্ত এক বিধবা ছিলেন এবং তাঁর বাবা সোরে বসবাসকারী ব্রাজের কাজে দক্ষ এক শিল্পী ছিলেন। ব্রাজের সব ধরনের কাজ করার ক্ষেত্রে হূরম প্রজ্ঞা, জ্ঞানবুদ্ধিতে পরিপূর্ণ ছিলেন। তিনি রাজা শলোমনের কাছে এলেন ও তাঁর নিরপিত সব কাজ করলেন। 15 তিনি ব্রাজের দুটি থাম ছাঁচে ঢেলে তৈরি করলেন, প্রত্যেকটির উচ্চতা ছিল প্রায় 8.1 মিটার ও পরিধি ছিল প্রায় 5.4 মিটার। 16 এছাড়াও থামের

মাথায় রাখার জন্য তিনি ছাঁচে ফেলে ব্রোঞ্জের দুটি স্তনশীর্ষ তৈরি করলেন; প্রত্যেকটি স্তনশীর্ষ উচ্চতায় প্রায় 2.3 মিটার করে ছিল। 17 থামগুলির মাথায় রাখা স্তনশীর্ষগুলি সাজানো হল পরস্পরছেদী জালের মতো বিন্যাসিত একত্রে গাঁথা শিকল দিয়ে, ও প্রত্যেকটি স্তনশীর্ষে ছিল সাতটি করে শিকল। 18 থামের মাথায় রাখা স্তনশীর্ষগুলি সাজানোর জন্য প্রত্যেকটি পরস্পরছেদী জাল ঘিরে দুই দুই সারি করে তিনি ডালিম বানিয়ে দিলেন। প্রত্যেকটি স্তনশীর্ষের জন্য তিনি একই কাজ করলেন। 19 দ্বারমণ্ডপে থামগুলির মাথায় রাখা স্তনশীর্ষগুলি লিলিফুলের মতো দেখতে হল, ও সেগুলির উচ্চতা ছিল প্রায় 1.8 মিটার করে। 20 দুটি থামেরই স্তনশীর্ষে, পরস্পরছেদী জালের পাশে থাকা সরাকৃতি অংশের উপরে চারদিকে সারবাঁধা 200-টি করে ডালিম ছিল। 21 মন্দিরের দ্বারমণ্ডপে তিনি থামগুলি তৈরি করলেন। দক্ষিণ দিকের থামটির নাম তিনি দিলেন যাখীন এবং উত্তর দিকের থামটির নাম দিলেন বোয়স। 22 উপর দিকের স্তনশীর্ষগুলি লিলিফুলের মতো দেখতে হল। আর এভাবেই থামের কাজ সম্পূর্ণ হল। 23 ধাতু ছাঁচে ঢেলে তিনি গোলাকার এমন এক সমুদ্রপাত্র তৈরি করলেন, যা মাপে এক কিনারা থেকে অন্য কিনারা পর্যন্ত দৈর্ঘ্যে হল প্রায় 4.6 মিটার ও উচ্চতায় হল প্রায় 2.3 মিটার। সেটি ঘিরে মাপা হলে, তা প্রায় 13.8 মিটার হল। 24 কিনারার নিচে, সেটি ঘিরে ছিল প্রতি মিটারে কুড়িটি করে লাউ আকৃতির কয়েকটি ফল। সমুদ্রপাত্রের সাথেই লাউ আকৃতির ফলগুলি এক টুকরোতে দুই দুই সারি করে ছাঁচে ঢেলে তৈরি করা হল। 25 সমুদ্রপাত্রটি বারোটি বলদের উপর দাঁড় করানো ছিল। সেগুলির মধ্যে তিনটি উত্তর দিকে, তিনটি পশ্চিমদিকে, তিনটি দক্ষিণ দিকে ও তিনটি পূর্বদিকে মুখ করে ছিল। সমুদ্রপাত্রটি সেগুলির উপরেই ভর দিয়েছিল, এবং সেগুলির শরীরের পিছনের অংশগুলি কেন্দ্রস্থলের দিকে রাখা ছিল। 26 সেটি প্রায় 7.5 সেটিমিটার পুরু ছিল, এবং সেটির কিনারা ছিল একটি পেয়ালার কিনারার মতো, লিলিফুলের মতো। সেটির ধারণক্ষমতা ছিল 2,000 বাত। 27 এছাড়াও তিনি ব্রোঞ্জের দশটি সরণযোগ্য তাক তৈরি করলেন; প্রত্যেকটি প্রায় 1.8

মিটার লম্বা, প্রায় 1.8 মিটার চওড়া ও প্রায় 1.4 মিটার উঁচু। 28  
এভাবেই তাকগুলি তৈরি করা হল: সেগুলিতে কিনারাযুক্ত খুপি ছিল,  
যেগুলি খাড়া খুঁটির সাথে জুড়ে দেওয়া হল। 29 খাড়া খুঁটিগুলির  
মাঝে থাকা খুপিগুলিতে সিংহ, বলদ ও করবের আকৃতি খোদাই করা  
ছিল—আর খাড়া খুঁটিগুলিতেও তা ছিল। সিংহ ও বলদের উপরে ও  
নিচে পিটানো পাতের মালা গাঁথা ছিল। 30 প্রত্যেকটি তাকে ব্রোঞ্জের  
চারটি করে চাকা ও ব্রোঞ্জেরই চক্রদণ্ড ছিল, এবং প্রত্যেকটিতে চারটি  
করে খুঁটির উপর দাঁড়িয়ে থাকা এক-একটি করে গামলা জাতীয় পাত্র  
ছিল, যেগুলির প্রতিটি দিকে ছাঁচে ঢেলে মালা গেঁথে দেওয়া হল।  
31 তাকের ভিতরদিকে একটি ফাঁক ছিল যেখানে প্রায় পঁয়তাল্লিশ  
সেন্টিমিটার পুরু গোলাকার একটি খাঁচা ছিল। এই ফাঁকটি ছিল  
গোল, ও এটির ভিত্তের কাজ সমেত এটি মাপে ছিল প্রায় আটষষ্ঠি  
সেন্টিমিটার। সেটির ফাঁক ঘিরে করা হল খোদাইয়ের কাজ। তাকের  
খুপিগুলি গোল নয়, কিন্তু চৌকো ছিল। 32 চারটি চাকা রাখা ছিল  
খুপিগুলির নিচে, এবং চাকাগুলির চক্রদণ্ডগুলি তাকের সাথে জুড়ে  
দেওয়া হল। প্রত্যেকটি চাকার ব্যাস ছিল প্রায় আটষষ্ঠি সেন্টিমিটার  
করে। 33 চাকাগুলি, রথের চাকার মতো করে তৈরি করা হল; চক্রদণ্ড,  
চক্রবেড়, চাকার পাখি ও চক্রনাভিগুলি সব ছাঁচে ঢেলে ধাতু দিয়ে  
তৈরি করা হল। 34 প্রত্যেকটি তাকে চারটি করে হাতল ছিল, তাক  
থেকে এক-একটি হাতল এক এক প্রান্তে বের হয়েছিল। 35 তাকের  
মাথায় প্রায় তেইশ সেন্টিমিটার গভীর গোলাকার একটি বেড়ি ছিল।  
খুঁটি ও খুপিগুলি তাকের মাথায় জুড়ে দেওয়া হল। 36 যেখানে যেখানে  
ফাঁকা স্থান ছিল, খুঁটি ও খুপিগুলির গায়ে চারদিক ঘিরে গাঁথা মালা  
সমেত তিনি করাব, সিংহ ও খেজুর গাছের আকৃতি খোদাই করে  
দিলেন। 37 এভাবেই তিনি দশটি তাক তৈরি করলেন। সবকটি একই  
ছাঁচে ঢালাই করা হল এবং মাপে ও আকারে সেগুলি একইরকম  
হল। 38 পরে তিনি হাত ধোয়ার জন্য ব্রোঞ্জের দশটি গামলা জাতীয়  
পাত্র তৈরি করলেন, যার প্রত্যেকটিতে চাল্লিশ বাত করে জল ধরে  
রাখা যেত এবং আড়াআড়িভাবে মাপে সেগুলি প্রায় 1.8 মিটার করে

ছিল, ও এক-একটি পাত্র সেই দশটি তাকের এক একটির উপর  
রাখা হল। 39 তিনি পাঁচটি তাক মন্দিরের দক্ষিণ দিকে এবং পাঁচটি  
উত্তর দিকে রেখেছিলেন। তিনি সমুদ্রপাত্রটি মন্দিরের দক্ষিণ দিকে,  
একেবারে দক্ষিণ-পূর্ব প্রান্তে এনে রেখেছিলেন। 40 এছাড়াও তিনি  
আরও কয়েকটি পাত্র, বেলচা ও জল ছিটানোর বাটিও তৈরি করলেন।  
অতএব সদাপ্রভুর মন্দিরে রাজা শলোমনের জন্য হূরম যা যা করার  
দায়িত্ব নিয়েছিলেন, তা সম্পূর্ণ করলেন: 41 দুটি স্তম্ভ; স্তম্ভের উপরে  
বসানোর জন্য গামলার আকারবিশিষ্ট দুটি স্তম্ভশীর্ষ; স্তম্ভের উপরে  
বসানো গামলার আকারবিশিষ্ট দুটি স্তম্ভশীর্ষ সাজিয়ে তোলার জন্য দুই  
সারি পরম্পরাচেদী জাল; 42 দুই সারি পরম্পরাচেদী জালের জন্য 400  
ডালিম (স্তম্ভগুলির উপরে বসানো গামলার আকারবিশিষ্ট স্তম্ভশীর্ষ  
সাজিয়ে তোলার কাজে ব্যবহৃত প্রত্যেকটি পরম্পরাচেদী জালের  
জন্য দুই সারি করে ডালিম); 43 হাত ধোয়ার দশটি পাত্র সমেত  
দশটি তাক; 44 সমুদ্রপাত্র ও সেটির নিচে থাকা বারোটি বলদ; 45  
অন্যান্য পাত্র, বেলচা ও কয়েকটি জল ছিটানোর বাটি। সদাপ্রভুর  
মন্দিরের জন্য শলোমনের হয়ে হূরম যা যা তৈরি করলেন, সেসবই  
তৈরি হল পালিশ করা ব্রোঞ্জ দিয়ে। 46 জর্ডন-সমভূমিতে সুক্ষোৎ  
ও সর্তনের মাঝামাঝি এক স্থানে মাটির ছাঁচে করে রাজা সেগুলি  
ঢালাই করিয়েছিলেন। 47 সেসব জিনিস পরিমাণে এত বেশি ছিল  
যে শলোমন সেগুলি ওজন না করেই রেখে দিলেন; ব্রোঞ্জের ওজন  
ঠিক করা যায়নি। 48 সদাপ্রভুর মন্দিরে যেসব আসবাবপত্রাদি ছিল,  
শলোমন সেগুলি ও তৈরি করিয়েছিলেন: সোনার যজ্ঞবেদি; দর্শন-রূপ  
রাখার জন্য সোনার টেবিল; 49 খাঁটি সোনার দীপাধার (অভাস্তুরীণ  
পবিত্রস্থানের সামনে পাঁচটি ডানদিকে ও পাঁচটি বাঁদিকে); সোনার  
ফুলসজ্জা এবং প্রদীপ ও চিমটে; 50 হাত ধোয়ার খাঁটি সোনার পাত্র,  
পলতে ছাঁটবার যন্ত্র, জল ছিটানোর বাটি, থালা ও ধুনুচি; এবং একদম  
ভিতরের ঘরের দরজাগুলির, মহাপবিত্র স্থানের, ও এছাড়াও মন্দিরের  
মূল ঘরের দরজাগুলির জন্য সোনার কজা। 51 সদাপ্রভুর মন্দিরের  
জন্য রাজা শলোমনের করা সব কাজ সমাপ্ত হয়ে যাওয়ার পর তিনি

তাঁর বাবা দাউদের উৎসর্গ করা জিনিসপত্র—কল্পো ও সোনা এবং  
সব আসবাবপত্রাদি—সেখানে নিয়ে এলেন এবং সদাপ্রভুর মন্দিরের  
কোষাগারে সেগুলি রেখে দিলেন।

**৪** পরে রাজা শলোমন জেরুশালেমে তাঁর কাছে দাউদ-নগর, অর্থাৎ  
সিয়োন থেকে সদাপ্রভুর নিয়ম-সিন্দুকটি নিয়ে আসার জন্য ইস্রায়েলের  
প্রাচীনদের, সমস্ত গোষ্ঠীপতিকে ও ইস্রায়েলী পরিবারের প্রধানদের  
ডেকে পাঠালেন। ২ ইস্রায়েলীরা সবাই বছরের সপ্তম মাস, এথানীম  
মাসে উৎসবের সময় রাজা শলোমনের কাছে একত্রিত হল। ৩  
ইস্রায়েলের প্রাচীনেরা সবাই পৌঁছে যাওয়ার পর যাজকেরা সিন্দুকটি  
উঠিয়েছিলেন, ৪ এবং তারা সদাপ্রভুর সেই সিন্দুকটি ও সমাগম তাঁরুটি  
এবং সেখানকার সব পরিত্র আসবাবপত্রাদি নিয়ে এলেন। যাজকেরা  
ও লেবীয়রা সেগুলি বহন করে এনেছিলেন, ৫ আর রাজা শলোমন ও  
তাঁর কাছে একত্রিত হওয়া ইস্রায়েলের সমগ্র জনসমাজ সিন্দুকটির  
সামনে উপস্থিত হয়ে এত মেষ ও গবাদি পশুবলি দিলেন, যে সেগুলি  
নথিভুক্ত করে বা গুনে রাখা সপ্তব হয়নি। ৬ যাজকেরা পরে সদাপ্রভুর  
নিয়ম-সিন্দুকটি মন্দিরের ভিতরদিকের পীঠস্থানে, অর্থাৎ মহাপবিত্র  
স্থানে সেটির জন্য ঠিক করে রাখা স্থানে নিয়ে এলেন, এবং দুটি  
করবের ডানার নিচে রেখে দিলেন। ৭ করব দুটি সেই সিন্দুক রাখার  
স্থানের উপর তাদের ডানা মেলে ধরেছিল এবং সেই সিন্দুক ও সেটির  
হাতলগুলি আড়াল করে রেখেছিল। ৮ সেই হাতলগুলি এত লম্বা ছিল যে  
বের হয়ে আসা হাতলের শেষপ্রান্তগুলি ভিতরদিকের পীঠস্থানের সামনে  
থেকে দেখা যেত, কিন্তু পবিত্রস্থানের বাইরে থেকে দেখা যেত না; আর  
সেগুলি আজও সেখানেই আছে। ৯ সেই সিন্দুকে পাথরের সেই দুটি  
পাথরের ফলক ছাড়া আর কিছুই ছিল না, যেগুলি ইস্রায়েলীরা মিশর  
দেশ থেকে বের হয়ে আসার পর সদাপ্রভু তাদের সাথে যেখানে এক  
নিয়ম স্থাপন করলেন, সেই হোরেবে মোশি সিন্দুকে ভরে রেখেছিলেন।  
১০ যাজকেরা পবিত্রস্থান থেকে সরে যাওয়ার পর সদাপ্রভুর মন্দিরটি  
মেঘে পরিপূর্ণ হয়ে গেল। ১১ এবং সেই মেঘের কারণে যাজকেরা  
তাদের পরিচর্যা করে উঠতে পারেননি, যেহেতু সদাপ্রভুর প্রতাপে তাঁর

মন্দিরটি পরিপূর্ণ হয়ে উঠেছিল। 12 তখন শলোমন বললেন, “সদাপ্রভু  
বলেছেন যে তিনি ঘন মেঘের মাঝে বসবাস করবেন; 13 বাস্তবিকই  
আমি তোমার জন্য এক দর্শনীয় মন্দির তৈরি করেছি, সেটি এমন  
এক স্থান, যেখানে তুমি চিরকাল বসবাস করবে।” 14 ইস্রায়েলের  
সমগ্র জনসমাজ যখন সেখানে দাঁড়িয়েছিল, রাজামশাই তখন তাদের  
দিকে মুখ ফিরিয়ে তাদের আশীর্বাদ করলেন। 15 পরে তিনি বললেন:  
“ইস্রায়েলের ঈশ্বর সেই সদাপ্রভুর গৌরব হোক, যিনি নিজের হাতে  
তাঁর সেই প্রতিজ্ঞাটি পূরণ করেছেন, যেটি তিনি নিজের মুখে আমার  
বাবা দাউদের কাছে করলেন। কারণ তিনি বললেন, 16 ‘যেদিন  
আমি আমার প্রজা ইস্রায়েলকে মিশ্র থেকে বের করে এনেছিলাম,  
সেদিন থেকে আজ পর্যন্ত আমার নামের উদ্দেশ্যে মন্দির নির্মাণের  
জন্য আমি ইস্রায়েলের গোষ্ঠীভুক্ত কোনও নগর মনোনীত করিনি,  
কিন্তু আমার প্রজা ইস্রায়েলকে শাসন করার জন্য আমি দাউদকে  
মনোনীত করেছিলাম।’ 17 ‘ইস্রায়েলের ঈশ্বর সদাপ্রভুর নামে একটি  
মন্দির নির্মাণ করার বাসনা আমার বাবা দাউদের অন্তরে ছিল। 18  
কিন্তু সদাপ্রভু আমার বাবা দাউদকে বললেন, ‘আমার নামে একটি  
মন্দির নির্মাণ করার কথা ভেবে তুমি ভালোই করেছ। 19 তবে, তুমি  
সেই মন্দির নির্মাণ করবে না, কিন্তু তোমার সেই ছেলে, যে তোমারই  
রক্তমাংস—সেই আমার নামে একটি মন্দির নির্মাণ করবে।’ 20  
“সদাপ্রভু তাঁর করা প্রতিজ্ঞাটি পূরণ করেছেন: আমি আমার বাবা  
দাউদের স্ত্রাভিষিক্ত হয়েছি এবং সদাপ্রভুর প্রতিজ্ঞানুসারে এখন  
আমি ইস্রায়েলের সিংহাসনে বসেছি, এবং ইস্রায়েলের ঈশ্বর সদাপ্রভুর  
নামের উদ্দেশ্যে আমি মন্দিরটি নির্মাণ করেছি। 21 আমি সেখানে  
সেই সিন্দুকটির জন্য স্থান করে রেখেছি, যেখানে সদাপ্রভুর সেই  
নিয়মটি রাখা আছে, যা তিনি মিশ্র থেকে আমাদের পূর্বপুরুষদের বের  
করে আনার সময় তাদের সঙ্গে স্থাপন করলেন।” 22 পরে শলোমন  
ইস্রায়েলের সমগ্র জনসমাজের সামনে সদাপ্রভুর উপস্থিতিতে উঠে  
দাঁড়িয়ে স্বর্গের দিকে তাঁর দু-হাত মেলে ধরলেন 23 এবং বললেন: “হে  
ইস্রায়েলের ঈশ্বর সদাপ্রভু, উপরে স্বর্গে বা নিচে পৃথিবীতে তোমার

মতো আর কোনও ঈশ্বর নেই—যারা সর্বান্তঃকরণে তোমার পথে  
চলতে থাকে, তোমার সেইসব দাসের প্রতি তুমি তোমার প্রেমের নিয়ম  
পালন করে থাকো। 24 আমার বাবা, তথা তোমার দাস দাউদের কাছে  
করা প্রতিজ্ঞাটি তুমি পূরণ করেছ; নিজের মুখেই তুমি সেই প্রতিজ্ঞাটি  
করলে এবং নিজের হাতেই তুমি তা রক্ষাও করেছ—যেমনটি কি না  
আজ দেখা যাচ্ছ। 25 “এখন হে ইস্রায়েলের ঈশ্বর সদাপ্রভু, তোমার  
দাস ও আমার বাবা দাউদের কাছে তোমার করা সেই প্রতিজ্ঞাটি পূরণ  
করো। যে প্রতিজ্ঞায় তুমি বললে, ‘শুধু যদি তোমার বংশধরেরা আমার  
সামনে চলার জন্য একটু সতর্ক হয়ে তোমার মতো বিশ্বস্তাপূর্বক  
সবকিছু করে, তবে আমার সামনে ইস্রায়েলের সিংহাসনে বসার জন্য  
তোমার কোনও উন্নতাধিকারীর অভাব হবে না।’ 26 আর এখন, হে  
ইস্রায়েলের ঈশ্বর, আমার বাবা তোমার দাস দাউদের কাছে তুমি  
যে প্রতিজ্ঞা করলে, তা যেন সত্যি হয়। 27 “কিন্তু ঈশ্বর কি সত্যিই  
পৃথিবীতে বসবাস করবেন? স্বর্গ, এমন কী সর্বোচ্চ স্বর্গও তোমাকে  
ধারণ করতে পারে না। তবে আমার নির্মাণ করা এই মন্দিরই বা  
কীভাবে করবে! 28 তবুও হে আমার ঈশ্বর সদাপ্রভু, তোমার দাসের  
প্রার্থনায় ও দয়া লাভের জন্য তার করা আজকের দিনে এই অনুরোধের  
প্রতি মনোযোগ দাও। তোমার উপস্থিতিতে তোমার এই দাস যে  
ক্রন্দন ও প্রার্থনা করছে, তা তুমি শোনো। 29 এই মন্দিরের প্রতি  
যেন দিনরাত তোমার চোখ খোলা থাকে, যেখানকার বিষয়ে তুমি  
বললে, ‘আমার নাম সেখানে বজায় থাকবে,’ যেন এই স্থানটির দিকে  
চেয়ে তোমার দাস যে প্রার্থনা করবে তা তুমি শুনতে পাও। 30  
তোমার এই দাস ও তোমার প্রজা ইস্রায়েল যখন এই স্থানটির দিকে  
তাকিয়ে প্রার্থনা করবে তখন তুমি তাদের মিনতি শুনো। স্বর্গ থেকে,  
তোমার সেই বাসস্থান থেকে তুমি তা শুনো; এবং শুনে তাদের ক্ষমাও  
কোরো। 31 “যখন কেউ তার প্রতিবেশীর প্রতি কোনও অন্যায় করবে  
ও তাকে শপথ করতে বলা হবে এবং সে এই মন্দিরে রাখা তোমার  
এই যজ্ঞবেদির সামনে এসে শপথ করবে, 32 তখন তুমি স্বর্গ থেকে  
তা শুনে সেইমতোই কাজ কোরো। তোমার দাসদের বিচার কোরো,

দোষীকে শাস্তি দিয়ো ও তার কৃতকর্মের ফল তার মাথায় চাপিয়ে  
দিয়ো, এবং নিরপরাধের পক্ষসমর্থন করে, তার নিষ্কলুষতা অনুসারে  
তার প্রতি আচরণ কোরো। 33 “যখন তোমার প্রজা ইস্রায়েল তোমার  
বিরক্তে পাপ করার কারণে শক্র কাছে পরাজিত হয়ে আবার তোমার  
কাছে ফিরে এসে তোমার নামের গৌরব করবে, ও এই মন্দিরে  
তোমার কাছে প্রার্থনা ও মিনতি করবে, 34 তখন স্বর্গ থেকে তুমি তা  
শুনো ও তোমার প্রজা ইস্রায়েলের পাপ ক্ষমা কোরো এবং তাদের সেই  
দেশে ফিরিয়ে এনো, যেটি তুমি তাদের পূর্বপুরুষদের দিয়েছিলে। 35  
“তোমার প্রজারা তোমার বিরক্তে পাপ করার কারণে যখন আকাশের  
দ্বার রূক্ষ হয়ে যাবে ও বৃষ্টি হবে না, আর যখন তারা এই স্থানটির  
দিকে তাকিয়ে প্রার্থনা করবে ও তোমার নামের প্রশংসা করবে এবং  
তুমি যেহেতু তাদের কষ্ট দিয়েছ, তাই তারা তাদের পাপপথ থেকে  
ফিরে আসবে, 36 তখন স্বর্গ থেকে তুমি তা শুনো ও তোমার দাসদের,  
তোমার প্রজা ইস্রায়েলের পাপ ক্ষমা কোরো। সঠিক জীবনযাপনের  
পথ তুমি তাদের শিক্ষা দিয়ো, এবং যে দেশটি তুমি তোমার প্রজাদের  
এক উন্নতাধিকারনক্ষেত্রে দিয়েছ, সেই দেশে তুমি বৃষ্টি পাঠিয়ো। 37  
“যখন দেশে দুর্ভিক্ষ বা মহামারি দেখা দেবে, অথবা ফসল ক্ষেত্রে  
মড়ক লাগবে বা ছাতারোগ লাগবে, পঙ্গপাল বা ফড়িং হানা দেবে,  
অথবা শক্ররা তাদের যে কোনো নগরে তাদের যখন অবরুদ্ধ করে  
রাখবে, যখন এরকম কোনও বিপত্তি বা রোগজ্বালার প্রকোপ পড়বে,  
38 তোমার প্রজা ইস্রায়েলের মধ্যে কেউ যদি প্রার্থনা বা মিনতি উৎসর্গ  
করে—তাদের নিজেদের অন্তরের দুর্দশা অনুভব করে এই মন্দিরের  
দিকে হাত বাড়িয়ে দেয়— 39 তবে তখন তুমি স্বর্গ থেকে, তোমার  
বাসস্থান থেকে তা শুনো। তাদের ক্ষমা কোরো, ও প্রত্যেকের সাথে  
তাদের কৃতকর্মানুসারে আচরণ কোরো, যেহেতু তুমি তো তাদের অন্তর  
জানো (কারণ একমাত্র তুমিই প্রত্যেক মানুষের হৃদয়ের খবর রাখো),  
40 যে দেশটি তুমি আমাদের পূর্বপুরুষদের দিয়েছিলে, সেখানে যতদিন  
তারা বেঁচে থাকবে, যেন তোমাকে ভয় করে চলতে পারে। 41 “যে  
তোমার প্রজা ইস্রায়েলের অন্তর্ভুক্ত নয়, এমন কোনও বিদেশি 42

তোমার মহানামের ও তোমার পরাক্রমী হাতের এবং তোমার প্রসারিত  
বাহুর কথা শুনে যখন দূরদেশ থেকে আসবে—তারা যখন এসে এই  
মন্দিরের দিকে তাকিয়ে প্রার্থনা করবে, 43 তখন তুমি স্বর্গ থেকে,  
তোমার সেই বাসস্থান থেকে তা শুনো। সেই বিদেশি তোমার কাছে যা  
চাইবে, তা তাকে দিয়ো, যেন পৃথিবীর সব মানুষজন তোমার নাম  
জানতে পারে ও তোমাকে ভয় করে, ঠিক যেভাবে তোমার নিজস্ব প্রজা  
ইস্রায়েল করে এসেছে, এবং তারা যেন এও জানতে পারে যে এই  
যে ভবনটি আমি তৈরি করেছি, তা তোমার নাম বহন করে চলেছে।

44 “তোমার প্রজারা যখন তাদের শক্রদের বিরুদ্ধে যুদ্ধযাত্রা করবে,  
তুমি তাদের যেখানেই পাঠাও না কেন, ও এই যে নগর ও মন্দিরটি  
আমি তোমার নামের উদ্দেশে নির্মাণ করেছি, সেদিকে চেয়ে তারা  
সদাপ্রভুর কাছে প্রার্থনা করবে, 45 তখন তুমি স্বর্গ থেকে তাদের  
প্রার্থনা ও মিনতি শুনো, এবং তাদের পক্ষসমর্থন কোরো। 46 “তারা  
যখন তোমার বিরুদ্ধে পাপ করবে—কারণ এমন কেউ নেই যে পাপ  
করে না—আর তুমি তাদের প্রতি ক্রুদ্ধ হবে ও তাদেরকে তাদের সেই  
শক্রদের হাতে তুলে দেবে, যারা তাদের নিজেদের দেশে বন্দি করে  
নিয়ে যাবে, তা সে বহুদূরে অথবা কাছেও হতে পারে; 47 এবং সেই  
দেশে বন্দি জীবন কাটাতে কাটাতে যদি তাদের মন পরিবর্তন হয়, ও  
তারা অনুত্তপ করে ও তাদের সেই বন্দিদশার দেশে থাকতে থাকতেই  
যদি তারা তোমাকে অনুরোধ জানিয়ে বলে, ‘আমরা পাপ করেছি,  
আমরা অন্যায় করেছি, দুষ্টামূলক আচরণ করেছি’; 48 এবং তাদের  
যে শক্ররা তাদের বন্দি করল, তাদের সেই দেশে যদি তারা তাদের  
সব মনপ্রাণ চেলে দিয়ে তোমার কাছে ফিরে আসে ও তুমি তাদের  
পূর্বপুরুষদের যে দেশটি দিয়েছিলে, সেই দেশের ও তুমি যে নগরটি  
মনোনীত করলে, সেই নগরটির তথা আমি তোমার নামের উদ্দেশে  
যে মন্দিরটি নির্মাণ করেছি তার দিকে তাকিয়ে যদি তারা তোমার  
কাছে প্রার্থনা করে; 49 তবে তুমি তোমার বাসস্থান সেই স্বর্গ থেকে  
তাদের প্রার্থনা ও মিনতি শুনো, ও তাদের প্রতি সুবিচার কোরো, 50  
এবং তোমার সেই প্রজাদের ক্ষমা কোরো, যারা তোমার বিরুদ্ধে পাপ

করেছে; তোমার বিরক্তে করা তাদের সব অপরাধ ক্ষমা কোরো, এবং তাদের বন্দিকারীদের মনে এমন ভাব উৎপন্ন কোরো, যেন তারা তাদের প্রতি দয়া দেখায়; 51 কারণ তারা যে তোমার সেই প্রজা ও উত্তরাধিকার, যাদের তুমি মিশ্র থেকে, সেই লোহা গলানো চুল্লি থেকে বের করে নিয়ে এসেছিলে। 52 “তোমার চোখ তোমার দাসের মিনতির প্রতি ও তোমার প্রজা ইস্রায়েলের মিনতির প্রতিও খোলা থাকুক, এবং তারা যখনই তোমার কাছে কেঁদে উঠবে, তুমি যেন তা শুনতে পাও। 53 কারণ তুমি তাদের তোমার নিজস্ব উত্তরাধিকার হওয়ার জন্য জগতের সব জাতির মধ্যে থেকে আলাদা করে বেছে নিয়েছ, ঠিক যেভাবে তুমি, হে সার্বভৌম সদাপ্রভু, আমাদের পূর্বপুরুষদের মিশ্র থেকে বের করে আনার সময় তোমার দাস মোশির মাধ্যমে ঘোষণা করলে।” 54 সদাপ্রভুর কাছে এইসব প্রার্থনা ও মিনতি উৎসর্গ করা সমাপ্ত হয়ে যাওয়ার পর শালোমন সদাপ্রভুর সেই যজ্ঞবেদির সামনে থেকে উঠে দাঁড়িয়েছিলেন, যেখানে তিনি নতজানু হয়ে স্বর্গের দিকে দু-হাত প্রসারিত করে রেখেছিলেন। 55 তিনি উঠে দাঁড়িয়ে জোর গলায় সমগ্র ইস্রায়েলী জনতাকে আশীর্বাদ করে বললেন: 56 “সেই সদাপ্রভুর গৌরব হোক, যিনি তাঁর প্রতিজ্ঞানসারে তাঁর প্রজা ইস্রায়েলকে বিশ্রাম দিয়েছেন। তিনি তাঁর দাস মোশির মাধ্যমে যত ভালো ভালো প্রতিজ্ঞা করলেন, তার একটিও বার্থ হয়নি। 57 আমাদের ঈশ্বর সদাপ্রভু যেমন আমাদের পূর্বপুরুষদের সঙ্গে সঙ্গে ছিলেন, তেমনি তিনি আমাদেরও সঙ্গে সঙ্গে থাকুন; তিনি যেন আমাদের না ছাড়েন বা আমাদের পরিত্যাগ না করেন। 58 তাঁর প্রতি বাধ্যতায় চলার জন্য ও তিনি আমাদের পূর্বপুরুষদের যে যে আদেশ, বিধিবিধান ও নিয়মকানুন দিলেন, সেগুলি পালন করার জন্য তিনি যেন আমাদের অন্তর তাঁর প্রতি ফিরিয়ে আনেন। 59 আর আমি সদাপ্রভুর সামনে যে প্রার্থনাটি করেছি তার এক-একটি কথা যেন দিনরাত আমার ঈশ্বর সদাপ্রভুর কাছাকাছি থাকে, যেন তিনি প্রতিদিনের চাহিদা অনুসারে তাঁর দাসের ও তাঁর প্রজা ইস্রায়েলের প্রতি সুবিচার করলেন, 60 যেন পৃথিবীর সব লোকজন জানতে পারে যে সদাপ্রভুই ঈশ্বর ও তিনি ছাড়া আর কেউ

ইশ্বর নয়। 61 আর তোমাদের অন্তর যেন আমাদের ঈশ্বর সদাপ্রভুর বিধিবিধান অনুসারে চলার ও তাঁর আদেশের বাধ্য হওয়ার জন্য তাঁর প্রতি পুরোপুরি সমর্পিত থাকে, যেমনটি এসময় হয়েছে।” 62 পরে রাজামশাই ও তাঁর সঙ্গে সঙ্গে ইস্রায়েলীরা সবাই সদাপ্রভুর সামনে বলি উৎসর্গ করলেন। 63 শলোমন সদাপ্রভুর কাছে এই মঙ্গলার্থক-নৈবেদ্য উৎসর্গ করলেন: 22,000-টি গৰাদি পশু ও 1,20,000-টি মেষ ও ছাগল। এইভাবে রাজা ও ইস্রায়েলী সবাই সদাপ্রভুর মন্দিরের সামনের দিকের প্রাঙ্গণের মাঝের অংশটুকুও উৎসর্গ করে দিলেন, এবং সেখানে তিনি হোমবলি, শয়-বলি ও মঙ্গলার্থক-নৈবেদ্যের চর্বি উৎসর্গ করলেন, কারণ সদাপ্রভুর সামনে রাখা ব্রোঞ্জের যজ্ঞবেদিটি হোমবলি, শয়-বলি ও মঙ্গলার্থক-নৈবেদ্যের চর্বি ধারণ করার পক্ষে বড়োই ছোটো হয়ে গেল। 65 অতএব শলোমন সেই সময় উৎসব পালন করলেন, এবং তাঁর সাথে সমস্ত ইস্রায়েল ও পালন করল—সে এক বিশাল জনতা, হমাতের প্রবেশদ্বার থেকে মিশরের নির্বারণী পর্যন্ত বিস্তৃত এলাকার লোকজন সেখানে উপস্থিত হল। আমাদের ঈশ্বর সদাপ্রভুর সামনে তারা সাত দিন ও আরও সাত দিন, মোট চৌদ্দো দিন ধরে উৎসব উদ্যাপন করল। 66 পরদিন তিনি লোকজনকে ফেরত পাঠিয়ে দিলেন। তারা রাজামশাইকে ধন্যবাদ জানিয়ে ও সদাপ্রভু তাঁর দাস দাউদ ও তাঁর প্রজা ইস্রায়েলের প্রতি যেসব মঙ্গল করেছেন, তার জন্য খুশিমনে আনন্দ করতে করতে যে যার ঘরে ফিরে গেল।

**৯** শলোমন যখন সদাপ্রভুর মন্দির ও রাজপ্রাসাদ নির্মাণ করার কাজ সমাপ্ত করলেন, এবং তাঁর যা যা করার বাসনা ছিল, সেসব অর্জন করে ফেলেছিলেন, 2 সদাপ্রভু তখন দ্বিতীয়বার তাঁর কাছে আবির্ভূত হলেন, যেভাবে একবার তিনি গিবিয়োনে তাঁর কাছে আবির্ভূত হলেন। 3 সদাপ্রভু তাঁকে বললেন: “তুমি আমার কাছে যে প্রার্থনা ও মিনতি জানিয়েছ, আমি তা শুনেছি; আমার নাম চিরকালের জন্য তোমার নির্মাণ করা মন্দিরে স্থাপন করে আমি সেটি পবিত্র করে দিয়েছি। আমার চোখের দৃষ্টি ও আমার অন্তর সবসময় সেখানে থাকবে।

4 “আর তোমায় বলছি, তোমার বাবা দাউদের মতো তুমিও যদি  
আমার সামনে অস্তরের সততা ও ন্যায়পরায়ণতা সমেত বিশ্বস্তাপূর্বক  
চলো, এবং আমি যা যা আদেশ দিয়েছি, সেসব করো ও আমার  
বিধিবিধান ও নিয়মকানুনগুলি পালন করো, 5 তবে চিরকালের  
জন্য আমি ইস্রায়েলের উপর তোমার রাজসিংহাসন স্থায়ী করব, ঠিক  
যেমনটি আমি তোমার বাবা দাউদের কাছে এই কথা বলে প্রতিজ্ঞা  
করলাম, ‘ইস্রায়েলের সিংহাসনে তোমার স্থলাভিষিক্ত হওয়ার জন্য  
কোনও লোকের অভাব হবে না।’ 6 “কিন্তু যদি তুমি বা তোমার  
বংশধররা আমার কাছ থেকে দূরে সরে যাও ও আমি তোমাকে যে যে  
আদেশ ও বিধিবিধান দিয়েছি, সেগুলি পালন না করো ও অন্যান্য  
দেবদেবীর সেবা ও আরাধনা করতে থাকো, 7 তবে আমি ইস্রায়েলকে  
যে দেশ দিয়েছি, সেই দেশ থেকে তাদের উৎখাত করব ও এই যে  
মন্দিরটি আমি আমার নামের উদ্দেশে পরিত্র করেছি, সেটিও অগ্রাহ্য  
করব। ইস্রায়েল তখন সব লোকজনের কাছে অবজ্ঞার ও উপহাসের  
এক পাত্রে পরিণত হবে। 8 এই মন্দিরটি ভাঙ্গা ইটপাথরের এক  
স্তূপে পরিণত হবে। যারা যারা তখন এখান দিয়ে যাবে, তারা সবাই  
মর্মাহত হবে, টিটকিরি করবে ও বলবে, ‘সদাপ্রভু কেন এই দেশের  
ও এই মন্দিরটির প্রতি এমনটি করলেন?’ 9 লোকেরা উত্তর দেবে,  
'যেহেতু তারা তাদের ঈশ্বর সদাপ্রভুকে পরিত্যাগ করল, যিনি মিশ্র  
থেকে তাদের পূর্বপুরুষদের বের করে এনেছিলেন, এবং যেহেতু  
তারা অন্যান্য দেবতাদের সাগ্রহে গ্রহণ করল, ও তাদের আরাধনা  
ও সেবা করল—তাইতো তিনি তাদের উপর ইসব দুর্বিপাক নিয়ে  
এসেছেন।'” 10 যে কুড়ি বছর ধরে শলোমন এই দুটি ভবন—সদাপ্রভুর  
মন্দির ও রাজপ্রাসাদ—নির্মাণ করলেন, তা পার হয়ে যাওয়ার পর 11  
রাজা শলোমন গালীল প্রদেশের কুড়িটি নগর সৌরের রাজা হীরমকে  
দিলেন, কারণ হীরম তাঁর চাহিদানুসারে যাবতীয় দেবদারু ও চিরহরিৎ  
কাঠ এবং সোনাদানা সরবরাহ করলেন। 12 কিন্তু যে নগরগুলি  
শলোমন হীরমকে দিলেন, তিনি যখন সেগুলি দেখতে গেলেন, তখন  
সেগুলি তাঁর খুব একটি পছন্দ হয়নি। 13 “ভাইটি, আপনি আমাকে

এসব কী নগর দিয়েছেন?" তিনি জিজ্ঞাসা করলেন। আর তিনি সেগুলির নাম দিলেন কাবুল দেশ, আর এই নামটিই আজও পর্যন্ত রয়ে গিয়েছে। 14 ইত্যবসরে হীরম রাজামশাইকে একশো কুড়ি তালত সোনা পাঠালেন। 15 রাজা শলোমন যেসব বেগার শ্রমিককে বাধ্যতামূলকভাবে সদাপ্রভুর মন্দির, তাঁর নিজের প্রাসাদ, উঁচু চাতাল, জেরুশালেমের প্রাচীর, এবং হাত্সোর, মগিদ্দো ও গেষর গাঁথার কাজে লাগলেন, এই হল তাদের বিবরণ। 16 (মিশরের রাজা ফরৌণ গেষর আক্রমণ করে তা অধিকার করে নিয়েছিলেন। সেখানে তিনি আগুন ধরিয়ে দিলেন। তিনি সেখানকার কনানীয় অধিবাসীদের হত্যা করে সেটি তাঁর মেয়ে, শলোমনের স্ত্রীকে বিয়ের ঘোতুকরণপে উপহার দিলেন। 17 আর শলোমন গেষর নগরটি পুনর্নির্মাণ করলেন) তিনি নিচের দিকের বেথ-হোরোণ, 18 বালৎ, ও তাঁর দেশের অন্তর্গত মরজ্বুমিতে অবস্থিত তামর, 19 তথা তাঁর সব গুদাম-নগর এবং তাঁর রথ ও ঘোড়া রাখার জন্য কয়েকটি নগর—জেরুশালেমে, লেবাননে ও তাঁর শাসিত গোটা এলাকা জুড়ে সর্বত্র যা যা তিনি তৈরি করতে চেয়েছিলেন, সেসব তিনি তৈরি করলেন। 20 ইমোরীয়, হিতীয়, পরিষীয়, তিব্বীয় ও যিবূয়ীয়দের মধ্যেও কিছু লোক সেখানে অবশিষ্ট রয়ে গেল। (এইসব লোক ইস্রায়েলী নয়) 21 শলোমন দেশে থেকে যাওয়া এইসব লোকের বংশধরদের—যাদের ইস্রায়েলীরা উচ্ছেদ করতে পারেন—বাধ্যতামূলকভাবে বেগার শ্রমিক রূপে কাজে লাগালেন, আজও পর্যন্ত যা তারা করে চলেছে। 22 কিন্তু শলোমন ইস্রায়েলীদের কাউকে ক্রীতদাস করেননি; তারা তাঁর যোদ্ধা, কর্মকর্তা, সেনাপতি, এবং তাঁর রথের সারথি ও অশ্বারোহীদের সেনাপতি হল। 23 এছাড়াও তারা শলোমনের বিভিন্ন প্রকল্পের দায়িত্বপ্রাপ্ত প্রধান কর্মকর্তা হল 550 জন কর্মকর্তা এই কাজে লিঙ্গ লোকজনের কাজ দেখাশোনা করত। 24 শলোমন ফরৌণের মেয়ের জন্য যে প্রাসাদটি নির্মাণ করলেন, তিনি দাউদ-নগর থেকে সেখানে চলে আসার পর শলোমন সেখানে কয়েকটি উঁচু চাতালও নির্মাণ করে দিলেন। 25 শলোমন সদাপ্রভুর উদ্দেশ্যে যে যজ্ঞবেদিটি তৈরি করলেন, সেখানে

তিনি বছরে তিনবার হোমবলি ও মঙ্গলার্থক বলি উৎসর্গ করতেন,  
এবং সেগুলির সাথে সাথে সদাপ্রভুর সামনে ধূপও জ্বালাতেন, আর  
এভাবেই তিনি মন্দির নির্মাণের কাজ সম্পূর্ণ করলেন। 26 এছাড়াও  
রাজা শলোমন লোহিত সাগরের তীরে, ইদোমের এলতের কাছে  
অবস্থিত ইৎসিয়োন-গেবরে কয়েকটি জাহাজ তৈরি করলেন। 27 হীরম  
শলোমনের লোকজনের সঙ্গে থেকে নৌবাহিনীতে সেবাকাজ করার  
জন্য তাঁর সেইসব নাবিককে পাঠিয়ে দিলেন, যারা সমুদ্রের ব্যাপারে  
অভিজ্ঞ ছিল। 28 তারা জাহাজে চড়ে ওফীরে গেল ও সেখান থেকে  
420 তালস্ত সোনা এনে রাজা শলোমনের কাছে পেঁচে দিয়েছিল।

**10** শিবার রানি শলোমনের সুনামের ও সদাপ্রভুর সঙ্গে তাঁর সম্পর্কের  
কথা শুনে কঠিন কঠিন প্রশ্ন নিয়ে তাঁকে পরীক্ষা করতে এলেন। 2  
বিশাল দলবল নিয়ে—সুগন্ধি মশলা বহনকারী উট, প্রচুর পরিমাণ  
সোনা ও দামি মণিমুক্তো নিয়ে—তিনি জেরুশালেমে শলোমনের কাছে  
এলেন ও তাঁর মনের সব কথা তিনি শলোমনকে খুলে বললেন। 3  
শলোমন তাঁর সব প্রশ্নের উত্তর দিলেন; রানিকে ব্যাখ্যা করে বুঝিয়ে  
দেওয়ার পক্ষে কোনো কিছুই রাজার কাছে কঠিন বলে মনে হয়নি। 4  
শিবার রানি শলোমনের প্রজ্ঞা ও তাঁর নির্মিত করা প্রাসাদ, 5 তাঁর  
টেবিলে রাখা খাদ্যসম্ভার, তাঁর কর্মকর্তাদের বসার ব্যবস্থা, সেবক-  
দাসেদের পোশাক-পরিচ্ছদ, তাঁর পানপাত্র বহনকারীদের, এবং  
সদাপ্রভুর মন্দিরে তাঁর উৎসর্গ করা হোমবলি দেখে আবেগবিহুল  
হয়ে গেলেন। 6 তিনি রাজাকে বললেন, “নিজের দেশে থাকার সময়  
আমি আপনার কীর্তির ও প্রজ্ঞার বিষয়ে যা যা শুনেছিলাম, সেসবই  
সত্য। 7 কিন্তু এখানে এসে স্বচক্ষে না দেখা পর্যন্ত আমি সেসব বিশ্বাস  
করিনি। আসলে, অর্ধেক কথাও আমাকে বলা হয়নি; আমি যে খবর  
শুনেছিলাম, আপনার প্রজ্ঞা ও ধনসম্পদ তার তুলনায় পরিমাণে অনেক  
বেশি। 8 আপনার প্রজারা কতই না সুখী! আপনার সেই কর্মকর্তারাও  
কতই না সুখী, যারা অনবরত আপনার সামনে দাঁড়িয়ে থাকে ও  
আপনার প্রজ্ঞার কথা শোনে! 9 আপনার ঈশ্বর সদাপ্রভুর গৌরব হোক,  
যিনি আপনার উপর সন্তুষ্ট হয়ে আপনাকে ইস্রায়েলের সিংহাসনে

বসিয়েছেন। ইঙ্গায়েলের প্রতি সদাপ্রভুর অনন্ত প্রেমের কারণে, ন্যায় ও ধার্মিকতা বজায় রাখার জন্য তিনি আপনাকে রাজা করেছেন।” 10 আর তিনি রাজামশাইকে একশো কুড়ি তালস্ত সোনা, প্রচুর পরিমাণ সুগন্ধি মশলা, ও দামি মণিমুক্তো দিলেন। শিবার রানি রাজা শলোমনকে যত সুগন্ধি মশলা দিলেন, তত সুগন্ধি মশলা আর কখনও সেখানে আনা হয়নি। 11 (হীরমের জাহাজগুলি ওফীর থেকে সোনা নিয়ে আসত; আর সেখান থেকেই তারা বড়ো বড়ো জাহাজে ভরে চন্দনকাঠ ও দামি মণিমুক্তো নিয়ে আসত। 12 রাজামশাই সদাপ্রভুর মন্দিরের ও রাজপ্রাসাদের খুঁটি নির্মাণ করার জন্য, এবং সুদক্ষ বাদ্যকরদের জন্য বীণা ও সুরবাহার তৈরি করার কাজে চন্দনকাঠ ব্যবহার করতেন। সেদিন থেকে আজ পর্যন্ত এত চন্দনকাঠ আর কখনও আমদানি করা হয়নি বা চোখে দেখাও যায়নি।) 13 রাজা শলোমন শিবা দেশের রানির মনোবাঙ্গ ও তাঁর চাহিদা অনুসারে তাঁকে সবকিছু দিলেন, এছাড়াও তিনি তাঁর রাজকীয় দানশীলতা দেখিয়ে আরও অনেক কিছু তাঁকে দিলেন। পরে রানি তাঁর লোকলক্ষ সঙ্গে নিয়ে নিজের দেশে ফিরে গেলেন। 14 প্রতি বছর শলোমন যে পরিমাণ সোনা সংগ্রহ করতেন তার ওজন 666 তালস্ত, 15 এতে বণিক ও ব্যবসায়ীদের এবং আরবীয় সব রাজার ও সেই অঞ্চলের শাসনকর্তাদের কাছ থেকে সংগ্রহ করা রাজস্ব ধরা হয়নি। 16 পিটানো সোনার পাত দিয়ে রাজা শলোমন 200-টি বড়ো বড়ো ঢাল তৈরি করলেন; প্রত্যেকটি ঢাল তৈরি করতে 600 শেকল করে পিটানো সোনা লেগেছিল। 17 পিটানো সোনার পাত দিয়ে তিনি আরও তিনশোটি ছোটো ছোটো ঢাল তৈরি করলেন, এবং প্রত্যেকটি ঢালে তিন মানি করে সোনা ছিল। রাজা সেগুলি লেবাননের অরণ্য-প্রাসাদে নিয়ে গিয়ে রেখেছিলেন। 18 পরে রাজামশাই হাতির দাঁত দিয়ে একটি বড়ো সিংহাসন বানিয়ে, সেটি খাঁটি সোনা দিয়ে মুড়ে দিলেন। 19 সিংহাসনে ওঠার জন্য সিঁড়ির ছয়টি ধাপ ছিল, এবং সেটির পিছন দিকের উপরের অংশটি গোলাকার ছিল। বসার স্থানটির দুই দিকেই হাতল ছিল, এবং দুটিরই পাশে একটি করে সিংহমূর্তি দাঁড় করানো ছিল। 20 বারোটি সিংহমূর্তি সিঁড়ির ছয়টি

ধাপের উপরে দাঁড় করানো ছিল, এক-একটি মূর্তি প্রত্যেকটি ধাপের  
এক এক পাশে রাখা ছিল। অন্য কোনও রাজ্যে আগে কখনও এরকম  
কিছু তৈরি করা হয়নি। 21 রাজা শলোমনের কাছে থাকা ভিত থেকে  
ওঠা ডাঁটিযুক্ত হাতলবিহীন সব পানপাত্র ছিল সোনার, এবং লেবাননের  
অরণ্য-প্রাসাদে রাখা সব গৃহস্থালি জিনিসপত্র খাঁটি সোনা দিয়ে তৈরি  
হল। কোনো কিছুই রংপো দিয়ে তৈরি করা হয়নি, কারণ শলোমনের  
রাজত্বকালে রংপোকে দামি বলে গণ্যই করা হত না। 22 হীরমের  
জাহাজগুলির পাশাপাশি সমুদ্রে রাজারও তর্শীশের বাণিজ্যতরিয়ে একটি  
নৌবহর ছিল। তিনি বছরে একবার সেই নৌবহর সোনা, রংপো, হাতির  
দাঁত, এবং বনমানুষ ও ময়ূর নিয়ে ফিরে আসত। 23 পৃথিবীর অন্য সব  
রাজার তুলনায় রাজা শলোমন ধনসম্পদে ও প্রজায় বৃহত্তর হলেন।  
24 শলোমনের অন্তরে ঈশ্বর যে প্রজ্ঞা ভরে দিলেন, তা শোনার জন্য  
গোটা জগৎ তাঁর সঙ্গে আনুষ্ঠানিক সাক্ষাৎকার লাভের চেষ্টা করত। 25  
বছরের পর বছর, যে কেউ তাঁর কাছে আসত, সে কোনও না কোনো  
উপহার—রংপো ও সোনার তৈরি জিনিসপত্র, কাপড়চোপড়, অন্তর্শন্ত্র  
ও মশলাপাতি, এবং ঘোড়া ও খচর নিয়ে আসত। 26 শলোমন প্রচুর  
রথ ও ঘোড়া একত্রিত করলেন; তাঁর কাছে এক হাজার চারশো রথ ও  
12,000 ঘোড়া ছিল, যা তিনি বিভিন্ন রথ-নগরীতে রেখেছিলেন এবং  
কয়েকটিকে তিনি নিজের কাছে জেরশালেমেও রেখেছিলেন। 27  
জেরশালেমে রাজা, রংপোকে পাথরের মতো সাধারণ স্তরে নামিয়ে  
এনেছিলেন, এবং দেবদারু কাঠকে পর্বতমালার পাদদেশে উৎপন্ন  
ডুমুর গাছের মতো পর্যাণ করে তুলেছিলেন। 28 শলোমনের ঘোড়াগুলি  
মিশ্র ও কুই থেকে আমদানি করা হত—রাজকীয় বণিকেরা বাজার  
দরে সেগুলি কুই থেকে কিনে আনত। 29 তারা মিশ্র থেকে এক-  
একটি রথ আমদানি করত ছয়শো শেকল রংপো দিয়ে, এবং এক-  
একটি ঘোড়া আমদানি করত একশো 50 শেকলে। এছাড়াও হিন্দীয়  
ও অরামীয় সব রাজার কাছে তারা সেগুলি রঞ্জানি করত।

**11** রাজা শলোমন অবশ্য ফরৌণের মেয়ের পাশাপাশি আরও অনেক  
বিদেশিনীকে—মোয়াবীয়া, অম্মোনীয়া, ইদোমীয়া, সীদোনীয়া ও

হিতীয়াকে ভালোবেসে ফেলেছিলেন। ২ তারা সেইসব জাতিভুক্ত  
 মহিলা ছিল, যাদের সম্বন্ধে সদাপ্রভু ইস্রায়েলীদের বলে দিলেন,  
 “তোমরা অসর্বর্গতে এদের বিয়ে কোরো না, কারণ তারা নিঃসন্দেহে  
 তোমাদের অন্তর তাদের দেবদেবীদের দিকে সরিয়ে দেবে।” তবুও  
 শলোমন তাদের প্রতি প্রেমাসক্ত হয়েই থেকে গেলেন। ৩ রাজপরিবারে  
 জন্মেছিল, এরকম সাতশো জন হল তাঁর স্ত্রী এবং তাঁর উপপত্নীর সংখ্যা  
 ছিল তিনশো জন, এবং তাঁর স্ত্রীরাই তাঁকে বিপথে পরিচালিত করল।  
 ৪ শলোমন বয়সে বৃদ্ধ হতে না হতেই, তাঁর স্ত্রীরা তাঁর অন্যান্য  
 দেবদেবীদের দিকে ঘুরিয়ে দিয়েছিল, এবং তাঁর অন্তর আর তাঁর বাবা  
 দাউদের মতো তাঁর ঈশ্বর সদাপ্রভুর প্রতি পুরোপুরি একাগ্র থাকেন।  
 ৫ তিনি সীদোনীয়দের দেবী অষ্টারোত্তের ও অম্মোনীয়দের ঘৃণ্য দেবতা  
 মোলকের অনুগামী হলেন। ৬ এইভাবে শলোমন সদাপ্রভুর দৃষ্টিতে  
 মন্দ কাজ করলেন; তিনি তাঁর বাবা দাউদের মতো পুরোপুরি সদাপ্রভুর  
 অনুগামী হননি। ৭ জেরুশালেমের পূর্বদিকে অবস্থিত একটি পাহাড়ে  
 শলোমন মোয়াবের ঘৃণ্য দেবতা কমোশের ও অম্মোনীয়দের ঘৃণ্য  
 দেবতা মোলকের জন্য উঁচু পূজাবেদি তৈরি করলেন। ৮ তিনি তাঁর  
 সেই বিদেশিনী স্ত্রীদের জন্যও এমনটি করে দিলেন, যারা তাদের  
 দেবদেবীদের উদ্দেশে ধূপ পোড়াতো ও বলি উৎসর্গ করত। ৯ সদাপ্রভু  
 শলোমনের উপর ক্রুদ্ধ হলেন, কারণ তাঁর অন্তর ইস্রায়েলের সেই  
 ঈশ্বর সদাপ্রভুর দিক থেকে দূরে সরে গেল, যিনি দু-দুবার তাঁকে  
 দর্শন দিলেন। ১০ যদিও সদাপ্রভু শলোমনকে অন্যান্য দেবদেবীদের  
 অনুগামী হতে মানা করলেন, তবুও তিনি সদাপ্রভুর আদেশ পালন  
 করেননি। ১১ তাই সদাপ্রভু শলোমনকে বললেন, “যেহেতু এই তোমার  
 মনোভাব এবং তুমি আমার আদেশমতো আমার নিয়মকানুন ও  
 আমার বিধিবিধান পালন করোনি, তাই আমি অবশ্যই তোমার হাত  
 থেকে রাজ্যটি ছিনিয়ে নিয়ে সেটি তোমার অধীনস্থ একজনের হাতে  
 তুলে দেব। ১২ তবে, তোমার বাবা দাউদের খাতিরে আমি তোমার  
 জীবনকালে এমনটি করব না। আমি তোমার ছেলের হাত থেকে সেটি  
 ছিনিয়ে নেব। ১৩ তবুও আমি গোটা রাজ্য তার হাত থেকে ছিনিয়ে

নেব না, কিন্তু আমার দাস দাউদের খাতিরে ও আমার মনোনীত  
জেরকশালেমের খাতিরে আমি তাকে একটি বংশ দেব।” 14 পরে  
সদাপ্রভু ইদোমের রাজপরিবার থেকে ইদোমীয় হন্দদকে শলোমনের  
বিরুদ্ধে এক প্রতিদ্বন্দ্বীরূপে দাঁড় করিয়ে দিলেন। 15 ইতিপূর্বে দাউদ  
যখন ইদোমীয়দের সঙ্গে যুদ্ধ করছিলেন, তখন সৈন্যদলের সেনাপতি  
যোয়াব মৃত মানুষদের কবর দিতে গিয়ে ইদোমে সব পুরুষমানুষকে  
মেরে ফেলেছিলেন। 16 যোয়াব ও ইস্রায়েলীরা সবাই ইদোমে সব  
পুরুষমানুষকে মেরে না ফেলা পর্যন্ত ছয় মাস ধরে সেখানেই থেকে  
গেলেন। 17 কিন্তু হন্দদ তাঁর বাবার সেবক, কয়েকজন ইদোমীয়  
কর্মকর্তার সঙ্গে মিশরে পালিয়ে গেলেন, আর তখন তিনি একদম  
ছেলেমানুষ ছিলেন। 18 তারা মিদিয়ন থেকে যাত্রা শুরু করে পারণে  
গিয়ে পৌঁছেছিলেন। পরে পারণ থেকে লোকজন সংগ্রহ করে তারা  
মিশরে, সেখানকার রাজা ফরৌণের কাছে পৌঁছে গেলেন। তিনি  
হন্দদকে জামি-বাড়ি দিলেন ও খাবারেরও জোগান দিলেন। 19 ফরৌণ  
হন্দদের উপর এত সন্তুষ্ট হলেন যে তিনি নিজের স্ত্রী, রাণি তহপনেষের  
বোনের সঙ্গে তাঁর বিয়ে দিলেন। 20 তহপনেষের বোন হন্দদের জন্য  
এক ছেলেসন্তান জন্ম দিলেন, যার নাম গনুবৎ। তহপনেষ তাকে  
রাজপ্রাসাদেই বড়ো করে তুলেছিলেন। সেখানে গনুবৎ ফরৌণের  
আপন ছেলেমেয়েদের সাথেই বসবাস করত। 21 মিশরে থাকতে  
থাকতেই হন্দদ শুনতে পেয়েছিলেন যে দাউদ তাঁর পূর্বপুরুষদের সঙ্গে  
চিরবিশ্রামে শায়িত হয়েছেন এবং সৈন্যদলের সেনাপতি যোয়াবও মারা  
গিয়েছেন। তখন হন্দদ ফরৌণকে বললেন, “আমাকে যেতে দিন, আমি  
যেন আমার নিজের দেশে ফিরে যেতে পারি।” 22 “এখানে তোমার  
কীসের অভাব হচ্ছে যে তুমি তোমার নিজের দেশে ফিরে যেতে  
চাইছ?” ফরৌণ জিজ্ঞাসা করলেন। “কোনও অভাব নেই,” হন্দদ উত্তর  
দিলেন, “কিন্তু তাও আমাকে যেতে দিন!” 23 সুশ্রব শলোমনের বিরুদ্ধে  
আরও একজন প্রতিদ্বন্দ্বী দাঁড় করিয়েছিলেন। তিনি ইলিয়াদার ছেলে  
সেই রঘোণ, যিনি তাঁর মনিব, সোবার রাজা হন্দদেষরের কাছ থেকে  
পালিয়ে গেলেন। 24 দাউদ যখন সোবার সৈন্যদল ধ্বংস করলেন,

রয়েগ তখন তাঁর চারপাশে একদল লোক জুটিয়ে তাদের নেতা  
হয়ে গেলেন; তারা দামাক্ষাসে গিয়ে সেখানে বসতি স্থাপন করলেন  
ও সেখানকার নিয়ন্ত্রণভার হাতে তুলে নিয়েছিলেন। 25 শলোমন  
যতদিন বেঁচেছিলেন, হন্দদের দ্বারা উৎপন্ন অসুবিধার পাশাপাশি  
রয়েগও ইস্রায়েলের প্রতিদ্বন্দ্বী হয়েই ছিলেন। অতএব রয়েগ অরামে  
রাজত্ব করছিলেন ও তিনি ইস্রায়েলের প্রতি শক্রভাবাপন্ন ছিলেন। 26  
এছাড়া, নবাটের ছেলে, সরেদার অধিবাসী ইফ্রিয়মীয় যারবিয়ামও  
রাজার বিরুদ্ধে বিদ্রোহ ঘোষণা করলেন। তিনি ছিলেন শলোমনের  
কর্মকর্তাদের মধ্যে একজন। তাঁর মায়ের নাম সরয়া, ও তিনি এক  
বিধবা মহিলা ছিলেন। 27 তিনি কীভাবে রাজার বিরুদ্ধে বিদ্রোহী হলেন,  
তার বিবরণ এইরকম: শলোমন কয়েকটি উঁচু চাতাল তৈরি করলেন ও  
তাঁর বাবা দাউদের নামাঙ্কিত নগরের প্রাচীরের ফটিল সারিয়েছিলেন।  
28 ইত্যবসরে যারবিয়াম সামাজিক র্যাদাসম্পন্ন একজন লোক ছিলেন,  
এবং শলোমন যখন দেখেছিলেন সেই যুবকটি কত ভালোভাবে তাঁর  
কাজকর্ম করছিলেন, তখন তিনি তাঁর হাতে যোমেফের বংশভুক্ত  
সমগ্র মজুরদলের দায়িত্ব সঁপে দিলেন। 29 সেই সময় একদিন যখন  
যারবিয়াম জেরশালেমের বাইরে যাচ্ছিলেন, তখন পথে শীলো থেকে  
আসা ভাববাদী অহিয়র সঙ্গে তাঁর দেখা হল। অহিয়র পরনে ছিল নতুন  
এক ঢিলা আলখাল্লা। সেই গ্রামাঞ্চলে তারা দুজন একাই ছিলেন, 30  
আর অহিয়র নিজের পরনে থাকা নতুন আলখাল্লাটি নিয়ে সেটি বারো  
টুকরো করে ফেলেছিলেন। 31 পরে তিনি যারবিয়ামকে বললেন,  
“নিজের জন্য তুমি দশটি টুকরো তুলে নাও, কারণ ইস্রায়েলের স্টশ্র  
সদাপ্রভু একথাই বলেন: ‘দেখো, আমি শলোমনের হাত থেকে রাজ্যটি  
ছিনিয়ে নিয়ে তোমাকে দশটি বংশ দিতে যাচ্ছি। 32 কিন্তু আমার  
দাস দাউদের খাতিরে ও যে জেরশালেম নগরটি আমি ইস্রায়েলের  
সব বংশের মধ্যে থেকে মনোনীত করে রেখেছি, সেটির খাতিরে  
তার হাতে একটি বংশ থাকবে। 33 আমি এরকম করব, কারণ তারা  
আমাকে পরিত্যাগ করেছে এবং সীদোনীয়দের দেবী অষ্টারোতের,  
মোয়াবীয়দের দেবতা কমোশের ও অম্মোনীয়দের দেবতা মোলকের

পূজার্চনা করেছে, তথা আমার প্রতি বাধ্যতা দেখিয়ে চলেনি, বা আমার দৃষ্টিতে যা ভালো তা করেননি, অথবা শলোমনের বাবা দাউদ যেভাবে আমার বিধিবিধান ও নিয়মকানুন পালন করত, তারা সেভাবে তা করেননি। 34 “কিন্তু আমি শলোমনের হাত থেকে গোটা রাজ্যটি ছিনিয়ে নেব না; যাকে আমি মনোনীত করলাম এবং যে আমার আদেশ ও বিধিবিধান পালন করে গিয়েছে, আমার দাস সেই দাউদের খাতিরেই আমি তাকে সারা জীবনের জন্য শাসনকর্তা করেছি। 35 আমি তার ছেলের হাত থেকে রাজ্যটি ছিনিয়ে নিয়ে তোমাকে দশটি বৎস দেব। 36 আমি তার ছেলেকে একটি বৎস দেব, যেন সেই জেরশালেমে সবসময় আমার দাস দাউদের এক প্রদীপ জ্বলতে থাকে, যে নগরে আমার নাম বজায় রাখার জন্য আমি সেটি মনোনীত করেছি। 37 অবশ্য, তোমার ক্ষেত্রে আমি বলছি, আমি তোমাকে গ্রহণ করব, ও তোমার মনোবাঞ্ছনুসারে তুমি সবকিছুর উপর শাসন চালাবে; তুমি ইস্রায়েলের উপর রাজা হবে। 38 তুমি যদি আমার দাস দাউদের মতো আমার আদেশানুসারে সবকিছু করো ও আমার প্রতি বাধ্য হয়ে চলো এবং আমার বিধিবিধানের ও আদেশের বাধ্য হয়ে আমার দৃষ্টিতে যা যা ভালো, তাই করো, তবে আমি তোমার সঙ্গে সঙ্গে থাকব। আমি তোমার জন্য এমন এক স্থায়ী রাজবৎস গড়ে তুলব, যেমনটি আমি দাউদের জন্য গড়ে তুলেছিলাম এবং ইস্রায়েলকে আমি তোমার হাতেই তুলে দেব। 39 এই কারণে আমি দাউদের বৎসধরদের অবনত করব, কিন্তু চিরকালের জন্য নয়।” 40 শলোমন যারবিয়ামকে হত্যা করতে চেয়েছিলেন, কিন্তু যারবিয়াম মিশরে, রাজা শীশকের কাছে পালিয়ে গেলেন, এবং শলোমনের মৃত্যু না হওয়া পর্যন্ত সেখানেই থেকে গেলেন। 41 শলোমনের রাজত্বকালের অন্যান্য সব ঘটনা—তিনি যা যা করলেন ও যে প্রজ্ঞা দেখিয়েছিলেন—সেসব কি শলোমনের ইতিহাস-গ্রন্থে লেখা নেই? 42 শলোমন জেরশালেমে সমগ্র ইস্রায়েলের উপর চাল্লিশ বছর রাজত্ব করলেন। 43 পরে তিনি তাঁর পূর্বপুরুষদের সাথে চিরবিশ্রামে শায়িত হলেন এবং তাঁকে তাঁর বাবা দাউদের নগরেই কবর দেওয়া হল। তাঁর ছেলে রহবিয়াম রাজারূপে তাঁর স্তুলাভিষিক্ত হলেন।

**12** রহবিয়াম শিখিমে গেলেন, কারণ সমগ্র ইস্রায়েল তাঁকে রাজা করার জন্য সেখানে পৌঁছেছিল। 2 নবাটের ছেলে যারবিয়াম যখন সেকথা শুনলেন (রাজা শলোমনের কাছ থেকে পালিয়ে তিনি সেই যে মিশরে চলে গেলেন, তখনও পর্যন্ত তিনি সেখানেই ছিলেন), তখন তিনি মিশর থেকে ফিরে এলেন। 3 তাই ইস্রায়েলীরা লোক পাঠিয়ে যারবিয়ামকে ডেকে এনেছিল, এবং তিনি ও সমস্ত ইস্রায়েলী সমাজ রহবিয়ামের কাছে গিয়ে তাঁকে বললেন: 4 “আপনার বাবা আমাদের উপর এক ভারী জোয়াল চাপিয়ে দিলেন, কিন্তু এখন আপনি সেই কঠোর পরিশ্রম ও ভারী জোয়ালের ভার লঘু করে দিন, যা আপনার বাবা আমাদের উপর চাপিয়ে দিলেন, আর আমরাও আপনার সেবা করব।” 5 রহবিয়াম উত্তর দিলেন, “এখন তোমরা যাও, তিনি দিন পর আবার আমার কাছে ফিরে এসো।” তাই লোকজন চলে গেল। 6 পরে রাজা রহবিয়াম সেইসব প্রাচীনের সঙ্গে শলাপরামর্শ করলেন, যারা তাঁর বাবা শলোমনের জীবনকালে তাঁর সেবা করতেন। “এই লোকদের কী উত্তর দিতে হবে সে বিষয়ে আপনারা আমাকে কী পরামর্শ দিতে চান?” তিনি জিজ্ঞাসা করলেন। 7 তারা উত্তর দিলেন, “আজ যদি আপনি এই লোকদের দাস হন ও তাদের সেবা করে উপযুক্ত এক উত্তর দেন, তবে তারা সবসময় আপনার দাস হয়েই থাকবে।” 8 কিন্তু সেই বয়স্ক লোকজন রহবিয়ামকে যে পরামর্শ দিলেন, তিনি তা অগ্রাহ্য করলেন এবং সেই কমবয়সি যুবকদের সাথে শলাপরামর্শ করলেন, যারা তাঁর সাথেই বেড়ে উঠেছিল ও যারা তাঁর সেবা করত। 9 তিনি তাদের জিজ্ঞাসা করলেন, “তোমরা কী পরামর্শ দিতে চাও? সেই লোকদের আমরা কী উত্তর দেব, যারা আমাকে বলেছে, ‘আপনার বাবা আমাদের উপর যে জোয়াল চাপিয়ে দিয়েছেন, তা আপনি লঘু করে দিন?’” 10 তাঁর সাথে বেড়ে ওঠা যুবকেরা উত্তর দিয়েছিল, “এই লোকেরা আপনাকে বলেছে, ‘আপনার বাবা আমাদের উপর ভারী এক জোয়াল চাপিয়ে দিয়েছেন, কিন্তু আপনি এখন আমাদের জোয়াল হালকা করে দিন।’ এখন আপনি তাদের বলুন, ‘আমার কড়ে আঙুল আমার বাবার কোমরের চেয়েও মোটা।’ 11 আমার বাবা তোমাদের

উপর ভারী এক জোয়াল চাপিয়ে দিয়েছেন; আমি সেটি আরও ভারী  
করে তুলব। আমার বাবা তোমাদের চাবুক মেরে শান্তি দিয়েছেন; আমি  
তোমাদের শান্তি দেব কাঁকড়াবিছের কামড় দিয়ে।” 12 “তিন দিন পর  
আমার কাছে তোমরা ফিরে এসো,” রাজার বলা এই কথামতো তিন  
দিন পর যারবিয়াম ও সব লোকজন রহবিয়ামের কাছে ফিরে এলেন।  
13 রাজামশাই কর্কশভাবে লোকদের উত্তর দিলেন। প্রাচীনেরা তাঁকে  
যে পরামর্শ দিলেন, তা অগ্রাহ্য করে, 14 তিনি যুবকদের পরামর্শ মতো  
তাদের বললেন, “আমার বাবা তোমাদের জোয়াল ভারী করে দিলেন;  
আমি সেটি আরও ভারী করে তুলব। আমার বাবা তোমাদের চাবুক  
মেরে শান্তি দিলেন; আমি কাঁকড়াবিছের কামড় দিয়ে তোমাদের শান্তি  
দেব।” 15 এইভাবে রাজা, প্রজাদের কথা শুনলেন না, কারণ শীলনীয়  
অহিয়ের মাধ্যমে সদাপ্রভুর যে বাক্য নবাটের ছেলে যারবিয়ামের কাছে  
এসেছিল, সেটি পূর্ণ করার জন্য ঈশ্বরের কাছ থেকেই ঘটনার মোড়  
এভাবে ঘুরে গেল। 16 সমগ্র ইস্রায়েল যখন দেখেছিল যে রাজা তাদের  
কথা শুনতে চাইছেন না, তখন তারা রাজাকে উত্তর দিয়েছিল: “দাউদে  
আমাদের আর কী অধিকার আছে, যিশয়ের ছেলেই বা কী অধিকার  
আছে? হে ইস্রায়েল তোমাদের তাঁবুতে ফিরে যাও! হে দাউদ, তুমিও  
নিজের বংশ দেখাশোনা করো!” এই বলে ইস্রায়েলীরা ঘরে ফিরে  
গেল। 17 কিন্তু যেসব ইস্রায়েলী যিহুদার বিভিন্ন নগরে বসবাস করছিল,  
রহবিয়াম তখনও তাদের উপর রাজত্ব করে যাচ্ছিলেন। 18 রাজা  
রহবিয়াম বেগার শ্রমিকদের উপর দায়িত্বপ্রাপ্ত অদোনীরামকে তাদের  
কাছে পাঠালেন, কিন্তু ইস্রায়েলীরা সবাই পাথর ছুঁড়ে মেরে তাকে হত্যা  
করল। রাজা রহবিয়াম অবশ্য নিজের রথে চড়ে জেরুশালেমে পালিয়ে  
যেতে পেরেছিলেন। 19 এইভাবে, আজও পর্যন্ত ইস্রায়েল, দাউদের  
বংশের বিরুদ্ধে বিদ্রোহ করেই চলেছে। 20 ইস্রায়েলীরা সবাই যখন  
শুনেছিল যে যারবিয়াম ফিরে এসেছেন, তখন তারা লোক পাঠিয়ে  
তাঁকে সমাজে ডেকে এনেছিল ও সমস্ত ইস্রায়েলের উপর তাঁকে রাজা  
করল। শুধুমাত্র যিহুদা বংশই দাউদ কুলের প্রতি অনুগত থেকে গেল।  
21 জেরুশালেমে পৌঁছে রহবিয়াম যিহুদা ও বিন্যামীন বংশ থেকে

এমন কিছু লোকজন—এক লাখ আশি হাজার সক্ষম যুবক—একত্রিত করলেন, যারা ইন্দ্রায়েলের বিরুদ্ধে যুদ্ধ করতে ও শলোমনের ছেলে রহবিয়ামের হাতে রাজ্য ফিরিয়ে দিতে পারত। 22 কিন্তু ঈশ্বরের এই বাক্য ঈশ্বরের লোক শময়িয়ের কাছে পৌছেছিল: 23 “শলোমনের ছেলে, যিহূদার রাজা রহবিয়ামকে এবং যিহূদা ও বিন্যামীনের সব লোকজনকে তথা বাকি সব লোকজনকেও একথা বলো, 24 ‘সদাপ্রভু একথাই বলেন: তোমাদের ভাইদের সঙ্গে—ইন্দ্রায়েলীদের সঙ্গে তোমরা যুদ্ধ করতে যেয়ো না। তোমাদের প্রত্যেকজন ঘরে ফিরে যাও, কারণ আমিই এমনটি করেছি।’” তাই সদাপ্রভুর কথার বাধ্য হয়ে তারা ঘরে ফিরে গেল, যেমনটি সদাপ্রভু আদেশ দিলেন। 25 পরে যারবিয়াম ইফ্রয়িমের পার্বত্য অঞ্চলের শিখিম নগরটি সুরক্ষিত করে গড়ে, সেখানে গিয়েই বসবাস করলেন। সেখান থেকে বাইরে বেরিয়ে গিয়ে তিনি পন্যোলও গড়ে তুলেছিলেন। 26 যারবিয়াম ভেবে নিয়েছিলেন, “রাজ্যটি এখন হয়তো দাউদ কুলের হাতেই ফিরে যাবে। 27 এইসব লোকজন যদি জেরশালেমে সদাপ্রভুর মন্দিরে বলি উৎসর্গ করতে যায়, তবে হয়তো আবার তারা তাদের মনিব যিহূদার রাজা রহবিয়ামের প্রতি তাদের আনুগত্য দেখিয়ে ফেলতে পারে। তারা আমাকে হত্যা করে আবার রাজা রহবিয়ামের কাছেই ফিরে যাবে।” 28 শলাপরামর্শ করে রাজামশাই সোনার দুটি বাছুর তৈরি করলেন। তিনি প্রজাদের বললেন, “জেরশালেমে যাওয়া তোমাদের পক্ষে খুব কষ্টকর ব্যাপার। হে ইন্দ্রায়েল, এই দেখো তোমাদের সেই দেবতা, যিনি মিশ্র থেকে তোমাদের বের করে এনেছেন।” 29 একটিকে তিনি বেথেলে, ও অন্যটিকে তিনি দানে প্রতিষ্ঠিত করলেন। 30 আর এটি পাপ বলে বিবেচিত হল; লোকজন বেথেলে এসে একটির পূজার্চনা করত, এবং অন্যটির পূজার্চনা করার জন্য তারা দান পর্যন্ত চলে যেত। 31 যারবিয়াম উঁচু উঁচু স্থানে দেবতার পীঠস্থান তৈরি করে সব ধরনের লোকদের মধ্যে থেকে যাজক নিযুক্ত করে দিলেন, যদিও তারা লেবীয় ছিল না। 32 যিহূদায় যেমনটি হত, ঠিক সেভাবেই তিনি অষ্টম মাসের পনেরোতম দিনে একটি উৎসবের সূচনা করলেন, এবং যজ্ঞবেদিতে

বলি উৎসর্গ করলেন। বেথেলে, তাঁর তৈরি করা বাচ্চুরগুলির কাছেই তিনি বলি উৎসর্গ করলেন। আর বেথেলেও তাঁর তৈরি করা উঁচু উঁচু স্থানে তিনি যাজক নিযুক্ত করে দিলেন। ৩৩ তাঁর পছন্দমতো মাসে, অর্থাৎ অষ্টম মাসের পনেরোতম দিনে তিনি বেথেলে তাঁর তৈরি করা যজ্ঞবেদিতে বলি উৎসর্গ করলেন। অতএব তিনি ইস্রায়েলীদের জন্য উৎসবের সূচনা করলেন এবং বলি উৎসর্গ করার জন্য যজ্ঞবেদিতে উঠে গেলেন।

**13** যারবিয়াম যখন একটি পশুবলি উৎসর্গ করার জন্য যজ্ঞবেদির কাছে দাঁড়িয়েছিলেন, তখন সদাপ্রভুর কথামতো ঈশ্বরের একজন লোক যিহুদা থেকে বেথেলে এলেন। ২ সদাপ্রভুর কথামতো তিনি যজ্ঞবেদির বিরচ্ছে চিঢ়কার করে বলে উঠেছিলেন: “ওহে যজ্ঞবেদি, ওহে যজ্ঞবেদি! সদাপ্রভু একথাই বলেন: ‘দাউদের কুলে এক ছেলে জন্মাবে, যার নাম হবে যোশিয়। তোমার উপর সে উঁচু উঁচু স্থানের সেইসব যাজককে বলি দেবে, যারা এখানে বলি উৎসর্গ করছে, এবং একদিন তোমার উপর মানুষের অঙ্গ জ্বালানো হবে।’” ৩ সেই একই দিনে ঈশ্বরের লোক একটি চিহ্নও দিলেন: “এই চিহ্নের কথাই সদাপ্রভু ঘোষণা করে দিয়েছেন: যজ্ঞবেদিটি দুই ভাগে বিভক্ত হয়ে যাবে এবং সেটির উপরে রাখা ছাইভস্য গাড়িয়ে পড়বে।” ৪ ঈশ্বরের লোক বেথেলে যজ্ঞবেদির বিরচ্ছে চিঢ়কার করে যা বললেন, তা শুনে রাজা যারবিয়াম যজ্ঞবেদি থেকেই তাঁর হাত বাড়িয়ে বলে উঠেছিলেন, “ওকে ধরো!” কিন্তু সেই লোকটির দিকে তিনি যে হাতটি বাড়িয়ে দিলেন সেটি এমনভাবে শুকিয়ে বিকৃত হয়ে গেল, যে তিনি আর সেটি টেনে আনতে পারেননি। ৫ এছাড়া, সদাপ্রভুর কথামতো ঈশ্বরের লোকের দেওয়া চিহ্ন অনুসারে যজ্ঞবেদিও দুই ভাগে বিভক্ত হয়ে গেল ও ছাইভস্যও গাড়িয়ে পড়েছিল। ৬ তখন রাজামশাই ঈশ্বরের লোককে বললেন, “আপনার ঈশ্বর সদাপ্রভুর কাছে আমার হয়ে অনুরোধ জানান ও আমার জন্য প্রার্থনা করুন, যেন আমার হাতটি ঠিক হয়ে যায়।” অতএব ঈশ্বরের লোক তাঁর হয়ে সদাপ্রভুর কাছে অনুরোধ জানিয়েছিলেন, এবং রাজার হাতটি আগের মতো ঠিকঠাক হয়ে গেল। ৭ রাজামশাই ঈশ্বরের

ଲୋକକେ ବଲିଲେନ, “ଆମାର ଘରେ ଏସେ ଏକଟୁ ଭୋଜନପାନ କରନ୍ତି, ଆର ଆମି ଆପନାକେ କିଛୁ ଉପହାର ଦେବ ।” 8 କିନ୍ତୁ ଈଶ୍ୱରେର ଲୋକ ରାଜାକେ ଉତ୍ତର ଦିଲେନ, “ଆପନି ଯଦି ଆମାକେ ଆପନାର ସମ୍ପଦିର ଅର୍ଧେକଥା ଦେନ, ତବୁ ଆମି ଆପନାର ସାଥେ ଯାବ ନା, ବା ଏଖାନେ ରଣ୍ଟିଓ ଖାବ ନା ଓ ଜଳଓ ପାନ କରବ ନା । 9 କାରଣ ସଦାପ୍ରଭୁର କଥାମତୋ ଆମି ଏହି ଆଦେଶ ପେଯେଛି: ‘ତୁମି ରଣ୍ଟି ଖାବେ ନା ବା ଜଳପାନ କରବେ ନା ଅଥବା ଯେ ପଥ ଦିଯେ ଏସେହୁ, ସେ ପଥେ ଫିରେ ଯାବେ ନା ।’” 10 ଅତ୍ୟବିରତ ତିନି ଅନ୍ୟ ପଥ ଧରେଛିଲେନ ଓ ଯେ ପଥ ଧରେ ବେଥେଲେ ଏଲେନ, ସେ ପଥେ ଆର ଫିରେ ଯାନନ୍ତି । 11 ଇତ୍ୟବସରେ ବେଥେଲେ ଏକଜନ ବୃଦ୍ଧ ଭାବବାଦୀ ବସିବାସ କରିଲେନ । ତାଙ୍କେ ଛେଲେରା ଏସେ ସେଦିନ ଈଶ୍ୱରେର ସେଇ ଲୋକ ଯା ଯା କରିଲେନ, ତା ତାଙ୍କେ ବଲିଲେନ । ତିନି ରାଜାକେ ଯା ଯା ବଲିଲେନ, ତାରା ତାଦେର ବାବାକେ ସେବନ୍ତ ବଲେ ଶୁଣିଯେଛିଲି । 12 ତାଦେର ବାବା ତାଦେର ଜିଜ୍ଞାସା କରିଲେନ, “ତିନି କୋନ୍ତେ ପଥେ ଗିଯେଛେନ୍?” ଯିହୁଦା ଥେକେ ଆସା ଈଶ୍ୱରେର ଲୋକ ଯେ ପଥେ ଗେଲେନ, ତା ତାଙ୍କେ ଛେଲେରା ତାଙ୍କେ ଦେଖିଯେ ଦିଯେଛିଲି । 13 ଅତ୍ୟବିରତ ତିନି ତାଙ୍କେ ଛେଲେଦେର ବଲିଲେନ, “ଆମାର ଜନ୍ୟ ଗାଧାୟ ଜିନ ଚାପାଓ ।” ଆର ଯଥନ ତାରା ତାଙ୍କେ ଜନ୍ୟ ଗାଧାୟ ଜିନ ଚାପିଯେଛିଲ, ତଥନ ତିନି ସେଟିର ପିଠେ ଚଡ଼େ 14 ଈଶ୍ୱରେର ଲୋକେର ସନ୍ଧାନେ ଗେଲେନ । ତିନି ତାଙ୍କେ ବିଶାଲ ଏକଟି ଗାଛର ତଳାଯ ବସେ ଥାକତେ ଦେଖେ ତାଙ୍କେ ଜିଜ୍ଞାସା କରିଲେନ, “ଆପନିଇ କି ଈଶ୍ୱରେର ସେଇ ଲୋକ, ଯିନି ଯିହୁଦା ଥେକେ ଏସେହେନ୍?” “ଆମିଇ ସେଇ ଲୋକ,” ତିନି ଉତ୍ତର ଦିଲେନ । 15 ତଥନ ସେଇ ଭାବବାଦୀ ତାଙ୍କେ ବଲିଲେନ, “ଆମାର ସାଥେ ଘରେ ଚଲୁନ ଓ କିଛୁ ଖେଯେ ନିନ ।” 16 ଈଶ୍ୱରେର ଲୋକ ବଲିଲେନ, “ଆମି ଆପନାର ସାଥେ ଫିରେ ଯେତେ ପାରବ ନା, ଅଥବା ଏହି ହାନେ ଆପନାର ସାଥେ ରଣ୍ଟି ଖେତେ ବା ଜଳପାନ କରିବେ ଓ ପାରବ ନା । 17 ସଦାପ୍ରଭୁର କଥାମତୋ ଆମାକେ ବଲା ହେଁଛେ: ‘ସେଥାନେ ତୁମି ରଣ୍ଟି ଖେତେ ବା ଜଳପାନ କରିବେ ନା ଅଥବା ଯେ ପଥ ଧରେ ଏସେହୁ, ସେଇ ପଥେ ଆର ଫିରେ ଯେତେ ପାରବେ ନା ।’” 18 ସେଇ ବୃଦ୍ଧ ଭାବବାଦୀ ଉତ୍ତର ଦିଲେନ, “ଆମିଓ ଆପନାର ମତୋଇ ଏକଜନ ଭାବବାଦୀ । ଆର ସଦାପ୍ରଭୁର କଥାମତୋ ଏକଜନ ସ୍ଵର୍ଗଦୂତ ଆମାକେ ବଲେଛେନ: ‘ତୁମି ସାଥେ କରେ ତାକେ ତୋମାର ବାଢ଼ିତେ ନିଯେ ଏସୋ, ଯେନ ସେ ରଣ୍ଟି ଖେତେ ଓ

জলপান করতে পারে।” (কিন্তু তিনি তাঁর কাছে মিথ্যা কথা বললেন)

19 অতএব ঈশ্বরের সেই লোক তাঁর সাথে ফিরে গেলেন এবং তাঁর বাড়িতে ভোজনপান করলেন। 20 তারা যখন টেবিলে বসেছিলেন, তখন সদাপ্রভুর বাক্য সেই বৃন্দ ভাববাদীর কাছে উপস্থিত হল, যিনি তাঁকে ফিরিয়ে নিয়ে এলেন। 21 তিনি যত্নদা থেকে আসা ঈশ্বরের লোকের কাছে চিৎকার করে বললেন, “সদাপ্রভু একথাই বলেন: ‘তুমি সদাপ্রভুর বাক্য অমান্য করেছ এবং তোমার ঈশ্বর সদাপ্রভু তোমাকে যে আদেশ দিলেন তা তুমি পালন করোনি। 22 যেখানে তিনি তোমাকে ভোজনপান করতে বারণ করলেন, সেখানেই ফিরে এসে তুমি রঞ্জিত খেয়েছ ও জলপান করেছ। তাই তোমার দেহ তোমার পূর্বপুরুষদের সমাধিস্থলে কবর দেওয়া হবে না।’” 23 ঈশ্বরের লোক ভোজনপান শেষ করার পর যে ভাববাদী তাঁকে ফিরিয়ে এনেছিলেন, তিনি তাঁর জন্য গাধায় জিন চাপিয়ে দিলেন। 24 তিনি পথে যাচ্ছিলেন, এমন সময় একটি সিংহ এসে পথের উপরেই তাঁকে মেরে ফেলেছিল, এবং তাঁর দেহটি পথের উপর পড়েছিল, আর সেই গাধা ও সিংহটি সেই দেহের পাশে দাঁড়িয়েছিল। 25 পথ দিয়ে যাওয়া কয়েকটি লোক যখন দেখেছিল সেই দেহটি পড়ে আছে, ও সেটির পাশে একটি সিংহ দাঁড়িয়ে আছে, তখন তারা সেই নগরে গিয়ে এই খবর দিয়েছিল, যেখানে সেই বৃন্দ ভাববাদী বসবাস করতেন। 26 যিনি তাঁকে তাঁর যাত্রাপথ থেকে ফিরিয়ে এনেছিলেন, সেই ভাববাদী যখন এই খবর পেয়েছিলেন, তিনি বললেন, “তিনি ঈশ্বরের সেই লোক, যিনি সদাপ্রভুর বাক্য অমান্য করলেন। সদাপ্রভু যে কথা বলে তাঁকে সর্তক করে দিলেন, সেইমতোই তাঁকে সিংহের হাতে তুলে দিয়েছেন, ও সিংহ তাঁকে ক্ষতবিক্ষত করে মেরে ফেলেছে।” 27 সেই ভাববাদী তাঁর ছেলেদের বললেন, “আমার জন্য গাধায় জিন চাপাও,” আর তারাও তেমনটি করল। 28 পরে তিনি গিয়ে সেই দেহটি পথে পড়ে থাকতে দেখেছিলেন, এবং গাধা ও সিংহটি সেটির পাশে দাঁড়িয়েছিল। সিংহ দেহটিও খায়নি বা গাধাটিকেও ক্ষতবিক্ষত করেননি। 29 অতএব সেই ভাববাদী ঈশ্বরের লোকের দেহটি তুলে এনে সেটি গাধার পিঠে

চাপিয়েছিলেন ও তাঁর উদ্দেশে শোকপ্রকাশ করার ও তাঁকে কবর দেওয়ার জন্য দেহটি নিজের নগরে ফিরিয়ে নিয়ে গেলেন। 30 পরে তিনি দেহটি তাঁর নিজের কবরে শুইয়ে রেখেছিলেন, এবং তারা স্টশ্বরের লোকের জন্য শোকপ্রকাশ করে বললেন, “হায়, আমার ভাই!”

31 তাঁর দেহটি কবর দেওয়ার পর সেই ভাববাদী তাঁর ছেলেদের বললেন, “যে কবরে স্টশ্বরের লোককে কবর দেওয়া হয়েছে, আমি মারা যাওয়ার পর তোমরা আমাকে সেই কবরেই কবর দিয়ো; তাঁর অস্ত্র পাশেই আমার অস্তিত্ব রেখে দিয়ো। 32 কারণ বেথেলের যজ্ঞবেদির বিরংদী ও শমরিয়ার নগরগুলিতে উঁচু উঁচু স্থানে স্থাপিত দেবতাদের সব পীঠস্থানের বিরংদী সদাপ্রভুর কথামতো তিনি যে বাণী ঘোষণা করলেন, তা নিঃসন্দেহে সত্য হতে চলেছে।” 33 এর পরেও যারবিয়াম তাঁর কুপথ পরিবর্তন করেননি, কিন্তু আরও একবার সব ধরনের লোকজনের মধ্যে থেকে উঁচু উঁচু স্থানগুলির জন্য যাজক নিযুক্ত করলেন। যে কেউ যাজক হতে চাইত, তিনি তাকে উঁচু উঁচু স্থানগুলির জন্য যাজকরূপে উৎসর্গ করে দিতেন। 34 এটি মহাপাপরূপে গণ্য হল এবং যারবিয়াম কুলের পতনের ও পৃথিবীর বুক থেকে সেটি লুপ্ত হয়ে যাওয়ার মূল কারণ হয়ে দাঁড়িয়েছিল।

**14** সেই সময় যারবিয়ামের ছেলে অবিয় অসুস্থ হয়ে পড়েছিল, 2 এবং যারবিয়াম তাঁর স্ত্রীকে বললেন, “যাও, হন্দবেশ ধারণ করো, যেন কেউ তোমাকে যারবিয়ামের স্ত্রী বলে চিনতে না পারে। পরে শীলোত্তম চলে যাও। সেখানে সেই ভাববাদী অহিয় আছেন—যিনি আমাকে বললেন যে আমি এই লোকজনের উপর রাজা হব। 3 দশটি রূটি, কয়েকটি পিঠে ও এক বয়াম মধু সাথে নিয়ে তাঁর কাছে যাও। তিনি তোমাকে বলে দেবেন, ছেলেটির কী হবে।” 4 তাই যারবিয়ামের কথানুসারেই তাঁর স্ত্রী কাজ করলেন এবং শীলোত্তম অহিয়র বাড়িতে চলে গেলেন। ইত্যবসরে অহিয় আবার চোখে দেখতে পেতেন না; বয়স বেড়ে যাওয়ার কারণে তাঁর দৃষ্টিশক্তি চলে গেল। 5 কিন্তু সদাপ্রভু অহিয়কে বলে দিলেন, “যারবিয়ামের স্ত্রী তোমার কাছে তার ছেলের বিষয়ে জানতে আসছে, কারণ সে অসুস্থ আছে, এবং তুমি তাকে অমুক উত্তর

দিয়ো। সে এখানে পৌঁছে এমন তান করবে, যেন সে অন্য কেউ।”

৬ তাই অহিয় যখন দরজায় তাঁর পায়ের শব্দ শুনতে পেয়েছিলেন,  
তখন তিনি বলে উঠেছিলেন, “ওহে যারবিয়ামের স্ত্রী, ভিতরে এসো।  
এরকম তান করছ কেন? খারাপ খবর শোনানোর জন্য আমাকে  
তোমার কাছে পাঠানো হয়েছে। ৭ যাও, যারবিয়ামকে গিয়ে বলো যে  
ইস্রায়েলের ঈশ্বর সদাপ্রভু একথাই বলেন: ‘আমি প্রজাসাধারণের মধ্যে  
থেকে তোমাকে তুলে এনে আমার প্রজা ইস্রায়েলের উপর রাজপদে  
বসিয়েছিলাম। ৮ আমি দাউদ কুলের হাত থেকে রাজ্যটি ছিনিয়ে  
এনে তোমার হাতে তুলে দিয়েছিলাম, কিন্তু তুমি আমার দাস সেই  
দাউদের মতো হতে পারোনি, যে আমার আদেশ পালন করল ও  
মন্ত্রাণ দিয়ে আমার অনুগামী হল, এবং শুধু সেইসব কাজই করল,  
যা আমার দৃষ্টিতে ন্যায়। ৯ যারা তোমার আগে বেঁচে ছিল, তাদের  
সবার তুলনায় তুমিই সবচেয়ে বেশি মন্দ কাজ করেছ। তুমি নিজের  
জন্য অন্যান্য দেবদেবী—অর্থাৎ ধাতব প্রতিমা তৈরি করেছ; তুমি  
আমার ক্ষেত্রে জাগিয়ে তুলেছ ও আমার দিকে পিঠ ফিরিয়েছ। ১০  
“এজন্য আমি যারবিয়ামের কুলে সর্বনাশ ঘটাতে চলেছি। যারবিয়াম  
বৎশে ইস্রায়েলের অবশিষ্ট এক-একটি পুরুষকে—তা সে ক্ষীতিদাসই  
হোক বা স্বাধীন, আমি শেষ করে দেব। যেভাবে মানুষ শেষ পর্যন্ত  
ঘুঁটে পোড়ায়, আমিও যারবিয়ামের কুলকে পুড়িয়ে ছাই করে দেব।  
১১ যারবিয়াম কুলের যে কেউ নগরে মারা যাবে, কুকুরেরা তাদের  
খেয়ে ফেলবে, এবং যারা গ্রামাঞ্চলে মারা যাবে, পাখিরা তাদের  
ঠুকরে ঠুকরে খাবে। সদাপ্রভুই একথা বলেছেন! ১২ “আর তোমাকে  
বলছি, ঘরে ফিরে যাও। তুমি নগরে পা রাখামাত্র ছেলেটি মারা যাবে।  
১৩ ইস্রায়েলীরা সবাই তার জন্য শোকপ্রকাশ করবে ও তাকে কবর  
দেবে। যারবিয়াম কুলে একমাত্র তাকেই কবর দেওয়া হবে, কারণ  
যারবিয়াম কুলে একমাত্র এর মধ্যেই ইস্রায়েলের ঈশ্বর সদাপ্রভু কিছুটা  
হলেও সন্তাব দেখতে পেয়েছেন। ১৪ “সদাপ্রভু নিজের জন্য ইস্রায়েলে  
এমন একজন রাজা উৎপন্ন করবেন, যে যারবিয়ামের পরিবারটিকে  
শেষ করে ফেলবে। এমনকি এখনই তা শুরু হয়ে গিয়েছে। ১৫ আর

সদাপ্রভু ইস্রায়েলকে আঘাত করবেন, যেন তা জলের মধ্যে দুলতে থাকা নলখাগড়ার মতো হয়ে যায়। এই যে সুন্দর দেশটি তিনি তাদের পূর্বপুরুষদের দিলেন, সেখান থেকে তিনি ইস্রায়েলকে উৎখাত করবেন ও ইউফ্রেটিস নদীর ওপারে তাদের ইতস্তত ছড়িয়ে দেবেন, কারণ তারা আশেরার খুঁটি পুঁতে সদাপ্রভুর ক্রোধ জাগিয়ে তুলেছে। 16 আর যেহেতু যারবিয়াম নিজে পাপ করেছে ও ইস্রায়েলকে দিয়েও পাপ করিয়েছে, তাই তিনি ইস্রায়েলকে ত্যাগ করতে চলেছেন।” 17 তখন যারবিয়ামের স্ত্রী উঠে সেখান থেকে তর্সাতে চলে গোলেন। ঠিক যখন তিনি বাড়ির চৌকাঠে পা দিলেন, ছেলেটি মারা গোল। 18 সদাপ্রভু তাঁর দাস ভাববাদী অহিয়ের মাধ্যমে যে কথা বললেন, ঠিক সেইমতো তারা ছেলেটিকে কবর দিয়েছিল ও তার জন্য শোকপ্রকাশ করল। 19 যারবিয়ামের রাজত্বকালের অন্যান্য সব ঘটনা, তাঁর যুদ্ধবিগ্রহ ও তাঁর শাসনব্যবস্থা, সেসব ইস্রায়েলের রাজাদের ইতিহাস-গ্রন্থে লেখা আছে। 20 তিনি বাইশ বছর রাজত্ব করলেন এবং পরে তাঁর পূর্বপুরুষদের সঙ্গে চিরবিশ্রামে শায়িত হলেন। তাঁর ছেলে নাদব রাজারূপে তাঁর স্থলাভিষিক্ত হলেন। 21 শলোমনের ছেলে রহবিয়াম যিহুদায় রাজা হলেন। তিনি একচল্লিশ বছর বয়সে রাজা হলেন, এবং সদাপ্রভু নিজের নাম স্থাপন করার জন্য ইস্রায়েলের সব বংশের মধ্যে থেকে আলাদা করে যে নগরাটিকে মনোনীত করলেন, সেই জেবশালেমে তিনি সতরো বছর রাজত্ব করলেন। তাঁর মায়ের নাম নয়মা; তিনি ছিলেন একজন অম্মোনীয়। 22 সদাপ্রভুর দৃষ্টিতে যিহুদা মন্দ কাজ করল। তাদের করা পাপকাজের দ্বারা তারা তাদের আগে যারা বেঁচে ছিল, সেইসব লোকের চেয়েও বেশি পরিমাণে তাঁর জ্বলন্ত ক্রোধ জাগিয়ে তুলেছিল। 23 এছাড়াও তারা নিজেদের জন্য প্রত্যেকটি উঁচু পাহাড়ে ও ডালপালা মেলে ধরা গাছের নিচে দেবতাদের পীঠস্থান, পবিত্র পাথর ও আশেরার খুঁটি খাড়া করল। 24 এমনকি দেশের মন্দিরগুলিতে দেবদাস ও দেবদাসীরা ছিল; প্রজারা অন্যান্য জাতিভুক্ত সেইসব লোকের মতোই সব ধরনের ঘৃণ্য কাজকর্মে লিঙ্গ হল, যাদের সদাপ্রভু ইস্রায়েলীদের সামনে থেকে এক সময় তাড়িয়ে দিলেন। 25 রাজা

রহবিয়ামের রাজত্বের পঞ্চম বছরে মিশরের রাজা শীশক জেরশালেম আক্রমণ করলেন। 26 তিনি সদাপ্রভুর মন্দিরের ও রাজপ্রাসাদের ধনসম্পদ তুলে নিয়ে গেলেন। শলোমনের তৈরি করা সোনার সব ঢাল সমেত তিনি সবকিছু নিয়ে চলে গেলেন। 27 তাই সেগুলির পরিবর্তে রাজা রহবিয়াম ব্রোঞ্জের কয়েকটি ঢাল তৈরি করলেন এবং যারা রাজপ্রাসাদের সিংহদুয়ারে মোতায়েন ফৌজি পাহারাদারদের সেনাপতি ছিলেন, তাদের হাতে সেগুলি তুলে দিলেন। 28 যখনই রাজা সদাপ্রভুর মন্দিরে যেতেন, ফৌজি পাহারাদাররাও সেই ঢালগুলি বহন করে নিয়ে যেত, এবং পরে তারা আবার সেগুলি ফৌজি পাহারাদারদের কক্ষে ফিরিয়ে নিয়ে যেত। 29 রহবিয়ামের রাজত্বকালের অন্যান্য সব ঘটনা, ও তিনি যা যা করলেন, সেসব কি যিহুদার রাজাদের ইতিহাস-গ্রন্থে লেখা নেই? 30 রহবিয়াম ও যারবিয়ামের মধ্যে অনবরত যুদ্ধ লেগেই ছিল। 31 আর রহবিয়াম তাঁর পূর্বপুরুষদের সঙ্গে চিরবিশ্রামে শায়িত হলেন এবং দাউদ-নগরে তাদের কাছেই তাঁকে কবর দেওয়া হল। তাঁর মায়ের নাম নয়মা; তিনি একজন অম্মানীয়া। পরে তাঁর ছেলে অবিয় রাজারূপে তাঁর স্ত্রীভিত্তি হলেন।

**15** নবাটের ছেলে যারবিয়ামের রাজত্বের অষ্টাদশতম বছরে অবিয যিহুদার রাজা হলেন, 2 এবং জেরশালেমে তিনি তিন বছর রাজত্ব করলেন। তাঁর মায়ের নাম মাখা, ও তিনি অবীশালোমের মেয়ে। 3 তিনি সেইসব পাপ করলেন, যা তাঁর বাবা তাঁর আগে করে গেলেন; তাঁর পূর্বপুরুষ দাউদের অন্তর যেমন তাঁর ঈশ্বর সদাপ্রভুর প্রতি পুরোপুরি সমর্পিত ছিল, অবিয়র অন্তর কিন্তু সেভাবে তাঁর ঈশ্বর সদাপ্রভুর প্রতি পুরোপুরি সমর্পিত ছিল না। 4 তা সত্ত্বেও, দাউদের খাতিরে তাঁর স্ত্রীভিত্তি হওয়ার জন্য এক ছেলে দেওয়ার ও জেরশালেমকে মজবুত করার মাধ্যমে তাঁর ঈশ্বর সদাপ্রভু জেরশালেমে তাঁকে এক প্রদীপ দিলেন। 5 একমাত্র হিতীয় উরিয়র নজিরটি বাদ দিলে—দাউদ সদাপ্রভুর দৃষ্টিতে যা যা উপযুক্ত, তাই করলেন এবং তাঁর সম্পূর্ণ জীবনকালে সদাপ্রভুর কোনও আদেশ পালন করতে ব্যর্থ হননি। 6 অবিয ও যারবিয়ামের মধ্যে যে যুদ্ধ শুরু হল, অবিয যতদিন

বেঁচেছিলেন ততদিন তা চলেছিল। ৭ অবিয়র রাজত্বকালের অন্যান্য  
সব ঘটনা, ও তিনি যা যা করলেন, তার বিবরণ কি যিহূদার রাজাদের  
ইতিহাস-গ্রন্থে লেখা নেই? অবিয় ও যারবিয়ামের মধ্যে যুদ্ধ লেগেই  
ছিল। ৮ অবিয় তাঁর পূর্বপুরুষদের সঙ্গে চিরবিশ্রামে শায়িত হলেন এবং  
তাঁকে দাউদ-নগরে কবর দেওয়া হল। তাঁর ছেলে আসা রাজাকালে  
তাঁর স্থলাভিষিক্ত হলেন। ৯ ইস্রায়েলের রাজা যারবিয়ামের রাজত্বে  
বিশ্রামিত বছরে আসা যিহূদার রাজা হলেন, ১০ এবং জেরুশালেমে  
তিনি একচল্লিশ বছর রাজত্ব করলেন। তাঁর ঠাকুমার নাম মাখা,  
তিনি অবীশালোমের মেয়ে ছিলেন। ১১ আসা তাঁর পূর্বপুরুষ দাউদের  
মতো, সদাপ্রভুর দৃষ্টিতে যা ন্যায্য, তাই করলেন। ১২ মন্দির-সংলগ্ন  
দেবদাসদের তিনি দেশ থেকে তাড়িয়ে দিলেন এবং তাঁর পূর্বপুরুষদের  
তৈরি করা প্রতিমার মূর্তিগুলিও দূর করলেন। ১৩ এমনকি তিনি  
রাজমাতার পদ থেকে তাঁর ঠাকুমা মাখাকে সরিয়ে দিলেন, কারণ  
আশেরার পুজো করার জন্য মাখা জঘন্য এক মূর্তি তৈরি করলেন।  
আসা সেটি কেটে ফেলে দিলেন এবং কিন্দ্রোগ উপত্যকায় সেটি  
জ্বালিয়ে দিলেন। ১৪ যদিও তিনি পূজার্চনার উঁচু স্থানগুলি উপড়ে  
ফেলেননি, তবুও আজীবন আসার অন্তর সদাপ্রভুর প্রতি পুরোপুরি  
সমর্পিতই ছিল। ১৫ সদাপ্রভুর মন্দিরে তিনি রংপো ও সোনা এবং  
সেইসব জিনিসপত্র এনে রেখেছিলেন, যেগুলি তিনি ও তাঁর বাবা  
উৎসর্গ করলেন। ১৬ আসা ও ইস্রায়েলের রাজা বাশার মধ্যে তাদের  
অধিকারভুক্ত এলাকার সর্বত্র যুদ্ধ লেগেই ছিল। ১৭ ইস্রায়েলের রাজা  
বাশা যিহূদার বিরুদ্ধে উঠে গেলেন এবং রামা নগরটি সুরক্ষিত করে  
সেখানে ঘাঁটি গেড়েছিলেন, যেন যিহূদার রাজা আসার এলাকা থেকে  
কেউ বেরিয়ে আসতে না পারে বা সেখানে চুকতেও না পারে। ১৮ আসা  
তখন সদাপ্রভুর মন্দির থেকে ও তাঁর নিজের প্রাসাদের কোষাগারে  
পড়ে থাকা সব রংপো ও সোনা নিয়ে তাঁর কর্মকর্তাদের হাতে তুলে  
দিলেন এবং সেগুলি অরামের রাজা সেই বিন্দুদের কাছে পাঠিয়ে  
দিলেন, যিনি হিমিয়োগের নাতি ও ট্রিম্যোগের ছেলে ছিলেন, এবং  
তখন যিনি দামাক্ষাসে রাজত্ব করছিলেন। ১৯ “আপনার ও আমার মধ্যে

এক চুক্তি হোক,” তিনি বললেন, “যেমনটি আমার বাবা ও আপনার  
বাবার মধ্যে ছিল। দেখুন, আমি আপনার কাছে রংপো ও সোনার কিছু  
উপহার পাঠাচ্ছি। এখন আপনি ইন্দ্ৰায়েলের রাজা বাশাৰ সঙ্গে কৱা  
আপনার চুক্তিটি ভেড়ে ফেলুন, তবেই সে আমার কাছ থেকে পিছিয়ে  
যাবে।” 20 বিন্হদন্দ আসার কথায় রাজি হলেন এবং ইন্দ্ৰায়েলের  
নগরগুলিৰ বিৱৰণে তাঁৰ সৈন্যদলেৰ সেনাপতিদেৱ পাঠালেন। নগুলি  
ছাড়াও তিনি ইয়োন, দান, আবেল বেথ-মাখা ও সম্পূৰ্ণ কিম্বেৱৎ  
দখল কৱে নিয়েছিলেন। 21 বাশা যখন একথা শুনতে পেলেন, তিনি  
রামা নগৱাটি গড়ে তোলাৰ কাজ বন্ধ কৱে দিলেন এবং তিৰ্সাৰ দিকে  
পিছিয়ে গৈলেন। 22 তখন রাজা আসা যিহুদার সৰ্বত্র এক আদেশ  
জারি কৱলেন—কেউ এৱ এক্ষিয়াৱ থেকে অব্যাহতি পায়নি—এবং  
তাৰা রামা থেকে সেইসব পাথৰ ও কাঠ তুলে নিয়ে এসেছিল,  
যেগুলি বাশা সেখানে ব্যবহাৰ কৱছিলেন। সেগুলি দিয়েই রাজা আসা  
বিন্যামীনে গৈৰা, ও পাশাপাশি মিস্পাও গেঁথে তুলেছিলেন। 23 আসার  
রাজত্বকালেৰ অন্যান্য সব ঘটনা, তাঁৰ সব কীৰ্তি, তিনি যা যা কৱলেন  
ও যেসব নগৱ তিনি তৈৱি কৱলেন, তাৱ বিবৱণ কি যিহুদার রাজাদেৱ  
ইতিহাস-গ্ৰন্থে লেখা নেই? বৃন্দ বয়সে অবশ্য তাঁৰ পায়ে ৱোগ দেখা  
দিয়েছিল। 24 পৱে আসা তাঁৰ পূৰ্বপুৰুষদেৱ সঙ্গে চিৱিশামে শায়িত  
হলেন ও তাঁকে তাঁৰ পূৰ্বপুৰুষ দাউদেৱ নগৱে তাদেৱ কাছেই কৰৱ  
দেওয়া হল। তাঁৰ ছেলে যিহোশাফট রাজাৱপে তাঁৰ স্তুলাভিষিক্ত  
হলেন। 25 যিহুদার রাজা আসার রাজত্বে দ্বিতীয় বছৱে যাবিয়ামেৰ  
ছেলে নাদব ইন্দ্ৰায়েলে রাজা হলেন, এবং ইন্দ্ৰায়েলে তিনি দুই বছৱ  
রাজত্ব কৱলেন। 26 তাঁৰ বাবাৰ পথ অনুসৱণ কৱে ও তাঁৰ বাবা  
ইন্দ্ৰায়েলকে দিয়ে যে পাপ কৱিয়েছিলেন, সেই একই পাপ কৱে তিনিও  
সদাপ্রভুৰ দৃষ্টিতে যা মন্দ, তাই কৱলেন। 27 ইযাখৰ-কুলভুক্ত অহিয়ৱ  
ছেলে বাশা নাদবেৱ বিৱৰণে ষড়যন্ত্ৰ কৱলেন, এবং নাদব ও সমস্ত  
ইন্দ্ৰায়েল যখন ফিলিস্তিনী এক নগৱ গিৰৰথোনেৱ চাৱদিকে অবৱোধ  
গড়ে তুলেছিলেন, তখন সেখানেই বাশা তাঁকে আঘাত কৱে মেৱে  
ফেলেছিলেন। 28 যিহুদার রাজা আসার রাজত্বে তৃতীয় বছৱে বাশা

নাদবকে হত্যা করলেন ও রাজারপে তাঁর স্তলাভিষিক্ত হলেন। 29  
রাজত্ব শুরু করামাত্রই তিনি যারবিয়ামের পরিবারের সবাইকে হত্যা  
করে ফেলেছিলেন। সদাপ্রভু তাঁর দাস শীলেনীয় অহিয়র মাধ্যমে  
যে কথা বললেন, সেই কথানুসারে তিনি যারবিয়ামের পরিবারে শাস  
নেওয়ার জন্যও কাটকে অবশিষ্ট রাখেননি, কিন্তু তাদের সবাইকে  
মেরে ফেলেছিলেন। 30 যারবিয়াম যেহেতু স্বয়ং পাপ করলেন ও  
ইস্রায়েলকে দিয়েও পাপ করিয়েছিলেন, এবং যেহেতু ইস্রায়েলের  
ঈশ্বর সদাপ্রভুর ক্রোধ তিনি জাগিয়ে তুলেছিলেন, তাই এরকমটি হল।  
31 নাদবের রাজত্বকালের অন্যান্য সব ঘটনা, ও তিনি যেসব কাজ  
করলেন, তার বিবরণ কি ইস্রায়েলের রাজাদের ইতিহাস-গ্রন্থে লেখা  
নেই? 32 আসা ও ইস্রায়েলের রাজা বাশার মধ্যে তাদের অধিকারভুক্ত  
এলাকার সর্বত্র যুদ্ধ লেগেই ছিল। 33 যিহুদার রাজা আসার রাজত্বের  
তৃতীয় বছরে অহিয়র ছেলে বাশা তির্সায় সমষ্ট ইস্রায়েলের রাজা হলেন,  
এবং তিনি চরিষ্ণ বছর রাজত্ব করলেন। 34 যারবিয়ামের পথ অনুসরণ  
করে ও যারবিয়াম ইস্রায়েলকে দিয়ে যে পাপ করিয়েছিলেন, সেই  
একই পাপ করে তিনি সদাপ্রভুর দৃষ্টিতে যা মন্দ, তাই করলেন।

**16** পরে বাশার বিষয়ে সদাপ্রভুর এই বাক্য হনানির ছেলে যেহুর  
কাছে এসেছিল: 2 “আমি তোমায় ধুলো থেকে তুলে এনে আমার প্রজা  
ইস্রায়েলের উপর রাজপদে নিযুক্ত করলাম, কিন্তু তুমি যারবিয়ামের  
পথে চলেছ ও আমার প্রজা ইস্রায়েলকে দিয়ে পাপ করিয়ে, তাদের সেই  
পাপের মাধ্যমে আমার ক্রোধ জাগিয়ে তুলেছ। 3 তাই আমি বাশা ও  
তার কুলকে অবলুপ্ত করতে চলেছি, ও আমি তোমার কুলকেও নবাটের  
ছেলে যারবিয়ামের কুলের মতো করে দেব। 4 বাশার কুলভুক্ত যে কেউ  
নগরে মরবে, তাকে কুকুরেরা খাবে এবং যে কেউ গ্রামাঞ্চলে মরবে,  
তাকে পাথিরা ঠুকরে ঠুকরে খাবে।” 5 বাশার রাজত্বকালের অন্যান্য সব  
ঘটনা, তিনি যা যা করলেন ও তাঁর সব কীর্তির বিবরণ কি ইস্রায়েলের  
রাজাদের ইতিহাস-গ্রন্থে লেখা নেই? 6 বাশা তাঁর পূর্বপুরুষদের  
সঙ্গে চিরবিশ্রামে শায়িত হলেন ও তাঁকে তির্সায় কবর দেওয়া হল।  
তাঁর ছেলে এলা রাজারপে তাঁর স্তলাভিষিক্ত হলেন। 7 এছাড়াও,

হনানির ছেলে ভাববাদী যেহুর মাধ্যমেও সদাপ্রভুর বাক্য বাশা ও তাঁর কুলের কাছে এসেছিল, যেহেতু সদাপ্রভুর দৃষ্টিতে তিনি প্রাচুর মন্দ কাজ করলেন, ও সেইসব কাজ করার দ্বারা তাঁর ক্ষেত্র জাগিয়ে তুলেছিলেন, অর্থাৎ যারবিয়ামের কুলের মতোই হয়ে গেলেন—তথা তিনি সেই কুল ধ্বংসও করে দিলেন। ৪ যিহুদার রাজা আসার রাজত্বের ষষ্ঠিবিংশতিতম বছরে বাশার ছেলে এলা ইস্রায়েলে রাজা হলেন, এবং তির্সায় তিনি দুই বছর রাজত্ব করলেন। ৫ তাঁর কর্মকর্তাদের মধ্যে একজন ছিলেন সিঞ্চি। এলার অধিকারে থাকা রথের অর্ধেক সংখ্যক রথের উপর তিনি সেনাপতি পদে নিযুক্ত ছিলেন। তিনিই এলার বিরুদ্ধে ঘড়যন্ত্র করলেন। এলা সেই সময় তির্সায় রাজপ্রাসাদের প্রশাসক অর্সার ঘরে মাতাল হয়ে পড়েছিলেন। ৬ যিহুদার রাজা আসার রাজত্বের সপ্তবিংশতিতম বছরে সিঞ্চি এসে এলাকে আঘাত করে মাটিতে ফেলে দিয়ে তাঁকে হত্যা করলেন। পরে তিনি রাজারপে তাঁর স্তলাভিষিক্ত হলেন। ৭ রাজত্বের শুরুতে সিংহাসনে বসেই তিনি বাশার কুলের সবাইকে হত্যা করলেন। আঞ্চলিক বাস্তুবাদী, তা সে যেই হোক না কেন, তিনি কোনো পুরুষমানুষকেই নিষ্কৃতি দেননি। ৮ অতএব ভাববাদী যেহুর মাধ্যমে সদাপ্রভু যে কথা বললেন, সেই কথানুসারে, সিঞ্চি বাশার সম্পূর্ণ কুল ধ্বংস করে দিলেন— ৯ বাশা ও তাঁর ছেলে এলা যেসব পাপ করলেন ও ইস্রায়েলকে দিয়েও যা করিয়েছিলেন, সেগুলির কারণেই এমনটি হল, এবং তারা তাদের নির্ণগ প্রতিমার মূর্তিগুলি দিয়ে ইস্রায়েলের ঈশ্বর সদাপ্রভুর ক্ষেত্র জাগিয়ে তুলেছিলেন। ১০ এলার রাজত্বকালের অন্যান্য সব ঘটনা, ও তিনি যা যা করলেন, তার বিবরণ কি ইস্রায়েলের রাজাদের ইতিহাস-গ্রন্থে লেখা নেই? ১১ যিহুদার রাজা আসার সপ্তবিংশতিতম বছরে সিঞ্চি সাত দিন তির্সায় রাজত্ব করলেন। সৈন্যদল ফিলিস্তিনী এক নগর গিরিখনের কাছে শিবির করে ছিল। ১২ সৈন্যশিবিরের ইস্রায়েলীরা যখন শুনতে পেয়েছিল যে সিঞ্চি রাজার বিরুদ্ধে ঘড়যন্ত্র করে তাঁকে খুন করেছেন, তখন তারা সেদিনই সৈন্যশিবিরের মধ্যে সৈন্যদলের সেনাপতি অঙ্গিকে ইস্রায়েলের রাজা বলে ঘোষণা করে দিয়েছিল। ১৩ পরে অঙ্গি ও তাঁর

সাথে থাকা ইস্রায়েলীরা সবাই গিবরথোন থেকে পিছিয়ে এসে তির্সার বিরংদে অবরোধ গড়ে তুলেছিলেন। 18 সিঞ্চি যখন দেখেছিলেন যে নগরটি বেদখল হয়ে যাচ্ছে, তখন তিনি রাজপ্রাসাদের দুর্গের ভিতর চলে গিয়ে প্রাসাদে নিজের চারপাশে আগুন ধরিয়ে দিলেন। এইভাবে 19 তাঁর করা পাপের কারণে, সদাপ্রভুর দৃষ্টিতে মন্দ কাজ করার এবং যারবিয়ামের পথানুগামী হওয়ার ও যারবিয়াম ইস্রায়েলকে দিয়ে যে পাপ করিয়েছিলেন, সেই একই পাপ করার কারণে তাঁকে মরতে হল। 20 সিঞ্চির রাজত্বকালের অন্যান্য সব ঘটনা, ও যে বিদ্রোহ তিনি সম্পাদন করলেন, তার বিবরণ কি ইস্রায়েলের রাজাদের ইতিহাস-গ্রন্থে লেখা নেই? 21 তখন ইস্রায়েলী জনতা দুই ভাগে বিভক্ত হয়ে গেল; অর্ধেক লোক গীনতের ছেলে তিবনিকে রাজা করতে চাইছিল, ও অর্ধেক লোক অম্রিকে রাজা করতে চাইছিল। 22 কিন্তু অম্রির অনুগামীরা গীনতের ছেলে তিবনির অনুগামীদের তুলনায় বেশি শক্তিশালী প্রতিপন্থ হল। তাই তিবনি মারা গেলেন ও অম্রি রাজা হয়ে গেলেন। 23 যিহুদার রাজা আসার একত্রিশতম বছরে অম্রি ইস্রায়েলের রাজা হলেন, এবং তিনি বারো বছর রাজত্ব করলেন, যার মধ্যে ছয় বছর তিনি তির্সায় রাজত্ব করলেন। 24 তিনি দুই তালন্ত রংপোর বিনিময়ে শমরিয়া পাহাড়টি শেমরের কাছ থেকে কিনে নিয়েছিলেন ও সেটির উপরে একটি নগর নির্মাণ করেছিলেন এবং সেই পাহাড়টির পূর্বতন মালিক শেমরের নামানুসারে সেটির নাম রেখেছিলেন শমরিয়া। 25 কিন্তু অম্রি সদাপ্রভুর দৃষ্টিতে যা মন্দ, তাই করলেন এবং তাঁর আগে যারা রাজা হলেন, তাদের সবার তুলনায় আরও বেশি পাপ করলেন। 26 তিনি পুরোপুরি নবাটের ছেলে যারবিয়ামের পথানুগামী হলেন, অর্থাৎ যারবিয়াম ইস্রায়েলকে দিয়ে যে পাপ করিয়েছিলেন, সেই একই পাপ করে তিনি ও ইস্রায়েলের স্কশর সদাপ্রভুর ক্ষোধ জাগিয়ে তুলেছিলেন, যেমনটি তারা তাদের অকেজো প্রতিমার মূর্তিগুলির দ্বারা করল। 27 অম্রির রাজত্বকালের অন্যান্য সব ঘটনা, তিনি যা যা করলেন এবং যা যা অর্জন করলেন, তার বিবরণ কি ইস্রায়েলের রাজাদের ইতিহাস-গ্রন্থে লেখা নেই? 28 অম্রি তাঁর পূর্বপুরুষদের সঙ্গে চিরবিশ্রামে শায়িত হলেন

ও তাঁকে শমরিয়ায় কবর দেওয়া হল। তাঁর ছেলে আহাব রাজারূপে  
 তাঁর স্থলাভিষিক্ত হলেন। 29 যিহুদার রাজা আসার আটত্রিশতম বছরে  
 অগ্নির ছেলে আহাব ইস্রায়েলের রাজা হলেন, এবং তিনি শমরিয়ায়  
 ইস্রায়েলের উপর বাহিশ বছর রাজত্ব করলেন। 30 অগ্নির ছেলে আহাব,  
 তাঁর আগে যতজন রাজা হলেন, তাদের তুলনায় সদাপ্রভুর দৃষ্টিতে  
 আরও বেশি মন্দ কাজ করলেন। 31 নবাটের ছেলে যারবিয়াম যে পাপ  
 করলেন, তা করাকেই যে শুধু তিনি নগণ্য বলে মনে করলেন, তা নয়,  
 কিন্তু তিনি আবার সীদোনীয়দের রাজা ইৎবায়ালের মেয়ে ঈষেবলকেও  
 বিয়ে করলেন, এবং বায়ালদেবের সেবা ও পূজার্চনা করতে শুরু  
 করলেন। 32 শমরিয়ায় তিনি বায়ালদেবের একটি মন্দির তৈরি করে  
 সেখানে বায়ালের একটি যজ্ঞবেদিও খাড়া করে দিলেন। 33 এছাড়াও  
 আহাব একটি আশেরা-খুঁটি তৈরি করলেন এবং ইস্রায়েলের ঈশ্বর  
 সদাপ্রভুর ক্ষেত্র জাগিয়ে তোলার জন্য তাঁর আগে ইস্রায়েলে যতজন  
 রাজা হলেন, তাদের তুলনায় আরও বেশি মন্দ কাজ করলেন। 34  
 আহাবের রাজত্বকালে, বেথেলের হীয়েল যিরাহো নগরাটির পুনর্নির্মাণ  
 করল। সদাপ্রভু, নূনের ছেলে যিহোশূয়ের মাধ্যমে যা বললেন, সেই  
 কথানুসারে নগরাটির ভিত্তি গাঁথার জন্য হীয়েলকে তার প্রথমজাত ছেলে  
 অবীরামকে হারাতে হল, এবং ছোটো ছেলে সগুবকে বিসর্জন দিয়ে  
 তিনি ফটকগুলি খাড়া করলেন।

**17** ইত্যবসরে গিলিয়দের তিশবী থেকে আসা তিশবীয় এলিয়  
 আহাবকে বললেন, “আমি যাঁর সেবা করি, ইস্রায়েলের ঈশ্বর সেই  
 জীবন্ত সদাপ্রভুর দিবিয়, আমি না বলা পর্যন্ত পরবর্তী কয়েক বছর দেশে  
 শিশির বা বৃষ্টি, কিছুই পড়বে না।” 2 পরে এলিয়ের কাছে সদাপ্রভুর  
 এই বাক্য এসেছিল: 3 “এই স্থানটি ছেড়ে চলে যাও, পূর্বদিকে ফিরে  
 জর্ডন নদীর পূর্বপারে করীতের সরু গিরিখাতে গিয়ে লুকিয়ে থাকো। 4  
 তুমি সেই স্থানের জল পান করবে, এবং আমি দাঁড়কাকদের নির্দেশ  
 দিয়ে রেখেছি, তারা সেখানে তোমাকে খাবার জোগাবে।” 5 সদাপ্রভু  
 তাঁকে যা বললেন, তিনি তাই করলেন। তিনি জর্ডন নদীর পূর্বপারে  
 করীতের সরু গিরিখাতের দিকে গিয়ে সেখানেই থেকে গোলেন। 6

দাঁড়কাকেরা সকাল-সন্ধিয়ায় তাঁর কাছে রংটি ও মাংস নিয়ে আসত,  
এবং তিনি সেই স্নোতের জল পান করতেন। 7 দেশে বৃষ্টি না হওয়ার  
কারণে কিছুদিন পর সেই স্নোতটি শুকিয়ে গেল। 8 তখন সদাপ্রভুর  
এই বাক্য তাঁর কাছে এসেছিল: 9 “এক্ষনি তুমি সীদোনের এলাকাভুক্ত  
সারিফতে চলে যাও ও সেখানে গিয়েই থাকো। আমি সেখানে একজন  
বিধিবাকে নির্দেশ দিয়ে রেখেছি, সে তোমাকে খাবার জোগাবে।” 10  
অতএব তিনি সারিফতে চলে গেলেন। তিনি যখন নগরের সিংহদুয়ারে  
পৌঁছালেন, একজন বিধিবা সেখানে তখন কাঠকুটো সংগ্রহ করছিল।  
তিনি তাকে ডেকে জিজ্ঞাসা করলেন, “তুমি কি আমার জন্য এক পাত্র  
জল এনে দিতে পারবে, যেন আমি তা পান করতে পারি?” 11 সে  
যখন জল আনতে যাচ্ছিল তখন তিনি আবার তাকে ডেকে বললেন,  
“আর দয়া করে আমার জন্য এক টুকরো রংটি এনো।” 12 “আপনার  
ঈশ্বর জীবন্ত সদাপ্রভুর দিব্যি,” সে উন্নত দিয়েছিল, “আমার কাছে  
কোনও রংটি নেই—আছে শুধু একটি পাত্রে পড়ে থাকা একমুঠো ময়দা  
আর একটি বয়ামে পড়ে থাকা সামান্য একটু জলপাই তেল। আমি  
ঘরে নিয়ে যাওয়ার জন্য কয়েকটি কাঠকুটো কুড়াচ্ছি, যেন আমার  
ও আমার ছেলের জন্য একটু খাবার তৈরি করে আমরা তা খেয়ে  
মরি।” 13 এলিয় তাকে বললেন, “ভয় পেয়ো না। ঘরে গিয়ে তোমার  
কথামতোই কাজ করো। কিন্তু তোমার কাছে যা আছে তা দিয়ে প্রথমে  
আমার জন্য ছোটো এক টুকরো রংটি তৈরি করে সেটি আমার কাছে  
নিয়ে এসো, পরে তোমার নিজের ও তোমার ছেলের জন্য কিছু তৈরি  
কোরো। 14 কারণ ইস্রায়েলের ঈশ্বর সদাপ্রভু একথাই বলেন: ‘যতদিন  
না সদাপ্রভু দেশে বৃষ্টি পাঠাচ্ছেন, ততদিন ময়দার এই পাত্র শূন্য  
হবে না ও তেলের বয়ামও শুকিয়ে যাবে না।’” 15 সে গিয়ে এলিয়ের  
কথামতোই কাজ করল। তাতে প্রতিদিন সেখানে এলিয়ের এবং সেই  
মহিলা ও তার ছেলের জন্য খাবারের ব্যবস্থা হল। 16 কারণ এলিয়ের  
মাধ্যমে বলা সদাপ্রভুর সেই কথা সত্যি প্রমাণিত করে ময়দার সেই  
পাত্র শূন্য হয়নি এবং তেলের বয়ামও শুকিয়ে যায়নি। 17 পরে কোনও  
এক সময় সেই বাড়ির কঢ়ী মহিলাটির ছেলে অসুস্থ হয়ে পড়েছিল।

তার অবস্থা ক্রমাগত খারাপের দিকে যাচ্ছিল, এবং শেষ পর্যন্ত তার শ্বাসপ্রশ্বাস বন্ধ হয়ে গেল। 18 সেই মহিলাটি এলিয়কে বলল, “হে ঈশ্বরের লোক, আমি আপনার কী ক্ষতি করেছি? আপনি কি আমার পাপের কথা মনে করাতে ও আমার ছেলেকে মেরে ফেলতে এখানে এসেছেন?” 19 “তোমার ছেলেকে আমার হাতে তুলে দাও,” এলিয় উত্তর দিলেন। তিনি তার হাত থেকে ছেলেটিকে নিয়ে উপরের সেই ঘরাটিতে চলে গেলেন, যেখানে তিনি থাকার জন্য উঠেছিলেন, এবং ছেলেটিকে নিজের বিছানায় শুইয়ে দিলেন। 20 পরে তিনি সদাপ্রভুর কাছে চি�ৎকার করে বললেন, “হে আমার ঈশ্বর সদাপ্রভু, তুমি কি এই বিধবা মহিলাটির ছেলেকে মেরে ফেলে তার জীবনে বিপর্যয় আনতে চাইছ, যার ঘরে আমি এখন এসে থাকছি?” 21 একথা বলে তিনি তিনবার ছেলেটির উপর শুয়ে পড়েছিলেন ও চি�ৎকার করে সদাপ্রভুকে বললেন, “হে আমার ঈশ্বর সদাপ্রভু, এই ছেলেটির শরীরে প্রাণ ফিরে আসুক!” 22 সদাপ্রভু এলিয়ের আর্তনাদ শুনেছিলেন, এবং ছেলেটির শরীরে তার প্রাণ ফিরে এসেছিল, ও সে বেঁচে উঠেছিল। 23 এলিয় ছেলেটিকে কোলে তুলে নিয়ে সেই ঘর থেকে নিচে বাড়িতে নেমে এলেন। তাকে তার মায়ের হাতে তুলে দিয়ে তিনি বললেন, “এই দেখো, তোমার ছেলে বেঁচে আছে!” 24 তখন সেই মহিলাটি এলিয়কে বলল, “এখন আমি বুঝলাম যে আপনি ঈশ্বরের লোক এবং আপনার মুখ থেকে বেরিয়ে আসা সদাপ্রভুর বাক্যই সত্য।”

**18** বেশ কিছু সময় পার হয়ে যাওয়ার পর, তৃতীয় বছরে সদাপ্রভুর এই বাক্য এলিয়ের কাছে এসেছিল: “যাও, নিজেকে আহাবের সামনে উপস্থিত করো, আর আমি দেশে বৃষ্টি পাঠাব।” 2 অতএব এলিয় নিজেকে আহাবের সামনে উপস্থিত করতে গেলেন। ইত্যবসরে শমরিয়ায় দুর্ভিক্ষ চরম আকার ধারণ করল, 3 এবং আহাব তাঁর প্রাসাদের প্রশাসক ওবদিয়কে ডেকে পাঠালেন। (ওবদিয় সদাপ্রভুর প্রতি নিবেদিতপ্রাণ এক বিশ্বাসী ছিলেন।) 4 ঈষেবল যখন সদাপ্রভুর ভাববাদীদের মেরে ফেলছিল, ওবদিয় তখন একশো জন ভাববাদীকে নিয়ে গিয়ে দুটি গুহায়—এক একটিতে পঞ্চাশ জন করে—লুকিয়ে

রেখেছিলেন, এবং তাদের জন্য খাবার ও জলের ব্যবস্থা করেছিলেন)।

৫ আহাব ওবদিয়কে বললেন, “দেশে যত জলের উৎস ও উপত্যকা  
আছে, তুমি সেসব স্থানে যাও। হয়তো আমাদের ঘোড়া ও খচরগুলি  
বাঁচিয়ে রাখার উপযোগী কিছু ঘাসপাতা আমরা পেয়েও যেতে পারি,  
সেক্ষেত্রে আমাদের কোনও পশু আর হয়তো আমাদের মারতে হবে  
না।” ৬ অতএব দেশের যে এলাকাগুলিতে তাদের যেতে হত, সেগুলি  
তারা দুই ভাগে বিভক্ত করে নিয়েছিলেন। আহাব একদিকে গেলেন ও  
ওবদিয় অন্যদিকে গেলেন। ৭ ওবদিয় পথ দিয়ে যাচ্ছিলেন, এমন  
সময় তাঁর সঙ্গে এলিয়ের দেখা হল। ওবদিয় তাঁকে চিনতে পেরে  
মাটিতে উরুড় হয়ে পড়ে বললেন, “হে আমার প্রভু এলিয়, এ কি সত্যিই  
আপনি?” ৮ “হ্যাঁ, আমিই,” তিনি উত্তর দিলেন। “যাও, গিয়ে তোমার  
মনিবকে বলো, ‘এলিয় এখানেই আছেন।’” ৯ “আমি কী দোষ করেছি,”  
ওবদিয় জিজ্ঞাসা করলেন, “যে আপনি আপনার এই দাসকে মেরে  
ফেলার জন্য আহাবের হাতে তুলে দিচ্ছেন? ১০ আপনার ঈশ্বর জীবন্ত  
সদাপ্রভুর দিব্যি, এমন কোনও দেশ বা রাজ্য বাকি নেই, যেখানে  
আমার মনিব আপনার খুঁজে লোক পাঠাননি। আর যখনই কোনও  
দেশ বা রাজ্য দাবি করেছে আপনি সেখানে নেই, তখনই তিনি তাদের  
দিয়ে শপথ করিয়ে নিয়েছিলেন, যে সত্যিই তারা আপনাকে খুঁজে  
পায়নি। ১১ কিন্তু এখন আপনি আমায় বলছেন, আমি যেন গিয়ে আমার  
মনিবকে বলি, ‘এলিয় এখানে আছেন।’ ১২ আমি জানি না, আপনার  
কাছ থেকে আমি চলে যাওয়ার পর সদাপ্রভুর আত্মা আপনাকে কোথায়  
নিয়ে যাবে। আমি যদি আহাবকে গিয়ে বলি এবং তিনি আপনাকে  
খুঁজে না পান, তবে তিনি আমাকেই হত্যা করবেন। অথচ আপনার  
এই দাস আমি আমার যৌবনকাল থেকেই সদাপ্রভুর আরাধনা করে  
আসছি। ১৩ হে আমার প্রভু, আপনি কি শোনেননি ঈষ্বেল যখন  
সদাপ্রভুর ভাববাদীদের হত্যা করছিল তখন আমি কী করেছিলাম?  
আমি সদাপ্রভুর ভাববাদীদের মধ্যে একশো জনকে দুটি গুহায়—এক  
একটিতে পঞ্চাশ জন করে—লুকিয়ে রেখে তাদের জন্য খাবার ও  
জলের ব্যবস্থা করে দিয়েছিলাম। ১৪ আর এখন কি না আপনি আমাকে

আমার মনিবের কাছে গিয়ে একথা বলতে বলছেন, ‘এলিয় এখানে  
আছেন।’ তিনি তো আমায় মেরে ফেলবেন!” 15 এলিয় বললেন, “আমি  
যাঁর সেবা করি, সেই সর্বশক্তিমান জীবন্ত সদাপ্রভুর দিব্য, আমি  
অবশ্যই আজ আহাবের সামনে নিজেকে উপস্থিত করব।” 16 অতএব  
ওবদিয় গিয়ে আহাবের সঙ্গে দেখা করে তাঁকে সব কথা বললেন, এবং  
আহাবও এলিয়ের সঙ্গে দেখা করতে গেলেন। 17 এলিয়ের দেখা পেয়ে  
আহাব তাঁকে বললেন, “ওহে ইস্রায়েলের অসুবিধা সৃষ্টিকারী লোক,  
এ কি তুমি?” 18 “আমি ইস্রায়েলে অসুবিধা সৃষ্টি করিনি,” এলিয়  
উত্তর দিলেন। “কিন্তু আপনি ও আপনার বাবার কুলই তা করেছেন।  
আপনারা সদাপ্রভুর আদেশ পরিত্যাগ করে বায়াল-দেবদের অনুগামী  
হয়েছেন। 19 এখন ইস্রায়েলের সর্বত্র খবর পাঠিয়ে লোকদের ডেকে  
আনুন, যেন তারা কর্মিল পাহাড়ে আমার সাথে দেখা করে। আর  
বায়ালের সেই 450 জন ও আশেরার সেই 400 জন ভাববাদীকেও  
নিয়ে আসুন, যারা ঈষ্টবলের টেবিলে বসে ভোজনপান করে।” 20  
অতএব আহাব সমস্ত ইস্রায়েলে খবর পাঠিয়ে ভাববাদীদের কর্মিল  
পাহাড়ে সমবেত করলেন। 21 এলিয় লোকদের সামনে গিয়ে বললেন,  
“আর কত দিন তোমরা দুটি অভিমতের মাঝে দ্বিগ্রস্ত হয়ে থাকবে?  
সদাপ্রভু যদি ঈশ্বর হন, তবে তাঁর অনুগামী হও; কিন্তু বায়াল যদি ঈশ্বর  
হয়, তবে তারই অনুগামী হও।” কিন্তু লোকেরা কিছুই বলেনি। 22  
তখন এলিয় তাদের বললেন, “সদাপ্রভুর ভাববাদীদের মধ্যে এখানে  
একমাত্র আমিই আছি, কিন্তু বায়ালের ভাববাদীরা সংখ্যায় 450  
জন। 23 আমাদের জন্য দুটি বলদ নিয়ে এসো। বায়ালের ভাববাদীরা  
নিজেদের জন্য একটি বলদ বেছে নিক, ও সেটি কেটে টুকরো টুকরো  
করে কাঠের উপর সাজিয়ে রাখুক কিন্তু তাতে যেন তারা আগুন না  
ধরায়। আমিও অন্য বলদটি প্রস্তুত করে সেটি কাঠের উপর সাজিয়ে  
রাখব কিন্তু তাতে আগুন দেব না। 24 পরে তোমরা নিজেদের দেবতার  
নাম ধরে ডেকো, ও আমিও সদাপ্রভুর নাম ধরে ডাকব। যিনি আগুনের  
দ্বারা উত্তর দেবেন, তিনিই ঈশ্বর।” তখন সব লোকজন বলে উঠেছিল,  
“আপনি ভালো কথাই বলেছেন।” 25 এলিয় বায়ালের ভাববাদীদের

বললেন, “একটি বলদ বেছে নিয়ে তোমরা প্রথমে সেটি প্রস্তুত করো, যেহেতু সংখ্যায় তোমরাই বেশি। তোমাদের দেবতার নাম ধরে ডাকো, কিন্তু আগুন জ্বালিয়ো না।” 26 অতএব যে বলদটি তাদের দেওয়া হল, সেটি তারা প্রস্তুত করে রেখেছিল। পরে তারা সকাল থেকে দুপুর পর্যন্ত বায়ালের নাম ধরে ডেকেছিল। “হে বায়ালদেব, আমাদের উভর দাও!” এই বলে তারা চিৎকার করছিল। কিন্তু কোনও উভর পাওয়া যায়নি; কেউ উভর দেয়নি। তারা আবার তাদের তৈরি করা যজ্ঞবেদি ঘিরে নাচতেও লাগল। 27 দুপুর হতে না হতেই এলিয় তাদের বিদ্রূপের খোঁচা দিতে শুরু করলেন। তিনি বললেন, “আরও জোরে চিৎকার করো! সে তো অবশ্যই একজন দেবতা! হয়তো সে গভীর ধ্যানে মগ্ন হয়ে আছে, হয়তো বা সে খুব ব্যস্ত, বা কোথাও বেড়াতে গিয়েছে। হতে পারে সে হয়তো ঘুমাচ্ছে আর তাকে জাগাতে হবে।” 28 তাই তারা আরও জোরে চিৎকার করতে শুরু করল এবং তাদের লোকাচার অনুসারে, রক্তের ধারা প্রবাহিত না হওয়া পর্যন্ত তরোয়াল ও বর্ণ দিয়ে নিজেদের শরীর ক্ষতবিক্ষত করে তুলেছিল। 29 দুপুর গড়িয়ে গেল, তবু তারা সন্ধ্যাকালীন বলিদানের সময় পর্যন্ত তাদের ক্ষিণ ভাববাণী আউড়ে গেল। কিন্তু কোনও উভর আসেনি, কেউ উভর দেয়নি, কেউ তাতে মনোযোগ দেয়নি। 30 তখন এলিয় সব লোকজনকে বললেন, “এখানে আমার কাছে এসো।” তারা তাঁর কাছে এসেছিল, ও তিনি ভেঙে পড়ে থাকা সদাপ্রভুর যজ্ঞবেদিটি মেরামত করলেন। 31 সেই যাকোব থেকে উৎপন্ন বংশের সংখ্যানুসারে এলিয় বারোটি পাথর হাতে তুলে নিয়েছিলেন, যাঁর কাছে সদাপ্রভুর এই বাক্য উপস্থিত হল, “তোমার নাম হবে ইস্রায়েল।” 32 সেই পাথরগুলি দিয়ে তিনি সদাপ্রভুর নামে একটি যজ্ঞবেদি নির্মাণ করলেন, এবং সেটির চারপাশে দুই কাঠা বীজ ধারণ করতে পারে, এত বড়ো একটি নালা কেটে দিলেন। 33 তিনি কাঠ সাজিয়ে, বলদটি টুকরো টুকরো করে কেটে কাঠের উপর সাজিয়ে রেখেছিলেন। পরে তিনি তাদের বললেন, “চারটি বড়ো বড়ো বয়ামে জল ভরে সেই জল বলির পশ্চ ও কাঠের উপর ঢেলে দাও।” 34 “আবার এরকম করো,” তিনি বললেন, ও তারা আবার

তা করল। “তৃতীয়বারও এরকম করো,” তিনি আদেশ দিলেন, ও তারা তৃতীয়বার তা করল। 35 বেদি উপচে জল গড়িয়ে পড়েছিল ও এমনকি নালাও ভরিয়ে তুলেছিল। 36 বলিদান উৎসর্গ করার সময় ভাববাদী এলিয় এগিয়ে এসে প্রার্থনা করলেন: “হে সদাপ্রভু, অব্রাহাম, ইস্থাক ও ইস্রায়েলের ঈশ্বর, লোকেরা আজ জানুক যে ইস্রায়েলে তুমই ঈশ্বর এবং আমি তোমার দাস ও আমি তোমার আদেশেই এসব কাজ করেছি। 37 আমায় উত্তর দাও, হে সদাপ্রভু, আমায় উত্তর দাও, যেন এইসব লোক জানতে পাবে যে তুমি তাদের অন্তর আবার ফিরাতে চলেছ।” 38 তখন সদাপ্রভুর কাছ থেকে আগুন নেমে এসেছিল এবং বলির পশ্চ, কাঠ, পাথর ও মাটি পুড়িয়ে ছাই করে দিয়েছিল, এবং নালার জলও নিকেশ করে ফেলেছিল। 39 সব লোকজন যখন এই দৃশ্য দেখেছিল, তারা মাটিতে উবুড় হয়ে পড়ে চিংকার করে উঠেছিল, “সদাপ্রভুই ঈশ্বর! সদাপ্রভুই ঈশ্বর!” 40 তখন এলিয় তাদের আদেশ দিলেন, “বায়ালের ভাববাদীদের ধরে ফেলো। কেউ যেন পালাতে না পারে!” তারা তাদের ধরে ফেলেছিল, ও এলিয় তাদের কীশোন উপত্যকায় নামিয়ে এনে সেখানে তাদের হত্যা করলেন। 41 আর এলিয় আহাবকে বললেন, “যান, ভোজনপান করুন, কারণ প্রবল বৃষ্টির শব্দ শোনা যাচ্ছে।” 42 অতএব আহাব ভোজনপান করতে চলে গেলেন, কিন্তু এলিয় কর্মিল পাহাড়ের চূড়ায় উঠে গিয়ে, মাটিতে হাঁটু মুড়ে, নিজের মুখটি দুই হাঁটুর মাঝখানে রেখে বসেছিলেন। 43 “যাও, সমুদ্রের দিকে তাকিয়ে থাকো,” তিনি তাঁর দাসকে বললেন। আর সে গিয়ে তাকিয়ে থেকেছিল। “সেখানে কিছুই নেই,” সে বলল। সাতবার এলিয় বললেন, “তুমি ফিরে যাও।” 44 সগুমবারে সেই দাস এসে খবর দিয়েছিল, “মানুষের হাতের মতো ছেটো একখণ্ড মেঘ সমুদ্র থেকে উঠে আসছে।” অতএব এলিয় বললেন, “যাও, আহাবকে গিয়ে বলো, ‘হ্যাঁচকা টান মেরে আপনার রথটি ওঠান ও বৃষ্টি বাধ সাধার আগেই আপনি চলে যান।’” 45 এদিকে, আকাশ কালো মেঘে ছেয়ে গেল, বাতাস উঠেছিল, প্রবল বৃষ্টিপাত শুরু হল এবং আহাব রথে চড়ে যিঞ্চিয়েলে চলে গেলেন। 46 সদাপ্রভুর শক্তি এলিয়ের উপর নেমে

এসেছিল, এবং নিজের আলখাল্লাটি কোমরবক্ষে গুঁজে নিয়ে তিনি  
আহাবের আগেই দৌড়ে যিত্রিয়েলে পৌঁছে গেলেন।

**19** ইত্যবসরে এলিয় যা যা করলেন এবং কীভাবে তিনি ভাববাদীদের  
সবাইকে তরোয়াল দিয়ে হত্যা করলেন, সেসব কথা আহাব ঈষেবলকে  
বলে দিলেন। 2 তাই ঈষেবল এলিয়ের কাছে একথা বলার জন্য  
একজন দৃত পাঠালেন, “আগামীকাল এই সময়ের মধ্যে আমি যদি  
তোমার দশা সেই ভাববাদীদের একজনের মতোও না করি, তবে  
যেন দেবদেবীরা আমাকে কঠোর থেকে কঠোরতর দণ্ড দেন।” 3  
এলিয় ভয় পেয়ে গেলেন এবং প্রাণ বাঁচাতে তিনি দৌড় লাগালেন।  
যিহুদার বের-শেবায় পৌঁছে তিনি তাঁর দাসকে সেখানে রেখে 4  
নিজে একদিনের পথ পাড়ি দিয়ে মরণপ্রাপ্তরে চলে গেলেন। একটি  
খেঁরা ঝোপের কাছে এসে, সেটির তলায় বসে তিনি নিজের মৃত্যু  
কামনা করে প্রার্থনা করলেন। “হে সদাপ্রভু, যথেষ্ট হয়েছে,” তিনি  
বললেন। “আমার জীবন নিয়ে নাও; আমার পূর্বপুরুষদের চেয়ে  
আমি কোনোমতেই ভালো নই।” 5 এই বলে তিনি খেঁরা ঝোপের  
তলায় শুয়ে ঘুমিয়ে পড়েছিলেন। হঠাতে করে একজন স্বর্গদৃত তাঁকে  
স্পর্শ করে বলে উঠেছিলেন, “উঠে পড়ো ও খেয়ে নাও।” 6 তিনি  
চারপাশে তাকিয়েছিলেন, আর দেখতে পেয়েছিলেন যে তাঁর মাথার  
কাছে গরম কয়লার আগুনে সেঁকা কয়েকটি রংটি ও এক বয়াম জল  
রাখা আছে। তিনি ভোজনপান করে আবার শুয়ে পড়েছিলেন। 7  
সদাপ্রভুর দৃত দ্বিতীয়বার ফিরে এসে তাঁকে স্পর্শ করে বললেন, “উঠে  
পড়ো ও খেয়ে নাও, কারণ এই যাত্রাটি তোমার পক্ষে বড়ো বেশি  
লম্বা হতে চলেছে।” 8 অতএব তিনি উঠে ভোজনপান করলেন।  
খাবার খেয়ে শক্তি লাভ করে তিনি সদাপ্রভুর পর্বত হোরেবে না  
পৌঁছানো পর্যন্ত চাল্লিশ দিন চাল্লিশ রাত হেঁটে গেলেন। 9 সেখানে  
একটি গুহায় ঢুকে তিনি রাত কাটিয়েছিলেন। আর সদাপ্রভুর এই  
বাক্য তাঁর কাছে এসেছিল: “এলিয়, তুমি এখানে কী করছ?” 10  
তিনি উত্তর দিলেন, “আমি সর্বশক্তিমান ঈশ্বর সদাপ্রভুর জন্য দারণ  
উদ্যোগী হয়েছি। ইস্রায়েলীরা তোমার নিয়ম বাতিল করে দিয়েছে,

তোমার যজ্ঞবেদিগুলি ভেঙে ফেলেছে, এবং তোমার ভাববাদীদের তরোয়াল দিয়ে হত্যা করেছে। একমাত্র আমিই অবশিষ্ট আছি, আর এখন তারা আমাকেও হত্যা করতে চাইছে।” 11 সদাপ্রভু বললেন, “পর্বতের উপর সদাপ্রভুর উপস্থিতিতে গিয়ে দাঁড়াও, কারণ কিছুক্ষণের মধ্যেই সদাপ্রভু ওখান দিয়ে পার হবেন।” পরে প্রচণ্ড শক্তিশালী বাতাসের এক ঝাপটায় সদাপ্রভুর সামনে পর্বতমালা বিদীর্ঘ হয়ে গেল এবং পাষাণ-পাথরগুলিও ভেঙে চুরমার হয়ে গেল, কিন্তু সদাপ্রভু সেই বাতাসে ছিলেন না। বাতাস বয়ে যাওয়ার পর ভূমিকম্প হল, কিন্তু সদাপ্রভু সেই ভূমিকম্পেও ছিলেন না। 12 ভূমিকম্প হয়ে যাওয়ার পর সেখানে আগুন জ্বলে উঠেছিল, কিন্তু সদাপ্রভু সেই আগুনেও ছিলেন না। আগুনের পর সেখানে যন্মুমন্দ ফিসফিসানির শব্দ শোনা গেল। 13 সেই শব্দ শুনে এলিয় নিজের আলখাল্লা দিয়ে মুখ ঢেকে বাইরে বের হয়ে গুহার মুখে গিয়ে দাঁড়িয়েছিলেন। তখন এক কষ্টস্বর তাঁকে বলল, “এলিয়, তুমি এখানে কী করছ?” 14 তিনি উত্তর দিলেন, “আমি সর্বশক্তিমান ঈশ্বর সদাপ্রভুর জন্য দার্শণ উদ্যোগী হয়েছি। ইস্রায়েলীরা তোমার নিয়ম বাতিল করে দিয়েছে, তোমার যজ্ঞবেদিগুলি ভেঙে ফেলেছে, এবং তোমার ভাববাদীদের তরোয়াল দিয়ে হত্যা করেছে। একমাত্র আমিই অবশিষ্ট আছি, আর এখন তারা আমাকেও হত্যা করতে চাইছে।” 15 সদাপ্রভু তাঁকে বললেন, “যে পথ দিয়ে এসেছিলে, সেই পথ ধরেই দামাক্ষাসের মরুভূমিতে চলে যাও। সেখানে পৌঁছে হসায়েলকে অরামের উপর রাজপদে অভিষিক্ত করো। 16 এছাড়াও, নিমশির ছেলে যেহুকে ইস্রায়েলের উপর রাজপদে অভিষিক্ত করো, এবং ভাববাদীরূপে তোমার স্ত্রাভিষিক্ত হওয়ার জন্য আবেল-মহোলার অধিবাসী শাফটের ছেলে ইলীশায়কে অভিষিক্ত করো। 17 যে কেউ হসায়েলের তরোয়ালের হাত থেকে রেহাই পাবে, যেহু তাকে হত্যা করবে, আর যে কেউ যেহুর তরোয়ালের হাত থেকে রেহাই পাবে, ইলীশায় তাকে হত্যা করবে। 18 তবে ইস্রায়েলে আমি এমন 7,000 লোককে সংরক্ষিত করে রেখেছি, যারা বায়ালের কাছে মাথা নত করেনি ও তাকে চুমুও দেয়নি।” 19 অতএব সেখান থেকে গিয়ে

এলিয় শাফটের ছেলে ইলীশায়কে খুঁজে পেয়েছিলেন। তিনি বারো  
জোড়া বলদ জোয়ালে জুড়ে জমি চাষ করছিলেন, আর তিনি স্বয়ং  
শেষ জোড়া বলদ দিয়ে হাল চালাচ্ছিলেন। এলিয় তাঁর কাছে গিয়ে  
নিজের আলখাল্লাটি তাঁর গায়ে ছুঁড়ে দিলেন। 20 ইলীশায় তখন তাঁর  
বলদগুলি ছেড়ে এলিয়ের কাছে দৌড়ে গেলেন। “আমাকে অনুমতি  
দিন, আমি আমার মা-বাবাকে চুমু দিয়ে তাদের কাছ থেকে বিদায়  
নিয়ে আসি,” তিনি বললেন, “পরে আমি আপনার সাথে আসব।” “তুমি  
ফিরে যাও,” এলিয় উত্তর দিলেন। “আমি তোমার প্রতি কী করেছি?”  
21 অতএব ইলীশায় তাঁকে ছেড়ে ফিরে গেলেন। তিনি তাঁর হালের  
বলদগুলি নিয়ে সেগুলি বধ করলেন। তিনি লাঙ্গল-জোয়ালের কাঠ  
দিয়ে আগুন ঝালিয়ে মাংস রান্না করলেন ও লোকজনকে দিলেন ও  
তারা তা খেয়েছিল। পরে তিনি এলিয়ের অনুগামী হয়ে, তাঁর দাস হয়ে  
গেলেন।

**20** ইত্যবসরে অরামের রাজা বিন্হদদ তাঁর সমগ্র সৈন্যদল একত্রিত  
করলেন। বত্রিশজন রাজা ও তাদের ঘোড়া ও রথ সঙ্গে নিয়ে গিয়ে  
তিনি চারদিক থেকে শমরিয়া নগরটিকে ঘিরে ধরে সেখানে আক্রমণ  
চালিয়েছিলেন। 2 তিনি এই কথা বলার জন্য নগরে ইন্দ্রায়লের রাজা  
আহাবের কাছে দৃত পাঠালেন, “বিন্হদদ এই কথা বলেন: 3 ‘আপনার  
রংপো ও সোনাদানা সব আমার, এবং আপনার বাছাই করা স্ত্রী ও  
সন্তানেরাও আমার।’” 4 ইন্দ্রায়লের রাজা উত্তর দিলেন, “হে আমার  
প্রভু মহারাজ, আপনি ঠিকই বলেছেন। আমি ও আমার সবকিছুই  
আপনার।” 5 দুর্তেরা আরেকবার এসে বলল, “বিন্হদদ একথাই  
বলেন: ‘আমি আপনার রংপো ও সোনাদানা, আপনার স্ত্রী ও সন্তানদের  
চেয়ে নেওয়ার জন্য লোক পাঠিয়েছিলাম। 6 কিন্তু আগামীকাল  
মোটামুটি এসময় আপনার রাজপ্রাসাদে ও আপনার কর্মকর্তাদের  
বাড়িতে তল্লাসি চালানোর জন্য আমি আমার কর্মকর্তাদের পাঠাতে  
যাচ্ছি। আপনার কাছে যা যা মূল্যবান, সেসবকিছু তারা বাজেয়াঙ্গ করে  
নিয়ে চলে যাবে।’” 7 ইন্দ্রায়লের রাজা আহাব দেশের সব প্রাচীনকে  
ডেকে পাঠালেন এবং তাদের বললেন, “দেখুন কীভাবে এই লোকটি

অনিষ্ট করার চেষ্টা করছেন! তিনি যখন আমার স্তু ও সন্তানদের, আমার রূপো ও সোনাদানা চেয়ে পাঠালেন, আমি তাঁর কথা অমান্য করিনি।” ৪ প্রাচীনেরা ও সব লোকজন উভর দিয়েছিল, “তাঁর কথা শুনবেন না বা তাঁর দাবি মানবেন না।” ৫ অতএব তিনি বিনহৃদদের দৃতদের জবাব দিলেন, “আমার প্রভু মহারাজকে গিয়ে বলো, ‘আপনি প্রথমবার যে যে দাবি জানিয়েছিলেন, আপনার দাস সেসব মানবে, কিন্তু আপনার এই দাবিটি আমি মানতে পারছি না।’” তারা এই উভর নিয়ে বিনহৃদদের কাছে ফিরে গেল। ১০ পরে বিনহৃদ আহাবের কাছে অন্য একটি খবর দিয়ে পাঠালেন: “আমার লোকজনের হাতে দেওয়ার মতো ধুলোও যদি শমরিয়ায় পড়ে থাকে, তবে যেন দেবদেবীরা আমায় কঠোর থেকে কঠোরতর দণ্ড দেন।” ১১ ইস্রায়েলের রাজা উভর দিলেন, “তাঁকে গিয়ে বলো: ‘যিনি রক্ষাকৰ্চ ধারণ করলেন, তাঁর এমন কোনও লোকের মতো অহংকার করা উচিত নয়, যিনি তা খুলে ফেলেছেন।’” ১২ বিনহৃদ ও অন্যান্য রাজারা যখন তাঁবুতে বসে মদ্যপান করছিলেন, তখনই তিনি এই খবরটি পেয়েছিলেন, এবং তিনি তাঁর লোকজনকে আদেশ দিলেন: “আক্রমণ করার জন্য প্রস্তুত হও।” অতএব তারা নগরটি আক্রমণ করার জন্য প্রস্তুত হল। ১৩ এদিকে একজন ভাববাদী ইস্রায়েলের রাজা আহাবের কাছে এসে ঘোষণা করলেন, “সদাপ্রভু একথাই বলেন: ‘তুমি কি এই বিশাল সৈন্যদল দেখছ? আজই আমি এদের তোমার হাতে তুলে দেব, আর তখনই তুমি জানতে পারবে যে আমিই সদাপ্রভু।’” ১৪ “কিন্তু কে এ কাজ করবে?” আহাব জিজ্ঞাসা করলেন। ভাববাদীমশাই উভরে বললেন, “সদাপ্রভু একথাই বলেন: ‘প্রাদেশিক সেনাপতিদের অধীনে থাকা নিম্নপদস্থ কর্মকর্তারা এ কাজ করবে।’” “আর যুদ্ধ কে শুরু করবে?” তিনি জিজ্ঞাসা করলেন। ভাববাদীমশাই উভর দিলেন, “আপনিই করবেন।” ১৫ অতএব আহাব প্রাদেশিক সেনাপতিদের অধীনে থাকা ২৩২ জন নিম্নপদস্থ কর্মকর্তাকে ডেকে পাঠালেন। পরে তিনি অবশিষ্ট মোট ৭,০০০ ইস্রায়েলী লোক একত্রিত করলেন। ১৬ বিনহৃদ ও তাঁর মিত্রপক্ষের ব্রিশজন রাজা যখন দুপুরবেলায় তাঁবুতে মাতাল হয়ে

পড়েছিলেন, তখনই তারা রওনা হল। 17 প্রাদেশিক সেনাপতিদের অধীনে থাকা নিম্নপদস্থ কর্মকর্তারাই প্রথমে রওনা হল। ইত্যবসরে বিন্হদন শক্রপক্ষের খবর নেওয়ার জন্য লোক পাঠালেন, এবং তারা খবর দিয়েছিল, “শমরিয়া থেকে লোকজন এগিয়ে আসছে।” 18 তিনি বললেন, “তারা যদি সন্ধি করার জন্য আসছে, তবে তাদের জ্যান্ত অবস্থায় ধরো; যদি তারা যুদ্ধ করার জন্য আসছে, তাও তাদের জ্যান্ত অবস্থায় ধরো।” 19 প্রাদেশিক সেনাপতিদের অধীনে থাকা নিম্নপদস্থ কর্মকর্তারা নগর ছেড়ে কুচকাওয়াজ করে বের হয়ে এসেছিল। সৈন্যদল ছিল তাদের পিছনে 20 এবং এক একজন তাদের প্রতিপক্ষকে আঘাত করল। তাতে অরামীয়রা পালিয়ে গেল, এবং ইস্রায়েলীরা তাদের পিছু ধাওয়া করল। কিন্তু অরামের রাজা বিন্হদন কয়েকজন অশ্঵ারোহী সৈন্য সাথে নিয়ে ঘোড়ার পিঠে চেপে পালিয়ে গেলেন। 21 ইস্রায়েলের রাজা এগিয়ে শিয়ে ঘোড়া ও রথগুলি কাবু করলেন এবং অরামীয়দের উপর ভারী ক্ষয়ক্ষতির বোঝা চাপিয়ে দিলেন। 22 পরে, সেই ভাববাদী ইস্রায়েলের রাজার কাছে এসে বললেন, “নিজের অবস্থান মজবুত করুন এবং দেখুন কী করতে হবে, কারণ আগামী বছর বসন্তকালে অরামের রাজা আবার আপনাকে আক্রমণ করবেন।” 23 এদিকে, অরামের রাজার কর্মকর্তারা তাঁকে পরামর্শ দিয়েছিল, “ওদের দেবদেবীরা পাহাড়ের দেবদেবী। এজন্যই ওরা আমাদের তুলনায় বেশি শক্তিশালী হয়ে গিয়েছে। কিন্তু আমরা যদি সমতলে নেমে ওদের বিরুদ্ধে যুদ্ধ করি, নিঃসন্দেহে আমরা ওদের তুলনায় বেশি শক্তিশালী হব। 24 আপনি এক কাজ করুন: রাজাদের সরিয়ে দিয়ে তাদের স্থানে অন্যান্য কর্মকর্তাদের কাজে লাগান। 25 যে সৈন্যদল আপনি হারিয়েছেন, সেটির মতো আরও একটি সৈন্যদল গড়ে তুলুন—ঘোড়ার পরিবর্তে ঘোড়া এবং রথের পরিবর্তে রথ—তবেই আমরা সমতলে ইস্রায়েলের বিরুদ্ধে যুদ্ধ করতে পারব। তখন নিঃসন্দেহে আমরা ওদের তুলনায় বেশি শক্তিশালী হয়ে যাব।” তিনি তাদের কথায় রাজি হয়ে সেইমতোই কাজ করলেন। 26 পরের বছর বসন্তকালে বিন্হদন অরামীয়দের একত্রিত করে অফেকে ইস্রায়েলের বিরুদ্ধে যুদ্ধ করতে গেলেন। 27

ইস্রায়েলীদেরও যখন একত্রিত করে সবকিছুর জোগান দেওয়া হল,  
তারা কুচকাওয়াজ করে অরামীয়দের সমুখীন হতে গেল। ইস্রায়েলীরা  
ছেটো দুটি ছাগপালের মতো তাদের বিপরীত দিকে শিবির স্থাপন  
করল, অন্যদিকে অরামীয়দের দ্বারা গ্রামাঞ্চলের সম্পূর্ণ এলাকা ঢাকা  
পড়ে গেল। 28 ঈশ্বরের সেই লোক এসে ইস্রায়েলের রাজাকে বললেন,  
“সদাপ্রভু একথাই বলেন: ‘যেহেতু অরামীয়রা মনে করেছে সদাপ্রভু  
পাহাড়ের দেবতা এবং তিনি উপত্যকার দেবতা নন, তাই আমি এই  
বিশাল সংখ্যক সৈন্যদল তোমাদের হাতে সমর্পণ করব, এবং তোমরা  
জানবে যে আমিই সদাপ্রভু।’” 29 সাত দিন পর্যন্ত তারা পরস্পরের  
বিপরীতে শিবির স্থাপন করে বসেছিল, এবং সপ্তম দিনে যুদ্ধ বেধে  
গেল। একদিনেই ইস্রায়েলীরা অরামীয়দের এক লক্ষ পদাতিক সৈন্য  
মেরে ফেলেছিল। 30 অবশিষ্ট সৈন্যরা সেই অফেক নগরে পালিয়ে গেল,  
যেখানে সাতাশ হাজার সৈন্যের উপর প্রাচীর ভেঙে পড়েছিল। বিন্হৃদ  
সেই নগরে পালিয়ে গিয়ে ভিতরের একটি ঘরে লুকিয়েছিলেন। 31 তাঁর  
কর্মকর্তারা তাঁকে বলল, “দেখুন, আমরা শুনেছি যে ইস্রায়েলের রাজারা  
নাকি খুব দয়ালু। আসুন, আমরা সবাই কোমরের চারপাশে চট ঝুলিয়ে  
ও মাথার চারপাশে দড়ি বেঁধে ইস্রায়েলের রাজার কাছে যাই। হয়তো  
তিনি আপনার প্রাণত্বিক্ষা দেবেন।” 32 কোমরের চারপাশে চট ঝুলিয়ে  
ও মাথার চারপাশে দড়ি বেঁধে তারা ইস্রায়েলের রাজার কাছে গিয়ে  
বলল, “আপনার দাস বিন্হৃদ বলছেন: ‘দয়া করে আমাকে বাঁচতে  
দিন।’” রাজামশাই উত্তর দিলেন, “তিনি কি এখনও বেঁচে আছেন?  
তিনি তো আমার ভাই।” 33 লোকেরা এটি ভালো লক্ষণ বলে মনে  
করল এবং তৎক্ষণাত তাঁর কথা ধরে বলে উঠেছিল, “হ্যাঁ, আপনারই  
ভাই বিনহৃদ!” “যাও, তাঁকে নিয়ে এসো,” রাজামশাই বললেন।  
বিন্হৃদ যখন বের হয়ে এলেন, আহাব তাঁকে নিজের রথে উঠিয়ে  
নিয়েছিলেন। 34 “আমার বাবা আপনার বাবার কাছ থেকে যেসব নগর  
ছিনিয়ে নিয়েছিলেন, আমি সেগুলি ফিরিয়ে দেব,” বিনহৃদ প্রস্তাব  
দিলেন। “আমার বাবা যেভাবে শমরিয়ায় বাজারঘাট বসিয়েছিলেন,  
আপনি দামাক্ষাসে আপনার নিজস্ব বাজারঘাট বসাতে পারেন।”

আহাৰ বললেন, “একটি সন্ধিচুক্তিৰ শৰ্তস্বাপেক্ষে আমি আপনাকে মুক্ত  
কৰে দেব।” অতএব তিনি বিন্হদদেৱ সঙ্গে একটি সন্ধিচুক্তি কৰলেন,  
এবং তাঁকে যেতে দিলেন। 35 সদাপ্ৰভুৰ বাক্যানুসারে ভাৰবাদী  
সম্প্ৰদায়েৱ মধ্যে একজন তাঁৰ সহচৱকে বললেন, “তোমাৰ অন্ত দিয়ে  
আমাকে আঘাত কৱো,” কিন্তু তিনি রাজি হননি। 36 অতএব সেই  
ভাৰবাদীমশাই বললেন, “যেহেতু তুমি সদাপ্ৰভুৰ কথাৰ বাধ্য হওনি,  
তাই যে মুহূৰ্তে তুমি আমাকে ছেড়ে যাবে, একটি সিংহ তোমাকে মেৰে  
ফেলবে।” সেই লোকটি চলে যাওয়াৰ পৰি মুহূৰ্তেই একটি সিংহ তাকে  
পোয়ে মেৰে ফেলেছিল। 37 সেই ভাৰবাদীমশাই অন্য একজনকে  
পোয়ে তাকে বললেন, “দয়া কৰে আমাকে আঘাত কৱো।” তাই সে  
তাঁকে আঘাত কৰে তাঁকে ক্ষতবিক্ষত কৰে তুলেছিল। 38 তখন সেই  
ভাৰবাদীমশাই সেখান থেকে চলে গিয়ে পথে দাঁড়িয়ে রাজাৰ আসাৰ  
অপোক্ষা কৰছিলেন। তিনি মাথাৰ পাগড়ি দিয়ে চোখ ঢেকে ছদ্মবেশ  
ধাৰণ কৰলেন। 39 রাজামশাই যেই না পথ দিয়ে পাৱ হয়ে যাচ্ছিলেন,  
সেই ভাৰবাদীমশাই তাঁকে ডেকে বলে উঠেছিলেন, “আপনাৰ এই  
দাস আমি যুদ্ধক্ষেত্ৰেৰ মাৰামাৰি চলে গোলাম, এবং কেউ একজন  
আমাৰ কাছে একজন বন্দিকে নিয়ে এসে বলল, ‘এই লোকটিকে  
পাহাৰা দাও। যদি একে খুঁজে পাওয়া না যায়, তবে এৱ প্ৰাণেৰ  
পৰিবৰ্তে তোমাৰ প্ৰাণ যাবে, অথবা তোমাকে এক তালন্ত ঝঁপো দিতে  
হবে।’ 40 আপনাৰ এই দাস যখন এদিক-ওদিক একটু ব্যস্ত হয়ে  
পড়েছিল, লোকটি উধাও হয়ে গৈল।” “তোমাকে ওই শাস্তি পেতে  
হবে,” ইস্রায়েলেৰ রাজা বললেন। “তুমি নিজেই নিজেৰ শাস্তি ঘোষণা  
কৰেছ।” 41 তখন সেই ভাৰবাদীমশাই তাড়াতাড়ি তাঁৰ চোখেৰ  
উপৰ থেকে পাগড়িটি সৱিয়ে ফেলেছিলেন, এবং ইস্রায়েলেৰ রাজা  
চিনতে পেৱেছিলেন যে তিনি ভাৰবাদীদেৱ মধ্যেই একজন। 42 তিনি  
রাজামশাইকে বললেন, “সদাপ্ৰভু একথাই বলেন: ‘তুমি এমন একজন  
লোককে মুক্ত কৰে দিয়েছ, যাকে মৰতে হবে বলে আমি স্থিৱ কৰে  
ৱেখেছিলাম। অতএব তাৱ প্ৰাণেৰ পৰিবৰ্তে তোমাৰ প্ৰাণ যাবে, তাৱ

লোকজনের পরিবর্তে তোমার লোকজন যাবে।” 43 বিষণ্ণ-গন্তীর ও  
ক্রুদ্ধ হয়ে ইস্রায়েলের রাজা শমরিয়ায় তাঁর প্রাসাদে চলে গেলেন।

**21** কিছুকাল পর একটি দ্রাক্ষাক্ষেতকে কেন্দ্র করে একটি ঘটনা  
ঘটেছিল। সেটি ছিল যিত্রিয়েলীয় নাবোতের। দ্রাক্ষাক্ষেতটি অবস্থিত  
ছিল যিত্রিয়েলে, শমরিয়ার রাজা আহাবের প্রাসাদের খুব কাছেই। 2  
আহাব নাবোতকে বললেন, “যেহেতু তোমার দ্রাক্ষাক্ষেতটি আমার  
প্রাসাদের কাছেই রয়েছে, তাই আমায় সেটি নিতে দাও; আমি সেখানে  
সবজির বাগান করব। সেটির পরিবর্তে আমি তোমাকে সেটির চেয়েও  
ভালো একটি দ্রাক্ষাক্ষেত দেব, আর তা না হলে, তুমি যদি চাও, আমি  
সেটির দাম চুকিয়ে দেব।” 3 কিন্তু নাবোত উত্তর দিলেন, “সদাপ্রভু  
যেন আমার পূর্বপুরুষদের কাছ থেকে পাওয়া উত্তরাধিকার আপনাকে  
দিতে না দেন।” 4 তাই আহাব মনক্ষুণ্ণ ও ক্রুদ্ধ হয়ে ঘরে চলে গেলেন,  
কারণ যিত্রিয়েলীয় নাবোত বললেন, “আমি আমার পূর্বপুরুষদের কাছ  
থেকে পাওয়া উত্তরাধিকার আপনাকে দেব না।” তিনি গোমড়ামুখে  
বিছানায় শুয়ে পড়েছিলেন ও ভোজনপানও করতে চাননি। 5 তাঁর  
স্ত্রী ঈষেবল এসে তাঁকে জিজ্ঞাসা করল, “তুমি মনক্ষুণ্ণ হয়ে আছ  
কেন? তুমি ভোজনপান করছ না কেন?” 6 তিনি ঈষেবলকে উত্তর  
দিলেন, “আমি যিত্রিয়েলীয় নাবোতকে বললাম, ‘তোমার দ্রাক্ষাক্ষেতটি  
আমার কাছে বিক্রি করে দাও; তা না হলে, তুমি যদি চাও, আমি  
সেটির পরিবর্তে তোমাকে অন্য একটি দ্রাক্ষাক্ষেত দেব।’ কিন্তু সে  
বলল, ‘আমি আমার দ্রাক্ষাক্ষেতটি আপনাকে দেব না।’” 7 তাঁর স্ত্রী  
ঈষেবল বলল, “ইস্রায়েলের রাজা হয়ে তুমি এ কী আচরণ করছ? উঠে  
ভোজনপান করো! চাঙ্গা হও। যিত্রিয়েলীয় নাবোতের দ্রাক্ষাক্ষেতটি  
আমিই তোমাকে দেব।” 8 এই বলে, আহাবের নাম করে সে কয়েকটি  
চিঠি লিখে, সেগুলিতে রাজার সিলমোহর দিয়ে নাবোতের নগরে  
তাঁর সাথে বসবাসকারী প্রাচীনদের ও অভিজাত পুরুষদের কাছে  
সেই চিঠিগুলি পাঠিয়ে দিয়েছিল। 9 সেইসব চিঠিতে সে লিখেছিল:  
“একদিনের উপবাস ঘোষণা করে আপনারা নাবোতকে গুরুত্বপূর্ণ  
এক স্থানে লোকজনের মাঝে বসিয়ে দিন। 10 কিন্তু তার মুখোমুখি

এমন দুজন বজ্জাত লোককে বসিয়ে দিন, যারা তার বিরুদ্ধে এই বলে  
অভিযোগ জানাবে যে সে ঈশ্বর ও রাজা, দুজনকেই অভিশাপ দিয়েছে।  
পরে তাকে বাইরে নিয়ে গিয়ে পাথরের আঘাতে মেরে ফেলবেন।” 11  
অতএব নাবোতের নগরে বসবাসকারী প্রাচীন ও অভিজাত পুরুষেরা  
তাদের উদ্দেশ্যে ঈষ্টবলের লেখা চিঠির নির্দেশানুসারেই কাজ করলেন।  
12 তারা উপবাস ঘোষণা করে নাবোতকে গুরুত্বপূর্ণ এক স্থানে  
লোকজনের মাঝে বসিয়ে দিলেন। 13 পরে দুজন বজ্জাত লোক এসে  
তাঁর মুখোমুখি বসেছিল এবং লোকজনের সামনে নাবোতের বিরুদ্ধে  
অভিযোগ জানিয়ে বলল, “নাবোত ঈশ্বর ও রাজা, দুজনকেই অভিশাপ  
দিয়েছে।” অতএব লোকেরা তাঁকে নগরের বাইরে নিয়ে গিয়ে পাথরের  
আঘাতে মেরে ফেলেছিল। 14 পরে তারা ঈষ্টবলকে খবর পাঠালেন:  
“নাবোতকে পাথরের আঘাতে মেরে ফেরা হয়েছে।” 15 নাবোতকে  
পাথরের আঘাতে মেরে ফেলা হয়েছে, এই খবর পেয়েই ঈষ্টবল  
আহাবকে বলল, “ওঠো ও যিন্ত্রিয়েলীয় নাবোতের সেই দ্রাক্ষাক্ষেত্রটির  
দখল নাও, যোটি সে তোমাকে বিক্রি করতে চায়নি। সে আর বেঁচে  
নেই, কিন্তু মারা গিয়েছে।” 16 নাবোতের মারা যাওয়ার খবর শুনে  
আহাব উঠে নাবোতের দ্রাক্ষাক্ষেত্রটি দখল করার জন্য সেখানে চলে  
গেলেন। 17 তখন সদাপ্রভুর এই বাক্য তিশবীয় এলিয়ের কাছে  
এসেছিল: 18 “যে শমরিয়াতে রাজত্ব করছে, ইত্রায়েলের সেই রাজা  
আহাবের সঙ্গে তুমি দেখা করতে যাও। এখন সে নাবোতের সেই  
দ্রাক্ষাক্ষেত্রে আছে, যোটি দখল করার জন্য সে সেখানে গিয়েছে।  
19 তাকে গিয়ে বোলো, ‘সদাপ্রভু একথাই বলেন: তুমি কি একজন  
লোককে খুন করে তার সম্পত্তি দখল করে নাওনি?’ পরে তাকে  
বোলো, ‘সদাপ্রভু একথাই বলেন: যেখানে কুকুরেরা নাবোতের রক্ত  
চেটে খেয়েছে, সেখানে তোমারও রক্ত কুকুরেরা চেটে খাবে, হ্যাঁ,  
তোমারই রক্ত!’” 20 আহাব এলিয়কে দেখে বললেন, “তবে ওহে  
আমার শক্র, তুমি আমাকে খুঁজে পেলে!” “হ্যাঁ, আমি আপনাকে খুঁজে  
পেয়েছি,” তিনি উত্তর দিলেন, “কারণ আপনি সদাপ্রভুর দৃষ্টিতে মন্দ  
কাজ করার জন্য নিজেকে বিকিয়ে দিয়েছেন। 21 তিনি বলেন, ‘আমি

তোমার উপর বিপর্যয় আনতে চলেছি। আমি তোমার বংশধরদের  
অবলুপ্ত করে দেব এবং ইস্রায়েলে আহাবের বংশের শেষ পুরুষটিকে  
পর্যন্ত—তা সে ক্রীতদাসই হোক বা স্বাধীন—শেষ করে ফেলব।  
22 আমি তোমার কুলকে নবাটের ছেলে যারবিয়ামের এবং অহিয়র  
ছেলে বাশার কুলের মতো করে ফেলব, কারণ তুমি আমার ক্ষেত্র  
জাগিয়ে তুলেছ ও ইস্রায়েলকে দিয়ে পাপ করিয়েছ।’ 23 “এছাড়াও  
ঈশ্বেবলের বিষয়ে সদাপ্রভু বলেন: ‘কুকুরেরা যিষ্ঠিয়েলের প্রাচীরে  
ঈশ্বেবলকে গোঢ়াসে গিলে খাবে।’ 24 “আহাবের কুলে যারা নগরে  
মরবে, কুকুরেরা তাদের খাবে; আর যারা গ্রামাঞ্চলে মরবে, পাখিরা  
তাদের ঠুকরে ঠুকরে খাবে।” 25 (স্ত্রী ঈশ্বেবলের উসকানিতে কান দিয়ে  
আহাব যেভাবে সদাপ্রভুর দৃষ্টিতে মন্দ কাজকর্ম করলেন, সেভাবে  
তাঁর মতো আর কেউ কখনও করেননি। 26 যে ইমোরীয়দের সদাপ্রভু  
ইস্রায়েলের সামনে থেকে তাড়িয়ে দিলেন, তাদের মতো তিনিও  
প্রতিমাপূজায় লিঙ্গ হয়ে জঘন্যতম কাজ করলেন।) 27 এইসব কথা  
শুনে আহাব নিজের পোশাক ছিঁড়ে, চট গায়ে দিয়ে উপবাস করলেন।  
তিনি চটের বিছানায় শুয়েছিলেন ও নম্ভভাবে চলাফেরা করতে শুরু  
করলেন। 28 তখন তিশবীয় এলিয়ের কাছে সদাপ্রভুর এই বাক্য  
এসেছিল: 29 “তুমি কি লক্ষ্য করেছ, আহাব কীভাবে নিজেকে আমার  
সামনে নম্ভ করেছে? যেহেতু সে নিজেকে নম্ভ করেছে, আমি তার  
জীবনকালে এই বিপর্যয়টি আনব না, কিন্তু তার ছেলের জীবনকালে  
আমি তার কুলে সেটি আনব।”

**22** তিনি বছর অরাম ও ইস্রায়েলের মধ্যে কোনও যুদ্ধ হয়নি। 2 কিন্তু  
তৃতীয় বছরে যিহুদার রাজা যিহোশাফট ইস্রায়েলের রাজার সাথে  
দেখা করতে গেলেন। 3 ইস্রায়েলের রাজা তাঁর কর্মকর্তাদের বললেন,  
“তোমরা কি জানো না যে রামোৎ-গিলিয়দ আমাদেরই, আর তাও  
আমরা অরামের রাজার হাত থেকে সেটি পুনরাধিকার করার জন্য কিছুই  
করছি না?” 4 তাই তিনি যিহোশাফটকে জিজ্ঞাসা করলেন, “আপনি কি  
আমার সাথে রামোৎ-গিলিয়দ আক্রমণ করতে যাবেন?” যিহোশাফট  
ইস্রায়েলের রাজাকে উত্তর দিলেন, “আমি, আপনারই মতো, আমার

প্রজারাও আপনার প্রজাদেরই মতো, তথা আমার ঘোড়াগুলি আপনার  
ঘোড়াগুলির মতোই।” ৫ কিন্তু যিহোশাফট ইস্রায়েলের রাজাকে এও  
বললেন, “প্রথমে সদাপ্রভুর কাছে পরামর্শ চেয়ে নিন।” ৬ অতএব  
ইস্রায়েলের রাজা ভাববাদীদের—প্রায় চারশো জনকে—একত্রিত  
করলেন, এবং তাদের জিজ্ঞাসা করলেন, “আমি কি রামোৎ-গিলিয়দের  
বিরুদ্ধে যুদ্ধ করতে যাব, নাকি বিরত থাকব?” “যান,” তারা উত্তর  
দিয়েছিল, “কারণ সদাপ্রভু সেটি মহারাজের হাতে তুলে দেবেন।”  
৭ কিন্তু যিহোশাফট জিজ্ঞাসা করলেন, “এখানে কি সদাপ্রভুর এমন  
কোনও ভাববাদী আর নেই, যাঁর কাছে আমরা খোঁজখবর নিতে  
পারব?” ৮ ইস্রায়েলের রাজা, যিহোশাফটকে উত্তর দিলেন, “আরও  
একজন ভাববাদী আছেন, যার মাধ্যমে আমরা সদাপ্রভুর কাছে  
খোঁজখবর নিতে পারি, কিন্তু আমি তাকে ঘৃণা করি, যেহেতু সে  
কখনোই আমার বিষয়ে ভালো কিছু ভাববাণী করে না, কিন্তু সবসময়  
খারাপ ভাববাণীই করে। সে হল যিষ্ঠের ছেলে মীখায়।” “মহারাজ  
এরকম কথা বলবেন না,” যিহোশাফট উত্তর দিলেন। “মহারাজ এরকম  
কথা বলবেন না,” যিহোশাফট উত্তর দিলেন। ৯ তখন ইস্রায়েলের রাজা  
কর্মকর্তাদের মধ্যে একজনকে ডেকে বললেন, “এক্ষুনি গিয়ে যিষ্ঠের  
ছেলে মীখায়কে ডেকে আনো।” ১০ রাজপোশাক পরে ইস্রায়েলের  
রাজা ও যিহুদার রাজা যিহোশাফট, দুজনেই শমরিয়ার সিংহদুয়ারের  
কাছে খামারবাড়িতে তাদের সিংহাসনে বসেছিলেন, এবং ভাববাদীরা  
সবাই তাদের সামনে ভাববাণী করে যাচ্ছিল। ১১ ইত্যবসরে কেনান্নার  
ছেলে সিদিকিয় লোহার দুটি শিং তৈরি করল এবং সে ঘোষণা করল,  
“সদাপ্রভু একথাই বলেন: ‘আরামীয়রা ধ্বংস না হওয়া পর্যন্ত এগুলি  
দিয়েই আপনি তাদের গুঁতাবেন।’” ১২ অন্যান্য সব ভাববাদীও একই  
ভাববাণী করল। “রামোৎ-গিলিয়দ আক্রমণ করুন এবং বিজয়ী হোন,”  
তারা বলল, “কারণ সদাপ্রভু সেটি রাজার হাতে তুলে দেবেন।” ১৩  
যে দূত মীখায়কে ডাকতে গেল, সে তাঁকে বলল, “দেখুন, অন্যান্য  
ভাববাদীরা সবাই কোনও আপত্তি না জানিয়ে রাজার পক্ষে সফলতার  
ভাববাণী করছে। আপনার কথাও যেন তাদেরই মতো হয়, এবং

আপনি ও সুবিধাজনক কথাই বলুন।” 14 কিন্তু মীখায় বললেন, “জীবন্ত  
সদাপ্রভুর দিবিয়, সদাপ্রভু আমাকে যা বলেছেন, আমি তাঁকে শুধু  
সেকথাই বলতে পারব।” 15 তিনি সেখানে পৌঁছানোর পর রাজামশাই  
তাঁকে জিজ্ঞাসা করলেন, “মীখায়, আমরা রামোৎ-গিলিয়দের বিরুদ্ধে  
যুদ্ধযাত্রা করব, কি না?” “আক্রমণ করে জয়ী হোন,” তিনি উত্তর  
দিলেন, “কারণ সদাপ্রভু মহারাজের হাতে সেটি তুলে দেবেন।” 16  
রাজা তাঁকে বললেন, “কতবার আমি তোমাকে দিয়ে শপথ করাব যে  
তুমি সদাপ্রভুর নামে আমাকে সত্যিকথা ছাড়া আর কিছুই বলবে না?”  
17 তখন মীখায় উত্তর দিলেন, “আমি দেখতে পাচ্ছি, ইস্রায়েলীরা সবাই  
পাহাড়ের উপর পালকবিহীন মেষের পালের মতো হয়ে আছে, এবং  
সদাপ্রভু বলেছেন, ‘এই লোকজনের কোনও মনির নেই। শান্তিতে যে  
যার ঘরে ফিরে যাক।’” 18 ইস্রায়েলের রাজা যিহোশাফটকে বললেন,  
“আমি কি আপনাকে বলিনি যে সে আমার বিষয়ে কখনও ভালো কিছু  
ভাববাণী করে না, কিন্তু শুধু খারাপ ভাববাণীই করে?” 19 মীখায় আরও  
বললেন, “এজন্য সদাপ্রভুর এই বাক্য শুনুন: আমি দেখলাম, সদাপ্রভু  
তাঁর সিংহাসনে বসে আছেন এবং স্বর্গের জনতা তাঁর চারদিকে, তাঁর  
ডানদিকে ও বাঁদিকে দাঁড়িয়ে আছে। 20 সদাপ্রভু বললেন, ‘রামোৎ-  
গিলিয়দ আক্রমণ করে সেখানে মরতে যাওয়ার জন্য কে আহাবকে  
প্রৱোচিত করবে?’ ‘তখন কেউ একথা, কেউ সেকথা বলল। 21 শেষে,  
একটি আত্মা এগিয়ে এসে সদাপ্রভুর সামনে দাঁড়িয়ে বলল, ‘আমি  
তাকে লোভ দেখাব।’ 22 ‘কিন্তু কীভাবে? সদাপ্রভু জিজ্ঞাসা করলেন।  
‘আমি গিয়ে তার সব ভাববাদীর মুখে বিভ্রান্তিকর এক আত্মা হব,’ সে  
বলল। ‘তাকে লোভ দেখাতে তুমি সফল হবে,’ সদাপ্রভু বললেন।  
‘যাও, ওরকমই করো।’ 23 ‘তাই এখন সদাপ্রভু আপনার এইসব  
ভাববাদীর মুখে বিভ্রান্তিকর এক আত্মা দিয়েছেন। সদাপ্রভু আপনার  
জন্য বিপর্যয়ের বিধান দিয়েছেন।’ 24 তখন কেনান্নার ছেলে সিদিকিয়  
গিয়ে মীখায়ের গালে চড় মেরেছিল। ‘সদাপ্রভুর কাছ থেকে আসা  
আত্মা তোর সাথে কথা বলার জন্য কোন পথে আমার কাছ থেকে  
গেলেন?’ সে জিজ্ঞাসা করল। 25 মীখায় উত্তর দিলেন, “সেদিনই তুমি

তা জানতে পারবে, যেদিন তুমি ভিতরের ঘরে গিয়ে লুকাবে।” 26  
ইস্রায়েলের রাজা তখন আদেশ দিলেন, “মীখায়কে নগরের শাসনকর্তা  
আমোন ও রাজপুত্র যোয়াশের কাছে ফেরত পাঠিয়ে দাও 27 এবং  
তাদের বোলো, ‘রাজা একথাই বলেছেন: একে জেলখানায় রেখে দাও  
এবং যতদিন না আমি নিরাপদে ফিরে আসছি, ততদিন একে রাণি ও  
জল ছাড়া আর কিছুই দিয়ো না।’” 28 মীখায় ঘোষণা করলেন, “আপনি  
যদি নিরাপদে কখনও ফিরে আসেন, তবে জানবেন, সদাপ্রভু আমার  
মাধ্যমে কথা বলেননি।” পরে তিনি আরও বললেন, “ওহে লোকজন,  
তোমরা সবাই আমার কথাগুলি মনে গেঁথে রাখো!” 29 অতএব  
ইস্রায়েলের রাজা ও যিহুদার রাজা যিহোশাফট রামোৎ-গিলিয়দে  
চলে গেলেন। 30 ইস্রায়েলের রাজা যিহোশাফটকে বললেন, “আমি  
ছদ্মবেশ ধারণ করে যুদ্ধক্ষেত্রে প্রবেশ করব, কিন্তু আপনি আপনার  
রাজপোশাক পরে থাকুন” এইভাবে ইস্রায়েলের রাজা ছদ্মবেশ ধারণ  
করে যুদ্ধে গেলেন। 31 ইত্যবসরে অরামের রাজা তাঁর রথের বর্ত্রিশজন  
সেনাপতিকে আদেশ দিয়ে রেখেছিলেন, “একমাত্র ইস্রায়েলের রাজা  
ছাড়া, ছোটো বা বড়ো, কোনো লোকের সাথে যুদ্ধ করবে না।” 32  
রথের দায়িত্বপ্রাপ্ত সেনাপতিরা যিহোশাফটকে দেখে ভেবেছিল, “ইনিই  
নিশ্চয় ইস্রায়েলের রাজা।” তাই তাঁকে আক্রমণ করার জন্য তারা  
ঘুরে দাঁড়িয়েছিল, কিন্তু যিহোশাফট যখন চিৎকার করে উঠেছিলেন,  
33 রথের সেনাপতিরা যখন দেখেছিল যে তিনি ইস্রায়েলের রাজা  
নন, তারা তাঁর পিছু ধাওয়া করা বন্ধ করে দিয়েছিল। 34 কিন্তু কেউ  
একজন আন্দাজে ধনুক চালিয়ে ইস্রায়েলের রাজার দেহে যেখানে  
বর্মের ঘেরাটোপ ছিল না, সেখানেই আঘাত করে বসেছিল। রাজামশাই  
তাঁর রথের সারথিকে বললেন, “রথের মুখ ঘুরিয়ে আমাকে যুদ্ধক্ষেত্রের  
বাইরে নিয়ে যাও। আমি আহত হয়েছি।” 35 সারাদিন ধরে তুমুল  
যুদ্ধ চলেছিল, এবং অরামীয়দের দিকে মুখ করে রাজামশাইকে তাঁর  
রথে ঠেস দিয়ে খাড়া করে রাখা হল। তাঁর ক্ষতস্থান থেকে ঝরে পড়া  
রক্তে রথের মেঝে ভেসে গেল, এবং সেই সন্ধ্যায় তিনি মারা গেলেন।  
36 সূর্য যখন অস্ত যাচ্ছিল, তখন সৈন্যদলে এই হাহাকার ছড়িয়ে

পড়েছিল, “প্রত্যকে নিজের নিজের নগরে ফিরে যাও। প্রত্যকে নিজের নিজের দেশে ফিরে যাও!” 37 অতএব রাজামশাই মারা গেলেন ও তাঁর দেহ শমরিয়ায় আনা হল, এবং লোকেরা তাঁকে সেখানেই কবর দিয়েছিল। 38 তারা শমরিয়ার একটি পুরুরে রথটি ধুয়েছিল (যেখানে বারবণিতারা মান করত), আর সদাপ্রভুর ঘোষিত কথানুসারে কুকুরেরা তাঁর রক্ত চেটে খেয়েছিল। 39 আহাবের রাজত্বকালের অন্যান্য সব ঘটনা, এছাড়াও তিনি যা যা করলেন, যে প্রাসাদ তিনি তৈরি করলেন ও হাতির দাঁত দিয়ে সাজিয়ে তুলেছিলেন, এবং যেসব নগর তিনি সুরক্ষিত করলেন—তার বিবরণ কি ইত্যায়েলের রাজাদের ইতিহাস-গ্রন্থে লেখা নেই? 40 আহাব তাঁর পূর্বপুরুষদের সঙ্গে চিরবিশ্রামে শায়িত হলেন। তাঁর ছেলে অহসিয় রাজারপে তাঁর স্তলাভিষিক্ত হলেন। 41 ইত্যায়েলের রাজা আহাবের রাজত্বের চতুর্থ বছরে আসার ছেলে যিহোশাফট যিহুদায় রাজা হলেন। 42 যিহোশাফট পঁয়াত্রিশ বছর বয়সে রাজা হলেন, এবং জেরুশালামে তিনি পঁচিশ বছর রাজত্ব করলেন। তাঁর মায়ের নাম অসূবা। তিনি শিলহির মেয়ে ছিলেন। 43 সবকিছুতেই তিনি তাঁর বাবা আসার পথে চলেছিলেন এবং সেগুলি থেকে সরে যাননি; সদাপ্রভুর দৃষ্টিতে যা ন্যায়, তিনি তাই করলেন। অবশ্য প্রতিমাপূজার উঁচু উঁচু স্থানগুলি সরানো হয়নি, এবং লোকজন তখনও সেগুলিতে পশুবলি উৎসর্গ করে যাচ্ছিল ও ধূপও জ্বালিয়ে যাচ্ছিল। 44 ইত্যায়েলের রাজার সঙ্গেও যিহোশাফটের শান্তি বজায় ছিল। 45 যিহোশাফটের রাজত্বকালের অন্যান্য সব ঘটনা, তিনি যা যা অর্জন করলেন ও তাঁর সামরিক উজ্জ্বল সব কীর্তি—তার বিবরণ কি যিহুদার রাজাদের ইতিহাস-গ্রন্থে লেখা নেই? 46 তাঁর বাবা আসার রাজত্বকালে দেবদাসদের দেশ থেকে বের করে দেওয়ার পরেও দেশে যেসব দেবদাস থেকে গেল, যিহোশাফট তাদেরও দূর করে দিলেন। 47 ইদোমে তখন কোনও রাজা ছিল না; একজন প্রাদেশিক শাসনকর্তা সেখানে শাসন চালাচ্ছিলেন। 48 ইত্যবসরে ওফীর থেকে সোনা আনার জন্য যিহোশাফট বাণিজ্যতরিক এক নৌবহর তৈরি করলেন, কিন্তু সেগুলির আর যাওয়া হয়ে ওঠেনি—কারণ ইৎসিয়োন-গেবরে

সেগুলি সমুদ্রে ঢুবে গেল। 49 সেই সময় আহাবের ছেলে অহসিয়  
যিহোশাফটকে বললেন, “আমার লোকজন আপনার লোকজনের সাথে  
সমুদ্রে পাড়ি দিক,” কিন্তু যিহোশাফট এতে রাজি হননি। 50 পরে  
যিহোশাফট তাঁর পূর্বপুরুষদের সাথে চিরবিশ্রামে শায়িত হলেন এবং  
তাঁকে তাদেরই সাথে তাঁর পূর্বপুরুষ দাউদের নগরে কবর দেওয়া হল।  
তাঁর ছেলে যিহোরাম রাজারাপে তাঁর স্তলাভিষিক্ত হলেন। 51 যিহুদার  
রাজা যিহোশাফটের রাজত্বের সতেরতম বছরে আহাবের ছেলে অহসিয়  
শমরিয়ায় ইস্রায়েলের রাজা হলেন, এবং তিনি দুই বছর ইস্রায়েলে  
রাজত্ব করলেন। 52 সদাপ্রভুর দৃষ্টিতে যা মন্দ, তিনি তাই করলেন,  
কারণ তিনি তাঁর বাবা, মা, ও নবাটের ছেলে সেই যারবিয়ামের পথেই  
চলেছিলেন, যারা ইস্রায়েলকে দিয়ে পাপ করিয়েছিলেন। 53 তিনি তাঁর  
বাবার মতোই বায়ালের সেবা ও পুজো করলেন, এবং ইস্রায়েলের  
ঈশ্বর সদাপ্রভুর ক্রোধ জাগিয়ে তুলেছিলেন।

## ଦ୍ୱିତୀୟ ରାଜାବଳି

1 ଆହାବେର ମୃତ୍ୟୁର ପର, ମୋଯାବ ଇନ୍ଦ୍ରାୟେଲେର ବିରକ୍ତଦେ ବିଦ୍ରୋହ କରେ ବସେଛିଲ । 2 ଇତ୍ୟବସରେ ଅହସିୟ ଶମରିଯାଯ ତାଁର ପ୍ରାସାଦେର ଉପରେର ସରେର ଜାଫରି ଭେଣେ ପଡ଼େ ଗୋଲେନ ଓ ଗୁରୁତରଭାବେ ଆହତ ହଲେନ । ତାଇ ତିନି ଦୂତଦେର ବଲେ ପାଠାଲେନ, “ତୋମରା ଗିଯେ ଇକ୍ରୋଣେର ଦେବତା ବାୟାଲ-ସବୁବେର କାହେ ଜେନେ ଏସୋ, ଆମି ଏହି ଆଘାତ ଥେକେ ସୁଞ୍ଚ ହବ, କି ନା ।” 3 କିନ୍ତୁ ସଦାପ୍ରଭୁର ଦୂତ ତିଶ୍ୱାୟ ଏଲିୟକେ ବଲଲେନ, “ଶମରିଯାର ରାଜାର ପାଠାନୋ ଦୂତଦେର କାହେ ଗିଯେ ତୁମି ତାଦେର ଏକଥା ଜିଜ୍ଞାସା କରୋ, ‘ଇନ୍ଦ୍ରାୟେଲେ କି କୋନ ଓ ଈଶ୍ୱର ନେଇ ଯେ ତୋମରା ଇକ୍ରୋଣେର ଦେବତା ବାୟାଲ-ସବୁବେର କାହେ ପରାମର୍ଶ ଚାଇତେ ଯାଚ୍ଛ?’ 4 ତାଇ ସଦାପ୍ରଭୁ ଏକଥା ବଲେନ: ‘ଯେ ବିଛାନାୟ ତୁମି ଶୁଣେ ଆଛ, ସେଚି ଛେଡେ ତୁମି ଆର ଉଠିତେ ପାରବେ ନା । ତୁମି ଅବଶ୍ୟାଇ ମରବେ!’” ଏହି ବଲେ ଏଲିୟ ଚଲେ ଗୋଲେନ । 5 ଦୂତୋରା ରାଜାର କାହେ ଫିରେ ଆସାର ପର ତିନି ତାଦେର ଜିଜ୍ଞାସା କରଲେନ, “ତୋମରା କେନ ଫିରେ ଏଲେ?” 6 “ଏକଜନ ଆମାଦେର ସାଥେ ଦେଖା କରତେ ଏଲେନ,” ତାରା ଉତ୍ତର ଦିଯେଛିଲ । “ଆର ତିନି ଆମାଦେର ବଲଲେନ, ‘ଯିନି ତୋମାଦେର ପାଠିଯେଛେନ, ତୋମରା ସେଇ ରାଜାର କାହେ ଫିରେ ଯାଓ ଏବଂ ତାଁକେ ଗିଯେ ବଲୋ, ‘ସଦାପ୍ରଭୁ ଏକଥାଇ ବଲେନ: ଇନ୍ଦ୍ରାୟେଲେ କି କୋନ ଓ ଈଶ୍ୱର ନେଇ ଯେ ତୁମି ଇକ୍ରୋଣେର ଦେବତା ବାୟାଲ-ସବୁବେର ପରାମର୍ଶ ନେଓୟାର ଜନ୍ୟ ତାର କାହେ ଦୂତ ପାଠିଯେଛ? ତାଇ ଯେ ବିଛାନାୟ ତୁମି ଶୁଣେ ଆଛ, ସେଚି ଛେଡେ ତୁମି ଆର ଉଠିତେ ପାରବେ ନା । ତୁମି ଅବଶ୍ୟାଇ ମାରା ଯାବେ!’” 7 ରାଜାମଶାଇ ତାଦେର ଜିଜ୍ଞାସା କରଲେନ, “ଯିନି ତୋମାଦେର ସାଥେ ଦେଖା କରତେ ଏଲେନ ଓ ତୋମାଦେର ଏଇସବ କଥା ବଲଲେନ, ତାଁକେ ଦେଖିତେ କେମନ?” 8 ତାରା ଉତ୍ତର ଦିଯେଛିଲ, “ତାଁର ଗାୟେ ଛିଲ ଲୋମେର ଏକ ପୋଶାକ ଏବଂ ତାଁର କୋମରେ ବାଁଧା ଛିଲ ଚାମଡ଼ାର ଏକ କୋମରବନ୍ଧ ।” ରାଜାମଶାଇ ବଲଲେନ, “ତିନି ତିଶ୍ୱାୟ ଏଲିୟ ଛିଲେନ ।” 9 ପରେ ଏଲିୟର କାହେ ତିନି ପଞ୍ଚାଶ ଜନ ସୈନ୍ୟ ସମେତ ଏକଜନ ସେନାପତିକେ ପାଠାଲେନ । ଏଲିୟ ଯଥନ ଏକଟି ପାହାଡ଼େର ଚୂଡ଼ାୟ ବସେଛିଲେନ, ତଥନ ସେଇ ସେନାପତି ତାଁର କାହେ ଗିଯେ ବଲଲେନ, “ହେ ଈଶ୍ୱରେର ଲୋକ, ରାଜାମଶାଇ ବଲେଛେନ, ‘ଆପଣି ନିଚେ ନେମେ ଆସୁନ!’” 10 ଏଲିୟ ସେଇ ସେନାପତିକେ ଉତ୍ତର

দিলেন, “আমি যদি সত্যই ঈশ্বরের লোক, তবে আকাশ থেকে আগুন  
নেমে এসে তোমাকে ও তোমার পঞ্চাশ জন লোককে গ্রাস করে  
ফেলুক!” তখন আকাশ থেকে আগুন নেমে এসে সেই সেনাপতি ও  
তাঁর পঞ্চাশ জন লোককে গ্রাস করে ফেলেছিল। 11 এই অবস্থা দেখে  
রাজামশাই অন্য আরেকজন সেনাপতিকে তাঁর পঞ্চাশ জন সৈন্য  
সমেত এলিয়র কাছে পাঠালেন। সেই সেনাপতি ও এলিয়কে গিয়ে  
বললেন, “হে ঈশ্বরের লোক, রাজা একথা বলেছেন, ‘আপনি এক্ষুনি  
নিচে নেমে আসুন।’” 12 “আমি যদি সত্যই ঈশ্বরের লোক,” এলিয়  
উত্তর দিলেন, “তবে আকাশ থেকে আগুন নেমে এসে তোমাকে ও  
তোমার পঞ্চাশ জন লোককে গ্রাস করে ফেলুক!” তখন আকাশ থেকে  
ঈশ্বরের আগুন নেমে এসে তাঁকে ও তাঁর পঞ্চাশ জন লোককে গ্রাস  
করে ফেলেছিল। 13 অতএব রাজামশাই তৃতীয় একজন সেনাপতিকে  
তাঁর পঞ্চাশ জন সৈন্য সমেত সেখানে পাঠালেন। তৃতীয় এই সেনাপতি  
সেখানে গিয়ে এলিয়র সামনে নতজানু হলেন। “হে ঈশ্বরের লোক,”  
তিনি ভিক্ষা চেয়েছিলেন, “দয়া করে আপনার দাস—আমার ও এই  
পঞ্চাশ জন লোকের প্রাণের মর্যাদা রক্ষা করুন! 14 দেখুন, আকাশ  
থেকে আগুন নেমে এসে প্রথম দুজন সেনাপতি ও তাদের লোকজনকে  
গ্রাস করল। কিন্তু এখন আমার প্রাণের মর্যাদা রক্ষা করুন!” 15  
সদাপ্রভুর দৃত এলিয়কে বললেন, “এর সাথে তুমি নিচে নেমে যাও;  
একে ভয় পেয়ো না।” অতএব এলিয় উঠে তাঁর সাথে রাজার কাছে  
চলে গেলেন। 16 তিনি রাজাকে বললেন, “সদাপ্রভু একথাই বলেন:  
ইন্নায়েলে তোমাকে পরামর্শ দেওয়ার মতো কোনও ঈশ্বর কি ছিলেন  
না, যে তুমি পরামর্শ নেওয়ার জন্য ইক্ষণের দেবতা বায়াল-সবূবের  
কাছে দৃত পাঠিয়েছিলে? যেহেতু তুমি এই কাজ করেছ, তাই যে  
বিছানায় তুমি শুয়ে আছ, সেখান থেকে তুমি আর উঠতে পারবে না।  
তুমি অবশ্যই মরবে!” 17 তাই এলিয় যা বললেন, সদাপ্রভুর সেই  
কথানুসারে তিনি মারা গেলেন। যেহেতু অহসিয়ের কোনও ছেলে ছিল  
না, তাই যিহোশাফটের ছেলে যিহুদার রাজা যিহোরামের রাজত্বের  
দ্বিতীয় বছরে রাজারপে ঘোরাম অহসিয়ের স্ত্রীভিষিক্ত হলেন। 18

অহসিয়ের রাজত্বকালের অন্যান্য সব ঘটনা, এবং তিনি যা যা করলেন,  
তার বিবরণ কি ইস্রায়েলের রাজাদের ইতিহাস-গ্রন্থে লেখা নেই?

২ সদাপ্রভু যখন ঘূর্ণিষাড়ের মধ্যে দিয়ে এলিয়কে এবার স্বর্গে প্রায়  
তুলে নেবেন, এমন সময় এলিয় ও ইলীশায় গিল্গল থেকে যাত্রা শুরু  
করলেন। ২ এলিয় ইলীশায়কে বললেন, “তুমি এখানে থাকো; সদাপ্রভু  
আমাকে বেথেলে পাঠিয়েছেন।” কিন্তু ইলীশায় বললেন, “জীবন্ত  
সদাপ্রভুর দিব্য এবং আপনারও প্রাণের দিব্য, আমি আপনাকে ছাড়ব  
না।” অতএব তারা বেথেলের দিকে নেমে গেলেন। ৩ বেথেলে ভাববাদী  
সম্প্রদায়ের লোকেরা ইলীশায়ের কাছে এসে জিজ্ঞাসা করলেন,  
“আপনি কি জানেন যে সদাপ্রভু আপনার মনিবকে আজ আপনার কাছ  
থেকে তুলে নেবেন?” “হ্যাঁ, আমি তা জানি,” ইলীশায় উত্তর দিলেন,  
“তাই চুপ করে থাকুন।” ৪ তখন এলিয় তাঁকে বললেন, “ইলীশায়,  
তুমি এখানেই থাকো; সদাপ্রভু আমাকে যিরীহোতে পাঠিয়েছেন।”  
তিনি উত্তর দিলেন, “জীবন্ত সদাপ্রভুর দিব্য ও আপনারও প্রাণের  
দিব্য, আমি আপনাকে ছাড়ব না।” অতএব তারা যিরীহোতে চলে  
গেলেন। ৫ যিরীহোতেও ভাববাদী সম্প্রদায়ের লোকেরা ইলীশায়ের  
কাছে গিয়ে তাঁকে জিজ্ঞাসা করলেন, “আপনি কি জানেন যে সদাপ্রভু  
আপনার মনিবকে আজ আপনার কাছ থেকে তুলে নেবেন?” “হ্যাঁ,  
আমি তা জানি,” তিনি উত্তর দিলেন, “তাই চুপ করে থাকুন।” ৬  
তখন এলিয় তাঁকে বললেন, “তুমি এখানে থাকো; সদাপ্রভু আমাকে  
জর্ডনে পাঠিয়েছেন।” তিনি উত্তর দিলেন, “জীবন্ত সদাপ্রভুর দিব্য  
ও আপনারও প্রাণের দিব্য, আমি আপনাকে ছাড়ব না।” অতএব  
তারা দুজন হাঁটতেই থাকলেন। ৭ ভাববাদী সম্প্রদায়ের মধ্যে থেকে  
পঞ্চাশ জন লোক একটু দূরে গিয়ে, এলিয় ও ইলীশায় জর্ডনের পাড়ে  
যেখানে দাঁড়িয়েছিলেন, সেদিকে মুখ করে দাঁড়িয়ে পড়েছিলেন। ৮  
এলিয় তাঁর ঢিলা আলখাল্লাটি খুলে, গোল করে গুঁটিয়ে নিয়ে সেটি  
দিয়ে জলে আঘাত করলেন। জল ডাইনে ও বাঁয়ে দুই ভাগে বিভক্ত  
হয়ে গেল, এবং তারা দুজন শুকনো জমির উপর দিয়ে নদী পার  
হয়ে গেলেন। ৯ নদী পার হওয়ার পর এলিয় ইলীশায়কে বললেন,

“আমায় বলো, তোমার কাছ থেকে আমাকে তুলে নেওয়ার আগে আমি তোমার জন্য কী করতে পারি?” “আমি যেন আপনার আত্মার দ্বিগুণ অংশ পাই,” ইলীশায় উভর দিলেন। 10 “তুমি দুঃসাধ্য জিনিস চেয়ে বসলে,” এলিয় বললেন, “তবুও যদি তোমার কাছ থেকে আমাকে তুলে নেওয়ার সময় তুমি আমাকে দেখতে পাও, তবে তুমি সেটি পাবে—তা না হলে নয়।” 11 পাশাপাশি হাঁটতে হাঁটতে যখন তারা দুজন কথা বলছিলেন, হঠাৎ অগ্নিময় একটি রথ ও কয়েকটি ঘোড়া আবির্ভূত হল ও তাদের দুজনকে আলাদা করে দিল, এবং ঘূর্ণিঘড়ের মধ্যে দিয়ে এলিয় স্বর্গে উঠে গেলেন। 12 এই দৃশ্য দেখে ইলীশায় চিংকার করে উঠেছিলেন, “হে আমার বাবা! হে আমার বাবা! ইস্রায়েলের রথ ও অশ্বারোহীরা!” ইলীশায় আর তাঁকে দেখতে পাননি। তখন তিনি নিজের পোশাক ছিঁড়ে দু-টুকরো করে ফেলেছিলেন। 13 ইলীশায় পরে এলিয়র গা থেকে পড়ে যাওয়া আলখাল্লাটি কুড়িয়ে নিয়ে ফিরে গেলেন এবং জর্ডন নদীর পাড়ে গিয়ে দাঁড়ালেন। 14 এলিয়র গা থেকে পড়ে যাওয়া আলখাল্লাটি নিয়ে তিনি সেটি দিয়ে জলে আঘাত করলেন। জলে আঘাত করায় তা ডাইনে ও বাঁয়ে দুই ভাগে বিভক্ত হয়ে গেল, এবং তিনি নদী পার হয়ে গেলেন। 15 যিরীহোর ভাববাদী সম্প্রদায়ের যে লোকেরা কড়া নজরদারি রেখেছিলেন, তারা তখন বললেন, “এলিয়র আত্মা ইলীশায়ের উপর ভর করেছে।” আর তারা ইলীশায়ের সাথে দেখা করতে গেলেন ও তাঁর সামনে মাটিতে মাথা ঠেকিয়েছিলেন। 16 “দেখুন,” তারা বললেন, “আপনার এই দাসেদের, অর্থাৎ আমাদের কাছে পঞ্চাশ জন যোগ্য লোক আছে। তারা আপনার মনিবের খোঁজ করতে যাক। হয়তো সদাপ্রভুর আত্মা তাঁকে নিয়ে গিয়ে কোনও পর্বতে বা উপত্যকায় দাঁড় করিয়ে রেখেছেন।” “না,” ইলীশায় উভর দিলেন, “তাদের পাঠাবেন না।” 17 কিন্তু তারা তাঁকে পীড়াপীড়ি করে এমন অপ্রস্তুতে ফেলে দিলেন যে তিনি আর প্রত্যাখ্যান করতে পারেননি। তাই তিনি বললেন, “ওদের পাঠিয়ে দিন।” আর তারাও পঞ্চাশ জনকে পাঠিয়ে দিলেন। তারা তিন দিন ধরে খোঁজ

চালিয়েছিল, কিন্তু এলিয়কে খুঁজে পায়নি। 18 ইলীশায় যিরীহোতে ছিলেন এবং তারা যখন সেখানে তাঁর কাছে ফিরে এসেছিল, তিনি তাদের বললেন, “আমি কি তোমাদের যেতে বারণ করিনি?” 19 সেই নগরের লোকজন ইলীশায়কে বলল, “হে আমাদের প্রভু, আপনি তো দেখতেই পাচ্ছেন যে এই নগরটি বেশ ভালো স্থানতেই অবস্থিত, কিন্তু এখানকার জল খুব খারাপ ও জমিও অনুৎপাদক।” 20 “আমার কাছে একটি নতুন গামলা নিয়ে এসো,” তিনি বললেন, “এবং তাতে একটু লবণ রাখো।” অতএব তারা তাঁর কাছে গামলাটি এনেছিল। 21 পরে তিনি জলের উৎসের কাছে গিয়ে এই বলে তাতে কিছুটা লবণ ঢেলে দিলেন, “সদাপ্রভু একথাই বলেন: ‘আমি এই জল শুন্দি করলাম। আর কখনও এই জল মৃত্যুর কারণ হবে না বা জমিকেও অনুৎপাদক হয়ে থাকতে দেবে না।’” 22 ইলীশায়ের বলা কথানুসারে আজও পর্যন্ত সেই জল শুন্দি আছে। 23 যিরীহো থেকে ইলীশায় বেথেলে চলে গেলেন। তিনি পথে হেঁটে যাচ্ছিলেন, এমন সময় কয়েকটি ছেলে নগর থেকে বেরিয়ে এসে তাঁকে ব্যঙ্গবিদ্রূপ করতে শুরু করল। “ওহে টাকলু, এখান থেকে পালাও!” তারা বলল। “ওহে টাকলু, এখান থেকে পালাও!” 24 তিনি ঘুরে তাদের দিকে তাকিয়েছিলেন এবং সদাপ্রভুর নামে তাদের অভিশাপ দিলেন। তখন বন থেকে দুটি ভালুক বেরিয়ে এসে সেই ছেলেদের মধ্যে বিয়াল্লিশ জনকে তুলোধোনা করল। 25 তিনি কর্মিল পাহাড়ে চলে গেলেন ও সেখান থেকে শমরিয়ায় ফিরে গেলেন।

**৩** যিহূদার রাজা যিহোশাফটের রাজত্বের অষ্টাদশ বছরে আহাবের ছেলে যোরাম শমরিয়ায় ইস্রায়েলের রাজা হলেন, এবং তিনি বারো বছর রাজত্ব করলেন। 2 সদাপ্রভুর দৃষ্টিতে তিনিও যা মন্দ, তাই করলেন, তবে তাঁর বাবা ও মায়ের মতো করেননি। তাঁর বাবার তৈরি করা বায়ালের পুণ্য পাথরটিকে তিনি ফেলে দিলেন। 3 তা সত্ত্বেও নবাটের ছেলে মারবিয়াম ইস্রায়েলকে দিয়ে যেসব পাপ করিয়েছিলেন, তিনি সেগুলির প্রতি আসক্ত হয়েই ছিলেন; তিনি সেগুলি ছেড়ে ফিরে আসেননি। 4 ইত্যবসরে মোয়াবের রাজা মেশা মেষের বংশবৃক্ষ

করে যাচ্ছিলেন, এবং কর-বাবদ ইস্রায়েলের রাজাকে তিনি এক লক্ষ  
মেষশাবক ও এক লক্ষ মদ্দা মেষের লোম দিতেন। 5 কিন্তু আহাব  
মারা যাওয়ার পর, মোয়াবের রাজা ইস্রায়েলের রাজার বিরুদ্ধে বিদ্রোহ  
করে বসেছিলেন। 6 অতএব সেই সময় রাজা যোরাম শমরিয়া থেকে  
বের হয়ে যুদ্ধের জন্য সমস্ত ইস্রায়েলকে একত্রিত করলেন। 7 যিহুদার  
রাজা যিহোশাফটের কাছেও তিনি এই খবর পাঠালেন: “মোয়াবের  
রাজা আমার বিরুদ্ধে বিদ্রোহ করেছে। আপনি কি মোয়াবের বিরুদ্ধে  
যুদ্ধ করার জন্য আমার সাথে যাবেন?” “আমি আপনার সাথে যাব,”  
তিনি উত্তর দিলেন। “আমি—আপনি, আমার লোকজন—আপনার  
লোকজন, আমার ঘোড়া—আপনার ঘোড়া, সবই তো এক।” 8  
“কোনও পথ ধরে আমরা আক্রমণ করব?” যোরাম জিজ্ঞাসা করলেন।  
“ইদোমের মর্ণভূমির মধ্যে দিয়ে,” যিহোশাফট উত্তর দিলেন। 9  
অতএব ইস্রায়েলের রাজা যিহুদার রাজা ও ইদোমের রাজাকে সাথে  
নিয়ে বেরিয়ে পড়েছিলেন। সাত দিন ঘূরপথে কুচকাওয়াজ করার পর,  
সৈন্যদের কাছে, নিজেদের জন্য বা তাদের সাথে থাকা পশ্চদের জন্য  
আর জল ছিল না। 10 “হায় রে!” ইস্রায়েলের রাজা হঠাৎ জোরে চেঁচিয়ে  
উঠেছিলেন। “সদাপ্রভু মোয়াবের হাতে আমাদের সঁপে দেওয়ার জন্যই  
কি আমাদের—এই তিনজন রাজাকে ডেকে এনেছেন?” 11 কিন্তু  
যিহোশাফট জিজ্ঞাসা করলেন, “এখানে কি সদাপ্রভুর কোনও ভাববাদী  
নেই, যাঁর মাধ্যমে আমরা সদাপ্রভুর কাছে একটু খোঁজখবর নিতে  
পারি?” ইস্রায়েলের রাজার একজন কর্মকর্তা উত্তর দিলেন, “শাফটের  
ছেলে ইলীশায় এখানে আছেন। তিনি এলিয়ার হাতে জল ঢালার কাজ  
করতেন।” 12 যিহোশাফট বললেন, “সদাপ্রভুর বাক্য তাঁর কাছে  
আছে।” অতএব ইস্রায়েলের রাজা ও যিহোশাফট এবং ইদোমের রাজা  
তাঁর কাছে গেলেন। 13 ইলীশায় ইস্রায়েলের রাজাকে বললেন, “আপনি  
কেন আমাকে এই ব্যাপারে জড়তে চাইছেন? আপনার বাবার ও  
আপনার মাঝের ভাববাদীদের কাছে যান।” “না,” ইস্রায়েলের রাজা  
উত্তর দিলেন, “কারণ সদাপ্রভুই আমাদের—এই তিনজন রাজাকে  
একসঙ্গে মোয়াবের হাতে সঁপে দেওয়ার জন্য ডেকে এনেছেন।” 14

ইলীশায় বললেন, “আমি যাঁর সেবা করি, সেই সর্বশক্তিমান সদাপ্রভুর  
দিব্যি, আমি যদি যিহুদার রাজা যিহোশাফটের উপস্থিতিকে মর্যাদা  
না দিতাম, তবে আমি আপনার কথায় মনোযোগই দিতাম না। 15  
তবে এখন আমার কাছে বীণা বাজায়, এমন একজন লোক নিয়ে  
আসুন।” সেই লোকটি যখন বীণা বাজাচ্ছিল, তখন সদাপ্রভুর হাত  
ইলীশায়ের উপর নেমে এসেছিল 16 এবং তিনি বলে উঠেছিলেন,  
“সদাপ্রভু একথাই বলেন: আমি এই উপত্যকা জলভরা পুকুরে পরিণত  
করব। 17 কারণ সদাপ্রভু একথাই বলেন: তোমরা বাতাস বা বৃষ্টি,  
কিছুই দেখতে পাবে না, তবু এই উপত্যকা জলে পরিপূর্ণ হয়ে যাবে,  
আর তোমরা, তোমাদের গবাদি পশুরা ও তোমাদের অন্যান্য পশুরাও  
জলপান করবে। 18 সদাপ্রভুর দৃষ্টিতে এ তো তুচ্ছ এক ব্যাপার; তিনি  
তোমাদের হাতে মোয়াবকেও সঁপে দেবেন। 19 তোমরা প্রত্যেকটি  
বড়ো বড়ো সুরক্ষিত নগর ও প্রত্যেকটি মুখ্য নগর উৎপাটিত করবে।  
তোমরা প্রত্যেকটি ভালো ভালো গাছ কেটে ফেলবে, জলের উৎসগুলি  
বুজিয়ে ফেলবে, ও প্রত্যেকটি ভালো ভালো ক্ষেতজমিতে পাথর  
ফেলে সেগুলি নষ্ট করে দেবে।” 20 পরদিন সকালে, বলিদান উৎসর্গ  
করার সময় নাগাদ, দেখা গেল—ইদোমের দিক থেকে জল বয়ে  
আসছে! আর জমি জলে পরিপূর্ণ হয়ে গেল। 21 ইত্যবসরে মোয়াবীয়রা  
সবাই শুনেছিল যে রাজারা তাদের বিরুদ্ধে যুদ্ধ করতে এসেছেন;  
তাই যুবক হোক কি বৃদ্ধ, যে কেউ অন্তর্শন্ত্র বহন করতে পারত,  
সবাইকে ডেকে দেশের সীমানায় মোতায়েন করে দেওয়া হল। 22  
তারা যখন সকালে ঘুম থেকে উঠেছিল, সূর্য তখন জলের উপর চকচক  
করছিল। মোয়াবীয়দের কাছে পথের ওপারে, জল রক্তের মতো লাল  
দেখাচ্ছিল। 23 “এ যে রক্ত!” তারা বলে উঠেছিল। “সেই রাজারা নিশ্চয়  
নিজেদের মধ্যে যুদ্ধ করে একে অপরকে মেরে ফেলেছেন। হে মোয়াব,  
এখন তবে লুটপাট চালাও!” 24 কিন্তু মোয়াবীয়রা যখন ইস্রায়েলের  
সৈন্যশিবিরে এসেছিল, ইস্রায়েলীরা উঠে এসেছিল ও যতক্ষণ না  
মোয়াবীয়রা পালিয়েছিল, তাদের বিরুদ্ধে তারা যুদ্ধ চালিয়ে গেল।  
ইস্রায়েলীরা দেশে সশস্ত্র আক্রমণ চালিয়ে মোয়াবীয়দের খতম করে

দিয়েছিল। 25 তারা নগরগুলি ধ্বংস করে দিয়েছিল, এবং প্রত্যেকটি লোক সেখানে যত ভালো ক্ষেতজমি ছিল, তার প্রত্যেকটিতে পাথর ফেলে সেগুলি ঢেকে দিয়েছিল। তারা প্রত্যেকটি জলের উৎস বুজিয়ে দিয়েছিল ও প্রত্যেকটি ভালো ভালো গাছ কেটে দিয়েছিল। একমাত্র কীর-হরাসতে, সেখানকার পাথরগুলি যথাস্থানে ছেড়ে দেওয়া হল, কিন্তু গুলতিধারী কয়েকজন লোক নগরটি ঘিরে ধরে সেখানে আক্রমণ চালিয়েছিল। 26 মোয়াবের রাজা যখন দেখেছিলেন যে যুদ্ধের গতিপ্রকৃতি তাঁর বিরুদ্ধে চলে গিয়েছে, তখন তিনি সাতশো তরোয়ালধারী সৈন্য সাথে নিয়ে শত্রুপক্ষের ব্যুহভেদ করে ইদোমের রাজার দিকে এগিয়ে যেতে চেয়েছিলেন, কিন্তু তারা ব্যর্থ হল। 27 তখন যিনি রাজারূপে তাঁর স্তলাভিষিক্ত হতে যাচ্ছিলেন, তিনি তাঁর সেই বড়ো ছেলেকে নিয়ে তাঁকে নগরের প্রাচীরের উপর এক বলিরূপে উৎসর্গ করে দিলেন। ইস্রায়েলের বিরুদ্ধে প্রচণ্ড রাগে সবাই ফুঁসছিল; তাই তারা পিছিয়ে এসে নিজেদের দেশে ফিরে গেল।

**4** ভাববাদী সম্প্রদায়ের মধ্যে একজন লোকের স্তৰী ইলীশায়ের কাছে এসে কেঁদে বলল, “আপনার দাস—আমার স্বামী মারা গিয়েছে, আর আপনি তো জানেন যে সে সদাপ্রভুকে গভীর শন্দা করত। কিন্তু এখন তার পাওনাদার এসে আমার দুটি সন্তানকে তার ক্রীতদাস করে নিয়ে যেতে চাইছে।” 2 ইলীশায় তাকে উত্তর দিলেন, “আমি কীভাবে তোমাকে সাহায্য করব? আমায় বলো, তোমার ঘরে কী আছে?” “আপনার এই দাসীর কাছে বলতে গেলে কিছুই নেই,” সে বলল, “শুধু ছোটো একটি বয়ামে কিছুটা জলপাই তেল আছে।” 3 ইলীশায় বললেন, “আশেপাশে গিয়ে তোমার প্রতিবেশীদের কাছ থেকে কয়েকটি খালি বয়াম চেয়ে আনো। শুধু অল্প কয়েকটি বয়াম চাইলেই হবে না। 4 পরে ঘরের ভিতরে গিয়ে তুমি ও তোমার ছেলেরা দরজা বন্ধ করে দেবে। সবকটি বয়ামে তেল ঢালতে থেকো, এবং একটি করে বয়াম ভর্তি হবে, আর তুমি ও এক এক করে সেগুলি এক পাশে সরিয়ে রাখবে।” 5 সে তাঁর কাছ থেকে চলে গেল এবং ছেলেদের নিয়ে ঘরের দরজা বন্ধ করে দিয়েছিল। তারা তার কাছে

বেশ কয়েকটি বয়াম নিয়ে এসেছিল এবং সে সেগুলিতে তেল চেলে  
যাচ্ছিল। 6 সবকটি বয়াম ভর্তি হয়ে যাওয়ার পর, সে তার এক  
ছেলেকে বলল, “আরও বয়াম নিয়ে এসো।” কিন্তু সে উত্তর দিয়েছিল,  
“আর কোনও বয়াম অবশিষ্ট নেই।” তখনই তেলের স্রোত বন্ধ হয়ে  
গেল। 7 সে ঈশ্বরের লোককে গিয়ে সব কথা বলল, এবং তিনি  
বললেন, “যাও, তেল বিক্রি করে তোমার দেনা শোধ করো। আর  
যতটুকু তেল থেকে যাবে, তা দিয়ে তুমি ও তোমার ছেলেরা খেয়ে-  
পরে বেঁচে থাকবে।” 8 একদিন ইলীশায় শূন্মে গেলেন। সেখানে  
বেশ সম্পূর্ণ এমন এক মহিলা ছিলেন, যিনি তাঁকে ভোজনপান করে  
যাওয়ার জন্য বারবার অনুরোধ জানিয়েছিলেন। তাই যখনই তিনি  
সেখানে আসতেন, ভোজনপান করার জন্য তিনি কিছুক্ষণ সময় থেকে  
যেতেন। 9 সেই মহিলা তাঁর স্বামীকে বললেন, “আমি জানি, যিনি  
প্রায়ই আমাদের এখানে আসেন, তিনি ঈশ্বরের একজন পবিত্র লোক।  
10 আমরা তাঁর জন্য ছাদের উপর একটি ছোটো ঘর বানিয়ে দিই  
এবং সেখানে একটি খাট, একটি টেবিল, একটি চেয়ার ও একটি  
লম্ফ রেখে দিই। তবে যখনই তিনি আমাদের কাছে আসবেন, তিনি  
সেখানে থাকতে পারবেন।” 11 একদিন ইলীশায় সেখানে এসে তাঁর  
সেই ঘরে গিয়ে শুয়ে পড়েছিলেন। 12 তিনি তাঁর দাস গেহসিকে  
বললেন, “শূন্মীয়াকে ডেকে আনো।” তাই সে তাঁকে ডেকেছিল, ও  
তিনি এসে ইলীশায়ের সামনে দাঁড়িয়েছিলেন। 13 ইলীশায় গেহসিকে  
বললেন, “তাঁকে বলো, ‘তুমি আমাদের জন্য খুব অসুবিধা ভোগ  
করছ। এখন বলো, তোমার জন্য কী করতে হবে? তোমার হয়ে  
কি আমরা রাজার বা সৈন্যদলের সেনাপতির সাথে কথা বলব?’”  
শূন্মীয়া উত্তর দিলেন, “নিজের লোকজনের মধ্যে তো আমার একটি  
ঘর আছে।” 14 “তাঁর জন্য কী করা যেতে পারে?” ইলীশায় জিজ্ঞাসা  
করলেন। গেহসি বললেন, “তাঁর কোনও ছেলে নেই, আর তাঁর স্বামীও  
বৃদ্ধ।” 15 তখন ইলীশায় বললেন, “তাঁকে ডাকো।” অতএব গেহসি  
তাঁকে ডেকেছিলেন, ও তিনি দরজার কাছে এসে দাঁড়িয়েছিলেন। 16  
“পরের বছর মোটামুটি এসময়,” ইলীশায় বললেন, “তুমি ছেলে কোলে

নিয়ে থাকবে।” “না, প্রতু না!” তিনি প্রতিবাদ করে উঠেছিলেন। “হে ঈশ্বরের লোক, আপনার দাসীকে বিভাস্তিকর খবর দেবেন না!” 17 কিন্তু মহিলাটি অস্তঃসত্ত্ব হলেন, এবং ইলীশায়ের বলা কথানুসারে, পরের বছর মোটামুটি সেই একই সময়ে তিনি এক পুত্রসন্তানের জন্ম দিলেন। 18 শিশুটি বড়ো হয়ে উঠেছিল, এবং একদিন তার বাবা যখন সেই লোকজনের সাথে ক্ষেত্রে গেলেন, যারা ফসল কাটতে এসেছিল, তখন সেও তাঁর কাছে গেল। 19 সে তার বাবাকে বলল, “আমার মাথা! আমার মাথা!” তার বাবা একজন দাসকে বললেন, “ওকে ওর মায়ের কাছে নিয়ে যাও।” 20 সেই দাস তাকে কোলে তুলে নিয়ে তার মায়ের কাছে পৌঁছে দেওয়ার পর, ছেলেটি দুপুর পর্যন্ত মায়ের কোলে বসেছিল ও পরে সে মারা গেল। 21 সেই মহিলাটি উপরে গিয়ে ছেলেটিকে ঈশ্বরের লোকের বিচানায় শুইয়ে দিলেন, পরে দরজা বন্ধ করে বের হয়ে গেলেন। 22 তিনি তাঁর স্বামীকে ডেকে বললেন, “দয়া করে তোমার দাসদের মধ্যে একজনকে ও একটি গাধা আমার কাছে পাঠিয়ে দাও, যেন আমি তাড়াতাড়ি ঈশ্বরের লোকের কাছে গিয়ে ফিরে আসতে পারি।” 23 “আজ তাঁর কাছে যাবে কেন?” তিনি জিজ্ঞাসা করলেন। “আজ তো অমাবস্যা নয়, বা সাবৰাথবারও নয়।” “সে ঠিক আছে,” তিনি উত্তর দিলেন। 24 তিনি গাধায় জিন চাপিয়ে তাঁর দাসকে বললেন, “টেনে নিয়ে চলো; আমি না বলা পর্যন্ত গতি কর কোরো না।” 25 এইভাবে তিনি বের হয়ে কর্মিল পাহাড়ে ঈশ্বরের লোকের কাছে পৌঁছে গেলেন। দূর থেকে তাঁকে দেখতে পেয়ে ঈশ্বরের লোক তাঁর দাস গেহসিকে বললেন, “দেখো! সেই শুনেমীয়া আসছে! 26 দৌড়ে গিয়ে তাঁর সাথে দেখা করো ও তাঁকে জিজ্ঞাসা করো, ‘তুমি ঠিক আছ? তোমার স্বামী ঠিক আছে? তোমার ছেলে ঠিক আছে?’” “সব ঠিক আছে,” তিনি বললেন। 27 পর্বতে ঈশ্বরের লোকের কাছে পৌঁছে তিনি তাঁর পা জড়িয়ে ধরেছিলেন। গেহসি তাঁকে ঠেলে সরিয়ে দেওয়ার জন্য এগিয়ে এসেছিল, কিন্তু ঈশ্বরের লোক বললেন, “ওকে একা থাকতে দাও! ও মর্মাণ্তিক যন্ত্রণাভোগ করছে, কিন্তু সদাপ্রভু তা আমার কাছে লুকিয়ে রেখেছেন এবং কেন তাও আমাকে বলেননি।”

28 “হে আমার প্রভু, আমি কি আপনার কাছে ছেলে চেয়েছিলাম?” তিনি  
বললেন। “কি আপনাকে বলিনি, ‘আমার আশা জাগিয়ে তুলবেন না?’”

29 ইলীশায় গেহসিকে বললেন, “তোমার আলখাল্লাটি কোমরবন্ধ দিয়ে  
বেঁধে নাও, হাতে আমার ছড়িটি তুলে নাও ও দৌড়াতে থাকো। যে  
কেনো লোকের সাথেই দেখা হোক না কেন, তাকে শুভেচ্ছা জানিও  
না, এবং যদি কেউ তোমাকে শুভেচ্ছা জানায়, তবে তুমি তার কোনও  
উত্তর দিয়ো না। ছেলেটির মুখের উপর আমার ছড়িটি রেখে দিয়ো।”

30 কিন্তু শিশুটির মা বললেন, “জীবন্ত সদাপ্রভুর দিব্যি ও আপনারও  
প্রাণের দিব্যি, আমি আপনাকে ছাড়ব না।” তাই ইলীশায় উঠে সেই  
মহিলাটিকে অনুসরণ করলেন। 31 গেহসি তাদের আগে এগিয়ে  
গিয়ে ছেলেটির মুখের উপর ছড়িটি রেখে দিয়েছিল, কিন্তু কোনও  
সাড়াশব্দ পাওয়া যায়নি। তাই গেহসি ইলীশায়ের সাথে দেখা করার  
জন্য ফিরে গিয়ে তাঁকে বলল, “ছেলেটি জাগেনি।” 32 ইলীশায় যখন  
সেই বাড়িতে পৌঁছেছিলেন, ছেলেটি তাঁরই খাটে মরে পড়েছিল। 33

তিনি ভিতরে ঢুকে, তাদের দুজনকে বাইরে রেখে দরজা বন্ধ করে  
দিলেন এবং সদাপ্রভুর কাছে প্রার্থনা করলেন। 34 পরে তিনি বিছানায়  
উঠে ছেলেটির মুখের উপর মুখ, চোখের উপর চোখ, হাতের উপর হাত  
রেখে শুয়ে পড়েছিলেন। ছেলেটির উপর তিনি যখন নিজেকে বিছিয়ে  
দিলেন, তখন ছেলেটির শরীর গরম হয়ে গেল। 35 ইলীশায় ফিরে  
এসে ঘরের মধ্যেই আগে পিছে একটু পায়চারি করে আবার বিছানায়

উঠে ছেলেটির উপর নিজেকে বিছিয়ে দিলেন। ছেলেটি সাতবার হাঁচি  
দিয়ে নিজের চোখ খুলেছিল। 36 ইলীশায় গেহসিকে ডেকে বললেন,  
“শূন্মোহীনাকে ডেকে আনো।” সে তা করল। মহিলাটি সেখানে আসার  
পর ইলীশায় বললেন, “এই নাও তোমার ছেলে।” 37 তিনি ভিতরে  
এসে ইলীশায়ের পায়ে পড়ে মাটিতে মাথা ঠেকিয়ে তাঁকে প্রণাম  
করলেন। পরে তিনি তাঁর ছেলেকে নিয়ে বাইরে বেরিয়ে গেলেন। 38  
ইলীশায় গিল্গলে ফিরে গেলেন এবং তখন সেই এলাকায় দুর্ভিক্ষ  
চলছিল। ভাববাদী সম্প্রদায়ের লোকেরা যখন তাঁর সাথে দেখা করতে  
গেলেন, তিনি তাঁর দাসকে বললেন, “উন্মনে বড়ো হাঁড়িটি চাপিয়ে

এই ভাববাদীদের জন্য একটু তরকারি রান্না করো।” 39 তাদের মধ্যে একজন শাক সংগ্রহ করার জন্য ক্ষেত্রে গেলেন এবং সেখানে বুনো শশার লতা দেখতে পেয়ে কাপড়ে ভরে যত শসা আনা যায়, ততগুলিই তুলে নিয়েছিলেন। ফিরে আসার পর তিনি সেগুলি কেটে তরকারির হাঁড়িতে চুকিয়ে দিলেন, যদিও কেউই জানত না সেগুলি ঠিক কী। 40 লোকজনের পাতে তরকারি ঢেলে দেওয়া হল, কিন্তু যেই তারা খেতে শুরু করলেন, তারা চিৎকার করে কেঁদে উঠেছিলেন, “হে ঈশ্বরের লোক, হাঁড়িতে মৃত্যু আছে!” আর তারা সেই তরকারি খেতে পারেননি। 41 ইলীশায় বললেন, “আমার কাছে কিছুটা ময়দা নিয়ে এসো।” তিনি হাঁড়িতে ময়দা রেখে বললেন, “এবার লোকদের কাছে খাবার পরিবেশন করো।” হাঁড়িতে ক্ষতিকারক আর কিছুই ছিল না। 42 বায়ল-শালিশা থেকে একজন লোক ঈশ্বরের লোকের কাছে থলিতে করে নবান্নরূপী যবের কুড়িটি সেঁকা রুটি, এবং নবান্নের কিছু ফসল-দানা নিয়ে এসেছিল। “লোকদের এগুলি খেতে দাও,” ইলীশায় বললেন। 43 “একশো জন লোকের সামনে আমি কীভাবে এটি পরিবেশন করব?” তাঁর দাস জিজ্ঞাসা করলেন। কিন্তু ইলীশায় উত্তর দিলেন, “এগুলিই লোকদের খেতে দাও। কারণ সদাপ্রভু একথাই বলেন: ‘তারা খাবে ও আরও কিছু বেঁচেও যাবে।’” 44 তখন সে তাদের সামনে সেগুলি পরিবেশন করল, এবং সদাপ্রভুর কথানুসারে, তারা খাওয়ার পরেও আরও কিছু খাবার বেঁচে গেল।

**৫** ইত্যবসরে নামান ছিলেন অরামের রাজার সৈন্যদলের সেনাপতি। যেহেতু তাঁর মাধ্যমে সদাপ্রভু অরামকে বিজয় দান করলেন, তাই তাঁর মনিবের দৃষ্টিতে তিনি মহান এক ব্যক্তি ছিলেন ও তাঁকে খুব সম্মান করা হত। তিনি অসমসাহসী এক যোদ্ধা ছিলেন, কিন্তু তাঁর কৃষ্ণরোগ হল। 2 অরাম থেকে একদল হামলাকারী ইস্রায়েলে গিয়ে সেখান থেকে ছোটো একটি মেয়েকে বন্দি করে এনেছিল, এবং সে নামানের স্ত্রীর সেবাকাজে নিযুক্ত হল। 3 সে তার মালকিনকে বলল, “যিনি শমরিয়ায় আছেন, সেই ভাববাদীর কাছে গিয়ে যদি আমার মনিব একবার তাঁর সাথে দেখা করতে পারতেন! তিনি তবে তাঁর কৃষ্ণরোগ

সারিয়ে দিতেন।” 4 ইস্রায়েল থেকে আসা সেই মেয়েটি যা বলল,  
নামান তাঁর মনিবের কাছে গিয়ে সেকথা তাঁকে বলে শুনিয়েছিলেন।  
5 “অবশ্যই যাও,” অরামের রাজা উত্তর দিলেন। “আমি ইস্রায়েলের  
রাজার কাছে একটি চিঠি পাঠিয়ে দেব।” অতএব নামান সাথে দশ  
তালস্ত রংপো, 6,000 শেকল সোনা ও দশ পাটি পোশাক নিয়ে  
বেরিয়ে পড়েছিলেন। 6 ইস্রায়েলের রাজার কাছে তিনি যে চিঠিটি  
নিয়ে গেলেন, তাতে লেখা ছিল: “এই চিঠি সমেত আমি আমার দাস  
নামানকে আপনার কাছে পাঠাচ্ছি, যেন আপনি তার কুষ্ঠরোগ সারিয়ে  
দেন।” 7 ইস্রায়েলের রাজা সেই চিঠি পড়ামাত্রই নিজের রাজবন্ধু  
ছিঁড়ে বলে উঠেছিলেন, “আমি কি ঈশ্বর? আমি কি কাউকে মেরে  
আবার তার জীবন ফিরিয়ে দিতে পারি? কেন এই লোকটি একজনকে  
তার কুষ্ঠরোগ সারাবার জন্য আমার কাছে পাঠিয়েছে? দেখো দেখি,  
কীভাবে সে আমার সাথে বাগড়া বাধাবার চেষ্টা করছে!” 8 ঈশ্বরের  
লোক ইলীশায় যখন শুনতে পেয়েছিলেন যে ইস্রায়েলের রাজা তাঁর  
রাজবন্ধু ছিঁড়ে ফেলেছেন, তখন তিনি তাঁর কাছে এই খবর দিয়ে  
পাঠালেন: “আপনি কেন আপনার রাজবন্ধু ছিঁড়ে ফেলেছেন? সেই  
লোকটিকে আমার কাছে পাঠিয়ে দিন, সে জেনে যাবে যে ইস্রায়েলে  
একজন ভাববাদী আছে।” 9 অতএব নামান তাঁর সব ঘোড়া ও রথ  
নিয়ে ইলীশায়ের বাড়ির দোরগোড়ায় গিয়ে দাঁড়িয়েছিলেন। 10 তাঁকে  
একথা বলার জন্য ইলীশায় এক দৃত পাঠালেন, “যান, জর্ডন নদীতে  
গিয়ে সাতবার স্নান করুন, আর আপনার মাংস স্বাভাবিক অবস্থায়  
ফিরে যাবে ও আপনি শুচিশুদ্ধ হয়ে যাবেন।” 11 কিন্তু নামান রেগে  
চলে গেলেন ও বললেন, “আমি ভোবেছিলাম তিনি অবশ্যই আমার  
কাছে বেরিয়ে আসবেন ও দাঁড়িয়ে তাঁর ঈশ্বর সদাপ্রভুর নাম ধরে  
ডাকবেন, ছোপের উপর হাত বোলাবেন ও আমার কুষ্ঠরোগ সারিয়ে  
তুলবেন। 12 দামাক্ষাসের অবানা ও পর্পর নদী কি ইস্রায়েলের সব  
জলাশয়ের থেকে ভালো নয়? আমি কি সেখানে স্নান করে শুচিশুদ্ধ  
হতে পারতাম না?” তাই তিনি মুখ ফিরিয়ে রেগে চলে গেলেন। 13  
নামানের দাসেরা তাঁর কাছে গিয়ে বলল, “হে প্রভু, সেই ভাববাদী যদি

আপনাকে কোনও বড়সড় কাজ করতে বলতেন, তবে কি আপনি  
তা করতেন না? তবে তিনি যখন আপনাকে বলেছেন, ‘স্নান করে  
শুচিশুদ্ধ হয়ে যান,’ তখন কি আরও বেশি করে আপনার তা করা উচিত  
নয়!” 14 তাই ঈশ্বরের লোকের কথানুসারে, তিনি জর্ডন নদীতে গিয়ে  
সাতবার স্নান করলেন, এবং তাঁর দেহ আগের অবস্থায় ফিরে এসেছিল  
ও ছোটো ছেলের দেহের মতো সুস্থসবল হয়ে গেল। 15 তখন নামান ও  
তাঁর সহচররা সবাই ঈশ্বরের লোকের কাছে ফিরে গেলেন। নামান তাঁর  
সামনে দাঁড়িয়ে বললেন, “এখন আমি জানলাম যে ইস্রায়েল ছাড়া  
জগতে আর কোথাও কোনও ঈশ্বর নেই। তাই আপনার এই দাসের  
কাছ থেকে দয়া করে একটি উপহার গ্রহণ করুন।” 16 ভাববাদীমশাই  
উত্তর দিলেন, “আমি যাঁর সেবা করি, সেই জীবন্ত সদাপ্রভুর দিব্যি,  
আমি একটি জিনিসও গ্রহণ করব না।” নামান তাঁকে পীড়াপীড়ি করা  
সত্ত্বেও তিনি তা গ্রহণ করতে অঙ্গীকার করলেন। 17 “আপনি যদি  
গ্রহণ না করলেন,” নামান বললেন, “দুটি খচর পিঠে যতখানি মাটি  
বহন করতে পারে, ততখানি মাটি দয়া করে আমাকে—আপনার এই  
দাসকে দেওয়ার অনুমতি দিন, কারণ আপনার এই দাস আর কখনও  
সদাপ্রভু ছাড়া আর কোনও দেবতার কাছে হোমবলি ও নৈবেদ্য উৎসর্গ  
করবে না। 18 কিন্তু এই একটি ব্যাপারে যেন সদাপ্রভু আপনার  
দাসকে ক্ষমা করেন: আমার মনিব যখন রিম্মোনের মন্দিরে প্রবেশ  
করে মাথা নত করবেন এবং আমার হাতে ভর দেবেন ও আমাকেও  
সেখানে মাথা নত করতে হবে—আমি যখন রিম্মোনের মন্দিরে মাথা  
নত করব, তখন যেন সদাপ্রভু আপনার এই দাসকে এর জন্য ক্ষমা  
করেন।” 19 “শাস্তিতে চলে যাও,” ইলীশায় বললেন। নামান কিছু  
দূর চলে যাওয়ার পর, 20 ঈশ্বরের লোক ইলীশায়ের দাস গোহসি  
মনে মনে বলল, ‘নামান যা যা নিয়ে এসেছিলেন, তা গ্রহণ না করে  
আমার মনিব এই অরামীয় নামানকে এমনিই ছেড়ে দিলেন। জীবন্ত  
সদাপ্রভুর দিব্যি, আমি তাঁর পিছনে দৌড়ে গিয়ে তাঁর কাছ থেকে কিছু  
বাণিয়ে আনব।’ 21 অতএব গোহসি নামানের পিছনে দৌড়ে গেলেন।  
নামান যখন তাকে তাঁর পিছনে দৌড়ে আসতে দেখেছিলেন, তিনি

তার সাথে দেখা করার জন্য রথ থেকে নেমে এলেন। “সবকিছু ঠিক  
আছে তো?” তিনি জিজ্ঞাসা করলেন। 22 “সবকিছু ঠিকই আছে,”  
গেহসি উত্তর দিয়েছিল। “আমার মনিব এই কথা বলার জন্য আমাকে  
পাঠিয়ে দিলেন যে, ‘ভাববাদী সম্প্রদায়ের মধ্যে থেকে এইমাত্র দুজন  
যুবক আমার কাছে ইফ্রয়িমের পাহাড়ি অঞ্চল থেকে এসে পড়েছে।  
দয়া করে তাদের এক তালন্ত রংপো ও দুই পাটি পোশাক দিন।’”  
23 “অবশ্যই, দুই তালন্ত নাও,” নামান বললেন। সেগুলি নেওয়ার  
জন্য তিনি গেহসিকে পীড়াপীড়ি করলেন, এবং পরে দুটি থলিতে দুই  
তালন্ত রংপো এবং দুই পাটি পোশাক বেঁধে দিলেন। তিনি সেগুলি তাঁর  
দুজন দাসের হাতে দিলেন, ও তারা গেহসির আগে আগে সেগুলি বয়ে  
নিয়ে গেল। 24 গেহসি সেই পাহাড়ে পৌছে জিনিসগুলি সেই দাসদের  
হাত থেকে নিয়ে বাঢ়িতে রেখে দিয়েছিল। সে সেই লোকদের পাঠিয়ে  
দিয়েছিল ও তারাও চলে গেল। 25 সে ভিতরে গিয়ে তার মনিবের  
সামনে দাঁড়াতেই ইলীশায় তাকে জিজ্ঞাসা করলেন, “গেহসি, তুমি  
কোথায় গিয়েছিলে?” “আপনার এই দাস কোথাও যায়নি তো,” গেহসি  
উত্তর দিল। 26 কিন্তু ইলীশায় তাকে বললেন, “সেই লোকটি যখন  
তোমার সাথে দেখা করার জন্য রথ থেকে নেমেছিলেন, আমার আত্মা  
কি তোমার সাথেই ছিল না? অর্থ বা পোশাক, অথবা জলপাই বাগান  
ও দ্রাক্ষাক্ষেত, বা মেষ-গুরুর পাল, বা দাস-দাসী নেওয়ার এই কি  
সময়? 27 নামানের কুষ্ঠরোগ চিরকাল তোমার ও তোমার বংশধরদের  
শরীরে লেগে থাকুক।” পরে গেহসি ইলীশায়ের সামনে থেকে চলে  
গেল এবং তার ত্বকে কুষ্ঠরোগ ফুটে উঠেছিল—তা বরফের মতো  
সাদা হয়ে গেল।

**৬** ভাববাদী সম্প্রদায়ের লোকেরা ইলীশায়কে বললেন, “দেখুন,  
আপনার সাথে আমরা যেখানে দেখা করি, সেই স্থানটি আমাদের জন্য  
খুবই ছোটো। 2 আমাদের জর্ডন নদীর পাড়ে যেতে দিন, যেন সেখান  
থেকে আমরা প্রত্যেকে এক-একটি খুঁটি নিয়ে আসতে পারি; এবং  
সেখানে আমাদের জন্য দেখাসাক্ষাৎ করার একটি স্থান তৈরি করা  
যাক।” তিনি বললেন, “যাও।” 3 তখন তাদের মধ্যে একজন বললেন,

“আপনিও কি দয়া করে আপনার এই দাসদের সাথে আসবেন না?”  
“আমি আসব,” ইলীশায় উত্তর দিলেন। 4 আর তিনি তাদের সাথে  
গেলেন। তারা জর্জন নদীর পাড়ে গেলেন ও গাছ কাটতে শুরু করলেন।  
5 তাদের মধ্যে একজন যখন একটি গাছ কাটছিলেন, কুড়ুলের লোহার  
ফলাটি জলে পড়ে গেল। “না! না! হে আমার প্রভু!” তিনি চিৎকার  
করে উঠেছিলেন। “সেটি যে আমি ধার করে এনেছিলাম!” 6 ঈশ্বরের  
লোক জিজ্ঞাসা করলেন, “সেটি কোথায় পড়েছে?” তিনি যখন তাঁকে  
সেই স্থানটি দেখিয়ে দিলেন, ইলীশায় তখন গাছের একটি সরু ডাল  
ভেঙে নিয়ে সেটি জলে ফেলে দিলেন, ও লোহার ফলাটি ভাসিয়ে  
তুলেছিলেন। 7 “ফলাটি তুলে আনো,” তিনি বললেন। তখন সেই  
লোকটি হাত বাড়িয়ে সেটি তুলে এনেছিলেন। 8 ইত্যবসরে অরামের  
রাজা ইস্রায়েলের সাথে যুদ্ধে লিপ্ত হলেন। কর্মকর্তাদের সাথে প্রামাণ্য  
করার পর তিনি বললেন, “এসব স্থানে আমি সৈন্যশিবির করব।”  
9 ঈশ্বরের লোক ইস্রায়েলের রাজার কাছে খবর দিয়ে পাঠালেন:  
“সেই স্থানটি পেরিয়ে যাওয়ার বিষয়ে সাবধান, কারণ অরামীয়রা  
সেখানে যাচ্ছে।” 10 তাই ঈশ্বরের লোক যে স্থানটির বিষয়ে ইঙ্গিত  
দিলেন, ইস্রায়েলের রাজা সেটি যাচাই করে নিয়েছিলেন। বারবার  
ইলীশায় রাজাকে সাবধান করে দিলেন, যেন তিনি এসব স্থানে সর্তক  
পাহারা বসিয়ে রাখতে পারেন। 11 এতে অরামের রাজা খুব রেগে  
গেলেন। তিনি তাঁর কর্মকর্তাদের ডেকে পাঠিয়ে তাদের কাছে জানতে  
চেয়েছিলেন, “আমায় বলো দেখি! আমাদের মধ্যে কে ইস্রায়েলের  
রাজার পক্ষে গিয়েছে?” 12 “হে আমার প্রভু মহারাজ, আমাদের মধ্যে  
কেউই যায়নি,” তাঁর কর্মকর্তাদের মধ্যে একজন বলে উঠেছিল, “কিন্তু  
ইস্রায়েলে যে ভাববাদী আছেন, সেই ইলীশায় আপনি শোবার ঘরে যা  
যা বলেন, তার এক-একটি কথা ইস্রায়েলের রাজাকে বলে দেন।”  
13 “যাও, গিয়ে খুঁজে বের করো, সে কোথায় আছে,” রাজা আদেশ  
দিলেন, “যেন আমি লোক পাঠিয়ে তাকে বন্দি করতে পারি।” খবর  
এসেছিল: “তিনি দোথনে আছেন।” 14 রাজা তখন ঘোড়া, রথ ও  
বেশ বড়সড় এক সৈন্যদল সেখানে পাঠালেন। রাতের অন্ধকারে তারা

গিয়ে নগরাটি ঘিরে ফেলেছিল। 15 পরদিন সকালে ঈশ্বরের লোকের দাস যখন ঘুম থেকে উঠে বাইরে গেল, তখন দেখা গেল একদল সৈন্য, ঘোড়া ও রথ নিয়ে নগরাটি ঘিরে ফেলেছে। “না! না! হে আমার প্রভু! আমরা কী করব?” সেই দাস জিজ্ঞাসা করল। 16 “ভয় পেয়ো না,” ভাববাদী উত্তর দিলেন। “যারা আমাদের সাথে আছেন, তাদের সংখ্যা, ওদের সাথে যারা আছে, তাদের চেয়ে অনেক বেশি।” 17 আর ইলীশায় প্রার্থনা করলেন, “হে সদাপ্রভু, এর চোখ খুলে দাও, যেন এ দেখতে পারে।” তখন সদাপ্রভু সেই দাসের চোখ খুলে দিলেন, এবং সে তাকিয়ে দেখেছিল ইলীশায়ের চারপাশের পাহাড়গুলি ঘোড়া ও রথে ছেয়ে আছে। 18 শক্ররা যখন ইলীশায়ের দিকে এগিয়ে এসেছিল, তিনি তখন সদাপ্রভুর কাছে প্রার্থনা করলেন, “এই সৈন্যদলকে তুমি অঙ্গ করে দাও।” তাই ইলীশায়ের প্রার্থনানুসারে সদাপ্রভু তাদের আঘাত করে দৃষ্টিশক্তিহীন করে দিলেন। 19 ইলীশায় তাদের বললেন, “এ সেই পথ নয় ও এ সেই নগরও নয়। আমাকে অনুসরণ করো, আমি তোমাদের পথ দেখিয়ে তোমরা যার খোঁজ করছ, সেই লোকটির কাছে নিয়ে যাব।” আর তিনি পথ দেখিয়ে তাদের শমরিয়ায় নিয়ে গেলেন। 20 তারা নগরে প্রবেশ করার পর ইলীশায় বললেন, “হে সদাপ্রভু, এদের চোখ খুলে দাও, যেন এরা দেখতে পারে।” তখন সদাপ্রভু তাদের চোখ খুলে দিলেন ও তারা তাকিয়ে দেখেছিল, শমরিয়ার মাঝখানে তারা দাঁড়িয়ে আছে। 21 ইস্রায়েলের রাজা তাদের দেখতে পেয়ে ইলীশায়কে জিজ্ঞাসা করলেন, “হে আমার প্রভু, আমি কি এদের মেরে ফেলব? আমি কি এদের মেরে ফেলব?” 22 “এদের মেরে ফেলো না,” তিনি উত্তর দিলেন। “নিজের তরোয়াল বা ধনুক দিয়ে তুমি যাদের বন্দি করেছ, তাদের কি তুমি হত্যা করবে? তাদের সামনে খাবার ও জল রাখো, যেন তারা ভোজনপান করে তাদের মনিবের কাছে ফিরে যেতে পারে।” 23 তাই রাজা তাদের জন্য এক মহাভোজের ব্যবস্থা করলেন, এবং তারা ভোজনপান করার পর তাদের মনিবের কাছে ফিরে গেল। অতএব অরামের সৈন্যদল ইস্রায়েলী এলাকায় হামলা চালানো বন্ধ করে দিয়েছিল। 24 কিছুকাল পরে, অরামের রাজা

বিন্হদন তাঁর সমগ্র সৈন্যদল সমাবেশিত করে শমরিয়া অবরোধ করলেন। 25 নগরে ভীষণ দুর্ভিক্ষ নেমে এসেছিল; এত দীর্ঘ সময় ধরে অবরোধ চলছিল যে এক-একটি গাধার মুঞ্গু বিক্রি হচ্ছিল আশি শেকল রংপো দিয়ে, এবং এক কাবের চার ভাগের এক ভাগ রেশমগুটির বীজ বিক্রি হচ্ছিল পাঁচ শেকল রংপো দিয়ে। 26 ইত্রায়েলের রাজা যখন প্রাচীরের উপর দিয়ে পার হয়ে যাচ্ছিলেন, তখন একজন মহিলা চিৎকার করে তাঁকে বলল, “হে আমার প্রভু মহারাজ, আমায় সাহায্য করৃন!” 27 রাজামশাই উত্তর দিলেন, “সদাপ্রভু যদি তোমায় সাহায্য না করলেন, তবে আমি কোথা থেকে তোমায় সাহায্য করব? খামার থেকে? দ্রাক্ষাপেষাই কল থেকে?” 28 পরে তিনি তাকে জিজ্ঞাসা করলেন, “কী হয়েছে?” সে উত্তর দিয়েছিল, “এই মহিলাটি আমায় বলল, ‘তোমার ছেলেকে দাও, যেন আজ আমরা ওকে খেতে পারি, আর আগামীকাল আমরা আমার ছেলেকে খাব।’ 29 তাই আমরা আমার ছেলেকে রান্না করে খেয়েছিলাম। পরদিন আমি তাকে বললাম, ‘এবার তোমার ছেলেকে দাও, যেন আমরা তাকে খেতে পারি,’ কিন্তু সে তাকে লুকিয়ে রেখেছে।” 30 রাজা যখন সেই মহিলাটির কথা শুনেছিলেন, তখন তিনি তাঁর রাজবন্ধু ছিঁড়ে ফেলেছিলেন। তিনি যখন প্রাচীরে হাঁটছিলেন, লোকজন তাকিয়ে দেখছিল, ও তারা দেখতে পেয়েছিল যে রাজার রাজবন্ধুর নিচে তিনি গায়ে চট বেঁধে রেখেছেন। 31 রাজা বললেন, “আজ যদি শাফটের ছেলে ইলীশায়ের মুঞ্গু তার কাঁধের উপর স্থানে থেকে যায়, তবে যেন ঈশ্বর আমাকে কর্ঠোর থেকে কর্ঠোরত দণ্ড দেন!” 32 ইত্যবসরে ইলীশায় তাঁর বাড়িতে বসেছিলেন, এবং প্রাচীনেরাও তাঁর সাথে বসেছিলেন। রাজামশাই ইতিমধ্যে একজন দৃত পাঠিয়ে দিলেন, কিন্তু সে এসে পৌঁছানোর আগেই ইলীশায় সেই প্রাচীনদের বলে দিলেন, “আপনারা কি দেখতে পাচ্ছেন না এই হত্যাকারী আমার মুঞ্গু কেটে ফেলার জন্য একজনকে পাঠাচ্ছে? দেখুন, সেই দৃত যখন আসবে, আপনারা দরজাটি বন্ধ করে দেবেন এবং তাকে চুকতে দেবেন না। তার পিছু পিছু, তার মনিবের পায়ের শব্দও কি শোনা যাচ্ছে না?” 33 তাদের সাথে তখনও তিনি কথা

বলছেন, এমন সময় সেই দৃত তাঁর কাছে চলে এসেছিল। রাজামশাই  
বললেন, “এই বিপর্যয় তো সদাপ্রভুর কাছ থেকেই এসেছে। তবে  
আমি আর কেন সদাপ্রভুর অপেক্ষায় থাকব?”

৭ ইলীশায় উত্তর দিলেন, “সদাপ্রভুর বাক্য শুনুন। সদাপ্রভু একথাই  
বলেন: আগামীকাল মোটামুটি এসময়, শমারিয়ার সিংহদুয়ারে এক  
পসুরি মিহি ময়দা এক শেকলে এবং দুই পসুরি যব এক শেকলে বিক্রি  
হবে।” ২ যে কর্মকর্তার হাতে তর দিয়ে রাজা দাঁড়িয়েছিলেন, তিনি  
ঈশ্বরের লোককে বললেন, “দেখুন, সদাপ্রভু আকাশের রংদ্বনার যদি  
খুলেও দেন, তাও কি এরকম হতে পারে?” “আপনি নিজের চোখেই  
তা দেখতে পাবেন,” ইলীশায় উত্তর দিলেন, “কিন্তু আপনি তার কিছুই  
থেতে পারবেন না!” ৩ ইত্যবসরে নগরের প্রবেশদ্বারে কুষ্ঠরোগগ্রস্ত  
চারজন লোক দাঁড়িয়েছিল। তারা নিজেদের মধ্যে বলাবলি করল,  
“এখানে দাঁড়িয়ে থেকে মরতে যাব কেন? ৪ যদি বলি, ‘নগরে  
যাব,’ সেখানে তো দুর্ভিক্ষ চলছে, আর সেখানে গেলে তো আমাদের  
মরতে হবে। আর যদি এখানে দাঁড়িয়ে থাকি, তাও তো মরব। তাই  
অরামীয়দের সৈন্যশিবিরে গিয়ে আত্মসমর্পণ করাই ভালো। তারা  
যদি আমাদের ছেড়ে দেয়, তবে আমরা বাঁচব; তারা যদি আমাদের  
হত্যা করে, তবে মরব।” ৫ গোধূলিবেলায় তারা উঠে অরামীয়দের  
সৈন্যশিবিরে চলে গেল। যখন তারা শিবিরের ধারে পৌঁছেছিল, সেখানে  
কেউ ছিল না, ৬ কারণ সদাপ্রভু অরামীয়দের রথ, ঘোড়া ও বিশাল  
এক সৈন্যদলের শব্দ শুনিয়েছিলেন, তাই তারা নিজেদের মধ্যে  
বলাবলি করল, “দেখো, ইস্রায়েলের রাজা আমাদের আক্রমণ করার  
জন্য হিন্দীয় ও মিশরীয় রাজাদের ভাড়া করেছেন!” ৭ অতএব তারা  
গোধূলি বেলাতেই উঠে পালিয়ে গেল এবং তাদের তাঁবু, ঘোড়া ও  
গাঢ়াগুলি পরিত্যক্ত অবস্থায় ছেড়ে গেল। শিবির যে অবস্থায় ছিল,  
সেই অবস্থায় ফেলে রেখে, প্রাণ হাতে করে তারা দৌড় লাগাল। ৮  
কুষ্ঠরোগগ্রস্ত লোকগুলি শিবিরের ধারে পৌঁছে একটি তাঁবুতে চুকে  
ভোজনপান করল। পরে তারা রংপো, সোনা ও পোশাক-আশাক নিয়ে  
সেখান থেকে চলে গেল ও সেগুলি লুকিয়ে রেখেছিল। তারা ফিরে

এসে অন্য একটি তাঁবুতে চুকে সেখান থেকেও কিছু জিনিসপত্র নিয়ে  
সেগুলি লুকিয়ে রেখেছিল। ৭ পরে তারা নিজেদের মধ্যে বলাবলি  
করল, “আমরা যা করছি, তা তালো নয়। আজ সুখবরের একদিন  
আর আমরা তা নিজেদের মধ্যেই সীমাবদ্ধ করে রেখেছি। দিনের  
আলো ফোটা পর্যন্ত যদি আমরা অপেক্ষা করি, তবে শাস্তি আমাদের  
উপর নেমে আসবেই। তাই এক্ষুনি রাজপ্রাসাদে গিয়ে খবর দেওয়া  
যাক।” ১০ তাই তারা গিয়ে নগরের দারোয়ানদের খবর দিয়ে বলল,  
“আমরা অরামীয়দের সৈন্যশিবিরে গেলাম এবং সেখানে কেউ ছিল  
না—একজন লোকেরও শব্দ পাওয়া যায়নি—শুধু দড়ি দিয়ে বাঁধা  
ঘোড়া ও গাধার শব্দ শুনেছিলাম, এবং তাঁবুগুলি যে অবস্থায় ছিল, সেই  
অবস্থাতেই তারা ছেড়ে গিয়েছে।” ১১ দারোয়ানরা জোরে চিৎকার  
করে তাঁকে সেই খবরটি জানিয়েছিল, এবং প্রাসাদের ভিতরে খবর  
পৌঁছে গেল। ১২ রাজামশাই রাতেই উঠে তাঁর কর্মকর্তাদের বললেন,  
“অরামীয়রা আমাদের প্রতি কী করেছে, তা আমি তোমাদের বলছি।  
তারা জানে যে আমরা অনাহারে আছি; তাই এই ভেবে তারা শিবির  
ছেড়ে গ্রামঝংলে গিয়ে লুকিয়েছে, ‘তারা অবশ্যই বেরিয়ে আসবে,  
এবং পরে আমরা তাদের জ্যান্তি ধরব ও নগরের মধ্যে চুকে পড়ব।’”  
১৩ তাঁর কর্মকর্তাদের মধ্যে একজন উত্তর দিলেন, “নগরে যে কঠি  
ঘোড়া অবশিষ্ট আছে, সেগুলির মধ্যে পাঁচটি ঘোড়া কয়েকজন লোকের  
হাতে তুলে দেওয়া যাক। তাদের দুরাবস্থা এখানকার বাদবাকি সব  
ইত্রায়েলীর মতোই হবে—হ্যাঁ, তারা শুধু এইসব ইত্রায়েলীর মতোই  
হবে, যাদের সর্বনাশ হয়েই গিয়েছে। তাই কী হয়েছে তা জানার  
জন্য তাদের পাঠিয়ে দেওয়া যাক।” ১৪ অতএব তারা ঘোড়া সমেত  
দুটি রথ বেছে নিয়েছিলেন, এবং রাজামশাই অরামীয় সৈন্যদলের  
খোঁজে তাদের পাঠিয়ে দিলেন। তিনি সারথিদের আদেশ দিলেন,  
“যাও, গিয়ে খুঁজে বের করো, কী হয়েছে।” ১৫ জর্ডন নদী পর্যন্ত  
তারা অরামীয়দের অনুসরণ করল, এবং তারা খুঁজে পেয়েছিল যে  
অরামীয়রা তাড়াভংড়ে করে পালাতে গিয়ে যেসব পোশাক-আশাক ও  
যন্ত্রপাতি ফেলে দিয়েছিল, সেগুলি পথের সর্বত্র ছড়িয়ে-ছিটিয়ে পড়ে

আছে। অতএব দুর্তেরা ফিরে এসে রাজামশাইকে খবর দিয়েছিল।

16 তখন লোকেরা বাইরে গিয়ে অরামীয়দের সৈন্যশিবিরে লুঠতরাজ চালিয়েছিল। তাই সদাপ্রভুর বলা কথানুসারে এক পসুরি মিহি ময়দা এক শেকলে, এবং দুই পসুরি যব এক শেকলে বিক্রি হল। 17 ইত্যবসরে রাজামশাই যে কর্মকর্তার হাতে তর দিয়ে দাঁড়াতেন, তাঁকেই সিংহদুয়ার সামলানোর দায়িত্ব দিলেন, এবং লোকজন সিংহদুয়ারেই সেই কর্মকর্তাকে পায়ের তলায় পিষে দিয়েছিল, ও তিনি মারা গেলেন, ঠিক যেমনটি রাজামশাই যখন ঈশ্বরের লোকের বাড়িতে গেলেন, তখন ঈশ্বরের লোক তাঁকে আগাম বলে দিলেন। 18 রাজামশাইকে বলা ঈশ্বরের লোকের কথানুসারে ঘটনাটি ঘটেছিল: “আগামীকাল মোটামুটি এই সময়ে শমরিয়ার সিংহদুয়ারে এক পসুরি মিহি ময়দা এক শেকলে এবং দুই পসুরি যব এক শেকলে বিক্রি হবে।” 19 সেই কর্মকর্তা ঈশ্বরের লোককে বললেন, “দেখুন, সদাপ্রভু যদি আকাশের রংদূরার খুলেও দেন, তাও কি এরকম হতে পারে?” ঈশ্বরের লোক উত্তর দিলেন, “আপনি নিজের চোখেই তা দেখবেন, কিন্তু আপনি তার কিছুই খেতে পারবেন না!” 20 আর তাঁর দশা ঠিক সেরকমই হল, কারণ লোকজন তাঁকে সিংহদুয়ারেই পায়ের তলায় পিষে দিয়েছিল, এবং তিনি মারা গেলেন।

৪ ইত্যবসরে যাঁর ছেলের প্রাণ ইলীশায় ফিরিয়ে দিলেন, সেই মহিলাটিকে তিনি বললেন, “তোমার পরিবার সাথে নিয়ে তুমি কিছু সময়ের জন্য যেখানেই হোক, গিয়ে থাকো, কারণ সদাপ্রভুর বিধানমতে এই দেশে এক দুর্ভিক্ষ আসতে চলেছে, যা সাত বছর স্থায়ী হবে।” 2 সেই মহিলাটি ঈশ্বরের লোকের কথানুসারে কাজ করার জন্য অগ্রসর হলেন। তিনি ও তাঁর পরিবার ফিলিস্তিনীদের দেশে গিয়ে সাত বছর কাটিয়েছিলেন। ৩ সাত বছর পার হওয়ার পর তিনি ফিলিস্তিনীদের দেশ থেকে ফিরে এলেন এবং তাঁর বাড়ি ও জমি ফেরত পাওয়ার জন্য রাজার কাছে আবেদন জানাতে গেলেন। ৪ রাজামশাই ঈশ্বরের লোকের দাস গেহসির সাথে কথা বলছিলেন, এবং তিনি বললেন, ‘ইলীশায় যেসব বড়ো বড়ো কাজ করেছেন সে বিষয়ে আমায় কিছু

বলো।” 5 ঠিক যে মুহূর্তে গোহসি রাজাকে বলছিল, কীভাবে ইলীশায় মৃত মানুষকে প্রাণ ফিরিয়ে দিয়েছেন, সেই মুহূর্তে, সেই মহিলাটি তাঁর বাড়ি-জমি ফেরত পাওয়ার জন্য রাজার কাছে আবেদন জানাতে এলেন, যাঁর ছেলের প্রাণ ইলীশায় ফিরিয়ে দিলেন। গোহসি বলল, “হে আমার প্রভু মহারাজ, এই সেই মহিলা, আর এই তাঁর সেই ছেলে, যার প্রাণ ইলীশায় ফিরিয়ে দিলেন।” 6 রাজামশাই মহিলাটিকে সে বিষয়ে জিজ্ঞাসা করলেন, এবং তিনি তাঁকে সব কথা বলে শুনিয়েছিলেন।  
পরে তিনি মহিলার ব্যাপারটি দেখার দায়িত্ব একজন কর্মকর্তার হাতে তুলে দিয়ে তাঁকে বললেন, “এই মহিলাটির কাছে যা যা ছিল, সব তাকে ফিরিয়ে দাও, এবং যেদিন সে এই দেশ ছেড়ে গেল, সেদিন থেকে শুরু করে আজ পর্যন্ত তার জমি থেকে যা কিছু আয় হয়েছে, সেসবও তাকে ফিরিয়ে দাও।” 7 ইলীশায় দামাক্ষাসে গেলেন, এবং অরামের রাজা বিন্হদ তখন অসুস্থ ছিলেন। রাজাকে যখন বলা হল, “ঈশ্বরের লোক এখানে এত দূর পর্যন্ত এসেছেন,” 8 তিনি হসায়েলকে বললেন, “হাতে একটি উপহার নিয়ে তুমি ঈশ্বরের লোকের সাথে দেখা করতে দেখা করতে যাও। তাঁর মাধ্যমে সদাপ্রভুর কাছে পরামর্শ চেয়ে নিয়ো; তাঁকে জিজ্ঞাসা কোরো, ‘আমি কি এই রোগ থেকে সুস্থ হব?’” 9 হসায়েল সাথে করে চল্লিশটি উটের পিঠে চাপিয়ে দামাক্ষাসের ভালো ভালো পণ্যসামগ্ৰীসমূহ উপহার নিয়ে ইলীশায়ের সাথে দেখা করতে গেলেন। তিনি ভিতরে চুকে ইলীশায়ের সামনে দাঁড়িয়ে বললেন, “আপনার ছেলে অরামের রাজা বিন্হদ আমাকে এই প্রশ্ন করতে পার্থিয়েছেন, ‘আমি কি এই রোগ থেকে সুস্থ হব?’” 10 ইলীশায় উত্তর দিলেন, “তাঁকে গিয়ে বলুন, ‘আপনি অবশ্যই সুস্থ হবেন।’ তা সত্ত্বেও, সদাপ্রভু আমার কাছে প্রকাশ করে দিয়েছেন যে আসলে তিনি মারা যাবেন।” 11 হসায়েল অপ্রস্তুতে না পড়ি পর্যন্ত ইলীশায় একদৃষ্টিতে তাঁর দিকে তাকিয়েছিলেন। পরে ঈশ্বরের লোক কাঁদতে শুরু করলেন।  
12 “আমার প্রভু কাঁদছেন কেন?” হসায়েল জিজ্ঞাসা করলেন। “যেহেতু আমি জানি আপনি ইস্রায়েলীদের কত ক্ষতি করবেন,” তিনি উত্তর দিলেন। “আপনি তাদের সুরক্ষিত স্থানগুলিতে আগুন ধরিয়ে দেবেন,

তরোয়ালের যন্ত্রণায় তাদের যুবক ছেলেদের হত্যা করবেন, তাদের ছোটো ছোটো শিশুদের মাটিতে আছড়ে ফেলে দেবেন, এবং তাদের অন্তঃসত্ত্ব মহিলাদের টান মেরে চিরে ফেলবেন।” 13 হসায়েল বললেন, “আপনার এই দাস, যে কি না এক কুকুরমাত্র, সে কীভাবে এই কৃতিত্ব দেখাবে?” “সদাপ্রভু আমায় দেখিয়ে দিয়েছেন যে আপনি অরামের রাজা হবেন,” ইলীশায় উত্তর দিলেন। 14 তখন হসায়েল ইলীশায়কে ছেড়ে তাঁর মনিবের কাছে ফিরে গেলেন। বিন্হদন যখন তাঁকে জিজ্ঞাসা করলেন, “ইলীশায় তোমাকে কী বলেছেন?” হসায়েল উত্তর দিলেন, “তিনি আমায় বলেছেন, আপনি অবশ্যই সুস্থ হয়ে যাবেন।” 15 কিন্তু তার পরের দিন তিনি মোটা একটি কাপড় জলে ভিজিয়ে নিয়ে রাজার মুখে সেটি এমনভাবে চেপে ধরেছিলেন যে রাজা মারা গেলেন। পরে রাজারপে হসায়েল তাঁর স্থলাভিষিক্ত হলেন। 16 আহাবের ছেলে ইস্রায়েলের রাজা যোরামের রাজত্বের পঞ্চম বছরে যিহোশাফট যখন যিহুদার রাজা ছিলেন, তখনই যিহোশাফটের ছেলে যিহোরাম যিহুদার রাজারপে রাজত্ব করতে শুরু করলেন। 17 বত্রিশ বছর বয়সে তিনি রাজা হলেন, এবং আট বছর তিনি জেরশালেমে রাজত্ব করলেন। 18 আহাবের বংশের মতো তিনি ও ইস্রায়েলের রাজাদের পথেই চলেছিলেন, কারণ তিনি আহাবের এক মেয়েকে বিয়ে করলেন। সদাপ্রভুর দৃষ্টিতে যা মন্দ, তিনি তাই করলেন। 19 তা সত্ত্বেও, সদাপ্রভু তাঁর দাস দাউদের খাতিরে যিহুদাকে ধ্বংস করতে চাননি। দাউদ ও তাঁর বংশধরদের জন্য এক প্রদীপ জ্বালিয়ে রাখার প্রতিজ্ঞা তিনি করলেন। 20 যিহোরামের রাজত্বকালে, ইদোমীয়েরা যিহুদার বিরুদ্ধে বিদ্রোহ করে বসেছিল ও নিজেদের জন্য একজন রাজা ঠিক করে নিয়েছিল। 21 তাই যিহোরাম তাঁর সব রথ নিয়ে সামীরে গেলেন। ইদোমীয়রা তাঁকে ও তাঁর রথগুলির দায়িত্বে থাকা সেনাপতিদের ঘরে ধরেছিল, কিন্তু তিনি রাতের অন্ধকারে উঠে শক্রপঞ্চের ব্যুহভেদ করে চলে গেলেন; অবশ্য তাঁর সৈন্যদল ঘরে পালিয়ে গেল। 22 আজও পর্যন্ত ইদোম যিহুদার বিরুদ্ধে বিদ্রোহী হয়েই আছে। সেই একই সময়ে লিব্নাও বিদ্রোহ করে বসেছিল।

23 যিহোরামের রাজত্বকালের অন্যান্য সব ঘটনা, আর তিনি যা যা  
করলেন, তার বিবরণ কি যিহুদার রাজাদের ইতিহাস-গ্রন্থে লেখা  
নেই? 24 যিহোরাম তাঁর পূর্বপুরুষদের সাথে চিরবিশ্রামে শায়িত  
হলেন এবং তাদেরই সাথে তাঁকে দাউদ-নগরে কবর দেওয়া হল।  
তাঁর ছেলে অহসিয় রাজারপে তাঁর স্ত্রাভিষিক্ত হলেন। 25 আহাবের  
ছেলে ইস্রায়েলের রাজা যোরামের রাজত্বের দ্বাদশ বছরে যিহুদার রাজা  
যিহোরামের ছেলে অহসিয় রাজত্ব করতে শুরু করলেন। 26 অহসিয়  
বাইশ বছর বয়সে রাজা হলেন, এবং জেরুশালামে তিনি এক বছর  
রাজত্ব করলেন। তাঁর মাঝের নাম অথলিয়া। তিনি ইস্রায়েলের রাজা  
অভির নাতনি ছিলেন। 27 অহসিয় আহাব কুলের পথেই চলেছিলেন  
এবং আহাব কুলের মতো তিনিও সদাপ্রভুর দৃষ্টিতে যা যা মন্দ, তাই  
করলেন, কারণ বিয়ের সূত্র ধরে তিনি আহাব কুলের সাথে আত্মীয়তার  
সম্পর্কে বাঁধা পড়েছিলেন। 28 আহাবের ছেলে যোরামের সাথে মিলে  
অহসিয় রামোৎ-গিলিয়দে অরামের রাজা হসায়েলের বিরুদ্ধে যুদ্ধ  
করতে গেলেন। অরামীয়রা যোরামকে ক্ষতিবিক্ষত করল; 29 তাই  
অরামের রাজা হসায়েলের সাথে যুদ্ধ করার সময় রামোৎ-এ অরামীয়রা  
রাজা যোরামকে যে আঘাত দিয়েছিল, সেই যন্ত্রণা থেকে সুস্থ হওয়ার  
জন্য তিনি যিষ্ঠিয়েলে ফিরে গেলেন। পরে যিহোরামের ছেলে যিহুদার  
রাজা অহসিয় আহাবের ছেলে যোরামকে দেখতে যিষ্ঠিয়েলে নেমে  
গেলেন, কারণ তিনি আহত অবস্থায় পড়েছিলেন।

**9** ভাববাদী ইলীশায় ভাববাদী সম্প্রদায়ের মধ্যে থেকে একজন  
লোককে ডেকে বললেন, “তোমার কোমরবক্ষে তোমার আলখাল্লাটি  
গুঁজে নাও, তোমার সাথে এই এক বোতল জলপাই তেল নাও ও  
রামোৎ-গিলিয়দে চলে যাও। 2 সেখানে পৌঁছে, নিমশির নাতি, তথা  
যিহোশাফটের ছেলে যেহুর খোঁজ করো। তাঁর কাছে গিয়ে তাঁকে তাঁর  
সঙ্গীসাথীদের কাছ থেকে একটু দূরে সরিয়ে ভিতরের একটি ঘরে  
নিয়ে যেয়ো। 3 পরে সেই বোতলের তেলটুকু তাঁর মাথায় ঢেলে দিয়ে  
ঘোষণা কোরো, ‘সদাপ্রভু একথাই বলেন: আমি তোমাকে ইস্রায়েলের  
উপরে রাজপদে অভিষিক্ত করছি।’ পরে দরজা খুলে দৌড়ে বেরিয়ে

যেয়ো; দেরি কোরো না!” 4 অতএব সেই অল্পবয়ক্ষ ভাববাদী রামোৎ-  
গিলিয়দে গেলেন। 5 সেখানে পৌঁছে তিনি দেখতে পেয়েছিলেন  
সেনা-কর্মকর্তারা একসাথে বসে আছেন। “হে সেনাপতি, আপনার  
জন্য আমি একটি খবর নিয়ে এসেছি,” তিনি বললেন। “আমাদের  
মধ্যে কার জন্য?” যেহু জিজ্ঞাসা করলেন। “হে সেনাপতি, আপনার  
জন্যই,” তিনি উত্তর দিলেন। 6 যেহু উঠে বাড়ির ভিতরে চলে গেলেন।  
তখন সেই ভাববাদী যেহুর মাথায় সেই তেল টেলে দিয়ে ঘোষণা  
করলেন, “ইস্রায়েলের ঈশ্বর সদাপ্রভু একথাই বলেন: ‘সদাপ্রভুর প্রজা  
ইস্রায়েলের উপর আমি তোমাকে রাজপদে অভিষিক্ত করছি। 7 তুমি  
তোমার মনিব আহাবের কুল ধ্বংস করবে, এবং ঈষেবল আমার দাস  
সেই ভাববাদীদের ও সদাপ্রভুর সব দাসের যে রক্তপাত করল, আমি  
তার প্রতিশোধ নেব। 8 আহাবের কুলে সবাই মারা যাবে। আমি  
ইস্রায়েলে আহাবের কুলে শেষ পুরুষ পর্যন্ত, এক একজনকে শেষ করে  
ফেলব—তা সে ক্রীতদাসই হোক কি স্বাধীন। 9 আমি আহাবের কুলকে  
নবাটের ছেলে যারবিয়ামের কুলের এবং অহিয়র ছেলে বাশার কুলের  
মতো করে ফেলব। 10 আর ঈষেবলকে যিত্তিয়েলের জমিতে কুকুরেরা  
চিঁড়ে খাবে, ও কেউ তাকে কবরও দেবে না।” এই বলে তিনি দরজা  
খুলে দৌড়ে চলে গেলেন। 11 যেহু যখন তাঁর সঙ্গীসাথীদের কাছে ফিরে  
গেলেন, তাদের মধ্যে একজন তাঁকে জিজ্ঞাসা করলেন, “সবকিছু ঠিক  
আছে তো? ওই উন্নাদটি কেন তোমার কাছে এসেছিল?” “আরে,  
তোমরা তো ওকে আর কী ধরনের কথা বলে, তাও জান,” যেহু  
উত্তর দিলেন। 12 “একথা সত্যি নয়!” তারা বললেন। “আমাদের বলে  
ফেলো।” যেহু বললেন, “সে আমাকে বলে গেল: ‘সদাপ্রভু একথাই  
বলেন: ইস্রায়েলের উপর আমি তোমাকে রাজপদে অভিষিক্ত করছি।’”  
13 তারা তাড়াতাড়ি নিজেদের আলখাল্লাগুলি খুলে নিয়ে সেগুলি তাঁর  
পায়ের নিচে খোলা সিঁড়ির উপর বিছিয়ে দিলেন। পরে শিঙা বাজিয়ে  
তারা চিঢ়কার করে উঠেছিলেন, “যেহু রাজা হলেন!” 14 অতএব  
নিমশির নাতি, তথা যিহোশাফটের ছেলে যেহু যোরামের বিরুদ্ধে  
ষড়যন্ত্র করলেন। (ইত্যবসরে যোরাম ইস্রায়েলের সব লোকজনকে

সাথে নিয়ে অরামের রাজা হসায়েলের বিরুদ্ধে রুখে দাঁড়িয়ে রামোৎ-গিলিয়দ রক্ষা করছিলেন, 15 কিন্তু অরামের রাজা হসায়েলের সাথে যুদ্ধ চলাকালীন অরামীয়রা রাজা যোরামকে যে আঘাত দিয়েছিল, তা থেকে সুস্থ হয়ে ওঠার জন্য তিনি যিন্নিয়েলে ফিরে গেলেন) যেহু বললেন, “তোমরা যদি আমাকে রাজা করতে চাও, তবে দেখো, কেউ যেন নগর থেকে পালিয়ে যিন্নিয়েলে গিয়ে এই খবর দেওয়ার সুযোগ না পায়।” 16 এই বলে তিনি রথে চড়ে যিন্নিয়েলের দিকে চলে গেলেন, কারণ যোরাম সেখানে বিশ্বাম নিছিলেন ও যিহুদার রাজা অহসিয় তাঁর সাথে দেখা করতে গেলেন। 17 যিন্নিয়েলের মিনারে দাঁড়িয়ে থাকা পাহারাদার যখন যেহুর সৈন্যদলকে আসতে দেখেছিল, সে চিৎকার করে বলে উঠেছিল, “আমি একদল সৈন্য আসতে দেখছি।” “একজন অশ্বারোহী পাঠাও,” যোরাম আদেশ দিলেন। “সে গিয়ে তাদের সাথে দেখা করে জিজ্ঞাসা করুক, ‘তোমরা শান্তিতে এসেছ তো?’” 18 সেই অশ্বারোহী সৈনিক গিয়ে যেহুর সাথে দেখা করে বলল, “রাজামশাই একথাই বলেছেন: ‘আপনারা শান্তিতেই এসেছেন তো?’” “শান্তির ব্যাপারে তোমার খোঁজ নেওয়ার কী দরকার?” যেহু উত্তর দিলেন। “আমার পিছনে এসে দাঁড়াও।” পাহারাদার খবর দিয়েছিল, “সেই দূর তাদের কাছে পৌঁছে গিয়েছে, কিন্তু সে ফিরে আসছে না।” 19 তাই রাজামশাই দ্বিতীয় এক অশ্বারোহীকে পাঠালেন। সে তাদের কাছে এসে বলল, “রাজামশাই একথাই বলেছেন: ‘আপনারা শান্তিতেই এসেছেন তো?’” যেহু উত্তর দিলেন, “শান্তির ব্যাপারে তোমার খোঁজ নেওয়ার কী দরকার? তুমি আমার পিছনে এসে দাঁড়াও।” 20 পাহারাদার খবর দিয়েছিল, “সে তাদের কাছে পৌঁছে গিয়েছে, কিন্তু সে ফিরে আসছে না। রথ চালানো দেখে মনে হচ্ছে সে হয়তো নিমশির সন্তান যেহু—কারণ সে উন্মাদের মতো রথ চালায়।” 21 “আমার রথটি হ্যাঁচকা টান মেরে তোলো,” যোরাম আদেশ দিলেন। আর যখন রথটি হ্যাঁচকা টান মেরে তোলা হল, ইস্রায়েলের রাজা যোরাম ও যিহুদার রাজা অহসিয় নিজের নিজের রথে চড়ে যেহুর সাথে দেখা করতে বের হয়ে গেলেন। যিন্নিয়েলীয় নাবোতের অধিকারভুক্ত জমিতেই যেহুর সাথে

তাদের দেখা হল। 22 যেহুকে দেখতে পেয়ে যোরাম তাঁকে জিজ্ঞাসা করলেন, “যেহু, তুমি কি শান্তিতে এসেছ?” “শান্তি থাকবে কী করে,” যেহু উভর দিলেন, “যতদিন আপনার মা ঈষেবলের প্রতিমাপুঁজো ও ডাইনিবিদ্যা দেশে উপচে পড়ছে?” 23 যোরাম উল্টোদিকে ফিরে পালিয়ে যেতে যেতে অহসিয়কে বলে যাচ্ছিলেন, “অহসিয়, এ যে বিশ্বাসঘাতকতা!” 24 তখন যেহু তাঁর ধনুকে টান দিয়ে যোরামের কাঁধের মাঝামাঝি স্থানে তির ছুঁড়ে মেরেছিলেন। তিরটি তাঁর হন্দপিণ্ডে গিয়ে বিঁধেছিল ও তিনি ধপ করে তাঁর রথে বসে পড়েছিলেন। 25 যেহু তাঁর রথের দায়িত্বপ্রাপ্ত কর্মকর্তা বিদকরকে বললেন, “ওকে তুলে নিয়ে এসে যিষ্ঠিয়েলীয় নাবোতের জমিতে ছুঁড়ে ফেলে দাও। মনে করে দেখো, তুমি-আমি যখন ওর বাবা আহাবের পিছু পিছু রথে চড়ে যাচ্ছিলাম, তখন সদাপ্রভু আহাবের বিরুদ্ধে এই ভাববাণী করেছিলেন:

26 ‘সদাপ্রভু ঘোষণা করছেন, গতকাল আমি নাবোত ও তার ছেলেদের রক্তপাত হতে দেখেছি, এবং সদাপ্রভু ঘোষণা করছেন, আমি অবশ্যই এই জমির উপরেই তোমাকে এর দাম চোকাতে বাধ্য করব।’ তবে এখন, সদাপ্রভুর বাক্যানুসারে ওকে তুলে নিয়ে এসে সেই জমিতেই ছুঁড়ে ফেলে দাও।’ 27 যা ঘটেছিল, তা দেখে যিহুদার রাজা অহসিয় বেথ-হাগ্নের পথ ধরে পালিয়ে গেলেন। যেহু এই বলে চিৎকার করতে করতে তাঁর পিছু ধাওয়া করলেন, “ওকেও মেরে ফেলো!” যিব্লিয়মের কাছাকাছি অবস্থিত গুরে যাওয়ার পথে তারা রথের মধ্যেই তাঁকে আঘাত করল, কিন্তু তিনি মগিদোতে পালিয়ে গেলেন ও সেখানেই তাঁর মৃত্যু হল। 28 তাঁর দাসেরা রথে করে তাঁকে জেরুশালেমে নিয়ে এসেছিল এবং দাউদ-নগরে তাঁর পূর্বপুরুষদের সাথেই তাঁর কবরে তাঁকে কবর দিয়েছিল। 29 (আহাবের ছেলে যোরামের রাজত্বের একাদশ বছরে অহসিয় যিহুদার রাজা হলেন।) 30 পরে যেহু যিষ্ঠিয়েলে চলে গেলেন। ঈষেবল সেকথা শুনতে পেয়ে চোখে কাজল দিয়ে, পরিপাটি করে চুল বেঁধে জানালা দিয়ে বাইরে তাকিয়েছিল। 31 যেহু সিংহদুয়ার দিয়ে চুকতে না চুকতেই সে জিজ্ঞাসা করল, “ওরে সিমি, তোর মনিবের হত্যাকারী, তুই কি শান্তিতে এসেছিস?” 32

যেহু জানালার দিকে তাকিয়ে প্রশ্ন করলেন, “কে আমার পক্ষে আছে? কে আছে?” দু-তিনজন খোজা নিচে তাঁর দিকে তাকিয়েছিল। 33  
 “ওকে নিচে ফেলে দাও!” যেহু বললেন। অতএব তারা স্টেবলকে নিচে ফেলে দিয়েছিল, এবং কয়েকটি ঘোড়া যখন তাকে পা দিয়ে মাড়িয়ে দিয়েছিল, তখন দেয়ালে ও ঘোড়াদের গায়ে তার রক্তের ছিটে লাগল। 34 যেহু ভিতরে গিয়ে ভোজনপান করলেন। “অভিশাপগ্রস্ত ওই মহিলাটির কিছু ব্যবস্থা করো,” তিনি বললেন, “আর ওকে কবর দাও, কারণ ও এক রাজার মেয়ে ছিল।” 35 কিন্তু যখন তারা তাকে কবর দিতে গেল, তখন তারা তার মাথার খুলি, তার পা ও হাত ছাঢ়া আর কিছুই খুঁজে পায়নি। 36 তারা ফিরে গিয়ে যেহুকে সেকথা বলল, ও তিনি বললেন, “এ সদাপ্রভুর সেই কথা যা তিনি তাঁর দাস তিশবীয় এলিয়র মাধ্যমে বললেন: যিন্নিয়েলের জমিতে কুকুরেরা স্টেবলের মাংস ছিঁড়ে খাবে। 37 গোবরসারের মতো পড়ে থাকবে যে কেউ বলতেই পারবে না যে ‘এ হল স্টেবল।’”

**10** ইত্যবসরে শমরিয়ায় আহাব কুলের সত্তরজন ছেলে ছিল। তাই যেহু কয়েকটি চিঠি লিখে সেগুলি শমরিয়ায়: যিন্নিয়েলের কর্মকর্তাদের প্রাচীনদের ও যারা আহাবের সন্তানদের অভিভাবক ছিলেন, তাদের কাছে পাঠিয়ে দিলেন। তিনি বললেন, 2 “আপনাদের কাছে আপনাদের মনিবের ছেলেরা আছে, এবং রথ ও ঘোড়া, সুরক্ষিত নগর ও অস্ত্রশস্ত্রও আছে। এখন যেই না এই চিঠি আপনাদের কাছে পৌঁছাবে, 3 আপনাদের মনিবের ছেলেদের মধ্যে যে সেরা ও সবচেয়ে উপযুক্ত, তাকে তক্ষুনি তার বাবার সিংহাসনে বসিয়ে দেবেন। পরে আপনারা আপনাদের মনিবের কুলের হয়ে যুদ্ধ করুন।” 4 কিন্তু তারা ভয় পেয়ে বললেন, “দুজন রাজা যখন তাঁকে বাধা দিতে পারেননি, তখন আমরা কীভাবে তাঁকে বাধা দেব?” 5 তাই রাজপ্রাসাদের প্রশাসনিক কর্তা, নগরের শাসনকর্তা, প্রাচীনেরা ও অভিভাবকেরা যেহুকে এই খবর পাঠালেন: “আমরা আপনারই দাস এবং আপনি আমাদের যা যা বলবেন, আমরা তাই করব। আমরা কাউকে রাজা নিযুক্ত করব না; আপনার যা ভালো বলে মনে হয়, তাই করুন।” 6 পরে যেহু তাদের

কাছে দ্বিতীয় একটি চিঠি লিখে বললেন, “আপনারা যদি আমার পক্ষে  
আছেন ও আমার কথার বাধ্য হতে চান, তবে আপনাদের মনিবের  
ছেলেদের মুগ্গুগুলি নিয়ে আগামীকাল ঠিক এই সময়ে যিন্নিয়েলে আমার  
কাছে চলে আসুন।” ইত্যবসরে রাজপুত্রদের মধ্যে সন্তুষ্টি, নগরের  
সামনের সারির লোকদের সাথে ছিল ও তারাই তাদের দেখাশোনা  
করতেন। 7 সেই চিঠি সেখানে পৌছানোমাত্র তারা সেই রাজপুত্রদের  
ধরে সন্তুষ্ট জনকেই হত্যা করলেন। তারা তাদের মুগ্গুগুলি ঝুঁড়িতে ভরে  
যিন্নিয়েলে যেহুর কাছে পাঠিয়ে দিলেন। 8 একজন দৃত সেখানে পৌঁছে  
যেহুকে বলল, “রাজপুত্রদের মুগ্গুগুলি আনা হয়েছে।” তখন যেহু আদেশ  
দিলেন, “সকাল পর্যন্ত সেগুলি দুটি স্তুপে ভাগ করে নগরের সিংহদরজার  
মুখে সাজিয়ে রাখো।” 9 পরদিন সকালে যেহু উঠে বাইরে গেলেন।  
তিনি সব লোকজনের সামনে দাঁড়িয়ে বললেন, “তোমরা তো নির্দোষ।  
আমিই আমার মনিবের বিরুদ্ধে ঘড়্যন্ত করে তাঁকে মেরে ফেলেছিলাম,  
কিন্তু এদের কে হত্যা করেছে? 10 তাই জেনে রাখো, আহাব কুলের  
বিরুদ্ধে বলা সদাপ্রভুর একটি কথাও ব্যর্থ হবে না। সদাপ্রভু তাঁর দাস  
এলিয়র মাধ্যমে যা যা ঘোষণা করলেন, সব সেইমতোই করেছেন।”  
11 অতএব যিন্নিয়েলে আহাব কুলের অবশিষ্ট সকলকে, তথা তাঁর  
সব মুখ্য লোকজনকে, ঘনিষ্ঠ বন্ধুবান্ধব ও যাজকদের যেহু হত্যা  
করলেন, এবং তাঁর কোনও বংশধরকে ছাড় দেননি। 12 পরে যেহু  
বের হয়ে শমরিয়ার দিকে চলে গেলেন। রাখালদের গ্রাম বেথ-একদে  
13 তিনি যিহুদার রাজা অহসিয়ের কয়েকজন আত্মীয়স্বজনের দেখা  
পেয়ে তাদের জিজ্ঞাসা করলেন, “তোমরা কারা?” তারা বলল, “আমরা  
অহসিয়ের আত্মীয়স্বজন, এবং আমরা রাজার পরিবারের লোকজনকে  
ও রাজমাতাকে শুভেচ্ছা জানাতে এসেছি।” 14 “ওদের জ্যান্ত অবস্থায়  
ধরো!” যেহু আদেশ দিলেন। তাই তারা তাদের জ্যান্ত অবস্থায় ধরেই  
তাদের মধ্যে বিয়াল্লিশ জনকে বেথ-একদের কুয়োর পাশে মেরে  
ফেলেছিল। একজন বংশধরকেও তিনি অবশিষ্ট রাখেননি। 15 সেই  
স্থানটি ছেড়ে তিনি রেখবের ছেলে সেই যিহোনাদবের কাছে এলেন,  
যিনি তাঁর সাথে দেখা করতে আসছিলেন। যেহু তাঁকে শুভেচ্ছা জানিয়ে

বললেন, “আমি যেমন আপনার সাথে একমত্ত্যে আছি, আপনি ও  
কি আমার সাথে একমত্ত্যে আছেন?” “হ্যাঁ, আছি,” যিহোনাদব  
উত্তর দিলেন। “যদি তাই হয়,” যেহু বললেন, “তবে আপনার হাত  
বাড়িয়ে দিন।” তিনি তা করলেন, ও যেহু তাঁকে নিজের রথে উঠিয়ে  
নিয়েছিলেন। 16 যেহু বললেন, “আমার সাথে আসুন ও সদাপ্রভুর জন্য  
আমার যে উদ্দীপনা আছে তা দেখে যান।” এই বলে তিনি তাঁকে পাশে  
বসিয়ে রথে চড়ে এগিয়ে গেলেন। 17 শ্মরিয়ায় পৌঁছে যেহু আহাব  
কুলের অবশিষ্ট সবাইকে হত্যা করলেন; এলিয়াকে সদাপ্রভু যা বললেন,  
সেই কথানুসারে তিনি তাদের শেষ করে ফেলেছিলেন। 18 পরে  
যেহু সব লোকজনকে একত্র করে তাদের বললেন, “আহাব বায়ালের  
সেবা অল্পই করলেন; যেহু তার সেবা বেশ ভালোমতোই করবে। 19  
এখন তোমরা বায়ালের সব ভাববাদীকে, তার সব সেবককে ও সব  
যাজককে ডেকে আনো। দেখো যেন কেউ বাদ পড়ে না যায়, কারণ  
আমি বায়ালের জন্য বেশ বড়সড় এক যজ্ঞের ব্যবস্থা করতে চলেছি।  
যে কেউ অনুপস্থিত থাকবে, সে আর বাঁচবে না।” কিন্তু বায়ালের  
সেবকদের শেষ করে ফেলার জন্যই আসলে যেহু ছল করে অভিনয়  
করছিলেন। 20 যেহু বললেন, “বায়ালের সম্মানে এক সভা আহ্বান  
করো।” তাই তারা সভা আহ্বান করল। 21 পরে তারা ইস্রায়েলে  
সর্বত্র যেহুর এই খবর পাঠিয়ে দিয়েছিল, এবং বায়ালের সব সেবক  
চলে এসেছিল; একজনও অনুপস্থিত থাকেনি। যতক্ষণ না বায়ালের  
মন্দিরের এক প্রান্ত থেকে অন্য প্রান্ত পর্যন্ত ভরে উঠেছিল, তারা ভিড়  
জমিয়েই যাচ্ছিল। 22 যেহু রাজপ্রাসাদের পোশাক বিভাগের রক্ষীকে  
বললেন, “বায়ালের সব সেবকের জন্য পোশাক নিয়ে এসো।” তাই সে  
তাদের জন্য পোশাক বের করে এনেছিল। 23 পরে যেহু ও রেখবের  
ছেলে যিহোনাদব বায়ালের মন্দিরে গেলেন। যেহু বায়ালের সেবকদের  
বললেন, “ভালো করে দেখে নাও, যেন এখানে তোমাদের সাথে  
এমন কোনও লোক না থাকে যে সদাপ্রভুর সেবা করে—শুধু বায়ালের  
সেবকরাই যেন থাকে।” 24 অতএব তারা বলিদান ও হোমবলি উৎসর্গ  
করার জন্য ভিতরে গেলেন। ইত্যবসরে যেহু মন্দিরের বাইরে আশি

জন লোককে মোতায়েন করে এই বলে তাদের সতর্ক করে দিলেন:

“আমি যাদের ভার তোমাদের হাতে তুলে দিয়েছি, যদি তোমাদের  
মধ্যে কেউ এদের একজনকেও পালিয়ে যেতে দাও, তবে সেই  
পালিয়ে যাওয়া লোকের প্রাণের বদলে তারই প্রাণ যাবে।” 25 যেহু  
হোমবলি উৎসর্গ করার পরই রক্ষী ও কর্মকর্তাদের আদেশ দিলেন:

“ভিতরে গিয়ে ওদের হত্যা করো; কেউ যেন পালাতে না পারে।”

অতএব তারা তরোয়াল দিয়ে তাদের কেটে ফেলেছিল। সেই রক্ষী ও  
কর্মকর্তারা তাদের দেহগুলি বাইরে ছুঁড়ে ফেলে দিয়েছিল এবং পরে  
বায়ালের মন্দিরে দেবতার অভ্যন্তরীণ পীঠস্থানে চুকে পড়েছিল। 26  
তারা সেই পবিত্র পাথরটিকে বায়ালের মন্দিরের বাইরে বের করে  
সেটি পুড়িয়ে দিয়েছিল। 27 তারা বায়ালের পবিত্র পাথরটিকে ভেঙে  
গুঁড়িয়ে দিয়েছিল ও বায়ালের মন্দিরটিও ছিন্নভিন্ন করে ফেলেছিল,  
এবং লোকেরা সেই স্থানটি আজও পর্যন্ত এক শৌচাগাররূপেই ব্যবহার  
করে চলেছে। 28 অতএব যেহু ইস্রায়েলে বায়ালের পুজো বন্ধ করে  
দিলেন। 29 অবশ্য তিনি নবাটের ছেলে যারবিয়ামের সেইসব পাপ  
থেকে ফিরে আসতে পারেননি, ইস্রায়েলকে দিয়ে যারবিয়াম যেসব  
পাপ করিয়েছিলেন—অর্থাৎ, বেথেল ও দানে তিনি সোনার বাছুরের  
পুজো করলেন। 30 সদাপ্রভু যেহুকে বললেন, “যেহেতু আমার দৃষ্টিতে  
যা উপযুক্ত তা করে তুমি ভালোই করেছ, এবং মনে মনে আমি যা  
করতে চেয়েছিলাম, আহাবের কুলের প্রতি তুমি সেসব করে দিয়েছ,  
তাই তোমার বংশধররা চার পুরুষ পর্যন্ত ইস্রায়েলের সিংহাসনে  
বসবে।” 31 তবুও যেহু মনপ্রাণ দিয়ে ইস্রায়েলের সঁশ্বর সদাপ্রভুর  
বিধান পালনের ক্ষেত্রে মনোযোগী হননি। যারবিয়াম ইস্রায়েলকে দিয়ে  
যে পাপ করিয়েছিলেন, তিনি সেই পাপগুলি থেকে ফিরে আসেননি।

32 সেই সময় থেকেই সদাপ্রভু ইস্রায়েলের মাপ ছোটো করতে শুরু  
করলেন। ইস্রায়েলী এলাকার এক প্রান্ত থেকে অন্য প্রান্ত পর্যন্ত হসায়েল  
তাদের দমন করে রেখেছিলেন— 33 জর্ডন নদীর পূর্বপারে গিলিয়দের  
সব এলাকায় (গাদ, রুবেণ ও মনঃশির অধিকারভুক্ত অঞ্চলে), অর্গোন  
গিরিখাতের পাশে অবস্থিত অরোয়ের থেকে শুরু করে গিলিয়দ হয়ে

বাশন পর্যন্ত সর্বত্র। 34 যেহুর রাজত্বকালের অন্যান্য সব ঘটনা, তিনি যা যা করলেন, তাঁর সব কীর্তি, সেসবের বিবরণ কি ইত্তায়েলের রাজাদের ইতিহাস-গ্রন্থে লেখা নেই? 35 যেহু তাঁর পূর্বপুরুষদের সাথে চিরবিশ্বামৈ শায়িত হলেন ও শমরিয়ায় তাঁকে কবর দেওয়া হল। তাঁর ছেলে যিহোয়াহস রাজারপে তাঁর স্তলাভিষিক্ত হলেন। 36 আটাশ বছর শমরিয়ায় যেহু ইত্তায়েলের উপর রাজত্ব করলেন।

**11** অহসিয়ের মা অথলিয়া যখন দেখেছিলেন তাঁর ছেলে মারা গিয়েছেন, তখন তিনি গোটা রাজপরিবার ধ্বংস করে দিতে প্রবৃত্ত হলেন। 2 কিন্তু রাজা যিহোরামের মেয়ে ও অহসিয়ের বোন যিহোশেবা অহসিয়ের ছেলে যোয়াশকে সেই রাজপুত্রদের মধ্যে থেকে চুরি করে এনেছিলেন, যাদের অথলিয়া হত্যা করতে যাচ্ছিলেন। তিনি যোয়াশকে অথলিয়ার হাত থেকে বাঁচানোর জন্য তাকে ও তার ধাত্রীকে শোবার ঘরে লুকিয়ে রেখেছিলেন; তাই তাকে হত্যা করা যায়নি। 3 একদিকে যখন তাকে ও তার ধাত্রীকে সদাপ্রভুর মন্দিরে ছয় বছর লুকিয়ে রাখা হল, অন্যদিকে অথলিয়া দেশ শাসন করে যাচ্ছিলেন। 4 সপ্তম বছরে যিহোয়াদা শত-সেনাপতিদের, এবং করেয় ও রক্ষীদলের সেনাপতিদের সদাপ্রভুর মন্দিরে নিজের কাছে ডেকে পাঠালেন। তাদের সাথে তিনি একটি চুক্তি করলেন ও সদাপ্রভুর মন্দিরে তাদের দিয়ে একটি শপথ করিয়ে নিয়েছিলেন। পরে তিনি তাদের সেই রাজপুত্রকে দেখতে দিলেন। 5 তিনি এই বলে তাদের আদেশ দিলেন, “তোমাদের এরকম করতে হবে: তোমরা যারা তিনটি দলে বিভক্ত হয়ে সাক্ষাত্বারে কাজে যোগ দিতে যাচ্ছ—তোমাদের মধ্যে এক-তৃতীয়াংশ রাজপ্রাসাদ পাহারা দেবে, 6 এক-তৃতীয়াংশ থাকবে সূর-দুয়ারে, এবং এক-তৃতীয়াংশ থাকবে সেই রক্ষীর পিছন দিকের দুয়ারে, যে মন্দির পাহারা দেওয়ার জন্য ঘূরতে থাকে— 7 আর তোমরা, যারা অন্য দুটি দলে আছ, যারা সাক্ষাত্বারে সাধারণত কাজ করো না, তোমরা সবাই রাজার জন্য মন্দির পাহারা দিয়ো। 8 তোমরা প্রত্যেকে হাতে অন্তর্শন্ত্র নিয়ে রাজাকে ঘিরে রেখো। যে কেউ তোমাদের সৈন্যশ্রেণীর কাছাকাছি আসবে, তাকে মেরে ফেলতে হবে।

রাজা যেখানেই যাবেন, তোমরা তাঁর কাছাকাছি থেকো।” ৭ শত-  
সেনাপতিরা হবহু যাজক যিহোয়াদার আদেশানুসারেই কাজ করল।  
প্রত্যেকে তাদের লোকজন নিয়ে—যারা সাবাথবারে কাজ করত ও  
যারা সাবাথবারে কাজ করা থেকে বিরত থাকত, সবাই—যাজক  
যিহোয়াদার কাছে এসেছিল। ১০ পরে তিনি শত-সেনাপতিদের হাতে  
সেইসব বর্ষা ও চালগুলি তুলে দিলেন, যেগুলি ছিল রাজা দাউদের এবং  
সদাপ্রভুর মন্দিরে রাখা ছিল। ১১ যজ্ঞবেদি ও মন্দিরের কাছে, রক্ষীরা  
প্রত্যেকে হাতে অস্ত্রশস্ত্র নিয়ে, মন্দিরের দক্ষিণ দিক থেকে শুরু করে  
উত্তর দিক পর্যন্ত রাজাকে ঘিরে রেখেছিল। ১২ যিহোয়াদা রাজপুত্রকে  
বাইরে বের করে এনে তাঁর মাথায় রাজমুকুট পরিয়ে দিলেন; তিনি  
রাজপুত্রকে পবিত্র নিয়ম-সমৃদ্ধ একটি অনুলিপি উপহার দিয়ে তাঁকে  
রাজা ঘোষণা করে দিলেন। তারা তাঁকে অভিষিক্ত করল, ও প্রজারা  
হাততালি দিয়ে চিৎকার করে বলে উঠেছিল, “রাজা দীর্ঘজীবী হোন!”  
১৩ রক্ষী ও প্রজাদের সেই চিৎকার শুনে অথলিয়া সদাপ্রভুর মন্দিরে  
প্রজাদের কাছে গেলেন। ১৪ তিনি তাকিয়ে দেখেছিলেন, প্রথানুসারে  
রাজা থামের পাশে দাঁড়িয়ে আছেন। কর্মকর্তা ও শিঙাবাদকেরা রাজার  
পিছনে দাঁড়িয়েছিল, ও দেশের প্রজারা সবাই আনন্দ করতে করতে  
শিঙা বাজাচিল। তখন অথলিয়া তাঁর রাজবন্ধু ছিঁড়ে বলে উঠেছিলেন,  
“রাজদোহ! রাজদোহ!” ১৫ সৈন্যদলের দায়িত্বপ্রাপ্ত শত-সেনাপতিদের  
যাজক যিহোয়াদা আদেশ দিলেন: “সৈন্যশ্রেণীর মাঝখান দিয়ে তাঁকে  
বের করে আনো এবং যে কেউ তাঁর অনুগামী, তাকে তরোয়ালের  
আঘাতে তাকে হত্যা করো।” কারণ যাজকমশাই বললেন, “সদাপ্রভুর  
মন্দিরের মধ্যে তাঁকে হত্যা করা ঠিক হবে না।” ১৬ তাই তারা তাঁকে  
গ্রেপ্তার করে সেই স্থানে নিয়ে গেল, যেখান থেকে ঘোড়াগুলি প্রাসাদ-  
সংলগ্ন মাঠে প্রবেশ করে, এবং সেখানেই তাঁকে হত্যা করা হল। ১৭  
যিহোয়াদা পরে এই বলে সদাপ্রভু এবং রাজা ও প্রজাদের মধ্যে এক  
পবিত্র নিয়ম স্থাপন করে দিলেন, যে তারা সদাপ্রভুর প্রজা হয়েই  
থাকবে। এছাড়াও তিনি রাজা ও প্রজাদের মধ্যেও এক পবিত্র নিয়ম  
স্থাপন করে দিলেন। ১৮ দেশের প্রজারা সবাই বায়ালের মন্দিরে

গিয়ে সেটি ভেঙে ফেলেছিল। তারা যজ্ঞবেদি ও প্রতিমার মূর্তিগুলি ও  
ভেঙে টুকরো টুকরো করে দিয়েছিল এবং বায়ালের যাজক মন্দিরকে  
যজ্ঞবেদির সামনেই হত্যা করল। পরে যাজক যিহোয়াদা সদাপ্রভুর  
মন্দিরে পাহারাদার বসিয়ে দিলেন। 19 তিনি শত-সেনাপতি, করেয়,  
রক্ষীদল ও দেশের সব প্রজাকে সাথে নিয়ে রাজাকে সদাপ্রভুর মন্দির  
থেকে বের করে এনে রক্ষীদলের দুয়ার দিয়ে রাজপ্রাসাদে নিয়ে  
গেলেন। রাজা পরে রাজসিংহসনে বিরাজমান হলেন। 20 দেশের  
প্রজারা সবাই আনন্দ করল, ও নগরে শান্তি বিরাজিত হল, যেহেতু  
প্রাসাদে অথলিয়াকে তরোয়াল দিয়ে মেরে ফেলা হল। 21 যোয়াশ  
খন রাজত্ব করতে শুরু করলেন, তখন তাঁর বয়স সাত বছর।

**12** যেহুর রাজত্বকালের সপ্তম বছরে যোয়াশ রাজা হলেন, এবং  
তিনি জেরুশালেমে চল্লিশ বছর রাজত্ব করলেন। তাঁর মায়ের নাম  
সিবিয়া; তিনি বের-শেবা নগরে থাকতেন। 2 যতদিন যাজক যিহোয়াদা  
যোয়াশকে উপদেশ দিলেন, ততদিন তিনি সদাপ্রভুর দৃষ্টিতে যা ঠিক,  
তাই করে গেলেন। 3 প্রতিমাপুজোর উঁচু উঁচু স্থানগুলি অবশ্য সরানো  
হয়নি; লোকজন সেই স্থানগুলিতে তখনও বলিদান উৎসর্গ করেই  
যাচ্ছিল ও ধূপও পুড়িয়ে যাচ্ছিল। 4 যোয়াশ যাজকদের বললেন,  
“সদাপ্রভুর মন্দিরে যত অর্থ—জনগণনার মাধ্যমে, ব্যক্তিগত মানত  
পূরণের জন্য এবং স্বেচ্ছায় মন্দিরে আনা হয়—তা সংগ্রহ করে রাখুন।  
5 কোষাধ্যক্ষদের মধ্যে একজনের কাছ থেকে প্রত্যেক যাজক অর্থ  
নিয়ে মন্দির যেখানে যেখানে ক্ষতিগ্রস্ত হয়েছে, সেই স্থানগুলি মেরামত  
করান।” 6 কিন্তু যোয়াশের রাজত্বকালের তেইশ বছর পর্যন্ত যাজকেরা  
সেই মন্দির মেরামত করেননি। 7 তাই রাজা যোয়াশ যাজক যিহোয়াদা  
ও অন্যান্য যাজকদের ডেকে তাদের জিজ্ঞাসা করলেন, “আপনারা কেন  
মন্দিরের ক্ষতিগ্রস্ত স্থানগুলি মেরামত করছেন না? কোষাধ্যক্ষদের  
কাছ থেকে আর অর্থ নেবেন না, কিন্তু মন্দির মেরামতের জন্য তাদের  
হাতে অর্থ তুলে দিন।” 8 যাজকেরা রাজি হলেন যে তারা লোকজনের  
কাছ থেকে আর অর্থ সংগ্রহ করবেন না এবং তারা নিজেরাও মন্দির  
মেরামত করবেন না। 9 যাজক যিহোয়াদা একটি সিন্দুক নিয়ে সেটির

ঢাকনায় একটি ফুটো করে দিলেন। তিনি সেটি নিয়ে গিয়ে রেখেছিলেন যজ্ঞবেদির পাশে, ডানদিকে ঠিক সেখানে, যেখান দিয়ে লোকজন সদাপ্রভুর মন্দিরে ঢোকে। যত অর্থ সদাপ্রভুর মন্দিরে আনা হত, মন্দিরের প্রবেশদ্বার পাহারা দেওয়ার কাজে নিযুক্ত যাজকেরা সেইসব অর্থ সিন্দুকে এনে রাখতেন। 10 যখনই তারা দেখতেন সিন্দুকে অনেক অর্থ জমে গিয়েছে, তখন রাজার সচিব ও মহাযাজক এসে সদাপ্রভুর মন্দিরে জমা পড়া অর্থ গুনে তা থলিতে ভরে রাখতেন।

11 মেরামতিতে কত খরচ হবে তা স্থির হয়ে যাওয়ার পর তারা সেই পরিমাণ অর্থ মন্দিরের কাজ দেখাশোনার দায়িত্বে থাকা লোকদের হাতে তুলে দিতেন। সেই অর্থ দিয়ে তারা সদাপ্রভুর মন্দিরে যারা কাজ করত, অর্ধাং ছুতোর ও ঠিকাদার, 12 রাজমিষ্টি ও যারা পাথর কাটার কাজ করত, তাদের বেতন দিত। সদাপ্রভুর মন্দির মেরামতির জন্য তারা কাঠ ও মাপজোপ করে কাটা পাথরের চাঞ্চড় কিনেছিল, এবং মন্দিরটি আগের দশায় ফিরিয়ে আনার লক্ষ্যে সব খরচপত্র করল।

13 মন্দিরে যত অর্থ আনা হল, তা সদাপ্রভুর মন্দিরের জন্য রংপোর গামলা, পলতে ছাঁটবার যন্ত্র, জল ছিটানোর বাটি, শিঙা অথবা সোনা বা রংপোর অন্য কোনো কিছু তৈরির কাজে খরচ করা হয়নি; 14 সেই অর্থ সেইসব কাজের লোককে দেওয়া হল, যারা মন্দির মেরামতির কাজে তা ব্যবহার করল। 15 কাজের লোকদের দেওয়ার জন্য তারা যাদের সেই অর্থ দিলেন, তাদের কাছে তাদের অর্থের কোনও হিসেব নিতে হয়নি, কারণ তারা সম্পূর্ণ সততা নিয়ে কাজ করল। 16 দোষার্থক-নৈবেদ্য ও পাপার্থক বলি থেকে সংগৃহীত অর্থ সদাপ্রভুর মন্দিরে আনা হয়নি; তা যাজকদেরই হল। 17 মোটামুটি এসময় অরামের রাজা হসায়েল গিয়ে গাত আক্রমণ করে তা দখল করে নিয়েছিলেন। পরে তিনি জেরশালেম আক্রমণ করার জন্যও মুখ ঘুরিয়েছিলেন। 18 কিন্তু যিহুদার রাজা যোয়াশ তাঁর পূর্বসূরীদের—যিহুদার রাজা যিহোশাফট, যিহোরাম ও অহসিয়ের—দ্বারা উৎসর্গীকৃত সব পবিত্র জিনিসপত্র এবং তিনি নিজে যেসব উপহারসামগ্ৰী উৎসর্গীকৃত করলেন, সেগুলি এবং সদাপ্রভুর মন্দিরের কোষাগারে ও রাজপ্রাসাদে যত সোনাদানা ছিল,

সব নিয়ে অরামের রাজা হস্যায়েলের কাছে পাঠিয়ে দিলেন, এবং তিনি তখন জেরুশালেম থেকে সরে এলেন। 19 যোয়াশের রাজত্বকালের অন্যান্য সব ঘটনা, আর তিনি যা যা করলেন, তার বিবরণ কি যিহুদার রাজাদের ইতিহাস-গ্রন্থে লেখা নেই? 20 তাঁর কর্মকর্তারা তাঁর বিরুদ্ধে ষড়যন্ত্র করল এবং সিঙ্গা যাওয়ার পথে বেথ-মিল্লোতে বিশ্বাসঘাতকতা করে তাঁকে হত্যা করল। 21 যে কর্মকর্তারা তাঁকে হত্যা করল, তারা হল শিমিয়তের ছেলে যোষাখর ও শোমরের ছেলে যিহোয়াবদ। তিনি মারা গেলেন ও দাউদ-নগরে তাঁর পূর্বপুরুষদের সাথেই তাঁকে কবর দেওয়া হল। তাঁর ছেলে অমৎসিয় রাজারূপে তাঁর স্তলাভিষিক্ত হলেন।

**13** অহসিয়ের ছেলে যিহুদার রাজা যোয়াশের রাজত্বের তেইশতম বছরে যেহুর ছেলে যিহোয়াহস শমরিয়ায় ইস্রায়েলের রাজা হলেন, এবং তিনি সতেরো বছর রাজত্ব করলেন। 2 নবাটের ছেলে যারবিয়াম ইস্রায়েলকে দিয়ে যেসব পাপ করিয়েছিলেন, সেইসব পাপ করে যিহোয়াহস ও সদাপ্রভুর দৃষ্টিতে যা মন্দ, তাই করলেন, এবং সেই পাপগুলি থেকে তিনি ফিরে আসেননি। 3 তাই সদাপ্রভুর ক্ষেত্র ইস্রায়েলের বিরুদ্ধে জ্বলে উঠেছিল, এবং দীর্ঘকাল তিনি তাদের অরামের রাজা হস্যায়েল ও তাঁর ছেলে বিন্হদদের ক্ষমতার অধীনে রেখে দিলেন। 4 তখন যিহোয়াহস সদাপ্রভুর অনুগ্রহ চেয়েছিলেন, এবং সদাপ্রভু ও তাঁর কথা শুনেছিলেন, কারণ তিনি দেখতে পেয়েছিলেন অরামের রাজা কত নির্মমভাবে ইস্রায়েলের উপর অত্যাচার চালাচ্ছিলেন। 5 সদাপ্রভু ইস্রায়েলের জন্য একজন উদ্বারকর্তা জোগাড় করে দিলেন, এবং ইস্রায়েলীরা অরামের ক্ষমতার হাত থেকে রক্ষা পেয়েছিল। অতএব ইস্রায়েলীরা আগের মতোই নিজের নিজের ঘরে বসবাস করল। 6 যারবিয়ামের কুল ইস্রায়েলকে দিয়ে যে পাপ করিয়েছিল, তারা কিন্তু সেইসব পাপ থেকে ফিরে আসেনি; তারা সেইসব পাপ করেই যাচ্ছিল। এছাড়াও, আশেরার সেই খুঁটি শমরিয়ায় দাঁড় করানো ছিল। 7 যিহোয়াহসের সৈন্যদলে শুধু পঞ্চাশ জন অশ্বারোহী, দশটি রথ ও দশ হাজার পদাতিক সৈন্য ছাড়া আর কিছু অবশিষ্ট ছিল না, কারণ অরামের রাজা বাদবাকি সবকিছু ধ্বংস করে ফেলেছিলেন এবং সেগুলি

সেই ধূলোর মতো করে দিলেন, যা ফসল মাড়াই করার সময় উড়তে থাকে। ৪ যিহোয়াহসের রাজত্বকালের অন্যান্য সব ঘটনা, তিনি যা যা করলেন ও তাঁর সব কীর্তি, তার বিবরণ কি ইস্রায়েলের রাজাদের ইতিহাস-গ্রন্থে লেখা নেই? ৫ যিহোয়াহস তাঁর পূর্বপুরুষদের সাথে চিরবিশ্রামে শায়িত হলেন ও তাঁকে শমরিয়ায় কবর দেওয়া হল। তাঁর ছেলে যিহোয়াশ রাজারূপে তাঁর স্ত্রীভিত্তি হলেন। ৬ যিহুদার রাজা যোয়াশের রাজত্বের সাঁইত্রিশতম বছরে যিহোয়াহসের ছেলে যিহোয়াশ শমরিয়ায় ইস্রায়েলের রাজা হলেন, এবং তিনি ঘোলো বছর রাজত্ব করলেন। ৭ সদাপ্রভুর দৃষ্টিতে যা মন্দ, তিনি তাই করলেন এবং নবাটের ছেলে যারবিয়াম ইস্রায়েলকে দিয়ে যেসব পাপ করিয়েছিলেন, তিনি তার একটিও থেকে ফিরে আসেননি; তিনি সেই পাপগুলি করেই গেলেন। ৮ যিহোয়াশের রাজত্বকালের অন্যান্য সব ঘটনা, তিনি যা যা করলেন ও তাঁর সব কীর্তি, এছাড়াও যিহুদার রাজা অমৎসিয়ের বিরচন্দে করা তাঁর যুদ্ধের বিবরণ কি ইস্রায়েলের রাজাদের ইতিহাস-গ্রন্থে লেখা নেই? ৯ যিহোয়াশ তাঁর পূর্বপুরুষদের সাথে চিরবিশ্রামে শায়িত হলেন, এবং যারবিয়াম সিংহসনে তাঁর স্ত্রীভিত্তি হলেন। ইস্রায়েলের রাজাদের সাথেই যিহোয়াশকে শমরিয়ায় কবর দেওয়া হল। ১০ ইত্যবসরে ইলীশায় অসুস্থ হয়ে পড়েছিলেন, এবং সেই অসুখেই তিনি মারা গেলেন। ইস্রায়েলের রাজা যিহোয়াশ তাঁকে দেখতে গেলেন ও তাঁকে দেখে কেঁদে ফেলেছিলেন। “হে আমার বাবা! হে আমার বাবা!” তিনি চিৎকার করে উঠেছিলেন। “ইস্রায়েলের রথ ও অশ্বারোহীরা!” ১১ ইলীশায় বললেন, “একটি ধনুক ও কয়েকটি তির নিয়ে আসুন,” আর তিনি তা এনেছিলেন। ১২ “ধনুকটি হাতে তুলে নিন,” তিনি ইস্রায়েলের রাজাকে বললেন। তিনি তা হাতে তুলে নেওয়ার পর, ইলীশায় নিজের হাত রাজার হাতের উপর রেখেছিলেন। ১৩ “পূর্বদিকের জানালাটি খুলুন,” তিনি বললেন ও রাজাও জানালাটি খুলেছিলেন। “তির ছুঁড়ুন!” ইলীশায় বললেন, ও তিনি তির ছুঁড়েছিলেন। “এ সদাপ্রভুর বিজয়-তির, অরামের উপর বিজয়লাভের তির!” ইলীশায় ঘোষণা করে দিলেন। “আপনি অফেকে অরামীয়দের সম্পূর্ণরূপে

ধ্বংস করবেন।” 18 পরে তিনি বললেন, “তিরগুলি হাতে তুলে নিন,”  
 আর ইস্রায়েলের রাজা ও সেগুলি হাতে তুলে নিয়েছিলেন। ইলীশায়  
 তাঁকে বললেন, “জমিতে আঘাত করুন।” তিনি তিনবার আঘাত করেই  
 ক্ষান্ত হলেন। 19 স্টোরের লোক তাঁর উপর রেগে বলে উঠেছিলেন,  
 “জমিতে পাঁচ-ছয়বার আঘাত করতে হত; তবেই আপনি অরামকে  
 পরাজিত করে পুরোপুরি তাদের ধ্বংস করতে পারতেন। কিন্তু এখন  
 আপনি শুধু তিনবার অরামকে পরাজিত করতে পারবেন।” 20 ইলীশায়  
 মারা গেলেন ও তাঁকে কবর দেওয়া হল। ইত্যবসরে প্রতি বছর  
 বসন্তকালে মোয়াবীয় আক্রমণকারীরা দেশে চুক্ত। 21 একবার যখন  
 কয়েকজন ইস্রায়েলী লোক একজনকে কবর দিচ্ছিল, হঠাৎ করে তারা  
 একদল আক্রমণকারীকে দেখতে পেয়েছিল; তাই তারা সেই লোকটির  
 মৃতদেহটি ইলীশায়ের কবরে ফেলে দিয়েছিল। সেই মৃতদেহে যখন  
 ইলীশায়ের অঙ্গের ছোঁয়া লাগল, লোকটি প্রাণ ফিরে পেয়েছিল ও  
 নিজের পায়ে উঠে দাঁড়িয়েছিল। 22 যিহোয়াহসের রাজত্বকালের শুরু  
 থেকে শেষ পর্যন্ত অরামের রাজা হসায়েল ইস্রায়েলের উপর অত্যাচার  
 চালিয়ে গেলেন। 23 কিন্তু সদাপ্রভু অব্রাহাম, ইস্থাক ও যাকোবের  
 সাথে যে পবিত্র নিয়ম স্থাপন করলেন, তার খাতিরে তাদের প্রতি  
 অনুগ্রহকারী হলেন এবং তাদের করণা দেখিয়েছিলেন ও তাদের  
 যত্ন ও নিয়েছিলেন। আজও পর্যন্ত তিনি তাদের ধ্বংস করতে বা তাঁর  
 উপস্থিতি থেকে তাদের নির্বাসিত করতে অনিচ্ছুক হয়েই আছেন।  
 24 অরামের রাজা হসায়েল মারা গেলেন, এবং তাঁর ছেলে বিন্হদন  
 রাজাঙ্কপে তাঁর স্তলাভিষিক্ত হলেন। 25 তখন যিহোয়াহসের ছেলে  
 যিহোয়াশ হসায়েলের ছেলে বিন্হদের হাত থেকে সেই নগরগুলি  
 আবার দখল করে নিয়েছিলেন, যেগুলি তিনি যুদ্ধের সময় তাঁর বাবা  
 যিহোয়াহসের কাছ থেকে ছিনিয়ে নিয়েছিলেন। তিনবার যিহোয়াশ  
 তাঁকে পরাজিত করলেন, এবং এইভাবে তিনি ইস্রায়েলী নগরগুলি  
 পুনরুদ্ধার করলেন।

**14** ইস্রায়েলের রাজা যিহোয়াহসের ছেলে যিহোয়াশের রাজত্বকালের  
 দ্বিতীয় বছরে যিহুদার রাজা মোয়াশের ছেলে অমৎসিয় রাজত্ব করতে

শুরু করলেন। 2 তিনি পঁচিশ বছর বয়সে রাজা হলেন, এবং  
জেরচশালেমে তিনি উনত্রিশ বছর রাজত্ব করলেন। তাঁর মায়ের নাম  
যিহোয়দিন; তিনি জেরচশালেমে বসবাস করতেন। 3 সদাপ্রভুর দৃষ্টিতে  
যা ঠিক, অমৎসিয় তাই করতেন, কিন্তু তাঁর পূর্বপুরুষ দাউদের মতো  
করতেন না। সবকিছুতেই তিনি তাঁর বাবা যোয়াশের আদর্শ অনুসরণ  
করতেন। 4 প্রতিমাপুজোর উঁচু উঁচু স্থানগুলি অবশ্য সরানো হয়নি;  
লোকজন তখনও সেখানে বলি উৎসর্গ করত ও ধূপ জ্বালাতো।  
5 রাজপাট তাঁর হাতে সুস্থির হওয়ার পর তিনি সেই কর্মকর্তাদের  
প্রাণদণ্ডে দণ্ডিত করে বধ করলেন, যারা তাঁর বাবা, অর্থাৎ রাজাকে  
হত্যা করেছিল। 6 তবুও মোশির বিধানপুস্তকে লেখা সেই কথানুসারে,  
যেখানে সদাপ্রভু আদেশ দিয়েছিলেন: “ছেলেমেয়েদের পাপের জন্য  
বাবা-মাকে কিংবা বাবা-মায়ের পাপের জন্য ছেলেমেয়েদের মেরে  
ফেলা যাবে না; প্রত্যেককেই তার নিজের পাপের জন্য মরতে হবে।”  
তিনি সেই গুপ্তাতকদের ছেলেমেয়েদের হত্যা করেননি। 7 তিনিই  
লবণ উপত্যকায় 10,000 ইদোমীয়কে যুদ্ধে পরাজিত করে সেলা  
দখল করে নিয়েছিলেন, এবং তার নাম রেখেছিলেন যক্ষেল। আজও  
পর্যন্ত সেখানকার সেই নামই বজায় আছে। 8 পরে ইস্রায়েলের  
রাজা যেহুর নাতি, তথা যিহোয়াহসের ছেলে যিহোয়াশের কাছে দৃত  
পাঠিয়ে অমৎসিয় বললেন: “আসুন, যুদ্ধক্ষেত্রে আমরা পরস্পরের  
মুখোমুখি হই।” 9 কিন্তু ইস্রায়েলের রাজা যিহোয়াশ যিহুদার রাজা  
অমৎসিয়কে উত্তর দিলেন: “লেবাননের শিয়ালকাঁটা লেবাননেরই এক  
দেবদারু গাছকে খবর দিয়ে পাঠিয়েছিল, ‘তুমি তোমার মেয়ের সাথে  
আমার ছেলের বিয়ে দাও।’ পরে লেবাননের বুনো এক জন্তু এসে  
সেই শিয়ালকাঁটাকে পায়ের তলায় পিষে দিয়েছিল। 10 ইদোমকে  
পরাজিত করে এখন সত্যিই আপনার অহংকার হয়েছে। বিজয় নিয়েই  
আপনি মেতে থাকুন, কিন্তু ঘরেই বসে থাকুন! কেন ঝামেলা ডেকে  
আনছেন এবং আপনার নিজের ও যিহুদারও পতন ত্বরান্বিত করছেন?”  
11 অমৎসিয় অবশ্য কোনও কথা শুনতে চাননি, তাই ইস্রায়েলের  
রাজা যিহোয়াশ তাঁকে আক্রমণ করলেন। যিহুদার বেত-শেমশে

তিনি ও যিহুদার রাজা অমৎসিয় পরম্পরের মুখোমুখি হলেন। 12  
ইস্রায়েলের হাতে যিহুদা পর্যুদস্ত হল, এবং প্রত্যেকে নিজের নিজের  
ঘরে পালিয়ে গেল। 13 বেত-শেমশে ইস্রায়েলের রাজা যিহোয়াশ  
অহসিয়ের নাতি, তথা যোয়াশের ছেলে যিহুদার রাজা অমৎসিয়কে  
বন্দি করলেন। পরে যিহোয়াশ জেরুশালেমে গিয়ে ইহুদিয় দুয়ার  
থেকে কোণের দুয়ার পর্যন্ত প্রায় 180 মিটার লম্বা প্রাচীর ভেঙে দিলেন।  
14 সদাপ্রভুর মন্দিরে ও রাজপ্রাসাদের কোষাগারে যত সোনা, রূপো ও  
জিনিসপত্র ছিল, সব তিনি নিয়ে গেলেন। এছাড়াও তিনি কয়েকজনকে  
পণবন্দি করে শমরিয়ায় ফিরে গেলেন। 15 যিহোয়াশের রাজত্বের  
অন্যান্য সব ঘটনা, তিনি যা যা করলেন ও তাঁর সব কীর্তি, এছাড়াও  
যিহুদার রাজা অমৎসিয়ের বিরুদ্ধে করা যুদ্ধের বিবরণ কি ইস্রায়েলের  
রাজাদের ইতিহাস-গ্রন্থে লেখা নেই? 16 যিহোয়াশ তাঁর পূর্বপুরুষদের  
সাথে চিরবিশ্রামে শায়িত হলেন ও শমরিয়ায় তাঁকে ইস্রায়েলের  
রাজাদের সাথেই কবর দেওয়া হল। তাঁর ছেলে যারবিয়াম রাজারূপে  
তাঁর স্তলাভিষিক্ত হলেন। 17 ইস্রায়েলের রাজা যিহোয়াহসের ছেলে  
যিহোয়াশের মৃত্যুর পর যিহুদার রাজা যোয়াশের ছেলে অমৎসিয় আরও  
পনেরো বছর বেঁচেছিলেন। 18 অমৎসিয়ের রাজত্বের অন্যান্য সব  
ঘটনার বিবরণ কি যিহুদার রাজাদের ইতিহাস-গ্রন্থে লেখা নেই? 19  
জেরুশালেমে কিছু লোক তাঁর বিরুদ্ধে ঘড়্যন্ত্র করল, ও তিনি লাখীশে  
পালিয়ে গেলেন, কিন্তু তারা লাখীশেও তাঁর পিছনে লোক পাঠিয়ে  
দিয়েছিল ও সেখানেই তাঁকে হত্যা করল। 20 তাঁর মৃতদেহ ঘোড়ার  
পিঠে চাপিয়ে ফিরিয়ে আনা হল এবং জেরুশালেমে দাউদ-নগরে তাঁর  
পূর্বপুরুষদের সাথেই তাঁকে কবর দেওয়া হল। 21 তখন যিহুদার  
প্রজারা সবাই ঘোলো বছর বয়স্ক অসরিয়কে রাজারূপে তাঁর বাবা  
অমৎসিয়ের স্তলাভিষিক্ত করল। 22 রাজা অমৎসিয় তাঁর পূর্বপুরুষদের  
সাথে চিরবিশ্রামে শায়িত হওয়ার পর তিনিই এলৎ নগরটি নতুন  
করে গেঁথে আরেকবার যিহুদার অধীনে নিয়ে এলেন। 23 যিহুদার  
রাজা যোয়াশের ছেলে অমৎসিয়ের রাজত্বকালের পনেরোতম বছরে  
ইস্রায়েলের রাজা যিহোয়াশের ছেলে যারবিয়াম শমরিয়ায় রাজা হলেন,

এবং তিনি একচল্লিশ বছর রাজত্ব করলেন। 24 তিনি সদাপ্রভুর দৃষ্টিতে  
যা যা মন্দ, তাই করতেন, এবং নবাটের ছেলে যারবিয়াম ইস্রায়েলকে  
দিয়ে যেসব পাপ করিয়েছিলেন, তার একটিও পাপ থেকে তিনি ফিরে  
আসেননি। 25 ইস্রায়েলের ঈশ্বর সদাপ্রভু অমিত্যের ছেলে, তথা তাঁর  
দাস গাঢ়-হেফরীয় ভাববাদী যোনার মাধ্যমে যে কথা বললেন, সেই  
কথানুসারে যারবিয়াম লেবো-হমাহ থেকে মরহসাগর পর্যন্ত ইস্রায়েলের  
সীমা আরেকবার নিজের অধিকারে ফিরিয়ে এনেছিলেন। 26 সদাপ্রভু  
দেখেছিলেন, ক্রীতদাস হোক কি স্বাধীন, ইস্রায়েলে প্রত্যেকে কীভাবে  
ভয়ানক কষ্ট পাচ্ছিল; তাদের সাহায্য করার কেউ ছিল না। 27 আর  
যেহেতু সদাপ্রভু বলেননি যে তিনি আকাশের তলা থেকে ইস্রায়েলের  
নাম মুছে দেবেন, তাই যিহোয়াশের ছেলে যারবিয়ামের হাত দিয়েই  
তিনি তাদের রক্ষা করলেন। 28 যারবিয়ামের রাজত্বের অন্যান্য সব  
ঘটনা, তিনি যা যা করলেন, এবং তাঁর সামরিক কীর্তি, এছাড়াও  
যিহূদার অধিকারে থাকা দামাক্ষাস ও হমাহ কীভাবে তিনি ইস্রায়েলের  
অধিকারভুক্ত করলেন, তার বিবরণ কি ইস্রায়েলের রাজাদের ইতিহাস-  
গ্রন্থে লেখা নেই? 29 যারবিয়াম তাঁর পূর্বপুরুষ, ইস্রায়েলের রাজাদের  
সাথে চিরবিশ্রামে শায়িত হলেন। তাঁর ছেলে সখরিয় রাজারূপে তাঁর  
স্থলাভিষিক্ত হলেন।

**15** ইস্রায়েলের রাজা যারবিয়ামের রাজত্বকালের সাতাশতম বছরে  
যিহূদার রাজা অমৎসিয়ের ছেলে অসরিয় রাজত্ব করতে শুরু করলেন।  
2 তিনি মোলো বছর বয়সে রাজা হলেন, এবং জেরুশালেমে বাহাম  
বছর রাজত্ব করলেন। তাঁর মায়ের নাম যিখলিয়া; তিনি জেরুশালেমে  
বসবাস করতেন। 3 সদাপ্রভুর দৃষ্টিতে যা ঠিক, তিনি তাই করতেন,  
ঠিক যেমনটি তাঁর বাবা অমৎসিয়ও করতেন। 4 প্রতিমাপুজোর উঁচু উঁচু  
স্থানগুলি অবশ্য সরানো হয়নি; লোকজন তখনও সেখানে বলি উৎসর্গ  
করত ও ধূপ জ্বালাতো। 5 আমৃত্যু সদাপ্রভু তাঁকে কুষ্ঠরোগাক্রান্ত করে  
রেখেছিলেন, এবং তিনি আলাদা একটি বাড়িতে বসবাস করতেন।  
রাজপুত্র যোথম প্রাসাদ দেখাশোনার দায়িত্ব পেয়েছিলেন এবং তিনিই  
দেশের প্রজাদের শাসন করতেন। 6 অসরিয় রাজত্বের অন্যান্য সব

ঘটনা, এবং তিনি যা যা করলেন, তার বিবরণ কি যিহুদার রাজাদের ইতিহাস-গ্রন্থে লেখা নেই? 7 অসরিয় তাঁর পূর্বপুরুষদের সাথে চিরবিশ্বামৈ শায়িত হলেন ও তাদের কাছেই তাঁকে দাউদ-নগরে কবর দেওয়া হল। তাঁর ছেলে যোথম রাজারূপে তাঁর স্থলাভিষিক্ত হলেন। 8 যিহুদার রাজা অসরিয়র রাজত্বকালের আটত্রিশতম বছরে যারবিয়ামের ছেলে সখরিয় শমরিয়ায় ইস্রায়েলের রাজা হলেন, এবং তিনি ছয় মাস রাজত্ব করলেন। 9 তাঁর পূর্বসূরীদের মতো তিনিও সদাপ্রভুর দৃষ্টিতে যা যা মন্দ, তাই করতেন। নবাটের ছেলে যারবিয়াম ইস্রায়েলকে দিয়ে যেসব পাপ করিয়েছিলেন, তিনি সেইসব পাপ থেকে ফিরে আসেননি। 10 যাবেশের ছেলে শল্লুম সখরিয়ের বিরঞ্জনে ষড়যন্ত্র করলেন। প্রজাদের সামনেই শল্লুম তাঁকে আক্রমণ করে হত্যা করলেন, এবং রাজারূপে তাঁর স্থলাভিষিক্ত হলেন। 11 সখরিয়ের রাজত্বের অন্যান্য সব ঘটনার বিবরণ ইস্রায়েলের রাজাদের ইতিহাস-গ্রন্থে লেখা আছে। 12 এইভাবে যেহুকে বলা সদাপ্রভুর সেই কথা ফলে গেল: “চার পুরুষ ধরে তোমার বৎসরের রাজত্বের সিংহাসনে বসবে।”

13 যিহুদার রাজা উষিয়র রাজত্বকালের উনচল্লিশ বছরে যাবেশের ছেলে শল্লুম রাজা হলেন, এবং তিনি শমরিয়ায় এক মাস রাজত্ব করলেন। 14 পরে গাদির ছেলে মনহেম তির্সা থেকে শমরিয়ায় উঠে গেলেন। শমরিয়ায় তিনি যাবেশের ছেলে শল্লুমকে আক্রমণ করে তাঁকে হত্যা করলেন এবং রাজারূপে তাঁর স্থলাভিষিক্ত হলেন। 15 শল্লুমের রাজত্বের অন্যান্য সব ঘটনা, ও যে ষড়যন্ত্রে তিনি নেতৃত্ব দিলেন, তার বিবরণ ইস্রায়েলের রাজাদের ইতিহাস-গ্রন্থে লেখা আছে। 16 সেই সময় মনহেম তির্সা থেকে শুরু করে তিপসহ নগর ও সেখানকার সব বাসিন্দাকে তথা আশপাশের সব লোকজনকে আক্রমণ করলেন, কারণ তারা তাদের নগরের সিংহদুয়ারগুলি খুলে দিতে রাজি হয়নি। তিনি তিপসহ নগরটির উপর লুটপাট চালিয়েছিলেন এবং সব অন্তঃস্তু মহিলার পেট চিরে দিলেন। 17 যিহুদার রাজা অসরিয়র রাজত্বকালের উনচল্লিশ বছরে গাদির ছেলে মনহেম ইস্রায়েলের রাজা হলেন, এবং তিনি দশ বছর শমরিয়ায় রাজত্ব করলেন। 18 সদাপ্রভুর দৃষ্টিতে যা

যা মন্দ, তিনি তাই করলেন। নবাটের ছেলে যারবিয়াম ইস্রায়েলকে দিয়ে যেসব পাপ করিয়েছিলেন, তাঁর সমগ্র রাজত্বকালে তিনি সেইসব পাপ থেকে ফিরে আসেননি। 19 পরে আসিরিয়ার রাজা পূল ইস্রায়েলে সশস্ত্র আক্রমণ চালিয়েছিলেন, এবং মনহেম তাঁর সাহায্য পাওয়ার ও রাজ্য নিজের অধিকার শক্তিপোক্তি করার জন্য তাঁকে 1,000 তালন্ত রূপো উপহার দিলেন। 20 মনহেম এই অর্থ ইস্রায়েল থেকে জোর করে আদায় করলেন। আসিরিয়ার রাজাকে দেওয়ার জন্য প্রত্যেকটি অবস্থাপন্ন লোককে পথঝাশ শেকল করে রূপো দিতে বাধ্য করা হল। তাই আসিরিয়ার রাজা সেখান থেকে সরে গোলেন এবং দেশে আর থাকেননি। 21 মনহেমের রাজত্বের অন্যান্য সব ঘটনা, ও তিনি যা যা করলেন, তার বিবরণ কি ইস্রায়েলের রাজাদের ইতিহাস-গ্রন্থে লেখা নেই? 22 মনহেম তাঁর পূর্বপুরুষদের সাথে চিরবিশ্রামে শায়িত হলেন। তাঁর ছেলে পকহিয় রাজারূপে তাঁর স্ত্রীভিষ্ণু হলেন। 23 যিহুদার রাজা অসিরিয়ার রাজত্বকালের পথঝাশতম বছরে মনহেমের ছেলে পকহিয় শমরিয়ায় ইস্রায়েলের রাজা হলেন, এবং তিনি দুই বছর রাজত্ব করলেন। 24 সদাপ্রভুর দৃষ্টিতে যা যা মন্দ, পকহিয় তাই করলেন। নবাটের ছেলে যারবিয়াম ইস্রায়েলকে দিয়ে যেসব পাপ করিয়েছিলেন, তিনি সেইসব পাপ থেকে ফিরে আসেননি। 25 তাঁর প্রধান কর্মকর্তাদের মধ্যে একজন, রমলিয়ের ছেলে পেকহ তাঁর বিরুদ্ধে ঘড়্যন্ত করলেন। পথঝাশ জন গিলিয়দীয় লোককে সাথে নিয়ে তিনি বিশ্বাসযাতকতা করে শমরিয়ায় রাজপ্রাসাদের দুর্গে অর্গোব ও অরিয় ও পকহিয়কে একসাথে হত্যা করলেন। অতএব পকহিয়কে হত্যা করে পেকহ রাজারূপে তাঁর স্ত্রীভিষ্ণু হলেন। 26 পকহিয়ের রাজত্বের অন্যান্য সব ঘটনা, এবং তিনি যা যা করলেন, তার বিবরণ ইস্রায়েলের রাজাদের ইতিহাস-গ্রন্থে লেখা আছে। 27 যিহুদার রাজা অসিরিয়ার রাজত্বকালের বাহারতম বছরে রমলিয়ের ছেলে পেকহ শমরিয়ায় ইস্রায়েলের রাজা হলেন, এবং তিনি কুড়ি বছর রাজত্ব করলেন। 28 সদাপ্রভুর দৃষ্টিতে যা যা মন্দ, তিনি তাই করলেন। নবাটের ছেলে যারবিয়াম ইস্রায়েলকে দিয়ে যেসব পাপ করিয়েছিলেন, তিনি সেইসব পাপ থেকে ফিরে আসেননি। 29

ইস্রায়েলের রাজা পেকহের রাজত্বকালেই আসিরিয়ার রাজা তিগ্র-পিলেষর এসে ইয়োন, আবেল বেথ-মাখা, যানোহ, কেদশ, ও হাত্সোর দখল করে নিয়েছিলেন। তিনি গিলিয়দ এবং গালীল, তথা নগালির সব এলাকাও দখল করে নিয়েছিলেন, ও লোকজনকে বন্দি করে আসিরিয়ায় নিয়ে গেলেন। 30 পরে এলার ছেলে হোশেয় রামলিয়ের ছেলে পেকহের বিরুদ্ধে ঘড়্যন্ত্র করলেন। তিনি পেকহকে আক্রমণ করে তাঁকে হত্যা করলেন, এবং উষিয়ার ছেলে যোথমের রাজত্বকালের কুড়িতম বছরে রাজারূপে পেকহের স্থলাভিষিক্ত হলেন। 31 পেকহের রাজত্বের অন্যান্য সব ঘটনা, এবং তিনি যা যা করলেন, তার বিবরণ কি ইস্রায়েলের রাজাদের ইতিহাস-গ্রন্থে লেখা নেই? 32 রামলিয়ের ছেলে ইস্রায়েলের রাজা পেকহের রাজত্বকালের দ্বিতীয় বছরে যিহুদার রাজা উষিয়ের ছেলে যোথম রাজত্ব করতে শুরু করলেন। 33 তিনি পঁচিশ বছর বয়সে রাজা হলেন, এবং জেরুশালেমে তিনি যোলো বছর রাজত্ব করলেন। তাঁর মায়ের নাম যিরুশা। তিনি ছিলেন সাদোকের মেয়ে। 34 সদাপ্রভুর দৃষ্টিতে যা যা ঠিক, যোথম তাই করলেন, ঠিক যেভাবে তাঁর বাবা উষিয়ও করেছিলেন। 35 প্রতিমাপুজোর উঁচু উঁচু স্থানগুলি অবশ্য সরানো হয়নি; লোকজন তখনও সেখানে বলি উৎসর্গ করত ও ধূপ পোড়াত। যোথম সদাপ্রভুর মন্দিরের উপর দিকের দরজাটি আবার তৈরি করে দিলেন। 36 যোথমের রাজত্বের অন্যান্য সব ঘটনা, এবং তিনি যা যা করলেন, তার বিবরণ কি যিহুদার রাজাদের ইতিহাস-গ্রন্থে লেখা নেই? 37 (সেই দিনগুলিতেই সদাপ্রভু অরামের রাজা রৎসীন ও রামলিয়ের ছেলে পেকহকে যিহুদার বিরুদ্ধে পাঠাতে শুরু করলেন।) 38 যোথম তাঁর পূর্বপুরুষদের সাথে চিরবিশ্রামে শায়িত হলেন এবং দাউদ-নগরে তাঁকে তাঁদের সঙ্গে কবর দেওয়া হল। তাঁর ছেলে আহস রাজারূপে তাঁর স্থলাভিষিক্ত হলেন।

**16** রামলিয়ের ছেলে পেকহের রাজত্বকালের সতেরোতম বছরে যিহুদার রাজা যোথমের ছেলে আহস রাজত্ব করতে শুরু করলেন। 2 আহস কুড়ি বছর বয়সে রাজা হলেন, এবং জেরুশালেমে তিনি যোলো বছর রাজত্ব করলেন। তাঁর পূর্বপুরুষ দাউদের মতো তিনি তাঁর ঈশ্বর

সদাপ্রভুর দৃষ্টিতে যা যা ভালো, তা করেননি। ৩ তিনি ইস্রায়েলের  
রাজাদের পথে চলতেন এবং এমনকি সদাপ্রভু ইস্রায়েলীদের সামনে  
থেকে যেসব জাতিকে দূর করে দিলেন, তাদের ঘণ্য লোকাচারে  
লিঙ্গ হয়ে তাঁর ছেলেকেও তিনি আগুনে উৎসর্গ করে দিলেন। ৪  
প্রতিমাপুজোর উঁচু উঁচু স্থানগুলিতে, পাহাড়ের ঢুঢ়ায় ও ডালপালা  
বিস্তার করা প্রত্যেকটি গাছের তলায় তিনি বলি উৎসর্গ করলেন ও  
ধূপ জ্বালিয়েছিলেন। ৫ পরে অরামের রাজা রৎসীন ও রমলিয়ের  
ছেলে ইস্রায়েলের রাজা পেকহ জেরশালেমের বিরুদ্ধে যুদ্ধযাত্রা করে  
আহসকে অবরুদ্ধ করলেন, কিন্তু তারা তাঁকে বশে আনতে পারেননি।  
৬ সেই সময় অরামের রাজা রৎসীন যিহূদার লোকজনকে তাড়িয়ে দিয়ে  
এলৎ নগরাটি আরেকবার অরামের অধিকারে নিয়ে এলেন। ইদেমীয়রা  
পরে এলতে গিয়ে আজও পর্যন্ত সেখানেই বসবাস করে চলেছে।  
৭ আহস এই কথা বলার জন্য আসিরিয়ার রাজা তিগ্লৎ-পিলেষরের  
কাছে দৃত পাঠালেন, “আমি আপনার দাস ও কেনা গোলাম। আপনি  
এখানে এসে, যারা আমাকে আক্রমণ করছে, সেই অরামের রাজা  
ও ইস্রায়েলের রাজার হাত থেকে আমাকে উদ্বার করুন।” ৮ আহস  
সদাপ্রভুর মন্দিরে ও রাজপ্রাসাদের কোষাগারে যত রংপো ও সোনা  
ছিল, সব নিয়ে উপহার রূপে সেগুলি আসিরিয়ার রাজার কাছে পাঠিয়ে  
দিলেন। ৯ আসিরিয়ার রাজা দামাক্ষাস আক্রমণ ও দখল করে এই  
অনুরোধে সাড়া দিলেন। সেখানকার অধিবাসীদের তিনি বন্দি করে  
কীরে পাঠালেন এবং রৎসীনকে হত্যা করলেন। ১০ পরে রাজা আহস  
আসিরিয়ার রাজা তিগ্লৎ-পিলেষরের সাথে দেখা করার জন্য দামাক্ষাসে  
গেলেন। দামাক্ষাসে তিনি একটি যজ্ঞবেদি দেখেছিলেন এবং যাজক  
উরিয়ের কাছে তিনি সেই যজ্ঞবেদির একটি নকশা এবং সেটি কীভাবে  
বানাতে হবে, তার বিস্তারিত পরিকল্পনা পাঠিয়ে দিলেন। ১১ তাই  
দামাক্ষাস থেকে রাজা আহসের পাঠানো সব পরিকল্পনা অনুসারেই  
যাজক উরিয় একটি যজ্ঞবেদি তৈরি করলেন এবং রাজা আহস ফিরে  
আসার আগেই সেটি সম্পূর্ণ করে ফেলেছিলেন। ১২ রাজামশাই  
দামাক্ষাস থেকে ফিরে এসে সেই যজ্ঞবেদিটি দেখে সেটির দিকে

এগিয়ে গোলেন ও সেটির উপরে চড়ে বলি উৎসর্গ করলেন। 13 তিনি তাঁর হোমবলি ও দানা শস্যের বলি উৎসর্গ করলেন, পেয়-নৈবেদ্য ঢেলে দিলেন, এবং তাঁর মঙ্গলার্থক-নৈবেদ্যের রক্ত বেদিতে ছিটিয়ে দিলেন। 14 সদাপ্রভুর সামনে রাখা ব্রোঞ্জের বেদিটি তিনি মন্দিরের সামনে থেকে সরিয়ে এনে—নতুন বেদি ও সদাপ্রভুর মন্দিরের মাঝখান থেকে—সেটি নতুন বেদির উত্তর দিকে রেখে দিলেন। 15 রাজা আহস পরে যাজক উরিয়কে এই আদেশগুলি দিলেন: “এই নতুন বড়ো বেদিটির উপর সকালে হোমবলি ও সন্ধ্যায় দানা শস্যের বলি, রাজার হোমবলি ও তাঁর দানা শস্যের বলি, এবং দেশের সব প্রজার হোমবলি, ও তাদের দানা শস্যের বলি ও তাদের পেয়-নৈবেদ্য উৎসর্গ কোরো। সব হোমবলি ও পশ্চবলির রক্ত এই বেদিতে ছিটিয়ে দিয়ো। কিন্তু ব্রোঞ্জের বেদিটি আমি নির্দেশনা চাওয়ার জন্য ব্যবহার করব।” 16 রাজা আহসের আদেশানুসারেই যাজক উরিয় সবকিছু করলেন। 17 রাজা আহস ধারের খুপিগুলি কেটে বাদ দিলেন এবং সরানোর উপযোগী তাকগুলি থেকে গামলাগুলি সরিয়ে দিলেন। ব্রোঞ্জের তৈরি বলদমৃতগুলির উপর বসানো সমুদ্রপাত্রটি সেখান থেকে সরিয়ে তিনি পাথরের একটি বেদিতে বসিয়ে দিলেন। 18 আসিরিয়ার রাজার প্রতি সম্মান দেখিয়ে, মন্দিরে সাক্ষাত্বারে (বিশ্রামবারে) ব্যবহারযোগ্য যে শামিয়ানাটি তৈরি করা হল, তিনি সেটি খুলে দিলেন এবং সদাপ্রভুর মন্দিরের বাইরের দিকে রাজার যে প্রবেশদ্বারাটি ছিল, সেটি ও সরিয়ে দিলেন। 19 আহসের রাজত্বের অন্যান্য সব ঘটনা, ও তিনি যা যা করলেন, তার বিবরণ কি যিহুদার রাজাদের ইতিহাস-গ্রন্থে লেখা নেই? 20 আহস তাঁর পূর্বপুরুষদের সাথে চিরবিশ্রামে শায়িত হলেন এবং তাদের সাথেই তাঁকে দাউদ-নগরে কবর দেওয়া হল। তাঁর ছেলে হিক্যিয় রাজারূপে তাঁর স্তুলাভিষিক্ত হলেন।

**17** যিহুদার রাজা আহসের রাজত্বকালের দ্বাদশতম বছরে এলার ছেলে হোশেয় শমারিয়ায় ইস্রায়েলের রাজা হলেন, এবং তিনি নয় বছর রাজত্ব করলেন। 2 সদাপ্রভুর দৃষ্টিতে যা যা মন্দ, তিনি তাই করলেন, তবে ইস্রায়েলে তাঁর পূর্বসূরি রাজাদের মতো তা করেননি। 3

আসিরিয়ার রাজা শল্মনেষর সেই হোশেয়কে আক্রমণ করতে এলেন, যিনি আগে শল্মনেষরের কেনা গোলাম ছিলেন এবং তাঁকে রাজকরণ দিতেন। 4 কিন্তু আসিরিয়ার রাজা আবিষ্কার করলেন যে হোশেয় একজন বিশ্বাসঘাতক, কারণ তিনি মিশরের রাজা সো-র কাছে দৃত পাঠালেন, এবং আগে যেমন বছরের পর বছর তিনি আসিরিয়ার রাজাকে রাজকর দিয়ে যেতেন, এখন তিনি আর তা দিচ্ছিলেন না।

তাই শল্মনেষর তাঁকে অবরুদ্ধ করে জেলখানায় পুরে দিলেন। 5 আসিরিয়ার রাজা গোটা দেশে সশস্ত্র আক্রমণ চালিয়েছিলেন, শমরিয়ার দিকে কুচকাওয়াজ করে এগিয়ে গেলেন এবং তিনি বছর নগরাটি অবরুদ্ধ করে রেখেছিলেন। 6 হোশেয়ের রাজত্বকালের নবম বছরে আসিরিয়ার রাজা শমরিয়া দখল করে নিয়েছিলেন এবং ইস্রায়েলীদের বন্দি করে আসিরিয়ায় পাঠিয়ে দিলেন। হলহে, হাবোর নদীতীরের গোষণে এবং মাদীয়দের বিভিন্ন নগরে তিনি তাদের উপনিবেশ গড়ে দিলেন। 7 যিনি ইস্রায়েলীদের মিশর থেকে, ও মিশরের রাজা ফরৌণের অধীনতা থেকে মুক্ত করে এনেছিলেন, তাদের ঈশ্বর সেই সদাপ্রভুর বিরুদ্ধে যেহেতু তারা পাপ করল, তাই এসব ঘটনা ঘটেছিল।

তারা অন্যান্য দেবতাদের পুজো করল 8 এবং তাদের সামনে থেকে সদাপ্রভু যেসব জাতিকে দূর করে দিলেন, তারা তাদের লোকাচার তথা ইস্রায়েলের রাজাদের শুরু করা লোকাচার অনুসারে চলেছিল। 9 ইস্রায়েলীরা গোপনে তাদের ঈশ্বর সদাপ্রভুর বিরুদ্ধে এমন সব কাজ করল, যা আদৌ ঠিক নয়। নজরমিনার থেকে শুরু করে সুরক্ষিত দুর্গ পর্যন্ত সর্বত্র তারা তাদের সব নগরে প্রতিমাপুজোর উঁচু উঁচু স্থানগুলি তৈরি করল। 10 প্রত্যেকটি উঁচু উঁচু পাহাড়ের উপর ও ডালপালা ছড়ানো গাছের তলায় তারা পবিত্র পাথর ও আশেরার খুঁটি খাড়া করল। 11 প্রতিমাপুজোর উঁচু উঁচু স্থানগুলিতে তারা সেইসব পরজাতি লোকজনের মতো ধূপ জ্বালাতো, যাদের সদাপ্রভু তাদের সামনে থেকে দূর করে দিলেন। তারা এমন সব মন্দ কাজ করল, যা সদাপ্রভুর ক্রোধ জাগিয়ে তুলেছিল। 12 তারা প্রতিমাপুজো করল, যদিও সদাপ্রভু বললেন, “তোমরা এরকম করবে না।” 13 সদাপ্রভু তাঁর সব ভাববাদী

ও ভবিষ্যৎস্থার মাধ্যমে ইস্রায়েল ও যিহুদাকে এই বলে সতর্ক করে দিলেন: “তোমরা তোমাদের কৃপথ থেকে ফিরে এসো। আমি তোমাদের পূর্বপুরুষদের পালনীয় সম্পূর্ণ যে বিধান দিয়েছিলাম ও আমার দাস সেই ভাববাদীদের মাধ্যমে তোমাদের কাছে যা সঁপে দিয়েছিলাম, সেগুলির সাথে সামঞ্জস্য রেখে আমার সব আদেশ ও বিধিবিধান পালন করো।” 14 কিন্তু তারা তা শোনেওনি এবং তাদের সেই পূর্বপুরুষদের মতো তারাও একগুরুমি করল, যারা তাদের ঈশ্বর সদাপ্রভুতে বিশ্বাস করতে ব্যর্থ হল। 15 তাঁর সেই বিধিবিধান ও পবিত্র নিয়ম তারা প্রত্যাখ্যান করল, যা তিনি তাদের পূর্বপুরুষদের দিলেন এবং সেই ঈশ্বরিক বিধানও তারা অগ্রহ্য করল, যা পালন করার জন্য তিনি তাদের সতর্ক করে দিলেন। তারা অযোগ্য সব প্রতিমার অনুগামী হল এবং নিজেরাও অযোগ্য হয়ে পড়েছিল। তারা তাদের চারপাশে থাকা জাতিদের অনুকরণ করল, যদিও সদাপ্রভু তাদের আদেশ দিলেন, “তোমরা তাদের মতো কাজকর্ম কোরো না।” 16 তারা তাদের ঈশ্বর সদাপ্রভুর সব আদেশ ত্যাগ করল এবং নিজেদের জন্য বাচ্চুরের আকৃতিবিশিষ্ট দুটি প্রতিমার মূর্তি ও আশেরার একটি খুঁটি তৈরি করে নিয়েছিল। তারা আকাশের সব তারকাদলের কাছে মাথা নত করত, ও বায়ালদেবেরও পুজো করত। 17 তারা তাদের ছেলেমেয়েদের আগুনে উৎসর্গ করত। তারা দৈববিচার প্রয়োগ করত এবং মঙ্গল বা অমঙ্গলসূচক লক্ষণ খুঁজে বেড়াত ও সদাপ্রভুর ক্রোধ জাগিয়ে তুলে তাঁর দৃষ্টিতে কুকাজ করার জন্য নিজেদের বিকিয়ে দিয়েছিল। 18 তাই সদাপ্রভু ইস্রায়েলের প্রতি অত্যন্ত ক্রুদ্ধ হলেন এবং তাঁর উপস্থিতি থেকে তাদের দূর করে দিলেন। একমাত্র যিহুদা বংশ অবশিষ্ট ছিল, 19 এবং এমনকি যিহুদাও তাদের ঈশ্বর সদাপ্রভুর আদেশ পালন করেননি। ইস্রায়েলের শুরু করা প্রথা তারাও অনুসরণ করল। 20 তাই সদাপ্রভু ইস্রায়েলের সব লোকজনকে প্রত্যাখ্যান করলেন; তিনি তাদের কষ্ট দিলেন এবং তাঁর উপস্থিতি থেকে তাদের ধাক্কা মেরে দূর করে না দেওয়া পর্যন্ত তিনি তাদের লুঠেরাদের হাতে সঁপে দিলেন। 21 যখন তিনি ইস্রায়েলকে দাউদের কুল থেকে ছিঁড়ে

আলাদা করলেন, তখন তারা নবাটের ছেলে যারবিয়ামকে তাদের  
রাজা করল। যারবিয়াম সদাপ্রভুর পথ থেকে সরে যেতে ইস্রায়েলকে  
প্রলুক করল এবং তাদের দিয়ে মহাপাপ করিয়েছিল। 22 ইস্রায়েলীরা  
নাছোড়বান্দা মনোভাব নিয়ে যারবিয়ামের করা সব পাপে লিঙ্গ হল  
এবং সেগুলি থেকে ততদিন ফিরে আসেনি 23 যতদিন না সদাপ্রভু  
তাঁর উপস্থিতি থেকে তাদের দূর করে দিলেন, যে বিষয়ে তিনি তাঁর  
সব দাস ভাববাদীদের মাধ্যমে তাদের আগেই সর্তক করে দিলেন।  
অতএব ইস্রায়েলী প্রজারা তাদের স্বদেশ থেকে আসিরিয়ায় নির্বাসিত  
হল, এবং আজও পর্যন্ত তারা সেখানেই আছে। 24 আসিরিয়ার রাজা  
ব্যাবিলন, কৃথা, অবৰা, হমাং ও সফর্বয়িম থেকে লোকজন এনে  
ইস্রায়েলীদের পরিবর্তে শমরিয়ার বিভিন্ন নগরে তাদের বসিয়ে দিলেন।  
তারা শমরিয়া দখল করে সেখানকার নগরগুলিতে বসবাস করতে শুরু  
করল। 25 প্রথম প্রথম সেখানে থাকার সময় তারা সদাপ্রভুর আরাধনা  
করেননি; তাই তিনি তাদের মধ্যে কয়েকটি সিংহ পাঠিয়ে দিলেন  
এবং সিংহগুলি লোকদের মধ্যে কয়েকজনকে মেরে ফেলেছিল। 26  
আসিরিয়ার রাজাকে সেই খবর দেওয়া হল: “যে লোকজনকে আপনি  
শমরিয়ায় পাঠিয়ে সেখানে তাদের পুনর্বাসন দিয়েছেন, তারা জানে  
না, সেই দেশের দেবতা ঠিক কী চান। তিনি তাদের মধ্যে কয়েকটি  
সিংহ পাঠিয়েছেন, যারা লোকজনকে মেরে ফেলছে, কারণ লোকেরা  
তো জানেই না, তিনি ঠিক কী চান।” 27 তখন আসিরিয়ার রাজা এই  
আদেশ দিলেন: “তোমরা শমরিয়া থেকে যেসব যাজককে বন্দি করে  
নিয়ে এসেছ, তাদের মধ্যে একজনকে সেখানে ফিরে যেতে দাও।  
সে সেখানে থেকে লোকজনকে শিক্ষা দেবে, সেই দেশের দেবতা  
ঠিক কী চান।” 28 অতএব শমরিয়া থেকে বন্দি করে নিয়ে যাওয়া  
যাজকদের মধ্যে একজন বেথেলে বসবাস করার জন্য ফিরে এলেন  
এবং তিনি তাদের শিক্ষা দিলেন, কীভাবে সদাপ্রভুর আরাধনা করতে  
হয়। 29 তা সত্ত্বেও, বিভিন্ন নগরে উপনিবেশ গড়ে বসবাস করতে থাকা  
প্রত্যেকটি জাতিভিত্তিক দল সেই নগরগুলিতে নিজের নিজের দেবতা  
গড়ে নিয়েছিল, এবং শমরিয়ার লোকেরা আগে উঁচু উঁচু স্থানে যেসব

প্রতিমাপুজোর পীঠস্থান তৈরি করল, সেখানেই তাদের দেবতাদের প্রতিষ্ঠিত করল। 30 ব্যাবিলন থেকে আসা লোকেরা সুক্ষোৎ-বনোৎ তৈরি করল, কৃথা থেকে আসা লোকেরা নের্গল, এবং হমাও থেকে আসা লোকেরা অশীমা; 31 অবৌয়রা নিভস ও তর্তক তৈরি করল, এবং সফবীয়রা তাদের ছেলেমেয়েদের বলিনৱপে সফব্বয়িমের দেবতা অন্ধমেলক ও অন্ধমেলকের কাছে আগুনে পোড়াতো। 32 তারা সদাপ্রভুর আরাধনা করত, কিন্তু এছাড়াও তারা নিজেদের সব ধরনের লোকজনকে উঁচু উঁচু স্থানগুলিতে দেবতার পীঠস্থানে পূজারির কাজে নিযুক্ত করল। 33 তারা সদাপ্রভুর আরাধনা করত, কিন্তু একইসাথে যেসব দেশ থেকে তাদের আনা হল, সেইসব দেশের লোকাচার অনুসারে তারা নিজেদের দেবতাদেরও সেবা করত। 34 আজও পর্যন্ত তারা তাদের আগেকার প্রথাই পালন করে আসছে। তারা না তো ঠিকঠাক সদাপ্রভুর আরাধনা করে, না তারা সদাপ্রভুর সেইসব বিধি ও নিয়মকানুন, বিধান ও আদেশের প্রতি অনুরক্ত থাকে, যেগুলি তিনি সেই যাকোবের বংশধরদের দিয়েছিলেন, যাঁর নাম তিনি ইস্রায়েল রেখেছিলেন। 35 ইস্রায়েলীদের সাথে সদাপ্রভু পবিত্র এক নিয়ম স্থাপন করার সময় তাদের আদেশ দিলেন: “অন্য কোনও দেবতার আরাধনা করবে না অথবা তাদের কাছে মাথা নত করবে না, তাদের সেবা করবে না বা তাদের কাছে বলি উৎসর্গ করবে না। 36 কিন্তু সেই সদাপ্রভুরই আরাধনা তোমাদের করতে হবে, যিনি মহাশক্তি দেখিয়ে ও প্রসারিত হাত বাড়িয়ে দিয়ে তোমাদের মিশ্র থেকে বের করে এনেছিলেন। তাঁরই কাছে তোমরা মাথা নত করবে ও তাঁরই কাছে বলি উৎসর্গ করবে। 37 তিনি তোমাদের জন্য যেসব বিধি ও নিয়ম, তথা বিধান ও আদেশ লিখে রেখে গিয়েছেন, সেগুলি পালন করার জন্য তোমাদের সবসময় সতর্ক হয়ে থাকতেই হবে। অন্যান্য দেবদেবীর আরাধনা কোরো না। 38 আমি তোমাদের সাথে যে পবিত্র নিয়ম স্থাপন করেছি, তা তোমরা ভুলো না, এবং অন্যান্য দেবদেবীর আরাধনা কোরো না। 39 বরং, তোমাদের ঈশ্বর সদাপ্রভুর আরাধনা কোরো; তিনিই তোমাদের সব শক্তির হাত থেকে তোমাদের মুক্ত করবেন।” 40 তারা

অবশ্য তাঁর কথা শোনেনি, কিন্তু তাদের পুরোনো প্রথাই পালন করে গেল। 41 এমনকি এইসব লোকজন সদাপ্রভুর আরাধনা করছিল, আবার তাদের প্রতিমাণ্ডলিতও পুজো করছিল। আজও পর্যন্ত তাদের ছেলেমেয়ে ও নাতিপুত্রিতা তাদের পূর্বপুরুষদের মতোই এরকম করে চলেছে।

**18** এলার ছেলে ইস্রায়েলের রাজা হোশেয়ের রাজত্বকালের তৃতীয় বছরে যিহুদার রাজা আহসের ছেলে হিক্ষিয় রাজত্ব করতে শুরু করলেন। 2 তিনি পঁচিশ বছর বয়সে রাজা হলেন, এবং জেরুশালেমে উন্নত্রিশ বছর রাজত্ব করলেন। তাঁর মায়ের নাম অবিয়। তিনি সখরিয়ের মেয়ে ছিলেন। 3 হিক্ষিয় তাঁর পূর্বপুরুষ দাউদের মতোই সদাপ্রভুর দৃষ্টিতে যা যা ঠিক, তাই করতেন। 4 তিনি প্রতিমাপুজোর উঁচু উঁচু স্থানগুলি সরিয়ে দিলেন, পবিত্র পাথরগুলি ভেঙে গুঁড়িয়ে দিলেন এবং আশেরার খুটিগুলিও কেটে নামিয়ে দিলেন। মোশির তৈরি করা সেই ব্রোঞ্জের সাপটিকেও তিনি ভেঙে টুকরো টুকরো করে দিলেন, কারণ সেই সময় পর্যন্ত ইস্রায়েলীরা সেটির কাছেই ধূপ জ্বালাতো। (সেটির নাম দেওয়া হল নহষ্টন।) 5 হিক্ষিয় ইস্রায়েলের স্কশ্ব সদাপ্রভুর উপর নির্ভর করলেন। যিহুদার রাজাদের মধ্যে কেউ তাঁর মতো হননি, না তাঁর আগে, না তাঁর পরে। 6 তিনি সদাপ্রভুকে আঁকড়ে ধরেছিলেন এবং তাঁর পথে চলা বন্ধ করেননি; সদাপ্রভু মোশিকে যেসব আদেশ দিলেন, তিনি সেগুলি পালন করে গেলেন। 7 সদাপ্রভু তাঁর সাথে ছিলেন; তাঁর সব কাজে তিনি সফল হলেন। তিনি আসিরিয়ার রাজার বিরুদ্ধে বিদ্রোহ করলেন এবং তাঁর সেবা করেননি। 8 গাজা ও সেখানকার সব এলাকা জুড়ে নজরমিনার থেকে শুরু করে সুরক্ষিত নগর পর্যন্ত, সর্বত্র তিনি ফিলিস্তিনীদের পরাজিত করলেন। 9 রাজা হিক্ষিয়ের রাজত্বকালের চতুর্থ বছরে, অর্থাৎ এলার ছেলে ইস্রায়েলের রাজা হোশেয়ের রাজত্বকালের সপ্তম বছরে আসিরিয়ার রাজা শল্মনেষর শমরিয়ার বিরুদ্ধে যুদ্ধযাত্রা করে নগরটি অবরুদ্ধ করলেন। 10 তিনি বছর পর আসিরিয়ার সৈন্যসামন্তরা সেটি দখল করে নিয়েছিল। অতএব হিক্ষিয়ের রাজত্বকালের ষষ্ঠ বছরে, অর্থাৎ ইস্রায়েলের রাজা হোশেয়ের

রাজত্বকালের নবম বছরে শমরিয়া তাদের নিয়ন্ত্রণে এসেছিল। 11  
আসিরিয়ার রাজা ইস্তায়েলকে আসিরিয়ায় নির্বাসিত করলেন এবং  
হলহে, হাবোর নদীতীরের গোষগে ও মাদীয়দের বিভিন্ন নগরে তাদের  
থাকার ব্যবস্থা করে দিলেন। 12 তারা তাদের ঈশ্বর সদাপ্রভুর বাধ্য  
হয়ে থাকেনি বলেই এই ঘটনা ঘটেছিল, বরং তারা তাঁর সেইসব  
পবিত্র নিয়ম লজ্জন করল, যেগুলি সদাপ্রভুর দাস মোশি তাদের পালন  
করার আদেশ দিলেন। তারা না সেইসব আদেশে কান দিয়েছিল,  
না সেগুলি পালন করল। 13 রাজা হিস্কিয়ের রাজত্বকালের চতুর্দশ  
বছরে আসিরিয়ার রাজা সন্ত্রৈরীব যিহুদার সব সুরক্ষিত নগর আক্রমণ  
করে সেগুলি দখল করে নিয়েছিলেন। 14 তাই যিহুদার রাজা হিস্কিয়  
লাখীশে আসিরিয়ার রাজাকে এই খবর দিয়ে পাঠালেন: “আমি অন্যায়  
করেছি। আপনি আমার কাছ থেকে ফিরে যান, আর আপনি যা দাবি  
করবেন, আমি আপনাকে তাই দেব।” আসিরিয়ার রাজা হিস্কিয়ের কাছ  
থেকে জোর করে তিনশো তালস্ত রংপো ও ত্রিশ তালস্ত সোনা আদায়  
করে নিয়েছিলেন। 15 অতএব সদাপ্রভুর মন্দিরে ও রাজপ্রাসাদের  
কোষাগারে যত রংপো ছিল, হিস্কিয় সেসব তাঁর হাতে তুলে দিলেন।  
16 যিহুদার রাজা হিস্কিয় সদাপ্রভুর মন্দিরের দরজা ও চৌকাঠগুলি যত  
সোনা দিয়ে মুড়ে রেখেছিলেন, সেইসব সোনা খুলে নিয়ে সেই সময়  
তিনি তা আসিরিয়ার রাজাকে দিলেন। 17 আসিরিয়ার রাজা লাখীশ  
থেকে তাঁর প্রধান সেনাপতি, মুখ্য কর্মকর্তা ও সমর-সেনাপতিকে এক  
বিশাল সৈন্যদল সমেত জেরশালেমে হিস্কিয়ের কাছে পাঠালেন। তারা  
জেরশালেমে এসে ধোপার মাঠে যাওয়ার পথে পড়া, উপরের দিকের  
পুরুপারের কৃত্রিম জলপ্রগালীর কাছে এসে দাঁড়িয়েছিলেন। 18 তারা  
রাজাকে ডেকে পাঠালেন; এবং রাজপ্রাসাদের পরিচালক হিস্কিয়ের পুত্র  
ইলিয়াকীম, সচিব শিবন ও আসফের পুত্র লিপিকার যোয়াহ বের হয়ে  
তাদের কাছে গেলেন। 19 সেই সৈন্যাধ্যক্ষ তাদের বললেন, “তোমরা  
গিয়ে হিস্কিয়কে বলো, “‘মহান রাজাধিরাজ, আসিরিয়ার রাজা এই  
কথা বলেন: তোমাদের এই আত্মনির্ভরতা কীসের উপরে প্রতিষ্ঠিত?  
20 তোমরা বলছ যে তোমাদের কাছে যুদ্ধ করার বুদ্ধিপরামর্শ ও শক্তি

আছে—কিন্তু তোমরা আসলে শুধু শূন্যগর্ভ কথাই বলছ। কার উপর তুমি নির্ভর করছ, যে আমার বিরংদেই তুমি বিদ্রোহ করে বসেছ? 21 এখন দেখো, আমি জানি তোমরা মিশরের উপরে নির্ভর করেছ। সে হল থ্যাংলানো নলখাগড়ার মতো লাঠি, যা কোনো মানুষের হাতকে বিদ্ধ করে! তেমনি মিশরের রাজা ফরৌণ যারা তার উপরে নির্ভর করে। 22 আর যদি তোমরা আমাকে বলো, “আমরা আমাদের ঈশ্বর সদাপ্রভুর উপরে নির্ভর করি,” তাহলে তিনি কি সেই ঈশ্বর নন, যার উচু পীঠস্থানগুলি ও বেদিগুলি হিকিয় অপসারণ করেছেন এবং যিহুদা ও জেরুশালেমকে এই কথা বলেছেন, “তোমরা অবশ্যই এই যজ্ঞবেদির সামনে উপাসনা করবে”? 23 “এবারে এসো, আমার মনিব আসিরিয়ার রাজার সাথে একটি চুক্তি করো: আমি তোমাদের দুই হাজার অশ্ব দেব, যদি তোমরা তাদের জন্য প্রয়োজনীয় অশ্বারোহী দিতে পারো! 24 তা যদি না হয়, তাহলে কীভাবে তোমরা আমার মনিবের নগণ্যতম কর্মকর্তাদের মধ্যে মাত্র একজনকেও হাঁঠিয়ে দিতে পারবে, যদিও তোমরা রথ ও অশ্বারোহীদের জন্য মিশরের উপর নির্ভর করছ? 25 এছাড়াও, আমি কি সদাপ্রভুর অনুমতি ছাড়াই এই দেশ আক্রমণ করে ধ্বংস করতে এসেছি? সদাপ্রভু স্বয়ং আমাকে বলেছেন, এই দেশের বিরুদ্ধে সমরাভিযান করে তা ধ্বংস করতে।” 26 তখন হিকিয়ের ছেলে ইলিয়াকীম, এবং শিব্ন ও যোয়াহ সেই সৈন্যাধ্যক্ষকে বললেন, “দয়া করে আপনি আপনার দাসদের কাছে অরামীয় ভাষায় কথা বলুন, কারণ আমরা তা বুঝতে পারি। প্রাচীরের উপরে বসে থাকা লোকদের কর্ণগোচরে আমাদের সঙ্গে হিন্দু ভাষায় কথা বলবেন না।” 27 কিন্তু সেই সৈন্যাধ্যক্ষ উত্তর দিলেন, “আমার মনিব কি এই সমস্ত কথা কেবলমাত্র তোমাদের মনিব ও তোমাদের কাছে বলতে পাঠিয়েছেন, কিন্তু প্রাচীরের উপরে ওই বসে থাকা লোকদের কাছে নয়—যারা তোমাদেরই মতো নিজেদের মল ভোজন ও নিজেদেরই মূত্র পান করবে?” 28 তারপরে সেই সৈন্যাধ্যক্ষ দাঁড়িয়ে জোরে জোরে হিন্দু ভাষায় বলতে লাগলেন, “তোমরা মহান রাজাধিরাজ, আসিরীয় রাজার কথা শোনো! 29 সেই মহারাজ এই কথা বলেন:

হিক্ষিয় তোমাদের সঙ্গে প্রতারণা না করত্বক। সে তোমাদের উদ্বার  
করতে পারবে না! 30 হিক্ষিয় তোমাদের এই কথা বলে যেন বিশ্বাস না  
জন্মায় যে, ‘সদাপ্রভু অবশ্যই আমাদের উদ্বার করবেন; এই নগর  
আসিরিয়ার রাজার হাতে সমর্পিত হবে না।’ 31 “তোমরা হিক্ষিয়ের কথা  
শুনবে না। আসিরীয় রাজা এই কথা বলেন: আমার সঙ্গে সন্ধিচুক্তি  
করে তোমরা আমার কাছে বেরিয়ে এসো। তাহলে তোমরা তখন  
প্রত্যেকে নিজের নিজের আঙুর ও ডুমুর গাছ থেকে ফল পেড়ে খাবে  
ও নিজের নিজের কুয়ো থেকে জলপান করবে। 32 পরে আমি এসে  
তোমাদের এমন একটি দেশে নিয়ে যাব, যেটি তোমাদের নিজেদের  
দেশের মতোই—খাদ্যশস্য ও নতুন দ্রাক্ষারসে ভরা এক দেশ, রংটি ও  
দ্রাক্ষাক্ষেত্রে ভরা এক দেশ, জলপাই গাছ ও মধু ভরা এক দেশ। মৃত্যু  
নয়, কিন্তু জীবন বেছে নাও! “হিক্ষিয়ের কথা শুনো না, কারণ এই কথা  
বলার সময় তিনি তোমাদের বিপথে পরিচালিত করছেন, ‘সদাপ্রভু  
আমাদের রক্ষা করবেন।’ 33 কোনও দেশের দেবতা কি আসিরিয়ার  
রাজার হাত থেকে তার দেশকে বাঁচাতে পেরেছে? 34 হ্মাৎ ও অর্পদের  
দেবতারা কোথায় গেল? সফর্বয়িমের, হেনার ও ইব্বার দেবতারা  
কোথায় গেল? তারা কি আমার হাত থেকে শমারিয়াকে রক্ষা করতে  
পেরেছে? 35 এই সমস্ত দেশের কোন সব দেবতা তাদের দেশ আমার  
হাত থেকে রক্ষা করেছে? তাহলে সদাপ্রভু কীভাবে আমার হাত  
থেকে জেরুশালেমকে রক্ষা করবেন?” 36 লোকেরা কিন্তু নীরব রইল।  
প্রত্যুত্তরে তারা কিছুই বলল না, কারণ রাজা আদেশ দিয়েছিলেন, “ওর  
কথার কোনো উত্তর দিয়ো না।” 37 তখন হিক্ষিয়ের পুত্র, রাজপ্রসাদের  
পরিচালক ইলিয়াকীম, সচিব শিব্ন ও আসফের পুত্র লিপিকার যোয়াহ,  
নিজের নিজের কাপড় ছিঁড়ে হিক্ষিয়ের কাছে গেলেন। সেই সৈন্যাধ্যক্ষ  
যেসব কথা বলেছিলেন, তারা সেসবই তাঁকে বললেন।

**19** রাজা হিক্ষিয় একথা শুনে নিজের কাপড় ছিঁড়লেন। তিনি শোকের  
পোশাক পরে সদাপ্রভুর মন্দিরে গেলেন। 2 তিনি রাজপ্রসাদের  
পরিচালক ইলিয়াকীম, সচিব শিব্ন ও গুরুত্বপূর্ণ যাজকদের, আমোঘের  
পুত্র, ভাববাদী যিশাইয়ের কাছে প্রেরণ করলেন। তারা সবাই শোকের

পোশাক পরেছিলেন। 3 তারা গিয়ে তাঁকে বললেন, “হিক্ষিয় একথাই  
বলেন: আজকের এই দিনটি হল মর্মাণ্ডিক যন্ত্রণা, তিরক্ষার ও কলক্ষময়  
একদিন, ঠিক যেমন সন্তান প্রসবের সময় এসে গিয়েছে, অথচ  
যেন সন্তান প্রসবের শক্তিই নেই। 4 হয়তো সদাপ্রভু, আপনার  
ঈশ্বর সেই সৈন্যাধ্যক্ষের সব কথা শুনে থাকবেন, যাকে তার মনিব,  
আসিরীয় রাজা, জীবন্ত ঈশ্বরকে বিদ্রূপ করার জন্য প্রেরণ করেছিলেন।  
সদাপ্রভু, আপনার ঈশ্বর, যে কথা শুনেছেন, তার জন্য তিনি হয়তো  
তাঁকে তিরক্ষার করবেন। সেই কারণে, যারা এখনও বেঁচে আছে,  
আপনি অবশিষ্ট তাদের জন্য প্রার্থনা করুন।” 5 যখন রাজা হিক্ষিয়ের  
কর্মচারীরা যিশাইয়ের কাছে গেলেন, 6 যিশাইয় তাদের বললেন,  
“তোমরা গিয়ে তোমাদের মনিবকে বলো, ‘সদাপ্রভু এই কথা বলেন:  
আসিরীয় রাজার অধীন ব্যক্তিরা আমার সম্পর্কে যেসব নিন্দার উক্তি  
করেছে, যেগুলি তোমরা শুনেছ, সে সম্পর্কে ভয় পেয়ো না। 7 তোমরা  
শোনো! আমি তার মধ্যে এমন এক মনোভাব দেব, যার ফলে সে  
যখন এক সংবাদ শুনবে, সে তার স্বদেশে ফিরে যাবে। সেখানে আমি  
তাকে তরোয়ালের দ্বারা বিনষ্ট করব।’” 8 সেই সৈন্যাধ্যক্ষ যখন শুনতে  
পেলেন যে, আসিরীয় রাজার লাখীশ ত্যাগ করে চলে গেছেন, তিনি  
ফিরে গেলেন এবং দেখলেন, রাজা লিব্নার বিরংদী যুদ্ধ করছেন।  
9 পরে সন্ত্রোব একটি সংবাদ শুনতে পেলেন যে, মিশরের কৃশ  
দেশের রাজা তির্ক তাঁর বিরংদী যুদ্ধ করার জন্য সমরাভিযান শুরু  
করেছেন। তাই, আবার তিনি এই কথা বলে হিক্ষিয়ের কাছে দৃতদের  
পাঠালেন: 10 “যিহুদার রাজা হিক্ষিয়কে গিয়ে বলো: যে দেবতার উপর  
আপনি নির্ভর করে আছেন, তিনি যেন এই কথা বলে আপনাকে না  
ঠকান যে, ‘আসিরিয়ার রাজার হাতে জেরুশালেমকে সমর্পণ করা হবে  
না।’ 11 তোমরা নিশ্চয়ই শুনেছ, সব দেশের প্রতি আসিরীয় রাজা কী  
করেছেন। তিনি তাদের সম্পূর্ণরূপে ধ্বংস করেছেন। আর তোমরা কি  
তাঁর হাত থেকে রক্ষা পাবে? 12 ওইসব জাতির দেশগুলি, যাদের  
আমার পিতৃপুরুষেরা ধ্বংস করেছিলেন, কেউ কি তাদের উদ্ধার করতে  
পেরেছে—অর্থাৎ গোষণ, হারণ, রেৎসফ ও তেল-অৎসরে বসবাসকারী

এদনের লোকেদের দেবতারা? 13 হমাতের রাজা বা অর্পদের রাজা  
কোথায় গেল? লায়ীর, সফর্বয়িম, হেনা ও ইব্বার রাজারাই বা কোথায়  
গেল?” 14 সেই দৃতদের কাছ থেকে পত্রখানি গ্রহণ করে হিক্ষিয় পাঠ  
করলেন। তারপর তিনি সদাপ্রভুর মন্দিরে উঠে গেলেন এবং সদাপ্রভুর  
সামনে তা মেলে ধরলেন। 15 আর হিক্ষিয় এই বলে সদাপ্রভুর  
কাছে প্রার্থনা করলেন: “দুই কর্নবের মাঝে বিরাজমান হে ইস্রায়েলের  
ঈশ্বর সদাপ্রভু, একমাত্র তুমই পৃথিবীর সব রাজ্যের ঈশ্বর। তুমই  
আকাশমণ্ডল ও পৃথিবীর সৃষ্টি করেছ। 16 হে সদাপ্রভু, তুমি কর্ণপাত  
করো ও শোনো; হে সদাপ্রভু, তুমি তোমার দৃষ্টি উন্মোচন করো ও  
দেখো; জীবন্ত ঈশ্বরকে অপমান করে সন্ত্রোষ যেসব কথা বলেছে,  
তা তুমি শ্রবণ করো। 17 “একথা সত্যি, হে সদাপ্রভু, যে আসিরীয়  
রাজারা এই সমস্ত জাতি ও তাদের দেশগুলিকে বিনষ্ট করেছে। 18  
তারা তাদের দেবতাদের আগুনে নিক্ষেপ করে তাদের ধ্বংস করেছে,  
কারণ তারা দেবতা নয়, কিন্তু ছিল কেবলমাত্র কাঠ ও পাথরের তৈরি,  
মানুষের হাতে তৈরি শিল্প। 19 এখন, হে আমাদের ঈশ্বর সদাপ্রভু,  
তাঁর হাত থেকে আমাদের রক্ষা করো, যেন পৃথিবীর সব রাজ্য জানতে  
পারে যে, হে সদাপ্রভু, একমাত্র তুমই ঈশ্বর।” 20 পরে আমোষের  
ছেলে যিশাইয় হিক্ষিয়ের কাছে এই খবর দিয়ে পাঠালেন: “ইস্রায়েলের  
ঈশ্বর সদাপ্রভু একথাই বলেন: আসিরিয়ার রাজা সন্ত্রোষের বিষয়ে  
তোমার করা প্রার্থনাটি আমি শুনেছি। 21 তার বিরুদ্ধে বলা সদাপ্রভুর  
বাণী হল এই: “কুমারী-কন্যা সিরোন তোমাকে অবজ্ঞা ও উপহাস  
করে। জেরুশালেম-কন্যা তার মাথা নাড়ায় যখন তোমরা পলায়ন  
করো। 22 তুমি কাকে অপমান ও কার নিন্দা করেছ? তুমি কার  
বিরুদ্ধে তোমার কর্তৃত্বের তুলেছ ও গর্বিত চক্ষু উপরে তুলেছ? তা  
করেছ ইস্রায়েলের সেই পরিত্রমের বিরুদ্ধেই। 23 তোমার দৃতদের  
দ্বারা তুমি প্রভুর উপরে অপমানের বোঝা চাপিয়েছ। আবার তুমি  
বলেছ, ‘আমার বঙ্গসংখ্যক রথের দ্বারা আমি পর্বতসমূহের শিখরে,  
লেবাননের সর্বোচ্চ চূড়াগুলির উপরে আরোহণ করেছি। আমি তার  
দীর্ঘতম সিডার গাছগুলিকে, তার উৎকৃষ্টতম দেবদারু গাছগুলিকে

কেটে ফেলেছি। আমি তার প্রত্যন্ত এলাকায়, তার সুন্দর বনানীতে  
পৌঁছে গেছি। 24 আমি বিজাতীয় ভূমিতে কুয়ো খনন করেছি এবং  
সেখানকার জলপান করেছি। আমার পায়ের তলা দিয়ে আমি মিশরের  
সব স্রোতোধারা শুকিয়ে দিয়েছি।' 25 'তুমি কি শুনতে পাওনি?  
বহুপূর্বে আমি তা স্থির করেছিলাম। পুরাকালে আমি তার পরিকল্পনা  
করেছিলাম; কিন্তু এখন আমি তা ঘটতে দিয়েছি, সেই কারণে তুমি  
সুরক্ষিত নগরগুলিকে পাথরের টিবিতে পরিণত করেছ। 26 সেইসব  
জাতির লোকেরা ক্ষমতাহীন হয়েছে, তারা হতাশ হয়ে লজ্জিত হয়েছে।  
তারা হল মাঠের গাছগুলির মতো, গজিয়ে ওঠা কোমল অঙ্গুরের মতো,  
যেমন ছাদের উপরে ঘাস গজিয়ে ওঠে, কিন্তু বেড়ে ওঠার আগেই  
তাপে শুকিয়ে যায়। 27 'কিন্তু আমি জানি তোমার অবস্থান কোথায়,  
কখন তুমি আস ও যাও, আর কীভাবে তুমি আমার বিরুদ্ধে ক্রোধ  
প্রকাশ করো। 28 যেহেতু তুমি আমার বিরুদ্ধে ক্রোধ প্রকাশ করো,  
আর যেহেতু তোমার অভব্য আচরণের কথা আমার কানে পৌঁছেছে,  
আমি তোমার নাকে আমার বড়শি ফেটাব, তোমার মুখে দেব আমার  
বলগা, আর যে পথ দিয়ে তুমি এসেছ, সেই পথেই তোমাকে ফিরিয়ে  
দেব। 29 'আর ওহে হিক্কিয়, এই হবে তোমার পক্ষে চিহ্নস্বরূপ: "এই  
বছরে তোমরা আপনা-আপনি উৎপন্ন শস্য, আর দ্বিতীয় বছরে তা  
থেকে যা উৎপন্ন হবে, তোমরা তাই ভোজন করবে। কিন্তু তৃতীয়  
বছরে তোমরা বৌজবপন ও শস্যচ্ছেদন করবে, দ্রাক্ষাকুঞ্জ রোপণ করে  
তার ফল খাবে। 30 আরও একবার যিহুদা রাজ্যের অবশিষ্ট লোকেরা  
পায়ের নিচে মূল খুঁজে পাবে ও তাদের উপরে ফল ধরবে। 31 কারণ  
জেরুশালেম থেকে আসবে এক অবশিষ্টাংশ, আর সিয়োন পর্বত  
থেকে আসবে বেঁচে থাকা লোকের একদল। সর্বশক্তিমান সদাপ্রভুর  
উদ্যোগই তা সুসম্পন্ন করবে। 32 'সেই কারণে, আসিরীয় রাজা  
সম্পর্কে সদাপ্রভু এই কথা বলেন: "সে এই নগরে প্রবেশ করবে না,  
কিংবা এখানে কোনো তির নিষ্কেপ করবে না। সে এই নগরের সামনে  
ঢাল নিয়ে আসবে না, কিংবা কোনো জাঙ্গাল নির্মাণ করবে না। 33 যে  
পথ দিয়ে সে আসবে, সে পথেই যাবে ফিরে; সে এই নগরে প্রবেশ

করবে না,” সদাপ্রভু এই কথা বলেন। 34 “আমি আমার জন্য ও আমার দাস দাউদের জন্য এই নগর রক্ষা করে তা উদ্ধার করব!” 35 সেরাতেই সদাপ্রভুর দৃত আসিরীয়দের সৈন্যশিবিরে গিয়ে এক লক্ষ পঁচাশি হাজার সৈন্য মেরে ফেলেছিলেন। পরদিন সকালে যখন লোকজন ঘুম থেকে উঠেছিল—দেখা গেল সর্বত্র শুধু মৃতদেহ ছড়িয়ে পড়ে আছে! 36 তাই আসিরিয়ার রাজা সন্ধেরীব সৈন্যশিবির ভেঙে দিয়ে সেখান থেকে সরে পড়েছিলেন। তিনি নীনবীতে ফিরে গিয়ে সেখানেই থেকে গেলেন। 37 একদিন, যখন তিনি তাঁর দেবতা নিষ্ঠাকের মন্দিরে পুজো করছিলেন, তাঁর দুই ছেলে অদ্রম্ভেলক ও শরেৎসর তরোয়াল দিয়ে তাঁকে হত্যা করল, এবং আরারট দেশে পালিয়ে গেল। তাঁর ছেলে এসর-হন্দোন রাজারপে তাঁর স্থলাভিষিক্ত হলেন।

**20** সেই সময় হিক্ষিয় অসুস্থ হয়ে পড়েছিলেন এবং তা মৃত্যুজনক হয়ে গেল। আমোমের ছেলে ভাববাদী যিশাইয় তাঁর কাছে গিয়ে বললেন, “সদাপ্রভু একথাই বলেন: তুমি বাড়ির সব ব্যবস্থা ঠিকঠাক করে রাখো, কারণ তুমি মরতে চলেছ; তুমি আর সেরে উঠবে না।” 2 হিক্ষিয় দেয়ালের দিকে মুখ ফিরিয়ে সদাপ্রভুর কাছে এই প্রার্থনা করলেন, 3 “হে সদাপ্রভু, স্মরণ করো, আমি কীভাবে তোমার সামনে বিশ্঵স্তায় ও সম্পূর্ণ হস্তয়ে ভক্তি প্রকাশ করেছি। তোমার দৃষ্টিতে যা কিছু মঙ্গলজনক, আমি তাই করেছি।” এই বলে হিক্ষিয় অত্যন্ত রোদন করতে লাগলেন। 4 মাঝখানের প্রাঙ্গণ ছেড়ে যাওয়ার আগেই সদাপ্রভুর বাণী যিশাইয়ের কাছে উপস্থিত হল: 5 “তুমি ফিরে গিয়ে আমার প্রজাদের শাসনকর্তা হিক্ষিয়কে এই কথা বলো, ‘সদাপ্রভু, তোমার পিতৃপুরুষ দাউদের ঈশ্বর এই কথা বলেন: আমি তোমার প্রার্থনা শ্রবণ করেছি ও তোমার অশ্রু দেখেছি; আমি তোমাকে সুস্থ করব। আজ থেকে তৃতীয় দিনের মাথায় তুমি সদাপ্রভুর মন্দিরে যাবে। 6 আমি তোমার জীবনের আয়ুর সঙ্গে আরও পনেরো বছর যোগ করব। এছাড়াও আমি তোমাকে ও এই নগরটিকে আসিরীয় রাজার হাত থেকে উদ্ধার করব। আমার স্বার্থে ও আমার দাস দাউদের স্বার্থেই আমি এই নগরকে রক্ষা করব।’” 7 পরে যিশাইয় বললেন, “ডুমুরফল

ছেঁচে একটি প্রলেপ তৈরি করে নাও।” লোকেরা সেরকমই করল  
এবং সেই বিষফোড়ার উপর সেটি লাগিয়ে দিয়েছিল, ও তিনি সুস্থ  
হয়ে উঠেছিলেন। ৪ হিক্কিয় এর আগে যিশাইয়কে জিজ্ঞাসা করলেন,  
“সদাপ্রভু যে আমাকে সুস্থ করবেন ও আজ থেকে তৃতীয় দিনের মাথায়  
আমি যে সদাপ্রভুর মন্দিরে যাব, তার চিহ্ন কী হবে?” ৫ যিশাইয়  
উত্তর দিলেন, “সদাপ্রভু তাঁর প্রতিজ্ঞানুসারেই যে সবকিছু করবেন,  
তোমার কাছে সদাপ্রভুর এই চিহ্নই হবে তার প্রমাণ: সূর্য-ঘড়িতে  
ছায়াটি কি দশ ধাপ এগিয়ে যাবে, না দশ ধাপ পিছিয়ে যাবে?” ১০  
“ছায়াটি দশ ধাপ এগিয়ে যাওয়া তো মাঝুলি এক ব্যাপার,” হিক্কিয়  
বললেন। “বরং, সেটি দশ ধাপ পিছিয়েই যাক।” ১১ তখন ভাববাদী  
যিশাইয় সদাপ্রভুকে ডেকেছিলেন, এবং সদাপ্রভু আহসের সূর্য-ঘড়ি  
দিয়ে নেমে যাওয়া সেই ছায়াটিকে দশ ধাপ পিছিয়ে দিলেন। ১২ সেই  
সময় বলদনের পুত্র, ব্যাবিলনের রাজা মরোদক-বলদন হিক্কিয়ের  
কাছে পত্র ও উপহার পাঠালেন, কারণ তিনি হিক্কিয়ের অসুস্থতার কথা  
শুনেছিলেন। ১৩ হিক্কিয় আনন্দের সঙ্গে ওইসব প্রতিনিধিকে গ্রহণ  
করলেন। তিনি তাঁর ভাগ্নার্গৃহের সবকিছুই তাদের দেখালেন—রংপো,  
সোনা, সুগন্ধি মশলা ও বহুমূল্য তেল, তাঁর অন্তর্শান্ত ও তাঁর ধনসম্পদের  
সমস্ত কিছু তাদের দেখালেন। তাঁর রাজপ্রাসাদে বা তাঁর সমস্ত রাজ্যের  
মধ্যে এমন কিছুই ছিল না, যা হিক্কিয় তাদের দেখাননি। ১৪ তখন  
ভাববাদী যিশাইয় রাজা হিক্কিয়ের কাছে গেলেন ও তাঁকে জিজ্ঞাসা  
করলেন, “ওই লোকেরা কী বলল এবং ওরা কোথা থেকে এসেছিল?”  
হিক্কিয় উত্তর দিলেন, “বহু দূরের এক দেশ থেকে। ওরা ব্যাবিলন  
থেকে এসেছিল।” ১৫ ভাববাদী জিজ্ঞাসা করলেন, “ওরা আপনার  
প্রাসাদে কী কী দেখল?” হিক্কিয় বললেন, “ওরা আমার প্রাসাদের  
সবকিছুই দেখেছে। আমার ঐশ্বর্যভাণ্ডারে এমন কিছুই নেই, যা আমি  
ওদের দেখাইনি।” ১৬ তখন যিশাইয় হিক্কিয়কে বললেন, “আপনি  
সদাপ্রভুর বাক্য শ্রবণ করুন: ১৭ সেই সময় অবশ্যই উপস্থিত হবে,  
যখন আপনার প্রাসাদে যা কিছু আছে এবং আপনার পিতৃপুরুষেরা  
এ পর্যন্ত যা কিছু সঞ্চয় করেছেন, সে সমস্তই ব্যাবিলনে বহন করে

নিয়ে যাওয়া হবে। কোনো কিছুই অবশিষ্ট থাকবে না, বলেন সদাপ্রভু।

18 আর আপনার কিছু সংখ্যক বংশধর, যারা আপনারই রক্তমাংস,  
তাদের আপনি জন্ম দেবেন, তাদেরও সেখানে নিয়ে যাওয়া হবে। তারা  
ব্যাবিলনের রাজপ্রাসাদে নপুংসক হয়ে সেবা করবে।” 19 হিক্ষিয় উত্তর  
দিলেন, “সদাপ্রভুর যে বাক্য আপনি বললেন, তা ভালোই।” কারণ  
তিনি ভাবলেন, তাঁর নিজের জীবনকালে তো শান্তি আর নিরাপত্তা  
থাকবে! 20 হিক্ষিয়ের রাজত্বকালের অন্যান্য সব ঘটনা, তাঁর সব কীর্তি  
এবং তিনি কীভাবে পুরু ও সুরঙ্গ খুঁড়ে নগরে জল এনেছিলেন, তার  
বিবরণ কি যিহূদার রাজাদের ইতিহাস-গ্রন্থে লেখা নেই? 21 হিক্ষিয়  
তাঁর পূর্বপুরুষদের সাথে চিরনিদ্রায় শায়িত হলেন। তাঁর ছেলে মনঃশি  
রাজারপে তাঁর স্তলাভিষিক্ত হলেন।

**21** মনঃশি বারো বছর বয়সে রাজা হলেন, এবং জেরশালেমে  
তিনি পঞ্চাম বছর রাজত্ব করলেন। তাঁর মায়ের নাম হিফসীবা। 2  
ইস্রায়েলীদের সামনে থেকে সদাপ্রভু যে জাতিদের দূর করে দিলেন,  
তাদের ঘণ্য প্রথা অনুসরণ করে তিনি সদাপ্রভুর দৃষ্টিতে যা যা মন্দ,  
তাই করলেন। 3 তাঁর বাবা হিক্ষিয় প্রতিমাপুজোর যেসব উঁচু উঁচু স্থান  
ভেঙে ফেলেছিলেন, তিনি আবার সেগুলি নতুন করে গড়ে দিলেন;  
এছাড়াও ইস্রায়েলের রাজা আহাবের মতো তিনিও বায়ালের কয়েকটি  
যজ্ঞবেদি তৈরি করলেন ও আশেরার একটি খুঁটি দাঁড় করিয়েছিলেন।  
তিনি আকাশের সব তারকাদলের সামনে মাথা নত করতেন ও তাদের  
পুজোও করতেন। 4 সদাপ্রভুর সেই মন্দিরের মধ্যে তিনি কয়েকটি  
যজ্ঞবেদি তৈরি করলেন, যে মন্দিরের বিষয়ে সদাপ্রভু বললেন,  
“জেরশালেমে আমি আমার নাম প্রতিষ্ঠিত করব।” 5 সদাপ্রভুর  
মন্দিরের দুটি প্রাঙ্গণে তিনি আকাশের সব তারকাদলের জন্য কয়েকটি  
বেদি তৈরি করে দিলেন। 6 তিনি নিজের ছেলেকে আগনে বলিয়ে  
উৎসর্গ করলেন। তিনি দৈববিচার প্রয়োগ করতেন, শুভ-অশুভ লক্ষণের  
খোঁজ করতেন, এবং প্রেতমাধ্যম ও অশরীরী আত্মার কাছে পরামর্শ  
নিতে যেতেন। সদাপ্রভুর দৃষ্টিতে প্রচুর মন্দ কাজ করে তিনি তাঁর ক্রোধ  
জাগিয়ে তুলেছিলেন। 7 তিনি আশেরার যে বাঁকা খুঁটিটি তৈরি করলেন,

সেটি তিনি সদাপ্রভুর সেই মন্দিরে নিয়ে গিয়ে রেখেছিলেন, যেখানকার  
বিষয়ে সদাপ্রভু দাউদ ও তাঁর ছেলে শলোমনকে বলে দিলেন, “যে  
মন্দির ও জেরশালেম নগরটি আমি ইস্রায়েলের সব গোষ্ঠীর মধ্যে  
থেকে আলাদা করে বেছে রেখেছি, সেখানেই আমি চিরকালের জন্য  
আমার নাম প্রতিষ্ঠিত করে রাখব। ৪ যে দেশটি আমি ইস্রায়েলীদের  
পূর্বপুরুষদের দিয়েছিলাম, আমি আর কখনও তাদের সেই দেশ ছেড়ে  
চলে যেতে দেব না, শুধু যদি তারা সেইসব কাজ করার জন্য একটু  
সতর্ক হয়, যেগুলি করার আদেশ আমি তাদের দিয়েছিলাম এবং  
আমার দাস মোশি তাদের যে বিধান দিয়েছিল, তা যদি তারা পুরোপুরি  
পালন করে।” ৫ কিন্তু লোকেরা সেকথাং শোনেনি। মনঃশি এমনভাবে  
তাদের বিপথে পরিচালিত করলেন, যে তারা সেইসব জাতির চেয়েও  
বেশি পরিমাণে কুকাজ করল, যাদের সদাপ্রভু তাদের সামনেই ধ্বংস  
করে দিলেন। ১০ সদাপ্রভু তাঁর দাস ভাববাদীদের মাধ্যমে বললেন:  
১১ “যিহুদার রাজা মনঃশি এইসব ঘৃণ্য পাপ করেছে। তার আগে যারা  
ছিল, সেই ইমোরীয়দের চেয়েও সে বেশি পরিমাণে কুকাজ করেছে  
এবং তার প্রতিমার মৃত্তিগুলি দিয়ে সে যিহুদাকে পাপপথে পরিচালিত  
করেছে। ১২ তাই ইস্রায়েলের ঈশ্বর সদাপ্রভু একথাই বললেন: আমি  
জেরশালেমে ও যিহুদায় এমন বিপর্যয় আনতে চলেছি, তা যে কেউ  
শুনবে, তার কান ভোঁ ভোঁ করে উঠবে। ১৩ শমরিয়ার বিরুদ্ধে মাপার  
যে ফিতে ব্যবহার করা হল, এবং আহাব কুলের বিরুদ্ধে যে ওলন-  
দড়ি ব্যবহার করা হল, আমি জেরশালেমের উপরেও সেগুলি ছড়িয়ে  
দেব। মানুষ যেভাবে থালা মুছে রাখে, আমি জেরশালেমকেও সেভাবে  
মুছে রাখব, সেটি মুছে উল্টো করে রাখব। ১৪ আমার উত্তরাধিকারের  
অবশিষ্টাংশকে আমি ত্যাগ করব এবং শক্রদের হাতে তাদের তুলে  
দেব। তাদের সব শক্রর দ্বারা তারা লুণ্ঠিত হবে; ১৫ তারা আমার  
দৃষ্টিতে কুকাজ করেছে এবং যেদিন তাদের পূর্বপুরুষেরা মিশ্র থেকে  
বের হয়ে এসেছিল, সেদিন থেকে শুরু করে আজও পর্যন্ত তারা আমার  
ক্ষেত্রে জাগিয়েই চলেছে।” ১৬ এছাড়াও, মনঃশি এত নির্দোষ লোকের  
রক্তপাত করলেন যে তা দিয়ে তিনি জেরশালেমের এক প্রান্ত থেকে

আর এক প্রান্ত পূর্ণ করে ফেলেছিলেন। এর পাশাপাশি, তিনি যিহুদাকে দিয়ে এমন সব পাপ করিয়েছিলেন যে তারা সদাপ্রভুর দৃষ্টিতে যা যা মন্দ, তাই করল। 17 মনঃশির রাজত্বকালের অন্যান্য সব ঘটনা, এবং তিনি যা যা করলেন, এছাড়াও যেসব পাপ তিনি করলেন, তার বিবরণ কি যিহুদার রাজাদের ইতিহাস-গ্রন্থে লেখা নেই? 18 মনঃশির তাঁর পূর্বপুরুষদের সাথে চিরবিশ্বামৈ শায়িত হলেন এবং তাঁকে তাঁর প্রাসাদের বাগানে, অর্থাৎ উষের বাগানেই কবর দেওয়া হল। তাঁর ছেলে আমোন রাজারূপে তাঁর স্তলাভিষিক্ত হলেন। 19 আমোন বাইশ বছর বয়সে রাজা হলেন, এবং জেরুশালেমে তিনি দুই বছর রাজত্ব করলেন। তাঁর মায়ের নাম মশল্লেমৎ। তিনি হারামের মেয়ে; তাঁর বাড়ি ছিল ষটবায়। 20 আমোন তাঁর বাবা মনঃশির মতোই সদাপ্রভুর দৃষ্টিতে যা যা মন্দ, তাই করলেন। 21 তিনি পুরোপুরি তাঁর বাবার পথেই চলেছিলেন, এবং তাঁর বাবা যেসব প্রতিমার পুজো করতেন, তিনিও তাদেরই পুজো করতেন, ও তাদের সামনে মাথা নত করতেন। 22 তিনি তাঁর পূর্বপুরুষদের ঈশ্বর সদাপ্রভুকে ত্যাগ করলেন, এবং তাঁর প্রতি বাধ্য হয়েও চলেননি। 23 আমোনের কর্মকর্তারা তাঁর বিরহক্ষে ষড়যন্ত্র করে তাঁর রাজপ্রাসাদেই রাজাকে হত্যা করল। 24 তখন দেশের প্রজারা সেইসব লোককে হত্যা করল, যারা রাজা আমোনের বিরহক্ষে ষড়যন্ত্রে লিপ্ত ছিল, এবং তারা তাঁর স্থানে তাঁর ছেলে যোশিয়কে রাজা করল। 25 আমোনের রাজত্বের অন্যান্য সব ঘটনা, এবং তিনি যা যা করলেন, তার বিবরণ কি যিহুদার রাজাদের ইতিহাস-গ্রন্থে লেখা নেই? 26 উষের বাগানে আমোনের কবরেই তাঁকে কবর দেওয়া হল। তাঁর ছেলে যোশিয় রাজারূপে তাঁর স্তলাভিষিক্ত হলেন।

**22** যোশিয় আট বছর বয়সে রাজা হলেন, এবং জেরুশালেমে তিনি একত্রিশ বছর রাজত্ব করলেন। তাঁর মায়ের নাম যিদীদা, এবং তিনি ছিলেন আদায়ার মেয়ে। তাঁর বাড়ি ছিল বক্ষতে। 2 সদাপ্রভুর দৃষ্টিতে যা যা ঠিক, যোশিয় তাই করলেন এবং তিনি পুরোপুরি তাঁর পূর্বপুরুষ দাউদের পথেই চলেছিলেন, ও সেখান থেকে ডাইনে বা বাঁয়ে, কোনোদিকেই সরে যাননি। 3 রাজা যোশিয়ের রাজত্বকালের অষ্টাদশ

বছরে, তিনি মশুলমের নাতি, অর্থাৎ অসলিয়ের ছেলে তথা তাঁর সচিব শাফনকে সদাপ্রভুর মন্দিরে পাঠালেন। তিনি বললেন: 4 “মহাযাজক হিঙ্গিয়ের কাছে গিয়ে তাঁকে বলো, যেন তিনি সেইসব অর্থ হাতে নিয়ে তৈরি থাকেন, যা সদাপ্রভুর মন্দিরে আগে আনা হয়েছিল, এবং দারোয়ানরা যা লোকদের কাছ থেকে সংগ্রহ করেছিল। 5 সেই অর্থ যেন সেইসব লোকের হাতে তুলে দেওয়া হয়, যাদের মন্দির রক্ষণাবেক্ষণের কাজে নিযুক্ত করা হয়েছে। তারা যেন সদাপ্রভুর মন্দির মেরামতের কাজে নিযুক্ত শ্রমিকদের— 6 ছুতোর, ঠিকাদার ও রাজমিস্ত্রিদের বেতন দেয়। তারা যেন মন্দির মেরামতির জন্য কাঠ ও কাটছাঁট করা পাথরও কেনে। 7 কিন্তু তাদের হাতে যে অর্থ তুলে দেওয়া হবে, তার কোনও হিসেব তাদের দিতে হবে না, কারণ অর্থ খরচ করার ক্ষেত্রে তারা যথেষ্টই সৎ।” 8 মহাযাজক হিঙ্গিয় সচিব শাফনকে বললেন, “সদাপ্রভুর মন্দিরে আমি বিধানগ্রন্থটির খোঁজ পেয়েছি।” তিনি সেই গ্রন্থটি শাফনকে দিলেন, এবং শাফন সেটি পাঠ করলেন। 9 পরে সচিব শাফন রাজার কাছে গিয়ে তাঁকে এই খবর দিলেন: “আপনার কর্মকর্তারা সদাপ্রভুর মন্দিরে রাখা অর্থ নিয়ে তা মন্দিরের শ্রমিক ও তত্ত্বাবধায়কদের হাতে তুলে দিয়েছে।” 10 পরে সচিব শাফন রাজাকে জানিয়েছিলেন, “যাজক হিঙ্গিয় আমাকে একটি গ্রন্থ দিয়েছেন।” এই বলে শাফন রাজার সামনে গ্রন্থটি থেকে পাঠ করলেন। 11 রাজামশাই যখন বিধানগ্রন্থে লেখা কথাগুলি শুনেছিলেন, তখন তিনি তাঁর রাজবন্ধু ছিঁড়ে ফেলেছিলেন। 12 তিনি যাজক হিঙ্গিয়কে, শাফনের ছেলে অহীকামকে, মীখায়ের ছেলে অক্বোরকে, সচিব শাফনকে এবং রাজার পরিচারক অসায়কে এইসব আদেশ দিলেন: 13 “এই যে গ্রন্থটি খুঁজে পাওয়া গিয়েছে, তাতে যা যা লেখা আছে, সেসবের বিষয়ে তোমরা আমার, আমার প্রজাদের ও যিহুদার সব লোকজনের জন্য সদাপ্রভুর কাছে গিয়ে খোঁজ নাও। যেহেতু আমাদের পূর্বপুরুষেরা এই গ্রন্থে লেখা কথাগুলি পালন করেননি, তাই আমাদের বিরক্তে সদাপ্রভুর ক্রোধ অতিমাত্রায় জ্বলে উঠেছে; আমাদের সম্বন্ধে সেখানে যা যা লেখা আছে, সেই অনুযায়ী তারা কাজ করেননি।” 14 যাজক

হিক্ষিয়, এবং অঙ্গীকাম, অক্রবোর, শাফন ও অসায় মহিলা ভাববাদী  
সেই হলদার সাথে কথা বলতে গেলেন, যিনি রাজপ্রাসাদের পোশাক  
বিভাগের রক্ষণাবেক্ষণকারী শল্লুমের স্ত্রী ছিলেন। শল্লুম ছিলেন হর্হসের  
নাতি ও তিকবের ছেলে। হলদা জেরুশালেমের নতুন পাড়ায় বসবাস  
করতেন। 15 তিনি তাদের বললেন, “ইস্রায়েলের ঈশ্বর সদাপ্রভু  
একথাই বলেন: আমার কাছে যিনি তোমাদের পাঠিয়েছেন, তাঁকে  
গিয়ে বলো, 16 ‘সদাপ্রভু একথাই বলেন: যিহুদার রাজা যে গ্রন্থটি  
পাঠ করেছে, সেটিতে যা যা লেখা আছে, সেই কথানুসারে আমি এই  
স্থানটির ও এখানকার লোকজনের উপর বিপর্যয় আনতে চলেছি।  
17 যেহেতু তারা আমাকে ত্যাগ করেছে এবং অন্যান্য দেবতাদের  
কাছে ধূপ পূড়িয়েছে ও তাদের হাতে গড়া প্রতিমার সব মূর্তি দিয়ে  
আমার ক্রোধ জাগিয়েছে। আমার ক্রোধ এই স্থানটির বিরুদ্ধে জ্বলে  
উঠবে ও তা প্রশংসিত হবে না।’ 18 সদাপ্রভুর কাছে খোঁজ নেওয়ার  
জন্য যিনি তোমাদের পাঠিয়েছেন, যিহুদার সেই রাজাকে গিয়ে বলো,  
'তোমরা যা যা শুনলে, সেই বিষয়ে ইস্রায়েলের ঈশ্বর সদাপ্রভু একথাই  
বলেন: 19 এই স্থানটির ও এখানকার লোকজনের বিরুদ্ধে আমি যা  
বললাম—অর্থাৎ তারা এক অভিশাপে ও পতিত এলাকায় পরিণত  
হবে—তা শুনে যেহেতু তোমার অন্তর সংবেদনশীল হল ও তুমি  
সদাপ্রভুর সামনে নিজেকে নম্ন করলে, এবং যেহেতু তোমার পোশাক  
চিঁড়ে ফেলে আমার সামনে কেঁদেছিলে, তাই আমি তোমার কথা  
শুনলাম, সদাপ্রভু একথাই ঘোষণা করেছেন। 20 অতএব আমি তোমার  
পূর্বপুরুষদের কাছে তোমাকে নিয়ে যাব, এবং শাস্তিতেই তুমি কবরে  
যাবে। এই স্থানে আমি যেসব বিপর্যয় আনতে চলেছি, স্বচক্ষে তোমাকে  
তা দেখতে হবে না।” অতএব তারা তাঁর এই উত্তরটি নিয়ে রাজার  
কাছে ফিরে গেলেন।

**23** তখন যিহুদা ও জেরুশালেমের সব প্রাচীনকে রাজা এক স্থানে  
ডেকে পাঠালেন। 2 যিহুদার প্রজাদের, জেরুশালেমের অধিবাসীদের,  
যাজক ও ভাববাদীদের—ছোটো থেকে বড়ো, সব লোকজনকে সাথে  
নিয়ে তিনি সদাপ্রভুর মন্দিরে উঠে গেলেন। সদাপ্রভুর মন্দিরে যে

নিয়ম-পুস্তকটি খুঁজে পাওয়া গেল, তার সব কথা তিনি লোকদের পড়ে শুনিয়েছিলেন। ৩ রাজামশাই থামের পাশে দাঁড়িয়ে সদাপ্রভুর সামনে সেই পবিত্র নিয়মটির নবীকরণ করলেন—তিনি সদাপ্রভুর পথে চলার ও মন্ত্রাণ ঢেলে দিয়ে তাঁর আদেশ, বিধিনিয়ম ও হকুম পালন করার শপথ নিয়েছিলেন। এইভাবে সেই গ্রন্থে লেখা পবিত্র নিয়মের কথাগুলি তিনি সুনিশ্চিত করলেন। পরে প্রজারাও সবাই সেই পবিত্র নিয়মের প্রতি বিশ্বস্ত থাকার শপথ নিয়েছিল। ৪ রাজামশাই মহাযাজক হিঙ্কিয়, পদাধিকারবলে তাঁর থেকে ছোটো যাজকদের এবং দারোয়ানদের বললেন, তারা যেন সদাপ্রভুর মন্দির থেকে বায়াল, আশেরা ও আকাশের সব তারকাদলের জন্য তৈরি জিনিসপত্র সরিয়ে দেন। জেরশালেম নগরের বাইরে অবস্থিত কিন্দ্রোগ উপত্যকার মাঠে নিয়ে গিয়ে তিনি সেগুলি পুড়িয়ে দিলেন এবং সেই ছাইভস্ম বেথেলে নিয়ে এলেন। ৫ যিহুদার রাজারা ইতিপূর্বে যিহুদার বিভিন্ন নগরে ও জেরশালেমের আশেপাশে অবস্থিত উঁচু উঁচু স্থানে ধূপ পোড়ানোর জন্য প্রতিমাপুজোর সাথে যুক্ত যেসব যাজককে নিযুক্ত করলেন—অর্থাৎ, যারা বায়ালদেব, সূর্য ও চন্দ, নক্ষত্রমণ্ডল এবং তারকাদলের উদ্দেশে ধূপ জ্বালাতো, তাদের তিনি বরখাস্ত করে দিলেন। ৬ তিনি আশেরার খুঁটিটিকে সদাপ্রভুর মন্দির থেকে বের করে জেরশালেমের বাইরে অবস্থিত কিন্দ্রোগ উপত্যকায় নিয়ে গিয়ে, সেখানে সেটি পুড়িয়ে দিলেন। সেটি পিয়ে ধুলোর মতো গুঁড়ো করে তিনি সাধারণ লোকদের কবরস্থানে ছড়িয়ে দিলেন। ৭ এছাড়াও তিনি সদাপ্রভুর মন্দিরের মধ্যে অবস্থিত দেবদাসদের সেই বাসাগুলি ভেঙে দিলেন, যে বাসাগুলিতে বসে মহিলারা আশেরার জন্য কাপড় বুনত। ৮ যোশিয় যিহুদার সব নগর থেকে যাজকদের বের করে এনেছিলেন এবং গেৰা থেকে শুরু করে বেৰ-শেৰা পর্যন্ত প্রতিমাপুজোর যত উঁচু উঁচু স্থানে যাজকেরা ধূপ জ্বালাতো, সেসব তিনি কল্পিত করে দিলেন। নগরের সিংহদুয়ারের বাঁদিকে অবস্থিত নগরের শাসনকর্তা যিহোশূয়ের দুয়ারের প্রবেশদ্বারে যে সদর দরজাটি ছিল, তিনি সেটিও ভেঙে দিলেন। ৯ যদিও প্রতিমাপুজোর উঁচু উঁচু স্থানগুলির যাজকেরা জেরশালেমে

সদাপ্রভুর যজ্ঞবেদিতে সেবাকাজে অংশগ্রহণ করত না, তারা কিন্তু  
তাদের সহ-যাজকদের সাথে মিলেমিশে খামিরবিহীন রুটি খেয়ে যেত।  
10 তিনি বিন-হিন্নোম উপত্যকায় অবস্থিত তোফৎকে কলুষিত করলেন,  
যেন কেউ আর সেখানে মোলক দেবতার আগুনে তাদের ছেলেমেয়েকে  
বলিকরপে উৎসর্গ করতে না পারে। 11 সদাপ্রভুর মন্দিরের প্রবেশদ্বার  
থেকে ঘোড়ার সেই মূর্তিগুলি তিনি দূর করে দিলেন, যেগুলি যিহুদার  
রাজারা সূর্যের উদ্দেশে প্রতিষ্ঠা করলেন। সেগুলি রাখা ছিল নথন-  
মেলক বলে একজন কর্মকর্তার ঘরের কাছে অবস্থিত প্রাঙ্গণে। যোশিয়  
পরে সূর্যের উদ্দেশে উৎসর্গীকৃত রথগুলিও পুড়িয়ে দিলেন। 12  
আহসের রাজপ্রাসাদের ছাদে অবস্থিত ঘরের কাছে যিহুদার রাজারা যে  
যজ্ঞবেদিগুলি তৈরি করেছিলেন, এবং সদাপ্রভুর মন্দিরের দুটি প্রাঙ্গণে  
মনঃশি যে যজ্ঞবেদিগুলি তৈরি করেছিলেন, তিনি সেগুলি ভেঙে  
নামিয়েছিলেন। তিনি সেখান থেকে সেগুলি দূর করে দিলেন, সেগুলি  
ভেঙে টুকরো টুকরো করে দিলেন এবং সেই ভাঙ্গচোরা ইটপাথর  
কিন্দ্রিণ উপত্যকায় ছুঁড়ে ফেলে দিলেন। 13 রাজামশাই জেরশালেমের  
পূর্বদিকে পচন-পাহাড়ের দক্ষিণ দিকে অবস্থিত প্রতিমাপুজোর সেই  
উঁচু উঁচু স্থানগুলি কলুষিত করলেন—যেগুলি ইসায়েলের রাজা  
শলোমন সীদোনীয়দের কর্দর্য দেবী অষ্টারোতের, মোয়াবের কর্দর্য  
দেবতা কমোশের, এবং অম্মানীয়দের ঘৃণ্য দেবতা মোলকের জন্য  
তৈরি করলেন। 14 যোশিয় পবিত্র পাথরগুলি ভেঙে গুঁড়ে করে দিলেন  
ও আশেরার খুঁটিগুলি কেটে নামিয়েছিলেন এবং সেই স্থানটি মানুষের  
অঙ্গ দিয়ে ঢেকে দিলেন। 15 এমনকি বেথেলের যজ্ঞবেদিটি, এবং  
যিনি ইস্রায়েলকে দিয়ে পাপ করিয়েছিলেন, সেই নবাটের ছেলে  
যারবিয়াম প্রতিমাপুজোর যেসব উঁচু উঁচু স্থানটি পুড়িয়ে দিয়ে  
তিনি ভূমিসাঁও করে দিলেন। প্রতিমাপুজোর উঁচু স্থানটি পুড়িয়ে দিয়ে  
তিনি সেটি পিয়ে গুঁড়ে করে দিলেন, এবং আশেরার খুঁটিটি ও তিনি  
পুড়িয়ে দিলেন। 16 পরে যোশিয় চারপাশে তাকিয়েছিলেন, আর যখন  
তিনি পাহাড়ের পাশে কয়েকটি কবর দেখতে পেয়েছিলেন, তখন  
তিনি সেগুলি থেকে অঙ্গ বের করে এনে যজ্ঞবেদিটি কলুষিত করার

জন্য সেটির উপরে সেগুলি পুড়িয়েছিলেন। এসবই হল সদাপ্রভূর ঘোষণা করে দেওয়া সেই কথানুসারে, যে বিষয়ে ঈশ্বরের লোক আগেই ভাববাণী করে দিলেন। 17 রাজামশাই জিজ্ঞাসা করেছিলেন, “আমি যে সমাধিস্তন্ত্রি দেখতে পাচ্ছি, সেটি কার?” সেই নগরের লোকেরা বলল, “এটি ঈশ্বরের সেই লোকের সমাধির চিহ্নিত স্তম্ভ, যিনি যিহুদা থেকে এসে বেথেলের যজ্ঞবেদির বিরুদ্ধে একটি বাণী ঘোষণা করলেন, এবং আপনি সেটির প্রতি ঠিক তাই করেছেন।” 18 “এটি ছেড়ে দাও,” তিনি বললেন। “কেউ যেন তাঁর অঙ্গ নষ্ট না করে।” তাই তারা তাঁর ও শমরিয়া থেকে আসা ভাববাদীর অঙ্গ নষ্ট না করে ছেড়ে দিয়েছিল। 19 যোশিয় বেথেলে যেমনটি করলেন, ঠিক সেভাবেই শমরিয়ার নগরগুলির উঁচু উঁচু স্থানগুলিতে ইস্রায়েলের রাজারা দেবতার যে পীঠস্থানগুলি তৈরি করে সদাপ্রভূর ক্রোধ জাগিয়ে তুলেছিলেন, সেগুলি ও তিনি দূর করে দিলেন। 20 বেদিগুলির উপরেই যোশিয় প্রতিমাপুজোর সেইসব উঁচু উঁচু স্থানের যাজকদের হত্যা করলেন এবং সেগুলির উপর মানুষের অঙ্গ পুড়িয়েছিলেন। পরে তিনি জেরুশালেমে ফিরে গেলেন। 21 রাজামশাই সব লোকজনকে এই আদেশ দিলেন: “পবিত্র নিয়ম সম্বলিত এই গ্রন্থে যেমন লেখা আছে, সেভাবেই তোমরা তোমাদের ঈশ্বর সদাপ্রভূর উদ্দেশে নিষ্ঠারপর্ব পালন করো।” 22 যেসব বিচারকর্তা ইস্রায়েলকে পরিচালনা দিলেন, না তাদের আমলে, আর না ইস্রায়েল ও যিহুদার রাজাদের আমলে এ ধরনের নিষ্ঠারপর্ব পালন করা হত। 23 কিন্তু রাজা যোশিয়ের রাজত্বকালের অষ্টাদশ বছরে জেরুশালেমে সদাপ্রভূর উদ্দেশে এই নিষ্ঠারপর্ব পালন করা হল। 24 এছাড়াও, যারা প্রেতমাধ্যম ও যারা অশ্রীরী আত্মাদের আবাহন করে, তাদের, ও ঘরোয়া দেবতাদের, প্রতিমাগুলিকে এবং যিহুদা ও জেরুশালেমে যত ঘৃণ্য জিনিসপত্র দেখা যেত, সেসব যোশিয় দূর করে দিলেন। যাজক হিঙ্কিয় সদাপ্রভূর মন্দিরে যে গ্রন্থটি খুঁজে পেয়েছিলেন, সেটিতে লেখা বিধানের চাহিদা পূরণ করার জন্যই তিনি এ কাজ করলেন 25 যোশিয়ের আগে বা পরে এমন কোনও রাজা দেখা যায়নি, যিনি তাঁর মতো মনপ্রাণ ঢেলে দিয়ে, ও সর্বশক্তি দিয়ে

মোশির বিধান অনুসারে সদাপ্রভুর দিকে ফিরতে পেরেছিলেন। 26

তা সত্ত্বেও, মনঃশি যেহেতু সদাপ্রভুর ক্রোধ জাগিয়ে তোলার জন্য

প্রচুর মন্দ কাজ করলেন, তাই সদাপ্রভু তাঁর সেই প্রচণ্ড ক্রোধের

উত্তাপ থেকে ফিরে আসেননি, যা যিহুদার বিরুদ্ধে জলে উঠেছিল। 27

তাই সদাপ্রভু বললেন, “যেভাবে আমি ইস্রায়েলকে আমার সামনে

থেকে দূর করে দিয়েছি, সেভাবে আমি যিহুদাকেও দূর করে দেব,

এবং যে নগরটিকে আমি বেছে নিয়েছিলাম, সেই জেরুশালেমকে,

এবং যেটির বিষয়ে আমি বলেছিলাম, ‘আমার নাম সেখানে বজায়

থাকবে,’ সেই মন্দিরটিকেও আমি প্রত্যাখ্যান করব।” 28 যোশিয়ের

রাজত্বের অন্যান্য সব ঘটনা, এবং তিনি যা যা করলেন, তার বিবরণ

কি যিহুদার রাজাদের ইতিহাস-গ্রন্থে লেখা নেই? 29 যোশিয়ে যখন

রাজত্ব করছিলেন, তখন মিশরের রাজা ফরৌণ নথো আসিরিয়ার

রাজাকে সাহায্য করার জন্য ইউফ্রেটিস নদী পর্যন্ত চলে গেলেন।

রাজা যোশিয়ে তাঁর সাথে যুদ্ধ করার জন্য কুচকাওয়াজ করে এগিয়ে

গেলেন, কিন্তু নথো যোশিয়ের সম্মুখীন হয়ে মগিদোতে তাঁকে মেরে

ফেলেছিলেন। 30 যোশিয়ের দাসেরা তাঁর দেহটি রথে করে মগিদো

থেকে জেরুশালেমে নিয়ে এসেছিল এবং তাঁকে তাঁরই কবরে কবর

দিয়েছিল। দেশের প্রজারা যোশিয়ের ছেলে যিহোয়াহসকে অভিষিক্ত

করল এবং তাঁকে তাঁর বাবার পদে রাজা করল। 31 যিহোয়াহস তেইশ

বছর বয়সে রাজা হলেন, এবং জেরুশালেমে তিনি তিন মাস রাজত্ব

করলেন। তাঁর মায়ের নাম হ্যুটল। তিনি ছিলেন যিরমিয়ের মেয়ে, ও

তাঁর বাড়ি ছিল লিব্নায়। 32 তিনি তাঁর পূর্বসূরীদের মতোই সদাপ্রভুর

দৃষ্টিতে যা যা মন্দ, তাই করলেন। 33 ফরৌণ নথো তাঁকে শিকলে

বেঁধে হমাং দেশের রিব্লাতে নিয়ে গিয়ে রেখেছিলেন, যেন তিনি আর

জেরুশালেমে রাজত্ব করতে না পারেন। একইসাথে যিহুদার উপর

তিনি জোর করে একশো তালত্ত রূপো ও এক তালত্ত সোনা খাজনা

ধার্য করলেন। 34 ফরৌণ নথো যোশিয়ের ছেলে ইলিয়াকীমকে তাঁর

বাবা যোশিয়ের পদে রাজা করলেন এবং ইলিয়াকীমের নাম পরিবর্তন

করে যিহোয়াকীম রেখেছিলেন। কিন্তু তিনি যিহোয়াহসকে মিশরে তুলে

নিয়ে গেলেন, এবং সেখানেই যিহোয়াহসের মৃত্যু হল। 35 ফরৌণ নথোর দাবি মতোই যিহোয়াকীম তাঁকে সোনা ও রূপো দিলেন। এরকম করতে গিয়ে, তিনি দেশেই রাজকর ধার্য করে বসেছিলেন এবং দেশের প্রজাদের সামর্থ্য অনুসারে তিনি তাদের কাছ থেকে সোনারূপো আদায় করলেন। 36 যিহোয়াকীম পঁচিশ বছর বয়সে রাজা হলেন, এবং জেরুশালেমে তিনি এগারো বছর রাজত্ব করলেন। তাঁর মায়ের নাম সর্বীদা। তিনি ছিলেন পদায়ের মেয়ে, ও তাঁর বাঢ়ি ছিল রূমায়। 37 আর তিনি তাঁর পূর্বসূরীদের মতোই সদাপ্রভুর দৃষ্টিতে যা যা মন্দ, তাই করলেন।

**24** যিহোয়াকীমের রাজত্বকালে ব্যাবিলনের রাজা নেবুখাদনেজার দেশে সশস্ত্র আক্রমণ চালিয়েছিলেন, এবং যিহোয়াকীম তিনি বছর তাঁর কেনা গোলাম হয়ে থেকেছিলেন। কিন্তু তিনি বছর পর তিনি নেবুখাদনেজারের বিরুদ্ধে বিদ্রোহ করে বসেছিলেন। 2 সদাপ্রভু, তাঁর দাস ভাববাদীদের মাধ্যমে যে কথা ঘোষণা করে দিলেন, সেই কথানুসারে সদাপ্রভু যিহুদা দেশটি ধ্বংস করে দেওয়ার জন্য তাঁর বিরুদ্ধে ব্যাবিলনীয়, অরামীয়, মোয়াবীয় ও অম্মোনীয় আক্রমণকারীদের পাঠিয়ে দিলেন। 3 সদাপ্রভুর আদেশানুসারেই নিঃসন্দেহে যিহুদার প্রতি এসব কিছু হল, যেন মনঃশির করা সব পাপের কারণে ও তিনি যা যা করলেন, সেসবের কারণে তাদের সদাপ্রভুর উপস্থিতি থেকে দূর করে দেওয়া যায়, 4 এছাড়াও মনঃশির দ্বারা নির্দোষ মানুষের রক্তপাত হওয়ার কারণেও এমনটি হল। কারণ তিনি নির্দোষ মানুষের রক্তে জেরুশালেম পরিপূর্ণ করে দিলেন, এবং সদাপ্রভুও ক্ষমা করতে চাননি। 5 যিহোয়াকীমের রাজত্বের অন্যান্য সব ঘটনা, এবং তিনি যা যা করলেন, তার বিবরণ কি যিহুদার রাজাদের ইতিহাস-গ্রন্থে লেখা নেই? 6 যিহোয়াকীম তাঁর পূর্বপুরুষদের সাথে চিরবিশ্রামে শায়িত হলেন। তাঁর ছেলে যিহোয়াখীন রাজা রূপে তাঁর স্তুলাভিযিক্ত হলেন। 7 মিশরের রাজা আর তাঁর নিজের দেশ থেকে কুচকাওয়াজ করে বাইরে যাননি, কারণ ব্যাবিলনের রাজা মিশরের নির্বারণী থেকে শুরু করে ইউক্রেটিস নদী পর্যন্ত ফরৌণের শাসনাধীন সব এলাকা

দখল করে নিয়েছিলেন। ৪ যিহোয়াখীন আঠারো বছর বয়সে রাজা  
হলেন, এবং জেরশালেমে তিনি তিন মাস রাজত্ব করলেন। তাঁর  
মায়ের নাম নলষ্টা। তিনি ছিলেন ইলনাথনের মেয়ে, ও তাঁর বাড়ি ছিল  
জেরশালেমে। ৫ যিহোয়াখীন তাঁর বাবার মতো সদাপ্রভুর দৃষ্টিতে যা যা  
মন্দ, তাই করলেন। ১০ সেই সময় ব্যাবিলনের রাজা নেবুখাদনেজারের  
কর্মকর্তারা জেরশালেমের দিকে এগিয়ে গিয়ে নগরটি অবরুদ্ধ করল,  
১১ এবং ব্যাবিলনের রাজা নেবুখাদনেজারের কর্মকর্তারা যখন নগরটি  
অবরুদ্ধ করে রেখেছিল, তখন তিনি স্বয়ং সেখানে উপস্থিত হলেন। ১২  
যিহুদার রাজা যিহোয়াখীন, তাঁর মা, তাঁর পরিচারকেরা, তাঁর দরবারের  
অভিজাত শ্রেণীর লোকেরা ও তাঁর কর্মকর্তারা সবাই নেবুখাদনেজারের  
কাছে আত্মসমর্পণ করলেন। ব্যাবিলনের রাজার রাজত্বকালের অষ্টম  
বছরে তিনি যিহোয়াখীনকে বন্দি করলেন। ১৩ সদাপ্রভুর ঘোষিত  
কথানুসারে নেবুখাদনেজার সদাপ্রভুর মন্দির ও রাজপ্রাসাদ থেকে  
সংশ্লিষ্ট ধনরত্ন তুলে নিয়ে গেলেন, এবং ইস্রায়েলের রাজা শলোমন  
সদাপ্রভুর মন্দিরের জন্য সোনার যেসব জিনিসপত্র তৈরি করলেন,  
সেগুলি কেটে টুকরো টুকরো করে দিলেন। ১৪ তিনি জেরশালেমের  
সব লোকজনকে বন্দি করে নিয়ে গেলেন: সব কর্মকর্তা ও যোদ্ধা,  
এবং নিপুণ শিল্পী ও কারিগরকে—মোট দশ হাজার লোককে নিয়ে  
গেলেন। দেশের সবচেয়ে গরিব লোকদেরই শুধু সেখানে ছেড়ে যাওয়া  
হল। ১৫ নেবুখাদনেজার যিহোয়াখীনকে বন্দি করে ব্যাবিলনে নিয়ে  
গেলেন। এছাড়াও তিনি জেরশালেম থেকে রাজার মাকে, তাঁর স্ত্রীদের,  
তাঁর কর্মকর্তাদের ও দেশের গণ্যমান্য লোকদেরও ব্যাবিলনে নিয়ে  
গেলেন। ১৬ এর পাশাপাশি, ব্যাবিলনের রাজা যুদ্ধের জন্য শক্ত-  
সমর্থ সাত হাজার যোদ্ধা সম্মিলিত সমগ্র সৈন্যদলকে, এবং এক হাজার  
নিপুণ শিল্পী ও কারিগরকেও ব্যাবিলনে নির্বাসিত করলেন। ১৭  
ব্যাবিলনের রাজা যিহোয়াখীনের কাকা মতনিয়কে তাঁর স্থানে রাজা  
করলেন এবং তাঁর নাম পরিবর্তন করে তাঁকে সিদিকিয় নামে আখ্যাত  
করলেন। ১৮ সিদিকিয় একুশ বছর বয়সে রাজা হন। তিনি এগারো  
বছর জেরশালেমে রাজত্ব করেন। তাঁর মা ছিলেন লিব্না নিবাসী

যিরমিয়ের কন্যা হ্মূটল। 19 তিনি সদাপ্রভুর দৃষ্টিতে কেবলই মন্দ কাজ করতেন, যেমন যিহোয়াকীমও করেছিলেন। 20 সদাপ্রভুর ক্ষেত্রে কারণেই জেরশালেম ও যিহুদার প্রতি এসব কিছু ঘটেছিল, এবং শেষ পর্যন্ত তিনি তাদের তাঁর উপস্থিতি থেকে ধাক্কা মেরে দূরে সরিয়ে দিলেন। ইত্যবসরে সিদিকিয় ব্যাবিলনের রাজার বিরুদ্ধে বিদ্রোহ করে বসেছিলেন।

**25** তাই, সিদিকিয়ের রাজত্বের নবম বছরে, ব্যাবিলনের রাজা নেবুখাদনেজার, তাঁর সমস্ত সৈন্য নিয়ে জেরশালেমের বিরুদ্ধে যুদ্ধযাত্রা করলেন। তিনি নগরের বাইরে শিবির স্থাপন করে তার চারপাশে অবরোধ গড়ে তুললেন। 2 রাজা সিদিকিয়ের রাজত্বের এগারোতম বছর পর্যন্ত নগর অবরুদ্ধ রইল। 3 চতুর্থ মাসের নবম দিনে নগরের দুর্ভিক্ষ এত চরম আকার নিয়েছিল, যে সেখানকার লোকজনের কাছে কোনও খাবারদাবার ছিল না। 4 পরে নগরের প্রাচীর ভেঙে ফেলা হল, এবং রাতের বেলায় গোটা সৈন্যদল রাজার বাগানের কাছে থাকা দুটি প্রাচীরের মাঝখানে অবস্থিত দরজা দিয়ে পালিয়ে গেল, যদিও ব্যাবিলনের সৈন্যসামন্ত কিন্তু নগরটি ঘিরে রেখেছিল। তারা অরাবার দিকে পালিয়ে গেল, 5 কিন্তু ব্যাবিলনের সৈন্যদল রাজার পিছনে তাড়ি করে গেল এবং যিরাহোর সমভূমিতে তাঁর নাগাল পেল। তাঁর সমস্ত সৈন্য তাঁর কাছ থেকে পৃথক হয়ে ছড়িয়ে পড়ল, 6 আর তিনি ধৃত হলেন। তাঁকে ধরে রিব্লাতে ব্যাবিলনের রাজার কাছে নিয়ে যাওয়া হল, এবং সেখানে তাঁর শাস্তি ঘোষণা করা হল। 7 সিদিকিয়ের চোখের সামনেই তাঁর ছেলেদের তারা হত্যা করল। পরে তারা তাঁর চোখ উপড়ে নিয়েছিল, ও ব্রেঞ্জের শিকল দিয়ে বেঁধে তারা তাঁকে ব্যাবিলনে নিয়ে গেল। 8 ব্যাবিলনের রাজা নেবুখাদনেজারের রাজত্বকালের উনিশতম বছরের পঞ্চম মাসের সপ্তম দিনে ব্যাবিলনের রাজার এক কর্মকর্তা, রাজকীয় রক্ষিদলের সেনাপতি নবৃষ্ণরদন জেরশালেমে এলেন। 9 তিনি সদাপ্রভুর মন্দিরে, রাজপ্রাসাদে এবং জেরশালেমের সব বাড়িতে আগুন লাগিয়ে দিলেন। প্রত্যেকটি গুরুত্বপূর্ণ ঘরবাড়ি তিনি পুড়িয়ে ছাই করে দিলেন। 10 রাজরক্ষিদলের সেনাপতির অধীনস্থ সমস্ত

ব্যাবিলনীয় সৈন্য জেরশালেমের চারপাশের প্রাচীর ভেঙে দিয়েছিল।  
১১ রক্ষীদলের সেনাপতি নবৃষ্ণদন নগরে থেকে যাওয়া লোকজনকে,  
এবং তাদের পাশাপাশি বাদবাকি জনসাধারণকে ও যারা ব্যাবিলনের  
রাজার কাছে পালিয়ে গেল, তাদেরও নির্বাসনে পাঠিয়ে দিলেন। ১২  
কিন্তু সেনাপতি দেশের অত্যন্ত গরিব কয়েকজন লোককে দ্রাক্ষাক্ষেতে  
ও ক্ষেতখামারে কাজ করার জন্য ছেড়ে গেলেন। ১৩ ব্যাবিলনীয়েরা  
সদাপ্রভুর মন্দিরের পিতলের দুটি স্তম্ভ, স্থানান্তরযোগ্য গামলা বসাবার  
পাত্রগুলি ও পিতলের সমুদ্রপাত্রটি ভেঙে খণ্ড খণ্ড করল, আর তারা  
সেগুলির পিতল ব্যাবিলনে নিয়ে গেল। ১৪ এছাড়াও তারা হাঁড়ি,  
বেলচা, সলতে ছাঁটার যন্ত্র, থালা ও মন্দিরের সেবাকাজে যেগুলি  
ব্যবহৃত হত, ব্রোঞ্জের সেইসব জিনিসপত্রও তুলে নিয়ে গেল। ১৫  
রাজরক্ষীদলের সেনাপতি পাকা সোনা বা রংপো দিয়ে তৈরি সব ধুনুচি  
ও জল ছিটোনের গামলাগুলি ও নিয়ে গেলেন। ১৬ সদাপ্রভুর মন্দিরের  
জন্য শলোমন যে দুটি থাম, সমুদ্রপাত্র ও সরণযোগ্য তাকগুলি তৈরি  
করলেন, সেগুলিতে এত ব্রোঞ্জ ছিল যে তা মেপে রাখা সম্ভব হ্যানি। ১৭  
প্রত্যেকটি স্তম্ভ উচ্চতায় ছিল আঠারো হাত করে। এক-একটি স্তম্ভের  
মাথায় রাখা ব্রোঞ্জের স্তম্ভশীর্ষের উচ্চতা ছিল তিন হাত এবং সেটি  
পরম্পরাচেদী এক জালের মতো করে সাজিয়ে দেওয়া হল ও সেটির  
চারপাশে ছিল ব্রোঞ্জের বেশ কয়েকটি ডালিম। অন্য থামেও একইরকম  
ভাবে পরম্পরাচেদী জালের মতো সাজসজ্জা ছিল। ১৮ রক্ষীদলের  
সেনাপতি মহাযাজক সরায়কে, পদাধিকারবলে তাঁর পরে যিনি ছিলেন,  
সেই যাজক সফনিয়কে ও তিনজন দারোয়ানকে বন্দি করে নিয়ে  
গেলেন। ১৯ নগরে তখনও যারা থেকে গেলেন, তাদের মধ্যে যাঁর  
উপর যোদ্ধাদের দেখাশোনার দায়িত্ব ছিল, তাঁকে, ও পাঁচজন রাজকীয়  
পরামর্শদাতাকেও তিনি ধরেছিলেন। এছাড়াও যাঁর উপর দেশের  
প্রজাদের সামরিক বাহিনীতে কাজ করার জন্য বাধ্যতামূলকভাবে  
যোগ দেওয়ানোর দায়িত্ব দেওয়া ছিল, সেই সচিবকে এবং নগরে  
যে ষাটজন বাধ্যতামূলকভাবে সৈন্যতালিকাভুক্ত ব্যক্তি পাওয়া গেল,  
তাদেরও তিনি ধরেছিলেন। ২০ সেনাপতি নবৃষ্ণদন তাদের সবাইকে

ধরে রিব্লাতে ব্যাবিলনের রাজাৰ কাছে নিয়ে এলেন। 21 হ্যাঁ  
দেশের রিব্লাতে ব্যাবিলনের রাজা প্রাণদণ্ডে দণ্ডিত এই লোকদেৱ  
বধ কৱলেন। অতএব যিহূদা তাৰ দেশ থেকে নিৰ্বাসিত হল। 22  
ব্যাবিলনের রাজা নেবুখাদনেজার যিহূদাতে যেসব লোকজন ছেড়ে  
গোলেন, তাদেৱ উপৰ তিনি শাফনেৱ নাতি, অৰ্থাৎ অহীকামেৱ ছেলে  
গদলিয়কে শাসনকৰ্তা নিযুক্ত কৱলেন। 23 যখন সৈন্যদলেৱ উচ্চপদস্থ  
কৰ্মকৰ্তা ও তাদেৱ লোকজনেৱা শুনতে পেয়েছিলেন যে ব্যাবিলনেৱ  
রাজা গদলিয়কে শাসনকৰ্তা নিযুক্ত কৱেছেন, তখন তাৰা—অৰ্থাৎ  
নথনিয়েৱ ছেলে ইশ্মায়েল, কাৰেহৰ ছেলে যোহানন, নটোফাতীয়  
তন্তুমতেৱ ছেলে সৱায়, সেই মাখাতীয়েৱ ছেলে যাসনিয়, এবং  
তাদেৱ লোকজন মিস্পাতে গদলিয়েৱ কাছে এলেন। 24 তাদেৱ  
ও তাদেৱ লোকজনকে আশৃষ্ট কৱার জন্য গদলিয় একটি শপথ  
নিয়েছিলেন। “ব্যাবিলনেৱ কৰ্মকৰ্তাদেৱ তোমৰা ভয় কোৱো না,” তিনি  
বললেন। “দেশেই থেকে যাও ও ব্যাবিলনেৱ রাজাৰ সেবা কৱো, তাতে  
তোমাদেৱই মঙ্গল হবে।” 25 সপ্তম মাসে অবশ্য ইলীশামার নাতি  
ও নথনিয়েৱ ছেলে, তথা শৱীৱেৱ রাজৱক্তু ধাৰণকাৰী সেই ইশ্মায়েল  
সাথে দশজন লোক নিয়ে এসে গদলিয়কে এবং মিস্পাতে সেই সময়  
তাঁৰ সাথে যিহূদার যে লোকেৱা ছিল, তাদেৱ ও ব্যাবিলন থেকে  
আসা কয়েকজন লোককেও হত্যা কৱলেন। 26 এই পৰিস্থিতিতে,  
ছোটো থেকে বড়ো, সব লোকজন, সৈন্যদলেৱ উচ্চপদস্থ কৰ্মকৰ্তাদেৱ  
সাথে মিলিতভাৱে ব্যাবিলনেৱ লোকজনেৱ ভয়ে মিশ্ৰে পালিয়ে  
গোলেন। 27 যিহূদার রাজা যিহোয়াখীনেৱ বন্দিত্বেৱ সাঁইত্ৰিশতম  
বছৰে, অৰ্থাৎ যে বছৰ ইবিল-মৱোদক ব্যাবিলনেৱ রাজা হলেন, সেই  
বছৰেই তিনি যিহূদার রাজা যিহোয়াখীনকে কাৱাগার থেকে মুক্তি  
দিলেন। দ্বাদশ মাসেৱ সাতাশতম দিনে তিনি এ কাজ কৱলেন।  
28 তিনি যিহোয়াখীনেৱ সাথে সদয় ভঙ্গিতে কথা বললেন এবং  
ব্যাবিলনে তাঁৰ সাথে অন্যান্য যেসব রাজা ছিলেন, তাদেৱ তুলনায়  
তিনি যিহোয়াখীনকে বেশি সম্মানীয় এক আসন দিলেন। 29 তাই  
যিহোয়াখীন তাঁৰ কয়েদিৰ পোশাক একদিকে সৱিয়ে রেখেছিলেন

এবং জীবনের বাকি দিনগুলি তিনি নিয়মিতভাবে রাজার টেবিলেই  
বসে ভোজনপান করলেন। 30 যতদিন যিহোয়াখীন বেঁচেছিলেন,  
রাজামশাই প্রত্যেকদিন নিয়মিতভাবে তাঁকে ভাতা দিয়ে গেলেন।

## বংশাবলির প্রথম খণ্ড

১ আদমের বংশধরেরা হলেন শেখ, ইনোশ, ২ কৈনন, মহললেল,  
যেরদ, ৩ হনোক, মথুশেলহ, লেমক, নোহ। ৪ নোহের ছেলেরা: শেম,  
হাম ও যেফৎ। ৫ যেফতের ছেলেরা: গোমর, মাগোগ, মাদয়, যবন,  
তুবল, মেশক ও তৌরস। ৬ গোমরের ছেলেরা: অক্ষিনস, রীফৎ এবং  
তোগর্ম। ৭ যবনের ছেলেরা: ইলীশা, তশীশ, কিত্তীম এবং রোদানীম।  
৮ হামের ছেলেরা: কৃশ, মিশর, পৃট ও কনান। ৯ কৃশের ছেলেরা: সবা,  
হবীলা, সব্তা, রয়মা ও সব্তেকা। রয়মার ছেলেরা: শিবা ও দদান।  
১০ কৃশ সেই নিয়োদের বাবা, যিনি পৃথিবীতে এক বলশালী যোদ্ধা হয়ে  
উঠলেন। ১১ মিশর ছিলেন সেই লুদীয়, অনামীয়, লহাবীয়, নন্তুহীয়,  
১২ পঞ্চোষীয়, কস্তুরীয় (যাদের থেকে ফিলিস্তিনীরা উৎপন্ন হয়েছে) ও  
কঙ্গোরীয়দের বাবা। ১৩ কনান ছিলেন তাঁর বড়ো ছেলে সীদোনের, ও  
হিতীয়, ১৪ যিবৃষীয়, ইমোরীয়, গির্জাশীয়, ১৫ হিরীয়, অকীয়, সীনীয়,  
১৬ অর্বদীয়, সমারীয় ও হমাতীয়দের বাবা। ১৭ শেমের ছেলেরা: এলম,  
অশুর, অর্ফক্ষদ, লুদ ও অরাম। অরামের ছেলেরা: উষ, তুল, গেথর  
ও মেশক। ১৮ অর্ফক্ষদ হলেন শেলহের বাবা, এবং শেলহ ছিলেন  
এবরের বাবা। ১৯ এবরের দুটি ছেলের জন্ম হল: একজনের নাম  
দেওয়া হল পেলগ, কারণ তাঁর সময়কালেই পৃথিবী বিভিন্ন ভাষাবাদী  
জাতির আধারে বিভক্ত হল; তাঁর ভাইয়ের নাম দেওয়া হল যক্তন। ২০  
যক্তন হলেন অলমোদদ, শেলফ, হৎসর্মাবৎ, যেরহ, ২১ হদোরাম,  
উষল, দিন্দি, ২২ ওবল, অবীমায়েল, শিবা, ২৩ ওফীর, হবীলা ও  
যোববের বাবা। তারা সবাই যক্তনের বংশধর ছিলেন। ২৪ শেম,  
অর্ফক্ষদ, শেলহ, ২৫ এবর, পেলগ, রিয়, ২৬ সরুগ, নাহোর, তেরহ  
২৭ ও অব্রাম (অর্থাৎ, অব্রাহাম)। ২৮ অব্রাহামের ছেলেরা: ইস্থাক  
ও ইশ্মায়েল। ২৯ এই তাদের বংশধরেরা: ইশ্মায়েলের বড়ো ছেলে  
নবায়োৎ, এছাড়াও কেদর, অদবেল, মিবসম, ৩০ মিশমা, দুমা, মসা,  
হদদ, তেমা, ৩১ যিটুর, নাফীশ ও কেদমা। তারা ও ইশ্মায়েলের ছেলে।  
৩২ অব্রাহামের উপপত্নী কটুরার গর্ভে যে ছেলেদের জন্ম হল, তারা  
হলেন: সিত্রণ, যক্ষণ, মদান, মিদিয়ন, যিষবক ও শূহ। যক্ষণের

ছেলেরা: শিবা ও দদান। 33 মিদিয়নের ছেলেরা: এফা, এফর, হনোক,  
 অবীদ ও ইলদায়া। এরা সবাই কট্রার বংশধর ছিলেন। 34 অব্রাহাম  
 ছিলেন ইস্থাকের বাবা। ইস্থাকের ছেলেরা: এষৌ ও ইস্রায়েল।  
 35 এষৌর ছেলেরা: ইলীফস, রায়েল, যিয়ুশ, যালম ও কোরহ। 36  
 ইলীফসের ছেলেরা: তৈমন, ওমার, সেফো, গয়িতম ও কনস; তিম্মার  
 ছেলে: অমালেক। 37 রায়েলের ছেলেরা: নহৎ, সেরহ, শম্ম ও মিসা।  
 38 সেয়ীরের ছেলেরা: লোটন, শোবল, শিবিয়োন, অনা, দিশোন,  
 এৎসর ও দীশন। 39 লোটনের ছেলেরা: হোরি ও হোমম। তিম্মা ছিলেন  
 লোটনের বোন। 40 শোবলের ছেলেরা: অলবন, মানহৎ, এবল, শফী  
 ও ওনম। সিবিয়োনের ছেলেরা: অয়া ও অনা। 41 অনার সন্তানেরা:  
 দিশোন। দিশোনের ছেলেরা: হিমদন, ইশ্বন, যিত্রণ ও করাণ। 42  
 এৎসরের ছেলেরা: বিলহন, সাবন ও আকন। দীশনের ছেলেরা: উষ ও  
 অরাণ। 43 কোনও ইস্রায়েলী রাজা রাজত্ব করার আগে যে রাজারা  
 ইদোমে রাজত্ব করে গেলেন, তারা হলেন: বিয়োরের ছেলে বেলা, যাঁর  
 রাজধানী নগরের নাম দেওয়া হল দিনহাবা। 44 বেলা যখন মারা যান,  
 বস্ত্রানিবাসী সেরহের ছেলে যোবব তখন রাজারপে তাঁর স্ত্রাভিষিক্ত  
 হলেন। 45 যোবব যখন মারা যান, তৈমন দেশ থেকে আগত হুশম  
 রাজারপে তাঁর স্ত্রাভিষিক্ত হলেন। 46 হুশম যখন মারা যান, বেদদের  
 ছেলে সেই হৃদ তখন রাজারপে তাঁর স্ত্রাভিষিক্ত হলেন, যিনি মোয়াব  
 দেশে মিদিয়নীয়দের পরাজিত করলেন। তাঁর নগরের নাম দেওয়া হল  
 অবীৎ। 47 হৃদ যখন মারা যান, মন্ত্রকানিবাসী সম্ম তখন রাজারপে  
 তাঁর স্ত্রাভিষিক্ত হলেন। 48 সম্ম যখন মারা যান, সেই নদীর নিকটবর্তী  
 রহোবোঁ নিবাসী শৌল তখন রাজারপে তাঁর স্ত্রাভিষিক্ত হলেন। 49  
 শৌল যখন মারা যান, অকবোরের ছেলে বায়াল-হানন তখন রাজারপে  
 তাঁর স্ত্রাভিষিক্ত হলেন। 50 বায়াল-হানন যখন মারা যান, হৃদ  
 রাজারপে তাঁর স্ত্রাভিষিক্ত হলেন। তাঁর নগরের নাম দেওয়া হল পায়ু,  
 এবং তাঁর স্ত্রীর নাম মহেটবেল, যিনি মন্ত্রদের মেয়ে, ও মেষাহবের  
 নাতনি ছিলেন। 51 হৃদও মারা গেলেন। ইদোমের দলপতিরা হলেন:

তিয়, অলবা, যিথেৎ, 52 অহলীবামা, এলা, পীনোন, 53 কনস, তৈমন,  
মিবসর, 54 মগ্নীয়েল ও সৈরম। এরাই ইদোমের দলপতি ছিলেন।

**২** ইস্রায়েলের ছেলেরা হলেন: রুবেণ, শিমিয়োন, লেবি, যিহূদা,  
ইষাখর, ও সবুলুন, 2 দান, যোষেফ, বিন্যামীন, নঙ্গালি, গাদ এবং  
আশের। 3 যিহূদার ছেলেরা: এর, ওনন এবং শেলা। তাঁর এই তিন  
ছেলে এমন এক কনানীয়া মহিলার গর্ভে জন্মেছিল, যিনি শূয়ার মেয়ে  
ছিলেন। যিহূদার বড়ো ছেলে এর সদাপ্রভুর দৃষ্টিতে দুষ্ট প্রতিপন্থ হল;  
তাই সদাপ্রভু তাকে মেরে ফেলেছিলেন। 4 যিহূদার পুত্রবধূ তামর  
যিহূদার ঔরসে পেরস ও সেরহকে জন্ম দিলেন। যিহূদার ছেলেদের  
সংখ্যা মোট পাঁচজন। 5 পেরসের ছেলেরা: হিস্রোণ এবং হামূল। 6  
সেরহের ছেলেরা: সিত্রি, এথন, হেমন, কলকোল এবং দার্দা—মোট  
পাঁচজন। 7 কর্মির ছেলে: আখর, যে উৎসর্গীকৃত বস্তুগুলি নেওয়ার  
উপর যে নিষেধাজ্ঞা বজায় ছিল, তা লজ্জন করার মাধ্যমে ইস্রায়েলের  
ক্ষেত্রে সমস্যা উৎপন্ন করল। 8 এথনের ছেলে: অসরিয়। 9 হিস্রোণের  
যে ছেলেরা জন্মেছিলেন, তারা হলেন: যিরহমেল, রাম এবং কালেব।  
10 রাম অম্মীনাদবের বাবা ছিলেন, এবং অম্মীনাদব সেই নহশোনের  
বাবা ছিলেন, যিনি যিহূদা বংশের নেতা ছিলেন। 11 নহশোন সল্মনের  
বাবা ছিলেন, সল্মন ছিলেন বোয়সের বাবা, 12 বোয়স ছিলেন  
ওবেদের বাবা এবং ওবেদ ছিলেন যিশয়ের বাবা। 13 যিশয় তাঁর  
বড়ো ছেলে ইলীয়াবের বাবা ছিলেন; তাঁর দ্বিতীয় ছেলে অবীনাদব,  
তৃতীয়জন শম্য, 14 চতুর্থজন নথনেল, পঞ্চমজন রান্দয়, 15 ষষ্ঠজন  
ওৎসম এবং সপ্তমজন দাউদ। 16 তাদের বোনেরা হলেন সরুয়া এবং  
অবীগল। সরুয়ার তিন ছেলে হলেন অবীশয়, যোয়াব এবং অসাহেল।  
17 অবীগল হলেন সেই অমাসার মা, যাঁর বাবা হলেন ইশ্যায়েলীয়  
যেখের। 18 হিস্রোণের ছেলে কালেব তাঁর স্ত্রী অসূবার দ্বারা (এবং  
যিরিয়োতের দ্বারা) সন্তান লাভ করলেন। অসূবার ছেলেরা হলেন:  
যেশের, শোবব এবং অর্দোন। 19 অসূবা মারা যাওয়ার পর কালেব সেই  
ইফ্রাথাকে বিয়ে করলেন, যিনি তাঁর ঔরসে হুরকে জন্ম দিলেন। 20  
হুর উরির বাবা ছিলেন, এবং উরি ছিলেন বৎসলেলের বাবা। 21 পরে

হিন্দোগের বয়স যখন ষাট বছর, তখন তিনি গিলিয়দের বাবা মাখীরের মেয়েকে বিয়ে করলেন। তিনি তাঁর সাথে সহবাস করলেন, এবং তাঁর স্ত্রী তাঁর উরসে সগৃবকে জন্ম দিলেন। 22 সগৃব সেই যায়ীরের বাবা, যিনি গিলিয়দে তেইশটি নগরকে নিয়ন্ত্রণ করতেন। 23 (কিন্তু গশূর ও অরাম হৃষি-যায়ীর দখল করে নিয়েছিল, এছাড়াও তারা কনাং ও সোচির পার্শ্ববর্তী উপনিবেশগুলিও—অর্থাৎ ষাটটি নগর দখল করে নিয়েছিল) এরা সবাই গিলিয়দের বাবা মাখীরের বংশধর। 24 কালেব-ইফ্রাথায় হিন্দোগ মারা যাওয়ার পর হিন্দোগের স্ত্রী অবিয়া তাঁর উরসে তকোয়ের বাবা অস্তুরকে জন্ম দিলেন। 25 হিন্দোগের বড়ো ছেলে যিরহমেলের ছেলেরা: তাঁর বড়ো ছেলে রাম, পরে যথাক্রমে বৃনা, ওরণ, ওৎসম ও অহিয়। 26 যিরহমেলের অন্য আর এক স্ত্রীও ছিলেন, যাঁর নাম অটারা; তিনি ওনমের মা। 27 যিরহমেলের বড়ো ছেলে রামের ছেলেরা: মাষ, যামীন ও একর। 28 ওনমের ছেলেরা: শম্ময় ও যাদা। শম্ময়ের ছেলেরা: নাদব ও অবীশূর। 29 অবীশূরের স্ত্রীর নাম অবীহয়িল, যিনি তাঁর উরসে অহবান ও মোলীদকে জন্ম দিলেন। 30 নাদবের ছেলেরা: সেলদ ও অপ্লায়িম। সেলদ নিঃস্তান অবস্থায় মারা গেলেন। 31 অপ্লায়িমের ছেলে: যিশী, যিনি শেশনের বাবা। শেশন অহলয়ের বাবা। 32 শম্ময়ের ভাই যাদার ছেলেরা: যেথর ও যোনাথন। যেথর নিঃস্তান অবস্থায় মারা গেলেন। 33 যোনাথনের ছেলেরা: পেলৎ ও সাসা। এরাই হলেন যিরহমেলের বংশধর। 34 শেশনের কোনও ছেলে ছিল না—ছিল শুধু কয়েকটি মেয়ে। যার্হা নামে তাঁর মিশ্রীয় এক দাস ছিল। 35 শেশন তাঁর মেয়ের সাথে তাঁর দাস যার্হার বিয়ে দিলেন, এবং তিনি যার্থার উরসে অভয়ের জন্ম দিলেন। 36 অভয় নাথনের বাবা, নাথন সাবদের বাবা, 37 সাবদ ইফললের বাবা, ইফলল ওবেদের বাবা, 38 ওবেদ যেহুর বাবা, যেহু অসরিয়র বাবা, 39 অসরিয় হেলসের বাবা, হেলস ইলীয়াসার বাবা, 40 ইলীয়াসা সিসময়ের বাবা, সিসময় শল্লুমের বাবা, 41 শল্লুম যিকমিয়ের বাবা, এবং যিকমিয় ইলীশামার বাবা। 42 যিরহমেলের ভাই কালেবের ছেলেরা: তাঁর বড়ো ছেলে মেশা, যিনি সীফের বাবা, এবং তাঁর ছেলে

মারেশা, যিনি হিরোগের বাবা। 43 হিরোগের ছেলেরা: কোরহ, তপুহ,  
রেকম ও শেমা। 44 শেমা রহমের বাবা, এবং রহম যর্কিয়মের বাবা।  
রেকম শম্ময়ের বাবা। 45 শম্ময়ের ছেলে মায়োন, এবং মায়োন বেত-  
সূরের বাবা। 46 কালেবের উপপত্নী এফা হারণ, মোৎসা ও গাসেসের  
মা। হারণ গাসেসের বাবা। 47 যেহেদয়ের ছেলেরা: রেগম, মোথম,  
গেসন, পেলট, এফা ও শাফ। 48 কালেবের উপপত্নী মাখা শেবর ও  
তির্হনহ। 49 এছাড়াও তিনি মদ্মন্নার বাবা শাফ এবং মক্বেনার ও  
গিবিয়ার বাবা শিবাকে জন্ম দিলেন। কালেবের মেয়ের নাম অক্ষা।  
50 এরাই হলেন কালেবের বংশধর। ইফ্রাথার বড়ো ছেলে হুরের  
ছেলেরা: কিরিয়ৎ-যিয়ারীমের বাবা শোবল, 51 বেথলেহেমের বাবা  
শল্ম, এবং বেথ-গাদের বাবা হারেফ। 52 কিরিয়ৎ-যিয়ারীমের বাবা  
শোবলের বংশধরেরা: মনুহোতীয়দের অর্ধাংশ হরোয়া, 53 এবং  
কিরিয়ৎ-যিয়ারীমের বংশ: যিত্রীয়, পূর্থীয়, শুমাথীয় মিশ্রায়ীয়রা। এদের  
থেকেই সরাথীয় ও ইষ্টায়োলীয়রা উৎপন্ন হল। 54 শল্মের বংশধরেরা:  
বেথলেহেম, নটোফাতীয়, অট্রোৎ-বেঞ্চযোয়াব, মনুহোতীয়দের অর্ধাংশ,  
সরায়ীয়, 55 এবং যাবেষে বসবাসকারী শাস্ত্রবিদদের বংশ: তিরিথীয়,  
শিমিয়থীয় ও সুখাথীয়রা। এরা সেই কেনীয়, যারা রেখবীয়দের বাবা  
হ্যাতের বংশজাত।

**৩** দাউদের এই ছেলেদের জন্ম হিরোগে হল: বড়ো ছেলে অয়োন, যিনি  
যিত্রিয়েলীয়া অহীনোয়মের ছেলে; দ্বিতীয়জন, কর্মিলীয়া অবীগলের  
ছেলে দানিয়েল; 2 তৃতীয়জন, গশুরের রাজা তলময়ের মেয়ে মাখার  
ছেলে অবশালোম; চতুর্থজন, হগীতের ছেলে আদোনিয়; 3 পঞ্চমজন,  
অবীটলের ছেলে শফটিয়; এবং ষষ্ঠজন, তাঁর স্ত্রী ইগ্নার গর্ভজাত  
যিত্রিয়ম। 4 দাউদের এই ছয় ছেলে সেই হিরোগে জন্মেছিলেন,  
যেখানে তিনি ছয় বছর সাত মাস রাজত্ব করলেন। দাউদ জেরুশালেমে  
তেত্রিশ বছর রাজত্ব করলেন, 5 এবং সেখানে তাঁর এই সন্তানদের  
জন্ম হল: শম্ম, শোবব, নাথন ও শলোমন। এই চারজন অম্মীয়েলের  
মেয়ে বৎশেবার গর্ভজাত। 6 এছাড়াও যিভর, ইলীশূয়, ইলীফেলট, 7  
নোগহ, নেফগ, যাফিয়, 8 ইলীশামা, ইলিয়াদা ও ইলীফেলট—মোট

এই নয়জনও ছিলেন। ৭ এরা সবাই ছিলেন দাউদের ছেলে, পাশাপাশি  
তাঁর উপপত্নীদেরও কয়েকটি ছেলে ছিল। তামর ছিলেন তাদের বোন।  
১০ শলোমনের ছেলে রহবিয়াম, তাঁর ছেলে অবিয়, তাঁর ছেলে আসা,  
তাঁর ছেলে যিহোশাফট, ১১ তাঁর ছেলে যিহোরাম, তাঁর ছেলে অহসিয়,  
তাঁর ছেলে যোয়াশ, ১২ তাঁর ছেলে অমৎসিয়, তাঁর ছেলে অসরিয়, তাঁর  
ছেলে যোথম, ১৩ তাঁর ছেলে আহস, তাঁর ছেলে হিক্ষিয়, তাঁর ছেলে  
মনংশি, ১৪ তাঁর ছেলে আমোন, তাঁর ছেলে যোশিয়। ১৫ যোশিয়ের  
ছেলেরা: বড়ো ছেলে যোহানন, দ্বিতীয় ছেলে যিহোয়াকীম, তৃতীয়জন  
সিদিকিয়, চতুর্থজন শল্লুম। ১৬ যিহোয়াকীমের উত্তরাধিকারীরা: তাঁর  
ছেলে যিহোয়াখীন, ও সিদিকিয়। ১৭ বন্দি যিহোয়াখীনের বংশধরেরা:  
তাঁর ছেলে শল্লীয়েল, ১৮ মলকীরাম, পদায়, শিনৎসর, যিকমিয়,  
হোশামা এবং নদবিয়। ১৯ পদায়ের ছেলেরা: সরঞ্জাবিল ও শিমিয়।  
সরঞ্জাবিলের ছেলেরা: মঙ্গলম ও হনানিয়। তাদের বোনের নাম  
শলোমীৎ। ২০ এছাড়াও আরও পাঁচজন ছিলেন: হশুবা, ওহেল,  
বেরিখিয়, হসদিয় ও যুশব-হেষেদ। ২১ হনানিয়ের বংশধরেরা: পলটিয়  
ও যিশায়াহ, এবং রফায়ের, অর্ণনের, ওবদিয়ের ও শখনিয়ের ছেলেরা।  
২২ শখনিয়ের বংশধরেরা: শময়িয় ও তাঁর ছেলেরা: হটৃশ, যিগাল,  
বারীহ, নিয়ারিয় ও শাফট—মোট এই ছ-জন। ২৩ নিয়ারিয়ের ছেলেরা:  
ইলীয়েনয়, হিকিয় ও অস্তীকাম—মোট এই তিনজন। ২৪ ইলীয়েনয়ের  
ছেলেরা: হোদবিয়, ইলীয়াশীব, পলায়, অুক্রব, যোহানন, দলায় ও  
অনানি—মোট এই সাতজন।

**৪** যিহুদার বংশধরেরা: পেরস, হিত্রোণ, কর্মি, হূর ও শোবল। ২  
শোবলের ছেলে রায়া যহু-এর বাবা, এবং যহু অহুময় ও লহদের  
বাবা। এরাই সরাথীয় বংশ। ৩ এরা এটমের ছেলে: যিত্রিয়েল, যিশ্যা ও  
যিদবশ। তাদের বোনের নাম হৎসলিল-পোনী। ৪ গদোরের বাবা  
পন্যোল, এবং হুশের বাবা এষর। এরাই ইক্রাথার বড়ো ছেলে ও  
বেথলেহেমের বাবা হুরের বংশধর। ৫ তকোয়ের বাবা অস্তুরের দুই  
স্ত্রী ছিল, যাদের নাম হিলা ও নারা। ৬ নারা তাঁর ওরসে অহ্যম,  
হেফর, তৈমনি ও অহষ্টরিকে জন্ম দিলেন। এরাই নারার বংশধর। ৭

হিলার ছেলেরা: সেৱৎ, যিঃসোহর, ইংনন, ৪ ও কোষ, যিনি আনুব ও  
সোবেবাৰ এবং হাৰঘমেৰ ছেলে অহৰ্ল বংশেৰ পূৰ্বপুৱৰ্য ছিলেন। ৭  
যাবেষ তাঁৰ ভাইদেৱ চেয়ে বেশি সম্মানিত ছিলেন। এই বলে তাঁৰ মা  
তাঁৰ নাম রেখেছিলেন যাবেষ, যে, “ব্যথাবেদনাৰ মধ্যে দিয়ে আমি  
তাকে জন্ম দিয়েছি।” ১০ যাবেষ ইত্তায়েলেৰ ঈশ্বৰেৰ উদ্দেশে চিৎকাৱ  
কৱে বললেন, “ওহো, তুমি যদি আমায় আশীৰ্বাদ কৱতে ও আমাৰ  
এলাকা বিস্তাৱ কৱতে! তোমাৰ হাত আমাৰ সঙ্গে থাকুক, ও আমাকে  
অনিষ্ট থেকে রক্ষা কৱুক, যেন আমি ব্যথাবেদনা থেকে মুক্ত থাকতে  
পাৰি।” আৱ ঈশ্বৰ তাঁৰ অনুৱোধ মঞ্জুৰ কৱলেন। ১১ শূহেৱ ভাই কলুব  
সেই মহীৱেৰ বাবা, যিনি ঈষ্টনেৰ বাবা। ১২ ঈষ্টন বেথ-ৱাফা,  
পাসেহ ও সেই তহিল্লেৰ বাবা, যিনি ঈৱনাহসেৰ বাবা। এৱাই রেকাৱ  
লোকজন। ১৩ কনসেৰ ছেলেৰা: অংনীয়েল ও সৱায়। অংনীয়েলেৰ  
ছেলেৰা: হথৎ ও মিয়োনোথয়। ১৪ মিয়োনোথয় অফ্রার বাবা। সৱায়  
সেই যোয়াবেৰ বাবা, যিনি গী-হৱসীমেৰ বাবা। যেহেতু সেখানকাৱ  
লোকজন সুদক্ষ কৰ্মী ছিল, তাই সেই হানটিকে এই নামেই ডাকা হত।  
১৫ যিফুন্নিৰ ছেলে কালেবেৰ ছেলেৰা: ঈৱু, এলা ও নয়ম। এলাৰ ছেলে:  
কনস। ১৬ যিহলিলেলেৰ ছেলেৰা: সীফ, সীফা, তীরিয় ও অসারেল।  
১৭ ইত্তার ছেলেৰা: যেথৰ, মেৱদ, এফৱ ও যালোন। মেৱদেৱ স্ত্ৰীদেৱ  
মধ্যে একজন মাৱিয়ম, শমায় ও সেই যিশবহকে জন্ম দিলেন, যিনি  
ইষ্টমোয়েৰ বাবা। ১৮ তাঁৰ যিহুদাবংশীয়া স্ত্ৰী গদোৱেৰ বাবা যেৱদকে,  
সোখোৱ বাবা হেবৱকে, এবং সানোহেৱ বাবা যিকুথিয়েলকে জন্ম  
দিলেন এৱা সবাই ফৱোগেৱ মেয়ে সেই বিথিয়াৰ সন্তান, যাঁকে মেৱদ  
বিয়ে কৱলেন। ১৯ হোদিয়েৱ স্ত্ৰী তথা নহমেৱ বোনেৱ ছেলেৰা:  
গৰ্মীয় কিয়ীলার বাবা, ও মাখাতীয় ইষ্টমোয়। ২০ শীমোনেৱ ছেলেৰা:  
অঘোন, রিন, বিন-হানন ও তীলোন। যিশীৱ বংশধৰেৱা: সোহেৎ ও  
বিন-সোহেৎ। ২১ যিহুদাৰ ছেলে শেলাৰ ছেলেৰা: লেকাৱ বাবা এৱ,  
মাৱেশাৱ বাবা লাদা এবং বৈৎ-অসবেয়েৱ যেসৱ কাৱিগৱ মসিনাৱ  
কাপড় বুনতো, তাদেৱ বংশধৰেৱা, ২২ যোকীম, কোষেবাৱ লোকজন,  
এবং সেই যোয়াশ ও সাৱফ, যাৱা মোয়াবে রাজত্ব কৱতেন এবং

বাশুবি-লেহম। (এই নথিগুলি প্রাচীনকালে সংগৃহীত) 23 তারা সেইসব  
কুমোর, যারা নতায়ীম ও গদেরায় বসবাস করত; তারা সেখানে থাকত  
ও রাজার জন্য কাজ করত। 24 শিমিয়োনের বৎশধরেরা: নম্যেল,  
যামীন, যারীব, সেরহ ও শৌল; 25 শৌলের ছেলে শল্লুম, তাঁর ছেলে  
মিব্সম ও তাঁর ছেলে মিশ্ম। 26 মিশ্মের বৎশধরেরা: তাঁর ছেলে  
হম্যুয়েল, তাঁর ছেলে শুক্র ও তাঁর ছেলে শিময়ি। 27 শিময়ির ঘোল  
ছেলে ও ছয় মেয়ে ছিল, কিন্তু তাঁর ভাইদের খুব বেশি সন্তান ছিল  
না; তাই তাদের গোটা বৎশ যিহুদা বৎশের মতো বহুসংখ্যক হতে  
পারেন। 28 তারা বের-শেবা, মোলাদা, হৎসর-শূয়াল, 29 বিলহা,  
এৎসম, তোলদ, 30 বথ্যোল, হর্মা, সিরুণ, 31 বেথ-মর্কাবোৎ, শৎসর-  
সূয়ীম, বেথ-বিরী ও শারয়িমে বসবাস করতেন। দাউদের রাজত্ব  
পর্যন্ত এগুলিই তাদের নগর ছিল। 32 তাদের চারপাশের গ্রামগুলি  
হল এটম, ওন, রিমোণ, তোখেন ও আশন—পাঁচটি নগর— 33  
এবং বালাত পর্যন্ত এই নগরগুলি ঘিরে থাকা সব গ্রাম। এগুলিই ছিল  
তাদের উপনিবেশ। আর তারা এক বৎশতালিকা রেখেছিলেন। 34  
মশোবব, যন্সেক, অমৎসিয়ের ছেলে যোশঃ, 35 তার ছেলে যোয়েল,  
তার ছেলে অসীয়েল, তার ছেলে সরায়, তার ছেলে যোশিবিয়, তার  
ছেলে যেহু, 36 এছাড়াও ইলীয়েনয়, যাকোবা, যিশোহায়, অসায়,  
অদীয়েল, যিশীমীয়েল, বনায়, 37 ও শামিয়িয়ের ছেলে সিমি, তার  
ছেলে যিদয়িয়, তার ছেলে অলোন, তার ছেলে শিফি, তার ছেলে সীষঃ।  
38 যাদের নাম উপরে নথিভুক্ত করা হয়েছে তারা তাদের বৎশের  
নেতা ছিলেন। তাদের পরিবারগুলি প্রচুর সংখ্যায় বৃদ্ধি পেয়েছিল,  
39 এবং তাদের পশ্চপালের জন্য চারণভূমির সন্ধান করতে করতে  
তারা উপত্যকার পূর্বদিকে গদোরের প্রান্তদেশ পর্যন্ত চলে গেলেন।  
40 তারা উর্বর, উপযুক্ত চারণভূমির সন্ধান পেয়েছিলেন, এবং সেই  
দেশটি ছিল সুপরিসর, শান্তিপূর্ণ ও নির্জন। আগে সেখানে হাম বংশীয়  
কিছু লোকজন বসবাস করত। 41 যাদের নাম নথিভুক্ত হল, তারা  
যিহুদার রাজা হিস্কিয়ের সময়ে এলেন। তারা হাম বংশীয় লোকদের  
বাসস্থান ও সেখানে থাকা মিয়নীয়দেরও আক্রমণ করলেন এবং

তাদের পুরোপুরি ধ্বংস করে দিলেন, আজও পর্যন্ত যা স্পষ্ট হয়ে আছে। পরে তারা তাদের স্থানে বসতি স্থাপন করলেন, যেহেতু সেখানে তাদের পশ্চালের জন্য চারণভূমি ছিল। 42 এবং এই শিমিয়োনীয়দের মধ্যে 500 জন সেয়ারের পার্বত্য এলাকা দখল করল, যাদের নেতৃত্বে ছিলেন যিশীর ছেলে পলটিয়, নিয়ারিয়, রফায়িয় ও উষ্ণীয়েল। 43 যারা পালিয়ে গেল, তারা অবশিষ্ট সেই অমালেকীয়দের হত্যা করলেন, এবং আজও পর্যন্ত তারা সেখানেই বসবাস করছেন।

**৫** ইস্রায়েলের বড়ো ছেলে রূবেগের ছেলেরা: (তিনি বড়ো ছেলে ছিলেন, কিন্তু যখন তিনি তাঁর বাবার বিবাহ-শয্যা কল্পিত করলেন, তখন তাঁর জ্যেষ্ঠাধিকার ইস্রায়েলের ছেলে যোষেফের ছেলেদের দিয়ে দেওয়া হল; তাই তাঁর জন্মগত অধিকারের আধারে তিনি বংশতালিকায় স্থান পাননি, 2 এবং যদিও যিহূদা তাঁর দাদা-ভাইদের মধ্যে সবচেয়ে শক্তিশালী ছিলেন ও তাঁর থেকেই একজন শাসনকর্তা উৎপন্ন হলেন, জ্যেষ্ঠাধিকার কিন্তু যোষেফেরই থেকে গেল) 3 ইস্রায়েলের বড়ো ছেলে রূবেগের ছেলেরা: হনোক, পল্ল, হিস্রোণ ও কর্মী। 4 যোয়েলের বংশধরেরা: তাঁর ছেলে শিমিয়, তাঁর ছেলে গোগ, তাঁর ছেলে শিমিয়, 5 তাঁর ছেলে মীখা, তাঁর ছেলে রায়া, তাঁর ছেলে বায়াল, 6 এবং তাঁর ছেলে বেরা, যাঁকে আসিরিয়ার রাজা তিগ্রৎ-পিলেষ্র বন্দি করে নিয়ে গেলেন। বেরা রূবেগীয়দের একজন নেতা ছিলেন। 7 বংশানুসারে তাদের আত্মীয়স্বজন, যারা তাদের বংশতালিকার আধারে নথিভুক্ত হলেন: দলনেতা যিয়ায়েল, সখারিয়, 8 ও যোয়েলের ছেলে শেমা, তার ছেলে আসস, তার ছেলে বেলা। তারা অরোয়ের থেকে নেবো ও বায়াল-মিয়োন পর্যন্ত বিস্তৃত এলাকায় বসতি স্থাপন করলেন। 9 পূর্বদিকে তারা সেই মরণভূমির প্রান্ত পর্যন্ত বিস্তৃত ছিল, কারণ গিলিয়দে তাদের পশ্চাল বৃক্ষি পেয়েছিল। 10 শৌলের রাজত্বকালে তারা সেই হাগরীয়দের বিরুদ্ধে যুদ্ধে লিঙ্গ হলেন, যারা তাদের হাতে পরাজিত হল; গিলিয়দের পূর্বদিকে গোটা এলাকা জুড়ে তারা হাগরীয়দের বাসস্থানগুলি দখল করে নিয়েছিলেন। 11 গাদ বংশীয় লোকেরা তাদের পাশাপাশি থেকে

সল্খা পর্যন্ত বাশনে বসবাস করলেন: 12 তাদের দলপতি ছিলেন যোয়েল, দ্বিতীয়জন শাফম, পরে যানয় ও শাফট, যারা বাশনে ছিলেন। 13 পরিবার ধরে ধরে তাদের আত্মীয়স্বজন হলেন: মীখায়েল, মশুল্লম, শেবা, যোরায়, যাকন, সীয় ও এবর—মোট সাতজন। 14 এরা হলেন বৃমের ছেলে যহুদোর, তার ছেলে যিশীশয়, তার ছেলে মীখায়েল, তার ছেলে গিলিয়দ, তার ছেলে যারোহ, তার ছেলে হুরি, তার ছেলে যে অবীহয়িল, এরা সব তাঁর ছেলে। 15 গুনির ছেলে অব্দিয়েল, তার ছেলে অহি, তাদের পরিবারের কর্তা ছিলেন। 16 গাদ বংশীয় লোকেরা গিলিয়দে, বাশনে ও সেখানকার প্রত্যন্ত গ্রামগুলিতে, ও শারোণের সব চারণভূমি পর্যন্ত ছড়িয়ে-ছিটিয়ে বসবাস করতেন। 17 যিহুদার রাজা যোথম ও ইস্রায়েলের রাজা যারবিয়ামের রাজত্বকালেই এরা সবাই বংশতালিকায় চুকে পড়েছিলেন। 18 রবেণীয়, গাদীয় ও মনঃশির অর্ধেক বংশে 44,760 জন সামরিক পরিমেবার জন্য প্রস্তুত ছিল—যারা সুস্বাস্থ্যের অধিকারী ছিল এবং ঢাল ও তরোয়াল চালাতে পারত, ধনুক ব্যবহার করতে পারত, ও যুদ্ধের জন্য প্রশিক্ষিতও ছিল। 19 তারা হাগরীয়দের, যিটুরের, নাফীশের ও নোদবের বিরুদ্ধে যুদ্ধে লিঙ্গ হল। 20 এদের বিরুদ্ধে যুদ্ধ করার সময় তারা সাহায্য পেয়েছিল, এবং ঈশ্বর হাগরীয় ও তাদের মিত্রসভিকে তাদের হাতে সঁপে দিলেন, কারণ যুদ্ধ চলার সময় তারা তাঁর কাছে কেঁদেছিল। তিনি তাদের প্রার্থনার উত্তর দিলেন, যেহেতু তারা তাঁর উপর ভরসা রেখেছিল। 21 তারা হাগরীয়দের গবাদি পশুপাল দখল করে নিয়েছিল: 50,000-টি উট, 2,50,000-টি মেষ ও 2,000-টি গাধা। তারা 1,00,000 লোককেও বন্দি করল, 22 এবং আরও অনেকে মারা পড়েছিল, কারণ যুদ্ধটি ঈশ্বরেরই ছিল। এবং নির্বাসনকাল পর্যন্ত তারা দেশটি অধিকার করেই থেকে গেল। 23 মনঃশির অর্ধেক বংশের লোকেরা সংখ্যায় প্রচুর ছিল; তারা সেই দেশে বাশন থেকে বায়াল-হর্মোণ, অর্থাৎ সনীর (হর্মোণ পর্বত) পর্যন্ত বসতি স্থাপন করল। 24 এরাই তাদের পরিবারের কর্তা ছিলেন: এফর, যিশী, ইলীয়েল: অত্তীয়েল, যিরমিয়, হোদবিয় ও যহুদীয়েল। তারা সাহসী যোদ্ধা, বিখ্যাত পুরুষ, ও তাদের

পরিবারের কর্তা ছিলেন। 25 কিন্তু তারা তাদের পূর্বপুরুষদের ঈশ্বরের প্রতি অবিশ্বস্ত হলেন এবং তারা দেশের লোকদের সেইসব দেবতার উদ্দেশে বেশ্যাবৃত্তি চালিয়েছিলেন, ঈশ্বর যাদের তাদের সামনেই ধ্বংস করেছিলেন। 26 অতএব ইস্রায়েলের ঈশ্বর আসিরিয়ার রাজা সেই পুলের (অর্থাৎ, আসিরিয়ার রাজা তিহ্লি-পিলেষরের) মন উত্তেজিত করে তুলেছিলেন, যিনি রূবেণীয়দের, গাদীয়দের ও মনঃশির অর্ধেক বংশকে বন্দি করে নিয়ে গেলেন। তিনি তাদের সেই হলহে, হাবোরে, হারাতে ও গোষণ নদীতীরে নিয়ে গেলেন, আজও পর্যন্ত তারা যেখানে রয়ে গিয়েছে।

**৬** লেবির ছেলেরা: গের্শোন, কহাং ও মরারি। ২ কহাতের ছেলেরা: অম্রাম, যিষ্হর, হির্বোণ ও উষীয়েল। ৩ অম্রামের সন্তানেরা: হারোণ, মোশি ও মরিয়ম। হারোণের ছেলেরা: নাদব, অবীহু, ইলীয়াসর ও ঈথামর। ৪ ইলীয়াসর পীনহসের বাবা, পীনহস অবিশূয়ের বাবা, ৫ অবিশূয় বুক্কির বাবা, বুক্কি উষির বাবা, ৬ উষি সরহিয়ের বাবা, সরহিয় মরায়োতের বাবা, ৭ মরায়োত অমরিয়ের বাবা, অমরিয় অহীটুবের বাবা, ৯ অহীমাস অসরিয়ের বাবা, অসরিয় যোহাননের বাবা, ১০ যোহানন অসরিয়ের বাবা। শলোমন জেরুশালেমে যে মন্দির নির্মাণ করেছিলেন, অসরিয় সেখানেই যাজকরণে সেবাকাজ করতেন। ১১ অসরিয় অমরিয়ের বাবা, অমরিয় অহীটুবের বাবা, ১২ অহীটুব সাদোকের বাবা, সাদোক অহীমাসের বাবা, ১৩ শল্লুম হিঙ্কিয়ের বাবা, হিঙ্কিয় অসরিয়ের বাবা, ১৪ অসরিয় সরায়ের বাবা, সরায় যোষাদকের বাবা ১৫ সদাপ্রভু যখন নেবুখাদনেজারের হাত দিয়ে যিহুদা ও জেরুশালেমকে নির্বাসনে পাঠালেন, তখন এই যোষাদকও নির্বাসিত হলেন। ১৬ লেবির ছেলেরা: গের্শোন, কহাং ও মরারি। ১৭ গের্শোনের ছেলেদের নাম এইরকম: লিব্নি ও শিমিয়ি। ১৮ কহাতের ছেলেরা: অম্রাম, যিষ্হর, হির্বোণ ও উষীয়েল। ১৯ মরারির ছেলেরা: মহলি ও মুশি। পূর্বপুরুষদের কুলানুসারে এরাই লেবীয়দের নথিভুক্ত বংশধর: ২০ গের্শোনের: তাঁর ছেলে লিব্নি, তাঁর ছেলে যহু, তাঁর ছেলে সিম্মা, ২১ তাঁর ছেলে যোয়াহ,

তাঁর ছেলে ইদো, তাঁর ছেলে সেরহ এবং তাঁর ছেলে যিয়ায়। 22  
কহাতের বংশধরেরা: তাঁর ছেলে অমীনাদব, তাঁর ছেলে কোরহ, তাঁর  
ছেলে অসীর, 23 তাঁর ছেলে ইল্কানা, তাঁর ছেলে ইবীয়াসফ, তাঁর ছেলে  
অসীর, 24 তাঁর ছেলে তহৎ, তাঁর ছেলে উরীয়েল, তাঁর ছেলে উষিয় ও  
তাঁর ছেলে শৌল। 25 ইল্কানার বংশধরেরা: অমাসয়, অহীমোৎ, 26  
তাঁর ছেলে ইল্কানা, তাঁর ছেলে সোফী, তাঁর ছেলে নহৎ, 27 তাঁর  
ছেলে ইলীয়াব, তাঁর ছেলে যিরোহ্য, তাঁর ছেলে ইল্কানা ও তাঁর ছেলে  
শমুয়েল। 28 শমুয়েলের ছেলেরা: বড়ো ছেলে যোয়েল ও দ্বিতীয় ছেলে  
অবিয়। 29 মরারির বংশধরেরা: মহলি, তাঁর ছেলে লিব্নি, তাঁর ছেলে  
শিমিয়, তাঁর ছেলে উষ, 30 তাঁর ছেলে শিমিয়, তাঁর ছেলে হগিয়, তাঁর  
ছেলে অসায়। 31 নিয়ম-সিন্দুকটি সদাপ্রভুর গৃহে বিশ্রামপ্রান লাভের  
পর দাউদ সেই গৃহে গানবাজনা করার দায়িত্ব যাদের হাতে তুলে  
দিলেন, তারা এইসব লোক। 32 যতদিন না শলোমন জেরুশালেমে  
সদাপ্রভুর মন্দির নির্মাণ করলেন, ততদিন তারা সমাগম তাঁবুর, সেই  
সমাগম তাঁবুর সামনে গানবাজনা সমেত পরিচর্যা করে গেলেন।  
তাদের জন্য নিরূপিত নিয়মানুসারে তারা তাদের কর্তব্য পালন করে  
যেতেন। 33 এরা সেইসব লোক, যারা তাদের ছেলেদের সঙ্গে নিয়ে  
সেবাকাজ করে গেলেন: কহাতীয়দের মধ্যে থেকে: গায়ক হেমন, তিনি  
যোয়েলের ছেলে, তিনি শমুয়েলের ছেলে, 34 তিনি ইল্কানার ছেলে,  
তিনি যিরোহ্যের ছেলে, তিনি ইলীয়েলের ছেলে, তিনি তোহের ছেলে,  
35 তিনি সূফের ছেলে, তিনি ইল্কানার ছেলে, তিনি মাহতের ছেলে,  
তিনি অমাসয়ের ছেলে, 36 তিনি ইল্কানার ছেলে, তিনি যোয়েলের  
ছেলে, তিনি অসরিয়ের ছেলে, তিনি সফনিয়ের ছেলে, 37 তিনি তহতের  
ছেলে, তিনি অসীরের ছেলে, তিনি ইবীয়াসফের ছেলে, তিনি কোরহের  
ছেলে, 38 তিনি যিষ্হরের ছেলে, তিনি কহাতের ছেলে, তিনি লেবির  
ছেলে, তিনি ইস্রায়েলের ছেলে; 39 এবং হেমনের সহকর্মী ছিলেন  
সেই আসফ, যিনি তাঁর ডানদিকে দাঁড়িয়ে থেকে সেবাকাজ করতেন:  
আসফ বেরিখিয়ের ছেলে, তিনি শিমিয়ির ছেলে, 40 তিনি মীখায়েলের  
ছেলে, তিনি বাসেয়ের ছেলে, তিনি মক্কিয়ের ছেলে, 41 তিনি ইঁনির

ছেলে, তিনি সেরহের ছেলে, তিনি অদায়ার ছেলে, 42 তিনি এখনের ছেলে, তিনি সিম্যের ছেলে, তিনি শিমিয়ির ছেলে, 43 তিনি যহতের ছেলে, তিনি গের্শোনের ছেলে, তিনি লেবির ছেলে; 44 এবং তাদের সহকর্মীদের মধ্যে থেকে, মরারীয়রা তাঁর বাঁদিকে দাঁড়াতেন: এখন কীশির ছেলে, তিনি অবির ছেলে, তিনি মল্লকের ছেলে, 45 তিনি হশবিয়ের ছেলে, তিনি অমৎসিয়ের ছেলে, তিনি হিঙ্কিয়ের ছেলে, 46 তিনি অমসির ছেলে, তিনি বানির ছেলে, তিনি শেমরের ছেলে, 47 তিনি মহলির ছেলে, তিনি মূশির ছেলে, তিনি মরারির ছেলে, তিনি লেবির ছেলে। 48 তাদের সাথী লেবীয়দেরও সদাপ্রভুর গৃহের, সেই সমাগম তাঁবুর অন্যান্য সব কাজকর্ম করার দায়িত্ব দেওয়া হল। 49 কিন্তু হারোণ ও তাঁর বংশধরবাই মহাপবিত্রানে যা যা করণীয়, সেই প্রথানুসারে হোমবলির বেদির ও ধূপবেদির উপর উপহার উৎসর্গ করার মাধ্যমে ঈশ্বরের দাস মোশির দেওয়া আদেশানুসারে ইস্রায়েলের জন্য প্রায়চিত্ত করতেন। 50 এরাই হারোণের বংশধর: তাঁর ছেলে ইলীয়াসর, তাঁর ছেলে পীনহস, তাঁর ছেলে অবিশ্য, 51 তাঁর ছেলে বুকি, তাঁর ছেলে উষি, তাঁর ছেলে সরাহিয়, 52 তাঁর ছেলে মরায়োৎ, তাঁর ছেলে অমরিয়, তাঁর ছেলে অহীটুব, 53 তাঁর ছেলে সাদোক এবং তাঁর ছেলে অহীমাস। 54 তাদের এলাকারাপে এই স্থানগুলিই তাদের উপনিবেশ গড়ার জন্য চিহ্নিত হল: (সেগুলি হারোণের সেই বংশধরদের জন্যই চিহ্নিত হল, যারা কহাতীয় বংশোদ্ধৃত ছিল, কারণ প্রথম ভাগটি তাদের জন্যই ছিল) 55 তাদের যিহুদা অঞ্চলের হিরোণ ও সেখানকার চারপাশের চারণভূমিগুলি দেওয়া হল। 56 কিন্তু ক্ষেতজমি ও নগর ঘিরে থাকা গ্রামগুলি দেওয়া হল যিফুমির ছেলে কালেবকে। 57 অতএব হারোণের বংশধরদের দেওয়া হল হিরোণ (এক আশ্রয়-নগর), ও লিব্না, যতীর, ইষ্টিমোয়, 58 হিলেন, দবীর, 59 আশন, যুটা ও বেত-শেমশ, এবং সেই নগরগুলির চারণভূমি ও তাদের দেওয়া হল। 60 বিন্যামীন বংশ থেকে তাদের দেওয়া হল গিবিয়োন, গেবা, আলেমৎ ও অনাথোৎ, এবং সেই নগরগুলির চারণভূমি ও তাদের দেওয়া হল। কহাতীয় বংশের মধ্যে ভাগ করে দেওয়া নগরের সংখ্যা দাঁড়িয়েছিল মোট

তেরোটি। 61 কহাতের বাদবাকি বংশধরদের মনঃশির অর্ধেক বংশের অধিকার থেকে দশটি নগর দেওয়া হল। 62 বংশ ধরে ধরে গের্শোনের বংশধরদের ইষাখর, আশের ও নগ্নালি বংশ থেকে, এবং মনঃশির বংশের সেই অংশ, যারা বাশনে ছিল, তাদের থেকে তোরোটি নগর দেওয়া হল। 63 বংশ ধরে ধরে মরারির বংশধরদের রূবেণ, গাদ ও সবুজন বংশ থেকে বারোটি নগর দেওয়া হল। 64 অতএব ইস্রায়েলীরা লেবীয়দের এইসব নগর ও সেগুলির চারণভূমিও দিয়েছিল। 65 যিহুদা, শিমিয়োন ও বিন্যামীন বংশ থেকে তারা সেই নগরগুলি দিয়েছিল, যেগুলির নামেল্লেখ আগে করা হয়েছে। 66 কহাতীয়দের কয়েকটি বংশকে তাদের এলাকাভুক্ত নগররূপে ইফ্রায়িম বংশ থেকে কয়েকটি নগর দেওয়া হল। 67 ইফ্রায়িমের পার্বত্য এলাকায় তাদের শিখিম (এক আশ্রয়-নগর), ও গেষর, 68 যকমিয়াম, বেথ-হোরোণ, 69 অয়ালোন ও গাং-রিম্মাণ এবং সেই নগরগুলির চারণভূমিও দেওয়া হল। 70 মনঃশির অর্ধেক বংশ থেকে ইস্রায়েলীরা কহাতীয় বংশের বাদবাকি লোকজনকে আনের ও বিলয়ম এবং সেই নগরগুলির চারণভূমিও দিয়েছিল। 71 গের্শোনীয়রা নিম্নলিখিত নগরগুলি পেয়েছিল: মনঃশির অর্ধেক বংশের অধিকার থেকে তারা পেয়েছিল বাশনে অবস্থিত গোলন ও অষ্টারোৎ, এবং সেই নগরগুলির চারণভূমিও তারা পেয়েছিল; 72 ইষাখর বংশ থেকে তারা পেয়েছিল কেদশ, দাবরৎ, 73 রামোৎ ও আনেম, এবং সেই নগরগুলির চারণভূমিও তারা পেয়েছিল; 74 আশের বংশ থেকে তারা পেয়েছিল মশাল, আদোন, 75 হুকোক ও রাহব, এবং সেই নগরগুলির চারণভূমিও তারা পেয়েছিল; 76 এবং নগ্নালি বংশ থেকে তারা পেয়েছিল গালীলে অবস্থিত কেদশ, হয়োন ও কিরিয়াখয়িম, এবং সেই নগরগুলির চারণভূমিও তারা পেয়েছিল। 77 মরারীয়রা (বাদবাকি লেবীয়রা) নিম্নলিখিত (নগরগুলি) পেয়েছিল: সবুজন বংশ থেকে তারা পেয়েছিল যক্কিয়াম, কার্তা, রিম্মোণো ও তাবোর, এবং সেই নগরগুলির চারণভূমিও তারা পেয়েছিল; 78 যিরীহোর পূর্বদিকে জর্ডন নদীর পারের রূবেণ বংশ থেকে তারা পেয়েছিল মরপ্রান্তের অবস্থিত বেৎসর, যাহসা, 79 কদেমোৎ ও

মেফাং, এবং সেই নগরগুলির চারণভূমিও তারা পেয়েছিল; ৪০ এবং  
গাদ বংশ থেকে তারা পেয়েছিল গিলিয়দে অবস্থিত রামোৎ, মহনয়ম,  
৪১ হিস্বোন ও যাসের, এবং সেই নগরগুলির চারণভূমিও তারা  
পেয়েছিল।

৭ ইষাখরের ছেলেরা: তোলয়, পূয়, যাশুব ও শিশ্রোণ—মোট চারজন।  
২ তোলয়ের ছেলেরা: উষি, রফায়, যিরীয়েল, যহুয়, যিবসম ও  
শমুয়েল—তাদের পরিবারের কর্তা। দাউদের রাজত্বকালে, তোলয়ের  
যেসব বংশধর তাদের বংশতালিকানুসারে যোদ্ধারূপে নথিভুক্ত হল,  
তাদের সংখ্যা 22,600 জন। ৩ উষির ছেলে: যিষ্বাহিয়। যিষ্বাহিয়ের  
ছেলেরা: মীখায়েল, ওবদিয়, যোয়েল ও যিশিয়। এই পাঁচজনই প্রধান  
ছিলেন। ৪ তাদের পারিবারিক বংশতালিকানুসারে, তাদের কাছে  
36,000 জন লোক যুদ্ধ করার জন্য প্রস্তুত ছিল, কারণ তাদের  
অনেকগুলি স্ত্রী ও সন্তানসন্ততি ছিল। ৫ ইষাখরের সব বংশোভুক্ত  
যেসব আত্মীয়স্বজন তাদের বংশতালিকানুসারে যোদ্ধারূপে নথিভুক্ত  
হল, তাদের সংখ্যা মোট 87,000 জন। ৬ বিন্যামীনের ছেলেরা  
তিনজন: বেলা, বেখর ও যিদীয়েল। ৭ বেলার ছেলেরা: ইষবোণ,  
উষি, উষীয়েল, যিরেমৎ ও ট্রী। এরা পরিবারগুলির কর্তা—মোট  
পাঁচজন। তাদের বংশতালিকায় 22,034 জন যোদ্ধা নথিভুক্ত হল।  
৮ বেখরের ছেলেরা: সমীরা, যোয়াশ, ইলীয়েষর, ইলীয়েনয়, অষ্টি,  
যিরেমোৎ, অবিয়, অনাথোৎ ও আলেমৎ। এরা সবাই বেখরের ছেলে।  
৯ তাদের বংশতালিকায় 20,200 জন যোদ্ধা নথিভুক্ত হল। ১০  
যিদীয়েলের ছেলে: বিলহন। বিলহনের ছেলেরা: যিয়ুশ, বিন্যামীন,  
এহৃদ, কানানা, সেখন, তশীশ ও অহীশহর। ১১ যিদীয়েলের এইসব  
ছেলে পরিবারের কর্তা ছিলেন। 17,200 জন যোদ্ধা যুদ্ধে যাওয়ার জন্য  
প্রস্তুত ছিল। ১২ শুশ্মীয় ও হুশ্মীয়রা ঈরের বংশধর, এবং হুশ্মীয়রা  
অহেরের বংশধর। ১৩ নগ্নালির ছেলেরা: যহসিয়েল, গুনি, যেৎসর  
ও শিল্লেম—এরা বিলহার বংশধর। ১৪ মনঃশির বংশধরেরা: তাঁর  
অরামীয় উপপত্নীর মাধ্যমে উৎপন্ন বংশধর অস্ত্রীয়েল। সেই উপপত্নী  
গিলিয়দের বাবা মাথীরকেও গর্ভে ধারণ করল। ১৫ মাথীর হুশ্মীয় ও

শুন্ধিমীয়দের মধ্যে থেকেই একজনকে স্তৰি করে নিয়েছিলেন। তাঁর বোনের নাম মাখা। অন্য একজন বংশধরের নাম সলফাদ, যাঁর শুধু মেয়েই ছিল। 16 মাখীরের স্তৰি মাখা এক ছেলের জন্ম দিলেন ও তাঁর নাম রেখেছিলেন পেরশ। তাঁর ভাইয়ের নাম রাখা হল শেরশ, এবং তাঁর ছেলেদের নাম উলম ও রেকম। 17 উলমের ছেলে: বদান। মনঃশির ছেলে মাখীর, তার ছেলে গিলিয়দ, এরা তার ছেলে। 18 তাঁর বোন হম্মোলেকত দ্বিশ্বেদ, অবীয়েষ ও মহলাকে জন্ম দিলেন। 19 শমীদার ছেলেরা: অহিয়ন, শেখম, লিকহি ও অনীয়াম। 20 ইফ্রায়িমের বংশধরেরা: শূথেলহ, তাঁর ছেলে বেরদ, তাঁর ছেলে তহৎ, তাঁর ছেলে ইলিয়াদা, তাঁর ছেলে তহৎ, 21 তাঁর ছেলে সাবদ এবং তাঁর ছেলে শূথেলহ। (জন্মসূত্রে যারা গাত দেশীয় লোক ছিল, তাদের গবাদি পশুপাল দখল করতে গিয়ে এসের ও ইলিয়াদা তাদের হাতেই নিহত হলেন। 22 তাদের বাবা ইফ্রায়িম অনেক দিন ধরে তাদের জন্য শোক করলেন, এবং তাঁর আত্মীয়স্বজন তাঁকে সান্ত্বনা দিতে এসেছিল। 23 পরে আরেকবার তিনি তাঁর স্তৰির সাথে সহবাস করলেন: ও তাঁর স্তৰি গর্ভবতী হয়ে এক ছেলের জন্ম দিলেন। ইফ্রায়িম তাঁর নাম রেখেছিলেন বরিয়, কারণ তাঁর পরিবারে অমঙ্গল নেমে এসেছিল। 24 তাঁর মেয়ের নাম শীরা, যিনি নিম্নতর ও উচ্চতর বেথ-হোরোণ তথা উষেণ-শীরা গেঁথে তুলেছিলেন। 25 তাঁর ছেলে ছিলেন রেফহ, তাঁর ছেলে রেশফ, তাঁর ছেলে তেলহ, তাঁর ছেলে তহন, 26 তাঁর ছেলে লাদন, তাঁর ছেলে অমীহুদ, তাঁর ছেলে ইলীশামা, 27 তাঁর ছেলে নূন এবং তাঁর ছেলে যিহোশুয়। 28 তাদের জমি ও উপনিবেশে বেথেল ও তার চারপাশের গ্রামগুলি যুক্ত ছিল, পূর্বদিকে ছিল নারগ, পশ্চিমদিকে ছিল গেৰ ও তার কাছাকাছি থাকা গ্রামগুলি, এবং শিথিম ও সেখানকার গ্রামগুলি থেকে শুরু করে সুদূর অয়া ও সেখানকার গ্রামগুলি পর্যন্ত ছড়িয়ে পড়েছিল তাদের জমিজায়গা। 29 মনঃশির সীমানা বরাবর ছিল বেথ-শান, তানক, মগিদো ও দোর তথা সেই নগরগুলির সঙ্গে থাকা গ্রামগুলি। ইস্রায়েলের ছেলে যোষেফের বংশধরেরা এইসব নগরে বসবাস করত। 30 আশেরের ছেলেরা: যিম্ম, যিশ্বা, যিশ্বী ও বরিয়।

সেরহ ছিলেন তাদের বোন। 31 বরিয়ের ছেলেরা: হেবের ও মন্দীয়েল,  
যিনি বির্ষোত্তের বাবা। 32 হেবের যফলেট, শোমের ও হোথমের এবং  
তাদের বোন শৃংয়ার বাবা। 33 যফলেটের ছেলেরা: পাসক, বিমহল ও  
অশ্বৎ। এরাই যফলেটের ছেলেসন্তান। 34 শেমরের ছেলেরা: অহি,  
রোগহ, যিল্লব ও অরাম। 35 তাঁর ভাই হেলমের ছেলেরা: শোফহ,  
যিম্ম, শেলশ ও আমল। 36 শোফহের ছেলেরা: সুহ, হর্ণেফর, শৃংয়াল,  
বেরী, যিম্ম, 37 বেৎসর, হোদ, শম্মা, শিলশ, যিত্রণ ও বেরো। 38  
যেথেরের ছেলেরা: যিফুন্নি, পিস্প ও অরা। 39 উল্লের ছেলেরা: আরহ,  
হন্নীয়েল ও রিংসিয়। 40 এরা সবাই আশেরের বংশধর—পরিবারের  
কর্তা, বাছাই করা লোকজন, সাহসী যোদ্ধা ও অসামান্য নেতা। তাদের  
বংশতালিকায় যুদ্ধে যাওয়ার জন্য প্রস্তুত 26,000 জন যোদ্ধা নথিভুক্ত  
হল।

**৪** বিন্যামীন তাঁর, বড়ো ছেলে বেলার বাবা, তাঁর দিতীয় ছেলে অস্বেল,  
তৃতীয়জন অহর্ত, 2 চতুর্থজন নোহা ও পথওমজন রাফা। 3 বেলার  
ছেলেরা হলেন: অদ্ব, গেরা, অবীহূদ, 4 অবীশৃংয়, নামান, আহোহ, 5  
গেরা, শফুফন ও হুরম। 6 এহুদের এই বংশধররা গেবায় বসবাসকারী  
পরিবারগুলির কর্তা ছিলেন এবং তাদের নির্বাসিত করে মানহতে নিয়ে  
যাওয়া হল: 7 নামান, অহিয়, ও সেই গেরা, যিনি তাদের নির্বাসিত  
করলেন এবং যিনি আবার উষ ও অহীহুদের বাবা ও ছিলেন। 8 মোয়াবে  
শহরয়িম তাঁর দুই স্ত্রী হুশীম ও বারার সঙ্গে বিবাহবিচ্ছিন্ন হওয়ার পর  
তাঁর কয়েকটি ছেলের জন্ম হয়েছিল। 9 তাঁর স্ত্রী হোদশের মাধ্যমে  
তিনি যে ছেলেদের পেয়েছিলেন, তারা হলেন—যোবব, সিবিয়, মেশা,  
মন্দম, 10 যিযুশ, শখিয় ও মির্ম। এরাই তাঁর ছেলে, তথা তাদের  
পরিবারগুলির কর্তা। 11 হুশীমের মাধ্যমে তিনি অবীটুব ও ইল্পালকে  
পেয়েছিলেন। 12 ইল্পালের ছেলেরা: এবর, মিশিয়ম, শেমদ (যিনি  
চারপাশের গ্রাম সমেত ওনো ও লোদ নগর দুটি গেঁথে তুলেছিলেন),  
13 এবং বরিয় ও শেমা, যারা অয়ালোনে বসবাসকারী পরিবারগুলির  
কর্তা ছিলেন এবং তারাই গাতের অধিবাসীদের তাড়িয়ে দিলেন। 14  
অহিয়া, শাশক, যিরেমোৎ, 15 সবদিয়, অরাদ, এদর, 16 মীখায়েল,

যিশপা ও ঘোহ বরিয়ের ছেলে ছিলেন। 17 সবদিয়, মশুল্লম, হিঙ্কি,  
 হেবর, 18 যিশুরয়, যিষলিয় ও ঘোবব ইল্পালের ছেলে ছিলেন। 19  
 যাকীম, সিঞ্চি, সন্দি, 20 ইলীয়েনয়, সিল্লথয়, ইলীয়েল, 21 অদায়া,  
 বরায়া ও শিম্বিৎ শিমিয়ির ছেলে ছিলেন। 22 যিশপন, এবর, ইলীয়েল,  
 23 অদোন, সিঞ্চি, হানন, 24 হনানিয়, এলম, অন্তোথিয়, 25 যিফদিয়  
 ও পনূয়েল শাশকের ছেলে ছিলেন। 26 শিম্শুরয়, শহরিয়, অথলিয়,  
 27 যারিশিয়, এলিয় ও সিঞ্চি যিরোহমের ছেলে ছিলেন। 28 এরা সবাই  
 তাদের বংশতালিকায় নথিভুক্ত পরিবারগুলির কর্তা ও প্রধান ছিলেন  
 এবং তাঁরা জেরচালেমেই বসবাস করতেন। 29 গিবিয়োনের বাবা  
 যিয়ায়েল গিবিয়োনে বসবাস করতেন। তাঁর স্ত্রীর নাম মাখা, 30 এবং  
 তাঁর বড়ো ছেলে অদোন, পরে জন্ম হল সূর, কীশ, বায়াল, নের, নাদব,  
 31 গদোর, অহিয়ো, সখর 32 এবং সেই মিক্লোতের, যিনি শিমিয়ির  
 বাবা ছিলেন। তারাও জেরচালেমে তাদের আত্মীয়স্বজনের কাছে  
 বসবাস করতেন। 33 নের কীশের বাবা, কীশ শৌলের বাবা, ও শৌল  
 যোনাথন, মক্ষীশূয়, অবীনাদব ও ইশ্বায়ালের বাবা। 34 যোনাথনের  
 ছেলে: মরাব্-বায়াল, যিনি মীখার বাবা। 35 মীখার ছেলেরা: পিথোন,  
 মেলক, তরেয় ও আহস। 36 আহস যিহোয়াদার বাবা, যিহোয়াদা  
 আলেমৎ, অসমাবৎ ও সিঞ্চির বাবা, এবং সিঞ্চি মোৎসার বাবা। 37  
 মোৎসা বিনিয়ার বাবা; বিনিয়ার ছেলে রফায়, তাঁর ছেলে ইলীয়াসা  
 ও তাঁর ছেলে আৎসেল। 38 আৎসেলের ছয় ছেলে ছিল, এবং এই  
 তাদের নাম: অস্ত্রীকাম, বোখর, ইশ্যায়েল, শিয়ারিয়, ওবদিয় ও হনান।  
 এরা সবাই আৎসেলের ছেলে। 39 তাঁর ভাই এশকের ছেলেরা: তাঁর  
 বড়ো ছেলে উলম, দিতীয় ছেলে যিযুশ ও তৃতীয়জন এলীফেলট।  
 40 উলমের ছেলেরা এমন সাহসী যোদ্ধা ছিলেন, যারা ধনুক ব্যবহার  
 করতে পারতেন। তাদের প্রচুর সংখ্যায় ছেলে ও নাতি ছিল—মোট  
 150 জন। এরা সবাই বিন্যামীনের বংশধর।

**৯** ইস্রায়েল ও যিহুদার রাজাদের গ্রন্থের বংশতালিকায় সমস্ত ইস্রায়েল  
 নথিভুক্ত হল। তাদের অবিশ্বস্ততার কারণেই তাদের বন্দি করে  
 ব্যাবিলনে নিয়ে যাওয়া হল। 2 নিজেদের নগরে, তাদের নিজস্ব

বিষয়সম্পত্তির উপর প্রথমে কিছু ইঞ্জায়েলী মানুষজন, যাজক, লেবীয় ও মন্দির-সেবকেরাই পুনর্বাসন পেয়েছিল। ৩ যিহুদা থেকে, বিন্যামীন থেকে, এবং ইফ্রায়িম ও মনঃশি থেকে যারা জেরশালেমে বসবাস করল, তারা হল: ৪ যিহুদার ছেলে পেরসের এক বংশধর বানি, তাঁর ছেলে ইঞ্জি, তাঁর ছেলে অঞ্জি, তাঁর ছেলে অম্মীহূদ ও তাঁর ছেলে উথয়। ৫ শীলোনীয়দের মধ্যে থেকে: বড়ো ছেলে অসায় ও তাঁর ছেলেরা। ৬ সেরাহীয়দের মধ্যে থেকে: যুয়েল। যিহুদা থেকে গণিত লোকসংখ্যা ৬৯০ জন। ৭ বিন্যামীনীয়দের মধ্যে থেকে: মশুল্লমের ছেলে সল্লু, মশুল্লম হোদবিয়ের ছেলে, ও হোদবিয় হসন্যের ছেলে: ৮ যিরোহমের ছেলে যিবনিয়; মিখ্রির নাতি ও উষির ছেলে এলা; এবং যিবনিয়ের প্রনাতি, রয়েলের নাতি ও শফটিয়ের ছেলে মশুল্লম; ৯ বিন্যামীনের বংশতালিকানুসারে নথিভুক্ত লোকজনের সংখ্যা ৯৫৬ জন। এইসব লোকজন তাদের পরিবারগুলির কর্তা ছিলেন। ১০ যাজকদের মধ্যে থেকে: যিদিয়য়; যিহোয়ারীব; যাখীন; ১১ ঈশ্বরের গৃহের দেখাশোনা করার দায়িত্বপ্রাপ্ত কর্মচারী সেই অসরিয়, যিনি হিক্কিয়ের ছেলে, হিক্কিয় মশুল্লমের ছেলে, মশুল্লম সাদোকের ছেলে, সাদোক মরায়োতের ছেলে ও মরায়োৎ অহীট্বের ছেলে ছিলেন; ১২ যিরোহমের ছেলে অদায়া, যিরোহম পশ্চুরের ছেলে ও পশ্চুর মক্কিয়ের ছেলে ছিলেন; এবং অদীয়েলের ছেলে মাসয়, অদীয়েল যহসেরার ছেলে, যহসেরা মশুল্লমের ছেলে, মশুল্লম মশিল্লমীতের ছেলে ও মশিল্লমীত ইম্মেরের ছেলে ছিলেন। ১৩ যে যাজকেরা তাদের পরিবারগুলির কর্তা ছিলেন, তাদের সংখ্যা হল ১,৭৬০ জন। তারা এমন যোগ্য লোক ছিলেন, যারা ঈশ্বরের গৃহে সেবাকাজ করার পক্ষে দায়িত্বশীল ও ছিলেন। ১৪ লেবীয়দের মধ্যে থেকে: হশুবের ছেলে শময়িয়, হশুব অস্ত্রীকামের ছেলে ও অস্ত্রীকাম মরারীয় হশবিয়ের ছেলে; ১৫ বকবক্র, হেরশ, গালল এবং আসফের প্রনাতি, সিখ্রির নাতি ও মীখার ছেলে মতনিয়; ১৬ যিদুখুনের ছেলে গাললের নাতি ও শময়িয়ের ছেলে ওবদিয়; এবং ইল্কানার নাতি ও আসার ছেলে সেই বেরিখিয়, যিনি নটোফাতীয়দের গ্রামে বসবাস করতেন। ১৭ দ্বাররক্ষীরা: শল্লুম, অুক্র, টল্মোন, অহীমান ও তাদের

সহকর্মী লেবীয়েরা, যাদের দলপতি ছিলেন শল্লুম। 18 তারা আজও  
পর্যন্ত পূর্বদিকের রাজ-দ্বারে মোতায়েন আছেন। এরাই লেবীয় কুলের  
অন্তর্ভুক্ত দ্বাররক্ষী। 19 কোরহের ছেলে ইবীয়াসফের নাতি ও কোরির  
ছেলে শল্লুম, এবং তাঁর পরিবারভুক্ত (কোরহীয়) সহকর্মী দ্বাররক্ষীরা  
ঠিক সেভাবেই তাঁবুর প্রবেশদ্বার রক্ষা করার দায়িত্ব পেয়েছিলেন,  
যেভাবে তাদের পূর্বপুরুষেরা সদাপ্রভুর আবাসের প্রবেশদ্বার রক্ষা  
করার দায়িত্ব পেয়েছিলেন। 20 প্রাচীনকালে ইলিয়াসরের ছেলে  
পীনহসের উপর দ্বাররক্ষীদের দেখাশোনা করার দায়িত্ব ছিল, এবং  
সদাপ্রভু তাঁর সাথে ছিলেন। 21 সমাগম তাঁবুর প্রবেশদ্বারে দ্বাররক্ষী  
হলেন মশেলেমিয়ের ছেলে সখরিয়। 22 প্রবেশদ্বারে যাদের দ্বাররক্ষী  
হওয়ার জন্য বেছে নেওয়া হল, তাদের সংখ্যা ছিল মোট 212 জন।  
তাদের গ্রামগুলিতে তারা বংশতালিকানুসারে নথিভুক্ত হলেন। দাউদ  
ও ভবিষ্যদ্বক্তা শম্যুলে তাদের আঙ্গভাজন পদে নিযুক্ত করলেন।  
23 তারা ও তাদের বংশধরেরা সদাপ্রভুর সেই গৃহের দ্বার রক্ষার  
দায়িত্ব পেয়েছিলেন—যে গৃহটি সমাগম তাঁবু নামেও পরিচিত। 24  
দ্বাররক্ষীরা পূর্ব, পশ্চিম, উত্তর ও দক্ষিণ—এই চারদিকে থাকতেন। 25  
গ্রামগুলিতে বসবাসকারী তাদের সহকর্মী লেবীয়রা ও মারোমধ্যে এসে  
সাত দিনের জন্য তাদের কাজে সাহায্য করে যেতেন। 26 কিন্তু সেই  
চারজন প্রধান দ্বাররক্ষীকে ঈশ্বরের গৃহের সব ঘর ও ধনসম্পদ রক্ষার  
দায়িত্ব দেওয়া হল, যারা ছিলেন লেবীয়। 27 ঈশ্বরের গৃহের চারপাশে  
মোতায়েন থেকে তারা রাত কাটাতেন, কারণ তাদের সেটি পাহারা  
দিতে হত; এবং প্রত্যেকদিন সকালে সেটি খোলার জন্য তাদের চাবি  
রাখার দায়িত্বও দেওয়া হল। 28 তাদের মধ্যে কয়েকজনকে মন্দিরের  
সেবাকাজে ব্যবহারের উপযোগী জিনিসপত্র দেখাশোনার দায়িত্বও  
দেওয়া হল; সেগুলি আনার ও নিয়ে যাওয়ার সময় তারা সেগুলি গুনে  
রাখতেন। 29 অন্য কয়েকজনকে আসবাবপত্রাদি ও পবিত্রঙ্গানের  
অন্যান্য সব জিনিসপত্র, তথা বিশেষ বিশেষ ময়দা ও দ্রাক্ষারস, এবং  
জলপাই তেল, ধূপধূনো ও মশলাপাতির যত্ন নেওয়ার দায়িত্ব দেওয়া  
হল। 30 কিন্তু যাজকদের মধ্যে কয়েকজন মশলাপাতি মিশ্রিত করার

দায়িত্ব পালন করতেন। 31 কোরহীয় শল্লমের বড়ো ছেলে মন্তথিয় বলে একজন লেবীয়কে দর্শন-রংটি সেঁকার দায়িত্ব দেওয়া হল। 32 তাদের সহকর্মী লেবীয়দের মধ্যে কয়েকজন কহাতীয়ের উপর দায়িত্ব বর্তে ছিল, যেন তারা প্রত্যেক সাবাথবারে টেবিলের উপর রংটি সাজিয়ে রাখেন। 33 লেবীয় কুলের যে কর্তারা গানবাজনা করতেন, তারা মন্দিরের ঘরগুলিতেই থেকে যেতেন ও তাদের অন্যান্য কাজকর্ম করা থেকে অব্যাহতি দেওয়া হল, কারণ দিনরাত তাদের নিজেদের কাজেই ব্যস্ত থাকতে হত। 34 এরা সবাই তাদের বংশতালিকায় নথিভুক্ত লেবীয় কুলের কর্তা ও প্রধান, এবং তারা জেরশালেমে বসবাস করতেন। 35 গিবিয়োনের বাবা যিয়ীয়েল গিবিয়োনে বসবাস করতেন। তাঁর স্ত্রীর নাম মাখা, 36 ও তাঁর বড়ো ছেলে অন্দোন, পরে জন্মেছিলেন সূর, কীশ, বায়াল, নের, নাদব, 37 গদোর, অহিয়ো, সখরিয় ও মিক্রোৎ। 38 মিক্রোৎ শিমিয়ামের বাবা ছিলেন। তারাও জেরশালেমে তাদের আত্মীয়স্বজনদের কাছে বসবাস করতেন। 39 নের কীশের বাবা, কীশ শৌলের বাবা, ও শৌল যোনাথন, মক্ষীশূয়, অবীনাদব ও ইশ্বায়ালের বাবা। 40 যোনাথনের ছেলে: মরীব-বায়াল, যিনি মীখার বাবা। 41 মীখার ছেলেরা: পিথোন, মেলক, তহরেয় ও আহস। 42 আহস যাদের বাবা, যাদ আলেমৎ, অসমাবৎ ও সিম্বির বাবা এবং সিম্বি মোৎসার বাবা। 43 মোৎসা বিনিয়ার বাবা; বিনিয়ার ছেলে রফায়, তাঁর ছেলে ইলীয়াসা ও তাঁর ছেলে আৎসেল। 44 আৎসেলের ছয় ছেলে ছিল, ও এই তাদের নাম: অস্ত্রীকাম, বোখরু, ইশ্যায়েল, শিয়ারিয়, ওবদিয় ও হানান। এরা সবাই আৎসেলের ছেলে।

**10** ইত্যবসরে ফিলিস্তীনীরা ইস্রায়েলের বিরুদ্ধে যুদ্ধ করছিল; ইস্রায়েলীরা তাদের সামনে থেকে পালিয়ে গেল, ও অনেকেই গিলবোয় পর্বতে মারা পড়েছিল। 2 ফিলিস্তীনীরা বীর-বিক্রমে শৌল ও তাঁর ছেলেদের পিছু ধাওয়া করল, এবং তারা তাঁর ছেলে যোনাথন, অবীনাদব ও মক্ষীশূয়কে হত্যা করল। 3 শৌলের চারপাশে যুদ্ধ চরম আকার নিয়েছিল, এবং তীরন্দাজেরা আচমকা তাঁর কাছে এসে তাঁকে আহত করে ফেলেছিল। 4 শৌল তাঁর অন্ত বহনকারী লোকটিকে

বললেন, “তোমার তরোয়াল টেনে বের করে, সেটি দিয়ে আমাকে ছিন্নভিন্ন করে দাও, তা না হলে সুন্মত না করা এইসব লোকজন এসে আমাকে অপমানিত করবে।” কিন্তু তাঁর অন্ত বহনকারী লোকটি ভয় পেয়ে গেল ও সে কাজটি সে করতে চায়নি; তাই শৌল নিজের তরোয়ালটি বের করে সেটির উপর নিজেই পড়ে গেলেন। 5 সেই অন্ত বহনকারী লোকটি যখন দেখল যে শৌল মারা গিয়েছেন, তখন সেও নিজের তরোয়ালের উপর পড়ে মারা গেল। 6 অতএব শৌল ও তাঁর তিন ছেলে মারা গেলেন, এবং তাঁর পুরো পরিবার-পরিজন একসাথে মারা পড়েছিল। 7 উপত্যকায় বসবাসকারী ইস্রায়েলীরা সবাই যখন দেখেছিল যে সৈন্যদল পালিয়েছে এবং শৌল ও তাঁর ছেলেরা মারা গিয়েছেন, তখন তারাও নিজেদের নগরগুলি ছেড়ে পালিয়ে গেল। ফিলিস্তিনীরা এসে তখন সেই নগরগুলি দখল করল। 8 পরদিন ফিলিস্তিনীরা যখন মৃতদেহগুলি থেকে সাজসজ্জা খুলে নিতে এসেছিল, তারা শৌল ও তাঁর ছেলেদের গিলবোয় পর্বতে মরে পড়ে থাকতে দেখেছিল। 9 তারা তাঁর সাজসজ্জা খুলে নিয়েছিল ও তাঁর মুণ্ড ও অন্তর্শন্ত্র হাতিয়ে নিয়েছিল, এবং ফিলিস্তিনীদের গোটা দেশে তাদের দেবদেবীর প্রতিমাদের ও তাদের প্রজাদের মাঝে সেই খবর ঘোষণা করার জন্য দূর্তদের পাঠিয়ে দিয়েছিল। 10 তারা তাঁর অন্তর্শন্ত্র তাদের দেবতাদের মন্দিরে রেখেছিল এবং তাঁর মাথাটি দাগোনের মন্দিরে ঝুলিয়ে রেখেছিল। 11 ফিলিস্তিনীরা শৌলের প্রতি কী করেছে, তা যখন যাবেশ-গিলিয়দের লোকজন শুনতে পেয়েছিল, 12 তখন তাদের সব অসমসাহসী লোকজন গিয়ে শৌল ও তাঁর ছেলেদের শবদেহগুলি যাবেশে তুলে এনেছিল। পরে তারা তাদের অঙ্গ যাবেশে বিশাল সেই গাছটির তলায় কবর দিয়েছিল, ও সাত দিন তারা উপবাস রেখেছিল। 13 শৌল মারা গেলেন কারণ তিনি সদাপ্রভুর প্রতি অবিশ্বস্ত হলেন; তিনি সদাপ্রভুর বাক্য পালন করেননি এবং এমনকি পরিচালনা লাভের জন্য এক প্রেতমাধ্যমেরও সাহায্য নিয়েছিলেন, 14 এবং সদাপ্রভুর কাছে খোঁজ নেননি। তাই সদাপ্রভু তাঁর মৃত্যু ঘটিয়েছিলেন এবং

রাজ্যের ভার তাঁর হাত থেকে ছিনিয়ে নিয়ে যিশয়ের ছেলে দাউদের  
হাতে তুলে দিলেন।

**11** ইস্রায়েলীরা সবাই একসাথে হিরাণ্যে দাউদের কাছে এসে বলল,  
“আমরা আপনার রক্ত-সম্পর্কের আত্মীয়। 2 অতীতে, এমনকি শৌল  
যখন রাজা ছিলেন, আপনিই তো ইস্রায়েলের সামরিক অভিযানে  
তাদের নেতৃত্ব দিতেন। আপনার ঈশ্বর সদাপ্রভুও আপনাকে বললেন,  
‘তুমি আমার প্রজা ইস্রায়েলের পালক হবে, ও তুমই তাদের শাসক  
হবে।’” 3 ইস্রায়েলের প্রাচীনেরা সবাই যখন হিরাণ্যে রাজা দাউদের  
কাছে এলেন, তিনি তখন সদাপ্রভুকে সাক্ষী রেখে হিরাণ্যে তাদের  
সাথে একটি চুক্তি করলেন, এবং শমুয়েলের মাধ্যমে সদাপ্রভুর  
করা প্রতিজ্ঞানুসারে তারা দাউদকে ইস্রায়েলের উপর রাজারূপে  
অভিষিক্ত করলেন। 4 দাউদ ও ইস্রায়েলীরা সবাই জেরুশালেমের  
(অর্থাৎ, যিবুষের) দিকে কুচকাওয়াজ করে এগিয়ে গেলেন। সেখানে  
বসবাসকারী যিবুষীয়েরা 5 দাউদকে বলল, “তুমি এখানে ঢুকতে পারবে  
না।” তা সত্ত্বেও, দাউদ সিয়োনের দুর্গাটি দখল করে নিয়েছিলেন—যা  
হল কি না সেই দাউদ-নগর। 6 দাউদ বললেন, “যে কেউ যিবুষীয়দের  
বিরুদ্ধে আক্রমণে নেতৃত্ব দেবে, তাকে প্রধান সেনাপতি করা হবে।”  
সরবার ছেলে যোয়াবই প্রথমে উঠে গেলেন, আর তাই তিনিই প্রধান  
সেনাপতি হলেন। 7 দাউদ পরে সেই দুর্গে বসবাস করতে শুরু  
করলেন, আর তাই সেটি দাউদ-নগর নামে পরিচিত হল। 8 দুর্গাটি  
মাঝখানে রেখে তিনি মণ্ডপ থেকে শুরু করে চারপাশে প্রাচীর গড়ে  
দিয়ে নগরটি গেঁথে তুলেছিলেন, অন্যদিকে যোয়াব নগরের বাদবাকি  
অংশ মেরামত করলেন। 9 আর দাউদ উত্তরোত্তর শক্তিশালী হয়ে  
উঠেছিলেন, কারণ সর্বশক্তিমান সদাপ্রভু তাঁর সঙ্গে ছিলেন। 10 এরাই  
দাউদের বলবান যোদ্ধাদের মধ্যে প্রধান ছিলেন—তারা ইস্রায়েলের  
সব মানুষজনকে সাথে নিয়ে সদাপ্রভুর করা প্রতিজ্ঞানুসারে গোটা  
দেশের উপর তাঁর রাজপদ সুস্থির করার জন্য সাহায্যের মজবুত  
হাত বাড়িয়ে দিলেন— 11 দাউদের বলবান যোদ্ধাদের তালিকাটি  
এইরকম: হকমোনীয়দের মধ্যে একজন, সেই যাশবিয়াম ছিলেন

কর্মকর্তাদের মধ্যে প্রধান; তিনি সেই তিনশো জনের বিরুদ্ধে তাঁর বর্ণা  
উঠিয়েছিলেন, যাদের তিনি সমুখসমরে একবারেই হত্যা করলেন। 12  
তাঁর পরের জন ছিলেন তিনজন বলবান যোদ্ধাদের মধ্যে একজন,  
অহোহীয় দোদয়ের ছেলে সেই ইলিয়াসর। 13 ফিলিস্তিনীরা যখন  
পস-দমীমে যুদ্ধ করার জন্য সমবেত হল, তখন তিনি দাউদের সাথে  
সেখানেই ছিলেন। সেটি সেই স্থান, যেখানে যবে পরিপূর্ণ একটি ক্ষেত  
ছিল, এবং সৈন্যদল ফিলিস্তিনীদের কাছ থেকে পালিয়ে গেল। 14  
কিন্তু তারা সেই ক্ষেতের মাঝখানে গিয়ে দাঁড়িয়েছিলেন। তারা সেটি  
রক্ষা করলেন ও ফিলিস্তিনীদের আঘাত করলেন, এবং সদাপ্রভু এক  
মহাবিজয় সম্পন্ন করলেন। 15 একদল ফিলিস্তিনী যখন রফায়ীম  
উপত্যকায় শিবির করে বসেছিল তখন ত্রিশজন প্রধানের মধ্যে তিনজন  
অদুল্লম গুহায় অবস্থিত সেই শিলাপাথরের কাছাকাছি থাকা দাউদের  
কাছে নেমে এলেন। 16 সেই সময় দাউদ দুর্গের মধ্যেই ছিলেন,  
এবং দুর্গ রক্ষার জন্য মোতায়েন ফিলিস্তিনী সৈন্যদল বেথলেহেমে  
অবস্থান করছিল। 17 দাউদ ত্রুষ্যায় কাতর হয়ে বলে উঠেছিলেন,  
“হায়, কেউ যদি আমার জন্য বেথলেহেমের ফটকের কাছে অবস্থিত  
সেই কুয়ো থেকে একটু জল এনে দিত!” 18 অতএব সেই তিনজন  
ফিলিস্তিনী সৈন্যশিবির পার করে বেথলেহেমের সিংহদুয়ারের কাছে  
অবস্থিত কুয়ো থেকে জল তুলে দাউদের কাছে নিয়ে এলেন। কিন্তু  
তিনি তা পান করতে চাননি; তা না করে, তিনি সেই জল সদাপ্রভুর  
উদ্দেশে ঢেলে দিলেন। 19 “ঈশ্বর যেন আমাকে এরকম করা থেকে  
বিরত রাখেন!” তিনি বললেন। “যারা তাদের জীবন বিপন্ন করে  
সেখানে গেল, আমি কি তাদের রক্ত পান করব?” যেহেতু তারা সেই  
জল আনার জন্য তাদের জীবনের ঝুঁকি নিয়েছিলেন, তাই দাউদ  
তা পান করতে চাননি। সেই তিনজন বলবান যোদ্ধা এরকমই সব  
উজ্জ্বল কীর্তি স্থাপন করে গেলেন। 20 যোয়াবের ভাই অবীশয় সেই  
তিনজনের মধ্যে প্রধান ছিলেন। তিনি তিনশো জন লোকের বিরুদ্ধে  
বর্ণ উঠিয়ে তাদের হত্যা করলেন, এবং এভাবেই সেই তিনজনের  
মতো বিখ্যাত হয়ে গেলেন। 21 তিনি সেই তিনজনকে ছাপিয়ে দ্বিগুণ

সমাদরের পাত্র হলেন এবং সেই তিনজনের মধ্যে গণ্য না হয়েও তিনি  
তাদের সেনাপতি হয়ে গেলেন। 22 কব্সীলের এক বীর যোদ্ধা, তথা  
যিহোয়াদার ছেলে বনায় বিশাল সব উজ্জ্বল কীর্তি স্থাপন করলেন।  
তিনি মোয়াবের অত্যন্ত বলশালী দুই যোদ্ধাকে মেরে ফেলেছিলেন।  
এছাড়াও একদিন যখন খুব তুষারপাত হচ্ছিল, তখন তিনি একটি  
গর্তের মধ্যে নেমে গিয়ে একটি সিংহকে মেরে ফেলেছিলেন। 23  
এছাড়াও তিনি এমন এক মিশরীয়কে মেরে ফেলেছিলেন, যে উচ্চতায়  
2.3 মিটার লম্বা ছিল। যদিও সেই মিশরীয়র হাতে তাঁতির দণ্ডের মতো  
একটি বর্ষা ছিল, তবু বনায় একটি মুগ্র হাতে নিয়ে তার দিকে এগিয়ে  
গেলেন। তিনি সেই মিশরীয়ের হাত থেকে বর্ষাটি কেড়ে নিয়ে তার  
বর্ষা দিয়েই তাকে হত্যা করলেন। 24 যিহোয়াদার ছেলে বনায়ের  
উজ্জ্বল সব কীর্তি এরকমই ছিল; তিনিও সেই তিনজন বলবান যোদ্ধার  
মতোই বিখ্যাত হয়ে গেলেন। 25 সেই ত্রিশজনের মধ্যে যে কোনো  
একজনের তুলনায় তাঁকেই বেশি সম্মান দেওয়া হত, কিন্তু তিনি সেই  
তিনজনের মধ্যে গণ্য হননি। আর দাউদ তাঁকে তাঁর দেহরক্ষীদের  
তত্ত্বাবধায়ক করে দিলেন। 26 বলবান যোদ্ধারা হলেন: যোয়াবের ভাই  
অসাহেল, বেথলেহেমের অধিবাসী দোদয়ের ছেলে ইলহানন, 27  
হরোরীয় শম্মোৎ, পলোনীয় হেলস, 28 তকোয়ের অধিবাসী ইক্সের  
ছেলে স্টোরা, অনাথোতের অধিবাসী অবীয়েষর, 29 হুশাতীয় সিরবখয়,  
অহোহীয় টেলয়, 30 নটোফাতীয় মহরয়, নটোফাতীয় বানার ছেলে  
হেলদ, 31 বিন্যামীনের গিবিয়ার অধিবাসী রীবয়ের ছেলে ইথয়,  
পিরিয়াথোনীয় বনায়, 32 গাশের সরু গিরিখাতের অধিবাসী হুরয়,  
অর্বতীয় অবীয়েল, 33 বাহরুমীয় অস্মাবৎ, শালবোনীয় ইলিয়হবা,  
34 গিষোগীয় হায়মের ছেলেরা, হরারীয় সাগির ছেলে যোনাথন, 35  
হরারীয় সাখরের ছেলে অহীয়াম, উরের ছেলে ইলীফাল, 36 মখেরাতীয়  
হেফর, পলোনীয় অহিয়, 37 কর্মিলীয় হিত্রো, ইষবোয়ের ছেলে নারয়,  
38 নাথনের ভাই যোয়েল, হগ্রির ছেলে মিভর, 39 অম্মোনীয় সেলক,  
সরয়ার ছেলে যোয়াবের অস্ত্র বহনকারী বেরোতীয় নহরয়, 40 যিত্রীয়  
স্টোরা, যিত্রীয় গারেব, 41 হিত্তীয় উরিয়, অহলয়ের ছেলে সাবদ, 42

ରବେଣୀୟ ଶୀଶାର ଛେଲେ ସେଇ ଅଦୀନା, ଯିନି ରବେଣୀୟଦେର ଏକଜନ ପ୍ରଧାନ ଛିଲେନ, ଏବଂ ତାଁ ସାଥେ ଛିଲେନ ସେଇ ତ୍ରିଶଜନ, 43 ମାଖାର ଛେଲେ ହାନାନ, ମିତ୍ତୀୟ ଯୋଶାଫଟ, 44 ଅଷ୍ଟରୋତୀୟ ଉଷିଯ, ଅରୋଯେରୀୟ ହୋଥମେର ଦୁଇ ଛେଲେ ଶାମ ଓ ଯିଙ୍ଗିଯେଲ, 45 ସିଞ୍ଚିର ଛେଲେ ଯିଦୀଯେଲ, ତାଁ ଭାଇ ତୀଷୀୟ ଯୋହା, 46 ମହବୀୟ ଇଲୀଯେଲ, ଇଲନାମେର ଦୁଇ ଛେଲେ ଯିରୀବସ ଓ ଯୋଶବିଯ, ମୋଯାବୀୟ ଯିତ୍ମା, 47 ଇଲୀଯେଲ, ଓବେଦ ଓ ମସୋବାଯୀୟ ଯାସୀଯେଲ ।

**12** ଦାଉଦକେ ସଖନ କିଶେର ଛେଲେ ଶୌଲେର କାହିଁ ଥିକେ ଦୂର କରେ ଦେଓୟା ହଲ, ତଥନ ଏହି ଲୋକେରାଇ ସିଳ୍କଗେ ଦାଉଦେର କାହେ ଏଲେନ: (ତାରା ସେଇସବ ଯୋଦ୍ଧାର ମଧ୍ୟେଇ ଛିଲେନ, ଯାରା ଯୁଦ୍ଧେ ତାଁକେ ସାହାଯ୍ୟ କରଲେନ; 2 ତାରା ଧନୁକେ ସୁସଜ୍ଜିତ ଛିଲେନ ଏବଂ କି ଡାନ ହାତେ କି ବାଁ, ଦୁଇ ହାତେଇ ତାରା ତିର ଛୁଡ଼ିତେ ବା ଗୁଲତିର ସାହାୟ୍ୟ ପାଥର ଛୁଡ଼ିତେ ପାରତେନ; ତାରା ବିନ୍ୟାମୀନ ବଂଶୀୟ ଶୌଲେର ଆତ୍ମୀୟପ୍ରଜନ ଛିଲେନ): 3 ତାଦେର ପ୍ରଧାନ ଛିଲେନ ଅହିୟେଷର ଏବଂ ତାଁ ଛୋଟୋ ଭାଇ ଛିଲେନ ଯୋଯାଶ ଏବଂ ତାରା ଦୁଜନ ଗିବିଯାତୀୟ ଶମାଯେର ଛେଲେ; ଅସମାବତେର ଛେଲେ ଯିଷ୍ଟାଯେଲ ଓ ପେଲଟ; ବରାଧା, ଅନାଥୋତୀୟ ଯେହୁ, 4 ସେଇ ତ୍ରିଶଜନେର ମଧ୍ୟ ଏକ ବଲବାନ ଯୋଦ୍ଧା ଗିବିଯୋନୀୟ ସେଇ ଯିଶ୍ୱାସି, ଯିନି ସେଇ ତ୍ରିଶଜନେର ମଧ୍ୟ ଏକଜନ ନେତା ଛିଲେନ; ଯିରମିଯ, ଯହସୀଯେଲ, ଯୋହାନନ, ଗଦେରଥୀୟ ଯୋଷାବଦ, 5 ଇଲିୟୁସ୍ୟ, ଯିରାମୋଃ, ବାଲିଯ, ଶମରିଯ ଓ ହରୁଫିଯ ଶଫଟିଯ; 6 କୋରହୀୟ ଇଲକନା, ଯିଶିଯ, ଅସରେଲ, ଯୋଯେଷର ଓ ଯାଶବିଯାମ; 7 ଏବଂ ଗଦୋରେର ଅଧିବାସୀ ଯିରୋହମେର ଛେଲେ ଯୋଯେଲା ଓ ସବଦିଯ । 8 ଗାଦୀୟଦେର ମଧ୍ୟ କରେକଜନ ଦଲବଦଲ କରେ ମର୍ହପ୍ରାନ୍ତରେର ଦୁର୍ଗେ ଅବଞ୍ଚନକାରୀ ଦାଉଦେର କାହେ ଚଲେ ଗେଲେନ । ତାରା ଏମନ ସବ ବୀର ଯୋଦ୍ଧା, ଯାରା ଯୁଦ୍ଧ କରାର ଜନ୍ୟ ପ୍ରକ୍ଷତ ଛିଲେନ ଏବଂ ତାରା ଢାଳ ଓ ବର୍ଣ୍ଣାଓ ଚାଲାତେ ଜାନତେନ । ସିଂହେର ମୁଖେର ମତୋ ଛିଲ ତାଦେର ମୁଖମଣ୍ଡଳ, ଓ ତାରା ପାହାଡ଼ି ଗଜଳା ହରିଗେର ମତୋ ଦ୍ରୁତଗାମୀ ଛିଲେନ । 9 ପଦମର୍ଯ୍ୟାଦାୟ ପ୍ରଧାନ ଛିଲେନ ଏସର, କ୍ରମାନୁସାରେ ଦ୍ଵିତୀୟ ଛିଲେନ ଓବଦିଯ, ତୃତୀୟ ଇଲୀଯାବ, 10 ଚତୁର୍ଥ ମିଶାନା, ପଞ୍ଚମ ଯିରମିଯ, 11 ଷଷ୍ଠ ଅତ୍ୟ, ସଞ୍ଚମ ଇଲୀଯେଲ, 12 ଅଷ୍ଟମ ଯୋହାନନ, ନବମ ଇଲସାବାଦ, 13 ଦଶମ ଯିରମିଯ ଓ ଏକାଦଶ ମଗବନ୍ଧୟ । 14 ଏହି ଗାଦୀୟରା ସୈନ୍ୟଦଳେର ସେନାପତି ଛିଲେନ; ଯିନି ସବଚେଯେ ଛୋଟୋ,

তিনি একশো জনের সমকক্ষ ছিলেন, এবং যিনি সবচেয়ে বড়ো, তিনি এক হাজার জনের সমকক্ষ ছিলেন। 15 এরাই সেই প্রথম মাসে জর্ডন নদী পার করে গেলেন, যখন নদীর দুই কুলে জল উপচে পড়েছিল, এবং পূর্ব থেকে পশ্চিমদিক পর্যন্ত সেই উপত্যকায় বসবাসকারী প্রত্যেককে তারা তাড়িয়ে ছেড়েছিলেন। 16 অন্যান্য বিন্যামীনীয়েরা ও যিহুদা থেকে আগত কয়েকজন লোকও দাউদের দুর্গে তাঁর কাছে এসেছিল। 17 দাউদ তাদের সাথে দেখা করার জন্য বাইরে বেরিয়ে গিয়ে তাদের বললেন, “তোমরা যদি আমায় সাহায্য করার জন্য শান্তিপূর্বক আমার কাছে এসে থাকো, তবে আমি তোমাদের আমার কাছে রাখতে প্রস্তুত আছি। কিন্তু আমার হাত হিংসাশ্রয়িতা থেকে মুক্ত থাকা সত্ত্বেও যদি তোমরা বিশ্বাসঘাতকতা করে আমাকে শত্রুদের হাতে সমর্পণ করার জন্য এসে থাকো, তবে আমার পূর্বপুরুষদের ঈশ্বরই যেন তা দেখেন ও তোমাদের বিচার করলেন।” 18 তখন সেই ত্রিশজনের প্রধান অমাসয়ের উপর ঈশ্বরের আত্মা নেমে এলেন, এবং তিনি বলে উঠলেন: “হে দাউদ, আমরা আপনারই লোক! হে যিশয়ের ছেলে, আমরা আপনার সাথেই আছি! মঙ্গল হোক, আপনার মঙ্গল হোক, আর যারা আপনাকে সাহায্য করে, তাদেরও মঙ্গল হোক, কারণ আপনার ঈশ্বরই আপনাকে সাহায্য করবেন।” অতএব দাউদ তাদের অভ্যর্থনা জানিয়ে তাদের তাঁর আক্রমণকারী দলের নেতা করে দিলেন। 19 দাউদ যখন ফিলিস্তিনীদের দলে যোগ দিয়ে শৌলের বিরুদ্ধে যুদ্ধ করতে গেলেন, তখন মনঃশি বংশের কয়েকজন লোকও দলবদল করে তাঁর কাছে চলে এসেছিল। (তিনি ও তাঁর লোকজন ফিলিস্তিনীদের সাহায্য করেননি, কারণ শলাপরামর্শ করার পর, তাদের শাসনকর্তারা তাদের ফেরত পাঠিয়ে দিলেন। তারা বললেন, “এ যদি আমাদের সঙ্গ ত্যাগ করে তার মনিব শৌলের সাথে মিলে যায়, তবে নিজেদের মুণ্ড দিয়েই আমাদের এর দাম চোকাতে হবে”) 20 দাউদ যখন সিঙ্গুগে গেলেন, তখন মনঃশি বংশীয় এইসব লোকই দলবদল করে তাঁর কাছে গেলেন: অদন, যোষাবদ, যিদীয়েল, মীখায়েল, যোষাবদ, ইলীহু ও সিঙ্গুথয়, যারা ছিলেন মনঃশির এক একজন সহস্র-সেনাপতি। 21

আক্রমণকারী দলগুলির বিরুদ্ধে তারাই দাউদকে সাহায্য করলেন, কারণ তারা সবাই ছিলেন সাহসী যোদ্ধা, এবং তারা তাঁর সৈন্যদলে সেনাপতি হলেন। 22 যতদিন না পর্যন্ত দাউদের সৈন্যদল ঈশ্বরের সৈন্যদলের মতো বিশাল এক সৈন্যদলে পরিণত হল, লোকেরা দিনের পর দিন তাঁকে সাহায্য করতে এগিয়ে এসেছিল। 23 সদাপ্রভুর বলা কথানুসারে শৌলের রাজ্য দাউদের হাতে তুলে দেওয়ার জন্য যারা হিঁড়ে তাঁর কাছে এসেছিল, যুদ্ধের জন্য অন্তর্শস্ত্রে সুসজ্জিত সেই লোকজনের সংখ্যা এইরকম: 24 যিহুদা বংশ থেকে, ঢাল ও বর্ষাধারী—যুদ্ধের জন্য অন্তর্শস্ত্রে সুসজ্জিত 6,800 জন; 25 শিমিয়োন বংশ থেকে, যুদ্ধের জন্য প্রস্তুত যোদ্ধা: 7,100 জন; 26 লেবীয় গোষ্ঠী থেকে: 4,600 জন; 27 যাদের মধ্যে ছিলেন হারোণ-কুলের নেতা যিহোয়াদা, ও তাঁর সাথে থাকা 3,700 জন, 28 এবং সাদোক বলে এক সাহসী অল্পবয়স্ক যোদ্ধা, ও তাঁর সাথে থাকা তাঁর পরিবারভুক্ত বাইশ জন কর্মকর্তা; 29 শৌলের বংশ, সেই বিন্যামীন বংশ থেকে: 3,000 জন, যে বংশের অধিকাংশ লোক তখনও পর্যন্ত শৌলের পরিবারের প্রতি অনুগতই থেকে গেল; 30 ইফ্রায়িম বংশ থেকে, সেইসব সাহসী যোদ্ধা, যারা তাদের বংশে বিখ্যাত ছিল: 20,800 জন; 31 মনঃশির অর্ধেক বংশ থেকে, দাউদকে রাজা করার জন্য যাদের নাম নির্দিষ্ট করে আসতে বলা হল, তারা: 18,000 জন; 32 ইয়াখর বংশ থেকে, সেইসব লোক, যাদের সময়কালের জ্ঞান ছিল ও যারা জানত ইস্রায়েলকে ঠিক কী করতে হবে, তারা: 200 জন প্রধান, ও তাদের অধীনে থাকা তাদের সব আত্মায়স্বজন; 33 সবূলুন বংশ থেকে, সব ধরনের অন্তর্শস্ত্র ব্যবহারে পারদর্শী যুদ্ধের জন্য প্রস্তুত অভিজ্ঞ যোদ্ধা, যারা অখণ্ড আনুগত্য সমেত দাউদকে সাহায্য করতে পারতেন, এমন: 50,000 জন; 34 নগালি বংশ থেকে: 1,000 জন কর্মকর্তা, ও তাদের সাথে থাকা 37,000 জন ঢাল ও বর্ষা বহনকারী লোক; 35 দান বংশ থেকে, যুদ্ধের জন্য প্রস্তুত: 28,600 জন; 36 আশের বংশ থেকে, যুদ্ধের জন্য প্রস্তুত অভিজ্ঞ সৈন্য: 40,000 জন; 37 এবং জর্ডন নদীর পূর্বদিক থেকে, অর্থাৎ রূবেণ ও গাদের পূর্ণ ও মনঃশির অর্ধেক

বংশ থেকে, সব ধরনের অস্ত্রশস্ত্রে সুসজ্জিত লোক: 1,20,000 জন।

38 এরা সবাই এমন সব দক্ষ যোদ্ধা, যারা স্বেচ্ছায় সৈন্যদলে নাম লিখিয়েছিল। দাউদকে গোটা ইস্রায়েলের উপর রাজা করার বিষয়ে পুরোপুরি মনস্ত্রি করেই তারা হিরোগে এসেছিল। ইস্রায়েলীদের মধ্যে অবশিষ্ট লোকজনও দাউদকে রাজা করার বিষয়ে একমত হল। 39  
এইসব লোকজন তিনি দিন দাউদের সঙ্গে থেকে ভোজনপান করল,  
কারণ তাদের পরিবারগুলিই তাদের জন্য ভোজনপানের আয়োজন  
করল। 40 এছাড়াও, সুদূর সেই ইষাখর, সবূলুন ও নগ্নালি থেকে  
তাদের প্রতিবেশীরাও গাধা, উট, খচর ও বলদের পিঠে চাপিয়ে  
খাদ্যসম্ভার এনেছিল। সেখানে ময়দা, ডুমুরের চাক, কিশমিশের চাক,  
দ্রাক্ষারস, জলপাই তেল, গবাদি পশু ও মেঘের পালের যথেচ্ছ জোগান  
ছিল, কারণ ইস্রায়েলে আনন্দের হাট বসেছিল।

**13** দাউদ তাঁর কর্মকর্তা, সহস্র-সেনাপাতি ও শত-সেনাপাতিদের মধ্যে  
এক একজনের সাথে শলাপরামর্শ করলেন। 2 পরে তিনি ইস্রায়েলের  
সমগ্র জনসমাবেশকে উদ্দেশ্য করে বললেন, “যদি তোমাদের ভালো  
বোধ হয় ও যদি তা আমাদের ঈশ্বর সদাপ্রভুর ইচ্ছা হয়, তবে  
এসো, আমরা দূর দূর পর্যন্ত ইস্রায়েলের সমস্ত এলাকায় বসবাসকারী  
আমাদের অবশিষ্ট লোকজনের কাছে, এবং তাদের নগরগুলিতে ও  
সেখানকার চারণক্ষেত্রগুলিতে যারা তাদের সাথে আছেন, সেই যাজক  
ও লেবীয়দের কাছে খবর পাঠিয়ে দিই, যেন তারা এসে আমাদের সাথে  
মিলিত হন। 3 এসো, আমাদের ঈশ্বরের নিয়ম-সিন্দুকটি নিজেদের  
কাছে ফিরিয়ে আনি, কারণ শৌলের রাজত্বকালে আমরা সেটির কোনও  
শ্রেঁজখবর নিইনি।” 4 সমগ্র জনসমাবেশ এতে একমত হল, কারণ  
সব লোকজনের কাছে একথাটি ঠিক বলে মনে হল। 5 অতএব দাউদ  
কিরিয়ৎ-যিয়ারীম থেকে ঈশ্বরের নিয়ম-সিন্দুকটি আনার জন্য মিশরে  
অবস্থিত সীহোর নদী থেকে শুরু করে লেবো-হমাও পর্যন্ত বিস্তৃত  
এলাকায় বসবাসকারী ইস্রায়েলীদের সবাইকে একত্রিত করলেন। 6  
দাউদ ও ইস্রায়েলীরা সবাই যিহুদা দেশের বালা (কিরিয়ৎ-যিয়ারীম)  
থেকে দুই করবের মাঝে বিবাজমান সদাপ্রভু ঈশ্বরের সেই নিয়ম-

সিন্দুকটি নিয়ে আসার জন্য সেখানে গেলেন—যে সিন্দুকটি তাঁরই নামে পরিচিত। 7 তারা ঈশ্বরের নিয়ম-সিন্দুকটি একটি নতুন গাড়িতে চাপিয়ে অবীনাদবের বাড়ি থেকে বের করলেন, এবং উষ ও অহিয়ো গাড়িটি চালাচ্ছিল। 8 গান গেয়ে এবং বীগা, খঞ্জনি, তবলা, সুরবাহার ও করতাল বাজিয়ে দাউদ ও ইস্রায়েলীরা সবাই সর্বশক্তি দিয়ে ঈশ্বরের সামনে উচ্ছ্বাস প্রকাশ করছিলেন। 9 তারা যখন কীদোনের খামারে গিয়ে পৌঁছেছিলেন, তখন নিয়ম-সিন্দুকটি সামলানোর জন্য উষ নিজের হাত বাড়িয়ে দিয়েছিল, কারণ বলদগুলি হোঁচ্ট খেয়েছিল। 10 উষের বিরুদ্ধে সদাপ্রভু ক্ষোধে জ্বলে উঠেছিলেন, এবং তিনি তাকে মেরে ফেলেছিলেন, যেহেতু সে সেই নিয়ম-সিন্দুকে হাত দিয়েছিল। অতএব সে সদাপ্রভুর সামনে মারা গেল। 11 সদাপ্রভুর ক্ষোধ উষের উপর ফেটে পড়তে দেখে দাউদ তখন ক্রুদ্ধ হলেন, এবং আজও পর্যন্ত সেই স্থানটিকে প্রেস-উষ বলে ডাকা হয়। 12 সেদিন দাউদ সদাপ্রভুর ভয়ে ভীত হয়ে প্রশ্ন করলেন, “কীভাবে তবে আমি ঈশ্বরের নিয়ম-সিন্দুকটিকে আমার কাছে নিয়ে আসব?” 13 নিয়ম-সিন্দুকটিকে তিনি দাউদ-নগরে, নিজের কাছে নিয়ে আসেননি। তার পরিবর্তে তিনি সেটি গাতীয় ওবেদ-ইদোমের বাড়িতে এনে রেখেছিলেন। 14 ওবেদ-ইদোমের বাড়িতে, তার পরিবারের কাছেই নিয়ম-সিন্দুকটি তিনি মাস ধরে রাখা ছিল, এবং সদাপ্রভু তার পরিবারকে ও তার যা যা ছিল, সবকিছুকে আশীর্বাদ করলেন।

**14** ইত্যবসরে সোরের রাজা হীরম দাউদের জন্য একটি রাজপ্রাসাদ তৈরি করার লক্ষ্যে দেবদারু কাঠের গুঁড়ি, পাথর-মিঞ্চি ও ছুতোরমিঞ্চি সমেত কয়েকজন দৃতকে তাঁর কাছে পাঠিয়ে দিলেন। 2 আর দাউদ বুঝতে পেরেছিলেন যে সদাপ্রভু ইস্রায়েলের উপর তাঁর রাজপদ স্থির করেছেন এবং তাঁর প্রজা ইস্রায়েলের জন্য তাঁর রাজ্য যথেষ্ট উন্নতি লাভ করেছে। 3 জেরুশালামে গিয়ে দাউদ আরও কয়েকজন মহিলাকে বিয়ে করলেন ও আরও অনেক ছেলেমেয়ের বাবা হলেন। 4 সেখানে তাঁর যেসব সন্তানের জন্ম হল, তাদের নাম হল: শম্মুয়, শোবব, নাথন, শলোমন, 5 যিভর, ইলীশূয়, এলফেলেট, 6 নোগহ, নেফগ,

বাফিয়, ৭ ইলীশামা, বীলিয়াদা ও ইলীফেলট। ৪ ফিলিস্তিনীরা যখন  
শুনতে পেয়েছিল দাউদ সমস্ত ইস্রায়েলের উপর রাজারপে অভিষিক্ত  
হয়েছেন, তখন সর্বশক্তি প্রয়োগ করে তারা তাঁকে খুঁজতে শুরু করল,  
কিন্তু দাউদ সেকথা শুনে তাদের সম্মুখীন হওয়ার জন্য ছুটে গেলেন।  
৫ ইত্যবসরে ফিলিস্তিনীরা এসে রফায়ীম উপত্যকায় হানা দিয়েছিল;  
১০ তাই দাউদ ঈশ্বরের কাছে জানতে চেয়েছিলেন: “আমি কি গিয়ে  
ফিলিস্তিনীদের আক্রমণ করব? তুমি কি আমার হাতে তাদের সমর্পণ  
করবে?” সদাপ্রভু তাঁকে উত্তর দিলেন, “যাও, তাদের আমি তোমার  
হাতে সমর্পণ করব।” ১১ তখন দাউদ ও তাঁর লোকজন বায়াল-  
পরাসীমে উঠে গেলেন, ও সেখানে তিনি তাদের পরাজিত করলেন।  
তিনি বললেন, “জল যেতাবে বাঁধ ভেঙে বের হয়ে আসে, ঈশ্বরও  
সেভাবে আমার হাত দিয়ে আমার শক্রদের ভেঙে দিয়েছেন।” তাই  
সেই স্থানটির নাম দেওয়া হল বায়াল-পরাসীম। ১২ ফিলিস্তিনীরা  
সেখানে তাদের দেবতাদের মূর্তিগুলি ফেলে রেখে গেল, এবং দাউদ  
সেগুলি আগুনে পুড়িয়ে দেওয়ার আদেশ দিলেন। ১৩ আরও একবার  
ফিলিস্তিনীরা সেই উপত্যকায় হানা দিয়েছিল; ১৪ তাই দাউদ আবার  
ঈশ্বরের কাছে জানতে চেয়েছিলেন, এবং ঈশ্বর তাঁকে উত্তর দিলেন,  
“তুমি সরাসরি তাদের দিকে যেয়ো না, বরং চারপাশ থেকে তাদের  
ঘিরে ধরে সেই চিনার গাছগুলির সামনে গিয়ে তাদের আক্রমণ করো।  
১৫ চিনার গাছগুলির মাথায় যেই না তুমি কুচকাওয়াজের শব্দ শুনবে,  
তৎক্ষণাৎ যুদ্ধ-অভিযান চালাবে, কারণ এর অর্থ হল এই যে ফিলিস্তিনী  
সৈন্যদলকে যন্ত্রণা করার জন্য তোমার আগেই ঈশ্বর স্বয়ং এগিয়ে  
গিয়েছেন।” ১৬ অতএব দাউদ ঈশ্বরের আদেশানুসারেই কাজ করলেন,  
এবং তারা সেই ফিলিস্তিনী সৈন্যদলকে একেবারে সেই গিরিয়োন  
থেকে গেষের পর্যন্ত যন্ত্রণা করে ফেলে দিলেন। ১৭ এইভাবে দাউদের  
সুনাম প্রত্যেকটি দেশে ছড়িয়ে পড়েছিল, এবং সদাপ্রভু সব জাতির  
মনে দাউদের সম্বন্ধে এক ভয়ভাব উৎপন্ন করলেন।

**১৫** দাউদ-নগরে নিজের জন্য ঘরবাড়ি তৈরি করার পর দাউদ ঈশ্বরের  
নিয়ম-সিদ্ধুকের জন্য এক স্থান প্রস্তুত করলেন ও সেটির জন্য এক তাঁবু

থাটিয়েছিলেন। 2 পরে দাউদ বললেন, “লেবীয়েরা ছাড়া আর কেউ ঈশ্বরের নিয়ম-সিন্দুকটি বহন করবে না, কারণ সদাপ্রভুর সিন্দুকটি বহন করার ও চিরকাল তাঁর সামনে সেবাকাজ করার জন্য সদাপ্রভুই তাদের বেছে নিয়েছেন।” 3 সদাপ্রভুর নিয়ম-সিন্দুকটির জন্য দাউদ যে স্থানটি প্রস্তুত করলেন, সেখানে সেটি নিয়ে আসার জন্য তিনি সমস্ত ইস্রায়েলকে জেরুশালামে একত্রিত করলেন। 4 হারোণ ও এই লেবীয়দের দেকে তিনি সমবেত করলেন: 5 কহাতের বৎসরদের মধ্যে থেকে, নেতা উরীয়েল ও তাঁর 120 জন আত্মীয়স্বজন; 6 মরারির বৎসরদের মধ্যে থেকে, নেতা অসায় ও তাঁর 220 জন আত্মীয়স্বজন; 7 গের্শোনের বৎসরদের মধ্যে থেকে, নেতা যোয়েল ও তাঁর 130 জন আত্মীয়স্বজন; 8 ইলীয়াফগের বৎসরদের মধ্যে থেকে, নেতা শময়িয় ও তাঁর 200 জন আত্মীয়স্বজন; 9 হিরোনের বৎসরদের মধ্যে থেকে, নেতা ইলীয়েল ও তাঁর আশি জন আত্মীয়স্বজন; 10 উষ্ণিয়েলের বৎসরদের মধ্যে থেকে, নেতা অমীনাদব ও তাঁর 112 জন আত্মীয়স্বজন। 11 পরে দাউদ যাজক সাদৌক ও অবিয়াথরকে এবং লেবীয় উরীয়েল, অসায়, যোয়েল, শময়িয়, ইলীয়েল ও অমীনাদবকে দেকে পাঠালেন। 12 তিনি তাদের বললেন, “আপনারা লেবীয় গোষ্ঠীর কর্তব্যক্তি; আপনাদেরই নিজেদের ও আপনাদের সহকর্মী লেবীয়দের পবিত্র করতে হবে এবং ইস্রায়েলের ঈশ্বর সদাপ্রভুর নিয়ম-সিন্দুকটির জন্য আমি যে স্থানটি প্রস্তুত করে রেখেছি, সেখানে সেটি নিয়ে আসতে হবে। 13 আপনারা, এই লেবীয়রা যেহেতু প্রথমবার সেটি তুলে আনেননি, তাই আমাদের ঈশ্বর সদাপ্রভু আমাদের বিরুদ্ধে ক্রোধে ফেটে পড়েছিলেন। বিধানানুসারে কীভাবে তা করতে হয়, সে বিষয়েও আমরা তাঁর কাছে কিছু জানতে চাইনি।” 14 তাই ইস্রায়েলের ঈশ্বর সদাপ্রভুর নিয়ম-সিন্দুকটি নিয়ে আসার জন্য যাজক ও লেবীয়েরা নিজেদের পবিত্র করলেন। 15 সদাপ্রভুর বাক্যানুযায়ী মোশি যে আদেশ দিলেন, সেই আদেশানুসারে লেবীয়েরা নিজেদের কাঁধের উপর খুঁটিতে চাপিয়ে ঈশ্বরের সেই নিয়ম-সিন্দুকটি বহন করলেন। 16 দাউদ লেবীয় নেতাদের বললেন, তারা যেন খঞ্জনি, বীণা ও

সুরবাহারের মতো বাদ্যযন্ত্র নিয়ে আনন্দগান গাইবার জন্য তাদের  
সহকর্মী লেবীয়দের নিযুক্ত করলেন। 17 তাই লেবীয়েরা ঘোয়েলের  
চেলে হেমকে; তাঁর আত্মায়স্বজনদের মধ্যে থেকে বেরিখিয়ের চেলে  
আসফকে; এবং তাদের আত্মায়স্বজন সেই মরারীয়দের মধ্যে থেকে  
কৃশায়ার চেলে এখনকে নিযুক্ত করলেন; 18 আর তাদের সাথে  
পদাধিকারবলে তাদের এই আত্মায়স্বজনরা তাদের তুলনায় কিছুটা  
কম গুরুত্বপূর্ণ ছিলেন: সখরিয়, যাসীয়েল, শমীরামোৎ, যিহীয়েল,  
উন্নি, ইলীয়াব, বনায়, মাসেয়, মতিথিয়, ইলীফলেহু, মিকনেয় এবং  
দ্বাররক্ষী ওবেদ-ইদোম ও যিয়ায়েল। 19 সংগীতজ্ঞ হেমন, আসফ  
ও এখনকে ব্রোঞ্জের সুরবাহার বাজাতে হত; 20 সখরিয়, যাসীয়েল,  
শমীরামোৎ, যিহীয়েল, উন্নি, ইলীয়াব, মাসেয় ও বনায়কে অলামোৎ  
সুরে খঞ্জনি বাজাতে হত, 21 এবং মতিথিয়, ইলীফলেহু, মিকনেয়,  
ওবেদ-ইদোম, যিয়ায়েল ও অসসিয়কে শিমিনীৎ সুরে অনুপ্রাপ্তি হয়ে  
বীণা বাজাতে হত। 22 প্রধান-লেবীয় কননিয়কে গানের গুরু করে  
দেওয়া হল; সেটিই ছিল তাঁর দায়িত্ব, কারণ তিনি সে কাজে যথেষ্ট  
পারদর্শী ছিলেন। 23 বেরিখিয় ও ইল্কানাকে নিয়ম-সিন্দুকটির জন্য  
দ্বাররক্ষী হতে হল। 24 যাজক শবনিয়, যিহোশাফট, নথনেল, অমাসয়,  
সখরিয়, বনায় ও ইলীয়েষরকে ঈশ্বরের নিয়ম-সিন্দুকটির সামনে  
শিঙ্গা বাজাতে হত। ওবেদ-ইদোম ও যিহিয়কেও নিয়ম-সিন্দুকটির  
জন্য দ্বাররক্ষী হতে হল। 25 অতএব দাউদ ও ইস্রায়েলের প্রাচীনেরা  
এবং সৈন্যদলের সহস্র-সেনাপতিরা আনন্দ করতে করতে ওবেদ-  
ইদোমের বাড়ি থেকে সদাপ্রভুর নিয়ম-সিন্দুকটি আনতে গেলেন। 26  
যেহেতু সদাপ্রভুর নিয়ম-সিন্দুক বহনকারী লেবীয়দের ঈশ্বর সাহায্য  
করলেন, তাই সাতটি বলদ ও সাতটি মন্দা মেষ বলি দেওয়া হল। 27  
ইত্যবসরে দাউদ মিহি মসিনার পোশাক গায়ে দিলেন, সেই নিয়ম-  
সিন্দুক বহনকারী লেবীয়েরা সবাই, তথা সংগীতজ্ঞরা, ও গায়কদলের  
গান পরিচালনাকারী কননিয়ও একই ধরনের পোশাক গায়ে দিলেন।  
দাউদ আবার মসিনার এক এফোদও গায়ে দিলেন। 28 অতএব  
ইস্রায়েলে সবাই চিৎকার করে করে, মন্দা মেষের শিং ও শিঙ্গা এবং

সুরবাহার বাজিয়ে, ও খঞ্জনি ও বীণাও বাজিয়ে সদাপ্রভুর নিয়ম-সিন্দুকটি ফিরিয়ে এনেছিল। 29 সদাপ্রভুর নিয়ম-সিন্দুকটি ঠিক যখন দাউদ-নগরে প্রবেশ করছিল, শৌলের মেয়ে মীখল জানালায় দাঁড়িয়ে সেই দৃশ্য দেখছিলেন। আর তিনি যখন দেখলেন যে রাজা দাউদ নাচছেন ও উচ্ছ্঵াস প্রকাশ করছেন, তখন তিনি মনে মনে তাঁকে তুচ্ছজ্ঞান করলেন।

**16** ঈশ্বরের নিয়ম-সিন্দুকটি রাখার জন্য দাউদ যে তাঁবুটি খাটিয়েছিলেন, তারা সেটি সেই তাঁবুর মধ্যে এনে রেখেছিল, এবং তারা ঈশ্বরের সামনে হোমবলি ও মঙ্গলার্থক-নৈবেদ্য উৎসর্গ করল। 2 দাউদ হোমবলি ও মঙ্গলার্থক-নৈবেদ্য উৎসর্গ করার পর সদাপ্রভুর নামে প্রজাদের আশীর্বাদ করলেন। 3 পরে তিনি প্রত্যেক ইস্রায়েলী পুরুষ ও মহিলাকে একটি করে রংটি, একটি করে খেজুরের ও কিশমিশের পিঠে দিলেন। 4 লেবীয়দের মধ্যে কয়েকজনকে তিনি সদাপ্রভুর নিয়ম-সিন্দুকের সামনে পরিচর্যা করার, ইস্রায়েলের ঈশ্বর সদাপ্রভুর গুণকীর্তন করার, তাঁকে ধন্যবাদ জানানোর, ও তাঁর প্রশংসা করার জন্য নিযুক্ত করলেন: 5 তাদের মধ্যে প্রধান ছিলেন আসফ, পদমর্যাদায় তাঁর অধঃস্তন ছিলেন সখরিয়, পরে ছিলেন যাশীয়েল, শমীরামোৎ, যিহায়েল, মতিথিয়, ইলীয়াব, বনায়, ওবেদ-ইদোম ও যিয়ায়েল। তাদের খঞ্জনি ও বীণা বাজাতে হত, আসফকে সুরবাহারে বাংকার তুলতে হত, 6 এবং যাজক বনায় ও যহসীয়েলকে পর্যায়ক্রমে ঈশ্বরের নিয়ম-সিন্দুকের সামনে শিঙা বাজাতে হত। 7 সেদিন দাউদ এইভাবে সদাপ্রভুর উদ্দেশে প্রশংসা জানানোর জন্য প্রথমেই আসফ ও তাঁর সঙ্গীসাথীদের নিযুক্ত করলেন: 8 সদাপ্রভুর প্রশংসা করো, তাঁর নাম ঘোষণা করো; জাতিদের জানাও তিনি কী করেছেন। 9 তাঁর উদ্দেশে গান গাও, তাঁর উদ্দেশে প্রশংসাগীত গাও; তাঁর সুন্দর সুন্দর সব কাজের কথা বলো। 10 তাঁর পবিত্র নামের মহিমা করো; যারা সদাপ্রভুর খোঁজ করে তাদের অস্তর উল্লিখিত হোক। 11 সদাপ্রভুর ও তাঁর শক্তির দিকে চেয়ে দেখো; সর্বদা তাঁর শ্রীমুখের খোঁজ করো। 12 মনে রেখো তাঁর করা আশ্চর্য কাজগুলি, তাঁর অলৌকিক কার্যাবলি ও তাঁর ঘোষণা

করা শাস্তি, 13 তোমরা তাঁর দাস, হে ইস্রায়েলের বংশধরেরা, তাঁর মনোনীত লোকেরা, হে যাকোবের সন্তানেরা। 14 তিনিই আমাদের ঈশ্বর সদাপ্রভু; তাঁর বিচার সমগ্র পৃথিবীতে বিরাজমান। 15 তিনি চিরকাল তাঁর নিয়ম মনে রাখেন, যে প্রতিজ্ঞা তিনি করেছেন, হাজার বৎস পর্যন্ত, 16 যে নিয়ম তিনি অব্রাহামের সাথে স্থাপন করলেন, যে শপথ তিনি ইস্রায়েলের কাছে করলেন। 17 তা তিনি যাকোবের কাছে এক বিধানরূপে সুনিশ্চিত করলেন, ইস্রায়েলের কাছে করলেন এক চিরস্থায়ী নিয়মরূপে: 18 “তোমাকেই আমি সেই কনান দেশ দেব সেটিই হবে তোমার উত্তরাধিকারের অংশ।” 19 তারা যখন সংখ্যায় ছিল অতি নগণ্য, সত্যিই নগণ্য, ও সেখানে ছিল তারা বিদেশি, 20 তারা এক জাতি থেকে অন্য জাতির মধ্যে, এক রাজ্য থেকে অন্য রাজ্যে ঘুরে বেড়ালো। 21 তিনি কাউকে তাদের উপর অত্যাচার করতে দেননি; তাদের সুবিধার্থে তিনি রাজাদের তিরক্ষার করলেন: 22 “আমার অভিষিক্ত জনেদের স্পর্শ কোরো না; আমার ভাববাদীদের কোনও ক্ষতি কোরো না।” 23 হে সমস্ত পৃথিবী, সদাপ্রভুর উদ্দেশে গান গাও; দিনের পর দিন তাঁর পরিত্রাণ ঘোষণা করো। 24 সমস্ত জাতির মধ্যে তাঁর মহিমা আর সব লোকের মাঝে তাঁর বিস্ময়কর কাজের কথা প্রচার করো। 25 সদাপ্রভু মহান এবং সর্বোচ্চ প্রশংসার যোগ্য; সব দেবতার উপরে তিনি সম্মের যোগ্য। 26 কারণ, জাতিগণের সমস্ত দেবতা কেবল প্রতিমা মাত্র, কিন্তু সদাপ্রভু আকাশমণ্ডল সৃষ্টি করেছেন। 27 তাঁর সামনে রয়েছে সমারোহ ও প্রতাপ; শক্তি ও আনন্দ রয়েছে তাঁর বাসস্থানে। 28 জাতিগণের সমস্ত কুল সদাপ্রভুকে স্বীকার করো, স্বীকার করো যে সদাপ্রভু মহিমাপ্রিত ও পরাক্রমী। 29 সদাপ্রভুকে তাঁর যোগ্য মহিমায় মহিমাপ্রিত করো! নৈবেদ্য সাজিয়ে তাঁর প্রাঙ্গণে প্রবেশ করো। তাঁর পবিত্র শোভায় সদাপ্রভুর আরাধনা করো। 30 সমস্ত পৃথিবী, তাঁর সামনে কম্পিত হও! পৃথিবী দৃঢ়ভাবে প্রতিষ্ঠিত, তা বিচলিত হবে না। 31 আকাশমণ্ডল আনন্দ করুক, পৃথিবী উল্লসিত হোক; জাতিদের মধ্যে তারা বলুক, “সদাপ্রভু রাজত্ব করেন!” 32 সমুদ্র ও সেখানকার সবকিছু গর্জন করুক; ক্ষেতখামার ও সেখানকার

সবকিছু আনন্দ করক! 33 জঙ্গলের সকল গাছ আনন্দ সংগীত করক,  
 সদাপ্রভুর সামনে তারা আনন্দে গান করক, কারণ তিনি পৃথিবীর  
 বিচার করতে আসছেন। 34 সদাপ্রভুর ধন্যবাদ করো, কারণ তিনি  
 মঙ্গলময়; তাঁর দয়া অনন্তকালস্থায়ী। 35 চিৎকার করে বলো, “হে  
 আমাদের ত্রাণকর্তা ঈশ্বর, আমাদের উদ্ধার করো; আমাদের সংগ্রহ  
 করো ও জাতিদের হাত থেকে রক্ষা করো, যেন আমরা তোমার পবিত্র  
 নামের ধন্যবাদ করতে পারি, ও তোমার প্রশংসায় মহিমা করতে  
 পারি।” 36 ইত্যায়েলের ঈশ্বর সদাপ্রভুর প্রশংসা হোক, অনাদিকাল  
 থেকে অনন্তকাল পর্যন্ত। তখন সব লোকে বলে উঠেছিল “আমেন” ও  
 “সদাপ্রভুর প্রশংসা হোক।” 37 প্রতিদিনের চাহিদানুসারে পর্যায়ক্রমে  
 সদাপ্রভুর নিয়ম-সিদ্ধুক্তির সামনে পরিচর্যা করার জন্য দাউদ সেখানে  
 আসফ ও তাঁর সহকর্মীদের ছেড়ে গেলেন। 38 এছাড়াও তাদের সাথে  
 পরিচর্যা করার জন্য তিনি ওবেদ-ইদোম ও তাঁর 68 জন সহকর্মীকেও  
 ছেড়ে গেলেন। যিদুখূনের ছেলে ওবেদ-ইদোম, ও হোষাও দ্বাররক্ষী  
 ছিলেন। 39 গিবিরোনে আরাধনার উচু স্থানটিতে সদাপ্রভুর সমাগম  
 তাঁবুর সামনে দাউদ যাজক সাদোক ও তাঁর সহকর্মী যাজকদের ছেড়ে  
 গেলেন 40 যেন তারা পর্যায়ক্রমে, সকাল-সন্ধ্যায় সদাপ্রভু ইত্যায়েলকে  
 যে বিধানপুস্তক দিলেন তাতে লেখা যাবতীয় নিয়মানুসারে হোমবলির  
 বেদিতে সদাপ্রভুর উদ্দেশ্যে হোমবলি উপস্থিত করতে পারেন। 41  
 হেমন ও যিদুখূন এবং “তাঁর প্রেম নিত্যস্থায়ী,” এই বলে সদাপ্রভুকে  
 ধন্যবাদ জানানোর জন্য নাম ধরে ধরে যাদের মনোনীত করা হল ও  
 দায়িত্ব দেওয়া হল, অবশিষ্ট সেই লোকজনও তাদের সাথে ছিলেন।  
 42 হেমন ও যিদুখূনকে দায়িত্ব দেওয়া হল যেন তারা শিঙা ও সুরবাহার  
 বাজান এবং পবিত্র গানের সাথে সাথে অন্যান্য বাজানও বাজান।  
 যিদুখূনের ছেলেরা সদাপ্রভুর মন্দিরের দরজায় মোতায়েন ছিল। 43  
 পরে লোকেরা সবাই নিজের নিজের ঘরে ফিরে গেল, এবং দাউদ ও  
 তাঁর পরিবার-পরিজনদের আশীর্বাদ করার জন্য ঘরে ফিরে গেলেন।

**17** দাউদ তাঁর রাজপ্রাসাদে স্থির হয়ে বসার পর ভাববাদী নাথনকে  
 বললেন, “দেখুন, আমি তো দেবদার কাঠে তৈরি বাড়িতে বসবাস

করছি, অথচ সদাপ্রভুর নিয়ম-সিন্দুকটি একটি তাঁবুর মধ্যেই রাখা  
আছে।” 2 নাথন দাউদকে উভর দিলেন, “আপনার মনে যা কিছু  
আছে, আপনি তাই করুন, কারণ ঈশ্বর আপনার সাথেই আছেন।” 3  
কিন্তু সেরাতে ঈশ্বরের বাক্য নাথনের কাছে এসে উপস্থিত হল, ঈশ্বর  
বললেন: 4 “তুমি যাও ও আমার দাস দাউদকে গিয়ে বলো, ‘সদাপ্রভু  
একথাই বলেন: আমার বসবাসের জন্য যে একটি গৃহ নির্মাণ করবে,  
সে তুমি নও। 5 যেদিন আমি ইস্রায়েলকে মিশ্র থেকে বের করে নিয়ে  
এসেছিলাম, সেদিন থেকে শুরু করে আজ পর্যন্ত আমি কোনো বাড়িতে  
বসবাস করিনি। আমি এক তাঁবু থেকে অন্য তাঁবুতে, এক বাসস্থান  
থেকে অন্য বাসস্থানে ঘুরে বেড়িয়েছি। 6 ইস্রায়েলীদের সবাইকে সাথে  
নিয়ে আমি যেখানে যেখানে গিয়েছি, সেখানে কোথাও কি যাদের  
আমি আমার প্রজাদের লালনপালন করার আদেশ দিয়েছিলাম, সেই  
নেতাদের মধ্যে কাউকে কখনও বললাম, “তোমরা কেন আমার জন্য  
দেবদারু কাঠের এক গৃহ নির্মাণ করে দাওনি?”” 7 “তবে এখন,  
আমার দাস দাউদকে বলো, ‘সর্বশক্তিমান সদাপ্রভু একথাই বলেন:  
আমি তোমাকে পশ্চারণভূমি থেকে, তুমি যখন মেঘের পাল চরাচিলে,  
তখন সেখান থেকেই তুলে এনেছিলাম, এবং তোমাকে আমার প্রজা  
ইস্রায়েলের উপর শাসনকর্তারূপে নিযুক্ত করলাম। 8 তুমি যেখানে  
যেখানে গিয়েছ, আমি তোমার সঙ্গে সঙ্গে থেকেছি, এবং তোমার  
সামনে আসা সব শক্তিকে আমি উচ্ছেদ করেছি। এখন আমি তোমার  
নাম পৃথিবীর মহাপুরূষদের মতোই করব। 9 আমার প্রজা ইস্রায়েলের  
জন্য আমি এক স্থান জোগাব ও তাদের সেখানে বসতি করে দেব, যেন  
তারা তাদের নিজস্ব ঘরবাড়ি পায় ও আর কখনও যেন তাদের উপদ্রুত  
হতে না হয়। দুষ্ট লোকজন আর কখনও তাদের অত্যাচার করবে না,  
যেমনটি তারা শুরু করল 10 এবং যখন থেকে আমার প্রজা ইস্রায়েলের  
উপর আমি নেতাদের নিযুক্ত করে এসেছি, তখন থেকে শুরু করে  
এ্যাবৎ যেভাবে তারা তা করে আসছে। আমি তোমার সব শক্তিকে  
সংযত করেও রাখব।” “আমি তোমার কাছে ঘোষণা করে দিচ্ছি যে  
সদাপ্রভুই তোমার জন্য এক কুল গড়ে দেবেন: 11 তোমার আয়ু শেষ

হয়ে যাওয়ার পর ও যখন তুমি তোমার পূর্বপুরুষদের সাথে মিলিত  
হওয়ার জন্য চলে যাবে, তখন তোমার স্ত্রাভিষিক্ত হওয়ার জন্য আমি  
তোমার এমন এক বংশধরকে উৎপন্ন করব, যে হবে তোমার আপন  
ছেলেদের মধ্যে একজন, এবং আমি তার রাজ্য সুস্থিরণ করব। 12  
সেই হবে এমন একজন যে আমার জন্য একটি ভবন তৈরি করবে,  
ও আমি তার সিংহাসন চিরস্থায়ী করব। 13 আমি তার বাবা হব, ও  
সে আমার ছেলে হবে। যেভাবে আমি তোমার পূর্বপুরুষদের কাছ  
থেকে আমার প্রেম-ভালোবাসা সরিয়ে নিয়েছিলাম, আমি আর কখনও  
সেভাবে তার কাছ থেকে তা সরিয়ে নেব না। 14 আমার ভবনের  
ও আমার রাজ্যের উপর চিরকালের জন্য আমি তাকে বসাব; তার  
সিংহাসন চিরস্থায়ী হবে।” 15 সম্পূর্ণ এই প্রত্যাদেশের সব কথা নাথন  
দাউদকে জানিয়েছিলেন। 16 পরে রাজা দাউদ ভিতরে সদাপ্রভুর  
সামনে গিয়ে বসেছিলেন, ও বললেন: “হে সার্বভৌম সদাপ্রভু, আমি  
কে, আর আমার পরিবারই বা কী, যে তুমি আমাকে এত দূর নিয়ে  
এসেছ? 17 আর তোমার দৃষ্টিতে এও যদি যথেষ্ট বলে মনে হয়নি, হে  
আমার ঈশ্বর, তুমি তোমার এই দাসের পরিবারের ভবিষ্যতের বিষয়েও  
তো বলে দিয়েছ। তুমি, হে ঈশ্বর সদাপ্রভু, এভাবে আমার দিকে  
চোখ তুলে চেয়েছ, যেন আমি মানুষদের মধ্যে সবচেয়ে উচ্চপদস্থ  
একজন। 18 “তোমার এই দাসকে তুমি যে সম্মান দিলে, তার জন্য  
দাউদ তোমাকে আর কী-ই বা বলতে পারে? কারণ তুমি তো তোমার  
এই দাসকে জানো, 19 হে সদাপ্রভু। তোমার এই দাসের সুবিধার্থে ও  
তোমার ইচ্ছানুসারেই তুমি এই মহান কাজটি করেছ ও এসব বড়ো  
বড়ো প্রতিজ্ঞা অবগত করেছ। 20 “হে সদাপ্রভু, তোমার মতো আর  
কেউ নেই, এবং তুমি ছাড়া ঈশ্বর আর কেউ নেই, যেমনটি আমরা  
নিজের কানেই শুনেছি। 21 তোমার প্রজা ইস্রায়েলের মতো আর কে  
আছে—পৃথিবীতে বিরাজমান একমাত্র জাতি, যাদের তাঁর নিজস্ব প্রজা  
করার জন্য তাদের ঈশ্বর স্বয়ং তাদের মুক্ত করতে গেলেন, ও নিজের  
জন্য এক নাম প্রতিষ্ঠিত করার জন্য, তথা তোমার প্রজাদের সামনে  
থেকে বিভিন্ন জাতি ও তাদের দেবদেবীদের উৎখাত করার দ্বারা মহৎ

ও বিস্ময়কর আশ্চর্য সব কাজ করে যাদের তুমি মিশর থেকে মুক্ত  
করলে? 22 তোমার প্রজা ইস্রায়েলকে তুমি চিরতরে একেবারে তোমার  
নিজস্ব করে নিয়েছ, এবং হে সদাপ্রভু, তুমি তাদের ঈশ্বর হয়ে গিয়েছ।  
23 “আর এখন, হে সদাপ্রভু, তোমার দাসের ও তার কুলের বিষয়ে  
তুমি যে প্রতিজ্ঞা করলে, তা যেন চিরতরে প্রতিষ্ঠিত হয়। তোমার  
প্রতিজ্ঞানুসারেই তুমি তা করো, 24 যেন তা প্রতিষ্ঠিত হয় ও তোমার  
নাম চিরতরে মহান হয়ে যায়। তখনই লোকেরা বলবে, ‘সর্বশক্তিমান  
সদাপ্রভু, ইস্রায়েলের উপর বিরাজমান ঈশ্বর, তিনিই ইস্রায়েলের  
ঈশ্বর!’ আর তোমার দাস দাউদের কুল তোমার সামনে সুপ্রতিষ্ঠিত  
হবে। 25 “হে আমার ঈশ্বর, তুমি তোমার দাসের কাছে প্রকাশিত করে  
দিয়েছিলে যে তুমি তার জন্য এক কুল গড়ে তুলবে। তাইতো তোমার  
দাস তোমার কাছে এই প্রার্থনা করার সাহস পেয়েছে। 26 হে সদাপ্রভু,  
তুমিই ঈশ্বর! তোমার দাসের কাছে তুমিই এইসব উন্নত বিষয়ের  
প্রতিজ্ঞা করলে। 27 এখন তুমি যখন তোমার এই দাসের কুলকে  
খুশিমনে আশীর্বাদ করেছ, তখন তোমার দৃষ্টিতে যেন তা চিরকাল  
বজায় থাকে; কারণ তুমিই, হে সদাপ্রভু, সেই কুলকে আশীর্বাদ করেছ,  
ও সেটি চিরকালের জন্য আশীর্বাদপূর্ণ হয়েই থাকবে।”

**18** কালক্রমে, দাউদ ফিলিস্তিনীদের পরাজিত করলেন ও তাদের  
বশীভূত করলেন, এবং তিনি ফিলিস্তিনীদের হাত থেকে গাঢ় ও সেচির  
চারপাশের গ্রামগুলি ছিনিয়ে নিয়েছিলেন। 2 দাউদ মোয়াবীয়দেরও  
পরাজিত করলেন, এবং তারা তাঁর অধীনে এসে তাঁর কাছে কর নিয়ে  
এসেছিল। 3 এছাড়াও, সোবার রাজা হন্দেষর যখন ইউফ্রেটিস  
নদীর কাছে তাঁর মিনারটি খাড়া করতে গেলেন, তখন হমাঢ় অঞ্চলে  
দাউদ তাঁকেও পরাজিত করলেন। 4 দাউদ তাঁর 1,000 রথ, 7,000  
অশ্বারোহী ও 20,000 পদাতিক সৈন্য দখল করলেন। রথের সঙ্গে  
জুড়ে থাকা 100-টি ঘোড়া বাদ দিয়ে বাকি সব ঘোড়ার পায়ের শিরা  
কেটে তিনি সেগুলিকে খঙ্গ করে দিলেন। 5 দামাক্ষাসের অরামীয়রা  
যখন সোবার রাজা হন্দেষকে সাহায্য করতে এসেছিল, তখন দাউদ  
তাদের মধ্যে বাইশ হাজার জনকে যন্ত্রণা করে ফেলে দিলেন। 6

তিনি দামাক্ষাসের অরামীয় রাজ্য সৈন্যদল মোতায়েন করে দিলেন,  
এবং অরামীয়রা তাঁর বশীভৃত হয়ে রাজকর নিয়ে এসেছিল। দাউদ  
যেখানে যেখানে গেলেন, সদাপ্রভু সেখানে সেখানে তাঁকে বিজয়ী  
করলেন। 7 হন্দদেষ্টরের কর্মকর্তারা সোনার যে ঢালগুলি বহন করত,  
দাউদ সেগুলি দখল করে জেরকশালেমে নিয়ে এলেন। 8 হন্দদেষ্টরের  
অধিকারে থাকা দুটি নগর তেভা ও কুন থেকে দাউদ প্রাচুর পরিমাণে  
ব্রোঞ্জ নিয়ে এলেন, যেগুলি শলোমন ব্রোঞ্জের সমুদ্রপাত্র, বেশ কয়েকটি  
থাম ও ব্রোঞ্জের বিভিন্ন ধরনের জিনিসপত্র তৈরি করার কাজে ব্যবহার  
করলেন। 9 হমাতের রাজা তোয়ু যখন শুনেছিলেন যে দাউদ সোবার  
রাজা হন্দদেষ্টরের সম্পূর্ণ সৈন্যদলকে পরাজিত করেছেন, 10 তখন  
হন্দদেষ্টরের বিরচ্ছে যুদ্ধজয়ের শুভেচ্ছা ও অভিনন্দন জানানোর জন্য  
তিনি দাউদের কাছে তাঁর ছেলে হন্দোরামকে পাঠিয়ে দিলেন, কারণ  
হন্দদেষ্টরের সাথে তোয়ুর প্রায়ই যুদ্ধ হত। হন্দোরাম সোনা, রংপো  
ও ব্রোঞ্জের বিভিন্ন ধরনের জিনিসপত্র নিয়ে এলেন। 11 রাজা দাউদ  
এইসব জিনিসপত্র সদাপ্রভুর উদ্দেশে উৎসর্গ করে দিলেন, ঠিক  
যেভাবে ইদোম ও মোয়াব, অম্মোনীয় ও ফিলিস্তিনী এবং অমালেক:  
এইসব জাতির কাছ থেকে আনা সোনা ও রংপো তিনি উৎসর্গ করে  
দিলেন। 12 সরঞ্জার ছেলে অবীশয় লবণ উপত্যকায় আঠারো হাজার  
ইদোমীয়কে মেরে ফেলেছিলেন। 13 তিনি ইদোম দেশে সৈন্যদল  
মোতায়েন করে দিলেন, ও ইদোমীয়রা সবাই দাউদের বশীভৃত হল।  
দাউদ যেখানে যেখানে গেলেন, সদাপ্রভু সেখানে সেখানে তাঁকে  
বিজয়ী করলেন। 14 দাউদ সমস্ত ইস্রায়েলের উপর রাজত্ব করলেন,  
ও তাঁর সব প্রজার জন্য যা যা ন্যায্য ও উপযুক্ত ছিল, তিনি তাই  
করতেন। 15 সরঞ্জার ছেলে যোয়াব সৈন্যদলের প্রধান সেনাপতি  
ছিলেন; অহীলুর ছেলে যিহোশাফট ছিলেন লিপিকার; 16 অহীটুবের  
ছেলে সাদোক ও অবিয়াথরের ছেলে অহীমেলক ছিলেন যাজক; শবশ  
ছিলেন সচিব; 17 যিহোয়াদার ছেলে বনায় করেথীয় ও পলেথীয়দের  
তত্ত্বাবধায়ক ছিলেন; এবং দাউদের ছেলেরা রাজার প্রধান সহকারী  
ছিলেন।

**১৯** কালক্রমে, অম্মোনীয়দের রাজা নাহশ মারা গেলেন, ও রাজারপে তাঁর ছেলেই তাঁর স্থলাভিষিক্ত হলেন। ২ দাউদ ভেবেছিলেন, “আমি নাহশের ছেলে হানূনের প্রতি সহানুভূতি দেখাব, কারণ তাঁর বাবা আমার প্রতি দয়া দেখিয়েছিলেন।” অতএব দাউদ হানূনের বাবার প্রতি তাঁর সহানুভূতি প্রকাশ করার জন্য একদল লোককে তাঁর প্রতিনিধি করে পাঠালেন। দাউদের পাঠানো লোকেরা হানূনের প্রতি সহানুভূতি প্রকাশ করার জন্য যখন অম্মোনীয়দের দেশে তাঁর কাছে গেল, ৩ তখন অম্মোনীয়দের সেনাপতিরা হানূনকে বললেন, “আপনার কি মনে হয় যে সহানুভূতি প্রকাশ করার জন্য আপনার কাছে প্রতিনিধিদল পাঠিয়ে দাউদ আপনার বাবাকে সম্মান জানাচ্ছেন? তার প্রতিনিধিরা কি শুধু গুপ্তচরবৃত্তি করে দেশটিতে পুজ্জানপুজ্জা অনুসন্ধান চালিয়ে এটি উচ্ছেদ করার জন্যই আপনার কাছে আসেনি?” ৪ অতএব হানূন দাউদের পাঠানো প্রতিনিধিদের ধরে তাদের চুল-দাঢ়ি কামিয়ে, নিতম্বদেশ পর্যন্ত তাদের জামাকাপড় কেটে দিয়ে তাদের ফেরত পাঠিয়ে দিলেন। ৫ কেউ একজন যখন দাউদের কাছে এসে সেই লোকদের কথা বলল, তখন তাদের সাথে দেখা করার জন্য তিনি কয়েকজন দৃত পাঠালেন, কারণ তারা চরম অপদষ্ট হয়েছিল। রাজামশাই বললেন, “যতদিন না তোমাদের চুল-দাঢ়ি বড়ো হচ্ছে, ততদিন তোমরা যিরীহোতেই থাকো, পরে তোমরা এখানে ফিরে এসো।” ৬ অম্মোনীয়েরা যখন বুঝতে পেরেছিল যে তারা দাউদের দৃষ্টিতে আপত্তিকর হয়ে গিয়েছে, তখন হানূন ও অম্মোনীয়েরা অরাম-নহরয়িম, অরাম-মাখা ও সোবা থেকে রথ ও সারথি ভাড়া করে আনার জন্য ১,০০০ তালন্ত রংপো পাঠিয়ে দিয়েছিল। ৭ ৩২,০০০ রথ ও সারথি, তথা সৈন্যসামগ্র্য সমেত মাখার সেই রাজাকেও তারা ভাড়া করে এনেছিল, যিনি এসে মেদ্বার কাছে সৈন্যশিবির স্থাপন করলেন, ইত্যবসরে অম্মোনীয়েরা আবার তাদের নগরগুলিতে জমায়েত হয়ে যুদ্ধ করার জন্য এগিয়ে গেল। ৮ একথা শুনতে পেয়ে, দাউদ লড়াকু লোকবিশিষ্ট সমস্ত সৈন্যদল সমেত যোয়াবকে সেখানে পাঠিয়ে দিলেন। ৯ অম্মোনীয়রা বেরিয়ে এসে তাদের নগরের প্রবেশদ্বারে সৈন্যদল সাজিয়ে রেখেছিল, অন্যদিকে,

যেসব রাজা সেখানে এলেন, তাঁরা নিজেরা খোলা মাঠে আলাদা করে গিয়ে দাঁড়িয়েছিল। 10 যোয়াব দেখেছিলেন যে তাঁর আগে পিছে সৈন্যদল সাজিয়ে রাখা হয়েছে; তাই তিনি ইস্রায়েলের সেরা কর্যকর্তা সৈন্য বেছে নিয়ে অরামীয়দের বিরুদ্ধে তাদের মোতায়েন করলেন। 11 বাকি সৈন্যদের তিনি তাঁর ভাই অবীশয়ের কর্তৃত্বাধীন করে রেখেছিলেন, এবং তারা অম্মোনীয়দের বিরুদ্ধে মোতায়েন হল। 12 যোয়াব বললেন, “অরামীয়রা যদি আমার চেয়ে বেশি শক্তিশালী হয়ে যায়, তবে তুমি আমাকে রক্ষা কোরো; কিন্তু অম্মোনীয়রা যদি তোমার চেয়ে বেশি শক্তিশালী হয়ে যায়, তবে আমিই তোমাকে রক্ষা করব। 13 শক্তিশালী হও, এসো—আমরা আমাদের জাতির ও আমাদের স্ট্রঞ্জের নগরগুলির জন্য বীরের মতো লড়াই করি। সদাপ্রভুই তাঁর দৃষ্টিতে যা ভালো বোধ হয়, তাই করবেন।” 14 পরে যোয়াব ও তাঁর সৈন্যদল অরামীয়দের বিরুদ্ধে যুদ্ধ করার জন্য এগিয়ে গেলেন, ও তারা তাঁর সামনে থেকে পালিয়ে গেল। 15 অম্মোনীয়রা যখন বুঝতে পেরেছিল যে অরামীয়রা পালিয়ে যাচ্ছে, তখন তারাও তাঁর ভাই অবীশয়ের সামনে থেকে পালিয়ে গিয়ে নগরের ভিতরে চুকে পড়েছিল। তাই যোয়াব জেরশালেমে ফিরে গেলেন। 16 অরামীয়রা যখন দেখেছিল যে তারা ইস্রায়েলীদের দ্বারা ছত্রভঙ্গ হয়ে পড়েছে, তখন তারা দৃত পাঠিয়ে ইউফ্রেটিস নদীর ওপার থেকে সেই অরামীয়দের ডেকে পাঠিয়েছিল, যাদের পরিচালনায় ছিলেন হৃদদেষ্টরের সেনাবাহিনীর সেনাপতি শোফক। 17 দাউদকে যখন একথা বলা হল, তখন তিনি সমগ্র ইস্রায়েলকে একত্রিত করে জর্ডন নদী পার করে গেলেন; তিনি তাদের বিরুদ্ধে এগিয়ে গেলেন ও তাদের উল্লেটাদিকে তাঁর সৈন্যদল মোতায়েন করলেন। যুদ্ধক্ষেত্রে অরামীয়দের সম্মুখীন হওয়ার জন্য দাউদ তাঁর সৈন্যদল সাজিয়েছিলেন, এবং তারা তাঁর বিরুদ্ধে যুদ্ধ করল। 18 কিন্তু তারা ইস্রায়েলের সামনে থেকে পালিয়ে গেল, এবং দাউদ তাদের সারাথিদের মধ্যে 7,000 জনকে ও তাদের পদাতিক সৈন্যদের মধ্যে 40,000 জনকে হত্যা করলেন। তাদের সেনাবাহিনীর সেনাপতি শোফককেও তিনি হত্যা করলেন। 19 হৃদদেষ্টরের কেনা

গোলামেরা যখন দেখেছিল যে তারা ইন্দ্রায়েলীদের দ্বারা ছত্রভঙ্গ হয়ে  
পড়েছে, তখন তারা দাউদের সাথে সন্ধি করল ও তাঁর শাসনাধীন হয়ে  
গেল। অতএব অরামীয়েরা আর কখনও অম্মোনীয়দের সাহায্য করতে  
রাজি হয়নি।

**20** বসন্তকালে, রাজারা সাধারণত যখন যুদ্ধে যেতেন, সেইরকমই এক  
সময় যোয়াব সশস্ত্র সৈন্যদলকে নেতৃত্ব দিলেন। তিনি অম্মোনীয়দের  
দেশটিতে লুটপাট চালিয়েছিলেন এবং রক্ষায় গিয়ে সেচি অবরোধ  
করলেন, কিন্তু দাউদ জেরশালেমেই থেকে গেলেন। যোয়াব রক্ষায়  
আক্রমণ চালিয়ে সেচি ধ্বংসস্তূপে পরিণত করলেন। 2 দাউদ তাদের  
রাজার মাথা থেকে মুকুট কেড়ে নিয়েছিলেন—জানা গেল সেচিতে এক  
তালস্ত সোনা ছিল, এবং সেচি মূল্যবান রত্নখোচিতও ছিল—আর সেচি  
দাউদের মাথায় পরিয়ে দেওয়া হল। তিনি সেই নগরাটি থেকে প্রচুর  
পরিমাণে লুটসামগ্রী নিয়ে এলেন 3 এবং যারা সেখানে ছিল, সেখানকার  
লোকজনকেও নিয়ে এসে তিনি তাদের করাত ও লোহার গাঁইতি এবং  
কুড়ুল চালানোর কাজে লাগিয়ে দিলেন। দাউদ অম্মোনীয়দের সব  
নগরের প্রতিই এরকম করলেন। পরে দাউদ ও তাঁর সমস্ত সৈন্যদল  
জেরশালেমে ফিরে এলেন। 4 কালক্রমে, গেষরে ফিলিস্তিনীদের সাথে  
যুদ্ধ বেধে গেল। সেই সময় হৃষাতীয় সিরিখয় রফায়ীয়দের বংশধরদের  
মধ্যে সিঙ্গয় বলে একজনকে হত্যা করল, এবং ফিলিস্তিনীরা যুদ্ধে  
পরাজিত হল। 5 ফিলিস্তিনীদের সাথে অন্য একটি যুদ্ধে, যায়ীরের  
ছেলে ইলহানন গাতীয় গালিয়াতের ভাই লহমিকে হত্যা করল, যার  
বর্ণার হাতলটি ছিল তাঁতির দণ্ডের মতো। 6 গাতে সম্পন্ন অন্য আর  
একটি যুদ্ধে, এক-একটি হাতে ছয়টি করে ও এক-একটি পায়ে ছয়টি  
করে, মোট চবিশটি আঙুল-বিশিষ্ট দৈত্যাকার একজন লোক যুদ্ধ  
করছিল। সেও রফারই বংশধর ছিল। 7 সে যখন ইন্দ্রায়েলকে বিদ্রূপের  
খোঁচা দিয়েছিল, তখন দাউদের ভাই শিমিয়ির ছেলে যোনাথন তাকে  
হত্যা করল। 8 গাতের এই লোকেরাই রফার বংশধর ছিল, এবং তারা  
দাউদ ও তাঁর লোকজনের হাতে মারা গেল।

**২১** শয়তান ইস্রায়েলের বিরুদ্ধে উঠে পড়ে লেগে গেল এবং ইস্রায়েলে  
জনগণনা করতে দাউদকে প্ররোচিত করল। ২ তাই দাউদ যোয়াব  
ও সেনাবাহিনীর সেনাপতিদের বললেন, “যাও, তোমরা গিয়ে বের-  
শেবা থেকে দান পর্যন্ত ইস্রায়েলীদের সংখ্যা গণনা করো। পরে সে  
খবর নিয়ে আমার কাছে ফিরে এসো যেন আমি জানতে পারি তাদের  
সংখ্যা ঠিক কতজন।” ৩ কিন্তু যোয়াব উত্তর দিলেন, “সদাপ্রভু যেন  
তাঁর সৈন্যদলকে কয়েকশো গুণ বাঢ়িয়ে তোলেন। হে আমার প্রভু  
মহারাজ, তারা সবাই কি আমার প্রভুর অধীনস্থ দাস নয়? তবে কেন  
আমার প্রভু এরকম কাজ করতে চাইছেন? তিনি কেন ইস্রায়েলের  
উপর অপরাধ বয়ে আনতে চাইছেন?” ৪ রাজার আদেশে অবশ্য  
যোয়াবের কথা নাকচ হয়ে গেল; তাই যোয়াব গিয়ে গোটা ইস্রায়েল  
দেশ জুড়ে ঘুরে বেরিয়ে জেরশালেমে ফিরে এলেন। ৫ যোয়াব  
দাউদের কাছে যোদ্ধাদের সংখ্যা তুলে ধরেছিলেন: সমগ্র ইস্রায়েলে  
তরোয়াল চালাতে অভ্যন্ত এগারো লাখ ও যিহুদায় চার লাখ সত্তর  
হাজার জন লোক ছিল। ৬ কিন্তু যোয়াব লোকগণনা করার সময়  
নেবি ও বিন্যামীন বংশের লোকদের ধরেননি, যেহেতু রাজার আদেশ  
তাঁর কাছে ন্যক্তাবজনক বলে মনে হল। ৭ এই আদেশটি ঈশ্বরের  
দৃষ্টিতেও মন্দ গণ্য হল; তাই তিনি ইস্রায়েলকে শাস্তি দিলেন। ৮ তখন  
দাউদ ঈশ্বরকে বললেন, “এ কাজ করে আমি মহাপাপ করে ফেলেছি।  
এখন, আমি তোমাকে অনুরোধ জানাচ্ছি, তোমার দাসের এই অপরাধ  
মার্জনা করো। আমি মহামূর্খের মতো কাজ করে ফেলেছি।” ৯ সদাপ্রভু  
দাউদের ভবিষ্যদ্বন্দ্ব গাদকে বললেন, ১০ “যাও, দাউদকে গিয়ে  
বলো, ‘সদাপ্রভু একথাই বলেন: আমি তোমার সামনে তিনটি বিকল্প  
রাখছি। সেগুলির মধ্যে একটিকে তুমি বেছে নাও, যেন আমি সেটিই  
তোমার বিরুদ্ধে প্রয়োগ করতে পারি।’” ১১ অতএব গাদ দাউদের কাছে  
গিয়ে তাঁকে বললেন, “সদাপ্রভু একথাই বলেন: ‘একটি বিকল্প বেছে  
নাও: ১২ তিনি বছরের দুর্ভিক্ষ, তিনি মাস ধরে তোমার শক্রদের সামনে  
লোপাট হয়ে যাওয়া, এবং তাদের তরোয়াল হঠাতে তোমার উপর  
এসে পড়া, অথবা তিনি দিন সদাপ্রভুর তরোয়ালের সামনে পড়া—যে

কয়দিন দেশে মহামারি ছড়াবে, এবং সদাপ্রভুর দৃত ইস্রায়েলের এক-একটি অঞ্চল ছারখার করে দেবেন।' তবে এখন, আপনিই ঠিক করুন যিনি আমাকে পাঠিয়েছেন, আমি তাঁকে কী উত্তর দেব।" 13 দাউদ গাদকে বললেন, "আমি খুব বিপদে পড়েছি। সদাপ্রভুর হাতেই পড়া যাক, কারণ তাঁর দয়া অত্যন্ত সুমহান; তবে আমি যেন মানুষের হাতে না পড়ি।" 14 তাই সদাপ্রভু ইস্রায়েলে এক মহামারি পাঠিয়ে দিলেন, এবং ইস্রায়েলের সতর হাজার লোক মারা পড়েছিল। 15 আর ঈশ্বর জেরুশালেম ধ্বংস করার জন্য এক দৃত পাঠালেন। কিন্তু সেই দৃত তা করতে যাওয়া মাত্র, সদাপ্রভু তা দেখেছিলেন ও সেই দুর্বিপাকের বিষয়ে তাঁর মন নরম হয়ে গেল এবং লোকজনকে ধ্বংস করতে যাওয়া সেই দৃতকে তিনি বললেন, "যথেষ্ট হয়েছে! তোমার হাত টেনে নাও।" সদাপ্রভুর দৃত তখন সেই যিবুয়ীয় অরৌণার খামারে দাঁড়িয়েছিলেন। 16 দাউদ উপরের দিকে তাকিয়ে দেখেছিলেন যে সদাপ্রভুর দৃত হাতে খোলা তরোয়াল নিয়ে জেরুশালেমের দিকে তাক করে আকাশ ও পৃথিবীর মাঝাখানে দাঁড়িয়ে আছেন। তখন দাউদ ও প্রাচীনেরা চটের কাপড় গায়ে দিয়ে মাটিতে উরুড় হয়ে পড়েছিলেন। 17 দাউদ ঈশ্বরকে বললেন, "যোদ্ধাদের সংখ্যা গণনা করার আদেশ কি আমিই দিইনি? আমি, এই পালকই পাপ ও অন্যায় করেছি। এরা তো শুধুই মেষ। এরা কী করেছে? হে আমার ঈশ্বর সদাপ্রভু, আপনার হাত আমার ও আমার পরিবারের উপরেই নেমে আসুক, কিন্তু এই মহামারি আপনার প্রজাদের উপর আর যেন ছেয়ে না থাকে।" 18 তখন সদাপ্রভুর দৃত গাদকে আদেশ দিলেন, যেন তিনি দাউদকে গিয়ে বলেন যে তাঁকে গিয়ে যিবুয়ীয় অরৌণার খামারে সদাপ্রভুর উদ্দেশে একটি যজ্ঞবেদি তৈরি করতে হবে। 19 তাই সদাপ্রভুর নামে গাদ যে কথা বললেন, সেকথার প্রতি বাধ্যতা দেখিয়ে দাউদ সেখানে চলে গেলেন। 20 গম ঝাড়তে ঝাড়তে অরৌণা পিছনে ফিরে সেই দৃতকে দেখতে পেয়েছিলেন; তাঁর সাথে থাকা তাঁর চার ছেলে লুকিয়ে গেল। 21 তখন দাউদ সেখানে পৌঁছেছিলেন, ও অরৌণা তাঁকে দেখতে পেয়ে খামার ছেড়ে বেরিয়ে এসে মাটিতে মাথা ঠেকিয়ে দাউদকে প্রণাম

করলেন। 22 দাউদ তাঁকে বললেন, “তোমার খামারের স্থানটি আমাকে নিতে দাও, আমি সদাপ্রভুর উদ্দেশে সেখানে একটি যজ্ঞবেদি নির্মাণ করব, যেন প্রজাদের উপর নেমে আসা মহামারি থেমে যায়। পুরো দাম নিয়ে তুমি সেটি আমার কাছে বিক্রি করো।” 23 অরোগা দাউদকে বললেন, “আপনি সেটি নিয়ে নিন! আমার প্রভু মহারাজের যা ইচ্ছা হয় তিনি তাই করুন। দেখুন, আমি হোমবলির জন্য বলদগুলি, কাঠের জন্য শস্য মাড়াই কলগুলি, ও শস্য-নৈবেদ্যের জন্য গমও আপনাকে দেব। এসবই আমি আপনাকে দেব।” 24 কিন্তু রাজা দাউদ অরোগাকে উত্তর দিলেন, “তা হবে না, আমি তোমাকে পুরো দামই দেব। যা কিছু তোমার, আমি তা সদাপ্রভুর জন্য নেব না, অথবা হোমবলির জন্য আমি এমন কিছু উৎসর্গ করব না যার জন্য আমাকে কোনও দাম দিতে হ্যানি।” 25 অতএব দাউদ সেই স্থানটির জন্য অরোগাকে ছয়শো শেকল সোনা মেপে দিলেন। 26 সদাপ্রভুর উদ্দেশে দাউদ সেখানে একটি যজ্ঞবেদি তৈরি করলেন এবং হোমবলি ও মঙ্গলার্থক বলি উৎসর্গ করলেন। তিনি সদাপ্রভুর নামে ডেকেছিলেন, ও সদাপ্রভুও হোমবলির বেদির উপর আকাশ থেকে আগুন নিষ্ফেপ করে তাঁকে উত্তর দিলেন। 27 পরে সদাপ্রভু সেই দূতের সাথে কথা বললেন, এবং তিনি তাঁর তরোয়াল আবার খাপে ঢুকিয়ে নিয়েছিলেন। 28 সেই সময়, দাউদ যখন দেখেছিলেন যে যিবৃষীয় অরোগার খামারে সদাপ্রভু তাঁকে উত্তর দিয়েছেন, তখন তিনি সেখানে বলি উৎসর্গ করলেন। 29 মোশি মরহুমান্তরে সদাপ্রভুর যে সমাগম তাঁবুটি তৈরি করলেন, সেটি এবং হোমবলির সেই যজ্ঞবেদিটি সেই সময় গিবিয়োনে আরাধনার সেই উঁচু স্থানটিতেই ছিল। 30 কিন্তু দাউদ ঈশ্বরের কাছে খোঁজখবর নেওয়ার জন্য সেখানে যেতে পারেননি, কারণ তিনি সদাপ্রভুর দূতের সেই তরোয়ালকে তিনি ভয় পেয়েছিলেন।

**22** পরে দাউদ বললেন, “সদাপ্রভু ঈশ্বরের ভবনটি, এবং ইস্রায়েলের জন্য হোমবলির বেদিটিও এখানেই থাকবে।” 2 অতএব দাউদ ইস্রায়েলে বসবাসকারী বিদেশিদের সমবেত করার আদেশ দিলেন এবং ঈশ্বরের ভবন তৈরির কাজে ব্যবহারযোগ্য কাটছাঁট করা পাথরের

কাজ করার জন্য তাদের মধ্যে থেকেই কয়েকজন পাথর কাটার লোক  
নিযুক্ত করলেন। ৩ সদর-দরজার পাল্লায় ও কজায় পেরেক লাগানোর  
জন্য তিনি প্রচুর পরিমাণে লোহার জোগান দিলেন, এবং তিনি এত  
ব্রোঞ্জের জোগান দিলেন, যা ওজন করে দেখাও সন্তুষ্ট হয়নি। ৪  
এছাড়াও তিনি এত দেবদার কাঠের গুঁড়ির জোগান দিলেন, যা গুনে  
দেখা সন্তুষ্ট হয়নি, কারণ সীদোনীয় ও সোরীয়রা দাউদের কাছে প্রচুর  
পরিমাণে দেবদার কাঠ এনেছিল। ৫ দাউদ বললেন, “আমার ছেলে  
শলোমনের বয়স কম ও সে অনভিজ্ঞ বটে, এবং সদাপ্রভুর জন্য  
যে ভবনটি তৈরি করা হবে, সেটি সব জাতির দৃষ্টিতে হবে বিশাল  
জাঁকজমকপূর্ণ ও বিখ্যাত এবং জৌলুসে ভরপুর। তাই আমিই সেটির  
জন্য যাবতীয় প্রস্তুতি নেব।” অতএব মারা যাওয়ার আগেই দাউদ  
ব্যপক প্রস্তুতি সেরে রেখেছিলেন। ৬ পরে তিনি তাঁর ছেলে শলোমনকে  
ডেকে তাঁর হাতে ইস্রায়েলের ঈশ্বর সদাপ্রভুর জন্য এক ভবন তৈরি  
করার ভার সঁপে দিলেন। ৭ দাউদ শলোমনকে বললেন: “বাঢ়া, আমার  
ঈশ্বর সদাপ্রভুর নামে একটি ভবন তৈরি করার বাসনা আমার অন্তরে  
ছিল। ৮ কিন্তু সদাপ্রভুর এই বাক্য আমার কাছে এসেছিল: ‘তুমি প্রচুর  
রক্ষণাত্মক করেছ ও অনেক যুদ্ধ করেছ। আমার নামাঙ্কিত কোনো ভবন  
তুমি তৈরি করতে পারবে না, কারণ আমার দৃষ্টিতে এই পৃথিবীতে তুমি  
প্রচুর রক্ষণাত্মক করেছ। ৯ কিন্তু তোমার এক ছেলে হবে, যে হবে শান্তি  
ও বিশ্রামযুক্ত এক মানুষ, এবং আমি তাকে তার চারপাশের সব শক্তির  
দিক থেকে বিশ্রাম দেব। তার নাম হবে শলোমন, এবং আমি তার  
রাজত্বকালে ইস্রায়েলকে শান্তি ও নিঃস্তরঙ্গ পরিবেশ দেব। ১০ সেই  
আমার নামাঙ্কিত এক ভবন তৈরি করবে। সে আমার ছেলে হবে ও  
আমি তার বাবা হব। ইস্রায়েলের উপর তার রাজত্বের সিংহাসন আমি  
চিরস্ময়ী করব।’ ১১ “এখন, বাঢ়া, সদাপ্রভু তোমার সহবতী হোন, এবং  
তুমি সাফল্য লাভ করো ও তোমার ঈশ্বর সদাপ্রভুর বলা কথামতো  
তুমিই তাঁর এক ভবন তৈরি করো। ১২ তোমাকে ইস্রায়েলের উপর  
শাসকপদে নিযুক্ত করার পর সদাপ্রভু যেন তোমাকে প্রজ্ঞা ও বোধবুদ্ধি  
দেন, যার ফলস্বরূপ তুমি যেন তোমার ঈশ্বর সদাপ্রভুর বিধিবিধান

পালন করে যেতে পারো। 13 ইস্রায়েলের জন্য মোশিকে সদাপ্রভু যে বিধি ও বিধান দিলেন, সেগুলি যদি তুমি সতর্কতাপূর্বক পালন করে যেতে পারো তবে তুমি সাফল্য পাবে। বলবান ও সাহসী হও। ভয় পেয়ো না বা হতাশ হোয়ো না। 14 “সদাপ্রভুর মন্দিরের জন্য আমি খুব কষ্ট করে এক লাখ তালস্ত সোনা, ও দশ লাখ তালস্ত রংপো জোগাড় করেছি, এছাড়াও এত ব্রোঞ্জ ও লোহা জোগাড় করেছি যা ওজন করে দেখা সম্ভব নয়, এবং কাঠ ও পাথরও জোগাড় করেছি। এর সাথে তুমি আরও অনেক কিছু যোগ করতে পারো। 15 তোমার কাছে প্রচুর কাজের লোক আছে: পাথর কাটার লোক, রাজমিস্ত্রি ও ছুতোরমিস্ত্রি, এছাড়াও সব ধরনের কাজে দক্ষ লোকও তোমার কাছে আছে 16 যেমন, সোনা ও রংপো, ব্রোঞ্জ ও লোহার—এত কারিগর আছে, যাদের সংখ্যা গুনে শেষ করা যায় না। এখন তবে কাজ শুরু করো, এবং সদাপ্রভু তোমার সহবতী থাকুন।” 17 পরে দাউদ ইস্রায়েলের সব নেতাকে আদেশ দিলেন, যেন তারা তাঁর ছেলে শলোমনকে সাহায্য করেন। 18 তিনি তাদের বললেন, “তোমাদের ঈশ্বর সদাপ্রভু কি তোমাদের সহবতী নন? আর তিনি কি সবদিক থেকে তোমাদের বিশ্রাম দেননি? কারণ দেশের অধিবাসীদের তিনি আমার হাতে সঁপে দিয়েছেন, এবং এই দেশ সদাপ্রভুর ও তাঁর প্রজাদের অধীনস্থ হয়েছে। 19 এখন তোমাদের ঈশ্বর সদাপ্রভুর অঙ্গেষণ করার জন্য তোমরা তোমাদের মনপ্রাণ সমর্পণ করো। সদাপ্রভু ঈশ্বরের পৌঠস্থান তৈরি করার কাজ শুরু করে দাও, যেন যে মন্দিরটি সদাপ্রভুর নামে তৈরি করা হবে সেখানে তোমাদের পক্ষে সদাপ্রভুর সেই নিয়ম-সিন্দুকটি ও ঈশ্বরের অধিকারভুক্ত পরিত্র জিনিসপত্র আনা সম্ভব হয়।”

**23** দাউদ যখন বৃদ্ধ হয়ে গেলেন ও তাঁর আয়ু ফুরিয়ে আসছিল, তখন তিনি তাঁর ছেলে শলোমনকে ইস্রায়েলের উপর রাজা করে দিলেন। 2 এছাড়াও তিনি ইস্রায়েলের সব নেতাকে, তথা যাজক ও লেবীয়দের সমবেত করলেন। 3 ত্রিশ বছর বা তার বেশি বয়সের লেবীয়দের সংখ্যা গোনা হল, এবং পুরুষদের মোট সংখ্যা দাঁড়িয়েছিল 38,000। 4 দাউদ বললেন, “এদের মধ্যে 24,000 জন সদাপ্রভুর

মন্দিরে কাজ করার দায়িত্ব পালন করবে এবং 6,000 জন হবে  
কর্মকর্তা ও বিচারক। 5 4,000 জন হবে দ্বাররক্ষী ও বাকি 4,000 জন  
সেইসব বাদ্যযন্ত্র নিয়ে সদাপ্রভুর প্রশংসা করবে, যেগুলি আমি সেই  
উদ্দেশ্যেই সরবরাহ করলাম।” 6 গের্শোন, কহাং ও মরারি: লেবির এই  
ছেলেদের বৎশানুসারে দাউদ লেবীয়দের কয়েকটি ভাগে বিভক্ত করে  
দিলেন। 7 গের্শোনীয়দের অন্তর্ভুক্ত: লাদন ও শিমিয়। 8 লাদনের  
ছেলেরা: প্রথমজন যিহীয়েল, পরে সেথম ও যোয়েল—মোট তিনজন।  
9 শিমিয়ির ছেলেরা: শলোমৎ, হসীয়েল ও হারণ—মোট তিনজন।  
এরাই লাদনের বৎশাগুলির কর্তব্যক্তি ছিলেন। 10 আবার শিমিয়ির  
ছেলেরা: যহৃৎ, সীষ, যিযুশ ও বরীয়। এরাই শিমিয়ির ছেলে—মোট  
চারজন। 11 যহৃৎ বড়ো ছেলে ছিলেন এবং দ্বিতীয়জন ছিলেন সীষ,  
কিন্তু যিযুশ ও বরীয়ের ছেলের সংখ্যা খুব একটি বেশি ছিল না; তাই  
তাদের একটিই বৎশরপে গণ্য করা হল এবং একই কাজ করার  
দায়িত্ব তাদের দেওয়া হল। 12 কহাতের ছেলেরা: অম্বাম, যিম্হর,  
হিরোগ ও উয়ীয়েল—মোট চারজন। 13 অম্বামের ছেলেরা: হারোণ  
ও মোশি। মহাপবিত্র জিনিসপত্র উৎসর্গ করার, সদাপ্রভুর সামনে  
বলিদান করার, তাঁর সামনে পরিচর্যা করার ও চিরকাল তাঁর নামে  
আশীর্বাদ ঘোষণা করার উদ্দেশ্যে হারোণকে তথা তাঁর বৎশধরদের  
চিরকালের জন্য অন্যদের থেকে আলাদা করে দেওয়া হল। 14 স্টেশনের  
লোক মোশির ছেলেদেরও লেবীয় বৎশের অংশবিশেষ বলে ধরা হত।  
15 মোশির ছেলেরা: গের্শোম ও ইলীয়েষ। 16 গের্শোমের বৎশধরেরা:  
প্রথম স্থানে ছিলেন শবুয়েল। 17 ইলীয়েষরের বৎশধরেরা: প্রথম  
স্থানে ছিলেন রহবিয়। ইলীয়েষরের আর কোনও ছেলে ছিল না, কিন্তু  
রহবিয়ের ছেলেরা সংখ্যায় ছিল প্রচুর। 18 যিম্হরের ছেলেরা: প্রথম  
স্থানে ছিলেন শলোমীৎ। 19 হিরোগের ছেলেরা: প্রথমজন যিরিয়,  
দ্বিতীয়জন অমরিয়, তৃতীয়জন যহসীয়েল এবং চতুর্থজন যিকমিয়াম।  
20 উষ্ণয়েলের ছেলেরা: প্রথমজন মীখা ও দ্বিতীয়জন যিশিয়। 21  
মরারির ছেলেরা: মহলি ও মূশি। মহলির ছেলেরা: ইলিয়াসর ও কীশ।  
22 ইলিয়াসর অপুত্রক অবঙ্গায় মারা গেলেন: তাঁর শুধু কয়েকটি মেয়েই

ছিল। কীশের ছেলেরা, অর্থাৎ, তাদের খুড়তুতো ভাইয়েরাই তাদের  
বিয়ে করলেন। 23 মূশির ছেলেরা: মহলি, এদের ও যিরেমৎ—মোট  
তিনজন। 24 বংশানুসারে এরাই লেবির বংশধর—যারা বিভিন্ন  
কুলের কর্তাব্যক্রিকপে তাদের নামানুসারে নথিভুক্ত হলেন এবং  
ব্যক্তিগতভাবে তাদের গুনে রাখা হল, অর্থাৎ, তারা সেইসব কর্মী,  
যাদের বয়স কুড়ি বছর বা তার বেশি হল ও তারা সদাপ্রভুর মন্দিরে  
পরিচর্যা করতেন। 25 কারণ দাউদ বললেন, “যেহেতু ইস্রায়েলের ঈশ্বর  
সদাপ্রভু তাঁর প্রজাদের বিশ্রাম দিয়েছেন ও চিরকাল জেরুশালেমে  
বসবাস করার জন্য এখানে এসেছেন, 26 তাই লেবীয়দের আর  
কখনও সমাগম তাঁবু বা স্থানকার পরিচর্যার ক্ষেত্রে ব্যবহৃত কোনও  
জিনিসপত্র বহন করতে হবে না।” 27 দাউদের দেওয়া শেষ নির্দেশ  
অনুসারে, কুড়ি বছর বা তার বেশি বয়সের সেই লেবীয়দের গুনে  
রাখা হল। 28 সদাপ্রভুর মন্দিরের পরিচর্যায় হারোগের বংশধরদের  
সাহায্য করাই ছিল লেবীয়দের দায়িত্ব: প্রাঙ্গণের ও পাশের ঘরগুলির  
দেখাশোনা করার, সব পবিত্র জিনিসপত্র শুন্দরকরণের ও ঈশ্বরের ভবনে  
অন্যান্য সব দায়িত্ব তাদেরই পালন করতে হত। 29 টেবিলে রুটি  
সাজিয়ে রাখার, শস্য-নৈবেদ্যের জন্য বিশেষ ময়দা প্রস্তুত করার,  
খামিরবিহীন সরু রুটি তৈরি করার, সেগুলি সেঁকার ও মিশ্রিত করার,  
এবং পরিমাণ ও মাপ অনুসারে সবকিছু ঠিকঠাক করার দায়িত্বও  
তাদেরই দেওয়া হল। 30 প্রতিদিন সকালে সদাপ্রভুকে ধন্যবাদ  
জানানোর ও তাঁর প্রশংসা করার জন্য তাদের দাঁড়িয়েও থাকতে হত।  
সন্ধ্যাবেলাতে 31 এবং সাবাথবারে, অমাবস্যার উৎসবে ও বিশেষ  
বিশেষ উৎসবের দিনগুলিতে যখনই সদাপ্রভুর কাছে হোমবলি উৎসর্গ  
করা হত, তখনও তাদের একই কাজ করতে হত। সঠিক সংখ্যায় ও  
তাদের জন্য নিরূপিত প্রথানুসারে নিয়মিতভাবে তাদের সদাপ্রভুর  
সামনে পরিচর্যা করে যেতে হত। 32 তাই এভাবেই লেবীয়েরা তাদের  
আত্মায়স্তজন তথা হারোগের বংশধরদের অধীনে থেকে সদাপ্রভুর  
মন্দিরের পরিচর্যার জন্য সমাগম তাঁবুর ও পবিত্রস্থানের ক্ষেত্রে তাদের  
দায়িত্ব পালন করে গেলেন।

**২৪** এগুলিই হল হারোনের বংশধরদের বিভিন্ন বিভাগ: হারোনের ছেলেরা হলেন নাদব, অবীতু, ইলীয়াসর ও স্টথামর। ২ কিন্তু নাদব ও অবীতু তাদের বাবা মারা যাওয়ার আগেই মারা গেল, এবং তাদের কোনো ছেলে ছিল না; তাই ইলীয়াসর ও স্টথামর যাজকের দায়িত্ব পালন করলেন। ৩ ইলীয়াসরের এক বংশধর সাদোকের ও স্টথামরের এক বংশধর অহীমেলকের সাহায্য নিয়ে দাউদ যাজকদের নিরূপিত পরিচর্যার ক্রমানুসারে তাদের কয়েকটি বিভাগে বিভক্ত করে দিলেন। ৪ স্টথামরের বংশধরদের তুলনায় ইলীয়াসরের বংশধরদের মধ্যেই বেশি সংখ্যায় নেতৃ খুঁজে পাওয়া গেল, এবং তাদের সেভাবেই বিভক্ত করা হল: ইলীয়াসরের বংশধরদের মধ্যে থেকে ঘোলো জনকে ও স্টথামরের বংশধরদের মধ্যে থেকে আট জনকে বংশের কর্তাব্যক্তি করা হল। ৫ গুটিকাপাত করে নিরপেক্ষভাবেই তারা তাদের বিভিন্ন বিভাগে বিভক্ত করলেন, কারণ ইলীয়াসর ও স্টথামর, দুজনেরই বংশধরদের মধ্যে থেকে অনেকে পৌঠস্থানের ও ঈশ্বরের কর্মকর্তা হলেন। ৬ নথনেলের ছেলে লেবীয় শাস্ত্রবিদ শময়িয় মহারাজের ও এইসব কর্মকর্তাদের উপস্থিতিতে তাদের নামগুলি নথিভুক্ত করলেন: সেই কর্মকর্তারা হলেন যাজক সাদোক, অবিয়াথরের ছেলে অহীমেলক এবং যাজকদের ও লেবীয়দের বিভিন্ন গোষ্ঠীর কয়েকজন কর্তাব্যক্তি—একবার ইলীয়াসরের বংশ থেকে একজনকে, পরে স্টথামরের বংশ থেকে অন্য একজনকে তিনি নথিভুক্ত করলেন। ৭ গুটিকাপাতে প্রথম দানটি পড়েছিল যিহোয়ারীবের নামে, দ্বিতীয়টি পড়েছিল যিদিয়িয়ের নামে, ৮ তৃতীয়টি পড়েছিল হারীমের নামে, চতুর্থটি পড়েছিল সিয়োরীমের নামে, ৯ পঞ্চমটি পড়েছিল মঙ্কিয়ের নামে, ষষ্ঠিটি পড়েছিল মিয়ামীনের নামে, ১০ সপ্তমটি পড়েছিল হক্কোমের নামে, অষ্টমটি পড়েছিল অবিয়ের নামে, ১১ নবমটি পড়েছিল যেশুয়ের নামে, দশমটি পড়েছিল শখনিয়ের নামে, ১২ একাদশতমটি পড়েছিল ইলীয়াশীবের নামে, দ্বাদশতমটি পড়েছিল যাকীমের নামে, ১৩ ত্রয়োদশতমটি পড়েছিল হুপ্পের নামে, চতুর্দশতমটি পড়েছিল যেশবাবের নামে, ১৪ পঞ্চদশতমটি পড়েছিল বিলগার নামে, ঘোড়শতমটি পড়েছিল ইম্মেরের নামে, ১৫ সপ্তদশতমটি

পড়েছিল হেষীরের নামে, অষ্টাদশতমটি পড়েছিল হপ্সিসেসের নামে, 16  
 উনবিংশতিতমটি পড়েছিল পথাহিয়ের নামে, বিংশতিতমটি পড়েছিল  
 যিহিক্ষেলের নামে, 17 একবিংশতিতমটি পড়েছিল যাখীনের নামে,  
 দ্বিবিংশতিতমটি পড়েছিল গামুলের নামে, 18 ত্রয়োবিংশতিতমটি  
 পড়েছিল দলায়ের নামে, এবং চতুর্বিংশতিতমটি পড়েছিল মাসিয়ের  
 নামে। 19 ইস্তায়েলের ঈশ্বর সদাপ্রভুর আদেশানুসারে তাদের পূর্বপুরুষ  
 হারোগ তাদের জন্য যে নিয়মকানুন ঠিক করে দিলেন, তার আধারে  
 যখন তারা সদাপ্রভুর মন্দিরে প্রবেশ করতেন তখন তারা পরিচর্যার  
 এই ক্রমই অনুসরণ করতেন। 20 লেবির অবশিষ্ট বংশধরদের কথা:  
 অ্বামের ছেলেদের মধ্যে থেকে: শব্দয়েল; শব্দয়েলের ছেলেদের  
 মধ্যে থেকে: যেহদিয়। 21 রহবিয়ের কথা, তাঁর ছেলেদের মধ্যে  
 থেকে: প্রথমজন যিশিয়। 22 যিঘ্রায়ীয়দের মধ্যে থেকে: শলোমীত;  
 শলোমীতের ছেলেদের মধ্যে থেকে: যহুৎ। 23 হির্বাণের ছেলেরা:  
 প্রথমজন যিরিয়, দ্বিতীয়জন অমরিয়, তৃতীয়জন যহুয়ীয়েল ও চতুর্থজন  
 যিকমিয়াম। 24 উষীয়েলের ছেলেরা: মীখা; মীখার ছেলেদের মধ্যে  
 থেকে: শামীর। 25 মীখার ভাই: যিশিয়; যিশিয়ের ছেলেদের মধ্যে  
 থেকে: সখরিয়। 26 মরারির ছেলেরা: মহলি ও মুশি। যাসিয়ের ছেলে:  
 বিনো। 27 মরারির ছেলেরা: যাসিয় থেকে উৎপন্ন: বিনো, শোহম,  
 শুক্র ও ইব্রি। 28 মহলি থেকে উৎপন্ন: ইলিয়াসর, যাঁর কোনও ছেলে  
 ছিল না। 29 কীশ থেকে উৎপন্ন: কীশের ছেলে: যিরহমেল। 30 মুশির  
 ছেলেরা: মহলি, এদের ও যিরেমোৎ। তাদের বংশানুসারে এরাই হলেন  
 সেই লেবীয়েরা। 31 তারাও তাদের আত্মিয়স্বজন তথা হারোণের  
 বংশধরদের মতো রাজা দাউদের এবং সাদোক, অহীমেলক এবং  
 যাজক ও লেবীয় বংশের কর্তাব্যক্তিদের উপস্থিতিতে গুটিকাপাত  
 করলেন। বড়ো ভাইয়ের হোক কি ছোটো ভাইয়ের, প্রত্যেক বংশের  
 প্রতিই সম-আচরণ করা হল।

**25** সৈন্যদলের কয়েকজন সেনাপতিকে সাথে নিয়ে দাউদ আসফ,  
 হেমন ও যিদুখুনের ছেলেদের মধ্যে কয়েকজনকে বীণা, খঞ্জনি ও  
 সুরবাহার নিয়ে ভাববাণীর পরিচর্যা করার জন্য আলাদা করে চিহ্নিত

করে দিলেন। এই হল সেইসব লোকের তালিকা, যারা এই পরিচর্যা  
সম্পন্ন করলেন: 2 আসফের ছেলেদের মধ্যে থেকে: সুকর, যোষেফ,  
নথনিয় ও অসারেল। আসফের ছেলেরা সেই আসফের তত্ত্বাবধানের  
অধীনে ছিলেন, যিনি মহারাজের তত্ত্বাবধানের অধীনে থেকে ভাববাণী  
করতেন। 3 যিদৃঢ়নের কথা, তাঁর ছেলেদের মধ্যে থেকে: গদলিয়, সরী,  
যিশায়াহ, শিমিয়, হশবিয় ও মত্তিথিয়, মোট এই ছ-জন, যারা তাদের  
বাবা সেই যিদৃঢ়নের তত্ত্বাবধানের অধীনে ছিলেন, যিনি সদাপ্রভুকে  
ধন্যবাদ জানানোর ও তাঁর প্রশংসা করার জন্য বীণা বাজিয়ে ভাববাণী  
বলতেন। 4 হেমনের কথা, তাঁর ছেলেদের মধ্যে থেকে: বুকিয়, মত্তনিয়,  
উয়ীয়েল, শবুয়েল, যিরীমোৎ, হনানিয়, হনানি, ইলীয়াথা, গিদলতি,  
রোমামতী-এষর, যশবকাশা, মল্লোথি, হোথীর ও মহসীয়োৎ। 5 (এরা  
সবাই রাজার দর্শক হেমনের ছেলে ছিলেন। তাঁকে উন্নত করার জন্যই  
ঐশ্বরিক প্রতিজ্ঞার মাধ্যমে তারা তাঁকে দণ্ড হল। ঈশ্বর হেমনকে  
চোদ্দোটি ছেলে ও তিনটি মেয়ে দিলেন।) 6 এইসব লোকজন ঈশ্বরের  
ভবনে পরিচর্যা করার জন্য তাদের বাবার তত্ত্বাবধানের অধীনে থেকে  
সুরবাহার, খঙ্গনি ও বীণা নিয়ে সদাপ্রভুর মন্দিরে গানবাজনা করতেন।  
আসফ, যিদৃঢ়ন ও হেমন মহারাজের তত্ত্বাবধানের অধীনে ছিলেন।  
7 তাদের সব আত্মিয়স্বজন সমেত—যারা সবাই সদাপ্রভুর উদ্দেশে  
গানবাজনায় প্রশিক্ষিত ও দক্ষ ছিলেন—তাদের সংখ্যা হল 288 জন।  
8 ছোটো-বড়ো, শিক্ষক-ছাত্র নির্বিশেষে সবাই তাদের দায়িত্ব সুনিশ্চিত  
করার জন্য গুটিকাপাতের দান চাললেন। 9 আসফের জন্য গুটিকার  
প্রথম দানটি পড়েছিল যোষেফের নামে, তাঁর ছেলে ও আত্মীয়দের  
সংখ্যা 12 জন। দ্বিতীয়টি পড়েছিল গদলিয়ের নামে, তাঁর এবং তাঁর  
আত্মীয় ও ছেলেদের সংখ্যা 12 জন; 10 তৃতীয়টি পড়েছিল সুকরের  
নামে, তাঁর ছেলে ও আত্মীয়দের সংখ্যা 12 জন; 11 চতুর্থটি পড়েছিল  
যিশ্বিয়ের নামে, তাঁর ছেলে ও আত্মীয়দের সংখ্যা 12 জন; 12 পঞ্চমটি  
পড়েছিল নথনিয়ের নামে, তাঁর ছেলে ও আত্মীয়দের সংখ্যা 12 জন;  
13 ষষ্ঠটি পড়েছিল বুকিয়ের নামে, তাঁর ছেলে ও আত্মীয়দের সংখ্যা 12  
জন; 14 সপ্তমটি পড়েছিল যিমারেলার নামে, তাঁর ছেলে ও আত্মীয়দের

সংখ্যা 12 জন; 15 অষ্টমটি পড়েছিল যিশয়াহের নামে, তাঁর ছেলে ও আত্মীয়দের সংখ্যা 12 জন; 16 নবমটি পড়েছিল মত্তনিয়ের নামে, তাঁর ছেলে ও আত্মীয়দের সংখ্যা 12 জন; 17 দশমটি পড়েছিল শিমিয়ির নামে, তাঁর ছেলে ও আত্মীয়দের সংখ্যা 12 জন; 18 একাদশতমটি পড়েছিল অসারেলের নামে, তাঁর ছেলে ও আত্মীয়দের সংখ্যা 12 জন; 19 দ্বাদশতমটি পড়েছিল হশবিয়ের নামে, তাঁর ছেলে ও আত্মীয়দের সংখ্যা 12 জন; 20 ত্রয়োদশতমটি পড়েছিল শবুয়েলের নামে, তাঁর ছেলে ও আত্মীয়দের সংখ্যা 12 জন; 21 চতুর্দশতমটি পড়েছিল মতিথিয়ের নামে, তাঁর ছেলে ও আত্মীয়দের সংখ্যা 12 জন; 22 পঞ্চদশতমটি পড়েছিল যিরেমোতের নামে, তাঁর ছেলে ও আত্মীয়দের সংখ্যা 12 জন; 23 ষোড়শতমটি পড়েছিল হনানিয়ের নামে, তাঁর ছেলে ও আত্মীয়দের সংখ্যা 12 জন; 24 সপ্তদশতমটি পড়েছিল যশবকাশার নামে, তাঁর ছেলে ও আত্মীয়দের সংখ্যা 12 জন; 25 অষ্টাদশতমটি পড়েছিল হনানির নামে, তাঁর ছেলে ও আত্মীয়দের সংখ্যা 12 জন; 26 উনবিংশতিতমটি পড়েছিল মল্লোথির নামে, তাঁর ছেলে ও আত্মীয়দের সংখ্যা 12 জন; 27 বিংশতিতমটি পড়েছিল ইলীয়াথার নামে, তাঁর ছেলে ও আত্মীয়দের সংখ্যা 12 জন; 28 একবিংশতিতমটি পড়েছিল হোথীরের নামে, তাঁর ছেলে ও আত্মীয়দের সংখ্যা 12 জন; 29 দ্বাবিংশতিতমটি পড়েছিল গিন্দলতির নামে, তাঁর ছেলে ও আত্মীয়দের সংখ্যা 12 জন; 30 ত্রয়োবিংশতিতমটি পড়েছিল মহসীয়োতের নামে, তাঁর ছেলে ও আত্মীয়দের সংখ্যা 12 জন; 31 চতুর্বিংশতিতমটি পড়েছিল রোমামতী-এষরের নামে, তাঁর ছেলে ও আত্মীয়দের সংখ্যা 12 জন।

**26** দ্বাররক্ষীদের বিভিন্ন বিভাগ: কোরাইয়দের মধ্যে থেকে: আসফের বংশোদ্ভূত কোরির ছেলে মশেলিমিয়। 2 মশেলিমিয়ের কয়েকটি ছেলে ছিল: বড়ো ছেলে সখরিয়, দ্বিতীয়জন যিদীয়েল, তৃতীয়জন সবদিয়, চতুর্থজন যৎনীয়েল, 3 পঞ্চমজন এলম, ষষ্ঠজন যিহোহানন এবং সপ্তমজন ইলিনেয়। 4 ওবেদ-ইদোমেরও কয়েকটি ছেলে ছিল: বড়ো ছেলে শমায়িয়, দ্বিতীয়জন যিহোষাবদ, তৃতীয়জন যোয়াহ, চতুর্থজন

সাথৰ, পঞ্চমজন নথনেল, ৫ ষষ্ঠজন অমীয়েল, সপ্তমজন ইয়াখৰ  
এবং অষ্টমজন পিয়ুল্লতয়। (কারণ ঈশ্বর ওবেদ-ইদোমকে আশীর্বাদ  
কৱলেন) ৬ ওবেদ-ইদোমের ছেলে শময়িয়েরও এমন কয়েকটি ছেলে  
ছিল, যারা তাদের পিতৃকুলে নেতা হলেন, যেহেতু তারা ছিলেন যথেষ্ট  
যোগ্যতাসম্পন্ন পুরুষ। ৭ শময়িয়ের ছেলেরা হলেন: অংনি, রফায়েল,  
ওবেদ ও ইলসাবদ; তাঁর আত্মীয়দের মধ্যে ইলীহু ও সমথিয়ও  
যোগ্যতাসম্পন্ন পুরুষ ছিলেন। ৮ এরা সবাই ওবেদ-ইদোমের বংশধর;  
তারা এবং তাদের ছেলে ও আত্মীয়রা সবাই কাজ করার ক্ষেত্রে যথেষ্ট  
শক্তিশালী ও যোগ্যতাসম্পন্ন পুরুষ ছিলেন—ওবেদ-ইদোমের বংশধর,  
মোট ৬২ জন। ৯ মশেলিমিয়ের কয়েকটি ছেলে ও আত্মীয় ছিল, যারা  
যোগ্যতাসম্পন্ন পুরুষ—মোট ১৮ জন। ১০ মরারীয় হোষার কয়েকটি  
ছেলে ছিল: প্রথমজন সিঞ্চি (যদিও তিনি বড়ো ছেলে ছিলেন না, তবুও  
তাঁর বাবা তাঁকেই প্রধান পদে নিযুক্ত কৱলেন), ১১ দ্বিতীয়জন হিঙ্গিয়,  
তৃতীয়জন টবলিয় এবং চতুর্থজন সখরিয়। হোষার ছেলে ও আত্মীয়দের  
সংখ্যা মোট ১৩ জন। ১২ দ্বাররক্ষীদের এই বিভাগগুলির কাজ ছিল  
তাদের নেতাদের মাধ্যমে সদাপ্রভুর মন্দিরে পরিচর্যা করে যাওয়া,  
ঠিক যেভাবে তাদের আত্মীয়রাও তা করতেন। ১৩ ছোটো-বড়ো  
নির্বিশেষে, তাদের বংশানুসারে প্রত্যেকটি দরজাতির জন্য গুটিকাপাত  
করা হল। ১৪ পূর্বদিকের দরজাতির জন্য গুটিকাপাতের দানটি পড়েছিল  
শেলিমিয়ের নামে। পরে তাঁর ছেলে তথা জ্ঞানী পরামর্শদাতা সখরিয়ের  
জন্য গুটিকাপাতের দান চালা হল, এবং উত্তর দিকের দরজাতির জন্য  
গুটিকাপাতের দানটি পড়েছিল তাঁর নামে। ১৫ দক্ষিণ দিকের দরজাতির  
জন্য গুটিকাপাতের দানটি পড়েছিল ওবেদ-ইদোমের নামে, এবং  
ভাঁড়ারঘরের জন্য গুটিকাপাতের দানটি পড়েছিল তাঁর ছেলেদের  
নামে। ১৬ পশ্চিমদিকের দরজাতির ও উপরের দিকে যাওয়ার রাস্তায়  
অবস্থিত শল্লেখৎ বলে পরিচিত দরজাতির জন্য গুটিকাপাতের দানগুলি  
পড়েছিল শুঁগীমের ও হোষার নামে। একজন পাহারাদারের পাশাপাশি  
আরেকজন পাহারাদার মোতায়েন করা হল: ১৭ পূর্বদিকে প্রতিদিন ছ-  
জন করে লেবীয় মোতায়েন থাকতেন, উত্তর দিকে প্রতিদিন চারজন

করে, দক্ষিণ দিকে প্রতিদিন চারজন করে এবং ভাঁড়ারঘরে দুই দুজন  
করে মোতায়েন থাকতেন। 18 পশ্চিমদিকের প্রাঙ্গণের ক্ষেত্রে, রাস্তার  
দিকে চারজন ও সেই প্রাঙ্গণটিতেই দুজন করে মোতায়েন থাকতেন।  
19 এই হল সেইসব দ্বাররক্ষীর বিভাগগুলির বিবরণ, যারা কোরহ  
ও মরারির বংশধর ছিলেন। 20 তাদের সহকর্মী লেবীয়েরা ঈশ্বরের  
ভবনের কোষাগারগুলি এবং উৎসর্গীকৃত জিনিসপত্র রাখার জন্য  
তৈরি কোষাগারগুলি দেখাশোনা করার দায়িত্ব পেয়েছিলেন। 21  
লাদনের বংশধরদের মধ্যে যারা লাদনের মাধ্যমে গের্শোনীয় পরিচয়  
পেয়েছিলেন এবং গের্শোনীয় লাদনের বংশের অন্তর্গত কর্তাব্যক্তি  
ছিলেন, তারা হলেন যিহীয়েলি, 22 যিহীয়েলির ছেলেরা হলেন, সেথম  
ও তাঁর ভাই যোয়েল। তাদের উপর সদাপ্রভুর মন্দিরের কোষাগারগুলি  
দেখাশোনা করার দায়িত্ব ছিল। 23 অম্রামীয়, যিষ্হুরীয়, হিরোগীয় ও  
উষ্যীয়েলীয়দের মধ্যে থেকে: 24 মোশির ছেলে গের্শোমের একজন  
বংশধর শব্বয়েল, কোষাগারগুলির দায়িত্বপ্রাপ্ত উচ্চপদস্থ এক কর্মচারী  
ছিলেন। 25 ইলীয়েষেরের মাধ্যমে যারা তাঁর আত্মীয়স্বজন হলেন, তারা  
হলেন: তাঁর ছেলে রহবিয়, তাঁর ছেলে যিশায়াহ, তাঁর ছেলে যোরাম,  
তাঁর ছেলে সিথি ও তাঁর ছেলে শলোমোৎ। 26 রাজা দাউদের, সহস্র-  
সেনাপতি ও শত-সেনাপতিকুপে নিযুক্ত বিভিন্ন বংশের কর্তাব্যক্তিদের  
এবং সৈন্যদলের অন্যান্য সেনাপতিদের দ্বারা উৎসর্গীকৃত জিনিসপত্র  
যেখানে রাখা হত, সেইসব কোষাগার দেখাশোনা করার দায়িত্ব তুলে  
দেওয়া হল শলোমোৎ ও তাঁর আত্মীয়দের হাতে। 27 যুদ্ধ করে  
পাওয়া লুটসামগ্রীর মধ্যে কিছু কিছু জিনিসপত্র তারা সদাপ্রভুর মন্দির  
মেরামতির জন্য উৎসর্গ করে দিলেন। 28 দর্শক শমুয়েলের এবং  
কীশের ছেলে শৌলের, নেরের ছেলে অবনেরের ও সরয়ার ছেলে  
যোয়াবের দ্বারা উৎসর্গীকৃত সবকিছু, ও উৎসর্গীকৃত অন্যান্য সব  
জিনিসপত্র শলোমোৎ ও তাঁর আত্মীয়দের তত্ত্বাবধানে রাখা হল। 29  
যিষ্হুরীয়দের মধ্যে থেকে: কননিয়কে ও তাঁর ছেলেদের ইস্রায়েলের  
উপর কর্মকর্তা ও বিচারকরূপে মন্দিরের কাজ বাদ দিয়ে অন্যান্য  
কাজগুলি করার দায়িত্ব দেওয়া হল। 30 হিরোগীয়দের মধ্যে থেকে:

হশবিয় ও তাঁর আত্মীয়রা—এক হাজার সাতশো যোগ্যতাসম্পন্ন পুরুষ—ইন্দ্রায়েল দেশে জর্ডন নদীর পশ্চিম পারে, সদাপ্রভুর সব কাজ করার ও রাজার সেবা করার দায়িত্ব পেয়েছিলেন। 31 হিরোণীয়দের ক্ষেত্রে, তাদের বৎসালিকা অনুসারে যিরিয়ই ছিলেন তাদের নেতা। দাউদের রাজত্বকালের চল্লিশতম বছরে বৎসালিকা ধরে এক অনুসন্ধান চালানো হল, এবং গিলিয়দের যাসেরে হিরোণীয়দের মধ্যে বেশ কয়েকজন যোগ্য পুরুষের খোঁজ পাওয়া গেল। 32 যিরিয়ের এমন দুই হাজার সাতশো আত্মীয়স্বজন ছিলেন, যারা যোগ্যতাসম্পন্ন পুরুষ ও বিভিন্ন বৎশের কর্তব্যক্রিয়া ছিলেন, এবং রাজা দাউদ ঈশ্বরসংক্রান্ত ও রাজকার্যের উপযোগী প্রত্যেকটি বিষয়ে রূবেণীয়দের, গাদীয়দের ও মনঃশির অর্দেক বৎশের উপরে তত্ত্বাবধায়করূপে তাদের নিযুক্ত করে দিলেন।

**27** এই হল সেই ইন্দ্রায়েলীদের তালিকা—যারা বিভিন্ন বৎশের কর্তব্যক্রিয়া, সহস্র-সেনাপতি ও শত-সেনাপতি, ও তাদের কর্মকর্তা হয়ে সারা বছর ধরে মাসের পর মাস সেনাবিভাগ-সংক্রান্ত বিষয়ে রাজার সেবা করে গেলেন। প্রত্যেক বিভাগে 24,000 জন লোক থাকত। 2 প্রথম মাসের জন্য প্রথম বিভাগের দায়িত্বে ছিলেন সন্দীয়েলের ছেলে যাশবিয়াম। তাঁর বিভাগে 24,000 জন লোক ছিল। 3 তিনি পেরসের এক বৎশধর ছিলেন এবং প্রথম মাসের জন্য সব সামরিক কর্মকর্তার প্রধান হলেন। 4 দ্বিতীয় মাসের জন্য সেই বিভাগের দায়িত্বে ছিলেন অহোহীয় দোদয়; তাঁর বিভাগের নেতা ছিলেন মিক্রোৎ। তাঁর বিভাগে 24,000 জন লোক ছিল। 5 তৃতীয় মাসের জন্য সৈন্যদলের তৃতীয় সেনাপতি হলেন যাজক যিহোয়াদার ছেলে বনায়। তিনিই প্রধান ছিলেন ও তাঁর বিভাগে 24,000 জন লোক ছিল। 6 তিনি সেই বনায়, যিনি সেই ত্রিশজনের মধ্যে একজন বলবান যোদ্ধা ছিলেন এবং সেই ত্রিশজনের নেতাও হলেন। তাঁর ছেলে অম্মীষাবাদ তাঁর বিভাগের নেতা ছিলেন। 7 চতুর্থ মাসের জন্য চতুর্থ সেনাপতি হলেন যোয়াবের ভাই অসাহেল; তাঁর ছেলে সবদিয় তাঁর উত্তরাধিকারী হলেন। তাঁর বিভাগে 24,000 জন লোক ছিল। 8 পঞ্চম মাসের জন্য

পঞ্চম সেনাপতি হলেন যিন্তাহীয় শমহৃৎ। তাঁর বিভাগে 24,000 জন লোক ছিল। ৬ ষষ্ঠ মাসের জন্য ষষ্ঠ (সেনাপতি) হলেন তকোয়ীয় ইকেশের ছেলে দৈরা। তাঁর বিভাগে 24,000 জন লোক ছিল। ১০ সপ্তম মাসের জন্য সপ্তম সেনাপতি হলেন পলোনীয় হেলস, যিনি যাতে একজন ইফ্রয়িমীয় ছিলেন। তাঁর বিভাগে 24,000 জন লোক ছিল। ১১ অষ্টম মাসের জন্য অষ্টম সেনাপতি হলেন হুশাতৌয় সিরবখয়, যিনি যাতে একজন সেরহীয় ছিলেন। তাঁর বিভাগে 24,000 জন লোক ছিল। ১২ নবম মাসের জন্য নবম সেনাপতি হলেন অনাথোতৌয় অবীয়েষর, যিনি যাতে একজন বিন্যামীনীয় ছিলেন। তাঁর বিভাগে 24,000 জন লোক ছিল। ১৩ দশম মাসের জন্য দশম সেনাপতি হলেন নটোফাতৌয় মহরয়, যিনি যাতে একজন সেরহীয় ছিলেন। তাঁর বিভাগে 24,000 জন লোক ছিল। ১৪ একাদশতম মাসের জন্য একাদশতম সেনাপতি হলেন পিরিয়াথোনীয় বনায়, যিনি যাতে একজন ইফ্রয়িমীয় ছিলেন। তাঁর বিভাগে 24,000 জন লোক ছিল। ১৫ দ্বাদশতম মাসের জন্য দ্বাদশতম সেনাপতি হলেন নটোফাতৌয় হিলদয়, যিনি অংনীয়েলের বংশোদ্ধৃক্ত ছিলেন। তাঁর বিভাগে 24,000 জন লোক ছিল। ১৬ ইস্রায়েলের গোষ্ঠীসম্প্রদায়গুলির নেতারা হলেন: রুবেণীয়দের উপরে: সিখির ছেলে ইলীয়েষর; শিমিয়োনীয়দের উপরে: মাখার ছেলে শফটিয়; ১৭ লেবির গোষ্ঠীর উপরে: কমুয়েলের ছেলে হশবিয়; হারোনের গোষ্ঠীর উপরে: সাদোক; ১৮ যিহুদা গোষ্ঠীর উপরে: দাউদের এক ভাই ইলীহু; ইয়াখর গোষ্ঠীর উপরে: মীখায়েলের ছেলে অগ্রি; ১৯ সবূলুন গোষ্ঠীর উপরে: ওবদিয়ের ছেলে যিশ্যায়য়; নঙ্গালি গোষ্ঠীর উপরে: অঙ্গীয়েলের ছেলে যিরোমোৎ; ২০ ইফ্রয়িমীয়দের উপরে: অসসিয়ের ছেলে হোশেয়; মনঃশির অর্ধেক গোষ্ঠীর উপরে: পদায়ের ছেলে যোয়েল; ২১ গিলিয়দে বসবাসকারী মনঃশির অর্ধেক গোষ্ঠীর উপর: সখরিয়ের ছেলে যিদ্দো; বিন্যামীন গোষ্ঠীর উপর: অবনেরের ছেলে যাসীয়েল; ২২ দান গোষ্ঠীর উপর: যিরোহমের ছেলে অসরেল। এরাই ইস্রায়েলের বিভিন্ন গোষ্ঠীসম্প্রদায়ের নেতা। ২৩ দাউদ, কুড়ি বছর বা তার কমবয়সি কোনও লোকের সংখ্যা গণনা করেননি, কারণ

সন্দাপ্তু ইস্রায়েলকে আকাশের তারার মতো বহুসংখ্যক করে দেবেন  
বলে প্রতিজ্ঞা করলেন। 24 সরঞ্জার ছেলে যোয়াব জনগণনা করতে শুরু  
করলেন কিন্তু তা শেষ করেননি। এই জনগণনার কারণে ইস্রায়েলের  
উপর সৈশ্বরের ক্ষেত্র নেমে এসেছিল, এবং সেই সংখ্যাটি রাজা দাউদের  
ইতিহাস-গ্রন্থে নথিভুক্ত হয়নি। 25 রাজকীয় ভাঁড়ারঘরগুলি দেখাশোনা  
করার দায়িত্ব দেওয়া হল অদীয়েলের ছেলে অসমাবৎকে। প্রত্যন্ত  
জেলা, নগর, গ্রাম ও নজর-মিনারগুলিতে অবস্থিত ভাঁড়ারঘরগুলি  
দেখাশোনা করার দায়িত্ব দেওয়া হল উষিয়ের ছেলে যোনাথনকে। 26  
দেশে যারা কৃষিকর্ম করত, তাদের দেখাশোনা করার দায়িত্ব দেওয়া হল  
কল্বের ছেলে ইস্রিকে। 27 দ্রাক্ষাক্ষেতগুলি দেখাশোনা করার দায়িত্ব  
দেওয়া হল রামাধীয় শিমিয়িকে। দ্রাক্ষাক্ষেতে উৎপন্ন দ্রাক্ষারসের  
ভাণ্ডারগুলি দেখাশোনা করার দায়িত্ব দেওয়া হল শিফমীয় সব্দিকে।  
28 পশ্চিমদিকের পর্বতমালার পাদদেশে অবস্থিত পাহাড়ি এলাকার  
জলপাই ও দেবদারু-ডুমুর গাছগুলি দেখাশোনা করার দায়িত্ব দেওয়া  
হল গদেরীয় বায়াল-হাননকে। জলপাই তেল জোগানোর দায়িত্ব  
দেওয়া হল যোয়াশকে। 29 শারোণে চরে বেড়ানো গরু-ছাগলের  
পালগুলি দেখাশোনা করার দায়িত্ব দেওয়া হল শারোণীয় সিট্রিয়কে।  
উপত্যকাগুলিতে গরু-ছাগলের যেসব পাল ছিল, সেগুলি দেখাশোনা  
করার দায়িত্ব দেওয়া হল অদলয়ের ছেলে শাফটকে। 30 উটগুলি  
দেখাশোনা করার দায়িত্ব দেওয়া হল ইশ্মায়েলীয় ওবীলকে। গাধাগুলি  
দেখাশোনা করার দায়িত্ব দেওয়া হল মেরোণোথীয় যেহদিয়কে।  
31 মেষের পালগুলি দেখাশোনা করার দায়িত্ব দেওয়া হল হাগরীয়  
যাসীষকে। এরা সবাই রাজা দাউদের সম্পত্তি দেখাশোনা করার  
দায়িত্বাঙ্গ কর্মকর্তা ছিলেন। 32 দাউদের কাকা যোনাথন ছিলেন  
এমন একজন পরামর্শদাতা, যিনি জ্ঞানবুদ্ধিতে পরিপূর্ণ একজন মানুষ  
ও একজন শান্ত্রিদণ্ড ছিলেন। হকমোনির ছেলে যিহীয়েল রাজার  
ছেলেদের যত্ন নিতেন। 33 অহীথোফল রাজার পরামর্শদাতা ছিলেন।  
অকীয় হৃশয় রাজার অন্তরঙ্গ বন্ধু ছিলেন। 34 অহীথোফলের স্ত্রীভিষিক্ত

হলেন অবিয়াথর ও বনায়ের ছেলে যিহোয়াদা। যোয়াব ছিলেন রাজকীয় সৈন্যদলের সেনাপতি।

**28** ইস্রায়েলের উচ্চপদস্থ সব কর্মচারীকে দাউদ জেরশালেমে সমবেত হওয়ার জন্য ডেকে পাঠালেন: বিভিন্ন গোষ্ঠীর দায়িত্বপ্রাপ্ত কর্মকর্তারা, রাজার সেবায় নিযুক্ত বিভিন্ন বিভাগের সেনাপতিরা, সহস্র-সেনাপতি ও শত-সেনাপতিরা, এবং রাজার ও তাঁর ছেলেদের অধিকারভুক্ত সম্পত্তি ও গৃহপালিত পশুপাল দেখাশোনা করার দায়িত্বপ্রাপ্ত কর্মকর্তারা, ও তাদের সাথে সাথে প্রাসাদের কর্মকর্তারা, সৈন্যরা ও বীর যোদ্ধারাও ডাক পেয়েছিলেন। 2 রাজা দাউদ নিজের পায়ে ভর দিয়ে উঠে দাঁড়িয়ে বললেন: “হে আমার সহকর্মী ইস্রায়েলীরা ও আমার প্রজারা, আমার কথা শোনো। মনে মনে আমি ঠিক করে রেখেছিলাম যে আমি সদাপ্রভুর নিয়ম-সিন্দুকের বিশ্রাম-স্থানৱৰ্ষে এমন একটি ভবন তৈরি করব, যা হবে আমাদের ঈশ্বরের পা রাখার স্থান, এবং সেটি তৈরি করার পরিকল্পনাও আমি করে রেখেছিলাম। 3 কিন্তু ঈশ্বর আমায় বললেন, ‘তুমি আমার নামের উদ্দেশে কোনও ভবন তৈরি করতে পারবে না, যেহেতু তুমি একজন যোদ্ধা ও তুমি রক্তপাতও করেছ।’ 4 “তবুও ইস্রায়েলের ঈশ্বর সদাপ্রভু চিরকালের জন্য ইস্রায়েলের উপর রাজা হওয়ার জন্য আমার সমগ্র পরিবারের মধ্যে থেকে আমাকেই মনোনীত করলেন। নেতৃত্বে তিনি যিহুদাকে মনোনীত করলেন, এবং যিহুদা গোষ্ঠী থেকে তিনি আমার পরিবারকে মনোনীত করলেন, ও আমার বাবার ছেলেদের মধ্যে থেকে আমাকেই তিনি খুশিমনে সমগ্র ইস্রায়েলের উপর রাজা করলেন। 5 আমার সব ছেলের মধ্যে থেকে—আর সদাপ্রভু তো আমাকে বেশ কয়েকটি ছেলে দিয়েছেন—ইস্রায়েলের উপর সদাপ্রভুর রাজ্যের সিংহাসনে বসার জন্য তিনি আমার ছেলে শলোমনকেই মনোনীত করেছেন। 6 তিনি আমাকে বললেন: ‘তোমার ছেলে শলোমনই সেই লোক, যে আমার ভবন ও প্রাঙ্গণ তৈরি করবে, কারণ আমার ছেলে হওয়ার জন্য আমি তাকে মনোনীত করেছি, এবং আমিই তার বাবা হব। 7 এখন যেমনটি হচ্ছে, ঠিক সেভাবেই যদি সে আমার আদেশ ও

বিধিবিধানগুলি পালন করার জন্য অবিচল থাকতে পারে, তবে চিরতরে  
আমি তার রাজ্য সুস্থির করে দেব।’ ৪ “তাই এখন সমগ্র ইন্দ্রায়েলের  
সাক্ষাতে ও সদাপ্রভুর জনতার সাক্ষাতে, এবং আমাদের ঈশ্বরের  
কর্ণগোচরে তোমাদের আমি আদেশ দিছি: তোমাদের ঈশ্বর সদাপ্রভুর  
সব আদেশ পালন করার জন্য তোমরা সতর্ক হও, যেন তোমরা  
এই সুন্দর দেশটির অধিকারী হতে পারো ও চিরকালের জন্য এটি  
তোমাদের বংশধরদের হাতে এক উত্তরাধিকারন্তপে তুলে দিতে  
পারো। ৫ “আর তুমি, বাছা শলোমন, তুমি তোমার বাবার ঈশ্বরকে  
স্মীকৃতি দিয়ো, এবং সর্বাঙ্গকরণে নিষ্ঠা সমেত ও ইচ্ছুক এক মন নিয়ে  
তাঁর সেবা কোরো, কারণ সদাপ্রভু প্রত্যেকটি অন্তর অনুসন্ধান করলেন  
ও প্রত্যেকটি বাসনা ও প্রত্যেকটি চিন্তাভাবনা বোবেন। তুমি যদি তাঁর  
অঙ্গে করো, তবে তাঁকে খুঁজে পাবেই; কিন্তু যদি তাঁকে ত্যাগ করো,  
তবে তিনি চিরতরে তোমাকে প্রত্যাখ্যান করবেন। ১০ এখন তবে  
বিবেচনা করো, কারণ উপাসনার পৌঠস্থানন্তপে একটি ভবন তৈরি  
করার উদ্দেশ্যে তিনি তোমাকেই মনোনীত করেছেন। তুমি বলবান  
হও ও সে কাজটি করো।” ১১ পরে দাউদ তাঁর ছেলে শলোমনকে  
মন্দিরের দ্বারমণ্ডপের, সেটির নির্মাণশৈলীর, ভাঁড়ারঘরগুলির, উপরের  
দিকের অংশগুলির, ভিতরদিকের ঘরগুলির ও প্রায়চিত্ত করার স্থানটির  
নকশা বুঝিয়ে দিলেন। ১২ সদাপ্রভুর মন্দির-সংলগ্ন প্রাঙ্গণের ও তার  
চারপাশের ঘরগুলির, ঈশ্বরের মন্দিরের কোষাগারগুলির ও উৎসর্গীকৃত  
জিনিসপত্র রাখার কোষাগারগুলির বিষয়ে ঈশ্বরের আত্মা দাউদের মনে  
যে যে নকশা ভরে দিলেন, সেগুলি তিনি শলোমনকে জানিয়ে দিলেন।  
১৩ যাজক ও লেবীয়দের বিভিন্ন বিভাগের, এবং সদাপ্রভুর মন্দিরের  
পরিচর্যামূলক সব কাজের, তথা সেই পরিচর্যাকাজে ব্যবহৃত হতে  
যাওয়া সব জিনিসপত্রের বিষয়েও তিনি শলোমনকে বেশ কিছু নির্দেশ  
দিলেন। ১৪ বিভিন্ন ধরনের পরিচর্যায় ব্যবহৃত হতে যাওয়া সোনার  
সব জিনিসপত্রের জন্য সোনার ওজন, ও বিভিন্ন ধরনের পরিচর্যায়  
ব্যবহৃত হতে যাওয়া রূপোর সব জিনিসপত্রের জন্য রূপোর ওজনও  
তিনি ঠিক করে দিলেন: ১৫ প্রত্যেকটি বাতিদানের ব্যবহার অনুসারে

সোনার বাতিদানগুলির ও সেগুলিতে থাকা বাতিগুলির জন্য নিরূপিত সোনার ওজন, এবং প্রত্যেকটি বাতিদানের ও সেগুলিতে থাকা বাতিগুলির ওজন; এবং প্রত্যেকটি রংপোর বাতিদানের ও সেগুলিতে থাকা বাতিগুলির জন্য নিরূপিত রংপোর ওজন; 16 উৎসর্গীকৃত দর্শন-রংটির প্রত্যেকটি টেবিলের জন্য নিরূপিত সোনার ওজন; রংপোর টেবিলগুলির জন্য নিরূপিত রংপোর ওজন; 17 কাঁটাচামচগুলির, যেসব বাটি দিয়ে জল ছিটানো হয়, সেগুলির ও ঘটিগুলির জন্য নিরূপিত খাঁটি সোনার ওজন; সোনার প্রত্যেকটি থালার জন্য নিরূপিত সোনার ওজন; রংপোর প্রত্যেকটি থালার জন্য নিরূপিত রংপোর ওজন; 18 এবং ধূপবেদির জন্য নিরূপিত পরিশ্রুত সোনার ওজন তিনি স্থির করে দিলেন। এছাড়াও তিনি শালোমনকে সেই রথের নকশাটিও দিলেন, অর্থাৎ, সোনার সেই করুব দুটির নকশা, যেগুলি পাখা মেলে সদাপ্রভুর নিয়ম-সিন্দুরকটিকে ঢেকে রাখত। 19 “এসবই,” দাউদ বললেন, “আমার উপর সদাপ্রভুর হাত বিস্তারিত থাকার পরিণামস্বরূপ আমি লিখে রাখতে পেরেছি, এবং সেই নকশার পুঞ্জানপুঞ্জ সব বিবরণ তিনি আমাকে বুঝতে সাহায্য করেছেন।” 20 এছাড়াও দাউদ তাঁর ছেলে শালোমনকে বললেন, “বলবান ও সাতসী হও, আর কাজটি করে ফেলো। ভয় পেয়ো না বা হতাশ হোয়ো না, কারণ, সদাপ্রভু ঈশ্বর, আমার ঈশ্বর তোমার সঙ্গে সঙ্গে আছেন। সদাপ্রভুর মন্দিরের পরিচর্যার সব কাজ যতক্ষণ না সম্পূর্ণ হচ্ছে, ততক্ষণ তিনি তোমাকে ছাড়বেন না বা ত্যাগও করবেন না। 21 ঈশ্বরের মন্দির সংক্রান্ত সব কাজ করার জন্য বিভিন্ন বিভাগের অন্তর্গত যাজক ও লেবীয়রা প্রস্তুত আছেন, এবং যে কোনো শিল্পকলা হোক না কেন, সেগুলিতে নিপুণ প্রত্যেক ইচ্ছুক ব্যক্তি সব কাজে তোমাকে সাহায্য করবে। কর্মকর্তারা ও সব লোকজন তোমার প্রত্যেকটি আদেশ পালন করবে।”

**29** পরে রাজা দাউদ সমগ্র জনসমাজকে বললেন: “যাকে ঈশ্বর মনোনীত করেছেন, আমার ছেলে সেই শালোমনের বয়স কম ও সে অনভিজ্ঞ ও বটে। কাজটি তো সুবিশাল, যেহেতু এই প্রাসাদোপম অট্টালিকাটি মানুষের জন্য নয়, কিন্তু সদাপ্রভু ঈশ্বরের জন্যই তৈরি

হচ্ছে। 2 আমার সব সম্বল দিয়ে আমি আমার ঈশ্বরের মন্দিরের জন্য  
জিনিসপত্রের ব্যবস্থা করেছি—সোনার কাজের জন্য সোনা, রংপোর  
কাজের জন্য রংপো, ব্রোঞ্জের কাজের জন্য ব্রোঞ্জ, লোহার কাজের  
জন্য লোহা ও কাঠের কাজের জন্য কাঠ, একইসাথে সাজসজ্জার জন্য  
স্ফটিকমণি, ফিরোজা, বিভিন্ন রংয়ের পাথর, ও সব ধরনের মসৃণ পাথর  
ও মার্বেল পাথর—এসবই আমি প্রচুর পরিমাণে জোগাড় করেছি। 3  
এর পাশাপাশি, আমি এই পুরিত্ব মন্দিরের জন্য এখনও পর্যন্ত যা যা  
দিয়েছি, সেগুলি ছাড়াও আমার ঈশ্বরের মন্দিরের প্রতি সমর্পণ দেখিয়ে  
আমি আমার ঈশ্বরের মন্দিরের জন্য এখন আমার ব্যক্তিগত সংগ্রহে  
থাকা সোনারংপোও দিয়ে দিচ্ছি। 4 ঘরের দেওয়ালগুলি মুড়ে দেওয়ার  
জন্য 3,000 তালন্ত সোনা (ওফীরের সোনা) ও 7,000 তালন্ত  
পরিশ্রুত রংপো, 5 সোনার কাজের জন্য সোনা ও রংপোর কাজের জন্য  
রংপো, এবং কারুশিল্পীদের দ্বারা সম্পন্ন সব কাজের জন্যই আমি  
এগুলি দিচ্ছি। এখন বলো দেখি, সদাপ্রভুর উদ্দেশে নিজেদের উৎসর্গ  
করার জন্য আজ কে কে ইচ্ছুক?” 6 তখন বিভিন্ন বংশের নেতারা,  
ইন্দ্রায়েলের বিভিন্ন গোষ্ঠীর কর্মকর্তারা, সহস্র-সেনাপতিরা ও শত-  
সেনাপতিরা, এবং রাজকার্যের দায়িত্বপ্রাপ্ত কর্মকর্তারা স্বেচ্ছাপূর্বক  
দান করলেন। 7 তারা ঈশ্বরের মন্দিরের কাজে 5,000 তালন্ত সোনা  
ও 10,000 অদর্কোন স্বর্ণমুদ্রা, 10,000 তালন্ত রংপো, 18,000  
তালন্ত ব্রোঞ্জ ও 1,00,000 তালন্ত লোহা দিলেন। 8 যার যার কাছে  
দামি মণিমুক্তে ছিল, তারা সেগুলি সদাপ্রভুর মন্দিরের কোষাগারে  
নিয়ে গিয়ে গের্শেনীয় যিহায়েলের হাতে তুলে দিয়েছিল। 9 প্রজারা  
তাদের নেতাদের স্বতঃস্ফূর্ত প্রতিক্রিয়া দেখে আনন্দ করল, কারণ  
তারা মুক্তহস্তে ও সর্বান্তকরণে সদাপ্রভুর উদ্দেশে দান দিলেন। রাজা  
দাউদও খুব খুশি হলেন। 10 দাউদ এই বলে সমগ্র জনসমাজের  
উপস্থিতিতে সদাপ্রভুর প্রশংসা করলেন, “তোমার প্রশংসা হোক, হে  
সদাপ্রভু, হে আমাদের পূর্বপুরুষ ইন্দ্রায়েলের ঈশ্বর, অনাদিকাল থেকে  
অনন্তকাল পর্যন্ত হোক। 11 হে সদাপ্রভু, মহাত্মা ও ক্ষমতা তোমারই  
আর প্রতাপ ও রাজসিকতা ও ঐশ্বর্যও তোমারই, কারণ স্বর্গে ও মর্ত্তে

সবকিছু তোমারই। হে সদাপ্রভু, রাজ্য তোমারই; সবকিছুর উপরে  
তুমই মন্তকরণে উন্নত। 12 ধনসম্পত্তি ও সম্মান তোমারই কাছ থেকে  
আসে; তুমই সবকিছুর শাসনকর্তা। সবাইকে উন্নত করার ও শক্তি  
জোগানোর জন্য শক্তি ও বল তোমারই হাতে আছে। 13 এখন, হে  
আমাদের ঈশ্বর, আমরা তোমায় ধন্যবাদ জানাই, ও তোমার মহিমাময়  
নামের প্রশংসা করি। 14 “কিন্তু আমি কে, আর আমার প্রজারাই বা কে,  
যে আমরা উদারতাপূর্বক এত কিছু দিতে পারব? সবকিছুই তোমারই  
কাছ থেকে আসে, এবং তোমার হাত ধরে যা এসেছে, আমরা তোমাকে  
শুধু সেটুকুই দিয়েছি। 15 আমাদের সব পূর্বপুরুষদের মতো আমরাও  
তোমার দৃষ্টিতে বিদেশি ও অচেনা অজানা লোক। পৃথিবীর বুকে  
আমাদের দিনগুলি এক ছায়ার মতো, যার কোনও আশাই নেই। 16  
হে আমাদের ঈশ্বর সদাপ্রভু, তোমার পবিত্র নামের জন্য এক মন্দির  
তৈরি করতে গিয়ে আমরা এই যেসব প্রচুর আয়োজন করেছি, এসবই  
তোমার হাত ধরেই এসেছে, এবং এসব তোমারই। 17 হে আমার  
ঈশ্বর, আমি জানি যে তুমি হৃদয়ের পরীক্ষা করো এবং সততা দেখে  
খুশি হও। এসব কিছু আমি স্বেচ্ছায় সৎ-উদ্দেশ্য নিয়েই দিয়েছি। আর  
এখন আমি আনন্দিত হয়ে দেখেছি, এখানে উপস্থিত তোমার প্রজারা  
কত খুশিমনে তোমাকে দান দিয়েছে। 18 হে সদাপ্রভু, আমাদের  
পূর্বপুরুষ অবাহাম, ইস্থাক ও ইত্রায়লের ঈশ্বর, তুমি চিরকাল তোমার  
প্রজাদের অন্তরে এইসব বাসনা ও ভাবনাচিন্তা বজায় রেখো, এবং  
তাদের অন্তরগুলি তোমার প্রতি অনুগত করে রোখো। 19 তোমার  
আদেশ, বিধিনিয়ম ও বিধানগুলি পালন করার এবং যে প্রাসাদোপম  
অট্টালিকাটি তৈরি করার জন্য আমি জিনিসপত্রের জোগান দিয়েছি,  
সেটি তৈরি করার সময় সবকিছু ঠিকঠাকভাবে করার জন্য আমার  
ছেলে শলোমনকে তুমি আন্তরিক নিষ্ঠা দিয়ো।” 20 পরে দাউদ সমগ্র  
জনসমাজকে বললেন, “তোমাদের ঈশ্বর সদাপ্রভুর প্রশংসা করো।”  
তখন তারা সবাই তাদের পূর্বপুরুষদের ঈশ্বর সদাপ্রভুর প্রশংসা করল;  
তারা নতজানু হল, সদাপ্রভুর ও রাজার সামনে তারা মাটিতে উবুড়  
হয়ে পড়েছিল। 21 ঠিক পরের দিন তারা সদাপ্রভুর উদ্দেশে বলিদান

উৎসর্গ করল এবং তাঁর কাছে এই হোমবলিগুলি নিয়ে এসেছিল: 1,000 বলদ, 1,000 মদ্দা মেষ ও মেষের 1,000 মদ্দা শাবক, একইসাথে তারা তাদের পেয়-নৈবেদ্য, ও অজস্র পরিমাণে অন্যান্য সব বলি সমষ্ট ইস্রায়েলের জন্য নিয়ে এসেছিল। 22 সেদিন তারা মহানন্দে সদাপ্রভুর উপস্থিতিতে ভোজনপান করল। পরে তারা শাসনকর্তা হওয়ার জন্য দাউদের ছেলে শলোমনকে সদাপ্রভুর সামনে অভিষিক্ত করে দ্বিতীয়বার রাজারপে ও যাজক হওয়ার জন্য সাদোককেও স্বীকৃতি দিয়েছিল। 23 অতএব শলোমন তাঁর বাবা দাউদের স্তলাভিষিক্ত হয়ে রাজারপে সদাপ্রভুর সিংহাসনে বসেছিলেন। তিনি সম্মিলিত করলেন ও ইস্রায়েলীরা সবাই তাঁর বাধ্য হল। 24 কর্মকর্তা ও যোদ্ধারা সবাই, একইসাথে রাজা দাউদের ছেলেরা সবাই রাজা শলোমনের প্রতি তাদের আনুগত্য দেখিয়েছিলেন। 25 সমগ্র ইস্রায়েলের দৃষ্টিতে সদাপ্রভু শলোমনকে অত্যন্ত উন্নত করলেন এবং তাঁকে এমন রাজকীয় ঐশ্বর্য দান করলেন, যা ইস্রায়েলের কোনও রাজা কখনও পাননি। 26 যিশয়ের ছেলে দাউদ সমগ্র ইস্রায়েলের উপর রাজত্ব করলেন। 27 তিনি চালিশ বছর ধরে ইস্রায়েলে শাসন চালিয়েছিলেন—সাত বছর হিরোগে ও তেত্রিশ বছর জেরুশালেমে। 28 দীর্ঘায়, ধনসম্পত্তি ও সম্মান উপভোগ করার পর তিনি যথেষ্ট বৃদ্ধ বয়সে মারা গেলেন। তাঁর ছেলে শলোমন রাজারপে তাঁর স্তলাভিষিক্ত হলেন। 29 শুরু থেকে শেষ পর্যন্ত, রাজা দাউদের রাজত্বকালের যাবতীয় ঘটনা দর্শক শমুয়েলের, ভাববাদী নাথনের ও দর্শক গাদের লেখা নথিগুলিতে লিপিবদ্ধ হয়ে আছে, 30 একইসাথে তাঁর রাজত্বের ও ক্ষমতার, এবং তাঁকে ও ইস্রায়েলকে তথা অন্যান্য সব দেশের রাজ্যগুলি ঘিরে যেসব পরিস্থিতি আবর্তিত হল, সেগুলিরও পুর্খানুপুর্জ্ঞ বিবরণ সেগুলিতে লিপিবদ্ধ হয়ে আছে।

## বংশাবলির দ্বিতীয় খণ্ড

১ দাউদের ছেলে শলোমন তাঁর রাজ্যের উপর নিজেকে সুপ্রতিষ্ঠিত করলেন, কারণ তাঁর ঈশ্বর সদাপ্রভু তাঁর সাথেই ছিলেন ও তিনি তাঁকে খুব উন্নত করলেন। ২ পরে শলোমন সমস্ত ইস্রায়েলের সাথে—সহস্র-সেনাপতিদের ও শত-সেনাপতিদের, বিচারকদের এবং ইস্রায়েলের সব নেতার, অর্ধাৎ বিভিন্ন বংশের কর্তব্যক্রিদের—সাথে কথা বললেন ৩ এবং শলোমন ও সমগ্র জনসমাজ গিবিয়োনের উচ্চ স্থানটিতে গেলেন, কারণ ঈশ্বরের সেই সমাগম তাঁবুটি সেখানেই ছিল, যেটি সদাপ্রভুর দাস মোশি মরপ্রাপ্তরে তৈরি করলেন। ৪ ইত্যবসরে দাউদ কিরিয়ৎ-যিয়ারীম থেকে ঈশ্বরের তাঁবুটি সেখানেই নিয়ে এলেন, যে স্থানটি তিনি সেটি রাখার জন্য তৈরি করলেন, কারণ জেরশালেমেই তিনি সেটি রাখার জন্য একটি তাঁবু খাটিয়েছিলেন। ৫ কিন্তু হুরের নাতি তথা উরির ছেলে বৎসলেলের তৈরি করা ব্রোঞ্জের সেই বেদিটি গিবিয়োনে সদাপ্রভুর সমাগম তাঁবুর সামনেই রাখা ছিল; তাই শলোমন ও সেই জনসমাজ সেখানেই তাঁর কাছে খোঁজখবর নিয়েছিলেন। ৬ শলোমন সমাগম তাঁবুতে সদাপ্রভুর সামনে রাখা ব্রোঞ্জের বেদির কাছে গেলেন ও সেটির উপর এক হাজার হোমবলি উৎসর্গ করলেন। ৭ সেরাতে ঈশ্বর শলোমনের কাছে আবির্ভূত হয়ে বললেন, “তোমার যা ইচ্ছা হয়, আমার কাছে তাই চেয়ে নাও।” ৮ শলোমন ঈশ্বরকে উত্তর দিলেন, “আমার বাবা দাউদের প্রতি তুমি যথেষ্ট দয়া দেখিয়েছ এবং তাঁর স্থানে তুমি আমাকেই রাজা করেছ। ৯ এখন, হে ঈশ্বর সদাপ্রভু, আমার বাবা দাউদের কাছে করা তোমার প্রতিজ্ঞাটি সুনিশ্চিত করো, কারণ তুমি আমাকে এমন এক জাতির উপরে রাজা করেছ, যারা সংখ্যায় পৃথিবীর ধূলিকণার মতো অসংখ্য। ১০ আমাকে তুমি এমন প্রজ্ঞা ও জ্ঞান দাও, যেন আমি এইসব লোককে পরিচালনা করতে পারি, কারণ কে-ই বা তোমার এই বিশাল প্রজাপালকে নিয়ন্ত্রণ করতে সক্ষম?” ১১ ঈশ্বর শলোমনকে বললেন, “যেহেতু এই তোমার অন্তরের বাসনা ও তুমি ধনসম্পদ, অধিকার বা সম্মান চাওনি, না তুমি তোমার শক্তিদের মৃত্যু কামনা করেছ, এবং যেহেতু তুমি দীর্ঘায় না চেয়ে যাদের

উপর আমি তোমাকে রাজা করেছি, আমার সেই প্রজাদের নিয়ন্ত্রণ  
করার জন্য প্রজ্ঞা ও জ্ঞান চেয়েছ, 12 তাই তোমাকে প্রজ্ঞা ও জ্ঞান  
দেওয়া হবে। এছাড়াও আমি তোমাকে এমন ধনসম্পদ, অধিকার ও  
সম্মান দেব, যেমনটি না তোমার আগে রাজত্ব করে যাওয়া কোনও  
রাজা পেয়েছে বা তোমার পরে আসতে চলেছে, এমন কোনও রাজা  
কখনও পাবে।” 13 পরে শলোমন গিবিয়োনের সেই উঁচু স্থানটি ছেড়ে,  
সমাগম তাঁবুর সামনে থেকে জেরশালেমে ফিরে গেলেন। আর তিনি  
ইস্রায়েলের উপর রাজত্ব করে যেতে লাগলেন। 14 শলোমন প্রচুর রথ  
ও ঘোড়া একত্রিত করলেন; তাঁর কাছে এক হাজার চারশো রথ ও  
12,000 ঘোড়া ছিল, যা তিনি বিভিন্ন রথ-নগরীতে রেখেছিলেন এবং  
কয়েকটিকে তিনি নিজের কাছে জেরশালেমেও রেখেছিলেন। 15  
জেরশালেমে রাজা, রংপো ও সোনাকে পাথরের মতো সাধারণ স্তরে  
নামিয়ে এনেছিলেন, এবং দেবদার কাঠকে পর্বতমালার পাদদেশে  
উৎপন্ন ডুমুর গাছের মতো পর্যাপ্ত করে তুলেছিলেন। 16 শলোমনের  
ঘোড়াগুলি আমদানি করা হত মিশর ও কুই থেকে—রাজকীয় বণিকেরা  
বাজার দরে সেগুলি কুই থেকে কিনে আনত। 17 তারা মিশর থেকে  
এক-একটি রথ আমদানি করত ছয়শো শেকল রংপো দিয়ে, এবং  
এক-একটি ঘোড়া আমদানি করত একশো 50 শেকলে। এছাড়াও  
হিতীয় ও অরামীয় সব রাজার কাছে তারা সেগুলি রঞ্জনি করত।

**২** শলোমন সদাপ্রভুর নামের উদ্দেশে একটি মন্দির এবং নিজের জন্য  
একটি রাজপ্রাসাদ তৈরি করার আদেশ দিলেন। 2 70,000 জনকে  
ভারবহন করার ও 80,000 জনকে পাহাড়ে পাথর কাটার ও 3,600  
জনকে তাদের উপর সর্দার-শ্রমিকরূপে তিনি বাধ্যতামূলকভাবে কাজে  
লাগলেন। 3 সোরের রাজা হীরমের কাছে শলোমন এই খবর দিয়ে  
পাঠালেন: “আমার বাবা দাউদের থাকার জন্য এক প্রাসাদ তৈরি করার  
লক্ষ্যে যেভাবে আপনি তাঁর কাছে দেবদার কাঠ পাঠালেন, সেভাবে  
আমার কাছেও আপনি কিছু দেবদার কাঠের গুঁড়ি পাঠিয়ে দিন। 4  
আমি এখন আমার ঈশ্বর সদাপ্রভুর নামের উদ্দেশে একটি মন্দির  
তৈরি করে তাঁর সামনে সুগন্ধি ধূপ ঘোড়ানোর জন্য, নিয়মিতভাবে

উৎসর্গীকৃত রূপটি সাজিয়ে রাখার জন্য, এবং প্রতিদিন সকাল-সন্ধ্যায়  
ও সাবাথবারে, অমাবস্যায় ও আমাদের ঈশ্বর সদাপ্রভুর স্তুর করে  
দেওয়া উৎসবের দিনগুলিতে হোমবলি উৎসর্গ করার জন্য সেটি তাঁর  
কাছে উৎসর্গ করতে চলেছি। এটি ইস্রায়েলের জন্য চিরস্থায়ী পালনীয়  
এক নিয়ম। ৫ “যে মন্দিরটি আমি তৈরি করতে চলেছি, সেটি হবে  
অসামান্য, কারণ আমাদের ঈশ্বর অন্য সব দেবতার তুলনায় মহান। ৬  
কিন্তু তাঁর জন্য এক মন্দির নির্মাণ করতে কে-ই বা সক্ষম, যেহেতু  
আকাশমণ্ডল, এমনকি স্বর্গের স্বর্গও যে তাঁকে ধারণ করতে অপারক?  
তবে শুধু তাঁর সামনে বলিকৃত উপহারগুলি জ্বালানোর উপযোগী  
এক স্থান তৈরি করা ছাড়া আমি কি তাঁর জন্য এক মন্দির নির্মাণ  
করতে পারব? ৭ “অতএব আমার কাছে এমন একজন কারিগর  
পাঠিয়ে দিন যে সোনার ও রংপোর, ব্রোঞ্জের ও লোহার, এবং বেগুনি,  
রক্তলাল ও নীল সুতোর কাজে দক্ষ, এবং সে যেন খোদাই করার  
কাজেও অভিজ্ঞ হয়, এবং যিন্দু ও জেরক্ষালেমে আমার সেইসব দক্ষ  
কারিগরের সাথে মিলেমিশে সে যেন কাজ করতে পারে, যাদের আমার  
বাবা দাউদ জোগাড় করে রেখেছিলেন। ৮ “এছাড়াও আমার কাছে  
লেবানন থেকে দেবদার, চিরহরিৎ গাছের ও আলগুম কাঠের গুঁড়িও  
পাঠিয়ে দিন, কারণ আমি জানি যে আপনার দাসেরা সেখানে কাঠ  
কাটার কাজে বেশ দক্ষ। আমার দাসেরাও আপনার দাসেদের সাথে  
মিলেমিশে ৯ প্রচুর পরিমাণ তক্তা জোগানোর জন্য কাজ করবে, কারণ  
যে মন্দিরটি আমি তৈরি করছি, সেটি হবে বিশাল বড়ো ও দর্শনীয়। ১০  
আমি আপনার দাসেদের, যারা কাঠ কাটবে, সেইসব কাঠুরিয়াকে  
২০,০০০ কোর পেষাই করা গম, ২০,০০০ কোর যব, ২০,০০০ বাং  
দ্রাক্ষারস ও ২০,০০০ বাং জলপাই তেল দেব।” ১১ সোরের রাজা  
হীরম শলোমনের কাছে চিঠি পাঠিয়ে এর উত্তর দিলেন: “সদাপ্রভু  
যেহেতু তাঁর প্রজাদের ভালোবাসেন, তাই তিনি আপনাকে তাদের  
রাজা করেছেন।” ১২ হীরম সাথে আরও বললেন: “ইস্রায়েলের সদাপ্রভু  
সেই ঈশ্বরের প্রশংসা হোক, যিনি স্বর্গ ও মর্ত্য তৈরি করেছেন! তিনি  
রাজা দাউদকে এমন এক বিচক্ষণ ছেলে দিয়েছেন, যিনি বুদ্ধিমত্তা ও

দূর্দৃষ্টিতে পরিপূর্ণ, এবং তিনিই সদাপ্রভুর জন্য এক মন্দির ও নিজের জন্য এক প্রাসাদ তৈরি করবেন। 13 “আমি আপনার কাছে সেই হৃষি-আবিকে পাঠাচ্ছি, যে যথেষ্ট দক্ষ এক লোক, 14 যার মায়ের বাড়ি দানে ও বাবার বাড়ি সোরে। সে সোনা ও রংপোর, ব্রোঞ্জ ও লোহার, পাথর ও কাঠের, এবং বেগুনি, নীল ও রক্তলাল সুতোর এবং মিহি মসিনার কাজে প্রশিক্ষণ পেয়েছে। সব ধরনের খোদাইয়ের কাজে সে অভিজ্ঞ এবং তাকে দেওয়া যে কোনো নকশা সে নিখুঁতভাবে ফুটিয়ে তুলতে পারে। সে আপনার দক্ষ কারিগরদের ও আপনার বাবা, আমার প্রভু দাউদের দক্ষ কারিগরদের সাথেও কাজ করবে। 15 “এখন আপনার করা প্রতিজ্ঞানুসারেই হে আমার প্রভু, আপনি আপনার দাসদের কাছে গম ও যব এবং জলপাই তেল ও দ্রাক্ষারস পাঠিয়ে দিন, 16 এবং আমরাও আপনার চাহিদানুসারে লেবানন থেকে কাঠের গুঁড়িগুলি কেটে সমুদ্রপথে সেসব ভেলায় করে ভাসিয়ে জোপ্পা পর্যন্ত পৌঁছে দেব। পরে আপনি সেগুলি জেরশালেমে উঠিয়ে নিয়ে যেতে পারবেন।” 17 শলোমনের বাবা দাউদ জনগণনা করানোর পর আরও একবার শলোমন ইস্রায়েলে বসবাসকারী সব বিদেশি লোকের জনগণনা করিয়েছিলেন; এবং তাদের সংখ্যা হল 1,53,600 জন। 18 তাদের মধ্যে 70,000 জনকে তিনি ভারবহন করার ও 80,000 জনকে পাহাড়ে পাথর কাটার কাজে, তথা 3,600 জনকে তাদের উপর সর্দার-শ্রমিকরূপে নিযুক্ত করে দিলেন, যেন তারা লোকদের দিয়ে ঠিকঠাক কাজ করাতে পারে।

**৩** পরে শলোমন জেরশালেমে সেই মোরিয়া পর্বতের উপর মন্দির নির্মাণ করতে শুরু করলেন, যেখানে সদাপ্রভু তাঁর বাবা দাউদের কাছে আবির্ভূত হয়েছিলেন। যিবূষীয় অরোগার সেই খামারের উপরেই সেটি অবস্থিত ছিল, যে স্থানটি দাউদ জোগাড় করেছিলেন। 2 শলোমনের রাজত্বের চতুর্থ বছরের দ্বিতীয় মাসের দ্বিতীয় দিনে তিনি সেই নির্মাণকাজটি শুরু করলেন। 3 ঈশ্বরের মন্দিরটি তৈরি করতে গিয়ে শলোমন যে ভীত গেঁথেছিলেন, তার মাপ হল সাতাশ মিটার লম্বা ও নয় মিটার চওড়া (পুরোনো দিনের হাতের মাপ অনুসারে)। 4

মন্দিরের সামনের দিকের বারান্দাটি ভবনের প্রস্থানুসারে নয় মিটার  
করে লম্বা ও উঁচু হল। ভিতরের দিকটি তিনি খাঁটি সোনা দিয়ে মুড়ে  
দিলেন। ৫ প্রধান বড়ো ঘরটিতে তিনি চিরহরিৎ গাছ থেকে উৎপন্ন  
কাঠের তক্ষা বসিয়েছিলেন এবং খাঁটি সোনা দিয়ে মুড়ে দিলেন ও  
সেটি খেজুর গাছের ও শিকলের নকশা দিয়ে সাজিয়ে তুলেছিলেন। ৬  
মন্দিরটি তিনি দামি মণিমুক্তো দিয়েও সাজিয়ে তুলেছিলেন। আর যে  
সোনা তিনি সেখানে ব্যবহার করলেন, তা হল পর্বয়িম দেশের সোনা।  
৭ মন্দিরের ছাদের কড়িকাঠ, দরজার চৌকাঠ, দেয়াল ও দরজাগুলি  
তিনি সোনা দিয়ে মুড়ে দিলেন, এবং দেয়ালের উপরে তিনি করবের  
নকশা ফুটিয়ে তুলেছিলেন। ৮ তিনি মহাপবিত্র স্থানটিও তৈরি করলেন,  
এবং মন্দিরের প্রস্থানুসারে সেটির দৈর্ঘ্য হল—নয় মিটার করে লম্বা ও  
চওড়া। ভিতরের দিকটি তিনি ছয়শো তালস্ত খাঁটি সোনা দিয়ে মুড়ে  
দিলেন। ৯ সোনার পেরেকগুলির মোট ওজন হল পঞ্চাশ শেকল।  
উপর দিকের ঘরগুলিও তিনি সোনা দিয়ে মুড়ে দিলেন। ১০ মহাপবিত্র  
স্থানের জন্য তিনি করবাকৃতি এক জোড়া ভাক্ষর্যমূর্তি তৈরি করে  
সেগুলি সোনা দিয়ে মুড়ে দিলেন। ১১ করব দুটির ডানার মোট দৈর্ঘ্য  
হল নয় মিটার। প্রথম করবটির একটি ডানা ছিল ২.৩ মিটার লম্বা  
এবং সেটি মন্দিরের দেয়াল ছুঁয়েছিল, আবার সেটির অন্য ডানাটি ও  
ছিল ২.৩ মিটার লম্বা, ও সেই ডানাটি অন্য একটি করবের ডানা  
ছুঁয়েছিল। ১২ তেমনি আবার দ্বিতীয় করবটির একটি ডানা ছিল ২.৩  
মিটার লম্বা ও সেটি মন্দিরের অন্য দেয়ালটি ছুঁয়েছিল, এবং সেটির  
অন্য ডানাটি ও ছিল ২.৩ মিটার লম্বা, ও সেই ডানাটি প্রথম করবটির  
ডানা ছুঁয়েছিল। ১৩ এই করব দুটির ডানাগুলি নয় মিটার ছড়ানো  
ছিল। সেগুলি নিজেদের পায়ে ভর দিয়ে দাঁড়িয়েছিল, ও প্রধান বড়ো  
ঘরটির দিকে মুখ করেই দাঁড়িয়েছিল। ১৪ নীল, বেগুনি ও টকটকে  
লালা সুতো ও মিহি মসিনা দিয়ে তিনি একটি পর্দা তৈরি করলেন এবং  
সেই পর্দায় করবের নকশা ফুটিয়ে তুললেন। ১৫ মন্দিরের সামনের  
দিকের জন্য তিনি এমন দৃটি স্তুতি তৈরি করলেন, একসাথে যেগুলির  
দৈর্ঘ্য হল ঘোলো মিটার, এবং প্রত্যেকটিতে ২.৩ মিটার করে উঁচু এক-

একটি স্তন্ধীর্ষ ছিল। 16 তিনি একসাথে গাঁথা শেকল তৈরি করে সেগুলি স্তন্ধগুলির মাথায় পরিয়ে দিলেন। এছাড়াও তিনি একশোটি ডালিম তৈরি করে, সেগুলি শিকলের সাথে জুড়ে দিলেন। 17 মন্দিরের সামনের দিকে তিনি দুটি স্তন্ধ বসিয়ে দিলেন, একটি দক্ষিণ দিকে এবং অন্য একটি উত্তর দিকে। দক্ষিণ দিকের স্তন্ধটির নাম তিনি দিলেন যাখীন ও উত্তর দিকের স্তন্ধটির নাম দিলেন বোয়স।

4 তিনি প্রায় 9 মিটার করে লম্বা ও চওড়া ও প্রায় 4.6 মিটার উঁচু ব্রোঞ্জের একটি বেদি তৈরি করলেন। 2 ধাতু ছাঁচে ঢেলে তিনি গোলাকার এমন এক সমুদ্রপাত্র তৈরি করলেন, যা মাপে এক কিনারা থেকে অন্য কিনারা পর্যন্ত দৈর্ঘ্যে হল প্রায় 4.6 মিটার ও উচ্চতায় হল প্রায় 2.3 মিটার। সেটি ঘিরে মাপা হলে, তা প্রায় 13.8 মিটার হল। 3 ঘেরের নিচের দিক ঘিরে প্রায় 45 সেন্টিমিটার এক হাতের দশ ভাগের এক ভাগ মাপের কয়েকটি বলদের আকৃতি ঢালাই করে দেওয়া হল। সমুদ্রপাত্রের সাথেই বলদগুলি একটি করে দুই দুই সারিতে ঢালাই করে দেওয়া হল। 4 সমুদ্রপাত্রটি বারোটি বলদের উপর দাঁড় করানো ছিল। সেগুলির মধ্যে তিনটি উত্তর দিকে, তিনটি পশ্চিমদিকে, তিনটি দক্ষিণ দিকে ও তিনটি পূর্বদিকে মুখ করে ছিল। সমুদ্রপাত্রটি সেগুলির উপরেই ভর দিয়েছিল, এবং সেগুলির শরীরের পিছনের অংশগুলি কেন্দ্রস্থলের দিকে রাখা ছিল। 5 সমুদ্রপাত্রটি প্রায় 75 সেন্টিমিটার পুরু ছিল, ও সেটির পরিধি ছিল একটি পেয়ালার পরিধির মতো, বা একটি লিলিফুলের মতো। সেটিতে 3,000 বাত জল রাখা যেত। 6 পরে তিনি ধোয়াধুয়ি করার জন্য দশটি গামলা তৈরি করলেন এবং পাঁচটি দক্ষিণ দিকে ও পাঁচটি উত্তর দিকে রেখে দিলেন। হোমবলির জন্য ব্যবহারযোগ্য জিনিসপত্র সেগুলির মধ্যে রেখে ধোয়া হত, কিন্তু সমুদ্রপাত্রটি যাজকই ধোয়াধুয়ি করার জন্য ব্যবহার করতেন। 7 যেমনভাবে তৈরি করতে বলা হল, ঠিক সেভাবেই তিনি সোনার দশটি বাতিদান তৈরি করলেন এবং সেগুলি মন্দিরে রেখে দিলেন—পাঁচটি দক্ষিণ দিকে ও পাঁচটি উত্তর দিকে। 8 তিনি দশটি টেবিল তৈরি করলেন এবং সেগুলি মন্দিরে রেখে দিলেন—পাঁচটি

দক্ষিণ দিকে ও পাঁচটি উত্তর দিকে। এছাড়াও তিনি জল ছিটানোর কাজে ব্যবহারযোগ্য একশোটি সোনার বাটি ও তৈরি করলেন। 9 তিনি যাজকদের জন্য একটি উঠোন, এবং বিশাল আর একটি উঠোন ও সেখানকার কয়েকটি দরজা তৈরি করলেন, ও দরজাগুলি ব্রোঞ্জ দিয়ে মুড়ে দিলেন। 10 সমুদ্রপাত্রিকে তিনি দক্ষিণ দিকে, একেবারে দক্ষিণ-পূর্ব কোনায় নিয়ে গিয়ে রেখেছিলেন। 11 এছাড়া হূরমও আরও কয়েকটি পাত্র, বেলচা ও জল ছিটানোর বাটি ও তৈরি করল। অতএব ইশ্বরের মন্দিরে রাজা শলোমনের জন্য হূরম যা যা করার দায়িত্ব নিয়েছিল, সেগুলি সে সম্পূর্ণ করল: 12 দুটি স্তম্ভ; স্তম্ভের উপরে বসানোর জন্য গামলার আকারবিশিষ্ট দুটি স্তম্ভশীর্ষ; স্তম্ভের উপরে বসানো গামলার আকারবিশিষ্ট দুটি স্তম্ভশীর্ষ সাজিয়ে তোলার জন্য দুই সারি পরম্পরাচেদী জাল; 13 দুই সারি পরম্পরাচেদী জালের জন্য 400 ডালিম (স্তম্ভগুলির উপরে বসানো গামলার আকারবিশিষ্ট স্তম্ভশীর্ষ সাজিয়ে তোলার কাজে ব্যবহৃত প্রত্যেকটি পরম্পরাচেদী জালের জন্য দুই সারি করে ডালিম); 14 কয়েকটি তাক ও ধোয়াধুয়ি করার জন্য তাকের সাথে লেগে থাকা কয়েকটি গামলা; 15 সমুদ্রপাত্র ও সেটির নিচে থাকা বারোটি বলদ; 16 কয়েকটি হাঁড়ি, বেলচা, মাংস তোলার কাঁটাচামচ ও আনুষঙ্গিক বাকি সব জিনিসপত্র। সদাপ্রভুর মন্দিরের জন্য রাজা শলোমনের হয়ে হূরম-আবি যেসব সামগ্রী তৈরি করল, সেসবই তৈরি হল পালিশ করা ব্রোঞ্জ দিয়ে। 17 জর্ডন-সমভূমিতে সুক্রোৎ ও সর্তনের মাঝামাঝি এক স্থানে মাটির ছাঁচে করে রাজা সেগুলি ঢালাই করিয়েছিলেন। 18 শলোমন এই যেসব জিনিসপত্র তৈরি করলেন, সেগুলি পরিমাণে এত বেশি হল যে ব্রোঞ্জের ওজন হিসেব করে রাখা যায়নি। 19 এছাড়াও শলোমন সেইসব আসবাবপত্রাদি তৈরি করলেন, যেগুলি ইশ্বরের মন্দিরে রাখা হল: সোনার যজ্ঞবেদি; দর্শন-রঞ্জি রাখার টেবিলগুলি; 20 যেমনভাবে তৈরি করতে বলা হল, ঠিক সেভাবেই তৈরি করা বাতি সমেত খাঁটি সোনার সেই দীপাধারগুলি, যেগুলি মহাপবিত্র স্থানের সামনে জ্বালাতে হত; 21 সোনার ফুলের কাজ এবং প্রদীপ ও চিমটেগুলি (সেগুলি নিরেট সোনা দিয়ে তৈরি হল);

২২ খাঁটি সোনা দিয়ে তৈরি পলতে ছাঁটার যন্ত্র, জল ছিটানোর জন্য  
ব্যবহারযোগ্য বাটি, তথা থালা ও ধূপদানিগুলি; এবং মন্দিরের সোনার  
দরজাগুলি: মহাপবিত্র স্থানের দিকে থাকা ভিতরদিকের দরজাগুলি ও  
প্রধান বড়ো ঘরের দরজাগুলি।

**৫** সদাপ্রভুর মন্দিরের জন্য শলোমনের করা সব কাজ সমাপ্ত হয়ে  
যাওয়ার পর তিনি তাঁর বাবা দাউদের উৎসর্গ করা জিনিসপত্র—রংপো  
ও সোনা এবং সব আসবাবপত্রাদি—সেখানে নিয়ে এলেন এবং  
ঈশ্বরের মন্দিরের কোষাগারে সেগুলি রেখে দিলেন। ২ পরে দাউদ-  
নগরী সিয়োন থেকে সদাপ্রভুর নিয়ম-সিন্দুকটি নিয়ে আসার জন্য  
শলোমন ইস্রায়েলের প্রাচীনদের, বিভিন্ন গোষ্ঠীর সব কর্তাব্যক্তিকে ও  
ইস্রায়েলী বংশের প্রধান লোকজনদের জেরশালেমে ডেকে পাঠালেন।  
৩ সপ্তম মাসে উৎসব চলাকালীন ইস্রায়েলীরা সবাই রাজার কাছে  
একত্রিত হল। ৪ ইস্রায়েলের প্রাচীনেরা সবাই সেখানে পৌঁছে যাওয়ার  
পর লেবীয়েরা সেই সিন্দুকটি উঠিয়েছিলেন, ৫ এবং তারা সেই  
সিন্দুকটি ও সমাগম তাঁবুটি ও সেখানে রাখা সব পবিত্র আসবাবপত্রাদি  
উঠিয়ে এনেছিল। লেবীয় বংশোদ্ধৃত যাজকেরা সেগুলি বহন করলেন;  
৬ আর রাজা শলোমন ও তাঁর কাছে একত্রিত হওয়া ইস্রায়েলের সমগ্র  
জনসমাজ সিন্দুকটির সামনে উপস্থিত হয়ে এত মেষ ও গবাদি পশুবলি  
দিলেন, যে সেগুলি নথিভৃত করে বা গুনে রাখা সম্ভব হয়নি। ৭  
যাজকেরা পরে সদাপ্রভুর নিয়ম-সিন্দুকটি মন্দিরের ভিতরদিকের  
পীঠস্থানে, অর্থাৎ মহাপবিত্র স্থানে সেটির জন্য ঠিক করে রাখা স্থানে  
নিয়ে এলেন, এবং দুটি করবের ডানার নিচে রেখে দিলেন। ৮ করুব  
দুটি সেই সিন্দুক রাখার স্থানের উপর তাদের ডানা মেলে ধরেছিল  
এবং সেই সিন্দুক ও সেটির হাতলগুলি ঢেকে রেখেছিল। ৯ সেই  
হাতলগুলি এত লম্বা ছিল যে সিন্দুক থেকে বের হয়ে আসা হাতলের  
শেষপ্রান্তগুলি ভিতরদিকের পীঠস্থানের সামনে থেকে দেখা যেত,  
কিন্তু পবিত্রস্থানের বাইরে থেকে দেখা যেত না; আর সেগুলি আজও  
সেখানেই আছে। ১০ সেই সিন্দুকে সেই দুটি পাথরের ফলক ছাড়া  
আর কিছুই ছিল না, যেগুলি ইস্রায়েলীরা মিশ্র দেশ থেকে বের হয়ে

আসার পর সদাপ্রভু তাদের সাথে যেখানে এক নিয়ম স্থাপন করলেন, সেই হোরেবে মোশি সিন্দুকে ভরে রেখেছিলেন। 11 যাজকেরা পরে পবিত্রস্থান ছেড়ে চলে গেলেন। সেখানে উপস্থিত যাজকেরা সবাই তাদের বিভাগের কথা না ভেবেই নিজেদের উৎসর্গ করে দিলেন। 12 যেসব লেবীয় গানবাজনা করতেন—আসফ, হেমন, যিদৃঢ়ুন ও তাদের ছেলেরা ও আত্মায়স্তজন—তারা সবাই মিহি মসিনার কাপড় গায়ে দিয়ে ও সুরবাহার, বীগা ও খঙ্গি বাজাতে বাজাতে যজ্ঞবেদির পূর্বদিকে গিয়ে দাঁড়িয়েছিলেন। তাদের সাথে ছিলেন আরও 120 জন যাজক, যারা শিঙা বাজাচ্ছিলেন। 13 শিঙাবাদকেরা ও বাদ্যকররা সদাপ্রভুর উদ্দেশে প্রশংসা ও ধন্যবাদ জানানোর জন্য যুগপৎ বিভিন্ন ক্ষেত্রে একই স্বর বাজিয়ে যাচ্ছিলেন। শিঙা, সুরবাহার ও অন্যান্য বাদ্যযন্ত্রের সংগত পেয়ে গায়করাও সদাপ্রভুর উদ্দেশে প্রশংসা করতে গিয়ে গলার স্বর উচ্চগ্রামে তুলেছিল এবং তারা গেয়েছিল: “তিনি মঙ্গলময়; তাঁর প্রেম চিরস্থায়ী।” তখন সদাপ্রভুর মন্দির মেঘে পরিপূর্ণ হয়ে উঠেছিল, 14 এবং সেই মেঘের কারণে যাজকেরা তাদের পরিচয় করে উঠতে পারেননি, যেহেতু সদাপ্রভুর প্রতাপে ঈশ্বরের মন্দিরটি পরিপূর্ণ হয়ে উঠেছিল।

**6** তখন শলোমন বললেন, “সদাপ্রভু বলেছেন যে তিনি ঘন মেঘের মাঝে বসবাস করবেন; 2 আমি তোমার জন্য এক দর্শনীয় মন্দির তৈরি করেছি, সেটি এমন এক স্থান, যেখানে তুমি চিরকাল বসবাস করবে।” 3 ইস্রায়েলের সমগ্র জনসমাজ যখন সেখানে দাঁড়িয়েছিল, রাজামশাই তখন তাদের দিকে মুখ ফিরিয়ে তাদের আশীর্বাদ করলেন। 4 পরে তিনি বললেন: “ইস্রায়েলের ঈশ্বর সেই সদাপ্রভুর গৌরব হোক, যিনি নিজের হাতে তাঁর সেই প্রতিজ্ঞাটি পূরণ করেছেন, যেটি তিনি নিজের মুখে আমার বাবা দাউদের কাছে করলেন। কারণ তিনি বললেন, 5 ‘যেদিন আমি আমার প্রজাদের মিশ্র দেশ থেকে বের করে এনেছিলাম, সেদিন থেকে না একটি মন্দির নির্মাণ করার জন্য আমি ইস্রায়েলে কোনও বংশের একটি নগর মনোনীত করেছি, যেন সেখানে আমার নাম বজায় থাকে, না আমি আমার প্রজা ইস্রায়েলের

উপর শাসনকর্তারপে কাউকে মনোনীত করেছি। ৬ কিন্তু আমার  
নাম বজায় রাখার জন্য এখন আমি জেরশালেমকে মনোনীত করেছি  
এবং আমার প্রজা ইস্রায়েলকে শাসন করার জন্য আমি দাউদকে  
মনোনীত করেছি।’ ৭ “ইস্রায়েলের ঈশ্বর সদাপ্রভুর নামে একটি  
মন্দির নির্মাণ করার বাসনা আমার বাবা দাউদের অন্তরে ছিল। ৮  
কিন্তু সদাপ্রভু আমার বাবা দাউদকে বললেন, ‘আমার নামে একটি  
মন্দির নির্মাণ করার কথা ভেবে তুমি ভালোই করেছ। ৯ তবে, তুমি  
সেই মন্দির নির্মাণ করবে না, কিন্তু তোমার সেই ছেলে, যে তোমারই  
রক্তমাঃস—সেই আমার নামে একটি মন্দির নির্মাণ করবে।’ ১০  
“সদাপ্রভু তাঁর করা প্রতিজ্ঞাটি পূরণ করেছেন: আমি আমার বাবা  
দাউদের স্থলাভিষিক্ত হয়েছি এবং সদাপ্রভুর প্রতিজ্ঞানুসারে এখন  
আমি ইস্রায়েলের সিংহাসনে বসেছি, এবং ইস্রায়েলের ঈশ্বর সদাপ্রভুর  
নামের উদ্দেশ্যে আমি মন্দিরটি নির্মাণ করেছি। ১১ সেখানে আমি সেই  
সিন্দুকটি রেখেছি, যেটির মধ্যে সদাপ্রভুর সেই নিয়মাটি রাখা আছে,  
যা তিনি ইস্রায়েলী জনতার জন্য স্থাপন করলেন।” ১২ পরে শলোমন  
ইস্রায়েলের সমগ্র জনসমাজের সামনে সদাপ্রভুর উপস্থিতিতে উঠে  
দাঁড়িয়েছিলেন এবং তাঁর দু-হাত মেলে ধরেছিলেন। ১৩ ইত্যবসরে  
তিনি আবার ২.৩ মিটার লম্বা, ২.৩ মিটার চওড়া ও ১.৪ মিটার  
উঁচু ব্রোঞ্জের একটি মঞ্চ তৈরি করলেন, এবং সোটি বাইরের দিকের  
উঠোনের মাঝখানে নিয়ে গিয়ে রেখেছিলেন। সেই মঞ্চে দাঁড়িয়ে  
তিনি ইস্রায়েলের সমগ্র জনসমাজের সামনে নতজানু হলেন এবং  
স্বর্গের দিকে দু-হাত প্রসারিত করে দিলেন। ১৪ তিনি বললেন: “হে  
ইস্রায়েলের ঈশ্বর সদাপ্রভু, স্বর্গে বা মর্ত্যে তোমার মতো এমন কোনও  
ঈশ্বর আর কেউ নেই—তুমি তোমার সেই দাসদের কাছে করা তোমার  
প্রেমের নিয়ম রক্ষা করে থাকো, যারা সর্বান্তকরণে তোমার পথে চলে।  
১৫ আমার বাবা, তথা তোমার দাস দাউদের কাছে করা প্রতিজ্ঞাটি তুমি  
পূরণ করেছ; নিজের মুখেই তুমি সেই প্রতিজ্ঞাটি করলে এবং নিজের  
হাতেই তুমি তা রক্ষাও করেছ—যেমনটি কি না আজ দেখা যাচ্ছে। ১৬  
“এখন হে ইস্রায়েলের ঈশ্বর সদাপ্রভু, তোমার দাস ও আমার বাবা

দাউদের কাছে তোমার করা সেই প্রতিজ্ঞাটি পূরণ করো, যে প্রতিজ্ঞায় তুমি বললে, ‘শুধু যদি তোমার বংশধরেরা আমার নিয়মানুসারে আমার সামনে চলার জন্য একটু সতর্ক হয়ে তোমার মতো সবকিছু করে, তবে আমার সামনে ইস্রায়েলের সিংহাসনে বসার জন্য তোমার কোনও উত্তরাধিকারীর অভাব হবে না।’ 17 আর এখন, হে ইস্রায়েলের ঈশ্বর সদাপ্রভু, তোমার দাস দাউদের কাছে করা তোমার প্রতিজ্ঞার সেই কথাটি যেন সত্যি হয়। 18 “কিন্তু ঈশ্বর কি সত্যিই পৃথিবীতে মানুষের সাথে বসবাস করবেন? আকাশমণ্ডল, এমনকি স্বর্গের স্বর্গও তাঁকে ধারণ করতে পারে না। তবে আমার নির্মাণ করা এই মন্দিরই বা কেমন করে তোমাকে ধারণ করবে! 19 তবুও হে আমার ঈশ্বর সদাপ্রভু, তোমার দাসের প্রার্থনায় ও দয়া লাভের জন্য তার করা এই অনুরোধের প্রতি মনোযোগ দাও। তোমার উপস্থিতিতে তোমার এই দাস যে দ্রুদন ও প্রার্থনা করছে, তা তুমি শোনো। 20 দিনরাত এই মন্দিরের প্রতি, এই যে স্থানটির বিষয়ে তুমি বলেছ যে তুমি সেখানে তোমার নাম বজায় রাখবে, তোমার চোখদুটি যেন খোলা থাকে। এই স্থানটির দিকে তাকিয়ে করা তোমার দাসের প্রার্থনা যেন তুমি শুনতে পাও। 21 তোমার এই দাস ও তোমার প্রজা ইস্রায়েল যখন এই স্থানটির দিকে তাকিয়ে প্রার্থনা করবে তখন তুমি তাদের মিনতি শুনো। স্বর্গ থেকে, তোমার সেই বাসস্থান থেকে তুমি তা শুনো; এবং শুনে তাদের ক্ষমাও কোরো। 22 “যখন কেউ তার প্রতিবেশীর প্রতি কোনও অন্যায় করবে ও তাকে শপথ করতে বলা হবে এবং সে এই মন্দিরে রাখা তোমার এই যজ্ঞবেদির সামনে এসে শপথ করবে, 23 তখন তুমি স্বর্গ থেকে তা শুনে সেইমতোই কাজ কোরো। তোমার দাসদের বিচার কোরো, দোষীকে শাস্তি দিয়ো ও তার কৃতকর্মের ফল তার মাথায় চাপিয়ে দিয়ো, এবং নিরপরাধের পক্ষসমর্থন করে, তার নিষ্কলুষতা অনুসারে তার প্রতি আচরণ কোরো। 24 “তোমার প্রজা ইস্রায়েল যখন তোমার বিরক্তে পাপ করার কারণে শক্র কাছে পরাজিত হবে ও যখন তারা আবার তোমার কাছে ফিরে এসে তোমার নামের প্রশংসা করবে, এবং এই মন্দিরে তোমার সামনে এসে প্রার্থনা ও মিনতি উৎসর্গ করবে,

25 তখন তুমি স্বর্গ থেকে তা শুনো ও তোমার প্রজা ইস্রায়েলের পাপ  
ক্ষমা কোরো এবং তুমি তাদের ও তাদের পূর্বপুরুষদের যে দেশ  
দিয়েছিলে, সেই দেশে তাদের ফিরিয়ে এনো। 26 “তোমার প্রজারা  
তোমার বিরণে পাপ করার কারণে যখন আকাশের দ্বার রুক্ষ হয়ে  
যাবে ও বৃষ্টি হবে না, আর যখন তারা এই স্থানটির দিকে তাকিয়ে  
প্রার্থনা করবে ও তোমার নামের প্রশংসা করবে এবং তুমি যেহেতু  
তাদের কষ্ট দিয়েছ, তাই তারা তাদের পাপপথ থেকে ফিরে আসবে,  
27 তখন স্বর্গ থেকে তুমি তা শুনো ও তোমার দাসদের, তোমার  
প্রজা ইস্রায়েলের পাপ ক্ষমা কোরো। সঠিক জীবনযাপনের পথ তুমি  
তাদের শিক্ষা দিয়ো, এবং যে দেশটি তুমি তোমার প্রজাদের এক  
উত্তরাধিকারকৃপে দিয়েছ, সেই দেশে তুমি বৃষ্টি পাঠিয়ো। 28 “যখন  
দেশে দুর্ভিক্ষ বা মহামারি দেখা দেবে, অথবা ফসল ক্ষেতে মড়ক  
লাগবে বা ছাতারোগ লাগবে, পঙ্গপাল বা ফড়িং হানা দেবে, অথবা  
শক্ররা তাদের যে কোনো নগরে তাদের যখন অবরুদ্ধ করে রাখবে,  
যখন এরকম কোনও বিপত্তি বা রোগজ্বালার প্রকোপ পড়বে, 29 এবং  
তোমার প্রজা ইস্রায়েলের মধ্যে কেউ যদি তখন প্রার্থনা বা মিনতি  
করে—তাদের যন্ত্রণা ও ব্যথার বিষয়ে সচেতন হয়, ও এই মন্দিরের  
দিকে তাদের হাতগুলি প্রসারিত করে— 30 তবে তখন তুমি স্বর্গ  
থেকে, তোমার বাসস্থান থেকে তা শুনো। তাদের ক্ষমা কোরো, ও  
প্রত্যেকের সাথে তাদের কৃতকর্মানুসারে আচরণ কোরো, যেহেতু তুমি  
তো তাদের অন্তর জানো (কারণ একমাত্র তুমিই মানুষের হৃদয়ের খবর  
রাখো), 31 যেন তারা তোমাকে ভয় করে ও যে দেশটি তুমি আমাদের  
পূর্বপুরুষদের দিয়েছিলে, সেই দেশে বেঁচে থাকাকালীন তারা যেন  
সবসময় তোমার প্রতি বাধ্যতা দেখিয়ে চলে। 32 “যে তোমার প্রজা  
ইস্রায়েলের অন্তর্ভুক্ত নয়, এমন কোনও বিদেশি তোমার মহানামের  
এবং তোমার পরাক্রমী হাতের ও তোমার প্রসারিত বাহুর কথা শুনে  
যখন দূরদেশ থেকে আসবে—তারা যখন এসে এই মন্দিরের দিকে  
তাকিয়ে প্রার্থনা করবে, 33 তখন তুমি স্বর্গ থেকে, তোমার সেই  
বাসস্থান থেকে তা শুনো। সেই বিদেশি তোমার কাছে যা চাইবে, তা

তাকে দিয়ো, যেন পৃথিবীর সব মানুষজন তোমার নাম জানতে পারে  
ও তোমাকে ভয় করে, ঠিক যেভাবে তোমার নিজস্ব প্রজা ইন্দ্রায়েল  
করে এসেছে, এবং তারা যেন এও জানতে পারে যে এই যে ভবনটি  
আমি তৈরি করেছি, তা তোমার নাম বহন করে চলেছে। 34 “তোমার  
প্রজাদের তুমি যে কোনো স্থানে পাঠাও না কেন, তারা যখন তাদের  
শক্রদের বিরুদ্ধে যুদ্ধে যাবে, এবং যখন তারা তোমার মনোনীত এই  
নগরাটির ও তোমার নামে আমি এই যে মন্দিরটি নির্মাণ করেছি, সেটির  
দিকে তাকিয়ে তোমার কাছে প্রার্থনা করবে, 35 তখন তুমি স্বর্গ থেকে  
তাদের প্রার্থনা ও মিনতি শুনো, এবং তাদের পক্ষসমর্থন কোরো। 36  
“তারা যখন তোমার বিরুদ্ধে পাপ করবে—কারণ এমন কেউ নেই,  
যে পাপ করে না—এবং তুমি তাদের প্রতি ক্রুদ্ধ হবে ও তাদের সেই  
শক্রদের হাতে সঁপে দেবে, যারা তাদের দূর বা নিকটবর্তী কোনও  
দেশে বন্দি করে নিয়ে যাবে; 37 এবং সেই দেশে বন্দি জীবন কাটাতে  
কাটাতে যদি তাদের মন পরিবর্তন হয়, ও তারা অনুত্তাপ করে ও  
তাদের সেই বন্দিদশার দেশে থাকতে থাকতেই যদি তারা তোমাকে  
অনুরোধ জানিয়ে বলে, ‘আমরা পাপ করেছি, আমরা অন্যায় করেছি  
ও দুষ্টামূলক আচরণ করেছি’; 38 আর যদি তারা যেখানে তাদের  
নিয়ে যাওয়া হবে, সেই বন্দিদশার দেশে থেকেই মনপ্রাণ ঢেলে দিয়ে  
তোমার কাছে ফিরে আসে, ও তুমি তাদের পূর্বপুরুষদের যে দেশটি  
দিয়েছ, সেই দেশের দিকে তাকিয়ে, ও যে নগরাটিকে তুমি মনোনীত  
করেছ, সেটির দিকে তাকিয়ে, এবং তোমার নামে আমি যে মন্দিরটি  
নির্মাণ করেছি, সেটির দিকে তাকিয়ে প্রার্থনা করে; 39 তবে স্বর্গ থেকে,  
তোমার বাসস্থান থেকে তুমি তাদের করা প্রার্থনা ও মিনতি শুনো, এবং  
তাদের পক্ষসমর্থন কোরো। তোমার সেই প্রজাদের ক্ষমাও কোরো,  
যারা তোমার বিরুদ্ধে পাপ করেছে। 40 “এখন, হে আমার ঈশ্বর, এই  
স্থানে যে প্রার্থনাটি উৎসর্গ করা হচ্ছে, তার প্রতি যেন তোমার চোখ  
খোলা থাকে ও তোমার কান সজাগ থাকে। 41 “হে ঈশ্বর সদাপ্রভু,  
এখন ওঠো ও তোমার বিশ্রামস্থানে এসো, 42 হে ঈশ্বর সদাপ্রভু,  
তোমার অভিষিক্ত জনকে অগ্রাহ্য কোরো না।

৭ শলোমন প্রার্থনা শেষ করার পর স্বর্গ থেকে আগুন নেমে এসে হোমবলি ও নৈবেদ্যগুলি গ্রাস করে ফেলেছিল, এবং সদাপ্রভুর প্রতাপে মন্দির পরিপূর্ণ হয়ে উঠেছিল। ২ যাজকেরা সদাপ্রভুর মন্দিরে প্রবেশ করতে পারেননি, কারণ সদাপ্রভুর প্রতাপে মন্দির পরিপূর্ণ হয়েছিল। ৩ ইস্রায়েলীরা সবাই যখন আগুন নেমে আসতে দেখেছিল ও মন্দিরের উপর সদাপ্রভুর প্রতাপও দেখতে পেয়েছিল, তখন তারা মাটিতে উবুড় হয়ে পড়ে শান-বাঁধানো চাতালে নতজানু হল, এবং তারা এই বলে সদাপ্রভুর আরাধনা করল ও তাঁকে ধন্যবাদ জানিয়েছিল, “তিনি মঙ্গলময়; তাঁর প্রেম অনন্তকালস্থায়ী।” ৪ পরে রাজা ও প্রজারা সবাই সদাপ্রভুর সামনে নৈবেদ্য উৎসর্গ করলেন। ৫ রাজা শলোমন বাইশ হাজার গবাদি পশু এবং 1,20,000 মেষ ও ছাগল উৎসর্গ করলেন। এইভাবে রাজা ও প্রজারা সবাই ইশ্বরের মন্দিরটি উৎসর্গ করলেন। ৬ যাজকেরা তাদের স্থানে গিয়ে দাঁড়িয়েছিলেন, এবং লেবীয়েরাও সদাপ্রভুর উদ্দেশ্যে বাজানোর উপযোগী সেই বাজনাগুলি নিয়ে দাঁড়িয়ে গেল, যেগুলি রাজা দাউদ সদাপ্রভুর প্রশংসা করার জন্য তৈরি করিয়েছিলেন এবং সেগুলি তখনই বাজানো হত, যখন এই বলে তিনি ধন্যবাদ জানাতেন, “তাঁর প্রেম চিরস্থায়ী।” লেবীয়দের উল্টোদিকে দাঁড়িয়ে যাজকেরা তাদের শিঙাগুলি বাজিয়েছিলেন, এবং ইস্রায়েলীরা সবাই সেখানে দাঁড়িয়েছিল। ৭ শলোমন সদাপ্রভুর মন্দিরের সামনের দিকের উঠোনের মাঝের অংশটুকু উৎসর্গীকৃত করলেন, এবং সেখানে তিনি হোমবলি ও মঙ্গলার্থক বলির চর্বি উৎসর্গ করলেন, কারণ ব্রাঞ্জের যে যজ্ঞবেদিতি তিনি তৈরি করলেন, সেটি হোমবলি, ভক্ষ্য-নৈবেদ্য ও চর্বিদার অংশগুলি রাখার পক্ষে ছোটো হয়ে গেল। ৮ অতএব শলোমন সেই সময় সাত দিন ধরে উৎসব পালন করলেন, এবং ইস্রায়েলে সবাই, অর্থাৎ লেবো-হমাও থেকে মিশরের মরা নদী পর্যন্ত বিস্তৃত এলাকার লোকেরা—বিশাল এক জনসমাজ—তাঁর সাথে মিলে উৎসব পালন করল। ৯ অষ্টম দিনে তারা এক সভার আয়োজন করল, কারণ সাত দিন ধরে তারা যজ্ঞবেদির উৎসর্গীকরণ উদ্ঘাপন করল এবং আরও সাত দিন তারা উৎসব

পালন করল। 10 সপ্তম মাসের তেইশতম দিনে তিনি প্রজাদের নিজের নিজের ঘরে পাঠিয়ে দিলেন। দাউদের, শলোমনের ও সদাপ্রভুর প্রজা ইস্রায়েলের যে মঙ্গল তিনি করলেন, তার জন্য আনন্দিত হয়ে ও খুশিমনে তারা ঘরে ফিরে গেল। 11 শলোমন যখন সদাপ্রভুর মন্দির ও রাজপ্রাসাদ নির্মাণ করার কাজ সমাপ্ত করে ফেলেছিলেন, এবং সদাপ্রভুর মন্দিরের ও তাঁর নিজের প্রাসাদ-সংক্রান্ত যেসব ভাবনা তাঁর মনে ছিল, তা যখন তিনি সফলতাপূর্বক সম্পন্ন করলেন, 12 তখন সদাপ্রভু রাতের বেলায় তাঁর কাছে আবির্ভূত হয়ে বললেন: “আমি তোমার প্রার্থনা শুনেছি এবং বলিদান উৎসর্গ করার জন্য এক মন্দিররূপে নিজের জন্য আমি এই স্থানটি মনোনীত করেছি। 13 “বৃষ্টি না পড়ার জন্য আমি যখন আকাশ রূদ্ধ করে দেব, বা দেশ ধ্বংস করে দেওয়ার জন্য যখন পঙ্গপালদের আদেশ দেব বা আমার প্রজাদের মাঝে এক মহামারি পাঠাব, 14 তখন যদি যারা আমার নামে পরিচিত, আমার সেই প্রজারা নিজেদের নম্র করে ও প্রার্থনা করে ও আমার মুখের অন্তেষ্টণ করে এবং তাদের পাপপথ ছেড়ে ফিরে আসে, তবে স্বর্গ থেকে আমি তা শুনব, ও আমি তাদের পাপ ক্ষমা করব এবং তাদের দেশকে সারিয়ে তুলব। 15 এখন এই স্থানে উৎসর্গ করা প্রার্থনার প্রতি আমার চোখ খোলা থাকবে ও আমার কানও সজাগ থাকবে। 16 আমি এই মন্দিরটিকে মনোনীত করেছি ও পবিত্রতায় পৃথকও করেছি, যেন চিরকাল সেখানে আমার নাম বজায় থাকে। আমার চোখ ও আমার অন্তর সবসময় সেখানে থাকবে। 17 “আর তোমায় বলছি, তোমার বাবা দাউদের মতো তুমিও যদি আমার সামনে বিশ্঵স্তাপূর্বক চলো, এবং আমি যা যা আদেশ দিয়েছি, সেসব করো ও আমার বিধিবিধান ও নিয়মকানুনগুলি পালন করো, 18 তবে ‘ইস্রায়েলকে শাসন করার জন্য তোমার বংশে কোনও উত্তরাধিকারীর অভাব হবে না,’ তোমার বাবা দাউদকে একথা বলার মাধ্যমে আমি তার সাথে যে নিয়ম স্থির করলাম, সেই নিয়মানুসারে আমি তোমার রাজসিংহাসন সুদৃঢ় করব। 19 “কিন্তু যদি তুমি সে পথ থেকে ফিরে গিয়ে সেইসব বিধিবিধান ও আদেশ অগ্রাহ্য করো, যেগুলি আমি তোমাকে দিয়েছিলাম এবং অন্যান্য

দেবতাদের সেবা ও আরাধনা করতে থাকো, 20 তবে ইস্রায়েলকে  
আমি আমার সেই দেশ থেকে উৎখাত করে ছাড়ব, যেটি আমি তাদের  
দিয়েছিলাম, এবং এই মন্দিরটিকেও অগ্রহ্য করব, আমার নামে যেটি  
আমি পবিত্রতায় পৃথক করে দিয়েছি। আমি এটিকে অন্যান্য সব জাতির  
কাছে নিন্দার ও বিদ্রূপের এক বস্তু করে তুলব। 21 এই মন্দিরটি ভাঙ্গ  
ইটপাথরের এক স্তুপে পরিণত হবে। যারা যারা তখন এখান দিয়ে  
যাবে, তারা সবাই মর্মাহত হয়ে বলবে, ‘সদাপ্রভু কেন এই দেশের ও  
এই মন্দিরটির প্রতি এমনটি করলেন?’ 22 লোকেরা উত্তর দেবে,  
‘যেহেতু তারা তাদের পূর্বপুরুষদের ঈশ্বর সেই সদাপ্রভুকে পরিত্যাগ  
করল, যিনি মিশ্র থেকে তাদের বের করে এনেছিলেন, এবং যেহেতু  
তারা অন্যান্য দেবতাদের সাগ্রহে গ্রহণ করল, ও তাদের আরাধনা  
ও সেবা করল—তাইতো তিনি তাদের উপর এইসব দুর্বিপাক নিয়ে  
এসেছেন।’”

**৪** সদাপ্রভুর মন্দির ও শলোমনের নিজের প্রাসাদটি নির্মাণ করতে তাঁর  
যে কুড়ি বছর লাগল, সেই সময়কাল শেষ হয়ে যাওয়ার পর 2 হাঁরম  
তাঁকে যে নগরগুলি দিলেন, তিনি সেগুলির পুনর্নির্মাণ করলেন, এবং  
সেখানে ইস্রায়েলীদের এক বসতি গড়ে দিলেন। 3 শলোমন পরে হ্মাঝ-  
সোবাতে গিয়ে সেটি অধিকার করলেন। 4 এছাড়াও তিনি মরজ্বমিতে  
তামর নগরটি তৈরি করলেন এবং হ্মাতেও সবকটি ভাঁড়ার-নগর তৈরি  
করলেন। 5 সুরক্ষিত নগররূপে তিনি উপরের দিকের বেথ-হোরোণ ও  
নিচের দিকের বেথ-হোরোণ নগর দুটির পুনর্নির্মাণ করলেন, এবং  
সেগুলিতে দেয়াল, কয়েকটি দরজা ও খুঁটিও গড়ে দিলেন। 6 এছাড়াও  
বালৎ ও সেখানকার ভাঁড়ার-নগরগুলি, এবং তাঁর রথ ও ঘোড়াগুলির  
জন্য সবকটি নগর—জেরশালেমে, লেবাননে ও তাঁর শাসিত গোটা  
এলাকা জুড়ে সর্বত্র যা যা তিনি তৈরি করতে চেয়েছিলেন, সেসব তিনি  
তৈরি করলেন। 7 হিন্তীয়, ইমোরীয়, পরিষীয়, হিবীয় ও যিবূয়ীয়দের  
মধ্যে থেকে কিছু লোক তখনও সেখানে অবশিষ্ট ছিল। (এইসব  
লোকেরা ইস্রায়েলী ছিল না) 8 এইসব লোকজনের যেসব বংশধর  
দেশে থেকে গেল—ইস্রায়েলীরা যাদের ধর্ম করেননি—শলোমন

বাধ্যতামূলকভাবে তাদের ক্রীতদাস-শ্রমিকরূপে কাজে লাগলেন, যে  
প্রথা আজও চলে আসছে। ৭ কিন্তু শলোমন তাঁর কাজকর্ম করার  
জন্য ইস্রায়েলীদের কাউকে ক্রীতদাস করেননি; তারা তাঁর যোদ্ধা,  
সৈন্যসামন্তের সেনাপতি, এবং তাঁর রথ ও সারথিদের সেনাপতি হল।  
১০ এছাড়াও তারা রাজা শলোমনের প্রধান কর্মকর্তা—এমন 250  
জন কর্মকর্তা হল, যারা লোকদের তত্ত্বাবধান করত। ১১ ফরৌণের  
মেয়ের জন্য শলোমন যে প্রাসাদটি নির্মাণ করলেন, দাউদ-নগর থেকে  
তিনি তাঁকে সেখানে নিয়ে এলেন, কারণ তিনি বললেন, “আমার স্ত্রী  
ইস্রায়েলের রাজা দাউদের প্রাসাদে থাকবে না, কারণ যে যে স্থানে  
সদাপ্রভুর নিয়ম-সিদ্ধুক প্রবেশ করেছে, সেই সেই স্থান পবিত্র হয়ে  
গিয়েছে।” ১২ দ্বারমণ্ডপের সামনের দিকে শলোমন সদাপ্রভুর যে  
বেদিটি তৈরি করলেন, সেটির উপরে তিনি সদাপ্রভুর উদ্দেশে হোমবলি  
উৎসর্গ করলেন। ১৩ সার্বাধিকারের, অমাবস্যার ও তিনটি বাঃসরিক  
উৎসবের—খামিরবিহীন রুটির উৎসব, সাত সপ্তাহের উৎসব ও  
কুটিরবাস-পর্ব—জন্য মোশির আদেশমতো প্রাত্যহিক নৈবেদ্যের  
যে চাহিদা তুলে ধরা হল, সেই অনুসারেই তিনি তা করলেন। ১৪  
তাঁর বাবা দাউদের স্থির করে দেওয়া নিয়মানুসারে, কয়েকটি বিভাগে  
ভাগ করে যাজকের দায়িত্ব পালনের জন্য তিনি তাদের নিযুক্ত করে  
দিলেন, এবং প্রশংসাগানে নেতৃত্ব দেওয়ার ও প্রাত্যহিক চাহিদানুসারে  
যাজকদের কাজে সাহায্য করার দায়িত্ব দিয়ে তিনি লেবীয়দেরও  
নিযুক্ত করলেন। এছাড়াও বিভিন্ন দরজার জন্য কয়েকটি বিভাগে ভাগ  
করে তিনি দ্বারকষ্ণীদের নিযুক্ত করলেন, কারণ ঈশ্বরের লোক দাউদ  
এরকমই আদেশ দিলেন। ১৫ যাজকদের বা লেবীয়দের ক্ষেত্রে ও  
এমনকি কোষাগারগুলির ক্ষেত্রেও প্রযোজ্য রাজার আদেশ থেকে তারা  
একচুলও সরে যায়নি। ১৬ সদাপ্রভুর মন্দিরের ভীত যেদিন গাঁথা হল,  
সেদিন থেকে শুরু করে মন্দিরটি সম্পূর্ণ হওয়া পর্যন্ত শলোমনের সব  
কাজ ঠিকঠাকই চলেছিল। এইভাবে সদাপ্রভুর মন্দিরটি সম্পূর্ণ হল।  
১৭ পরে শলোমন ইদোমের সমুদ্রতীরে অবস্থিত ইৎসিয়োন-গেবরে ও  
এলতে গেলেন। ১৮ হীরমও তাঁর নিজস্ব লোকজনের দ্বারা পরিচালিত

কয়েকটি জাহাজ ও সমুদ্রের ব্যাপারে ওয়াকিবহাল কিছু নাবিক তাঁর  
কাছে পাঠিয়ে দিলেন। এইসব লোকজন শলোমনের লোকজনের  
সাথে মিলে সমুদ্রপথে ওফীরে গেল ও সেখান থেকে 450 তালন্ত  
সোনা এনে রাজা শলোমনের কাছে পৌঁছে দিয়েছিল।

১ শিবা দেশের রানি যখন শলোমনের নামডাক শুনতে পেয়েছিলেন,  
তখন কঠিন কঠিন সব প্রশ্ন সাথে নিয়ে তিনি তাঁকে পরীক্ষা করার জন্য  
জেরশালেমে এলেন। বিশাল দলবল নিয়ে—উটের পিঠে মশলাপাতি  
চাপিয়ে, প্রচুর পরিমাণ সোনা, ও দামি মণিমুক্তো নিয়ে—তিনি  
শলোমনের কাছে এলেন এবং তাঁর মনে যা যা ছিল, সেসব বিষয়ে  
শলোমনের সাথে কথা বললেন। ২ শলোমন তাঁর সব প্রশ্নের উত্তর  
দিলেন; রানিকে ব্যাখ্যা করে বুঝিয়ে দেওয়ার পক্ষে কোনো কিছুই  
তাঁর কাছে কঠিন বলে মনে হয়নি। ৩ শিবার রানি যখন শলোমনের  
প্রজ্ঞা, তথা তাঁর নির্মিত প্রাসাদটি, ৪ তাঁর টেবিলে রাখা খাদ্যসম্ভার,  
তাঁর কর্মকর্তাদের বসার ব্যবস্থা, জমকালো পোশাক পরা সেবাকারী  
দাসেদের, জমকালো পোশাক পরা পানপাত্র বহনকারীদের এবং  
সদাপ্রভুর মন্দিরে তাঁর উৎসর্গ করা হোমবলিগুলি দেখেছিলেন, তখন  
তিনি অভিভূত হয়ে গেলেন। ৫ তিনি রাজাকে বললেন, “নিজের দেশে  
থাকার সময় আমি আপনার কীর্তির ও প্রজ্ঞার বিষয়ে যা যা শুনেছিলাম,  
সেসবই সত্য। ৬ কিন্তু যতক্ষণ না আমি এখানে এসে নিজের চোখে  
তা দেখলাম, লোকেরা যা বলল, আমি তাতে বিশ্বাস করিনি। সত্য  
বলতে কি, আপনার যে বিশাল প্রজ্ঞা, তার অর্ধেকও আমাকে বলা  
হয়নি; যে খবর আমি শুনেছিলাম, আপনি তার অনেক উর্ধ্বে। ৭  
আপনার প্রজারা কতই না সুধী! আপনার সেই কর্মকর্তারাও কতই না  
সুধী, যারা অনবরত আপনার সামনে দাঁড়িয়ে থাকে ও আপনার প্রজ্ঞার  
কথা শোনে! ৮ আপনার ঈশ্বর সেই সদাপ্রভুর প্রশংসা হোক, যিনি  
আপনার উপর সন্তুষ্ট হয়ে রাজারূপে আপনার ঈশ্বর সদাপ্রভুর হয়ে  
রাজত্ব করার জন্য আপনাকে তাঁর সিংহাসনে বসিয়েছেন। ইত্যায়েলের  
প্রতি আপনার ঈশ্বরের প্রেমের ও চিরকাল তাদের সমর্থন করা সংক্রান্ত  
তাঁর যে এক বাসনা ছিল, তারই কারণে তিনি আপনাকে তাদের

রাজা করেছেন, যেন ন্যায়বিচার ও ধার্মিকতা বজায় থাকে।” ৭ পরে তিনি রাজাকে 120 তালন্ত সোনা, প্রচুর পরিমাণ মশলাপাতি, ও দামি মণিমুক্কো দিলেন। শিবা দেশের রানি রাজা শলোমনকে এত মশলাপাতি দিলেন, যা এর আগে কখনও দেখা যায়নি। ১০ (হীরমের দাসেরা ও শলোমনের দাসেরা ওফীর থেকে সোনা নিয়ে আসত; এছাড়াও তারা আলগুম কাঠ ও দামি মণিমুক্কোও নিয়ে আসত। ১১ রাজা সেই আলগুম কাঠ সদাপ্রভুর মন্দিরের ও রাজপ্রাসাদের সিঁড়ি নির্মাণ করার কাজে ও বাদ্যকরদের জন্য বীণা ও খঙ্গনি তৈরি করার ক্ষেত্রে ব্যবহার করতেন। যিহুদা দেশে এর আগে এত কিছু দেখা যায়নি।) ১২ রাজা শলোমন শিবা দেশের রানিকে তাঁর বাসনা ও চাহিদামতোই সবকিছু দিলেন; রানি তাঁর কাছে যা কিছু এনেছিলেন, তিনি তার চেয়েও অনেক বেশি পরিমাণ জিনিসপত্র তাঁকে দিলেন। পরে রানি তাঁর লোকলঙ্ঘ সাথে নিয়ে নিজের দেশে ফিরে গেলেন। ১৩ প্রতি বছর শলোমন যে পরিমাণ সোনা সংগ্রহ করতেন তার ওজন 666 তালন্ত, ১৪ এতে অবশ্য বণিক ও ব্যবসায়ীদের আনা রাজস্ব ধরা হয়নি। এছাড়াও আরবের সব রাজা ও বিভিন্ন প্রদেশের শাসনকর্তারাও শলোমনের কাছে সোনা ও রূপো নিয়ে আসতেন। ১৫ পিটানো সোনার পাত দিয়ে রাজা শলোমন 200-টি বড়ো বড়ো ঢাল তৈরি করলেন; প্রত্যেকটি ঢাল তৈরি করতে 600 শেকল করে পিটানো সোনা লেগেছিল। ১৬ পিটানো সোনার পাত দিয়ে তিনি আরও তিনশোটি ছোটো ছোটো ঢাল তৈরি করলেন, এবং প্রত্যেকটি ঢালে তিনশো শেকল করে সোনা ছিল। রাজা সেগুলি লেবাননের অরণ্য-প্রাসাদে নিয়ে গিয়ে রেখেছিলেন। ১৭ পরে রাজামশাই হাতির দাঁত দিয়ে একটি বড়ো সিংহাসন বানিয়ে, সেটি খাঁটি সোনা দিয়ে মুড়ে দিলেন। ১৮ সিংহাসনে ওঠার জন্য সিঁড়ির ছয়টি ধাপ ছিল, ও সোনার একটি পাদানি সিংহাসনের সাথে জোড়া ছিল। বসার স্থানটির দুই দিকেই হাতল ছিল, এবং দুটিরই পাশে একটি করে সিংহমূর্তি দাঁড় করানো ছিল। ১৯ বারোটি সিংহমূর্তি সিঁড়ির ছয়টি ধাপের উপরে দাঁড় করানো ছিল, এক-একটি মূর্তি প্রত্যেকটি ধাপের এক এক পাশে রাখা ছিল।

অন্য কোনও রাজ্যে আগে কখনও এরকম কিছু তৈরি করা হয়নি। 20  
রাজা শলোমনের কাছে থাকা ভিত থেকে ওঠা ডাঁটিযুক্ত হাতলবিহীন  
সব পানপাত্র ছিল সোনার, এবং লেবাননের অরণ্য-প্রাসাদে রাখা সব  
গৃহস্থালি জিনিসপত্র খাঁটি সোনা দিয়ে তৈরি হল। কোনো কিছুই রংপো  
দিয়ে তৈরি করা হয়নি, কারণ শলোমনের রাজত্বকালে রংপোকে দামি  
বলে গণ্যই করা হত না। 21 রাজার কাছে তশীশের বাণিজ্যতারিই এক  
নৌবহর ছিল, যেটি পরিচালনার দায়িত্বে ছিল হীরমের দাসেরা। তিনি  
বছরে একবার জাহাজগুলি সোনা, রংপো এবং হাতির দাঁত, বনমানুষ  
ও বেবুন নিয়ে ফিরে আসত। 22 পৃথিবীর অন্য সব রাজার তুলনায়  
রাজা শলোমন ধনসম্পদে ও প্রজায় বৃহত্তর হলেন। 23 দীর্ঘ রাজা  
শলোমনের অন্তরে যে প্রজ্ঞা ভরে দিলেন, সেই প্রজ্ঞার কথা শোনার  
জন্য পৃথিবীর রাজারা সবাই তাঁর সাথে দেখা করতে চাইতেন। 24  
বছরের পর বছর, যে কেউ তাঁর কাছে আসত, সে কোনও না কোনো  
উপহার—রংপো ও সোনার তৈরি জিনিসপত্র, কাপড়চোপড়, অন্তর্শন্ত্র  
ও মশলাপাতি, এবং ঘোড়া ও খচ্চর নিয়ে আসত। 25 ঘোড়া ও রথের  
জন্য শলোমনের 4,000 আস্তাবল ছিল, এবং তাঁর কাছে 12,000  
ঘোড়া ছিল, যাদের তিনি রথ-নগরীগুলিতে এবং নিজের কাছে, অর্থাৎ  
জেরকশালেমেও রেখেছিলেন। 26 ইউফ্রেটিস নদীর পার থেকে শুরু  
করে মিশরের সীমানা পর্যন্ত বিস্তৃত ফিলিস্তিনীদের দেশ অবধি গোটা  
এলাকায়, সব রাজার উপর তিনি রাজত্ব করতেন। 27 জেরকশালেমে  
রাজা রংপোকে পাথরের মতো সাধারণ স্তরে নামিয়ে এনেছিলেন, এবং  
দেবদারু কাঠকে পর্বতমালার পাদদেশে উৎপন্ন ডুমুর গাছের মতো  
পর্যাঙ্গ করে তুলেছিলেন। 28 শলোমনের ঘোড়াগুলি মিশর থেকে ও  
অন্যান্য সব দেশ থেকে আমদানি করা হত। 29 শুরু থেকে শেষ পর্যন্ত  
শলোমনের রাজত্বকালের সব ঘটনা কি ভাববাদী নাথনের রচনায়,  
শীলনীয় অহিয়ের ভাববাণীতে এবং নবাটের ছেলে যারবিয়ামের  
বিষয়ে লেখা দর্শক ইদোর দর্শন-গ্রন্থে লেখা নেই? 30 শলোমন  
জেরকশালেমে সমগ্র ইস্রায়েলের উপর চাল্লিশ বছর রাজত্ব করলেন। 31  
পরে তিনি তাঁর পূর্বপুরুষদের সাথে চিরবিশ্রামে শায়িত হলেন এবং

তাঁকে তাঁর বাবা দাউদের নগরেই কবর দেওয়া হল। তাঁর ছেলে  
রহবিয়াম রাজাকে তাঁর স্থলাভিষিক্ত হলেন।

**10** রহবিয়াম শিথিমে গেলেন, কারণ সমগ্র ইস্রায়েল তাঁকে রাজা  
করার জন্য সেখানে পৌঁছেছিল। 2 নবাটের ছেলে যারবিয়াম যখন  
সেকথা শুনলেন (রাজা শলোমনের কাছ থেকে পালিয়ে তিনি সেই  
যে মিশরে চলে গেলেন, তিনি সেখানেই ছিলেন), তখন তিনি মিশর  
থেকে ফিরে এলেন। 3 তাই তারা লোক পাঠিয়ে যারবিয়ামকে ডেকে  
এনেছিল, এবং তিনি ও সমগ্র ইস্রায়েল রহবিয়ামের কাছে গিয়ে  
তাঁকে বললেন: 4 “আপনার বাবা আমাদের উপর এক ভারী জোয়াল  
চাপিয়ে দিয়েছেন, কিন্তু এখন আপনি সেই কঠোর পরিশ্রম ও ভারী  
জোয়ালের ভার লঘু করে দিন, যা আপনার বাবা আমাদের উপর  
চাপিয়ে দিয়েছেন, আর আমরাও আপনার সেবা করব।” 5 রহবিয়াম  
উত্তর দিলেন, “তিন দিন পর তোমরা আমার কাছে আবার এসো।”  
তাই লোকজন চলে গেল। 6 পরে রাজা রহবিয়াম সেইসব প্রাচীনের  
সঙ্গে শলাপরামর্শ করলেন, যারা তাঁর বাবা শলোমনের জীবনকালে  
তাঁর সেবা করতেন। “এই লোকদের কী উত্তর দিতে হবে সে বিষয়ে  
আপনারা আমাকে কী পরামর্শ দিতে চান?” তিনি জিজ্ঞাসা করলেন।  
7 তারা উত্তর দিলেন, “আপনি যদি এই লোকদের প্রতি দয়া দেখান  
ও তাদের খুশি করেন এবং তাদের সন্তোষজনক এক উত্তর দেন,  
তবে তারা সবসময় আপনার দাস হয়েই থাকবে।” 8 কিন্তু সেই  
বয়ক লোকজন রহবিয়ামকে যে পরামর্শ দিলেন, তিনি তা অগ্রাহ্য  
করলেন এবং সেই কমবয়সি যুবকদের সাথে শলাপরামর্শ করলেন,  
যারা তাঁর সাথেই বেড়ে উঠেছিল ও যারা তাঁর সেবা করত। 9 তিনি  
তাদের জিজ্ঞাসা করলেন, “তোমরা কী পরামর্শ দিতে চাও? সেই  
লোকদের আমরা কী উত্তর দেব, যারা আমাকে বলেছে, ‘আপনার বাবা  
আমাদের উপর যে জোয়াল চাপিয়ে দিয়েছেন, তা আপনি লঘু করে  
দিন?’” 10 তাঁর সাথে বেড়ে ওঠা যুবকেরা উত্তর দিয়েছিল, “লোকেরা  
আপনাকে বলেছে, ‘আপনার বাবা আমাদের উপর ভারী এক জোয়াল  
চাপিয়ে দিয়েছেন, কিন্তু আপনি এখন আমাদের জোয়াল হালকা করে

দিন।’ এখন আপনি তাদের বলুন, ‘আমার কড়ে আঙুল আমার বাবার  
কোমরের চেয়েও মোটা। 11 আমার বাবা তোমাদের উপর ভারী এক  
জোয়াল চাপিয়ে দিয়েছেন; আমি সেটি আরও ভারী করে তুলব।  
আমার বাবা তোমাদের চাবুক মেরে শাস্তি দিয়েছেন; আমি তোমাদের  
শাস্তি দেব কাঁকড়াবিছের কামড় দিয়ে।’” 12 “তিন দিন পর আমার  
কাছে তোমরা ফিরে এসো,” রাজার বলা এই কথামতো তিন দিন  
পর যারবিয়াম ও সব লোকজন রহবিয়ামের কাছে ফিরে এলেন। 13  
রাজা তাদের রূক্ষ ভাষায় উন্নত দিলেন। বয়স্ক লোকজনের পরামর্শ  
অগ্রাহ্য করে, 14 তিনি যুবকদের পরামর্শ ঘটতো তাদের বললেন,  
“আমার বাবা তোমাদের জোয়াল ভারী করে দিলেন; আমি সেটি  
আরও ভারী করে তুলব। আমার বাবা তোমাদের চাবুক মেরে শাস্তি  
দিলেন; আমি কাঁকড়াবিছের কামড় দিয়ে তোমাদের শাস্তি দেব।”  
15 এইভাবে রাজা, প্রজাদের কথা শুনলেন না, কারণ শীলোনীয়  
অহিয়ের মাধ্যমে সদাপ্রত্বর যে বাক্য নবাটের ছেলে যারবিয়ামের  
কাছে এসেছিল, সেটি পূর্ণ করার জন্য ঈশ্বরের কাছ থেকেই ঘটনার  
মোড় এভাবে ঘুরে গেল। 16 সমগ্র ইস্রায়েল যখন দেখেছিল যে রাজা  
তাদের কথা শুনতে চাইছেন না, তখন তারা রাজাকে উন্নত দিয়েছিল:  
“দাউদে আমাদের আর কী অধিকার আছে, যিশয়ের ছেলেই বা কী  
অধিকার আছে? হে ইস্রায়েল তোমাদের তাঁবুতে ফিরে যাও! হে  
দাউদ, তুমি ও নিজের বংশ দেখাশোনা করো!” এই বলে ইস্রায়েলীরা  
সবাই ঘরে ফিরে গেল। 17 কিন্তু যেসব ইস্রায়েলী যিহুদার বিভিন্ন  
নগরে বসবাস করছিল, রহবিয়াম তখনও তাদের উপর রাজত্ব করে  
যাচ্ছিলেন। 18 রাজা রহবিয়াম বেগার শ্রমিকদের দেখাশোনা করার  
দায়িত্বপ্রাপ্ত অদোনীরামকে তাদের কাছে পাঠালেন, কিন্তু ইস্রায়েলীরা  
তার উপর পাথর ছুঁড়ে তাকে মেরে ফেলেছিল। রাজা রহবিয়াম অবশ্য,  
কোনোমতে রথে চড়ে জেরশালেমে পালিয়ে যেতে পেরেছিলেন। 19  
এইভাবে, আজও পর্যন্ত ইস্রায়েল, দাউদের বংশের বিরুদ্ধে বিদ্রোহ  
করেই চলেছে।

**11** জেরশালেমে পৌঁছে রহবিয়াম যিহুদা ও বিন্যামীন থেকে এমন কিছু লোকজন—এক লাখ আশি হাজার সক্ষম যুবক—একত্রিত করলেন, যারা ইস্রায়েলের বিরুদ্ধে যুদ্ধ করতে ও রহবিয়ামের হাতে রাজ্য ফিরিয়ে দিতে পারত। 2 কিন্তু সদাপ্রভুর এই বাক্য ঈশ্বরের লোক শময়িয়ের কাছে পৌঁছেছিল: 3 “তুমি শ্লোমনের ছেলে যিহুদার রাজা রহবিয়ামকে এবং যিহুদা ও বিন্যামীনের সব ইস্রায়েলীকে দিয়ে বলো, 4 ‘সদাপ্রভু একথাই বলেন: তোমাদের জাতভাই ইস্রায়েলীদের বিরুদ্ধে তোমরা যুদ্ধ করতে যেয়ো না। তোমরা প্রত্যেকে ঘরে ফিরে যাও, কারণ এ কাজটি আমিই করেছি।’” তাই তারা সদাপ্রভুর বাক্যের প্রতি বাধ্য হয়ে যারবিয়ামের বিরুদ্ধে যুদ্ধযাত্রা না করে ফিরে গেল। 5 রহবিয়াম জেরশালেমে বসবাস করতে করতে যিহুদা দেশের সুরক্ষার জন্য এই নগরগুলি তৈরি করলেন: 6 বেথলেহেম, এটম, তকোয়, 7 বেত-সূর, সেখো, অদুল্লম, 8 গাং, মারেশা, সীফ, 9 অদোরয়িম, লাখীশ, অসেকা, 10 সরা, অয়ালোন ও হিরোণ। যিহুদা ও বিন্যামীনে এই নগরগুলি সুরক্ষিত নগরে পরিণত হল। 11 তিনি সেই নগরগুলির সুরক্ষা-ব্যবস্থা মজবুত করলেন এবং সেগুলিতে সেনাপতি মোতায়েন করে দিলেন, ও খাবারদাবার, জলপাই তেল ও দ্রাক্ষারসও সরবরাহ করলেন। 12 তিনি সব নগরে ঢাল ও বর্শা রেখে দিলেন, এবং নগরগুলিকে খুবই শক্তপোক্ত করে তুলেছিলেন। অতএব যিহুদা ও বিন্যামীন তাঁর অধিকারে থেকে গেল। 13 গোটা ইস্রায়েল জুড়ে যাজক ও লেবীয়েরা তাদের সব জেলা থেকে এসে তাঁর পাশে দাঁড়িয়েছিল। 14 লেবীয়েরা এমনকি তাদের পশ্চারণক্ষেত্র ও বিষয়সম্পত্তি ত্যাগ করে যিহুদা ও জেরশালেমে এসে গেল, কারণ যারবিয়াম ও তাঁর ছেলেরা সদাপ্রভুর যাজকরূপে তাদের তখন অগ্রাহ্য করলেন, 15 যখন পূজার্চনার উঁচু স্থানগুলির এবং তাঁর তৈরি করা ছাগল ও বাছুরের মূর্তিগুলির জন্য তিনি তাঁর নিজস্ব যাজকদের নিযুক্ত করলেন। 16 ইস্রায়েলের প্রত্যেকটি বংশ থেকে যারা যারা ইস্রায়েলের ঈশ্বর সদাপ্রভুর অঙ্গে করার জন্য তাদের অন্তর স্থির করল, তারা তাদের পূর্বপুরুষদের ঈশ্বর সদাপ্রভুর কাছে নৈবেদ্য উৎসর্গ করার জন্য লেবীয়দের পিছু পিছু জেরশালেমে

গেল। 17 তারা যিহুদা রাজ্যটিকে শক্তিশালী করল এবং তিনি বছর ধরে শলোমনের ছেলে রহবিয়ামকে সমর্থন করে গেল, ও এই সময়কালে দাউদ ও শলোমনের পথে চলেছিল। 18 রহবিয়াম সেই মহলৎকে বিয়ে করলেন, যিনি দাউদের ছেলে যিরীমোতের এবং যিশয়ের ছেলে ইলীয়াবের মেয়ে অবীহিলের মেয়ে ছিলেন। 19 তিনি রহবিয়ামের ওরসে এই ছেলেদের জন্ম দিলেন: যিয়ুশ, শমরিয় ও সহম। 20 পরে রহবিয়াম অবশালোমের মেয়ে সেই মাখাকে বিয়ে করলেন, যিনি তাঁর ওরসে অবিয়, অন্তয়, সীষ ও শলোমীতের জন্ম দিলেন। 21 রহবিয়াম অবশালোমের মেয়ে মাখাকে তাঁর অন্য সব স্ত্রী ও উপপত্নীর চেয়ে বেশি ভালোবাসতেন। তাঁর মোট আঠারো জন স্ত্রী ও ষাটজন উপপত্নী, আটাশ জন ছেলে ও ষাটজন মেয়ে ছিল। 22 মাখার ছেলে অবিয়কে রাজা করার কথা ভেবে, রহবিয়াম অবিয়ের দাদা-ভাইদের মধ্যে থেকে তাঁকেই যুবরাজ পদে নিযুক্ত করে দিলেন। 23 তিনি বিজ্ঞতার সঙ্গে তাঁর ছেলেদের মধ্যে থেকে কাউকে কাউকে যিহুদা ও বিন্যামীন প্রদেশের বিভিন্ন জেলায় ও সব সুরক্ষিত নগরে ছড়িয়ে-ছিটিয়ে মোতায়েন করে দিলেন। তিনি তাদের জন্য পর্যাপ্ত খাবারদাবারের আয়োজন করলেন এবং প্রচুর স্ত্রীও জোগাড় করে দিলেন।

**12** রাজারূপে রহবিয়ামের পদ সুপ্রতিষ্ঠিত হওয়ার ও তিনি শক্তিশালী হয়ে যাওয়ার পর, তিনি ও তাঁর সাথে সাথে সমগ্র ইস্রায়েল সদাপ্রভুর বিধান পরিত্যাগ করলেন। 2 যেহেতু তারা সদাপ্রভুর প্রতি অবিশ্বস্ত হলেন, তাই মিশরের রাজা শীশক রাজা রহবিয়ামের রাজত্বকালের পঞ্চম বছরে জেরুশালেম আক্রমণ করলেন। 3 12,000 রথ ও 60,000 অশ্বারোহী সৈন্য এবং মিশর থেকে তাঁর সাথে আসা অসংখ্য লূবীয়, সুকীয় ও কৃশীয় সৈন্য নিয়ে 4 তিনি যিহুদার সুরক্ষিত নগরগুলি দখল করে নিয়েছিলেন ও জেরুশালেম পর্যন্ত পৌঁছে গেলেন। 5 তখন ভাববাদী শময়িয়, শীশকের ভয়ে জেরুশালেমে একত্রিত হওয়া রহবিয়াম ও যিহুদার নেতাদের কাছে এসে তাদের বললেন, “সদাপ্রভু একথাই বলেন, ‘তোমরা আমাকে পরিত্যাগ করেছ; তাই, আমি এখন শীশকের হাতে তোমাদের ছেড়ে দিলাম।’” 6 ইস্রায়েলের নেতারা

ও রাজা স্বয়ং নিজেদের নত করলেন এবং বললেন, “সদাপ্রভুই  
 ন্যায়পরায়ণ।” 7 সদাপ্রভু যখন দেখেছিলেন যে তারা নিজেদের নত  
 করেছেন, তখন সদাপ্রভুর এই বাক্য শময়িয়ের কাছে পৌঁছে গেল:  
 “যেহেতু তারা নিজেদের নত করেছে, তাই আমি আর তাদের ধ্বংস  
 করব না, বরং অচিরেই তাদের মুক্তি দেব। শীশকের মাধ্যমে আমার  
 ক্রোধ জেরশালেমের উপর বারে পড়বে না। 8 তারা অবশ্য, তার  
 শাসনাধীন হবে, যেন আমার সেবা করার ও অন্যান্য দেশের রাজাদের  
 সেবা করার মধ্যে কী পার্থক্য আছে, তা তারা বুঝতে পারে।” 9  
 মিশরের রাজা শীশক জেরশালেম আক্ৰমণ কৰার সময় সদাপ্রভুর  
 মন্দিরের ও রাজপ্রাসাদের ধনসম্পদ তুলে নিয়ে গেলেন। শলোমনের  
 তৈরি করা সোনার ঢাল সমেত তিনি সবকিছু নিয়ে চলে গেলেন।  
 10 তাই সেগুলির পরিবর্তে রাজা রহবিয়াম ব্রাঞ্জের কয়েকটি ঢাল  
 তৈরি করলেন এবং যারা রাজপ্রাসাদের সিংহদুয়ারে মোতায়েন ফৌজি  
 পাহারাদারদের সেনাপতি ছিলেন, তাদের হাতে সেগুলি তুলে দিলেন।  
 11 যখনই রাজা সদাপ্রভুর মন্দিরে যেতেন, ফৌজি পাহারাদাররাও সেই  
 ঢালগুলি বহন করে তাঁর সাথে সাথে যেত, এবং পরে তারা আবার  
 সেগুলি ফৌজি পাহারাদারদের কক্ষে ফিরিয়ে নিয়ে যেত। 12 যেহেতু  
 রহবিয়াম নিজেকে নত করলেন, তাই সদাপ্রভুর ক্রোধ তাঁর উপর  
 থেকে সরে গেল, এবং তিনি পুরোপুরি ধ্বংস হননি। সত্যি বলতে কি,  
 তখনও যিন্দুতে কিছু ভালো গুণ অবশিষ্ট ছিল। 13 রাজা রহবিয়াম  
 জেরশালেমে নিজেকে সুপ্রতিষ্ঠিত করলেন এবং রাজকার্য চালিয়ে  
 গেলেন। তিনি একচল্লিশ বছর বয়সে রাজা হলেন, এবং সদাপ্রভু  
 নিজের নাম স্থাপন করার জন্য ইন্দ্রায়েলের সব বংশের মধ্যে থেকে  
 আলাদা করে যে নগরটিকে মনোনীত করলেন, সেই জেরশালেমে  
 তিনি সতেরো বছর রাজত্ব করলেন। তাঁর মাঝের নাম নয়মা; তিনি  
 ছিলেন একজন অম্মোনীয়। 14 রহবিয়াম মন্দ কাজকর্ম করলেন,  
 কারণ সদাপ্রভুর অব্যেষণ কৰার জন্য তিনি তাঁর অন্তর সুস্থির করেননি।  
 15 শুরু থেকে শেষ পর্যন্ত, রহবিয়ামের রাজত্বকালের সব ঘটনা কি  
 ভাববাদী শময়িয় ও দর্শক ইন্দোর সেই রচনাবলিতে লেখা নেই,

যেখানে বংশাবলির কথা তুলে ধরা হয়েছে? রহবিয়াম ও যারবিয়ামের মধ্যে অনবরত যুদ্ধ লেগেই থাকত। 16 রহবিয়াম তাঁর পূর্বপুরুষদের সঙ্গে চিরবিশ্রামে শায়িত হলেন এবং দাউদ-নগরীতে তাঁকে কবর দেওয়া হল, ও তাঁর ছেলে অবিয় রাজারূপে তাঁর স্তলাভিষিক্ত হলেন।

**13** যারবিয়ামের রাজত্বকালের অষ্টাদশতম বছরে, অবিয় যিহুদার রাজা হলেন, 2 এবং তিনি জেরশালেমে তিন বছর রাজত্ব করলেন। তাঁর মায়ের নাম মাখা, যিনি গিবিয়ার অধিবাসী উরিয়েলের মেয়ে ছিলেন। অবিয় ও যারবিয়ামের মধ্যে যুদ্ধ লেগেই ছিল। 3 অবিয় চার লাখ সক্ষম যোদ্ধার সমন্বয়ে গড়ে ওঠা এক সৈন্যদল সাথে নিয়ে যুদ্ধ করতে গেলেন, এবং যারবিয়াম আট লাখ সক্ষম যোদ্ধা সমন্বিত এক সৈন্যদল নিয়ে তাঁর বিরুদ্ধে ঝঁকে দাঁড়িয়েছিলেন। 4 ইহুয়িমের পার্বত্য এলাকার সমারয়িমে দাঁড়িয়ে অবিয় বলে উঠেছিলেন, “হে যারবিয়াম ও ইস্রায়েলের সব লোকজন, তোমরা আমার কথা শোনো! 5 তোমরা কি জানো না যে এক লবণ-নিয়মের মাধ্যমে ইস্রায়েলের রাজপদ ইস্রায়েলের ঈশ্বর সদাপ্রভু চিরতরে দাউদ ও তাঁর বংশধরদের হাতে তুলে দিয়েছেন? 6 অথচ নবাটের ছেলে যারবিয়াম, যে কি না দাউদের ছেলে শলোমনের সামান্য এক কর্মচারী ছিল, সে তার মনিবের বিরুদ্ধে বিদ্রোহ করে বসেছিল। 7 কয়েকজন অপদার্থ দুষ্টলোক তার চারপাশে একত্রিত হল এবং শলোমনের ছেলে রহবিয়াম যখন অল্পবয়স্ক ও সংশয়াপন্ন ছিলেন, এবং তাদের প্রতিরোধ করার পক্ষে খুব একটি শক্তিশালী ছিলেন না, তখনই তাঁর বিরুদ্ধাচরণ করল। 8 “আর এখন তোমরা সদাপ্রভুর সেই রাজ্যের বিরোধিতা করতে চাইছ, যেটি দাউদের বংশধরদের হাতে রয়েছে। তোমরা তো সত্যিই বিশাল এক সৈন্যদল এবং তোমাদের সাথে সোনার সেই বাঞ্ছুরগুলি আছে, যেগুলি দেবতারূপে যারবিয়াম তোমাদের জন্য তৈরি করে দিয়েছিল। 9 কিন্তু তোমরাই কি সদাপ্রভুর যাজকদের, হারোগের ছেলেদের, ও লেবীয়দের তাড়িয়ে দিয়ে, অন্যান্য দেশের লোকজনের দেখাদেখি নিজেদের ইচ্ছামতো যাজক তৈরি করে নাওনি? যে কেউ সাথে করে একটি ঝঁড়ে বাঞ্ছুর ও সাতটি মেষ এনে নিজেকে উৎসর্গীকৃত বলে দাবি

করে, সেই এমন সব বস্তুর যাজক হয়ে যায়, যেগুলি আদৌ দেবতাই নয়। 10 “আমাদের কাছে, সদাপ্রভুই আমাদের ঈশ্বর, এবং আমরা তাঁকে পরিত্যাগ করিনি। যেসব যাজক সদাপ্রভুর সেবা করলেন, তারা হারোগের বংশধর ও লেবীয়েরা তাদের কাজে সহযোগিতা করে। 11 প্রতিদিন সকাল-সন্ধিয় তারা সদাপ্রভুর কাছে হোমবলি ও সুগন্ধি ধূপ উৎসর্গ করলেন। প্রথাগতভাবে শুচিশুদ্ধ টেবিলে তারা রূটি সাজিয়ে রাখেন এবং প্রতিদিন সকালে সোনার বাতিদানের প্রদীপগুলি তারা জ্বালিয়ে দেন। আমাদের ঈশ্বর সদাপ্রভুর অবশ্যপূরণীয় শর্তগুলি আমরা পূরণ করে যাচ্ছি। কিন্তু তোমরা তাঁকে পরিত্যাগ করেছ। 12 ঈশ্বর আমাদের সাথে আছেন; তিনিই আমাদের নেতা। তাঁর যাজকেরা তাদের শিঙাগুলি নিয়ে তোমাদের বিরুদ্ধে যুদ্ধ-নিনাদ করবেন। হে ইস্রায়েলী জনতা, তোমরা তোমাদের পূর্বপুরুষদের ঈশ্বর সদাপ্রভুর বিরুদ্ধে যুদ্ধ কোরো না, কারণ তোমরা কিছুতেই সফল হবে না।” 13 যারবিয়াম ইত্যবসরে ঘুরপথে পিছন দিকে সৈন্য পাঠিয়ে দিলেন, যেন তিনি যখন যিহুদার সামনে থাকবেন, তখন আক্রমণ যেন তাদের পিছন দিক থেকেই শানানো হয়। 14 যিহুদার লোকজন পিছন ফিরে দেখেছিল, তারা সামনে ও পিছনে—দুই দিক থেকেই আক্রান্ত হয়েছে। তখন তারা সদাপ্রভুর কাছে কেঁদে ফেলেছিল। যাজকেরা তাদের শিঙাগুলি বাজিয়েছিলেন 15 এবং যিহুদার লোকজন যুদ্ধ-নিনাদের স্বর তীব্র করে তুলেছিল। তাদের যুদ্ধ-নিনাদ শুনে ঈশ্বর যারবিয়াম ও সমগ্র ইস্রায়েলকে অবিয ও যিহুদার সামনে ছত্রভঙ্গ করে দিলেন। 16 ইস্রায়েলীরা যিহুদার সামনে থেকে পালিয়ে গেল, এবং ঈশ্বর ইস্রায়েলীদের তাদের হাতে সঁপে দিলেন। 17 অবিয ও তাঁর সৈন্যদল ইস্রায়েলীদের এত ক্ষতিসাধন করলেন, যে ইস্রায়েলীদের মধ্যে পাঁচ লাখ সক্ষম যোদ্ধা মারা পড়েছিল। 18 সেবার ইস্রায়েলীরা পরাজিত হল, এবং যিহুদার লোকজন বিজয়ী হল, কারণ তারা তাদের পূর্বপুরুষদের ঈশ্বর সদাপ্রভুতে নির্ভর করল। 19 অবিয যারবিয়ামের পিছু ধাওয়া করে তাঁর কাছ থেকে বেখেল, যিশানা ও ইফ্রোণ ও সেই নগরগুলির চারপাশের গ্রামগুলি ও ছিনয়ে নিয়েছিলেন। 20 অবিয়ের সময়কালে

যারবিয়াম আর শক্তি অর্জন করতে পারেননি। সদাপ্রভু তাঁকে আঘাত করলেন ও তিনি মারা গেলেন। 21 কিন্তু অবিয় শক্তি অর্জন করেই যাচ্ছিলেন। তিনি চোদোজন স্ত্রীকে বিয়ে করলেন এবং তাঁর বাইশটি ছেলে ও মোলোটি মেয়ে হল। 22 অবিয়ের রাজত্বকালের অন্যান্য সব ঘটনা, তিনি যা যা করলেন ও যা যা বললেন, সেসব ভাববাদী ইন্দোর টীকারচনায় লেখা আছে।

**14** অবিয় তাঁর পূর্বপুরুষদের সঙ্গে চিরবিশ্রামে শায়িত হলেন এবং তাঁকে দাউদ-নগরে কবর দেওয়া হল। তাঁর ছেলে আসা রাজারূপে তাঁর স্থলাভিষিক্ত হলেন, এবং তাঁর রাজত্বকালে দশ বছর দেশে শান্তি বজায় ছিল। 2 আসা, তাঁর ঈশ্বর সদাপ্রভুর দৃষ্টিতে যা যা ভালো ও উপযুক্ত, তাই করলেন। 3 তিনি বিজাতীয় যজ্ঞবেদি ও পূজাচনার উঁচু স্থানগুলি উপড়ে ফেলেছিলেন, পবিত্র পাথরগুলি ভেঙে গুঁড়িয়ে দিলেন এবং আশেরার খুঁটিগুলি কেটে নামিয়েছিলেন। 4 তিনি যিহুদার লোকজনকে আদেশ দিলেন, তারা যেন তাদের পূর্বপুরুষদের ঈশ্বর সদাপ্রভুর অব্বেষণ করে এবং তাঁর বিধান ও আজ্ঞা মেনে চলে। 5 যিহুদার প্রত্যেকটি নগরে তিনি পূজাচনার উঁচু স্থান ও ধূপবেদিগুলি উপড়ে ফেলেছিলেন, এবং তাঁর অধীনে রাজ্য শান্তি বজায় ছিল। 6 যেহেতু দেশে শান্তি বজায় ছিল, তাই তিনি যিহুদায় কয়েকটি সুরক্ষিত নগর গড়ে তুলেছিলেন। সেই সময়, কয়েক বছর কেউ তাঁর সাথে যুদ্ধ করেননি, কারণ সদাপ্রভু তাঁকে বিশ্রাম দিলেন। 7 “এসো, আমরা এই নগরগুলি গড়ে তুলি,” তিনি যিহুদার লোকজনকে বললেন, “আর সেগুলির চারপাশে দেয়াল গঁথে দিই, এবং মিনার, দরজা ও খিলও গড়ে দিই। দেশ এখনও আমাদেরই অধিকারে আছে, যেহেতু আমরা আমাদের ঈশ্বর সদাপ্রভুর অব্বেষণ করেছি; আমরা তাঁর অব্বেষণ করেছি এবং সবদিক থেকেই তিনি আমাদের বিশ্রাম দিয়েছেন।” অতএব তারা নগরগুলি গড়ে তুলেছিল এবং সফলও হল। 8 আসার কাছে যিহুদা গোষ্ঠীভুক্ত এলাকা থেকে আসা এমন তিন লাখ সৈন্য ছিল, যারা বড়ো বড়ো ঢাল ও বর্ণায় সুসজ্জিত ছিল, এবং বিন্যামীন গোষ্ঠীভুক্ত এলাকা থেকে আসা এমন দুই লাখ আশি হাজার সৈন্য ছিল, যারা

ছোটো ছোটো ঢাল ও ধনুকে সুসজ্জিত ছিল। এরা সবাই ছিল সাহসী যোদ্ধা। 9 কৃশীয় সেরহ তাদের বিরুদ্ধে দশ লাখ সৈন্য এবং তিনশো রথ নিয়ে কুচকাওয়াজ করে বেরিয়ে এসেছিল, ও একেবারে মারেশা পর্যন্ত ফৌজে গেল। 10 আসা তার সাথে সমুখসমরে নেমেছিলেন, এবং মারেশার কাছে সফাথা উপত্যকায় যুদ্ধক্ষেত্রে তারা নিজের নিজের অবস্থান নিয়েছিলেন। 11 তখন আসা তাঁর ঈশ্বর সদাপ্রভুকে ডেকে বললেন, “হে সদাপ্রভু, শক্তিশালীর বিরুদ্ধে শক্তিহীনকে সাহায্য করার ক্ষেত্রে তোমার মতো আর কেউ নেই। হে আমাদের ঈশ্বর সদাপ্রভু, তুমি আমাদের সাহায্য করো, কারণ আমরা তোমারই উপর নির্ভর করে আছি, এবং এই বিশাল সৈন্যদলের বিরুদ্ধে আমরা তোমার নামেই এগিয়ে এসেছি। হে সদাপ্রভু, তুমই আমাদের ঈশ্বর; নিচক মরণশীল মানুষ যেন তোমার বিরুদ্ধে জিততে না পারে।” 12 আসা ও যিহুদার সামনে সদাপ্রভু সেই কৃশীয়দের আঘাত করলেন। কৃশীয়েরা পালিয়ে গেল, 13 এবং আসা ও তাঁর সৈন্যদল একেবারে গরার পর্যন্ত তাদের পিছু ধাওয়া করে গেলেন। এত বেশি সংখ্যায় কৃশীয়েরা মারা পড়েছিল, যে তারা আর ঘুরে দাঁড়াতে পারেনি; তারা সদাপ্রভুর ও তাঁর সৈন্যদলের সামনে চূর্ণবিচূর্ণ হয়ে গেল। যিহুদার লোকজন প্রচুর পরিমাণে লুটসামগ্রী তুলে নিয়ে এসেছিল। 14 গরারের চারপাশের সব গ্রাম তারা ধ্বংস করে দিয়েছিল, কারণ সদাপ্রভুর আতঙ্ক তাদের উপর এসে পড়েছিল। তারা সেইসব গ্রামে লুটপাট চালিয়েছিল, যেহেতু সেখানে প্রচুর লুটসামগ্রী পড়েছিল। 15 এছাড়া তারা রাখালদের শিবিরগুলিতেও আক্রমণ চালিয়েছিল এবং পালে পালে মেষ, ছাগল ও উট তুলে নিয়ে এসেছিল। পরে তারা জেরুশালেমে ফিরে গেল।

**15** ওদেদের ছেলে অসরিয়ের উপর ঈশ্বরের আত্মা নেমে এলেন। 2 তিনি আসার সাথে দেখা করতে গেলেন ও তাঁকে বললেন, “হে আসা এবং যিহুদা ও বিন্যামীনের সব লোকজন, আমার কথা শোনো। তোমরা যতদিন সদাপ্রভুর সাথে আছ, তিনিও তোমাদের সাথে আছেন। তোমরা যদি তাঁর অন্বেষণ করো, তবে তাঁকে খুঁজে পাবে, কিন্তু তোমরা যদি তাঁকে পরিত্যাগ করো, তবে তিনিও তোমাদের

পরিত্যাগ করবেন। ৩ দীর্ঘকাল ইস্রায়েল সত্য ঈশ্বরবিহীন, শিক্ষা দেওয়ার উপযোগী এক যাজক-বিহীন ও বিধানবিহীন হয়েই ছিল। ৪ কিন্তু তাদের দুঃখদুর্দশার দিনে তারা ইস্রায়েলের ঈশ্বর সদাপ্রভুর দিকে ফিরেছিল, ও তাঁর অন্নেষণ করল, এবং তারা তাঁর খোঁজ পেয়েছিল। ৫ সেই দিনগুলিতে নিরাপদে ঘোরাফেরা করা যেত না, কারণ দেশের সব অধিবাসী খুব গোলমেলে অবস্থায় ছিল। ৬ এক জাতি অন্য এক জাতির দ্বারা এবং এক নগর অন্য এক নগরের দ্বারা চূর্ণবিচূর্ণ হচ্ছিল, কারণ ঈশ্বরই সব ধরনের দুঃখ দিয়ে তাদের উদ্বিগ্ন করছিলেন। ৭ কিন্তু তোমরা বলবান হও ও হাল ছেড়ে দিয়ো না, কারণ তোমাদের কাজ পুরস্কৃত হবে।” ৮ আসা যখন এইসব কথা ও ওদেদের ছেলে ভাববাদী অসরিয়ের করা ভাববাণীটি শুনেছিলেন, তখন তিনি সাহস পেয়েছিলেন। যিহুদা ও বিন্যামীনের গোটা এলাকা থেকে এবং ইফ্রিয়িমের পার্বত্য এলাকার যেসব নগর তিনি দখল করলেন, সেগুলি থেকেও ঘৃণ্য প্রতিমার মৃত্তিগুলি তিনি সরিয়ে দিলেন। সদাপ্রভুর মন্দিরের বারান্দার সামনে রাখা সদাপ্রভুর যজ্ঞবেদিটি তিনি মেরামত করে দিলেন। ৯ পরে যিহুদা ও বিন্যামীনের সব লোকজনকে এবং ইফ্রিয়িম, মনঃশি ও শিমিয়োন গোষ্ঠীভুক্ত এলাকা থেকে আসা সেইসব লোককে তিনি এক স্থানে একত্রিত করলেন, যারা তাদের মাঝাখানে বসতি স্থাপন করল, কারণ ইস্রায়েল থেকে প্রাচুর লোকজন তখনই তাঁর কাছে এসেছিল, যখন তারা দেখেছিল যে তাঁর ঈশ্বর সদাপ্রভু তাঁর সাথে আছেন। ১০ আসার রাজত্বকালের পঞ্চদশতম বছরের তৃতীয় মাসে তারা জেরুশালেমে একত্রিত হল। ১১ সেই সময় যে লুটসামগ্রী তারা নিয়ে এসেছিল, সেখান থেকে তারা সদাপ্রভুর উদ্দেশে সাতশো গবাদি পশু এবং সাত হাজার মেষ ও ছাগল বলি দিয়েছিল। ১২ মনেপ্রাণে তারা তাদের পূর্বপুরুষদের ঈশ্বর সদাপ্রভুর অব্রহাম করার জন্য এক নিয়মে নিজেদের বেঁধে ফেলেছিল। ১৩ যারা যারা ইস্রায়েলের ঈশ্বর সদাপ্রভুর অব্রহাম করবে না, তারা ছেটাই হোক বা বড়ো, পুরুষই হোক বা মহিলা, তাদের মেরে ফেলা হবে। ১৪ জোরালো সাধুবাদ জানিয়ে, চিৎকার করে ও শিঙ্গা বাজিয়ে সদাপ্রভুর

উদ্দেশে তারা এক শপথ নিয়েছিল। 15 যিহুদার সব লোকজন সেই শপথের বিষয়ে আনন্দ প্রকাশ করল, কারণ মনেপ্রাণে তারা সেই শপথ নিয়েছিল। আগ্রহী হয়ে তারা ঈশ্বরের অস্বেষণ করল, এবং তিনি তাদের কাছে ধরা দিলেন। অতএব সবদিক থেকেই সদাপ্রভু তাদের বিশ্রাম দিলেন। 16 এছাড়াও রাজা আসা, রাজমাতার পদ থেকে তাঁর ঠাকুর্মা মাখাকে সরিয়ে দিলেন, কারণ আশেরার পুজো করার জন্য মাখা জঘন্য এক মূর্তি তৈরি করেছিলেন। আসা সেটি কেটে ফেলে দিয়ে, ভেঙেও দিলেন এবং কিন্দ্রোণ উপত্যকায় সেটি জ্বালিয়ে দিলেন। 17 ইস্রায়েল থেকে যদিও তিনি পূজার্চনার উঁচু স্থানগুলি উপড়ে ফেলেননি, তবুও আজীবন আসার অন্তর সদাপ্রভুর প্রতি পুরোপুরি সমর্পিতই ছিল। 18 ঈশ্বরের মন্দিরে তিনি রংপো ও সোনা এবং সেইসব জিনিসপত্র এনে রেখেছিলেন, যেগুলি তিনি ও তাঁর বাবা উৎসর্গ করলেন। 19 আসার রাজত্বকালের পঁয়াত্রিশতম বছর পর্যন্ত আর কোনও যুদ্ধ হয়নি।

**16** আসার রাজত্বকালের ছত্রিশতম বছরে ইস্রায়েলের রাজা বাশা যিহুদার বিরুদ্ধে উঠে গেলেন এবং রামা নগরটি সুরক্ষিত করে সেখানে ঘাঁটি গেড়েছিলেন, যেন যিহুদার রাজা আসার এলাকা থেকে কেউ বেরিয়ে আসতে না পারে বা সেখানে চুক্তেও না পারে। 2 আসা তখন সদাপ্রভুর মন্দির থেকে ও তাঁর নিজের প্রাসাদের কোষাগার থেকে রংপো ও সোনা নিয়ে সেগুলি অরামের রাজা সেই বিন্হৃদদের কাছে পাঠিয়ে দিলেন, যিনি দামাক্সাসে রাজত্ব করছিলেন। 3 “আপনার ও আমার মধ্যে এক চুক্তি হোক,” তিনি বললেন, “যেমনটি আমার বাবা ও আপনার বাবার মধ্যে ছিল। দেখুন, আমি আপনার কাছে রংপো ও সোনা পাঠাচ্ছি। এখন আপনি ইস্রায়েলের রাজা বাশার সঙ্গে করা আপনার চুক্তিটি ভেঙে ফেলুন, তবেই সে আমার কাছ থেকে পিছিয়ে যাবে।” 4 বিন্হৃদ আসার কথায় রাজি হলেন এবং ইস্রায়েলের নগরগুলির বিরুদ্ধে তাঁর সৈন্যদলের সেনাপতিদের পাঠালেন। তারা ইয়োন, দান, আবেল-ময়িম ও নঙ্গালির সব ভাঁড়ার-নগর জোর করে দখল করে নিয়েছিল। 5 বাশা যখন একথা শুনতে পেলেন, তিনি রামা নগরটি গাড়ে তোলার কাজ বন্ধ করে দিলেন এবং তাঁর কাজ

পরিত্যক্ত অবস্থায় ফেলে রেখে গেলেন। ৬ পরে রাজা আসা যিহুদার  
সব লোকজনকে সেখানে নিয়ে এলেন, এবং তারা রামা থেকে সেইসব  
পাথর ও কাঠ বয়ে নিয়ে গেল, যেগুলি বাশা ব্যবহার করছিলেন। ৭  
সেগুলি দিয়ে তিনি গেবা ও মিস্পা নগর দুটি গড়ে তুলেছিলেন। ৮  
সেই সময় দর্শক হনানি যিহুদার রাজা আসার কাছে এলেন এবং তাঁকে  
বললেন: “যেহেতু আপনি আপনার ঈশ্বর সদাপ্রভুর উপর নির্ভর না  
করে অরামের রাজার উপর নির্ভর করেছেন, তাই অরামের রাজার  
সৈন্যদল আপনার হাতের নাগাল এড়িয়ে পালিয়েছে। ৯ বিশাল সংখ্যক  
রথ ও অশ্বারোহী সমেত কৃশীয় ও লুবীয়েরা কি বিশাল এক সৈন্যদল  
ছিল না? তবুও আপনি যখন সদাপ্রভুর উপর নির্ভর করলেন, তখন  
তিনি আপনার হাতে তাদের সঁপে দিলেন। ১০ কারণ সদাপ্রভুর চোখ  
তাদেরই শক্তিশালী করে তোলার জন্য গোটা পৃথিবী জুড়ে বিচরণ  
করে যাচ্ছে, যাদের অন্তর তাঁর প্রতি পুরোপুরি সমর্পিত। আপনি মুর্খের  
মতো কাজ করেছেন, আর এখন থেকে বারবার আপনাকে যুদ্ধ করতে  
হবে।” ১১ এতে আসা সেই দর্শকের উপর রেগে গেলেন; তিনি এত  
রেগে গেলেন যে হনানিকে জেলখানায় পুরে দিলেন। একইসাথে,  
কিছু কিছু লোকের প্রতি আসা নিষ্ঠুর অত্যাচারও চালিয়েছিলেন।  
১২ শুরু থেকে শেষ পর্যন্ত, আসার রাজত্বকালের সব ঘটনা যিহুদা  
ও ইস্রায়েলের রাজাদের ইতিহাস-গ্রন্থে লেখা আছে। ১৩ আসার  
রাজত্বকালের উনচল্লিশ বছরে তিনি তাঁর পায়ের রোগে কাতর হয়ে  
পড়েছিলেন। তাঁর রোগ দুঃসহ হওয়া সত্ত্বেও, এমনকি অসুস্থতার  
সময়েও তিনি সদাপ্রভুর কাছে সাহায্য চাননি, কিন্তু শুধু চিকিৎসকদের  
কাছেই তিনি সাহায্য চেয়েছিলেন। ১৪ পরে আসার রাজত্বকালের  
একচল্লিশতম বছরে তিনি মারা গেলেন এবং তাঁর পূর্বপুরুষদের সাথে  
চিরবিশ্রামে শায়িত হলেন।

১৫ দাউদ-নগরে তিনি নিজের জন্য যে  
কবরটি খুঁড়িয়েছিলেন, সেখানেই লোকেরা তাঁকে কবর দিয়েছিল।  
মশলাপাতি ও বিভিন্ন ধরনের মিশ্রিত সুগন্ধি মাথিয়ে তাঁর দেহটি  
তারা একটি খাটে শুইয়ে দিয়েছিল, এবং তাঁর সম্মানে তারা আগুন  
জ্বালানোর এলাহি এক আয়োজন করল।

**১৭** আসার ছেলে যিহোশাফট রাজাকর্পে তাঁর স্তুতিমিতি হলেন এবং  
ইস্রায়েলের বিরুদ্ধে নিজেকে শক্তিশালী করে তুলেছিলেন। ২ যিহুদার  
সব সুরক্ষিত নগরে তিনি সৈন্যদল মোতায়েন করে দিলেন এবং  
যিহুদাকে ও ইফ্রায়িমের সেইসব নগরকে রক্ষা করার উদ্দেশ্যে তিনি  
সৈন্যদল মোতায়েন করলেন, যেগুলি তাঁর বাবা আসা দখল করলেন।  
৩ সদাপ্রভু যিহোশাফটের সাথে ছিলেন, কারণ তাঁর সামনে তিনি তাঁর  
পূর্বপুরুষ দাউদের পথেই চলতেন। তিনি বায়াল-দেবতাদের কাছে  
পরামর্শ চাইতেন না ৪ কিন্তু তাঁর পৈতৃক ঈশ্বরের অস্বেষণ করতেন  
এবং ইস্রায়েলের প্রধানুসারে না চলে বরং ঈশ্বরেরই আদেশ পালন  
করতেন। ৫ সদাপ্রভু যিহোশাফটের নিয়ন্ত্রণে রাজ্যটি সুস্থির করলেন;  
এবং যিহুদার সব লোকজন তাঁর কাছে উপহারসামগ্ৰী নিয়ে এসেছিল,  
এতে তিনি প্রচুর ধনসম্পদ ও সম্মানের অধিকারী হলেন। ৬ সদাপ্রভুর  
পথের প্রতি তাঁর অন্তর সমর্পিত হয়েছিল; এছাড়াও, তিনি যিহুদা দেশ  
থেকে পূজার্চনার উঁচু স্থানগুলি ও আশেরার খুঁটিগুলি ও উপড়ে ফেলে  
সরিয়ে দিলেন। ৭ তাঁর রাজত্বকালের তৃতীয় বছরে যিহুদা দেশের  
বিভিন্ন নগরে শিক্ষা দেওয়ার জন্য তিনি তাঁর কর্মকর্তা বিন-হয়িল,  
ওবদিয়, সখরিয়, নথনেল ও মীখায়কে পাঠালেন। ৮ তাঁদের সাথে  
ছিলেন কয়েকজন লেবীয়—শমায়িয়, নথনিয়, সবদিয়, অসাহেল,  
শমীরামোৎ, যিহোনাথন, অদোনিয়, টোবিয় ও টোব-অদোনীয়—এবং  
যাজক ইলীশামা ও যিহোরাম। ৯ সদাপ্রভুর বিধানপুস্তক সাথে নিয়ে  
তারা গোটা যিহুদা দেশে ঘুরে ঘুরে শিক্ষা দিয়ে বেড়িয়েছিলেন; যিহুদা  
দেশের সব নগরে গিয়ে গিয়ে তারা লোকদের শিক্ষা দিলেন। ১০  
যিহুদা দেশের চারপাশে থাকা সব দেশের রাজ্যগুলির উপর এমনভাবে  
সদাপ্রভুর ভয় নেমে এসেছিল, যে তারা আর যিহোশাফটের বিরুদ্ধে যুদ্ধ  
করেননি। ১১ ফিলিস্তিনীদের মধ্যে কেউ কেউ কর-বাবদ যিহোশাফটের  
কাছে উপহারসামগ্ৰী ও রূপো নিয়ে এসেছিল, এবং আরবীয়েরা তাঁর  
কাছে এই পশ্চপাল নিয়ে এসেছিল: সাত হাজার সাতশো মদ্দা মেষ ও  
সাত হাজার সাতশো ছাগল। ১২ যিহোশাফট ক্রমাগত আরও বেশি  
শক্তিশালী হয়ে উঠেছিলেন; যিহুদায় তিনি কয়েকটি দুর্গ ও ভাঁড়ার-

নগর গড়ে তুলেছিলেন 13 এবং যিহুদার নগরগুলিতে প্রচুর জিনিসপত্র মজুদ করলেন। এছাড়াও জেরশালেমে তিনি অভিজ্ঞ যোদ্ধাদের রেখে দিলেন। 14 বৎশানুসারে তাদের তালিকাটি এইরকম: যিহুদা থেকে, সহস্র-সেনাপতিরা হলেন: 3,00,000 যোদ্ধা সমেত সেনাপতি আদন; 15 তাঁর পরে, 2,80,000 যোদ্ধা সমেত সেনাপতি যিহোহানন; 16 তাঁর পরে, 2,00,000 যোদ্ধা সমেত সিঞ্চির ছেলে সেই অমসিয়, যিনি সদাপ্রভুর সেবা করার জন্য নিজেই স্বেচ্ছাসেবক হলেন। 17 বিন্যামীন থেকে: ধনুক ও ঢাল নিয়ে সুসজ্জিত 2,00,000 যোদ্ধা সমেত বীর সৈনিক ইলিয়াদা; 18 তাঁর পরে, যুদ্ধ করার জন্য অস্ত্রশস্ত্রে সুসজ্জিত 1,80,000 যোদ্ধা সমেত যিহোষাবদ। 19 রাজা যাদের গোটা যিহুদা দেশ জুড়ে বিভিন্ন সুরক্ষিত নগরে মোতায়েন করলেন, তাদের পাশাপাশি এরাও সেইসব লোক, যারা রাজার সেবা করতেন।

**18** যিহোশাফট প্রচুর ধনসম্পদ ও সম্মানের অধিকারী হলেন, এবং বিবাহসূত্রে তিনি আহাবের সাথে সম্পর্ক গড়ে তুলেছিলেন। 2 কয়েক বছর পর তিনি শমারিয়ায় আহাবের সাথে দেখা করতে গেলেন। তাঁর জন্য ও তাঁর সাথে থাকা লোকজনের জন্য আহাব প্রচুর মেষ ও গবাদি পশু বধ করলেন এবং রামোৎ-গিলিয়দ আক্রমণ করার জন্য তাঁকে অনুরোধ ও জানিয়েছিলেন। 3 ইস্রায়েলের রাজা আহাব যিহুদার রাজা যিহোশাফটকে জিজ্ঞাসা করলেন, “আপনি কি আমার সাথে রামোৎ-গিলিয়দ আক্রমণ করতে যাবেন?” যিহোশাফট উত্তর দিলেন, “আমি আপনারই মতো, ও আমার প্রজারাও আপনার প্রজাদেরই মতো; যদ্বে আমরা আপনার সাথে যোগ দেব।” 4 কিন্তু যিহোশাফট ইস্রায়েলের রাজাকে এও বললেন, “প্রথমে সদাপ্রভুর কাছে পরামর্শ চেয়ে নিন।” 5 তাই ইস্রায়েলের রাজা ভাববাদীদের—চারশো জনকে—একত্রিত করলেন এবং তাদের জিজ্ঞাসা করলেন, “আমরা রামোৎ-গিলিয়দের বিরুদ্ধে যুদ্ধযাত্রা করব, কি করব না?” “চলে যান,” তারা উত্তর দিয়েছিল, “কারণ ঈশ্বর সেটি রাজার হাতে তুলে দেবেন।” 6 কিন্তু যিহোশাফট জিজ্ঞাসা করলেন, “এখানে কি সদাপ্রভুর এমন কোনও ভাববাদী নেই, যাঁর কাছে আমরা খোঁজখবর নিতে পারব?” 7

ইস্রায়েলের রাজা, যিহোশাফটকে উত্তর দিলেন, “আরও একজন ভাববাদী আছেন, যার মাধ্যমে আমরা সদাপ্রভুর কাছে খোঁজখবর নিতে পারি, কিন্তু আমি তাকে ঘৃণা করি, যেহেতু সে কখনোই আমার বিষয়ে ভালো কিছু ভাববাণী করে না, কিন্তু সবসময় খারাপ ভাববাণীই করে। সে হল যিম্মের ছেলে মীখায়।” “মহারাজ এরকম কথা বলবেন না,” যিহোশাফট উত্তর দিলেন। ৪ তখন ইস্রায়েলের রাজা কর্মকর্তাদের মধ্যে একজনকে ডেকে বললেন, “এক্ষনি গিয়ে যিম্মের ছেলে মীখায়কে ডেকে আনো।” ৫ রাজপোশাক পরে ইস্রায়েলের রাজা ও যিহুদার রাজা যিহোশাফট, দুজনেই শমরিয়ার সিংহদুয়ারের কাছে খামারবাড়িতে তাদের সিংহাসনে বসেছিলেন, এবং ভাববাদীরা সবাই তাদের সামনে ভাববাণী করে যাচ্ছিল। ১০ ইত্যবসরে কেনাঘার ছেলে সিদিকিয় লোহার দুটি শিং তৈরি করল এবং সে ঘোষণা করল, “সদাপ্রভু একথাই বলেন: ‘আরামীয়রা ধ্বংস না হওয়া পর্যন্ত এগুলি দিয়েই আপনি তাদের গুঁতাবেন।’” ১১ অন্যান্য সব ভাববাদীও একই ভাববাণী করল। “রামোৎ-গিলিয়দ আক্রমণ করুন এবং বিজয়ী হোন,” তারা বলল, “কারণ সদাপ্রভু সেটি রাজার হাতে তুলে দেবেন।” ১২ যে দৃত মীখায়কে ডাকতে গেল, সে তাঁকে বলল, “দেখুন, অন্যান্য ভাববাদীরা সবাই কোনও আপত্তি না জানিয়ে রাজার পক্ষে সফলতার ভাববাণী করছে। আপনার কথাও যেন তাদেরই মতো হয়, এবং আপনি ও সুবিধাজনক কথাই বলুন।” ১৩ কিন্তু মীখায় বললেন, “জীবন্ত সদাপ্রভুর দিবি, আমার ঈশ্বর যা বলবেন, আমি তাঁকে শুধু সেকথাই বলতে পারব।” ১৪ তিনি সেখানে পৌঁছানোর পর রাজা তাঁকে জিজ্ঞাসা করলেন, “মীখায়, রামোৎ-গিলিয়দের বিরুদ্ধে আমরা যুদ্ধযাত্রা করব, কি করব না?” “আক্রমণ করে আপনি বিজয়ী হোন,” তিনি উত্তর দিলেন, “কারণ সেখানকার লোকজনকে আপনার হাতে তুলে দেওয়া হবে।” ১৫ রাজা তাঁকে বললেন, “কতবার আমি তোমাকে দিয়ে শপথ করাব যে তুমি সদাপ্রভুর নামে আমাকে সত্যিকথা ছাড়া আর কিছুই বলবে না?” ১৬ তখন মীখায় উত্তর দিলেন, “আমি দেখতে পাচ্ছি, ইস্রায়েলীরা সবাই পাহাড়ের উপর পালকবিহীন মেষের পালের

মতো হয়ে আছে, এবং সদাপ্রভু বলেছেন, ‘এই লোকজনের কোনও  
মনিব নেই। শান্তিতে যে যার ঘরে ফিরে যাক।’” 17 ইস্রায়েলের  
রাজা যিহোশাফাটকে বললেন, “আমি কি আপনাকে বলিন যে সে  
আমার বিষয়ে কথনও ভালো কিছু ভাববাণী করে না, কিন্তু শুধু খারাপ  
ভাববাণীই করে?” 18 মীখায় আরও বললেন, “এজন্য সদাপ্রভুর এই  
বাক্য শুনুন: আমি দেখলাম, সদাপ্রভু তাঁর সিংহসনে বসে আছেন  
এবং স্বর্গের জনতা তাঁর ডানদিকে ও বাঁদিকে দাঁড়িয়ে আছে। 19  
সদাপ্রভু বললেন, ‘রামোৎ-গিলিয়দ আক্রমণ করে সেখানে মরতে  
যাওয়ার জন্য কে ইস্রায়েলের রাজা আহাবকে প্ররোচিত করবে?’  
“তখন কেউ একথা, কেউ সেকথা বলল। 20 শেষে, একটি আত্মা  
গিয়ে এসে সদাপ্রভুর সামনে দাঁড়িয়েছিল এবং বলল, ‘আমি তাকে  
প্ররোচিত করব।’ “‘কীভাবে?’ সদাপ্রভু জিজ্ঞাসা করলেন। 21 “‘আমি  
গিয়ে তার সব ভাববাদীর মুখে প্রতারণাকারী আত্মা হয়ে যাব,’ সে  
বলল। “‘তুমি তাকে প্ররোচিত করতে সফল হবে,’ সদাপ্রভু বললেন।  
‘যাও, গিয়ে সে কাজটি করো।’ 22 “তাই এখন সদাপ্রভু আপনার  
এই ভাববাদীদের মুখে বিভাস্তিকর এক আত্মা দিয়েছেন। সদাপ্রভু  
আপনার সর্বনাশের হৃকুম জারি করেছেন।” 23 তখন কেনান্নার ছেলে  
সিদিকিয় গিয়ে মীখায়ের গালে চড় মেরেছিল। “সদাপ্রভুর কাছ থেকে  
আসা আত্মা তোর সাথে কথা বলার জন্য কোন পথে আমার কাছ থেকে  
গেলেন?” সে জিজ্ঞাসা করল। 24 মীখায় উত্তর দিলেন, “সেদিনই  
তুমি তা জানতে পারবে, যেদিন তুমি ভিতরের ঘরে গিয়ে লুকাবে।”  
25 ইস্রায়েলের রাজা তখন আদেশ দিলেন, “মীখায়কে ধরে নগরের  
শাসনকর্তা আমোনের ও রাজপুত্র যোয়াশের কাছে পাঠিয়ে দাও, 26  
এবং তাদের বোলো, ‘রাজা একথাই বলেছেন: একে জেলখানায়  
রেখে দাও এবং যতদিন না আমি নিরাপদে ফিরে আসছি, ততদিন  
একে রুটি ও জল ছাড়া আর কিছুই দিয়ো না।’” 27 মীখায় ঘোষণা  
করলেন, “আপনি যদি নিরাপদে কথনও ফিরে আসেন, তবে জানবেন,  
সদাপ্রভু আমার মাধ্যমে কথা বলেননি।” পরে তিনি আরও বললেন,  
“ওহে লোকজন, তোমরা সবাই আমার কথাগুলি মনে গেঁথে রাখো।”

২৮ অতএব ইস্রায়েলের রাজা ও যিহুদার রাজা যিহোশাফট রামোৎ-গিলিয়দে চলে গেলেন। ২৯ ইস্রায়েলের রাজা যিহোশাফটকে বললেন, “আমি ছদ্মবেশ ধারণ করে যুদ্ধক্ষেত্রে প্রবেশ করব, কিন্তু আপনি আপনার রাজপোশাক পরে থাকুন।” এইভাবে ইস্রায়েলের রাজা ছদ্মবেশ ধারণ করে যুদ্ধে গেলেন। ৩০ ইত্যবসরে অরামের রাজা তাঁর রথের সেনাপতিদের আদেশ দিয়ে রেখেছিলেন, “একমাত্র ইস্রায়েলের রাজা ছাড়া, ছোটো বা বড়ো, কোনো লোকের সাথে যুদ্ধ করবে না।” ৩১ রথের দায়িত্বপ্রাপ্ত সেনাপতিরা যিহোশাফটকে দেখে ভেবেছিল, “ইনিই নিশ্চয় ইস্রায়েলের রাজা।” তাই তাঁকে আক্রমণ করার জন্য তারা ঘুরে দাঁড়িয়েছিল, কিন্তু যিহোশাফট চিৎকার করে উঠেছিলেন, এবং সদাপ্রভু তাঁকে সাহায্য করলেন। ঈশ্বর তাঁর কাছ থেকে তাদের সরিয়ে দিলেন, ৩২ কারণ রথের সেনাপতিরা যখন দেখেছিল যে তিনি ইস্রায়েলের রাজা নন, তখন তারা তাঁর পিছু ধাওয়া করা বন্ধ করে দিয়েছিল। ৩৩ কিন্তু কেউ একজন আচমকা ধনুকে টান দিয়ে ইস্রায়েলের রাজার বুক ও পেটে পরবার বর্মের মাঝাখানের ফাঁকা স্থানে আঘাত করে বসেছিল। রাজা তাঁর রথের সারাথিকে বললেন, “রথ ঘুরিয়ে নিয়ে আমাকে যুদ্ধক্ষেত্র থেকে বাইরে নিয়ে চলো। আমি আহত হয়ে পড়েছি।” ৩৪ সারাদিন ধরে সেদিন ধুন্মুকার যুদ্ধ চলেছিল, এবং সন্ধ্যা পর্যন্ত ইস্রায়েলের রাজা অরামীয়দের দিকে মুখ করে নিজেকে রথের উপর দাঁড় করিয়ে রেখেছিলেন। পরে সূর্যাস্তের সময় তিনি মারা গেলেন।

**১৯** যিহুদার রাজা যিহোশাফট যখন নিরাপদে জেরুশালেমে তাঁর প্রসাদে ফিরে এলেন, ২ তখন হনানির ছেলে দর্শক যেহু তাঁর সাথে দেখা করার জন্য বের হয়ে এলেন এবং রাজাকে তিনি বললেন, “দুষ্টকে সাহায্য করা ও যারা সদাপ্রভুকে ঘৃণা করে, তাদের ভালোবাসা কি আপনার উচিত হয়েছে? এজন্য, সদাপ্রভুর ক্রোধ আপনার উপর এসে পড়েছে। ৩ কিন্তু ভালো গুণ এখনও অবশ্য আপনার মধ্যে রয়ে গিয়েছে, কারণ আপনি দেশ থেকে আশেরা-খুঁটিগুলি উৎখাত করে ছেড়েছেন এবং ঈশ্বরের অন্নেষণ করার জন্য আপনার অন্তর স্থির

করেছেন।” 4 যিহোশাফট জেরুশালেমে বসবাস করছিলেন, এবং তিনি আবার বের-শেবা থেকে শুরু করে ইফ্রায়িমের পাহাড়ি এলাকায় যত লোক বসবাস করত, তাদের কাছে গেলেন ও তাদের ঈশ্বর সদাপ্রভুর কাছে তাদের ফিরিয়ে এনেছিলেন। 5 দেশে, অর্থাৎ যিহুদার প্রত্যেকটি সুরক্ষিত নগরে তিনি বিচারক নিযুক্ত করে দিলেন। 6 তিনি তাদের বললেন, “সাবধান হয়ে তোমরা তোমাদের কাজকর্ম কোরো, কারণ তোমরা নিছক মরণশীল মানুষের হয়ে বিচার করছ না কিন্তু সেই সদাপ্রভুর হয়েই করছ, যিনি তোমাদের সাথেই তখন আছেন, যখন তোমরা বিচারের কোনও রায় দিচ্ছ। 7 এখন সদাপ্রভুর ভয় তোমাদের উপর বিরাজ করুক। সাবধান হয়ে বিচার কোরো, কারণ অন্যায়ের বা একপেশেমির বা ঘুস দেওয়া-নেওয়ার সাথে আমাদের ঈশ্বর সদাপ্রভুর কোনও সম্পর্ক নেই।” 8 জেরুশালেমেও যিহোশাফট সদাপ্রভুর বিধান প্রয়োগ করার ও মতবিরোধের মীমাংসা করার জন্য কয়েকজন লেবীয়কে, যাজককে ও ইস্রায়েল বংশোদ্ধৃত কর্তাব্যস্থিকে নিযুক্ত করলেন। তারা সবাই জেরুশালেমেই বসবাস করতেন। 9 তিনি তাদের এইসব আদেশ দিলেন: “সদাপ্রভুর ভয়ে বিশ্বস্ত হয়ে ও মনপ্রাণ চেলে দিয়ে তোমাদের পরিচর্যা করতে হবে। 10 বিভিন্ন নগরে যারা বসবাস করে, সেইসব লোক যখন তোমাদের কাছে কোনও সমস্যা নিয়ে আসবে, তখন প্রত্যেকটি ক্ষেত্রে—রক্তপাত হোক বা বিধানের, আদেশের, বিধির বা নিয়মকানুনের অন্য কোনও বিষয়—তোমাদের তখন তাদের সতর্ক করে দিতে হবে, যেন তারা সদাপ্রভুর বিরুদ্ধে পাপ না করে; তা না হলে তাঁর ক্রোধ তোমাদের উপর ও তোমাদের লোকজনের উপর নেমে আসবে। এরকমই কোরো, আর তোমরা দোষী হবে না। 11 “সদাপ্রভুর যে কোনো বিষয়ে প্রধান যাজক অমরিয় তোমাদের দায়িত্ব পালন করবেন, এবং যিহুদা বংশের নেতা ও ইশ্যায়েলের ছেলে সবদিয়, রাজার যে কোনো বিষয়ে তোমাদের দায়িত্ব পালন করবেন, এবং লেবীয়েরা তোমাদের সামনে কর্মকর্তা হয়ে পরিচর্যা সামলাবেন। সাহসে বুক বেঁধে কাজ করে যাও, এবং যারা ভালোভাবে কাজ করবে, সদাপ্রভু যেন তাদের সাথে থাকেন।”

**20** পরে, মোয়াবীয় ও অম্বোনীয়রা কয়েকজন মায়োনীয়কে সাথে নিয়ে যিহোশাফটের বিরুদ্ধে যুদ্ধ করতে এসেছিল। 2 কিছু লোকজন এসে যিহোশাফটকে বলল, “ইদোম থেকে, মরসাগরের ওপার থেকে বিশাল এক সৈন্যদল আপনার দিকে এগিয়ে আসছে। তারা ইতিমধ্যেই হৎসোন-তামরে (অর্থাৎ গ্রিন-গন্দীতে) পৌঁছে গিয়েছে।” 3 এই সতর্কবার্তা পেয়ে যিহোশাফট সদাপ্রভুর অব্বেষণ করার বিষয়ে মনস্থির করে ফেলেছিলেন, এবং তিনি সমগ্র যিহুদা দেশে উপবাস ঘোষণা করে দিলেন। 4 যিহুদার প্রজারা সদাপ্রভুর কাছে সাহায্য চাওয়ার জন্য এক স্থানে একত্রিত হল; বাস্তবিকই তাঁর খোঁজে তারা যিহুদার প্রত্যেকটি নগর থেকে চলে এসেছিল। 5 তখন যিহোশাফট সদাপ্রভুর মন্দিরে, নতুন উঠোনের সামনে যিহুদা ও জেরশালেমের সমবেত জনতার মাঝাখানে দাঁড়িয়ে 6 বললেন: “হে আমাদের পূর্বপুরুষদের ঈশ্বর সদাপ্রভু, তুমি কি স্বর্গে বিরাজমান ঈশ্বর নও? তুমই তো জাতিদের সব রাজ্য শাসন করে থাকো। বল ও শক্তি তো তোমারই হাতে আছে, আর কেউ তোমাকে বাধাও দিতে পারে না। 7 হে আমাদের ঈশ্বর, তুমই কি তোমার প্রজা ইস্রায়েলের সামনে থেকে এই দেশের অধিবাসীদের দূর করে দাওনি এবং এই দেশটি তোমার বন্ধু অব্রাহামের বংশধরদের হাতে চিরকালের জন্য তুলে দাওনি? 8 তারা এখানে বসবাস করেছে এবং এই বলে এখানে এক পবিত্র পীঠস্থান তৈরি করেছে, 9 ‘যদি বিপর্যয় আমাদের উপর এসেও পড়ে, তা সে বিচারের তরোয়াল, বা মহামারি বা দুর্ভিক্ষ, যাই হোক না কেন, আমরা তোমার উপস্থিতিতে এই মন্দিরটির সামনে এসে দাঁড়াব, যা তোমার নাম বহন করে চলেছে এবং আমাদের দুর্দশায় আমরা তোমারই কাছে কাঁদব, ও তুমি আমাদের কান্না শুনে আমাদের বাঁচাবে।’ 10 ‘কিন্তু এখন এখানে অম্বোন, মোয়াব ও সেয়ীর পর্বত থেকে সেইসব লোকজন এসে পড়েছে, যাদের এলাকায় তুমি ইস্রায়েলকে তখন সশন্ত আক্রমণ চালাতে দাওনি, যখন তারা মিশ্র থেকে বের হয়ে এসেছিল; তাই ইস্রায়েলীরা তাদের কাছ থেকে ফিরে গেল ও তাদের ধ্বংসও করেননি। 11 তুমি দেখো, এক উত্তরাধিকারুণ্যে তুমি আমাদের যে

স্বত্ত্বাধিকার দিয়েছ, তা থেকে আমাদের তাড়িয়ে দেওয়ার মাধ্যমে  
কীভাবে তারা আমাদের প্রতিদান দিচ্ছে। 12 হে আমাদের ঈশ্বর, তুমি  
কি তাদের বিচার করবে না? কারণ এই যে বিশাল সৈন্যদল আমাদের  
আক্রমণ করতে আসছে, তাদের সমুখীন হওয়ার ক্ষমতা আমাদের  
নেই। কী করব, তা আমরা জানি না, কিন্তু আমাদের চোখ তোমার  
উপরেই আছে।” 13 যিহূদার সব লোকজন তাদের স্ত্রী, সন্তান ও ছোটো  
ছোটো শিশুদের সাথে নিয়ে সদাপ্রভুর সামনে গিয়ে দাঁড়িয়েছিল। 14  
সখরিয়ের ছেলে যহসীয়েল যখন জনতার মাঝখানে দাঁড়িয়েছিলেন,  
তখন সদাপ্রভুর আত্মা তাঁর উপর নেমে এলেন। তিনি একজন লেবীয়  
ও আসফের এক বংশধর ছিলেন। সখরিয় বনায়ের ছেলে, বনায়  
যিয়েলের ছেলে, যিয়েল মন্ত্রনিয়ের ছেলে ছিলেন। 15 তিনি বললেন:  
“হে রাজা যিহোশাফট এবং যিহূদা ও জেরুশালেমে বসবাসকারী  
সব লোকজন, আপনারা শুনুন! সদাপ্রভু আপনাদের একথা বলছেন:  
‘এই বিশাল সৈন্যদল দেখে ভয় পেয়ো না বা নিরাশ হোয়ো না। 16  
আগামীকাল তাদের বিরুদ্ধে যুদ্ধাত্মা করো। তারা সীস গিরিখাতের  
পথ বেয়ে উপরে উঠতে থাকবে, এবং তোমরা যিরয়েল মরুভূমিতে  
গিরিখাতের শেষ প্রান্তে তাদের খুঁজে পাবে। 17 এই যুদ্ধটি তোমাদের  
করতে হবে না। তোমরা শুধু শক্ত ঘাঁটি গেড়ে বসে থাকো; হে যিহূদা  
ও জেরুশালেমের লোকজন, শক্ত হয়ে দাঁড়াও ও দেখো, সদাপ্রভু  
কেমনভাবে তোমাদের উদ্ধার করছেন। তোমরা ভয় পোয়ো না;  
নিরাশও হোয়ো না। আগামীকাল তাদের সমুখীন হতে যেয়ো, এবং  
সদাপ্রভু তোমাদের সাথে থাকবেন।’” 18 যিহোশাফট মাটিতে উবুড়  
হয়ে প্রগাম করলেন, এবং যিহূদা ও জেরুশালেমের সব লোকজন ও  
সদাপ্রভুর আরাধনা করার জন্য মাটিতে উবুড় হয়ে পড়েছিল। 19 পরে  
কহাতীয় ও কোরাইয়দের মধ্যে কয়েকজন লেবীয় উঠে দাঁড়িয়েছিল  
ও জোর গলায় ইস্রায়েলের ঈশ্বর সদাপ্রভুর প্রশংসা করল। 20  
ভোরবেলায় তারা তকোয় মরুভূমির দিকে রওনা হয়ে গেল। তারা  
রওনা হতে যাচ্ছিল, এমন সময় যিহোশাফট উঠে দাঁড়িয়ে বললেন,  
“হে যিহূদা ও জেরুশালেমের লোকেরা, তোমরা আমার কথা শোনো!

তোমাদের ঈশ্বর সদাপ্রভুর উপর বিশ্বাস রাখো আর তিনি তোমাদের  
তুলে ধরবেন; তাঁর ভাববাদীদের উপর বিশ্বাস রাখো আর তোমরা  
সফল হবে।” 21 প্রজাদের সাথে পরামর্শ করে সদাপ্রভুর উদ্দেশে গান  
গাওয়ার ও তাঁর পবিত্রতার সমারোহের জন্য প্রশংসা করার লক্ষ্যে  
যিহোশাফট সেই সময়, বিশেষ করে যখন তারা সৈন্যদলের আগে  
আগে যাচ্ছিল, তখন কয়েকজন লোক নিযুক্ত করলেন। তারা বলছিল:  
“সদাপ্রভুর ধন্যবাদ করো, কারণ তাঁর প্রেম চিরস্থায়ী।” 22 যেই  
তারা গান গাইতে ও প্রশংসা করতে শুরু করল, অম্মোন, মোয়াব ও  
সেয়ীর পাহাড়ের সেই লোকজনের বিরুদ্ধে সদাপ্রভু অতর্কিত আক্রমণ  
চালিয়ে দিলেন, যারা যিহুদা দেশে সশস্ত্র আক্রমণ চালিয়েছিল, এবং  
তারা পরাজিত হল। 23 অম্মোনীয় ও মোয়াবীয়েরা সেয়ীর পাহাড়ের  
লোকজনের বিরুদ্ধে খাড়া হয়ে তাদের ধ্বংস ও নির্মূল করে দিতে  
চেয়েছিল। সেয়ীরের লোকজনকে কচুকটা করার পর, তারা একে  
অপরকেও ধ্বংস করে ফেলেছিল। 24 যিহুদার লোকজন যখন সেই  
উচ্চ স্থানটিতে এসেছিল, যেখান থেকে নিচে মরুভূমির দৃশ্য দেখা  
যায়, এবং তারা যখন বিশাল সেই সৈন্যদলের দিকে তাকিয়েছিল,  
তারা দেখতে পেয়েছিল, মাটিতে শুধু মৃতদেহই পড়ে আছে; কেউ  
পালাতে পারেনি। 25 তাই যিহোশাফট ও তাঁর লোকজন লুটসামগ্রী  
সংগ্রহ করার জন্য সেখানে গেলেন, সেগুলির মাঝখানে তারা প্রচুর  
সাজসরঞ্জাম ও পোশাক-পরিচ্ছদ এবং মূল্যবান জিনিসপত্রও খুঁজে  
পেয়েছিলেন—সেগুলির পরিমাণ এত বেশি ছিল যে তারা সেগুলি বয়ে  
আনতে পারেননি। সেখানে এত লুটসামগ্রী ছিল যে সেগুলি সংগ্রহ  
করতে তাদের তিন দিন লেগে গেল। 26 চতুর্থ দিনে তারা সেই বরাখা  
উপত্যকায় একত্রিত হলেন, যেখানে তারা সদাপ্রভুর প্রশংসা করলেন।  
সেইজন্য আজও পর্যন্ত সেই স্থানটিকে বরাখা উপত্যকা বলে ডাকা  
হয়। 27 পরে, যিহোশাফটের নেতৃত্বে, যিহুদা ও জেরুশালেমের সব  
লোকজন আনন্দ করতে করতে জেরুশালেমে ফিরে গেল, যেহেতু  
তাদের শক্রদের বিষয়ে আনন্দিত হওয়ার সংগত কারণ সদাপ্রভু  
তাদের জোগালেন। 28 তারা জেরুশালেমে প্রবেশ করলেন এবং বীগা,

খঙ্গনি ও শিঙ্গা নিয়ে সদাপ্রভুর মন্দিরে গেলেন। 29 সদাপ্রভু কীভাবে  
 ইস্রায়েলের শক্রদের বিরুদ্ধে যুদ্ধ করেছেন, ইস্রায়েলের চারপাশে  
 অবস্থিত অন্যান্য রাজ্যের সব লোকজন যখন তা শুনতে পেয়েছিল,  
 তখন তাদের উপর ঈশ্বরভয় নেমে এসেছিল। 30 যিহোশাফটের  
 রাজ্য অবশ্য শান্তি বিরাজ করছিল, কারণ সবদিক থেকেই তাঁর ঈশ্বর  
 তাঁকে বিশ্রাম দিলেন। 31 এইভাবে যিহোশাফট যিহূদা দেশে রাজত্ব  
 করে গেলেন। তিনি পঁয়ত্রিশ বছর বয়সে যিহূদার রাজা হলেন, এবং  
 জেরুশালেমে তিনি পঁচিশ বছর রাজত্ব করলেন। তাঁর মায়ের নাম  
 অসুবা, যিনি শিলহির মেয়ে ছিলেন। 32 যিহোশাফট তাঁর বাবা আসার  
 পথেই চলতেন এবং সেখান থেকে কখনও সরে যাননি; সদাপ্রভুর  
 দৃষ্টিতে যা ন্যায্য, তিনি তাই করতেন। 33 পূর্জার্চনার উঁচু স্থানগুলি  
 অবশ্য দূর করা হয়নি, এবং প্রজারা তখনও তাদের অন্তর, তাদের  
 পূর্বপুরুষদের ঈশ্বরে পুরোপুরি স্থির করেননি। 34 শুরু থেকে শেষ  
 পর্যন্ত, যিহোশাফটের রাজত্বকালের অন্যান্য সব ঘটনা ইস্রায়েলের  
 রাজাদের গ্রন্থের অন্তর্গত হনানির ছেলে যেহের ইতিহাস-গ্রন্থে লেখা  
 আছে। 35 পরে, যিহূদার রাজা যিহোশাফট ইস্রায়েলের রাজা সেই  
 অহসিয়ের সাথে জোট গড়ে তুলেছিলেন, যিনি অন্যায় পথে চলতেন।  
 36 তর্ণীশে বাণিজ্যতরির নৌবহর গড়ে তোলার বিষয়ে যিহোশাফট  
 তাঁর কথায় রাজি হলেন। ইৎসিয়োন-গেবরে সেগুলি তৈরির কাজ  
 সম্পূর্ণ হয়ে যাওয়ার পর, 37 মারেশার অধিবাসী দোদাবাহুর ছেলে  
 ইলীয়েষ্বর যিহোশাফটের বিরুদ্ধে ভাববাণী করলেন। তিনি বললেন,  
 “যেহেতু আপনি অহসিয়ের সাথে জোট গড়ে তুলেছেন, তাই আপনি  
 যা তৈরি করেছেন, সদাপ্রভু তা ধ্বংস করে দেবেন।” সামুদ্রিক ঝড়ে  
 জাহাজগুলি ক্ষতিগ্রস্ত হল এবং ব্যবসাবাণিজ্য করার জন্য তর্ণীশের  
 উদ্দেশে রওনা হতেও পারেনি।

**21** পরে যিহোশাফট তাঁর পূর্বপুরুষদের সাথে চিরবিশ্রামে শায়িত  
 হলেন এবং তাঁকে তাদেরই সাথে দাউদ-নগরে কবর দেওয়া হল। তাঁর  
 ছেলে যিহোরাম রাজারাপে তাঁর স্তলাভিষিক্ত হলেন। 2 যিহোরামের  
 ভাই তথা যিহোশাফটের ছেলেরা হলেন অসরিয়, যিহীয়েল, সখরিয়,

অসরিয়াত্ত, মীখায়েল ও শফটিয়। এরা সবাই ইস্রায়েলের রাজা  
 যিহোশাফটের ছেলে। 3 তাদের বাবা, তাদের রংপোর ও সোনার  
 প্রচুর উপহার এবং মূল্যবান জিনিসপত্র দিলেন। এছাড়াও যিহুদাতে  
 বেশ কয়েকটি সুরক্ষিত নগরও তিনি তাদের দিলেন, কিন্তু রাজ্যটি  
 তিনি যিহোরামকেই দিলেন, যেহেতু তিনি তাঁর বড়ো ছেলে ছিলেন।  
 4 যিহোরাম তাঁর বাবার রাজ্যে নিজেকে সুপ্রতিষ্ঠিত করার পর  
 তাঁর সব ভাইকে ও তাদের সাথে সাথে ইস্রায়েলের কয়েকজন  
 কর্মকর্তাকেও তরোয়াল দিয়ে খুঁচিয়ে হত্যা করলেন। 5 যিহোরাম  
 বাত্রিশ বছর বয়সে রাজা হলেন, এবং জেরুশালেমে তিনি আট বছর  
 রাজত্ব করলেন। 6 আহাবের বংশের মতো তিনি ও ইস্রায়েলের  
 রাজাদের পথেই চলেছিলেন, কারণ তিনি আহাবের এক মেয়েকে  
 বিয়ে করলেন। সদাপ্রভুর দৃষ্টিতে যা মন্দ, তিনি তাই করলেন। 7  
 তা সত্ত্বেও, দাউদের সাথে সদাপ্রভু যে নিয়ম স্থাপন করলেন, তার  
 জন্যই সদাপ্রভু দাউদের বংশকে ধ্বংস করতে চাননি। চিরকাল  
 তাঁর জন্য ও তাঁর বংশধরদের জন্য এক প্রদীপ জ্বালিয়ে রাখার  
 প্রতিজ্ঞা সদাপ্রভু করলেন। 8 যিহোরামের রাজত্বকালে, ইদোমীয়েরা  
 যিহুদার বিরুদ্ধে বিদ্রোহ করে বসেছিল ও নিজেদের জন্য একজন  
 রাজা ঠিক করে নিয়েছিল। 9 তাই যিহোরাম তাঁর কর্মকর্তাদের ও  
 তাঁর সব রখ সাথে নিয়ে সেখানে গেলেন। ইদোমীয়েরা তাঁকে ও  
 তাঁর রথের সেনাপতিদের ঘিরে ধরেছিল, কিন্তু রাতের অন্ধকারে  
 তিনি উঠে ঘেরাও ভেদ করে পালিয়েছিলেন। 10 আজও পর্যন্ত  
 ইদোম যিহুদার বিরুদ্ধে বিদ্রোহী হয়েই আছে। একই সময়ে লিব্নাও  
 বিদ্রোহ করে বসেছিল, কারণ যিহোরাম, তাঁর পূর্বপুরুষদের ঈশ্বর  
 সদাপ্রভুকে পরিত্যাগ করলেন। 11 যিহুদার পাহাড়ি এলাকাগুলিতে  
 তিনি আবার পূজার্চনার জন্য উঁচু কয়েকটি স্থান তৈরি করে দিলেন  
 এবং জেরুশালেমের লোকজনকে দিয়ে বেশ্যাবৃত্তি করিয়েছিলেন  
 ও যিহুদাকে বিপথে পরিচালিত করলেন। 12 যিহোরাম ভাববাদী  
 এলিয়ের কাছ থেকে একটি চিঠি পেয়েছিলেন, যে চিঠিতে বলা হল:  
 “আপনার পূর্বপুরুষ দাউদের ঈশ্বর সদাপ্রভু একথাই বলেন: ‘তুমি

তোমার বাবা যিহোশাফটের বা যিহুদার রাজা আসার পথে চলোনি।  
13 কিন্তু তুমি ইস্রায়েলের রাজাদের পথে চলেছ, এবং তুমি যিহুদাকে ও  
জেরুশালেমের লোকজনকে দিয়ে এমনভাবে বেশ্যাব্রতি করিয়েছ,  
যেমনটি আহাবের বংশও করত। এছাড়াও তুমি তোমার ভাইদের,  
তোমার নিজের পরিবারের সেই লোকদের হত্যা করেছ, যারা তোমার  
চেয়ে ভালো ছিল। 14 তাই এখন সদাপ্রভু ভয়ংকর এক যন্ত্রণায়  
তোমার প্রজাদের, তোমার ছেলেদের, তোমার স্ত্রীদের ও তোমার  
যা যা আছে, সবকিছুর উপর আঘাত হানতে চলেছেন। 15 তুমি  
নিজে, নাড়িভুঁড়ির দীর্ঘস্থায়ী এক রোগে ততদিন দারণ অসুস্থ হয়ে  
ভুগতে থাকবে, যতদিন না সেই রোগে তোমার নাড়িভুঁড়ি বের হয়ে  
আসছে।” 16 সদাপ্রভু যিহোরামের বিরুদ্ধে ফিলিস্তিনীদের শক্রতা ও  
কৃশীয়দের কাছাকাছি বসবাসকারী আরবীয়দের শক্রতা খুব বাড়িয়ে  
তুলেছিলেন। 17 তারা যিহুদা আক্রমণ করল, বাঁকে বাঁকে সেখানে  
চুকে পড়েছিল এবং রাজপ্রাসাদে যত জিনিসপত্র খুঁজে পেয়েছিল,  
সেসব জিনিসপত্র ও তাঁর ছেলে ও স্ত্রীদেরও তুলে নিয়ে গেল। একমাত্র  
ছোটো ছেলে অহসিয় ছাড়া আর কোনও ছেলে অবশিষ্ট ছিল না।  
18 এসব কিছু ঘটে যাওয়ার পর, সদাপ্রভু যিহোরামকে নাড়িভুঁড়ির  
দুরারোগ্য রোগে আক্রান্ত করলেন। 19 কালক্রমে, দ্বিতীয় বছরের  
শেষদিকে, সেই রোগের কারণে তাঁর নাড়িভুঁড়ি বের হয়ে এসেছিল,  
এবং প্রচণ্ড যন্ত্রণাভোগ করতে করতে তিনি মারা গেলেন। তাঁর প্রজারা  
তাঁর সম্মানে কোনও অন্ত্যষ্ঠিক্রিয়া সংক্রান্ত আগুন জ্বালায়নি, যেতাবে  
তারা তাঁর পূর্বপুরুষদের ক্ষেত্রে করল। 20 বত্রিশ বছর বয়সে যিহোরাম  
রাজা হলেন, এবং আট বছর তিনি জেরুশালেমে রাজত্ব করলেন। তিনি  
মারা যাওয়ায় কেউ দুঃখ প্রকাশ করেননি, এবং তাঁকে দাউদ-নগরে  
কবর দেওয়া হল, কিন্তু রাজাদের কবরে তাঁকে কবর দেওয়া হয়নি।

**22** যেহেতু আরবীয়দের সাথে যে আক্রমণকারীরা সৈন্যশিবিরে  
এসেছিল, তারা যিহোরামের সব বড়ো ছেলেদের হত্যা করল,  
তাই জেরুশালেমের লোকজন যিহোরামের ছোটো ছেলে অহসিয়কে  
রাজারপে তাঁর স্তলাভিষিক্ত করল। কাজেই যিহুদার রাজা যিহোরামের

ছেলে অহসিয় রাজত্ব করতে শুরু করলেন। 2 অহসিয় বাইশ বছর  
বয়সে রাজা হলেন, এবং জেরচালেমে তিনি এক বছর রাজত্ব  
করলেন। তাঁর মায়ের নাম অথলিয়া, তিনি অগ্নির নাতনি ছিলেন। 3  
অহসিয়ও আহাব বংশের পথেই চলতেন, কারণ তাঁর মা তাঁকে মন্দ  
কাজ করতে উৎসাহ দিতেন। 4 তিনি আহাব বংশের মতো সদাপ্রভুর  
দৃষ্টিতে যা যা মন্দ, তাই করতেন, কারণ তাঁর বাবার মৃত্যুর পর, তাঁর  
বিনাশার্থে তারাই তাঁর পরামর্শদাতা হল। 5 রামোৎ-গিলিয়দে অরামের  
রাজা হসায়েলের বিরুদ্ধে যুদ্ধযাত্রায় ইস্রায়েলের রাজা আহাবের ছেলে  
যোরামের সঙ্গ দেওয়ার সময়েও তিনি তাদের পরামর্শ মতোই কাজ  
করলেন। অরামীয়রা যোরামকে ক্ষতবিক্ষত করল; 6 তাই রামোৎ-  
এ অরামের রাজা হসায়েলের সাথে যুদ্ধ করার সময় তারা তাঁকে  
যে আঘাত করেছিল, সেই যন্ত্রণার ক্ষত সারিয়ে তোলার জন্য তিনি  
যিত্তিয়েলে ফিরে এলেন। পরে যিহুদার রাজা যিহোরামের ছেলে অহসিয়  
আহাবের ছেলে যোরামকে দেখতে যিত্তিয়েলে নেমে গেলেন, কারণ  
তিনি আহত অবস্থায় পড়েছিলেন। 7 অহসিয় যোরামকে দেখতে  
গেলেন বলেই ঈশ্বর অহসিয়ের পতন ঘটিয়েছিলেন। অহসিয় সেখানে  
পৌঁছানোর পর, তিনি যোরামকে সাথে নিয়ে নিমশির ছেলে সেই  
যেহুর সাথে দেখা করতে গেলেন, যাঁকে সদাপ্রভু আহাবের বংশ  
ধ্বংস করার জন্য অভিষিক্ত করে রেখেছিলেন। 8 যেহু যখন আহাবের  
বংশকে দণ্ড দিচ্ছিলেন, তখন তিনি যিহুদার কয়েকজন কর্মকর্তাকে  
ও অহসিয়ের আতীয়স্বজনের ছেলেদের মধ্যে এমন কয়েকজনকে  
দেখতে পেয়েছিলেন, যারা অহসিয়ের সেবা করছিল, আর তিনি তাদের  
হত্যা করলেন। 9 পরে যেহু অহসিয়ের খোঁজে বের হলেন, এবং যখন  
তিনি শমরিয়ায় লুকিয়ে বসেছিলেন, তখন যেহুর লোকজন তাঁকে  
ধরে ফেলেছিল। তাঁকে যেহুর কাছে নিয়ে এসে হত্যা করা হল। তারা  
তাঁকে কবর দিয়েছিল, কারণ তারা বলল, “ইনি সেই যিহোশাফটের  
এক সন্তান, যিনি মনপ্রাণ ঢেলে দিয়ে সদাপ্রভুর অস্বেষণ করলেন।”  
অতএব অহসিয়ের বংশে এমন শক্তিশালী আর কেউ ছিল না, যে  
রাজত্ব পুনরুদ্ধার করতে পারত। 10 অহসিয়ের মা অথলিয়া যখন

দেখেছিলেন যে তাঁর ছেলে মারা গিয়েছেন, তখন তিনি যিহূদা বংশের গোটা রাজপরিবার ধ্বংস করার জন্য সচেষ্ট হলেন। 11 কিন্তু রাজা যিহোরামের মেয়ে যিহোশেবা অহসিয়ের ছেলে যোয়াশকে চুরি করে নিয়ে গিয়ে তাকে সেইসব রাজপুত্রের মধ্যে থেকে আলাদা করে রেখেছিলেন, যারা নিহত হতে যাচ্ছিল। যিহোশেবা যোয়াশকে ও তাঁর ধাইমাকে শোবার ঘরে লুকিয়ে রেখেছিলেন। যেহেতু রাজা যিহোরামের মেয়ে ও যাজক যিহোয়াদার স্ত্রী যিহোশেবা, অহসিয়ের বোন ছিলেন, তাই তিনি শিশুটিকে অথলিয়ার নাগাল এড়িয়ে লুকিয়ে রেখেছিলেন, যেন অথলিয়া তাকে হত্যা করতে না পারেন। 12 একদিকে অথলিয়া যখন দেশ শাসন করছিলেন, তখন যোয়াশকে ঈশ্বরের মন্দিরে ছয় বছর তাদের সাথেই লুকিয়ে রাখা হল।

**23** সপ্তম বছরে যিহোয়াদা নিজের শক্তি দেখিয়েছিলেন। তিনি এই শত-সেনাপতিদের সাথে এক চুক্তি করলেন: যিরোহমের ছেলে অসরিয়, যিহোহাননের ছেলে ইশ্যায়েল, ওবেদের ছেলে অসরিয়, অদায়ার ছেলে মাসেয়, ও সিঞ্চির ছেলে ইলীশাফট। 2 তারা যিহূদা দেশের সর্বত্র ঘুরে ঘুরে সবকটি নগর থেকে লেবীয়দের ও ইস্রায়েলী বংশের কর্তাব্যক্তিদের একত্রিত করলেন। তারা জেরুশালেমে আসার পর, 3 সমগ্র জনসমাজ ঈশ্বরের মন্দিরে রাজার সাথে এক চুক্তি করল। যিহোয়াদা তাদের বললেন, “সদাপ্রভু দাউদের বংশধরদের সম্বন্ধে যে প্রতিজ্ঞা করেছেন, সেই প্রতিজ্ঞানুসারেই রাজপুত্র রাজত্ব করবেন। 4 এখন তোমাদের এই কাজটি করতে হবে: যারা সাক্ষাৎবারে দায়িত্ব পালন করো, সেই যাজক ও লেবীয়দের এক-তৃতীয়াংশকে দরজায় পাহারা দিতে হবে, 5 তোমাদের মধ্যে এক-তৃতীয়াংশ রাজপ্রাসাদ পাহারা দেবে ও আরও এক-তৃতীয়াংশ ভিত্তিমূলের দরজায় পাহারা দেবে, এবং অন্য আরও যারা অবশিষ্ট থাকবে, তাদের সদাপ্রভুর মন্দিরের উঠোনে থাকতে হবে। 6 দায়িত্ব পালনকারী যাজক ও লেবীয়েরা ছাড়া আর কেউ সদাপ্রভুর মন্দিরে প্রবেশ করবে না; তারা মন্দিরে প্রবেশ করতে পারে, যেহেতু তারা ঈশ্বরসেবায় উৎসর্গীকৃত, কিন্তু অন্যান্য সবাইকে, মন্দিরে প্রবেশ না করা সংক্রান্ত সদাপ্রভুর

আদেশ পালন করতে হবে। ৭ লেবীয়দের প্রত্যেককে, হাতে অস্ত্রশস্ত্র  
নিয়ে রাজাকে ঘিরে ধরে থাকতে হবে। যে কেউ মন্দিরে প্রবেশ করবে,  
তাকে মেরে ফেলতে হবে। রাজা যেখানে যেখানে যাবেন, তোমরা তাঁর  
কাছাকাছি থেকো।” ৮ যাজক যিহোয়াদা যে আদেশ দিলেন, লেবীয়েরা  
ও যিহূদার সব লোকজন তা অক্ষরে অক্ষরে পালন করল। প্রত্যেকে  
নিজের নিজের লোকজনকে সাথে রেখেছিল—যারা সাক্ষাত্বারে  
কাজে যোগ দিত ও যাদের ছুটি হয়ে যেত, তাদেরও—কারণ যাজক  
যিহোয়াদা কোনো বিভাগকেই ছুটি দেননি। ৯ পরে তিনি শত-  
সেনাপতিদের হাতে সেইসব বর্ণা ও ছোটো-বড়ো ঢাল তুলে দিলেন,  
যেগুলি ছিল রাজা দাউদের এবং সেগুলি ঈশ্বরের মন্দিরে রাখা ছিল।  
১০ রাজার চারপাশে—যজ্ঞবেদির ও মন্দিরের কাছে, মন্দিরের দক্ষিণ  
দিক থেকে শুরু করে উত্তর দিক পর্যন্ত, সর্বত্র হাতে অস্ত্রশস্ত্র সমেত  
তিনি সব লোকজনকে মোতায়েন করে দিলেন। ১১ যিহোয়াদা ও  
তাঁর ছেলেরা রাজপুত্রকে বাইরে বের করে এনে তাঁর মাথায় মুকুট  
পরিয়ে দিলেন; তারা তাঁকে নিয়ম-পুস্তকের একটি অনুলিপি উপহার  
দিয়ে তাঁকে রাজা ঘোষণা করে দিলেন। তারা তাঁকে অভিষিক্ত করে  
চিৎকার করে উঠেছিলেন, “রাজা দীর্ঘজীবী হোন!” ১২ অথলিয়া  
লোকজনের দৌড়াদৌড়ির ও রাজার উদ্দেশে হর্ষধ্বনির শব্দ শুনে  
সদাপ্রভুর মন্দিরে তাদের কাছে চলে গেলেন। ১৩ তিনি তাকিয়ে  
দেখতে পেয়েছিলেন যে রাজা মন্দিরের প্রবেশদ্বারে তাঁর স্তন্ত্রে  
পাশে দাঁড়িয়ে আছেন। কর্মকর্তারা ও শিঙাবাদকেরা রাজার পাশেই  
আছে, এবং দেশের সব লোকজন আনন্দ করছে ও শিঙা বাজাচ্ছে,  
এবং বাদ্যকরেরা তাদের বাজনাগুলি নিয়ে প্রশংসাগান পরিচালনা  
করছে। তখন অথলিয়া তাঁর কাপড় ছিঁড়ে চিৎকার করে উঠেছিলেন,  
“রাজদ্রোহ, রাজদ্রোহ!” ১৪ যাজক যিহোয়াদা, সৈন্যদলের উপরে  
নিযুক্ত শত-সেনাপতিদের বাইরে পাঠিয়ে দিলেন, এবং তাদের  
বললেন: “অথলিয়াকে সৈন্যশ্রেণীর মাঝখান দিয়ে বের করে নিয়ে যাও  
এবং যে কেউ তার অনুগামী হয়, তার উপর তরোয়াল চালিয়ে দিয়ে  
তাকে হত্যা করো।” কারণ যাজক এও বললেন, “সদাপ্রভুর মন্দিরে

তাকে হত্যা কোরো না।” 15 তাই অথলিয়া যখন প্রাসাদের মাঠে, অশ্বারের প্রবেশদ্বারে পৌঁছেছিলেন, তখন তারা সেখানেই তাঁকে ধরে হত্যা করল। 16 যিহোয়াদা তখন এই নিয়ম স্থির করে দিলেন যে তিনি, প্রজারা ও রাজা স্বয়ং, সদাপ্রভুর প্রজা হয়েই থাকবেন। 17 সব লোকজন বায়ালের মন্দিরে গিয়ে সেটি ভেঙে ফেলেছিল। তারা যজ্ঞবেদি ও প্রতিমার মূর্তিগুলি পিয়ে গুঁড়িয়ে দিয়েছিল এবং বায়ালের পুজুরী মন্ডনকে সেই যজ্ঞবেদির সামনেই হত্যা করল। 18 পরে যিহোয়াদা সদাপ্রভুর মন্দির দেখাশোনার ভার লেবীয় গোষ্ঠীভুক্ত সেই যাজকদের হাতে তুলে দিলেন, মন্দিরের কাজ দাউদ আগেই যাদের হাতে তুলে দিলেন। তাদের দায়িত্ব ছিল সদাপ্রভুর হোমবলিগুলি মোশির বিধানে লেখা নিয়মানুসারে উৎসর্গ করা, এবং দাউদের আদেশ পালন করে তারা আনন্দ করতে করতে ও গান গাইতে গাইতে সে কাজ করলেন। 19 সদাপ্রভুর মন্দিরের দরজাগুলিতেও তিনি দ্বারবর্কী মোতায়েন করে দিলেন, যেন কোনো ধরনের অশুচি লোক সেখানে চুক্তে না পারে। 20 যিহোয়াদা শত-সেনাপ্তিদের, অভিজাত শ্রেণীর মানুষজনকে, প্রজাদের শাসনকর্তাদের এবং দেশের সব লোকজনকে সাথে নিয়ে রাজাকে সদাপ্রভুর মন্দির থেকে বের করে এনেছিলেন। তারা উপর দিকের দরজাটি দিয়ে প্রাসাদে চুক্তেছিলেন এবং রাজাকে রাজসিংহাসনে বসিয়ে দিলেন। 21 দেশের প্রজারা সবাই আনন্দ করল, এবং নগরে শান্তি বিরাজ করছিল, কারণ অথলিয়ার উপর তরোয়াল চালিয়ে দিয়ে তাঁকে হত্যা করা হল।

**24** যোয়াশ সাত বছর বয়সে রাজা হলেন, এবং তিনি জেরুশালেমে চল্লিশ বছর রাজত্ব করলেন। তাঁর মায়ের নাম সিবিয়া; তিনি বের-শেবার অধিবাসিনী ছিলেন। 2 যাজক যিহোয়াদা যতদিন বেঁচেছিলেন, যোয়াশ ততদিন সদাপ্রভুর দৃষ্টিতে যা যা ভালো, তাই করে গেলেন। 3 যিহোয়াদা যোয়াশের সাথে দুজন স্ত্রীর বিয়ে দিলেন, এবং তাঁর বেশ করেকঠি হেলেমেয়ে হল। 4 কিছুকাল পর যোয়াশ সদাপ্রভুর মন্দির মেরামত করার সিদ্ধান্ত নিয়েছিলেন। 5 তিনি যাজক ও লেবীয়দের এক স্থানে ঢেকে বললেন, “যিহুদার নগরগুলিতে যাও এবং তোমাদের

ঈশ্বরের মন্দিরটি মেরামত করার জন্য ইস্রায়েলীদের সবার কাছ থেকে  
বাংসরিক পাওনাগুগ্ন আদায় করে নিয়ে এসো। এখনই তা করো।”  
কিন্তু লেবীয়েরা তাড়াতড়ি সে কাজটি করেননি। ৫ অতএব রাজা  
প্রধান যাজক যিহোয়াদাকে ডেকে পাঠিয়ে তাঁকে বললেন, “সদাপ্রভুর  
দাস মোশি ও ইস্রায়েলের জনসমাজ বিধিনিয়মের তাঁবুর জন্য যে  
কর ধার্য করলেন, তা যিহুদা ও জেরুশালেম থেকে আদায় করে  
আনার জন্য আপনি কেন লেবীয়দের বলেননি?” ৭ সেই দুষ্ট মহিলা  
অথলিয়ার ছেলেরা জোর করে ঈশ্বরের মন্দিরে চুকে পড়েছিল এবং  
এমনকি সেখানকার পবিত্র জিনিসপত্রও বায়ান-দেবতাদের জন্য  
ব্যবহার করল। ৮ রাজার আদেশে একটি সিন্দুক তৈরি করে সেটি  
বাইরে, সদাপ্রভুর মন্দিরের দরজায় রাখা হল। ৯ পরে যিহুদা ও  
জেরুশালেমে এই আদেশ জারি করা হল যে মরণপ্রাপ্তরে ঈশ্বরের  
দাস মোশি ইস্রায়েলের জন্য যে কর ধার্য করে দিলেন, লোকেরা  
সবাই যেন সদাপ্রভুর কাছে তা নিয়ে আসে। ১০ কর্মকর্তারা ও প্রজারা  
সবাই তাদের উপর যে কর ধার্য হল, তা নিয়ে এসে যতক্ষণ না সেই  
সিন্দুক ভরে গেল, ততক্ষণ সানন্দে তাতে ফেলেই যাচ্ছিল। ১১ যখনই  
লেবীয়েরা সেই সিন্দুকটি রাজার কর্মকর্তাদের কাছে নিয়ে আসত ও  
তারা দেখতেন যে সেখানে প্রচুর অর্থ জমা পড়েছে, তখন রাজ-সচিব  
ও প্রধান যাজকের কর্মকর্তারা এসে সেই সিন্দুকটি খালি করে আবার  
সেটি নির্দিষ্ট স্থানে রেখে আসতেন। নিয়মিতভাবে তারা এরকম করে  
গেলেন এবং প্রচুর অর্থ জমা হল। ১২ রাজা ও যিহোয়াদা সেই অর্থ  
তাদেরই দিলেন, যারা সদাপ্রভুর মন্দিরের কাজ করত। সদাপ্রভুর  
মন্দির মেরামত করার জন্য তারা রাজমিস্ত্রি ও ছুতোর ভাড়া করল, এবং  
মন্দির মেরামতির জন্য লোহার ও ব্রোঞ্জের কাজ জানা লোকগুলি তারা  
ভাড়া করল। ১৩ কাজের দায়িত্বে থাকা লোকজন খুব পরিশ্রমী ছিল,  
এবং মেরামতির কাজ তাদের তত্ত্বাবধানে এগিয়ে যাচ্ছিল। মূল নকশা  
অনুসারে তারা ঈশ্বরের মন্দিরটি আরেকবার তৈরি করল এবং সেটি  
আরও মজবুত করে তুলেছিল। ১৪ তাদের কাজ শেষ হয়ে যাওয়ার  
পর, তারা বাকি অর্থ রাজার ও যিহোয়াদার কাছে নিয়ে এসেছিল,

এবং সেই অর্থ দিয়ে সদাপ্রভুর মন্দিরের জন্য এইসব জিনিসপত্র তৈরি করা হল: সেবাকাজের ও হোমবলির জন্য কিছু জিনিসপত্র, এবং সোনা ও রংপোর থালা ও অন্যান্য জিনিসপত্র। যতদিন যিহোয়াদা বেঁচেছিলেন, ততদিন সদাপ্রভুর মন্দিরে নিয়মিতভাবে হোমবলি উৎসর্গ করা হত। 15 যিহোয়াদা বৃক্ষ ও পূর্ণায় হয়ে গেলেন, এবং 130 বছর বয়সে তাঁর মৃত্যু হল। 16 দাউদ-নগরে রাজাদের সাথেই তাঁকে কবর দেওয়া হল, কারণ ঈশ্বরের ও তাঁর মন্দিরের জন্য ইস্রায়েলে তিনি খুব ভালো কাজ করেছিলেন। 17 যিহোয়াদার মৃত্যুর পর, যিহুদার কর্মকর্তারা এসে রাজাকে সম্মান প্রদর্শন করল, এবং তিনি তাদের কথাই শুনতে শুরু করলেন। 18 তারা তাদের পূর্বপুরুষদের ঈশ্বর সদাপ্রভুর মন্দির পরিত্যক্ত করে রেখে, আশেরা-খুঁটির ও প্রতিমার পুজো করতে শুরু করল। তাদের এই অপরাধের কারণে ঈশ্বরের ক্রোধ যিহুদা ও জেরুশালেমের উপর নেমে এসেছিল। 19 সদাপ্রভু যদিও লোকদের তাঁর কাছে ফিরিয়ে আনার জন্য ভাববাদীদের তাদের কাছে পাঠালেন, এবং যদিও তারা তাদের বিরুদ্ধে সাক্ষী দিলেন, তবুও তারা কোনো কথা শোনেনি। 20 তখন ঈশ্বরের আত্মা যাজক যিহোয়াদার ছেলে সখরিয়ের উপর নেমে এলেন। তিনি লোকজনের সামনে দাঁড়িয়ে বললেন, “ঈশ্বর একথাই বলেন: ‘তোমরা কেন সদাপ্রভুর আদেশ অমান্য করছ? তোমরা সফল হবে না। যেহেতু তোমরা সদাপ্রভুকে পরিত্যাগ করেছ, তাই তিনিও তোমাদের পরিত্যাগ করেছেন।’” 21 কিন্তু তারা সখরিয়ের বিরুদ্ধে ঘড়িযন্ত্র করল, এবং রাজার আদেশে তারা সদাপ্রভুর মন্দিরের উঠোনে তাঁর উপর পাথর ছুঁড়ে, তাঁকে মেরে ফেলেছিল। 22 সখরিয়ের বাবা যিহোয়াদা, রাজা যোয়াশের প্রতি যে দয়া দেখিয়েছিলেন, তা তিনি মনে রাখেননি কিন্তু তাঁর সেই ছেলেকে তিনি মেরে ফেলেছিলেন, যিনি মরতে মরতে বললেন, “সদাপ্রভু এসব দেখছেন আর তিনিই আপনার কাছে এর হিসেব নেবেন।” 23 বছর ঘুরে আসার পর, অরামের সৈন্যদল যোয়াশের বিরুদ্ধে কুচকাওয়াজ করে এগিয়ে এসেছিল; তারা যিহুদা ও জেরুশালেমে সশন্ত আক্রমণ চালিয়ে প্রজাদের সব নেতাকে মেরে ফেলেছিল। তারা সব লুটসামগ্রী

দামাক্ষাসে তাদের রাজার কাছে পাঠিয়ে দিয়েছিল। 24 অরামীয় সৈন্যদল যদিও অল্প কয়েকজন লোকলক্ষণ নিয়ে এসেছিল, তবুও সদাপ্রভু বিশাল এক সৈন্যদল তাদের হাতে সঁপে দিলেন। যেহেতু যিহূদার প্রজারা তাদের পূর্বপুরুষদের ঈশ্বর সদাপ্রভুকে পরিত্যাগ করল, তাই যোঃশকে দণ্ড দেওয়া হল। 25 অরামীয়েরা চলে যাওয়ার সময় যোঃশকে সাংঘাতিকভাবে আহত করে ফেলে রেখে গেল। তিনি যাজক যিহোয়াদার ছেলেকে হত্যা করলেন বলে তাঁর কর্মকর্তারা তাঁর বিরঞ্জে ষড়যন্ত্র করল, এবং বিছানাতেই তারা তাঁকে হত্যা করল। এইভাবে তাঁর মৃত্যু হল এবং তাঁকে দাউদ-নগরে কবর দেওয়া হল, তবে রাজাদের কবরে তাঁকে কবর দেওয়া হয়নি। 26 যারা তাঁর বিরঞ্জে ষড়যন্ত্রে শামিল হল, তারা হল অম্মোনীয় এক মহিলা শিমিয়তের ছেলে সাবদ, এবং মোয়াবীয় এক মহিলা শিত্রীতের ছেলে যিহোয়াবদ। 27 তাঁর ছেলেদের বিবরণ, তাঁর বিষয়ে করা প্রচুর ভাববাণী, এবং ঈশ্বরের মন্দিরের মেরামতির বিবরণ, এসব রাজাদের পুস্তকের টীকায় লেখা আছে। তাঁর ছেলে অমৎসিয় রাজাকূপে তাঁর স্থলাভিষিক্ত হলেন।

**25** অমৎসিয় পঁচিশ বছর বয়সে রাজা হলেন, এবং জেরুশালেমে তিনি উন্নিশ বছর রাজত্ব করলেন। তাঁর মায়ের নাম যিহোয়াদন; তিনি জেরুশালেমে বসবাস করতেন। 2 সদাপ্রভুর দৃষ্টিতে যা যা ভালো, অমৎসিয় তাই করলেন, তবে মনপ্রাণ ঢেলে দিয়ে তা করেননি। 3 রাজপাট তাঁর হাতের মুঠোয় আসার পর তিনি সেই কর্মকর্তাদের প্রাণদণ্ডে দণ্ডিত করে বধ করলেন, যারা তাঁর বাবা, অর্থাৎ রাজাকে হত্যা করেছিল। 4 তবুও মোশির বিধানপুস্তকে লেখা সেই কথানুসারে, যেখানে সদাপ্রভু আদেশ দিয়েছিলেন: “ছেলেমেয়েদের পাপের জন্য বাবা-মাকে কিংবা বাবা-মায়ের পাপের জন্য ছেলেমেয়েদের মেরে ফেলা যাবে না; প্রত্যেককেই তার নিজের পাপের জন্য মরতে হবে।” তিনি তাদের ছেলেমেয়েদের হত্যা করেননি। 5 অমৎসিয় যিহূদার প্রজাদের এক স্থানে সমবেত হওয়ার জন্য ডেকেছিলেন এবং যিহূদা ও বিন্যামীনের সব প্রজাকে, তাদের বংশানুসারে সহস্র-সেনাপতিদের ও শত-সেনাপতিদের অধীনে নিযুক্ত করে দিলেন। পরে তিনি কুড়ি

বছর ও তার বেশি বয়সের বেশ কিছু লোক একত্রিত করলেন এবং  
দেখা গেল যে সামরিক পরিষেবা দেওয়ার উপযোগী, তথা বর্ষা ও ঢাল  
ব্যবহার করতে সম্মত 3,00,000 লোক আছে। ৬ এছাড়াও তিনি  
একশো তালন্ত রংপো দিয়ে ইস্রায়েল থেকে 1,00,000 ঘোন্ধা ভাড়া  
করলেন। ৭ কিন্তু ঈশ্বরের একজন লোক তাঁর কাছে এসে বললেন,  
“হে মহারাজ, ইস্রায়েল থেকে আসা এই সৈন্যদল যেন আপনাদের  
সাথে যুদ্ধযাত্রা না করে, কারণ ইস্রায়েলের সাথে—ইফ্রায়িমের কোনও  
লোকের সাথেই সদাপ্রভু থাকেন না। ৮ আপনারা যদিও নির্ভরয়ে  
যুদ্ধক্ষেত্রে গিয়ে যুদ্ধ করবেন, ঈশ্বর কিন্তু শত্রুদের সামনে আপনাদের  
পরাজিত করবেন, কারণ সাহায্য করার বা পরাজিত করার ক্ষমতা  
ঈশ্বর রাখেন।” ৯ অমৎসিয় ঈশ্বরের সেই লোককে জিজ্ঞাসা করলেন,  
“তবে যে একশো তালন্ত আমি এই ইস্রায়েলী সৈন্যদলকে দিয়েছি,  
তার কী হবে?” ঈশ্বরের লোক উত্তর দিলেন, “সদাপ্রভু আপনাকে এর  
চেয়েও অনেক বেশি দিতে পারেন।” ১০ অতএব ইফ্রায়িম থেকে তাঁর  
কাছে আসা সৈন্যদলকে তিনি বরখাস্ত করে ঘরে পাঠিয়ে দিলেন। তারা  
যিহুদার উপর খুব রেগে গেল এবং ক্রোধে উন্মত্ত হয়ে তারা ঘরে ফিরে  
গেল। ১১ অমৎসিয় পরে তাঁর শক্তি গুচ্ছিয়ে নিয়ে লবণ উপত্যকার দিকে  
তাঁর সৈন্যদল পরিচালনা করলেন। সেখানে তিনি সেয়ীরের দশ হাজার  
লোককে হত্যা করলেন। ১২ এছাড়াও যিহুদার সৈন্যদল 10,000  
লোককে জীবন্ত অবস্থায় ধরে, তাদের একটি খাড়া উঁচু পাহাড়ের চূড়ায়  
নিয়ে গিয়ে সেখান থেকে এমনভাবে নিচে ছুঁড়ে ফেলে দিয়েছিল,  
যে তারা সবাই চুরমার হয়ে গেল। ১৩ এই ফাঁকে, যে সৈন্যদলকে  
অমৎসিয় ফেরত পাঠিয়ে দিলেন ও যুদ্ধে অংশগ্রহণ করার সুযোগ  
দেননি, তারা শমারিয়া থেকে শুরু করে বেথ-হোরোণ পর্যন্ত যিহুদার  
নগরগুলিতে হানা দিয়েছিল। তারা 3,000 লোককে হত্যা করল এবং  
প্রচুর পরিমাণ লুটসামগ্রী তুলে নিয়ে গেল। ১৪ ইদোমীয়দের উপর  
হত্যালীলা চালিয়ে ফিরে আসার সময় অমৎসিয় সেয়ীরের লোকজনের  
আরাধ্য দেবতাদের মূর্তিগুলিও ফিরিয়ে এনেছিলেন। তিনি সেগুলিকে  
তাঁর নিজের দেবতা করে নিয়ে সেগুলি প্রতিষ্ঠা করলেন, সেগুলির পুঁজো

করলেন ও সেগুলির কাছে ধৃপধুনোও জ্বালিয়েছিলেন। 15 সদাপ্রভুর ক্রোধ অমৎসিয়ের বিরংদী জ্বলে উঠেছিল, এবং তিনি তাঁর কাছে একজন ভাববাদী পাঠিয়ে দিলেন, যিনি বললেন, “এইসব লোকের যে দেবতারা আপনার হাত থেকে তাদের নিজেদের লোকদেরই বাঁচাতে পারেনি, আপনি তাদের কাছে কেন পরামর্শ চাইছেন?” 16 ভাববাদীর কথা শেষ হওয়ার আগেই রাজা তাঁকে বলে ফেলেছিলেন, “রাজার পরামর্শদাতারপে আমরা কি তোমাকে নিযুক্ত করেছি? থামো! কেন মার খাবে?” অতএব সেই ভাববাদী থেমেছিলেন কিন্তু বলেওছিলেন, “আমি জানি, যেহেতু আপনি এ কাজটি করেছেন এবং আমার পরামর্শে কান দেননি, তাই ঈশ্বর আপনাকে বধ করার বিষয়ে মনস্থির করেই ফেলেছেন।” 17 যিহুদার রাজা অমৎসিয় তাঁর পরামর্শদাতাদের সাথে শলাপরামর্শ করার পর যেহুর নাতি ও যিহোয়াহসের ছেলে ইস্রায়েলের রাজা যিহোয়াশের কাছে এই খবর দিয়ে পাঠালেন: “আসুন, যুদ্ধক্ষেত্রে আমরা পরম্পরের মুখোমুখি হই।” 18 কিন্তু ইস্রায়েলের রাজা যিহোয়াশ যিহুদার রাজা অমৎসিয়কে উত্তর দিলেন: “লেবাননের শিয়ালকাঁটা লেবাননেরই এক দেবদারু গাছকে খবর দিয়ে পাঠিয়েছিল, ‘তুমি তোমার মেয়ের সাথে আমার ছেলের বিয়ে দাও।’ পরে লেবাননের বুনো এক জন্তু এসে সেই শিয়ালকাঁটাকে পায়ের তলায় পিয়ে দিয়েছিল। 19 আপনি মনে মনে বলেছেন যে আপনি ইদোমকে পরাজিত করেছেন, আর এখন আপনি গর্বিতমনা ও অহংকারী হয়ে গিয়েছেন। তবে ঘরে বসে থাকুন! কেন মিছিমিছি নিজের ও সাথে সাথে যিহুদার ও বিপদ ও পতন ডেকে আনতে চাইছেন?” 20 অমৎসিয় অবশ্য সেকথা শুনতে চাননি, কারণ ঈশ্বর এমনভাবে কাজ করলেন, যেন তিনি তাদের যিহোয়াশের হাতে সঁপে দিতে পারেন, যেহেতু তারা ইদোমের দেবতাদের কাছে সাহায্য চেয়েছিল। 21 অতএব ইস্রায়েলের রাজা যিহোয়াশ তাদের আক্রমণ করলেন। যিহুদা দেশের বেত-শেমশে তিনি ও যিহুদার রাজা অমৎসিয় পরম্পরের মুখোমুখি হলেন। 22 ইস্রায়েলের হাতে যিহুদা পর্যন্ত হল এবং প্রত্যেকে নিজের নিজের ঘরে পালিয়ে গেল। 23 ইস্রায়েলের রাজা যিহোয়াশ বেত-শেমশে অহসিয়ের নাতি

ও যোয়াশের ছেলে যিহুদার রাজা অমৎসিয়কে বন্দি করলেন। পরে যিহোয়াশ তাঁকে জেরুশালেমে নিয়ে এলেন এবং ইহুদিম-দ্বার থেকে কেণের দ্বার পর্যন্ত—প্রায় 180 মিটার লম্বা জেরুশালেমের প্রাচীর ভেঙে দিলেন। 24 ওবেদ-ইদোমের তত্ত্বাবধানে থাকা ঈশ্বরের মন্দিরের সব সোনারূপো ও সব জিনিসপত্র এবং সেগুলির সাথে সাথে প্রাসাদের ধনসম্পত্তি ও হাতিয়ে নিয়ে এবং কয়েকজনকে পণবন্দি করে তিনি শমরিয়ায় ফিরে গেলেন। 25 যিহোয়াহসের ছেলে ইস্রায়েলের রাজা যিহোয়াশের মৃত্যুর পর যোয়াশের ছেলে যিহুদার রাজা অমৎসিয় আরও পনেরো বছর বেঁচেছিলেন। 26 শুরু থেকে শেষ পর্যন্ত অমৎসিয়ের রাজত্বকালের সব ঘটনা কি যিহুদা ও ইস্রায়েলের রাজাদের পুস্তকে লেখা নেই? 27 যখন থেকে অমৎসিয় সদাপ্রভুর পথে চলা বন্ধ করে দিলেন, তখন থেকেই লোকেরা জেরুশালেমে তাঁর বিরুদ্ধে ঘড়্যন্ত্রে শামিল হতে শুরু করল, এবং তিনি লাখীশে পালিয়ে গেলেন, কিন্তু তারা লাখীশে লোক পাঠিয়ে সেখানেই তাঁকে হত্যা করিয়েছিল। 28 তাঁর মৃতদেহ ঘোড়ার পিঠে চাপিয়ে ফিরিয়ে আনা হল এবং যিহুদা-নগরে তাঁর পূর্বপুরুষদের সাথেই তাঁকে কবর দেওয়া হল।

**26** পরে যিহুদার সব লোকজন সেই উমিয়কে এনে রাজারূপে তাঁকে তাঁর বাবা অমৎসিয়ের স্থলাভিষিক্ত করল, যাঁর বয়স তখন ঘোলো বছর। 2 রাজা অমৎসিয় তাঁর পূর্বপুরুষদের সাথে চিরবিশ্রামে শায়িত হওয়ার পর এই উমিয়ই এলৎ নগরাটি আরেকবার নতুন করে গড়ে তুলেছিলেন এবং সেটি যিহুদার অধিকারের অধীনে নিয়ে এলেন। 3 উমিয় ঘোলো বছর বয়সে রাজা হলেন, এবং জেরুশালেমে বাহান বছর রাজত্ব করলেন। তাঁর মায়ের নাম যিখলিয়া; তিনি জেরুশালেমে বসবাস করতেন। 4 সদাপ্রভুর দৃষ্টিতে যা ঠিক, তিনি তাই করতেন, ঠিক যেমনটি তাঁর বাবা অমৎসিয়ও করতেন, 5 যিনি তাঁকে ঈশ্বরভয় শিক্ষা দিলেন, সেই স্থানিয়ের জীবনকালে বরাবর তিনি ঈশ্বরের অন্বেষণ করে গেলেন। যতদিন তিনি সদাপ্রভুর অন্বেষণ করে গেলেন, ততদিন ঈশ্বর তাঁকে সাফল্যও দিলেন। 6 তিনি ফিলিস্তিনীদের বিরুদ্ধে যুদ্ধ্যাত্মা করলেন এবং গাতের, যবনির ও অস্দোদের প্রাচীর ভেঙে দিলেন।

পরে তিনি অস্দোদের কাছে ও ফিলিস্তিনীদের মাবখানে অন্যান্য স্থানে  
নতুন করে কয়েকটি নগর গড়ে তুলেছিলেন। 7 ফিলিস্তিনীদের বিরুদ্ধে  
এবং যারা গুর-বায়ালে বসবাস করত, সেই আরবীয়দের বিরুদ্ধে ও  
মিয়নীয়দের বিরুদ্ধেও ঈশ্বর তাঁকে সাহায্য করলেন। 8 অম্মোনীয়েরা  
উমিয়ের কাছে রাজকর নিয়ে এসেছিল, এবং তাঁর খ্যাতি একেবারে  
মিশরের সীমানা পর্যন্ত ছড়িয়ে পড়েছিল, কারণ তিনি খুব শক্তিশালী  
হয়ে উঠেছিলেন। 9 জেরুশালেমে কোণার দ্বারে, উপত্যকার দ্বারে ও  
প্রাচীরের কোণে উষিয় কয়েকটি মিনার তৈরি করলেন, এবং সেগুলি  
মজবুতও করে তুলেছিলেন। 10 মরগ্রান্টেরও তিনি কয়েকটি মিনার  
তৈরি করলেন ও বেশ কয়েকটি কুয়ো খুঁড়েছিলেন, কারণ তিনি খুব শক্তিশালী  
জমিতে অবস্থিত তাঁর ক্ষেতখামারে ও দ্রাক্ষাকুঞ্জে তিনি লোকজনকে  
কাজে লাগালেন, কারণ মাটির প্রতি তাঁর অগাধ ভালোবাসা ছিল। 11  
উমিয়ের কাছে ভালো প্রশিক্ষণপ্রাপ্ত এমন এক সৈন্যদল ছিল, যারা  
রাজকীয় কর্মকর্তাদের মধ্যে একজন, সেই হনানীয়ের পরিচালনায়,  
তাদের সংখ্যানুসারে দলে দলে বিভক্ত হয়ে সচিব যিয়ুয়েলের ও  
কর্মকর্তা মাসেয়ের নেতৃত্বে যুদ্ধে যাওয়ার জন্য প্রস্তুত ছিল। 12  
যোদ্ধাদের উপর মোট 2,600 জন কুলপতি নিযুক্ত ছিলেন। 13 তাদের  
অধীনে 3,07,500 জন সৈন্যের সমন্বয়ে গঠিত এমন এক সৈন্যদল  
ছিল, যারা যুদ্ধের জন্য প্রশিক্ষণপ্রাপ্ত, ও রাজার শক্তিদের বিরুদ্ধে  
তাঁকে সাহায্য করার পক্ষে যথেষ্ট শক্তিশালী ছিল। 14 উষিয় সমগ্র  
সৈন্যদলের জন্য ঢাল, বর্ষা, শিরস্ত্রাণ, বর্ম, ধনুক ও পাথর ছোঁড়ার  
গুলতির জোগান দিলেন। 15 জেরুশালেমে তিনি এমন সব যন্ত্রপাতি  
তৈরি করিয়েছিলেন, যেন আবিষ্কৃত সেই যন্ত্রপাতিগুলি মিনারে ও  
প্রাচীরের কোনায় রেখে সৈনিকরা প্রাচীর থেকেই তির ছুঁড়তে ও বড়ো  
বড়ো পাথরের গোলা নিষ্কেপ করতে পারে। দূর দূর পর্যন্ত তাঁর খ্যাতি  
ছড়িয়ে পড়েছিল, কারণ যতদিন না তিনি শক্তিশালী হয়ে উঠেছিলেন,  
ততদিন তিনি প্রচুর সাহায্য পেয়েছিলেন। 16 কিন্তু শক্তিশালী হয়ে  
ওঠার পর উষিয়ের অহংকারই তাঁর পতনের কারণ হয়ে উঠেছিল। তাঁর

ঈশ্বর সদাপ্রভুর প্রতি তিনি অবিশ্বস্ত হলেন, এবং ধূপবেদিতে ধূপ পোড়ানোর জন্য তিনি সদাপ্রভুর মন্দিরে প্রবেশ করলেন। 17 যাজক অসরিয় ও সদাপ্রভুর আরও আশি জন সাহসী যাজক তাঁকে অনুসরণ করলেন। 18 তারা রাজা উষিয়কে বাধা দিয়ে বললেন, “হে উষিয়, সদাপ্রভুর কাছে ধূপ পোড়ানোর আপনার কোনও অধিকার নেই। এই অধিকার আছে শুধু সেই যাজকদের, যারা হারোগের বংশধর ও তাদেরই আলাদা করে উৎসর্গ করা হয়েছে, যেন তারা ধূপ পোড়াতে পারে। পবিত্র এই পীঠস্থান থেকে আপনি বের হয়ে যান, কারণ আপনি অবিশ্বস্ত হয়েছেন; এবং সদাপ্রভু ঈশ্বর আপনাকে সম্মানিত করবেন না।” 19 উষিয় রেগে গেলেন, তখন হাতে একটি ধূনুচি নিয়ে তিনি ধূপ পোড়ানোর প্রস্তুতি নিছিলেন। সদাপ্রভুর মন্দিরের মধ্যে, ধূপবেদির সামনে যাজকদের উপস্থিতিতে তিনি যখন তাদের প্রতি ক্রোধ প্রকাশ করছিলেন, তখনই তাঁর কপালে কুষ্ঠরোগ দেখা দিয়েছিল। 20 প্রধান যাজক অসরিয় ও অন্যান্য সব যাজক যখন তাঁর দিকে তাকিয়েছিলেন, তখন তারা দেখতে পেয়েছিলেন যে তাঁর কপালে কুষ্ঠরোগ দেখা দিয়েছে, তাই তাড়াতাড়ি করে তারা তাঁকে বাইরে নিয়ে গেলেন। বাস্তবিক, তিনি নিজেও বাইরে বেরিয়ে যেতে উদ্বৃত্তি হলেন, কারণ সদাপ্রভুই তাঁকে যন্ত্রণায় কাতর করে তুলেছিলেন। 21 আম্বত্য, রাজা উষিয় কুষ্ঠরোগী হয়েই ছিলেন। কুষ্ঠরোগাক্রান্ত হয়ে তিনি আলাদা একটি বাড়িতে বসবাস করলেন, এবং সদাপ্রভুর মন্দিরে তাঁর প্রবেশ করার ক্ষেত্রে নিষেধাজ্ঞা জারি হল। তাঁর ছেলে যোথম প্রাসাদের দায়িত্ব নিয়েছিলেন এবং দেশের প্রজাদের শাসন করলেন। 22 শুরু থেকে শেষ পর্যন্ত উষিয়ের রাজত্বকালের অন্যান্য সব ঘটনা আমোষের ছেলে ভাববাদী যিশাইয় লিখে রেখে গিয়েছেন। 23 উষিয় তাঁর পূর্বপুরুষদের সাথে চিরবিশ্রামে শায়িত হলেন এবং তাঁকে তাদেরই কাছাকাছি এমন এক কবরস্থানে কবর দেওয়া হল, যেটি রাজাদেরই ছিল, কারণ প্রজারা বলল, “তাঁর কুষ্ঠরোগ হয়েছিল।” তাঁর ছেলে যোথম রাজারূপে তাঁর স্তুলাভিষিক্ত হলেন।

**২৭** যোথম পঁচিশ বছর বয়সে রাজা হলেন, এবং জেরুশালেমে তিনি ঘোলো বছর রাজত্ব করলেন। তাঁর মায়ের নাম যিরুশা। তিনি ছিলেন সাদোকের মেয়ে। ২ তাঁর বাবা উষিয়ের মতো তিনি সদাপ্রভুর দৃষ্টিতে যা যা ভালো, তাই করলেন, তবে তাঁর মতো তিনি কিন্তু সদাপ্রভুর মন্দিরে প্রবেশ করেননি। প্রজারা অবশ্য তাদের অসৎ কাজকর্ম চালিয়ে যাচ্ছিল। ৩ যোথম সদাপ্রভুর মন্দিরের উচ্চতর দ্বারটি নতুন করে আরেকবার তৈরি করলেন এবং ওফল পাহাড়ের প্রাচীরে ব্যাপক কাজ করিয়েছিলেন। ৪ যিহুদার পাহাড়ি এলাকায় তিনি কয়েকটি নগর তৈরি করলেন এবং বনাধ্বনেও কয়েকটি দুর্গ ও মিনার তৈরি করলেন। ৫ অম্মোনীয়দের রাজার বিরুদ্ধে যুদ্ধ চালিয়ে যোথম তাদের পরাজিত করলেন। সেই বছর অম্মোনীয়েরা তাঁকে একশো তালন্ত রংপো, দশ হাজার কোর গম ও দশ হাজার কোর যব দিয়েছিল। দ্বিতীয় ও তৃতীয় বছরেও অম্মোনীয়েরা একই পরিমাণ জিনিসপত্র তাঁর কাছে এনে দিয়েছিল। ৬ যোথম তাঁর ঈশ্বর সদাপ্রভুর পথে অবিচলিতভাবে চলেছিলেন বলেই শক্তিশালী হয়ে উঠতে পেরেছিলেন। ৭ যোথমের রাজত্বকালের অন্যান্য সব ঘটনা, তাঁর সব যুদ্ধবিগ্রহ ও তিনি আরও যা যা করলেন, সেসব ইত্তায়েল ও যিহুদার রাজাদের পুস্তকে লেখা আছে। ৮ তিনি পঁচিশ বছর বয়সে রাজা হলেন, এবং জেরুশালেমে তিনি ঘোলো বছর রাজত্ব করলেন। ৯ যোথম তাঁর পূর্বপুরুষদের সাথে চিরবিশ্রামে শায়িত হলেন এবং দাউদ-নগরে তাঁকে কবর দেওয়া হল। তাঁর ছেলে আহস রাজারপে তাঁর স্ত্রীভিষ্ণু হলেন।

**২৮** আহস কুড়ি বছর বয়সে রাজা হলেন, এবং জেরুশালেমে তিনি ঘোলো বছর রাজত্ব করলেন। তাঁর পূর্বপুরুষ দাউদের মতো তিনি সদাপ্রভুর দৃষ্টিতে যা যা ভালো, তা করেননি। ২ তিনি ইত্তায়েলের রাজাদের পথে চলেছিলেন এবং বায়াল-দেবতাদের পূজার্চনার জন্য তিনি প্রতিমার মূর্তি ও তৈরি করলেন। ৩ বিন-হিঙ্গোম উপত্যকায় তিনি পশুবলি দিয়ে সেগুলি জ্বালিয়ে দিতেন এবং সদাপ্রভু যে পরজাতিদের ইত্তায়েলীদের সামনে থেকে দূর করে দিলেন, তাদেরই ঘৃণ্য প্রথানুসারে তিনি তাঁর নিজের সন্তানদের বলিরাপে উৎসর্গ

করলেন। 4 প্রতিমাপুজোর উঁচু উঁচু স্থানগুলিতে, পাহাড়ের চূড়ায় ও ডালপালা বিস্তার করা প্রত্যেকটি গাছের তলায় তিনি বলি উৎসর্গ করলেন ও ধূপ জ্বালিয়েছিলেন। 5 তাই তাঁর ঈশ্বর সদাপ্রভু তাঁকে অরামের রাজার হাতে সঁপে দিলেন। অরামীয়েরা তাঁকে পরাজিত করল এবং তাঁর প্রজাদের মধ্যে অনেককে বন্দি করল ও তাদের দামাক্ষাসে নিয়ে গেল। তাঁকে সেই ইস্রায়েলের রাজার হাতেও সঁপে দেওয়া হল, যিনি তাঁর অনেক লোকজনকে মেরে ফেলেছিলেন। 6 রমলিয়ের ছেলে পেকহ একদিনেই যিহুদায় 1,20,000 সৈন্যকে হত্যা করলেন—কারণ যিহুদা তাদের পূর্বপুরুষদের ঈশ্বর সদাপ্রভুকে পরিত্যাগ করল। 7 ইফ্রিয়ামীয় এক যোদ্ধা সিঞ্চি রাজপুত্র মাসেয়কে, প্রাসাদের তত্ত্ববধায়ক কর্মকর্তা অঙ্গীকামকে, এবং রাজার পর দ্বিতীয় স্থানে থাকা ইল্কানাকে হত্যা করল। 8 ইস্রায়েলের লোকেরা যিহুদায় বসবাসকারী তাদেরই জাতভাই ইস্রায়েলীদের কাছ থেকে স্ত্রী, ছেলে ও মেয়ে মিলিয়ে মোট দুই লাখ লোককে বন্দি করল। এছাড়াও তারা প্রচুর পরিমাণে লুটসামগ্রীও দখল করে সেগুলি শমরিয়ায় বয়ে নিয়ে গেল। 9 কিন্তু ওদে� নামে সদাপ্রভুর একজন ভাববাদী সেখানে উপস্থিত ছিলেন, এবং সৈন্যদল যখন শমরিয়ায় ফিরে এসেছিল, তখন তিনি তাদের সাথে দেখা করতে গেলেন। তিনি তাদের বললেন, “যেহেতু তোমাদের পূর্বপুরুষদের ঈশ্বর সদাপ্রভু যিহুদার উপর ক্রুদ্ধ হলেন, তাই তিনি তাদের তোমাদের হাতে তুলে দিয়েছেন। কিন্তু রাগের বশে তোমরা এমনভাবে তাদের কোতল করেছ যে তার রেশ স্বর্গ পর্যন্ত পৌঁছে গিয়েছে। 10 এখন আবার তোমরা যিহুদা ও জেরুশালেমের পুরুষ ও মহিলাদের ক্রীতদাস-দাসী করতে চাইছ। কিন্তু তোমরাও কি তোমাদের ঈশ্বর সদাপ্রভুর বিরুদ্ধে করা পাপের দোষে দোষী নও? 11 এখন আমার কথা শোনো! তোমাদের জাতভাই যেসব ইস্রায়েলীকে তোমরা বন্দি করে এনেছ, তাদের ফেরত পাঠিয়ে দাও, কারণ সদাপ্রভুর ভয়ংকর ক্রোধ তোমাদের উপর অবঙ্গন করছে।” 12 তখন ইফ্রিয়ামের নেতাদের মধ্যে কয়েকজন—যিহোহাননের ছেলে অসরিয়, মশিল্লোমোতের ছেলে বেরিথিয়, শল্লুমের ছেলে যিহিক্ষিয়, ও

হদলয়ের ছেলে অমাসা—সেই লোকদের বিরুদ্ধে রখে দাঁড়িয়েছিলেন,  
যারা যুদ্ধ করে ফিরে এসেছিল। 13 “তোমরা এই বন্দিদের এখানে  
আনবে না,” তারা বললেন, “তা না হলে আমরাই সদাপ্রভুর কাছে দোষী  
হয়ে যাব। আমরা যত পাপ ও অপরাধ করেছি, তার সাথে কি তোমরা  
এই পাপটিও যোগ করতে চাইছ? কারণ আমাদের পাপের পরিমাণ  
ইতিমধ্যেই অনেক বেড়ে গিয়েছে, আর ইস্রায়েলের উপর তাঁর ক্রোধ  
অবস্থান করে আছে।” 14 অতএব সৈনিকরা বন্দিদের ও লুটসামগ্রীগুলি  
কর্মকর্তাদের ও সমগ্র জনসমাজের সামনে এনে রেখেছিল। 15  
যাদের নামো঳েখ করা হয়েছে, তারা লুটসামগ্রী থেকে কাপড়চোপড়  
নিয়ে বন্দিদের মধ্যে যাদের পরনে কাপড় ছিল না, তাদের উলঙ্গতা  
চেকে দিলেন। তারা তাদের কাপড়চোপড়, চটিজুতো, খাবারদাবার,  
ও ব্যথা কমানোর মলম দিলেন। যারা যারা শারীরিক দিক থেকে  
দুর্বল ছিল, তাদের গাধার পিঠে বসিয়ে দেওয়া হল। এইভাবে তারা  
খেজুর গাছের নগর যিরীহোতে, তাদের জাতভাই ইস্রায়েলীদের কাছে  
তাদের পৌঁছে দিলেন, এবং পরে শমরিয়ায় ফিরে এলেন। 16 সেই  
সময় রাজা আহস সাহায্য চেয়ে আসিরিয়ার রাজাদের কাছে লোক  
পাঠালেন। 17 ইদোমীয়েরা আবার এসে যিহুদাকে আক্রমণ করল এবং  
লোকদের বন্দি করে নিয়ে গেল, 18 অন্যদিকে আবার ফিলিস্তিনীরা  
পাহাড়ের পাদদেশে ও যিহুদার নেগোভে অবস্থিত নগরগুলিতে হানা  
দিয়েছিল। তারা বেত-শেমশ, অয়ালোন ও গদেরোতের সাথে সাথে  
সোখো, তিম্বা ও গিমসো এবং সেখানকার চারপাশের গ্রামগুলি ও  
দখল করে সেগুলিতে বসবাস করতে শুরু করল। 19 ইস্রায়েল-রাজ  
আহসের জন্যই সদাপ্রভু যিহুদাকে নত করলেন, কারণ যিহুদায় আহস  
অসদাচারের উদ্যোগ হলেন এবং সদাপ্রভুর প্রতি সবচেয়ে বেশি  
অবিশ্বস্ত হলেন। 20 আসিরিয়ার রাজা তিগ্রৎ-পিলেষর তাঁর কাছে  
এলেন, কিন্তু তিনি আহসকে সাহায্য না করে বরং তাঁকে কষ্টই দিলেন।  
21 সদাপ্রভুর মন্দির থেকে এবং রাজপ্রাসাদ থেকে ও কর্মকর্তাদের কাছ  
থেকে আহস বেশ কিছু জিনিসপত্র নিয়ে সেগুলি আসিরিয়ার রাজাকে  
উপহার দিলেন, কিন্তু তাতেও তাঁর কোনও লাভ হয়নি। 22 তাঁর

এই কষ্টের সময় রাজা আহস সদাপ্রভুর প্রতি আরও বেশি অবিশ্বস্ত হয়ে গেলেন। 23 তিনি দামাক্ষাসের সেই দেবতাদের কাছে বলি উৎসর্গ করলেন, যারা তাঁকে পরাজিত করল; কারণ তিনি ভেবেছিলেন, “যেহেতু অরামের রাজাদের দেবতারা তাদের সাহায্য করেছে, তাই আমিও তাদের কাছে বলি উৎসর্গ করব, যেন তারা আমাকেও সাহায্য করে।” কিন্তু তারাই তাঁর ও সমগ্র ইস্রায়েলের পতনের কারণ হল। 24 আহস ঈশ্বরের মন্দির থেকে আসবাবপত্রাদি সংগ্রহ করে সেগুলি কেটে টুকরো টুকরো করে দিলেন। সদাপ্রভুর মন্দিরের দরজা তিনি বন্ধ করে দিলেন এবং জেরশালেমের প্রত্যেকটি রাস্তার কোনায় কোনায় তিনি যজ্ঞবেদি খাড়া করে দিলেন। 25 যিহুদার প্রত্যেকটি নগরে অন্যান্য দেবতাদের উদ্দেশে বলির পশ্চ পোড়ানোর জন্য তিনি পূজার্চনার উঁচু উঁচু স্থান তৈরি করে দিলেন এবং তাঁর পূর্বপুরুষদের ঈশ্বর সদাপ্রভুর ক্রোধ জাগিয়ে তুলেছিলেন। 26 শুরু থেকে শেষ পর্যন্ত, তাঁর রাজত্বকালের অন্যান্য সব ঘটনা ও তাঁর সব কাজকর্মের বিবরণ যিহুদা ও ইস্রায়েলের রাজাদের পুস্তকে লেখা আছে। 27 আহস তাঁর পূর্বপুরুষদের সাথে চিরবিশ্বামী শায়িত হলেন এবং তাঁকে জেরশালেম নগরেই কবর দেওয়া হল, কিন্তু ইস্রায়েলের রাজাদের কবরে তাঁকে রাখা হয়নি। তাঁর ছেলে হিক্যিয় রাজারূপে তাঁর স্থলাভিষিক্ত হলেন।

**29** হিক্যিয় পঁচিশ বছর বয়সে রাজা হলেন, এবং জেরশালেমে উন্নতির বছর রাজত্ব করলেন। তাঁর মায়ের নাম অবিয়। তিনি সখরিয়ের মেয়ে ছিলেন। 2 হিক্যিয় তাঁর পূর্বপুরুষ দাউদের মতোই সদাপ্রভুর দৃষ্টিতে যা যা ঠিক, তাই করতেন। 3 তাঁর রাজত্বকালের প্রথম বছরের প্রথম মাসে তিনি সদাপ্রভুর মন্দিরের দরজাগুলি খুলে দিলেন ও সেগুলি মেরামতও করলেন। 4 তিনি যাজক ও লেবীয়দের ফিরিয়ে এনেছিলেন, পূর্বদিকের চকে তাদের সমবেত করলেন 5 এবং তাদের বললেন: “হে লেবীয়েরা, আমার কথা শোনো! এখন তোমরা ঈশ্বরের উদ্দেশে নিজেদের উৎসর্গ করো এবং তোমাদের পূর্বপুরুষদের ঈশ্বর সদাপ্রভুর মন্দিরটি ও উৎসর্গ করো। পবিত্র পীঠস্থান থেকে সব দূষণ দূর করো। 6 আমাদের পূর্বপুরুষরা অবিশ্বস্ত হলেন; আমাদের ঈশ্বর

সদাপ্রভুর দৃষ্টিতে তারা মন্দ কাজকর্ম করলেন ও তাঁকে পরিত্যাগও করলেন। সদাপ্রভুর বাসস্থানের দিক থেকে তারা তাদের মুখ ঘুরিয়ে নিয়েছিলেন ও তাঁর দিকে পিঠ ফিরিয়েছিলেন। 7 এছাড়াও তারা দ্বারমণ্ডপের দরজাগুলি বন্ধ করে দিলেন এবং প্রদীপগুলিও নিভিয়ে দিলেন। ইস্রায়েলের ঈশ্বরের কাছে পবিত্র পীঠস্থানে তারা ধূপও জ্বালাননি বা কোনও হোমবলিও উৎসর্গ করেননি। 8 তাই, যিহুদা ও জেরশালেমের উপর সদাপ্রভুর ক্ষেত্র নেমে এসেছে; তিনি তাদের আতঙ্কের ও প্রবল বিচ্ছার ও অবজ্ঞার এক পাত্রে পরিণত করেছেন, যা তোমরা স্বচক্ষেই দেখতে পাচ্ছ। 9 এজন্যই আমাদের পূর্বপুরুষেরা তরোয়ালের আঘাতে মারা পড়েছেন এবং আমাদের ছেলেমেয়েরা ও আমাদের স্ত্রীরা বন্দি হয়েছে। 10 এখন আমি ইস্রায়েলের ঈশ্বর সদাপ্রভুর সাথে এক নিয়ম স্থির করতে চলেছি, যেন তাঁর ভয়ংকর ক্ষেত্র আমাদের কাছ থেকে সরে যায়। 11 ওহে বাছারা, এখন আর অস্তর্ক হোয়ো না, কারণ সদাপ্রভু তাঁর সামনে দাঁড়ানোর ও তাঁর সেবা করার, তাঁর সামনে পরিচর্যা করার ও ধূপ জ্বালানোর জন্য তোমাদেরই মনোনীত করেছেন।” 12 তখন এইসব লেবীয় কাজে লেগে গেল: কহাতীয়দের মধ্যে থেকে, অমাসয়ের ছেলে মাহৎ ও অসরিয়ের ছেলে যোয়েল; মরারীয়দের মধ্যে থেকে, অব্দির ছেলে কীশ ও যিহলিলেলের ছেলে অসরিয়; গের্শোনীয়দের মধ্যে থেকে, সিম্মের ছেলে যোয়াহ ও যোয়াহের ছেলে এদন; 13 ইলীয়াফণের বংশধরদের মধ্যে থেকে, সিম্মি ও যিয়ুয়েল; আসফের বংশধরদের মধ্যে থেকে, সখরিয় ও মতনিয়; 14 হেমনের বংশধরদের মধ্যে থেকে, যিহুয়েল ও শিমিয়ি; যিদুথনের বংশধরদের মধ্যে থেকে, শময়িয় ও উষীয়েল। 15 তারা তাদের সমগোত্রীয় লেবীয়দের এক স্থানে একত্রিত করল ও ঈশ্বরের উদ্দেশে নিজেদের উৎসর্গও করল। পরে তারা রাজার আদেশানুসারে, সদাপ্রভুর কথার বাধ্য হয়ে সদাপ্রভুর মন্দিরটি শুচিশুদ্ধ করতে গেল। 16 সদাপ্রভুর পবিত্র পীঠস্থানটি শুচিশুদ্ধ করার জন্য যাজকেরা মন্দিরের ভিতরে গেলেন। সদাপ্রভুর মন্দিরের মধ্যে তারা যত অশুচি জিনিসপত্র দেখতে পেয়েছিলেন,

সেসব তারা সদাপ্রভুর মন্দিরের উঠোনে বের করে এনেছিলেন।  
লেবীয়েরা সেগুলি সংগ্রহ করে বাইরে কিন্দ্রোগ উপত্যকায় বয়ে নিয়ে  
গেল। 17 প্রথম মাসের প্রথম দিনে তারা এই শুঙ্ককরণের কাজ শুরু  
করলেন, এবং মাসের অষ্টম দিনে তারা সদাপ্রভুর দ্বারমণ্ডপে পৌঁছে  
গেলেন। আরও আট দিন ধরে তারা সদাপ্রভুর মন্দিরটিকেই শুচিশুন্দ  
করে গেলেন, এবং প্রথম মাসের ষোড়শতম দিনে সে কাজ তারা  
সমাপ্ত করলেন। 18 পরে তারা রাজা হিক্ষিয়ের কাছে গিয়ে এই  
খবর দিলেন: “হোমবলির বেদি ও সেখানকার সব বাসনপত্র, এবং  
উৎসর্গীকৃত রূটি সাজিয়ে রাখার টেবিল ও সেটির সব জিনিসপত্র  
সমেত আমরা সদাপ্রভুর গোটা মন্দিরটিই শুচিশুন্দ করে দিয়েছি। 19  
রাজা আহস, রাজা থাকার সময় তাঁর অবিশ্বস্ততায় যেসব জিনিসপত্র  
ফেলে দিয়েছিলেন, আমরা সেগুলি ঠিকঠাক করে আবার শুচিশুন্দ করে  
দিয়েছি। সেগুলি এখন সদাপ্রভুর যজ্ঞবেদির সামনে রাখা আছে।” 20  
পরদিন ভোরবেলায় রাজা হিক্ষিয় নগরের কর্মকর্তাদের একত্রিত করে,  
তাদের সাথে নিয়ে সদাপ্রভুর মন্দিরে গেলেন। 21 রাজ্যের, পবিত্র  
পীঠস্থানের ও যিহুদার জন্য তারা পাপার্থক বলিরূপে সাতটি বলদ,  
সাতটি মদ্দা মেষ, মেষের সাতটি মদ্দা শাবক ও সাতটি পাঁঠা নিয়ে  
এলেন। হারোগের বংশধর সেই যাজকদের রাজা আদেশ দিলেন, তারা  
যেন সদাপ্রভুর যজ্ঞবেদিতে সেগুলি বলি দেন। 22 অতএব তারা সেই  
বলদগুলি বধ করলেন, এবং যাজকেরা রক্ত নিয়ে তা বেদিতে ছিটিয়ে  
দিলেন; পরে তারা মদ্দা মেষগুলি বধ করলেন ও সেগুলির রক্ত বেদিতে  
ছিটিয়ে দিলেন; পরে তারা মেষশাবকগুলি বধ করলেন ও সেগুলির  
রক্ত বেদিতে ছিটিয়ে দিলেন। 23 পাপার্থক বলির পাঁঠাগুলি রাজার ও  
জনসমাজের সামনে এনে রাখা হল, এবং সেগুলির উপর তারা হাত  
রেখেছিলেন। 24 যাজকেরা পরে সেই পাঁঠাগুলি বধ করে সেগুলির  
রক্ত সমগ্র ইস্রায়েলের পাপের প্রায়শিত্ব করার জন্য পাপার্থক বলিরূপে  
বেদিতে উৎসর্গ করলেন, কারণ রাজা সমগ্র ইস্রায়েলের জন্য হোমবলি  
ও পাপার্থক বলি উৎসর্গ করার আদেশ দিলেন। 25 দাউদ এবং রাজার  
দর্শক গাদ ও ভাববাদী নাথন ঠিক যেমনটি বলে দিলেন, সেইমতোই

তিনি সুরবাহার, বীণা ও খঙ্গনি নিয়ে সদাপ্রভুর মন্দিরে লেবীয়দের দাঁড় করিয়ে দিলেন; সদাপ্রভুই তাঁর ভাববাদীদের মাধ্যমে এই আদেশ দিলেন। 26 অতএব লেবীয়েরা দাউদের বাজনাগুলি নিয়ে প্রস্তুত হয়ে দাঁড়িয়েছিল, এবং যাজকেরাও তাদের শিঙাগুলি নিয়ে দাঁড়িয়েছিলেন। 27 হিক্ষিয় যজ্ঞবেদিতে হোমবলি উৎসর্গ করার আদেশ দিলেন।  
বলিদান শুরু হওয়ার সাথে সাথে সদাপ্রভুর উদ্দেশে গান গাওয়াও শুরু হল, গানের সাথে শিঙা ও ইস্রায়েলের রাজা দাউদের বাজনাগুলি ও বাজানো হল। 28 যখন বাদ্যকরেরা বাজনা বাজাচ্ছিল ও শিঙাগুলি ও বাজানো হচ্ছিল, তখন সমগ্র জনসমাজ আরাধনায় নতমস্তক হল।  
হোমবলি উৎসর্গ করা সমাপ্ত না হওয়া পর্যন্ত এসব চালিয়ে যাওয়া হল। 29 বলিদানের কাজ সম্পন্ন হওয়ার পর, রাজা ও তাঁর সাথে সেখানে উপস্থিত প্রত্যেকে নতজানু হয়ে আরাধনা করলেন। 30 রাজা হিক্ষিয় ও তাঁর কর্মকর্তারা লেবীয়দের আদেশ দিলেন, তারা যেন দাউদের ও দর্শক আসফের লেখা গান গেয়ে সদাপ্রভুর প্রশংসা করে। অতএব তারা খুশিমনে প্রশংসার গান গেয়েছিল এবং মাটিতে মাথা ঠেকিয়ে আরাধনা করল। 31 তখন হিক্ষিয় বললেন, “এখন তোমরা সদাপ্রভুর উদ্দেশে নিজেদের উৎসর্গ করে দিয়েছ। কাছে এসে সদাপ্রভুর মন্দিরে বলির নৈবেদ্য ও ধন্যবাদ-বলি নিয়ে এসো।” অতএব সেই জনসমাজ বলির নৈবেদ্য ও ধন্যবাদ-বলি এনেছিল, এবং যাদের যাদের অন্তরে ইচ্ছা জাগল, তারা হোমবলি ও এনেছিল। 32 সেই জনসমাজ যে হোমবলি এনেছিল, তার সংখ্যা হল সপ্তরতি বলদ, একশোটি মদ্দা মেষ ও মেষের 200-টি মদ্দা শাবক—এসবই সদাপ্রভুর উদ্দেশে হোমবলিরপে আনা হল। 33 বলিরপে যেসব পশু উৎসর্গ করা হল, সেগুলির সংখ্যা দাঁড়িয়েছিল 600 বলদ ও 3,000 মেষ ও ছাগল।  
34 সব হোমবলির ছাল ছাড়ানোর জন্য অবশ্য যাজকদের সংখ্যা কম পড়ে গেল; তাই যতদিন না সে কাজ সম্পূর্ণ হল ও অন্যান্য যাজকদের ঈশ্বরের উদ্দেশে উৎসর্গ করা হল, ততদিন তাদের আত্মীয় সেই লেবীয়েরা তাদের সাহায্য করল, কারণ যাজকদের তুলনায় সেই লেবীয়েরাই ঈশ্বরের উদ্দেশে নিজেদের উৎসর্গ করার ক্ষেত্রে বেশি

ন্যায়নিষ্ঠ হল। 35 সেখানে অপর্যাপ্ত হোমবলি ছিল, এবং সাথে সাথে মঙ্গলার্থক-নৈবেদ্যের চর্বি ও হোমবলির আনুষঙ্গিক পেয়-নৈবেদ্যও ছিল। অতএব সদাপ্রভুর মন্দিরের সেবাকাজ আবার নতুন করে শুরু হল। 36 ঈশ্বর তাঁর প্রজাদের জন্য কী ঘটিয়েছেন, তা দেখে হিক্কিয় ও দেশের প্রজারা সবাই আনন্দ করলেন, কারণ এসব কিছুই খুব তাড়াতাড়ি করা হল।

**30** জেরুশালেমে সদাপ্রভুর মন্দিরে আসার ও ইস্রায়েলের ঈশ্বর সদাপ্রভুর উদ্দেশে নিষ্ঠারপর্ব পালন করার নিমন্ত্রণ জানিয়ে হিক্কিয় ইস্রায়েল ও যিহুদায় সকলের কাছে খবর পাঠালেন এবং ইহুয়িমের ও মনঃশির প্রজাদের কাছে চিঠিও লিখেছিলেন। 2 রাজা ও তাঁর কর্মকর্তারা এবং জেরুশালেমের সমগ্র জনসমাজ দ্বিতীয় মাসে নিষ্ঠারপর্ব পালন করার সিদ্ধান্ত নিয়েছিলেন। 3 নির্দিষ্ট সময়ে তারা সেটি পালন করতে পারেননি, কারণ যথেষ্ট পরিমাণ যাজক ঈশ্বরের উদ্দেশে তখন নিজেদের উৎসর্গ করেননি এবং প্রজারাও তখন জেরুশালেমে সমবেত হয়নি। 4 রাজা ও সমগ্র জনসমাজ, উভয়ের কাছেই পরিকল্পনাটি সমুচ্চিত বলে মনে হল। 5 লোকজন যেন জেরুশালেমে এসে ইস্রায়েলের ঈশ্বর সদাপ্রভুর উদ্দেশে নিষ্ঠারপর্ব পালন করতে পারে, সেই লক্ষ্যে তারা বের-শেবা থেকে দান পর্যন্ত, ইস্রায়েলে সর্বত্র লোক পাঠিয়ে সেকথা ঘোষণা করিয়ে দেওয়ার সিদ্ধান্ত নিয়েছিলেন। এই বিষয়ে যেমনটি লিখে রাখা হল, সেই নিয়মানুসারে, মানুষজনের পক্ষে একসাথে মিলিত হয়ে সেই পর্বটি পালন করা সন্তুষ্ট হয়নি। 6 রাজার আদেশে, রাজার ও তাঁর কর্মকর্তাদের কাছ থেকে চিঠিপত্র নিয়ে ডাকহরকরারা ইস্রায়েল ও যিহুদার সর্বত্র চলে গেল; সেই চিঠিপত্রের ভাষা ছিল এইরকম: “হে ইস্রায়েলী প্রজারা, অব্রাহাম, ইস্থাক ও ইস্রায়েলের ঈশ্বর সদাপ্রভুর কাছে তোমরা ফিরে এসো, যেন তোমরা যারা অবশিষ্ট আছ, যারা আসিরিয়ার রাজাদের হাত থেকে রক্ষা পেয়েছ, তোমাদের কাছে তিনিও ফিরে আসেন। 7 তোমরা তোমাদের সেই পূর্বপুরুষ ও সমগ্রোত্তীয় ইস্রায়েলীদের মতো হোয়ো না, যারা তাদের পূর্বপুরুষদের ঈশ্বর সদাপ্রভুর প্রতি অবিশ্বস্ত

হল, তাই তিনি তাদের প্রবল বিত্কার পাত্রে পরিগত করলেন, যা তোমরা দেখতেই পাচ্ছ। ৪ তোমাদের পূর্বপুরুষদের মতো তোমরা একগুঁয়ে হোয়ো না; সদাপ্রভুর হাতে নিজেদের সঁপে দাও। তাঁর পবিত্র সেই পীঠস্থানে এসো, যা তিনি চিরকালের জন্য পবিত্র করে দিয়েছেন। তোমাদের ঈশ্বর সদাপ্রভুর সেবা করো, যেন তাঁর ভয়ংকর ক্রোধ তোমাদের কাছ থেকে দূর হয়ে যায়। ৫ তোমরা যদি সদাপ্রভুর কাছে ফিরে আস, তবে তোমাদের সমগোত্রীয় ইস্রায়েলীদের ও তোমাদের সন্তানদের প্রতি তাদের বন্দিকারীরা করণা দেখাবে এবং তারা এই দেশে ফিরে আসবে, কারণ তোমাদের ঈশ্বর সদাপ্রভু অনুগ্রহকারী ও করণাময়। তোমরা যদি তাঁর কাছে ফিরে আস, তবে তিনি তোমাদের দিক থেকে তাঁর মুখ ফিরিয়ে নেবেন না।” ১০ ডাকহরকরারা ইফ্রায়িম ও মনঃশির এক নগর থেকে অন্য নগর ঘুরে সবূলন পর্যন্ত গোল, কিন্তু লোকেরা তাদের ঠাটা-বিদ্রূপ করল। ১১ তা সত্ত্বেও, আশের, মনঃশি ও সবূলন থেকে কেউ কেউ নিজেদের নত করল ও জেরশালেমে গোল। ১২ এছাড়া যিহুদাতেও লোকজনের উপর ঈশ্বর হাত রেখে তাদের মনে একতা দিলেন, যেন তারা সদাপ্রভুর বাক্য অনুসারে, রাজার ও তাঁর কর্মকর্তাদের আদেশ পালন করতে পারে। ১৩ দ্বিতীয় মাসে খামিরবিহীন রংটির উৎসব পালন করার জন্য বিশাল জনতা জেরশালেমে সমবেত হল। ১৪ জেরশালেমে তারা বেদিগুলি সরিয়ে দিয়েছিল এবং ধূপবেদিগুলি পরিষ্কার করে সেখানে রাখা জিনিসপত্র কিন্দোণ উপত্যকায় ছুঁড়ে ফেলে দিয়েছিল। ১৫ দ্বিতীয় মাসের চতুর্দশতম দিনে তারা নিষ্ঠারপর্বের মেষশাবকটি বধ করল। যাজক ও লেবীয়েরা লজ্জিত হয়ে ঈশ্বরের উদ্দেশে নিজেদের উৎসর্গ করলেন এবং সদাপ্রভুর মন্দিরে হোমবলি নিয়ে এলেন। ১৬ পরে ঈশ্বরের লোক মোশির বিধান অনুসারে তারা তাদের নির্দিষ্ট স্থানে শিয়ে দাঁড়িয়েছিলেন। লেবীয়েরা যাজকদের হাতে যে রক্ত তুলে দিয়েছিল, তারা সেই রক্ত যজ্ঞবেদিতে ছিটিয়ে দিলেন। ১৭ যেহেতু জনতার ভিড়ে অনেকেই ঈশ্বরের উদ্দেশে নিজেদের উৎসর্গ করেননি, তাই প্রথাগতভাবে যারা শুচিশুদ্ধ ছিল না ও যারা তাদের

আনা মেষশাবকগুলি সদাপ্রভুর উদ্দেশে উৎসর্গ করতে পারেনি,  
তাদের হয়ে লেবীয়দেরই নিষ্ঠারপর্বের মেষশাবকগুলি বধ করতে  
হল। 18 যদিও যেসব লোকজন ইক্ষ্যাম, মনংশি, ইষাখ্র ও স্বৰূপ  
থেকে এসেছিল, তাদের মধ্যে অধিকাংশ জনই নিজেদের শুচিশুদ্ধ  
করেননি, তবু তারা লিখিত বিধিনিয়মের বিরঞ্জে গিয়ে নিষ্ঠারপর্বের  
ভোজ খেয়েছিল। কিন্তু হিক্ষিয় তাদের জন্য প্রার্থনা করে বললেন,  
“মঙ্গলময় সদাপ্রভু তাদের প্রত্যেককে ক্ষমা করুন, 19 যারা তাদের  
অন্তর ঈশ্বরের—তাদের পূর্বপুরুষদের ঈশ্বর সদাপ্রভুর—অন্বেষণ  
করার জন্য ঠিক করেছে, এমনকি পবিত্র পৌঠস্থানের নিয়মানুসারে  
তারা যদি শুচিশুদ্ধ নাও হয়, তাও যেন তিনি তাদের ক্ষমা করলেন।”  
20 সদাপ্রভু হিক্ষিয়ের প্রার্থনা শুনেছিলেন ও মানুষজনকে সুহ করলেন।  
21 একদিকে, জেরুশালেমে উপস্থিত ইস্রায়েলীরা মহানন্দে সাত দিন  
ধরে খামিরবিহীন রুটির উৎসব পালন করছিল, অন্যদিকে যাজক ও  
লেবীয়েরা প্রতিদিন সদাপ্রভুর উদ্দেশে উৎসর্গীকৃত দারণ সব বাজনা  
বাজিয়ে সদাপ্রভুর প্রশংসাগান করে যাচ্ছিলেন। 22 যেসব লেবীয়  
সদাপ্রভুর সেবাকাজে ভালো বুদ্ধি-বিবেচনা প্রয়োগ করল, হিক্ষিয়  
তাদের উৎসাহ দিয়ে কথা বললেন। পর্বের সাত দিন ধরে তারা তাদের  
জন্য নির্দিষ্ট করে দেওয়া খাবার খেয়েছিল এবং মঙ্গলার্থক-নৈবেদ্য  
উৎসর্গ করে তাদের পূর্বপুরুষদের ঈশ্বর সদাপ্রভুর প্রশংসা করল। 23  
সমগ্র জনসমাজ তখন আরও সাত দিন উৎসব পালন করার বিষয়ে  
একমত হল; অতএব আনন্দ করতে করতে আরও সাত দিন ধরে  
তারা উৎসব পালন করল। 24 জনসমাজের জন্য যিহুদার রাজা হিক্ষিয়  
এক হাজার বলদ এবং সাত হাজার মেষ ও ছাগল দিলেন, এবং  
কর্মকর্তারা তাদের জন্য এক হাজার বলদ ও দশ হাজার মেষ ও  
ছাগল দিলেন। অনেক যাজক ঈশ্বরের উদ্দেশে নিজেদের উৎসর্গ করে  
দিলেন। 25 যিহুদার সমগ্র জনসমাজ আনন্দ করল, ও তাদের সাথে  
সাথে যাজক ও লেবীয়েরা এবং ইস্রায়েল থেকে এসে সেখানে সমবেত  
হওয়া লোকজন ও ইস্রায়েল থেকে আসা তথা যিহুদায় বসবাসকারী  
বিদেশিরাও আনন্দ করল। 26 জেরুশালেমে আনন্দের হাট বসে

গেল, কারণ ইত্তায়েলের রাজা দাউদের ছেলে শলোমনের সময়ের পর  
থেকে, জেরুশালেমে এরকম আর কিছু কথনও হয়নি। 27 যাজক ও  
লেবীয়েরা প্রজাদের আশীর্বাদ করার জন্য উঠে দাঁড়িয়েছিলেন, এবং  
ঈশ্বর তাদের কথা শুনেছিলেন, কারণ তাদের প্রার্থনা স্বর্গে, তাঁর সেই  
পুরিত্ব বাসস্থানে পৌঁছে গেল।

**31** এসব কিছু সমাপ্ত হয়ে যাওয়ার পর, সেখানে উপস্থিত ইত্তায়েলীরা  
যিহুদার নগরগুলিতে গিয়ে সেখানকার দেবতাদের উদ্দেশে নিবেদিত  
পাথরগুলি ভেঙে গুঁড়িয়ে দিয়েছিল ও আশেরার খুঁটিগুলি কেটে  
নামিয়েছিল। যিহুদা ও বিন্যামীন, এবং ইফ্রায়িম ও মনঃশির সর্বত্র  
প্রতিমাপূজার উঁচু উঁচু স্থান ও বেদিগুলি তারা ধ্বংস করে দিয়েছিল।  
সেগুলি সব পুরোপুরি ধ্বংস করে ফেলার পর ইত্তায়েলীরা তাদের  
নিজের নিজের নগরে ও নিজেদের বিষয়সম্পত্তির কাছে ফিরে গেল। 2  
হোমবলি ও মঙ্গলার্থক বলি উৎসর্গ করার, পরিচর্যা করার, সদাপ্রভুর  
বাসস্থানের দরজায় দাঁড়িয়ে ধন্যবাদ দেওয়ার ও প্রশংসা করার জন্য  
হিক্যিয় যাজক ও লেবীয়দের প্রত্যেককে, যাজকের ও লেবীয়ের  
করণীয় দায়িত্ব অনুসারে, কয়েকটি বিভাগে বিভক্ত করে দিলেন। 3  
সদাপ্রভুর বিধানে লেখা নিয়মানুসারে সকাল-সন্ধ্যার হোমবলির এবং  
সাক্ষাত্বারে, অমাবস্যায় ও নির্দিষ্ট করে দেওয়া উৎসবের দিনগুলিতে  
উৎসর্গ করার উপযোগী হোমবলির জন্য রাজা নিজের বিষয়সম্পত্তি  
থেকে দান দিলেন। 4 জেরুশালেমে বসবাসকারী লোকজনকে তিনি  
আদেশ দিলেন, সদাপ্রভুর বিধানসংক্রান্ত বিষয়ে যাজক ও লেবীয়েরা  
যেন নিজেদের লিপ্ত রাখতে পারেন, তাই তাদের প্রাপ্য অংশ যেন তারা  
তাদের দিয়ে দেন। 5 যেই না সেই আদেশ জারি হল, ইত্তায়েলীরা  
অবাকাতরে তাদের শস্যের নবান্ন, নতুন দ্রাক্ষারস, জলপাই তেল ও মধু  
এবং ক্ষেত্রে সব উৎপন্ন দ্রব্য এনে দিয়েছিল। অনেক বেশি পরিমাণে  
তারা সবকিছুর দশমাংশ নিয়ে এসেছিল। 6 যিহুদার নগরগুলিতে  
বসবাসকারী ইত্তায়েল ও যিহুদার লোকজন তাদের গরু-ছাগলের  
পাল ও মেষের পাল থেকেও দশমাংশ এনেছিল এবং তাদের ঈশ্বর  
সদাপ্রভুর উদ্দেশে উৎসর্গীকৃত পুরিত্ব জিনিসপত্রের দশমাংশও এনে

গাদা করে দিয়েছিল। 7 তৃতীয় মাসে তারা এরকম করতে শুরু করল  
এবং সপ্তম মাসে শেষ করল। 8 হিক্ষিয় ও তাঁর কর্মকর্তারা যখন এসে  
জিনিসপত্রের সেই গাদা দেখেছিলেন, তারা সদাপ্রভুর প্রশংসা করলেন  
ও তাঁর প্রজা ইস্রায়েলকে আশীর্বাদ দিলেন। 9 হিক্ষিয়, যাজক ও  
লেবীয়দের সেই গাদার বিষয়ে জিজ্ঞাসা করলেন; 10 এবং সাদোকের  
বংশোদ্ধৃত প্রধান যাজক অসরিয় উত্তর দিলেন, “যেদিন থেকে লোকেরা  
সদাপ্রভুর মন্দিরে তাদের দান আনতে শুরু করল, আমরা যথেষ্ট খাবার  
থেতে পেয়েছি এবং প্রচুর খাবার বেঁচেও গিয়েছে, কারণ সদাপ্রভু  
তাঁর প্রজাদের আশীর্বাদ করেছেন, ও এত কিছু বেঁচে গিয়েছে।” 11  
সদাপ্রভুর মন্দিরে হিক্ষিয় কয়েকটি ভাঁড়ারঘর তৈরি করার আদেশ  
দিলেন, এবং তা করা হল। 12 পরে তারা নিষ্ঠাসহকারে দান, দশমাংশ  
ও উৎসর্গীকৃত জিনিসপত্র নিয়ে এসেছিল। লেবীয় কনানিয়কে এইসব  
জিনিসপত্র দেখাশোনা করার দায়িত্ব দিয়ে তত্ত্বাবধায়ক করে দেওয়া  
হল, এবং তাঁর ভাই শিমিয় পদাধিকারবলে তাঁর ঠিক নিচেই ছিলেন।  
13 যিহীয়েল, অসসিয়, নহু, অসাতেল, যিরীমোৎ, মোষাবদ, ইলীয়েল,  
যিষ্মথিয়, মাহুৎ ও বনায় কনানিয় ও তাঁর ভাই শিমিয়ির সহকারী  
ছিলেন। এরা সবাই, রাজা হিক্ষিয় ও ঈশ্বরের মন্দিরের দায়িত্বে থাকা  
কর্মকর্তা অসরিয়ের দ্বারা কাজে নিযুক্ত হলেন। 14 যিহুয়ার ছেলে লেবীয়  
কোরিকে, যিনি আবার পূর্বদিকের দরজার রক্ষীও ছিলেন, ঈশ্বরকে  
দেওয়া স্বেচ্ছাদানগুলি দেখাশোনা করার, সদাপ্রভুর কাছে আনা  
দানসামগ্রী ও উৎসর্গীকৃত উপহারগুলি বিলি করার দায়িত্ব দেওয়া  
হল। 15 এদন, মিনিয়ামীন, যেশূয়, শময়িয়, অমরিয় ও শখনিয়  
নিষ্ঠাসহকারে যাজকদের নগরগুলিতে থেকে কোরির কাজে সাহায্য  
করতেন, এবং বড়ো বা ছোটো, তাদের সমগোত্রীয় যাজকদের বিভাগ  
অনুসারে, তাদের কাছে তাদের প্রাপ্য বিলি করে দিতেন। 16 এছাড়াও,  
তিনি বছর বা তার বেশি বয়সের যেসব পুরুষের নাম বংশানুক্রমিক  
তালিকাতে ছিল—যারা তাদের দায়িত্ব ও বিভাগ অনুসারে তাদের  
বিভিন্ন কাজকর্মের দৈনন্দিন দায়িত্ব পালন করার জন্য সদাপ্রভুর  
মন্দিরে প্রবেশ করতেন, তাদেরও প্রাপ্য তারা বিলি করে দিতেন।

17 এক-একটি বৎস ধরে ধরে বংশানুক্রমিক তালিকায় নথিভুক্ত  
যাজকদের ও একইরকম ভাবে, কুড়ি বছর বা তার বেশি বয়সের  
লেবীয়দের প্রাপ্যও তারা তাদের দায়িত্ব ও বিভাগ অনুসারে বিলি  
করে দিতেন। 18 এইসব বংশানুক্রমিক তালিকায় সমগ্র সমাজের যত  
শিশু, স্ত্রী, এবং ছেলেমেয়ের নাম নথিভুক্ত করা ছিল, তাদের সবাইকে  
তারা যুক্ত করলেন। কারণ ঈশ্বরের উদ্দেশে নিজেদের উৎসর্গ করার  
ক্ষেত্রে তারা নিষ্ঠাবান ছিলেন। 19 যারা নিজেদের নগরের বা অন্যান্য  
নগরের আশেপাশে অবস্থিত ক্ষেতজমিতে বসবাস করতেন, হারোগের  
বংশধর, সেইসব যাজকের মধ্যে থেকে প্রত্যেকজন পুরুষের ও যাদের  
নাম লেবীয়দের বংশাবলিতে নথিভুক্ত করে রাখা হল, তাদের প্রাপ্য  
তাদের কাছে বিলি করে দেওয়ার জন্য নাম ধরে ধরে নির্দিষ্ট করে  
দেওয়া কয়েকজনকে দায়িত্ব দেওয়া হল। 20 যিন্দুর সব স্থানে  
হিক্কিয় এরকমই করলেন, তাঁর ঈশ্বর সদাপ্রভুর দৃষ্টিতে যা যা ভালো  
ও নির্ভরযোগ্য, তাই করলেন। 21 ঈশ্বরের মন্দিরের পরিচর্যায় এবং  
বিধান ও আদেশের প্রতি বাধ্যতা দেখিয়ে তিনি যা যা করার দায়িত্ব  
নিয়েছিলেন, সবেতেই তিনি তাঁর ঈশ্বরের অন্বেষণ করলেন এবং  
মন্ত্রাণ ঢেলে দিয়ে কাজ করলেন। আর তাই তিনি সফলতা হলেন।

**32** নিষ্ঠাসহকারে হিক্কিয় এত কিছু করার পর, আসিরিয়ার রাজা  
সন্হেরীব এসে যিন্দুয় সশস্ত্র আক্রমণ চালিয়েছিলেন। সুরক্ষিত  
নগরগুলি নিজের অধিকারে আনার ভাবনাচিন্তা নিয়ে তিনি সেগুলি  
ঘেরাও করলেন। 2 হিক্কিয় যখন দেখেছিলেন যে সন্হেরীব এসে  
জেরুশালামের বিরুদ্ধে যুদ্ধ করতে চাইছেন, 3 তখন নগরের বাইরে  
থাকা জলের উৎসগুলি থেকে আসা জলের স্ন্যাত বন্ধ করে দেওয়ার  
বিষয়ে তিনি তাঁর কর্মকর্তা ও সামরিক কর্মচারীদের সাথে আলোচনা  
করলেন, এবং তারা তাঁকে সাহায্য করলেন। 4 তারা এমন অনেক  
লোক একত্রিত করলেন, যারা দেশে বয়ে যাওয়া নদীনালার জলস্ন্যাত  
বন্ধ করে দিয়েছিল। “আসিরিয়ার রাজারা এসে কেন প্রচুর জল পাবে?”  
তারা বলল। 5 পরে তিনি পরিশ্রম করে প্রাচীরের ভাঙা অংশগুলি  
মেরামত করলেন ও সেচির উপর মিনার গড়ে দিলেন। সেই প্রাচীরটির

বাইরের দিকেও তিনি আরও একটি প্রাচীর তৈরি করলেন এবং দাউদ-নগরের উঁচু চাতালগুলিও আরও মজবুত করে দিলেন। তিনি প্রচুর পরিমাণে অস্ত্রশস্ত্র ও ঢালও বানিয়েছিলেন। ৬ প্রজাদের উপর তিনি সেনাপতিদের নিযুক্ত করে দিলেন এবং নগরের সিংহদুয়ারের সামনের চকে তাদের একত্রিত করে এই কথা বলে তাদের উৎসাহ দিলেন: ৭ “তোমরা বলবান ও সাহসী হও। আসিরিয়ার রাজাকে ও তাঁর সাথে থাকা বিশাল সৈন্যদল দেখে তোমরা ভয় পেয়ো না বা হতাশ হোয়ো না, কারণ তাঁর সাথে যে বা যারা আছে, তাদের তুলনায় আমাদের সাথে যিনি আছেন, তাঁর ক্ষমতা অনেক বেশি। ৮ তাঁর সাথে আছে শুধু মানুষের হাত, কিন্তু আমাদের সাথে আছেন আমাদের সেই ঈশ্বর সদাপ্রভু, যিনি আমাদের সাহায্য করতে ও আমাদের হয়ে যুদ্ধ করতেও সক্ষম।” যিহুদার রাজা হিকিয় প্রজাদের যে কথা বললেন, তা শুনে তারা ভরসা পেয়েছিল। ৯ পরে, আসিরিয়ার রাজা সন্ত্রৈরীব ও তাঁর সব সৈন্যসামন্ত যখন লাখীশ অবরোধ করে বসেছিলেন, তখন সেখান থেকে তিনি যিহুদার রাজা হিকিয়ের ও জেরুশালেমে উপস্থিত যিহুদার সব প্রজার কাছে এই খবর দিয়ে তাঁর কর্মকর্তাদের জেরুশালেমে পাঠালেন: ১০ “আসিরিয়ার রাজা সন্ত্রৈরীব একথাই বলেন: তোমরা কীসের উপর ভরসা করে জেরুশালেমে অবরুদ্ধ হয়ে বসে আছ? ১১ হিকিয় যখন বলছে, ‘আমাদের ঈশ্বর সদাপ্রভুই আসিরিয়ার রাজার হাত থেকে আমাদের উদ্ধার করবেন,’ তখন আসলে সে তোমাদের বিভাস্ত করছে, যেন তোমরা ক্ষুধাত্তফায় মারা যাও। ১২ এই হিকিয়ই কি নিজে এই দেবতার পূজার্চনার উঁচু উঁচু স্থান ও বেদিগুলি যিহুদা ও জেরুশালেমের লোকজনের কাছে এই কথা বলে দূর করে দেয়নি যে, ‘একটিই যজ্ঞবেদির সামনে তোমাদের আরাধনা করতে হবে ও সেটির উপরেই নৈবেদ্য উৎসর্গ করতে হবে?’ ১৩ “তোমরা কি জানো না, আমি ও আমার পূর্বসূরিয়া অন্যান্য দেশের সব প্রজার প্রতি কী করেছি? সেইসব দেশের দেবতারা কি আমার হাত থেকে তাদের দেশগুলি রক্ষা করতে পেরেছিল? ১৪ আমার পূর্বসূরিয়া যেসব দেশ ধ্বংস করে দিলেন, সেইসব দেশের দেবতাদের মধ্যে কে তার প্রজাদের আমার

হাত থেকে রক্ষা করতে পেরেছিল? তবে তোমাদের দেবতাই বা কীভাবে আমার হাত থেকে তোমাদের রক্ষা করবে? 15 এখন হিক্ষিয় যেন এভাবে তোমাদের ঠকাতে ও বিভাস্ত করতে না পারে। তাকে বিশ্বাস কোরো না, কারণ কোনও দেশের বা রাজ্যের কোনও দেবতা তার প্রজাদের আমার হাত থেকে বা আমার পূর্বসূরীদের হাত থেকে রক্ষা করতে পারেনি। তবে তোমাদের দেবতাই বা কীভাবে আমার হাত থেকে তোমাদের রক্ষা করবে!” 16 সন্ধেরীবের কর্মকর্তারা সদাপ্রভু ঈশ্বরের বিরুদ্ধে ও তাঁর দাস হিক্ষিয়ের বিরুদ্ধে আরও অনেক কথা বললেন। 17 রাজা ও ইস্রায়েলের ঈশ্বর সদাপ্রভুকে টিটকিরি দিয়ে চিঠি লিখেছিলেন, এবং তাঁর বিরুদ্ধে এই কথা বললেন: “ঠিক যেভাবে অন্যান্য দেশের প্রজাদের দেবতারা, তাদের প্রজাদের আমার হাত থেকে বাঁচাতে পারেনি, সেভাবে হিক্ষিয়ের দেবতাও তার প্রজাদের আমার হাত থেকে বাঁচাতে পারবে না।” 18 জেরুশালেম নগরাটি দখল করার লক্ষ্যে প্রাচীরের উপর দাঁড়িয়ে থাকা লোকজনকে ভয় দেখিয়ে ও ভীতসন্ত্বষ্ট করে দিয়ে তখন তারা হিঙ্গ ভাষায় চি�ৎকার করে কথা বলল। 19 যারা মানুষের হাতে গড়া, জগতের অন্যান্য লোকজনের সেই দেবতাদের বিষয়ে তারা যেভাবে কথা বলল, জেরুশালেমের ঈশ্বরের বিষয়েও তারা সেভাবেই কথা বলল। 20 রাজা হিক্ষিয় ও আমোষের ছেলে ভাববাদী যিশাইয় এই বিষয় নিয়ে স্বর্গের দিকে তাকিয়ে জোর গলায় প্রার্থনা করলেন 21 আর সদাপ্রভু এমন এক স্বর্গদৃত পাঠিয়ে দিলেন, যিনি আসিরিয়ার রাজার সৈন্যশিবিরের সব যোদ্ধা এবং সেনাপতি ও কর্মকর্তাকে নির্মূল করে দিলেন। তাই অপমানিত হয়ে তিনি নিজের দেশে ফিরে গেলেন। তিনি যখন তাঁর দেবতার মন্দিরে গেলেন, তখন তাঁর ঊরসে জন্মানো ছেলেদের মধ্যে কয়েকজন তরোয়াল দিয়ে কেটে তাঁকে মেরে ফেলেছিল। 22 এইভাবে হিক্ষিয়কে ও জেরুশালেমের লোকজনকে আসিরিয়ার রাজা সন্ধেরীবের হাত থেকে ও অন্যান্যদেরও হাত থেকে সদাপ্রভু রক্ষা করলেন। সবদিক থেকেই তিনি তাদের যত্ন নিয়েছিলেন। 23 অনেকেই সদাপ্রভুর জন্য নৈবেদ্য ও যিহুদার রাজা হিক্ষিয়ের জন্য দামি উপহার

নিয়ে জেরশালেমে এসেছিল। তখন থেকেই সব জাতির দৃষ্টিতে তিনি খুব সম্মানের পাত্রে পরিণত হলেন। 24 সেই সময় হিক্ষিয় অসুস্থ হয়ে ঘৃত্যমুখে পতিত হলেন। তিনি সেই সদাপ্রভুর কাছে প্রার্থনা করলেন, যিনি তাঁকে উত্তর দিলেন ও তাঁকে এক অলৌকিক চিহ্নও দিলেন। 25 কিন্তু হিক্ষিয়ের অন্তর গর্বিত হল এবং তাঁকে যে করণা দেখানো হল, তাতে তিনি ভালো সাড়া দেননি; তাই তাঁর উপর এবং যিহুদা ও জেরশালেমের উপর সদাপ্রভু ক্রুদ্ধ হলেন। 26 তখন হিক্ষিয় তাঁর অন্তরে উৎপন্ন গর্বের বিষয়ে অনুতাপ করলেন, এবং তাঁর সাথে সাথে জেরশালেমের লোকেরাও অনুতাপ করল; তাই হিক্ষিয়ের রাজত্বকালে সদাপ্রভুর ক্রোধ তাদের উপর নেমে আসেনি। 27 হিক্ষিয়ের প্রচুর ধনসম্পত্তি ও সম্মান ছিল, আর তিনি তাঁর রঞ্জপো ও সোনার এবং তাঁর দামি মণিমুক্তো, মশলাপাতি, ঢাল ও সব ধরনের দামি জিনিসপত্রের জন্য কয়েকটি কোষাগার তৈরি করলেন। 28 এছাড়াও শস্য, নতুন দ্রাক্ষারস ও জলপাই তেল মজুত করে রাখার জন্য কয়েকটি গুদামঘর তৈরি করলেন; আর বিভিন্ন ধরনের গবাদি পশু রাখার জন্য গোশালা ও মেঘের পাল রাখার জন্য খোঁয়াড় ও তৈরি করলেন। 29 তিনি বেশ কিছু গ্রাম গড়ে তুলেছিলেন এবং নিজের জন্য তিনি প্রচুর পরিমাণে মেষ ও গরু-ছাগল সংগ্রহ করলেন, কারণ ঈশ্বরই তাঁকে এত ধনসম্পত্তি দিলেন। 30 এই হিক্ষিয়ই গীহোন জলের উৎসের উপর দিকের মুখ বন্ধ করে দিলেন এবং জলের প্রোত দাউদ-নগরের পশ্চিমদিকে টেনে নামিয়েছিলেন। যে কোনো কাজে তিনি হাত লাগালেন, তাতেই তিনি সফল হলেন। 31 কিন্তু ব্যাবিলনের শাসনকর্তারা যখন প্রতিনিধিদল পাঠিয়ে তাঁর কাছে জানতে চেয়েছিলেন, দেশে ঠিক কী অলৌকিক চিহ্ন দেখা গিয়েছে, তখন আসলে ঈশ্বরই তাঁকে পরীক্ষা করে জানতে চেয়েছিলেন, তাঁর অন্তরে ঠিক কী আছে। 32 হিক্ষিয়ের রাজত্বকালের অন্যান্য সব ঘটনা এবং তাঁর নিষ্ঠামূলক কাজকর্মের বিবরণ যিহুদা ও ইস্রায়েলের রাজাদের পুস্তকের অন্তর্গত আমোমের ছেলে ভাববাদী যিশাইয়ের দর্শন-গ্রন্থে লেখা আছে। 33 হিক্ষিয় তাঁর পূর্বপুরুষদের সাথে চিরনিদ্রায় শায়িত হলেন এবং তাঁকে সেই পাহাড়ে কবর দেওয়া

হল, যেখানে দাউদের সব বংশধরের কবর আছে। তিনি যখন মারা গেলেন, তখন সমগ্র যিহুদা দেশ ও জেরুশালেমের প্রজারা তাঁকে সম্মান জানিয়েছিল। তাঁর ছেলে মনঃশি রাজারূপে তাঁর স্থলাভিষিক্ত হলেন।

**৩৩** মনঃশি 12 বছর বয়সে রাজা হলেন, এবং জেরুশালেমে তিনি পঞ্চাশ বছর রাজত্ব করলেন। 2 ইস্রায়েলীদের সামনে থেকে সদাপ্রভু যে জাতিদের দূর করে দিলেন, তাদের ঘৃণ্য প্রথা অনুসরণ করে তিনি সদাপ্রভুর দৃষ্টিতে যা যা মন্দ, তাই করলেন। 3 তাঁর বাবা হিস্কিয় প্রতিমাপূজার যে উঁচু স্থানগুলি ভূমিসাঁও করলেন, তিনি সেগুলিই আবার নতুন করে গড়ে তুলেছিলেন; এছাড়াও তিনি বায়াল-দেবতাদের উদ্দেশে বেদি গেঁথে তুলেছিলেন এবং আশেরার খুঁটি ও তৈরি করেছিলেন। তিনি আকাশের রাশি রাশি তারার কাছে মাথা নত করতেন এবং সেগুলির পূজ্যাচ্চনা করতেন। 4 তিনি সদাপ্রভুর সেই মন্দিরে কয়েকটি বেদি তৈরি করলেন, যেটির বিষয়ে সদাপ্রভু বললেন, “আমার নাম জেরুশালেমে চিরকাল বজায় থাকবে।” 5 সদাপ্রভুর মন্দিরের উভয় প্রাঙ্গণে তিনি আকাশের সব তারকাদলের জন্য কয়েকটি বেদি তৈরি করে দিলেন। 6 বিন-হিন্নোমের উপত্যকায় তিনি তাঁর সন্তানদের আগুনে উৎসর্গ করতেন, দৈববিচার ও ডাকিনীবিদ্যার চর্চা করতেন, শুভ-অশুভ চিহ্নের খোঁজ চালাতেন, এবং প্রেতমাধ্যম ও গুণিনদের সাথেও শলাপরামর্শ করতেন। সদাপ্রভুর দৃষ্টিতে প্রচুর অন্যায় করে তিনি তাঁর ক্ষেত্রে জাগিয়ে তুলেছিলেন। 7 একটি মূর্তি তৈরি করে, তিনি সেটি নিয়ে গিয়ে ঈশ্বরের সেই মন্দিরে রেখেছিলেন, যেটির বিষয়ে ঈশ্বর দাউদ ও তাঁর ছেলে শলোমনকে বলে দিলেন, “এই মন্দিরে ও যে জেরুশালেমকে আমি ইস্রায়েলের সব বংশের মধ্যে থেকে আলাদা করে মনোনীত করেছি, সেখানেই আমি চিরকাল আমার নাম বজায় রাখব। 8 শুধু যদি ইস্রায়েলীরা একটু সতর্ক হয়ে সেই নিয়ম, বিধান ও নির্দেশগুলি মেনে চলে, যেগুলি পালন করার আদেশ মোশির মাধ্যমে আমি তাদের দিয়েছিলাম, তবে আমি আর কখনোই সেই দেশের বাইরে ইস্রায়েলীদের পা বাড়াতে দেব না, যে

দেশটি আমি তোমাদের পূর্বপুরুষদের দিয়েছিলাম।” ৭ কিন্তু মনঃশি  
এমনভাবে যিহুদাকে ও জেরুশালেমের লোকজনকে বিপথে পরিচালিত  
করলেন, যে তারা সেইসব জাতির চেয়েও বেশি অন্যায় করল, যে  
জাতিদের সদাপ্রভু ইস্রায়েলীদের সামনে ধ্বংস করে দিলেন। ১০  
সদাপ্রভু মনঃশি ও তাঁর প্রজাদের সাথে কথা বলতেন, কিন্তু তারা  
সেকথায় মনোযোগ দিতেন না। ১১ তাই তাদের বিরুদ্ধে সদাপ্রভু  
আসিরিয়ার রাজাৰ সেই সেনাপতিদের নিয়ে এলেন, যারা মনঃশিকে  
বন্দি করল, তাঁর নাকে বড়শি গেঁথে দিয়েছিল, ও ব্রোঞ্জের শিকলে  
বেঁধে তাঁকে ব্যাবিলনে নিয়ে গেল। ১২ দুর্দশায় পড়ে তিনি তাঁর ঈশ্বর  
সদাপ্রভুর কাছে অনুগ্রহ চেয়েছিলেন এবং তাঁর পূর্বপুরুষদের ঈশ্বরের  
সামনে নিজেকে অত্যন্ত নত করলেন। ১৩ আর তিনি যখন তাঁর কাছে  
প্রার্থনা করলেন, তখন তাঁর মিনতি সদাপ্রভুর হৃদয় স্পর্শ করল ও তিনি  
তাঁর সন্নির্বন্ধ অনুরোধ শুনেছিলেন; তাই তিনি তাঁকে জেরুশালেমে  
ও তাঁর রাজ্যে ফিরিয়ে এনেছিলেন। তখন মনঃশি বুঝেছিলেন যে  
সদাপ্রভুই ঈশ্বর। ১৪ পরে একেবারে মৎস-দ্বারের প্রবেশদ্বার পর্যন্ত  
গিয়ে ও ওফল পাহাড় ঘিরে থাকা উপত্যকায় অবস্থিত গীহোন জলের  
উৎসের পশ্চিমদিকে, দাউদ-নগরের বাইরের দিকের প্রাচীরটি তিনি  
নতুন করে গড়ে দিলেন; তিনি আবার সেটি আরও উঁচু করে দিলেন।  
যিহুদার সব সুরক্ষিত নগরেও তিনি সামরিক সেনাপতি মোতায়েন  
করে দিলেন। ১৫ সদাপ্রভুর মন্দির থেকে তিনি বিজাতীয় দেবতাদের  
দূর করলেন এবং প্রতিমার মূর্তিগুলি দূর করলেন, এছাড়াও মন্দির-  
পাহাড়ের উপর ও জেরুশালেমে তিনি যেসব বেদি তৈরি করলেন,  
সেগুলি ও তিনি উপকূল ফেলেছিলেন; এবং সেগুলি নগরের বাইরে  
ছুঁড়ে ফেলে দিলেন। ১৬ পরে তিনি সদাপ্রভুর যজ্ঞবেদিটি স্বাভাবিক  
অবস্থায় ফিরিয়ে এনেছিলেন এবং সেটির উপরে মঙ্গলার্থক-নৈবেদ্য ও  
ধন্যবাদের বলি উৎসর্গ করলেন, ও যিহুদার লোকজনকেও বললেন,  
যেন তারা ইস্রায়েলের ঈশ্বর সদাপ্রভুর সেবা করে। ১৭ প্রজারা অবশ্য  
তখনও পূজার্চনার উঁচু উঁচু স্থানগুলিতেই নৈবেদ্য উৎসর্গ করে যাচ্ছিল,  
তবে শুধুমাত্র তাদের ঈশ্বর সদাপ্রভুর উদ্দেশেই তারা তা করছিল। ১৮

মনঃশির রাজত্বকালের অন্যান্য সব ঘটনা, এবং তাঁর স্টিশুরের কাছে  
করা তাঁর প্রার্থনা ও ইস্তায়েলের স্টিশুর সদাপ্রভুর নামে তাঁর কাছে বলা  
দর্শকদের সব কথা ইস্তায়েলের রাজাদের ইতিহাস-গ্রন্থে লেখা আছে।

19 তাঁর প্রার্থনা ও তাঁর মিনতি কীভাবে স্টিশুরের হৃদয় স্পর্শ করল,  
এছাড়াও তাঁর সব পাপ ও অবিশ্বস্ততা, এবং নিজেকে নত করার আগে  
যেখানে যেখানে তিনি পূজার্চনার উঁচু উঁচু স্থান তৈরি করলেন এবং  
আশেরার খুঁটি ও প্রতিমার মূর্তি খাড়া করলেন—সেসবই দর্শকদের  
পুস্তকে লেখা আছে। 20 মনঃশি তাঁর পূর্বপুরুষদের সাথে চিরনিদ্রায়  
শায়িত হলেন এবং তাঁকে তাঁর প্রাসাদেই কবর দেওয়া হল। তাঁর  
ছেলে আমোন রাজারূপে তাঁর স্থলাভিষিক্ত হলেন। 21 আমোন বাইশ  
বছর বয়সে রাজা হলেন, এবং জেরুশালেমে তিনি দুই বছর রাজত্ব  
করলেন। 22 তাঁর বাবা মনঃশির মতো তিনিও সদাপ্রভুর দৃষ্টিতে যা  
যা মন্দ, তাই করলেন। আমোন, মনঃশির তৈরি করা সব প্রতিমার  
পুজো করতেন ও সেগুলির কাছে নৈবেদ্যও উৎসর্গ করতেন। 23 কিন্তু  
তাঁর বাবা মনঃশি যেভাবে নিজেকে সদাপ্রভুর কাছে নত করলেন,  
তিনি কিন্তু তা করেননি; আমোন তাঁর অপরাধ বাড়িয়েই গেলেন। 24  
আমোনের কর্মকর্তারা তাঁর বিরংদে ষড়যন্ত্র করে তাঁর রাজপ্রাসাদেই  
তাঁকে হত্যা করল। 25 তখন দেশের প্রজারা সেইসব লোককে হত্যা  
করল, যারা রাজা আমোনের বিরংদে ষড়যন্ত্রে লিঙ্গ হল, এবং তারা  
তাঁর স্থানে তাঁর ছেলে যোশিয়াকে রাজা করল।

**34** যোশিয়াকে আট বছর বয়সে রাজা হলেন, এবং জেরুশালেমে তিনি  
একত্রিশ বছর রাজত্ব করলেন। 2 সদাপ্রভুর দৃষ্টিতে যা যা ঠিক, যোশিয়া  
তাই করলেন এবং তিনি তাঁর পূর্বপুরুষ দাউদের পথেই চলেছিলেন, ও  
সেখান থেকে ডাইনে বা বাঁয়ে, কোনোদিকেই সরে যাননি। 3 যখন  
তাঁর বয়স বেশ কম, অর্থাৎ তাঁর রাজত্বকালের অষ্টম বছরে, তিনি তাঁর  
পূর্বপুরুষ দাউদের স্টিশুরের অন্বেষণ করতে শুরু করলেন। দ্বাদশতম  
বছরে, তিনি যিহুদা ও জেরুশালেমকে পরিষ্কার করে, সেখান থেকে  
পূজার্চনার উঁচু উঁচু স্থানগুলি, আশেরার খুঁটিগুলি ও প্রতিমার মূর্তিগুলি  
দূর করতে শুরু করলেন। 4 তাঁর পরিচালনায় বায়াল-দেবতাদের

বেদিগুলি ভেঙে ফেলা হল; সেগুলির উপরদিকে যে ধূপবেদিগুলি  
ছিল, সেগুলি তিনি কেটে টুকরো টুকরো করে দিলেন, এবং আশেরার  
খুঁটিগুলি ও প্রতিমার মূর্তিগুলিও ভেঙে গুঁড়িয়ে দিলেন। সেগুলি ভেঙে  
গুঁড়ে করে সেই চূর্ণ তিনি তাদের কবরের উপর ছড়িয়ে দিলেন,  
যারা সেগুলির কাছে নৈবেদ্য উৎসর্গ করত। ৫ তাদের বেদিতেই  
তিনি পূজারিদের অঙ্গ জ্বালিয়েছিলেন, এবং এইভাবে তিনি যিহুদা  
ও জেরুশালেমকে পরিষ্কার করলেন। ৬ একেবারে নপ্তালি পর্যন্ত  
গিয়ে মনঃশি, ইফ্রায়িম ও শিমিয়োনের নগরগুলিতে, এবং সেগুলির  
আশেপাশে অবস্থিত ধ্বংসস্তূপে ৭ তিনি বেদিগুলি ও আশেরার খুঁটিগুলি  
ভেঙে দিলেন এবং প্রতিমার মূর্তিগুলিও ভেঙে গুঁড়ে করে দিলেন ও  
ইস্রায়েলের সর্বত্র সব ধূপবেদি কেটে টুকরো টুকরো করে দিলেন।  
পরে তিনি জেরুশালেমে ফিরে গেলেন। ৮ যোশিয়ের রাজত্বকালের  
অষ্টাদশতম বছরে, দেশ ও মন্দির পরিষ্কার করার লক্ষ্যে অৎসলিয়ের  
ছেলে শাফনকে ও নগরের শাসনকর্তা মাসেয়কে, এবং সাথে সাথে  
যোয়াহসের ছেলে লিপিকার যোয়াহকে তাঁর ঈশ্বর সদাপ্রভুর মন্দির  
মেরামত করার জন্য তিনি পাঠালেন। ৯ তারা মহাযাজক হিঙ্কিয়ের  
কাছে গেলেন এবং তাঁর হাতে সেই অর্থ তুলে দিলেন, যা ঈশ্বরের  
মন্দিরে আনা হল, এবং সেই অর্থ দ্বাররক্ষী লেবীয়েরা মনঃশির,  
ইফ্রায়িমের ও ইস্রায়েলের অবশিষ্ট সব লোকজনের, তথা যিহুদা  
ও বিন্যামীনের সব লোকজনের ও জেরুশালেমের অধিবাসীদের  
কাছ থেকে সংগ্রহ করল। ১০ পরে তারা সেই অর্থ সদাপ্রভুর মন্দির  
রক্ষণাবেক্ষণের কাজে নিযুক্ত লোকজনের হাতে তুলে দিলেন। সেই  
লোকেরা সেইসব কর্মীকে বেতন দিয়েছিল, যারা মন্দির মেরামত  
ও পুনঃসংস্কার করছিল। ১১ যিহুদার রাজারা যে ভবনটি ধ্বংসস্তূপে  
পরিণত হতে দিলেন, সেখানকার আড়া ও কড়িকাঠ ঠিক করার  
জন্য মাপ করে কাটা পাথর ও কাঠ কেনার পয়সাও তারা ছুতোর ও  
রাজমিস্ত্রিদের দিয়েছিল। ১২ কর্মীরা নিষ্ঠাসহকারে কাজ করল। তাদের  
নির্দেশ দেওয়ার জন্য মরারি বংশের যহু ও ওবদিয়, এবং কহাণ  
বংশের সখরিয় ও মশল্লাম—এই করেকজন লেবীয়কে নিযুক্ত করা

হল। যেসব লেবীয় বাজনা বাজাতে পারদশী ছিল, 13 তাদের দায়িত্ব দেওয়া হল, যেন তারা শ্রমিকদের দেখাশোনা করে ও বিভিন্ন কাজে লিঙ্গ কর্মীদেরও তদারকি করে। এই লেবীয়দের মধ্যে কয়েকজন আবার সচিব, শাস্ত্রবিদ ও দ্বাররক্ষীও ছিল। 14 সদাপ্রভুর মন্দিরে যে অর্থ সংগ্রহ করা হল, সেগুলি যখন তারা বের করে আনছিল, তখন যাজক হিন্দিয় সদাপ্রভুর সেই বিধানগ্রন্থটি খুঁজে পেয়েছিলেন, যেটি মোশির মাধ্যমে দেওয়া হয়েছিল। 15 হিন্দিয় সচিব শাফনকে বললেন, “সদাপ্রভুর মন্দিরে আমি বিধানগ্রন্থটি খুঁজে পেয়েছি।” এই বলে তিনি সেটি শাফনকে দিলেন। 16 পরে শাফন পুস্তকটি রাজার কাছে নিয়ে গেলেন এবং তাঁকে এই খবর দিলেন: “আপনার কর্মকর্তাদের যা যা করতে বলা হল, তারা তা করছেন। 17 সদাপ্রভুর মন্দিরে যে অর্থ রাখা ছিল, তা তারা বের করে এনে তত্ত্বাবধায়ক ও কর্মীদের হাতে তুলে দিয়েছেন।” 18 পরে সচিব শাফন রাজাকে খবর দিলেন, “যাজক হিন্দিয় আমাকে একটি পুস্তক দিয়েছেন।” এই বলে শাফন রাজার সামনে সেটি পড়ে শুনিয়েছিলেন। 19 বিধানের কথাগুলি শুনে রাজা নিজের পোশাক ছিঁড়ে ফেলেছিলেন। 20 হিন্দিয়কে, শাফনের ছেলে অঙ্গীকামকে, মীথার ছেলে অব্দোনকে, সচিব শাফনকে ও রাজার পরিচারক অসায়কে তিনি এই আদেশ দিলেন: 21 “যে পুস্তকটি খুঁজে পাওয়া গিয়েছে, তাতে যা যা লেখা আছে, সেই বিষয়ে তোমরা সদাপ্রভুর কাছে গিয়ে আমার এবং ইস্রায়েল ও যিহূদার অবশিষ্ট লোকজনের হয়ে তাঁর কাছে খোঁজ নাও। সদাপ্রভুর মহাক্রোধ আমাদের উপর নেমে এসেছে, কারণ আমাদের পূর্বসূরিরা সদাপ্রভুর বাক্য পালন করেননি; এই পুস্তকে যা যা লেখা আছে, সেই অনুসারে তারা কাজ করেননি।” 22 হিন্দিয়ের সাথে রাজা আরও যাদের পাঠালেন, তাদের সাথে নিয়ে তিনি মহি঳া ভাববাদী ভুলদার সাথে কথা বলতে গেলেন। এই ভুলদা জামাকাপড় রক্ষণাবেক্ষণকারী হস্তের নাতি, ও তোখতের ছেলে শল্লুমের স্ত্রী ছিলেন। জেরুশালেমে নতুন পাড়ায় ভুলদা বসবাস করতেন। 23 তিনি তাদের বললেন, “ইস্রায়েলের ঈশ্বর সদাপ্রভু একথাই বলেন: আমার কাছে যিনি তোমাদের পাঠিয়েছেন, তাঁকে

গিয়ে বলো, 24 ‘সদাপ্রভু একথাই বলেন: আমি এই স্থানটির উপর ও  
এখানকার লোকজনের উপর সর্বনাশ দেকে আনতে চলেছি—তা  
সেইসব অভিশাপ, যা যিহুদার রাজার সামনে পঠিত সেই পুস্তকে  
লেখা আছে। 25 কারণ তারা আমাকে পরিত্যাগ করেছে ও অন্যান্য  
দেবতাদের কাছে ধূপ পুড়িয়েছে এবং তাদের হাতে গড়া সব প্রতিমার  
মাধ্যমে আমার ক্রোধ জাগিয়ে তুলেছে, আমার ক্রোধ এই স্থানটির  
উপর আমি ঢেলে দেব ও তা প্রশংসিত হবে না।’ 26 সদাপ্রভুর কাছে  
খোঁজ নেওয়ার জন্য যিনি তোমাদের পাঠিয়েছেন, যিহুদার সেই  
রাজাকে গিয়ে বলো, ‘তোমরা যা যা শুনলে, সেই বিষয়ে ইস্রায়েলের  
ঈশ্বর সদাপ্রভু একথাই বলেন: 27 যেহেতু তোমার অন্তর সংবেদনশীল  
ও ঈশ্বর যখন এই স্থানটির ও এখানকার লোকজনের বিরুদ্ধে কথা  
বললেন, তখন সেকথা শুনে তুমি ঈশ্বরের সামনে নিজেকে নত  
করলে, এবং যেহেতু তুমি আমার সামনে নিজেকে নত করলে ও  
তোমার পোশাক ছিঁড়ে ফেলেছিলে ও আমার সামনে কেঁদেছিলে,  
তাই আমি তোমার কথা শুনেছি, সদাপ্রভু একথাই ঘোষণা করে  
দিয়েছেন। 28 এখন আমি তোমাকে তোমার পূর্বপুরুষদের কাছে  
পাঠিয়ে দেব, এবং শাস্তিতেই তোমার কবর হবে। এই স্থানটির ও  
এখানকার লোকজনের উপর আমি যে সর্বনাশ দেকে আনতে চলেছি,  
তা তোমাকে স্বচক্ষে দেখতে হবে না।’” অতএব তারা হৃদার এই উত্তর  
নিয়ে রাজার কাছে ফিরে গেলেন। 29 তখন যিহুদা ও জেরুশালেমের  
সব প্রাচীনকে রাজা এক স্থানে ডেকে পাঠালেন। 30 যিহুদার প্রজাদের,  
জেরুশালেমের অধিবাসীদের, যাজক ও লেবীয়দের—ছোটো থেকে  
বড়ো, সব লোকজনকে সাথে নিয়ে তিনি সদাপ্রভুর মন্দিরে উঠে  
গেলেন। সদাপ্রভুর মন্দিরে যে নিয়ম-পুস্তকটি খুঁজে পাওয়া গেল,  
তার সব কথা তিনি লোকদের পড়ে শুনিয়েছিলেন। 31 রাজা নিজের  
স্তন্ত্রের পাশে দাঁড়িয়ে, সদাপ্রভুর সামনে নিয়মের এই নিয়ম নতুন  
করে নিয়েছিলেন—তিনি সদাপ্রভুর পথে চলবেন, এবং তাঁর আদেশ,  
আইনকানুন ও বিধিনিয়ম মনপ্রাণ ঢেলে দিয়ে পালন করবেন, এবং  
এই পুস্তকে লেখা নিয়মের কথাগুলির বাধ্য হয়েও চলবেন। 32 পরে

জেরক্ষালেম ও বিন্যামীনের প্রত্যেকটি লোককে দিয়েও তিনি তা পালন করার শপথ করিয়ে নিয়েছিলেন; জেরক্ষালেমের লোকজন ঈশ্বরের, তাদের পূর্বপুরুষদের ঈশ্বরের নিয়মের সাথে সামঞ্জস্য রেখে তা করল। ৩৩ ইস্রায়েলীদের অধিকারভুক্ত সব এলাকা থেকে যোশিয় সব ঘৃণ্য প্রতিমার মূর্তি দূর করলেন, এবং ইস্রায়েলে উপস্থিত সবাইকে তাদের ঈশ্বর সদাপ্রভুর সেবা করতে বাধ্য করলেন। তিনি যতদিন বেঁচেছিলেন, ততদিন তারা তাদের পূর্বপুরুষদের ঈশ্বর সদাপ্রভুর পথে চলতে ব্যর্থ হয়নি।

**৩৫** যোশিয় জেরক্ষালেমে সদাপ্রভুর উদ্দেশে নিষ্ঠারপর্ব পালন করলেন, এবং প্রথম মাসের চতুর্দশতম দিনে নিষ্ঠারপর্বের মেষশাবক বধ করা হল। ২ যাজকদের তিনি তাদের কাজে নিযুক্ত করলেন এবং সদাপ্রভুর মন্দিরের সেবাকাজ করার জন্য তাদের উৎসাহিত করলেন। ৩ যারা সমগ্র ইস্রায়েলকে শিক্ষা দিতেন ও সদাপ্রভুর উদ্দেশে যাদের উৎসর্গ করা হয়েছিল, সেই লেবীয়দের তিনি বললেন: “ইস্রায়েলের রাজা দাউদের ছেলে শলোমন যে মন্দিরটি তৈরি করেছেন, পরিত্র নিয়ম-সিন্দুকটি তোমরা সেই মন্দিরে নিয়ে গিয়ে রাখো। সেটি আর তোমাদের কাঁধে নিয়ে বয়ে বেড়াতে হবে না। এখন তোমরা তোমাদের ঈশ্বর সদাপ্রভুর ও তাঁর প্রজাদের সেবা করো। ৪ ইস্রায়েলের রাজা দাউদ ও তাঁর ছেলে শলোমন যে নির্দেশাবলি নিখে রেখে গিয়েছেন, সেই নির্দেশাবলি অনুসারে, তোমাদের বংশানুক্রমিক বিভাগ ধরে ধরে তোমরা নিজেদের প্রস্তুত করো। ৫ “তোমাদের সমগোত্রীয় ইস্রায়েলীদের, সেই সাধারণ মানুষজনের বংশের এক-একটি শাখার জন্য একদল করে লেবীয় সাথে নিয়ে তোমরা পরিত্রানে গিয়ে দাঁড়াও। ৬ নিষ্ঠারপর্বের মেষশাবকগুলি বধ করো, ঈশ্বরের উদ্দেশে নিজেদের উৎসর্গ করো ও মোশির মাধ্যমে সদাপ্রভু যে আদেশ দিয়েছেন, সেই আদেশানুসারে সবকিছু করে তোমরা তোমাদের সমগোত্রীয় ইস্রায়েলীদের জন্য মেষশাবকগুলি ঠিকঠাক করে রাখো।” ৭ সেখানে উপস্থিত সব সাধারণ লোকজনের জন্য নিষ্ঠারপর্বীয় নৈবেদ্যরূপে যোশিয় মোট ৩০,০০০ মেষশাবক ও ছাগল দিলেন এবং তিন হাজার

গবাদি পশু দিলেন—এসবই দেওয়া হল রাজার নিজের বিষয়সম্পত্তি থেকে। ৪ তাঁর কর্মকর্তারাও প্রজাদের এবং যাজকদের ও লেবীয়দের জন্য স্বেচ্ছায় দান দিলেন। হিন্দিয়, সখরিয় ও যিহীয়েল, ঈশ্বরের মন্দিরের দায়িত্ব বহনকারী এই কর্মকর্তারাও যাজকদের 2,600 নিষ্ঠারপূর্বীয় নৈবেদ্য ও 3,000 গবাদি পশু দিলেন। ৫ লেবীয়দের নেতৃত্বে থাকা কনানিয় এবং তাঁর সাথে সাথে শময়িয় ও নথনেল, তাঁর এই ভাইরা, এবং হশবিয়, যীয়ায়েল ও যোশাবদও লেবীয়দের জন্য 5,000 নিষ্ঠারপূর্বীয় নৈবেদ্য ও 500 গবাদি পশু দিলেন। ১০ রাজার আদেশানুসারে সেবাকাজের বন্দোবস্ত করা হল এবং যাজকেরা তাদের নির্দিষ্ট স্থানে দাঁড়িয়ে গেলেন ও লেবীয়েরাও তাদের বিভাগ অনুসারে দাঁড়িয়ে পড়েছিল। ১১ নিষ্ঠারপর্বের মেষশাবকগুলি বধ করা হল, এবং যাজকদের হাতে যে রক্ত তুলে দেওয়া হল, তারা সেই রক্ত যজ্ঞবেদিতে ছিটিয়ে দিলেন। অন্যদিকে লেবীয়েরা পশুগুলির ছাল ছাড়িয়েছিল। ১২ মোশির পুস্তকে যেমন লেখা হয়েছিল, সেই অনুসারে তারা প্রজাদের বিভিন্ন বৎশের শাখাগুলিকে দেওয়ার জন্য হোমবলি আলাদা করে রেখেছিল, যেন তারা সেগুলি সদাপ্রভুর উদ্দেশে উৎসর্গ করতে পারে। গবাদি পশুগুলির ক্ষেত্রেও তারা একই কাজ করল। ১৩ যেমন নির্দেশ দেওয়া হল, সেই নির্দেশ অনুসারেই তারা নিষ্ঠারপর্বের পশুগুলি আগুনে বালসে নিয়েছিল, এবং পবিত্র নৈবেদ্যগুলি হাঁড়িতে, কড়াইয়ে ও চাটুতে সেদ্ধ করে তাড়াতাড়ি সব লোককে সেগুলি পরিবেশন করল। ১৪ পরে, তারা নিজেদের ও যাজকদের জন্য প্রস্তুতি নিয়েছিল, কারণ যাজকেরা, অর্থাৎ হারোগের বংশধরেরা, গভীর রাত পর্যন্ত হোমবলি ও চর্বিদার অংশগুলি উৎসর্গ করার কাজে ব্যস্ত ছিলেন। তাই লেবীয়েরা, নিজেদের ও হারোগের বংশোন্তু যাজকদের জন্য প্রস্তুতি নিয়েছিল। ১৫ আসফের বংশধর, অর্থাৎ বাদ্যকরেরা সেই স্থানগুলিতে ছিল, যেখানে থাকার নির্দেশ দাউদ, আসফ, হেমন ও রাজার দর্শক যিদুখুন, তাদের দিলেন। প্রত্যেকটি দরজায় মোতায়েন দ্বাররক্ষীদের, তাদের কাজ ছেড়ে আসার দরকার পড়েনি, কারণ তাদের সমগ্রোত্ত্ব লেবীয়েরাই তাদের হয়ে প্রস্তুতি নিয়েছিল। ১৬ তাই

সেই সময় রাজা যোশিয়ের আদেশানুসারে নিষ্ঠারপর্ব পালনের জন্য সদাপ্রভুর সম্পূর্ণ সেবাকাজ ও সদাপ্রভুর যজ্ঞবেদিতে হোমবলি উৎসর্গ করার কাজও সম্পূর্ণ হল। 17 সেখানে উপস্থিত ইস্রায়েলীরা সেই সময় নিষ্ঠারপর্ব পালন করল এবং সাত দিন ধরে খামিরবিহীন রংটির উৎসব পালন করল। 18 ভাববাদী শমুয়েলের পর থেকে ইস্রায়েলে এভাবে আর কখনও নিষ্ঠারপর্ব পালন করা হয়নি; এবং যাজক, লেবীয় ও জেরুশালেমের লোকজনের সাথে সেখানে যিহুদা ও ইস্রায়েলের আরও যেসব লোক উপস্থিত ছিল, তাদের সাথে নিয়ে যোশিয় যেভাবে নিষ্ঠারপর্ব পালন করলেন, ইস্রায়েলের কোনও রাজা সেভাবে আর কখনও নিষ্ঠারপর্ব পালন করেননি। 19 যোশিয়ের রাজত্বকালের অষ্টাদশ বছরে এই নিষ্ঠারপর্বটি পালন করা হল। 20 এসব কিছু হয়ে যাওয়ার পর, যোশিয় যখন মন্দিরের বেহাল দশা ঠিক করে দিলেন, তখন মিশরের রাজা নথো ইউফ্রেটিস নদীতীরে কর্কমীশে যুদ্ধ করতে গেলেন, এবং যোশিয় তাঁর মুখোমুখি হওয়ার জন্য যুদ্ধযাত্রা করলেন। 21 কিন্তু নথো তাঁর কাছে দৃত পাঠিয়ে তাঁকে বললেন, “হে যিহুদার রাজা, আপনার ও আমার মধ্যে কি কোনও বাগড়া-বিবাদ আছে? এসময় আমি তো আপনাকে আক্রমণ করতে আসিনি, কিন্তু তাদেরই আক্রমণ করতে এসেছি, যাদের সাথে আমার যুদ্ধ চলছে। ঈশ্বর আমাকে তাড়াভাঙ্গে করতে বলেছেন; তাই যে ঈশ্বর আমার সাথে আছেন, আপনি সেই ঈশ্বরের বিরুদ্ধাচরণ করা বন্ধ করুন, তা না হলে তিনি আপনাকে ধ্বংস করে দেবেন।” 22 যোশিয় অবশ্য, তাঁর কাছ থেকে ফিরে আসেননি, কিন্তু ছদ্মবেশ ধারণ করে তাঁর সাথে যুদ্ধে লিপ্ত হলেন। ঈশ্বরের আদেশে নথো তাঁকে যা বললেন, তিনি সেকথায় কান দেননি কিন্তু মগিদোর সমভূমিতে তাঁর বিরুদ্ধে যুদ্ধ করতে গেলেন। 23 তিরন্দাজরা রাজা যোশিয়ের দিকে তির ছুঁড়েছিল, এবং তিনি তাঁর কর্মকর্তাদের বললেন, “আমাকে এখান থেকে সরিয়ে নিয়ে যাও; আমি মারাত্মকভাবে জখম হয়েছি।” 24 তাই তারা তাঁকে তাঁর রথ থেকে নামিয়ে এনেছিলেন, অন্য একটি রথে বসিয়ে দিলেন এবং তাঁকে জেরুশালেমে ফিরিয়ে এনেছিলেন, যেখানে তিনি মারা

গেলেন। তাঁর পূর্বপুরুষদের কবরে তাঁকে কবর দেওয়া হল, এবং  
যিহুদা ও জেরুশালেমে সবাই তাঁর জন্য শোকপ্রকাশ করল। 25  
যিরমিয় যোশিয়ের জন্য বিলাপ-গীত রচনা করলেন, এবং আজও পর্যন্ত  
গায়ক-গায়িকারা বিলাপ-গীতের মধ্যে দিয়ে যোশিয়কে স্মরণ করে।  
এটি ইস্রায়েলে এক ঐতিহ্য-পরম্পরায় পরিণত হয়েছে ও বিলাপ-  
গীতের পুস্তকে তা লেখা আছে। 26 যোশিয়ের রাজত্বকালের অন্যান্য  
সব ঘটনা ও সদাপ্রভুর বিধানে যা লেখা আছে, তার সাথে সামঞ্জস্য  
রেখে তিনি নিষ্ঠাসহকারে যা যা করলেন— 27 শুরু থেকে শেষ পর্যন্ত  
সেসব ঘটনা ইস্রায়েল ও যিহুদার রাজাদের পুস্তকে লেখা আছে।

**36** দেশের প্রজারা যোশিয়ের ছেলে যিহোয়াহসকে নিয়ে জেরুশালেমে  
তাঁকে তাঁর বাবার পদে রাজা করল। 2 যিহোয়াহস তেইশ বছর বয়সে  
রাজা হলেন, এবং জেরুশালেমে তিনি তিন মাস রাজত্ব করলেন।  
3 মিশরের রাজা জেরুশালেমে তাঁকে সিংহাসনচৃত করলেন এবং  
যিহুদার উপর একশো তালত্ত রূপো ও এক তালত্ত সোনা কর ধার্য  
করলেন। 4 যিহোয়াহসের এক ভাই ইলিয়াকীমকে মিশরের রাজা  
যিহুদা ও জেরুশালেমের রাজা করলেন এবং ইলিয়াকীমের নাম  
পরিবর্তন করে যিহোয়াকীম রেখেছিলেন। কিন্তু নথো ইলিয়াকীমের  
দাদা যিহোয়াহসকে ধরে মিশরে নিয়ে গেলেন। 5 যিহোয়াকীম পঁচিশ  
বছর বয়সে রাজা হলেন, এবং জেরুশালেমে তিনি এগারো বছর রাজত্ব  
করলেন। তিনি তাঁর ঈশ্বর সদাপ্রভুর দৃষ্টিতে যা যা মন্দ, তাই করলেন।  
6 ব্যাবিলনের রাজা নেবুখাদনেজার তাঁকে আক্রমণ করলেন এবং  
ত্রোঞ্জের শিকল দিয়ে বেঁধে তাঁকে ব্যাবিলনে নিয়ে গেলেন। 7 সদাপ্রভুর  
মন্দির থেকে নেবুখাদনেজার জিনিসপত্রও ব্যাবিলনে নিয়ে গেলেন  
ও সেগুলি সেখানে তাঁর মন্দিরে রেখে দিলেন। 8 যিহোয়াকীমের  
রাজত্বকালের অন্যান্য সব ঘটনা, যেসব ঘণ্ট্য কাজ তিনি করলেন এবং  
তাঁর বিরলদে যা কিছু বলা যেতে পারে, সেসব ইস্রায়েল ও যিহুদার  
রাজাদের পুস্তকে লেখা আছে। তাঁর ছেলে যিহোয়াখীন রাজারপে  
তাঁর স্ত্রী অভিষিক্ত হলেন। 9 যিহোয়াখীন আঠারো বছর বয়সে রাজা  
হলেন, এবং জেরুশালেমে তিনি তিন মাস দশদিন রাজত্ব করলেন।

সদাপ্রভুর দৃষ্টিতে যা যা মন্দ, তিনি তাই করলেন। 10 বসন্তকালে, রাজা  
নেবুখাদনেজার লোক পাঠিয়ে তাঁকে, ও তাঁর সাথে সাথে সদাপ্রভুর  
মন্দিরের দায়ি দায়ি সব জিনিসপত্রও ব্যাবিলনে নিয়ে গেলেন, এবং  
যিহোয়াখীনের কাকা সিদিকিয়কে যিহুদা ও জেরশালেমের রাজা  
করলেন। 11 সিদিকিয় একুশ বছর বয়সে রাজা হন। তিনি এগারো  
বছর জেরশালেমে রাজত্ব করেন। 12 তাঁর ঈশ্বর সদাপ্রভুর দৃষ্টিতে যা  
যা মন্দ, তিনি তাই করলেন এবং সেই ভাববাদী যিরমিয়ের সামনে  
নিজেকে নত করেননি, যিনি সদাপ্রভুর বাক্য বললেন। 13 এছাড়া  
তিনি সেই নেবুখাদনেজারের বিরুদ্ধেও বিদ্রোহ করলেন, যিনি ঈশ্বরের  
নামে তাঁকে দিয়ে শপথ করিয়েছিলেন। তিনি একগুঁয়ে হয়ে গেলেন  
এবং অন্তর কঠোর করলেন ও ইস্রায়েলের ঈশ্বর সদাপ্রভুর দিকে  
ফিরে আসেননি। 14 তা ছাড়া, যাজকদের সব নেতা ও প্রজারাও  
অন্যান্য জাতিদের ঘণ্ট্য প্রথা অনুসরণ করে ও সদাপ্রভুর যে মন্দিরটিকে  
তিনি জেরশালেমে নিজের উদ্দেশে উৎসর্গ করে রেখেছিলেন, সেই  
মন্দিরটিকে অশুচি করে আরও বেশি অবিশ্বস্ত হয়ে গেল। 15 তাদের  
পূর্বপুরুষদের ঈশ্বর সদাপ্রভু বারবার তাঁর দৃতদের মাধ্যমে তাদের  
কাছে খবর দিয়ে পাঠাতেন, যেহেতু তাঁর প্রজাদের ও তাঁর বাসস্থানের  
প্রতি তাঁর মমতা ছিল 16 কিন্তু তারা তাঁর দৃতদের বিন্দুপ করত, তাঁর  
বাক্য অগ্রাহ্য করত ও ততদিন পর্যন্ত তাঁর ভাববাদীদের টিটকিরি  
দিয়ে গেল, যতদিন না তাঁর প্রজাদের প্রতি সদাপ্রভুর ক্ষোধ জেগে  
উঠেছিল ও এর কোনও প্রতিকার হয়নি। 17 তাদের বিরুদ্ধে তিনি  
ব্যাবিলনীয়দের সেই রাজাকে উঠিয়ে নিয়ে এলেন, যিনি পবিত্র  
পীঠঙ্গানের মধ্যেই তরোয়াল চালিয়ে তাদের যুবকদের হত্যা করলেন,  
এবং যুবক বা যুবতী, বয়ক্ষ বা শিশু, কাউকেই রেহাই দেননি। ঈশ্বর  
তাদের সবাইকে নেবুখাদনেজারের হাতে সঁপে দিলেন। 18 ঈশ্বরের  
মন্দিরের বড়ো-ছোটো, সব জিনিসপত্র, এবং সদাপ্রভুর মন্দিরের  
ধনসম্পদ ও রাজা তথা তাঁর কর্মকর্তাদের ধনসম্পদও তিনি ব্যাবিলনে  
তুলে নিয়ে গেলেন। 19 ঈশ্বরের মন্দিরে তারা আগুন ধরিয়ে দিয়েছিল  
এবং জেরশালেমের প্রাচীর ভেঙে দিয়েছিল; সব প্রাসাদ তারা জ্বালিয়ে

দিয়েছিল এবং সেখানকার মূল্যবান সবকিছু ধংস করে দিয়েছিল। 20  
যারা তরোয়ালের হাত থেকে রক্ষা পেয়েছিল, অবশিষ্ট সেই লোকজনকে  
তিনি ব্যাবিলনে তুলে নিয়ে গেলেন, এবং যতদিন না পারস্য সাম্রাজ্য  
ক্ষমতায় এসেছিল, ততদিন তারা তাঁর ও তাঁর উত্তরাধিকারীদের দাস  
হয়েই ছিল। 21 দেশ সাবাথের বিশ্রাম উপভোগ করল; দেশে যতদিন  
উচ্চিন্ন দশা চলেছিল, যিরিমিয়ের মাধ্যমে বলা সদাপ্রভুর বাক্য পূর্ণতা  
পেয়ে সেই সত্ত্বর বছর যতদিন না সম্পূর্ণ হল, ততদিন দেশ বিশ্রাম  
ভোগ করল। 22 পারস্যের রাজা কোরসের প্রথম বছরে যিরিমিয়ের  
মাধ্যমে বলা সদাপ্রভুর বাক্য সফল করার জন্য সদাপ্রভু পারস্যের  
রাজা কোরসের অন্তরে এই ইচ্ছা দিলেন, যেন তাঁর সাম্রাজ্যে সর্বত্র  
তিনি এই কথা ঘোষণা করে দেন ও তা লিখেও রাখেন: 23 “পারস্য-  
রাজ কোরস একথাই বলেন: “স্বর্গের ঈশ্বর সদাপ্রভু পৃথিবীর সব রাজ্য  
আমাকে দিয়েছেন এবং তিনি আমাকে নিযুক্ত করেছেন, যেন আমি  
তাঁর জন্য যিহুদা প্রদেশের জেরুশালেমে এক মন্দির নির্মাণ করি।  
তোমাদের মধ্যে, অর্থাৎ তাঁর প্রজাদের মধ্যে যে কেউ সেখানে যেতে  
পারে, এবং তাদের ঈশ্বর সদাপ্রভু যেন তাদের সাথে থাকেন।”

## ইত্বা

১ পারস্যের রাজা কোরসের প্রথম বছরে যিরমিয়ের মাধ্যমে বলা  
সদাপ্রভুর বাক্য সফল করার জন্য সদাপ্রভু পারস্যের রাজা কোরসের  
অঙ্গরে এই ইচ্ছা দিলেন, যেন তাঁর সাম্রাজ্যে সর্বত্র তিনি এই কথা  
যোগ্যতা করে দেন ও তা লিখেও রাখেন: ২ “পারস্য-রাজ কোরস  
একথাই বলেন: “‘স্বর্গের ঈশ্বর সদাপ্রভু পৃথিবীর সব রাজ্য আমাকে  
দিয়েছেন এবং তিনি আমাকে নিযুক্ত করেছেন, যেন আমি তাঁর  
জন্য যিহুদা প্রদেশের জেরুশালেমে এক মন্দির নির্মাণ করি। ৩  
তাঁর মনোনীত, তোমাদের মধ্য থেকে কেউ যদি ইচ্ছা করে, ঈশ্বর  
তাঁর সহবতী থাকুন, তবে সে যিহুদা প্রদেশের জেরুশালেমে গিয়ে  
উপস্থিত হোক এবং ইস্রায়েলের ঈশ্বর সদাপ্রভু যিনি জেরুশালেমে  
অবস্থান করেন, তার জন্য সেখানে একটি মন্দির নির্মাণ করুক। ৪  
যেখানেই অবস্থান করুক না কেন, তাঁর অবশিষ্ট প্রজাদের মধ্যে যে  
কেউ জেরুশালেমে ঈশ্বরের মন্দির নির্মাণের জন্য তাঁর সোনারঢ়পো,  
অন্য বস্ত্রসামগ্রী, গবাদি পশু ও স্বেচ্ছাদান নিবেদন করুক।” ৫ এই  
আদেশনামা শুনে যিহুদার ও বিন্যামীন গোষ্ঠীর প্রধানেরা, যাজকবর্গ  
এবং লেবীয়েরা—যাদের হাদয় ঈশ্বর অনুপ্রাণিত করেছিলেন, তারা  
সকলে প্রস্তুত হয়ে জেরুশালেমে সদাপ্রভুর মন্দির নির্মাণ করতে গেল।  
৬ তাদের প্রতিবেশীরা সোনারঢ়পো, অন্যান্য বস্ত্রসামগ্রী, গবাদি পশু  
এবং মূল্যবান দ্রব্যাদি দিয়ে তাদের সাহায্য করল এবং সেই সঙ্গে তারা  
স্বেচ্ছাদানও নিবেদন করল। ৭ এছাড়া জেরুশালেম মন্দিরে সদাপ্রভুর  
জন্য নিরূপিত যে সমস্ত সামগ্রী নেবুখাদনেজার তাঁর উপাস্য দেবতার  
মন্দিরে এনে রেখেছিলেন সম্ভাট কোরস সেগুলি বার করে এনে  
দিলেন। ৮ পারস্য রাজা কোরস রাজকোষের কর্মকর্তা মিত্রাদাতের  
মাধ্যমে সামগ্রীগুলি আনালেন এবং সেগুলি গণনা করিয়ে যিহুদার  
শাসনকর্তা শেশ্বসরের কাছে প্রত্যাপণ করলেন। ৯ দ্রব্য সামগ্রীগুলির  
তালিকায় ছিল, সোনার থালা 30 রংপোর থালা 1,000 রংপোর  
পাত্র 29 ১০ সোনার গামলা 30 রংপোর বিভিন্ন প্রকারের গামলা  
410 অন্যান্য দ্রব্যসামগ্রী 1,000 ১১ সর্বমোট, সোনার ও রংপোর

দ্রব্যসামগ্রীর সংখ্যা ছিল 5,400-টি। ব্যাবিলন থেকে জেরুশালেমে  
যখন নির্বাসিতেরা প্রত্যাবর্তন করছিলেন তখন তাদের সঙ্গে শেশ্বসর  
ওই সামগ্রীগুলি এনেছিলেন।

**২** ব্যাবিলনের রাজা নেবুখাদনেজার যাদের বন্দি করে নিয়ে  
গিয়েছিলেন, তাদের মধ্যে সেই প্রদেশের এইসব লোকজন নির্বাসন  
কাটিয়ে জেরুশালেম ও যিহুদায় নিজের নিজের নগরে ফিরে এসেছিল।  
২ তারা সরুক্বাবিল, যেশূয়, নহিমিয়, সরায়, রিয়েলায়, মর্দখয়, বিল্শন,  
মিস্পর, বিগ্বয়, রহূম ও বানার সঙ্গে ফিরে এসেছিল। ইস্রায়েলী  
পুরুষদের তালিকা: ৩ পরোশের বংশধর, 2,172 জন; ৪ শফটিয়ের  
বংশধর, 372 জন; ৫ আরহের বংশধর, 775 জন; ৬ (যেশূয় ও  
যোয়াবের সন্তানদের মধ্যে) পতৎ-মোয়াবের বংশধর, 2,812 জন;  
৭ এলমের বংশধর, 1,254 জন; ৮ সতৃরের বংশধর, 945 জন;  
৯ সঞ্চয়ের বংশধর, 760 জন; ১০ বানির বংশধর, 642 জন; ১১  
বেবয়ের বংশধর, 623 জন; ১২ অস্গদের বংশধর, 1,222 জন; ১৩  
অদোনীকামের বংশধর, 666 জন; ১৪ বিগ্বয়ের বংশধর, 2,056  
জন; ১৫ আদীনের বংশধর, 454 জন; ১৬ (হিকিয়ের বংশজাত)  
আটেরের বংশধর, 98 জন; ১৭ বেৎসয়ের বংশধর, 323 জন; ১৮  
যোরাহের বংশধর, 112 জন; ১৯ হশুমের বংশধর, 223 জন; ২০  
গিরবরের বংশধর, 95 জন। ২১ বেথলেহেমের লোকেরা, 123 জন;  
২২ নটোফার লোকেরা, 56 জন; ২৩ অনাথোতের লোকেরা, 128 জন;  
২৪ অস্মাবতের লোকেরা, 42 জন; ২৫ কিরিয়ৎ-যিয়ারীম, কফীরা ও  
বেরোতের লোকেরা, 743 জন; ২৬ রামার ও গেবার লোকেরা, 621  
জন; ২৭ মিক্মসের লোকেরা, 122 জন; ২৮ বেথেল ও অয়ের লোকেরা,  
223 জন; ২৯ নেবোর লোকেরা, 52 জন; ৩০ মগ্বীশের লোকেরা,  
156 জন; ৩১ অন্য এলমের লোকেরা, 1,254 জন; ৩২ হারীমের  
লোকেরা, 320 জন; ৩৩ লোদ, হাদীদ ও ওনোর লোকেরা, 725 জন;  
৩৪ ধিরীহের লোকেরা, 345 জন; ৩৫ সনায়ার লোকেরা, 3,630 জন।  
৩৬ যাজকবর্গ: (যেশূয়ের বংশের মধ্যে) যিদয়িয়ের বংশধর, 973 জন;  
৩৭ ইমেরের বংশধর, 1,052 জন; ৩৮ পশ্তুরের বংশধর, 1,247

জন; 39 হারীমের বংশধর, 1,017 জন। 40 লেবীয়বর্গ: (হোদবিয়ের বংশজাত) যেশুয় ও কদ্মীয়েলের বংশধর, 74 জন। 41 গায়কবৃন্দ: আসফের বংশধর, 128 জন। 42 মন্দিরের দাররক্ষীবর্গ: শল্লুম, আটের, টল্মোন, অৰ্কব, হটীটা ও শোবয়ের বংশধর, 139 জন। 43 মন্দিরের পরিচারকবৃন্দ: সীহ, হস্ফা, টৰায়োত, 44 কেরোস, সীয়, পাদোন, 45 লবানা, হগাব, অৰ্কব, 46 হাগব, শল্ময়, হানন, 47 গিদ্দেল, গহর, রায়া, 48 রৎসীন, নকোদ, গসম, 49 উষ, পাসেহ, বেষয়, 50 অম্বা, মিয়নীম, নফুষীম, 51 বক্বুক, হকুফা, হর্তুর, 52 বসলূত, মহীদা, হৰ্ণা, 53 বর্কোস, সীষৱা, তেমহ, 54 নৎসীহ ও হটীফার বংশধর। 55 শলোমনের দাসদের বংশধর: সোটয়, হস্সোফেরত, পরুদা, 56 যালা, দর্কোন, গিদ্দেল, 57 শফাটিয়, হটীল, পোখেরৎ-হৎসবায়ীম ও আমীর বংশধর। 58 মন্দিরের দাসেরা এবং শলোমনের দাসদের বংশধর 392 জন। 59 তেল-মেলহ, তেল-হৰ্ণা, করব, অদন ও ইয়ের, এসব স্থান থেকে নিম্নলিখিত লোকেরা এসেছিল, কিন্তু তারা ইস্রায়েলী লোক কি না, এ বিষয়ে নিজ নিজ পিতৃকুলের প্রমাণ দিতে পারল না: 60 দলায়, টোবিয় ও নকোদের বংশধর, 652 জন। 61 আর যাজকদের মধ্যে: হবায়ের, হক্কোষের ও বর্সিল্লায়ের বংশধর (এই বর্সিল্লায় গিলিয়দীয় বর্সিল্লায়ের এক মেয়েকে বিয়ে করেছিল এবং তাকে সেই নামেই ডাকা হত)। 62 বংশতালিকায় এই লোকেরা তাদের বংশের খোঁজ করেছিল, কিন্তু পায়নি এবং সেই কারণে তারা অশুচি বলে তাদের যাজকের পদ থেকে বাদ দেওয়া হয়েছিল। 63 শাসনকর্তা তাদের এই আদেশ দিয়েছিলেন, যে উরীম ও তুমীম ব্যবহারকারী কোনো যাজক না আসা পর্যন্ত যেন লোকেরা কোনও মহাপবিত্র খাদ্য ভোজন না করে। 64 সর্বমোট তাদের সংখ্যা ছিল 42,360 জন। 65 এছাড়া তাদের দাস-দাসী ছিল 7,337 জন; এবং তাদের 200 জন গায়ক-গায়িকাও ছিল। 66 তাদের 736-টি ঘোড়া, 245-টি খচর, 67 435-টি উট এবং 6,720-টি গাধা ছিল। 68 যখন তারা জেরুশালেমে সদাপ্রভুর গৃহে এসে উপস্থিত হল, তখন পিতৃকুলপতিদের মধ্যে কেউ কেউ নির্দিষ্ট স্থানে মন্দির পুনর্নির্মাণের কাজে তাদের স্বেচ্ছাদান নিবেদন করলেন।

৬৭ তাদের ক্ষমতানুযায়ী কাজের জন্য সৃষ্টি ভাগারে তারা দান দিলেন।  
তাদের স্বেচ্ছাদানের পরিমাণ ছিল ৬১,০০০ অদর্কোন সোনা, ৫,০০০  
মানি রূপো, এবং ১০০-টি যাজকীয় পরিধেয় বস্ত্র। ৭০ যাজকেরা,  
লেবীয়েরা, গায়কেরা, দ্বাররক্ষীরা এবং মন্দিরের দাসেরা অন্যান্য কিছু  
লোকের, এবং অবশিষ্ট ইস্রায়েলীদের সঙ্গে নিজের নিজের নগরে  
বসবাস করতে লাগল।

**৩** ইস্রায়েলীরা যখন নিজেদের নগরগুলিতে বাস করছিল, সেই সময়  
সপ্তম মাসে তারা সকলে একযোগে জেরুশালেম নগরে এসে মিলিত  
হল। ২ যোষাদকের পুত্র যেশূয় ও তাঁর সহ যাজক ভাইরা এবং  
শল্টায়েলের পুত্র সরঞ্জাবিল এবং তাঁর পরিজনেরা ইস্রায়েলের আরাধ্য  
ঈশ্বরের বেদি নির্মাণের কাজ শুরু করল যেন ঈশ্বরের পরম অনুগত  
মোশির বিধানে যে সমস্ত কথা লিখিত আছে তদনুযায়ী তারা হোমবলি  
উৎসর্গ করতে পারে। ৩ তাদের চারপাশে বসবাসকারী লোকেদের ভয়ে  
ভীত হওয়া সত্ত্বেও তারা পূর্বেকার হ্রানেই বেদিটি নির্মাণ করল। তারা  
সকাল ও সন্ধিয়ায় সদাপ্রভুর উদ্দেশ্যে হোমবলি উৎসর্গ করতে লাগল।  
৪ এরপর লিখিত বিধান অনুযায়ী তারা কুটিরবাস-পর্ব উদ্যাপন করল।  
প্রতিদিনের জন্য নির্দিষ্ট সংখ্যক হোমবলি ও তারা সেই সঙ্গে উৎসর্গ  
করল। ৫ এরপর তারা নিয়মিত হোমবলি, অমাবস্যার বলি এবং  
সদাপ্রভুর উদ্দেশ্যে নিরূপিত পবিত্র উৎসবাদির বলি ও উৎসর্গ করল।  
সেই সঙ্গে অনেকে সদাপ্রভুর উদ্দেশ্যে তাদের স্বেচ্ছার দান আনল। ৬  
তখনও মন্দির পুনর্নির্মাণের কাজ আরস্ত না হওয়া সত্ত্বেও সপ্তম মাসের  
প্রথম দিন থেকেই লোকেরা সদাপ্রভুর উদ্দেশ্যে হোমবলি উৎসর্গ করা  
শুরু করল। ৭ এরপর তারা রাজমিস্ত্রি এবং ছুতোরামিস্ত্রিদের অর্থ দিল  
এবং সীদোন ও সোরের লোকেদের খাদ্য, পানীয় ও তেল দিল যেন  
পারস্য-স্মার্ট কোরস যেমন অনুমোদন করেছিলেন সেইমতো লেবানন  
থেকে জোপ্পাতে সমুদ্রপথে তারা সিডার কাঠ নিয়ে আসে। ৮ দ্বিতীয়  
বছরের দ্বিতীয় মাসে শল্টায়েলের পুত্র সরঞ্জাবিল ও যোষাদকের পুত্র  
যেশূয় এবং তাদের ভাইদের অবশিষ্টাংশ (নির্বাসন থেকে জেরুশালেমে  
যে যাজকবৃন্দ ও লেবীয়েরা প্রত্যাবর্তন করেছিল) তাদের কাজ আরস্ত

করল। লেবীয়দের মধ্যে কুড়ি বছর বা তাঁর উর্ধ্বে যাদের বয়স তাদের সকলকে সদাপ্রভুর মন্দির নির্মাণ কাজের তত্ত্বাবধায়করণপে নিযুক্ত করা হল। ৭ যেশুয়, তাঁর পুত্র ও তাইদের এবং (হোদাবিয়ের বংশজাত) কদম্বীয়েল ও তাঁর পুত্রগণ হেনাদদের সন্তান ও ভৃত্যগণ সকল লেবীয় একসঙ্গে ঈশ্বরের মন্দির যারা নির্মাণ করছিল তাদের তত্ত্বাবধান করতে লাগল। ১০ সদাপ্রভুর মন্দির নির্মাণকারীরা যখন ভিত্তি প্রতিষ্ঠা করছিল, তখন যাজকেরা নিজেদের নির্দিষ্ট পোশাক পরিধান করে তুরী সঙ্গে নিয়ে নিজেদের নিরূপিত স্থানে এসে দাঁড়াল। সদাপ্রভুর উদ্দেশে স্তুতিগান করার জন্য ইস্রায়েলের রাজা দাউদের নির্দেশসহ লেবীয়েরাও (আসফের বংশজাত) করতাল নিয়ে তাদের নিরূপিত স্থানে এসে দাঁড়াল। ১১ সদাপ্রভুর উদ্দেশে তারা এই ধন্যবাদ ও প্রশংসা সংগীত নিবেদন করল “তিনি মঙ্গলময়; ইস্রায়েলের প্রতি তাঁর দয়া অনন্তকালস্থায়ী।” অন্য সকলে সদাপ্রভুর উদ্দেশে উচ্চরবে জয়ধ্বনি করল, কারণ সদাপ্রভুর মন্দিরের ভিত্তি স্থাপন করা হয়েছে। ১২ কিন্তু অনেক প্রবীণ যাজক, লেবীয় গোষ্ঠীপতি, যারা পূর্বেকার মন্দিরটি দেখেছিলেন, তারা যখন দেখলেন যে মন্দিরের ভিত্তি স্থাপিত হচ্ছে, তখন তারা উচ্ছাসিত হয়ে জয়ধ্বনি তুললেন। ১৩ কেউই ক্রন্দনধ্বনি থেকে জয়ধ্বনি পৃথক করতে পারল না, কারণ লোকেরা প্রচণ্ড শব্দ সৃষ্টি করেছিল, যা বহুদূর থেকে শোনা গিয়েছিল।

**৪** যিহুদা ও বিন্যামীনদের প্রতিপক্ষেরা যখন শুনল যে নির্বাসন থেকে প্রত্যাগত ব্যক্তিরা ইস্রায়েলের আরাধ্য ঈশ্বর, সদাপ্রভুর উদ্দেশে একটি মন্দির নির্মাণ করছে, ২ তখন তারা সরঞ্জাবিল ও গোষ্ঠীপতিদের কাছে এসে বলল, “তোমাদের নির্মাণ কাজে আমরা সাহায্য করতে চাই, কারণ আমরাও তোমাদের আরাধ্য ঈশ্বরের আরাধনা করি। আসিরিয়ার রাজা এসর-হন্দোন যখন আমাদের এদেশে বসবাস করতে এনেছেন তখন থেকেই আমরা সেই ঈশ্বরের উদ্দেশ্যে বলি উৎসর্গ করে চলেছি।” ৩ কিন্তু সরঞ্জাবিল, যেশুয় ও অন্যান্য গোষ্ঠীপতিরা উত্তরে বললেন, “আমাদের আরাধ্য ঈশ্বরের মন্দির

নির্মাণের কার্যে তোমাদের সাহায্যের কোনও প্রয়োজন নেই। পারস্য-সম্বাট কোরসের আদেশমতো ইস্রায়েলের আরাধ্য স্টিশুর সদাপ্রভুর জন্য আমরা নিজেরাই এই কাজ করতে পারব।” 4 তখন তাদের চারিদিকে যে সমস্ত লোক ছিল তারা যিহুদার লোকদের নিরুৎসাহ করতে চাইল এবং মন্দির নির্মাণের কাজে তয় দেখাতে লাগল। 5 তারা অর্থের বিনিময়ে কিছু লোককে নিযুক্ত করল যাদের কাজ ছিল নির্মাণ কাজের ব্যাপারে সকলকে হতাশাগ্রস্ত করে তোলা এবং এ ব্যপারে সমস্ত পরিকল্পনাই নস্যাং করে দেওয়া। পারস্য-সম্বাট কোরসের সময় থেকে সম্বাট দারিয়াবসের রাজত্বকাল পর্যন্ত এই চক্রান্ত চলছিল। 6 সম্বাট অহশেরশের রাজত্বের শুরুতেই তারা যিহুদা ও জেরুশালেমের লোকদের বিরুদ্ধে একটি অভিযোগ দায়ের করল। 7 পারস্য-সম্বাট অর্তক্ষন্তের শাসনকালেও বিশ্বম, মিত্রাং, টাবেল ও তার সহযোগীরা সম্বাট অর্তক্ষন্তের কাছে একটি পত্র লিখল। পত্রটি আরামীয় অক্ষরে ও অরামীয় ভাষায় লেখা হয়েছিল। 8 প্রদেশপাল রহূম, সচিব শিম্শয় সম্বাট অর্তক্ষন্তের কাছে জেরুশালেমের বিরুদ্ধে অভিযোগ করে সেই পত্র লিখেছিল। 9 সেনাধিপতি রহূম, সচিব শিম্শয় ও তাদের সব সহযোগী—পারস্য, অর্কব ও ব্যাবিলনের বিচারক, কর্মকর্তা প্রশাসক, শূশনের এলমীয়েরা, 10 এবং অন্য সকল ব্যক্তি যাদের মহান ও সম্মানীয় অস্ত্রণালী নির্বাসিত করেছিলেন এবং শমারিয়া ও ইউফ্রেটিস নদীর সংলগ্ন এলাকার সর্বত্র বসবাস করিয়েছেন, তাদের সকলের পক্ষে এই পত্র লেখা হয়েছিল। 11 (যে পত্রটি তাঁকে প্রেরণ করা হয়েছিল এটি হল তারই অনুলিপি) সম্বাট অর্তক্ষন্ত সমীপেষ্য, ইউফ্রেটিস নদীর সংলগ্ন এলাকার জনগণের পক্ষে, আপনার সেবকবৃন্দ: 12 মহামান্য সম্বাটের জ্ঞাতার্থে আপনাকে অবহিত করি, যে সকল ইহুদিরা আপনার কাছ থেকে জেরুশালেমে গিয়েছে তারা সেই রাজধানোহ ও দুষ্টায় ভরা নগরটিকে পুনরায় নির্মাণ করছে। তারা নগরের প্রাচীর পুনরুদ্ধার ও ভিত্তি পুনর্নির্মাণ করছে। 13 এছাড়াও, সম্বাটের জ্ঞাতার্থে জানাই যে যদি এই নগর পুনর্নির্মিত ও তাঁর প্রাচীর পুনর্গঠিত হয় তাহলে তারা কোনও রাজস্ব, প্রণামী ও মাশুল দেবে না। এর ফলে সম্বাটের

রাজস্ব সংগ্রহ ক্ষতিগ্রস্ত হবে। 14 যেহেতু আপনার প্রতি আমাদের দায়বদ্ধতা আছে এবং আমাদের উচিত হবে না সম্মাটের অসম্মান হোক এমন কিছু ঘটতে দেওয়া, সেইজন্য আপনার জ্ঞাতার্থে এই সংবাদ আপনার কাছে প্রেরণ করছি। 15 আপনি দয়া করে আপনার পূর্বসূরীদের নথিপত্রগুলি ভালো করে অনুসন্ধান করে দেখুন। সেই নথিগুলি দেখলেই আপনি বুঝতে পারবেন যে এই নগরটি কেমন বিদ্রোহীভাবাপন্ন এবং রাজাদের ও প্রদেশের পক্ষে কত বিপজ্জনক। প্রাচীনকাল থেকেই এই নগরটি রাজদ্বোধী মনোভাব দেখিয়েছে। এজন্যই নগরটিকে ধ্বংস করে দেওয়া হয়েছিল। 16 আমরা মহামান্য সম্মাটকে জানাই যে যদি আপনি এই নগরটি পুনর্নির্মিত হতে এবং তাঁর প্রাচীরগুলি পুনরুদ্ধার হতে দেন তাহলে ইউফ্রেটিস নদীর সংলগ্ন কোনও স্থান আর আপনার অধীনে থাকবে না। 17 সম্মাট পত্রটির উভয়ে এই কথা লিখলেন: প্রদেশপাল রহুম, সচিব শিম্শয় এবং শমারিয়া ও ইউফ্রেটিস নদীর সংলগ্ন অঞ্চলে বসবাসকারী ও তাদের সহযোগীবৃন্দ: শুভেচ্ছা। 18 আপনারা আমার কাছে যে পত্রখানি পাঠিয়েছেন সেটি আমার সামনে পাঠ করা হয়েছে এবং অনুবাদ করা হয়েছে। 19 আমি একটি নির্দেশ পাঠিয়েছি এবং সেইমতো অনুসন্ধানও করা হয়েছে। সত্যিই এটি দেখা গেছে যে পূর্ব থেকেই নগরটি সম্মাটদের বিরুদ্ধে বিদ্রোহ করেছে এবং নগরটি যথার্থই বিক্ষেপ ও বিদ্রোহের জন্য কুখ্যাত। 20 জেরুশালেম থেকেই পরাক্রমী নৃপতিগণ একদিন ইউফ্রেটিস নদীর অববাহিকার সমষ্ট ভূখণ্ডে রাজত্ব করতেন। তাদের রাজস্ব, প্রণামী এবং মাশুলও যথাযথভাবে প্রদান করা হত। 21 তোমরা শীত্রই ওই লোকদের কাছে এই আদেশ করো যেন তারা কাজ বন্ধ করে দেয় এবং আমি যতদিন না পুনরায় জানাচ্ছি ততদিন নগরটি যেন পুনর্নির্মিত না হয়। 22 সাবধান, এই বিষয়ে তোমরা শিথিল মনোভাব দেখিও না। কি কারণে এই বিপজ্জনক অবস্থাকে চলতে দেওয়া হবে যা রাজার স্বার্থকে বিস্তৃত করবে? 23 রহুম ও সচিব শিম্শয়ের কাছে যে মুহূর্তে সম্মাট অর্তক্ষন্তের এই পত্রের অনুলিপি পাঠ করা হল, তারা তৎক্ষণাতে জেরুশালেমে ইহুদিদের কাছে গেল এবং তাদের কাজ

বন্ধ করতে বাধ্য করল। 24 এইভাবে জেরশালেমে ঈশ্বরের মন্দির নির্মাণের কাজ বন্ধ হয়ে গেল। সন্তাট দারিয়াবসের রাজত্বের দ্বিতীয় বছর পর্যন্ত সেই কাজ স্থান হয়ে রইল।

**৫** ভাববাদী হগয় ও ইদোর বংশোদ্ধৃত ভাববাদী সখরিয় ইস্রায়েলের সহবতী, তাদের আরাধ্য ঈশ্বরের নামে যিহুদা ও জেরশালেমের ইহুদিদের কাছে প্রত্যাদেশ ঘোষণা করলেন। 2 তখন শল্টীয়েলের পুত্র সরুবাবিল ও যোষাদকের পুত্র যেশূয় জেরশালেমে ঈশ্বরের গৃহ নির্মাণ কাজে পুনরায় ব্যাপ্ত হলেন। ঈশ্বরের ভাববাদীরাও তাদের সঙ্গে যোগদান করে সেই কাজে তাদের সাহায্য দান করলেন। 3 সেই সময় ইউফ্রেটিস নদীর অববাহিকার দেশসমূহের প্রদেশপাল তত্ত্ব এবং শথর-বোষণয় ও তাদের সহযোগীবৃন্দ ইস্রায়েলীদের কাছে গিয়ে জিঙ্গাসা করলেন, “কে তোমাদের মন্দির পুনর্নির্মাণ এবং পরিকাঠামো গঠনের অনুমোদন দিয়েছে?” 4 তারা আরও জিঙ্গাসা করলেন, “যে সমস্ত লোকেরা গৃহটি নির্মাণ করছে তাদের নাম কি?” 5 কিন্তু তাদের আরাধ্য ঈশ্বরের কৃপাদৃষ্টি ইহুদিদের প্রাচীনবর্গের উপর ছিল। যতক্ষণ না পর্যন্ত সন্তাট দারিয়াবসের কাছে কোনও লিখিত পত্র যাচ্ছে এবং তাঁর কাছ থেকে উত্তর আসছে ততক্ষণ পর্যন্ত তারা কাজ বন্ধ করল না। 6 ইউফ্রেটিস নদীর অববাহিকার সমগ্র অঞ্চলের প্রদেশপাল তত্ত্ব, শথর-বোষণয় এবং সহযোগীবৃন্দ ও উক্ত অঞ্চলের রাজকর্মচারীগণ সন্তাট দারিয়াবসের কাছে এই পত্রটি পাঠালেন। 7 পত্রটির প্রতিবেদন ছিল এই: সন্তাট দারিয়াবস সমীপে: আন্তরিক শুভেচ্ছা। 8 মহামান্য সন্তাটের জ্ঞাতার্থে জানাই যে আমরা যিহুদা প্রদেশে মহান ঈশ্বরের মন্দিরে গিয়েছিলাম। আমরা দেখলাম, লোকেরা খুব বড়ো বড়ো পাথর দিয়ে সেটিকে তৈরি করছে এবং দেওয়ালে কাঠ দেওয়া হচ্ছে। কঠোর পরিশ্রমের সঙ্গে কাজটি করা হচ্ছে এবং তাদের নেতৃত্বে কাজটি খুব দ্রুত এগিয়ে চলেছে। 9 আমরা তাদের প্রাচীনদের জিঙ্গাসাবাদ করলাম, তাদের বললাম, “কে তোমাদের মন্দির পুনর্নির্মাণের এবং তাঁর পরিকাঠামো সংস্কার কাজের অনুমতি দিয়েছে?” 10 আমরা তাদের নামও জিঙ্গাসা করলাম, যেন আমরা

মহারাজকে তাদের নামগুলি লিখে জানাতে পারি। 11 তারা আমাদের এই উত্তর দিল: “আমরা, স্বর্গ ও পৃথিবীর ঈশ্বরের দাস। আমরা মন্দিরটি পুনর্নির্মাণ করছি মাত্র, কারণ এক সময় ইস্রায়েলের একজন মহান রাজা এটিকে নির্মাণ করে তাঁর সমস্ত কাজ সুসম্পন্ন করেছিলেন। 12 পরে আমাদের পিতৃপুরুষেরা স্বর্গের ঈশ্বরকে অসন্তুষ্ট করার জন্য তিনি তাদের ব্যাবিলনের রাজা কল্দীয় নেবুখাদনেজারের হাতে সমর্পণ করেছিলেন, যিনি এই মন্দিরটি ধ্বংস করে লোকদের ব্যাবিলনে বন্দি করে নিয়ে যান। 13 “এরপর ব্যাবিলনের রাজা কোরস তাঁর রাজত্বের প্রথম বছরে, একটি রাজাঙ্গা দ্বারা ঈশ্বরের গৃহটি পুনর্নির্মাণের আদেশ দান করেন। 14 সেই সঙ্গে ঈশ্বরের গৃহের যে সমস্ত সোনা ও বর্ণপোর দ্রব্যসামগ্রী রাজা নেবুখাদনেজার জেরুশালেমের মন্দির থেকে নিয়ে গিয়ে ব্যাবিলনের মন্দিরে রেখেছিলেন, সেগুলিও তিনি ফেরৎ পাঠিয়েছেন। সম্রাট কোরস শেশ্বসর নামের একজন ব্যক্তিকেও পাঠালেন যাকে তিনি প্রদেশপাল পদে নিযুক্ত করলেন। 15 সম্রাট তাঁকে বললেন, ‘এই দ্রব্যসামগ্রীগুলি নিয়ে যাও এবং জেরুশালেমের মন্দিরে এগুলি রাখো। ঈশ্বরের গৃহটিকেও তাঁর পূর্বেকার স্থানে পুনর্নির্মাণ করো।’ 16 “সেইমতো শেশ্বসর এলেন জেরুশালেমে ঈশ্বরের গৃহের ভিত্তি স্থাপন করলেন। সৌদিন থেকে আজ পর্যন্ত এর পুনর্নির্মাণের কাজ চলছে এবং এখনও তা শেষ করা যায়নি।” 17 আমরা সেইজন্য মহারাজকে অনুরোধ করি যেন তিনি ব্যাবিলনে রাজকীয় নথিপত্র অনুসন্ধান করে দেখেন যে সম্রাট কোরস জেরুশালেমে ঈশ্বরের গৃহ নির্মাণের জন্য সত্যি কোনও রাজাঙ্গা দান করেছিলেন কি না। তারপর মহারাজ এ বিষয়ে তাঁর সিদ্ধান্ত আমাদের জানিয়ে দিন।

**৬** এরপর সম্রাট দারিয়াবস একটি আদেশ জারি করলেন এবং লোকেরা ব্যাবিলনে কোষাগার সংরক্ষিত নথিপত্র অনুসন্ধান করল। 2 মাদীয় প্রদেশের অক্মথা দুর্গে একটি পুঁথি পাওয়া গেল আর সেই পুঁথিটিতে এই কথা লেখা ছিল, স্মারক পত্র: 3 সম্রাট কোরসের রাজত্বের প্রথম বছরে জেরুশালেমে ঈশ্বরের মন্দির সম্পর্কে তিনি একটি রাজাঙ্গা দান করেছিলেন: মন্দিরটি বলি উৎসর্গের স্থান হিসেবে পুনরায় নির্মিত হোক

এবং এর ভিত্তি পুনরায় স্থাপিত হোক। এর উচ্চতা হবে নবই ফুট, প্রস্থ হবে নবই ফুট। 4 তিন সারি বৃহদাকার পাথরের উপর এক সারি কাঠ বসান হবে। রাজকীয় ধনকোষ থেকে এর নির্মাণ খরচ বহন করা হবে। 5 সেই সঙ্গে সম্মাট নেবুখাদনেজার জেরুশালেম মন্দির থেকে ঈশ্বরের গৃহের যে সমস্ত সোনা ও রূপোর দ্রব্যাদি ব্যাবিলনে এনেছিলেন সেগুলি জেরুশালেম মন্দিরে ফেরৎ পাঠানো হোক এবং ঈশ্বরের গৃহেতেই রাখা হোক। 6 অতএব ইউফ্রেটিস নদীর অববাহিকা অঞ্চলের প্রদেশপাল তত্ত্বনয়, শথর-বোষণয় এবং সেই প্রদেশে তাদের সহরাজকর্মচারীবৃন্দ আপনারা সকলে এই বিষয় থেকে দূরে থাকুন। 7 ঈশ্বরের মন্দির নির্মাণ কাজে কোনও রকম ব্যাঘাত সৃষ্টি করবেন না। ইহুদিদের রাজ্যপাল এবং ইহুদিদের প্রাচীনবর্গ পূর্বেকার স্থানে ঈশ্বরের গৃহ নির্মাণকাজ অব্যাহত রাখুন। 8 উপরস্তু, আপনারা ঈশ্বরের মন্দির নির্মাণ কাজে ইহুদি প্রাচীনদের কীভাবে সহযোগিতা করবেন আমি এই মর্মে আদেশ দিছি। এই সমস্ত ব্যক্তিদের সকল ব্যয় রাজকোষে ইউফ্রেটিস নদীর অপর পারস্থ অঞ্চল থেকে যে রাজস্ব সংগৃহীত হয় তাঁর থেকে ব্যয় করবেন, যেন কাজ বন্ধ না হয়ে যায়। 9 স্বর্গের ঈশ্বরের উদ্দেশে হোমবলির উৎসর্গের জন্য যা কিছু প্রয়োজন—বলদ, পুঁমেষ, মদ্দা মেষশাবক, এবং গম, লবণ, দ্রাক্ষারস, তৈল প্রভৃতি জেরুশালেমের যাজকেরা যা চাইবেন—তা প্রতিদিন যেন সরবরাহ করা হয়। 10 তারা যেন স্বর্গের ঈশ্বরের উদ্দেশে সন্তোষজনক বলি উৎসর্গ করেন এবং রাজা ও ছেলেদের সমৃদ্ধি কামনা করে প্রার্থনা করেন। 11 আমি আরও আদেশ করছি, যদি কেউ আমার আদেশ অমান্য করে, তাহলে তাঁর ঘর থেকে কড়িকাঠ বের করে তার উপরে তাকে টাঙিয়ে দিতে হবে এবং তাঁর অপরাধের জন্য তাঁর গৃহ আবর্জনা স্তূপে পরিণত করা হবে। 12 কোনও রাজা বা কোনও ব্যক্তি যদি আমার এই আদেশনামাকে পরিবর্তন অথবা জেরুশালেমের মন্দির ধ্বংস করতে চায়, তাহলে ঈশ্বর, যিনি নিজ নামকে সেখানে স্থাপন করেছেন, তিনি তাদের উচ্চিম করুন। আমি দারিয়াবস এই রাজাঙ্গা দান করছি। এই রাজাঙ্গা যথাযথভাবে পালিত হোক। 13 তখন সম্মাট দারিয়াবস সেই রাজাঙ্গা

প্রেরণ করেছেন, সেইজন্য ইউক্রেটিসের অপর পারের প্রদেশপাল তত্ত্বনয়, শথর-বোষণয় ও তাদের সহযোগীবৃন্দ সেই রাজাঙ্গা নিষ্ঠার সঙ্গে পালন করলেন। 14 এর ফলে ইলাদিদের প্রাচীনবর্গ নির্মাণ কার্য অব্যাহত রাখলেন এবং ভাববাদী হগয় ও ইদোর বংশোভূত ভাববাদী সখরিয়ের প্রত্যদেশ দ্বারা সেই কাজ আরও সম্বৃদ্ধিলাভ করল। তারা ইস্রায়েলের আরাধ্য ঈশ্বরের এবং পারস্য-সন্ত্রাট কোরস, দারিয়াবস ও অর্তক্ষেত্রে নির্দেশমতো মন্দির নির্মাণকাজ সম্পন্ন করলেন। 15 সন্ত্রাট দারিয়াবসের রাজত্বকালের ষষ্ঠ বছরের অদ্ব মাসের তৃতীয় দিবসে এই কার্য সুসম্পন্ন হয়। 16 তখন ইস্রায়েলের লোকের অর্থাত্ যাজকবর্গ, লেবীয়েরা এবং নির্বাসিতদের অবশিষ্টাংশ, খুবই আনন্দের সঙ্গে ঈশ্বরের গৃহের উৎসর্গীকরণ অনুষ্ঠান পালন করল। 17 এই অনুষ্ঠানের জন্য তারা একশোটি বলদ, 200-টি পুঁমেষ, 400-টি মদ্দা মেষশাবক বলিক্রমে উৎসর্গ করল এবং সব ইস্রায়েলীর পাপার্থক নৈবেদ্যের উদ্দেশে বারোটি পাঁঠার এক-একটি, ইস্রায়েলের এক-একটি গোষ্ঠীর জন্য উৎসর্গ করা হল। 18 মোশির পুস্তকে লিখিত বিধান অনুসারে জেরুশালেমে ঈশ্বরের সেবাকার্যের জন্য যাজকদের, তাদের বিভাগ অনুসারে এবং লেবীয়দের তাদের পালা অনুসারে, ভাগ করে দেওয়া হল। 19 প্রথম মাসের চতুর্দশ দিবসে, নির্বাসন থেকে প্রত্যাগতেরা নিষ্ঠারপর্ব পালন করল। 20 যাজক ও লেবীয়েরা নিজেদের শুচি করলে তারা সকলেই আনুষ্ঠানিকভাবে শুন্দ হলেন। লেবীয়েরা সকল নির্বাসিত লোকদের এবং তাদের যাজক ভাইদের ও নিজেদের পক্ষে নিষ্ঠারপর্বীয় মেষ বলি দিলেন। 21 ইস্রায়েলীরা যারা নির্বাসন থেকে প্রত্যাবর্তন করেছিল এবং সেসব লোকেরা তাদের বিজাতীয় প্রতিবেশীদের অশুচি ক্রিয়াকলাপ থেকে নিজেদের প্রত্যক্ষ করে ইস্রায়েলের আরাধ্য সদাপ্রভুর অনুসন্ধান করছিল, তারা একসাথে ভোজন করল। 22 সাত দিন ধরে তারা মহানন্দে খামিরবিহীন ঝুঁটির উৎসব উদ্যাপন করল, কারণ সদাপ্রভু আসিরিয়ার রাজার মনোভাব পরিবর্তন করার সুবাদে তাদের হৃদয় আনন্দে ভরিয়ে তুলেছিলেন।

ইন্দ্রায়লের আরাধ্য, ঈশ্বরের গৃহ নির্মাণে সম্মাট তাদের সর্বতোভাবে  
সাহায্য করেছিলেন।

7 এই সমস্ত ঘটনার পর, পারস্য-সম্মাট অর্তক্ষণ্ঠের রাজত্বের সময়  
সরায়ের পুত্র ইষ্টা, সরায় ছিলেন অসরিয়ের পুত্র, অসরিয় হিঙ্কিয়ের  
পুত্র, 2 হিঙ্কিয় শল্লুমের পুত্র, শল্লুম সাদোকের পুত্র, সাদোক অহীটুবের  
পুত্র, 3 অহীটুব অমরিয়ের পুত্র, অমরিয় অসরিয়ের পুত্র, অসরিয়  
মরায়োতের পুত্র 4 মরায়োত সরহিয়ের পুত্র, সরহিয় উষির পুত্র,  
উষি বুক্কির পুত্র 5 বুক্কি অবিশূয়ের পুত্র, অবীশূয় পীনহসের পুত্র,  
পীনহস ইলিয়াসের পুত্র, ইলীয়াসের প্রধান যাজক হারোগের পুত্র। 6  
এই ইষ্টা ব্যাবিলন থেকে সেখানে এলেন। তিনি ছিলেন ইন্দ্রায়লের  
আরাধ্য ঈশ্বর, প্রভু সদাপ্রভুর প্রদত্ত মোশির ব্যবস্থাপুন্তকের একজন  
জ্ঞানসম্পন্ন শিক্ষক। তাঁর আরাধ্য ঈশ্বর প্রভু সদাপ্রভুর কৃপা তাঁর  
উপরে ছিল, সেইজন্য তিনি যা কিছু রাজার কাছে চেয়েছিলেন, রাজা  
তাঁকে সবকিছুই দিয়েছিলেন। 7 সম্মাট অর্তক্ষণ্ঠের রাজত্বের সপ্তম  
বছরে কিছু ইন্দ্রায়লী সন্তান, তাদের মধ্যে যাজক ও লেবীয়দের,  
গায়ক, দারোয়ান, মন্দিরের পরিচারকবৃন্দ জেরশালেমে এসে উপস্থিত  
হল। 8 সম্মাটের সপ্তম বছরের পঞ্চম মাসে ইষ্টা জেরশালেমে এসে  
উপস্থিত হলেন। 9 তিনি প্রথম মাসের প্রথম দিনে ব্যাবিলন থেকে  
জেরশালেমের উদ্দেশে যাত্রা শুরু করেছিলেন। ঈশ্বরের মঙ্গলময় হস্ত  
তাঁর উপর ছিল বলে তিনি পঞ্চম মাসের প্রথম দিনে জেরশালেমে  
এসে উপস্থিত হয়েছিলেন। 10 যেহেতু ইষ্টা প্রভু সদাপ্রভুর পবিত্র  
শাস্ত্র অধ্যয়ন এবং তাঁর বিধিকলাপ পালন করতেন, তিনি ইন্দ্রায়লের  
লোকদের কাছে সেই বিধিনির্দেশ ও অনুশাসন সম্পর্কে শিক্ষা  
দিতেন। 11 সম্মাট অর্তক্ষণ্ঠ এই পত্রটি ইষ্টাকে পাঠিয়েছিলেন, যিনি  
ছিলেন একজন যাজক ও শিক্ষক এবং ইন্দ্রায়লের প্রভু সদাপ্রভু প্রদত্ত  
অনুশাসন ও বিধিব্যাবস্থা সংক্রান্ত বিষয়ে একজন জ্ঞানসম্পন্ন ব্যক্তি।  
12 রাজাধিরাজ অর্তক্ষণ্ঠের তরফে, স্বর্গের ঈশ্বরের একজন যাজক ও  
শিক্ষক ইষ্টা সমীপে: শুভেচ্ছা। 13 আমি এতদ্বারা এই ঘোষণা করছি  
যে আমার রাজ্যের ইন্দ্রায়লীদের মধ্যে কোনও যাজক, লেবীয় বা

অন্য কেউ যদি আপনার সঙ্গে জেরশালেমে যেতে বাসনা করেন তবে  
তারা অবশ্যই যেতে পারেন। 14 সম্মাট ও তাঁর সম্ম মন্ত্রণাদাতা দ্বারা,  
যিন্দু ও জেরশালেমে ঈশ্বরের যে বিধিবিধান আপনার অধিকারে  
আছে, আপনি সে সকল অনুসন্ধানের জন্য সেখানে প্রেরিত হচ্ছেন। 15  
সেই সঙ্গে ইস্রায়েলের আরাধ্য ঈশ্বরের, জেরশালেমে যার আবাসগৃহ  
আছে, তাঁর উদ্দেশে ও তাঁর মন্ত্রণাদাতারা স্বেচ্ছায় যে সমস্ত সোনা  
ও রূপা দান করছেন সেগুলি আপনার সঙ্গে সেখানে নিয়ে যান, 16  
এছাড়া ব্যাবিলনের সমস্ত প্রদেশ থেকে যত সোনা ও রূপা সংগ্রহ  
করতে পারেন ও সমস্ত যাজক ও লোকেরা জেরশালেমে তাদের  
আরাধ্য ঈশ্বরের উদ্দেশে যা কিছু স্বেচ্ছাদান তারা দেবে সেগুলি ও  
সঙ্গে নিয়ে যান। 17 এই সমস্ত অর্থ দিয়ে অবশ্যই বলদ, পুঁমেষ,  
মদা মেষশাবক এবং শস্য ও পেয়-নৈবেদ্য কিনবেন, ও সেগুলি  
জেরশালেমে আপনাদের ঈশ্বরের মন্দিরের বেদিতে উৎসর্গ করবেন।  
18 অবশিষ্ট সোনা রূপা দিয়ে আপনার ঈশ্বরের মনোমতো আপনার ও  
আপনার স্বজাতি ইহুদিদের যা ভালো মনে হয় তাই করবেন। 19  
আপনার ঈশ্বরের গৃহে আরাধনার জন্য যে সমস্ত দ্রব্যাদি আপনার  
কাছে গচ্ছিত রাখা আছে সেগুলি আপনি জেরশালেমের ঈশ্বরের  
কাছে নিবেদন করবেন। 20 আপনার ঈশ্বরের গৃহের জন্য যা কিছু  
প্রয়োজন হবে তার জন্য রাজকোষ থেকে অর্থ সরবরাহ করা হবে। 21  
আমি, সম্মাট অর্তক্ষত, ইউফ্রেটিস নদীর অববাহিকাকে সমগ্র অঞ্চলের  
কোষাধ্যক্ষদের নির্দেশ দিচ্ছি, স্বর্গের ঈশ্বরের বিধিবিধানের শিক্ষক ও  
যাজক ইস্রায়েল আপনাদের কাছে যা কিছু চাইবেন সব যেন যত্নসহকারে  
তাঁকে দেওয়া হয়। 22 আপনারা তাঁকে একশো তালত রূপা, একশো  
কোর গম, একশো বাণ দ্রাক্ষারস, একশো বাণ জলপাই-এর তৈল  
এবং অপরিমিত লবণ দান করবেন। 23 স্বর্গের ঈশ্বর যা আদেশ  
করেছেন তা স্বর্গের ঈশ্বরের মন্দিরের জন্য যথাযথভাবে করা হোক।  
সম্মাট ও তাঁর ছেলেদের উপরে কেন ক্রোধ বর্ষিত হবে? 24 সেই সঙ্গে  
এই কথাও আপনাদের জানাচ্ছি যে যাজক, গায়ক, লেবীয়, দ্বাররক্ষী,  
মন্দিরের পরিচারক অথবা ঈশ্বরের গৃহের জন্য কাজ করছে এমন

কারোর উপর কোনো কর, প্রণামী এবং শুল্ক ধার্য করবেন না। 25

মহাশয় ইষ্টা, আপনি আপনার আরাধ্য স্টশ্বরের যে প্রজ্ঞা লাভ করেছেন  
সেইমতো ইউফ্রেটিস নদীর অববাহিকা অঞ্চলে যারা আপনার আরাধ্য  
স্টশ্বরের বিধিবিধান জানে তাদের পরিচর্যার জন্য প্রশাসক ও বিচারক  
নিয়োগ করুন। যারা সেই বিধিবিধান জানে না তাদেরও আপনি  
শিক্ষাদান করুন। 26 যারা আপনার আরাধ্য স্টশ্বরের বিধিবিধান ও  
সম্মাটের আইন বিধান মান্য করবে না তাদের মৃত্যুদণ্ড, নির্বাসন,  
সম্পত্তি বাজেয়াপ্ত অথবা কারাদণ্ড দেওয়া হোক। 27 ধন্য আমাদের  
পিতৃপুরুষদের আরাধ্য স্টশ্বর, প্রভু সদাপ্রভু যিনি সম্মাটের অন্তঃকরণে  
জেরক্ষালেমে প্রভু সদাপ্রভুর মন্দিরের মর্যাদা এইভাবে পুনরুদ্ধার  
করার বাসনা দান করেছেন 28 এবং সেই সঙ্গে যিনি সম্মাট ও তাঁর  
মন্ত্রণাদাতা ও সম্মাটের ক্ষমতাশালী কর্মকর্তাদের সামনে আমাকে  
এই মহা-অনুগ্রহ দান করেছেন। আমার আরাধ্য স্টশ্বর সদাপ্রভুর হাত  
আমার উপরে ছিল, তাই আমি সাহস করে আমার সঙ্গে যাওয়ার জন্য  
ইস্রায়েলীদের মধ্যে থেকে নেতাদের সংগ্রহ করেছিলাম।

**৮** সম্মাট অর্তক্ষণের রাজত্বের সময়ে ব্যাবিলন থেকে যে সমস্ত  
গোষ্ঠীপতি ও তাদের বংশোদ্ধূতেরা আমার সঙ্গে এসেছিলেন তারা  
হলেন: ২ পীনহসের বংশজাতদের মধ্যে গোর্শোম। স্থিতিমন্দিরের  
বংশজাতদের মধ্যে দানিয়েল; দাউদের বংশজাতদের মধ্যে হটুশ ৩  
শখনিয়ের বংশজাতদের মধ্যে: পরোশের বংশজাতদের মধ্য থেকে  
সখরিয় এবং সেই বংশের, 150 জন পুরুষ; ৪ পহুঁ-মোয়াবের  
বংশজাতদের মধ্যে সরহির পুত্র ইলীয়েনয় ও তার সঙ্গী, 200 জন  
পুরুষ, ৫ যত্ন বংশজাতদের মধ্যে মহসীয়েলের পুত্র শখনিয় এবং তার  
সঙ্গী, 300 জন পুরুষ। ৬ আদীনের বংশজাতদের মধ্যে যোনাথনের  
পুত্র এবদ ও তার সঙ্গী, 50 জন পুরুষ; ৭ এলমের বংশজাতদের মধ্যে  
অথলিয়ের পুত্র যিশায়াহ ও তার সঙ্গী, 70 জন পুরুষ; ৮ শফটিয়ের  
বংশজাতদের মধ্যে মীখায়েলের পুত্র সবদিয় ও তার সঙ্গী, 80 জন  
পুরুষ। ৯ যোয়াবের বংশজাতদের মধ্যে যিহিয়েলের পুত্র ওবদিয়  
এবং তার সঙ্গী, 218 জন পুরুষ। ১০ বানির বংশজাতদের মধ্যে

যোষিফিয়ের পুত্র শলোমীত এবং তার সঙ্গী, 160 জন পুরুষ। 11  
বেবয়ের বংশজাতদের মধ্যে বেবয়ের পুত্র সখরিয় এবং তার সঙ্গী, 28  
জন পুরুষ। 12 অস্গদের বংশজাতদের মধ্যে হকাটনের পুত্র যোহানন  
ও তার সঙ্গী, 110 জন পুরুষ। 13 অদোনীকামের বংশজাতদের মধ্যে  
শেষ কয়েকজন যাদের নাম ইলীফেলট, যিয়ুয়েল ও শময়িয় এবং  
তাদের সঙ্গী, 60 পুরুষ। 14 বিগ্বয়ের বংশজাত উথয় ও সবৃদ্ধ এবং  
তাদের সঙ্গী, 70 জন পুরুষ। 15 আমি অহবা-মুখী নদীর কাছে তাদের  
সকলকে একত্রিত করলাম; সেখানে আমরা তিন দিন শিবির স্থাপন  
করে থাকলাম। যখন আমি সেই লোকদের এবং যাজকদের মধ্যে  
অনুসন্ধান করলাম, সেখানে আমি কোনো লেবীয়কে খুঁজে পেলাম না।  
16 সেইজন্য আমি ইলীয়েষর, অরীয়েল, শময়িয়, ইলনাথন, যারিব,  
ইলনাথন, নাথন, সখরিয় ও মশুল্লম প্রভৃতি নেতৃবৃন্দকে ডাকলাম এবং  
সেই সঙ্গে যোয়ারীব ও ইলনাথন নামে দুজন প্রাঞ্চ ব্যক্তিকেও ডেকে  
পাঠালাম। 17 আমি কাসিফিয়া অঞ্চলের কর্মকর্তা ইদোর কাছে তাদের  
পাঠালাম। আমি তাদের বললাম ইদো এবং কাসিফিয়ার মন্দিরের  
পরিচারকবৃন্দ ও তার সকল আত্মায়স্তজনদের কী বলতে হবে, যেন  
তারা ঈশ্বরের গৃহের পরিচর্যার জন্য ব্যক্তিদের আমাদের কাছে আনতে  
পারে। 18 যেহেতু ঈশ্বরের কৃপাময় হস্ত আমাদের উপর বিরাজ  
করছিল, সেইজন্য তারা আমাদের কাছে ইস্রায়েলের বংশজাত, লেবির  
ছেলে মহলির বংশোদ্ভূত একজন সুদক্ষ ব্যক্তি শেরেবিয়কে এবং তার  
সন্তানদের, ভাইদের ও তাদের সঙ্গী আরও আঠারোজনকে আনল। 19  
আর হশবিয়কে ও তার সঙ্গে মরারির বংশোদ্ভূত যিশায়াহকে এবং  
তার ভাইদের ও আতুল্পুত্রদের এবং তাদের সঙ্গী কুড়ি জন পুরুষকেও  
আনল। 20 সেই সঙ্গে তারা 220 জন মন্দির-পরিচারককে আনল  
যাদের দাউদ ও কর্মকর্তারা লেবীয়দের সাহায্য করার জন্য নিযুক্ত  
করেছিলেন। তাদের সকলের নাম লিপিবদ্ধ করা হল। 21 পরে অহবা  
খালের ধারে আমি উপবাস ঘোষণা করলাম যেন আমরা আমাদের  
আরাধ্য ঈশ্বরের সামনে বিনয় হই এবং আমাদের সন্তান ও সম্পদসহ  
এই যাত্রা যেন নির্বিস্তু হয় সেইজন্য তার কাছে কৃপা ভিক্ষা করি।

22 আমি যাত্রাপথে শক্রদের হাত থেকে রক্ষা পাওয়ার জন্য সন্ধাটের  
কাছে সৈন্য এবং অশ্বারোহী চাইতে লজ্জাবোধ করলাম কারণ আমরা  
সন্ধাটকে বলেছিলাম, “আমাদের আরাধ্য ঈশ্বরের কৃপার হাত, আমরা  
যারা তার প্রতি দৃষ্টি নিবন্ধ রাখি, এমন সকলের উপর স্থাপিত আছে,  
কিন্তু যারা তাঁকে অমান্য করে তাদের উপর তার ক্রোধ ভয়ানক।” 23  
সেইজন্য আমরা উপবাস করলাম এবং আমাদের আরাধ্য ঈশ্বরের  
কাছে প্রার্থনা জানালাম এবং তিনি আমাদের প্রার্থনা গ্রহ্য করলেন। 24  
এরপর বিশিষ্ট যাজকদের মধ্য থেকে শেরেবিয় ও হশবিয় এবং তাদের  
দশজন ভাই এই বারোজনকে পৃথক করলাম, 25 আর রাজা, তাঁর সব  
মন্ত্রণাদাতা, কর্মকর্তা ও উপস্থিত ইস্রায়েলীরা আমাদের আরাধ্য ঈশ্বরের  
গৃহের জন্য উপহারস্বরূপ যে সমস্ত সোনা, রংপো ও অন্যান্য দ্রব্যসামগ্ৰী  
দান করেছিলেন, সেগুলি পরিমাপ করে তাদের হাতে দিলাম। 26  
আমি 650 পঞ্চাশ তালন্ত রংপো, 100 তালন্ত রংপোর সামগ্ৰী, 100  
তালন্ত সোনা, 27 20-টি সোনার পাত্র যার মূল্য ছিল 1,000 দারিক  
এবং সোনারই মতো মূল্যবান ব্রোঞ্জের দুটি সুন্দর সামগ্ৰী তাদের  
হাতে দিলাম। 28 আমি তাদের বললাম, “এই সমস্ত সামগ্ৰী এবং  
সেই সঙ্গে তোমাও সদাপ্রভুর উদ্দেশে উৎসর্গীকৃত নৈবেদ্যস্বরূপ।  
এই সমস্ত সোনা এবং রংপো তোমাদের পিতৃপুরুষদের আরাধ্য ঈশ্বর  
সদাপ্রভুর উদ্দেশে স্বেচ্ছাকৃত দান। 29 যতক্ষণ না পর্যন্ত জেরুশালেমে  
সদাপ্রভুর গৃহের নির্দিষ্ট কক্ষে বিশিষ্ট যাজক, লেবীয় ও ইস্রায়েলের  
গোষ্ঠীপতিদের সামনে এগুলি ওজন করে দেওয়া হচ্ছে ততক্ষণ পর্যন্ত  
এগুলি সাবধানে রক্ষণাবেক্ষণ করো।” 30 এরপর যাজক ও লেবীয়েরা  
সোনা, রংপো ও পবিত্র সামগ্ৰী, যা তাদের সামনে পরিমাপ করা  
হয়েছিল, সেগুলি জেরুশালেমে আমাদের আরাধ্য ঈশ্বরের গৃহের  
উদ্দেশে গ্রহণ করলেন। 31 প্রথম মাসে দ্বাদশ দিনে অহ্বা নদী থেকে  
জেরুশালেমের উদ্দেশে আমরা যাত্রা করলাম। ঈশ্বরের কৃপার হাত  
আমাদের উপরে ছিল এবং তিনি সমগ্র পথে শক্র ও দস্যুদের হাত  
থেকে আমাদের রক্ষা করলেন। 32 আমরা জেরুশালেমে পৌঁছানোর  
পর তিন দিন বিশ্রাম করলাম। 33 চতুর্থ দিবসে আমাদের আরাধ্য

ঈশ্বরের গৃহে উরীয়ের পুত্র যাজক মরেমোৎ-এর, হাতে সোনারূপো  
এবং পবিত্র দ্রব্যাদি পরিমাপ করে দিলাম। তার সঙ্গে ছিলেন পীনহসের  
পুত্র ইলিয়াস এবং তাদের সঙ্গে ছিলেন যেশুয়ের পুত্র যোষাবদ এবং  
বিনূয়ীর পুত্র নোয়দিয়, এই দুজন লেবীয়। 34 প্রত্যেকটি দ্রব্যসামগ্রীর  
গণনা করে ওজন করা হয়েছিল এবং সেগুলি সেই সময়ে যথাযথভাবে  
লেখা হয়েছিল। 35 এরপর যে সমস্ত নির্বাসিত লোকজন বন্দিদশা  
থেকে ফিরে এসেছিল তারা ইস্রায়েলের আরাধ্য ঈশ্বরের উদ্দেশ্যে এই  
হোমবলি উৎসর্গ করেছিল: সমগ্র ইস্রায়েল জাতির জন্য বারোটি ঘাঁড়,  
ছিয়ানবৰইটি মেষ, সাতাত্তরটি মদ্দা মেষশাবক এবং পাপার্থক বলিরূপে  
বারোটি পাঁঠা। এগুলির সবই ছিল সদাপ্রভুর উদ্দেশ্যে হোমবলি। 36  
তারা সেই সঙ্গে সম্মাটের আদেশনামা তার অধীনস্থ সকল প্রদেশ সহ  
ইউফ্রেটিস নদীর অববাহিকায় অবস্থিত সকল প্রদেশের শাসক ও  
রাজ্যপালদের প্রদান করল। সেইমতো তারা লোকদের এবং ঈশ্বরের  
গৃহের জন্য সাহায্য করলেন।

9 এই সমস্ত কাজ সুসম্পন্ন হওয়ার পর সমাজের নেতৃবর্গ আমার  
কাছে এসে বললেন, “ইস্রায়েলীরা, এমনকি তাদের যাজকবর্গ,  
লেবীয়েরা, প্রতিবেশী কনানীয়, হিতীয়, পরিষীয়, যিবুয়ীয়, অম্মোনীয়,  
মোয়াবীয়, মিশরীয় ও ইমোরীয়দের মধ্যে প্রচলিত ঘৃণ্য কাজ থেকে  
নিজেদের পৃথক না করে তাদেরই মতো জীবনযাপন করছে। 2 এসব  
জাতির কন্যাদের তারা নিজেদের ও তাদের সন্তানদের স্ত্রীরূপে গ্রহণ  
করেছে এবং এভাবে পবিত্র জাতিকে তাদের চতুর্দিকের অন্য জাতির  
লোকদের সঙ্গে মিশ্রিত করেছে। নেতৃবৃন্দ ও কর্মকর্তারাই সর্বপ্রথম  
এই অবিশ্বস্ততার পথে গিয়েছে।” 3 আমি যখন এই কথা শুনলাম তখন,  
আমি আমার পরনের কাপড় ও আলখাল্লা ছিঁড়ে ফেললাম, উপত্তে  
ফেললাম আমার মাথার চুল ও দাঢ়ি এবং বির্ম হয়ে বসে পড়লাম।  
4 তারপর যারা নির্বাসন থেকে প্রত্যাগত লোকদের অবিশ্বস্ততার  
কথা শুনল এবং ইস্রায়েলের আরাধ্য ঈশ্বরের কথায় ভয়গ্রস্ত হল তারা  
আমার চতুর্দিকে এসে সমবেত হল। আমি সন্ধ্যাকালীন বলিদান পর্যন্ত  
বিষণ্ণ ভাবে বসে রইলাম। 5 সন্ধ্যাকালীন বলিদানের সময় হলে আমি

সেই অবসন্নতা থেকে উঠে দাঁড়ালাম। আমার ছেঁড়া গায়ের কাপড় ও  
আলখাল্লা পরেই আমি হাঁটু গেড়ে, আমার আরাধ্য ঈশ্বর, সদাপ্রভুর  
উদ্দেশে হাত প্রসারিত করে ৬ প্রার্থনা করলাম: “হে আমার ঈশ্বর,  
তোমার দিকে চোখ তুলে তাকাতে আমি অত্যন্ত লজ্জা ও দুঃখ বোধ  
করছি, কারণ আমাদের পাপ আমাদের মাথাকেও ছাপিয়ে গেছে এবং  
আমাদের অপরাধ স্বর্গে গিয়ে পৌঁছেছে। ৭ আমাদের পূর্বপুরুষদের  
সময় থেকে আজ পর্যন্ত আমাদের অপরাধ ভয়ানক হয়ে উঠেছে।  
আমাদের পাপের জন্য বিদেশি রাজাদের দ্বারা আমরা, আমাদের  
রাজারা, ও আমাদের যাজকেরা তরোয়ালের ও বন্দিদশার অধীন  
হয়েছি এবং উৎপাটন ও চরম অপমান লাভ করেছি, ও সেই অবস্থা  
আজও অব্যাহত রয়েছে। ৮ “কিন্তু এখন অল্পাদিনের জন্য আমাদের  
আরাধ্য ঈশ্বর, সদাপ্রভু অনুগ্রহ করে আমাদের কিছু লোককে রক্ষা  
করেছেন এবং তার পরিব্রহ্মানে আমাদের সুদৃঢ় আশ্রয় দিয়েছেন।  
তিনি আমাদের চোখে প্রত্যাশায় জ্যোতি দিয়েছেন এবং আমাদের  
বন্দিদশা থেকে কিছুকালের জন্য নিষ্কৃতি দিয়েছেন। ৯ যদিও আমরা  
ক্রীতদাস, তবুও আমাদের ঈশ্বর বন্দিদশা থেকে আমাদের ত্যাগ করে  
যাননি। তিনি পারস্য সম্রাটদের মাধ্যমে আমাদের প্রতি দয়া প্রদর্শন  
করেছেন। তিনি আমাদের আরাধ্য ঈশ্বরের মন্দির পুনর্নির্মাণ ও তার  
ধর্মসাবশেষ সংস্কার করার জন্য আমাদের নতুন জীবন দান করেছেন।  
যিহৃদায় ও জেরুশালেমে আমাদের নিরাপত্তার জন্য একটি প্রাচীর দান  
করেছেন। ১০ “কিন্তু এখন, হে আমাদের ঈশ্বর, এরপর আমরা আর কি  
বলব? কারণ আমরা অনুশাসন লজ্জন করেছি ১১ যা তুমি তোমার  
সেবক-ভাববাদীদের মাধ্যমে আমাদের দিয়েছিলে এবং বলেছিলে  
'যে দেশ তোমরা অধিকার করতে যাচ্ছ সেই দেশ সেখানকারই  
অধিবাসীদের দুর্নীতি দ্বারা দূষিত হয়েছে। তাদের ঘৃণ্য ক্রিয়াকলাপের  
মাধ্যমে দেশের এক প্রান্ত থেকে অপর প্রান্ত পর্যন্ত তাদের অপবিত্রতায়  
ভরিয়ে তুলেছে। ১২ সেইজন্য তাদের ছেলেদের সঙ্গে তোমাদের  
কন্যাদের বা তাদের কন্যাদের সঙ্গে তোমাদের ছেলেদের বিয়ে  
সম্পাদন করো না। কোনও সময়েই তাদের সঙ্গে বন্ধুত্বের চুক্তিতে

আবদ্ধ হোয়ো না। তোমরা তাদের চেয়েও শক্তিশালী হও যেন তুমির  
উভয় দ্রব্যসামগ্রী ভক্ষণ করতে পারো এবং তোমাদের সন্তানদের তা  
শাখত অধিকারকপে রেখে যেতে পারো।’ 13 “কিন্তু আমাদের প্রতি যা  
ঘটেছে তা হল আমাদের অপকর্ম ও জঘন্য অপরাধের ফল কিন্তু হে  
আমাদের ঈশ্বর, আমাদের পাপের তুলনায় খুবই কম শাস্তি দিয়েছে  
এবং এই অবশিষ্টাংশের মধ্যে তুমই আমাদের রেখেছ। 14 আমরা কি  
পুনরায় তোমার অনুশাসন লঙ্ঘন করে যারা এই প্রকার ঘৃণ্য কাজ  
করে তাদের সঙ্গে বিবাহসূত্রে আবদ্ধ হব? আমাদের ধ্বংস করতে  
ও অবশিষ্টাংশের তথা জীবিতদের বিলুপ্তির জন্য তুমি কি ক্রুদ্ধ হবে  
না? 15 হে সদাপ্রভু, ইস্রায়েলের ঈশ্বর, তুমি ধর্মময়! আমরা এই দিন  
পর্যন্ত অবশিষ্টাংশ হয়ে আছি। আমরা তোমার সামনে দোষী অবস্থায়  
পড়ে আছি, সেইজন্য তোমার সামিধ্যে আমাদের মধ্যে কেউ দাঁড়াতে  
পারবে না।”

**10** ইহা যখন ঈশ্বরের গৃহের সামনে প্রণত হয়ে প্রার্থনা, পাপস্বীকার  
ও ক্রন্দন করছিলেন, তখন ইস্রায়েলীদের পুরুষ, মহিলা ও শিশুসহ  
এক বিরাট জনতা তার চারিদিকে সমবেত হল। তারাও তীর ক্রন্দন  
করতে লাগল। 2 তখন এলম বংশজাত যিহীয়েলের পুত্র শখনিয়  
ইহাকে বলল, “আমরা আমাদের চতুর্দিকে বিজাতীয়দের মধ্য থেকে  
মহিলাদের মনোনীত করে মিশ্র-বিবাহের দ্বারা ঈশ্বরের প্রতি অবিশ্বস্ত  
হয়েছি। তবুও ইস্রায়েলীদের পক্ষে এখনও এক প্রত্যাশা আছে। 3  
এখন আসুন, আমরা আমাদের প্রভুর ও যারা আমাদের ঈশ্বরের  
আজ্ঞাগুলিকে ডয় করে, তাদের পরামর্শ অনুসারে ঈশ্বরের সামনে এক  
নিয়ম সম্পাদন করে ওই সমস্ত স্ত্রীলোকদের ও তাদের সন্তানদের  
ত্যাগ করি। 4 আপনি উঠুন; বিষয়টি আপনার হাতেই রয়েছে, আমরা  
আপনাকে সমর্থন জানাব, নির্ভয়ে এই কাজটি করুন।” 5 তখন  
ইহা উঠলেন এবং সেইমতো সমস্ত বিশিষ্ট যাজক, লেবীয় ও সমস্ত  
ইস্রায়েলকে শপথ করালেন এবং তারা সকলে শপথও গ্রহণ করলেন।  
6 এরপর ইহা ঈশ্বরের গৃহের সামনে থেকে উঠে ইলীয়াশীবের পুত্র  
যিহোহাননের বাড়িতে গেলেন। সেখানে যাওয়ার আগে তিনি যতক্ষণ

সেখানে ছিলেন ততক্ষণ কোনও খাদ্যগ্রহণ বা জলপান করলেন না;  
কারণ তিনি তখনও নির্বাসিতদের অবিশ্বস্ততার জন্যে শোক পালন  
করছিলেন। 7 এরপর সমগ্র যিন্দ্রা এবং জেরশালেমের বসবাসকারী  
নির্বাসিতদের উদ্দেশে এই আজ্ঞা ঘোষিত হল যেন তারা জেরশালেমে  
এসে সমবেত হয়। 8 তিনদিনের মধ্যে যদি কেউ না আসতে পারে  
তাহলে তার সম্পত্তি বাজেয়াপ্ত করা হবে। সরকারি প্রধানদের ও  
প্রাচীনদের সিদ্ধান্ত মতোই একথা জানানো হল যে সেই লোককে  
নির্বাসিতদের সমাজ থেকে বহিকারণ করা হবে। 9 তিনদিনের মধ্যে  
যিন্দ্রা ও বিন্যামীনের সমস্ত পুরুষ জেরশালেমে সমবেত হল। নবম  
মাসে বিংশতিতম দিনে সকলে যখন ঈশ্বরের গৃহের সামনে চতুরে  
বসে সেই বিষয়ে আলোচনা করছিল তখন এই বিষয়টি ও প্রবল  
বৃষ্টিপাতের জন্য তারা হতাশায় বিহুল হয়ে পড়ল। 10 তখন যাজক  
ইস্রা দাড়িয়ে উঠে তাদের বললেন, “তোমরা অবিশ্বস্ত হয়েছ; তোমরা  
বিদেশি মহিলাদের বিয়ে করে ইস্রায়েলীদের অপরাধের বোৰা বাড়িয়ে  
তুলেছ। 11 এখন তোমরা তোমাদের পূর্বপুরুষদের আরাধ্য ঈশ্বর,  
সদাপ্রভুর কাছে পাপস্থীকার করো এবং তাঁর অভিপ্রায় পালন করো।  
তোমরা তোমাদের চতুর্দিকের লোকেদের ও বিজাতীয় স্ত্রীদের সঙ্গে  
সব সংস্করণ ত্যাগ করো।” 12 সমবেত সকলে উচ্চরণে ঘোষণা করল,  
“আপনি ঠিকই বলছেন! আপনি যা বলছেন আমাদের তাই-ই করা  
উচিত। 13 কিন্তু এখানে অনেকে সমবেত হয়েছে এবং এখন ভারী  
বর্ষার সময় চলছে; সেইজন্য আমরা বাইরে দাঁড়াতে পারছি না। এছাড়া  
বিষয়টি দুই-একদিনের মধ্যে নিষ্পত্তি করা যাবে না কারণ আমরা  
মহাপাপ করেছি। 14 অতএব আমাদের এই বিষয়টিকে যথাযথভাবে  
বিচার করার জন্য আমাদের কর্মকর্তাদের নিযুক্ত করা হোক। এরপর  
আমাদের নগরগুলিতে যারা বিজাতীয় মহিলাদের বিয়ে করেছে তার  
এবং তাদের সঙ্গে নগরের প্রাচীনেরা ও বিচারপতিরা একটি নিরাপিত  
সময়ে এখানে আসুক, যতক্ষণ পর্যন্ত এ বিষয়ে আমাদের ঈশ্বরের  
মহারোষ প্রশংসিত হয়ে আমাদের থেকে দূরে সরে না যায়।” 15  
এই প্রস্তাবের বিরুদ্ধে মত রাখল কেবল অসহেলের পুত্র যোনাথন ও

তিকবের পুত্র যহসিয় এবং তাদের সমর্থন জানাল মশল্লাম ও লেবীয়  
বংশজাত শব্দথায়। 16 সেই প্রস্তাব মতো নির্বাসন থেকে আগতরা  
এ সমস্ত কিছু যথাযথভাবে পালন করল। যাজক ইস্ত্রা এবং নিজ  
নিজ পিতৃকুল এবং নাম অনুসারে প্রত্যেক পরিবারে প্রধানকে নিযুক্ত  
করলেন এবং দশম মাসের প্রথম দিনে তারা সেই বিষয়ে অনুসন্ধান  
করার কাজে ভ্রতী হলেন। 17 প্রথম মাসের প্রথম দিনের মধ্যে যারা  
বিজাতীয় মহিলা বিয়ে করেছিল তাদের বিচার নিষ্পত্ত করলেন। 18  
যাজক সম্প্রদায়ের সন্তানদের মধ্যে যারা বিজাতীয় মহিলাদের বিয়ে  
করেছিল: যিহোষাদকের পুত্র যেশূয় তাঁর ছেলে ও ভাইদের মধ্যে  
মাসেয়, ইলীয়েষের, যারিব ও গদলিয়। 19 (তারা সকলে তাদের স্ত্রীদের  
ত্যাগ করার জন্য হাত রাখল এবং তাদের অপরাধের জন্য প্রত্যেকে  
তাদের পালের মধ্যে থেকে একটি মেষ দোষার্থক-নৈবেদ্যরূপে উৎসর্গ  
করল) 20 ইম্মেরের ছেলেদের মধ্যে: হনানি ও সবদিয়, 21 হারীমের  
ছেলেদের মধ্যে: মাসেয়, এলিয়, শময়িয়, যিহীয়েল এবং উষিয়। 22  
পশ্চত্তুরের ছেলেদের মধ্যে: ইলীয়েনয়, মাসেয়, ইশ্মায়েল, নথনেল,  
যোষাবদ এবং ইলিয়াসা। 23 লেবীয়দের সম্প্রদায়ের মধ্যে: যোষাবদ,  
শিমিয়, কলায় (অথবা কলীট), পথাহিয়, যিহুদা এবং ইলীয়েষের।  
24 গায়ক সম্প্রদায়ের মধ্যে: ইলীয়াশীব। দ্বাররক্ষীদের মধ্যে: শল্লুম,  
টেলম এবং উরি। 25 এবং অন্যান্য ইস্রায়েলীদের মধ্যে: পরোশের  
সন্তানদের মধ্যে: রমিয়, যিমিয়, মক্কিয়, মিয়ামীন, ইলিয়াসর, মক্কিয় ও  
বনায়। 26 এলমের সন্তানদের মধ্যে: মন্ত্রনিয়, সখরিয়, যিহীয়েল,  
অদি, যিরেমোৎ এবং এলিয়। 27 সন্তুরের সন্তানদের মধ্যে: ইলীয়েনয়,  
ইলীয়াশীব, মন্ত্রনিয়, যিরেমোৎ, সাবদ ও অসীসা। 28 বেবয়ের  
সন্তানদের মধ্যে: যিহোহানন, হনানিয়, সরবয়, অংলয়। 29 বানির  
সন্তানদের মধ্যে: মশল্লাম, মল্লুক, অদায়া, যাশূব, শাল ও যিরমোৎ।  
30 পহৎ-মোয়াবের সন্তানদের মধ্যে: অদন, কলাল, বনায়, মাসেয়,  
মন্ত্রনিয়, বৎসলেল, বিম্বী এবং মনঃশি। 31 হারীমের সন্তানদের  
মধ্যে: ইলীয়েষের, যিশিয়, মক্কিয়, শময়িয়, শিমিয়োন, 32 বিন্যামীন,  
মল্লুক, শমরিয়। 33 হণ্ডমের সন্তানদের মধ্যে: মন্তনয়, মন্ত্রন, সাবদ,

ইলীফেলট, যিরেময়, মনঃশি, শিমিয়ি 34 বানির সন্তানদের মধ্যে:

মাদয়, অস্ত্রাম, উয়েল, 35 বনায়, বেদিয়া, কলুহু, 36 বনিয়, মরেমোৎ,

ইলীয়াশীব, 37 মন্ত্রিয়, মন্তনয় এবং যাসয়, 38 বানি, বিমূর্যী, শিমিয়ি

39 শেলিমিয়, নাথন, অদায়া, 40 মক্ষদ্বয়, শাশয়, শারয় 41 অসরেল,

শেলিমিয়, শমরিয় 42 শল্লুম, অমরিয় এবং যোষেফ। 43 নেবোর

সন্তানদের মধ্যে: যিয়ীয়েল, মত্তিথিয়, সাবদ, সবীনা, যাদয়, যোয়েল

এবং বনায়। 44 এরা সকলে বিজাতীয় মহিলা বিয়ে করেছিল এবং এই

স্ত্রীদের গর্ভজাত সন্তানেরাও আছে।

## নহিমিয়ের বই

১ হখলিয়ের পুত্র, নহিমিয়ের কথা: বিংশতিতম বছরের কিশ্লেব মাসে  
যখন আমি শূশনের রাজধানিতে ছিলাম, ২ আমার এক ভাই, হনানি,  
যিহুদা থেকে কয়েকজন লোককে নিয়ে এসেছিল, এবং আমি তাদের  
জেরুশালেমে এবং সেইসব ইহুদিদের বিষয় জিজ্ঞাসা করেছিলাম যারা  
বন্দিদশায় নিজেরা রক্ষা পেয়েছিল। ৩ তারা আমাকে বলেছিল, “যে  
সমস্ত লোকেরা বন্দিদশা থেকে রক্ষা পেয়েছিল এবং যিহুদায় ফিরে  
এসেছে, তারা ভয়ানক সংকট ও লজ্জায় রয়েছে। জেরুশালেমের  
প্রাচীর ভেঙে পড়েছে, এবং দরজাগুলি আগুনে পুড়ে গিয়েছে।” ৪  
এসব বিষয় শোনার পর আমি বসে কাঁদলাম এবং কয়েক দিন ধরে  
আমি স্বর্গের ঈশ্বরের কাছে শোক করলাম এবং উপবাস ও প্রার্থনা  
করলাম। ৫ আর আমি বললাম: “হে সদাপ্রভু, স্বর্গের ঈশ্বর, তুমি  
মহান ও অসাধারণ ঈশ্বর; যারা তোমাকে প্রেম করে ও তোমার  
আজ্ঞাসকল পালন করে, তাদের পক্ষে তুমি নিয়ম ও দয়া পালন করে  
থাকো, ৬ আমি তোমার দাস তোমার সামনে দিনরাত প্রার্থনা করছি  
ইস্রায়েলীদের জন্য যারা তোমার দাস, কৃপা করে তুমি এই প্রার্থনা  
শোনো ও উত্তর দাও। আমরা ইস্রায়েলীরা এমনকি আমি ও আমার  
পিতৃকুলের সকলে তোমার বিরুদ্ধে যে সকল পাপ করেছি তা আমি  
স্বীকার করছি। ৭ আমরা তোমার বিরুদ্ধে খুব অন্যায় করেছি। তোমার  
দাস মোশিকে তুমি যে আজ্ঞা, নিয়ম ও শাসন আদেশ দিয়েছিলে  
তা আমরা পালন করিনি। ৮ “তুমি তোমার দাস মোশিকে যে নির্দেশ  
দিয়েছিলে তা স্মরণ করো, তুমি বলেছিলে, ‘তোমরা যদি অবিশ্বস্ত  
হও, আমি তোমাদের অন্য জাতিগণের মধ্যে ছিন্নভিন্ন করব। ৯ কিন্তু  
যদি তোমরা আমার প্রতি ফেরো ও আমার আজ্ঞার বাধ্য হও, তাহলে  
তোমাদের বন্দিদশায় থাকা লোকেরা যদি আকাশের শেষ সীমাতেও  
থাকে আমি সেখান থেকে তাদের সংগ্রহ করব এবং আমার বাসস্থান  
হিসেবে যে জায়গা বেছে নিয়েছি সেখানে তাদের নিয়ে আসব।’  
১০ “তারা তোমার দাস এবং তোমারই লোক, যাদের তুমি তোমার  
মহাপ্রাক্রমে ও শক্তিশালী হাতে মুক্ত করেছ। ১১ হে প্রভু, মিনতি

করি, তোমার এই দাসের প্রার্থনাতে ও যারা তোমার নাম ভজির  
সঙ্গে স্মারণ করে তোমার সেই দাসদের প্রার্থনাতে কান দাও। তোমার  
দাসকে আজ সফলতা দাও ও এই ব্যক্তির কাছে করণপ্রাপ্ত করো।”  
আমি রাজার পানপাত্রবাহক ছিলাম।

**২** রাজা অর্তক্ষণের রাজত্বের কুড়ি বছরের নীসন মাসে, যখন তাঁর  
কাছে দ্রাক্ষারস আনা হল, আমি সেই দ্রাক্ষারস নিয়ে রাজাকে দিলাম।  
এর আগে আমি তাঁর সামনে কখনও মলিন মুখে থাকিনি, ২ সেইজন্য  
রাজা আমাকে জিজ্ঞাসা করলেন, “তোমার তো অসুখ হয়নি তবে  
তোমার মুখ এত মলিন দেখাচ্ছে কেন? এ তো অন্তরের কষ্ট ছাড়া আর  
কিছু নয়।” আমি খুব তয় পেলাম, ৩ তবুও আমি রাজাকে বললাম,  
“মহারাজ চিরজীবী হোন! যে নগরে আমার পিতৃপুরুষদের কবর দেওয়া  
হয়েছিল সেটি ধ্বংস করা হয়েছে এবং তার দ্বার পুড়িয়ে দেওয়া হয়েছে  
তখন আমার মুখ কেন মলিন দেখাবে না?” ৪ রাজা আমাকে বললেন,  
“তুমি কি চাও?” তখন আমি স্বর্গের ঈশ্বরের কাছে প্রার্থনা করলাম, ৫  
আর রাজাকে বললাম, “মহারাজ যদি খুশি হয়ে থাকেন এবং আপনার  
দাস যদি আপনার চোখে দয়া পেয়ে থাকে, তবে আপনি যিহুদা-নগরে  
যেখানে আমার পিতৃপুরুষদের কবর দেওয়া হয়েছে সেখানে আমায়  
পাঠান যেন আমি তা আবার তৈরি করতে পারি।” ৬ তখন রাজা, যাঁর  
পাশে রানিও বসেছিলেন, আমাকে জিজ্ঞাসা করলেন, “তোমার যেতে  
কয়দিন লাগবে আর কবেই বা তুমি ফিরে আসবে?” রাজা সন্তুষ্ট হয়ে  
আমাকে পাঠালেন আর আমি একটি সময়ের কথা বললাম। ৭ তাকে  
আমি আরও বললাম, “যদি মহারাজ খুশি হয়ে থাকেন তবে ইউফ্রেটিস  
নদীর ওপারের শাসনকর্তাদের কাছে তিনি যেন চিঠি দেন যাতে  
যিহুদায় আমি পৌঁছানো পর্যন্ত তারা আমার যাত্রায় সাহায্য করেন। ৮  
এছাড়া তিনি যেন তাঁর বনরক্ষক আসফের কাছে একটি চিঠি দেন যাতে  
তিনি মন্দিরের পাশের দুর্গ-দ্বার ও নগরের প্রাচীরের ও আমার থাকবার  
ঘরের কড়িকাঠের জন্য আমাকে কাঠ দেন।” আমার উপর আমার  
ঈশ্বরের মঙ্গলময় হাত থাকায় রাজা আমার সব অনুরোধ রক্ষা করলেন।  
৯ পরে আমি ইউফ্রেটিস নদীর ওপারের শাসনকর্তাদের কাছে গিয়ে

রাজার চিঠি দিলাম। রাজা আমার সঙ্গে কয়েকজন সেনাপতি ও  
একদল ঘোড়সওয়ার সৈন্যদের পাঠিয়ে দিলেন। 10 এই সমস্ত বিষয়  
শুনে হোরোগীয় সন্বল্পট ও অম্মোনীয় কর্মকর্তা টোবিয় খুব অসন্তুষ্ট  
হল কারণ ইস্রায়েলীদের মঙ্গল করার জন্য একজন লোক এসেছে। 11  
আমি জেরুশালেমে গিয়ে সেখানে তিন দিন থাকার পর 12 রাতে আমি  
কয়েকজন লোককে সঙ্গে নিয়ে বের হলাম। জেরুশালেমের জন্য যা  
করতে ইশ্বর আমায় মনে ইচ্ছা দিয়েছিলেন তা আমি কাউকে বলিনি।  
আমি যে পশুর উপর চড়েছিলাম সেটি ছাড়া আর কোনও পশু আমার  
সঙ্গে ছিল না। 13 রাত্রে আমি উপত্যকার দ্বার দিয়ে বের হয়ে নাগকৃপ  
ও সার-দ্বার পর্যন্ত গেলাম এবং জেরুশালেমের ভাঙ্গ প্রাচীর ও আগুন  
দিয়ে ধ্বংস করা দ্বারগুলি দেখলাম। 14 তারপর আমি ফোয়ারা-দ্বার ও  
রাজার পুরুর পর্যন্ত গেলাম, কিন্তু আমি যে পশুর উপর চড়েছিলাম  
তার সেই জায়গা দিয়ে যাবার জন্য কোনও পথ ছিল না; 15 এজন্য  
আমি সেরাতে প্রাচীরের অবস্থা দেখতে উপত্যকার মধ্য দিয়ে গেলাম  
এবং উপত্যকা দ্বার দিয়ে আবার ফিরে আসলাম। 16 আমি কোথায়  
গিয়েছি বা কী করেছি তা উচ্চপদস্থ কর্মচারীরা জানতে পারেনি, কারণ  
আমি তখনও ইহুদিদের অথবা যাজকদের অথবা গণ্যমান্য লোকদের  
অথবা উচ্চপদস্থ কর্মচারীদের অথবা যারা কাজ করবে তাদের কিছুই  
বলিনি। 17 পরে আমি তাদের বললাম, “আমরা যে কি রকম দুরাবস্থায়  
আছি তা আপনারা দেখতে পাচ্ছেন, জেরুশালেম ধ্বংস হয়ে রয়েছে  
এবং তাঁর দ্বারগুলি আগুন দিয়ে পোড়ানো হয়েছে। আসুন, আমরা  
জেরুশালেমের প্রাচীর আবার গাঁথি, যেন আমাদের আর মর্যাদাহানি  
না হয়।” 18 আমার ইশ্বর কীভাবে আমার মঙ্গল করেছেন ও রাজা  
আমাকে কী বলেছেন তাও আমি তাদের জানালাম। উত্তরে তারা  
বললেন, “আসুন, আমরা গাঁথতে শুরু করি।” তারা সেই ভালো কাজ  
শুরু করতে প্রস্তুত হলেন। 19 কিন্তু হোরোগীয় সন্বল্পট, অম্মোনীয়  
কর্মকর্তা টোবিয় এবং আরবীয় গেশম এই কথা শুনে আমাদের ঠাট্টা-  
বিদ্রূপ করতে লাগল। তারা বলল, “তোমরা এ কি করছ? তোমরা কি  
রাজার বিরণ্দে বিদ্রোহ করবে?” 20 আমি উত্তরে তাদের বললাম,

“স্বর্গের সৈশ্বর আমাদের সফলতা দান করবেন। আমরা তাঁর দাসেরা আবার গাঁথব, কিন্তু জেরক্ষালেমে আপনাদের কোনও অংশ, কোনও দাবি কিংবা কোনও অধিকার নেই।”

**৩** মহাযাজক ইলীয়াশীর ও তাঁর সঙ্গী যাজকেরা গিয়ে মেষদ্বার গাঁথলেন। তারা সেটি সমর্পণ করে তাঁর দরজা লাগালেন, তারপর তারা হয়োয়া দুর্গ থেকে হননেলের দুর্গ পর্যন্ত গেঁথে প্রাচীরের সেই দুটি অংশ সমর্পণ করলেন। ২ এর পরের অংশটি যিরাহোর লোকেরা গাঁথল এবং তাঁর পরের অংশটি গাঁথল ইন্দ্রির ছেলে সৃক্র। ৩ হস্সনায়ার ছেলেরা মৎস্যদ্বার গাঁথল। তারা তাঁর কড়িকাঠগুলি এবং তাঁর দরজা, খিল আর হড়কাণ্ডগুলি লাগাল। ৪ তাঁর পরের অংশটি মেরামত করল উরিয়ের ছেলে মরেমোৎ, উরিয় ছিল হক্কোষের ছেলে। তাঁর পরের অংশটি বেরিখিয়ের ছেলে মশুল্লম, মেরামত করল, বেরিখিয়ের ছিল মশৈবেবেলের ছেলে এবং তাঁর পরের অংশটি বানার ছেলে সাদোক মেরামত করল। ৫ তাঁর পরের অংশটি মেরামত করল তকোয়ীয়েরা, কিন্তু তাদের প্রধানেরা তাদের তদারককারীদের অধীনে পরিচর্যায় রাজি হল না। ৬ পাসেহের ছেলে যিহোয়াদা ও বসোদিয়ার ছেলে মশুল্লম যিশানা দ্বারাটি মেরামত করল। তারা তাঁর কড়িকাঠগুলি এবং তাঁর দরজা, খিল আর হড়কাণ্ডগুলি লাগাল। ৭ এর পরের অংশটি গিবিয়োনীয় মলটিয় ও মেরোগোথীয় যাদোন মেরামত করল। এরা ছিল সেই গিবিয়োন ও মিস্পার অধিবাসী যা ইউফ্রেটিস নদীর ওপারের শাসনকর্তাদের সিংহাসনের অধীন ছিল। ৮ এর পরের অংশটি মেরামত করল হরয়ের ছেলে উষীয়েল। উষীয়েল ছিল একজন স্বর্গকার। তাঁর পরের অংশটি মেরামত করল হনানিয় নামে একজন সুগন্ধি প্রস্তুতকারক। এইভাবে তারা চওড়া প্রাচীর পর্যন্ত জেরক্ষালেমের প্রাচীর আগের অবস্থায় ফিরিয়ে আনল। ৯ জেরক্ষালেম প্রদেশের অর্ধেক অংশের শাসনকর্তা, হুরের ছেলে রফায় তাঁর পরের অংশটি মেরামত করল। ১০ তার পরের অংশটি মেরামত করল হরমফের ছেলে যিদায়। এই অংশটি তাঁর বাড়ির সামনে ছিল, এবং তাঁর পরের অংশটি হশব্নিয়ের ছেলে হটুশ মেরামত করল। ১১ হারীমের ছেলে মক্ষিয় ও পহুঁ-মোয়াবের ছেলে হশুব

অন্য এক ভাগ ও তুন্দুর দুর্গতি মেরামত করল। 12 জেরশালেম প্রদেশের অর্ধেক অংশের শাসনকর্তা হলোহেশের ছেলে শল্লুম ও তার মেয়েরা তার পরের অংশটি মেরামত করল। 13 হানুন এবং সানোহ নিবাসীরা উপত্যকার দ্বার মেরামত করল। তারা তার দরজা, খিল আর হৃড়কাণ্ডলি লাগাল। তারা সার-দ্বার পর্যন্ত 1,000 হাত প্রাচীরও মেরামত করল। 14 বেথ-হক্কেরম প্রদেশের শাসনকর্তা রেখবের ছেলে মক্ষিয় সার-দ্বার মেরামত করলেন। তিনি তার দরজা, খিল আর হৃড়কাণ্ডলি লাগালেন। 15 মিস্পা প্রদেশের শাসনকর্তা কল্হোষির ছেলে শল্লুম উনুইদ্বার মেরামত করলেন। তিনি তার উপর ছাদ দিলেন এবং তার দরজা, খিল ও হৃড়কাণ্ডলি লাগালেন। রাজার বাগানের পাশে শীলোহের পুরুরের প্রাচীর থেকে আরম্ভ করে দাউদ-নগরের থেকে যে সিঁড়ি নেমে গেছে সেই পর্যন্ত তিনি মেরামত করলেন। 16 বেত-সূর প্রদেশের অর্ধেক অংশের শাসনকর্তা অস্বুকের ছেলে নহিমিয় প্রাচীরের পরের অংশটি দাউদ বংশের কবরের কাছ থেকে কাটা পুরুর ও বীরদের বাড়ি পর্যন্ত মেরামত করলেন। 17 তার পরের অংশটি বানির ছেলে রহুমের অধীনে লেবীয়েরা মেরামত করল। তার পরের অংশটি কিয়লা প্রদেশের অর্ধেক অংশের শাসনকর্তা হ্শবিয় তার এলাকার হয়ে মেরামত করলেন। 18 তার পরের অংশটি তাদের সঙ্গের লেবীয়েরা, কিয়লা প্রদেশের বাকি অংশের শাসনকর্তা তেনাদের ছেলে ববয়ের অধীনে থেকে মেরামত করল। 19 তাদের পরের অংশটি, মিস্পার শাসনকর্তা যেশুয়ের ছেলে এষর অস্ত্রশস্ত্র রাখবার ঘরে উঠবার পথের সামনের জায়গা থেকে প্রাচীরের বাঁক পর্যন্ত মেরামত করে। 20 তারপরে সরবয়ের ছেলে বারুক প্রাচীরের বাঁক থেকে মহাযাজক ইলীয়াশীবের বাড়ির দ্বার পর্যন্ত আগ্রহের সঙ্গে মেরামত করল। 21 তার পরের অংশটি উরিয়ের ছেলে মরেমোৎ ইলীয়াশীবের বাড়ির দ্বার থেকে শুরু করে বাড়ির শেষ পর্যন্ত মেরামত করল। উরিয় ছিল হক্কোষের ছেলে। 22 পার্শ্ববর্তী অঞ্চলের নিবাসী যাজকেরা তার পরের অংশটি মেরামত করলেন। 23 বিন্যামীন ও হশুব তার পরের অংশটি মেরামত করল যেটি ছিল তাদের বাড়ির সামনে। তার পরের অংশটি মাসেয়ের

ছেলে অসরিয় মেরামত করল যেটি ছিল তাদের বাড়ির পাশের অংশ।  
মাসেয় ছিল অনন্যের ছেলে। 24 তার পাশে হেনাদদের ছেলে বিন্ধুয়ী  
অসরিয়ের বাড়ি থেকে শুরু করে বাঁক ও কোনা পর্যন্ত আর একটি  
অংশ মেরামত করল। 25 উষয়ের ছেলে পালল বাকের অন্য দিকটি  
পাহারাদারদের উঠানের কাছে রাজবাড়ি থেকে বেরিয়ে আসা উঁচু  
দুগঠিত সামনের অংশটি মেরামত করল। তারপরে পরোশের ছেলে  
পদায় 26 এবং মন্দিরের দাসেরা যারা ওফলের পাহাড়ে বাস করত  
তারা পূর্বদিকে জল-দ্বার এবং বেরিয়ে আসা দুর্গ পর্যন্ত মেরামত করল।  
27 তাদের পাশে তকোয়ের লোকেরা সেই বেরিয়ে আসা বিরাট দুর্গ  
থেকে ওফলের প্রাচীর পর্যন্ত আর একটি অংশ মেরামত করল। 28  
যাজকেরা অশ্বদারের উপর দিকে, প্রত্যেকজন নিজ নিজ বাড়ির সামনে  
মেরামত করল। 29 তার পরের অংশটি ইয়েরের ছেলে সাদোক  
তার বাড়ির সামনের দিকে মেরামত করল। তার পরের অংশটি পূর্ব-  
দ্বারের রক্ষক শখনিয়ের ছেলে শমায়িয় মেরামত করল। 30 তার পাশে  
শেলিমিয়ের ছেলে হনানিয় ও সালফের ষষ্ঠ ছেলে হানুন আর একটি  
অংশ মেরামত করল। তার পাশের অংশটি বেরিখিয়ের ছেলে মশুলাম  
তার ঘরের সামনে মেরামত করল। 31 তার পরের অংশটি মঙ্কিয় নামে  
একজন স্বর্ণকার মেরামত করল, এটি ছিল সমাবেশ-দ্বারের সামনে  
উপাসনা গৃহের সেবাকারীদের ও ব্যবসায়ীদের বাড়ি পর্যন্ত এবং  
প্রাচীরের কোণের উপরের ঘর পর্যন্ত; 32 এবং স্বর্ণকার ও ব্যবসায়ীরা  
প্রাচীরের কোণের উপরকার ঘর আর মেষদ্বারের মাঝখানের জায়গাটি  
মেরামত করল।

**৪** সন্বল্লিট যখন শুনল যে, আমরা আবার প্রাচীর গাঁথাচি, তখন সে  
ভয়ানক রাগ করল ও ভীষণ বিরক্ত হল। সে ইছদিদের বিদ্রূপ করল,  
2 এবং তার সঙ্গের লোকদের ও শমায়িয় সৈন্যদলের সামনে সে বলল,  
“এই দুর্বল ইছদিরা কি করেছে? তারা কি তাদের প্রাচীর পুনর্নির্মাণ  
করবে? তারা কি যজ্ঞ করবে? একদিনের মধ্যে কি তারা শেষ করবে?  
ধ্বংসস্তুপ থেকে তারা কি পাথরগুলিকে সজীব করবে, ওগুলি তো পুড়ে  
গেছে?” 3 তখন অম্বোনীয় টোবিয় তার পাশে ছিল, সে বলল, “ওরা কি

গাঁথছে, তার উপরে যদি একটি শিয়াল ওঠে তবে তাদের ওই পাথরের  
প্রাচীর ভেঙে পড়বে!” 4 হে আমাদের ঈশ্বর, তুমি শোনো, কেমন  
করে আমাদের তুচ্ছ করা হচ্ছে। তাদের এই অপমান তুমি তাদেরই  
মাথার উপরে ফেলো। তুমি এমন করো যেন তারা বন্দি হয়ে লুটের  
বস্ত্র মতো অন্য দেশে থাকে। 5 তাদের অন্যায় তুমি ক্ষমা কোরো  
না কিংবা তোমার সামনে থেকে তাদের পাপ তুমি মুছে ফেলো না,  
কারণ তারা গাঁথকদের সামনেই তোমাকে অসম্মুষ্ট করেছে। 6 সমস্ত  
প্রাচীরটি যত উঁচু হবে তার অর্ধেকটা পর্যন্ত আমরা গাঁথলাম, কারণ  
লোকেরা তাদের সমস্ত মনপ্রাণ দিয়ে কাজ করছিল। 7 কিন্তু যখন  
সন্ধিলাট, টোবিয়, আরবীয়েরা, অয়োনীয়েরা ও অস্দোদের লোকেরা  
শুনল যে, জেরুশালেমের প্রাচীর মেরামতের কাজ এগিয়ে গেছে এবং  
ফাঁকগুলি বন্ধ করা হয়েছে তখন তারা ভীষণ রেগে গেল। 8 তারা  
সকলে ঘড়যন্ত্র করল যে, তারা গিয়ে জেরুশালেমের বিরাঙ্গে যুদ্ধ করবে  
এবং গোলমাল শুরু করে দেবে। 9 কিন্তু আমরা আমাদের ঈশ্বরের  
কাছে প্রার্থনা করলাম এবং তাদের বিরাঙ্গে দিনরাত পাহারা দেবার  
ব্যবস্থা করলাম। 10 এর মধ্যে, যিন্দুর লোকেরা বলল, “শ্রমিকেরা  
দুর্বল হয়ে পড়েছে এবং পড়ে থাকা ধ্বংসস্তুপ এত বেশি যে, আমরা  
আর প্রাচীর গাঁথতে পারব না।” 11 এদিকে আমাদের শক্ররা বলল,  
“তারা জানবার আগে কিংবা দেখবার আগেই আমরা সেখানে উপস্থিত  
হব এবং তাদের মেরে ফেলে কাজ বন্ধ করে দেব।” 12 যে ইন্দিরা  
তাদের কাছাকাছি বাস করত তারা এসে দশবার আমাদের বলতে  
লাগল, “তোমরা যেদিকেই যাবে, তারা আমাদের আক্রমণ করবে।”  
13 অতএব আমি প্রাচীরের পিছন দিকে নিচু জায়গাগুলি যেখানে  
ফাঁকগুলির ছিল সেখানে বংশ অনুসারে লোকদের তরোয়াল, বড়শা ও  
ধনুক হাতে নিযুক্ত করলাম। 14 সমস্ত পরিস্থিতি দেখার পর আমি  
উঠে দাঁড়িয়ে প্রধান লোকদের, উচ্চপদস্থ কর্মচারীদের ও অন্য সকল  
লোকদের বললাম, “ওদের ভয় কোরো না। মহান ও ভয়ংকর প্রভুকে  
স্মরণ করো এবং নিজেদের ভাই, নিজেদের ছেলেদের ও নিজেদের  
মেয়েদের, নিজেদের স্ত্রীদের ও নিজেদের বাড়ির জন্য যুদ্ধ করো।” 15

আমাদের শক্তিরা যখন শুনল যে, আমরা তাদের ঘড়যন্ত্র জানি এবং  
ইশ্বর তা বিফল করে দিয়েছেন, তখন আমরা সকলে প্রাচীরের কাছে  
ফিরে গিয়ে যে যার কাজ করতে লাগলাম। 16 সেদিন থেকে আমার  
অর্ধেক লোক কাজ করত আর বাকি অর্ধেক বর্ষা, ঢাল, ধনুক, ও  
বর্ম নিয়ে প্রস্তুত থাকত। যিন্দুর যে সমস্ত লোক প্রাচীর গাঁথচিল  
তাদের পিছনে কর্মকর্তারা থাকত। 17 যারা মালমশলা বইত তারা  
এক হাতে কাজ করত আর অন্য হাতে অস্ত্র ধরত। 18 গাথকেরা  
প্রত্যেকে কোমরে তরোয়াল বেঁধে কাজ করত, আর যে তুরী বাজাত  
সে আমার সঙ্গে থাকত। 19 পরে আমি প্রধান লোকেদের, উচ্চপদস্থ  
কর্মচারীদের ও অন্য সকল লোককে বললাম, “কাজের এলাকাটি বড়ো  
এবং তা অনেকখানি জায়গা জুড়ে রয়েছে, আর আমরা প্রাচীর বরাবর  
একজনের কাছ থেকে অন্যজন আলাদা হয়ে দূরে দূরে আছি। 20  
তোমরা যে কোনও স্থানে তুরীর শব্দ শুনবে, সেই স্থানে আমাদের  
কাছে জড়ো হবে। আমাদের ঈশ্বর আমাদের হয়ে যুদ্ধ করবেন!” 21  
ভোর থেকে শুরু করে অন্ধকার না হওয়া পর্যন্ত অর্ধেক লোক বর্ষা  
ধরে থাকত আর আমরা এইভাবেই কাজ করতাম। 22 সেই সময়  
আমি লোকেদের আরও বললাম, “প্রত্যেকে তার চাকরকে নিয়ে রাতে  
যেন জেরুশালেমে থাকে, যেন রাতে পাহারা দিতে পারে এবং দিনের  
বেলা কাজ করতে পারে।” 23 আমি কিংবা আমার ভাইরা বা আমার  
চাকরেরা বা আমার দেহরক্ষীরা কেউই আমরা কাপড় খুলতাম না  
এমনকি, জলের কাছে গেলেও আমরা প্রত্যেকে নিজের অস্ত্রশস্ত্র সঙ্গে  
নিতাম।

5 পরে লোকেরা ও তাদের স্ত্রীরা ইহুদি ভাইদের বিরুদ্ধে খুব হইচই  
করতে লাগল। 2 কেউ কেউ বলল, “আমরা আমাদের ছেলেমেয়ে  
নিয়ে সংখ্যায় অনেক, খেয়ে বেঁচে থাকার জন্য আমাদের শস্যের  
প্রয়োজন।” 3 কেউ কেউ বলল, “দুর্ভিক্ষের সময় শস্য নেওয়ার জন্য  
আমরা আমাদের জমি, দ্রাক্ষাক্ষেত্র ও বাড়ি বন্ধক রাখছি।” 4 আবার  
অন্যেরা বলল, “আমাদের জমি ও দ্রাক্ষাক্ষেত্রের উপর রাজার কর  
দেবার জন্য ধার করতে হয়েছে। 5 যদিও আমরা একই জাতির লোক

এবং আমাদের ছেলেমেয়েরা তাদের ছেলেমেয়েদের মতোই তবুও  
আমাদের ছেলেদের এবং আমাদের মেয়েদের দাসত্বের জন্য দিয়েছি।  
আমাদের কিছু মেয়ে আগেই দাসী হয়ে গেছে, কিন্তু আমরা ক্ষমতাহীন,  
কারণ আমাদের জমি ও দ্রাক্ষাক্ষেত্র এখন অন্যদের হয়ে গেছে।”  
৬ আমি যখন তাদের হইচই ও নালিশ শুনলাম তখন ভীষণ রেগে  
গেলাম। ৭ আমি তাদের কথাগুলি মনে মনে বিবেচনা করলাম এবং  
গণ্যমান্য লোকদের ও উচ্চপদস্থ কর্মচারীদের ভীষণ বকাবকি করলাম।  
আমি তাদের বললাম, “তোমরা তোমাদের নিজের দেশের লোকদের  
কাছ থেকে সুদ আদায় করছ!” সেইজন্য আমি তাদের বিচার করার  
জন্য এক মহাসভা ডাকলাম ৮ এবং বললাম “ওই অইহুদিদের কাছে  
আমাদের যেসব লোকেরা বিক্রি হয়েছিল যতদূর সম্ভব তাদের আমরা  
ছাড়িয়ে এনেছি। এখন তোমরা তোমাদের লোকদের বিক্রি করছ, যেন  
আমাদের কাছে তারা আবার বিক্রি হয়।” তারা চুপ করে থাকল, কারণ  
তারা উত্তর দেবার জন্য কিছুই খুঁজে পেল না। ৯ আমি আরও বললাম,  
“তোমরা যা করছ তা ঠিক না। অইহুদি যাতে আমাদের বিদ্রূপ না  
করতে পারে সেইজন্য আমাদের ঈশ্বরের প্রতি ভয় রেখে চলা কি  
উচিত নয়? ১০ আমি, আমার ভাইয়েরা ও আমার লোকেরা তাদের  
অর্থ এবং শস্য ধার দিই। এসো আমরা এই সুদ নেওয়া বন্ধ করি! ১১  
তোমরা এখনই তাদের শস্যক্ষেত্র, দ্রাক্ষাক্ষেত্র, জলপাইক্ষেত্র এবং গৃহ  
সকল ফিরিয়ে দাও। আর অর্থের, শস্যের, নতুন দ্রাক্ষারসের এবং  
তেলের শতকার যে বৃদ্ধি নিয়ে ঝণ দিয়েছ তা তাদের ফিরিয়ে দাও।”  
১২ তারা বলল, “আমরা তা ফিরিয়ে দেব এবং আমরা তাদের কাছে  
আর কিছুই দাবি করব না। আপনি যা বললেন আমরা তাই করব।”  
তারপর আমি যাজকদের ডেকে গণ্যমান্য লোকদের ও উচ্চপদস্থ  
কর্মচারীদের শপথ করালাম যে তারা প্রতিজ্ঞানসূরে কাজ করবে। ১৩  
আমার পোশাকের সামনের দিকটা বাড়া দিয়ে বললাম, “যারা এই  
প্রতিজ্ঞা রক্ষা করবে না, ঈশ্বর তাদের প্রত্যেককে তাদের বাড়ি ও  
সম্পত্তি থেকে এইভাবে বেড়ে ফেলবেন। এরকম লোকদের এইভাবেই  
বেড়ে ফেলা হবে এবং তাদের সবকিছু শেষ করা হবে।” এই কথা

শুনে সমস্ত সমাজ বলল, “আমেন,” এবং সদাপ্রভুর গৌরব করল।  
আর লোকেরা তাদের প্রতিজ্ঞানুসারে কাজ করল। 14 এছাড়াও,  
রাজা অর্তক্ষেত্রে বিশ্বতিম বছরের সময় যখন আমি যিহুদা দেশে  
শাসনকর্তা পদে নিযুক্ত হয়েছিলাম, তখন থেকে তার রাজত্বের বিশ্ব  
বছর পর্যন্ত—বারো বছর—আমি ও আমার ভাইয়েরা দেশাধ্যক্ষর  
পাওনা খাবার গ্রহণ করিনি। 15 কিন্তু আমার আগে যে শাসনকর্তারা  
ছিলেন, তারা লোকদের উপর ভারী বোৰা চাপিয়ে দিয়েছিলেন এবং  
খাবারদাবার ও দ্রাক্ষারস ছাড়াও তাদের কাছ থেকে চল্লিশ শেকল  
রংপো নিতেন। তাদের চাকরেরাও লোকদের উপর কর্তৃত্ব করত। কিন্তু  
ঈশ্বরের প্রতি আমার ভক্তিমূলক ভয় থাকাতে আমি সেইরকম কাজ  
করিনি। 16 বরং, আমি এই প্রাচীরের কাজে নিজেকে ব্যস্ত রাখতাম।  
আমার সকল চাকরেরা কাজ করার জন্য সেখানে জড়ো হত, আমরা  
কেউ কোনো জমি কিনিনি। 17 এছাড়াও, 150 জন ইহুদি ও উচ্চপদস্থ  
কর্মচারী এবং আমাদের চারিদিকের জাতিগণের মধ্যে যারা আমাদের  
কাছে আসত তারা আমার সঙ্গে খাওয়াদাওয়া করত। 18 প্রতিদিন  
একটি করে বলদ ও ছয়টি বাছাই করা মেষ ও কতগুলি পাখি ও আমার  
জন্য রান্না করা হত, আর প্রতি দশদিন অন্তর যথেষ্ট পরিমাণ সব রকম  
দ্রাক্ষারস দেওয়া হত। এই সমস্ত সত্ত্বেও লোকদের উপর ভারী বোৰা  
থাকার দরং আমি প্রদেশপালের কিছু দাবি করিনি। 19 হে আমার  
ঈশ্বর, আমি এই লোকদের জন্য যে সকল কাজ করেছি, তুমি আমার  
মঙ্গলের জন্য তা স্মরণ করো।

**৬** সন্ধিল্লাট, টোবিয়, আরবীয় গেশম ও আমাদের অন্য শক্র যখন  
শুনতে পেল যে, আমি প্রাচীর গেঁথেছি এবং সেখানে কোনো ফাঁক নেই,  
যদিও তখনও আমি নগরদ্বারগুলির দরজা লাগাইনি। 2 সন্ধিল্লাট ও  
গেশম আমাকে এই কথা বলে পাঠাল “আসুন, আমরা ওনো সমষ্টলীর  
কোনও প্রামে মিলিত হই।” কিন্তু তারা আমার ক্ষতি করার ষড়যন্ত্র  
করছিল; 3 সেইজন্য আমি লোক পাঠিয়ে তাদের এই উত্তর দিলাম  
“আমি একটি বিশেষ দরকারি কাজ করছি এবং আমি নেমে যেতে পারি  
না। আমি কেন কাজ বন্ধ করে আপনাদের সঙ্গে সাক্ষাৎ করতে যাব?”

৪ তারা চার বার একই সংবাদ আমাকে পাঠাল আর প্রত্যেকবার আমি  
তাদের একই উত্তর দিলাম। ৫ তারপর, পঞ্চমবার, সন্ধিগ্রহণ একই  
সংবাদ তার চাকরকে দিয়ে আমার কাছে পাঠাল, আর তার হাতে  
একটি খোলা চিঠি ছিল ৬ যাতে লেখা ছিল: “জাতিগণের মধ্যে এই  
কথা শোনা যাচ্ছে, আর গেশমও বলেছে সেকথা সত্যি, যে আপনি ও  
ইহুদিরা বিদ্রোহের ঘড়্যন্ত করেছেন, আর সেইজন্য প্রাচীর গাঁথচেন।  
এছাড়া, এসব সংবাদ অনুসারে আপনি তাদের রাজা হতে যাচ্ছেন  
৭ এবং জেরশালেমে এই ঘোষণা করার জন্য আপনি ভাববাদী ও  
নিযুক্ত করেছেন ‘যিহুদা দেশে একজন রাজা আছেন।’ এখন এই  
সংবাদ রাজার কাছে পৌঁছাবে; কাজেই আসুন, আমরা একত্র হয়ে  
পরামর্শ করি।” ৮ আমি তাকে এই উত্তর পাঠালাম “আপনি যা বলছেন  
সেইরকম কিছুই হচ্ছে না, এটি আপনার মনগড়া কথা।” ৯ তারা  
সকলে আমাদের ভয় দেখবার চেষ্টা করছিল, মনে করছিল, “এই কাজ  
করার জন্য ওদের হাত দুর্বল হয়ে যাবে, এবং তা সম্পূর্ণ হবে না।”  
কিন্তু আমি প্রার্থনা করলাম, “এখন আমার হাত শক্তিশালী করো।” ১০  
একদিন আমি দলায়ের ছেলে শময়িয়ের বাড়ি গেলাম, দলায় ছিল  
মহেটবেলের ছেলে। শময়িয়ে তার বাড়িতে বন্ধ ছিল। সে বলল, “আসুন,  
আমরা ঈশ্বরের ঘরে, মন্দিরের ভিতরে একত্র হই, এবং মন্দিরের  
দ্বার বন্ধ করি, কারণ লোকেরা আপনাকে হত্যা করার জন্য আসছে,  
রাত্রেই আপনাকে হত্যা করতে আসবে।” ১১ কিন্তু আমি বললাম,  
“আমার মতো লোকের কি পালিয়ে যাওয়া উচিত? কিংবা আমার  
মতো কারো কি তার প্রাণরক্ষা করার জন্য মন্দিরের মধ্যে যাওয়া  
উচিত? আমি যাব না!” ১২ আমি বুঝতে পারলাম যে ঈশ্বর তাকে  
পাঠাননি, কিন্তু সে আমার বিরুদ্ধে ভাবোক্তি বলেছে যেহেতু টোবিয় ও  
সন্ধিগ্রহণ তাকে ভাড়া করেছে। ১৩ তাকে ভাড়া করা হয়েছিল যেন  
ভয়ে এই কাজ করে আমি পাপ করি, এবং তারা যেন আমার দুর্নাম  
করার সুযোগ পেয়ে আমাকে টিক্কারি দিতে পারে। ১৪ হে আমার  
ঈশ্বর, টোবিয় ও সন্ধিগ্রহণ যা করেছে তা স্মরণ করো: ভাববাদীনী  
নোয়দিয়া ও অন্য যে ভাববাদীরা আমাকে ভয় দেখবার চেষ্টা করছিল

তাদেরকেও স্মরণ করো। 15 ইলুল মাসের পঁচিশ তারিখে, বাহান্নতম দিন, প্রাচীর গাঁথা শেষ হল। 16 আমাদের সব শক্রুরা যখন এই কথা শুনল আর নিকটবর্তী সব জাতিরা তা দেখল তখন তারা ভয় পেল এবং আত্মবিশ্বাস হারাল, কারণ তারা বুঝতে পেরেছিল যে, এই কাজ আমাদের ঈশ্বরের সাহায্যেই করা হয়েছে। 17 আবার, সেই সময় যিহুদার গণ্যমান্য লোকেরা টোবিয়ের কাছে অনেক চিঠিপত্র পাঠানেন এবং টোবিয়ের কাছ থেকে তারা উত্তরও পেতেন। 18 কারণ যিহুদার অনেকে তার কাছে শপথ করেছিল, কারণ সে আরহের ছেলে শখনিয়ের জামাই ছিল, এবং তার ছেলে যিহোহানন বেরিখিয়ের ছেলে মঙ্গলমের মেয়েকে বিয়ে করছিল। 19 এছাড়া, তারা টোবিয়ের ভালো কাজের কথা আমাকে জানাত এবং আমি যা বলতাম তারা তাকে জানাত। এবং আমাকে ভয় দেখানোর জন্য টোবিয় চিঠি পাঠাত।

7 প্রাচীর গাঁথা হয়ে যাবার পর আমি দরজাগুলি ঠিক জায়গায় লাগালাম, এবং দ্বাররক্ষী, গায়ক ও লেবীয়দের নিযুক্ত করা হল। 2 আমার ভাই হনানিকে ও দুর্গের শাসনকর্তা হনানিয়কে জেরশালেমের উপর নিযুক্ত করলাম, কেননা হনানি বিশ্বস্ত লোক ছিলেন এবং ঈশ্বরকে অনেকের চেয়ে বেশি ভয় করতেন। 3 আমি তাদের বললাম, “যতক্ষণ না প্রচণ্ড রোদ হয় ততক্ষণ জেরশালেমের দ্বার যেন খোলা না হয়। রক্ষীরা থাকার সময় তাদের দিয়ে যেন দ্বার বন্ধ করা ও হৃড়কা লাগানো হয়। এবং জেরশালেমের নিবাসীদের মধ্যে থেকে যেন প্রহরী নিযুক্ত হয়, তাদের কেউ কেউ থাকুক পাহারা দেবার জায়গায় আর কেউ কেউ নিজের বাড়ির কাছে।” 4 সেই সময় জেরশালেম নগর ছিল বড়ো ও অনেক জায়গা জুড়ে, কিন্তু তার মধ্যে অল্প সংখ্যক লোক ছিল, এবং সব বাড়িও তখন তৈরি করা হয়নি। 5 পরে ঈশ্বর আমার মনে ইচ্ছা দিলেন যেন আমি গণ্যমান্য লোকদের, উচ্চপদস্থ কর্মচারীদের ও সাধারণ লোকদের একত্র করে তাদের বংশাবলি লেখা হয়। যারা প্রথমে ফিরে এসেছিল সেই লোকদের বংশতালিকা পেলাম। তার মধ্যে আমি এই কথা লেখা পেলাম: 6 ব্যাবিলনের রাজা নেবুখাদনেজার যাদের বন্দি করে নিয়ে পিয়েছিলেন, তাদের মধ্যে সেই প্রদেশের

এইসব লোকজন নির্বাসন কাটিয়ে জেরশালেম ও যিহুদায় নিজের  
নিজের নগরে ফিরে এসেছিল। 7 তারা সরঞ্জাবিল, যেশুয়, নহিমিয়,  
অসরিয়, রঘুমিয়া, নহমানি, মর্দখয়, বিল্শন, মিস্পরৎ, বিগ্বয়, নহূম  
ও বানার সঙ্গে ফিরে এসেছিল। ইস্রায়েলী পুরুষদের তালিকা: 8  
পরোশের বংশধর 2,172 জন, 9 শফটিয়ের বংশধর 372 জন,  
10 আরহের বংশধর 652 জন, 11 পহৎ-মোয়াবের বংশধর (যেশুয়  
ও যোয়াবের সন্তানদের মধ্যে) 2,818 জন, 12 এলমের বংশধর  
1,254 জন, 13 সন্তুরের বংশধর 845 জন, 14 সকয়ের বংশধর  
760 জন, 15 বিগ্নুয়ার বংশধর 648 জন, 16 বেবয়ের বংশধর 628  
জন, 17 অস্গদের বংশধর 2,322 জন, 18 অদোনীকামের বংশধর  
667 জন, 19 বিগ্বয়ের বংশধর 2,067 জন, 20 আদীনের বংশধর  
655 জন, 21 (হিস্কিয়ের বংশজাত) আটেরের বংশধর 98 জন, 22  
হশ্মের বংশধর 328 জন, 23 বেৎসয়ের বংশধর 324 জন, 24  
হারীফের বংশধর 112 জন, 25 গিবিয়োনের বংশধর 95 জন, 26  
বেথলেহেম এবং নটোফার লোকেরা 188 জন, 27 অনাথোতের  
লোকেরা 128 জন, 28 বেৎ-অস্মাবতের লোকেরা 42 জন, 29  
কিরিয়ৎ-যিয়ারীম, কফীরা ও বেরোতের লোকেরা 743 জন, 30 রামার  
ও গেবার লোকেরা 621 জন, 31 মিক্রমসের লোকেরা 122 জন, 32  
বেথেল ও অয়ের লোকেরা 123 জন, 33 অন্য নেবোর লোকেরা 52  
জন, 34 অন্য এলমের লোকেরা 1,254 জন, 35 হারীমের লোকেরা  
320 জন, 36 যিরীহোর লোকেরা 345 জন, 37 লোদ, হাদীদ, ও  
ওনোর লোকেরা 721 জন, 38 সনায়ার লোকেরা 3,930 জন। 39  
যাজকবর্গ: (যেশুয়ের বংশের মধ্যে) যিদিয়িয়ের বংশধর 973 জন, 40  
ইম্মেরের বংশধর 1,052 জন, 41 পশ্চুরের বংশধর 1,247 জন, 42  
হারীমের বংশধর 1,017 জন। 43 লেবীয়বর্গ: (হোদবিয়ের বংশে  
কদ্মীয়োলের মাধ্যমে) যেশুয়ের বংশধর 74 জন। 44 গায়কবৃন্দ:  
আসফের বংশধর 148 জন। 45 মন্দিরের দ্বারকষ্ণীবর্গ: শল্লুম, আটের,  
টল্মোন, অুক্ব, হটীটা ও শোবয়ের বংশধর 138 জন। 46 মন্দিরের  
পরিচারকবৃন্দ: সীহ, হসুফা, টুরায়োত, 47 কেরোস, সীয়, পাদোন,

48 লবানা, হগাব, শল্ময়, 49 হানন, গিদেল, গহর, 50 রায়া, রৎসীন,  
নকোদ, 51 গসম, উষ, পাসেহ, 52 বেষয়, মিয়ুনীম, নফুয়ীম, 53  
বক্বুক, হক্ফা, হর্ভু, 54 বসলূত, মহীদা, হর্ষা, 55 বর্কোস, সীষরা,  
তেমহ, 56 নৎসীহ ও হটীফার বংশধর। 57 শলোমনের দাসদের  
বংশধর: সোটয়, সোফেরত, পরীদা, 58 যালা, দর্কোন, গিদেল, 59  
শফটিয়, হটীল, পোখেরৎ-হৎসবায়ীম ও আমোনের বংশধর। 60  
মন্দিরের দাসেরা এবং শলোমনের দাসদের বংশধর 392 জন। 61  
তেল-মেলহ, তেল-হর্ষা, করুব, অদন ও ইম্যের, এসব স্থান থেকে  
নিম্নলিখিত লোকেরা এসেছিল, কিন্তু তারা ইস্রায়েলী লোক কি না,  
এ বিষয়ে নিজ নিজ পিতৃকুলের প্রমাণ দিতে পারল না: 62 দলায়,  
টোবিয় ও নকোদের বংশধর 642 জন। 63 আর যাজকদের মধ্যে:  
হবায়ের, হক্কোষের ও বর্সিল্লয়ের বংশধর (এই বর্সিল্লয় গিলিয়দীয়  
বর্সিল্লয়ের এক মেয়েকে বিয়ে করেছিল এবং তাকে সেই নামেই ডাকা  
হত)। 64 বংশতালিকায় এই লোকেরা তাদের বংশের খোঁজ করেছিল  
কিন্তু পায়নি, এবং সেই কারণে তারা অশুচি বলে তাদের যাজকের  
পদ থেকে বাদ দেওয়া হয়েছিল। 65 সুতরাং, শাসনকর্তা তাদের এই  
আদেশ দিয়েছিলেন, যে উরীম ও তুমীম ব্যবহারকারী কোনো যাজক  
না আসা পর্যন্ত যেন লোকেরা কোনও মহাপবিত্র খাদ্য ভোজন না করে।  
66 সর্বমোট তাদের সংখ্যা ছিল 42,360, 67 এছাড়া তাদের দাস-  
দাসী ছিল 7,337 জন; এবং তাদের 245 জন গায়ক-গায়িকাও ছিল।  
68 তাদের 736-টি ঘোড়া, 245-টি খচর, 69 435-টি উট ও 6,720-  
টি গাধা। 70 পিতৃকুলপতিদের মধ্যে কেউ কেউ সেই কাজের জন্য  
দান করল। শাসনকর্তা ভাঙ্গারে 1,000 অদর্কোন সোনা ও পঞ্চশিটি  
বাটি এবং যাজকদের জন্য 530-টি পোশাক দিলেন। 71 কয়েকজন  
পিতৃকুলপতি ভাঙ্গারে এই কাজের জন্য 20,000 অদর্কোন সোনা  
ও 2,200 মানি রংপো দিলেন। 72 বাকি লোকেরা মোট 20,000  
অদর্কোন সোনা ও 2,000 মানি রংপো এবং যাজকদের জন্য 67-টি  
পোশাক দিল। 73 যাজকেরা, লেবীয়েরা, দ্বাররক্ষীরা, গায়কেরা এবং  
মন্দিরের দাসেরা বিশেষ কিছু লোকের ও অবশিষ্ট ইস্রায়েলীদের সঙ্গে

নিজের নিজের নগরে বসবাস করতে লাগল। সপ্তম মাসে ইস্রায়েলীরা নিজের নিজের নগরে বসবাস করতে লাগল।

**৪** সমস্ত লোক একসঙ্গে জল-দ্বারের সামনের চকে জড়ে হল। তারা বিধানের অধ্যাপক ইস্রাকে মোশির বিধানপুস্তক আনতে বলল, যেখানে ইস্রায়েলের জন্য সদাপ্রভুর আদেশ দেওয়া ছিল। ২ সুতরাং সপ্তম মাসের প্রথম দিনে যাজক ইস্রাস সমাজের সামনে, স্ত্রী ও পুরুষ এবং যারা শুনে বুঝতে পারে, তাদের সামনে বিধানপুস্তক আনলেন। ৩ তিনি জল-দ্বারের সামনের চকের দিকে মুখ করে পুরুষ, স্ত্রী এবং যত লোক বুঝতে পারে তাদের কাছে ভোর থেকে দুপুর পর্যন্ত তা জোরে জোরে পড়ে শোনালেন। আর সমস্ত লোক মন দিয়ে বিধানপুস্তকের কথা শুনল। ৪ এই কাজের জন্য যে কাঠের মৎস তৈরি করা হয়েছিল তার উপর বিধানের অধ্যাপক ইস্রাদাঁড়িয়েছিলেন। তার ডানদিকে মত্তিথিয়, শেমা, অনায়, উরিয়, হিক্কিয় ও মাসেয় এবং বাঁদিকে পদায়, মীশায়েল, মক্কিয়, হশুম, হশবদ্দানা, সখরিয় ও মশুলম দাঁড়িয়েছিলেন। ৫ ইস্রাপুস্তকখানি খুললেন। সমস্ত লোক তাকে দেখতে পাচ্ছিল কেননা তিনি তাদের থেকে উঁচুতে দাঁড়িয়েছিলেন, আর তিনি যখন পুস্তকটি খুললেন, সমস্ত লোক উঠে দাঁড়াল। ৬ ইস্রামহান ঈশ্বর সদাপ্রভুর গৌরব করলেন, আর সমস্ত লোক হাত তুলে উত্তর দিল, “আমেন! আমেন!” তারপর তারা মাটিতে মাথা ঠেকিয়ে সদাপ্রভুর আরাধনা করল। ৭ যেশূয়, বানি, শেরেবিয়, যামীন, অক্বব, শব্বথয়, হোদিয়, মাসেয়, কলীট, অসরিয়, যোষাবদ, হানন, পলায়—এই লেবীয়েরা সেই দাঁড়িয়ে থাকা লোকদের বিধানপুস্তকের মানে বুঝিয়ে দিল। ৮ লোকেরা যেন বুঝতে পারে সেইজন্য তারা ঈশ্বরের বিধানপুস্তক স্পষ্ট করে পড়ে তার অর্থ বুঝিয়ে দিল। ৯ তারপর শাসনকর্তা নহিমিয়, যাজক ও বিধানের অধ্যাপক ইস্রাএবং যে লেবীয়েরা লোকদের শিক্ষা দিচ্ছিলেন তারা বললেন, “আজকের এই দিনটি তোমাদের ঈশ্বর সদাপ্রভুর উদ্দেশে পবিত্র। তোমরা শোক বা কান্নাকাটি কোরো না।” কেননা সমস্ত লোকেরা বিধানপুস্তকের কথা শুনে কাঁদছিল। ১০ নহিমিয় বললেন, “তোমরা গিয়ে ভালো ভালো খাবার খাও ও মিষ্টি

রস পান করে আনন্দ করো, এবং যারা কিছু প্রস্তুত করতে পারেনি  
 তাদের পাঠিয়ে দাও। এই দিনটি প্রভুর উদ্দেশে পবিত্র। তোমরা দুঃখ  
 করো না, কারণ সদাপ্রভুতে যে আনন্দ, তাই তোমাদের শক্তি।” 11  
 লেবীয়েরা সমস্ত লোকদের শান্ত করে বললেন, “তোমরা নীরব হও,  
 কারণ আজকের দিনটি পবিত্র। তোমরা দুঃখ করো না।” 12 তখন  
 সমস্ত লোক খুব আনন্দের সঙ্গে খাওয়াদাওয়া করার জন্য ও খাবারের  
 অংশ পাঠাবার জন্য চলে গেল, কারণ যেসব কথা তাদের জানানো  
 হয়েছিল তা তারা বুঝতে পেরেছিল। 13 আর মাসের দ্বিতীয় দিনে  
 সমস্ত লোকের পিতৃকুলপতিরা, যাজকেরা ও লেবীয়েরা বিধানের কথা  
 ভালো করে বুঝবার জন্য অধ্যাপক ইস্রার কাছে একত্র হল। 14 তারা  
 ব্যবস্থায় দেখতে পেল মোশির মাধ্যমে সদাপ্রভু এই আজ্ঞা দিয়েছিলেন  
 যে, সপ্তম মাসের পর্বের সময় ইস্রায়েলীরা কুঁড়ে ঘরে বাস করবে,  
 15 আর তাদের সকল নগরে ও জেরুশালেমে তারা এই কথা প্রচার  
 ও ঘোষণা করবে “তোমরা পাহাড়ি এলাকায় গিয়ে কুঁড়ে ঘর তৈরি  
 করার জন্য জলপাই, বুনো জলপাই গাছের ডাল এবং গুলমেদির ডাল,  
 খেজুর গাছের ডাল ও পাতাভরা গাছের ডাল নিয়ে আসবে,” যেমন  
 লেখা আছে। 16 সেইজন্য লোকেরা বাইরে গিয়ে ডাল নিয়ে এসে  
 তাদের ঘরের ছাদের উপর, উঠানে, ঈশ্বরের গৃহের উঠানে ও জল-  
 দ্বারের কাছের চকে এবং ইফ্রিয়িমের দ্বারের চকে নিজেদের জন্য কুঁড়ে  
 ঘর তৈরি করল। 17 বন্দিদশা থেকে ফিরে আসা গোটা দলটাই কুঁড়ে  
 ঘর তৈরি করে সেগুলির মধ্যে বাস করল। নূনের ছেলে যিহোশুয়ের  
 সময় থেকে সেদিন পর্যন্ত ইস্রায়েলীরা এইরকম আর করেনি। আর  
 তাদের খুব আনন্দ হল। 18 প্রথম দিন থেকে শুরু করে শেষদিন পর্যন্ত  
 ইস্রা প্রতিদিনই ঈশ্বরের বিধানপুস্তক পড়লেন। লোকেরা সাত দিন  
 ধরে পর্ব পালন করল আর অষ্টম দিনে নিয়ম অনুসারে শেষ দিনের  
 বিশেষ সভা হল।

**৯** সেই একই মাসের চৰিষ্ণ দিনের দিন ইস্রায়েলীরা একত্র হয়ে  
 উপবাস করল, চট পরল এবং মাথায় ধুলো দিল। 2 ইস্রায়েলী  
 সন্তানেরা অন্যান্য জাতির সমস্ত লোকদের কাছ থেকে নিজেদের

আলাদা করল। তারা দাঁড়িয়ে নিজেদের পাপ ও তাদের পূর্বপুরুষদের অন্যায় স্বীকার করল। 3 তারা নিজ নিজ জায়গায় দাঁড়িয়ে তিন ঘণ্টা তাদের ঈশ্বর সদাপ্রভুর বিধানপুস্তক পড়ল, এবং আরও তিন ঘণ্টা নিজেদের পাপস্থীকার ও ঈশ্বর সদাপ্রভুর উপাসনা করল। 4 যেশুয়, বানি, কদ্মীয়েল, শবনিয়, বুনি, শেরেবিয়, বানি ও কনানী লেবীয়দের মাচায় দাঁড়িয়েছিলেন, তারা উচ্চস্বরে তাদের ঈশ্বর সদাপ্রভুকে ডাকলেন। 5 আর লেবীয়দের মধ্যে যেশুয়, কদ্মীয়েল, বানি, হশ্বনিয়, শেরেবিয়, হোদিয়, শবনিয় ও পথাহিয় বললেন, “ওঠো, তোমাদের ঈশ্বর সদাপ্রভুর প্রশংসা করো, যিনি অনাদিকাল থেকে অনন্তকাল পর্যন্ত আছেন।” “তোমার প্রতাপাদ্ধিত নাম ধন্য হোক, আমাদের দেওয়া সমস্ত ধন্যবাদ ও প্রশংসার চেয়েও তুমি মহান হও। 6 কেবল তুমিই সদাপ্রভু। তুমিই আকাশমণ্ডল, সর্বোচ্চ আকাশমণ্ডল, তার সমস্ত তারকারাশি, পৃথিবী ও তার উপরের সবকিছু, সমুদ্র ও তার মধ্যে স্থিত সমস্ত কিছু তৈরি করেছ। তুমিই সকলের প্রাণ দিয়েছ এবং স্বর্গের বাহিনী তোমার উপাসনা করে। 7 “তুমিই সদাপ্রভু ঈশ্বর, তুমি অব্রামকে মনোনীত করে কলদীয় দেশের উর থেকে বের করে নিয়ে এসেছিলে আর তার নাম অব্রাহাম রেখেছিলে। 8 তুমি তার অন্তর বিশ্বস্ত দেখে কনানীয়, হিত্তীয়, ইমোরীয়, পরিষীয়, যিবুষীয় ও গির্গাশীয়ের দেশ তার বংশকে দেবার জন্য, তার সঙ্গে নিয়ম স্থাপন করেছিলে। তুমি ধর্মময় বলে তোমার প্রতিজ্ঞা তুমি রক্ষা করেছিলে। 9 “মিশ্র দেশে আমাদের পূর্বপুরুষদের কষ্টভোগ তুমি দেখেছিলে; লোহিত সাগরের তীরে তাদের কান্না শুনেছিলে। 10 ফরৌণ, তার সমস্ত কর্মচারী ও তার দেশের সমস্ত লোকদের বিরুদ্ধে তুমি বিভিন্ন চিহ্ন ও আশৰ্য কাজ দেখিয়েছিলে, কেননা তুমি জানতে মিশ্রীয়েরা তাদের বিরুদ্ধে গর্ব করত। তুমি নিজের নাম প্রতিষ্ঠা করেছিলে, যা আজও আছে। 11 তুমি তাদের সামনে সাগরকে দু-ভাগ করেছিলে, যাতে তারা শুকনো জমির উপর দিয়ে পার হয়েছিল, কিন্তু প্রবল জলে যেমন পাথর ফেলা হয়, যারা তাদের তাড়া করে আসছিল তুমি তাদের তেমনি করে অগাধ জলে ফেলেছিলে। 12 তুমি দিনে

মেଘস্তন্ত ও রাত্রে অগ্নিস্তন্ত দ্বারা তাদের গন্তব্য পথে আলো দিয়ে  
তাদের চালাতে। 13 “তুমি সীনয় পর্বতের উপর নেমে এসেছিলে;  
স্বর্গ থেকে তাদের সঙ্গে কথা বলেছিলে। তুমি তাদের ন্যায্য নির্দেশ,  
বিধি ও বিধান দিয়েছিলে। 14 তোমার পবিত্র বিশ্রামবার সম্বন্ধে তুমি  
তাদের জানিয়েছিলে এবং তোমার দাস মোশির মাধ্যমে তাদের  
আজ্ঞা, বিধি ও বিধান দিয়েছিলে। 15 খিদে মিটাবার জন্য তুমি স্বর্গ  
থেকে তাদের খাবার আর পিপাসা মিটাবার জন্য পাথর থেকে জল  
বের করে দিয়েছিলে। যে দেশ তাদের দেবার জন্য তুমি উন্নমিত  
হাতে শপথ করেছিলে সেখানে গিয়ে তা অধিকার করার জন্য তুমি  
তাদের আদেশ দিয়েছিল। 16 “তবুও আমাদের পূর্বপুরুষদের ব্যবহার  
ছিল অহংকারপূর্ণ ও একগুঁয়ে, তারা তোমার আজ্ঞার বাধ্য হয়নি।  
17 তারা শুনতে অস্বীকার করেছিল, আর তুমি তাদের মধ্যে যেসব  
আশ্চর্য কাজ করেছিলে তাও তারা মনে রাখেনি। তারা একগুঁয়েমি  
করে আবার দাসত্বে ফিরে যাবার জন্য বিদ্রোহভাবে একজন নেতাকে  
নিযুক্ত করেছিল। কিন্তু তুমি ক্ষমাবান ঈশ্বর, কৃপাময় ও স্নেহশীল,  
ক্রোধে ধীর ও দয়াতে মহান, তাই তাদের তুমি ত্যাগ করোনি, 18  
এমনকি, তারা নিজেদের জন্য ছাঁচে ফেলে একটি বাচ্চুরের মূর্তি তৈরি  
করে বলেছিল, ‘এই তোমাদের ঈশ্বর, মিশ্র থেকে যিনি তোমাদের  
বের করে এনেছেন,’ অথবা তারা যখন তোমাকে ভীষণ অপমান  
করেছিল। 19 “তোমার প্রাচুর করণ্যায় তুমি তাদের প্রান্তরে পরিত্যাগ  
করোনি। দিনে তাদের পথ দেখাবার জন্য মেঘস্তন্ত, এবং রাত্রে তাদের  
চলার পথে আলো দেবার জন্য তোমার মঙ্গলময় আত্মা  
দান করেছিলে। তাদের খাওয়ার জন্য যে মাঙ্গা দিয়েছিলে তা বন্ধ  
করোনি, আর তুমি তাদের পিপাসা মিটাবার জন্য জল দিয়েছিলে। 21  
চাল্লিশ বছর পর্যন্ত প্রান্তরে তাদের প্রতিপালন করেছিলে, তাদের অভাব  
হয়নি, তাদের কাপড় পুরানো হয়নি এমনকি তাদের পা-ও ফোলেনি।  
22 “পরে তুমি অনেক রাজ্য ও জাতি তাদের হাতে দিয়েছিলে, এমনকি,  
তাদের সমস্ত জায়গাও তাদের মধ্যে ভাগ করে দিয়েছিলে। তারা

হিয়বনের রাজা সীহোনের দেশ ও বাশন-রাজ ওগের দেশ অধিকার করেছিল। 23 আকাশের তারার মতন তুমি তাদের অসংখ্য সন্তান দিয়েছিলে, এবং সেই দেশে তাদের নিয়ে এসেছিলে, যে দেশের বিষয় তুমি তাদের পিতৃপুরুষদের কাছে বলেছিলে, যে তাতে চুকে অধিকার করবে। 24 তাদের সন্তানেরা সেই দেশে গিয়ে তা অধিকার করে নিয়েছিল। সেই দেশে বসবাসকারী কনানীয়দের তুমি তাদের সামনে ছেটো করেছিলে, তুমি কানানীয়দের, তাদের রাজাদের ও দেশের অন্যান্য জাতিদের তাদের হাতে তুলে দিয়েছিলে যাতে তারা তাদের উপর যা খুশি তাই করতে পারে। 25 তারা প্রাচীরে ঘেরা অনেক নগর ও উর্বর জমি অধিকার করেছিল, তারা সব রকম ভালো ভালো জিনিসে ভরা বাড়িগুলি ও আগেই খোঁড়া হয়েছে এমন অনেক কুয়ো, দ্রাক্ষাক্ষেত্র, জলপাইয়ের বাগান এবং অনেক ফলের গাছ অধিকার করেছিল। তারা খেয়ে তপ্ত ও পুষ্ট হয়েছিল, এবং তোমার দেওয়া প্রচুর মঙ্গল ভোগ করেছিল। 26 “তবুও তারা অবাধ্য হয়ে তোমার বিরণ্দে বিদ্রোহ করেছিল; তোমার বিধান তারা ত্যাগ করেছিল। তোমার যে ভাববাদীরা তোমার প্রতি তাদের ফিরাবার জন্য সাক্ষ্য দিতেন, তাদের হত্যা করেছিল, তারা ভয়ানক অসন্তোষের কাজ করেছিল। 27 সেইজন্য তুমি তাদের শক্রদের হাতে তুলে দিয়েছিলে, যারা তাদের উপর অত্যাচার করেছিল। কিন্তু কষ্টের সময় তারা তোমার কাছে কাঁদত। তুমি স্বর্গ থেকে সেই কান্না শুনেছিলে এবং তোমার প্রচুর করণ্যায় তাদের উদ্বারকারীদের পাঠিয়ে দিয়েছিলে, যারা শক্রদের হাত থেকে তাদের উদ্বার করেছিল। 28 “কিন্তু যেই তারা বিশ্রাম পেত অমনি আবার তারা তোমার চোখে যা মন্দ তাই করত। এরপর তুমি শক্রদের হাতে তাদের ছেড়ে দিয়েছিলে যাতে শক্ররা তাদের উপর কর্তৃত করে। কিন্তু আবার যখন তারা তোমার কাছে কাঁদত তখন স্বর্গ থেকে তা শুনে তোমার করণ্যায় তুমি বারে বারে তাদের উদ্বার করতে। 29 “তোমার বিধানের দিকে ফিরে আসবার জন্য তুমি তাদের সতর্ক করেছিলে, কিন্তু তারা অহংকারে পূর্ণ ছিল, ও তোমার আজ্ঞা অমান্য করেছিল। তোমার যেসব নির্দেশ পালন করলে মানুষ বাঁচে তার বিরণ্দে তারা

পাপ করেছিল। তারা একগুঁয়ে হয়ে এবং ঘাড় শক্ত করে তোমার কথা  
শুনতে চায়নি। 30 কিন্তু তবুও অনেক বছর ধরে তুমি তাদের উপর ধৈর্য  
ধরেছিলে। তোমার ভাববাদীদের মাধ্যমে তোমার আত্মার দ্বারা তুমি  
তাদের সতর্ক করেছিলে। অথচ তাতে তারা কান দেয়নি, সেইজন্য  
প্রতিবেশী অন্য জাতির লোকদের হাতে তুমি তাদের তুলে দিয়েছিলে।  
31 কিন্তু তোমার প্রচুর করণার জন্য তুমি তাদের নিঃশেষ অথবা ত্যাগ  
করোনি, কারণ তুমি কৃপাময় ও মেহশীল ঈশ্বর। 32 “অতএব, হে  
আমাদের ঈশ্বর, তুমি মহান, শক্তিশালী ও ভয়ংকর ঈশ্বর, তুমি তোমার  
ভালোবাসার বিধান রক্ষা করে থাকো। আসিরিয়ার রাজাদের সময়  
থেকে শুরু করে আজ পর্যন্ত এই যে সকল ক্লেশ আমাদের উপর  
এবং আমাদের রাজাদের, কর্মকর্তাদের, যাজকদের, ভাববাদীদের,  
পিতৃপুরুষদের ও তোমার সকল প্রজাদের উপর যে ক্লেশ ঘটেছে  
তা তোমার চোখে যেন সামান্য মনে না হয়। 33 আমাদের প্রতি যা  
কিছু ঘটেছে, তুমি ন্যায়পরায়ণ থেকে বিশ্বস্তভাবে কাজ করেছ, কিন্তু  
আমরা অন্যায় করেছি। 34 আমাদের রাজারা, আমাদের কর্মকর্তারা,  
আমাদের যাজকেরা এবং আমাদের পিতৃপুরুষেরা তোমার বিধান  
পালন করেননি; তারা তোমার আঙ্গায় অথবা সতর্কবাণীতে মনোযোগ  
দেয়নি। 35 আর তাদের রাজত্বকালে তোমার দেওয়া বড়ো ও উর্বর  
দেশে প্রচুর মঙ্গল ভোগ করেছিল, তবুও তারা তোমার সেবা করেনি  
কিংবা তাদের মন্দ পথ থেকে ফেরেনি। 36 “কিন্তু দেখো, আজ আমরা  
দাস, ফলে যে দেশ তুমি আমাদের পিতৃপুরুষদের দিয়েছিলে যেন  
তারা তার ফল ও ভালো জিনিস খেতে পারে, আমরা সেখানেই দাস  
হয়ে রয়েছি। 37 আমাদের পাপের জন্য যে রাজাদের তুমি আমাদের  
উপর রাজত্ব করতে দিয়েছ দেশের প্রচুর ফসল তাদের কাছেই যায়।  
তারা তাদের খুশি মতোই আমাদের শরীরের উপরে ও আমাদের  
পশ্চালের উপরে কর্তৃত্ব করেন। আমরা মহা সংকটের মধ্যে রয়েছি।  
38 “এসব কারণে আমরা এখন নিজেদের মধ্যে লিখিতভাবে চুক্তি  
করছি আর তার উপর আমাদের কর্মকর্তারা, আমাদের লেবীয়রা এবং  
আমাদের যাজকেরা তাদের সিলমোহর দিচ্ছেন।”

**১০** তার উপর যারা সিলমোহর দিয়েছিল: হখলিয়ের ছেলে শাসনকর্তা  
নহিমিয়। সিদিকিয়, ২ সরায়, অসরিয়, যিরমিয় ৩ পশ্চুর, অমরিয়,  
মক্কিয়, ৪ হটুশ, শবনিয়, মল্লুক, ৫ হারীম, মরেমোৎ, ওবদিয়, ৬  
দানিয়েল, গিন্নথোন, বারুক, ৭ মশুল্লম, অবিয়, মিয়ামীন ৮ মাসিয়,  
বিলগ্য, শময়িয়, এরা সবাই যাজক ছিলেন। ৯ লেবীয়দের মধ্যে:  
অসনিয়ের ছেলে যেশুয়, হেনাদদের বংশধর বিন্নুয়ী, কদ্মীয়েল ১০  
এবং তাদের সহকর্মী শবনিয়, হোদিয়, কলীট, পলায়, হানন, ১১  
মীখা, রাহব, হশবিয়, ১২ সূক্র, শেরেবিয়, শবনিয়, ১৩ হোদিয়, বানি,  
বনীনু। ১৪ লোকদের নেতাদের মধ্যে: পরোশ, পহৃৎ-মোয়াব, এলম,  
সত্তু, বানি, ১৫ বুন্নি, অস্গদ, বেবয়, ১৬ অদোনিয়, বিগ্ৰয়, আদীন,  
১৭ আটের, হিক্কিয়, অসূর, ১৮ হোদিয়, হশুম, বেৎসয় ১৯ হারীফ,  
অনাথোৎ, নবয় ২০ মগ্পীয়শ, মশুল্লম, হেষীর ২১ মশেয়বেল, সাদোক,  
যদুয়, ২২ পলাটিয়, হানন, অনায় ২৩ হোশেয়, হনানিয়, হশুব ২৪  
হলোহেশ, পিলত, শোবেক ২৫ রহূম, হশব্না, মাসেয়, ২৬ অহিয়, হানন,  
অনান, ২৭ মল্লুক, হারীম, বানা। ২৮ “অবশিষ্ট লোকেরা—যাজকেরা,  
লেবীয়েরা, দ্বারক্ষকেরা, গায়কেরা, উপাসনা গৃহের সেবাকারীরা  
এবং ঈশ্বরের বিধান পালন করার জন্য যারা আশপাশের জাতিদের  
মধ্যে থেকে নিজেদের পৃথক করেছে, তারা সকলে, তাদের স্ত্রীরা  
এবং তাদের ছেলেরা ও তাদের মেয়েরা যারা বুঝতে পারে ২৯ এরা  
সকলে এখন ইস্রায়েলী প্রধান লোকদের সঙ্গে যোগ দিয়ে নিজেরা  
শপথপূর্বক এই শপথ করল যে ঈশ্বরের দাস মোশি দ্বারা দেওয়া  
ঈশ্বরের বিধান পথে চলব, আমাদের প্রভু সদাপ্রভুর আজ্ঞা, শাসন  
ও বিধিসকল যত্নের সঙ্গে পালন করব আর যদি না করি তবে যেন  
আমাদের উপর অভিশাপ নেমে আসে। ৩০ “আমরা প্রতিজ্ঞা করছি  
আমাদের নিকটবর্তী জাতিদের সঙ্গে আমাদের মেয়েদের বিয়ে দেব  
না কিংবা আমাদের ছেলেদের জন্য তাদের মেয়েদের নেব না। ৩১  
“বিশ্রামবারে কিংবা অন্য কোনও পবিত্র দিনে যদি আমাদের নিকটবর্তী  
লোকেরা কোনও জিনিসপত্র অথবা শস্য বিক্রি করার জন্য নিয়ে  
আসে তবে তাদের কাছ থেকে আমরা তা কিনব না। প্রত্যেক সপ্তম

বছরে আমরা জমি চাষ করব না এবং সমস্ত খাগ ক্ষমা করে দেব। 32  
“আমরা আমাদের ঈশ্বরের গৃহে পরিচর্যা করার জন্য, প্রতি বছর এক  
শেকলের তৃতীয়াংশ দেবার দায়িত্ব গ্রহণ করলাম 33 দর্শন-রগ্টির,  
প্রতিদিনের শস্য-নৈবেদ্য ও হোমের জন্য; বিশ্রামবারের; অমাবস্যার  
ভোজ; উৎসব সকলের; পবিত্র জিনিসের ও ইস্রায়েলের প্রায়চিত্তার্থক  
পাপার্থক বলির জন্য এবং আমাদের ঈশ্বরের গৃহের সমস্ত কাজের  
জন্য। 34 “আমাদের ব্যবস্থায় যা লেখা আছে সেইমত আমাদের  
ঈশ্বর সদাপ্রভুর বেদির উপরে পোড়াবার জন্য প্রত্যেক বছর নির্দিষ্ট  
সময়ে আমাদের ঈশ্বরের গৃহে আমাদের প্রত্যেক বৎশকে কখন কাঠ  
আনতে হবে তা স্থির করার জন্য আমরা যাজকেরা, লেবীয়েরা ও  
লোকেরা গুটিকাপাত করলাম। 35 “আর আমরা প্রতি বছর প্রথমে কাটা  
ফসল ও প্রত্যেকটি গাছের প্রথম ফল সদাপ্রভুর গৃহে আনার দায়িত্ব  
নেব। 36 “ব্যবস্থায় যেমন লেখা আছে, সেইমত আমরা আমাদের  
প্রথমজাত পুরুষসন্তান ও পশুদের, আমাদের পালের গরু, ছাগল ও  
মেষের প্রথম বাচ্চা আমাদের ঈশ্বরের গৃহের সেবাকারী যাজকের  
কাছে নিয়ে যাব। 37 “এছাড়া আমাদের ময়দার ও শস্য-নৈবেদ্যের  
প্রথম অংশ, সমস্ত গাছের প্রথম ফল ও নতুন দ্রাক্ষারস ও জলপাই  
তেলের প্রথম অংশ আমরা আমাদের ঈশ্বরের গৃহের ভাণ্ডার ঘরে  
যাজকদের কাছে নিয়ে আসব। আর আমাদের ফসলের দশমাংশ  
লেবীয়দের কাছে নিয়ে আসব, কারণ আমরা যেসব গ্রামে কাজ করি  
লেবীয়েরাই সেখানে দশমাংশ গ্রহণ করে থাকেন। 38 লেবীয়েরা যখন  
দশমাংশ নেবেন তখন তাদের সঙ্গে হারোনের বংশের একজন যাজক  
থাকবেন। লেবীয়েরা সেইসব দশমাংশের দশমাংশ ঈশ্বরের গৃহের  
ভাণ্ডার ঘরে নিয়ে যাবেন। 39 ভাণ্ডার ঘরের যেসব ঘরে মন্দিরের  
পবিত্র জিনিস সকল, পরিচর্যাকারী যাজকেরা, রক্ষীরা ও গায়কেরা  
থাকেন সেখানে ইস্রায়েলীরা ও লেবীয়েরা তাদের শস্য-নৈবেদ্য, নতুন  
দ্রাক্ষারস ও জলপাই তেল নিয়ে আসবে। “আমরা আমাদের ঈশ্বরের  
গৃহকে অবহেলা করব না।”

**11** লোকেদের কর্মকর্তারা জেরশালেমে বাস করতেন। বাকি লোকেরা গুটিকাপাত করল যেন তাদের মধ্যে প্রতি দশজনের একজন পবিত্র নগর জেরশালেমে বাস করতে পারে আর বাকি নয়জন তাদের নিজেদের নগরে থাকবে। 2 যে সকল লোক ইচ্ছা করে জেরশালেমে বাস করতে চাইল লোকেরা তাদের প্রশংসা করল। 3 প্রদেশের এসব প্রধান লোক জেরশালেমে বসতি করল (কিন্তু যিহুদা দেশের বিভিন্ন নগরে কিছু ইস্রায়েলী, যাজকেরা, লেবীয়েরা, উপাসনা গৃহের সেবাকারীরা ও শালোমনের দাসদের বংশধরেরা নিজের নিজের জমিতে বাস করত, 4 এছাড়া যিহুদা ও বিন্যামীন গোষ্ঠীর কিছু লোক জেরশালেমে বাস করত)। যিহুদা বংশধরদের মধ্য থেকে: উষিয়ের ছেলে অথায়, সেই উষিয় সখরিয়ের ছেলে, সখরিয় অমরিয়ের ছেলে অমরিয় শফটিয়ের ছেলে, শফটিয় মহললেলের ছেলে, সে পেরসের বংশধরদের মধ্যে একজন। 5 আর বারকের ছেলে মাসেয়, সেই বারক কল্হোষির ছেলে, কল্হোষি হসায়ের ছেলে, হসায় অদায়ার ছেলে, অদায়া যোয়ারীবের ছেলে, যোয়াবীর সখরিয়ের ছেলে, সখরিয় শীলোনীয়ের বংশধরদের মধ্যে একজন। 6 পেরসের বংশের মোট 468 শক্তিশালী লোক জেরশালেমে বাস করত। 7 বিন্যামীনের বংশধরদের মধ্য থেকে: মশুল্লমের ছেলে সল্লু, সেই মশুল্লম যোয়েদের ছেলে, যোয়েদ পদায়ের ছেলে, পদায় কোলায়ার ছেলে, কোলায়া মাসেয়ের ছেলে, মাসেয় ঈথীয়েলের ছেলে, ঈথীয়েল যিশায়াহের ছেলে, 8 এবং তার অনুগামীরা, গরবয় ও সল্লায় ছিল 928 জন। 9 সিঞ্চির ছেলে যোয়েল তাদের প্রধান কর্মচারী ছিল, এবং হস্সনূয়ার ছেলে যিহুদা নগরের দ্বিতীয় কর্তা ছিল। 10 যাজকদের মধ্যে: যোয়ারীবের ছেলে যিদয়িয়, যাখীন; 11 হিঙ্কিয়ের ছেলে সরায়, সেই হিঙ্কিয় মশুল্লমের ছেলে, মশুল্লম সাদোকের ছেলে, সাদোক মরায়োতের ছেলে, মরায়োৎ অহীটুবের ছেলে, অহীটুব ঈশ্বরের গৃহের দায়িত্বে থাকা কর্মকর্তা 12 এবং তাদের আরও সহকর্মী যারা উপাসনা গৃহের কাজ করত, তারা ছিল 822 জন। যিরোহমের ছেলে অদায়া, সেই যিরোহম পললিয়ের ছেলে, পললিয় অম্সির ছেলে, অম্সি সখরিয়ের ছেলে, সখরিয়

পশ্চুরের ছেলে, পশ্চুর মক্ষিয়ের ছেলে, 13 এবং তার সহকর্মীরা, যারা পরিবারের কর্তা তারা ছিল 242 জন; অসরেলের ছেলে অমশয়, সেই অসরেল অহসয়ের ছেলে, অহসয় মশিল্লেমোতের ছেলে, মশিল্লেমোৎ ইম্মেরের ছেলে, 14 এবং তার সহকর্মীরা, যারা শক্তিশালী লোক ছিল 128 জন। হগ্গদোলীমের ছেলে সন্দীয়েল ছিল তাদের প্রধান কর্মচারী। 15 লেবীয়দের মধ্যে: হশুবের ছেলে শময়িয়, সেই হশুব অঙ্গীকামের ছেলে, অঙ্গীকাম হশবিয়ের ছেলে, হশবিয় বুন্নির ছেলে; 16 লেবীয়দের মধ্যে দুজন প্রধান, শবথয় ও যোষাবাদ, ঈশ্বরের গৃহের বাইরের কাজকর্মের দায়িত্বে ছিল; 17 মন্ত্রনিয়ের ছেলে মীখা, মীখা সন্দির ছেলে, আসফের ছেলে সন্দি, যে ধন্যবাদ ও প্রার্থনা পরিচালনার কাজে প্রধান ছিল; তার সহকর্মীদের মধ্যে বক্রবুকিয় ছিল দিতীয়; এবং শমুয়ের ছেলে অব্দ, শমুয় গাললের ছেলে, গাললে যিদুথনের ছেলে। 18 পবিত্র নগরে লেবীয়দের মোট সংখ্যা ছিল 284। 19 দ্বার রক্ষকদের মধ্যে: অুক্ব, টল্মোন ও তাদের সঙ্গীরা, যারা দ্বারগুলি পাহারা দিত তারা ছিল 172 জন। 20 ইস্রায়েলীদের বাকি লোকেরা, যাজকেরা ও লেবীয়েরা যিহুদার সমস্ত নগরের মধ্যে প্রত্যেকে যে যার পূর্বপুরুষের জায়গাজমিতে বাস করত। 21 উপাসনা গৃহের সেবাকারীরা ওফল পাহাড়ে বাস করত, এবং সীহ ও গীল্প তাদের উপর দায়িত্বে ছিল। 22 বানির ছেলে উষি ছিল জেরশালেমে লেবীয়দের প্রধান কর্মচারী, সেই বানি হশবিয়ের ছেলে, হশবিয় মন্ত্রনিয়ের ছেলে, মন্ত্রনিয় মীখার ছেলে। উষি ছিল আসফবংশজাত একজন, যারা ঈশ্বরের গৃহে উপাসনায় গায়ক হিসেবে দায়িত্ব পালন করত। 23 গায়কেরা রাজার আদেশের অধীনে ছিল, সেই আদেশের দ্বারাই তাদের প্রতিদিনের কাজ ঠিক করা হত। 24 মশেষবেলের ছেলে পথাহিয়, যিহুদার ছেলে সেরহের একজন বংশজাত, সে লোকদের সমস্ত বিষয়ে রাজার অধীনে নিযুক্ত ছিল। 25 আর সব গ্রাম ও সেগুলির খেতখামারগুলির বিষয়; যিহুদা গোষ্ঠীর লোকেরা কেউ কেউ কিরিয়ৎ-অর্বে ও তার উপনগরগুলিতে, দীবোনে ও তার উপনগরগুলিতে, যিকবসেলে ও তার গ্রামগুলিতে, 26 যেশুয়েতে, মোলাদাতে, বেথ-পেলট, 27 হৎসর-শূয়ালে, বের-

শেবাতে ও তার উপনগরগুলিতে, 28 সিল্কগে, মকোনাতে ও তার উপনগরগুলিতে, 29 এন-রিমোগে, সরায়, যর্মুতে 30 সানোহে, অদুল্লমে ও তার গ্রামগুলিতে, লাথীশে ও তার ক্ষেত্রে, এবং অসেকাতে ও তার উপনগরগুলিতে বাস করত। বস্তুত তারা বের-শেবা থেকে হিন্নোম উপত্যকা পর্যন্ত বাস করত। 31 বিন্যামীনের বৎস্থরেরা গেবা থেকে মিক্মসে, অয়াতে, বেথেলে ও তার উপনগরগুলিতে, 32 অনাথোতে, নোবে, অননিয়াতে, 33 হাংসারে, রামাতে, গিত্তিয়মে, 34 হাদীদে, সবোয়িমে ও নবল্লাটে, 35 লোদে ও ওনোতে, এবং শিল্পকরদের উপত্যকাতে বাস করত। 36 যিহুদার লেবীয়দের কিছু দল বিন্যামীনের এলাকায় গিয়ে বাস করতে লাগল।

**12** এই যাজকেরা ও লেবীয়েরা শল্টীয়েলের ছেলে সরুবাবিলের ও যেশুয়ের সঙ্গে এসেছিল: সরায়, যিরমিয়, ইস্রা, 2 অমরিয়, মল্লুক, হট্শ 3 শখনিয়, রহূম, মরেমো 4 ইদো, গিন্থোয়, অবিয় 5 মিয়ামীন, মোয়াদিয়, বিল্গা 6 শময়িয়, যোয়ারীব, যিদয়িয়, 7 সল্লু, আমোক, হিক্কিয় ও যিদয়িয়। যেশুয়ের সময়ে এরা ছিলেন যাজকদের ও তাদের সহযোগীদের মধ্যে প্রধান। 8 লেবীয়েরা হল যেশুয়, বিন্যুয়ী, কদ্মীয়েল, শেরোবিয়, যিহুদা, মতনিয়, এই মতনিয় ও তার সহযোগীরা ধন্যবাদের গানের দায়িত্বে ছিল। 9 সেবাকাজের সময় তাদেরই সহযোগী বক্রুকিয় ও উন্নো তাদের মুখোমুখি দাঁড়াত। 10 যেশুয় ছিল যোয়াকীমের বাবা, যোয়াকীম ছিল ইলীয়াশীবের বাবা, ইলিয়াশীব ছিল যোয়াদার বাবা, 11 যোয়াদা ছিল যোনাথনের বাবা, এবং যোনাথন ছিল যদুয়ের বাবা। 12 যোয়াকীমের সময়ে যাজকদের পরিবারের মধ্যে এরা প্রধান ছিলেন: সরায়ের পরিবারে মরায়; যিরমিয়ের পরিবারে হনানিয়; 13 ইস্রার পরিবারে মশুল্লম; অমরিয়ের পরিবারে যিহোহানন; 14 মল্লুকীর পরিবারে যোনাথন; শবনিয়ের পরিবারে যোষেফ; 15 হারীমের পরিবারে অদ্ন; মরায়োতের পরিবারে হিক্কয়; 16 ইদোর পরিবারে সখরিয়; গিন্থোনের পরিবারে মশুল্লম; 17 অবিয়ের পরিবারে সিথি; মিনিয়ামীনের ও মোয়দিয়ের পরিবারে পিল্টয়; 18 বিল্গার পরিবারে শমূয়; শময়িয়ের পরিবারে যিহোনাথন; 19 যোয়ারীবের

পরিবারে মন্তব্য; যিদিয়িয়ের পরিবারে উষি; 20 সল্লুয়ের পরিবারে  
কল্যাণ; আমোকের পরিবারে এবর; 21 হিক্কিয়ের পরিবারে হশবিয়;  
যিদিয়িয়ের পরিবারে নথনেল। 22 ইলীয়াশীবের, যোয়াদার, যোহাননের  
ও যদ্দূয়ের সময়ে লেবীয়দের এবং যাজকদের পরিবারের প্রধানদের  
নামের তালিকা পারসীক দারিয়াবসের রাজত্বকালে লেখা হয়েছিল।  
23 লেবি বৎশের প্রধানদের নাম ইলীয়াশীবের ছেলে যোহাননের  
সময় পর্যন্ত বৎশাবলী পুস্তকের মধ্যে লেখা হয়েছিল। 24 লেবীয়দের  
প্রধান লোক হশবিয়, শেরেবিয়, ও কদ্মীয়েলের ছেলে যেশুয়, এবং  
তাদের সহযোগীরা ঈশ্বরের লোক দাউদের কথামতো অন্য দলের  
মুখোমুখি দাঁড়িয়ে দলের পর দল ঈশ্বরের প্রশংসা ও ধন্যবাদ করত।  
25 মন্তনিয়, বক্রুকিয়, ওবদিয়, মশুল্লম, টল্মোন ও অৰুব দারোয়ান  
হয়ে দ্বার সকলের কাছে যে সকল ভাগ্নার ছিল সেগুলি পাহারা দিত।  
26 তারা যোষাদকের ছেলে যেশুয় ও তার ছেলে যোয়াকীমের সময় ও  
শাসনকর্তা নহিমিয়ের এবং বিধানের অধ্যাপক ও যাজক ইহ্নার সময়ে  
পরিচর্যা করত। 27 জেরুশালেমের প্রাচীর উৎসর্গ করার উপলক্ষে  
লেবীয়েরা যেখানে বাস করত স্থান থেকে তাদের জেরুশালেমে আনা  
হল যেন তারা করতাল, বীণা ও সুরবাহার বাজিয়ে আনন্দের সঙ্গে  
উৎসর্গের জন্য গান গেয়ে ধন্যবাদ দিতে পারে। 28 গায়কদের আনা  
হয়েছিল জেরুশালেমের নিকটবর্তী জায়গা থেকে নটোফাতীয়দের  
সকল গ্রাম থেকে। 29 বেথ-গিল্গল, গেবা ও অস্মাবৎ এলাকা থেকেও  
গায়কদের এনে জড়ো করা হল, কেননা এরা জেরুশালেমের চারপাশে  
এসব জায়গায় নিজেদের গ্রাম স্থাপন করেছিল। 30 যাজকেরা ও  
লেবীয়েরা নিজেরা শুচি হয়ে লোকদের, দ্বারসকল ও প্রাচীর শুচি করল।  
31 পরে আমি যিহুদার কর্মকর্তাদের প্রাচীরের উপর আনলাম এবং  
ধন্যবাদ দেবার জন্য দুটি বড়ো গানের দল নিযুক্ত করলাম। একটি দল  
প্রাচীরের উপর দিয়ে ডানদিকে সারাদ্বারের দিকে গেল। 32 তাদের  
পিছনে হোশয়িয় ও যিহুদার অর্ধেক কর্মকর্তারা, 33 এবং অসরিয় ইহ্না,  
ও মশুল্লম, 34 যিহুদা, বিন্যামীন, শময়িয়, যিরমিয়। 35 এছাড়া তুরী  
হাতে কয়েকজন যাজক এবং আসফের বৎশের সূক্র ছেলে, মীখার

ছেলে, মত্তনিয়ের ছেলে, শময়িয়র ছেলে যোনাথন, তার ছেলে সখরিয়,  
৩৬ এবং তার সহযোগীরা—শময়িয়, অসরেল, মিললয়, গিলল্য, মায়য়,  
নথনেল, যিহুদা ও হনানি—ঈশ্বরের লোক দাউদের কথামতো তারা  
বিভিন্ন রকম বাজনা নিয়ে চলল, এবং বিধানের অধ্যাপক ইস্রা তাদের  
আগে আগে চলল। ৩৭ ফোয়ারা-দারের কাছ দিয়ে যেখানে প্রাচীর  
উপর দিকে উঠে গেছে সেখানে তারা দাউদ-নগরে উঠবার সিঁড়ি দিয়ে  
দাউদের প্রাসাদের পাশ দিয়ে পূর্বদিকে জল-দ্বারে গেল। ৩৮ দ্বিতীয়  
গানের দল উল্টোদিকে এগিয়ে গেল। আমি বাকি অর্ধেক লোক নিয়ে  
প্রাচীরের উপর দিয়ে তাদের পিছনে গেলাম, তন্দুরের দুর্গ থেকে  
প্রশস্ত প্রাচীর পর্যন্ত গেল, ৩৯ তারপর ইফ্রায়িমের দ্বার, পুরাতন দ্বার,  
মৎস্যদ্বার, হননেলের দুর্গ ও হয়েয়োর দুর্গ দিয়ে মেষদ্বার পর্যন্ত।  
তারা রক্ষীদের দ্বারে থামল। ৪০ যে দুটি গানের দল ধন্যবাদ দিয়েছিল  
তারা তারপর ঈশ্বরের গৃহের মধ্যে তাদের জায়গায় গিয়ে দাঁড়াল;  
এবং আমিও তাই করলাম। আমার সঙ্গে কর্মকর্তাদের অর্ধেক লোক  
ছিল। ৪১ আর সঙ্গে তুরী নিয়ে যে যাজকরা ছিল: ইলিয়াকীম, মাসেয়  
মিনিয়ামীন, মীখায়, ইলীয়েনয়, সখরিয়, হনানিয়। ৪২ এরা ছাড়াও  
সেখানে মাসেয়, শময়িয়, ইলিয়াসর, উষি, যিহোহানন, মক্কিয়, এলম  
ও এষর ছিল। গানের দলের লোকেরা যিত্তিহিয়ের নির্দেশমতো গান  
করল। ৪৩ ঈশ্বর তাদের প্রচুর আনন্দ দান করেছেন বলে সেদিন  
লোকেরা বড়ো একটি উৎসর্গের অনুষ্ঠান করল ও খুব আনন্দ করল।  
স্ত্রীলোকেরা ও ছোটরাও আনন্দ করল। জেরুশালেমের আনন্দধ্বনি  
অনেক দূর পর্যন্ত শোনা গেল। ৪৪ সেই সময় ভাণ্ডারের দায়িত্ব নেওয়ার  
জন্য লোকদের নিযুক্ত করা হল যারা সব দান, ফসলের অগ্রিমাংশ ও  
দশমাংশ সেখানে নিয়ে আসবে। তাদের নগরের চারিদিকের ক্ষেত্র  
থেকে বিধান অনুসারে যাজক ও লেবীয়দের জন্য লোকদের কাছ  
থেকে ফসলের অংশ নিয়ে আসার দায়িত্ব ছিল। যিহুদার লোকেরা  
পরিচর্যাকারী যাজক ও লেবীয়দের কাজে সন্তুষ্ট হয়েছিল। ৪৫ তারা  
তাদের ঈশ্বরের পরিচর্যা ও শুটি করার কাজ করত এবং গায়কেরা ও  
দারোয়ানেরা দাউদের ও তার ছেলে শলোমনের আদেশ অনুসারে

কাজ করত। 46 অনেক কাল আগে, দাউদ ও আসফের সময়ে ঈশ্বরের উদ্দেশে প্রশংসা ও ধন্যবাদের গান গাইবার জন্য গায়কদের জন্য পরিচালকদের নিযুক্ত করা হয়েছিল। 47 সরকারিবিলের ও নহিমিয়ের সময়ও ইস্রায়েলীরা সকলেই গায়ক ও দারোয়ানদের প্রতিদিনের অংশ দিত। আর তারা অন্যান্য লেবীয়দের পাওনা পৃথক করে রাখত এবং লেবীয়েরা হারোগের বৎসরদের জন্য তাদের পাওনা পৃথক করে রাখত।

**13** সেদিন লোকদের কাছে মোশির পুস্তক জোরে পড়া হল আর দেখা গেল সেখানে লেখা আছে যে কোনও অম্মোনীয় অথবা মোয়াবীয় ঈশ্বরের লোকদের সমাজে প্রবেশ করতে পারবে না, 2 কারণ তারা খাবার ও জল নিয়ে ইস্রায়েলীয়দের সঙ্গে সাক্ষাৎ করেনি, বরং তাদের অভিশাপ দেবার জন্য বিলিয়মকে ভাড়া করেছিল। কিন্তু আমাদের ঈশ্বর সেই অভিশাপকে আশীর্বাদে পরিণত করেছিলেন। 3 লোকেরা যখন এই বিধান শুনল, তারা বিদেশিদের বৎসরদের সবাইকে ইস্রায়েলীদের সমাজ থেকে বাদ দিয়ে দিল। 4 এর আগে ইলীয়াশীব যাজককে আমাদের ঈশ্বরের গৃহের ভাগুরের দায়িত্ব দেওয়া হয়েছিল। সে টোবিয়ের নিকট আত্মীয় ছিল, 5 যার জন্য তাকে একটি বড়ো ঘর দেওয়া হয়েছিল যা আগে শস্য-নৈবেদ্যের সামগ্রী, ধূপ ও উপাসনা গৃহের জিনিসপত্র এবং লেবীয়দের, গায়কদের ও দারোয়ানদের জন্য শস্যের, নতুন দ্রাক্ষারসের ও জলপাই তেলের দশমাংশ এবং যাজকদের যা দেওয়া হত তা রাখার জন্য ব্যবহার করা হত। 6 কিন্তু এসব যখন হচ্ছিল তখন আমি জেরুশালেমে ছিলাম না, কেননা ব্যাবিলনের রাজা অর্তক্ষণের বত্রিশ বছর রাজত্বের সময় আমি রাজার কাছে ফিরে গিয়েছিলাম। কিছুদিন পর আমি রাজার কাছে ফিরে আসার অনুমতি নিলাম 7 আর জেরুশালেমে ফিরে এলাম। ঈশ্বরের গৃহে টোবিয়কে একটি ঘর দিয়ে ইলীয়াশীব যে মন্দ কাজ করেছে আমি তা জানলাম। 8 আমি খুব অসন্তুষ্ট হলাম এবং টোবিয়ের সমস্ত জিনিসপত্র সেই ঘর থেকে ছুঁড়ে ফেলে দিলাম। 9 আমি আদেশ দিয়ে সেই ঘর শুটি করলাম আর ঈশ্বরের গৃহের শস্য উৎসর্গের জিনিস

ও ধূপ আবার সেখানে এনে রাখলাম। 10 আমি আরও জানতে পারলাম যে লেবীয়দের পাওনা অংশ তাদের দেওয়া হয়নি, এবং তাদের উপর যে দায়িত্ব দেওয়া হয়েছিল তা পালন না করে লেবীয়েরা ও গায়কেরা নিজের নিজের জমিতে ফিরে গেছে। 11 তাতে আমি কর্মকর্তাদের অনুযোগ করে বললাম, “ঈশ্বরের গৃহ কেন অবহেলায় আছে?” তারপর আমি তাদের ডেকে একত্র করে নিজের নিজের পদে বহাল করলাম। 12 যিহুদার সমস্ত লোক তাদের শস্যের, নতুন দ্রাক্ষারস ও জলপাই তেলের দশমাংশ ভাগ্নারে আনল। 13 আমি শেলিমিয় যাজক, সাদোক অধ্যাপককে ও লেবীয়দের মধ্যে পদায়কে ভাগ্নার সকলের দায়িত্ব দিলাম এবং মন্ত্রনিয়ের ছেলে সূক্র ও সুকরের ছেলে হাননকে তাদের সহযোগী হিসেবে নিযুক্ত করলাম, কারণ সবাই এই লোকদের বিশ্বাসযোগ্য মনে করত। তাদের সহযোগী লেবীয়দের অংশ দেওয়ার জন্য তাদের দায়িত্ব দেওয়া হল। 14 হে আমার ঈশ্বর, এসব কাজের জন্য আমাকে মনে রেখো, আমি আমার ঈশ্বরের গৃহের জন্য ও তার পরিচর্যা কাজের জন্য বিশ্বস্তভাবে যা করেছি তা মুছে ফেলে দিয়ো না। 15 ওই সময় আমি দেখলাম যিহুদার লোকেরা বিশ্রামবারে দ্রাক্ষারস মাড়াইয়ের কাজ করছে আর শস্য, দ্রাক্ষারস, আঙুর, ডুমুর এবং সকল জিনিসের বোঝা গাধার উপর চাপাচ্ছে। আর বিশ্রামবারে এসব জিনিস জেরুশালেমে নিয়ে আসছে। সেইজন্য আমি তাদের সেদিন খাবার বিক্রি না করার জন্য সাবধান করলাম। 16 জেরুশালেমে বাসকারী সোরের লোকেরা মাছ আর অন্যান্য জিনিস এনে বিশ্রামবারে জেরুশালেমে যিহুদার লোকদের কাছে বিক্রি করছিল। 17 আমি যিহুদার গণ্যমান্য লোকদের তিরক্ষার করে বললাম, “তোমরা এ কেমন মন্দ কাজ করছ, বিশ্রামবারকে অপবিত্র করছ? 18 তোমাদের পূর্বপুরুষেরা কি সেই একই কাজ করেননি, যার দরজন আমাদের ঈশ্বর আমাদের উপর ও এই নগরের উপর এসব সর্বনাশ ঘটিয়েছেন? এখন তোমরা বিশ্রামবারের পবিত্রতা নষ্ট করে ইস্রায়েলীদের উপর ঈশ্বরের আরও ক্রোধ বাঢ়িয়ে তুলছ।” 19 আমি এই আদেশ দিলাম যে, বিশ্রামবারের আরস্তে যখন জেরুশালেমের কবাটগুলির উপর সন্ধ্যা

ছায়া নেমে আসবে তখন যেন কবাটগুলি বন্ধ করা হয় এবং বিশ্রামবার  
শেষ না হওয়া পর্যন্ত তা বন্ধ রাখা হয়। বিশ্রামবারে যাতে কোনও  
বোৰা ভিতরে আনা না হয় তা দেখবার জন্য আমি আমার নিজের  
কয়েকজন লোক কবাটগুলিতে নিযুক্ত করলাম। 20 এতে ব্যবসায়ীরা  
ও যারা সব রকম জিনিস বিক্রি করত তারা দু-একবার জেরশালেমের  
বাইরে রাত কাটাল। 21 কিন্তু আমি তাদের সতর্ক করে বললাম,  
“তোমরা প্রাচীরের সামনে কেন রাত কাটাচ? তোমরা যদি আবার  
এই কাজ করো তবে আমি তোমাদের বিরংদু ব্যবস্থা নেব।” সেই  
থেকে তারা আর বিশ্রামবারে আসত না। 22 তারপর আমি লেবীয়দের  
আদেশ দিলাম যেন তারা নিজেদের শুচি করে এবং বিশ্রামবার পবিত্র  
রাখবার জন্য দ্বারগুলি পাহারা দেয়। হে আমার ঈশ্বর, এর জন্যও তুমি  
আমাকে মনে রেখো এবং তোমার মহান ভালোবাসাতে আমার প্রতি  
করণা কোরো। 23 সেই সময় আমি এও দেখলাম যে, যিহুদার কোনও  
কোনও লোক অস্ত্রোদ, অম্মোন ও মোয়াবের মেয়েদের বিয়ে করছে।  
24 তাদের অর্ধেক ছেলেমেয়ে অস্ত্রোদের ভাষা কিংবা অন্যান্য জাতির  
ভাষায় কথা বলে, কিন্তু যিহুদার ভাষায় কথা বলতে জানে না। 25  
আমি তাদের তিরক্ষার করে বললাম যেন তাদের উপর অভিশাপ নেমে  
আসে। কয়েকজনকে আমি মারলাম এবং চুল উপড়ে ফেললাম। আমি  
তাদের ঈশ্বরের নামে শপথ নিতে বাধ্য করলাম এবং বললাম: “তাদের  
ছেলেদের সঙ্গে তোমাদের মেয়েদের বিয়ে দেবে না, অথবা তোমাদের  
ছেলেদের জন্য কিংবা নিজেদের জন্য তাদের মেয়েদের গ্রহণ করবে  
না। 26 এরকম বিয়ে করার জন্য ইস্রায়েলের রাজা শলোমন কি  
পাপ করেনি? অন্য কোনও জাতির মধ্যে তার মতো রাজা কেউই  
ছিল না। তাঁর ঈশ্বর তাঁকে ভালোবাসতেন আর ঈশ্বর তাঁকে সমস্ত  
ইস্রায়েলীয়দের উপর রাজা করেছিলেন, কিন্তু বিদেশি স্ত্রীরা তাঁকে  
পাপ করিয়েছিল। 27 এখন আমাদের কি এই কথাই শুনতে হবে  
যে, তোমরাও এসব ভীষণ দুষ্টার কাজ করেছ এবং বিদেশি স্ত্রীকে  
বিয়ে করে আমাদের ঈশ্বরের প্রতি অবিশ্বস্ত হয়েছ?” 28 ইলীয়াশীর  
মহাযাজকের ছেলে যিহোয়াদার এক ছেলে হোরোণীয় সন্বল্পটের

জামাই ছিল। আর আমি তাকে আমার কাছ থেকে তাড়িয়ে দিলাম।

29 হে আমার স্টশ্বর, এদের কথা মনে রেখো, কারণ এরা যাজকদের

পদ এবং যাজকের পদের ও লেবীয়দের নিয়ম কলঙ্কিত করেছে। 30

সুতরাং আমি বিজাতীয় সকলের থেকে যাজক ও লেবীয়দের পবিত্র

করলাম, এবং তাদের কাজ অনুসারে প্রত্যেকের কাজ ভাগ করে

দিলাম। 31 এছাড়া সময়মত কাঠ ও ফসলের অগ্রিমাংশ আনবার

জন্যও আমি ব্যবস্থা করলাম। হে আমার স্টশ্বর, আমার মঙ্গল করার

জন্য আমাকে মনে রেখো।

## ইষ্টের বিবরণ

১ সেই অহশ্বেরশের সময়ে এই ঘটনাটি ঘটেছিল, যে অহশ্বেরশ হিন্দুস্থান থেকে কৃশ দেশ পর্যন্ত 127-টি প্রদেশে রাজত্ব করতেন। ২ সেই সময় অহশ্বেরশ রাজা শূশন দুর্গে তাঁর সিংহাসনে বসে শাসন করতেন, ৩ এবং তাঁর রাজত্বের তৃতীয় বছরে অভিজাত লোকদের ও কর্মকর্তাদের জন্য এক ভোজের আয়োজন করলেন। পারস্য ও মাদিয়া দেশের সেনাপতিরা, অভিজাত লোকেরা ও রাজ্যের উচ্চ পদের কর্মচারীরা উপস্থিত ছিলেন। ৪ একশত আশি দিন ধরে তিনি তাঁর রাজ্যের সম্পদ এবং ঐশ্বর্য ও গরিমা তাদের কাছে প্রদর্শন করলেন। ৫ এই দিনগুলি শেষ হয়ে যাবার পর তিনি শূশনে উপস্থিত ক্ষুদ্র কি মহান সমস্ত লোকের জন্য সাত দিন ধরে রাজবাড়ির বাগানের উঠানে একটি ভোজ দিলেন। ৬ সেই বাগান সাজাবার জন্য সাদা ও নীল কাপড়ের পর্দা ব্যবহার করা হয়েছিল যেগুলি সাদা ও বেগুনি মসিনা সুতোর দড়ি দিয়ে ঝল্পোর কড়াতে মার্বেল পাথরের থামে আটকানো ছিল। মার্বেল পাথর, বিনুক এবং বিভিন্ন রংয়ের অন্যান্য দামি পাথরের করা মেঝের উপরে সোনা ও ঝল্পোর আসন ছিল। ৭ সমস্ত পানীয় বিভিন্ন রকমের সোনার পাত্রে দেওয়া হচ্ছিল এবং রাজার মন বড়ো ছিল বলে প্রচুর পরিমাণে দ্রাক্ষারস ছিল। ৮ রাজার আদেশে নিমন্ত্রিত প্রত্যেকজনকে নিজের ইচ্ছামতো তা খাওয়ার অনুমতি দেওয়া হয়েছিল, কারণ প্রত্যেকে যেমন চায় রাজা সেইভাবে পরিবেশন করার জন্য সকল দ্রাক্ষারসের পরিবেশককে নির্দেশ দিয়েছিলেন। ৯ অহশ্বেরশ রাজার রাজপ্রাসাদে বস্তী রানিও মহিলাদের জন্য একটি ভোজ দিলেন। ১০ সপ্তম দিনে রাজা অহশ্বেরশ দ্রাক্ষারস খেয়ে খুব খুশি হয়েছিলেন এবং যে সাতজন নপুংসক—মতুমন, বিস্তা, হর্বোণা, বিগথা, অবগথ, সেথর, কর্কস—তাঁর পরিচর্যা করত তাদের তিনি আদেশ দিলেন, ১১ যেন রানি বস্তীকে রাজমুকুট পরিয়ে তাঁর সামনে আনা হয়। রানি দেখতে সুন্দরী ছিলেন বলে রাজা অভিজাত লোকদের ও কর্মকর্তাদের সামনে তাঁর সৌন্দর্য দেখাতে চেয়েছিলেন। ১২ কিন্তু পরিচর্যাকারীরা যখন রাজার আদেশ জানাল তখন রানি বস্তী আসতে রাজি হলেন

না। এতে রাজা ভীষণ রেগে আগুন হয়ে গেলেন। 13 যেহেতু আইন  
ও বিচার সম্বন্ধে দক্ষ লোকদের সঙ্গে রাজার পরামর্শ করবার নিয়ম  
ছিল বলে তিনি সেই পরামর্শদাতাদের সঙ্গে এই বিষয় নিয়ে কথা  
বললেন 14 এবং যারা রাজার খুব কাছের ছিল তারা হল কর্ণনা, শেখর,  
অদমাথা, তশীশ, মেরস, মর্সনা ও মমুখন, এই সাতজন পারস্য ও  
মাদিয়া দেশের অভিজাত কর্মকর্তাদের রাজার সামনে উপস্থিত হবার  
অধিকার ছিল এবং সাম্রাজ্যের মধ্যে সব বড়ো স্থান ছিল তাদের।  
15 তিনি জিজ্ঞাসা করলেন, “বিধান অনুসারে রানি বষ্টীর প্রতি কি  
করা উচিত? নপুংসকদের দ্বারা রাজা অহশ্বেরশ যে আদেশ রানিকে  
পাঠিয়েছিলেন তা তিনি মানেননি।” 16 তখন রাজা এবং উঁচু পদের  
কর্মকর্তাদের সাক্ষাতে মমুখন বললেন, “রানি বষ্টী অন্যায় করেছেন,  
কেবল রাজার বিরুদ্ধে নয় কিন্তু রাজা অহশ্বেরশের অধীন সমস্ত রাজ্যের  
উঁচু পদের কর্মকর্তাদের ও সেখানকার লোকদের বিরুদ্ধে। 17 রানির  
এরকম ব্যবহার সমস্ত স্ত্রীলোকদের মধ্যে জানাজানি হয়ে যাবে এবং  
তারা তাদের স্বামীদের তুচ্ছ করে বলবে, ‘রাজা অহশ্বেরশ আদেশ  
দিয়েছিলেন যেন রানি বষ্টীকে তাঁর সামনে আনা হয়, কিন্তু তিনি  
আসলেন না।’ 18 পারস্য ও মাদিয়ার সম্মানিতা স্ত্রীলোকেরা রানির এই  
ব্যবহারের কথা শুনে রাজার উঁচু পদের কর্মকর্তাদের সঙ্গে একইরকম  
ব্যবহার করবেন। এতে অসম্মান ও অনেকের কোনও শেষ হবে  
না। 19 “যদি রাজার অমত না থাকে, তবে তিনি যেন একটি রাজ-  
আদেশ দেন যে, বষ্টী আর কখনও রাজা অহশ্বেরশের সামনে আসতে  
পারবেন না। এই আদেশ পারস্য ও মাদিয়ার আইনে লেখা থাকুক  
যেন বাতিল করা না যায়। এছাড়া রাজা যেন তাঁর চেয়েও উপযুক্ত অন্য  
আর একজনকে রানির পদ দেন। 20 রাজার এই আদেশ যখন তাঁর  
বিরাট সাম্রাজ্যের সব জায়গায় ঘোষিত হবে তখন সাধারণ থেকে  
সম্মানিতা সমস্ত স্ত্রীলোকেরা তাদের স্বামীদের সম্মান করবে।” 21 এই  
পরামর্শ রাজা ও তাঁর উঁচু পদের কর্মকর্তাদের ভালো লাগল, রাজা  
সেইজন্য মমুখনের কথামতো কাজ করলেন। 22 তিনি তাঁর সাম্রাজ্যের  
সব জায়গায় প্রত্যেকটি রাজ্যের অক্ষরানুসারে ও প্রত্যেকটি জাতির

ভাষানুসারে চিঠি পাঠিয়ে দিলেন যে, প্রত্যেক পুরুষ তার নিজের  
বাড়ির উপর কর্তৃত করুক ও স্বজাতীয় ভাষায় তা প্রচার করুক।

**2** পরে রাজা অহশ্চেরশের রাগ পড়ে গেলে, বষ্টীকে ও তিনি কি  
করেছিলেন এবং তাঁর বিষয় কি আদেশ দেওয়া হয়েছিল তা স্মরণ  
করলেন। 2 তখন রাজার ব্যক্তিগত কর্মচারীরা প্রস্তাব করল, “মহারাজের  
জন্য সুন্দরী কুমারী মেয়ের খোঁজ করা হোক। 3 রাজা নিজের সাম্রাজ্যের  
সমস্ত রাজ্য এজেন্ট নিযুক্ত করুন যেন তারা সব সুন্দরী মেয়েদের  
শূশন দুর্গের হারেমে পাঠিয়ে দিতে পারে। তাদেরকে রাজার যে  
নপুংসক হেগয়, তার হাতে সমর্পণ করুক, যার উপর স্ত্রীলোকদের ভার  
দেওয়া আছে, এবং তাদের সৌন্দর্য বাঢ়াবার জন্য যা লাগে তা দেওয়া  
হোক। 4 তারপর মহারাজকে যে কুমারী মেয়ে সন্তুষ্ট করতে পারবে  
তাকে বষ্টীর পরিবর্তে রানি করা হোক।” এই পরামর্শ রাজার কাছে  
ভালো লাগল, এবং তিনি সেইমতই কাজ করলেন। 5 সেই সময়  
মর্দখয় নামে বিন্যামীন গোষ্ঠীর একজন ইহুদি শূশনের দুর্গে ছিলেন।  
তিনি যায়ীরের ছেলে, যে শিমিয়ের ছেলে, যে কৌশের ছেলে, 6 যাকে  
ব্যাবিলনের রাজা নেবুখাদনেজার যিহুদার রাজা যিহোয়াখীনের সঙ্গে  
জেরুশালেম থেকে বন্দি করে নিয়ে এসেছিলেন। 7 মর্দখয়ের হনসা  
নামে একটি সম্পর্কিত বোন ছিল যাঁকে তিনি মানুষ করেছিলেন কারণ  
তাঁর মা অথবা বাবা ছিল না। এই মেয়েটি ইষ্টের নামেও পরিচিত  
ছিল, সে খুব সুন্দরী ও ভালো গড়নের ছিল এবং তাঁর মা ও বাবা মারা  
যাওয়ায় মর্দখয় তাঁকে নিজের মেয়ে বলে গ্রহণ করেছিলেন। 8 রাজার  
আদেশ ও নির্দেশ ঘোষণা করা হলে পর অনেক মেয়েকে শূশনের  
দুর্গে নিয়ে এসে হেগয়ের তদারকির অধীনে রাখা হল। ইষ্টেরকেও  
রাজবাড়িতে নিয়ে গিয়ে হেগয়ের কাছে রাখা হল, যাঁর উপর হারেমের  
দায়িত্ব ছিল। 9 মেয়েটি তাঁকে সন্তুষ্ট করে ও তাঁর দয়া পায়। হেগয়  
প্রথম থেকেই তাঁকে সৌন্দর্য বাঢ়াবার জিনিসপত্র এবং বিশেষ খাবার  
দিল। সে রাজবাড়ি থেকে বেছে বেছে সাতজন দাসী তাঁর জন্য নিযুক্ত  
করল এবং হারেমের সবচেয়ে ভালো জায়গায় তাঁকে ও তাঁর দাসীদের  
রাখল। 10 ইষ্টের তাঁর জাতি ও বংশের পরিচয় দিলেন না কারণ মর্দখয়

তাঁকে বারণ করেছিলেন। 11 ইষ্টের কেমন আছেন ও তাঁর কি হচ্ছে  
না হচ্ছে তা জানার জন্য মর্দখয় প্রতিদিন হারেমের উঠানের সামনে  
যোরাফেরা করতেন। 12 রাজা অহশ্বেরশের কাছে কোনও মেয়ের  
যাবার পালা আসবার আগে বারো মাস ধরে তাঁকে মেয়েদের জন্য  
সৌন্দর্য বাড়াবার ব্যবস্থা গ্রহণ করতে হত, ছয় মাস গন্ধরসের তেল ও  
ছয় মাস সুগন্ধি ও মহিলাদের জন্য নির্ধারিত প্রসাধনের জিনিসপত্র  
ব্যবহার করতে হত। 13 আর এইভাবে সে রাজার কাছে যেতে পারত  
তিনি যা নিয়ে যেতে চাইতেন তাই তাঁকে রাজার প্রাসাদের হারেম  
থেকে দেওয়া হত। 14 সন্ধ্যাবেলা সে সেখানে যেত এবং সকালবেলা  
হারেমের আরেক জায়গায় যেত যেখানে রাজার নপুংসক শাশগাস  
উপপত্তীদের যত্ন নিতেন। সে আর রাজার কাছে যেতে পারত না যদি  
না রাজা তার উপর খুশি হয়ে তাকে নাম ধরে ডাকতেন। 15 ইষ্টেরের  
যখন রাজার কাছে যাবার পালা এল (মর্দখয় তাঁর কাকা অবীহায়লের  
যে মেয়েকে নিজের মেয়ে হিসেবে গ্রহণ করেছিলেন), তখন হারেমের  
তদারককারী রাজার নিযুক্ত নপুংসক হেগয় তাঁকে যা নিয়ে যেতে বলল  
তা ছাড়া তিনি আর কিছুই চাইলেন না। আর যে কেউ ইষ্টেরকে দেখত,  
সে তাঁকে অনুগ্রহ করত। 16 রাজা অহশ্বেরশের রাজত্বের সাত বছরের  
দশম মাসে তার অর্থ টেবেথ মাসে ইষ্টেরকে রাজবাড়িতে রাজার কাছে  
নিয়ে যাওয়া হল। 17 অন্যান্য স্ত্রীলোকদের চেয়ে ইষ্টেরকে রাজা বেশি  
ভালোবাসলেন এবং তিনি অন্যান্য কুমারী মেয়েদের চেয়ে রাজার  
কাছে বেশি দয়া ও ভালোবাসা পেলেন। অতএব রাজা তাঁর মাথায়  
মুকুট পরিয়ে দিলেন এবং বন্ধীর জায়গায় ইষ্টেরকে রানি করলেন।  
18 তারপর রাজা তাঁর উঁচু পদের লোকদের ও কর্মকর্তাদের জন্য  
ইষ্টেরের ভোজ নামে একটি বড়ো ভোজ দিলেন। তিনি সব রাজ্যে ছুটি  
ঘোষণা করলেন ও রাজকীয় উদারতায় উপহার দান করলেন। 19  
দ্বিতীয়বার কুমারী মেয়েদের যখন একত্র করা হল, মর্দখয় রাজবাড়ির  
দ্বারে বসেছিলেন। 20 কিন্তু মর্দখয়ের কথামতো ইষ্টের তাঁর বংশের  
পরিচয় ও জাতির কথা গোপন রেখেছিলেন। ইষ্টের মর্দখয়ের কাছে  
প্রতিপালিত হবার সময় যেমন তাঁর কথামতো চলতেন তখনও তিনি

তেমনই চলছিলেন। 21 মর্দখয় রাজবাড়ির দ্বারে বসে থাকার সময় একদিন রাজার দ্বারক্ষীদের মধ্যে দুজন, বিগখন ও তেরশ, রাগ করে রাজা অহশ্বেরশকে মেরে ফেলার ঘড়্যন্ত করল। 22 কিন্তু মর্দখয় ঘড়্যন্তের কথা জানতে পেরে রানি ইষ্টেরকে সেই কথা জানালেন। রানি মর্দখয়ের নাম করে তা রাজাকে জানালেন। 23 সেই বিষয় খোঁজখবর নিয়ে যখন জানা গেল কথাটি সত্যি তখন সেই দুজন কর্মচারীকে ফাঁসি দেওয়া হল। এসব কথা রাজার সামনেই ইতিহাস বইতে লেখা হল।

**৩** এসব ঘটনার পরে রাজা অহশ্বেরশ অগাগীয় হয়দাথার ছেলে হামনকে সাম্রাজ্যের অন্যান্য কর্মকর্তাদের চেয়ে উঁচু পদ দিয়ে সম্মানিত করলেন। 2 রাজবাড়ির দ্বারে থাকা রাজকর্মচারীরা হাঁটু গেড়ে হামনকে সম্মান দেখাত, কারণ রাজা তার সম্বন্ধে সেইরকমই আদেশ দিয়েছিলেন। কিন্তু মর্দখয় হাঁটুও পাততেন না কিংবা সম্মানও দেখাতেন না। 3 এতে রাজবাড়ির দ্বারে থাকা রাজকর্মচারীরা মর্দখয়কে বলল, “রাজার আদেশ তুমি কেন অমান্য করছ?” 4 দিনের পর দিন তারা তাঁকে বললেও তিনি তা মানতে রাজি হলেন না। সুতরাং তারা হামনকে সে বিষয় বলল দেখতে যে মর্দখয়ের এই ব্যবহার সহ্য করা হবে কি না, কারণ তিনি তাদের বলেছিলেন যে তিনি একজন ইহুদি। 5 হামন যখন দেখল যে মর্দখয় হাঁটুও পাতবেন না কিংবা সম্মানও দেখাবেন না তখন ভীষণ রেংগে গেল। 6 কিন্তু মর্দখয়ের জাতি সম্বন্ধে জানতে পেরে কেবল মর্দখয়কে মেরে ফেলা একটি সামান্য বিষয় বলে সে মনে করল। এর বদলে সে একটি উপায় খুঁজতে লাগল যাতে অহশ্বেরশের গোটা সাম্রাজ্যের মধ্য থেকে মর্দখয়ের লোকদের, মানে ইহুদিদের ধ্বংস করতে পারে। 7 রাজা অহশ্বেরশের রাজত্বের বারো বছরের প্রথম মাসে, তার অর্থ নীষণ মাসে একটি দিন ও মাস বেছে নেবার জন্য লোকেরা হামনের সামনে পূর, তার অর্থ গুটিকাপাত করল। তাতে গুলি বারো মাসে, অদর মাসে উঠল। 8 হামন তখন রাজা অহশ্বেরশকে বলল, “আপনার সাম্রাজ্যের সমস্ত রাজ্য বিভিন্ন জাতির মধ্যে একটি জাতি ছড়িয়ে রয়েছে যাদের দেশাচার অন্য জাতির থেকে আলাদা এবং তারা মহারাজের বিধান পালন করে না;

অতএব তাদের সহ্য করা মহারাজের অনুপযুক্ত । ৭ মহারাজের যদি ভালো মনে হয়, তবে তাদের ধ্বংস করে ফেলার জন্য একটি হৃকুম জারি করা হোক, তাতে আমি রাজতাঙ্গারে রাখার জন্য এই কাজের উদ্দেশ্যে যারা কার্যকারী তাদের জন্য 10,000 তালস্ত রূপো দেব।” ১০ তখন রাজা তাঁর নিজের আঙুল থেকে স্বাক্ষর দেবার আংটি ইছুদিদের শক্ত অগাগীয় হমদাথার ছেলে হামনকে দিলেন । ১১ রাজা হামনকে বললেন, “অর্থ তুমি রাখো আর লোকদের নিয়ে তোমার যা ভালো মনে হয় তাই করো।” ১২ তারপর প্রথম মাসের তেরো দিনের দিন রাজার কার্যনির্বাহকদের ডাকা হল। তারা প্রত্যেক রাজ্যের অক্ষর ও প্রত্যেক জাতির ভাষা অনুসারে হামনের সমস্ত আদেশ বিভিন্ন রাজ্যের ও বিভাগের শাসনকর্তাদের এবং বিভিন্ন জাতির নেতাদের কাছে লিখে জানাল। সেগুলি রাজা অহশ্চেরশের নামে লেখা হল এবং রাজার নিজের আংটি দিয়ে সিলমোহর করা হল। ১৩ এই চিঠি পত্রবাহকদের দিয়ে রাজার অধীন সমস্ত রাজ্যে পাঠানো হল। সেই চিঠিতে হৃকুম দেওয়া হল যেন অদর নামে বারো মাসের তেরো দিনের দিন সমস্ত ইছুদিদের—যুবক ও বৃন্দ, শিশু ও স্ত্রীলোক—সমস্ত লুট করে একদিনে হত্যা করে ধ্বংস করতে হবে। ১৪ এই ফরমানের নকল প্রত্যেক রাজ্যের সমস্ত জাতির কাছে পাঠিয়ে দেওয়া হল যেন তারা সেদিনের জন্য প্রস্তুত হয়। ১৫ রাজার আদেশ পেয়ে সংবাদবাহকেরা তাড়াতাড়ি বেরিয়ে গেল এবং শূশনের দুর্গেও সেই ফরমান প্রচার করা হল। তারপর রাজা ও হামন পান করতে বসলেন, কিন্তু শূশন নগরের সকল লোক হতভম্ব হয়ে গেল।

**৪** যখন মর্দখয় এসব বিষয় জানতে পারলেন, তিনি নিজের পরনের কাপড় ছিড়ে, চট পরে ও ছাই মেখে নগরের মধ্যে দিয়ে উচ্চস্বরে কাঁদতে কাঁদতে গেলেন। ২ কিন্তু তিনি রাজবাড়ির দ্বার পর্যন্ত গেলেন কারণ চট পরে কাটকে ভিতরে যাওয়ার অনুমতি ছিল না। ৩ প্রত্যেকটি রাজ্য রাজার ফরমান ও আদেশ পৌঁছাল সেখানে ইছুদিদের মধ্যে মহাশোক, উপবাস, কান্নাকাটি ও বিলাপ হতে লাগল। অনেকে চট পরে ছাইয়ের মধ্যে শুয়ে পড়ল। ৪ ইষ্টেরের দাসীরা ও নপুংসকেরা

যখন তাঁকে মর্দখয়ের বিষয় জানাল তখন তাঁর মনে খুব দুঃখ হল।  
তিনি মর্দখয়কে কাপড় পাঠালেন যেন তিনি চটের বদলে তা পরেন,  
কিন্তু তা তিনি নিলেন না। ৫ তখন ইষ্টের নিজের পরিচর্যাকারী রাজার  
নপুংসক হথককে ডাকলেন, এবং মর্দখয়ের কি হয়েছে ও কেন হয়েছে  
তা তাঁর কাছ থেকে জেনে আসবার জন্য হুকুম দিলেন। ৬ সেইজন্য  
হথক রাজবাড়ির দ্বারের সামনে নগরের চকে মর্দখয়ের কাছে গেল। ৭  
মর্দখয় তাঁর প্রতি যা ঘটেছে এবং ইছুদিদের ধ্বংস করার জন্য হামন  
যে পরিমাণ রূপো রাজভাঙ্গারে দেবার প্রতিজ্ঞা করেছে তা সব তাকে  
জানালেন। ৮ তিনি তাকে তাদের ধ্বংস করার যে ফরমান শূশনে  
প্রকাশ করা হয়েছিল তার নকল দিলেন যেন সেটি ইষ্টেরকে দেখায় ও  
তাঁর কাছে ব্যাখ্যা করে এবং তিনি যেন রাজার সঙ্গে দেখা করে করণা  
ভিক্ষা করেন ও তাঁর লোকদের জন্য মিনতি করেন। ৯ হথক ফিরে  
গিয়ে মর্দখয় যা বলেছিলেন তা ইষ্টেরকে জানাল। ১০ তখন ইষ্টের  
মর্দখয়কে এই কথা বলবার জন্য তাকে নির্দেশ দিলেন, ১১ “রাজার সব  
কর্মচারীরা এবং রাজার অধীন সব রাজ্যের লোকেরা জানে যে, কোনও  
পুরুষ বা স্ত্রীলোক রাজার ডাক না পেয়ে যদি ভিতরের দরবারে প্রবেশ  
করে তাঁর কাছে যায় তবে তার জন্য মাত্র একটিই আইন আছে, সেটি  
হল তার মৃত্যু। তবে যে লোকের প্রতি রাজা সোনার রাজদণ্ড বাড়িয়ে  
দেন কেবল তার প্রাণই বাঁচে। কিন্তু গত ত্রিশ দিনের মধ্যে রাজার  
কাছে যাবার জন্য আমাকে ডাকা হয়নি।” ১২ মর্দখয়কে যখন ইষ্টেরের  
কথা জানানো হল, ১৩ তিনি তাঁকে এই উত্তর দিলেন, “রাজবাড়িতে  
আছ বলে মনে করো না যে ইছুদিদের মধ্যে তুমি একমাত্র রক্ষা পাবে।  
১৪ কারণ এসময় যদি তুমি চুপ করে থাকো তবে অন্য দিক থেকে  
ইছুদিরা সাহায্য ও উদ্বার পাবে, কিন্তু তুমি তো মরবেই আর তোমার  
বাবার বংশও শেষ হয়ে যাবে। আর কে জানে হয়তো এরকম সময়ের  
জন্যই তুমি রান্নির পদ পেয়েছ?” ১৫ তখন ইষ্টের মর্দখয়কে এই উত্তর  
পাঠিয়ে দিলেন, ১৬ “আপনি গিয়ে শূশনে থাকা সমস্ত ইছুদিদের একত্র  
করুন এবং আমার জন্য সকলে উপবাস করুন। আপনারা তিন দিন  
ধরে রাতে কি দিনে কোনও কিছু খাওয়াদাওয়া করবেন না। আপনারা

যেমন উপবাস করবেন তেমনি আমি ও আমার দাসীরা উপবাস করব।  
তারপর যদিও তা আইন বিরক্ত তবুও আমি রাজার কাছে যাব। তাতে  
যদি আমাকে মরতে হয় মরব।” 17 এতে মর্দখয় গিয়ে ইষ্টেরের সব  
নির্দেশমতো কাজ করলেন।

5 তৃতীয় দিনে ইষ্টের রাজকীয় পোশাক পরে রাজার ঘরের সামনে  
রাজবাড়ির ভিতরের দরবারে গিয়ে দাঁড়ালেন। রাজা দরজার দিকে  
মুখ করে সিংহসনে বসেছিলেন। 2 তিনি রানি ইষ্টেরকে দরজার  
সামনে দাঁড়িয়ে থাকতে দেখে তাঁর উপর খুশি হয়ে তাঁর হাতের সোনার  
রাজদণ্ডটি তাঁর দিকে বাঢ়িয়ে দিলেন। তখন ইষ্টের এগিয়ে গিয়ে সেই  
রাজদণ্ডটির আগাটি ছুলেন। 3 রাজা জিজ্ঞাসা করলেন, “রানি ইষ্টের  
কি ব্যাপার? তুমি কি চাও? সাম্রাজ্যের অর্ধেকটা হলেও তোমাকে  
দেওয়া হবে।” 4 উভরে ইষ্টের বললেন, “মহারাজ যদি ভালো মনে  
করেন তবে আপনার জন্য আজ আমি যে ভোজ প্রস্তুত করেছি তাতে  
মহারাজ ও হামন যেন উপস্থিত হন।” 5 তখন রাজা বললেন, “ইষ্টেরের  
কথামতো যেন কাজ হয়, সেইজন্য হামনকে নিয়ে এসো।” পরে ইষ্টের  
যে ভোজ প্রস্তুত করেছিলেন তাতে রাজা ও হামন যোগ দিলেন। 6  
তারা যখন দ্রাক্ষারস পান করছিলেন তখন রাজা আবার ইষ্টেরকে  
জিজ্ঞাসা করলেন, “তুমি কি চাও? তোমাকে তা দেওয়া হবে। যদি  
সাম্রাজ্যের অর্ধেকও হয় তোমাকে দেওয়া হবে।” 7 উভরে ইষ্টের  
বললেন, “আমার অনুরোধ ও ইচ্ছা এই; 8 মহারাজ যদি আমাকে  
দয়ার চোখে দেখেন ও আমার অনুরোধ রাখতে চান এবং আমার ইচ্ছা  
পূরণ করতে চান তবে আগামীকাল আমি যে ভোজ প্রস্তুত করব তাতে  
মহারাজা ও হামন যেন আসেন। তখন আমি মহারাজের প্রশ্নের উত্তর  
দেব।” 9 সেদিন হামন খুশি হয়ে আনন্দিত মনে বাইরে গেল। কিন্তু সে  
যখন মর্দখয়কে রাজবাড়ির দ্বারে দেখল আর লক্ষ করল যে মর্দখয়  
তাকে দেখে উঠে দাঁড়ালেন না কিংবা আর কোনও সম্মানও দেখালেন  
না তখন মর্দখয়ের উপর তার রাগ হল। 10 তবুও হামন রাগ সংযত  
করে বাড়ি চলে গেল। বাড়িতে গিয়ে সে তার বন্ধুদের ও তার স্ত্রী  
সেরশকে ডেকে আনল। 11 তারপর সে তাদের কাছে তার বিশাল

ধনসম্পদের, তার ছেলেদের সংখ্যার কথা, এবং রাজা কেমন সব  
বিষয়ে তাকে উঁচু পদের লোকদের ও অন্যান্য কর্মকর্তাদের উপরে  
বসিয়েছেন সেইসব কথা গর্ব করে বলতে লাগল। 12 হামন আরও  
বলল, “কেবল তাই নয়,” রানি ইষ্টের যে ভোজ প্রস্তুত করেছিলেন  
তাতে আমি ছাড়া আর কাউকে রাজার সঙ্গে নিমন্ত্রণ করা হয়নি।  
আবার তিনি কালকেও রাজার সঙ্গে আমাকে নিমন্ত্রণ করেছেন। 13  
কিন্তু যখনই ওই ইহুদি মর্দখয়কে রাজবাড়ির দ্বারে বসে থাকতে দেখি  
তখন এই সবেতেও আমাকে কোনও শান্তি দেয় না। 14 তখন তার  
স্ত্রী সেরশ ও সমস্ত বন্ধুরা তাকে বলল, “তুমি পচাত্তর ফুট উঁচু একটি  
ফাঁসিকাঠ তৈরি করাও এবং সকালে রাজার অনুমতি নিয়ে মর্দখয়কে  
তার উপর ফাঁসি দেবার ব্যবস্থা করো। তারপর খুশি হয়ে রাজার সঙ্গে  
ভোজে যাও।” এই পরামর্শ হামনকে খুশি করল এবং সে ফাঁসিকাঠ  
তৈরি করাল।

**৬** সেরাতে রাজা ঘুমাতে পারছিলেন না; সেইজন্য তিনি আদেশ দিলেন  
যেন তাঁর কাছে, তাঁর সময়ের ঘটনাপঞ্জী এনে পড়া হয়। 2 সেখানে  
দেখা গেল যে বিগ়ুন ও তেরশ নামে রাজার দুজন দ্বাররক্ষী রাজা  
অহশ্চেরশকে মেরে ফেলার ঘড়্যন্ত করেছিল তখন মর্দখয় সেই খবর  
রাজাকে দিয়েছিলেন। 3 রাজা জিজ্ঞাসা করলেন, “এর জন্য মর্দখয়কে  
কি রকম সম্মান ও মর্যাদা দেওয়া হয়েছে।” রাজার পরিচর্যাকারী বলল,  
“কিছুই করা হয়নি।” 4 রাজা বললেন, “দরবারে কে আছে?” মর্দখয়ের  
জন্য হামন যে ফাঁসিকাঠ তৈরি করেছিল তাতে মর্দখয়কে ফাঁসি দেবার  
কথা রাজাকে বলবার জন্য ঠিক সেই সময়েই সে রাজবাড়ির বাইরের  
দরবারে এসেছিল। 5 রাজার পরিচর্যাকারীরা বলল, “হামন দরবারে  
দাঁড়িয়ে আছেন।” রাজা বললেন, “তাকে ভিতরে নিয়ে এসো।” 6  
হামন ভিতরে আসলে পর রাজা তাকে জিজ্ঞাসা করলেন, “রাজা যাকে  
সম্মান দেখাতে চায় তার জন্য কি করা উচিত?” তখন হামন মনে মনে  
ভাবল, “আমাকে ছাড়া আর কাকেই বা রাজা সম্মান দেখাবেন?” 7  
সেইজন্য সে উত্তরে বলল, “রাজা যাকে সম্মান দেখাতে চান, 8 তার  
জন্য রাজার একটি রাজপোশাক আনা হোক এবং যে ঘোড়ার মাথায়

রাজকীয় মুকুট পরানো থাকে রাজার সেই ঘোড়াও আনা হোক। 9  
তারপর সেই পোশাক ও ঘোড়া রাজার উঁচু পদের লোকদের মধ্যে  
একজনের হাতে দেওয়া হোক। রাজা যাকে সম্মান দেখাতে চান  
তাঁকে সেই পোশাক পরানো হোক এবং তাঁকে সেই ঘোড়ায় চড়িয়ে  
নিয়ে নগরের চকে তার আগে আগে এই কথা ঘোষণা করা হোক,  
রাজা যাঁকে সম্মান দেখাতে চান তাঁর প্রতি এরকমই করা হয়।” 10  
রাজা হামনকে আদেশ দিলেন, “তুমি এখনই গিয়ে রাজপোশাক এবং  
ঘোড়া নিয়ে যেমন বললে রাজবাড়ির দ্বারে বসা সেই ইহুদি মর্দখয়ের  
প্রতি তেমনি করো। তুমি যা যা বললে তার কোনটাই করতে যেন  
অবহেলা করা না হয়।” 11 তখন হামন রাজপোশাক এবং ঘোড়া  
নিল এবং মর্দখয়কে রাজপোশাক পরিয়ে ও ঘোড়ায় চড়িয়ে নিয়ে  
নগরের চকে তার আগে আগে এই কথা ঘোষণা করল, “রাজা যাঁকে  
সম্মান দেখাতে চান তাঁর প্রতি এরকমই করা হবে!” 12 এরপর মর্দখয়  
আবার রাজবাড়ির দ্বারে ফিরে গেলেন। কিন্তু হামন দুঃখে মাথা ঢেকে  
তাড়াতাড়ি করে ঘরে গেল, 13 এবং তার প্রতি যা ঘটেছে তা সব তার  
স্ত্রী সেরশ ও সমস্ত বন্ধুদের বলল। তার পরামর্শদাতারা ও তার স্ত্রী  
সেরশ তাকে বলল, “যার সামনে তোমার এই পতন আরম্ভ হয়েছে,  
সেই মর্দখয় যদি ইহুদি বংশের লোক হয় তবে তার বিরুদ্ধে তুমি  
দাঁড়াতে পারবে না—নিশ্চয়ই তুমি ধ্বংস হয়ে যাবে।” 14 তারা তখনও  
তার সঙ্গে কথা বলছে এমন সময় রাজার নপুংসকেরা এসে তাড়াতাড়ি  
করে হামনকে ইষ্টেরের প্রস্তুত করা ভোজে যোগ দেবার জন্য নিয়ে  
গেল।

7 তারপর রাজা ও হামন রানি ইষ্টেরের ভোজে গেলেন, 2 আর তারা  
যখন দ্বিতীয় দিনে দ্রাক্ষারস পান করছিলেন তখন রাজা জিজ্ঞাসা  
করলেন, “রানি ইষ্টের তুমি কি চাও? তাই তোমাকে দেওয়া হবে।  
তোমার অনুরোধ কি? যদি সাম্রাজ্যের অর্দেকও হয় তোমাকে দেওয়া  
হবে।” 3 রানি ইষ্টের তখন উত্তরে বললেন, “মহারাজ, আমি যদি  
আপনার দয়া পেয়ে থাকি এবং মহারাজ যদি খুশি হয়ে থাকেন, আমার  
প্রাণরক্ষা করুন এটি আমার আবেদন। এবং আমার জাতির লোকদের

প্রাণরক্ষা করলন এটি আমার অনুরোধ। ৪ কারণ আমাকে ও আমার জাতির লোকদের বিক্রি করা হয়েছে ধ্বংস করার, মেরে ফেলার ও একেবারে শেষ করে দেবার জন্য। যদি আমাদের দাস ও দাসী করা হত তবে আমি চুপ করে থাকতাম, কারণ ওই রকম কষ্টের কথা মহারাজকে জানানো উচিত হত না।” ৫ তখন রাজা অহশ্চেরশ রানি ইষ্টেরকে জিজ্ঞাসা করলেন, “কে সে? সেই লোকটি কোথায় যার এই কাজ করার সাহস হয়েছে?” ৬ ইষ্টের বললেন, “সেই বিপক্ষ ও শক্র হল এই দুষ্ট হামন।” তখন হামন রাজার ও রানির সামনে ভীষণ ভয় পেল। ৭ রাজা রেগে গিয়ে দ্রাক্ষারস রেখে উঠলেন এবং বের হয়ে রাজবাড়ির বাগানে গোলেন। কিন্তু হামন মনে করল যে রাজা তার ভাগ্য স্থির করে ফেলেছেন, সেইজন্য রানি ইষ্টেরের কাছে প্রাণ ভিক্ষার জন্য সেখানে রইল। ৮ রাজবাড়ির বাগান থেকে রাজা ভোজের ঘরে ফিরে আসলেন আর তখন ইষ্টের যে আসনে হেলান দিয়ে বসেছিলেন তার উপর হামন পড়েছিল। রাজা চঁচিয়ে বললেন, “এই লোকটি কি আমার সামনে রানিকে উত্ত্বক্ত করবে যখন তিনি আমার সঙ্গে আমার গৃহে আছেন?” রাজার মুখ থেকে এই কথা বের হওয়ামাত্র লোকেরা হামনের মুখ ঢেকে ফেলল। ৯ তখন হর্বোগা নামে রাজার একজন নপুংসক যে তাঁর পরিচয়াকারী বলল, “হামনের বাড়িতে পচাত্তর ফুট উঁচু একটি ফাঁসিকাঠ তৈরি আছে। মর্দখয়, যিনি রাজার প্রাণরক্ষার জন্য খবর দিয়েছিলেন তাঁর জন্যই হামন ওটি তৈরি করেছিল।” রাজা বললেন, “ওটির উপরে ওকেই ফাঁসি দাও।” ১০ কাজেই মর্দখয়কে ফাঁসি দেওয়ার জন্য যে ফাঁসিকাঠ হামন তৈরি করেছিল সেখানেই তাকে ফাঁসি দেওয়া হল। এরপর রাজার রাগ পড়ল।

**৮** সেদিনই রাজা অহশ্চেরশ ইহুদিদের শক্র হামনের সম্পত্তি রানি ইষ্টেরকে দিলেন। এবং মর্দখয় রাজার সামনে উপস্থিত হলেন, কারণ ইষ্টের জানিয়েছিলেন তাঁর সঙ্গে মর্দখয়ের সম্পর্ক। ২ রাজা তাঁর স্বাক্ষর দেওয়ার যে আংটিটি হামনের কাছ থেকে নিয়ে নিয়েছিলেন সেটি নিজের হাত থেকে খুলে মর্দখয়কে দিলেন। আর ইষ্টের তাঁকে হামনের সম্পত্তির উপর নিযুক্ত করলেন। ৩ ইষ্টের রাজার পায়ে পড়ে

কাঁদতে কাঁদতে আবার তাঁর কাছে মিনতি জানালেন। ইহুদিদের বিরুদ্ধে অগাগীয় হামন যে দুষ্ট পরিকল্পনা করেছিল তা বন্ধ করার জন্য তিনি রাজাকে অনুরোধ করলেন। 4 তখন রাজা তাঁর সোনার রাজদণ্ডটি ইষ্টেরের দিকে বাঢ়িয়ে দিলেন আর ইষ্টের উঠে রাজার সামনে দাঁড়ালেন। 5 ইষ্টের বললেন, “মহারাজের যদি ভালো মনে হয়, তিনি যদি আমাকে দয়ার চোখে দেখেন এবং যদি ভাবেন যে, কাজটি করা ন্যায্য আর যদি তিনি আমার উপর খুশি হয়ে থাকেন, তবে মহারাজের সমস্ত রাজ্যের ইহুদিদের ধ্বংস করবার জন্য পরিকল্পনা করে অগাগীয় হমদাথার ছেলে হামন যে চিঠি লিখেছিল তা বাতিল করার জন্য একটি আদেশ লেখা হোক। 6 কারণ আমার লোকদের বিপর্যয় দেখে আমি কি করে সহ্য করব? আমার পরিবারের ধ্বংস দেখে আমি কি করে সহ্য করব?” 7 রাজা অহশ্চেরশ রানি ইষ্টেরকে ও ইহুদি মর্দখয়কে বললেন, “যেহেতু হামন ইহুদিদের আক্রমণ করেছিল, আমি তার সম্পত্তি ইষ্টেরকে দিয়েছি আর লোকেরা তাকে ফাঁসিকাট্টে ফাঁসি দিয়েছে। 8 এখন যেভাবে তোমাদের ভালো মনে হয় সেই ইহুদিদের পক্ষে রাজার নামে আরেকটি আদেশ লিখে রাজার স্বাক্ষর করা আংটি দিয়ে সিলমোহর করো রাজার নাম করে লেখা এবং রাজার আংটি দিয়ে সিলমোহর করা কোনও আদেশ বাতিল করা যায় না।” 9 তৃতীয় মাসে, সীৰুন মাসে তেইশ দিনের দিন—সঙ্গে সঙ্গে রাজার কার্যনির্বাহকদের ডাকা হল। মর্দখয়ের সমস্ত আদেশ অনুসারে হিন্দুস্থান থেকে কৃশ দেশ পর্যন্ত 127-টি রাজ্যের ইহুদিদের, রাজ্যের শাসক, কর্মকর্তা ও উঁচু পদের কর্মকর্তাদের কাছে চিঠি লেখা হল। এই চিঠিগুলো প্রতোকটি রাজ্যের অক্ষর ও প্রতোকটি জাতির ভাষা এমনকি ইহুদিদের ভাষা অনুসারে লেখা হল। 10 মর্দখয় রাজা অহশ্চেরশের নামে চিঠিগুলি লিখে রাজার সাক্ষরের আংটি দিয়ে সিলমোহর করলেন এবং রাজার জোরে দৌড়ানো বিশেষ ঘোড়ায় করে সংবাদ বাহকদের দিয়ে চিঠিগুলি পাঠিয়ে দিলেন। 11 রাজার ফরমান প্রত্যেক নগরের ইহুদিদের একত্র হওয়ার ও নিজেদের রক্ষা করার অধিকার দিল। কোনও জাতির বা রাজ্যের লোকেরা ইহুদিদের ও

তাদের স্তীলোক ও ছেলেমেয়েদের আক্রমণ করলে তারা সেই দলকে ধ্বংস ও হত্যা করার অধিকার পেল, আর সেই শক্রদের সম্পত্তি লুট করারও অধিকার পেল। 12 রাজা অহশ্চেরশের সকল রাজ্যে ইহুদিদের জন্য যে দিনটি ঠিক করল তা হল অদর মাসে, মানে বারো মাসের তেরো দিনের দিন। 13 এই ফরমানের নকল প্রত্যেক রাজ্যের ও সমস্ত জাতির কাছে পাঠিয়ে দেওয়া হল যেন ইহুদিরা সেদিনে তাদের শক্রদের উপর প্রতিশোধ নেবার জন্য প্রস্তুত থাকতে পারে। 14 রাজার বিশেষ ঘোড়ায় চড়ে সংবাদবাহকেরা রাজার আদেশে তাড়াতাড়ি বের হয়ে গেল। এবং শৃঙ্খনের দুর্গেও সেই আদেশ জানানো হল। 15 মর্দখয় মসিনা সুতার বেগুনি পোশাকের উপর নীল ও সাদা রংয়ের রাজপোশাক পরে এবং সোনার একটি বড়ো মুকুট মাথায় দিয়ে রাজার সামনে থেকে বের হয়ে গেলেন। শৃঙ্খন নগরের লোকেরা আনন্দ করল। 16 ইহুদিদের জন্য সময়টি ছিল প্রসন্নতার, আনন্দের, আমোদের ও সম্মানের। 17 প্রত্যেকটি রাজ্যে ও নগরে যেখানে যেখানে রাজার ফরমান গেল সেখানকার ইহুদিদের মধ্যে প্রসন্নতা, আমোদ, ভোজ ও আনন্দের দিন হল। আর অন্যান্য জাতির অনেক লোক ইহুদি হয়ে গেল, কারণ তারা ইহুদিদের থেকে তাদের ত্রাস জন্মেছিল।

**৯** অদর মাস, মানে বারো মাসের তেরো দিনে রাজার আদেশ পালনের সময় এল। এই দিন ইহুদিদের শক্ররা তাদের দমন করার আশা করেছিল, কিন্তু ঘটনা হল ঠিক উল্টো, ইহুদিদের যারা ঘৃণা করত ইহুদিরাই তাদের দমন করল। 2 যারা তাদের ধ্বংস করতে চেয়েছিল তাদের আক্রমণ করার জন্য ইহুদিরা রাজা অহশ্চেরশের সকল রাজ্য তাদের নিজের নগরে জড়ে হল। তাদের বিরুদ্ধে কেউ দাঁড়াতে পারলো না কারণ সব জাতির লোকেরা তাদের ভয় করতে লাগল। 3 সকল রাজ্যের অভিজাত লোকেরা, শাসনকর্তারা, কর্মকর্তারা এবং রাজার কর্মকর্তারা ইহুদিদের সাহায্য করলেন, কারণ মর্দখয়ের ভয় তাদের প্রাস করেছিল। 4 মর্দখয় রাজবাড়িতে বিশিষ্ট হয়ে উঠলেন; তাঁর সুনাম সমস্ত রাজ্যে ছড়িয়ে পড়ল এবং তিনি দিনে দিনে ক্ষমতাশালী হয়ে উঠলেন। 5 ইহুদিরা তাদের শক্রদের তরোয়াল দিয়ে হত্যা ও

ধ্বংস করল এবং যারা তাদের ঘৃণা করত তাদের প্রতি তারা যা ইচ্ছা  
তাই করল। 6 শূশনের দুর্গে ইহুদিরা পাঁচশো লোককে হত্যা ও ধ্বংস  
করল। 7 তারা পর্ণন্দাথঃ, দলফোন, অস্পাথঃ, 8 পোরাথ, অদলিয়,  
অরিদাথ, 9 পর্মস্ত, অরীষয়, অরীদয় ও বয়িষাথ, 10 ইহুদিদের শক্র  
হয়দাথার ছেলে হামনের দশজন ছেলেকে মেরে ফেলল। কিন্তু তারা  
লুটের জিনিসে হাত দিল না। 11 শূশনের দুর্গে যাদের মেরে ফেলা  
হয়েছিল তাদের সংখ্যা সেদিনই রাজাকে জানানো হয়েছিল। 12 রাজা  
রানি ইষ্টেরকে বললেন, “ইহুদিরা পাঁচশো লোককে হত্যা ও ধ্বংস  
করেছে এবং হামনের দশজন ছেলেকে শূশনের দুর্গে মেরে ফেলেছে।  
তারা রাজার অন্যান্য রাজ্যে কি করেছে? এখন তোমার কি অনুরোধ?  
তা তোমাকে দেওয়া হবে। তুমি কি চাও? তাও করা হবে।” 13 উভরে  
ইষ্টের বললেন, “মহারাজের যদি ভালো মনে হয় তবে আজকের মতো  
কালকেও শূশনের ইহুদিদের একই কাজ করার ফরমান দেওয়া হোক,  
এবং হামনের দশটি ছেলেকে ফাঁসিকাঠে ঝুলানো হোক।” 14 তখন  
রাজা তাই করার জন্য আদেশ দিলেন। শূশনে এক ফরমান জারি হল  
আর লোকেরা হামনের দশজন ছেলেকে ফাঁসিকাঠে ঝুলিয়ে দিল। 15  
শূশনের ইহুদিরা অদর মাসের চোদ দিনের দিন একসঙ্গে জড়ো হয়ে  
সেখানে তিনশো লোককে মেরে ফেলল। কিন্তু তারা লুটের জিনিসে  
হাত দিল না। 16 এর মধ্যে, রাজার রাজ্যের বাকি ইহুদিরা ও নিজেদের  
জীবন রক্ষা করার জন্য ও তাদের শক্রদের হাত থেকে রেহাই পাবার  
জন্য একসঙ্গে জড়ো হল। তারা পঁচাত্তর হাজার লোককে মেরে ফেলল।  
কিন্তু তারা লুটের জিনিসে হাত দিল না। 17 এই ঘটনা অদর মাসের  
তেরো দিনের দিন ঘটল এবং চোদ দিনের দিন তারা বিশ্রাম নিল  
এবং সেদিনটি তারা ভোজের ও আনন্দের দিন হিসেবে পালন করল।  
18 শূশনের ইহুদিরা তেরো আর চোদ দিনের দিন একসঙ্গে জড়ো  
হয়েছিল এবং পনেরো দিনের দিন তারা বিশ্রাম নিল ও দিনটি তারা  
ভোজের ও আনন্দের দিন হিসেবে পালন করল। 19 এজন্যই গ্রামের  
ইহুদিরা অদর মাসের চোদ দিনের দিন আনন্দ ও ভোজের দিন, এবং  
একে অপরকে উপহার দেওয়ার দিন হিসেবে পালন করে। 20 মর্দখয়

এসব ঘটনা লিখে রাখলেন এবং রাজা অহশ্চেরশের সাম্রাজ্যের দূরের  
কি কাছের সমস্ত রাজ্যের ইহুদিদের কাছে চিঠি লিখে পাঠালেন, 21  
যেন তারা অদর মাসের চোদ ও পনেরো দিন দুটি পালন করে। 22  
কারণ এসময় ইহুদিরা তাদের শক্রদের হাত থেকে নিষ্ঠার পেয়েছিল  
ও এই মাসে তাদের দুঃখ আনন্দে আর শোক আনন্দ অনুষ্ঠানে পরিণত  
হয়েছিল। তিনি তাদের লিখলেন যেন তারা সেই দিনগুলি ভোজের ও  
আনন্দের দিন এবং একে অন্যের কাছে খাবার পাঠাবার ও গরিবদের  
কাছে উপহার দেবার দিন বলে পালন করে। 23 কাজেই ইহুদিরা যেমন  
আবস্ত করেছিল এবং মর্দখয় তাদের যেমন লিখেছিলেন সেইভাবে দিন  
দুটি পালন করতে তারা রাজি হল। 24 কারণ সমস্ত ইহুদিদের শক্র  
অগাগীয় হয়দাথার ছেলে হামন ইহুদিদের সর্বনাশ ও ধ্বংস করার যে  
ষড়যন্ত্র আর সেইজন্য সে পূর (যার অর্থ গুটিকাপাত) করেছিল। 25  
কিন্তু যখন সেই ষড়যন্ত্রের কথা রাজা জানতে পারলেন, তখন তিনি  
লিখিত আদেশ দিয়েছিলেন যেন ইহুদিদের বিরুদ্ধে হামন যে মন্দ  
ফন্দি এঁটেছে তা তার নিজের মাথাতেই পড়ে এবং তাকে ও তার  
ছেলেদের ফাঁসিকাঠে ঝুলানো হয়। 26 (সেইজন্য পূর কথাটি থেকে  
এই দিনগুলিকে বলা হয় পূরীম) সেই চিঠিতে যা কিছু লেখা ছিল এবং  
তাদের প্রতি যা ঘটেছিল, 27 সেইজন্য ইহুদিরা ঠিক করেছিল যে,  
তারা একটি প্রথা প্রতিষ্ঠা করবে যেন তারা, তাদের বংশধরেরা এবং  
যারা ইহুদি হয়ে গিয়েছিল তারা সকলে সেই চিঠির নির্দেশ ও নির্দিষ্ট  
সময় অনুসারে প্রতি বছর এই দিন দুটি অবশ্যই পালন করবে। 28  
প্রত্যেক রাজ্যের প্রত্যেকটি নগরের প্রত্যেকটি পরিবার বংশপ্রম্পরায়  
এই দুটি দিন স্মরণ ও পালন করবে। এবং পূরীমের সেই দিনগুলি  
ইহুদিরা যেন উপেক্ষা না করে, আর তাদের বংশের মধ্যে থেকে তার  
স্মৃতি লোপ না হয়। 29 অতএব অবীহয়িলের মেয়ে রানি ইষ্টের ও  
ইহুদি মর্দখয় পূরীমের দিনের বিষয়ে দ্বিতীয় চিঠিটি সম্পূর্ণ ক্ষমতার  
নিয়ে লিখলেন। 30 অহশ্চেরশের সাম্রাজ্যের 127-টি রাজ্যের সমস্ত  
ইহুদিদের কাছে মঙ্গলকামনা ও প্রতিশ্রূতির কথা চিঠিতে লিখলেন।  
31 সেই চিঠি পাঠানো হয়েছিল যেন তারা নির্দিষ্ট সময়ে ইহুদি মর্দখয়

ও রানি ইষ্টেরের নির্দেশমত পূরীমের এই দিন দুটি পালন করবার জন্য  
স্থির করতে পারে, যেমনভাবে তারা নিজেদের ও তাদের বংশধরদের  
জন্য অন্যান্য উপবাস ও বিলাপের সময় স্থির করেছিল। ৩২ ইষ্টেরের  
আদেশে পূরীমের এই নিয়মগুলি স্থির করা হল এবং তা নথিতে লেখা  
হল।

**১০** রাজা অহশ্চেরশ তাঁর গোটা রাজ্য ও দূরের দ্বীপগুলিতে কর  
বসালেন। ২ তাঁর ক্ষমতা ও শক্তির সব কথা এবং মর্দখয়কে রাজা  
যেভাবে উঁচু পদ দিয়ে মহান করেছিলেন সেই কথা মাদিয়া ও পারস্যের  
রাজাদের ইতিহাস বইতে কি লেখা নেই? ৩ রাজা অহশ্চেরশের পরে  
মর্দখয়ের স্থান ছিল দ্বিতীয়, ইহুদিদের মধ্যে সর্বশ্রেষ্ঠ এবং সমস্ত  
ইহুদিরা তাঁকে উচ্চ সম্মান দেখাত, কারণ তিনি তাঁর লোকদের মঙ্গলের  
জন্য কাজ করেছিলেন এবং সকল ইহুদিদের কল্যাণের কথা বলতেন।

## ইয়োবের বিবরণ

১ উষ দেশে একজন লোক বসবাস করতেন, যাঁর নাম ইয়োব। তিনি ছিলেন অনিন্দনীয় ও ন্যায়পরায়ণ; তিনি ঈশ্বরকে ভয় করতেন এবং কুকর্ম এড়িয়ে চলতেন। ২ তাঁর সাত ছেলে ও তিন মেয়ে ছিল, ৩ এবং ৭,০০০ মেষ, ৩,০০০ উট, ৫০০ জোড়া বলদ, ৫০০ গাধি ও প্রচুর সংখ্যক দাস-দাসী তাঁর মালিকানাধীন ছিল। প্রাচ্যদেশীয় সব লোকজনের মধ্যে তিনিই ছিলেন সবচেয়ে ধনী মানুষ। ৪ তাঁর ছেলেরা পালা করে তাদের জন্মদিনে নিজেদের বাড়িতে ভোজের আয়োজন করত, এবং তাদের তিন বোনকেও তারা তাদের সঙ্গে ভোজনপান করার জন্য নিমন্ত্রণ করত। ৫ ভোজপূর্ব শেষ হয়ে যাওয়ার পর, ইয়োব তাদের শুচিশুদ্ধ করার ব্যবস্থা করতেন। ভোরবেলায় তাদের প্রত্যেকের জন্য তিনি এই ভেবে হোমবলি উৎসর্গ করতেন যে, “হয়তো আমার সন্তানেরা পাপ করেছে ও মনে মনে ঈশ্বরকে অভিশাপ দিয়ে বসেছে।” এই ছিল ইয়োবের বহুদিনের নিয়মিত অভ্যাস। ৬ একদিন স্বর্গদূতেরা সদাপ্রভুর সামনে নিজেদের উপস্থিত করার জন্য এলেন, এবং শয়তানও তাদের সঙ্গে এল। ৭ সদাপ্রভু শয়তানকে বললেন, “তুমি কোথা থেকে এলে?” শয়তান সদাপ্রভুকে উত্তর দিল, “পৃথিবীর সর্বত্র এদিক-ওদিক ঘোরাফেরা করে এলাম।” ৮ পরে সদাপ্রভু শয়তানকে বললেন, “আমার দাস ইয়োবের দিকে কি তোমার নজর পড়েছে? পৃথিবীতে তার মতো আর কেউ নেই; সে অনিন্দনীয় ও ন্যায়পরায়ণ এমন এক মানুষ, যে ঈশ্বরকে ভয় করে এবং কুকর্ম এড়িয়ে চলে।” ৯ “ইয়োব কি বিনা স্বার্থে ঈশ্বরকে ভয় করে?” শয়তান উত্তর দিল ১০ “তুমি কি তার চারপাশে এবং তার পরিবারের ও তার সবকিছুর চারপাশে বেড়া দিয়ে রাখোনি? তুমি তার হাতের কাজে আশীর্বাদ করেছ, যেন তার মেষপাল ও পশুপাল দেশের সর্বত্র ছড়িয়ে পড়ে। ১১ কিন্তু এখন তোমার হাত বাড়াও এবং তার কাছে থাকা সবকিছুকে আঘাত করো, আর সে নিশ্চয় তোমার মুখের উপরেই তোমাকে অভিশাপ দেবে।” ১২ সদাপ্রভু শয়তানকে বললেন, “ঠিক আছে, তবে তার সবকিছুর উপরে তোমার অধিকার থাকল, কিন্তু

স্বযং সেই লোকটির উপরে তুমি হস্তক্ষেপ কোরো না।” পরে শয়তান  
সদাপ্রভুর কাছ থেকে চলে গেল। 13 একদিন ইয়োবের ছেলেমেয়েরা  
যখন তাদের বড়দাদার বাড়িতে খাওয়াদাওয়া করছিল ও দ্রাক্ষারস  
পান করছিল, 14 তখন ইয়োবের কাছে এক দৃত এসে বলল, “বলদেরা  
জমি চাষ করছিল ও পাশেই গাধারা চরছিল, 15 আর শিবায়ীয়েরা  
এসে আক্রমণ করে সেগুলি নিয়ে চলে গেল। তারা তরোয়াল চালিয়ে  
দাসদের মেরে ফেলল, এবং একমাত্র আমিই আপনাকে এই খবর  
দেওয়ার জন্য পালিয়ে আসতে পেরেছি!” 16 সে তখনও কথা বলছিল,  
ইতিমধ্যে আর এক দৃত এসে বলল, “আকাশ থেকে ঈশ্বরের আগুন  
নেমে এসে মেষপাল ও দাসদের পুড়িয়ে ছারখার করে দিল, আর  
একমাত্র আমিই আপনাকে এই খবর দেওয়ার জন্য পালিয়ে আসতে  
পেরেছি!” 17 সে তখনও কথা বলছিল, ইতিমধ্যে আর এক দৃত এসে  
বলল, “কলদীয়রা তিনটি হানাদার দল গড়ে এসে আপনার উটগুলির  
উপর আক্রমণ চালাল ও সেগুলি নিয়ে চলে গেল। তারা তরোয়াল  
চালিয়ে দাসদের মেরে ফেলল, আর একমাত্র আমিই আপনাকে এই  
খবর দেওয়ার জন্য পালিয়ে আসতে পেরেছি!” 18 সে তখনও কথা  
বলছিল, ইতিমধ্যে আর এক দৃত এসে বলল, “আপনার ছেলেমেয়েরা  
তাদের বড়দাদার বাড়িতে বসে খাওয়াদাওয়া করছিল ও দ্রাক্ষারস  
পান করছিল, 19 এমন সময় হঠাৎ করে মরুভূমি থেকে প্রচঙ্গ এক ঝড়  
এসে আছড়ে পড়ল এবং সেই বাড়ির চার কোনায় আঘাত হানল। সেই  
বাড়িটি তাদের উপরে ভেঙে পড়ল ও তারা মারা গেল, আর একমাত্র  
আমিই আপনাকে এই খবর দেওয়ার জন্য পালিয়ে আসতে পেরেছি!”  
20 একথা শুনে, ইয়োব উঠে দাঁড়ালেন এবং তাঁর পোশাক ছিঁড়ে  
ফেললেন ও তাঁর মাথা কামিয়ে ফেললেন। পরে মাটিতে লুটিয়ে পড়ে  
তিনি আরাধনা করে 21 বললেন: “মায়ের গর্ভ থেকে আমি উলঙ্গ হয়ে  
এসেছি, আর উলঙ্গ অবস্থাতেই আমি চলে যাব। সদাপ্রভু দিয়েছেন  
আর সদাপ্রভুই ফিরিয়ে নিয়েছেন; সদাপ্রভুর নাম প্রশংসিত হোক।”  
22 এসব কিছুতে, ইয়োব অন্যায়াচরণের দোষে ঈশ্বরকে দোষী সাব্যস্ত  
করে পাপ করলেন না।

**২** অন্য আর একদিন স্বর্গদুতেরা সদাপ্রভুর সামনে নিজেদের উপস্থিত করার জন্য এলেন, এবং শয়তানও তাদের সঙ্গে নিজেকে তাঁর সামনে উপস্থিত করার জন্য এল। ২ আর সদাপ্রভু শয়তানকে বললেন, “তুমি কোথা থেকে এলে?” শয়তান সদাপ্রভুকে উত্তর দিল, “পৃথিবীর সর্বত্র এদিক-ওদিক ঘোরাফেরা করে এলাম।” ৩ পরে সদাপ্রভু শয়তানকে বললেন, “আমার দাস ইয়োবের দিকে কি তোমার নজর পড়েছে? পৃথিবীতে তার মতো আর কেউ নেই; সে অনিন্দনীয় ও ন্যায়পরায়ণ এমন এক মানুষ, যে সদাপ্রভুকে ভয় করে ও কুকর্ম এড়িয়ে চলে। আর সে এখনও তার সতত বজায় রেখেছে, যদিও বিনা কারণে তার সর্বনাশ করার জন্য তুমি তার বিরুদ্ধে আমাকে প্রগোদিত করেছ।” ৪ “চামড়ার জন্য চামড়া!” শয়তান উত্তর দিল। “একজন মানুষ তার নিজের জীবনের জন্য সবকিছু ত্যাগ করতে পারে। ৫ কিন্তু এখন তোমার হাত বাড়াও ও তার মাংসে ও হাড়ে আঘাত হানো, আর সে নিশ্চয় তোমার মুখের উপরেই তোমাকে অভিশাপ দেবে।” ৬ সদাপ্রভু শয়তানকে বললেন, “ঠিক আছে, সে তোমারই হাতে রইল; কিন্তু তোমাকে তার প্রাণটি অব্যাহতি দিতে হবে।” ৭ অতএব শয়তান সদাপ্রভুর কাছ থেকে চলে গেল এবং ইয়োবের পায়ের তলা থেকে তার মাথার তালু পর্যন্ত বেদনাদায়ক ঘা উৎপন্ন করে তাঁকে পীড়িত করল। ৮ তখন ইয়োব এক টুকরো খাপরা তুলে নিলেন এবং ছাই-গাদায় বসে নিজের গা চুলকাতে লাগলেন। ৯ তাঁর স্ত্রী তাঁকে বললেন, “এখনও কি তুমি তোমার সতত বজায় রাখার চেষ্টা করছ? ঈশ্বরকে অভিশাপ দাও ও মরে যাও!” ১০ তিনি উত্তর দিলেন, “তুমি একজন মূর্খ মহিলার মতো কথা বলছ। আমরা কি ঈশ্বরের কাছ থেকে মঙ্গলই গ্রহণ করব আর দুঃখকষ্ট গ্রহণ করব না?” এসব কিছুতে, ইয়োব তাঁর কথাবার্তার মাধ্যমে পাপ করেননি। ১১ ইয়োবের তিন বন্ধু, তৈমনীয় ইলীফস, শূহীয় বিল্দদ ও নামাথীয় সোফর যখন তাঁর উপর এসে পড়া সব বিপত্তির কথা শুনতে পেলেন, তখন তারা ঘর থেকে বেরিয়ে তাঁর কাছে গিয়ে তাঁকে সহানুভূতি জানানোর ও সান্ত্বনা দেওয়ার জন্য সহমত প্রকাশ করে একত্রিত হলেন। ১২ দূর থেকে ইয়োবকে দেখে তাদের

তাঁকে চিনতে খুব কষ্ট হল; তারা জোরে জোরে কাঁদতে লাগলেন, এবং  
তাদের আলখাল্লাগুলি ছিঁড়ে ফেললেন ও মাথায় ধুলো ছড়ালেন। 13  
পরে তাঁর সাথে তারা সাত দিন, সাত রাত মাটিতে বসে থাকলেন।  
কেউ তাঁকে কোনও কথা বললেন না, কারণ তারা দেখলেন যে তাঁর  
পীড়া খুবই কষ্টদায়ক।

**৩** তারপর, ইয়োব মুখ খুললেন ও নিজের জন্মদিনকে অভিশাপ  
দিলেন। 2 তিনি বললেন: 3 “আমার জন্মদিনটি বিলুপ্ত হোক,  
আর সে রাত যা বলেছিল, ‘একটি ছেলে এসেছে গর্ভে!’ 4  
সেদিনটি—অঙ্ককারাচ্ছন্ন হোক; উর্ধ্বস্থ স্নেহ যেন সেদিনের বিষয়ে  
চিন্তিত না হন; কোনও আলো যেন তাকে আলোকিত না করে। 5  
আরও একবার আঁধার ও ঘন তমসা তাকে অধিকার করুক; এক মেঘ  
তাকে ঢেকে দিক; কালিমা তাকে আচ্ছন্ন করুক। 6 সেরাতটি—ঘন  
অঙ্ককারে কবলিত হোক; বছরের দিনগুলিতে সেটি সংযুক্ত না হোক তা  
অন্য কোনও মাসে গণিত না হোক। 7 সেরাতটি বন্ধ্যা হোক; কোনও  
আনন্দধ্বনি তাতে শোনা না যাক। 8 যারা দিনগুলিকে শাপ দেয়, তারা  
সেদিনটিকে শাপ দিক, যারা লিবিয়াথনকে জাগাতে প্রস্তুত হয়ে আছে।  
9 সেদিনের প্রভাতি তারা অঙ্ককারময় হোক; বৃথাই তা দিবালোকের  
জন্য অপেক্ষা করুক আর ভোরের প্রথম আলোকরশ্মি না দেখুক, 10  
কারণ আমার দু-চোখ থেকে কষ্ট লুকাতে তারা আমার জন্য গর্ভের  
দুয়ার বন্ধ করেনি। 11 “জন্মের সময় আমি মরলাম না কেন, আর গর্ভ  
থেকে বেরোনোর সময়ই বা আমি মরলাম না কেন? 12 জানুগুলি কেন  
আমাকে গ্রহণ করল আর স্তনগুলিই বা কেন আমার যত্ন নিল? 13 তবে  
তো এখন আমি শাস্তিতে শায়িত থাকতাম; ঘুমিয়ে থাকতাম ও নিতাম  
বিশ্রাম 14 সেই রাজা ও শাসকদের সাথে, যারা নিজেদের জন্য সেই  
স্থানগুলি নির্মাণ করেছিলেন যা ধ্বংসস্তুপ হয়ে পড়ে আছে, 15 সেই  
অধিপতিদের সাথে, যাদের কাছে সোনা ছিল, যারা তাদের বাড়িগুলি  
হয়নি অজাত এক শিশুর মতো, এক সদ্যজাত শিশুর মতো যে কখনও  
দিনের আলো দেখেনি? 17 সেখানে দুষ্টেরা আন্দোলন থেকে ক্ষান্ত

হয়, আর সেখানে শ্রান্তজনেরা বিশ্রাম পায়। 18 বন্দিরাও তাদের স্বাচ্ছন্দ্য উপভোগ করে; তারা আর ক্রীতদাস-চালকের চিংকার শোনে না। 19 ছোটো ও বড়ো—সবাই সেখানে আছে, আর ক্রীতদাসেরা তাদের প্রভুদের হাত থেকে মুক্ত হয়েছে। 20 “কেন দুর্দশাগ্রস্তকে আলো দেওয়া হল, আর কেন তিক্তপ্রাণকে জীবন দেওয়া হল, 21 যারা কামনা করে সেই মৃত্যু যা তাদের কাছে আসে না, যারা তা গুপ্তধনের চেয়েও বেশি করে খোঁজে, 22 কবরে গিয়ে যারা আত্মাদিত হয় আর যারা মহানন্দে উল্লসিত হয়? 23 কেন সেই মানুষকে যার পথ গুপ্ত জীবন দেওয়া হয়, যাকে ঈশ্বর ঘেরাটোপের মধ্যে রেখেছেন? 24 কারণ দীর্ঘশ্বাস আমার দৈনিক খাদ্য হয়েছে; আমার গভীর আর্তনাদ জলের মতো ঝরে পড়ে। 25 আমি যে ভয় করেছিলাম তাই হয়েছে; যে আশঙ্কা করেছিলাম তাই ঘটেছে। 26 আমার শান্তি নেই, বিরাম নেই; বিশ্রাম নেই, শুধু অশান্তি আছে।”

**4** পরে তৈমনীয় ইলীফস উভর দিলেন: 2 “যদি কেউ তোমার সাথে কথা বলতে চায়, তুমি কি অধৈর্য হবে? কিন্তু কে কথা না বলে থাকতে পারে? 3 তারো দেখি, তুমি কীভাবে অনেককে শিক্ষা দিয়েছ, দুর্বল হাত তুমি কীভাবে শক্ত করেছ। 4 তোমার কথা হোঁচ্ট খাওয়া লোকদের সাহায্য করেছে; কম্পমান জানুগুলি তুমি শক্ত করেছ। 5 কিন্তু এখন দুঃখকষ্ট তোমার কাছে এসেছে, আর তুমি হতাশ হয়েছ; তা তোমায় আঘাত করেছে, আর তুমি আতঙ্কিত হয়েছ। 6 তোমার ধর্মনিষ্ঠা কি তোমার প্রত্যয় নয় আর তোমার অনিন্দনীয় পথই কি তোমার প্রত্যাশা নয়? 7 “এখন বিবেচনা করো: কে নির্দোষ হয়েও বিনষ্ট হয়েছে? কোথাও কি কোনও ন্যায়পরায়ণ লোক ধৰ্মস হয়েছে? 8 আমি লক্ষ্য করেছি, যারা অনিষ্ট চাষ করে আর যারা অস্থিরতা বোনে, তারা তাই কাটে। 9 ঈশ্বরের নিঃশ্বাসে তারা বিনষ্ট হয়; তাঁর ক্রোধের বিস্ফোরণে তারা বিলীন হয়ে যায়। 10 সিংহেরা গর্জন ও হৃক্ষার করতে পারে, তবুও মহাশক্তিশালী সিংহদেরও দাঁত ভেঙে যায়। 11 শিকারের অভাবে সিংহ বিনষ্ট হয়, সিংহী শাবকেরা ছত্রভঙ্গ হয়। 12 “গোপনে একটি কথা আমার কাছে পৌঁছাল, সেকথার ফিস্ফিসানি আমার কানে

বাজল। 13 রাতের অশান্তিকর স্বপ্নের মধ্যে, যখন মানুষ গভীর নিদায় মগ্ন থাকে, 14 ভয় ও কাঁপুনি আমায় প্রাস করল আমার সব অঙ্গ কেঁপে উঠল। 15 এক আত্মা আমার সামনে দিয়ে ধীরে বয়ে গেল, আর আমার শরীরের লোম খাড়া হল। 16 তা থেমে গেল, কিন্তু আমি বলতে পারিনি সেটি কী। আমার চোখের সামনে দাঁড়িয়েছিল এক অবয়ব, আর আমি মৃদু এক স্বর শুনলাম: 17 ‘মরণশীল মানুষ কি ঈশ্বরের চেয়েও বেশি ধার্মিক হতে পারে? এক সবল মানুষও কি তার নির্মাতার চেয়েও বেশি পবিত্র হতে পারে? 18 ঈশ্বর যদি তাঁর দাসেদের বিশ্বাস না করেন, তিনি যদি তাঁর স্বর্গদুর্দেরও দোষারোপ করেন, 19 তবে মাটির বাড়িতে বসবাসকারী সেই মানুষদের, যাদের উৎপত্তি সেই ধূলোতে, এক পতঙ্গের চেয়েও সহজে যারা নিষ্পিষ্ট হয়! তাদের কী হবে? 20 ভোর থেকে গোধূলি বেলা পর্যন্ত তারা চূর্ণবিচূর্ণ হয়; লোকচক্ষুর অন্তরালে, তারা চিরতরে বিনষ্ট হয়। 21 তাদের তাঁবুর দড়াদড়ি কি উপড়ে ফেলা হয় না, যেন বিনা বিজ্ঞতায় তারা মারা যায়?’

**5** “ডাকতে চাইলে ডাকো, কিন্তু কে তোমায় উত্তর দেবে? পবিত্রজনেদের মধ্যে তুমি কার শরণাপন্ন হবে? 2 বিরক্তিভাব মূর্খকে হত্যা করে, আর হিংসা সরল লোককে বধ করে। 3 আমি স্বয়ং এক মূর্খকে মূল বিস্তার করতে দেখেছি, কিন্তু হঠাৎ তার বাড়ি অভিশপ্ত হয়ে গেল। 4 তার সন্তানেরা নিরাপত্তাহীন হল, রক্ষক বিনা কাছারিতে নিষ্পেষিত হল। 5 ক্ষুধার্ত লোক তার ফসল খেয়ে ফেলে, কাঁটাবোপ থেকেও সেগুলি তুলে নেয়, আর তৃষ্ণার্তরা তার সম্পত্তির জন্য আকাঙ্ক্ষিত হয়। 6 কারণ মাটি থেকে কষ্ট উৎপন্ন হয় না, জমি থেকেও অনিষ্ট অঙ্গুরিত হয় না। 7 তবুও মানুষ অসুবিধা ভোগ করার জন্যই জন্মায়, ঠিক যেভাবে অগ্নিস্ফুলিঙ্গ উপরের দিকে উঠে যায়। 8 “কিন্তু আমি যদি তোমার জায়গায় থাকতাম, আমি ঈশ্বরের কাছে আবেদন জানাতাম; তাঁর কাছেই আমার উদ্দেশ্য ব্যক্ত করতাম। 9 তিনি এমন সব আশ্র্য কাজ করেন যা অনুভব করা যায় না, এমন সব অলৌকিক কাজ করেন যা গুনে রাখা যায় না। 10 তিনি ধরণীতে বৃষ্টির জোগান দেন; তিনি গ্রামাঞ্চলে জল পাঠান। 11 সহজসরল লোককে

তিনি উন্নত করেন, আর শোকার্তদের নিরাপত্তা দেন। 12 ধূর্তদের পরিকল্পনা তিনি ব্যর্থ করেন, যেন তাদের হাত কোনও সাফল্য লাভ না করে। 13 জননীদের তিনি তাদের ধূর্ততায় ধরে ফেলেন, আর শর্ঠের ফন্দি দ্রুত নিশ্চিহ্ন হয়ে যায়। 14 দিনের বেলাতেই তাদের উপর অঙ্ককার নেমে আসে, মধ্যাহ্নে তারা রাতের মতো হাতড়ে বেড়ায়। 15 অভাবগ্রস্তকে তিনি শব্দবাণ থেকে রক্ষা করেন; তিনি তাদের শক্তিশালীদের খপ্পর থেকে রক্ষা করেন। 16 তাই দরিদ্র আশায় বুক বাঁধে, আর অবিচার নিজের মুখে কুলুপ আঁটে। 17 “ধন্য সেই জন যাকে ঈশ্বর সংশোধন করেন; তাই সর্বশক্তিমানের শাস্তি তুচ্ছজ্ঞান কোরো না। 18 কারণ তিনি আঘাত দেন, কিন্তু শুশ্রাও করেন; তিনি ক্ষতিগ্রস্ত করেন, কিন্তু তাঁর হাত সুস্থও করে তোলে। 19 ছয়টি বিপর্যয় থেকে তিনি তোমাকে রক্ষা করবেন; সপ্তমটিতেও কোনও অনিষ্ট তোমাকে স্পর্শ করবে না। 20 দুর্ভিক্ষের সময় তিনি তোমাকে মৃত্যু থেকে, আর যুদ্ধের সময় তরোয়ালের আঘাত থেকে রক্ষা করবেন। 21 জিভের কশাঘাত থেকে তুমি সুরক্ষিত থাকবে, আর বিনাশকালেও ভয় পাবে না। 22 ধৰংস ও দুর্ভিক্ষ দেখে তুমি হাসবে, আর বুনো পশুদেরও ভয় পাবে না। 23 কারণ জমির পাথরগুলির সঙ্গে তুমি ছুক্তিবন্দ হবে, আর বুনো পশুরাও তোমার সঙ্গে শাস্তিতে থাকবে। 24 তুমি জানবে যে তোমার তাঁবু নিরাপদ; তুমি তোমার সম্পত্তির পরিমাণ যাচাই করবে ও দেখবে একটিও হারায়নি। 25 তুমি জানবে যে তোমার সন্তানেরা অসংখ্য হবে, ও তোমার বংশধরেরা মাটির ঘাসের মতো হবে। 26 পূর্ণ প্রাণশক্তি নিয়ে তুমি কবরে যাবে, যেভাবে শস্যের আঁটগুলি যথাসময়ে সংগৃহীত হয়। 27 “আমরা এর পরীক্ষা করেছি, আর তা সত্যি। তাই একথা শোনো ও নিজের জীবনে প্রয়োগ করো।”

**6** পরে ইয়োব উত্তর দিলেন: 2 “শুধু যদি আমার মনস্তাপ মাপা যেত আর আমার সব দুর্দশা দাঁড়িপাল্লায় তোলা যেত! 3 তবে তা নিঃসন্দেহে সমুদ্রের বালুকণাকেও ছাপিয়ে যেত— এতে আশ্র্য হওয়ার কিছু নেই যে আমার কথাগুলি দুর্দমনীয় হয়েছে। 4 সর্বশক্তিমানের তিরগুলি আমাকে বিন্দ করেছে, আমার আত্মা সেগুলির বিষে জর্জরিত; ঈশ্বরের

আতঙ্ক আমার বিরংদে শ্রেণীবন্দ হয়েছে। ৫ বুনো গাধা ঘাস পেয়ে কি  
ডাক ছাড়ে? বা বলদ জাব পেয়ে কি গর্জন করে? ৬ বিস্বাদ খাদ্য কি  
বিনা লবণে খাওয়া যায়? বা ম্যালোর রসে কি কোনও স্বাদ আছে?  
৭ আমি তা স্পর্শ করতে চাই না; এ ধরনের খাদ্য আমাকে অসুস্থ  
করে তোলে। ৮ “আহা, আমি যদি অনুরোধ জানাতে পারতাম, যেন  
আমার আশা ঈশ্বর পূরণ করেন, ৯ যেন ঈশ্বর আমাকে চূর্ণ করতে  
ইচ্ছুক হয়ে, তাঁর হাত বাঢ়িয়ে আমার প্রাণ ধ্বংস করেন! ১০ তবে  
তখনও আমি এই সাত্ত্বনা পেতাম— নির্মম যন্ত্রণার মধ্যেও আনন্দিত  
হতাম— যে আমি সেই পরিত্রজনের কথা অগ্রাহ্য করিনি। ১১ “আমার  
কী শক্তি আছে, যে এখনও আমি আশা রাখব? কী সন্তুবনা আছে, যে  
আমি ধৈর্যশীল থাকব? ১২ পাথরের মতো শক্তি কি আমার আছে?  
আমার দেহ কি ব্রোঞ্জ দিয়ে তৈরি? ১৩ নিজেকে সাহায্য করার কোনও  
শক্তি কি আমার আছে, যেহেতু সাফল্য আমার কাছ থেকে অপবাহ্ত  
হয়েছে? ১৪ “যে কেউ বন্ধুর প্রতি দয়া দেখাতে কার্পণ্য বোধ করে  
সে সর্বশক্তিমানের ভয় ত্যাগ করে। ১৫ কিন্তু আমার ভাইরা সবিরাম  
জলপ্রবাহের মতো অনির্ভরযোগ্য, সেই জলপ্রবাহের মতো যা তখনই  
উপচে পড়ে ১৬ যখন গলা বরফের দ্বারা তা কালো হয়ে যায় আর  
তরল তুষারে ফুলেফেঁপে ওঠে, ১৭ কিন্তু সুখা মরশ্মে তা আর প্রবাহিত  
হয় না, আর গ্রীষ্মকালে খাত থেকে অদৃশ্য হয়ে যায়। ১৮ বণিক দল  
তাদের গতিপথ ছেড়ে অন্য পথে সরে যায়; তারা পতিত জমিতে  
গিয়ে বিনষ্ট হয়। ১৯ টেমার বণিক দল জলের খোঁজ করে, শিবার  
ভ্রমণকারী বণিকেরা আশা নিয়ে তাকায়। ২০ তারা আকুল হয়, কারণ  
তারা আত্মবিশাসী হয়েছিল; তারা সেখানে পৌঁছায়, শুধু নিরাশ হওয়ার  
জন্য। ২১ এখন তোমরাও প্রমাণ দিয়েছ যে তোমরা কোনও কাজের  
নও; তোমরা ভয়ংকর কিছু দেখে ভয় পেয়েছ। ২২ আমি কি কখনও  
বলেছি, ‘আমাকে কিছু দাও, তোমাদের ধনসম্পত্তি থেকে আমার জন্য  
এক মুক্তিপণ দাও, ২৩ শক্তির হাত থেকে আমাকে উদ্ধার করো, নিষ্ঠুর  
লোকের খন্দের থেকে আমাকে মুক্ত করো’? ২৪ “আমাকে শিক্ষা দাও,  
ও আমি শান্ত থাকব; আমায় দেখিয়ে দাও কোথায় আমি ভুল করেছি।

25 সরল কথাবার্তা কতই না যন্ত্রণাদায়ক! কিন্তু তোমাদের যুক্তিক কী  
প্রমাণ করে? 26 আমি যা বলেছি তা কি তোমরা শুধরে দিতে চাও,  
আর আমার মরিয়া কথাবার্তাকে কি বাতাসের ঘতো গণ্য করতে চাও?  
27 পিতৃহীনের জন্য তোমরা এমনকি গুটিকাপাতের দান চালবে আর  
তোমাদের বন্ধুকে বিক্রি করে দেবে। 28 “কিন্তু এখন দয়া করে আমার  
দিকে তাকাও। আমি কি তোমাদের মুখের উপরে মিথ্যা কথা বলব?  
29 কঠোরতা কমাও, অন্যায় কোরো না; পুনর্বিবেচনা করো, কারণ  
আমার সততা বিপন্নতার সমূখীন। 30 আমার ঠোঁটে কি কোনও দুষ্টতা  
আছে? আমার মুখ কি বিদ্যেষ ঠাহর করতে পারে না?

7 “পৃথিবীতে কি নশ্বর মানুষকে কঠোর পরিশ্রম করতে হয় না?  
ভাড়াটে মানুষের মতো তার দিনগুলি কি নয়? 2 খ্রীতদাস যেমন সান্ধ্য  
ছায়ার জন্য ব্যাকুল হয়, বা দিনমজুর বেতনের অপেক্ষায় থাকে, 3  
সেভাবে ব্যর্থতাযুক্ত মাস আমার জন্য নির্দিষ্ট করে দেওয়া হয়েছে, আর  
দুর্দশাযুক্ত রাত আমার জন্য নিরূপিত হয়েছে। 4 শুয়ে শুয়ে আমি ভাবি,  
'কখন উঠব?' রাত বেড়েই গেল, আর আমি তোর পর্যন্ত বিছানায়  
ছটফট করে গেলাম। 5 আমার শরীর পোকা ও খোস-পাঁচড়ায় ভরে  
উঠেছে, আমার গায়ের চামড়ায় ফাটল ধরেছে ও তা পেকে গিয়েছে।  
6 “আমার দিনগুলি তাঁতির মাকুর চেয়েও দ্রুতগামী, আর কোনও  
আশা ছাড়াই সেগুলি শেষ হয়ে যায়। 7 হে স্বশ্র, মনে রেখো, যে  
আমার জীবন এক শ্বাসমাত্র; আমার দু-চোখ আর কখনও আনন্দ  
দেখতে পাবে না। 8 যে চোখ আজ আমায় দেখতে পাচ্ছ তা আর  
কখনও আমায় দেখতে পাবে না; তুমি আমার খোঁজ করবে, কিন্তু  
আমি আর থাকব না। 9 মেঘ যেমন মুহূর্তে মিলিয়ে যায়, সেভাবে যে  
কবরে যায় সে আর ফিরে আসে না। (Sheol h7585) 10 সে আর তার  
বাড়িতে ফিরে আসবে না; তার স্থান তাকে আর চিনতেও পারবে না।  
11 “তাই আমি আর নীরব থাকব না; আমার আত্মার যন্ত্রণায় আমি কথা  
বলব, আমার প্রাণের তিক্ততায় আমি অভিযোগ জানাব। 12 আমি  
কি সমুদ্র না সমুদ্রদানব যে তুমি আমাকে পাহারা দিয়ে রেখেছ? 13  
যখন আমি ভাবি যে আমার বিছানা আমাকে সান্ত্বনা দেবে আর আমার

শ্যা আমার অসুখ দূর করবে, 14 তখনও তুমি বিভিন্ন স্বপ্ন দেখিয়ে  
আমাকে ভয় দেখাও আর বিভিন্ন দর্শন দিয়ে আমাকে আতঙ্কিত করো,  
15 তাতে আমার এই শরীরের চেয়েও শ্বাসরোধ ও মৃত্যুও আমার  
কাছে বেশি পছন্দসই হয়। 16 আমি আমার জীবনকে ঘৃণা করি; আমি  
চিরকাল বাঁচতে চাই না। আমায় একা থাকতে দাও; আমার জীবনের  
দিনগুলি অর্থহীন। 17 “মানবজাতি কী যে তুমি তাদের এত বিরাট  
কিছু মনে করো, যে তুমি তাদের প্রতি এত মনোযোগ দাও, 18 যে  
প্রতিদিন সকালে তুমি তাদের পরাখ করো আর প্রতি মুহূর্তে তাদের  
পরীক্ষা করো? 19 তুমি কি কখনও আমার দিক থেকে তোমার দৃষ্টি  
ফেরাবে না, বা ক্ষণিকের জন্যও কি আমায় একা থাকতে দেবে না?  
20 আমি যদি পাপ করেই থাকি, আমাদের সব কাজ যাঁর দৃষ্টিগোচর,  
সেই তোমার প্রতি আমি কী করেছি? তুমি আমাকে কেন তোমার  
লক্ষ্যবস্তু করেছ? আমি কি তোমার কাছে বোঝা হয়েছি? 21 তুমি কেন  
আমার অপরাধ মার্জনা করছ না ও আমার পাপ ক্ষমা করছ না? কারণ  
অচিরেই আমি ধূলোয় মিশে যাব; তুমি আমার খোঁজ করবে, কিন্তু  
আমি আর থাকব না।”

**8** পরে শুহীয় বিল্দদ উত্তর দিলেন: 2 “তুমি আর কতক্ষণ এসব  
কথা বলবে? তোমার কথাবার্তা তো প্রচণ্ড বাঢ়ের মতো। 3 ঈশ্বর  
কি ন্যায়বিচার বিকৃত করেন? সর্বশক্তিমান কি যা ন্যায্য তা বিকৃত  
করেন? 4 তোমার সন্তানেরা যখন তাঁর বিরলদে পাপ করেছিল, তখন  
তিনি তাদের পাপের উপযুক্ত শাস্তি তাদের দিয়েছিলেন। 5 কিন্তু তুমি  
যদি আন্তরিকভাবে ঈশ্বরের অন্বেষণ করো, ও সর্বশক্তিমানের কাছে  
সন্দর্ভ মিনতি জানাও, 6 তুমি যদি পাবিত্র ও সৎ হও, এখনও তিনি  
তোমার হয়ে উঠে দাঁড়াবেন ও তোমাকে তোমার সমন্বয়শালী দশায়  
ফিরিয়ে নিয়ে যাবেন। 7 তোমার সূত্রপাত নিরহঙ্কার বলে মনে হবে,  
তোমার ভবিষ্যতও খুব সমন্বয়শালী হবে। 8 “সাবেক প্রজন্মকে জিজ্ঞাসা  
করো ও খুঁজে বের করো তাদের পূর্বপুরুষেরা কী শিখেছিলেন, 9  
কারণ আমরা তো মাত্র কালই জন্মেছি ও কিছুই জানি না, ও পৃথিবীতে  
আমাদের দিনগুলি তো এক ছায়ামাত্র। 10 তারা কি তোমাদের শিক্ষা

দেবেন না ও বলবেন না? তারা কি তাদের বুদ্ধিভাগীর থেকে বাণী  
বের করে আনবেন না? 11 যেখানে কোনও জলাভূমি নেই সেখানে  
কি নলখাগড়া বেড়ে ওঠে? জল ছাড়া কি নলবন মাথা চাড়া দেয়?  
12 বাড়তে বাড়তেই ও আকাটা অবস্থাতেই, সেগুলি ঘাসের চেয়েও  
দ্রুত শুকিয়ে যায়। 13 যারা ঈশ্বরকে ভুলে যায়, তাদেরও এই গতি  
হয়; অধাৰ্মিকদের আশাও এভাবে বিনষ্ট হয়। 14 তারা যার উপরে  
নির্ভর করে তা ভঙ্গুৰ; যার উপরে তারা ভৱসা করে তা মাকড়সার  
এক জাল। 15 তারা জালের উপরে হেলান দেয়, কিন্তু তা সবে যায়;  
তারা তা জড়িয়ে ধরে থাকে, কিন্তু তা ধরে রাখতে পারে না। 16  
তারা রোদ পাওয়া জলসেচিত এক চারাগাছের মতো, যা বাগানের  
সর্বত্র শাখাপ্রশাখা বিস্তার করে; 17 সেটির মূল পাষাণ-পাথরের গাদায়  
জড়িয়ে যায় ও তা পাথরের মধ্যে এক স্থান খুঁজে নেয়। 18 কিন্তু যখন  
সেটিকে তার অকুস্তল থেকে উপড়ে ফেলা হয়, তখন সেই স্থানটিই  
তাকে অস্মীকার করে বলে, ‘আমি তোমাকে কখনও দেখিনি।’ 19  
নিঃসন্দেহে তার প্রাণ শুকিয়ে যায়, ও সেই মাটি থেকে অন্যান্য চারাগাছ  
উৎপন্ন হয়। 20 “নিঃসন্দেহে ঈশ্বর তাকে কখনও প্রত্যাখ্যান করেন না  
যে অনিন্দনীয়, বা অনিষ্টকারীদের হাতও শক্তিশালী করেন না। 21  
তিনি এখনও তোমার মুখ হাসিতে ও তোমার ঠোঁট আনন্দধ্বনিতে পূর্ণ  
করতে পারেন। 22 তোমার শক্রু লজ্জায় আচছন্ন হবে, ও দুষ্টদের  
তাঁবু আর থাকবে না।”

**9** পরে ইয়োব উত্তর দিলেন: 2 “বাস্তবিক, আমি জানি যে তা সত্য।  
কিন্তু ঈশ্বরের সামনে নিছক নশ্বর মানুষ কীভাবে তাদের নির্দোষিতা  
প্রমাণ করবে? 3 যদিও তারা তাঁর সাথে বাদানুবাদ করতে চায়, তবুও  
হাজার বারের মধ্যে একবারও তারা তাঁর কথার জবাব দিতে পারে  
না। 4 তাঁর জ্ঞান অগাধ, তাঁর শক্তি অসীম। তাঁর বিরোধিতা করে কে  
অক্ষত অবস্থায় বেরিয়ে আসতে পেরেছে? 5 পর্বতগুলির অজান্তে তিনি  
তাদের স্থানান্তরিত করেন ও তাঁর ক্ষেত্রে সেগুলি উচ্ছেদ করেন। 6  
তিনি পৃথিবীকে স্বস্থান থেকে নাড়িয়ে দেন, ও তার স্তনগুলিকে টলিয়ে  
দেন। 7 তিনি সূর্যকে বারণ করেন ও তা দীপ্তি দেয় না; তিনি নক্ষত্রদের

আলো নিভিয়ে দেন। ৪ তিনি একাই আকাশমণ্ডলের বিস্তার ঘটান, ও  
সমুদ্রের চেউগুলিকে পদদলিত করেন। ৫ তিনি সপ্তর্ষি ও কালপুরূষ,  
কৃতিকা ও দক্ষিণের নক্ষত্রপুঁজের নির্মাতা। ৬ তিনি এমন সব আশ্চর্য  
কাজ করেন যা অনুধাবন করা যায় না, এমন সব অলৌকিক কাজ  
করেন যা গুনে রাখা যায় না। ৭ তিনি যখন আমাকে পার করে  
চলে যান, আমি তাঁকে দেখতে পাই না; তিনি যখন কাছ দিয়ে যান,  
আমি তাঁকে চিনতে পারি না। ৮ তিনি যদি কেড়ে নেন, কে তাঁকে  
থামাতে পারবে? কে তাঁকে বলতে পারবে, ‘তুমি কী করছ?’ ৯ ঈশ্বর  
তাঁর ক্রোধ নিয়ন্ত্রণে রাখেন না; রহবের বাহিনীও তাঁর পদতলে ভয়ে  
জড়সড় হয়ে থাকে। ১০ “কীভাবে তবে আমি তাঁর সাথে বাদানুবাদ  
করব? কীভাবে আমি তাঁর সঙ্গে তর্ক করার জন্য শব্দ খুঁজে পাব?  
১১ আমি নির্দোষ হওয়া সত্ত্বেও, তাঁকে জবাব দিতে পারিনি; আমার  
বিচারকের কাছে শুধু আমি দয়াভিক্ষাই করতে পেরেছি। ১২ আমি  
যদিও তাঁকে ডেকেছি ও তিনি সাড়া দিয়েছেন, তাও আমি বিশ্বাস করি  
না যে তিনি আমার কথায় কর্ণপাত করবেন। ১৩ এক ঝাড় পাঠিয়ে  
তিনি আমাকে চূর্ণ করবেন, ও অকারণেই আমার ক্ষতস্থানগুলির সংখ্যা  
বৃদ্ধি করবেন। ১৪ তিনি আমাকে দম নেওয়ার সুযোগ দেবেন না কিন্তু  
দুর্দশা দিয়ে আমাকে আচ্ছন্ন করে তুলবেন। ১৫ এটি যদি শক্তির বিষয়  
হয়, তবে তিনি শক্তিমান! ও এটি যদি বিচার্য বিষয় হয়, তবে কে  
তাঁর বিরুদ্ধ আপত্তি তুলবে? ১৬ আমি যদি নির্দোষও হতাম, তাও  
আমার মুখই আমাকে দোষারোপ করত। আমি যদি অনিন্দনীয় হতাম,  
তাও তা আমায় দোষী সাব্যস্ত করত। ১৭ “যদিও আমি অনিন্দনীয়,  
আমি নিজের বিষয়ে চিন্তিত নই; আমার নিজের জীবনকেই আমি ঘৃণা  
করি। ১৮ এসবই সমান; তাই আমি বলি, ‘অনিন্দনীয় ও দুষ্ট উভয়কেই  
তিনি ধ্বংস করেন।’ ১৯ এক কশা যখন আকস্মিক মৃত্যু ডেকে আনে,  
তিনি তখন নির্দোষের হতাশা দেখে বিদ্রূপ করেন। ২০ দেশ যখন  
দুষ্টের হাতে গিয়ে পড়ে, তখন তিনি সেখানকার বিচারকদের চোখ  
বেঁধে দেন। যদি তিনি এ কাজ না করেন, তবে কে তা করে? ২১  
“আমার দিনগুলি একজন ডাকহরকরার চেয়েও দ্রুতগামী; সেগুলি

আনন্দের কোনও আভাস ছাড়াই উড়ে যায়। 26 নলখাগড়ার নৌকার  
মতো সেগুলি অদৃশ্য হয়ে যায়, যেভাবে ঈগল পাখি তার শিকারের  
উপরে নেমে আসে। 27 আমি যদি বলি, ‘আমি আমার অভিযোগ ভুলে  
যাব, আমি আমার অভিব্যক্তি পালটে ফেলব, ও হাসব,’ 28 তাও আমি  
এখনও আমার সব দুঃখকষ্টকে ভয় করি, কারণ আমি জানি তুমি  
আমাকে নির্দোষ গণ্য করবে না। 29 যেহেতু আমি ইতিমধ্যেই দোষী  
সাব্যস্ত হয়েছি, তবে কেন আমি অনর্থক সংগ্রাম করব? 30 আমি  
যদিও সাবান দিয়ে নিজেকে ধুয়ে ফেলি ও পরিষ্কার করার সোডা  
দিয়ে আমার হাত পরিষ্কার করি, 31 তাও তুমি আমাকে পাঁকে ভরা  
খন্দে ডোবাবে যেন আমার পোশাকও আমায় ঘৃণা করে। 32 “তিনি  
আমার মতো নিছক এক নশ্বর মানুষ নন যে আমি তাঁকে উভর দেব, ও  
আদালতে আমরা পরস্পরের সম্মুখীন হব। 33 শুধু যদি আমাদের  
মধ্যে মধ্যস্থতা করার মতো কেউ থাকত, যদি আমাদের একসঙ্গে  
মিলিত করার মতো কেউ থাকত, 34 যদি আমার কাছ থেকে ঈশ্বরের  
লাঠি দূর করার মতো কেউ থাকত, যেন তাঁর আতঙ্ক আমাকে আর  
আতঙ্কিত করতে না পারে। 35 তবে তাঁকে ভয় না করে আমি কথা  
বলতে পারতাম, কিন্তু এখন আমার যা অবস্থা, আমি তা পারব না।

**10** “আমি আমার এই জীবনকে ঘৃণা করি; তাই আমি আমার  
অভিযোগকে লাগামছাড়া হতে দেব ও আমার প্রাণের তিক্ততায় কথা  
বলব। 2 আমি ঈশ্বরকে বলব: আমাকে দোষী সাব্যস্ত কোরো না,  
কিন্তু আমাকে বলে দাও আমার বিরঞ্ছে তোমার কী অভিযোগ আছে।  
3 আমার উপরে জুলুম চালাতে, তোমার হাতের কাজকে পদদলিত  
করতে কি তোমার আনন্দ হয়, যদিও দুষ্টদের পরিকল্পনা দেখে  
তোমার হাসি পায়? 4 তোমার কি মানুষের মতো চোখ আছে? তুমি  
কি নশ্বর মানুষের মতো দেখতে পাও? 5 তোমার আয় কি নশ্বর  
মানুষের মতো বা তোমার জীবনকাল কি বলশালী এক মানুষের মতো  
6 যে তোমাকে আমার দোষ খুঁজে বেড়াতে হবে ও আমার পাপ প্রমাণ  
করতে হবে— 7 যদিও তুমি জানো যে আমি দোষী নই ও কেউই  
তোমার হাত থেকে আমাকে উদ্ধার করতে পারবে না? 8 “তোমার

হাত আমাকে গড়ে তুলেছে ও আমাকে নির্মাণ করেছে। এখন কি তুমি  
ঘুরে দাঁড়িয়ে আমাকে ধ্বংস করবে? 9 মনে রেখো যে তুমি মাটির  
মতো করে আমাকে গড়ে তুলেছ। এখন কি তুমি আবার আমাকে  
মাটিতে মিশিয়ে দেবে? 10 তুমি কি আমাকে দুধের মতো চেলে  
দাওনি ও পনিরের মতো আমাকে ঘন করোনি, 11 চর্ম-মাংস দিয়ে আমাকে  
আমাকে আচ্ছাদিত করোনি এবং অঙ্গ ও মাংসপেশী দিয়ে আমাকে  
একসঙ্গে সংযুক্ত করোনি? 12 তুমি আমাকে জীবন দিয়েছ ও আমার  
প্রতি দয়া দেখিয়েছ, ও তোমার দূরদর্শিতায় আমার আত্মাকে পাহারা  
দিয়েছ। 13 “কিন্তু তোমার অন্তরে তুমি এসব গুণ রেখেছিলে, ও  
আমি জানি যে তোমার মনে এই ছিল: 14 আমি যদি পাপ করি, তবে  
তুমি আমার প্রতি লক্ষ্য রাখবে ও আমার অপরাধ ক্ষমা করবে না।  
15 আমি যদি দোষী—তবে আমার প্রতি হায়! আমি যদি নির্দোষও  
হয়ে থাকি, তাও আমি মাথা তুলতে পারব না, যেহেতু আমি লজ্জায়  
পরিপূর্ণ ও আমার দুঃখদুর্দশায় ডুবে আছি। 16 আমি যদি আমার  
মাথা তুলি, তবে তুমি এক সিংহের মতো চুপিসাড়ে আমাকে অনুসরণ  
করবে ও আবার আমার বিরংদে তোমার অসাধারণ ক্ষমতা প্রদর্শন  
করবে। 17 তুমি আমার বিরংদে নতুন নতুন সাক্ষী এনেছ ও আমার  
প্রতি তোমার ক্ষেত্র বৃদ্ধি পেয়েছে; তোমার সৈন্যবাহিনী আমার বিরংদে  
চেউয়ের মতো আছড়ে পড়েছে। 18 “তুমি কেন তবে আমাকে গর্ভ  
থেকে বের করে আনলে? কোনও চোখ আমাকে দেখার আগে আমার  
মৃত্যু হলেই ভালো হত। 19 আমি অজাত অবস্থায় থাকলেই ভালো  
হত, বা গর্ভ থেকে সোজা কবরে চলে যেতে পারলেই ভালো হত! 20  
আমার জীবনের অল্প কয়েকটি দিন কি প্রায় শেষ হতে যাচ্ছে না?  
আমার কাছ থেকে সরে যাও যেন সেই স্থানে যাওয়ার আগে, আমি  
এক মুহূর্তের আনন্দ উপভোগ করতে পারি 21 যেখান থেকে কেউ  
ফিরে আসে না, বিষাদ ও নিরেট অন্ধকারের সেই দেশ, 22 গভীর  
রাতের সেই দেশ, নিরেট অন্ধকারের ও বিশৃঙ্খলার সেই দেশ, যেখানে  
আলোও অন্ধকারের সমান।”

**11** পরে নামাধীয় সোফর উত্তর দিলেন: 2 “এসব কথা কি উত্তর  
ছাড়াই থেকে যাবে? এই বাচাল লোকটি কি সমর্থন পেয়েই যাবে? 3  
তোমার বাজে কথা কি অন্যান্য লোকদের চুপ করিয়ে রাখবে? তুমি  
যখন বিদ্রূপ করছ তখন কি কেউ তোমাকে তিরক্ষার করবে না? 4  
তুমি ঈশ্বরকে বলেছ, ‘আমার বিশ্বাস অটুট ও তোমার দৃষ্টিতে আমি  
নির্মল।’ 5 আহা, আমি চাই ঈশ্বর কথা বলুন, তিনি তোমার বিরুদ্ধে  
তাঁর ঠোঁট খুলুন 6 ও তোমার কাছে জ্ঞানের রহস্য উন্মোচন করুন,  
যেহেতু প্রকৃত জ্ঞানের দুটি দিক আছে। জেনে রাখো: ঈশ্বর তোমার  
কয়েকটি পাপ ভুলেও গিয়েছেন। 7 “তুমি কি ঈশ্বরের রহস্যগুলির  
গভীরতা মাপতে পারো? সর্বশক্তিমানের সীমানার রহস্যভেদ করতে  
পারো? 8 সেগুলি উর্ধ্বস্থ আকাশের চেয়েও উঁচু—তুমি কী করতে  
পারো? সেগুলি নিম্নস্থ পাতালের চেয়েও গভীর—তুমি কী জানতে  
পারো? (Sheol h7585) 9 তাদের মাপ পৃথিবীর চেয়েও দীর্ঘ ও সমুদ্রের  
চেয়েও প্রশস্ত। 10 “তিনি এসে যদি তোমায় জেলখানায় বন্দি করেন  
ও বিচারসভা বসান, তবে কে তাঁর বিরোধিতা করবে? 11 নিশ্চয় তিনি  
প্রতারকদের চিনতে পারেন; ও তিনি যখন অনিষ্ট দেখেন, তখন কি  
তিনি তার হিসেব রাখেন না? 12 কিন্তু হীনবুদ্ধি কখনোই জ্ঞানী হতে  
পারবে না যেতাবে বুলো গর্দভশাবক মানুষ হয়ে জন্মাতে পারে না।  
13 “তবুও তুমি যদি তাঁর প্রতি তোমার অন্তর উৎসর্গ করো ও তাঁর  
দিকে তোমার হাত বাঢ়িয়ে দাও, 14 তুমি যদি তোমার হাতে লেগে  
থাকা পাপ বোঝে ফেলো ও তোমার তাঁবুতে কোনও অমঙ্গল বসবাস  
করতে না দাও, 15 তবে, দোষমুক্ত হয়ে, তুমি তোমার মুখ তুলবে;  
তুমি সুস্থির থাকবে ও ভয় করবে না। 16 নিশ্চয় তুমি তোমার দুর্দশা  
ভুলে যাবে, প্রবাহিত জলের মতো শুধু তা স্মরণ করবে। 17 জীবন  
মধ্যাহ্নের চেয়েও উজ্জ্বল হবে, ও অন্ধকার সকালের মতো হয়ে যাবে।  
18 তুমি নিশ্চিন্ত হবে, যেহেতু আশা আছে; তুমি সুরক্ষিত থাকবে ও  
নিরাপদে বিশ্রাম ভোগ করবে। 19 তুমি শুয়ে পড়বে, ও কেউ তোমাকে  
ভয় দেখাবে না, ও অনেকেই তোমার সাহায্যপ্রার্থী হবে। 20 কিন্তু

দুর্জনদের চোখ নিস্তেজ হবে, ও পরিত্রাণ তাদের কাছ থেকে দূরে  
পালাবে; তাদের আশা মৃত্যুকালীন খাবিতে পরিণত হবে।”

**12** পরে ইয়োব উত্তর দিলেন: 2 “নিঃসন্দেহে একমাত্র তোমরাই  
জনসাধারণ, ও প্রজ্ঞা তোমাদের সাথেই লুপ্ত হয়ে যাবে! 3 কিন্তু  
আমারও তোমাদের মতো এক মন আছে; আমি তোমাদের চেয়ে  
নিকৃষ্ট নই। এসব কথা কে না জানে? 4 “আমি আমার বন্ধুদের কাছে  
উপহাসের পাত্রে পরিণত হয়েছি, যদিও আমি ঈশ্বরকে ডাকতাম ও  
তিনি আমায় উত্তর দিতেন— ধার্মিক ও অনিন্দনীয় হওয়া সত্ত্বেও  
নিছক উপহাসের এক পাত্রে পরিণত হয়েছি! 5 যারা অরামে আছে,  
তারা দুর্ভাগ্য-পীড়িত লোকদের এত অবজ্ঞা করে যেন পা পিছলে পড়ে  
যাওয়াই তাদের পরিণতি। 6 লুঠেরাদের তাঁবু নিরূপণ্ডৃত থাকে, ও  
যারা ঈশ্বরকে জ্বালাতন করে তারা নিরাপদে থাকে— তারা ঈশ্বরের  
হাতেই থাকে। 7 “কিন্তু পশুদের জিজ্ঞাসা করো, ও তারা তোমাকে  
শিক্ষা দেবে, বা আকাশের পাখিদের জিজ্ঞাসা করো, ও তারাও তোমায়  
বলে দেবে; 8 বা পৃথিবীকে বলো, ও তা তোমাকে শিক্ষা দেবে, বা  
সমুদ্রের মাছই তোমাকে খবর দিক। 9 এদের মধ্যে কে জানে না  
যে সদাপ্রভুর হাতই এসব গড়ে তুলেছে? 10 তাঁর হাতেই প্রত্যেকটি  
প্রাণীর জীবন ও সমগ্র মানবজাতির শ্বাস গচ্ছিত আছে। 11 কান কি  
শব্দ পরাখ করে না যেভাবে জিভ খাদ্যের স্বাদ চাখে? 12 প্রবীণেরা কি  
প্রজ্ঞার অধিকারী নন? সুদীর্ঘ জীবন কি বুদ্ধি নিয়ে আসে না? 13 “প্রজ্ঞা  
ও পরাক্রম ঈশ্বরের অধিকারভূক্ত বিষয়; পরামর্শ ও বুদ্ধি তাঁরই। 14  
তিনি যা ভাঙেন তা পুনর্নির্মাণ করা যায় না; তিনি যাদের বন্দি করেন  
তাদের কেউ মুক্ত করতে পারে না। 15 তিনি যদি জলধারা আটকে  
রাখেন, তবে খরা হয়; তিনি যদি তা বাঁধনছাড়া হতে দেন, তবে তা  
দেশ ফ্লাবিত করে। 16 পরাক্রম ও অস্তর্দৃষ্টি তাঁর অধিকারভূক্ত বিষয়;  
প্রতারিত ও প্রতারক উভয়ই তাঁর। 17 তিনি শাসকদের আভরণহীন  
করে চালান ও বিচারকদের মূর্খে পরিণত করেন। 18 তিনি রাজাদের  
পরিধেয় বেড়ি অপস্ত করেন ও তাদের কোমরের চারপাশে কৌপিন  
বেঁধে দেন। 19 তিনি যাজকদের আভরণহীন করে চালান ও দীর্ঘকাল

যাবৎ ক্ষমতায় থাকা কর্মকর্তাদের উৎখাত করেন। 20 তিনি বিশ্বস্ত উপদেশকদের ঠোঁট শব্দহীন করে দেন। ও প্রাচীনদের বুদ্ধিবৃত্তি হরণ করেন। 21 তিনি অভিজ্ঞাতদের হেনস্থা করেন ও বলশালীদের নিরস্ত্র করেন। 22 তিনি অন্ধকারের জটিল বিষয়গুলি প্রকাশিত করেন ও নিরেট অন্ধকারকে আলোয় নিয়ে আসেন। 23 তিনি জাতিদের মহান করেন, ও তাদের ধ্বংসও করেন; তিনি জাতিদের সম্প্রসারিত করেন, ও তাদের বিক্ষিপ্তও করেন। 24 তিনি পার্থিব নেতাদের বুদ্ধি-বাধিত করেন; তিনি তাদের পথহীন এক প্রান্তরে ঘুরে বেড়াতে বাধ্য করেন। 25 আলো ছাড়াই তারা অন্ধকারে পথ হাতড়ে বেড়ায়; তিনি মাতালদের মতো তাদের টলতে বাধ্য করেন।

**13** “আমি নিজের চোখে এসব কিছু দেখেছি, আমি তা নিজের কানে শুনেছি ও বুবোছি। 2 তোমরা যা জানো, আমিও তা জানি, আমি তোমাদের চেয়ে নিকৃষ্ট নই। 3 কিন্তু আমি সর্বশক্তিমানের সঙ্গে কথা বলতে চাই ও ঈশ্বরের কাছে আমার মামলার স্বপক্ষে যুক্তি দেখাতে চাই। 4 তোমরা, অবশ্য, আমার গায়ে মিথ্যা লেপন করেছ; তোমরা, তোমরা সবাই অপদার্থ চিকিৎসক। 5 তোমরা যদি শুধু পুরোপুরি নীরব থাকতে! তোমাদের পক্ষে, তবে তা প্রজ্ঞা হত। 6 এখন আমার যুক্তি শোনো; আমার ঠোঁটের আবেদনে কর্ণপাত করো। 7 ঈশ্বরের হয়ে কি তোমরা গার্হিত কথাবার্তা বলবে? তাঁর হয়ে কি তোমরা প্রতারণামূলক কথাবার্তা বলবে? 8 তোমরা কি তাঁর প্রতি পক্ষপাতিত্ব দেখাবে? তোমরা কি ঈশ্বরের হয়ে মামলা লড়বে? 9 তিনি যদি তোমাদের পরীক্ষা করেন, তবে কি ভালো কিছু হবে? নশ্বর এক মানুষকে যেভাবে তোমরা প্রতারিত করো সেভাবে কি তাঁকেও প্রতারিত করতে পারবে? 10 তিনি নিশ্চয় তোমাদের ভর্তসনা করবেন যদি তোমরা গোপনে পক্ষপাতিত্ব দেখিয়েছিলে। 11 তাঁর প্রভা কি তোমাদের আতঙ্কিত করবে না? তাঁর শক্তা কি তোমাদের উপরে নেমে আসবে না? 12 তোমাদের প্রবচন ভস্মের প্রবাদ; তোমাদের দুর্গ মাটির কেল্লা। 13 “নীরব হও ও আমাকে কথা বলতে দাও; পরে যা হওয়ার হবে। 14 আমি কেন নিজের জীবন বিপন্ন করব ও আমার প্রাণ হাতে তুলে

নেব? 15 তিনি যদি আমাকে হত্যা করেন, তবুও আমি তাঁর উপরে  
আশা রাখব; আমি নিশ্চয় তাঁর মুখোমুখি দাঁড়িয়ে আমার মামলাটি  
লড়ব। 16 সত্যই, এটি আমার মুক্তিতে পরিণত হবে, যেহেতু কোনও  
অধাৰ্মিক তাঁর সামনে আসতে সাহস পায় না! 17 আমি যা বলি তা মন  
দিয়ে শোনো; আমার বক্তব্য তোমাদের কানে বাজুক। 18 এখন আমি  
যখন আমার মামলাটি সাজিয়েছি, তখন আমি জানি যে আমি নির্দোষ  
প্রমাণিত হব। 19 কেউ কি আমার বিরুদ্ধে অভিযোগ করতে পারবে?  
যদি পারে, তবে আমি নীরব থাকব ও মৃত্যুবরণ করব। 20 “হে ঈশ্বর,  
আমাকে শুধু এই দুটি জিনিস দাও, ও তখন আর আমি নিজেকে  
তোমার কাছে লুকিয়ে রাখব না: 21 তোমার হাত আমার কাছ থেকে  
দূরে সরিয়ে নাও, ও তোমার আতঙ্ক দিয়ে আমাকে আর ভয় দেখিয়ো  
না। 22 তখন আমাকে ডেকো ও আমি উন্নত দেব, বা আমাকে কথা  
বলতে দিয়ো ও তুমি আমাকে উন্নত দিয়ো। 23 আমি কতগুলি অন্যায়  
ও পাপ করেছি? আমার অপরাধ ও আমার পাপ আমায় দেখিয়ে দাও।  
24 তুমি কেন তোমার মুখ লুকিয়েছ ও আমাকে তোমার শক্ত বলে  
মনে করছ? 25 তুমি কি বায়ুতাড়িত একটি পাতাকে যন্ত্রণা দেবে?  
শুকনো তুষের পিছু ধাওয়া করবে? 26 কারণ তুমি আমার বিরুদ্ধে  
তিঙ্ক অভিযোগ লিপিবদ্ধ করেছ ও আমাকে আমার জীবনকালীন  
পাপের ফলভোগ করাচ্ছ। 27 তুমি আমার পায়ে বেড়ি পরিয়েছ; আমার  
পায়ের তলায় চিহ্ন এঁকে দিয়ে তুমি আমার সব পথে সতর্ক দৃষ্টি রেখে  
চলেছ। 28 “তাই মানুষ পচাগলা বন্ধুর মতো, পোকায় কাটা পোশাকের  
মতো ক্ষয়ে যায়।

**14** “স্ত্রী-জাত নশ্বর মানুষ, তাদের জীবনকাল সংক্ষিপ্ত ও ঝামেলায়  
পরিপূর্ণ। 2 ফুলের মতো তারা ফোটে ও শুকিয়েও যায়; দ্রুতগামী  
ছায়ার মতো, তারা মিলিয়ে যায়। 3 তাদের উপরে তুমি কি তোমার  
চোখ ছির করবে? বিচারের জন্য তুমি কি তাদের তোমার সামনে  
নিয়ে আসবে? 4 অশুদ্ধ থেকে শুন্দের উৎপত্তি কে করতে পারে? কেউ  
করতে পারে না! 5 একজন মানুষের আয়ুর দিনগুলি নির্ধারিত হয়ে  
আছে; তার মাসের সংখ্যা তুমি ছির করে রেখেছ ও এমন এক সীমা

স্থাপন করেছ যা সে ছাড়িয়ে যেতে পারে না। 6 তাই তার উপর থেকে  
দৃষ্টি সরিয়ে নাও ও তাকে ছেড়ে দাও, যতক্ষণ না সে এক দিনমজুরের  
মতো তার সময় দিচ্ছে। 7 “এমনকি একটি গাছেরও আশা আছে:  
সেটিকে কেটে ফেলা হলেও, তা আবার অঙ্গুরিত হয়, ও তার নতুন  
শাখার অভাব হয় না। 8 সেটির মূল জমির নিচে পুরোনো হয়ে যেতে  
পারে ও তার গুঁড়ি মাটিতে মরে যেতে পারে, 9 তবুও জলের গন্ধ  
পেলেই তা মুকুলিত হবে ও এক চারাগাছের মতো শাখাপ্রশাখা বিস্তার  
করবে। 10 কিন্তু মানুষ মরে যায় ও কবরে শায়িত হয়; সে শেষনিশ্চাস  
ত্যাগ করে ও তার অস্তিত্ব বিলীন হয়ে যায়। 11 যেভাবে হৃদের জল  
শুকিয়ে যায় বা নদীর খাত রোদে পোড়ে ও শুকিয়ে যায়, 12 সেভাবে  
সে শায়িত হয় ও আর ওঠে না; আকাশমণ্ডল বিলুপ্ত না হওয়া পর্যন্ত,  
মানুষজন আর জাগবে না বা তাদের ঘুম আর ভাঙানো যাবে না। 13

“তুমি যদি শুধু আমাকে কবরে লুকিয়ে রাখতে ও তোমার ক্ষেত্র শান্ত  
না হওয়া পর্যন্ত আমাকে আড়াল করে রাখতে! তুমি যদি শুধু আমার  
জন্য একটি সময় স্থির করে দিতে ও তারপর আমায় স্মরণ করতে!

(Sheol h7585) 14 যদি কেউ মারা যায়, সে কি আবার বেঁচে উঠবে?  
আমার কঠোর সেবাকাজের সবকটি দিন আমি আমার নবীকরণের  
জন্য অপেক্ষা করে থাকব। 15 তুমি ডাকবে ও আমি তোমাকে উত্তর  
দেব; তোমার হাত যে প্রাণীকে সৃষ্টি করেছে, তুমি তার আকাঙ্ক্ষা  
করবে। 16 নিশ্চয় তুমি তখন আমার পদক্ষেপ গুনবে, কিন্তু আমার  
পাপের উপর নজর দেবে না। 17 আমার অপরাধগুলি থলিতে কষে  
বন্ধ করা হবে; তুমি আমার পাপ ঢেকে দেবে। 18 “কিন্তু পর্বত যেভাবে  
ক্ষয়ে যায় ও ভেঙে চুরমার হয়ে যায় ও পাষাণ-পাথর যেভাবে নিজের  
জায়গা থেকে সরে যায়, 19 জল যেভাবে পাথরকে ক্ষয় করে ও তীব্র  
স্নোত যেভাবে মাটি ধূয়ে নিয়ে যায়, সেভাবে তুমি একজন লোকের  
আশা ধ্বংস করছ। 20 তুমি চিরকালের জন্য তাদের দমন করেছ, ও  
তারা বিলুপ্ত হয়েছে; তুমি তাদের মুখের চেহারা পরিবর্তিত করেছ ও  
তাদের পাঠিয়ে দিয়েছ। 21 তাদের সন্তানেরা যদি সম্মানিত হয়, তারা তা  
তা জানতে পারে না; তাদের সন্তানেরা যদি অবনত হয়, তারা তা

দেখতে পায় না। 22 তারা শুধু নিজেদের শরীরের ব্যথাবেদনা অনুভব করে ও শুধু নিজেদের জন্যই শোক পালন করে।”

**15** পরে তৈমনীয় ইলীফস উত্তর দিলেন: 2 “কোনও জ্ঞানবান কি ফাঁপা ধারণা সমেত উত্তর দেবেন বা গরম পূর্বীয় বাতাস দিয়ে তিনি পেট ভরাবেন? 3 অনর্থক কথা বলে, মূল্যহীন বক্তৃতা দিয়ে কি তিনি তর্ক করবেন? 4 কিন্তু তুমি এমনকি চুপিচুপি ভক্তিরও হানি ঘটাছ ও ঈশ্বরনিষ্ঠায় বাধা দিচ্ছ। 5 তোমার পাপ তোমার মুখকে উত্তেজিত করছে; তুমি ধূর্ততার জিভ অবলম্বন করছ। 6 আমার নয়, তোমার নিজের মুখই তোমাকে দোষী সাব্যস্ত করছে; তোমার নিজের ঠোঁটই তোমার বিরুদ্ধে সাক্ষী দিচ্ছে। 7 “মানুষের মধ্যে তুমি কি প্রথমজাত? পাহাড়ের জন্মের আগেই কি তোমার জন্ম হয়েছিল? 8 তুমি কি ঈশ্বরের পরামর্শ শুনেছ? প্রজ্ঞার উপরে কি তোমারই একচেটিয়া অধিকার আছে? 9 তুমি এমনকি জানো যা আমরা জানি না? তোমার এমন কি অন্তর্দৃষ্টি আছে যা আমাদের নেই? 10 পাকা চুলবিশিষ্ট লোকেরা ও বৃক্ষেরা আমাদের পক্ষে আছেন, যারা তোমার বাবার চেয়েও বয়স্ক। 11 ঈশ্বরের সান্ত্বনা কি তোমার জন্যে যথেষ্ট নয়, মৃদুভাবে বলা কথাও কি কিছুই নয়? 12 তোমার অন্তর কেন তোমাকে বিপথে পরিচলিত করেছে, ও তোমার চোখ কেন মিটমিট করেছে, 13 যার ফলে ঈশ্বরের বিরুদ্ধে তুমি তোমার উগ্র রোষ প্রকাশ করছ ও তোমার মুখ থেকে এ ধরনের কথা উগরে দিচ্ছ। 14 “নশ্বর মানুষ কী, যে তারা শুচিশুদ্ধ হবে, বা স্ত্রী-জাত মানুষও কী, যে তারা ধার্মিক হবে? 15 ঈশ্বর যদি তাঁর পবিত্রজনদেরই বিশ্বাস করেন না, আকাশমণ্ডলও যদি তাঁর দৃষ্টিতে অকল্যুষিত না হয়, 16 তবে সেই নশ্বর মানুষ কী, যারা নীচ ও দুর্নীতিগ্রস্ত, যারা জলের মতো করে অনিষ্ট পান করে! 17 “আমার কথা শোনো ও আমি তোমার কাছে ব্যাখ্যা করে দেব; আমি যা দেখেছি তা তোমাকে বলতে দাও, 18 জ্ঞানবানেরা যা ঘোষণা করেছিলেন, তাদের পূর্বপুরুষদের কাছ থেকে পাওয়া কোনো কিছুই লুকিয়ে রাখেননি: 19 (শুধু তাদেরই দেশটি দেওয়া হয়েছিল যখন কোনও বিদেশি তাদের মধ্যে ঘোরাফেরা করত না) 20 দুর্নীতিপরায়ণ

মানুষ আজীবন যন্ত্রণাভোগ করে, নিষ্ঠুর মানুষ ক্লেশে পরিপূর্ণ বছরগুলি নিজের জন্য সংগ্রহ করে রাখে। 21 আতঙ্কজনক শব্দে তার কান ভরে ওঠে; যখন সবকিছু ঠিক আছে বলে মনে হয়, তখনই লুঠেরারা তাকে আক্রমণ করে। 22 সে অঙ্ককার জগৎ থেকে পালানোর মরিয়া চেষ্টা করে; সে তরোয়ালের জন্য চিহ্নিত হয়ে যায়। 23 সে শকুনের মতো হন্যে হয়ে খাদ্য খুঁজে বেড়ায়; সে জানে অঙ্ককারাচ্ছন্ন দিন এসে পড়েছে। 24 চরম দুর্দশা ও মনস্তাপ তাকে আতঙ্কিত করে তোলে; অস্ত্রিতা তাকে আচ্ছন্ন করে, যেভাবে একজন রাজা আক্রমণ করার জন্য প্রস্তুত হন, 25 যেহেতু সে ঈশ্বরের বিরংদে তার হাত মুষ্টিবদ্ধ করেছে ও সর্বশক্তিমানের বিরংদে নিজেকে আস্ফালিত করেছে, 26 বেপরোয়াভাবে এক পুরুষ, শক্ত ঢাল নিয়ে তাঁর বিরংদে আক্রমণ চালিয়েছে। 27 “যদিও তার মুখমণ্ডল চর্বিতে ঢাকা পড়েছে ও তার কোমর মাংস দিয়ে ফুলেফেঁপে উঠেছে, 28 সে ধ্বংসপ্রাপ্ত নগরে ও সেইসব বাড়িতে বসবাস করবে যেখানে কেউ বসবাস করে না, যেসব বাড়ি ভেঙে গিয়ে নুড়ি-পাথরের স্তূপে পরিণত হয়েছে। 29 সে আর ধনী হয়ে থাকতে পারবে না ও তার ধনসম্পদও স্থায়ী হবে না, তার সম্পত্তি দেশের সর্বত্র ছড়িয়ে পড়বে না। 30 সে অঙ্ককারের হাত থেকে রেহাই পাবে না; আগুনের শিখা তার মুকুলগুলি শুকিয়ে দেবে, ও ঈশ্বরের মুখনির্গত শাস তাকে উড়িয়ে নিয়ে যাবে। 31 মূল্যহীন কোনো কিছুতে আঙ্গ স্থাপন করে সে নিজেকে প্রতারিত না করবে, যেহেতু তার পরিবর্তে সে কিছুই পাবে না। 32 সময়ের আগেই সে শুকিয়ে যাবে, ও তার শাখাপ্রশাখাগুলি আর সতেজ থাকবে না। 33 সে এমন এক দ্রাক্ষালতার মতো হয়ে যাবে যেখান থেকে কাঁচা আঙুর ঝরে পড়ে, এমন এক জলপাই গাছের মতো হয়ে যাবে যেখান থেকে ফুলের কুঁড়ি খসে পড়ে। 34 কারণ ভক্তিহীনদের সমবেত জনসমষ্টি নির্বংশ হবে, ও যারা ঘুস নিতে ভালোবাসে তাদের তাঁবু আগুন গ্রাস করে ফেলবে। 35 তারা সংকট গর্ভে ধারণ করে ও অমঙ্গলের জন্য দেয়; তাদের গর্ভ প্রতারণা তৈরি করে।”

**১৬** পরে ইয়োব উত্তর দিলেন: ২ “আমি এই ধরনের অনেক কথা শুনেছি; তোমরা শোচনীয় সান্ত্বনাকারী, তোমরা সবাই! ৩ তোমাদের এইসব দীর্ঘ এলোমেলো বক্তৃতা কি কখনও শেষ হবে না? তোমাদের কী এমন কষ্ট যে তোমরা তর্ক করেই যাচ্ছ? ৪ আমিও তোমাদের মতো কথা বলতে পারতাম, যদি তোমরা আমার জ্ঞানগায় থাকতে; আমিও তোমাদের বিরংক্ষে সুন্দর সুন্দর বক্তৃতা দিতে পারতাম ও তোমাদের দেখে মাথা নাড়াতে পারতাম। ৫ কিন্তু আমার মুখ তোমাদের উৎসাহ দেবে; আমার ঠোঁট থেকে সান্ত্বনা বের হয়ে তোমাদের যন্ত্রণার উপশম করবে। ৬ “তবুও আমি যদি কথা বলি, আমার ব্যথার উপশম হয় না; ও আমি যদি নীরব থাকি, তাও তা যায় না। ৭ হে ঈশ্বর, নিশ্চয় তুমি আমাকে নিঃশেষিত করে দিয়েছ; তুমি আমার সমগ্র পরিবারকে বিধ্বস্ত করে দিয়েছ। ৮ তুমি আমাকে কুঁকড়ে দিয়েছ—ও তা এক সাক্ষী হয়েছে; আমার শীর্ণতা উঠে দাঁড়িয়ে আমার বিরংক্ষে সাক্ষ্য দিচ্ছে। ৯ ঈশ্বর আমাকে আক্রমণ করে তাঁর ক্রোধে আমাকে ছিন্নভিন্ন করে দিয়েছেন ও আমার প্রতি দাঁত কড়মড় করেছেন; আমার প্রতিপক্ষ তাঁর তীক্ষ্ণ দৃষ্টি দিয়ে আমাকে আক্রমণ করেছেন। ১০ আমাকে বিন্দুপ করার জন্য লোকেরা তাদের মুখ খুলেছে; অবঙ্গিতরে তারা আমার গালে চড় মেরেছে ও আমার বিরংক্ষে সমবেত হয়েছে। ১১ ঈশ্বর আমাকে অধার্মিক লোকদের হাতে সমর্পণ করেছেন ও দুর্জনদের খন্ডে ছুঁড়ে দিয়েছেন। ১২ আমার সবকিছু ঠিকঠাক চলছিল, কিন্তু তিনি আমাকে ভেঙে চুরমার করে দিয়েছেন; তিনি আমার ঘাড় ধরে আমাকে আচাড় মেরেছেন। তিনি আমাকে তাঁর লক্ষ্যবস্তুতে পরিণত করেছেন; ১৩ তাঁর তিরন্দাজরা আমাকে ঘিরে ধরেছে। দয়া না দেখিয়ে, তিনি আমার কিডনি বিন্দু করেছেন ও আমার পিত মাটিতে ফেলে দিয়েছেন। ১৪ বারবার তিনি আমার উপরে ফেটে পড়েছেন; একজন যোদ্ধার মতো তিনি আমার দিকে ধেয়ে এসেছেন। ১৫ “আমি আমার চামড়ার উপরে চট্টের কাপড় বুনে নিয়েছি ও আমার ললাটটি ধুলোতে সমাধিস্থ করেছি। ১৬ কেঁদে কেঁদে আমার মুখমণ্ডল লাল হয়ে গিয়েছে, আমার চোখের চারপাশে কালি পড়েছে; ১৭ তাও আমার হাতে হিংস্রতা

নেই ও আমার প্রার্থনা বিশুদ্ধ। 18 “হে পৃথিবী, আমার রক্ত দেকে রেখো  
না; আমার কান্না যেন কখনও বিশ্রামে শায়িত না হয়! 19 এখনও  
আমার সাক্ষী স্বর্গেই আছেন; আমার উকিল উৎবেই আছেন। 20  
আমার মধ্যস্থতাকারীই আমার বন্ধু হন যখন আমার চোখ ঈশ্বরের  
কাছে অশ্রুপাত করে; 21 একজন লোকের হয়ে তিনি ঈশ্বরের কাছে  
ওকালতি করেন যেভাবে এক বন্ধুর জন্য একজন ওকালতি করে। 22  
“যে পথে গিয়ে আর ফিরে আসা যায় না, আমি সেই পথটি ধরার আগে  
শুধু কয়েকটি বছর পার হয়ে যাবে।

**17** আমার আত্মা ভেঙে খানখান হয়ে গিয়েছে, আমার আয়ুর দিনগুলি  
সংক্ষিপ্ত করা হয়েছে, কবর আমার জন্য অপেক্ষা করে আছে। 2  
বিদ্রূপকারীরা নিশ্চয় আমাকে ঘিরে ধরেছে; তাদের বিরোধিতা আমি  
চাক্ষুষ দেখতে পাচ্ছি। 3 “হে ঈশ্বর, আমার কাছে অঙ্গীকার করো।  
আর কে-ই বা আমার জন্য জামিনদার হবে? 4 তুমি তাদের বুদ্ধি-  
বিবেচনা লোপ পেতে দিয়েছ; তাই তুমি তাদের জয়লাভ করতে দেবে  
না। 5 যদি কেউ পুরস্কার লাভের আশায় তাদের বন্ধুদের নিন্দা করে,  
তবে তাদের সন্তানদের চোখ নিষ্পত্ত হয়ে যাবে। 6 “ঈশ্বর সকলের  
কাছে আমাকে নিন্দার এক পাত্রে পরিণত করেছেন, আমি এমন এক  
মানুষ যার মুখে সবাই থুতু দেয়। 7 বিশাদে আমার চোখ অস্পষ্ট হয়ে  
গিয়েছে; আমার সমগ্র শরীর নিছক এক ছায়ামাত্র। 8 ন্যায়পরায়ণ  
লোকেরা তা দেখে হতভয় হয়ে যায়; নিরীহ লোকেরা অধার্মিকদের  
বিরুদ্ধে সক্রিয় হয়ে ওঠে। 9 তা সত্ত্বেও, ধার্মিকেরা নিজেদের পথ  
ধরে এগিয়ে যাবে, ও যাদের হাত শুচিশুদ্ধ, তারা ক্রমাগত শক্তিশালী  
হয়েই যাবে। 10 “কিন্তু তোমরা সবাই এসো, আবার চেষ্টা করো! আমি  
তোমাদের মধ্যে কাউকেই জ্ঞানবান দেখছি না। 11 আমার দিন শেষ  
হয়েছে, আমার পরিকল্পনাগুলি ভেঙে খানখান হয়ে গিয়েছে। তবুও  
আমার হৃদয়ের বাসনাগুলি 12 রাতকে দিনে পরিণত করে; অঙ্গকার  
সরাসরি আলোর কাছে চলে আসে। 13 যদি কবরকেই আমি আমার  
একমাত্র ঘর বলে ধরে নিই, যদি অঙ্গকারের রাজত্বেই আমি আমার  
বিছানা পাতি, (Sheol h7585) 14 যদি দুর্নীতিকে আমি বলি, ‘তুমি আমার

বাবা,’ ও পোকামাকড়কে বলি, ‘তুমি আমার মা’ বা ‘আমার বোন,’ 15  
তবে কোথায় আমার আশা— আমার আশা কে দেখতে পাবে? 16 তা  
কি মৃত্যুয়ারে নেমে যাবে? আমরা সবাই কি একসাথে ধূলোয় মিশে  
যাব?” (Sheol h7585)

**18** পরে শুহীয় বিল্দদ উত্তর দিলেন: 2 “তোমাদের এই বক্তৃতা  
কখন শেষ হবে? বিচক্ষণ হও, ও পরে আমরা কিছু বলব। 3 আমাদের  
কেন গবাদি পশুর মতো মনে করা হচ্ছে ও তোমাদের নজরে নির্বুদ্ধি  
বলে গণ্য করা হচ্ছে? 4 রাগের বশে তুমি তো নিজেকে টুকরো টুকরো  
করে ছিঁড়ে ফেলছ, তোমার জন্য কি এই পৃথিবীকে পরিত্যক্ত হতে  
হবে? বা পাষাণ-পাথরগুলিকে কি স্বস্থান থেকে সরে যেতে হবে? 5  
‘দুষ্টদের প্রদীপ তো নিবে যায়; তার আগুনের শিখা নিষ্ঠেজ হয়। 6  
তার তাঁবুর আলো অন্ধকার হয়ে যায়; তার পাশে থাকা প্রদীপ নিভে  
যায়। 7 তার পদধ্বনির শব্দ দুর্বল হয়; তার নিজের ফন্দি তাকে পেড়ে  
ফেলে। 8 তার পা তাকে ধাক্কা মেরে জালে ফেলে দেয়; সে রাস্তা ভুলে  
গিয়ে নিজেই ফাঁদে পড়ে যায়। 9 গোড়ালি ধরে ফাঁদ তাকে আটক  
করে; পাশ তাকে জোর করে ধরে রাখে। 10 মাটিতে তার জন্য ফাঁস  
লুকানো থাকে; তার পথে ফাঁদ পড়ে থাকে। 11 সবদিক থেকে আতঙ্ক  
তাকে ভয় দেখায় ও তার পায়ে পায়ে চলতে থাকে। 12 চরম দুর্দশা  
তার জন্য বুভুক্ষিত হয়; সে কখন পড়বে তার জন্য বিপর্যয় ওৎ পেতে  
থাকে। 13 তা তার ত্বকের অংশবিশেষে পচন ধরায়; মৃত্যুর প্রথমজাত  
সন্তান তার অঙ্গপ্রত্যঙ্গ গ্রাস করে। 14 সে তার তাঁবুর নিরাপদ আশ্রয়  
থেকে বিচ্ছিন্ন হয় ও আতঙ্ক-রাজের দিকে তাকে মিছিল করে নিয়ে  
যাওয়া হয়। 15 তার তাঁবুতে আগুন বসবাস করে; তার বাসস্থানের  
উপরে জ্বলন্ত গন্ধক ছড়ানো হয়। 16 মাটির নিচে তার মূল শুকিয়ে  
যায় ও উপরে তার শাখাপ্রশাখা নিজীব হয়। 17 পৃথিবী থেকে তার  
সৃতি বিলুপ্ত হয়; দেশে কেউ তার নাম করে না। 18 সে আলো থেকে  
অন্ধকারের রাজত্বে বিতাড়িত হয় ও জগৎ থেকেও নির্বাসিত হয়। 19  
তার স্বজাতীয়দের মধ্যে তার আর কোনও সন্তানসন্ততি বা বংশধর  
থাকবে না, ও এক সময় যেখানে সে বসবাস করত, সেখানেও কেউ

অবশিষ্ট থাকবে না। 20 পাশ্চাত্যের মানুষজন তার এই পরিণতি দেখে  
হতভয় হয়ে যাবে; প্রাচ্যের লোকজনও ভয়গ্রস্ত হয়ে পড়বে। 21  
নিঃসন্দেহে এই হল দুষ্টলোকের বসতি; যারা ঈশ্বরকে জানে না, এই  
হল তাদের অবস্থানস্থল।”

**19** পরে ইয়োব উত্তর দিলেন: 2 “তোমরা আর কতক্ষণ আমাকে  
যন্ত্রণা দেবে ও কথার আঘাত দিয়ে আমাকে পিষে মারবে? 3 এই নিয়ে  
দশবার তোমরা আমাকে গঞ্জনা দিয়েছ; নির্জনভাবে আমাকে আক্রমণ  
করেছ। 4 যদি সত্যিই আমি বিপথে গিয়েছি, তবে আমার ভুলভাস্তি  
শুধু আমারই উদ্বেগের বিষয়। 5 তোমরা যদি সত্যিই আমার উপরে  
নিজেদের উন্নত করবে ও আমার বিরুদ্ধে আমার এই মানহানিকে  
ব্যবহার করবে, 6 তবে জেনে রেখো যে ঈশ্বরই আমার প্রতি অন্যায়  
করেছেন ও আমাকে তাঁর জালে বন্দি করেছেন। 7 “যদিও আমি  
আর্তনাদ করে বলি, ‘হিংস্রতা!’ তাও আমি কোনও সাড়া পাই না;  
যদিও আমি সাহায্যের জন্য চি�ৎকার করি, তাও কোথাও ন্যায়বিচার  
নেই। 8 তিনি আমার পথ অবরুদ্ধ করেছেন যেন আমি পার হতে  
না পারি; তিনি আমার পথ অন্ধকারাবৃত করে দিয়েছেন। 9 তিনি  
আমার সম্মান হরণ করেছেন ও আমার মাথা থেকে মুকুট অপসারিত  
করেছেন। 10 আমি সর্বস্বাস্ত না হওয়া পর্যন্ত চতুর্দিকে তিনি আমাকে  
ছিন্নভিন্ন করে দিয়েছেন; তিনি আমার আশা এক গাছের মতো উপড়ে  
ফেলেছেন। 11 তাঁর ক্রোধ আমার বিরুদ্ধে জ্বলে উঠেছে; তিনি আমাকে  
তাঁর শক্তদের মধ্যে একজন বলে গণ্য করেছেন। 12 তাঁর সৈন্যবাহিনী  
বেগে ধেয়ে আসছে; আমার বিরুদ্ধে তারা এক অবরোধ-পথ নির্মাণ  
করেছে ও আমার তাঁবুর চারপাশে শিবির স্থাপন করেছে। 13 “তিনি  
আমার কাছ থেকে আমার পরিবারকে বিচ্ছিন্ন করে দিয়েছেন; আমার  
পরিচিত লোকজনও আমার কাছে পুরোপুরি অপরিচিত হয়ে গিয়েছে।  
14 আমার আত্মীয়স্বজন দূরে সরে গিয়েছে; আমার ঘনিষ্ঠ বন্ধুরাও  
আমাকে ভুলে গিয়েছে। 15 আমার অতিথিরা ও আমার ক্ষীতিদাসীরা  
আমাকে এক বিদেশি বলে গণ্য করছে; তারা এমনভাবে আমার দিকে  
তাকাচ্ছে যেন আমি এক আগন্তুক। 16 আমি আমার দাসকে ডাকছি,

কিন্তু সে উভর দিচ্ছে না, যদিও নিজের মুখেই আমি তাকে অনুরোধ জানাচ্ছি। 17 আমার নিশ্বাস আমার স্তীর কাছে বিরক্তিকর; আমার নিজের পরিবারের কাছেও আমি ঘৃণিত। 18 ছোটো ছোটো ছেলেরাও আমাকে অবজ্ঞা করে; আমি যখন হাজির হই, তারা আমাকে বিদ্রূপ করে। 19 আমার সব অস্তরঙ্গ বঙ্গ আমাকে ঘৃণা করে; যাদের আমি ভালোবাসি তারাও আমার প্রতি বিমুখ হয়েছে। 20 অস্থিচর্ম ছাড়া আমি আর কিছুই নই; শুধু দাঁতের চর্মবিশিষ্ট হয়েই আমি বেঁচে আছি। 21 “আমার প্রতি দয়া করো, হে আমার বন্ধুরা, দয়া করো, যেহেতু ঈশ্বর হাত দিয়ে আমায় আঘাত করেছেন। 22 ঈশ্বরের মতো তোমরাও কেন আমার পশ্চাদ্বাবন করছ? আমার মাংস কি তোমরা যথেষ্ট পরিমাণে খেয়ে ফেলোনি? 23 “হায়, আমার কথাগুলি যদি নথিভুক্ত করে রাখা যেত, 24 যদি সেগুলি লোহার এক ঘোটানো কাগজে লিখে রাখা যেত, বা পাশাগ-পাথরে চিরতরে অস্তর্লিখিত করে রাখা যেত! 25 আমি জানি যে আমার মুক্তিদাতা জীবিত আছেন, ও শেষে তিনি পৃথিবীতে উঠে দাঁড়াবেন। 26 আর আমার ত্বক নষ্ট হয়ে যাওয়ার পরেও, আমার এই মরদেহেই আমি ঈশ্বরের দর্শন পাব; 27 আমি স্বয�ং তাঁকে দেখব স্বচক্ষে দেখব—আমিই দেখব, আর কেউ নয়। মনে মনে আমার হৃদয় কত আকুলভাবে কামনা করছে! 28 “তোমরা যদি বলো, ‘আমরা কীভাবে তাকে জ্বালাতন করব, যেহেতু সমস্যার মূল তার মধ্যেই অবস্থান করছে,’ 29 তরোয়ালের ভয়ে তোমাদেরই ভীত হওয়া উচিত; যেহেতু ক্রোধ তরোয়াল দ্বারাই দণ্ড নিয়ে আসবে, ও তখনই তোমরা জানতে পারবে যে বিচার আছে।”

**20** পরে নামাযীয় সোফর উভর দিলেন: 2 “আমার বিক্ষুব্ধ চিন্তাভাবনা আমাকে উভর দিতে উভেজিত করছে যেহেতু আমি খুবই দুশ্চিন্তাগ্রস্ত হয়েছি। 3 আমি এমন তিরক্ষার শুনেছি যা আমাকে অসম্মানিত করেছে, ও আমার বুদ্ধি-বিবেচনা আমাকে উভর দিতে অনুপ্রাণিত করছে। 4 “তুমি নিশ্চয় জানো যে প্রাচীনকাল থেকে, পৃথিবীতে যখন মানবজাতিকে স্থাপন করা হয়েছিল তখন থেকেই কীভাবে, 5 দুষ্টদের

হাসিখুশি ভাব ক্ষণস্থায়ী হয়ে আসছে, অধাৰ্মিকদের আনন্দ শুধু এক মুহূর্তের জন্য স্থায়ী হয়ে আসছে। ৬ অধাৰ্মিকের গৰ্ব যদিও আকাশমণ্ডল পৰ্যন্ত পৌঁছায় ও তাৰ মাথা মেঘ স্পৰ্শ কৰে, ৭ তাও সে তাৰ নিজেৰ মলেৰ মতো চিৱতৱে বিনষ্ট হবে; যারা তাকে চিনত, তাৰা বলবে, ‘সে কোথায় গোল?’ ৮ স্বপ্নেৰ মতো সে অদৃশ্য হয়ে যাবে, আৱ কখনও তাকে খুঁজে পাওয়া যাবে না, রাতেৰ দৰ্শনেৰ মতো তাকে সৱিয়ে দেওয়া হবে। ৯ যে চোখ তাকে দেখেছিল তা আৱ তাকে দেখতে পাৰে না; তাৰ বাসস্থানও আৱ তাৰ দিকে তাকাবে না। ১০ তাৰ সন্তানেৱা দৱিদ্ৰদেৱ ক্ষতিপূৰণ কৱবে; তাৰ নিজেৰ হাতই তাৰ সম্পত্তি ফিৱিয়ে দেবে। ১১ তাৱণ্যে ভৱপুৱ যে প্ৰাণশক্তিতে তাৰ অস্তি পৱিপূৰ্ণ ছিল তা তাৱই সাথে ধূলোয় মিশে যাবে। ১২ “দুষ্টতা যদিও তাৰ মুখে মিষ্টি লাগে ও তা সে তাৰ জিভেৰ নিচে লুকিয়ে রাখে, ১৩ সে যদিও তা বাহিৱে বেৱিয়ে যেতে দিতে চায় না ও তাৰ মুখেই তা দীৰ্ঘ সময় ধৰে রেখে দেয়, ১৪ তবুও তাৰ খাদ্যদ্রব্য তাৰ পেটে গিয়ে টকে যাবে; তাৰ দেহেৰ মধ্যে তা সাপেৱ বিষে পৱিণত হবে। ১৫ সে যে ঐশ্বৰ্য কৰলিত কৱেছিল তা সে থু থু কৱে ফেলবে; ঈশ্বৰ তাৰ পেট থেকে সেসব বমি কৱিয়ে বেৱ কৱবেন। ১৬ সে সাপেৱ বিষ চুৰবে; বিষধৰ সাপেৱ বিষদাঁত তাকে হত্যা কৱবে। ১৭ সে জলপ্ৰবাহ উপভোগ কৱবে না, মধু ও ননী-প্ৰবাহিত নদীও উপভোগ কৱবে না। ১৮ তাৰ পৱিশ্বেৰ ফল তাকে না খেয়ে ফিৱিয়ে দিতে হবে; তাৰ বেচাকেনাৰ লাভ সে ভোগ কৱবে না। ১৯ যেহেতু সে দৱিদ্ৰদেৱ উপৱ অত্যাচাৰ কৱে তাৰে নিঃস্ব কৱে ছেড়েছে; সে সেই বাঢ়িগুলি দখল কৱেছে যেগুলি সে নিৰ্মাণ কৱেনি। ২০ “সে নিশ্চয় তাৰ তীৰ আকাঙ্ক্ষাৰ হাত থেকে বেহাই পাৰে না; সে তাৰ ধন দিয়ে নিজেকে বাঁচাতে পাৱবে না। ২১ গ্ৰাস কৱাৱ জন্য তাৰ কাছে আৱ কিছু অবশিষ্ট নেই; তাৰ সমৃদ্ধি স্থায়ী হবে না। ২২ তাৰ প্ৰাচুৰ্যেৰ মধ্যেই, চৰম দুৰ্দশা তাকে ধৰে ফেলবে; দুৰ্বিপাক সবলে তাৰ উপৱে এসে পড়বে। ২৩ তাৰ পেট ভৱে যাওয়াৰ পৱ, ঈশ্বৰ তাঁৰ জুলন্ত ক্ৰোধ তাৰ উপৱ ঢেলে দেবেন ও তাৰ উপৱ তাঁৰ আঘাত বৰ্ষণ কৱবেন। ২৪ যদিও সে লৌহান্ত থেকে পালাবে, ব্ৰাঞ্জেৰ ফলাযুক্ত তিৰ

তাকে বিন্দ করবে। 25 সে তার পিঠ থেকে সেটি টেনে বের করবে,  
তার যকৃৎ থেকে সেই চক্মকে ফলাটি বের করবে। আতঙ্ক তার উপরে  
নেমে আসবে; 26 তার ধনসম্পদের জন্য সর্বাত্মক অন্ধকার অপেক্ষা  
করে আছে। দাবানল তাকে গ্রাস করবে ও তার তাঁবুর অবশিষ্ট সবকিছু  
গিলে খাবে। 27 আকাশঘণ্টল তার দোষ প্রকাশ করে দেবে; পৃথিবী  
তার বিরুদ্ধে উঠে দাঁড়াবে। 28 বন্যা এসে তার বাড়িয়র ভাসিয়ে নিয়ে  
যাবে, ঈশ্বরের ক্ষেত্রের দিনে বেগে ধাবমান জলস্তোত নেমে আসবে।  
29 দুষ্ট লোকেদের এই হল ঈশ্বর-নিরূপিত পরিণতি, ঈশ্বর দ্বারা এই  
উত্তরাধিকারই তাদের জন্য নিরূপিত হয়ে আছে।”

**21** পরে ইয়োব উত্তর দিলেন: 2 “আমার কথা মন দিয়ে শোনো; এই  
হোক সেই সান্ত্বনা যা তোমরা আমাকে দিতে পারো। 3 আমি কথা  
বলার সময় তোমরা একটু সহ্য করো, ও আমি কথা বলার পর, তোমরা  
আমাকে বিন্দুপ কোরো। 4 “আমার অভিযোগ কি কোনও মানুষের  
বিরুদ্ধে? আমি কেন অধৈর্য হব না? 5 আমার দিকে তাকাও ও তোমরা  
অবাক হয়ে যাবে; তোমাদের মুখে হাত চাপা দাও। 6 একথা চিন্তা  
করে আমি আতঙ্কিত হয়ে যাই; আমার শরীর কেঁপে ওঠে। 7 দুষ্টেরা  
কেন বেঁচে থাকে, কেন তারা বৃদ্ধ হয় ও তাদের ক্ষমতা বাড়ে? 8  
তাদের চারপাশে তারা তাদের সন্তানদের প্রতিষ্ঠিত হতে দেখে, তাদের  
চোখের সামনেই তাদের বংশধরেরা প্রতিষ্ঠিত হয়। 9 তাদের ঘরঘলি  
নিরাপদ ও ভয়মুক্ত; ঈশ্বরের লাঠি তাদের উপরে পড়ে না। 10 তাদের  
শাঁড়গুলি বংশবৃদ্ধি করতে ব্যর্থ হয় না; তাদের গাতীগুলি বাছুরের জন্ম  
দেয় ও তাদের গর্ভাব হয় না। 11 তারা তাদের সন্তানদের মেষপালের  
মতো বাইরে পাঠায়; তাদের শিশুসন্তানেরা নেচে বেড়ায়। 12 তারা  
খঞ্জনি ও বীণা বাজিয়ে গান গায়; তারা বাঁশির সুরে মাতোয়ারা হয়।  
13 সমৃদ্ধশালী হয়ে দিনযাপন করে ও শাস্তিতে কবরে চলে যায়। (Sheol  
h7585) 14 তবুও তারা ঈশ্বরকে বলে, ‘আমাদের ছেড়ে দাও! তোমার  
পথ জানার কোনো ইচ্ছাই আমাদের নেই। 15 সর্বশক্তিমান কে, যে  
আমাদের তাঁর সেবা করতে হবে? তাঁর কাছে প্রার্থনা করে আমাদের  
কী লাভ হবে?’ 16 কিন্তু তাদের শ্রীবৃদ্ধি তাদের নিজেদের হাতে নেই,

তাই দুষ্টদের পরিকল্পনা থেকে আমি দূরে সরে দাঁড়াই। 17 “তবুও  
দুষ্টদের প্রদীপ কতবার নিতে যায়? কতবার তাদের উপরে চরম  
দুর্শা নেমে আসে, ক্রোধের বশবতী হয়ে ঈশ্বর তাদের এই পরিণতি  
ঘটান? 18 কতবার তারা বাতাসের সামনে পড়া খড়ের মতো, ও প্রবল  
বাতাস দ্বারা তুষের মতো উড়ে যায়? 19 বলা হয়, ‘দুষ্টদের প্রাপ্য  
শান্তি ঈশ্বর তাদের সন্তানদের জন্য সংরক্ষিত করে রাখেন।’ তিনিই  
দুষ্টদের পাপের প্রতিফল দেন, যেন তারা নিজেরাই তা ভোগ করে! 20  
তাদের নিজেদের চোখই তাদের সর্বনাশ দেখুক; তারা সর্বশক্তিমানের  
ক্রেত্ব পান করছক। 21 কারণ তাদের জন্য নির্ধারিত মাসগুলি শেষ হয়ে  
যাওয়ার পর তাদের ছেড়ে যাওয়া পরিবারগুলির কী হবে সে বিষয়ে  
তারা কি আদৌ চিন্তা করে? 22 “কেউ কি ঈশ্বরকে জ্ঞান শিক্ষা দিতে  
পারে, যেহেতু তিনি উচ্চতমেরও বিচার করেন? 23 কেউ কেউ পূর্ণ  
প্রাণশক্তি থাকাকালীনই মারা যায়, যখন সে পুরোপুরি নিরাপদ ও  
স্বচ্ছন্দে থাকে, 24 তার শরীর যথেষ্ট পুষ্ট থাকে, অস্ত্রিও মজ্জা-সমৃদ্ধ  
অবস্থায় থাকে। 25 অন্য কেউ আবার প্রাণের তিক্ততা নিয়েই মারা  
যায়, কখনও ভালো কোনো কিছুর স্বাদ না পেয়েই মারা যায়। 26  
পাশাপাশই তারা ধুলোয় পড়ে থাকে, ও কীটপতঙ্গ তাদের উভয়কেই  
চেকে রাখে। 27 “আমি বেশ ভালোই জানি তোমরা কী ভাবছ, যেসব  
ফন্দি এঁটে তোমরা আমার প্রতি অন্যায় করবে, আমি সেগুলিও জানি।  
28 তোমরা বলছ, ‘সেই মহামান্যের বাড়িটি কোথায়, সেই তাঁবুগুলি  
কোথায়, যেখানে দুষ্টেরা বসবাস করত?’ 29 তোমরা কি কখনও  
পথিকদের জিজ্ঞাসা করোনি? তোমরা কি তাদের বিবরণ বিবেচনা  
করোনি— 30 যে দুষ্টেরা চরম দুর্দশাময় দিনের হাত থেকে নিষ্কৃতি  
পায়, ক্রোধের দিনের হাত থেকেও তারা মুক্তি পায়? 31 কে তাদের কৃতকর্মের  
প্রতিফল তাদের দেবে? 32 তাদের কবরে বয়ে নিয়ে যাওয়া হয়, ও  
তাদের সমাধিতে পাহারা বসানো হয়। 33 উপত্যকার মাটি তাদের  
কাছে মিষ্টি লাগে; প্রত্যেকে তাদের অনুগামী হয়, ও অসংখ্য জনতা  
তাদের আগে আগে যায়। 34 “অতএব তোমরা কীভাবে তোমাদের

আবোল-তাবোল কথা দিয়ে আমাকে সান্ত্বনা দেবে? তোমাদের উভয়ে  
মিথ্যাভাষণ ছাড়া আর কিছুই অবশিষ্ট নেই!"

**22** পরে তৈমনীয় ইলীফস উভয়ের দিলেন: 2 "কোনও মানুষ কি ঈশ্বরের  
পক্ষে লাভজনক হবে? একজন জ্ঞানবানও কি তাঁর উপকার করতে  
পারবে? 3 তুমি ধার্মিক হলেও তা সর্বশক্তিমানকে কী আনন্দ দেবে?  
তোমার আচরণ অনিন্দনীয় হলেও তাতে তাঁর কী লাভ? 4 "তোমার  
ভক্তি দেখেই কি তিনি তোমাকে তিরক্ষার করেন ও তোমার বিরুদ্ধে  
অভিযোগ আনেন? 5 তোমার দৃষ্টিতা কি অত্যধিক নয়? তোমার  
পাপগুলিও কি অপার নয়? 6 অকারণে তুমি তোমার আত্মায়দের  
কাছ থেকে জামানত চেয়েছ; তুমি লোকদের পরনের পোশাক কেড়ে  
নিয়েছ, তাদের উলঙ্গ করে ছেড়েছ। 7 তুমি ক্লান্ত মানুষকে জল দাওনি  
ও ক্ষুধার্ত মানুষকে খাদ্য দিতে অসম্মত হয়েছ, 8 যদিও তুমি এক  
ক্ষমতাপূর্ণ লোক, দেশের অধিকারী ছিলে— এমন এক সম্মানিত  
লোক ছিলে, যে সেখানেই বসবাস করত। 9 আর তুমি বিধবাদের  
খালি হাতে বিদায় করতে, ও পিতৃহীনদের শক্তি চূর্ণ করতে। 10  
সেইজন্যই তোমার চারপাশে ফাঁদ পাতা আছে, আকস্মিক বিপদ  
তোমাকে আতঙ্কিত করে, 11 এত অঙ্কার হয়েছে যে তুমি দেখতে  
পাচ্ছ না, ও জলের বন্যা তোমাকে ঢেকে ফেলেছে। 12 "ঈশ্বর কি স্বর্গের  
উচ্চতায় বিরাজমান নন? আর দেখো অতি উচ্চে অবস্থিত তারাগুলি  
কত উঁচু! 13 তবুও তুমি বলো, 'ঈশ্বর কী-ই বা জানেন? এ ধরনের  
অঙ্কার দিয়ে তিনি কি বিচার করেন? 14 ঘন মেঘ তাঁকে আড়াল করে  
রাখে, তাই তিনি আমাদের দেখতে পান না যেহেতু তিনি খিলানযুক্ত  
আকাশমণ্ডলে বিচরণ করেন।' 15 তুমি কি সেই পুরানো পথই ধরবে  
যে পথে দুষ্টেরা পা ফেলেছিল? 16 তাদের তো অকালেই উঠিয়ে  
নেওয়া হয়েছিল, তাদের ভিত্তিমূল বন্যায় ভেসে গিয়েছে। 17 তারা  
ঈশ্বরকে বলেছিল, 'আমাদের ছেড়ে দাও! সর্বশক্তিমান আমাদের কী  
করবেন?' 18 অর্থচ তিনিই তাদের বাড়িঘর ভালো ভালো জিনিসপত্রে  
ভরিয়ে দিয়েছিলেন, তাই আমি দুষ্টদের পরিকল্পনা থেকে দূরে সরে  
দাঁড়াই। 19 ধার্মিকেরা তাদের বিনাশ দেখে ও আনন্দ করে; নির্দোষেরা

তাদের বিদ্রূপ করে বলে, 20 ‘আমাদের শক্তিরা নিশ্চয় ধ্বংস হয়েছে,  
ও আগুন তাদের ধনসম্পদ গ্রাস করেছে।’ 21 “ঈশ্বরের হাতে নিজেকে  
সমর্পণ করো ও শান্তি পাও; এভাবেই তুমি সম্মিলিত করবে। 22  
তাঁর মুখ থেকে শিক্ষাগ্রহণ করো ও তোমার হাদয়ে তাঁর বাক্য সঞ্চয়  
করে রাখো। 23 তুমি যদি সর্বশক্তিমানের দিকে ফেরো, তবে তুমি  
পুনঃস্থাপিত হবে: তুমি যদি তোমার তাঁর থেকে দুষ্টতা দ্রু করো 24  
ও তোমার সোনার তাল ধুলোতে রাখো, তোমার ওফীরের সোনা  
গিরিখাতের পাষাণ-পাথরের মধ্যে রাখো, 25 তবে সর্বশক্তিমানই  
তোমার সোনা হবেন, তোমার জন্য অসাধারণ রংপো হবেন। 26 তখন  
নিশ্চয় তুমি সর্বশক্তিমানে আনন্দ খুঁজে পাবে ও তোমার মুখ ঈশ্বরের  
দিকে তুলে ধরবে। 27 তুমি তাঁর কাছে প্রার্থনা করবে, এবং তিনি  
তোমার প্রার্থনা শুনবেন, ও তুমি তোমার মানতঙ্গলি পূরণ করবে। 28  
তুমি যে সিদ্ধান্ত নেবে তাই সফল হবে, ও তোমার পথগুলি আলোয়  
উজ্জ্বল হবে। 29 মানুষকে যখন অবনত করা হয় ও তুমি বলো, ‘ওদের  
তুলে ধরো!’ তখন তিনি হতোদ্যমকে উদ্বার করবেন। 30 যে নির্দোষ  
নয় তিনি তাকেও উদ্বার করবেন, তোমার হাতের পরিচ্ছন্নতায় সে  
উদ্বার পাবে।”

**23** পরে ইয়োব উত্তর দিলেন: 2 “আজও আমার বিলাপ তীব্র; আমি  
গোঙানো সত্ত্বেও তাঁর হাত ভারী হয়েছে। 3 কোথায় তাঁকে খুঁজে  
পাওয়া যাবে তা যদি শুধু আমি জানতে পারি; তাঁর আবাসের কাছে  
যদি শুধু যেতে পারি! 4 তবে তাঁর সামনে আমি আমার দশা বর্ণনা  
করব ও আমার মুখ যুক্তিকে ভরিয়ে তুলব। 5 তিনি আমাকে কী  
উত্তর দেবেন, তা আমি খুঁজে বের করব, ও তিনি আমাকে কী বলবেন,  
তা বিবেচনা করব। 6 তিনি কি সবলে আমার বিরোধিতা করবেন?  
না, তিনি আমার বিরুদ্ধে অভিযোগ করবেন না। 7 সেখানে তাঁর  
সামনে ন্যায়পরায়ণ লোকেরা তাদের সরলতা প্রতিষ্ঠিত করতে পারে,  
ও সেখানেই আমি চিরতরে আমার বিচারকের হাত থেকে মুক্ত হব।  
8 “কিন্তু আমি যদি পূর্বদিকে যাই, তিনি সেখানে নেই; আমি যদি  
পশ্চিমদিকে যাই, সেখানেও তাঁকে খুঁজে পাই না। 9 তিনি যখন উত্তর

দিকে কাজ করেন, আমি তাঁর দেখা পাই না; তিনি যখন দক্ষিণ দিকে  
ফেরেন, আমি তাঁর কোনও ঝলক দেখতে পাই না। 10 কিন্তু আমি যে  
পথ ধরি, তিনি তা জানেন; তিনি যখন আমার পরীক্ষা করবেন, আমি  
তখন সোনার মতো বের হয়ে আসব। 11 আমার পা ঘনিষ্ঠভাবে তাঁর  
পদচিহ্নের অনুসরণ করেছে, বিপথগামী না হয়ে আমি তাঁর পথেই  
চলেছি। 12 আমি তাঁর ঠোঁটের আদেশ অমান্য করিনি; তাঁর মুখের কথা  
আমি আমার দৈনিক আহারের চেয়েও বেশি যত্নসহকারে সঞ্চয় করে  
রেখেছি। 13 ‘কিন্তু তিনি অনুপম, ও কে তাঁর বিরোধিতা করবে? তাঁর  
যা খুশি তিনি তাই করেন। 14 আমার বিরংদ্বে তিনি তাঁর রায়দান  
সম্পন্ন করেছেন, ও এ ধরনের আরও অনেক পরিকল্পনা তাঁর কাছে  
আছে। 15 সেইজন্য তাঁর সামনে আমি আতঙ্কিত হই; আমি যখন  
এসব কথা ভাবি, তখন আমি তাঁকে ভয় পাই। 16 ঈশ্বর আমার হৃদয়  
মূর্ছিত করেছেন; সর্বশক্তিমান আমাকে আতঙ্কিত করেছেন। 17 তবুও  
অন্ধকার দ্বারা আমি নীরব হইনি, সেই ঘন অন্ধকার দ্বারাও হইনি যা  
আমার মুখ ঢেকে রাখে।

**24** “সর্বশক্তিমান কেন বিচারের সময় স্থির করেন না? যারা তাঁকে  
জানে তাদের কেন এ ধরনের দিনের জন্য অনর্থক অপেক্ষা করতে  
হবে? 2 এমন অনেক মানুষ আছে যারা সীমানার পাথর সরায়;  
তারা ছুরি করা মেষপাল চৰায়। 3 তারা অনাথদের গাধা খেদায় ও  
বিধবাদের বলদ বন্ধক রাখে। 4 তারা পথ থেকে অভাবগ্রস্তদের  
ধাক্কা দিয়ে সরিয়ে দেয় ও দেশের সব দরিদ্রকে লুকিয়ে থাকতে বাধ্য  
করে। 5 মরুভূমির বুনো গাধাদের মতো, দরিদ্রেরা তন্তু করে খাদ্য  
খুঁজে বেড়ায়; পতিত জমি তাদের সন্তানদের জন্য খাদ্য জোগায়। 6  
তারা ক্ষেতে গবাদি পশুর জাব সংগ্রহ করে ও দুষ্টদের দ্রাক্ষাক্ষেতে  
খুঁটে খুঁটে ফল কুড়ায়। 7 পোশাকের অভাবে, তারা খালি গায়ে রাত  
কাটায়; শীতকালে নিজেদের গা ঢাকার জন্য তাদের কাছে কিছুই  
থাকে না। 8 পাহাড়ি বর্ষায় তারা প্লাবিত হয় ও আশ্রয়ের অভাবে  
তারা পাষাণ-পাথরকে বুকে জড়িয়ে ধরে। 9 পিতৃহীন শিশুকে মায়ের  
বুক থেকে কেড়ে নেওয়া হয়; দরিদ্রদের শিশুসন্তানকে দেনার দায়ে

বাজেয়াগ্ন করা হয়। 10 পোশাকের অভাবে, তারা উলঙ্গ হয়ে ঘুরে বেড়ায়; তারা শস্যের আঁটি বহন করে, কিন্তু তাও ক্ষুধার্ত থেকে যায়। 11 তারা চতুরের মধ্যে জলপাই নিংড়ানোর কাজ করে; তারা পা দিয়ে দ্রাক্ষাফল পেষাই করে, তবুও তৃষ্ণাত্তি থেকে যায়। 12 মৃত্যুপথযাত্রীদের গোঙানি নগর থেকে ভেসে আসে, ও আহতদের প্রাণ সাহায্যের আশায় আর্তনাদ করে। কিন্তু ঈশ্বর কাউকে অন্যায়াচরণের দোষে অভিযুক্ত করেন না। 13 “এমনও অনেকে আছে যারা আলোর বিরুদ্ধে বিদ্রোহ করে, যারা তার পথ জানে না বা তার পথে থাকে না। 14 দিনের আলো যখন ফুরিয়ে যায়, তখন হত্যাকারীরা উঠে দাঁড়ায়, দরিদ্র ও অভাবগ্রস্তদের হত্যা করে, ও রাতের বেলায় চোরের মতো ছুরি করে। 15 ব্যভিচারীদের চোখ গোধূলি লঞ্চের জন্য অপেক্ষা করে থাকে; সে ভাবে, ‘কেউ আমাকে দেখতে পাবে না,’ ও সে তার মুখ চেকে রাখে। 16 অন্ধকারে, চোরেরা বাড়িতে সিঁধ কাটে; কিন্তু দিনের বেলায় তারা ঘরে নিজেদের বন্দি করে রাখে। 17 তাদের সকলের জন্য, মাঝেরাতই তাদের সকাল; অন্ধকারের সন্ত্বাসের সাথেই তারা বন্ধুত্ব করে। 18 “তবুও তারা জলের উপরে ভেসে থাকা ফেনা; দেশে তাদের বরাদ্দ অধিকার শাপগ্রস্ত হয়, তাই কেউ দ্রাক্ষাক্ষেতে যায় না। 19 যেভাবে উত্তাপ ও খরা গলা বরফ ছিনিয়ে নিয়ে যায়, সেভাবে কবরও যারা পাপ করেছে তাদের ছিনিয়ে নেয়। (Sheol h7585) 20 গর্ভ তাদের ভুলে যায়, কীটপতঙ্গ তাদের দেহগুলি নিয়ে ভোজে মাতে; দুষ্টদের আর কেউ মনে রাখবে না কিন্তু তারা গাছের মতো ভেঙে যাবে। 21 তারা বন্ধ্যা ও নিঃসন্তান মহিলাদের শিকারে পরিণত করে, ও বিধবাদের প্রতি তারা কোনও দয়া দেখায় না। 22 কিন্তু ঈশ্বর তাঁর পরাক্রমে শক্তিমানদের দূরে টেনে নিয়ে যান; যদিও তারা প্রতিষ্ঠিত হয়, তাদের জীবনের কোনও নিশ্চয়তা নেই। 23 তিনি নিরাপত্তার অনুভূতি নিয়ে তাদের হয়তো বিশ্রাম নিতে দেন, কিন্তু তাদের পথের দিকে তাঁর দৃষ্টি থাকে। 24 অল্প কিছুকালের জন্য তারা উন্নত হয়, ও পরে তারা সর্বস্বান্ত হয়; তাদের অবনত করা হয় ও অন্য সকলের মতো সংগ্রহ করা হয়; শস্যের শিমের মতো তাদের কেটে ফেলা হয়।

25 “যদি এরকম না হয়, তবে কে আমাকে মিথ্যাবাদী প্রমাণ করতে পারে ও আমার কথা নির্ধারণ করে দিতে পারে?”

**25** পরে শূহীয় বিল্দদ উত্তর দিলেন: 2 “আধিপত্য ও সন্ত্রম ঈশ্বরের অধিকারভুক্ত বিষয়; স্বর্গের উচ্চতায় তিনি শৃঙ্খলা প্রতিষ্ঠিত করেন। 3 তাঁর বাহিনীর সংখ্যা কি গুনে রাখা যায়? এমন কে আছে যার উপর তাঁর আলো উদিত হয় না? 4 ঈশ্বরের সামনে নশ্বর মানুষ তবে কীভাবে ধার্মিক গণিত হবে? স্ত্রী-জাত মানুষ কীভাবে শুচিশুদ্ধ হবে? 5 যদি তাঁর দৃষ্টিতে চাঁদও উজ্জ্বল নয় ও তারাগুলিও বিশুদ্ধ নয়, 6 তবে সেই নশ্বর মানুষ কী, যে এক শূককীটমাত্র— সেই মানুষই বা কী, যে এক কীটমাত্র!”

**26** পরে ইয়োব উত্তর দিলেন: 2 “তুমি কীভাবে অক্ষম মানুষকে সাহায্য করেছ! তুমি কীভাবে দুর্বল হাতকে রক্ষা করেছ! 3 প্রজ্ঞাবহীন মানুষকে তুমি কী পরামর্শ দিয়েছ! আর তুমি কী মহা পরিজ্ঞান দেখিয়েছ! 4 এসব কথা বলতে কে তোমাকে সাহায্য করেছে? আর তোমার মুখ থেকে কার অন্তরাত্মা কথা বলেছে? 5 “মৃতেরা গভীর মনস্তাপ ভোগ করে, যারা জলের তলদেশে থাকে ও যারা জলের মধ্যে থাকে, তারাও করে। 6 পাতাল ঈশ্বরের সামনে উলঙ্গ; বিনাশস্থান অনাবৃত হয়ে আছে। (Sheol h7585) 7 শূন্য স্থানের উপরে তিনি উত্তর অন্তরিক্ষকে প্রসারিত করেছেন; শূন্যের উপরে তিনি পৃথিবীকে ঝুলিয়ে রেখেছেন। 8 তাঁর মেঘে তিনি জলরাশি মুড়ে রাখেন, তবুও মেঘরাশি তাদের ভারে বিস্ফোরিত হয় না। 9 তিনি পূর্ণিমার চাঁদের মুখ দেকে রাখেন, তাঁর মেঘরাশি তার উপর প্রসারিত করেন। 10 আলো ও অন্ধকারের মধ্যে এক সীমানারূপে জলরাশির উপরে তিনি দিগন্তের চিহ্ন এঁকে দিয়েছেন। 11 আকাশমণ্ডলের স্তন্ত্রগুলি কেঁপে ওঠে, তাঁর ভর্তসনায় বিস্যায়বিমৃঢ় হয়ে যায়। 12 তাঁর পরাক্রম দ্বারা তিনি সমুদ্র মন্থন করেন; তাঁর প্রজ্ঞা দ্বারা তিনি রাহবকে কেটে টুকরো টুকরো করে দেন। 13 তাঁর নিশ্বাস দ্বারা আকাশ পরিষ্কার হয়; তাঁরই হাত পিছিল সাপকে বিদ্ধ করেছে। 14 আর এসবই তাঁর কর্মের বাইরের

দিকের বালর মাত্র; তাঁর বিষয়ে আমরা যা শুনি তা যদি এত ক্ষীণ  
ফিস্ফিসানি! তবে তাঁর পরাক্রমের বজ্রধনি কে-ই বা বুঝতে পারে?”

**27** আর ইয়োব তাঁর বক্তৃতা চালিয়ে গেলেন: ২ “যিনি আমাকে  
ন্যায়বিচার পাওয়া থেকে বঞ্চিত করেছেন, সেই জীবন্ত ঈশ্বরের দিব্য,  
যিনি আমার প্রাণ তিন্ত করে দিয়েছেন, সেই সর্বশক্তিমানের দিব্য, ৩  
যতদিন আমার শরীরে প্রাণ আছে, আমার নাকে ঈশ্বরের প্রাণবায়ু  
আছে, ৪ ততদিন আমার ঠোঁট খারাপ কোনও কথা বলবে না, ও আমার  
জিভ মিথ্যা কথা উচ্চারণ করবে না। ৫ আমি কখনোই স্বীকার করব না  
যে তোমরা নিউল; আম্ভুয় আমি আমার সতত অস্বীকার করব না। ৬  
আমি আমার সরলতা বজায় রাখব ও কখনোই তা ত্যাগ করব না;  
যতদিন আমি বেঁচে থাকব, আমার বিবেক আমাকে অনুযোগ করবে  
না। ৭ “আমার শক্ত দুষ্টের মতো হোক, আমার বিপক্ষ অধার্মিকের  
মতো হোক। ৮ যেহেতু অনীশ্বররা যখন বিছিন্ন হয়, যখন ঈশ্বর তাদের  
প্রাণ কেড়ে নেন, তখন তাদের কাছে কী প্রত্যাশা থাকে? ৯ ঈশ্বর  
কি তখন তাদের আর্তনাদ শোনেন যখন তাদের উপরে চরম দুর্দশা  
নেমে আসে? ১০ তারা কি সর্বশক্তিমানে আনন্দ খুঁজে পাবে? তারা  
কি সবসময় ঈশ্বরকে ডাকবে? ১১ “ঈশ্বরের পরাক্রমের বিষয়ে আমি  
তোমাদের শিক্ষা দেব; সর্বশক্তিমানের কোনো কিছুই আমি লুকিয়ে  
রাখব না। ১২ তোমরা নিজেরাই তো তা দেখেছ। তবে কেন এই  
অনর্থক কথা বলছ? ১৩ “ঈশ্বর দুষ্টদের এই পরিণতিই বরাদ্দ করে  
দিয়েছেন, নিষ্ঠুর মানুষ সর্বশক্তিমানের কাছ থেকে এই উত্তরাধিকারাই  
লাভ করে: ১৪ তাদের সন্তানদের সংখ্যা যতই বেশি হোক না কেন,  
তাদের পরিণতি তরোয়ালাই; তাদের সন্তানসন্ততি কখনোই পর্যাপ্ত  
খাদ্য পাবে না। ১৫ যারা বেঁচে থাকবে মহামারি তাদের কবর দেবে, ও  
তাদের বিধিবারাও তাদের জন্য কাঁদবে না। ১৬ যদিও সে ধুলোর মতো  
করে গাদা গাদা রূপো ও কাদার পাঁজার মতো করে পোশাক-পরিচ্ছদ  
জমাবে, ১৭ তবুও সে যা জমাবে ধার্মিকেরা তা গায়ে দেবে, ও নির্দোষ  
মানুষেরা তার রূপো ভাগাভাগি করে নেবে। ১৮ যে বাড়ি সে তৈরি করে  
তা পতঙ্গের গুটির মতো, চৌকিদারের তৈরি করা কুঁড়েঘরের মতো।

19 সে ধনবান অবস্থায শুতে যায়, কিন্তু আর কখনও সে এরকম করতে পারবে না; সে যখন চোখ খোলে, তখন সব শেষ। 20 আতঙ্ক বন্যার মতো তার নাগাল ধরে ফেলে; রাতের বেলায় প্রচণ্ড বাঢ় তাকে উড়িয়ে নিয়ে যায়। 21 পূর্বীয় বাতাস তাকে তুলে নিয়ে যায়, ও সে সর্বস্বান্ত হয়; সেই বাতাস তাকে স্বস্থান থেকে উড়িয়ে দেয়। 22 সে যত সেই বাতাসের প্রকোপ থেকে পালায় তা নির্দয়ভাবে তাকে সজোরে ছুঁড়ে ফেলে দেয়। 23 সেই বাতাস উপহাসভরে হাততালি দেয় ও শিশ দিয়ে তাকে তাড়িয়ে দেয়।”

**28** রংপুর জন্য খনি আছে ও একটি স্থান আছে যেখানে সোনা শোধন করা হয়। 2 ভূগর্ভ থেকে লোহা উত্তোলন করা হয়, ও আকরিক থেকে তামা বিগলিত করা হয়। 3 নশ্বর মানুষ অঙ্ককার নিকাশ করে; তারা সবচেয়ে অঙ্ককারে থাকা আকরিক পাওয়ার জন্য সর্বাধিক দূরবর্তী গর্তের খোঁজ করে। 4 লোকালয় থেকে বহুদূরে অবস্থিত এমন স্থানে তারা খাদ কাটে, যেখানে মানুষের পদচিহ্ন পড়েনি; অন্যান্য মানুষজনের কাছ থেকে দূরে সরে গিয়ে তারা দুলতে ও ঝুলতে থাকে। 5 যে মাটি থেকে খাদ্য উৎপন্ন হয়, তার তলদেশ আগুন দ্বারা রূপান্তরিত হয়ে যায়; 6 সেখানকার পাষাণ-পাথরগুলিতে নীলকান্তমণি পাওয়া যায়, ও সেখানকার ধূলোয় দলা দলা সোনা মিশে থাকে। 7 কোনও শিকারি পাখি সেই গুণ্ঠ পথ চেনে না, কোনও বাজপাখির চোখ তা দেখেনি। 8 উদ্বিত পশুরা তার উপরে পা ফেলে না, ও কোনও সিংহ সেখানে শিকারের সন্ধানে ঘুরে বেড়ায় না। 9 মানুষজন তাদের হাত দিয়ে সেই অতি কঠিন পাষাণ-পাথরে হামলা চালায় ও পর্বত-মূল উন্মুক্ত করে দেয়। 10 তারা পাষাণ-পাথর খুঁড়ে সুড়ঙ্গ তৈরি করে; সেখানকার সব মণিরত্ন তাদের চোখে পড়ে। 11 তারা নদীর উৎসস্থলের খোঁজ করে ও লুকানো বস্ত্রগুলি প্রকাশ্যে আনে। 12 কিন্তু প্রজ্ঞা কোথায় পাওয়া যাবে? বুদ্ধি-বিবেচনা কোথায় থাকে? 13 কোনও নশ্বর মানুষ তার মূল্য হৃদয়ঙ্গম করতে পারে না; জীবিতদের দেশে তা পাওয়া যায় না। 14 অগাধ জলরাশি বলে, “আমাতে তা নেই” সমুদ্র বলে, “আমার কাছেও তা নেই।” 15 খাঁটি সোনা দিয়ে তা কেনা যায়

না, তার মূল্য রংপো দিয়েও মেপে দেওয়া যায় না। 16 ওফীরের সোনা  
দিয়ে, মূল্যবান গোমেদক বা নীলকান্তমণি দিয়েও তা কেনা যায় না।  
17 তার সাথে সোনা বা স্ফটিকের তুলনা করা যায় না, সোনা-মানিকের  
বিনিময়ে তা পাওয়া যায় না। 18 প্রবাল ও জ্যসপারের কথাই ওঠে না;  
প্রজ্ঞার মূল্য পদ্মরাগমণির চেয়েও বেশি। 19 তার সাথে কৃশ দেশের  
পোখরাজের তুলনা করা যায় না; খাঁটি সোনা দিয়েও তা কেনা যায়  
না। 20 তবে প্রজ্ঞা কোথা থেকে আসে? বুদ্ধি-বিবেচনা কোথায় থাকে?  
21 প্রত্যেক সঙ্গীব প্রাণীর ঢাকে তা অজ্ঞাত থাকে, আকাশের পাখিদের  
কাছেও তা অদৃশ্য থাকে। 22 বিনাশ ও মৃত্যু বলে, “আমাদের কানে  
শুধু এক গুজব পৌঁছেছে।” 23 ঈশ্বরই প্রজ্ঞার কাছে পৌঁছানোর রাস্তা  
জানেন ও একমাত্র তিনিই জানেন তা কোথায় থাকে, 24 যেহেতু তিনি  
পৃথিবীর প্রান্ত পর্যন্ত দেখেন ও আকাশমণ্ডলের নিচে যা যা আছে,  
তিনি সবকিছু দেখেন। 25 যখন তিনি বাতাসের প্রভাব প্রতিষ্ঠিত  
করেছিলেন ও জলরাশির মাপ নির্দিষ্ট করে দিয়েছিলেন, 26 যখন তিনি  
বর্ষার জন্য এক আদেশ জারি করেছিলেন ও বজ্রবিদ্যুৎসহ ঝোড়ো  
বৃষ্টির জন্য এক পথ স্থির করেছিলেন, 27 তখন তিনি প্রজ্ঞার দিকে  
তাকিয়েছিলেন ও তার মূল্য নির্দিষ্ট করে দিয়েছিলেন; তিনি তাকে  
অনুমোদন দিয়েছিলেন ও তার পরীক্ষা নিয়েছিলেন। 28 আর তিনি  
মানবজাতিকে বললেন, “সদাপ্রভুর ভয়—সেটিই হল প্রজ্ঞা, ও মনকে  
এড়িয়ে চলাই হল বুদ্ধি-বিবেচনা।”

**29** ইয়োব তাঁর বক্তৃতা চালিয়ে গেলেন: 2 “পার হয়ে যাওয়া  
মাসগুলির জন্য আমি কতই না আকাঙ্ক্ষিত, সেই দিনগুলির জন্যও  
আকাঙ্ক্ষিত, যখন ঈশ্বর আমার উপরে লক্ষ্য রাখতেন, 3 যখন  
তাঁর প্রদীপ আমার মাথার উপরে আলো দিত ও তাঁর আলোতে  
আমি অন্ধকারেও চলাফেরা করতাম! 4 আহা সেই দিনগুলি, যখন  
আমি উন্নতির শিখরে ছিলাম, ঈশ্বরের অন্তরঙ্গ বন্ধুত্ব আমার বাড়িকে  
আশীর্বাদ করেছিল, 5 যখন সেই সর্বশক্তিমান আমার সাথেই ছিলেন  
ও আমার সন্তানেরা আমার চারপাশে ছিল, 6 আমার পথ যখন ননি  
প্লাবিত হত ও পাষাণ-পাথর আমার জন্য জলপাই তেলের ধারা ঢেলে

দিত। 7 “আমি যখন নগরদ্বারে পৌঁছাতাম ও সার্বজনীন চকে আসন  
গ্রহণ করতাম, 8 যুবকেরা আমাকে দেখে সরে যেত ও প্রাচীনেরা উঠে  
দাঁড়াতেন; 9 শীর্ষস্থানীয় লোকেরা কথা বলা বন্ধ করে দিতেন ও হাত  
দিয়ে নিজেদের মুখ ঢেকে নিতেন; 10 অভিজাতদের কঠস্বর ধামাচাপা  
পড়ে যেত, ও তাদের জিভ তালুতে সংলগ্ন হত। 11 আমার কথা  
শুনে সবাই সাধুবাদ জানাত, ও আমাকে দেখে সবাই আমার প্রশংসা  
করত, 12 যেহেতু আমি সাহায্যের আশায় আর্তনাদ করা দরিদ্রকে, ও  
অসহায় পিতৃহীনকে উদ্ধার করতাম। 13 মৃত্যুপথ্যাত্রী মানুষ আমাকে  
আশীর্বাদ করত; বিধবার অন্তরে আমি গানের সপ্তগৱ করতাম। 14  
আমি আমার ধার্মিকতা পোশাকরূপে গায়ে দিতাম; ন্যায়বিচার ছিল  
আমার আলখাল্লা ও আমার পাগড়ি। 15 অঙ্গের কাছে আমি ছিলাম  
চোখ ও খঙ্গের কাছে পা। 16 অভাবগ্রস্তের কাছে আমি ছিলাম একজন  
বাবা; অপরিচিত লোকের মামলা আমি হাতে তুলে নিতাম। 17 দুষ্টদের  
বিষদাংত আমি ভেঙে দিতাম ও তাদের দাঁত থেকে শিকারদের ছিনিয়ে  
আনতাম। 18 “আমি ভাবলাম, ‘নিজের বাড়িতেই আমি মারা যাব,  
আমার দিনগুলি হবে বালুকণার মতো অসংখ্য। 19 আমার মূল জলের  
কাছে গিয়ে পৌঁছাবে, ও আমার শাখাপ্রশাখায় গোটা রাত শিশির  
পড়বে। 20 আমার গরিমা স্নান হবে না; ধনুক আমার হাতে চিরন্তন  
হয়ে থাকবে।’ 21 “মানুষজন প্রত্যাশা নিয়ে আমার কথা শুনত, আমার  
পরামর্শ লাভের জন্য নীরবে অপেক্ষা করত। 22 আমি কথা বলার পর,  
তারা আর কিছুই বলত না; আমার কথাবার্তা মৃদুভাবে তাদের কানে  
গিয়ে পড়ত। 23 তারা যেমন বৃষ্টির, তেমনি আমার অপেক্ষায় থাকত ও  
শেষ বর্ষার মতো আমার কথাবার্তা পান করত। 24 আমি যখন তাদের  
দিকে তাকিয়ে হাসতাম, তারা পুরোপুরি বিশ্বাস করত না; আমার  
মুখের আলো তাদের চমৎকার লাগত। 25 আমি তাদের জন্য পথ  
মনোনীত করতাম ও তাদের নেতা হয়ে বসতাম; সৈন্যদলের মধ্যে  
যেমন রাজা, তেমনি থাকতাম; বিলাপকারীদের যে সান্ত্বনা দেয়, তারই  
মতো থাকতাম।

**৩০** “কিন্তু এখন তারাই আমাকে বিদ্রূপ করে, যারা আমার থেকে  
বয়সে ছোটো, যাদের বাবাদের আমি আমার মেষপাল-রক্ষক কুকুরদের  
সাথে রাখতেও অবজ্ঞা করতাম। ২ তাদের হাতের শক্তি আমার কী  
কাজে লাগত, যেহেতু তাদের প্রাণশক্তি তো তাদের কাছ থেকে চলে  
গিয়েছে? ৩ অভাব ও খিদের জ্বালায় জীর্ণশীর্ণ হয়ে তারা রাতের  
বেলায় রৌদ্রদন্ধ জমিতে ও জনশূন্য পতিত জমিতে ঘুরে বেড়াত। ৪  
ঝাড়-জঙ্গলে তারা লবণাক্ত শাক সংগ্রহ করত, ও খেংৰা ঝোপের মূল  
তাদের খাদ্য হয়েছিল। ৫ মানবসমাজ থেকে তারা বিতাড়িত হয়েছিল,  
লোকজন যেভাবে চোরের পিছনে চিৎকার করে, সেভাবে তাদেরও  
পিছনেও চিৎকার করত। ৬ তারা শুকনো নদীখাতে, পাঘাগ-পাথরের  
খাঁজে ও জমির ফাটলে বসবাস করতে বাধ্য হত। ৭ ঝোপঝাড়ে তারা  
পশুদের মতো ডাক দিয়ে বেড়াত ও লতাগুল্মের জঙ্গলে গাদাগাদি  
করে থাকত। ৮ এক হীন ও অখ্যাত কুল হয়ে, তারা দেশ থেকে  
বিতাড়িত হয়েছে। ৯ “আর এখন সেই যুবকেরা গান গেয়ে গেয়ে  
আমাকে বিদ্রূপ করে; আমি তাদের মাঝে এক জনশুক্রিতিতে পরিণত  
হয়েছি। ১০ তারা আমাকে ঘৃণা করে ও আমার কাছ থেকে দূরে সরে  
থাকে; আমার মুখে থুতু ছিটাতেও তারা দ্বিধাবোধ করে না। ১১ এখন  
যেহেতু ঈশ্বর আমার ধনুক বিতন্তি করেছেন ও আমাকে দুর্দশাগ্রস্ত  
করেছেন, তাই আমার সামনে তারা সংযম ঝোড়ে ফেলেছে। ১২ আমার  
ডানদিকে উপজাতিরা আক্রমণ করে; তারা আমার পায়ের জন্য ফাঁদ  
বিছায়, আমার বিরুদ্ধে তারা তাদের অবরোধ-পথ নির্মাণ করে। ১৩  
তারা আমার পথ অবরুদ্ধ করে; তারা আমাকে ধ্বংস করতে সফল হয়।  
‘কেউ তাকে সাহায্য করতে পারবে না,’ তারা বলে। ১৪ তারা যেন এক  
প্রশস্ত ফাটলের মধ্যে দিয়ে এগিয়ে আসে; ধ্বংসাবশেষের মাঝখান  
দিয়ে তারা ঘূর্ণিবেগে আসে। ১৫ আতঙ্ক আমাকে অভিভূত করে; আমার  
সম্মান যেন বাতাসে উড়ে গিয়েছে, আমার নিরাপত্তা মেঘের মতো  
অদৃশ্য হয়ে যায়। ১৬ “আর এখন আমার জীবনে ভাটার টান এসেছে;  
কষ্টভোগের দিন আমাকে গ্রাস করেছে। ১৭ রাতের বেলায় আমার অস্তি  
বিদ্ধ হয়; আমার বিরক্তিকর যন্ত্রণা কখনও বিশ্রাম নেয় না। ১৮ ঈশ্বর

তাঁর মহাপ্রাক্রমে আমার কাছে পোশাকের মতো হয়ে গিয়েছেন;  
আমার জামার গলবন্ধের মতো তিনি আমাকে বেঁধে রেখেছেন। 19  
তিনি আমাকে কাদায় ছুঁড়ে ফেলেছেন, ও আমি ধূলো ও ভস্মের মতো  
হয়ে গিয়েছি। 20 “হে ঈশ্বর, আমি তোমার কাছে আর্তনাদ করেছি,  
কিন্তু তুমি উভয় দাওনি; আমি উঠে দাঁড়িয়েছি, কিন্তু তুমি শুধু আমার  
দিকে তাকিয়েছ। 21 নির্মমভাবে তুমি আমার দিকে ঘুরে দাঁড়িয়েছ;  
তোমার হাতের শক্তি দিয়ে তুমি আমাকে আক্রমণ করেছ। 22 আমাকে  
ছিনিয়ে নিয়ে তুমি আমাকে বাতাসের সামনে চালান করেছ; তুমি  
আমাকে বাড়ের মধ্যে ছুঁড়ে দিয়েছ। 23 আমি জানি তুমি আমাকে  
মৃত্যুর কাছে নিয়ে যাবে, সেই স্থানে নিয়ে যাবে, যা সব জীবিতজনের  
জন্য নিরূপিত হয়ে আছে। 24 “একজন বিদীর্ঘ মানুষ যখন তার  
চরম দুর্দশায় সাহায্যের জন্য আর্তনাদ করে তখন নিশ্চয় তার উপরে  
কেউ হস্তক্ষেপ করে না। 25 আমি কি বিপদগ্রস্তদের জন্য কাঁদিন?  
দরিদ্রদের জন্য আমার প্রাণ কি ব্যথিত হয়নি? 26 অথচ আমি যখন  
মঙ্গলের প্রত্যাশা করেছি, তখন অমঙ্গল এসেছে; আমি যখন আলোর  
খোঁজ করেছি, তখন অন্ধকার ঘনিয়ে এসেছে। 27 আমার ভিতরের  
মন্থন কখনও থামেনি; দিনের পর দিন আমাকে যন্ত্রণার সমূর্খীন হতে  
হয়েছে। 28 আমি কলঙ্কিত হয়েছি, কিন্তু সূর্যের দ্বারা নয়; জনসমাবেশে  
দাঁড়িয়ে আমি সাহায্যের জন্য আর্তনাদ করেছি। 29 আমি শিয়ালদের  
ভাই হয়েছি, প্যাঁচাদের সঙ্গী হয়েছি। 30 আমার চামড়া কালো হয়ে  
গিয়ে তাতে খোসা ছাড়ছে; আমার শরীর জ্বরে পুড়ছে। 31 আমার বীণা  
শোকের সুর তুলছে, ও আমার বাঁশি হাহাকারের শব্দ করছে।

**31** “আমি আমার চোখের সাথে এক চুক্তি করেছি যেন যুবতী মেয়ের  
দিকে কামুক দৃষ্টি নিয়ে না তাকাই। 2 তবে উর্ধ্ববাসী ঈশ্বরের কাছে  
আমাদের কী প্রাপ্য, উচ্চে অবস্থিত সর্বশক্তিমানের কাছে আমাদের কী  
উত্তরাধিকার আছে? 3 দুষ্টদের জন্য কি সর্বনাশ নয়, যারা অন্যায় করে  
তাদের জন্য কি বিপর্যয় নয়? 4 তিনি কি আমার পথগুলি দেখেন না ও  
আমার প্রতিটি পদক্ষেপ গুনে রাখেন না? 5 “আমি যদি অসাধুতা নিয়ে  
চলেছি বা আমার পা প্রতারণার পথে চলতে ব্যতিব্যস্ত হয়েছে— 6

তবে ঈশ্বরই আমাকে সরল দাঁড়িপাল্লায় ওজন করুন ও তিনি জানতে  
পারবেন যে আমি অনিন্দনীয়— 7 আমার পদক্ষেপ যদি পথ থেকে  
বিপথে গিয়েছে, আমার হস্ত যদি আমার চোখ দ্বারা পরিচালিত  
হয়েছে, বা আমার হাত যদি কলঙ্কিত হয়েছে, 8 তবে আমি যা বুনেছি  
তা যেন অন্যেরা খায়, ও আমার ফসল যেন নির্মূল হয়। 9 “আমার  
অন্তর যদি রমণীতে আকৃষ্ট হয়, বা আমি যদি আমার প্রতিবেশীর  
দরজায় ওৎ পেতে থাকি, 10 তবে আমার স্ত্রী যেন অন্য লোকের শস্য  
পেষাই করে, ও অন্য পুরুষ যেন তার সাথে শোয়। 11 কারণ তা হবে  
জঘন্য অপরাধ, এমন এক পাপ যা দণ্ডনীয়। 12 এটি এমন এক আগুন  
যা পুড়িয়ে বিনাশে পৌঁছে দেয়; তা আমার পাকা ফসল নির্মূল করে  
দিতে পারত। 13 “আমার দাসেরা যখন আমার বিরুদ্ধে ক্ষোভ প্রকাশ  
করে, তখন সে দাসই হোক বা দাসী, আমি যদি তাদের মধ্যে কোনও  
একজনের প্রতি ন্যায়বিচার না করেছি, 14 তবে আমি যখন ঈশ্বরের  
সম্মুখীন হব তখন কী করব? যখন তিনি হিসেব নেবেন তখন কী  
উত্তর দেব? 15 যিনি আমাকে গর্ভের মধ্যে তৈরি করেছেন তিনি কি  
তাদেরও তৈরি করেননি? একই জন কি আমাদের মাতৃগর্ভে আমাদের  
উত্তরকে গঠন করেননি? 16 “আমি যদি দরিদ্রদের বাসনা অঙ্গীকার  
করেছি বা বিধিবাদের চোখ নিষ্ঠেজ হতে দিয়েছি, 17 আমি যদি আমার  
খাদ্য নিজের জন্যই জমিয়ে রেখেছি, পিতৃহীনদের তা থেকে কিছু  
দিইনি— 18 কিন্তু যৌবনকাল থেকে আমি এক বাবার মতো তাদের  
যত্ন নিয়েছি, ও জন্ম থেকেই আমি বিধিবাদের উপকার করেছি—  
19 আমি যদি কাউকে পোশাকের অভাবে বিনষ্ট হতে দেখেছি, বা  
অভাবগ্রস্তদের বন্ধুহীন অবস্থায় দেখেছি, 20 ও তাদের অন্তর আমাকে  
আশীর্বাদ করেনি কারণ আমি আমার মেষের লোম দিয়ে তাদের  
উষ্ণতা দিইনি, 21 দরবারে আমার প্রভাব-প্রতিপত্তি আছে জেনেও,  
আমি যদি পিতৃহীনদের বিরুদ্ধে আমার হাত উঠিয়েছি, 22 তবে আমার  
হাত যেন কাঁধ থেকে খসে পড়ে, তা যেন সন্ধি থেকে খুলে যায়। 23  
যেহেতু আমি ঐশ্বরিক বিনাশকে ভয় পেয়েছি, ও তাঁর প্রভাব ভয়ে  
আমি এ ধরনের কাজকর্ম করতে পারিনি। 24 “আমি যদি সোনার

উপরে আস্থা স্থাপন করেছি বা খাঁটি সোনাকে বলেছি, ‘তুমিই আমার  
জামানত,’ 25 আমি যদি আমার সম্পদের প্রাচুর্যের বিষয়ে, আমার  
হাত যে প্রচুর ধন অর্জন করেছে, সেই ধনের বিষয়ে আনন্দ করেছি,  
26 আমি যদি প্রভাকর সূর্যকে বা উজ্জ্বল দীপ্তি ছড়িয়ে যাওয়া চাঁদকে  
দেখেছি, 27 যেন আমার অন্তর গোপনে আকৃষ্ট হয় ও আমার হাত  
তাদের উদ্দেশে সম্মানের চুম্বন উৎসর্গ করে, 28 তবে এসবও দণ্ডনীয়  
পাপ হবে, যেহেতু আমি উর্ধ্ববাসী ঈশ্বরের কাছে অবিশ্বস্ত হয়েছি।  
29 “আমি যদি আমার শক্তির দুর্ভাগ্য দেখে আনন্দ করেছি, বা তার  
আকস্মিক দুর্দশার দিকে উল্লিঙ্কিত দৃষ্টি নিয়ে তাকিয়েছি— 30 আমি  
তাদের জীবনের উদ্দেশে অভিশাপ আবাহন করার মাধ্যমে আমার  
মুখকে পাপ করতে দিইনি— 31 আমার পরিবারভুক্ত সবাই যদি  
কখনও না বলত, ‘ইয়োবের দেওয়া মাংস খেয়ে কে না তৃপ্ত হয়েছে?’  
32 কিন্তু কোনও আগস্তুককে পথে রাত কাটাতে হয়নি, যেহেতু আমার  
দরজা সবসময় পথিকদের জন্য খোলা ছিল— 33 মানুষ যেভাবে পাপ  
ধামাচাপা দেয়, আমিও যদি সেভাবে তা ধামাচাপা দিয়েছি, মনে মনে  
আমার অপরাধ লুকিয়েছি 34 যেহেতু আমি জনতাকে ভয় পেয়েছিলাম  
ও গোষ্ঠীদের অবজ্ঞা দেখে এত আতঙ্কিত হয়ে গিয়েছিলাম যে আমি  
নীরবতা বজায় রেখেছিলাম ও বাইরেও যাইনি— 35 (“হায়! আমার  
কথা শোনার জন্য যদি কেউ থাকত! আমার আত্মপক্ষ সমর্থনে আমি  
এখন সই করছি, সর্বশক্তিমানই আমাকে উন্নত দিন; আমার ফরিয়াদি  
লিখিত আকারে তাঁর অভিযোগপত্র লিখুন। 36 আমি নিশ্চয় তা আমার  
কাঁধে তুলে বহন করব, আমি তা মুকুটের মতো করে মাথায় দেব।  
37 আমার প্রত্যোকটি পদক্ষেপের বিবরণ আমি তাঁকে দেব; একজন  
শাসককে যেভাবে উপহার দেওয়া হয়, সেভাবেই আমি তা তাঁকে  
উপহার দেব।) 38 “আমার দেশ যদি আমার বিরুদ্ধে আর্তনাদ করে  
ওঠে ও তার সব সীতা যদি অশ্রুজলে সিন্ত হয়ে যায়, 39 আমি  
যদি দাম না দিয়েই সেই জমিতে উৎপন্ন ফসল গ্রাস করেছি বা তার  
ভাড়াটিয়াদের অন্তরাত্মা ভেঙে চুরমার করে দিয়েছি, 40 তবে গমের

পরিবর্তে কাঁটাৰোপ ও যবেৰ পৱিবৰ্তে দুৰ্গন্ধযুক্ত আগাছা উৎপন্ন  
হোক।” ইয়োবেৰ কথাৰ্ত্তা শেষ হল।

**32** অতএব এই তিনজন ইয়োবকে আৱ কোনও উত্তৰ দিলেন না,  
যেহেতু তিনি নিজেৰ দৃষ্টিতে নিজেকে ধাৰ্মিক বলে মনে কৱেছিলেন।  
2 কিন্তু রামেৰ পৱিবাৰভুক্ত বৃষীয় বাৱখেলেৰ ছেলে ইলীহু ইয়োবেৰ  
উপৱে খুব ক্ৰুদ্ধ হলেন, যেহেতু ইয়োব ঈশ্বৱেৰ তুলনায় নিজেকে  
বেশি ধাৰ্মিক বলে মনে কৱেছিলেন। 3 তিনি ইয়োবেৰ তিন বন্ধুৱ  
উপৱেও ক্ৰুদ্ধ হলেন, যেহেতু তাৱা কোনোভাবেই ইয়োবকে মিথ্যা  
প্ৰমাণিত কৱতে পাৱেননি, তবুও তাৰ উপৱে দোষাবোপ কৱেছিলেন।  
4 এদিকে ইলীহু ইয়োবেৰ সাথে কথা বলাৱ আগে অপেক্ষা কৱেছিলেন,  
যেহেতু তাৱা সবাই বয়সে তাৰ চেয়ে বড়ো ছিলেন। 5 কিন্তু তিনি  
যখন দেখিলেন যে সেই তিনজনেৰ বলাৱ আৱ কিছুই নেই, তখন তিনি  
ক্ৰেখে ফেটে পড়লেন। 6 অতএব বৃষীয় বাৱখেলেৰ ছেলে ইলীহু  
বললেন: “আমি বয়সে তৰণ, ও আপনাৱা প্ৰৱীণ; তাই আমাৱ ভয়  
হয়েছিল, আমি যা জানি তা আপনাদেৱ বলাৱ সাহস পাইনি। 7 আমি  
ভেবেছিলাম, ‘বয়সই কথা বলুক; পৱিণত বছৱগুলিই প্ৰজ্ঞা শিক্ষা  
দিক।’ 8 কিন্তু একজন ব্যক্তিৰ মধ্যে উপস্থিত আত্মা, সৰ্বশক্তিমানেৰ  
শ্বাসই তাৱেৰ বুদ্ধি-বিবেচনা দান কৱে। 9 যাৱা বয়সে প্ৰাচীন তাৱাই  
যে শুধু জ্ঞানবান, তা নয়, বয়ক্ষৱাই যে শুধু যা সমুচ্চিত তা বোৱেন,  
এৱকম নয়। 10 “তাই আমি বলছি: আমাৱ কথা শুনুন; আমি যা জানি  
তা আমিও আপনাদেৱ বলব। 11 আপনাৱা যখন কথা বলছিলেন,  
আমি তখন অপেক্ষা কৱেছিলাম, আমি আপনাদেৱ যুক্তি শুনছিলাম;  
আপনাৱা যখন শব্দ খুঁজছিলেন, 12 আমি তখন গভীৱ মনোযোগ  
দিয়ে আপনাদেৱ কথা শুনছিলাম। কিন্তু আপনাদেৱ মধ্যে একজনও  
ইয়োবকে ভাস্ত প্ৰমাণ কৱতে পাৱেননি; আপনাদেৱ মধ্যে কেউই  
তাৰ যুক্তিৰ উত্তৰ দিতে পাৱেননি। 13 বলবেন না, ‘আমাৱা প্ৰজ্ঞা  
খুঁজে পেয়েছি; মানুষ নয়, ঈশ্বৱাই তাৰকে মিথ্যা প্ৰমাণিত কৱন।’ 14  
কিন্তু ইয়োব আমাৱ বিৱৰণে তাৰ শব্দগুলি বিন্যাস সহকাৱে সাজাননি,  
ও আপনাদেৱ যুক্তি দিয়ে আমিও তাৰকে উত্তৰ দেব না। 15 “তাৱা

ভীতসন্ত্বষ্ট হয়ে পড়লেন ও তাদের আর কিছুই বলার ছিল না; তাদের  
শব্দ হারিয়ে গিয়েছিল। 16 আমি কি অপেক্ষা করব, এখন তারা যখন  
নীরব হয়ে আছেন, এখন তারা যখন সেখানে নির্মত্র অবস্থায় দাঁড়িয়ে  
আছেন? 17 আমারও কিছু বলার আছে; আমি যা জানি তা আমিও  
বলব। 18 যেহেতু আমি কথায় পরিপূর্ণ, ও আমার অন্তরাত্মা আমাকে  
বাধ্য করছে; 19 ভিতর থেকে আমি বোতলে ভরা দ্রাক্ষারস, দ্রাক্ষারসে  
ভরা নতুন মশকের মতো, যা ফেটে পড়তে চলেছে। 20 আমাকে কথা  
বলতে ও উপশম পেতে হবে; ঠোঁট খুলে আমাকে উত্তর দিতে হবে।  
21 আমি কোনও পক্ষপাতিত্ব দেখাব না, কাউকে তোষামোদও করব  
না; 22 যেহেতু আমি যদি তোষামোদিতে পারদর্শী হতাম, তবে আমার  
নির্মাতা অচিরেই আমাকে নিয়ে চলে যেতেন।

**33** “কিন্তু এখন, হে ইয়োব, আমার কথা শুনুন; আমি যা কিছু বলি,  
তাতে মনোযোগ দিন। 2 আমি আমার মুখ খুলতে যাচ্ছি; আমার কথা  
আমার জিভের ডগায় লেগে আছে। 3 আমার কথা এক ন্যায়পরায়ণ  
অন্তর থেকে বেরিয়ে আসে; আমি যা জানি আমার ঠোঁট সততাপূর্বক  
তাই বলে। 4 ঈশ্বরের আত্মা আমাকে সৃষ্টি করেছেন; সর্বশক্তিমানের  
শ্঵াস আমায় জীবন দান করেছে। 5 যদি পারেন তবে আমার কথার  
উত্তর দিন; উঠে দাঁড়ান ও আমার সামনে আপনার মামলার যুক্তি  
সাজান। 6 ঈশ্বরের দৃষ্টিতে আপনি যেমন আমিও তেমনই; আমিও  
মাটির এক টুকরো। 7 আমাকে ভয় করতে হবে না, বা আমার হাতও  
আপনার উপরে ভারী হবে না। 8 “কিন্তু আপনি আমার কানে কানে  
বলেছেন— সেকথা আমি শুনেছি— 9 ‘আমি শুচিশুদ্ধ, আমি কোনও  
অন্যায় করিনি; আমি নির্মল ও পাপমুক্ত। 10 তবুও ঈশ্বর আমার মধ্যে  
দোষ খুঁজে পেয়েছেন; তিনি আমাকে তাঁর শক্ত বলে গণ্য করেছেন।  
11 তিনি আমার পায়ে বেড়ি পড়িয়েছেন; তিনি আমার সব পথের উপরে  
সজাগ দৃষ্টি রাখেন।’ 12 “কিন্তু আমি আপনাকে বলছি, এ বিষয়ে  
আপনি নির্ভুল নন, যেহেতু ঈশ্বর যে কোনো নশ্বর মানুষের চেয়ে মহান।  
13 আপনি কেন তাঁর কাছে অভিযোগ জানাচ্ছেন যে তিনি কারোর  
কথার উত্তর দেন না? 14 যেহেতু ঈশ্বর তো কথা বলেন—এখন

একভাবে, তো তখন অন্যভাবে— যদিও কেউই তা হস্যঙ্গম করে না।

15 স্বপ্নে, রাতে আসা দর্শনে, যখন মানুষ গভীর ঘুমে মগ্ন থাকে তাদের  
বিছানায় তন্দ্রাচ্ছন্ন হয়ে থাকে, 16 তখন হয়তো তিনি তাদের কানে  
কানে কথা বলেন ও সতর্কবার্তা দিয়ে তাদের আতঙ্কিত করে তোলেন,  
17 যেন তিনি তাদের অন্যায়চরণ থেকে ফিরিয়ে আনতে পারেন ও  
অহংকার থেকে তাদের দূরে সরিয়ে রাখতে পারেন, 18 যেন খাত  
থেকে তাদের প্রাণ, তরোয়ালের আঘাত থেকে তাদের জীবন রক্ষা  
করতে পারেন। 19 “অথবা কেউ হয়তো অস্থিতে অবিরত যন্ত্রণা নিয়ে  
বিছানায় ব্যথায় কাতরাতে কাতরাতে শাস্তি পায়, 20 তাদের কাছে  
খাবার বিরক্তিকর বলে মনে হয় ও তাদের প্রাণ সুস্বাদু আহারও ঘৃণা  
করে। 21 তাদের শরীর ক্ষয়ে গিয়ে অদৃশ্য হয়ে যায়, ও তাদের অস্থি,  
যা এক সময় অদৃশ্য ছিল, তা এখন বেরিয়ে পড়েছে। 22 তারা খাতের  
কাছে এগিয়ে যায়, ও তাদের জীবন মৃত্যুদুর্দের নিকটবর্তী হয়। 23  
তবুও যদি তাদের পাশে থেকে একথা বলার জন্য এক স্বর্গদূতকে,  
হাজার জনের মধ্যে থেকে একজন দূতকে পাঠানো হয়, যে কীভাবে  
ন্যায়পরায়ণ হওয়া যায়, 24 ও তিনি সেই লোকটির প্রতি অনুগ্রহকারী  
হয়ে ঈশ্বরকে বলেন, ‘খাদে নেমে যাওয়ার হাত থেকে তাদের বেহাই  
দাও; আমি তাদের জন্য মুক্তিপণ খুঁজে পেয়েছি— 25 তাদের শরীর  
এক শিশুর মতো সতেজ হয়ে যাক; তারা তাদের যৌবনের দিনগুলিতে  
ফিরে যাক।’ 26 তখন সেই লোকটি ঈশ্বরের কাছে প্রার্থনা করতে  
পারবে ও তাঁর অনুগ্রহ লাভ করবে, তারা ঈশ্বরের মুখদর্শন করবে  
ও আনন্দে চিৎকার করবে; তিনি তাদের আবার পূর্ণ মঙ্গলের দশায়  
ফিরিয়ে আনবেন। 27 আর তারা অন্যদের কাছে গিয়ে বলবে, ‘আমি  
পাপ করেছি, আমি সত্য বিকৃত করেছি, কিন্তু আমার যা প্রাপ্য আমি  
তা পাইনি। 28 ঈশ্বর আমাকে খাদে যাওয়া থেকে রক্ষা করেছেন,  
ও আমি জীবনের আলো উপভোগ করার জন্য বেঁচে থাকব।’ 29  
‘ঈশ্বর একজন লোকের সঙ্গে এসব কিছু করেন— দু-বার, এমনকি  
তিনবারও করেন— 30 খাত থেকে তাদের ফিরিয়ে আনার জন্য,  
যেন তাদের উপরে জীবনের আলো উদ্ভাসিত হয়। 31 “হে ইয়োব,

মনোযোগ দিন, ও আমার কথা শুনুন; নীরব থাকুন, ও আমাকে বলতে দিন। 32 আপনার যদি কিছু বলার থাকে, তবে আমাকে উত্তর দিন; কথা বলুন, কারণ আমি আপনাকে সমর্থন করতে চাই। 33 কিন্তু যদি না থাকে, তবে আমার কথা শুনুন; নীরব থাকুন, ও আমি আপনাকে জ্ঞান শিক্ষা দেব।”

**34** পরে ইলীহু বললেন: 2 “হে জ্ঞানীগুণীরা, আমার কথা শুনুন; হে পঞ্চিত ব্যক্তিরা, আমার কথায় কর্ণপাত করুন। 3 জিভ যেভাবে খাদ্যের স্বাদ যাচাই করে কানও সেভাবে কথার পরীক্ষা করে। 4 আসুন, যা ন্যায় আমরা তা আমাদের জন্য ঠিক করে নিই; আসুন, যা ভালো আমরা তা একসাথে শিখে নিই। 5 “ইয়োব বলছেন, ‘আমি নির্দোষ, কিন্তু ঈশ্বর আমার প্রতি ন্যায়বিচার করেননি। 6 আমি যদিও ন্যায়বান, তাও আমাকে মিথ্যাবাদীরূপে গণ্য করা হয়েছে; আমি যদিও নিরপরাধ, তাও তাঁর তির এক দুরারোগ্য আঘাত দিয়েছে।’ 7 ইয়োবের মতো আর কেউ কি আছেন, যিনি জলের মতো অবজ্ঞা পান করেন? 8 তিনি দুর্বৃত্তের সঙ্গ দেন; তিনি দুর্জনদের সহযোগী হন। 9 কারণ তিনি বলেছেন, ‘ঈশ্বরকে সন্তুষ্ট করার চেষ্টা করে কোনও লাভ নেই।’ 10 “তাই হে বিচারবুদ্ধিসম্পন্ন মানুষেরা, আমার কথা শুনুন। এ হতেই পারে না যে ঈশ্বর অমঙ্গল করবেন, সর্বশক্তিমান অন্যায় করবেন। 11 মানুষের কর্মের ফলই তিনি প্রত্যেককে দেন; তাদের আচরণ অনুসারে তাদের যা প্রাপ্য তিনি তাদের তাই দেন। 12 চিন্তাও করা যায় না যে ঈশ্বর অন্যায় করবেন, সর্বশক্তিমান ন্যায়বিচার বিকৃত করবেন। 13 পৃথিবীর উপরে কে তাঁকে নিযুক্ত করেছে? সমগ্র জগতের দায়িত্ব কে তাঁর হাতে সঁপে দিয়েছে? 14 যদি তাঁর ইচ্ছা হত এবং তিনি তাঁর আত্মা ও শাসবায়ু ফিরিয়ে নিতেন, 15 তবে সমগ্র মানবজাতি একসাথে ধ্বংস হয়ে যেত ও মানবসমাজ ধুলোতে ফিরে যেত। 16 “আপনার যদি বোধশক্তি থাকে, তবে শুনুন; আমি যা বলছি তাতে কর্ণপাত করুন। 17 যে ন্যায়বিচার ঘৃণা করে সে কি শাসন করবে? আপনি কি ন্যায়পরায়ণ ও পরাক্রমী ব্যক্তিকে দোষী সাব্যস্ত করবেন? 18 তিনিই কি সেই ব্যক্তি নন, যিনি রাজাদের বলেন,

‘তোমরা অপদার্থ,’ ও অভিজাত লোকজনকে বলেন, ‘তোমরা দুষ্ট,’  
19 যিনি রাজপুরুষদের প্রতি পক্ষপাতিত্ব দেখান না এবং দরিদ্রদের  
তুলনায় ধনীদের বেশি প্রশংস্য দেন না, কারণ তারা সবাই তাঁরই  
হাতের কর্ম? 20 এক পলকে, মাঝরাতেই তাদের মৃত্যু হয়; মানুষজন  
প্রকস্পিত হয় ও তারা মারা যায়; পরাক্রমীরা মানুষের হস্তক্ষেপ ছাড়াই  
অপসারিত হয়। 21 “নশ্চর মানুষের পথের প্রতি তাঁর দৃষ্টি আছে; তিনি  
তাদের প্রত্যেকটি পদক্ষেপ লক্ষ্য করেন। 22 এমন কোনও গভীর  
অঙ্কার, গাঢ় ছায়া নেই, যেখানে দুর্বৃত্তেরা গিয়ে লুকাতে পারে।  
23 ঈশ্বরকে আর মানুষের পরীক্ষা করতে হবে না, যেন বিচারিত  
হওয়ার জন্য তাদের তাঁর সামনে আসতে হয়। 24 বিনা তদন্তে তিনি  
পরাক্রমীদের চূর্ণবিচূর্ণ করেন ও তাদের স্থানে তিনি অন্যদের নিযুক্ত  
করেন। 25 কারণ তিনি তাদের কাজকর্ম লক্ষ্য করেন, রাতারাতি তিনি  
তাদের উৎখাত করেন ও তারা চূর্ণ হয়। 26 তাদের দুষ্টতার জন্য  
তিনি এমন এক স্থানে তাদের দণ্ড দেন যেখানে সবাই তাদের দেখতে  
পায়, 27 কারণ তারা তাঁর অনুগমন করা থেকে ফিরে গিয়েছে ও  
তাঁর কোনো পথের প্রতি তাদের মনে কোনো কদর নেই। 28 তাদের  
কারণে দরিদ্রদের আর্তনাদ তাঁর কাছে পৌঁছেছে, ও অভাবগ্রস্তদের  
কান্না তিনি শুনে ফেলেছেন। 29 কিন্তু তিনি যদি নীরব থাকেন, কে  
তাঁকে দোষী সাব্যস্ত করবে? তিনি যদি তাঁর মুখ ঢেকে রাখেন, কে  
তাঁকে দেখতে পাবে? তবুও তিনি ব্যক্তিবিশেষ ও জাতি উভয়ের  
উপরেই বিরাজমান, 30 যেন অধার্মিকেরা শাসন করতে না পারে,  
ও প্রজাদের জন্য ফাঁদ বিছাতে না পারে। 31 “ধরুন কেউ ঈশ্বরকে  
বলছে, ‘আমি দোষী কিন্তু আমি আর অপরাধ করব না। 32 আমি যা  
দেখতে পাই না তা আমাকে শিক্ষা দাও; আমি যদি অন্যায় করে থাকি,  
তবে আমি আর তা করব না।’ 33 যখন আপনি অনুত্তাপ করতে রাজি  
হচ্ছেন না তখন ঈশ্বর কি আপনার শর্তে আপনাকে পুরস্কৃত করবেন?  
আমাকে নয়, আপনাকেই সিদ্ধান্ত নিতে হবে; তাই বলুন আপনি কী  
জানেন। 34 “বিচারবুদ্ধিসম্পন্ন মানুষেরা ঘোষণা করবেন, যারা আমার  
কথা শুনেছেন সেই জ্ঞানবানেরা আমায় বলবেন, 35 ‘ইয়োৰ অঙ্গের

মতো কথা বলছেন; তাঁর কথায় অন্তর্দৃষ্টির অভাব আছে।’ ৩৬ ওহো,  
একজন দুষ্টলোকের মতো উত্তর দেওয়ার জন্য যদি ইয়োবের চরম  
পরীক্ষা নেওয়া যেত! ৩৭ তাঁর পাপে তিনি বিদ্রোহও যোগ করেছেন;  
স্থগাপূর্ণভাবে তিনি আমাদের মধ্যে হাততালি দিয়েছেন ও ঈশ্বরের  
বিরুদ্ধে অনেক কথা বলেছেন।”

**৩৫** পরে ইলীহু বললেন: ২ “আপনার কি মনে হয় এটি যথাযথ?  
আপনি বলছেন, ‘ঈশ্বর নন, আমিই ঠিক।’ ৩ তাও আপনি তাঁকে  
জিজ্ঞাসা করছেন, ‘এতে আমার কী লাভ হবে, ও পাপ না করেই বা  
আমি কী পাব?’ ৪ “আমি আপনাকে এবং আপনার সঙ্গে থাকা বন্ধুদের  
উত্তর দিতে চাই। ৫ আকাশের দিকে তাকিয়ে দেখুন; আপনার এত  
উপরে অবস্থিত মেঘরাশির দিকে একদৃষ্টিতে তাকান। ৬ আপনি যদি  
পাপ করেন, তবে তা কীভাবে তাঁকে প্রভাবিত করে? আপনার পাপ  
যদি অসংখ্যও হয় তাতেও বা তাঁর কী আসে-যায়? ৭ আপনি ধার্মিক  
হয়ে তাঁকে কী দিতে পারবেন, অথবা আপনার হাত থেকে তিনি কী  
গ্রহণ করবেন? ৮ আপনার দুষ্টতা শুধু আপনার মতো মানুষদেরই  
প্রভাবিত করে, ও আপনার ধার্মিকতাও শুধু অন্যান্য লোকজনকেই  
প্রভাবিত করে। ৯ “অত্যাচারের ভার দুঃসহ হলে লোকজন আর্তনাদ  
করে; শক্তিশালীর হাত থেকে মুক্তি পাওয়ার জন্য তারা সন্নির্বন্ধ মিনতি  
জানায়। ১০ কিন্তু কেউ বলে না, ‘আমার সৃষ্টিকর্তা সেই ঈশ্বর কোথায়,  
যিনি রাতের বেলায় গান দান করেন, ১১ যিনি পার্থিব পশুদের যত না  
শিক্ষা দেন, তার চেয়েও বেশি আমাদের শিক্ষা দেন ও আকাশের  
পাখিদের চেয়েও আমাদের বেশি জ্ঞানী করে তোলেন?’ ১২ দুষ্টদের  
দাস্তিকতার কারণে লোকজন যখন আর্তনাদ করে তখন তিনি উত্তর  
দেন না। ১৩ বাস্তবিক, ঈশ্বর তাদের শূন্যগর্ভ অজুহাত শোনেন না;  
সর্বশক্তিমান তাতে মনোযোগ দেন না। ১৪ তাঁর পক্ষে কি শোনা সন্তুষ্ট  
যখন আপনি বলছেন যে আপনি তাঁকে দেখতে পাচ্ছেন না, এই যে  
আপনার মামলাটি তাঁর সামনে আছে ও আপনাকে তাঁর জন্য অপেক্ষা  
করতে হবে, ১৫ আর এছাড়াও, এই যে তাঁর ক্রোধ কখনও শাস্তি দেয়  
না ও তিনি আদৌ দুষ্টার প্রতি মনোযোগ দেন না। ১৬ তাই ইয়োব

শূন্যগর্ভ কথায় তাঁর মুখ খুলেছেন; জ্ঞান ছাড়াই তিনি অনেক কথা  
বলেছেন।”

**36** ইলীহু আরও বললেন; 2 “আপনি আমার প্রতি আরও একটু ধৈর্য  
ধরুন ও আমি আপনাকে দেখিয়ে দেব যে ঈশ্বরের হয়ে আরও অনেক  
কিছু বলার আছে। 3 আমি বহুদূর থেকে আমার জ্ঞান লাভ করেছি;  
আমি আমার সৃষ্টিকর্তার উপরে ন্যায়পরায়ণতা আরোপ করব। 4  
নিশ্চিত হতে পারেন যে আমার কথা মিথ্যা নয়; নিখুঁত জ্ঞানবিশিষ্ট  
একজন আপনার সহবর্তী। 5 “ঈশ্বর পরাক্রমী, কিন্তু তিনি কাউকে  
অবজ্ঞা করেন না; তিনি পরাক্রমী, ও তাঁর অভীষ্টে অটল। 6 তিনি  
দুষ্টদের বাঁচিয়ে রাখেন না কিন্তু নিপীড়িতদের তাদের অধিকার দান  
করেন। 7 তিনি ধার্মিকদের উপর থেকে তাঁর দৃষ্টি সরিয়ে নেন না;  
রাজাদের সঙ্গে তিনি তাদের সিংহাসনে বসান ও চিরকাল তাদের  
মহিমান্বিত করেন। 8 কিন্তু লোকেরা যদি শিকলে বাঁধা পড়ে, দুঃখের  
দড়ি দিয়ে তাদের কষে বাঁধা হয়, 9 ঈশ্বর তখন তাদের বলে দেন যে  
তারা কী করেছে— যে তারা অহংকারভরে পাপ করেছে। 10 তিনি  
তাদের সংশোধনমূলক কথা শুনতে বাধ্য করেন ও তাদের দুষ্টতার  
বিষয়ে তাদের মন ফিরানোর আদেশ দেন। 11 তারা যদি তাঁর বাধ্য  
হয়ে তাঁর সেবা করে, তবে তারা তাদের জীবনের বাকি দিনগুলি  
সমৃদ্ধিতে ও তাদের বছরগুলি সন্তোষযুক্ত হয়ে কাটাবে। 12 কিন্তু যদি  
তারা তাঁর কথা না শোনে, তবে তারা তরোয়ালের আঘাতে ধ্বংস হবে  
ও জ্ঞানের অভাবে মারা যাবে। 13 “অধার্মিকেরা অন্তরে অসন্তোষ  
পুষে রাখে; এমনকি যখন তিনি তাদের শিকলে বাঁধেন, তখনও  
তারা সাহায্যের আশায় আর্তনাদ করে না। 14 যৌবনকালৈ তারা  
মারা যায় মন্দিরের দেবদাসদের মধ্যেই তাদের মৃত্যু হয়। 15 কিন্তু  
যারা কষ্টভোগ করে, কষ্ট চলাকালীনই তিনি তাদের উদ্ধার করেন;  
তাদের দুঃখের মধ্যেই তিনি তাদের সাথে কথা বলেন। 16 “ঈশ্বর  
আপনাকে যন্ত্রণার মুখ থেকে বের করে বিধিনিষেধ-মুক্ত এক প্রশস্ত  
স্থানে, পচল্দসই খাদ্যদ্রব্যে সুসজ্জিত আপনার টেবিলের স্বাচ্ছন্দ্যময়  
পরিবেশে এনেছেন। 17 কিন্তু এখন আপনি দুষ্টদের উপর্যুক্ত বিচারে

বিচারিত হতে যাচ্ছেন; বিচার ও ন্যায় আপনাকে ধরে ফেলেছে। 18  
সাবধান, কেউ যেন ধন দ্বারা আপনাকে প্রলুক্ষ করতে না পারে; বিপুল  
পরিমাণ ঘূস যেন আপনাকে বিপথগামী করে না তোলে। 19 আপনার  
ধনসম্পদ বা আপনার সব মহৎ প্রচেষ্টাও কি আপনাকে বঁচিয়ে  
রাখতে পারবে, যেন আপনি যন্ত্রণাভোগ না করেন? 20 সেরাতের  
জন্য অপেক্ষা করবেন না, যখন লোকজনকে তাদের ঘর থেকে টেনে  
বের করা হয়। 21 সাবধান, অনিষ্টের দিকে ফিরে যাবেন না, আপনি  
তো দুঃখের পরিবর্তে সেটিকেই মনোনীত করেছেন। 22 “ঈশ্বর তাঁর  
পরাক্রমে উন্নত। তাঁর মতো শিক্ষক আর কে আছে? 23 কে তাঁর  
গন্তব্যপথ নিরূপিত করেছে, বা তাঁকে বলেছে, ‘তুমি অন্যায় করেছ’?  
24 মনে রাখবেন, তাঁর সেই কাজের উচ্চপ্রশংসা করতে হবে, যাঁর  
প্রশংসা লোকেরা গানের মাধ্যমে করেছিল। 25 সমগ্র মানবজাতি  
তা দেখেছে; নশ্বর মানুষও দূর থেকে সেদিকে স্থিরদৃষ্টিতে তাকিয়ে  
থেকেছে। 26 ঈশ্বর কত মহান—আমাদের বোধশক্তির উর্ধ্বে! তাঁর  
বছর-সংখ্যার খোঁজ পাওয়া যায় না। 27 “তিনি জলবিন্দু টেনে নেন,  
ও তা বৃষ্টির পরিশুল্ক করে জলধারায় ফিরিয়ে দেন; 28 মেঘরাশি  
তাদের আর্দ্রতা ঢেলে দেয় ও প্রচুর বৃষ্টি মানবজাতির উপরে বর্ষিত হয়।  
29 কে বুঝতে পারে কীভাবে তিনি মেঘরাশি ছড়িয়ে দেন, কীভাবে  
তিনি তাঁর শামিয়ানা থেকে বজ্রধনি করেন? 30 দেখুন কীভাবে তিনি  
তাঁর চারপাশে বিজলি নিক্ষেপ করেন, সমুদ্রগর্ভকে স্নান করান। 31  
এভাবেই তিনি জাতিদের নিয়ন্ত্রণ করেন ও প্রচুর পরিমাণে খাদ্যদ্রব্য  
জোগান। 32 তাঁর হাত তিনি বিজলিতে পরিপূর্ণ করেন ও তাকে লক্ষ্যে  
আঘাত হানার আদেশ দেন। 33 তাঁর বজ্রধনি আসন্ন ঝড়ের সংকেত  
দেয়; এমনকি পশুপালও সেটির আগমনবার্তা দেয়।

**37** “এতে আমার হৃদয় চূর্ণ হচ্ছে ও স্বস্থান থেকে লাফিয়ে উঠছে। 2  
শুনুন! তাঁর কষ্টস্বরের গর্জন শুনুন, সেই হৃংকার শুনুন যা তাঁর মুখ  
থেকে বের হয়। 3 সমগ্র আকাশের নিচে তিনি তাঁর বিজলি ছেড়ে  
দেন ও পৃথিবীর প্রান্ত পর্যন্ত তা পাঠিয়ে দেন। 4 তারপরে আসে  
তাঁর গর্জনের শব্দ; তাঁর সৌম্য স্বর দিয়ে তিনি বজ্রধনি করেন। তাঁর

স্বর যখন প্রতিধ্বনিত হয়, তখন তিনি কিছুই আটকে রাখেন না। ৫  
ঈশ্বরের কঠস্বর অবিশ্বাস্যভাবে বজ্রঝনি করে; তিনি এমন সব মহৎ  
কাজ করেন যা আমাদের বোধের অগম্য। ৬ তিনি তুষারকে বলেন,  
'পৃথিবীতে পতিত হও,' ও বৃষ্টিধারাকে বলেন, 'প্রবল বর্ষণে পরিণত  
হও।' ৭ যেন তাঁর নির্মিত সবাই তাঁর কাজকর্ম জানতে পারে, তিনি  
সব মানুষজনকে তাদের পরিশ্রম থেকে অব্যাহতি দেন। ৮ পশুরা  
আশ্রয়স্থলে প্রবেশ করে; তারা নিজেদের গুহার মধ্যে থেকে যায়। ৯  
প্রবল ঝড় তার কক্ষ থেকে ধেয়ে আসে, শীত আসে ঝোড়ো হাওয়ার  
প্রভাবে। ১০ ঈশ্বরের শ্বাস বরফ উৎপন্ন করে, ও প্রশস্ত জলরাশি  
হিমায়িত হয়ে যায়। ১১ মেঘরাশিতে তিনি আর্দ্রতা ভরে দেন; তাদের  
মাধ্যমে তিনি তাঁর বিজলি ছড়িয়ে দেন। ১২ তাঁরই পরিচালনায় তারা  
সমগ্র পৃথিবীর বুকে ঘূরপাক খেতে খেতে তাঁর দেওয়া নির্দেশ পালন  
করে। ১৩ তিনি মেঘরাশি সঞ্চার করে লোকজনকে শান্তি দেন, বা  
তাঁর পৃথিবীকে জলসিক্ত করেন ও তাঁর প্রেম দেখান। ১৪ "হে ইয়োব,  
আপনি একথা শুনুন; একটু থেমে ঈশ্বরের আশচর্য কাজকর্ম বিবেচনা  
করুন। ১৫ আপনি কি জানেন কীভাবে ঈশ্বর মেঘরাশি নিয়ন্ত্রণ করেন  
ও তাঁর বিজলি চমকান? ১৬ আপনি কি জানেন কীভাবে মেঘরাশি  
শূন্যে ঝুলে থাকে, যিনি নিখুঁত জ্ঞানবিশিষ্ট, তাঁর আশচর্য কাজগুলি  
জানেন কি? ১৭ দখিনা বাতাসের চাপে জমি যখন ধামাচাপা পড়ে  
যায় তখন তো আপনি পোশাক গায়ে দিয়েও গরমে হাঁসফাঁস করেন,  
১৮ আপনি কি তাঁর সঙ্গে মিলে সেই আকাশমণ্ডলের প্রসার ঘটাতে  
পারেন, যা ঢালাই করা ব্রোঞ্জের আয়নার মতো নিরেট? ১৯ "আমাদের  
বলে দিন আমরা তাঁকে কী বলব; আমাদের অঙ্গতার কারণে আমরা  
আমাদের মামলাটি সাজাতে পারছি না। ২০ তাঁকে কি বলতে হবে যে  
আমি কথা বলতে চাই? কেউ কি কবলিত হতে চাইবে? ২১ এখন কেউ  
সূর্যের দিকে তাকাতে পারে না, যেহেতু তখনই তা আকাশে উজ্জ্বল হয়  
যখন বাতাস বয়ে আকাশ পরিষ্কার হয়ে যায়। ২২ উত্তর দিক থেকে  
তিনি সোনালি ঔজ্জ্বল্য নিয়ে আসেন; ঈশ্বর অসাধারণ মহিমা নিয়ে  
আসেন। ২৩ সেই সর্বশক্তিমান আমাদের নাগালের বাইরে ও তিনি

পরাক্রমে উন্নত; তাঁর ন্যায়ে ও মহা ধার্মিকতায়, তিনি অত্যাচার করেন না। 24 তাই, লোকজন তাঁকে গভীর শ্রদ্ধা করে, কারণ যারা অস্তরে জ্ঞানী, তাদের জন্য কি তাঁর মনে কদর নেই?”

**38** পরে সদাপ্রভু ঝড়ের মধ্যে থেকে ইয়োবের সঙ্গে কথা বললেন।  
তিনি বললেন: 2 “এ কে যে অজ্ঞানের মতো কথা বলে আমার পরিকল্পনাগুলি ম্লান করে দিচ্ছে? 3 পুরুষমানুষের মতো নিজেকে মজবুত করো; আমি তোমাকে প্রশ্ন করব, ও তুমি আমাকে উত্তর দেবে। 4 “আমি যখন পৃথিবীর ভিত্তিমূল স্থাপন করেছিলাম তুমি তখন কোথায় ছিলে? যদি বুঝেছো, তবে আমায় বলো। 5 পৃথিবীর মাত্রা কে চিহ্নিত করল? তুমি নিশ্চয় তা জানো! তার উপরে কে সীমারেখা টানলো? 6 কৌসের উপরে তার অবস্থান খাড়া হল, বা কে তার ভিত্তিপ্রস্তর স্থাপন করলো— 7 যখন শুকতারারা একসাথে গেয়ে উঠল ও স্বর্গদূতেরা সবাই আনন্দে চিৎকার করে উঠল? 8 “কে দরজার আড়ালে সমুদ্রকে অবরুদ্ধ করল যখন তা গর্ভ থেকে বের হয়ে এল, 9 যখন আমি মেঘরাশিকে তার পোশাক বানালাম ও তা ঘন অন্ধকারে ঢেকে দিলাম, 10 যখন আমি তার জন্য সীমা নির্দিষ্ট করলাম এবং তার দরজা ও খিল যথাস্থানে লাগালাম। 11 যখন আমি বললাম, ‘এই পর্যন্তই তুমি আসতে পারবে, আর নয়; এখানেই তোমার তরঙ্গের গর্ব থেমে যাবে’? 12 “তুমি কি কখনও সকালকে আদেশ দিয়েছ, বা ভোরবেলাকে তার স্থান দেখিয়ে দিয়েছ 13 যেন তা পৃথিবীর প্রান্ত পর্যন্ত ছড়িয়ে পড়ে ও সেখান থেকে দুষ্টদের কোড়ে ফেলে? 14 পৃথিবী সিলমোহরের তলায় লেগে থাকা মাটির মতো আকার নেয়; তার বৈশিষ্ট্য এক পোশাকের মতো ফুটে ওঠে। 15 দুষ্টদের আলো দেওয়া হয় না, ও তারা যে হাত উঁচুতে তুলে ধরে তা ভেঙে যায়। 16 “তুমি কি সমুদ্রের উৎসে যাত্রা করেছ বা সমুদ্রতলবর্তী গর্তে হাঁটাহাঁটি করেছ? 17 মৃত্যুর দরজা কি তোমার কাছে প্রকাশিত হয়েছে? তুমি কি গাঢ় অন্ধকারের দরজা দেখেছ? 18 পৃথিবীর সুবিশাল বিস্তারের বিষয়টি কি তুমি বুঝে ফেলেছ? এসব কিছু যদি তুমি জানো, তবে আমায় বলো। 19 ‘আলোর বাসস্থানে যাওয়ার পথ কোনটি? আর অন্ধকার কোথায় বসবাস করে? 20 তুমি

কি তাদের স্থানে নিয়ে যেতে পারো? তুমি কি তাদের ঘরের পথ  
জান? 21 নিশ্চয় জানো, কারণ তখন তো তোমার জন্ম হয়ে গিয়েছিল!  
তুমি তো বহু বছর ধরে বেঁচে আছ! 22 “তুমি কি তুষারের আড়তে  
প্রবেশ করেছ বা শিলাবৃষ্টির গুদাম দেখেছ, 23 যা আমি সংকটকালের  
জন্য, যন্দিবিগ্রহের দিনের জন্য সংরক্ষিত করে রেখেছি? 24 কোনও  
পথ ধরে সেখানে যাওয়া যায়, যেখান থেকে বিজলি বিছুরিত হয়,  
বা যেখান থেকে পূর্বীয় বাতাস সমগ্র পৃথিবীতে ছড়িয়ে পড়ে? 25  
প্রবল বৃষ্টিপাতের জন্য কে খাল খুঁড়েছে, ও বজ্রবাড়ের জন্য কে পথ  
তৈরি করে দিয়েছে, 26 যেন জনমানবহীন দেশ, বসতিহীন মরহুমি  
জনসিক্ত হয়, 27 যেন উষর পতিত জমি তৃপ্ত হয় ও সেখানে কচি  
ঘাস অঙ্কুরিত হয়? 28 বৃষ্টির কি বাবা আছে? কে শিশিরকণার জন্ম  
দিয়েছে? 29 কার গর্ভ থেকে বরফ বের হয়েছে? আকাশ থেকে বাড়ে  
পড়া তুষারের জন্মই বা কে দিয়েছে 30 যখন জল জমে পাথরের মতো  
শক্ত হয়ে যায়, যখন জলরাশির উপরের স্তর জমাট বেঁধে যায়? 31  
“তুমি কি কৃত্তিকার হার গাঁথতে পারো? তুমি কি কালপুরুষের বাঁধন  
আলগা করতে পারো? 32 তুমি কি নক্ষত্রপুঞ্জকে তাদের নিজস্ব ঝাতুতে  
চালাতে পার বা শাবকসুন্দ ভালুককে তার পথ দেখাতে পারো? 33  
তুমি কি আকাশমণ্ডলের বিধান জানো? তুমি কি পৃথিবীতে ঈশ্বরের  
কর্তৃত্ব প্রতিষ্ঠিত করতে পারো? 34 “তুমি কি মেঘ পর্যন্ত তোমার  
আওয়াজ তুলতে পারো ও নিজেকে জলপ্লাবন দিয়ে ঢেকে ফেলতে  
পারো? 35 তুমি কি বজ্রবিদ্যুৎ বলসাতে পারবে? সেগুলি কি জবাবে  
তোমাকে বলবে, ‘আমরা এখানে’? 36 কে দোচরাকে বিজ্ঞতা দিয়েছে  
বা মোরগকে বোধশক্তি দিয়েছে? 37 কার কাছে মেঘরাশি গণনা করার  
বিজ্ঞতা আছে? কে তখন আকাশের জলে ভরা ঘড়াগুলি উল্টাতে পারে  
38 যখন ধুলো শক্ত হয়ে যায় ও মাটির ঢেলা একসঙ্গে জুড়ে যায়?  
39 “তুমি কি সিংহীর জন্য শিকারের খোঁজ করবে ও সিংহদের খিদে  
মিটাবে 40 যখন তারা গুহায় গুড়ি মেরে পড়ে থাকে বা ঘন ঝোপে  
অপেক্ষা করে বসে থাকে? 41 কে দাঁড়কাকের জন্য খাবার জোগায়

যখন তার শাবকেরা স্টশুরের কাছে আর্তনাদ করে ও খাবারের অভাবে  
উদ্ভাস্ত হয়ে ঘুরে বেড়ায়?

**39** “তুমি কি জানো পাহাড়ি ছাগলেরা কখন শাবকের জন্ম দেয়?  
তুমি কি দেখেছ হরিণী কখন তার হরিণশিশু প্রসব করে? 2 তুমি কি  
গুনে দেখেছ কয় মাস ধরে তারা গর্ভধারণ করে? তুমি কি তাদের  
প্রসবকাল জান? 3 তারা হেঁট হয় ও শাবকের জন্ম দেয়; তাদের  
প্রসববেদনার অবসান হয়। 4 তাদের শাবকেরা বেড়ে ওঠে ও উষর  
মরুভূমিতে বলবান হয়ে উঠতে থাকে; তারা সেখান থেকে চলে যায়  
ও আর ফিরে আসে না। 5 “বুনো গাধাকে কে স্বাধীন হয়ে যেতে  
দিয়েছে? কে তাদের দড়ি খুলে দিয়েছে? 6 পতিত জমিকে আমি  
তার ঘর বানিয়েছি, লবণাক্ত সমতল ভূমিকে তার আবাস করেছি। 7  
সে নগরের গোলমাল দেখে উপহাস করে; সে চালকের শব্দ শোনে  
না। 8 সে পাহাড়-পর্বতকে চারণভূমি করে সেখানে চরে ও সবুজ  
ঘাসপাতা খুঁজে বেড়ায়। 9 “বুনো বলদ কি তোমার সেবা করতে রাজি  
হবে? সে কি রাতের বেলায় তোমার জাবপাত্রের পাশে থাকবে? 10  
তুমি কি জিন পরিয়ে তাকে সীতায় আটকে রাখতে পারবে? সে কি  
তোমার পিছু পিছু উপত্যকায় চাষ করবে? 11 তুমি কি তার মহাশক্তির  
উপর নির্ভর করবে? তুমি কি তোমার কাজের ভার তার উপর চাপিয়ে  
দেবে? 12 তুমি কি তোমার শস্য টেনে আনার ও তা খামারে একত্রিত  
করার জন্য তার উপরে ভরসা রাখতে পারবে? 13 “উটপাখি আনন্দের  
সঙ্গে তার ডানা ঝাপটায়, যদিও সারসের ডানা ও পালকের সাথে  
সেগুলির তুলনা করা যায় না। 14 সে মাটিতে ডিম পাড়ে ও বালির  
তলায় সেগুলি গরম হতে দেয়। 15 তার মনে থাকে না যে পায়ের চাপে  
হয়তো সেগুলি ভেঙে যাবে, বা কোনো বুনো পশু সেগুলি পদদলিত  
করে ফেলবে। 16 সে তার শাবকদের সঙ্গে এমন ঝুঁঢ় ব্যবহার করে,  
যেন সেগুলি তার আপন নয়; তার পরিশ্রম ব্যর্থ হলেও তার কিছু যায়  
আসে না, 17 কারণ স্টশুর তাকে বিজ্ঞতা দ্বারা ভূষিত করেননি বা তাকে  
এক ফোঁটা সৎ জ্ঞানও দেননি। 18 তাও সে যখন দৌড়ানোর জন্য  
পাখা মেলে দেয়, তখন ঘোড়া ও সওয়ারকেও উপহাস করে। 19

“তুমি কি খোঢ়াকে বল দান করেছ বা তার ঘাড়ে সাবলীল কেশের  
বিছিয়েছ? 20 তুমি কি তাকে পঙ্গপালের মতো লাফানোর, সদপ্র  
হ্রেষাধ্বনি সমেত আকর্ষণীয় সন্ত্রাস উৎপন্ন করার ক্ষমতা দিয়েছ? 21  
সে হিংস্রভাবে মাটিতে ক্ষুর ঘষে, নিজের শক্তিতে আনন্দ প্রকাশ করে,  
ও সংস্রবে বাঁপিয়ে পড়ে। 22 সে ভয়কে উপহাস করে, কিছুতেই ভয়  
পায় না; সে তরোয়ালের সামনে থেকে পালিয়ে যায় না। 23 তৃণীর  
তার বিরলদে ঝাঁকার তোলে, বর্ষা ও বল্লমও বালসে ওঠে। 24 প্রমত  
উত্তেজনায় সে মাটি থেয়ে ফেলে; যখন শিঙা বাজে তখন সে আর স্থির  
থাকতে পারে না। 25 শিঙার বক্ষারে সে হ্রেষাধ্বনি করে, ‘আহা!’ সে  
দূর থেকে যুদ্ধের গন্ধ পায়, সেনাপতিদের ও যুদ্ধরবের হৃক্ষার শোনে।  
26 “তোমার বিজ্ঞতা অনুসারেই কি বাজপাখি উড়ে যায় ও দক্ষিণ দিকে  
তার ডানা মেলে দেয়? 27 তোমার আদেশানুসারেই কি ঈগল পাখি  
উঁচুতে ওড়ে ও উঁচুতে বাসা বাঁধে? 28 সে খাড়া উঁচু পাহাড়ে বসবাস  
করে ও সেখানেই রাত কাটায়; পাথরে ভরা এবড়োখেবড়ো খাড়া এক  
পাহাড় তার সুরক্ষিত আশ্রয়। 29 সেখান থেকে সে খাবারের খোঁজ  
করে; তার চোখ বহুদূর থেকে তা খুঁজে নেয়। 30 তার শাবকেরা রক্ত  
পান করে তৃষ্ণ হয়, ও যেখানে মৃতদেহ, সেও সেখানেই থাকে।”

**40** সদাপ্রভু ইয়োবকে আরও বললেন: 2 “যে সর্বশক্তিমানের সঙ্গে  
তর্কবিতর্ক করে সে কি তাঁকে সংশোধন করবে? যে ঈশ্বরকে অভিযুক্ত  
করেছে সেই তাঁকে জবাব দিক!” 3 পরে ইয়োব সদাপ্রভুকে উত্তর  
দিলেন: 4 “আমি অযোগ্য—আমি কীভাবে তোমাকে জবাব দেব? এই  
আমি আমার মুখে হাত দিলাম। 5 আমি একবার কথা বলেছি, কিন্তু  
আমার কাছে কোনও উত্তর নেই— দু-বার বলেছি, কিন্তু আমি আর  
কিছু বলব না।” 6 পরে ঝাড়ের মধ্যে থেকে সদাপ্রভু ইয়োবের সঙ্গে  
কথা বললেন: 7 “পুরুষমানুষের মতো নিজেকে মজবুত করো; আমি  
তোমাকে প্রশ্ন করব, ও তুমি আমাকে উত্তর দেবে। 8 “তুমি কি আমার  
ন্যায়বিচার অগ্রাহ্য করবে? নিজেকে ধার্মিক প্রতিপন্ন করার জন্য কি  
তুমি আমাকে দোষী সাব্যস্ত করবে? 9 ঈশ্বরের মতো তোমারও কি  
হাত আছে, ও তাঁর মতো তুমিও কি বজ্রধ্বনি করতে পারো? 10 তবে

নিজেকে প্রতাপ ও উজ্জ্বল দীপ্তি দিয়ে ঢেলে সাজাও, এবং সম্মান ও  
মর্যাদার পোশাক গায়ে দিয়ে নাও। 11 তোমার ক্ষেত্রের উন্মত্তা  
নিয়ন্ত্রণমুক্ত করো, যারা অহংকারী তাদের দিকে তাকাও ও তাদের  
নিচে টেনে নামাও, 12 যারা অহংকারী তাদের দিকে তাকাও ও তাদের  
নত করো, দুষ্টেরা যেখানে দাঁড়িয়ে আছে সেখানেই তাদের দমন  
করো। 13 তাদের সবাইকে একসাথে ধূলোয় পুঁতে ফেলো; কবরে  
তাদের মুখ আবৃত করো। 14 তখনই আমি তোমার কাছে স্বীকার  
করব যে তোমার নিজের ডান হাত তোমাকে উদ্ধার করতে পারবে।  
15 “বহেমোতের দিকে তাকাও, তাকে আমি তোমার সাথেই তৈরি  
করেছি ও বলদের মতো সেও তৃণভোজী। 16 তার কোমরে কত শক্তি  
আছে, তার পেটের পেশিতে কত ক্ষমতা আছে! 17 তার লেজ দেবদারু  
গাছের মতো দোলে; তার উরুর পেশিতস্তু আঁটোসাঁটোভাবে সংলগ্ন।  
18 তার অস্তি ব্রোঞ্জের নলের মতো, তার অঙ্গপ্রত্যঙ্গ লোহার ছড়ের  
মতো। 19 দুশ্শরের সৃষ্টিকর্মের মধ্যে সেই প্রথম স্থান পেয়েছে, তবুও  
তার সৃষ্টিকর্তা তাঁর তরোয়াল নিয়ে তার কাছে যেতে পারেন। 20  
পাহাড়গুলি তার কাছে তাদের উৎপন্ন দ্রব্য আনে, ও সব বুনো পশু  
তার কাছাকাছি খেলে বেড়ায়। 21 পদ্মবনের তলায় সে শুয়ে থাকে,  
জলাভূমির নলবনের মধ্যে সে লুকিয়ে থাকে। 22 পদ্মবন তার ছায়ায়  
তাকে আড়াল করে রাখে; জলস্তোত্রে ধারে থাকা ঝাউ গাছ তাকে  
ঘিরে রাখে। 23 ফুলেফেঁপে ওঠা নদী তাকে ভয় দেখাতে পারে না;  
জর্ডন নদীর চেউ তার মুখের উপর আছড়ে পড়লেও সে সুরক্ষিত  
থাকে। 24 কেউ কি চোখ দিয়ে তাকে ধরতে পারে, বা তাকে ফাঁদে  
ফেলে তার নাক ফুঁড়তে পারে?

**41** “তুমি কি বড়শি দিয়ে লিবিয়াথনকে টেনে তুলতে পারো বা দড়ি  
দিয়ে তার জিভ বাঁধতে পারো? 2 তুমি তার নাকে কি দড়ি পরাতে  
পারো বা বড়শি দিয়ে তার চোয়াল বিঁধতে পারো? 3 সে কি তোমার  
কাছে অনবরত দয়া ভিক্ষা করবে? সে কি কোমল স্বরে তোমার সঙ্গে  
কথা বলবে? 4 জীবনভোর তোমার দাসত্ব করার জন্য সে কি তোমার  
সঙ্গে চুক্তিবদ্ধ হবে? 5 তুমি কি পাখির মতো তাকে পোষ মানাবে

বা তোমার বাড়ির যুবতীদের জন্য তাকে শিকলে বেঁধে রাখবে? 6  
ব্যবসায়ীরা কি তাকে নিয়ে ব্যবসা করবে? তারা কি সওদাগরদের  
মধ্যে তাকে ভাগ করে দেবে? 7 তুমি কি হারপুন দিয়ে তার চামড়া  
বা মাছ ধরার বর্ণা দিয়ে তার মাথা বিঁধতে পারো? 8 তুমি যদি তার  
গায়ে হাত দাও, তবে সেই সংগ্রাম তোমার মনে থাকবে ও তুমি আর  
কখনও তা করবে না! 9 তাকে বশে আনার যে কোনো আশা মিথ্যা;  
তাকে দেখামাত্রই মানুষ কাহিল হয়ে যায়। 10 কেউ সাহস করে তাকে  
জাগাতে যায় না। তবে আমার সামনে কে দাঁড়াতে পারবে? 11 কে  
দাবি করে বলতে পারে যে আমাকেই দিতে হবে? আকাশের নিচে যা  
যা আছে, সবই তো আমার। 12 “লিবিয়াথনের অঙ্গপ্রত্যঙ্গের বিষয়ে,  
তার শক্তি ও তার শ্রীমণ্ডিত গঠনের বিষয়ে আমি কথা না বলে থাকতে  
পারব না। 13 কে তার বাইরের আচ্ছাদন খুলে নিতে পারে? কে  
তার বর্মের জোড়া আচ্ছাদন ভেদ করতে পারে? 14 কে তার সেই  
মুখের দরজা খোলার সাহস করতে পারে, যা ভয়ংকর দাঁতের সারি  
দিয়ে সাজানো? 15 তার পিঠে সারি সারি ঢাল আছে যা একসাথে  
আঁটোসাঁটোভাবে বাঁধা থাকে; 16 প্রত্যেকটি ঢাল পরবর্তীটির সাথে  
এমন ঘনিষ্ঠভাবে যুক্ত যে মাঝাখান দিয়ে একটুও বাতাস বইতে পারে  
না। 17 সেগুলি পরস্পরের সঙ্গে অটলভাবে জুড়ে আছে; সেগুলি  
একসাথে আটকে আছে ও সেগুলি আলাদা করা যায় না। 18 সে  
হ্রেষ্ণাধনি করলে আলোর বলক বের হয়; তার চোখদুটি ভোরের  
আলোকরশ্মির মতো। 19 তার মুখ থেকে আগুনের শিখা প্রবাহিত হয়;  
সবেগে অগ্নিস্ফুলিঙ্গ নিক্ষিণ হয়। 20 তার নাক থেকে ধোঁয়া বের হয়  
যেভাবে ফুটন্ত পাত্র থেকে তা জ্বলন্ত নলখাগড়ায় ছড়িয়ে পড়ে। 21  
তার নিঃশ্বাসে কয়লা জ্বলে ওঠে, ও তার মুখ থেকে আগুনের শিখা  
উড়ে আসে। 22 তার ঘাড়ে শক্তির বাস; আতঙ্ক তার সামনে সামনে  
যায়। 23 তার শরীরের ভাঁজ আঁটোসাঁটোভাবে যুক্ত; সেগুলি মজবুত  
ও অনড়। 24 তার বুক পাষাণ-পাথরের মতো কঠিন, জাঁতার নিচের  
পাটের মতো নিরেট। 25 যখন সে জেগে ওঠে, তখন শক্তিমানেরাও  
ভয় পায়; তারা আতঙ্কিত হয়ে তার সামনে থেকে পশ্চাদপসরণ করে।

২৬ তার দিকে এগিয়ে আসা তরোয়াল কোনও প্রভাব বিস্তার করতে  
পারে না, বর্ষা বা বাণ বা বল্লমও করতে পারে না। ২৭ সে লোহাকে  
খড়ের মতো ও ব্রোঞ্জকে পচা কাঠের মতো মনে করে। ২৮ তির ছুঁড়ে  
তাকে তাড়ানো যায় না; গুল্তির নুড়ি-পাথর তার কাছে তুষের সমান।  
২৯ গদা তার কাছে নিছক এক টুকরো খড়মাত্র; বর্ষার ঝন্ঘনানিকে  
সে উপহাস করে। ৩০ তার বগলগুলি খাঁজকাটা খাপরাবিশেষ, শস্য  
ঝাড়ার হাতুড়ির মতো সে কাদায় লম্বা সারি টেনে দেয়। ৩১ অগাধ  
জলকে সে ফুটন্ত কড়ায় রাখা জলের মতো মন্থন করে ও এক পাত্রে  
রাখা মলমের মতো করে সমুদ্রকে নাড়ায়। ৩২ সে তার পিছনে এক  
ঝুঁঝুকে ছাপ ছেড়ে যায়; যে কেউ দেখে ভাববে যে অগাধ সমুদ্রের  
বুবি পাকা চুল আছে। ৩৩ প্রথিবীর কোনো কিছুই তার সমতুল্য নয়—  
সে এক নিভীক প্রাণী। ৩৪ সব উদ্বিগ্ন প্রাণীকে সে অবজ্ঞার চোখে  
দেখে; সব অহংকারী প্রাণীর উপরে সে রাজত্ব করে।”

**৪২** পরে ইয়োব সদাপ্রভুকে উত্তর দিলেন: ২ “আমি জানি যে তুমি  
সবকিছু করতে পার; তোমার কোনও অভিষ্ঠ খর্ব করা যায় না। ৩  
তুমি জিজ্ঞাসা করলে, ‘এ কে যে জ্ঞান ছাড়াই আমার পরিকল্পনাগুলি  
ম্লান করে দিচ্ছে?’ নিশ্চয় আমি যা বুবিনি, আমার জানার পক্ষে যা  
খুবই অদ্ভুত, তাই বলেছি। ৪ “তুমি বললে, ‘এখন শোনো, আমি  
কথা বলব; আমি তোমাকে প্রশ্ন করব, ও তুমি আমাকে উত্তর দেবে।’  
৫ তোমার কথা আমি কানে শুনেছিলাম কিন্তু এখন আমি স্বচক্ষে  
তোমাকে দেখলাম। ৬ তাই নিজেকে আমি ঘৃণা করছি এবং ধুলোয় ও  
ছাইভস্মে বসে অনুত্তাপ করছি।” ৭ ইয়োবকে এসব কথা বলার পর,  
সদাপ্রভু তৈমনীয় ইলীফসকে বললেন, “তোমার উপরে এবং তোমার  
দুই বন্ধুর উপরে আমি ক্রুদ্ধ হয়েছি, কারণ আমার দাস ইয়োবের  
মতো তোমরা আমার সম্পর্কে সত্যিকথা বলোনি। ৮ অতএব এখন  
তোমরা সাতটি বলদ ও সাতটি মেষ নিয়ে আমার দাস ইয়োবের  
কাছে যাও এবং নিজেদের জন্য হোমবলি উৎসর্গ করো। আমার দাস  
ইয়োব তোমাদের জন্য প্রার্থনা করবে, ও আমি তার প্রার্থনা স্বীকার  
করব এবং তোমাদের মূর্খতা অনুসারে তোমাদের প্রতি আচরণ করব

না। আমার দাস ইয়োবের মতো তোমরা আমার সম্পর্কে সত্যিকথা  
বলোনি।” 9 তাই তৈমনীয় ইলীফস, শূহীয় বিল্দদ এবং নামাথীয়  
সোফর তাই করলেন, যা সদাপ্রভু তাদের করার আদেশ দিয়েছিলেন;  
এবং সদাপ্রভু ইয়োবের প্রার্থনা স্বীকার করলেন। 10 ইয়োব তাঁর  
বন্ধুদের জন্য প্রার্থনা করার পর, সদাপ্রভু তাঁর অবস্থা ফিরিয়ে দিলেন  
এবং আগে তাঁর যে পরিমাণ ধনসম্পত্তি ছিল, তাঁকে তার দ্বিগুণ সম্পত্তি  
দিলেন। 11 ইয়োবের সব ভাইবোন এবং পূর্বপরিচিত সবাই তাঁর  
বাড়িতে এসে তাঁর সঙ্গে খাওয়াদাওয়া করলেন। সদাপ্রভু তাঁর জীবনে  
যেসব দুঃখদুর্দশা এনেছিলেন সেগুলির বিষয়ে তারা তাঁকে সান্ত্বনা  
দিলেন ও সহানুভূতি জানালেন, এবং তারা প্রত্যেকে তাঁকে একটি  
করে রংপোর টুকরো ও সোনার আংটি দিলেন। 12 সদাপ্রভু ইয়োবের  
জীবনের প্রথম অবস্থার চেয়ে শেষ অবস্থাকে আরও বেশি আশীর্বাদযুক্ত  
করলেন। ইয়োব 14,000 মেষ, 6,000 উট, 1,000 জোড়া বলদ  
এবং 1,000 গাধির মালিক হলেন। 13 তার আরও সাত ছেলে ও  
তিনি মেয়ে জন্মাল। 14 তিনি তার প্রথম মেয়ের নাম দিলেন যিমীমা,  
দ্বিতীয়জনের নাম দিলেন কৎসীয়া এবং তৃতীয় জনের নাম দিলেন  
কেরণহষ্ঠুক। 15 সারা দেশে কোথাও ইয়োবের মেয়েদের মতো সুন্দরী  
মেয়ে খুঁজে পাওয়া যেত না, এবং তাদের বাবা তাদের দাদাদের  
সঙ্গে তাদেরও উত্তরাধিকার দিলেন। 16 এরপর, ইয়োব আরও 140  
বছর বেঁচেছিলেন; চার পুরুষ পর্যন্ত তিনি তাঁর সন্তানদের ও তাদের  
সন্তানদেরও দেখলেন। 17 এইভাবে ইয়োব বৃদ্ধ ও পূর্ণায় মানুষরূপে  
মারা গেলেন।

## গীতসংহিতা

**১** ধন্য সেই ব্যক্তি যে দুষ্টদের মন্ত্রণায় চলে না পাপীদের পথে দাঁড়ায় না, নিন্দুকদের আসরে বসে না, ২ কিন্তু সদাপ্রভুর বিধানে আমোদ করে, তাঁর বিধান দিনরাত ধ্যান করে। ৩ সেই ব্যক্তি জলস্ন্মোত্তের তীরে লাগানো গাছের মতো, যা যথাসময়ে ফল দেয়, এবং যার পাতা শুকিয়ে যায় না, সে যা কিছু করে তাতে উন্নতি লাভ করে। ৪ কিন্তু দুষ্টরা সেরকম নয়! তারা তুষের মতো যা বাতাস উড়িয়ে নিয়ে যায়। ৫ তাই বিচারদিনে দুষ্টরা দাঁড়াতে পারবে না, পাপীরাও ধার্মিকদের সমাবেশে স্থান পাবে না। ৬ সদাপ্রভু ধার্মিকদের পথে দৃষ্টি রাখেন, কিন্তু দুষ্টদের সকল পথ ধ্বংসের দিকে যায়।

**২** কেন জাতিরা চক্রান্ত করে আর লোকেরা কেন বৃথাই সংকল্প করে? ২ পৃথিবীর রাজারা উদিত হয় এবং শাসকেরা সংঘবন্ধ হয় সদাপ্রভুর বিরুদ্ধে ও তাঁর অভিষিক্ত ব্যক্তির বিরুদ্ধে, এই বলে, ৩ “এসো আমরা তাদের শিকল ভেঙে ফেলি ও তাদের হাতকড়া ফেলে দিই।” ৪ যিনি স্বর্গের সিংহাসনে উপবিষ্ট তিনি হাসেন; প্রভু তাদের প্রতি বিদ্রূপ করেন। ৫ রাগে তিনি তাদের তিরক্ষার করেন ও তাঁর ক্রোধে তিনি তাদের আতঙ্কিত করেন। ৬ কারণ প্রভু ঘোষণা করেন, “আমার পবিত্র সিয়োন পর্বতে আমি আমার রাজাকে প্রতিষ্ঠিত করেছি।” ৭ আমি সদাপ্রভুর আদেশ ঘোষণা করব: তিনি আমায় বললেন, “তুমি আমার পুত্র; আজ আমি তোমার পিতা হয়েছি। ৮ আমাকে জিজ্ঞাসা করো, আর আমি জাতিদের তোমার অধিকার করব, পৃথিবীর শেষ প্রান্ত তোমার অধীনস্থ হবে। ৯ তুমি তাদের লোহার দণ্ড দিয়ে চূর্ণ করবে, মাটির পাত্রের মতো তুমি তাদের ভেঙে টুকরো করবে।” ১০ অতএব, হে রাজারা, তোমরা বিচক্ষণ হও; হে পৃথিবীর শাসকবর্গ, সাবধান হও। ১১ সম্মে সদাপ্রভুর আরাধনা করো আর কম্পিত হৃদয়ে তাঁর শাসন উদ্যাপন করো। ১২ তাঁর পুত্রকে চুম্বন করো, নতুবা তিনি ক্রুদ্ধ হবেন এবং তোমার পথ তোমাকে ধ্বংসের দিকে নিয়ে যাবে, কারণ তাঁর ক্রোধ মুহূর্তে জ্বলে উঠতে পারে। ধন্য তারা, যারা তাঁর শরণাপন।

**৩** দাউদের গীত। যখন তিনি তাঁর ছেলে অবশ্যালোম্বের হাত থেকে  
পালিয়েছিলেন। হে সদাপ্রভু, আমার শক্র কতজন! কতজন আমার  
বিরণ্দে দাঁড়াচ্ছে! ২ অনেকে আমার স্বন্ধে বলছে, “ঈশ্বর তাকে উদ্বার  
করবেন না।” ৩ কিন্তু, হে সদাপ্রভু, তুমি আমার চারপাশের ঢাল,  
আমার গৌরব, তিনি আমার মাথা উঁচু করেন। ৪ আমি স্বরবে সদাপ্রভুর  
কাছে বিনতি করি, আর তিনি তাঁর পবিত্র পর্বত থেকে আমাকে উত্তর  
দেন। ৫ আমি শুয়ে থাকি এবং ঘুমিয়ে পড়ি; আমি আবার জেগে উঠি,  
কারণ সদাপ্রভু আমায় ধারণ করেন। ৬ যে শত সহস্র লোক আমাকে  
চতুর্দিকে ঘিরে রেখেছে আমি তাদের ভয় করব না। ৭ হে সদাপ্রভু,  
জেগে ওঠো! আমার ঈশ্বর, আমাকে উদ্বার করো! আমার সব শক্রর  
মুখে আঘাত করো; দুষ্টদের দাঁত ভেঙে দাও। ৮ সদাপ্রভুর কাছ থেকে  
পরিদ্রাণ আসে। তোমার আশীর্বাদ তোমার লোকেদের উপর বর্তাক।

**৪** দাউদের গীত। প্রধান পরিচালকের জন্য। তারের যন্ত্র। হে আমার  
ধার্মিক ঈশ্বর, আমি ডাকলে আমাকে উত্তর দিয়ো। সংকটে আমায়  
অব্যাহতি দিয়ো; আমার প্রতি দয়া করো ও আমার প্রার্থনা শোনো। ২  
হে মানুষেরা, কত কাল আমার সম্মান অপমানে পরিণত করবে? আর  
কত কাল তোমরা অলীকতা ভালোবাসবে ও ভুয়ো দেবতার সন্ধান  
করবে ৩ জানো যে সদাপ্রভু তাঁর বিশ্বস্ত ভক্তদের নিজের জন্য পৃথক  
করে রেখেছেন; আমি ডাকলেই সদাপ্রভু আমার কথা শোনেন। ৪  
কম্পিত হও কিন্তু পাপ কোরো না; যখন নিজের বিছানায় শুয়ে থাকো,  
নিজের হৃদয় অনুসন্ধান করো ও নীরব থাকো। ৫ ধার্মিকতার বলি  
উৎসর্গ করো এবং সদাপ্রভুতে বিশ্বাস করো। ৬ সদাপ্রভু, অনেকে  
প্রশ্ন করছে, “কে আমাদের উন্নতি ঘটাবে?” তোমার মুখের জ্যোতি  
আমাদের উপর উজ্জ্বল হোক। ৭ তাদের ফসল ও নতুন দ্রাক্ষারসের  
প্রাচুর্য থেকেও তুমি আমার হৃদয় আনন্দে পূর্ণ করেছ। ৮ শান্তিতে  
আমি শুয়ে থাকব ও ঘুমাব, কারণ একমাত্র তুমিই, হে সদাপ্রভু, আমায়  
নিরাপদে বসবাস করতে দিয়েছ।

**৫** সংগীত পরিচালকের জন্য। বাঁশি সহযোগে দাউদের গীত। হে  
সদাপ্রভু, আমার কথা শোনো, আমার বিলাপে কর্ণপাত করো। ২

আমার সাহায্যের আর্তনাদ শোনো, হে আমার রাজা আমার ঈশ্বর,  
 তোমার কাছেই আমি প্রার্থনা করি। ৩ সকালে, হে সদাপ্রভু, তুমি  
 আমার কঠস্বর শোনো; সকালে আমার প্রার্থনা আমি তোমার সামনে  
 রাখি এবং আগ্রহভরে অপেক্ষা করি। ৪ কারণ তুমি এমন ঈশ্বর নও  
 যিনি দুষ্টতায় সন্তুষ্ট হন; কারণ তুমি দুষ্টদের পাপ সহ্য করতে পারো  
 না। ৫ দাস্তিকেরা তোমার সামনে দাঁড়াতে পারে না। যারা অধর্ম করে  
 তাদের তুমি ঘৃণা করো; ৬ মিথ্যাবাদীদের তুমি ধ্বংস করো। যারা  
 রক্তপিপাসু ও ছলনাকারী তুমি, হে সদাপ্রভু, তাদের ঘৃণা করো। ৭  
 কিন্তু আমি, তোমার মহান প্রেমের গুণে, তোমার ভবনে প্রবেশ করতে  
 পারি; তোমার পবিত্র মন্দিরের সামনে শ্রদ্ধায় আমি নত হই। ৮ হে  
 সদাপ্রভু, তোমার ধার্মিকতায় আমাকে চালনা করো, নতুবা আমার  
 শক্রগণ আমার উপরে জয়লাভ করবে। তোমার পথ আমার সামনে  
 সরল করো যেন অনুসরণ করতে পারি। ৯ তাদের মুখের কোনও  
 কথাই বিশ্বাসযোগ্য নয়; হিংসায় ওদের অন্তর পূর্ণ। তাদের কঠ  
 অনাবৃত সমাধির মতো, তারা জিভ দিয়ে মিথ্যা কথা বলে। ১০ হে  
 ঈশ্বর, তুমি ওদের অপরাধী ঘোষণা করো! ওদের চক্রান্ত ওদের পতন  
 ডেকে আনুক। ওদের পাপের জন্য ওদের বিতাড়িত করো, কারণ  
 ওরা তোমার বিরুদ্ধে বিদ্রোহ করেছে। ১১ কিন্তু যারা তোমাতে আশ্রয়  
 নেয় তারা আনন্দ করুক; তারা চিরকাল আনন্দগান করুক। তোমার  
 সুরক্ষা তাদের উপর বিছিয়ে দাও, যেন যারা তোমার নাম ভালোবাসে,  
 তারা তোমাতে উল্লাস করে। ১২ নিশ্চয়, হে সদাপ্রভু, তুমি ধার্মিকদের  
 আশীর্বাদ করো; সুরক্ষা ঢালের মতো তোমার অনুগ্রহ দিয়ে তাদের  
 ঘিরে রাখো।

**৬** সংগীত পরিচালকের জন্য। আট-তারের যন্ত্র সহযোগে। শ্রমীনীৎ  
 অনুসারে। দাউদের গীত। হে সদাপ্রভু, রাগে আমায় তিরক্ষার কোরো  
 না তোমার ক্রোধে আমায় শাসন কোরো না। ২ আমার প্রতি দয়া করো,  
 হে সদাপ্রভু, কারণ আমি দুর্বল; আমায় সুস্থ করো, হে সদাপ্রভু, কারণ  
 আমার হাড়গোড় ব্যথায় পূর্ণ। ৩ আমার প্রাণ গভীর বেদনায় পূর্ণ,  
 কত কাল, হে সদাপ্রভু, আর কত কাল? ৪ হে সদাপ্রভু, আমার দিকে

দেখো, ও আমায় রক্ষা করো; তোমার অবিচল প্রেমের গুণে আমায়  
রক্ষা করো। 5 মৃতদের মধ্যে কেউ তোমাকে স্মরণ করে না। পাতাল  
থেকে কে তোমার প্রশংসা করে? (Sheol h7585) 6 আমি আর্তনাদ করে  
ক্লান্ত হয়ে পড়েছি। সারারাত ধরে কেঁদে আমি বিছানা ভিজিয়েছি এবং  
চোখের জলে আমার খাট ভিজিয়েছি। 7 গভীর দৃঢ়ে আমার দৃষ্টি  
দুর্বল হয়; আমার সব শক্রদের নির্যাতনে চোখ জীর্ণ হয়। 8 তোমরা  
সবাই যারা অধর্ম করো, আমার কাছ থেকে দূর হও, কারণ সদাপ্রভু  
আমার কান্না শুনেছেন। 9 সদাপ্রভু আমার বিনতি শুনেছেন; সদাপ্রভু  
আমার প্রার্থনা গ্রহণ করেন। 10 আমার সব শক্র লজ্জিত ও বিহুল  
হবে; তারা পিছু ফিরবে এবং হঠাত লজ্জিত হবে।

7 দাউদের শিগায়োন, যা তিনি বিন্যামীন বংশধর কৃশের সম্বন্ধে  
সদাপ্রভুর প্রতি রচনা করেছিলেন। হে সদাপ্রভু, আমার ঈশ্বর, আমি  
তোমাতে শরণ নিই; যারা আমার পিছু নেয় তাদের হাত থেকে আমায়  
রক্ষা করো ও উদ্বার করো, 2 নতুবা তারা সিংহের মতো আমাকে  
ছিঁড়ে ফেলবে আর খণ্ডিখণ্ড করবে এবং আমাকে উদ্বার করার মতো  
কেউ থাকবে না। 3 হে সদাপ্রভু, আমার ঈশ্বর, যদি আমি অন্যায়  
কাজ করেছি ও আমার হাতে অপরাধ আছে, 4 যদি আমি বন্ধুর প্রতি  
বিশ্বাসঘাতকতা করেছি যদি অকারণে আমার শক্রকে লুট করেছি;  
5 তবে আমার শক্র আমাকে তাড়া করে বন্দি করব; আমার প্রাণ  
মাটিতে পদদলিত করব; এবং আমার সম্মান ধুলোয় মিশিয়ে দিক।  
6 হে সদাপ্রভু, তুমি ক্রোধে জেগে ওঠো; আমার শক্রদের কোপের  
বিরুদ্ধে জেগে ওঠো। হে ঈশ্বর, তুমি জাগো, তোমার ন্যায়বিচার  
প্রতিষ্ঠা করো। 7 তোমার চারপাশে জাতিরা সমবেত হোক, উর্ধলোক  
থেকে তুমি তাদের শাসন করো। 8 সদাপ্রভু সব মানুষের বিচার  
করব; আমার ধার্মিকতা অনুযায়ী, হে সদাপ্রভু, আমার সততার বলে,  
হে পরাম্পর, আমাকে নির্দোষ মান্য করো। 9 দুষ্টদের অত্যাচার তুমি  
বন্ধ করো এবং ধার্মিকদের সুরক্ষিত করো তুমি, হে ন্যায়পরায়ণ ঈশ্বর,  
সকলের হৃদয় ও মন অনুসন্ধান করো। 10 পরাম্পর ঈশ্বর আমার ঢাল,  
যিনি ন্যায়পরায়ণদের রক্ষা করেন। 11 ঈশ্বর ন্যায়পরায়ণ বিচারক,

এমন স্টশ্বর যিনি প্রতিনিয়ত তাঁর ক্ষেত্র প্রকাশ করেন। 12 যদি সে  
ক্ষান্ত না হয়, তিনি তাঁর তরোয়ালে ধার দেবেন; ধনুক প্রস্তুত করবেন  
ও তির লাগাবেন। 13 তিনি তাঁর ভয়ংকর অস্ত্র প্রস্তুত করেছেন; তিনি  
তাঁর জুলন্ত তির প্রস্তুত করেন। 14 যে ব্যক্তি গর্তে অধর্ম ধারণ করে  
সে বিনাশের পরিকল্পনায় পূর্ণগর্ভ হয় ও মিথ্যার জন্ম দেয়। 15  
যে অন্যদের ফাঁদে ফেলার জন্য গর্ত করে, সে নিজের তৈরি গর্তেই  
পতিত হয়। 16 তারা যে সমস্যা সৃষ্টি করে তা তাদের উপর ফিরে  
আসে; তাদের অত্যাচার তাদের মাথার উপরেই ফিরে আসে। 17  
আমি সদাপ্রভুকে তাঁর ধার্মিকতার জন্য ধন্যবাদ দেব; আমি সদাপ্রভু  
পরাংপরের নামের স্তুতিগান করব।

**8** সংগীত পরিচালকের উদ্দেশ্যে। স্বর, গিতীৎ। দাউদের গীত। হে  
সদাপ্রভু, আমার প্রভু, সমস্ত পৃথিবীতে তোমার নাম মহিমান্বিত! তুমি  
আকাশমণ্ডলের উর্ধ্বে তোমার মহিমা স্থাপন করেছ! 2 তোমার শক্তি ও  
বিপক্ষদের স্তুতি করার উদ্দেশ্যে, তুমি ছেলেমেয়েদের ও শিশুদের  
মাধ্যমে, তোমার শক্তিদের বিরাঙ্গনে দুর্গ স্থাপন করেছ। 3 যখন আমি  
তোমার আকাশমণ্ডল পর্যবেক্ষণ করি, তোমার হাতের কাজ, চাঁদ ও  
তারার দিকে দেখি যা তুমি নিজস্ব স্থানে রেখেছ, 4 মানবজাতি কি যে,  
তাদের কথা তুমি চিন্তা করো? মানুষ কি যে, তার তুমি যত্ন করো? 5  
তুমি তাদের স্বর্গদূতদের চেয়ে সামান্য ছোটো করেছ এবং তাদের  
গৌরব ও সম্মানের মুকুটে ভূষিত করেছ। 6 তোমার হাতের সকল  
সৃষ্টির উপর তাদের কর্তৃত্ব দিয়েছ; এসব কিছু তাদের পায়ের নিচে  
রেখেছ: 7 সব মেষপাল ও গোপাল, ও যত বন্যপশু; 8 আকাশের  
যত পাখি, সমুদ্রের যত মাছ, যা সমুদ্র প্রবাহে সাঁতার কাটে। 9 হে  
সদাপ্রভু, আমাদের প্রভু, সমস্ত পৃথিবীতে তোমার নাম মহিমান্বিত!

**9** প্রধান সংগীত পরিচালকের জন্য। সুর: “পুত্রের মৃত্যু” দাউদের  
গীত। আমার সমস্ত অস্তর দিয়ে, হে সদাপ্রভু, আমি তোমার স্তব  
করব; আমি তোমার আশ্চর্য কাজসকল ঘোষণা করব। 2 আমি আনন্দ  
করব ও তোমাতে উল্লাস করব; হে পরাংপর, আমি তোমার নামের  
প্রশংসাগান করব। 3 আমার শক্তির পরাজয়ে ফিরে যায়; তোমার

সামনে তারা হোঁচ্ট খায় ও বিনষ্ট হয়। 4 কারণ তুমি আমার অধিকার  
ও বিচার নিষ্পত্তি করেছ, সিংহাসনে বসে তুমি ন্যায়বিচার করেছ। 5  
জাতিদের তুমি তিরক্ষার করেছ ও দুষ্টদের বিনষ্ট করেছ; তুমি তাদের  
নাম চিরতরে নিশ্চিহ্ন করেছ। 6 অন্তহীন ধ্বংস আমার শক্রদের উপরে  
এসেছে, তুমি তাদের নগর ধূলিসাং করেছ; এমনকি তাদের সমস্ত  
সৃতিও মুছে ফেলেছ। 7 সদাপ্রভু যুগে যুগে শাসন করেন; তিনি বিচার  
করার জন্য তাঁর সিংহাসন প্রতিষ্ঠা করেছেন। 8 ধার্মিকতায় তিনি  
জগৎ শাসন করেন এবং মানুষের ন্যায়বিচার করেন। 9 সদাপ্রভু  
পীড়িতদের আশ্রয়, সংকটকালে তিনি নিরাপদ আশ্রয় দুর্গ। 10 যারা  
তোমার নাম জানে তারা তোমাতেই আস্থা রাখে, কারণ, হে সদাপ্রভু,  
যারা তোমার অন্বেষণ করে, তাদের তুমি কখনও পরিত্যাগ করোনি।  
11 সিয়োন পর্বতে অধিষ্ঠিত সদাপ্রভুর প্রশংসা করো, সকল জাতির  
মাঝে তাঁর কাজসকল ঘোষণা করো। 12 কারণ যিনি হত্যার প্রতিশোধ  
নেন, তিনি মনে রাখেন, তিনি পীড়িতদের আর্তনাদ অবহেলা করেন  
না। 13 দেখো, হে সদাপ্রভু, আমার শক্ররা কেমন আমাকে অত্যাচার  
করে! আমাকে দয়া করো ও মৃত্যুর দ্বার থেকে আমাকে উত্তোলন  
করো, 14 যেন সিয়োন-কন্যার দুয়ারে আমি তোমার প্রশংসা ঘোষণা  
করতে পারি, এবং সেখানে তোমার পরিত্রাণে উল্লাস করতে পারি। 15  
জাতিরা নিজেদের তৈরি গর্তে নিজেরাই পড়েছে; নিজেদের ছড়ানো  
গোপন জালে তাদের পা আটকে গেছে। 16 সদাপ্রভু ন্যায়বিচার স্থাপন  
করতে খ্যাত; দুষ্টরা নিজেদের কাজের ফাঁদে ধরা পড়েছে। 17 দুষ্টরা  
পাতালের গর্ভে যায়, যেসব জাতি ঈশ্বরকে ভুলেছে তারাও যায়। (Sheol  
h7585) 18 কিন্তু, ঈশ্বর দরিদ্রদের কখনও ভুলবেন না; পীড়িতদের  
আশা কখনও বিফল হবে না। 19 জাগ্রত হও, হে সদাপ্রভু, মর্ত্য যেন  
বিজয়ী না হয়; তোমার সামনে সমস্ত জাতিদের বিচার হোক। 20 হে  
সদাপ্রভু, ভয়ে তাদের কম্পিত করো; সমস্ত লোক জানুক যে তারা  
কেবল মরণশীল।

**10** হে সদাপ্রভু, কেন তুমি দূরে আছ? সংকটকালে কেন তুমি  
নিজেকে লুকিয়ে রাখো? 2 অহংকারে দুষ্ট ব্যক্তি দুর্বলকে শিকার করে,

নিজের ছলনার জালে সে নিজেই ধরা পরে। ৩ সে নিজের অন্যায় মনোবাসনার গর্ব করে; লোভীকে প্রশংসা করে, কিন্তু সদাপ্রভুকে অপমান করে। ৪ অহংকারে দুষ্ট ব্যক্তি ঈশ্বরের অনুসন্ধান করে না; তার সব চিন্তায় ঈশ্বরের কোনও স্থান নেই। ৫ তার পথ সর্বদা সফল হয়; সে তোমার বিধান অবজ্ঞা করে; সে তার সব শক্তিকে ব্যঙ্গ করে। ৬ সে মনে মনে বলে, “আমাকে কোনও কিছুই বিচলিত করবে না।” ৭ তার মুখ মিথ্যা ও হৃষিকিতে পূর্ণ; উপদ্রব ও অন্যায় তার জিভে লেগে রয়েছে। ৮ সে গ্রামের অদ্বৈত লুকিয়ে অপেক্ষা করে; আড়াল থেকে নির্দোষকে হত্যা করে। গোপনে তার চোখ অসহায়দের অনুসন্ধান করে; ৯ সিংহ যেমন গুহায়, সে তেমন গোপনে ওৎ পেতে থাকে, অসহায়কে ধরবে বলে ওৎ পেতে থাকে; সে অসহায়কে ধরে তাকে টেনে নিজের জালে নিয়ে যায়। ১০ সে নির্দোষদের চূর্ণ করে, আর তারা পতিত হয়; সেই ব্যক্তির শক্তিতে তারা ধরাশায়ী হয়। ১১ সে মনে মনে বলে, “ঈশ্বর কখনও লক্ষ্য করবেন না; তিনি মুখ ঢেকে থাকেন ও কখনও দেখেন না।” ১২ হে সদাপ্রভু, জাগ্রত হও, হে ঈশ্বর, তোমার হাত তোলো। অসহায়কে ভুলে যেয়ো না। ১৩ দুষ্ট ব্যক্তি কেন ঈশ্বরের অপমান করে? কেন সে মনে মনে বলে, “তিনি আমার হিসেব চাইবেন না?” ১৪ কিন্তু তুমি, হে ঈশ্বর, পীড়িতদের কষ্ট সবই দেখো; তুমি তাদের দুর্দশা দেখো ও নিজের হাতে তার প্রতিকার করো। অসহায় মানুষ তোমারই শরণ নেয়; তুমই অনাথের আশ্রয়। ১৫ দুষ্টলোকের হাত ভেঙে দাও; অনিষ্টকারীদের কাছে তাদের কাজের হিসেব চাও যতক্ষণ তার লেশমাত্র অবশিষ্ট না থাকে। ১৬ সদাপ্রভু নিত্যকালের রাজা; অধাৰ্মিক জাতিরা তাঁর দেশ থেকে বিনষ্ট হবে। ১৭ হে সদাপ্রভু, তুমি পীড়িতদের মনোবাসনার কথা শোনো; তুমি তাদের উৎসাহিত করো এবং তাদের কাতর প্রার্থনা শোনো। ১৮ তুমি অনাথ ও পীড়িতদের প্রতি ন্যায়বিচার করবে, যেন সামান্য মানুষ আর কোনোদিন আঘাত না করতে পারে।

**11** সংগীত পরিচালকের জন্য। দাউদের গীত। আমি সদাপ্রভুতে  
শরণ নিয়েছি। তুমি কেমন করে আমায় বলো: “পাখির মতো তোমার  
পাহাড়ের দিকে উড়ে যাও। 2 কারণ দেখো, ন্যায়পরায়ণদের হৃদয়  
বিন্দু করার জন্য ছায়া থেকে তির নিষ্কেপ করতে তারা ধনুকের দড়িতে  
তির লাগিয়েছে দুষ্টরা তাদের ধনুকে গুণ পরিয়েছে। 3 যখন ভিত্তিপ্রস্তর  
ধ্বংস হচ্ছে, তখন ধার্মিকেরা কী করতে পারে?” 4 সদাপ্রভু তাঁর  
পবিত্র মন্দিরে আছেন; সদাপ্রভু স্বর্গের সিংহাসনে অধিষ্ঠিত। তিনি  
পৃথিবীর সকলকে নিরীক্ষণ করেন; তাঁর দৃষ্টি তাদের পরীক্ষা করে।  
5 সদাপ্রভু ধার্মিকদের পরীক্ষা করেন, কিন্তু যারা দুষ্ট, যারা হিংসা  
ভালোবাসে, তাদের তিনি হৃদয় দিয়ে ঘৃণা করেন। 6 দুষ্টদের উপর  
তিনি ঝলন্ত কয়লা আর গন্ধক বর্ষণ করবেন; উত্পন্ন বায়ু দিয়ে তাদের  
শাস্তি দেবেন। 7 কারণ সদাপ্রভু ধার্মিক, তিনি ন্যায় ভালোবাসেন;  
ন্যায়পরায়ণ লোক তাঁর মুখদর্শন করবে।

**12** প্রধান সংগীত পরিচালকের জন্য। শয়ীনীৎ অনুসারে। দাউদের  
গীত। হে সদাপ্রভু, সাহায্য করো, কারণ কেউ আর বিশ্বস্ত নয়; যারা  
অনুগত তারা মানুষের মধ্য থেকে হারিয়ে গেছে। 2 সবাই প্রতিবেশীদের  
কাছে মিথ্যা কথা বলে; তাদের মুখ দিয়ে তারা তোষামোদ করে কিন্তু  
হৃদয়ে প্রতারণা ধারণ করে। 3 সদাপ্রভু সব তোষামোদকারীর মুখ  
নীরব করেন এবং সব অহংকারী জিভ— 4 যারা বলে, “আমাদের জিভ  
দিয়েই আমাদের জয় হবে; আমাদের মুখ আমাদের রক্ষা করবে—কে  
আমাদের উপর প্রভু হবে?” 5 “দীনহীনদের লুটপাট করা হচ্ছে ও  
দরিদ্ররা আর্তনাদ করছে, সেই কারণে আমি এবার জাগ্রত হব,”  
সদাপ্রভু বলেন। “অনিষ্টকারীদের হাত থেকে আমি তাদের রক্ষা  
করব।” 6 ধাতু গলাবার পাত্রে পরিষ্কৃত রূপোর মতো, সাতবার  
শোধিত সোনার মতো, সদাপ্রভুর বাক্যসকল নিখুঁত। 7 হে সদাপ্রভু,  
তুমি দরিদ্রদের নিরাপদে রাখবে এবং দুষ্টদের হাত থেকে চিরকাল  
আমাদের রক্ষা করবে, 8 যদিও দুষ্টরা অবাধে ঘুরে বেড়ায় এবং  
মানবজাতির মধ্যে অধর্মের প্রশংসা করা হয়।

**13** প্রধান সংগীত পরিচালকের জন্য। দাউদের গীত। আর কত কাল,  
হে সদাপ্রভু? তুমি কি চিরকাল আমাকে ভুলে থাকবে? আর কত কাল  
তুমি তোমার মুখ আমার কাছ থেকে লুকিয়ে রাখবে? 2 আর কত কাল  
আমি আমার ভাবনার সঙ্গে যুদ্ধ করব এবং দিনের পর দিন আমার  
হস্তয়ে দুঃখ রইবে? আর কত দিন আমার শক্তি আমার উপর বিজয়ী  
হবে? 3 আমার দিকে চেয়ে দেখো ও উত্তর দাও, হে সদাপ্রভু, আমার  
ঈশ্বর। আমার চোখে আলো দাও, নয়তো আমি মৃত্যুতে ঘুমিয়ে পড়ব,  
4 এবং আমার শক্তি বলবে, “আমি ওকে পরাজিত করেছি,” এবং আমার  
বিপক্ষেরা আমার পতনে উল্লাস করবে। 5 কিন্তু আমি তোমার অবিচল  
প্রেমে বিশ্বাস করি, আমার প্রাণ তোমার পরিত্রাণে উল্লাস করে। 6  
আমি সদাপ্রভুর প্রশংসা করব, কারণ তিনি আমার মঙ্গল করেছেন।

**14** সংগীত পরিচালকের জন্য। দাউদের গীত। মূর্খ নিজের হস্তয়ে  
বলে, “ঈশ্বর নেই।” তারা দুর্নীতিগ্রস্ত, তাদের কাজ অষ্ট; সৎকর্ম করে  
এমন কেউই নেই। 2 সদাপ্রভু স্বর্গ থেকে মানবজাতির দিকে চেয়ে  
দেখেন, তিনি দেখেন সুবিবেচক কেউ আছে কি না, ঈশ্বরের অন্বেষণ  
করে এমন কেউ আছে কি না! 3 সকলেই বিপথগামী হয়েছে, সকলেই  
দুর্নীতিগ্রস্ত হয়েছে; সৎকর্ম করে এমন কেউই নেই, একজনও নেই।  
4 এসব অনিষ্টকারীর কি কিছুই জ্ঞান নেই? তারা আমার ভক্তদের  
রূপ খাওয়ার মতো গ্রাস করে; সদাপ্রভুর কাছে তারা কখনও সাহায্য  
প্রার্থনা করে না। 5 নির্দারণ আতঙ্কে তারা বিহুল হয়েছে, কারণ  
ঈশ্বর ধার্মিকদের সভায় উপস্থিত থাকেন। 6 তোমরা অনিষ্টকারীরা  
অসহায়দের প্রচেষ্টা ব্যর্থ করো, কিন্তু সদাপ্রভু তাদের আশ্রয়। 7  
আহা, ইস্রায়েলের পরিত্রাণ আসবে সিয়োন থেকে! যখন সদাপ্রভু তাঁর  
ভক্তজনদের পুনরুদ্ধার করবেন, তখন যাকোব উল্লসিত হবে আর  
ইস্রায়েল আনন্দ করবে।

**15** দাউদের গীত। হে সদাপ্রভু, কে তোমার পবিত্র তাঁবুতে বসবাস  
করবে? তোমার পুণ্য পর্বতে কে বসবাস করবে? 2 সেই করবে যে  
আচরণে নির্দোষ, যে নিয়মিত সঠিক কাজ করে, যে অন্তর থেকে সত্য  
কথা বলে; 3 যার জিভ কোনও অপবাদ করে না, প্রতিবেশীর প্রতি

কোনও অন্যায় করে না, এবং আপরের কোনও নিম্না করে না; 4 যে  
দুষ্ট ব্যক্তিকে অবজ্ঞা করে কিন্তু তাদের শ্রদ্ধা করে যারা সদাপ্রভুকে  
সম্ম করে, লোকসান হলেও সে প্রতিশ্রুতি রক্ষা করে, এবং তার  
মন পরিবর্তন করে না; 5 যে বিনা সুদে দরিদ্রদের অর্থ ধার দেয়; যে  
নির্দোষের বিরুদ্ধে ঘুস নেয় না। যে এসব করে সে কখনোই বিচলিত  
হবে না।

**16** দাউদের মিকতাম। হে আমার ঈশ্বর, তুমি আমাকে নিরাপদে  
রাখো, কারণ আমি তোমাতেই আশ্রয় নিয়েছি। 2 আমি সদাপ্রভুকে  
বললাম, “তুমই আমার প্রভু; তুমি ছাড়া আমার কোনো মঙ্গল নেই।”  
3 জগতে যত পবিত্রজন আছেন তাঁদের সম্মতে আমি বলি, “তাঁরা  
বিশিষ্ট ব্যক্তিসকল, আর আমি তাঁদের নিয়ে আমোদ করি।” 4 যারা  
অন্য দেবতাদের পিছনে ছোটে তারা আরও বেশি কষ্ট পাবে; আমি  
সেই দেবতাদের উদ্দেশে রক্তের নৈবেদ্য উৎসর্গ করব না এমনকি  
তাদের নামও উচ্চারণ করব না। 5 হে সদাপ্রভু, একমাত্র তুমই  
আমার উত্তরাধিকার ও আশীর্বাদের পানপাত্র; তুমি আমার অধিকার  
সুরক্ষিত করেছ। 6 যে দেশ তুমি আমাকে দিয়েছ তা মনোরম দেশ;  
সত্যিই কত সুন্দর আমার উত্তরাধিকার। 7 আমি সদাপ্রভুর প্রশংসা  
করি, যিনি আমায় সুমন্ত্রণ দেন; রাত্রিতেও আমার হৃদয় আমায়  
উপদেশ দেয়। 8 আমি সর্বদা আমার চোখ সদাপ্রভুতে স্থির রাখি।  
তিনি আমার ডানপাশে আছেন, তাই আমি কখনও বিচলিত হব না। 9  
তাই আমার হৃদয় আনন্দিত এবং আমার জিভ উল্লাস করে; আমার  
দেহ নিরাপদে বিশ্রাম নেবে, 10 কারণ তুমি কখনও আমাকে পাতালের  
গর্ভে পরিত্যাগ করবে না, তুমি তোমার বিশ্বত্বের ক্ষয় দেখতে দেবে  
না। (Sheol h7585) 11 তুমি আমাকে জীবনের পথ দেখাও; তোমার  
সাম্মাধ্য আমাকে আনন্দ দিয়ে পূর্ণ করবে, তোমার ডান হাতে আছে  
অনন্ত সুখ।

**17** দাউদের প্রার্থনা। হে সদাপ্রভু, আমার প্রার্থনা শোনো, আমার  
আবেদন ন্যায়; আমার আর্তনাদ শোনো। আমার প্রার্থনা শোনো, যা  
চুলন্যায় মুখ থেকে নির্গত হয় না। 2 তুমি আমাকে নির্দোষ ঘোষণা

করো; যা সঠিক সেদিকে তোমার দৃষ্টি পড়ুক। ৩ যদিও তুমি আমার  
 অন্তর অনুসন্ধান করেছ, রাত্রে আমায় পরখ করেছ ও পরীক্ষা করেছ,  
 তুমি খুঁজে পাবে না যে আমি কোনও মন্দ সংকল্প করেছি; আমার মুখ  
 অপরাধ করেনি। ৪ যদিও লোকেরা আমাকে ঘুস দিতে চেয়েছিল,  
 তোমার মুখের বাক্য দিয়ে আমি নিজেকে অত্যাচারীদের পথ থেকে  
 দূরে রেখেছি। ৫ আমার পদক্ষেপ তোমার পথে স্থির রেখেছি, এবং  
 আমি হোঁচট খাইনি। ৬ আমি তোমাকে ডাকি, হে ঈশ্বর, কারণ তুমি  
 আমায় সাড়া দেবে; আমার দিকে কর্ণপাত করো ও আমার প্রার্থনা  
 শোনো। ৭ তোমার মহান প্রেমের আশ্রয় কাজগুলি আমাকে দেখাও,  
 যারা শক্তির কবল থেকে বাঁচতে তোমাতে আশ্রয় নেয় তুমি তোমার ডান  
 হাত দিয়ে তাদের উদ্ধার করো। ৮ আমাকে তোমার চোখের মণি করে  
 রাখো; তোমার ডানার ছায়ায় আমাকে লুকিয়ে রাখো। ৯ দুষ্ট ব্যক্তি  
 যারা আমাকে ধৰংস করতে চায় ও হত্যাকারী শক্তি যারা আমাকে ঘিরে  
 রেখেছে, তাদের হাত থেকে আমাকে রক্ষা করো। ১০ তারা তাদের  
 উদাসীন হৃদয় রূপ করে রেখেছে, এবং তাদের মুখ উদ্বিগ্নভাবে কথা  
 বলে। ১১ তারা আমার পথ অনুসরণ করেছে ও আমায় চতুর্দিকে ঘিরে  
 ফেলেছে; আমাকে ধরাশায়ী করার জন্য তাদের দৃষ্টি স্থির রেখেছে।  
 ১২ ওরা শিকারের জন্য ক্ষুধার্ত সিংহের মতো, হিংস্র সিংহের মতো  
 যারা আড়ালে ওৎ পেতে থাকে। ১৩ জেগে ওঠো, হে সদাপ্রভু, ওদের  
 মোকাবিলা করো, ওদের ধৰংস করো; তোমার তরোয়াল দিয়ে দুষ্টদের  
 কবল থেকে আমাকে রক্ষা করো। ১৪ হে সদাপ্রভু, তোমার হাতের  
 শক্তি দিয়ে ওইসব লোক থেকে আমাকে বাঁচাও, জাগতিক মানুষদের  
 থেকে, যাদের পুরক্ষার এই জগতেই। কিন্তু তোমার প্রিয়জনদের ক্ষুধা  
 তুমি মেটাও। তাদের সন্তানদের যেন প্রচুর থাকে, তাদের বংশধরদের  
 জন্য যেন অধিকারের অংশ থাকে। ১৫ কিন্তু আমি ধার্মিকতায় তোমার  
 মুখদর্শন করব; যখন আমি জেগে উঠব, আমি তোমার মুখদর্শন করব  
 আর সন্তুষ্ট হব।

**18** প্রধান সংগীত পরিচালকের জন্য। সদাপ্রভুর দাস দাউদের।  
 সদাপ্রভু যেদিন তাঁর দাস দাউদকে সমস্ত শক্তি এবং শৌলের হাত

থেকে উদ্বার করেছিলেন সেদিন দাউদ সদাপ্রভুর উদ্দেশে এই  
গীত গেয়েছিলেন। দাউদ বলেছিলেন: হে সদাপ্রভু, আমি তোমায়  
ভালোবাসি, তুমি আমার শক্তি। 2 সদাপ্রভু আমার শৈল, আমার  
উচ্চদুর্গ, আমার উদ্বারকর্তা; আমার ঈশ্বর আমার শৈল, আমি তাঁর  
শরণাগত, আমার ঢাল, আমার পরিত্রাণের শিং, আমার আশ্রয় দুর্গ। 3  
আমি সদাপ্রভুকে ডাকলাম, যিনি প্রশংসার যোগ্য, এবং আমি শক্তদের  
হাত থেকে উদ্বার পেয়েছি। 4 মৃত্যুর বাঁধন আমাকে আবদ্ধ করেছিল;  
ধ্বংসের স্ন্যাত আমাকে বিধ্বস্ত করেছিল। 5 পাতালের বাঁধন আমাকে  
জড়িয়ে ধরেছিল; মৃত্যুর ফাঁদ আমার সমৃথীন হয়েছিল। (Sheol h7585)

6 আমার সংকটে আমি সদাপ্রভুকে ডাকলাম; আমার ঈশ্বরের কাছে  
সাহায্যের জন্য কেঁদে উঠলাম। তাঁর মন্দির থেকে তিনি আমার গলার  
স্বর শুনলেন, আমার আর্তনাদ তাঁর সামনে এল, তাঁর কানে পৌঁছাল।  
7 তখন পৃথিবী টলে উঠল, কেঁপে উঠল, এবং পর্বতের ভিত নড়ে  
উঠল; কেঁপে উঠল তাঁর ক্রোধের কারণে। 8 তাঁর নাক থেকে ধোঁয়া  
উঠল; মুখ থেকে গ্রাসকারী আগুন বেরিয়ে এল, জ্বলন্ত কয়লা প্রজ্বলিত  
হল। 9 তিনি আকাশমণ্ডল ভেদ করলেন ও নেমে এলেন; তাঁর পায়ের  
তলায় অন্ধকার মেঘ ছিল। 10 করবের পিঠে চড়ে তিনি উড়ে গেলেন;  
বাতাসের ডানায় তিনি উড়ে এলেন। 11 তিনি অন্ধকারকে তাঁর আবরণ  
করলেন, তাঁর চারপাশের আচ্ছাদন করলেন; আকাশের অন্ধকারাচ্ছন্ন  
মেঘ চতুর্দিকে ঘিরে রাখল তাঁকে। 12 তাঁর উপস্থিতির উজ্জ্বলতা থেকে  
মেঘের ঘনঘটা সরে গেল, শিলাবৃষ্টি ও বজ্রবিদ্যুৎ নেমে এল। 13  
আকাশ থেকে সদাপ্রভু বজ্রনাদ করলেন; শিলাবৃষ্টি ও বজ্রবিদ্যুতের  
মাঝে প্রতিধ্বনিত হল পরাণপরের কর্তৃস্বর। 14 তিনি তাঁর তির ছুঁড়লেন  
ও শক্তদের ছ্রেভঙ্গ করে দিলেন, বজ্রবিদ্যুতের সাথে তাদের পর্যুদন্ত  
করলেন। 15 তোমার আদেশে, হে সদাপ্রভু, তোমার নাকের নিঃশ্বাসের  
বিস্ফোরণে, সাগরের তলদেশ উন্মুক্ত হল, আর পৃথিবীর ভিত্তিমূল  
অন্বর্ত হল। 16 তিনি আকাশ থেকে হাত বাড়ালেন ও আমাকে ধারণ  
করলেন; গভীর জলরাশি থেকে আমাকে টেনে তুললেন। 17 আমার  
শক্তিশালী শক্তির কবল থেকে তিনি আমাকে রক্ষা করলেন, যারা

আমাকে ঘূণা করত তাদের হাত থেকে, আর তারা আমার জন্য খুবই  
শক্তিশালী ছিল। 18 আমার বিপদের দিনে তারা আমার মোকাবিলা  
করেছিল, কিন্তু সদাপ্রভু আমার সহায় ছিলেন। 19 তিনি আমায় মুক্ত  
করে এক প্রশংস্ত স্থানে আনলেন, তিনি আমায় উদ্ধার করলেন, কারণ  
তিনি আমাতে সন্তুষ্ট ছিলেন। 20 আমার ধার্মিকতা অনুযায়ী সদাপ্রভু  
আমায় প্রতিফল দিলেন, আমার হাতের পরিচ্ছন্নতা অনুযায়ী আমাকে  
পুরস্কৃত করলেন। 21 কারণ আমি সদাপ্রভুর নির্দেশিত পথে চলেছি,  
আমার ঈশ্বরকে পরিত্যাগ করার অপরাধী আমি নই। 22 তাঁর সব  
বিধান আমার সামনে রয়েছে, তাঁর আদেশ থেকে আমি কখনও দূরে  
সরে যাইনি। 23 তাঁর সামনে আমি নিজেকে নির্দোষ রেখেছি আর  
পাপ থেকে নিজেকে সরিয়ে রেখেছি। 24 যা ন্যায়পরায়ণ তা পালন  
করার জন্য সদাপ্রভু আমায় পুরস্কার দিয়েছেন, এবং তাঁর দৃষ্টিতে  
আমার নির্মল হাতের সততা অনুসারে দিয়েছেন। 25 যারা বিশ্বস্ত,  
তাদের প্রতি তুমি বিশ্বস্ত, যারা নির্দোষ, তাদের প্রতি তুমি সিদ্ধ। 26  
যারা শুন্দ, তাদের প্রতি তুমি শুন্দ, কিন্তু যারা কুটিল, তাদের প্রতি  
তুমি চতুর আচরণ করো। 27 তুমি নম্রকে উদ্ধার করে থাকো কিন্তু  
যাদের দৃষ্টি উদ্বিগ্ন তাদের তুমি নত করে থাকো। 28 তুমি, হে সদাপ্রভু,  
আমার প্রদীপ জ্বালিয়ে রাখো; আমার ঈশ্বর আমার অন্ধকার আলোতে  
পরিণত করেন। 29 তোমার সাহায্যে আমি বিপক্ষের বিরুদ্ধে অগ্রসর  
হতে পারি, আমার ঈশ্বর সহায় হলে আমি প্রাচীর অতিক্রম করতে  
পারি। 30 ঈশ্বরের সমস্ত পথ সিদ্ধ: সদাপ্রভুর বাক্য নিখুঁত; যারা তাঁতে  
শরণ নেয় তিনি তাদের ঢাল। 31 কারণ সদাপ্রভু ছাড়া আর ঈশ্বর কে  
আছে? আমাদের ঈশ্বর ছাড়া আর শৈল কে আছে? 32 ঈশ্বর আমায়  
শক্তি জোগান আর আমার পথ সুরক্ষিত রাখেন। 33 তিনি আমার  
পা হরিগের পায়ের মতো করেন; উঁচু স্থানে দাঁড়াতে আমাকে সক্ষম  
করেন। 34 তিনি আমার হাত যুদ্ধের জন্য প্রশিক্ষিত করেন; আমার বাহু  
পিতলের ধনুক বাঁকাতে পারে। 35 তুমি আমাকে তোমার বিজয়ের  
ঢাল দিয়েছ, তোমার ডান হাত আমায় সহায়তা করে; তোমার সাহায্য  
আমায় মহান করেছে। 36 তুমি আমার চলার পথ প্রশংস্ত করেছ, যেন

আমার পা পিছলে না যায়। 37 আমি শক্রদের পিছনে ধাওয়া করে  
 তাদের ধরে ফেলেছি; তারা ধ্বংস না হওয়া পর্যন্ত আমি পিছু হচ্ছি।  
 38 আমি তাদের চূর্ণবিচূর্ণ করেছি, যেন তারা আর উঠে দাঁড়াতে না  
 পারে; তারা আমার পায়ের তলায় পতিত হয়েছে। 39 যুদ্ধের জন্য তুমি  
 আমাকে শক্তি দিয়েছ; আমার সামনে আমার বিপক্ষদের তুমি নত  
 করেছ। 40 তুমি আমার শক্রদের পালাতে বাধ্য করেছ, আর আমি  
 আমার শক্রদের ধ্বংস করেছি। 41 তারা সাহায্যের জন্য আর্তনাদ  
 করেছে, কিন্তু কেউ তাদের রক্ষা করেনি, তারা সদাপ্রভুকে ডেকেছে  
 কিন্তু তিনি তাদের ডাকে সাড়া দেননি। 42 বাতাসে ওড়া ধুলোর মতো  
 আমি তাদের চূর্ণ করি; রাস্তার কাদার মতো আমি তাদের পদদলিত  
 করি। 43 তুমি আমাকে লোকেদের আক্রমণ থেকে বাঁচিয়েছ, তুমি  
 আমাকে জাতিদের প্রধান নিযুক্ত করেছ। আমার অপরিচিত লোকেরাও  
 এখন আমার সেবা করে। 44 অইহুদিরা আমার সামনে মাথা নত  
 হয়ে থাকে; যে মুহূর্তে তারা আমার আদেশ শোনে, তা পালন করে।  
 45 তারা সবাই সাহস হারায়; কাঁপতে কাঁপতে তারা তাদের দুর্গ  
 থেকে বেরিয়ে আসে। 46 সদাপ্রভু জীবিত! আমার শৈলের প্রশংসা  
 হোক! ঈশ্বর, আমার পরিত্রাতার, গৌরব হোক! 47 তিনিই সেই ঈশ্বর  
 যিনি আমার হয়ে প্রতিশোধ নেন, তিনি জাতিদের আমার অধীনস্থ  
 করেন, 48 তিনি আমার শক্রদের কবল থেকে আমাকে উদ্ধার করেন।  
 আমার প্রতিপক্ষদের থেকে তুমি আমাকে উন্নত করেছ; মারমুখী  
 লোকের কবল থেকে তুমি আমাকে রক্ষা করেছ। 49 তাই, হে সদাপ্রভু,  
 আমি জাতিদের মাঝে তোমার প্রশংসা করব; আমি তোমার নামের  
 প্রশংসাগান করব। 50 তিনি তাঁর রাজাকে মহান বিজয় প্রদান করেন;  
 তাঁর অভিষিক্ত দাউদ ও তাঁর বংশধরদের প্রতি তিনি চিরকাল তাঁর  
 অবিচল প্রেম প্রদর্শন করেন।

**19** প্রধান সংগীত পরিচালকের জন্য। দাউদের গীত। আকাশমণ্ডল  
 ঈশ্বরের মহিমা বর্ণনা করে; গগন তাঁর হাতের কাজ ঘোষণা করে। 2  
 তারা দিনের পর দিন বার্তা প্রকাশ করে; তারা রাতের পর রাত জ্ঞান  
 ব্যক্ত করে। 3 তাদের কোনও বক্তব্য নেই, তারা কোনও শব্দ ব্যবহার

করে না; তাদের থেকে কোনও শব্দ শোনা যায় না। 4 অথচ তাদের কর্তৃত্ব সারা পৃথিবীতে ছড়িয়ে পড়ে, তাদের বাক্য পৃথিবীর প্রান্তসীমায় পৌঁছায়। ঈশ্বর আকাশমণ্ডলে সূর্যের জন্য এক তাঁবু খাটিয়েছেন। 5 সূর্য জ্যোতির্ময় বরের মতো বাসরঘর থেকে বেরিয়ে আসে; বিজয়ী বীরের মতো আনন্দে ছুটে চলে আপন পথে। 6 আকাশের এক প্রান্তে সে উদিত হয় এবং অপর প্রান্তে পৌঁছে আবর্তন শেষ করে; তার উভাপ থেকে কোনও কিছুই বধিত হয় না। 7 সদাপ্রভুর বিধিবিধান সিদ্ধ, যা আমার প্রাণ সঞ্জীবিত করে; সদাপ্রভুর অনুশাসন নির্ভরযোগ্য, তা অল্পবুদ্ধিকেও জ্ঞানবান করে। 8 সদাপ্রভুর সমস্ত বিধি সত্য, হৃদয়কে আনন্দিত করে। সদাপ্রভুর আজ্ঞাসকল সুস্পষ্ট, চোখে আলো দান করে। 9 সদাপ্রভুর ভয় নির্মল, চিরকাল স্থায়ী। সদাপ্রভুর আদেশ দৃঢ়, এবং পুরোপুরি ন্যায়। 10 তা সোনার চেয়েও বেশি, এমনকি বিশুদ্ধ সোনার চেয়েও বেশি আকাঙ্ক্ষিত। এবং মধুর চেয়েও বেশি, এমনকি মৌচাক থেকে ঝারে পড়া মধুর চেয়েও বেশি মিষ্ঠি। 11 সেগুলি তোমার দাসের প্রতি সতর্কবাণী; যারা মান্য করে, তারা মহা পুরক্ষার পায়। 12 কিন্তু কে তার নিজের ক্রটি উপলক্ষ্মি করতে পারে? আমার গোপন অপরাধ ক্ষমা করো। 13 তোমার দাসকে ইচ্ছাকৃত পাপ থেকে দূরে রেখো; তা যেন আমার উপর শাসন না করে। তখন আমি নির্দোষ হব, মহা অপরাধ থেকে নির্দোষ হব। 14 হে সদাপ্রভু, আমার শৈল ও আমার মুক্তিদাতা আমার মুখের এই বাক্যসকল ও আমার মনের ধ্যান, তোমার দৃষ্টিতে মনোরম হোক।

**20** প্রধান সংগীত পরিচালকের জন্য। দাউদের গীত। সদাপ্রভু সংকটের দিনে তোমাকে উত্তর দেবেন; যাকোবের ঈশ্বরের নাম তোমাকে রক্ষা করবেন। 2 তিনি পবিত্রস্থান থেকে তোমাকে সাহায্য করবেন, আর সিয়োন থেকে তোমাকে শক্তি জোগাবেন। 3 তিনি তোমার সমস্ত বলি স্মরণে রাখবেন ও তোমার হোমবলি গ্রহণ করবেন। 4 তিনি তোমার হৃদয়ের সমস্ত অভিলাষ পূর্ণ করবেন, এবং তোমার সকল পরিকল্পনা সার্থক করবেন। 5 তোমার জয়ে আমরা আনন্দগান করব আর আমাদের ঈশ্বরের নামে আমরা বিজয় পতাকা উড়াব।

সদাপ্রভু তোমার সমস্ত নিবেদন মঞ্চুর করছন। ৬ এখন আমি জানি: যে,  
সদাপ্রভু তাঁর অভিষিক্ত ব্যক্তিকে বিজয় প্রদান করেন। তিনি নিজের  
ডান হাতের বিজয়ী শক্তিতে স্বগীয় পবিত্রস্থান থেকে তাকে উত্তর দেন।  
৭ কেউ রথে এবং কেউ ঘোড়ায় আস্থা রাখে, কিন্তু আমরা আমাদের  
ঈশ্বর সদাপ্রভুর নামে আস্থা রাখি। ৮ তাদের নতজানু করা হবে ও  
পতন ঘটবে; কিন্তু আমরা উঠে দাঁড়াব ও দৃঢ়ভাবে দাঁড়াব। ৯ হে  
সদাপ্রভু, রাজাকে বিজয় প্রদান করো! যখন আমরা সাহায্যের জন্য  
আর্তনাদ করি, আমাদের উত্তর দিয়ো!

**21** প্রধান সংগীত পরিচালকের জন্য। দাউদের গীত। হে সদাপ্রভু,  
তোমার পরাক্রমে রাজা উল্লাস করেন, তিনি আনন্দে চিৎকার করেন  
কারণ তুমি তাঁকে বিজয়ী করেছ। ২ তুমি তাঁর মনোবাসনা পূর্ণ করেছ,  
এবং তাঁর মুখের অনুরোধ অগ্রাহ্য করোনি। ৩ তুমি প্রচুর আশীর্বাদ  
দিয়ে তাঁকে স্বাগত জানিয়েছ এবং তাঁর মাথায় সোনার মুকুট পরিয়েছ।  
৪ তিনি তোমার কাছে জীবন ভিক্ষা করেছেন, আর তুমি তাঁকে তাই  
দিয়েছ, তাঁকে অনন্তকালস্থায়ী পরমায়ু দিয়েছ। ৫ তোমার দেওয়া  
বিজয়ে তাঁর গৌরব বিপুল; তুমি তাঁকে মহিমা ও প্রতিপত্তিতে আবৃত  
করেছ। ৬ নিশ্চয় তুমি তাঁকে চিরস্থায়ী আশীর্বাদ দিয়েছ তোমার  
সান্নিধ্যের আনন্দ তাঁকে উল্লিখিত করেছে। ৭ কারণ রাজা সদাপ্রভুতে  
আস্থা রাখেন; পরাংপরের অবিচল প্রেমের গুণে তিনি বিচলিত হবেন  
না। ৮ তোমার হাত তোমার সব শক্তিকে বন্দি করবে; তোমার ডান হাত  
তোমার সব বিপক্ষকে দখল করবে। ৯ যখন যুদ্ধে তোমার আবির্ভাব  
হবে, তুমি জ্বলন্ত অগ্নিকুণ্ডের মতো তাদের পুড়িয়ে দেবে। ক্রোধে  
সদাপ্রভু তাদের গ্রাস করবেন, আর তাঁর আগুন তাদের দন্ধ করবে।  
১০ তুমি তাদের বংশধরদের পৃথিবী থেকে ও মানবসমাজ থেকে তাদের  
উত্তরপুরুষদের ধ্বংস করবে। ১১ যদিও তারা তোমার বিরুদ্ধে দুষ্ট  
চক্রান্ত করে, এবং মন্দ পরিকল্পনা করে, তারা কখনোই সফল হবে  
না। ১২ যখন তারা দেখবে যে তোমার ধনুক তাদের দিকে লক্ষ্য করে  
আছে তখন তারা পিছনে ফিরবে ও পালাবে। ১৩ হে সদাপ্রভু, নিজের

পরাক্রমে মহিমান্বিত হও; আমরা তোমার শক্তির জয়গান ও প্রশংসা  
করব।

**22** প্রধান সংগীত পরিচালকের জন্য। সুর: “প্রভাতের হরিণী।”  
দাউদের গীত। ঈশ্বর আমার, ঈশ্বর আমার, কেন তুমি আমাকে  
পরিত্যাগ করেছ? আমাকে রক্ষা করা থেকে কেন দূরে আছ, আমার  
বেদনার আর্তনাদ থেকে কেন অত দূরে? 2 হে আমার ঈশ্বর, আমি দিনে  
তোমাকে ডাকি, কিন্তু তুমি উভর দাও না, রাতেও ডাকি, কিন্তু কোনও  
অব্যাহতি পাই না। 3 তথাপি তুমিই পবিত্র, ইস্রায়েলের প্রশংসায় তুমিই  
অবিষ্ঠিত। 4 আমাদের পূর্বপুরুষেরা তোমাতে আস্থা রেখেছিলেন; তাঁরা  
আস্থা রেখেছিলেন, আর তুমি তাঁদের উদ্ধার করেছিলে। 5 তোমার  
কাছেই তাঁরা কেঁদেছিলেন ও পরিত্রাণ পেয়েছিলেন; তোমার উপরেই  
তাঁরা নির্ভর করেছিলেন আর তাঁরা লজ্জিত হননি। 6 কিন্তু আমি মানুষ  
নই, একটি কীটমাত্র, সব মানুষের কাছে আমি অবজ্ঞা ও ঘৃণার পাত্র।  
7 যারা আমায় দেখে, তারা উপহাস করে; তারা অপমান করে, ও মাথা  
নেড়ে বলে, 8 “সে সদাপ্রভুর উপর নির্ভর করে, অতএব, সদাপ্রভুই  
তাকে রক্ষা করুন। যদি সদাপ্রভু তাকে এতই ভালোবাসেন, তবে  
তিনিই ওকে উদ্ধার করুন।” 9 তবুও তুমি আমার মাত্রগর্ত থেকে  
আমাকে নিরাপদে এনেছ; এমনকি যখন আমি মায়ের বুকে ছিলাম,  
তখন তুমি আমায় তোমার প্রতি বিশ্বাস করতে সাহায্য করেছ। 10  
জন্ম থেকে আমি তোমার হাতেই সমর্পিত হয়েছি; মাত্রগর্ত থেকেই  
তুমি আমার ঈশ্বর রয়েছ। 11 আমার কাছ থেকে তুমি এত দূরে থেকো  
না, কারণ বিপদ আসন্ন আর কেউ আমাকে সাহায্য করার নেই। 12  
আমার শক্তিরা আমাকে বলদের পালের মতো ঘিরে ধরেছে; বাশনের  
শক্তিশালী বলদগুলি আমার চারপাশে রয়েছে। 13 গর্জনকারী সিংহ  
যেমন শিকার ছিঁড়ে খায় তেমনই তারা আমার দিকে মুখ হাঁ করে  
রয়েছে। 14 আমাকে জলের মতো ঢেলে দেওয়া হচ্ছে, এবং আমার  
সব হাড় জোড়া থেকে খুলে যাচ্ছে। আমার হৃদয় মোমের মতো; যা  
আমার অন্তরে গলে গেছে। 15 রোদে পোড়া মাটির মতো আমার শক্তি  
শুকিয়ে গেছে, এবং আমার জিভ মুখের মধ্যে তালুতে লেগে রয়েছে;

তুমি আমাকে যৃত্যুর জন্য ধূলোতে শুইয়ে দিয়েছ। 16 আমার শক্তিরা  
কুকুরের মতো আমাকে ঘিরে ধরেছে, দুর্ব্বলের দল চারিদিকে বেষ্টন  
করেছে, ওরা আমার হাত ও পা বিন্দু করেছে। 17 আমি আমার সব হাড়  
গুনতে পারি; লোকেরা আমার দিকে দেখে ও কৌতুকের দৃষ্টিতে চেয়ে  
থাকে। 18 তারা আমার পোশাক তাদের মধ্যে ভাগ করে নেয় আর  
আমার আচ্ছাদনের জন্য গুটিকাপাতের দান ফেলে। 19 কিন্তু তুমি,  
হে সদাপ্রভু, আমার কাছ থেকে দূরে থেকো না, তুমি আমার শক্তি,  
আমাকে সাহায্য করতে তাড়াতাড়ি এসো। 20 আমাকে তরোয়ালের  
আঘাত থেকে বাঁচাও, এই কুকুরগুলির কবল থেকে আমার মূল্যবান  
জীবন উদ্ধার করো। 21 সিংহের মুখ থেকে আমাকে উদ্ধার করো; বন্য  
ষাঁড়ের শিং থেকে আমাকে রক্ষা করো। 22 তোমার নাম আমি আমার  
লোকেদের কাছে প্রচার করব, সভার মাঝে আমি তোমার জয়গান  
গাইব। 23 তোমরা যারা সদাপ্রভুকে সম্মত করো, তাঁর প্রশংসা করো!  
যাকোবের বংশধর সকল, তাঁর সম্মান করো! ইস্রায়েলের বংশধর  
সকল, তাঁকে শ্রদ্ধা করো। 24 কারণ তিনি পীড়িতদের যন্ত্রণা অবজ্ঞা  
বা ঘৃণা করেননি; তিনি তাদের কাছ থেকে তাঁর মুখ লুকাননি কিন্তু  
তাদের সাহায্যের কাঙ্গা শুনেছেন। 25 মহাসমাবেশে আমি তোমার  
প্রশংসা করব; যারা তোমার আরাধনা করে তাদের উপস্থিতিতে আমি  
আমার শপথ পূরণ করব। 26 যারা দরিদ্র তারা ভোজন করবে ও তৎপু  
হবে; যারা সদাপ্রভুর অব্বেষণ করে তারা তাঁর জয়গান করবে, তাদের  
হৃদয় চিরস্থায়ী আনন্দে উল্লিখিত হবে। 27 পৃথিবীর সব প্রান্তের মানুষ  
সদাপ্রভুকে স্মরণ করবে ও তাঁর দিকে ফিরবে, এবং জাতিদের সব  
পরিবার তাঁর সামনে নতজানু হবে, 28 কারণ আধিপত্য সদাপ্রভুরই  
আর তিনি জাতিদের উপর শাসন করেন। 29 পৃথিবীর ধনীরা সবাই  
ভোজন করবে ও তাঁর আরাধনা করবে; যাদের জীবন ধূলোতে শেষ  
হবে তারা সবাই তাঁর সামনে নতজানু হবে— তারা যারা নিজেদের  
প্রাণ বাঁচিয়ে রাখতে পারে না। 30 বংশধরেরা তাঁর সেবা করবে;  
আগামী প্রজন্মকে বলা হবে সদাপ্রভুর কথা। 31 তারা তাঁর ধার্মিকতা

প্রচার করবে, যারা অজাত তাদের উদ্দেশ্যে ঘোষণা করা হবে: তিনি  
এই কাজ করেছেন!

**23** দাউদের গীত। সদাপ্রভু আমার পালক, আমার অভাব হবে না। 2  
তিনি সবুজ চারণভূমিতে আমাকে শয়ন করান, তিনি শান্ত জলের ধারে  
আমাকে নিয়ে যান, 3 তিনি আমার প্রাণ সংজীবিত করেন। নিজের  
নামের মহিমায় তিনি আমাকে সঠিক পথে পরিচালনা করেন। 4 যদিও  
আমি হেঁটে যাই অন্ধকারাছন্ন উপত্যকার মধ্য দিয়ে, আমি কোনও  
অঙ্গলের ভয় করব না, কারণ তুমি আমার সঙ্গে আছ; তোমার লাঠি  
ও তোমার ছড়ি, সেগুলি আমাকে সান্ত্বনা দেয়। 5 আমার শক্রদের  
উপস্থিতিতে তুমি আমার সামনে এক ভোজসভায় আয়োজন করেছ।  
তুমি আমার মাথা তেল দিয়ে অভিষিঞ্চ করেছ; আমার পানপাত্র উপচে  
পড়ে। 6 নিশ্চয় তোমার মঙ্গল ও প্রেম আমার পিছু নেবে আমার  
জীবনের সব দিন পর্যন্ত, এবং চিরকাল আমি সদাপ্রভুর গৃহে বসবাস  
করব।

**24** দাউদের গীত। এই জগৎ, তার মধ্যে থাকা সবকিছু, এই পৃথিবী,  
আর যা কিছু এতে আছে, সব সদাপ্রভুরই; 2 কারণ তিনি তা সমুদ্রের  
উপর স্থাপন করেছেন আর জলধির উপর তা নির্মাণ করেছেন। 3 কে  
সদাপ্রভুর পর্বতে আরোহণ করবে? কে তাঁর পুণ্যস্থানে দাঁড়াবে? 4 সে,  
যার হাত পরিষ্কার ও হৃদয় নির্মল, যে প্রতিমায় আস্থা রাখে না অথবা  
মিথ্যা দেবতার নামে শপথ করে না। 5 তারা সদাপ্রভুর কাছ থেকে  
আশীর্বাদ লাভ করবে এবং তাদের ঈশ্বর উদ্বারকর্তার কাছ থেকে  
সমর্থন পাবে। 6 এই সেই প্রজন্ম, যারা তোমাকে অন্বেষণ করে, তারা  
তুলে দেখো; হে প্রাচীন দরজা, উত্থিত হও, যেন গৌরবের রাজা প্রবেশ  
করতে পারেন। 8 কে এই গৌরবের রাজা? সদাপ্রভু শক্তিশালী ও  
বলবান, সদাপ্রভু যুদ্ধে বলবান। 9 হে দ্বারসকল, মাথা তুলে দেখো; হে  
প্রাচীন দরজা, তাদের তুলে ধরো, যেন গৌরবের রাজা প্রবেশ করতে  
পারেন। 10 কে এই গৌরবের রাজা? তিনি সর্বশক্তিমান সদাপ্রভু তিনি  
গৌরবের রাজা।

**25** দাউদের গীত। হে সদাপ্রভু, আমার ঈশ্বর, আমি তোমাতেই  
আস্থা রাখি। 2 আমি তোমাতে আস্থা রাখি; আমাকে লজ্জিত হতে  
দিয়ো না। আমার উপর আমার শক্রদের জয়লাভ করতে দিয়ো না। 3  
যারা তোমার উপর আশা রাখে, তারা কখনও লজ্জিত হবে না, কিন্তু  
যারা অকারণে বিশ্বাসঘাতকতা করে তারা লজ্জার পাত্র হবে। 4 হে  
সদাপ্রভু, তোমার পথসকল আমাকে দেখাও, তোমার পন্থাসকল  
আমায় শেখাও। 5 তোমার সত্যের পথে আমাকে চালাও ও শিক্ষা  
দাও, কারণ তুমই আমার ঈশ্বর, আমার পরিত্রাতা, এবং সারাদিন  
আমি তোমারই প্রত্যাশায় থাকি। 6 হে সদাপ্রভু, তোমার মহান দয়া ও  
প্রেম স্মরণ করো, যা অনাদিকাল থেকে অবিচল। 7 আমার জীবনের  
পাপসকল স্মরণে রেখো না, মনে রেখো না আমার বিদ্রোহী আচরণ;  
তোমার অবিচল প্রেমের গুণে আমায় মনে রেখো; কারণ, হে সদাপ্রভু,  
তুমি উত্তম। 8 সদাপ্রভু উত্তম ও ন্যায়পরায়ণ; তাই তিনি পাপীদের  
তাঁর পথে চলার উপদেশ দেন। 9 যারা নম্র তাদের তিনি সঠিক পথে  
চালনা করেন; এবং তাঁর পথ তাদের তিনি শিক্ষা দেন। 10 যারা  
তাঁর নিয়মের শর্তসকল পালন করে তাদের প্রতি সদাপ্রভুর সব পথ  
প্রেময় ও বিশ্বষ্ট। 11 তোমার নামের গুণে, হে সদাপ্রভু, আমার  
অপরাধ ক্ষমা করো, যদিও সেসব গুরুতর। 12 তাহলে কে তারা, যারা  
সদাপ্রভুকে সম্ম্রম করে? তাদের যে পথে চলা উচিত সেই পথ সদাপ্রভু  
তাদের দেখাবেন। 13 তারা স্বাচ্ছন্দ্যে তাদের জীবন কাটাবে, এবং  
তাদের বংশধরেরা দেশের অধিকার পাবে। 14 যারা তাঁকে সম্ম্রম করে  
সদাপ্রভু গুণ বিষয় তাদের কাছে ব্যক্ত করেন; তিনি তাঁর নিয়ম তাদের  
কাছে প্রকাশ করেন। 15 আমার চোখ সর্বদা সদাপ্রভুর দিকে স্থির,  
কারণ তিনিই কেবল শক্রদের ফাঁদ থেকে আমায় উদ্ধার করবেন। 16  
আমার প্রতি ফিরে চাও ও আমায় কৃপা করো, কারণ আমি একাকী ও  
পীড়িত। 17 আমার হৃদয়ের কষ্ট মোচন করো ও মনের যন্ত্রণা থেকে  
মুক্ত করো। 18 আমার দুর্দশা ও বেদনার প্রতি দৃষ্টিপাত করো এবং  
আমার সমস্ত পাপ দূর করো। 19 দেখো আমার শক্ররা কত অসংখ্য  
এবং কী উগ্রভাবে তারা আমায় ঘৃণা করে। 20 আমার জীবন সুরক্ষিত

করো ও উদ্বার করো; আমাকে লজ্জায় পড়তে দিয়ো না, কারণ আমি  
তোমাতে আশ্রয় নিয়েছি। 21 সততা ও ন্যায়পরায়ণতা আমায় রক্ষা  
করক, কারণ, হে সদাপ্রভু, আমি তোমাতেই আশা রাখি। 22 হে ঈশ্বর,  
ইস্রায়েলকে মুক্ত করো, তাদের সব সংকট থেকে!

**26** দাউদের গীত। হে সদাপ্রভু, আমাকে নির্দোষ মান্য করো, কারণ  
আমি নির্দোষ জীবনযাপন করেছি; আমি সদাপ্রভুতে আস্থা রেখেছি  
এবং বিপথে যাইনি। 2 হে সদাপ্রভু, আমাকে পরখ করো ও যাচাই  
করো, আমার হৃদয় ও মন পরিষ্কা করো; 3 কেননা তোমার চিরস্থায়ী  
প্রেমে আমি সর্বদা মনযোগী এবং তোমার বিশ্বস্তায় নির্ভর করে  
বেঁচে রয়েছি। 4 আমি প্রতারকদের সঙ্গে বসি না, ভগুদের সঙ্গে  
আমি পথ চলি না। 5 অনিষ্টকারীদের সমাবেশ আমি ঘৃণা করি এবং  
দুষ্টদের সাথে বসতে অস্বীকার করি। 6 আমি নির্দোষিতায় আমার  
হাত পরিষ্কার করি, এবং তোমার যজ্ঞবেদিতে আসি, হে সদাপ্রভু,  
7 উচ্চস্বরে তোমার প্রশংসা করি এবং তোমার অপূর্ব কীর্তিকাহিনি  
ঘোষণা করি। 8 হে সদাপ্রভু, আমি তোমার পবিত্রস্থান আর যেখানে  
তোমার মহিমা বিরাজ করে, সেই স্থানটি ভালোবাসি। 9 পাপীদের  
সাথে তুমি আমার প্রাণ নিয়ো না, হত্যাকারীদের সাথে আমার জীবন  
নিয়ো না, 10 তাদের হাতে আছে দুর্কর্মের ফলি, তাদের ডান হাত  
যুসে পরিপূর্ণ। 11 আমি নির্দোষ জীবনযাপন করি; আমাকে রক্ষা করো  
ও আমার প্রতি দয়া করো। 12 আমার পা সমতল জমিতে দাঁড়িয়ে  
আছে, এবং মহাসমাবেশে আমি সদাপ্রভুর প্রশংসা করব।

**27** দাউদের গীত। সদাপ্রভু আমার জ্যোতি ও আমার পরিত্রাণ,  
তাই আমি কেন ভীত হব? সদাপ্রভু আমার জীবনের আশ্রয় দুর্গ,  
তাই আমি কেন কম্পিত হব? 2 আমায় গ্রাস করতে যখন দুষ্টরা  
আমার দিকে এগিয়ে আসে, আমার শক্ররা ও আমার বিপক্ষরা হোঁচট  
খাবে ও পতিত হবে। 3 যদিও এক সৈন্যদল আমাকে ঘিরে ধরে,  
আমার হৃদয় ভয় করবে না; আমার বিরণক্ষে যুদ্ধ ঘোষিত হলেও, আমি  
আত্মবিশ্বাসী রইব। 4 সদাপ্রভুর কাছে আমার একটিই নিবেদন, যা  
আমি একান্তভাবে চাই, সদাপ্রভুর সৌন্দর্য দেখবার জন্য তাঁর মন্দিরে

তাঁকে অন্নেষণের উদ্দেশে, যেন আমি জীবনের সবকটি দিন সদাপ্রভুর  
গৃহে বসবাস করি। ৫ কারণ সংকটের দিনে তিনি নিজের আবাসে  
আমায় সুরক্ষিত রাখবেন; তাঁর পবিত্র তাঁবুর আশ্রয়ে আমাকে লুকিয়ে  
রাখবেন, ও উঁচু পাথরের উপরে আমাকে স্থাপন করবেন। ৬ তখন  
যেসব শক্র আমাকে ঘিরে রয়েছে আমার মাথা তাদের উপরে উন্নত  
হবে; তাঁর পবিত্র তাঁবুতে আমি জয়ঘন্টনির সাথে বলি উৎসর্গ করব;  
সদাপ্রভুর উদ্দেশে আমি গান করব ও সংগীত রচনা করব। ৭ আমার  
কর্তৃস্বর শ্রবণ করো, হে সদাপ্রভু, যখন আমি প্রার্থনা করি; আমার  
প্রতি করণা করো ও আমায় উন্নত দাও। ৮ তোমাকে নিয়ে আমার  
অন্তর বলে “তাঁর মুখ অন্নেষণ করো!” তোমার মুখ, হে সদাপ্রভু, আমি  
অন্নেষণ করি। ৯ আমার সামনে থেকে তোমার মুখ লুকিয়ে রেখো না,  
ক্রোধে তোমার দাসকে ফিরিয়ে দিয়ো না; তুমই আমার সহায়। আমায়  
প্রত্যাখ্যান কোরো না বা পরিত্যাগ কোরো না, ঈশ্বর আমার পরিত্রাতা।  
১০ যদিও আমার বাবা-মা আমায় পরিত্যাগ করে, সদাপ্রভু আমায় গ্রহণ  
করবেন। ১১ হে সদাপ্রভু, তোমার উপায় আমাকে শেখোও; আমার  
শক্রদের কারণে, আমাকে সোজা পথে চালাও। ১২ আমার শক্রদের  
ইচ্ছায় আমাকে সমর্পণ কোরো না, দেখো, আমার বিরুদ্ধে মিথ্যা  
সাক্ষীরা মাথা তুলছে, নিশ্চাসে তারা আমাকে হিংসার ভয় দেখাচ্ছে।  
১৩ আমি এই বিষয়ে আত্মবিশ্বাসী, আমি জীবিতদের দেশে সদাপ্রভুর  
মঙ্গল কাজ দেখব। ১৪ সদাপ্রভুর অপেক্ষায় থাকো; শক্ত হও ও সাহস  
করো এবং সদাপ্রভুর অপেক্ষায় থাকো।

**28** দাউদের গীত। তোমার প্রতি, হে সদাপ্রভু, আমি প্রার্থনা করি;  
তুমি আমার শৈল, তুমি আমার প্রতি বধির হোয়ো না। কারণ তুমি  
যদি নীরব থাকো, আমার দশা তাদের মতো হবে যারা গর্তে পতিত  
হয়েছে। ২ যখন আমি সাহায্যের আশায় তোমাকে ডাকি, যখন তোমার  
মহাপবিত্র আবাসের দিকে আমি হাত তুলি তুমি আমার বিনতি শ্রবণ  
করো। ৩ দুষ্টদের ও অধর্মাচারীদের সঙ্গে, আমাকে টেনে নিয়ো না,  
ওরা প্রতিবেশীদের সঙ্গে বন্ধুর মতো কথা বলে অথচ অন্তরে তারা  
বিদ্রেভাব পোষণ করে। ৪ তুমি তাদের কাজের ফল দান করো তাদের

দুক্ষর্মের প্রতিফল তাদের দাও; তাদের হাতের কাজের প্রতিদান তাদের দাও এবং তাদের যা প্রাপ্য সেইসব তাদের উপর নিয়ে এসো। ৫ সদাপ্রভুর সব কাজ আর তাঁর হাত যা সাধন করেছে সেইসব তারা সমাদর করে না, তাই তিনি তাদের ধ্বংস করবেন এবং কখনও আর তাদের গড়ে তুলবেন না। ৬ সদাপ্রভুর প্রশংসা হোক, কারণ তিনি আমার বিনতি শুনেছেন। ৭ সদাপ্রভু আমার শক্তি ও আমার ঢাল; আমার হৃদয় তাঁর উপর আস্থা রাখে এবং তিনি আমাকে সাহায্য করেন। আমার হৃদয় আনন্দে উল্লিখিত এবং গানের মাধ্যমে আমি তাঁর প্রশংসা করব। ৮ সদাপ্রভু তাঁর লোকদের শক্তি, তাঁর অভিষিক্ত-জনের মুক্তিদুর্গ। ৯ তোমার লোকদের রক্ষা করো ও তোমার অধিকারকে আশীর্বাদ করো; তুমি তাদের পালক হও এবং তাদের চিরকাল বহন করো।

**29** দাউদের গীত। হে ঈশ্বরের সন্তানেরা, সদাপ্রভুর কীর্তন করো, তাঁর মহিমা ও পরাক্রম কীর্তন করো। ২ তাঁর নামের মহিমার কীর্তন করো, পবিত্র শোভায় সদাপ্রভুর আরাধনা করো। ৩ জলের উপর সদাপ্রভুর কর্তৃত্ব শোনা যায়; মহিমার ঈশ্বর বজ্রধনি করেন, মহাজলরাশির উপরে সদাপ্রভু বজ্রধনি করেন। ৪ সদাপ্রভুর কর্তৃত্ব শক্তিশালী; সদাপ্রভুর কর্তৃত্ব মহিমাপ্রিত। ৫ সদাপ্রভুর কর্তৃত্ব দেবদারু গাছ ডেঙে দেয়; লেবাননের দেবদারুর ছিম্মভিম্ম করেন। ৬ তিনি লেবাননের পর্বতমালাকে বাছুরের মতো নাচিয়ে তোলেন, বন্য ঘাঁড়ের মতো সিরিয়োগকে করেন। ৭ সদাপ্রভুর কর্তৃত্ব বজ্রবিদ্যুতের ঝলকের সাথে আঘাত করে। ৮ সদাপ্রভুর কর্তৃত্ব মরুভূমি কাঁপিয়ে দেয়; সদাপ্রভু কাদেশের মরুভূমি কাঁপিয়ে তোলে। ৯ সদাপ্রভুর কর্তৃত্ব ওক গাছ দুমড়ে-মুচড়ে দেয় এবং অরণ্য অনাবৃত করে। এবং তাঁর মন্দিরে সকলে বলে “মহিমা!” ১০ সদাপ্রভু মহাপ্লাবনের উপর অধিষ্ঠিত; সদাপ্রভু চিরকালের জন্য অধিষ্ঠিত রাজা। ১১ সদাপ্রভু তাঁর লোকদের শক্তি দেন; সদাপ্রভু তাঁর লোকদের শান্তি দিয়ে আশীর্বাদ করেন।

**30** একটি গীত। একটি সংগীত। মন্দির উৎসর্গ উপলক্ষ্যে দাউদের গীত। হে সদাপ্রভু, আমি তোমার প্রশংসা করি, কারণ তুমি আমাকে

পাতাল থেকে তুলে ধরেছ এবং আমার শক্রদের আমাকে নিয়ে  
উল্লাস করতে দাওনি। 2 হে সদাপ্রভু, আমার ঈশ্বর, আমি সাহায্যের  
জন্য তোমাকে ডেকেছি, এবং তুমি আমাকে সুস্থ করেছ। 3 তুমি,  
হে সদাপ্রভু, আমাকে পাতালের গর্ভ থেকে উত্তোলন করেছ; তুমি  
আমাকে বাঁচিয়ে রেখেছ যেন মৃত্যুর গর্তে পড়ে না যাই। (Sheol h7585)

4 হে সদাপ্রভুর সব বিশ্বস্ত লোকজন, তাঁর উদ্দেশে প্রশংসা করো;  
তাঁর পুণ্যনামের প্রশংসা করো। 5 কারণ তাঁর ক্রোধ ক্ষণস্থায়ী, কিন্তু  
তাঁর অনুগ্রহ সারা জীবন স্থায়ী; অশ্রু রাত্রিব্যাপী হয়, কিন্তু উল্লাস  
সকালে উপস্থিত হয়। 6 যখন আমি নিরাপদ বোধ করেছিলাম, আমি  
বলেছিলাম, “আমি কখনও বিচলিত হব না।” 7 তোমার করণা, হে  
সদাপ্রভু, আমাকে পর্বতের মতো সুরক্ষিত করেছিল; কিন্তু যখন তুমি  
তোমার মুখ লুকালে, তখন আমি বিহুল হলাম। 8 হে সদাপ্রভু, আমি  
তোমাকেই ডাকলাম; সদাপ্রভুর কাছে আমি বিনতি করলাম, 9 “আমার  
মৃত্যু হলে কী লাভ, আর যদি আমি পাতালে চলে যাই? ধূলিকণা কি  
তোমার জয়গান করবে? তা কি তোমার বিশ্বস্ততা ঘোষণা করবে?  
10 হে সদাপ্রভু, শোনো, আর আমার প্রতি কৃপা করো; হে সদাপ্রভু,  
আমার সহায় হও।” 11 তুমি আমার বিলাপ ন্ত্যে পরিণত করেছ;  
আমার চট খুলে আমাকে আনন্দ দিয়ে আবৃত করেছ, 12 যেন আমার  
হৃদয় চুপ করে না থাকে, কিন্তু তোমার জয়গান করে। হে সদাপ্রভু,  
আমার ঈশ্বর, আমি চিরকাল তোমার প্রশংসা করব।

**31** সংগীত পরিচালকের জন্য। দাউদের গীত। হে সদাপ্রভু, আমি  
তোমাতে আশ্রয় নিয়েছি; আমাকে কখনও লজ্জিত হতে দিয়ো না;  
তোমার ধার্মিকতায় আমাকে উদ্বার করো। 2 আমার দিকে তোমার  
কান দাও, সত্ত্বে আমাকে উদ্বার করতে এসো; তুমি আমার আশ্রয়  
শৈল হও, আমাকে রক্ষা করার এক শক্ত উচ্চদুর্গ। 3 যেহেতু তুমি  
আমার শৈল ও উচ্চদুর্গ, তোমার নামের সম্মানে আমাকে পথ দেখাও  
ও চালনা করো। 4 আমার জন্য পাতা ফাঁদ থেকে আমাকে উদ্বার  
করো, কারণ তুমিই আমার আশ্রয়। 5 তোমার হাতে আমি আমার  
আত্মা সমর্পণ করি; আমাকে উদ্বার করো, হে সদাপ্রভু, আমার বিশ্বস্ত

ঈশ্বর। 6 যারা অলীক মূর্তির আরাধনা করে আমি তাদের ঘৃণা করি;  
কিন্তু আমি সদাপ্রভুতে আস্থা রাখি। 7 আমি খুশি হব ও তোমার প্রেমে  
আনন্দ করব, কারণ তুমি আমার সংকট দেখেছ ও আমার প্রাণের  
যন্ত্রণা অনুভব করেছ। 8 তুমি আমাকে শক্রদের হাতে তুলে দাওনি  
কিন্তু প্রশংস্ত স্থানে আমার পা স্থাপন করেছ। 9 হে সদাপ্রভু, আমাকে  
দয়া করো, কারণ আমি দুর্দশায় জীর্ণ; দুঃখে আমার দৃষ্টি, বিষাদে  
আমার প্রাণ ও দেহ ক্ষীণ হয়েছে। 10 আমার জীবন যন্ত্রণায় পূর্ণ হয়েছে  
আর দীর্ঘশ্বাসে আমার দিন কাটছে, পাপ আমার শক্তি নিঃশেষ করেছে,  
আর আমার হাড়গোড় সব দুর্বল হয়েছে। 11 আমার সব শক্রের কারণে,  
আমি আমার প্রতিবেশীদের ঘৃণার পাত্র, আর আমার ঘনিষ্ঠ বন্ধুদের  
কাছে ভয়ংকর হয়েছি— যারা পথে আমাকে দেখে তারা আমার কাছ  
থেকে পালিয়ে যায়। 12 মৃত ব্যক্তির মতো আমাকে ভুলে যাওয়া  
হয়েছে; আমি মাটির ভাঙা পাত্রের মতো হয়েছি। 13 কারণ আমি  
অনেককে চুপিচুপি কথা বলতে শুনি, “চারিদিকে সন্ত্রাস!” ওরা আমার  
বিরক্তে ঘড়িযন্ত্র করে এবং আমার জীবন নেওয়ার চক্রান্ত করে। 14  
কিন্তু হে সদাপ্রভু, আমি তোমাতে আস্থা রাখি; আমি বলি, “তুমিই  
আমার ঈশ্বর।” 15 আমার সময় তোমারই হাতে; আমার শক্রদের হাত  
থেকে আমাকে উদ্ধার করো, যারা আমাকে তাড়া করে। 16 তোমার  
দাসের প্রতি তোমার মুখ উজ্জ্বল করো; তোমার অবিচল প্রেমে আমাকে  
রক্ষা করো। 17 হে সদাপ্রভু, আমাকে লজ্জিত হতে দিয়ো না, কারণ  
আমি তোমার কাছে সাহায্যের প্রার্থনা করেছি; কিন্তু দুষ্টদের লজ্জিত  
হতে দিয়ো আর তারা পাতালের গর্ভে নীরব হয়ে থাকুক। (Sheol h7585)

18 তাদের মিথ্যাবাদী মুখ নির্বাক হোক, কারণ অহংকারে ও ঘৃণায়  
তারা ধার্মিকদের বিরক্তে উদ্বিগ্নভাবে কথা বলে। 19 যারা তোমাকে  
সম্ব্রম করে আর যারা তোমার শরণাগত তাদের প্রতি তোমার সঞ্চিত  
কল্যাণ কত মহৎ, যা তুমি সকলের সাক্ষাতে তাদের উপর প্রদান  
করো। 20 মানুষের সব চক্রান্ত থেকে তুমি তোমার সান্নিধ্যের ছায়ায়  
তাদের লুকিয়ে রাখো; অভিযোগের জিভ থেকে তুমি তোমার আবাসে  
তাদের নিরাপদে রাখো। 21 সদাপ্রভুর প্রশংসা হোক, কারণ যখন

আমি অবরুদ্ধ নগরীতে ছিলাম তিনি তাঁর প্রেমের আশ্চর্য ক্রিয়াসকল  
আমাকে দেখিয়েছেন। 22 আতঙ্কে আমি বলেছিলাম, “আমি তোমার  
দৃষ্টি থেকে বিচ্ছিন্ন হয়েছি!” তবুও যখন আমি তোমার কাছে সাহায্যের  
প্রার্থনা করেছিলাম, তুমি আমার বিনতি শুনেছিলে। 23 সদাপ্রভুকে  
ভালোবাসো, তোমরা যারা তাঁর ভক্তজন! সদাপ্রভু তাদের বাঁচিয়ে  
রাখেন যারা তাঁর প্রতি অনুগত, কিন্তু অহংকারী ব্যক্তিদের তিনি পূর্ণ  
প্রতিফল দেন। 24 তোমরা যারা সদাপ্রভুর উপর আশা রাখো, তোমরা  
বলবান হও ও সাহস করো।

**32** দাউদের গীত। মঞ্চীল। ধন্য সেই ব্যক্তি যার অপরাধ ক্ষমা করা  
হয়েছে, যার পাপ আচ্ছাদিত হয়েছে। 2 ধন্য সেই ব্যক্তি যার পাপ  
সদাপ্রভু তার বিরুদ্ধে গণ্য করেন না এবং যার অন্তর ছলনাবিহীন।  
3 যখন আমি চুপ করেছিলাম, আমার হাড়গোড় ক্ষয় হয়েছিল এবং  
সারাদিন আমি আর্তনাদ করেছিলাম। 4 কারণ দিনে এবং রাতে  
তোমার শাসনের হাত আমার উপর দুর্বহ ছিল; যেমন গ্রীষ্মের উভাপে  
জল শুকিয়ে যায় তেমনই আমার শক্তি নিঃশেষ হয়েছিল। 5 তখন  
আমি তোমার কাছে আমার পাপস্থীকার করলাম আর আমার কোনও  
অপরাধ আমি গোপন করলাম না। আমি বললাম, “সদাপ্রভুর কাছে  
আমার সব অপরাধ আমি স্থীকার করব।” আর তুমি আমার পাপের  
দোষ ক্ষমা করলে। 6 তাই সময় থাকতে সব বিশ্বস্ত লোক তোমার  
কাছে প্রার্থনা করুক; তারা যেন বিচারের বন্যার জলে ঢুবে না যায়। 7  
তুমি আমার আশ্রয়স্থল; তুমি আমাকে বিপদ থেকে সুরক্ষিত করবে  
এবং মুক্তির গানে আমাকে চারপাশে ঘিরে রাখবে। 8 সদাপ্রভু বলেন,  
“আমি তোমাকে উপদেশ দেব এবং উপযুক্ত পথে চলতে তোমাকে  
শিক্ষা দেবো; তোমার উপর প্রেমময় দৃষ্টি রেখে আমি তোমাকে  
পরামর্শ দেবো। 9 তোমরা ঘোড়া বা খচরের মতো হোয়ো না, যাদের  
বোধশক্তি নেই কিন্তু যাদের বক্ষা ও লাগাম দিয়ে বশে রাখতে হয়,  
নইলে তারা তোমার কাছে আসে না।” 10 দুষ্টের অনেক দুর্দশা হয়,  
কিন্তু সদাপ্রভুর অবিচল প্রেম সেই ব্যক্তিকে ঘিরে রাখে যে তাঁর উপর

নির্ভর করে। 11 হে ধার্মিক, সদাপ্রভুতে আনন্দ করো ও উল্লাস করো;  
তোমরা যারা অন্তরে ন্যায়পরায়ণ, আনন্দধ্বনি করো।

**33** হে ধার্মিকেরা, সদাপ্রভুর আনন্দধ্বনি করো; তাঁর প্রশংসা করা  
ন্যায়পরায়ণদের উপযুক্ত। 2 তোমরা বীণাতে সদাপ্রভুর প্রশংসা করো;  
দশতত্ত্বী সুরবাহারে তাঁর উদ্দেশে সংগীত করো। 3 তাঁর উদ্দেশে নতুন  
গান গাও; নিপুণ হাতে বাজাও ও আনন্দধ্বনি করো। 4 সদাপ্রভুর  
বাক্য সঠিক ও সত্য; তিনি যা কিছু করেন সবকিছুতেই বিশৃঙ্খল। 5  
সদাপ্রভু ন্যায়বিচার ও ধার্মিকতা ভালোবাসেন; পৃথিবী তাঁর অবিচল  
প্রেমে পূর্ণ। 6 সদাপ্রভুর বাক্যে আকাশমণ্ডল সৃষ্টি হয়েছিল, তাঁর  
মুখের নিঃশ্বাসে তারকারাশি তৈরি হয়েছিল। 7 তিনি সমুদ্রের সীমানা  
নির্দিষ্ট করেন এবং মহাসমুদ্রের জলরাশি জলাধারে সঞ্চিত করেন।  
8 সমস্ত পৃথিবী সদাপ্রভুকে সম্মত করুক; জগতের সব লোক তাঁর  
সমাদর করুক। 9 কারণ তিনি কথা বললেন, আর সৃষ্টি হল; তিনি  
আদেশ দিলেন আর স্থিতি হল। 10 জাতিদের পরিকল্পনা সদাপ্রভু  
ব্যর্থ করেন; মানুষের সব সংকল্প তিনি বিফল করেন। 11 কিন্তু  
সদাপ্রভুর পরিকল্পনা চিরস্থায়ী হয়, তাঁর হস্তয়ের উদ্দেশ্য বংশের  
পর বংশ স্থায়ী হয়। 12 ধন্য সেই জাতি, যার ঈশ্বর সদাপ্রভু, সেই  
সমাজ যাকে তিনি তাঁর অধিকারের জন্য মনোনীত করেছেন। 13 স্বর্গ  
থেকে সদাপ্রভু দৃষ্টিপাত করেন এবং সমগ্র মানবজাতিকে দেখেন; 14  
যারা পৃথিবীতে বসবাস করে তাদের তিনি নিজের বাসস্থান থেকে  
লক্ষ্য করেন। 15 তিনি তাদের হস্তয়ের তৈরি করেছেন, তাই তারা যা  
কিছু করে তিনি সব বুঝতে পারেন। 16 কোনো রাজা তার সৈন্যদলের  
আকারে রক্ষা পায় না; কোনো যোদ্ধা নিজের শক্তিবলে পালাতে পারে  
না। 17 জয়লাভের জন্য নিজের ঘোড়ার উপর নির্ভর কোরো না, বিপুল  
সামর্থ্য থাকা সত্ত্বেও তা তোমাকে রক্ষা করতে পারে না। 18 কিন্তু  
সদাপ্রভুর দৃষ্টি তাদের প্রতি আবন্দ যারা তাঁকে সম্মত করে আর যারা  
তাঁর অবিচল প্রেমে আস্থা রাখে, 19 তিনি মৃত্যু থেকে তাদের উদ্ধার  
করেন, এবং দুর্ভিক্ষের সময় তাদের প্রাণরক্ষা করেন। 20 আমরা  
সদাপ্রভুর প্রতীক্ষায় আছি; তিনি আমাদের সহায় ও আমাদের ঢাল।

21 আমাদের হৃদয় সদাপ্রভুতে আনন্দ করে, কারণ আমরা তাঁর পবিত্র  
নামে আস্থা রাখি। 22 হে সদাপ্রভু, তোমার অবিচল প্রেম আমাদের  
উপর বিরাজ করক, কারণ তোমার উপরেই আমরা আশা করি।

**34** দাউদের গীত। যখন তিনি অবীমেলকের সামনে পাগলামির  
ভান করেছিলেন তখন অবীমেলক তাকে তাড়িয়ে দিয়েছিলেন, আর  
দাউদ চলে গিয়েছিলেন। আমি সর্বদা সদাপ্রভুর ধন্যবাদ করব; তাঁর  
প্রশংসা সর্বদা আমার মুখে থাকবে। 2 আমি সদাপ্রভুতে গর্ব করব;  
যারা পীড়িত তারা শুনুক ও আনন্দ করক। 3 আমার সঙ্গে সদাপ্রভুর  
মহিমাকীর্তন করো; এসো, আমরা সবাই তাঁর নামের জয়গান করি। 4  
আমি সদাপ্রভুর অন্নেষণ করেছি আর তিনি আমাকে উন্নত দিয়েছেন;  
আমার সব আশক্ষা থেকে তিনি আমাকে মুক্ত করেছেন। 5 যারা তাঁর  
দিকে দৃষ্টিপাত করে, তারা দীপ্তিমান হয়; তাদের মুখ কখনও লজ্জায়  
আবৃত হবে না। 6 এই দুঃখী ডাকল, আর সদাপ্রভু শুনলেন; তিনি  
তাকে সমস্ত বিপদ থেকে রক্ষা করলেন। 7 কারণ সদাপ্রভুর দৃত এক  
পাহারাদার; তিনি ঘিরে রাখেন এবং তাদের সবাইকে রক্ষা করেন  
যারা সদাপ্রভুকে সন্ত্রম করে। 8 আস্বাদন করো ও দেখো, সদাপ্রভু  
মঙ্গলময়; ধন্য সেই ব্যক্তি যে তাঁতে আশ্রয় নেয়। 9 হে তাঁর পবিত্র  
মানুষজন, সদাপ্রভুকে সন্ত্রম করো, কারণ যারা তাঁকে সন্ত্রম করে  
তাদের কোনও কিছুর অভাব হয় না। 10 সিংহও দুর্বল ও ক্ষুধার্ত  
হয়, কিন্তু যারা সদাপ্রভুর অন্নেষণ করে, তাদের কোনো মঙ্গলের  
অভাব হয় না। 11 এসো আমার সন্তানেরা, আমার কথা শোনো; আমি  
তোমাকে সদাপ্রভুর সন্ত্রম শিক্ষা দেবো। 12 তোমাদের মধ্যে যে জীবন  
ভালোবাসে এবং বিশ্রাম ভালো দিন দেখতে চায়, 13 তোমার জিভ মন্দ  
থেকে সংযত রাখো এবং মিথ্যা বাক্য থেকে মুখ সাবধানে রাখো।  
14 মন্দ থেকে মন ফেরাও আর সৎকর্ম করো; শান্তির সন্ধান করো  
ও তা অনুসরণ করো। 15 সদাপ্রভুর দৃষ্টি ধার্মিকদের প্রতি রয়েছে,  
এবং তাদের আর্তনাদে তিনি কর্ণপাত করেন; 16 কিন্তু সদাপ্রভুর মুখ  
তাদের বিরুদ্ধে যারা দুর্কর্ম করে, তিনি তাদের সৃতি পৃথিবী থেকে  
মুছে ফেলবেন। 17 ধার্মিকরা কেঁদে ওঠে, আর সদাপ্রভু শোনেন;

তিনি তাদের সব সংকট থেকে মুক্ত করেন। 18 সদাপ্রভু তগ্নিচিত্তদের নিকটবর্তী, এবং যারা অন্তরে চূর্ণবিচূর্ণ, তাদের তিনি উদ্ধার করেন। 19 ধার্মিক ব্যক্তি অনেক দুর্ভোগের সম্মুখীন হয়, কিন্তু সদাপ্রভু তাকে সেইসব থেকে মুক্ত করেন; 20 তিনি ধার্মিকের হাড়গোড় রক্ষা করেন, তাদের মধ্যে একটিও ভাঙে না। 21 দুর্কর্মই দুষ্টকে বিনাশ করবে; ধার্মিকের শক্ররা শাস্তি পাবে। 22 সদাপ্রভু তাঁর দাসদের মুক্ত করবেন; যারা তাঁর শরণাগত, তাদের কেউই দেষী সাব্যস্ত হবে না।

**35** দাউদের গীত। হে সদাপ্রভু, যারা আমার সঙ্গে বিবাদ করে, তাদের সঙ্গে তুমি বিবাদ করো; যারা আমার বিরংদে যুদ্ধ করে, তাদের বিরংদে তুমি যুদ্ধ করো। 2 ঢাল ও বর্ম পরিধান করো; ওঠো, আর আমার সাহায্যের জন্য এসো। 3 যারা আমাকে ধাওয়া করে তাদের বিরংদে বর্ণা ও বল্লম তুলে নাও। আমাকে বলো, “আমিই তোমার পরিত্রাণ।” 4 যারা আমার প্রাণনাশের চেষ্টা করে তারা অপমানিত হোক ও লজ্জায় নত হোক; যারা আমার ধ্বংসের চক্রান্ত করে তারা হতাশায় ফিরে যাক। 5 বাতাসে তুমের মতো ওদের অবস্থা হোক, সদাপ্রভুর দৃত তাদের বিতাড়িত করুক; 6 তাদের চলার পথ অন্ধকারাচ্ছন্ম ও পিচ্ছিল হোক, আর সদাপ্রভুর দৃত তাদের পিছনে ধাওয়া করুক। 7 যেহেতু ওরা অকারণে আমার জন্য গোপন ফাঁদ পেতেছে, আর অকারণেই আমার জন্য গর্ত খুঁড়েছে, 8 অতর্কিতে তাদের উপর যেন ধ্বংস নেমে আসে— ওদের পাতা গোপন ফাঁদে যেন ওরা নিজেরাই ধরা পড়ে, ওদের খোঁড়া গর্তে যেন ওরা পড়ে আর ধ্বংস হয়। 9 তখন সদাপ্রভুর উদ্দেশে আমার প্রাণ আনন্দিত হবে, আর তাঁর পরিত্রাণে উল্লিখিত হবে। 10 আমার সমগ্র সত্ত্ব বলবে, “তোমার মতো কে আছে, হে সদাপ্রভু? তুমি শক্তিমানের হাত থেকে দুর্বলকে রক্ষা করো, লুঁঠনকারীদের হাত থেকে দুর্বল ও দরিদ্রদের রক্ষা করো।” 11 দুষ্ট সাক্ষীর দল এগিয়ে আসছে; আমার অজানা বিষয় নিয়ে তারা আমাকে প্রশ্ন করে। 12 উপকারের প্রতিদানে ওরা আমার অপকার করে, আমি শোকার্ত হয়ে রইলাম। 13 কিন্তু ওরা যখন পীড়িত ছিল, আমি দুঃখে তখন চট পরেছিলাম, উপবাস করে নিজেকে ন্যূন করেছিলাম, কিন্তু আমার

প্রার্থনা নিরূপের হয়ে আমার কাছে ফিরে এল। 14 আমি শোকার্ত হয়ে  
রইলাম, যেন তারা আমার বন্ধু বা পরিবার ছিল, বিষাদে আমি মাথা  
নত করেছিলাম যেন আমি নিজের মায়ের শোকে বিলাপ করছিলাম।  
15 কিন্তু যখন আমি হোঁচ্ট খেলাম, তখন ওরা আনন্দে সমবেত হল,  
আক্রমণকারীরা আমার অজান্তে আমার বিরুদ্ধে দলবদ্ধ হল। ক্ষান্ত না  
হয়ে তারা আমাকে বিদীর্ণ করল। 16 অধার্মিকের মতো তারা আমাকে  
ব্যঙ্গবিদ্রূপ করে, তারা আমার প্রতি দন্তঘর্ষণ করে। 17 আর কত কাল,  
হে প্রভু, তুমি নীরবে দেখবে? ওদের হিংস্র আক্রমণ থেকে আমাকে  
রক্ষা করো, ওইসব সিংহের গ্রাস থেকে আমার জীবন বাঁচাও। 18  
মহাসমাবেশে আমি তোমাকে ধন্যবাদ জানাব; অগণিত মানুষের মাঝে  
আমি তোমার প্রশংসা করব। 19 যারা অকারণে আমার শক্ত হয়েছে  
তারা যেন আমার পরাজয়ে উল্লিঙ্কিত না হয়; যারা অকারণে আমায় ঘৃণা  
করে তারা যেন পরহিংসায় আমার প্রতি কটাক্ষ না করে। 20 তারা  
শান্তির কথা বলে না; কিন্তু যারা জগতে শান্তিতে বসবাস করে তাদেরই  
বিরুদ্ধে মিথ্যা অভিযোগ রচনা করে। 21 তারা আমার প্রতি অবজ্ঞা  
করে আর বলে, “হা! হা! আমরা নিজেদের চোখে এসব দেখেছি।” 22  
হে সদাপ্রভু, তুমি সবই দেখেছ, তুমি নীরব থেকে না। হে প্রভু, তুমি  
আমার কাছ থেকে দূরে থেকে না। 23 জেগে ওঠো এবং আমায় সমর্থন  
করো। আমার পক্ষে দাঁড়াও, হে আমার ঈশ্বর ও প্রভু। 24 তোমার  
ধার্মিকতায় আমাকে নির্দোষ ঘোষণা করো, হে সদাপ্রভু, আমার ঈশ্বর;  
আমাকে নিয়ে তাদের উল্লাস করতে দিয়ো না। 25 তাদের ভাবতে  
দিয়ো না, “আহা! আমরা যা চেয়েছি, তাই ঘটেছে!” অথবা না বলে,  
“আমরা ওকে গ্রাস করেছি।” 26 যারা আমার দুর্দশায় উল্লিঙ্কিত হয়  
তারা যেন লজ্জিত ও অপমানিত হয়; যারা আমার উপরে নিজেদের  
উন্নত করে তারা সবাই যেন লজ্জায় ও অসম্মানে আবৃত হয়। 27 যারা  
আমার নির্দোষিতা প্রমাণে আনন্দ পায়, তারা আনন্দধ্বনি করুক,  
আত্মাদিত হোক; তারা সর্বক্ষণ বলুক, “সদাপ্রভু মহিমাপ্রিত হোন,  
যিনি তাঁর দাসের কল্যাণে নিত্য আনন্দিত।” 28 আমার জিভ তোমার  
ধার্মিকতা প্রচার করবে, সারাদিন তোমার প্রশংসাগান গাইবে।

## **36** সংগীত পরিচালকের জন্য। সদাপ্রভুর দাস দাউদের গীত।

দুষ্টদের অপরাধ সম্পর্কে আমার হস্তয়ে এক প্রত্যাদেশ আছে: তাদের  
চোখে ঈশ্বরভয় নেই। 2 তারা নিজেদের দৃষ্টিতে নিজেদের তোষামোদ  
করে, ভাবে যে তাদের অপরাধ ধরা পড়বে না বা নিন্দিত হবে না। 3  
তাদের মুখের কথা দুষ্টতা ও ছলনায় ভরা, তারা জ্ঞান ও সদাচরণ ত্যাগ  
করেছে। 4 এমনকি তাদের বিচানায় শুয়েও তারা মন্দ পরিকল্পনা  
করে, অসৎ পথে তারা নিজেদের চালনা করে এবং যা মন্দ তা  
পরিত্যাগ করে না। 5 হে সদাপ্রভু, তোমার প্রেম গগনচুম্বী, তোমার  
বিশ্বস্তা গগনস্পর্শী। 6 তোমার ধার্মিকতা মহান পর্বতের তুল্য,  
তোমার ন্যায়বিচার অতল জলধির মতো। তুমি, হে সদাপ্রভু, মানুষ ও  
পশুকে বাঁচিয়ে রাখো। 7 হে ঈশ্বর, তোমার অবিচল প্রেম কত অমূল্য!  
মানুষ তোমার পক্ষছায়ায় আশ্রয় নেয়। 8 তোমার গৃহের প্রাচুর্যে তারা  
পরিত্থিত হয়, তোমার আনন্দ-নদীর জল তুমি তাদের পান করিয়ে  
থাকো। 9 কারণ তোমাতেই আছে জীবনের উৎস, তোমার আলোতে  
আমরা আলো দেখি। 10 যারা তোমাকে জানে, তাদের প্রতি তোমার  
প্রেম, এবং ন্যায়পরায়ণদের প্রতি তোমার ধর্মশীলতা, স্থায়ী করো। 11  
অহংকারীর চরণ যেন আমার বিরুদ্ধে না আসে, দুষ্টদের হাত যেন  
আমাকে বিতাড়িত না করে। 12 দেখো, অনিষ্টকারীদের দল লুটিয়ে  
পড়েছে ভূমিতে পতিত হয়েছে, তাদের উঠে দাঁড়ানোর শক্তি নেই।

## **37** দাউদের গীত। যারা দুষ্ট তাদের দিকে তাকিয়ে বিচলিত হোয়ো না যারা মন্দ কাজ করে তাদের দেখে ঈর্ষা কোরো না; 2 কারণ ঘাসের মতো তারা অচিরেই শুকিয়ে যাবে, সবুজ লতার মতো তারা অচিরেই বিনষ্ট হবে। 3 সদাপ্রভুতে আস্থা রাখো আর সদাচরণ করো; এই দেশে বসবাস করো আর নিরাপদ আশ্রয় উপভোগ করো। 4 সদাপ্রভুতে আনন্দ করো, তিনিই তোমার মনের অভিলাষ পূর্ণ করবেন। 5 তোমার চলার পথ সদাপ্রভুতে সমর্পণ করো; তাঁর উপর নির্ভর করো আর তিনি এসব করবেন: 6 তিনি তোমার ধার্মিকতার পুরক্ষার ভোরের মতো, আর তোমার সততা মধ্যাহ্নের সূর্যের মতো উজ্জ্বল করবেন। 7 সদাপ্রভুর সামনে নীরব হও, ধৈর্য ধরে তাঁর প্রতীক্ষায় থাকো;

যখন দুষ্ট ব্যক্তিরা তাদের জীবনে সফল হয়, যখন তারা তাদের মন্দ  
পরিকল্পনা কার্যকর করে, তখন বিচলিত হোয়ো না। ৪ রাগ থেকে  
দূরে থাকো আর ক্ষেত্র থেকে মুখ ফেরাও; বিচলিত হোয়ো না, তা  
কেবল মন্দের দিকে নিয়ে যায়। ৫ কারণ যারা দুষ্ট তারা ধ্বংস হবে,  
কিন্তু যারা সদাপ্রভুতে আশা রাখে তারা দেশের অধিকারী হবে। ১০  
আর কিছুকাল পরেই দুষ্টদের অস্তিত্ব লোপ পাবে; তুমি তাদের খোঁজ  
করতে পারো কিন্তু তাদের পাওয়া যাবে না। ১১ কিন্তু যারা নম্ব তারা  
দেশের অধিকারী হবে, এবং শান্তি ও প্রাচুর্য উপভোগ করবে। ১২ যারা  
দুষ্ট তারা ধার্মিকদের বিরুদ্ধে চক্রান্ত করে আর তাদের প্রতি ক্ষেত্রে  
দন্তঘর্ষণ করে; ১৩ কিন্তু সদাপ্রভু দুষ্টদের দিকে তাকিয়ে হাসেন কারণ  
তিনি জানেন যে তাদের দিন ঘনিয়ে আসছে। ১৪ দুষ্টেরা তরোয়াল বের  
করে, আর ধনুকে গুণ পরায় কারণ তারা দরিদ্র ও অভাবী মানুষদের  
বিনাশ করতে চায়, যারা ন্যায়পরায়ণ তাদের হত্যা করতে চায়। ১৫  
কিন্তু তাদের তরোয়ালগুলি তাদের নিজেদের হৃদয় বিন্দু করবে, আর  
তাদের ধনুকও চূর্ণ হবে। ১৬ বহু দুষ্টের ঐশ্বর্যের চেয়ে ধার্মিকের  
সামান্য সম্মত শ্রেয়; ১৭ কারণ দুষ্টদের ক্ষমতা চূর্ণ হবে, কিন্তু সদাপ্রভু  
ধার্মিকদের ধারণ করেন। ১৮ দিনের পর দিন সদাপ্রভু নির্দোষদের  
রক্ষা করেন আর তারা এমন এক অধিকার পাবে যা চিরস্থায়ী হবে।  
১৯ সংকটকালে তারা শুকিয়ে যাবে না; দুর্ভিক্ষের দিনে তারা প্রাচুর্য  
উপভোগ করবে। ২০ কিন্তু দুষ্টেরা বিনষ্ট হবে: যদিও সদাপ্রভুর শক্ররা  
মাঠের ফুলের মতো, তাদের গ্রাস করা হবে, আর তারা ধোঁয়ার মতো  
মিলিয়ে যাবে। ২১ দুষ্টেরা ঝণ নেয় কিন্তু পরিশেধ করে না, কিন্তু  
ধার্মিকেরা উদারতার সাথে দান করে; ২২ যাদের সদাপ্রভু আশীর্বাদ  
করেন তারা দেশের অধিকারী হবে, কিন্তু যাদের তিনি অভিশাপ দেন  
তারা ধ্বংস হবে। ২৩ যে ব্যক্তি সদাপ্রভুতে আমোদ করে সদাপ্রভু  
তার পদক্ষেপ সুদৃঢ় করেন; ২৪ হোঁচ্ট খেলেও তার পতন হবে না,  
কারণ সদাপ্রভু তাকে স্বহস্তে ধরে রাখেন। ২৫ আমি তরুণ ছিলাম এবং  
এখন প্রবীণ হয়েছি, কিন্তু আমি দেখিনি যে ধার্মিকদের পরিত্যাগ করা  
হয়েছে অথবা তাদের ছেলেমেয়েরা ভিক্ষা করছে। ২৬ তারা সর্বদা

উদার ও মুক্তহস্তে খাণ দান করে, তাদের ছেলেমেয়েরা আশীর্বাদপ্রাপ্ত হয়। 27 মন্দতা বর্জন করো আর সৎকাজ করো; তাহলে চিরকাল তোমরা দেশে বসবাস করবে। 28 কারণ সদাপ্রভু ন্যায়পরায়ণকে ভালোবাসেন আর তিনি তাঁর বিশ্বস্তজনেদের পরিত্যাগ করবেন না। তারা চিরতরে রক্ষিত হবে; কিন্তু দুষ্টদের ছেলেমেয়েরা বিনষ্ট হবে। 29 ধার্মিকেরাই দেশের অধিকারী হবে এবং তারা চিরকাল সেখানে বসবাস করবে। 30 ধার্মিকদের মুখ জ্ঞানের কথা বলে, তাদের জিভ যা ন্যায্য তাই বলে। 31 তাদের ঈশ্বরের বিধান তাদের অন্তরে আছে; আর তাদের পা পিছলায় না। 32 যে দুষ্ট সে ধার্মিকদের পথ গোপনে লক্ষ্য রাখে, সে তাদের হত্যা করার চেষ্টা করে, 33 কিন্তু সদাপ্রভু তাদের দুষ্টদের হাতে ছেড়ে দেবেন না বা তাদের বিচারে নিয়ে আসা হলে দোষী সাব্যস্ত হতে দেবেন না। 34 সদাপ্রভুর আশায় থাকো আর তাঁর পথে অগ্রসর হও। তিনি তোমাকে দেশের অধিকার দেবার জন্য উন্নীত করবেন; যখন দুষ্টেরা ধ্বংস হবে, তোমরা দেখতে পাবে। 35 আমি দুষ্ট ও নিষ্ঠুর ব্যক্তিদের দেখেছি স্বভূমিতে সতেজ গাছের মতো প্রসারিত হতে দেখেছি, 36 কিন্তু আবার যখন দৃষ্টিপাত করেছি, তারা নিশ্চিহ্ন হয়েছে; আমি তাদের খোঁজার চেষ্টা করলেও তাদের সন্ধান পাওয়া যায়নি। 37 নির্দোষদের কথা ভাবো, ন্যায়পরায়ণদের প্রতি দৃষ্টিপাত করো; যারা শান্তি খোঁজে তাদের এক ভবিষ্যৎ আছে, 38 কিন্তু পাপীরা সবাই ধ্বংস হবে; দুষ্টদের কোনও ভবিষ্যৎ নেই। 39 ধার্মিকদের পরিত্রাণ সদাপ্রভুর কাছ থেকেই আসে; সংকটকালে তিনিই তাদের আশ্রয় দুর্গ। 40 সদাপ্রভু তাদের সাহায্য করেন ও তাদের উদ্ধার করেন; তিনি তাদের দুষ্টদের কবল থেকে উদ্ধার করেন ও মুক্ত করেন, কারণ তারা যে তাঁরই শরণাগত।

**38** দাউদের গীত। একটি প্রার্থনা। হে সদাপ্রভু, তোমার রাগে আমাকে তিরঙ্গার কোরো না ক্রোধে আমাকে শাসন কোরো না। 2 তোমার তিরঙ্গলি আমাকে বিদ্ব করেছে, এবং তোমার হাত আমার উপর নেমে এসেছে। 3 তোমার রোষে আমার সারা শরীর জীর্ণ হয়েছে; আমার পাপের জন্য আমার হাড়গোড়ে কোনো শক্তি নেই। 4 আমার

দোষভার আমাকে বিচলিত করেছে তা এমন এক বোবা যা বহন করা  
খুবই কষ্টকর। 5 আমার পাপের মূর্খতায় আমার দেহের ক্ষতস্থানগুলি  
আজ দৃষ্টিও দুর্গম্বস্থ হয়েছে। 6 আমি আজ অবনত হয়েছি ও  
অত্যন্ত মনমরা হয়ে পড়েছি; বিষণ্ণতায় আমার সারাদিন কাটছে। 7  
এক তীব্র যন্ত্রণা আমার দেহকে জীর্ণ করেছে; আমার প্রাণে কোনও  
স্বাস্থ্য নেই। 8 আমি জীর্ণ ও সম্পূর্ণ বিধ্বস্ত হয়েছি, তীব্র মনোবেদনায়  
আমি হাহাকার করছি। 9 হে প্রভু, আমার সমস্ত কামনা তোমার সামনে  
উন্মুক্ত, আমার দীর্ঘশ্বাস তোমার কাছে গুপ্ত নয়। 10 আমার হৃদয়  
কম্পিত, আমার শক্তি নিঃশেষ হয়েছে, আমার চোখ থেকে আমার দৃষ্টি  
হারিয়েছে। 11 আমার রোগের জন্য আমার বদ্ধ ও প্রিয়জনেরা আমাকে  
ত্যাগ করেছে, আমার প্রতিবেশীরাও আমার থেকে দূরে থাকে। 12  
যারা আমার প্রাণ নিতে চায় তারা আমার জন্য ফাঁদ পেতেছে, যারা  
আমার অনিষ্ট করতে চায় তারা আমার ধৰংসের কথা বলে; সারাদিন  
ধরে তারা ছলনার ঘড়্যন্ত করে। 13 আমি বধিরের মতো হয়েছি যে  
কানে শুনতে পারে না, বোবার মতো হয়েছি যে কথা বলতে পারে না।  
14 আমি এমন এক ব্যক্তির মতো হয়েছি যে কিছুই শুনতে পারে না,  
যার মুখ কোনো উন্নত দিতে পারে না। 15 হে সদাপ্রভু, আমি তোমার  
অপেক্ষায় আছি; তুমি আমায় উন্নত দেবে, হে প্রভু আমার ঈশ্বর। 16  
আমি প্রার্থনা করি, “আমার শক্তিরা যেন আমার পতনে আমাকে নিয়ে  
উল্লাস না করে বা আনন্দ না করে।” 17 আমার পতন আসন্ন, আর  
যন্ত্রণা প্রতিনিয়ত আমার সঙ্গী। 18 আমি আমার অপরাধ স্বীকার করি;  
আমার পাপের জন্য আমি অত্যন্ত অনুতপ্ত। 19 অনেকে অকারণে  
আমার শক্তি হয়েছে, অসংখ্য লোক অকারণে আমাকে ঘৃণা করে। 20  
যারা আমার উপকারের বিনিময়ে অপকার করে তারা আমার বিরুদ্ধে  
অভিযোগ নিয়ে আসে, যদিও আমি ভালো করারই চেষ্টা করি। 21  
হে সদাপ্রভু, আমাকে পরিত্যাগ কোরো না; হে আমার ঈশ্বর, তুমি  
আমার কাছ থেকে দূরে সরে থেকো না। 22 হে আমার প্রভু ও আমার  
রক্ষাকর্তা, তাড়াতাড়ি এসে আমাকে সাহায্য করো।

**39** যিন্দুধূন, সংগীত পরিচালকের জন্য। দাউদের গীত। আমি  
নিজেকে বললাম, “আমি আমার চলার পথে সতর্ক হব আর নিজের  
জিভকে পাপ থেকে সংযত রাখব; দুষ্টদের উপস্থিতিতে নিজের মুখ  
সংবরণ করে রাখব।” 2 তাই আমি সম্পূর্ণ নীরব রইলাম, এমনকি  
সৎকথাও উচ্চারণ করলাম না। কিন্তু আমার যন্ত্রণা বৃদ্ধি পেল; 3 আমার  
হৃদয় উত্তপ্ত হয়ে উঠল। আমি যত এই বিষয় নিয়ে ভাবলাম আমার  
মনের আগুন ততই জ্বলে উঠল; তখন আমি জিভ দিয়ে বললাম: 4  
“হে সদাপ্রভু, আমার জীবনের সমাপ্তি আমাকে দেখাও আমাকে মনে  
করিয়ে দাও যে আমার জীবনের দিনগুলি সীমিত; আমাকে বোবাও  
আমার জীবন কত ক্ষণস্থায়ী। 5 তুমি আমার জীবনের আয়ু আমার  
হাতের মুঠোর মতো ছোটো করেছ; আমার সম্পূর্ণ জীবনকাল তোমার  
কাছে কিছুই নয়। সবাই তোমার কাছে নিঃশ্বাসের সমান, এমনকি  
তারাও যাদের সুরক্ষিত মনে হয়। 6 “সবাই সামান্য চলমান ছায়ার  
মতো; বৃথাই তারা ব্যস্ত, সম্পদ সঞ্চয়ে ব্যতিব্যস্ত কিন্তু জানে না,  
কে এই সম্পদ ভোগ করবে। 7 “কিন্তু এখন, হে সদাপ্রভু, আমি  
কীসের আশায় থাকব? আমার আশা একমাত্র তোমাতেই। 8 আমার  
সব অপরাধ থেকে আমায় মুক্ত করো, আমাকে মৃত্যুদের উপহাসের  
পাত্র কোরো না। 9 আমি তোমার সামনে নীরব রইলাম; মুখ খুললাম  
না, কারণ আমার শাস্তি তোমার কাছ থেকেই আসে। 10 আমার  
প্রতি তোমার আঘাত ক্ষান্ত করো; তোমার হাতের আঘাতে আমি  
জর্জরিত। 11 যখন তুমি কাউকে তার পাপের জন্য তিরক্ষার ও শাসন  
করো, কীটের মতো তাদের সম্পত্তি তুমি গ্রাস করো, সত্যি সকলে  
নিঃশ্বাসের মতোই ক্ষণস্থায়ী। 12 “হে সদাপ্রভু, আমার প্রার্থনা শোনো,  
আমার সাহায্যের প্রার্থনায় কর্ণপাত করো; আমার চোখের জলে বধির  
হয়ে থেকো না। কারণ আমি তোমার কাছে বিদেশির মতো, আমার  
পিতৃপুরুষদের মতোই আমি প্রবাসী। 13 আমার জীবন শেষ হওয়ার  
আগে আমার উপর থেকে তোমার ক্ষেত্রের দৃষ্টি সরাও, যেন আমি  
আবার জীবন উপভোগ করতে পারি।”

**৪০** সংগীত পরিচালকের জন্য। দাউদের গীত। আমি ধৈর্যসহ  
সদাপ্রভুর প্রতীক্ষায় ছিলাম; তিনি আমার প্রতি মনোযোগ দিলেন আর  
আমার প্রার্থনা শুনলেন। ২ তিনি হতাশার গহুর থেকে আমাকে টেনে  
তুললেন, কাদা এবং পাঁক থেকে; তিনি এক শৈলের উপর আমার পা  
স্থাপন করলেন এবং আমাকে দাঁড়াবার জন্য এক সুন্দৃ স্থান দিলেন। ৩  
তিনি আমার মুখে এক নতুন গান দিলেন, আমাদের ঈশ্বরের জন্য এক  
প্রশংসার গীত দিলেন। অনেকে এসব দেখবে আর সদাপ্রভুকে সন্তুষ্ম  
করবে আর তাঁর উপর আস্থা স্থাপন করবে। ৪ ধন্য সেই ব্যক্তি যে  
সদাপ্রভুর উপর আস্থা রাখে, যে দাস্তিকের উপর নির্ভর করে না, বা  
ভুয়ো দেবতার আরাধনাকারীদের উপর নির্ভর করে না। ৫ হে সদাপ্রভু,  
আমার ঈশ্বর, প্রচুর তোমার অলৌকিক কাজ, প্রচুর তোমার পরিকল্পনা  
আমাদের জন্য। তোমার মতো কেউ নেই; যদি আমি তোমার সব  
কাজ বলতে শুরু করি, কিন্তু সে সব কোনোভাবেই গোনা যাবে না। ৬  
তুমি বলিদানে ও নৈবেদ্যে প্রীত নও, কিন্তু তুমি আমার কান খুলে  
দিয়েছ, আর আমি বুঝতে পেরেছি— হোমবলি বা পাপার্থক বলি তুমি  
চাওনি। ৭ তখন আমি বললাম, “এই দেখো, আমি এসেছি, শাস্ত্রে  
আমার বিষয়ে লেখা আছে। ৮ আমি তোমার ইচ্ছা পালন করতে চাই,  
হে ঈশ্বর; তোমার বিধিনিয়ম আমার হৃদয়ে আছে।” ৯ তোমার সব  
গোককে আমি তোমার ন্যায়বিচারের কথা বলেছি, আমি আমার মুখ  
বন্ধ করিনি, হে সদাপ্রভু, এসব তুমি জানো। ১০ তোমার ধর্মশীলতার  
কথা আমি হৃদয়ে লুকিয়ে রাখিনি; আমি তোমার বিশ্বস্ততা ও পরিত্রাণ  
ঘোষণা করেছি। তোমার প্রেম ও বিশ্বস্ততা মহাসমাবেশ থেকে আমি  
লুকিয়ে রাখিনি। ১১ হে সদাপ্রভু, তোমার করণা থেকে আমাকে বঞ্চিত  
কোরো না, তোমার প্রেম ও বিশ্বস্ততা আমাকে সর্বদা সুরক্ষিত করংক।  
১২ দেখো, অগণিত অশান্তি আমাকে চারিদিকে ঘিরে রেখেছে; আমার  
সব অপরাধ আমাকে ধরেছে, আমি কোনো পথ দেখতে পাই না,  
সেগুলি আমার মাথার চুলের থেকেও বেশি, এবং আমি সমস্ত সাহস  
হারিয়েছি। ১৩ প্রসন্ন হও, হে সদাপ্রভু, আর আমাকে উদ্ধার করো;  
তাড়াতাড়ি এসো, হে সদাপ্রভু, আর আমাকে সাহায্য করো। ১৪ যারা

আমার প্রাণনাশের চেষ্টা করে তারা যেন লজ্জিত ও অপমানিত হয়;  
 যারা আমার ধৰ্মস কামনা করে, তারা যেন লাঞ্ছনায় পিছু ফিরে যায়।  
 15 যারা আমাকে বলে, “হা! হা!” তারা যেন নিজেদের লজ্জাতে হতভব  
 হয়। 16 কিন্তু যারা তোমার অন্নেষণ করে তারা তোমাতে আনন্দ করুক  
 ও খুশি হোক; যারা তোমার পরিত্রাণ ভালোবাসে, তারা সর্বদা বলুক,  
 “সদাপ্রভু মহান!” 17 কিন্তু দেখো, আমি দরিদ্র ও অভাবী; প্রভু আমার  
 কথা চিন্তা করুক; তুমি আমার সহায় ও আমার রক্ষাকর্তা; তুমি আমার  
 ঈশ্বর, দেরি কোরো না।

**41** সংগীত পরিচালকের জন্য। দাউদের গীত। ধন্য সেই ব্যক্তি, যে  
 দীনহীনদের জন্য চিন্তা করে; সংকটের দিনে সদাপ্রভু তাদের উদ্ধার  
 করেন। 2 সদাপ্রভু তাকে রক্ষা করেন আর জীবিত রাখেন— তিনি  
 তাদের দেশে তাদের সম্মতি দেন— সদাপ্রভু তাকে তার শক্রদের  
 ইচ্ছায় সমর্পণ করেন না। 3 সদাপ্রভু রোগশয্যায় তাকে বাঁচিয়ে  
 রাখবেন এবং অসুস্থতার বিছানা থেকে তাকে সুস্থ করবেন। 4 আমি  
 বলি “হে সদাপ্রভু, আমার প্রতি দয়া করো; আমাকে সুস্থ করো, কারণ  
 আমি তোমার বিরুদ্ধে পাপ করেছি।” 5 আক্রেশে আমার শক্ররা  
 আমার সম্বন্ধে বলে, “কখন তার মৃত্যু হবে ও তার নাম লুণ্ঠ হবে?” 6  
 যখন তাদের মধ্যে কেউ আমাকে দেখতে আসে, সে হাদয়ে আমার  
 সম্বন্ধে কুৎসা সঞ্চয় করে এবং মুখে মিথ্যা বলে, পরে সে চলে যায়  
 এবং এসব সর্বত্র রঁটিয়ে দেয়। 7 আমার শক্ররা সবাই মিলে আমার  
 বিরুদ্ধে ফিসফিস করে; তারা আমার অনিষ্ট কল্পনা করে, আর বলে,  
 8 “সর্বনাশা এক ব্যাধি তাকে আক্রমণ করেছে; সে তার রোগশয্যা  
 ছেড়ে কখনও উঠতে পারবে না?” 9 এমনকি আমার ঘনিষ্ঠ বন্ধু, যাকে  
 আমি বিশ্বাস করেছিলাম, এবং যে আমার খাবার ভাগ করে খেয়েছিল,  
 সে আমার বিপক্ষে গেছে! 10 কিন্তু তুমি, হে সদাপ্রভু, আমার প্রতি দয়া  
 করো, আবার আমাকে সুস্থ করো, যেন আমি তাদের প্রতিফল দিতে  
 পারি। 11 আমি জানি যে তুমি আমার প্রতি প্রসন্ন, কারণ আমার শক্র  
 আমার উপর বিজয়ী হয় না। 12 আমার সততার কারণে তুমি আমার  
 জীবন বাঁচিয়ে রেখেছ, আমাকে তোমার উপস্থিতিতে চিরকালের জন্য

নিয়ে এসেছ। 13 ধন্য সদাপ্রভু ইস্রায়েলের ঈশ্বর, অনাদিকাল থেকে  
অনন্তকাল পর্যন্ত।

**42** সংগীত পরিচালকের জন্য। কোরহ বংশের সন্তানদের মক্ষীল।  
হরিণী যেমন জলপ্রোতের আকাঙ্ক্ষা করে, হে ঈশ্বর, তেমনি আমার  
প্রাণ তোমার আকাঙ্ক্ষা করে। 2 ঈশ্বরের জন্য, জীবিত ঈশ্বরের জন্য,  
আমার প্রাণ তৃষ্ণার্ত। কখন আমি গিয়ে ঈশ্বরের সঙ্গে সাক্ষাৎ করতে  
পারি? 3 দিনে ও রাতে আমার চোখের জল আমার খাবার হয়েছে  
কারণ লোকেরা সারাদিন আমাকে বলে, “তোমার ঈশ্বর কোথায়?” 4  
যখন আমি আমার প্রাণ ঢেলে দিই তখন আমি এইসব স্মরণ করি:  
আমি উপাসকদের ভিড়ের মধ্যে হাঁটাম, আনন্দের গানে ও ধন্যবাদ  
দিয়ে, মহা গুণকীর্তনের আনন্দধ্বনিতে এক শোভাযাত্রাকে ঈশ্বরের  
গৃহের দিকে এগিয়ে নিয়ে যেতাম। 5 হে আমার প্রাণ, কেন তুমি  
অবসন্ন? কেন তুমি অন্তরে এত হতাশ? ঈশ্বরে তুমি আশা রাখো,  
কারণ আমি আবার তাঁর প্রশংসা করব যিনি আমার পরিত্রাতা ও আমার  
ঈশ্বর। 6 আমার প্রাণ আমার অন্তরে অবসন্ন; কিন্তু জর্ডনের দেশ  
থেকে, হর্মোগের উচ্চতা—মিসিয়ার পর্বত থেকে, আমি তোমাকে  
স্মরণ করব। 7 তোমার জলপ্রপাতের গর্জনে অতল অতলকে ডাকে;  
তোমার সমস্ত ঢেউ ও তরঙ্গ আমার উপর দিয়ে বয়ে গেছে। 8 কিন্তু  
সদাপ্রভু প্রতিদিন তাঁর অবিচল প্রেম আমার উপর ঢেলে দেন, এবং  
প্রত্যেক রাত্রে আমি তাঁর গান করি, ও ঈশ্বরের কাছে প্রার্থনা করি যিনি  
আমাকে জীবন দেন। 9 আমার শৈল ঈশ্বরকে আমি বলি, “কেন তুমি  
আমায় ভুলে গিয়েছ? কেন আমি আমার শক্তির অত্যাচারে বিষণ্ণ মনে  
এদিক-ওদিক ঘুরে বেড়াব?” 10 যখন আমার বিপক্ষ আমাকে ব্যঙ্গ  
করে আমার হাড়গোড় সব চূর্ণ হয় তারা সারাদিন আমাকে অবজ্ঞা করে  
বলে, “তোমার ঈশ্বর কোথায়?” 11 হে আমার প্রাণ, কেন তুমি অবসন্ন?  
কেন তুমি অন্তরে এত হতাশ? ঈশ্বরে তুমি আশা রাখো, কারণ আমি  
আবার তাঁর প্রশংসা করব যিনি আমার পরিত্রাতা ও আমার ঈশ্বর।

**43** হে ঈশ্বর, আমাকে নির্দোষ ঘোষণা করো, এক অবিশ্বস্ত জাতির  
বিরুদ্ধে, আমার পক্ষসমর্থন করো। যারা ছলনাকারী ও দুর্নীতিপরায়ণ

তাদের হাত থেকে আমাকে উদ্বার করো। 2 তুমি আমার ঈশ্বর,  
 আমার আশ্রয় দুর্গ, কেন তুমি আমাকে পরিত্যাগ করেছ? কেন আমি  
 আমার শক্তির অত্যাচারে বিষণ্ণ মনে এদিক-ওদিক ঘুরে বেড়াব? 3  
 তোমার জ্যোতি ও তোমার সত্য আমার কাছে পাঠাও, তারা আমাকে  
 পথ দেখাক; তারা তোমার পবিত্র পর্বতে আমাকে নিয়ে যাক সেই  
 স্থানে যেখানে তুমি বসবাস করো। 4 তখন আমি ঈশ্বরের বেদির কাছে  
 যাব, ঈশ্বরের সান্নিধ্যে—যিনি আমার সব আনন্দের উৎস। হে ঈশ্বর,  
 আমার ঈশ্বর সুরবাহারের বাংকারে আমি তোমার স্তুতি করব। 5 হে  
 আমার প্রাণ, কেন তুমি অবসন্ন? কেন তুমি অন্তরে এত হতাশ? ঈশ্বরে  
 তুমি আশা রাখো, কারণ আমি আবার তাঁর প্রশংসা করব যিনি আমার  
 পরিত্রাতা ও আমার ঈশ্বর।

**44** সংগীত পরিচালকের জন্য। কোরহ বংশের সন্তানদের মঙ্গল। হে  
 ঈশ্বর, পূর্বকালে, আমাদের পূর্বপুরুষদের সময়ে তুমি যা কিছু করেছ  
 তা আমরা আমাদের কানে শুনেছি। 2 তুমি নিজের হাতে অইহৃদিদের  
 তাড়িয়েছ আর আমাদের পূর্বপুরুষদের প্রতিষ্ঠিত করেছ; তুমি তাদের  
 শক্তিদের পদদলিত করেছ আর আমাদের পূর্বপুরুষদের সমৃদ্ধি দিয়েছ।  
 3 তাঁরা তাঁদের তরোয়াল দিয়ে এই দেশ অধিকার করেননি, তাঁদের  
 বাহুবলে তাঁরা জয়লাভ করেননি; কিন্তু তোমার শক্তিশালী ডান হাত,  
 তোমার বাহু, আর তোমার মুখের জ্যোতি সেইসব করেছে। 4 তুমি  
 আমার রাজা আমার ঈশ্বর, যাকোবকে বিজয়ী করতে আদেশ দিয়েছ।  
 5 তোমার দ্বারা আমরা শক্তিদের পশ্চাদ্বাবন করি; তোমার নামের  
 দ্বারা আমরা আমাদের বিপক্ষদের পদদলিত করি। 6 আমি আমার  
 ধনুকে আস্থা রাখি না, আমার তরোয়াল আমাকে বিজয়ী করে না; 7  
 কিন্তু আমাদের শক্তিদের উপরে তুমি আমাদের বিজয়ী করেছ, তুমি  
 আমাদের বিপক্ষদের লজ্জিত করেছ। 8 ঈশ্বরে আমরা সারাদিন গর্ব  
 করি, আর আমরা চিরকাল তোমার নামের প্রশংসা করব। 9 কিন্তু  
 এখন তুমি আমাদের পরিত্যাগ করেছ ও অবনত করেছ; আমাদের  
 সৈন্যবাহিনীর সঙ্গে তুমি আর যুদ্ধে যাও না। 10 আমাদের শক্তিদের  
 সামনে তুমি আমাদের পিছু ফিরতে বাধ্য করেছ, আর আমাদের

প্রতিপক্ষরা আমাদের লুট করেছে। 11 তুমি আমাদের ত্যাগ করেছ  
যেন আমরা মেষের মতো গ্রাস হয়ে যাই আর আমাদের বিভিন্ন জাতির  
মধ্যে ছড়িয়ে-ছিটিয়ে দিয়েছে। 12 তুমি তোমার প্রজাদের সামান্য  
মূল্যে বিক্রি করেছে, তাদের বিক্রি করে কিছুই পাওনি। 13 তুমি  
আমাদের প্রতিবেশীদের কাছে আমাদের নিন্দাস্পদ আর আমাদের  
চারপাশের লোকদের কাছে ঘৃণা ও উপহাসের পাত্র করেছে। 14  
অইহুদিদের আছে তুমি আমাদের রাসিকতার বন্ধ করে তুলেছ; তারা  
অবজ্ঞায় আমাদের প্রতি তাদের মাথা নাড়ায়। 15 সারাদিন আমি  
মর্যাদাহীনতার সাথে বেঁচে আছি, আর আমার মুখ লজ্জায় আবৃত। 16  
আমি কেবল বিদ্রূপকারী উপহাস শুনতে পাই; আমি কেবল আমার  
প্রতিহিংসাপরায়ণ শক্রদের দেখতে পাই। 17 এসব আমাদের প্রতি  
ঘটেছে যদিও আমরা তোমাকে ভুলে যাইনি; আমরা তোমার নিয়ম  
ভঙ্গ করিনি। 18 আমাদের হৃদয় তোমাকে ত্যাগ করেনি, আমাদের  
পদক্ষেপ তোমার পথ থেকে দূরে সরে যায়নি। 19 কিন্তু তুমি আমাদের  
চূর্ণ করেছ আর শিয়ালের বাসভূমিতে পরিণত করেছ; মৃত্যুর অন্ধকারে  
তুমি আমাদের আবৃত করেছে। 20 যদি আমরা আমাদের ঈশ্বরকে  
ভুলে গিয়েছি অথবা আমাদের হাত অন্য দেবতাদের প্রতি বাঢ়িয়ে  
দিয়েছি, 21 ঈশ্বর নিশ্চয়ই তা জানতে পারতেন। কারণ তিনি হৃদয়ের  
গুণ বিষয় জানেন। 22 তবুও তোমার জন্য আমরা প্রতিনিয়ত মৃত্যুর  
মুখোমুখি হই; বলির মেষের মতো আমাদের গণ্য করা হয়। 23 ওঠো,  
হে সদাপ্রভু! কেন তুমি ঘুমিয়ে? জাগ্রত হও! চিরকাল আমাদের ত্যাগ  
কোরো না। 24 কেন তুমি তোমার মুখ লুকিয়ে রাখো আর আমাদের  
দুর্দশা ও নির্যাতন ভুলে যাও? 25 আমাদের প্রাণ ধুলোতে অবনত;  
উপুড় হয়ে মাটিতে শুয়ে। 26 উঠে দাঁড়াও আর আমাদের সাহায্য  
করো; তোমার অবিচল প্রেমের গুণে আমাদের উদ্ধার করো।

**45** সংগীত পরিচালকের জন্য। কোরহ বৎশের সন্তানদের মক্ষীল।  
সুর: “লিলিফুলের গান।” বিবাহ সংগীত। যখন আমি রাজার কাছে  
শ্লোক পাঠ করি সুন্দর বাক্য আমার হৃদয়কে আলোড়িত করে; আমার  
জিভ সুদক্ষ লেখকের কলমের মতো। 2 তুমি পুরুষের মধ্যে সবচেয়ে

সুদর্শন, মঙ্গলময় বাক্য তোমার মুখ থেকে নির্গত হয়, কেননা ঈশ্বর  
 নিজেই তোমাকে চিরকালের জন্য আশীর্বাদ করেছেন। ৩ হে বলশালী  
 যোদ্ধা, তোমার তরোয়াল বেঁধে নাও; প্রভা ও মহিমায় নিজেকে সজ্জিত  
 করো। ৪ সত্য, নৃতা ও ন্যায়পরায়ণতা প্রতিষ্ঠা করে নিজস্ব মহিমায়  
 জয়লাভের দিকে অগ্রসর হও; তোমার ডান হাত ভয়াবহ ক্রিয়াকলাপ  
 করুক। ৫ তোমার ধারালো সব তির রাজার শক্রদের হৃদয় বিদ্ধ  
 করুক; আর সমস্ত জাতি তোমার পায়ের তলায় পতিত হোক। ৬  
 হে ঈশ্বর, তোমার সিংহাসন, অনন্তকালস্থায়ী; ধার্মিকতার রাজদণ্ড  
 হবে তোমার রাজ্যের রাজদণ্ড। ৭ তুমি ধার্মিকতা ভালোবাসো আর  
 অধর্মকে ঘৃণা করে আসছ; সেই কারণে ঈশ্বর, তোমার ঈশ্বর, আনন্দের  
 তেল দিয়ে অভিষিঞ্চ করে, তোমাকে তোমার সহচরদের উর্ধ্বে স্থাপন  
 করেছেন। ৮ গন্ধরস, অগ্নরং আর দারঢ়চিনি তোমার সমস্ত রাজবস্ত্রকে  
 গন্ধময় করে; আর হাতির দাঁতের রাজপ্রাসাদে তারের সুরযন্ত্র তোমাকে  
 আনন্দিত করে। ৯ তোমার সম্মানিত মহিলাদের মধ্যে রাজকন্যারা  
 আছে; তোমার ডানদিকে দাঁড়িয়ে আছে রাজবধূ, ওফীরের সোনায়  
 সজ্জিত। ১০ হে কন্যা, শোনো, আমার কথায় কর্ণপাত করো: তোমার  
 স্বজাতি ও তোমার বাবার বংশ ভুলে যাও। ১১ তোমার সৌন্দর্যতায়  
 রাজা মুক্ত হোক; তাঁর সমাদর করো, কেননা তিনি তোমার প্রভু।  
 ১২ সোরের নগরী এক উপহার নিয়ে আসবে, ধনী লোকেরা তোমার  
 অনুগ্রহ প্রার্থনা করবে। ১৩ রাজকন্যা, তার কক্ষে সম্পূর্ণরূপে অপূর্ব  
 তার পোশাক সোনায় খচিত। ১৪ অলংকৃত পোশাকে তাকে রাজার  
 কাছে নিয়ে যাওয়া হবে; তার কুমারী সঙ্গনীরা, যাদের তার সঙ্গে  
 থাকার জন্য আনা হয়েছে, রাজকন্যাকে অনুসরণ করবে। ১৫ আনন্দ ও  
 উল্লাসে অগ্রসর হয়ে, তারা রাজপ্রাসাদে প্রবেশ করবে। ১৬ তোমার  
 সন্তানেরা তোমার বাবাদের স্থান নেবে; তুমি তাদের সমস্ত দেশের  
 অধিপতি করবে। ১৭ আমি তোমার সৃতি বংশপরম্পরায় চিরস্থায়ী  
 করব; সেইজন্য জাতিরা যুগে যুগে তোমার প্রশংসা করবে।

**46** সংগীত পরিচালকের জন্য। কোরহ বংশের সন্তানদের গীত।  
 অলামোৎ অনুসারে। ঈশ্বর আমাদের আশ্রয় ও বল, সংকটকালে সদা

উপস্থিত সহায়। 2 অতএব আমরা তয় করব না, যদিও পৃথিবী কম্পিত  
হয় এবং সমুদ্রের বুকে পর্বতসকল পতিত হয়, 3 যদিও সমুদ্র গর্জন  
করে ও প্রচঙ্গ হয়, এবং উথাল জলে পর্বতসকল কেঁপে উঠে। 4 এক  
নদী আছে যার জলস্ন্মোত ঈশ্বরের নগরীকে, পরাণপরের আবাসের  
পবিত্র স্থানকে আনন্দিত করে। 5 ঈশ্বর সেই নগরীর মধ্যে আছেন,  
তার পতন হবে না; দিনের শুরুতেই ঈশ্বর তাকে সাহায্য করবেন। 6  
জাতিরা বিশ্বজ্ঞলতায় পূর্ণ এবং তাদের রাজ্যগুলি পতিত হয়; ঈশ্বরের  
কর্তৃস্বর গর্জন করে এবং পৃথিবী গলে যায়! 7 সর্বশক্তিমান সদাপ্রভু  
আমাদের সঙ্গে আছেন; যাকোবের ঈশ্বর আমাদের উচ্চদুর্গ। 8 এসো  
এবং দেখো, সদাপ্রভু কী করেন, দেখো, কীভাবে তিনি এই জগতে  
ধ্বংস নিয়ে আসেন। 9 তিনি পৃথিবীর প্রান্ত পর্যন্ত যুদ্ধ বন্ধ করেন  
তিনি ধনুক ভেঙে দেন ও বর্ণা চূর্ণ করেন; তিনি ঢালগুলি আগুনে  
পুড়িয়ে দেন। 10 তিনি বলেন, “শান্ত হও, আর জানো, আমিই ঈশ্বর;  
সমস্ত জাতিতে আমি মহিমান্বিত হব, সমস্ত পৃথিবীতে আমি মহিমান্বিত  
হব।” 11 সর্বশক্তিমান সদাপ্রভু আমাদের সঙ্গে আছেন; যাকোবের  
ঈশ্বর আমাদের উচ্চদুর্গ।

**47** সংগীত পরিচালকের জন্য। কোরহ বংশের সন্তানদের একটি  
গীত। হে জাতিসকল, করতালি দাও; মহানন্দে ঈশ্বরের উদ্দেশে  
জয়ধ্বনি করো। 2 কারণ পরাণপর সদাপ্রভু ভয়ংকর, সমস্ত জগতের  
উপর তিনিই রাজা। 3 বিভিন্ন লোকদের তিনি আমাদের অধীন  
করেছেন, আমাদের শক্রদের আমাদের পদানত করেছেন। 4 তিনি  
আমাদের অধিকার আমাদের জন্য বেছে নিয়েছেন, তা যাকোবের  
গর্বের বিষয়, যাকে তিনি ভালোবেসেছিলেন। 5 ঈশ্বর আনন্দের  
জয়ধ্বনিতে উর্ধ্বে আরোহণ করেছেন। সদাপ্রভু তৃৰীধ্বনিতে উর্ধ্বে  
আরোহণ করেছেন। 6 ঈশ্বরের উদ্দেশে স্তব করো, স্তব করো; আমাদের  
রাজাৰ উদ্দেশে স্তব করো, স্তব করো। 7 কারণ ঈশ্বরই সমস্ত পৃথিবীর  
রাজা; গীত সহযোগে তাঁর উদ্দেশে স্তব করো। 8 ঈশ্বর সমস্ত জাতির  
উপর শাসন করেন, ঈশ্বর তাঁর পবিত্র সিংহাসনে অধিষ্ঠিত। 9 সমস্ত

জাতির প্রধানেরা সম্মিলিত হয়, অব্রাহামের ঈশ্বরের প্রজাদের সঙ্গে,  
কারণ পৃথিবীর সব রাজা ঈশ্বরের; তিনি সর্বত্র অতিশয় গৌরবান্বিত।

**48** একটি সংগীত। কোরহ বংশের সন্তানদের একটি গীত। আমাদের  
ঈশ্বরের নগরীতে এবং তাঁর পবিত্র পর্বতে, সদাপ্রভু মহান, আর তিনি  
সর্বোচ্চ প্রশংসার যোগ্য। 2 কী সুন্দর সেই উচ্চভূমি, যা সারা পৃথিবীর  
আনন্দস্থল, সাফোনের উচ্চতার মতো সিয়োন পর্বত, যা মহান রাজার  
নগরী। 3 ঈশ্বর, সেই নগরীর অট্টালিকা সমূহের মধ্যে উচ্চদুর্গ বলে  
নিজেকে প্রকাশ করেছেন। 4 পৃথিবীর রাজারা দলে দলে যোগ দিয়েছে  
এবং নগরীর বিরঞ্ছে অভিযান করেছে। 5 কিন্তু তারা যখন তাকে  
দেখেছে, তারা বিস্মিত হয়েছে, আতঙ্কিত হয়েছে আর পালিয়ে গেছে।  
6 আতঙ্ক তাদের সেখানে গ্রাস করেছিল, এবং প্রসববেদনায় ক্লিষ্ট  
মহিলার মতো যন্ত্রণায় কুঁকড়ে গিয়েছিল। 7 পূর্বের বাতাসে চুর্ণবিচুর্ণ  
হওয়া তর্ণশের জাহাজের মতো তুমি তাদের ধ্বংস করেছিলে। 8  
আমরা যেমন শুনেছি, সর্বশক্তিমান সদাপ্রভুর নগরীতে, আমাদের  
ঈশ্বরের নগরীতে তেমন দেখেছি: ঈশ্বর চিরকাল তাকে সুরক্ষিত  
রাখেন। 9 তোমার মন্দিরে, হে ঈশ্বর, আমরা তোমার অবিচল প্রেমে  
ধ্যান করি। 10 তোমার নামের মতো, হে ঈশ্বর, তোমার প্রশংসা  
পৃথিবীর প্রান্ত পর্যন্ত পৌঁছায়; তোমার শক্তিশালী ডান হাত ধার্মিকতায়  
পূর্ণ। 11 তোমার ন্যায়বিচারে, সিয়োন পর্বত উল্লাস করে, যিন্দুর  
গ্রামগুলি আনন্দিত হয়। 12 যাও, জেরুশালেম নগরী পরিদর্শন করো,  
তার দুর্গস্কল গগনা করো; 13 তার দৃঢ় প্রাচীর লক্ষ্য করো, তার  
অট্টালিকাগুলি দেখো, যেন তুমি আগামী প্রজন্মের কাছে এই সবের  
বর্ণনা করতে পারো। 14 কারণ এই ঈশ্বর অনন্তকাল ধরে আমাদের  
ঈশ্বর; তিনি শেষ পর্যন্ত আমাদের পথপ্রদর্শক হবেন।

**49** সংগীত পরিচালকের জন্য। কোরহ বংশের সন্তানদের একটি  
গীত। হে লোকসকল, তোমরা শোনো; সকল পৃথিবীবাসীরা, কর্ণপাত  
করো, 2 অভিজাত ও নীচ, ধনী এবং দরিদ্র, শোনো: 3 আমার  
মুখ প্রজ্ঞার কথা বলবে; আমার হৃদয়ের ধ্যান তোমাকে বোধশক্তি  
দেবে। 4 আমি নীতিবাক্যের প্রতি কর্ণপাত করব; বীণা সহযোগে

আমি আমার ধীর্ঘা ব্যাখ্যা করব: ৫ যখন অমঙ্গলের দিন আসে, যখন  
দুষ্ট ছলনাকারী আমাকে ঘিরে ধরে, তখন আমি কেন ভীত হব? ৬  
তারা তাদের সম্পত্তিতে আস্থা রাখে আর নিজেদের মহা ঐশ্বর্য গর্ব  
করে। ৭ কেউ অপরের জীবন মুক্ত করতে পারে না অথবা তাদের  
জন্য ঈশ্বরকে মুক্তিপণ দিতে পারে না। ৮ জীবনের মুক্তিপণ বহুমূল্য;  
চিরকাল বেঁচে থাকার জন্য ৯ এবং মৃত্যু না দেখার জন্য কেউ যথেষ্ট  
পারিশ্রমিক দিতে পারে না। ১০ কারণ সবাই দেখে যে জ্ঞানীর মৃত্যু  
হয়, অচেতন ও মূর্খও বিনষ্ট হয়, তাদের সম্পত্তি অপরের জন্য রেখে  
যায়। ১১ যদিও তাদের ভূসম্পত্তি তাদেরই নামে ছিল, তাদের সমাধিই  
তাদের অনন্ত গৃহ, যেখানে তারা চিরকালের জন্য বসবাস করবে। ১২  
মানুষ, তাদের ধনসম্পত্তি সত্ত্বেও, স্থায়ী হয় না; তারা পশুর মতো বিনষ্ট  
হয়। ১৩ যারা নিজেদের উপর আস্থা রাখে তাদের এই পরিণাম হয়,  
এবং তাদেরও হয়, যারা তাদের অনুগামী এবং তাদের কথা সমর্থন  
করে। ১৪ তারা মেঘের মতো মৃত্যুর জন্য নির্ধারিত; মৃত্যু তাদের  
পালক হবে কিন্তু সকালে ন্যায়পরায়ণেরা তাদের উপর কর্তৃত্ব করবে।  
নিজেদের রাজকীয় অট্টালিকা থেকে দূরে তাদের দেহ সমাধির মধ্যে  
ক্ষয় হবে। (Sheol h7585) ১৫ কিন্তু ঈশ্বর আমাকে পাতালের গর্ভ থেকে  
মুক্ত করবেন; আমাকে তিনি নিশ্চয় তাঁর কাছে নিয়ে যাবেন। (Sheol  
h7585) ১৬ যখন দুষ্টরা ধনের প্রাচুর্যে বৃদ্ধি পায় আর তাদের গৃহের  
শোভা বৃদ্ধি পায়, তখন শক্তি হোয়ো না; ১৭ কারণ যখন তাদের মৃত্যু  
হবে তারা তাদের সাথে কিছুই নিয়ে যাবে না, তাদের ঐশ্বর্য তাদের  
সঙ্গে সমাধি পর্যন্ত যাবে না। ১৮ এই জীবনে তারা নিজেদের ধন্য  
মনে করে এবং তাদের সাফল্যে তারা অপরের প্রশংসা পায়। ১৯ কিন্তু  
তাদের মৃত্যু হবে, যেমন তাদের আগেও সবার হয়েছে, এবং আর  
কোনোদিন জীবনের আলো দেখবে না। ২০ যাদের ধনসম্পত্তি আছে  
কিন্তু বোধশক্তি নেই তারা পশুদের মতো, যারা বিনষ্ট হয়।

**50** আসফের গীত। সদাগ্রভু, পরাক্রমী জন, তিনিই ঈশ্বর, তিনি কথা  
বলেন সূর্যের উদয় থেকে অস্ত যাওয়ার স্থান পর্যন্ত তিনি পৃথিবীর সব  
মানুষকে তলব করেন। ২ সিয়োন থেকে, পরম সৌন্দর্যের স্থান থেকে,

ঈশ্বর দীপ্তিমান রয়েছেন। 3 আমাদের ঈশ্বর আসছেন আর তিনি নীরব  
রইবেন না; এক সর্বগ্রাসী আগুন তাঁর অগ্রবর্তী, এবং এক প্রচণ্ড ঝড়  
তাঁর চতুর্দিকে বইছে। 4 তিনি আকাশমণ্ডলকে তলব করলেন, এবং  
পৃথিবীকেও, যেন তিনি তাঁর ভক্তজনের বিচার করেন: 5 “আমার পবিত্র  
লোকদের আমার কাছে একত্রিত করো, যারা বলিদানসহ আমার  
সঙ্গে এক নিয়ম স্থাপন করেছিল।” 6 আকাশমণ্ডল তাঁর ধার্মিকতা  
প্রচার করে, কারণ ঈশ্বর স্বয়ং বিচারক। 7 “শোনো, আমার ভক্তজন,  
আর আমি কথা বলব; ইস্রায়েল, আমি তোমার বিরুদ্ধে সাক্ষ্য দেব:  
আমি ঈশ্বর, তোমার ঈশ্বর। 8 তোমার নিবেদিত নৈবেদ্য সম্পর্কে আমি  
তোমার বিরুদ্ধে কোনো অভিযোগ আনব না অথবা তোমার হোমবলি  
সম্পর্কে, যা সর্বক্ষণ আমার সামনে আছে। 9 তোমার গোশালা থেকে  
আমার বলদের প্রয়োজন নেই অথবা তোমার খোঁয়াড় থেকে ছাগলের  
প্রয়োজন নেই, 10 কারণ অরণ্যের সব প্রাণী আমার, এবং হাজার  
পর্বতের উপর গবাদি পশুও আমার। 11 পর্বতমালার সব পাখি আমার  
পরিচিত, আর প্রান্তরের সব কীটপতঙ্গ আমার। 12 যদি আমি ক্ষুধার্ত  
হই আমি তোমাকে কিছু বলব না, কারণ এই পৃথিবী আমার, আর যা  
কিছু এতে আছে, তাও আমার। 13 আমি কি বলদের মাংস খাই বা  
ছাগলের রক্ত পান করি? 14 “ঈশ্বরের উদ্দেশে ধন্যবাদের নৈবেদ্য  
উৎসর্গ করো, পরাম্পরের কাছে তোমার শপথ পূর্ণ করো, 15 এবং  
সংকটের দিনে আমাকে ডেকো; আমি তোমাকে উদ্ধার করব, আর তুমি  
আমার গৌরব করবে।” 16 কিন্তু দুষ্ট ব্যক্তিকে ঈশ্বর বলেন: “আমার  
বিধি পাঠ করার বা আমার নিয়ম তোমার মুখে আনার অধিকার কি  
তোমার আছে? 17 তুমি আমার নির্দেশ ঘৃণা করো আর আমার সমস্ত  
আদেশ অগ্রাহ্য করো। 18 যখন তুমি এক চোর দেখো, তুমি তার সঙ্গে  
যুক্ত হও; আর তুমি ব্যতিচারীদের সঙ্গে সময় কাটাও। 19 তুমি তোমার  
মুখ অসৎ কাজে ব্যবহার করো আর তোমার জিভ ছলনায় সাজিয়ে  
রাখো। 20 তুমি বসে থাকো আর তোমার ভাইয়ের বিরুদ্ধে সাক্ষ্য  
দাও এবং তোমার নিজের মায়ের সন্তানের নিন্দা করো। 21 যখন  
তুমি এসব করেছিলে আর আমি নীরব ছিলাম, তুমি ভেবেছিলে যে

আমি ঠিক তোমারই মতো। কিন্তু এখন আমি তোমাকে তিরক্ষার করব  
এবং আমার সব অভিযোগ তোমার সামনে রাখব। 22 “তোমরা যারা  
ঈশ্বরকে ভুলে যাও, এখন বিবেচনা করো, নতুবা আমি তোমাদের  
ছিন্নভিন্ন করব, কেউ তোমাদের রক্ষা করবে না: 23 যারা ধন্যবাদের  
নৈবেদ্য নিবেদন করে, তারা আমাকে সম্মান করে, আর যে নির্দোষ  
তাকে আমি আমার পরিত্রাণ দেখাব।”

**51** সংগীত পরিচালকের জন্য। দাউদের গীত। বৎশেবার সঙ্গে  
ব্যভিচারে লিঙ্গ হওয়ার পরে যখন ভাববাদী নাথন দাউদের কাছে  
গিয়েছিলেন। হে ঈশ্বর, তোমার অবিচল প্রেম অনুযায়ী আমার উপর  
দয়া করো; তোমার অপার করণা অনুযায়ী আমার সমস্ত অপরাধ  
মার্জনা করো। 2 আমার সমস্ত অন্যায় মুছে দাও আর আমার পাপ  
থেকে আমাকে শুচি করো। 3 কারণ আমি আমার অপরাধসকল জানি,  
আর আমার পাপ সর্বদা আমার সামনে আছে। 4 তোমার বিরুদ্ধে,  
তোমারই বিরুদ্ধে, আমি পাপ করেছি আর তোমার দৃষ্টিতে যা অন্যায়  
তাই করেছি; অতএব তুমি তোমার বাক্যে ধর্ময় আর যখন বিচার  
করো তখন ন্যায়পরায়ণ। 5 নিশ্চয়ই অপরাধে আমার জন্ম হয়েছে,  
পাপে আমার মা আমাকে গর্ভে ধারণ করেছিলেন। 6 তবুও মাতৃগর্ভে  
তুমি বিশৃঙ্খলা কামনা করেছিলে; সেই গোপন স্থানে তুমি আমাকে  
প্রজ্ঞা শিক্ষা দিয়েছিলে। 7 আমার পাপ থেকে আমাকে শুন্দ করো,  
আর আমি নির্মল হব; আমাকে পরিষ্কার করো, আর আমি বরফের  
থেকেও সাদা হব। 8 আমাকে আনন্দ ও উল্লাসের বাক্য শোনাও;  
আমার হাড়গোড়, যা তুমি পিষে দিয়েছ, এখন আমোদ করুক। 9  
আমার পাপ থেকে তোমার মুখ লুকাও আর আমার সব অন্যায় মার্জনা  
করো। 10 হে ঈশ্বর, আমার মধ্যে এক বিশুন্দ হৃদয় সৃষ্টি করো, আর  
এক অবিচল আত্মা আমার মধ্যে সংজ্ঞীবিত করো। 11 আমাকে তোমার  
সান্নিধ্য থেকে দূর কোরো না আর তোমার পবিত্র আত্মাকে আমার কাছ  
থেকে নিয়ে নিয়ো না। 12 তোমার পরিত্রাণের আনন্দ আবার আমাকে  
ফিরিয়ে দাও আর আমাকে বাঁচিয়ে রাখতে এক ইচ্ছুক আত্মা দাও।  
13 তখন আমি অপরাধীদের তোমার পথ শিক্ষা দেব, যেন পাপীরা

তোমার দিকে ফিরে আসে। 14 রক্তপাতের দোষ থেকে আমাকে উদ্ধার করো, হে ঈশ্বর, তুমি আমার ঈশ্বর আমার রক্ষাকর্তা, আর আমার জিভ তোমার ন্যায়পরায়ণতার বিষয়ে গান করবে। 15 হে সদাপ্রভু, আমার ঠোঁট খুলে দাও, আর আমার মুখ তোমার প্রশংসা ঘোষণা করবে। 16 তুমি নৈবেদ্যতে আমোদ করো না, করলে আমি নিয়ে আসতাম; তুমি হোমবলি চাওনি। 17 ভগ্ন আত্মা আমার নৈবেদ্য, হে ঈশ্বর; ভগ্ন ও অনুতঙ্গ হৃদয় হে ঈশ্বর, তুমি তুচ্ছ করবে না। 18 তুমি আপন অনুগ্রহে সিয়োনের মঙ্গল করো, জেরুশালেমের প্রাচীর নির্মাণ করো। 19 তখন তুমি ধার্মিকদের নৈবেদ্যে আর সম্পূর্ণ হোমবলিতে আমোদ করবে; তখন লোকে তোমার বেদিতে বলদ উৎসর্গ করবে।

**52** সংগীত পরিচালকের জন্য। দাউদের মস্কীল। যখন ইদোমীয় দোয়েগ শৌলের কাছে গিয়ে বলেছিল: “দাউদ অহীমেলকের গৃহে গিয়েছে।” ওহে মহাবীর, কেন তুমি অপকর্মের দন্ত করো? কেন তুমি সারাদিন দন্ত করো, তুমি যে ঈশ্বরের চোখে এক অবজ্ঞার বন্ত? 2 তুমি মিথ্যা কথা বলতে দক্ষ, তোমার জিভ ধ্বংসের পরিকল্পনা করে; এবং তা ধারালো ক্ষুরের মতো। 3 তুমি ভালোর চেয়ে মন্দ, আর সত্য বলার চেয়ে মিথ্যা বলতে বেশি ভালোবাসো। 4 তুমি মিথ্যাবাদী! তোমার বাক্য দিয়ে তুমি অপরকে বিনাশ করতে ভালোবাসো। 5 নিশ্চয় ঈশ্বর তোমাকে চিরকালীন ধ্বংসে অবনত করবেন: তিনি তোমাকে ছিনিয়ে নিয়ে তোমার তাঁবু থেকে উপড়ে ফেলবেন; আর তোমাকে জীবিতদের দেশ থেকে নির্মূল করবেন। 6 ধার্মিকেরা এসব দেখবে ও ভীত হবে; তারা তোমায় পরিহাস করবে, আর বলবে, 7 “এই যে সেই লোক, যে কখনও ঈশ্বরকে নিজের আশ্রয় দুর্গ করেনি, কিন্তু নিজের মহা ঐশ্বর্যে আস্থা রেখেছে, এবং অপরদের ধ্বংস করে নিজে শক্তিশালী হয়েছে।” 8 কিন্তু আমি, ঈশ্বরের গৃহে, উদীয়মান জলপাই গাছের মতো; যুগ যুগান্ত ধরে ঈশ্বরের অবিচল প্রেমে আস্থা রাখি। 9 তুমি যা কিছু করেছ, তার জন্য আমি, তোমার বিশ্বস্ত প্রজাদের সামনে, সর্বদা তোমার ধন্যবাদ করব। এবং আমি তোমার নামে আশা রাখব কারণ তোমার নাম মঙ্গলময়।

### **53** সংগীত পরিচালকের জন্য। মহলৎ অনুসারে। দাউদের মঙ্গল।

মূর্খ নিজের হাদয়ে বলে, “ঈশ্বর নেই।” তারা দুর্নীতিগ্রস্ত, আর তাদের চলার পথ ভষ্ট; সৎকর্ম করে এমন কেউই নেই। ১ ঈশ্বর স্বর্গ থেকে মানবজাতির দিকে চেয়ে দেখেন, তিনি দেখেন সুবিবেচক কেউ আছে কি না, ঈশ্বরের অব্বেষণ করে এমন কেউ আছে কি না! ৩ প্রত্যেকে বিপথগামী হয়েছে, সকলেই দুর্নীতিগ্রস্ত হয়েছে; সৎকর্ম করে এমন কেউই নেই, একজনও নেই। ৪ এসব অনিষ্টকারীর কি কিছুই জ্ঞান নেই? তারা আমার ভক্তদের রংতি খাওয়ার মতো গ্রাস করে; ঈশ্বরের কাছে তারা কখনও সাহায্য প্রার্থনা করে না। ৫ নিদারণ আতঙ্কে তারা বিহুল হয়েছে, এমন আতঙ্ক যা তারা আগে জানেনি। ঈশ্বর তোমার শক্তিদের হাড়গোড় চারিদিকে ছড়িয়ে দেবেন। তুমি তাদের লজ্জিত করবে কারণ ঈশ্বর তাদের প্রত্যাখ্যান করেছেন। ৬ আহা, ইস্রায়েলের পরিত্রাণ আসবে সিয়োন থেকে! যখন ঈশ্বর তাঁর ভক্তজনদের পুনরঢ়ার করবেন, তখন যাকোব উল্লিখিত হবে আর ইস্রায়েল আনন্দ করবে।

### **54** সংগীত পরিচালকের জন্য। তারযন্ত্র সহযোগে দাউদের মঙ্গল।

যখন সীফীয়েরা শৌলের কাছে এসে বলেছিল, “দাউদ কি আমাদের মাঝেই লুকিয়ে নেই?” হে ঈশ্বর, তোমার নামে আমাকে রক্ষা করো; তোমার পরাক্রমে আমাকে নির্দোষ ঘোষণা করো। ২ হে ঈশ্বর, আমার প্রার্থনা শোনো; আমার মুখের কথায় কর্ণপাত করো। ৩ দাস্তিক প্রতিপক্ষরা আমাকে আক্রমণ করে; নিষ্ঠুর লোকেরা, যারা ঈশ্বরকে মানে না আমাকে হত্যা করতে চায়। ৪ কিন্তু ঈশ্বর আমার সহায়; সদাপ্রভুই আমাকে বাঁচিয়ে রাখেন। ৫ যারা আমাকে অপবাদ দেয়, অমঙ্গল তাদের উপর ফিরে আসুক, তোমার বিশ্বস্ততায় তাদের ধ্বংস করো। ৬ আমি তোমার প্রতি স্বেচ্ছাদত্ত নৈবেদ্য নিবেদন করব, হে সদাপ্রভু, আমি তোমার নামের প্রশংসা করব কারণ তা মঙ্গলময়। ৭ আমার সব সংকট থেকে তুমি আমাকে উদ্বার করেছ, এবং বিজয়ীর দৃষ্টিতে আমার চোখ আমার শক্তিদের দিকে দেখেছে।

**55** সংগীত পরিচালকের জন্য। তারব্যন্ত সহযোগে দাউদের মস্কীল।  
হে ঈশ্বর, আমার প্রার্থনা শোনো, আমার নিবেদন উপেক্ষা কোরো  
না; 2 আমার কথা শোনো আর আমাকে উত্তর দাও। আমার ভাবনা  
আমাকে কষ্ট দেয় আর আমি ক্ষিণ্ঠ হয়েছি কারণ 3 আমার শক্রুরা  
আমার প্রতি চিৎকার করে, উচ্চস্বরে অন্যায় হৃষকি দেয়। তারা আমার  
উপর কষ্ট নিয়ে আসে আর রাগে আমার পশ্চাদ্বাবন করে। 4 আমার  
হৃদয় দুঃখে জর্জরিত; মৃত্যুর সন্ত্বাস আমার উপর এসে পড়েছে। 5  
ভয় আর কাঁপুনি আমাকে আচ্ছন্ন করেছে; আতঙ্ক আমাকে অভিভূত  
করেছে। 6 আমি বলি, “হ্যাঁ! যদি আমার ঘৃষ্ণুর মতো ডানা থাকত।  
আমি উড়ে চলে যেতাম আর বিশ্রাম পেতাম। 7 আমি দূরে চলে যেতাম  
আর মরণভূমিতে বসবাস করতাম। 8 প্রচণ্ড বায়ু আর বাঢ় থেকে,  
আমার আশ্রয়স্থানে তাড়াতাড়ি চলে যেতাম।” 9 হে সদাপ্রভু, দুষ্টদের  
বিহুল করো, তাদের বাক্য হতবুদ্ধি করো, কেননা আমি নগরে হিংসা  
আর শক্রতা দেখি। 10 দিনরাত তারা প্রাচীরের উপর দিয়ে নগর  
প্রদক্ষিণ করে; আক্রেশ আর অবমাননা তার মধ্যে। 11 বিধ্বংসী শক্তি  
নগরের মধ্যে কাজ করে চলেছে; হৃষকি আর মিথ্যা কখনও তার রাস্তা  
চেড়ে যায় না। 12 যদি কোনও শক্র আমাকে অপমান করত, তা আমি  
সহ্য করতে পারতাম; যদি কোনও বিপক্ষ আমার বিরোধিতা করত,  
আমি তা লুকাতে পারতাম; 13 কিন্তু এত তুমিই, আমার সমকক্ষ  
মানুষ, আমার সঙ্গী, আমার ঘনিষ্ঠ বন্ধু, 14 যার সঙ্গে, ঈশ্বরের গৃহে,  
একদিন আমি মধুর সহভাগিতা উপভোগ করেছি, উপাসকদের মধ্যে  
আমরা হেঁটে বেড়িয়েছি। 15 মৃত্যু আমার শক্রদের বিস্মিত করুক;  
তারা জীবিত অবস্থায় পাতালের গর্ভে নেমে যাক, কারণ অন্যায় তাদের  
গৃহে ও তাদের অস্তরে আছে। (Sheol h7585) 16 কিন্তু আমি ঈশ্বরকে  
ডাকক, এবং সদাপ্রভু আমাকে রক্ষা করেন। 17 সন্ধ্যা, সকাল আর  
দুপুরে, আমি আমার যন্ত্রণায় কাঁদি, আর তিনি আমাকে অক্ষত  
অবস্থায় মুক্ত করেন, যদিও অনেকে এখনও আমার বিরোধিতা করে।  
18 ঈশ্বর, যিনি পূর্বকাল থেকে শাসন করেন, যার কোনও পরিবর্তন

নেই, তিনি তাদের কথা শুনবেন আর তাদের নষ্ট করবেন, কারণ  
তাদের ঈশ্বরভয় নেই। 20 আমার সঙ্গী তার বন্ধুদের আক্রমণ করে;  
সে তার নিয়ম ভঙ্গ করে। 21 মাখনের মতো তার কথা মস্তি, কিন্তু  
তার হন্দয়ে রয়েছে যুদ্ধ; তার কথা তেলের চেয়েও মনোরম, কিন্তু সে  
সকল উন্মুক্ত তরোয়ালের মতো। 22 সদাপ্রভুতে নিজের ভার অর্পণ  
করো আর তিনি তোমাকে বাঁচিয়ে রাখবেন; তিনি কখনও ধার্মিকদের  
বিচলিত হতে দেবেন না। 23 কিন্তু তুমি, হে ঈশ্বর, দুষ্টদের পতনের  
গর্তে নামিয়ে দেবে; যারা রক্তপিপাসু আর প্রতারক জীবনের অর্ধেক  
দিনও তারা বাঁচবে না। কিন্তু আমি তোমাতে আস্থা রাখি।

**56** সংগীত পরিচালকের জন্য। দাউদের মিকতাম। সুর: “সুদূর ওক  
বৃক্ষের উপর ঘুঘু।” যখন ফিলিস্তিনীরা গাত নগরে দাউদকে বন্দি  
করেছিল। হে ঈশ্বর, আমার প্রতি কৃপা করো, কারণ আমার শক্রুরা  
আমার পশ্চাদ্বাবন করে; সারাদিন তারা তাদের আক্রমণ চালিয়ে  
যায়। 2 আমার প্রতিপক্ষরা সারাদিন আমাকে অনুসরণ করে; তাদের  
অহংকারে অনেকে আমাকে আক্রমণ করছে। 3 যখন আমি ভীত,  
আমি তোমার উপর আস্থা রাখি। 4 ঈশ্বরে, আমি যার বাক্যের প্রশংসা  
করি— আমি ঈশ্বরে আস্থা রাখি এবং ভীত হই না। সামান্য মানুষ  
আমার কী করতে পারে? 5 সারাদিন তারা আমার কথা বিকৃত করে;  
তাদের সমস্ত পরিকল্পনা আমার পক্ষে ক্ষতিসাধক। 6 তারা ষড়যন্ত্র  
করে, তারা ওৎ পেতে থাকে, আমার জীবন নেওয়ার জন্য, তারা  
আমার পদক্ষেপের উপর লক্ষ্য রাখে। 7 তাদের দুষ্টতার কারণে  
তাদের পালাতে দিয়ো না; হে ঈশ্বর, তোমার ক্ষেত্রে, এদের সবাইকে  
নিপাত করো। 8 আমার বিলাপ লিপিবন্ধ করে; তোমার নথিতে আমার  
চোখের জলের হিসেব রাখো— তা কি তোমার লিপিতে লেখা নেই?  
9 যখন আমি তোমার কাছে সহায়ের প্রার্থনা করব তখন আমার  
শক্রুরা পিছু ফিরবে। এতে আমি জানব যে ঈশ্বর আমার পক্ষে আছেন।  
10 ঈশ্বরে, আমি যার বাক্যের প্রশংসা করি, সদাপ্রভুতে, আমি যার  
বাক্যের প্রশংসা করি— 11 ঈশ্বরে আমি আস্থা রাখি আর ভীত হই না।  
মানুষ আমার কী করতে পারে? 12 হে ঈশ্বর, তোমার প্রতি আমার

শপথ পূর্ণ করতে আমি বাধ্য; আমি তোমার কাছে ধন্যবাদের নৈবেদ্য নিবেদন করব। 13 কারণ মৃত্যুর কবল থেকে তুমি আমাকে উদ্ধার করেছ এবং হোঁচ্ট খাওয়া থেকে আমার পা সাবধানে রেখেছ, যেন জীবনের আলোতে আমি ঈশ্বরের সামনে চলতে পারি।

**57** সংগীত পরিচালকের জন্য। দাউদের মিকতাম। সেই সময়ে রচিত যখন তিনি শৌলের হাত থেকে পালিয়ে গুহায় লুকিয়েছিলেন। সুর “ধ্বংস কোরো না।” আমার প্রতি কৃপা করো, হে আমার ঈশ্বর, আমার প্রতি কৃপা করো, কারণ আমি তোমাতে আশ্রয় নিয়েছি। যতক্ষণ না পর্যন্ত বিপদ কেটে যায় আমি তোমার ডানার ছায়ায় আশ্রয় নেবো।  
2 আমি পরাংপর ঈশ্বরের কাছে প্রার্থনা করব, ঈশ্বরের কাছে যিনি আমার প্রতি তাঁর সংকল্প পূর্ণ করেন। 3 যারা আমার পশ্চাদ্বাবন করে তাদের তিরক্ষার করে তিনি স্বর্গ থেকে সাহায্য পাঠিয়ে আমাকে রক্ষা করেন; ঈশ্বর তাঁর অবিচল প্রেম ও বিশ্বস্ততা প্রেরণ করেন। 4 আমি সিংহদের মধ্যে রয়েছি; ক্ষুধার্ত বন্যপশুদের মাঝে বসবাস করতে আমি বাধ্য হয়েছি— মানুষ যাদের দাঁত বর্ষা ও তির, যাদের জিভ ধারালো তরোয়াল। 5 হে ঈশ্বর, আকাশমণ্ডলের উর্ধ্বে গৌরবান্বিত হও; তোমার মহিমা সারা পৃথিবীতে ব্যাপ্ত হোক। 6 আমার শক্ররা আমার জন্য এক ফাঁদ পেতেছে— আমি হতাশায় নত হয়েছিলাম। আমার চলার পথে তারা এক গর্ত খুঁড়েছিল— কিন্তু সেই গর্তে তারা নিজেরাই পড়ে গেল। 7 হে ঈশ্বর, আমার হৃদয় তোমাতে অবিচল, আমার হৃদয় অবিচল; আমি গান গাইব ও সংগীত রচনা করব। 8 জেগে ওঠো, হে আমার প্রাণ! জেগে ওঠো, বীণা ও সুরবাহার! আমি প্রত্যয়কে জাগিয়ে তুলব। 9 হে সদাপ্রভু, জাতিদের মাঝে আমি তোমার প্রশংসা করব; লোকদের মাঝে আমি তোমার স্তব করব। 10 কারণ তোমার অবিচল প্রেম আকাশমণ্ডল ছুঁয়েছে; তোমার বিশ্বস্ততা গগনচুম্বী। 11 হে ঈশ্বর, আকাশমণ্ডলের উর্ধ্বে গৌরবান্বিত হও; তোমার মহিমা সারা পৃথিবীতে ব্যাপ্ত হোক।

**58** সংগীত পরিচালকের জন্য। দাউদের মিকতাম। সুর “ধ্বংস কোরো না।” শাসকেরা, তোমরা কি সত্যিই ন্যায্যভাবে কথা বলো?

তোমরা কি সমতার সঙ্গে লোকদের বিচার করো? ২ না, তোমাদের হৃদয়ে তোমরা অন্যায় পরিকল্পনা করো, আর তোমাদের হাত দিয়ে তোমরা পৃথিবীতে হিংসা ছড়াও। ৩ জন্ম থেকেই দুষ্টরা বিপথে যায়; মাতৃগর্ভ থেকেই তারা বিপথগামী ও মিথ্যাবাদী। ৪ সাপের বিষের মতোই তাদের বিষ, ওরা কালসাপের মতো, যা শুনতে চায় না, ৫ এবং সাপুড়দের সুর উপেক্ষা করে যতই তারা দক্ষতার সঙ্গে বাজাক না কেন। ৬ হে ঈশ্বর, তাদের মুখের দাঁতগুলি ভেঙে দাও; হে সদাপ্রভু, সেই সিংহদের বিষদাঁত উপড়ে ফেলো। ৭ শুকনো জমিতে জলের মতো তারা যেন মিলিয়ে যায়; তাদের অস্ত্রশস্ত্র তাদের হাতেই ব্যর্থ করে তোলো। ৮ পথে চলার সময় তারা যেন শামুকের মতো গলে পাঁকে পরিণত হয়; মৃতাবস্থায় জাত শিশুর মতো হোক যে কখনও সূর্যের মুখ দেখেনি। ৯ ঈশ্বর, তরঙ্গ কি প্রবীণ, সবাইকে উড়িয়ে নিয়ে যাবেন কাঁটাগাছের আগুনের আঁচ তোমাদের পাত্রের গায়ে লাগার আগেই। ১০ অন্যায়ের প্রতিকার দেখে ধার্মিকেরা উল্লিখিত হবে। দুষ্টদের রক্তে তারা তাদের পা ধুয়ে নেবে। ১১ তখন সবাই বলবে, “ধার্মিকেরা নিশ্চয় পুরক্ষার পায়; নিশ্চয় ঈশ্বর আছেন, যিনি জগতের বিচার করেন।”

**৫৯** সংগীত পরিচালকের জন্য। দাউদের মিকতাম। সুর “ব্রংস কোরো না।” দাউদকে হত্যা করার জন্য শৌল যখন দাউদের গৃহে লোক পাঠিয়ে গোপনে পাহারা বসিয়েছিলেন। হে ঈশ্বর, আমার শক্রদের কবল থেকে আমাকে উদ্ধার করো; যারা আমাকে আক্রমণ করে তাদের বিরুদ্ধে আমার উচ্চদুর্গ হও। ২ অনিষ্টকারীদের কবল থেকে আমাকে উদ্ধার করো রক্তপিপাসু লোকদের হাত থেকে আমাকে রক্ষা করো। ৩ দেখো, কেমন তারা আমার জন্য গোপনে অপেক্ষা করে! নিষ্ঠুর লোক আমার বিরুদ্ধে ঘড়বন্ত করে আমার অন্যায়ের জন্য নয়, আমার পাপের জন্য নয়, হে সদাপ্রভু। ৪ আমি কোনও অন্যায় করিনি, তবুও তারা আমাকে আক্রমণ করতে প্রস্তুত। ওঠো, আর আমাকে সাহায্য করো; আমার দুর্দশার দিকে তাকাও! ৫ তুমি, সদাপ্রভু, সর্বশক্তিমান ঈশ্বর, তুমি ইস্রায়েলের ঈশ্বর, জাগ্রত হও আর সমস্ত জাতিকে শান্তি দাও; যারা দুষ্ট দেশদ্রোহী তাদের প্রতি দয়া কোরো না। ৬ তারা সন্ধ্যাবেলায়

ফিরে আসে, কুকুরের মতো দাঁত খিচিয়ে, আর নগরের চারিদিকে  
ঘূরে বেড়ায়। ৭ দেখো, তারা মুখ দিয়ে কী অশ্লীল কথা বলে, তাদের  
মুখের বাক্য তরোয়ালের থেকেও ধারালো, আর তারা ভাবে, “কে  
আমাদের কথা শুনতে পায়?” ৮ কিন্তু, হে সদাপ্রভু, তুমি তাদের কথায়  
উপহাস করবে; তুমি সেইসব জাতিকে বিদ্রূপ করবে। ৯ তুমি আমার  
শক্তি, আমি তোমার জন্য অপেক্ষা করি; তুমি, ঈশ্বর, আমার উচ্চদুর্গ,  
১০ আমার ঈশ্বর যার উপর আমি নির্ভর করতে পারি। ঈশ্বর আমার  
সামনে অগ্রসর হবেন আর যারা আমার নিন্দা করে তাদের উপর  
তিনি আমাকে উল্লাস করতে দেবেন। ১১ কিন্তু তাদের হত্যা কোরো  
না, হে সদাপ্রভু, আমার ঢাল, নয়তো আমার লোকেরা ভুলে যাবে।  
তোমার পরাক্রমে তাদের উৎখাত করো আর তাদের নত করো।  
১২ তাদের মুখের পাপের জন্য, তাদের ঠোঁটের বাক্যের জন্য, তারা  
তাদের গর্বে ধরা পড়ুক। তাদের অভিশাপ ও মিথ্যা উচ্চারণে, ১৩ তুমি  
তোমার ক্ষেত্রে তাদের গ্রাস করো, গ্রাস করো যেন তারা নিশ্চিহ্ন  
হয়। তখন পৃথিবীর শেষ প্রান্ত পর্যন্ত জানা যাবে যে যাকোবের ঈশ্বর  
শাসন করেন। ১৪ তারা সন্ধ্যাবেলায় ফিরে আসে, কুকুরের মতো  
দাঁত খিচিয়ে, আর নগরের চারিদিকে ঘূরে বেড়ায়। ১৫ তারা খাবারের  
খোঁজে এদিক-ওদিক যায় আর পরিতৃপ্ত না হলে চিংকার করে। ১৬  
কিন্তু আমি তোমার পরাক্রমের গান গাইব, সকালে আমি তোমার দয়ার  
গান গাইব; কারণ তুমি আমার উচ্চদুর্গ, সংকটকালে আমার সহায়।  
১৭ তুমি আমার বল, আমি তোমার প্রশংসাগান করব; তুমি, হে ঈশ্বর,  
আমার উচ্চদুর্গ, আমার ঈশ্বর, আমি যার উপর নির্ভর করতে পারি।

**60** সংগীত পরিচালকের জন্য। দাউদের মিকতাম। যখন অরাম-  
নহরয়িমের এবং অরাম-সোবার সঙ্গে তার যুদ্ধ হয় এবং যোয়াব  
যখন ফিরে এসে লবণ উপত্যকায় বারো হাজার ইদোমীয়দের হত্যা  
করেছিলেন, তখন দাউদ এই শিক্ষামূলক গীতটি রচনা করেন। সুর:  
“নিয়মের কমল।” হে ঈশ্বর, তুমি আমাদের পরিত্যাগ করেছ আর  
আমাদের প্রতিরক্ষা ভগ্ন করেছ; তুমি ক্রুদ্ধ হয়েছ—এবার আমাদের  
পুনরংদ্বার করো! ২ তুমি আমাদের দেশ ঝাঁকিয়ে তুলেছ এবং বিদীর্ণ

করেছ, দেশের ভাঙনের প্রতিকার করো কারণ দেশ কাঁপছে। ৩ তুমি  
তোমার প্রজাদের দুর্দশার সময় দেখিয়েছ, তুমি আমাদের এমন সুরা  
দিয়েছ যাতে আমরা টলমল হয়েছি। ৪ কিন্তু যারা তোমাকে সম্ম  
করে, তুমি তাদের জন্য একটি পতাকা তুলেছ, যেন তা সত্যের পক্ষে  
তুলে ধরা যায়। ৫ তোমার ঢান হাত দিয়ে তুমি আমাদের রক্ষা করো  
ও সাহায্য করো, যেন তারা উদ্ধার পায় যাদের তুমি ভালোবাসো। ৬  
ঈশ্বর তাঁর পবিত্রস্থান থেকে কথা বলেছেন: “জয়ধ্বনিতে আমি শিখিম  
বিভক্ত করব, সুক্ষেত্রের উপত্যকা আমি পরিমাপ করে দেব। ৭  
গিলিয়দ আমার, ও মনঃশিও আমার; ইক্ষয়িম আমার শিরস্ত্রাণ, যিহূনা  
আমার রাজদণ্ড। ৮ মোয়াব আমার হাত ঘোয়ার পাত্র, ইদোমের উপরে  
আমি আমার চটি নিষ্কেপ করব; ফিলিস্তিয়ার উপরে আমি জয়ধ্বনি  
করব।” ৯ কে আমাকে সুরক্ষিত নগরের মধ্যে নিয়ে যাবে? কে ইদোম  
পর্যন্ত আমাকে পথ দেখাবে? ১০ হে ঈশ্বর, তুমি কি এখন আমাদের  
ত্যাগ করেছ? তুমি কি আমাদের সৈন্যদলের সাথে আর যাবে না? ১১  
আমাদের শত্রুদের বিরুদ্ধে সাহায্য করো, কারণ মানুষের সাহায্য  
নিষ্কল। ১২ ঈশ্বরের সাথে আমরা জয়লাভ করব, এবং তিনি আমাদের  
শত্রুদের পদদলিত করবেন।

**৬১** সংগীত পরিচালকের জন্য। তারযন্ত্র সহযোগে দাউদের গীত। হে  
ঈশ্বর, আমার কান্না শোনো; আমার প্রার্থনায় কর্ণপাত করো। ২ পৃথিবীর  
সুদূর প্রান্ত থেকে আমি তোমাকে ডাকি, আমি তোমাকে ডাকি যখন  
আমার হৃদয় নিস্তেজ হয়; আমার থেকে সুরক্ষিত উচ্চ শৈলের উপরে  
আমাকে নিয়ে চলো। ৩ কারণ তুমি আমার আশ্রয় হয়েছ, বিপক্ষের  
বিরুদ্ধে তুমি আমার সুদৃঢ় দুর্গ। ৪ আমি চিরকাল তোমার তাঁবুতে  
বসবাস করার আকাঙ্ক্ষা করি এবং তোমার ঢানার ছায়াতে আশ্রয়  
নিই। ৫ হে ঈশ্বর, তুমি আমার প্রতিটি শপথ শুনেছ; যারা তোমার  
নাম ভয় করে তাদের উত্তরাধিকার তুমি আমাকে দিয়েছ। ৬ রাজার  
জীবনের দিনগুলি, বহু প্রজন্ম ধরে তাঁর আয়ু বৃদ্ধি করো। ৭ তিনি  
চিরকাল ঈশ্বরের সামনে সিংহাসনে অধিষ্ঠিত থাকুন; তোমার দয়া ও

বিশ্বস্তা তাঁকে সুরক্ষিত রাখুক। ৪ তখন আমি চিরকাল তোমার নামের  
স্তুতিগান গাইব এবং দিনের পর দিন আমার শপথ পালন করব।

**62** যিদৃঢ়ুন, সংগীত পরিচালকের জন্য। দাউদের গীত। আমার প্রাণ  
নীরবে ঈশ্বরের অপেক্ষায় রয়েছে; আমার পরিত্রাণ তাঁর কাছ থেকেই  
আসে। ২ সত্যিই তিনি আমার শৈল ও আমার পরিত্রাণ; তিনি আমার  
আশ্রয় দুর্গ, আমি কখনও বিচলিত হব না। ৩ আর কত কাল শক্ররা  
আমাকে লাঞ্ছনা করবে? তোমরা সকলে কি আমাকে নিচে ছুঁড়ে ফেলে  
দেবে? তাদের কাছে আমি এক ভাঙ্গা প্রাচীর ও নড়বড়ে বেড়ার মতো!  
৪ তারা নিশ্চয় আমাকে আমার উঁচু স্থান থেকে বিচ্যুত করতে চায়; তারা  
মিথ্যা কথায় আমোদ করে। তারা মুখ দিয়ে আশীর্বাদ করে, কিন্তু  
অন্তরে অভিশাপ দেয়। ৫ হে আমার প্রাণ, ঈশ্বরে বিশ্রাম খুঁজে নাও;  
কারণ তাঁতেই আমি আশা রেখেছি। ৬ সত্যিই তিনি আমার শৈল ও  
আমার পরিত্রাণ; তিনি আমার আশ্রয় দুর্গ, আমি কখনও বিচলিত হব  
না। ৭ আমার পরিত্রাণ ও আমার সম্মান ঈশ্বরের কাছ থেকে আসে;  
তিনি আমার শক্তিশালী শৈল, আমার আশ্রয়। ৮ হে আমার ভক্তেরা,  
তাঁর উপর নিয়ত আস্থা রাখো; তাঁরই কাছে তোমাদের হৃদয় চেলে  
দাও, কারণ ঈশ্বর আমাদের আশ্রয়। ৯ সাধারণ মানুষ নিঃশ্বাসমাত্র,  
সম্মান মানুষ মিথ্যাতুল্য। যদি দাঁড়িপাল্লায় মাপা যায়, তারা কিছুই নয়;  
একত্রে তারা সামান্য নিঃশ্বাস। ১০ তোমরা শোষণে নির্ভর কোরো  
না, অথবা লুঁচিত দ্রব্যে ব্যর্থ আশা রেখো না; তোমার ধনসম্পদ  
বৃদ্ধি পেলেও, তোমার হৃদয় যেন তাতে আসক্ত না হয়। ১১ ঈশ্বর  
একবার বলেছেন, আমি দু-বার এই কথা শুনেছি: “হে ঈশ্বর, পরাক্রম  
তোমারই, ১২ আর, হে সদাপ্রভু, অবিচল প্রেম তোমারই” এবং, “তুমি  
প্রত্যেক মানুষকে তাদের কাজ অনুসারে পুরক্ষার দাও।”

**63** দাউদের গীত। যখন তিনি যিহুদার মরণভূমিতে ছিলেন। হে ঈশ্বর,  
তুমই আমার ঈশ্বর, আমি সম্পূর্ণ অন্তর দিয়ে তোমার অন্বেষণ করি,  
কেউ যেমন শুক্ষ ও দন্ধ ভূমিতে জলের জন্য ব্যাকুল হয়, সেইরকম  
আমার প্রাণ তোমার জন্য তৃক্ষার্ত, আমার সম্পূর্ণ সত্তা তোমার জন্য  
ব্যাকুল। ২ তোমার পবিত্রস্থানে আমি তোমাকে দেখেছি এবং তোমার

পরাক্রম ও মহিমা আমি দেখেছি। ৩ আমার মুখ তোমার মহিমা করবে,  
কারণ তোমার প্রেম জীবনের থেকে উত্তম। ৪ যতদিন বাঁচ ততদিন  
আমি তোমার নামের প্রশংসা করব, এবং তোমার প্রতি প্রার্থনায় আমি  
দু-হাত তুলব। ৫ সুস্বাদু খাবার খেয়ে আমি পরিত্পন্ত হব, আনন্দধনি  
গেয়ে আমি তোমার স্তব করব। ৬ বিছানায় শুয়ে আমি তোমাকে স্নান  
করি; রাত্রির প্রহরে আমি তোমার কথা চিন্তা করি। ৭ তোমার ডানার  
ছায়ায় আমি গান করি কারণ তুমই আমার সহায়। ৮ আমি তোমাকে  
আঁকড়ে ধরে থাকি তোমার শক্তিশালী ডান হাত আমাকে ধারণ করে।  
৯ যারা আমাকে হত্যা করতে চায় তাদের সর্বনাশ হবে, তারা পৃথিবীর  
গভীরস্থানে নেমে যাবে। ১০ তরোয়ালের কোপে তাদের মৃত্যু হবে,  
এবং শিয়ালের খাবারে পরিণত হবে। ১১ কিন্তু রাজা, ঈশ্বরে আনন্দ  
করবেন; যারা সবাই ঈশ্বরে আস্থা রাখে তারা তাঁর স্তব করবে, সেই  
সময় মিথ্যাবাদীদের কষ্ট বৃদ্ধ করা হবে।

**৬৪** সংগীত পরিচালকের জন্য। দাউদের গীত। আমার কথা শোনো,  
হে আমার ঈশ্বর, আমার অভিযোগ শোনো; শক্র হৃষকি থেকে আমার  
জীবন রক্ষা করো। ২ দুষ্টদের ঘড়্যন্ত থেকে আর অনিষ্টকারীদের  
চক্রান্ত থেকে, আমার জীবনকে লুকিয়ে রাখো। ৩ তারা তরোয়ালের  
মতো নিজেদের জিতে ধার দিয়েছে আর বিষাক্ত তিরের মতো নির্মম  
বাক্য দিয়ে তাদের লক্ষ্যস্থির করেছে। ৪ তারা আড়াল থেকে নির্দোষ  
মানুষের উপর তির ছোঁড়ে; হঠাত তির ছোঁড়ে, ভয় করে না। ৫ তারা  
একে অপরকে কুটিল মন্ত্রণায় প্ররোচিত করে, এবং কীভাবে গোপনে  
ফাঁদ পাতা যায় তার সংকল্প করে; তারা বলে, “কে এটি দেখবে?” ৬  
তারা অন্যায় ঘড়্যন্ত করে আর বলে, “আমরা এক নিখুঁত পরিকল্পনা  
করেছি!” নিশ্চয়, মানুষের মন ও হৃদয় ধূর্ত! ৭ কিন্তু ঈশ্বর তাঁর তির  
তাদের দিকে নিষ্কেপ করবেন, হঠাত আঘাতে তারা ভূপতিত হবে। ৮  
তিনি তাদের জিভ তাদের বিরুদ্ধেই চালনা করবেন এবং তাদের ধ্বংস  
করবেন; তাদের এই দশা দেখে সকলে উপহাসে মাথা নাড়াবে। ৯ সব  
মানুষ ভীত হবে; তারা ঈশ্বরের ক্রিয়াকলাপ ঘোষণা করবে এবং তাঁর  
কর্মসকলে মনোনিবেশ করবে। ১০ ধার্মিক সদাপ্রভুতে আনন্দ করবে

ও তাঁতে শরণ নেবে; যারা হৃদয়ে ন্যায়পরায়ণ তারা তাঁর জয়গান  
করবে।

**65** সংগীত পরিচালকের জন্য। দাউদের গীত। একটি সংগীত। হে  
ঈশ্বর, সিয়োনে তোমার জন্য প্রশংসা অপেক্ষা করে; তোমার উদ্দেশে  
আমরা আমাদের শপথ পূর্ণ করব 2 কারণ তুমি প্রার্থনার উত্তর দিয়েছ।  
সব মানুষ তোমার কাছে আসবে। 3 আমরা যখন আমাদের পাপে  
ভারাক্রান্ত ছিলাম, তুমি আমাদের সমস্ত অপরাধ ক্ষমা করেছিলে।  
4 ধন্য সেই ব্যক্তি যাকে তুমি মনোনীত করেছ এবং কাছে এনেছ  
যেন তোমার প্রাঙ্গণে বসবাস করতে পারে! তোমার গৃহের ও তোমার  
পবিত্র মন্দিরের উত্তম সম্পদে আমরা পরিত্পন্ত হয়েছি। 5 হে ঈশ্বর,  
আমাদের ত্রাণকর্তা, তুমি অসাধারণ ও ধার্মিক ক্রিয়াসকলের মাধ্যমে  
আমাদের প্রার্থনার উত্তর দিয়েছ। পৃথিবীর সকলের আশা তুমি এমনকি  
যারা সুন্দর সমুদ্রে যাত্রা করে তাদেরও। 6 তোমার পরাক্রমে তুমি  
পর্বতমালাকে নির্মাণ করেছ, এবং মহা শক্তিবলে নিজেকে সজ্জিত  
করেছ। 7 তুমি গর্জনশীল সমুদ্র ও তাদের উভাল ঢেউ শান্ত করেছ,  
এবং জাতিদের কোলাহল চুপ করিয়েছ। 8 যারা পৃথিবীর দূর প্রান্তে  
বাস করে তারা তোমার আশৰ্য ক্রিয়ায় ভীত; সূর্য ওঠার স্থান থেকে  
অস্ত যাওয়ার স্থান পর্যন্ত, তুমি আনন্দধ্বনি জাগিয়েছ। 9 তুমি এই  
পৃথিবীকে যত্ন করছ ও জল সেচন করছ, সমৃদ্ধ ও উর্বর করে তুলছ।  
ঈশ্বরের নদী জলে পূর্ণ; যা সবাইকে প্রচুর শস্যের সন্তান দেয়; কারণ  
এইভাবেই তুমি আদেশ দিয়েছ। 10 তুমি চূষা জমির লাঙলরেখা  
ভিজিয়ে রাখছ এবং ঢাল সমান করছ; তুমি বৃষ্টি দিয়ে তা নরম করছ  
এবং তার ফসলে আশীর্বাদ করছ। 11 ফসলের সন্তানে তুমি বছরকে  
মুকুটে ভূষিত করছ, আর তোমার ঠেলাগাড়ি প্রাচুর্যে উপচে পড়ে। 12  
মরণপ্রাপ্তরের তৃণভূমি উপচে পড়ে; আর সব পাহাড় আনন্দে সজ্জিত  
হয়। 13 পশুপালে চারণভূমি পরিপূর্ণ হয়, উপত্যকাগুলি শস্যসন্তানে  
আবৃত হয়; তারা জয়ধ্বনি করে ও গান গায়।

**66** সংগীত পরিচালকের জন্য। একটি সংগীত। একটি গীত। সমস্ত  
পৃথিবী, ঈশ্বরের উদ্দেশে আনন্দধ্বনি করো! 2 তাঁর নামের গৌরব

কীর্তন করো; তাঁর প্রশংসা গৌরবান্বিত করো। ৩ ঈশ্বরকে বলো, “কী  
অসাধারণ তোমার কার্যসকল! এমন তোমার পরাক্রম যে তোমার  
শক্তিরা তোমার সামনে কুঁকড়ে যায়। ৪ সমস্ত পৃথিবী তোমার সামনে  
অবনত হয়; তারা তোমার প্রশংসাগান গায়, তারা তোমার নামের  
প্রশংসাগান গায়।” ৫ এসো আর দেখো ঈশ্বর কী করেছেন, মানুষের  
জন্য তাঁর অসাধারণ কীর্তি! ৬ তিনি সমুদ্র শুক্ষ জমিতে পরিণত  
করেন, তারা পায়ে হেঁটে জলের মধ্যে দিয়ে গিয়েছিল— এসো,  
আমরা ঈশ্বরে আনন্দ করি। ৭ তিনি তাঁর পরাক্রমে চিরকাল শাসন  
করেন, তাঁর চোখ জাতিদের লক্ষ্য করে; বিদ্রোহীরা যেন তাঁর বিরুদ্ধে  
মাথা তুলে না দাঁড়ায়। ৮ সমস্ত লোক, তোমরা আমাদের ঈশ্বরের  
প্রশংসা করো, তাঁর প্রশংসার ধ্বনি শোনা যাক; ৯ তিনি আমাদের  
জীবন সুরক্ষিত করেছেন আর আমাদের পা পিছলে যাওয়া থেকে  
আমাদের আগলে রেখেছেন। ১০ কারণ তুমি ঈশ্বর, আমাদের পরীক্ষা  
করেছ; তুমি আমাদের রংপোর মতো পরীক্ষাসিদ্ধ করেছ। ১১ তুমি  
আমাদের কারাগারে বন্দি করেছ আর আমাদের পিঠে বোৰা চাপিয়ে  
দিয়েছ। ১২ লোকজন দ্বারা আমাদের মাথা তুমি পিষে ফেলতে দিয়েছ;  
আমরা আগুন ও জলের মধ্যে দিয়ে গিয়েছি, কিন্তু তুমি আমাদের  
প্রাচুর্যের স্থানে নিয়ে এসেছ। ১৩ হোমবলি নিয়ে আমি তোমার মন্দিরে  
প্রবেশ করব আর আমার শপথ পূর্ণ করব— ১৪ আমার বিপদের সময়  
যে শপথ আমার ঠোঁট অঙ্গীকার করেছিল আর আমার মুখ উচ্চারণ  
করেছিল। ১৫ আমি তোমার উদ্দেশে হষ্টপুষ্ট পশুবলি দেব, আর মদ্দা  
মেষ উপহার দেব; আমি বলদ ও ছাগল উৎসর্গ করব। ১৬ তোমরা  
যারা ঈশ্বরকে ভয় করো, এসো আর শোনো; তিনি আমার জন্য কী  
করেছেন তা আমি তোমাদের বলছি। ১৭ আমি তাঁর প্রতি কেঁদেছিলাম  
আর মুখ দিয়ে প্রার্থনা করেছিলাম; তাঁর প্রশংসা আমার জিভে ছিল। ১৮  
যদি আমি আমার হৃদয়ে পাপ পুষে রাখতাম, সদাপ্রভু আমার প্রার্থনা  
গ্রাহ্য করতেন না; ১৯ কিন্তু ঈশ্বর নিশ্চয় শুনেছেন আর আমার প্রার্থনায়  
কর্ণপাত করেছেন। ২০ ঈশ্বরের প্রশংসা হোক, যিনি আমার প্রার্থনা

অস্বীকার করেননি এবং তাঁর অবিচল প্রেম থেকে আমাকে বাধ্যত  
করেননি।

**67** সংগীত পরিচালকের জন্য। তারযুক্ত যন্ত্র সহযোগে একটি গীত।  
একটি সংগীত। ঈশ্বর আমাদের প্রতি করণা করুন ও আমাদের  
আশীর্বাদ করুন তাঁর মুখ আমাদের উপর উজ্জ্বল করুন— 2 যেন  
তোমার পথসকল জগতে আর তোমার পরিভ্রান্ত সমস্ত জাতির মধ্যে  
জ্ঞাত হয়। 3 হে ঈশ্বর, লোকেরা তোমার স্তব করুক; সমস্ত লোকজন  
তোমার প্রশংসা করুক। 4 সমস্ত জাতি আনন্দ করুক আর উল্লসিত  
হোক, কারণ তুমি লোকেদের ন্যায়সংগতভাবে শাসন করছ এবং  
পৃথিবীর জাতিদের পরিচালনা করছ। 5 হে ঈশ্বর, লোকেরা তোমার  
স্তব করুক, সমস্ত লোকজন তোমার প্রশংসা করুক। 6 তখন এই  
পৃথিবী ফসল উৎপন্ন করবে; এবং ঈশ্বর, আমাদের ঈশ্বর, আমাদের  
বিপুলভাবে আশীর্বাদ করবেন। 7 হ্যাঁ, ঈশ্বর আমাদের আশীর্বাদ  
করবেন, তাতে এই পৃথিবীর সব মানুষ তাঁকে ভয় করবে।

**68** সংগীত পরিচালকের জন্য। দাউদের গীত। একটি সংগীত। হে  
ঈশ্বর, ওঠো, তোমার শক্রদের ছিন্নভিন্ন করো; যারা ঈশ্বরকে ঘৃণা করে  
তারা তাদের জীবন নিয়ে পালিয়ে যাক। 2 তুমি তাদের ধোঁয়ার মতো  
উড়িয়ে দিয়েছ— যেমন আগুনে মোম গলে যায়, ঈশ্বরের সামনে দুষ্টরা  
সেভাবে বিনষ্ট হোক। 3 কিন্তু ধার্মিক আনন্দিত হোক আর ঈশ্বরের  
সামনে উল্লসিত হোক; তারা খুশি হোক আর আহ্লাদিত হোক। 4  
ঈশ্বরের উদ্দেশে গান করো, তাঁর নামের উদ্দেশে প্রশংসাগান গাও,  
যিনি মেঘের উপর চড়ে যাত্রা করেন তাঁর উচ্চপ্রশংসা করো; তাঁর  
সামনে উল্লাস করো—তাঁর নাম সদাপ্রভু। 5 ঈশ্বর অনাথদের বাবা  
আর বিধবাদের পক্ষসমর্থনকারী; তাঁর আবাস পবিত্র। 6 যারা একা  
থাকে ঈশ্বর তাদের পরিবার দেন, তিনি বন্দিদের মুক্ত করেন আর  
তাদের আনন্দ দেন; কিন্তু বিদ্রোহীরা দক্ষ ভূমিতে বসবাস করে। 7 হে  
ঈশ্বর, যখন তুমি তোমার প্রজাদের মিশ্র দেশ থেকে বের করলে,  
যখন তুমি মরণপ্রাপ্তরের মধ্য দিয়ে অগ্রসর হলে, 8 পৃথিবী কেঁপে  
উঠল, আকাশমণ্ডল বৃষ্টি ঢেলে দিল, সীনয়ের ঈশ্বর, ঈশ্বরের সামনে,

ইন্দ্রায়লের ঈশ্বর, ঈশ্বরের সামনে। ৭ তুমি প্রচুর বৃষ্টিধারা দিলে, হে  
ঈশ্বর; তোমার পরিশ্রান্ত অধিকারকে তুমি সতেজ করে তুললে। ১০  
তোমার প্রজারা সেই দেশে বসতি স্থাপন করল, আর হে ঈশ্বর, তোমার  
প্রাচুর্য থেকে তুমি দরিদ্রদের জোগান দিলে। ১১ সদাপ্রভু বাক্য ঘোষণা  
করেন, আর শুভবার্তার প্রচারিকারা এক মহান বাহিনী: ১২ “রাজারা  
আর সৈন্যরা দ্রুত পালিয়ে যায়; মহিলারা লুট করা দ্রব্য বাঢ়িতে  
ভাগ করে। ১৩ এমনকি যারা মেঘের খোঁয়াড়ে বাস করত তারাও  
ধনসম্পদ খুঁজে পেল— রূপোর ডানাসহ ঘুঘু আর সোনার পালক।” ১৪  
সল্মন পর্বতে তুষারপাতের মতো সর্বশক্তিমান সেই দেশে রাজাদের  
ছিন্নভিন্ন করলেন। ১৫ বাশনের পর্বতমালা মহিমাপ্রিত, অনেক উঁচু শৃঙ্গ  
গগনচূম্বী। ১৬ হে রক্ষ পর্বত, কেন তুমি সেই পর্বতের দিকে হিংসার  
দৃষ্টিতে তাকাও যে পর্বত ঈশ্বর শাসন করার জন্য বেছে নিয়েছেন, আর  
যে পর্বতে সদাপ্রভু চিরকাল বসবাস করবেন। ১৭ ঈশ্বরের রথ অযুত  
অযুত এবং লক্ষ লক্ষ; সদাপ্রভু সীনয় পর্বত থেকে তাঁর পবিত্রস্থানে  
এসেছেন। ১৮ যখন তুমি উর্ধ্বে আরোহণ করেছিলে তুমি বন্দিদের  
বন্দি করেছিলে; তুমি লোকদের কাছ থেকে উপহার পেয়েছ, এমনকি  
যারা বিদ্রোহী তাদের কাছ থেকেও— যেন তুমি, হে সদাপ্রভু ঈশ্বর,  
সেখানে বসবাস করো। ১৯ প্রভু ঈশ্বর, আমাদের রক্ষাকর্তার প্রশংসা  
হোক, যিনি প্রতিদিন আমাদের বোৰা বহন করেন। ২০ আমাদের  
ঈশ্বর এমন ঈশ্বর যিনি পরিত্রাণ দেন; সার্বভৌম সদাপ্রভু মৃত্যু থেকে  
আমাদের উদ্ধার করেন। ২১ নিশ্চয় ঈশ্বর তাঁর শক্রদের মাথা, এবং  
তাদের চুলের মুকুট চূর্ণ করবেন যারা পাপের পথ ভালোবাসে। ২২  
সদাপ্রভু বলেন, “আমি তাদের বাশন থেকে নিয়ে আসব; সমুদ্রের  
অতল থেকে আমি তাদের নিয়ে আসব, ২৩ যেন তোমার পা তোমার  
বিপক্ষদের রক্তের মধ্যে দিয়ে হাঁটতে পারে, এবং তোমার কুকুরদের  
জিভ যেন তাদের ভাগ পায়।” ২৪ তোমার শোভাযাত্রা, হে ঈশ্বর,  
আমাদের চোখে পড়েছে, আমার ঈশ্বর ও রাজার পবিত্রস্থানে যাওয়ার  
শোভাযাত্রা। ২৫ সবার সামনে গায়কেরা, তারপর সুরকারেরা; তাদের  
সঙ্গে খঞ্জনি বাজিয়ে যুবতী মহিলারা। ২৬ মহা ধর্মসভায় ঈশ্বরের

প্রশংসা হোক; ইস্রায়েলের সমাবেশে সদাপ্রভুর প্রশংসা হোক। 27 ক্ষুণ্ড  
বিন্যামীন গোষ্ঠী সবার আগে আগে চলেছে, যিন্দু গোষ্ঠীর শাসকেরা  
এক বিরাট দল, এবং আছে সবুলুন আর নগালি গোষ্ঠীর শাসকগণ।  
28 তোমার পরাক্রমকে তলব করো, হে ঈশ্বর; যেমন তুমি আগে  
করেছ সেভাবে তোমার শক্তি আমাদের দেখাও, হে আমাদের ঈশ্বর।  
29 জেরুশালেমে তোমার মন্দিরের কারণে রাজারা তোমার উদ্দেশে  
উপহার নিয়ে আসবেন। 30 নলবনের মধ্যে বন্যপশুকে তিরক্ষার করো,  
জাতিদের বাছুরদের মধ্যে বলদের পালকে তিরক্ষার করো। নষ্ট হয়ে,  
বন্যপশুরা রংপোর দণ্ড নিয়ে আসুক। যারা যুদ্ধ ভালোবাসে তাদের  
ছিন্নভিন্ন করে দাও। 31 মিশর থেকে রাজদুতের দল আসবে; কৃশ  
নিজেদেরকে ঈশ্বরের সামনে সমর্পণ করবে। 32 পৃথিবীর সব রাজ্য,  
তোমরা ঈশ্বরের উদ্দেশে গান করো, প্রভুর উদ্দেশে প্রশংসাগান করো,  
33 তাঁর প্রতি করো যিনি সর্বোচ্চ আকাশমণ্ডল, প্রাচীন আকাশমণ্ডল  
দিয়ে যাত্রা করেন, যিনি পরাক্রমের কঠস্বরে গর্জন করেন। 34 ঈশ্বরের  
শক্তির প্রচার করো, যাঁর মতিমা ইস্রায়েলের উপরে উজ্জ্বল হয়, যাঁর  
শক্তি আকাশমণ্ডলে মহৎ। 35 হে ঈশ্বর, তোমার পবিত্রিস্থানে তুমি  
ভয়াবহ; ইস্রায়েলের ঈশ্বর তাঁর ভক্তদের শক্তি আর সামর্থ্য প্রদান  
করেন। ঈশ্বরের প্রশংসা হোক!

**69** সংগীত পরিচালকের জন্য। দাউদের গীত। সুর: “লিলি ফুল।” হে  
ঈশ্বর, আমাকে রক্ষা করো, কারণ আমার গলা পর্যন্ত জল উঠে এসেছে।  
2 আমি গভীর পাঁকে ডুবেছি, যেখানে দাঁড়াবার স্থান নেই। আমি গভীর  
জলে আছি; আর বন্যা আমাকে ঢেকে ফেলেছে। 3 সাহায্যের প্রার্থনা  
করতে করতে আমি ক্লান্ত হয়েছি; আমার গলা শুকিয়ে গেছে। আমার  
ঈশ্বরের খোঁজ করতে করতে আমার দৃষ্টি ব্যর্থ হয়েছে। 4 যারা আমাকে  
অকারণে ঘৃণা করে আমার মাথার চুলের থেকেও তারা সংখ্যায় বেশি;  
অকারণে অনেকে আমার শক্ত হয়েছে, যারা আমাকে ধ্বংস করতে  
চায়। যা আমি চুরি করিনি তা ফিরিয়ে দিতে আমাকে বাধ্য করা হয়।  
5 হে ঈশ্বর, তুমি আমার মূর্খতা জানো; আমার দোষ তোমার কাছে  
ঢাকা নেই। 6 প্রভু, হে সর্বশক্তিমান সদাপ্রভু, যারা তোমাতে আশা

রাখে তারা যেন আমার জন্য অপমানিত না হয়; হে ইশ্বায়েলের ঈশ্বর,  
যারা তোমার অন্নেষণ করে তারা যেন আমার জন্য লজ্জিত না হয়। 7  
তোমার কারণে আমি ঘৃণা সহ্য করি, এবং লজ্জা আমার মুখ দেকে  
দেয়। 8 আমার নিজের পরিবারের কাছে আমি এক বিদেশি, আমার  
নিজের মায়ের ছেলেমেয়েদের কাছে আমি অপরিচিত; 9 তোমার  
গৃহের জন্য আবেগ আমাকে গ্রাস করেছে, আর যারা তোমাকে অপমান  
করে তাদের অপমান আমার উপরে এসে পড়েছে। 10 যখন আমি  
ঘুমাই আর উপবাস করি, তারা আমাকে উপহাস করে; 11 যখন আমি  
চট পরি, লোকেরা আমাকে নিয়ে মজা করে। 12 যারা প্রবেশপথে বসে  
তারা আমাকে উপহাস করে, আর সব মাতাল আমাকে নিয়ে গান  
গায়। 13 কিন্তু, হে সদাপ্রভু, তোমার অনুগ্রহের সময়ে আমি তোমার  
কাছে প্রার্থনা করি; হে ঈশ্বর, তোমার মহান প্রেমে তোমার নিশ্চিত  
পরিবাগে আমাকে উন্নত দাও। 14 আমাকে পাঁক থেকে উদ্বার করো,  
আমাকে ডুবে যেতে দিয়ো না; যারা আমাকে ঘৃণা করে তাদের থেকে  
আর গভীর জল থেকে আমাকে উদ্বার করো। 15 বন্যার জল যেন  
আমাকে আচ্ছন্ন না করে গভীর জল যেন আমাকে গ্রাস না করে মৃত্যুর  
গর্ত যেন আমাকে গিলে না ফেলে। 16 হে সদাপ্রভু, তোমার প্রেমের  
উত্তমতায় আমাকে উন্নত দাও; তোমার মহান দয়াতে আমার দিকে  
ফেরো। 17 তোমার দাসের কাছ থেকে তোমার মুখ লুকিয়ে রেখো না;  
আমাকে তাড়াতাড়ি উন্নত দাও, কারণ আমি বিপদে রয়েছি। 18 আমার  
কাছে এসো আর আমাকে উদ্বার করো; আমার শক্রদের হাত থেকে  
আমাকে মুক্ত করো। 19 তুমি জানো আমি কীভাবে তুচ্ছ, অপমানিত  
আর লজ্জিত হয়েছি; আমার সব শক্র তোমার সামনে। 20 উপহাস  
আমার হৃদয় ভেঙেছে আর আমাকে অসহায় করেছে; আমি সহানুভূতি  
খুঁজলাম কিন্তু পেলাম না, সান্ত্বনাকারীদের খুঁজলাম কিন্তু কাউকে  
পেলাম না। 21 তারা আমার খাবারে পিণ্ডরস মিশিয়েছে আর আমার  
তৃষ্ণা মেটাতে অশ্লৱস দিয়েছে। 22 তাদের সাজানো মেজ তাদের জন্য  
জাল হয়ে উঠুক; এবং তাদের সুরক্ষা ফাঁদ হয়ে উঠুক। 23 তাদের  
চোখ অন্ধকারে পূর্ণ হোক যেন তারা দেখতে না পায়, এবং তাদের পিঠ

চিরকাল বেঁকে থাকুক। 24 তোমার ক্রোধ তাদের উপর ঢেলে দাও;  
 তোমার প্রচণ্ড রাগ তাদের গ্রাস করুক। 25 তাদের বাসস্থান শূন্য হোক;  
 তাদের তাঁবুতে বসবাস করার জন্য যেন কেউ না থাকে। 26 তুমি  
 যাদের আঘাত দিয়েছ তাদের প্রতি ওরা অত্যাচার করে আর যাদের  
 তুমি আহত করেছ তাদের সম্বন্ধে ওরা কথা বলে। 27 অপরাধের পর  
 অপরাধ দিয়ে তাদের অভিযুক্ত করো; ওরা যেন তোমার পরিত্রাণের  
 অংশীদার না হয়। 28 তাদের নাম যেন জীবনপুষ্টক থেকে মুছে দেওয়া  
 হয় আর ধার্মিকদের সাথে যেন তাদের গণ্য করা না হয়। 29 কিন্তু আমি  
 পীড়িত, আর ব্যথায় আছি— হে ঈশ্বর, তোমার পরিত্রাণ আমাকে রক্ষা  
 করুক। 30 গানের মাধ্যমে আমি ঈশ্বরের নামের প্রশংসা করব ধন্যবাদ  
 সহকারে আমি তাঁকে গৌরবান্বিত করব। 31 বলদ বলি দেওয়ার  
 থেকেও এসব সদাপ্রভুকে তুষ্ট করবে, এমনকি শিং ও খুর সহ ঘাঁড়ের  
 বলি অপেক্ষাও। 32 দরিদ্রেরা এসব দেখবে আর আনন্দিত হবে—  
 তোমরা যারা ঈশ্বরের অন্বেষণ করো, তোমাদের হৃদয় বেঁচে থাকুক!

33 সদাপ্রভু দরিদ্রদের কান্না শোনেন এবং তাঁর বন্দি লোকেদের তুচ্ছ  
 করেন না। 34 স্বর্গ ও পৃথিবী, সমুদ্র ও যা কিছু তাতে জীবিত, তাঁর  
 প্রশংসা করুক, 35 কারণ ঈশ্বর সিয়োনকে রক্ষা করবেন এবং যিহুদার  
 নগরসকল পুনর্গঠন করবেন। তখন লোকেরা সেখানে বসবাস করবে  
 আর তা দখল করবে; 36 তাঁর সেবকদের সন্তানসন্ততিরা তা অধিকার  
 করবে, আর যারা তাঁর নাম ভালোবাসে তারা সেখানে বসবাস করবে।

**70** সংগীত পরিচালকের জন্য। দাউদের গীত। একটি নিবেদন। হে  
 ঈশ্বর, আমাকে তাড়াতাড়ি উদ্বার করো! হে সদাপ্রভু, তুমি তাড়াতাড়ি  
 এসো আর আমাকে সাহায্য করো। 2 যারা আমার প্রাণনাশের চেষ্টা  
 করে, তারা যেন লজ্জায় পিছু ফিরে যায়। 3 যারা আমাকে বলে, “হা!  
 হা!” তারা যেন লজ্জায় পিছু ফিরে যায়। 4 কিন্তু যারা তোমার অন্বেষণ  
 করে তারা তোমাতে আনন্দ করুক ও খুশি হোক; যারা তোমার পরিত্রাণ  
 ভালোবাসে তারা সর্বদা বলুক, “সদাপ্রভু মহান!” 5 কিন্তু আমি দরিদ্র

ও অভিবী; হে ঈশ্বর, আমাকে সাহায্য করতে তাড়াতাড়ি এসো, তুমিই  
আমার সহায় এবং আমার মুক্তিদাতা, হে সদাপ্রভু, দেরি কোরো না।

**71** হে সদাপ্রভু, আমি তোমাতে আশ্রয় নিয়েছি; আমাকে কখনও  
লজ্জিত হতে দিয়ো না। 2 তোমার ধার্মিকতায়, আমাকে রক্ষা করো  
আর উদ্ধার করো; আমার দিকে কর্ণপাত করো আর আমাকে রক্ষা  
করো। 3 তুমি আমার আশ্রয় শৈল হও, যেখানে আমি সর্বদা যেতে  
পারি; আমাকে রক্ষা করার জন্য আদেশ দাও, কারণ তুমি আমার  
শৈল ও আমার উচ্চদুর্গ। 4 হে আমার ঈশ্বর, দুষ্টদের হাত থেকে,  
মন্দ ও নিষ্ঠুরদের কবল থেকে আমাকে উদ্ধার করো। 5 কারণ,  
হে সার্বভৌম ঈশ্বর, তুমিই আমার আশা, আমার যৌবনকাল থেকে  
তুমি আমার আত্মবিশ্বাস। 6 জন্ম থেকে আমি তোমার উপর নির্ভর  
করেছি; তুমি আমাকে আমার মাতৃগর্ভ থেকে বের করে এনেছ। আমি  
চিরকাল তোমার প্রশংসা করব। 7 আমি অনেকের কাছে নির্দশন  
হয়েছি; তুমি আমার শক্তিশালী আশ্রয়। 8 আমার মুখ তোমার প্রশংসায়  
পূর্ণ, আর সারাদিন তোমার মহিমা প্রচার করে। 9 যখন আমি বৃদ্ধ  
হব আমাকে দূরে সরিয়ে দিয়ো না; যখন আমার শক্তি ক্ষয় হবে  
তখন আমাকে পরিত্যাগ কোরো না। 10 কারণ আমার শক্তিরা আমার  
বিরুদ্ধে কথা বলে; যারা আমাকে হত্যা করার জন্য অপেক্ষা করে  
তারা একত্রে ঘড়্যন্ত করে। 11 তারা বলে, “ঈশ্বর তাকে পরিত্যাগ  
করেছেন; ওর পশ্চাদ্বাবন করো আর ওকে বন্দি করো, কারণ কেউ  
তাকে উদ্ধার করবে না।” 12 হে আমার ঈশ্বর, আমার থেকে দূরে  
থেকো না; তাড়াতাড়ি এসো, হে ঈশ্বর, আমাকে সাহায্য করো। 13  
আমার অভিযোগকারীরা লজ্জায় বিনষ্ট হোক; যারা আমার ক্ষতি করতে  
চায় তারা অবজ্ঞা আর ঘৃণায় আবৃত হোক। 14 কিন্তু আমি, সর্বদা আশা  
রাখব; আমি উত্তর উত্তর তোমার প্রশংসা করব। 15 যদিও আমি বাক্যে  
সুদক্ষ নই তবুও আমার মুখ তোমার ধর্মশীলতা আর সারাদিন তোমার  
পরিত্রাণ কার্যাবলি প্রচার করবে। 16 হে সার্বভৌম সদাপ্রভু, আমি এসে  
তোমার পরাক্রমী কার্যাবলি প্রচার করব; তোমার, কেবল তোমারই,  
ধার্মিক ক্রিয়াকলাপের কথা আমি প্রচার করব। 17 আমার যৌবনকাল

থেকে, হে ঈশ্বর, তুমি আমাকে শিক্ষা দিয়েছ, আর এই দিন পর্যন্ত  
আমি তোমার চমৎকার কার্যাবলি ঘোষণা করি। 18 যখন আমি বৃদ্ধ  
হই আর আমার চুল ধূসর হয়, হে আমার ঈশ্বর, আমাকে পরিত্যাগ  
কোরো না; যতদিন না পর্যন্ত আমি তোমার শক্তি আগামী প্রজন্মের  
কাছে আর যারা আসবে তাদের কাছে তোমার পরাক্রম ঘোষণা করতে  
পারি। 19 হে ঈশ্বর, তোমার ধার্মিকতা আকাশমণ্ডল পর্যন্ত পৌঁছায়,  
তুমি মহান কর্ম সাধন করেছ। হে ঈশ্বর, তোমার মতো কে আছে? 20  
যদিও তুমি আমাকে অনেক তিক্ত কষ্ট দেখিয়েছ, তুমি আমার জীবন  
পুনরুদ্ধার করবে; তুমি আমাকে পৃথিবীর গভীরস্থান থেকে আবার বের  
করে আনবে। 21 আর একবার তুমি আমার সম্মান ও স্বাচ্ছন্দ্য বৃদ্ধি  
করবে। 22 হে ঈশ্বর, তোমার বিশ্বস্ততার জন্য আমি বীণা সহযোগে  
তোমার প্রশংসা করব; হে ইস্রায়েলের পবিত্রজন, সুরবাহার দিয়ে আমি  
তোমার প্রশংসা করব। 23 আমার ঠোঁট উচ্চধনি করবে আর তোমার  
প্রশংসা করবে কারণ তুমি আমাকে মুক্ত করেছ। 24 সারাদিন আমার  
জিভ তোমার ধর্মশীলতার কথা বলবে, কারণ যারা আমার ক্ষতি করতে  
চেয়েছিল তারা লজ্জিত ও অপমানিত হয়েছে।

**72** শলোমনের গীত। হে ঈশ্বর, তুমি রাজাকে ন্যায়পরায়ণতা আর  
রাজপুত্রকে ধার্মিকতা প্রদান করো। 2 তিনি ধার্মিকতায় তোমার  
ভক্তদের আর ন্যায়পরায়ণতায় তোমার পীড়িতদের বিচার করবেন। 3  
পর্বতগুলি সবার জন্য সমৃদ্ধি নিয়ে আসুক, আর পাহাড়গুলি ধার্মিকতার  
ফল প্রদান করুক। 4 তিনি লোকদের মাঝে পীড়িতদের বিচার করুন  
আর অভাবীদের ছেলেমেয়েদের রক্ষা করুন; তিনি অত্যাচারীকে চূর্ণ  
করুন। 5 যতদিন সূর্য থাকবে ততদিন আর যতদিন চন্দ্রের অস্তিত্ব  
রইবে, তিনি স্থায়ী হবেন, বংশপরম্পরায় হবেন। 6 কাটা ঘাসের প্রান্তেরে  
তিনি বৃষ্টির মতো নেমে আসবেন, জলধারার মতো যা পৃথিবীকে সেচন  
করে। 7 তাঁর সময়ে ধার্মিক উন্নতি লাভ করবে আর চন্দ্রের শেষকাল  
পর্যন্ত সমৃদ্ধি উপচে পড়বে। 8 তিনি সমুদ্র থেকে সমুদ্র পর্যন্ত আর নদী  
থেকে পৃথিবীর প্রান্ত পর্যন্ত শাসন করুন। 9 মরুভূমির গোষ্ঠীসকল তাঁর  
সামনে নত হবে এবং তাঁর শক্রুরা মাটির ধুলো চাটবে। 10 তর্ণীশ

আর সুদূর উপকূলবর্তী দেশের রাজারা তাঁর উদ্দেশে নৈবেদ্য নিয়ে  
আসুক। শিবা ও সবার রাজারা তাঁর জন্য উপহার নিয়ে আসুক। 11  
রাজারা সবাই তাঁর সামনে নত হোক আর সমস্ত জাতি তাঁর সেবা  
করুক। 12 তিনি আর্তনাদকারী অভাবীদের আর অসহায় পীড়িতদের  
উদ্ধার করবেন। 13 তিনি দরিদ্র ও অভাবীদের প্রতি দয়া করবেন এবং  
অভাবীদের মৃত্যু থেকে রক্ষা করবেন। 14 তিনিই তাদের অত্যাচার ও  
হিংসা থেকে মুক্ত করবেন, কারণ তাঁর দৃষ্টিতে তাদের রক্ত মূল্যবান।  
15 রাজা দীর্ঘজীবী হোন! শিবা দেশের সোনা তাঁকে দেওয়া হোক।  
লোকেরা তাঁর জন্য চিরকাল প্রার্থনা করুক এবং তাঁকে সর্বদা আশীর্বাদ  
করুক। 16 দেশে শস্যের প্রাচুর্য হোক; পাহাড়ের উপরে সেসব দুলে  
উঠুক। লেবাননের গাছের মতো ফলের গাছ উন্নতি লাভ করুক আর  
মাঠের ঘাসের মতো সমৃদ্ধ হোক। 17 তাঁর নাম চিরস্মায় হোক; ততদিন  
হোক যতদিন সূর্য আলো দেবে। সমুদয় জাতি তাঁর মাধ্যমে আশীর্বাদ  
পাবে, এবং তারা তাঁকে ধন্য বলবে। 18 সদাপ্রভু ঈশ্বর, ইস্রায়েলের  
ঈশ্বরের প্রশংসা হোক, কেবলমাত্র তিনিই চমৎকার কার্যাবলি সাধন  
করেন। 19 চিরকাল তাঁর মহানামের প্রশংসা হোক; আর সমস্ত পৃথিবী  
তাঁর মহিমায় পূর্ণ হোক। 20 যিশয়ের ছেলে দাউদের প্রার্থনা শেষ হল।

**73** আসফের গীত। নিশ্চয়, ঈশ্বর ইস্রায়েলের পক্ষে মঙ্গলময়, যারা  
হৃদয়ে শুন্দি তাদের পক্ষে। 2 কিন্তু আমার পা প্রায় পিছলে গিয়েছিল;  
আমার পা রাখার জায়গা আমি প্রায় হারিয়েছিলাম। 3 আমি যখন  
দুষ্টদের সম্মুক্তি দেখলাম, তখন দাস্তিকের প্রতি ঈর্ষা করলাম। 4  
তাদের জীবনে কোনো কষ্ট নেই; তাদের শরীর সুস্থ আর শক্তিশালী।  
5 মানুষের সাধারণ বোৰা থেকে তারা মুক্ত; মানবিক সমস্যার দ্বারা  
তারা জর্জরিত হয় না। 6 সেইজন্য অহংকার তাদের গলার হার; তারা  
হিংসায় নিজেদের আবৃত করে। 7 তাদের অনুভূতিহীন হৃদয় থেকে  
অন্যায় বেরিয়ে আসে; তাদের দুষ্ট কল্পনার কোনো সীমা নেই। 8 তারা  
উপহাস করে, আক্রোশে কথা বলে; দাস্তিকতায় তারা অত্যাচারের  
ভূমিকি দেয়। 9 তাদের মুখ স্বর্গের বিরণকে গর্ব করে, আর তাদের  
জিভ জগতের অধিকার নেয়। 10 সেইজন্য তাদের লোকেরা তাদের

দিকে ফেরে আর প্রচুর জলপান করে। 11 তারা বলে, “ঈশ্বর কীভাবে  
জানবে? পরাণপর কি কিছু জানে?” 12 দুষ্ট লোকেদের দিকে দেখো—  
সর্বদা তারা আরামে জীবনযাপন করে আর তাদের ধনসম্পত্তি বৃদ্ধি  
পায়। 13 বৃথাই আমি আমার হৃদয় বিশুদ্ধ রেখেছি আর সরলতায়  
আমার হাত পরিষ্কার করেছি। 14 সারাদিন ধরে আমি পীড়িত হয়েছি,  
আর প্রতিটি সকাল নতুন শাস্তি নিয়ে এসেছে। 15 যদি আমি এভাবে  
অপরদের প্রতি কথা বলতাম, তোমার ছেলেমেয়েদের প্রতি আমি  
বিশ্বাসঘাতকতা করতাম। 16 যখন আমি এসব বোঝার চেষ্টা করলাম,  
তা আমাকে গভীর কষ্ট দিল 17 যতক্ষণ না পর্যন্ত আমি ঈশ্বরের  
পবিত্রস্থানে প্রবেশ করলাম; তখন আমি তাদের শেষ পরিণতি বুঝতে  
পারলাম। 18 নিশ্চয়ই তুমি তাদের পিছিল জমিতে রেখেছ; তুমি  
তাদের বিনাশের উদ্দেশে নিক্ষেপ করেছ। 19 হঠাৎ তারা ধ্বংস হয়,  
সন্ত্রাসে সম্পূর্ণ ধূয়ে মুছে যায়! 20 ঘূম ভাঙলে যেমন স্বপ্ন তুচ্ছ হয়;  
তেমনি, হে প্রভু, তুমি জেগে উঠলে তাদের কল্পনাকে তুচ্ছ করবে। 21  
যখন আমার হৃদয় ক্ষুণ্ণ হয়েছিল আর আমার আত্মা তিক্ত হয়েছিল, 22  
আমি অচেতন আর অজ্ঞ ছিলাম; তোমার সামনে আমি নিষ্ঠুর বন্যপশু  
ছিলাম। 23 তবুও আমি সর্বদা তোমার সঙ্গে আছি; তুমি আমার ডান  
হাত ধরে রেখেছ। 24 তোমার উপদেশে তুমি আমাকে পথ দেখাবে,  
এবং অবশ্যে আমাকে মহিমায় নিয়ে যাবে। 25 তুমি ছাড়া স্বর্গে  
আমার আর কে আছে? তুমি ছাড়া জগতে আর কিছুই আমি কামনা  
করি না। 26 আমার মাংস আর আমার অন্তর ব্যর্থ হতে পারে, কিন্তু  
ঈশ্বর আমার হৃদয়ের শক্তি আর আমার চিরকালের উত্তরাধিকার।  
27 যারা তোমার থেকে দূরবর্তী তারা বিনষ্ট হবে; যারা তোমার প্রতি  
অবিশ্বস্ত তাদের সবাইকে তুমি ধ্বংস করবে। 28 কিন্তু ঈশ্বরের কাছে  
থাকা আমার জন্য ভালো। সার্বভৌম সদাপ্রভুকে আমি আমার আশ্রয়  
করেছি; আমি তোমার সমস্ত কাজের প্রচার করব।

**74** আসফের মক্ষীল। হে ঈশ্বর কেন তুমি আমাদের চিরকালের জন্য  
পরিত্যাগ করেছ? তোমার চারণভূমির মেষদের প্রতি কেন তোমার  
ক্রোধ জ্বলে ওঠে? 2 তুমি সেই জাতিকে মনে রেখো, যাদের তুমি

প্রাচীনকালে কিনেছ, তোমার অধিকারের লোকেদের, যাদের তুমি মুক্ত  
করেছ— সিয়োন পর্বত, যেখানে তুমি বসবাস করেছিলে। 3 চিরস্থায়ী  
এই ধ্বংসের দিকে তুমি এবার পা বাঢ়াও, দেখো, শক্ররা পবিত্রস্থানে  
কেমন ধ্বংস নিয়ে এসেছে। 4 তোমার বিপক্ষেরা সেই স্থানে গর্জন  
করল যেখানে তুমি আমাদের সঙ্গে সাক্ষাৎ করেছিলে; তারা তাদের  
যুদ্ধের মানদণ্ড নির্দেশনরূপে স্থাপন করল। 5 তারা এমন মানুষের মতো  
আচরণ করল যারা ঘন বনজঙ্গল কুড়ুল দিয়ে শাসন করে। 6 কুড়ুল  
ও হাতুড়ি দিয়ে তারা সেইসব খাঁজকাটা কাজ ধ্বংস করল। 7 তারা  
তোমার পবিত্রস্থান পুড়িয়ে ধূলোতে মিলিয়ে দিল; তোমার নামের  
আবাসস্থল অগুচি করল। 8 তারা নিজেদের হৃদয়ে বলল, “আমরা  
তাদের সম্পূর্ণরূপে চূর্ণ করব!” দেশের যে স্থানে ঈশ্বরের আরাধনা হত  
সেইসব স্থান তারা পুড়িয়ে দিল। 9 ঈশ্বরের কাছ থেকে আমাদের  
কোনো নির্দেশন দেওয়া হয়নি; কোনো ভাববাদী আর বেঁচে নেই,  
আর আমাদের কেউ জানে না এসব কতকালের জন্য। 10 হে ঈশ্বর,  
আর কত কাল শক্ররা তোমাকে উপহাস করবে? তারা কি চিরকাল  
তোমার নামের অসম্মান করবে? 11 কেন তুমি তোমার শক্তিশালী ডান  
হাত আটকে রেখেছ? তা তোমার পোশাকের ভিতর থেকে বের করে  
শক্রদের ধ্বংস করো! 12 কিন্তু ঈশ্বর বহুকাল থেকেই আমার রাজা  
তিনি জগতে পরিত্রাণ নিয়ে আসেন। 13 তুমি তোমার শক্তি দিয়ে সমুদ্র  
দুভাগে ভাগ করেছ; আর সামুদ্রিক দৈত্যের মাথাগুলি পিষে দিয়েছ।  
14 তুমই লিবিয়াথনের মাথাগুলি চূর্ণ করেছ আর মরণভূমির জন্মদের  
তা খাবার জন্য দিয়েছ। 15 তুমি ঝরনা আর জলপ্রবাহ খুলে দিয়েছ;  
চিরকাল বয়ে যাওয়া নদীকে তুমি শুকনো করেছ। 16 দিন তোমার  
এবং রাতও তোমার তুমি সূর্য আর চাঁদ সৃষ্টি করেছ। 17 তুমি জগতের  
সমস্ত প্রান্তসীমা নির্ণয় করেছ; তুমি গ্রীষ্মকাল আর শীতকাল উভয়  
তৈরি করেছ। 18 হে সদাপ্রভু, মনে রেখো, শক্ররা কেমন তোমাকে  
উপহাস করেছে, মূর্খ লোকেরা কীভাবে তোমার নামের অসম্মান  
করেছে। 19 তোমার ঘৃণুর প্রাণ বন্যপশুর হাতে তুলে দিয়ো না;  
চিরকালের জন্য তোমার পীড়িত লোকেদের জীবন ভুলে যেয়ো না। 20

তোমার নিয়মের প্রতিশ্রুতি মনে রেখো, কেননা পৃথিবী অঙ্ককার আর  
অভ্যাচারে পরিপূর্ণ। 21 পীড়িত ব্যক্তি যেন লজ্জিত হয়ে ফিরে না যায়;  
দরিদ্র আর অভাবী তোমার নামের প্রশংসা করুক। 22 হে ঈশ্বর, ওঠো,  
তোমার উদ্দেশ্য রক্ষা করো; মনে রেখো, সারাদিন মূর্খরা কীভাবে  
তোমাকে উপহাস করে। 23 তোমার প্রতিপক্ষদের চিৎকার উপেক্ষা  
কোরো না; তোমার শক্রদের শোরগোল, যা প্রতিনিয়ত বৃদ্ধি পায়।

**75** সংগীত পরিচালকের জন্য। সুর: “ধৰংস কোরো না।” আসফের  
গীত। একটি সংগীত। হে ঈশ্বর, আমরা তোমার প্রশংসা করি, আমরা  
তোমার প্রশংসা করি, কারণ তুমি নিকটবর্তী; লোকেরা তোমার আশ্চর্য  
ক্রিয়াকলাপ বর্ণনা করে। 2 ঈশ্বর বলেন, “আমার নির্ধারিত সময়ে আমি  
ন্যায়বিচার করব। 3 যখন পৃথিবী কাঁপে এবং সব মানুষ অশান্তিতে  
বাঁচে, আমি তার সব স্তন্ত্র সুদৃঢ় রাখি। 4 আমি দাস্তিককে সতর্ক করি,  
'অহংকার কোরো না,' দুষ্টকে বলি, 'তোমার শিং উঁচু কোরো না। 5  
স্বর্গের বিরংদে তোমার শিং উঁচু কোরো না; এত উদ্বিত্তভাবে কথা  
বোলো না।'” 6 কেউ, পূর্ব বা পশ্চিম থেকে, অথবা মরণভূমি থেকে,  
নিজেকে উন্নত করতে পারে না। 7 ঈশ্বর একমাত্র বিচার করেন: তিনি  
কাউকে নত করেন বা কাউকে উন্নীত করেন। 8 সদাপ্রভুর হাতে এক  
পানপাত্র আছে, যা মশলা মিশ্রিত ফেনিয়ে ওঠা সুরাতে পূর্ণ; তিনি তা  
চেলে দেন, আর পৃথিবীর সমস্ত দুষ্টলোক পাত্রের তলানি পর্যন্ত পান  
করে। 9 কিন্তু আমি একথা চিরকাল ঘোষণা করে যাব; যাকোবের  
ঈশ্বরের উদ্দেশ্যে স্তুতিগান করব। 10 কারণ ঈশ্বর বলেন, “আমি সব  
দুষ্টের শক্তি চূর্ণ করব, কিন্তু আমি ধার্মিকদের শক্তিবৃদ্ধি করব।”

**76** সংগীত পরিচালকের জন্য। তারযন্ত্র সহযোগে। আসফের গীত।  
একটি সংগীত। ঈশ্বর যিহুদাতে সুপরিচিত; ইস্রায়েলে তাঁর নাম  
মহান। 2 তাঁর তাঁরু শালেম নগরীতে আছে, তাঁর বাসস্থান সিয়োনে। 3  
সেখানে তিনি শক্রর জ্বলন্ত তির, ঢাল, তরোয়াল, ও যুদ্ধের অস্ত্রশস্ত্র  
চূর্ণ করেছেন। 4 চিরস্থায়ী পর্বতমালা থেকে তুমি উজ্জ্বল এবং অতি  
মহিমাপ্রিম। 5 সাহসী শক্ররা লুণ্ঠিত হয়েছে তারা আমাদের সামনে  
মৃত্যুর ঘূমে আচ্ছন্ন। কোনো যোদ্ধা আমাদের বিরংদে হাত তুলতে

পারেনি। ৬ হে যাকোবের ঈশ্বর, তোমার তিরক্ষারে ঘোড়া ও রথ, সবই  
অনড় হয়ে পড়ে আছে। ৭ শুধু তুমিই এর যোগ্য যে সকলে তোমাকে  
সম্মত করবে। তুমি ক্রুদ্ধ হলে কে তোমার সামনে দাঁড়াতে পারে? ৮  
স্বর্গ থেকে তুমি রায় ঘোষণা করেছ, পৃথিবী কেঁপে উঠল আর নিঃশব্দে  
তোমার সামনে দাঁড়াল— ৯ যখন তুমি হে ঈশ্বর, অন্যায়কারীদের  
বিচার ও জগতের নিপীড়িতদের উদ্ধার করার জন্য উঠে দাঁড়িয়েছ। ১০  
নিশ্চয় মানুষের অবাধ্যতা তোমার মহিমা বৃদ্ধি করে কেননা তুমি তা  
অন্ত হিসেবে ব্যবহার করো। ১১ তোমার ঈশ্বর সদাপ্রভুর কাছে শপথ  
করো ও তা পূর্ণ করো; প্রতিবেশী দেশবাসীরা তাঁর কাছে উপহার নিয়ে  
আসুক যিনি সকলের কাছে ভয়াবহ। ১২ তিনি শাসকদের আত্মা চূর্ণ  
করেন; এবং পৃথিবীর রাজারা তাঁকে সম্মত করে।

**৭৭** যিদুখুন, সংগীত পরিচালকের জন্য। আসফের গীত। আমি  
ঈশ্বরের কাছে সাহায্যের প্রার্থনা করলাম; আমি ঈশ্বরের কাছে প্রার্থনা  
করলাম যেন তিনি কর্ণপাত করেন। ২ যখন আমি দুর্দশায় ছিলাম,  
আমি প্রভুর খোঁজ করলাম; আমার হাত স্বর্ণের দিকে তুলে আমি  
সারারাত প্রার্থনা করলাম, আর আমার প্রাণ স্বত্ত্ব পেল না। ৩ আমি  
তোমাকে স্নান করলাম, হে ঈশ্বর, আর আমি আর্তনাদ করলাম; আমি  
ধ্যান করলাম আর আমার আত্মা ক্রমশ ক্ষীণ হল। ৪ তুমি আমার  
চোখ বন্ধ হতে দিলে না; আমি এত বেদনায় ছিলাম যে প্রার্থনা করতে  
পারলাম না। ৫ আমি পূর্ববর্তী দিনের কথা চিন্তা করলাম, বহু বছর  
আগের কথা; ৬ রাতের বেলায় আমার গান আমার মনে এল। আমার  
হৃদয় ধ্যান করল আর আমার আত্মা প্রশ্ন করল: ৭ “প্রভু কি চিরকালের  
জন্য পরিত্যাগ করবেন? তিনি কি তাঁর অনুগ্রহ আর দেখাবেন না? ৮  
তাঁর অবিচল প্রেম কি চিরকালের জন্য নিশ্চিহ্ন হয়েছে? সর্বকালের  
জন্য কি তাঁর প্রতিশ্রুতি ব্যর্থ হয়েছে? ৯ ঈশ্বর কি দয়াশীল হতে ভুলে  
গেছেন? রাগে কি তিনি তাঁর করণ্ণা দূরে সরিয়ে রেখেছেন?” ১০ তখন  
আমি ভাবলাম, “এই আমার পরিণতি; পরাণপরের হাত আমার বিরক্তকে  
গিয়েছে। ১১ আমি সদাপ্রভুর কাজগুলি স্নান করব; হ্যাঁ! আমি তোমার  
পূর্বকালের আশৰ্য কাজসকল মনে করব। ১২ আমি তোমার সমস্ত

কাজ বিবেচনা করব আর তোমার পরাক্রমের সব কাজকর্মে ধ্যান করব।” 13 হে ঈশ্বর, তোমার সব পথ পবিত্র। আমাদের ঈশ্বরের মতো কোন দেবতা এত মহান? 14 তুমি সেই ঈশ্বর যিনি আশৰ্য কাজ করেন; লোকেদের মাঝে তুমি তোমার শক্তিপ্রদর্শন করে থাকো। 15 তোমার পরাক্রমী বাহু দিয়ে তুমি তোমার লোকেদের, যাকোব এবং যোষেফের বংশধরদের মুক্ত করেছ। 16 জলধি তোমাকে দেখল, হে ঈশ্বর, জলধি তোমাকে দেখল আর কুকড়ে গেল; মহা অতল কম্পিত হল। 17 মেঘ বৃষ্টি নিয়ে এল, আকাশমণ্ডল বজ্রধনি প্রতিধ্বনিত করল; তোমার বিদ্যুতের তির এদিক-ওদিক চমকে উঠল। 18 ঘূর্ণিবাড়ের মধ্যে তোমার বজ্রধনি শোনা গেল, তোমার বিদ্যুৎ পৃথিবী আলোকিত করল; জগৎ কম্পিত হল আর টলমল করে উঠল। 19 সমুদ্রের মধ্যে তোমার পথ ছিল, মহাজলরাশির মধ্যে তোমার গতিপথ ছিল, যদিও তোমার পায়ের ছাপ দেখা গেল না। 20 মোশি আর হারোগের হাত দ্বারা তুমি তোমার লোকেদের মেষপালের মতো পরিচালিত করেছ।

**78** আসফের মক্ষীল। হে আমার লোকসকল, আমার উপদেশ শোনো; আমার মুখের বাক্যে কর্ণপাত করো। 2 আমি দৃষ্টান্তের মাধ্যমে আমার মুখ খুলব; আমি পূর্বকালের গুপ্ত শিক্ষার কথা উচ্চারণ করব— 3 যা আমরা শুনেছি আর জেনেছি, সেসব আমাদের পূর্বপুরুষরা আমাদের বলেছেন। 4 তাঁদের বংশধরদের কাছে আমরা সেসব লুকিয়ে রাখ্ব না; আমরা আগামী প্রজন্মের কাছে সদাপ্রভুর প্রশংসনীয় কাজের কথা বলব, তাঁর পরাক্রম, আর তাঁর আশৰ্য কাজ। 5 তিনি যাকোবের জন্য বিধি দিয়েছিলেন আর তিনি তাঁর আইন ইস্রায়েলে প্রতিষ্ঠা করেছিলেন, যা তিনি আমাদের পূর্বপুরুষদের আদেশ দিয়েছিলেন তাঁদের ছেলেমেয়েদের শিক্ষা দেওয়ার জন্য, 6 যেন পরবর্তী প্রজন্ম সেগুলি জানতে পারে, এমনকি তারাও পারে যাদের জন্ম হয়নি, এবং তারা যেন পরে নিজের নিজের ছেলেমেয়েদের বলতে পারে। 7 তখন তারা ঈশ্বরে আস্থা রাখবে আর তাঁর কার্যাবলি ভুলে যাবে না কিন্তু তাঁর আজ্ঞাসকল পালন করবে। 8 তারা তাদের পূর্বপুরুষদের মতো হবে না— একগুঁয়ে এবং বিদ্রোহী এক প্রজন্ম, যাদের হৃদয় ঈশ্বরের প্রতি

অনুগত ছিল না, যাদের আত্মা তাঁর প্রতি বিশ্বস্ত ছিল না। ৭ ইফ্রাইম  
বংশের যোদ্ধারা, যদিও ধনুকে সজ্জিত, যুদ্ধের দিনে পিছু ফিরল; ১০  
তারা ঈশ্বরের নিয়ম রক্ষা করল না আর তাঁর আইন অনুসারে বাঁচতে  
অস্বীকার করল। ১১ তারা ভুলে গেল যে তিনি কী করেছিলেন, যে  
আশ্চর্য কাজগুলি তিনি তাদের দেখিয়েছিলেন। ১২ মিশর দেশে, আর  
সোয়ন্নের অঞ্চলে, তাদের পূর্বপুরুষদের দৃষ্টিতে তিনি অলৌকিক  
কাজ করেছিলেন। ১৩ তিনি সমুদ্র ভাগ করেছিলেন আর তাদেরকে  
মাঝখান দিয়ে এগিয়ে নিয়ে গেলেন; প্রাচীরের মতো তিনি জলকে  
দাঁড় করালেন। ১৪ তিনি দিনে তাদের মেঘ আর রাতে আগন্নের আলো  
দ্বারা পথ দেখালেন। ১৫ তিনি মরহুমান্তরে শৈল বিভক্ত করলেন আর  
সমুদ্রের মতো অফুরন্ত জল দিলেন; ১৬ শৈল থেকে তিনি জলস্রোত  
নির্গত করলেন আর নদীর মতো জল প্রবাহিত করলেন। ১৭ কিন্তু তারা  
তাঁর বিরুদ্ধে পাপ করেই গেল, মরহুমান্তরে পরাওপরের প্রতি বিদ্রোহ  
করল। ১৮ তাদের আকাঙ্ক্ষিত খাদ্য দাবি করে তারা ইচ্ছাকৃতভাবে  
ঈশ্বরের পরীক্ষা করল। ১৯ তারা ঈশ্বরের বিরুদ্ধে কথা বলল; তারা  
বলল, “ঈশ্বর কি সত্যিই মরহুমান্তরে মেজ সাজাতে পারেন? ২০  
সত্যিই, তিনি শৈলকে আঘাত করলেন, আর জল বেরিয়ে এল, বিপুল  
জলস্রোত প্রবাহিত হল, কিন্তু তিনি কি আমাদের রংটি দিতে পারেন?  
তিনি কি তাঁর লোকেদের খাবার জন্য মাংস দিতে পারেন?” ২১ যখন  
সদাপ্রভু তাদের কথা শুনলেন তিনি রাগে অগ্নিশর্মা হলেন; যাকোবের  
বিরুদ্ধে তাঁর আগুন জলে উঠল, আর তাঁর ক্রোধ ইন্দ্রায়েলের বিরুদ্ধে  
প্রজ্বলিত হল, ২২ কেননা তারা ঈশ্বরে বিশ্বাস করেনি এবং তাঁর উদ্ধারে  
আস্তা রাখেনি। ২৩ তবুও তিনি উপরের আকাশকে আজ্ঞা দিলেন  
এবং স্বর্গের দরজা খুলে দিলেন; ২৪ লোকেদের খাদ্যের জন্য তিনি  
বৃষ্টির মতো মান্না নিয়ে এলেন, তিনি তাদের স্বর্গের শস্য দিলেন।  
২৫ মানুষ দৃতদের রংটি খেল; তারা যত খেতে পারে সেইমতো তিনি  
তাদের খাদ্য পাঠালেন। ২৬ তিনি পূর্বের বাতাস স্বর্গ থেকে পাঠালেন  
আর তাঁর পরাক্রমে দক্ষিণের বাতাস প্রবাহিত করলেন। ২৭ তিনি  
ধুলোর মতো মাংস বৃষ্টি করলেন, আর সমুদ্রতীরে বালির মতো পাখি

দিলেন। 28 তাদের শিবিরের মধ্যে, আর তাদের তাঁবুর চারপাশে  
নামিয়ে আনলেন। 29 তারা গলা পর্যন্ত খাবার খেয়ে তৃপ্ত হল— তাদের  
আকাঙ্ক্ষা তিনি পূর্ণ করলেন। 30 কিন্তু তারা আকাঙ্ক্ষিত খাদ্য খেয়ে  
শেষ করার আগেই, এমনকি যখন খাবার তাদের মুখেই ছিল, 31  
ঈশ্বরের ক্রোধ তাদের বিরুদ্ধে জ্বলে উঠল; তাদের মধ্যে সবচেয়ে  
শক্তিপূর্ণ লোকদেরও তিনি হত্যা করলেন, ইস্রায়েলের যুবকদের  
আঘাত করলেন। 32 এসব কিছু দেখেও, তারা পাপ করতেই থাকল;  
তাঁর আশ্চর্য কাজ সত্ত্বেও, তারা বিশ্বাস করল না। 33 তাই তিনি তাদের  
আয়ু ব্যর্থতায় আর তাদের বছর আতঙ্কে শেষ করলেন। 34 যখনই  
ঈশ্বর তাদের নাশ করতেন, তারা তাঁর অন্ধেষণ করত; তারা অনুতাপ  
করল আর পুনরায় ঈশ্বরের দিকে ফিরল। 35 তারা মনে রাখল যে  
ঈশ্বর তাদের শৈল, যে পরাম্পর ঈশ্বর তাদের মুক্তিদাতা। 36 কিন্তু  
তারা তাদের মুখ দিয়ে তাঁকে তোষামোদ করল, তাদের জিভ দিয়ে  
তাঁর প্রতি মিথ্যা কথা বলল; 37 তাদের হন্দয় তাঁর প্রতি অনুগত  
ছিল না, তাঁর নিয়মের প্রতি তারা বিশ্বস্ত ছিল না। 38 তবুও তিনি  
কৃপাময় ছিলেন; তিনি তাদের অপরাধ ক্ষমা করলেন এবং তাদের  
ধৰ্মস করলেন না। অনেকবার তিনি তাঁর রাগ সংযত করলেন তাঁর  
সম্পূর্ণ ক্রোধ জাগিয়ে তুললেন না। 39 তিনি মনে রাখলেন যে তারা  
মাংসমাত্র, বায়ুর মতো, যা বয়ে গেলে আর ফিরে আসে না। 40 তারা  
মরণপ্রাপ্তরে কতবার তাঁর বিরুদ্ধে বিদ্রোহ করল আর পতিত জমিতে  
তাঁকে শোকাহত করল। 41 বারবার তারা ঈশ্বরকে পরীক্ষায় ফেলল;  
তারা ইস্রায়েলের পরিএজনকে উন্ন্যত করল। 42 তারা তাঁর পরাক্রম  
মনে রাখল না— যেদিন তিনি তাদের অত্যাচারীদের হাত থেকে মুক্ত  
করলেন, 43 যেদিন মিশরে তিনি তাঁর চিহ্নগুলি, সোয়নের অঞ্চলে  
তাঁর আশ্চর্য কাজগুলি দেখালেন। 44 তিনি তাদের নদীগুলি রক্তে  
পরিণত করলেন; তাদের জলস্ন্যাত থেকে তারা পান করতে পারল  
না। 45 তিনি ঝাঁকে ঝাঁকে মাছি পাঠালেন যা তাদের গ্রাস করল,  
আর ব্যাঙদের পাঠালেন যা তাদের বিধ্বস্ত করল। 46 তিনি তাদের  
শস্য ফড়িংদের দিলেন, তাদের ফসল পঙ্গপালদের দিলেন। 47 তিনি

তাদের দ্রাক্ষালতা শিলা দিয়ে নষ্ট করলেন আর তাদের ডুমুর গাছ  
শিলাবৃষ্টি দিয়ে ধ্বংস করলেন। 48 তিনি তাদের গবাদি পশুদের শিলার  
কাছে, আর তাদের গৃহপালিত পশুপালকে বজ্রবিদ্যুতের কাছে সমর্পণ  
করলেন। 49 তিনি তাদের বিরঞ্চে তাঁর প্রচণ্ড রাগ পাঠালেন, তাঁর  
ক্রোধ, উন্মাদনা এবং শক্রতা— ধ্বংসকারী দৃতের একদল। 50 তিনি  
তাঁর ক্রোধ তাদের বিরঞ্চে নিষ্কেপ করলেন; মৃত্যু থেকে তিনি তাদের  
বাঁচালেন না কিন্তু মহামারির হাতে তুলে দিলেন। 51 তিনি মিশরের  
সব প্রথমজাতকে আঘাত করলেন, হামের তাঁবুতে পুরুষত্বের প্রথম  
ফলকে। 52 কিন্তু তিনি মেষপালের মতো তাঁর প্রজাদের বের করে  
আনলেন; মরণপ্রাপ্তরে মেষের মতো তিনি তাদের পরিচালনা করলেন।  
53 তিনি তাদের সুরক্ষিতভাবে পথ দেখালেন, তাই তারা ভীত হল না;  
কিন্তু সমুদ্র তাদের শক্রদের ঘিরে ফেলল। 54 আর তিনি তাঁর নিজের  
পুরিত্র সীমায় নিয়ে এলেন, পাহাড়ের সেই দেশে যেখানে তাঁর ডান  
হাত তাদের নিয়ে গিয়েছিল। 55 তিনি তাদের সামনে সমস্ত জাতিকে  
তাড়িয়ে দিলেন আর তাদের জমি ইস্রায়েলীদের মধ্যে অধিকারস্বরূপ  
ভাগ করে দিলেন; ইস্রায়েলের গোষ্ঠীদের তাদের গৃহে বসবাস করতে  
দিলেন। 56 কিন্তু তারা ঈশ্বরকে পরীক্ষা করেই চলল আর পরাণ্পরের  
বিরঞ্চে বিদ্রোহ করল; তাঁর বিধিবিধান তারা পালন করল না। 57  
তাদের পূর্বপুরুদের মতো তারা ছিল বিশাসঘাতক আর বিশাসহীন,  
ক্রটিযুক্ত ধনুকের মতো অনির্ভরযোগ্য। 58 তাদের উঁচু পীঠস্থানগুলি  
দিয়ে তারা তাঁকে রাগিয়ে তুলল; তাদের প্রতিমা দিয়ে তাঁর ঈর্ষা জাগ্রত  
করল। 59 ঈশ্বর সেসব শুনে অগ্নিশর্মা হলেন; তিনি ইস্রায়েলকে  
সম্পূর্ণ পরিত্যাগ করলেন। 60 তিনি শীলোত্তম সমাগম তাঁবু পরিত্যাগ  
করলেন, সেই তাঁবু যা তিনি মানুষদের মধ্যে স্থাপন করেছিলেন। 61  
তিনি তাঁর পরাক্রমের সিন্দুক বন্দিদশ্যায় পাঠালেন, তাঁর শক্রদের  
হাতে তাঁর প্রভা। 62 তিনি তাঁর প্রজাদের তরোয়ালের কোপে তুলে  
দিলেন; তিনি তাঁর অধিকারের প্রতি ক্রুদ্ধ হলেন। 63 আগুন তাদের  
যুবকদের গ্রাস করল, এবং তাদের যুবতীদের বিয়েতে কোনো গান  
হল না; 64 তাদের যাজকদের তরোয়ালে নাশ করা হোলো আর

তাদের বিধবারা কাঁদতে পারল না। ৬৫ তারপর সদাপ্রভু, ঘূম থেকে  
জেগে ওঠার মতো, জেগে উঠলেন, যেমন এক যোদ্ধা সুরার অসাড়তা  
থেকে জেগে ওঠে। ৬৬ তিনি তাঁর শক্রন্দের প্রহার করলেন; তাদের  
চিরস্থায়ী লজ্জার পাত্র করলেন। ৬৭ তারপর তিনি যোষেফের তাঁবুগুলি  
পরিত্যাগ করলেন, তিনি ইফ্রায়িম গোষ্ঠীকে মনোনীত করলেন না; ৬৮  
কিন্তু যিহুদার গোষ্ঠীকে মনোনীত করলেন, সিয়োন পর্বত, যা তিনি  
ভালোবাসতেন। ৬৯ উচ্চ শিখরের মতো তাঁর পবিত্রস্থান তিনি নির্মাণ  
করলেন, জগতের মতো যা তিনি চিরকালের জন্য স্থাপন করেছেন।  
৭০ তিনি তাঁর দাস দাউদকে মনোনীত করলেন আর তাকে মেঘের  
খোঁয়াড় থেকে ডেকে নিলেন; ৭১ মেঘের পরিচর্যা থেকে তিনি তাকে  
নিয়ে এলেন আর যাকোব গোষ্ঠীর লোকদের এবং আপন অধিকার  
ইস্রায়েলের উপর তাকে পালক করলেন। ৭২ এবং হৃদয়ের সততায়  
দাউদ পালকরূপে তাদের যত্ন নিলেন; এবং দক্ষ হাতের সাহায্যে  
তাদের পরিচালনা করলেন।

**৭৯** আসফের গীত। হে ঈশ্বর, জাতিরা তোমার অধিকারে হানা  
দিয়েছে; তারা তোমার পবিত্র মন্দিরকে অঙ্গটি করেছে, তারা  
জেরশালেমকে ধ্বংসস্তূপে পরিণত করেছে। ২ তারা তোমার দাসদের  
মৃতদেহ আকাশের পাখিদের খাওয়ার জন্য ফেলে দিয়েছে, তোমার  
লোকদের মাংস বন্যপশুদের জন্য দিয়েছে। ৩ জেরশালেমের সর্বত্র  
তারা জলের মতো রক্ত ছড়িয়েছে, এবং মৃতদেহ সৎকারের জন্য কেউ  
নেই। ৪ আমরা আমাদের প্রতিবেশীদের মাঝে ঘৃণ্য হয়েছি, চারপাশে  
লোকদের কাছে অবজ্ঞা আর উপহাসের পাত্র হয়েছি। ৫ হে সদাপ্রভু,  
আর কত কাল? তুমি কি চিরকাল ক্রুদ্ধ থাকবে? কত কাল তোমার  
ঈর্ষা আগন্তের মতো জ্বলবে? ৬ যারা তোমার নাম স্বীকার করে না,  
সেসব লোকের উপর তোমার ক্রোধ ঢেলে দাও, সেইসব জাতির উপর  
যারা তোমার নাম ধরে ডাকে না, ৭ কারণ তারা যাকোবের কুলকে  
গ্রাস করেছে এবং তাদের আবাসভূমি বিদ্ধিস্ত করেছে। ৮ আমাদের  
পূর্বপুরুষদের পাপ আমাদের উপর আরোপ কোরো না; তোমার দয়া  
তাড়াতাড়ি এসে আমাদের সঙ্গে সাক্ষাৎ করুক, কারণ আমরা মরিয়া

হয়ে আছি। ৭ হে ঈশ্বর আমাদের পরিত্রাতা, তোমার নামের গৌরবার্থে  
আমাদের সাহায্য করো, তোমার নামের গুণে আমাদের উদ্বার করো  
ও আমাদের পাপ ক্ষমা করো। ১০ জাতিরা উপহাস করে কেন বলবে,  
“তাদের ঈশ্বর কোথায়?” আমাদের চোখের সামনে, জাতিদের মাঝে,  
সবাইকে জ্ঞাত করো যে তুমি তোমার ভক্তদাসদের রক্তের প্রতিশোধ  
নিয়ে থাকো। ১১ বন্দিদের আর্তনাদ তোমার কাছে পৌঁছাক, তোমার  
বলবান বাহু দিয়ে তাদের বাঁচিয়ে রাখো যাদের মৃত্যুদণ্ড হয়েছে। ১২  
হে প্রভু, আমাদের প্রতিবেশীরা, যারা উপহাসে তোমার প্রতি বিদ্রূপ  
করেছে তার সাতগুণ তুমি তাদের কোলে ফিরিয়ে দাও। ১৩ তখন  
আমরা, তোমার ভক্তজন ও তোমার চারণভূমির মেষপাল চিরকাল  
তোমার প্রশংসা করব; যুগে যুগে আমরা তোমার স্তবগান করব।

**৪০** সংগীত পরিচালকের জন্য। সুর: “নিয়মের লিলি ফুল।” আসফের  
গীত। হে ইত্তায়েলের মেষপালক, আমাদের কথায় কর্ণপাত করো, তুমি  
মেষপালের মতো যোষেফকে পরিচালনা করেছ। তুমি করবের মাঝে  
সিংহাসনে অধিষ্ঠিত, দীপ্ত হও ২ ইফ্রায়িম, বিন্যামীন আর মনঃশির  
সামনে। তোমার পরাক্রম জাগিয়ে তোলো; এসো আর আমাদের রক্ষা  
করো। ৩ হে ঈশ্বর, আমাদের পুনরঢার করো; তোমার মুখ আমাদের  
উপর উজ্জ্বল করো, যেন আমরা রক্ষা পাই। ৪ আর কত কাল, হে  
সদাপ্রভু, সর্বশক্তিমান ঈশ্বর, তোমার লোকেদের প্রার্থনার বিরচন্দে  
তুমি ক্রোধে জ্বলবে? ৫ তুমি তাদের চোখের জল খেতে দিয়েছ;  
তুমি তাদের বাটিভর্তি চোখের জল পান করিয়েছ। ৬ তুমি আমাদের  
প্রতিবেশীদের কাছে আমাদের উপহাসের পাত্র করে তুলেছ, আর  
আমাদের শক্ররা আমাদের বিদ্রূপ করে। ৭ হে বাহিনীগণের সদাপ্রভু,  
আমাদের পুনরঢার করো; তোমার মুখ আমাদের উপর উজ্জ্বল করো,  
যেন আমরা রক্ষা পাই। ৮ তুমি মিশ্র দেশ থেকে এক দ্রাক্ষালতা নিয়ে  
এসেছ; অইভুদিদের দূর করে তুমি তা পুঁতেছো। ৯ তুমি তার জন্য  
জমি পরিষ্কার করেছ, আর তার শিকড় বেরিয়ে দেশ ছেয়ে গেল। ১০  
তার ছায়ায় পর্বতসকল, তার ডালপালায় সর্বোচ্চ দেবদারুবন ঢাকা  
পড়ল। ১১ সমুদ্র পর্যন্ত তার শাখাপ্রশাখা, আর নদী পর্যন্ত তার কাণ্ড

প্রসারিত হল। 12 কেন তুমি তার প্রাচীর ভেঙে ফেলেছ যেন যেতে  
আসতে সব লোকেরা তার আঙুর ছেঁড়ে? 13 বন্য শূকর তা ছারখার  
করে, আর মাঠের কীটপতঙ্গ সেখান থেকে খাবার সংগ্রহ করে। 14  
হে বাহিনীগণের সদাপ্রভু, আমাদের কাছে ফিরে এসো! স্বর্গ থেকে  
চেয়ে দেখো! এই দ্রাক্ষালতার দিকে খেয়াল রাখো, 15 তোমার ডান  
হাত যার শিকড় বুনেছে, এই ছেলেকে তুমি নিজের জন্য বড়ো করে  
তুলেছ। 16 তোমার দ্রাক্ষালতাকে কেটে ফেলা হয়েছে, আগুনে পুড়িয়ে  
দেওয়া হয়েছে; তোমার তিরক্ষারে তোমার লোকেরা বিনষ্ট হয়। 17  
তোমার হাত তোমার ডানদিকের পুরুষের উপরে, মনুম্যপুত্রের উপরে  
থাকুক যাকে নিজের জন্য বড়ো করেছ। 18 তখন আমরা তোমার কাছ  
থেকে দূরে যাব না; আমাদের সংজীবিত করো, আর আমরা তোমার  
নামে ডাকব। 19 হে সদাপ্রভু, সর্বশক্তিমান ঈশ্বর, আমাদের পুনরঞ্জার  
করো, তোমার মুখ আমাদের উপর উজ্জ্বল করো, যেন আমরা রক্ষা  
পাই।

**81** সংগীত পরিচালকের জন্য। গির্ভীৎ অনুসারে। আসফের গীত।  
ঈশ্বর, যিনি আমাদের বল, তাঁর উদ্দেশে আনন্দগান করো; যাকোবের  
ঈশ্বরের উদ্দেশে জয়ধ্বনি করো! 2 সংগীত শুরু করো, খঞ্জনিতে তালি  
দাও, সুমধুর বীগা আর সুরবাহার বাজাও। 3 অমাবস্যা ও পূর্ণিমায়,  
আমাদের উৎসবের দিনে, শিঙার সুনীর্ধ শব্দ করো; 4 ইস্রায়েলের  
জন্য এই হল ঈশ্বরের রায়, যাকোবের ঈশ্বরের আদেশ। 5 যখন  
ঈশ্বর মিশরের বিরুদ্ধে অগ্রসর হলেন, তিনি যোষেফের মধ্যে এসব  
বিধিবিধানরূপে সাক্ষ্য স্থাপন করলেন। আমি এক অচেনা কঠস্বর  
শুনতে পেলাম: 6 “আমি তাদের কাঁধ থেকে বোঝা সরিয়ে নিলাম;  
কুড়ি থেকে তাদের হাতকে নিষ্কৃতি দেওয়া হল। 7 তোমার সংকটে  
তুমি প্রার্থনা করলে আর আমি তোমাকে উদ্ধার করলাম, বজ্রবিদ্যুৎসহ  
মেঘের অন্তরাল থেকে আমি তোমাকে উত্তর দিলাম; মরীবার জলের  
ধারে আমি তোমাকে পরীক্ষা করলাম। 8 হে আমার ভক্তেরা, আমার  
কথা শোনো, আর আমি তোমাদের সতর্ক করব— হে ইস্রায়েল, যদি  
তুমি আমার কথা শুনতে! 9 তোমার মধ্যে আর অন্য কোনও দেবতা

রইবে না; আমি ছাড়া আর কোনো দেবতার আরাধনা তুমি করবে না।

10 আমি সদাপ্রভু, তোমার ঈশ্বর, যে তোমাদের মিশর দেশ থেকে  
বের করে এনেছে। তোমার মুখ বড়ো করে খোলো আর আমি তা পূর্ণ  
করব। 11 “কিন্তু আমার লোকেরা আমার কথা শোনেনি; ইস্রায়েল  
আমার কাছে নিজেকে সমর্পণ করেনি। 12 তাই আমি তাদের একগুঁয়ে  
হৃদয়ের হাতে তাদের ছেড়ে দিলাম যেন তারা নিজেদের মন্ত্রণায়  
চলে। 13 “যদি আমার লোকেরা আমার কথা শুনত, যদি ইস্রায়েল  
আমার পথ অনুসরণ করত, 14 কত দ্রুত আমি তাদের শক্রদের দমন  
করতাম আর আমার হাত তাদের বিপক্ষদের বিরঞ্ছে তুলতাম! 15 যারা  
সদাপ্রভুকে ঘৃণা করে তারা তাঁর সামনে অবনত হবে, আর তাদের  
শাস্তি চিরকাল স্থায়ী হবে। 16 কিন্তু আমি সর্বোত্তম গম দিয়ে তাদের  
খাবার জোগাব; আমি শৈলের মধু দিয়ে তাদের তৃপ্ত করব।”

**82** আসফের গীত। ঈশ্বর মহাসভায় নিজের স্থান গ্রহণ করেছেন;  
তিনি “দেবতাদের” মাঝে বিচার সম্পন্ন করেন: 2 কত কাল তুমি  
যারা অসৎ তাদের পক্ষ নেবে আর দুষ্টদের পক্ষপাতিত্ব করবে? 3  
যারা দুর্বল আর অনাথ তাদের প্রতি তুমি সুবিচার করো, যারা দরিদ্র  
আর পীড়িত তাদের অধিকার রক্ষা করো। 4 যারা দুর্বল আর অভাবী  
তাদের মুক্ত করো; দুষ্টদের দেশ থেকে তাদের উদ্ধার করো। 5 “সেই  
'দেবতারা' কিছুই জানে না, তারা কিছুই বোঝে না তারা অঙ্ককারে  
হেঁটে বেড়ায়; আর জগতের ভিত্তি কেঁপে ওঠে। 6 “আমি বলি, ‘তোমরা  
‘ঈশ্বর’ তোমরা সবাই পরাওপরের সন্তান।’ 7 কিন্তু সামান্য মানুষের  
মতো তোমাদের মৃত্যু হবে; অন্যান্য সব শাসকের মতো তোমাদেরও  
পতন হবে।” 8 ওঠো, হে ঈশ্বর, এই জগতের বিচার করো, কারণ  
সমস্ত জাতি তোমার উত্তরাধিকার।

**83** একটি গান। আসফের গীত। হে ঈশ্বর, তুমি নীরব থেকো না;  
আমার প্রতি বধির হোয়ো না, হে ঈশ্বর, তুমি আমার কাছ থেকে দূরে  
দাঁড়িয়ে থেকো না। 2 দেখো, আমার শক্ররা কেমন গর্জন করে, দেখো,  
আমার বিপক্ষরা কেমন তাদের মাথা তোলে। 3 তারা ধূর্ততায় তোমার  
প্রজাদের বিরঞ্ছে ষড়যন্ত্র করে; তারা তোমার প্রিয়জনদের বিরঞ্ছে

চক্রান্ত করে। 4 “এসো,” তারা বলে, “আমরা তাদের সম্পূর্ণরূপে ধ্বংস করি, আর যেন ইত্তায়েলের নাম মনে না রাখা হয়।” 5 তারা এক মনে চক্রান্ত করে; তোমার বিরুদ্ধে তারা একজোট গঠন করে— 6 ইদোমের তাঁবুগুলি আর ইশ্যায়েলীয়রা, মোয়াব আর হাগরীয়রা, 7 গিব্লীয়, অম্মোন আর অমালেকীয়রা, সোরের বাসিন্দাদের সঙ্গে, ফিলিস্তিয়া। 8 এমনকি আসিরিয়া তাদের সঙ্গে একজোট হয়েছে আর লোটের উত্তরপুরুষদের সঙ্গে একজোট হয়েছে। 9 তাদের বিরুদ্ধে সেইরূপ করো যেমন মিদিয়নদের প্রতি করেছিলে, কীশোন নদীতে যেমন সীষরা আর যাবীনের প্রতি করেছিলে, 10 এনদোরে যারা বিনষ্ট হয়েছিল আর মাটিতে পরে থাকা আবর্জনার মতো হয়েছিল। 11 বিশিষ্ট ব্যক্তিরা ওরেব ও সেবের মতো আর তাদের অধিপতিরা সেবহ ও সল্মুন্নার মতো মরে যাক, 12 কেননা তারা বলেছিল, “এসো, আমরা ঈশ্বরের চারণভূমি অধিকার করি।” 13 হে ঈশ্বর, তাদের ঘূর্ণীয়মান ধুলোর মতো, বাতাসের সামনে তুষের মতো করো। 14 আগুন যেমন জঙ্গল গ্রাস করে অথবা আগনের শিখা যা পর্বতসকল জ্বালিয়ে দেয়, 15 সেইরকম তোমার প্রচণ্ড ঝাড়ে তাদের তাড়া করো আর তোমার ঝাড়ে তাদের আতঙ্কিত করো। 16 হে সদাপ্রভু, তাদের মুখ লজ্জায় ঢেকে দাও, যেন তারা তোমার নাম অঙ্গেষণ করে। 17 তারা চিরকাল যেন লজ্জিত আর আতঙ্কিত হয়; তারা যেন অপমানে বিনষ্ট হয়। 18 তারা জানুক যে একমাত্র তোমারই নাম সদাপ্রভু, আর একমাত্র তুমিই সমগ্র জগতের উপর পরাংপর।

**84** সংগীত পরিচালকের জন্য। স্বর, গির্ভীৎ। কোরহ বংশের সন্তানদের একটি গীত। হে সর্বশক্তিমান সদাপ্রভু, তোমার আবাস কত মনোরম! 2 আমার প্রাণ সদাপ্রভুর প্রাঙ্গণের জন্য আকুল হয়, এমনকি মূর্ছিতপ্রায় হয়; জীবন্ত ঈশ্বরের জন্য আমার হৃদয় আর আমার দেহ কেঁদে ওঠে। 3 এমনকি চড়ুইপাখি আশ্রয় খুঁজে পেয়েছে, দোয়েল নিজের জন্য বাসা পেয়েছে, যেখানে সে তার শাবকদের জন্ম দিতে পারে— এমন স্থান, যা তোমার বেদির নিকটে, হে সদাপ্রভু, আমার রাজা, আমার ঈশ্বর। 4 ধন্য সেই ব্যক্তি, যে তোমার গৃহে বসবাস করে, সে সর্বক্ষণ তোমার

গুণকীর্তন করে। ৫ ধন্য সেই ব্যক্তি, যার শক্তি সদাপ্রভু থেকে আসে,  
যে সদাপ্রভুর গৃহে যাওয়ার জন্য তার হৃদয় স্থির রেখেছে। ৬ যখন  
তারা অশ্রুর উপত্যকার মধ্য দিয়ে যায়, তারা সেই স্থান জলধারায়  
পরিণত করে; প্রথম বৃষ্টি সেই প্রাত্তরকে আশীর্বাদে আবৃত করে। ৭  
তারা ক্রমাগত শক্তিশালী হয়ে উঠবে, এবং সিয়োনে ঈশ্বরের সামনে  
প্রত্যেকে হাজির হবে। ৮ হে সর্বশক্তিমান সদাপ্রভু, আমার প্রার্থনা  
শোনো; হে যাকোবের ঈশ্বর, আমার কথা শোনো। ৯ দেখো, হে ঈশ্বর,  
আমাদের ঢাল; তোমার অভিষিক্ত-জনের প্রতি অনুগ্রহের দৃষ্টিতে  
দেখো। ১০ তোমার প্রাঙ্গণে একদিন অন্যত্র হাজার দিনের চেয়েও  
শ্রেয়; দুষ্টদের তাঁবুতে বাস করার থেকে আমি আমার ঈশ্বরের গৃহের  
দ্বাররক্ষী হয়ে থাকতে চাই। ১১ কারণ সদাপ্রভু ঈশ্বর ঢাল ও সূর্যের  
মতো; তিনি দয়া ও সম্মান দান করেন; যাদের চলার পথ সিদ্ধ তাদের  
তিনি কোনো প্রকার মঙ্গল থেকে বাধিত করেন না। ১২ হে সর্বশক্তিমান  
সদাপ্রভু, ধন্য সেই ব্যক্তি যে তোমার উপর আস্থা রাখে।

**85** সংগীত পরিচালকের জন্য। কোরহ বংশের সন্তানদের একটি  
গীত। হে সদাপ্রভু, তুমি তোমার দেশের প্রতি অনুগ্রহ দেখিয়েছ; তুমি  
যাকোবের বংশের সমৃদ্ধি ফিরিয়ে এনেছ। ২ তুমি তোমার প্রজাদের  
অপরাধ ক্ষমা করেছ এবং তাদের সব পাপ আবৃত করেছ। ৩ তুমি  
তোমার সব ক্রোধ দূরে সরিয়ে রেখেছ এবং তোমার প্রচণ্ড রাগ থেকে  
ফিরেছ। ৪ হে ঈশ্বর, আমাদের পরিত্রাতা, আমাদের পুনরংগ্নার করো  
এবং আমাদের প্রতি তোমার অসন্তোষ দূরে সরিয়ে রাখো। ৫ তুমি কি  
চিরদিন আমাদের প্রতি ক্রুদ্ধ থাকবে? তুমি কি যুগে যুগে তোমার রাগ  
স্থায়ী করবে? ৬ তুমি কি আবার আমাদের সঞ্জীবিত করবে না, যেন  
তোমার প্রজারা তোমাতে আনন্দে উল্লিসিত হয়? ৭ হে সদাপ্রভু, তোমার  
অবিচল প্রেম আমাদের দেখাও, এবং তোমার পরিত্রাণ আমাদের  
প্রদান করো। ৮ ঈশ্বর সদাপ্রভু যা বলেন আমি তা শুনব; তিনি তাঁর  
প্রজাদের, তাঁর বিশ্বস্ত দাসদের, শান্তির অঙ্গীকার করেন; কিন্তু তারা  
তাদের মূর্খতার পথে ফিরে না যাক। ৯ নিশ্চয়, যারা তাঁকে সন্তুষ্ম করে  
তাঁর পরিত্রাণ তাদের নিকটবর্তী, যেন তাঁর মহিমা আমাদের দেশে

বাস করে। 10 প্রেম ও বিশ্বস্ততা একত্রে মিলিত হয়, ধার্মিকতা ও শান্তি পরম্পরকে চুম্বন করে। 11 বিশ্বস্ততা পৃথিবী থেকে উত্থাপিত হয় এবং ধার্মিকতা স্বর্গ থেকে দৃষ্টিপাত করে। 12 সদাপ্রভু যা উত্তম তা অবশ্যই দান করবেন, এবং আমাদের দেশ শস্য উৎপাদন করবে। 13 ন্যায়পরায়ণতা তাঁর অগ্রগামী হয় এবং তাঁর চলার পথ প্রস্তুত করে।

**86** দাউদের একটি প্রার্থনা। হে সদাপ্রভু কর্ণপাত করো এবং আমাকে উত্তর দাও, কেননা আমি দরিদ্র এবং অভাবী। 2 আমার জীবন সুরক্ষিত করো, কারণ আমি তোমার প্রতি বিশ্বস্ত; আমাকে রক্ষা করো কারণ আমি তোমার সেবা করি আর তোমাতে আস্থা রাখি। তুমি আমার ঈশ্বর; 3 হে প্রভু আমার প্রতি দয়া করো, কেননা সারাদিন আমি তোমাকে ডাকি। 4 তোমার দাসকে আনন্দ দাও, হে প্রভু, কারণ আমি তোমার উপর আস্থা রাখি। 5 হে প্রভু, তুমি, ক্ষমাশীল আর মঙ্গলময়, যারা তোমাকে ডাকে তাদের সকলের প্রতি অবিচল প্রেমে পূর্ণ। 6 আমার প্রার্থনা শোনো, হে সদাপ্রভু; আমার বিনতি প্রার্থনা শোনো। 7 সংকটের দিনে আমি তোমাকে ডাকি, কারণ তুমি আমাকে উত্তর দেবে। 8 হে প্রভু, দেবতাদের মধ্যে তোমার মতো আর কেউ নেই; তোমার কর্মসকলের সঙ্গে কারও তুলনা হয় না। 9 সমস্ত জাতি যাদের তুমি তৈরি করেছ, হে প্রভু, তারা আসবে আর তোমার সামনে আরাধনা করবে, তারা তোমার নামের মহিমা করবে। 10 কেননা তুমি মহান আর তুমি আশ্চর্য কাজ করে থাকো, একমাত্র তুমিই ঈশ্বর। 11 হে সদাপ্রভু, আমাকে তোমার পথসকল শিক্ষা দাও, যেন আমি তোমার বিশ্বস্তায় নির্ভর করতে পারি; আমাকে এক অখণ্ড হৃদয় দাও, যেন আমি তোমার নাম সন্তুষ্ট করতে পারি। 12 হে প্রভু আমার ঈশ্বর, আমি আমার সমস্ত হৃদয় দিয়ে তোমার প্রশংসা করব; চিরদিন আমি তোমার নামের মহিমা করব। 13 কেননা আমার প্রতি তোমার প্রেম মহান; তুমি আমাকে অতল থেকে, পাতালের গর্ভ থেকে উদ্ধার করেছ। (Sheol h7585) 14 দান্তিক শক্ররা আমাকে আক্রমণ করছে, হে ঈশ্বর, নিষ্ঠুর লোকেরা আমাকে হত্যা করার চেষ্টা করছে, তারা তোমাকে মান্য করে না। 15 কিন্তু, হে প্রভু, তুমি মেহশীল এবং কৃপাময় ঈশ্বর, ক্রোধে

ধীর, দয়া আর বিশ্বস্ততায় মহান। 16 আমার দিকে ফেরো আর আমার  
প্রতি দয়া করো; তোমার দাসের পক্ষ হয়ে তোমার পরাক্রম দেখাও;  
আমাকে রক্ষা করো, কারণ আমি তোমার সেবা করি, ঠিক যেমন  
আমার মা করেছিলেন। 17 তোমার মঙ্গলভাবের নির্দশন আমাকে  
দেখাও, যেন আমার শক্তিরা সেসব দেখে ও লজিত হয়, কারণ তুমি,  
হে সদাপ্রভু, আমাকে সাহায্য করেছ আর সান্ত্বনা দিয়েছ।

**87** কোরহ বংশের সন্তানদের গীত। একটি সংগীত। পবিত্র পর্বতে  
তিনি তাঁর নগর স্থাপন করেছেন। 2 যাকোবের কুলের অন্য সমস্ত  
বাসস্থান থেকে সদাপ্রভু সিয়োনের দ্বারসকল ভালোবাসেন। 3 হে  
ঈশ্বরের নগরী, তোমার বিষয়ে গৌরবের কথা বলা হয়: 4 “যারা  
আমাকে স্বীকার করে তাদের মধ্যে আমি রহব এবং ব্যাবিলনের উল্লেখ  
করব, এমনকি ফিলিস্তিয়া, সোর ও কৃশ— এবং বলব, ‘এই সবের  
জন্ম সিয়োনে হয়েছে।’” 5 সত্যিই, সিয়োন সম্পর্কে ঘোষণা করা হবে,  
“এর জন্ম সিয়োনে হয়েছে, ওরও জন্ম হয়েছে, এবং পরাম্পর স্বয়ং  
তাঁকে প্রতিষ্ঠিত করবেন।” 6 সদাপ্রভু লোকদের সম্পর্কে গণনা করার  
গ্রন্থে লিখিবেন: “এর জন্ম সিয়োনে হয়েছে।” 7 সবাই যারা গান ও  
নাচ করবে, তারা বলবে, “সিয়োন আমার জীবনের উৎস।”

**88** সংগীত পরিচালকের জন্য। কোরহ সন্তানদের একটি গীত। সুর:  
মহলৎ লিয়ান্নোৎ। ইন্দ্ৰাহীয় হেমনের মঙ্গল। হে সদাপ্রভু, আমার  
পরিত্রাণের ঈশ্বর; দিনরাত আমি তোমার কাছে কেঁদে প্রার্থনা করি। 2  
আমার প্রার্থনা তোমার সামনে আসুক; আমার কান্নার প্রতি কর্ণপাত  
করো। 3 কেননা আমার প্রাণ কষ্টে জর্জরিত আর আমার জীবন মৃত্যুর  
নিকটবর্তী। (Sheol h7585) 4 যারা মৃত্যুর গর্তে নেমে যায় আমি তাদের  
মধ্যে একজন; আমি শক্তিহীনের মতো হয়েছি। 5 আমি মৃতদের মধ্যে  
পরিত্যক্ত, আমি কবরে শুয়ে থাকা নিহতদের মতো, যাদের তুমি আর  
মনে রাখো না, আর যারা তোমার যত্ন থেকে বিচ্ছিন্ন হয়েছে। 6 তুমি  
আমাকে সবচেয়ে নিচের গর্তে ছুঁড়ে ফেলেছ, সবচেয়ে অন্ধকারের  
অতলে। 7 তোমার ক্রোধ আমাকে ভারাক্রান্ত করেছে; চেউয়ের পর  
চেউ দিয়ে তুমি আমাকে আচ্ছন্ন করেছ। 8 তুমি আমার প্রিয় বন্ধুদের

আমার কাছ থেকে দূরে সরিয়েছ আর তাদের মাঝে আমাকে ঘৃণ্য করেছ। আমি অবরুদ্ধ, পালাতে পারি না; ৭ দুঃখে আমার চোখ ক্ষীণ হয়েছে। হে সদাপ্রভু, আমি প্রতিদিন তোমাকে ডাকি; তোমার প্রতি আমি আমার হাত উঠিয়েছি। ১০ তুমি কি তোমার আশৰ্য কাজ মৃতদের দেখাও? তাদের মৃত আত্মা কি জেগে ওঠে ও তোমার প্রার্থনা করে? ১১ কবরের মধ্যে তোমার প্রেম আর ধ্বংসে তোমার বিশ্বস্ততা কি প্রচারিত হয়? ১২ অন্ধকারের স্থানে কি তোমার আশৰ্য কাজ অথবা বিস্মৃতির দেশে কি তোমার ধার্মিক কার্যাবলি জানা যায়? ১৩ হে সদাপ্রভু আমি তোমার কাছে সাহায্যের জন্য প্রার্থনা করি; সকালে আমার প্রার্থনা তোমার সামনে রাখি। ১৪ কেন, হে সদাপ্রভু তুমি আমাকে পরিত্যাগ করেছ আর তোমার মুখ আমার কাছ থেকে ঢেকে রেখেছ? ১৫ আমার যৌবনকাল থেকে আমি কষ্ট পেয়েছি আর মৃত্যুর কাছে থেকেছি; আমি তোমার ত্রাস বহন করেছি আর হতাশায় রয়েছি। ১৬ তোমার ক্ষোধ আমাকে বিহুল করেছে; তোমার ত্রাস সকল আমাকে ধ্বংস করেছে। ১৭ বন্যার মতো তা সারাদিন আমাকে ঘিরে রাখে; সম্পূর্ণভাবে তা আমাকে গ্রাস করেছে। ১৮ বন্ধু ও প্রতিবেশীকে তুমি আমার কাছ থেকে দূর করেছ, অন্ধকার আমার সবচেয়ে কাছের বন্ধু।

**৮৯** ইষ্টাইয় এখনের মঙ্গল। আমি চিরকাল সদাপ্রভুর মহান প্রেমের গান গাইব; আমার মুখ দিয়ে আমি তোমার বিশ্বস্ততার কথা সব বংশপরম্পরার কাছে প্রকাশ করব। ২ আমি ঘোষণা করব যে তোমার প্রেম চিরকাল সুদৃঢ়, তোমার বিশ্বস্ততা তুমি স্বর্গে প্রতিষ্ঠা করেছ। ৩ তুমি বলেছ, “আমি আমার মনোনীত ব্যক্তির সঙ্গে নিয়ম করেছি, আমার দাস দাউদের কাছে আমি শপথ করেছি, ৪ ‘আমি তোমার বংশ চিরতরে স্থাপন করব এবং বংশের পর বংশ তোমার সিংহাসন সুদৃঢ় করব।’” ৫ হে সদাপ্রভু, আকাশমণ্ডল তোমার আশৰ্য কাজের প্রশংসা করে, পবিত্রজনদের সমাবেশে তোমার বিশ্বস্ততার প্রশংসা করে। ৬ কারণ, হে সদাপ্রভু, আকাশের কার সঙ্গে তোমার তুলনা হয়? স্বর্গীয় সব সন্তার মধ্যে কে সদাপ্রভুর তুল্য? ৭ পবিত্রজনদের পরিষদে সব তাঁকে সন্তুষ্ম করে; যারা তাঁকে চারিদিকে ঘিরে রেখেছে

তিনি তাদের থেকেও ভয়াবহ। ৪ হে সদাপ্রভু, সর্বশক্তিমান ঈশ্বর,  
কে তোমার মতো? তুমি, হে সদাপ্রভু, শক্তিশালী, তোমার বিশ্বস্ততা  
তোমাকে ঘিরে রেখেছে। ৫ তুমি উভাল সমুদ্রের উপর শাসন করো;  
যখন তার ঢেউ উঁচুতে ওঠে, তুমি তাদের শান্ত করে থাকো। ৬ তুমি  
রহবকে চূর্ণ করে এক হত ব্যক্তির সমান করলে; তোমার শক্তিশালী  
বাহু দিয়ে তুমি তোমার শক্তিমান ছিন্নভিন্ন করলে। ৭ আকাশমণ্ডল  
তোমার, এই জগৎও তোমার; পৃথিবী ও তার মধ্যে যা কিছু আছে  
সমস্ত তোমারই সৃষ্টি। ৮ তুমি উত্তর ও দক্ষিণ সৃষ্টি করেছ; তাবোর ও  
হর্মোণ তোমার নামে আনন্দগান করে। ৯ তোমার বাহু পরাক্রমে পূর্ণ;  
তোমার হাত বলবান, তোমার ডান হাত মহিমান্বিত। ১০ ধার্মিকতা  
আর ন্যায় তোমার সিংহাসনের ভিত্তি; প্রেম আর বিশ্বস্ততা তোমার  
সম্মুখবর্তী হয়। ১১ ধন্য তারা যারা তোমার জয়ধ্বনি করতে শিখেছে,  
যারা তোমার সান্নিধ্যের আলোতে চলাফেরা করে, হে সদাপ্রভু। ১২  
সারাদিন তারা তোমার নামে আনন্দ করে; তোমার ধর্মশীলতায় উল্লাস  
করে। ১৩ কারণ তুমি তাদের মহিমা আর শক্তি, আর তোমার অনুগতে  
তুমি আমাদের শিং বলশালী করেছ। ১৪ প্রকৃতপক্ষে, আমাদের সুরক্ষা  
সদাপ্রভু থেকে আসে, এবং তিনি, ইসায়েলের পবিত্রতম, আমাদেরকে  
রাজা দিয়েছেন। ১৫ একবার তুমি দর্শনে কথা বলেছিলে, তোমার  
ভক্তজনদের প্রতি তুমি বলেছিলে: “আমি এক যোদ্ধাকে শক্তি দিয়েছি;  
মানুষের মধ্যে থেকে আমি এক যুবককে রাজা হিসেবে মনোনীত  
করেছি। ১৬ আমার দাস দাউদকে আমি খুঁজে পেয়েছি; আমার পবিত্র  
তেল দিয়ে আমি তাকে অভিষিক্ত করেছি। ১৭ আমার হাত তার প্রাণ  
বাঁচিয়ে রাখবে; নিশ্চয় আমার বাহু তাকে শক্তি দেবে। ১৮ কোনো শক্তি  
তাকে পরাজিত করবে না; কোনো দুষ্ট তাকে নির্যাতন করবে না। ১৯  
তার সামনে আমি তার বিপক্ষদের চূর্ণ করব আর তার প্রতিপক্ষদের  
আঘাত করব। ২০ আমার বিশ্বস্ত প্রেম তার সঙ্গে রইবে, আর আমার  
নামের মধ্য দিয়ে তার শিং গৌরবান্বিত হবে। ২১ সমুদ্রের উপরে  
আমি তার শাসন প্রসারিত করব, তার আধিপত্য নদীর উপরে। ২২  
সে আমাকে ডেকে বলবে, ‘তুমি আমার পিতা, আমার ঈশ্বর, শৈল

আমার উদ্বারকর্তা।’ 27 এবং আমি তাকে প্রথমজাতকর্পে মনোনীত করব, জগতের বুকে সবচেয়ে পরাক্রমী রাজা। 28 আমি চিরদিন তাকে ভালোবাসবো আর তার প্রতি দয়া করব, এবং তার প্রতি আমার নিয়ম কোনোদিন ব্যর্থ হবে না। 29 আমি তার বৎশ চিরস্থায়ী করব, আকাশমণ্ডলের মতো তার সিংহাসন স্থায়ী করব। 30 “যদি তার সন্তানেরা আমার বিধিনিয়ম পরিত্যাগ করে আর আমার অনুশাসন পালন না করে, 31 তারা যদি আমার আজ্ঞা লঙ্ঘন করে আর যদি আমার আদেশ পালনে ব্যর্থ হয়, 32 আমি দণ্ড দিয়ে তাদের পাপের শাস্তি দেবো, তাদের অপরাধের জন্য চাবুক মারব; 33 কিন্তু আমার প্রেম আমি তার কাছ থেকে সরিয়ে নেব না, এবং আমি আমার বিশ্বস্ততা কখনও ভঙ্গ করব না। 34 আমি আমার নিয়ম লঙ্ঘন করব না অথবা আমার মুখ যা উচ্চারণ করেছে তা পরিবর্তন করব না। 35 আমার পবিত্রতায় আমি একবারই শপথ করেছি— আর আমি দাউদকে মিথ্যা বলব না— 36 যে তার বৎশ চিরস্থায়ী হবে এবং তার সিংহাসন আমার সামনে সূর্যের মতো স্থির রইবে 37 আকাশে বিশ্বস্ত সাক্ষী চন্দ্রের মতো চিরকাল তা প্রতিষ্ঠিত হবে।” 38 কিন্তু তুমি তাকে পরিত্যাগ করেছ, তুমি তাকে দূর করেছ, তোমার অভিযিক্ত ব্যক্তির প্রতি তুমি অত্যন্ত ক্রুদ্ধ হয়েছ। 39 তোমার দাসের সঙ্গে স্থাপিত তোমার নিয়ম তুমি অস্মীকার করেছ এবং তার মুকুট তুমি ধুলোতে মিশিয়ে অপবিত্র করেছ। 40 তার সুরক্ষার সব প্রাচীর তুমি ভেঙে দিয়েছ এবং দুর্গ ধ্বংসাবশেষে পরিণত করেছ। 41 সব পথিকেরা তাকে লুট করেছে; সে তার প্রতিবেশীর অবজ্ঞার বস্তু হয়েছে। 42 তুমি তার বিপক্ষদের শক্তিশালী করেছ; তুমি তার সব শক্তকে আনন্দিত করেছ। 43 বস্তুত, তুমি তার তরোয়ালের ধার নষ্ট করেছ আর যুদ্ধে তাকে সাহায্য করতে অস্মীকার করেছ। 44 তুমি তার প্রভা শেষ করেছ এবং তার সিংহাসন মাটিতে নিষ্কেপ করেছ। 45 তুমি তার যৌবনকাল সংক্ষিপ্ত করেছ; তুমি তাকে লজ্জার আচ্ছাদনে আবৃত করেছ। 46 হে সদাপ্রভু, কত কাল? তুমি কি চিরকাল নিজেকে লুকিয়ে রাখবে? কত কাল তোমার ক্রোধ আগুনের মতো জ্বলবে? 47 মনে রেখো আমার জীবন কত স্বল্পস্থায়ী।

কত শূন্য ও ব্যর্থ এই মানবজীবন! 48 কে জীবিত থাকবে অথচ মৃত্যু  
দেখবে না, অথবা কে পাতালের কবল থেকে পালাতে পারে? (Sheol

h7585) 49 হে প্রভু, তোমার পূর্বকালীন মহান প্রেম কোথায়? তুমি  
বিশ্বস্তায় দাউদের প্রতি যে শপথ করেছিলে। 50 মনে রেখো, প্রভু,  
কীভাবে তোমার দাস অবজ্ঞার পাত্র হয়েছে, কীভাবে আমি সব জাতির  
উপহাস নিজের হাদয়ে সহ্য করি, 51 হে সদাপ্রভু, যেসব উপহাস নিয়ে  
তোমার শক্রু আমাকে বিদ্রূপ করেছে, সেসব দিয়ে তারা তোমার  
অভিষিক্ত ব্যক্তির প্রতিটি পদক্ষেপকে বিদ্রূপ করেছে। 52 চিরকাল  
সদাপ্রভুর প্রশংসা হোক!

**90** ঈশ্বর মনোনীত ব্যক্তি মোশির প্রার্থনা। হে সদাপ্রভু, বংশপরম্পরায়  
তুমি আমার বাসস্থান হয়ে এসেছ। 2 পর্বতগুলির জন্মের আগে  
এমনকি, তুমি পৃথিবী ও জগৎকে জন্ম দেওয়ার আগে, অনাদিকাল  
থেকে অনন্তকাল পর্যন্ত, তুমই ঈশ্বর। 3 তুমি এই বলে লোকেদের  
ধুলোয় ফিরিয়ে দিয়ে থাকো, “ধুলোয় ফিরে এসো, হে মরণশীল  
তোমরা।” 4 তোমার দৃষ্টিতে এক হাজার বছর একদিনের সমান যা  
এইমাত্র কেটেছে, অথবা রাতের প্রহরের মতো। 5 তুমি মানুষকে  
মৃত্যুর ঘুমে নিচিঙ্ক করো— তারা সকালের নতুন ঘাসের মতো: 6  
সকালে তারা নতুন করে গজিয়ে ওঠে, কিন্তু সন্ধ্যায় তা শুকিয়ে যায়  
আর বিবর্ণ হয়। 7 তোমার রাগে আমরা ক্ষয়ে যাই আর তোমার ক্রোধে  
আমরা আতঙ্কিত হই। 8 তুমি আমাদের অন্যায়গুলি আমাদের সামনে  
রেখেছ, আমাদের গোপন পাপগুলি তোমার সামিধ্যের আলোতে  
রেখেছ। 9 তোমার ক্রোধে আমাদের সব দিন কেটে যায়; বিলাপে  
আমরা আমাদের বছরগুলি কাটাই। 10 আমাদের আয়ু হয়তো সন্তো  
বছর পর্যন্ত হবে, অথবা আশি, যদি আমাদের ক্ষমতা স্থায়ী হয়; তবুও  
সবচেয়ে ভালো দিনও কঠে আর দুঃখে পরিপূর্ণ, কেননা সেগুলি  
তাড়াতাড়ি অদৃশ্য হয় আর আমরা উড়ে যাই। 11 তোমার রাগের  
পরাক্রম কে বুঝতে পারে? তোমার ক্রোধ ভয়াবহ যেমন তুমি সন্ত্বরের  
যোগ্য। 12 আমাদের দিন গুনতে আমাদের শিক্ষা দাও, যেন আমরা  
প্রজ্ঞার হৃদয় লাভ করি। 13 হে সদাপ্রভু, ফিরে এসো! আর কত কাল

দেরি করবে? তোমার সেবাকারীদের প্রতি করণা করো। 14 সকালে  
তোমার অবিচল প্রেম দিয়ে আমাদের তৃপ্তি করো, যেন আমরা আনন্দের  
গান করতে পারি আর জীবনের সব দিন খুশি হতে পারি। 15 যতদিন  
তুমি আমাদের পীড়িত করেছিলে যত বছর আমরা বিপদ দেখেছি,  
তেমনই আমাদের আনন্দিত করো। 16 আমরা, তোমার দাস, যেন  
তোমার কার্যাবলি আবার দেখতে পাই, যেন আমাদের ছেলেমেয়েরা  
তোমার মহিমা দেখতে পায়। 17 আমাদের ঈশ্বর সদাপ্রভুর অনুগ্রহ  
আমাদের উপরে বিরাজ করক; আর তুমি আমাদের জন্য আমাদের  
হাতের প্রচেষ্টা স্থায়ী করো, হ্যাঁ! আমাদের হাতের প্রচেষ্টা স্থায়ী করো।

**91** যে ব্যক্তি পরাংপরের আশ্রয়ে বসবাস করে সে সর্বশক্তিমানের  
ছায়ায় বিশ্রাম পাবে। 2 আমি সদাপ্রভু সমন্বে বলব, “তিনিই আমার  
আশ্রয় এবং আমার উচ্চদুর্গ, আমার ঈশ্বর, যার উপর আমি আস্থা  
রাখি।” 3 নিশ্চয় তিনিই তোমাকে শিকারির ফাঁদ আর মারাত্মক  
মহামারি থেকে রক্ষা করবেন। 4 তিনি নিজের পালকে তোমাকে  
আবৃত করবেন, এবং তাঁর ডানার তলায় তুমি আশ্রয় পাবে; তাঁর বিশ্বস্ত  
প্রতিশ্রূতি হবে তোমার ঢাল ও সুরক্ষা। 5 তুমি রাতের আতঙ্ক থেকে  
ভয় পাবে না, অথবা দিনে উড়ন্টি তির থেকে, 6 অথবা মহামারি থেকে  
যা অন্ধকারে আক্রমণ করে, অথবা সংক্রামক ব্যাধি থেকে যা দুপুরে  
ধৰ্মস করে। 7 তোমার পাশে হাজার জনের পতন হতে পারে, তোমার  
ডানপাশে দশ হাজার জনের, কিন্তু তা তোমার কাছে আসবে না।  
8 তুমি তোমার চোখ দিয়ে কেবল লক্ষ্য করবে আর দুষ্টদের শাস্তি  
পেতে দেখবে। 9 যদি তুমি বলো, “সদাপ্রভু আমার আশ্রয়,” আর  
তুমি পরাংপরকে নিজের বাসস্থান করো, 10 তোমার কোনও অনিষ্ট  
হবে না, কোনও বিপর্যয় তোমার তাঁবুর কাছে আসবে না। 11 কারণ  
তিনি তাঁর দৃতদের তোমার বিষয়ে তোমার চলার সব পথে তোমাকে  
রক্ষা করার আদেশ দেবেন; 12 তাঁরা তোমাকে তাঁদের হাতে তুলে  
নেবেন, যেন তোমার পায়ে পাথরের আঘাত না লাগে। 13 তুমি সিংহ  
ও কালসাপের উপর পা দিয়ে চলবে; তুমি হিংস্র সিংহ আর সাপকে  
পদদলিত করবে। 14 “যেহেতু সে আমাকে ভালোবাসে,” সদাপ্রভু

বলেন, “আমি তাকে উদ্বার করব; আমি তাকে রক্ষা করব কারণ সে আমার নাম স্বীকার করে। 15 সে আমার নামে ডাকবে, আর আমি তাকে উত্তর দেব; সংকটে আমি তার সঙ্গে রইব, আমি তাকে উদ্বার করব আর সম্মানিত করব। 16 দীর্ঘ জীবন দিয়ে আমি তাকে তৃপ্ত করব আর আমার পরিত্রাণ তাকে দেখাব।”

**92** একটি গীত। বিশ্রামবারের জন্য রচিত। সদাপ্রভুর প্রশংসা করা এবং, হে পরাত্পর, তোমার নামের উদ্দেশ্যে গান করা, উত্তম। 2 দশ-তারের সুরবাহার এবং বীণার সুর সহযোগে 3 সকালে তোমার অবিচল প্রেম এবং রাতে তোমার বিশ্বস্ততা প্রচার করা, উত্তম। 4 কারণ হে সদাপ্রভু, তোমার কাজ দ্বারা তুমি আমাকে আনন্দিত করেছ। তোমার হাতের কাজ দেখে আমি আনন্দে গান করি 5 হে সদাপ্রভু, তোমার কাজগুলি কত মহান, কত গভীর তোমার ভাবনা! 6 অচেতন লোকেরা জানে না, মূর্খরা বুঝতে পারে না, 7 যে যদিও দুষ্টরা ঘাসের মতো গজিয়ে ওঠে আর সব অনিষ্টকারী বৃদ্ধি পায়, তারা চিরকালের জন্য ধ্বংস হবে। 8 কিন্তু তুমি, হে সদাপ্রভু, চিরকালের জন্য মহিমাপ্রিত। 9 হে সদাপ্রভু, নিশ্চয় আমাদের শক্ররা নিশ্চয়ই আমাদের শক্ররা বিনষ্ট হবে; সব অনিষ্টকারী ছিন্নভিন্ন হবে। 10 তুমি আমার শিং বন্য ষাঁড়ের মতো উন্নীত করেছ, খাঁটি তেল আমার মাথায় ঢেলে দিয়েছ। 11 আমার চোখ আমার প্রতিপক্ষদের পরাজয় দেখেছে; আমার কান আমার দুষ্ট বিপক্ষদের পতনের কথা শুনেছে। 12 ধার্মিক তাল গাছের মতো সমৃদ্ধ হবে, লেবাননের দেবদারু গাছের মতো তারা বৃদ্ধি পাবে; 13 যাদের সদাপ্রভুর গৃহে লাগানো হয়েছে, তারা আমাদের ঈশ্বরের প্রাঙ্গণে সমৃদ্ধ হয়ে উঠবে। 14 বৃক্ষ বয়সেও তারা ফল প্রদান করবে, তারা সতেজ ও সবুজ হয়ে রইবে, 15 এই প্রচার করবে, “সদাপ্রভু ন্যায়পরায়ণ; তিনি আমার শৈল এবং তাতে কোনও অন্যায় নেই।”

**93** সদাপ্রভু রাজত্ব করেন, তিনি মহিমায় সজ্জিত; সদাপ্রভু গৌরবে আবৃত ও পরাক্রমে সজ্জিত; সত্যিই, এই পৃথিবী প্রতিষ্ঠিত, সুদৃঢ় ও সুরক্ষিত। 2 তোমার সিংহাসন প্রাচীনকাল থেকে বিদ্যমান; তুমি স্বয়ং অনন্তকাল থেকে। 3 হে সদাপ্রভু, সমুদ্রের উঠেছে, সমুদ্রেরা

তাদের আওয়াজ তুলেছে; সমুদ্রের তাদের উভাল ঢেউ তুলেছে। 4  
মহাজলধির গর্জন থেকেও, সমুদ্রের উভাল ঢেউ থেকেও উচ্চে অবস্থিত  
সদাপ্রভু বলবান। 5 হে সদাপ্রভু, তোমার বিধিবিধান, সুদৃঢ়; অনন্তকাল  
ধরে পবিত্রতাই তোমার গৃহের শোভা।

**94** সদাপ্রভু, এমন ঈশ্বর, যিনি প্রতিফল দেন। হে প্রতিফলদাতা  
ঈশ্বর, তোমার ন্যায়বিচার দেদীপ্যমান হোক। 2 ওঠো, হে জগতের  
বিচারকর্তা; দাস্তিকদের কাজের প্রতিফল তাদের দাও। 3 দুষ্টরা কত  
কাল, হে সদাপ্রভু, দুষ্টরা কত কাল উল্লাস করবে? 4 তারা অহংকারের  
বাক্য ঢেলে দেয়; অনিষ্টকারীরা সবাই গর্বে পরিপূর্ণ। 5 তারা তোমার  
লোকেদের চূর্ণ করে, হে সদাপ্রভু; তারা তোমার অধিকারের উপর  
অত্যাচার করে। 6 তারা বিধবা আর বিদেশিদের নাশ করে; তারা  
অনাথদের হত্যা করে। 7 তারা বলে, “সদাপ্রভু দেখেন না; যাকোবের  
ঈশ্বর বিবেচনা করেন না।” 8 হে লোকেদের মধ্যে বসবাসকারী শুভ  
বুদ্ধিহীনেরা, বিবেচনা করো; হে মূর্খেরা, কবে তোমাদের সুবুদ্ধি হবে?  
9 যিনি কান তৈরি করেছেন তিনি কি শুনবেন না? যিনি চোখ নির্মাণ  
করেছেন তিনি কি দেখবেন না? 10 যিনি সমস্ত জাতিকে শাসন করেন  
তিনি কি শাস্তি দেবেন না? যিনি মানবজাতিকে শিক্ষা দেন তাঁর কি  
জানেন যে তারা তুচ্ছ। 11 সদাপ্রভু মানুষের সব সংকল্প জানেন; তিনি  
জানেন যে তারা তুচ্ছ। 12 হে সদাপ্রভু, ধন্য সেই ব্যক্তি যাকে তুমি  
শাসন করেছ, যাকে তুমি তোমার বিধান থেকে শিক্ষা দিয়েছ; 13  
তুমি তাদের বিপদের দিন থেকে মুক্তি দিয়েছ, যতদিন না পর্যন্ত  
দুষ্টদের বন্দি করার জন্য এক গর্ত খোঁড়া হচ্ছে। 14 কারণ সদাপ্রভু  
তাঁর ভক্তজনদের পরিত্যাগ করবেন না; তিনি কখনও তাঁর অধিকার  
পরিত্যাগ করবেন না। 15 ন্যায়ের উপর ভিত্তি করে বিচার আবার  
স্থাপিত হবে, যারা হৃদয়ে ন্যায়পরায়ণ তারা সকলে তা অনুসরণ  
করবে। 16 কে আমার পক্ষ নিয়ে দুষ্টদের বিরুদ্ধে দাঁড়াবে? কে  
অনিষ্টকারীদের বিরুদ্ধে আমার পক্ষ নেবে? 17 সদাপ্রভু যদি আমাকে  
সাহায্য না করতেন, তবে হয়তো আমি অচিরেই মৃত্যুর নীরবতায় বাস  
করতাম। 18 যখন আমি বলেছিলাম, “আমার পা পিছলে যাচ্ছে,”

তোমার অবিচল প্রেম, হে সদাপ্রভু, আমার সহায়তা করেছিল, 19  
যখন দুশ্চিন্তা আমার অন্তরে গভীর হয়েছিল, তোমার সান্ত্বনা আমাকে  
আনন্দ দিয়েছিল। 20 অসৎ সিংহাসন কি তোমার সঙ্গী হতে পারে—  
এমন সিংহাসন যা নিজের আদেশে দুর্দশা নিয়ে আসে? 21 দুষ্টরা  
ধার্মিকদের বিরক্তে দল বাঁধে আর নির্দোষদের মৃত্যুদণ্ড দেয়। 22 কিন্তু  
সদাপ্রভু আমার উচ্চদুর্গ হয়েছেন, এবং আমার ঈশ্বর আমার আশ্রয়  
শৈল হয়েছেন। 23 তাদের পাপের প্রতিফল তিনি তাদের দেবেন আর  
তাদের দুষ্টতার জন্য তাদের ধ্বংস করবেন; সদাপ্রভু আমাদের ঈশ্বর  
তাদের ধ্বংস করবেন।

**95** এসো, আমরা সদাপ্রভুর উদ্দেশে আনন্দগান করি; আমাদের  
পরিত্রাণের শৈলের উদ্দেশে উচ্চস্থরে গান গাই। 2 আমরা ধন্যবাদের  
সঙ্গে তাঁর সামনে যাই সংগীত ও গান দিয়ে তাঁর উচ্চপ্রশংসা করি।  
3 কারণ সদাপ্রভু মহান ঈশ্বর, সব দেবতার উপর মহান রাজা। 4  
পৃথিবীর গভীরস্থান তাঁর হস্তগত, এবং পর্বতগুলির ছুঁড়া তাঁরই অধীন।  
5 সমুদ্র তাঁরই কেননা তিনি তাঁতের করেছেন, আর তাঁর হাত শুক্ষ  
জমি নির্মাণ করেছে। 6 এসো, আরাধনায় আমরা তাঁর সামনে নত  
হই, সদাপ্রভু আমাদের সৃষ্টিকর্তার সামনে আমরা হাঁটু পেতে বসি;  
7 কারণ তিনি আমাদের ঈশ্বর আর আমরা তাঁর চারণভূমির প্রজা,  
ও মেষ যাদের তিনি যত্ন করেন। আজই, যদি তোমরা তাঁর কর্তৃস্থর  
শুনতে পাও, 8 “যেমন মরীবায় করেছিলে, তেমন নিজেদের হৃদয়  
কঠিন কোরো না, মরণপ্রাপ্তরে মঃসার দিনে যেমন করেছিলে, 9  
যেখানে তোমার পূর্বপুরুষেরা আমার পরীক্ষা করেছিল; আমাকে যাচাই  
করেছিল, যদিও আমি যা করেছিলাম তারা সব দেখেছিল। 10 চল্লিশ  
বছর পর্যন্ত সেই প্রজন্মের প্রতি আমি ক্রুদ্ধ হয়েছিলাম; এবং আমি  
বলেছিলাম, ‘তারা এমন ধরনের লোক যাদের হৃদয় বিপথগামী হয়,  
আর তারা আমার পথগুলি জানে না।’ 11 তাই আমার ক্রোধে আমি  
এক শপথ নিয়েছিলাম, ‘আমার বিশ্বামৈ তারা আর কোনোদিন প্রবেশ  
করবে না।’”

**96** তোমরা সদাপ্রভুর উদ্দেশে নতুন গান গাও; সমস্ত পৃথিবী,  
সদাপ্রভুর উদ্দেশে গীত গাও। 2 সদাপ্রভুর উদ্দেশে গীত গাও; তাঁর  
নামের প্রশংসা করো; দিনের পর দিন তাঁর পরিত্রাণ ঘোষণা করো। 3  
সমস্ত জাতির মধ্যে তাঁর মহিমা আর সব লোকের মাঝে তাঁর বিস্ময়কর  
কাজের কথা প্রচার করো। 4 সদাপ্রভু মহান এবং সর্বোচ্চ প্রশংসার  
যোগ্য; সব দেবতার উপরে তিনি সম্মের যোগ্য। 5 কারণ, জাতিগণের  
সমস্ত দেবতা কেবল প্রতিমা মাত্র, কিন্তু সদাপ্রভু আকাশমণ্ডল সৃষ্টি  
করেছেন। 6 দীপ্তি ও প্রতাপ তাঁকে ঘিরে রেখেছে; পরাক্রম ও মহিমা  
তাঁর পবিত্রস্থান পূর্ণ করে। 7 জাতিগণের সমস্ত কুল সদাপ্রভুকে স্বীকার  
করো, স্বীকার করো যে সদাপ্রভু মহিমাস্থিত ও পরাক্রমী। 8 সদাপ্রভুকে  
তাঁর যোগ্য মহিমায় মহিমাস্থিত করো! নৈবেদ্য সাজিয়ে তাঁর প্রাঙ্গণে  
প্রবেশ করো। 9 তাঁর পবিত্র শোভায় সদাপ্রভুর আরাধনা করো,  
সমস্ত পৃথিবী, তাঁর সামনে কম্পিত হও; 10 জাতিগণের মধ্যে বলো,  
“সদাপ্রভু রাজত্ব করেন।” পৃথিবী দৃঢ়ভাবে প্রতিষ্ঠিত, তা বিচলিত হবে  
না; তিনি ন্যায়ে সব মানুষের বিচার করবেন। 11 আকাশমণ্ডল আনন্দ  
করুক, পৃথিবী উল্লসিত হোক; সমুদ্র ও যা কিছু তার মধ্যে আছে,  
গর্জন করুক। 12 সমস্ত ময়দান ও সেখানকার সবকিছু উল্লসিত হোক;  
জঙ্গলের সব গাছ আনন্দ সংগীত করুক। 13 সমস্ত সৃষ্টি সদাপ্রভুর  
সামনে আনন্দ করুক, কারণ তিনি আসছেন, এই জগতের বিচার  
করার জন্য তিনি আসছেন। তিনি ধার্মিকতায় এই পৃথিবীর বিচার  
করবেন এবং তাঁর সত্য অনুযায়ী সব মানুষের বিচার করবেন।

**97** সদাপ্রভু রাজত্ব করেন, পৃথিবী উল্লসিত হোক; সুদূর উপকূলবর্তী  
দেশ আনন্দিত হোক। 2 মেঘ ও ঘন অঙ্গকার তাঁর চতুর্দিক ঘিরে  
রেখেছে, ধর্মশীলতা ও ন্যায়বিচার তাঁর সিংহাসনের ভিত্তি। 3 আগুন  
তাঁর অগ্রগামী হয়, এবং চারিদিকে তাঁর বিপক্ষদের দন্ধ করে। 4  
তাঁর বিদ্যুতের আলোতে পৃথিবী আলোকিত হয়, জগৎ এসব দেখে  
আর কম্পিত হয়। 5 সদাপ্রভুর সামনে, সমস্ত জগতের সদাপ্রভুর  
সামনে, পর্বতগুলি মোমের মতো গলে যায়। 6 আকাশমণ্ডল তাঁর  
ধার্মিকতা প্রচার করে, এবং সব লোক তাঁর মহিমা দেখে। 7 যারা

সবাই প্রতিমার আরাধনা করে, যারা মূর্তিতে গর্ব করে, তারা লজ্জিত  
হয়; দেবতারা সবাই, তোমরা সদাপ্রভুর আরাধনা করো। 8 তোমার  
বিচার হে সদাপ্রভু, সিয়োন শোনে আর আনন্দিত হয় আর যিন্দীর  
সকল গ্রাম উল্লসিত হয়। 9 কারণ, হে সদাপ্রভু, তুমি সমস্ত জগতের  
উর্ধ্বে পরাঃপর; সব দেবতার উর্ধ্বে তুমি মহিমান্বিত। 10 যারা  
সদাপ্রভুকে ভালোবাসে তারা অধর্মকে ঘৃণা করুক, কারণ তিনি তাঁর  
বিশ্বস্তজনেদের প্রাণরক্ষা করেন, এবং দুষ্টদের কবল থেকে তাদের  
উদ্ধার করেন। 11 ধার্মিকের জন্য আলো আর হৃদয়ে ন্যায়পরায়ণের  
জন্য আনন্দ, উদ্দিত হয়। 12 তোমরা যারা ধার্মিক, সদাপ্রভুতে আনন্দ  
করো, আর তাঁর পবিত্র নামের প্রশংসা করো।

**98** একটি গীত। সদাপ্রভুর উদ্দেশ্যে নতুন গান গাও, কারণ তিনি  
অবিশ্বাস্য কাজ করেছেন; তাঁর ডান হাত ও তাঁর পবিত্র বাহু তাঁর  
পক্ষে পরিত্রাণ সাধন করেছেন। 2 সদাপ্রভু তাঁর পরিত্রাণ ঘোষণা  
করেছেন এবং তাঁর ধার্মিকতা জাতিদের কাছে প্রকাশ করেছেন।  
3 ইস্রায়েলের প্রতি তাঁর প্রেম ও বিশ্বস্ততা তিনি স্মারণে রেখেছেন;  
আমাদের ঈশ্বরের পরিত্রাণ পৃথিবীর সমস্ত প্রান্ত প্রত্যক্ষ করেছে। 4  
সমস্ত পৃথিবী, সদাপ্রভুর উদ্দেশ্যে জয়ধ্বনি করো, প্রশংসায় মেতে  
ওঠো ও আনন্দগান করো; 5 বীণা সহযোগে সদাপ্রভুর উদ্দেশ্যে গান  
গাও, বীণা সহযোগে ও গানের শব্দে, 6 তূরীঞ্চনির শব্দে এবং শিঙার  
সুদীর্ঘ শব্দে— রাজা সদাপ্রভুর উদ্দেশ্যে জয়ধ্বনি করো। 7 সমুদ্র ও  
তার মধ্যে যা কিছু আছে গর্জন করুক, পৃথিবী ও তাঁর মধ্যে যারা  
সবাই বসবাস করে। 8 নদীরা হাততালি দিক, পর্বতগুলি একসঙ্গে  
আনন্দগান করুক; 9 সদাপ্রভুর সামনে তারা গান করুক; কারণ তিনি  
জগতের বিচার করতে আসছেন। তিনি ধার্মিকতায় এই পৃথিবী এবং  
ন্যায়ে জাতিগণের বিচার করবেন।

**99** সদাপ্রভু রাজত্ব করেন, জাতিরা কম্পিত হোক; করুবের মাঝে  
তিনি সিংহাসনে অধিষ্ঠিত, পৃথিবী কেঁপে উঠুক। 2 সদাপ্রভু সিয়োনে  
মহান; সব জাতির উর্ধ্বে তিনি উল্লীত। 3 তারা তোমার মহান ও  
ভয়াবহ নামের প্রশংসা করুক— তিনি পবিত্র। 4 রাজা শক্তিশালী,

তিনি ন্যায় ভালোবাসেন— তুমি ন্যায় প্রতিষ্ঠা করেছ; তুমি যাকেবের  
মধ্যে ন্যায় ও ধার্মিকতা প্রতিষ্ঠা করেছ। ৫ সদাপ্রভু আমাদের ঈশ্বরের  
গৌরব করো, তাঁর পাদপীঠে আরাধনা করো; তিনি পবিত্র। ৬ মোশি ও  
হারোগ তাঁর যাজকদের মধ্যে ছিলেন, শমুয়েল তাঁদের মধ্যে একজন  
ছিলেন যাঁরা সদাপ্রভুর নামে ডাকতেন তাঁরা সদাপ্রভুর কাছে সাহায্যের  
প্রার্থনা করতেন, এবং তিনি তাঁদের উন্নত দিতেন। ৭ তিনি মেষস্তন্ত্রের  
আড়াল থেকে তাঁদের উদ্দেশে কথা বলতেন, তিনি যে বিধিবিধান  
এবং আদেশ তাঁদের দিয়েছিলেন সেসব তাঁরা মেনে চলতেন। ৮ হে  
সদাপ্রভু, আমাদের ঈশ্বর, তুমি তাঁদের উন্নত দিয়েছিলে; যদিও তুমি  
তাঁদের দুর্কর্মের শাস্তি দিয়েছিলে, ইস্রায়েলের প্রতি তুমি ক্ষমাশীল  
ঈশ্বর। ৯ আমাদের ঈশ্বর সদাপ্রভুকে মহিমাবিত করো এবং তাঁর  
পবিত্র পর্বতে আরাধনা করো, কারণ আমাদের ঈশ্বর সদাপ্রভু, পবিত্র।

**100** ধন্যবাদের সংগীত। সমস্ত পৃথিবী! সদাপ্রভুর উদ্দেশে জয়ধ্বনি  
করো। ১ মহান্দে সদাপ্রভুর আরাধনা করো; আনন্দগান সহকারে তাঁর  
সামনে এসো। ৩ তোমরা জানো, সদাপ্রভুই ঈশ্বর। তিনিই আমাদের  
সৃষ্টি করেছেন, আর আমরা তাঁরই; আমরা তাঁর প্রজা, তাঁর চারণভূমির  
মেষ। ৪ ধন্যবাদ সহকারে তাঁর দ্বারে এবং প্রশংসা সহকারে তাঁর  
প্রাঙ্গণে প্রবেশ করো; তাঁকে ধন্যবাদ জানাও, আর তাঁর নামের প্রশংসা  
করো। ৫ কারণ সদাপ্রভু মঙ্গলময় এবং তাঁর দয়া অনন্তকালস্থায়ী; তাঁর  
বিশ্বস্ততা বংশপরম্পরায় স্থায়ী।

**101** দাউদের গীত। আমি তোমার প্রেম ও ন্যায়পরায়ণতার সম্পর্কে  
গাইব; তোমার উদ্দেশে, হে সদাপ্রভু, আমি স্তবগান করব। ২ সতর্ক  
হয়ে আমি নির্দোষ জীবন কাটাব— কখন তুমি আমার কাছে আসবে?  
আমি নিজের গৃহে সততার সঙ্গে জীবন কাটাব। ৩ যা কিছু জঘন্য  
ও কুরুচিপূর্ণ তা দেখতে আমি অস্বীকার করব। আমি অষ্টাচারীদের  
কাজকর্ম ঘৃণা করি; তাদের সঙ্গে আমি কোনও সম্বন্ধ রাখব না। ৪ যে  
হৃদয়ে বিকৃত সে আমার কাছ থেকে দূরে থাকবে; আমি সব ধরনের  
মন্দ থেকে দূরে সরে থাকব। ৫ যে কেউ গোপনে প্রতিবেশীর অপবাদ  
করে, আমি তাকে উচ্ছেদ করব; যার দৃষ্টি উদ্ধৃত ও হৃদয় অহংকারী,

আমি তাকে সহ্য করব না। ৬ দেশের বিশ্বস্তদের প্রতি আমার দৃষ্টি  
থাকবে, যেন তারা আমার সঙ্গে বসবাস করতে পারে; যে সিদ্ধ পথে  
চলে সে আমার পরিচর্যা করবে। ৭ যারা প্রতারক তারা কেউ আমার  
গৃহে বসবাস করবে না; যারা মিথ্যা কথা বলে তারা আমার সামনে  
দাঁড়াবে না। ৮ প্রতি সকালে, দেশের সব দুষ্টকে আমি নাশ করব;  
সদাপ্রভুর নগর থেকে আমি সব অনিষ্টকারীকে উচ্ছেদ করব।

**102** এক পীড়িত ব্যক্তির প্রার্থনা যে দুর্বল হয়েছিল আর সদাপ্রভুর  
কাছে তার বিলাপের কথা মন খুলে বলেছিল। হে সদাপ্রভু, আমার  
প্রার্থনা শোনো; আমার সাহায্যের প্রার্থনা তোমার কাছে উপস্থিত হোক।  
২ যখন আমি সংকটে আছি তোমার মুখ আমার কাছ থেকে লুকিয়ে  
রেখো না। আমার দিকে কর্ণপাত করো; যখন আমি তোমাকে ডাকি,  
তাড়াতাড়ি আমাকে উত্তর দিয়ো। ৩ আমার দিনগুলি ঘোঁঘার মতো  
মিলিয়ে যায়; আমার হাড়গোড় কঢ়লার মতো জ্বলছে। ৪ আমার হৃদয়  
ক্ষয় হয়েছে আর ঘাসের মতো শুকিয়ে গিয়েছে; আমি খাবার খেতে  
ভুলে যাই। ৫ আমার দুর্দশায় আমি আর্তনাদ করি আর আমি চামড়া ও  
হাড়ে পরিণত হয়েছি। ৬ আমি মরুভূমির প্যাঁচার মতো, ধ্বংসের মাঝে  
প্যাঁচার মতো হয়েছি। ৭ আমি সজাগ থাকি; ছাদের উপরে একা এক  
পাখির মতো হয়েছি। ৮ দিনের পর দিন আমার শক্ররা আমাকে বিদ্রূপ  
করে; যারা আমার প্রতি ক্রুদ্ধ তারা আমার নামে অভিশাপ দেয়। ৯  
কেননা আমি খাবারের পরিবর্তে ছাই খেয়েছি আর আমার পানীয়ের  
সঙ্গে চোখের জল মিশিয়েছি ১০ তোমার মহা ক্ষোধের কারণে, কেননা  
তুমি আমাকে তুলে ছুঁড়ে ফেলেছ। ১১ আমার দিন সন্ধ্যার ছায়ার মতো  
হয়েছে; আমি ঘাসের মতো শুকিয়ে যাই। ১২ কিন্তু তুমি, হে সদাপ্রভু,  
চিরকাল সিংহাসনে অবিস্থিত; তোমার সুখ্যাতি বৎশপরম্পরায় স্থায়ী।  
১৩ তুমি জাগ্রত হবে আর জেরশালেমের প্রতি করণা করবে, কারণ  
এখন তার প্রতি অনুগ্রহ দেখানোর সময়; নির্ধারিত সময় উপস্থিত  
হয়েছে। ১৪ কারণ তোমার সেবকেরা তার প্রাচীরের প্রত্যেকটি পাথর  
ভালোবাসে; এমনকি তার ধুলোর প্রতি যত্ন করে। ১৫ সমস্ত জাতি  
সদাপ্রভুর নামে সন্ত্রম করবে, জগতের রাজারা সবাই তোমার মহিমায়

গতীর শ্রদ্ধা করবে। 16 কারণ সদাপ্রভু আবার জেরশালেম নির্মাণ করবেন এবং তাঁর মহিমায় আবির্ভূত হবেন। 17 যে নিঃস্ব তার প্রার্থনায় সদাপ্রভু উত্তর দেবেন; তাদের নিবেদন তিনি অবজ্ঞা করবেন না। 18 ভবিষ্যৎ প্রজন্মের জন্য এসব লেখা হোক, যারা সৃষ্টি হবে তারা সদাপ্রভুর প্রশংসা করবে: 19 “সদাপ্রভু উচ্চ পবিত্রস্থান থেকে নিচে দেখলেন, স্বর্গ থেকে তিনি জগতের প্রতি দৃষ্টিপাত করলেন, 20 বন্দিদের আর্তনাদ শোনার জন্য, আর যারা মৃত্যুদণ্ডে দণ্ডিত তাদের মুক্ত করার জন্য।” 21 তাই সদাপ্রভুর নাম সিয়োনে এবং তাঁর প্রশংসা জেরশালেমে প্রচার করা হবে, 22 যখন সব লোকজন আর সব দেশ সদাপ্রভুর আরাধনা করতে একত্রিত হয়। 23 জীবনে চলার পথে তিনি আমার শক্তি ক্ষয় করেছেন; তিনি আমার আয়ু কমিয়েছেন। 24 তাই আমি বলেছি: “হে ঈশ্বর, আমার যৌবনকালে আমাকে তুলে নিয়ো না; তোমার বছরগুলি বংশপরম্পরায় স্থায়ী। 25 আদিকালে তুমি এই পৃথিবীর ভিত্তিমূল স্থাপন করেছ, আর আকাশমণ্ডলও তোমারই হাতের রচনা 26 সেসব বিনষ্ট হবে, কিন্তু তুমি স্থায়ী হবে; ছেঁড়া কাপড়ের মতো সেসব শেষ হয়ে যাবে। পোশাকের মতো তুমি তাদের পরিবর্তন করবে আর তাদের পরিত্যাগ করা হবে। 27 কিন্তু তোমার পরিবর্তন নেই, আর তোমার বছরগুলি কখনও শেষ হবে না। 28 তোমার দাসদের সন্তানসন্ততিরা তোমার সান্নিধ্যে বসবাস করবে; তাদের বংশধরেরা তোমার সামনে প্রতিষ্ঠিত হবে।”

**103** দাউদের গীত। হে আমার প্রাণ, সদাপ্রভুর প্রশংসা করো; হে আমার অন্তিম সন্তা, তাঁর পবিত্র নামের প্রশংসা করো। 2 হে আমার প্রাণ, সদাপ্রভুর প্রশংসা করো, এবং তাঁর সব উপকার ভুলে যেয়ো না— 3 যিনি তোমার সমস্ত পাপ ক্ষমা করেন আর তোমার সব রোগ ভালো করেন, 4 যিনি তোমার জীবন মৃত্যু থেকে মুক্ত করেন আর তোমাকে প্রেম ও করুণার মুকুটে ভূষিত করেন, 5 তিনি উত্তম দ্রব্যে তোমার মনোবাসনা পূর্ণ করেন যেন ঈগল পাখির মতো তোমার যৌবন নতুন হয়। 6 সদাপ্রভু ধার্মিকতার কাজ করেন আর পীড়িতদের পক্ষে ন্যায়বিচার করেন। 7 তিনি মোশিকে জানিয়েছিলেন তাঁর পথগুলি,

ইন্দ্রায়লের লোকদের তাঁর কাজকর্ম: 8 সদাপ্রভু কৃপাময় ও মেহশীল,  
 ক্রোধে ধীর, দয়াতে মহান। 9 তিনি ক্রমাগত আমাদের অভিযুক্ত  
 করবেন না, তিনি চিরকাল তাঁর ক্রোধ মনে পুষে রাখবেন না; 10  
 তিনি আমাদের প্রতি আমাদের পাপ অনুযায়ী আচরণ করেন না অথবা  
 আমাদের অপরাধ অনুযায়ী আমাদের প্রতিফল দেন না। 11 কারণ  
 জগতের উর্ধ্বে আকাশমণ্ডল যত উচ্চ, যারা তাঁকে সন্ত্রম করে তাদের  
 প্রতি তাঁর প্রেম ততটাই মহান; 12 পূর্ব থেকে পশ্চিম যত দূরে, ততটাই  
 আমাদের অপরাধ তিনি আমাদের থেকে দূর করেছেন। 13 বাবা যেমন  
 তার সন্তানসন্ততিদের প্রতি করণা করেন, যারা সদাপ্রভুকে সন্ত্রম করে  
 তিনি ততটাই তাদের প্রতি করণা করেন; 14 কারণ তিনি জানেন  
 আমরা কীভাবে নির্মিত হয়েছি, তিনি স্মরণে রাখেন যে আমরা কেবল  
 ধূলো। 15 মরণশীল মানুষের জীবন ঘাসের মতো, মাঠের ফুলের  
 মতো তারা ফুটে ওঠে; 16 তাদের উপর দিয়ে বায়ু বয়ে যায় আর  
 তারা নিশ্চিহ্ন হয়, আর সেই স্থান তাদের আর মনে রাখে না। 17 কিন্তু  
 অনন্দিকাল থেকে অনন্তকাল পর্যন্ত সদাপ্রভুর প্রেম তাদের সঙ্গে আছে  
 যারা তাঁকে সন্ত্রম করে, এবং তাঁর ধার্মিকতা তাদের সন্তানসন্ততিদের  
 প্রতি বর্তায়— 18 তাদের প্রতি যারা তাঁর নিয়ম পালন করে এবং তাঁর  
 অনুশাসন পালন করার কথা মনে রাখে। 19 সদাপ্রভু তাঁর সিংহাসন  
 স্বর্গে প্রতিষ্ঠিত করেছেন, আর তাঁর রাজ্য সবকিছুর উপরে শাসন করে।  
 20 সদাপ্রভুর প্রশংসা করো, হে তাঁর দৃতেরা, তোমরা যারা পরাক্রমী  
 তাঁর পরিকল্পনা সম্পন্ন করো, তোমরা যারা তাঁর আদেশ পালন করো।  
 21 সদাপ্রভুর প্রশংসা করো, হে তাঁর স্বর্গের সমস্ত বাহিনী, তোমরা তাঁর  
 সেবাকারী যারা তাঁর ইচ্ছা পূর্ণ করো। 22 সদাপ্রভুর প্রশংসা করো,  
 হে তাঁর সমস্ত সৃষ্টি, তাঁর আধিপত্যের সমস্ত স্থানে। হে আমার প্রাণ,  
 সদাপ্রভুর প্রশংসা করো।

**104** হে আমার প্রাণ, সদাপ্রভুর প্রশংসা করো। হে আমার ঈশ্বর  
 সদাপ্রভু, তুমি কত মহান; তুমি প্রভা আর পরাক্রমে ভূষিত। 2 তিনি  
 আলোর পোশাকে সজ্জিত; তিনি আকাশমণ্ডল তাঁবুর মতো প্রসারিত  
 করেন 3 আর তিনি জলধিতে তাঁর উচ্চকক্ষের কড়িকাঠ স্থাপন করেন।

তিনি মেঘরাশিকে তাঁর রথ করেন আর বায়ুর ডানায় চড়ে ভেসে চলেন। 4 তিনি বায়ুপ্রবাহকে তাঁর দৃত করেন, আগুনের শিখাকে নিজের দাস করেন। 5 তিনি এই জগতকে ভিত্তিমূলের উপর স্থাপন করেন; তা কোনোদিন বিচলিত হবে না। 6 আচ্ছাদনের মতো অতল জলধি দিয়ে তুমি এই জগৎ আবৃত করেছ; জলপ্রবাহ পর্বতগুলির উপর দাঁড়াল। 7 কিন্তু তোমার তিরক্ষারে জলধি পালিয়ে গেল, তোমার গর্জনের শব্দে তা দ্রুত প্রস্থান করল; 8 জলধি পর্বতগুলির উপর দিয়ে প্রবাহিত হল, তা উপত্যকায় নেমে গেল, এবং তার নির্ধারিত স্থান পর্যন্ত পৌঁছাল। 9 তুমি জলধির সীমা স্থির করেছ যা তারা অতিক্রম করতে পারে না; আবার কখনও জলধি জগৎকে আচ্ছন্ন করবে না। 10 তুমি গিরিখাতে ঝরনাকে জল ঢালতে দিয়েছ; পর্বতগুলির মধ্য দিয়ে তা প্রবাহিত হয়। 11 তারা মাঠের সব বন্যপশুকে জল দেয়; বুনো গাধারা নিজেদের তৃষ্ণা মেটায়। 12 আকাশের পাখিরা জলপ্রবাহের ধারে বাসা বানায়; তারা ডালপালার মধ্যে গান করে। 13 তাঁর উচ্চকক্ষ থেকে তিনি পর্বতগুলিকে জল দেন; তাঁর কাজের ফলাফলে দেশ তৃপ্ত হয়। 14 তিনি গবাদি পশুদের জন্য ঘাস, আর মানুষের চামের জন্য চারাগাছ বৃদ্ধি করেন— জমি থেকে খাদ্যদ্রব্য উৎপন্ন করেন: 15 সুরা যা মানুষের হৃদয়কে উৎফুল্ল করে, তেল যা তাদের মুখমণ্ডল উজ্জ্বল করে, এবং খাবার যা মানুষের জীবন বাঁচিয়ে রাখে। 16 সদাপ্রভুর সব গাছপালা পর্যাপ্ত যত্নে আছে, লেবাননের দেবদারুবন যা তিনি লাগিয়েছিলেন। 17 সেখানে পাখিরা তাদের বাসা বানিয়েছে; সারস পাখি চিরসবুজ গাছে বসবাস করছে। 18 উঁচু পর্বতগুলি বুনো ছাগলের দুর্গম পাহাড় খরগোশের আশ্রয়। 19 তিনি ঝুতুর জন্য চাঁদ নির্মাণ করেছেন, আর সূর্য জানে কখন অস্ত যেতে হয়। 20 তুমি অন্ধকার নিয়ে আস, আর রাত্রি হয়, আর জঙ্গলের বন্যজন্মুরা গর্জন করে। 21 সিংহরা তাদের শিকারের জন্য গর্জন করে আর ঈশ্বরের কাছ থেকে তাদের খাবার খোঁজে। 22 সূর্য ওঠে, আর তারা লুকিয়ে পড়ে; তারা ফিরে আসে এবং নিজের গুহাতে শুয়ে পড়ে। 23 তারপর মানুষ তাদের কাজের জন্য বাইরে যায় সেখানে সন্ধ্যা পর্যন্ত পরিশ্রমে রত থাকে।

24 হে সদাপ্রভু, তোমার কাজ কত বিচিত্র! প্রজ্ঞায় তুমি তাদের সব তৈরি করেছ; জগৎ তোমার জীবজন্মতে পূর্ণ। 25 ওই দেখো সুবিশাল, বিস্তীর্ণ জলধি, অগণিত কত প্রাণীতে পরিপূর্ণ— ছোটো ও বড়ো বহু জীব। 26 তার উপর দিয়ে জাহাজ যাতায়াত করে, আর সেখানে খেলার জন্য তুমি লিবিয়াথনদের সৃষ্টি করেছ। 27 উপযুক্ত সময়ে তাদের খাবার পাওয়ার জন্য সব জীবজন্ম তোমার দিকে চেয়ে থাকে। 28 যখন তুমি তাদের খাবার দাও তারা তা সংগ্রহ করে; যখন তুমি তোমার হাত খুলে দাও, তারা উত্তম দ্রব্যে পরিতৃপ্ত হয়। 29 যখন তুমি তোমার মুখ দেকে দাও, তারা আতঙ্কিত হয়; যখন তুমি তাদের শ্বাস নিয়ে নাও, তাদের মৃত্যু হয় আর তারা ধুলোতে ফিরে যায়। 30 যখন তুমি তোমার আত্মা পাঠাও, তারা সৃষ্টি হয়, আর তুমি জগতের মুখমণ্ডল নতুন করে তোলো। 31 সদাপ্রভুর গৌরব চিরকাল স্থায়ী হোক; সদাপ্রভু তাঁর সৃষ্টির কাজে আনন্দিত হোন— 32 তাঁর দৃষ্টিতে জগৎ কেঁপে ওঠে, তাঁর স্পর্শে পর্বতগুলি থেকে ধোঁয়া বের হয়। 33 আমার সারা জীবন আমি সদাপ্রভুর জয়গান করব; আমার শেষ নিঃশ্বাস পর্যন্ত আমি আমার ঈশ্বরের প্রশংসা করব। 34 আমার ধ্যান তাঁর কাছে যেন সুমধুর হয়, কেননা আমি সদাপ্রভুতে উল্লাস করি। 35 পাপীরা সবাই পৃথিবী থেকে বিলুপ্ত হোক আর দুষ্ট চিরকালের জন্য উধাও হোক। হে আমার প্রাণ, সদাপ্রভুর প্রশংসা করো। সদাপ্রভুর প্রশংসা করো।

**105** সদাপ্রভুর প্রশংসা করো, তাঁর নাম ঘোষণা করো; জাতিদের জানাও তিনি কী করেছেন। 2 তাঁর উদ্দেশে গান গাও, তাঁর উদ্দেশে প্রশংসাগীত গাও; তাঁর সুন্দর সুন্দর সব কাজের কথা বলো। 3 তাঁর পবিত্র নামের মহিমা করো; যারা সদাপ্রভুর খোঁজ করে তাদের অন্তর উল্লসিত হোক। 4 সদাপ্রভুর ও তাঁর শক্তির দিকে চেয়ে দেখো; সর্বদা তাঁর শ্রীমুখের খোঁজ করো। 5 মনে রেখো তাঁর করা আশ্চর্য কাজগুলি, তাঁর অলৌকিক কার্যাবলি ও তাঁর ঘোষণা করা শাস্তি, 6 তোমরা তাঁর দাস, হে অব্রাহামের বংশধরেরা, তাঁর মনোনীত লোকেরা, হে যাকোবের সন্তানেরা। 7 তিনিই আমাদের ঈশ্বর সদাপ্রভু; তাঁর বিচার সমগ্র পৃথিবীতে বিরাজমান। 8 তিনি চিরকাল তাঁর নিয়ম মনে

রাখেন, যে প্রতিজ্ঞা তিনি করেছেন, হাজার বৎশ পর্যন্ত, ৭ যে নিয়ম  
তিনি অব্রাহামের সাথে স্থাপন করলেন, যে শপথ তিনি ইস্হাকের  
কাছে করলেন। 10 তা তিনি যাকোবের কাছে এক বিধানস্থলে  
সুনিশ্চিত করলেন, ইস্রায়েলের কাছে করলেন এক চিরস্থায়ী নিয়মস্থলে:  
11 “তোমাকেই আমি সেই কলান দেশ দেব সেটিই হবে তোমার  
উত্তরাধিকারের অংশ।” 12 তারা যখন সংখ্যায় ছিল অতি নগণ্য,  
সত্যিই নগণ্য, ও সেখানে ছিল তারা বিদেশি, 13 তারা এক জাতি  
থেকে অন্য জাতির মধ্যে, এক রাজ্য থেকে অন্য রাজ্যে ঘুরে বেড়ালো।  
14 তিনি কাউকে তাদের উপর অত্যাচার করতে দেননি; তাদের  
সুবিধার্থে তিনি রাজাদের তিরক্ষার করলেন: 15 “আমার অভিযিন্ত  
জনদের স্পর্শ কোরো না; আমার ভাববাদীদের কোনও ক্ষতি কোরো  
না।” 16 তিনি দেশে দুর্ভিক্ষ ডেকে আনলেন আর তাদের খাবারের  
সব জোগান ধ্বংস করলেন; 17 আর তাদের আগে এক ব্যক্তিকে  
পাঠালেন— যোষেফকে ক্রীতদাসস্থলে বিক্রি করা হল। 18 তারা  
শিকল দিয়ে তাঁর পায়ে আঘাত করল, তাঁর ঘাড় লোহাতে আবদ্ধ  
করা হল, 19 যতক্ষণ না পর্যন্ত তার আগাম কথা পূর্ণ হল, যতক্ষণ না  
পর্যন্ত সদাপ্রভুর বাক্য তাঁকে সত্য প্রমাণিত করল। 20 রাজা তাঁকে  
মুক্ত করার জন্য আদেশ দিলেন, আর প্রজাদের শাসক তাঁকে মুক্ত  
করলেন। 21 তিনি তাঁকে নিজের ভবনের প্রধান আর তাঁর সম্পূর্ণ  
সম্পত্তির শাসক করলেন, 22 তার ইচ্ছামতো অধিপতিগণদের আদেশ  
দিতে এবং তার মন্ত্রীদের প্রজ্ঞা শেখাতে। 23 তারপর ইস্রায়েল মিশ্র  
দেশে প্রবেশ করল; হামের দেশে যাকোব বিদেশি হয়ে বসবাস করল।  
24 সদাপ্রভু তাঁর লোকদের অনেক গুণে বৃদ্ধি করলেন; তাঁর বিপক্ষদের  
থেকে তিনি তাদের অনেক বেশি শক্তিশালী করলেন, 25 তারপর  
মিশরীয়দের হন্দয় ইস্রায়েলীদের প্রতি ঘৃণায় পূর্ণ করলেন, আর তারা  
সদাপ্রভুর সেবকদের বিরুদ্ধে ঘড়্যন্ত্র করল। 26 কিন্তু সদাপ্রভু তাঁর  
দাস মোশিকে, আর তাঁর সঙ্গে সেই হারোগকে পাঠালেন, যাঁকে  
তিনি মনোনীত করেছিলেন। 27 তাঁরা মিশরীয়দের মধ্যে অনেক  
চিহ্নকাজ, আর হামের দেশে তাঁর আশৰ্য কাজ দেখালেন। 28 তিনি

অন্ধকার পাঠালেন আর সেই দেশ অন্ধকারাচ্ছন্ন হল— কেননা তারা  
 তাঁর আদেশ অমান্য করেছিল। 29 তিনি তাদের জল রক্তে পরিণত  
 করলেন, তাতে তাদের মাছগুলি মরে গেল। 30 তাদের দেশ ব্যাঞ্জে  
 পূর্ণ হল, যা তাদের শাসকদের শোবার ঘর পর্যন্ত পৌঁছাল। 31 তিনি  
 কথা বললেন, আর বাঁকে বাঁকে মাছি এল, আর সারা দেশ ডাঁশ-  
 মশায় ভর্তি হয়ে গেল। 32 তিনি বৃষ্টির পরিবর্তে তাদের শিলা দিলেন,  
 সারা দেশে নেমে এল বজ্রবিদ্যুৎ; 33 তিনি তাদের দ্রাক্ষালতা আর  
 ডুমুর গাছে আঘাত করলেন আর দেশের সব গাছ ধ্বংস করলেন।  
 34 তিনি কথা বললেন, আর পঙ্গপাল এল, আর অসংখ্য ফড়িং এল;  
 35 তারা দেশের যা কিছু সবুজ ছিল তা খেয়ে ফেলল, আর জমির  
 ফসল গ্রাস করল। 36 তারপর তিনি তাদের দেশের সব প্রথমজাতকে  
 হত্যা করলেন, তাদের পুরুষত্বের প্রথম ফলকে আঘাত করলেন। 37  
 তিনি ইস্রায়েলকে মিশর দেশ থেকে বের করে আনলেন, তাদের সঙ্গে  
 এল প্রচুর রংপো আর সোনা, আর তাদের গোষ্ঠীদের মধ্যে একজনও  
 হেঁচট খেল না। 38 যখন তারা চলে গেল তখন মিশর আনন্দ করল,  
 কেননা ইস্রায়েলের ত্রাস মিশরের উপর নেমে এসেছিল। 39 তিনি  
 আবরণের মতো মেঘ ছাড়িয়ে দিলেন, আর রাতে আলো দেওয়ার জন্য  
 আগুন দিলেন। 40 তারা মাংস চাইল, আর তিনি তাদের ভারতী পাখি  
 দিলেন; স্বর্গের ঝটি দিয়ে তাদের তৃপ্ত করলেন। 41 তিনি শৈল খুলে  
 দিলেন আর জল বেরিয়ে এল; মরহুমিতে নদীর মতো তা প্রবাহিত  
 হল। 42 কেননা তাঁর দাস অব্রাহামের প্রতি দেওয়া পবিত্র প্রতিশ্রুতি  
 তিনি মনে রাখলেন। 43 নিজের প্রজাদের আনন্দের সাথে আর তাঁর  
 মনোনীতদের আনন্দধ্বনির সাথে বের করে আনলেন; 44 তিনি তাদের  
 অইভুদিদের জমি দিলেন, আর অন্যরা যা বপন করেছিল তারা সেই  
 ফসল পেল— 45 যেন তারা তাঁর অনুশাসন পালন করে এবং তাঁর  
 বিধিনিয়ম মেনে চলে। সদাপ্রভুর প্রশংসা করো।

**106** সদাপ্রভুর প্রশংসা করো। সদাপ্রভুর ধন্যবাদ করো, কারণ  
 তিনি মঙ্গলময়; তাঁর দয়া অনন্তকালস্থায়ী। 2 কে সদাপ্রভুর পরাক্রমী  
 কাজকর্ম প্রচার করতে পারে অথবা তাঁর প্রশংসা সম্পূর্ণ ঘোষণা করতে

পারে? ৩ ধন্য তারা, যারা ন্যায় কাজ করে, এবং যা সঠিক তা সর্বদা  
পালন করে। ৪ আমাকে মনে রেখো, হে সদাপ্রভু, যখন তুমি তোমার  
প্রজাদের উপর অনুগ্রহ করো, যখন তুমি তাদের রক্ষা করো, আমাকে  
সাহায্য করো, ৫ যেন আমি তোমার মনোনীতদের সমৃদ্ধি দেখতে  
পাই, যেন তোমার জাতির আনন্দে অংশীদার হতে পারি এবং তোমার  
অধিকারের সঙ্গে যোগ দিয়ে ধন্যবাদ দিতে পারি। ৬ আমরা পাপ  
করেছি, যেমন আমাদের পূর্বপুরুষেরাও করেছে; আমরা অপরাধ  
করেছি এবং অধর্মাচরণ করেছি। ৭ আমাদের পূর্বপুরুষেরা যখন  
মিশ্রে ছিল, তারা তোমার আশৰ্য কাজগুলি বিবেচনা করেনি, তারা  
তোমার অপার দয়ার কথা মনে রাখেনি, বরং সাগরের তীরে, লোহিত  
সাগরের তীরে, তারা বিদ্রোহী হয়েছিল। ৮ তবুও তাঁর নামের গুণে  
এবং তাঁর মহাপ্রাক্রম প্রকাশ করার উদ্দেশে, তিনি তাদের রক্ষা  
করেছিলেন। ৯ তিনি লোহিত সাগরকে তিরক্ষার করলেন আর তা  
শুকিয়ে গেল; মরণভূমির মতো সমুদ্রতলের মধ্য দিয়ে তিনি তাদের  
নিয়ে গেলেন। ১০ তিনি বিপক্ষদের কবল থেকে তাদের রক্ষা করলেন;  
শক্রদের হাত থেকে তিনি তাদের মুক্ত করলেন। ১১ জলধিষ্ঠোত  
তাদের প্রতিপক্ষদের গ্রাস করল একজনও বেঁচে রইল না। ১২ তখন  
তারা তাঁর প্রতিশ্রুতিতে বিশ্বাস করল এবং তাঁর প্রশংসা করল। ১৩  
কিন্তু তারা অবিলম্বে তাঁর কাজগুলি ভুলে গেল, এবং তাঁর সুমন্ত্বণার  
অপেক্ষাতেও রইল না। ১৪ মরণভূমিতে তারা তাদের আকাঙ্ক্ষায়  
আসক্ত হল; মরণপ্রাপ্তরে তারা ঈশ্বরের পরীক্ষা করল। ১৫ তাই তিনি  
তাদের প্রার্থিত বন্ধু দিলেন, কিন্তু তার সঙ্গে তাদের মধ্যে ক্ষয়রোগ  
পাঠালেন। ১৬ তারা শিবিরের মধ্যে মোশির প্রতি আর সদাপ্রভুর পবিত্র  
লোক হারোণের প্রতি ঈর্ষা করল। ১৭ পৃথিবী বিভক্ত হয়ে দাথনকে  
গ্রাস করল; অবীরাম ও তার দলবলকে সমাধিস্থ করল। ১৮ তাদের  
অনুসরণকারীদের মাঝে আগুন জ্বলে উঠল; আগুনের শিখা দুষ্টদের  
দন্ধ করল। ১৯ সীনয় পর্বতে তারা এক বাহুর নির্মাণ করল এবং ধাতু  
নির্মিত সেই মূর্তির আরাধনা করল। ২০ এভাবে তারা তাদের গৌরবের  
ঈশ্বরের সাথে তৃণভোজী এক বলদের প্রতিমা বিনিময় করল। ২১ যে

ঈশ্বর তাদের রক্ষা করেছিলেন তারা তাঁকে ভুলে গেল, যিনি মিশরে  
মহান কাজ করেছিলেন, 22 হামের দেশে বিভিন্ন আশ্চর্য কাজ, আর  
গোহিত সাগরতীরে ভয়াবহ কাজকর্ম করেছিলেন, 23 তাই তিনি  
বললেন যে তিনি তাদের ধ্বংস করবেন; কিন্তু মোশি, তাঁর মনোনীত  
সেবক, সদাপ্রভু ও তাঁর লোকেদের মাঝে দাঁড়ালেন, তিনি তাঁর  
কাছে প্রার্থনা করলেন যেন তিনি তাঁর ক্রোধ থেকে মুখ ফেরান এবং  
তাদের ধ্বংস না করেন। 24 এরপর তারা সেই মনোরম দেশটিকে  
তুচ্ছ করল; তারা তাঁর প্রতিশ্রূতিতে বিশ্বাস করল না। 25 নিজেদের  
তাঁবুতে তারা অভিযোগ জানালো, আর সদাপ্রভুর আদেশ পালন  
করল না। 26 তাই তিনি তাদের বিরুদ্ধে হাত তুলে শপথ করলেন,  
যে তিনি তাদের মরণপ্রাপ্তরে বিনাশ করবেন, 27 যে তিনি তাদের  
বংশধরদের বিভিন্ন জাতির মধ্যে বিক্ষিপ্ত করবেন, এবং তাদের বিভিন্ন  
দেশে ছড়িয়ে দেবেন। 28 তারপর তারা পিয়োরের বায়াল-দেবতার  
আরাধনায় যুক্ত হল এবং প্রাণহীন দেবতাদের প্রতি নিবেদিত বলি  
ভোজন করল; 29 তাদের সব অনাচারে তারা সদাপ্রভুর ক্রোধ প্রজ্বলিত  
করল, আর তাদের মধ্যে এক মহামারি নেমে এল। 30 তখন পীনহস  
উঠে দাঁড়িয়ে মধ্যস্থতা করলেন, আর মহামারি বন্ধ হল। 31 এই কাজ  
তাঁর পক্ষে ধার্মিকতা বলে পুরুষানুক্রমে চিরকালের জন্য গণ্য হল। 32  
মরীচির জলস্ত্রোতের কাছে তারা সদাপ্রভুকে ক্রুদ্ধ করল, আর তাদেরই  
জন্য মোশির বিপদ ঘটল; 33 কেননা তারা ঈশ্বরের আত্মার বিরুদ্ধে  
বিদ্রোহ করল, আর তাই বেপরোয়া কথা মোশির মুখে উচ্চারিত হল।  
34 তারা জাতিদের বিনষ্ট করল না যেমন সদাপ্রভু তাদের আদেশ  
দিয়েছিলেন, 35 বরং তারা অন্যান্য জাতিদের সঙ্গে মিলেমিশে গেল  
আর তাদের রীতিনীতি গ্রহণ করল। 36 তাদের প্রতিমাণ্ডলির আরাধনা  
করল, আর সেইসব তাদের ফাঁদ হয়ে উঠল। 37 এমনকি তারা  
তাদের ছেলেমেয়েদের মিথ্যা দেবতাদের উদ্দেশে বলি দিল। 38 তারা  
নির্দোষের রক্তপাত করল, নিজেদের ছেলেমেয়েদের রক্ত, যাদের  
তারা কনান দেশের প্রতিমাদের উদ্দেশে বলি দিল, আর তাদের রক্তে  
সারা দেশ কল্পিত হল। 39 আপন কর্মের ফলে তারা নিজেদের অশুচি

করল, নিজেদের ক্রিয়াকলাপে তারা ব্যভিচারী হল। 40 তাই সদাপ্রভু নিজের প্রজাদের উপর ক্রুদ্ধ হলেন তিনি নিজের অধিকারকে ঘৃণা করলেন। 41 তাদের তিনি জাতিদের হাতে সমর্পণ করলেন, এবং তাদের বিপক্ষরা তাদের উপর শাসন করল। 42 তাদের শক্ররা তাদের উপর অত্যাচার করল এবং তাদের শক্রদের শক্তির সামনে তারা নত হল। 43 বহুবার তিনি তাদের উদ্ধার করলেন, কিন্তু তারা স্বেচ্ছায় তাঁর বিরক্তে বিদ্রোহী হল, আর শেষে তারা নিজেদের পাপে ধ্বংস হল। 44 কিন্তু যখন তিনি তাদের কান্না শুনলেন, তিনি তাদের দুর্দশার প্রতি দৃষ্টিপাত করলেন; 45 তাদের সুবিধার্থে তিনি নিজের নিয়ম স্মারণ করলেন এবং তাঁর মহান প্রেমের কারণে তিনি নরম হলেন। 46 যারা তাদের দাসত্বে বন্দি করেছিল, তিনি তাদের অন্তরে করণার সঞ্চার করলেন। 47 হে সদাপ্রভু, আমাদের ঈশ্বর, আমাদের রক্ষা করো, জাতিদের মধ্য থেকে আমাদের একত্রিত করো, যেন আমরা তোমার পবিত্র নামের ধন্যবাদ করতে পারি, এবং তোমার প্রশংসায় মহিমা করতে পারি। 48 ইসায়েলের ঈশ্বর, সদাপ্রভুর প্রশংসা হোক, অনাদিকাল থেকে অনন্তকাল পর্যন্ত, সব লোকজন বলুক, “আমেন!”

সদাপ্রভুর প্রশংসা হোক।

**107** সদাপ্রভুর উদ্দেশে ধন্যবাদ করো, কারণ তিনি মঙ্গলময়; তাঁর দয়া অনন্তকালস্থায়ী। 2 যারা সদাপ্রভু দ্বারা মুক্ত হয়েছে তারা একথা বলুক— যাদের তিনি শক্রদের হাত থেকে মুক্ত করেছেন, 3 পূর্ব ও পশ্চিম থেকে, উত্তর ও দক্ষিণ থেকে, যাদের তিনি অন্যান্য দেশ থেকে সংগ্রহ করেছেন। 4 তারা বসবাস করার জন্য নগরের সন্ধান না পেয়ে মরণপ্রাপ্তরের নির্জন পথে ঘূরে বেড়ালো। 5 তারা ক্ষুধিত আর তৃক্ষার্ত হল, আর তাদের জীবন প্রায় শেষ হয়েছিল। 6 তখন তাদের কঠে তারা সদাপ্রভুর কাছে কেঁদে উঠল, এবং তিনি তাদের দুর্দশা থেকে উদ্ধার করলেন। 7 সোজা পথে তিনি তাদের এক নগরীর দিকে এগিয়ে নিয়ে গেলেন যেখানে তারা বসবাস করতে পারে। 8 তাঁর অবিচল প্রেম এবং মানুষের প্রতি তাঁর আশ্চর্য কাজকর্মের জন্য, তারা সদাপ্রভুকে ধন্যবাদ দিক। 9 কেননা তিনি তৃক্ষার্তকে তৃপ্ত করেন এবং ক্ষুধার্তকে উত্তম দ্রব্য

দিয়ে পূর্ণ করেন। 10 লোকেরা অন্ধকারে আর মৃত্যুছায়ায় বসেছিল, দুর্দশার লোহার শিকলে বন্দি ছিল, 11 কারণ তারা ঈশ্বরের আদেশের বিরুদ্ধে বিদ্রোহ করেছিল আর পরাম্পরের পরিকল্পনা অবমাননা করেছিল। 12 তাই তিনি তাদের তিক্ত পরিশমের অধীন করেছিলেন; তাদের পতন হল, আর তাদের সাহায্য করার কেউ ছিল না। 13 তখন তাদের কষ্টে তারা সদাপ্রভুর কাছে কেঁদে উঠল, এবং তিনি তাদের দুর্দশা থেকে রক্ষা করলেন। 14 তিনি অন্ধকার ও মৃত্যুছায়া থেকে তাদের বের করলেন, এবং তাদের শিকল ভেঙে দিলেন। 15 তাঁর অবিচল প্রেম এবং মানুষের প্রতি তাঁর আশ্চর্য কাজকর্মের জন্য, তারা সদাপ্রভুকে ধন্যবাদ দিক, 16 কারণ তিনি পিতলের দরজা ভেঙে দেন এবং লোহার খিল দু-ভাগ করেন। 17 কেউ কেউ তাদের বিদ্রোহী ব্যবহারে মূর্খ হয়ে উঠল আর তাদের অপরাধের কারণে কষ্টভোগ করল। 18 তারা খাদ্যদ্রব্য ঘৃণা করল আর মৃত্যুর দরজা পর্যন্ত পৌঁছাল। 19 তখন তাদের কষ্টে তারা সদাপ্রভুর কাছে কেঁদে উঠল, এবং তিনি তাদের দুর্দশা থেকে রক্ষা করলেন। 20 তিনি তাঁর বাক্য পাঠিয়ে তাদের সুস্থ করলেন; তিনি মৃত্যুর কবল থেকে তাদের উদ্ধার করলেন। 21 তাঁর অবিচল প্রেম এবং মানুষের প্রতি তাঁর আশ্চর্য কাজকর্মের জন্য, তারা সদাপ্রভুকে ধন্যবাদ দিক। 22 তারা ধন্যবাদের নৈবেদ্য উৎসর্গ করুক এবং আনন্দের গানে তাঁর ত্রিয়াকলাপ বলুক। 23 কেউ কেউ জাহাজে করে সমুদ্রযাত্রা করল; তারা মহা জলধিতে ব্যবসা করল। 24 তারা সদাপ্রভুর কাজগুলি দেখল, গভীর জলরাশিতে তাঁর আশ্চর্য কাজগুলি দেখল। 25 তিনি কথা বললেন আর প্রচণ্ড ঝড় উঠল যা টেউ জাগিয়ে তুলল। 26 যা আকাশমণ্ডল পর্যন্ত উঠল আর অতল পর্যন্ত নেমে এল; বিপদে তাদের সাহস ক্ষয় হল। 27 মাতালের মতো তারা ঘুরপাক খেলো আর টলতে থাকল; তাদের বুদ্ধি বিলুপ্ত হল। 28 তখন তাদের কষ্টে তারা সদাপ্রভুর কাছে কেঁদে উঠল, এবং তিনি তাদের দুর্দশা থেকে রক্ষা করলেন। 29 তাঁর আদেশে ঝড় শান্ত হল; সমুদ্রের টেউ নিষ্ঠন্ত হল। 30 যখন তা শান্ত হল তখন তারা আনন্দ করল, এবং তিনি তাদের আশ্রয়স্থল পর্যন্ত পথ দেখালেন। 31 তাঁর অবিচল প্রেম এবং

মানুষের প্রতি তাঁর আশ্চর্য কাজকর্মের জন্য, তারা সদাপ্রভুকে ধন্যবাদ দিক। 32 তারা লোকেদের সমাবেশে তাঁকে গৌরবান্বিত করুক এবং প্রবীণদের পরিমন্ডে তাঁর প্রশংসা করুক। 33 তিনি নদীকে মরংভূমিতে, প্রবাহমান নদীকে শুক্ষ-ভূমিতে পরিণত করেন, 34 আর ফলবান দেশকে লবণ প্রান্তর করেন, সেখানকার নিবাসীদের দুষ্টতার কারণে। 35 মরংভূমিকে তিনি জলাশয়ে আর শুকনো জমিকে জলপ্রবাহে পরিণত করেন; 36 সেখানে তিনি ক্ষুধার্তদের বসবাস করার জন্য নিয়ে এলেন, এবং তারা এক নগর স্থাপন করল আর সেখানে তারা বসবাস করল। 37 তারা মাঠে বীজবপন করল আর দ্রাক্ষাক্ষেত্র রোপণ করল যা প্রচুর ফসল উৎপন্ন করল; 38 তিনি তাদের আশীর্বাদ করলেন আর তাদের সংখ্যা প্রচুর বৃদ্ধি পেল, আর তিনি তাদের পঞ্চাল কর্মতে দিলেন না। 39 তারপর তাদের সংখ্যা হ্রাস পেল এবং নির্যাতন, বিপদ এবং দুঃখে তারা অবনত হল; 40 যিনি বিশিষ্টদের উপরে অবজ্ঞা দেলে দেন তিনি তাদের দিশাহীন প্রান্তরে ভ্রমণ করালেন। 41 কিন্তু তিনি অভাবীদের কষ্ট থেকে বের করলেন আর তাদের পরিবারগুলিকে মেষপালের মতো বৃদ্ধি করলেন। 42 যারা ন্যায়পরায়ণ তারা দেখে আর আনন্দ করে, কিন্তু দুষ্টেরা সবাই তাদের মুখ বন্ধ করে। 43 যে জ্ঞানী সে এই সবে মনোযোগ দিক আর সদাপ্রভুর প্রেমময় কাজ বিবেচনা করুক।

**108** দাউদের সংগীত। হে ঈশ্বর, আমার হৃদয় তোমাতে অবিচল; আমি আমার সমস্ত প্রাণ দিয়ে গান গাইব ও সংগীত রচনা করব। 2 জেগে ওঠো, বীণা ও সুরবাহার! আমি প্রভুমকে জাগিয়ে তুলব। 3 হে সদাপ্রভু, জাতিদের মাঝে আমি তোমার প্রশংসা করব; লোকেদের মাঝে আমি তোমার স্তব করব। 4 কারণ তোমার অবিচল প্রেম আকাশমণ্ডলের উর্ধ্বে; তোমার বিশৃঙ্খলা গগনচুম্বী। 5 হে ঈশ্বর, আকাশমণ্ডলের উর্ধ্বে গৌরবান্বিত হও; তোমার মহিমা সারা পৃথিবীতে ব্যাপ্ত হোক। 6 তোমার ডান হাত দিয়ে ভূমি আমাদের রক্ষা করো ও সাহায্য করো, যেন তারা উদ্ধার পায় যাদের ভূমি ভালোবাসো। 7 ঈশ্বর তাঁর পবিত্রস্থান থেকে কথা বলেছেন: “জয়ধ্বনিতে আমি শিখিম বিভক্ত করব, সুক্ষেত্রের উপত্যকা আমি পরিমাপ করে দেব। 8 গিলিয়দ

আমার, মনঃশিও আমার; ইফ্রয়িম আমার শিরস্ত্রাণ, যিহুদা আমার  
রাজদণ্ড। ৭ মোয়াব আমার হাত ধোয়ার পাত্র, ইদোমের উপরে আমি  
আমার চটি নিক্ষেপ করব; ফিলিস্তিয়ার উপরে আমি জয়ধ্বনি করব।”  
১০ কে আমাকে সুরক্ষিত নগরের মধ্যে নিয়ে যাবে? কে ইদোম পর্যন্ত  
আমাকে পথ দেখাবে? ১১ হে ঈশ্বর, তুমি কি আমাদের ত্যাগ করেছ?  
তুমি কি আমাদের সৈন্যদলের সাথে আর যাবে না? ১২ আমাদের  
শক্রদের বিরুদ্ধে সাহায্য করো, কারণ মানুষের সাহায্য নিষ্কল। ১৩  
ঈশ্বরের সাথে আমরা জয়লাভ করব, এবং তিনি আমাদের শক্রদের  
পদদলিত করবেন।

**109** সংগীত পরিচালকের জন্য। দাউদের গীত। আমার ঈশ্বর,  
আমার প্রশংসার পাত্র, নীরব থেকো না, ২ দেখো, যারা দুষ্ট ও প্রতারক  
তারা আমার বিরুদ্ধে মুখ খুলেছে; ওদের মিথ্যাবাদী জিভ দিয়ে আমার  
বিরুদ্ধে কথা বলেছে। ৩ ঘৃণার বাক্য দিয়ে তারা আমাকে ঘিরে  
ফেলেছে; অকারণে তারা আমাকে আক্রমণ করে। ৪ আমার বন্ধুত্বের  
বিনিময়ে তারা আমাকে অভিযুক্ত করেছে, কিন্তু আমি প্রার্থনায় রত  
থেকেছি। ৫ তারা আমার উপকারের পরিবর্তে অপকার, এবং আমার  
বন্ধুত্বের বিনিময়ে ঘৃণা করেছে। ৬ আমার শক্র বিরুদ্ধে একজন  
দুষ্টকে নিয়োগ করো; একজন অভিযোগকারী তার ডানদিকে দাঁড়িয়ে  
থাকুক। ৭ বিচারে সে যেন দোষী সাব্যস্ত হয়, আর তার প্রার্থনা পাপের  
তুল্য গণ্য হোক। ৮ তার জীবনের আয়ু যেন স্বল্প হয়; অন্য কেউ যেন  
তার নেতৃত্বের পদে নিযুক্ত হয়। ৯ তার সন্তানেরা পিতৃহীন হোক আর  
তার স্ত্রী বিধবা হোক। ১০ তার সন্তানেরা ঘুরে বেড়ানো ভিখারি হোক;  
তাদের ভাঙ্গ ঘর থেকে তারা বিতাড়িত হোক। ১১ এক পাঞ্জাদার তার  
সর্বস্ব কেড়ে নিক, অচেনা লোকেরা তার শ্রমের ফল লুট করে নিক। ১২  
কেউ যেন তার প্রতি দয়া না করে, অথবা তার পিতৃহীন ছেলেমেয়েদের  
প্রতি কৃপা না করে। ১৩ তার উত্তরপুরুষদের যেন মৃত্যু হয়, আগামী  
প্রজন্ম থেকে যেন তাদের নাম মুছে যায়। ১৪ সদাপ্রভু যেন তার  
পূর্বপুরুষদের অপরাধ স্মারণে রাখেন; তার মায়ের পাপ যেন কখনও  
মুছে না যায়। ১৫ সদাপ্রভু যেন তাদের সব পাপ সর্বদা স্মারণে রাখেন,

যেন তিনি তাদের নাম পৃথিবী থেকে যুবে দেন। 16 কেন্দ্রা সে অপরের  
প্রতি দয়া দেখাতে অস্বীকার করেছিল, এবং দরিদ্র, অভাবী এবং  
ভগ্নহৃদয়কে মৃত্যুর দিকে চালিত করেছিল। 17 সে অভিশাপ দিতে  
ভালোবাসত— তা যেন তার দিকেই ফিরে আসে। আশীর্বাদ দানে তার  
ইচ্ছা ছিল না— তা যেন তার কাছ থেকে দূরে থাকে। 18 অভিশাপ সে  
নিজের পোশাকের মতো পরেছিল; তা জলের মতো তার শরীরে আর  
তেলের মতো তার হাড়গোড়ে প্রবেশ করেছিল। 19 তার অভিশাপ  
তার পরনের পোশাকের মতো হোক, কোমরবন্ধের মতো তার দেহে  
চিরকাল জড়ানো হোক। 20 সেই অভিশাপ সদাপ্রভুর প্রতিফল হোক,  
আমার অভিযোগকারীদের প্রতি হোক যারা আমার সম্বন্ধে মন্দ কথা  
বলে। 21 কিন্তু তুমি, হে সার্বভৌম সদাপ্রভু, তোমার নামের গুণে  
আমাকে সাহায্য করো, তোমার প্রেমের মহিমায় আমাকে উদ্ধার করো।  
22 কারণ আমি দরিদ্র ও অভাবী, এবং আমার হৃদয় ঘায়েল হয়েছে। 23  
সাক্ষ্য ছায়ার মতো আমি বিলীন হয়ে যাই; পঙ্গপালের মতো আমাকে  
দূর করা হয়। 24 উপবাসে আমার হাঁটু দুর্বল হয়েছে, আমার দেহ শীর্ণ  
ও শুষ্ক হয়েছে। 25 আমার অভিযোগকারীদের কাছে আমি অবজ্ঞার  
পাত্র হয়েছি; যখন তারা আমাকে দেখে তখন তারা ঘৃণায় মাথা নাড়ায়।  
26 হে সদাপ্রভু, আমার ঈশ্বর, আমাকে সাহায্য করো; তোমার অবিচল  
প্রেমের গুণে আমাকে উদ্ধার করো। 27 যেন তারা জানতে পারে যে, এ  
তোমার হাতের কাজ, তুমিই, হে সদাপ্রভু, এসব করেছ। 28 তারা  
অভিশাপ দিক, কিন্তু তুমি আশীর্বাদ দিয়ো; যারা আমাকে আক্রমণ  
করে, তারা যেন লজ্জায় পড়ে, কিন্তু তোমার দাস আনন্দ করুক। 29  
আমার অভিযোগকারীরা অপমানে আবৃত হোক, এবং আলখাল্লার  
মতো লজ্জায় আচ্ছাদিত হোক। 30 আমার মুখ দিয়ে আমি সদাপ্রভুর  
উচ্চপ্রশংসা করব; আরাধনাকারীদের মহাসভায় আমি তোমার প্রশংসা  
করব। 31 কারণ যারা দরিদ্রদের শান্তি দিতে উদ্যত তাদের কবল  
থেকে রক্ষা করার উদ্দেশে তিনি দরিদ্রদের ডানদিকে দাঁড়িয়ে আছেন।

**110** দাউদের গীত। সদাপ্রভু আমার প্রভুকে বলেন: “যতক্ষণ না  
আমি তোমার শক্তদের, তোমার পাদপীঠ করি তুমি আমার ডানদিকে

বসো।” 2 সদাপ্রভু জেরক্ষালেম থেকে তোমার শক্তিশালী রাজ্য বিস্তার করবেন; আর তুমি তোমার শক্তিদের উপর রাজত্ব করবে। 3 যখন তুমি যুদ্ধে যাবে, তোমার লোকেরা স্বেচ্ছায় তোমার সেবা করবে। তুমি পবিত্র পোশাকে সজ্জিত হবে, আর ভোরের শিশিরের মতো তোমার শক্তি প্রতিদিন নতুন হবে। 4 সদাপ্রভু শপথ করেছেন, আর তিনি মন পরিবর্তন করবেন না: “মঙ্কীষেদকের রীতি অনুযায়ী, তুমি চিরকালীন যাজক।” 5 প্রভু তোমার ডানদিকে আছেন; তিনি তাঁর ক্ষেত্রের দিনে রাজাদের চূর্ণ করবেন। 6 তিনি জাতিদের বিচার করবেন, আর শবদেহ দিয়ে দেশ পূর্ণ করবেন, এবং সমস্ত পৃথিবীর শাসকদের চূর্ণ করবেন। 7 তিনি পথের মধ্যে স্নোতের জলপান করবেন, এবং বিজয়ের কারণে তিনি উর্ধ্বে মাথা তুলবেন।

**111** সদাপ্রভুর প্রশংসা করো। ন্যায়পরায়ণ লোকেদের সমাবেশে ও মণ্ডলীতে সমস্ত হৃদয় দিয়ে আমি তোমার স্তব করব। 2 সদাপ্রভুর কাজগুলি মহান; যারা সেসবে আমোদ করে তারা সেগুলি বিবেচনা করে। 3 তাঁর কাজকর্ম কত গৌরবান্বিত ও মহিমাময়, আর তাঁর ধার্মিকতা চিরস্থায়ী। 4 তিনি তাঁর আশ্চর্য কাজগুলি স্মরণীয় করেছেন; সদাপ্রভু কৃপাময় ও মেহশীল। 5 যারা তাঁকে সন্তুষ্ট করে তিনি তাদের আহার দেন; তিনি তাঁর নিয়ম চিরকাল স্মরণে রাখেন। 6 অন্যান্য জাতিদের দেশ তাদের দান করে তিনি তাঁর কর্মের পরাক্রম তাঁর প্রজাদের কাছে প্রকাশ করেছেন। 7 তাঁর হাতের কাজগুলি বিশ্বস্ত ও ন্যায়পরায়ণ; তাঁর সব অনুশাসন নির্ভরযোগ্য। 8 সেগুলি চিরকালের জন্য প্রতিষ্ঠিত, যা বিশ্বস্ততায় ও ন্যায়পরায়ণতায় রচিত হয়েছে। 9 তিনি তাঁর লোকেদের মুক্তি দিয়েছেন; তিনি চিরতরে নিজের নিয়ম স্থির করেছেন, তাঁর নাম পবিত্র ও ভয়াবহ। 10 সদাপ্রভুর ভয় প্রজ্ঞার আরস্ত; যারা তাঁর অনুশাসন মান্য করে, তাদের ভালো বোধশক্তি আছে। তাঁর প্রশংসা নিত্যস্থায়ী।

**112** সদাপ্রভুর প্রশংসা করো। ধন্য সেই ব্যক্তি, যে সদাপ্রভুকে সন্তুষ্ট করে, যে তাঁর আজ্ঞা পালনে মহা আনন্দ পায়। 2 তাদের সন্তানসন্ততিরা এ জগতে শক্তিশালী হবে, ন্যায়পরায়ণদের প্রজন্ম ধন্য

হবে। ৩ ধনসম্পদ ও ঐশ্বর্য তার গৃহে আছে, এবং তার ধার্মিকতা চিরস্থায়ী হয়। ৪ ন্যায়পরায়ণের জন্য অঙ্ককারের মাঝে আলো উদয় হয়, সে কৃপাময়, মেহশীল ও ধার্মিক। ৫ যে উদার ও মুক্তহস্তে দান করে, তার মঙ্গল হবে, সে নিজের বিষয়গুলি ন্যায়ের সঙ্গে নিষ্পত্তি করে। ৬ নিশ্চয় সে কখনও বিচলিত হবে না; কিন্তু ধার্মিককে চিরকাল মনে রাখা হবে। ৭ অশুভ সংবাদে সে ভয় করবে না; তার হৃদয় অবিচল, তা সদাপ্রভুতে আস্থা রাখে। ৮ তার হৃদয় সুস্থির, সে ভয় করবে না; অবশেষে সে বিজয়ীর মতো তার শক্রদের দিকে তাকাবে। ৯ সে অবাধে দরিদ্রদের মাঝে দান বিতরণ করেছে, তার ধার্মিকতা চিরস্থায়ী; তার শিং গৌরবে উন্নত হবে। ১০ দুষ্টলোক এসব দেখবে আর উন্তক্ত হবে, সে ক্রোধে দন্তঘর্ষণ করবে আর নিঃশেষ হবে; দুষ্টদের আকাঙ্ক্ষা বিনষ্ট হবে।

**113** সদাপ্রভুর প্রশংসা করো। তোমরা যারা তাঁর ভক্তদাস, সদাপ্রভুর প্রশংসা করো; ২ এখন ও অনন্তকাল, সদাপ্রভুর নামের প্রশংসা হোক। ৩ সূর্যের উদয়স্থান থেকে অঙ্গস্থান পর্যন্ত সদাপ্রভুর নামের প্রশংসা হোক। ৪ সদাপ্রভু সব জাতির উর্ধ্বে, এবং তাঁর মহিমা আকাশমণ্ডলের উর্ধ্বে গৌরবান্বিত। ৫ আমাদের ঈশ্বর সদাপ্রভু, যিনি উর্ধ্বে সিংহাসনে অধিষ্ঠিত, তাঁর সঙ্গে কার তুলনা হয়! ৬ তিনি আকাশমণ্ডল ও পৃথিবীর দিকে অবনত হয়ে দৃষ্টিপাত করেন। ৭ তিনি ধূলো থেকে দরিদ্রদের তোলেন, আর ছাইয়ের স্তূপ থেকে অভাবীদের ওঠান; ৮ তিনি তাদের অধিপতিদের সঙ্গে, এমনকি তাঁর ভক্তদের অধিপতিদের সঙ্গে বসান। ৯ তিনি নিঃসন্তান মহিলাকে এক পরিবার দেন, তাকে ছেলেমেয়েদের সুখী মা করেন। সদাপ্রভুর প্রশংসা হোক।

**114** ইস্রায়েল যখন মিশর ছেড়ে বের হয়ে এল, যাকোবের গোষ্ঠী পরভায়ী লোকদের ছেড়ে, ২ যিহুদা ঈশ্বরের পবিত্রস্থান হয়ে উঠল, আর ইস্রায়েল হল তাঁর আধিপত্য। ৩ সমুদ্র দেখল আর পালিয়ে গেল, জর্ডন পিছু ফিরল; ৪ পর্বতমালা মেঘের মতো, পাহাড়গুলি মেষশাবকের মতো লাফিয়ে উঠল। ৫ হে সমুদ্র, কেন তুমি পালিয়ে গেলে? হে জর্ডন, কেন তুমি পিছু ফিরলে? ৬ হে পর্বতমালা, কেন তোমরা মেঘের মতো,

তোমরা পাহাড়গুলি, মেষশাবকের মতো লাফিয়ে উঠলে? ৭ হে পৃথিবী,  
প্রভুর সামনে, আর যাকোবের ঈশ্বরের সামনে কম্পিত হও। ৮ তিনি  
শৈলকে জলাশয়ে, কঠিন শৈলকে জলের উৎসে পরিণত করলেন।

**115** আমাদের নয়, হে সদাপ্রভু, আমাদের নয়, কিন্তু তোমারই নাম  
গৌরবান্বিত করো, তোমার প্রেম ও বিশ্বস্তার কারণে। ২ জাতিরা  
কেন বলে, “তাদের ঈশ্বর কোথায়?” ৩ আমাদের ঈশ্বর স্বর্গে আছেন;  
তিনি তাঁর ইচ্ছামতোই কাজ করেন। ৪ কিন্তু তাদের প্রতিমাগুলি রংপো  
ও সোনা দিয়ে তৈরি, মানুষের হাতে গড়া। ৫ তাদের মুখ আছে, কিন্তু  
তারা কথা বলতে পারে না, চোখ আছে, কিন্তু তারা দেখতে পায় না। ৬  
তাদের কান আছে, কিন্তু তারা শুনতে পায় না, নাক আছে, কিন্তু তারা  
গন্ধ পায় না। ৭ হাত আছে, কিন্তু তারা অনুভব করতে পারে না, পা  
আছে, কিন্তু তারা চলতে পারে না, এমনকি তারা মুখ দিয়ে একটি  
শব্দও উচ্চারণ করতে পারে না। ৮ যারা প্রতিমা তৈরি করে তারা  
তাদের মতোই হবে, আর যারা সেগুলির উপর আঙ্গা রাখে তারা ও  
তেমনই হবে। ৯ হে ইস্রায়েল, সদাপ্রভুর উপর আঙ্গা রাখো— তিনি  
তাদের সহায় ও ঢাল। ১০ হে হারোগের কুল, সদাপ্রভুর উপর আঙ্গা  
রাখো— তিনি তাদের সহায় ও ঢাল। ১১ তোমরা যারা তাঁকে সম্ম্রম  
করো, সদাপ্রভুর উপর আঙ্গা রাখো— তিনি তাদের সহায় ও ঢাল। ১২  
সদাপ্রভু আমাদের মনে রাখেন আর আমাদের আশীর্বাদ করবেন:  
তিনি তাঁর ইস্রায়েল কুলকে আশীর্বাদ করবেন, তিনি হারোগের কুলকে  
আশীর্বাদ করবেন, ১৩ তিনি তাদের আশীর্বাদ করবেন যারা সদাপ্রভুকে  
সম্ম্রম করে— ক্ষুদ্র বা মহান সবাইকে করবেন। ১৪ সদাপ্রভু তোমাদের  
সমৃদ্ধি করুন, তোমাদের ও তোমাদের ছেলেমেয়েদের প্রতি। ১৫  
তোমরা সদাপ্রভুর আশীর্বাদপ্রাপ্ত, তিনি স্বর্গ ও পৃথিবীর সৃষ্টিকর্তা। ১৬  
সর্বোচ্চ আকাশমণ্ডল সদাপ্রভুর, কিন্তু তিনি এই পৃথিবী মানুষের হাতে  
তুলে দিয়েছেন। ১৭ যারা মৃত, যারা নীরবতার স্থানে নেমেছে তারা  
সদাপ্রভুর প্রশংসা করে না। ১৮ কিন্তু আমরা সদাপ্রভুর উচ্চপ্রশংসা  
করব, এখন ও অনন্তকাল পর্যন্ত। সদাপ্রভুর প্রশংসা করো।

**116** আমি সদাপ্রভুকে ভালোবাসি, কারণ তিনি আমার কঠস্বর  
শুনেছেন; তিনি আমার বিনতি প্রার্থনা শুনেছেন। ২ তিনি আমার  
প্রতি কর্ণপাত করেছেন, সেই কারণে আমি সারা জীবন তাঁর কাছে  
প্রার্থনা করব। ৩ মৃত্যুর দড়ি আমাকে বেঁধে ফেলল, পাতালের যন্ত্রণা  
আমার উপর নেমে এল, দুর্দশায় ও দুঃখে আমি জর্জরিত হলাম।

(Sheol h7585) ৪ তখন আমি সদাপ্রভুর নামে ডাকলাম: “হে সদাপ্রভু,  
আমাকে রক্ষা করো!” ৫ সদাপ্রভু কৃপাবান ও ধর্ময়, আমাদের ঈশ্বর  
করণায় পরিপূর্ণ। ৬ যারা সরলচিত্ত, সদাপ্রভু তাদের রক্ষা করেন;  
গভীর সংকটকালে তিনি আমাকে রক্ষা করেছিলেন। ৭ হে আমার প্রাণ,  
তুমি বিশ্রামে ফিরে যাও, কারণ সদাপ্রভু তোমার মঙ্গল করেছেন। ৮  
কারণ তুমি, হে সদাপ্রভু, মৃত্যু থেকে আমাকে উদ্ধার করেছ, চোখের  
জল থেকে আমার চোখ, পতন থেকে আমার পা, উদ্ধার করেছ, ৯  
যেন আমি জীবিতদের দেশে সদাপ্রভুর সামনে গমনাগমন করি।  
১০ আমি তোমাকে বিশ্বাস করেছিলাম যখন আমি বলেছিলাম, “হে  
সদাপ্রভু, আমি অত্যন্ত পীড়িত” ১১ উদ্দেগে আমি বলেছিলাম, “সবাই  
মিথ্যাবাদী।” ১২ আমি সদাপ্রভুর কাছ থেকে যেসব মঙ্গল পেয়েছি তার  
প্রতিদানে তাঁকে কী ফিরিয়ে দেবো? ১৩ আমি পরিত্রাণের পাত্রখানি  
তুলে নেবো আর সদাপ্রভুর নামে ডাকব। ১৪ সদাপ্রভুর সব প্রজার  
সমাবেশে তাঁর প্রতি আমার শপথ আমি পূর্ণ করব। ১৫ সদাপ্রভুর  
বিশ্বস্ত সেবাকারীদের মৃত্যু তাঁর চোখে বহুমূল্য। ১৬ সত্যিই আমি  
তোমার দাস, হে সদাপ্রভু; যেমন আমার মা করেছিলেন, আমি ও  
তোমার সেবা করব; আমার শিকল থেকে তুমি আমাকে মুক্ত করেছ।  
১৭ আমি তোমার উদ্দেশে ধন্যবাদের নৈবেদ্য নিবেদন করব, আর  
সদাপ্রভুর নামে ডাকব। ১৮ সদাপ্রভুর সব প্রজার সমাবেশে তাঁর প্রতি  
আমার শপথ আমি পূর্ণ করব, ১৯ সদাপ্রভুর গৃহের প্রাঙ্গণে— হে  
জেরুশালেম, তোমারই মাঝে করব। সদাপ্রভুর প্রশংসা করো।

**117** হে সমস্ত জাতি, সদাপ্রভুর প্রশংসা করো; সমস্ত লোকজন,  
তাঁর সংকীর্তন করো। ২ কারণ আমাদের প্রতি তাঁর প্রেম মহান, এবং  
সদাপ্রভুর বিশ্বস্ততা অনন্তকালস্থায়ী। সদাপ্রভুর প্রশংসা করো।

**118** সদাপ্রভুর ধন্যবাদ করো, কারণ তিনি মঙ্গলময়; তাঁর দয়া  
অনন্তকালস্থায়ী। 2 ইস্রায়েল বলুক: “তাঁর দয়া অনন্তকালস্থায়ী।” 3  
হারোনের কুল বলুক: “তাঁর দয়া অনন্তকালস্থায়ী।” 4 যারা সদাপ্রভুকে  
সম্মত করে তারা বলুক: “তাঁর দয়া অনন্তকালস্থায়ী।” 5 মনোবেদনায়  
আমি সদাপ্রভুর কাছে প্রার্থনা করলাম, তিনি আমাকে প্রশংস্ত স্থানে নিয়ে  
এলেন। 6 সদাপ্রভু আমার সঙ্গে আছেন; আমি ভীত হব না। সামান্য  
মানুষ আমার কী করতে পারে? 7 সদাপ্রভু আমার সঙ্গে আছেন; তিনি  
আমার সহায়। আমি বিজয়ীর দৃষ্টিতে আমার শক্তিদের দিকে দেখব।  
8 মানুষের উপর আস্থা রাখার চেয়ে সদাপ্রভুর কাছে শরণ নেওয়া  
শ্রেয়। 9 অধিপতিদের উপর আস্থা রাখার চেয়ে সদাপ্রভুর কাছে শরণ  
নেওয়া শ্রেয়। 10 সব জাতি আমাকে ঘিরে ধরেছিল, কিন্তু সদাপ্রভুর  
নামে আমি তাদের উচ্ছেদ করেছি। 11 তারা আমাকে চতুর্দিকে ঘিরে  
ধরেছিল, কিন্তু সদাপ্রভুর নামে আমি তাদের উচ্ছেদ করেছি। 12  
তারা মৌমাছির মতো আমাকে ছেঁকে ধরেছিল, কিন্তু কাঁটার আগনের  
মতো অচিরেই তারা নিতে গোল; সদাপ্রভুর নামে আমি তাদের উচ্ছেদ  
করেছি। 13 আমার শক্তিরা আমাকে হত্যা করার জন্য প্রবল চেষ্টা  
করেছিল কিন্তু সদাপ্রভু আমাকে সাহায্য করেছিলেন। 14 সদাপ্রভু  
আমার বল ও আমার সুরক্ষা; তিনি আমার পরিত্রাণ হয়েছেন। 15  
ধার্মিকের শিবিরে শোনা গেল আনন্দের জ্যোৎস্ননি আর বিজয়ের উল্লাস:  
“সদাপ্রভুর ডান হাত মহান কাজ সম্পন্ন করেছে! 16 সদাপ্রভুর ডান  
হাত উন্নত হয়েছে; সদাপ্রভুর ডান হাত মহান কাজ সম্পন্ন করেছে!”  
17 আমি মরব না, বরং জীবিত থাকব, আর সদাপ্রভু যা করেছেন তা  
ঘোষণা করব। 18 সদাপ্রভু আমাকে কঠোরভাবে শাসন করেছেন,  
তবুও তিনি আমাকে মৃত্যুর হাতে সমর্পণ করেননি। 19 আমার জন্য  
ধার্মিকদের দরজাগুলি খুলে দাও; আমি প্রবেশ করব আর সদাপ্রভুর  
ধন্যবাদ করব। 20 এটি সদাপ্রভুর দরজা, ধার্মিকরা যার মধ্য দিয়ে  
প্রবেশ করবে। 21 আমি তোমাকে ধন্যবাদ জানাব কারণ তুমি আমাকে  
সাড়া দিয়েছে; তুমি আমার পরিত্রাণ হয়েছ। 22 গাঁথকেরা যে পাথরটি  
অগ্রাহ্য করেছিল তাই হয়ে উঠল কোণের প্রধান পাথর। 23 সদাপ্রভু

এটি করেছেন আর তা আমাদের দৃষ্টিতে অবিশ্বাস্য। 24 আজকের এই  
দিন সদাপ্রভু সৃষ্টি করেছেন; আমরা আনন্দ করব এবং খুশি হব। 25  
হে সদাপ্রভু, আমাদের রক্ষা করো! হে সদাপ্রভু, আমাদের সফলতা  
দাও। 26 ধন্য সেই ব্যক্তি যিনি সদাপ্রভুর নামে আসেন। সদাপ্রভুর গৃহ  
থেকে আমরা তোমাদের আশীর্বাদ করি। 27 সদাপ্রভুই ঈশ্বর, এবং  
তিনি তাঁর জ্যোতি আমাদের উপর দিয়েছেন। বলির পশ্চ নাও, আর  
দড়ি দিয়ে তা বেদির উপর বেঁধে রাখো। 28 তুমি আমার ঈশ্বর, আর  
আমি তোমার প্রশংসা করব; তুমি আমার ঈশ্বর, আর আমি তোমার  
মহিমা করব। 29 সদাপ্রভুর ধন্যবাদ করো, কারণ তিনি মঙ্গলময়; তাঁর  
দয়া অনন্তকালস্থায়ী।

**119** ধন্য তারা, যারা আচরণে নির্দোষ, যারা সদাপ্রভুর নিয়ম  
অনুযায়ী পথ চলে। 2 ধন্য তারা, যারা তাঁর বিধিবিধান পালন করে  
এবং সমস্ত হৃদয় দিয়ে তাঁর অনুসন্ধান করে— 3 তারা অন্যায় করে না  
কিন্তু তাঁর নির্দেশিত পথে চলে। 4 তুমি তোমার অনুশাসন দিয়েছ, যেন  
আমরা সযত্ত্বে তা পালন করি। 5 আমার আচরণ যেন সুসংগত হয়  
যেন তোমার নির্দেশমালা পালন করতে পারি। 6 যখন আমি তোমার  
সব আদেশ বিবেচনা করব তখন আমাকে লজ্জিত হতে হবে না। 7  
যখন আমি তোমার ন্যায়সংগত শাসনবিধি শিক্ষা লাভ করব আমি  
সরল চিত্তে তোমার প্রশংসা করব। 8 আমি তোমার আদেশ পালন  
করব; আমাকে তুমি পরিত্যাগ কোরো না। 9 যুবক কেমন করে জীবনে  
চলার পথ বিশুদ্ধ রাখবে? তোমার বাক্য অনুযায়ী জীবনযাপন করেই  
রাখবে। 10 আমার সমস্ত হৃদয় দিয়ে আমি তোমার অস্বেষণ করি;  
আমাকে তোমার আদেশ লজ্জন করে ভাস্তপথে যেতে দিয়ো না। 11  
আমি তোমার বাক্য আমার হৃদয়ে লুকিয়ে রেখেছি যেন আমি তোমার  
বিরক্তে পাপ না করি। 12 হে সদাপ্রভু, তোমার ধন্যবাদ হোক; তোমার  
নির্দেশাবলি আমাকে শিক্ষা দাও। 13 তোমার মুখের সমস্ত শাসন আমি  
ঠোঁট দিয়ে উচ্চারণ করব। 14 তোমার বিধিবিধান পালন করতে আমি  
আনন্দ করি যেমন কেউ অতুল ধনসম্পদে আনন্দ করে। 15 আমি  
তোমার অনুশাসনে ধ্যান করি; এবং তোমার পথের বিবেচনা করি।

১৬ আমি তোমার নির্দেশাবলিতে আমোদ করি; আমি তোমার বাক্য  
অবহেলা করব না। ১৭ তোমার দাসের মঙ্গল করো যেন আমি জীবিত  
থাকি, তাহলে আমি তোমার বাক্য পালন করব। ১৮ আমার চোখ খুলে  
দাও যেন আমি তোমার নিয়মকানুনের আশ্চর্য বিষয়াদি দেখতে পাই।  
১৯ এই পৃথিবীতে আমি এক প্রবাসী; তোমার অনুশাসন আমার কাছে  
গোপন রেখো না। ২০ সবসময় তোমার বিধানের জন্য, আমার প্রাণ  
আকাঙ্ক্ষায় আকুল হয়। ২১ যারা উদ্বত, তারা অভিশপ্ত, তাদের তুমি  
তিরক্ষার করো, তারা তোমার অনুশাসন লজ্জন করে বিপথে যায়। ২২  
অবজ্ঞা ও ঘৃণা আমার কাছ থেকে দূর করো, কারণ আমি তোমার  
বিধিবিধান পালন করি। ২৩ যদিও শাসকেরা একত্রে বসে আমার  
নিন্দা করে, তোমার দাস তোমার বিধিনির্দেশে ধ্যান করে। ২৪ তোমার  
বিধিবিধান আমার আমোদের বিষয়; সেগুলি আমাকে সুমন্ত্রণা দেয়।  
২৫ আমার প্রাণ ধুলোয় লুটিয়ে আছে; তোমার বাক্য অনুযায়ী আমার  
জীবন বাঁচিয়ে রাখো। ২৬ আমি তোমাকে আমার পরিকল্পনা বলেছি  
আর তুমি আমাকে উভর দিয়েছ; তোমার নির্দেশাবলি আমাকে শিক্ষা  
দাও। ২৭ তোমার অনুশাসন আমাকে বুবাতে সাহায্য করো, যেন  
আমি তোমার আশ্চর্য কাজে ধ্যান করতে পারি। ২৮ আমার প্রাণ দুঃখে  
অবসন্ন; তোমার বাক্য অনুযায়ী আমাকে শক্তি দাও। ২৯ প্রতারণার  
পথ থেকে আমাকে দূরে রাখো; আমার প্রতি দয়া করো এবং আমাকে  
তোমার নিয়মকানুন শেখাও। ৩০ আমি বিশ্বস্ততার পথ বেছে নিয়েছি;  
আমার হৃদয় তোমার আইনকানুনে স্থির রেখেছি। ৩১ হে সদাপ্রভু,  
আমি তোমার বিধিবিধান আঁকড়ে ধরেছি; আমাকে লজ্জিত হতে  
দিয়ো না। ৩২ আমি তোমার আদেশের পথে ছুটে চলি, কারণ তুমি  
আমার বোধশক্তিকে প্রশংস্ত করেছ। ৩৩ হে সদাপ্রভু, তোমার বিধি  
নির্দেশিত পথে চলতে আমাকে শিক্ষা দাও, যেন আমি শেষদিন পর্যন্ত  
সেগুলি পালন করতে পারি। ৩৪ আমাকে বোধশক্তি দাও, যেন আমি  
তোমার আইনকানুন পালন করতে পারি এবং সমস্ত হৃদয় দিয়ে বাধ্য  
হতে পারি। ৩৫ তোমার আদেশের পথে আমাকে পরিচালিত করো,  
কারণ সেখানে আমি আনন্দ খুঁজে পাই। ৩৬ আমার হৃদয়কে তোমার

বিধিবিধানের দিকে ফেরাও বরং স্বার্থপর লাভের দিকে নয়। 37  
মূল্যহীন বস্তু থেকে আমার দৃষ্টি ফেরাও, তোমার বাক্য অনুযায়ী আমার  
জীবন বাঁচিয়ে রাখো। 38 তোমার দাসের প্রতি তোমার প্রতিশ্রুতি পূর্ণ  
করো, যেন তোমাকে সকলে সন্তুষ্ম করে। 39 আমার লাঞ্ছনা দূর করো  
যা আমি ভয় করি, কারণ তোমার আইনকানুন উভয়। 40 তোমার  
অনুশাসন পালনে আমি কত আগ্রহী! তোমার ধার্মিকতায় আমার  
জীবন বাঁচিয়ে রাখো। 41 হে সদাপ্রভু, তোমার প্রতিশ্রুতি অনুযায়ী  
তোমার অবিচল প্রেম, আর তোমার পরিত্রাণ আমার উপর আসুক,  
42 তখন তাদের আমি সদৃত্তর দিতে পারব যারা আমাকে ব্যঙ্গ করে,  
কারণ আমি তোমার বাক্যে আস্থা রাখি। 43 তোমার সত্যের বাক্য  
আমার মুখ থেকে কখনও নিয়ে নিয়ো না, কারণ তোমার অনুশাসনে  
আমি আশা রেখেছি। 44 আমি চিরকাল তোমার বিধান পালন করব,  
যুগে যুগে চিরকাল করব। 45 জীবনে আমি স্বাধীনভাবে চলব, কারণ  
আমি তোমার অনুশাসন অস্বেষণ করেছি। 46 রাজাদের সামনে আমি  
তোমার সাক্ষ্যকলাপের কথা বলব এবং আমি লজ্জিত হব না। 47 আমি  
তোমার আদেশে আমোদ করি কারণ আমি সে সকল ভালোবাসি। 48  
আমি তোমার নির্দেশাবলি সম্মান করি ও ভালোবাসি, আমি তোমার  
বিধিনিয়মে ধ্যান করি। 49 তোমার দাসের প্রতি তোমার প্রতিশ্রুতি  
স্মরণ করো, কারণ তুমি আমাকে আশা দিয়েছ। 50 কঠে আমার  
সান্ত্বনা এই যে, তোমার প্রতিশ্রুতিই আমার জীবন বাঁচিয়ে রাখে।  
51 দাস্তিকেরা নির্মতাবে আমাকে বিদ্রূপ করে, কিন্তু আমি তোমার  
বিধিবিধান থেকে মুখ ফিরাই না। 52 হে সদাপ্রভু, আমি তোমার  
প্রাচীন শাসনব্যবস্থা স্মরণ করি, এবং তাতেই আমি সান্ত্বনা পাই। 53  
আমি দুষ্টদের প্রতি প্রচণ্ড ক্ষিণ্ঠ হই, কারণ তারা তোমার বিধিবিধান  
পরিত্যাগ করেছে। 54 আমি যেখানেই বসবাস করি না কেন, তোমার  
নির্দেশাবলিই আমার গানের বিষয়বস্তু। 55 হে সদাপ্রভু, রাতের বেলায়  
আমি তোমার নাম স্মরণ করি, যেন আমি তোমার বিধিবিধান পালন  
করতে পারি। 56 এই আমার অভ্যাস যে, আমি তোমার অনুশাসন  
পালন করি। 57 হে সদাপ্রভু, তুমি আমার অধিকার, আমি তোমার

আজ্ঞা পালন করার প্রতিশ্রূতি দিয়েছি। 58 আমি সমস্ত হৃদয় দিয়ে  
তোমার মুখের অন্বেষণ করেছি; তোমার প্রতিশ্রূতি অনুযায়ী আমাকে  
কৃপা করো। 59 আমি আমার চলার পথ বিবেচনা করে দেখেছি,  
এবং তোমারই বিধিবিধানের পথে আমার পা রেখেছি। 60 আমি  
দ্রুত তোমার আদেশ পালন করব, দেরি করব না। 61 যদিও দুষ্টরা  
আমাকে দড়ি দিয়ে বেঁধে রাখে, আমি তোমার শাসনব্যবস্থা ভুলে  
যাব না। 62 তোমার ন্যায়সংগত শাসনবিধির জন্য আমি মাঝবারাতে  
তোমাকে ধন্যবাদ দিতে জেগে উঠি। 63 আমি তাদের সকলের বন্ধু  
যারা তোমাকে সম্মত করে, আর যারা তোমার অনুশাসন পালন করে।  
64 হে সদাপ্রভু, এই পৃথিবী তোমার প্রেমে পূর্ণ, তোমার নির্দেশাবলি  
আমাকে শিক্ষা দাও। 65 হে সদাপ্রভু, তোমার বাক্য অনুসারে তোমার  
দাসের প্রতি মঙ্গল করো। 66 আমাকে জ্ঞান ও বিচারবুদ্ধি দাও, কারণ  
আমি তোমার আদেশে আস্তা রাখি। 67 পীড়িত হবার আগে আমি  
বিপথে গিয়েছিলাম, কিন্তু এখন আমি তোমার আদেশ পালন করি। 68  
তুমি মঙ্গলময় এবং তুমি যা করো তা ও মঙ্গলময়, তোমার নির্দেশাবলি  
আমাকে শিক্ষা দাও। 69 যদিও দাস্তিকরা মিথ্যায় আমাকে কলঙ্কিত  
করেছে, আমি তোমার বিধিসকল সমস্ত হৃদয় দিয়ে পালন করি। 70  
তাদের হৃদয় কঠোর ও অনুভূতিহীন, কিন্তু আমি তোমার আইনগুলিতে  
আমোদ করি। 71 পীড়িত হওয়া আমার জন্য মঙ্গলজনক হয়েছে যেন  
আমি তোমার আদেশগুলি শিখতে পারি। 72 তোমার মুখের বিধিবিধান  
হাজার হাজার কংপো ও সোনার চেয়ে আমার কাছে বেশি মূল্যবান। 73  
তোমার হাত আমাকে সৃষ্টি করেছে ও গঠন করেছে; তোমার আদেশ  
বুঝতে আমাকে বোধশক্তি দাও। 74 যারা তোমাকে সম্মত করে তারা  
যেন আমাকে দেখলে আনন্দিত হয়, কারণ তোমার বাক্যে আমি  
আশা রেখেছি। 75 হে সদাপ্রভু, আমি জানি যে তোমার বিধিনিয়ম  
ন্যায়সংগত, আর তুমি বিশ্বস্তায় আমাকে পীড়িত করেছ। 76 তোমার  
অবিচল প্রেম যেন আমার সান্ত্বনা হয়, যেমন তুমি তোমার দাসের কাছে  
প্রতিশ্রূতি দিয়েছ। 77 তোমার অসীম করণ্ণা আমাকে ঘিরে রাখুক  
যেন আমি বাঁচতে পারি, কারণ তোমার নিয়মবিধান আমার আনন্দের

বিষয়। 78 দাস্তিকরা লজ্জিত হোক কেননা তারা অকারণে আমার সর্বনাশ করেছে; কিন্তু আমি তোমার অনুশাসনে ধ্যান করব। 79 যারা তোমাকে সম্মত করে এবং যারা তোমার বিধিবিধান বোঝে, তাদের সঙ্গে আমি মিলিত হই। 80 আমার সমস্ত হৃদয় দিয়ে যেন তোমার আদেশ পালন করতে পারি, যেন আমাকে লজ্জিত না হতে হয়। 81 তোমার পরিত্রাণের প্রতীক্ষায় আমার প্রাণ দুর্বল হয়, কিন্তু আমি তোমার বাকে আশা রেখেছি। 82 তোমার প্রতিশ্রূতি পূরণের আশায় আমার দৃষ্টি ক্ষীণ হয়, আমি বলি, “কখন তুমি আমায় সান্ত্বনা দেবে?” 83 যদিও আমি ধোঁয়ার মধ্যে রাখা সংকুচিত সুরাধারের মতো, কিন্তু আমি তোমার নির্দেশাবলি ভুলে যাইনি। 84 কত কাল তোমার দাস প্রতীক্ষায় থাকবে? কবে তুমি আমার নির্যাতনকারীদের উপযুক্ত শাস্তি দেবে? 85 দাস্তিকেরা গর্ত খুঁড়ে আমাকে ফাঁদে ফেলতে চায়, তারা তোমার নিয়মের বিরুদ্ধাচরণ করে। 86 তোমার সব আদেশ নির্ভরযোগ্য; আমাকে সাহায্য করো, কারণ লোকে অকারণে আমাকে নির্যাতন করে। 87 তারা আমাকে প্রায় পৃথিবী থেকে মুছে দিয়েছে, কিন্তু আমি তোমার অনুশাসন ত্যাগ করিনি। 88 তোমার অবিচল প্রেমে আমার জীবন বাঁচিয়ে রাখো, যেন আমি তোমার মুখের বিধিবিধান পালন করতে পারি। 89 হে সদাপ্রভু, তোমার বাক্য চিরস্তন; আকাশমণ্ডলে তা প্রতিষ্ঠিত। 90 তোমার বিশ্বস্ততা বৎসপরম্পরায় স্থায়ী; তুমি এই পৃথিবী স্থাপন করেছ এবং তা স্থির রয়েছে। 91 তোমার আইনব্যবস্থা আজও অটল রয়েছে, কারণ সবকিছুই তোমার সেবা করে। 92 যদি তোমার বিধিবিধান আমার আনন্দের বিষয় না হত, আমি হয়তো নিজের দুঃখে বিনষ্ট হতাম। 93 আমি কখনও তোমার অনুশাসন ভুলে যাব না, কারণ তা দিয়েই তুমি আমার জীবন বাঁচিয়ে রেখেছ। 94 আমাকে রক্ষা করো, কারণ আমি তোমারই; আমি তোমার বিধিশুলির অন্বেষণ করেছি। 95 দুষ্ট আমাকে ধ্বংস করার অপেক্ষায় আছে, কিন্তু আমি তোমার অনুশাসনে মনঃসংযোগ করব। 96 প্রতোক সিদ্ধতার এক সীমা আছে, কিন্তু তোমার আজ্ঞাগুলি সীমাহীন। 97 আহা, আমি তোমার বিধিবিধান কতই না ভালোবাসি! তা আমার সারাদিনের

ধ্যানের বিষয়। ৯৪ তোমার নির্দেশাবলি আমাকে আমার শক্তিদের  
থেকে বুদ্ধিমান করে কারণ সেসব সবসময় আমার সঙ্গে আছে। ৯৯  
আমি তোমার আইনগুলিতে ধ্যান করি, তাই আমার শিক্ষকদের চেয়ে  
আমার অস্তর্দৃষ্টি বেশি। ১০০ প্রবীণদের চেয়ে আমার বোধশক্তি বেশি,  
কারণ আমি তোমার বিধিগুলি পালন করি। ১০১ প্রত্যেকটি কৃপথ থেকে  
আমার পা আমি দূরে রেখেছি যেন আমি তোমার বাক্য পালন করতে  
পারি। ১০২ আমি তোমার নিয়মব্যবস্থা থেকে বিপথে যাইনি, কারণ  
তুমি স্বয়ং আমাকে শিক্ষা দিয়েছ। ১০৩ তোমার বাক্য আমার মুখে  
আস্তাদন করা কত মিষ্টি, আমার মুখে তা মধুর চেয়েও বেশি মধুর!  
১০৪ আমি তোমার বিধিগুলি থেকে বোধশক্তি লাভ করি, তাই আমি  
সব অন্যায় পথ ঘৃণা করি। ১০৫ তোমার বাক্য আমার চরণের প্রদীপ,  
এবং আমার চলার পথের আলো। ১০৬ আমি শপথ করেছি ও স্থির  
করেছি, যে আমি তোমার ন্যায়সংগত শাসনবিধি পালন করব। ১০৭ হে  
সদাপ্রভু, আমি অনেক কষ্ট পেয়েছি; তোমার বাক্য অনুযায়ী আমার  
জীবন বাঁচিয়ে রাখো। ১০৮ হে সদাপ্রভু, আমার মুখের প্রশংসার অর্ঘ্য  
গ্রহণ করো, এবং আমাকে তোমার বিধিনিয়ম শিক্ষা দাও। ১০৯ যদিও  
আমি আমার প্রাণ প্রতিনিয়ত আমার হাতে নিয়ে চলি, আমি তোমার  
বিধিবিধান ভুলে যাব না। ১১০ দুষ্টো আমার জন্য ফাঁদ পেতেছে, কিন্তু  
আমি তোমার অনুশাসন থেকে বিপথে যাইনি। ১১১ তোমার আইনগুলি  
আমার চিরকালের উত্তরাধিকার, সেগুলি আমার হৃদয়ের আনন্দ। ১১২  
তোমার বিধিনির্দেশ শেষ পর্যন্ত পালন করার উদ্দেশে আমার হৃদয়  
দৃঢ়সংকল্প। ১১৩ দিমনা চরিত্রের লোকেদের আমি ঘৃণা করি, কিন্তু আমি  
তোমার নিয়মব্যবস্থা ভালোবাসি। ১১৪ তুমি আমার আশ্রয় ও আমার  
ঢাল; তোমার বাক্য আমার আশার উৎস। ১১৫ হে অনিষ্টকারীদের দল,  
আমার কাছ থেকে দূর হও, যেন আমি আমার ঈশ্বরের আদেশ পালন  
করতে পারি। ১১৬ হে ঈশ্বর, তোমার প্রতিশ্রূতি অনুযায়ী আমাকে  
সামলে রাখো এবং তাতে আমি বাঁচব; আমার প্রত্যাশা বিফল হতে  
দিয়ো না। ১১৭ আমাকে তুলে ধরো, তাহলে আমি রক্ষা পাব; আমি  
চিরকাল তোমার আদেশগুলির উপর ভরসা করব। ১১৮ যারা তোমার

আদেশ অগ্রহ্য করে বিপথে যায় তাদের সবাইকে তুমি ত্যাগ করো,  
কারণ তারা কেবল নিজেদেরই ঠকায়। 119 পৃথিবীর সব দুষ্টকে তুমি  
আবর্জনার মতো পরিত্যাগ করো; তাই তোমার বিধিবিধান আমার  
কাছে এত প্রিয়। 120 তোমার প্রতি সম্মে আমার শরীর কাঁপে, তোমার  
বিধিনিয়মে আমি ভীত। 121 যা কিছু সঠিক ও ন্যায়সংগত সে সব আমি  
পালন করেছি, আমাকে আমার অত্যাচারীদের হাতে সমর্পণ কোরো  
না। 122 তোমার দাসের মঙ্গলের ভার তুমি নাও; দাস্তিকেরা যেন  
আমার উপর নির্যাতন না করে। 123 তোমার পরিত্রাণের অপেক্ষায়,  
তোমার ন্যায়সংগত প্রতিশ্রুতির প্রতীক্ষায়, আমার চোখ দুর্বল হয়েছে।  
124 তোমার প্রেম অনুযায়ী তোমার দাসের প্রতি ব্যবহার করো, আর  
তোমার নির্দেশাবলি আমাকে শিক্ষা দাও। 125 আমি তোমার দাস;  
আমাকে বিচক্ষণতা দাও যেন আমি তোমার বিধিবিধান বুবাতে পারি।  
126 হে সদাপ্রভু, এবার তোমার সক্রিয় হওয়ার সময় এসেছে; কারণ  
তোমার আইনব্যবস্থা লজ্জন করা হচ্ছে। 127 সোনার চেয়ে, বিশুদ্ধ  
সোনার চেয়েও আমি তোমার আজ্ঞাগুলি বেশি ভালোবাসি। 128  
তোমার সব অনুশাসনবিধি আমি ন্যায্য মনে করি তাই আমি সমস্ত  
অন্যায় পথ ঘূঘ করি। 129 তোমার বিধিবিধান কত আশ্র্য; তাই আমি  
সেগুলি মান্য করি। 130 তোমার বাকেয়ের শিক্ষা আলো দেয়; যারা  
সরলচিত্ত তাদের বোধশক্তি দেয়। 131 আমি প্রত্যাশায় শাস ফেলি,  
তোমার আদেশের অপেক্ষায়। 132 যারা তোমার নাম ভালোবাসে  
তাদের প্রতি তুমি সর্বদা যেমন করো, তেমনই আমার প্রতি ফিরে  
চাও ও আমাকে দয়া করো। 133 তোমার বাক্য অনুযায়ী আমার  
পদক্ষেপ পরিচালিত করো; পাপ যেন আমার উপর কর্তৃত্ব না করে।  
134 লোকেদের নির্যাতন থেকে আমাকে মুক্ত করো, যেন আমি তোমার  
অনুশাসন মেনে চলতে পারি। 135 তোমার দাসের প্রতি তোমার  
মুখ উজ্জ্বল করো, এবং তোমার নির্দেশাবলি আমাকে শিক্ষা দাও।  
136 আমার চোখ থেকে অশ্রুপ্রবাহ হচ্ছে, কারণ লোকেরা তোমার  
আইনব্যবস্থা পালন করছে না। 137 হে সদাপ্রভু, তুমি ন্যায়পরায়ণ,  
আর তোমার আইনব্যবস্থা ন্যায্য। 138 যেসব বিধিবিধান তুমি দিয়েছ

তা ধর্ময়, এবং সেগুলি সম্পূর্ণ নির্ভরযোগ্য। 139 আমার উদ্যম  
আমাকে ঝান্ত করেছে, কারণ আমার বিপক্ষরা তোমার বাক্য অবহেলা  
করে। 140 তোমার প্রতিশ্রুতি সম্পূর্ণভাবে পরীক্ষাসিদ্ধ হয়েছে, আর  
তোমার দাস সেগুলি ভালোবাসে। 141 যদিও আমি ক্ষুদ্র ও অবজ্ঞাত,  
আমি তোমার অনুশোসন ভুলে যাইনি। 142 তোমার ন্যায়পরায়ণতা  
চিরস্থায়ী আর তোমার আইনব্যবস্থা সত্য। 143 সংকট ও দুর্দশা আমার  
উপরে উপস্থিত, কিন্তু তোমার আজ্ঞাগুলি আমাকে আনন্দ দেয়। 144  
তোমার বিধিবিধান চিরকালীন সত্য; আমাকে বোধশক্তি দাও যেন  
বাঁচতে পারি। 145 হে সদাপ্রভু, আমি সমস্ত অঙ্গে দিয়ে তোমাকে  
ডাকি, আমাকে উত্তর দাও, এবং আমি তোমার আজ্ঞাগুলি পালন  
করব। 146 আমি তোমাকে ডেকেছি, আমাকে রক্ষা করো আর আমি  
তোমার বিধিবিধান পালন করব। 147 আমি ভোর হওয়ার আগে উঠি  
আর সাহায্যের জন্য প্রার্থনা করি; তোমার বাক্যে আমি আশা রেখেছি।  
148 সারারাত আমি ঢোক খুলে জেগে থাকি, যেন তোমার প্রতিশ্রুতিতে  
আমি ধ্যান করতে পারি। 149 তোমার প্রেম অনুযায়ী আমার কঠস্বর  
শোনো; হে সদাপ্রভু, তোমার আইনব্যবস্থা অনুযায়ী আমার জীবন  
বাঁচিয়ে রাখো। 150 যারা মন্দ সংকল্প করে তারা আমাকে আক্রমণ  
করার জন্য কাছে এসেছে, কিন্তু তারা তোমার আইনব্যবস্থা থেকে  
অনেক দূরে আছে। 151 তবুও হে সদাপ্রভু, তুমি কাছেই আছ, আর  
তোমার আজ্ঞাগুলি সত্য। 152 অনেক বছর আগে আমি তোমার  
বিধিবিধান থেকে শিরেছি যে তুমি এগুলি চিরকালের জন্য স্থাপন  
করেছে। 153 আমার দুঃখকষ্টের দিকে চেয়ে দেখো ও আমাকে উদ্ধার  
করো, কারণ আমি তোমার শাসনব্যবস্থা ভুলে যাইনি। 154 আমার  
পক্ষসমর্থন করে আমাকে মুক্ত করো, তোমার প্রতিশ্রুতি অনুযায়ী  
আমার প্রাগরক্ষা করো। 155 দুষ্টোর তোমার পরিত্রাণ থেকে অনেক দূরে,  
কারণ তারা তোমার বিধিবিধান অঙ্গে করে না। 156 হে সদাপ্রভু,  
তোমার করণ মহান, তোমার আইনব্যবস্থা অনুযায়ী আমাকে বাঁচিয়ে  
রাখো। 157 অনেক আমার বিপক্ষ যারা আমাকে নির্যাতন করে, কিন্তু  
আমি তোমার বিধিবিধান থেকে বিপথে যাইনি। 158 যারা বিশ্বসঘাতক

আমি তাদের ঘৃণার চোখে দেখি, কারণ তারা তোমার আদেশ পালন  
করে না। 159 দেখো, আমি তোমার অনুশাসন কত ভালোবাসি, তোমার  
অবিচল প্রেমের গুণে, হে সদাপ্রভু, আমার জীবন বাঁচিয়ে রাখো। 160  
তোমার সব বাক্য সত্য; তোমার সব ন্যায়সংগত শাসনবিধি চিরস্থায়ী।  
161 শাসকবর্গ অকারণে আমাকে নির্যাতন করে, কিন্তু আমার হৃদয়  
তোমার বাক্যে কম্পিত হয়। 162 আমি তোমার প্রতিশ্রূতিতে আনন্দ  
করি যেমন লোকেরা লুট করা সম্পদে করে। 163 অসত্যকে আমি ঘৃণা  
ও অবজ্ঞা করি, কিন্তু আমি তোমার আইনব্যবস্থাকে ভালোবাসি। 164  
তোমার ন্যায়সংগত শাসনবিধির জন্য আমি দিনে সাতবার তোমার  
প্রশংসা করি। 165 যারা তোমার এই আইনব্যবস্থা ভালোবাসে তাদের  
অন্তরে পরম শান্তি থাকে, আর কোনও কিছুতে তারা হেঁচট খায় না।  
166 হে সদাপ্রভু, আমি তোমার পরিত্রাণের প্রতীক্ষায় আছি, আর আমি  
তোমার আদেশগুলি পালন করি। 167 আমি তোমার বিধিবিধান মান্য  
করি, কারণ আমি সেসব অত্যন্ত ভালোবাসি। 168 আমি তোমার  
অনুশাসন ও তোমার বিধিবিধান পালন করি, কারণ আমার চলার  
সকল পথ তোমার জানা। 169 হে সদাপ্রভু, আমার কাতর প্রার্থনা  
শোনো; তোমার বাক্য অনুযায়ী আমাকে বোধশক্তি দাও। 170 আমার  
নিবেদন শোনো; তোমার প্রতিশ্রূতি অনুযায়ী আমাকে উদ্ধার করো।  
171 আমার ঠোঁট দুটি যেন প্রশংসায় উপচে পড়ে, কারণ তুমি আমাকে  
তোমার নির্দেশাবলি শিক্ষা দাও। 172 আমার জিভ যেন তোমার  
বাক্যের গান গাইতে থাকে, কারণ তোমার সমস্ত আদেশ ন্যায়সংগত।  
173 তোমার হাত আমাকে সাহায্য করার জন্য যেন প্রস্তুত থাকে, কারণ  
আমি তোমার বিধিগুলি বেছে নিয়েছি। 174 হে সদাপ্রভু, আমি তোমার  
পরিত্রাণের প্রতীক্ষায় আছি, আর তোমার আইনব্যবস্থা আমাকে আনন্দ  
দেয়। 175 আমাকে বাঁচতে দাও যেন আমি তোমার প্রশংসা করতে  
পারি, এবং তোমার আইনব্যবস্থা যেন আমাকে বাঁচিয়ে রাখে। 176  
আমি হারিয়ে যাওয়া মেষের মতো বিপথে গিয়েছি। তোমার দাসের  
অঙ্গে করো, কারণ আমি তোমার আদেশগুলি ভুলে যাইনি।

**120** একটি আরোহণ সংগীত। আমি সংকটকালে সদাপ্রভুকে  
ডাকলাম, আর তিনি আমার ডাকে সাড়া দিলেন। ২ হে সদাপ্রভু,  
মিথ্যাবাদী মুখ, ও ধাপ্তাবাজ জিভের কবল থেকে আমাকে রক্ষা করো।  
৩ ধাপ্তাবাজ মুখ, ঈশ্বর তোমার প্রতি কী করবেন? তিনি কেমনভাবে  
তোমার শান্তি বৃদ্ধি করবেন? ৪ যোদ্ধার ধারালো তিরের আঘাতে  
তুমি বিদ্ধ হবে, আর জ্বলন্ত কয়লায় তুমি দক্ষ হবে। ৫ হায় কী দুর্দশা  
আমার, আমি মেশকে বসবাস করছি, কেদরের তাঁবুর মধ্যে আমি  
বসবাস করছি। ৬ যারা শান্তি ঘৃণা করে, তাদের মাঝে আমি বহুকাল  
বসবাস করেছি। ৭ আমি শান্তির পক্ষে; কিন্তু আমি যখন কথা বলি,  
ওরা তখন যুদ্ধ চায়।

**121** একটি আরোহণ সংগীত। আমি পর্বতমালার দিকে চেয়ে  
দেখি— কোথা থেকে আমার সাহায্য আসে? ২ স্বর্গ ও পৃথিবীর  
সৃষ্টিকর্তা, সদাপ্রভুর কাছ থেকে আমার সাহায্য আসে। ৩ তিনি  
তোমাকে হোঁচ্ট থেতে দেবেন না, তোমার রক্ষক তন্দ্রাচ্ছন্ন হবেন না;  
৪ সত্যিই, যিনি ইস্রায়েলের রক্ষক, তিনি তন্দ্রাচ্ছন্ন বা নিদ্রামগ্ন হবেন  
না। ৫ সদাপ্রভু তোমার রক্ষক, সদাপ্রভু তোমার ডানদিকে তোমার  
ছায়া; ৬ দিনে সূর্য তোমার ক্ষতি করবে না, এমনকি রাতে চাঁও করবে  
না। ৭ সদাপ্রভু তোমাকে সব অঙ্গল থেকে রক্ষা করবেন আর তিনি  
তোমার প্রাণরক্ষা করবেন; ৮ তোমার যাওয়া-আসার পথে সদাপ্রভু  
তোমাকে রক্ষা করবেন এখন থেকে চিরকাল পর্যন্ত।

**122** একটি আরোহণ সংগীত। দাউদের গীত। আমি আনন্দিত  
হলাম, যখন লোকে আমাকে বলল, “চলো, আমরা সদাপ্রভুর গৃহে  
যাই।” ২ এখন, হে জেরুশালেম নগরী, তোমার প্রবেশাদারের ভিতরে  
আমরা দাঁড়িয়ে রয়েছি। ৩ জেরুশালেম সেই নগরীর মতো নির্মিত  
যা সংগঠিতরূপে তৈরি হয়েছে। ৪ ইস্রায়েলের সমস্ত গোষ্ঠীগুলি—  
সদাপ্রভুর লোকসকল—এখানে আরাধনা করতে আসে, ইস্রায়েলের  
বিধিনিয়ম অনুযায়ী তারা সদাপ্রভুর নামের ধন্যবাদ করতে আসে।  
৫ এই স্থানেই স্থাপিত হয়েছে বিচারের সিংহাসন, এখানেই দাউদ  
কুন্ডের সব সিংহাসন স্থাপিত। ৬ তোমরা জেরুশালেমের শান্তির জন্য

প্রার্থনা করো, “যারা তোমাকে ভালোবাসে, তারা সুরক্ষিত থাকুক। 7  
তোমার প্রাচীরের মধ্যে শান্তি বিরাজ করুক, আর তোমার দুর্গশুলির  
মধ্যে সুরক্ষা থাকুক।” 8 আমার পরিবার ও বন্ধুদের জন্য, আমি বলব  
“তোমার মধ্যে শান্তি বিরাজ করুক।” 9 সদাপ্রভু আমাদের ঈশ্বরের  
গৃহের কারণে হে জেরুশালেম, আমি তোমার সম্মতি কামনা করব।

**123** একটি আরোহণ সংগীত। আমি তোমার দিকে চোখ তুলে  
দেখি, তোমার দিকেই দেখি, যিনি স্বর্গের সিংহাসনে অধিষ্ঠিত। 2  
যেমন কর্তার হাতের দিকে দাসের দৃষ্টি থাকে, যেমন কর্তীর হাতের  
দিকে দাসীর দৃষ্টি থাকে, তেমনই আমাদের দৃষ্টি আমাদের ঈশ্বর  
সদাপ্রভুর দিকে থাকে, যতদিন না পর্যন্ত তিনি আমাদের প্রতি দয়া  
করেন। 3 আমাদের প্রতি দয়া করো, হে সদাপ্রভু, আমাদের প্রতি দয়া  
করো, কেননা আমরা অবজ্ঞায় পূর্ণ হয়েছি। 4 দান্তিকের বিদ্রূপ ও  
অহংকারীর অবজ্ঞা আমরা শেষ পর্যন্ত সহ্য করেছি।

**124** একটি আরোহণ সংগীত। দাউদের গীত। সদাপ্রভু যদি  
আমাদের পক্ষে না থাকতেন— সমগ্র ইস্রায়েল বলুক— 2 সদাপ্রভু  
যদি আমাদের পক্ষে না থাকতেন, যখন লোকেরা আমাদের আক্রমণ  
করেছিল, 3 যখন তাদের ক্রোধ আমাদের বিরুদ্ধে জ্বলে উঠেছিল,  
তখন হয়তো তারা আমাদের জীবন্তই গ্রাস করে ফেলত; 4 বন্যার  
জলরাশি হয়তো চারিদিক প্লাবিত করত, জলস্ন্তোত হয়তো আমাদের  
উপর দিয়ে বয়ে যেত, 5 উত্তাল জলরাশি হয়তো ভাসিয়ে নিয়ে যেত  
আমাদের। 6 সদাপ্রভুর ধন্যবাদ হোক, তিনি তাদের দাঁতের আঘাতে  
আমাদের ছিন্নভিন্ন হতে দেননি। 7 আমরা পাখির মতো পালিয়েছি  
শিকারির ফাঁদ থেকে; ফাঁদ ছিন্ন করা হয়েছে, এবং আমরা পালিয়েছি।  
8 সদাপ্রভু, যিনি স্বর্গ ও পৃথিবীর সৃষ্টিকর্তা আমাদের সাহায্য তাঁর কাছ  
থেকে আসে।

**125** একটি আরোহণ সংগীত। যারা সদাপ্রভুর উপর আস্থা রাখে  
তারা সিয়োন পর্বতের মতো হয়, তারা পরাজিত হয় না অর্থচ চিরস্থায়ী  
হয়। 2 পর্বতমালা যেমন জেরুশালেমকে ঘিরে আছে, সদাপ্রভু তেমনই  
তাঁর প্রজাদের চারিদিকে আছেন এখন থেকে অনন্তকাল পর্যন্ত। 3 দুষ্টরা

ধার্মিকদের দেশে রাজত্ব করবে না, কারণ তাহলে ধার্মিকেরা হয়তো  
মন্দ কাজ করার জন্য প্রলোভিত হতে পারে। 4 হে সদাপ্রভু, যারা  
ভালো কাজ করে, যারা হৃদয়ে ন্যায়পরায়ণ, তুমি তাদের মঙ্গল করো।  
5 কিন্তু যারা ভুল পথে পা বাড়ায় সদাপ্রভু তাদের অনিষ্টকারীদের সাথে  
দূর করে দেবেন। ইত্তায়েলে শান্তি বিরাজ করুক।

**126** একটি আরোহণ সংগীত। সদাপ্রভু যখন জেরুশালেমের  
বন্দিদের ফিরিয়ে আনলেন, তখন যেন আমরা স্বপ্ন দেখছিলাম! 2  
আমাদের মুখ হাসিতে পূর্ণ ছিল, আনন্দের গানে আমাদের জিভ  
মুখের ছিল। সেই সময় জাতিদের মাঝে লোকেরা বলেছিল, “দেখো,  
সদাপ্রভু তাদের জন্যে কত মহৎ কাজ করেছেন।” 3 যথার্থই, সদাপ্রভু  
আমাদের জন্য মহৎ কাজ করেছেন, এবং আমরা আনন্দে পূর্ণ হয়েছি।  
4 হে সদাপ্রভু, আমাদের বন্দিদের ফিরিয়ে আনো, নেগেভ মরুভূমির  
জলধারার মতো ফিরিয়ে আনো। 5 যারা চোখের জলে বীজবপন করে,  
তারা আনন্দগান গেয়ে শস্য কাটবে। 6 যারা চোখের জল ফেলতে  
ফেলতে বাইরে যায় বোনার জন্য বীজ বয়ে নিয়ে যায়, আনন্দগান  
গাইতে গাইতে ফিরে আসবে, সঙ্গে আঁচি নিয়ে ফিরে আসবে।

**127** একটি আরোহণ সংগীত। শলোমনের গীত। যদি সদাপ্রভু গৃহ  
নির্মাণ না করেন, তবে নির্মাতারা বৃথাই পরিশ্রম করে। যদি সদাপ্রভু  
নগর রক্ষা না করেন, তবে নগররক্ষীরা বৃথাই রাতে জেগে থাকে। 2  
বৃথাই তোমরা খুব সকালে ওঠো আর অনেক রাত পর্যন্ত জেগে থাকো,  
অম-সংস্কারের জন্য পরিশ্রম করো— কারণ তিনি যাদের ভালোবাসেন  
তাদের চোখে ঘূম দেন। 3 সন্তানসন্ততি সদাপ্রভুর দেওয়া অধিকার,  
তাঁর দেওয়া পুরক্ষার। 4 যেমন বীরযোদ্ধার হাতে তির তেমনি যৌবনে  
জাত সন্তানসন্ততি। 5 ধন্য সেই ব্যক্তি যার তুণ সেইরকম তিরে পূর্ণ,  
তারা লজ্জিত হবে না যখন তারা নগরদ্বারে বিপক্ষদের সঙ্গে বিরোধ  
করে।

**128** একটি আরোহণ সংগীত। ধন্য তারা সবাই যারা সদাপ্রভুকে  
সন্তুষ্ট করে, যারা তাঁর নির্দেশিত পথে চলে। 2 তুমি তোমার পরিশ্রমের  
ফলভোগ করবে; আশীর্বাদ ও সমৃদ্ধি তোমার হবে। 3 তোমার স্তু  
গীতসংহিতা

তোমার গৃহে ফলবত্তী এক দ্রাক্ষালতার মতো হবে; তোমার মেজের চারিদিকে তোমার সন্তানেরা জলপাই গাছের চারার মতো হবে। 4 হ্যঁ, যে ব্যক্তি সদাপ্রভুকে সন্তুষ্ট করে সে এই আশীর্বাদ পাবে। 5 সিয়োন থেকে সদাপ্রভু তোমাকে আশীর্বাদ করুন; তোমার জীবনের প্রতিটি দিন, তুমি যেন জেরুশালেমের সমৃদ্ধি দেখতে পাও। 6 তুমি তোমার সন্তানদের বংশধর দেখার জন্য বেঁচে থাকো— ইস্রায়েলে শান্তি বিরাজ করুক।

**129** একটি আরোহণ সংগীত। “আমার ঘৌবনকাল থেকে তারা আমাকে অনেক নির্যাতন করেছে,” ইস্রায়েল বলুক; 2 “আমার ঘৌবনকাল থেকে তারা আমাকে অনেক নির্যাতন করেছে, কিন্তু তারা আমার উপর জয়লাভ করতে পারেনি। 3 চাষিরা আমার পিঠে লাঙল চালিয়েছে এবং তারা লম্বা লাঙলরেখা টেনেছে। 4 কিন্তু সদাপ্রভু ধর্ময়; তিনি দুষ্টদের দড়ি কেটে আমাকে মুক্ত করেছেন।” 5 যারা সিয়োনকে ঘৃণা করে তারা সবাই লজ্জিত হয়ে ফিরে যাক। 6 তারা ছাদের উপর জন্মানো ঘাসের মতো হোক যা বেড়ে ওঠার আগেই শুকিয়ে যায়; 7 শস্যচ্ছেদক এসব দিয়ে তার হাত ভর্তি করতে পারে না, যে আঁটি বাঁধে সেও এসব দিয়ে তার কোল ভরাতে পারে না। 8 পথিকেরা যেন তাদের একথা না বলে, “সদাপ্রভুর আশীর্বাদ তোমাদের উপর হোক; সদাপ্রভুর নামে আমরা তোমাদের আশীর্বাদ করি।”

**130** একটি আরোহণ সংগীত। হে সদাপ্রভু, আমি অতল থেকে তোমার সাহায্য চেয়েছি; 2 হে সদাপ্রভু, আমার কর্তৃপক্ষের শোনো। আমার বিনতি প্রার্থনার প্রতি তোমার কান মনযোগী হোক। 3 হে সদাপ্রভু, যদি তুমি পাপের হিসেব রাখতে, তবে প্রভু, কে বাঁচতে পারত? 4 কিন্তু তোমার কাছে ক্ষমা আছে, যেন আমরা, সন্তুষ্ট তোমার সেবা করতে পারি। 5 আমি সদাপ্রভুর প্রতীক্ষায় থাকি, আমার সমস্ত অন্তর প্রতীক্ষা করে, এবং তাঁর বাক্যে আমি আশা রাখি। 6 প্রত্যুষের জন্য প্রহরী যেমন প্রতীক্ষায় থাকে হ্যঁ, প্রত্যুষের জন্য প্রহরী যেমন প্রতীক্ষায় থাকে, আমার প্রাণ, প্রভুর জন্য, তার থেকেও বেশি প্রতীক্ষায় থাকে। 7 হে ইস্রায়েল, সদাপ্রভুর উপর আশা রাখো, কারণ সদাপ্রভুর

কাছে অবিচল প্রেম আছে, এবং তাঁর কাছে পূর্ণ মুক্তি আছে। ৪ তিনি  
নিজেই ইস্রায়েলকে সব পাপ থেকে মুক্ত করবেন।

**131** একটি আরোহণ সংগীত। দাউদের গীত। হে সদাপ্রভু, আমার  
হৃদয় অহংকারী নয়, আমার দৃষ্টি উদ্বিগ্ন নয়; নিজের থেকে বড় কোনও  
বিষয় নিয়ে আমি ভাবি না আমার বোধের অতীত কোনও আশ্চর্য  
বিষয়ে সংযুক্ত থাকি না। ২ কিন্তু আমি নিজেকে শান্ত ও নীরব করেছি,  
স্তন্য-ত্যাগ করা শিশুর মতো করেছি যে মায়ের দুধের জন্য আর কাঁদে  
না, স্তন্যপানে বিরত শিশুর মতো আমি তৃপ্তি। ৩ হে ইস্রায়েল, সদাপ্রভুর  
উপরে আশা রাখো এখন এবং চিরকালের জন্য রাখো।

**132** একটি আরোহণ সংগীত। হে সদাপ্রভু, দাউদকে আর তার সব  
আত্মত্যাগ মনে রেখো। ২ তিনি সদাপ্রভুর কাছে এক শপথ করেছিলেন,  
তিনি যাকোবের পরাক্রমী ব্যক্তির কাছে মানত করেছিলেন: ৩ “আমি  
নিজের গৃহে প্রবেশ করব না অথবা নিজের বিছানায় শয়ন করব না,  
৪ আমি নিজের চোখে ঘুম আসতে দেব না অথবা চোখের পাতায়  
তন্দ্রা আসতে দেব না, ৫ যতদিন না পর্যন্ত আমি সদাপ্রভুর জন্য এক  
স্থান, যাকোবের পরাক্রমী ব্যক্তির জন্য এক আবাস খুঁজে পাই।” ৬  
দেখো, আমরা ইক্রাথায় তাঁর সংবাদ শুনেছিলাম জায়ারের ক্ষেত্রে  
তাঁর সন্ধান পেয়েছিলাম: ৭ “চলো, আমরা তাঁর আবাসে যাই, তাঁর  
পাদপীঠে এই বলে আমরা তাঁর আরাধনা করি, ৮ ‘হে সদাপ্রভু,  
ওঠো, আর তোমার বিশ্রামস্থানে এসো, তুমি ও তোমার পরাক্রমের  
সিন্দুক। ৯ তোমার পুরোহিতবন্দ যেন তোমার ধার্মিকতায় বিভূষিত  
হয়, তোমার বিশৃঙ্খলা তোমার আনন্দগান করুক।’” ১০ তোমার  
দাস দাউদের কারণে তোমার অভিষিক্ত ব্যক্তিকে পরিত্যাগ কোরো  
না। ১১ সদাপ্রভু দাউদের কাছে এক শপথ, এক সুনিশ্চিত শপথ  
করেছিলেন, যা তিনি ভাঙবেন না: “তোমার বৎশে জাত এক সন্তানকে  
আমি তোমার সিংহাসনে বসাব। ১২ যদি তোমার সন্তানেরা আমার  
নিয়ম এবং বিধিবিধান মান্য করে যা আমি তাদের শিক্ষা দিয়েছি,  
তবে তাদের সন্তানেরা চিরকাল ধরে তোমার সিংহাসনে বসবে।” ১৩  
সদাপ্রভু জেরুশালেমকে মনোনীত করেছেন, তিনি তাঁর নিবাসের

জন্য তা এই বলে বাসনা করেছেন যে, 14 “এই আমার চিরকালের  
বিশ্বামস্থান; আমি এই স্থানেই অধিষ্ঠিত রইব, কারণ আমি এই বাসনা  
করেছি। 15 আমি এই স্থানকে আশীর্বাদ করব আর সম্মুখশালী করব;  
তার দরিদ্রদের আমি খাবার দিয়ে পরিতৃপ্ত করব। 16 আমি তার  
যাজকদের পরিত্রাণ দিয়ে আবৃত করব, আর তার বিশ্বস্ত দাসেরা  
আনন্দগান গাইবে। 17 “আমি এখানে দাউদের জন্য এক শিং উথাপন  
করব এবং আমার অভিষিক্ত ব্যক্তির জন্য একটি প্রদীপ জ্বলে দেবো।  
18 আমি তাঁর শক্রদের লজ্জায় আবৃত করব, কিন্তু তাঁর মাথা উজ্জ্বল  
মুকুটে সুশোভিত হবে।”

**133** একটি আরোহণ সংগীত। দাউদের গীত। যখন ঈশ্বরের  
লোকেরা ঐক্যবন্ধ হয়ে একত্রে বসবাস করে তা কত উত্তম ও মনোহর  
হয়! 2 তা মূল্যবান সেই তেলের মতো যা মাথায় ঢেলে দেওয়া হয়, যা  
দাঢ়িতে গাঢ়িয়ে পরে, যা হারোনের দাঢ়িতে গাঢ়িয়ে পরে, যা তাঁর  
পোশাকের গলাবন্ধে গাঢ়িয়ে পরে। 3 মনে হয় এ যেন হর্মোন পাহাড়ের  
শিশির যা সিয়োন পর্বতে ঝরে পড়ছে। কারণ সেখানে সদাপ্রভু তাঁর  
আশীর্বাদ দিলেন, এমনকি অনন্তকালের জন্য জীবন দিলেন।

**134** একটি আরোহণ সংগীত। হে সদাপ্রভুর সকল দাস, তোমরা  
সদাপ্রভুর প্রশংসা করো, তোমরা যারা রাত্রিকালে সদাপ্রভুর গৃহে  
পরিচর্যা করো। 2 প্রার্থনায় তোমার দু-হাত পবিত্রস্থানের দিকে তুলে  
ধরো এবং সদাপ্রভুর ধন্যবাদ করো। 3 সদাপ্রভু, যিনি আকাশমণ্ডল ও  
পৃথিবী সৃষ্টি করেছেন, জেরুশালেম থেকে তোমাদের আশীর্বাদ করুন।

**135** সদাপ্রভুর প্রশংসা করো। সদাপ্রভুর নামের প্রশংসা করো;  
সদাপ্রভুর সেবকেরা, তাঁর স্তুতিগান করো, 2 তোমরা যারা সদাপ্রভুর  
গৃহে পরিচর্যা করো, আমাদের ঈশ্বরের গৃহের প্রাঙ্গণে। 3 সদাপ্রভুর  
প্রশংসা করো কারণ সদাপ্রভু মঙ্গলময়; তাঁর নামের উদ্দেশে স্তুতিগান  
করো কারণ তা মনোরম। 4 সদাপ্রভু নিজের জন্য যাকোবকে, আর  
তাঁর অমূল্য সম্পদরূপে ইস্রায়েলকে মনোনীত করেছেন। 5 আমি জানি  
সদাপ্রভু মহান, আমাদের প্রভু সব দেবতার উর্ধ্বে। 6 আকাশমণ্ডলে ও  
পৃথিবীতে, সমুদ্রে ও সমস্ত জলধির মধ্যে, সদাপ্রভুর যা ইচ্ছা তাই

করেন। ৭ তিনি পৃথিবীর প্রান্তদেশ থেকে মেঘ উত্থাপন করেন; তিনি বৃষ্টির সঙ্গে বিদ্যুৎ প্রেরণ করেন, আর তাঁর ভাণ্ডার থেকে বায়ু বের করে আনেন। ৮ তিনি মিশরের প্রথমজাতদের বিনাশ করেছিলেন, মানুষ ও পশুর প্রথমজাতদের। ৯ হে মিশর, ফরৌগ ও তার অনুচরদের বিপক্ষে, তিনি তোমার মাঝে চিহ্ন ও আশৰ্য কাজ পাঠিয়েছিলেন। ১০ তিনি বহু জাতিকে আঘাত করেছিলেন এবং শক্তিশালী রাজাদের বধ করেছিলেন— ১১ ইমেরীয়দের রাজা সীহোনকে, বাশনের রাজা ওগকে এবং কনানের সমস্ত রাজাকে— ১২ এবং তিনি তাদের দেশ অধিকারস্বরূপ দিলেন, তাঁর প্রজা ইস্রায়েলকে অধিকার দিলেন। ১৩ তোমার নাম, হে সদাপ্রভু, অনন্তকালস্থায়ী, তোমার খ্যাতি, হে সদাপ্রভু, সব প্রজন্মের কাছে পরিচিত। ১৪ সদাপ্রভু তাঁর প্রজাদের ন্যায়বিচার করবেন আর তাঁর দাসদের প্রতি করণ্ণা করবেন। ১৫ জাতিদের প্রতিমাণ্ডলি রূপো ও সোনা দিয়ে তৈরি, মানুষের হাতে গড়া। ১৬ তাদের মুখ আছে, কিন্তু তারা কথা বলতে পারে না, চোখ আছে, কিন্তু তারা দেখতে পায় না। ১৭ তাদের কান আছে, কিন্তু তারা শুনতে পায় না, এমনকি তাদের মুখে প্রাণের নিঃশ্বাস নেই। ১৮ যারা প্রতিমা তৈরি করে তারা তাদের মতোই হবে, আর যারা সেগুলির উপর আস্থা রাখে তারাও তেমনই হবে। ১৯ হে ইস্রায়েলের কুল, সদাপ্রভুর প্রশংসা করো; ২০ হে লেবীয় কুল, সদাপ্রভুর প্রশংসা করো; তোমরা যারা তাঁকে সন্তুষ্ট করো, সদাপ্রভুর প্রশংসা করো। ২১ সিরোন থেকে সদাপ্রভুর প্রশংসা হোক, কারণ তিনি জেরুশালেমে বসবাস করেন। সদাপ্রভুর প্রশংসা করো।

**136** সদাপ্রভুর ধন্যবাদ করো, কারণ তিনি মঙ্গলময়। ২ দেবতাদের ঈশ্বরের ধন্যবাদ করো। ৩ প্রভুদের প্রভুর ধন্যবাদ করো, ৪ তাঁর প্রশংসা করো যিনি একাই মহৎ ও আশৰ্য কাজ করেন, ৫ যিনি নিজের প্রজ্ঞাবলে এই আকাশমণ্ডল সৃষ্টি করেছেন, ৬ যিনি জলধির উপরে পৃথিবী বিস্তার করেছেন, ৭ যিনি বড়ো বড়ো জ্যোতি সৃষ্টি করেছেন— ৮ দিনের উপর শাসন করতে সূর্য, ৯ রাত্রির উপর শাসন করতে চাঁদ ও তারকামালা; ১০ যিনি মিশরের প্রথমজাতদের আঘাত করেছিলেন, ১১

যিনি ইন্দ্রায়েলকে তাদের মধ্য থেকে মুক্ত করলেন 12 তাঁর শক্তিশালী  
হাত ও প্রসারিত বাহু দিয়ে; 13 যিনি লোহিত সাগর দু-ভাগ করলেন  
14 যিনি ইন্দ্রায়েলীদের তার মধ্যে দিয়ে বার করে আনলেন, 15 কিন্তু  
ফরৌগ ও তার সেনাবাহিনীকে যিনি লোহিত সাগরে নিষ্কেপ করলেন;  
16 যিনি তাঁর প্রজাদের মরণপ্রাপ্তরের মধ্য দিয়ে পরিচালিত করলেন, 17  
যিনি মহান রাজাদের আঘাত করলেন, 18 এবং শক্তিশালী রাজাদের  
বধ করলেন— 19 ইমোরীয়দের রাজা সীহোনকে, 20 বাশনের রাজা  
ওগকে 21 এবং তাদের দেশ অধিকারস্বরূপ বণ্টন করলেন, 22 নিজের  
দাস ইন্দ্রায়েলকে অধিকার দিলেন, 23 আমাদের দৈন্য দশায় তিনি  
আমাদের সন্ধরণ করলেন 24 আমাদের শক্রদের কবল থেকে আমাদের  
উদ্বার করলেন, 25 তিনি সব প্রাণীকে খাবার দেন, 26 স্বর্গের ঈশ্বরের  
ধন্যবাদ করো।

**137** যখন সিয়োনের কথা আমাদের মনে পড়ত ব্যাবিলনের  
নদীতীরে বসে আমরা কাঁদতাম। 2 আমরা সেখানে চিনার গাছে  
বীণাগুলি ঝুলিয়ে রাখতাম, 3 কারণ সেখানে আমাদের বন্দিকারীরা  
গান শুনতে চাইত, আমাদের অত্যাচারীরা আনন্দগানের দাবি করত;  
তারা বলত “সিয়োনের গান, একটি গান আমাদের শোনাও!” 4 কিন্তু  
কীভাবে আমরা সদাপ্রভুর গান গাইব যখন আমরা বিদেশে বসবাস  
করছি? 5 হে জেরশালেম, আমি যদি তোমাকে ভুলে যাই, তবে যেন  
আমার ডান হাত তার দক্ষতা হারিয়ে ফেলে। 6 যদি আমি তোমাকে  
ভুলে যাই, আর যদি আমি জেরশালেমকে আমার সর্বাধিক আনন্দ  
বলে গণ্য না করি, তবে যেন আমার জিভ মুখের তালুতে আটকে যায়।  
7 হে সদাপ্রভু, মনে রেখো, যেদিন জেরশালেমকে বন্দি করা হয়েছিল  
সেদিন ইদোমীয়রা যা করেছিল। তারা জোর গলায় বলেছিল, “উপড়ে  
ফেলো, সমূলে উপড়ে ফেলো!” 8 হে ব্যাবিলনের কণ্যা, তুমি ধৰ্মস  
হবে, ধন্য সেই যে তোমাকে সেরকম প্রতিফল দেবে যে রকম তুমি  
আমাদের প্রতি করেছিলে। 9 ধন্য সেই যে তোমাদের শিশুদের ধরে  
আর পাথরের উপরে আছড়ায়।

**138** দাউদের গীত। হে সদাপ্রভু, আমি আমার সমস্ত অন্তর দিয়ে  
তোমার প্রশংসা করব; “দেবতাদের” সাক্ষাতে আমি তোমার প্রশংসাগান  
করব। 2 তোমার পবিত্র মন্দিরের উদ্দেশে আমি নত হব এবং তোমার  
অবিচল প্রেম ও তোমার বিশ্বস্ততার কারণে তোমার নামের প্রশংসা  
করব, কারণ তুমি তোমার বিধিসম্মত নিয়মাবলি উচ্চে স্থাপন করেছ;  
যেন তোমার খ্যাতি ছাপিয়ে যায়। 3 আমি যখন ডেকেছি, তুমি  
আমাকে উত্তর দিয়েছ; আমার প্রাণে শক্তি দিয়ে আমাকে অতিশয়  
উৎসাহিত করেছ। 4 হে সদাপ্রভু, পৃথিবীর সব রাজা তোমার প্রশংসা  
করবে, কারণ তারা সবাই তোমার বাক্য শুনবে। 5 তারা সদাপ্রভুর  
পথগুলির বিষয়ে গান করবে, কারণ সদাপ্রভুর গৌরব মহান। 6  
সদাপ্রভু মহিমান্বিত হলেও তিনি অবনতদের দিকে দয়ালু দৃষ্টি রাখেন;  
কিন্তু দাস্তিকদের তিনি দূর থেকে বুবাতে পারেন। 7 যদিও আমি  
সংকটের মধ্যে দিয়ে যাই, তুমি আমার প্রাণ বাঁচিয়ে রাখো। আমার  
বিপক্ষদের ক্রোধের বিরুদ্ধে তুমি তোমার হাত প্রসারিত করো; তোমার  
ডান হাত দিয়ে তুমি আমাকে রক্ষা করো। 8 সদাপ্রভু আমার জন্য  
তাঁর সব পরিকল্পনা সফল করবেন, কারণ তোমার বিশ্বস্ত প্রেম, হে  
সদাপ্রভু, অনন্তকালস্থায়ী। আমাকে পরিত্যাগ কোরো না, কারণ তুমি  
আমাকে সৃষ্টি করেছ।

**139** সংগীত পরিচালকের জন্য। দাউদের গীত। হে সদাপ্রভু, তুমি  
আমার অনুসন্ধান করেছ, আর তুমি আমাকে জানো। 2 তুমি জানো  
আমি কখন বসি আর কখন উঠি; দূর থেকেও তুমি আমার মনের  
ভাবনা বুবাতে পারো। 3 তুমি জানো আমি কোথায় যাই আর আমি  
কোথায় শয়ন করি; আমার চলার সব পথ তোমার পরিচিত। 4 আমার  
জিতে কোনও কথা উচ্চারিত হবার আগেই তুমি, হে সদাপ্রভু, তা  
সম্পূর্ণভাবে জানো। 5 তুমি আমাকে সামনে ও পিছনে ঘিরে রেখেছ,  
এবং আমার উপর তোমার হাত রেখেছ। 6 এই জ্ঞান আমার কাছে  
খুব আশ্চর্যজনক, এত উঁচু যে তা আমার বোধের অগম্য। 7 আমি  
তোমার আত্মাকে এড়িয়ে কোথায় যাব? আমি তোমার সামনে থেকে  
কোথায় পালাব? 8 যদি আমি আকাশমণ্ডলে উঠে যাই, সেখানে

তুমি আছ; যদি আমি পাতালে বিছানা পাতি, সেখানেও তুমি রয়েছ।

(Sheol h7585) 9 যদি আমি প্রত্যমের ডানায় ভর করে উড়ে যাই, যদি  
আমি সমন্বের সুন্দর সীমায় বসতি স্থাপন করি, 10 এমনকি সেখানেও  
তোমার হাত আমাকে পথ দেখাবে, তোমার ডান হাত আমাকে ধরে  
রাখবে। 11 যদি আমি বলি, “নিশ্চয় অঙ্ককার আমাকে আচ্ছন্ন করবে  
আর আলো আমার চারিদিকে অঙ্ককারে পরিণত হবে,” 12 এমনকি,  
আঁধারও তোমার কাছে অঙ্ককার নয়; রাত্রি ও দিনের আলোর মতো  
উজ্জ্বল, কারণ অঙ্ককার তোমার কাছে আলোর সমান। 13 কারণ  
তুমি আমার অন্তরের সত্তা নির্মাণ করেছ; এবং মাতৃগর্ভে তুমি আমার  
দেহকে বুনেছ, 14 আমি তোমার স্তব করি, কারণ আমি ভয়াবহরপে  
ও আশ্চর্যরূপে নির্মিত; তোমার সব কাজকর্ম বিস্ময়কর তা আমি  
যথার্থভাবে জানি। 15 আমার পরিকাঠামো তোমার কাছে লুকানো  
ছিল না, যখন আমি গোপন স্থানে নির্মিত হয়েছিলাম, যখন পৃথিবীর  
অধঃস্থানে আমাকে একসাথে বোনা হয়েছিল। 16 তোমার চোখ আমার  
অগার্থিত দেহটি দেখেছিল; আমার জীবনের নির্ধারিত দিনগুলি তোমার  
বইতে লেখা ছিল জীবনে একদিন অতিবাহিত হওয়ার আগেই। 17  
হে ঈশ্বর, তোমার ভাবনাগুলি আমার কাছে কত মূল্যবান! সেগুলির  
সমষ্টি কী বিপুল! 18 যদি আমি সেগুলি গুনতে যেতাম, তবে সেগুলি  
বালুকণার চেয়েও সংখ্যায় বেশি হত, যখন আমি জেগে উঠি, তখনও  
তুমি আমার সঙ্গে আছ। 19 হে ঈশ্বর, যদি তুমি দুষ্টদের ধ্বংস করতে!  
আমার কাছ থেকে দূর হও, তোমরা যারা রক্তপিপাসু! 20 তোমার  
সম্বন্ধে তারা মন্দ উদ্দেশ্য নিয়ে কথা বলে, তোমার বিপক্ষরা তোমার  
নামের অপব্যবহার করে। 21 হে সদাপ্রভু, আমি কি তাদের ঘৃণা করি  
না যারা তোমাকে ঘৃণা করে? এবং তাদের কি অবজ্ঞা করি না যারা  
তোমার বিপক্ষে বিদ্রোহ করে? 22 তাদের জন্য কেবল আমার ঘৃণাই  
রয়েছে; আমি তাদের আমার শক্তি বলেই গণ্য করি। 23 হে ঈশ্বর, তুমি  
আমার অনুসন্ধান করো আর আমার হৃদয়ের কথা জানো; আমাকে  
পরীক্ষা করো আর জানো আমার উদ্দেগের ভাবনা। 24 দেখো, আমার

মধ্যে দুষ্টতার পথ পাওয়া যায় কি না, আর আমাকে অনস্ত জীবনের  
পথে চালাও।

**140** সংগীত পরিচালকের জন্য। দাউদের গীত। হে সদাপ্রভু,  
অনিষ্টকারীদের হাত থেকে আমাকে উদ্ধার করো; হিংস্র লোকদের কবল  
থেকে আমাকে বাঁচিয়ে রাখো, 2 যারা অন্তরে অনিষ্টের পরিকল্পনা  
করে, এবং প্রতিদিন যুদ্ধ প্ররোচিত করে, 3 তারা সাপের মতো তাদের  
জিভ তীক্ষ্ণ করে; কালসাপের বিষ তাদের মুখে। 4 হে সদাপ্রভু, দুষ্টদের  
হাত থেকে আমাকে সুরক্ষিত রাখো; দুরাচারীদের কবল থেকে আমাকে  
বাঁচিয়ে রাখো, কারণ তারা আমার পতনের জন্য ঘড়্যন্ত করছে। 5  
অহংকারীরা আমার জন্য গোপনে জাল পেতেছে; তারা সেই জালের  
দড়ি চারিদিকে বিছিয়েছে, আমার চলার পথে তারা ফাঁদ পেতেছে। 6  
আমি সদাপ্রভুকে বলি, “তুমিই আমার ঈশ্বর।” হে সদাপ্রভু, আমার  
বিনীত প্রার্থনা শোনো। 7 হে সার্বভৌম সদাপ্রভু, আমার শক্তিশালী  
মুক্তিদাতা, যুদ্ধের দিনে তুমি আমার মস্তক আচ্ছাদন করেছ। 8 হে  
সদাপ্রভু, দুষ্টদের মনোবাসনা পূর্ণ হতে দিয়ো না; তাদের সংকল্প  
সফল হতে দিয়ো না। 9 আমার জন্য আমার শক্ররা যে দুষ্ট সংকল্প  
করেছে তা দিয়েই আমার শক্ররা ধ্বংস হোক। 10 জ্বলন্ত কঠলা তাদের  
উপর পড়ুক; আগুনে নিষ্কিপ্ত হোক তারা, নিষ্কিপ্ত হোক কর্দমাক্ত গর্তে,  
যেন আর উঠতে না পারে। 11 নিন্দুকরা যেন দেশে প্রতিষ্ঠিত হতে  
না পারে; দুর্ভোগ যেন বিনষ্টকারীদের তাড়া করে বেড়ায়। 12 আমি  
জানি, সদাপ্রভু দরিদ্রদের পক্ষ অবশ্যই নেন আর অভাবীদের প্রতি  
ন্যায়বিচার করেন। 13 ধার্মিকেরা নিশ্চয়ই তোমার নামের প্রশংসা  
করবে, এবং ন্যায়পরায়নের তোমার সান্নিধ্যে বসবাস করবে।

**141** দাউদের সংগীত। হে সদাপ্রভু, আমি তোমায় ডাকি, তুমি  
তাড়াতাড়ি আমার কাছে এসো; আমি যখন ডাকি তখন আমার প্রার্থনায়  
কর্ণপাত করো। 2 তোমার উদ্দেশে আমার প্রার্থনা সুগন্ধি ধূপের মতো,  
আর আমার প্রসারিত দু-হাত সান্ধ্য নৈবেদ্যের মতো গ্রহণ করো। 3 হে  
সদাপ্রভু, আমি যা বলি তা তুমি নিয়ন্ত্রণ করো, আর আমার ঠোঁট দুটিকে  
পাহারা দাও। 4 আমার হৃদয় যেন মন্দের দিকে আকর্ষিত না হয়, বা

অপরাধে অংশ না নেয়। যারা অন্যায় করে তাদের সুস্থানু খাবারে আমি  
যেন ভাগ না নিই। ৫ ধার্মিক ব্যক্তি আমাকে আঘাত করছক—তা আমার  
জন্য কৃপা; সে আমাকে তিরক্ষার করছক—তা আমার মাথার তেল।  
আমার মাথা তা অগ্রাহ্য করবে না, কারণ অনিষ্টকারীদের দুর্কর্মের  
বিরুদ্ধে আমি নিত্য প্রার্থনা জানাব। ৬ যখন তাদের শাসকদের উঁচু  
পাহাড় থেকে নিষ্কেপ করা হবে, দুষ্টরা আমার কথা শুনবে আর তা  
সঠিক বলে উপলব্ধি করবে। ৭ তখন তারা বলবে, “একজন যেমন  
জমিতে লাঙল দেয় ও চাষ করে, তেমনই আমাদের হাড়গোড় করবের  
মুখে ছড়িয়ে আছে।” (Sheol h7585) ৮ কিন্তু হে সার্বভৌম সদাপ্রভু,  
দেখো আমার দৃষ্টি সাহায্যের জন্য তোমার প্রতি স্থির রয়েছে; আমি  
তোমাতে শরণ নিয়েছি, আমাকে মৃত্যুর হাতে তুলে দিয়ো না। ৯  
অনিষ্টকারীদের ফাঁদ থেকে আমাকে সুরক্ষিত রাখো, তাদের জাল  
থেকে যা তারা আমার জন্য ছড়িয়ে রেখেছে। ১০ দুষ্টরা নিজেদের  
জালেই জড়িয়ে পড়ুক, কিন্তু আমাকে নিরাপদে পার হতে দাও।

**142** দাউদের মক্ষীল। যখন তিনি গুহার মধ্যে ছিলেন। একটি  
প্রার্থনা। আমি জোর গলায় সদাপ্রভুর কাছে বিনতি করি; সদাপ্রভুর  
দয়ার জন্য আমি অনুনয় করি। ২ আমি তাঁর কাছে আমার অভিযোগের  
কথা প্রকট করি; তোমার সামনে আমার সংকটের কথা বলি। ৩ যখন  
আমার আত্মা আমার অন্তরে ক্ষীণ হয়, তখন তুমিই আমার চলার পথে  
লক্ষ্য রাখো। যে পথে আমি চলি, লোকেরা সেই পথে আমার জন্য এক  
ফাঁদ পেতেছে। ৪ তুমি চেয়ে দেখো, আমার ডানদিকে কেউ নেই;  
আমার জন্য কারও ভাবনা নেই, আমার কোনও আশ্রয় নেই; কেউই  
আমার জীবনের জন্য চিন্তা করে না। ৫ হে সদাপ্রভু, আমি তোমার  
কাছে কাঁদি, আমি বলি, “তুমিই আমার আশ্রয়, জীবিতদের দেশে  
তুমিই আমার অধিকার।” ৬ আমার কাতর প্রার্থনা শোনো, কারণ  
আমি নিদারণ প্রয়োজনে রয়েছি; যারা আমাকে তাড়না করে, তাদের  
হাত থেকে আমাকে উদ্ধার করো, কারণ তারা আমার থেকেও বেশি  
শক্তিশালী। ৭ আমাকে কারাগার থেকে মুক্ত করো, যেন আমি তোমার

নামের প্রশংসা করতে পারি। তখন ধার্মিকেরা আমাকে ঘিরে ধরবে  
কারণ তুমি আমার প্রতি মঙ্গলময়।

**143** দাউদের গীত। হে সদাপ্রভু, আমার প্রার্থনা শোনো, আমার  
বিনতিতে কর্ণপাত করো; তোমার বিশ্বস্ততায় ও ধার্মিকতায় আমার  
সহায় হও। 2 তোমার দাসকে বিচারে নিয়ে এসো না, কারণ জীবিত  
কেউ তোমার দৃষ্টিতে ধার্মিক নয়। 3 আমার শক্র আমার পশ্চাদ্বাবন  
করে, সে আমাকে ভূমিতে চূর্ণ করে, অতীতের মৃত ব্যক্তিদের মতো সে  
আমাকে অন্ধকারে বাস করায়। 4 তাই আমার আত্মা আমার অন্তরে  
ক্ষীণ হয়; আমার হৃদয় আমার অন্তরে হতাশাগ্রস্ত হয়। 5 আমি সুদূর  
অতীতের দিনগুলি স্মরণ করি; আমি তোমার সব কাজে ধ্যান করি,  
আর তোমার হাত যেসব কাজ করেছে তা বিবেচনা করি। 6 আমি  
তোমার উদ্দেশ্যে আমার হাত প্রসারিত করি; শুকনো জমির মতো  
আমার প্রাণ তোমার জন্য তৃষ্ণার্ত। 7 হে সদাপ্রভু, আমাকে তাড়াতাড়ি  
উত্তর দাও; কারণ আমার আত্মা ক্ষীণ হচ্ছে। তোমার মুখ আমার  
কাছ থেকে লুকিয়ে রেখো না নতুবা আমি তাদের মতো হব যাদের  
মৃত্যু হয়েছে। 8 প্রতিদিন সকালে তোমার অবিচল প্রেমের বাক্য  
শোনাও, কারণ আমি তোমার উপর আস্থা রেখেছি। যে পথে আমার  
চলা উচিত তা আমাকে দেখাও, কারণ আমি তোমাতে আমার জীবন  
গচ্ছিত রেখেছি। 9 হে সদাপ্রভু, আমার শক্রদের হাত থেকে আমাকে  
রক্ষা করো, কারণ আমি নিজেকে তোমাতেই লুকিয়ে রেখেছি। 10  
তোমার ইচ্ছা পূরণ করতে আমাকে শেখাও, কারণ তুমিই আমার  
ঈশ্বর; তোমার আত্মা দয়ালু আর আমাকে সমতল জমিতে চালাও। 11  
তোমার নামের মহিমায়, হে সদাপ্রভু, আমার জীবন বাঁচিয়ে রাখো;  
তোমার ধার্মিকতায় আমাকে দুর্দশা থেকে মুক্ত করো। 12 তোমার  
অবিচল প্রেমের গুণে আমার শক্রদের চুপ করাও; আমার সব বিপক্ষকে  
বিনষ্ট করো, কারণ আমি তোমার ভক্তদাস।

**144** দাউদের গীত। সদাপ্রভুর প্রশংসা হোক, যিনি আমার শৈল;  
তিনি আমার হাতকে যুদ্ধ শেখান, আমার আঙুলকে সংগ্রাম শেখান।  
2 তিনি আমার প্রেমময় ঈশ্বর ও আমার উচ্চদুর্গ, আমার নিরাপদ

আশ্রয় ও রক্ষাকর্তা, আমার ঢাল, আমি তাঁর শরণাগত, যিনি জাতিদের  
 আমার অধীনস্থ করেন। 3 হে সদাপ্রভু, মানুষ কে যে তুমি তাদের  
 যত্ন নাও, সামান্য মানুষ কে যে তুমি তাদের কথা চিন্তা করো? 4  
 মানুষ নিঃশ্বাসের মতো; তাদের আয়ু ছায়ার মতো যা মিলিয়ে যায়। 5  
 তোমার আকাশমণ্ডল উন্মুক্ত করো, হে সদাপ্রভু, আর নেমে এসো;  
 পর্বতশ্রেণীকে স্পর্শ করো আর তারা ধোঁয়া নির্গত করবে। 6 বিদ্যুৎ  
 প্রেরণ করো আর শক্তিশালী বিক্ষিপ্ত করো; তোমার তির নিক্ষেপ করো  
 আর তাদের ছত্রভঙ্গ করো। 7 উর্ধ্বর্ণোক থেকে তোমার হাত প্রসারিত  
 করো; মহা জলরাশি থেকে আর অইহৃদিদের কবল থেকে আমাকে  
 উদ্ধার করো আর রক্ষা করো; 8 তাদের মুখ মিথ্যায় পরিপূর্ণ, তাদের  
 ডান হাত ছলনায় ভরা। 9 হে আমার ঈশ্বর, আমি তোমার উদ্দেশে এক  
 নতুন গান গাইব; দশ-তারের বীণায় আমি তোমার জন্য সংগীত রচনা  
 করব। 10 তিনি রাজাদের বিজয় দেন এবং তাঁর দাস দাউদকে উদ্ধার  
 করেন। মারাত্মক তরোয়াল থেকে 11 উদ্ধার করো; অইহৃদিদের কবল  
 থেকে আমাকে উদ্ধার করো, যাদের মুখ মিথ্যায় পূর্ণ, যাদের ডান  
 হাত ছলনায় ভরা। 12 তখন আমাদের ছেলেরা তাদের ঘোবনে বেড়ে  
 ওঠা সতেজ গাছের সদৃশ হবে, আর আমাদের মেয়েরা খোদাই করা  
 স্তনস্বরূপ হবে যা প্রাসাদের শোভা বর্ধনকারী। 13 আমাদের শস্যাগার  
 বিবিধ খোরাকে পূর্ণ থাকবে; আমাদের মেষ হাজার গুণ বৃদ্ধি পাবে;  
 এমনকি দশ হাজার গুণ বৃদ্ধি পাবে আমাদের মাঠে; 14 আমাদের  
 বলদণ্ডলি অনেক ভারবহন করবে। কোনও শক্তিপক্ষ দেওয়াল ভেঙে  
 আক্রমণ করবে না, কেউ বন্দিদশায় যাবে না, আমাদের পথে পথে  
 দুর্দশার ক্রন্দন উঠবে না। 15 ধন্য সেই লোকেরা, যাদের পক্ষে এসব  
 সত্য; ধন্য সেই লোকেরা, সদাপ্রভু যাদের ঈশ্বর।

**145** দাউদের প্রশংসাগীত। হে আমার ঈশ্বর, আমার রাজা, আমি  
 তোমাকে মহিমান্বিত করব; চিরকাল আমি তোমার নামের প্রশংসা  
 করব। 2 প্রতিদিন আমি প্রশংসা করব আর চিরকাল তোমার নামের  
 উচ্চপ্রশংসা করব। 3 সদাপ্রভু মহান ও অতীব প্রশংসার যোগ্য; কেউ  
 তাঁর মহানতার পরিমাপ করতে পারে না। 4 এক প্রজন্ম তাদের

সন্তানসন্ততিদের কাছে তোমার কাজের প্রশংসা করবে; আর তোমার পরাক্রমী কাজকর্ম বর্ণনা করবে। ৫ তারা তোমার মহিমার গৌরব ও প্রভা ঘোষণা করবে আর আমি তোমার আশ্চর্য কাজ ধ্যান করব। ৬ আর লোকে তোমার ভয়াবহ কাজের কথা বলবে, আর আমি তোমার মহিমা বর্ণনা করব। ৭ তারা তোমার অজস্র ধার্মিকতা প্রচার করবে, আর মহানদে তোমার ন্যায়পরায়ণতার বিষয়ে গান করবে। ৮ সদাপ্রভু কৃপাময় ও মেহশীল, ক্রোধে ধীর ও দয়াতে মহান। ৯ সদাপ্রভু সকলের প্রতি মঙ্গলময়; নিজের সব সৃষ্টির প্রতি তাঁর করণ অপার। ১০ হে সদাপ্রভু, তোমার সব কাজকর্ম তোমার প্রশংসা করে; তোমার বিশ্বস্ত লোকেরা তোমার উচ্চপ্রশংসা করে। ১১ তোমার রাজ্যের মহিমা তারা প্রচার করে, আর তোমার পরাক্রমের কথা বলে, ১২ যেন সব মানুষ তোমার পরাক্রমী কাজকর্ম আর তোমার রাজ্যের অপরূপ প্রতাপের কথা জানতে পারে। ১৩ তোমার রাজত্ব অনন্তকালস্থায়ী রাজত্ব, আর তোমার আধিপত্য বংশপরম্পরায় স্থায়ী। সদাপ্রভু তাঁর সব প্রতিশ্রূতিতে অবিচল, এবং তিনি যা করেন সবকিছুতেই নির্ভরযোগ্য। ১৪ যারা পতনের সম্মুখীন, সদাপ্রভু তাদের সবাইকে ধরে রাখেন আর যারা অবনত তাদের সবাইকে তিনি তুলে ধরেন। ১৫ সবার চোখ তোমার দিকে তাকিয়ে থাকে, আর যথাসময়ে তুমি তাদের খাবার জোগাও। ১৬ তুমি তোমার হাত উন্মুক্ত করো, আর সব জীবন্ত প্রাণীর অভিলাষ পূর্ণ করো। ১৭ সদাপ্রভু তাঁর সব কাজে ন্যায়পরায়ণ আর যা করেন সবকিছুতেই বিশ্বস্ত। ১৮ সদাপ্রভু তাদের সবার কাছে আছেন যারা তাঁকে ডাকে, সবার কাছে আছেন যারা তাঁকে সত্যে আহ্বান করে। ১৯ যারা তাঁকে সম্ম্রম করে তিনি তাদের আকাঙ্ক্ষা পূর্ণ করেন; তিনি তাদের কাঙ্ক্ষা শোনেন আর তাদের রক্ষা করেন। ২০ যারা তাঁকে ভালোবাসে, তিনি তাদের প্রতি দৃষ্টি রাখেন, কিন্তু দুষ্টদের সবাইকে তিনি ধ্বংস করবেন। ২১ আমার মুখ সদাপ্রভুর প্রশংসা করবে, আর প্রত্যেকটি প্রাণী যুগে যুগে ও চিরকাল তাঁর পবিত্র নামের প্রশংসা করবে।

**146** সদাপ্রভুর প্রশংসা করো। হে আমার প্রাণ, সদাপ্রভুর প্রশংসা করো। 2 আমি সারা জীবন সদাপ্রভুর প্রশংসা করব। আমি যতদিন বাঁচব ততদিন আমার ঈশ্বরের প্রশংসা করব। 3 তোমরা অধিগতিদের উপর আস্থা রেখো না, মানুষের উপর রেখো না, যারা রক্ষা করতে পারে না। 4 যখন তাদের প্রাণবায়ু বেরিয়ে যায় তখন তারা ধূলোতে ফিরে আসে, সেই দিনই তাদের সব পরিকল্পনার অবসান ঘটে। 5 ধন্য সেই ব্যক্তি, যার সহায় যাকোবের ঈশ্বর, ঈশ্বর সদাপ্রভুতেই তার সব প্রত্যাশা। 6 তিনি আকাশমণ্ডল ও পৃথিবী, সাগর ও তাদের মধ্যে যা কিছু আছে, সমস্ত কিছুর সৃষ্টিকর্তা— তিনি চিরকাল বিশ্বস্ত থাকেন। 7 তিনি অত্যাচারিতদের পক্ষে ন্যায়বিচার করেন, আর ক্ষুধার্তদের খাবার জোগান দেন। সদাপ্রভু বন্দিদের মুক্ত করেন। 8 সদাপ্রভু দৃষ্টিহীনকে দৃষ্টি দান করেন, সদাপ্রভু অবনতদের উত্থাপন করেন, সদাপ্রভু ধার্মিকদের প্রেম করেন। 9 সদাপ্রভু বিদেশিদের রক্ষা করেন অনাথ ও বিধবাদের তিনি বহন করেন, কিন্তু তিনি দুষ্টদের সংকল্প ব্যর্থ করেন। 10 সদাপ্রভু চিরকাল রাজত্ব করেন, তোমার ঈশ্বর, হে সিয়োন, বংশানুক্রমে করেন। সদাপ্রভুর প্রশংসা করো।

**147** সদাপ্রভুর প্রশংসা করো, আমাদের ঈশ্বরের উদ্দেশে প্রশংসা করা কত উত্তম, তাঁর প্রশংসা করা কত মনোরম ও যথাযোগ্য। 2 সদাপ্রভু জেরুশালেমকে গড়ে তোলেন, তিনি নির্বাসিত ইস্রায়েলকে একত্র করেছেন। 3 তিনি ভগ্নচিত্তদের সুস্থ করেন, এবং তাদের সব ক্ষতস্থান তিনি বেঁধে দেন। 4 আকাশের তারাদের সংখ্যা তিনি নির্ণয় করেন, এবং তাদের প্রত্যেককে তিনি নাম ধরে ডাকেন। 5 মহান আমাদের প্রভু ও অতিশয় শক্তিমান, তার বোধশক্তির কোনও সীমা নেই। 6 সদাপ্রভু নম্রচিত্তদের বাঁচিয়ে রাখেন কিন্তু দুষ্টদের ভূমিতে নিক্ষেপ করেন। 7 শ্রবসহ সদাপ্রভুর উদ্দেশে ধন্যবাদ করো; বীগার ঝাঙ্কারে আমাদের ঈশ্বরের উদ্দেশে গান গাও। 8 তিনি মেঘরাশি দিয়ে আকাশকে আচ্ছন্ন করেন; তিনি পৃথিবীতে বৃষ্টি দেন, এবং তিনি পর্বতে ঘাস বৃদ্ধি করেন। 9 তিনি পশুপালের জন্য খাবারের জোগান দেন এবং দাঁড়কাফের শাবকগুলিকে দেন, যখন তারা ডাকে। 10 তিনি

যোড়ার শক্তিতে আনন্দ করেন না, যোড়ার বলে তিনি সন্তুষ্ট হন না; 11  
 সদাপ্রভু তাদের উপর সন্তুষ্ট যারা তাঁকে সন্তুষ্ট করে, যারা তাঁর অবিচল  
 প্রেমে আস্থা রাখে। 12 হে জেরশালেম, সদাপ্রভুর গুণকীর্তন করো;  
 হে সিয়োন, তোমার ঈশ্বরের প্রশংসা করো। 13 কারণ তিনি তোমার  
 দরজার খিল দৃঢ় করেন, এবং তিনি তোমার মধ্যে তোমার লোকেদের  
 আশীর্বাদ করেন। 14 তিনি তোমার সীমান্তে শান্তি প্রতিষ্ঠা করেন,  
 এবং সেরা গম দিয়ে তোমাকে পরিতৃপ্ত করেন। 15 তিনি তাঁর আদেশ  
 পৃথিবীতে প্রেরণ করেন; এবং তার বাক্য দ্রুতবেগে ছুটে যায়। 16 তিনি  
 সাদা পশমের মতো বরফ ছড়িয়ে দেন এবং ছাইয়ের মতো তুষার  
 ছিটিয়ে দেন। 17 তিনি নুড়ি-পাথরের মতো শিলা নিষ্কিপ্ত করেন।  
 তাঁর হাড় কাঁপানো শীত কে সহ্য করতে পারে? 18 তিনি তাঁর বাক্য  
 পাঠিয়ে সেই সমস্ত গলিয়ে দেন; তিনি তাঁর বায়ু জাগিয়ে তোলেন আর  
 জল প্রবাহিত হয়। 19 তিনি যাকোবের কাছে তাঁর বাক্য, ইস্রায়েলের  
 কাছে তাঁর বিধি ও অনুশাসন প্রকাশ করেছেন। 20 তিনি অন্য কোনও  
 জাতির জন্য এসব করেননি; কারণ তাঁর বিধিনিয়ম তারা জানে না।  
 সদাপ্রভুর প্রশংসা করো।

**148** সদাপ্রভুর প্রশংসা করো। আকাশমণ্ডল থেকে সদাপ্রভুর প্রশংসা  
 করো; উর্ধ্বলোকে তাঁর প্রশংসা করো। 2 হে তাঁর সমস্ত স্বর্গদৃত, তাঁর  
 প্রশংসা করো; হে তাঁর সমস্ত স্বর্গীয় বাহিনী, তাঁর প্রশংসা করো। 3 হে  
 সূর্য ও চন্দ্র, তাঁর প্রশংসা করো; হে উজ্জ্বল সব তারা, তাঁর প্রশংসা  
 করো। 4 হে উর্ধ্বতম স্বর্গলোক, তাঁর প্রশংসা করো হে আকাশের  
 উর্ধ্বস্থিত জলরাশি, তোমরাও করো। 5 সব সৃষ্টিসন্ত সদাপ্রভুর নামের  
 প্রশংসা করুক, কারণ তিনি আদেশ করেছিলেন, আর সেসব সৃষ্টি  
 হয়েছিল, 6 এবং তিনি তাদের চিরকালের জন্য স্থাপন করেছেন, তিনি  
 এক বিধি দিয়েছেন, যা কখনও লুপ্ত হবে না। 7 পৃথিবী থেকে সদাপ্রভুর  
 প্রশংসা হোক, হে বিশাল সব সামুদ্রিক জীব এবং অতল মহাসাগর, 8  
 বিদ্যুৎ ও শিলাবৃষ্টি, তুষার ও মেঘরাশি, বায়ু ও আবহাওয়া, যারা তাঁকে  
 মান্য করে, 9 পর্বত ও সব পাহাড়, ফলের গাছ আর সব দেবদারু  
 গাছ, 10 বন্যপশু আর গবাদি পশু, ক্ষুদ্র প্রাণী এবং উড়ন্ত পাখি, 11

পৃথিবীর রাজারা আর সব জাতি, অধিপতিরা আর পৃথিবীর সব শাসক,  
১২ যুবকেরা আর যুবতীরা, প্রবীণ লোকেরা আর সব ছেলেমেয়ে।  
১৩ তারা সবাই সদাপ্রভুর নামের প্রশংসা করুক, কারণ শুধু তাঁরই  
নাম মহিমান্বিত; তাঁর প্রতিপত্তি পৃথিবী ও আকাশমণ্ডলের উর্ধ্বে।  
১৪ তিনি তাঁর প্রজাদের শক্তিশালী করেছেন, তাঁর বিশ্বস্ত লোকেদের  
সম্মান প্রদান করেছেন, ইত্তায়েলকে করেছেন, যারা তাঁর হস্তয়ের খুব  
কাছের। সদাপ্রভুর প্রশংসা করো।

**149** সদাপ্রভুর প্রশংসা করো। সদাপ্রভুর উদ্দেশে নতুন গান গাও,  
তাঁর বিশ্বস্ত ভক্তজনের সমাবেশে তাঁর প্রশংসা করো। ২ ইত্তায়েল তার  
সৃষ্টিকর্তায় আনন্দ করুক, সিয়োনের লোকেরা তাদের রাজাতে উল্লাস  
করুক। ৩ তারা নৃত্যসহকারে তাঁর নামের প্রশংসা করুক আর খঙ্গনি  
ও বীণা দিয়ে তাঁর উদ্দেশে সংগীত করুক। ৪ কারণ সদাপ্রভু তাঁর  
প্রজাদের প্রতি প্রসন্ন; তিনি নন্দিতদের বিজয় মুকুটে ভূষিত করেন। ৫  
তাঁর বিশ্বস্ত ভক্তবৃন্দ তাঁর সম্মানে উল্লাস করুক তারা যখন নিজেদের  
বিছানায় শুয়ে থাকে তখনও যেন আনন্দগান করো। ৬ ঈশ্বরের প্রশংসা  
তাদের মুখে ধ্বনিত হোক আর তাদের হাতে উভয় দিকে ধারবিশিষ্ট  
তরোয়াল, ৭ জাতিগণের বিরুদ্ধে প্রতিশোধ নিতে আর জাতিদের  
শাস্তি দিতে, ৮ তাদের রাজাদের শিকল দিয়ে বাঁধতে, তাদের বিশিষ্ট  
ব্যক্তিদের লোহার শিকল দিয়ে বাঁধতে, ৯ তাদের বিরুদ্ধে লিখিত  
বিচার নিষ্পন্ন করতে— এসব তাঁর সমস্ত বিশ্বস্ত ব্যক্তির গৌরব।  
সদাপ্রভুর প্রশংসা করো।

**150** সদাপ্রভুর প্রশংসা করো। ঈশ্বরের পবিত্রস্থানে তাঁর প্রশংসা  
করো; বিশাল উর্ধ্বলোকে তাঁর প্রশংসা করো। ২ তাঁর পরাক্রমের  
কীর্তির জন্য তাঁর প্রশংসা করো; তাঁর অতিক্রমকারী মহিমার জন্য  
তাঁর প্রশংসা করো। ৩ তূরীধ্বনির শব্দে তাঁর প্রশংসা করো, বীণা ও  
সুরবাহারে তাঁর প্রশংসা করো। ৪ খঙ্গনি ও নৃত্যের তালে তাঁর প্রশংসা  
করো, তারের যন্ত্রে ও সানাই বাজিয়ে তাঁর প্রশংসা করো, ৫ করতাল  
বাজিয়ে তাঁর প্রশংসা করো, করতালের উচ্চধ্বনিতে তাঁর প্রশংসা

করো। ৬ শ্বাসবিশিষ্ট সরকিছু সদাপ্রভুর প্রশংসা করুক। সদাপ্রভুর  
প্রশংসা করো।

## ହିତୋପଦେଶ

1 ଦାଉଦେର ଛେଳେ, ଇନ୍ଦ୍ରାୟଲେର ରାଜା ଶଲୋମନେର ହିତୋପଦେଶ: 2 ପ୍ରଜା  
ଓ ଶିକ୍ଷା ଅର୍ଜନେର ଜନ୍ୟ; ଅନ୍ତର୍ଦୃଷ୍ଟିମୂଳକ କଥା ବୋକାର ଜନ୍ୟ; 3 ବିଚକ୍ଷଣ  
ବ୍ୟବହାରେ ସମ୍ବନ୍ଧେ ଶିକ୍ଷାଲାଭେର ଜନ୍ୟ, ଯା କିନ୍ତୁ ଯଥାର୍ଥ, ନ୍ୟାୟ ଓ ସୁନ୍ଦର,  
ତା କରାର ଜନ୍ୟ; 4 ଅନଭିଜ୍ଞ ମାନୁଷଦେର ଦୂରଦର୍ଶିତା, ଅଲ୍ପବୟକ୍ଷଦେର ଜ୍ଞାନ  
ଓ ବିଚକ୍ଷଣତା ଦାନେର ଜନ୍ୟ— 5 ଜ୍ଞାନବାନେରା ଶୁନ୍କ ଓ ତାଦେର ଜ୍ଞାନ  
ବୃଦ୍ଧି ହୋକ, ଏବଂ ବିଚକ୍ଷଣେରା ପଥନିର୍ଦ୍ଦେଶନା ଲାଭ କରକ— 6 ଯେନ ତାରା  
ନୀତିବଚନ ଓ ଦୃଷ୍ଟାନ୍ତ, ଜ୍ଞାନବାନଦେର ବାଣୀ ଓ ହେଁଯାଲି ବୁଝାତେ ପାରେ। 7  
ସଦାପ୍ରଭୁର ଭୟ ପ୍ରଜାର ଆରାସ୍, କିନ୍ତୁ ମୁଖ୍ୟେରା ପ୍ରଜା ଓ ଶିକ୍ଷା ତୁଚ୍ଛ କରେ। 8  
ହେ ଆମାର ବାଚା, ତୋମାର ବାବାର ଉପଦେଶ ଶୋନୋ, ଆର ତୋମାର ମାୟେର  
ଶିକ୍ଷା ତ୍ୟାଗ କୋରୋ ନା। 9 ଏଗୁଲି ଏକ ଫୁଲମାଳା ହୟେ ତୋମାର ମାଥାର  
ଶୋଭା ବାଡ଼ାବେ ଓ ଏକ ହାର ହୟେ ତୋମାର ଗଲାକେ ସାଜିଯେ ତୁଲବେ।  
10 ହେ ଆମାର ବାଚା, ପାପୀରା ଯଦି ତୋମାକେ ପ୍ରଲୁକ୍ତ କରେ, ତୁମ ତାଦେର  
କଥାଯ ସମ୍ମାତ ହୋଯୋ ନା। 11 ତାରା ଯଦି ବଲେ, “ଆମାଦେର ସଙ୍ଗେ ଏସୋ;  
ନିର୍ଦୋଷେର ରକ୍ତପାତ କରାର ଜନ୍ୟ ଆମରା ଓଁ ପେତେ ଥାକି, କରେକଟି  
ନିରୀହ ମାନୁଷକେ ମାରାର ଜନ୍ୟ ଘାପଟି ମେରେ ଥାକି; 12 କବରେର ମତୋ  
ଆମରା ଓଦେର ଜୀବନ୍ତ ଗ୍ରାସ କରି, ଓ ମୃତ୍ୟୁର ଖାଦେ ପଡ଼ା ମାନୁଷେର ମତୋ  
ତାଦେର ପୁରୋପୁରି ଗ୍ରାସ କରି; (Sheol h7585) 13 ଆମରା ସବ ଧରନେର  
ମୂଳ୍ୟବାନ ସାମଗ୍ରୀ ପାବ ଓ ଲୁଷ୍ଠିତ ଦ୍ରବ୍ୟେ ଆମାଦେର ବାଡ଼ିଗୁଲି ଭରିଯେ  
ତୁଲବ; 14 ଆମାଦେର ସଙ୍ଗେ ଗୁଟିକାପାତେର ଦାନ ଚାଲୋ; ଆମରା ସବାଇ  
ଲୁଟେର ଅର୍ଥ ଭାଗଭାଗି କରେ ନେବ”— 15 ହେ ଆମାର ବାଚା, ତାଦେର ସଙ୍ଗେ  
ଯେଯୋ ନା, ତାଦେର ପଥେ ପା ବାଡ଼ିଯୋ ନା; 16 କାରଣ ତାଦେର ପା ମନ୍ଦେର  
ଦିକେ ଧେଯେ ଯାଯ, ତାରା ରକ୍ତପାତ କରାର ଜନ୍ୟ ଦ୍ରତଗତିତେ ଦୌଡ଼ାୟ। 17  
ଯେଖାନେ ପ୍ରତ୍ୟେକଟି ପାଖି ଦେଖିତେ ପାଯ ମେଖାନେ ଜାଲ ପାତାର କୋନୋ  
ଅର୍ଥି ହ୍ୟ ନା! 18 ଏହିସବ ଲୋକ ନିଜେଦେର ରକ୍ତପାତ କରାର ଜନ୍ୟଇ  
ଓଁ ପେତେ ଥାକେ; ତାରା ଶୁନ୍ଦୁ ନିଜେଦେର ମାରାର ଜନ୍ୟଇ ଘାପଟି ମେରେ  
ଥାକେ! 19 ବାଁକା ପଥେ ଯାରା ଧନ ଉପାର୍ଜନ କରତେ ଚାଯ ତାଦେର ସବାର  
ଏହି ଗତିଇ ହ୍ୟ; ଯାରା ସେଇ ଧନ ପାଯ ତାଦେର ପ୍ରାଣ ସେଇ ଧନ ଛିନିଯେ  
ନେଇ। 20 ପଥେ ପଥେ ପ୍ରଜା ଚିତ୍କାର କରେ ବେଡ଼ାୟା, ପ୍ରକାଶ୍ୟ ଚକେ ସେ

তার সুর চড়ায়; 21 প্রাচীরের মাথায় উঠে সে ডাক ছাড়ে, নগরের  
 প্রবেশদ্বারে দাঁড়িয়ে সে বক্তৃতা দেয়: 22 “তোমরা যারা অনভিজ্ঞ  
 মানুষ, আর কত দিন তোমরা তোমাদের সরলতা ভালোবাসবে?  
 আর কত দিন ঠাট্টা-বিদ্রূপকারীরা ঠাট্টা করে আনন্দ পাবে ও মূর্খেরা  
 জ্ঞানকে ঘৃণা করবে? 23 আমার ভর্তসনা দ্বারা অনুতপ্ত হও! তখন আমি  
 তোমাদের কাছে আমার ভাবনাচিন্তা ঢেলে দেব, আমি তোমাদের  
 কাছে আমার শিক্ষামালা জ্ঞাত করব। 24 কিন্তু যখন আমি ডাকলাম  
 তোমরা সে ডাক প্রত্যাখ্যান করেছ, ও আমি হাত বাড়িয়ে দেওয়া  
 সত্ত্বেও কেউ মনোযোগ দাওনি, 25 যেহেতু তোমরা আমার সব পরামর্শ  
 উপেক্ষা করেছ ও আমার ভর্তসনা শুনতে চাওনি, 26 তাই বিপর্যয়  
 যখন তোমাদের আঘাত করবে তখন আমি হাসব; চরম দুর্দশা যখন  
 তোমাদের নাগাল ধরে ফেলবে তখন আমি বিদ্রূপ করব— 27 চরম  
 দুর্দশা যখন ঝুঁঁটিবে মতো তোমাদের নাগাল ধরে ফেলবে, বিপর্যয়  
 যখন ঘূর্ণিবাড়ের মতো তোমাদের উপরে ধেয়ে আসবে, মর্মাণ্ডিক  
 যন্ত্রণা ও দুঃখকষ্ট যখন তোমাদের আচল্ল করবে। 28 “তখন তারা  
 আমাকে ডাকবে কিন্তু আমি উন্নত দেব না; তারা আমার খোঁজ করবে  
 কিন্তু আমায় খুঁজে পাবে না, 29 যেহেতু তারা জ্ঞানকে ঘৃণা করেছে ও  
 সদাপ্রভুকে ভয় করতে চায়নি। 30 যেহেতু তারা আমার পরামর্শ নিতে  
 চায়নি ও আমার ভর্তসনা পদদলিত করেছে, 31 তাই তারা নিজেদের  
 আচরণের ফলভোগ করবে ও তাদের ষড়যন্ত্রের ফলে পরিপূর্ণ হয়ে  
 যাবে। 32 কারণ অনভিজ্ঞ লোকদের খামখেয়ালীপনাই তাদের হত্যা  
 করবে, ও মূর্খদের আত্মপ্রসাদই তাদের ধ্বংস করবে; 33 কিন্তু যে  
 আমার কথা শোনে সে নিরাপদে বেঁচে থাকবে ও অনিষ্টের ভয় না করে  
 স্বচ্ছন্দে থাকবে।”

**২** হে আমার বাছা, তুমি যদি আমার কথা শোনো ও আমার আদেশগুলি  
 হস্তয়ে সঞ্চয় করে রাখো, 2 প্রজ্ঞার প্রতি কর্ণপাত করো ও বুদ্ধিতে  
 মনেনিবেশ করো— 3 সত্যই, তুমি যদি অন্তর্দৃষ্টিকে ডাক দাও ও  
 বুদ্ধি লাভের জন্য জোর গলায় কাকুতিমিনতি করো, 4 ও যদি রংপোর  
 মতো তার খোঁজ করো ও গুপ্তধনের মতো তা খুঁজে বেড়াও, 5 তবেই

তুমি সদাপ্রভুর ভয় বুবাতে পারবে ও ঈশ্বরের জ্ঞান খুঁজে পাবে। 6  
 কারণ সদাপ্রভুই প্রজ্ঞা দান করেন; তাঁর মুখ থেকেই জ্ঞান ও বুদ্ধি  
 বের হয়। 7 ন্যায়পরায়ণদের জন্য তিনি সাফল্য সঞ্চয় করে রাখেন,  
 যাদের চলন অনিন্দনীয়, তাদের জন্য তিনি ঢাল হয়ে দাঁড়ান, 8 কারণ  
 তিনি ধার্মিকের পথ পাহারা দেন ও তাঁর বিশ্বস্তজনেদের গতিপথ রক্ষা  
 করেন। 9 তখন তুমি বুবাবে ন্যায্য ও যথাযথ ও উপযুক্ত—প্রত্যেক  
 সঠিক পথ কী। 10 কারণ তোমার হস্তয়ে প্রজ্ঞা প্রবেশ করবে, ও জ্ঞান  
 তোমার প্রাণের পক্ষে আনন্দদায়ক হবে। 11 বিচক্ষণতা তোমাকে  
 রক্ষা করবে, ও বুদ্ধি তোমাকে পাহারা দেবে। 12 প্রজ্ঞা তোমাকে  
 দুষ্টলোকের পথ থেকে উদ্বার করবে, সেইসব লোকের হাত থেকে  
 করবে যারা বিকৃত কথা বলে, 13 যারা অঙ্ককারাচছন্ন পথে চলার জন্য  
 সোজা পথ ত্যাগ করেছে, 14 যারা অন্যায় করে আনন্দ পায় ও মন্দের  
 বিকৃতমনস্কতায় আনন্দিত হয়, 15 যাদের পথ কুটিল ও যারা তাদের  
 আচরণে প্রতারণাপূর্ণ। 16 প্রজ্ঞা তোমাকে ব্যভিচারিণীর হাত থেকেও  
 উদ্বার করবে, সম্মোহনী কথা বলা স্বৈরণী মহিলার হাত থেকেও  
 করবে, 17 যে তার যৌবনাবস্থাতেই স্বামীকে ত্যাগ করেছে ও ঈশ্বরের  
 সামনে করা তার চুক্তি উপেক্ষা করেছে। 18 নিশ্চয় তার বাড়ি মৃত্যুর  
 দিকে পা বাড়ায় ও তার পথ মৃত মানুষের আত্মাদের দিকে এগিয়ে  
 যায়। 19 যারা তার কাছে যায় তারা কেউ আর ফিরে আসে না বা  
 জীবনের পথও অর্জন করেন না। 20 এইভাবে তুমি সুশীলদের পথে  
 চলবে ও ধার্মিকদের পথ অবলম্বন করবে। 21 কারণ ন্যায়পরায়ণরাই  
 দেশে বসবাস করবে, ও অনিন্দনীয়রাই সেখানে অবশিষ্ট থাকবে; 22  
 কিন্তু দুষ্টেরা দেশ থেকে বিছিন্ন হবে, ও অবিশ্বস্ত লোকেরা সেখান  
 থেকে নির্মূল হবে।

**3** হে আমার বাছা, তুমি আমার শিক্ষা ভুলে যেয়ো না, কিন্তু তোমার  
 হস্তয়ে আমার আদেশগুলি সঞ্চয় করে রেখো, 2 কারণ সেগুলি তোমার  
 আয়ু বহু বছর বাড়িয়ে তুলবে ও তোমার জীবনে শান্তি ও সমৃদ্ধি নিয়ে  
 আসবে। 3 ভালোবাসা ও বিশ্বস্ততা যেন কখনও তোমাকে ত্যাগ  
 করে না যায়; সেগুলি তোমার গলায় বেঁধে রাখে, সেগুলি তোমার

হাদয়-ফলকে লিখে রাখো। 4 তবেই তুমি ঈশ্বরের ও মানুষের দৃষ্টিতে  
অনুগ্রহ ও সুখ্যাতি লাভ করবে। 5 তুমি সর্বান্তঃকরণে সদাপ্রভুর উপর  
আস্থা রাখো ও নিজের বিচক্ষণতার উপর নির্ভর কোরো না; 6 তোমার  
সমস্ত পথে তাঁর বশ্যতাস্থীকার করো, ও তিনি তোমার পথগুলি সোজা  
করে দেবেন। 7 নিজের দৃষ্টিতে জ্ঞানবান হোয়ো না; সদাপ্রভুকে ভয়  
করো ও কুর্কর্ম এড়িয়ে চলো। 8 এটি তোমার দেহে স্বাস্থ্য ফিরাবে ও  
তোমার অস্তির পুষ্টিসাধন করবে। 9 সদাপ্রভুর সম্মান করো তোমার  
ধনসম্পদ ও তোমার সমস্ত ফসলের অগ্রিমাংশ দিয়ে; 10 তবেই  
তোমার গোলাঘরগুলি শস্যে পরিপূর্ণ হয়ে যাবে, ও ভাঁটগুলি নতুন  
দ্রাক্ষারসে উপচে পড়বে। 11 হে আমার বাঢ়া, সদাপ্রভুর শাসন তুচ্ছ  
কোরো না, ও তাঁর ভর্তসনা ক্ষতিকর বলে মনে কোরো না, 12 কারণ  
সদাপ্রভু যাদের প্রেম করেন, তাদেরই শান্তি দেন, যেভাবে একজন  
বাবা তাঁর প্রিয় ছেলেকে দেন। 13 তারাই আশীর্বাদধন্য যারা প্রজ্ঞা  
খুঁজে পায়, যারা বিচক্ষণতা লাভ করে, 14 কারণ প্রজ্ঞা রংপোর চেয়েও  
বেশি লাভজনক ও সোনার চেয়েও ভালো প্রতিদান দেয়। 15 প্রজ্ঞা  
পদ্মরাগমণির চেয়েও বেশি মূল্যবান; তোমার আকাঙ্ক্ষিত কোনো  
কিছুকেই তার সাথে তুলনা করা যায় না। 16 প্রজ্ঞার ডান হাতে দীর্ঘ  
পরমায় আছে; বাঁ হাতে ধন ও সম্মান আছে। 17 তার পথগুলি সুখকর  
পথ, ও তার সব পথে শান্তি আছে। 18 যারা প্রজ্ঞাকে ধরে রাখে তাদের  
কাছে সে এক জীবনবৃক্ষ; যারা তাকে অটলভাবে ধরে রাখে তারা  
আশীর্বাদধন্য হবে। 19 সদাপ্রভু প্রজ্ঞা দ্বারাই পৃথিবীর ভিত্তিমূল স্থাপন  
করেছেন, বিচক্ষণতা দ্বারাই তিনি আকাশমণ্ডলকে যথাস্থানে রেখেছেন;  
20 তাঁর জ্ঞানের দ্বারাই গভীর জলরাশি বিভক্ত হয়েছিল, ও মেঘরাশি  
শিশির বর্ষণ করে। 21 হে আমার বাঢ়া, প্রজ্ঞা ও বিচক্ষণতা যেন  
তোমার দৃষ্টি-বহির্ভূত না হয়, সূক্ষ্ম বিচার ও বিচক্ষণতা অক্ষুণ্ণ রেখো;  
22 তোমার জন্য সেগুলি জীবনস্বরূপ হবে, তোমার গলার শোভাবর্ধক  
এক অলংকার হবে। 23 তখন তুমি নিরাপদে তোমার পথে চলে যাবে,  
ও তোমার পায়ে হোঁচট লাগবে না। 24 তুমি যখন শুয়ে থাকবে, তখন তোমার ঘুমও

ত্থিদায়ক হবে। 25 আকস্মিক বিপর্যয় দেখে তয় পাবে না বা দুষ্টদের  
সর্বনাশ হতে দেখেও তয় পাবে না, 26 কারণ সদাপ্রভু তোমার পাশে  
দাঁড়াবেন ও তোমার পা-কে ফাঁদে পড়া থেকে তিনিই রক্ষা করবেন।  
27 যাদের মঙ্গল করা উচিত তাদের মঙ্গল করতে অসম্ভুত হোয়ো  
না, যখন তা করার ক্ষমতা তোমার আছে। 28 তোমার প্রতিবেশীকে  
বোলো না, “আগামীকাল আবার এসো ও আমি তোমাকে তা দেব”—  
যখন তোমার কাছেই তা আছে। 29 তোমার সেই প্রতিবেশীর অনিষ্ট  
করার ঘড়্যন্ত কোরো না, যে তোমাকে বিশ্বাস করে তোমার পাশেই  
বসবাস করছে। 30 অকারণে কাউকে দোষারোপ কোরো না— যখন  
সে তোমার কোনও ক্ষতি করেনি। 31 হিংস্র প্রকৃতির মানুষকে হিংসা  
কোরো না বা তাদের কোনও পথ মনোনীত কোরো না। 32 কারণ  
সদাপ্রভু উচ্ছৃঙ্খলদের ঘৃণা করেন কিন্তু ন্যায়পরায়ণদের সাথে তিনি  
ঘনিষ্ঠতা বাঢ়ান। 33 দুষ্টের বাড়ির উপরে সদাপ্রভুর অভিশাপ নেমে  
আসে, কিন্তু ধার্মিকের ঘরকে তিনি আশীর্বাদ করেন। 34 অহংকারী  
ঠাট্টা-বিদ্রূপকারীদের তিনি বিদ্রূপ করেন কিন্তু নম্ব ও নিপীড়িতদের  
প্রতি তিনি অনুগ্রহ দেখান। 35 জ্ঞানবানেরা সম্মানের অধিকারী হয়,  
কিন্তু মূর্খেরা শুধু লজ্জাই পায়।

**4** হে আমার বাচারা, একজন বাবার উপদেশ শোনো; মনোযোগ দাও  
ও বিচক্ষণতা লাভ করো। 2 আমি তোমাদের নির্ভরযোগ্য শিক্ষা দিচ্ছি,  
তাই আমার দেওয়া শিক্ষা পরিত্যাগ কোরো না। 3 কারণ আমিও  
এক সময় আমার বাবার ছেলে ছিলাম, তখনও সুরুমার ছিলাম, ও  
আমার মায়ের দ্বারা লালিত হয়েছিলাম। 4 তখন বাবা আমাকে শিক্ষা  
দিয়েছিলেন, ও বলেছিলেন, “সর্বান্তঃকরণে আমার বলা কথাগুলি ধরে  
রেখো; আমার আদেশগুলি পালন কোরো, ও তুমি বেঁচে যাবে। 5 প্রজ্ঞা  
অর্জন করো, বিচক্ষণতা অর্জন করো; আমার কথাগুলি ভুলে যেয়ো না  
বা সেগুলি থেকে সরে যেয়ো না। 6 প্রজ্ঞাকে পরিত্যাগ কোরো না,  
ও সে তোমাকে রক্ষা করবে; তাকে ভালোবেসো, ও সে তোমাকে  
পাহারা দেবে। 7 প্রজ্ঞার আরস্ত এইরকম: প্রজ্ঞা অর্জন করো। এর  
মূল্যরূপে তোমার যথাসর্বস্য দিতে হলেও, বিচক্ষণতা অর্জন করো। 8

তাকে লালনপালন করো, ও সে তোমাকে উন্নত করবে; তাকে সাগ্রহে  
গ্রহণ করো, ও সে তোমাকে সম্মানিত করবে। 9 সে তোমার মাথার  
শোভাবর্ধন করার জন্য এক ফুলমালা দেবে ও তোমাকে চমৎকার এক  
মুকুট উপহার দেবে।” 10 হে আমার বাছা, শোনো, আমি যা বলি তা  
গ্রহণ করো, ও তোমার জীবনের আয়ু সুদীর্ঘ হবে। 11 আমি তোমাকে  
প্রজ্ঞার পথের বিষয়ে শিক্ষা দিয়ে যাচ্ছি ও সোজা পথে চালাচ্ছি।  
12 তুমি যখন চলবে, তোমার পদক্ষেপ ব্যাহত হবে না; তুমি যখন  
দৌড়াবে, তখন হোঁচ্ট খাবে না। 13 উপদেশ ধরে রেখো, তা ছেড়ে  
দিয়ো না; তা ভালোভাবে পাহারা দাও, কারণ তাই তোমার জীবন।  
14 দুষ্টদের পথে পা বাড়িয়ো না বা অনিষ্টকারীদের পথে হেঁটো না। 15  
সে পথ এড়িয়ে চলো, সে পথে ভ্রমণ কোরো না; সেখান থেকে ফিরে  
এসো ও নিজের পথে চলে যাও। 16 কারণ অনিষ্ট না করা পর্যন্ত তারা  
বিশ্রাম নিতে পারে না; কাউকে হোঁচ্ট না খাওয়ানো পর্যন্ত তাদের  
চোখে ঘুম আসে না। 17 তারা দুষ্টার রূটি খায় ও হিংস্তার দ্রাক্ষারস  
পান করে। 18 ধার্মিকদের পথ প্রভাতি সূর্যের মতো, যা মধ্যাহ্ন পর্যন্ত  
ক্রমাগত উজ্জ্বল থেকে উজ্জ্বলতর হতেই থাকে। 19 কিন্তু দুষ্টদের পথ  
ঘন অন্ধকারের মতো; তারা জানেই না কীসে তারা হোঁচ্ট খায়। 20  
হে আমার বাছা, আমি যা বলি তাতে মনোযোগ দাও; আমার কথায়  
কর্ণপাত করো। 21 সেগুলি তোমার দৃষ্টির অগোচর হতে দিয়ো না,  
সেগুলি তোমার হৃদয়ে গেঁথে রাখো; 22 কারণ যারা সেগুলি খুঁজে পায়  
তাদের পক্ষে সেগুলি জীবন ও তাদের সারা শরীরের স্বাস্থ্যস্বরূপ। 23  
সর্বোপরি, তোমার হৃদয়কে পাহারা দিয়ে রাখো, কারণ তুমি যাই কিছু  
করো না কেন, তা সেখান থেকেই প্রবাহিত হয়। 24 তোমার মুখকে  
নষ্টামি-মুক্ত রাখো; তোমার ঠোঁট থেকে নীতিভঙ্গ কথাবার্তা দূরে সরিয়ে  
রাখো। 25 তোমার চোখ সোজা সামনে তাকিয়ে থাকুক; স্ত্রিদ্রষ্টিতে  
সরাসরি সামনের দিকে তাকাও। 26 তোমার হাঁটা পথের দিকে সর্তক  
নজর দাও ও তোমার সমস্ত পথে অবিচল হও। 27 ডাইনে বা বাঁয়ে  
ফিরো না; মন্দ থেকে তোমার পা দূরে সরিয়ে রাখো।

৫ হে আমার বাছা, আমার প্রজ্ঞায় মনোযোগ দাও, আমার দূরদশী  
কথাবার্তায় কর্ণপাত করো, ২ যেন তুমি বিচক্ষণতা বজায় রাখতে  
পারো ও তোমার ঠোঁট যেন জ্ঞান অঙ্গুণ রাখে। ৩ কারণ ব্যতিচারণীর  
ঠোঁট থেকে মধু ঝারে, ও তার কথাবার্তা তেলের চেয়েও মসৃণ; ৪  
কিন্তু শেষে দেখা যায় সে পিত্তের মতো তেতো, দুদিকে ধারবিশিষ্ট  
তরোয়ালের মতো ধারালো। ৫ তার পা মৃত্যুর দিকে নেমে যায়; তার  
পদক্ষেপ সোজা কবরে পিয়ে পৌঁছায়। (Sheol h7585) ৬ সে জীবনের  
পথের বিষয়ে কিছুই ভাবে না; সে উদ্দেশ্যবিহীনভাবে রাস্তায় রাস্তায়  
ঘুরে বেড়ায়, কিন্তু সে তা বুবাতেও পারে না। ৭ এখন তবে, হে আমার  
বাছারা, আমার কথা শোনো; আমি যা বলছি তা থেকে মুখ ফিরিয়ো  
না। ৮ সেই মহিলা থেকে দূরত্ব বজায় রেখে চলো, তার বাড়ির দরজার  
কাছে যেয়ো না, ৯ পাছে তুমি অন্যান্য লোকজনের কাছে তোমার  
সম্মান হারাও ও নিষ্ঠুর মানুষের কাছে তোমার মর্যাদা হারাও, ১০ পাছে  
অপরিচিত লোকেরা তোমার ধনসম্পদ ভোগ করে ও তোমার পরিশ্রম  
অন্যের বাড়িয়র সমৃদ্ধ করে। ১১ জীবনের শেষকালে পৌঁছে তুমি  
গভীর আর্তনাদ করবে, যখন তোমার মাংস ও শরীর ক্ষয়ে যাবে।  
১২ তুমি বলবে, “আমি শৃঙ্খলাপরায়ণতাকে কতই না ঘৃণা করতাম!  
আমার হৃদয় সংশোধনকে কতই না পদদলিত করত! ১৩ আমি আমার  
শিক্ষকদের বাধ্য হইনি বা আমার উপদেশকদের কথায় কর্ণপাত  
করিনি। ১৪ আর আমি ঈশ্বরের লোকদের সমাজে অচিরেই চরম  
অসুবিধায় পড়েছিলাম।” ১৫ নিজের জলাধার থেকেই তুমি জলপান  
করো, নিজের কুয়ো থেকেই প্রবাহমান জলপান করো। ১৬ তোমার  
ঝরনা কি পথঘাট ভাসিয়ে দেবে, তোমার জলপ্রবাহ কি নগরের চকে  
বয়ে যাবে? ১৭ তা শুধু তোমারই হোক, অপরিচিত লোকেরা যেন  
কখনও তাতে ভাগ না বসায়। ১৮ তোমার ফোয়ারা আশীর্বাদধন্য  
হোক, ও তুমি তোমার যৌবনাবস্থার স্তীতে আনন্দ উপভোগ করো। ১৯  
সে এক প্রেমময় হরিণী, এক সুতনু মৃগ— তার স্তন দুটি সর্বদা  
তোমাকে তৃষ্ণি দিক, তার প্রেমে তুমি সর্বক্ষণ মন্ত হয়ে থাকো। ২০  
কেন, হে আমার বাছা, অন্য একজনের স্তীতে মন্ত হবে? কেন এক

বৈরিণী নারীর বক্ষ আলিঙ্গন করবে? 21 কারণ তোমার সব চালচলন  
সদাপ্রভু লক্ষ্য রাখেন, ও তিনি তোমার সব গতিবিধি পরীক্ষা করেন।  
22 দুষ্টদের দুষ্কর্মগুলি তাদের ফাঁদে ফেলে; তাদের পাপের দড়িগুলি  
তাদেরই শক্ত করে বেঁধে ফেলে। 23 শৃঙ্খলাপরায়ণতার অভাবে তারা  
মারা যায়, নিজেদের মহামূর্খতার দরুণ তারা বিপথগামী হয়।

6 হে আমার বাছা, তুমি যদি তোমার প্রতিবেশীর জামিনদার হয়েছ,  
যদি অপরিচিত কোনও লোকের ঝণ শোধ করার দায়িত্ব নিয়েছ, 2  
তবে তুমি তোমার বলা কথার জালেই ধরা পড়েছ, তোমার মুখের  
কথাই তোমাকে ফাঁদে ফেলেছে। 3 তাই হে আমার বাছা, নিজেকে  
মুক্ত করার জন্য তুমি এরকম করো, যেহেতু তুমি তোমার প্রতিবেশীর  
হাতে গিয়ে পড়েছ: যাও—অবসন্ন হয়ে না পড়া পর্যন্ত— ও তোমার  
প্রতিবেশীকে বিশ্রাম নিতে দিয়ো না! 4 তোমার চোখে ঘুম নেমে  
আসতে দিয়ো না, তোমার চোখের পাতাকে তন্দ্রাচ্ছন্ন হতে দিয়ো না।  
5 শিকারির হাত থেকে মুক্তি পাওয়া গজলা হরিণের মতো, পাখি-  
শিকারির ফাঁদ থেকে মুক্তি পাখির মতো তুমি নিজেকে মুক্ত করো। 6  
হে অলস, তুমি পিঁপড়েদের কাছে যাও; তাদের চালচলন বিবেচনা  
করো ও জ্ঞানবান হও! 7 তাদের কোনও সেনাপতি নেই, কোনও  
তত্ত্বাবধায়ক বা শাসনকর্তা নেই, 8 তবুও তারা গ্রীষ্মকালে রসদ  
মজুত করে রাখে, ও ফসল কাটার মরগুমে খাদ্য সংগ্রহ করে রাখে। 9  
হে অলস, আর কতক্ষণ তুমি সেখানে শুয়ে থাকবে? কখন তুমি ঘুম  
থেকে উঠবে? 10 আর একটু ঘুম, আর একটু তন্দ্রা, হাত পা গুটিয়ে  
আরও কিছুক্ষণ বিশ্রাম নেওয়া— 11 ও দারিদ্র এক চোরের মতো ও  
অভাব এক সশন্ত সৈনিকের মতো তোমার উপরে এসে পড়বে। 12  
এক উত্তেজনা সৃষ্টিকারী ব্যক্তি ও এক দুর্জন, যারা অশুন্দ ভাষা মুখে  
নিয়ে ঘুরে বেড়ায়, 13 যারা তাদের চোখ দিয়ে বিদ্যেষপূর্ণভাবে ইশারা  
করে, পা দিয়ে সংকেত দেয় ও আঙুল দিয়ে ইশারা করে, 14 যারা  
হৃদয়ে প্রতারণা পুষে রেখে কুচক্ষান্ত করে— তারা সর্বক্ষণ মতবিরোধ  
উৎপন্ন করে। 15 তাই এক পলকেই তাদের জীবনে বিপর্যয় নেমে  
আসবে; আচমকাই তারা ধ্বংস হয়ে যাবে—এর কোনও বিহিত হবে

না। 16 ছটি জিনিস সদাপ্রতু ঘৃণা করেন, সাতটি জিনিস তাঁর কাছে  
ঘৃণিত; 17 উন্নত দৃষ্টি, মিথ্যাবাদী জিভ, নির্দোষের রক্তপাতকারী  
হাত, 18 দুষ্ট ফন্দি আঁটা হস্তয়, অনিষ্টের দিকে বেগে ধাবমান পা, 19  
মিথ্যা কথা উগরে দেওয়া মিথ্যাসাক্ষী ও এমন এক লোক যে সমাজে  
মতবিরোধ উৎপন্ন করে। 20 হে আমার বাচ্চা, তোমার বাবার আদেশ  
পালন করো ও তোমার মায়ের শিক্ষা পরিত্যাগ কোরো না। 21 সেগুলি  
সর্বক্ষণ তোমার হস্তয়ে গেঁথে রেখো; তোমার গলার চারপাশে বেঁধে  
রেখো। 22 তুমি যখন চলাফেরা করবে, তখন সেগুলি তোমাকে পথ  
দেখাবে; তুমি যখন ঘুমাবে, তখন সেগুলি তোমাকে পাহারা দেবে;  
তুমি যখন জেগে উঠবে, তখন সেগুলি তোমার সাথে কথা বলবে।  
23 কারণ এই আদেশটি এক প্রদীপ, এই শিক্ষাটি এক আলো, এবং  
সংশোধন ও উপদেশ— এগুলি হল জীবনের পথ, 24 যা তোমাকে  
প্রতিবেশীর স্ত্রী থেকে, স্বৈরণী স্ত্রীর স্নিদ্ধ কথাবার্তা থেকে দূরে সরিয়ে  
রাখবে। 25 তার সৌন্দর্য দেখে তুমি অন্তরে কামভাব জাগিয়ে তুলো না  
বা সে যেন তার চোখের মায়ায় তোমাকে বন্দি না করে ফেলে। 26  
কারণ এক টুকরো ঝুঁটির বিনিময়ে বেশ্যাকে পাওয়া যায়, কিন্তু পরস্তী  
তোমার প্রাণটিই শিকার করে বসবে। 27 একজন মানুষ কোলে আগুন  
রাখবে আর তার পোশাক পুড়বে না, এও কি সন্তুষ? 28 একজন  
মানুষ জ্বলন্ত কয়লার উপর দিয়ে হাঁটবে আর তার পা বালসাবে না,  
এও কি সন্তুষ? 29 যে পরস্তীর সাথে শোয় তার দশাও এরকমই হয়;  
যে সেই স্ত্রীকে স্পর্শ করে তাকে শাস্তি না দিয়ে ছেড়ে দেওয়া হয় না।  
30 যে চোর খিদের জ্বালায় ভুগে খিদে মেটানোর জন্য ছুরি করে তাকে  
লোকেরা ঘৃণ করে না। 31 অথচ সে যদি ধরা পড়ে, তাকেও সাতগুণ  
ফিরিয়ে দিতে হবে, এর জন্য যদিও বা তার বাড়ির সব ধনসম্পদ  
হারাতে হয়, তাও তাকে তা দিতেই হবে। 32 কিন্তু যে ব্যতিচার করে  
তার কোনও বোধবুদ্ধি নেই; যে কেউ এরকম করে সে নিজেকেই  
ধৰংস করে ফেলে। 33 আঘাত ও অপমানই তার প্রাপ্য, ও তার লজ্জা  
কখনোই ঘৃচবে না। 34 কারণ ঈর্ষা একজন স্বামীর ক্ষিণতা জাগিয়ে  
তোলে, ও প্রতিশোধ নেওয়ার সময় সে কোনও দয়া দেখাবে না। 35

সে কোনও ক্ষতিপূরণ গ্রহণ করবে না; সে ঘুস প্রত্যাখ্যান করবে,  
পরিমাণে তা যতই বেশি হোক না কেন।

৭ হে আমার বাঢ়া, আমার কথাগুলি মেনে চলো ও তোমার অন্তরে  
আমার আদেশগুলি মজুত করে রাখো। ২ আমার আদেশগুলি পালন  
করো ও তুমি বেঁচে থাকবে; চোখের মগির মতো করে আমার শিক্ষামালা  
রক্ষা করো। ৩ তোমার আঙুলে সেগুলি বেঁধে রেখো; তোমার হৃদয়-  
ফলকে সেগুলি লিখে রেখো। ৪ প্রজ্ঞাকে বলো, “তুমি আমার বোন,”  
ও দূরদর্শিতাকে বলো, “তুমি আমার আত্মীয়।” ৫ তারা তোমাকে  
ব্যভিচারণীর কাছ থেকে, ও সম্মোহনী কথা বলা স্বৈরণী নারীর কাছ  
থেকেও দূরে সরিয়ে রাখবে। ৬ আমার বাড়ির জানালায় জাফরি  
দিয়ে আমি নিচের দিকে তাকালাম। ৭ অনভিজ্ঞ লোকদের দিকে  
আমার নজর গেল, যুবকদের মধ্যে আমি লক্ষ্য করলাম, এমন একজন  
যুবককে, যার কোনও বোধবুদ্ধি নেই। ৮ সে ওই মহিলার বাড়ির  
পাশের গলি দিয়ে যাচ্ছিল, তার বাড়ির দিকেই হেঁটে যাচ্ছিল ৯  
গোধূলিবেলায়, দিন যখন ঢলে পড়ছিল, ও রাতের অন্ধকারও নেমে  
আসছিল। ১০ তখন একজন মহিলা তার সাথে দেখা করার জন্য  
বেরিয়ে এল, সে এক বেশ্যার মতো পোশাক পরেছিল ও তার উদ্দেশ্য  
ধূর্ত ছিল। ১১ (সে অদম্য ও বেপরোয়া, তার পা কখনও ঘরে থাকে না;  
১২ সে কখনও রাস্তায় যায়, আবার কখনও চকে, কোনায় কোনায়  
সে ওৎ পেতে থাকে) ১৩ সে সেই যুবককে জড়িয়ে ধরে চুমু দিল ও  
নির্জন মুখে বলল: ১৪ “আজ আমি আমার ব্রত পূরণ করেছি, ও ঘরে  
আমার মঙ্গলার্থক বলি থেকে খাবার সরিয়ে রেখেছি। ১৫ তাই তোমার  
সাথে দেখা করার জন্য আমি বের হয়ে এসেছি; আমি তোমার খোঁজ  
করেছিলাম ও তোমাকে খুঁজে পেয়েছি! ১৬ আমার বিছানায় আমি  
মিশ্র থেকে আনা রঞ্জিন মসিনার চাদর পেতেছি। ১৭ আমার বিছানাটি  
আমি গন্ধরস, অগুর ও দারঞ্চিনি দিয়ে সুবাসিত করেছি। ১৮ এসো,  
সকাল পর্যন্ত আমরা ভালোবাসার গভীর রসে মত হই; নিজেদের মধ্যে  
ভালোবাসা উপভোগ করি! ১৯ আমার স্বামী ঘরে নেই; সে দীর্ঘ যাত্রায়  
গিয়েছে। ২০ সে অর্থে ভরা থলি নিয়ে গিয়েছে ও পূর্ণিমার আগে সে

ঘরে ফিরছে না।” 21 প্রোচনামূলক কথা বলে সে যুবকটিকে বিপথে  
পরিচালিত করল; সে তার স্নিগ্ধ কথাবার্তা দিয়ে তাকে প্রলুক্ষ করল।  
22 তখনই সে মহিলাটির অনুগামী হল যেভাবে বলদ জবাই হওয়ার  
জন্য এগিয়ে যায়, যেভাবে হরিণ ফাঁসে পা গলায় 23 যতক্ষণ না তির  
তার যকৃৎ বিদ্ধ করে, ঠিক যেভাবে পাখি উড়ে গিয়ে ফাঁদে পড়ে, আর  
জানতেও পারে না যে এতে তার প্রাণহানি হবে। 24 তবে এখন, হে  
আমার বাছারা, আমার কথা শোনো; আমি যা বলি তাতে মনোযোগ  
দাও। 25 তোমাদের হৃদয় যেন সেই মহিলার পথের দিকে না ফেরে বা  
পথভ্রষ্ট হয়ে তার পথে চলে না যায়। 26 অনেকেই তার আঘাতের  
শিকার হয়েছে; তার দ্বারা নিহত লোকের সংখ্যা প্রচুর। 27 তার বাড়িটি  
হল কবরে যাওয়ার রাজপথ, যা মৃত্যুলোকের দিকে এগিয়ে দেয়।

(Sheol h7585)

**৪** প্রজ্ঞা কি ডাক দেয় না? বিচক্ষণতা কি তার সুর চড়ায় না? 2  
পথ বরাবর সবচেয়ে উঁচু জায়গায়, পথগুলি যেখানে মিলিত হয়,  
সেখানে গিয়ে সে দাঁড়ায়; 3 যে দরজা দিয়ে নগরে ঢোকা হয়, তার  
পাশে দাঁড়িয়ে, প্রবেশদ্বারে দাঁড়িয়ে, সে জোরে চিৎকার করে: 4  
“ওহে জনতা, আমি তোমাদেরই ডাকছি; সমগ্র মানবজাতির উদ্দেশে  
আমি সুর চড়াচ্ছি। 5 তোমরা যারা অনভিজ্ঞ, তোমরা দূরদর্শিতা  
অর্জন করো; তোমরা যারা মূর্খ, তোমরা এতে মন দাও। 6 শোনো,  
কারণ আমার কিছু নির্ভরযোগ্য কথা বলার আছে; যা সঠিক তা বলার  
জন্য আমি আমার ঠোঁট খুলেছি। 7 যা সত্য আমার মুখ তাই বলে,  
কারণ আমার ঠোঁট দুষ্টতা ঘৃণা করে। 8 আমার মুখের সব কথা ন্যায়;  
সেগুলির মধ্যে একটিও কুটিল বা বিকৃত নয়। 9 বিচক্ষণের কাছে  
সেসব কথা সঠিক; যারা জ্ঞান লাভ করেছে তাদের কাছে সেগুলি  
ন্যায়। 10 রূপের পরিবর্তে আমার নির্দেশ, উৎকৃষ্ট সোনার পরিবর্তে  
বরং জ্ঞান মনোনীত করো, 11 কারণ প্রজ্ঞা পদ্মারাগমণির চেয়েও  
বেশি মূল্যবান, ও তোমার আকাঙ্ক্ষিত কোনো কিছুর সাথেই তার  
তুলনা হয় না। 12 “আমি, প্রজ্ঞা, দূরদর্শিতার সঙ্গেই বসবাস করি;  
আমিই জ্ঞান ও বিচক্ষণতার অধিকারী। 13 সদাপ্রভুকে ভয় করার

অর্থ মন্দকে ঘৃণা করা; আমি অহংকার ও দাস্তিকতাকে ঘৃণা করি,  
মন্দ আচরণ ও সত্যব্রষ্ট কথাবার্তাকেও করি। 14 পরামর্শ ও সুবিচার  
আমার অধিকারভুক্ত; আমার কাছে দূরদর্শিতা ও ক্ষমতা আছে। 15  
আমার দ্বারাই রাজারা রাজত্ব করেন ও শাসনকর্তারা ন্যায়সংগত হুকুম  
জারি করেন; 16 আমার দ্বারাই অধিপতিরা প্রভুত্ব করেন, ও সেই  
গণ্যমান্য ব্যক্তিরা—যারা সবাই পৃথিবীতে শাসন করেন। 17 যারা  
আমাকে ভালোবাসে আমিও তাদের ভালোবাসি, ও যারা আমার খোঁজ  
করে তারা আমাকে খুঁজে পায়। 18 আমার কাছেই আছে ধনসম্পত্তি  
ও সম্মান, চিরস্থায়ী সম্পদ ও সমৃদ্ধি। 19 আমার ফল খাঁটি সোনার  
চেয়েও সেরা; আমি যা উৎপাদন করি তা অসাধারণ রংপোকেও  
ছাপিয়ে যায়। 20 আমি ধার্মিকতার পথে চলি, ন্যায়ের পথ ধরে  
চলি, 21 যারা আমাকে ভালোবাসে তাদের আমি প্রচুর উন্নতাধিকার  
দান করি ও তাদের ভাগ্নির পরিপূর্ণ করে দিই। 22 “সদাপ্রভু তাঁর  
কর্মের প্রথম ফলরূপে, প্রাচীনকালে তাঁর করা সব কাজকর্মের আগেই  
আমাকে উৎপন্ন করেছিলেন; 23 বহুকাল আগেই আমাকে তৈরি  
করা হয়েছিল, একেবারে শুরুতেই, যখন এই জগৎ পন্ডন হয়েছিল  
তখনই হয়েছিল। 24 যখন অতল জলের কোনো অস্তিত্বও ছিল না,  
তখন আমাকে জন্ম দেওয়া হয়েছিল, যখন জলে উপচে পড়া কোনো  
জলের উৎসের অস্তিত্ব ছিল না; 25 পর্বতগুলি স্বস্থানে স্থাপিত হওয়ার  
আগে, পাহাড়গুলি উৎপন্ন হওয়ার আগেই, 26 সদাপ্রভু এই জগৎ  
বা এখানকার মাঠঘাট বা পৃথিবীর একমুঠো ধুলোবালি তৈরি করার  
আগেই আমাকে জন্ম দেওয়া হয়েছিল। 27 যখন তিনি আকাশমণ্ডলকে  
স্বস্থানে স্থাপন করলেন, তখন আমি সেখানে ছিলাম, যখন তিনি অতল  
জলরাশির বুকে দিগন্তের চিহ্ন এঁকে দিলেন, 28 যখন তিনি উর্ধ্বস্থ  
মেঘরাশি স্থাপন করলেন ও অতল জলরাশির উৎসগুলি শক্ত করে  
বেঁধে দিলেন, 29 যখন তিনি সমুদ্রের সীমা স্থির করলেন যেন জলরাশি  
তাঁর আদেশ লজ্জন না করে, ও যখন তিনি পৃথিবীর ভিত্তিমূল চিহ্নিত  
করলেন। 30 তখন আমি প্রতিনিয়ত তাঁর পাশেই ছিলাম। দিনের পর  
দিন আমি আনন্দে পরিপূর্ণ হয়ে থাকতাম, সর্বক্ষণ তাঁর উপস্থিতিতে

আনন্দ উপভোগ করতাম, 31 তাঁর সমগ্র এই জগৎ নিয়ে আনন্দ করতাম ও মানবজাতিকে নিয়েও আনন্দে মেতে উঠতাম। 32 “তবে এখন, হে আমার বাচ্চারা, আমার কথা শোনো; যারা আমার পথে চলে তারা ধন্য। 33 আমার নির্দেশ শোনো ও জ্ঞানবান হও; তা উপেক্ষা কেরো না। 34 যারা আমার কথা শোনে, যারা প্রতিদিন আমার দরজায় দাঁড়িয়ে পর্যবেক্ষণ করে, আমার দরজায় দাঁড়িয়ে অপেক্ষা করে তারা ধন্য। 35 কারণ যারা আমাকে খুঁজে পায় তারা জীবন খুঁজে পায় ও সদাপ্রভুর কাছ থেকে অনুগ্রহ লাভ করে। 36 কিন্তু যারা আমাকে খুঁজে পায় না তারা নিজেদেরই ক্ষতিসাধন করে; যেসব লোক আমাকে ঘৃণা করে তারা মৃত্যু ভালোবাসে।”

**৯** প্রজ্ঞা তার বাড়ি নির্মাণ করেছে; সে তার সাতটি স্তন্ত খাড়া করেছে। 2 সে ভূরিভোজনের ব্যবস্থা করেছে ও দ্রাক্ষারস মিশিয়ে রেখেছে সে তার টেবিলও সাজিয়ে রেখেছে। 3 সে তার দাসীদের বাইরে পাঠিয়ে দিয়েছে, ও নগরের সবচেয়ে উঁচু জায়গা থেকে ডাক দিয়ে বলেছে, 4 “যারা অনভিজ্ঞ মানুষ, তারা সবাই আমার বাড়িতে আসুক!” যাদের কোনও জ্ঞানবুদ্ধি নেই তাদের সে বলেছে, 5 “এসো, আমার খাদ্যদ্রব্য ভোজন করো ও যে দ্রাক্ষারস আমি মিশিয়ে রেখেছি তা পান করো। 6 তোমাদের অনভিজ্ঞতার পথ পরিত্যাগ করো ও তোমরা বেঁচে যাবে; দূরদর্শিতার পথে চলো।” 7 যে কেউ বিদ্রূপকারীকে সংশোধন করতে যায় সে অপমান ডেকে আনে; যে কেউ দুষ্টকে ভর্তসনা করে সে কলঙ্কের ভাগী হয়। 8 বিদ্রূপকারীদের ভর্তসনা কোরো না পাছে তারা তোমাকে ঘৃণা করে; জ্ঞানবানদের ভর্তসনা করো ও তারা তোমাকে ভালোবাসবে। 9 জ্ঞানবানদের উপদেশ দাও ও তারা আরও জ্ঞানী হবে; ধার্মিকদের শিক্ষা দাও ও তাদের পাণ্ডিত্য বৃদ্ধি পাবে। 10 সদাপ্রভুর ভয় প্রজ্ঞার আরম্ভ, ও পবিত্রতম সম্মানীয় জ্ঞানই হল বোধশক্তি। 11 কারণ প্রজ্ঞার মাধ্যমেই তোমার আয়ু বাঢ়বে, ও তোমার জীবনে বেশ কিছু বছর যুক্ত হবে। 12 তুমি যদি জ্ঞানবান হও, তোমার প্রজ্ঞা তোমাকে পুরস্কৃত করবে; তুমি যদি একজন বিদ্রূপকারী, তবে তুমি একাই কষ্টভোগ করবে। 13 মুর্খতা এক দুর্বিনীত নারী;

সে অনভিজ্ঞ ও কিছুই জানে না। 14 সে তার বাড়ির দরজায় বসে থাকে, নগরের সবচেয়ে উঁচু জায়গায় গিয়ে আসন পেতে বসে, 15 সে পথচারীদের ডাক দেয়, যারা সোজা পথ ধরে যায় সে তাদের ডেকে বলে, 16 “যারা অনভিজ্ঞ তারা সবাই আমার বাড়িতে আসুক!” যাদের কেনও জ্ঞানবুদ্ধি নেই সে তাদের বলে, 17 “চুরি করা জল মিষ্টি; লুকোছাপা করে খাওয়া খাদ্য পরম উপাদেয়!” 18 কিন্তু তারা আদৌ জানে না যে মৃতেরা সেখানেই আছে, তার অতিথিরা পাতালের গর্তে পড়ে আছে। (Sheol h7585)

**10** শলোমনের হিতোপদেশ: জ্ঞানবান ছেলে তার বাবার জীবনে আনন্দ নিয়ে আসে, কিন্তু মূর্খ ছেলে তার মায়ের জীবনে দুঃখ নিয়ে আসে। 2 অসৎ উপায়ে অর্জিত ধনসম্পত্তির দীর্ঘস্থায়ী কোনও মূল্য নেই, কিন্তু ধার্মিকতা মৃত্যু থেকে উদ্ধার করে। 3 সদাপ্রভু ধার্মিককে ক্ষুধার্ত থাকতে দেন না, কিন্তু তিনি দুষ্টের অভিলাষ ব্যর্থ করেন। 4 অলসতার হাত দারিদ্র ডেকে আনে, কিন্তু পরিশ্রমী হাত ধনসম্পত্তি নিয়ে আসে। 5 যে গ্রীষ্মকালে ফসল সংগ্রহ করে সে বিচক্ষণ ছেলে, কিন্তু যে ফসল কাটার মরশুমে ঘুমিয়ে থাকে সে মর্যাদাহানিকর ছেলে। 6 আশীর্বাদ ধার্মিকের মাথার মুকুট হয়, কিন্তু হিংস্রতা দুষ্টের মুখ দেকে রাখে। 7 ধার্মিকের নাম আশীর্বাদ করার সময় ব্যবহৃত হয়, কিন্তু দুষ্টের নামে পচন ধরবে। 8 অন্তরে যে জ্ঞানবান সে আজ্ঞা গ্রহণ করে, কিন্তু বাচাল মূর্খের সর্বনাশ হবে। 9 যে কেউ সততা নিয়ে চলে সে নিরাপদে চলে, কিন্তু যে কেউ বাঁকা পথ ধরে সে ধরা পড়ে যাবে। 10 যে কেউ বিদ্রেষপূর্ণভাবে ইশারা করে সে দুঃখ জন্মায়, ও বাচাল মূর্খের সর্বনাশ হবে। 11 ধার্মিকের মুখ জীবনের উৎস, কিন্তু দুষ্টের মুখ হিংস্রতা দেকে রাখে। 12 ঘৃণা বিবাদ জাগিয়ে তোলে, কিন্তু ভালোবাসা সব অপরাধ দেকে দেয়। 13 বিচক্ষণ লোকের ঠোঁটে প্রজ্ঞা পাওয়া যায়, কিন্তু যার কোনও বোধবুদ্ধি নেই তার পিঠের জন্য লাঠি রাখা থাকে। 14 জ্ঞানবানেরা জ্ঞান সঞ্চয় করে রাখে, কিন্তু মূর্খের মুখ সর্বনাশ ডেকে আনে। 15 ধনবানের ধনসম্পত্তি তাদের সুরক্ষিত নগর, কিন্তু দারিদ্র্য দারিদ্রের সর্বনাশ। 16 ধার্মিকের বেতন হল জীবন, কিন্তু দুষ্টের উপার্জন

হল পাপ ও মৃত্যু। 17 যে কেউ শৃঙ্খলা মানে সে জীবনের পথ দেখায়, কিন্তু যে কেউ সংশোধন উপেক্ষা করে সে অন্যদের বিপথে পরিচালিত করে। 18 যে কেউ মিথ্যাবাদী ঠোঁট দিয়ে ঘৃণা লুকিয়ে রাখে ও অপবাদ ছড়ায় সে মূর্খ। 19 প্রচুর কথা বলে পাপের অবসান ঘটানো যায় না, কিন্তু বিচক্ষণ লোকজন তাদের জিভকে সং্যত রাখে। 20 ধার্মিকের জিভ ভালো মানের রংপো, কিন্তু দুষ্টের অস্তর নেহাতই কমদামি। 21 ধার্মিকের ঠোঁট অনেককে পুষ্টি জোগায়, কিন্তু মৃর্খেরা বোধবুদ্ধির অভাবে মারা যায়। 22 সদাপ্রভুর আশীর্বাদ ধনসম্পত্তি এনে দেয়, আর এর জন্য যন্ত্রণাদায়ক পরিশ্রমও করতে হয় না। 23 মূর্খ দুষ্ট ফন্দি এঁটে আনন্দ পায়, কিন্তু বিচারবুদ্ধিসম্পন্ন মানুষ প্রজ্ঞায় আনন্দ করে। 24 দুষ্টেরা যা ভয় করে তাদের প্রতি তাই ঘটবে; ধার্মিকদের বাসনা মঞ্চের হবে। 25 যখন ঝাড় বয়ে যায়, তখন দুষ্টের অস্তিত্ব লোপ পায়, কিন্তু ধার্মিক চিরকাল অবিচলিতভাবে দাঁড়িয়ে থাকে। 26 দাঁতের পক্ষে সিরকা ও চোখের পক্ষে ধোঁয়া যেমন, অলসরাও তাদের যারা পাঠায় তাদের পক্ষে ঠিক তেমনই। 27 সদাপ্রভুর ভয় আয়ু বৃদ্ধি করে, কিন্তু দুষ্টদের জীবনকাল সংক্ষিপ্ত করা হয়। 28 ধার্মিকদের প্রত্যাশা হল আনন্দ, কিন্তু দুষ্টদের আশাগুলি নিষ্কল হয়ে যায়। 29 সদাপ্রভুর পথ অনিন্দনীয়দের জন্য এক আশ্রয়স্থল, কিন্তু যারা অনিষ্ট করে তাদের পক্ষে তা সর্বনাশ। 30 ধার্মিকেরা কখনোই উৎখাত হবে না, কিন্তু দুষ্টেরা দেশে অবশিষ্ট থাকবে না। 31 ধার্মিকের মুখ থেকে প্রজ্ঞার ফল বেরিয়ে আসে, কিন্তু বিকৃত জিভকে নিরুত্তর করে দেওয়া হবে। 32 ধার্মিকের ঠোঁট জানে কীসে অনুগ্রহ লাভ করা যায়, কিন্তু দুষ্টের মুখ শুধু বিকৃতিই জানে।

**11** সদাপ্রভু অসাধু দাঁড়িপাল্লা ঘৃণা করেন, কিন্তু সঠিক বাটখারা তাঁকে সন্তুষ্ট করে। 2 যখন অহংকার আসে, তখন অপমানও আসে, কিন্তু নষ্টতার সঙ্গে আসে প্রজ্ঞা। 3 ন্যায়পরায়ণদের সততাই তাদের পথ দেখায়, কিন্তু বিশ্বাসঘাতকেরা তাদের ছলনা দ্বারা ধ্বংস হয়ে যায়। 4 ক্রোধের দিনে ধনসম্পত্তি মূল্যহীন হয়ে যায়, কিন্তু ধার্মিকতা মৃত্যু থেকে রক্ষা করে। 5 অনিন্দনীয়দের ধার্মিকতা তাদের পথগুলি সোজা

করে, কিন্তু দুষ্টেরা তাদের দুষ্টতা দ্বারাই পতিত হয়। ৬ ন্যায়পরায়ণদের ধার্মিকতাই তাদের উদ্বার করে, কিন্তু অবিশ্বস্তেরা মন্দ বাসনা দ্বারা ফাঁদে পড়ে। ৭ নশ্বর মানুষে স্থাপিত আশা তাদের সাথেই নষ্ট হয়; তাদের ক্ষমতার সব প্রতিজ্ঞা নিষ্ফল হয়। ৮ ধার্মিকেরা সংকট থেকে উদ্বার পায়, ও তা তাদের পরিবর্তে দুষ্টদের উপরেই গিয়ে পড়ে। ৯ অধার্মিকরা তাদের মুখ দিয়ে তাদের প্রতিবেশীদের সর্বনাশ করে, কিন্তু জ্ঞানের মাধ্যমে ধার্মিকেরা অব্যাহতি পায়। ১০ ধার্মিকেরা যখন উন্নতি লাভ করে, তখন নগরে আনন্দ হয়, দুষ্টেরা যখন বিনষ্ট হয়, তখনও আনন্দের রব ওঠে। ১১ ন্যায়পরায়ণদের আশীর্বাদে নগর উন্নত হয়, কিন্তু দুষ্টদের মুখের কথা দ্বারা তা ধ্বংস হয়। ১২ যারা তাদের প্রতিবেশীকে ঠাট্টা করে তাদের কোনও বোধবুদ্ধি নেই, কিন্তু যাদের বুদ্ধি আছে তারা তাদের জিভকে সংযত রাখে। ১৩ পরনিন্দা পরচর্চা আস্থা ভঙ্গ করে, কিন্তু নির্ভরযোগ্য মানুষ গোপনীয়তা বজায় রাখে। ১৪ নেতৃত্বের অভাবে জাতির পতন হয়, কিন্তু উপদেশকদের সংখ্যা বেশি হলে জয় সুনিশ্চিত হয়। ১৫ যে অপরিচিত লোকের জামিনদার হয় সে নিশ্চয় কষ্টভোগ করবে, কিন্তু যে অন্যের ঋণ শোধ করার দায়িত্ব নিতে অস্বীকার করে সে নিরাপদে থাকে। ১৬ সহস্রয়া নারী সম্মান অর্জন করে, কিন্তু নির্মম লোকেরা শুধু ধনসম্পত্তি লাভ করে। ১৭ যারা দয়ালু তারা নিজেদের উপকার করে, কিন্তু নিষ্ঠুর লোকেরা নিজেদের সর্বনাশ ডেকে আনে। ১৮ দুষ্টলোক অসৎ প্রতারণাপূর্ণ বেতন উপার্জন করে, কিন্তু যে ধার্মিকতা বোনে সে নিশ্চিত প্রতিদান কাটে। ১৯ প্রকৃতপক্ষে ধার্মিক মানুষ জীবন লাভ করে, কিন্তু যে কেউ মন্দের পশ্চাদ্বাবন করে সে মৃত্যুর সংক্ষান পায়। ২০ যাদের মন উচ্ছ্বেষ্য সদাপ্রভু তাদের ঘৃণা করেন, কিন্তু যারা অনিন্দনীয় পথে চলে তাদের নিয়ে তিনি আনন্দ করেন। ২১ তুমি এই বিষয়ে নিশ্চিত থেকো: দুষ্ট অদণ্ডিত থাকবে না, কিন্তু যারা ধার্মিক তারা রক্ষা পাবে। ২২ যেমন শূকরের নাকে সোনার নথ তেমনি সেই সুন্দরী নারী যে কোনো বিচক্ষণতা দেখায় না। ২৩ ধার্মিকদের বাসনা শুধু মঙ্গলের কাছে গিয়ে শেষ হয়, কিন্তু দুষ্টদের প্রত্যাশা শেষ হয় শুধু ক্রোধের কাছে গিয়ে। ২৪ কেউ একজন

মুক্তহস্তে দান করে, অথচ সে আরও বেশি লাভবান হয়; অন্য কেউ  
অথবা কৃপণতা করে, কিন্তু দারিদ্রে পৌঁছে যায়। 25 অকৃপণ ব্যক্তি  
উন্নতি লাভ করবে; যে কেউ অন্যান্য লোকদের পুনরঞ্জীবিত করে  
সেও পুনরঞ্জীবিত হবে। 26 যে শস্য মজুত করে রাখে লোকে তাকে  
অভিশাপ দেয়, কিন্তু যে তা বিক্রি করতে চায় তার জন্য তারা ঈশ্বরের  
কাছে আশীর্বাদ প্রার্থনা করে। 27 যে কেউ মঙ্গলকামনা করে সে অনুগ্রহ  
পায়, কিন্তু যে অমঙ্গল খুঁজে বেড়ায় তার জীবনেই অমঙ্গল নেমে  
আসে। 28 যারা তাদের ধনদৌলতের উপর নির্ভর করে তাদের পতন  
হবে, কিন্তু ধার্মিকেরা গাছের সবুজ পাতার মতো উন্নতি লাভ করবে।  
29 যারা তাদের পরিবারে সর্বনাশ ডেকে আনে তারা উত্তরাধিকারসূত্রে  
শুধু বাতাসই পাবে, ও মুর্খেরা জ্ঞানবানের দাস হবে। 30 ধার্মিকের  
ফল জীবনবৃক্ষ, ও যে জ্ঞানবান সে প্রাণরক্ষা করে। 31 ধার্মিকেরা যদি  
এই পৃথিবীতেই তাদের প্রাপ্য পেয়ে যায়, তবে অধার্মিকরা ও পাপীরা  
আরও কত না বেশি পাবে!

**12** যে শৃঙ্খলা ভালোবাসে সে জ্ঞানও ভালোবাসে, কিন্তু যে সংশোধন  
ঘৃণা করে সে বোকা। 2 সৎলোক সদাপ্রভুর কাছ থেকে অনুগ্রহ  
লাভ করে, কিন্তু যারা দুষ্ট ফন্দি আঁটে তিনি তাদের দোষী সাব্যস্ত  
করেন। 3 কেউই দুষ্টতার মাধ্যমে প্রতিষ্ঠিত হতে পারে না, কিন্তু  
ধার্মিকদের নির্মূল করা যায় না। 4 উদারস্বভাব বিশিষ্ট স্ত্রী তার  
স্বামীর মুকুট, কিন্তু মর্যাদাহানিকর স্ত্রী স্বামীর অস্ত্র পচনস্বরূপ।  
5 ধার্মিকদের পরিকল্পনাগুলি ন্যায়সংগত, কিন্তু দুষ্টদের পরামর্শ  
প্রতারণাপূর্ণ। 6 দুষ্টদের কথাবার্তা রক্তপাতের জন্য লুকিয়ে থাকে,  
কিন্তু ন্যায়পরায়ণদের কথাবার্তা তাদের রক্ষা করে। 7 দুষ্টেরা পর্যুদন্ত  
হয় ও তারা নিশ্চিহ্ন হয়ে যায়, কিন্তু ধার্মিকদের বাড়ি অটল থাকে।  
8 একজন মানুষ তার দূরদর্শিতা অনুসারেই প্রশংসিত হয়, ও যার  
মন পক্ষপাতদুষ্ট সে অবজ্ঞাত হয়। 9 কেউকেটা হওয়ার ভান করে  
নিরন্ম হয়ে থাকার চেয়ে বরং নগণ্য মানুষ হয়ে দাস রাখা ভালো। 10  
ধার্মিকেরা তাদের পশুদের যত্ন নেয়, কিন্তু দুষ্টদের সদয় ব্যবহারও  
নিষ্ঠরতামাত্র। 11 যারা নিজেদের জমি চাষ করে তারা প্রচুর খাদ্য

পাবে, কিন্তু যারা উচ্চট কল্পনার পিছনে ছুটে বেড়ায় তাদের কোনও  
 বোধবুদ্ধি নেই। 12 দুষ্টেরা অনিষ্টকারীদের সুরক্ষিত আশ্রয় কামনা  
 করে, কিন্তু ধার্মিকদের মূল স্থায়ী হয়। 13 অনিষ্টকারীরা তাদের পাপে  
 পরিপূর্ণ কথাবার্তা দ্বারাই ফাঁদে পড়ে, ও সেভাবেই নির্দোষ লোকজন  
 বিপত্তি থেকে রক্ষা পায়। 14 মানুষ তাদের ঠোঁটের ফল দ্বারা মঙ্গলে  
 পরিপূর্ণ হয়, ও তাদের হাতের কাজই তাদের পুরস্কৃত করে। 15  
 মূর্খদের পথ তাদের কাছে ঠিক বলে মনে হয়, কিন্তু জ্ঞানবানেরা  
 পরামর্শ শোনে। 16 মূর্খেরা অবিলম্বে তাদের বিরক্তি প্রকাশ করে,  
 কিন্তু বিচক্ষণ লোকেরা অপমান উপেক্ষা করে। 17 একজন সত্যবাদী  
 সাক্ষী সত্যিকথা বলে, কিন্তু একজন মিথ্যাসাক্ষী মিথ্যা কথা বলে। 18  
 অবিবেচকের কথা তরোয়ালের মতো বিদ্ব করে, কিন্তু জ্ঞানবানের  
 জিভ সুস্থতা নিয়ে আসে। 19 সত্যবাদী ঠোঁট চিরকাল স্থায়ী হয়, কিন্তু  
 মিথ্যাবাদী জিভ শুধু এক মুহূর্তের জন্য স্থায়ী হয়। 20 যারা অমঙ্গলের  
 চক্রান্ত করে তাদের অন্তরে ছলনা থাকে, কিন্তু যারা শান্তির উদ্যোগ্তা  
 হয় তারা আনন্দ পায়। 21 কোনও অনিষ্ট ধার্মিকদের আতঙ্কগ্রস্ত করে  
 না, কিন্তু দুষ্টদের অসুবিধা ভোগ করতে হয়। 22 সদাপ্রভু মিথ্যাবাদী  
 ঠোঁট ঘৃণা করেন, কিন্তু যারা নির্ভরযোগ্য তাদের নিয়ে তিনি আনন্দ  
 করেন। 23 বিচক্ষণ লোকেরা তাদের জ্ঞান নিজেদের মধ্যেই সীমাবদ্ধ  
 রাখে, কিন্তু মূর্খদের অন্তর মূর্খতা ফাঁস করে দেয়। 24 পরিশ্রমী হাত  
 শাসন করবে, কিন্তু অলসতা শেষ পর্যন্ত বেগার শ্রমিকে পরিণত হয়।  
 25 দুশ্চিন্তার ভারে অন্তর অবনত হয়, কিন্তু সৌজন্যমূলক একটি কথা  
 সেটিকে উৎসাহিত করে। 26 ধার্মিকেরা সতর্কতার সঙ্গে তাদের বন্ধু  
 মনোনীত করে, কিন্তু দুষ্টেরা তাদের বিপথগামী করে। 27 অলসেরা  
 শিকার করা কোনো কিছু উন্ননে সেঁকে না, কিন্তু পরিশ্রমীরা শিকারের  
 ধন উপভোগ করে। 28 ধার্মিকতার পথে জীবন আছে; সেই পথ বরাবর  
 অমরতা আছে।

**13** জ্ঞানবান ছেলে বাবার নির্দেশ মানে, কিন্তু বিদ্রুপকারী ভৃসনায়  
 কান দেয় না। 2 মানুষ তাদের মুখের ফল দ্বারাই মঙ্গল উপভোগ করে,  
 কিন্তু বিশ্বাসঘাতক হিংস্রতার প্রবৃত্তি রাখে। 3 যারা ঠোঁট নিয়ন্ত্রণে রাখে

তারা তাদের প্রাণরক্ষা করে, কিন্তু যারা বেপরোয়াভাবে কথাবার্তা  
বলে তাদের সর্বনাশ হয়। 4 অলসের খিদে কখনও মেটে না,  
কিন্তু পরিশ্রমীদের বাসনাগুলি পুরোপুরি চরিতার্থ হয়। 5 ধার্মিকেরা  
মিথ্যাচারিতা ঘৃণা করে, কিন্তু দুষ্টেরা নিজেদের এক দুর্গন্ধে পরিণত  
করে ও নিজেদের উপরে লজ্জা দেকে আনে। 6 ধার্মিকতা ন্যায়পরায়ণ  
মানুষদের রক্ষা করে, কিন্তু দুষ্টতা পাপীদের উৎখাত করে। 7 কেউ  
ধনী হওয়ার ভান করে, অথচ তার কাছে কিছুই নেই; অন্যজন দরিদ্র  
হওয়ার ভান করে, অথচ তার কাছে মহাধন আছে। 8 মানুষের ধন  
হয়তো তাদের প্রাণের প্রায়শিত্ব করতে পারে, কিন্তু দরিদ্রকে ভয়  
দেখানো যায় না। 9 ধার্মিকদের আলো উজ্জ্বলভাবে জ্বলজ্বল করে,  
কিন্তু দুষ্টদের প্রদীপ নিভে যায়। 10 যেখানে বিবাদ থাকে, সেখানে  
অহংকারও থাকে, কিন্তু যারা পরামর্শ নেয় তাদের অস্তরে প্রজ্ঞা পাওয়া  
যায়। 11 অসাধু উপায়ে অর্জিত অর্থ কমে যায়, কিন্তু যে অল্প অল্প  
করে অর্থ সংগ্রহ করে, তার অর্থ বাড়তে থাকে। 12 বিলম্বিত আশা  
হ্রদয়কে অসুস্থ করে তোলে, কিন্তু পূর্ণ আকাঙ্ক্ষা এক জীবনবৃক্ষ।  
13 যে নির্দেশ অবজ্ঞা করে তাকে এর মূল্য চোকাতে হয়, কিন্তু যে  
আজ্ঞাকে সম্মান করে সে পুরস্কৃত হয়। 14 জ্ঞানবানের শিক্ষা জীবনের  
উৎস, তা মানুষকে মৃত্যুর ফাঁদ থেকে ফিরিয়ে আনে। 15 সুবিবেচনা  
অনুগ্রহজনক হয়, কিন্তু বিশ্বাসযাতকদের পথ তাদের বিনাশের দিকে  
নিয়ে যায়। 16 যারা বিচক্ষণ তারা সবাই জ্ঞানপূর্বক কাজ করে, কিন্তু  
মূর্খেরা তাদের মূর্খতাই প্রকাশ করে ফেলে। 17 দুষ্ট দৃত অসুবিধায়  
পড়ে, কিন্তু বিশ্বস্ত দৃত আরোগ্য দান করে। 18 যে শাসন উপেক্ষা করে  
তাকে দারিদ্র ও লজ্জা ভোগ করতে হয়, কিন্তু যে সংশোধনে মনোযোগ  
দেয় সে সম্মানিত হয়। 19 পূর্ণ আকাঙ্ক্ষা প্রাণের পক্ষে তৃষ্ণিদায়ক,  
কিন্তু মূর্খেরা মন্দ পথ থেকে ফিরতে চায় না। 20 জ্ঞানবানদের সঙ্গে  
সঙ্গে চলো ও জ্ঞানবান হও, কারণ মূর্খদের সহচর ক্ষতিগ্রস্ত হয়। 21  
বিপত্তি পাপীর পশ্চাদ্বাবন করে, কিন্তু ধার্মিককে মঙ্গল দিয়ে পুরস্কৃত  
করা হয়। 22 সৎলোক তাদের নাতি-নাতনিদের জন্য উত্তরাধিকার  
ছেড়ে যায়, কিন্তু পাপীর ধন ধার্মিকদের জন্য মজুত হয়। 23 অকর্ষিত

জমি দরিদ্রদের জন্য খাদ্য উৎপাদন করে, কিন্তু অবিচার তা নিশ্চিহ্ন করে দেয়। 24 যারা লাঠির ব্যবহার করে না, তারা তাদের সন্তানদের সৃগো করে, কিন্তু যারা তাদের সন্তানদের ভালোবাসে, তারা স্বত্তে তাদের শাসনও করে। 25 ধার্মিকেরা তাদের প্রাগের তৃষ্ণি পর্যন্ত খাবার খায়, কিন্তু দুষ্টেরা ক্ষুধার্ত পেটেই থেকে যায়।

**14** জ্ঞানবতী মহিলা তার বাড়ি গেঁথে তোলে, কিন্তু মূর্খ মহিলা নিজের হাতে তার বাড়ি ভেঙে ফেলে। 2 যে সদাপ্রভুকে ভয় করে সে সৎভাবে চলে, কিন্তু যারা তাঁকে অবজ্ঞা করে তারা তাদের পথে সর্পিল। 3 মূর্খের মুখ দিয়ে অহংকারের বাক্যবাণ বর্ষিত হয়, কিন্তু জ্ঞানবানদের ঠোঁট তাদের রক্ষা করে। 4 বলদ না থাকলে জাবপাত্রও পরিষ্কার থাকে, কিন্তু বলদের ক্ষমতাতেই প্রচুর ফসল উৎপাদন হয়। 5 বিশ্বস্ত সাক্ষী প্রতারণা করে না, কিন্তু মিথ্যাসাক্ষী মিথ্যা কথা উগরে দেয়। 6 বিদ্রুপকারীরা প্রজ্ঞার খোঁজ করে ও কিছুই খুঁজে পায় না, কিন্তু বিচক্ষণদের কাছে জ্ঞান সহজলভ্য হয়। 7 মূর্খের কাছ থেকে দূরে সরে থাকো, কারণ তাদের ঠোঁটে তুমি জ্ঞান খুঁজে পাবে না। 8 বিচক্ষণ ব্যক্তিদের প্রজ্ঞাই তাদের পথের দিশা নির্দেশ দেয়, কিন্তু মূর্খদের মূর্খতাই হল প্রতারণা। 9 পাপের জন্য কাউকে ক্ষতিপূরণ করতে দেখে মূর্খ ব্যঙ্গবিদ্রূপ করে, কিন্তু ন্যায়পরায়ণদের কাছে মঙ্গলকামনা পাওয়া যায়। 10 প্রত্যেক অন্তঃকরণ তার নিজের জ্বালা জানে, আর কেউ তার আনন্দের ভাগী হতে পারে না। 11 দুষ্টদের বাড়ি ধ্বংস হয়ে যাবে, কিন্তু ন্যায়পরায়ণদের তাঁবু উন্নতি লাভ করবে। 12 একটি পথ আছে যা সঠিক বলে মনে হয়, কিন্তু শেষ পর্যন্ত তা মৃত্যুর দিকে নিয়ে যায়। 13 অট্টহাসির মধ্যেও হৃদয়ে ব্যথা হতে পারে, ও আনন্দ শেষ পর্যন্ত বিষাদে পরিণত হতে পারে। 14 অবিশ্বাসীরা তাদের আচরণের জন্য প্রাপ্য ফলভোগ করবে, ও সৎলোকেরা তাদের আচরণের জন্য পুরস্কৃত হবে। 15 অনভিজ্ঞ মানুষ সব কথাই বিশ্বাস করে, কিন্তু বিচক্ষণ লোকেরা খুব ভেবেচিন্তে পদক্ষেপ নেয়। 16 জ্ঞানবানেরা সদাপ্রভুকে ভয় করে ও মন্দকে এড়িয়ে চলে, কিন্তু মূর্খেরা উগ্রস্বভাব অথচ নিরাপদ বোধ করে। 17 বদরাগি লোক মূর্খের মতো কাজ করে, ও যে

দুষ্ট ফন্দি আঁটে সে ঘৃণিত হয়। 18 অনিষ্টজ্ঞ লোকেরা উত্তরাধিকারসূত্রে  
মূর্খতা লাভ করে, কিন্তু বিচক্ষণেরা জ্ঞান-মুকুটে বিভূষিত হয়। 19  
অনিষ্টকারীরা সুজনদের সামনে, এবং দুষ্টেরা ধার্মিকদের দরজায় এসে  
মাথা নত করবে। 20 দরিদ্রেরা তাদের প্রতিবেশীদের দ্বারাও অবজ্ঞাত  
হয়, কিন্তু ধনবানদের প্রচুর বক্ষু থাকে। 21 প্রতিবেশীকে অবজ্ঞা করা  
হল পাপ, কিন্তু ধন্য সেই জন যে অভাবগ্রস্তদের প্রতি দয়া দেখায়। 22  
যারা অনিষ্টের চক্রান্ত করে তারা কি বিপথগামী হয় না? কিন্তু যারা  
মঙ্গলের পরিকল্পনা করে তারা ভালোবাসা ও বিশ্বস্ততা লাভ করে। 23  
সব কঠোর পরিশ্রমই লাভের মুখ দেখে, কিন্তু নিছক কথাবার্তা শুধু  
দারিদ্র্য নিয়ে আসে। 24 জ্ঞানবানদের ধন তাদের মুকুট, কিন্তু মূর্খদের  
মূর্খতা মূর্খতাই উৎপন্ন করে। 25 সত্যবাদী সাঙ্কী প্রাণরক্ষা করে,  
কিন্তু মিথ্যাসাঙ্কী বিশ্বাসঘাতক হয়। 26 যারা সদাপ্রভুকে ভয় করে  
তাদের কাছে এক নিরাপদ দুর্গ আছে, ও তাদের সন্তানদের জন্যও তা  
এক আশ্রয়স্থান হবে। 27 সদাপ্রভুর ভয় জীবনের উৎস, যা মানুষকে  
মৃত্যুর ফাঁদ থেকে ফিরিয়ে আনে। 28 বিশাল জনসংখ্যা রাজার গরিমা,  
কিন্তু প্রজার অভাবে রাজপুরুষের সর্বনাশ হয়। 29 যে দৈর্ঘ্যশীল সে  
অত্যন্ত বিচক্ষণ, কিন্তু যে বদরাগি সে মূর্খতাই প্রকাশ করে ফেলে। 30  
শান্ত হৃদয় দেহকেও সুস্থ রাখে, কিন্তু ঈর্যা অস্থির পচনস্বরূপ। 31 যে  
দরিদ্রদের শোষণ করে সে তাদের সৃষ্টিকর্তাকে অপমান করে, কিন্তু যে  
দরিদ্রদের প্রতি দয়া দেখায় সে ঈশ্বরকে সম্মানিত করে। 32 যখন  
চরম দুর্দশা ঘনিয়ে আসে, তখন দুষ্টেরা পতিত হয়, কিন্তু মরণকালেও  
ধার্মিকেরা ঈশ্বরেই আশ্রয় খোঁজে। 33 বিচক্ষণদের অন্তরে প্রজ্ঞা বিশ্রাম  
করে, ও মূর্খদের মধ্যেও সে নিজের আত্মপরিচয় দেয়। 34 ধার্মিকতা  
জাতিকে উন্নত করে, কিন্তু পাপ যে কোনো লোককে নিন্দা করে। 35  
রাজা জ্ঞানবান দাসকে নিয়ে আনন্দ করেন, কিন্তু লজ্জাজনক দাস তাঁর  
প্রকোপ জাগিয়ে তোলে।

**15** বিনীত উত্তর ক্রোধ প্রশমিত করে, কিন্তু রাঢ় কথাবার্তা ক্রোধ  
জাগিয়ে তোলে। 2 জ্ঞানবানদের জিতে জ্ঞান শোভা পায়, কিন্তু  
মূর্খদের মুখ থেকে মূর্খতা প্রবাহিত হয়। 3 সদাপ্রভুর চোখ সর্বত্র

আছে, দুষ্ট ও সুজন, উভয়ের উপরেই তাঁর দৃষ্টি আছে। 4 তুষ্টিকর  
জিভ জীবনবৃক্ষ, কিন্তু স্বেচ্ছাচারী জিভ আত্মাকে পিষে ফেলে। 5 মূর্খ  
তার মা-বাবার শাসন পদদলিত করে, কিন্তু যে সংশোধনে মনযোগ  
দেয় সে বিচক্ষণতা দেখায়। 6 ধার্মিকদের বাড়িতে মহাধন থাকে,  
কিন্তু দুষ্টদের উপার্জন সর্বনাশ দেকে আনে। 7 জ্ঞানবানদের ঠোঁট  
জ্ঞান ছড়ায়, কিন্তু মূর্খদের হৃদয় ন্যায়নির্ণয় নয়। 8 সদাপ্রভু দুষ্টদের  
বলিদান ঘৃণা করেন, কিন্তু ন্যায়পরায়ণদের প্রার্থনা তাঁকে সন্তুষ্ট করে।  
9 সদাপ্রভু দুষ্টদের পথ ঘৃণা করেন, কিন্তু যারা ধার্মিকতার পশ্চাদ্বাবন  
করে তিনি তাদের ভালোবাসেন। 10 যে সঠিক পথ ত্যাগ করেছে তার  
জন্য কঠোর শাস্তি অপেক্ষা করে আছে; যে সংশোধন ঘৃণা করে সে  
মারা যাবে। 11 মৃত্য ও বিনাশ সদাপ্রভুর দৃষ্টিগোচর— তবে মানবমন  
আরও কত না বেশি দৃষ্টিগোচর! (Sheol h7585) 12 বিদ্রূপকারীরা  
সংশোধন ক্ষতিকর মনে করে, তাই তারা জ্ঞানবানদের এড়িয়ে চলে।  
13 আনন্দিত অন্তর মুখকে প্রসন্ন করে তোলে, কিন্তু মানসিক যন্ত্রণা  
আত্মাকে পিষে ফেলে। 14 বিচক্ষণ অন্তর জ্ঞানের খোঁজ করে, কিন্তু  
মূর্খের মুখ মূর্খতার ক্ষেত্রে চরে। 15 নিপীড়িতদের পক্ষে জীবনের  
সব দিনই বাজে, কিন্তু আনন্দিত অন্তর সর্বদাই ভোজে মেতে থাকে।  
16 অশাস্তি নিয়ে মহাধন ভোগ করার চেয়ে সদাপ্রভুর ভয়ের সঙ্গে  
অল্পে কিছু থাকাই ভালো। 17 ঘৃণার মনোভাব নিয়ে আমিষ খাবার  
পরিবেশন করার চেয়ে ভালোবাসা দেখিয়ে সামান্য পরিমাণে নিরামিষ  
খাবার খাওয়ানো ভালো। 18 বদরাগি লোক বিরোধ বাধিয়ে দেয়,  
কিন্তু ধৈর্যশীল লোক বিবাদ শান্ত করে। 19 অলসদের পথে কাঁটার  
বাধা থাকে, কিন্তু ন্যায়পরায়ণদের পথ রাজপথবিশেষ। 20 জ্ঞানবান  
ছেলে তার বাবার মনে আনন্দ এনে দেয়, কিন্তু মূর্খ মানুষ তার মাকে  
অবজ্ঞা করে। 21 যার কোনও বুদ্ধি নেই, মূর্খতাই তাকে আনন্দ দেয়,  
কিন্তু যে বিচক্ষণ সে সোজা পথে চলে। 22 পরামর্শের অভাবে সব  
পরিকল্পনা ব্যর্থ হয়, কিন্তু মন্ত্রণাদাতাদের সংখ্যা বেশি হলে সেগুলি  
সফল হয়। 23 সঠিক উত্তর দিয়ে মানুষ আনন্দ পায়, ও সঠিক সময়ে  
বলা কথা কতই না প্রশংসনীয়। 24 বিচক্ষণদের জন্য জীবনের পথ

উর্ধ্বগামী যেন তাদের পাতালে যেতে না হয়। (Sheol h7585) 25 সদাপ্রভু

অহংকারীদের বাড়ি ধূলিসাং করে দেন, কিন্তু বিধবাদের সীমানার  
পাথর তিনি স্বস্তানে অটুট রাখেন। 26 সদাপ্রভু দুষ্টদের ভাবনাচিন্তাকে  
ঘৃণা করেন, কিন্তু তাঁর দৃষ্টিতে অনুগ্রহকারী কথাবার্তা বিশুদ্ধ বলে  
বিবেচিত হয়। 27 লোভী মানুষেরা তাদের পরিবারে সর্বনাশ দেকে  
আনে, কিন্তু যে ঘুস দেওয়া-নেওয়া ঘৃণা করে, সে জীবিত থাকে। 28  
ধার্মিকদের অন্তর এর উত্তর মাপে, কিন্তু দুষ্টদের মুখ দিয়ে অনিষ্ট  
প্রবাহিত হয়। 29 সদাপ্রভু দুষ্টদের থেকে দূরে সরে থাকেন, কিন্তু  
তিনি ধার্মিকদের প্রার্থনা শোনেন। 30 দৃতের চোখের আলো হ্রদয়ে  
আনন্দ এনে দেয়, ও শুভ সংবাদ অঙ্গীর পক্ষে স্বাস্থ্যস্বরূপ। 31 যে  
জীবনন্দনকারী সংশোধনে মনোযোগ দেয় সে জ্ঞানবানদের সঙ্গে  
বসবাস করবে। 32 যারা শাসন অমান্য করে তারা নিজেদেরই ঘৃণা  
করে, কিন্তু যে সংশোধনে মনোযোগ দেয় সে বুদ্ধি-বিবেচনা লাভ  
করে। 33 প্রজ্ঞার নির্দেশ হল সদাপ্রভুকে ভয় করা, ও সম্মানের আগে  
আসে নম্রতা।

**16** মানুষ মনে মনে অনেক পরিকল্পনা করে, কিন্তু জিভের সঠিক  
উত্তর সদাপ্রভুর কাছ থেকেই আসে। 2 মানুষের সব পথ তাদের দৃষ্টিতে  
বিশুদ্ধ বলেই মনে হয়, কিন্তু অভিসন্ধি সদাপ্রভুই মেপে রাখেন। 3  
তোমার কাজের ভার সদাপ্রভুর হাতে সমর্পণ করো, ও তিনি তোমার  
পরিকল্পনাগুলি সফল করবেন। 4 সদাপ্রভু সবকিছু সঠিক লক্ষ্য  
সামনে রেখেই করেন— দুষ্টদের জন্যও বিপর্যয়ের দিন স্থির করে  
রাখেন। 5 গর্বিতমনা সব লোককে সদাপ্রভু ঘৃণা করেন। নিশ্চিত জেনে  
রাখো: তারা অদণ্ডিত থাকবে না। 6 ভালোবাসা ও বিশ্বস্ততার মাধ্যমেই  
পাপের প্রায়শিত্ব হয়; সদাপ্রভুর ভয়ের মাধ্যমেই অমঙ্গল এড়ানো  
যায়। 7 সদাপ্রভু যখন কোনও মানুষের জীবনযাত্রার ধরন দেখে খুশি  
হন, তখন তিনি তাদের শক্রদেরও তাদের সঙ্গে সন্ধি করতে বাধ্য  
করেন। 8 অন্যায় পথে প্রচুর লাভ করার চেয়ে ধার্মিকতার সঙ্গে সামান্য  
কিছু পাওয়া ভালো। 9 মানুষ মনে মনে তাদের গতিপথের বিষয়ে  
পরিকল্পনা করে, কিন্তু সদাপ্রভুই তাদের পদক্ষেপ স্থির করেন। 10

রাজা ঠোঁট দিয়ে যা বলেন তা এক ঐশ্বরিক বাণীর সমতুল্য, ও তাঁর মুখ  
সুবিচারের প্রতি বিশ্বাসঘাতকতা করে না। 11 খাঁটি দাঁড়িপাল্লা ও নিক্তি  
সদাপ্রভুরই অধীনে থাকে; থলির সব বাটখারা তাঁর দ্বারাই নির্মিত। 12  
রাজারা অন্যায়চরণ ঘৃণা করেন, কারণ ধার্মিকতা দ্বারাই সিংহাসন  
প্রতিষ্ঠিত হয়। 13 সততাপরায়ণ ঠোঁট রাজাদের পক্ষে আনন্দজনক; যে  
সঠিক কথাবার্তা বলে তারা তার কদর করেন। 14 রাজার ক্রোধ এক  
মৃত্যুদৃত, কিন্তু জ্ঞানবান তা শান্ত করবে। 15 যখন রাজার মুখমণ্ডল  
উজ্জ্বল হয়, তখন তার অর্থ জীবন; তাঁর অনুগ্রহ বসন্তকালের সজল  
মেঘের মতো। 16 সোনার চেয়ে প্রজ্ঞা লাভ করা কতই না ভালো,  
রহপোর পরিবর্তে দুরদর্শিতা অর্জন করা শ্রেয়! 17 ন্যায়পরায়ণদের  
রাজপথ অমঙ্গল এড়িয়ে যায়; যারা তাদের জীবনযাত্রার ধরন সুরক্ষিত  
রাখে তারা তাদের প্রাণ বাঁচায়। 18 অহংকার বিনাশের আগে আগে  
যায়, পতনের সামনেই থাকে উদ্বত্ত মনোভাব। 19 অহংকারীদের  
সঙ্গে লুণ্ঠিত সামগ্রীর অংশীদার হওয়ার চেয়ে নিপীড়িতদের সঙ্গে নম্র  
মনোভাবাপন্ন হয়ে থাকা ভালো। 20 যে শিক্ষায় মনোযোগ দেয় সে  
উন্নতি লাভ করে, ও ধন্য সে, যে সদাপ্রভুতে নির্ভর করে। 21 যারা  
অন্তরে জ্ঞানবান তারা বিচক্ষণ বলে পরিচিত হয়, ও সহন্দয় কথাবার্তা  
শিক্ষাবর্ধন করে। 22 বিচক্ষণদের কাছে বিচক্ষণতাই জীবনের উৎস,  
কিন্তু মূর্খতা মূর্খদের কাছে দণ্ড এনে উপস্থিত করে। 23 জ্ঞানবানদের  
অন্তর তাদের মুখগুলিকে বিচক্ষণ করে তোলে, ও তাদের ঠোঁটগুলি  
শিক্ষাবর্ধন করে। 24 সহন্দয় কথাবার্তা মৌচাকের মতো, তা প্রাণের  
পক্ষে মিষ্টিমধুর ও অস্ত্রির পক্ষে আরোগ্যদায়ক। 25 একটি পথ আছে  
যা সঠিক বলে মনে হয়, কিন্তু শেষ পর্যন্ত তা মৃত্যুর দিকে নিয়ে  
যায়। 26 শ্রমিকদের খোরাক তাদের হয়ে কাজ করে; তাদের খিদেই  
তাদের চালিয়ে নিয়ে যায়। 27 নীচমনা লোকেরা অনিষ্টের চক্রান্ত  
করে, ও তাদের মুখে যেন জ্বলন্ত আগুন থাকে। 28 বিকৃতমনা লোক  
বিবাদ বাধায়, ও পরনিন্দা পরচর্চা ঘনিষ্ঠ বন্ধুদেরও বিচ্ছিন্ন করে  
দেয়। 29 হিংসাত্মক লোকেরা তাদের প্রতিবেশীদের প্রলুক্ষ করে,  
ও তাদের এমন এক পথে নিয়ে যায় যা ভালো নয়। 30 যারা চোখ

দিয়ে ইশারা করে তারা নষ্টামির চক্রান্ত করছে; যারা তাদের ঠোঁট  
বাঁকায় তাদের মধ্যে ক্ষতিসাধনের প্রবণতা আছে। 31 পাকা চুল প্রভাব  
মুকুট; ধার্মিকতার পথে চলেই তা অর্জন করা যায়। 32 যোদ্ধার চেয়ে  
একজন ধৈর্যশীল মানুষ হওয়া ভালো, যে নগর জয় করে তার চেয়ে  
আত্মসংযমী মানুষ হওয়া ভালো। 33 গুটিকাপাতের দান কোলেই চালা  
হয়, কিন্তু তার প্রত্যেকটি সিদ্ধান্ত আসে সদাপ্রভুর কাছ থেকেই।

**17** যে ভোজবাড়িতে শক্রতার পরিবেশ আছে সেখানকার চেয়ে শান্তি  
ও নিরপদ্ব পরিবেশে এক মুঠি শুকনো খাবার ও ভালো। 2 বিচক্ষণ  
দাস মর্যাদাহানিকর ছেলের উপরে কর্তৃত্ব করবে ও পরিবারভুক্ত  
একজনের মতো সেও উত্তরাধিকারের অংশীদার হবে। 3 ঝর্ণের জন্য  
গলনপাত্র ও সোনার জন্য হাপর, কিন্তু সদাপ্রভুই অন্তরের পরীক্ষা  
করেন। 4 দুষ্টলোক প্রতারণাপূর্ণ ঠোঁটের কথাই শোনে; মিথ্যাবাদী  
মানুষ ধ্বংসাত্মক জিভের কথায় মনোযোগ দেয়। 5 যে দরিদ্রদের  
উপহাস করে সে তাদের নির্মাতার প্রতিই অসম্মান দেখায়; যে বিপর্যয়  
দেখে আনন্দ পায় সে অদণ্ডিত থাকবে না। 6 নাতিপুত্রিনা বয়স্ক  
মানুষদের মুকুট, ও মা-বাবারা তাদের সন্তানদের গৌরব। 7 বাক্পটু  
ঠোঁট যদি মূর্খের পক্ষে অনুপযোগী— তবে একজন শাসকের পক্ষে  
মিথ্যাবাদী ঠোঁট কতই না বেশি মন্দ! 8 যারা ঘুস দেয় তাদের দৃষ্টিতে  
তা এক দামি মণিবিশেষ; তারা মনে করে প্রত্যেকটি বাঁক ধরেই  
সাফল্য আসবে। 9 যে ভালোবাসা লালনপালন করে সে অপরাধ  
চেকে রাখে, কিন্তু যে বারবার সেকথার পুনরাবৃত্তি করে সে ঘনিষ্ঠ  
বন্ধুদের বিচ্ছিন্ন করে দেয়। 10 একশো কশাঘাত মূর্খকে যত না  
প্রভাবিত করে ভর্তসনা বিচক্ষণ মানুষকে তার চেয়েও অনেক বেশি  
প্রভাবিত করে। 11 অনিষ্টকারীরা ঈশ্বরের বিরুদ্ধে বিদ্রোহ লালনপালন  
করে; তাদের বিরুদ্ধে মৃত্যুদৃত পাঠানো হবে। 12 মূর্খতার ভারে ন্যূজ  
মূর্খের সাথে দেখা হওয়ার চেয়ে বরং শাবক হারানো মাদি ভালুকের  
সম্মুখীন হওয়া ভালো। 13 যে মঙ্গলের প্রতিদানে অঙ্গল ফিরিয়ে দেয়  
অঙ্গল কখনোই তার বাড়িছাড়া হবে না। 14 বিবাদের সূত্রপাত হল  
বাঁধে ফাটল ধরার মতো বিষয়; অতএব বিতর্ক দানা বাঁধার আগেই

বিষয়টিতে ইতি টানো। 15 দোষীকে বেকসুর খালাস করে দেওয়া ও  
নির্দোষকে দোষী সাব্যস্ত করা— দুটি বিষয়কেই সদাপ্রভু ঘৃণা করেন।  
16 প্রজ্ঞা কেনার জন্য মূর্খদের হাতে অর্থ থাকবে কেন, যখন তা বোঝার  
ক্ষমতাই তাদের নেই? 17 বন্ধু সবসময় ভালোবেসে যায়, ও দুর্দশা  
কালের জন্যই ভাই জন্ম নেয়। 18 বুদ্ধি-বিবেচনাহীন মানুষ জায়িনদার  
হয়ে হাতে হাত মিলায় ও প্রতিবেশীর হয়ে বন্ধক রাখে। 19 যে বিবাদ  
ভালোবাসে সে পাপও ভালোবাসে; যে উঁচু দরজা নির্মাণ করে সে  
সর্বনাশ ডেকে আনে। 20 যার অন্তর দুর্নীতিগ্রস্ত সে উন্নতি লাভ করে  
না; যার জিভ কলুষিত সে বিপদে পড়ে। 21 মূর্খকে সন্তানরূপে লাভ  
করার অর্থ জীবনে বিষাদ নেমে আসা; মূর্খের মা-বাবার মনে আনন্দ  
থাকে না। 22 আনন্দিত হৃদয় ভালো ওষুধ, কিন্তু ভগ্নচূর্ণ আজ্ঞা অঙ্গ  
শুকনো করে দেয়। 23 বিচারের গতিপথ বিকৃত করার জন্য দুষ্টেরা  
গোপনে ঘুস নেয়। 24 বিচক্ষণ মানুষ প্রজ্ঞাকে সামনে রেখে চলে, কিন্তু  
মূর্খের দৃষ্টি পৃথিবীর প্রান্ত পর্যন্ত ঘুরে বেড়ায়। 25 মূর্খ ছেলে তার বাবার  
জীবনে বিষাদ ও যে মা তাকে জন্ম দিয়েছে তার জীবনে তিক্ততা  
উৎপন্ন করে। 26 নির্দোষ লোকের জরিমানা করা যদি ভালো কাজ না  
হয়, তবে সৎ কর্মকর্তাদের কশাঘাত করাও নিশ্চয় ঠিক নয়। 27 যার  
জ্ঞান আছে সে সংযমী হয়ে শব্দ ব্যবহার করে, ও যার বুদ্ধি-বিবেচনা  
আছে সে মেজাজের রাশ নিয়ন্ত্রণে রাখে। 28 মূর্খরাও যদি নীরবতা  
বজায় রাখে তবে তাদের জ্ঞানবান বলে মনে করা হয়, ও যদি তারা  
তাদের জিভ নিয়ন্ত্রণে রাখে তবে তাদের বিচক্ষণ বলে মনে করা হয়।

**18** অবধুজনোচিত মানুষ স্বার্থপর আখেরের পিছনে ছোটে ও সমস্ত  
যুক্তিসংগত রায়ের বিরুদ্ধে বিবাদ শুরু হয়। 2 মূর্খেরা বুদ্ধি-বিবেচনায়  
আনন্দ উপভোগ করে না কিন্তু তাদের নিজস্ব অভিমত প্রকাশ করে  
তারা আনন্দ পায়। 3 যখন দুষ্টতা আসে, তার সাথে সাথে অবজ্ঞাও  
আসে, ও লজ্জার সঙ্গে আসে কলঙ্ক। 4 মুর্খের কথা গভীর জলরাশি,  
কিন্তু প্রজ্ঞার ফোয়ারা এক খরচ্ছোত্তা জলপ্রবাহ। 5 দুষ্টদের প্রতি  
পক্ষপাতিত্ব দেখানো ঠিক নয় ও নির্দোষদের ন্যায়বিচার পাওয়া থেকে  
বাধ্যত করাও ভালো নয়। 6 মূর্খদের ঠোঁট তাদের কাছে বিষাদ নিয়ে

আসে, ও তাদের মুখ প্রহারকে আমন্ত্রণ জানায়। 7 মূর্খদের মুখই  
তাদের সর্বনাশের কারণ, ও তাদের ঠোঁট তাদেরই জীবনের পক্ষে এক  
ফাঁদবিশেষ। 8 পরনিন্দা পরচর্চার কথাবার্তা সুস্বাদু খাদ্যের মতো  
লাগে; সেগুলি মানুষের অন্তরের গভীরে প্রবেশ করে। 9 যে তার  
কাজে শিথিল সে বিনাশকারীর সহৃদয়ের ভাই। 10 সদাপ্রভুর নাম এক  
সুরক্ষিত মিনার; ধার্মিকেরা সেখানে দৌড়ে যায় ও নিরাপদ বোধ  
করে। 11 ধনবানদের ধনসম্পত্তি তাদের সুরক্ষিত নগর; তারা ভাবে,  
তা এমন এক উঁচু প্রাচীর যা মাপা যায় না। 12 পতনের আগে অন্তর  
উদ্বত হয়, কিন্তু সম্মানের আগে আসে নম্রতা। 13 শোনার আগেই  
উত্তর দেওয়া— হল মূর্খতার ও লজ্জার বিষয়। 14 মানবাত্মা অসুস্থতা  
সহ্য করতে পারে, কিন্তু ভগ্নার্থ আত্মা কে বহন করতে পারে? 15  
বিচক্ষণ মানুষদের অন্তর জ্ঞানার্জন করে, কারণ জ্ঞানবানদের কান  
তা খুঁজে বের করে। 16 উপহার পথ খুলে দেয় ও উপহারদাতাকে  
বিশিষ্টজনেদের সান্নিধ্যে উপস্থিত করে। 17 মামলা-মকন্দমায় যে  
প্রথমে কথা বলে তাকেই ততক্ষণ ঠিক বলে মনে করা হয়, যতক্ষণ  
না অন্য কেউ এগিয়ে আসে ও তাকে জেরা করে। 18 গুটিকাপাতের  
দান বাদবিবাদ নিষ্পত্তি করে ও বলবান মানুষ প্রতিপক্ষদের দূরে  
সরিয়ে রাখে। 19 বিক্ষুন্দ ভাই সুরক্ষিত নগরের চেয়েও বেশি অনননীয়;  
বাদানুবাদ হল দুর্গের বন্ধ দরজার মতো। 20 মানুষের মুখ থেকে  
উৎপন্ন ফল দিয়েই তাদের পেট ভরে; তাদের ঠোঁটের ফসল দিয়েই  
তারা তঞ্চ হয়। 21 জীবন ও মৃত্যুর ক্ষমতা জিভের হস্তগত, ও যারা তা  
ভালোবাসে, তারা তার ফল খায়। 22 যে এক স্ত্রী খুঁজে পায় সে ভালোই  
কিছু পায় ও সদাপ্রভুর কাছ থেকে অনুগ্রহ লাভ করে। 23 দরিদ্রেরা  
দয়া পাওয়ার জন্য সন্নির্বন্ধ মিনতি জানায়, কিন্তু ধনবানেরা ধমকে  
উত্তর দেয়। 24 যার বন্ধুরা অনিবারযোগ্য সে অচিরেই সর্বনাশের  
সম্মুখীন হয়, কিন্তু এমন একজন বন্ধু আছেন যিনি ভাইয়ের চেয়েও  
বেশি অন্তরঙ্গ।

**19** যে মূর্খের ঠোঁট উচ্ছৃঙ্খল তার চেয়ে সেই দরিদ্রেই ভালো যার  
জীবনযাত্রার ধরন অনিন্দনীয়। 2 জ্ঞানবিহীন বাসনা ভালো নয়—

হঠকারী পদযুগল আরও কত না বেশি পথ হারাবে! ৩ মানুষের  
নিজেদের মূর্খামিই তাদের সর্বনাশের দিকে ঠেলে দেয়, অথচ তাদের  
অন্তর সদাপ্রভুর বিরণে ক্ষিপ্ত হয়ে ওঠে। ৪ ধনসম্পদ অনেক বন্ধু  
আকর্ষণ করে, কিন্তু দরিদ্র লোকজনের বন্ধুরাও তাদের পরিত্যাগ করে।  
৫ মিথ্যাসাক্ষী অদণ্ডিত থাকবে না, ও যে মিথ্যা কথার স্তোত্র বইয়ে দেয়  
সে নিষ্কৃতি পাবে না। ৬ অনেকেই শাসকের তোষামুদি করে, ও যিনি  
উপহার দান করেন সবাই তাঁর বন্ধু হয়। ৭ দরিদ্রদের সব আত্মায়স্বজন  
যখন তাদের এড়িয়ে চলে— তখন তাদের বন্ধুরাও তো আরও বেশি  
করে তাদের কাছ থেকে দূরে সরে যাবে! যদিও দরিদ্রেরা অনুয়া-বিনয়  
করে তাদের পশ্চাদ্বাবন করে, তাদের কিন্তু কোথাও খুঁজে পাওয়া  
যায় না। ৮ যে জ্ঞানার্জন করে সে জীবন ভালোবাসে; যে বিচক্ষণতা  
গোষণ করে সে অচিরেই উন্নতি লাভ করবে। ৯ মিথ্যাসাক্ষী অদণ্ডিত  
থাকবে না, ও যে মিথ্যা কথার স্তোত্র বইয়ে দেয় তার সর্বনাশ হবে। ১০  
মূর্খের পক্ষে যখন বিলাসিতার জীবনযাপন করা বাঞ্ছনীয় নয়— তখন  
ক্রীতদাসের পক্ষে অধিপতিদের উপরে প্রভুত্ব করা আরও কত না মন্দ  
বিষয়। ১১ মানুষের প্রজ্ঞা ধৈর্য উৎপন্ন করে; অপরাধ মার্জনা করা তার  
পক্ষে গৌরবের বিষয়। ১২ রাজার ক্ষেত্র সিংহের গর্জনের মতো, কিন্তু  
তাঁর অনুগ্রহ ঘাসের উপরে পড়া শিশিরের মতো। ১৩ মূর্খ সন্তান বাবার  
সর্বনাশের কারণ, ও কলহপ্রিয়া স্ত্রী ফাটা ছাদ থেকে একটানা পড়তে  
থাকা জলের সমতুল্য। ১৪ বাড়িঘর ও ধনসম্পদ মা-বাবার কাছ থেকেই  
উত্তরাধিকারসূত্রে পাওয়া যায়, কিন্তু বিচক্ষণ স্ত্রী সদাপ্রভুর কাছ থেকেই  
পাওয়া যায়। ১৫ অলসতা অগাধ ঘুম নিয়ে আসে, ও অপারদশী মানুষ  
ক্ষুধার্তই থেকে যায়। ১৬ যারা আজ্ঞা পালন করে তারা তাদের প্রাণরক্ষা  
করে, কিন্তু যারা তাদের জীবনযাত্রার ধরনকে উপেক্ষা করে তারা মারা  
যাবে। ১৭ যারা দরিদ্রদের প্রতি দয়া দেখায় তারা সদাপ্রভুকেই ঋণ  
দেয়, ও তারা যা করেছে সেজন্য সদাপ্রভু তাদের পুরস্কৃত করবেন। ১৮  
তোমার সন্তানদের শাসন করো, কারণ এতে আশা আছে, তাদের  
মৃত্যুর জন্য দায়ী হোয়ো না। ১৯ উগ্রস্বভাব বিশিষ্ট মানুষকে অবশ্যই  
দণ্ড পেতে হবে; তাদের উদ্ধার করো, ও তোমাকে আবার তা করতে

হবে। 20 পরামর্শ শোনো ও শৃঙ্খলা গ্রহণ করো, ও শেষ পর্যন্ত তুমি  
জ্ঞানবানদের মধ্যে গণ্য হবে। 21 মানুষের অন্তরে অনেক পরিকল্পনা  
থাকে, কিন্তু সদাপ্রভুর অভিষ্ঠই প্রবল হয়। 22 একজন মানুষ যা চায় তা  
হল অফুরান ভালোবাসা; মিথ্যাবাদী হওয়ার চেয়ে দরিদ্র হওয়া ভালো।  
23 সদাপ্রভুর ভয় জীবনের দিকে নিয়ে যায়; তখন একজন মানুষ সন্তুষ্ট  
থাকে, আকস্মিক দুর্দশা তাকে স্পর্শ করতে পারে না। 24 অলস তার  
হাত থালায় ডুবিয়ে রাখে; সে এতই অলস যে তা মুখেও তোলে না।  
25 বিদ্রূপকারীকে কশাঘাত করো, ও অনভিজ্ঞ লোকেরা বিচক্ষণতার  
শিক্ষা পাবে; বিচক্ষণদের ভর্তসনা করো, ও তারা জ্ঞানার্জন করবে। 26  
যারা তাদের বাবার সম্পদ লুট করে ও তাদের মাকে তাড়িয়ে দেয়  
তারা এমন এক সন্তান যে লজ্জা ও অপমান বয়ে আনে। 27 হে আমার  
বাছা, তুমি যদি শিক্ষা নেওয়া বন্ধ করে দাও, তবে তুমি জ্ঞানের বাক্য  
থেকে দূরে সরে যাবে। 28 বিকৃতমনা সাক্ষী ন্যায়বিচারকে বিদ্রূপ  
করে, ও দুষ্টদের মুখ অমঙ্গল গ্রাস করে নেয়। 29 বিদ্রূপকারীদের জন্য  
শাস্তিবিধান তৈরি হয়, ও মূর্খদের পিঠের জন্য তৈরি হয় মারধর।

**20** দ্রাক্ষারস বিদ্রূপকারী ও সুরা কলহকারী; যে এগুলির দ্বারা  
বিপথগামী হয় সে জ্ঞানবান নয়। 2 রাজার ক্ষেত্রে সিংহের গর্জনের  
মতো আতঙ্ক ছড়ায়; যারা তাঁকে দ্রুদ্ধ করে তোলে তারা তাদের প্রাণ  
খোয়ায়। 3 বিবাদ এড়িয়ে চলা মানুষের পক্ষে সম্মানজনক বিষয়, কিন্তু  
মূর্খমাত্রাই চট্টজলদি বিবাদ করে ফেলে। 4 অলসেরা যথাসময়ে লাঙ্গল  
চয়ে না; অতএব ফসল কাটার সময় তারা চেয়ে দেখে কিন্তু কিছুই পায়  
না। 5 মানুষের অন্তরের অভিপ্রায় গতীর জলরাশি, কিন্তু যে বিচক্ষণ  
সেই তা তুলে আনে। 6 অনেকেই দাবি করে যে তাদের ভালোবাসা  
অফুরান, কিন্তু বিশ্বস্ত লোক কে খুঁজে পায়? 7 ধার্মিকেরা অনিন্দনীয়  
জীবনযাপন করে; তাদের পরে তাদের সন্তানেরাও আশীর্বাদধন্য  
হয়। 8 রাজা যখন বিচার করার জন্য তাঁর সিংহাসনে বসেন, তখন  
তিনি তাঁর চোখ দিয়ে সব অঙ্গল উড়িয়ে দেন। 9 কে বলতে পারে,  
“আমি আমার অন্তর বিশুদ্ধ রেখেছি; আমি শুচিশুদ্ধ ও নিষ্পাপ”? 10  
বিসদৃশ বাটখারা ও বিসদৃশ মাপ— সদাপ্রভু উভয়ই ঘৃণা করেন।

11 ছোটো ছোটো ছেলেমেয়েরাও তাদের কাজকর্মের দ্বারা পরিচিত  
হয়, তাই তাদের আচরণ কি সত্যিই বিশুদ্ধ ও ন্যায্য? 12 যে কান  
শোনে ও যে চোখ দেখে— সদাপ্রভু উভয়ই তৈরি করেছেন। 13  
সুম ভালোবেসো না পাছে তুমি দরিদ্র হয়ে যাও; জেগে থাকো ও  
তোমার কাছে অতিরিক্ত খাদ্যদ্রব্য থাকবে। 14 “এটি ভালো নয়,  
এটি ভালো নয়!” ক্রেতা বলে— পরে ফিরে যায় ও সংগৃহীত বস্তুটি  
নিয়ে গর্ববোধ করে। 15 সেখানে সোনা আছে, ও প্রচুর পরিমাণে  
মণিমুক্তো আছে, কিন্তু যে ঠোঁট জ্ঞানের কথা বলে তা দুর্লভ এক রত্ন।  
16 যে এক আগস্তকের জামিনদার হয়েছে তার পোশাকটি নিয়ে নাও;  
তা যদি এক বহিরাগতের জন্য করা হয়েছে, তবে সেটি বন্ধকরণপে  
রেখে দাও। 17 প্রতারণার দ্বারা অর্জিত খাদ্যদ্রব্য সুস্বাদু লাগে, কিন্তু  
শেষ পর্যন্ত মানুষের মুখ কাঁকরে ভরে যায়। 18 পরামর্শ খোঁজ করার  
দ্বারাই পরিকল্পনা সফল হয়; অতএব তুমি যদি যুদ্ধ শুরু করেছ, তবে  
পরিচালনা লাভ করো। 19 পরনিন্দা পরচর্চা আঙ্গা ভঙ্গ করে; অতএব  
সেই লোককে এড়িয়ে চলো যে অতিরিক্ত কথাবার্তা বলে। 20 যদি  
কেউ তাদের মা-বাবাকে অভিশাপ দেয়, তবে ঘোর অন্ধকারে তাদের  
প্রদীপ নিতে যাবে। 21 যে উত্তরাধিকার খুব তাড়াতাড়ি অর্জন করা  
যায় তা শেষ পর্যন্ত আর আশীর্বাদধন্য হবে না। 22 একথা বোলো না,  
“আমি এই অন্যায়ের প্রতিশোধ নেব!” সদাপ্রভুর অপেক্ষা করো, ও  
তিনিই তোমার হয়ে প্রতিশোধ নেবেন। 23 সদাপ্রভু বিসদৃশ বাটখারা  
ঘৃণা করেন, ও অসাধু দাঁড়িপাল্লা তাঁকে সন্তুষ্ট করে না। 24 মানুষের  
পদক্ষেপ সদাপ্রভু দ্বারাই পরিচালিত হয়। তবে মানুষ কীভাবে তাদের  
নিজস্ব পথ বুঝতে পারবে? 25 হঠাৎ করে কোনো কিছু উৎসর্গ করে  
পরে নিজের করা প্রতিজ্ঞার বিষয়ে বিবেচনা করলে, তা এক ফাঁদ  
হয়ে দাঁড়ায়। 26 জ্ঞানবান রাজা দুষ্টদের বেড়ে ফেলেন; তিনি তাদের  
উপর দিয়ে শস্য মাড়াই কলের চাকা চালিয়ে দেন। 27 মানবাত্মা  
সদাপ্রভুর সেই প্রদীপ যা মানুষের অস্তরের অস্তস্ত্বলে আলোকপাত  
করে। 28 ভালোবাসা ও বিশ্বস্ততা রাজকে নিরাপদ রাখে; ভালোবাসার  
মাধ্যমেই তাঁর সিংহাসন দৃঢ় হয়। 29 যুবকদের গৌরব হল তাদের

শক্তি, পাকা চুলই হল বৃন্দদের ঐশ্বর্য। 30 আঘাত ও ক্ষত অনিষ্ট ধূয়ে  
দেয়, ও মারধর অন্তরের অন্তস্থলকে বিশোধিত করে।

**21** রাজার হৃদয় সদাপ্রভুর হাতে ধরা এমন এক জলপ্রবাহ যা তিনি  
তাদের সবার দিকে প্রবাহিত হতে দেন যারা তাঁকে সন্তুষ্ট করে।  
2 মানুষ মনে করতে পারে যে তাদের পথই ঠিক, কিন্তু সদাপ্রভুই  
অন্তর মাপেন। 3 বলিদানের পরিবর্তে যা যথার্থ ও ন্যায্য, তা করাই  
সদাপ্রভুর কাছে বেশি গ্রহণযোগ্য। 4 উদ্বত দৃষ্টি ও গর্বিত হৃদয়—  
দুষ্টদের অকর্ষিত জমি—পাপ উৎপন্ন করে। 5 পরিশ্রমীদের পরিকল্পনা  
লাভের মুখ দেখে ঠিক যেভাবে হঠকারিতা দারিদ্র নিয়ে আসে। 6  
মিথ্যাবাদী জিভ দ্বারা যে প্রচুর ধন অর্জিত হয় তা অস্ত্রায়ী বাস্প ও  
সাংঘাতিক ফাঁদবিশেষ। 7 দুষ্টদের হিংস্রতা তাদেরই টেনে নিয়ে যাবে,  
কারণ তারা যা ন্যায্য তা করতে অস্বীকার করে। 8 অপরাধীদের পথ  
সর্পিল, কিন্তু নিরপরাধ মানুষের আচরণ ন্যায়নির্ণ। 9 কলহপ্রিয়া স্ত্রীর  
সঙ্গে এক বাড়িতে থাকার চেয়ে ছাদের এক কোনায় বসবাস করা  
ভালো। 10 দুষ্টেরা অনিষ্টের আকাঙ্ক্ষা করে; তাদের প্রতিবেশীরা  
তাদের কাছ থেকে কোনও দয়া পায় না। 11 যখন বিদ্রূপকারী শাস্তি  
পায়, অনভিজ্ঞ লোকেরা জ্ঞানার্জন করে; জ্ঞানবানদের প্রতি মনোযোগ  
দিয়ে তারা জ্ঞান লাভ করে। 12 ধর্মময় জন দুষ্টদের বাড়ির দিকে  
নজর রাখেন ও দুষ্টদের সর্বনাশ করেন। 13 যারা দরিদ্রদের কান্না  
শুনেও কান বন্ধ করে রাখে তারাও কাঁদবে ও কোনও উত্তর পাবে না।  
14 গোপনে দন্ত উপহার ক্রোধ প্রশংসিত করে, ও আলখাল্লার নিচে  
লুকিয়ে রাখা ঘূস প্রচঙ্গ ক্রোধ শান্ত করে। 15 যখন ন্যায়বিচার করা  
হয়, তা ধার্মিকদের জীবনে আনন্দ এনে দেয় কিন্তু অনিষ্টকারীদের  
জীবনে আতঙ্ক জাগায়। 16 যে দ্রুদর্শিতার পথ থেকে দূরে সরে যায়  
সে মৃত মানুষদের সমাজে এসে বিশ্রাম নেয়। 17 যে তুচ্ছ আমোদ-  
প্রমোদ ভালোবাসে সে দরিদ্র হয়ে যাবে; যে দ্রাক্ষারস ও জলপাই তেল  
ভালোবাসে সে কখনও ধনবান হবে না। 18 দুষ্টেরা ধার্মিকদের জন্য,  
ও বিশ্বাসঘাতকেরা ন্যায়পরায়ণদের জন্য মুক্তিপণ হবে। 19 কলহপ্রিয়া  
ও খুঁতখুঁতে স্ত্রীর সঙ্গে বসবাস করার চেয়ে বরং মরণভূমিতে বসবাস

করা ভালো। 20 জ্ঞানবানেরা পছন্দসই খাদ্যদ্রব্য ও জলপাই তেল  
সঞ্চয় করে রাখে, কিন্তু মূর্খেরা তাদের কাছে যা কিছু থাকে সেসব  
গ্রাস করে ফেলে। 21 যে ধার্মিকতা ও ভালোবাসার পশ্চাদ্বাবন করে  
সে জীবন, সমৃদ্ধি ও সম্মান পায়। 22 যে জ্ঞানবান সে বলশালীদের  
নগর আক্রমণ করতে পারে ও সেই বলশালীরা যে দুর্গের উপরে নির্ভর  
করে থাকে, সেগুলিও চূর্ণ করে দিতে পারে। 23 যারা তাদের মুখ ও  
জিভ সংযত রাখে তারা নিজেদেরকে চরম দুর্দশা থেকে রক্ষা করে।  
24 অহংকারী ও দাস্তিক মানুষ—তার নাম “বিদ্রুপকারী”— অশিষ্ট  
উন্মত্তাপূর্ণ আচরণ করে। 25 অলসের তীব্র আকাঙ্ক্ষা তার মৃত্যু  
ডেকে আনে, কারণ তার হাত দুটি কাজ করতে অস্বীকার করে। 26  
সারাটি দিন ধরে সে আরও বেশি কিছু পাওয়ার আকাঙ্ক্ষা করে, কিন্তু  
ধার্মিকেরা অকাতরে দান করে। 27 দুষ্টদের বলিদান ঘৃণার্হ— মন্দ  
উদ্দেশ্য নিয়ে যখন তা আনা হয় তখন তা আরও কত না বেশি ঘৃণার্হ  
হয়ে যায়! 28 মিথ্যাসাক্ষী ধ্বংস হয়ে যাবে, কিন্তু মনোযোগী শ্রোতা  
সফলতাপূর্বক সাক্ষ্য দেবে। 29 দুষ্টেরা দুঃসাহসিক ধৃষ্টতা খোঢ়া করে,  
কিন্তু ন্যায়পরায়ণরা তাদের জীবনযাত্রার ধরনের কথা ভেবে চলে।  
30 এমন কোনও প্রজ্ঞা, দূরদর্শিতা বা পরিকল্পনা নেই যা সদাপ্রভুর  
বিরুদ্ধে সফল হতে পারে। 31 ঘোড়াকে যুদ্ধের দিনের জন্য তৈরি করে  
রাখা হয়। কিন্তু বিজয় নির্ভর করে সদাপ্রভুর উপরে।

**22** প্রচুর ধনসম্পদের চেয়ে সুনাম বেশি কাম্য; রংপো ও সোনার  
চেয়ে সম্মান পাওয়া ভালো। 2 ধনবান ও দরিদ্রের মধ্যে একটিই মিল  
আছে; সদাপ্রভু তাদের উভয়েরই নির্মাতা। 3 বিচক্ষণ মানুষেরা বিপদ  
দেখে কোথাও আশ্রয় নেয়, কিন্তু অনভিজ্ঞ লোকেরা এগিয়ে যায় ও  
শাস্তি পায়। 4 ন্যূনতাই সদাপ্রভুর ভয়; এর বেতন হল ধনসম্পদ ও  
সম্মান ও জীবন। 5 দুষ্টদের চলার পথে ফাঁদ ও চোরা খাদ থাকে,  
কিন্তু যারা নিজেদের জীবন রক্ষা করে তারা সেগুলি থেকে দূরে সরে  
থাকে। 6 সন্তানদের এমন এক পথে চলার শিক্ষা দাও যে পথে  
তাদের চলা উচিত, ও তারা বৃদ্ধ হয়ে গেলেও সেখান থেকে ফিরে  
আসবে না। 7 ধনবানেরা দরিদ্রদের উপর কর্তৃত্ব করে, ও যারা ধার

করে তারা মহাজনের দাস হয়। ৪ যারা অধর্মের বীজ বোনে তাদের চরম দুর্দশারূপী ফসল কাটতে হয়, ও তারা রাগের বশে যে লাঠি চালায় তা ভেঙে যাবে। ৫ উদার প্রকৃতির মানুষেরা স্বয়ং আশীর্বাদধন্য হবে, কারণ তারা তাদের খাদ্য দরিদ্রদের সঙ্গে ভাগ করে নেয়। ১০ বিদ্রূপকারীদের তাড়িয়ে দাও, আর বিবাদও দূর হয়ে যাবে; বিবাদ ও অপমানও মিটে যাবে। ১১ যে বিশুদ্ধ হৃদয় ভালোবাসে ও যে অনুগ্রহকারী কথাবার্তা বলে সে রাজাকে বন্ধু রূপে পায়। ১২ সদাপ্রভুর চোখ জ্ঞান পাহারা দেয়, কিন্তু বিশ্বাসঘাতকদের কথা তিনি বিফল করে দেন। ১৩ অলস বলে, “বাইরে সিংহ আছে! নগরের চকে গেলেই আমি নিহত হব!” ১৪ ব্যতিচারী মহিলার মুখ এক গভীর খাত; যে সদাপ্রভুর ক্ষেত্রে অধীন সে সেই খাদে গিয়ে পড়ে। ১৫ শিশুর অন্তরে মূর্খতা বাঁধা থাকে, কিন্তু শৃঙ্খলাপরায়ণতার লাঠি তা বহুদূরে সরিয়ে দেয়। ১৬ যে নিজের ধনসম্পত্তি বাড়িয়ে তোলার জন্য দরিদ্রদের উপরে অত্যাচার করে ও যে ধনবানদের উপহার দেয়—উভয়েই দারিদ্রের সম্মুখীন হবে। ১৭ মনোযোগ দাও ও জ্ঞানবানদের নীতিবচনে কর্ণপাত করো; আমার শিক্ষায় মনোনিবেশ করো, ১৮ কারণ তুমি যখন এগুলি অন্তরে রাখবে তখন তা আনন্দদায়ক হবে ও সবকটি তোমার ঠোঁটে প্রস্তুত হয়ে থাকবে। ১৯ যেন সদাপ্রভুতে তোমার নির্ভরতা স্থির হয়, তাই আজ আমি তোমাকে, তোমাকেই শিক্ষা দিচ্ছি। ২০ তোমার জন্য আমি কি সেই ত্রিশটি নীতিবচন লিখিনি, যেগুলি পরামর্শ ও জ্ঞানমূলক নীতিবচন, ২১ যা তোমাকে সৎ হতে ও সত্যিকথা বলতে শিক্ষা দেবে, যেন তুমি যাদের সেবা করছ তাদের কাছে তুমি সত্যনিষ্ঠ খবর নিয়ে আসতে পারো? ২২ দরিদ্রদের এজন্যই শোষণ কোরো না, ২৩ কারণ সদাপ্রভু তাদের হয়ে মামলা লড়বেন ও প্রাণের পরিবর্তে প্রাণ দাবি করবেন। ২৪ উগ্রস্বভাব বিশিষ্ট লোকের সঙ্গে বন্ধুত্ব কোরো না, এমন কোনও লোকের সহযোগী হোয়ো না যে সহজেই ক্রুদ্ধ হয়, ২৫ পাছে তুমি ও তাদের জীবনযাত্রার ধরন শিখে ফেলো ও নিজেই ফাঁদে জড়িয়ে পড়ো। ২৬ এমন কোনও মানুষের মতো হোয়ো না যে বন্ধক

ରେଖେଛେ ବା ଯେ ଝଗପ୍ରହିତାର ହୟେ ଜାମିନଦାର ହୁଏହେ; 27 ଯଦି ତୁମି ଝଗ ଶୋଧ କରତେ ନା ପାରୋ, ତବେ ତୋମାର ଗାୟେର ତଳା ଥେକେ ତୋମାର ବିଚାନାଟିଓ କେଡ଼େ ନେଓଯା ହବେ । 28 ସୀମାନାର ଯେ ପ୍ରାଚୀନ ପାଥରାଟି ତୋମାର ପୂର୍ବପୁରସ୍ଵେରା ପ୍ରତିଷ୍ଠିତ କରେଛିଲେନ ସେଟି ହ୍ରାନ୍ତିରିତ କୋରୋ ନା । 29 କାଟୁକେ କି ତାଦେର କାଜେ ସୁଦକ୍ଷ ଦେଖଛ? ତାରା ରାଜାଦେର ସାମନେ ଦାଁଡ଼ିଯେ ସେବାକାଜ କରବେ; ତାରା କୋନ୍ତି ନିମ୍ନସ୍ତରୀୟ କର୍ମକର୍ତ୍ତାଦେର ସାମନେ ଦାଁଡ଼ିଯେ ସେବାକାଜ କରବେ ନା ।

**23** ସଥନ ତୁମି କୋନ୍ତି ଶାସକେର ସଙ୍ଗେ ଖାବାର ଖେତେ ବସବେ, ତଥନ ଭାଲୋ କରେ ଲକ୍ଷ୍ୟ କୋରୋ ତୋମାର ସାମନେ କୀ ରାଖା ଆଛେ, 2 ଓ ଯଦି ତୋମାର ଭୋଜନବିଲାସିତାର ବଦଭ୍ୟାସ ଥାକେ ତବେ ତୁମି ଗଲାଯ ଛୁରି ବେଁଧେ ରେଖୋ । 3 ତାଁର ସୁସ୍ଵାଦୁ ଖାଦ୍ୟେର ପ୍ରତି ଆକାଙ୍କ୍ଷତ ହୋଯୋ ନା, କାରଣ ସେଇ ଖାଦ୍ୟ ବିଆସିକର । 4 ଧନସମ୍ପତ୍ତି ଅର୍ଜନେର ଜନ୍ୟ ନିଜେକେ ଅବସନ୍ନ କରେ ତୁଲୋ ନା; ନିଜେର ଚାଲାକିର ଉପରେ ଭରସା କୋରୋ ନା । 5 ଧନସମ୍ପତ୍ତିର ଦିକେ ଶୁଦ୍ଧ ଏକ ପଲକ ଦେଖୋ, ଆର ତା ଅଦୃଶ୍ୟ ହୟେ ଯାବେ, କାରଣ ଟିଗଲ ପାଥିର ମତୋ ନିଶ୍ୟ ତାର ଡାନା ଗଜାବେ ଓ ତା ଆକାଶେ ଉଡ଼େ ଯାବେ । 6 କୋନ୍ତି ରକ୍ଷମନା ନିମ୍ନଗର୍ତ୍ତାର ଦେଓଯା ଖାଦ୍ୟ ଖେଯୋ ନା, ତାର ସୁସ୍ଵାଦୁ ଖାଦ୍ୟେର ପ୍ରତି ଆକାଙ୍କ୍ଷତ ହୋଯୋ ନା; 7 କାରଣ ମେ ଏମନ ଏକ ଧରନେର ଲୋକ ଯେ ସବସମୟ ଅର୍ଥବ୍ୟୟେର କଥା ଭାବେ । ମେ ତୋମାକେ ବଲବେ “ଭୋଜନପାନ କରୋ,” କିନ୍ତୁ ମେ ତୋମାର ପ୍ରତି ଆନ୍ତରିକ ନୟ । 8 ତୁମି ଅଲ୍ପ ଯେଟୁକୁ ଖେଯେଛ ତା ବମି କରେ ଫେଲବେ ଓ ତୋମାର ସାଧୁବାଦ ଅପଚୟ କରେ ଫେଲବେ । 9 ମୁଖ୍ୟଦେର କାହେ କଥା ବୋଲୋ ନା, କାରଣ ତାର ତୋମାର ବିଚକ୍ଷଣ କଥାବାର୍ତ୍ତା ଅବଜ୍ଞା କରବେ । 10 ସୀମାନାର ପ୍ରାଚୀନ ପାଥରାଟି ହ୍ରାନ୍ତିରିତ କୋରୋ ନା ବା ପିତୃହିନଦେର ଜାମି ବଲପୂର୍ବ ଦଖଲ କୋରୋ ନା, 11 କାରଣ ତାଦେର ରକ୍ଷକ ବଲବାନ; ତାଦେର ହୟେ ତିନି ତୋମାର ବିରଳଦ୍ୱାରା ମାମଲା ଲଡ଼ିବେ । 12 ଶିକ୍ଷାର ପ୍ରତି ଆନ୍ତରିକ ମନୋନିବେଶ କରୋ ଓ ଜ୍ଞାନେର କଥାଯ କର୍ଣ୍ଣପାତ କରୋ । 13 ଶିଶୁକେ ଶାସନ କରତେ ପିଛପା ହୋଯୋ ନା; ତୁମି ଯଦି ତାଦେର ଲାଠି ଦିଯେ ମେରେ ଶାନ୍ତି ଦାଓ, ତବେ ତାରା ମାରା ଯାବେ ନା । 14 ଲାଠି ଦିଯେ ମେରେ ତାଦେର ଶାନ୍ତି ଦାଓ ଓ ମୃତ୍ୟୁର ହାତ ଥେକେ ତାଦେର ରକ୍ଷା କରୋ । (Sheol h7585) 15 ହେ ଆମାର ବାଚା, ତୋମାର ଅନ୍ତର

যদি জ্ঞানে পরিপূর্ণ হয়, তবে সত্যই আমি আন্তরিকভাবে আনন্দিত হব; 16 ঠোঁট দিয়ে তুমি যখন যা সঠিক তা বলবে তখন আমার হৃদয় উল্লসিত হবে। 17 তোমার হৃদয় যেন পাপীদের হিংসা না করে, কিন্তু সবর্দা তুমি সদাপ্রভুকে ভয় করার জন্য তৎপর থেকো। 18 নিশ্চয় তোমার জন্য ভবিষ্যতের এক আশা আছে, ও তোমার আশা বিচ্ছিন্ন করা হবে না। 19 হে আমার বাচ্চা, তুমি শোনো ও জ্ঞানবান হও, ও ন্যায়পথে তোমার অন্তর স্থির রাখো: 20 যারা সুরা পান করে বা গাণেপিণ্ডে খাওয়া দাওয়া করে তাদের সঙ্গী হোয়ো না, 21 কারণ মদ্যপ ও পেটুকেরা দরিদ্র হয়ে যায়, ও তন্দ্রাচ্ছম্ভাব তাদের ছেঁড়া জামাকাপড় পরিয়ে ছাড়ে। 22 তোমার সেই বাবার কথা শোনো, যিনি তোমাকে জীবন দিয়েছেন, ও তোমার মায়ের বৃদ্ধাবস্থায় তাঁকে হেয় জ্ঞান কোরো না। 23 সত্য কিনে নাও ও তা বিক্রি কোরো না— প্রজ্ঞা, শিক্ষা ও দুরদর্শিতাও কিনে নাও। 24 ধার্মিক সন্তানের বাবা খুব আনন্দ পান; জ্ঞানবান ছেলের জন্মাদাতা তাকে নিয়ে আনন্দ করেন। 25 তোমার বাবা ও মা আনন্দ করন; যিনি তোমাকে জন্ম দিয়েছেন তিনি উল্লসিতা হোন! 26 হে আমার বাচ্চা, তোমার অন্তর আমাকে দিয়ে দাও ও তোমার চোখদুটি আমার পথে আহ্লাদিত হোক, 27 কারণ ব্যতিচারী মহিলা এক গভীর খাত, ও স্বৈরিণী স্ত্রী এক অগভীর কুয়ো। 28 দস্যুর মতো সে ওৎ পেতে থাকে ও পুরুষদের মধ্যে সে বিশ্বাসঘাতকতা বৃদ্ধি করে। 29 কে দুর্দশাগ্রস্ত? কে দুঃখিত? কে বিবাদ করে? কে অভিযোগ জানায়? কে অকারণে ক্ষতবিক্ষত হয়? কার চোখ রক্তরাঙ্গ হয়? 30 তারাই, যারা সুরাপানে আসক্ত, যারা মিশ্রিত সুরা ভর্তি বাটির দিকে যায়। 31 তুমি সুরার দিকে তখন একদৃষ্টিতে তাকিয়ে থেকো না যখন তার রং লাল থাকে, যখন তা পানপাত্রের মধ্যে ঝাকঝাক করে, যখন তা সহজেই গলায় নেমে যায়! 32 শেষে তা সাপের মতো দংশন করে ও বিষধর সাপের মতো বিষ উগরে দেয়। 33 তোমার চোখদুটি অঙ্গুত সব দৃশ্য দেখবে, ও তোমার মন বিভ্রান্তিকর সব বিষয় কল্পনা করবে। 34 তুমি এমন একজনের মতো হয়ে যাবে যে উঁচু সমুদ্রের উপরে ঘুমিয়ে আছে, জাহাজের মাস্তলের চূড়ায় শুয়ে

আছে। 35 “ওরা আমাকে মেরেছে,” তুমি বলবে, “কিন্তু আমি ব্যথা  
পাইনি! ওরা আমায় মারধর করেছে, কিন্তু আমি তা অনুভব করিনি!  
আমি কখন জেগে উঠব যেন আরও একটু পান করতে পারি?”

**24** দুষ্টদের প্রতি হিংসা কোরো না, তাদের সঙ্গলাভের বাসনা রেখো  
না; 2 কারণ তাদের হৃদয় হিংস্তার চক্রান্ত করে, ও তাদের ঠোঁট  
অশান্তি উৎপন্ন করার কথা বলে। 3 প্রজ্ঞা দ্বারাই গৃহ নির্মাণ হয়, ও  
বিচক্ষণতার মাধ্যমে তা প্রতিষ্ঠিত হয়; 4 জ্ঞানের মাধ্যমে সেচির  
ঘরগুলি দুষ্প্রাপ্য ও সুন্দর সুন্দর সম্পদে পরিপূর্ণ হয়। 5 জ্ঞানবানেরা  
মহাশক্তির মাধ্যমে জয়ী হয়, ও যাদের জ্ঞান আছে তারা তাদের  
শক্তিবৃদ্ধি করে। 6 নিশ্চয় যুদ্ধ শুরু করার জন্য তোমার জ্ঞানগর্ভ  
পরিচালনা প্রয়োজন, ও অনেক পরামর্শদাতার মাধ্যমেই যুদ্ধজয়  
করা যায়। 7 মূর্খদের জন্য প্রজ্ঞা খুবই গুরুভার; নগরদ্বারে নেতাদের  
সমাজে উপস্থিত থাকাকালীন তারা যেন মুখ না খোলে। 8 যে অনিষ্টের  
চক্রান্ত করে সে এক কুচক্ষী বলে পরিচিত হবে। 9 মূর্খের চক্রান্তগুলি  
পাপময়, ও মানুষজন বিন্দুপকারীকে ঘৃণা করে। 10 সংকটকালে  
তুমি যদি ভয়ে পশ্চাদগামী হও, তবে তোমার শক্তি কতই না কম!  
11 যারা মৃত্যুর দিকে চালিত হচ্ছে তাদের উদ্ধার করো; যারা টলতে  
টলতে বধ্যভূমির দিকে এগিয়ে যাচ্ছে তাদের আটকে রাখো। 12 তুমি  
যদি বলো, “আমার তো এই বিষয়ে কিছুই জানা নেই,” তবে যিনি  
অন্তর মাপেন তিনি কি তা বুঝবেন না? যিনি তোমার জীবন পাহারা  
দেন তিনি কি জানতে পারবেন না? তিনি কি প্রত্যেককে তাদের কর্ম  
অনুযায়ী প্রতিফল দেবেন না? 13 হে আমার বাছা, মধু খাও, কারণ  
তা উপকারী; মৌচাকের মধুর স্বাদ তোমার কাছে মিষ্টি লাগবে। 14  
একথাও মনে রেখো যে প্রজ্ঞা তোমার পক্ষে মধুর মতো: তুমি যদি  
তা খুঁজে পাও, তবে তোমার জন্য ভবিষ্যৎকালীন এক আশা আছে,  
ও তোমার আশা বিচ্ছিন্ন করা হবে না। 15 ধার্মিকদের বাড়ির কাছে  
চোরের মতো ওৎ পেতে থেকো না, তাদের বাসস্থানে লুটপাট চালিয়ো  
না; 16 কারণ ধার্মিকেরা সাতবার পড়লেও, তারা আবার উঠে দাঁড়াবে,  
কিন্তু যখন চরম দুর্দশা আঘাত হানে তখন দুষ্টেরা হোঁচ্ট খায়। 17

তোমার শক্তির পতনে উল্লিখিত হোয়ো না; তারা যখন হোঁচট খায়,  
তখন তোমার অস্তরকে আনন্দিত হতে দিয়ো না। 18 পাছে সদাপ্রভু  
দেখেন ও অসন্তুষ্ট হন ও তাদের দিক থেকে তাঁর ক্রোধ ফিরিয়ে নেন।  
19 অনিষ্টকারীদের কারণে ধৈর্যচৃত হোয়ো না, বা দুষ্টদের প্রতি হিংসা  
কোরো না। 20 কারণ অনিষ্টকারীদের ভবিষ্যৎকালীন কোনো আশা  
নেই, ও দুষ্টদের প্রদীপ নিভিয়ে ফেলা হবে। 21 হে আমার বাচ্চা,  
সদাপ্রভুকে ও রাজাকেও ভয় করো, ও বিদ্রোহী কর্মকর্তাদের দলে  
যোগ দিয়ো না, 22 কারণ তারা উভয়েই তাদের উপরে আকস্মিক  
বিনাশ পাঠাবেন, ও কে জানে, তারা কী চরম দুর্দশা নিয়ে আসবেন?  
23 এগুলি ও জ্ঞানবানদের বলা নীতিবচন: বিচারে পক্ষপাতিত্ব দেখানো  
উচিত নয়: 24 যে অপরাধীদের বলে, “তুমি নির্দোষ,” সে লোকজনের  
দ্বারা অভিশপ্ত হবে ও জাতিদের দ্বারা নিন্দিত হবে। 25 কিন্তু যারা  
অপরাধীদের দোষী সাব্যস্ত করে তাদের মঙ্গল হবে, ও তাদের উপরে  
প্রচুর আশীর্বাদ বর্ষিত হবে। 26 সরল উত্তর ঠোঁটে লেগে থাকা এক  
চুমুর মতো। 27 তোমার বাইরের কাজকর্ম সেরে ফেলো ও ক্ষেতজমি  
তৈরি করে রাখো; তারপর, তোমার গৃহ নির্মাণ করো। 28 অকারণে  
তোমার প্রতিবেশীর বিরংদে সাক্ষ্য দিয়ো না— বিপথে চালিত করার  
জন্য তুমি কি তোমার ঠোঁট ব্যবহার করবে? 29 একথা বোলো না,  
“তারা আমার প্রতি যা করেছে আমি ও তাদের প্রতি তাই করব; তাদের  
কর্মের প্রতিফল আমি তাদের ফিরিয়ে দেব।” 30 আমি অলসের  
ক্ষেতজমির পাশ দিয়ে গেলাম, এমন একজনের দ্বাক্ষাক্ষেত্রের পাশ  
দিয়ে গেলাম যার কোনও বোধশক্তি নেই; 31 সর্বত্র কাঁটাগাছ জন্মেছে,  
জমি আগাছায় ভরে গিয়েছে, ও পাথরের প্রাচীর ধ্বংসস্তূপে পরিণত  
হয়েছে। 32 আমি যা লক্ষ্য করেছিলাম তা নিয়ে একটু ভাবলাম ও যা  
দেখেছিলাম তা থেকে এই শিক্ষা পেলাম: 33 আর একটু ঘূর্ম, আর  
একটু তন্দ্রা, হাত পা গুটিয়ে আরও কিছুক্ষণ বিশ্রাম নেওয়া— 34  
ও দারিদ্র এক চোরের মতো ও অভাব এক সশন্ত্র সৈনিকের মতো  
তোমার উপরে এসে পড়বে।

**25** এগুলি শলোমনের লেখা আরও কিছু হিতোপদেশ, যেগুলি  
যিহুদারাজ হিস্কিয়ের লোকজন সংকলিত করেছিলেন: 2 কোনও বিষয়  
গোপন রাখা দ্বিশ্রের পক্ষে গৌরবজনক; কোনও বিষয় খুঁজে বের করা  
রাজাদের পক্ষে গৌরবজনক। 3 আকাশমণ্ডল যত উঁচু ও পৃথিবী যত  
গভীর, রাজাদের অস্তরও তেমনই অঙ্গেয়। 4 রঞ্চপো থেকে খাদ বের  
করে দাও, ও রৌপ্যকার এক পাত্র তৈরি করতে পারবে; 5 রাজার  
উপস্থিতি থেকে দুষ্ট কর্মকর্তাদের দূর করে দাও, ও তাঁর সিংহাসন  
ধার্মিকতার মাধ্যমে সুপ্রতিষ্ঠিত হবে। 6 রাজার সামনে নিজেকে  
মহিমান্বিত কোরো না, ও তাঁর বিশিষ্টজনেদের মধ্যে স্থান পাওয়ার  
দাবি জানিয়ো না; 7 তাঁর গণ্যমান্য ব্যক্তিদের সামনে তোমাকে খেলো  
করার চেয়ে ভালো হয়, যদি তিনি তোমাকে বলেন, “এখানে উঠে  
এসো।” তুমি স্বচক্ষে যা দেখেছে 8 তাড়াহুড়ো করে দরবারে তা নিয়ে  
এসো না, কারণ তোমার প্রতিবেশী যদি তোমায় লজ্জায় ফেলে দেয়,  
তবে শেষে তুমি কী করবে? 9 তোমার প্রতিবেশীকে যদি তুমি দরবারে  
টেনে নিয়ে যাও, তবে অন্য কারোর আস্থা ভঙ্গ কোরো না, 10 তা  
না হলে যে একথা শুনবে সে তোমাকে অপমান করবে ও তোমার  
বিরংদে ওঠা অভিযোগ বজায় থাকবে। 11 ন্যায়সংগতভাবে দেওয়া  
রায় রঞ্চের ডালিতে সাজানো সোনার আপেলের মতো। 12 শ্রবণশীল  
কানের কাছে জ্ঞানবান বিচারকের ভর্তসনা কানের সোনার দুল বা খাঁটি  
সোনার এক অলংকারের মতো। 13 যারা নির্ভরযোগ্য দৃত পাঠায়,  
তাদের কাছে সে ফসল কাটার মরশ্বমে পাওয়া হিমশীতল পানীয়ের  
মতো: সে তার মালিকের প্রাণ জুড়ায়। 14 যে সেইসব উপহারের  
বিষয়ে অহংকার করে যা কখনও দেওয়া হয়নি সে বৃষ্টিবিহীন মেঘ  
ও বাতাসের মতো। 15 ধৈর্যের মাধ্যমে শাসককে প্ররোচিত করা  
যায়, ও অমায়িক জিভ অস্তি ভেঙ্গে দিতে পারে। 16 যদি তুমি মধু  
পাও, তবে যথেষ্ট পরিমাণে খাও— প্রচুর পরিমাণে খেলে তুমি তা  
বমি করে ফেলবে। 17 তোমার প্রতিবেশীর বাড়িতে কদাচিত পা  
রেখো— ঘনঘন সেখানে যাও, ও তারা তোমাকে ঘৃণা করবে। 18  
যে প্রতিবেশীর বিরংদে মিথ্যা সাক্ষ্য দেয় সে গদা বা তরোয়াল বা

ধারালো তিরের মতো। 19 সংকটকালে বিশ্বাসঘাতকের উপর নির্ভর করা ভাঙা দাঁত বা খোঁড়া পায়ের উপর নির্ভর করার মতো বিষয়। 20 যার অন্তর ভারাক্রান্ত, তার কাছে যে গান গায় সে সেই মানুষটির মতো, যে শীতকালে অন্যের কাপড় কেড়ে নেয়, বা ক্ষতস্থানে সিরকা ঢেলে দেয়। 21 তোমার শক্র যদি ক্ষুধার্ত, তবে খাওয়ার জন্য তাকে খাদ্য দাও; সে যদি তৃষ্ণার্ত, তবে পান করার জন্য তাকে জল দাও। 22 এরকম করলে, তুমি তার মাথায় জ্বলন্ত কয়লার স্তুপ চাপিয়ে দেবে ও সদাপ্রভু তোমাকে পুরস্কৃত করবেন। 23 যে চাতুর্যপূর্ণ জিভ সন্ত্রাসিত দৃষ্টি উৎপন্ন করে তা এমন উত্তরে বাতাসের মতো, যা অপ্রত্যাশিত বৃষ্টি নিয়ে আসে। 24 কলহপ্রিয়া স্ত্রীর সঙ্গে এক বাড়িতে থাকার চেয়ে ছাদের এক কোণায় বসবাস করা ভালো। 25 দুরবর্তী দেশ থেকে আসা সুসংবাদ সেই ঠান্ডা জলের মতো, যা পরিশ্রান্ত মানুষকে দেওয়া হয়েছে। 26 দুষ্টদের হাতে যারা নিজেদের সঁপে দেয়, সেই ধার্মিকেরা ঘোলাটে জলের উৎস বা দূষিত কুয়োর মতো। 27 অতিরিক্ত মধু খাওয়া ভালো নয়, খুব জাটিল সব বিষয়ের খোঁজ করতে যাওয়াও সম্মানজনক নয়। 28 যার আত্মসংযমের অভাব আছে সে এমন এক নগরের মতো, যেখানকার প্রাচীরগুলি ভেঙে গিয়েছে।

**26** গ্রীষ্মকালের তুষারপাত বা ফসল কাটার মরশুমের বৃষ্টিপাতের মতো, মূর্খের পক্ষেও সম্মান মানানসই নয়। 2 উড়ে যাওয়া চড়ুইপাথি বা ক্ষিপ্রগতিবিশিষ্ট ফিঙে জাতীয় পাথির মতো অযাচিত অভিশাপও শান্ত হয় না। 3 ঘোড়ার জন্য চাবুক, গাধার জন্য লাগাম, ও মূর্খদের পিঠের জন্য লাঠি! 4 মূর্খের মূর্খতা অনুসারে তাকে উত্তর দিয়ো না, পাছে তুমিও তার মতো হয়ে যাও। 5 মূর্খের মূর্খতা অনুসারে তাকে উত্তর দাও, পাছে সে নিজের দৃষ্টিতে জ্ঞানবান হয়। 6 যে মূর্খের হাত দিয়ে খবর পাঠায় তার দশা পা কেটে ফেলার বা বিষ পান করার মতো হয়। 7 মূর্খের মুখের হিতোপদেশ খঞ্জের অনুপযোগী পায়ের মতো হয়। 8 মূর্খকে যে সম্মান দেয় তার দশা গুলতিতে নুড়ি-পাথর বেঁধে দেওয়ার মতো হয়। 9 মূর্খের মুখের হিতোপদেশ মাতালের হাতে ধরা কাঁটাগুল্মের মতো হয়। 10 কোনো মূর্খকে বা পথিককে

যে তাড়া খাটায় সে সেই তিরন্দাজের মতো যে এলোমেলোভাবে  
মানুষকে আঘাত করে। 11 কুকুর যেভাবে তার বমির কাছে ফিরে যায়  
মূর্খাও বারবার বোকামি করে। 12 এমন মানুষদের কি দেখেছ যারা  
নিজেদের দৃষ্টিতে জ্ঞানবান? তাদের চেয়ে মূর্খের জীবনে অনেক বেশি  
আশা আছে। 13 অলস বলে, “রাস্তায় সিংহ আছে, হিংস্র এক সিংহ  
পথে পথে ঘুরে বেড়াচ্ছে!” 14 দরজা যেভাবে কবজাণ্ডিলিতে ঘোরে,  
অলসও সেভাবে তার বিছানাতে ঘোরে। 15 অলস তার হাত থালায়  
ডুবিয়ে রাখে; সে এতই অলস যে তা মুখেও তোলে না। 16 যারা  
বুদ্ধিপূর্বক উত্তর দেয় সেই সাতজন লোকের চেয়েও অলস নিজের  
দৃষ্টিতে বেশি জ্ঞানবান। 17 যে অন্যদের বিবাদে নাক গলায় সে এমন  
একজনের মতো যে কান ধরে দলছুট কুকুরকে পাকড়াও করে। 18  
যে পাগল লোক মৃত্যুজনক জ্বলন্ত তির ছোঁড়ে সে তেমনই, 19 যে  
তার প্রতিবেশীকে প্রতারণা করে ও বলে, “আমি শুধু একটু মশকরা  
করছিলাম!” 20 কাঠের অভাবে আগুন নিতে যায়; পরনিন্দা পরচর্চার  
অভাবেও বিবাদ থেমে যায়। 21 জ্বলন্ত অঙ্গারের ক্ষেত্রে কাঠকয়লা  
যেমন ও আগুনের ক্ষেত্রে কাঠ যেমন, বিবাদে ইন্দন জোগানোর ক্ষেত্রে  
কলহপ্রিয় মানুষও তেমন। 22 পরনিন্দা পরচর্চার কথাবার্তা সুস্মাদু  
খাদ্যের মতো লাগে; সেগুলি মানুষের অন্তরের গভীরে প্রবেশ করে।  
23 দুষ্ট হৃদয় সমেত মধুভাষী ঠোঁট মাটির পাত্রের উপর দেওয়া রংপোর  
প্রলেপের মতো। 24 শক্ররা তাদের ঠোঁট দিয়ে নিজেদের আড়াল  
করে রাখে, কিন্তু মনে মনে তারা প্রতারণার আশ্রয় নেয়। 25 যদি ও  
তাদের কথাবার্তা মনোমোহিনী, তাদের বিশ্বাস কোরো না, কারণ  
তাদের অন্তর সাতটি জঘন্য বিষয়ে পরিপূর্ণ হয়ে আছে। 26 প্রতারণা  
দ্বারা তাদের আক্রোশ লুকিয়ে রাখা যেতে পারে, কিন্তু তাদের দুষ্টতা  
লোকসমাজে প্রকাশিত হয়ে যাবে। 27 যারা খাত খনন করে তারা  
তাতেই গিয়ে পড়ে; যারা পাথর গড়িয়ে দেয়, সেটি তাদেরই উপর  
গড়িয়ে এসে পড়বে। 28 মিথ্যাবাদী জিভ যাদের আহত করে তাদের  
ঘৃণাও করে, ও তোষামোদকারী মুখ সর্বনাশ করে ছাড়ে।

**27** আগামীকালের বিষয়ে গর্ব কোরো না, কারণ একদিন কী নিয়ে  
আসবে তা তুমি জানো না। 2 অন্য কেউ তোমার প্রশংসা করুক,  
ও তোমার নিজের মুখ তা না করুক; একজন বহিরাগত মানুষই  
করুক, ও তোমার নিজের ঠোঁট তা না করুক। 3 পাথর ভারী ও বালি  
এক বোঝা, কিন্তু মূর্খের প্ররোচনা উভয়ের চেয়েও বেশি ভারী। 4  
ক্রোধ নিষ্ঠুর ও ক্ষিপ্তা অপ্রতিরোধ্য, কিন্তু দীর্ঘার সামনে কে দাঁড়াতে  
পারে? 5 গুপ্ত ভালোবাসার চেয়ে প্রকাশ্য ভর্তসনা ভালো। 6 বন্ধুর  
আঘাতকে বিশ্বাস করা যায়, কিন্তু শক্র চুমুর সংখ্যা বৃদ্ধি করে। 7  
যার পেট ভরা আছে সে মৌচাকের মধু ঘৃণা করে, কিন্তু ক্ষুধার্ত  
মানুষের কাছে তেতো জিনিসও মিষ্টি লাগে। 8 যে ঘর ছেড়ে পালায়  
তার দশা নীড় ছেড়ে উড়ে যাওয়া পাখির মতো। 9 সুগন্ধি ও ধূপ  
হৃদয়ে আনন্দ নিয়ে আসে, ও বন্ধুর মধুরতা তাদের আন্তরিক পরামর্শ  
থেকে উৎপন্ন হয়। 10 তোমার নিজের বন্ধুকে বা তোমার পারিবারিক  
বন্ধুকে পরিত্যাগ কোরো না, ও যখন দুর্যোগ ঘনিয়ে আসে তখন  
তোমার আত্মায়স্তজনের বাড়িতে যেয়ো না— দূরবর্তী আত্মায়ের চেয়ে  
নিকটবর্তী প্রতিবেশী ভালো। 11 হে আমার বাচ্চা, জ্ঞানবান হও, ও  
আমার হৃদয়কে আনন্দিত করে তোলো; তবেই তো আমি তাকে উত্তর  
দিতে পারব যে আমাকে অবজ্ঞা করেছে। 12 বিচক্ষণ মানুষেরা বিপদ  
দেখে কোথাও আশ্রয় নেয়, কিন্তু অনভিজ্ঞ লোকেরা এগিয়ে যায় ও  
শাস্তি পায়। 13 যে আগস্তুকের হয়ে জামিন রাখে তার কাপড়চোপড়  
নিয়ে নাও; যদি কোনও বহিরাগতের জন্য তা করা হয়েছে তবে তা  
বন্ধক রেখে নাও। 14 যদি কেউ ভোরবেলায় তাদের প্রতিবেশীকে  
জোর গলায় আশীর্বাদ করে, তবে তা অভিশাপকুপেই গণ্য হবে। 15  
কলহপ্রিয়া স্ত্রী ঝাড়বৃষ্টির দিনে ফুটো ছাদ থেকে ফেঁটায় ফেঁটায় পড়া  
জলের মতো; 16 তাকে সংযত করার অর্থ বাতাসকে সংযত করা বা  
হাতের মুঠোয় তেল ধরে রাখা। 17 লোহা যেভাবে লোহাকে শান দেয়,  
মানুষও সেভাবে অন্যজনকে শান দেয়। 18 যে ডুমুর গাছ পাহারা দেয়  
সে তার ফল খাবে, যারা তাদের প্রভুকে রক্ষা করে তারা সম্মানিত  
হবে। 19 জল যেভাবে মুখমণ্ডল প্রতিফলিত করে, মানুষের জীবনও

সেভাবে অন্তর প্রতিফলিত করে। 20 যত্য ও বিনাশ কখনোই তঁগ

হয় না, ও মানুষের চোখও হয় না। (Sheol h7585) 21 রংপোর জন্য

গলনপাত্র ও সোনার জন্য হাপর, কিন্তু মানুষ তাদের প্রশংসা দ্বারাই  
প্রমাণিত হয়। 22 তুমি যতই মূর্খকে হামানদিস্তায় ফেলে পেষাই করো,  
মুষল দিয়ে শস্যমর্দন করার মতো তাদের পেষাই করো, তুমি তাদের  
জীবন থেকে মূর্খতা দূর করতে পারবে না। 23 তোমার মেষপালের  
দশা জানার বিষয়ে নিশ্চিত থেকো, যত্নসহকারে তোমার পশুপালের  
প্রতি মনোযোগ দিয়ো; 24 কারণ ধনসম্পত্তি চিরকাল স্থায়ী হয় না,  
ও মুকুটও পুরুষানুক্রমে নিরাপদ থাকে না। 25 যখন খড় সরিয়ে  
নেওয়া হবে ও নতুন চারা আবির্ভূত হবে এবং পাহাড়ের গা থেকে ঘাস  
সংগ্রহ করা হবে, 26 তখন মেষশাবকেরা তোমার পোশাকের জোগান  
দেবে, ও ছাগলেরা ক্ষেত্রের দাম চোকাবে। 27 তোমার পরিবারের  
লোকজনকে খাওয়ানোর জন্য ও তোমার দাসীদের পুষ্টি জোগানোর  
জন্য তুমি যথেষ্ট পরিমাণ ছাগলের দুধ পাবে।

**28** কেউ পশ্চাদ্বাবন না করলেও দুষ্টেরা পালায়, কিন্তু ধার্মিকেরা  
সিংহের মতো সাহসী। 2 কোনও দেশ যখন বিদ্রোহী হয়, তখন  
সেখানে বহু শাসক উৎপন্ন হয়, কিন্তু বিচক্ষণতা ও জ্ঞানসম্পন্ন শাসক  
শৃঙ্খলা বজায় রাখেন। 3 যে শাসক দরিদ্রদের নিগৃহীত করে সে সেই  
প্রবল বৃষ্টিপাতের মতো যা কোনও শস্য বাদ দেয় না। 4 যারা শিক্ষা  
পরিত্যাগ করে তারা দুষ্টদের প্রশংসা করে, কিন্তু যারা তাতে মনোযোগ  
দেয় তারা তাদের প্রতিরোধ করে। 5 অনিষ্টকারীরা যা উচিত তা  
বোঝে না, কিন্তু যারা সদাপ্রভুর খোঁজ করে তারা তা পুরোপুরি বুঝতে  
পারে। 6 যে ধনবানদের জীবনযাত্রার ধরন উচ্ছ্বেষণ তাদের চেয়ে  
সেই দরিদ্রেরা ভালো যাদের জীবনযাত্রার ধরন অনিন্দনীয়। 7 বিচক্ষণ  
ছেলে শিক্ষায় মনোযোগ দেয়, কিন্তু যে পেটুকদের সহচর সে তার  
বাবার মর্যাদাহানি করে। 8 যে দরিদ্রদের কাছ থেকে সুদ নিয়ে বা লাভ  
করে সম্পত্তি বৃদ্ধি করে সে অন্য এমন একজনের জন্য তা জমিয়ে রাখে  
যে দরিদ্রদের প্রতি দয়ালু হবে। 9 যদি কেউ আমার দেওয়া শিক্ষার  
প্রতি কান বন্ধ করে রাখে, তবে তাদের প্রার্থনাও ঘৃণার্থ। 10 যারা

ন্যায়পরায়ণদের কুপথে পরিচালিত করে তারা নিজেদের ফাঁদেই গিয়ে  
পড়বে, কিন্তু অনিন্দনীয়রা এক উপযুক্ত উত্তরাধিকার লাভ করবে।  
১১ ধনবানেরা নিজেদের দৃষ্টিতেই জ্ঞানবান; যারা দরিদ্র ও বিচক্ষণ  
তারা দেখতে পায় তারা কত বিভ্রান্ত। ১২ ধার্মিকেরা যখন বিজয়ী  
হয়, তখন মহোল্লাস হয়; কিন্তু দুষ্টেরা যখন ক্ষমতাসীন হয়, তখন  
মানুষ আড়ালে গিয়ে লুকায়। ১৩ যারা নিজেদের পাপগুলি লুকায়  
তারা উন্নতি লাভ করতে পারে না, কিন্তু যারা সেগুলি স্বীকার ও ত্যাগ  
করে তারা দয়া লাভ করে। ১৪ ধন্য তারাই যারা সবসময় ঈশ্বরের  
সামনে ভীত হয়, কিন্তু যারা তাদের হৃদয় কঠোর করে তারা বিপদে  
পড়বে। ১৫ অসহায় প্রজাদের উপর কর্তৃত্বকারী দুষ্ট শাসক গর্জনকারী  
সিংহ বা আক্রমণকারী ভালুকের মতো। ১৬ অত্যাচারী শাসক অবৈধ  
জুলুম চালায়, কিন্তু যিনি অসৎ উপায়ে অর্জিত লাভ ঘৃণা করেন তিনি  
সুদীর্ঘকাল ধরে রাজত্ব করবেন। ১৭ যে হত্যার অপরাধবোধ দ্বারা  
নির্যাতিত হয় সে কবরে গিয়ে আশ্রয় নেয়; যেন কেউ তাকে ধরতে  
না পারে। ১৮ যার চলন অনিন্দনীয় সে সুরক্ষিত থাকে, কিন্তু যার  
জীবনযাত্রার ধরন উচ্ছৃঙ্খল সে খাদে গিয়ে পড়বে। ১৯ যারা নিজেদের  
জমি চাষ করে তারা প্রচুর খাদ্য পাবে, কিন্তু যারা উন্ডট কল্পনার  
পিছনে ছুটে বেড়ায় দারিদ্র তাদের সঙ্গী হয়। ২০ বিশ্বস্ত লোক প্রচুর  
আশীর্বাদ লাভ করবে, কিন্তু যে ধনবান হওয়ার জন্য আগ্রহী হয় সে  
অদণ্ডিত থাকবে না। ২১ মুখাপেক্ষা করা ভালো নয়— অথচ মানুষ  
এক টুকরো ঝুঁটির জন্যও অন্যায় করে। ২২ কৃপণেরা ধনসম্পত্তি  
অর্জনের জন্য আগ্রহী হয় ও তারা জানেও না যে দারিদ্র তাদের জন্য  
অপেক্ষা করে আছে। ২৩ যে জিভ দিয়ে চাটুকারিতা করে তার তুলনায়  
বরং কোনো মানুষকে যে ভৰ্তসনা করে, শেষ পর্যন্ত সেই অনুগ্রহ  
লাভ করবে। ২৪ যে মা-বাবার ধনসম্পদ ছুরি করে ও বলে, “এ তো  
অন্যায় নয়,” সে তাদেরই অংশীদার, যারা ধ্বংসাধন করে। ২৫ লোভী  
মানুষেরা বিবাদ জাগিয়ে তোলে, কিন্তু যারা সদাপ্রভুতে নির্ভর করে  
তারা উন্নতি লাভ করবে। ২৬ যারা নিজেদের উপর নির্ভর করে তারা  
মূর্খ, কিন্তু যারা জ্ঞানের পথে চলে তারা নিরাপদ থাকবে। ২৭ যারা

দরিদ্রদের দান করে তাদের কোনো কিছুর অভাব হয় না, কিন্তু যারা  
তাদের দেখে চোখ বন্ধ করে থাকে তারা প্রচুর অভিশাপ কুড়ায়। 28  
দুষ্টেরা যখন ক্ষমতাসীন হয়, মানুষ তখন আড়ালে গিয়ে লুকায়, কিন্তু  
দুষ্টেরা যখন বিনষ্ট হয়, তখন ধার্মিকেরা সমৃদ্ধশালী হয়।

**29** বহুবার ভর্তসিত হওয়ার পরও যে ঘাড় শক্ত করে রাখে সে হঠাতে  
করে বিনষ্ট হয়ে যাবে—এর কোনও প্রতিকার নেই। 2 ধার্মিকেরা  
যখন সমৃদ্ধশালী হয়, জনগণ তখন আনন্দ করে; দুষ্টেরা যখন শাসন  
করে, জনগণ তখন গভীর আর্তনাদ করে। 3 যে মানুষ প্রজাকে  
ভালোবাসে সে তার বাবাকে আনন্দিত করে, কিন্তু বেশ্যাদের দোসর  
তার ধনসম্পত্তি অপচয় করে ফেলে। 4 ন্যায়বিচার দ্বারা রাজা দেশকে  
স্থিরতা দেন, কিন্তু যারা ঘূষের প্রতি প্রলুক্ত তারা দেশ লঙ্ঘণ্ডণ করে  
ফেলে। 5 যারা তাদের প্রতিবেশীদের স্তবকতা করে তারা নিজেদের  
পায়ের জন্যই ফাঁদ পাতে। 6 অনিষ্টকারীরা তাদের নিজেদের পাপ  
দ্বারাই ফাঁদে পড়ে, কিন্তু ধার্মিকেরা আনন্দে চিৎকার করে ও খুশি  
থাকে। 7 ধার্মিকেরা দরিদ্রদের ন্যায়বিচার দেওয়ার কথা ভাবে, কিন্তু  
দুষ্টদের এই ধরনের কোনও উদ্বেগ নেই। 8 বিন্দুপকারীরা নগরে  
উত্তেজনা ছড়ায়, কিন্তু জ্ঞানবানেরা ক্রোধ প্রশংসিত করে। 9 জ্ঞানবান  
মানুষ যদি মূর্খকে দরবারে নিয়ে যায়, তবে মূর্খ তর্জনগর্জন ও উপহাস  
করে, ও সেখানে শান্তি বজায় থাকে না। 10 রক্তপিপাসু লোকেরা  
সৎলোককে ঘৃণা করে ও ন্যায়পরায়ণ মানুষদের হত্যা করতে চায়। 11  
মূর্খেরা তাদের সব ক্রোধ প্রকাশ করে ফেলে, কিন্তু জ্ঞানবানেরা শেষ  
পর্যন্ত তা প্রশংসিত করে। 12 শাসক যদি মিথ্যা কথা শোনেন, তবে  
তাঁর কর্মকর্তারা দুষ্ট হয়ে পড়ে। 13 দরিদ্রদের ও অত্যাচারীদের মধ্যে  
এই সাদৃশ্য আছে: সদাপ্রভুই উভয়ের চোখে দৃষ্টিশক্তি দিয়েছেন।  
14 রাজা যদি দরিদ্রদের প্রতি সুবিচার করেন, তবে তাঁর সিংহাসন  
চিরকালের জন্য স্থির থাকবে। 15 লাঠি ও তীব্র ভর্তসনা প্রজা দান  
করে, কিন্তু সন্তানকে যদি শাসন না করে ছেড়ে দেওয়া হয় তবে সে  
তার মায়ের মর্যাদাহানি ঘটায়। 16 দুষ্টেরা যখন সমৃদ্ধশালী হয়, তখন  
পাপও বৃদ্ধি পায়, কিন্তু ধার্মিকেরা তাদের সর্বনাশ দেখতে পাবে।

17 তোমার সন্তানদের শাসন করো, ও তারা তোমাকে শান্তি দেবে;  
 তারা তোমার জীবনে প্রত্যাশিত আনন্দ নিয়ে আসবে। 18 যেখানে  
 কেনও প্রত্যাদেশ নেই, সেখানে জনগণ নিয়ন্ত্রণহীন হয়ে যায়; কিন্তু  
 ধন্য তারাই যারা প্রজ্ঞার শিক্ষায় মনোযোগ দেয়। 19 শুধু কথা বলে  
 দাসেদের সংশোধন করা যায় না; যদিও তারা বোঝে, তবুও তারা  
 মনোযোগ দেয় না। 20 এমন কাউকে কি দেখেছ যে তাড়াছড়ো করে  
 কথা বলে? তাদের চেয়ে বরং একজন মূর্খের বেশি আশা আছে। 21  
 যে দাসকে ছেলেবেলা থেকে প্রশ্রয় দেওয়া হয়েছে সে শেষ সময়  
 শোক নিয়ে আসবে। 22 ক্রুদ্ধ লোক বিবাদ বাধায়, উগ্রস্বভাব বিশিষ্ট  
 লোক প্রচুর পাপ করে বসে। 23 অহংকার একজন লোককে নিচে  
 নামিয়ে আনে, কিন্তু নম্মাত্মা মানুষ সম্মান লাভ করে। 24 চোরেদের  
 সহযোগীরা তাদের নিজেদেরই শক্র; তাদের শপথ করতে বলা হয় ও  
 তারা সত্যের পক্ষে সাক্ষ্য দেওয়ার সাহস পায় না। 25 মানুষের ভয়  
 ফাঁদ হয়ে দাঁড়ায়, কিন্তু যে সদাপ্রভুতে নির্ভর করে সে নিরাপদ থাকে।  
 26 অনেকেই শাসকের প্রিয়পাত্র হয়ে থাকতে চায়, কিন্তু সদাপ্রভুর  
 কাছেই মানুষ ন্যায়বিচার পায়। 27 ধার্মিকেরা অসাধুদের ঘৃণা করে;  
 দুষ্টেরা ন্যায়পরায়ণদের ঘৃণা করে।

**30** যাকির ছেলে আগুরের নীতিবচন—যা এক অনুপ্রাণিত ভাষণ।  
 ঈথীয়েলের প্রতি, ঈথীয়েলের ও উকলের প্রতি এই লোকটির ভাষণ:  
 “হে ঈশ্বর, আমি ক্লান্ত, কিন্তু আমি বিজয়লাভ করতে পারব। 2 আমি  
 নিশ্চয় মানুষ নই, আমি এক মৃচ্মাত্র; আমার মানবিক বোধবুদ্ধি নেই।  
 3 আমি প্রজ্ঞার শিক্ষা পাইনি, আমি সেই মহাপবিত্র ঈশ্বর সম্পর্কীয়  
 জ্ঞানও অর্জন করিনি। 4 কে স্বর্গে গিয়ে আবার ফিরে এসেছেন?  
 কার হাত বাতাস সংগ্রহ করেছে? কে জলরাশিকে আলখাল্লায় মুড়ে  
 রেখেছেন? কে পৃথিবীর সব প্রান্ত স্থাপন করেছেন? তাঁর নাম কী,  
 ও তাঁর ছেলের নামই বা কী? নিশ্চয় তুমি তা জানো! 5 “ঈশ্বরের  
 প্রত্যেকটি বাক্য নিখুঁত; যারা তাঁতে আশ্রয় নেয় তাদের কাছে তিনি  
 এক ঢাল। 6 তাঁর বাক্যে কিছু যোগ কোরো না, পাছে তিনি তোমাকে  
 ভৃঙ্গনা করেন ও তোমাকে এক মিথ্যাবাদী প্রতিপন্থ করেন। 7 “হে

সদাপ্রভু, আমি তোমার কাছে দুটি জিনিস চাইছি; আমি মারা যাওয়ার  
আগে আমাকে প্রত্যাখ্যান কোরো না: 8 ছলনা ও মিথ্যা কথা আমার  
কাছ থেকে দূরে সরিয়ে রাখো; আমাকে দারিদ্র বা ধনসম্পত্তি কিছুই  
দিয়ো না, কিন্তু আমার দৈনিক আহারটুকুই শুধু আমাকে দাও। 9  
পাছে, অনেক কিছু পেয়ে আমি তোমাকে অস্মীকার করে বসি ও বলে  
ফেলি, ‘সদাপ্রভু কে?’ বা দারিদ্র হয়ে গিয়ে চুরি করে বসি, ও এভাবে  
আমার ঈশ্বরের নামের অসম্মান করে ফেলি। 10 “মনিবের কাছে তার  
কোনো দাসের নিন্দা কোরো না, পাছে তারা তোমাকে অভিশাপ দেয়  
ও তোমাকে এর জন্য শাস্তি পেতে হয়। 11 “এমন অনেক লোক আছে  
যারা তাদের বাবাদের অভিশাপ দেয় ও তাদের মা-দের মহিমান্বিত  
করে না; 12 যারা তাদের নিজেদের দৃষ্টিতেই বিশুদ্ধ অথচ তারা  
তাদের মালিন্য থেকে শুচিশুদ্ধ হয়নি; 13 যাদের দৃষ্টি চিরকাল খুব  
উদ্বিগ্ন, যাদের চাহনি খুব তাচ্ছিল্যপূর্ণ; 14 যাদের দাঁত তরোয়ালের  
মতো ও যাদের চোয়ালে ছুরি গাঁথা আছে যেন পৃথিবীর বুক থেকে  
দারিদ্রদের ও মানবজাতির মধ্যে থেকে অভাবগ্রস্তদের তারা গ্রাস  
করে ফেলতে পারে। 15 “জোঁকের দুটি কন্যা আছে। তারা চিৎকার  
করে বলে, ‘দাও, দাও!’ “তিনটি বিষয় আছে যেগুলিকে কখনও তৃপ্ত  
করা যায় না, চারটি বিষয় আছে যেগুলি কখনও বলে না, ‘যথেষ্ট  
হয়েছে!': 16 কবর ও বন্ধ্যা জঠর; জমি, যা কখনও জলে তৃপ্ত হয়  
না, ও আগুন, যা কখনও বলে না, ‘যথেষ্ট হয়েছে!' (Sheol h7585) 17  
“যে চোখ একজন বাবাকে বিদ্রূপ করে, যা বৃক্ষ এক মাকে অবজ্ঞা  
করে, সেটিকে উপত্যকার কাকেরা ঠুকরে ঠুকরে বের করে ফেলবে,  
শুনেরা সেটি খেয়ে ফেলবে। 18 “তিনটি বিষয় আমার আছে খুবই  
বিস্ময়কর, চারটি বিষয় আমি বুঝে উঠতে পারি না: 19 আকাশে ওড়া  
ঈগল পাথির গতিপথ, পাষাণ-পাথরের উপরে চলা সাপের গতিপথ,  
মাঝসমুদ্রে ভেসে যাওয়া জাহাজের গতিপথ, ও যুবতীর সঙ্গে পুরুষের  
প্রেমের সম্পর্ক। 20 “ব্যভিচারিণী মহিলার জীবনযাত্রার ধরন এরকম:  
সে খাওয়াদাওয়া করে ও মুখ মুছে নেয় ও বলে, ‘আমি কোনও অন্যায়  
করিনি।’ 21 “তিনটি বিষয়ের ভাবে পৃথিবী কম্পিত হয়, চারটি বিষয়ের

ভার তা সহ্য করতে পারে না: 22 এক দাস যে রাজা হয়ে বসেছে, এক  
মূর্খ যে খাওয়ার জন্য প্রচুর খাদ্যদ্রব্য পেয়েছে, 23 এক নীচ মহিলা যার  
বিয়ে হয়ে গিয়েছে, ও এক দাসী যে তার কর্তৃকে স্থানচ্যুত করেছে।  
24 “পৃথিবীর বুকে চারটি প্রাণী ছোটো, অথচ সেগুলি অত্যন্ত জ্ঞানী: 25  
পিংপড়েরা অল্প শক্তিবিশিষ্ট প্রাণী, অথচ গ্রীষ্মকালে তারা তাদের খাদ্য  
সঞ্চয় করে রাখে; 26 পাহাড়ি খরগোশ সামান্যই শক্তি ধরে, অথচ  
তারা পাষাণ-পাথরের চূড়ায় তাদের ঘর বাঁধে; 27 পঙ্গপালদের কোনও  
রাজা নেই, অথচ তারা সারিবদ্ধভাবে এগিয়ে যায়; 28 টিকটিকিকে  
হাত দিয়ে ধরা যায়, অথচ তাকে রাজপ্রাসাদে দেখতে পাওয়া যায়। 29  
“তিনটি প্রাণী আছে যারা তাদের চলাফেরায় রাজসিক, চারজন আছে  
যারা রাজকীয় ভঙ্গিতে নড়াচড়া করে: 30 সিংহ, যে পশ্চদের মধ্যে  
বলশালী, যে কোনো কিছুর সামনেই পশ্চাদগামী হয় না; 31 নিবীক  
মোরগ, পাঁঠা, ও রাজা, যিনি বিদ্রোহের আশঙ্কা থেকে মুক্ত। 32 “তুমি  
যদি মূর্খামি করো ও নিজেই নিজের প্রশংসা করো, বা অনিষ্ট করার  
ফণ্ডি আঁটো, তবে তোমার হাত দিয়ে মুখ ঢেকে রাখো! 33 কারণ ননি  
মন্থনে যেভাবে মাথন উৎপন্ন হয়, ও নাকে মোচড় পড়লে যেভাবে  
রক্ত বের হয়, সেভাবে ক্রোধ নাড়াচাড়া করলে বিবাদ উৎপন্ন হয়।”

**31** রাজা লম্বয়েলের নীতিবচন—সেই অনুপ্রাণিত ভাষণ যা তাঁর মা  
তাঁকে শিখিয়েছিলেন। 2 হে আমার বাছা, শোনো! হে আমার গর্ভজাত  
পুত্র, শোনো! হে আমার বাছা, হে আমার প্রার্থনার উত্তর, শোনো! 3  
নারীদের পিছনে তোমার শক্তি ব্যয় কোরো না, যারা রাজাদের সর্বনাশ  
করে তাদের পিছনে তোমার প্রাণশক্তি নষ্ট কোরো না। 4 হে লম্বয়েল,  
রাজাদের জন্য নয়— দ্রাক্ষারস পান করা রাজাদের জন্য উপযুক্ত নয়,  
সুরাপানে আসক্ত হওয়া শাসকদের জন্য অনুচিত, 5 পাছে তারা পান  
করেন ও ভুলে যান তারা কী আদেশ দিয়েছেন, ও সব নিপীড়িতকে  
তাদের অধিকার বঞ্চিত করে ছাড়েন। 6 সুরা তাদের জন্যই রাখা  
থাক যারা মরতে চলেছে, দ্রাক্ষারস তাদের জন্যই রাখা থাক যারা  
মনোবেদনায় ভুগছে! 7 তারা পান করুক ও তাদের দারিদ্র ভুলে যাক  
ও তাদের দুর্দশা আর মনে না রাখুক। 8 তাদের হয়ে কথা বলো যারা

নিজেদের কথা নিজেরা বলতে পারে না, সেইসব লোকের অধিকারের  
স্বপক্ষে কথা বলো যারা সর্বস্বান্ত। ৭ উচ্চকর্ত্ত্বে বলো ও ন্যায়বিচার  
করো: দরিদ্র ও অভাবগ্রস্তদের অধিকারের স্বপক্ষে ওকালতি করো।  
১০ কে উন্নত চরিত্রবিশিষ্ট এক স্ত্রী পেতে পারে? তাঁর মূল্য পদ্মারাগমণির  
চেয়েও অনেক বেশি। ১১ তাঁর উপর তাঁর স্বামীর পূর্ণ আঙ্গ বজায় থাকে  
ও তিনি তাঁর স্বামীর জীবনে ভালো কোনো কিছুর অভাব হতে দেন  
না। ১২ তিনি তাঁর জীবনের সমস্ত দিন স্বামীর অনিষ্ট নয়, কিন্তু মঙ্গলই  
সাধন করেন। ১৩ তিনি পশম ও মসিনা মনোনীত করেন ও আগ্রহী  
হাতে কাজকর্ম করেন। ১৪ তিনি বণিকদের জাহাজগুলির মতো, বণ্ডুর  
থেকে তাঁর খাদ্যদ্রব্য নিয়ে আসেন। ১৫ তিনি অঙ্ককার থাকতেই ঘুম  
থেকে উঠে পড়েন; তিনি তাঁর পরিবারের জন্য খাদ্যের জোগান দেন ও  
তাঁর দাসীদেরও অংশ বরাদ্দ করে দেন। ১৬ তিনি জমির মান বিচার  
করেন ও তা কিনে নেন; নিজের আয় দিয়ে তিনি দ্রাক্ষাক্ষেত গড়ে  
তোলেন। ১৭ তিনি সবলে তাঁর কাজে লেগে পড়েন; তাঁর কাজকর্মের  
পক্ষে তাঁর হাত দুটি বেশ শক্তিশালী। ১৮ তিনি সুনিশ্চিত হন যে তাঁর  
কেনাবেচা বেশ লাভজনক হয়েছে, ও তাঁর প্রদীপ রাতেও নিতে যায়  
না। ১৯ তাঁর হাতে তিনি তকলি ধরে থাকেন ও সুতো কাটার টাকু তাঁর  
আঙুল দিয়ে আঁকড়ে ধরে থাকেন। ২০ তিনি দরিদ্রদের প্রতি মুক্তহস্ত  
হন ও অভাবগ্রস্তদের দিকে তাঁর হাত বাঢ়িয়ে দেন। ২১ তুষারপাতের  
সময় তাঁর পরিবারের লোকদের জন্য তাঁর কোনও ভয় হয় না; কারণ  
তারা সকলেই টকটকে লাল রংয়ের কাপড় পরে থাকে। ২২ তিনি তাঁর  
বিছানার জন্য চাদর তৈরি করেন; তিনি মিহি মসিনা দিয়ে তৈরি বেগুনি  
রংয়ের কাপড় গায়ে দিয়ে থাকেন। ২৩ তাঁর স্বামী সেই নগরাদ্বারে  
সম্মানিত হন, যেখানে দেশের প্রাচীনদের মধ্যে তিনি তাঁর আসন গ্রহণ  
করেন। ২৪ তিনি মসিনার পোশাক তৈরি করে সেগুলি বিক্রি করেন,  
ও বণিকদের উত্তরীয় সরবরাহ করেন। ২৫ তিনি শক্তি ও সম্মানে  
আচ্ছাদিত হন; আগামী দিনগুলির কথা ভেবে তিনি সশব্দে হাসতে  
পারেন। ২৬ তিনি প্রজ্ঞামূলক কথাবার্তা বলেন, ও তাঁর জিভের ডগায়  
আন্তরিক নির্দেশ থাকে। ২৭ তিনি তাঁর পরিবারের ব্যাপারে সজাগ

দৃষ্টি রাখেন ও অলসতার রুটি খান না। 28 তাঁর সন্তানেরা উঠে তাঁকে  
আশীর্বাদধন্যা বলে ডাকে; তাঁর স্বামীও একই কথা বলেন ও তাঁর  
প্রশংসা করে বলেন: 29 “অনেক মহিলাই মহৎ মহৎ কাজ করেন, কিন্তু  
তুমি সবাইকে ছাপিয়ে গিয়েছ।” 30 লাবণ্য বিভাস্তিকর, ও সৌন্দর্য  
অঙ্গায়ী; কিন্তু যে নারী সদাপ্রভুকে ভয় করেন তাঁরই প্রশংসা করতে  
হবে। 31 তাঁর হাত যা কিছু করেছে, সেসবের জন্য তাঁকে সম্মান  
জানাও, ও তাঁর কাজকর্মই নগরদ্বারে তাঁর কাছে প্রশংসা এনে দিক।

## উপদেশক

১ উপদেশকের কথা; তিনি দাউদের ছেলে, জেরশালেমের রাজা: ২

উপদেশক বলেন, “অসার! অসার! অসারের অসার! সকলই অসার।”

৩ সূর্যের নিচে মানুষ যে পরিশ্রম করে সেইসব পরিশ্রমে তার কী লাভ?

৪ এক পুরুষ ঢলে যায় এবং আর এক পুরুষ আসে, কিন্তু পৃথিবী চিরকাল থাকে। ৫ সূর্য ওঠে এবং সূর্য অস্ত যায়, আর তাড়াতাড়ি নিজের জায়গায় ফিরে যায়। ৬ বাতাস দক্ষিণ দিকে বয় তারপর ঘূরে যায় উভরে; এইভাবে সেটা ঘূরতে থাকে, আর নিজের পথে ফিরে আসে। ৭ সমস্ত নদী সাগরে গিয়ে পড়ে, তবুও সাগর কখনও পূর্ণ হয় না। যেখান থেকে সব নদী বের হয়ে আসে, আবার সেখানেই তার জল ফিরে যায়। ৮ সবকিছুই ক্লান্তিকর, এত যে বলা যায় না। যথেষ্ট দেখে চোখ তৃপ্ত হয় না, কিংবা কান শুনে তৃপ্ত হয় না। ৯ যা হয়ে গেছে তা আবার হবে, যা করা হয়েছে তা আবার করা হবে, সূর্যের নিচে নতুন কিছুই নেই। ১০ এমন কিছু কি আছে যার বিষয়ে লোকে বলবে, “দেখো! এটি নতুন”? ওটি অনেক দিন আগে থেকেই ছিল; আমাদের কালের আগেই ছিল। ১১ আগেকার কালের লোকদের বিষয় কেউ মনে রাখে না, যারা ভবিষ্যতে আসবে তাদের কথা ও মনে রাখবে না যারা তাদের পরে আসবে। ১২ আমি, উপদেশক, জেরশালেমে ইহায়লের উপরে রাজা ছিলাম। ১৩ আকাশের নিচে যা কিছু করা হয় তা জ্ঞান দ্বারা পরীক্ষা ও খোঁজ করতে মনোযোগ করলাম। ঈশ্বর মানুষের উপরে কী ভারী কষ্ট চাপিয়ে দিয়েছেন! ১৪ সূর্যের নিচে যা কিছু হয় তা সবই আমি দেখেছি; সে সকলই অসার, কেবল বাতাসের পিছনে দৌড়ানো। ১৫ যা বাঁকা তা সোজা করা যায় না; যা অসম্পূর্ণ তা গণনা করা যায় না। ১৬ আমি মনে মনে বললাম, “দেখো, আমার আগে যারা জেরশালেমে রাজত্ব করে গেছেন তাদের সকলের চেয়ে আমি প্রজ্ঞায় অনেক বৃদ্ধিলাভ করেছি; আমার অনেক প্রজ্ঞা ও বিদ্যা অভিজ্ঞতা লাভ হয়েছে।” ১৭ তারপর আমি প্রজ্ঞা এবং উন্নততা ও মূর্খতা বুঝবার চেষ্টা করলাম, কিন্তু আমি বুঝতে পারলাম যে তাও

বাতাসের পিছনে দৌড়ানো। 18 কারণ প্রজ্ঞা বাড়লে তার সঙ্গে দুঃখও  
বৃদ্ধি পায়; যত বেশি বিদ্যা, তত বেশি বিষাদ।

**2**আমি মনে মনে বললাম, “এখন এসো, আমি তোমাকে আমোদ  
দিয়ে পরীক্ষা করব যে কী ভালো।” কিন্তু তাও পরীক্ষা করে দেখা  
গেল যে তা অসার। 2 আমি বললাম, “হাসিও উন্মত্ততা। আর আমোদ  
কী করে?” 3 আমি মদ্যপান দ্বারা নিজেকে আনন্দ দেবার চেষ্টা  
করলাম এবং মূর্খতাকে আলিঙ্গন করলাম প্রজ্ঞা তখনও আমার মনকে  
পরিচালিত করছিল। আমি দেখতে চাইলাম, আকাশের নিচে মানুষের  
জীবনকালে তার জন্য কোনটা ভালো। 4 আমি কতগুলি বড়ো বড়ো  
কাজ করলাম আমি নিজের জন্য অনেক ঘরবাড়ি তৈরি করলাম আর  
আমি দ্রাক্ষাক্ষেত তৈরি করলাম। 5 আমি বাগান ও পার্ক তৈরি করে  
সেখানে সব রকমের ফলের গাছ লাগালাম। 6 বেড়ে ওঠা গাছে জল  
দেবার জন্য আমি কতগুলি পুরুর কাটালাম। 7 আমি অনেক দাস ও  
দাসী কিনলাম আর অনেক দাস-দাসী আমার বাড়িতে জন্মেছিল।  
আমার আগে যারা জেরশালেমে ছিলেন তাদের চেয়েও আমার অনেক  
বেশি গরু-মেষ ছিল। 8 আমি অনেক রংপো ও সোনা এবং অন্যান্য  
দেশের রাজাদের ও বিভিন্ন প্রদেশের সম্পদ নিজের জন্য জড়ো  
করলাম। আমি অনেক গায়ক গায়িকা এবং মানুষের হৃদয়ের আনন্দ  
অনুসারে হারেমও অর্জন করলাম। 9 আমার আগে যারা জেরশালেমে  
ছিলেন তাদের চেয়েও আমি অনেক বড়ো হলাম। এই সবে আমার  
প্রজ্ঞা আমার সঙ্গে ছিল। 10 আমার চোখে যা ভালো লাগত আমি তা  
অস্থীকার করতাম না; আমার হৃদয়ের কোনো আনন্দ আমি প্রত্যাখ্যান  
করতাম না। আমার সবকাজেই আমার মন খুশি হত, আর এটাই  
ছিল আমার সব পরিশ্রমের পুরক্ষার। 11 তবুও আমি যা কিছু করেছি  
আর যা পাওয়ার জন্য পরিশ্রম করেছি তার দিকে যখন তাকিয়াছি,  
সবকিছুই অসার, কেবল বাতাসের পিছনে দৌড়ানো; সূর্যের নিচে  
কোনো কিছুতেই লাভ নেই। 12 তারপর আমি প্রজ্ঞা, এবং উন্মত্ততা ও  
মূর্খতার কথা চিন্তা করলাম। যা কিছু আগেই করা হয়ে গেছে তার  
থেকে রাজার উত্তরাধিকারী আর বেশি কী করতে পারে? 13 আমি

দেখলাম প্রজ্ঞা মূর্খতার থেকে ভালো, যেমন আলো অন্ধকারের থেকে ভালো। 14 জ্ঞানবানের মাথাতেই চোখ থাকে, কিন্তু বোকা অন্ধকারে চলাফেরা করে; তবুও আমি বুঝতে পারলাম যে ওই দুজনের শেষ দশা একই। 15 তারপর আমি নিজের মনে মনে বললাম, “বোকার যে দশা হয় তা তো আমার প্রতি ঘটে। তাহলে জ্ঞানবান হয়ে আমার কী লাভ?” আমি নিজের মনে মনে বললাম, “এটাও তো অসার।” 16 বোকাদের মতো জ্ঞানবানদেরও লোকে বেশি দিন মনে রাখবে না; সেদিন উপস্থিত যখন উভয়কেই ভুলে যাবে। বোকাদের মতো জ্ঞানবানদেরও মরতে হবে! 17 সুতরাঃ আমি জীবনকে ঘৃণা করলাম, কারণ সূর্যের নিচে যে কাজ করা হয় সেগুলি আমার কাছে দুঃখজনক মনে হল। সবকিছুই অসার, কেবল বাতাসের পিছনে দৌড়ানো। 18 সূর্যের নিচে যেসব জিনিসের জন্য আমি পরিশ্রম করেছি সেগুলি আমি এখন ঘৃণা করতে লাগলাম, কারণ আমার পরে যে আসবে তার জন্যই আমাকে সেইসব রেখে যেতে হবে। 19 আর কে জানে সেই লোক জ্ঞানী না বুদ্ধিহীন হবে? তবুও সেই আমার পরিশ্রমের সব ফল নিয়ন্ত্রণ করবে, যার জন্য আমি সূর্যের নিচে সমস্ত প্রচেষ্টা ও দক্ষতা ঢেলেছি। এটাও অসার। 20 অতএব সূর্যের নিচে যেসব পরিশ্রমের কাজ করেছি তার জন্য আমার অন্তর নিরাশ হতে লাগল। 21 কেননা জ্ঞান, বুদ্ধি ও দক্ষতা দিয়ে একজন পরিশ্রম করতে পারে, কিন্তু তারপরে তার সবকিছু অধিকার হিসেবে এমন একজনের জন্য রেখে যেতে হয় যে লোক তার জন্য কোনো পরিশ্রম করেনি। এটাও অসার এবং দুর্ভাগ্যের বিষয়। 22 সূর্যের নিচে মানুষের যে সকল পরিশ্রম ও উদ্দেগ হয়, তাতে তার কী লাভ হয়? 23 সারাদিন তার কাজে থাকে মনস্তাপ ও ব্যথা; রাতেও তার মন বিশ্রাম পায় না। এটাও অসার। 24 মানুষের পক্ষে খাওয়াদাওয়া করা এবং নিজের কাজে সন্তুষ্ট থাকা ছাড়া ভালো আর কিছুই নেই। এটাও আমি দেখলাম, এসব ঈশ্বরের হাত থেকে আসে, 25 কেননা তাঁকে ছাড়া কে খেতে পায় কিংবা আনন্দ উপভোগ করে? 26 যে তাঁকে সন্তুষ্ট করে, ঈশ্বর তাকে প্রজ্ঞা, বুদ্ধি ও আনন্দ দান করেন, কিন্তু পাপীকে তিনি ধনসম্পদ জোগাড় করবার ও তা জমাবার কাজ

দেন, যেন সে তা সেই লোককে দিয়ে যায় যে ঈশ্বরকে সন্তুষ্ট করে।  
এটাও অসার, কেবল বাতাসের পিছনে দৌড়ানো।

**৩** সবকিছুর জন্য একটি সময় আছে, আকাশের নিচে প্রত্যেকটি  
কাজেরই একটি নির্দিষ্ট সময় আছে: ২ জন্মের সময় ও মরণের সময়,  
বুনবার সময় ও উপড়ে ফেলবার সময়, ৩ মেরে ফেলবার সময় ও  
সুস্থ করবার সময়, ভেঙে ফেলবার সময় ও গড়বার সময়, ৪ কাঁদবার  
সময় ও হাসবার সময়, শোক করবার সময় ও নাচবার সময়, ৫ পাথর  
ছড়াবার সময় ও সেগুলি জড়ো করবার সময়, ভালোবেসে জড়িয়ে  
ধরবার সময় ও জড়িয়ে না ধরবার সময়, ৬ খুঁজে পাওয়ার সময়  
ও হারাবার সময়, রাখবার সময় ও ফেলে দেবার সময়, ৭ ছিঁড়ে  
ফেলবার সময় ও সেলাই করবার সময়, চুপ করবার সময় ও কথা  
বলবার সময়, ৮ ভালোবাসার সময় ও ঘৃণা করবার সময়, যুদ্ধের  
সময় ও শান্তির সময়। ৯ শ্রমিক পরিশ্রমের কী ফল পায়? ১০ ঈশ্বর  
মানুষের উপরে যে বোঝা চাপিয়ে দিয়েছেন তা আমি দেখেছি। ১১  
তিনি সবকিছু তার সময়ে সুন্দর করেছেন। তিনি মানুষের অস্তরে  
অনন্তকাল সম্পন্নে বুঝবার ইচ্ছা দিয়েছেন; কিন্তু ঈশ্বর প্রথম থেকে  
শেষ পর্যন্ত কী করেছেন তা মানুষ বুঝতে পারে না। ১২ আমি জানি  
মানুষের জীবনকালে আনন্দ করা ও ভালো কাজ করা ছাড়া তার জন্য  
আর ভালো কিছু নেই। ১৩ প্রত্যেক মানুষ খাওয়াওয়া করবে ও তার  
পরিশ্রমের ফলে সন্তুষ্ট হবে—এটি ঈশ্বরের দান। ১৪ আমি জানি ঈশ্বর  
যা কিছু করেন তা চিরকাল থাকে; কিছুই তার সঙ্গে যোগ করা যায় না  
কিংবা তার থেকে নেওয়া যায় না। ঈশ্বর তা করেন যেন মানুষ তাঁকে  
ভক্তিপূর্ণ ভয় করে। ১৫ যা কিছু আছে তা আগে থেকেই ছিল, আর যা  
হবে তাও আগে ছিল; আর যা হয়ে গেছে ঈশ্বর তার হিসেব নেন।  
১৬ এবং আমি সূর্যের নিচে আরও একটি বিষয় দেখলাম বিচারের  
জায়গায়—দুষ্টতা ছিল, সততার জায়গায়—দুষ্টতা ছিল। ১৭ আমি  
নিজে মনে মনে বললাম, ‘ঈশ্বর ধার্মিকের ও দুষ্টের দুজনেরই বিচার  
করবেন, কারণ সেখানে সমস্ত কাজের জন্য সময় আছে, সমস্ত কাজের  
বিচারের জন্য সময় আছে।’ ১৮ আমি আরও নিজে মনে মনে বললাম,

“মানুষের ক্ষেত্রে, ঈশ্বর তাদের পরীক্ষা করেন যেন তারা দেখতে পায় তারা পশুদেরই মতো। 19 কেননা মানুষের প্রতি যা ঘটে পশুর প্রতিও তাই ঘটে; উভয়ের জন্য একই পরিণতি অপেক্ষা করে এ যেমন মরে সেও তেমন মরে। তাদের সবার প্রাণবায়ু একই রকমের; পশুর থেকে মানুষের কোনো প্রাধান্য নেই। সবই অসার। 20 সকলেই এক জায়গায় যায়; সবাই মাটি থেকে তৈরি, আর মাটিতেই ফিরে যায়। 21 মানুষের আত্মা যে উপরে যায় আর পশুর আত্মা মাটির তলায় যায় তা কে জানে?” 22 অতএব আমি দেখলাম যে নিজের কাজে আনন্দ করা ছাড়া আর ভালো কিছু মানুষের জন্য নেই, কারণ ওটিই তার পাওনা। কারণ তাদের মৃত্যুর পরে কি ঘটবে তা কে তাদের দেখাতে পারে?

4 পরে আমি তাকালাম আর দেখলাম সূর্যের নিচে যেসব অত্যাচার হয় আমি নিপীড়িতদের চোখের জল দেখলাম— আর তাদের কোনো সান্ত্বনাকারী নেই; সমস্ত ক্ষমতা তাদের নিপীড়নকারীদের পক্ষে— আর তাদের কোনো সান্ত্বনাকারী নেই। 2 এবং আমি ঘোষণা করলাম যে মৃতেরা, যারা আগেই মারা গেছে, তারা জীবিতদের থেকে আনন্দে আছে, যারা এখনও জীবিত। 3 কিন্তু উভয়ের চেয়েও ভালো হল যার এখনও জন্ম হয়নি, যে কখনও মন্দ দেখেন যা কিছু সূর্যের নিচে করা হয়। 4 আর আমি দেখলাম একজনের প্রতি হিংসার দরঢ়নই মানুষ সব পরিশ্রম করে এবং সফলতা লাভ করে। এটাও অসার, কেবল বাতাসের পিছনে দৌড়ানো। 5 বোকারা হাত গুটিয়ে রাখে এবং নিজেদের ধ্বংস করে। 6 দুই মুঠো পরিশ্রম পাওয়া এবং কেবল বাতাসের পিছনে দৌড়ানোর চেয়ে এক হাত শান্তি পাওয়া ভালো। 7 আবার আমি সূর্যের নিচে অসারতা দেখতে পেলাম 8 কোনো একজন লোক একেবারে একা; তার ছেলেও নেই কিংবা ভাইও নেই, তার পরিশ্রমের শেষ নেই, তরুও তার ধনসম্পদে তার চোখ তৃপ্ত নয়। সে জিজ্ঞাসা করল, “আমি কার জন্য পরিশ্রম করছি, আর আমি কেন নিজেকে আনন্দ থেকে বাধ্যত করছি?” এটাও অসার— ভারী কষ্টজনক! 9 একজনের চেয়ে দুজন ভালো, কারণ তাদের কাজে অনেক ভালো ফল হয় 10 যদি একজন পড়ে যায়, তবে তার সঙ্গী তাকে উঠাতে পারে। কিন্তু হায়

সেই লোক যে পড়ে যায় আর কেউ তাকে উঠাবার জন্য নেই। 11  
আরও, যদি দুজন শুয়ে থাকে, তারা উষ্ণ থাকে। কিন্তু একজন কী  
করে নিজেকে এক উষ্ণ রাখতে পারবে? 12 যদিও একা ব্যক্তি হেরে  
যেতে পারে, দুজন নিজেদের প্রতিরোধ করতে পারে। তিনটে দড়ি  
একসঙ্গে পাকানো হলে তাড়াতাড়ি ছেঁড়ে না। 13 একজন বুড়ো বোকা  
রাজা, যিনি আর পরামর্শ গ্রহণ করতে চান না তাঁর চেয়ে গরিব অথচ  
বুদ্ধিমান যুবক ভালো। 14 সেই যুবক হয়তো কারাগার থেকে এসে  
রাজা হয়েছে, কিংবা সে হয়তো সেই রাজ্যে অভাবের মধ্যে জন্মেছে।  
15 আমি দেখলাম যারা সূর্যের নিচে বসবাস করত ও চলাফেরা করত  
তারা সেই যুবককে অনুসরণ করল, সেই রাজার উত্তরাধিকারী। 16  
সেই লোকদের কোনো সীমা ছিল না যারা তাদের আগে ছিল। কিন্তু  
যারা পরে এসেছিল তারা সেই উত্তরাধিকারীর উপরে সন্তুষ্ট হল না।  
এটাও অসার, কেবল বাতাসের পিছনে দৌড়ানো।

**৫** ঈশ্বরের ঘরে যাবার সময় তোমার পা সাবধানে ফেলো। যারা  
নিজেদের অন্যায় বোঝে না সেই বোকা লোকদের মতো উৎসর্গের  
অনুষ্ঠান করবার চেয়ে বরং ঈশ্বরের বাধ্য হওয়া ভালো। 2 তোমার মুখ  
তাড়াতাড়ি করে কোনো কথা না বলুক, ঈশ্বরের কাছে তাড়াতাড়ি  
করে হৃদয় কোনো কথা উচ্চারণ না করুক। ঈশ্বর স্বর্গে আছেন আর  
তুমি পৃথিবীতে আছ অতএব তোমার কথা যেন অল্প হয়। 3 অনেক  
চিন্তাভাবনা থাকলে লোকে যেমন স্বপ্ন দেখে, তেমনি অনেক কথা  
বললে বোকামি বেরিয়ে আসে। 4 ঈশ্বরের কাছে কোনো মানত করলে  
তা পূর্ণ করতে দেরি কোরো না। বোকা লোকদের নিয়ে তিনি কোনো  
আনন্দ পান না; তোমাদের মানত পূর্ণ কোরো। 5 মানত করে তা  
পূরণ না করবার চেয়ে বরং মানত না করাই ভালো। 6 তোমার মুখকে  
তোমাকে পাপের পথে নিয়ে যেতে দিয়ো না। এবং মন্দিরের দূতের  
কাছে বোলো না, “আমি ভুল করে মানত করেছি।” তোমার কথার জন্য  
কেন ঈশ্বর অসন্তুষ্ট হয়ে তোমার হাতের কাজ নষ্ট করে ফেলবেন? 7  
অনেক স্বপ্ন দেখা এবং অনেক কথা বলা অসার। সেইজন্য ঈশ্বরকে  
ভয় করো। 8 তোমার এলাকায় যদি কোনো গরীবকে অত্যাচারিত

হতে দেখো কিংবা কাউকে ন্যায্যবিচার ও তার ন্যায্য অধিকার না  
পেতে দেখো তবে অবাক হোয়ো না; কারণ এক কর্মচারীর উপরে  
বড়ো আর এক কর্মচারী আছেন এবং তাদের দুজনের উপরে আরও  
বড়ো বড়ো কর্মকর্তা আছেন। ৭ দেশের ফল সকলের জন্য; ক্ষেত্রের  
লাভ রাজা নিজে পায়। ১০ যে লোক অর্থ ভালোবাসে সে কখনও তৃপ্ত  
হয় না; যে লোক ধনসম্পদ ভালোবাসে সে তার আয়ে কখনও সন্তুষ্ট  
হয় না। এটাও অসার। ১১ পণ্য যখন বাড়ে, তা ভোগ করবার লোকও  
বাড়ে। কেবল দেখবার সুখ ছাড়া সেই সম্পত্তিতে মালিকের কী লাভ?  
১২ একজন শ্রমিকের ঘূম মিষ্টি, তারা কম খাক কিংবা বেশি খাক, কিন্তু  
ধনবানের ক্ষেত্রে, তাদের প্রাচুর্য তাদের ঘুমাতে দেয় না। ১৩ সূর্যের  
নিচে আমি একটি ভীষণ মন্দতা দেখেছি ধর্মী অনেক ধনসম্পদ জমা  
করে কিন্তু শেষে তার ক্ষতি হয়, ১৪ কিংবা কোনো দুর্ঘটনায় পড়ে  
তা ধ্বংস হয়ে যায়, সেইজন্য তার যখন সন্তান হয় উন্নরাধিকারসূত্রে  
তার কিছু থাকে না। ১৫ সকলেই মায়ের গর্ভ থেকে উলঙ্গ হয়ে আসে,  
সে যেমন আসে তেমনই চলে যায়। তারা তাদের পরিশ্রমের কিছুই  
নেয় না যা তারা হাতে করে নিতে পারবে। ১৬ এটাও একটি ভীষণ  
মন্দতা সকলে যেমন আসে, তেমনি চলে যায়, কারণ তারা বাতাসের  
জন্য পরিশ্রম করে তাতে তাদের লাভ কী? ১৭ তারা সারা জীবন  
অন্ধকারে আহার করে, আর ভীষণ বিরক্তি, যন্ত্রণা ও রাগ উপস্থিত  
হয়। ১৮ ভালো হলে কী হয় তা আমি লক্ষ্য করলাম ঈশ্বর সূর্যের নিচে  
মানুষকে যে কয়টা দিন বাঁচতে দিয়েছেন তাতে খাওয়াওয়া করা  
এবং কঠিন পরিশ্রমের মধ্যে তৃপ্ত হওয়াই তার পক্ষে ভালো এবং  
উপযুক্ত কারণ ওটিই তার পাওনা। ১৯ এছাড়া, ঈশ্বর যখন কোনো  
মানুষকে ধন ও সম্পত্তি দেন তখন তাকে তা ভোগ করতে দেন, তার  
নিজের জন্য একটি অংশগ্রহণ করতে দেন ও নিজের কাজে আনন্দ  
করতে দেন—এটাই ঈশ্বরের দান। ২০ তারা কদাচি�ৎ তাদের জীবনের  
দিনগুলির দিকে ফিরে তাকায়, কারণ ঈশ্বর তার মনে আনন্দ দিয়ে  
তাকে ব্যস্ত রাখেন।

**6** সূর্যের নিচে আমি আরও একটি মন্দতা দেখলাম, আর তা মানুষের জন্য বড়ো কষ্টের ২ স্টেশ্বর কিছু মানুষকে এত ধন, সম্পত্তি ও সম্মান দান করেন যে, তাদের হনয়ে আর কোনো বাসনা থাকে না, কিন্তু স্টেশ্বর তাদের তা ভোগ করবার ক্ষমতা দেন না, অপরিচিতেরা তা ভোগ করে। এটি অসার, এক ভীমণ মন্দতা। ৩ কোনো লোকের একশো জন ছেলেমেয়ে থাকতে পারে; তবুও যতদিন সে বাঁচে, সে যদি তার সমৃদ্ধি উপভোগ করতে না পারে এবং উপযুক্তভাবে কবর না হয়, তবে আমি বলি তার চেয়ে মৃত সন্তানের জন্ম হওয়া অনেক ভালো। ৪ তার আসা অর্থহীন, সে অঙ্ককারে বিদায় নেয়, আর অঙ্ককারেই তার নাম ঢাকা পড়ে যায়। ৫ যদিও সে কখনও সূর্য দেখেনি কিংবা কিছু জানেনি, তবুও সেই লোকের চেয়ে সে অনেক বিশ্রাম পায়— ৬ সেই লোক যদিও বা দুই হাজার বছরের বেশি বাঁচে কিন্তু তার সমৃদ্ধি উপভোগ করতে পারে না। সবাই কি একই জায়গায় যায় না? ৭ প্রত্যেকের পরিশ্রম তার মুখের জন্য, তবুও তাদের আকাঙ্ক্ষা তৃপ্ত হয় না। ৮ বোকার চেয়ে জ্ঞানীর সুবিধা কী? অন্যদের সামনে কীভাবে চলতে হবে তা জানলে একজন গরিবের কী লাভ হয়? ৯ আরও পাবার ইচ্ছার চেয়ে বরং চোখ যা দেখতে পায় তাতে সন্তুষ্ট থাকা ভালো। এটা ও অসার, কেবল বাতাসের পিছনে দৌড়ানো। ১০ যা কিছু আছে তার নামকরণ আগেই হয়ে গেছে, আর মানুষ যে কী, তাও জানা গেছে; নিজের চেয়ে যে শক্তিশালী তাঁর সঙ্গে কেউ তর্কাতর্কি করতে পারে না। ১১ যত বেশি কথা বলা হয়, ততই অসারতা বাড়ে, আর তাতে মানুষের কী লাভ হয়? ১২ সেই অল্প ও অর্থহীন দিনগুলি ছায়ার মতো কাটাবার সময় মানুষের জীবনকালে তার জন্য কী ভালো তা কে জানে? সেগুলি চলে গেলে সূর্যের নিচে কী ঘটবে তা কে তাদের বলতে পারবে?

**7** ভালো সুগন্ধির চেয়ে সুনাম ভালো, জন্মের দিনের চেয়ে মৃত্যুর দিন ভালো। ২ ভোজের বাড়ি যাওয়ার চেয়ে শোকের বাড়ি যাওয়া ভালো, কারণ সকলেরই নিয়তি হল মৃত্যু; জীবিতদের এই কথা মনে রাখা উচিত। ৩ আনন্দ করার চেয়ে কষ্টভোগ করা ভালো, কারণ মুখের বিষণ্ণতা হনয়ের জন্য ভালো। ৪ জ্ঞানবানদের হনয় শোকের বাড়িতে

থাকে, কিন্তু বোকাদের হন্দয় আমোদের বাড়িতে থাকে। ৫ বোকাদের গান শোনার চেয়ে জ্ঞানী লোকের বকুনি শোনা ভালো। ৬ যেমন হাঁড়ির নিচে কাঁটার শব্দ, বোকাদের হাসিও ঠিক তেমনি। এটাও অসার। ৭ জ্ঞানী লোক যদি জুলুম করে সে বোকা হয়ে যায়, আর ঘুস হন্দয় নষ্ট করে। ৮ কোনো কাজের শুরুর চেয়ে শেষ ভালো, আর অহংকারের চেয়ে ধৈর্য ভালো। ৯ তোমার অন্তরকে তাড়াতাড়ি রেগে উঠতে দিয়ো না, কারণ ক্রেধ বোকাদেরই কোলে বাস করে। ১০ বোলো না যে, “এখনকার চেয়ে আগেকার কাল কেন ভালো ছিল?” কারণ এই প্রশ্ন করা বুদ্ধিমানের কাজ নয়। ১১ প্রজ্ঞা, উত্তরাধিকারের মতো, যা ভালো এবং যারা সূর্য দেখে তাদের উপকার করে। ১২ প্রজ্ঞা এক আশ্রয়স্থল যেমন অর্থও এক আশ্রয়স্থল, কিন্তু জ্ঞানের সুবিধা হল এই যে প্রজ্ঞা তার অধিকারীর জীবন রক্ষা করে। ১৩ ঈশ্বরের কাজ ভেবে দেখো তিনি যা বাঁকা করেছেন কে তা সোজা করতে পারে? ১৪ যখন সুখের সময়, তখন সুখী হও; কিন্তু যখন দুঃখের সময়, এই কথা ভেবে দেখো ঈশ্বর একটি সৃষ্টি করেছেন পাশাপাশি আরেকটিও করেছেন। কিন্তু, কেউ আবিষ্কার করতে পারবে না তাদের ভবিষ্যতের কিছুই। ১৫ আমার এই অসার জীবনকালে আমি এই দুটোই দেখেছি কোনো ধার্মিক লোক নিজের ধার্মিকতায় ধ্বংস হয়, এবং কোনো দুষ্টলোক নিজের দুষ্টতায় অনেক দিন পর্যন্ত বেঁচে থাকে। ১৬ অতি ধার্মিক হোয়ো না, কিংবা অতি জ্ঞানবান হোয়ো না— কেন নিজেকে ধ্বংস করবে? ১৭ অতি দুষ্ট হোয়ো না, আর বোকামিও কোরো না— কেন তুমি অসময়ে মারা যাবে? ১৮ একটি ধরে রাখা আর অন্যটা না ছাড়া ভালো। যে ঈশ্বরকে ভয় করে সে কোনো কিছুই অতিরিক্ত করে না। ১৯ প্রজ্ঞা একজন জ্ঞানবান লোককে নগরের দশজন শাসকের থেকে বেশি শক্তিশালী করে। ২০ বাস্তবিক, পৃথিবীতে একজনও ধার্মিক নেই, কেউ নেই যে সঠিক কাজ করে এবং কখনও পাপ করে না। ২১ লোকে যা বলে তার সব কথায় কান দিয়ো না, হয়তো শুনবে যে, তোমার চাকর তোমাকে অভিশাপ দিচ্ছে— ২২ কারণ তুমি তোমার নিজের হন্দয় জানো অনেকবার তুমি নিজেই অন্যকে অভিশাপ দিয়েছ। ২৩

এসব আমি প্রজ্ঞা দিয়ে পরীক্ষা করে দেখে বললাম, “আমি জ্ঞানী  
হবই হব”— কিন্তু তা আমার নাগালের বাইরে। 24 যা কিন্তু আছে  
তা দূরে আছে এবং খুবই গভীরে— কে তা খুঁজে পেতে পারে? 25  
সেইজন্য বুঝবার জন্য আমি আমার মনস্থির করলাম, যাতে প্রজ্ঞা ও  
সবকিছুর পিছনে যে পরিকল্পনা আছে তা জানতে পারি আর বুঝতে  
পারি দুষ্টার বোকামি আর মূর্খতার উন্মত্তা। 26 আমি দেখলাম  
মৃত্যুর চেয়েও তেতো হল সেই স্ত্রীলোক যে একটি ফাঁদ, তার হৃদয়  
একটি জাল এবং তার হাত হল শিকল। যে লোক ঈশ্বরকে সন্তুষ্ট  
করে সে তা থেকে রক্ষা পাবে, কিন্তু পাপীকে সে ফাঁদে ফেলবে।  
27 উপদেশক বলছেন, “দেখো, আমি এটি আবিষ্কার করেছি “সব  
জিনিসের পরিকল্পনা আবিষ্কার করার জন্য একটির সঙ্গে একটি যোগ  
করে— 28 যখন আমি তখনও খুঁজছিলাম কিন্তু পাচ্ছিলাম না— আমি  
হাজার জনের মধ্যে একজন খাঁটি পুরুষকে পেলাম, কিন্তু তাদের মধ্যে  
একজন স্ত্রীলোককেও খাঁটি দেখতে পাইনি। 29 আমি কেবল এই  
জানতে পারলাম যে ঈশ্বর মানুষকে খাঁটিই তৈরি করেছিলেন, কিন্তু  
তারা অনেক কল্পনার অন্ধেষণ করেছে।”

**8** কে জ্ঞানী লোকের মতো? যা ঘটে কে তার অর্থ বুঝতে পারে? জ্ঞান  
মানুষের মুখ উজ্জ্বল করে এবং তার মুখের কঠিনতা পরিবর্তন করে। 2  
আমার উপদেশ এই যে, তুমি তোমার রাজার আদেশ পালন করো,  
কেননা ঈশ্বরের সামনে তুমি এই শপথ করেছ। 3 তাড়াতাড়ি রাজার  
উপস্থিতি থেকে চলে যেয়ো না। মন্দ কিছুর সঙ্গে যুক্ত হোয়ো না, কারণ  
তিনি তাঁর ইচ্ছামতো কাজ করেন। 4 রাজার কথাই যখন সবচেয়ে  
বড়ো তখন কে তাঁকে বলবে, “আপনি কী করছেন?” 5 যে তাঁর আদেশ  
পালন করে তার কোনো ক্ষতি হবে না, আর জ্ঞানবানের হৃদয় উপযুক্ত  
সময় ও কাজের নিয়ম জানে। 6 কারণ প্রত্যেক ব্যাপারের জন্য  
উপযুক্ত সময় ও কাজের নিয়ম আছে, যদিও মানুষের দৈন্য তার জন্য  
অতিমাত্র। 7 যেহেতু কেউ ভবিষ্যৎ জানে না, তাকে কে বলতে পারবে  
যে কী ঘটবে? 8 বাতাসকে যেমন ধরে রাখবার ক্ষমতা কারও নেই,  
তেমনি মৃত্যুর সময়ের উপরে কারও হাত নেই। যুদ্ধের সময় যেমন

কেউ ছুটি পায় না, তেমনি দুষ্টতা কাউকে ছাড়ে না যে তা অভ্যাস করে। 9 সূর্যের নিচে যা কিছু করা হয় তার দিকে মনোযোগ দিয়ে আমি এসবই দেখেছি। কোনো কোনো সময়ে একজন অন্যের উপরে তার অঙ্গলের জন্য কর্তৃত করে। 10 তারপর, আমি এও দেখলাম দুষ্টদের কবর দেওয়া হল—যারা পবিত্রস্থানে যাতায়াত করত এবং যে নগরে তারা তা করত সেখানে তারা প্রশংসা পেত। এটাও অসার। 11 অন্যায় কাজের শাস্তি যদি তাড়াতাড়ি দেওয়া না হয় তাহলে লোকদের হৃদয় অন্যায় করবার জন্য সম্পূর্ণভাবে প্রস্তুত হয়। 12 যদিও দুষ্টলোক একশোটি দুর্বর্ষ করে অনেক দিন বেঁচে থাকে তবুও আমি জানি ঈশ্বরকে যারা ভয় করে তাদের মঙ্গল হবে। 13 কিন্তু দুষ্টরা ঈশ্বরকে ভয় করে না বলে তাদের মঙ্গল হবে না এবং তাদের আয়ু ছায়ার মতো হবে। 14 পৃথিবীতে আরও একটি অসার বিষয় ঘটে দুষ্টের যা পাওনা তা ধার্মিক লোক পায় এবং ধার্মিক লোকের যা পাওনা তা দুষ্টলোক পায়। এটাও আমি বলি অসার। 15 সেইজন্য আমি জীবনে আমোদের প্রশংসা করছি, কারণ সূর্যের নিচে খাওয়াদাওয়া ও আমোদ করা ছাড়া মানুষের জন্য ভালো আর কিছুই নেই। তাহলে সূর্যের নিচে ঈশ্বরের দেওয়া মানুষের জীবনের সমস্ত দিনগুলিতে তার কাজে আনন্দই হবে তার সঙ্গী। 16 প্রজ্ঞা পাবার জন্য এবং পৃথিবীতে যা হয় তা বুঝবার জন্য যখন আমি মনোযোগ দিলাম—দিনে কিংবা রাতে মানুষের ঘুম হয় না— 17 তখন আমি ঈশ্বরের সমস্ত কাজ দেখলাম। সূর্যের নিচে যে কাজ হয় তা কেউ বুঝতে পারে না। যদিও তা খুঁজে পাবার জন্য তাদের প্রচেষ্টা থাকে তবুও কেউ তার অর্থ খুঁজে পায় না। এমনকি জ্ঞানবানেরা দাবি করে যে তারা জানে, কিন্তু তারা সত্যিই সম্পূর্ণ বুঝতে পারে না।

**9** সেইজন্য আমি এসব বিষয় নিয়ে চিন্তা করলাম এবং দেখলাম যে, ধার্মিক ও জ্ঞানবান লোকেরা এবং তাদের কাজ সবই ঈশ্বরের হাতে, কিন্তু কেউ জানে না তাদের জন্য প্রেম না ঘৃণা অপেক্ষা করছে। 2 সকলের শেষ অবস্থা একই—ধার্মিক ও দুষ্ট, ভালো ও মন্দ, শুচি ও অশুচি, যারা উৎসর্গ অনুষ্ঠান করে ও যারা তা করে না। ভালো লোকের জন্যও যা, পাপীর জন্যও তা; যারা শপথ করে তাদের জন্যও যা,

যারা তা করতে তয় পায় তাদের জন্যও তা। ৩ সূর্যের নিচে যা কিছু  
ঘটে তার মধ্যে দুঃখের বিষয় হল: সকলের একই দশা ঘটে। এছাড়া  
মানুষের হৃদয় মন্দে পরিপূর্ণ এবং যতদিন তারা বেঁচে থাকে ততদিন  
তাদের হৃদয়ে বিচারবুদ্ধিহীনতা থাকে, আর তারপরে সে মারা যায়। ৪  
জীবিত লোকদের আশা আছে—এমনকি, মরা সিংহের চেয়ে জীবিত  
কুকুরও ভালো! ৫ কারণ জীবিত লোকেরা জানে যে তাদের মরতে  
হবে, কিন্তু মৃতেরা কিছুই জানে না; তাদের আর কোনো পুরস্কার নেই,  
আর তাদের কথাও লোকে ভুলে গেছে। ৬ তাদের ভালোবাসা, তাদের  
যৃগ্না এবং তাদের হিংসা অনেক আগেই অদ্য হয়ে গেছে; সূর্যের নিচে  
যা কিছু ঘটবে তাতে তাদের আর কখনও কোনো অংশ থাকবে না।  
৭ তুমি যাও, আনন্দের সঙ্গে তোমার খাবার খাও, আনন্দিত হৃদয়ে  
দ্রাক্ষারস পান করো, কারণ তোমার এসব কাজ ঈশ্বর আগেই গ্রাহ্য  
করেছেন। ৮ সবসময় সাদা কাপড় পরবে আর মাথায় তেল দেবে।  
৯ সূর্যের নিচে ঈশ্বর তোমাকে যে অসার জীবন দিয়েছেন, তোমার  
জীবনের সেইসব দিনগুলি তোমার স্ত্রী, যাকে তুমি ভালোবাসো, তার  
সঙ্গে আনন্দে তোমার সকল অসার দিনগুলি কাটাও। কারণ সূর্যের  
নিচে যে পরিশ্রমে পরিশ্রান্ত হচ্ছে তা তোমার জীবনের পাওনা। ১০  
তোমার হাতে যে কোনো কাজ আসুক না কেন তা তোমার সমস্ত  
শক্তি দিয়েই কোরো, কারণ তুমি যে জায়গায় যাচ্ছ, সেই মৃতস্থানে,  
সেখানে কোনো কাজ বা পরিকল্পনা বা বৃদ্ধি কিংবা বিদ্যা বা প্রজ্ঞা  
বলে কিছুই নেই। (Sheol h7585) ১১ আমি সূর্যের নিচে আরও একটি  
ব্যাপার দেখলাম দ্রুতগামীদের জন্য দৌড় নয় বা শক্তিশালীদের  
জন্য যুদ্ধ নয় কিংবা জ্ঞানবানদের জন্য খাবার কিংবা বুদ্ধিমুক্তদের  
জন্য ধনসম্পদ বা বিজ্ঞদের জন্য অনুগ্রহ আসে না; কিন্তু সকলের  
জন্য সময় ও সুযোগ আসে। ১২ আবার, কেউ জানে না তাদের সময়  
কখন উপস্থিত হবে মাছ যেমন নিষ্ঠুর জালে ধরা পড়ে, কিংবা পাখিরা  
ফাঁদে পড়ে, তেমনি মানুষ অশুভকালে ধরা পড়ে যা তাদের উপরে  
হঠাতে এসে পড়ে। ১৩ আমি সূর্যের নিচে প্রজ্ঞা সম্বন্ধে আর একটি  
ব্যাপার দেখলাম যা আমার মনে গভীরভাবে দাগ কাটল। ১৪ একবার

একটি ছোটো নগর ছিল যেখানে অল্প লোক বাস করত। আর একজন শক্তিশালী রাজা তার বিরুদ্ধে এসে, তার চারিদিকে বিরাট অবরোধ নির্মাণ করল। 15 সেই নগরে একজন জ্ঞানবান গরিব লোক বাস করত, এবং সে তার প্রজ্ঞা দিয়ে নগরটি রক্ষা করল। কিন্তু কেউ সেই গরিব লোকটাকে মনে রাখল না। 16 তাই আমি বললাম, “শক্তির চেয়ে প্রজ্ঞা ভালো।” কিন্তু সেই গরিব লোকের প্রজ্ঞাকে তুচ্ছ করা হয় এবং তার কথা কেউ শোনে না। 17 বোকাদের শাসনকর্তার চিত্কারের চেয়ে বরং জ্ঞানবানের শান্তিপূর্ণ কথা শোনা ভালো। 18 যুদ্ধের অন্তর্শস্ত্রের চেয়ে প্রজ্ঞা ভালো, কিন্তু একজন পাপী অনেক ভালো কাজ নষ্ট করে।

**10** মরা মাছি যেমন সুগান্ধি তেল দুর্গন্ধি করে তোলে, তেমনি একটু নির্বান্ধিতা প্রজ্ঞা ও সম্মানকে মুছে ফেলে। 2 জ্ঞানবানের হৃদয় তার ডানদিকে ফেরে, কিন্তু বোকাদের হৃদয় তার বাঁদিকে ফেরে, 3 এমনকি, বোকারা যখন পথ চলে, তাদের বুদ্ধির অভাব হয় এবং প্রকাশ করে যে সে কত বোকা। 4 শাসনকর্তা যদি তোমার উপর রেংগে যান, তুমি তোমার পদ ত্যাগ কোরো না; শান্তভাব থাকলে বড়ো বড়ো অন্যায় অতিক্রম করা যায়। 5 আমি সুর্যের নিচে এক মন্দ বিষয় দেখেছি, শাসনকর্তারা এইরকম ভুল করে থাকে 6 বড়ো বড়ো পদে বুদ্ধিহীনেরা নিযুক্ত হয়, যেখানে ধনীরা নিচু পদে নিযুক্ত হয়। 7 আমি দাসেদের ঘোড়ার পিঠে দেখেছি, যেখানে উঁচু পদের কর্মচারীরা দাসের মতো পায়ে হেঁটে চলে। 8 যে গর্ত খোঁড়ে সে তার মধ্যে পড়তে পারে; যে দেয়াল ভাঙ্গে তাকে সাপে কামড়াতে পারে। 9 যে পাথর কাটে সে তার দ্বারাই আঘাত পেতে পারে; যে কাঠ কাটে সে তার দ্বারাই বিপদে পড়তে পারে। 10 কুড়ুল যদি ভোঁতা হয় আর তাতে ধার দেওয়া না হয়, তা ব্যবহার করতে বেশি শক্তি লাগে, কিন্তু দক্ষতা সাফল্য আনে। 11 সাপকে মুঢ় করার আগেই যদি সে কামড় দেয়, সাপুড়ে কোনো পারিশ্রমিক পায় না। 12 জ্ঞানবানের মুখের কথা অনুগ্রহজনক, কিন্তু বোকারা তাদের মুখের কথা দিয়ে নিজেদের ধ্বংস করে। 13 মুখের কথার আরণ্ডই মূর্খতা; শেষে তা হল দুষ্টদায়ক প্রলাপ— 14 এবং বুদ্ধিহীনেরা অনেক কথা বলে। ভবিষ্যতে কী হবে

কেউ জানে না— তারপর কী হবে তা তাদের কে জানাতে পারে?

15 বোকাদের পরিশ্রম তাদের ক্লান্ত করে; তারা নগরে যাবার রাস্তা  
জানে না। 16 ধিক্ষ সেই দেশ যার রাজা আগে দাস ছিলেন এবং  
সেখানকার রাজপুরুষেরা সকাল বেলাতেই ভোজ খায়। 17 ধন্য সেই  
দেশ যার রাজা সন্ত্রান্তবংশীয় এবং সেখানকার রাজপুরুষেরা সঠিক  
সময়ে খাওয়াদাওয়া করে—শক্তির জন্য, মাতলামির জন্য নয়। 18  
আলসে ঘরের ছাদ ধসে যায়; অলসতার জন্য ঘরে জল পড়ে। 19  
হাসিখুশির জন্য ভোজের ব্যবস্থা করা হয়, দ্রাক্ষারস জীবনে আনন্দ  
আনে, এবং অর্থ সবকিছু যোগায়। 20 মনে মনেও রাজাকে অভিশাপ  
দিয়ো না, কিংবা নিজের শোবার ঘরে ধনীকে অভিশাপ দিয়ো না,  
কারণ আকাশের পাখিও তোমার কথা বয়ে নিয়ে যেতে পারে, এবং  
পাখি উড়ে গিয়ে তোমার কথা বলে দিতে পারে।

**11** তুমি জলের উপরে তোমার শস্য ছড়িয়ে দাও; অনেক দিন পরে  
তুমি হয়তো তার ফল পাবে। 2 সাতটি উদ্যোগে বিনিয়োগ করো, হ্যাঁ  
আটটিতে; কারণ তুমি জানো না পৃথিবীতে কী বিপদ আসবে। 3 মেঘ  
যদি জলে পূর্ণ থাকে, তারা পৃথিবীতে বৃষ্টি ঢালে। গাছ দক্ষিণে কী  
উত্তরে পড়ুক, যেখানে পড়বে, সেখানেই পড়ে থাকবে। 4 যে বাতাসের  
দিকে তাকায় তার বীজ বোনা হয় না; যে মেঘ দেখে তার শস্য কাটা  
হয় না। 5 তুমি যেমন বাতাসের পথ জানো না, কিংবা মায়ের গর্ভে  
কেমন করে শরীর গঠন হয়, তেমনি তুমি ঈশ্বরের কাজও বুঝতে  
পারবে না, যিনি সবকিছুর সৃষ্টিকর্তা। 6 তোমার বীজ সকালে বোনো,  
আর বিকালে তোমার হাতকে অলস হতে দিয়ো না, কারণ তুমি জানো  
না কোনটি কৃতকার্য হবে, এটি না ওটি, কিংবা দুটোই সমানভাবে  
ভালো হবে। 7 আলো মিষ্ট, আর সূর্য দেখলে চোখ সন্তুষ্ট হয়। 8  
কোনো একজন অনেক দিন বাঁচতে পারে, সে যেন সেই দিনগুলিতে  
আনন্দ ভোগ করে। কিন্তু অন্ধকারের দিনগুলির কথা যেন সে মনে  
রাখে, কারণ সেগুলি হবে অনেক। যা কিছু ঘটে তা সবই অসার। 9  
হে যুবক, তোমার যৌবনকালে তুমি সুখী হও, আর তোমার যৌবনে  
তোমার হন্দয় তোমাকে আনন্দ দিক। তোমার হন্দয়ের ইচ্ছামতো পথে

চলো এবং তোমার চোখ যা কিছু দেখে, তুমি কিন্তু জেনে রাখো এসব  
বিষয়ের জন্য ঈশ্বর তোমার বিচার করবেন। 10 সেইজন্য, তোমার  
হৃদয় থেকে উদ্বেগ দূর করো আর তোমার শরীর থেকে দুঃখ সরিয়ে  
ফেলো, কারণ ঘোবন ও তেজ অসার।

**12** তোমার ঘোবনকালে তোমার সৃষ্টিকর্তাকে স্মরণ করো, দৃঢ়ের  
দিনগুলি আসার আগে আর সেই বছর সকল কাছে আসার সময়  
তুমি যখন বলবে, “এই সবে আমার কোনো আনন্দ নেই”— 2 তখন  
সূর্য ও আলো আর চাঁদ ও তারা যখন অন্ধকার হবে, আর বৃষ্টির  
পরে মেঘ ফিরে আসে; 3 সেদিনে বাড়ির রক্ষাকারীরা কাঁপবে, আর  
শক্তিশালী লোকেরা নত হবে, যারা পেষণ করে তারা অল্প সংখ্যক  
বলে কাজ ছেড়ে দেবে। আর যারা জানালার ভিতর থেকে দেখে  
তাদের দৃষ্টি অস্পষ্ট হবে; 4 যখন রাস্তার দিকের দরজা বন্ধ হয়ে যাবে  
আর জাঁতার আওয়াজ কমে যাবে; যখন পাখির আওয়াজে লোকে  
উঠবে, কিন্তু তাদের সব গান ক্ষীণ হয়ে যাবে; 5 যখন লোকেরা উঁচু  
জায়গাকে আর রাস্তার বিপদকে ভয় পাবে; যখন কাঠবাদাম গাছে  
ফুল ফুটবে আর ফড়িং টেনে টেনে হাঁটবে এবং বাসনা আর উন্নেজিত  
হবে না। তখন লোকে তাদের অনন্তকালের বাড়িতে চলে যাবে আর  
বিলাপকারীরা পথে পথে ঘুরবে। 6 রূপোর তার ছিঁড়ে যাওয়ার আগে,  
কিংবা সোনার পাত্র ভেঙে যাওয়ার আগে; ফোয়ারার কাছে কলশি  
চুরমার করার আগে, কিংবা কুয়োর জল তোলার চাকা ভেঙে যাওয়ার  
আগে—তাকে স্মরণ করো। 7 আর ধুলো মাটিতেই ফিরে যাবে যেখান  
থেকে সে এসেছে, এবং আত্মা যাঁর দান, সেই ঈশ্বরের কাছেই ফিরে  
যাবে। 8 উপদেশক বললেন, “অসার! অসার! সবকিছুই অসার!” 9  
উপদেশক নিজেই কেবল জ্ঞানবান ছিলেন না, কিন্তু তিনি লোকদের  
জ্ঞান শিক্ষা দিয়েছেন। তিনি চিন্তা করে ও পরীক্ষা করে অনেক প্রবাদ  
সাজিয়েছেন। 10 উপদেশক উপযুক্ত শব্দের খোঁজ করেছেন, আর  
তিনি যা লিখেছেন তা খাঁটি ও সত্যিকথা। 11 জ্ঞানবান লোকদের কথা  
রাখালের অঙ্কুশের মতো, তাদের কথাগুলি একত্র করলে মনে হয় যেন  
সেগুলি সব শক্ত করে গাঁথা পেরেক—যা একজন রাখাল বলেছেন।

12 হে আমার সন্তান, এর সঙ্গে কিছু যোগ করা হচ্ছে কি না সেই বিষয়  
সতর্ক থেকো। বই লেখার শেষ নেই আর অনেক পড়াশোনায় শরীর  
ক্লান্ত হয়। 13 এখন সবকিছু তো শোনা হল; তবে শেষ কথা এই যে  
ঈশ্বরকে ভয় করো এবং তাঁর আজ্ঞাসকল পালন করো, কেননা এটাই  
সমস্ত মানুষের কর্তব্য। 14 কারণ ঈশ্বর প্রত্যেকটি কাজের বিচার  
করবেন, এমনকি সমস্ত গুপ্ত বিষয়, তা ভালো হোক বা মন্দ হোক।

## শলোমনের পরমগীত

১ শলোমনের পরমগীত। ২ তাঁর মুখের চুম্বনে তিনি আমাকে চুম্বন করঞ্চ, কেননা তোমার প্রেম দ্রাক্ষারসের চেয়েও বেশি চিন্তাকর্ষক ও মধুর। ৩ তোমার সুগন্ধির ছড়ানো সুবাস প্রফুল্লদায়ক; তোমার নামটিও যেন চেলে দেওয়া আতর। ফলে কুমারী মেয়েরা যে তোমাকে প্রেম করবে, এতে বিস্মায়ের কিছু নেই! ৪ আমাকে নিয়ে চলো তোমার সঙ্গে দূরে—চলো, আমরা শীত্র যাই! আমার রাজা আমাকে নিয়ে যাবেন তাঁর অন্তঃপুরে। বান্ধবীদের দল আমরা তোমাতে আনন্দিত ও উল্লসিত হব; দ্রাক্ষারসের চেয়েও আমরা তোমার প্রেমের বেশি বন্দনা করব। প্রেমিকা তোমার প্রতি লোকদের ভক্তি ভালোবাসা একেবারে ন্যায়! ৫ হে জেরশালেমের কন্যারা, আমি ঘন কালো হলেও সুন্দরী, ঠিক যেন কেদরের তাঁবু আমি, যেন শলোমনের তাঁবুর যবনিকা। ৬ আমি ঘন কালো বলে ওভাবে তাকিও না আমার দিকে, কেননা রোদে পুড়েই আজ আমি ঘন কালো। আমার মাতৃপুত্রগণ আমার প্রতি ক্রুদ্ধ ছিল এবং তারা আমাকে দ্রাক্ষাক্ষেত্র দেখতাল করতে পাঠাত; ফলে আমার নিজের দ্রাক্ষাক্ষেত্রকে আমায় উপেক্ষা করতে হয়েছে। ৭ ওগো প্রেমিক আমার, এবার বলত, তোমার মেষপালকে তুমি কোথায় চরাও এবং দ্বিপ্রহরকালে তোমার মেষদের কোথায় বিশ্রাম করাও। তোমার বন্ধুদের পালের পাশে আমাকে কেন ঘোমটা দেওয়া মহিলার মতো হতে হবে? ৮ হে, নারীদের মধ্যে সেরা সুন্দরী, তা যদি তুমি না-জানো, তবে মেষদের পদচিহ্ন ধরে যাও, এবং পালকদের তাঁবুগুলির কাছে তোমার ছাগবৎসদের চরাও। ৯ প্রিয়তমা আমার, আমি তোমাকে তুলনা করেছি ফরৌণের অন্যতম এক রথের সঙ্গে যুক্ত এক অশ্বিনীর সঙ্গে। ১০ কানের দুলগুলি তোমার দুই গালকে আর রত্নখচিত মালা তোমার গলাকে করে তুলেছে অপূর্ব। ১১ আমরা তোমাকে করে তুলব যেন সোনার তৈরি কানের দুল, যা হবে রৌপ্যখচিত। ১২ রাজা যখন তাঁর মেজের নিকটে উপস্থিত, তখন আমার সুগন্ধি তার সৌরভ ছড়াল। ১৩ আমার প্রেমিক আমার কাছে এক থলি গন্ধরসের মতো যা আমার স্তনযুগলের উপত্যকায় মিশে থাকে। ১৪ আমার প্রেমিক আমার

কাছে মেহেদি গুল্মের একগুচ্ছ কুঁড়ির মতো, যা জন্মায় ঐন-গদীর দ্রাক্ষাক্ষেত্রে। 15 প্রিয়তমা আমার, অনিন্দ্যসুন্দরী তুমি! আহা, কি অপরূপ তুমি! তোমার দু-নয়ন কপোতের মতো। 16 ওগো আমার প্রিয়তম, সুদর্শন তুমি! আহা, কী মনোহর তুমি! আমাদের শয্যাও কেমন শ্যামল। 17 আমাদের ঘরের কড়িকাঠ তৈরি সিডার গাছের কাঠ দিয়ে, আর বরগা দেবদারু দিয়ে।

2 আমি শারোণের গোলাপ, উপত্যকায় ফুটে থাকা লিলি। 2 তরঁগীদের মধ্যে আমার প্রেমিকা ঠিক যেন কাঁটাগাছের মধ্যে ফুটে থাকা লিলি ফুল। 3 তরঁণদের মধ্যে আমার প্রেমিক ঠিক যেন অরণ্যের বৃক্ষরাজির মধ্যে একটি আপেল গাছ। তাঁর ছায়ায় বসলে আমার আনন্দ হয়, তাঁর ফলের স্বাদ আমার মুখে মিষ্টি লাগে। 4 তিনি আমাকে ভোজসভায় নিয়ে গেলেন, তখন যেন তাঁর পতাকাই হয়ে উঠল প্রেম। 5 তোমরা আমাকে কিশমিশ দিয়ে সবল করো, আপেল দিয়ে চনমনে করে তোল, কেননা প্রেম আমাকে মূর্চ্ছিত করেছে। 6 তাঁর বাম বাহু আমার মন্তকের নিচে, আর তাঁর ডান বাহু আমাকে আলিঙ্গন করে। 7 জেরঁশালেমের কন্যারা, মাঠের গজলা হরিণীদের এবং হরিণশাবকদের দিবিয় দিয়ে আমি তোমাদের বলছি, যতক্ষণ না বাসনা জেগে উঠছে, ততক্ষণ প্রেমকে জাগিও না বা তাকে উত্তেজিত কোরো না। 8 ওই শোনো! এ যে আমার প্রেমিক! ওই দেখো, পর্বতমালা পেরিয়ে, লক্ষ্মীবাস্প সহকারে পাহাড় টপকে তিনি আসছেন। 9 আমার প্রেমিক গজলা হরিণের বা হরিণশাবকের মতো। ওই দেখো! উনি দাঁড়িয়ে আছেন আমাদের প্রাচীরের পশ্চাতে, গবাক্ষ দিয়ে অপলকে দেখছেন, জাফরির মধ্যে দিয়ে একদৃষ্টিতে তাকিয়ে আছেন। 10 আমার প্রেমিক মুখ খুললেন এবং আমাকে বললেন, “প্রিয়তমা আমার, ওগো আমার সুন্দরীশ্রেষ্ঠা, উঠে পড়ো এবং আমার সঙ্গে চলো। 11 চেয়ে দেখো! শীতকাল চলে গেছে; বারিধারাও সমাপ্ত হয়েছে এবং বিদায় নিয়েছে। 12 মাঠে মাঠে ফুল ফুটেছে; গান গাওয়ার খতু এসেছে, আমাদের দেশে এখন ঘূঘূর ডাক শোনা যাচ্ছে। 13 ডুমুর গাছের ফল পুষ্ট হয়েছে; মুকুলিত দ্রাক্ষালতা বাতাসে তার সৌরভ ছড়াচ্ছে। উঠে এসো, চলো,

প্রিয়া আমার। আমার সুন্দরীশ্রেষ্ঠা, চলে এসো আমার সঙ্গে।” 14

আমার কপোতের অবস্থান যেন শৈলের ফাটলে, যেন পাহাড়ি এলাকার  
গুপ্ত স্থানে, আমাকে দেখতে দাও তোমার মুখশ্রী, আমাকে শুনতে দাও  
তোমার কঠস্বর; কেননা তোমার মুখশ্রী লাবণ্যময়, তোমার কঠস্বর  
মধুর। 15 তোমরা আমাদের জন্য সেইসব শিয়ালদের ধরো, সেইসব  
ক্ষুদ্র শিয়ালদের, যারা দ্রাক্ষাক্ষেত্রকে, আমাদের মুরুলিত দ্রাক্ষাক্ষেত্রকে  
তচ্ছন্দ করে দেয়। 16 আমার প্রেমিক শুধু আমার এবং আমি শুধু  
তাঁর; লিলিফুলের মাঝে তাঁর পদচারণ। 17 দিন শেষ হওয়ার আগে  
এবং ছায়া মুছে যাওয়ার আগে, ওগো আমার প্রিয়তম, ফিরে এসো  
এবং রক্ষ পর্বতের গজলা হরিণ বা হরিণশাবকের মতো হয়ে ওঠো।

**৩** সারারাত আমার শয্যায় আমি একজনের প্রতীক্ষায় পথ চেয়ে  
বসেছিলাম, যাঁকে আমার হৃদয় ভালোবাসে; তাঁর জন্য পথ চেয়ে  
বসে থাকলাম কিন্তু তাঁর দেখা পেলাম না। 2 আমি এখন উঠব এবং  
নগরে যাব, সেখানকার পথে-ঘাটে ও উন্মুক্ত চতুরে তাঁকে অন্বেষণ  
করব, যাঁকে আমার হৃদয় ভালোবাসে। এইভাবে আমি তাঁকে অন্বেষণ  
করলাম কিন্তু তাঁর দেখা পেলাম না। 3 নগররক্ষীরা রাতপাহারা দেবার  
সময় আমাকে দেখতে পেল। “তোমরা কি তাঁকে দেখেছ, যাঁকে আমার  
হৃদয় ভালোবাসে?” 4 তাদের ছেড়ে আমি যখন এগিয়ে গেলাম  
ঠিক তখনই তাঁর দেখা পেলাম, যাঁকে আমার হৃদয় ভালোবাসে।  
আমি তাঁকে আঁকড়ে ধরলাম, তাঁকে কিছুতেই ছাড়লাম না, যতক্ষণ  
না তাঁকে আমার মায়ের বাড়িতে, আমার জন্মদাত্রীর বাড়িতে নিয়ে  
গেলাম। 5 জেরুশালেমের কন্যারা, মাঠের গজলা হরিণীদের এবং  
হরিণশাবকদের দিব্য দিয়ে আমি তোমাদের বলছি, যতক্ষণ না বাসনা  
জেগে উঠছে, ততক্ষণ প্রেমকে জাগিও না বা তাকে উত্তেজিত কোরো  
না। 6 বণিকদের বিভিন্ন মশলাপাতি সহযোগে তৈরি গন্ধরস ও  
কুন্দুরূপ সুবাস ছাড়িয়ে, মরহুমাত্র পেরিয়ে ধোঁয়ার স্তম্ভের মতো কে  
আসে ওই? 7 ও মা! দেখো, দেখো! এ যে শলোমনের ঘোড়ার গাড়ী,  
যাকে ঘাটজন যোদ্ধা পাহারা দিচ্ছে, যারা ইন্দ্রায়েলের সর্বোত্তম বীর, 8  
এরা প্রত্যেকেই সশস্ত্র, প্রত্যেকেই রণাঙ্গনের অভিজ্ঞতালক্ষ, এদের

প্রত্যেকের কটিদেশে নিজ নিজ তরবারি সংলগ্ন, রাত্রিকালীন সন্তাসের  
মোকাবিলায় সর্বদা প্রস্তুত। ৭ রাজা শলোমন তাঁর নিজের জন্য এই  
যোড়ার গাঢ়ীটি তৈরি করেছেন, লেবাননের কাঠ দিয়ে তিনি এটি  
নির্মাণ করেছেন। ১০ তিনি এর স্তম্ভগুলি ঝঃপো দিয়ে, আর তলার অংশ  
সোনা দিয়ে তৈরি করেছেন, এর বসার গদিটি বেগুনিয়া বস্ত্রে সুসজ্জিত,  
এর অন্দরসজ্জায় জেরশালেমের কন্যাদের প্রীতিপূর্ণ কারংকাজ। ১১  
ওগো সিয়োন-কন্যারা, তোমরা বাইরে বেরিয়ে এসো, দেখো, রাজা  
শলোমনকে, তিনি মাথায় মুকুট পরছেন, সেই মুকুট যা তাঁর বিবাহের  
দিন তাঁর মা মাথায় পরিয়ে দিয়েছিলেন, যেদিন তাঁর হৃদয় আনন্দিত  
হয়ে উঠেছিল।

**৪** প্রিয়তমা আমার, অপূর্ব সুন্দরী তুমি! আহা, কী অপরূপ তুমি!  
তোমার ঘোমটার আড়ালে তোমার দুটি চোখ কপোতের মতো। তোমার  
কেশরাশি একপাল ছাগলের মতো, যারা গিলিয়দ পর্বতের ঢাল বেয়ে  
নেমে আসে। ২ তোমার দন্তপঙ্ক্তি যেন সদ্য পশম ছাঁটা মেষপালের  
মতো, যাদের সদ্য ধৌত করা হয়েছে, ওরা কেউ একা নয়, প্রত্যেকের  
সঙ্গে তার যমজ শাবক রয়েছে। ৩ তোমার ওষ্ঠাধর রাঙ্কিম ফিতের  
মতো; তোমার মুখশ্রী চমৎকার। ঘোমটা আবৃত তোমার কপোল অর্ধ  
কর্তিত ডালিম ফলের মতো। ৪ তোমার গলা দাউদের দুর্গের মতো,  
অসামান্য সুষমামণ্ডিত যার পাথরের নির্মাণসৌকর্য, যার উপরে টাঙানো  
থাকে এক হাজার ঢাল, যেগুলির প্রত্যেকটি যোদ্ধাদের ঢাল। ৫ তোমার  
দুটি শন যেন দুটি হরিণশাবক, যেন গজলা হরিণীর যমজ শাবক,  
যারা লিলি ফুলে ভরা মাঠে নেচে বেড়ায়। ৬ বেলা শেষ হওয়ার আগে  
এবং ছায়া মুছে যাওয়ার আগে আমি গন্ধরসের পর্বতে এবং কুন্দুরূর  
পাহাড়ে যাব। ৭ আমার প্রিয়া, সর্বাঙ্গ সুন্দরী তুমি; তোমাতে কোনও  
খুঁত নেই। ৮ ও আমার বধু লেবানন ছেড়ে আমার সঙ্গে চলো, লেবানন  
ছেড়ে আমার সঙ্গে চলো। অমানার শৃঙ্খ থেকে, শনীর চূড়া থেকে,  
হর্মোনের শীর্ষদেশ থেকে, সিংহদের গুহা থেকে এবং পর্বতে বাসা বাঁধা  
চিতাবাঘদের আস্তানা থেকে অবতরণ করো। ৯ তুমি আমার হৃদয় হরণ  
করেছ, মম ভগিনী, মম বধু; তোমার এক মুহূর্তের চাহনি, তোমার

জড়োয়ার একটিমাত্র রত্ন আমার হস্য হরণ করেছে। 10 কী মধুর  
তোমার প্রেম, মম ভগিনী, মম বধূ! তোমার প্রেম সুরার চেয়েও এবং  
তোমার সুগন্ধির সৌরভ যে কোনও সুগন্ধি মশলার চেয়েও কত বেশি  
আনন্দদায়ক! 11 ওগো মোর বধূ, তোমার ওষ্ঠাধর থেকে ঘোচাকের  
মতো মধু ঝরে পড়ে, তোমার জিহ্বার নিচে দুধ ও মধু আছে। তোমার  
পোশাকের সুবাস লেবাননের মতো। 12 মম ভগিনী, মম বধূ, তুমি  
অর্গলবন্দ এক বাগিচা; এক মুদ্রাক্ষিত, অবরুদ্ধ বারনা। 13 তোমার  
চারাগাছগুলি ডালিমের উপবন, যেখানে আছে উৎকৃষ্ট ফল, আছে  
মেহেদি ও জটামাংসী 14 জটামাংসী আর জাফরান, বচ, দারফচিনি ও  
সর্বপ্রকার সুগন্ধি ধূনোর গাছ, আছে গন্ধরস, অগুরু ও উৎকৃষ্ট মশলার  
গাছ। 15 তুমি বাগিচায় ঘেরা এক বারনা, প্রবাহিত জলের এক উৎস,  
যার স্রোত সেই লেবানন থেকে বইছে। 16 জাগো, হে উত্তুরে বায়ু,  
এসো হে দখিনা বাতাস! বয়ে যাও আমার এই বাগিচায়, যাতে এর  
সৌরভ চারদিকে ছড়িয়ে যায়। আমার প্রেমিককে আসতে দাও তাঁর  
আপন বাগিচায় এবং তাঁর পছন্দসই ফলের স্বাদ গ্রহণ করতে দাও।

**5** মম ভগিনী, মম বধূ, আমি এসেছি আমার কাননে; আমার গন্ধরস  
ও আমার সুগন্ধি সঙ্গে এনেছি। আমি আমার মধু ও আমার মধুর চাক  
চুয়েছি, আমার দ্রাক্ষারস এবং আমার দুধ পান করেছি। বান্ধবীদের দল  
হে বন্ধুরা, আহার করো এবং পান করো; আকর্ষ তোমাদের প্রেমসুধা  
পান করো। 2 আমি ঘুমাচ্ছিলাম কিন্তু আমার হস্য জেগে ছিল। ওই  
শোনো! আমার প্রেমিক দরজায় করাঘাত করছেন: “দরজা খোলো,  
আমার ভগিনী, আমার প্রিয়া, আমার কপোত, আমার নিখুঁত সৌন্দর্য।  
আমার মস্তক শিশিরে ভিজে গেছে, রাতের আর্দ্রতায় সিঞ্চ হয়েছে  
আমার কেশরাশি।” 3 আমি তো আমার অঙ্গাবরণ খুলে ফেলেছি— তা  
কি আবার আমায় পরিধান করতে হবে? আমার দুই পা ধুয়েছি—  
তা কি আবার ধূলিমলিন করব? 4 আমার প্রেমিক দুয়ারের ছিদ্র  
দিয়ে অর্গল খোলার জন্য তাঁর হাত বাড়লেন; তাঁর জন্য আমার  
হৎস্পন্দনের গতি বাড়তে শুরু করল। 5 আমার প্রেমিকের জন্য দরজা  
খোলার জন্য আমি উঠলাম, আর দরজার অর্গলে লেগে থাকা গন্ধরসে

আমার দু-হাত ভিজে গেল, তরল গন্ধরসে আমার আঙুলগুলি সিন্ত  
হল। ৬ আমার প্রেমিকের জন্য আমি দরজা খুললাম, কিন্তু আমার  
প্রেমিক ফিরে গেছেন, চলে গেছেন তিনি। তাঁর প্রস্থানে আমার হৃদয়  
ম্রিয়মাণ হয়ে গেল। তাঁকে কত খুঁজলাম, কিন্তু কোথাও তাঁর দেখা  
পেলাম না, তাঁকে কত ডাকলাম, কিন্তু তিনি সাড়া দিলেন না। ৭  
নগররক্ষীরা পাহারা দেবার সময় দেখতে আমাকে পেল। ওরা আমাকে  
প্রহার করল, ক্ষতবিক্ষত করল; পাঁচলের ধারের ওই নগররক্ষীগুলি  
আমার কাপড়জামাও ছিনিয়ে নিল! ৮ হে জেরশালেমের কন্যারা,  
আমি তোমাদের দিব্যি দিয়ে বলছি, তোমরা যদি আমার প্রেমিকের  
দেখা পাও, তাহলে, কী বলবে তাঁকে? বলবে যে, তাঁর প্রেমে আমি  
অচেতন্যপ্রায়। ৯ হে পরমাসুন্দরী, অন্য প্রেমিকদের তুলনায় তোমার  
প্রেমিক কী কারণে অনন্য? আমাদের যে তুমি এত দিব্যি দিচ্ছ, অন্য  
প্রেমিকদের তুলনায় তোমার প্রেমিক কী কারণে অসাধারণ? ১০ আমার  
প্রেমিক দীপ্যমান ও রক্তিম, দশ হাজার জনের মধ্যেও সেরা। ১১  
তাঁর মস্তক খাঁটি সোনার মতো; তাঁর কেশ কেঁকড়ানো ও দাঁড়কাকের  
মতো কুচকুচে কালো। ১২ তাঁর নয়নযুগল যেন জলস্ত্রোতের তীরের  
কপোত, যারা দুঃখাত ও অলংকারখচিত মণির মতো। ১৩ তাঁর কপোল  
সুগন্ধি মশলার কেয়ারির মতো সুবাসিত। তাঁর ওষ্ঠাধর লিলিফুলের  
মতো, যা গন্ধরসের সৌরভ ছড়ায়। ১৪ তাঁর বাহ্যুগল বৈদূর্যমণিতে  
খচিত সোনার আংটির মতো; তাঁর দেহ নীলকান্তমণিতে খচিত মসৃণ  
গজদন্তের মতো। ১৫ তাঁর উরুদ্বয় খাঁটি সোনা দিয়ে তৈরি তলদেশের  
উপরে বসানো মার্বেল পাথরের স্তন্ত। তাঁর আকৃতি লেবাননের মতো,  
উৎকষ্ট সিডার গাছের মতো। ১৬ তাঁর মুখের নিজস্ব মাধুর্য আছে; সব  
মিলিয়ে তিনি ভারী সুন্দর। হে জেরশালেমের কন্যারা, ইনিই আমার  
প্রেমিক, ইনিই আমার বন্ধু।

**৬** হে পরমাসুন্দরী, তোমার প্রেমিক কোথায় চলে গেছেন? তোমার  
প্রেমিক কোনও দিকে গেছেন, তোমার সঙ্গে আমরাও তো তাঁকে  
সেখানে খুঁজতে যেতে পারি? ২ আমার প্রেমিক তাঁর বাগানে, সুগন্ধি  
মশলার কেয়ারিতে নেমে গেছেন, বাগানগুলিতে পদচারণা করতে আর

লিলি ফুল চয়ন করতে। ৩ আমি আমার প্রেমিকের এবং আমার প্রেমিক  
আমারই; তিনি লিলিফুলের বাগিচায় পদচারণা করেন। ৪ ওগো মোর  
প্রিয়া, তুমি তিস্রার মতো রূপসী, জেরশালেমের মতো লাবণ্যময়,  
পতাকাবাহী সেনাবাহিনীর মতো জমকালো। ৫ আমার দিক থেকে  
তোমার দুই নয়ন সরাও; ওরা আমাকে বিহুল করে দেয়; তোমার  
কেশরাশি এমন ছাগপালের মতো, যারা গিলিয়দের ঢাল বেয়ে নেমে  
আসে ৬ তোমার দন্তপঞ্চি যেন একপাল মেষ, যাদের সদ্য ধৌত  
করা হয়েছে, ওরা কেউ একা নয়, প্রত্যেকের সঙ্গে রয়েছে তার যমজ  
শাবক। ৭ ঘোমটায় আবৃত তোমার কপোল অর্ধ কর্তিত ডালিম ফলের  
মতো। ৮ রানি সন্তুষ্ট ঘাটজন, আর উপপত্নী আশি জন, আর কুমারীর  
সংখ্যা অগণ্য; ৯ কিন্তু আমার কবুতর, আমার নিখুঁত প্রিয়া অনন্যা, সে  
তাঁর মায়ের একমাত্র দুহিতা, তাঁর জন্মদাত্রীর প্রিয়পাত্রী। কুমারীরা  
তাঁকে দেখে ধন্যা বলে সম্মোধন করেছে; রানি ও উপপত্নীরা তাঁর  
প্রশংসা করেছে। ১০ উনি কে, যিনি ভোরের আলোর মতো আবির্ভূত  
হচ্ছেন, যিনি চন্দ্রের মতো শুভ, সূর্যের মতো উজ্জ্বল, নক্ষত্রদের  
শোভাযাত্রার মতো ঐশ্বর্যময়? ১১ আমি আখরোটের বাগিচায় নেমে  
গেছিলাম দেখতে যে, উপত্যকায় নবীন কোনও তরু অঙ্কুরিত হল  
কি না, দ্রাক্ষালতা কতটা কুঁড়ি হল কিংবা ডালিম গাছে ফুল এল কি  
না। ১২ বিষয়টি ভালো করে বোঝার আগেই আমার বাসনা আমাকে  
বসিয়ে দিল আমার জাতির রাজকীয় রথরাজির মধ্যে। ১৩ ফিরে এসো,  
ফিরে এসো, হে শূলমীয়ে; ফিরে এসো, ফিরে এসো, যাতে আমরা  
অপলকে তোমাকে দেখতে পাই। প্রেমিক মহনয়িমের নৃত্যের মতো  
করে তোমার কেন শূলমীয়েকে অপলকে দেখতে চাইছ?

**৭** হে রাজদুহিতা! পাদুকা পরিহিত তোমার দুটি চরণ কী মনোহর!  
তোমার রম্য উরুংদয় রত্ন সদৃশ, যেন এক দক্ষ কারিগরের উত্তম  
শিল্পসৌকর্য। ২ তোমার নাভিদেশ সুড়োল পানপাত্রের মতো, যার  
মিশ্রিত সুরা কখনও ফুরায় না। তোমার কঠিদেশ যেন লিলি ফুলে ঘেরা  
স্বর্ণ নির্মিত গমের স্তুপ। ৩ তোমার দুটি স্তন যেন দুটি হরিণশাবক, যেন  
গজলা হরিণীর যমজ শাবক। ৪ তোমার গলা হাতির দাঁতের নির্মিত

মিনার। তোমার দুই নয়ন বৎ-রক্ষীম দ্বারের পাশে অবস্থিত হিয়বোনের  
সরোবরগুলির মতো। তোমার নাক যেন দামাক্ষাসের দিকে চেয়ে  
থাকা লেবাননের মিনার। ৫ তোমার ঘন্টক যেন কর্মিল পাহাড়ের  
মুকুট। তোমার কেশরাশি যেন জমকালো নকশা খচিত রাজকীয় পর্দা,  
যে অসামান্য অলকগুচ্ছে রাজাও বন্দি হয়ে যান। ৬ হে মোর প্রেম,  
তুমি কত সুন্দর এবং তোমার মাধুর্যের কারণে কী মনোহর তোমার  
ব্যক্তিত্ব! ৭ তোমার দীর্ঘাঙ্গী চেহারা খেজুর গাছের মতো আর তোমার  
দুটি স্তন একগুচ্ছ ফলের মতো। ৮ আমি বললাম, “আমি এই খেজুর  
গাছে আরোহণ করব; এর ফল আমি শক্ত হাতে অধিকার করব।”  
তোমার স্তনবয় হয়ে উঠুক দ্রাক্ষাগুচ্ছস্বরূপ, তোমার নিঃশ্বাস ভরে  
উঠুক আপেলের গন্ধে, ৯ আর তোমার মুখ হয়ে উঠুক উৎকৃষ্ট সুরাসম।  
প্রেমিকা এই সুরা কেবলমাত্র আমার প্রেমিকের কাছে পৌঁছাক, যা তাঁর  
দন্তশ্রেণী ও ওষ্ঠাধর বেয়ে ধীরে প্রবাহিত হবে। ১০ আমি কেবলমাত্র  
আমার প্রেমিকের এবং আমার প্রতি তিনি আসন্ত। ১১ ওগো মোর  
প্রেমিক, এসো, আমরা পল্লীগ্রামের দিকে যাই, চলো আমরা গ্রামদেশে  
গিয়ে নিশিয়াপন করি। ১২ ভোরবেলা চলো আমরা দ্রাক্ষাক্ষেত্রে যাই,  
দেখি দ্রাক্ষালতায় কুঁড়ি এল কি না, তা মঞ্জরিত হল কি না, আর  
ডালিম গাছে ফুল ফুটল কি না—ওখানেই আমি তোমায় আমার প্রেম  
নিবেদন করব। ১৩ চারপাশে এখন দূরাফলের সৌরভ, আর আমাদের  
দোরগোড়াতেই আছে নতুন ও পুরোনো বিভিন্ন উপাদেয় খাদ্যদ্রব্য, হে  
প্রিয়, যেগুলি আমি তোমার জন্য সংরক্ষণ করেছি।

**৮** তুমি যদি আমার মায়ের স্তন্যপান করা হতে আমার সহোদর  
ভাইয়ের মতো! তাহলে তোমাকে ঘরের বাইরে দেখতে পেলে, আমি  
তোমাকে চুম্বন করতাম, তখন আর কেউ আমাকে তুচ্ছতাচ্ছিল্য করতে  
পারত না। ২ আমি তোমাকে পথ দেখাতাম আর নিয়ে যেতাম আমার  
মায়ের ঘরে— যে মা আমার শিক্ষাদাত্রী। আমি তোমাকে পান করার  
জন্য সুগন্ধি মশলা মিশ্রিত সুরা দিতাম, দিতাম আমার ডালিম ফলের  
নির্যাস। ৩ তাঁর বাম বাহু আমার মন্তকের নিচে, আর তাঁর ডান বাহু  
আমাকে আলিঙ্গন করে। ৪ জেরুশালেমের কন্যারা, আমি তোমাদের

দিব্য দিয়ে বলছি, যতক্ষণ না বাসনা জেগে উঠছে, ততক্ষণ প্রেমকে  
জাগিও না বা তাকে উত্তেজিত কোরো না। ৫ মরণপ্রান্তর পার হয়ে  
আপন প্রেমিকার কাঁধে মাথা রেখে ওই কে আসে? প্রেমিকা যেখানে  
তোমার মা তোমাকে প্রসব করেছিলেন সেই আপেল গাছের তলায়  
আমি তোমাকে জাগালাম; ওখানে তোমার মা তোমার জন্মকালীন  
প্রসববেদনা সয়েছিলেন। ৬ তোমার হৃদয়ে আমাকে অভিজ্ঞানস্বরূপ  
করে রাখো, তোমার বাহুর উপরে আমাকে অভিজ্ঞানস্বরূপ করে রাখো;  
কেননা প্রেম মৃত্যুর মতোই শক্তিশালী, এর অর্তজ্ঞানা কবরের মতো  
নিষ্ঠুর সত্য। এ যেন এক জ্বলন্ত আগুন, এক লেনিহান আগুনের শিখা।

(Sheol h7585) ৭ অজন্ত্র জলও প্রেমের তৃষ্ণা মিটাতে পারে না; নদীরাও  
তাকে মুছে দিতে পারে না। কেউ যদি প্রেমের বিনিময়ে তাঁর ঘরের  
যাবতীয় ধনসম্পদ দিয়ে দেয়, তবে তা ধিক্কারজনক হবে। ৮ আমাদের  
একটি অল্পবয়সি বোন আছে, তার বক্ষদেশ এখনও প্রস্ফুটিত হয়নি।  
আমাদের এই বোনটির জন্য আমরা কী যে করি, কারণ একদিন তো  
তাকে সর্বসমক্ষে তার কথা বলতে হবে? ৯ সে যদি প্রাচীরস্বরূপা  
হয়, তাহলে আমরা তার উপরে রূপোর মিনার নির্মাণ করব, সে যদি  
দুয়ারস্বরূপা হয়, তাহলে আমরা সিডার কাঠ দিয়ে তার ভিত্তিমূলকে  
ঘিরে দেব। ১০ আমি প্রাচীরস্বরূপা এবং আমার দুটি স্তন গম্বুজের  
মতো। এভাবেই আমি তাঁর চোখে পরম তৃষ্ণিদোষক হয়ে উঠলাম।  
১১ বায়াল-হামনে শলোমনের এক দ্রাক্ষাক্ষেত্র ছিল; যা তিনি তার  
ভাগচাষিদের চাষ করতে দিয়েছেন। এর ফলের জন্য তাদের মাথাপিছু  
দিতে হবে এক সহস্র রৌপ্যমুদ্রা। ১২ কিন্তু আমার নিজের দ্রাক্ষাকুঞ্জ  
দিতে পারি শুধু আমিই; হে শলোমন, এই ১,০০০ শেকল রৌপ্যমুদ্রা  
তোমার জন্য, আর আমার দ্রাক্ষাকুঞ্জের উৎপাদিত ফলের পরিচর্যাকারী  
কৃষকেরা পাবে মাথাপিছু ২০০ শেকল রৌপ্যমুদ্রা। ১৩ প্রতীক্ষারত  
বন্ধুদের নিয়ে ওগো কাননচারিনী, তোমার কর্তৃপক্ষ আমাকে শুনতে  
দাও! ১৪ ওগো মোর প্রেমিক, চলে এসো, এবং সুগন্ধি মশলায় ছেয়ে  
যাওয়া পর্বতমালায় বিচরণরত হরিণী কিংবা হরিণশাবক সদৃশ হও।

## যিশাইয় ভাববাদীর বই

১ এই দর্শন যিহুদা ও জেরশালেমের বিষয়ে, যা আমোষের পুত্র যিশাইয়, যিহুদার রাজা উর্থিয়, যোথম, আহস ও হিস্কিয়ের সময়ে দেখতে পান। ২ আকাশমণ্ডল শোনো! পৃথিবী কর্ণপাত করো! কারণ এই কথা সদাপ্রভু বলেছেন, “আমি ছেলেমেয়েদের লালনপালন ও ভরণ-পোষণ করেছি, কিন্তু তারা আমার বিরুদ্ধে বিদ্রোহ করেছে। ৩ গরু তার মনিবকে জানে, গর্দন তার মালিকের জাবপাত্র চেনে, কিন্তু ইস্রায়েল তার মনিবকে জানে না, আমার প্রজারা কিছু বোঝে না।” ৪ আহা পাপিষ্ঠ জাতি, এমন এক প্রজাসমাজ যারা অপরাধে ভারগ্রস্ত, তারা কুকুরীদের বংশ, যত ভষ্টাচারীর সন্তান! তারা সদাপ্রভুকে ত্যাগ করেছে; তারা ইস্রায়েলের পবিত্রতমকে অবজ্ঞা করেছে, এবং তাঁর প্রতি তারা পিঠ ফিরিয়েছে। ৫ তোমরা আর কেন মার খাবে? কেন তোমরা বিদ্রোহ করেই চলেছ? মাথার সমস্ত অংশ তোমাদের আহত হয়েছে, তোমাদের হৃদয় দুর্বল হয়ে পড়েছে। ৬ তোমাদের পায়ের পাতা থেকে মাথার তালু পর্যন্ত, কোথাও কোনো সুস্থ স্থান নেই, কেবলমাত্র ক্ষত আর প্রহারের চিহ্ন এবং টাটিয়ে ওঠা ঘা, তা পরিষ্কার করা কিংবা ব্যাণ্ডেজ বাঁধাও হয়নি, বা জলপাই তেল দিয়ে তা কোমলও করা হয়নি। ৭ তোমাদের দেশ পরিত্যক্ত, তোমাদের নগরগুলি অগ্নিদণ্ড হয়েছে; তোমাদের মাঠগুলি বিদেশিরা তোমাদের চোখের সামনেই লুট করেছে, তারা পর্যুদন্ত করা মাত্র সেগুলি ছারখার হয়ে গেছে। ৮ দ্রাক্ষাকুঞ্জের কুটিরের মতো, শসা ক্ষেত্রের পাহারা দেওয়া কুঁড়েঘরের মতো, কোনো অবরুদ্ধ নগরীর মতো, সিয়োন-কন্যা পরিত্যক্ত পড়ে আছে। ৯ সর্বশক্তিমান সদাপ্রভু যদি আমাদের জন্য কয়েকজন অবশিষ্ট মানুষ না রাখতেন, তাহলে আমাদের অবস্থা হত সদোমের মতো, আমরা হতাম ঘমোরার মতো। ১০ তোমরা যারা সদোমের শাসক, তোমরা সদাপ্রভুর বাণী শোনো; তোমরা যারা ঘমোরার মানুষ, তোমরা আমাদের ঈশ্বরের বিধান শোনো! ১১ “কী তোমাদের ভাবিয়েছে যে, তোমাদের অগণ্য সব বলি উৎসর্গ আমার প্রয়োজন?” সদাপ্রভু একথা বলেন। “আমার কাছে প্রয়োজনেরও বেশি হোমের পশ্চ আছে, সব মেষ

ও নধর পশুদের চর্বি আছে; ঘাঁড়, মেষশাবক ও ছাগলের রক্তে আমার  
কোনও আনন্দ নেই। 12 তোমরা যখন আমার সামনে উপস্থিত হও,  
কে তোমাদের কাছে এরকম চেয়েছে যে, তোমরা আমার প্রাঙ্গণ পা  
দিয়ে মাড়াও? 13 অর্থহীন সব বলিদান আমার কাছে আর এনো না!  
তোমাদের ধূপদাহ আমার কাছে ঘৃণ্ণ মনে হয়। অমাবস্যা, সাবাথের  
দিন ও ধর্মীয় সভাগুলি— আমি তোমাদের এসব মন্দ জমায়েত সহ্য  
করতে পারি না। 14 তোমাদের অমাবস্যার উৎসবগুলি ও নির্ধারিত সব  
পর্ব, আমার প্রাণ ঘৃণ্ণ করে। সেগুলি আমার পক্ষে এক বোৰাস্বরূপ,  
যেগুলির ভার বয়ে বয়ে আমি ক্লান্ত হয়েছি। 15 তোমরা প্রার্থনার  
উদ্দেশ্যে যখন হাত প্রসারিত করো, তোমাদের কাছ থেকে আমি  
আমার দৃষ্টি লুকাব; তোমরা যদিও বহু প্রার্থনা উৎসর্গ করো, আমি তা  
শুনব না। কারণ তোমাদের হাত রক্তে পূর্ণ! 16 তোমরা সেইসব ধূয়ে  
ফেলো ও নিজেদের শুচিশুদ্ধ করো। তোমাদের সব মন্দ কর্ম আমার  
দৃষ্টিপথ থেকে দূর করো! অন্যায় সব কর্ম করা থেকে নিবৃত্ত হও।  
17 যা ন্যায়সংগত, তাই করতে শেখো; ন্যায়বিচার অনুধাবন করো,  
অত্যাচারিত লোকদের পাশে দাঁড়াও। পিতৃহীনদের পক্ষসমর্থন করো,  
বিধবাদের সপক্ষে ওকালতি করো। 18 “এবারে এসো, আমরা পরম্পর  
যুক্তিবিচার করি,” সদাপ্রভু একথা বলেন। “তোমাদের পাপের রং  
টকটকে লাল হলেও সেগুলি বরফের মতো সাদা হবে; যদিও তা গাঢ়  
লাল রংয়ের হয়, সেগুলি পশ্চের মতোই শুভ হবে। 19 যদি তোমরা  
ইচ্ছুক ও বাধ্য হও, তোমরা দেশের উৎকৃষ্ট সব ফল ভোজন করবে;  
20 কিন্তু যদি তোমরা প্রতিরোধ ও বিদ্রোহ করো, তরোয়াল তোমাদের  
গ্রাস করবে,” কারণ সদাপ্রভুর মুখ একথা বলেছে। 21 দেখো, একদা  
বিশ্঵স্ত জেরুশালেম নগরী, কেমন বেশ্যার মতো হয়েছে! এক সময়,  
সে ন্যায়বিচারে পূর্ণ ছিল; তার মধ্যে অবস্থান করত ধার্মিকতা, কিন্তু  
এখন যত খুনির দল আছে! 22 তোমাদের রূপোয় এখন খাদ ধরেছে,  
তোমাদের পছন্দসই দ্রাক্ষারসে জল মেশানো হয়েছে। 23 তোমাদের  
শাসকেরা বিদ্রোহী হয়েছে, তারা হয়েছে চোরদের সঙ্গী; তারা সবাই  
ঘুস খেতে ভালোবাসে এবং পারিতোষিকের পিছনে দৌড়ায়। তারা

পিতৃহীনের পক্ষসমর্থন করে না; বিধবার মোকদ্দমা তাদের সামনে  
আসে না। 24 তাই প্রভু, সর্বশক্তিমান সদাপ্রভু, যিনি ইত্তায়েলের  
পরাজয়ী জন, তিনি ঘোষণা করেন: “আহা! আমি আমার বিপক্ষদের  
হাত থেকে নিষ্ঠার পাব, আমার শক্তিদের কাছে প্রতিশোধ নেব। 25  
আমি তোমার বিরুদ্ধে আমার মুষ্টিবন্ধ হাত তুলব; আমি তোমার খাদ  
আগাগোড়া পরিষ্কার করব এবং তোমার সব অশুদ্ধতা দূর করব।  
26 আমি পুরোনো দিনের মতো তোমার বিচারকদের পুনঃস্থাপিত  
করব, যেমন প্রথমে ছিল, তেমনই নিয়ে আসব পরামর্শদাতাদের।  
পরে তোমাকে বলা হবে ধার্মিকতার পুরী, এক বিশ্বাসভাজন নগরী।”  
27 সিয়োনকে ন্যায়বিচারের দ্বারা ও তার অনুতপ্ত জনেদের ধার্মিকতার  
দ্বারা উদ্বার করা হবে। 28 কিন্তু বিদ্রোহী ও পাপীরা, উভয়েই ভগ্ন  
হবে, যারা সদাপ্রভুকে পরিত্যাগ করে, তারা বিনষ্ট হবে। 29 “তোমরা  
তোমাদের পবিত্র ওক গাছগুলির জন্য লজ্জিত হবে, যেগুলির জন্য  
তোমরা আনন্দিত হতে; তোমাদের মনোনীত পূজার উদ্যানগুলির জন্য  
তোমরা অপমানিত হবে। 30 তোমরা সেই ওক গাছের মতো হবে,  
যার পাতা শুকিয়ে যাচ্ছে, তোমরা জলহীন কোনো উদ্যানের মতো  
হবে। 31 শক্তিশালী মানুষ যেন খড়কুটোর মতো হবে, তার কাজ  
অগ্রিমভুলিঙ্গের মতো হবে; সেগুলি উভয়েই একত্র দন্ধ হবে, সেই  
আঙ্গন নিভানোর জন্য কেউই থাকবে না।”

**২** যিহূদা ও জেরুশালেম সম্পর্কে আমোষের পুত্র যিশাইয় এই দর্শন  
পান: 2 শেষের সময়ে সদাপ্রভুর মন্দিরের পর্বত অন্য সব পর্বতের  
উপরে প্রধানরূপে প্রতিষ্ঠিত হবে; তাকে সব পাহাড়ের উপরে তুলে  
ধরা হবে এবং সমস্ত জাতি তার দিকে ঝোতের মতো প্রবাহিত হবে।  
3 অনেক লোক এসে বলবে, “চলো, আমরা সদাপ্রভুর পর্বতে উঠে  
যাই, যাকোবের ঈশ্বরের গৃহে যাই। তিনি আমাদের তাঁর পথের বিষয়ে  
শিক্ষা দেবেন, যেন আমরা তাঁর পথসমূহে চলতে পারি।” সিয়োন  
থেকে বিধান নির্গত হবে, জেরুশালেম থেকে সদাপ্রভুর বাণী নির্গত  
হবে। 4 তিনি অনেক জাতির মধ্যে বিচার করবেন এবং অনেক  
লোকদের বিবাদ মীমাংসা করবেন। তারা নিজের তরোয়াল পিটিয়ে

চাষের লাঙল এবং বল্লমগুলিকে কাস্তে পরিণত করবে। এক জাতি  
অন্য জাতির বিরুদ্ধে আর তরোয়াল ব্যবহার করবে না, তারা আর  
যুদ্ধ করতেও শিখবে না। ৫ ওহে যাকোবের কুল, তোমরা এসো,  
এসো, আমরা সদাপ্রভুর আলোয় পথ চলি। ৬ সদাপ্রভু, তুমি তো  
তোমার প্রজা, যাকোবের কুলকে ত্যাগ করেছ। তারা প্রাচ্যদেশীয়  
কুসংস্কারের অভ্যাসে পূর্ণ; তারা ফিলিস্তিনীদের মতো গণকবিদ্যা  
ব্যবহার করে এবং পৌত্রিকদের সঙ্গে হাতে হাত মেলায়। ৭ তাদের  
দেশ সোনা ও রূপোয় পূর্ণ তাদের ঐশ্বর্যের যেন কোনও শেষ নেই।  
তাদের দেশ অশ্বেও পরিপূর্ণ, তাদের রথেরও যেন কোনো শেষ নেই।  
৮ তাদের দেশ প্রতিমায় পূর্ণ; নিজেদের হাতে তৈরি জিনিসের কাছে  
তারা প্রগিপাত করে, যেগুলি তাদেরই আঙুল নির্মাণ করেছে। ৯ ইতর  
মানুষ তাদের কাছে প্রণত হয়, মহৎ যারা, তারাও অধোমুখ হয়, তাই  
তুমি তাদের ক্ষমা কোরো না। ১০ তোমরা পাথরের ফাটলে যাও,  
মাটিতে লুকাও সদাপ্রভুর ভয়ংকরতা থেকে ও তাঁর মহিমার ওজ্জ্বল্য  
থেকে! ১১ উদ্দত মানুষের দৃষ্টি নত করা হবে, গর্বিত মানুষেরা অবনত  
হবে; সেদিন কেবলমাত্র সদাপ্রভুই উন্নীত হবেন। ১২ যত গর্বিত ও  
উদ্দত মানুষ, যত লোক নিজেদের উচ্চ করে, তাদের জন্য সর্বশক্তিমান  
সদাপ্রভু একটি দিন স্থির করে রেখেছেন, (তাদের সবাইকে নত করা  
হবে), ১৩ সব লেবাননের যত উঁচু ও লম্বা সিডার গাছ এবং বাশনের  
সমস্ত ওক গাছকে, ১৪ সব উঁচু পর্বত এবং সমস্ত উঁচু পাহাড়কে,  
১৫ প্রত্যেকটি উঁচু মিনার ও প্রত্যেকটি দৃঢ় প্রাচীরকে, ১৬ প্রত্যেকটি  
বাণিজ্যিক জাহাজ এবং প্রত্যেকটি চমৎকার শিল্পকর্মকে। ১৭ মানুষের  
ওন্দত্যকে নত করা হবে, সব মানুষের অহংকার অবনত হবে; সেদিন,  
কেবলমাত্র সদাপ্রভুই উচ্চ হবেন, ১৮ আর যত প্রতিমা সেদিন অস্তর্হিত  
হবে। ১৯ মানুষেরা সেদিন পালিয়ে পাহাড়ের গুহাগুলিতে ও মাটির  
গর্তগুলিতে গিয়ে লুকাবে, সদাপ্রভুর ভয়ংকরতা থেকে এবং তাঁর  
রাজকীয় প্রতাপের শৌর্য থেকে, যখন তিনি পৃথিবীকে কম্পাস্বিত করার  
জন্য উঠে দাঁড়াবেন। ২০ সেদিন লোকেরা, ইঁদুর ও বাদুড়ের কাছে  
ফেলে দেবে, তাদের রূপোর ও সোনার প্রতিমাগুলি যেগুলি তারা পুজো

করার জন্য নির্মাণ করেছিল। 21 তারা পাহাড়-পর্বতের গুহাগুলিতে ও  
বুলে থাকা পাহাড়ের খাঁজে খাঁজে গিয়ে লুকাবে, সদাপ্রভুর ভয়ংকরতা  
থেকে এবং তাঁর রাজকীয় প্রতাপের শৌর্য থেকে, যখন তিনি প্রথিবীকে  
কম্পান্বিত করার জন্য উঠে দাঁড়াবেন। 22 তোমরা মানুষের উপরে  
নির্ভর করা ছেড়ে দাও, যার নাকে তো কেবলমাত্র প্রাণবায়ু বয়। সে  
কীসের মধ্যে গণ্য?

3 এখন দেখো, প্রভু, সর্বশক্তিমান সদাপ্রভু, জেরশালেম ও যিহুদা  
থেকে জোগান ও সহায়তা প্রদান, উভয়ই দূর করতে চলেছেন: খাদ্যের  
সব জোগান ও জলের সব জোগান, 2 বীর ও যোদ্ধা, বিচারক ও  
ভাববাদী, গণক ও প্রাচীন, 3 পঞ্চাশ-সেনাপতি ও পদস্থ ব্যক্তি,  
পরামর্শদাতা, নিপুণ কারিগর ও চতুর জাদুকর সবাইকে। 4 “আমি  
বালকদের তাদের নেতা করব, সামান্য শিশুরা তাদের শাসন করবে।”  
5 যুবকেরা পরম্পরের প্রতি অত্যাচার করবে, মানুষ মানুষের বিরুদ্ধে,  
প্রতিবেশী প্রতিবেশীর বিরুদ্ধে। যুবকেরা বৃন্দদের বিরুদ্ধে উঠে দাঁড়াবে,  
ইতরজনেরা উঠে সম্মানিতদের বিরুদ্ধে। 6 কোনো মানুষ তার বাবার  
গৃহে, কোনো একজন ভাইকে ধরে বলবে, “তোমার একটি আলখাল্লা  
আছে, তুমি আমাদের নেতা হও; এই ধর্ষসন্তুপের তুমিই তত্ত্বাবধান  
করো!” 7 কিন্তু সেদিন, সে চিৎকার করে বলবে, “আমার কাছে  
প্রতিকার নেই। আমার বাড়িতে খাবার বা পরার কাপড় নেই; আমাকে  
লোকদের নেতা কোরো না।” 8 কারণ জেরশালেম হোঁচ্ট খেয়েছে,  
যিহুদা পতিত হচ্ছে; তাদের কথা ও সমস্ত কাজ সদাপ্রভুরই বিরুদ্ধে,  
তারা তাঁর মহিমাময় উপস্থিতিকে অগ্রাহ্য করে। 9 তাদের মুখমণ্ডলের  
দৃষ্টি তাদের বিরুদ্ধে সাক্ষ্য দেয়; তারা সদোমের মতো তাদের পাপের  
প্রদর্শন করে; তারা তা ঢেকে রাখে না। ধিক্ তাদের! তারা নিজেদেরই  
উপরে বিপর্যয় দেকে এনেছে। 10 তোমরা ধার্মিক লোকদের বলো,  
তাদের মঙ্গল হবে, কারণ তারা তাদের কৃতকর্মের সুফল ভোগ করবে।  
11 দুষ্টদের ধিক্! তাদের উপরে বিপর্যয় নেমে আসবে! তারা যা করেছে,  
তার প্রতিফল তাদের দেওয়া হবে। 12 যুবকেরা আমার প্রজাদের প্রতি  
অত্যাচার করে, স্ত্রীলোকেরা তাদের উপরে শাসন করে। ওহে আমার

প্রজারা, তোমাদের পথপ্রদর্শকেরাই তোমাদের বিপথে চালিত করে; প্রকৃত পথ থেকে তারা তোমাদের বিপথগামী করে। 13 সদাপ্রভু তাঁর দরবারে অবস্থান গ্রহণ করেছেন; তিনি জাতিসমূহের বিচার করার জন্য উঠে দাঁড়িয়েছেন। 14 সদাপ্রভু প্রাচীনদের ও তাঁর প্রজাদের নেতৃগণের বিরাঙ্গে বিচার করতে চলেছেন: “তোমরাই আমার দ্রাক্ষাকুণ্ড নষ্ট করেছ; দরিদ্র মানুষদের কাছ থেকে লুট করা জিনিস তোমাদেরই বাঢ়িতে আছে। 15 আমার প্রজাদের চৃৎ করে এবং দরিদ্রদের মুখ ঘষে দিয়ে তোমরা কী বলতে চাইছ?” প্রভু, সর্বশক্তিমান সদাপ্রভু এই কথা বলেন। 16 সদাপ্রভু বলেন, “সিয়োনের নারীরা উদ্ধত, তারা ঘাড় উঁচু করে চোখের ইশারায় পথে পথে চোখ দিয়ে প্রেমের ভান করে। তারা ছোটো ছোটো পা ফেলে চলে, পায়ের নূপুরের রিনিবিনি শব্দ তোলে। 17 সেই কারণে, সিয়োনের নারীদের মাথায় প্রভু দুষ্টক্ষত সৃষ্টি করবেন; সদাপ্রভু তাদের মাথার খুলি টাকপড়া করবেন।” 18 সেদিন, প্রভু তাদের জমকালো বেশভূষা কেড়ে নেবেন: হাতের চুড়ি ও মাথার টায়রা এবং চন্দ্রহার, 19 কানের দুল, বালা ও জালি আবরণ, 20 কপালের আভূষণ, পায়ের মল ও কোমরবন্ধনী, সুগন্ধি আতরের শিশি ও বাজু, 21 সিলমোহর আঁকা আঁটি ও নাকের নোলক, 22 সুন্দর সব পোশাক, উপরের হাতহান জামা ও ওড়না, টাকার থলি 23 ও আয়না, মসিনার অস্তর্বাস, উষ্ণীষ ও শাল। 24 সুগন্ধের পরিবর্তে হবে দুর্গন্ধ, কোমর বন্ধনীর পরিবর্তে দেওয়া হবে দড়ি; কায়দা করা কেশবিন্যাসের পরিবর্তে টাক; দামি পোশাকের পরিবর্তে চট্টের পোশাক, সৌন্দর্যের পরিবর্তে পোড়া দাগ। 25 তোমার পুরষেরা তরোয়ালের দ্বারা পতিত হবে, তোমার যোদ্ধাদের যুদ্ধে পতন হবে। 26 সিয়োনের তোরণদ্বারগুলি বিলাপ ও শোক করবে; একা পরিত্যক্ত হয়ে সে মাটিতে বসে থাকবে।

**4** সেদিন, সাতজন নারী একজন পুরুষকে ঘিরে ধরবে এবং বলবে, “আমরা নিজেদেরই খাবার খাব এবং নিজেরাই পরনের কাপড় জোগাব; তুমি কেবলমাত্র তোমার নামে আমাদের পরিচিত হতে দাও। তুমি আমাদের অপমান দূর করো!” 2 সেদিন, সদাপ্রভুর পল্লব হবেন সুন্দর ও মহিমাময় এবং দেশের ফল হবে ইস্রায়েলের অবশিষ্ট বেঁচে

থাকা লোকদের জন্য গবের ও মহিমার বিষয়। ৩ সিয়োনে যাদের ছেড়ে যাওয়া হয়েছে, যারা জেরশালেমে থেকে গেছে, তারা পবিত্র নামে আখ্যাত হবে। জেরশালেমে তাদের সবার নাম জীবিত বলে নথিভুক্ত থাকবে। ৪ প্রভু সিয়োনের নারীদের নোংরামি পরিষ্কার করে দেবেন; তিনি বিচারের আত্মা ও দহনের আত্মার দ্বারা জেরশালেম থেকে সমস্ত রক্তপাতের কলঙ্ক শুচিশুন্দ করবেন। ৫ তারপর, সদাপ্রভু সমস্ত সিয়োন পর্বতের উপরে এবং যারা সেখানে সমবেত হয়, তাদের সকলের উপরে দিনের বেলা এক ঘোঁঘার মেঘ ও রাতের বেলা এক প্রদীপ্ত আগুনের শিখা সৃষ্টি করবেন; সে সকলের উপরে চাঁদোয়ার মতো ঐশ্ব-মহিমা বিরাজমান হবে। ৬ তা হবে দিনের বেলার উত্তাপ থেকে রক্ষা পাওয়ার এক আশ্রয় ও ছায়ায় ঢাকা স্থান এবং ঝড় ও বৃষ্টি থেকে রক্ষা পাওয়ার এক শরণস্থান ও লুকানোর জায়গা।

**৫** আমি আমার প্রিয়তমের উদ্দেশে একটি গান গাইব, তাঁর দ্রাক্ষাক্ষেত্রের বিষয়ে গান গাইব: আমার প্রিয়তমের একটি দ্রাক্ষাক্ষেত্র ছিল এক উর্বরা পাহাড়ের গায়ে। ২ তিনি তা খুঁড়ে সব পাথর পরিষ্কার করলেন এবং উৎকৃষ্ট সব দ্রাক্ষার চারা তার মধ্যে রোপণ করলেন। তিনি তার মধ্যে এক নজরমিনার নির্মাণ করলেন এবং একটি দ্রাক্ষামাড়াই কুণ্ড খনন করলেন। তারপর তিনি অপেক্ষা করলেন উৎকৃষ্ট দ্রাক্ষাফলের, কিন্তু তাতে কেবলই বুনো আঙুর ধরল। ৩ “এখন জেরশালেমের অধিবাসী তোমরা ও যিহূদার লোকেরা, আমার ও আমার দ্রাক্ষাক্ষেত্রের মধ্যে বিচার করো। ৪ আমি আমার দ্রাক্ষাক্ষেত্রের জন্য যা করেছি, তার থেকে বেশি আর কী করা যেত? যখন আমি উৎকৃষ্ট দ্রাক্ষার অপেক্ষা করলাম, তাতে কেবলই বুনো আঙুর কেন ধরল? ৫ এবার আমি তোমাদের বলি, আমার দ্রাক্ষাক্ষেত্রের প্রতি আমি কী করতে চলেছি: আমি এর বেড়াগুলি তুলে ফেলব, আর তা ধ্বংস হয়ে যাবে; আমি এর প্রাচীরগুলি ভেঙে দেব, তখন তা পদদলিত হবে। ৬ আমি তা এক পরিত্যক্ত ভূমি করব, তার লতা পরিষ্কার বা ভূমি কর্ষণও করা হবে না; সেখানে শেয়ালকাঁটা ও কাঁটাবোপ উৎপন্ন হবে। আমি মেঘমালাকে আদেশ দেব যেন সেখানে জল

বর্ষণ না করে।” 7 সর্বশক্তিমান সদাপ্রভুর দ্রাক্ষাক্ষেত্র হল ইন্দ্রায়েলের সমস্ত কুল, আর যিহুদার লোকেরা হল তাঁর মনোরম উদ্যান। তিনি ন্যায়বিচারের আশা করলেন, কিন্তু রক্তপাত দেখলেন; ধার্মিকতার আশা করলেন, কিন্তু দুর্দশার আর্তনাদ শুনলেন। 8 ধিক্ তোমাদের, যারা গৃহের সঙ্গে গৃহ এবং মাঠের সঙ্গে মাঠ ঘোগ করো যতক্ষণ না আর কোনো স্থান শূন্য থাকে আর তোমরা একা দেশের মধ্যে বসবাস করো। 9 সর্বশক্তিমান সদাপ্রভু আমার কর্ণগোচরে একথা ঘোষণা করেছেন: “নিশ্চিতরূপে বড়ো বড়ো সব গৃহ জনশূন্য হবে, সুন্দর সব অট্টালিকায় বাস করার জন্য কেউ থাকবে না। 10 ত্রিশ বিঘা দ্রাক্ষাকুঞ্জে মাত্র বাইশ লিটার দ্রাক্ষারস পাওয়া যাবে, আর দশ ঝুড়ি বীজে মাত্র এক ঝুড়ি শস্য উৎপন্ন হবে।” 11 ধিক্ তাদের, যারা খুব সকালে ওঠে যেন সুরার অন্নেষণে দৌড়ায়, যারা রাত পর্যন্ত জেগে থাকে যতক্ষণ না সুরা তাদের উত্পন্ন করে। 12 তাদের ভোজসভায় থাকে বীণা ও নেবল, খঞ্জনি, বাঁশি ও সুরা, কিন্তু সদাপ্রভুর কাজের প্রতি তাদের কেনো সম্মত নেই, তাঁর হাতের কাজকে তারা সম্মান করে না। 13 সেই কারণে, আমার প্রজাদের নির্বুদ্ধিতার জন্য, তারা নির্বাসনে যাবে; তাদের পদস্থ ব্যক্তিরা খিদেতে মারা যাবে, এবং তাদের আপামর জনসাধারণ পিপাসায় মারা যাবে। 14 তাই, পাতাল তার উদর প্রশস্ত করেছে, সীমাহীন গ্রাসের জন্য তার মুখ খুলে দিয়েছে; তার মধ্যে যত সম্ভাস্ত ব্যক্তি ও জনসাধারণ নেমে যাবে, তাদের সঙ্গে যত কলহকারী ও উচ্ছৃঙ্খল মানুষ থাকবে। (Sheol h7585) 15 তাই, মানুষকে নত করা হবে, মানবজাতি অবনত হবে, উদ্বিত লোকের দৃষ্টি নতন্ত্র হবে। 16 কিন্তু সর্বশক্তিমান সদাপ্রভু তাঁর ন্যায়বিচারের জন্য উচ্চে উন্নত হবেন, এবং পবিত্র ঈশ্বর তাঁর ধার্মিকতার দ্বারা নিজেকে ধার্মিক দেখাবেন। 17 তখন মেষেরা যেন নিজেদের চারণভূমিতে চরে বেড়াবে; ধনীদের ধ্বংসাবশেষে মেষশাবকেরা তাদের খাদ্য ভোজন করবে। 18 ধিক্ তাদের যারা প্রতারণার দড়ি দিয়ে পাপ টেনে আনে, দুষ্টাকে টেনে আনে তাদের শকটের দড়ি দিয়ে। 19 যারা বলে, “ঈশ্বর তুরা করুন, তিনি দ্রুত তাঁর কাজ করে দেখান যেন আমরা তা দেখতে পাই।

ইস্রায়েলের পবিত্রতমের পরিকল্পনা কাছে আসুক, তা দৃশ্যমান হোক,  
যেন আমরা তা জানতে পারি।” 20 ধিক্ তাদের যারা মন্দকে ভালো ও  
ভালোকে মন্দ বলে, যারা অন্ধকারকে আলো ও আলোকে অন্ধকার  
বলে তুলে ধরে, যারা মিষ্টিকে তেতো ও তেতোকে মিষ্টি বলে। 21 ধিক্  
তাদের, যারা নিজেদের দৃষ্টিতেই জ্ঞানবান, যারা নিজেদের দৃষ্টিতে  
নিজেদের চতুর মনে করে। 22 ধিক্ তাদের যারা সুরা পান করায় দক্ষ  
ও সুরা মিশ্রিত করায় নিপুণ, 23 যারা ঘূমের বিনিময়ে অপরাধীকে মুক্ত  
করে, কিন্তু নির্দোষের ন্যায়বিচার অন্যথা করে। 24 তাই, অগ্নিজিহ্বা  
যেমন খড়কুটো গ্রাস করে এবং শুকনো ঘাস আগুনের শিখায় দপ্ত হয়,  
তেমনই তাদের মূল পচে যাবে এবং তাদের সব ফুল ধূলোর মতোই  
উড়ে যাবে; কারণ তারা সর্বশক্তিমান সদাপ্রভুর বিধানকে অগ্রহ্য  
করেছে এবং ইস্রায়েলের পবিত্রতমজনের বাণীকে অবজ্ঞা করেছে। 25  
তাই সদাপ্রভুর ক্রোধ তাঁর প্রজাদের বিবর্ণে জ্বলে উঠেছে; তিনি হাত  
তুলে তাদের আঘাত করেছেন। পর্বতগুলি কম্পিত হয়, মৃতদেহগুলি  
যেন আবর্জনার মতো রাস্তায় পড়ে থাকে। তবুও, এ সকলের জন্য,  
তাঁর ক্রোধ ফেরেনি, তাঁর হাত এখনও উপরে উঠে আছে। 26 দূরের  
জাতিদের উদ্দেশে তিনি একটি পতাকা তুলেছেন, পৃথিবীর প্রান্তসীমার  
লোকদের তিনি শিস্ দিয়ে ডেকেছেন। ওই তারা আসছে, দ্রুত ও  
মহাবেগে! 27 তাদের মধ্যে কেউই ক্লান্ত হয় না বা হোঁচ্ট খায় না,  
কেউই চুলে পড়ে না বা ঘুমিয়ে যায় না; তাদের কোমরের কারও বেল্ট  
খসে পড়ে না, জুতো-চটির একটি ফিতেও ছিঁড়ে যায় না। 28 তাদের  
তিরগুলি ধারালো, তাদের সব ধনুকে চাড়া দেওয়া আছে; তাদের  
অশঙ্গুলির খুর চকমকি পাথরের মতো, তাদের রথগুলির চাকা যেন  
সূর্যিবায়ুর মতো ঘোরে। 29 তাদের গর্জন সিংহনাদের মতো, তাদের  
চিৎকার যুবসিংহের মতো; শিকার ধরা মাত্র তারা গর্জন করে, ও ধরে  
নিয়ে যায়, কেউ তাদের উদ্ধার করতে পারে না। 30 সেদিন তারা  
তার উপরে গর্জন করবে, যেমন সমুদ্রের জলরাশি গর্জন করে। আর  
কেউ যদি দেশের প্রতি দৃষ্টিপাত করে, সে কেবলই অন্ধকার ও দুর্দশা  
দেখবে; এমনকি আলোও মেঘমালায় ঢাকা পড়ে অন্ধকার হয়ে যাবে।

৬ যে বছরে রাজা উষিয় মারা যান, আমি প্রভুকে এক উচ্চ ও উন্নত সিংহাসনে বসে থাকতে দেখলাম। তাঁর রাজপোশাকের প্রান্তভাগে মন্দির পরিপূর্ণ ছিল। ২ তাঁর নিকটে উপস্থিত ছিলেন ছয় ডানাবিশিষ্ট সরাফেরা। দুটি ডানা দিয়ে তারা মুখ ঢেকেছিলেন, দুটি ডানা দিয়ে তারা তাদের পা ঢেকেছিলেন এবং দুটি ডানা দিয়ে তারা উড়ছিলেন। ৩ আর তারা পরম্পরকে ডেকে বলছিলেন, “পবিত্র, পবিত্র, পবিত্র, সর্বশক্তিমান সদাপ্রভু, সমস্ত পৃথিবী তাঁর মহিমায় পরিপূর্ণ।” ৪ তাদের কণ্ঠস্বরের শব্দে দরজার চৌকাঠগুলি কেঁপে উঠল এবং মন্দির ধোঁয়ায় পূর্ণ হল। ৫ আমি চি�ৎকার করে উঠলাম, “ধিক্ আমাকে! আমি শেষ হয়ে গেলাম! আমি অঙ্গি ওষ্ঠাধরবিশিষ্ট মানুষ। আর আমার দুই চোখ মহারাজকে, সর্বশক্তিমান সদাপ্রভুকে দেখেছে।” ৬ তখন সরাফদের মধ্যে একজন, তাঁর হাতে জ্বলন্ত অঙ্গার নিয়ে আমার কাছে উড়ে এলেন। সেই অঙ্গার তিনি বেদির মধ্য থেকে চিমটা দিয়ে নিয়েছিলেন। ৭ তা দিয়ে তিনি আমার মুখ স্পর্শ করলেন এবং বললেন, “দেখো, এটি তোমার ওষ্ঠাধর স্পর্শ করেছে; তোমার অপরাধ অপসারিত এবং তোমার পাপের প্রায়চিত্ত করা হয়েছে।” ৮ তখন আমি প্রভুর কণ্ঠস্বর শুনতে গেলাম। তিনি বলছিলেন, “আমি কাকে পাঠাব? কে আমাদের জন্য যাবে?” আমি বললাম, “এই যে আমি। আমাকে পাঠান!” ৯ তিনি বললেন, “তুমি যাও ও গিয়ে এই লোকদের বলো: ‘তোমরা সবসময় শুনতে থাকো, কিন্তু কখনও বোঝো না; সবসময় দেখতে থাকো, কিন্তু কখনও উপলব্ধি করো না।’ ১০ তুমি এই জাতির লোকদের হৃদয় অসাড় করে দাও; তাদের কানগুলি উপড়ে ফেলো ও চোখগুলি বন্ধ করে দাও। নতুবা তারা তাদের চোখে দেখতে পাবে, তারা কানে শুনতে পাবে, তারা তাদের হৃদয়ে বুঝতে পারবে এবং আরোগ্যলাভের জন্য আমার কাছে ফিরে আসবে।” ১১ তখন আমি বললাম, “ও প্রভু, তা কত দিন ধরে হবে?” তিনি উত্তর দিলেন, “যতদিন না নগরগুলি ধ্বংস হয়, তাদের মধ্যে জনপ্রাণী না থাকে, যতদিন না ঘরবাড়িগুলি জনশূন্য হয় ও মাঠগুলি ধ্বংস হয়ে ছারখার না হয়, ১২ যতক্ষণ না সদাপ্রভু সবাইকে দূরে প্রেরণ করেন এবং এই ভূমির কথা সকলে

ভুলে যায়। 13 আর যদি দেশের এক-দশমাংশ লোক অবশিষ্ট থাকে, তা পুনরায় জনশূন্য পড়ে থাকবে। কিন্তু তার্পিন ও ওক গাছ কেটে ফেললেও যেমন তাদের গুঁড়ি থেকেই যায়, তেমনই এই দেশে সেই গুঁড়ির মতো এক পরিত্ব বৎস থেকেই যাবে।”

7 যখন উষিয়ের পুত্র যোথম, তার পুত্র আহস যিহুদার রাজা ছিলেন, তখন অরামের রাজা রৎসীন ও রমলিয়ের পুত্র ইফ্রায়েলের রাজা পেকহ জেরুশালেমের বিরুদ্ধে যুদ্ধ করার জন্য সমরাভিযান করলেন, কিন্তু তারা তা জয় করতে পারলেন না। 2 এসময় দাউদের কুলকে বলা হল, “অরাম ইফ্রায়েলের সঙ্গে মৈত্রীচুক্তি করেছে” তাই আহস ও তাঁর প্রজাদের হৃদয় কেঁপে উঠল, যেভাবে বাতাসে বনের গাছপালা কেঁপে ওঠে। 3 তখন সদাপ্রভু যিশাইয়কে বললেন, “তুমি ও তোমার পুত্র শার-যাশূব বাইরে যাও ও রজকদের মাঝ অভিমুখী রাস্তায়, উচ্চতর পুক্ষরিণীর জলপ্রণালীর মুখে, আহসের সঙ্গে সাক্ষাৎ করো। 4 তাকে বলো, ‘আপনি সাবধান হোন, শান্ত থাকুন এবং তয় পাবেন না। এই দুই ধোঁয়া ওঠা কাঠের অবশিষ্ট অংশ, অর্থাৎ রৎসীন ও অরামের এবং রমলিয়ের পুত্রের ভয়ংকর ক্রোধের জন্য আপনি সাহস হারাবেন না। 5 অরাম, ইফ্রায় ও রমলিয়ের পুত্র আপনাকে ধ্বংস করার জন্য ষড়যন্ত্র করেছে। তারা বলেছে, 6 “এসো আমরা যিহুদাকে আক্রমণ করি; এসো আমরা এই দেশকে ছিন্ন-বিছিন্ন করে নিজেদের মধ্যে ভাগ করি ও টাবিলের পুত্রকে এর উপরে রাজা করি।” 7 তবুও, সার্বভৌম সদাপ্রভু এই কথা বলেন: ““এরকম অবস্থা হবে না, এই ঘটনা ঘটবেও না, 8 কারণ অরামের মন্তক হল দামাক্ষাস, আর দামাক্ষাসের মন্তক হল কেবলমাত্র রৎসীন। পঁয়ষাটি বছরের মধ্যে ইফ্রায় এমন ধ্বংস হবে যে, আর জাতি থাকবে না। 9 ইফ্রায়েলের মন্তক হল শমরিয়া, আর শমরিয়ার মন্তক হল কেবলমাত্র রমলিয়ের পুত্র। তোমরা যদি বিশ্বাসে অবিচল না থাকো, তোমরা আদৌ দাঁড়াতে পারবে না।”” 10 সদাপ্রভু আবার আহসের সঙ্গে কথা বললেন, 11 “তুমি তোমার ঈশ্বর সদাপ্রভুর কাছে একটি চিহ্ন দেখতে চাও, হয় অধোলোকের নিম্নতম স্থানে অথবা উর্ধ্বলোকের উর্ধ্বতম স্থানে।” (Sheol h7585) 12

কিন্তু আহস বললেন, “আমি কোনো চিহ্ন দেখতে চাইব না; আমি  
সদাপ্রভুর কোনো পরীক্ষা নেব না।” 13 তখন যিশাইয় বললেন,  
“দাউদের কুলের লোকেরা, এখন তোমরা শোনো! মানুষের ধৈর্যের  
পরীক্ষা নেওয়াই কি যথেষ্ট নয়? তোমরা কি আমার স্টশুরেরও ধৈর্যের  
পরীক্ষা নেবে? 14 সেই কারণে প্রভু স্বয়ং তোমাদের এক চিহ্ন দেবেন:  
এক কুমারী-কন্যা গর্ভবতী হবে ও এক পুত্রসন্তানের জন্ম দেবে এবং  
তাঁর নাম ইম্মানুয়েল রাখবে। 15 মন্দকে অগ্রাহ্য করার ও ভালোকে  
বেছে নেওয়ার পর্যাপ্ত জ্ঞান না হওয়া পর্যন্ত, সেই বালকটি দুধ ও  
দই খাবে, 16 কিন্তু সে মন্দকে অগ্রাহ্য করার ও ভালোকে বেছে  
নেওয়ার জ্ঞান হওয়ার পূর্বেই, যাদের আপনি ভয় করেন, ওই দুই  
রাজার দেশ জনশৃঙ্খল্য হয়ে পড়ে থাকবে। 17 ইফ্রায়িম যিহুদা থেকে  
বিছিন্ন হওয়ার সময় অবধি, যা কখনও হয়নি, সদাপ্রভু তোমার প্রতি,  
তোমার প্রজাদের প্রতি ও তোমার পিতৃকুলের প্রতি সেরকম সময়  
উপস্থিত করবেন—তিনি আসিরিয়ার রাজাকে নিয়ে আসবেন।” 18  
সেদিন, সদাপ্রভু মিশরে নীল অববাহিকা থেকে মাছি ও আসিরীয়দের  
দেশ থেকে মৌমাছিদের শিশু দিয়ে ডাকবেন। 19 তারা এসে সমস্ত  
খাড়া উপত্যকার মধ্যে, পাহাড়ের ফাটলের মধ্যে, সমস্ত কাঁটাবোপ ও  
মাঠে মাঠে বসবে। 20 সেদিন, প্রভু তোমার মাথার চুল ও পায়ের  
লোম কামানোর জন্য এবং তোমার দাঢ়িও কামিয়ে দেওয়ার জন্য  
ইউফ্রেটিস নদীর ওপার থেকে একটি ক্ষুর, অর্থাৎ আসিরীয় রাজাকে  
ব্যবহার করবেন। 21 সেদিন, এমন হবে যে, কোনো মানুষ যদি একটি  
বকলা-বাচুর ও দুটি মেষ পোষে, 22 তাহলে তারা এত বেশি দুধ  
দেবে যে, তারা সেই দুধের আধিক্যে দই খাবে। দেশে অবশিষ্ট যারাই  
থাকবে, তারা দই ও মধু খাবে। 23 সেদিন, যেখানে যেখানে এক  
হাজার রৌপ্যমুদ্রা মূল্যের এক হাজারটি দ্রাক্ষালতা ছিল, সেখানে হবে  
কেবলমাত্র কাঁটাগাছ ও শেয়ালকাঁটার জঙ্গল। 24 লোকেরা সেখানে  
তিরধনুক নিয়ে যাবে, কারণ সমস্ত দেশ শেয়ালকাঁটা ও কাঁটাবোপের  
জঙ্গলে ভরে থাকবে। 25 যে সমস্ত পাহাড়ি এলাকা কোদাল দিয়ে  
চাষ করা হবে, তোমার সেখানকার শেয়ালকাঁটা ও কাঁটাবোপের ভয়ে

সেখানে যাবে না; সেগুলি হবে গৃহপালিত পশুর চারণভূমি ও মেষাদির  
চুটে বেড়ানোর স্থান।

**৮** সদাপ্রভু আমাকে বললেন, “তুমি একটি বড়ো আকারের ফলক নাও  
এবং তার উপরে সাধারণ কলম দিয়ে লেখো: মহের-শালল-হাশ-  
বস।” ২ আর আমার নির্ভরযোগ্য সাক্ষী হওয়ার জন্য আমি যাজক  
উরিয় ও যিবেরিখিয়ের পুত্র সখরিয়কে ডেকে নেব। ৩ তারপর আমি  
আমার ভাববাদিনী, অর্থাৎ আমার স্তুর সঙ্গে মিলিত হলাম। এতে  
তিনি গর্ভবতী হয়ে এক পুত্রসন্তানের জন্ম দিলেন। সদাপ্রভু আমাকে  
বললেন, “ওর নাম রাখো মহের-শালল-হাশ-বস। ৪ কারণ ছেলেটি  
'আমার বাবা' বা 'আমার মা' বলতে শেখার আগেই দামাক্ষসের  
ধনসম্পদ ও শমরিয়ার লুট আসিরীয় রাজা বহন করে নিয়ে যাবে।” ৫  
সদাপ্রভু আবার আমাকে বললেন: ৬ “যেহেতু এই লোকেরা অগ্রাহ্য  
করেছে শীলোহের ধীরগামী স্নোত রৎসীন ও রমলিয়ের পুত্রে আনন্দ  
করেছে, ৭ সেই কারণে প্রভু তাদের বিরুদ্ধে নিয়ে আসতে চলেছেন  
ইউফ্রেটিস নদীর প্রবল প্লাবনকারী জলরাশি—সমস্ত সমারোহের সঙ্গে  
আসিরীয় রাজাকে। তা তার সমস্ত খালগুলিতে প্রবাহিত হবে, এবং  
তাদের দুই কুল ছাপিয়ে যাবে। ৮ তা যিন্দু প্রদেশে প্রবাহিত হবে,  
ঘূর্ণিপাক খাবে, তার মধ্য দিয়ে অতিক্রম করে, তার জল লোকদের  
ঘাড় পর্যন্ত উঠবে। হে ইম্মানুয়েল! তার প্রসারিত দুই ডানা তোমার  
দেশের বিস্তার পর্যন্ত আবৃত করবে।” ৯ জাতিসমূহ তোমরা রণহৃক্ষার  
করো ও ভগ্ন হও! দূরবর্তী দেশগুলি, তোমরাও শোনো। তোমরা যুদ্ধের  
জন্য প্রস্তুত ও ভগ্ন হও! তোমরা যুদ্ধের জন্য প্রস্তুত ও ভগ্ন হও! ১০  
তোমরা কৌশল পরিকল্পনা করবে, কিন্তু তা নিষ্ফল হবে; তোমরা  
পরিকল্পনার প্রস্তাব দাও, তা কিন্তু দাঁড়াবে না, কারণ ঈশ্বর আমাদের  
সঙ্গে আছেন। ১১ সদাপ্রভু তাঁর শক্তিশালী হাত আমার উপরে রেখে  
এই কথা বললেন। তিনি সতর্ক করে দিলেন, যেন আমি এই জাতির  
জীবনাচরণ অবলম্বন না করি। তিনি বললেন: ১২ “এই সমস্ত লোকে  
যাকে চক্রান্ত বলে, তার সবগুলিকেই তুমি চক্রান্ত বোলো না; তারা  
যাকে ভয় করে, তুমি তাতে ভয় পেয়ো না এবং তার জন্য আতঙ্কগ্রস্ত

হোয়ো না। 13 সর্বশক্তিমান সদাপ্রভুকেই তুমি পবিত্র বলে মান্য করবে, কেবলমাত্র তাঁকেই তুমি ভয় করবে, কেবলমাত্র তাঁরই কারণে তুমি আতঙ্কগ্রস্ত হবে। 14 আর তিনিই হবেন তোমার ধর্মধার; কিন্তু ইস্রায়েলের ও যিহুদার উভয় কুলের পক্ষে তিনি হবেন এক পাথর, যাতে মানুষ হোঁচট খাবে এবং এক শিলা, যার কারণে তাদের পতন হবে। আর জেরুশালেমের লোকদের জন্য তিনি এক ফাঁদ ও এক জালস্বরূপ হবেন। 15 তাদের মধ্যে অনেকেই হোঁচট খাবে; তারা পতিত হয়ে ভগ্ন হবে, তারা ফাঁদে ধৃত হয়ে বন্দি হবে।” 16 এই সতকীকরণের সাক্ষ্য বদ্ধ করো এবং ঈশ্বরের বিধান মোহরাক্ষিত করো আমার শিষ্যদের কাছে। 17 আমি সদাপ্রভুর জন্য অপেক্ষা করব, যিনি যাকোবের কুলের কাছ থেকে তাঁর মুখ লুকিয়েছেন। আমি তাঁরই উপরে আমার আস্থা রাখব। 18 এই আমি ও আমার সন্তানেরা, সদাপ্রভু যাদের আমাকে দিয়েছেন। সর্বশক্তিমান সদাপ্রভু, যিনি সিয়োন পর্বতে বাস করেন, তাঁর পক্ষ থেকে আমরা ইস্রায়েলের কাছে চিহ্ন ও প্রতীকস্বরূপ। 19 যখন লোকেরা তোমাদের প্রেতমাধ্যম ও ভুত্তড়েদের সঙ্গে যোগাযোগ করে বিড়বিড় ও ফিসফিস করতে বলে, তখন কোনো জাতি কি তাদের ঈশ্বরের কাছে অনুসন্ধান করবে না? জীবিতদের পক্ষে কেন মৃতদের সঙ্গে পরামর্শ করতে হবে? 20 তোমরা ঈশ্বরের বিধান ও সতকীকরণের সাক্ষ্য অপ্রেষণ করো। যদি তারা এই বাক্য অনুযায়ী কথা না বলে, তাহলে তারা ভোরের আলো দেখবে না। 21 বিপর্যস্ত ও ক্ষুধার্ত হয়ে তারা দেশের মধ্যে ঘুরে বেড়াবে। চরম খিদেতে কষ্ট পেয়ে তারা ভীষণ ক্রুদ্ধ হবে এবং উর্ধ্বদৃষ্টি করে তারা তাদের রাজা ও তাদের ঈশ্বরকে অভিশাপ দেবে। 22 তারপর তারা পৃথিবীর দিকে তাকাবে ও কেবলমাত্র বিপর্যয়, অন্ধকার ও ভয়ংকর যন্ত্রণা দেখতে পাবে; তারা ঘোর অন্ধকারে নিষ্কিঞ্চ হবে।

**৯** তবুও, যারা বিপর্যস্ত হয়েছিল, তাদের মধ্যে বিষাদ আর থাকবে না। অতীতকালে তিনি সবুলনের ভূমি ও নঙ্গালির ভূমিকে অবনত করেছিলেন; কিন্তু পরবর্তীকালে তিনি সমুদ্রের নিকটবর্তী সেই পথ থেকে, জর্জন নদীর তীরে স্থিত পরজাতিদের গালীলকে সম্মানিত

করবেন। 2 যে জাতি অন্ধকারে বসবাস করত, তারা এক মহাজ্যোতি  
দেখতে পেয়েছে; যারা মৃত্যুচ্ছায়ার দেশে বসবাস করত, তাদের উপরে  
এক জ্যোতির উদয় হয়েছে। 3 তুমি সেই জাতির বৃদ্ধি করেছ এবং  
তাদের আনন্দ বর্ধিত হয়েছে; তারা তোমার সামনে আনন্দিত হয়  
যেমন লোকে শস্যচয়নের সময়ে করে, যেমন যোদ্ধারা আনন্দ করে,  
যখন তারা লুণ্ঠিত বস্ত্র বিভাগ করে। 4 যেমন তোমরা মিদিয়নকে  
পরাস্ত করার সময়ে করেছিলে, তাদের দাসত্বের জোয়াল তোমরা  
ভেঙে ফেলবে, তাদের কাঁধ থেকে ভারী বোঝা তুলে ফেলবে, তোমরা  
নিপীড়নকারীদের লাঠি ভেঙে ফেলবে। 5 যুদ্ধে ব্যবহৃত প্রত্যেক  
যোদ্ধার জুতো ও রক্তে ভেজা প্রত্যেকটি পোশাক অবশ্য দন্ত করা  
হবে, সেগুলি আগনের জ্বালানিস্বরূপ হবে। 6 কারণ আমাদের জন্য  
এক শিশুর জন্ম হয়েছে, আমাদের কাছে এক পুত্রসন্তান দেওয়া  
হয়েছে, শাসনভার তাঁরই কাঁধে দেওয়া হবে। আর তাঁকে বলা হবে  
আশ্চর্য পরামর্শদাতা, পরাক্রমী ঈশ্বর, চিরস্তন পিতা, শান্তিরাজ। 7  
তাঁর শাসনক্ষমতা বৃদ্ধির ও শান্তির কোনো সীমা থাকবে না। তিনি  
দাউদের সিংহাসনে অধিষ্ঠিত হয়ে তাঁর রাজ্যের উপরে কর্তৃত্ব করবেন,  
ন্যায়বিচার ও ধার্মিকতার সঙ্গে তিনি তা প্রতিষ্ঠিত করে সুস্থির করবেন,  
সেই সময় থেকে অনন্তকাল পর্যন্ত করবেন। সর্বশক্তিমান সদাপ্রভুর  
উদ্যোগই তা সম্পাদন করবে। 8 প্রভু যাকোবের বিরুদ্ধে একটি বার্তা  
প্রেরণ করেছেন; তা ইস্রায়েলের উপরে পতিত হবে। 9 ইফ্রয়িম ও  
শমরিয়ায় বসবাসকারী সব লোকই তা জানতে পারবে, যারা গর্বিত  
মনে ও উদ্ধত হৃদয়ের সঙ্গে একথা বলে, 10 “ইটগুলি তো পতিত  
হয়েছে, কিন্তু আমরা তক্ষিত পাথরে তা আবার গাঁথব; ডুমুর গাছগুলি  
কেটে ফেলা হয়েছে, কিন্তু সেগুলির জায়গায় আমরা সিডার গাছ  
লাগাব।” 11 কিন্তু সদাপ্রভু রংসীনের বিরুদ্ধে, তার শক্রদের শক্তিশালী  
করেছেন, আর তার বিরুদ্ধে তাদের উদ্দীপ্ত করেছেন। 12 পূর্বদিক  
থেকে অরামীয়রা ও পশ্চিমদিক থেকে ফিলিস্তিনীয়া মুখ হা করে  
ইস্রায়েলকে গ্রাস করেছে। তবুও, এ সকলের জন্য তাঁর ক্রোধ প্রশামিত  
হয়নি, তাঁর হাত এখনও উপরে উঠে আছে। 13 কিন্তু, যিনি তাদের

আমাত করেছেন, তাঁর কাছে তারা ফিরে আসেনি, তারা সর্বশক্তিমান সদাপ্রভুর অঙ্গেষণও করেনি। 14 তাই সদাপ্রভু ইস্রায়েল থেকে মাথা ও লেজ, দুটিই কেটে ফেলবেন, খেজুরডাল ও নলখাগড়া মাত্র একদিনে কেটে দেবেন; 15 প্রাচীনেরা ও প্রমুখ লোকেরা হলেন মস্তক, আর যে ভাববাদীরা মিথ্যা কথা শিক্ষা দেয়, তারা হল লেজ। 16 যারা লোকদের পথ প্রদর্শন করে, তারাই তাদের বিপথে চালিত করে, আর যারা চালিত হয়, তারা বিপথগামী হয়ে পড়ে। 17 সেই কারণে প্রভু যুবকদের জন্য আর আনন্দ করবেন না, পিতৃহীন ও বিধবাদের প্রতি তিনি মমতা প্রদর্শন করবেন না, কারণ তারা সবাই ভক্তিহীন ও দুষ্ট, তারা প্রত্যেকেই অশালীন কথা বলে। তবুও, এ সকলের জন্য তাঁর ক্রোধ প্রশংসিত হয়নি, তাঁর হাত এখনও উপরে উঠে আছে। 18 সত্যই দুষ্টতা আগন্তের মতো প্রজ্বলিত হয়; তা শিয়ালকাঁটা ও কাঁটাবোপকে পুড়িয়ে ফেলে, তা বনের ঘন জঙ্গলকে দাউদাউ করে প্রজ্বলিত করে, ফলে উপরের দিকে ঘন ধোঁয়ার কুণ্ডলী উঠে যায়। 19 সর্বশক্তিমান সদাপ্রভুর ক্রোধে সমস্ত দেশ আগন্তে বলসে যাবে, আর লোকেরা হবে সেই আগন্তের জ্বালানিস্বরূপ; কেউ তার ভাইকেও অব্যাহতি দেবে না। 20 ডানাদিকে তারা গ্রাস করবে, তবুও তারা ক্ষুধার্ত থেকে যাবে; বাঁদিকে তারা খেতে থাকবে, তবুও তারা তৃপ্ত হবে না। প্রত্যেকে তার নিজের সন্তানের মাংস খাবে: 21 মনঃশি ইফ্রয়িমের মাংস খাবে এবং ইফ্রয়িম খাবে মনঃশিকে; তারা উভয়ে একত্রে যিহুদার বিরঞ্জনে উঠবে। তবুও, এ সকলের জন্য তাঁর ক্রোধ প্রশংসিত হয়নি, তাঁর হাত এখনও উপরে উঠে আছে।

**10** ধিক্ তাদের, যারা অন্যায় সব বিধান তৈরি করে, যারা অত্যাচার করার জন্য রায় ঘোষণা করে, 2 মেন নিজস্ব অধিকার থেকে দরিদ্রদের বাধিত করে এবং আমার জাতির অত্যাচারিত লোকদের থেকে ন্যায়বিচার হরণ করে, যারা বিধবাদের তাদের শিকার বানায় এবং পিতৃহীনদের সর্বস্ব লুট করে। 3 হিসেব নেওয়ার দিনে তোমরা কী করবে, যখন দূর থেকে তোমাদের উপরে বিপর্যয় নেমে আসবে? সাহায্যের জন্য কার কাছে তোমরা দৌড়ে যাবে? তোমাদের ধনসম্পদ

সব কোথায় রাখবে? 4 বন্দিদের মধ্যে তয়ে কুকড়ে থাকা অথবা  
নিহতদের পতিত হওয়া ছাড়া আর কিছু থাকবে না। তবুও, এ সকলের  
জন্য তাঁর ক্ষেত্র প্রশংসিত হয়নি, তাঁর হাত এখনও উপরে উঠে আছে।  
5 “আসিরিয়াকে ধিক, সে আমার ক্ষেত্রের লাঠি, যার হাতে আছে  
আমার রোষের মুগুর! 6 আমি তাকে এক ভক্তিহীন জাতির বিরুদ্ধে  
পাঠাব, আমি তাকে এক জাতির বিরুদ্ধে প্রেরণ করব, যারা আমাকে  
ক্রুদ্ধ করেছে, যেন সে লুট করে ও লুঙ্গনের দ্রব্য কেড়ে নেয়, আর  
পথের কর্দমের মতো তাদের পদদলিত করে। 7 কিন্তু এরকম তিনি  
করতে চান না, এরকম কিছু তাঁর মনে আসেনি; তাঁর অভিশায় হল  
ধ্বংস করা, অনেক জাতির পরিসমাপ্তি ঘটানো। 8 তিনি বলেন,  
‘আমার সেনাপতিরা কি সবাই রাজা নয়? 9 আমার হাতে কলনো  
কি কর্কমীশের মতো, হমাং কি অর্পণের মতো এবং শমরিয়া কি  
দামাক্ষাসের মতো মন্দ বরাত হয়নি? 10 আমার হাত যেমন প্রতিমায়  
পূর্ণ রাজ্যগুলিকে অবরুদ্ধ করেছে, সেইসব রাজ্য, যাদের মূর্তিগুলি  
জেরুশালেম ও শমরিয়াকেও ছাড়িয়ে গেছে, 11 আমি কি জেরুশালেম  
ও তার মূর্তিগুলির তেমনই অবস্থা করব না, যেমন আমি করেছি  
শমরিয়া ও তার প্রতিমাদের?’” 12 প্রভু যখন সিরোন পর্বত ও  
জেরুশালেমের বিরুদ্ধে তাঁর সব কর্ম সমাপ্ত করবেন, তিনি বলবেন,  
“অহংকারে পূর্ণ হৃদয় ও উদ্ধৃত দৃষ্টির জন্য আমি আসিরীয় রাজাকে  
শাস্তি দেব। 13 কারণ সে বলে: “আমার হাতের শক্তিতে ও আমার  
প্রজার দ্বারা আমি এই কাজ করেছি, কারণ আমার বুদ্ধি আছে। আমি  
জাতিসমূহের সীমানাগুলি অপসারিত করেছি, আমি তাদের ধনসম্পদ  
লুট করেছি; এক পরাক্রমী ব্যক্তির মতো তাদের রাজাদের আমি  
পদানত করেছি। 14 যেমন কেউ পাখির বাসায় হাত দেয়, তেমনই  
জাতিসমূহের ঐশ্বর্যে আমার হাত পোঁচেছে; লোকে যেমন পরিত্যক্ত  
ডিম সংগ্রহ করে, তেমনই আমি সব দেশকে একত্র করেছি; কেউ  
তার একটিও ডানা ঝাপটায়নি, বা মুখে চিঁ চিঁ শব্দ করেনি।” 15  
কুড়াল কি কাঠচেংবকের উপরে আঞ্চলন করতে পারে? অথবা  
করাত কি কাঠমিত্রীর বিরুদ্ধে নিজেকে বড়ো মনে করতে পারে? কেউ

না চালালে লাঠি কি কাউকে যন্ত্রণা দিতে পারে? কোনো কাঠের মুণ্ডুর  
কি নিজে নিজেই চালিত হয়? 16 সেই কারণে, প্রভু, সর্বশক্তিমান  
সদাপ্রভু, তাঁর বলবান যোদ্ধাদের মধ্যে একটি ক্ষয়ে যাওয়া রোগ  
পাঠিয়ে দেবেন; তার সমারোহের মধ্যে একটি আগুন, একটি প্রজ্বলিত  
আগুনের শিখা জ্বালিয়ে দেওয়া হবে। 17 ইস্রায়েলের জ্যোতি আগুনের  
মতো হবেন, তাদের সেই পবিত্রতম জন এক আগুনের শিখা হবেন;  
একদিনের মধ্যে তার শিয়ালকঁটা ও কঁটারোপ দক্ষ হয়ে গ্রাসিত  
হবে। 18 তার অরণ্যগুলির শোভা ও উর্বরা মাঠগুলি তা সম্পূর্ণরূপে  
ধ্বংস করবে, যেভাবে কোনো অসুস্থ মানুষ ক্ষয় পায়। 19 আর অরণ্যের  
অবশিষ্ট গাছগুলি সংখ্যায় এত অল্প হবে যে একজন শিশু তাদের  
গণনা করে লিখে ফেলবে। 20 সেদিন, ইস্রায়েলের অবশিষ্ট লোকেরা,  
যাকোবের কুলে যারা বেঁচে থাকবে তারা, তারা আর তার উপরে  
নির্ভর করবে না যে তাদের আঘাত করে পতিত করেছিল, কিন্তু তারা  
প্রকৃতই সদাপ্রভুর উপর নির্ভর করবে, যিনি ইস্রায়েলের সেই পবিত্রতম  
জন। 21 এক অবশিষ্ট অংশ ফিরে আসবে; যাকোব কুলের এক  
অবশিষ্ট অংশ, পরাক্রমী ঈশ্বরের কাছে ফিরে আসবে। 22 যদিও  
তোমার লোকেরা ও ইস্রায়েল সমুদ্রতীরের বালির মতো হয়, তবুও,  
এক অবশিষ্টাংশই ফিরে আসবে। ধ্বংসের রায় ঘোষিত হয়েছে, তা  
হবে প্রবল এবং ন্যায়বিচার অনুযায়ী। 23 প্রভু, সর্বশক্তিমান সদাপ্রভু,  
সমস্ত দেশের উপরে ঘোষিত ধ্বংসের রায় কার্যকর করবেন। 24  
সেই কারণে, প্রভু, সর্বশক্তিমান সদাপ্রভু এই কথা বলেন: ‘সিয়োনে  
বসবাসকারী, ও আমার প্রজারা, তোমরা আসিরীয়দের থেকে ভীত  
হোয়ো না, যারা মিশরের মতোই তোমাদের লাঠি দিয়ে প্রহার করেছিল  
ও তোমাদের বিরুদ্ধে মুণ্ডুর তুলেছিল। 25 খুব শীত্বই তোমাদের  
বিরুদ্ধে আমার ক্ষেত্রের পরিসমাপ্তি হবে, আর আমার রোষ তাদের  
ধ্বংসের প্রতি চালিত হবে।’ 26 সর্বশক্তিমান সদাপ্রভু তাদের এক  
চারুক দিয়ে প্রহার করবেন, যেভাবে তিনি ওরেব-শৈলে মিদিয়নকে  
যন্ত্রণা দিয়েছিলেন; তিনি তাঁর লাঠি জলরাশির উপরে তুলবেন, যেমন  
তিনি মিশরে করেছিলেন। 27 সেদিন, তোমাদের কাঁধে দেওয়া তাদের

বোকা ও তোমাদের ঘাড় থেকে তাদের জোয়াল তুলে নেওয়া হবে;  
সেই জোয়াল ভেঙে ফেলা হবে, কারণ তোমরা ভীষণ হষ্টপুষ্ট হয়েছ।  
২৮ তারা অয়াতে প্রবেশ করেছে; তারা মিশ্রণের মধ্য দিয়ে অতিক্রম  
করেছে; তারা মিক্রমসে তাদের দ্রব্যসামগ্রী সঞ্চয় করেছে। ২৯ তারা  
গিরিপথ অতিক্রম করে ও বলে, “আমরা রাত্রির মধ্যে গেবাতে শিবির  
স্থাপন করব।” রামা ভয়ে কম্পিত হয়; শৌলের গিবিয়া পলায়ন করে।  
৩০ গল্লীমের কন্যারা, তোমরা ক্রন্দন করো! ও লয়শার লোকেরা,  
তোমরা শ্রবণ করো! হায়! দুঃখী অনাথোৎ! ৩১ মদ্মেনার লোকেরা  
পালিয়ে যাচ্ছে; গেবীমের লোকেরা নিজেদের লুকাচ্ছে। ৩২ আজকের  
দিনে তারা নোবে গিয়ে স্থগিত হবে; সে সিয়োন-কন্যার পর্বতের দিকে,  
জেরুশালেমের পাহাড়ের দিকে তার মুষ্টি আন্দোলিত করছে। ৩৩  
দেখো, প্রভু, সর্বশক্তিমান সদাপ্রভু, মহাপরাক্রমে বৃক্ষশাখাগুলি কেটে  
ফেলবেন। উঁচু সব গাছ পতিত হবে, লম্বা গাছগুলিকে মাটিতে ফেলা  
হবে। ৩৪ বনের ঘন জঙ্গলকে তিনি কুড়াল দিয়ে কেটে ফেলবেন সেই  
পরাক্রমী জনের সামনে লেবানন পতিত হবে।

**১১** যিশয় কুলের মূলকাণ্ড থেকে একটি শাখা নির্গত হবে; তার মূল  
থেকে উৎপন্ন এক শাখায় ফল ধরবে। ২ সদাপ্রভুর আত্মা তাঁর উপরে  
অবস্থিতি করবেন, তা হল প্রজ্ঞা ও বুদ্ধির আত্মা, পরামর্শদানের ও  
পরাক্রমের আত্মা, জ্ঞানের আত্মা ও সদাপ্রভুর ভয়ের আত্মা ৩ আর  
তিনি সদাপ্রভুর ভয়ে আনন্দিত হবেন। তিনি চোখের দৃষ্টি অনুযায়ী  
বিচার করবেন না, কিংবা কানে যা শোনেন, সেই অনুযায়ী সিদ্ধান্ত  
নেবেন না; ৪ কিন্তু ধার্মিকতায় তিনি নিঃস্ব ব্যক্তির বিচার করবেন,  
ন্যায়ের সঙ্গে তিনি পৃথিবীর দরিদ্রদের বিচার নিষ্পত্তি করবেন। তিনি  
তাঁর মুখের লাঠি দিয়ে পৃথিবীকে আঘাত করবেন; তাঁর ওষ্ঠাধরের শাস্তে  
তিনি দুষ্টদের সংহার করবেন। ৫ ধার্মিকতা হবে তাঁর কোমরবন্ধনী  
এবং বিশ্বস্ততা হবে তাঁর কোমরে জড়ানো পটুকা। ৬ নেকড়েবাঘ  
মেষশাবকের সঙ্গে একত্র থাকবে, চিতাবাঘ ছাগশাবকের সঙ্গে শুয়ে  
থাকবে, বাচ্চুর, সিংহ ও নধর পশু একত্র থাকবে; একটি ছোটো  
শিশু তাদের চালিয়ে বেড়াবে। ৭ গরু ভালুকের কাছে একসঙ্গে

চরে বেড়াবে, তাদের বাহুরেরা একসঙ্গে শুয়ে থাকবে, আর সিংহ  
বলদের মতোই বিচালি থাবে। ৪ স্ন্যপায়ী শিশু কেউটে সাপের  
গর্তের কাছে খেলা করবে, ছোটো শিশু বিষধর সাপের গর্তে হাত  
দেবে। ৫ সেই সাপেরা আমার পবিত্র পর্বতের কোথাও কোনো ক্ষতি  
বা বিনাশ করবে না, কারণ সমুদ্র যেমন জলরাশিতে আচ্ছন্ন, পৃথিবী  
তেমনই সদাপ্রভুর জ্ঞানে পরিপূর্ণ হবে। ১০ সেদিন যিশয়ের মূল,  
জাতিসমূহের পতাকারপে দাঁড়াবেন; সব জাতি তাঁর প্রতি ধাবিত হবে  
এবং তাঁর বিশ্বামের স্থান প্রতাপান্বিত হবে। ১১ সেদিন প্রভু দ্বিতীয়বার  
সেই অবশিষ্টাঙ্গকে পুনরুদ্ধার করবেন, অর্থাৎ আসিরিয়া, মিশরের  
নিম্নাঞ্চল ও উচ্চতর অঞ্চল, ও কৃষ থেকে, এলম, ব্যাবিলনিয়া, হ্যাঙ  
ও সমুদ্রের দ্বীপগুলি থেকে অবশিষ্ট লোকদের উদ্ধার করবেন। ১২ তিনি  
জাতিসমূহের উদ্দেশে একটি পতাকা তুলে ধরবেন এবং ইস্রায়েলের  
নির্বাসিতদের একত্র করবেন; তিনি পৃথিবীর চার কোণে ছড়িয়ে পড়া  
যিহুদার লোকদের সমবেত করবেন। ১৩ ইফ্রয়িমের ঈর্ষা বিলীন হবে,  
আর যিহুদার শক্ররা উৎখাত হবে; ইফ্রয়িম যিহুদার প্রতি ঈর্ষা করবে  
না, যিহুদাও ইফ্রয়িমের প্রতি হিংস্র হবে না। ১৪ তারা পশ্চিম প্রান্তে  
ফিলিস্তিয়ার ঢালে ছোঁ মারবে; একত্র তারা পূর্বদিকের লোকদের  
দ্রব্য লুঝন করবে। তারা ইদোম ও মোয়াবের উপরে হস্তক্ষেপ করবে,  
আর অমোনীয়েরা তাদের বশ্যতাধীন হবে। ১৫ সদাপ্রভু মিশরীয়  
সমুদ্রের খাড়িকে শুকিয়ে ফেলবেন; উষ্ণ বাতাস প্রবাহিত করে তিনি  
ইউফ্রেটিস নদীর উপরে হাত চালাবেন। তিনি সাতটি শাখায় তা  
বিভক্ত করবেন, যেন লোকেরা চাটি পায়েই তা পার হতে পারে। ১৬  
আসিরিয়া থেকে যারা অবশিষ্ট থাকবে, তাঁর প্রজাদের বাকি লোকদের  
জন্য একটি রাজপথ তৈরি হবে, যেমন মিশর থেকে বের হয়ে আসার  
সময়ে ইস্রায়েলীদের জন্য তৈরি হয়েছিল।

**১২** সেদিন তুমি বলবে: “হে সদাপ্রভু, আমি তোমার প্রশংসা করব।  
তুমি যদিও আমার উপরে ক্রুদ্ধ ছিলে, তোমার ক্রোধ কিন্তু ফিরে গেছে,  
আর তুমি আমাকে সান্ত্বনা দিয়েছ। ২ নিশ্চয়ই ঈশ্বর আমার পরিত্রাণ;  
আমি আস্থা রাখব ও ভয় পাব না। সদাপ্রভু, সদাপ্রভুই আমার শক্তি ও

আমার গান; তিনি আমার পরিত্রাগ হয়েছেন।” ৩ তোমরা পরিত্রাগের কুঠোগুলি থেকে আনন্দের সঙ্গে জল তুলে আনবে। ৪ সেদিন তোমরা বলবে: “সদাপ্রভুকে ধন্যবাদ দাও, তাঁর নামে ডাকো; তাঁর কৃত সমস্ত কর্ম জাতিসমূহকে জানাও, তাঁর নাম উচ্চ বলে ঘোষণা করো। ৫ সদাপ্রভুর উদ্দেশে গীত গাও, কারণ তিনি মহিমাময় অনেক কাজ করেছেন; সমস্ত জগৎকে একথা জানাও। ৬ সিয়োনের লোকেরা, তোমরা চিৎকার করো ও আনন্দে গান গাও, কারণ ইস্রায়েলের সেই পবিত্রতম জন তোমাদের মধ্যে মহান।”

**13** ব্যাবিলনের বিরক্তে এক ভবিষ্যদ্বাণী, যা আমোমের পুত্র যিশাইয় এক দর্শনের মাধ্যমে জানতে পান: ২ তোমরা বৃক্ষশূন্য এক গিরিচূড়ায় পতাকা তোলো, তাদের প্রতি চিৎকার করে বলো; অভিজাত ব্যক্তিদের তোরণদ্বারগুলি দিয়ে প্রবেশের জন্য তাদের ইশারা করো। ৩ আমি আমার পবিত্রজনেদের আদেশ দিয়েছি; আমার ক্রোধ চরিতার্থ করার উদ্দেশে আমি আমার যোদ্ধাদের ডেকে পাঠিয়েছি, তারা আমার বিজয়ে উল্লাস করবে। ৪ শোনো, পর্বতগুলির উপরে এক কলরব শোনা যাচ্ছে, তা যেন এক মহা জনসমারোহের রব! শোনো, রাজ্যগুলির মধ্যে এক হট্টগোলের শব্দ, তা যেন বিভিন্ন জাতির একত্র হওয়ার কোলাহল! সর্বশক্তিমান সদাপ্রভু যুদ্ধের জন্য এক সৈন্যবাহিনী রচনা করছেন। ৫ তারা বহু দূরবর্তী দেশগুলি থেকে আসছে, আকাশমণ্ডলের প্রান্তসীমা থেকে সদাপ্রভু ও তাঁর ক্রোধের সব অন্ত সমস্ত দেশকে ধ্বংস করার জন্য আসছে। ৬ তোমরা বিলাপ করো, কারণ সদাপ্রভুর দিন এসে পড়েছে; সর্বশক্তিমানের কাছ থেকে ধ্বংসের জন্যই তা আসবে। ৭ এই কারণে সবার হাত ঝুলে পড়বে, প্রত্যেকের হৃদয় গলে যাবে। ৮ আতঙ্ক তাদের গ্রাস করবে, ব্যথা ও মনস্তাপ তাদের কবলিত করবে; প্রসববেদনাগ্রস্ত নারীর মতো তারা যন্ত্রণায় ছটফট করবে। অসহায়ের মতো তারা পরম্পরারের দিকে তাকাবে, ভয়ে তাদের মুখ আগুনের শিখার মতো হবে। ৯ দেখো, সদাপ্রভুর দিন আসছে, এক নির্মম দিন, তা হবে ক্রোধ ও প্রচণ্ড রোষ সমন্বিত, যেন দেশ নির্জন পরিত্যক্ত হয় এবং এর মধ্যেকার পাপীদের ধ্বংস করে। ১০ আকাশের তারকারাজি

ও তাদের নক্ষত্রপুঁজি আর তাদের দীপ্তি দেবে না। উদীয়মান সূর্য হবে  
অন্ধকারময়, আর চাঁদ তার জ্যোৎস্না দেবে না। 11 আমি মন্দতার  
জন্য জগৎকে শাস্তি দেব, দুষ্টদের তাদের পাপের জন্য দেব। আমি  
উদ্বিগ্নদের দর্পের অন্ত ঘটাব এবং অহংকারীদের নিষ্ঠুরতাকে নতন্ত্র  
করব। 12 আমি মানুষকে বিশুদ্ধ সোনার চেয়ে, ওফীরের সোনার  
চেয়েও দুর্লভ করব। 13 সেই কারণে, আমি আকাশমণ্ডলকে কম্পান্তি  
করব; পৃথিবী তার স্থান থেকে সরে যাবে, সর্বশক্তিমান সদাপ্রভুর  
ক্রোধের জন্যই এরকম হবে, যেদিন তাঁর ক্রোধ প্রজ্বলিত হবে। 14  
শিকারের জন্য তাঢ়িত গজলা হরিণের মতো, পালকহীন কোনো  
মেষের মতো, প্রত্যেকেই তার আপনজনের কাছে ফিরে যাবে, সকলেই  
তাদের স্বদেশে পালিয়ে যাবে। 15 যে বন্দি হয়, তাকে অস্ত্রবিদ্ধ  
করা হবে; যারা ধৃত হবে, তারা তরোয়াল দ্বারা পতিত হবে। 16  
তাদের চোখের সামনে তাদের শিশুদের আছড়ে মারা হবে; তাদের  
গৃহগুলি লুণ্ঠিত হবে ও তাদের স্ত্রীরা হবে ধৰ্মিত। 17 দেখো, আমি  
তাদের বিরুদ্ধে মাদীয়দের উন্নেজিত করব, যারা রংপোর পরোয়া  
করে না, সোনায় যাদের কোনো আনন্দ নেই। 18 তাদের ধনুর্ধরেরা  
যুবকদের সংহার করবে; শিশুদের প্রতি তাদের কোনো করণা থাকবে  
না, ছেলেমেয়েদের প্রতি তারা কোনো সহানুভূতি দেখাবে না। 19  
রাজ্যগুলির মণিরতন্ত্রকপ ব্যাবিলন, ব্যাবিলনীয়দের অহংকারের সেই  
গৌরব, ঈশ্বর তা উৎখাত করবেন, যেমন সদোম ও ঘমোরার প্রতি  
করেছিলেন। 20 তার মধ্যে আর কোনো জনবসতি হবে না, বা  
বংশপরম্পরায় কেউ বসবাস করবে না; কোনো যায়াবর সেখানে তাঁর  
খাটোবে না, কোনো মেষপালকের পশুপালও সেখানে বিশ্রাম করবে  
না। 21 কিন্তু মরণপ্রাণীরা সেখানে শুয়ে থাকবে, শিয়ালেরা তাদের  
গৃহগুলি পূর্ণ করবে; সেখানে থাকবে যত প্যাঁচা, বন্য ছাগলেরা সেখানে  
লাফিয়ে বেড়াবে। 22 তার দৃঢ় দুর্গগুলিতে হায়েনারা চিত্কার করবে,  
শিয়ালেরা ডাকবে তার বিলাসবহুল প্রাসাদগুলি থেকে। তার সময়  
শেষ হয়ে এসেছে, তার দিনগুলি আর বাঢ়ানো হবে না।

**14** সদাপ্রভু যাকোব কুলের প্রতি সহানুভূতি দেখাবেন; আর একবার তিনি ইস্রায়েলকে বেছে নেবেন এবং তাদের স্বদেশে তাদের অধিষ্ঠিত করবেন। বিদেশিরা তাদের সঙ্গে যোগ দেবে এবং যাকোব কুলের সঙ্গে সংযুক্ত হবে। 2 অন্যান্য জাতি তাদের নিয়ে তাদের স্বদেশে পৌঁছে দেবে। আর ইস্রায়েল কুল সদাপ্রভুর দেশে জাতিসমূহকে তাদের দাস-দাসীরূপে অধিকার করবে। তারা তাদের বন্দিকারীদের বন্দি করবে এবং তাদের পীড়নকারীদের উপরে শাসন করবে। 3 যেদিন সদাপ্রভু তোমাদের কষ্টভোগ, উদ্বেগ ও নির্মম দাসত্ব থেকে মুক্তি দেবেন, 4 তোমরা ব্যাবিলনের রাজার বিরুদ্ধে এই ধিক্কারবাণী উচ্চারণ করবে: পীড়নকারীর শেষ সময় কেমন ঘনিয়ে এসেছে! কীভাবে তার ভয়ংকরতা সমাপ্ত হয়েছে! 5 সদাপ্রভু দুষ্টদের লাঠি ও শাসকদের রাজদণ্ড ভেঙে ফেলেছেন, 6 যা একদিন অনবরত আঘাত দ্বারা লোকদের নির্ধন করত; এবং ক্রোধে নিরন্তর আগ্রাসনের দ্বারা তারা জাতিসমূহকে বশ্যতাধীন করত। 7 সমস্ত দেশ বিশ্রাম ও শান্তি ভোগ করছে; তারা গান গেয়ে আনন্দ করছে। 8 এমনকি, লেবাননের দেবদারং ও সিডার গাছগুলি ও এই আনন্দ সংগীত গেয়ে বলে, “এখন মেহেতু তোমাকে নত করা হয়েছে, আর কোনো কাঠুরে আমাদের কাটতে আসে না।” 9 নিম্নস্থ পাতাল তোমার আগমনে, তোমার সঙ্গে সাক্ষাৎ করার জন্য অস্তির হয়েছে; তোমাকে স্বাগত জানানোর জন্য এ তার মৃতজনেদের আত্মাকে তুলে পাঠায় তারা প্রত্যেকেই ছিল এই জগতের এক একজন নেতা। যারা জাতিসমূহের উপরে রাজা ছিল, এ তাদের সিংহাসন থেকে তুলে দাঁড় করায়। (Sheol h7585) 10 তারা সকলেই প্রত্যুত্তর করবে, তারা সবাই তোমাকে বলবে, “তুমি ও আমাদেরই মতো দুর্বল হয়েছ; তুমি আমাদের সদৃশ হয়েছ।” 11 তোমার বীণাগুলির কোলাহল সমেত তোমার সমস্ত সমারোহ করবে নামানো হয়েছে; শূককীট তোমার নিচে ছড়ানো হয়েছে, আর কীটেরা তোমাকে আবৃত করে। (Sheol h7585) 12 ওহে প্রভাতি তারা, উষাকালের সন্তান, তুমি কেমন স্বর্গ থেকে পতিত হয়েছ! তুমি একদিন বিভিন্ন জাতিকে নিপাতিত করেছ, সেই তোমাকেই পৃথিবীতে নিক্ষেপ

করা হয়েছে! 13 তুমি মনে বলেছিলে, “আমি স্বর্গে আরোহণ করব; স্টেশনের নক্ষত্রপুঁজিরও উর্দ্ধে, আমি আমার সিংহাসন তুলে ধরব; আমি সমাগম পর্বতে, উত্তর দিকের দূরতম প্রান্তে, আমার সিংহাসনে উপবিষ্ট হব। 14 আমি যেসমালার উপরে আরোহণ করব, আমি নিজেকে পরামর্শের তুল্য করব।” 15 কিন্তু তোমাকে নামানো হয়েছে কবরের মধ্যে, পাতালের গভীরতম তলে। (Sheol h7585) 16 যারা তোমার দিকে তাকায়, তারা কটাক্ষ করে, তারা তোমার অবস্থা দেখে চিন্তা করে: “এ কি সেই লোক, যে পৃথিবীকে কাঁপিয়ে তুলত, রাজ্যগুলি যার ভয়ে কাঁপত? 17 সেই লোক, যে জগৎকে মরণভূমি করে তুলেছিল, যে তার নগরগুলিকে উৎখাত করেছিল ও তার বন্দিদের স্বর্গে ফিরে যেতে দেয়নি?” 18 জাতিসমূহের সমস্ত রাজা রাজকীয় মহিমায় নিজের নিজের কবরে শুয়ে আছেন। 19 কিন্তু তুমি প্রত্যাখ্যাত বৃক্ষশাখার মতো তোমার কবর থেকে বাইরে নিক্ষিপ্ত হয়েছ। যারা তরোয়ালের দ্বারা বিদ্ধ হয়েছিল, তুমি সেই নিহতদের শবে ঢাকা পড়েছ, যাদের পাথরের স্তুপের মধ্যে গর্তে নামিয়ে দেওয়া হয়েছে, যেভাবে কোনো মৃতদেহকে পদদলিত করা হয়। 20 তাদের মতো তোমাকে কবর দেওয়া হবে না, কারণ তুমি তোমার দেশ ধ্বংস করেছ এবং তোমার প্রজাদের হত্যা করেছ। দুষ্টদের বংশধরদের কথা আর কখনও উল্লেখ করা হবে না। 21 তাদের পিতৃপুরুষদের পাপসমূহের জন্য, তার সন্তানদের হত্যা করার জন্য স্থান প্রস্তুত করো; দেশের অধিকার ভোগ করার জন্য তারা আর উঠেবে না, নগর পতনের দ্বারা তারা আর পৃথিবী আচ্ছন্ন করবে না। 22 “আমি তাদের বিরুদ্ধে উঠে দাঁড়াব,” সর্বশক্তিমান সদাপ্রভু এই কথা ঘোষণা করেন। “আমি ব্যাবিলন থেকে তার ও তার বেঁচে থাকা লোকদের নাম, তার সন্তানসন্ততি ও বংশধরদের নাম মুছে ফেলব,” সদাপ্রভু এই কথা বলেন। 23 “আমি তাকে প্যাঁচাদের নিবাসস্থান করব, এবং তা হবে এক জলাভূমির মতো; আমি বিনাশকূপ ঝাড়ু দিয়ে তাকে ঝাঁট দেব,” সর্বশক্তিমান সদাপ্রভু এই কথা ঘোষণা করেন। 24 সর্বশক্তিমান সদাপ্রভু শপথ করে বলেছেন: “আমি যেমন পরিকল্পনা করেছি, নিশ্চিতরপে সেইরকমই হবে, আর আমার অভিপ্রায় যে রকম,

তাই স্থির থাকবে। 25 আমি স্বদেশে আসিবীয়দের চূর্ণ করব; আমার পর্বতগুলির উপরে, আমি তাকে পদদলিত করব। আমার প্রজাদের উপর থেকে তার জোয়াল সরিয়ে ফেলা হবে, তাদের কাঁধ থেকে তার বোঝা অপসারিত হবে।” 26 সমস্ত জগতের জন্য এই পরিকল্পনা স্থির করা হয়েছে; এই হাত সব জাতির উপরে প্রসারিত হয়েছে। 27 কারণ সর্বশক্তিমান সদাপ্রভু যে সংকল্প করেছেন, কে তা নাকচ করবে? তাঁর হাত প্রসারিত হয়েছে, কে তা ফিরাতে পারবে? 28 রাজা আহসের মৃত্যু বছরে এই ভবিষ্যদ্বাণী উপস্থিত হয়েছিল: 29 ফিলিস্তিনীরা, যে লাঠি দ্বারা তোমাদের আঘাত করেছিল, তা ভেঙেছে বলে তোমরা উল্লসিত হোয়ো না; কারণ সেই মূল-সাপ থেকে এক কালসাপ নির্গত হবে, জ্বলন্ত উড়ন্ত নাগই হবে তার গর্ভফল। 30 দরিদ্রদের মধ্যে দরিদ্রতম চারণভূমি পাবে, আর নিঃস্ব-অভাবী মানুষেরা নিরাপদে বিশ্রাম করবে। কিন্তু তোমার মূল আমি দুর্ভিক্ষে ধ্বংস করব; তোমার বেঁচে থাকা লোকদের ধ্বংস করব। 31 ওহে তোরণদ্বার, বিলাপ করো! ওহে নগর, একটানা আর্তনাদ করো! ফিলিস্তিনী তোমরা সবাই গলে যাও! উত্তর দিক থেকে এক ধোঁয়ার মেঘ আসছে, তাদের সৈন্যশ্রেণীর একজনও স্থানচ্যুত হয় না। 32 সেই জাতির দৃতদের কী উত্তর দেওয়া হবে? “সদাপ্রভু সিয়োনকে প্রতিষ্ঠিত করেছেন, তাঁর ক্লিষ্ট প্রজারা তার মধ্যে আশ্রয়স্থান পাবে।”

**15** মোয়াবের বিরচক্ষে এক ভবিষ্যদ্বাণী, মোয়াবের আর নগরী বিনষ্ট হল, এক রাত্রির মধ্যে তা ধ্বংস হল! মোয়াবের কীর্ণ নগরীও বিনষ্ট হল, এক রাত্রির মধ্যে সেটিও ধ্বংস হল! 2 দীর্ঘনের লোকেরা তার মন্দিরে গিয়েছে, কাঁদবার জন্য উঁচু স্থানগুলিতে গিয়েছে; মোয়াব নেবো ও মেদ্বার জন্য বিলাপ করছে। প্রত্যেকের মস্তক মুশ্খিত হয়েছে ও প্রত্যেকের দাঢ়ি কামানো হয়েছে। 3 পথে পথে তারা শোকের বন্ধ পরে; সব ছাদের উপরে ও প্রকাশ্য চকগুলিতে তারা সকলে বিলাপ করে, কাঁদতে কাঁদতে তারা দণ্ডণ হয়। 4 হিস্বোন ও ইলিয়ালী ক্রন্দন করে, তাদের কর্তৃপক্ষের যত্স পর্যন্ত শোনা যায়। তাই সশন্ত মোয়াবের লোকেরা চিত্কার করে, তাদের হৃদয় মুর্ছিত

হয়। ৫ আমার হৃদয় মোয়াবের জন্য কেঁদে ওঠে; তার পলাতকেরা সোয়র পর্যন্ত, এমনকি, ইগ্ন-শলিশীয়া পর্যন্ত পলায়ন করে। তারা লুহীতের আরোহণ পথে উঠে যায়, যাওয়ার সময় তারা কাঁদতে থাকে; হোরোগয়িমে যাওয়ার পথে তারা নিজেদের ধ্বংসের বিষয়ে বিলাপ করে। ৬ নিষ্ঠামের জলরাশি শুকিয়ে গেছে সেখানকার সব ঘাস শুকনো হয়েছে; শাকসবজি সব শেষ, সবুজ আর কিছুই অবশিষ্ট নেই। ৭ তাই যে ঐশ্বর্য তারা আহরণ ও সঞ্চিত করেছে, তারা তা বাউবন-গিরিখাতের ওপারে নিয়ে যায়। ৮ তাদের হাহাকার-ধ্বনি মোয়াবের সীমানায় প্রতিধ্বনিত হয়; তাদের বিলাপের স্বর সুদূর ইগ্নয়িম পর্যন্ত ও তাদের হা-ভৃতাশের শব্দ বের-এলীম পর্যন্ত পৌঁছে গেছে। ৯ দীমোনের জলরাশি রক্তে পূর্ণ, কিন্তু আমি আরও বিপর্যয় দীমোনের উপরে নিয়ে আসব, মোয়াবের পলাতকদের উপরে এবং যারা দেশে অবশিষ্ট থাকে, তাদের উপরে একটি সিংহ নিয়ে আসব।

**16** দেশের শাসনকর্তার কাছে উপহাররূপে কতগুলি মেষশাবক পাঠাও, মরুভূমির ওপারে, সেলা থেকে সিয়োন-কল্যার পর্বতে পাঠাও। ২ বাসা থেকে ফেলে দেওয়া পাখির পালিয়ে যাওয়া শব্দের মতো, অর্গোন নদীর পারঘাটাগুলিতে মোয়াবের নারীদের অবস্থা তেমনই হবে। ৩ “আমাদের পরামর্শ দাও, এক সিদ্ধান্তের কথা বিবেচনা করো। মধ্যাহ্নে তোমাদের ছায়াকে রাত্রির মতো অন্ধকারময় করো। পলাতকদের লুকিয়ে রাখো, শরণার্থীদের সঙ্গে বিশ্বাসঘাতকতা কোরো না। ৪ মোয়াবের পলাতকেরা তোমাদের সঙ্গে বসবাস করুক; ধ্বংসকারীর হাত থেকে তোমরা তাদের আশ্রয়স্বরূপ হও।” অত্যাচারীদের সময় শেষ হয়ে আসবে, বিনাশের সময় নিবৃত্ত হবে; আক্রমণকারী দেশ থেকে উধাও হবে। ৫ ভালোবাসায় এক সিংহাসন স্থাপিত হবে; বিশ্বস্তায় একজন তার উপরে উপবিষ্ট হবেন— দাউদের কুল থেকে একজন তার উপরে বসবেন। তিনি ন্যায়পরায়ণতায় বিচার করবেন এবং দ্রুততার সঙ্গে ধার্মিকতা প্রতিষ্ঠা করবেন। ৬ আমরা মোয়াবের অহংকারের কথা শুনেছি, তার অতি ওন্দত্য ও অহমিকার কথা, তার গর্ব ও তার দাস্তিকতার বিষয় কিন্তু তার দর্প নিতান্তই শূন্যগর্ভ। ৭ সেই কারণে,

মোয়াবীয়েরা বিলাপ করে, তারা মোয়াবের জন্য একসঙ্গে বিলাপ করে।  
তারা কীর-হেরসের কিশমিশের পিঠের জন্য বিলাপ ও ক্রন্দন করে। 8  
হিয়বোনের মাঠগুলি শুকিয়ে যায়, সিব্মার আঙুর গাছগুলিও শুকিয়ে  
যায়। জাতিসমূহের শাসকেরা উৎকৃষ্ট আঙুরগাছগুলিকে পদদলিত  
করেছে, যেগুলি একদিন যাসের পর্যন্ত ও মরণভূমির দিকে ছড়িয়ে  
যেত। তাদের শাখাগুলি ছড়িয়ে পড়েছিল, আর সুদূর সমুদ্র পর্যন্ত  
বিস্তৃত হয়েছিল। 9 তাই সিব্মার আঙুর গাছগুলির জন্য আমি কাঁদি,  
যেমন যাসেরও কাঁদে। হিয়বোন ও ইলিয়ালী, আমি চোখের জলে  
তোমাদের ভেজাব! তোমাদের পাকা ফল ও তোমাদের শস্যচয়নের  
জন্য আনন্দের স্বর আমি স্তুতি করব। 10 ফলবাগিচাগুলি থেকে আনন্দ  
ও খুশি সরিয়ে নেওয়া হবে; আঙুরক্ষেতে কেউই গান বা হৈ-হল্লা  
করবে না। কুণ্ডগুলিতে কেউই দ্রাক্ষারস মাড়াই করবে না, কারণ  
আনন্দের চিৎকার আমি একেবারেই বন্ধ করেছি। 11 বীণার করণ  
সুরের মতো আমার হৃদয় মোয়াবের জন্য বিলাপ করে, আমার অন্তর  
কীর-হেরসের জন্য করে। 12 মোয়াব যখন তার উঁচু স্থানে দেখা দেয়,  
সে কেবলমাত্র নিজেকে ক্লান্ত করে তোলে; সে যখন তার অর্চনার স্থানে  
প্রার্থনা করতে যায়, তা কোনও কাজে আসে না। 13 সদাপ্রভু এই  
বাণী ইতিমধ্যে মোয়াবের সম্পর্কে বলেছেন। 14 কিন্তু এখন সদাপ্রভু  
বলেন: “চুক্তি দ্বারা আবন্দ দাস যেমন দিন গোগে, তিন বছরের মধ্যে  
তেমনই মোয়াবের সমারোহ ও তার বহুসংখ্যক লোক তুচ্ছীকৃত হবে  
এবং তার অবশিষ্ট বেঁচে থাকা লোকেরা সংখ্যায় অল্প ও দুর্বল হবে।”

**17** দামাক্ষাসের বিরুদ্ধে এক ভবিষ্যদ্বাণী আমার কাছে উপস্থিত  
হল: “দেখো, দামাক্ষাস আর কোনো নগররূপে থাকবে না, কিন্তু  
তা হবে একটি ধ্বংসস্তূপ। 2 অরোয়েরের নগরগুলি জনশূন্য হবে,  
তা পশুপালের জন্য ছেড়ে দেওয়া হবে, যারা সেখানে শুয়ে বিশ্রাম  
করবে, কেউ তাদের কোনো ভয় দেখাবে না। 3 ইফ্রায়িম থেকে দুর্গ-  
নগরীগুলি অদৃশ্য হবে, দামাক্ষাস থেকে উধাও হবে রাজকীয় পরাক্রম;  
অরাম দেশের অবশিষ্ট লোকেরা হবে ইস্রায়েলের অন্তর্হিত গৌরবের  
মতো,” সর্বশক্তিমান সদাপ্রভু এই কথা বলেন। 4 “সেদিন যাকোব

কুলের মহিমা ম্লান হয়ে যাবে; তার শরীরের মেদ ঝারে যাবে। ৫ তা  
হবে লোকেদের মাঠ থেকে পাকা শস্য সংগ্রহের মতো, যখন তারা  
হাত বাড়িয়ে শিষ কাটে—তা হবে রফায়ামের উপত্যকায় পতিত  
শিষ কুড়িয়ে নেওয়ার মতো। ৬ তবুও কুড়িয়ে নেওয়ার মতো কিছু  
শস্য অবশিষ্ট থাকবে, যেমন কোনো জলপাই গাছকে ঝেড়ে ফেলা  
হয় এবং উপরের ডালগুলিতে দুটি কি তিনটি জলপাই থেকেই যায়,  
ফলস্ত শাখায় যেমন চারটি কি পাঁচটি ফল থেকে যায়,” সদাপ্রভু,  
ইস্রায়েলের ঈশ্বর এই কথা বলেন। ৭ সেদিন লোকেরা তাদের স্রষ্টার  
দিকে তাকাবে, তারা তাদের দৃষ্টি ইস্রায়েলের পরিত্রিমজনের প্রতি  
ফিরাবে। ৮ তারা আর বেদিগুলির দিকে তাকাবে না, যেগুলি তাদেরই  
হাতের তৈরি করা, আর তাদের হাতে তৈরি আশেরার খুঁটিগুলি ও  
ধূপবেদিগুলির প্রতি তাদের কোনো সমীহ থাকবে না। ৯ সেদিন, দৃঢ়  
নগরগুলি, যেগুলি ইস্রায়েলীদের ভয়ে তারা পরিত্যাগ করেছিল, সেগুলি  
ঘন জঙ্গল ও লতাগুলের জন্য পরিত্যক্ত হবে। সমস্ত দেশটিই জনশূন্য  
হবে। ১০ তোমরা তোমাদের পরিআতা ঈশ্বরকে ভুলে গিয়েছ; তোমরা  
তোমাদের শৈল, তোমাদের দুর্গকে মনে রাখোনি। তাই, যদিও তোমরা  
উৎকৃষ্ট সব বৃক্ষচারা রোপণ করো, বিদেশ থেকে আনা দ্রাক্ষালতা  
লাগাও, ১১ যদিও যেদিন তোমরা সেগুলি লাগাও, সেদিনই সেগুলিকে  
বাড়িয়ে তোলো, সকালবেলা যখন তোমরা তাদের লাগাও, তোমরা  
সেগুলি পুষ্পিত করো, তবুও রোগ ও অনিরাময়যোগ্য ব্যথাবেদনার  
দিনে, তোমরা কিছুই শস্যচয়ন করতে পারবে না। ১২ আহা, অনেক  
জাতি কেমন গর্জন করছে, সমুদ্রগর্জনের মতোই তাদের গর্জনের  
শব্দ! আহ, জাতিগুলির ভীষণ কোলাহল, মহাজলরাশির মতোই তারা  
গর্জন করছে! ১৩ যদিও লোকেরা সফেন জলরাশির মতো গর্জন  
করে, যখন তিনি তাদের তিরক্ষার করেন, তারা বহুদূরে পালিয়ে যায়,  
তারা পাহাড়ের উপরে তুষের মতো বাতাসে উড়ে যায়, বাড়ের মুখে  
ঘূর্ণায়মান ধূলির মতো হয়। ১৪ সন্ধ্যাবেলা আকস্মিক সন্ত্বাসের মতো  
হবে! সকালবেলা সেগুলি অন্তর্ভুক্ত হবে! এই হবে তাদের অধিকার

যারা আমাদের লুট করে, যারা আমাদের লুঠন করে, এই হবে তাদের পাওনা।

**18** হায়! ইথিয়োপিয়ার নদীগুলির ওপারে, বিঁঁঝি শব্দকারী ডানার দেশ। ২ যে দেশ সমুদ্রপথে নলখাগড়ায় তৈরি নৌকাতে তার দূতদের প্রেরণ করে। দ্রুত বার্তাবহনকারীরা, তোমরা যাও, এক জাতির কাছে, যারা দীর্ঘকায় ও মসৃণ চামড়াবিশিষ্ট, যে জাতিকে দূরে বা নিকটে সকলেই ভয় করে, তারা এক আক্রামক জাতি, যারা অঙ্গুত ভাষা বলে, যাদের দেশ বহু নদনদীর দ্বারা বিভক্ত। ৩ তোমরা, জগতের সমস্ত জাতি, তোমরা, যারা পৃথিবীতে বসবাস করো, যখন পর্বতসমূহের উপরে পতাকা তোলা হয়, তোমরা তা দেখতে পাবে। আর যখন তুরী বাজানো হয়, তোমরা তা শুনতে পাবে। ৪ সদাপ্রভু আমাকে এই কথা বলেন: “আমি নীরবে আমার নিবাসস্থান থেকে লক্ষ্য করব, যেমন গ্রীষ্মের দিনে উত্তাপ নিশ্চুপ বাড়তে থাকে, বা যেমন শস্যচয়নের সময়ে ভোরবেলা শিশির পতন হয়।” ৫ কারণ শস্যচয়নের পূর্বে, যখন কুঁড়ি ঝরে যায়, ফুলগুলি যখন পাকা আঙুরে পরিণত হয়, তিনি কাস্তে দিয়ে তার ডালপালা ছেঁটে দেবেন, তার প্রসারিত ডালপালা কেটে অপসারিত করবেন। ৬ তাদের শিকারি পাখি ও বন্য জন্মদের কাছে, সবাইকে পর্বতের উপরে ফেলে রাখা হবে; পাখিরা সমস্ত গ্রীষ্মকাল ধরে ও বন্যজন্মের সমস্ত শীতকাল তাদের ভোজন করবে। ৭ সেই সময়, সর্বশক্তিমান সদাপ্রভুর কাছে উপহার নিয়ে আসা হবে এক জাতির কাছ থেকে, যারা দীর্ঘকায় ও মসৃণ চামড়াবিশিষ্ট, যে জাতিকে দূরে বা নিকটে সকলেই ভয় করে, তারা এক আক্রামক জাতি, যারা অঙ্গুত ভাষা বলে, যাদের দেশ বহু নদনদীর দ্বারা বিভক্ত, সেই উপহারগুলি সিয়োন পর্বতে আনীত হবে, যে স্থান সর্বশক্তিমান সদাপ্রভুর নামে আখ্যাত।

**19** মিশরের বিরুদ্ধে এক ভবিষ্যদ্বাণী, দেখো, সদাপ্রভু এক দ্রুতগামী মেঘে আরোহণ করে মিশরে আসছেন। মিশরের প্রতিমাগুলি তাঁর সামনে কম্পিত হবে, আর মিশরীয়দের হাদয় তাদের অন্তরেই দ্রবীভূত হবে। ২ “আমি মিশরীয়দের বিরুদ্ধে মিশরীয়দের উত্তেজিত

করব, তাই ভাইয়ের বিরুদ্ধে, প্রতিবেশী প্রতিবেশীর বিরুদ্ধে, নগর  
নগরের বিরুদ্ধে, রাজ্য রাজ্যের বিরুদ্ধে সংঘর্ষ করবে। 3 মিশরীয়েরা  
সাহস হারিয়ে ফেলবে, আর আমি তাদের পরিকল্পনাগুলি নিষ্ফল করে  
দেব; তারা প্রতিমাদের ও মৃত লোকেদের আত্মার সঙ্গে, প্রেতমাধ্যম  
ও গুণিনদের সঙ্গে পরামর্শ করবে। 4 আমি এক নিষ্ঠুর মনিবের  
হাতে মিশরীয়দের সমর্পণ করব, এক উগ্র রাজা তাদের উপরে শাসন  
করবে,” প্রভু, সর্বশক্তিমান সদাপ্রভু এই কথা ঘোষণা করেন। 5  
নদীর সমস্ত জলরাশি শুকিয়ে যাবে, নদীতট চরা পড়ে শুকনো হয়ে  
যাবে। 6 খালগুলি থেকে দুর্গন্ধি বের হবে; মিশরের স্ন্যাতোধারাগুলি  
ক্ষয় পেতে পেতে শুকিয়ে যাবে। নলবন ও খাগড়াও শুকনো হবে, 7  
শুকনো হবে নীলনদের তীরে, নদীমুখের ধারে স্থিত সব গাছপালা।  
নীলনদের তীরে সমস্ত বীজ লাগানো মাঝে শুকনো হয়ে যাবে, সেগুলি  
বাতাসে উড়ে যাবে, আর থাকবে না। 8 জেলেরা আর্টনাদ ও বিলাপ  
করবে, যারা নীলনদে বড়শি ফেলে, যারা জলের মধ্যে তাদের জাল  
ফেলে, তারা সব দুঃখে শীর্ণ হবে। 9 যারা পরিষ্কার করা শণ দিয়ে  
কাজ করে, তারা দুশ্চিন্তাগ্রস্ত হবে, যারা সূক্ষ্ম মসিনার কাপড় বোনে,  
তারা নিরাশ হবে। 10 তাঁতিরা নিরঞ্জসাহ হবে, বেতনজীবীরা তাদের  
প্রাণে দুঃখ পাবে। 11 সোয়নের রাজকর্মচারীরা মূর্খ ছাড়া কিছু নয়;  
ফরৌণের বিজ্ঞ পরামর্শদাতারা অর্থহীন পরামর্শ দেয়। তোমরা কেমন  
করে ফরৌণকে বলতে পারো, “আমি বিজ্ঞ ব্যক্তিদের মধ্যে অন্যতম,  
প্রাচীন রাজগণের এক শিষ্য?” 12 তোমার বিজ্ঞ ব্যক্তিরা এখন  
কোথায়? তারা তোমাকে দেখাক ও জ্ঞাত করুক সর্বশক্তিমান সদাপ্রভু  
মিশরের বিরুদ্ধে কী পরিকল্পনা করেছেন। 13 সোয়নের কর্মচারীরা  
মূর্খ হয়েছে, মেঞ্চিসের নেতারা প্রতারিত হয়েছে; তাদের জাতির  
কোণের পাথরগুলি মিশরকে বিপথে চালিত করেছে। 14 সদাপ্রভু  
তাদের উপরে এক হতবুদ্ধিকর আত্মা ঢেলে দিয়েছেন; মত ব্যক্তি  
যেমন তার বমির উপরে গড়াগড়ি দেয়, তারাও মিশরকে তার সব  
কাজে টলোমলো করেছে। 15 মিশর আর কিছুই করতে পারে না,  
তাদের মাথা বা লেজ, খেজুরডাল বা নলখাগড়া, কেউই না। 16 সেদিন

মিশরীয়েরা স্ত্রীলোকের মতো হবে। সর্বশক্তিমান সদাপ্রভু তাদের বিরংদে যে হাত তুলবেন, তা দেখে তারা ভয়ে শিউরে উঠবে। 17 যিহুদার দেশ মিশরীয়দের উপরে আতঙ্ক নিয়ে আসবে; যার কাছেই যিহুদার কথা উল্লেখ করা হবে, সে আতঙ্কগ্রস্ত হবে, কারণ সর্বশক্তিমান সদাপ্রভু তাদের বিরংদে পরিকল্পনা করেছেন। 18 সেদিন, মিশরের পাঁচটি নগর কলান দেশের ভাষা বলবে ও সর্বশক্তিমান সদাপ্রভুর প্রতি আনুগত্যের শপথ নেবে। সেগুলির মধ্যে একটির নাম হবে, ধ্বংসের নগর। 19 সেদিন, মিশর দেশের কেন্দ্রস্থলে সদাপ্রভুর উদ্দেশে একটি বেদি নির্মিত হবে এবং তার সীমানায় সদাপ্রভুর এক স্থৃতিস্তু নির্মিত হবে। 20 মিশর দেশে সর্বশক্তিমান সদাপ্রভুর উদ্দেশে এটি হবে একটি নির্দর্শন ও সাক্ষ্যস্বরূপ। তাদের নিপীড়নকারীদের জন্য যখন তারা সদাপ্রভুর কাছে কাঁদবে, তিনি তখন তাদের কাছে একজন পরিদ্রাতা ও রক্ষককে পাঠিয়ে দেবেন। তিনি তাদের উদ্বার করবেন। 21 এভাবে সদাপ্রভু মিশরীয়দের কাছে নিজের পরিচয় দেবেন, আর সেদিন তারা সদাপ্রভুকে স্বীকার করবে। তারা বিভিন্ন বলি ও ভক্ষ্য-নৈবেদ্য নিয়ে তাঁর উপাসনা করবে; তারা সদাপ্রভুর উদ্দেশে শপথ করে তা পালন করবে। 22 সদাপ্রভু এক মহামারির দ্বারা মিশরকে আঘাত করবেন; তিনি তাদের আঘাত করবেন ও আরোগ্যতা দেবেন। তারা সদাপ্রভুর প্রতি ফিরে আসবে, আর তিনি তাদের আবেদন শুনে তাদের রোগনিরাময় করবেন। 23 সেদিন মিশর থেকে আসিরিয়া পর্যন্ত এক রাজপথ নির্মিত হবে। আসিরীয়েরা মিশরে যাবে ও মিশরীয়েরা আসিরিয়া যাবে। মিশরীয়েরা ও আসিরীয়েরা একসঙ্গে উপাসনা করবে। 24 সেদিন মিশর ও আসিরিয়ার সঙ্গে তৃতীয় দেশরূপে ইস্রায়েল পৃথিবীর আশীর্বাদস্বরূপ হবে। 25 সর্বশক্তিমান সদাপ্রভু তাদের একথা বলে আশীর্বাদ করবেন, “আমার প্রজা মিশর, আমার হাতে গড়া আসিরিয়া ও আমার অধিকারস্বরূপ ইস্রায়েল আশীর্বাদধন্য হোক।”

**20** যে বছর আসিরীয় রাজা সর্গোনের পাঠানো প্রধান সেনাপতি অস্দোদে এসে, তা আক্রমণ করে অধিকার করেন, 2 সেই সময়ে সদাপ্রভু আমোষের পুত্র যিশাইয়ের মাধ্যমে কথা বললেন। তিনি তাঁকে

বললেন, “তোমার শরীর থেকে ওই শোকবন্ত ও পায়ের চটিজুতো খুলে  
নাও।” তিনি সেরকমই করলেন। তিনি নগ্ন হয়ে খালি পায়ে এদিক-  
ওদিক ঘূরতে লাগলেন। ৩ তারপরে সদাপ্রভু বললেন, “আমার দাস  
যিশাইয় যেমন তিন বছর নগ্ন শরীরে খালি পায়ে ঘুরে বেড়িয়েছে,  
তা হল এক চিহ্নস্মরণ, আমি মিশ্র ও ইথিয়োপিয়ার উপরে যে  
ভয়ংকর কষ্টের সময় নিয়ে আসব, এ তারই নির্দর্শন। ৪ আসিরীয় রাজা  
এতাবেই মিশ্রীয় ও ইথিয়োপীয় বন্দিদের নগ্ন শরীরে ও খালি পায়ে  
নির্বাসনে নিয়ে যাবে। যুবা-বৃন্দ নির্বিশেষে, মিশ্রের লজ্জার জন্য,  
তাদের নিতম্বদেশ অনাবৃত থাকবে। ৫ যারা ইথিয়োপিয়াকে বিশ্বাস  
করেছিল ও মিশ্রের জন্য গর্ব করেছিল, তারা ভীত ও লজ্জিত হবে। ৬  
সেদিন, যে লোকেরা এই উপকূল অঞ্চলে বসবাস করবে, তারা বলবে,  
'দেখো, আমরা যাদের উপরে নির্ভর করেছিলাম, তাদের কী অবস্থা  
হয়েছে। আসিরীয় রাজার হাত থেকে রক্ষা পাওয়ার জন্য সাহায্য ও  
উদ্ধারলাভের আশায়, আমরা তাদেরই কাছে পলায়ন করেছিলাম!  
তাহলে আমরাই বা কী করে নিষ্কৃতি পাব?"”

**21** সমুদ্রের তীরবর্তী মরণপ্রান্তর সম্পর্কিত এক ভবিষ্যদ্বাণী:  
দক্ষিণাঞ্চল থেকে যেমন ঘূর্ণিবায়ু প্রবল বেগে বয়ে যায়, মরণপ্রান্তর  
থেকে, এক আতঙ্কস্মরণ দেশ থেকে তেমনই এক আক্রমণকারী  
উঠে আসছে। ২ এক নিরাকৃত দর্শন আমাকে দেখানো হয়েছে:  
বিশ্বাসঘাতক বিশ্বাসঘাতকতা করে, লুঁঠনকারী লুট গ্রহণ করে। এলম,  
আক্রমণ করো! মাদিয়া, তোমরা অবরোধ করো! তার দেওয়া যত  
শোকবিলাপের আমি নিবৃত্তি ঘটাব। ৩ এতে আমার শরীর বেদনায়  
জর্জরিত হল, প্রসববেদনাগ্রস্ত নারীর মতো আমার শরীরে ব্যথা হল;  
আমি যা শুনি, তাতে হত-বিহুল হই, আমি যা শুনি, তাতে চমকিত  
হই। ৪ আমার হৃদয় ধূকধূক করে, ভয়ে আমি কাঁপতে থাকি; যে  
গোধূলিবেলার আমি অপেক্ষা করি, তা আমার কাছে হয়েছে বিভীষিকার  
মতো। ৫ তারা টেবিলে খাবার সাজায়, তারা বসার জন্য মাদুর বিছিয়ে  
দেয়, তারা প্রত্যেকেই ভোজনপান করতে থাকে! ওহে সেনাপতিরা,  
তোমরা ওঠো, ঢালগুলিতে তেল মাখাও! ৬ সদাপ্রভু আমাকে এই

কথা বলেন: “তুমি যাও ও গিয়ে একজন প্রহরী নিযুক্ত করো, সে যা দেখে, তার সংবাদ দিতে বলো। 7 যখন সে অনেক রথ দেখে যেগুলির সঙ্গে পাল পাল অশ্ব থাকে, গর্দভ বা উটের পিঠে আরোহীদের যখন সে দেখে, সে যেন সজাগ থাকে, সম্পূর্ণরূপে সজাগ থাকে।” 8 সেই সিংহরূপী প্রহরী চিৎকার করে বলল, “দিনের পর দিন, আমার প্রভু, আমি প্রহরীদুর্গে দাঁড়িয়ে থাকি; রোজ রাত্রে আমি আমার প্রহরাস্থানেই থাকি। 9 দেখুন, একজন মানুষ রথে চড়ে আসছে, তার সঙ্গে আছে অশ্বের পাল। আর সে প্রত্যন্তের বলছে, ‘ব্যাবিলনের পতন হয়েছে, পতন হয়েছে। তার সব দেবদেবীর মূর্তিগুলি মাটিতে যেখানে সেখানে ছাড়িয়ে আছে।’” 10 ও আমার প্রজারা, তোমাদের খামারে মাড়াই করে চূর্ণ করা হয়েছে, আমি সর্বশক্তিমান সদাপ্রভু, ইস্রায়েলের ঈশ্বরের কাছ থেকে যা শুনেছি, তাই তোমাদের বলি। 11 দূমার বিরংদ্বে এক ভবিষ্যদ্বাণী, কেউ আমাকে সেয়ীর থেকে ডেকে বলছে, “প্রহরী, রাতের আর কত বাকি আছে? প্রহরী, রাতের আর কত বাকি আছে?” 12 প্রহরী উভর দিল, “সকাল হয়ে আসছে, কিন্তু রাতও আসছে। তুমি যদি জিজ্ঞাসা করতে চাও, তো জিজ্ঞাসা করো এবং আবার ফিরে এসো।” 13 আরবের বিরংদ্বে এক ভবিষ্যদ্বাণী, দদানের মরণ্যাত্মী তোমরা, যারা আরবীয় ঘন জঙ্গল এলাকায় তাঁবু স্থাপন করো, 14 তোমরা তৃষ্ণার্ত মানুষদের জন্য জল নিয়ে এসো; আর তোমরা যারা টেমায় বসবাস করো, তোমরা পলাতকদের জন্য খাবার নিয়ে এসো। 15 তারা তরোয়াল থেকে পলায়ন করে, নিষ্কোষ তরোয়াল থেকে পলায়ন করে, তারা পলায়ন করে চাড়া দেওয়া ধনুক থেকে এবং রণভূমির উত্তাপ থেকে। 16 প্রভু আমাকে এই কথা বললেন: “যেভাবে কোনো দাস তার চুক্তির মেয়াদ গুনতে থাকে, তেমনই এক বছরের মধ্যে কেদরের সমস্ত সমারোহের অন্ত হবে। 17 ধনুর্ধারীদের অবশিষ্ট লোকেরা, কেদরের যোদ্ধারা সংখ্যায় অল্পই হবে।” একথা সদাপ্রভু, ইস্রায়েলের ঈশ্বর বলেছেন।

**22** দর্শন-উপত্যকার বিরংদ্বে এক ভবিষ্যদ্বাণী: তোমাদের এখন সমস্যাটা কী যে তোমরা সবাই ছাদের উপরে উঠেছ? 2 ওহে

বিশৃঙ্খলায় পূর্ণ নগর, ওহে কোলাহল ও হৈ হট্টগোলে পূর্ণ নগরী?  
তোমার নিহতেরা তরোয়ালের দ্বারা মারা যায়নি, তারা কেউ যুদ্ধেও  
মরেনি। ৩ তোমাদের সব নেতা একসঙ্গে পলায়ন করেছে; ধনুক  
ব্যবহার না করেই তাদের ধরা হয়েছে। তোমাদের মধ্যে যারা ধৃত  
হয়েছে, তারা একসঙ্গে বন্দি হয়েছে, যদিও শক্র দূরে থাকতেই তারা  
পালিয়ে গিয়েছিল। ৪ তাই আমি বললাম, “আমার কাছ থেকে ফিরে  
যাও, আমাকে তীব্র রোদন করতে দাও। আমার জাতির বিনাশের  
জন্য আমাকে সান্ত্বনা দেওয়ার চেষ্টা কোরো না।” ৫ প্রভু, সর্বশক্তিমান  
সদাপ্রভুর একটি দিন আছে, দর্শন-উপত্যকায় বিশৃঙ্খলার, পদদলিত  
করার ও বিভীষিকার, প্রাচীর ভেঙে ফেলার একটি দিন ও পর্বতগুলির  
কাছে কাঁদার। ৬ এলম তার রথারোহীদের ও অশ্বের সঙ্গে তার তির  
রাখার তৃণ তুলে নিয়েছে; কীরের লোকেরা ঢালগুলি অনাবৃত করেছে।  
৭ তোমাদের বাছাই করা উপত্যকাগুলি রথে পরিপূর্ণ, সমস্ত নগরদ্বারে  
অশ্বারোহীদের নিযুক্ত করা হয়েছে। ৮ যিহুদার প্রতিরক্ষা ব্যবস্থা  
ভেঙে পড়েছে আর তুমি সেদিন অরণ্যের প্রাসাদে রাখা অস্ত্রশস্ত্রগুলির  
দিকে তাকিয়েছিলে; ৯ তুমি দেখেছিলে যে, দাউদ-নগরের প্রতিরক্ষা  
ব্যবস্থায় অনেক ফাটল ছিল, তুমি নিম্নতর পুক্ষরিণীতে জল সঞ্চয়  
করেছিলে। ১০ তুমি জেরুশালেমের ভবনগুলি গণনা করেছিলে ও  
অনেক ঘরবাড়ি ভেঙে দেওয়ালগুলি শক্ত করেছিলে। ১১ তুমি পুরাতন  
পুক্ষরিণীর জলের জন্য দুই প্রাচীরের মধ্যে জলাধার তৈরি করেছিলে,  
কিন্তু যিনি এই ঘটনা ঘটতে দিয়েছেন, তোমরা তাঁর দিকে দৃষ্টি করলে  
না, বা যিনি বহুপূর্বে এর পরিকল্পনা করেছিলেন, তাঁকে ভক্তি প্রদর্শন  
করলে না। ১২ প্রভু, সর্বশক্তিমান সদাপ্রভু, সেদিন তোমাকে আহ্বান  
করেছিলেন যেন তোমরা কাঁদো ও বিলাপ করো, যেন তোমরা মাথার  
চুল ছিঁড়ে শোকবন্ধ পরে নাও। ১৩ কিন্তু দেখো, কেবলই আনন্দ ও  
হৈ হট্টগোল, গৃহপালিত পশুর নিধন ও মেষ হত্যা, মাংস ভোজন ও  
দ্রাক্ষরস পান! তোমরা বলেছ, “এসো, আমরা ভোজন ও পান করি,  
কারণ আগামীকাল আমরা মারা যাব!” ১৪ সর্বশক্তিমান সদাপ্রভু আমার  
কানে এই কথা প্রকাশ করলেন: “তোমাদের মৃত্যুদিন পর্যন্ত, এই

পাপের প্রায়শিত্ব করা যাবে না,” একথা বলেন প্রভু, যিনি সর্বশক্তিমান সদাপ্রভু। 15 প্রভু, সর্বশক্তিমান সদাপ্রভু, এই কথা বলেন: “তুমি শিবন, যে প্রাসাদের তত্ত্বাবধায়ক, ওই পরিচারকের কাছে গিয়ে বলো: 16 তুমি এখানে কী করছ আর কে-ই বা তোমাকে অনুমতি দিয়েছে তোমার কবর এখানে কেটে রাখার, পাহাড়ের উপরে তোমার কবর খোদাই করার, শৈলের মধ্যে তোমার বিশ্বামস্থান বাটালি দিয়ে নির্মাণ করার? 17 “তুমি সাবধান হও, ওহে শক্তিশালী মানুষ, সদাপ্রভু তোমাকে শক্ত হাতে ধরে নিষ্কেপ করতে চলেছেন। 18 তিনি তোমাকে শক্ত করে গুটিয়ে বলের মতো করবেন এবং বৃহৎ এক দেশে তোমাকে ছুঁড়ে দেবেন। সেখানে তোমার মৃত্যু হবে আর তোমার অহংকারের রথগুলি সেখানেই থাকবে, যেগুলি তোমার মনিবের গৃহের কলঙ্কস্বরূপ হবে! 19 আমি তোমার কার্যালয় থেকে তোমাকে বরখাস্ত করব, তোমার পদ থেকে তুমি বহিষ্ঠিত হবে। 20 “সেদিন, আমি আমার দাস, হিঙ্কিয়ের পুত্র ইলিয়াকীমকে আহ্বান করব। 21 আমি তাকে তোমার পোশাক পরিয়ে দেব এবং তোমার কোমরবন্ধনী তার কোমরে জড়াব ও তোমার শাসনপদ তার হাতে দেব। যারা জেরুশালেমে থাকে ও যিন্দুদা কুলে বসবাস করে, আমি তাকে তাদের পিতৃস্বরূপ করব। 22 আমি দাউদ কুলের চাবি তার ক্ষেত্রে ন্যস্ত করব; সে যা খুলবে, কেউ তা বন্ধ করতে পারবে না এবং সে যা বন্ধ করবে, কেউ তা খুলতে পারবে না। 23 আমি এক সুদৃঢ় স্থানে তাকে গোঁজের মতো স্থাপন করব; সে তার পিতৃকুলে এক সমানের আসনস্বরূপ হবে। 24 তার বংশের সব গরিমা তারই উপরে ঝুলবে: তার সন্তানসন্ততি ও বংশধরেরা, যেমন কোনো গোঁজের উপরে ছোটো-বড়ো নির্বিশেষে সব পাত্র ঝুলতে থাকে।” 25 সর্বশক্তিমান সদাপ্রভু ঘোষণা করেন, “সেদিন, সেই দৃঢ় স্থানে স্থাপিত গোঁজ আলগা হয়ে যাবে; তা উপড়ে নিচে পড়ে যাবে এবং তার মধ্যে ঝুলে থাকা সমস্ত ভার কেটে ফেলা হবে।” কারণ সদাপ্রভু স্বয়ং এই কথা বলেছেন।

**23** সোরের বিরংদে এক ভবিষ্যদ্বাণী, তশীশের জাহাজগুলি, তোমরা বিলাপ করো! কারণ সোর ধ্বংস হয়েছে, সেখানে আর ঘরবাড়ি নেই,

বন্দরও নেই। সাইপ্রাসের দেশ থেকে তাদের কাছে এই সংবাদ এসে পৌঁছেছে। 2 ওহে দ্বিপনিবাসীরা, তোমরা এবং সীদোনের বণিকেরা, সমুদ্র পারাপারকারীরা যাদের সমৃদ্ধি করেছে, তোমরা নীরব হও। 3 কারণ মহাজলরাশির উপরে এসেছে শীহোর নদীর শস্য; নীলনদের ফসল ছিল সোরের রাজস্ব, সে হয়েছিল জাতিসমূহের বাজারসদৃশ। 4 ওহে সীদোন, তোমরা লজ্জিত হও, আর সমুদ্রের দুর্গ, তোমরাও হও, কারণ সমুদ্র কথা বলেছে: “আমি কখনও প্রসবযন্ত্রণা ভোগ করিনি, কাউকে জন্মও দিইনি; আমি পুত্রদের প্রতিপালন করিনি, কন্যাদেরও মানুষ করিনি।” 5 যখন মিশরের কাছে সংবাদ আসে, সোরের কাছ থেকে প্রাপ্ত সংবাদে তাদের মনস্তাপ হবে। 6 তোমরা তর্ণীশে পার হয়ে যাও; দ্বিপনিবাসী তোমরা বিলাপ করো। 7 এই কি তোমাদের কোলাহলপূর্ণ নগরী, পুরোনো, সেই প্রাচীন পুরী, যার পাঞ্চলি তাকে দূরবর্তী দেশগুলিতে বসতি করার জন্য নিয়ে গেছে? 8 যে অন্যদের মাথায় মুকুট পরাত, সেই সোরের বিরংদে কে এমন পরিকল্পনা করেছে? যার বণিকেরা সবাই সম্মান্ত জন, যার ব্যবসায়ীরা পৃথিবীতে বিখ্যাত ছিল? 9 সর্বশক্তিমান সদাপ্রভু এই পরিকল্পনা করেছেন, তার সমস্ত প্রতাপের গর্ব খর্ব করার জন্য এবং পৃথিবীতে বিখ্যাত লোকদের অবনমিত করার জন্য। 10 ওহে তর্ণীশের কন্যা, নীলনদের তীরে ভূমি কর্ষণ করো, কারণ তোমার বন্দরটি আর নেই। 11 সদাপ্রভু সমুদ্রের উপরে তাঁর হাত প্রসারিত করেছেন এবং তার রাজ্যগুলিকে প্রকল্পিত করেছেন। তিনি ফিনিসিয়া সম্পর্কে এক আদেশ দিয়েছেন, যে তার দুর্গগুলি ধ্বংস হবে। 12 তিনি বলেছেন, “ওহে মানবষ্ট কুমারী সীদোন-কন্যা, তুমি আর উল্লসিত হোয়ো না! “তুমি ওঠো, সাইপ্রাসে পার হয়ে যাও; এমনকি, সেখানেও তুমি কোনো বিশ্রাম পাবে না।” 13 ব্যাবিলনীয়দের দেশের দিকে তাকাও, এই লোকেরা আর হিসেবের মধ্যে আসে না! আসিরীয়রা এই দেশকে মরহুমানদের বাসভূমি করেছে; তারা তাদের অবরোধ-মিনার গড়ে তুলেছিল, তারা এর দুর্গগুলিকে অনাবৃত করেছে এবং ব্যাবিলনকে ধ্বংসস্তূপে পরিণত করেছে। 14 তর্ণীশের জাহাজগুলি, তোমরা বিলাপ

করো, কারণ তোমাদের দুর্গঙ্গলি ধ্বংস হয়েছে! 15 সেই সময়ে, সোর  
একজন রাজার জীবনকাল, অর্থাৎ সন্তর বছরের জন্য বিস্মৃত হবে।  
কিন্তু এই সন্তর বছরের শেষে বেশ্যাদের এই গানের মতো সোরের  
অবস্থা হবে: 16 “ওহে ভুলে যাওয়া বেশ্যা, তোমার বীগা তুলে নগরের  
মধ্য দিয়ে যাও; ভালো করে বীগা বাজাও, অনেক গান গাও, যেন  
তোমাকে স্মরণ করা হয়।” 17 সন্তর বছরের শেষে সদাপ্রভু সোরের  
সঙ্গে বোঝাপড়া করবেন। সে পূর্বের মতোই বেশ্যাবৃত্তির পথে ফিরে  
যাবে এবং ভৃপৃষ্ঠের সমস্ত রাজ্যের সঙ্গে তার ব্যবসা চালাবে। 18 তবুও  
তার লাভ ও উপর্জন সদাপ্রভুর উদ্দেশে পৃথক করে রাখা হবে; সেগুলি  
সঞ্চয় বা মজুত করে রাখা হবে না। তার লাভের টাকা সদাপ্রভুর  
সাক্ষাতে বসবাসকারী লোকদের কাছে যাবে; তাদের খাদ্যদ্রব্য ও  
সুন্দর পোশাকের প্রাচুর্য হবে।

**24** দেখো, সদাপ্রভু পৃথিবীকে পরিত্যক্ত করে তা ধ্বংস করতে  
চলেছেন; তিনি ভৃপৃষ্ঠ ধ্বংস করে এবং তার অধিবাসীদের ছিন্নভিন্ন  
করবেন, 2 সবার অবস্থা একইরকম হবে যাজকদের ও সাধারণ  
লোকদের, মনিব ও দাসদের, কর্তৃ ও দাসীর, বিক্রয়কারী ও ক্রেতার,  
ঝণঝাইতার ও ঝণদাতার, উত্তমর্ণ ও অধমর্ণ, সকলের। 3 পৃথিবী  
সম্পূর্ণ জন পরিত্যক্ত হবে ও সম্পূর্ণরূপে লুণ্ঠিত হবে। সদাপ্রভু  
এই কথা বলেছেন। 4 পৃথিবী শুকিয়ে যাবে ও নিষ্ঠেজ হবে, জগৎ  
অবসাদগ্রস্ত হয়ে নিষ্ঠেজ হবে, পৃথিবীর মহিমান্বিত ব্যক্তিরা অবসন্ন  
হবে। 5 পৃথিবী তার অধিবাসীদের দ্বারা কল্পিত হয়েছে; তারা বিধান  
অমান্য করেছে, তারা বিধিবিধান লজ্জন করে চিরস্থায়ী চুক্তির অবমাননা  
করেছে। 6 সেই কারণে, এক অভিশাপ পৃথিবীকে প্রাস করেছে;  
এর লোকেরা অবশ্য তাদের অপরাধ বহন করবে। তাই পৃথিবীর  
অধিবাসীরা দন্ধ হয়, অতি অল্প মানুষই বেঁচে থাকে। 7 নতুন দ্রাক্ষারস  
শুকিয়ে যায় ও দ্রাক্ষালতা নিষ্ঠেজ হয়; আমোদ-আহুদকারী সকলে  
আর্তনাদ করে। 8 খঞ্জনির উচ্চশব্দ শান্ত হয়ে গেছে, ফুর্তিবাজদের হৈ  
হউগোল স্তৰ্ক হয়েছে, আনন্দমুখের বীগার রব শোনা যায় না। 9 আর  
তারা গান গেয়ে সুরা পান করে না, পানকারীদের মুখে সুরা তেঁতো

লাগে। 10 ধ্বনিসত্ত্ব নগরাটি জনশূন্য পড়ে আছে; প্রত্যেকটি গৃহের দুয়ারের প্রবেশপথে দরজা লাগানো আছে। 11 পথে পথে তারা সুরার জন্য চিৎকার করে; সমস্ত আনন্দ বিষাদে পরিণত হয়, পৃথিবী থেকে সমস্ত হৈ-হল্লা দূর হয়ে গেছে। 12 নগর ধ্বংসস্তুপ হয়ে পড়ে আছে, এর তোরণদ্বারাগুলি টুকরো টুকরো হয়ে পড়ে আছে। 13 পৃথিবীতে ও জাতিসমূহের মধ্যে এরকমই ঘটনা ঘটবে, যেমন, যখন কোনো জলপাই গাছ ঝোড়ার পরে হয় কিংবা দ্রাক্ষাচয়নের পরে কিছু ফল অবশিষ্ট পড়ে থাকে। 14 তারা তাদের কর্তস্বর উচ্চগ্রামে তোলে, তারা আনন্দে চিৎকার করে; পশ্চিমাদিক থেকে তারা সদাপ্রভুর মহিমাকীর্তন করবে। 15 সেই কারণে, পূর্বদিকের লোকেরা সদাপ্রভুর মহিমা করুক; সমুদ্রের দীপগুলির মধ্যে, তারা সদাপ্রভুর, ইস্রায়েলের স্টোরের নামের প্রশংসা করুক। 16 পৃথিবীর প্রান্তসীমা থেকে আমরা গানের শব্দ শুনছি: “সেই ধার্মিক ব্যক্তির মহিমা হোক।” কিন্তু আমি বললাম, “আমি ক্ষয়ে যাচ্ছি, আমি ক্ষয়ে যাচ্ছি, ধিক্ আমাকে! বিশ্বাসঘাতকেরা বিশ্বাসঘাতকতা করছে! হ্যাঁ, বিশ্বাসঘাতকেরা নিরাকৃত বিশ্বাসঘাতকতা করছে!” 17 ওহে পৃথিবীর জনগণ, সন্তাস, গর্ত ও ফাঁদ তোমাদের জন্য অপেক্ষা করছে। 18 সন্তাসের চিৎকারে যে পলায়ন করবে, সে কোনো গর্তে পতিত হবে; আর যে কেউ গর্ত থেকে উঠে আসে, সে ফাঁদে ধৃত হবে। উর্ধ্বাকাশের জলধির উৎস সকল মুক্ত হয়েছে, পৃথিবীর ভিত্তিমূলগুলি কেঁপে উঠছে। 19 পৃথিবী ভগ্ন হয়েছে, পৃথিবী ভেঙে টুকরো টুকরো হয়েছে, পৃথিবী সম্পূর্ণরূপে প্রকল্পিত হয়েছে। 20 পৃথিবী যেন কোনো মাতালের মতো টলোমলো করছে, প্রবল বাতাসে যেমন কুঁড়ে ঘর, এ তেমনই দোদুল্যমান হচ্ছে; এর বিদ্রোহের মাত্রা এতই গুরুভার যে, এর পতন হবে আর কখনও উঠে দাঁড়াতে পারবে না। 21 সেদিন সদাপ্রভু, উর্ধ্বস্তু আকাশমণ্ডলের সমস্ত পরাক্রমকে ও নিচে পৃথিবীর সমস্ত রাজাকে দণ্ড দেবেন। 22 অন্ধকূপে যেমন বন্দিদের আবদ্ধ রাখা হয়, তাদেরও তেমনই একত্র করে রাখা হবে; তাদের কারাগারে রূদ্ধ করে রাখা হবে, আর অনেক দিন পরে তাদের মুক্ত করা হবে। 23 তখন চাঁদ মলিন হবে, সূর্য লজ্জিত হবে; কারণ

সর্বশক্তিমান সদাপ্রভু রাজত্ব করবেন সিয়োন পর্বতে ও জেরুশালেমে  
এবং তার প্রাচীনদের সাক্ষাতে—মহান মহিমার সঙ্গে।

**25** হে সদাপ্রভু, তুমই আমার ঈশ্বর; আমি তোমার নাম উঁচুতে  
তুলে ধরব ও তোমার নামের প্রশংসা করব, কারণ নিখুঁত বিশ্বস্ততায়,  
তুমি বিস্ময়কর সব কাজ করেছ, যেগুলির পরিকল্পনা তুমি বহুপূর্বেই  
করেছিলে। 2 তুমি নগরকে এক পাথরের ঢিবিতে এবং সুরক্ষিত  
নগরীকে এক ধ্বংসস্তূপে পরিণত করেছ, বিদেশিদের দুর্গ আর নগর  
নয়; তা আর কখনও পুনর্নির্মিত হবে না। 3 সেই কারণে, শক্তিশালী  
গোকেরা তোমাকে সম্মান করবে; নির্মম জাতিদের নগরগুলি তোমার  
প্রতি সম্মত প্রদর্শন করবে। 4 তুমি দরিদ্রদের জন্য এক আশ্রয়স্থান  
হয়েছ, দুর্দশায় হয়েছ নিঃস্ব ব্যক্তির শরণস্থান, প্রবল ঝড়ে রক্ষা  
পাওয়ার জায়গা ও উত্তাপ থেকে রক্ষা পাওয়ার ছায়াসদৃশ। কারণ  
নির্মম ব্যক্তিদের শ্বাসপ্রশ্বাস, যেমন কোনো দেওয়ালে প্রতিহত হওয়া  
হস্তার মতো 5 এবং যেন মরুভূমির উত্তাপের মতো। তুমি বিদেশিদের  
চিৎকার থামিয়ে থাকো; যেমন মেঘের ছায়ায় উত্তাপ কমে আসে,  
সেভাবেই নির্মম লোকদের গীত স্তব হয়েছে। 6 এই পর্বতের উপরে  
সর্বশক্তিমান সদাপ্রভু প্রস্তুত করবেন সমস্ত জাতির জন্য উৎকৃষ্ট খাদ্যের  
মহাভোজ, পুরোনো দ্রাক্ষারসের এক পানসভা, সর্বোৎকৃষ্ট মাংস ও  
উৎকৃষ্টতম দ্রাক্ষারস সমন্বিত ভোজ। 7 এই পর্বতের উপরে তিনি  
ধ্বংস করবেন সব জাতিকে ঢেকে রাখা সেই চাদর, সেই আচ্ছাদন,  
যা সব জাতিকে রেখেছিল আবৃত; 8 তিনি চিরকালের জন্য মৃত্যুকে  
গ্রাস করবেন। সার্বভৌম সদাপ্রভু সকলের মুখ থেকে চোখের জল  
মুছিয়ে দেবেন; তিনি সমস্ত পৃথিবী থেকে তাঁর প্রজাদের দুর্বাম ঘুচিয়ে  
দেবেন। সদাপ্রভু একথা বলেছেন। 9 সেদিন তারা বলবে, “নিশ্চয়ই  
ইনিই আমাদের ঈশ্বর; আমরা তাঁর উপরে আস্থা রেখেছি, আর তিনি  
আমাদের রক্ষা করেছেন। ইনিই সদাপ্রভু, আমরা তাঁর উপরে বিশ্বাস  
করেছি; এসো আমরা তাঁর দেওয়া পরিত্রাণে আনন্দ করি ও উল্লিঙ্গিত  
হই।” 10 সদাপ্রভুর হাত এই পর্বতের উপরে স্থির থাকবে; কিন্তু  
মোয়াবকে তাঁর নিচে তিনি পদদলিত করবেন যেমন সারের মধ্যে খড়

পদদলিত করা হয়। 11 তারা এর উপরে তাদের হাত প্রসারিত করবে, যেভাবে সাঁতারু সাঁতার কাটার জন্য হাত প্রসারিত করে। ঈশ্বর তাদের অহংকার অবনমিত করবেন যদিও তাদের হাত চতুরতার চেষ্টা করে। 12 তিনি তোমার উঁচু প্রাচীর সমন্বিত দৃঢ় দুর্গকে ভেঙে ফেলে ধ্বংস করবেন; তিনি সেগুলি মাটিতে নামিয়ে আনবেন, ধূলিসাং করবেন।

**26** সেদিন যিহুদার দেশে এই গীত গাওয়া হবে: আমাদের আছে এক দৃঢ় নগর; আমরা ঈশ্বরের পরিভ্রান্ত প্রাচীর ও প্রাকার-বেষ্টিত আছি। 2 এর তোরণদ্বারগুলি তোমরা খুলে দাও যেন সেই ধার্মিক জাতি এর মধ্যে প্রবেশ করতে পারে, সেই জাতি, যারা বিশ্বাস রক্ষা করেছে। 3 তাকে তুমি পূর্ণ শান্তিতেই রাখবে, যার মন সুস্থির, কারণ সে তোমার উপরে নির্ভর করে। 4 তোমরা চিরকাল সদাপ্রভুর উপরে নির্ভর করো, কারণ সদাপ্রভু, সেই সদাপ্রভুই হলেন শাশ্বত শৈল। 5 যারা উচ্চ স্থানে বসবাস করে, তিনি তাদের অবনত করেন, তিনি উঁচুতে থাকা সেই নগরীকে নামিয়ে আনেন; তিনি তাকে ধরাশায়ী করেন, এমনকি, তাকে মাটির সঙ্গে মিশিয়ে দেন। 6 অত্যাচারী ব্যক্তিদের পা, দরিদ্রদের পদক্ষেপ সেই নগরকে পদদলিত করছে। 7 ধার্মিক ব্যক্তির পথ সমতল পথ; ও ন্যায়বান ব্যক্তি, তুমি ধার্মিকের পথ মসৃণ করো। 8 হ্যাঁ সদাপ্রভু, তোমার বিচারের বিধানগুলি পালনের জন্য আমরা অপেক্ষা করে আছি; তোমার নাম ও সুখ্যাতিই আমাদের মনের আকাঙ্ক্ষা। 9 রাত্রে আমার প্রাণ তোমার জন্য আকুল হয়; সকালে আমার আত্মা তোমার অপেক্ষা করে। তোমার ন্যায়বিচার যখন পৃথিবীর উপরে নেমে আসে, জগতের লোকেরা তখন ধার্মিকতা শিক্ষা করে। 10 যদিও দুষ্টদের প্রতি অনুগ্রহ প্রদর্শিত হয়, তারা ধার্মিকতা শিক্ষা করে না; এমনকি, সততার দেশেও তারা মন্দ কর্ম করে যায় এবং সদাপ্রভুর মাহাত্ম্যকে মর্যাদা দেয় না। 11 হে সদাপ্রভু, তোমার হাত উত্তোলিত হয়েছে, কিন্তু তারা তা দেখতে পায় না। তোমার প্রজাদের জন্য তারা তোমার উদ্যম দেখুক ও লজ্জিত হোক; তোমার শক্রদের জন্য সংরক্ষিত আগুন তাদের গ্রাস করুক। 12 হে সদাপ্রভু, তুমি আমাদের জন্য শান্তি প্রতিষ্ঠিত করো; আমরা যা কিছু করতে

পেরেছি, সবই তুমি আমাদের জন্য করেছ। 13 হে সদাপ্রভু, আমাদের ঈশ্বর, তুমি ছাড়া অন্য প্রভুরা আমাদের শাসন করেছে, কিন্তু আমরা কেবলমাত্র তোমার নামকেই সম্মান করি। 14 তারা তো এখন মৃত, তারা আর জীবিত নেই; ওই মৃত আত্মাগুলি আর উথিত হবে না। তুমি তাদের শাস্তি দিয়ে ধ্বংস করেছ; তুমি তাদের সমস্ত সন্তুষ্টি লোপ করেছ। 15 হে সদাপ্রভু, তুমি এই জাতিকে বর্ধিত করেছ, তুমি এই জাতিকে বর্ধিত করেছ। তুমি নিজের জন্য গৌরব অর্জন করেছ, তুমি দেশের চারদিকের সীমানা বর্ধিত করেছ। 16 হে সদাপ্রভু, তারা তাদের দুর্দশায় তোমার কাছে এসেছিল; তুমি যখন তাদের শাস্তি দিয়েছিলে, তারা ফিসফিস করে কোনো প্রার্থনাও করতে পারেনি। 17 আসন্নপ্রসবা নারী শিশু জন্ম দেওয়ার সময় যেমন ব্যথায় মোচড় খায় ও ক্রন্দন করে, তোমার সামনে, হে সদাপ্রভু, আমরাও তেমনই করেছি। 18 আমরা গর্ভধারণ করেছি, আমরা ব্যথায় আর্তনাদ করেছি, কিন্তু আমরা যেন বাতাস প্রসব করেছি। আমরা পৃথিবীর কাছে পরিত্রাণ আনয়ন করিনি, আমরা জগতের লোকদের কাছে জীবনও আনতে পারিনি। 19 হে সদাপ্রভু, কিন্তু তোমার মৃত লোকেরা জীবন পাবে; তাদের শরীর উথিত হবে। তোমরা যারা ধুলিতে বসবাস করো, তোমরা জেগে ওঠো ও আনন্দে চিৎকার করো। তোমাদের শিশির সকালের শিশিরের মতো; কিন্তু পৃথিবী তার মৃতদের প্রসব করবে। 20 আমার প্রজারা, তোমরা যাও, তোমাদের কক্ষে প্রবেশ করো এবং তোমাদের পিছনে দরজা বন্ধ করো; যতক্ষণ না তাঁর ক্রোধ অতিক্রান্ত হয়, তোমরা একটু সময় নিজেদের লুকিয়ে রাখো। 21 দেখো, জগতের লোকদের পাপের জন্য শাস্তি দিতে সদাপ্রভু নিজের আবাস থেকে বেরিয়ে আসছেন। পৃথিবী তার উপরে সংঘাতিত রক্তপাতের কথা প্রকাশ করবে, তার মধ্যে নিহত লোকদের সে আর আচ্ছন্ন রাখবে না।

**27** সেদিন, সদাপ্রভু তাঁর তরোয়াল দিয়ে, তাঁর ভয়ংকর, বিশাল ও শক্তিশালী তরোয়াল দিয়ে সড়সড় করে চলা সেই সাপ লিবিয়াথনকে, কুণ্ডলী পাকানো সাপ লিবিয়াথনকে শাস্তি দেবেন; তিনি সেই সামুদ্রিক দানবকে হনন করবেন। 2 সেদিন, “তোমরা এক ফলবান দ্রাক্ষাকুঞ্জ

সমন্বে গান করবে: ৩ আমি সদাপ্রভু, তার উপরে দৃষ্টি রাখি; আমি  
তাতে নিয়মিতরূপে জল সেচন করি। আমি দিবারাত্রি তাকে পাহারা  
দিই, যেন কেউই তার ক্ষতি করতে না পারে। ৪ আমি আর ক্রুদ্ধ নই।  
কেবলমাত্র যদি শিয়ালকাঁটা ও কাঁটাঝোপ আমার বিরুদ্ধে সংঘর্ষ করত!  
আমি তাদের বিরুদ্ধে সমরাভিযান করতাম; আমি সেসবই আগুনে  
পুড়িয়ে দিতাম। ৫ নয়তো, তারা আমার কাছে আশ্রয় গ্রহণের জন্য  
আসুক; তারা আমার সঙ্গে শান্তিচৃক্ষিক স্থাপন করুক, হ্যাঁ, তারা আমার  
সঙ্গে শান্তি প্রতিষ্ঠা করুক।” ৬ আগামী সময়ে, যাকোবের বংশধরেরা  
শিকড় প্রতিষ্ঠিত করবে, ইস্রায়েল জাতি মুকুলিত হয়ে প্রস্ফুটিত হবে  
এবং সমস্ত জগৎ ফলে পরিপূর্ণ করবে। ৭ সদাপ্রভু কি তাকে আঘাত  
করেছেন, যেমন তাকে যারা আঘাত করেছে, তিনি তাদের আঘাত  
করেছিলেন? তাকে কি হত্যা করা হয়েছে, যেমন যারা তাকে হত্যা  
করতে চেয়েছিল, তাদের তিনি হত্যা করেছিলেন? ৪ যুদ্ধ ও নির্বাসনের  
মাধ্যমে তুমি তার সঙ্গে বিবাদ করেছ— পুবালি বোঢ়ো বাতাস যেদিন  
বয়ে গেলে যেমন হয়, তাঁর প্রবল ফুৎকারে তিনি তেমনই তাদের  
বের করে দিয়েছেন। ৯ এভাবেই তখন, যাকোব কুলের অপরাধের  
প্রায়শিত্ব হবে, তাদের পাপের সম্পূর্ণ অপসারণের এই হবে তার  
পূর্ণ পরিণাম: যখন তিনি বেদির সব পাথরকে চুনা পাথরের মতো  
চূর্ণ করবেন, তখন আশেরা দেবীর কোনো খুঁটি বা ধূপবেদি আর  
দাঁড়িয়ে থাকবে না। ১০ সুরক্ষিত নগরটি তখন নির্জন পড়ে থাকবে,  
এক পরিত্যক্ত নিবাসস্থানরূপে, যা মরুভূমির মতোই বিস্তৃত হবে;  
সেখানে বাছুরেরা চরে বেড়াবে, সেখানে তারা শুয়ে বিশ্রাম করবে;  
তারা তার শাখাসমূহের ছাল ছিলে ফেলবে। ১১ গাছপালার কচি পাতা  
শুকিয়ে গেলে সেগুলি ভেঙে ফেলা হবে, আর স্তুলোকেরা সেগুলি নিয়ে  
আগুন জ্বালাবে। কারণ এই এক জাতি, যাদের বুদ্ধি নেই; তাই তাদের  
নির্মাতা তাদের প্রতি সহানুভূতিশীল নন, এবং তাদের স্বষ্টা তাদের  
প্রতি কোনো কৃপা প্রদর্শন করেন না। ১২ সেদিন, সদাপ্রভু প্রবাহিত  
ইউফ্রেটিস নদী থেকে মিশরের জলস্ত্রোত পর্যন্ত হাতে চয়ন করা  
শস্যের মতো তাদের সংগ্রহ করবেন। আর ইস্রায়েলীরা, তোমাদের

এক একজন করে একত্র করা হবে। 13 সেদিন একটি বৃহৎ ত্রুটী বাজানো হবে। যারা আসিরিয়ায় বিনষ্ট হচ্ছিল ও যারা মিশরে নির্বাসিত হয়েছিল, তারা জেরশালেমের পবিত্র পর্বতে এসে সদাপ্রভুর উপাসনা করবে।

**28** ইফ্রায়িমের মন্ত্র ব্যক্তিদের অহংকার, সেই মুকুটকে ধিক্, যে ফুলের শোভা ও যার মহিমার সৌন্দর্য ম্লান হয়ে যাচ্ছে, যা এক উর্বর উপত্যকার মাথায় অবস্থিত, সেই নগর, যাদের অহংকার সুরার কারণে অবনমিত হয়েছে! 2 দেখো, প্রভুর এক পরাক্রমী ও শক্তিশালী ব্যক্তি আছেন। শিলাবৃষ্টি ও ধ্বংসাত্মক ঝড়ের মতো, মুষলধারায় বৃষ্টি ও প্লাবনকারী বারিধারার মতো, তিনি একে সবলে মাটিতে নিষ্কেপ করবেন। 3 সেই মুকুট, যা ইফ্রায়িমের মন্ত্র ব্যক্তিদের গর্ব, পায়ের নিচে দলিত হবে। 4 সেই ম্লানপ্রায় ফুল, তার মহিমার সৌন্দর্য, যা এক উর্বর উপত্যকার মাথায় অবস্থিত, যা চয়ন করার আগে পাকা ডুমুরের মতো হবে— তাকে দেখামাত্র যেমন কেউ তা পেড়ে হাতে নেয়, আর তা খেয়ে ফেলে, তেমনই। 5 সেইদিন, বাহিনীগণের সদাপ্রভু এক গৌরবের মুকুটস্বরূপ হবেন, তাঁর প্রজাদের অবশিষ্টাংশের জন্য তিনি হবেন এক সুন্দর শিরোভূষণ। 6 যিনি বিচারকের আসনে বসেন, তিনি তাঁকে ন্যায়বিচারের প্রেরণা দেবেন, যারা নগর-দুয়ারে আক্রমণ রোধ করে, তিনি হবেন তাদের কাছে শক্তির উৎস। 7 এরাও সুরার কারণে টলোমেলো হয় এবং সুরা পানের কারণে এলোমেলো চলে: যাজকেরা ও ভাববাদীরা সুরা পান করে টলোমেলো হয় সুরা পান করে তারা চুর হয়ে থাকে; তারা সুরা পানের জন্য এলোমেলো চলে, দর্শন দেখামাত্র তারা টলটলায়মান হয়, সিদ্ধান্ত গ্রহণের সময় তারা হোঁচ্ট খায়। 8 খাবারের সব টেবিল বমিতে পূর্ণ, নোংরা নয়, এমন কোনো স্থান নেই। 9 “সে কাকে শিক্ষা দিতে চাইছে? কার কাছে সে তার বার্তার ব্যাখ্যা করছে? সেই শিশুদের কাছে কি, যাদের স্তন্যপান ত্যাগ করানো হচ্ছে, না তাদের কাছে, যাদের স্তন থেকে সরানো হচ্ছে?” 10 কারণ, এ যেন: এরকম করো, সেইরকম করো, নিয়মের উপরে নিয়ম, তার উপরে নিয়ম, এখানে একটু আর ওখানে একটু।” 11

তাহলে ভালোই তো, বিদেশি ওষ্ঠাধর ও আড়ুত ভাষার দ্বারা স্টশ্বর এই  
জাতির সঙ্গে কথা বলবেন। 12 যাদের কাছে তিনি বলেছেন, “এই হল  
বিশ্বামের স্থান, ক্লান্ত ব্যক্তি এখানে বিশ্বাম করুক” এবং “এই হল প্রাণ  
জুড়ানোর স্থান”— কিন্তু তারা তা শুনতে চাইলো না। 13 সেই কারণে,  
সদাপ্রভুর বাণী তাদের কাছে এরকম হল: এরকম করো, সেইরকম  
করো, নিয়মের উপরে নিয়ম, তার উপরে নিয়ম, এখানে একটু আর  
ওখানে একটু— যেন তারা যায় ও পিছন দিকে পড়ে, আহত হয়ে  
ফাঁদে পড়ে ও ধৃত হয়। 14 সেই কারণে নিন্দুকেরা ও জেরুশালেমে  
স্থিত এই জাতির শাসকেরা, তোমরা সদাপ্রভুর বাণী শোনো। 15

তোমরা অহংকার করে বলো, “আমরা মৃত্যুর সঙ্গে একটি সন্ধিচুক্তি  
করেছি, কবরের সঙ্গে আমাদের একটি নিয়ম হয়েছে। যখন কোনো  
অপ্রতিরোধ্য কশা আছড়ে পড়ে, তা আমাদের স্পর্শ করতে পারবে না,  
কারণ এক মিথ্যাকে আমরা আশ্রয়স্থল করেছি, আর মিথ্যাচারই হল

আমাদের লুকানোর স্থান।” (Sheol h7585) 16 তাই সার্বভৌম সদাপ্রভু

একথা বলেন: “দেখো, আমি সিয়োনে এক পাথর স্থাপন করি, সেটি  
এক পরীক্ষিত পাথর, সুদৃঢ় ভিত্তির জন্য তা এক মহামূল্যবান কোণের  
পাথর; যে বিশ্বাস করে, সে কখনও আতঙ্কগ্রস্ত হবে না। 17 আমি  
ন্যায়বিচারকে মানদণ্ড ও ধার্মিকতাকে করব ওলন-দড়ি; শিলাবৃষ্টি  
তোমাদের আশ্রয়স্থান, অর্থাৎ মিথ্যাচারকে ভাসিয়ে নিয়ে যাবে, আর

জল তোমার লুকানোর স্থানের উপর দিয়ে বইবে। 18 মৃত্যুর সঙ্গে

কৃত তোমাদের সন্ধিচুক্তি বাতিল করা হবে; কবরের সঙ্গে তোমাদের

চুক্তিনিয়ম স্থির থাকবে না। যখন সেই অপ্রতিরোধ্য কশা আছড়ে

পড়বে, তোমরা তার দ্বারা প্রহারিত হবে। (Sheol h7585) 19 যেই তা

আসবে, তা তোমাদের বহন করে নিয়ে যাবে; সকালের পর সকাল,

দিনে বা রাত্রে, তা ক্রমাগত আছড়ে পড়বে।” এই বার্তা বুঝতে পারলে

তা প্রচণ্ড বিভীষিকা নিয়ে আসবে। 20 পা ছড়ানোর জন্য বিছানা ভীষণ

খাটো, তোমাদের গায়ে জড়ানোর জন্য কম্বলও ছোটো। 21 সদাপ্রভু

উঠে দাঁড়াবেন, যেমন পরাসীম পর্বতে করেছিলেন, গিবিয়োনের

উপত্যকায় যেমন করেছিলেন, তেমনই তিনি নিজেকে তুলে ধরবেন,

যেন তিনি তাঁর কাজ করতে পারেন, তাঁর অদ্ভুত কাজ, তাঁর করণীয় কাজ সম্পন্ন করেন, তাঁর রহস্যময় সেই করণীয় কাজ। 22 এখন তোমাদের ঠাট্টা-বিদ্রূপ করা বন্ধ করো, নইলে তোমাদের শৃঙ্খল আরও ভারী হবে; প্রভু, সর্বশক্তিমান সদাপ্রভু আমাকে বলেছেন, সমস্ত দেশের বিরলদে ধ্বংসের পরোয়ানা জারি হয়ে গেছে। 23 তোমরা শোনো ও আমার কথায় কান দাও; মনোযোগ দাও ও আমি যা বলি তা শোনো। 24 কৃষক যখন বীজ বপনের জন্য জমি চাষ করে, সে কি তা চাষ করেই যায়? সে কি ক্রমাগত পাথর ভাঙ্গে ও মাটিতে মই দেয়? 25 সে যখন ভূমির উপরিভাগ সমান করে, সে কি মৌরি ও জিরের বীজ বোনে না? সে কি যথাস্থানে গম ও ঘব ও খেতের সীমানায় ভুট্টা যথা উপায়ে বপন করে না? 26 তার ঈশ্বর তাকে নির্দেশ দেন ও তাকে যথার্থ নিয়মের শিক্ষা দেন। 27 মৌরি হাতগাড়ির দ্বারা মাড়াই করা হয় না, জিরের উপরে গোরগাড়ির চাকাও চালানো হয় না; মৌরি লাঠি দিয়ে পেটানো হয়, জিরে একটি ছাড়ির দ্বারা। 28 ঝঁটি তৈরি করার জন্য গম অবশ্যই চূর্ণ করতে হয়, তাই কেউই গম অনবরত মাড়াই করে না। যদিও মাড়াই করা গাড়ির চাকা তার উপরে চালানো হয়, ঘোড়ার খুরে তা কিন্তু চূর্ণ হয় না। 29 এই সমস্ত জ্ঞান আসে সর্বশক্তিমান সদাপ্রভুর কাছ থেকে, যাঁর পরিকল্পনা অপূর্ব, যাঁর প্রজ্ঞা চমৎকার।

**29** অরীয়েল, অরীয়েল, যে নগরে দাউদ বসবাস করতেন, ধিক্ তোমাকে! বছরের পর বছর ধরে তোমার উৎসবগুলি ঘুরে ফিরে আসে। 2 তবুও, আমি অরীয়েল অবরোধ করব; সে শোকবিলাপ ও হাহাকার করবে, সে আমার কাছে বেদির চুল্লির মতো হবে। 3 আমি তোমার চারপাশে শিবির স্থাপন করব; আমি উঁচু সব মিনার দিয়ে তোমাকে ঘিরে রাখব এবং তোমার বিরলদে আমার জাঙ্গাল প্রস্তুত করব। 4 নিচে নামানো হলে তুমি ভূমি থেকে কথা বলবে; ধুলোর মধ্য থেকে তোমার অস্পষ্ট কথা শোনা যাবে। তুপৃষ্ঠ থেকে তোমার স্বর হবে যেন প্রেতাত্মার মতো; ধুলোর মধ্য থেকে তুমি ফিসফিস করে কথা বলবে। 5 কিন্তু তোমার বহু শক্ত হবে মিহি ধুলোর মতো, নির্মম নিপীড়নকারীদের বিপুল দল হবে তাড়িত তুম্বের মতো। হঠাৎই, এক মুহূর্তের মধ্যে, 6

সর্বশক্তিমান সদাপ্রভু এসে উপস্থিত হবেন, তাঁর সঙ্গী হবে বজ্রপাত,  
ভূমিকম্প ও প্রচণ্ড কোলাহল, তাঁর সঙ্গী হবে ঘূর্ণিষাঢ়, ঝঞ্চা ও সর্বগ্রাসী  
আগুনের শিখা। 7 তখন অরীয়েলের বিরুদ্ধে যুদ্ধকারী সব জাতির পাল  
পাল লোকেরা, যারা তাকে ও তার দুর্গকে আক্রমণ করে ও তাকে  
অবরুদ্ধ করে, তারা হবে ঠিক যেন স্বপ্নের মতো, যেমন রাত্রিবেলা কেউ  
দর্শন পায়, 8 যে ক্ষুধার্ত ব্যক্তি স্বপ্ন দেখে, সে অন্ন ভোজন করছে, কিন্তু  
জেগে উঠলে তার ক্ষুধা থেকেই যায়; পিপাসিত ব্যক্তি স্বপ্ন দেখে যে সে  
জলপান করছে, কিন্তু জেগে উঠলে সে মৃচ্ছিত হয়, কারণ তার পিপাসা  
নিবারিত হয়নি। এরকমই হবে সব জাতির বিপুল সংখ্যক লোকের  
প্রতি, যারা সিয়োন পর্বতের বিরুদ্ধে যুদ্ধ করে। 9 তোমরা স্তন্ত্রিত  
হও, বিস্ময় প্রকাশ করো, নিজেদের চোখ ঢেকে ফেলো, রংন্দৃষ্টি  
হও; মন্ত্র হও, কিন্তু সুরা পান করে নয়, টলোমলো করো, কিন্তু সুরা  
পানের জন্য নয়। 10 সদাপ্রভু তোমাদের উপরে এক গভীর নিদ্রা নিয়ে  
এসেছেন: তিনি তোমাদের দৃষ্টি রংধন করেছেন (অর্থাৎ ভাববাদীদের);  
তিনি তোমাদের মন্তক আবৃত করেছেন (অর্থাৎ দর্শকদের)। 11  
তোমাদের কাছে এই দর্শনের সমষ্টটাই সিলমোহরাঙ্গিত পুঁথির বাণী  
ছাড়া আর কিছুই নয়। যে পাঠ করতে পারে, তাকে যদি তোমরা ওই  
পুঁথিটি দাও ও তাকে বলো, “দয়া করে তুমি এটি পড়ে দাও,” সে  
উত্তর দেবে, “আমি পড়তে পারব না, কারণ এতে সিলমোহর দেওয়া  
আছে।” 12 অথবা যে পড়তে জানে না, এমন কাউকে যদি পুঁথিটি  
দাও ও বলো, “দয়া করে এটি পড়ে দাও,” সে উত্তর দেবে, “আমি  
পড়তে জানি না।” 13 সদাপ্রভু বলেন: “এই লোকেরা কেবল মুখেরই  
কথায় আমার কাছে এগিয়ে আসে, তারা কেবলমাত্র ওষ্ঠাধরে আমার  
সম্মান করে, কিন্তু তাদের হৃদয় থাকে আমার থেকে বহুদূরে। তারা  
আমার যে উপাসনা করে, তা মানুষের শিখিয়ে দেওয়া কিছু নিয়মবিধি  
মাত্র। 14 সেই কারণে, আমি আর একবার পরপর আশ্চর্য কর্ম করে  
এদের চমৎকৃত করব; জ্ঞানীদের জ্ঞান বিনষ্ট হবে, বুদ্ধিমানদের  
বুদ্ধি উধাও হবে।” 15 ধিক্ তাদের, যারা সদাপ্রভুর কাছে তাদের  
পরিকল্পনা লুকাবার জন্য গভীর জলে নেমে যায়, যারা অন্ধকারে

নিজেদের কাজ করে ও তাবে, “কে আমাদের দেখতে পাচ্ছে? কে এসব জানতে পারবে?” 16 তোমরা সমস্ত বিষয়কে উল্টোপালটা করছ, যেন কুমোর ও মাটি, একই সমান! নির্মিত বস্তু কি নির্মাতাকে বলবে, “সে আমাকে নির্মাণ করেনি?” পাত্র কি কুমোরকে বলতে পারে, “ও কিছুই জানে না?” 17 অল্প সময়ের মধ্যে, লেবানন কি উর্বর ক্ষেত্রে পরিণত হবে না? আর উর্বর জমি কি অরণ্যের মতো মনে হবে না? 18 সেদিন, বধিরেরা সেই পুঁথির বাণীগুলি শুনতে পাবে, হতাশা ও অঙ্ককার থেকে অঙ্ক লোকদের চোখ দেখতে পাবে। 19 পুনরায় নতন্ত্র লোকেরা সদাপ্রভুর কারণে আনন্দিত হবে; নিঃস্ব ব্যক্তিরা ইস্রায়েলের পবিত্রতমজনের কারণে আনন্দ করবে। 20 নির্মম লোকেরা অদৃশ্য হবে, ব্যঙ্গ-বিদ্রূপকারীদের আর দেখা যাবে না, যারা অন্যায় কাজের জন্য ঘড়যন্ত্র করে, তারা উচিছ্ব হবে— 21 অর্থাৎ, যারা নির্দোষকে অপরাধী সাব্যস্ত করে, যারা আদালতে প্রতিবাদীকে ফাঁদে ফেলে এবং যারা মিথ্যা সাক্ষ্যের দ্বারা নির্দোষ ব্যক্তিকে ন্যায়বিচার পেতে বাধ্যত করে। 22 অতএব, অব্রাহামের মুক্তিদাতা সদাপ্রভু, যাকোব কুলকে এই কথা বলেন: “যাকোবের বংশধরেরা আর লজ্জিত হবে না, তাদের মুখমণ্ডল আর ফ্যাকাশে থাকবে না। 23 যখন তারা তাদের ছেলেমেয়েদের, অর্থাৎ আমার হাতের কাজ তাদের মধ্যে দেখবে, তারা আমার নামের পবিত্রতা বজায় রাখবে; তারা যাকোব কুলের পবিত্রতমজনের পবিত্রতাকে স্বীকার করবে, তারা সন্ত্রমে ইস্রায়েলের ঈশ্বরের সামনে দাঁড়াবে। 24 যাদের আত্মা বিভ্রান্ত, তারা বুদ্ধিলাভ করবে, যারা অভিযোগ করে, তারা নির্দেশনা গ্রহণ করবে।”

**30** সদাপ্রভু ঘোষণা করছেন, “ধিক্ সেই একগুঁয়ে ছেলেমেয়েরা, যারা বিভিন্ন পরিকল্পনা করে, যেগুলি আমার নয়, তারা এক মৈত্রীচুক্তি করে, যা আমার নিজের নয়, তারা পাপের উপরে পাপ ডাঁই করে। 2 তারা আমার সঙ্গে পরামর্শ না করে মিশরে নেমে যায়; যারা ফরৌগের সহায়তার অপেক্ষায় থাকে, মিশরের ছেচ্ছায়ায় খোঁজে আশ্রয়স্থান। 3 কিন্তু ফরৌগের সুরক্ষা-ব্যবস্থা তোমাদের লজ্জার কারণ হবে, মিশরের ছেচ্ছায়া তোমাদের অপমানন্ধরণ হবে। 4 যদিও তাদের সন্ত্রান্তজনেরা

সোয়নে আছে, তাদের দৃতবাহিনী হানেষে এসে পৌঁছেছে, 5 তারা  
প্রত্যেকেই লজ্জিত হবে, সেই জাতির কারণে, যারা কোনও উপকারে  
আসবে না, যারা কোনো সাহায্য বা সুবিধা, কিছুই আনতে পারবে  
না, কেবলমাত্র আনবে লজ্জা ও অপমান।” 6 নেগেভের পশ্চদের  
সম্পর্কে ভবিষ্যদ্বাণী: যদিও সেই দেশ কঠোর পরিশ্রমের ও দুর্দশার,  
যেখানে থাকে সিংহ ও সিংহী, বিষধর সাপ ও উড়স্ত সর্প, দৃতবাহিনী  
গাধার পিঠে নিয়ে যাবে তাদের ঐশ্বর্য, উটের কুঁজে বইবে তাদের  
সব ধনসম্পদ। আর নিয়ে যাবে অলাভজনক সেই দেশে, 7 অর্থাৎ  
মিশরে, যার সাহায্য সম্পূর্ণ নিরীক্ষক। তাই আমি তাকে ডাকি রহব  
নামে, অর্থাৎ, যে কোনো কাজের নয়। 8 এবার তুমি যাও, তাদের জন্য  
একথা পাথরের ফলকে লেখো, একটি পুঁথিতে তা লিপিবদ্ধ করো, যেন  
আগামী সময়ে তা এক চিরন্তন সাক্ষ্যস্বরূপ হয়। 9 এরা বিদ্রোহী জাতি,  
প্রতারণাকারী সন্তান, যারা সদাপ্রভুর নির্দেশবাণী শুনতে অনিচ্ছুক।  
10 তারা দর্শকদের বলে, “আর কোনো দর্শন দেখবেন না!” আর  
ভাববাদীদের বলে, “যা ন্যায়সংগত, তা আর আমাদের বলবেন না!  
আমাদের মনোরম সব কথা বলুন, মায়াময় বিভ্রান্তির কথা বলুন।  
11 এই পথ ছেড়ে দিন, এই রাস্তা থেকে সরে যান, আর ইস্রায়েলের  
পবিত্রতমজনের সঙ্গে সংঘর্ষ করা থেকে আমাদের অব্যাহতি দিন!” 12  
সেই কারণে, ইস্রায়েলের পবিত্রতম জন এই কথা বলেন: “তোমরা  
যেহেতু এই বার্তা অগ্রাহ্য করেছ, অত্যাচারের উপরে নির্ভর করেছ  
এবং প্রতারণায় আস্থা রেখেছ, 13 তাই এই পাপ তোমাদের জন্য হবে  
এক উঁচু প্রাচীরের মতো, যার মধ্যে ফাটল ধরেছে ও স্থানে স্থানে ফুলে  
উঠেছে, যার পতন যে কোনো সময়, মুহূর্তমধ্যে হতে পারে। 14 মাটির  
পাত্রের মতোই এ চূর্ণবিচূর্ণ হবে, এমন নির্মরণে তা ছাঢ়িয়ে পড়বে যে  
তার মধ্যে থেকে এমন একটি টুকরাও পাওয়া যাবে না যা দিয়ে চুল্লি  
থেকে আগুন তোলা যেতে পারে, কিংবা চৌবাচ্চা থেকে জল তোলা  
যেতে পারে।” 15 সার্বভৌম সদাপ্রভু, ইস্রায়েলের সেই পবিত্রতম জন  
একথা বলেন: “মন পরিবর্তন করে শান্ত থাকলেই তোমরা পরিত্রাণ  
পাবে, সুস্থির থেকে বিশ্বাস করলে তোমরা শক্তি পাবে, কিন্তু তোমরা

তাতে রাজি হলে না। 16 তোমরা বললে, ‘না, আমরা ঘোড়ায় চড়ে  
পালিয়ে যাব।’ তাই তোমরা পালিয়ে যাবে! তোমরা বললে, ‘আমরা  
দ্রুতগামী ঘোড়ায় চেপে পালিয়ে যাব।’ তাই তোমাদের তাঢ়নাকারীরা  
দ্রুতগামী হবে! 17 একজন ভয় দেখালে তোমাদের এক হাজার জন  
পালিয়ে যাবে; পাঁচজনের ভীতি প্রদর্শনে তোমরা সবাই পালিয়ে যাবে,  
যতক্ষণ না তোমরা অবশিষ্ট থাকো কোনো পর্বতশীর্ষের উপরে একটি  
পতাকার মতো বা পাহাড়ের উপরে কোনো নিশানের মতো।” 18  
তবুও সদাপ্রভু তোমাদের প্রতি দয়া প্রদর্শনের প্রতীক্ষায় আছেন,  
তোমাদের প্রতি সহানুভূতিশীল হওয়ার জন্য তিনি উপ্থিত হয়েছেন।  
কারণ সদাপ্রভু ন্যায়পরায়ণ ঈশ্বর, ধন্য তারা সবাই যারা তাঁর অপেক্ষায়  
থাকে! 19 জেরুশালেমে বসবাসকারী, ওহে সিয়োনের লোকেরা,  
তোমরা আর কাঁদবে না। তোমরা সাহায্যের জন্য কাঁদলে তিনি কত না  
করণাবিষ্ট হবেন! শোনামাত্র তিনি তোমাদের উত্তর দেবেন। 20 প্রভু  
যদিও তোমাদের বিপক্ষতার খাবার ও কষ্টের জল দেন, তোমাদের  
শিক্ষকেরা আর গুপ্ত রইবেন না; তোমরা স্বচক্ষে তাদের দেখতে পাবে।  
21 ডানদিকে বা বাঁদিকে, তোমরা যেদিকেই ফেরো, তোমাদের পিছন  
দিক থেকে তোমরা একটি কর্তৃপক্ষ শুনতে পাবে, “এই হল পথ; তোমরা  
এই পথেই চলো।” 22 তখন তোমরা রহপোয় মোড়ানো তোমাদের  
প্রতিমাণ্ডলি ও সোনায় মোড়ানো তোমাদের মূর্তিগুলিকে অঙ্গিত করবে;  
তোমরা সেগুলি ঝুতুমতী নারীর বন্ধুখণ্ডের মতো ফেলে দিয়ে বলবে,  
“তোমরা দূর হও!” 23 তোমরা মাটিতে যে বীজবপন করবে, সেগুলির  
জন্য তিনি বৃষ্টিও প্রেরণ করবেন। জমি থেকে যে ফসল আসবে, তা  
হবে পুষ্ট ও প্রাচুর্যপূর্ণ। সেদিন তোমাদের পশ্চাপাল প্রশংসন চারণভূমিতে  
চরে বেড়াবে। 24 যে সমস্ত বলদ ও গর্দভগুলি জমিতে কাজ করে,  
তারা কাঁটা ও বেলচা দ্বারা ছড়ানো জাব ও ভূষি থাবে। 25 মহা  
হত্যালীলার দিনে, যখন মিনারণ্ডলি পতিত হবে, প্রত্যেক উঁচু পর্বতের  
উপরে ও উঁচু পাহাড়ের উপরে জলের স্নোত প্রবাহিত হবে। 26 যখন  
সদাপ্রভু তাঁর প্রজাদের ক্ষতসকল বেঁধে দেবেন এবং তাঁর দেওয়া  
যন্ত্রণাগুলি নিরাময় করবেন, তখন চাঁদ সূর্যের মতো দীপ্তি দেবে এবং

সূর্যরশ্মি সাতগুণ বেশি উজ্জ্বল হবে, অর্থাৎ সাত দিনের সম্মিলিত দীপ্তির মতো হবে। 27 দেখো, সদাপ্রভুর নাম বহুদূর থেকে ভেসে আসছে, তা আসছে প্রজ্ঞালিত ক্রোধ ও ধোঁয়ার ঘন মেঘের সঙ্গে; তাঁর ওষ্ঠাধর রোষে পূর্ণ এবং তাঁর জিভ যেন গ্রাসকারী আগুন। 28 তাঁর শাসবায়ু যেন প্রবল বেগে প্রবাহিত ছ্রাতোধারা, যা গলা পর্যন্ত উঠে যায়। ধ্বংস করার জন্য জাতিগুলিকে তিনি চালুনি দিয়ে ছেঁকে নেবেন; তিনি বিভিন্ন জাতির চোয়ালে বলগা দেবেন, যা তাদের বিপথে চালিত করবে। 29 আর তোমরা তখন গান গাইবে যেমন কোনো পবিত্র উৎসব উদ্যাপনের সময় তোমরা করে থাকো; তোমাদের হন্দয় উল্লসিত হবে, যেমন লোকেরা যখন বাঁশি বাজিয়ে উঠে যাবে সদাপ্রভুর পর্বতে, ইস্রায়েলের শৈলের কাছে। 30 সদাপ্রভু লোকদের তাঁর রাজকীয় মহিমার স্বর শোনাবেন তারা দেখবে তাঁর বাহু নেমে আসছে প্রচণ্ড ক্রোধ ও সর্বগ্রাসী আগুনের সঙ্গে, মেঘগর্জন, বজ্রপাত ও শিলাবৃষ্টির সঙ্গে। 31 সদাপ্রভুর স্বর আসিরিয়াকে ছিন্নভিন্ন করবে; তাঁর রাজদণ্ড দিয়ে তিনি তাদের আঘাত করবেন। 32 তাঁর শাস্তির দণ্ড দিয়ে সদাপ্রভু যে প্রতিটি আঘাত তাদের করবেন, তা হবে খঙ্গনি ও বীণার ধ্বনির সঙ্গে, যখন তিনি রণভূমিতে তাঁর হাতের আঘাতে তাদের সঙ্গে যুদ্ধ করবেন। 33 তোফৎ তো বহুপূর্বেই প্রস্তুত হয়ে আছে; এ রাজার জন্য প্রস্তুত আছে। এর আগুনের গর্ত গভীর ও প্রশস্ত করা হয়েছে, যার মধ্যে আছে আগুনের জন্য প্রচুর কাঠ; সদাপ্রভুর শাসবায়ু, প্রজ্ঞালিত গন্ধকের ছ্রাতের মতো, যা তাতে আগুন ধরাবে।

**31** ধিক্ তাদের, যারা সাহায্যের জন্য মিশরে নেমে যায়, যারা অশ্বদের উপরে নির্ভর করে, যারা তাদের রথবাহলের উপরে এবং তাদের অশ্বারোহীদের মহাশক্তির উপর আস্থা রাখে, কিন্তু ইস্রায়েলের পবিত্রতমজনের প্রতি দৃষ্টি করে না, অথবা সদাপ্রভুর কাছে সাহায্য নেয় না। 2 কিন্তু সদাপ্রভু জ্ঞানবান, তিনি ও বিপর্যয় নিয়ে আসতে পারেন, তিনি তাঁর কথা ফেরত নেন না। তিনি দুষ্টদের বংশের বিরুদ্ধে উঠে দাঁড়াবেন, তাদের বিরুদ্ধে দাঁড়াবেন, যারা অন্যায় কর্মকারীদের সাহায্য করে। 3 কিন্তু ওই মিশরীয়েরা মানুষ, তারা সুশ্রব নয়; তাদের

অশ্বেরা মাংসবিশিষ্ট, তারা আত্মা নয়। সদাপ্রভু যখন তাঁর হাত বাড়ান,  
যে সাহায্য করে, সে হোঁচ্ট খাবে, যারা সাহায্য পায়, তাদের পতন  
হবে; তারা একইসঙ্গে বিনষ্ট হবে। 4 সদাপ্রভু আমাকে এই কথা বলেন:  
“যেভাবে সিংহ গর্জন করে, মহাসিংহ তার শিকার ধরলে যেমন করে,  
তখন যদি ও মেষপালকদের সমস্ত দলকে তার বিরুদ্ধে একত্র ঢাকা  
হয়, তাদের চিৎকারে সেই সিংহ ভয় পায় না, কিংবা তাদের গোলমালে  
বিরক্ত হয় না, এভাবেই সর্বশক্তিমান সদাপ্রভু নেমে আসবেন সিয়োন  
পর্বত ও অন্যান্য উঁচু স্থানে যুদ্ধ করতে। 5 মাথার উপরে পাখিরা যেমন  
উড়তে থাকে, সেভাবেই সর্বশক্তিমান সদাপ্রভু জেরুশালেমকে রক্ষা  
করবেন; তিনি তার ঢালস্বরূপ হয়ে তাকে উদ্ধার করবেন, তিনি তাকে  
‘অতিক্রম করে’ তাকে উদ্ধার করবেন।” 6 ওহে ইস্রায়েলীরা, তোমরা  
ঘাঁর বিরুদ্ধে এত মহা বিদ্রোহ করেছ, তাঁর কাছে ফিরে এসো। 7  
সেদিন, তোমাদের প্রত্যেকেই তোমাদের পাপিষ্ঠ হাতে গড়া রংপোর ও  
সোনার প্রতিমাণ্ডলিকে অগ্রাহ্য করবে। 8 “মানুষের তৈরি নয়, এমন  
তরোয়ালের আঘাতে আসিরিয়ার পতন হবে; মরণশীল নয়, এমন  
এক তরোয়াল তাদের গ্রাস করবে। তারা তরোয়ালের সামনে পলায়ন  
করবে, আর তাদের যুবশক্তিকে জোর করে কাজে লাগানো হবে। 9  
প্রচণ্ড ভীতির কারণে তাদের দৃঢ় দুর্গের পতন হবে; যুদ্ধনিশান দেখে  
তাদের সেনাপতিরা আতঙ্কগ্রস্ত হবে,” একথা বলেন সদাপ্রভু, যার  
আগুন আছে সিয়োনে, যার চুল্লি আছে জেরুশালেমে।

**32** দেখো, একজন রাজা ধার্মিকতায় রাজত্ব করবেন এবং শাসকেরা  
ন্যায়পরায়ণতার সঙ্গে শাসন করবেন। 2 প্রত্যেকজন মানুষ বাতাসের  
বিরুদ্ধে রক্ষা পাওয়ার স্থান হবে এবং হবে ঝড়ের বিরুদ্ধে রক্ষা পাওয়ার  
আশ্রয়স্থান। তারা হবে মরুভূমিতে জলস্তোত্রের মতো এবং তৃষ্ণার্তদের  
দেশে এক মহাশৈলের ছায়ার মতো। 3 তখন যাদের চোখ দেখতে  
পায়, তারা সত্য দেখবে এবং যারা শুনতে পায় তাদের কান আর বন্ধ  
করা হবে না। 4 হঠকারী মানুষের মন আমাকে জানতে ও বুঝতে  
পারবে, তোতলানো জিভ অনর্গল স্পষ্ট কথা বলবে। 5 মূর্খ লোককে  
আর অভিজ্ঞাত বলা হবে না, আবার খল লোকদেরও উচ্চ সম্মান আর

দেওয়া হবে না। ৬ কারণ মূর্খ মূর্খামির কথাই বলে, তার মন মন্দ নিয়েই ব্যস্ত থাকে: সে ভক্তিহীনতা অভ্যাস করে এবং সদাপ্রভু সম্পর্কে আন্তর গুজব রঠায়; ক্ষুধার্তকে সে খাদ্যহীন রেখে দেয়, পিপাসিতকে পান করার জল দেয় না। ৭ খল লোকদের কাজের ধারা মন্দ, সে মন্দতার পরিকল্পনা করে, যেন মিথ্যার দ্বারা দরিদ্রকে ধ্বংস করে, এমনকি তখনও, যখন নিঃস্বের আবেদন ন্যায্য হয়। ৮ কিন্তু মহান মানুষ মহান পরিকল্পনা করে, এবং মহান কাজের দ্বারাই সে প্রতিষ্ঠিত হয়। ৯ আত্মতৃপ্তি নারী তোমরা, তোমরা ওঠো ও আমার কথা শোনো; নিশ্চিন্তমনা কন্যা তোমরা, তোমরা শোনো আমি কী কথা বলি! ১০ এক বছরের একটু বেশি সময় অতিক্রান্ত হলে, নিশ্চিন্তমনা তোমরা ভয়ে কাঁপবে; দ্রাক্ষাচয়ন ব্যর্থ হবে, ফল সংগ্রহের সময় আর আসবে না। ১১ আত্মতৃপ্তি নারী তোমরা ভয়ে কাঁপো, নিশ্চিন্তমনা কন্যা, তোমরা শিউরে ওঠো! তোমাদের কাপড়জামা খুলে ফেলো, কোমরে শোকবস্ত্র জড়িয়ে নাও। ১২ মনোরম মাঠগুলির জন্য তোমরা বুক চাপড়াও, ফলবতী দ্রাক্ষালতাগুলির জন্য ১৩ এবং আমার প্রজাদের দেশের জন্য, যে দেশ কাঁটাবোপ ও শিয়ালকাঁটায় ভরে গেছে— হ্যাঁ, তোমরা আমোদ-স্ফূর্তিপূর্ণ গৃহগুলির জন্য এবং হৈহল্লাপূর্ণ এই নগরীর জন্য শোক করো। ১৪ এই দুর্গ পরিত্যাক্ত হবে, কোলাহলপূর্ণ নগরীকে ছেড়ে যাওয়া হবে; নগরদুর্গ ও নজরমিনার চিরকালের জন্য মানববর্জিত হবে, যা ছিল একদিন গর্দভদের আনন্দ ও পশুপালের চারণভূমি, ১৫ যতক্ষণ না আমাদের উপরে পবিত্র আত্মাকে ঢেলে দেওয়া হয় এবং মরণভূমি উর্বর ক্ষেত্র হয় ও উর্বর ক্ষেত্র যেন অরণ্যের মতো মনে হয়। ১৬ মরণভূমিতে সদাপ্রভুর ন্যায়বিচার অধিষ্ঠিত হবে এবং তাঁর ধার্মিকতা উর্বর ক্ষেত্রে বিরাজমান হবে। ১৭ শান্তি হবে ধার্মিকতার ফল, আর ধার্মিকতার প্রতিক্রিয়া হবে চিরকালের জন্য প্রশান্তি ও নির্ভরতা। ১৮ আমার প্রজারা শান্তিপূর্ণ বসতবাড়িতে বসবাস করবে, তাদের গৃহ হবে নিরাপদ, তা হবে বাধাহীন বিশ্রামের স্থান। ১৯ যদিও শিলাবৃষ্টি অরণ্যকে ধরাশায়ী করে এবং নগর সম্পূর্ণরূপে মাটির সঙ্গে মিশে যায়, ২০ তবুও, তোমরা প্রতিটি জলপ্রোতের তীরে বীজবপন করে,

তোমাদের গৃহপালিত পঙ্গপাল ও গাধাদের মুক্ত ভাবে চরতে দিয়ে  
তোমরা কতই না ধন্য হবে!

**33** তুমি যে এখনও বিনষ্ট হওনি ওহে বিনাশক, ধিক্ তোমাকে!  
তোমার সঙ্গে যে বিশ্বাসঘাতকতা করা হয়নি, ওহে সেই বিশ্বাসঘাতক,  
ধিক্ তোমাকেও! তুমি যখন ধ্বংস করা বন্ধ করবে, তখন তোমাকে  
ধ্বংস করা হবে; তুমি যখন বিশ্বাসঘাতকতা বন্ধ করবে, তখন তোমার  
সঙ্গে বিশ্বাসঘাতকতা করা হবে। 2 হে সদাপ্রভু, আমাদের প্রতি দয়ালু  
হও; আমরা তোমার প্রতীক্ষায় আছি। প্রতি প্রভাতে তুমি আমাদের  
শক্তি হও, বিপর্যয়ের সময়ে আমাদের পরিত্রাণ হও। 3 তোমার  
কণ্ঠস্বরের বজ্রধ্বনিতে, জাতিরা পলায়ন করে; তুমি যখন উঠে দাঁড়াও,  
সব দেশ ছিন্নভিন্ন হয়। 4 যেমন শুঁয়োপোকা ও পঙ্গপাল মাঠের  
ফসল ও দ্রাক্ষালতা শূন্য করে দেয়, তেমনই পঙ্গপালের ঝাঁকের মতো  
লোকেরা ঝাঁপিয়ে পড়বে। 5 সদাপ্রভু মহিমান্বিত হয়েছেন, কারণ তিনি  
উর্ধ্বে অধিষ্ঠান করেন; তিনি ন্যায়বিচার ও ধার্মিকতায় সিয়োন পরিপূর্ণ  
করবেন। 6 তিনি তোমার সমস্ত কালে নিশ্চিত ভিত্তিমূলস্বরূপ হবেন,  
তিনি হবেন পরিত্রাণ ও প্রজ্ঞা ও জ্ঞানের এক সমৃদ্ধ ভাণ্ডার; সদাপ্রভুর  
প্রতি ভয়ই এই বৈভবের চাবিকাঠি। 7 দেখো, তাদের সাহসী লোকেরা  
পথে পথে জোরে কাঁদছে; শান্তিদূতেরা তীব্র রোদন করছে। 8 রাজপথ  
সব পরিত্যক্ত হয়েছে, পথিমধ্যে কোনও পথিক নেই। মৈত্রীচুক্তি ভগ্ন  
হয়েছে, এর সাক্ষীরা অবজ্ঞাত হয়েছে, কাউকেই সম্মান প্রদর্শন করা  
হয় না। 9 দেশ শোকবিলাপ করে ক্ষয়ে যাচ্ছে, লেবানন লজ্জিত হয়ে  
শুকিয়ে যাচ্ছে; শারোণ হয়েছে মরণভূমির মতো, বাশন ও কর্মিল  
লুণ্ঠিত হয়েছে। 10 সদাপ্রভু বলছেন, “এবার আমি উঠে দাঁড়াব,  
এবারে আমি মহিমান্বিত হব; এবারে আমাকে উঁচুতে তুলে ধরা হবে।  
11 তোমরা তুষ গর্ভে ধারণ করছ, তোমরা খড়ের জন্ম দাও; তোমাদের  
নিশ্বাস যেন আগুনের মতো, যা তোমাদেরই গ্রাস করে। 12 চুনের  
মতোই সব জাতিকে পুড়িয়ে ফেলা হবে; কাঁটাবোপের মতো তারা  
দাউদাউ করে জ্বলবে।” 13 তোমরা যারা দূরে থাকো, তোমরা শোনো  
আমি কী করেছি; তোমরা যারা কাছে থাকো, তোমরা আমার পরাক্রম

স্বীকার করে নাও! 14 সিয়োনের পাপীরা আতঙ্কগ্রস্ত হয়েছে; তত্ত্বাবধানের মধ্যে কাঁপুনি ধরেছে: “গ্রাসকারী আগুনে আমাদের মধ্যে কে বসবাস করতে পারে? আমাদের মধ্যে কে পারে সেই চিরস্থায়ী আগুনে বসবাস করতে?” 15 যে ধার্মিকতার পথে জীবনযাপন করে, যা ন্যায়সংগত, যে সেই কথা বলে, যে দমনপীড়নের মাধ্যমে হত লাভ ঘৃণা করে এবং উৎকোচ নেওয়া থেকে নিজের হাত গুটিয়ে রাখে, যে খুনের ষড়যন্ত্র থেকে নিজের কান ফিরিয়ে নেয় এবং মন্দ করার পরিকল্পনার প্রতি নিজের চোখ বন্ধ রাখে— 16 এই ধরনের মানুষই উচ্চ স্থানে বসবাস করবে, পার্বত্য দুর্গাই যার আশ্রয়স্থান হবে। তাকে খাবারের জোগান দেওয়া হবে, তার কাছে থাকবে জলের প্রাচুর্য। 17 তোমার দুই চোখ রাজাকে তাঁর সৌন্দর্যসহ দেখবে, সে নিরীক্ষণ করবে একটি দেশ, যা বহুদূর পর্যন্ত বিস্তৃত। 18 তোমার চিন্তাভাবনায় তুমি বিগত আতঙ্কের কথা ভাববে: “সেই প্রধান কর্মচারী কোথায়? যে রাজস্ব আদায় করত, সেই ব্যক্তি কোথায়? দুর্গপ্রাকারণগুলির ভারপ্রাপ্ত কর্মকর্তা কোথায়?” 19 সেই উদ্বিগ্ন লোকগুলিকে তুমি আর দেখতে পাবে না, তাদের, যারা অজানা ভাষায় কথা বলত, তাদের অস্তুত, দুর্বোধ্য সব ভাষায়। 20 আমাদের সব উৎসব পালনের নগরী, সিয়োনের দিকে তাকাও তোমার চোখ জেরশালেমকে দেখবে, তা এক শাস্তির আবাস, এক অটল তাঁবুসদৃশ; এর কাঠের গোঁজগুলি কখনও উপড়ে ফেলা হবে না, এর কোনো দড়িও ছিঁড়ে যাবে না। 21 সেখানে সদাপ্রভুই হবেন আমাদের পরাক্রমী জন। এই স্থান হবে প্রশংসন নদী ও স্ন্যাতোধারার স্থানের মতো। দাঁড়ওয়ালা কোনো রণতরী তাদের উপরে থাকবে না, কোনো শক্তিশালী জাহাজ তাদের উপরে চলবে না। 22 কারণ সদাপ্রভুই আমাদের ন্যায়বিচারক, সদাপ্রভুই আমাদের আইনদাতা, সদাপ্রভু আমাদের মহারাজ; তিনিই আমাদের পরিত্রাণ করবেন। 23 তিমার জাহাজের দড়িদড়া ঢিলে হয়ে গেছে: মাস্তলের অবস্থা নিরাপদ নয়, পাল তার মধ্যে খাটানো নেই। তখন প্রচুর লুঠদ্রব্য ভাগ করে দেওয়া হবে, এমনকি, খঙ্গ ব্যক্তিরাও লুটের দ্রব্য বহন করে নিয়ে

বাবে। 24 সিয়োনে বসবাসকারী কেউই বলবে না, “আমি অসুহ”; যারা সেখানে বসবাস করে, তাদের সব পাপ ক্ষমা করা হবে।

**34** ওহে জাতিসমূহ, তোমরা কাছে এসে শোনো; ওহে সমস্ত জাতির লোকেরা, তোমরা কর্ণপাত করো! পৃথিবী ও তার মধ্যস্থ সকলে শুনুক, জগৎ ও তার অভ্যন্তরস্থ সকলেই শুনুক! 2 সদাপ্রভু সব জাতির উপরে ত্রুদ্ধ হয়েছেন; তাদের সব সৈন্যদলের উপরে তাঁর রোষ রয়েছে। তিনি তাদের সম্পূর্ণরূপে ধ্বংস করবেন, ঘাতকদের হাতে তিনি তাদের সমর্পণ করবেন। 3 তাদের নিহতদের বাইরে নিক্ষেপ করা হবে, তাদের শবগুলি থেকে দুর্গন্ধ বের হবে; পর্বতগুলি তাদের রক্তে সিক্ত হবে। 4 আকাশের সমস্ত তারা দ্রবীভূত হবে, আর আকাশকে পুঁথির মতো গুটিয়ে ফেলা হবে; আকাশের নক্ষত্রবাহিনীর পতন হবে যেমন দ্রাক্ষালতা থেকে শুকনো পাতা ঝরে যায়, যেভাবে ডুমুর গাছ থেকে শুকিয়ে যাওয়া ডুমুর ঝরে যায়। 5 আমার তরোয়াল আকাশমণ্ডলে পরিতৃপ্ত হয়েছে; দেখো, তা ইদোমের বিচারের জন্য নেমে এসেছে, যে জাতিকে আমি সম্পূর্ণরূপে ধ্বংস করেছি। 6 সদাপ্রভুর তরোয়াল রক্তে স্নাত হয়েছে, তা মেদে আবৃত হয়েছে—মেষশাবক ও ছাগলদের রক্তে স্নাত, মেষদের কিডনির মেদে আবৃত হয়েছে। কারণ সদাপ্রভু বস্ত্রাতে এক বলিদান করবেন, ইদোমে এক মহা হত্যালীনা করবেন। 7 তাদের সঙ্গে পতিত হবে বন্য ষাঁড়েরা, পতিত হবে বাচ্চুর-বলদ ও বড়ো বড়ো বলদ। তাদের ভূমিতে রক্ত বয়ে যাবে, আর ধুলি মেদে আবৃত হবে। 8 কারণ সদাপ্রভুর প্রতিশোধ গ্রহণের একটি দিন আছে, সিয়োনের পক্ষ সমর্থনের জন্য আছে একটি প্রতিফল দানের সময়। 9 ইদোমের নদীগুলি আলকাতরায় পরিণত হবে, তার ধুলো সব হবে প্রজ্বলিত গন্ধকের মতো, তার জমি হবে দাউদাট করে জুলে ওঁচা আলকাতরার মতো! 10 দিনে বা রাত্রে তা কখনও নিতে যাবে না; চিরকাল তার মধ্য থেকে ধোঁয়া উঠবে। বংশপরম্পরায় তা পরিত্যক্ত পড়ে থাকবে; তার মধ্য দিয়ে আর কেউ পথ অতিক্রম করবে না। 11 মরু-প্যাঁচা ও লক্ষ্মী-প্যাঁচা তা অধিকার করবে, হৃতুম-প্যাঁচা ও দাঁড়কাকেরা সেখানে বাসা বাঁধবে। ঈশ্বর ইদোমের উপরে বিছিয়ে দেবেন বিশৃঙ্খলার মাপকাঠি

ও প্রসের ওলন-দড়ি। 12 তার সম্মতিজনেদের পক্ষে রাজ্য বলার মতো কিছুই থাকবে না, তার সমস্ত রাজবংশীয়রা অন্তর্হিত হবে। 13 তার দুর্গগুলিতে কাঁটারোপ ছেয়ে যাবে, তার সুরক্ষিত স্থানগুলি ভরে যাবে বিছুটি ও কাঁটাবনে। সে হবে শিয়ালের বিচরণস্থান, প্যাঁচাদের বাসস্থান। 14 মরুপ্রাণীরা সেখানে হায়েনাদের সঙ্গে মিলিত হবে, বন্য ছাগলেরা সেখানে শব্দ করে পরস্পরকে ডাকবে। নিশাচর প্রাণীরা সেখানে গা এলিয়ে দেবে, সেখানে তারা খুঁজে পাবে তাদের বিশ্বামের স্থান। 15 প্যাঁচা সেখানে বাসা বেঁধে ডিম পাড়বে, ডিম ফুটিয়ে সে তার শাবকদের পালন করবে ও ডানার তলে তাদের ছায়া দেবে; সেখানে সমবেত হবে বড়ো সব চিল, প্রত্যেকে আসবে তাদের সঙ্গনীর সাথে। 16 সদাপ্রভুর পুঁথিটির দিকে তাকাও ও পড়ো: এগুলির কোনোটিই হারিয়ে যাবে না, একটিরও সঙ্গনীর অভাব হবে না। কারণ তাঁর মুখ এই আদেশ দিয়েছে, তাঁর আত্মা তাদের সবাইকে একত্র করবে। 17 তিনি তাদের অংশ বিভাগ করে দেন; পরিমাপ করে তাঁর হাত তাদের মধ্যে বিতরণ করে। তারা চিরকাল তা অধিকার করে থাকবে ও বংশপ্রস্পরায় সেখানে বসবাস করবে।

**35** সেদিন মরুভূমি ও শুকনো জমি হবে আনন্দিত; মরুপ্রান্তর উল্লসিত হবে এবং বসন্তের প্রথম ফুল সেখানে প্রক্ষুটিত হবে। 2 হ্যাঁ, সেখানে ফুলের প্রাচুর্য হবে, তা ভীষণভাবে উল্লসিত হয়ে আনন্দে চিৎকার করবে। তাকে দেওয়া হবে লেবাননের প্রতাপ, দেওয়া হবে কর্মিল ও শারোণের শোভা; তারা সদাপ্রভুর মহিমা দেখতে পাবে, তারা দেখবে আমাদের ঈশ্বরের সৌন্দর্য। 3 যাদের দুর্বল হস্ত, তাদের সবল করো, যাদের হাঁটু দুর্বল, তাদের সুস্থির করো। 4 যাদের হৃদয় ভয়ে ভীত, তাদের বলো, “সবল হও, ভয় কোরো না; তোমাদের ঈশ্বর আসবেন, তিনি প্রতিশোধ গ্রহণের জন্য আসবেন; তিনি তোমাদের উদ্ধার করার জন্য তাদের প্রাপ্য শাস্তি দিতে আসবেন।” 5 তখন অন্ধদের চোখ খুলে যাবে, বধিরদের কান আর বন্ধ থাকবে না। 6 সেই সময় খঞ্জেরা হরিণের মতো লাফ দেবে এবং বোবাদের জিভ আনন্দে চিৎকার করবে। জল তোড়ে বেরিয়ে আসবে প্রান্তর থেকে এবং

জলপ্রবাহ মরণভূমি থেকে। ৭ তঙ্গ বালুকা পুরুরের মতো হবে, ত্থিত ভূমি হবে উচ্চলিত ফোয়ারার মতো। যে আস্তানায় একদিন শিয়ালরা শুয়ে থাকত, সেখানে উৎপন্ন হবে ঘাস ও নলখাগড়া। ৮ সেখানে প্রস্তুত হবে এক রাজপথ; সেই পথকে বলা হবে, “পবিত্রতার সরণি।” কোনো অশুচি মানুষ সেই পথে যাবে না; যারা ঈশ্বরের পথে চলে, এ পথ হবে কেবলমাত্র তাদের জন্য; দুষ্ট ও মূর্খেরা সেই পথ অতিক্রম করবে না। ৯ সেখানে কোনো সিংহ থাকবে না, কোনো হিংস্র জন্তুও সেই পথে হাঁটবে না, তাদের সেখানে দেখাই যাবে না। কেবলমাত্র মুক্তিপ্রাপ্ত লোকেরাই সেই পথে চলবে, ১০ আর মুক্তিপণ দেওয়া সদাপ্রভুর লোকেরা প্রত্যাবর্তন করবে। তারা গান গাইতে গাইতে সিয়োনে প্রবেশ করবে; তাদের মাথায় থাকবে চিরস্থায়ী আনন্দ-মুরুট। আমোদ ও আনন্দে তারা প্লাবিত হবে, দুঃখ ও দীর্ঘশ্বাস দূরে পলায়ন করবে।

**৩৬** রাজা হিকিয়ের রাজত্বকালের চর্তুদশ বছরে আসিরিয়ার রাজা সন্হেরীব যিহুদার সব সুরক্ষিত নগর আক্রমণ করে সেগুলি দখল করে নিয়েছিলেন। ১ তারপর আসিরিয়ার রাজা তাঁর সৈন্যদলের কর্মকর্তা রব্শাকিকে বড়ো এক সৈন্যদলের সঙ্গে লাখীশ থেকে জেরুশালেমে, রাজা হিকিয়ের কাছে প্রেরণ করলেন। যখন সেই সৈন্যাধ্যক্ষ রজকদের ভূমি অভিমুখে, উচ্চতর পুক্ষরিণীর জলপ্রণালীর কাছে এসে থামলেন, ৩ তখন রাজপ্রাসাদের পরিচালক হিকিয়ের পুত্র ইলিয়াকীম, সচিব শিব্ন ও আসফের পুত্র লিপিকার যোয়াহ বের হয়ে তাঁর কাছে গেলেন। ৪ সেই সৈন্যাধ্যক্ষ তাদের বললেন, “তোমরা গিয়ে হিকিয়েকে বলো, “‘মহান রাজাধিরাজ, আসিরিয়ার রাজা এই কথা বলেন: তোমাদের এই আত্মনির্ভরতা কৌসের উপরে প্রতিষ্ঠিত? ৫ তোমরা বলছ যে তোমাদের কাছে যুদ্ধ করার বুদ্ধিপরামর্শ ও শক্তি আছে—কিন্তু তোমরা আসলে শুধু শূন্যগর্ভ কথাই বলছ। কার উপর তুমি নির্ভর করছ, যে আমার বিরুদ্ধেই তুমি বিদ্রোহ করে বসেছ? ৬ এখন দেখো, আমি জানি তোমরা মিশরের উপরে নির্ভর করেছ। সে হল খ্যাত্লানো নলখাগড়ার মতো লাঠি, যা কোনো মানুষের হাতকে বিদ্ধ করে! তেমনি মিশরের রাজা ফরৌণ যারা তার উপরে নির্ভর করে। ৭ আর যদি

তোমরা আমাকে বলো, “আমরা আমাদের ঈশ্বর সদাপ্রভুর উপরে  
নির্ভর করি,” তাহলে তিনি কি সেই ঈশ্বর নন, যার উঁচু পীঠস্থানগুলি ও  
বেদিগুলি হিক্কিয় অপসারণ করেছেন এবং যিন্দু ও জেরশালেমকে  
এই কথা বলেছেন, “তোমরা অবশ্যই এই যজ্ঞবেদির সামনে উপাসনা  
করবে”? ৪ “এবারে এসো, আমার মনিব আসিরিয়ার রাজার সাথে  
একটি চুক্তি করো: আমি তোমাদের দুই হাজার অশ্ব দেব, যদি তোমরা  
তাদের জন্য প্রয়োজনীয় অশ্বারোহী দিতে পারো! ৫ তা যদি না হয়,  
তাহলে কীভাবে তোমরা আমার মনিবের নগণ্যতম কর্মকর্তাদের  
মধ্যে মাত্র একজনকেও হাঠিয়ে দিতে পারবে, যদিও তোমরা রথ  
ও অশ্বারোহীদের জন্য মিশরের উপর নির্ভর করছ? ১০ এছাড়াও,  
আমি কি সদাপ্রভুর অনুমতি ছাড়াই এই দেশ আক্রমণ করে ধ্বংস  
করতে এসেছি? সদাপ্রভু স্বয়ং আমাকে বলেছেন, এই দেশের বিরুদ্ধে  
সমরাভিযান করে তা ধ্বংস করতে।” ১১ তখন ইলিয়াকীম, শিব্ন  
ও যোয়াহ সেই সৈন্যাধ্যক্ষকে বললেন, “দয়া করে আপনি আপনার  
দাসদের কাছে অরামীয় ভাষায় কথা বলুন, কারণ আমরা তা বুঝতে  
পারি। প্রাচীরের উপরে বসে থাকা লোকদের কর্ণগোচরে আমাদের  
সঙ্গে হিঙ্গ ভাষায় কথা বলবেন না।” ১২ কিন্তু সেই সৈন্যাধ্যক্ষ উত্তর  
দিলেন, “আমার মনিব কি এই সমস্ত কথা কেবলমাত্র তোমাদের মনিব  
ও তোমাদের কাছে বলতে পাঠিয়েছেন, কিন্তু প্রাচীরের উপরে ওই বসে  
থাকা লোকদের কাছে নয়—যারা তোমাদেরই মতো নিজেদের মল  
ভোজন ও নিজেদেরই মৃত্যু পান করবে?” ১৩ তারপরে সেই সৈন্যাধ্যক্ষ  
দাঁড়িয়ে জোরে জোরে হিঙ্গ ভাষায় বলতে লাগলেন, “তোমরা মহান  
রাজাধিরাজ, আসিরীয় রাজার কথা শোনো! ১৪ সেই মহারাজ এই কথা  
বলেন: হিক্কিয় তোমাদের সঙ্গে প্রতারণা না করুক। সে তোমাদের  
উদ্ধার করতে পারবে না! ১৫ হিক্কিয় তোমাদের এই কথা বলে যেন  
বিশ্বাস না জন্মায় যে, ‘সদাপ্রভু অবশ্যই আমাদের উদ্ধার করবেন;  
এই নগর আসিরিয়ার রাজার হাতে সমর্পিত হবে না।’ ১৬ “তোমরা  
হিক্কিয়ের কথা শুনবে না। আসিরীয় রাজা এই কথা বলেন: আমার  
সঙ্গে সন্ধিচুক্তি করে তোমরা আমার কাছে বেরিয়ে এসো। তাহলে

তোমরা তখন প্রত্যেকে নিজের নিজের আঙুর ও ডুমুর গাছ থেকে ফল পেড়ে থাবে ও নিজের নিজের কুয়ো থেকে জলপান করবে, 17 যতক্ষণ না আমি এসে তোমাদেরই স্বদেশের মতো এক দেশে তোমাদের নিয়ে যাই—যে দেশ শস্যের ও নতুন দ্রাক্ষারসের, যে দেশ রংটির ও দ্রাক্ষাক্ষেত্রে। 18 “হিক্ষিয় একথা বলে তোমাদের বিভাস্ত না করক যে, ‘সদাপ্রভু আমাদের উদ্ধার করবেন।’ কোনো দেশের দেবতা কি আসিরীয় রাজের হাত থেকে তাদের দেশ রক্ষা করতে পেরেছে? 19 হ্যাঁ ও অর্পদের দেবতারা কোথায়? সফর্বয়িমের দেবতারা কোথায়? তারা কি আমার হাত থেকে শমারিয়াকে রক্ষা করতে পেরেছে? 20 এই সমস্ত দেশের কোন সব দেবতা তাদের দেশ আমার হাত থেকে রক্ষা করেছে? তাহলে সদাপ্রভু কীভাবে আমার হাত থেকে জেরশালেমকে রক্ষা করবেন?” 21 লোকেরা কিন্তু নীরব রইল। প্রত্যন্তে তারা কিছুই বলল না, কারণ রাজা আদেশ দিয়েছিলেন, “ওর কথার কোনো উত্তর দিয়ো না।” 22 তখন হিক্ষিয়ের পুত্র, রাজপ্রসাদের পরিচালক ইলিয়াকীম, সচিব শিব্ন ও আসফের পুত্র লিপিকার যোয়াহ, নিজের নিজের কাপড় ছিঁড়ে হিক্ষিয়ের কাছে গেলেন। সেই সৈন্যাধ্যক্ষ যেসব কথা বলেছিলেন, তারা সেসবই তাঁকে বললেন।

**৩৭** রাজা হিক্ষিয় একথা শুনে নিজের কাপড় ছিঁড়লেন। তিনি শোকের পোশাক পরে সদাপ্রভুর মন্দিরে গেলেন। 2 তিনি রাজপ্রসাদের পরিচালক ইলিয়াকীম, সচিব শিব্ন ও গুরুত্বপূর্ণ যাজকদের, আমোষের পুত্র, ভাববাদী যিশাইয়ের কাছে প্রেরণ করলেন। তারা সবাই শোকের পোশাক পরেছিলেন। 3 তারা গিয়ে তাঁকে বললেন, “হিক্ষিয় একথাই বলেন: আজকের এই দিনটি হল মর্মাণ্তিক যন্ত্রণা, তিরক্ষার ও কলঙ্কময় একদিন, ঠিক যেমন সন্তান প্রসবের সময় এসে গিয়েছে, অথচ যেন সন্তান প্রসবের শক্তি নেই। 4 হয়তো সদাপ্রভু, আপনার ঈশ্বর সেই সৈন্যাধ্যক্ষের কথা শুনে থাকবেন, যাকে তার মনিব, আসিরীয় রাজা, জীবন্ত ঈশ্বরকে বিদ্রূপ করার জন্য প্রেরণ করেছিলেন। সদাপ্রভু, আপনার ঈশ্বর, যে কথা শুনেছেন, তার জন্য তিনি হয়তো তাঁকে তিরক্ষার করবেন। সেই কারণে, যারা এখনও বেঁচে আছে,

আপনি অবশিষ্ট তাদের জন্য প্রার্থনা করুন।” ৫ যখন রাজা হিস্কিয়ের কর্মচারীরা যিশাইয়ের কাছে গেলেন, ৬ যিশাইয় তাদের বললেন, “তোমরা গিয়ে তোমাদের মনিবকে বলো, ‘সদাপ্রভু এই কথা বলেন: আসিরীয় রাজার অধীন ব্যক্তিরা আমার সম্পর্কে যেসব নিন্দার উক্তি করেছে, যেগুলি তোমরা শুনেছ, সে সম্পর্কে ভয় পেয়ো না।’ ৭ তোমরা শোনো! আমি তার মধ্যে এমন এক মনোভাব দেব, যার ফলে সে যখন এক সংবাদ শুনবে, সে তার স্বদেশে ফিরে যাবে। সেখানে আমি তাকে তরোয়ালের দ্বারা বিনষ্ট করব।” ৮ সেই সৈন্যাধ্যক্ষ যখন শুনতে পেলেন যে, আসিরীয় রাজার লাখীশ ত্যাগ করে চলে গেছেন, তিনি ফিরে গেলেন এবং দেখলেন, রাজা লিব্নার বিরুদ্ধে যুদ্ধ করছেন। ৯ পরে সন্ত্রেহীর একটি সংবাদ শুনতে পেলেন যে, মিশরের কৃষি দেশের রাজা তির্হিক তাঁর বিরুদ্ধে যুদ্ধ করার জন্য সমরাভিযান শুরু করেছেন। সেকথা শুনতে পেয়ে, তিনি এই কথা বলে হিস্কিয়ের কাছে দৃতদের পাঠালেন: ১০ “যিহুদার রাজা হিস্কিয়কে গিয়ে বলো: যে দেবতার উপর আপনি নির্ভর করে আছেন, তিনি মেন এই কথা বলে আপনাকে না ঠকান যে, ‘আসিরিয়ার রাজার হাতে জেরশালেমকে সমর্পণ করা হবে না।’” ১১ তোমরা নিশ্চয়ই শুনেছ, সব দেশের প্রতি আসিরীয় রাজা কী করেছেন। তিনি তাদের সম্পূর্ণরূপে ধ্বংস করেছেন। আর তোমরা কি তাঁর হাত থেকে রক্ষা পাবে? ১২ ওইসব জাতির দেশগুলি, যাদের আমার পিতৃপুরুষেরা ধ্বংস করেছিলেন, কেউ কি তাদের উদ্ধার করতে পেরেছে—অর্থাৎ গোষণ, হারণ, রেৎসফ ও তেল-অৎসরে বসবাসকারী এদনের লোকেদের দেবতারা? ১৩ হমাতের রাজা বা অর্পদের রাজা কোথায় গেল? লায়ীর, সফর্বিয়ম, হেনা ও ইব্রার রাজারাই বা কোথায় গেল?” ১৪ সেই দৃতদের কাছ থেকে পত্রখানি গ্রহণ করে হিস্কিয় পাঠ করলেন। তারপর তিনি সদাপ্রভুর মন্দিরে উঠে গেলেন এবং সদাপ্রভুর সামনে তা মেলে ধরলেন। ১৫ আর হিস্কিয় এই বলে সদাপ্রভুর কাছে প্রার্থনা করলেন: ১৬ “দুই করুবের মাঝে বিরাজমান হে ইস্রায়েলের দীশ্বর, সর্বশক্তিমান সদাপ্রভু, একমাত্র তুমিই পৃথিবীর সব রাজ্যের দীশ্বর। তুমই আকাশমণ্ডল ও পৃথিবী সৃষ্টি করেছ। ১৭ হে সদাপ্রভু, তুমি

কর্ণপাত করো ও শোনো; হে সদাপ্রভু, তুমি তোমার দৃষ্টি উন্মোচন করো ও দেখো; জীবন্ত ঈশ্বরকে অপমান করে সন্ধেরীব যেসব কথা বলেছে, তা তুমি শ্রবণ করো। 18 “একথা সত্যি, হে সদাপ্রভু, যে আসিরীয় রাজারা এই সমস্ত মানুষজন ও তাদের দেশগুলিকে বিনষ্ট করেছে। 19 তারা তাদের দেবতাদের আগুনে নিষ্কেপ করে তাদের ধ্বংস করেছে, কারণ তারা দেবতা নয়, কিন্তু ছিল কেবলমাত্র কাঠ ও পাথরের তৈরি, মানুষের হাতে তৈরি শিল্প। 20 এখন হে সদাপ্রভু, আমাদের ঈশ্বর, তার হাত থেকে আমাদের উদ্ধার করো, যেন পৃথিবীর সমস্ত রাজ্য জানতে পারে যে, হে সদাপ্রভু, কেবলমাত্র তুমিই ঈশ্বর।”

21 তারপর আমোদের পুত্র যিশাইয়, হিস্ফিয়ের কাছে একটি বার্তা প্রেরণ করলেন: “সদাপ্রভু, ইস্রায়েলের ঈশ্বর এই কথা বলেন: তুমি যেহেতু আসিরীয় রাজা সন্ধেরীব সম্পর্কে আমার কাছে প্রার্থনা করেছে, 22 তার বিরুদ্ধে বলা সদাপ্রভুর বাণী হল এই: ‘কুমারী-কন্যা সিয়োন তোমাকে অবজ্ঞা ও উপহাস করে। জেরুশালেম-কন্যা তার মাথা নাড়ায় যখন তোমরা পলায়ন করো। 23 তুমি কাকে অপমান ও কার নিন্দা করেছ? তুমি কার বিরুদ্ধে তোমার কর্তৃপক্ষ তুলেছ ও গর্বিত চক্ষু উপরে তুলেছ? তা করেছ ইস্রায়েলের সেই পৰিত্রিতমের বিরুদ্ধেই। 24 তোমার দৃতদের দ্বারা তুমি প্রভুর উপরে অপমানের বোৰা চাপিয়েছ। আবার তুমি বলেছ, ‘আমার বঙ্গসংখ্যক রথের দ্বারা আমি পর্বতসমূহের শিখরে, লেবাননের সর্বোচ্চ চূড়াগুলির উপরে আরোহণ করেছি। আমি তার দীর্ঘতম সিডার গাছগুলিকে, তার উৎকৃষ্টতম দেবদারু গাছগুলিকে কেটে ফেলেছি। আমি তার দুর্গম উচ্চ স্থানে, তার সুন্দর বনানীতে পোঁচে গেছি। 25 আমি বিজাতীয় ভূমিতে কুয়ো খনন করেছি এবং সেখানকার জলপান করেছি। আমার পায়ের তলা দিয়ে আমি মিশরের সব স্নোতোধারা শুকিয়ে দিয়েছি।’ 26 “তুমি কি শুনতে পাওনি? বঙ্গপূর্বে আমি তা স্থির করেছিলাম। পুরাকালে আমি তার পরিকল্পনা করেছিলাম; কিন্তু এখন আমি তা ঘটতে দিয়েছি, সেই কারণে তুমি সুরক্ষিত নগরগুলিকে পাথরের ঢিবিতে পরিণত করেছ। 27 সেইসব জাতির লোকেরা ক্ষমতাহীন হয়েছে, তারা হতাশ হয়ে লজ্জিত হয়েছে।

তারা হল মাঠের গাছগুলির মতো, গজিয়ে ওঠা কোমল অঙ্কুরের মতো,  
যেমন ছাদের উপরে ঘাস গজিয়ে ওঠে, কিন্তু বেড়ে ওঠার আগেই  
তাপে শুকিয়ে যায়। 28 “কিন্তু আমি জানি তোমার অবস্থান কোথায়,  
কখন তুমি আস ও যাও, আর কীভাবে তুমি আমার বিরক্তকে ক্রোধ  
প্রকাশ করো। 29 যেহেতু তুমি আমার বিরক্তকে ক্রোধ প্রকাশ করো,  
আর যেহেতু তোমার অভব্য আচরণের কথা আমার কানে পৌঁছেছে,  
আমি তোমার নাকে আমার বড়শি ফেটাব, তোমার মুখে দেব আমার  
বলগা, আর যে পথ দিয়ে তুমি এসেছ, সেই পথেই তোমাকে ফিরিয়ে  
দেব। 30 “আর ওহে হিক্ষিয়, এই হবে তোমার পক্ষে চিহ্নস্মরণ: “এই  
বছরে তোমরা আপনা-আপনি উৎপন্ন শস্য, আর দ্বিতীয় বছরে তা  
থেকে যা উৎপন্ন হবে, তোমরা তাই ভোজন করবে। কিন্তু তৃতীয়  
বছরে তোমরা বীজবপন ও শস্যচ্ছেদন করবে, দ্রাক্ষাকুঞ্জ রোপণ করে  
তার ফল খাবে। 31 আরও একবার যিন্তু রাজ্যের অবশিষ্ট লোকেরা  
পায়ের নিচে মূল খুঁজে পাবে ও তাদের উপরে ফল ধরবে। 32 কারণ  
জেরক্ষালেম থেকে আসবে এক অবশিষ্টাংশ, আর সিয়োন পর্বত  
থেকে আসবে বেঁচে থাকা লোকের একদল। সর্বশক্তিমান সদাপ্রভুর  
উদ্যোগই তা সুসম্পন্ন করবে। 33 “সেই কারণে, আসিরীয় রাজা  
সম্পর্কে সদাপ্রভু এই কথা বলেন: “সে এই নগরে প্রবেশ করবে না,  
কিংবা এখানে কোনো তির নিষ্কেপ করবে না। সে এই নগরের সামনে  
ঢাল নিয়ে আসবে না, কিংবা কোনো জাঙাল নির্মাণ করবে না। 34 যে  
পথ দিয়ে সে আসবে, সে পথেই যাবে ফিরে; সে এই নগরে প্রবেশ  
করবে না,” সদাপ্রভু এই কথা বলেন। 35 “আমি আমার জন্য ও আমার  
দাস দাউদের জন্য এই নগর রক্ষা করে তা উদ্ধার করব!” 36 পরে  
সদাপ্রভুর দৃত আসিরীয়দের সৈন্যশিবিরে গিয়ে এক লক্ষ পঁচাশি  
হাজার সৈন্য মেরে ফেলেছিলেন। পরদিন সকালে যখন লোকজন ঘুম  
থেকে উঠেছিল—দেখা গেল সর্বত্র শুধু মৃতদেহ ছড়িয়ে পড়ে আছে!  
37 তাই আসিরিয়ার রাজা সন্ত্রৈরীব সৈন্যশিবির ভেঙে দিয়ে সেখান  
থেকে সরে পড়েছিলেন। তিনি নীনবীতে ফিরে গিয়ে সেখানেই থেকে  
গেলেন। 38 একদিন, যখন তিনি তাঁর দেবতা নিষ্ঠাকের মন্দিরে

পুজো করছিলেন, তাঁর দুই ছেলে অদ্রম্ভেলক ও শরেৎসর তরোয়াল  
দিয়ে তাঁকে হত্যা করল, এবং আরারট দেশে পালিয়ে গেল। তাঁর  
ছেলে এসর-হন্দেন রাজারূপে তাঁর স্থলাভিষিক্ত হলেন।

**38** সেই সময় হিক্ষিয় অসুস্থ হয়ে পড়েছিলেন এবং তা মৃত্যুজনক  
হয়ে গেল। আমোষের ছেলে ভাববাদী যিশাইয় তাঁর কাছে গিয়ে  
বললেন, “সদাপ্রভু একথাই বলেন: তুমি বাড়ির সব ব্যবস্থা ঠিকঠাক  
করে রাখো, কারণ তুমি মরতে চলেছ; তুমি আর সেরে উঠবে না।”  
২ হিক্ষিয় দেয়ালের দিকে মুখ ফিরিয়ে সদাপ্রভুর কাছে এই প্রার্থনা  
করলেন, ৩ “হে সদাপ্রভু, স্মরণ করো, আমি কীভাবে তোমার সামনে  
বিশ্঵স্তায় ও সম্পূর্ণ হৃদয়ে ভক্তি প্রকাশ করেছি। তোমার দৃষ্টিতে যা  
কিছু মঙ্গলজনক, আমি তাই করেছি।” এই বলে হিক্ষিয় অত্যন্ত রোদন  
করতে লাগলেন। ৪ তখন সদাপ্রভুর বাণী যিশাইয়ের কাছে উপস্থিত  
হল: ৫ “তুমি ফিরে গিয়ে হিক্ষিয়কে এই কথা বলো, ‘সদাপ্রভু, তোমার  
পিতৃপুরুষ দাউদের ঈশ্বর এই কথা বলেন, আমি তোমার প্রার্থনা শ্রবণ  
করেছি ও তোমার অশ্রু দেখেছি; আমি তোমার জীবনের আয়ুর সঙ্গে  
আরও পনেরো বছর যোগ করব। ৬ এছাড়াও আমি তোমাকে ও  
এই নগরটিকে আসিরীয় রাজার হাত থেকে উদ্ধার করব। আমি এই  
নগরকে রক্ষা করব। ৭ “সদাপ্রভু যা কিছু প্রতিশ্রূতি দিয়েছেন, তা  
পূর্ণ করার জন্য এই হবে সদাপ্রভুর চিহ্নস্বরূপ: ৮ আহসের সিডিতে  
সূর্যের ছায়া যতটা নেমে গিয়েছে, আমি তার থেকে দশ ধাপ সেই  
ছায়া পিছনে ফিরিয়ে দেব।” তাই সূর্যের আলো যতটা নেমেছিল,  
তার থেকে দশ ধাপ পিছিয়ে গেল। ৯ যিহুদার রাজা হিক্ষিয় তাঁর  
অসুস্থতা ও রোগনিরাময়ের পরে যা লিখেছিলেন, তা হল এই: ১০ আমি  
বললাম, “আমার জীবনের সর্বোৎকৃষ্ট সময়ে আমাকে কি অবশ্যই  
মৃত্যুর দুয়ারগুলির মধ্য দিয়ে যেতে হবে এবং আমার আয়ুক্ষালের  
অবশিষ্ট সময় থেকে বঞ্চিত হতে হবে?” (Sheol h7585) ১১ আমি  
বললাম, “আমি সদাপ্রভুকে আর দেখতে পাব না, জীবিতদের দেশে  
সদাপ্রভুকে দেখতে পাব না; আমি আর মানবকুলকে দেখতে পাব না,  
কিংবা যারা এই জগতে বসবাস করে, তাদের সঙ্গে থাকব না। ১২

আমার কাছ থেকে আমার আবাস মেষশাবকের তাঁবুর মতো তুলে  
নিয়ে ছিনিয়ে নেওয়া হয়েছে। তাঁতির মতো আমি আমার জীবন গুটিয়ে  
ফেলেছি এবং তিনি তাঁত থেকে আমাকে ছিন করেছেন; দিনে ও  
রাতে তুমি আমার জীবন শেষ করেছ। 13 আমি প্রভাত পর্যন্ত ধৈর্যসহ  
অপেক্ষা করেছি, কিন্তু সিংহের মতোই তিনি আমার হাড়গুলি চূর্ণ  
করেছেন; দিনে ও রাতে তুমি আমার জীবন শেষ করেছ। 14 আমি  
ফিঙে বা সারসের মতো চিঁ চিঁ শব্দ করেছি, আমি বিলাপকারী ঘুঁঘুর  
মতোই বিলাপ করেছি। আকাশমণ্ডলের দিকে তাকিয়ে তাকিয়ে আমার  
চোখের দৃষ্টি ক্ষীণ হল। আমি উপদ্রুত হয়েছি; ও প্রভু, তুমি আমার  
সাহায্যের জন্য এসো!” 15 কিন্তু আমার কী বলার আছে? তিনি আমার  
সঙ্গে কথা বলেছেন এবং তিনি স্বয়ং এ কাজ করেছেন। আমার প্রাণের  
এই নিরাকৃত যন্ত্রণার জন্য আমার সমস্ত জীবনকাল আমি নতনষ্ট হয়ে  
চলব। 16 প্রভু, এই সমস্ত বিষয়ের জন্যই মানুষ বাঁচে; আবার আমার  
আত্মাও সেগুলির মধ্যে জীবন খুঁজে পায়। তুমি আমার স্বাস্থ্য ফিরিয়ে  
দিয়েছ এবং আমাকে বাঁচতে দিয়েছ। 17 নিশ্চিতরূপে এ ছিল আমার  
উপকারের জন্য যে আমি এ ধরনের মর্মযন্ত্রণা ভোগ করেছি। ধ্বংসের  
গহুর থেকে তুমি তোমার ভালোবাসায় আমাকে রক্ষা করেছ; আমার  
সমস্ত পাপ নিয়ে তুমি তোমার পিছন দিকে ফেলে দিয়েছ। 18 কারণ  
কবর তোমার প্রশংসা করতে পারে না, মৃত্যু করতে পারে না তোমার  
স্তব; যারা সেই গহুরে নেমে যায়, তারা তোমার বিশ্বস্তার প্রত্যাশা  
করতে পারে না। (Sheol h7585) 19 জীবন্ত, কেবলমাত্র জীবন্ত লোকেরাই  
তোমার প্রশংসা করবে, যেমন আজ আমি তোমার প্রশংসা করছি;  
বাবারা তাদের সন্তানদের তোমার বিশ্বস্তার কথা বলেন। 20 সদাপ্রভু  
আমাকে রক্ষা করবেন, আমরা জীবনের সমস্ত দিন সদাপ্রভুর মন্দিরে  
তারের বাদ্যযন্ত্রে গান গাইব। 21 যিশাইয় বলেছিলেন, “ডুমুরফল  
ছেঁচে একটি প্রলেপ তৈরি করে সেই ফোঁড়ার উপরে লাগাতে, তাহলে  
তিনি আরোগ্য লাভ করবেন।” 22 হিক্কিয় জিজ্ঞাসা করেছিলেন, “আমি  
যে সদাপ্রভুর মন্দিরে উঠে যাব, তার চিহ্ন কী?”

**39** ওই সময়ে বলদনের পুত্র, ব্যাবিলনের রাজা মরোদক-বলদন হিক্ষিয়ের কাছে পত্র ও উপহার পাঠালেন, কারণ তিনি হিক্ষিয়ের অসুস্থতা ও আরোগ্যলাভের কথা শুনেছিলেন। ২ হিক্ষিয় আনন্দের সঙ্গে ওইসব প্রতিনিধিকে গ্রহণ করলেন। তিনি তাঁর ভাণ্ডারগৃহের সবকিছুই তাদের দেখালেন—রংপো, সোনা, সুগন্ধি মশলা, বহুমূল্য তেল, তাঁর সমস্ত অস্ত্রশস্ত্র ও তাঁর ধনসম্পদের সমস্ত কিছু তাদের দেখালেন। তাঁর রাজপ্রাসাদে বা তাঁর সমস্ত রাজ্যের মধ্যে এমন কিছুই ছিল না, যা হিক্ষিয় তাদের দেখাননি। ৩ তখন ভাববাদী যিশাইয় রাজা হিক্ষিয়ের কাছে গেলেন ও তাঁকে জিজ্ঞাসা করলেন, “ওই লোকেরা কী বলল এবং ওরা কোথা থেকে এসেছিল?” হিক্ষিয় উত্তর দিলেন, “বহু দূরের এক দেশ থেকে। ওরা ব্যাবিলন থেকে আমার কাছে এসেছিল।” ৪ ভাববাদী জিজ্ঞাসা করলেন, “ওরা আপনার প্রাসাদে কী কী দেখল?” হিক্ষিয় বললেন, “ওরা আমার প্রাসাদের সবকিছুই দেখেছে। আমার ঐশ্বর্যভাণ্ডারে এমন কিছুই নেই, যা আমি ওদের দেখাইনি।” ৫ তখন যিশাইয় হিক্ষিয়কে বললেন, “আপনি সর্বশক্তিমান সদাপ্রভুর বাক্য শ্রবণ করুন: ৬ সেই সময় অবশ্যই উপস্থিত হবে, যখন আপনার প্রাসাদে যা কিছু আছে এবং আপনার পিতৃপুরুষেরা এ পর্যন্ত যা কিছু সঞ্চয় করেছেন, সে সমস্তই ব্যাবিলনে বহন করে নিয়ে যাওয়া হবে। কোনো কিছুই অবশিষ্ট থাকবে না, বলেন সদাপ্রভু। ৭ আর আপনার কিছু সংখ্যক বংশধর, যারা আপনারই রক্তমাংস, যাদের আপনি জন্ম দেবেন, তাদেরও সেখানে নিয়ে যাওয়া হবে। তারা ব্যাবিলনের রাজপ্রাসাদে নপুংসক হয়ে সেবা করবে।” ৮ হিক্ষিয় উত্তর দিলেন, “সদাপ্রভুর যে বাক্য আপনি বললেন, তা ভালোই।” কারণ তিনি ভাবলেন, তাঁর নিজের জীবনকালে তো শান্তি আর নিরাপত্তা থাকবে!

**40** সান্ত্বনা দাও, আমার প্রজাদের সান্ত্বনা দাও তোমাদের ঈশ্বর বলছেন। ২ কোমলভাবে জেরশালেমের সঙ্গে কথা বলো ও তার কাছে ঘোষণা করো যে, তার কঠোর পরিশ্রমের সময় সম্পূর্ণ হয়েছে, আর তার পাপের মূল্য চোকানো হয়েছে, কারণ সে সদাপ্রভুর হাত থেকে তার সমস্ত পাপের দ্বিগুণ শান্তি পেয়েছে। ৩ একজনের কঠোর ঘোষণা

করছে: তোমরা মরণভূমিতে সদাপ্রভুর জন্য পথ প্রস্তুত করো; তোমরা মরণপ্রাপ্তরে আমাদের ঈশ্বরের জন্য রাজপথগুলি সরল করো। 4  
প্রত্যেক উপত্যকাকে উপরে তোলা হবে, প্রত্যেক পর্বত ও উপপর্বতকে নিচু করা হবে; এবড়োখেবড়ো জমিকে সমান করা হবে, অমসৃণ স্থানগুলি সমতল হবে। 5 তখন সদাপ্রভুর মহিমা প্রকাশিত হবে, সমস্ত মানবকুল একসঙ্গে তা প্রত্যক্ষ করবে। কারণ সদাপ্রভুর মুখ একথা বলেছেন। 6 একজনের কঠিন্নত বলছে, “ঘোষণা করো।” আমি বললাম, “আমি কী ঘোষণা করব?” “সব মানুষই ঘাসের মতো আর তাদের সমস্ত বিশ্বস্ততা মাঠের ফুলের মতো। 7 ঘাস শুকিয়ে যায় আর ফুল বারে পড়ে, কারণ সদাপ্রভুর নিশ্চাস তাদের উপরে বয়ে যায়।  
সত্যিই সব মানুষ ঘাসের মতো। 8 ঘাস শুকিয়ে যায় ও ফুলগুলি ঝারে পড়ে, কিন্তু আমাদের ঈশ্বরের বাক্য থাকে চিরকাল।” 9 যারা সিয়োনের কাছে সুসংবাদ বয়ে আনো, তোমরা উঁচু পাহাড়ে উঠে যাও। যারা জেরুশালেমের কাছে সুসংবাদ বয়ে আনো, তোমরা জোর গলায় চিৎকার করো, কঠিন্নত উচ্চে তোলো, ভয় পেয়ো না; যিন্দুর নগরগুলিকে বলো, “তোমাদের ঈশ্বর এখানে!” 10 দেখো, সার্বভৌম সদাপ্রভু পরাক্রমের সঙ্গে আসছেন, তাঁর বাহু তাঁর হয়ে শাসন করে।  
দেখো, তাঁর দেয় পুরক্ষার তাঁর কাছে আছে, তাঁর দেয় প্রতিদান তাঁর সঙ্গেই থাকে। 11 মেষপালকের মতোই তিনি তাঁর পালকে চৱান: মেষশাবকদের তিনি তাঁর কোলে একত্র করেন ও তাঁর বুকের কাছে তিনি তাদের বহন করেন; যাদের ছেটো বাচ্চা আছে, তাদের তিনি ধীরে ধীরে এগিয়ে নিয়ে যান। 12 কে তার করতলে সমুদ্রের জলরাশি পরিমাপ করেছে, কিংবা তার বিঘত দিয়ে আকাশমণ্ডল নিরূপণ করেছে? কে বালতিতে ধারণ করেছে পৃথিবীর সব ধূলো, কিংবা দাঁড়িপাল্লায় ওজন করেছে পর্বতসকল এবং তরাজুতে যত পাহাড়?  
13 সদাপ্রভুর মন কে বুঝতে পেরেছে, কিংবা মন্ত্রণাদাতা হয়ে তাঁকে পরামর্শ দিয়েছে? 14 উপদেশ গ্রহণের জন্য তিনি কার সঙ্গে পরামর্শ করেছেন এবং কে তাঁকে সঠিক পথের দিশা দিয়েছে? কে তাঁকে জ্ঞান শিক্ষা দিয়েছে কিংবা দেখিয়েছে বিচারবুদ্ধির পথ? 15 জাতিগুলি

নিশ্চয়ই কলসের এক ফোঁটা জলের মতো; তাদের মনে করা হয় দাঁড়িপাল্লায় লাগা ধূলিকণার মতোই; তিনি সূক্ষ্ম ধূলিকণার মতোই  
ওজন করেন সব দীপ। 16 বেদির আগনের জন্য লেবাননের সব কাঠ,  
কিংবা হোমবলির জন্য তার পশুসকল পর্যাপ্ত নয়। 17 তাঁর সামনে  
সব জাতি কোনো কিছুর মধ্যেই গণ্য নয়; তিনি তাদের নিকৃষ্ট এবং  
সবকিছু থেকে অসার মনে করেন। 18 তাহলে, তোমরা কার সঙ্গে  
ঈশ্বরের তুলনা করবে? কোন মূর্তির সঙ্গে তাঁর তুলনা দেবে? 19  
কোনো মূর্তির তৈরির সময়, শিল্পকর তা ছাঁচে ঢালে, স্বর্ণকার তার  
উপরে সোনার প্রলেপ দেয় এবং রংপোর শৃঙ্খল দিয়ে তাকে সুশোভিত  
করে। 20 যে মানুষ ভীষণ দরিদ্র ও এরকম উপহার দিতে পারে না, সে  
এমন কাঠ বেছে নেয়, যা সহজে পচে যায় না; সে, টলবে না এমন এক  
প্রতিমার জন্য, এক কুশলী শিল্পকারের অন্বেষণ করে। 21 তোমরা কি  
একথা জানো না? তোমরা কি তা কখনও শোনোনি? প্রথম থেকেই কি  
একথা তোমাদের বলা হয়নি? পৃথিবীর গোড়াপত্ন থেকে তোমরা কি  
তা বুবাতে পারোনি? 22 তিনি পৃথিবীর সীমাচক্রের উপরে উপবেশন  
করেন, এর অধিবাসীরা সকলে ফড়িংয়ের মতো। তিনি চন্দ্রাতপের  
মতো আকাশমণ্ডলকে প্রসারিত করেন, বসবাসের জন্য সেগুলিকে  
তাঁবুর মতো খাটিয়ে দেন। 23 তিনি রাজন্যবর্গকে বিলুপ্ত করেন এবং  
জগতের শাসকদের শূন্য করেন। 24 তাদের রোপণ করা মাত্র এবং  
যেই তাদের বপন করা হয়, যে মুহূর্তে তারা মাটিতে মূল বিস্তার করে,  
তিনি তাদের উপরে ফুঁ দেন ও তারা শুকিয়ে যায়, ঘূর্ণিঝড় তুষের  
মতোই তাদের উড়িয়ে নিয়ে যায়। 25 “তোমরা কার সঙ্গে আমার  
তুলনা করবে? কিংবা, আমার সমতুল্য কে?” বলেন সেই পবিত্রতম  
জন। 26 তোমরা চোখ তুলে আকাশমণ্ডলের দিকে তাকাও: এগুলি কে  
সৃষ্টি করেছে? তিনি তারকারাজিকে এক এক করে বের করে আনেন  
এবং তাদের প্রত্যেকটির নাম ধরে ডাকেন। তাঁর মহাপ্রাক্রিম ও প্রবল  
শক্তির কারণে তাদের একটিও হারিয়ে যায় না। 27 ওহে যাকোব,  
তুমি কেন অভিযোগ করো? ওহে ইস্রায়েল, তুমি কেন বলো, “আমার  
পথ সদাপ্রভুর কাছ থেকে গুপ্ত; আমার অধিকার আমার ঈশ্বরের কাছে

অবজ্ঞার বিষয়?" 28 তুমি কি জানো না? তুমি কি কখনও শোনোনি? সদাপ্রভুই সনাতন ঈশ্বর, তিনি পৃথিবীর প্রান্তসীমার সৃষ্টিকর্তা। তিনি শ্রান্ত হবেন না, ক্লান্ত হবেন না, তাঁর বুদ্ধির গভীরতা কেউ পরিমাপ করতে পারে না। 29 তিনি ক্লান্ত ব্যক্তিকে শক্তি দেন, দুর্বলের শক্তিবৃদ্ধি করেন। 30 এমনকি, যুবকেরাও শ্রান্ত ও ক্লান্ত হয়, তরংগেরা হোঁচট খেয়ে পতিত হয়; 31 কিন্তু যারা সদাপ্রভুতে প্রত্যাশা রাখে, তারা তাদের শক্তি নবায়িত করবে। তারা ঈগল পাখির মতোই ডানা মেলবে, তারা দৌড়াবে, কিন্তু ক্লান্ত হবে না, তারা চলাফেরা করবে, কিন্তু মূর্ছিত হবে না।

**41** “দ্বিপনিবাসী তোমরা, আমার সামনে নীরব হও! জাতিসমূহ তাদের শক্তি নবায়িত করবক! তারা সামনে এগিয়ে এসে কথা বলুক; এসো, আমরা বিচারের স্থানে পরম্পর মিলিত হই। 2 “পূর্বদিক থেকে একজনকে কে উভেজিত করেছে, যাকে তাঁর সেবার জন্য ন্যায়সংগতভাবে আহ্বান করা হয়েছে? তিনি জাতিসমূহকে তাঁর হাতে সমর্পণ করেন এবং রাজাদের তাঁর সামনে অবনত করেন। তাঁর তরোয়ালের দ্বারা তিনি তাদের ধুলায় মেশান, তাঁর ধনুকের দ্বারা উড়ে যাওয়া তুষের মতো করেন। 3 তিনি তাদের পশ্চাদ্বাবন করে অক্ষত গমন করেন, এমন এক পথে, যেখানে তাঁর চরণ পূর্বে গমন করেনি। 4 কে এই কাজ করেছেন এবং তা করে গিয়েছেন, প্রথম থেকেই প্রজন্ম পরম্পরাকে কে আহ্বান করেছেন? এ আমি, সেই সদাপ্রভু, প্রথম ও শেষ, কেবলমাত্র আমিই তিনি।” 5 দ্বিপসমূহ তা দেখেছে এবং ভয় পায়; পৃথিবীর প্রান্তসীমাসকল ভয়ে কম্পিত হয়। তারা সম্মুখীন হয় ও এগিয়ে আসে; 6 একে অপরকে সাহায্য করে এবং তার প্রতিবেশীকে বলে, “বলবান হও!” 7 শিল্পকর স্বর্ণকারকে উৎসাহ দেয়, আর যে হাতুড়ি দিয়ে সমান করে, সে নেহাইয়ের উপরে যন্ত্রণাকারীকে উদ্দীপিত করে। সে জোড় দেওয়া ধাতুর বিষয়ে বলে, “ভালো হয়েছে।” সে প্রতিমায় পেরেক ঠোকে, যেন তা নড়ে না যায়। 8 “কিন্তু তুমি, আমার দাস ইস্রায়েল, তুমি যাকোব, যাকে আমি মনোনীত করেছি, তুমি আমার বন্ধু অব্রাহামের বংশ, 9 আমি তোমাকে পৃথিবীর

প্রান্তসীমা থেকে এনেছি, তার সুন্দরতম প্রান্ত থেকে আমি তোমাকে  
আহ্বান করেছি। আমি বলেছি, ‘তুমি আমার দাস’; আমি তোমাকে  
মনোনীত করেছি, অগ্রাহ্য করিনি। 10 তাই ভয় কোরো না, কারণ  
আমি তোমার সঙ্গে আছি; হতাশ হোয়ো না, কারণ আমি তোমার  
ঈশ্বর। আমি তোমাকে শক্তি দেব ও তোমাকে সাহায্য করব; আমার  
ধর্মময় ডান হাত দিয়ে তোমাকে ধরে রাখব। 11 “যারা তোমার বিরুদ্ধে  
রেগে ওঠে, তারা অবশ্যই লজ্জিত ও অপমানিত হবে; যারা তোমার  
বিরোধিতা করে, তারা অসার প্রতিপন্থ হয়ে ধ্বংস হবে। 12 তুমি যদিও  
তোমার শক্তিদের খুঁজবে, তুমি তাদের সন্ধান পাবে না। যারা তোমার  
বিরুদ্ধে যুদ্ধ ঘোষণা করে, তাদের চিহ্ন খুঁজে পাওয়া যাবে না। 13  
কারণ আমি সদাপ্রভু, তোমাদের ঈশ্বর, যিনি ধারণ করেন তোমার ডান  
হাত এবং তোমাকে বলেন, ভয় কোরো না; আমি তোমাকে সাহায্য  
করব। 14 ওহে কীটসদৃশ যাকোব, ওহে নগণ্য ইস্রায়েল, তোমরা ভয়  
কোরো না, কারণ আমি স্বয়ং তোমাকে সাহায্য করব,” যিনি তোমাদের  
মুক্তিদাতা, ইস্রায়েলের সেই পবিত্রতম জন, সদাপ্রভু ঘোষণা করেন।  
15 “দেখো, আমি তোমাকে এক শস্য মাড়াই কল বানাব, নতুন এবং  
ধারালো, যার মধ্যে অনেক দাঁত থাকবে। তুমি পর্বতসমূহকে মাড়াই  
করে সেগুলি চূর্ণ করবে এবং পাহাড়গুলিকে তুষের মতো করবে। 16  
তুমি তাদের বাড়াই করে তাদের তুলে নেবে আর এক ঘূর্ণিবায়ু তাদের  
উড়িয়ে নিয়ে যাবে। তুমি কিন্তু সদাপ্রভুতে উল্লিঙ্গিত হবে, ইস্রায়েলের  
পবিত্রতমজনের উপরে মহিমা করবে। 17 “দরিদ্র ও নিঃস্ব লোকেরা  
জলের অশ্঵েষণ করে, কিন্তু কোনো জল পাওয়া যায় না; তাদের জিভ  
পিপাসায় শুকিয়ে গেছে। কিন্তু আমি সদাপ্রভু তাদের উন্নত দেব;  
আমি ইস্রায়েলের ঈশ্বর, তাদের পরিত্যাগ করব না। 18 আমি বৃক্ষহীন  
পর্বতশ্রেণীতে নদী প্রবাহিত করব, উপত্যকাগুলিতে উৎপন্ন করব  
জলের ফোয়ারা। মরুভূমিকে আমি পরিণত করব জলাশয়ে, শুষ্ক-  
ভূমিতে আমি বইয়ে দেব বর্ণাধারা। 19 আমি মরুভূমিতে স্থাপন করব  
সিডার ও বাবলা, মেদি গাছ ও জলপাই গাছ। পরিত্যক্ত স্থানে আমি  
রোপণ করব দেবদারু, একইসঙ্গে ঝাট ও চিরহরিৎ সব বৃক্ষ, 20 যেন

ଲୋକେରା ଦେଖେ ଓ ଜାନତେ ପାଯ, ବିବେଚନା କରେ ଓ ବୁଝାତେ ପାରେ, ଯେ  
ସଦାପ୍ରଭୁରେଇ ହାତ ଏସବ କରେଛେ, ଇତ୍ତାଯେଲେର ପବିତ୍ରତମ ଜନ ଏ ସକଳ  
ସୃଷ୍ଟି କରେଛେ । 21 “ସଦାପ୍ରଭୁ ବଲେନ, ତୋମାଦେର ମାମଳା ଉପଞ୍ଚାପିତ  
କରୋ,” ଯାକୋବେର ରାଜୀ ବଲେନ, “ତୋମାଦେର ତର୍କବିତର୍କସକଳ ଉଥାପନ  
କରୋ । 22 କୀ ସବ ଘଟବେ, ତା ଆମାଦେର କାହେ ବଲାର ଜନ୍ୟ ତୋମାଦେର  
ପ୍ରତିମାଙ୍ଗଲିକେ ନିଯେ ଏସୋ । ଆମାଦେର ବଲୋ, ପୂର୍ବେର ବିଷୟଙ୍ଗଲି ସବ  
କୀ କୀ, ଯେନ ଆମରା ସେଣ୍ଟଲି ବିବେଚନା କରି ଓ ତାଦେର ଶେଷ ପରିଣତି  
ଜାନତେ ପାରି । ଅଥବା, ଭାବୀ ଘଟନାସମୂହ ଆମାଦେର କାହେ ଘୋଷଣା  
କରୋ, 23 ଆମାଦେର ବଲୋ, ଭବିଷ୍ୟତେ କୀ ଘଟତେ ଚଲେଛେ, ଯେନ ଆମରା  
ବୁଝାତେ ପାରି ଯେ ତୋମରାଇ ଦେବତା । ଭାଲୋ ହୋକ ବା ମନ୍ଦ, ତୋମରା କିଛୁ  
କରେ ଦେଖାଓ, ଯେନ ଆମରା ଅବାକ ହୁଁ ଭୀତ ହିଁ । 24 ଦେଖୋ ତୋମରା  
କିଛୁରଇ ମଧ୍ୟେ ଗଣ୍ୟ ନାହିଁ, ତୋମାଦେର ସମନ୍ତ କାଜ ସମ୍ପୂର୍ଣ୍ଣ ମୂଲ୍ୟହୀନ; ଯେ  
ତୋମାଦେର ମନୋନୀତ କରେ ସେ ଘୃଣ୍ୟ । 25 “ଆମି ଉତ୍ତର ଦିକ ଥିକେ  
ଏକଜନକେ ଉତ୍ତେଜିତ କରେଛି, ଆର ସେ ଆସଛେ, ସୂର୍ଯୋଦଯେର ଦିକ  
ଥିକେ ସେ ଆମାର ନାମେ ଆହ୍ଵାନ କରେ । ଚନ୍ଦ୍ରକିରି ମତୋ, ଅଥବା ମାଟିର  
ତାଲ ନିଯେ କୁମୋରେର ମତୋ, ସେ ଯତ ଶାସକକେ ଦଲାଇମଳାଇ କରେ ।  
26 ପୂର୍ବ ଥିକେ କେ ଏକଥା ବଲେଛେ, ଯେନ ଆମରା ଜାନତେ ପାରି, ଅଥବା  
ଆଗେଭାଗେ ବଲେଛେ ଯେନ ଆମରା ବଲତେ ପାରି, ‘ତାର କଥା ସଠିକ ଛିଲ?’  
ଏ ସମ୍ପର୍କେ କେଉଁ କିଛୁ ବଲେନି, କେଉଁ ଏ ବିଷୟେ ପୂର୍ବଘୋଷଣା କରେନି,  
ତୋମାଦେର କାହେ ଥିକେ କେଉଁ କୋନୋ କଥା ଶୋନେନି । 27 ଆମିଇ ସର୍ବପ୍ରଥମ  
ସିଯୋନକେ ବଲେଛି, ‘ଏହି ଦେଖୋ, ଓରା ଏଖାନେ! ଆମି ଜେରଶାଲେମକେ  
ସୁସଂବାଦେର ଏକ ଦୃତ ଦିଯେଛି । 28 ଆମି ତାକାଲାମ, କିନ୍ତୁ କାଉକେ  
ଦେଖିତେ ପେଲାମ ନା, ପରାମର୍ଶ ଦେଓୟାର ଜନ୍ୟ ଈଶ୍ୱରଦେର ମଧ୍ୟେ କେଉଁ ଛିଲ  
ନା, ଆମାର ପ୍ରଶ୍ନେର ଉତ୍ତର ଦେଓୟାର ଜନ୍ୟ କେଉଁ ଛିଲ ନା । 29 ଦେଖୋ, ଓରା  
ସକଳେ ଭାନ୍ତ! ଓଦେର କାଜଙ୍ଗଲି ସମନ୍ତରୀ ଅସାର; ଓଦେର ମୂର୍ତ୍ତିଙ୍ଗଲି ଯେନ  
ବାତାସ ଓ ବିଭାନ୍ତିସ୍ଵରୂପ ।

**42** “ଏହି ଆମାର ଦାସ, ଯାଁକେ ଆମି ଧରେ ରାଖି, ଆମାର ମନୋନୀତ  
ଜନ, ଯାଁର କାରଣେ ଆମି ଆନନ୍ଦ ପାଇ; ଆମି ତାଁର ଉପରେ ଆମାର ଆତ୍ମା  
ସ୍ଥାପନ କରିବ, ତିନି ଜାତିସମୂହେର ଜନ୍ୟ ନ୍ୟାୟବିଚାର ନିଯେ ଆସବେନ ।

2 তিনি চিৎকার বা উচ্চশব্দ করবেন না, কিংবা পথে পথে নিজের  
 কঠস্বর শোনাবেন না। 3 তিনি দলিল নলখাগড়া ভেঙে ফেলবেন  
 না, এবং ধূমায়িত সলতে নির্বাপিত করবেন না। বিশ্বস্তায় তিনি  
 ন্যায়বিচার আনয়ন করবেন; 4 তিনি মনোবল হারাবেন না বা হতাশ  
 হবেন না, যতক্ষণ না পৃথিবীতে ন্যায়বিচার প্রতিষ্ঠিত করেন। দ্বীপপুঁজি  
 তাঁর বিধিবিধানে আস্থা রাখবে।” 5 সদাপ্রভু ঈশ্বর এই কথা বলেন,  
 সেই সদাপ্রভু, যিনি আকাশমণ্ডল সৃষ্টি করে তা প্রসারিত করেছেন,  
 যিনি পৃথিবী ও তার অভ্যন্তরস্থ সবকিছুই বিছিয়ে দিয়েছেন, যিনি তাঁর  
 লোকদের মধ্যে শাসবায়ু সঞ্চার করেন ও তার মধ্যে জীবনযাপনকারী  
 সকলকে জীবন দেন: 6 “আমি সদাপ্রভু ধার্মিকতায় তোমাকে আহ্বান  
 করেছি; আমি তোমার হাত ধরে থাকব। আমি তোমাকে রক্ষা করব  
 এবং তোমাকে প্রজাদের জন্য এক চুক্তি এবং অইছৃদি জাতিদের জন্য  
 এক জ্যোতিস্বরূপ করব, 7 যেন অন্ধদের দৃষ্টি উন্মোচন করা হয়,  
 কারাগার থেকে বন্দিদের মুক্ত করা হয় এবং যারা কারাকুপের অন্ধকারে  
 বসে থাকে, তাদের মুক্ত করা হয়। 8 “আমি সদাপ্রভু; এই আমার নাম!  
 আমার মহিমা আমি অন্য কাউকে দেব না, বা আমার প্রশংসা ক্ষেত্রিত  
 প্রতিমাদের দেব না। 9 দেখো, পূর্বের বিষয়গুলি পূর্ণ হয়েছে এবং নতুন  
 সব বিষয় আমি ঘোষণা করছি; সেগুলি ঘটবার পূর্বেই আমি সেগুলি  
 তোমাদের কাছে ঘোষণা করছি।” 10 সমুদ্রযাত্রী ও সমুদ্রের অভ্যন্তরস্থ  
 সবকিছু, দ্বীপপুঁজি ও সেগুলির মধ্যে বসবাসকারী সকলে, তোমরা  
 সদাপ্রভুর উদ্দেশে এক নতুন গীত গাও, পৃথিবীর প্রান্তসীমা থেকে তাঁর  
 প্রশংসা ধ্বনিত হোক। 11 মরণভূমি ও তার নগরগুলি তাদের কঠস্বর  
 তুলুক, কেদরের উপনিবেশগুলিতে বসবাসকারী লোকেরা উল্লসিত  
 হোক। সেলা-র লোকেরা আনন্দে গান করুক; পর্বতশিখরগুলি থেকে  
 তারা চিৎকার করুক, 12 তারা সদাপ্রভুকে মহিমা প্রদান করুক,  
 দ্বীপগুলিতে তাঁর প্রশংসা ঘোষণা করুক। 13 পরাক্রান্ত বীরের মতো  
 সদাপ্রভু অভিযান করবেন, যোদ্ধার মতোই তাঁর উদ্যম আলোড়িত  
 হবে; রণনাদে তিনি মহা চিৎকার করবেন এবং তাঁর সব শক্তির উপরে  
 তিনি বিজয়ী হবেন। 14 “দীর্ঘ সময় ধরে আমি নিশ্চুপ আছি, আমি শান্ত

থেকে নিজেকে দমন করেছি। কিন্তু এখন, প্রসববেদনাতুরা স্তীর মতো, আমি চিৎকার করছি, হাঁপাছি ও দীর্ঘশ্বাস ফেলছি। 15 আমি পাহাড় ও পর্বতগুলিকে বৃক্ষহীন করব এবং তাদের সব গাছপালাকে শুকিয়ে ফেলব; আমি নদীগুলিকে দ্বীপপুঞ্জে পরিণত করব ও পুরুরগুলিকে শুকিয়ে ফেলব। 16 আমি অন্ধদের, তাদের অজানা পথে চালাব, অপরিচিত পথগুলিতে আমি তাদের পরিচালিত করব; আমি তাদের সামনে অন্ধকারকে আলোয় পরিণত ও অসমতল স্থানকে মসৃণ করে দেব। আমি এসব কাজ করব; আমি তাদের পরিত্যাগ করব না। 17 কিন্তু যারা প্রতিমাদের উপরে নির্ভর করে, যারা প্রতিমাদের কাছে বলে, ‘তোমরা আমাদের দেবতা,’ চরম লজ্জায় তাদের ফিরিয়ে দেওয়া হবে। 18 “ওহে বধির সব, তোমরা শোনো; ওহে যারা অন্ধ, তোমরা দেখতে থাকো! 19 আমার দাস ছাড়া আর অন্ধ কে? আমার প্রেরিত দৃত ছাড়া আর বধির কে? যে আমার প্রতি সমর্পিত, তার থেকে আর অন্ধ কে? সদাপ্রভুর দাসের মতো অন্ধ আর কে আছে? 20 তুমি অনেক কিছু দেখে থাকলেও কোনো মনোযোগ করোনি; তোমার কান তো খোলা, কিন্তু তুমি কিছুই শুনতে পাও না।” 21 সদাপ্রভু প্রীত হলেন, তাঁর ধার্মিকতার গুণে তাঁর বিধানকে মহৎ ও গৌরবান্বিত করতে। 22 কিন্তু এই জাতির লোকদের লুঝন করে সবকিছু নিয়ে যাওয়া হয়েছে, তারা সকলেই গর্তের ফাঁদে পড়েছে অথবা তাদের কারাগারে লুকিয়ে রাখা হয়েছে। তারাই লুঝনের বস্ত করা হয়েছে, কেউ বলে না, “ওদের ফেরত পাঠাও।” 23 তোমাদের মধ্যে কে একথা শুনবে? মনোযোগ দিয়ে কে ভবিষ্যতের জন্য শুনে রাখবে? 24 কে যাকোবকে লুঝনের বিষয় হওয়ার জন্য সমর্পণ করেছেন এবং ইস্রায়েলকে লুঝনকারীদের হাতে সমর্পণ করেছেন? তিনি কি সদাপ্রভু নন, যাঁর বিরণ্দে আমরা পাপ করেছি? কারণ তারা তাঁর পথসকলে চলতে চায়নি, তারা তাঁর বিধান মান্য করেনি। 25 তাই তিনি তাঁর প্রজ্বলিত ক্রোধ, যুদ্ধের হিংস্রতা তাদের উপরে ঢেলে দিয়েছেন। তা তাদের আগন্তের শিখায় আবৃত

করল, তবুও তারা বুঝতে পারল না; তা তাদের গ্রাস করল, তবুও  
তারা শিক্ষা নিল না।

**43** কিন্তু এখন, সদাপ্রভু এই কথা বলেন, ওহে যাকোব, যিনি  
তোমাকে সৃষ্টি করেছেন, ওহে ইস্রায়েল, যিনি তোমাকে গঠন করেছেন,  
“তুমি ভয় পেয়ো না, কারণ আমি তোমাকে মুক্ত করেছি; আমি নাম  
ধরে তোমাকে ডেকেছি; তুমি আমার। 2 তুমি যখন জলরাশির মধ্য  
দিয়ে অতিক্রম করবে, আমি তোমার সঙ্গে থাকব; তুমি যখন নদনদীর  
মধ্য দিয়ে যাবে, সেগুলি তোমাকে মগ্ন করতে পারবে না। যখন  
তুমি আগুনের মধ্য দিয়ে যাবে, তুমি দন্ধ হবে না; সেই আগুনের  
শিখা তোমাকে পুড়িয়ে ফেলবে না। 3 কারণ আমি সদাপ্রভু, তোমার  
ঈশ্বর, ইস্রায়েলের সেই পবিত্রতম জন, তোমার পরিত্রাতা; তোমার  
মুক্তিমূল্যরূপে আমি মিশরকে, তোমার পরিবর্তে আমি কৃশ ও সবাকে  
দিয়েছি। 4 তুমি যেহেতু আমার দৃষ্টিতে বহুমূল্য ও মর্যাদার পাত্র, আর  
আমি যেহেতু তোমাকে ভালোবাসি, আমি তোমার পরিবর্তে অপর  
মানুষজনকে দেব, তোমার জীবনের পরিবর্তে বিভিন্ন জাতিকে দেব। 5  
তুমি ভয় পেয়ো না, কারণ আমি তোমার সঙ্গে আছি; আমি পূর্বদিক  
থেকে তোমার সন্তানদের নিয়ে আসব এবং পশ্চিমদিক থেকে তোমাকে  
সংগ্রহ করব। 6 আমি উত্তর দিককে বলব, ‘ওদের ছেড়ে দাও!’ দক্ষিণ  
দিককে বলব, ওদের আটকে রেখো না। দূর থেকে আমার পুত্রদের  
এবং পৃথিবীর প্রান্তসীমা থেকে আমার কন্যাদের নিয়ে এসো, 7  
যারা আমার নামে আখ্যাত, যাদের আমি আমার গৌরবের জন্য সৃষ্টি  
করেছি, যাদের আমি গঠন করে তৈরি করেছি, তাদের নিয়ে এসো।” 8  
তাদের বের করে আনো, যারা চোখ থাকতেও অস্ত, কান থাকতেও  
বধির। 9 সব দেশ এক জায়গায় সমবেত হও এবং জাতিসমূহ জড়ে  
হও এক স্থানে। তাদের মধ্যে কে পূর্ব থেকে একথা বলেছিল এবং  
পূর্বেকার বিষয়গুলি আমাদের কাছে ঘোষণা করেছিল? নিজেদের  
সঠিক প্রমাণ করার জন্য তারা সাক্ষীদের নিয়ে আসুক, যেন অন্যেরা  
তা শুনে বলতে পারে, “একথা সত্য।” 10 সদাপ্রভু বলেন, “তোমরা  
আমার সাক্ষী এবং আমার দাস, যাদের আমি মনোনীত করেছি, যেন

তোমরা আমাকে জানতে ও বিশ্বাস করতে পারো ও বুঝতে পারো যে,  
আমিই তিনি। আমার পূর্বে কোনো দেবতা গঠিত হয়নি, আমার পরেও  
কেউ আর হবে না। 11 আমি, হ্যাঁ আমিই সদাপ্রভু, আমি ছাড়া আর  
কোনো পরিত্রাতা নেই। 12 আমিই প্রকাশ করেছি, উদ্বার করেছি ও  
যোষণা করেছি— হ্যাঁ, আমিই করেছি, তোমাদের মধ্যে স্থিত কোনো  
বিজাতীয় দেবতা নয়।” সদাপ্রভু বলেন, “তোমরাই আমার সাক্ষী, যে  
আমি ঈশ্বর। 13 হ্যাঁ তাই, পুরাকাল থেকে আমিই তিনি। আমার হাত  
থেকে কেউ নিষ্ঠার করতে পারে না। যখন আমি সক্রিয় হই, তখন কে  
তা অন্যথা করবে?” 14 সদাপ্রভু, যিনি তোমার মুক্তিদাতা, ইস্রায়েলের  
সেই পবিত্রতম জন এই কথা বলেন: “তোমাদের জন্য আমি ব্যাবিলনে  
সৈন্যদল প্রেরণ করব এবং যে জাহাজগুলির জন্য ব্যাবিলনিয়েরা  
গর্ব করত, আমি সেগুলিতে সমস্ত ব্যাবিলনীয়কে পলাতক করব।  
15 আমিই সদাপ্রভু, তোমাদের সেই পবিত্রজন, আমি ইস্রায়েলের  
সৃষ্টিকর্তা, তোমাদের রাজাধিরাজ।” 16 সদাপ্রভু এই কথা বলেন,  
যিনি সমুদ্রের মধ্যে দিয়ে চলাচলের পথ ও মহাজলরাশির মধ্য দিয়ে  
অতিক্রমের পথ তৈরি করেছিলেন, 17 যিনি রথ ও অশ্ব, সৈন্যদল ও  
বীর যোদ্ধাদের একত্র বের করে এনেছিলেন, তারা সেখানেই পড়ে  
থাকল, আর কখনও না ওঠার জন্য, তারা সলতের মতো নিতে গেল,  
বিনষ্ট হল: 18 “তোমরা পুরোনো বিষয় সব ভুলে যাও; অতীতের মধ্যে  
আর বিচরণ কোরো না। 19 দেখো, আমি নতুন এক কাজ করতে  
চলেছি! তা এখনই শুরু হবে; তোমরা কি তা বুঝতে পারবে না? আমি  
মরুভূমির মধ্য দিয়ে পথ ও প্রান্তরের মধ্য দিয়ে নদনদী তৈরি করব,  
কারণ আমি মরুভূমিতে জল জোগাই ও প্রান্তরের মধ্যে নদনদী বইয়ে  
দিই, যেন আমার প্রজারা, আমার মনোনীত জনেরা জলপান করতে  
পারে, 21 যে প্রজাদের আমি নিজের জন্য গঠন করেছি, যেন তারা  
আমার প্রশংসা করে। 22 “তবুও, ওহে যাকোব, তুমি এখনও আমাকে  
ডাকোনি, ওহে ইস্রায়েল, আমাকে নিয়ে তুমি যেন ক্লান্ত হয়েছ। 23  
হোমবলির জন্য তুমি আমার কাছে মেষ আনোনি, তোমার বলিদান

সকলের দ্বারা আমার সম্মানও করোনি। আমি শস্য-নৈবেদ্যের জন্য তোমাকে ভারগ্রস্ত করিনি, আবার ধূপ উৎসর্গ দাবি করে তোমাকে বিরুত করিনি। 24 তুমি আমার জন্য কোনো সুগন্ধি বচ কেনেনি, কিংবা তোমার বলি সকলের মেদে আমাকে পরিতৃপ্ত করোনি। বরং তোমাদের পাপসকলের কারণে আমাকে ভারগ্রস্ত করেছ এবং তোমাদের সব অপরাধের কারণে আমাকে ঝাস্ত করেছ। 25 “আমি, হ্যাঁ আমিই আমার নিজের স্বার্থে, তোমাদের অধর্ম সকল মুছে ফেলি, তোমাদের পাপসকল আর স্মরণে আনব না। 26 পূর্বের বিষয় সকল আমার জন্য পর্যালোচনা করো, এসো, আমরা সেই বিষয়ে পরম্পর তর্কবিতর্ক করি; তোমাদের নির্দেশিতার পক্ষে কারণ ব্যক্ত করো। 27 তোমাদের আদিপিতা পাপ করেছিল; তোমাদের মুখপাত্রেরা আমার বিরুদ্ধে পাপ করেছিল। 28 তাই, তোমাদের মন্দিরের বিশিষ্টজনেদের আমি অপমান করব, আমি যাকোবকে ধ্বংসের জন্য ও ইস্রায়েলকে বিদ্রূপ করার জন্য সমর্পণ করব।

**44** “কিন্তু এখন, ওহে আমার দাস যাকোব, আমার মনোনীত ইস্রায়েল, তোমরা শোনো। 2 যিনি তোমাকে নির্মাণ করেছেন, যিনি মায়ের গর্ভে তোমাকে গঠন করেছেন এবং যিনি তোমাকে সাহায্য করবেন, সেই সদাপ্রভু এই কথা বলেন: ওহে আমার দাস যাকোব, আমার মনোনীত যিশুরণ, তুমি ত্য ভয় কোরো না। 3 কারণ আমি ত্বষিত ভূমিতে জল ঢেলে দেব, শুক্ষ মাটিতে বইয়ে দেব নদীর স্নোত; আমি তোমার বংশধরদের উপরে ঢেলে দেব আমার আত্মা, তোমার সন্তানদের উপরে ঢেলে দেব আমার আশীর্বাদ। 4 যেমন জলস্নোতের তীরে ঝাউ গাছ, তেমনই চারণভূমিতে তৃণের মতো তারা উৎপন্ন হবে। 5 কেউ একজন বলবে, ‘আমি সদাপ্রভুর’; অন্য একজন যাকোবের নামে নিজের পরিচয় দেবে; আরও একজন তার হাতে লিখবে, ‘সদাপ্রভুর,’ আর তারা ইস্রায়েল নামে পদবি গ্রহণ করবে। 6 “ইস্রায়েলের রাজা ও মুক্তিদাতা, সর্বশক্তিমান সদাপ্রভু এই কথা বলেন: আমিই প্রথম ও আমিই শেষ: আমি ছাড়া আর কোনো ঈশ্বর নেই। 7 তাহলে আমার মতো আর কে আছে? সে সেকথা ঘোষণা করুক। সে তা বলুক ও

আমার সামনে উপস্থাপন করুক; আমার পুরাকালের লোকদের স্থাপন  
করার সময় কী ঘটেছিল, আর ভবিষ্যতেই বা কী ঘটবে, হ্যাঁ, সে  
আগাম বলুক, ভাবিকালে কী ঘটবে। ৪ তোমরা তয়ে কেঁপো না, ভয়  
কোরো না। একথা আমি কি ঘোষণা করিনি ও বহুপূর্বেই তা বলে  
দিইনি? তোমাই আমার সাক্ষী। আমি ছাড়া আর কোনো ঈশ্বর কি  
আছে? না, আর কোনো শৈল নেই; আমি তেমন কাউকে জানি না।” ৫  
যারা প্রতিমা নির্মাণ করে, তারা কিছুই নয়, তাদের নির্মিত মনোহর  
বস্তুগুলি কোনো উপকারে আসে না। যারা তাদের হয়ে কথা বলে,  
তারা অঙ্গ; নিজেদেরই লজ্জা উদ্বেকের জন্য তারা অঙ্গ প্রতিপন্থ হয়।  
১০ কে কোনো প্রতিমার আকার দেয় ও কোনো মূর্তি ছাঁচে ঢালে, যা  
তার কোনো উপকারে আসে না? ১১ সে ও তার অনুগামী সকলে  
লজ্জিত হবে; শিল্পকরেরা মানুষ ছাড়া আর কিছুই নয়। তারা সকলে  
এসে নিজের অবস্থান গ্রহণ করুক; তাদের সকলকে আতঙ্কগ্রস্ত ও  
নীচ প্রতিপন্থ করা হবে। ১২ কামার একটি যন্ত্র গ্রহণ করে ও জ্বলন্ত  
কয়লায় তা নিয়ে কাজ করে; হাতুড়ি পিটিয়ে সে এক মূর্তি তৈরি করে,  
সে তার শক্তিশালী হাতে তার আকৃতি দেয়। সে ক্ষুধার্ত হয়ে তার  
শক্তি হারায়; জলপান না করে সে মৃচ্ছিত হয়। ১৩ ছুতোর একটি সুতো  
দিয়ে মাপে ও কম্পাস দিয়ে তার রূপরেখা তৈরি করে; ছেনি দিয়ে সে  
তা খোদাই করে ও কম্পাস দিয়ে তার আকার ঠিক করে। সে তাতে  
পুরুষের আকৃতি দেয়, যার মধ্যে থাকে মানুষের সব সৌন্দর্য, যেন  
তা কোনো দেবালয়ে স্থান পেতে পারে। ১৪ সে সিডার গাছ কেটে  
ফেলে, কিংবা বেছে নেয় কোনো সাইপ্রেস বা ওক গাছ। সে বনের  
গাছপালার সঙ্গে সেটিকে বাড়তে দেয়, কিংবা রোপণ করে পাইন গাছ,  
বৃষ্টি যাকে বাড়িয়ে তোলে। ১৫ পরে তা মানুষের জ্বালানি কাঠ হয়; তার  
একটি অংশ নিয়ে সে আগুন পোহায়, একটি অংশে আগুন জ্বালিয়ে  
রুটি সেঁকে। আবার তা দিয়ে সে এক দেবতাও নির্মাণ করে ও তার  
উপাসনা করে, একটি প্রতিমা নির্মাণ করে তার কাছে সে প্রণত হয়।  
১৬ অর্ধেক কাঠ দিয়ে সে আগুন জ্বালায়, তার উভাপে সে রাঙ্গা খাবার  
করে, মাংস ঝলসে নিয়ে সে তা দিয়ে উদরপূর্তি করে। আবার সে

আগনের তাপ নেয় ও বলে, “আহা! আমি উক্ষ হয়েছি, আগনের তাপ নিছি।” 17 কাঠের অবশিষ্ট অংশ নিয়ে সে এক দেবতা, তার আরাধ্য মৃত্তি নির্মাণ করে; সে তার কাছে প্রণত হয়ে উপাসনা করে। সে তার কাছে প্রার্থনা করে ও বলে, “আমাকে রক্ষা করো; তুমি আমার দেবতা!” 18 তারা কিছু জানে না, কিছু বোঝে না; তাদের চেথে প্রলেপ থাকে, তাই তারা দেখতে পায় না, তাদের মন থাকে অবরুদ্ধ, তাই তারা বুবতে পারে না। 19 কেউ থেমে একটু চিন্তা করে না, কারণ তেমন জ্ঞান বা বোধবুদ্ধি নেই যে বলে, “কাঠের অর্ধেক আমি জ্ঞানান্তরিপে ব্যবহার করেছি; এর অঙ্গারে আমি এমনকি খাবার তৈরি করেছি, মাংস রান্না করে আমি তা খেয়েছি। তাহলে এর অবশিষ্ট অংশ নিয়ে আমি কি কেনো ঘৃণ্য বস্তু তৈরি করব? একটি কাঠের টুকরোর কাছে আমি কি প্রণত হব?” 20 সে যেন ছাই ভোজন করে, এক মোহগ্রস্ত হৃদয় তাকে বিপথগামী করে; সে নিজেই নিজেকে রক্ষা করতে পারে না, কিংবা বলে না, “আমার ডান হাতে রাখা এই বস্তুটি কি মিথ্যা নয়?” 21 “ওহে যাকোব, এসব কথা স্মরণে রেখো, কারণ ওহে ইস্রায়েল, তুমি আমার দাস। আমি তোমাকে গঠন করেছি, তুমি আমার দাস; ওহে ইস্রায়েল, আমি তোমাকে ভুলে যাব না। 22 আমি তোমার সব অপরাধ মেঘের মতো সরিয়ে ফেলেছি, তোমার সব পাপ সকালের কুয়াশার মতো দূর করেছি। তুমি আমার কাছে ফিরে এসো, কারণ আমি তোমাকে মুক্ত করেছি।” 23 আকাশমণ্ডল, আনন্দে গান গাও, কারণ সদাপ্রভু এ কাজ করেছেন; পৃথিবীর গভীরতম স্থান সকল, তোমরাও জয়ধ্বনি করো। যত পাহাড়-পর্বত, সমস্ত অরণ্য ও সেগুলির মধ্যে স্থিত সব গাছপালা, তোমরা আনন্দ সংগীতে ফেটে পড়ো, কারণ সদাপ্রভু যাকোবকে মুক্ত করেছেন, তিনি ইস্রায়েলে তাঁর গৌরব প্রকাশ করেন। 24 ‘সদাপ্রভু, যিনি তোমাকে মায়ের গর্ভে গঠন করেছেন, তোমার সেই মুক্তিদাতা একথা বলেন: “আমিই সদাপ্রভু, যিনি এই সমস্ত নির্মাণ করেছেন, যিনি একা আকাশমণ্ডল বিস্তার করেছেন, যিনি স্বয়ং পৃথিবীকে প্রসারিত করেছেন, 25 যিনি ভগ্ন ভাববাদীদের চিহ্নসকল ব্যর্থ করেন এবং গণকদের মূর্খ প্রতিপন্থ করেন, যিনি জ্ঞানবানদের

শিক্ষা বিফল করেন ও তা অসারতায় পরিণত করেন, 26 যিনি তাঁর দাসেদের কথা সফল করেন ও তাঁর দৃতদের পূর্বঘোষণা পূর্ণ করেন, ‘যিনি জেরুশালেমের বিষয়ে বলেন, ‘এতে লোকদের বসতি হবে,’ যিহুদার নগরগুলির বিষয়ে বলেন, ‘সেগুলি পুনর্নির্মিত হবে,’ তাঁর ধ্বংসাবশেষকে বলেন, ‘আমি তা পুনঃপ্রতিষ্ঠিত করব,’ 27 যিনি অগাধ জলরাশিকে বলেন, ‘শুক্র হও, আমি তোমার স্ন্যাতোধারাগুলি শুকিয়ে ফেলব,’ 28 যিনি কোরস সম্পর্কে বলেন, ‘সে হবে আমার মেষদের পালক এবং আমি যা চাই, সে তা পূর্ণ করবে; সে জেরুশালেম সম্পর্কে বলবে, “তা পুনর্নির্মিত হোক,” এবং তাঁর মন্দির সম্পর্কে বলবে, “এর ভিত্তিপ্রস্তরগুলি স্থাপিত হোক।”

**45** “সদাপ্রভু তাঁর অভিযিক্ত জন কোরস সম্পর্কে এই কথা বলেন, আমি তাঁর ডান হাত ধরে আছি, যেন সব জাতিকে তাঁর সামনে নত করি এবং সব রাজার রণসাজ খুলে ফেলি, যেন তাঁর সামনে সব দরজা উন্মুক্ত হয়, যেন কোনও দুয়ার বন্ধ না থাকে। 2 আমি তোমার আগে আগে যাব এবং সব পাহাড়-পর্বতকে সমভূমি করব; আমি পিতলের সব দুয়ার ভেঙে ফেলব ও লোহার সব অর্গল কেটে দেব। 3 আমি অঙ্কারে রাখা সব ঐশ্বর্য তোমাকে দেব, দেব সেইসব সম্পদ, যেগুলি গুপ্ত স্থানে রাখা আছে, যেন তুমি জানতে পারো যে, আমিই সদাপ্রভু, আমি ইস্রায়েলের ঈশ্বর, যিনি তোমার নাম ধরে ডাকেন। 4 আমার দাস যাকোব ও আমার মনোনীত ইস্রায়েলের কারণে, আমি তোমার নাম ধরে তোমাকে ডাকি ও তুমি আমাকে না জানলেও আমি তোমাকে সম্মানের উপাধি দিয়েছি। 5 আমিই সদাপ্রভু, অন্য আর কেউ নয়; আমি ছাড়া আর কোনো ঈশ্বর নেই। তুমি আমাকে না জানা সত্ত্বেও আমি তোমাকে শক্তিশালী করব। 6 যেন সূর্যোদয়ের স্থান থেকে তাঁর অস্তস্থান পর্যন্ত, লোকেরা জানতে পারে যে, আমি ছাড়া আর কেউ নেই। আমিই সদাপ্রভু, আর কেউ নয়। 7 আমিই আলো গঠন ও অঙ্কার সৃষ্টি করি, আমি সমৃদ্ধি নিয়ে আসি ও বিপর্যয় সৃষ্টি করি; আমি সদাপ্রভুই এই সমস্ত কাজ করি। 8 “উর্ধ্বাকাশ, তুমি ধার্মিকতা বর্ষণ করো; মেঘমালা তা নিচে বর্ষণ করুক। পৃথিবীর ভূমি উন্মুক্ত হোক,

অঙ্গুরিত হোক পরিত্রাণ, তার সঙ্গে ধার্মিকতা বৃদ্ধি পাক; আমি সদাপ্রভু  
তা সৃষ্টি করেছি। ৭ “ধিক্ সেই লোককে যে তার নির্মাতার সঙ্গে বিবাদ  
করে, যার কাছে সে মাটির খাপরাগুলির মধ্যে একটি খাপরা মাত্র।  
মাটি কি কুমোরকে বলতে পারে, ‘তুমি কী তৈরি করছ?’ তোমার কর্ম  
কি বলতে পারে, ‘তোমার কোনো হাত নেই?’ ১০ ধিক্ সেই মানুষ, যে  
তার বাবাকে বলে, ‘তুমি কী জন্ম দিয়েছ?’ কিংবা তার মাকে বলে,  
‘তুমি কী প্রসব করেছ?’ ১১ “সদাপ্রভু, ইস্রায়েলের সেই পবিত্রতম  
জন, যিনি তার অষ্টা, তিনি এই কথা বলেন, ভাবীকালে যা ঘটবে,  
আমার সন্তানদের প্রসঙ্গে তোমরা কি প্রশ্ন করছ, অথবা, আমার হাতের  
কাজ সম্পর্কে তোমরা আমাকে আদেশ দিচ্ছ? ১২ আমি পৃথিবীকে  
সৃষ্টি করেছি, তার উপরে সৃষ্টি করেছি সমস্ত মানুষ। আমার নিজের  
হাত আকাশমণ্ডলকে প্রসারিত করেছে, আমি তাদের নক্ষত্রবাহিনীকে  
বিন্যস্ত করেছি। ১৩ আমি আমার ধার্মিকতায় সাইরাসকে তুলে ধরব:  
আমি তার সব পথ সরল করব। সে আমার নগর পুনর্নির্মাণ করবে এবং  
আমার নির্বাসিতদের মুক্ত করে দেবে, কিন্তু কোনো মূল্য বা পুরক্ষারের  
জন্য নয়, সর্বশক্তিমান সদাপ্রভু এই কথা বলেন।” ১৪ সদাপ্রভু এই  
কথা বলেন, “মিশরের সমস্ত উৎপন্ন দ্রব্য ও কৃষের পণ্যসামগ্রী, আর  
সেই দীর্ঘকায় সবায়িয়েরা, তারা তোমার কাছে আসবে এবং তারা  
তোমারই হবে; তারা তোমার পিছনে ক্লান্ত পায়ে আসবে, শৃঙ্খলিত  
অবস্থায় তোমার কাছে আসবে। তারা তোমার সামনে প্রণত হবে এবং  
এই কথা বলে তোমার কাছে অনুনয় করবে, ‘ঈশ্বর নিশ্চয়ই তোমার  
সঙ্গে আছেন, তিনি ছাড়া আর কোনো ঈশ্বর নেই।’” ১৫ ও ঈশ্বর এবং  
ইস্রায়েলের পরিত্রাতা, সত্ত্বাই তুমি নিজেকে লুকিয়ে রাখো। ১৬ যারা  
প্রতিমা নির্মাণকারী, তারা সকলেই লজ্জিত ও অপমানিত হবে, তারা  
একসঙ্গে অপমানিত হয়ে বিদায় নেবে। ১৭ কিন্তু সদাপ্রভু চিরস্থায়ী  
পরিত্রাণের দ্বারা ইস্রায়েলের পরিত্রাণ করবেন; তোমরা অনন্তকালেও  
আর কখনও লজ্জিত বা অপমানিত হবে না। ১৮ কারণ সদাপ্রভু এই  
কথা বলেন, যিনি আকাশমণ্ডল সৃষ্টি করেছেন, তিনি ঈশ্বর; যিনি  
পৃথিবীকে আকার দিয়ে নির্মাণ করেছেন, তিনি তার প্রতিষ্ঠা করেছেন;

তিনি তা শূন্য রাখার জন্য সৃষ্টি করেননি, কিন্তু তা বসতিস্থান হওয়ার জন্যই গঠন করেছেন। তিনি বলেন, “আমি সদাপ্রভু, আর অন্য কেউই নয়। 19 আমি গোপনে কথা বলিনি, কোনো অন্ধকারময় দেশের কোনো প্রাণ থেকে; আমি যাকোবের বংশধরদের বলিনি, ‘বৃথাই আমার অব্বেষণ করো।’ আমি সদাপ্রভু, আমি সত্যিকথা বলি; যা ন্যায়সংগত, সেকথাই ঘোষণা করি। 20 “তোমরা একসঙ্গে জড়ে হও ও এসো; বিভিন্ন দেশ থেকে পলাতকেরা, তোমরা সমবেত হও। তারা অজ্ঞ, যারা কাঠের মূর্তি বয়ে নিয়ে বেড়ায়, যারা সেই দেবতাদের কাছে প্রার্থনা করে, যারা রক্ষা করতে পারে না। 21 কী ঘটবে তা ঘোষণা করো, উপস্থাপিত করো— তারা সবাই একসঙ্গে মন্ত্রণা করুক। কে পূর্ব থেকে একথা বলেছে, কে সুদূর অতীতকালে তা ঘোষণা করেছে? আমি সদাপ্রভু, তা কি করিনি? আর আমি ছাড়া অন্য কোনো ঈশ্বর নেই, আমিই ধর্মময় ঈশ্বর ও পরিত্রাতা; আমি ছাড়া আর কেউ নেই। 22 “ওহে পৃথিবীর প্রান্তিনিবাসী সকলে, আমার দিকে ফেরো ও পরিত্রাণ পাও; কারণ আমিই ঈশ্বর, আর কেউ নয়। 23 আমি নিজেই শপথ নিয়েছি, সম্পূর্ণ সততার সঙ্গে আমার মুখ তা উচ্চারণ করেছে, এমন এক বাণী যা প্রত্যাহত হবে না: প্রত্যেকের জানু আমার সামনে পাতিত হবে; আমার নামে সমস্ত জিভ শপথ করবে। 24 তারা আমার বিষয়ে বলবে, ‘কেবলমাত্র সদাপ্রভুতেই আছে ধার্মিকতা ও শান্তি।’” যারাই তাঁর বিরুদ্ধে ক্রুদ্ধ হয়েছে, তারা তাঁর কাছে এসে লজ্জিত হবে। 25 কিন্তু সদাপ্রভুতে ইন্দ্রায়েলের সমস্ত বংশধর ধার্মিক গণিত হবে ও গৌরব লাভ করবে।

**46** বেল নত হয়েছে, নেবো উপুড় হয়ে পড়েছে; তাদের প্রতিমারা ভারবাহী পশ্চদের উপরে বাহিত হচ্ছে। যে মূর্তিগুলি বহন করা হচ্ছে, সেগুলি পীড়াদায়ক, শ্রান্ত-ক্লান্ত লোকেদের পক্ষে তারা বোৰাস্বরূপ। 2 তারা একসঙ্গে উপুড় হয়ে নত হয়েছে; তারা সেই বোৰা বহন করতে অক্ষম, তারা নিজেরাই বন্দি হওয়ার জন্য নির্বাসিত হয়। 3 “ওহে যাকোবের কুল, আমার কথা শোনো, তোমরাও শোনো, যারা ইন্দ্রায়েল কুলে এখনও অবশিষ্ট আছ, গর্ভাবস্থা থেকে আমি তোমাদের

ধারণ করেছি, তোমাদের জন্ম হওয়ার সময় থেকে আমি তোমাদের  
বহন করছি। 4 তোমাদের বৃদ্ধি বয়স পর্যন্ত, আমি সেই একই থাকব,  
তোমাদের চুল পেকে যাওয়া পর্যন্ত, আমিই তোমাদের বহন করব।  
আমিই সৃষ্টি করেছি, আমিই তোমাদের বহন করব; আমি তোমাদের  
ধরে রাখব ও তোমাদের উদ্ধার করব। 5 “তোমরা কার সঙ্গে আমার  
তুলনা করবে বা আমাকে কার সমতুল্য মনে করবে? তোমরা কার  
সদৃশ আমাকে মনে করবে যে আমাদের পরম্পর তুলনা করা হবে? 6  
কেউ কেউ তাদের থলি থেকে সোনা ঢালে এবং দাঁড়িপাল্লায় ঝংপো  
ওজন করে; তারা তা থেকে দেবতা নির্মাণের জন্য স্বর্ণকারকে বানি  
দেয়, পরে তারা তার সামনে প্রণত হয়ে তার উপাসনা করে। 7 তারা  
তা কাঁধে তুলে নিয়ে বহন করে; তারা স্বস্থানে তাকে স্থাপন করে এবং  
তা সেখানেই অবস্থান করে। সেই স্থান থেকে তা আর নড়তে পারে  
না। কেউ তার কাছে আর্তক্রন্দন করলেও, সে উত্তর দেয় না; তার  
ক্লেশ থেকে সে তাকে রক্ষা করতে পারে না। 8 “একথা স্মরণ করো,  
ভুলে যেয়ো না, ওহে বিদ্রোহীকুল, এগুলি হৃদয়ে উপলব্ধি করো।  
9 পূর্বের বিষয়গুলি, যা বহুপূর্বে ঘটে গিয়েছে, স্মরণ করো; আমিই  
ঈশ্বর, অন্য আর কেউ নয়; আমিই ঈশ্বর এবং আমার মতো আর  
কেউ নেই। 10 আমি শুরু থেকেই শেষের কথা বলে দিই, যা এখনও  
ঘটেনি, তা পুরাকাল থেকেই আমি ঘোষণা করি। আমি বলি, ‘আমার  
সংকল্প অবশ্যই স্থির থাকবে, আর আমি যা চাই, তা অবশ্যই পূর্ণ  
করব।’ 11 পূর্বদেশ থেকে আমি এক শিকারি পাখিকে ডেকে আনব;  
বহু দূরবর্তী দেশ থেকে একজন মানুষকে, যে আমার সংকল্প সাধন  
করবে। আমি যা বলেছি, তা আমি অবশ্যই করে দেখাব, আমি যা  
পরিকল্পনা করেছি, তা আমি অবশ্য করব। 12 ওহে অনমনীয় হৃদয়ের  
মানুষ, তোমরা আমার কথা শোনো, তোমরা শোনো, যারা ধার্মিকতা  
থেকে বহুদূরে থাকো। 13 আমি আমার ধর্মশীলতা কাছে নিয়ে আসছি,  
তা আর বেশি দূরে নেই; আমার পরিত্রাণ দেওয়ার বিলম্ব আর হবে না।  
আমি সিয়োনকে আমার পরিত্রাণ দেব, ইস্রায়েলকে আমার জৌলুস  
দেব।

**৪৭** “ওহে ব্যাবিলনের কুমারী-কন্যা, তুমি নিচে নেমে ধূলোয় বসো;  
ওহে কলদীয়দের কন্যা, সিংহাসন ছাড়াই তুমি মাটিতে বসো। আর  
তোমাকে বলা হবে না কোমল ও সুখভোগী। ২ তুমি জাঁতা নিয়ে শস্য  
পেষণ করো, তোমার ঘোমটা খুলে ফেলো। তোমার পরনের কাপড়  
তুলে নাও, তোমার দুই পা অনাবৃত করো, আর নদনদীর মধ্য দিয়ে  
হেঁটে পার হয়ে যাও। ৩ তোমার নগতা প্রকাশিত হবে, তোমার লজ্জা  
আবৃত থাকবে না। আমি প্রতিশোধ গ্রহণ করব, কাউকে রেহাই দেব  
না।” ৪ আমাদের মুক্তিদাতা—সর্বশক্তিমান সদাপ্রভু তাঁর নাম—  
তিনিই ইস্রায়েলের সেই পবিত্রতম জন। ৫ “ওহে ব্যাবিলনীয়দের  
কন্যা, তুমি নীরব হয়ে বসো, অঙ্ককারে যাও; আর তোমাকে বলা যাবে  
না রাজ্যসমূহের রানি। ৬ আমি আমার প্রজাদের প্রতি ঝুঁক ছিলাম,  
আমার অধিকারকে অপবিত্র করেছিলাম; আমি তোমার হাতে তাদের  
সমর্পণ করেছিলাম, কিন্তু তুমি তাদের প্রতি কোনো করণা প্রদর্শন  
করোনি। এমনকি, বয়স্ক মানুষদের উপরেও তুমি অত্যন্ত ভারী জোয়াল  
চাপিয়েছ। ৭ তুমি বলেছ, ‘আমি চিরস্তন রানি, চিরকালের জন্য আমি  
তাই থাকব।’ কিন্তু এসব বিষয় তুমি বিবেচনা করোনি, কিংবা যা ঘটতে  
চলেছে তার প্রতি মনোযোগ দাওনি। ৮ “তাহলে এখন, ওহে বিলাসিনী  
শোনো, তোমার নিশ্চিন্ত আসনে বসে তুমি মনে মনে ভাবছ, ‘একা  
আমি, আমি ছাড়া আর কেউ নেই। আমি কখনও বিধবা হব না, কিংবা  
আমার ছেলেমেয়েরা মারা যাবে না।’ ৯ এক মুহূর্তে, একদিনের মধ্যে,  
এই উভয়ই তোমার প্রতি ঘটবে: সন্তান হারানো ও বিধবা হওয়া।  
সেগুলি পূর্ণমাত্রায় তোমার উপরে নেমে আসবে, তা যতই তুমি জাদু  
কিংবা মন্ত্রতন্ত্র ব্যবহার করে থাকো না কেন। ১০ তুমি তোমার দুষ্টার  
উপরে নির্ভর করেছ, তুমি বলেছ, ‘কেউ আমাকে দেখতে পায় না।’  
তোমার জ্ঞান ও বুদ্ধি তোমাকে বিপথগামী করেছে যখন তুমি নিজেই  
নিজেকে বলেছ, ‘একা আমি, আমি ছাড়া আর কেউ নেই।’ ১১ বিপর্যয়  
তোমার উপরে নেমে আসবে, মন্ত্রবলে তা তুমি দূর করতে পারবে  
না। এক দুর্যোগ তোমার উপরে পতিত হবে, মুক্তিপণ দিয়ে তা তুমি  
ৰেড়ে ফেলতে পারবে না। এক সর্বনাশ তোমার উপরে হঠাত এসে

উপস্থিত হবে, যা তুমি আগাম জানতেও পারবে না। 12 “তাহলে তুমি  
তোমার মন্ত্রতন্ত্র ও বহু জাদুবিদ্যা চালিয়ে যাও, যা বাল্যকাল থেকে  
তুমি পরিশ্রম করে অভ্যাস করেছে। হয়তো তুমি সফল হবে, হয়তো  
তুমি আতঙ্কের পরিবেশ সৃষ্টি করতে পারবে। 13 তোমার পাওয়া  
যত পরামর্শ তোমাকে কেবলই বিধবস্ত করেছে! তোমার জ্যোতিষীরা  
সব এগিয়ে আসুক, ওইসব জ্যোতিষী, যারা মাসের পর মাস ধরে  
পূর্বঘোষণা করে যায়, তোমার প্রতি যা ঘটতে চলেছে, তা থেকে তারা  
তোমাকে রক্ষা করুক। 14 তারা প্রকৃতই খড়কুটোর মতো, আগুন  
তাদের পুড়িয়ে ফেলবে। আগুনের শিখার ক্ষমতা থেকে তারা তো  
নিজেদেরও রক্ষা করতে পারে না। কাউকে উত্পন্ন করার মতো এখানে  
কোনো অঙ্গার নেই; পাশে বসার মতো এখানে কোনো আগুন নেই।  
15 তারা তো সব থেকে বেশি এইমাত্র তোমার প্রতি করতে পারে,  
এগুলির জন্য তুমি পরিশ্রম করেছ, বাল্যকাল থেকে তুমি লেনদেন  
করেছ। তাদের প্রত্যেকেই নিজের নিজের ভ্রান্তপথে চলছে; এমন  
কেউ নেই, যে তোমাকে রক্ষা করতে পারে।

**48** “ওহে যাকোবের কুল, তোমরা একথা শোনো, তোমাদের ইস্রায়েল  
নামে ডাকা হয়, তোমাদের উক্তি যিহুদার বংশ থেকে, তোমরা  
সদাপ্রভুর নামে শপথ নিয়ে থাকো ও ইস্রায়েলের ঈশ্বরের কাছে মিনতি  
করে থাকো, কিন্তু সত্যে বা ধার্মিকতায় তা করো না। 2 তোমরা  
নিজেদের সেই পবিত্র নগরের নাগরিক বলো এবং ইস্রায়েলের ঈশ্বরের  
উপরে নির্ভর করো, সর্বশক্তিমান সদাপ্রভু তাঁর নাম, 3 আমি পূর্বকার  
বিষয়গুলি বহুপূর্বেই বলেছি, আমার মুখ সেগুলি ঘোষণা করেছে  
এবং আমি সেগুলি জানিয়ে দিয়েছি; তারপরে হঠাৎই আমি সক্রিয়  
হয়েছি এবং সেগুলি সংঘটিত হয়েছে। 4 কারণ আমি জানতাম,  
তোমরা কেমন অনমনীয়; তোমাদের ঘাড়ের পেশগুলি সব লোহার,  
তোমাদের কপাল ছিল পিতলের মতো। 5 সেই কারণে এসব বিষয়  
আমি বহুপূর্বেই তোমাদের বলেছিলাম; সেগুলি ঘটার পূর্বেই আমি  
তোমাদের কাছে ঘোষণা করেছিলাম, যেন তোমরা বলতে না পারো,  
‘আমার তৈরি প্রতিমারা সেগুলি করেছে; আমার কাঠের মূর্তি ও ধাতব

দেবতা সেগুলি নির্ধারণ করেছে।’ 6 তোমরা এসব কথা শুনেছ; সেই  
সমস্তের দিকে তোমরা তাকাও। তোমরা কি সেগুলি স্বীকার করবে  
না? “এখন থেকে আমি তোমাদের নতুন সব বিষয় বলব, সেইসব গুপ্ত  
বিষয়, যেগুলি তোমাদের অজানা। 7 সেগুলির সৃষ্টি এখনই হয়েছে,  
বেশি দিন আগে নয়; আজকের পূর্বে সেগুলির কথা তোমরা শোনোনি।  
তাই তোমরা বলতে পারো না, ‘হ্যাঁ, আমরা সেগুলির কথা জানতাম।’  
8 তোমরা কিছুই শোনোনি, বোঝোওনি; প্রাচীনকাল থেকেই তোমাদের  
কান খোলা থাকেনি। তোমরা যে কেমন বিশ্বাসঘাতক, তা আমি  
ভালোভাবেই জানি; জন্ম থেকেই তোমরা বিদ্রোহী নামে আখ্যাত।  
9 আমার নিজেরই নামের অনুরোধে আমি আমার ক্রোধ চরিতার্থ  
করায় বিলম্ব করেছি; আমার নামের প্রশংসার জন্য আমি তা মুলতুরি  
রেখেছি, যেন তোমাদের উচ্ছেদসাধন না করি। 10 দেখো, আমি  
তোমাদের আগনে বিশুদ্ধ করেছি, যদিও রংপোর মতো নয়; আমি  
তোমাদের কষ্টের চুল্লিতে পরখ করেছি। 11 আমার নিজের জন্য,  
হ্যাঁ, আমার নিজেরই জন্য, আমি এরকম করি। কেমন করে আমি  
আমার নামের অপমান হতে দিতে পারি? আমার মহিমা আমি আর  
অন্য কাউকে দিতে পারি না। 12 “ওহে যাকোব, আমার কথা শোনো,  
শোনো ইস্রায়েল, যাকে আমি আহ্বান করেছি: আমিই তিনি; আমিই  
প্রথম ও আমিই শেষ। 13 আমার নিজের হাত পৃথিবীর ভিত্তিমূলগুলি  
স্থাপন করেছে, আমার ডান হাত আকাশমণ্ডলকে প্রসারিত করেছে;  
যখন আমি তাদের তলব করি, তারা একসঙ্গে উঠে দাঁড়ায়। 14  
“তোমরা সকলে একসঙ্গে এসো ও শোনো, প্রতিমাণুলির মধ্যে কে  
আগাম এসব বিষয়ের কথা বলেছে? সদাপ্রভুর মনোনীত সহায়ক,  
ব্যাবিলনের বিরুদ্ধে তাঁর ইচ্ছা পূর্ণ করবে; তাঁর বাহু ব্যাবিলনীয়দের  
বিরুদ্ধে উঠবে। 15 আমি, হ্যাঁ আমিই, একথা বলেছি, হ্যাঁ, আমিই  
তাকে আহ্বান করেছি। আমি তাকে নিয়ে আসব, আর সে তার লক্ষ্যে  
সফল হবে। 16 “তোমরা আমার কাছে এসো ও একথা শোনো:  
“আদি থেকে আমি কোনো কথা গোপনে বলিনি; যখন তা ঘটে, আমি  
সেখানে উপস্থিত থাকি।” আর এখন সার্বভৌম সদাপ্রভু তাঁর আত্মা

সহ আমাকে প্রেরণ করেছেন। 17 সদাপ্রভু এই কথা বলেন, যিনি তোমাদের মুক্তিদাতা, ইস্রায়েলের সেই পবিত্রতম জন, “আমি সদাপ্রভু, তোমাদের ঈশ্বর, তোমাদের পক্ষে যা সর্বোৎকৃষ্ট, তিনি তাই তোমাদের শেখান, যে পথে তোমাদের চলা উচিত, তিনি তোমাদের সেই পথ প্রদর্শন করেন। 18 কেবলমাত্র যদি তোমরা আমার আদেশগুলির প্রতি মনোযোগ দিতে, তোমাদের শান্তি হত নদীর প্রবাহিত স্ন্ওতের মতো, তোমাদের ধার্মিকতা হত সমুদ্রতরঙ্গের মতো। 19 তোমাদের বংশধরেরা হত বালুকার মতো, তোমাদের সন্তানেরা হত বালুকণার মতো অসংখ্য; তাদের নাম কখনও মুছে ফেলা হত না, কিংবা আমার সামনে থেকে তারা কখনও বিলুপ্ত হত না।” 20 তোমরা ব্যাবিলন ত্যাগ করো, ব্যাবিলনীয়দের কাছ থেকে পলায়ন করো! আনন্দরবের সঙ্গে একথা প্রচার করো, ঘোষণা করো সেই বার্তা। পৃথিবীর প্রান্তসীমা পর্যন্ত তা পৌঁছে দাও; বলো, “সদাপ্রভু তাঁর দাস যাকোবকে মুক্ত করেছেন।” 21 মরঢ়ুমির মধ্য দিয়ে তাদের নিয়ে যাওয়ার সময় তারা পিপাসিত হয়নি; তাদের জন্য তিনি শিলাপ্রস্তর বিদীর্ণ করে জল প্রবাহিত করেছিলেন; তিনি শিলা বিদীর্ণ করেছিলেন আর জল প্রবাহিত হয়েছিল। 22 সদাপ্রভু বলেন, “দুষ্ট লোকেদের কোনো শান্তি নেই।”

**49** ওহে দ্বিপনিবাসীরা, আমার কথা শোনো; দূরবর্তী জাতিসমূহ, তোমরা একথা শোনো: আমার জন্ম হওয়ার পূর্বে সদাপ্রভু আমাকে আহ্বান করেছেন; আমার জন্ম হওয়া থেকে তিনি আমার নামের উল্লেখ করেছেন। 2 তিনি আমার মুখকে করেছেন ধারালো তরোয়ালের মতো, তাঁর হাতের ছায়ায় তিনি আমাকে লুকিয়ে রেখেছেন; তিনি আমাকে গঠন করেছেন এক শাণিত তিরের মতো এবং আবৃত রেখেছেন তাঁর তৃণের মধ্যে। 3 তিনি আমাকে বলেছেন, “তুমি আমার দাস, তুমি ইস্রায়েল, তোমার মাধ্যমেই আমি মহিমান্বিত হব।” 4 কিন্তু আমি বললাম, “আমি উদ্দেশ্যহীনভাবে পরিশ্রম করেছি; বৃথাই আমার শক্তি অসারতার জন্য নিঃশেষিত হয়েছে। তবুও, আমার যা প্রাপ্য, তা সদাপ্রভুর হাতে আছে, আমার পুরক্ষার আছে আমার ঈশ্বরের কাছে।” 5 আর এখন সদাপ্রভু বলেন, যিনি তাঁর দাস

হওয়ার জন্য আমাকে মাতৃগর্ভে গঠন করেছিলেন, যেন যাকোব কুলকে তাঁর কাছে ফিরিয়ে আনা হয় ও ইস্রায়েলকে তাঁর কাছে সংগ্রহ করা হয়, কারণ সদাপ্রভুর দৃষ্টিতে আমি সম্মানিত হয়েছি, আমার ঈশ্বরই হয়েছেন আমার শক্তিস্বরূপ। ৬ তিনি বলেন, “যাকোবের বিভিন্ন গোষ্ঠীকে পুনঃস্থাপিত করার এবং আমার সংরক্ষিত ইস্রায়েলের লোকদের ফিরিয়ে আনার জন্য তুমি যে আমার দাস হবে, তা অতি সামান্য ব্যাপার। আমি তোমাকে অইল্লাদের কাছে দীপ্তিস্বরূপ করব, যেন পৃথিবীর প্রান্তসীমা পর্যন্ত তুমি আমার পরিত্রাণ নিয়ে আসতে পারো।” ৭ যে ব্যক্তি অবজ্ঞাত ও জাতিসমূহের কাছে ঘৃণাস্পদ, যে শাসকদের দাসানুদাস, তার প্রতি সদাপ্রভু, ইস্রায়েলের মুক্তিদাতা ও সেই পবিত্রতম জন, এই কথা বলেন, “রাজারা তোমাকে দেখে উঠে দাঁড়াবে, সন্ত্বান্ত মানুষেরা তোমাকে দেখে প্রণত হবে, তা হবে সদাপ্রভুর জন্য, যিনি বিশ্বসভাজন, তিনি ইস্রায়েলের সেই পবিত্রতম জন, যিনি তোমাকে মনোনীত করেছেন।” ৮ সদাপ্রভু এই কথা বলেন, “আমার অনুগ্রহ প্রদর্শনকালে আমি তোমাকে উত্তর দেব, পরিত্রাণের দিনে আমি তোমাকে সাহায্য করব; আমি তোমাকে রক্ষা করব এবং প্রজাদের কাছে তোমাকে আমার চুক্তিস্বরূপে দেব, যেন তুমি দেশের পুনঃপ্রতিষ্ঠা করো এবং এর পরিত্যক্ত অধিকারকে পুনরায় ফিরিয়ে আনো, ৯ যেন বন্দিদের বলতে পারো, ‘বেরিয়ে এসো,’ ও যারা অন্ধকারে আছে তাদের বলতে পারো, ‘মুক্ত হও! তারা পথের ধারে খাবার খাবে এবং প্রত্যেক বৃক্ষহীন পর্বতে চারণভূমি পাবে। ১০ তারা আর ক্ষুধিত কি ত্রুট্য হবে না, মরণভূমির উত্তাপ বা সূর্যের প্রথর তাপ তাদের যন্ত্রণা করবে না। যে তাদের প্রতি সহানুভূতিশীল, সে তাদের পথ দেখাবে, এবং তাদের নিয়ে যাবে জলস্ন্নাতের কিনারায়। ১১ আমি আমার সমস্ত পর্বতকে পথে পরিণত করব, আমার রাজপথগুলি সব উন্নত হবে। ১২ দেখো, তারা আসবে বহুদ্রু থেকে— কেউ উত্তর দিক থেকে, কেউ পশ্চিমদিক থেকে, আবার কেউ বা আসবে সীনীম দেশ থেকে।” ১৩ আকাশমণ্ডল, আনন্দে চিৎকার করো; পৃথিবী, উল্লসিত হও; পর্বতমালা সকলে, আনন্দগানে ফেটে পড়ো! কারণ সদাপ্রভু

তাঁর প্রজাদের সান্ত্বনা দিয়েছেন, তাঁর অত্যাচারিত লোকদের তিনি  
সহানুভূতি দেখাবেন। 14 কিন্তু সিয়োন বলল, “সদাপ্রভু আমাকে  
পরিত্যাগ করেছেন, প্রভু আমাকে ভুলে গিয়েছেন।” 15 “দুধের শিশুকে  
কেনো মা কি ভুলতে পারে? তার গর্ভজাত সন্তানের প্রতি সে কি মমতা  
করবে না? সে তাকে ভুলে যেতেও পারে, কিন্তু আমি তোমাকে ভুলে  
যাব না! 16 দেখো, তোমার আকৃতি আমার হাতের তালুতে খোদাই  
করা আছে; তোমার প্রাচীরগুলি সবসময়ই আমার সামনে আছে। 17  
তোমার সন্তানেরা ফিরে আসার জন্য তাড়াতাড়ি করছে, যারা তোমাকে  
পরিত্যক্ত স্থান করেছিল, তারা তোমাকে ছেড়ে চলে যাচ্ছে। 18 তোমার  
দুই চোখ তোলো ও চারপাশে তাকাও; তোমার সব সন্তান একত্র হয়ে  
তোমার কাছে আসছে।” সদাপ্রভু ঘোষণা করেন, “আমার অস্তিত্বের  
মতোই এ বিষয় নিশ্চিত, তুমি তাদের সবাইকে অলংকারের মতো  
পরে নেবে; বিয়ের কনের মতোই তুমি তাদের নিয়ে অঙ্গসজ্জা করবে।  
19 “তুমি যদিও ধ্বংসিত ও পরিত্যক্ত হয়েছিলে, যদিও তোমার ভূমি  
উৎসন্ন পড়েছিল, এখন তোমার লোকজনেদের জন্য তুমি বেশ সংকীর্ণ  
হবে, যারা তোমাকে গ্রাস করেছিল, তারা দূরে চলে যাবে। 20 তোমার  
দুঃখশোকের কালে যে ছেলেমেয়েদের জন্ম দিয়েছিলে, তাদের কাছ  
থেকে তুমি শুনতে পাবে, ‘এই স্থান আমাদের পক্ষে ভীষণ সংকীর্ণ;  
বসবাস করার জন্য আমাদের আরও জায়গা দাও।’ 21 তখন তুমি  
মনে মনে বলবে, ‘এসব বংশধরকে কে আমাকে দিয়েছে? আমি তো  
শোকাহত ও বন্ধ্যা ছিলাম; আমি নির্বাসিত ও প্রত্যাখ্যাত হয়েছিলাম।  
তাহলে কে এদের প্রতিপালন করল? আমাকে তো একা ফেলে রাখা  
হয়েছিল, কিন্তু এরা, কোথা থেকে এরা এসেছে?’” 22 সার্বভৌম  
সদাপ্রভু এই কথা বলেন, “দেখো, আমি হাতের ইশারায় অইহৃদি  
জাতিদের ডাকব, লোকসমূহের উদ্দেশে আমি আমার পতাকা তুলে  
ধরব; তারা তোমার সন্তানদের কোলে নিয়ে আসবে, তোমার কন্যাদের  
কাঁধে বহন করে আনবে। 23 রাজারা হবে তোমার প্রতিপালক বাবা,  
তাদের রানিরা তোমাদের পালিকা মা হবে। তারা ভূমিতে অধোমুখে  
তোমার কাছে প্রণত হবে, তারা তোমার পদধূলি চেঁটে খাবে। তখন

তুমি জানতে পারবে যে, আমিই সদাপ্রভু; যারা আমার উপরে আশা  
রাখে, তারা কখনও লজ্জিত হবে না।” 24 যোদ্ধাদের কাছ থেকে কি  
লুটের জিনিস হরণ করা যায় কিংবা ন্যায়সংগত বন্দিকে কি মুক্ত  
করা যায়? 25 কিন্তু সদাপ্রভু এই কথা বলেন, “হ্যাঁ, যোদ্ধাদের কাছ  
থেকে বন্দিদের নিয়ে নেওয়া হবে, হিংস্র ব্যক্তির লুটের জিনিস কেড়ে  
নেওয়া হবে। যারা তোমাদের সঙ্গে বিরোধ করে, আমি তাদের বিরোধ  
করব, আর তোমার ছেলেমেয়েদের আমি রক্ষা করব। 26 তোমার প্রতি  
অত্যাচারকারীদের আমি তাদেরই মাংস খেতে বাধ্য করব; দ্রাক্ষারসের  
মতোই তারা নিজেদের রক্ত পান করবে। তখন সমস্ত মানবজাতি  
জানতে পারবে যে, আমি সদাপ্রভু, তোমাদের পরিত্রাতা, তোমাদের  
মুক্তিদাতা, যাকোবের সেই পরাক্রমী জন।”

**50** সদাপ্রভু এই কথা বলেন, “তোমার মায়ের সেই বিবাহবিচ্ছেদ পত্র  
কোথায়, যা দিয়ে আমি তাকে দূর করেছিলাম? কিংবা আমার কোন  
পাওনাদারের কাছে আমি তোমাদের বিক্রি করেছিলাম? তোমাদের  
পাপের কারণে তোমরা বিক্রীত হয়েছিলে; তোমাদের অধর্মের জন্য  
তোমাদের মাকে দূর করা হয়েছিল। 2 আমি যখন এলাম, তখন কেউ  
সেখানে ছিল না কেন? আমি যখন ডাকলাম, কেউ তখন উত্তর দিল না  
কেন? তোমাদের মুক্তিপণ দেওয়ার জন্য আমার হাত কি খুবই খাটো  
ছিল? তোমাদের উদ্ধার করার জন্য আমার কি শক্তির অভাব ছিল?  
সামান্য একটি ধর্মকে আমি সমুদ্রকে শুক্ষ করি, নদনদীকে আমি  
মরুভূমিতে পরিণত করি; জলের অভাবে সেখানকার মাছ পচে দুর্গন্ধ  
হয়, তারা পিপাসায় প্রাণত্যাগ করে। 3 আমি আকাশকে অঙ্ককারে  
আবৃত করি, চট্টবন্ধকে তার পরিধেয় করি।” 4 সার্বভৌম সদাপ্রভু  
আমাকে শিক্ষা প্রহণকারীর জিভ দিয়েছেন, যেন বুবাতে পারি কথার  
দ্বারা কীভাবে ক্লান্ত ব্যক্তিকে সুস্থির করতে হয়। তিনি রোজ সকালে  
আমাকে জাগিয়ে তোলেন, আমার কানকে জাগান যেন শিক্ষার্থীর  
মতো শুনি। 5 সার্বভৌম সদাপ্রভু আমার দুই কান খুলে দিয়েছেন,  
আমি বিদ্রোহী আচরণ করিনি; আর আমি পিছনে ফিরেও যাইনি।  
6 আমার প্রহারকদের কাছে আমি আমার পিঠ পেতে দিয়েছিলাম,

দাঢ়ি উপড়ানোর জন্য আমার গাল পেতে দিয়েছিলাম; বিন্দুপ ও থুতু  
নিক্ষেপ থেকে আমি আমার মুখ লুকাইনি। 7 কারণ সার্বভৌম সদাপ্রভু  
আমাকে সাহায্য করেন, আমি অপমানিত হব না। তাই আমি চকমকি  
পাথরের মতোই আমার মুখমণ্ডল শক্ত করেছি, আর আমি জানি, আমি  
লজ্জিত হব না। 8 যিনি আমাকে নির্দোষ প্রমাণ করেন, তিনি নিকটেই  
আছেন। তাহলে কে আমার বিরংদে অভিযোগ করবে? এসো আমরা  
পরস্পর মুখোমুখি হই! কে আমার বিরংদে অভিযোগকারী? সে আমার  
সামনে আসুক! 9 সার্বভৌম সদাপ্রভু আমাকে সাহায্য করেন। তাহলে  
কে আমাকে অপরাধী সাব্যস্ত করবে? তারা পোশাকের মতো সবাই  
জীর্ণ হবে; কীট তাদের সকলকে খেয়ে ফেলবে। 10 তোমাদের মধ্যে  
কে সদাপ্রভুকে ভয় করে এবং তাঁর দাসের বাণীর প্রতি বাধ্য হয়?  
যে অন্ধকারে পথ চলে, যার কাছে আলো নেই, সে সদাপ্রভুর নামে  
বিশ্বাস করুক এবং তার ঈশ্বরের উপরে আস্থা স্থাপন করুক। 11 কিন্তু  
এখন, তোমরা যারা আগুন জ্বালাও ও নিজেদের জন্য প্রজ্বলিত মশাল  
জোগাও, তোমরা যাও, নিজেদের আগুনের আলোয় ও তোমাদের  
জ্বালানো মশালের আলোয় পথ চলো। আমার হাত থেকে তোমরা এই  
ফল লাভ করবে: তোমরা নির্যাতনে শুয়ে পড়বে।

**51** “তোমরা যারা ধার্মিকতার পিছনে ছুটে চলো ও সদাপ্রভুর অন্নেষণ  
করো, তোমরা আমার কথা শোনো, সেই শৈলের দিকে তাকাও,  
যা থেকে তোমাদের কেটে নেওয়া হয়েছে, সেই পাথরের খাদের  
দিকে তাকাও, যেখান থেকে তোমাদের তক্ষণ করা হয়েছে; 2  
তোমাদের পিতৃপুরুষ অব্রাহামের দিকে তাকাও ও সারার দিকে, যিনি  
তোমাদের জাতিকে জন্ম দিয়েছেন। আমি যখন তাকে ডেকেছিলাম,  
সে মাত্র একজন ছিল, আমি তাকে আশীর্বাদ করে বহুসংখ্যক  
করেছি। 3 সদাপ্রভু নিশ্চয়ই সিয়োনকে সান্ত্বনা দেবেন ও তার সমস্ত  
ধ্বংসস্তুপগুলির প্রতি সহানুভূতি দেখাবেন; তিনি তার মরুপ্রান্তরগুলিকে  
এদেন উদ্যানের মতো করবেন, তার জনশূন্য ভূমিকে সদাপ্রভুর  
উদ্যানের ন্যায় করবেন। তার মধ্যে পাওয়া যাবে আনন্দ ও উৎফুল্লতা,  
পাওয়া যাবে ধন্যবাদ জ্ঞাপন ও সংগীতের বাংকার। 4 “আমার প্রজারা,

আমার কথা শোনো; আমার জাতির লোকেরা, আমার কথায় কান  
দাও: আমার কাছ থেকে বিধান নির্গত হবে; আমার ন্যায়বিচার সব  
জাতির কাছে আলোস্বরূপ হবে। ৫ আমার ধর্মশীলতা দ্রুত নিকটে  
আসছে, আমার পরিত্রাণ সন্ধিকট হল, আমারই বাহু জাতিসমূহের  
কাছে ন্যায়বিচার নিয়ে আসবে। দ্বিপদস্মৃহ আমার প্রতি দৃষ্টিপাত করবে  
এবং আমার শক্তি প্রদর্শনের প্রত্যাশায় থাকবে। ৬ তোমাদের চোখ  
আকাশমণ্ডলের দিকে তোলো, নিচে পৃথিবীর দিকে তাকাও; ধোঁয়ার  
মতোই আকাশমণ্ডল অস্তর্হিত হবে, পোশাকের মতোই পৃথিবী জীর্ণ  
হবে এবং মাছির মতো এর অধিবাসীরা মারা যাবে। কিন্তু আমার  
দেওয়া পরিত্রাণ চিরস্থায়ী হবে, আমার ধর্মশীলতার শাসন কখনও ব্যর্থ  
হবে না। ৭ “যা ন্যায়সংগত, তোমরা যারা তা জানো, আমার কথা  
শোনো, আমার বিধান তোমাদের মধ্যে যাদের অন্তরে আছে, তারা  
শোনো: মানুষের করা দুর্নাম থেকে ভয় পেয়ো না, কিংবা তাদের করা  
অপমান থেকে আতঙ্কগ্রস্ত হোয়ো না। ৮ কারণ পোশাকের মতোই  
কীটপতঙ্গ তাদের খেয়ে ফেলবে; পশ্চমের মতো কীট তাদের গ্রাস  
করবে। কিন্তু আমার ধার্মিকতা চিরকাল থাকবে, আমার পরিত্রাণ  
বংশপরম্পরায় অস্তিত্বমান থাকবে।” ৯ জাগো, জাগো! হে সদাপ্রভুর  
বাহু, তুমি স্বয়ং শক্তি পরিহিত হও; অতীতকালের মতোই তুমি জেগে  
ওঠো, যেমন পূর্বে বংশপরম্পরায় তুমি করেছিলে। তুমই কি রহবকে  
খণ্ডিত করোনি, যিনি সেই বিরাট দানবকে বিদ্ধ করেছিলেন? ১০  
তুমই কি সমুদ্রকে, সেই মহাজলধির জলরাশিকে শুক্ষ করোনি? যিনি  
সমুদ্রের গভীরে একটি পথ প্রস্তুত করেছিলেন, যেন মুক্তিপ্রাপ্ত লোকেরা  
তা পার হয়ে যায়? ১১ মুক্তিপণ দেওয়া সদাপ্রভুর লোকেরা প্রত্যাবর্তন  
করবে। তারা গান গাইতে গাইতে সিয়োনে প্রবেশ করবে; তাদের  
মাথায় থাকবে চিরস্থায়ী আনন্দ-মুকুট। আমোদ ও আনন্দে তারা  
প্লাবিত হবে, দৃঢ় ও দীর্ঘশ্বাস দূরে পলায়ন করবে। ১২ “আমি, হ্যাঁ  
আমিই, তোমাদের সান্ত্বনা দিই। তোমরা কেন মর্ত্যমানবকে ভয় করছ,  
তারা তো মানবসত্ত্ব, সবাই ত্রণের মতো। ১৩ তোমরা, তোমাদের  
সৃষ্টিকর্তা, সদাপ্রভুকে ভুলে যাচ্ছ, তিনিই আকাশমণ্ডলকে প্রসারিত

করেছেন এবং পৃথিবীর ভিত্তিমূল সকল স্থাপন করেছেন। তোমরা  
প্রতিদিন অবিরত আতঙ্কে বাস করো উপদ্রবীর ক্ষেত্রের কারণে, যারা  
বিনাশ করার জন্য প্রস্তুত হয়েছে? কারণ উপদ্রবীর ক্ষেত্র কোথায়? 14  
ভয়ে জড়োসড়ো বন্দিরা শীঘ্রই মুক্তি পাবে; তারা তাদের অন্ধকৃপে  
আর মৃত্যুবরণ করবে না, তাদের খাদ্যের অভাবও আর হবে না। 15  
কারণ আমি সদাপ্রভু, তোমাদের ঈশ্বর, আমি সমুদ্রকে তোলপাড়  
করলে তার তরঙ্গসমূহ গর্জন করে— সর্বশক্তিমান সদাপ্রভু তাঁর নাম।  
16 আমি আমার বাক্য তোমার মুখে দিয়েছি, আর তোমাকে আমার  
হাতের ছায়ায় আবৃত করেছি— আমিই আকাশমণ্ডলকে যথাস্থানে  
স্থাপন করেছি, যিনি পৃথিবীর ভিত্তিমূলসমূহ স্থাপন করেছেন, যিনি  
সিয়োনকে বলেন, ‘তুমি আমার প্রজা।’” 17 জাগো, জাগো! ওহে  
জেরুশালেম, উঠে দাঁড়াও, সদাপ্রভুর ক্ষেত্রের পানপাত্র, যারা তাঁর  
হাত থেকে পান করেছ, যে পানপাত্র মানুষকে টলোমলো করে, যারা  
তার তলানি পর্যন্ত চেটে খেয়েছ। 18 তার জন্ম দেওয়া সব পুত্রের  
মধ্যে কেউই তাকে পথ প্রদর্শন করেনি; তার লালনপালন করা সব  
সন্তানের মধ্যে কেউই তার হাত ধরে চালায়নি। 19 এই দুই ধরনের  
দুর্যোগ তোমার উপরে এসে পড়েছে, কে তোমাকে সান্ত্বনা দেবে?  
ধ্বংস ও বিনাশ, দুর্ভিক্ষ ও তরোয়াল, আমি কী করে তোমাকে আশ্বাস  
দিতে পারি? 20 তোমার সন্তানেরা সব মূর্ছিত হয়েছে; তারা প্রত্যেকটি  
পথের মাথায় মাথায় পড়ে আছে, যেভাবে কোনো কৃষ্ণসার হরিণ  
জালে ধরা পড়ে। তারা সদাপ্রভুর ক্ষেত্রে, তোমার ঈশ্বরের তিরক্ষারে  
পূর্ণ। 21 সেই কারণে, তোমরা যারা কষ্ট পেয়েছ, একথা শোনো,  
তোমাকে মন্ত্র করা হয়েছে, কিন্তু দ্রাক্ষারসে নয়। 22 তোমার সার্বভৌম  
সদাপ্রভু এই কথা বলেন, তোমার ঈশ্বর বলেন, যিনি তাঁর প্রজাদের  
পক্ষসমর্থন করেন: “দেখো, আমি তোমার হাত থেকে ওই পানপাত্র  
ছিনিয়ে নিয়েছি, যা পান করলে তুমি টলোমলো হও; সেই পেয়ালা, যা  
আমার ক্ষেত্রে বড়ো পানপাত্র, তুমি আর কখনও তা পান করবে  
না। 23 আমি তোমার অত্যাচারীদের হাতে তা দেব, যারা তোমাকে  
বলেছিল, ‘উপুড় হয়ে পড়ো, যেন তোমাদের উপর দিয়ে আমরা হেঁটে

ঘাই।' আর তোমরা তোমাদের পিঠ ভূমির মতো, পথিকদের কাছে  
সড়কের মতো করেছ।"

**52** জাগো, জাগো, ওহে সিয়োন, তুমি নিজেকে শক্তি পরিহিত করো!  
ওহে পবিত্র নগরী জেরুশালেম, তোমার সৌন্দর্যের পোশাকগুলি পরে  
নাও। তৃকছেদহীন ও কল্পুষিত লোকেরা আর তোমার মধ্যে প্রবেশ  
করবে না। 2 তোমার গায়ের ধুলো ঝেড়ে ফেলো; ওহে জেরুশালেম,  
ওঠো, সিংহাসনে বসো। ওহে সিয়োনের বন্দি কন্যা, তোমার ঘাড়ের  
শৃঙ্খল থেকে নিজেকে মুক্ত করো। 3 কারণ সদাপ্রভু এই কথা বলেন,  
"তোমাকে বিনামূল্যে বিক্রি করা হয়েছে, অর্থ ছাড়াই তোমাকে মুক্ত  
করা হবে।" 4 কারণ সার্বভৌম সদাপ্রভু এই কথা বলেন: "আমার  
প্রজারা প্রথমে মিশরে প্রবাস করতে গিয়েছিল; পরে আসিরিয়া তাদের  
উপরে অত্যাচার করেছে। 5 "আর এখন এখানে আমার আর কী  
আছে?" বলেন সদাপ্রভু। "কারণ আমার প্রজারা বিনামূল্যে নীত  
হয়েছে, যারা তাদের শাসন করে, তারা উপহাস করে," একথা বলেন  
সদাপ্রভু। "সমস্ত দিন ধরে, আমার নাম প্রতিনিয়ত নিন্দিত হয়।  
6 সেই কারণে আমার প্রজারা আমার নাম জানতে পারবে; সেই  
কারণে সেদিন তারা জানতে পারবে যে আমিই একথা পূর্বৌষগা  
করেছিলাম, হ্যাঁ, আমিই একথা বলেছিলাম।" 7 আহা, পর্বতগণের  
উপরে যারা সুসমাচার প্রচার করে, তাদের চরণ কতই না সুন্দর,  
যে শাস্তির বার্তা ঘোষণা করে, যে মঙ্গলের সমাচার নিয়ে আসে, যে  
পরিত্রাণের বার্তা ঘোষণা করে, যে সিয়োনকে বলে, "তোমার ঈশ্বর  
রাজত্ব করেন!" 8 শোনো! তোমার প্রহরীরা তাদের কর্তৃস্বর উচ্চগামে  
তুলেছে; তারা একসঙ্গে আনন্দে চিৎকার করে। যখন সদাপ্রভু সিয়োনে  
ফিরে আসবেন, তারা স্বচক্ষে তা দেখতে পাবে। 9 জেরুশালেমের  
ধ্বংসস্তূপগুলি, তোমরা একসঙ্গে আনন্দগানে ফেটে পড়ো, কারণ  
সদাপ্রভু তাঁর প্রজাদের সান্ত্বনা দিয়েছেন, তিনি জেরুশালেমকে মুক্ত  
করেছেন। 10 সদাপ্রভু সমস্ত জাতির দৃষ্টিতে, তাঁর পবিত্র হাত অনাবৃত  
করবেন, আর পৃথিবীর সমস্ত প্রান্ত আমাদের ঈশ্বরের পরিত্রাণ দেখতে  
পাবে। 11 বের হও, বের হও, ওই স্থান ছেড়ে চলে যাও! কোনো

অশুচি বস্তু স্পর্শ কোরো না! তোমরা যারা সদাপ্রভুর পাত্রসকল বহন করো, তোমরা ওর মধ্য থেকে বেরিয়ে এসো ও পবিত্র হও। 12 কিন্তু তোমরা দ্রুত স্থান ত্যাগ করবে না বা সেখান থেকে পালিয়ে যাবে না; কারণ সদাপ্রভু তোমাদের সামনে সামনে যাবেন, ইন্দ্রায়েলের ঈশ্বর তোমাদের পিছনে প্রহরা দেবেন। 13 দেখো, আমার দাস প্রজ্ঞাপূর্বক ব্যবহার করবেন; তিনি উন্নীত হবেন, তাঁকে উচ্চে তুলে ধরা হবে ও তিনি হবেন অপার মহিমাপ্রিত। 14 তাঁর অবয়ব এমন বিকৃত করা হয়েছিল, যেমন কোনো মানুষের করা হয়নি, তাঁকে এমন শ্রীভূষ্ট করা হয়েছিল যে, মানুষ বলে চেনা যাচ্ছিল না, তাই, অনেকে তাঁকে দেখে মর্যাদিত হয়েছিল। 15 সেই কারণে, তিনি অনেক জাতিকে হতচকিত করবেন, তার কারণে রাজারা তাদের মুখ বন্ধ করবে। কারণ যা তাদের বলা হয়নি, তা তারা দেখবে এবং যা তারা শোনেননি, তা তারা বুঝতে পারবে।

**53** আমাদের দেওয়া সংবাদ কে বিশ্বাস করেছে? সদাপ্রভুর শক্তি কার কাছেই বা প্রকাশিত হয়েছে? 2 তিনি তাঁর সামনে কোমল চারার মতো, শুকনো মাটিতে উৎপন্ন মূলের মতো বেড়ে উঠলেন। আমাদের আকৃষ্ট করার মতো তাঁর কোনো সৌন্দর্য বা রূপ ছিল না, আমরা কামনা করতে পারি, তাঁর চেহারায় এমন কিছুই ছিল না। 3 তিনি অবজ্ঞাত, মানুষদের কাছে অগ্রাহ্য হলেন, তিনি দুঃখভোগকারী মানুষ ও কষ্টভোগকারীরূপে পরিচিত হলেন। মানুষ যা দেখে তাদের মুখ লুকায়, তার ন্যায় তিনি অবজ্ঞাত হলেন, আর আমরা তাঁর মর্যাদা তাঁকে দিইন। 4 সত্যিই তিনি আমাদের দুর্বলতা সকল তুলে নিয়েছেন এবং আমাদের সকল দুঃখ বহন করেছেন, তবুও, আমরা মনে করলাম, ঈশ্বর তাঁকে শাস্তি দিয়েছেন, তিনি আহত ও নিপীড়িত হয়েছেন। 5 কিন্তু তিনি আমাদের অপরাধের জন্য বিদ্ব, আমাদের অধর্ম সকলের জন্য চূর্ণ হয়েছেন; আমাদের শাস্তিলাভের জন্য তাঁকে শাস্তি ভোগ করতে হল, আর তাঁর ক্ষতসকলের দ্বারা আমরা আরোগ্য লাভ করলাম। 6 আমরা সবাই মেষদের মতো বিপথগামী হয়েছিলাম, প্রত্যেকেই নিজের নিজের পথে চলে গিয়েছিলাম; আর সদাপ্রভু আমাদের সকলের

অপরাধ তাঁর উপরে অর্পণ করেছেন। ৭ তিনি অত্যাচারিত হয়ে কষ্টভোগ স্বীকার করলেন, তবুও, তিনি তাঁর মুখ খোলেননি; যেমন ঘাতকের কাছে নিয়ে যাওয়া মেষশাবককে, ও লোমচেদকদের কাছে নিয়ে যাওয়া মেষ নীরব থাকে, তেমনই তিনি তাঁর মুখ খোলেননি। ৮ অত্যাচার ও অন্যায় বিচার করে তাঁকে দূর করা হল। তাঁর বংশধরদের মধ্যে কে এরকম বিবেচনা করল, যে তিনি জীবিতদের দেশ থেকে উচ্ছিন্ন হলেন; কারণ আমার জাতির অধর্ম প্রযুক্তি তিনি যন্ত্রণাপ্রাপ্ত হয়েছিলেন। ৯ তাঁকে দুষ্টজনেদের সঙ্গে সমাধি দেওয়া হল, মৃত্যুতে তিনি ধনী ব্যক্তির সঙ্গী হলেন, যদিও তিনি কোনও অপকর্ম করেননি, তাঁর মুখে ছলনার কথা ও পাওয়া যায়নি। ১০ তবুও, তাঁকে চূর্ণ করা সদাপ্রভুরই ইচ্ছা ছিল, তিনি তাঁকে যন্ত্রণাগ্রস্ত হতে দিলেন, আর যদিও তাঁর প্রাণ দোষার্থক-নৈবেদ্যরূপে উৎসর্গীকৃত হল, তিনি তাঁর বংশ দেখবেন এবং দীর্ঘায় হবেন, আর তাঁরই হাতে সদাপ্রভুর ইচ্ছা সফলকাম হবে। ১১ তাঁর প্রাণের কষ্টভোগের পরিণামে, তিনি জীবনের জ্ঞাতি দেখবেন ও পরিত্থ হবেন; আমার ধার্মিক দাস তাঁর সম্পর্কিত জ্ঞানের দ্বারা অনেককে নির্দোষ গণ্য করবেন, কারণ তিনিই তাদের অপরাধসকল বহন করেছেন। ১২ সেই কারণে আমি মহৎ ব্যক্তিদের মধ্যে তাঁকে একটি অংশ দেব, তিনি শক্তিশালী লোকেদের সঙ্গে লুট বিভাগ করবেন, কারণ তিনি মৃত্যুর জন্য নিজের প্রাণ ঢেলে দিয়েছেন, এবং অধর্মীদের সঙ্গে গণিত হয়েছেন। কারণ তিনি অনেকের পাপ বহন করেছেন এবং অধর্মীদের জন্য অনুরোধ করে চলেছেন।

**৫৪** “গান গাও, ওগো বন্ধ্যা নারী, তুমি, যে কখনও সন্তানের জন্ম দাওনি; সংগীতে ফেটে পড়ো, আনন্দে চিৎকার করো, যারা কখনও প্রসবযন্ত্রণা ভোগ করোনি; কারণ যার স্বামী আছে, সেই নারীর চেয়ে, যে নারী পরিত্যক্তা, তার সন্তান বেশি,” সদাপ্রভু একথা বলেন। ২ “তোমার তাঁবুর স্থান আরও প্রশস্ত করো, তোমার তাঁবুর পর্দাগুলি আরও প্রসারিত করো, খরচের ভয় কোরো না; তোমার তাঁবুর দড়িগুলি আরও লম্বা করো, তোমার গোঁজগুলি আরও শক্ত করো। ৩ কারণ তুমি ডান ও বাঁ, উভয় দিকে প্রসারিত হবে; তোমার বংশধরেরা

জাতিসমূহকে অধিকারচ্যুত করবে ও তাদের পরিত্যক্ত নগরগুলিতে  
বসবাস করবে। 4 “তুমি ভয় পেয়ো না, তুমি লজ্জিত হবে না। তুমি  
অপমানের ভয় কোরো না; তোমাকে অসম্মানিত করা হবে না। তুমি  
তোমার ঘোবনকালের লজ্জা ভুলে যাবে, তোমার বৈধব্যের দুর্নাম আর  
কখনও স্মরণ করবে না। 5 কারণ তোমার নির্মাতাই তোমার স্বামী—  
সর্বশক্তিমান সদাপ্রভু তাঁর নাম— ইস্রায়েলের সেই পবিত্রতম জন  
তোমার মুক্তিদাতা; তিনি সমস্ত পৃথিবীর ঈশ্বর নামে আখ্যাত। 6  
সদাপ্রভু তোমাকে আবার ডাকবেন, তুমি যেন এক পরিত্যক্ত ও আত্মায়  
বিপর্যস্ত এক স্ত্রীর মতো— এক স্ত্রী, যার ঘোবনকালে বিবাহ হয়েছিল  
কেবলমাত্র অগ্রাহ্য হওয়ার জন্য,” বলেন তোমার ঈশ্বর। 7 “ক্ষণিক  
মুহূর্তের জন্য আমি তোমাকে পরিত্যাগ করেছিলাম, কিন্তু গভীর  
মমতায় আমি তোমাকে ফিরিয়ে আনব। 8 ক্ষেত্রের আবেশে আমি  
তোমার কাছ থেকে ক্ষণিকের জন্য আমার মুখ লুকিয়েছিলাম, কিন্তু  
তোমার মুক্তিদাতা। 9 “আমার কাছে এ যেন নোহের সময়ের মতো,  
যখন আমি শপথ করেছিলাম যে, নোহের সময়কালীন জলরাশি আর  
কখনও পৃথিবীকে প্লাবিত করবে না। সেরকমই, এখন আমি প্রতিজ্ঞা  
করছি, তোমার উপরে আর ক্রুদ্ধ হব না, তোমাকে আর কখনও তিরক্ষার  
করব না। 10 যদিও পর্বতসকল কম্পিত হয়, পাহাড়গুলি অপসারিত  
হতে থাকে, তবুও তোমার প্রতি আমার অফুরান ভালোবাসা কখনও  
সরে যাবে না, আমার শাস্তিক্রিও অপসারিত হবে না,” একথা বলেন  
সদাপ্রভু, যিনি তোমার প্রতি অনুকম্পা করেন। 11 ওহে দুর্দশাগ্রস্ত,  
ঝড়ে আহত, সান্ত্বনাবহীন নগরী, আমি ফিরোজা মণি দিয়ে তোমাকে  
গেঁথে তুলব, তোমার ভিত্তিমূলগুলি হবে নীলকান্তমণির। 12 আমি  
পদ্মরাগমণি দিয়ে তোমার প্রাচীরের আলিসা, তোমার তোরণদ্বারগুলি  
ঝকমকে মণি দিয়ে গাঁথব, তোমার প্রাচীরগুলি সব বহুমূল্য মণি দিয়ে  
গাঁথা হবে। 13 তোমার সন্তানেরা সকলে সদাপ্রভুর কাছ থেকে শিক্ষা  
পাবে, তোমার ছেলেমেয়েরা মহাশান্তি ভোগ করবে। 14 ধার্মিকতায়  
তুমি প্রতিষ্ঠিত হবে: উপদ্রব থেকে তুমি দূরে থাকবে; তোমার ভয়

করার কিছু থাকবে না। আতঙ্ক বহনুরে সরিয়ে ফেলা হবে, তা তোমার  
কাছে আসবে না। 15 কেউ যদি তোমাকে আক্রমণ করে, তা আমার  
থেকে হবে না; যে কেউই তোমাকে আক্রমণ করুক, সে তোমার কাছে  
আত্মসমর্পণ করবে। 16 “দেখো, আমি সেই কর্মকারকে সৃষ্টি করেছি,  
যে হাপরে বাতাস দিয়ে অঙ্গার প্রজ্ঞালিত করে ও কাজের উপযুক্ত এক  
অন্ত গঠন করে। বিনাশককে ধ্বংস করার জন্য আমিই সৃষ্টি করেছি; 17  
তোমার বিরুদ্ধে গঠিত কোনো অন্ত সফল হবে না, তোমার বিরুদ্ধে  
প্রত্যেক জিহ্বার অভিযোগ তুমি খণ্ডন করবে। সদাপ্রভুর দাসেদের এই  
হল অধিকার, আমার কাছে তারা এভাবেই নির্দোষ প্রতিপন্থ হবে,”  
সদাপ্রভু এই কথা ঘোষণা করেন।

**55** “গিপাসিত যারা, তোমরা সকলে এসো, তোমরা জলের কাছে  
এসো; যাদের কাছে অর্থ নেই, তারাও এসো, ক্রয় করে পান করো!  
এসো, বিনা অর্থে ও বিনামূল্যে দ্রাক্ষারস ও দুধ ক্রয় করো। 2 যা  
খাবার নয়, তার জন্য কেন তোমরা পয়সা ব্যয় করো? যা তোমাদের  
তৃষ্ণি দেয় না, তার জন্য কেন পরিশ্রম করো? শোনো, তোমরা আমার  
কথা শোনো, যা উৎকৃষ্ট, তাই ভোজন করো, এতে তোমাদের প্রাণ  
পুষ্টিকর খাদ্য আনন্দিত হবে। 3 আমার কথায় কান দাও ও আমার  
কাছে এসো; আমার কথা শোনো যেন তোমরা প্রাণে বাঁচতে পারো।  
আমি তোমাদের সঙ্গে এক চিরস্থায়ী চুক্তি সম্পাদন করব, দাউদের  
কাছে প্রতিজ্ঞাত আমার বিশ্বস্ততা পূর্ণ ভালোবাসার জন্যই তা করব। 4  
দেখো, আমি তাকে জাতিসমূহের কাছে সাক্ষীস্বরূপ করেছি, তাকে সব  
জাতির উপরে নায়ক ও সৈন্যাধ্যক্ষ করেছি। 5 তুমি নিশ্চয়ই সেইসব  
দেশকে ডেকে আনবে, যাদের তুমি জানো না, যে দেশগুলি তোমাকে  
জানে না, তারা দ্রুত তোমার কাছে আসবে, এ হবে তোমার দীর্ঘ  
সদাপ্রভুর জন্য, তিনিই ইত্যায়েলের সেই পবিত্রতম জন, কারণ তিনিই  
তোমাকে মহিমান্বিত করেছেন।” 6 সদাপ্রভুর অব্বেষণ করো, যতক্ষণ  
তাঁকে পাওয়া যায়, তিনি কাছে থাকতে থাকতেই তাঁকে আহ্বান করো।  
7 দুষ্টলোক তার পথ, মন্দ ব্যক্তি তার চিন্তাধারা পরিত্যাগ করুক।  
সে সদাপ্রভুর কাছে ফিরে আসুক, তাহলে তিনি তার প্রতি করুণা

প্রদর্শন করবেন, সে আমাদের ঈশ্বরের কাছে ফিরে আসুক, তাহলে  
তিনি অবাধে ক্ষমা করবেন। ৪ “কারণ আমার চিন্তাধারা তোমাদের  
চিন্তাধারার মতো নয়, আবার আমার পথসকল তোমাদের পথসকলের  
মতো নয়,” একথা বলেন সদাপ্রভু। ৫ “আকাশমণ্ডল যেমন পৃথিবী  
থেকে উঁচুতে, তেমনই আমার পথসকল তোমাদের পথসকলের চেয়ে  
এবং আমার চিন্তাধারা তোমাদের চিন্তাধারার চেয়ে উঁচুতে। ১০ যেমন  
বৃষ্টি ও তুষার আকাশ থেকে নেমে আসে, আর সেখানে ফিরে যায়  
না, বরং তা মাটিকে জলসিক্ত করে তাতে ফুল ও ফল উৎপন্ন করে,  
যেন তা বপনকারীকে বীজ ও মানুষকে খাদ্য দান করতে পারে, ১১  
তেমনই আমার বাক্য, যা আমার মুখ থেকে নির্গত হয়: তা নিষ্ফল হয়ে  
আমার কাছে ফিরে আসবে না, কিন্তু আমি যেমন চাই, তেমনই তা  
সম্পন্ন করবে এবং যে উদ্দেশ্যে তা প্রেরণ করি, তা সাধন করবে। ১২  
তোমরা আনন্দের সঙ্গে বাইরে যাবে এবং শান্তির সঙ্গে তোমাদের  
নিয়ে যাওয়া হবে; পাহাড় ও পর্বতের তোমাদের সামনে আনন্দ  
সংগীতে ফেটে পড়বে, আর মাঠের সমস্ত গাছপালা তাদের করতালি  
দেবে। ১৩ কাঁটাগাছের বদলে দেবদারু এবং শিয়ালকাঁটার বদলে  
গুলমোদি উৎপন্ন হবে। এ হবে সদাপ্রভুর সুনামের জন্য, তা হবে এক  
চিরস্থায়ী নির্দর্শনস্বরূপ, যা কখনও ধ্বংস হবে না।”

**৫৬** সদাপ্রভু এই কথা বলেন: “তোমরা ন্যায়বিচার মেনে চলো এবং  
যা ন্যায়সংগত, তাই করো, কারণ আমার পরিত্রাণ অতি নিকটবর্তী,  
আমার ধার্মিকতা সত্ত্বর প্রকাশিত হবে। ২ ধন্য সেই মানুষ, যে এইরকম  
করে, সেই মানুষ, যে তা আঁকড়ে ধরে রাখে, যে সাব্বাথ-দিন অপবিত্র  
না করে তা পালন করে, যে মন্দ কাজ করা থেকে তার হাত সরিয়ে  
রাখে।” ৩ সদাপ্রভুর প্রতি সমর্পিত কোনো বিদেশি না বলুক, “সদাপ্রভু  
নিশ্চয়ই তাঁর প্রজাদের মধ্য থেকে আমাকে বাদ দেবেন।” আবার  
কোনো নপুংসকও অভিযোগ না করুক যে, “আমি তো একটি শুক্ষ  
বৃক্ষ মাত্র।” ৪ কারণ সদাপ্রভু এই কথা বলেন, “যে নপুংসকেরা আমার  
সাব্বাথ-দিন পালন করে, যা আমার প্রীতিজনক, তাই বেছে নেয়  
এবং আমার নিয়মের প্রতি অবিচল থাকে, ৫ তাদের আমি আমার

মন্দির ও তার প্রাচীরগুলির মধ্যে পুত্রকন্যাদের থেকেও উৎকৃষ্ট এক  
স্মারক চিহ্ন ও একটি নাম দেব; আমি তাদের মধ্যে এক চিরস্থায়ী  
নাম দেব, যা কখনও মুছে ফেলা হবে না। ৬ যে বিদেশিরা সদাপ্রভুর  
সেবা করার জন্য, তাঁকে ভালোবাসার জন্য ও তাঁর আরাধনা করার  
জন্য তাঁর কাছে প্রতিজ্ঞাবন্ধ হয়, যারাই সাবৰাথ-দিন অপবিত্র না করে  
তা পালন করে ও যারা আমার নিয়ম অবিচলভাবে পালন করে— ৭  
তাদের আমি আমার পবিত্র পর্বতে নিয়ে আসব এবং আমার প্রার্থনা-  
গৃহে তাদের আনন্দ দেব। তাদের দেওয়া হোমবলি ও অন্যান্য নৈবেদ্য  
আমার বেদিতে গ্রহণ করা হবে; কারণ আমার গৃহ আখ্যাত হবে  
সর্বজাতির প্রার্থনা-গৃহ বলে।” ৮ সার্বভৌম সদাপ্রভু ঘোষণা করেন,  
যিনি ইস্রায়েলের নির্বাসিতদের সংগ্রহ করেন: “যাদের সংগ্রহ করা  
হয়েছে, তাদের ছাড়াও, আমি আরও অন্যদের সংগ্রহ করব।” ৯  
মাঠের সমস্ত পশ্চ, তোমরা এসো, বনের সমস্ত পশ্চ, তোমরা এসে  
গ্রাস করো! ১০ ইস্রায়েলের প্রহরীরা অঙ্গ, তাদের প্রত্যেকের জ্ঞানের  
অভাব আছে; তারা সকলেই বোৰা কুকুর, তারা ঘেউ ঘেউ করতে  
জানে না; তারা শুয়ে শুয়ে স্বপ্ন দেখে, তারা ঘুমাতে ভালোবাসে। ১১  
তারা প্রবল ক্ষুধাবিশিষ্ট কুকুর, তাদের কখনও তৃষ্ণি হয় না। তারা  
বুদ্ধিহীন মেষপালক; তারা সবাই নিজের নিজের পথের দিকে ফেরে,  
প্রত্যেকেই নিজের নিজের লাভের চেষ্টা করে। ১২ প্রত্যেকে চিৎকার  
করে বলে, “এসো, আমি দ্রাক্ষারস আনি! এসো আমরা সুরাপানে মন্ত্ৰ  
হই! আগামীকালও আজকের মতো হবে, এমনকি, এর থেকেও ভালো  
হবে।”

**57** ধার্মিক ব্যক্তিরা বিনষ্ট হয়, কেউ তা বিবেচনা করে না; ভক্তিমান  
লোকেরা অপসারিত হচ্ছে, কেউ তা বুবাতে পারছে না যে, মন্দ থেকে  
রক্ষা করার জন্যই ধার্মিক লোকেদের সরিয়ে নেওয়া হচ্ছে। ২ যারা  
ন্যায়সংগত জীবনযাপন করে, তারা শান্তিতে প্রবেশ করবে; মৃত্যুশয্যায়  
তারা বিশ্রাম লাভ করবে। ৩ “কিন্তু তোমরা, যারা মায়াবিনীর সন্তান,  
যারা ব্যভিচারী ও বেশ্যাদের বংশ, তোমরা এখানে এসো! ৪ তোমরা  
কাকে উপহাস করছ? কাকে দেখে তোমরা মুখ বাঁকাও ও তোমাদের

জিভ বের করো? তোমরা কি বিদ্রোহীদের সন্তান ও মিথ্যাবাদীদের  
বংশ নও? ৫ তোমরা তো ওক গাছগুলির তলে ও প্রত্যেক ঝোপাল  
গাছপালার তলে দেবকামে জ্বলতে থাকো; তোমরা তো গিরিখাতে  
ও উপরে ঝুলে থাকা শৈলের ফাটলে, তোমাদের ছেলেমেয়েদের  
বলি দিয়ে থাকো। ৬ গিরিখাতের মসৃণ পাথরের দেবদেবীর মধ্যেই  
রয়েছে তোমাদের প্রাপ্য অংশ; সেগুলিতে, হ্যাঁ সেগুলিতেই রয়েছে  
তোমাদের স্বত্ত্ব। তাদের কাছেই তোমরা ঢেলে দিয়েছ পেয়-নৈবেদ্য  
এবং উৎসর্গ করেছ যত শস্য-নৈবেদ্য। এগুলির পরিপ্রেক্ষিতে আমার  
মন কি কোমল হবে? ৭ তুমি উঁচু ও উন্নত এক পাহাড়ের উপরে  
তোমার শয্যা পেতেছ; সেখানে তোমার বলিদান উৎসর্গের জন্য তুমি  
উঠে গিয়েছিলে। ৮ তোমার দরজা ও চৌকাঠের পিছনে তুমি তোমার  
পৌত্রিক স্থৃতিচঙ্গুলি রেখেছ। আমাকে ভুলে গিয়ে, তুমি তোমার  
বিছানার চাদর তুলেছ, তুমি তার উপরে উঠে বিছানাটি চওড়া করেছ;  
তুমি যাদের বিছানা ভালোবাসো, তাদের সঙ্গে চুক্তি করেছ, সেই সঙ্গে  
তুমি তাদের নগতা দেখেছ। ৯ তুমি জলপাই তেল মেখে রাজার কাছে  
গিয়েছ ও প্রচুর সুগন্ধিদ্রব্য ব্যবহার করেছ। তুমি তোমার রাজদুর্দের  
বহুরূপে পাঠিয়েছ; তুমি স্বয়ং পাতাল পর্যন্ত নেমে গিয়েছ! (Sheol h7585)

10 তোমার সমস্ত জীবনাচরণে তুমি ক্লান্ত হয়েছিলে, কিন্তু তবুও তুমি  
বলোনি, ‘এসব অর্থহীন।’ তুমি তোমার শক্তি নবায়িত হতে দেখেছ,  
তাই তুমি মূর্ছিত হওনি। 11 “কার প্রতি তুমি এত ভীতসন্ত্বস্ত হয়েছ  
যে আমার কাছে মিথ্যা কথা বলেছ, তুমি আমাকে স্মরণও করোনি  
কিংবা নিজের মনে এসব বিষয় বিবেচনাও করোনি? এজন্য নয় যে  
আমি দীর্ঘ সময় নীরব থেকেছি, তাই কি তুমি আমাকে ভয় করো  
না? 12 আমি তোমার ধার্মিকতা ও তোমার কাজগুলি প্রকাশ করে  
দেব, সেগুলি তোমার কোনো উপকারে আসবে না। 13 যখন তুমি  
সাহায্যের জন্য কাঁদতে থাকবে, তখন তোমার সংঘিত প্রতিমারাই যেন  
তোমাকে রক্ষা করে! বাতাস তাদের সবাইকে উড়িয়ে নিয়ে যাবে,  
সামান্য এক শাসের ফুৎকারে তারা উড়ে যাবে। কিন্তু যে মানুষ আমার  
শরণাপন্ন হয়, সে দেশের অধিকার পাবে এবং আমার পবিত্র পর্বতের

অধিকারী হবে।” 14 আর এরকম বলা হবে, “তৈরি করো, তৈরি করো,  
তোমরা রাস্তা তৈরি করো! আমার প্রজাদের চলা পথ থেকে সমস্ত  
বাধা অপসারিত করো।” 15 কারণ যিনি উচ্চ ও উন্নত, যিনি চিরকাল  
জীবিত থাকেন ও যাঁর নাম পবিত্র, তিনি এই কথা বলেন, “আমি এক  
উচ্চ ও পবিত্রস্থানে বাস করি, আবার যে ভগ্নচূর্ণ ও নতনয় আত্মা  
বিশিষ্ট, তার মধ্যেও বাস করি, যেন নন্দ্র ব্যক্তিদের আত্মা সঞ্জীবিত  
করি এবং ভগ্নচূর্ণমনা ব্যক্তিদের হন্দয়কেও সঞ্জীবিত করি। 16 আমি  
চিরকাল অভিযোগ করব না, আবার সবসময় ক্রুদ্ধও হব না, তা না  
হলে, মানুষের আত্মা, যে মানুষের শ্঵াসবায়ু আমি সৃষ্টি করেছি, সে  
আমারই সামনে মুর্ছিত হবে। 17 আমি তার পাপিষ্ঠ লোভের জন্য ক্রুদ্ধ  
হয়েছিলাম; আমি তাকে শান্তি দিয়েছিলাম এবং ক্রোধে আমার মুখ  
লুকিয়েছিলাম, তবুও সে তার ইচ্ছামতো জীবনযাপন করা ছাড়েন।  
18 আমি তার জীবনাচরণ দেখেছি, কিন্তু আমি তাকে সুস্থ করব; আমি  
তাকে পথ দেখাব ও পুনরায় ইস্রায়েলে শোককারীদের সান্ত্বনা দেব,  
19 তাদের মুখে প্রশংসার স্তব সৃষ্টি করব। শান্তি, শান্তি হোক যারা দূরে  
বা নিকটে থাকে, আর আমি তাদের রোগনিরাময় করব,” সদাপ্রভু এই  
কথা বলেন। 20 কিন্তু দুষ্ট মানুষেরা তরঙ্গবিক্ষুন্ন সমুদ্রের মতো, যা  
কখনও স্থির থাকে না, যার তরঙ্গগুলি কেবলই পক্ষ ও কর্দম নিক্ষেপ  
করে। 21 আমার ঈশ্বর বলেন, “দুষ্ট লোকেদের কোনো কিছুতেই শান্তি  
নেই।”

**58** “জোরে চিকার করে বলো, রব সংযত কোরো না, তূরীধ্বনির  
মতোই তোমাদের কঢ়স্বর উচ্চগ্রামে তোলো। আমার প্রজাদের কাছে  
তাদের বিদ্রোহের কথা ঘোষণা করো, যাকোবের কুলের কাছে তাদের  
পাপের কথা জানাও। 2 কারণ দিনের পর দিন তারা আমার অন্বেষণ  
করে, মনে হয় তারা যেন আমার পথগুলি জানার বিষয়ে আগ্রহী,  
তারা এমন জাতি, যারা ন্যায়সংগত কাজ করে এবং তাদের ঈশ্বরের  
আদেশগুলি পরিত্যাগ করেনি। তারা আমার কাছে সঠিক সিদ্ধান্তের  
কথা জানতে চায় এবং মনে হয় তারা যেন ঈশ্বরকে কাছে পেতে  
আগ্রহী। 3 তারা বলে, ‘কেন আমরা উপবাস করেছি, আর তুমি তা

লক্ষ্য করোনি? কেন আমরা নিজেদের নতনষ্ট করেছি, অথচ তুমি  
তা দেখতে পাওনি?’ ‘তবুও, তোমরা উপবাসের দিনে, তোমাদের  
ইচ্ছামতো যা খুশি তাই করো, আর তোমাদের শ্রমিকদের শোষণ  
করো। 4 তোমাদের উপবাস ঘগড়া ও বিবাদে শেষ হয়, দুষ্টাপূর্ণ  
মুষ্টাঘাতে পরস্পরকে আঘাত করো। আজকের মতো তোমরা উপবাস  
করলে উর্ধ্বে তোমাদের রব শোনার আশা করতে পারবে না। 5 আমি  
কি এই ধরনের উপবাস মনোনীত করেছি? কেবলমাত্র একদিনের  
জন্য কি মানুষ নিজেকে নষ্ট করবে? এ কি কেবলমাত্র নলখাগড়ার  
মতো নিজের মাথা নত করা এবং চটে ও ভস্মে শয়ন করা? একেই কি  
তোমরা উপবাস বলো, সদাপ্রভুর কাছে গ্রহণযোগ্য একটি দিন বলো?

6 “আমি কি এই ধরনের উপবাস মনোনীত করিনি: অন্যায় বিচারের  
শৃঙ্খল ভেঙে ফেলা ও জোয়ালের দড়িগুলি খুলে ফেলা, অত্যাচারিত  
ব্যক্তিদের মুক্ত করা ও প্রত্যেক জোয়াল ভেঙে ফেলা? 7 এই কি নয়,  
যে ক্ষুধার্ত লোকদের কাছে তোমার খাবার বণ্টন করা এবং দরিদ্র  
ভবঘুরে ব্যক্তিকে আশ্রয় দেওয়া— যখন তুমি উলঙ্গ ব্যক্তিকে দেখো,  
তাকে পোশাক পরিহিত করা, আর নিজের আপনজনদের কাছ থেকে  
মুখ ফিরিয়ে না নেওয়া? 8 তখন তোমার আলো প্রত্যুষকালের মতো  
প্রকাশ পাবে, আর তুমি সত্ত্বের আরোগ্যতা লাভ করবে, তখন তোমার  
ধার্মিকতা তোমার অগ্রগামী হবে, আর সদাপ্রভুর মতিমা তোমার  
পিছন দিকের রক্ষক হবেন। 9 তখন তুমি ডাকলে সদাপ্রভু উত্তর  
দেবেন; তুমি সাহায্যের জন্য কাঁদলে তিনি বলবেন: এই যে আমি।  
“তুমি যদি অত্যাচারের জোয়াল, অর্ধাৎ অঙ্গুলিতর্জন ও বিদ্বেষপূর্ণ  
কথাবার্তা দূর করো, 10 যদি তুমি ক্ষুধার্তকে নিজের অন্ন দাও এবং  
অত্যাচারিত ব্যক্তির সব প্রয়োজন মিটিয়ে দাও, তখন তোমার জ্যোতি  
অন্ধকারে উদিত হবে এবং তোমার রাত্রি দুপুরবেলার মতো হবে। 11  
আর সদাপ্রভু সবসময়ই তোমাকে পথ প্রদর্শন করবেন; তিনি শুক্ষ-  
ভূমিতে তোমার প্রাণ তৃপ্ত করবেন ও তোমার অস্তিকাঠামো শক্তিশালী  
করবেন। তুমি ভালোভাবে জল-সিঞ্চিত একটি বাগানের মতো হবে,  
তুমি হবে এমন এক উৎসের মতো, যার জল কখনও শুকায় না। 12

তোমার লোকেরা প্রাচীনকালের ধর্মসাবশেষকে পুনর্নির্মাণ করবে,  
এবং বহুকাল পূর্বের ভিত্তিমূলগুলি আবার গেঁথে তুলবে; তোমাকে  
বলা হবে তগ্নি প্রাচীরগুলির মেরামতকারী, পথসমূহ ও বসবাসের  
স্থানগুলির পুনঃপ্রতিষ্ঠাকারী। 13 “তুমি যদি সাব্রাথ-দিন লজ্জন করা  
থেকে পা ফিরাও, আমার পবিত্র দিনে নিজের ইচ্ছামতো কাজ না  
করো, তুমি যদি সাব্রাথ-দিনকে আনন্দদায়ক ও সদাপ্রভুর পবিত্র  
দিনকে সম্মাননীয় আখ্যা দাও, আর যদি তুমি নিজের মনমতো পথে  
না গিয়ে সেদিনকে সম্মান করো, নিজের ইচ্ছামতো কিছু না করো ও  
অসার কথাবার্তা না বলো, 14 তাহলে তুমি সদাপ্রভুতে তোমার আনন্দ  
খুঁজে পাবে, আর আমি তোমাকে দেশের সর্বোচ্চ স্থানে আরোহণ করাব  
এবং তোমার পিতৃপুরুষ যাকোবের অধিকারে উৎসব করতে দেব,”  
সদাপ্রভুর মুখ এই কথা বলেছেন।

**59** নিচয়ই সদাপ্রভুর হাত এত ছোটো নয়, যে তিনি ত্রাণ করতে  
পারেন না, বা তাঁর কান এমন বধির নয়, যে তিনি শুনতে পান না। 2  
কিন্তু তোমাদের অপরাধগুলিই তোমাদের পৃথক করেছে তোমাদের  
ঈশ্বর থেকে; তোমাদের পাপগুলি তোমাদের কাছ থেকে তাঁর শ্রীমুখকে  
লুকিয়েছে, তাই তিনি শোনেন না। 3 কারণ তোমাদের হাতগুলি রক্তে  
ও তোমাদের আঙুলগুলি অপরাধে কল্পিত হয়েছে। তোমাদের মুখ  
মিথ্যা কথা বলেছে, আর তোমাদের জিভ কেবলই দুষ্টার কথা বলে।  
4 কেউ ন্যায্য বিচারের আহান করে না; কেউই তার মামলা সত্যনিষ্ঠার  
সঙ্গে উপস্থাপিত করে না। তারা অসার তর্কযুক্তিতে নির্ভর করে এবং  
মিথ্যা কথা বলে; তারা সমস্যা গর্ভে ধারণ করে মন্দতার জন্ম দেয়। 5  
তারা কালসাপের ডিম ফোটায় এবং মাকড়সার জাল বোনে। কেউ যদি  
তাদের ডিম খায়, সে মারা যাবে, সেই ডিম যখন ফোটে, বিষাক্ত সাপ  
বের হয়। 6 তাদের জালের সুতোয় পোশাক তৈরি হয় না; তাদের তৈরি  
পোশাকে তারা নিজেদের আবৃত করতে পারে না। তাদের সমস্ত কাজ  
মন্দ, তাদের হাতে রয়েছে সমস্ত হিংস্রতার কাজ। 7 তাদের পাণ্ডলি  
পাপের পথে দৌড়ায়; নির্দোষের রক্তপাত করার জন্য তারা দ্রুত ছুটে  
যায়। তাদের সমস্ত চিন্তাধারা কেবলই মন্দ; তাদের পথে পথে রয়েছে

ধ্বংস ও বিনাশ। ৪ তারা শান্তির পথ জানে না; তাদের পথে কোনো ন্যায়বিচার নেই। তারা নিজেদের আঁকাবাঁকা পথে ফিরিয়েছে; সেই পথ যে অতিক্রম করে, সে শান্তির সন্ধান পায় না। ৫ তাই ন্যায়বিচার আমাদের কাছ থেকে দূরে থাকে, ধার্মিকতা আমাদের কাছে পৌঁছায় না। আমরা আলোর অপেক্ষা করি, কিন্তু সবই অন্ধকার অপেক্ষা করি উজ্জ্বলতার, কিন্তু গহন ছায়ায় পথ চলি। ১০ দৃষ্টিহীনের মতো আমরা দেওয়াল ধরে পথ হাঁতড়াই, চক্ষুহীন মানুষের মতোই আমরা পথ অনুমান করি। মধ্যাহ্নেই সন্ধ্যা হয়েছে ভেবে আমরা হোঁচ্ট খাই, শক্তিশালী লোকেদের মাঝে, আমরা যেন যৃত মানুষ। ১১ আমরা সবাই ভালুকের মতো গর্জন করি; ঘুঘুর মতোই আমরা করণ আর্তন্ত্ব করি। আমরা ন্যায়বিচারের অপেক্ষা করি, কিন্তু পাই না; মুক্তির প্রতীক্ষায় থাকি, কিন্তু তা দূরে থাকে। ১২ কারণ তোমার দৃষ্টিতে আমাদের অপরাধ প্রচুর, আমাদের পাপগুলি আমাদের বিরুদ্ধে সাক্ষ্য দেয়। আমাদের অপরাধগুলি আমাদের নিত্যসঙ্গী, আমরা আমাদের সব অধর্ম স্বীকার করি: ১৩ সেগুলি হল: সদাপ্রভুর বিরুদ্ধে বিদ্রোহ ও বিশ্বাসঘাতকতা, আমাদের ঈশ্বরের প্রতি পিঠ প্রদর্শন, অত্যাচার ও বিপ্লব করার জন্য প্ররোচিত করা, আমাদের হন্দয়ে সঞ্চিত মিথ্যা কথা উগরে দেওয়া। ১৪ তাই ন্যায়বিচার পিছু হটে যায়, ধার্মিকতা দূরে দাঁড়িয়ে থাকে; সত্য পথে পথে হোঁচ্ট খেয়েছে, সততা প্রবেশ করতেই পারে না। ১৫ সত্যের সন্ধান কোথাও পাওয়া যায় না, আর কেউ যদি মন্দতাকে ত্যাগ করে, সে অত্যাচারের শিকার হয়ে যায়। সেখানে ন্যায়বিচার নেই লক্ষ্য করে সদাপ্রভু অসন্তুষ্ট হলেন। ১৬ তিনি দেখলেন, সেখানে একজনও নেই, অবাক হলেন দেখে যে, মধ্যস্থূতা করার জন্য একজনও নেই; তাই তাঁর নিজেরই বাহু তাঁর হয়ে মুক্তিসাধন করল, তাঁর নিজের ধার্মিকতা তাঁকে তুলে ধরল। ১৭ তিনি ধার্মিকতাকে তার বুকপাটারূপে ও মাথার উপরে পরিত্রাণকে শিরস্ত্রাণরূপে পরিধান করলেন; তিনি প্রতিশোধ গ্রহণের সব পোশাক পরে নিলেন, পরিচ্ছদরূপে গায়ে জড়িয়ে নিলেন উদ্দেয়গ। ১৮ তারা যে রকম কাজ করেছে, সেইরকমভাবেই তিনি তাদের প্রতিশোধ দেবেন,

শক্রদের প্রতি ক্রোধ ও বিপক্ষদের প্রতি তাঁর দণ্ড; দীপনিবাসীদের কাছে তিনি তাদের প্রাপ্য দেবেন। 19 পশ্চিমদিক থেকে, লোকেরা সদাপ্রভুর নামকে ভয় করবে, সূর্যোদয়ের দিক থেকে, তারা তাঁর মহিমাকে সম্মত করবে। কারণ তিনি বাঁধ ভাঙা বন্যার মতো আসবেন, যা সদাপ্রভুর নিশ্চাসে প্রবাহিত হবে। 20 “যাকোব কুলে যারা তাদের পাপসমূহের জন্য অনুতপ্ত হবে, মুক্তিদাতা তাদের কাছে সিয়োন থেকে আসবেন,” সদাপ্রভু এই কথা ঘোষণা করেন। 21 “আমার দিক থেকে, এ হল তাদের সঙ্গে কৃত আমার নিয়ম,” সদাপ্রভু এই কথা বলেন। “আমার আত্মা, যা তোমার উপরে আছে এবং আমার বাক্য, যা আমি তোমার মুখে দিয়েছি, তা তোমার মুখ থেকে বা তোমার ছেলেমেয়েদের মুখ থেকে, এবং তাদের বংশধরদের মুখ থেকে, এখন থেকে চিরকাল পর্যন্ত, কখনও দূর করা যাবে না,” সদাপ্রভু এই কথা বলেন।

**60** “ওঠো, প্রদীপ্তি হও, কারণ তোমার দীপ্তি উপস্থিত হয়েছে, সদাপ্রভুর গৌরব তোমার উপরে উদিত হল। 2 দেখো, অন্ধকার পৃথিবীতে হেয়ে গেছে, ঘন অন্ধকার জাতিসমূহকে আবৃত করেছে, কিন্তু সদাপ্রভু তোমার উপরে উদিত হয়েছেন, তাঁর মহিমা তোমার উপরে প্রত্যক্ষ হয়েছে। 3 বিভিন্ন জাতি তোমার দীপ্তির কাছে আসবে, রাজারা আসবে তোমার ভোরের উজ্জ্বলতার কাছে। 4 “তোমার দু-চোখ তুলে চারপাশে তাকিয়ে দেখো: সবাই একসঙ্গে তোমার কাছে এসেছে; তোমার ছেলেরা দূর থেকে আসছে, তোমার মেয়েদের কোলে বহন করে আনা হচ্ছে। 5 তখন তুমি তা দেখে দীপ্যমান হবে, তোমার হৃদয় স্পন্দিত হয়ে আনন্দে স্ফীত হবে; সমুদ্রের ঐশ্বর্য তোমার কাছে আনা হবে, তোমার কাছেই আনীত হবে জাতিসমূহের সব সম্পদ। 6 উটের পাল তোমার দেশে হেয়ে যাবে, মিদিয়ন ও ঐফার উটে দেশ ভরে যাবে। আর শিবা থেকে সবাই বহন করে আনবে সোনা ও ধূপ, তারা সদাপ্রভুর স্তব ঘোষণা করবে। 7 কেদরের সমস্ত পশুপাল তোমার কাছে সংগৃহীত হবে, নবায়োতের মেষেরা তোমার সেবা করবে; সেগুলি আমার বেদিতে নৈবেদ্যরূপে গৃহীত হবে, আর আমি আমার মহিমাময় মন্দির সুশোভিত করব। 8 “এরা কারা, যারা মেঘের মতো

উড়ে আসছে, নিজেদের বাসার প্রতি ঘুঘুর মতো আসছে? ৯ নিশ্চয়ই  
দ্বিপঙ্গলি আমার প্রতি দৃষ্টি করে, তাদের নেতৃত্ব দেয় তর্ণীশের সব  
জাহাজ। সেগুলি তোমার সন্তানদের দ্রু থেকে আনবে, সঙ্গে থাকবে  
তাদের রংপো আর সোনা, তা হবে তোমার ঈশ্বর সদাপ্রভুর নামের  
জন্য, তিনিই ইস্রায়েলের সেই পবিত্রতম জন, কারণ তিনিই তোমাকে  
বিভূষিত করেছেন। ১০ “বিজাতিয়েরা তোমার প্রাচীরগুলি পুনর্নির্মাণ  
করবে, তাদের রাজারা তোমার সেবা করবে। যদিও ক্ষেত্রে আমি  
তোমাকে আঘাত করেছিলাম, অনুগ্রহে আমি তোমার প্রতি সহানুভূতি  
প্রদর্শন করব। ১১ তোমার তোরণদ্বারগুলি সবসময়ই খোলা থাকবে,  
দিনে বা রাতে, সেগুলি কখনও বন্ধ করা হবে না, যেন লোকেরা  
তোমার কাছে জাতিসমূহের ঐশ্বর্য নিয়ে আসে— তাদের রাজারা  
বিজয় মিছিলের সামনে সামনে চলবে। ১২ কারণ যে দেশ বা রাজ্য  
তোমার সেবা করবে না, তা ধ্বংস হবে; তা সম্পূর্ণরূপে ধ্বংসপ্রাপ্ত  
হবে। ১৩ “লেবাননের গৌরব তোমার কাছে আসবে, দেবদারু,  
ঝাউ ও চিরহিংসা গাছ একসঙ্গে আসবে, যেন আমার পবিত্র ধামকে  
সুশোভিত করতে পারে; আর আমি আমার পা রাখার স্থানকে গৌরব  
দান করব। ১৪ তোমার প্রতি অত্যাচারকারী লোকেদের সন্তানেরা  
প্রণত হয়ে তোমার কাছে আসবে; যারাই তোমাকে অবজ্ঞা করেছিল,  
তারা তোমার পায়ে প্রণিপাত করবে এবং তোমার উদ্দেশে বলবে, এ  
সদাপ্রভুর নগরী, ইস্রায়েলের পবিত্রতমজনের সিয়োন। ১৫ “যদিও  
তুমি পরিত্যক্ত ও ঘৃণিত হয়েছিলে, কেউ তোমার মধ্য দিয়ে যাতায়াত  
করত না, আমি তোমাকে চিরকালীন গর্বের স্থান এবং বংশপরম্পরায়  
সকলের আনন্দের কারণ করব। ১৬ তুমি জাতিসমূহের দুধ পান করবে,  
রাজাদের ঐশ্বর্য গ্রাস করবে। তখন তুমি জানতে পারবে যে, আমি  
সদাপ্রভুই তোমার পরিব্রাতা, তোমার মুক্তিদাতা, যাকোবের সেই  
পরাক্রমী জন। ১৭ আমি তোমার কাছে পিতলের পরিবর্তে সোনা ও  
লোহার পরিবর্তে রূপো নিয়ে আসব। আমি কাঠের পরিবর্তে পিতল  
এবং পাথরের পরিবর্তে লোহা নিয়ে আসব। আমি শান্তিকে তোমার  
নিয়ন্ত্রণকারী করব, ধার্মিকতা হবে তোমার প্রশাসক। ১৮ তোমার দেশে

উপদ্রবের কথা, তোমার সীমানার মধ্যে ধ্বংস বা বিনাশের কথা, আর শোনা যাবে না; কিন্তু তুমি তোমার প্রাচীরগুলিকে বলবে পরিত্রাণ এবং তোরণাগুলিকে বলবে প্রশংসা। 19 দিনের বেলা সূর্য আর তোমার জ্যোতিস্বরূপ হবে না, চাঁদের জ্যোৎস্নাও আর তোমাকে আলো দেবে না, কারণ সদাপ্রভু হবেন তোমার চিরস্থায়ী জ্যোতি, তোমার ঈশ্বরই হবেন তোমার গৌরব। 20 তোমার সূর্য আর অস্তমিত হবে না, তোমার চাঁদের আলো আর ক্ষীণ হবে না; সদাপ্রভুই হবেন তোমার চিরজ্যোতি, আর তোমার দুঃখকষ্টের দিন শেষ হবে। 21 তখন তোমার সমস্ত প্রজা ধার্মিক হবে, তারা চিরকালের জন্য দেশের অধিকারী হবে। তারাই সেই চারাগাছ, যা আমি রোপণ করেছিলাম, তারা আমার নিজের হাতের কাজ, যেন আমার সৌন্দর্যের বিভব প্রদর্শিত হয়। 22 তোমার মধ্যে নগণ্যতম জন এক সহস্রের সমান হবে, ক্ষুদ্রতম জন হবে এক শক্তিশালী জাতিস্বরূপ। আমিই সদাপ্রভু; যথাসময়ে আমি তা দ্রুত সম্পন্ন করব।”

**61** সার্বভৌম সদাপ্রভুর আত্মা আমার উপরে আছেন, কারণ সদাপ্রভু আমাকে অভিষিক্ত করেছেন, যেন দরিদ্রদের কাছে সুসমাচার প্রচার করি। তিনি আমাকে ভগ্নহৃদয় মানুষকে সারিয়ে তুলতে প্রেরণ করেছেন, বন্দিদের কাছে স্বাধীনতা ঘোষণা করতে এবং কারারূপ মানুষদের অন্ধকার থেকে মুক্ত করতে, 2 সদাপ্রভুর কৃপা প্রদর্শনের বছর ও আমাদের ঈশ্বরের প্রতিশোধ গ্রহণের দিন ঘোষণা করতে, সমস্ত বিলাপকারীকে সান্ত্বনা দিতে, 3 ও যেন সিয়োনের শোকাতজনেদের জন্য ব্যবস্থা করি— ভস্মের পরিবর্তে সৌন্দর্যের মুকুট, শোকবিলাপের পরিবর্তে আনন্দের তেল, এবং অবসন্ন হৃদয়ের পরিবর্তে প্রশংসার পোশাক। তাদের বলা হবে ধার্মিকতার ওক গাছ, শোভা ও সৌন্দর্য প্রদর্শনের জন্য যা সদাপ্রভু রোপণ করেছেন। 4 তারা পুরাকালের ধ্বংসাবশেষকে পুনর্নির্মাণ করবে এবং দীর্ঘ দিনের ধ্বংসিত স্থানগুলি পুনঃপ্রতিষ্ঠিত করবে; বংশপরম্পরায় উচ্ছিন্ন অবস্থায় থাকা ধ্বংসপ্রাপ্ত নগরগুলিকে তারা নবরূপ দান করবে। 5 বিদেশিরা তোমাদের পশ্চাল চরাবে; বিজাতীয় লোকেরা তোমাদের মাঠগুলিতে ও দ্রাক্ষাকুঞ্জে

কাজ করবে। ৬ আর তোমাদের বলা হবে সদাপ্রভুর যাজকবৃন্দ,  
তোমরা আমাদের ঈশ্বরের পরিচারকরূপে আখ্যাত হবে। তোমরা  
জাতিসমূহের ঐশ্বর্য ভোগ করবে, আর তাদেরই ধনসম্পদে তোমরা  
গর্ব করবে। ৭ লজ্জার পরিবর্তে আমার প্রজারা দ্বিগুণ অংশের অধিকার  
লাভ করবে; আর অপমানের পরিবর্তে তারা তাদের উত্তরাধিকারে  
উল্লসিত হবে; এভাবেই তারা নিজেদের দেশে দ্বিগুণ অংশের অধিকার  
পাবে আর চিরস্থায়ী আনন্দ হবে তাদের অধিকার। ৮ “কারণ আমি  
সদাপ্রভু, আমি ন্যায়বিচার ভালোবাসি; আমি দস্যুবৃত্তি ও অধর্ম ঘৃণা  
করি। আমার বিশ্বস্ততায় আমি তাদের পুরস্কৃত করব এবং তাদের  
সঙ্গে প্রতিষ্ঠিত করব এক চিরস্থায়ী নিয়ম। ৯ তাদের বংশধরেরা  
জাতিসমূহের মধ্যে ও তাদের সন্তানেরা লোকবৃন্দের মধ্যে পরিচিত  
হবে। যারাই তাদের দেখবে, স্বীকার করবে যে, তারা এমন জাতি,  
যাদের সদাপ্রভু আশীর্বাদ করেছেন।” ১০ আমি সদাপ্রভুতে মহা  
আনন্দ করি; আমার প্রাণ আমার ঈশ্বরে উল্লসিত হয়। যেভাবে বর  
শোভার জন্য যাজকের মতো মাথায় উর্ফীয় দেয়, যেভাবে কন্যা তার  
রত্নরাজি দিয়ে নিজেকে সুশোভিত করে, সেভাবেই তিনি আমাকে  
পরিত্রাণের পোশাক পরিয়েছেন, আমাকে তাঁর ধার্মিকতার বসনে  
সুসজ্জিত করেছেন। ১১ কারণ ভূমি যেমন অঙ্কুর নির্গত করে, যেভাবে  
উদ্যানে উষ্ণ বীজ অঙ্কুরিত হয়, তেমনই সার্বভৌম সদাপ্রভু সমস্ত  
জাতির সাক্ষাতে ধার্মিকতা ও প্রশংসা অঙ্কুরিত করবেন।

**৬২** সিয়োনের কারণে আমি চুপ করে থাকব না, জেরুশালেমের জন্য  
আমি শান্ত থাকব না, যতক্ষণ না তার ধার্মিকতা ভোরের মতো উজ্জ্বল  
হয়, তার পরিত্রাণ জ্বলন্ত মশালের মতো হয়। ২ সব জাতি তোমার  
ধর্মশীলতা দেখবে, সব রাজা তোমার মহিমা দেখবে; তুমি এক নতুন  
নামে আখ্যাত হবে, যে নাম সদাপ্রভুরই মুখ নির্ণয় করবে। ৩ তুমি  
হবে সদাপ্রভুর হাতে এক সৌন্দর্যের মুকুট, তোমার ঈশ্বরের হাতে  
এক রাজকীয় কিরীট। ৪ তারা আর তোমাকে পরিত্যক্ত বলবে না,  
কিংবা তোমার দেশকে জনশূন্য বলবে না। কিন্তু তোমাকে ডাকা হবে  
হিফসীবা বলে, তোমার দেশকে বলা হবে বিউলা; কারণ সদাপ্রভু

তোমাকে নিয়ে আনন্দ করবেন, আর তোমার ভূমি বিবাহিত হবে। ৫  
যেভাবে কোনো যুবক একজন কুমারীকে বিবাহ করে, তোমার নির্মাতা  
তেমনই তোমায় বিবাহ করবেন; বর যেমন কনেকে নিয়ে উল্লিখিত হয়,  
তেমনই ঈশ্বর তোমাকে নিয়ে উল্লাস করবেন। ৬ জেরুশালেম, আমি  
তোমার প্রাচীরগুলিতে প্রহরী নিয়েগ করেছি, তারা দিনে বা রাতে,  
কখনও নীরব থাকবে না। তোমরা যারা সদাপ্রভুকে ডাকো, তোমরা  
নিজেদের বিশ্বাম দিয়ো না, ৭ আর তাঁকেও দিয়ো না, যতক্ষণ না  
তিনি জেরুশালেমকে প্রতিষ্ঠিত করেন এবং তাকে পৃথিবীতে প্রশংসার  
পাত্র করেন। ৮ সদাপ্রভু তাঁর ডান হাত ও তাঁর শক্তিশালী বাহু তুলে  
শপথ করেছেন: “আর কখনও আমি তোমার শস্যদানা নিয়ে তোমার  
শক্তদের হাতে খাবারের জন্য দেব না, বিজাতিয়েরা আর কখনও  
নতুন দ্রাক্ষারস পান করবে না, যার জন্য তুমি পরিশ্রম করেছ। ৯  
কিন্তু যারা সেই ফসল সঞ্চয় করবে, তারাই তা ভোজন করবে ও  
সদাপ্রভুর প্রশংসা করবে, আর যারা দ্রাক্ষাচয়ন করবে, তারা তা পান  
করবে, আমার পবিত্র ধামের প্রাঙ্গণেই করবে।” ১০ পার হও, তোমরা  
তোরণদ্বারগুলি দিয়েই পার হও! প্রজাদের জন্য পথ প্রস্তুত করো।  
নির্মাণ করো, রাজপথ নির্মাণ করো! সব পাথের সরিয়ে ফেলো। সমস্ত  
জাতির জন্য একটি পতাকা তোলো। ১১ সদাপ্রভু পৃথিবীর প্রান্তসীমা  
পর্যন্ত একটি ঘোষণা করেছেন: “তোমরা সিয়োন-কন্যাকে বলো,  
‘দেখো, তোমার পরিত্রাতা আসছেন! দেখো, তাঁর প্রাপ্য বেতন আছে  
তাঁর হাতে, তাঁর পুরক্ষার আছে তাঁর সঙ্গে।’” ১২ তারা আখ্যাত হবে  
পবিত্র প্রজা, এবং সদাপ্রভুর মুক্তিপ্রাপ্ত লোক বলে; আর তোমাকে বলা  
হবে, অশ্বেষিতা, এমন নগরী যা আর পরিত্যক্ত নয়।

**63** ইদোম থেকে আসছেন, উনি কে? বস্তা থেকে রক্তরঞ্জিত পোশাক  
পরে আসছেন, কে তিনি? বাহারি পোশাক পরিহিত, ইনি কে? কে  
তিনি আপন শক্তির পূর্ণতায় এগিয়ে আসছেন? “এ আমি, যিনি  
ধর্মশীলতায় কথা বলেন, যিনি পরিত্রাণ সাধন করার জন্য শক্তিশালী।”  
২ আপনার পোশাক রক্তরাঙ্গ কেন, দ্রাক্ষামাড়াইকারী লোকদের মতো  
কেন? ৩ “দ্রাক্ষামাড়াই কুণ্ডে আমি একাই দ্রাক্ষা দলন করেছি; সমস্ত

জাতির মধ্য থেকে একজনও আমার সঙ্গে ছিল না। আমি ক্রোধে  
তাদের পদদলিত করেছি, মহাকোপে তাদের মর্দন করেছি; তাদের  
রক্তের ছিটে আমার পোশাকে লেগেছে, আমার সমস্ত পরিচ্ছদ আমি  
কলঙ্কিত করেছি। ৪ কারণ প্রতিশোধের দিন আমার মনে ছিল, আর  
আমার মুক্তিদানের বছর এসে পড়েছে। ৫ আমি চেয়ে দেখলাম,  
কিন্তু আমাকে সাহায্য করার জন্য কেউ নেই, আমি বিস্মিত হলাম যে  
কেউ আমাকে সমর্থন করেনি; তাই আমার নিজেরই হাত আমার জন্য  
পরিত্রাণ সাধন করল, আমার নিজের ক্রোধই আমাকে তুলে ধরল।  
৬ আমি ক্রোধে সব জাতিকে পদদলিত করলাম; আমার কোপবশে  
আমি তাদের মন্ত্র করলাম আর তাদের রক্ত মাটিতে ঢেলে দিলাম।”  
৭ আমি সদাপ্রভুর বিভিন্ন করণার কীর্তন করব, প্রশংসা করব তাঁর  
বহু কীর্তির কথা, তিনি আমাদের জন্য যা কিছু করেছেন, তার জন্য,  
হ্যাঁ, তিনি ইস্রায়েল কুলের জন্য বহু উৎকৃষ্ট কাজ করেছেন, তাঁর মহা  
করণা ও বহুবিধ দয়ার গুণে করেছেন। ৮ তিনি বলেছেন, “অবশ্যই  
তারা আমার প্রজা, তারা এমন সন্তান, যারা মিথ্যা আচরণ করবে না”;  
এভাবেই তিনি তাদের পরিত্রাতা হলেন। ৯ তাদের সমস্ত দুর্দশায়  
তিনি নিজেও দুর্দশাগ্রস্ত হয়েছিলেন, তাঁর সান্নিধ্যে থাকা স্বর্গদূত  
তাদের রক্ষা করল। তাঁর ভালোবাসা ও করণাগুণে তিনি তাদের মুক্ত  
করলেন; পুরাকালের সেই দিনগুলিতে তিনি কোলে তুলে তাদের বহন  
করতেন। ১০ তবুও তারা বিদ্রোহী হল ও তাঁর পবিত্র আত্মাকে দুঃখ  
দিল। তাই তিনি মুখ ফিরিয়ে তাদের শক্তি হলেন, আর তিনি স্বয়ং  
তাদের বিরুদ্ধে যুদ্ধ করলেন। ১১ তারপর তাঁর প্রজারা পুরোনো দিনের  
কথা স্মরণ করল, মোশি ও তাঁর প্রজাদের সময়কাল— তিনি কোথায়,  
যিনি সমুদ্রের মধ্য দিয়ে তাদের উত্তীর্ণ করেছিলেন, তাঁর পালের এক  
রক্ষকের দ্বারা? তিনি কোথায়, যিনি তাদের মধ্যে তাঁর পবিত্র আত্মাকে  
স্থাপন করেছিলেন? ১২ যিনি তাঁর পরাক্রমের মহিমাময় বাহু মোশির  
ডান হাতরূপে প্রেরণ করেছিলেন, যিনি তাদের সামনে জলরাশিকে  
বিভক্ত করেছিলেন যেন নিজের জন্য চিরস্মায়ি খ্যাতি লাভ করতে  
পারেন? ১৩ খোলা মাঠে ধাবমান অশ্বের মতো, কে সমুদ্রের গভীরে

তাদের চালিত করল? তাদের মধ্যে কেউই হোঁচট খায়নি। 14 পঙ্গাল  
যেমন সমভূমিতে নেমে যায়, সদাপ্রভুর আত্মা তেমনই তাদের বিশ্রাম  
দিলেন। তুমি এভাবেই তোমার প্রজাদের পথ প্রদর্শন করেছিলে,  
যেন তুমি নিজের জন্য এক মহিমান্বিত নাম স্থাপন করতে পারো।  
15 তুমি স্বর্গ থেকে নিচে তাকাও ও দেখো, তোমার উন্নত, পবিত্র ও  
মহিমাপূর্ণ সিংহাসন থেকে দেখো। তোমার সেই উদ্যম ও তোমার  
পরাক্রম কোথায়? তোমার কোমলতা ও সহানুভূতি আমাদের কাছ  
থেকে সরিয়ে রেখেছে। 16 কিন্তু তুমি আমাদের বাবা, যদিও অব্রাহাম  
আমাদের জানেন না, কিংবা ইস্রায়েল আমাদের স্বীকার করে না; তুমি  
সদাপ্রভু, তুমই আমাদের বাবা, পুরাকাল থেকে আমাদের মুক্তিদাতা,  
এই তোমার নাম। 17 হে সদাপ্রভু, কেন তুমি তোমার পথ ছেড়ে  
আমাদের যেতে দিচ্ছ? কেন তোমার হৃদয় কঠিন করছ, যেন আমরা  
তোমাকে সম্ম না করি? তুমি ফিরে এসো তোমার দাসদের অনুরোধে,  
তোমার অধিকারস্বরূপ গোষ্ঠীসমূহের কারণে। 18 অল্প সময়ের জন্য  
তোমার প্রজারা তোমার পবিত্রান্ধ অধিকারে রেখেছিল, কিন্তু এখন  
আমাদের শক্ররা তোমার পবিত্রান্ধ পদদলিত করেছে। 19 প্রাচীনকাল  
থেকে আমরা তোমারটি: কিন্তু আমরা হয়েছি তাদের মতো, যাদের  
উপরে তুমি কখনও শাসন করোনি, তাদের মতো, যাদের কখনও  
তোমার নামে ডাকা হয়নি।

**64** আহা! যদি তুমি আকাশমণ্ডল বিদীর্ণ করে নেমে আসতে, তাহলে  
পর্বতগুলি তোমার সাক্ষাতে কম্পিত হত! 2 আগুন যেমন বোপ  
প্রজ্বলিত করে ও জল ফোটায়, তেমন ভাবেই নেমে এসে তোমার  
শক্রদের কাছে তোমার নাম জ্ঞাত করো এবং জাতিসমূহকে তোমার  
সাক্ষাতে কম্পমান করো! 3 কারণ আমরা যেমন আশা করিনি, তুমি  
তখন তেমনই ভয়ংকর সব কাজ করেছিলে, তুমি নেমে এসেছিলে  
এবং পর্বতগণ তোমার সাক্ষাতে কম্পিত হয়েছিল। 4 পুরাকাল থেকে  
কেউ শোনেনি, কোনো কান তা উপলক্ষ্মি করেনি, তুমি ছাড়া আর  
কোনো ঈশ্বরকে কোনো চোখ দেখেনি, তিনি তাদের পক্ষে সক্রিয়  
হন, যারা তাঁর অপেক্ষায় থাকে। 5 তুমি তাদের সাহায্য করার জন্য

উপস্থিত হও যারা আমদের সঙ্গে ন্যায়সংগত কাজ করে, যারা তোমার পথসমূহের কথা স্মারণ করে। কিন্তু যখন আমরা তাদের বিরুদ্ধে পাপ করে চলেছিলাম, তুমি ক্রুদ্ধ হয়েছিলে। তাহলে কীভাবে আমরা পরিত্রাণ পেতে পারি? ৬ আমরা সবাই অশুচি মানুষের মতো হয়েছি, আমাদের ধার্মিকতার যত কাজ, সব নোংরা কাপড়ের মতো; আমরা সবাই পাতার মতো শুকিয়ে যাই, আমাদের পাপগুলি বাতাসের মতো আমাদের উড়িয়ে নিয়ে যায়। ৭ কেনে মানুষ তোমার নামে ডাকে না অথবা তোমাকে ধরার জন্য প্রাণপণ করে না; কারণ তুমি আমাদের কাছ থেকে তোমার মুখ লুকিয়েছ এবং আমাদের পাপের কারণে আমাদের ক্ষয়ে যেতে দিচ্ছ। ৮ তবুও, হে সদাপ্রভু, তুমি আমাদের বাবা। আমরা সবাই মাটি, আর তুমি কুমোর; আমরা সবাই তোমার হাতের রচনা। ৯ হে সদাপ্রভু, মাত্রাত্তিরিক্ত ক্রুদ্ধ হোয়ো না; চিরকাল আমাদের পাপগুলি মনে রেখো না। আহা, মিনতি করি, আমাদের প্রতি দৃষ্টিপাত করো, কারণ আমরা সবাই তোমার প্রজা। ১০ তোমার পবিত্র নগরগুলি মরণভূমি হয়েছে; এমনকি, সিয়োনও মরণভূমি ও জেরুশালেম ভাববাদী বর্জিত হয়েছে। ১১ আমাদের পিতৃপুরুষেরা যেখানে তোমার স্তব করতেন, সেই পবিত্র ও সুশোভিত মন্দির অগ্নিদন্তি হয়েছে, যা কিছু আমরা সংধয় করেছিলাম, সব পরিণত হয়েছে ধ্বংসস্তূপে। ১২ এসব সত্ত্বেও, হে সদাপ্রভু, তুমি কি নিজেকে গুটিয়ে রাখবে? তুমি কি নীরব থেকে অতিমাত্রায় আমাদের শাস্তি দেবে?

**65** “যারা আমাকে চায়নি, আমি তাদের কাছে নিজেকে প্রকাশ করেছি; যারা আমার অস্বেষণ করেনি, তারা আমাকে খুঁজে পেয়েছে। যে জাতি আমার নামে ডাকেনি, তাদের আমি বলেছি, ‘এই আমি, এই যে আমি এখানে।’ ২ সমস্ত দিন, আমি এক বিদ্রোহী প্রজাবৃন্দের উদ্দেশে আমার দু-হাত বাড়িয়ে রেখেছিলাম, তারা এমন সব জীবনযাপন করে, যা ভালো নয়, তারা নিজেদের কল্পনা অনুযায়ী কাজ করে। ৩ তারা এমন এক জাতি, যারা আমার মুখের উপরেই নিত্য আমাকে প্ররোচিত করে, বিভিন্ন উদ্যানের মধ্যে বলি দেয় ও ইটের তৈরি বেদির উপরে ধূপদাহ করে; ৪ তারা কবরের স্থানগুলিতে বসে গুপ্ত স্থানে রাত জেগে

কাটায়; তারা শূকরের মাংস ভোজন করে ও তাদের পাত্রে অশুচি  
মাংসের বোল থাকে। 5 তারা বলে, ‘দূরে থাকো; আমার কাছে এসো  
না, কারণ আমি তোমাদের চেয়ে বেশি পবিত্র।’ এই লোকেরা আমার  
নাকের কাছে ধোঁয়ার মতো, সমস্ত দিন তারা যেন প্রজ্ঞালিত আগুন।  
6 “দেখো, এ আমার সামনে লিখিত আছে: আমি নীরব থাকব না,  
কিন্তু পূর্ণ প্রতিফল দেব; আমি তাদের কোলেই তা ফিরিয়ে দেব— 7  
তোমাদের পাপ ও তোমাদের পিতৃপুরুষদের কৃত যত পাপ,” সদাপ্রভু  
এই কথা বলেন। “যেহেতু তারা পর্বতে পর্বতে ধূপ জ্বালিয়েছে এবং  
পাহাড়গুলির উপরে আমাকে অপমান করেছে, আমি তাদের পূর্বেকার  
কৃতকর্ম অনুযায়ী পূর্ণমাত্রায় তাদের প্রতিশোধ দেব।” 8 সদাপ্রভু  
এই কথা বলেন, “যেমন দ্রাক্ষাফলের গুচ্ছে রস পূর্ণ দেখে, লোকেরা  
বলে, ‘এটি নষ্ট কোরো না, কারণ এতে এখনও আশীর্বাদ আছে,’  
তেমনই আমি আমার দাসদের পক্ষে করব; আমি তাদের সবাইকে  
ধ্বংস করব না। 9 আমি যাকোবের কুল থেকে এক বংশের, এবং  
যিহুদা থেকে আমার পর্বতগুলির এক উত্তরাধিকারীকে তুলে ধরব;  
আমার মনোনীত প্রজারা তা অধিকার করবে, সেখানে আমার দাসেরা  
বসবাস করবে। 10 আমার অন্নেয়ী প্রজাদের জন্য, শারোণ মেষপালের  
এক চারণভূমি হবে, আর আখোর উপত্যকা হবে পশ্চালের এক  
বিশ্বামিত্তান। 11 “কিন্তু তোমরা যারা সদাপ্রভুকে পরিত্যাগ করো,  
ও আমার পবিত্র পর্বতকে ভুলে যাও, যারা ভাগ্যদেবের জন্য মেজ  
সাজাও ও নিয়তিদেবের উদ্দেশে মিশ্রিত সুরার পাত্র পূর্ণ করো, 12  
আমি তাদের জন্য তরোয়াল নিরূপণ করব, তখন তোমরা ঘাতকদের  
কাছে মাথা নিচু করবে; কারণ আমি ডাকলে তোমরা উত্তর দিতে না,  
আমি কথা বললে তোমরা শুনতে না। তোমরা আমার দৃষ্টিতে অন্যায়  
করেছ, যা আমাকে অসন্তুষ্ট করে, তোমরা তাই করেছ।” 13 সেই  
কারণে, সার্বভৌম সদাপ্রভু এই কথা বলেন, “আমার দাসেরা ভোজন  
করবে, কিন্তু তোমরা ক্ষুধার্ত থাকবে; আমার দাসেরা পান করবে,  
কিন্তু তোমরা তৃষ্ণার্ত থাকবে; আমার দাসেরা আনন্দ করবে, কিন্তু  
তোমরা লজ্জিত হবে। 14 আমার দাসেরা গান গাইবে তাদের মনের

আনন্দে, কিন্তু তোমাদের মনস্তাপের জন্য তোমরা কাঁদতে থাকবে ও  
ভগ্ন আত্মার জ্বালায় হাহাকার করবে। 15 তোমরা আমার মনোনীত  
লোকদের মাঝে তোমাদের নাম অভিশাপকরণে রেখে যাবে; সার্বভৌম  
সদাপ্রভু তোমাদের মৃত্যুতে সমর্পণ করবেন, কিন্তু তাঁর দাসেদের  
তিনি অন্য এক নাম দেবেন। 16 কেউ যদি দেশে কোনো আশীর্বাদের  
জন্য মিনতি করে, সে সত্যময় ঈশ্বরের নামেই তা করবে; যে দেশে  
কেন্দ্রে শপথ গ্রহণ করে, সে সত্যময় ঈশ্বরের নামেই তা করবে।  
কারণ অতীতের সব দুঃখকষ্ট বিস্মৃত হবে, আমার চোখ থেকে তা গুপ্ত  
থাকবে। 17 “দেখো, আমি নতুন আকাশমণ্ডল ও এক নতুন পৃথিবী  
সৃষ্টি করি। পূর্বের বিষয়গুলি আর স্মরণ করা হবে না, সেগুলি আর  
মনেও আসবে না। 18 কিন্তু আমি যা সৃষ্টি করব, তার জন্য আনন্দিত ও  
চিরকালের জন্য উল্লসিত হও, কারণ আমি জেরুশালেমকে হর্ষের জন্য  
ও তার লোকদের আনন্দের জন্য সৃষ্টি করব। 19 আমি জেরুশালেমের  
জন্য উল্লসিত হব ও আমার প্রজাদের জন্য হর্ষিত হব; ক্রন্দন কিংবা  
বিলাপের ধ্বনি আর কখনও সেখানে শোনা যাবে না। 20 “আর কখনও  
তার মধ্যে কোনো শিশু কিছুকাল বেঁচে থেকে কিংবা কোনো বৃক্ষ  
পূর্ণবয়স্ক না হয়ে মারা যাবে না; যে একশো বছর বয়সে মারা যায়,  
তাকে নিতান্তই যুবক বলা হবে; আর যে পাপীর একশো বছর পরমায়ু  
হয় না, সে অভিশঙ্গ বিবেচিত হবে। 21 তারা ঘরবাড়ি নির্মাণ করে  
সেগুলির মধ্যে বসবাস করবে; তারা দ্রাক্ষাকুঞ্জ রোপণ করে তার ফল  
ভক্ষণ করবে। 22 তারা গৃহ নির্মাণ করলে, আর কখনও তার মধ্যে  
অন্য কেউ বাস করবে না, বা বৃক্ষরোপণ করলে, অন্য কেউ তার ফল  
খাবে না। কারণ কোনো বৃক্ষের আয়ুর মতোই আমার প্রজাদের পরমায়ু  
হবে; আমার মনোনীত লোকেরা দীর্ঘদিন তাদের হস্তকৃত কর্মফল  
উপভোগ করবে। 23 তারা বৃথা পরিশ্রম করবে না, বা দুর্ভাগ্যের  
জন্য সন্তানদের জন্ম দেবে না; কারণ তারা এবং তাদের বংশধরেরা  
সদাপ্রভুর আশীর্বাদধন্য এক জাতি হবে। 24 তারা ডাকবার আগেই  
আমি উত্তর দেব; তারা কথা বলতে না বলতেই আমি তা শুনব।  
25 নেকড়েবাঘ ও মেষশাবক একসঙ্গে চরে বেড়াবে, সিংহ বলদের

মতোই বিচালি খাবে এবং ধুলোই হবে সাপের খাবার। আমার পবিত্র  
পর্বতের কোনো স্থানে তারা কোনো ক্ষতি বা ধ্বংস করতে পারবে না,”  
সদাপ্রভু এই কথা বলেন।

**66** সদাপ্রভু এই কথা বলেন, “স্বর্গ আমার সিংহাসন, আর পৃথিবী  
আমার পা রাখার স্থান। আমার জন্য তোমরা কোথায় বাসগৃহ নির্মাণ  
করবে? আমার বিশ্রামস্থানই বা হবে কোথায়? 2 আমার হস্তই কি এই  
সমস্ত নির্মাণ করেনি, সেকারণেই তো এগুলি অস্তিত্বাপ্ত হয়েছে?”  
সদাপ্রভু এই কথা ঘোষণা করেন। “এই ধরনের মানুষকে আমি  
মূল্যবান জ্ঞান করব, যে নতন্ত্র ও চূর্ণ আত্মা বিশিষ্ট, যে আমার বাক্যে  
কম্পিত হয়। 3 কিন্তু যে কেউ ষাঁড় বলিদান করে, সে এক নরঘাতকের  
তুল্য, যে কেউ মেষশাবক উৎসর্গ করে, সে যেন কুকুরের ঘাড় ভাঙে;  
যে কেউ শস্য-নৈবেদ্য উৎসর্গ করে, সে শূকরের রক্ত উপহার দেয়,  
আর যে কেউ সুগন্ধি ধূপ উৎসর্গ করে, সে যেন প্রতিমাপুজো করে।  
তারা সবাই নিজের নিজের পথ বেছে নিয়েছে, তাদের ঘৃণ্য বস্তুগুলিতে  
তাদের প্রাণ আমোদিত হয়; 4 সেই কারণে, আমিও তাদের প্রতি  
কঠোর আচরণ করব, তাদের আতঙ্কের বিষয়ই তাদের উপরে নিয়ে  
আসব। কারণ আমি ডাকলে একজনও উত্তর দেয়নি, আমি কথা বললে  
কেউই শোনেনি। তারা আমার দৃষ্টিতে কেবলই অন্যায় করেছে, আমার  
অসন্তুষ্টিজনক যত কাজ করেছে।” 5 তোমরা সদাপ্রভুর বাক্য শ্রবণ  
করো, তোমরা তাঁর বাক্যে কাঁপতে থাকো: “তোমাদের যে ভাইয়েরা  
তোমাদের ঘৃণা করে, আমার নামের জন্য যারা তোমাদের সমাজচুর্যত  
করে, তারা বলেছে, ‘সদাপ্রভু মহিমান্বিত হোন যেন আমরা তোমাদের  
আনন্দ দেখতে পাই! তবুও তারা লজ্জিত হবে। 6 নগর থেকে ওই  
হট্টগোলের শব্দ শোনো, মন্দির থেকে গণগোলের শব্দ শোনো! এ হল  
সদাপ্রভুর রব, তাঁর শক্রদের প্রাপ্য প্রতিফল তিনি তাদের দিচ্ছেন। 7  
“প্রসব ব্যথা ওঠার আগেই সে প্রসব করল; গর্ভ্যস্ত্রণা আসার পূর্বেই  
সে এক পুত্রসন্তানের জন্ম দিল। 8 কেউ কি এরকম কথা কখনও  
শুনেছে? কে এরকম বিষয় কখনও দেখেছে? কোনো দেশের জন্ম কি  
একদিনে হতে পারে, কিংবা এক মুহূর্তের মধ্যে কোনো জাতির উত্তৰ

কি হতে পারে? তবুও, সিয়োনের গর্ভযন্ত্রণা হতে না হতেই, সে তার ছেলেমেয়েদের জন্ম দিল।” 9 সদাপ্রভু বলেন, “প্রসবকাল উপস্থিত করে, আমি কি প্রসব হতে দেব না? প্রসব হওয়ার সময় উপস্থিত করে আমি কি গর্ভ রঞ্জন করব?” তোমার ঈশ্বর একথা বলেন। 10 “জেরুশালেমের সঙ্গে উল্লিখিত হও ও তার সঙ্গে আনন্দ করো; তোমরা যারা তাকে ভালোবাসো; তোমরা যারা তার জন্য শোক করেছ, তার সঙ্গে অতিমাত্রায় উল্লাস করো। 11 তোমরা তার সান্ত্বনাদায়ী স্তনযুগল থেকে দুধ পান করে তৃষ্ণ হবে; তোমরা গভীরভাবে সেই স্তন চুম্ব খাবে ও তার উপচে পড়া প্রাচুর্যে আনন্দিত হবে।” 12 কারণ সদাপ্রভু এই কথা বলেন, “আমি নদীস্ন্তোত্রের মতো তার প্রতি শান্তি প্রবাহিত করব, জাতিসমূহের ঐশ্বর্য বন্যার স্তোত্রের মতো নিয়ে আসব; তার স্তনযুগল থেকে তার সন্তানেরা পুষ্টি লাভ করবে, তাদের দুই হাতে বহন করা হবে, কোলে তুলে তাদের খেলানো হবে। 13 যেভাবে মা তার শিশুকে সান্ত্বনা দেয়, তেমনই আমি তোমাদের সান্ত্বনা দেব; আর তোমরা জেরুশালেমেই সান্ত্বনা লাভ করবে।” 14 এসব দেখে তোমাদের অন্তর আনন্দিত হবে, আর তোমরা ঘাসের মতোই বেড়ে উঠবে; সদাপ্রভুর হাত তাঁর দাসদের কাছে নিজের পরিচয় দেবে, কিন্তু তাঁর ক্রোধ তাঁর শক্রদের কাছে প্রদর্শিত হবে। 15 দেখো, সদাপ্রভু আগুন নিয়ে আসছেন, তার রথগুলি আসছে ঘূর্ণিবায়ুর মতো; তিনি সক্রোধে তাঁর কোপ ঢেলে দেবেন, আগুনের শিখায় ঢেলে দেবেন তাঁর তিরক্ষার। 16 কারণ আগুন ও তাঁর তরোয়াল নিয়ে সদাপ্রভু সব মানুষের বিচার করবেন, অনেকেই সদাপ্রভুর দ্বারা নিহত হবে। 17 “যারা নিজেদের পবিত্র ও শুচিশুদ্ধ করে, পবিত্র উদ্যানের মধ্যে প্রতিমার পিছনে যায়—শূকর, ইঁদুর ও অন্যান্য ঘৃণ্য মাংস খায়—একসঙ্গে তাদের ভয়ংকর পরিসমাপ্তি হবে,” সদাপ্রভু এই কথা বলেন। 18 “আর আমি, তাদের ক্রিয়াকলাপ ও তাদের কল্পনার জন্য আসতে চলেছি। আমি সব দেশ ও ভাষাভাষীকে সংগ্রহ করব। তারা এসে আমার মহিমা দেখবে। 19 “আমি তাদের মধ্যে এক চিহ্ন স্থাপন করব। অবশিষ্ট যারা বেঁচে থাকবে, তাদের কয়েকজনকে আমি বিভিন্ন দেশে প্রেরণ

করব—তশীশে, লিবিয়ায়, লুদে (যারা তিরন্দাজির জন্য বিখ্যাত),  
ত্বল ও গ্রীসে ও দূরবর্তী দ্বীপগুলিতে, যারা আমার খ্যাতির কথা  
শোনেনি বা আমার মহিমা দেখেনি। তারা জাতিসমূহের কাছে আমার  
মহিমার কথা ঘোষণা করবে। 20 তারা সমস্ত দেশ থেকে তোমার  
ভাইদের সদাপ্রভুর কাছে উপহারকপে জেরচালেমে আমার পবিত্র  
পর্বতে নিয়ে আসবে—ঘোড়ায়, রথে ও শকটে, খচরে ও উটের  
উপরে চাপিয়ে তাদের নিয়ে আসা হবে,” একথা সদাপ্রভু বলেন।  
“তারা তাদের নিয়ে আসবে, যেভাবে ইস্রায়েলীরা তাদের শস্য-নৈবেদ্য  
সংক্ষারণতভাবে শুচিশুদ্ধ পাত্রে সদাপ্রভুর মন্দিরে নিয়ে আসে। 21  
আর আমি তাদের মধ্যে কাউকে কাউকে যাজক ও লেবীয় হওয়ার  
জন্য মনোনীত করব,” সদাপ্রভু এই কথা বলেন। 22 সদাপ্রভু বলেন,  
“যেভাবে নতুন আকাশমণ্ডল ও নতুন পৃথিবী আমার সাক্ষাতে অটল  
থাকবে, তেমনই তোমার নাম ও তোমার সন্তানেরা চিরস্মায়ী হবে। 23  
এক অমাবস্যা থেকে অন্য অমাবস্যা ও এক সাক্ষাৎ-দিন থেকে অন্য  
সাক্ষাৎ-দিন পর্যন্ত সমস্ত মানবজাতি এসে আমার সামনে প্রণিপাত  
করবে,” সদাপ্রভু এই কথা বলেন। 24 “তারা গিয়ে, যারা আমার  
বিদ্রোহী হয়েছিল, তাদের মৃতদেহ দেখবে; যে কীট তাদের খেয়েছিল  
তারা কখনও মরবে না, তাদের আগুন কখনও নিভবে না। তারা সমস্ত  
মানবজাতির কাছে বিত্তফার পাত্র হবে।”

## যিরমিয়ের বই

১ এগুলি হিঞ্চিয়ের পুত্র যিরমিয়ের কথিত বাক্য, তিনি ছিলেন বিন্যামীন প্রদেশে অবস্থিত অনাথোৎ নগরের যাজকদের একজন। ২ আমনের পুত্র যিহুদার রাজা যোশিয়ের রাজত্বকালের ত্রয়োদশ বছরে সদাপ্রভুর বাক্য যিরমিয়ের কাছে ৩ এবং যিহুদার রাজা যোশিয়ের পুত্র পুত্র যিহোয়াকীমের রাজত্বকাল থেকে, যিহুদার রাজা যোশিয়ের পুত্র সিদিকিয়ের রাজত্বকালের একাদশ বছরের পঞ্চম মাসে সদাপ্রভুর বাক্য উপস্থিত হল, যখন, জেরুশালেমের লোকেদের বন্দিরণে নির্বাসিত করা হয়। ৪ আর সদাপ্রভুর এই বাক্য আমার কাছে উপস্থিত হল: ৫ “মাত্রগর্তে তোমাকে গঠন করার পূর্বে আমি তোমাকে জানতাম, তোমার জন্মের পূর্ব থেকে আমি তোমাকে পৃথক করেছি; জাতিগণের কাছে আমি তোমাকে আমার ভাববাদীরণে নিযুক্ত করেছি।” ৬ তখন আমি বললাম, “হায়, সার্বভৌম সদাপ্রভু, দেখো, আমি কথা বলতেই পারি না; কারণ আমি নিতান্ত বালকমাত্র।” ৭ কিন্তু সদাপ্রভু আমাকে বললেন, “তুমি এরকম কথা বলো না যে ‘আমি বালক।’ আমি যাদের কাছে তোমাকে পাঠাব, তুমি তাদের প্রত্যেকের কাছে যাবে এবং আমি যা তোমাকে বলব, তুমি তাদের সেই কথাই বলবে। ৮ তুমি তাদের ভয় পেয়ো না, কারণ আমি তোমার সঙ্গে থাকব ও তোমাকে রক্ষা করব,” সদাপ্রভু এই কথা বলেন! ৯ এরপর, সদাপ্রভু তাঁর হাত বাড়িয়ে আমার মুখ স্পর্শ করলেন ও বললেন, “আমি আমার বাক্য তোমার মুখে দিয়েছি। ১০ দেখো, আমি আজ তোমাকে বিভিন্ন জাতি ও রাজ্যগুলির বিরুদ্ধে দাঁড়ানোর জন্য নিযুক্ত করছি, যাদের তুমি উৎপাটন করবে ও ভেঙ্গে ফেলবে, ধ্বংস ও পরান্ত করবে, গঠন ও রোপণ করবে।” ১১ এরপর সদাপ্রভুর বাক্য আমার কাছে উপস্থিত হল, “যিরমিয়, তুমি কী দেখতে পাচ্ছ?” আমি উত্তর দিলাম, “আমি কাঠবাদাম গাছের একটি শাখা দেখতে পাচ্ছি।” ১২ সদাপ্রভু আমাকে বললেন, “ঠিকই দেখেছ, কেননা, আমি লক্ষ্য করছি যে, আমার বাক্য সফল হবে।” ১৩ সদাপ্রভুর বাক্য পুনরায় আমার কাছে উপস্থিত হল, “তুমি এখন কী দেখতে পাচ্ছ?” আমি উত্তর দিলাম, “আমি ফুটন্ত

জলের একটি পাত্র দেখতে পাচ্ছি, যা উত্তর দিক থেকে আমাদের  
দিকে হেলে আছে।” 14 সদাপ্রভু আমাকে বললেন, “উত্তর দিক থেকে  
ধ্বংস এই দেশের লোকদের উপরে আছড়ে পড়বে। 15 আমি উত্তর  
রাজ্যের সব লোকজনকে জেরুশালেমে আসার জন্য আহ্বান করতে  
চলেছি,” সদাপ্রভু এই কথা বলেন। “তাদের রাজারা আসবে এবং  
তাদের সিংহাসনগুলি জেরুশালেমের নগরদ্বারে স্থাপন করবে; তারা  
সকলে দল বেঁধে এসে এই নগরের প্রাচীর ও যিহুদার অন্য সব  
নগর আক্রমণ করবে। 16 আমি আমার প্রজাদের উপরে দণ্ডাদেশ  
ঘোষণা করব কেননা তারা আমাকে পরিত্যাগ করার মতো মন্দ কাজ  
করেছে, তারা অন্য সব দেবদেবীর উদ্দেশে ধূপদাহ করেছে এবং  
নিজেদেরই হাতে তৈরি প্রতিমাদের আরাধনা করেছে। 17 “তুমি প্রস্তুত  
হও! উঠে দাঁড়াও এবং আমি তোমাকে যা কিছু আদেশ দেব, সেগুলি  
তাদের গিয়ে বলো। তুমি তাদের ভয়ে আতঙ্কিত হোয়ো না, নইলে  
তাদের সামনে আমি তোমাকেই আতঙ্কিত করে তুলব। 18 আজ আমি  
তোমাকে সুদৃঢ় নগরস্বরূপ, লোহার স্তম্ভ এবং পিতলের প্রাচীরস্বরূপ  
করেছি। যাতে তুমি সমগ্র দেশের সব রাজা, রাজকর্মচারী, যাজকবৃন্দ  
ও যিহুদার লোকদের বিপক্ষে দাঁড়াতে পারো। 19 তারা তোমার  
বিরুদ্ধে লড়াই করবে, কিন্তু তোমার উপরে বিজয়লাভ করতে পারবে  
না, কেননা আমি তোমার সহবতী এবং আমি তোমায় রক্ষা করব,”  
সদাপ্রভু এই কথা বলেন।

**2** সদাপ্রভুর এই বাক্য আমার কাছে উপস্থিত হল, 2 “যাও এবং  
জেরুশালেমের কর্ণগোচরে গিয়ে এই কথা ঘোষণা করো: ‘সদাপ্রভু এই  
কথা বলেন: “আমার মনে পড়ে, তোমার যৌবনকালের ভক্তি, তখন  
কীভাবে বিবাহের কনেকশনে তুমি আমাকে ভালোবেসেছিলে, এবং  
প্রান্তরে আমার পশ্চাতে গিয়েছিলে, এমন দেশে যেখানে বীজবপন করা  
হয়নি। 3 ইস্রায়েল ছিল সদাপ্রভুর কাছে পবিত্র, তাঁর শস্যের অগ্রিমাংশ;  
যারা তার অনিষ্ট সাধন করেছিল তারা অপরাধী সাব্যস্ত হয়েছিল, এবং  
তাদের উপরে নেমে এসেছিল বিপর্যয়,” সদাপ্রভু এই কথা বলেন। 4  
যাকোব কুলের লোকেরা, ইস্রায়েলের সমস্ত গোষ্ঠী, তোমরা সদাপ্রভুর

কথা শোনো! ৫ সদাপ্রভু এই কথা বলেন: “তোমাদের পূর্বপূর্ণস্থেরা  
আমার মধ্যে কী এমন অন্যায় খুঁজে পেয়েছিল, যে তারা আমার  
কাছ থেকে দূরে সরে গিয়েছিল? তারা অসার সব প্রতিমার অনুসারী  
হয়েছিল ফলে নিজেরাই অসার প্রতিপন্থ হয়েছিল। ৬ তারা জিজ্ঞাসা  
করেনি, ‘কোথায় সেই সদাপ্রভু, যিনি মিশ্র দেশ থেকে আমাদের  
মুক্ত করে এনেছিলেন, এবং অনুর্বর প্রান্তরের মধ্য দিয়ে আমাদের  
চালিত করেছিলেন, সেই দেশ মরহুমিতে ও গর্তে পূর্ণ, খরা ও গাঢ়  
অঙ্ককারে সেই দেশ, যে দেশে কেউ যায় না এবং কেউ বাস করে  
না?’ ৭ আমি তোমাদের এক উর্বর দেশে নিয়ে এলাম, যাতে তোমরা  
তার ফল ও উৎকৃষ্ট সামগ্রী ভোজন করতে পারো। কিন্তু তোমরা  
সেখানে এসে আমার ভূমিকে কলুষিত করলে, এবং আমার অধিকারকে  
করে তুললে ঘৃণাস্পদ। ৮ যাজকেরা জিজ্ঞাসা করে না, ‘সদাপ্রভু  
কোথায়?’ যারা আমার বিধান শিক্ষা দেয়, তারা আমাকে জানে  
না; শাসকেরা আমার বিরক্তে বিদ্রোহী হয়েছে, ভাববাদীরা বায়াল-  
দেবতার নামে ভাববাণী বলেছে, তারা অসার দেবদেবীর অনুসারী  
হয়েছে। ৯ “সুতরাং আমি তোমাদের বিরক্তে পুনরায় অভিযোগ দায়ের  
করব,” সদাপ্রভু এই কথা বলেন। “এবং তোমাদের সন্তানদের ও  
তাদের সন্তানদের বিপক্ষেও অভিযোগ দায়ের করব, ১০ তোমরা  
পার হয়ে সাইপ্রাসের উপকূলগুলিতে যাও এবং চেয়ে দেখো, কেদরে  
লোক পাঠাও এবং ভালো করে খোঁজখবর করো; দেখো তো সেখানে  
কোনোদিন এমন কিছু হয়েছে কি না: ১১ কোনও দেশ কি তাদের  
দেবদেবীদের পরিবর্তন করেছে? (যদিও তারা আদৌ কোনও দেবতাই  
নয়।) কিন্তু আমার প্রজারা তাদের ঈশ্বরের গৌরব অসার সব প্রতিমার  
সঙ্গে পরিবর্তন করেছে। ১২ হে আকাশমণ্ডল, এই ঘটনায় সন্তুষ্টি হও  
এবং প্রচণ্ড আতঙ্কে শিহরিত হও,” সদাপ্রভু এই কথা বলেন। ১৩  
“কারণ আমার প্রজারা দুটি পাপ করেছে: আমি যে জীবন্ত জলের উৎস,  
সেই আমাকে তারা পরিত্যাগ করেছে, আর নিজেদের জন্য খনন  
করেছে ভাঙ্গা জলাধার, যা জল ধরে রাখতে পারে না! ১৪ ইস্রায়েল  
কি একজন দাস, সে কি জন্ম থেকেই একজন ক্রীতদাস? তাহলে

কেন সে আজ লুণ্ঠিত বস্ততে পরিণত হয়েছে? 15 সিংহেরা গর্জন  
করেছে; তারা ছক্ষার করেছে তার বিরুদ্ধে। তার দেশে তারা ধ্বংস  
করেছে; তার নগরগুলি হয়েছে ভস্মীভূত ও জনশূন্য। 16 এছাড়াও,  
মেস্ফিস ও তহপ্নেষ নগরের লোকেরা তোমার মাথা মুড়িয়েছে। 17  
তোমাদের ঈশ্বর সদাপ্রভুকে পরিত্যাগ করার ফলে তোমরা নিজেরাই  
কি নিজেদের উপরে এইসব কিছু ডেকে আনোনি, যখন কি না তিনি  
অগ্রগামী হয়ে তোমাদের পথ দেখিয়ে নিয়ে যাচ্ছিলেন? 18 এখন কেন  
মিশরে যাচ্ছ নীলনদের জলপান করার জন্য? এবং কেন আসিরিয়াতে  
যাচ্ছ ইউফ্রেটিস নদীর জলপান করার জন্য? 19 তোমাদের দুষ্টতাই  
তোমাদের শাস্তি দেবে; তোমাদের বিপথগামিতার জন্য তোমাদের  
তিরক্ষার করবে। তখন দেখবে ও উপলব্ধি করবে যে, তোমাদের  
পক্ষে এটি কতখানি মন্দ ও তিক্ত বিষয় যখন তোমরা তোমাদের  
ঈশ্বর সদাপ্রভুকে পরিত্যাগ করো এবং আমার প্রতি তোমাদের সম্ম  
থাকে না,” প্রভু, বাহিনীগণের সদাপ্রভু এই কথা বলেন। 20 “বহুপূর্বে  
তোমরা তোমাদের জোয়াল ভেঙেছিলে এবং তোমাদের বন্ধন ছিঁড়ে  
ফেলেছিলে। তোমরা বলেছিলে, ‘আমরা তোমার সেবা করব না!’  
বাস্তবিকই, প্রত্যেকটি উঁচু পাহাড়-চূড়ায় ও প্রত্যেকটি সবুজ গাছের  
তলায়, তোমরা বেশ্যাদের মতো মাটিতে প্রণত হয়েছ। 21 আমি  
তোমাকে উৎকৃষ্ট দ্রাক্ষালতারূপে রোপণ করেছিলাম, সর্বোত্তম প্রজাতি  
নির্বাচন করার মতো করে। তোমরা কীভাবে আমার বিরুদ্ধে এক  
বিকৃত, বন্য দ্রাক্ষালতা হয়ে বেড়ে উঠলে? 22 তুমি যতই পরিষ্কারক  
দিয়ে নিজেকে ঘৌত করো এবং প্রচুর পরিমাণে সোডা ব্যবহার করো,  
তোমার অপরাধের কলঙ্ক এখনও আমার সামনে রয়েছে,” সার্বভৌম  
সদাপ্রভু এই কথা বলেন। 23 “কীভাবে তুমি বলো যে, ‘আমি অশুচি  
নই; আমি বায়াল-দেবতার পিছনে দৌড়াইনি?’ উপত্যকায় যেসব  
আচরণ করেছ, সেগুলি মনে করো। তুমি এক চৰ্বল মাদি উট, যে  
যেখানে সেখানে দৌড়ে বেড়ায়, 24 যেন মরুভূমিতে চরে বেড়ানো এক  
বন্য গর্দভী, যে তার বাসনা পূরণের জন্য বাতাস শুঁকে বেড়ায়, তার  
তীর কামনাকে কে রোধ করতে পারে? যে গাধাগুলি তার খোঁজ করে,

তাদের আর হন্তে হয়ে তাকে খুঁজে বেড়াতে হবে না, মিলনখুত্তে  
ওরা ঠিক ওই গর্দভীকে খুঁজে নেবে। 25 তোমার পা জুতো-বিহীন  
এবং গলা শুকনো না হওয়া পর্যন্ত দৌড়িয়ো না। কিন্তু তুমি বললে,  
'ওসব কথা বলে কোনো লাভ নেই! আমি বিজাতীয় দেবদেবীদের  
ভালোবাসি, এবং আমি অবশ্যই তাদের অনুগামী হব।' 26 "চোর ধরা  
পড়লে যেমন অপমানিত বোধ করে ঠিক তেমনি ইস্রায়েল জাতিও  
অপমানিত হবে, তারা, তাদের রাজারা, তাদের রাজকর্মচারিবৃন্দ,  
তাদের যাজকেরা ও তাদের ভাববাদীরা। 27 তারা কাঠের টুকরোকে  
বলে, 'তুমি আমার বাবা,' এবং পাথরের খণ্ডকে বলে, 'তুমি আমার  
জন্মদাত্রী।' তারা আমার দিকে তাদের মুখ নয়, তাদের পিঠ ফিরিয়েছে;  
কিন্তু সংকট-সমস্যার সময় তারা বলে, 'তুমি এসে আমাদের বাঁচাও।'  
28 তখন তোমাদের হাতে গড়া ওইসব দেবদেবী কোথায় থাকে? ওরা  
যদি তোমাদের রক্ষা করতে পারে, তবে তোমাদের সংকটকালে ওরা  
আসুক! কারণ হে যিহুদা, তোমার মধ্যে যতগুলি নগর আছে, তোমার  
দেবদেবীর সংখ্যাও ঠিক ততগুলি। 29 "তোমরা আমাকে দোষারোপ  
করছ? তোমরা সকলে আমার বিরুদ্ধে বিদ্রোহ করেছ," সদাপ্রভু এই  
কথা বলেন। 30 "আমি বৃথাই তোমার প্রজাদের শান্তি দিয়েছি; তারা  
আমার শাসনে কর্ণপাত করেনি। তোমাদের তরোয়াল তোমাদের  
ভাববাদীদের হত্যা করেছে যেভাবে বিনাশকারী সিংহ করে। 31 "হে  
বর্তমানকালের লোকসকল, তোমরা সদাপ্রভুর বাক্য বিবেচনা করো:  
"আমি কি ইস্রায়েলের কাছে মরুপ্রান্তের বা ভয়ংকর অন্ধকারময় এক  
দেশের মতো ছিলাম? তাহলে আমার প্রজারা কেন বলে, 'আমরা এখন  
ইচ্ছামতো যত্রত্র বিচরণ করব; তোমার কাছে আর আমরা আসব  
না'? 32 কোনো যুবতী কি তার অলংকারগুলিকে, কোনো কনে কি  
তার বিঘের অলংকারকে ভুলে যেতে পারে? কিন্তু কত অসংখ্য বছর  
হয়ে গেল, আমার প্রজারা আমাকে ভুলে রয়েছে। 33 প্রেমের অনুসন্ধান  
করার জন্য, তুমি কত দক্ষতা অর্জন করেছ! এমনকি সবচেয়ে খারাপ  
মহিলাও তোমার পথ থেকে শিক্ষা নিতে পারে। 34 তোমার পোশাকে  
দেখা যাচ্ছে নির্দোষ দরিদ্রদের রক্তের দাগ, যদিও তোমার ঘরে তুমি

তাদের সিঁধ কাটতে দেখনি। এত কিছু সত্ত্বেও ৩৫ তুমি বলছ, ‘আমি  
নিরপরাধ; তিনি আমার উপরে রাগ করেননি।’ কিন্তু আমি তোমার  
বিরণ্দে দণ্ডজ্ঞা ঘোষণা করব, কেননা তুমি বলেছ, ‘আমি কোনো পাপ  
করিনি।’ ৩৬ তুমি কেন এত দূরে দূরে চলে যাও, কেন বারবার তোমার  
পথ পরিবর্তন করো? কিন্তু তোমার মিশরীয় বন্ধুদের ব্যাপারে তোমার  
আশাভঙ্গ হবে, ঠিক যেভাবে আসিরিয়া তোমার আশাভঙ্গ করেছিল।  
৩৭ এছাড়া তোমাকে মাথার উপর দু-হাত তুলে সেই স্থান ছেড়ে চলে  
যেতে হবে কারণ যাদের উপর তুমি নির্ভর করেছিলে তাদের সদাপ্রভু  
অগ্রাহ্য করেছেন, তাদের কাছ থেকে কোনো সাহায্য তুমি পাবে না।

**৩** “কোনো পুরুষ যদি তার স্ত্রীর সঙ্গে বিবাহবিচ্ছেদ করে, এবং সেই  
স্ত্রী তাকে ত্যাগ করে গিয়ে অন্য কোনও পুরুষকে বিয়ে করে, তাহলে  
পূর্বের সেই পুরুষ কি পুনরায় সেই স্ত্রীর কাছে ফিরে যাবে? এই দেশ  
কি সম্পূর্ণরূপে কল্পিত হবে না? কিন্তু তুমি বহু প্রেমিকের সঙ্গে  
বেশ্যার মতো বাস করেছ, তুমি কি আমার কাছে ফিরে আসবে না?”  
সদাপ্রভু এই কথা বলেন। ২ “প্রত্যেকটি বৃক্ষশূন্য পর্বতগুলির দিকে  
তাকাও। ওখানে কি এমন কোনো স্থান আছে, যেখানে তুমি ধর্য্যিতা  
হওনি? পথের ধারে বসে তুমি প্রেমিকদের জন্য প্রতীক্ষা করতে,  
যেভাবে মরণপ্রাপ্তরে কোনো যায়াবর বসে থাকে। তোমার বেশ্যাবৃত্তি  
ও তোমার দুষ্টার কারণে, তুমি সমস্ত দেশকে কল্পিত করেছ।  
৩ সেই কারণে বৃষ্টি নিবারিত হয়েছে এবং শেষ বর্ষাও ঝরেনি। তা  
সত্ত্বেও তোমার চেহারা এক বেশ্যার মতো; লজ্জিত হতে তুমি চাও  
না। ৪ তুমি কি আমাকে ডেকে এখন বলবে না, ‘হে আমার বাবা,  
আমার ঘোবনকাল থেকে তুমিই মিত্র? ৫ তুমি কি সবসময় রেগে  
থাকবে? তোমার রোষ কি চিরকাল থাকবে?’ তোমার কথা এই ধরনের  
হলেও, যতরকম দুষ্টার কাজ তোমার পক্ষে করা সম্ভব সেগুলি সবই  
তুমি করেছ।” ৬ রাজা যোশিয়ের রাজত্বকালে, সদাপ্রভু আমাকে  
বললেন, “অবিশ্বস্ত ইস্রায়েল যে কাজ করেছে, তা কি তুমি দেখেছ? সে  
প্রত্যেকটি উচ্চ পর্বতের উপরে উঠেছে এবং প্রত্যেকটি সবুজ বৃক্ষের  
তলায় গিয়েছে এবং সেখানে ব্যতিচার করেছে। ৭ আমি ভোবেছিলাম,

এসব কিছু করার পরে, সে আমার কাছে ফিরে আসবে, কিন্তু সে  
ফিরে এল না এবং তার অবিশ্বস্ত বোন যিহুদা তা দেখল। ৪ অবিশ্বস্ত  
ইস্রায়েলের ব্যভিচারের জন্য তাকে আমি ত্যাগপত্র দিয়ে দ্র করে  
দিয়েছি। কিন্তু তাতেও তার অবিশ্বস্তা বোন যিহুদার মধ্যে কোনো ভয়  
আমি দেখতে পেলাম না; সেও চলে গেল এবং ব্যভিচারে লিঙ্গ হল। ৫  
যেহেতু ইস্রায়েলের নীতিভূষিত তার কাছে গুরুত্বহীন তাই, সে দেশকে  
কল্পিত করেছে এবং কাঠ ও পাথরের সঙ্গে ব্যভিচারে লিঙ্গ হয়েছে।  
১০ কিন্তু এসব সত্ত্বেও, তার অবিশ্বস্ত বোন যিহুদা আন্তরিকতার সঙ্গে  
আমার কাছে ফিরে আসেনি, সে শুধু দুঃখিত হওয়ার ভাব করেছে  
মাত্র,” সদাপ্রভু এই কথা বলেন। ১১ সদাপ্রভু আমাকে বললেন,  
“অবিশ্বস্ত ইস্রায়েল বিশাসঘাতিনী যিহুদার চেয়ে বেশি ধার্মিক! ১২  
যাও, উত্তর দিকে গিয়ে এই কথা ঘোষণা করো। “‘অবিশ্বস্ত ইস্রায়েল,  
ফিরে এসো,’ সদাপ্রভু ঘোষণা করেন, ‘আমি আর তোমার প্রতি বিরাগ  
ভাব দেখাব না, কারণ আমি বিশ্বস্ত,’ সদাপ্রভু এই কথা বলেন। ‘আমি  
তোমার প্রতি চিরকাল ক্ষোধী থাকব না। ১৩ তুমি কেবল তোমার  
দোষগুলি স্বীকার করো, যে তুমি তোমার ঈশ্বর সদাপ্রভুর বিরুদ্ধে  
বিদ্রোহী হয়েছ, প্রত্যেকটি সবুজ গাছের তলায় বিজাতীয় দেবদেবীদের  
প্রতি বিছিয়ে দিয়েছ তোমার আনুগত্য এবং আমার আজ্ঞাবহ হওনি,’”  
সদাপ্রভু এই কথা বলেন। ১৪ সদাপ্রভু বলেন, “অবিশ্বস্ত লোকেরা,  
ফিরে এসো তোমরা, কারণ আমি তোমাদের স্বামী। আমি নগর থেকে  
তোমাদের একজন এবং গোষ্ঠী থেকে দুজন করে নির্বাচন করব ও  
সিয়োনে তোমাদের ফিরিয়ে আনব। ১৫ এরপর আমি আমার মনের  
মতো পালকদের তোমাদের দেব, যারা জ্ঞান ও বিচক্ষণতার সঙ্গে  
তোমাদের পথ দেখাবে। ১৬ সেই সময়ে দেশে তোমাদের সংখ্যা  
যখন প্রচুর পরিমাণে বৃদ্ধি পাবে, তখন লোকেরা আর ‘সদাপ্রভুর  
নিয়ম-সিন্দুক’ কথাটা বলবে না। সেকথা তাদের মনে আর প্রবেশ  
করবে না বা তা তাদের স্মরণেও আসবে না; তার বিরহে তারা দুঃখিত  
হবে না বা আর একটা সিন্দুকও তৈরি হবে না,” সদাপ্রভু এই কথা  
বলেন। ১৭ সেই সময়ে তারা জ্ঞেয়শালেমকে, সদাপ্রভুর সিংহাসনরূপে

অভিহিত করবে এবং সর্বজাতির লোক সদাপ্রভুর নামের সমাদর  
করার জন্য জেরশালেমে একত্রিত হবে। তারা আর তাদের হস্তয়ের  
কঠিনতা অনুসারে চলবে না। 18 সেই দিনগুলিতে যিহুদা কুল ইস্রায়েল  
কুলের সঙ্গে সম্মিলিত হবে এবং তারা একসঙ্গে উভয় দেশ থেকে  
ফিরে আসবে সেই দেশে, যে দেশ তোমাদের পূর্বপুরুষদের আমি  
অধিকারস্বরূপ দিয়েছিলাম। 19 “আমি নিজেই বলেছিলাম, “‘আমি  
সানন্দে তোমাদের সঙ্গে নিজের সন্তানের মতো ব্যবহার করব এবং  
তোমাদের একটি সুন্দর দেশ দেব, যা জাতিগণের মধ্যে সবচেয়ে  
মনোরম অধিকার।’ আমি ভেবেছিলাম, তোমরা আমাকে ‘বাবা’  
বলে ডাকবে, এবং আমার অনুসরণ করা থেকে বিরত হবে না। 20  
কিন্তু হে ইস্রায়েল, স্বামীর প্রতি বিশ্বাসঘাতিনী একজন স্ত্রীর মতো  
তোমরাও আমার সঙ্গে বিশ্বাসঘাতকতা করেছ,” সদাপ্রভু এই কথা  
বলেন। 21 বৃক্ষশূণ্য গিরিমালার উপরে কে যেন উচ্চকগ্নে কাঁদছে, এই  
কান্না ও সন্নির্বন্ধ মিনতি ইস্রায়েল জাতির সন্তানদের। কারণ তারা  
তাদের পথ কল্পিত করেছে এবং তাদের ঈশ্বর সদাপ্রভুকে ভুলে  
গেছে। 22 “আমার অবিশ্বাস্ত সন্তানরা, ফিরে এসো; আমি তোমাদের  
বিপথগামিতার প্রতিকার করব।” “হ্যাঁ, আমরা তোমার কাছে ফিরে  
আসব, কেননা তুমই আমাদের ঈশ্বর সদাপ্রভু। 23 সত্যিই পাহাড়ের  
উপরে এবং উপপর্বতসমূহের উপরে কৃত প্রতিমাপূজার উচ্ছ্বেলতা  
বিআন্তিকর; সত্যিই, আমাদের ঈশ্বর সদাপ্রভুতে ইস্রায়েলের পরিত্রাণ।  
24 লজ্জাজনক দেবদেবীরা আমাদের যৌবনকাল থেকে গ্রাস করেছে  
আমাদের পূর্বপুরুষদের পরিশ্রমের ফল, তাদের গোমেষাদি ও পশ্চপাল,  
তাদের পুত্র ও কন্যাদের। 25 এসো, আমরা এখন লজ্জায় শয়ন  
করি এবং আমাদের অপমান আমাদের আচ্ছাদিত করুক। আমরা ও  
আমাদের পূর্বপুরুষ উভয়েই আমাদের ঈশ্বর সদাপ্রভুর বিরুদ্ধে পাপ  
করেছি; আমাদের যৌবনকাল থেকে আজকের দিন পর্যন্ত, আমরা  
ঈশ্বর সদাপ্রভুর বাধ্য হইনি।”

**৪** সদাপ্রভু বলেন, “হে ইস্রায়েল, তোমরা যদি ফিরতে চাও, তবে ফিরে  
এসো আমার কাছে।” “তোমরা যদি আমার চোখের সামনে থেকে

তোমাদের ওইসব ঘৃণ্য প্রতিমাকে ছঁড়ে ফেলো, এবং আর কখনোই  
 বিপথগামী না হও, 2 এবং সত্যে, ন্যায়পরায়ণতায় ও ধার্মিকতায়  
 তোমরা শপথ করে বলো, ‘জীবন্ত সদাপ্রভুর দিব্য,’ তাহলে জগতের  
 জাতিগুলি তাঁর আশীর্বাদ যাঞ্চগা করবে, এবং তাঁর নামের প্রশংসা  
 করবে।” 3 যিন্দু ও জেরশালেমের লোকদের কাছে সদাপ্রভু এই কথা  
 বলেন: “তোমরা পতিত ভূমি কর্ষণ করো এবং কাঁটাবোপে বীজবন  
 কোরো না। 4 তোমরা সদাপ্রভুর উদ্দেশে ছিমত্বক হও, তোমাদের  
 হৃদয়ের ত্বক দূর করে ফেলো, হে যিন্দুর লোকসকল ও জেরশালেম  
 নিবাসীরা, তা না হলে তোমাদের কৃত যাবতীয় পাপের জন্য, আমার  
 ক্রোধ জ্বলে উঠবে আগন্তের মতো হবে, যে আগন কেউ নেভাতে  
 পারবে না। 5 “যিন্দুয় প্রচার করো এবং জেরশালেমে ঘোষণা করে  
 বলো: ‘তোমরা সমগ্র দেশে তুরীধনি করো।’” চিৎকার করে বলো:  
 ‘তোমরা একত্রিত হও! চলো, আমরা সুরক্ষিত নগরগুলিতে পলায়ন  
 করি।’ 6 সিয়োনের দিকে যাওয়ার জন্য পতাকা তুলে ধরো! রক্ষা  
 পাওয়ার জন্য এক্সুনি পালাও, দেরি কোরো না! কেননা আমি উত্তর  
 দিক থেকে ধ্বংস নিয়ে আসছি, তা এক ভয়ংকর বিনাশ।” 7 এক সিংহ  
 তার গুহা থেকে বেরিয়ে এসেছে; জাতিদের ধ্বংসকারী একজন যাত্রা  
 শুরু করেছে। সে তার স্থান থেকে বের হয়েছে তোমার দেশকে ধ্বংস  
 করার জন্য। তোমার নগরগুলি পরিণত হবে ধ্বংসস্তূপে, সেগুলি হবে  
 জনবসতিহীন। 8 তাই শোকপ্রকাশের চটবন্ধ পরে নাও এবং বিলাপ ও  
 হাহাকার করো, কেননা সদাপ্রভুর ভয়ংকর ক্রোধ আমাদের দিক থেকে  
 ফেরেনি। 9 সদাপ্রভু বলেন, “সেদিন, রাজার ও তাঁর কর্মচারীদের হৃদয়  
 ভয়ে কাঁপবে, যাজকেরা আতঙ্কিত হবে এবং ভাববাদীরা স্তুপিত হবে।”  
 10 তখন আমি বললাম, ‘হায়, সার্বভৌম সদাপ্রভু! তুমি এই লোকদের  
 এবং জেরশালেমকে এই কথা বলে পুরোপুরি প্রতারণা করলে যে,  
 ‘তোমরা শাস্তি পাবে,’ অথচ তরোয়াল এখন একেবারে আমাদের  
 গলার কাছে!” 11 সেই সময়ে এই লোকদের এবং জেরশালেমকে  
 বলা হবে, “এক উষ্ণ বায়ু মরুপ্রান্তের বৃক্ষশূন্য পর্বতের দিক থেকে  
 বয়ে আসছে আমার জাতির দিকে, কিন্তু তা শস্য ঝাড়াই বা পরিষ্কার

করার জন্য নয়; 12 এ আমার পাঠানো তার চেয়েও প্রচণ্ড শক্তিশালী  
এক বায়ু। এবার আমি তাদের বিরুদ্ধে দণ্ড ঘোষণা করব!” 13 দেখো!  
সে এগিয়ে আসছে মেঘের মতো, তার রথগুলি আসছে সূর্ণিবায়ুর  
মতো। তাদের অশ্বেরা সুগলের চেয়েও বেগবান, হায়, হায়! আমরা  
আজ ধ্বংস হয়ে গেলাম! 14 হে জেরশালেম, রক্ষা পাওয়ার জন্য  
তোমার হৃদয় থেকে দুষ্টতা ধুয়ে তা পরিষ্কার করো। কত কাল তুমি  
তোমার মন্দ চিন্তাগুলি মনে পুষে রাখবে? 15 দান নগর থেকে কোনও  
প্রচারকের কঠস্বর শোনা যাচ্ছে, যা ইফ্রায়িমের পর্বতমালা থেকে  
ধ্বংসের বার্তা ঘোষণা করছে। 16 “এই কথা চারপাশের জাতিগুলিকে  
বলো, জেরশালেমের বিষয়ে ঘোষণা করো: ‘বহু দূরবর্তী দেশ থেকে  
অবরোধকারী এক সেনাবাহিনী আসছে, যিন্দুর নগরগুলির বিরুদ্ধে  
তারা রণভঙ্গার দিচ্ছে। 17 কোনো মাঠের চারপাশে পাহারাদার যেমন,  
ঠিক তেমনই তারা জেরশালেমকে ঘিরে ধরেছে, কেননা সে আমার  
বিরুদ্ধে বিদ্রোহী হয়েছে,” সদাপ্রভু এই কথা বলেন। 18 “তোমার পথ  
ও তোমার কৃতকর্ম তোমার উপরে এসব নিয়ে এসেছে। এই তোমার  
শাস্তি। কী তিক্ত এই শাস্তি! যা বিন্দু করে হৃদয়কে!” 19 আহ্, এ আমার  
কি নিদারণ মনোবেদনা, কী নিদারণ মনোবেদনা! আমি যন্ত্রণায়  
ছটফট করছি। আহা, আমার হৃদয়ে এ এক নিদারণ যন্ত্রণা! আমার  
হৃদয় উদ্বেগে ধকঢক করছে, আমি নীরব থাকতে পারছি না। কেননা  
আমি তূরীর শব্দ শুনেছি, আমি রণভঙ্গারের শব্দ শুনেছি। 20 একের  
পর এক বিপর্যয় আছড়ে পড়ছে; সমগ্র দেশ আজ ধ্বংসস্তূপে পরিণত।  
এক নিমেষে আমার তাঁবুগুলি এবং এক মুহূর্তে আমার আশ্রয়স্থানগুলি  
ধ্বংস হয়ে গেল। 21 আর কত দিন যুদ্ধের পতাকা আমাকে দেখতে  
হবে এবং তূরীর ধ্বনি শুনতে হবে? 22 “আমার প্রজারা মৃৰ্খ; তারা  
আমাকে জানে না। তারা নির্বোধ সন্তান; তাদের কোনো বুদ্ধিশুद্ধি  
নেই। অন্যায় করতে তারা পটু, কিন্তু উত্তম কাজ কীভাবে করতে হয়,  
তা তারা জানে না।” 23 আমি পৃথিবীর দিকে তাকালাম এবং তা ছিল  
নিরাকার ও শূন্য; আমি তাকালাম আকাশের দিকে এবং সেখানকার  
আলো ছিল নির্বাপিত। 24 আমি পর্বতমালার দিকে তাকালাম, এবং

সেগুলি কাঁপছিল; সকল উপপর্বতগুলি টলছিল। 25 আমি তাকালাম এবং দেখলাম কোথাও জনমানব নেই; উড়ে গেছে আকাশের সব কটা পাথি। 26 আমি তাকালাম এবং দেখলাম উর্বর দেশটি এখন একটি মরুভূমি; তার প্রতিটি নগর সদাপ্রভুর সামনে, তাঁর ভয়ংকর রোমে ধ্বংসস্তূপে পরিণত হয়েছে। 27 সদাপ্রভু এই কথা বলেন: “সমস্ত দেশ বিধ্বস্ত হবে, কিন্তু তবুও তা আমি সম্পূর্ণরূপে ধ্বংস করব না। 28 এজন্য পৃথিবী শোক করবে এবং আকাশমণ্ডল অঙ্ককার হবে, কেননা একথা আমি বলেছি এবং আমি নরম হব না, আমি মনস্তির করেছি এবং তার কোনও পরিবর্তন করব না।” 29 অশ্঵ারোহী ও ধনুর্ধারীদের চিৎকারে প্রতিটি নগর পলায়ন করে। তাদের কেউ ঘন রোপঝাড়ে লুকিয়ে পড়ে; কেউ বা পাহাড়-পর্বতে উঠে পড়ে। প্রতিটি নগর পরিত্যক্ত; কোনও মানুষ সেখানে আর বাস করে না। 30 ওহে ছারখার হয়ে যাওয়া পুরী, তুমি কী করছ? কেন তুমি লাল রংয়ের পোশাক পরিধান করছ এবং স্বর্ণলংকারে নিজেকে সাজাচ্ছা? কেন তুমি তোমার দুই চোখে রূপটান দিচ্ছ? এইভাবে তোমার নিজেকে পরিপাটি করে তোলা অসার। তোমার প্রেমিকেরা তোমাকে অবজ্ঞা করে; তারা তোমাকে হত্যা করতে চায়। 31 প্রসববেদনাগ্রস্ত স্ত্রীর কান্নার মতো আমি একটি কান্না শুনতে পাচ্ছি, সেই গোঙানি এমন, যেন কেউ তার প্রথম সন্তানের জন্ম দিচ্ছে, এই কান্না আসলে সিয়োন-কন্যার, যে শ্বাস নেওয়ার জন্য হাঁপাচ্ছে, দু-হাত বিস্তার করছে এবং বলছে, “হায়! আমি মূর্চ্ছিতপ্রায়, কারণ আমার প্রাণকে হত্যাকারীদের হাতে তুলে দেওয়া হয়েছে।”

**৫** সদাপ্রভু বলেন, “তোমরা জেরুশালেমের পথে পথে এই মাথা থেকে ওই মাথায় যাও, চারপাশে তাকিয়ে দেখো ও বিবেচনা করো, নগরের চকে চকে অনুসন্ধান করো। যদি তোমরা একজন ব্যক্তিকে ও খুঁজে পাও যে ন্যায্য আচরণ করে ও সত্য মেনে চলতে চায়, তাহলে আমি এই নগরকে ক্ষমা করব। 2 তারা যদিও বলে, ‘জীবন্ত সদাপ্রভুর দিব্য,’ তবুও, তারা তা মিথ্যাই শপথ করে।” 3 হে সদাপ্রভু, আমাদের চোখ কি সত্যের প্রতি দৃষ্টি করে না? তুমি তাদের আঘাত করেছ, কিন্তু

তাদের কোনো বেদনাবোধ নেই; তুমি তাদের চূর্ণ করেছ, কিন্তু তারা  
সংশোধিত হতে চায়নি। তারা নিজেদের মুখ পাথরের চেয়েও কঠিন  
করেছে এবং তারা মন পরিবর্তন করতে চায়নি। 4 আমি ভেবেছিলাম,  
“এরা তো দরিদ্র শ্রেণীর; এরা মূর্খও, কারণ এরা জানে না সদাপ্রভুর  
পথ, তাদের ঈশ্বরের চাহিদাগুলি। 5 তাই আমি নেতাদের কাছে যাব  
ও তাদের সঙ্গে কথা বলব; তারা নিশ্চয়ই সদাপ্রভুর পথ ও তাদের  
ঈশ্বরের চাহিদাগুলি জানে।” কিন্তু তারাও একযোগে জোয়াল ভেঙে  
ফেলেছে এবং তাদের বাঁধন ছিঁড়ে ফেলেছে। 6 সেই কারণে বন থেকে  
একটি সিংহ এসে তাদের আক্রমণ করবে, মরণগ্রাস্ত থেকে একটি  
নেকড়ে এসে তাদের ধ্বংস করবে, একটি চিতাবাঘ তাদের গ্রামগুলির  
কাছে এসে ওৎ পেতে থাকবে, যেন কেউ যদি বের হয়ে আসে তো  
তাকে ছিঁড়ে খণ্ড করে ফেলতে পারে, কারণ তাদের বিদ্রোহের মাত্রা  
অনেক বেশি এবং তাদের বিপথগমনের সংখ্যা অনেক। 7 “আমি কেন  
তোমাদের ক্ষমা করব? তোমাদের ছেলেমেয়েরা আমাকে পরিত্যাগ  
করেছে এবং বিভিন্ন দেবদেবীর নামে শপথ করেছে, যারা দেবতা  
নয়। আমি তাদের সব প্রয়োজন মিটিয়েছি, তবুও তারা ব্যভিচার  
করেছে, দলে দলে গিয়েছে বেশ্যাদের বাড়ি। 8 তারা পেট পুরে খাওয়া  
কামুক অশ্বের মতো, প্রত্যেকে পরস্তীর সঙ্গে মিলিত হওয়ার জন্য ডাক  
দেয়। 9 এর জন্য আমি কি তাদের শাস্তি দেব না?” সদাপ্রভু এই  
কথা বলেন। “এই ধরনের এক জাতির প্রতি আমি স্বয়ং কি প্রতিশোধ  
নেব না? 10 “তোমরা যাও, তার দ্বাক্ষাকুঞ্জগুলির মধ্য দিয়ে গিয়ে  
তাদের সর্বনাশ করো, কিন্তু তাদের সম্পূর্ণরূপে ধ্বংস কোরো না। তার  
ডালপালা সব কেটে ফেলো, কারণ এই লোকেরা সদাপ্রভুর অনুগত  
নয়। 11 ইস্রায়েলের গোষ্ঠী ও যিহূদার গোষ্ঠীর লোকেরা, আমার বিরুদ্ধে  
অত্যন্ত বিশ্বাসঘাতকতা করেছে,” সদাপ্রভু এই কথা বলেন। 12 তারা  
সদাপ্রভুর বিরুদ্ধে মিথ্যা কথা বলেছে; তারা বলেছে, “তিনি কিছুই  
করবেন না! আমাদের কোনো ক্ষতি হবে না; তরোয়াল বা দুর্ভিক্ষের  
সম্মুখীন আমরা কখনও হব না। 13 ভাববাদীরা বাতাসের মতো,  
ঈশ্বরের বাক্য তাদের কাছে নেই; তাই তারা যা বলেন, তা তাদেরই

প্রতি ঘটুক।” 14 অতএব, সর্বশক্তিমান ঈশ্বর সদাপ্রভু এই কথা বলেন: “যেহেতু প্রজারা এসব কথা বলেছে, আমি তোমার মুখে আগুনের মতো আমার বাক্য দেব এবং এই লোকেরা হবে কাঠের মতো, যা দন্ধ হয়ে যাবে।” 15 সদাপ্রভু ঘোষণা করেন, “ওহে ইস্রায়েল গোষ্ঠীর লোকেরা, আমি দূরে স্থিত এক জাতিকে তোমার বিরুদ্ধে নিয়ে আসছি, তারা অতি প্রাচীন ও শক্তিমান এক জাতি; সেই জাতির ভাষা তোমরা জানো না, তাদের কথা তোমরা বুঝতে পারবে না। 16 তাদের তৃণগুলি যেন খোলা কবর; তারা সবাই শক্তিশালী যোদ্ধা। 17 তারা তোমাদের সব শস্য ও খাবার খেয়ে ফেলবে, তারা তোমাদের ছেলেমেয়েদের গ্রাস করবে; তারা তোমাদের মেষ ও ছাগল-গোরুর পাল গ্রাস করবে, গ্রাস করবে তোমাদের সব আঙুর ও ডুমুর গাছের ফল। তরোয়াল দিয়ে তারা ধ্বংস করবে তোমাদের সুরক্ষিত নগরগুলি, যেগুলির উপরে তোমরা নির্ভর করে থাকো।” 18 সদাপ্রভু ঘোষণা করেন, “এমনকি, সেই সমস্ত দিনেও আমি তোমাদের সম্পূর্ণরূপে ধ্বংস করব না। 19 আর লোকেরা যখন জিজ্ঞাসা করবে, ‘কেন সদাপ্রভু, আমাদের ঈশ্বর, আমাদের প্রতি এরকম আচরণ করেছেন?’ তুমি তাদের বোলো, ‘তোমরা যেমন আমাকে পরিত্যাগ করেছ এবং স্বদেশে বিজাতীয় দেবদেবীর উপাসনা করেছ, তেমনই এবার তোমরা সেই দেশে গিয়ে বিদেশিদের সেবা করবে, যে দেশ তোমাদের নয়।’ 20 “যাকোবের কুলে গিয়ে একথা বলো, যিহুদায় গিয়ে ঘোষণা করো: 21 মূর্খ ও বুদ্ধিহীন জাতির লোকেরা, তোমরা একথা শ্রবণ করো, তোমাদের চোখ আছে, কিন্তু দেখতে পাও না, কান আছে, কিন্তু শুনতে পাও না।” 22 সদাপ্রভু এই কথা বলেন, “তোমরা কি আমাকে ভয় করবে না? আমার সামনে তোমরা কি ভয়ে কাঁপবে না? বালুকাবেলাকে আমি সমুদ্রের জন্য সীমারেখা তৈরি করেছি, তা এক চিরকালীন সীমা, যা কখনও সে উল্লঘন করতে পারে না। তরঙ্গ আছড়ে পড়তে পারবে, কিন্তু সফল হবে না, তারা গর্জন করতে পারে, কিন্তু অতিক্রম করতে পারবে না। 23 কিন্তু এই লোকদের এক জেদি ও বিদ্রোহী হন্দয় আছে; তারা পিছন ফিরে আমাকে ত্যাগ করে চলে গিয়েছে। 24 তারা মনে মনেও

বলে না, ‘এসো, আমরা আমাদের ঈশ্বর, সদাপ্রভুকে তয় করি, যিনি  
যথাসময়ে আমাদের শরৎ ও বসন্তকালের বৃষ্টি দেন, যিনি আমাদের  
ফসল কাটার জন্য নিয়মিত সময়ের আশাস দেন।’ 25 তোমাদের  
অন্যায়ের সব কাজ এগুলি দূরে সরিয়ে রেখেছে, তোমাদের সমস্ত  
পাপের জন্য কোনো মঙ্গল তোমাদের হয় না। 26 “আমার প্রজাদের  
মধ্যে রয়েছে দুষ্ট লোকেরা, ফাঁদ পেতে পাখি শিকারীদের মতো তারা  
ওৎ পেতে থাকে, তারা তাদের মতো, যারা ফাঁদ পেতে মানুষ ধরে। 27  
পাখিতে ভরা খাঁচার মতো, তাদের গৃহ প্রতারণায় পূর্ণ; তারা ধনী ও  
শক্তিশালী হয়েছে 28 এবং তারা হয়েছে সুপুষ্ট, চিকণ চেহারা সদৃশ।  
তাদের অন্যায় কর্মের কোনো সীমা নেই; তারা ন্যায়বিচার করে না।  
তারা অনাথদের কল্যাণের জন্য বিচার করে না, দরিদ্রের ন্যায়সংগত  
অধিকার তারা সমর্থন করে না। 29 এই সবের জন্য আমি কি তাদের  
শাস্তি দেব না?” সদাপ্রভু এই কথা বলেন। “এই ধরনের জাতির কাছ  
থেকে আমি স্বয়ং কি প্রতিশোধ গ্রহণ করব না? 30 “এক রোমহর্ষক ও  
ভয়ংকর ঘটনা এই দেশে ঘটেছে; 31 ভাববাদীরা মিথ্যা ভাববাদী  
বলে, যাজকেরা নিজেদের অধিকারবশত কর্তৃত্ব ফলায়, আর আমার  
প্রজারা এরকমই ভালোবাসে। কিন্তু শেষে তোমরা কী করবে?

**৬** “ওহে বিন্যামীন গোষ্ঠীর লোকেরা, তোমরা সুরক্ষার জন্য পলায়ন  
করো! তোমরা জেরুশালেম থেকে পালিয়ে যাও! তকোয় নগরে  
ত্রুটী বাজাও! বেথ-হক্কেরম থেকে সংকেত দেখাও! কারণ বিপর্যয়  
ও বিধ্বংসের জন্য উত্তর দিক থেকে আসছে এক ভয়ংকর ত্রাস। 2  
কমনীয় ও সুন্দরী সিয়োন-কন্যাকে আমি ধ্বংস করব। 3 মেষপালকেরা  
তাদের পশ্চপাল নিয়ে তার বিরুদ্ধে আসবে; তারা তার চারপাশে  
তাদের তাঁবু স্থাপন করবে, প্রত্যেকে নিজের নিজের অংশে তাদের  
পশ্চপাল চরাবে।” 4 “তার বিরুদ্ধে যুদ্ধের জন্য প্রস্তুত হও। ওঠো,  
আমরা মধ্যাহ্নেই তাদের আক্রমণ করি। কিন্তু হায়, দিনের আলো  
ম্লান হয়ে আসছে, আর সন্ধ্যের ছায়া দীর্ঘতর হচ্ছে। 5 তাই ওঠো,  
চলো আমরা রাত্রিবেলা আক্রমণ করি এবং তার দুর্গগুলি ধ্বংস করে  
দিই।” 6 বাহিনীগণের সদাপ্রভু এই কথা বলেন: “সব গাছ কেটে

ফেনো আর জেরশালেমের বিরুদ্ধে অবরোধ সৃষ্টি করো। এই নগরকে  
অবশ্য শাস্তি দিতে হবে; এরা উপদ্রবে পূর্ণ হয়েছে। 7 যেভাবে কোনো  
উৎস বেগে জল নির্গত করে, তেমনই সে ক্রমাগত দুষ্টতা বের করে  
থাকে। তার মধ্যে হিংস্রতা ও ধ্বংসের বাক্য প্রতিধ্বনিত হয়, তার  
রোগব্যাধি ও ক্ষতগুলি সবসময়ই আমার সামনে থাকে। 8 ওহে  
জেরশালেম, সতর্ক হও, নইলে আমি তোমার কাছ থেকে ফিরে যাব  
এবং তোমার ভূমিকে উৎসম করব, যেন কেউ এর মধ্যে বসবাস  
করতে না পারে।” 9 বাহিনীগণের সদাপ্রভু এই কথা বলেন: “যেভাবে  
আঙুর খুঁটে খুঁটে চয়ন করা হয়, ইস্রায়েলের অবশিষ্ট লোকদেরও তারা  
তেমনই চয়ন করবে; আঙুর শাখাগুলিতে তোমরা আবার হাত দাও,  
যেন অবশিষ্ট আঙুরগুলি তুলে নেওয়া যায়।” 10 কার সঙ্গে আমি  
কথা বলব, কাকে সতর্কবাক্য দেব? কে শুনবে আমার কথা? তাদের  
কান বন্ধ হয়েছে তাই তারা পায় না শুনতে। সদাপ্রভুর বাক্য তাদের  
কাছে আপত্তিকর; তারা তাতে কোনও আনন্দ পায় না। 11 কিন্তু  
আমি সদাপ্রভুর ক্রোধে পূর্ণ, আমি আর তা ধরে রাখতে পারছি না।  
“রাস্তায় জড়ো হওয়া ছেলেমেয়েদের উপরে এবং একসঙ্গে একত্র  
হওয়া যুবকদের উপরে তা ঢেলে দাও। ঢেলে দাও তা স্বামী-স্ত্রীর  
উপরে এবং তাদের উপরে, যারা বৃদ্ধ ও বয়সের ভাবে জর্জরিত। 12  
তাদের খেতের জমি ও স্ত্রীদের সঙ্গে তাদের বসতবাড়িগুলি ও আমি  
অন্যদের হাতে তুলে দেব, যখন আমি আমার হাত প্রসারিত করব,  
তাদের বিরুদ্ধে, যারা দেশের মধ্যে করবে বসবাস,” সদাপ্রভু এই  
কথা বলেন। 13 ‘নগণ্যতম জন থেকে মহান ব্যক্তি পর্যন্ত, সকলেই  
লোভ-লালসায় লিঙ্গ; ভাববাদী ও যাজকেরা সব এক রকম, তারা  
সকলেই প্রতারণার অনুশীলন করে। 14 তারা আমার প্রজাদের ক্ষত  
এভাবে নিরাময় করে, যেন তা একটুও ক্ষতিকর নয়। যখন কোনো  
শাস্তি নেই, তখন ‘শাস্তি, শাস্তি,’ বলে তারা আশ্বাস দেয়। 15 তাদের  
এই জঘন্য আচরণের জন্য তারা কি লজ্জিত? না, তাদের কোনও  
লজ্জা নেই; লজ্জারণ হতে তারা জানেই না। তাই, পতিতদের মধ্যে  
তারাও পতিত হবে; আমি যখন তাদের শাস্তি দেব, তখন তাদেরও

তৃপ্তিত করব,” সদাপ্রভু এই কথা বলেন। 16 সদাপ্রভু এই কথা বলেন: “তোমরা চৌমাথায় গিয়ে দাঁড়াও ও তাকিয়ে দেখো; পুরোনো পথের কথা জিজ্ঞাসা করো, জেনে নাও, উৎকৃষ্ট পথ কোন দিকে এবং সেই পথে চলো, তাহলে তোমরা নিজের নিজের প্রাণের জন্য বিশ্রাম পাবে। কিন্তু তোমরা বললে, ‘আমরা এই পথ মাড়াব না।’ 17 আমি তোমাদের উপরে প্রহরী নিযুক্ত করে বললাম, ‘তোমরা তুরীয় ধনি শোনো!’ কিন্তু তোমরা বললে, ‘আমরা শুনব না।’ 18 সেই কারণে ওহে জাতিবন্দের লোকেরা, তোমরা শোনো, সাক্ষীরা, তোমরা লক্ষ্য করো তাদের প্রতি কী ঘটবে। 19 ও পৃথিবী শোনো, আমি এই জাতির উপরে বিপর্যয় নামিয়ে আনছি, তা হবে তাদের পরিকল্পনার ফল, কারণ তারা আমার কথা শোনেনি এবং তারা আমার বিধান অগ্রহ্য করেছে। 20 আমার কাছে শিবা দেশ থেকে আনা ধূপ বা দূরবর্তী দেশ থেকে আনা মিষ্টি বচ উৎসর্গ করা অর্থহীন। আমি তোমাদের হোমবলি সব গ্রাহ্য করব না, তোমাদের বলিদানগুলি আমাকে সন্তুষ্ট করে না।” 21 সেই কারণে সদাপ্রভু এই কথা বলেন: “আমি এই লোকেদের বিরুদ্ধে প্রতিবন্ধকতা স্থাপন করব। বাবারা ও পুত্রেরা একসঙ্গে তাতে হোঁচ্ট খাবে; প্রতিবেশী ও বন্ধুবান্ধবেরা ধৰ্মস হয়ে যাবে।” 22 সদাপ্রভু এই কথা বলেন: “দেখো, উত্তরের দেশ থেকে এক সৈন্যদল আসছে; পৃথিবীর প্রান্তসীমা থেকে এক মহাজাতিকে উত্তেজিত করা হয়েছে। 23 তাদের হাতে আছে ধনুক ও বর্ণা; তারা নিষ্ঠুর, মায়ামতা প্রদর্শন করে না। তারা ঘোড়ায় চড়লে সমুদ্রগর্জনের মতো শব্দ শোনায়; সিয়োন-কন্যা, তোমাকে আক্রমণ করার জন্য তারা যুদ্ধের সাজ পরে আসছে।” 24 আমরা তাদের বিষয়ে সংবাদ শুনেছি, আমাদের হাত যেন অবশ হয়ে ঝুলে পড়ছে। প্রসববেদনাগ্রন্থ নারীর মতো মনস্তাপে আমরা জর্জরিত হয়েছি। 25 তোমরা মাঠে যেয়ো না, বা রাস্তায়ও হাঁটাচলা কোরো না, কারণ শক্রর কাছে অস্ত্র আছে, আর চতুর্দিকেই আছে আতঙ্কের পরিবেশ। 26 আমার প্রজারা, চট্টের পোশাক পরে নাও এবং ছাইয়ের মধ্যে গড়াগড়ি দাও; একমাত্র পুত্রবিয়োগের মতো শোক ও তিক্ত বিলাপ করো, কারণ ধৰ্মসকারী হঠাতেই আমাদের উপরে এসে

পড়বে। 27 “আমি তোমাকে ধাতু যাচাইকারীর পরীক্ষক এবং আমার  
প্রজাদের আকরিক করেছি, যেন তুমি তাদের পথসকল নিরীক্ষণ ও  
পরীক্ষা করতে পারো। 28 তারা হল কঠিন হন্দয় বিশিষ্ট বিদ্রোহী, তারা  
কেবলই নিন্দা করে বেড়ায়। তারা পিতল আর লোহার মতো; তারা  
সবাই ভষ্টাচার করে। 29 হাপরগুলি তীষণভাবে বাতাস দিচ্ছে, যেন  
আগুনে সীসা গলে যায়, কিন্তু এই পরিশোধন প্রক্রিয়া বিফল হয়,  
দুষ্টদের শোধন হয় না। 30 তাদের বাতিল করা রংপো বলা হয়, কারণ  
সদাপ্রভু তাদের বাতিল গণ্য করেছেন।”

7 সদাপ্রভুর কাছ থেকে যিরমিয়ের কাছে এই বাক্য উপস্থিত হল:  
2 “তুমি সদাপ্রভুর গৃহের দরজার কাছে গিয়ে দাঁড়াও এবং সেখানে  
এই বার্তা ঘোষণা করো: “যিহুদার সমস্ত লোক, তোমরা যারা এসব  
দরজা দিয়ে সদাপ্রভুর উপাসনা করতে আস, তোমরা সদাপ্রভুর বাক্য  
শোনো। 3 ইস্রায়েলের ঈশ্বর, বাহিনীগণের সদাপ্রভু এই কথা বলেন:  
তোমাদের আচার-আচরণ ও ক্রিয়াকলাপ সংশোধন করো, তাহলে  
আমি তোমাদের এই দেশে বসবাস করতে দেব। 4 কোনো মিথ্যা  
কথাবার্তায় তোমরা বিশ্বাস কোরো না এবং বোলো না, “এই হল  
সদাপ্রভুর মন্দির, সদাপ্রভুর মন্দির, সদাপ্রভুর মন্দির!” 5 তোমরা  
যদি প্রকৃতই ন্যায়পরায়ণতায় পরম্পরের সঙ্গে তোমাদের জীবনাচরণ,  
তোমাদের কার্যকলাপ ও আচার-আচরণের পরিবর্তন ঘটাও, 6 যদি  
তোমরা বিদেশি, পিতৃহীন ও বিধবাদের প্রতি অত্যাচার না করো  
এবং এই স্থানে নির্দোষ মানুষদের রক্তপাত না করো, আর তোমরা  
যদি নিজেদেরই ক্ষতির জন্য অন্যান্য দেবদেবীর অনুসারী না হও, 7  
তাহলে আমি এই স্থানে তোমাদের বসবাস করতে দেব, যে দেশ আমি  
তোমাদের পিতৃপুরুষদের যুগে যুগে চিরকালের জন্য দান করেছি।  
8 কিন্তু দেখো, তোমরা প্রতারণামূলক কথাবার্তায় বিশ্বাস করছ, যা  
নিতান্তই অসার। 9 “তোমরা কি ছুরি ও নরহত্যা করবে, ব্যভিচার ও  
ভ্রান্ত দেবদেবীর নামে শপথ করবে, বায়াল-দেবতার উদ্দেশ্যে ধূপদাহ  
করবে এবং তোমাদের অপরিচিত দেবতাদের অনুসারী হবে, 10  
তারপর আমার নামে আখ্যাত এই গৃহে, আমার সামনে এসে দাঁড়াবে

ও বলবে, “আমরা নিরাপদ,” এই সমস্ত ঘৃণ্য কাজগুলি করার জন্য  
নিরাপদ? 11 এই গৃহ, যা আমার নামে আখ্যাত, তোমাদের কাছে কি  
দস্যদের গহুরে পরিণত হয়েছে? আমি কিন্তু সব লক্ষ্য করে যাচ্ছি!  
সদাপ্রভু এই কথা বলেন। 12 “এখন তোমরা শীলোত্তম যাও, যেখানে  
আমি প্রথমে আমার নামের জন্য একটি আবাস তৈরি করেছিলাম, আর  
দেখো, আমার প্রজা ইস্রায়েলের দুষ্টতার জন্য, আমি তার প্রতি কী  
করেছি। 13 সদাপ্রভু বলেন, তোমরা যখন এসব কাজ করছিলে, আমি  
তোমাদের সঙ্গে বারবার কথা বলেছি, কিন্তু তোমরা শুনতে চাওনি;  
আমি তোমাদের ডাকলেও তোমরা উত্তর দাওনি। 14 সেই কারণে,  
আমি শীলোর প্রতি যা করেছিলাম, এখন আমার নামে আখ্যাত এই  
গৃহের প্রতি, যে মন্দিরে তোমরা আস্থা রাখো, যা আমি তোমাদের ও  
তোমাদের পিতৃপুরুষদের দিয়েছিলাম, তার প্রতিও সেরকমই করব।  
15 যেমন আমি তোমাদের ভাইদের, ইহুয়িমের সব লোকের প্রতি  
করেছি, তেমনই তোমাদেরও আমার উপস্থিতি থেকে দূর করে দেব।’  
16 “তাই এসব লোকের জন্য প্রার্থনা কোরো না, এদের জন্য কোনো  
অনুনয় বা আবেদন আমার কাছে কোরো না; আমার কাছে কোনো  
অনুরোধ কোরো না, কারণ আমি তোমার কথা শুনব না। 17 যিহুদার  
গ্রামগুলিতে এবং জ্বরশালেমের পথে পথে তারা কী করছে, তুমি কি  
তা দেখতে পাও না? 18 ছেলেমেয়েরা কাঠ সংগ্রহ করে, বাবারা আগুন  
জ্বালায় এবং স্ত্রীলোকেরা ময়দা মাখায় ও আকাশ-রানির উদ্দেশে  
পিঠে তৈরি করে। আমার ক্ষেত্রে উদ্দেশে পেয়-নৈবেদ্য উৎসর্গ করে। 19 কিন্তু তারা কি  
কেবলমাত্র আমাকেই ত্রুটি করছে? সদাপ্রভু এই কথা বলেন। তারা কি  
নিজেদেরই লজ্জার জন্য নিজেদের ক্ষতি করছে না? 20 “অতএব,  
সার্বভৌম সদাপ্রভু এই কথা বলেন: আমার ক্ষেত্রে ও আমার রোষ  
এই স্থানের উপরে, মানুষ ও পশুর উপরে, মাঠের গাছপালার উপরে  
এবং ভূমির ফসলের উপরে ঢেলে দেওয়া হবে। তা অগ্নিদগ্ধ হবে,  
আগুন নিভে যাবে না। 21 “ইস্রায়েলের ঈশ্বর, বাহিনীগণের সদাপ্রভু  
এই কথা বলেন: তোমরা যাও, তোমাদের অন্যান্য বলিদানের সঙ্গে

তোমাদের হোমবলি ও মিশিয়ে দাও ও সেই মাংস তোমরাই খেয়ে  
ফেলো! 22 কারণ তোমাদের পিতৃপুরুষদের আমি যখন মিশর থেকে  
যুক্ত করে এনেছিলাম ও তাদের সঙ্গে কথা বলেছিলাম, আমি তাদের  
কেবলমাত্র হোমবলি ও অন্যান্য বলিদান উৎসর্গের আদেশ দিইনি,  
23 কিন্তু আমি তাদের এই আদেশও দিয়েছিলাম, আমার কথা মেনে  
চলো, তাহলে আমি তোমাদের ঈশ্বর হব ও তোমরা আমার প্রজা  
হবে। আমি তোমাদের যে সমস্ত আদেশ দিই, তোমরা সেই অনুযায়ী  
জীবনযাপন কোরো, যেন এতে তোমাদের মঙ্গল হয়। 24 কিন্তু তারা  
শোনেনি ও আমার কথায় মনোযোগ করেনি; বরং তারা নিজেদের মন্দ  
হৃদয়ের একগুঁয়ে প্রবৃত্তির অনুসারী হয়েছে। তারা পিছিয়ে গিয়েছে,  
এগিয়ে যায়নি। 25 তোমাদের পিতৃপুরুষেরা যখন থেকে মিশর ত্যাগ  
করেছিল, সেই সময় থেকে এখন পর্যন্ত, দিনের পর দিন, আমি  
বারবার আমার সেবক-ভাববাদীদের তোমাদের কাছে প্রেরণ করেছি।  
26 কিন্তু তারা আমার কথা শোনেনি, কোনো মনোযোগও দেয়নি।  
তারা একগুঁয়ে মনোবৃত্তি দেখিয়ে তাদের পিতৃপুরুষদের চেয়েও বেশি  
অন্যায় করেছে।' 27 'তুমি যখন গিয়ে তাদের এসব কথা বলবে, তারা  
তোমার কথা শুনবে না। তুমি যখন তাদের ডাকবে, তারা কোনো  
সাড়া দেবে না। 28 সেই কারণে তুমি তাদের বোলো, 'এই হল সেই  
জাতি, যে তাদের ঈশ্বর সদাপ্রভুর কথা শোনেনি বা সংশোধনের  
জন্য সাড়া দেয়নি। সত্যের বিনাশ হয়েছে; তা তাদের ওষ্ঠাধর থেকে  
বিলুপ্ত হয়েছে। 29 "তোমার চুল কেটে ফেলে দাও; গাছপালাইন  
পাহাড়ে গিয়ে বিলাপ করো, কারণ সদাপ্রভুর ক্ষেত্রের অধীনে থাকা  
এই প্রজন্মকে তিনি অগ্রাহ্য ও পরিত্যাগ করেছেন। 30 "সদাপ্রভু  
বলেন, যিহুদার লোকেরা আমার চোখের সামনে পাপ করেছে। তারা  
আমার নামে আখ্যাত মন্দিরের মধ্যে তাদের ঘৃণ্য সব প্রতিমা স্থাপন  
করে তা কল্পিত করেছে। 31 তারা বিন-হিঙ্গোমে আবর্জনা ফেলার  
স্থান তোফতে মৃত্তিপূজার পীঠস্থান নির্মাণ করেছে, যেন নিজেদের  
পুত্রকন্যাদের সেখানে অগ্নিদণ্ড করে—যা আমি তাদের আদেশ দিইনি  
বা আমার মনেও আসেনি। 32 তাই, সদাপ্রভু বলেন, সাবধান হও,

এমন দিন আসছে যখন লোকেরা তাকে আর তোফৎ বা বিন-হিন্নোমের  
উপত্যকা বলবে না, কিন্তু হত্যালীলার উপত্যকা বলবে, কারণ সেখানে  
যে পর্যন্ত আর স্থান অবশিষ্ট না থাকে, তারা মৃতদের কবর দেবে। 33  
তখন এই লোকদের মৃতদেহ আকাশের পাখিদের এবং বুনো পশুদের  
আহার হবে, সেগুলিকে তাড়িয়ে দেওয়া জন্য কেউ আর থাকবে না।  
34 আমি যিহুদার সমস্ত গ্রাম ও জেরুশালেমের পথগুলি থেকে আনন্দ  
ও আমোদের শব্দ, বর ও কনের আনন্দরবের পরিসমাপ্তি ঘটাব, কারণ  
সেই দেশ জনমানবহীন স্থানে পরিণত হবে।

8 “সদাপ্রভু বলেন, সেই সময় যিহুদার রাজা ও রাজকর্মচারীদের  
হাড়, যাজক ও ভাববাদীদের হাড় এবং জেরুশালেমের লোকদের  
হাড়, তাদের কবর থেকে অপসারিত করা হবে। 2 সেগুলি সূর্য, চাঁদ  
ও আকাশের সেইসব তারার সাক্ষাতে খোলা পড়ে থাকবে, যাদের  
তারা ভালোবাসত ও সেবা করত, যাদের অনুসারী হয়ে তারা তাদের  
সঙ্গে পরামর্শ করত ও উপাসনা করত। সেই হাড়গুলি আর একত্র  
সংগ্রহ করা হবে না বা কবর দেওয়া হবে না, কিন্তু আবর্জনার মতো  
মাটিতে পড়ে থাকবে। 3 বাহিনীগণের সদাপ্রভু এই কথা বলেন, আমি  
যেখানেই তাদের নির্বাসিত করি, সেখানে এই মন্দ জাতির অবশিষ্ট  
জীবিত লোকেরা জীবনের চেয়ে মৃত্যুই বেশি পছন্দ করবে।’ 4 “তাদের  
বলো, ‘সদাপ্রভু এই কথা বলেন: “মানুষ যখন পড়ে যায়, তখন তারা  
কি ওঠে না? কোনো মানুষ বিপথগামী হলে, সে কি ফিরে আসে না? 5  
তাহলে কেন এসব লোক বিপথে গিয়েছে? কেন জেরুশালেম সবসময়  
বিপথগামী হয়? তারা ছলনার বাক্যকে আঁকড়ে ধরে, তারা ফিরে  
আসতে চায় না। 6 আমি মনোযোগ দিয়ে শুনেছি, কিন্তু সঠিক বিষয়  
কি, তারা তা বলে না। কেউই তার দুষ্টতার জন্য অনুতাপ করে না,  
বলে, “আমি কী করেছি?” অশ্ব যেমন যুদ্ধের জন্য দৌড়ায়, তারা সবাই  
তেমনই নিজের নিজের পথে যায়। 7 এমনকি, আকাশের সারসও তার  
নির্ধারিত সময় জানে, এবং ঘূঘু, ফিঙে ও ময়না তাদের গমনকাল রক্ষা  
করে। কিন্তু আমার প্রজারা জানে না তাদের সদাপ্রভুর বিধিনিয়ম। 8  
“তোমরা কীভাবে বলো, “আমরা জ্ঞানবান, কারণ আমাদের কাছে

আছে সদাপ্রভুর বিধান,” যখন শাস্ত্রবিদদের মিথ্যা লেখনী, তা মিথ্যা  
করে লিখেছে? ৭ জ্ঞানবানেরা লজ্জিত হবে; তারা হতাশ হয়ে ফাঁদে  
ধরা পড়বে। তারা যেহেতু সদাপ্রভুর বাক্য অগ্রাহ্য করেছে, তাহলে  
তাদের কী ধরনের প্রভো আছে? ১০ সেই কারণে, আমি তাদের স্তুদের  
নিয়ে অন্য লোকদের দেব, তাদের খেতগুলি নতুন সব মালিককে  
দেব। নগণ্যতম জন থেকে মহান ব্যক্তি পর্যন্ত, সকলেই লোভ-লালসায়  
লিপ্ত; ভাববাদী ও যাজকেরা সব এক রকম, তারা সকলেই প্রতারণার  
অনুশীলন করে। ১১ তারা আমার প্রজাদের ক্ষত এভাবে নিরাময় করে,  
যেন তা একটুও ক্ষতিকর নয়। যখন কোনো শান্তি নেই, তখন “শান্তি,  
শান্তি,” বলে তারা আশ্বাস দেয়। ১২ তাদের এই জগন্য আচরণের জন্য  
তারা কি লজ্জিত? না, তাদের কোনও লজ্জা নেই; লজ্জাবন্ত হতে  
তারা জানেই না। তাই, পতিতদের মধ্যে তারাও পতিত হবে; আমি  
যখন তাদের শান্তি দিই, তখন তাদেরও ভূপতিত করব, সদাপ্রভু এই  
কথা বলেন। ১৩ “আমি তাদের সব শস্য শেষ করে দেব, সদাপ্রভু  
এই কথা বলেন। তাদের দ্রাক্ষালতায় কোনো আঙুর থাকবে না।  
ডুমুর গাছে থাকবে না কোনো ডুমুর, তাদের পাতাগুলি শুকিয়ে যাবে।  
আমি যা কিছু তাদের দিয়েছিলাম, সব তাদের কাছ থেকে ফিরিয়ে  
নেব।” ১৪ কেন আমরা এখানে বসে আছি? এসো, সবাই একত্র  
হই! এসো আমরা সুরক্ষিত নগরগুলিতে পালিয়ে যাই এবং সেখানে  
ধ্বংস হই! কারণ আমাদের দুশ্শর সদাপ্রভু আমাদের ধ্বংস হওয়ার  
জন্য নিরপেক্ষ করেছেন এবং আমাদের পান করার জন্য বিষাক্ত জল  
দিয়েছেন, কারণ আমরা তাঁর বিরুদ্ধে পাপ করেছি। ১৫ আমরা শান্তির  
আশা করলাম কিন্তু কোনো মঙ্গল হল না, আমরা রোগনিরাময়ের  
অপেক্ষা করেছিলাম, কিন্তু কেবলমাত্র আতঙ্কের সম্মুখীন হলাম। ১৬  
দান অঞ্চল থেকে শক্রদের অশ্বের নাসারব শোনা যাচ্ছে; তাদের  
অশ্বগুলির হ্রেষ্যারবে সমস্ত দেশ কম্পিত হচ্ছে। এই দেশ ও এর  
ভিতরের সবকিছু, এই নগর ও এর মধ্যে বসবাসকারী সবাইকে,  
তারা গ্রাস করার জন্য এসেছে। ১৭ “দেখো, আমি তোমাদের মধ্যে  
বিষধর সাপ প্রেরণ করব, সেই কালসাপগুলিকে মন্ত্রমুগ্ধ করা যাবে না,

আর তারা তোমাদের দংশন করবে,” সদাপ্রভু এই কথা বলেন। 18  
আমার দুঃখ নিরাময়ের উর্ধ্বে, আমার অন্তর ভগ্নচূর্ণ হয়েছে। 19 এক  
দূরবর্তী দেশ থেকে আমার প্রজাদের কানা শ্ববণ করো: “সদাপ্রভু কি  
সিয়োনে নেই? তার রাজা কি আর সেখানে থাকেন না?” “তাদের  
দেবমূর্তিগুলির দ্বারা, তাদের সেই অসার বিজাতীয় দেবপ্রতিমাগুলির  
দ্বারা, তারা কেন আমার ক্ষেত্রের উদ্রেক করেছে?” 20 “শস্যচয়নের  
কাল অতীত হয়েছে, গ্রীষ্মকাল শেষ হয়েছে, কিন্তু আমাদের উদ্বারলাভ  
হয়নি।” 21 আমার জাতির লোকেরা যেহেতু চূর্ণ হয়েছে, আমিও চূর্ণ  
হয়েছি; আমি শোক করি, আতঙ্ক আমাকে ঘিরে ধরেছে। 22 গিলিয়দে  
কি কোনো ব্যথার মলম নেই? সেখানে কি কোনো চিকিৎসক নেই?  
তাহলে কেন আমার জাতির লোকেদের ক্ষত নিরাময় হয় না?

**9** আহ, আমার মাথা যদি জলের এক উৎস হত আমার চোখ যদি  
অশ্রু স্ন্যাতোধারা হত! তাহলে আমার জাতির নিহত লোকদের  
জন্য আমি দিনরাত্রি কাঁদতাম। 2 আহ, মরুপ্রান্তের পথিকদের রাত  
কাটানোর কুটিরের মতো আমার যদি থাকার একটি স্থান থাকত,  
তাহলে আমার জাতির লোকদের ছেড়ে আমি তাদের কাছ থেকে  
চলে যেতাম; কারণ তারা সকলে ব্যাডিচারী, এক অবিশ্বস্ত জনতার  
ভিড়। 3 “তাদের জিভ প্রস্তুত রাখে ধনুকের মতো, মিথ্যা কথার তির  
ছোড়ার জন্য; তারা সত্য অবলম্বন না করে দেশে বিজয়লাভ করে।  
তারা একটির পর অন্য একটি পাপ করতে থাকে, তারা আমাকে  
স্বীকার করে না,” সদাপ্রভু এই কথা বলেন। 4 “তোমার বন্ধুদের  
থেকে সাবধানে থেকো; তোমার গোষ্ঠীর কাউকে বিশ্঵াস কোরো না।  
কারণ প্রত্যেকেই এক একজন প্রতারক, আর প্রত্যেক বন্ধু নিন্দা করে  
বেড়ায়। 5 বন্ধু বন্ধুর সঙ্গে প্রতারণা করে, তারা কেউই সত্যিকথা বলে  
না। তারা নিজেদের জিভকে মিথ্যা বলা শিখিয়েছে; ক্রমাগত পাপ করে  
তারা নিজেদের ক্লান্ত করেছে। 6 তুমি ছলনার মধ্যে বসবাস করছ;  
তাদের ছলনার কারণে তারা আমাকে স্বীকার করতে অগ্রাহ্য করে,”  
সদাপ্রভু এই কথা বলেন। 7 সেই কারণে, বাহ্নীগণের সদাপ্রভু এই  
কথা বলেন, “দেখো, আমি তাদের পরিশোধন করে যাচাই করব,

কারণ আমার প্রজাদের পাপের জন্য আমি আর কী করতে পারি? ৪  
তাদের জিভ যেন প্রাণঘাতী বাণ, তা ছলনার কথা বলে। প্রত্যেকে  
যুথে তাদের প্রতিবেশীদের সঙ্গে আন্তরিকভাবে কথা বলে, কিন্তু  
অন্তরে সে তার বিরঞ্জে ফাঁদ পাতে। ৫ এজন্য কি আমি তাদের  
শাস্তি দেব না?” সদাপ্রভু এই কথা বলেন। “এরকম জাতির বিরঞ্জে  
আমি কি স্বয়ং প্রতিশোধ নেব না?” ১০ পর্বতগুলির জন্য আমি কাঁদব  
ও বিলাপ করব, প্রান্তরের চারণভূমিগুলির জন্য আমি শোক করব।  
সেগুলি জনশূন্য ও পথিকবিহীন হয়েছে, গবাদি পশুর রব সেখানে  
আর শোনা যায় না। আকাশের পাখিরা পলায়ন করেছে এবং পশুরা  
সব চলে গিয়েছে। ১১ “আমি জেরুশালেমকে ধ্বংসস্তূপে পরিণত  
করব, তা হবে শিয়ালদের বাসস্থান; আমি যিহুদার গ্রামগুলিকে এমন  
ধ্বংসস্থান করব, যেন কেউই সেখানে বসবাস করতে না পারে।”  
১২ একথা বোবার জন্য কে এমন জ্ঞানবান? কাকে সদাপ্রভু বুবিয়ে  
দিয়েছেন, যেন সে তা ব্যাখ্যা করতে পারে? কেন দেশ এরকম ধ্বংস  
হয়ে মরণভূমির মতো পড়ে আছে যে, কেউই তার মধ্য দিয়ে যেতে  
পারে না? ১৩ সদাপ্রভু বলেছেন, “এর কারণ হল, আমি তাদের  
যে বিধান দিয়েছিলাম, তারা তা ত্যাগ করেছে; তারা আমার কথা  
শোনেনি এবং আমার বিধানও পালন করেনি। ১৪ পরিবর্তে, তারা  
তাদের হন্দয়ের একগুঁয়েমি মনোভাবের অনুসারী হয়েছে; তারা তাদের  
পিতৃপুরুষদের শিক্ষা অনুযায়ী বায়াল-দেবতার অনুগমন করেছে।” ১৫  
সেই কারণে, বাহ্নীগণের সদাপ্রভু, ইস্রায়েলের ঈশ্বর বলেন, “দেখো,  
আমি এই লোকদের তেঁতো খাবার ও বিষাক্ত জলপান করতে দেব।  
১৬ আমি তাদের ও তাদের পিতৃপুরুষদের অপরিচিত বিভিন্ন দেশের  
মধ্যে ছিন্নভিন্ন করব, আর তাদের ধ্বংস না হওয়া পর্যন্ত, তাদের  
পিছনে তরোয়াল প্রেরণ করব।” ১৭ বাহ্নীগণের সদাপ্রভু এই কথা  
বলেন: “তোমরা এখন বিবেচনা করো! বিলাপকারী স্ত্রীদের আসার  
জন্য ডেকে পাঠাও; তাদের মধ্যে যারা এই ব্যাপারে নিপুণ, তাদের  
আসতে বলো। ১৮ তারা দ্রুত এসে আমাদের জন্য বিলাপ করুক,  
যতক্ষণ না আমাদের চোখের জল গড়িয়ে পড়ে, আমাদের চোখের

পাতা থেকে অঙ্গধারা বয়ে যায়। 19 সিয়োন থেকে শোনা যাচ্ছে বিলাপের আওয়াজ: ‘আমরা কেমন ধ্বংস হয়ে গেলাম! আমাদের লজ্জা কেমন ব্যাপক! আমাদের অবশ্যই দেশ ছেড়ে চলে যেতে হবে, কারণ আমাদের বাড়িগুলি হয়েছে ধ্বংস।’” 20 এখন, হে স্ত্রীলোকেরা, তোমরা সদাপ্রভুর বাক্য শোনো; তোমরা তাঁর মুখের কথার প্রতি কান খোলা রাখো। কীভাবে বিলাপ করতে হয়, তোমাদের কন্যাদের শেখাও, তোমরা পরস্পরকে বিলাপ করতে শিক্ষা দাও। 21 আমাদের জানালাগুলি দিয়ে মৃত্যু আরোহণ করে যেন আমাদের দুর্গুলিতে প্রবেশ করেছে; রাস্তা থেকে ছেলেমেয়েদের এবং প্রকাশ্য চক থেকে যুবকদের তা উচ্ছিন্ন করেছে। 22 তোমরা বলো, “সদাপ্রভু এই কথা ঘোষণা করেন: “‘খোলা মাঠে মানুষদের মৃতদেহ আবর্জনার মতো পড়ে থাকবে, যেমন শস্যচ্ছেদকদের পিছনে কাটা শস্য পড়ে থাকে, যা সংগ্রহ করার জন্য কেউ থাকে না।’” 23 সদাপ্রভু এই কথা বলেন: “জ্ঞানী ব্যক্তি তার জ্ঞানের জন্য গর্ব না করুক বা শক্তিশালী মানুষ তার শক্তির জন্য গর্ব না করুক বা ধনী ব্যক্তি তার ঐশ্বর্যের জন্য গর্ব না করুক। 24 কিন্তু যে গর্ব করে, সে এই বিষয়ে গর্ব করুক: যে সে আমাকে জানে ও বোঝে, যে আমিই সদাপ্রভু, যিনি পৃথিবীতে তাঁর কর্ণা, ন্যায়বিচার ও ধার্মিকতা প্রদর্শন করেন, কারণ এসব বিষয়ে আমি প্রীত হই,” সদাপ্রভু এই কথা বলেন। 25 সদাপ্রভু এই কথা বলেন, “সময় আসছে, যারা কেবলমাত্র শরীরে ত্বকচ্ছেদ করেছে, আম তাদের সবাইকে শাস্তি দেব— 26 মিশর, যিহুদা, ইন্দোম, অম্যোন, মোয়াব এবং বহু দূরবর্তী স্থানে যারা বসবাস করে, তাদের দেব। কারণ এসব জাতি প্রকৃতই অচিহ্নিত্বকবিশিষ্ট, এমনকি ইস্রায়েলের সমস্ত কুল অন্তরে অচিহ্নিত্বক।”

**10** ওহে ইস্রায়েল কুলের লোকেরা, শোনো সদাপ্রভু তোমাদের কী কথা বলেন। 2 সদাপ্রভু এই কথা বলেন: “তোমরা জাতিগণের আচার-আচরণ শিখো না, কিংবা আকাশের বিভিন্ন চিহ্ন দেখে ভয় পেয়ো না, যদিও জাতিগুলি সেগুলির জন্য আতঙ্কপ্রস্ত হয়। 3 কারণ সেই লোকদের ধর্মীয় প্রথা সব অসার; তারা বন থেকে একটি গাছ কেটে

আনে, কারণশিল্পী তার বাটালি দিয়ে তাতে আকৃতি দেয়। 4 তারা  
সোনা ও রংপো দিয়ে তা অলংকৃত করে, হাতুড়ি ও পেরেক দিয়ে  
তারা সুদৃঢ় করে, যেন তা নড়ে না যায়। 5 কোনো শসা ক্ষেতে যেমন  
কাকতাড়ুয়া, তাদের মূর্তিগুলিও তেমনই কথা বলতে পারে না; তাদের  
বহন করে নিয়ে যেতে হয়, কারণ তারা চলতে পারে না। তোমরা  
তাদের ভয় পেয়ো না; তারা কোনো ক্ষতি করতে পারবে না, ভালো  
কিছুও তারা করতে পারে না।” 6 হে সদাপ্রভু, তোমার তুল্য আর কেউ  
নেই; তুমি তো মহান, তোমার নামও পরাক্রমে শক্তিশালী। 7 কে না  
তোমাকে সম্ম্রম করবে, হে জাতিগণের রাজা? এ তো তোমার প্রাপ্য।  
সমস্ত জাতির জ্ঞানী লোকদের মধ্যে এবং তাদের সব রাজ্যে, তোমার  
সদৃশ আর কেউ নেই। 8 তারা সবাই জ্ঞানহীন ও মৃখ; অসার কাঠের  
মূর্তিগুলি তাদের শিক্ষা দেয়। 9 তর্ণীশ থেকে নিয়ে আসা হয় রংপোর  
পাত এবং উফস থেকে সোনা। কারণশিল্পী ও স্বর্ণকারেরা যখন কাজ  
সমাপ্ত করে, সেগুলিতে নীল ও বেগুনি কাপড় পরানো হয়, সেসবই  
নিপুণ শিল্পীদের কাজ। 10 কিন্তু সদাপ্রভুই হলেন প্রকৃত ঈশ্বর, তিনি  
জীবন্ত ঈশ্বর, চিরকালীন রাজা। তিনি যখন ক্রুদ্ধ হন, সমস্ত পৃথিবী  
ভয়ে কাঁপে; জাতিসমূহ তাঁর ক্রোধ সহ্য করতে পারে না। 11 “তাদের  
একথা বলো, ‘এসব দেবতা, যারা আকাশমণ্ডল ও পৃথিবী সৃষ্টি করেন,  
তারা পৃথিবী থেকে ও আকাশমণ্ডলের নিচে সব স্থান থেকে বিলুপ্ত  
হবে।’” 12 কিন্তু ঈশ্বর নিজের পরাক্রমে পৃথিবী সৃষ্টি করেছেন; তিনি  
নিজের প্রজ্ঞায় জগৎ স্থাপন করেছেন এবং তাঁরই বুদ্ধিতে আকাশমণ্ডল  
প্রসারিত করেছেন। 13 তিনি যখন বজ্রনাদ করেন, আকাশমণ্ডলের  
জলরাশি গর্জন করে; পৃথিবীর প্রান্তসীমা থেকে তিনি মেঘমালাকে  
উত্থিত করেন। তিনি বৃষ্টির জন্য বিদ্যুৎ গঠন করেন এবং তাঁর ভাণ্ডার-  
কক্ষ থেকে বাতাস বের করে আনেন। 14 সব মানুষই জ্ঞানহীন ও  
বুদ্ধিরহিত; সব স্বর্ণকার তার প্রতিমাণগুলির জন্য লজ্জিত হয়। তাদের  
মূর্তিগুলি তো প্রতারণা মাত্র; সেগুলির মধ্যে কোনো শ্বাসবায় নেই।  
15 সেগুলি মূল্যহীন, বিদ্রূপের পাত্র; বিচারের সময় সেগুলি বিনষ্ট  
হবে। 16 যিনি যাকোবের অধিকারস্বরূপ, তিনি এরকম নন, কারণ

তিনিই সব বিষয়ের স্তো, যার অন্তর্ভুক্ত হল ইস্রায়েল ও তাঁর প্রজাবৃন্দ,  
 তাঁর নিজস্ব বিশেষ অধিকার— সর্বশক্তিমান সদাপ্রভু তাঁর নাম। 17  
 তোমরা যারা অবরুদ্ধ হয়ে রয়েছে, দেশ ছেড়ে যাওয়ার জন্য নিজেদের  
 সব জিনিস গুছিয়ে নাও। 18 কারণ সদাপ্রভু এই কথা বলেন, “এই  
 সময়ে যারা এখানে থেকে যাবে, আমি তাদের ছুঁড়ে ফেলে দেব; আমি  
 তাদের উপরে বিপর্যয় নিয়ে আসব যেন তারা ধৃত হয়ে বন্দি হয়।” 19  
 আমার ক্ষতের কারণে আমাকে ধিক্ক! আমার ক্ষত নিরাময়ের অযোগ্য!  
 তবুও আমি মনে মনে বলেছি, “এ আমার অসুস্থতা, আমাকে অবশ্যই  
 সহ্য করতে হবে।” 20 আমার তাঁবু ধ্বংস হয়েছে, এর সব দড়ি ছিঁড়ে  
 গেছে। আমার ছেলেরা আমার কাছ থেকে চলে গেছে, তারা আর নেই;  
 আমার তাঁবু স্থাপন করার জন্য বা আমার আশ্রয়স্থান প্রতিষ্ঠা করার  
 জন্য কেউই আর নেই। 21 পালকেরা সব বুদ্ধিহীন, তারা সদাপ্রভুর  
 কাছে অনুসন্ধান করে না। তাই তাদের উন্নতি নেই এবং তাদের সমস্ত  
 পাল ছিন্নভিন্ন হয়েছে। 22 শোনো! সংবাদ আসছে— উত্তর দিক থেকে  
 শোনা যাচ্ছে এক ভীষণ কলরব! এ যিহুদার গ্রামগুলিকে নির্জন স্থান  
 করবে, তা হবে শিয়ালদের বাসস্থান। 23 হে সদাপ্রভু, আমি জানি  
 মানুষের জীবন তার নিজের নয়; মানুষ তার পাদবিক্ষেপ স্থির করতে  
 পারে না। 24 হে সদাপ্রভু, তুমি আমাকে সংশোধন করো, কেবলমাত্র  
 ন্যায়বিচার অনুসারে করো, তোমার ক্রোধে নয়, তা না হলে তুমি  
 আমাকে নিঃস্ব করে ফেলবে। 25 তোমার ক্রোধ জাতিসমূহের উপরে  
 ঢেলে দাও, যারা তোমাকে স্বীকার করে না; সেইসব জাতির উপরে,  
 যারা তোমার নামে ডাকে না। কারণ তারা যাকোবের বংশধরদের গ্রাস  
 করেছে; তারা তাদের সম্পূর্ণরূপে গ্রাস করেছে, এবং তাদের জন্মভূমি  
 ধ্বংস করেছে।

## **11** সদাপ্রভুর কাছ থেকে যিরমিয়ের কাছে এই বাক্য উপস্থিত হল:

- 2 “তুমি এই নিয়মের শর্তাবলির কথা শোনো এবং সেগুলি যিহুদার  
 লোকদের ও যারা জেরশালেমে বসবাস করে, তাদের গিয়ে বলো।
- 3 তাদের বলো যে, ইস্রায়েলের ঈশ্বর, সদাপ্রভু এই কথা বলেন:  
 ‘অভিশপ্ত সেই মানুষ, যে এই নিয়মের শর্তাবলি পালন না করে, 4

এই নিয়মের কথা আমি তোমাদের পিতৃপুরূষদের কাছে বলেছিলাম,  
যখন আমি তাদের মিশ্র থেকে, লোহা গলানো চুল্লি থেকে বের  
করে এনেছিলাম।' আমি বলেছিলাম, 'আমার কথা মেনে চলো ও  
আমি তোমাদের যা আদেশ দিই, সেগুলি সব পালন করো, তাহলে  
তোমরা আমার প্রজা হবে এবং আমি তোমাদের সৈশ্বর হব। ৫ তাহলেই  
তোমাদের পিতৃপুরূষদের সঙ্গে কৃত আমার শপথ আমি পূর্ণ করব,  
যেন আমি তাদের দুধ ও মধু প্রবাহিত দেশ দিতে পারি,' যে দেশটি  
তোমরা এখন অধিকার করে আছ।' উত্তরে আমি বললাম, 'আমেন,  
সদাপ্রভু।' ৬ সদাপ্রভু আমাকে বললেন, 'তুমি এই সমস্ত বাক্যের কথা  
যিহুদার নগরগুলিতে ও জেরুশালেমের পথে পথে গিয়ে ঘোষণা করো:  
'তোমরা এই নিয়মের শর্তাবলির কথা শোনো ও সেগুলি পালন করো।  
৭ তোমাদের পূর্বপুরূষদের মিশ্র থেকে বের করে আনার সময় থেকে  
আজ পর্যন্ত, আমি তাদের বারবার সাবধান করে বলেছিলাম, 'আমার  
বাধ্য হও।' ৮ তারা কিন্তু শোনেনি বা আমার কথায় মনোযোগ দেয়নি;  
পরিবর্তে তারা নিজেদের মন্দ হন্দয়ের একগুঁয়ে মনোভাবের অনুসারী  
হয়েছিল। তাই আমি যে রকম আদেশ করেছিলাম, তারা তা পালন  
করেনি বলে আমি নিয়মে উল্লিখিত সব শাস্তি তাদের উপরে নিয়ে  
এসেছি।' ৯ তারপর সদাপ্রভু আমাকে বললেন, 'যিহুদার লোকদের ও  
যারা জেরুশালেমে বসবাস করে তাদের মধ্যে একটি ষড়যন্ত্র চলছে।  
১০ যারা আমার বাক্য পালন করা অগ্রাহ্য করেছিল, তারা তাদের সেই  
পূর্বপুরূষদের পাপের পথে ফিরে গিয়েছে, যারা অন্যান্য দেবদেবীর  
সেবা করার জন্য তাদের অনুসারী হয়েছিল। ইস্রায়েল ও যিহুদা, এই  
উভয় কুলের লোকেরা সেই চুক্তি ভেঙে ফেলেছে, যা আমি তাদের  
পূর্বপুরূষদের সঙ্গে করেছিলাম। ১১ সেই কারণে, সদাপ্রভু এই কথা  
বলেন: 'আমি তাদের উপরে যে বিপর্যয় নিয়ে আসব, তা তারা এড়াতে  
পারবে না। তারা যদিও আমার কাছে কাঁদবে, আমি কিন্তু তাদের  
কথা শুনব না। ১২ যিহুদার নগরগুলি ও জেরুশালেমের লোকেরা  
গিয়ে তাদের দেবদেবীর কাছে কাঁদবে, যাদের উদ্দেশে তারা ধূপদাহ  
করেছিল, কিন্তু যখন বিপর্যয় এসে পড়বে, তারা তাদের কোনো

সাহায্য করতে পারবে না। 13 হে যিহুদা, তোমার যত নগর, তত দেবতা; আর জেরুশালেমে রাস্তার যত সংখ্যা, তোমরা লজ্জাকর দেবতা বায়ালের উদ্দেশে ধূপদাহ করার জন্য তত সংখ্যক বেদি স্থাপন করেছ।’ 14 “তুমি এই সমস্ত লোকের জন্য প্রার্থনা কোরো না। তাদের জন্য কোনো অনুয়া বা আবেদন উৎসর্গ কোরো না, কারণ বিপর্যয়ের সময়ে তারা যখন আমাকে ডাকবে, আমি তাদের কথা শুনব না।

15 “আমার প্রিয়তমা আমার মন্দিরে কী করছে, যখন সে অনেকের সঙ্গে তার মন্দ পরিকল্পনার ছক কম্বেছে? উৎসর্গীকৃত মাংসের জন্য কি তোমাদের শাস্তি এড়াবে? যখন তোমরা তোমাদের দুষ্টতায় মেতে পড়ো, তখনও তোমরা আনন্দ করো।” 16 সদাপ্রভু তোমাকে সমৃদ্ধিশালী এক জলপাই গাছ বলে ডেকেছিলেন, যার ফল দেখতে ছিল অতি মনোহর। কিন্তু এক প্রবল ঝড়ের গর্জনে, তিনি তাতে আগুন দেবেন, তার শাখাগুলি সব ভেঙে যাবে। 17 বাহনীগণের সদাপ্রভু, তিনি তোমাকে রোপণ করেছিলেন, তিনি তোমার বিপর্যয়ের রায় ঘোষণা করেছেন। এর কারণ হল, ইস্রায়েল ও যিহুদা কুলের লোকেরা কেবলই মন্দ কাজ করেছে এবং বায়াল-দেবতার কাছে ধূপদাহ করে আমার ক্ষেত্রের উদ্বেক করেছে। 18 সদাপ্রভু আমাকে তাদের ষড়যন্ত্রের কথা বলে দিয়েছিলেন, তাই আমি তা জানতে পেরেছিলাম। তিনি সেই সময় আমাকে দেখিয়েছিলেন, তারা কী করছিল। 19 আমি একটি কোমল মেষশাবকের মতো হয়েছিলাম, যাকে ঘাতকের কাছে নিয়ে যাওয়া হয়। আমি বুঝতে পারিনি যে, তারা আমারই বিরুদ্ধে ষড়যন্ত্র রচনা করেছে। তারা বলছিল, “এসো আমরা গাছ ও তার ফলগুলি কেটে ফেলি, এসো জীবিতদের দেশ থেকে আমরা তাকে উচ্ছিন্ন করে ফেলি, যেন তার নাম আর কখনও স্মরণে না আসে।” 20 কিন্তু হে বাহনীগণের সদাপ্রভু, তুমি ন্যায়পরায়ণতায় বিচার করে থাকো এবং হৃদয় ও মনের পরীক্ষা করে থাকো, তাদের উপরে তোমার প্রতিশোধ গ্রহণ আমাকে দেখতে দাও, কারণ তোমারই কাছে আমি আমার পক্ষসমর্থন করেছি। 21 সেই কারণে, সদাপ্রভু এই কথা বলেন, যারা তোমার প্রাণ হরণ করতে চায়, সেই অনাথোতের লোকদের, যারা

বলছিল, “সদাপ্রভুর নামে তুমি কোনো ভাববাণী বলবে না, বললে  
আমাদের হাতে তোমাকে মরতে হবে,” 22 অতএব তাদের সম্পর্কে  
বাহিনীগণের সদাপ্রভু এই কথা বলেন, “আমি তাদের শান্তি দেব।  
তাদের যুবকেরা তরোয়ালের আঘাতে এবং তাদের পুত্রকন্যারা দুর্ভিক্ষে  
মারা যাবে। 23 তাদের মধ্যে অবশিষ্ট কেউই বেঁচে থাকবে না, কারণ  
তাদের শান্তির বছরে, আমি অনাথোতের লোকদের উপরে বিপর্যয়  
নিয়ে আসব।”

**12** হে সদাপ্রভু, আমি যখন তোমার সামনে কোনো অভিযোগ নিয়ে  
আসি, তুমি সবসময়ই নির্দোষ প্রতিপন্থ হও। তবুও আমি তোমার  
ন্যায়বিচার সম্পর্কে কথা বলতে চাই: দুষ্ট লোকদের পথ কেন সমৃদ্ধ  
হয়? বিশ্বাসহীন সব লোক কেন স্বচ্ছন্দে জীবনযাপন করে? 2 তুমি  
তাদের রোপণ করেছ, তাদের শিকড় ধরেছ, তারা বৃদ্ধি পেয়ে ফল  
উৎপন্ন করে। তুমি সবসময় তাদের ওষ্ঠাধরে থাকো, কিন্তু তাদের  
অন্তর তোমার থেকে অনেক দূরে থাকে। 3 তবুও, হে সদাপ্রভু, তুমি  
তো আমাকে জানো; তুমি আমাকে দেখে থাকো এবং তোমার সম্পর্কে  
আমার চিন্তাধারা পরীক্ষা করে থাকো। মেঘের মতো নিহত হওয়ার  
জন্য তুমি ওদের টেনে নাও! হত্যার দিনের জন্য তুমি তাদের পৃথক  
করে রাখো! 4 এই দেশ কত দিন শোক করবে এবং মাঠের প্রতিটি তৃণ  
শুকনো হবে? কারণ এই দেশে বসবাসকারীরা দুষ্ট, পশুরা ও সব পাখি  
ধ্বংস হয়েছে। এছাড়া, লোকেরা বলছে, “আমাদের প্রতি কী ঘটছে, তা  
তিনি দেখবেন না।” 5 “যদি তুমি মানুষের সঙ্গে দৌড় প্রতিযোগিতায়  
অংশ নাও, আর তারা তোমাকে ক্লান্ত করে দেয়, তাহলে অশ্বদের  
সঙ্গে তুমি কীভাবে দৌড়াতে পারবে? তুমি যদি নিরাপদ ভূমিতে  
হোঁচ্ট খাও, তাহলে জর্ডন নদীর তীরে, জঙ্গলে কী করবে? 6 তোমার  
ভাইয়েরা, তোমার নিজের পরিবার, এমনকি, তারাও তোমার সঙ্গে  
বিশ্বাসঘাতকতা করেছে; তারা তোমার বিরুদ্ধে এক তীব্র শোরগোল  
তুলেছে। তুমি তাদের বিশ্বাস কোরো না, যদিও তারা তোমার সম্পর্কে  
ভালো ভালো কথা বলে। 7 “আমি আমার গৃহ ত্যাগ করব, আমার  
উত্তরাধিকার ছেড়ে চলে যাব; আমার ভালোবাসার পাত্রীকে আমি

শক্রদের হাতে তুলে দেব। ৪ আমার উত্তরাধিকার আমার কাছে  
জঙ্গলের এক সিংহের মতো হয়েছে। সে আমার প্রতি গর্জন করে; সেই  
কারণে, আমি তাকে ঘৃণা করি। ৫ আমার উত্তরাধিকার কি আমার কাছে  
এক বিচ্ছিন্ন রংয়ের শিকারি পাখির মতো হয়নি যেন অন্যান্য শিকারি  
পাখিরা এসে তার চারপাশে জড়ো হয় ও আক্রমণ করে? যাও, গিয়ে  
সব বন্যপশুকে একত্র করো; গ্রাস করার জন্য তাদের নিয়ে এসো। ১০  
বহু পালরক্ষক আমার দ্রাক্ষাকুঞ্জকে ধ্বংস করবে, তারা আমার মাঠ  
পদদলিত করবে; তারা আমার মনোরম ক্ষেত্রকে জনশূন্য পরিত্যক্ত  
স্থানে পরিণত করবে। ১১ এ হবে এক পরিত্যক্ত স্থান, আমার চোখের  
সামনে হবে শুকনো ও নির্জন; সমস্ত দেশই পড়ে থাকবে পরিত্যক্ত  
হয়ে, কারণ তা তত্ত্বাবধান করার জন্য কেউই নেই। ১২ মরহুমান্তরে  
বৃক্ষহীন উঁচু ভূমিগুলির উপরে, ধ্বংসকারী সৈন্যেরা গিজগিজ করবে,  
কারণ দেশে এক প্রান্ত থেকে অন্য প্রান্ত পর্যন্ত সদাপ্রভুর তরোয়াল  
সবাইকে গ্রাস করবে; নিরাপদ কেউই থাকবে না। ১৩ তারা গম  
রোপণ করবে কিন্তু কাটিবে কাঁটাগাছ, তারা কঠোর পরিশ্রম করবে  
কিন্তু লাভ হবে না কিছুই। তাই, সদাপ্রভুর প্রচণ্ড ক্ষেত্রের কারণে  
তোমাদের ফসল কাটার লজ্জা বহন করো।” ১৪ সদাপ্রভু এই কথা  
বলেন: “আমার প্রজা ইস্রায়েলকে আমি অধিকারণে যে দেশ দিয়েছি,  
আমার দুষ্ট প্রতিবেশীরা তা অবরুদ্ধ করেছে। তাদের ভূমি থেকে আমি  
সেই শক্রদের উৎখাত করব এবং তার মধ্য থেকে যিহূদা কুলের  
লোকদেরও আমি উৎপাটন করব। ১৫ কিন্তু উৎপাটন করার পর, আমি  
ফিরে তাদের প্রতি মমতা করব, আর তাদের প্রত্যেকজনকে তাদের  
স্বদেশে, নিজস্ব অধিকারে ফিরিয়ে আনব। ১৬ তারা যদি ভালোভাবে  
আমার প্রজাদের জীবনচারণ শেখে এবং আমার নামে এই কথা বলে  
শপথ করে, ‘জীবন্ত সদাপ্রভুর দিব্য,’ যেভাবে একদিন তারা বায়াল-  
দেবতার নামে আমার প্রজাদের শপথ করতে শিখিয়েছিল, তাহলে  
তখন তারা আমার প্রজাদের মধ্যে প্রতিষ্ঠিত হবে। ১৭ কিন্তু কোনো  
জাতি যদি তা না শেখে, আমি তাদের সম্পূর্ণরূপে উৎপাটন করে  
তাদের ধ্বংস করব,” সদাপ্রভু এই কথা বলেন।

**13** সদাপ্রভু আমাকে এই কথা বললেন, “তুমি যাও, গিয়ে মসিনার  
একটি কোমরবন্ধ ক্রয় করো এবং তোমার কোমরে তা জড়াও, কিন্তু  
সেটি জলে ভেজাবে না।” 2 তাই আমি সদাপ্রভুর আদেশ অনুসারে  
একটি কোমরবন্ধ কিনলাম ও আমার কোমরে জড়িয়ে নিলাম। 3  
তারপর, সদাপ্রভুর বাক্য দ্বিতীয়বার আমার কাছে উপস্থিত হল: 4 “যে  
কোমরবন্ধ কিনে তুমি কোমরে জড়িয়েছ, তা নিয়ে তুমি ইউফ্রেচিস  
নদীর কাছে যাও এবং সেখানে কোনো পাথরের ফাটলে তুমি তা  
লুকিয়ে রাখো।” 5 অতএব, সদাপ্রভুর কথামতো আমি ইউফ্রেচিস  
নদীর কাছে গিয়ে সেটি লুকিয়ে রাখলাম। 6 অনেক দিন পরে সদাপ্রভু  
আমাকে বললেন, “তুমি এখনই ইউফ্রেচিস নদীর কাছে যাও, আর যে  
কোমরবন্ধটি আমি তোমাকে সেখানে লুকিয়ে রাখতে বলেছিলাম,  
সেটি নিয়ে এসো।” 7 তাই আমি ইউফ্রেচিস নদীর তীরে গেলাম  
এবং কোমরবন্ধটি যেখানে লুকিয়ে রেখেছিলাম, সেখান থেকে মাটি  
খুঁড়ে তা বের করলাম। কিন্তু সেটি তখন নষ্ট ও সম্পূর্ণরূপে ব্যবহারের  
অযোগ্য হয়ে পড়েছিল। 8 তখন সদাপ্রভুর বাক্য আমার কাছে  
উপস্থিত হল: 9 “সদাপ্রভু এই কথা বলেন, ‘এভাবেই আমি যিহুদার  
অহংকার ও জেরুশালেমের মহা অহংকার চূর্ণ করব। 10 এই দুষ্ট  
প্রজারা, যারা আমার কথা শুনতে চায় না, যারা নিজেদের অন্তরের  
একঙ্গেমি অনুযায়ী চলে এবং অন্যান্য দেবদেবীর অনুসারী হয়ে  
তাদের উপাসনা করে, তারা এই কোমরবন্ধের মতো, সম্পূর্ণরূপে  
ব্যবহারের অযোগ্য হবে! 11 কারণ যেভাবে কোনো কোমরবন্ধ মানুষের  
কোমরে জড়ানো হয়, তেমনই আমি ইস্রায়েলের সমস্ত কুল ও যিহুদার  
সমস্ত কুলের লোকদের জড়িয়ে রেখেছিলাম, যেন তারা আমার প্রজা  
হয়ে আমার সুনাম, প্রশংসা ও সমাদর করে, কিন্তু তারা শোনেনি,’  
সদাপ্রভু এই কথা বলেন। 12 “তুমি গিয়ে তাদের বলো, ‘সদাপ্রভু,  
ইস্রায়েলের ঈশ্বর এই কথা বলেন, প্রতিটি সুরাধার আঙুররসে পূর্ণ  
করা হবে।’ আর তারা যদি তোমাকে বলে, ‘আমরা কি জানি না যে,  
প্রতিটি সুরাধার আঙুররসে পূর্ণ করা হবে?’ 13 তাহলে তাদের বলো,  
'সদাপ্রভু এই কথা বলেন, যারা এই দেশে বসবাস করে, তাদের

প্রত্যেকজনকে আমি মাতলামিতে পূর্ণ করব। এদের মধ্যে থাকবে দাউদের সিংহাসনে উপবিষ্ট রাজারা, যাজকেরা, ভাববাদীরা এবং জেরশালেমে বসবাসকারী সব মানুষ। 14 আমি তাদেরকে পরস্পরের বিরঞ্ছে চূর্ণবিচূর্ণ করব, এমনকি, পিতা-পুত্র নির্বিশেষে চূর্ণ করব, সদাপ্রভু এই কথা বলেন। তাদের যেন ধ্বংস না করি, এজন্য আমি কোনো দয়া বা করণী বা মমতাবোধকে মনে স্থান দেব না।” 15 তোমরা শোনো ও মনোযোগ দাও, উদ্বত হোয়ো না, কারণ সদাপ্রভু কথা বলেছেন। 16 তোমাদের উপরে তিনি অন্ধকার নিয়ে আসার পূর্বে, অন্ধকারময় পর্বতমালায় তোমাদের চরণ স্থলিত হওয়ার পূর্বে, তোমরা তোমাদের ঈশ্বর, সদাপ্রভুকে মহিমা অর্পণ করো। তোমরা আলোর আশা করেছিলে, কিন্তু তিনি তা গাঢ় অন্ধকারে পরিণত করবেন, ঘোর অন্ধকারে তা বদলে দেবেন। 17 কিন্তু তোমরা যদি না শোনো, তোমাদের গর্বের কারণে আমি গোপনে কাঁদতে থাকব; আমার চোখদুটি তীব্র অশ্রুপাত করবে, চোখের জল উপচে পড়বে সেখান থেকে, কারণ সদাপ্রভুর লোকেরা বান্দি হবে। 18 রাজাকে ও রাজমাতাকে বলো, “আপনারা সিংহাসন থেকে নেমে আসুন, কারণ আপনাদের মহিমার মুকুট খসে পড়বে আপনাদের মাথা থেকে।” 19 নেগেভের নগর-দুয়ারগুলি বন্ধ হয়ে যাবে, সেগুলি খোলার জন্য কেউ সেখানে থাকবে না। সমস্ত যিহুদাকে নির্বাসিত করা হবে, সম্পূর্ণভাবে সবাইকে নিয়ে যাওয়া হবে। 20 চোখ তোলো এবং দেখো যারা উত্তর দিক থেকে আসছে। সেই মেষপাল কোথায়, যার দায়িত্ব তোমাকে দেওয়া হয়েছিল, যে মেষের জন্য তুমি গর্ববোধ করতে? 21 যাদের সঙ্গে তুমি বিশেষ মিত্রতা গড়ে তুলেছিলে, তাদের যখন সদাপ্রভু তোমার উপরে বসাবেন, তখন তুমি কী বলবে? প্রসববেদনাগ্রস্ত স্ত্রীর মতো তুমি কি যন্ত্রণাগ্রস্ত হবে না? 22 আর যদি তুমি মনে মনে প্রশ্ন করো, “আমার প্রতি এসব কেন ঘটেছে?” এর উত্তর হল, তোমার বহু পাপের জন্য তোমার পোশাক ছিঁড়ে ফেলা হয়েছে এবং তোমার শরীরের উপরে অত্যাচার করা হয়েছে। 23 কৃশ দেশের লোক কি তার চামড়ার রং কিংবা চিতাবাঘ কি তার শরীরের ছোপ বদলাতে

পারে? তোমরাও তেমনই ভালো কিছু করতে পারো না, কারণ মন্দ  
কাজ করায় তোমরা অভ্যন্ত হয়েছ। 24 “মরণভূমির বাতাসে উড়ে  
যাওয়া তুমের মতো আমি তোমার লোকদের ছাড়িয়ে ফেলব। 25 এই  
তোমার নির্দিষ্ট পাওনা, তোমার জন্য আমার দেওয়া নিরূপিত অংশ,”  
সদাপ্রভু এই কথা বলেন, “কারণ তুমি আমাকে ভুলে গিয়েছ এবং আন্ত  
দেবদেবীকে বিশ্বাস করেছ। 26 আমি তোমার পরনের কাপড় মুখের  
উপরে তুলে দেব, যেন তোমার লজ্জা দেখতে পাওয়া যায়, 27 তা হল  
তোমার ব্যভিচার ও কামনাপূর্ণ আহ্বান, তোমার নির্লজ্জ গণিকাবৃত্তি!  
পাহাড়ে পাহাড়ে ও মাঠে মাঠে আমি তোমার ঘৃণ্য কাজগুলি দেখেছি।  
ধিক তোমাকে, জেরুশালেম! তুমি আর কত কাল অশুচি থাকবে?”

**14** ভারী অনাবৃষ্টির সময়ে যিরিমিয় সদাপ্রভুর কাছ থেকে এই বাক্য  
লাভ করেন: 2 “যিহুদা শোক করছে, তার নগরগুলি নিস্তেজ হয়ে  
পড়েছে; তার লোকেরা দেশের জন্য বিলাপ করছে, জেরুশালেম থেকে  
উঠে যাচ্ছে এক কান্নার রোল। 3 সন্ত্রাস মানুষেরা জলের জন্য তাদের  
দাসদের পাঠায়; তারা জলাধারের কাছে যায়, কিন্তু জল পায় না। তারা  
শূন্য কলশি নিয়ে ফিরে আসে; আশাহত ও নিরূপায় হয়ে তারা নিজের  
নিজের মাথা ঢেকে ফেলে। 4 জমি ফেটে চৌচির হয়েছে কারণ দেশে  
কোনো বৃষ্টিপাত হয়নি; কৃষকেরা আশাহত হয়ে তারাও নিজেদের  
মাথা ঢেকে ফেলেছে। 5 এমনকি, মাঠের হরিণীও, ঘাস নেই বলে তার  
নবজাত শাবককে ফেলে চলে যায়। 6 বন্য গর্দভেরা গাছপালাহীন  
উঁচু স্থানগুলিতে দাঁড়ায় ও শিয়ালের মতো হাঁপাতে থাকে; ঘাসের  
অভাবে তাদের দৃষ্টিশক্তি ক্ষীণ হয়।” 7 যদিও আমাদের পাপসকল  
আমাদের বিরুদ্ধে সাক্ষ দেয়, হে সদাপ্রভু, তোমার শ্রীনামের জন্য  
তুমি কিছু করো। কারণ আমরা অনেকভাবে বিপথগামী হয়েছি; আমরা  
তোমার বিরুদ্ধে পাপ করেছি। 8 ইস্রায়েলের আশাভূমি, তার বিভিন্ন  
দুর্দশার পরিত্রাতা, কেন তুমি দেশে এক অচেনা মানুষের মতো হয়েছ,  
সেই পথিকের মতো হয়েছ, যে এক রাত্রিমাত্র অবস্থান করে? 9  
কেন তুমি বিভাস্ত এক মানুষের মতো, উদ্ধার করতে না পারা যোদ্ধার  
মতো হও? হে সদাপ্রভু, তুমি আমাদের মধ্যেই আছ, আর আমরা

তোমার পরিচয় বহন করি; আমাদের পরিত্যাগ কোরো না! 10 এই  
জাতির লোকদের সম্বন্ধে সদাপ্রভু এই কথা বলেন: “তারা এরকমই  
বিপথগামী হতে ভালোবাসে; তারা তাদের চরণ সংযত করে না। সেই  
কারণে, সদাপ্রভু তাদের গ্রহণ করেন না; এবার তিনি তাদের দুষ্টতা  
স্মরণ করবেন, তাদের পাপসকলের জন্য তাদের শান্তি দেবেন।” 11  
এরপর সদাপ্রভু আমাকে এই কথা বললেন, “এই লোকদের মঙ্গলের  
জন্য তুমি প্রার্থনা কোরো না। 12 তারা যদিও উপবাস করে, আমি  
তাদের কাঙ্গা শুনব না; তারা যদিও হোমবলি ও শস্য-নৈবেদ্য উৎসর্গ  
করে, আমি সেগুলি গ্রাহ্য করব না। পরিবর্তে, আমি তাদের তরোয়াল,  
দুর্ভিক্ষ ও মহামারির দ্বারা ধ্বংস করব।” 13 কিন্তু আমি বললাম, “আহ,  
সার্বভৌম সদাপ্রভু, ভাববাদীরা নিরস্তর তাদের বলে এসেছে, ‘তোমরা  
তরোয়ালের সম্মুখীন হবে না বা দুর্ভিক্ষেও কষ্ট পাবে না। প্রকৃতপক্ষে,  
আমি তোমাদের এই স্থানে চিরস্থায়ী শান্তি ভোগ করতে দেব।’” 14  
তখন সদাপ্রভু আমাকে বললেন, “ভাববাদীরা আমার নামে মিথ্যা  
ভাববাণী বলে। আমি তাদের পাঠাইনি বা নিযুক্ত করিনি বা তাদের  
সঙ্গে কথা বলিনি। তারা তোমাদের কাছে মিথ্যা দর্শন, অসার দৈব  
বাক্য ও তাদের মনগড়া আন্তির কথা বলে। 15 অতএব, যারা তাঁর নাম  
ব্যবহার করে ভাববাণী বলেছে, সদাপ্রভু সেইসব ভাববাদীর উদ্দেশ্যে  
এই কথা বলেন, আমি তাদের পাঠাইনি, অথচ তারা বলছে, ‘কোনো  
যুদ্ধ বা দুর্ভিক্ষ এই দেশকে স্পর্শ করবে না।’ ওই ভাববাদীরাই যুদ্ধে  
ও দুর্ভিক্ষে ধ্বংস হবে। 16 আর যে লোকদের কাছে তারা ভাববাণী  
বলেছে, যুদ্ধ ও দুর্ভিক্ষের কারণে তাদের জেরুশালেমের পথে পথে  
নিক্ষেপ করা হবে। তাদের, কিংবা তাদের স্ত্রী ও ছেলেমেয়েদের কবর  
দেওয়ার জন্য কেউ থাকবে না। তাদের প্রাপ্য যে দুর্দশা, তা আমি  
তাদের উপরে ঢেলে দেব। 17 “তুমি এসব কথা ওদের বলো: “আমার  
চোখের জল উপচে পড়ুক, রাতদিন না থেমে তা বয়ে যাক; কারণ  
আমার কুমারী কন্যাস্বরূপ আমার প্রজারা এক ভয়ংকর ক্ষত, এক  
চূর্ণকারী আঘাত পেয়েছে। 18 আমি যদি গ্রামে যাই, আমি তরোয়ালের  
আঘাতে নিহতদের দেখি; যদি আমি নগরে যাই, আমি দুর্ভিক্ষের

ধ্বংসাত্মক পরিণাম দেখি। ভাববাদী ও যাজকেরা সকলেই, তাদের অপরিচিত এক দেশে চলে গেছে।”<sup>19</sup> তুমি কি সম্পূর্ণরূপে যিহুদাকে প্রত্যাখ্যান করেছ? তুমি কি সিয়োনকে অবজ্ঞা করো? তুমি কেন আমাদের এমন দুর্দশাগ্রস্ত করেছ যে আমাদের অবস্থার প্রতিকার হয় না? আমরা শাস্তির আশায় ছিলাম, কোনো মঙ্গল আমাদের হয়নি, অবস্থার প্রতিকারের আশায় আমরা ছিলাম, কিন্তু কেবলমাত্র আতঙ্কেরই সমুখীন হয়েছি।<sup>20</sup> হে সদাপ্রভু, আমরা স্বীকার করি আমাদের দুষ্টার কথা এবং আমাদের পিতৃপুরুষদের অপরাধের কথা; আমরা প্রকৃতই তোমার বিরুদ্ধে পাপ করেছি।<sup>21</sup> তোমার নিজের নামের অনুরোধে, তুমি আমাদের ঘৃণা কোরো না; তোমার গৌরবের সিংহাসনকে অসম্মানিত কোরো না। আমাদের সঙ্গে কৃত তোমার চুক্তির কথা স্মরণ করো, এবং তা ভেঙে ফেলো না।<sup>22</sup> কোনো জাতির অসার দেবমূর্তিরা কি বৃষ্টি আনতে পারে? আকাশমণ্ডল কি স্বয়ং বারিধারা বর্ষণ করে? না, কিন্তু তুমই তা করতে পারো, হে সদাপ্রভু, আমাদের ঈশ্বর।<sup>23</sup> সেই কারণে আমরা তোমার উপরে প্রত্যাশা রাখি, কারণ কেবলমাত্র তুমিই এসব করে থাকো।

**15** এরপর সদাপ্রভু আমাকে বললেন, “যদি মোশি ও শমুয়েল আমার সামনে দাঁড়াত, তবুও আমার মন এই লোকদের প্রতি কোমল হত না। আমার উপস্থিতি থেকে তাদের দূর করে দাও, তাদের চলে যেতে দাও।<sup>24</sup> আর তারা যদি জিজ্ঞাসা করে, ‘আমরা কোথায় যাব?’ তাহলে তাদের বোলো, ‘সদাপ্রভু এই কথা বলেন: “যারা মৃত্যুর পাত্র, তারা মৃত্যুর স্থানে; যারা তরোয়ালের আঘাতের জন্য নির্দিষ্ট, তারা তরোয়ালের স্থানে; যারা দুর্ভিক্ষের জন্য নির্দিষ্ট, তারা দুর্ভিক্ষের স্থানে; যারা বন্দিত্বের জন্য নির্দিষ্ট, তারা বন্দিত্বের স্থানে চলে যাক।’<sup>25</sup> “আমি চার ধরনের ধ্বংসকারীকে তাদের বিরুদ্ধে পাঠাব,”<sup>26</sup> সদাপ্রভু ঘোষণা করেন, “হত্যা করার জন্য তরোয়াল, টানাটানি করার জন্য কুকুর এবং গ্রাস ও ধূস করার জন্য আকাশের সব পাথি ও যাবতীয় বুনো পশুও পাঠাব।<sup>27</sup> যিহুদার রাজা হিঙ্কিয়ের পুত্র মনঃশি জেরুশালেমে যা করেছে, সেই কারণে পৃথিবীর সব রাজ্যের কাছে আমি তাদের ঘৃণ্য

করে তুলব। 5 “হে জেরশালেম, কে তোমার প্রতি করণা করবে? কে তোমার জন্য শোক করবে? কে থেমে জিজ্ঞাসা করবে, তুমি কেমন আছ? 6 তুমি আমাকে প্রত্যাখ্যান করেছ,” সদাপ্রভু বলেন। “তুমি বারবার বিপথগামী হয়ে থাকো। তাই আমি তোমার উপরে হস্তক্ষেপ করে তোমাকে ধ্বংস করব; তোমার প্রতি আর কোনো মমতা দেখাব না। 7 আমি দেশের নগরদ্বারগুলিতে তাদের বেলচা দিয়ে ঝাড়ব। আমি আমার প্রজাদের উপরে মৃত্যুর শোক ও ধ্বংস নিয়ে আসব, কারণ তারা তাদের জীবনচারণের পরিবর্তন করেনি। 8 আমি সমুদ্রের বালির চেয়েও তাদের বিধবাদের সংখ্যা বৃদ্ধি করব। তাদের যুবকদের মায়েদের বিরুদ্ধে আমি দুপুরবেলা এক ধ্বংসকারী নিয়ে আসব; হঠাৎই আমি তাদের বিরুদ্ধে নিয়ে আসব নিদারণ উদ্বেগ ও ভয়। 9 সাত সন্তানের জননী মৃষ্টা গিয়ে তার শেষ নিঃশ্বাস ত্যাগ করবে; সময় থাকতে থাকতেই তার জীবনসূর্য অন্ত যাবে; সে লাক্ষ্মিত ও অপমানিত হবে। যারা অবশিষ্ট বেঁচে থাকবে, তাদের সমর্পণ করব শক্রদের তরোয়ালের সামনে,” সদাপ্রভু এই কথা বলেন। 10 হয়, মা আমার, তুমি আমাকে জন্ম দিয়েছ, আমি এমন মানুষ, যার সঙ্গে সমস্ত দেশ ঝগড়া-বিবাদ করে। আমি ঝণ করিনি বা কাউকে ঝণও দিইনি, তবুও সবাই আমাকে অভিশাপ দেয়। 11 সদাপ্রভু বললেন, “নিশ্চয়ই আমি এক উন্নত অভিপ্রায়ে তোমাকে মুক্ত করব; নিশ্চিতরপে বিপর্যয় ও দুর্দশার সময়ে তোমার শক্ররা তোমার কাছে অনুনয় করবে। 12 “কোনো মানুষ কি লোহা ভাঙতে পারে, উত্তর দেশের লোহা বা পিতল? 13 “তোমাদের ঐশ্বর্য ও তোমাদের সম্পদ আমি বিনামূলে লুক্ষিত বস্তুরপে দেব। এর কারণ হল, তোমাদের সমস্ত দেশে কৃত তোমাদের সব পাপ। 14 আমি তোমাদের শক্রদের কাছে দাসত্ব করাব, তোমাদের অপরিচিত এক দেশে, কারণ আমার ক্ষেত্র এক আগনের শিখা প্রজ্ঞালিত করবে, যা তোমাদের বিরুদ্ধে থাকবে।” 15 হে সদাপ্রভু, তুমি তো সব বোঝো; আমাকে সুরণ করো ও আমার তত্ত্বাবধান করো। আমার পীড়নকারীদের উপরে তুমিই প্রতিশোধ নাও। তুমি তো দীর্ঘসহিষ্ণু, আমাকে হরণ কোরো না; ভেবে দেখো,

তোমার কারণে আমি কত দুর্নাম সহ্য করে থাকি। 16 যখন তোমার বাক্যসকল এল, আমি তা অন্তরে গ্রহণ করলাম, সেগুলি ছিল আমার আনন্দ ও প্রাণের হর্ষজনক, কারণ হে সদাপ্রভু, বাহিনীগণের সৈশ্বর, আমি তোমার নাম ধারণ করি। 17 উচ্ছ্বেষণ লোকদের দলে আমি কথনও বসিনি, আমি কথনও তাদের সঙ্গে ফুর্তি করিনি; আমি একা বসেছিলাম, কারণ তোমার হাত আমার উপরে ছিল, আর তুমি আমাকে ঘৃণামিশ্রিত ক্ষেত্রে পূর্ণ করেছিলে। 18 কেন আমার বেদনা অন্তহীন এবং আমার ক্ষতসকল এত মারাত্মক ও নিরাময়ের অযোগ্য? তুমি আমার কাছে এক ছলনাময়ী ঝর্ণা, নির্জলা জলের উৎসের মতো। 19 এই কারণে সদাপ্রভু এই কথা বলেন: “তুমি অনুত্তাপ করলে আমি তোমাকে পুনঃপ্রতিষ্ঠিত করব, যেন তুমি আমার সেবা করতে পারো; যদি তুমি মূল্যহীন কথাবার্তার চেয়ে উৎকৃষ্ট সব কথা বলো, তাহলে তুমি আমার মুখ্যপাত্র হবে। এই লোকেরা তোমার প্রতি ফিরুক, কিন্তু তুমি তাদের প্রতি ফিরবে না। 20 আমি তোমাকে এই লোকদের কাছে প্রাচীরস্বরূপ করব, পিতলের সুদৃঢ় দেওয়ালের মতো করব; তারা তোমার বিরুদ্ধে লড়াই করবে, কিন্তু তোমাকে জয় করতে পারবে না, কারণ তোমাকে উদ্বার ও রক্ষা করার জন্য আমি তোমার সঙ্গে আছি,” সদাপ্রভু এই কথা বলেন। 21 “আমি দুষ্টদের হাত থেকে তোমাকে রক্ষা করব, আর নিষ্ঠুর লোকদের কবল থেকে তোমাকে উদ্বার করব।”

**16** এরপর সদাপ্রভুর বাক্য আমার কাছে এসে উপস্থিত হল: 2 “তুমি এই স্থানে বিয়ে কোরো না এবং এখানে তোমার ছেলেমেয়েও যেন না হয়।” 3 কারণ এখানে জন্ম নেওয়া ছেলেমেয়েদের সম্পর্কে এবং তাদের মায়েদের ও বাবাদের সম্পর্কে সদাপ্রভু এই কথা বলেন: 4 “তারা মারাত্মক রোগে মারা যাবে। তাদের জন্য শোকবিলাপ করা হবে না ও তাদের কবর দেওয়া হবে না, কিন্তু আবর্জনার মতো তাদের মৃতদেহ মাটিতে পড়ে থাকবে। তারা তরোয়ালের আঘাতে ও দুর্ভিক্ষে ধ্বংস হবে এবং তাদের মৃতদেহ আকাশের পাথিদের ও বুনো পশুদের আহার হবে।” 5 কারণ সদাপ্রভু এই কথা বলেন, “তুমি মৃতদের উদ্দেশ্যে দেওয়া ভোজ খেতে কোনো গৃহে প্রবেশ

কেরো না; সেখানে শোক করতে বা সহানুভূতি দেখাতে যেয়ো না,  
কারণ এই লোকদের উপর থেকে আমি আমার আশীর্বাদ, আমার  
ভালোবাসা ও আমার অনুকস্পা তুলে নিয়েছি,” সদাপ্রভু এই কথা  
বলেন। ৬ “উঁচু বা নীচ নির্বিশেষে সবাই এই দেশে মারা যাবে। তাদের  
কবর দেওয়া কিংবা তাদের জন্য শোক করা হবে না, কেউ নিজের  
শরীরে কাটাকুটি বা তাদের মস্তক মুগ্ন করবে না। ৭ যারা মৃতদের  
উদ্দেশ্যে বিলাপ করে, তাদের সান্ত্বনা দেওয়ার জন্য কেউ খাবার  
পাঠাবে না—এমনকি, তাদের কারও মা বা বাবার জন্যও নয়—কিংবা  
তাদের সান্ত্বনা দেওয়ার জন্য কেউ কোনো পানীয়ও দেবে না। ৮  
“আবার কোনো ভোজ-উৎসবের গৃহে তুমি প্রবেশ করে, সেখানে  
ভোজন ও পান করার জন্য বসে পড়বে না। ৯ কারণ ইত্যায়লের ঈশ্বর,  
বাহিনীগণের সদাপ্রভু এই কথা বলেন: তোমাদের চোখের সামনে ও  
তোমাদের জীবনকালেই আমি আনন্দ ও উল্লাসের রব, বর-কন্যার  
আনন্দরবের পরিসমাপ্তি ঘটাব। ১০ “তুমি যখন লোকেদের এই সমস্ত  
কথা বলবে, আর তারা তোমাকে জিজ্ঞাসা করবে, ‘সদাপ্রভু কেন  
তোমাদের জন্য এই ধরনের বিপর্যয়ের কথা ঘোষণা করেছেন? আমরা  
কি অন্যায় করেছি? আমাদের ঈশ্বর সদাপ্রভুর বিরুদ্ধে আমরা কি পাপ  
করেছি?’ ১১ তাহলে তুমি তাদের বোলো, ‘এর কারণ হল, তোমাদের  
পূর্বপুরুষেরা আমাকে ত্যাগ করেছে,’ সদাপ্রভু এই কথা বলেন, ‘এবং  
অন্যান্য দেবদেবীর অনুসারী হয়ে তাদের সেবা করেছে ও তাদের  
উপাসনা করেছে। তারা আমাকে পরিত্যাগ করেছে ও আমার বিধান  
পালন করেনি। ১২ এছাড়া তোমরা, তোমাদের পিতৃপুরুষদের চেয়েও  
বেশি দুষ্টতার কাজ করেছ। দেখো, তোমরা প্রত্যেকে আমার আদেশ  
পালন না করে কেমনভাবে নিজেদের মন্দ হন্দয়ের অনুসারী হয়েছ।  
১৩ তাই, আমি এই দেশ থেকে তোমাদের এমন এক দেশে ছুঁড়ে ফেলে  
দেব, যে দেশের কথা তোমরা জানো না বা তোমাদের পিতৃপুরুষেরা  
জানত না। সেখানে তোমরা দিনরাত অন্যান্য দেবদেবীর সেবা করবে,  
কারণ আমি তোমাদের প্রতি কোনো কৃপা প্রদর্শন করব না।’ ১৪  
“তবুও, এমন দিন আসন্ন,” সদাপ্রভু এই কথা বলেন, “যখন লোকেরা

আর ‘জীবন্ত সদাপ্রভুর দিবি, যিনি ইস্রায়েলীদের মিশ্র থেকে মুক্ত  
করে এনেছিলেন একথা বলবে না,’ 15 বরং তারা বলবে, ‘জীবন্ত  
সদাপ্রভুর দিবি, যিনি উভয়ের দেশ থেকে এবং যে সমস্ত দেশে তিনি  
তাদের নির্বাসিত করেছিলেন, সেখান থেকে ইস্রায়েলীদের মুক্ত করে  
এনেছেন।’ কারণ তাদের পিতৃপুরুষদের আমি যে দেশ দিয়েছিলাম,  
সেখানেই তাদের আবার ফিরিয়ে আনব। 16 “কিন্তু এবাবে আমি বহু  
জেলেকে পাঠাব,” সদাপ্রভু এই কথা বলেন, “তারা তাদের ধরবে।  
তারপর আমি পাঠাব বহু শিকারিকে, যারা তাদের প্রত্যেক পাহাড়  
ও পর্বতের ফাটল ও বড়ো বড়ো পাথরের খাঁজ থেকে শিকার করে  
আনবে। 17 আমার চোখ তাদের সমস্ত জীবনাচরণের প্রতি নিবন্ধ  
থাকবে, তাদের কোনো পাপ আমার কাছ থেকে গুপ্ত থাকবে না। 18  
তাদের দুষ্টতা ও তাদের পাপের জন্য আমি তাদের দ্বিগুণ প্রতিফল  
দেব, কারণ তারা তাদের অসার সব দেবমূর্তির প্রাণহীন আকৃতির  
দ্বারা আমার দেশ অঙ্গিচি করেছে এবং তাদের জগন্য সব প্রতিমার  
দ্বারা আমার অধিকারকে পূর্ণ করেছে।” 19 হে সদাপ্রভু, আমার শক্তি  
ও আমার দুর্গ, দুর্দশার সময়ে আমার আশ্রয়স্থান, তোমার কাছেই  
সমস্ত জাতি আসবে, পৃথিবীর প্রান্তসীমা থেকে এসে তারা বলবে,  
“মিথ্যা দেবতা ছাড়া আমাদের পিতৃপুরুষদের কাছে আর কিছুই ছিল  
না, অসার প্রতিমারা তাদের কোনো উপকারই করতে পারেনি। 20  
লোকেরা কি নিজেদের দেবদেবী তৈরি করতে পারে? হ্যাঁ পারে, কিন্তু  
আসলে তারা দেবতাই নয়।” 21 “সেই কারণে, আমি তাদের শিক্ষা  
দেব, এবাব আমার পরাক্রম ও আমার শক্তি সম্পর্কে তাদের শিক্ষা  
দেব। তখন তারা জানতে পারবে যে, আমার নাম সদাপ্রভু।”

**17** “যিহুদার পাপ লোহার এক যন্ত্র দিয়ে খোদিত ও হীরার কঁটা  
দিয়ে লেখা হয়েছে, তা খোদিত হয়েছে তাদের হৃদয়ের ফলকে এবং  
তাদের বেদির শৃঙ্গগুলির উপরে। 2 এমনকি তাদের ছেলেমেয়েরাও  
স্মরণ করতে পারে তাদের বেদিগুলি ও আশেরা-মূর্তির খুঁটিগুলির  
কথা, যেগুলি স্থাপিত ছিল ডালপালা ছড়ানো গাছগুলির তলে ও উঁচু  
সব পাহাড়ের উপরে। 3 দেশের সর্বত্র তোমাদের পাপের কারণে,

তোমাদের উঁচু স্থানগুলি সমেত দেশের মধ্যে অবস্থিত আমার পর্বত  
আর তোমাদের ঐশ্বর্য ও সমস্ত ধনসম্পদ, আমি লুটের বস্ত বলে  
বিলিয়ে দেব। 4 যে অধিকার আমি তোমাদের দিয়েছিলাম, তোমাদের  
দোষেই তোমরা তা হারাবে। তোমাদের অপরিচিত এক দেশে, আমি  
তোমাদের, তোমাদেরই শক্তদের দাস করব, কারণ তোমরা আমার  
ক্রেতে প্রজ্ঞালিত করেছ এবং চিরকাল তা জ্ঞালতে থাকবে।” 5 সদাপ্রভু  
এই কথা বলেন: “অভিশপ্ত সেই জন, যে মানুষের উপরে নির্ভর করে,  
যে তার শক্তির জন্য নিজের শরীরের উপরে আস্থা রাখে এবং যার  
হৃদয় সদাপ্রভুর কাছ থেকে বিমুখ হয়। 6 সে হবে পতিত জমিতে  
কোনো বাড়ি গাছের মতো; সমৃদ্ধির সময় এলে সে তা দেখতে পাবে  
না। মরহুমির শুকনো স্থানগুলিতে, এক লবণাক্ত ভূমিতে, সে বসবাস  
করবে, যেখানে কেউ থাকে না। 7 “কিন্তু ধন্য সেই মানুষ, যে সদাপ্রভুর  
উপরে নির্ভর করে, যার আস্থা থাকে তাঁরই উপর। 8 সে জলের তীরে  
রোপিত বৃক্ষের মতো হবে, যার শিকড় ছড়িয়ে যায় জলের দিকে।  
গ্রীষ্মের আগমনে সে ভয় পায় না, তার পাতাগুলি সবসময়ই সবুজ  
থাকে। খরার বছরে তার দুশ্চিন্তা হয় না ফল উৎপন্ন করতে সে কখনও  
বার্থ হয় না।” 9 হৃদয় সব বিষয়ের চেয়ে বেশি প্রবৰ্ধক, তার রোগের  
নিরাময় হয় না। কে বা তা বুবাতে পারে? 10 “আমি সদাপ্রভু, হৃদয়ের  
অনুসন্ধান করি এবং মন যাচাই করি, যেন মানুষকে তার আচরণ ও  
কাজকর্মের জন্য উপযুক্ত পুরস্কার দিতে পারি।” 11 অন্যের ডিমে  
তিতির পাখি তা দিয়ে যেমন বাচ্চা তোলে, অসৎ উপায়ে যে ধন  
উপার্জন করে, সে তেমনই। তার জীবনের মাঝামাঝি বয়সে, ধন  
তাকে ছেড়ে যাবে, পরিশেষে সে এক মূর্খ প্রতিপন্ন হবে। 12 আদি  
থেকে উন্নত স্থানে অবস্থিত, সেই গৌরবের সিংহাসন হল আমাদের  
ধর্মধামের স্থান। 13 ইস্রায়েলের আশা, হে সদাপ্রভু, যারা তোমাকে  
ত্যাগ করে, তারা লজ্জিত হবে। যারা তোমার কাছ থেকে বিমুখ হয়,  
তাদের নাম ধুলোয় লেখা হবে, কারণ তারা জীবন্ত জলের উৎস,  
সদাপ্রভুকে ত্যাগ করেছে। 14 হে সদাপ্রভু, আমাকে সুস্থ করো,  
তাহলে আমি সুস্থ হব; আমাকে উদ্ধার করো, তাহলে আমি উদ্ধার পাব,

কারণ আমি কেবলই তোমার প্রশংসা করি। 15 লোকেরা নিন্দা করে আমাকে বলতে থাকে, “সদাপ্রভুর বাক্য কোথায়? তা এখনই পূর্ণ হোক!” 16 তোমার প্রজাদের পালকের দায়িত্ব ছেড়ে আমি পালিয়ে যাইনি; তুমি জানো, আমি এই হতাশার দিন দেখতে চাইনি। আমার মুখ দিয়ে যে কথা বের হয়, তা তোমার কাছে প্রকাশ্য আছে। 17 আমার কাছে আতঙ্কস্বরূপ হোয়ো না, বিপর্যয়ের দিনে তুমিই আমার আশ্রয়স্থান। 18 আমার নিপীড়নকারীদের তুমি লজ্জায় ফেলো, কিন্তু আমাকে লজ্জিত হওয়া থেকে রক্ষা করো। তাদের আতঙ্কিত করো, কিন্তু আমার আতঙ্ক দূরে করো। তাদের উপরে বিপর্যয়ের দিন নিয়ে এসো; দ্বিগুণ বিনাশ দ্বারা তাদের ধ্বংস করো। 19 সদাপ্রভু আমাকে এই কথা বললেন, “যিহুদার রাজারা যে ফটক দিয়ে ভিতরে আসে ও বাইরে যায়, তুমি জনসাধারণের সেই দুয়ারে গিয়ে দাঁড়াও; আবার জেরুশালেমের অন্য সব ফটকেও গিয়ে দাঁড়াও। 20 তাদের বলো, ‘হে যিহুদার রাজগণ ও যিহুদার সব লোক এবং জেরুশালেমে বসবাসকারী প্রত্যেকে যারা এসব ফটক দিয়ে প্রবেশ করো, তোমরা সদাপ্রভুর এই কথা শোনো। 21 সদাপ্রভু এই কথা বলেন: তোমরা সাবধান হও, সাবাথ-দিনে তোমরা কোনো বোৰা বইবে না, অথবা জেরুশালেমের ফটকগুলি দিয়ে কোনো বোৰা ভিতরে আনবে না। 22 তোমাদের ঘরের বাইরে কোনো বোৰা আনবে না, কিংবা সাবাথ-দিনে তোমরা কোনো কাজ করবে না, কিন্তু সাবাথ-দিন পবিত্রতাপে পালন করবে, যেমন আমি তোমাদের পূর্বপুরুষদের আদেশ দিয়েছিলাম। 23 তারা কিন্তু শোনেনি এবং কোনো মনোযোগও দেয়নি। তারা ছিল একগুঁয়ে এবং আমার কথা শুনতে চায়নি বা আমার শাসনে সাড়া দেয়নি। 24 কিন্তু তোমরা যদি যত্নের সঙ্গে আমার আদেশ পালন করো, সদাপ্রভু এই কথা বলেন, আর তোমরা সাবাথ-দিনে এই নগরের ফটকগুলি দিয়ে কোনো বোৰা ভিতরে না নিয়ে এসো এবং কোনো কাজ না করে সাবাথ-দিনকে পবিত্র বলে মান্য করো, 25 তাহলে রাজারা, যারা দাউদের সিংহাসনে বসে, তারা তাদের কর্মচারীদের সঙ্গে এই নগরের ফটকগুলি দিয়ে প্রবেশ করবে। তারা ও তাদের কর্মচারীরা

ঘোড়ায় ও রথ চড়ে আসবে। তারা যিহুদার লোকদের ও জেরুশালেমে  
বসবাসকারী লোকদের সঙ্গে আসবে এবং এই নগরে চিরকালের জন্য  
লোকদের বসবাস থাকবে। 26 লোকেরা যিহুদার বিভিন্ন নগর থেকে  
ও জেরুশালেমের নিকটবর্তী গ্রামগুলি থেকে আসবে, বিন্যামীনের  
এলাকা ও পশ্চিমাঞ্চলের ছোটো ছোটো পাহাড়তলি থেকে, পার্বত্য  
অঞ্চল ও নেগেত থেকে আসবে এবং সদাপ্রভুর গৃহে হোমবলি ও  
বিভিন্ন বলিদান, শস্য-নৈবেদ্য, ধূপ ও ধন্যবাদ-দানের বলি নিয়ে  
আসবে। 27 কিন্তু সাবাথ-দিন যদি তোমরা পবিত্র না রাখো এবং  
সাবাথ-দিনে জেরুশালেমের ফটকগুলি দিয়ে বোৰা বহন করে ভিতরে  
নিয়ে এসে আমার আদেশ পালন না করো, তাহলে জেরুশালেমের  
ফটকগুলিতে আমি এমন আগুন জ্বালিয়ে দেব, যা নিভানো যাবে না।  
সেই আগুন তার দুর্গগুলিকে গ্রাস করবে।”

**18** সদাপ্রভুর কাছ থেকে যিরমিয়ের কাছে এই বাক্য উপস্থিত হল: 2  
“তুমি কুমোরের গৃহে নেমে যাও। আমি সেখানে তোমাকে আমার  
বাক্য দেব।” 3 তাই আমি কুমোরের গৃহে নেমে গেলাম। আমি  
তাকে চাকায় কাজ করতে দেখলাম। 4 সে যে পাত্রতি মাটি দিয়ে  
তৈরি করছিল, তা তার হাতে বিকৃত হয়ে গেল; তখন কুমোর তা  
নিয়ে অন্য একটি পাত্র তৈরি করল। সে তাতে নিজের ইচ্ছামতো  
আকৃতি দিল। 5 তখন সদাপ্রভুর বাক্য আমার কাছে উপস্থিত হল:  
6 “হে ইস্রায়েল কুলের লোকেরা, এই কুমোর যেমন করছে, আমি  
কি তোমাদের প্রতি তেমনই করতে পারি না?” সদাপ্রভু এই কথা  
বলেন। “হে ইস্রায়েল কুল, কুমোরের হাতে যেমন মাটি, আমার হাতে  
তোমরাও তেমনই। 7 কোনও সময়ে যদি আমি কোনো জাতি বা  
রাজ্যকে উৎপাটন করা, উপড়ে ফেলা বা ধ্বংসের কথা ঘোষণা করি,  
8 কিন্তু সেই যে জাতিকে আমি সতর্ক করলাম, তারা যদি তাদের মন্দ  
কাজের জন্য অনুত্তপ করে, তাহলে আমি কোমল হব এবং তাদের  
প্রতি যে বিপর্যয় আনার পরিকল্পনা করেছিলাম, তা নিয়ে আসব না।  
9 আবার অন্য কোনো সময় যদি আমি ঘোষণা করি যে, কোনো জাতি  
বা রাজ্যকে গড়ে তুলব ও প্রতিষ্ঠিত করব, 10 আর যদি তারা আমার

দৃষ্টিতে মন্দ কাজ করে ও আমার কথা না শোনে, তাহলে যে মঙ্গল  
করার পরিকল্পনা আমি করেছিলাম, তা না করার জন্য পুনর্বিবেচনা  
করব। 11 “তাহলে এবার তুমি যিন্দুর লোকেদের ও জেরুশালেমের  
অধিবাসীদের এই কথা বলো, ‘সদাপ্রভু এই কথা বলেন: দেখো, আমি  
তোমাদের জন্য এক বিপর্যয় এবং তোমাদের বিরুদ্ধে এক পরিকল্পনা  
রচনা করছি। তাই তোমরা প্রত্যেকে, তোমাদের মন্দ জীবনাচরণ  
থেকে ফেরো এবং তোমাদের জীবনাচরণ ও তোমাদের কার্যকলাপের  
সংশোধন করো।’ 12 কিন্তু তারা উত্তর দেবে, ‘এতে কোনো লাভ নেই।  
আমরা নিজেদের পরিকল্পনা অনুযায়ী কাজ করতে থাকব; আমাদের  
প্রত্যেকেই নিজের নিজের মন্দ হৃদয়ের একগুঁয়েমি অনুসারে চলব।’”  
13 সেই কারণে, সদাপ্রভু এই কথা বলেন: “জাতিসমূহের মধ্যে খোঁজ  
করে দেখো, তাদের মধ্যে কারা এই ধরনের কথা শুনেছে? এক  
অত্যন্ত ভয়ংকর কাজ কুমারী-ইস্রায়েল করেছে। 14 লেবাননের তুষার  
কি তার ঢালু পাহাড় থেকে কখনও অন্তর্হিত হয়? দূর থেকে বয়ে আসা  
এর শীতল জলের স্ন্যাত কখনও কি নিবৃত্ত হয়? 15 আমার প্রজারা  
কিন্তু আমাকে ভুলে গেছে; তারা আসার প্রতিমাদের উদ্দেশে ধূপদাহ  
করে, যে প্রতিমার তাদের বিভিন্ন পথে ও পুরাতন পথগুলিতে চলার  
জন্য প্রতিবন্ধকতার সৃষ্টি করে। তারা বিভিন্ন গলিপথে ও যে পথ নির্মিত  
হয়নি, সেই পথে তাদের চালিত করে। 16 তাদের দেশ পরিত্যক্ত পড়ে  
থাকবে, যা হবে চিরস্তন নিন্দার বিষয়; এর পাশ দিয়ে যাওয়া পথিকেরা  
বিস্ময়ে তাদের মাথা নাড়বে। 17 পুরালি বাতাসের মতো, আমি  
শক্তদের সামনে তাদের ছিন্নভিন্ন করব; তাদের বিপর্যয়ের দিনে, আমি  
তাদের আমার পিঠ দেখাব, মুখ নয়।” 18 তখন তারা বলল, “এসো,  
আমরা যিরমিয়ের বিরুদ্ধে ঘড়্যন্ত করি; কারণ যাজকদের দ্বারা দেওয়া  
বিধানের শিক্ষা, জ্ঞানী ব্যক্তিদের পরামর্শ বা ভাববাদীদের দেওয়া  
বাক্য নষ্ট হবে না। তাই এসো, আমরা মুখের কথায় তাকে আক্রমণ  
করি এবং সে যা বলে, তার কোনো কথায় আমরা মনোযোগ না দিই।”  
19 হে সদাপ্রভু, আমার কথা শোনো; আমার অভিযোগকারীরা কী কথা  
বলছে, তাতে কর্ণপাত করো! 20 ভালোর শোধ কি মন্দ দিয়ে করা

হবে? তবুও দেখো, তারা আমার জন্য গর্ত খনন করেছে। তুমি স্মরণ করো, আমি তোমার সামনে দাঁড়িয়ে তাদের পক্ষে কথা বলেছিলাম, যেন তাদের উপর থেকে তোমার ক্রোধ সরে যায়। 21 তাই তাদের সন্তানদের দুর্ভিক্ষের মুখে ফেলে দাও; তাদের তরোয়ালের শক্তির মুখে সমর্পণ করো। তাদের স্ত্রীরা সন্তানহীন ও বিধবা হোক; তাদের পুরুষদের মৃত্যু হোক, তাদের যুবকেরা যুদ্ধে তরোয়ালের আঘাতে নিহত হোক। 22 যখন তুমি হঠাৎ তাদের বিরঞ্ছে আক্রমণকারীদের আনয়ন করো, তাদের গৃহগুলি থেকে শোনা যাক কান্নার রোল, কারণ আমাকে ধরার জন্য তারা গর্ত খুঁড়েছে, আমার পায়ের জন্য ফাঁদ পেতেছে। 23 কিন্তু হে সদাপ্রভু, তুমি জানো আমাকে হত্যা করার জন্য তাদের সব বড়য়ন্ত্রের কথা। তোমার দৃষ্টিপথ থেকে তাদের পাপগুলি মুছে ফেলার জন্য তুমি তাদের অপরাধসকল ক্ষমা কোরো না। তারা তোমার সামনে নিক্ষিপ্ত হোক; তোমার ক্রোধের সময়ে তুমি তাদের প্রতি যথোপযুক্ত আচরণ কোরো।

**19** সদাপ্রভু এই কথা বললেন, “তুমি যাও, গিয়ে কুমোরের কাছ থেকে একটি মাটির পাত্র কেনো। তুমি লোকদের মধ্যে থেকে কয়েকজন প্রাচীন ও যাজকদের তোমার সঙ্গে নিয়ো। 2 তারপর তোমরা খোলামকুচি ফটকের প্রবেশদুয়ারের কাছে স্থিত বিন-হিন্নোমের উপত্যকায় যাও। সেখানে আমি তোমাকে যে কথা বলি, তা ঘোষণা কোরো। 3 তুমি তাদের বোলো, ‘হে যিহূদার রাজা ও জেরুশালামের অধিবাসীরা, তোমরা সদাপ্রভুর বাক্য শোনো। বাহনীগণের সদাপ্রভু, ইস্রায়েলের ঈশ্বর, একথা বলেন: তোমরা শোনো, আমি এই স্থানের উপরে এমন এক বিপর্যয় নিয়ে আসব, তা যে কেউ শুনবে, তার কান শিউরে উঠবে। 4 কারণ তারা আমাকে পরিত্যাগ করেছে এবং এই স্থানকে বিজাতীয় দেবদেবীর আবাসে পরিণত করেছে। তারা এমন সব দেবতার উদ্দেশ্যে ধূপদাহ করেছে, যার কথা তারা নিজেরা, তাদের পিতৃপুরুষেরা, না তো যিহূদার রাজারা কখনও জানত। আবার তারা এই স্থানকে নির্দোষের রক্তে পরিপূর্ণ করেছে। 5 তারা বায়াল-দেবতার উদ্দেশ্যে পূজা করার উঁচু স্থানগুলি তৈরি করেছে, যেন বায়াল-দেবতার

নৈবেদ্যর জন্য নিজের নিজের সন্তানদের আগনে দক্ষ করে। এ এমন  
এক বিষয়, যা আমি তাদের আদেশ দিইনি বা উল্লেখ করিনি, কিংবা  
তা কখনও আমার মনে উদয় হয়নি। ৫ তাই সদাপ্রভু বলেন, সাবধান  
হও, সময় আসন্ন, যখন লোকেরা এই স্থানকে আর তোফৎ বা বিন-  
হিন্নোমের উপত্যকা বলবে না, কিন্তু বলবে, হত্যালীলার উপত্যকা।  
৭ “এই স্থানে, আমি যিহুদা ও জেরুশালেমের পরিকল্পনাকে ধ্বংস  
করব। যারা তাদের প্রাণ নিতে চায়, আমি তাদের সেইসব শক্তির হাতে  
তরোয়ালের আঘাতে তাদের প্রাণনাশ করব। আমি তাদের মৃতদেহ  
আকাশের পাখিদের ও ভূমির পশ্চদের আহার হিসেবে দেব। ৮ আমি  
এই নগরকে বিধ্বস্ত করব এবং এই স্থান উপহাসের আস্পদস্বরূপ  
হবে। যে কেউ এই স্থানের পাশ দিয়ে যাবে, সে বিস্ময়ে এর সব  
যন্ত্রণা দেখে নিন্দা করবে। ৯ যারা তাদের প্রাণ নিতে চায়, তারা  
যখন এই নগর অবরোধ করে তাদের চাপ বৃদ্ধি করবে, তখন আমি  
তাদের নিজেদেরই পুত্রকন্যাদের মাংস তাদের খেতে বাধ্য করব।  
তারা তখন পরস্পর নিজেদেরই মাংস খাবে।’ ১০ “তারপর, তোমার  
সঙ্গীদের চোখের সামনেই তুমি সেই পাত্রটি ভেঙে ফেলবে। ১১ তুমি  
তাদের বলবে, ‘বাহিনীগণের সদাপ্রভু এই কথা বলেন: কুমোরের এই  
পাত্রটি যেমন ভেঙে ফেলা হয়েছে, আমি তেমনই এই জাতি ও এই  
নগরকে ভেঙে চুরমার করব, তা আর কখনও মেরামত করা যাবে  
না। তারা তোফতে মৃত লোকদের কবর দেবে, যে পর্যন্ত সেখানে  
আর কোনো স্থান না থাকে। ১২ এই স্থান ও এখানকার লোকদের  
প্রতি আমি এরকমই করব, সদাপ্রভু এই কথা বলেন। আমি এই  
নগরকে তোফতের মতো করব। ১৩ জেরুশালেমের সমস্ত ঘরবাড়ি  
এবং যিহুদার রাজাদের প্রাসাদগুলি আমি এই স্থান, তোফতের মতো  
অগুচি করব, সেইসব গৃহকে করব যাদের ছাদে তারা নক্ষত্রবাহিনীর  
উদ্দেশে ধূপদাহ ও অন্যান্য দেবদেবীর উদ্দেশ্যে পেয়-নৈবেদ্য উৎসর্গ  
করেছিল।” ১৪ সদাপ্রভু যেখানে ভাববাণী বলার জন্য যিরমিয়াকে  
পাঠিয়েছিলেন, সেই তোফৎ থেকে তিনি ফিরে এলেন এবং সদাপ্রভুর  
মন্দিরের উঠানে দাঁড়িয়ে সব লোককে বললেন, ১৫ “বাহিনীগণের

সদাপ্রভু, ইত্তায়েলের ঈশ্বর এই কথা বলেন: ‘শোনো, আমি এই নগর  
ও এর চারপাশে স্থিত গ্রামগুলির উপরে সেই সমস্ত বিপর্যয় নিয়ে  
আসব, যা আমি তাদের বিরুদ্ধে ঘোষণা করেছিলাম, কারণ তারা ছিল  
একগুঁয়ে এবং তারা আমার কোনো কথা শুনতে চায়নি।’”

**20** যিরিমিয় যখন এসব ভাববাণী বলছিলেন, তখন ইম্মেরের পুত্র,  
যাজক পশ্চুর, যিনি সদাপ্রভুর মন্দিরের প্রধান কর্মকর্তা ছিলেন, 2  
তিনি ভাববাদী যিরিমিয়কে প্রহার করে সদাপ্রভুর মন্দিরের বিন্যামীনের  
উচ্চতর ফটকে হাড়িকাঠে বন্ধ করে রাখলেন। 3 পরের দিন, পশ্চুর  
যখন তাঁকে হাড়িকাঠ থেকে মুক্ত করলেন, যিরিমিয় তাঁকে বললেন,  
“সদাপ্রভু তোমার নাম পশ্চুর রাখেননি, কিন্তু মাগোরমিষাবীব  
রেখেছেন। 4 কারণ সদাপ্রভু এই কথা বলেন: ‘আমি তোমাকে তোমার  
নিজেরই কাছে ও তোমার সমস্ত বন্ধুর কাছে আতঙ্কস্বরূপ করব; তুমি  
নিজের চোখে শক্রদের তরোয়ালের আঘাতে তাদের পতন দেখতে  
পাবে। আমি সমস্ত যিহুদাকে ব্যাবিলনের রাজার হাতে সমর্পণ করব,  
সে তাদের ব্যাবিলনে নির্বাসিত করবে, অথবা তরোয়াল দ্বারা মেরে  
ফেলবে। 5 আমি এই নগরের সমস্ত ঐশ্বর্য তাদের শক্রদের হাত তুলে  
দেব—এর সমস্ত উৎপন্ন দ্রব্য, এর সমস্ত মূল্যবান জিনিস এবং যিহুদার  
রাজাদের সমস্ত ধনসম্পদ তুলে দেব। তারা লুণ্ঠিত বস্ত্ররূপে সেগুলি  
বহন করে ব্যাবিলনে নিয়ে যাবে। 6 আর পশ্চুর তুমি ও তোমার গৃহে  
বসবাসকারী প্রত্যেকে ব্যাবিলনে নির্বাসিত হবে। সেখানেই তোমার ও  
তোমার বন্ধুদের, যাদের কাছে তুমি মিথ্যা ভাববাণী বলেছ, তাদের  
সকলের মৃত্যু ও কবর হবে।’” 7 হে সদাপ্রভু, তুমি আমার বিশ্বাস  
উৎপন্ন করেছ, তাই আমি বিশ্বাস করেছি; তুমি আমার উপরে শক্তি  
প্রয়োগ করে বিজয়ী হয়েছ। সমস্ত দিন আমাকে উপহাস করা হয়;  
প্রত্যেকে আমাকে বিদ্রূপ করে। 8 যখনই আমি কথা বলি, আমি  
চিৎকার করে উঠি, আমি হিংস্রতা ও ধ্বংসের কথা ঘোষণা করি।  
তাই সদাপ্রভুর বাক্য আমার কাছে সমস্ত দিন অপমান ও দুর্নাম নিয়ে  
আসে। 9 কিন্তু আমি যদি বলি, “আমি তাঁর কথা উল্লেখ করব না বা  
তাঁর নামে আর কিছু বলব না,” তাঁর বাক্য আমার হৃদয়ে যেন আগুনের

মতো হয়, যেন আমার হাড়গুলির মধ্যে দাহকারী আগুন বদ্ধ হয়।  
 আমি তা অন্তরে রেখে ক্লান্ত হই, সত্যসত্যই আমি তা ধরে রাখতে  
 পারি না। 10 আমি অনেক ফিসফিস ধৰ্মি শুনি, “সবদিকেই আতঙ্কের  
 পরিবেশ! নালিশ করো! এসো তার নামে নালিশ করি!” আমার সব বন্ধু  
 আমার স্থলনের অপেক্ষায় আছে। তারা বলে, “হয়তো সে প্রতারিত  
 হবে; তখন আমরা তার উপরে জয়ী হব, আর তার উপরে আমাদের  
 প্রতিশোধ নেব।” 11 কিন্তু এক পরাক্রান্ত বীরের মতো সদাপ্রভু আমার  
 সঙ্গে আছেন; তাই আমার নির্যাতনকারীরা হোঁচ্ট খাবে, তারা জয়ী  
 হবে না। তারা ব্যর্থ হবে এবং সম্পূর্ণভাবে অপমানিত হবে; তাদের  
 অসম্মান কখনও ভোগা যাবে না। 12 হে বাহনীগণের সদাপ্রভু,  
 তুমি যে ধার্মিকদের পরীক্ষা করে থাকো এবং তাদের হন্দয় ও মনের  
 অনুসন্ধান করো, শক্রদের উপরে তোমার প্রতিশোধ নেওয়া আমাকে  
 দেখতে দাও, কারণ তোমারই কাছে আমি আমার অভিযোগের বিষয়  
 জানিয়েছি। 13 সদাপ্রভুর উদ্দেশ্যে গান গাও! সদাপ্রভুরই উদ্দেশ্যে  
 প্রশংসা করো! তিনি দুষ্টদের হাত থেকে অভাবগ্রস্তদের প্রাণ উদ্ধার  
 করেন। 14 আমার যেদিন জন্ম হয়েছিল, সেদিনটি অভিশপ্ত হোক!  
 যেদিন আমার মা আমাকে জন্ম দিয়েছিলেন, সেদিনটি আশীর্বাদবিহীন  
 হোক! 15 সেই মানুষ অভিশপ্ত হোক, যে আমার বাবার কাছে সংবাদ  
 বহন করেছিল, যে তাঁকে এই কথা বলে ভীষণ আনন্দ দিয়েছিল,  
 “আপনার এক সন্তানের জন্ম হয়েছে—এক পুত্রসন্তান!” 16 সে মানুষ  
 সেই নগরগুলির মতো হোক, সদাপ্রভু যাদের নির্মমরূপে উৎপাটিত  
 করেছেন। সে সকালে শুনুক বিলাপের রব, দুপুরবেলা শুনুক রংহৃকার।  
 17 কারণ তিনি আমাকে গর্ভের মধ্যে মেরে ফেলেননি, তাহলে আমার  
 মা-ই হতেন আমার কবরস্থান, তাঁর জর্জর নিত্য গুরুত্বার থাকত। 18  
 কষ্টসমস্যা ও দুঃখ দেখার জন্য, লজ্জায় আমার জীবন কাটানোর জন্য,  
 কেন আমি গর্ভ থেকে নির্গত হয়েছি?

**21** সদাপ্রভুর বাক্য যিরমিয়ের কাছে উপস্থিত হল, যখন রাজা  
 সিদিকিয় মঙ্গিয়ের পুত্র পশ্চুরকে ও মাসেয়ের পুত্র যাজক সফনিয়কে  
 তাঁর কাছে প্রেরণ করেন। তারা বলল, 2 “আমাদের জন্য সদাপ্রভুর

কাছে জিঞ্জসা করুন, কারণ ব্যাবিলনের রাজা নেবুখাদনেজার আমাদের আক্রমণ করছেন। হয়তো সদাপ্রভু আমাদের পক্ষে বিস্ময়কর কাজ করবেন, যেমন তিনি পূর্বেও করেছিলেন, তাহলে নেবুখাদনেজার আমাদের কাছ থেকে চলে যাবেন।” ৩ কিন্তু যিরমিয় তাদের উত্তর দিলেন, “তোমরা সিদিকিয়কে বলো, ৪ ‘ইস্রায়েলের ঈশ্বর, বাহিনীগণের সদাপ্রভু এই কথা বলেন: তোমাদের হাতে যুদ্ধের যেসব অস্ত্র আছে, যেগুলি তোমরা ব্যাবিলনের রাজা ও কলনীয়দের, যারা নগর-গাঢ়ীরের বাইরে অবরোধ করে আছে, তাদের বিরুদ্ধে ব্যবহার করতে চাও, আমি সেগুলি এই নগরের অভিযুক্তে ফেরাব। সেই তাদের আমি এই নগরে সংগ্রহ করব। ৫ আমি প্রসারিত হাত ও পরাক্রমী বাহু দ্বারা, প্রচণ্ড ক্ষেত্রে ও মহারোমে তোমাদের বিরুদ্ধে স্বয়ং যুদ্ধ করব। ৬ যারা এই নগরে বসবাস করে, মানুষ ও পশু নির্বিশেষে তাদের সবাইকে আমি আঘাত করব, আর তারা এক ভয়ংকর মহামারিতে প্রাণত্যাগ করবে। ৭ তারপরে, সদাপ্রভু বলেন, যারা মহামারি, তরোয়ালের আঘাত ও দুর্ভিক্ষ থেকে রক্ষা পাবে, অর্থাৎ যিহুদার রাজা সিদিকিয়, তার সমস্ত কর্মচারী ও এই নগরের লোকদের আমি ব্যাবিলনের রাজা নেবুখাদনেজার এবং তাদের শক্তিদের হাতে সমর্পণ করব, যারা তাদের প্রাণনাশ করতে চায়। নেবুখাদনেজার তাদের তরোয়ালের আঘাতে হত্যা করবে; সে তাদের প্রতি কোনো করুণা, মমতা বা সহানুভূতি প্রদর্শন করবে না।’ ৮ “এছাড়াও, তোমরা লোকদের বলো, ‘সদাপ্রভু এই কথা বলেন: দেখো, আমি তোমাদের সামনে জীবনের পথ ও মৃত্যুর পথ রাখছি। ৯ যারাই এই নগরে থাকবে, তারা তরোয়াল, দুর্ভিক্ষ বা মহামারিতে মারা যাবে। কিন্তু যারা বের হয়ে অবরোধকারী ব্যাবিলনীয়দের কাছে আত্মসমর্পণ করবে, তারা বেঁচে থাকবে। তারা তাদের প্রাণরক্ষা করবে। ১০ আমি এই নগরের মঙ্গল নয়, ক্ষতি করার জন্য মনস্ত্রি করেছি, সদাপ্রভু এই কথা বলেন। এই নগর ব্যাবিলনের রাজার হাতে তুলে দেওয়া হবে, আর সে এই নগর আগুন দিয়ে ধ্বংস করবে।’ ১১ “এছাড়া, যিহুদার রাজপরিবারকে বলো, ‘তোমরা সদাপ্রভুর বাক্য শোনো; ১২ দাউদ কুলের লোকেরা, সদাপ্রভু এই কথা

বলেন: “রোজ সকালে ন্যায়বিচারের অনুশীলন করো; যার সর্বস্ব হরণ করা হয়েছে, তার অত্যাচারীদের হাত থেকে তাকে উদ্ধার করো, তা না হলে আমার ক্ষেত্রে আছড়ে পড়বে ও আগন্তের মতো জ্বলবে, তা এমনভাবে জ্বলবে যে কেউ তা নিভাতে পারবে না; তোমাদের কৃত সব মন্দ কাজ হল এর কারণ। 13 হে জেরশালেম, আমি তোমার বিরক্তে, যদিও তুমি এই উপত্যকার উপরে, পাথুরে মালভূমির উপরে প্রতিষ্ঠিত আছ, সদাপ্রভু এই কথা বলেন। তোমরা বলে থাকো, “কে আমাদের বিরক্তে আসতে পারে? আমাদের আশ্রয়স্থানে কে প্রবেশ করতে পারে?” 14 যেমন তোমাদের কাজ, তার যোগ্য প্রতিফল আমি তোমাদের দেব, সদাপ্রভু এই কথা বলেন। আমি তোমাদের বনগুলিতে এক আগনে প্রজ্বলিত করব, তা তোমাদের চারপাশের সবকিছুকে গ্রাস করবে।”

**22** সদাপ্রভু এই কথা বলেন, “তুমি যিহুদার রাজার প্রাসাদে নেমে যাও ও সেখানে এই বার্তা ঘোষণা করো। 2 ‘হে যিহুদার রাজা, তুমি যে দাউদের সিংহাসনে বসে থাকো, তুমি সদাপ্রভুর এই বাক্য শ্রবণ করো—তুমি, তোমার কর্মচারীরা এবং তোমার সব প্রজা, যারা এই দুয়ারগুলি দিয়ে প্রবেশ করো, সকলে শোনো। 3 সদাপ্রভু এই কথা বলেন, যা কিছু যথার্থ ও ন্যায়সংগত, তোমরা তাই করো। যাদের সবকিছু হরণ করা হয়েছে, তাদের অত্যাচারীদের হাত থেকে তাদের রক্ষা করো। বিদেশি, পিতৃহীন বা বিধবাদের প্রতি কোনো অন্যায় বা হিংস্রতার কাজ কোরো না এবং এই স্থানে কোনো নির্দোষ ব্যক্তির রক্তপাত কোরো না। 4 কারণ, যদি তোমরা এসব আদেশ যত্নের সঙ্গে পালন করো, তাহলে দাউদের সিংহাসনে যারা বসে, সেইসব রাজা রথে বা অশ্বদের উপরে আরোহণ করে এই প্রাসাদের দুয়ারগুলি দিয়ে ভিতরে আসবে। তাদের কর্মচারীরা ও তাদের লোকজন তাদের সঙ্গে থাকবে। 5 কিন্তু যদি তোমরা এসব আদেশ পালন না করো, সদাপ্রভু বলেন, আমি নিজের নামেই শপথ করে বলছি যে, এই স্থান এক ধৰ্মস্তূপে পরিণত হবে।’’ 6 কারণ সদাপ্রভু যিহুদার রাজার এই প্রাসাদ সম্পর্কে এই কথা বলেন: “তুমি যদিও আমার কাছে পিলিয়দের

মতো, লেবাননের শিখরচূড়ার মতো, আমি তোমাকে নিশ্চয়ই পতিত  
জমির তুল্য করব, তুমি হবে জনবসতিহীন নগরের মতো। 7 আমি  
তোমার বিরুদ্ধে বিনাশকদের প্রেরণ করব, প্রত্যেক ব্যক্তি তার অস্ত্র  
নিয়ে আসবে, তারা তোমাদের মনোরম সিডার গাছগুলি কেটে আগুনে  
নিষ্কেপ করবে। 8 “বহু দেশ থেকে আগত লোকেরা, এই নগরের পাশ  
দিয়ে যাওয়ার সময় পরস্পরকে জিজ্ঞাসা করবে, ‘সদাপ্রভু কেন এই  
মহানগরের প্রতি এরকম আচরণ করেছেন?’ 9 তাদের এই উত্তর  
দেওয়া হবে: ‘কারণ তারা তাদের ঈশ্বর সদাপ্রভুর নিয়ম ত্যাগ করেছিল  
এবং অন্যান্য দেবদেবীর উপাসনা ও সেবা করেছিল।’” 10 তোমরা  
মৃত রাজার জন্য কেঁদো না বা তাঁর চলে যাওয়ার জন্য বিলাপ কোরো  
না; বরং তার জন্য তীব্র রোদন করো, যে নির্বাসিত হয়েছে, কারণ সে  
আর কখনও ফিরে আসবে না, বা তার জন্মভূমি আর দেখতে পাবে  
না। 11 কারণ, যোশিয়ের পুত্র শলুম, যে যিহুদার রাজারূপে তার বাবার  
উত্তরসূরি হয়েছিল, কিন্তু এই স্থান থেকে যাকে চলে যেতে হয়েছে,  
তার সম্পর্কে সদাপ্রভু এই কথা বলেন: “সে আর কখনও ফিরে আসবে  
না। 12 তাকে যেখানে বন্দি করে নিয়ে যাওয়া হয়েছে, সেই স্থানে  
সে মৃত্যবরণ করবে; সে এই দেশ আর কখনও দেখতে পাবে না।”  
13 “ধিক্ সেই মানুষকে, যে অধার্মিকতায় তার প্রাসাদ নির্মাণ করে,  
অন্যায়ের সঙ্গে তার উপরতলার কক্ষ তৈরি করে, যে বিনামূল্যে তার  
স্বদেশি লোকদের কাজ করায়, তাদের পরিশ্রমের কোনো মজুরি দেয়  
না। 14 সে বলে, ‘আমি নিজের জন্য এক বিশাল প্রাসাদ নির্মাণ করব,  
যার উপরতলার ঘরগুলিতে যথেষ্ট প্রশস্ত স্থান থাকবে।’ তাই সে তার  
মধ্যে বড়ো বড়ো জানালা বসায়, তার তত্ত্বাগুলি হয় সিডার-কাঠের  
এবং লাল রং দিয়ে সে তা রাষ্ট্রিয়ে দেয়। 15 “কিন্তু সুন্দর সিডার-  
কাঠের প্রাসাদ থাকলেই কেউ মহান রাজা হয় না! তোমার বাবা কি  
যথেষ্ট ভোজনপান করত না? যা যথার্থ ও ন্যায়সংগত, সে তাই করত,  
তাই তার পক্ষে সবকিছু ভালোই হয়েছিল। 16 সে দরিদ্র ও নিঃস্বদের  
পক্ষসমর্থন করত, তাই সবকিছু ভালোই হয়েছিল। আমাকে জানার  
অর্থ কি তাই নয়?” সদাপ্রভু এই কথা বলেন। 17 “কিন্তু তোমাদের

চোখ ও তোমাদের মন কেবলমাত্র অন্যায় লাভের প্রতি নিবন্ধ থাকে,  
তোমরা নির্দোষের রক্তপাত করে থাকো, অত্যাচার ও অন্যায় শোষণ।”

18 সেই কারণে, যিহূদার রাজা যোশিয়ের পুত্র যিহোয়াকীম সম্পর্কে  
সদাপ্রভু এই কথা বলেন: “হায়, আমার ভাই! হায়, আমার বোন!”  
বলে তার জন্য তারা বিলাপ করবে না; তারা তার জন্য এই বলে শোক  
করবে না, ‘হায়, আমার মনিব! হায়, তার চোখ ঝলসানো জৌলুস!’

19 গাধার ঘতো তার কবর হবে, লোকে তাকে টেনে নিয়ে নিষ্কেপ  
করবে জেরুশালেমের ফটকগুলির বাইরে।” 20 “তুমি লেবাননে উঠে  
যাও ও গিয়ে চি�ৎকার করো, বাশনে তোমার কর্তৃপক্ষের শোনা যাক,  
তুমি অবারীম থেকে চি�ৎকার করো, কারণ তোমার সমস্ত মিত্রপক্ষ  
চূর্ণ হয়েছে। 21 তুমি যখন নিজেকে নিরাপদ মনে করছিলে, আমি  
তোমাকে সাবধান করেছিলাম, কিন্তু তুমি বলেছিলে, ‘আমি শুনব না।’  
তোমার ঘোবনকাল থেকে এই ছিল তোমার অভ্যাস, তুমি আমার কথা  
শোনোনি। 22 বাতাস তোমার সমস্ত পালককে উড়িয়ে নিয়ে যাবে,  
তোমার মিত্রশক্তি সকলে নির্বাসিত হবে। তখন তোমার সব দুষ্টতার  
জন্য, তুমি লজ্জিত ও অপমানিত হবে। 23 তোমরা যারা লেবাননে  
বসবাস করো, যারা সিডার-কাঠের অট্টালিকায় বাসা বেঁধে থাকো,  
স্ত্রীলোকের প্রসববেদনার মতো বেদনা যখন তোমাদের ঘিরে ধরবে,  
তখন তোমরা কেমন আর্টনাদ করবে! 24 “আমারই প্রাণের দিবিয়,”  
সদাপ্রভু এই কথা বলেন, “যদি তুমি যিহূদার রাজা যিহোয়াকীমের  
পুত্র যিহোয়াখীন, আমার ডান হাতের সিলমোহর দেওয়ার আংটি  
হতে, তাহলেও আমি তোমাকে খুলে ফেলে দিতাম। 25 যারা তোমার  
প্রাণনাশ করতে চায়, যাদের তুমি ভয় করো, সেই ব্যাবিলনের রাজা  
নেবুখাদনেজার ও ব্যাবিলনীয়দের হাতে আমি তোমাকে সমর্পণ করব।

26 আমি তোমাকে ও তোমার মাকে, যে তোমার জন্ম দিয়েছিল, অন্য  
এক দেশে নিষ্কেপ করব, যেখানে তোমাদের কারও জন্ম হয়নি, অথচ  
সেখানে তোমরা উভয়েই মরবে। 27 যে দেশে তোমরা ফিরে আসতে  
চাও, সেখানে কখনও তোমরা আর ফিরে আসতে পারবে না।” 28 এই  
যিহোয়াখীন কি অবঙ্গাত, ভাঙ্গা পাত্র, এমন এক জিনিস যা কেউ

চায় না? কেন তাকে ও তার সন্তানদের নিষ্কেপ করা হবে, এমন  
এক দেশে, যা তাদের অপরিচিত? 29 এই দেশ, দেশ, দেশ, তুমি  
সদাপ্রভুর বাক্য শোনো! 30 সদাপ্রভু এই কথা বলেন: “এরকম লিখে  
নাও, এই লোকটি যেন সন্তানহীন, এমন মানুষ, যে তার জীবনকালে  
সম্মিলিত করবে না, কারণ তার কোনো সন্তান কৃতকার্য হবে না,  
তাদের কেউই দাউদের সিংহাসনে বসবে না বা যিহূদায় আর শাসন  
করবে না।”

**23** সদাপ্রভু বলেন, “ধিক্ষ সেই পালকদের, যারা আমার চারণভূমির  
মেষদের ছিন্নভিন্ন ও ধ্বংস করে!” 2 সেই কারণে, যারা আমার প্রজাদের  
চরায়, ইস্রায়েলের ঈশ্বর সদাপ্রভু তাদের উদ্দেশ্যে এই কথা বলেন:  
“তোমরা যেহেতু আমার মেষদের ছিন্নভিন্ন করেছ, তাদের বিতাড়িত  
করেছ এবং তাদের প্রতি কোনো যত্ন করোনি, তোমরা তাদের প্রতি যে  
অন্যায় করেছ, তার জন্য আমি তোমাদের শাস্তি দেব,” সদাপ্রভু এই  
কথা বলেন। 3 “আমি যে সমস্ত দেশে আমার প্রজাপালকে বিতাড়িত  
করেছি, আমি স্বয়ং সেখান থেকে তাদের অবশিষ্টাংশকে সংগ্রহ করে  
তাদের চারণভূমিতে ফিরিয়ে আনব। সেখানে তারা ফলবান হবে ও  
সংখ্যায় বৃদ্ধি পাবে। 4 আমি তাদের উপরে পালকদের নিযুক্ত করব।  
তারা তাদের তত্ত্বাবধান করবে। তারা আর ভীত বা আতঙ্কগ্রস্ত হবে না,  
কেউ হারিয়েও যাবে না,” সদাপ্রভু এই কথা বলেন। 5 সদাপ্রভু বলেন,  
“সেদিন আসন্ন,” যখন দাউদের বংশ থেকে আমি এক ধার্মিক পল্লবকে  
তুলে ধরব, সেই রাজা জ্ঞানপূর্বক রাজত্ব করবে এবং সেদেশে যথার্থ  
ও ন্যায়সংগত কাজ করবে। 6 তার সময়ে যিহূদা পরিত্রাণ পাবে এবং  
ইস্রায়েল নিরাপদে বসবাস করবে। আর এই নামে সে আখ্যাত হবে,  
সদাপ্রভু আমাদের ধার্মিক ত্রাণকর্তা। 7 সদাপ্রভু বলেন, “তাহলে সেই  
দিনগুলি আসছে, যখন লোকেরা আর বলবে না, ‘জীবন্ত সদাপ্রভুর  
দিব্যি, যিনি ইস্রায়েলীদের মিশর থেকে মুক্ত করে এনেছেন,’ 8 কিন্তু  
তারা বলবে, ‘জীবন্ত সদাপ্রভুর দিব্যি, যিনি ইস্রায়েলের বংশধরদের  
উত্তরের দেশ থেকে এবং যে সমস্ত দেশে তাদের নির্বাসিত করেছিলেন,  
সেখান থেকে তাদের নিয়ে এসেছেন।’ তখন তারা স্বদেশে বসবাস

করবে।” 9 ভাববাদীদের সম্পর্কিত বিষয়: আমার অন্তর আমার মধ্যে  
ভেঙে পড়েছে, আমার সব হাড় কাঁপতে থাকে; আমি এক মাতাল  
ব্যক্তির মতো হয়েছি, দ্রাক্ষারসে পরাভূত কোনো লোকের মতো,  
সদাপ্রভু ও তাঁর পবিত্র বাক্যের কারণে। 10 দেশ সব ব্যতিচারীতে  
পূর্ণ; অভিশাপের কারণে দেশ শুকনো হয়ে পড়ে আছে, মরহপ্রাপ্তের  
সব চারণভূমি শুকিয়ে গেছে। ভাববাদীরা এক মন্দ উপায় অবলম্বন  
করে, তারা তাদের ক্ষমতার অন্যায় ব্যবহার করে। 11 “ভাববাদী ও  
যাজক, উভয়েই ভক্তিহীন; এমনকি, আমার মন্দিরেও আমি তাদের  
দুষ্টতা দেখি,” সদাপ্রভু এই কথা বলেন। 12 “সেই কারণে তাদের পথ  
পিছিল হবে, তাদের অন্ধকারে তাড়িয়ে দেওয়া হবে এবং সেখানেই  
তাদের পতন হবে। যে বছরে তারা শান্তি পাবে, আমি তাদের উপরে  
বিপর্যয় নিয়ে আসব,” সদাপ্রভু এই কথা বলেন। 13 “শমরিয়ার  
ভাববাদীদের মধ্য আমি এই বিরক্তিকর ব্যাপার দেখেছি, তারা বায়াল-  
দেবতার নামে ভাববাণী করে আমার প্রজা ইস্রায়েলকে বিপথগামী  
করেছে। 14 আবার জেরুশালেমের ভাববাদীদের মধ্যে, আমি এই  
ভয়ংকর ব্যাপার দেখেছি, তারা ব্যতিচার করে ও মিথ্যাচারের জীবন  
কাটায়। তারা অন্যায়কারীদের হাত শক্ত করে, যেন কেউই তার  
দুষ্টতার পথ থেকে না ফেরে। তারা সবাই আমার কাছে সদোমের  
লোকদের মতো; জেরুশালেমের লোকেরা ঘমোরার মতো।” 15  
অতএব, ভাববাদীদের সম্পর্কে বাহিনীগণের সদাপ্রভু এই কথা বলেন:  
“আমি তাদের খেতে দেব তেতো আহার, পান করার জন্য বিষাক্ত জল,  
কারণ জেরুশালেমের সব ভাববাদীর কাছ থেকে ভক্তিহীনতা ছড়িয়ে  
পড়েছে সমস্ত দেশে।” 16 বাহিনীগণের সদাপ্রভু এই কথা বলেন,  
“ভাববাদীরা তোমাদের কাছে যে ভাববাণী বলে, তোমরা সেই কথা  
শুনো না; তারা মিথ্যা আশা তোমাদের মনে ভরায়। তাদের মনগড়া  
দর্শনের কথা তারা বলে, যা সদাপ্রভুর মুখ থেকে নির্গত হয়নি। 17 যারা  
আমাকে অবজ্ঞা করে, তারা তাদের কাছে বলে যায়, ‘সদাপ্রভু বলেন:  
তোমাদের শান্তি হবে।’ আর যারাই তাদের হৃদয়ের একগুঁয়েমির  
অধীনে চলে, তারা বলে, ‘তোমাদের কোনো ক্ষতি হবে না।’ 18 কিন্তু

তাদের মধ্যে কে সদাপ্রভুর সভায় দাঁড়িয়েছে তাঁকে দেখার বা তাঁর  
কথা শোনার জন্য? কে তাঁর বাক্য শুনে তা অবধান করেছে? 19  
দেখো, সদাপ্রভুর ক্রোধ বাড়ের মতো আছড়ে পড়বে, তা ঘূর্ণিবায়ুর  
মতো ঘুরে ঘুরে দুষ্টদের মাথায় পড়বে। 20 সদাপ্রভুর ক্রোধ ফিরে  
আসবে না যতক্ষণ না তা তাঁর হন্দয়ের অভিপ্রায় পূর্ণরূপে সাধন করে।  
আগামী দিনগুলিতে তোমরা তা স্পষ্ট বুঝতে পারবে। 21 আমি এসব  
ভাববাদীকে প্রেরণ করিনি, তবুও তারা নিজেদেরই বার্তা আমার বলে  
দাবি করেছে। আমি তাদের সঙ্গে কথা বলিনি, তবুও তারা ভাববাদী  
বলেছে। 22 কিন্তু, যদি তারা আমার দরবারে দাঁড়াত, তারা আমার  
কথা আমার প্রজাদের কাছে ঘোষণা করত এবং তাদের মন্দ পথ ও সব  
মন্দ কর্ম করা থেকে ফেরাত। 23 “আমি কি কেবলমাত্র নিকটের ঈশ্বর,”  
সদাপ্রভু এই কথা বলেন, “আমি কি দূরের ঈশ্বর নই? 24 কেউ কি  
এমন কোনো গোপন স্থানে লুকাতে পারে, যেখানে আমি তাকে দেখতে  
পাব না?” সদাপ্রভু এই কথা বলেন। “আমি কি স্বর্গ ও মর্ত্য জুড়ে থাকি  
না?” সদাপ্রভু এই কথা বলেন। 25 “যে ভাববাদীরা আমার নামে মিথ্যা  
ভাববাদী বলে, সেই ভাববাদীরা কী বলে, আমি তা শুনেছি। তারা  
বলে, ‘আমি একটি স্বপ্ন দেখেছি! আমি একটি স্বপ্ন দেখেছি।’ 26 এসব  
ভঙ্গ ভাববাদীর মনে কত কাল এসব থাকবে, যারা নিজেদের ভ্রান্ত মন  
থেকে উৎপন্ন এসব ভাববাদী বলে? 27 তারা মনে করে, পরম্পরের  
কাছে তারা যে স্বপ্নের কথা বলে, তার ফলে আমার প্রজারা আমার নাম  
ভুলে যাবে, যেভাবে তাদের পূর্বপুরুষেরা বায়াল-দেবতার উপাসনার  
মাধ্যমে আমার নাম ভুলে গিয়েছিল। 28 যে ভাববাদী স্বপ্ন দেখেছে,  
সে তার স্বপ্নের কথা বলুক, কিন্তু যার কাছে আমার বাক্য আছে, সে  
তা বিশ্বস্তভাবে বলুক। কারণ শস্যদানার সঙ্গে খড়ের কী সম্পর্ক?”  
সদাপ্রভু এই কথা বলেন। 29 “আমার বাক্য কি আগুনের মতো নয়,”  
সদাপ্রভু এই কথা বলেন, “এবং তা কি কোনো হাতুড়ির মতো নয়, যা  
পাথরকে খণ্ড খণ্ড করে? 30 “সেই কারণে,” সদাপ্রভু বলেন, “আমি  
সেইসব ভাববাদীর বিরুদ্ধে, যারা পরম্পরের কাছ থেকে বাক্য ছুরি  
করে ও দাবি করে যে সেই বাক্যগুলি আমার কাছ থেকে পেয়েছে।” 31

সদাপ্রভু বলেন, “হ্যাঁ, আমি সেইসব ভাববাদীর বিরুদ্ধে, যারা নিজেরা নিজেদের জিত নাড়ায়, অথচ বলে, ‘সদাপ্রভু ঘোষণা করেন।’ 32 প্রকৃতপক্ষে, আমি তাদের বিরুদ্ধে, যারা আমার নামে মিথ্যা স্বপ্নের ভাববাণী বলে,” সদাপ্রভু এই কথা বলেন। “তারা তাদের সেগুলি বলে এবং তাদের ভাবনাচিন্তাহীন মিথ্যার দ্বারা আমার প্রজাদের বিপথগামী করে, যদিও আমি তাদের পাঠাইনি বা নিয়োগ করিনি। তারা এই লোকদের বিন্দুমাত্রও উপকার করতে পারে না,” সদাপ্রভু এই কথা বলেন। 33 “মনে করো, কোনো প্রজা বা ভাববাদীদের বা যাজকদের মধ্যে কোনো একজন তোমাকে জিজ্ঞাসা করে, ‘সদাপ্রভু কোনও ভাববাণী দিয়ে এখন তোমাকে ভারগ্রস্ত করেছেন?’ তাহলে তাদের বোলো, ‘তোমরাই হলে সেই ভার। সদাপ্রভু বলেছেন, তিনি তোমাদের পরিত্যাগ করবেন।’ 34 কোনো ভাববাদী বা যাজক বা অন্য কেউ যদি দাবি করে, ‘এই হল সদাপ্রভুর কাছ থেকে পাওয়া প্রত্যাদেশ,’ তাহলে আমি সেই ব্যক্তিকে এবং তার পরিজনদের শাস্তি দেব। 35 তোমাদের প্রত্যেকে তার বন্ধু বা আপনজনকে এই কথা বলতে থাকো: ‘সদাপ্রভু কি উত্তর দিয়েছেন?’ অথবা ‘সদাপ্রভু কী কথা বলেছেন?’ 36 কিন্তু তোমরা আর ‘সদাপ্রভুর ভাববাণী’ বলে উল্লেখ করবে না, কারণ সব মানুষের নিজেরই কথা তার পক্ষে ভারস্বরূপ হবে এবং এইভাবে তোমরা জীবন্ত ঈশ্বরের সব বাক্যকে বিকৃত করে থাকো, যিনি হলেন বাহ্নীগণের সদাপ্রভু, আমাদের ঈশ্বর। 37 তোমরা এই কথা কোনো ভাববাদীকে বলতে থাকো, ‘আপনাকে সদাপ্রভু কী উত্তর দিয়েছেন?’ বা ‘সদাপ্রভু কী কথা বলেছেন?’ 38 তোমরা যদিও দাবি করো, ‘এই হল সদাপ্রভুর ভাববাণী,’ একথা সদাপ্রভু বলেন: তোমরা এই কথাগুলি ব্যবহার করো, ‘এই হল সদাপ্রভুর ভাববাণী,’ যদিও আমি তোমাদের বলেছি, তোমরা ‘এই হল সদাপ্রভুর ভাববাণী,’ একথা অবশ্যই আর বলবে না। 39 অতএব, আমি নিশ্চিতরণে তোমাদের ভুলে যাব এবং যে নগর আমি তোমাদের ও তোমাদের পিতৃপুরুষদের দিয়েছিলাম, তা আমার উপস্থিতি থেকে দূরে নিক্ষেপ করব। 40 আমি

তোমাদের উপরে চিরস্থায়ী দুর্নাম নিয়ে আসব—এক চিরকালীন লজ্জা,  
যা লোকেরা ভুলে যাবে না।”

**24** ব্যাবিলনের রাজা নেবুখাদনেজার যিহূদার রাজা যিহোয়াকীমের পুত্র যিহোয়াখীনকে, যিহূদার সমস্ত রাজকর্মচারী, শিল্পকার ও কারককর্মীদের জেরুশালেম থেকে ব্যাবিলনে নির্বাসিত করার পর, সদাপ্রভু আমাকে সদাপ্রভুর মন্দিরের সামনে রাখা দুই ঝুড়ি ডুমুরফল দেখালেন। 2 একটি ঝুড়িতে অত্যন্ত উৎকৃষ্ট ধরনের ডাঁসা ডুমুর ছিল; অন্য ঝুড়িটিতে ছিল অত্যন্ত নিকৃষ্ট মানের ডুমুর, সেগুলি এত খারাপ যে মুখে দেওয়া যায় না। 3 তারপর সদাপ্রভু আমাকে জিজাসা করলেন, “যিরিমিয়, তুমি কী দেখতে পাচ্ছ?” আমি উত্তর দিলাম, “ডুমুর, ভালো ডুমুরগুলি বেশ ভালো, কিন্তু খারাপ ডুমুরগুলি এত খারাপ যে মুখে দেওয়া যায় না।” 4 তারপর সদাপ্রভুর বাক্য আমার কাছে উপস্থিত হল: 5 “সদাপ্রভু, ইন্দ্রায়েলের স্টশ্বর এই কথা বলেন: ‘এই ভালো ডুমুরগুলির মতো আমি যিহূদা থেকে নির্বাসিত লোকদের মনে করি, যাদের আমি এই স্থান থেকে দূরে, ব্যাবিলনীয়দের দেশে পাঠিয়েছি।’ 6 তাদের মঙ্গলের জন্য আমার চোখ দৃষ্টি রাখবে, আর আমি তাদের এই দেশে আবার ফিরিয়ে আনব। আমি তাদের গড়ে তুলব, ভেঙে ফেলব না; আমি তাদের রোপণ করব, উৎপাটন নয়। 7 আমিই সদাপ্রভু, এই কথা জানার জন্য আমি তাদের এক মন দেব। তারা আমার প্রজা হবে এবং আমি তাদের স্টশ্বর হব, কারণ তারা সম্পূর্ণ মনেপ্রাণে আমার কাছে ফিরে আসবে। 8 ‘কিন্তু ওই খারাপ ডুমুরগুলি, যেগুলি এত খারাপ যে খাওয়া যায় না,’ সদাপ্রভু বলেন, ‘তেমনই আমি যিহূদার রাজা সিদিকিয়, তার কর্মচারীদের এবং জেরুশালেমের অবশিষ্ট রক্ষাপ্রাপ্ত লোকদের সঙ্গে ব্যবহার করব, তা তারা এদেশেই থাকুক বা মিশরে চলে যাক।’ 9 তাদের যেখানেই নির্বাসিত করি, আমি পৃথিবীর সেইসব রাজ্যের কাছে তাদের ঘৃণার পাত্র করব, তাদের দুর্নাম ও অবজ্ঞার, নিন্দার ও অভিশাপের পাত্র করব। 10 আমি তাদের বিরঞ্জে তরোয়াল, দুর্ভিক্ষ ও মহামারি প্রেরণ করব, যতক্ষণ না তারা এই দেশ থেকে ধ্বংস হয়, যে দেশ আমি তাদের ও তাদের পিতৃপুরুষদের দিয়েছিলাম।”

**25** যিহুদার রাজা যোশিয়ের পুত্র যিহোয়াকীমের রাজত্বের চতুর্থ  
বছরে, অর্থাৎ ব্যাবিলনের রাজা নেবুখাদনেজারের রাজত্বের প্রথম  
বছরে, যিহুদার লোকদের জন্য সদাপ্রভুর বাক্য যিরমিয়ের কাছে  
উপস্থিত হল। 2 তাই ভাববাদী যিরমিয় যিহুদার সব লোকের কাছে  
এবং জেরশালেমে বসবাসকারী সকলের কাছে এই কথা বললেন: 3  
যিহুদার রাজা আমোনের পুত্র যোশিয়ের রাজত্বের তেরোতম বছর থেকে  
আজ পর্যন্ত, এই তেইশ বছর, সদাপ্রভুর বাক্য আমার কাছে উপস্থিত  
হয়েছে এবং আমি বারবার তোমাদের সঙ্গে কথা বলেছি, কিন্তু তোমরা  
তা শোনোনি। 4 আর সদাপ্রভু যদিও তাঁর দাস ভাববাদীদের বারবার  
তোমাদের কাছে প্রেরণ করেছেন, তোমরা কিন্তু তাদের কথা শোনোনি  
বা তাতে মনোযোগও দাওনি। 5 তারা বলেছিলেন, “তোমাদের  
প্রত্যেকে এখন তোমাদের মন্দ পথ থেকে ও তোমাদের মন্দ সব  
অভ্যাস থেকে ফেরো, তাহলে সদাপ্রভু তোমাদের ও তোমাদের  
পিতৃপুরুষদের এই যে দেশ দিয়েছেন, তার মধ্যে তোমরা চিরকাল  
বসবাস করতে পারবে। 6 অন্য দেবদেবীর অনুসারী হয়ে তোমরা  
তাদের সেবা ও উপাসনা করবে না। তোমাদের হাতের তৈরি সব  
দেবমূর্তি দিয়ে আমার ক্ষেত্রে উভেজিত কোরো না। তাহলে আমি  
তোমাদের কোনো ক্ষতি করব না।” 7 সদাপ্রভু বলেন, “তোমরা  
কিন্তু আমার কথা শোনোনি এবং তোমাদের হাতে তৈরি ওইসব  
বিগ্রহের দ্বারা তোমরা আমার ক্ষেত্রে জাগিয়ে তুলেছ। এভাবে তোমরা  
নিজেরাই নিজেদের ক্ষতিসাধন করেছ।” 8 সেই কারণে, বাহিনীগণের  
সদাপ্রভু এই কথা বলেন: “তোমরা যেহেতু আমার কথা শোনোনি, 9  
আমি উত্তর দিকের সমস্ত জাতিকে ও আমার দাস, ব্যাবিলনের রাজা  
নেবুখাদনেজারকে ডেকে পাঠাব,” একথা সদাপ্রভু বলেন। “আমি এই  
দেশ ও এর অধিবাসীদের এবং এর চারপাশের সব জাতির বিরুদ্ধে  
তাদের নিয়ে আসব। আমি তাদের সম্পূর্ণরূপে ধ্বংস করব। আমি  
তাদের বিভাষিকা ও নিন্দার পাত্র করব। তারা চিরকালের জন্য ধ্বংস  
হবে। 10 আমি তাদের মধ্য থেকে আমোদ ও আনন্দের রব, বর ও  
কনের আনন্দরব নিবৃত্ত করব। সেখানে জাঁতার শব্দ আর শোনা যাবে

না এবং তাদের গৃহের সমস্ত প্রদীপ আমি নিভিয়ে ফেলব। 11 সমস্ত দেশই এক জনশূন্য পতিত ভূমি হয়ে যাবে, আর এই জাতিগুলি সত্ত্বের বছর ধরে ব্যাবিলনের রাজার দাসত্ব করবে। 12 “কিন্তু সেই সত্ত্বের বছর সম্পূর্ণ হলে পর, আমি ব্যাবিলনের রাজা ও তার জাতি এবং ব্যাবিলনীয়দের দেশকে তাদের অপরাধের জন্য শাস্তি দেব,” সদাপ্রভু এই কথা বলেন, “এবং চিরকালের জন্য তা জনমানবহীন স্থানে পরিণত করব। 13 আমি সেই দেশের বিরঞ্ছে যে সমস্ত অভিশাপের কথা বলেছি, যে কথাগুলি এই পুস্তকে লিখিত হয়েছে এবং সব জাতির বিরঞ্ছে যিরমিয় যে সকল ভাববাণী করেছে, সেই সমস্তই তাদের উপরে নিয়ে আসব। 14 তারা নিজেরাই বহু জাতি ও মহান রাজাদের দাসত্ব করবে; তাদের সমস্ত কাজ ও তাদের হাত যা করেছে, সেই অনুযায়ী আমি তাদের প্রতিফল দেব।” 15 ইস্রায়েলের ঈশ্বর, সদাপ্রভু আমাকে এই কথা বললেন: “তুমি আমার হাত থেকে আমার ক্ষেত্রে দ্রাক্ষারসে পূর্ণ এই পেয়ালা নাও এবং আমি যে জাতিদের কাছে তোমাকে পাঠাই, তুমি তা থেকে তাদের পান করাও। 16 তা থেকে পান করলে পর তারা টলমল করবে এবং তাদের মধ্যে আমি যে তরোয়াল প্রেরণ করব, তার দরঘন তারা উন্নাদ হয়ে যাবে।” 17 তাই আমি সদাপ্রভুর হাত থেকে সেই পানপাত্র নিলাম এবং যাদের কাছে তিনি আমাকে প্রেরণ করেছিলেন, সেই সমস্ত জাতিকে তা পান করালাম। 18 জেরুশালেম ও যিহূদার সব নগর, তার রাজাদের ও রাজকর্মচারীদের, যেন তারা আজও যেমন আছে, সেইরকম বিভীষিকা ও নিন্দা ও অভিশাপের পাত্র হয়; 19 মিশরের রাজা ফরৌণকে, তাঁর পরিচারকদের ও রাজকর্মচারীদের ও তাঁর সমস্ত প্রজাকে, 20 আর যে সমস্ত বিদেশি সেখানে বসবাস করে; উষ দেশের সব রাজাকে; ফিলিস্তিনী সব রাজাকে (অর্থাৎ অঙ্কিলোন, গাজা, ইক্রোণ এবং অস্দোদের অবশিষ্ট পরিত্যক্ত লোকদের); 21 ইদোম, মোয়াব ও অম্মোনকে; 22 সোর ও সীদোনের সব রাজাকে; সমুদ্র-উপকূল বরাবর সমস্ত রাজাকে; 23 দদান, টেমা, বৃষ ও দূরবর্তী স্থানের লোককে; 24 আরবের সমস্ত রাজা এবং প্রান্তের দেশগুলিতে বসবাসকারী বিদেশিদের সব রাজাকে 25

সিঞ্চি, এলম ও মাদীয় সব রাজাকে; 26 দূরে ও নিকটে স্থিত উত্তর  
দিকের সব রাজাকে এবং ভূপৃষ্ঠের উপরে স্থিত সমস্ত রাজ্যকে, একের  
পর অন্য একজনকে পান করালাম। তাদের সবার পান করার পর  
শেশকের রাজাকেও তা পান করতে হবে। 27 “তারপর তুমি তাদের  
বোলো, ‘বাহিনীগণের সদাপ্রভু, ইস্রায়েলের ঈশ্বর এই কথা বলেন:  
পান করো, মত্ত হও ও বমি করো। আর আমি যে বিপক্ষের তরোয়াল  
প্রেরণ করব, তার জন্য পতিত হও, আর উঠো না।’ 28 কিন্তু তারা  
যদি তোমার হাত থেকে ওই পানপাত্র নিয়ে পান করতে না চায়,  
তাদের বোলো, ‘বাহিনীগণের সদাপ্রভু এই কথা বলেন: তোমাদের  
অবশ্যই পান করতে হবে! 29 দেখো আমার নামে আখ্যাত এই নগরের  
উপরে আমার বিপর্যয় নিয়ে আসা শুরু করলাম, আর তোমরা কি  
প্রকৃতই অদণ্ডিত থাকবে? না, তোমরা অদণ্ডিত থাকবে না, কারণ  
পৃথিবীনিবাসী সকলের উপরে আমি এক তরোয়াল আহ্লান করেছি,  
বাহিনীগণের সদাপ্রভু এই কথা বলেন।’ 30 “এখন তাদের বিরুদ্ধে  
এই ভাববাণী করো এবং তাদের বলো: “‘সদাপ্রভু উর্ধ্ব থেকে গর্জন  
করবেন; তাঁর পবিত্র বাসস্থান থেকে তিনি বজ্রধনি করবেন এবং তাঁর  
দেশের বিরুদ্ধে প্রবল গর্জন করবেন। তিনি দ্রাক্ষাপেষণকারীদের মতো  
চিৎকার করবেন, পৃথিবীনিবাসী সকলের বিরুদ্ধে চিৎকার করবেন। 31  
সেই কলরব পৃথিবীর প্রান্তসীমা পর্যন্ত প্রতিধ্বনিত হবে, কারণ সদাপ্রভু  
সব জাতির বিরুদ্ধে অভিযোগ আনবেন; তিনি সব জাতির বিচার  
করবেন এবং দুষ্টদের তরোয়ালের মুখে ফেলবেন,” সদাপ্রভু এই কথা  
বলেন। 32 বাহিনীগণের সদাপ্রভু এই কথা বলেন: “দেখো! এক জাতি  
থেকে অন্য জাতির উপরে বিপর্যয় ছড়িয়ে পড়ছে; পৃথিবীর প্রান্তসীমা  
থেকে উঠে আসছে এক শক্তিশালী ঝড়।” 33 সেই সময়ে সদাপ্রভুর  
দ্বারা নিহতেরা, পৃথিবীর এক প্রান্ত থেকে অন্য প্রান্ত পর্যন্ত, সর্বত্র পড়ে  
থাকবে। তাদের জন্য শোক করা হবে না বা তাদের সংগ্রহ করে কবর  
দেওয়া হবে না, কিন্তু মাটিতে পতিত আবর্জনার মতো তারা পড়ে  
থাকবে। 34 হে পালকেরা, তোমরা কাঁদো ও বিলাপ করো; পালের  
নেতারা, তোমরা ধূলোয় গড়াগড়ি দাও। কারণ তোমাদের হত্যা করার

সময় এসে পড়েছে; তোমরা পড়ে চুরমার হওয়া কোনো সুন্দর পাত্রের  
মতো চারদিকে পড়ে থাকবে। 35 পালকদের পালানোর কোনো স্থান  
থাকবে না, পালের নেতাদের পালানোর কোনো জায়গা থাকবে না।  
36 ওই পালকদের কান্নার রব শোনো, পালের নেতাদের বিলাপের রব  
শোনো, কারণ সদাপ্রভু তাদের পালের চারণভূমি ধ্বংস করছেন। 37  
সদাপ্রভুর প্রচণ্ড ক্রোধের জন্য শাস্তিপূর্ণ পশুচারণভূমিগুলি পরিত্যক্ত  
পড়ে থাকবে। 38 অত্যাচারীদের তরোয়ালের জন্য হে সদাপ্রভুর প্রচণ্ড  
ক্রোধের জন্য, সিংহের মতোই তিনি তাঁর আবাস ত্যাগ করে আসবেন,  
তাদের দেশ জনশূন্য পড়ে থাকবে।

**26** যিন্দুর রাজা যোশিয়ের পুত্র যিহোয়াকীমের রাজত্বের প্রথমদিকে,  
সদাপ্রভুর এই বাক্য উপস্থিত হল: 2 “সদাপ্রভু এই কথা বলেন: তুমি  
সদাপ্রভুর গৃহের প্রাঙ্গণে গিয়ে দাঁড়াও এবং যারা সদাপ্রভুর গৃহে  
উপাসনা করতে আসে, যিন্দুর নগরগুলির সেই সমস্ত লোকদের কাছে  
কথা বলো। আমি তোমাকে যা আদেশ দিই, সেসবই তাদের বলো;  
একটি কথাও বাদ দেবে না। 3 হয়তো তারা শুনবে এবং প্রত্যেকে  
তাদের কুপথ থেকে ফিরবে। তখন আমি কোমল হব এবং তারা যে  
সমস্ত অন্যায় করেছে, সেগুলির জন্য তাদের উপরে যে বিপর্যয় আনার  
পরিকল্পনা আমি করেছিলাম, তা আমি করব না। 4 তাদের বলো,  
‘সদাপ্রভু এই কথা বলেন: তোমরা যদি আমার কথা না শোনো এবং  
আমার যে বিধান তোমাদের দিয়েছি, তা যদি পালন না করো, 5 এবং  
যাদের আমি বারবার তোমাদের কাছে প্রেরণ করেছি, আমার সেই দাস  
ভাববাদীদের কথা তোমরা যদি না শোনো (যদিও তোমরা তাদের  
কথা শোনোনি), 6 তাহলে এই গৃহকে আমি শীলোর মতো করব এবং  
এই নগর পৃথিবীর সব জাতির কাছে অভিশাপের পাত্রস্বরূপ হবে।” 7  
যাজকেরা, ভাববাদীরা এবং সমস্ত লোক সদাপ্রভুর গৃহে যিরমিয়কে  
এই সমস্ত কথা বলতে শুনল। 8 কিন্তু যিরমিয় যেই সমস্ত লোককে  
সদাপ্রভু তাঁকে যে কথা বলার আদেশ দিয়েছিলেন, সেই সমস্ত বলা  
সমাপ্ত করলেন, যাজকেরা, ভাববাদীরা ও সমস্ত লোক তাঁকে ধরল ও  
বলল, “তোমাকে অবশ্যই মরতে হবে! 9 তুমি কেন ঈশ্বরের নামে

এরকম ভাববাণী বলেছ যে, এই গৃহ শীলোর মতো হবে এবং এই নগর  
জন্মানবহীন ও পরিত্যক্ত হবে?” এই বলে সমস্ত লোক সদাপ্রভুর  
গৃহে যিরমিয়াকে ঘিরে ধরল। 10 যিহুদার রাজকর্মচারীরা যখন এই  
সমস্ত কথা শুনল, তারা রাজপ্রাসাদ থেকে সদাপ্রভুর গৃহে গেল। তারা  
সদাপ্রভুর গৃহের নতুন-দারের প্রবেশপথে গিয়ে তাদের স্থান গ্রহণ  
করল। 11 তখন যাজকেরা ও ভাববাদীরা রাজকর্মচারী ও অন্যান্য  
সব লোককে বললেন, “এই লোকটি যেহেতু এই নগরের বিরুদ্ধে  
ভাববাণী বলেছে, তাই একে মৃত্যুদণ্ড দিতে হবে। তোমরা নিজেদেরই  
কানে সেই কথা শুনেছ!” 12 তখন যিরমিয় রাজকর্মচারীদের ও  
অন্যান্য সব লোকদের বললেন: “সদাপ্রভু আমাকে এই গৃহ ও এই  
নগর সম্বন্ধে ভাববাণী বলার জন্য প্রেরণ করেছেন, যে সকল কথা  
আপনারা শুনেছেন। 13 এবার আপনারা আপনাদের জীবনাচরণ ও  
আপনাদের কার্যকলাপের সংশোধন করুন এবং আপনাদের ঈশ্বর  
সদাপ্রভুর আদেশ পালন করুন। তাহলে সদাপ্রভু আপনাদের প্রতি  
কোমল হবেন এবং আপনাদের বিরুদ্ধে যে বিপর্যয় আনার কথা  
ঘোষণা করেছেন, তা আর নিয়ে আসবেন না। 14 আমার কথা  
বলতে গেলে, আমি তো আপনাদেরই হাতে আছি; যা কিছু ভালো ও  
ন্যায়সংগত, আপনারা যদি আমাকে মৃত্যুদণ্ড দেন, আপনারা  
নির্দোষের রক্তপাতের অপরাধ নিজেদের, এই নগরের এবং এর মধ্যে  
বসবাসকারী সব মানুষের উপরে নিয়ে আসবেন। কারণ সদাপ্রভু  
সত্যিই এসব কথা আপনাদের কর্ণগোচরে বলার জন্য আমাকে প্রেরণ  
করেছেন।” 16 এরপর রাজকর্মচারীরা ও অন্য সব লোক যাজকদের ও  
ভাববাদীদের এই কথা বললেন, “এই মানুষটির মৃত্যুদণ্ড হবে না! সে  
আমাদের কাছে আমাদের ঈশ্বর সদাপ্রভুর নামে কথা বলেছে।” 17  
দেশের কোনো কোনো প্রাচীন সামনে এগিয়ে এসে জমায়েত হওয়া  
সব লোককে বললেন, 18 “মোরেশৎ নিবাসী মীখা যিহুদার রাজা  
হিক্ষিয়ের সময়ে ভাববাণী করেছিলেন। তিনি যিহুদার সব লোককে  
বলেছিলেন, ‘বাহিনীগণের সদাপ্রভু এই কথা বলেন: “সিয়োনকে

মাঠের মতো চাষ করা হবে, জেরশালেম এক ধ্বংসস্তুপে পরিণত হবে, মন্দিরের পাহাড় কাঁটাবোপে ঢাকা পড়বে।’ 19 যিহুদার রাজা হিস্কিয় বা যিহুদার অন্য কেনো লোক কি তাঁকে মৃত্যুদণ্ড দিয়েছিলেন? হিস্কিয় কি সদাপ্রভুকে ভয় করে তাঁর কৃপা যাঞ্চা করেননি? আর সদাপ্রভুও কি কোমল হননি? তিনি তাদের বিরুদ্ধে যে বিপর্যয়ের কথা ঘোষণা করেছিলেন, তা আর নিয়ে এলেন না। আমরা তো নিজেদের উপরে এক ভয়কর বিপর্যয় প্রায় নিয়ে এসেছি!” 20 (সেই সময় কিরিয়ৎ-যিয়ারীম নিবাসী শময়িয়ের পুত্র উরিয় সদাপ্রভুর নামে ভাববাণী বলতেন। তিনিও যিরমিয়ের মতোই এই নগর ও এই দেশের বিরুদ্ধে একই ভাববাণী বলেছিলেন। 21 যখন রাজা যিহোয়াকীম, তাঁর সব বীর যোদ্ধা ও রাজকর্মচারীরা এসব কথা শুনলেন, রাজা উরিয়কে মেরে ফেলতে চাইলেন। উরিয় সেই কথা শুনে প্রাণভয়ে মিশরে পলায়ন করলেন। 22 রাজা যিহোয়াকীম তখন অক্বোরের পুত্র ইল্নাথনকে অন্য কয়েকজনের সঙ্গে মিশরে প্রেরণ করলেন। 23 তারা উরিয়কে মিশর থেকে এনে রাজা যিহোয়াকীমের কাছে উপস্থিত করল। রাজা তাঁকে তরোয়াল দিয়ে মেরে ফেললেন এবং সাধারণ লোকদের কবরস্থানে তাঁর দেহ নিষ্কেপ করলেন।) 24 এছাড়া, শাফনের পুত্র অহীকাম যিরমিয়কে সমর্থন করায়, তাঁকে মৃত্যুর জন্য লোকদের হাতে তুলে দেওয়া হল না।

**27** যিহুদার রাজা যোশিয়ের পুত্র সিদিকিয়ের রাজত্বের প্রথমদিকে, সদাপ্রভুর কাছ থেকে যিরমিয়ের কাছে এই বাক্য উপস্থিত হল: 2 সদাপ্রভু আমাকে এই কথা বললেন: “তুমি চামড়ার ফালি ও কাঠের দণ্ড দিয়ে একটি জোয়াল তৈরি করো এবং তা তোমার ঘাড়ে রাখো। 3 তারপর জেরশালেমে যিহুদার রাজা সিদিকিয়ের কাছে আসা ইদোম, মোয়াব, অম্মোন, টায়ার ও সীদোনের প্রতিনিধিদের কাছে এই বার্তা পাঠও। 4 তাদের মনিবদ্দের জন্য এই বার্তা পাঠিয়ে তাদের বলো, ‘বাহিনীগণের সদাপ্রভু, ইস্রায়েলের ঈশ্বর এই কথা বলেন: “তোমরা তোমাদের মনিবদ্দের কাছে গিয়ে এই কথা বলো: 5 আমার মহাপ্রাক্রম ও প্রসারিত বাহু দ্বারা আমি পৃথিবী, তার অধিবাসী

ও তার উপরে স্থিত পশুদের সৃষ্টি করেছি। আমি যাকে যা দেওয়া  
উপযুক্ত মনে করেছি, তাকে তা দিয়েছি। ৬ এখন আমি তোমাদের সব  
দেশকে, আমার সেবক, ব্যাবিলনের রাজা নেবুখাদনেজারকে দেব;  
আমি বন্য পশুদেরও তার বশ্যতাধীন করব। ৭ সব জাতি তার, তার  
পুত্র ও তার পৌত্রের সেবা করবে, যতদিন না তাদের সময় সম্পূর্ণ  
হয়; তারপর বহু জাতি ও মহান রাজারা তাকে তাদের আয়ত্তাধীনে  
আনবে।” ৮ ““কিন্তু, কোনো জাতি বা রাজ্য যদি ব্যাবিলনের রাজা  
নেবুখাদনেজারের সেবা না করে কিংবা তার জোয়ালের নিচে কাঁধ না  
দেয়, আমি তরোয়াল, দুর্ভিক্ষ ও মহমারীর দ্বারা সেই জাতিকে শাস্তি  
দেব, সদাপ্রভু এই কথা বলেন, যতক্ষণ না সেই জাতিকে আমি তার  
হাত দিয়ে ধ্বংস করি। ৯ তাই তোমাদের ভাববাদীদের, তোমাদের  
গণকদের, তোমাদের স্বপ্ন অনুবাদকদের, তোমাদের প্রেতমাধ্যম ও  
তোমাদের জাদুকরদের কথা তোমরা শুনবে না, যারা বলে, ‘তোমাদের  
ব্যাবিলনের রাজার সেবা করতে হবে না।’ ১০ তারা তোমাদের কাছে  
মিথ্যা ভাববাণী বলে, যার ফলে তা কেবলমাত্র তোমাদের স্বদেশ  
থেকে দূরে অপসারিত করবে; আমি তোমাদের নির্বাসিত করব ও  
তোমরা বিনষ্ট হবে। ১১ কিন্তু কোনো জাতি যদি ব্যাবিলনের রাজার  
জোয়ালের নিচে কাঁধ পাতে ও তাঁর সেবা করে, সেই দেশকে আমি  
স্বত্ত্বানে থাকতে দেব, তারা তা কর্ষণ ও চাষ করে সেখানে বসবাস  
করতে পারবে, সদাপ্রভু এই কথা বলেন।”” ১২ আমি যিহুদার রাজা  
সিদিকিয়কেও এই একই বাক্য দিয়েছি। আমি বলেছি, “তোমার  
কাঁধ ব্যাবিলনের রাজার জোয়ালের নিচে পেতে দাও, তাঁর ও তাঁর  
প্রজাদের সেবা করো, তাহলে তুমি বেঁচে থাকবে। ১৩ কেন তুমি ও  
তোমার প্রজারা তরোয়াল, দুর্ভিক্ষ ও মহামারিতে মৃত্যুবরণ করবে, যা  
দিয়ে সদাপ্রভু সেইসব জাতিকে ভয় দেখিয়েছেন, যারা ব্যাবিলনের  
রাজার সেবা করবে না? ১৪ তোমরা ওইসব ভাববাদীর কথা বিশ্বাস  
করো না, যারা তোমাদের বলে, ‘ব্যাবিলনের রাজার সেবা তোমাদের  
করতে হবে না,’ কারণ তারা তোমাদের কাছে মিথ্যা ভাববাণী বলছে।  
১৫ ‘আমি তাদের প্রেরণ করিনি,’ সদাপ্রভু এই কথা বলেন, ‘তারা

আমার নামে মিথ্যা ভাববাণী বলছে। সেই কারণে আমি তোমাদের  
নির্বাসিত করব। এতে তোমরা এবং যারা তোমাদের কাছে ভাববাণী  
বলে, সেই ভাববাদীরা, উভয়েই বিনষ্ট হবে।” 16 তারপর আমি  
যাজকদের ও এই সমস্ত লোককে বললাম, “সদাপ্রভু এই কথা বলেন:  
ওইসব ভাববাদীর কথা শুনো না, যারা বলে, ‘খুব শীঘ্ৰ সদাপ্রভুর  
গৃহ থেকে নিয়ে যাওয়া পাত্ৰগুলি ব্যাবিলন থেকে ফেরত আনা হবে।’  
তারা তোমাদের কাছে মিথ্যা ভাববাণী বলেছে। 17 তোমরা তাদের  
কথা শুনো না। তোমরা ব্যাবিলনের রাজার সেবা করো, তাহলে  
বেঁচে থাকবে। কেন এই নগর এক ধৰ্মস্তুপে পরিণত হবে? 18  
তারা যদি ভাববাদীই হয়ে থাকে এবং সদাপ্রভুর বাক্য তাদের কাছে  
থাকে, তাহলে তারা বাহিনীগণের সদাপ্রভুর কাছে মিনতি করুক  
যেন, সদাপ্রভুর গৃহে, যিহুদার রাজার গৃহে ও জেরুশালেমে অবশিষ্ট  
যেসব জিনিসপত্র আছে, সেগুলি ব্যাবিলনে নিয়ে যাওয়া না হয়।  
19 কারণ বাহিনীগণের সদাপ্রভু ওই জিনিসগুলি সম্বন্ধে এই কথা  
বলেন, যেমন পিতলের স্তন্ত, সমুদ্রপাত্র, স্থানান্তরযোগ্য তাকগুলি  
এবং অন্যান্য আসবাব, যেগুলি এই নগরে ছেড়ে যাওয়া হয়েছে, 20  
যেগুলি ব্যাবিলনের রাজা নেবুখাদনেজার সঙ্গে নিয়ে যাননি, যখন  
তিনি যিহুদার রাজা যিহোয়াকীমের পুত্র যিহোয়াখীনকে, যিহুদা ও  
জেরুশালেমের সমস্ত স্থানে ব্যক্তিকে জেরুশালেম থেকে ব্যাবিলনে  
নিয়ে যান— 21 হ্যাঁ, একথা বাহিনীগণের সদাপ্রভু, ইস্রায়েলের ঈশ্বর,  
সদাপ্রভুর গৃহে ও যিহুদার রাজার প্রাসাদে ও জেরুশালেমে যেসব  
জিনিস অবশিষ্ট রয়ে গেছে, সেগুলির সম্পর্কে বলেন: 22 ‘সেগুলি  
ব্যাবিলনে নিয়ে যাওয়া হবে এবং সেগুলি সেখানেই থাকবে, যতদিন  
না আমি সেগুলির জন্য ফিরে আসি,’ সদাপ্রভু এই কথা বলেন। ‘পরে  
আমি সেগুলি ফিরিয়ে আনব এবং এই স্থানে পুনরায় স্থাপন করব।’”

**28** সেই একই বছরে, যিহুদার রাজা সিদিকিয়ের রাজত্বের প্রথমদিকে,  
অর্থাৎ চতুর্থ বছরের পঞ্চম মাসে, গিবিয়োন-নিবাসী অসুরের পুত্র  
ভাববাদী হনানিয়, সদাপ্রভুর গৃহে যাজকদের ও অন্য সব লোকের  
উপস্থিতিতে আমাকে এই কথা বলল: 2 “বাহিনীগণের সদাপ্রভু,

ইস্রায়েলের ঈশ্বর এই কথা বলেন: ‘আমি ব্যাবিলনের রাজার জোয়াল  
ভেঙে ফেলব। 3 ব্যাবিলনের রাজা নেবুখাদনেজার সদাপ্রভুর গৃহের  
যেসব আসবাবপত্র এখান থেকে অপসারিত করে ব্যাবিলনে নিয়ে  
যায়, দুই বছরের মধ্যে সেই সবই আমি এই স্থানে ফিরিয়ে আনব। 4  
আমি যিহূদার রাজা যিহোয়াকীমের পুত্র যিহোয়াথীনকে এবং যিহূদা  
থেকে ব্যাবিলনে নির্বাসিত হওয়া সব ব্যক্তিকে এই স্থানে ফিরিয়ে  
আনব,’ সদাপ্রভু এই কথা বলেন, ‘কারণ আমি ব্যাবিলনের রাজার  
জোয়াল ভেঙে ফেলব।’” 5 তখন ভাববাদী যিরমিয় সদাপ্রভুর গৃহে  
যাজকদের ও অন্য সব লোক যারা সেখানে দাঁড়িয়েছিল, তাদের  
উপস্থিতিতে ভাববাদী হনানিয়কে উত্তর দিলেন। 6 তিনি বললেন,  
“আমেন! সদাপ্রভু সেইরকমই করুন! সদাপ্রভুর গৃহের সব আসবাবপত্র  
ও ব্যাবিলনে নির্বাসিত সব মানুষকে এখানে ফিরিয়ে এনে সদাপ্রভু  
তোমার কথিত ভাববাণী পূর্ণ করুন। 7 তবুও, আমি তোমার ও সব  
লোকের কর্ণগোচরে যা বলতে চাই, তা তোমরা শোনো: 8 প্রাচীনকাল  
থেকে ভাববাদীরা, যারা তোমাদের ও আমার পূর্বে ছিলেন, তারা  
বহু দেশ ও মহান সব রাজ্যের বিরুদ্ধে যুদ্ধ, বিপর্যয় ও মহামারির  
ভাববাণী বলেছিলেন। 9 কিন্তু যে ভাববাদী শাস্তির ভাববাণী বলেন,  
তিনি প্রকৃতই সদাপ্রভু দ্বারা প্রেরিত হয়েছেন বলে বোঝা যাবে, যদি  
তাঁর আগাম ঘোষণা পূর্ণ হয়।” 10 তারপর ভাববাদী হনানিয় ভাববাদী  
যিরমিয়ের কাঁধ থেকে জোয়ালটি নিয়ে ভেঙে ফেলল। 11 সে সব  
লোকের সাক্ষাতে বলল, “সদাপ্রভু এই কথা বলেন: ‘এই একইভাবে,  
দুই বছরের মধ্যে, আমি ব্যাবিলনের রাজা নেবুখাদনেজারের জোয়াল  
সব জাতির কাঁধ থেকে নামিয়ে ভেঙে ফেলব।’” পরে ভাববাদী যিরমিয়  
সেখান থেকে চলে গেলেন। 12 ভাববাদী হনানিয় ভাববাদী যিরমিয়ের  
কাঁধ থেকে সেই জোয়ালটি নিয়ে ভেঙে ফেলার কিছু সময় পর,  
সদাপ্রভুর বাক্য যিরমিয়ের কাছে উপস্থিত হল: 13 “তুমি যাও, গিয়ে  
হনানিয়কে বলো, ‘সদাপ্রভু এই কথা বলেন: তুমি কাঠের এক জোয়াল  
ভেঙে ফেলেছ ঠিকই, কিন্তু এর পরিবর্তে তোমাকে একটি লোহার  
জোয়াল দেওয়া হবে। 14 বাহিনীগণের সদাপ্রভু, ইস্রায়েলের ঈশ্বর

এই কথা বলেন: আমি এসব জাতির কাঁধে লোহার জোয়াল দেব,  
যেন তারা ব্যাবিলনের রাজা নেবুখাদনেজারের দাসত্ব করে, আর  
তারা তার সেবা করবে। আমি তাকে, এমনকি, বন্য পশুদেরও উপরে  
নিয়ন্ত্রণ দেব।” 15 তারপর ভাববাদী যিরিমিয় ভাববাদী হনানিয়েকে  
বললেন, “হনানিয়, তুমি শোনো! সদাপ্রভু তোমাকে প্রেরণ করেননি,  
তবুও তুমি চেষ্টা করেছ এই জাতিকে মিথ্যা কথায় বিশ্বাস করাতে।  
16 অতএব, সদাপ্রভু এই কথা বলেন: ‘আমি তোমাকে ভৃপৃষ্ঠ থেকে  
সরিয়ে ফেলতে চলেছি। এই বছরেই তোমার মৃত্যু হবে, কারণ তুমি  
সদাপ্রভুর বিরুদ্ধে বিদ্রোহের বাক্য প্রচার করেছ।’” 17 সেই বছরের  
সপ্তম মাসে, ভাববাদী হনানিয়ের মৃত্যু হল।

**29** নির্বাসিতদের মধ্যে অবশিষ্ট বেঁচে থাকা প্রাচীনদের, যাজকদের  
ও অন্য সব মানুষকে, যাদের নেবুখাদনেজার জেরুশালেম থেকে  
ব্যাবিলনে নির্বাসিত করেন, তাদের কাছে ভাববাদী যিরিমিয় যে পত্র  
প্রেরণ করেন, তার নির্যাস এরকম। 2 (রাজা যিহোয়াখীন ও রাজমাতা,  
রাজদরবারের কর্মকর্তারা এবং যিহুদা ও জেরুশালেমের নেতারা,  
কারুশিল্পী ও সুদক্ষ মিস্ত্রী যখন জেরুশালেম থেকে নির্বাসনে যান,  
এ সেই সময়কার ঘটনা) 3 তিনি ওই পত্রখানি শাফনের পুত্র এলাসা ও  
হিঙ্গিয়ের পুত্র গমরিয়ের হাতে সমর্পণ করেন, যাদের যিহুদার রাজা  
সিদিকিয়, ব্যাবিলনের রাজা নেবুখাদনেজারের কাছে প্রেরণ করেন।  
সেই পত্রে লেখা ছিল: 4 জেরুশালেম থেকে আমি যাদের ব্যাবিলনে  
নির্বাসিত করেছি, তাদের প্রতি বাহিনীগণের সদাপ্রভু, ইস্রায়েলের  
ঈশ্বর, এই কথা বলেন: 5 “তোমরা বাসগৃহ নির্মাণ করে সেখানে বসতি  
করো; উদ্যানে সব গাছপালা রোপণ করো ও সেগুলিতে উৎপন্ন ফল  
খাও। 6 সেখানে আমোদ-আনন্দ করো এবং পুত্রকন্যার জন্ম দাও;  
তোমাদের পুত্রদের জন্য স্ত্রীর অশ্বেষণ করো ও কন্যাদের বিবাহ দাও,  
যেন তারাও পুত্রকন্যাদের জন্ম দেয়। সেখানে সংখ্যায় বৃদ্ধি পাও, হ্রাস  
পেয়ো না। 7 সেই সঙ্গে ওই নগরের শান্তি ও সমৃদ্ধির অশ্বেষণ করো,  
যেখানে আমি তোমাদের নির্বাসিত করেছি। সদাপ্রভুর কাছে সেই  
নগরের জন্য প্রার্থনা করো, কারণ সেই নগরের সমৃদ্ধি হলে তোমরাও

সমৃদ্ধ হবে।” 8 হ্যাঁ, এই কথাই বাহিনীগণের সদাপ্রভু, ইন্দ্রায়েলের স্টেশন বলেন: “তোমাদের মধ্যে স্থিত ভাববাদীরা ও গণকেরা তোমাদের বিভাস্ত না করক। তোমরা তাদের স্বপ্নের কথায় বিশ্বাস কোরো না। 9 তারা আমার নামে তোমাদের কাছে মিথ্যা ভাববাণী বলে। আমি তাদের প্রেরণ করিনি,” সদাপ্রভু এই কথা বলেন। 10 সদাপ্রভু এই কথা বলেন: “ব্যাবিলন সম্বন্ধে যে সন্তুর বছরের কথা বলা হয়েছিল, তা সম্পূর্ণ হলে, আমি তোমাদের কাছে আসব এবং এই স্থানে ফিরিয়ে আনার মূল্যবান প্রতিশ্রূতি আমি পূর্ণ করব। 11 কারণ তোমাদের জন্য কৃত পরিকল্পনার কথা আমি জানি,” সদাপ্রভু এই কথা বলেন। “তা হল তোমাদের সমৃদ্ধির পরিকল্পনা, তোমাদের ক্ষতি করার নয়, তোমাদের এক আশা ও ভবিষ্যৎ মঙ্গলদানের পরিকল্পনা। 12 তখন তোমরা আমার নামে ডাকবে ও আমার কাছে এসে প্রার্থনা করবে। আর আমি তোমাদের কথা শুনব। 13 তোমরা যখন সম্পূর্ণ মনেপ্রাণে আমার অন্বেষণ করবে, তখন আমাকে খুঁজে পাবে। 14 তোমরা আমার সন্দান পাবে,” সদাপ্রভু এই কথা বলেন, “আমি তোমাদের বন্দিত্ব থেকে ফিরিয়ে আনব। আমি তোমাদের যেখানে যেখানে নির্বাসিত করেছিলাম, সেই সমস্ত জাতি ও স্থান থেকে তোমাদের সংগ্রহ করব এবং যে দেশ থেকে তোমাদের নির্বাসনে পাঠিয়েছিলাম, সেই দেশে ফিরিয়ে আনব,” সদাপ্রভু এই কথা বলেন। 15 তোমরা হয়তো বলবে, “সদাপ্রভু আমাদের জন্য ব্যাবিলনে ভাববাদীদের উৎপন্ন করেছেন,” 16 কিন্তু দাউদের সিংহাসনে উপবেশনকারী রাজা ও অন্য সব লোক, তোমাদের স্বদেশবাসী যারা নির্বাসনে যায়নি, যারা এই নগরে থেকে গেছে, তাদের উদ্দেশে সদাপ্রভু এই কথা বলেন— 17 হ্যাঁ, তাদেরই উদ্দেশে বাহিনীগণের সদাপ্রভু এই কথা বলেন: “আমি তাদের বিরুদ্ধে তরোয়াল, দুর্ভিক্ষ ও মহামারি প্রেরণ করব। আমি তাদের অতি নিকট ডুমুরফলের মতো করব, যা এত খারাপ যে মুখে দেওয়া যায় না। 18 আমি তরোয়াল, দুর্ভিক্ষ ও মহামারি নিয়ে তাদের পশ্চাদ্বাবন করব ও জগতের সমস্ত রাজ্যের কাছে তাদের ঘৃণ্য করে তুলব। আমি যেখানেই তাদের বিতাড়িত করি, সেইসব জাতির কাছে অভিশাপ ও

বিভিষিকার, নিন্দা ও দুর্নামের পাত্র করব। 19 কারণ তারা আমার কথা শোনেনি,” সদাপ্রভু এই কথা বলেন। “আমি তাদের কাছে আমার যে দাস ভাববাদীদের মাধ্যমে বারবার যেসব বার্তা প্রেরণ করেছিলাম, তা তারা শোনেনি। আর নির্বাসিত যে তোমরা, তোমরাও আমার কথা শোনোনি,” সদাপ্রভু এই কথা বলেন। 20 সেই কারণে, আমি যাদের জেরশালেম থেকে ব্যাবিলনে নির্বাসনে প্রেরণ করেছি, সেই তোমরা সদাপ্রভুর বাক্য শোনো। 21 কোলায়ের পুত্র আহাব ও মাসেয়ের পুত্র সিদিকিয় সম্বন্ধে, যারা আমার নামে তোমাদের কাছে মিথ্যা ভাববাণী বলেছে, তাদের সম্বন্ধে বাহিনীগণের সদাপ্রভু, ইস্রায়েলের ঈশ্বর এই কথা বলেন, “আমি তাদের ব্যাবিলনের রাজা নেবুখাদনেজারের হাতে সমর্পণ করব। সে তোমাদের চোখের সামনে তাদের মেরে ফেলবে। 22 তাদের কারণে, যিহূদা থেকে ব্যাবিলনে নির্বাসিত সকলে এই অভিশাপের বাক্য ব্যবহার করবে: ‘সদাপ্রভু তোমার প্রতি সিদিকিয় ও আহাবের মতো আচরণ করলেন, যাদের ব্যাবিলনের রাজা অগ্নিদণ্ড করেছেন।’ 23 কারণ তারা ইস্রায়েলের মধ্যে জঘন্য সব কাজ করেছে; তারা প্রতিবেশীদের স্ত্রীদের সঙ্গে ব্যভিচার করেছে এবং আমার নাম করে মিথ্যা কথা বলেছে। যে কথা আমি তাদের বলবার অধিকার দিইনি। আমি একথা জানি এবং আমি এই বিষয়ের সাক্ষী,” সদাপ্রভু এই কথা বলেন। 24 তুমি নিত্তিলামীয় শময়িয়কে এই কথা বলো, 25 ‘বাহিনীগণের সদাপ্রভু, ইস্রায়েলের ঈশ্বর এই কথা বলেন: তুমি মাসেয়ের পুত্র যাজক সফনিয় ও জেরশালেমের সমস্ত লোকের কাছে তোমার নামে বিভিন্ন পত্র প্রেরণ করেছ। তুমি সফনিয়কে বলেছ, 26 ‘সদাপ্রভু তোমাকে যিহোয়াদার স্থানে সদাপ্রভুর গৃহের তত্ত্বাবধায়ক করে যাজকরূপে নিযুক্ত করেছেন; কোনো পাগল যদি ভাববাদীর মতো অভিনয় করে, তাহলে তুমি তাকে হাড়িকাঠে ও গলায় লোহার বেড়ি দিয়ে বদ্ধ করবে। 27 কাজেই তুমি কেন অনাথোতীয় যিরমিয়কে কঠোরভাবে তিরক্ষার করোনি, যে তোমাদের মধ্যে একজন ভাববাদীর মতো ভান করে? 28 সে আমাদের কাছে ব্যাবিলনে এই বার্তা প্রেরণ করেছে: এখনও অনেক দিন আমাদের এখানে থাকতে

হবে। তাই ঘরবাড়ি তৈরি করে তোমরা সেখানে বসবাস করো; উদ্যান তৈরি করে তার ফল খাও।” 29 যাজক সফনিয় অবশ্য চিঠিখানি ভাববাদী যিরমিয়ের কাছে পাঠ করলেন। 30 তখন সদাপ্রভুর বাক্য যিরমিয়ের কাছে উপস্থিত হল: 31 “নির্বাসিত সকলের কাছে তুমি এই বার্তা প্রেরণ করো: ‘নিহিলামীয় শময়িয় সম্পর্কে সদাপ্রভু এই কথা বলেন: আমি শময়িয়কে প্রেরণ না করলেও, সে যেহেতু তোমাদের কাছে ভাববাদী বলেছে এবং তোমাদের মিথ্যা কথা বিশ্বাস করার জন্য চালিত করেছে, 32 সেই কারণে সদাপ্রভু এই কথা বলেন: আমি নিহিলামীয় শময়িয় ও তার বংশধরদের অবশ্যই শান্তি দেব। এই লোকদের মধ্যে তার কেউই অবশিষ্ট থাকবে না। আমার প্রজাদের জন্য আমি যে মঙ্গলসাধন করব, তাও সে দেখতে পাবে না, সদাপ্রভু এই কথা বলেন, কারণ সে আমার বিরংদে বিদ্রোহের কথা ঘোষণা করেছে।’”

### **30** সদাপ্রভুর কাছ থেকে এই বাক্য যিরমিয়ের কাছে উপস্থিত হল:

2 “সদাপ্রভু, ইস্রায়েলের ঈশ্বর এই কথা বলেন: ‘আমি তোমাকে যে সমস্ত কথা বলেছি, সেগুলি একটি পুস্তকে লিখে নাও। 3 সেদিন আসন্ন,’ সদাপ্রভু এই কথা বলেন, ‘আমি যখন বন্দিদশা থেকে আমার প্রজা ইস্রায়েল ও যিহুদাকে ফিরিয়ে আনব এবং এই দেশে তাদের পুনরায় প্রতিষ্ঠা করব, যে দেশ আমি তাদের পূর্বপুরুষদের অধিকারের জন্য দিয়েছিলাম,’ সদাপ্রভু এই কথা বলেন।” 4 ইস্রায়েল ও যিহুদা সম্পর্কে সদাপ্রভু এই সমস্ত কথা বললেন: 5 সদাপ্রভু এই কথা বলেন: ““ভয়ের চিত্কার শোনা যাচ্ছে, ভীষণ আতঙ্কের, শান্তির নয়। 6 তোমরা জিজ্ঞাসা করে দেখো: কোনো পুরুষ কি সন্তান প্রসব করতে পারে? তাহলে কেন আমি প্রত্যেকজন শক্তিশালী পুরুষকে, পেটের উপরে তাদের হাত রাখতে দেখাই, যেমন কোনো প্রসবযন্ত্রণাগ্রস্ত নারী রেখে থাকে? প্রত্যেকের মুখ যেন মৃত্যুভয়ে বিবর্ণ হয়ে গেছে। 7 সেদিন কত না ভয়ংকর হবে! তার সঙ্গে আর কোনো দিনের তুলনা করা যাবে না। এ হবে যাকোব কুলের জন্য এক সংকটের সময়, কিন্তু তাকে এর মধ্য থেকে উদ্বার করা হবে। 8 “‘সেদিন,’ বাহিনীগণের সদাপ্রভু এই

কথা বলেন, ‘আমি তাদের কাঁধের জোয়াল ভেতে ফেলব এবং তাদের  
বাঁধন সব ছিঁড়ে ফেলব; বিদেশিরা আর তাদের দাসত্ব করাবে না।’ 9  
বরং, তারা তাদের ঈশ্বর সদাপ্রভুর এবং তাদের রাজা দাউদের সেবা  
করবে, যাকে আমি তাদের জন্য তুলে ধরব। 10 “তাই, হে যাকোবের  
কুল, আমার দাস, তোমরা ভয় কোরো না; হে ইস্রায়েল কুল, তোমরা  
নিরাশ হোয়ো না,’ সদাপ্রভু এই কথা বলেন। ‘আমি নিশ্চিতরপে  
তোমার এক দূরবর্তী স্থান থেকে তোমাকে ও নির্বাসনের দেশ থেকে  
তোমার বংশধরদের রক্ষা করব। যাকোব পুনরায় শান্তি ও নিরাপত্তা  
লাভ করবে, আর কেউ তাদের ভয় দেখাবে না। 11 আমি তোমার  
সঙ্গে আছি ও তোমাকে রক্ষা করব,’ সদাপ্রভু এই কথা বলেন। ‘আমি  
যেসব দেশে তোমাকে নির্বাসিত করেছিলাম, যদিও আমি সেইসব  
জাতিকে সম্পূর্ণরূপে ধ্বংস করি, আমি তোমাকে সম্পূর্ণরূপে ধ্বংস  
করব না। আমি কেবলমাত্র ন্যায়পরায়ণতায় তোমার বিচার করব;  
আমি সম্পূর্ণরূপে তোমাকে অদণ্ডিত রাখব না।’ 12 “সদাপ্রভু এই  
কথা বলেন, “‘তোমার ক্ষত অনিরাময়যোগ্য, তোমার যন্ত্রণা নিরাময়ের  
উর্ধ্বে। 13 তোমার জন্য কেউ মিনতি করে না, তোমার ঘায়ের কোনো  
প্রতিকার নেই, তোমার জন্য কোনো রোগনিরাময় নেই। 14 তোমার  
সব প্রেমিক তোমাকে ভুলে গেছে; তারা তোমার জন্য কোনো চিন্তা  
করে না। আমি তোমাকে শক্তির মতো আঘাত করেছি এবং নিষ্ঠুর  
ব্যক্তির মতো তোমাকে শান্তি দিয়েছি, কারণ তোমার অপরাধ অত্যন্ত  
বেশি তোমার পাপসকল অনেক। 15 তোমার ক্ষতসকলের জন্য কেন  
কাঁদছ তোমার ব্যথার কোনো নিরাময় নেই? তোমার মহা অপরাধ  
ও বহু পাপের জন্য, আমি এই সমস্ত তোমার প্রতি করেছি। 16  
“‘কিন্তু যারা তোমাকে গ্রাস করে, তাদের সবাইকে গ্রাস করা হবে;  
তোমার সব শক্তি নির্বাসিত হবে। যারা তোমাকে লুণ্ঠন করে, তাদের  
লুণ্ঠিত করা হবে; যারা তোমার দ্রব্য হরণ করছে, তাদের দ্রব্যসকল  
আমিও হরণ করব। 17 কিন্তু তোমার স্বাস্থ্য আমি ফিরিয়ে দেব ও  
তোমার ক্ষতসকলের নিরাময় করব,’ সদাপ্রভু এই কথা বলেন, ‘কারণ  
তোমাকে জাতিভুষ্ট বলা হয়, সিয়োনের তত্ত্বাবধান কেউ করে না।’ 18

“সদাপ্রভু এই কথা বলেন: “আমি যাকোবের তাঁরুগুলি পুনঃপ্রতিষ্ঠিত করব এবং তার আবাসগুলির প্রতি মমতা করব; ধ্বংসস্তূপের মধ্য থেকে সেই নগর পুনর্নির্মিত হবে এবং রাজপ্রাসাদ পুনরায় যথাস্থানে নির্মিত হবে। 19 তাদের মধ্য থেকে উঠে আসবে ধন্যবাদের গান, আর শোনা যাবে আনন্দেজ্ঞাসের স্বর। আমি তাদের সংখ্যা বৃদ্ধি করব, তাদের সংখ্যা হ্রাস হবে না; আমি তাদের সম্মান ফিরিয়ে দেব, তারা আর কখনও উপেক্ষিত হবে না। 20 তাদের ছেলেমেয়েরা পুরোনো দিনের মতো হবে, তাদের সমাজ আমার সামনে প্রতিষ্ঠিত হবে; আমি তাদের অত্যাচারীদের শাস্তি দেব। 21 তাদের নেতা তাদেরই মধ্যে একজন হবে; তাদের শাসক তাদেরই মধ্য থেকে উঠে আসবে। আমি তাকে কাছে ডেকে নেব, আর সে আমার কাছে আসবে, কারণ আমি না ডাকলে, কে সাহস করে আমার কাছে আসতে পারে?’ সদাপ্রভু এই কথা বলেন। 22 ‘তাই, তোমরা আমার প্রজা হবে, আর আমি তোমাদের ঈশ্বর হব।’” 23 ওই দেখো সদাপ্রভুর ঝড়, তা ক্রোধে ফেটে পড়বে, এক তাঢ়িত ঝঝঝা নেমে আসছে ঘুরে ঘুরে, তা আছড়ে পড়বে দুষ্টদের মাথায়। 24 সদাপ্রভুর ভয়ংকর ক্রোধ ফিরে যাবে না, যতক্ষণ না তিনি তাঁর অন্তরের উদ্দেশ্য পূর্ণরূপে বাস্তবায়িত করেন। আগামী সময়ে তোমরা তা উপলব্ধি করবে।

**31** সদাপ্রভু বলেন, “সেই সময়ে আমি হব ইস্রায়েলের সমস্ত গোষ্ঠীর ঈশ্বর, আর তারা হবে আমার প্রজা।” 2 সদাপ্রভু এই কথা বলেন, “যারা তরোয়ালের আঘাত থেকে রক্ষা পাবে, তারা মরুপ্রান্তের ক্ষেপালাভ করবে; আর আমি এসে ইস্রায়েলকে বিশ্রাম দেব।” 3 বহুদিন পূর্বে, সদাপ্রভু আমাদের সামনে আবির্ভূত হয়ে বলেছিলেন, “আমি এক চিরঙ্গায়ী প্রেমে তোমাদের প্রেম করেছি; আমি মেহময় দয়ায় তোমাদের কাছে টেনেছি। 4 আমি তোমাদের আবার গড়ে তুলব এবং হে কুমারী-ইস্রায়েল, তোমরা পুনর্নির্মিত হবে। তোমরা আবার তোমাদের তম্বুরা তুলে নেবে এবং আনন্দকারীদের সঙ্গে নৃত্য করতে যাবে। 5 তোমরা শমরিয়ার পাহাড়গুলির উপরে আবার দ্রাক্ষাক্ষেত্র প্রস্তুত করবে; কৃষকেরা চারা রোপণ করে তার ফল উপভোগ করবে।

৬ একদিন আসবে যখন ইফ্রায়িমের পাহাড়গুলির উপর থেকে প্রহরী  
চিৎকার করবে ‘এসো, আমরা সিয়োনে উঠে যাই, আমাদের ঈশ্বর  
সদাপ্রভুর কাছে।’ ৭ সদাপ্রভু এই কথা বলেন, “যাকোব কুলের  
জন্য আনন্দগান করো; সব জাতি থেকে অগ্রগণ্যের জন্য আনন্দধনি  
করো। তোমাদের প্রশংসা-রব শৃঙ্খল হোক, তোমরা বলো, ‘হে সদাপ্রভু,  
তোমার প্রজাদের রক্ষা করো, যারা ইস্রায়েলের অবশিষ্টাংশ।’ ৮ দেখো,  
আমি তাদের উত্তর দিকের দেশ থেকে নিয়ে আসব, পৃথিবীর প্রান্তসীমা  
থেকে তাদের সংগ্রহ করব। তাদের মধ্যে থাকবে অন্ধ ও খঞ্জেরা,  
আসন্নপ্রসবা মা ও প্রসববেদনাগ্রস্ত নারীরা; এক মহাসমাজ এখানে  
ফিরিয়ে আনা মাত্র তারা প্রার্থনা করবে। আমি তাদের জলস্ন্মোত্তের  
তীরে চালিত করব, তারা চলবে এমন এক সমান পথে, যেখানে  
গেঁচট খাবে না, কারণ আমিই ইস্রায়েলের বাবা, আর ইফ্রায়িম আমার  
প্রথমজাত সন্তান। ১০ “হে জাতিগণ, তোমরা সদাপ্রভুর বাক্য শোনো;  
দূরবর্তী উপকূলগুলিতে এই কথা ঘোষণা করো, ‘যিনি ইস্রায়েলকে  
ছিন্নভিন্ন করেছিলেন, তিনি তাদের সংগ্রহ করবেন, এবং পালকের  
মতো তাঁর পালের উপরে দৃষ্টি রাখবেন।’ ১১ কারণ সদাপ্রভু যাকোবকে  
উদ্বার করবেন এবং তিনি তাদের চেয়েও শক্তিশালী লোকদের হাত  
থেকে তাদের মুক্ত করবেন। ১২ তারা সিয়োনের উঁচু স্থানগুলিতে এসে  
আনন্দে চিৎকার করবে; সদাপ্রভুর দেওয়া প্রাচুর্যের কারণে তারা  
উল্লসিত হবে, শস্যদানা, নতুন দ্রাক্ষারস ও তেল, পালের মেষশাবক ও  
গোবৎসদের জন্য। তারা হবে উত্তমরূপে সেচিত উদ্যানের মতো, তারা  
আর দুঃখ পাবে না। ১৩ তখন কুমারী-কন্যারা নৃত্য করবে ও আনন্দিত  
হবে, যুবকেরা ও বৃদ্ধেরাও তা করবে। আমি তাদের বিলাপ আনন্দে  
পরিণত করব; দুঃখের পরিবর্তে আমি তাদের সান্ত্বনা ও আনন্দ দেব।  
১৪ প্রাচুর্য দান করে আমি যাজকদের পরিত্ত করব, আমার প্রজারা  
আমার প্রাচুর্যে পরিপূর্ণ হবে,” সদাপ্রভু এই কথা বলেন। ১৫ সদাপ্রভু  
এই কথা বলেন: “রামা-নগরে এক স্বর শোনা যাচ্ছে, হাহাকার ও তীর  
রোদনের শব্দ, রাহেল তার সন্তানদের জন্য কাঁদছেন, তিনি সান্ত্বনা

পেতে চান না, কারণ তারা আর বেঁচে নেই।” 16 সদাপ্রভু এই কথা  
বলেন: “তোমার কান্নার রব থামাও ও তোমার চোখের জল মুছে  
ফেলো, কারণ তোমার কাজ পুরস্কৃত হবে,” একথা সদাপ্রভু বলেন।  
“তারা শক্রদের দেশ থেকে ফিরে আসবে। 17 তাই তোমার ভবিষ্যতের  
আশা আছে,” একথা সদাপ্রভু বলেন। “তোমার ছেলেমেয়েরা স্বদেশে  
ফিরে যাবে। 18 ‘আমি নিশ্চিতরূপে ইফ্রয়িমের কাতরধ্বনি শুনেছি:  
'কেনো অবাধ্য বাচ্চুরের মতো তুমি আমাকে শাসন করেছ, আর আমি  
শাস্তি পেয়েছি। আমাকে ফিরাও, তাহলে আমি ফিরে আসব, কারণ  
তুমই হলে সদাপ্রভু, আমার ঈশ্বর। 19 আমি বিপথগামী হওয়ার  
পর, আমি অনুত্তাপ করেছি; আমি সব বুঝতে পারলে আমার বুক  
চাপড়ালাম। আমি লজ্জিত ও অপমান বোধ করছিলাম কারণ আমি  
আমার ঘৌবনের অপমান সহ্য করেছি।' 20 ইফ্রয়িম কি আমার প্রিয়  
পুত্র নয়? সেই বালক কি আমাকে আনন্দ দান করে না? যদিও  
আমি প্রায়ই তার বিরুদ্ধে কথা বলি, আমি তবুও তাকে এখনও স্মরণ  
করি। সেই কারণে আমার হৃদয় তার জন্য ব্যাকুল হয়; তার জন্য  
আমার রয়েছে বিশাল সহানুভূতি,” সদাপ্রভু এই কথা বলেন। 21  
“তোমরা পথনির্দেশক চিহ্ন স্থাপন করো; পথনির্দেশের ফলকগুলি  
লাগাও। তোমরা যে রাজপথ ধরে যাবে, সেই পথ স্মরণে রাখো। হে  
কুমারী-ইস্রায়েল, ফিরে এসো, তোমার নিজের নগরগুলিতে ফিরে  
এসো। 22 বিপথগামী ইস্রায়েল কন্যা, তুমি কত কাল উদ্দেশ্যহীন ঘুরে  
বেড়াবে? সদাপ্রভু এক নতুন বিষয় পৃথিবীতে সৃষ্টি করবেন, একজন  
নারী একজন পুরুষকে রক্ষা করবে।” 23 বাহিনীগণের সদাপ্রভু,  
ইস্রায়েলের ঈশ্বর, এই কথা বলেন, “আমি যখন তাদের বন্দিত  
থেকে ফিরিয়ে আনি, যিহূদা ও তার নগরগুলির লোকেরা পুনরায় এই  
কথাগুলি ব্যবহার করবে, ‘হে ধার্মিকতার নিবাস, হে পবিত্র পর্বত,  
সদাপ্রভু তোমাকে আশীর্বাদ করুন।’ 24 যিহূদা ও তার সমস্ত নগরে,  
লোকেরা একসঙ্গে বসবাস করবে, কৃষকেরা ও যারা তাদের পশুপাল  
নিয়ে ঘুরে বেড়ায়, তারা সকলে করবে। 25 আমি ক্লান্তদের সতেজ  
করব এবং অবসন্ন প্রাণকে তৃণ করব।” 26 এতে আমি জেগে উঠে

চারপাশে তাকালাম। আমার নিদ্রা আমার কাছে আরামদায়ক ছিল। 27  
সদাপ্রভু বলেন, “সেই দিনগুলি আসন্ন, যখন আমি মানুষের বংশধর ও  
পশ্চদের দিয়ে ইত্তায়েলের কুল ও যিহুদার কুলকে প্রতিষ্ঠিত করব।  
28 যেভাবে আমি তাদের উপর দৃষ্টি রেখে তাদের উৎপাটন করেছি  
ও ছিঁড়ে ফেলেছি, তাদের ছুঁড়ে ফেলেছি, ধ্বংস ও বিপর্যয় নিয়ে  
এসেছি, সেভাবেই আমি তাদের রোপণ ও গঠন করার প্রতিও দৃষ্টি  
দেব,” সদাপ্রভু এই কথা বলেন। 29 “ওই সমস্ত দিনে লোকেরা আর  
বলবে না, “‘বাবারা টক আঙুর খেয়েছিলেন, তাই সন্তানদের দাঁত  
টকে গেছে।’ 30 পরিবর্তে, সকলে তাদের নিজের নিজের পাপের  
জন্যই মরবে; যে টক আঙুর খাবে, তারই দাঁত টকে যাবে। 31 “সময়  
আসছে,” সদাপ্রভু এই কথা বলেন, “যখন আমি ইত্তায়েলের কুল ও  
যিহুদার বংশধরদের সঙ্গে, একটি নতুন নিয়ম স্থাপন করব। 32 তাদের  
পূর্বপুরুষদের সঙ্গে স্থাপন করা নিয়মের মতো হবে না, যখন আমি  
তাদের হাত ধরে মিশর থেকে বের করে এনেছিলাম, কারণ তারা  
আমার নিয়ম ভেঙেছিল, যদিও তাদের কাছে আমি এক স্বামীর মতো  
ছিলাম,” সদাপ্রভু এই কথা বলেন। 33 “সেই সময়ের পরে, আমি  
ইত্তায়েল কুলের সঙ্গে এই নিয়ম স্থাপন করব,” সদাপ্রভু এই কথা  
বলেন, “আমি তাদের মনে আমার বিধান দেব এবং তাদের হন্দয়ে তা  
লিখে দেব। আমি তাদের ঈশ্বর হব আর তারা আমার প্রজা হবে।  
34 কোনো মানুষ তার প্রতিবেশীকে শেখাবে না বা একে অপরকে  
বলবে না, ‘তুমি সদাপ্রভুকে জেনে নাও,’ কারণ নগণ্যতম জন থেকে  
মহত্তম ব্যক্তি পর্যন্ত, তারা সবাই আমার পরিচয় পাবে,” সদাপ্রভু  
এই কথা বলেন। “কারণ আমি তাদের পাপ ক্ষমা করব এবং তাদের  
অনাচারগুলি আর কোনোদিন স্মরণ করব না।” 35 সেই সদাপ্রভু এই  
কথা বলেন, যিনি দিনের বেলা সূর্যকে আলো দেওয়ার জন্য নিয়োগ  
করেন, এবং রাতের বেলায় করেন চাঁদ ও নক্ষত্রপুঁজকে, যিনি সমুদ্রকে  
আলোড়িত করলে তার তরঙ্গমালা গর্জন করে— বাহিনীগণের সদাপ্রভু  
তাঁর নাম: 36 “কেবলমাত্র এসব বিধিবিধান যদি আমার দৃষ্টিপথ  
থেকে অন্তর্ভুক্ত হয়,” সদাপ্রভু ঘোষণা করেন, “তাহলে ইত্তায়েলের

বংশধরেরাও আমার সামনে আর জাতিরপে অবশিষ্ট থাকবে না।” 37

সদাপ্রভু এই কথা বলেন: “যদি উর্ধ্বস্থিত আকাশমণ্ডলের পরিমাপ করা যায় এবং পৃথিবীর ভিত্তিমণ্ডলির অনুসন্ধান করা যায়, তাহলেই ইস্রায়েলের বংশধরেরা যা কিছু করেছে, তার জন্য আমি তাদের অগ্রাহ্য করব,” সদাপ্রভু এই কথা বলেন। 38 “সেই দিনগুলি আসন্ন,” সদাপ্রভু ঘোষণা করেন, “যখন হননেলের দুর্গ থেকে কোণের ফটক পর্যন্ত আমার জন্য এই নগরটি পুনর্নির্মিত হবে। 39 পরিমাপের দড়ি সেখান থেকে সোজা গারেব পাহাড় পর্যন্ত বিস্তৃত হবে এবং তারপর গোয়ার দিকে ঘুরে যাবে। 40 সমস্ত উপত্যকাটি, যেখানে মৃতদেহ ও ভস্য নিষ্কেপ করা হয় এবং পূর্বদিকে কিন্দোণ উপত্যকা থেকে অশ্ব-ফটকের কোণ পর্যন্ত সমস্ত ক্ষেত্রটি সদাপ্রভুর উদ্দেশ্যে পরিব্রহ্ম হবে। এই নগর আর কখনও উৎপাটিত বা ধ্বংস করা হবে না।”

**32** নেবুখাদনেজারের রাজত্বের আঠারোতম বছরে, যিহূদার রাজা সিদিকিয়ের রাজত্বের দশম বছরে, যিরমিয়ের কাছে সদাপ্রভুর এই বাক্য উপস্থিত হল। 1 ব্যাবিলনের রাজার সৈন্যেরা তখন জেরশালেম অবরোধ করেছিল। আর ভাববাদী যিরমিয় যিহূদার রাজপ্রাসাদে রক্ষীদের প্রাঙ্গণে বন্দি ছিলেন। 3 যিহূদার রাজা সিদিকিয় সেই সময় যিরমিয়কে এই কথা বলে বন্দি করেছিলেন, “আপনি যেসব কথা বলে ভাববাদী করেন, সেইরকম কেন করেছেন? আপনি বলেন, ‘সদাপ্রভু এই কথা বলেন, আমি এই নগর ব্যাবিলনের রাজার হাতে সমর্পণ করতে চলেছি, আর সে এই নগর দখল করবে।’ 4 যিহূদার রাজা সিদিকিয় ব্যাবিলনীয়দের হাতে এড়াতে পারবে না, কিন্তু সে নিশ্চিতরপে ব্যাবিলনের রাজার হাতে সমর্পিত হবে। সে ব্যাবিলনের রাজার মুখোমুখি হয়ে তাকে স্বচক্ষে দেখবে ও তার সঙ্গে কথা বলবে। 5 সে সিদিকিয়কে ব্যাবিলনে নিয়ে যাবে। আমি তার তত্ত্বাবধান না করা পর্যন্ত সে সেখানেই থাকবে, একথা সদাপ্রভু বলেন। তুমি যদি ব্যাবিলনীয়দের বিরক্তে যুদ্ধ করো, তাহলে তুমি সফল হবে না।”<sup>6</sup> 6 যিরমিয় বললেন, “সদাপ্রভুর বাক্য আমার কাছে উপস্থিত হয়েছে: 7 তোমার কাকা শল্লুমের পুত্র হনমেল তোমার কাছে এসে বলবে,

‘অনাথোতে আমার যে ক্ষেত্রটি আছে, তা তুমি ক্রয় করো, কারণ  
নিকটতম আত্মায়নপে তা ক্রয় করা তোমার ন্যায়সংগত অধিকার ও  
কর্তব্য।’ ৪ “তারপর, সদাপ্রভু যেমন বলেছিলেন, আমার কাকাতো  
ভাই হনমেল রক্ষীদের প্রাঙ্গণে আমার কাছে এসে বলল, ‘বিন্যামীনের  
এলাকায় স্থিত অনাথোতে আমার যে ক্ষেত্রটি আছে, তা তুমি ক্রয়  
করো। কারণ তা মুক্ত ও দখল করার জন্য তোমার ন্যায়সংগত অধিকার  
আছে, তাই তুমি নিজের জন্য তা ক্রয় করো।’ ‘আমি জানতাম যে,  
এ ছিল সদাপ্রভুর বাক্য; ৫ তাই আমার কাকাতো ভাই হনমেলের  
কাছ থেকে আমি অনাথোতে ওই ক্ষেত্রটি ক্রয় করলাম এবং তাকে  
সতেরো শেকল রংপো ওজন করে দিলাম। ১০ আমি সেই দলিল  
স্বাক্ষর করে সিলমোহর দিলাম, সাক্ষী রাখলাম এবং দাঁড়িপাল্লায়  
সেই রংপো ওজন করলাম। ১১ আমি সেই ক্রয়ের দলিলটি নিলাম,  
সিলমোহরাক্ষিত প্রতিলিপি, যার মধ্যে নিয়ম ও শর্ত লেখা ছিল এবং  
সিলমোহরাক্ষিত না করা একটি প্রতিলিপিও নিলাম, ১২ আর আমি সেই  
দলিলটি আমার কাকাতো ভাই হনমেল ও যে সাক্ষীরা দলিলে স্বাক্ষর  
করেছিলেন, তাদের এবং যে সমস্ত ইহুদি রক্ষীদের প্রাঙ্গণে বসেছিল  
তাদের সাক্ষাতে মাসেয়ের পৌত্র নেরিয়ের পুত্র বারুককে দিলাম।  
১৩ “তাদের উপস্থিতিতে আমি বারুককে এই সমস্ত আদেশ দিলাম:  
১৪ ‘বাহিনীগণের সদাপ্রভু, ইস্রায়েলের ঈশ্বর এই কথা বলেন, তুমি  
সিলমোহরাক্ষিত ও সিলমোহর না করা, ক্রয় করা উভয় দলিলই নাও।  
সেগুলি তুমি একটি মাটির পাত্রে রাখো, যেন দীর্ঘদিন তা অবিকৃত  
থাকে। ১৫ কারণ বাহিনীগণের সদাপ্রভু, ইস্রায়েলের ঈশ্বর, এই কথা  
বলেন, ঘরবাড়ি, ক্ষেত্র ও দ্রাক্ষাকুঞ্জ, এই দেশে আবার কেনাবেচা করা  
হবে।’ ১৬ “নেরিয়ের পুত্র বারুককে জমি ক্রয়ের দলিলটি দেওয়ার পর,  
আমি সদাপ্রভুর কাছে প্রার্থনা করলাম: ১৭ “আহো, সার্বভৌম সদাপ্রভু,  
তুমি তোমার মহাপরাক্রমে ও প্রসারিত বাহু দিয়ে আকাশমণ্ডল ও  
পৃথিবী সৃষ্টি করেছ। তোমার পক্ষে কোনো কিছুই করা কঠিন নয়। ১৮  
তুমি সহস্র-অযুত জনকে তোমার ভালোবাসা প্রদর্শন করে থাকো, কিন্তু  
বাবাদের পাপের প্রতিফল, তাদের পরে তাদের সন্তানদের কোলে

দিয়ে থাকো। মহান ও পরাক্রমী ঈশ্বর, তোমার নাম বাহিনীগণের  
সদাপ্রভু, 19 তোমার অভিপ্রায় সকল মহান এবং তোমার কাজগুলি  
শক্তিশালী। তোমার দৃষ্টি মানুষের সমস্ত জীবনাচরণের প্রতি থাকে;  
তুমি প্রত্যেকের আচরণ ও তার যেমন কর্ম, সেই অনুযায়ী তাকে  
প্রতিফল দিয়ে থাকো। 20 তুমি মিশ্রে যেসব চিহ্নকাজ ও বিস্ময়কর  
সব কাজ করেছিলে, তা ইস্রায়েল ও সমস্ত মানবসমাজে আজও করে  
যাচ্ছ। তার দ্বারা তুমি তোমার সুনাম আজও অক্ষুণ্ণ রেখেছ। 21 তুমি  
তোমার প্রজা ইস্রায়েলকে বিভিন্ন চিহ্ন ও বিস্ময়কর সব কাজ, এক  
পরাক্রমী বাহু ও প্রসারিত বাহুর দ্বারা মহা আতঙ্কের সঙ্গে মিশ্র থেকে  
বের করে এনেছিলে। 22 তুমি তাদের এই দেশ দান করেছিলে, যে দুধ  
ও মধু প্রবাহিত দেশ দেওয়ার প্রতিশ্রুতি তুমি তাদের পূর্বপুরুষদের  
দিয়েছিলে। 23 তারা এখানে এসে এই দেশের অধিকার নিয়েছে,  
তবুও তারা তোমার কথা শোনেনি বা তোমার বিধান পালন করেনি।  
তুমি তাদের যা করার আদেশ দিয়েছিলে, তা তারা পালন করেনি।  
তাই তুমি সব ধরনের বিপর্যয় তাদের উপরে নিয়ে এসেছ। 24  
“দেখো, নগরের অধিকার নেওয়ার জন্য কী রকম ঢালু জঙ্গল তৈরি  
করা হয়েছে। তরোয়াল, দুর্ভিক্ষ ও মহামারির কারণে, যারা এই নগর  
আক্রমণ করেছে, সেই ব্যাবিলনীয়দের হাতে এই নগর তুলে দেওয়া  
হবে। তুমি যা বলেছিলে, তুমি দেখতে পাচ্ছ, এখন তাই ঘটছে। 25  
আর যদিও এই নগর ব্যাবিলনীয়দের হাতে তুলে দেওয়া হবে, তুমি,  
হে সার্বভৌম সদাপ্রভু, আমাকে বলেছ, ‘ওই ক্ষেত্রটি রূপোর টাকার  
বিনিময়ে কিনে নাও এবং আদানপ্রদানের সাক্ষী রেখো।’” 26 তারপর  
সদাপ্রভুর বাক্য যিরমিয়ের কাছে উপস্থিত হল: 27 “আমি সদাপ্রভু,  
সর্বমানবের ঈশ্বর। আমার পক্ষে কোনো কিছু করা কি খুব কঠিন?  
28 সেই কারণে, সদাপ্রভু এই কথা বলেন: আমি ব্যাবিলনীয়দের  
কাছে ও ব্যাবিলনের রাজা নেবুখাদনেজারের কাছে এই নগর সমর্পণ  
করতে চলেছি, তারা তা অধিকার করবে। 29 যে ব্যাবিলনীয়েরা  
এই নগর আক্রমণ করেছে, তারা ভিতরে প্রবেশ করে এই নগরে  
আগুন লাগিয়ে দেবে; তারা সেইসব গৃহের সঙ্গে তা অগ্নিদন্ত করবে,

যেগুলির ছাদের উপরে লোকেরা বায়াল-দেবতার উদ্দেশ্যে ধূপদাহ ও অন্যান্য দেবদেবীর উদ্দেশ্যে পেয়-নৈবেদ্য উৎসর্গ করে আমার ক্ষেত্রে সম্ভার করেছে। 30 “ইস্রায়েল ও যিহুদার লোকেরা তাদের ঘোবনকাল থেকে অন্য কিছু নয়, কিন্তু আমার দৃষ্টিতে কেবলই মন্দ কাজ করেছে; প্রকৃতপক্ষে, ইস্রায়েলের লোকেরা অন্য কিছু করেনি, কিন্তু তাদের হাত দিয়ে তৈরি জিনিসগুলি দিয়ে আমার ক্ষেত্রে জাগিয়ে তুলেছে, একথা সদাপ্রভু বলেন। 31 যেদিন থেকে এই নগরের গোড়াপত্ন হয়েছে, সেই থেকে আজ পর্যন্ত এই নগরকে আমার রোষ ও ক্ষেত্র এত জাগিয়ে তুলেছে যে, আমি অবশ্যই এই নগরকে আমার দৃষ্টিপথ থেকে অপসারিত করব। 32 ইস্রায়েল ও যিহুদার লোকেরা, তারা নিজেরা, তাদের রাজা ও রাজকর্মচারীরা, তাদের যাজক ও ভাববাদীরা, যিহুদার ও জেরুশালেমের লোকেরা যে সমস্ত অন্যায় করেছে, তার দ্বারা আমার ক্ষেত্র জাগিয়ে তুলেছে। 33 তারা তাদের পিঠ আমার প্রতি ফিরিয়েছে, তাদের মুখ নয়। যদিও আমি বারবার তাদের উপদেশ দিয়েছি, তারা কিন্তু শোনেনি ও আমার শাসনে সাড়া দেয়নি। 34 তারা তাদের ঘৃণ্য প্রতিমাগুলি আমার নামে আখ্যাত গৃহে স্থাপন করেছে এবং তা কল্পিত করেছে। 35 তারা বিন-হিস্রোমের উপত্যকায় বায়াল-দেবতার জন্য উঁচু সব স্থান নির্মাণ করেছে, যেন তাদের পুত্রকন্যাদের মৌলক দেবতার উদ্দেশ্যে বলি দেয়। সেকথা আমি তাদের আদেশ দিইনি বা তা আমার মনেও আসেনি, যেন তারা এরকম ঘৃণ্য কাজ করে যিহুদাকে পাপ করায়। 36 “তোমরা এই নগর সম্পর্কে বলছ, ‘তরোয়াল, দুর্ভিক্ষ ও মহামারির দ্বারা এই নগর ব্যাবিলনের রাজার হাতে তুলে দেওয়া হবে’; কিন্তু ইস্রায়েলের দুশ্র, সদাপ্রভু এই কথা বলেন, 37 আমার ভয়ংকর ক্ষেত্রে ও প্রচণ্ড রোষে, আমি যে সমস্ত দেশে তাদের নির্বাসিত করেছিলাম, সেই সমস্ত দেশ থেকে তাদের নিশ্চয়ই সংগ্রহ করব; আমি তাদের পুনরায় এই দেশে ফিরিয়ে আনব এবং তারা নিরাপদে এখানে বসবাস করবে। 38 তারা আমার প্রজা হবে ও আমি তাদের দুশ্র হব। 39 আমি তাদের মঙ্গলের জন্য ও তাদের পরে তাদের সন্তানদের মঙ্গলের জন্য তাদের একনিষ্ঠ হৃদয় ও এক উদ্দেশ্য দেব,

যেন তারা সবসময়ই আমাকে ভয় করে। 40 আমি তাদের সঙ্গে এক চিরস্থায়ী নিয়ম করব; তাদের মঙ্গল করায় আমি কখনও নিবৃত্ত হব না, আমাকে ভয় করার জন্য আমি তাদের প্রেরণা দেব, যেন তারা কখনও আমার কাছ থেকে ফিরে না যায়। 41 তাদের মঙ্গলসাধন করে আমি আনন্দিত হব এবং আমার সম্পূর্ণ মনেপ্রাণে নিশ্চিতকরণে তাদের এই দেশে রোপণ করব। 42 “সদাপ্রভু এই কথা বলেন, আমি যে রকম সব মহা বিপর্যয় এসব লোকের উপরে এনেছি, সেইরকমই আমার প্রতিশ্রূত সব সম্মতি তাদের দেব। 43 আর একবার এই দেশে জমি কেনাবেচা হবে, যে দেশ সম্বন্ধে তোমরা বলো, ‘এই দেশ নির্জন পরিত্যক্ত স্থান, যেখানে কোনো মানুষ বা পশু থাকে না, কারণ এই দেশ ব্যাবিলনীয়দের হাতে তুলে দেওয়া হয়েছে।’ 44 জমি রঞ্জে দিয়ে ক্রয় করা হবে, দলিল সব স্বাক্ষরিত হবে, সিলমোহরাঙ্কিত করা হবে ও সাক্ষী রাখা হবে, বিন্যামীন গোষ্ঠীর এলাকায়, জেরুশালেমের চারপাশের গ্রামগুলিতে, যিহুদার সমস্ত নগরে এবং পার্বত্য অঞ্চলের নগরগুলিতে, পশ্চিমের পাহাড়গুলিতে এবং নেগেভের দেশগুলিতে, কারণ আমি তাদের বন্দিদশা থেকে ফিরিয়ে আনব, একথা সদাপ্রভু বলেন।”

**33** যিরমিয় তখনও রক্ষীদের প্রাঙ্গণে বন্দি ছিলেন, এমন সময় সদাপ্রভুর বাক্য দ্বিতীয়বার তাঁর কাছে উপস্থিত হল, 2 “সদাপ্রভু এই কথা বলেন, যিনি পৃথিবী সৃষ্টি করেছেন, সেই সদাপ্রভু তা গঠন করেছেন ও প্রতিষ্ঠিত করেছেন, সদাপ্রভু হল তাঁর নাম; 3 ‘তুমি আমাকে আহ্বান করো, আমি তোমাকে উত্তর দেব। আমি তোমাকে সেই সমস্ত মহৎ ও অনুসন্ধান করা যায় না, এমন সব বিষয় জানাব, যা তুমি জানো না।’ 4 কারণ সদাপ্রভু, ইস্রায়েলের স্টেশন বলেন, এই নগরের গৃহগুলি এবং যিহুদার রাজাদের যে সকল প্রাসাদ ব্যাবিলনীয়দের সাথে যুদ্ধ চলাকালীন জঙ্গল ও তরোয়ালের দ্বারা উৎপাটিত হবে, 5 লোকেরা কলদীয়দের সাথে যুদ্ধ করার সময় সেগুলি নিহতদের শরে পরিপূর্ণ হবে, যাদের আমি আমার ক্ষেত্রে ও রোমে সংহার করব। এর সমস্ত দুষ্টতার কারণে এই নগর থেকে আমি আমার মুখ লুকাব। 6

“তবুও, এই নগরের স্বাস্থ্য ও সুস্থিতা আমি ফিরিয়ে আনব; আমি আমার লোকদের রোগনিরাময় করব এবং তাদের প্রচুর শান্তি ও নিরাপত্তা ভোগ করতে দেব। 7 আমি বন্দিত্ব থেকে যিহুদা ও ইস্রায়েলকে আবার ফিরিয়ে আনব এবং পূর্বের মতোই তাদের পুনর্নির্মাণ করব। 8 তারা আমার বিরঞ্ছে যে সকল পাপ করেছিল, সেগুলি থেকে আমি তাদের শুচিশুদ্ধ করব এবং আমার বিরঞ্ছে কৃত তাদের সব পাপ ও বিদ্রোহের কাজগুলি ক্ষমা করব। 9 তখন এই নগরটি পৃথিবীর সব জাতির কাছে আমার সুনাম, আনন্দ, প্রশংসা ও সম্মানের কারণস্বরূপ হবে। আমি যে সমস্ত ভালো কাজ এই নগরের জন্য করেছি, সেই জাতিগুলি তা শুনতে পাবে; আমি এর জন্য যে সমৃদ্ধি ও শান্তির প্রাচুর্য এই নগরকে দান করব, তা দেখে অন্য জাতিরা ভয়ে কাঁপতে থাকবে।’

10 “সদাপ্রভু এই কথা বলেন: ‘তোমরা এই স্থানের বিষয়ে বলে থাকো, ‘এ নির্জন পরিত্যক্ত স্থান, এখানে কোনো মানুষ বা পশু থাকে না।’”

তবুও যিহুদার যে সমস্ত নগর ও জেরশালেমের পথগুলি পরিত্যক্ত, মানুষ ও পশুবিহীন হয়েছে, সেখানে পুনরায় শোনা যাবে 11 আমোদ ও আনন্দের শব্দ, বর ও কনের আনন্দস্বর এবং তাদের কঢ়স্বর, যারা সদাপ্রভুর গৃহে ধন্যবাদের বলি নিয়ে আসবে। তারা বলবে, “‘সর্বশক্তিমান সদাপ্রভুকে ধন্যবাদ জানাও, কারণ সদাপ্রভু মঙ্গলময়; তাঁর ভালোবাসা চিরকাল বিরাজমান থাকে।’” কারণ আমি এই দেশের অবস্থা পূর্বের মতোই ফিরিয়ে আনব,’ সদাপ্রভু এই কথা বলেন।

12 “সর্বশক্তিমান সদাপ্রভু এই কথা বলেন, ‘এই মানুষ ও পশুহীন পরিত্যক্ত স্থানে, এর সমস্ত গ্রামগুলিতে, মেষপালকদের পশুপালকে বিশ্রাম দেওয়ার জন্য পুনরায় চারণভূমি হবে। 13 পাহাড়ি এলাকার গ্রামগুলিতে, পশ্চিমের পাহাড়তলিতে ও নেগেভে, বিন্যামীন গোষ্ঠীর এলাকায়, জেরশালেমের চারপাশের গ্রামগুলিতে এবং যিহুদার সমস্ত গ্রামে, পশুপাল যারা গণনা করে, আবার তাদের হাতের নিচে দিয়ে যাবে,’ সদাপ্রভু এই কথা বলেন। 14 “‘সেই দিনগুলি আসছে,’ সদাপ্রভু ঘোষণা করেন, ‘যখন আমি ইস্রায়েলের কুল ও যিহুদার কুলের কাছে যে মঙ্গলকর প্রতিজ্ঞা করেছিলাম, তা পূর্ণ করব। 15 “‘সেই দিনগুলিতে

ও সেই সময়ে আমি দাউদের বংশে এক ধার্মিক পন্থবকে অঙ্গুরিত  
করব; দেশের জন্য যা যথার্থ ও ন্যয়সংগত, সে তাই করবে। 16 সেই  
দিনগুলিতে যিহু পরিআণ পাবে এবং জেরশালেম নিরাপদে বসবাস  
করবে। এই নগর তখন এই নামে আখ্যাত হবে, সদাপ্রভু আমাদের  
ধার্মিক ত্রাণকর্তা।’ 17 কারণ সদাপ্রভু এই কথা বলেন, ‘ইস্রায়েলের  
কুলে সিংহাসনে বসার জন্য দাউদের বংশে লোকের অভাব হবে না।  
18 আবার যাজকদের, লেবীয়দের মধ্যেও আমার উদ্দেশে হোমবলি,  
শস্য-নৈবেদ্য ও অন্যান্য বলি নিবেদনের উদ্দেশে আমার সামনে  
দাঁড়ানোর জন্য লোকের অভাব হবে না।’” 19 পরে সদাপ্রভুর বাক্য  
যিরিমিয়ের কাছে উপস্থিত হল, 20 “সদাপ্রভু এই কথা বলেন, ‘তোমরা  
যদি দিনের সঙ্গে কৃত বা রাত্রির সঙ্গে কৃত আমার নিয়ম ভেঙে ফেলতে  
পারো, যে কারণে যথাসময়ে দিন বা রাত্রি না হয়, 21 তাহলে আমার  
দাস দাউদের সঙ্গে কৃত আমার নিয়ম এবং আমার সাক্ষাতে পরিচর্যা  
করার উদ্দেশে লেবীয় যাজকদের সঙ্গে কৃত নিয়মও ভাঙ্গা যাবে এবং  
দাউদের সিংহাসনে বসে রাজত্ব করার জন্য তার বংশে কোনো লোক  
থাকবে না। 22 আমি, আমার দাস দাউদের বংশধরদের ও আমার  
সামনে পরিচর্যাকারী লেবীয়দের সংখ্যা আকাশের তারা ও সমুদ্রতীরের  
বালুকগার মতো অসংখ্য করব।’” 23 সদাপ্রভুর বাক্য যিরিমিয়ের কাছে  
উপস্থিত হল, 24 “তুমি কি লক্ষ্য করোনি যে এই লোকেরা বলছে,  
'সদাপ্রভু যে দুটি রাজ্য মনোনীত করেছিলেন, তাদের তিনি অগ্রাহ্য  
করেছেন'? এভাবে তারা আমার প্রজাদের অবজ্ঞা করে এবং তাদের  
আর জাতিরপে স্বীকার করে না। 25 সদাপ্রভু এই কথা বলেন, 'যদি  
আমি দিন ও রাত্রি হওয়ার জন্য আমার নিয়ম প্রতিষ্ঠিত না করে থাকি  
এবং আকাশমণ্ডল ও পৃথিবীর সঙ্গে কৃত নির্ধারিত বিধান আমার না  
থাকে, 26 তাহলে আমি যাকোব ও আমার দাস দাউদের বংশধরদের  
অগ্রাহ্য করব এবং অব্রাহাম, ইস্থাক ও যাকোবের বংশধরদের উপরে  
শাসন করার জন্য তার বংশ থেকে কাউকে মনোনীত করব না। কারণ  
আমি তাদের অবশ্যই তাদের দেশে ফিরিয়ে আনব এবং তাদের প্রতি  
সহানুভূতিশীল হব।’”

**৩৪** যখন ব্যাবিলনের রাজা নেবুখাদনেজার, তাঁর সব সৈন্য এবং তাঁর শাসনাধীন সমস্ত রাজ্য ও প্রজারা জেরশালেম ও তার চারপাশের নগরগুলির বিরুদ্ধে যুদ্ধ করছিল, তখন যিরমিয়ের কাছে সদাপ্রভুর বাক্য উপস্থিত হল: ২ “সদাপ্রভু, ইস্রায়েলের স্টোর এই কথা বলেন: তুমি যিহূদার রাজা সিদিকিয়ের কাছে যাও ও তাকে গিয়ে বলো, ‘সদাপ্রভু এই কথা বলেন, আমি এই নগর ব্যাবিলনের রাজার হাতে তুলে দিতে চলেছি। সে এই নগর অধিদণ্ড করবে।’ ৩ তুমি তার হাত এড়াতে পারবে না, কিন্তু নিশ্চয়ই ধৃত হয়ে তার হাতে সমর্পিত হবে। তুমি নিজের চোখে ব্যাবিলনের রাজাকে দেখবে এবং সে মুখোমুখি তোমার সঙ্গে কথা বলবে। আর তুমি ব্যাবিলনে যাবে।” ৪ “তবুও, হে যিহূদার রাজা সিদিকিয়, তুমি সদাপ্রভুর প্রতিজ্ঞার কথা শোনো। তোমার সম্পর্কে সদাপ্রভু এই কথা বলেন, তুমি তরোয়ালের আঘাতে মৃত্যুবরণ করবে না;” ৫ তুমি শান্তিতে মৃত্যুবরণ করবে। তোমার পূর্বপুরুষেরা, অর্থাৎ পূর্বতন রাজাদের প্রতি সম্মান প্রদর্শনের জন্য যেমন দাহ-সংক্ষার করা হত, তোমার ক্ষেত্রেও তারা তেমনই দাহ-সংক্ষার করবে ও “হায় প্রভু!” এই বলে বিলাপ করবে। আমি স্বয়ং এই প্রতিজ্ঞা করছি, একথা সদাপ্রভু বলেন।” ৬ তারপর ভাববাদী যিরমিয় এই সমস্ত কথা জেরশালেমে, যিহূদার রাজা সিদিকিয়কে গিয়ে বললেন। ৭ সেই সময়, ব্যাবিলনের রাজার সৈন্যদল জেরশালেম ও যিহূদার অন্যান্য নগরের বিরুদ্ধে, লাখীশ ও অসেকার বিরুদ্ধে যুদ্ধ করছিল। কেবলমাত্র প্রাচীর-ঘেরা এই দুটি নগর অবশিষ্ট ছিল। ৮ ক্রীতদাসদের প্রতি মুক্তি ঘোষণার জন্য রাজা সিদিকিয় জেরশালেমের সমস্ত লোকের সঙ্গে এক চুক্তি সম্পাদন করেন। তারপরেই সদাপ্রভুর বাক্য যিরমিয়ের কাছে উপস্থিত হল। ৯ প্রত্যেকজনকে, পুরুষ-স্ত্রী নির্বিশেষে সমস্ত হিঙ্গ ক্রীতদাসকে মুক্তি দিতে হবে; কেউই কোনো সহ-ইহুদিকে দাসত্বে আবদ্ধ রাখবে না। ১০ তাই, প্রত্যেকজন রাজকর্মচারী ও লোকেরা, যারা এই চুক্তিতে প্রবেশ করল, তারা সম্মত হল যে, তারা সমস্ত পুরুষ ও স্ত্রী দাসদাসীকে মুক্তি দেবে এবং আর তাদের ক্রীতদাসত্বে আবদ্ধ করবে না। তারা সম্মত হয়ে তাদের মুক্তি

দিল। 11 কিন্তু পরে তারা তাদের মন পরিবর্তন করল এবং যাদের মুক্তি দিয়েছিল, সেইসব দাসদাসীকে ফিরিয়ে আনল ও পুনরায় তাদের ক্রীতদাসত্ত্বে আবদ্ধ করল। 12 তারপর সদাপ্রভু বাক্য যিরমিয়ের কাছে উপস্থিত হল: 13 “সদাপ্রভু, ইস্রায়েলের ঈশ্বর এই কথা বলেন, আমি তোমাদের পূর্বপুরুষদের, ক্রীতদাসত্ত্বের দেশ মিশর থেকে মুক্ত করে এনে তাদের সঙ্গে এক চুক্তি করেছিলাম। আমি বলেছিলাম, 14 ‘প্রত্যেক সপ্তম বছরে, তোমাদের মধ্যে প্রত্যেকে, অবশ্যই তার সহ-হিত্তি ভাইকে, যে নিজেকে তোমার কাছে বিক্রি করেছে, মুক্ত হয়ে চলে যেতে দেবে। ছয় বছর তোমার সেবা করার পর, তুমি তাকে মুক্ত করে দেবে।’ তোমাদের পূর্বপুরুষেরা অবশ্য আমার কথা শোনেনি বা আমার বাক্যের প্রতি মনোযোগও দেয়নি। 15 সম্প্রতি তোমরা অনুত্তাপ করেছিলে ও আমার দৃষ্টিতে যা ভালো, তাই করেছিলে। তোমাদের প্রত্যেকেই তোমাদের স্বদেশি ভাইদের মুক্ত করেছিলে। তোমরা এমনকি, আমার নামে আখ্যাত গৃহে একটি নিয়মও করেছিলে। 16 কিন্তু এখন তোমরা সম্পূর্ণ বিপরীতমুখী হয়েছ এবং আমার নামের প্রতি অশ্রদ্ধা প্রদর্শন করেছ; তোমাদের মধ্যে প্রত্যেকে সেই পুরুষ ও স্ত্রী ক্রীতদাসেদের আবার ফিরিয়ে এনেছ, যাদের তোমরা যেখানে ইচ্ছা, চলে যেতে দিয়েছিলে। তোমরা তাদের পুনরায় তোমাদের ক্রীতদাস হতে বাধ্য করেছ। 17 “সেই কারণে, সদাপ্রভু এই কথা বলেন: তোমরা আমার কথা শোনোনি; তোমাদের সহ স্বদেশবাসীদের প্রতি তোমরা মুক্তি ঘোষণা করোনি। তাই, এখন আমি তোমাদের জন্য ‘মুক্তি’ ঘোষণা করছি, সদাপ্রভু এই কথা বলেন, তরোয়াল, মহামারি ও দুর্ভিক্ষে পতিত হওয়ার জন্য ‘মুক্তি।’ পৃথিবীর সব রাজ্যের কাছে আমি তোমাদের ঘৃণার পাত্র করব। 18 যে সকল মানুষ আমার নিয়ম ভেঙে ফেলেছে এবং ওই নিয়মগুলি পালন করেনি, যা তারা আমার সামনে স্থাপন করেছিল, আমি তাদের সেই বাচ্ছুরের মতো করব, যেটি তারা দু-টুকরো করে সেগুলির মাঝখান দিয়ে পার হয়েছিল। 19 যিহুদা ও জেরুশালেমের নেতৃবর্গ, রাজদরবারের কর্মকর্তারা, যাজকেরা ও দেশের অন্য সমস্ত লোক, যারা ওই দ্বিখণ্ডিত বাচ্ছুরটির মাঝখান দিয়ে

পার হয়েছিল, 20 আমি তাদের সেইসব শক্র হাতে সমর্পণ করব, যারা তাদের প্রাণনাশ করতে চায়। তাদের মৃতদেহগুলি আকাশের পাখিদের ও বনের পশুদের আহার হবে। 21 “আমি যিহূদার রাজা সিদিকিয় ও তার রাজকর্মচারীদের, তাদের সেইসব শক্র হাতে সমর্পণ করব, যারা তাদের প্রাণনাশ করতে চায়। ব্যাবিলনের-রাজের যে সৈন্যেরা তোমাদের কাছ থেকে চলে গিয়েছিল, তাদেরই হাতে সমর্পণ করব। 22 সদাপ্রভু ঘোষণা করেন, আমি তাদের আদেশ দেব ও এই নগরে নিয়ে আসব। তারা এই নগরের বিরুদ্ধে যুদ্ধ করবে, তা অধিকার করে আগনে পুড়িয়ে দেবে। আমি যিহূদার নগরগুলি নিবাসী-বিহীন করব, যেন কেউ সেখানে বসবাস করতে না পারে।”

**35** যোশিয়ের পুত্র, যিহূদার রাজা যিহোয়াকীমের রাজত্বকালে, যিরমিয়ের কাছে সদাপ্রভুর এই বাক্য উপস্থিত হল: 2 “তুমি রেখবীয় বংশের লোকদের কাছে যাও। তুমি তাদের সদাপ্রভুর গৃহের পাশের একটি কক্ষে আমন্ত্রণ করো। তাদের পান করার জন্য দ্রাক্ষারস দাও।” 3 তখন আমি হবৎসিনিয়ের পুত্র যিরমিয়ের পুত্র যাসনিয়, তার ভাইদের ও তার সব পুত্রের, রেখবীয়দের সমস্ত পরিজনের কাছে গেলাম। 4 আমি তাদের সদাপ্রভুর গৃহে, ঈশ্বরের লোক যিগদলিয়ের পুত্র হাননের সন্তানদের কক্ষে নিয়ে এলাম। এই কক্ষটি ছিল কর্মকর্তাদের ঘরের পাশে, শল্লুমের পুত্র দ্বাররক্ষী মাসেয়ের ঘরের ঠিক উপরে। 5 তারপর আমি একটি পাত্রে দ্রাক্ষারস পূর্ণ করে ও কয়েকটি পেয়ালা নিয়ে রেখবীয়দের সামনে রাখলাম। আমি তাদের বললাম, “তোমরা একটু দ্রাক্ষারস পান করো।” 6 কিন্তু তারা উত্তর দিল, “আমরা দ্রাক্ষারস পান করি না, কারণ আমাদের পূর্বপুরুষ রেখবের পুত্র যিহোনাদব আমাদের এই আদেশ দিয়েছেন: ‘তোমরা কিংবা তোমাদের বংশধরেরা, কেউই দ্রাক্ষারস পান করবে না।’ 7 সেই সঙ্গে তোমরা কোনো ঘরবাড়ি নির্মাণ করবে না, বীজবপন বা দ্রাক্ষাকুঞ্জ তৈরি করে চারা রোপণ করবে না; তোমরা অবশ্যই কখনও এসব জিনিসের কোনোটিই পেতে চাইবে না, কিন্তু সবসময়ই তাঁবুতে বসবাস করবে। তাহলে তোমরা যে দেশে ভবঘুরের মতো বাস করো, সেখানে দীর্ঘ সময় থাকতে

পারবে।’ 8 আমাদের পূর্বপুরুষ, রেখবের পুত্র যিহোনাদব আমাদের যে আদেশ দিয়েছেন, তার সবই আমরা পালন করেছি। আমরা বা আমাদের স্ত্রীরা বা আমাদের ছেলেমেয়েরা, আমরা কেউই কখনও দ্রাক্ষারস পান করিনি। 9 আমরা গৃহ নির্মাণ করে তার মধ্যে বসবাসও করিনি, কিংবা দ্রাক্ষাকুণ্ড, শস্যের ক্ষেত বা বীজও আমাদের নেই। 10 আমরা তাঁরুতে বসবাস করে এসেছি এবং আমাদের পূর্বপুরুষ যিহোনাদব আমাদের যা আদেশ দিয়েছিলেন, আমরা পূর্ণরূপে তা পালন করে এসেছি। 11 কিন্তু যখন ব্যাবিলনের রাজা নেবুখাদনেজার এই দেশ আক্রমণ করে, আমরা বললাম, ‘এসো, ব্যাবিলনীয় ও অরামীয় সৈন্যদলের হাত এড়ানোর জন্য আমরা জেরক্ষালেমে যাই।’ এভাবেই আমরা জেরক্ষালেমে থেকে গেছি।” 12 তারপর সদাপ্রভুর বাক্য যিরমিয়ের কাছে উপস্থিত হল। তিনি বললেন, 13 “বাহিনীগণের সদাপ্রভু, ইস্রায়েলের ঈশ্বর এই কথা বলেন: তুমি যাও, গিয়ে যিহুদার মানুষদের ও জেরক্ষালেমের লোকেদের এই কথা বলো, ‘তোমরা কি এর থেকে শিক্ষাগ্রহণ করে আমার বাক্য পালন করবে না?’ সদাপ্রভু এই কথা বলেন। 14 ‘রেখবের পুত্র যিহোনাদব তার বংশধরদের দ্রাক্ষারস পান না করার আদেশ দিয়েছিল। তার সেই আদেশ পালন করা হয়েছে। আজ পর্যন্ত তারা দ্রাক্ষারস পান করে না, কারণ তারা তাদের পূর্বপুরুষের আদেশ পালন করে। কিন্তু আমি যদিও বারবার তোমাদের সঙ্গে কথা বলেছি, তবুও তোমরা আমার কথা শোনোনি। 15 বারবার আমি আমার দাস ভাববাদীদের তোমাদের কাছে প্রেরণ করেছি। তারা বলেছে, “তোমাদের মধ্যে প্রত্যেকে, তোমাদের দুষ্টার পথ থেকে ফিরে আসবে এবং তোমাদের কার্যকলাপের সংশোধন করবে। অন্যান্য দেবদেবীর অনুসারী হয়ে তাদের সেবা করবে না। তাহলে এই যে দেশ আমি তোমাদের ও তোমাদের পিতৃপুরুষদের দিয়েছি, সেখানে তোমরা বসবাস করতে পারবে।” কিন্তু তোমরা আমার কথা শোনোনি বা তাতে মনোযোগও দাওনি। 16 রেখবের পুত্র যিহোনাদবের বংশধরেরা, তাদের পূর্বপুরুষ যে আদেশ দিয়েছিল, তা পালন করে এসেছে, কিন্তু এই লোকেরা আমার কথার বাধ্য

হয়নি।’ 17 “এই কারণে, বাহিনীগণের ঈশ্বর সদাপ্রভু, ইস্রায়েলের ঈশ্বর বলেন, ‘তোমরা শোনো! আমি যিহূদার উপরে এবং যতজন জেরক্ষালেমে বসবাস করে, তাদের উপরে আমি যেসব বিপর্যয়ের কথা বলেছিলাম, তা সমস্তই নিয়ে আসব। আমি তাদের সঙ্গে কথা বলেছিলাম, কিন্তু তারা শোনেনি। আমি তাদের আহ্বান করেছি, তারা কিন্তু সাড়া দেয়নি।’” 18 তারপর যিরমিয় রেখবের বংশধরদের বললেন, “বাহিনীগণের সদাপ্রভু, ইস্রায়েলের ঈশ্বর এই কথা বলেন: ‘তোমরা তোমাদের পূর্বপুরুষ যিহোনাদবের আদেশ পালন করেছ, তার সমস্ত নির্দেশ মেনে চলেছ এবং সে যে সমস্ত আদেশ দিয়েছিল, সব পালন করেছ।’ 19 সেই কারণে, বাহিনীগণের সদাপ্রভু, ইস্রায়েলের ঈশ্বর, এই কথা বলেন: ‘রেখবের পুত্র যিহোনাদবের বংশে আমার সেবা করার জন্য লোকের কোনো অভাব হবে না।’”

**36** যোশিয়ের পুত্র, যিহূদার রাজা যিহোয়াকীমের চতুর্থ বছরে, সদাপ্রভুর এই বাক্য যিরমিয়ের কাছে উপস্থিত হল: 2 “তুমি একটি গুটানো চামড়ার পুঁথি নাও ও তাতে আমি তোমাকে ইস্রায়েল, যিহূদা এবং অন্যান্য জাতিদের সম্পর্কে যোশিয়ের রাজত্বকাল থেকে এখন পর্যন্ত যা কিছু বলেছি, সেসবই লিপিবদ্ধ করো। 3 হয়তো যিহূদার জনগণ সেইসব বিপর্যয়, যা আমি তাদের উপর ঘটাব বলে স্থির করেছি, তার কথা শুনে, তাদের মধ্যে প্রত্যেকে তাদের দুষ্টার জীবনচরণ ত্যাগ করবে; তখন আমি তাদের দুষ্টতা ও তাদের পাপ ক্ষমা করব।” 4 তাই যিরমিয় নেরিয়ের পুত্র বারুককে ডেকে পাঠালেন। সদাপ্রভু যে সমস্ত কথা যিরমিয়কে বলেছিলেন, তিনি সেগুলি মুখে বলে গোলেন। বারুক সেগুলি পুঁথিতে লিখলেন। 5 তারপর যিরমিয় বারুককে বললেন, “আমি অবরুদ্ধ আছি, আমি সদাপ্রভুর মন্দিরে যেতে পারি না। 6 তাই এক উপবাসের দিনে তুমি সদাপ্রভুর গৃহে যাও এবং লোকদের কাছে পুঁথিতে লেখা সদাপ্রভুর বাক্য পাঠ করো, যেগুলি আমি মুখে বলেছিলাম ও তুমি লিখেছিলে। সেগুলি যিহূদার নগরগুলি থেকে আসা সব লোকের কাছে পাঠ করো। 7 হয়তো তারা তাদের আবেদন সদাপ্রভুর সামনে নিয়ে আসবে এবং প্রত্যেকে তার

দুষ্ট জীবনাচরণ থেকে ফিরে আসবে। কারণ সদাপ্রভু এই লোকদের বিরণ্দে অত্যন্ত ক্রোধ ও রোষের কথা ঘোষণা করেছেন।” ৪ তাববাদী যিরমিয় নেরিয়ের পুত্র বারুককে যা যা করতে বলেছিলেন, তিনি সমস্তই করলেন। সদাপ্রভুর মন্দিরে তিনি সেই পুঁথি থেকে সদাপ্রভুর বাক্যগুলি পড়লেন। ৫ যোশিয়ের পুত্র যিহুদার রাজা যিহোয়াকীমের রাজত্বকালের পঞ্চম বছরের নবম মাসে, জেরুশালেমের ও যিহুদার নগরগুলি থেকে আসা সমস্ত লোকের উদ্দেশে সদাপ্রভুর সাক্ষাতে এক উপবাসের সময় ঘোষণা করা হল। ১০ যখন বারুক সদাপ্রভুর গৃহে, উপরের প্রাঙ্গণে, সদাপ্রভুর গৃহের নতুন-ঘারের প্রবেশস্থানে, শাফনের পুত্র সচিব গমরিয়ের কক্ষে সমস্ত লোকের কর্ণগোচরে ওই পুঁথি নিয়ে যিরমিয়ের সব কথা পাঠ করলেন। ১১ যখন শাফনের পুত্র গমরিয়ের পুত্র মীখায়া ওই পুঁথিতে লেখা সদাপ্রভুর বাক্যগুলি শুনলেন, ১২ তিনি রাজপ্রাসাদের সচিবের কক্ষে গোলেন, যেখানে সব রাজকর্মচারী বসেছিলেন: সচিব ইলীশামা, শময়িয়ের পুত্র দলায়, অক্বোরের পুত্র ইলনাথন, শাফনের পুত্র গমরিয়, হনানিয়ের পুত্র সিদিকিয় এবং অন্যান্য সব কর্মচারী। ১৩ বারুক সেই পুঁথি থেকে লোকদের কাছে যা পাঠ করেছিলেন, সে সমস্তই মীখায়া তাদের কাছে বললে পর, ১৪ রাজকর্মচারীরা কৃশির প্রপৌত্র শেলেমিয়ের পৌত্র নথনিয়ের পুত্র যিহুদীকে বারুকের কাছে এই কথা বলে পাঠালেন, “লোকদের কাছে তুমি যে পুঁথি থেকে পাঠ করেছ, সেটি নিয়ে এখানে এসো।” তাই নেরিয়ের পুত্র বারুক সেই পুঁথিটি হাতে নিয়ে তাদের কাছে গোলেন। ১৫ তারা তাঁকে বলল, “আপনি দয়া করে বসুন এবং এই পুঁথি থেকে আমাদের পড়ে শোনান।” বারুক তাদের কাছে তা পড়ে শোনালেন। ১৬ তারা যখন সেইসব বাক্য শুনল, তারা ভয়ে পরম্পরের দিকে তাকিয়ে বারুককে বলল, “আমরা অবশ্যই এই সমস্ত কথা রাজাকে জানাব।” ১৭ তারপর তারা বারুককে জিজ্ঞাসা করল, “আমাদের বনুন, আপনি কীভাবে এই সমস্ত বিষয় লিখলেন? যিরমিয় কি আপনাকে এই সমস্ত বলেছিলেন?” ১৮ বারুক উত্তর দিলেন, “হ্যাঁ, তিনিই এসব কথা আমাকে বলেছেন এবং আমি কালি দিয়ে এই

সমস্ত কথা এই পুঁথিতে লিখেছি।” 19 তখন রাজকর্মচারীরা বারুককে  
বলল, “আপনি ও যিরমিয় গিয়ে লুকিয়ে থাকুন। কাউকে জানতে  
দেবেন না, আপনারা কোথায় আছেন।” 20 সচিব ইলীশামার কক্ষে  
পুঁথিটি রাখার পরে, তারা রাজদরবারে রাজার কাছে গেল এবং সমস্তই  
তাঁকে বলে শোনাল। 21 পুঁথিটি আনার জন্য রাজা যিহুদীকে প্রেরণ  
করলে, যিহুদী সেটি সচিব ইলীশামার কক্ষ থেকে নিয়ে এল। সে  
রাজার কাছে ও তাঁর পাশে দাঁড়ানো রাজকর্মচারীদের কাছে তা পড়ে  
শোনাল। 22 তখন ছিল বছরের নবম মাস। রাজা তাঁর শীতকালীন  
কক্ষে বসেছিলেন। তাঁর সামনে চুল্লিতে আগুন জ্বালানো ছিল। 23  
যিহুদী সেই পুঁথি থেকে তিন-চারটি স্তুতি পাঠ করলে, রাজা সচিবের  
ছুরি দিয়ে তা কেটে চুল্লির আগুনে নিষ্কেপ করলেন। এভাবে সমস্ত  
পুঁথিটিই আগুনে ভস্মীভূত হল। 24 রাজা ও তাঁর পরিচারকেরা, যারাই  
এই সমস্ত কথা শুনল, তারা ভীত হল না বা তাদের পোশাক ছিঁড়ে  
ফেলল না। 25 যদিও ইল্নাথন, দলায় ও গমরিয় পুঁথিটি না পোড়ানোর  
জন্য রাজাকে অনুরোধ করেছিল, তিনি তাদের কথা শোনেননি। 26  
বরং তিনি রাজার এক পুত্র যিরহমেলকে, অস্তীয়েলের পুত্র সরায়  
ও অবিলের পুত্র শেলেমিয়কে আদেশ দিলেন, লেখক বারুক ও  
ভাববাদী যিরমিয়কে গ্রেপ্তার করতে। কিন্তু সদাপ্রভু তাদের লুকিয়ে  
রেখেছিলেন। 27 যিরমিয়ের বলা কথাগুলি শুনে বারুক যে পুঁথিতে  
সেগুলি লিখেছিলেন, রাজা তা পুড়িয়ে ফেলার পর, সদাপ্রভুর বাক্য  
যিরমিয়ের কাছে উপস্থিত হল: 28 “তুমি অন্য একটি পুঁথি নাও ও  
যিহুদার রাজা যিহোয়াকীম যে পুঁথিটি পুড়িয়ে ফেলেছে, সেই প্রথম  
পুঁথিতে বলা কথাগুলি সব এর মধ্যে লেখো। 29 সেই সঙ্গে যিহুদার  
রাজা যিহোয়াকীমকে এই কথাও বলো, ‘সদাপ্রভু এই কথা বলেন,  
তুমি ওই পুঁথিটি দন্ধ করে বলেছ, “কেন তুমি এর মধ্যে লিখেছ যে  
ব্যাবিলনের রাজা নিশ্চিতরণে এসে এই দেশ ধ্বংস করবে এবং  
এর মধ্য থেকে মানুষ ও পশু, উভয়কেই বিনষ্ট করবে?” 30 সেই  
কারণে, যিহুদার রাজা যিহোয়াকীম সম্বন্ধে সদাপ্রভু এই কথা বলেন,  
দাউদের সিংহাসনে বসার জন্য তার বংশে কেউ থাকবে না; তার

মৃতদেহ বাইরে নিষ্কিঞ্চ হবে, তার মধ্যে দিনের উত্তাপ ও রাত্রির  
হিম লাগবে। 31 আমি তাকে, তার সন্তানদের ও তার পরিচারকদের  
দুষ্টার জন্য তাদের শাস্তি দেব; আমি যে সমস্ত বিপর্যয়ের কথা তাদের  
ও জেরুশালেমে বসবাসকারী লোকদের ও যিহুদার লোকদের বিরুদ্ধে  
যোগ্য করেছিলাম, সে সমস্তই নিয়ে আসব, কারণ তারা আমার  
কথা শোনেনি।” 32 সেইজন্য যিরমিয় অন্য একটি পুঁথি নিলেন।  
তিনি সোটি নেরিয়ের পুত্র লেখক বারুককে দিলেন। আর যিরমিয়  
যেভাবে বলে গেলেন, বারুক প্রথম পুঁথি, যে পুঁথিটি যিহুদার রাজা  
যিহোয়াকীম পুড়িয়ে ফেলেছিলেন, তার সব কথা তার মধ্যে লিখলেন।  
এর অতিরিক্ত আরও অন্য অনুরূপ কথা এর মধ্যে সংযোজিত হল।

**37** ব্যাবিলনের রাজা নেবুখাদনেজার, যোশিয়ের পুত্র সিদিকিয়কে  
যিহুদার রাজা করেন। তিনি যিহোয়াকীমের পুত্র যিহোয়াখীনের স্থানে  
রাজত্ব করেন। 2 তিনি, তাঁর পরিচারকেরা বা দেশের অন্য কোনো  
লোক, ভাববাদী যিরমিয়ের মাধ্যমে কথিত সদাপ্রভুর বাক্যের প্রতি  
কোনো মনোযোগ দেননি। 3 তবুও, রাজা সিদিকিয়, শেলেমিয়ের পুত্র  
যিহুখলকে, মাসেয়ের পুত্র যাজক সফনিয়কে, এই বার্তা দিয়ে ভাববাদী  
যিরমিয়ের কাছে প্রেরণ করলেন: “অনুগ্রহ করে আপনি, আমাদের ঈশ্বর  
সদাপ্রভুর কাছে আমাদের জন্য প্রার্থনা করুন।” 4 সেই সময় যিরমিয়  
লোকদের কাছে যাওয়া-আসার জন্য মুক্ত ছিলেন, কারণ তখনও  
পর্যন্ত তিনি কারাগারে বদ্ধ হননি। 5 ফরৌগের সৈন্যদল মিশর থেকে  
সমরাভিযানে বের হয়েছে, জেরুশালেম অবরোধকারী ব্যাবিলনীয়েরা  
যখন এই কথা শুনল, তারা জেরুশালেম ছেড়ে চলে গেল। 6 তারপর,  
ভাববাদী যিরমিয়ের কাছে সদাপ্রভুর বাক্য উপস্থিত হল: 7 “সদাপ্রভু,  
ইস্রায়েলের ঈশ্বর, এই কথা বলেন: যে আমার কাছে অনুসন্ধান করতে  
পার্থিয়েছে, সেই যিহুদার রাজাকে তুমি বলো, ‘ফরৌগের যে সৈন্যদল  
তোমাকে সাহায্য করার জন্য সমরাভিযান করেছে, তারা তাদের স্বদেশ  
মিশরে ফিরে যাবে। 8 তারপর ব্যাবিলনীয়েরা ফিরে আসবে এবং এই  
নগর আক্রমণ করবে; তারা এই নগর অধিকার করে আগুনে পুড়িয়ে  
দেবে।’ 9 “সদাপ্রভু এই কথা বলেন, তোমরা এই কথা বলে নিজেদের

ঠকিয়ো না, ‘ব্যাবিলনীয়েরা নিশ্চয়ই আমাদের ছেড়ে চলে যাবে।’  
না, তারা যাবে না! 10 যদিও তোমরা সমস্ত ব্যাবিলনীয় সৈন্যদলকে  
পরাস্ত করতে, যারা তোমাদের আক্রমণ করছে এবং কেবলমাত্র আহত  
লোকেরা তাদের শিবিরে অবস্থান করত, তবুও তারাই বের হয়ে এসে  
এই নগর পুড়িয়ে দিত।” 11 ফরৌণের সৈন্যদলের কারণে ব্যাবিলনীয়  
সৈন্যেরা জেরুশালেম ছেড়ে চলে গেলে পর, 12 যিরিমিয় নগর ত্যাগ  
করে বিন্যামীন গোষ্ঠীভুক্ত এলাকায় তাঁর সম্পত্তির দখল নেওয়ার  
জন্য সেখানকার লোকদের কাছে রওনা হলেন। 13 কিন্তু যখন তিনি  
বিন্যামীন-দ্বারে পৌঁছালেন, তখন হনানিয়ের পুত্র, শেলিমিয়ের পুত্র,  
রক্ষীদলের সেনাপতি যিরিয় তাঁকে গ্রেপ্তার করলেন এবং বললেন,  
“আপনি ব্যাবিলনীয়দের পক্ষে যোগ দিতে যাচ্ছেন!” 14 যিরিমিয়  
বললেন, “সেই কথা সত্যি নয়। আমি ব্যাবিলনীয়দের পক্ষে যোগ  
দিতে যাচ্ছি না।” কিন্তু যিরিয় তাঁর কথা শুনতে চাইলেন না; পরিবর্তে,  
তিনি যিরিমিয়কে গ্রেপ্তার করে রাজকর্মচারীদের কাছে নিয়ে গেলেন।  
15 তারা যিরিমিয়ের প্রতি ত্রুদ্ধ হল। তারা তাঁকে প্রত্যাহার করে সচিব  
যোনাথনের গৃহে কারাবন্দি করল। তারা সেই গৃহকে কারাগারে  
পরিণত করেছিল। 16 যিরিমিয়কে এক ভূগর্ভস্থ অন্ধকৃপে রাখা হল।  
সেখানে তিনি অনেক দিন থাকলেন। 17 তারপর, রাজা সিদিকিয়  
লোক পাঠিয়ে তাঁকে রাজপ্রাসাদে নিয়ে এলেন। সেখানে তিনি তাঁকে  
গোপনে জিজ্ঞাসা করলেন, “সদাপ্রভুর কাছ থেকে কোনো বাক্য আছে  
কি?” যিরিমিয় উত্তর দিলেন, “হ্যাঁ, আপনি ব্যাবিলনের রাজার হাতে  
সমর্পিত হবেন।” 18 তারপর যিরিমিয়, রাজা সিদিকিয়কে বললেন,  
“আমি আপনার বা আপনার কর্মচারীদের বা এই লোকদের বিরুদ্ধে কী  
অপরাধ করেছি যে, আপনি আমাকে কারারূদ্ধ করেছেন? 19 আপনার  
সেই ভাববাদীরা কোথায়, যারা ভাব বাক্য করেছিল, ‘ব্যাবিলনের রাজা  
আপনাকে বা এই দেশকে আক্রমণ করবেন না?’ 20 কিন্তু এখন,  
আমার প্রভু রাজা, আপনি দয়া করে শুনুন। আপনার কাছে আমাকে  
এই অনুরোধ রাখতে দিন, আপনি আমাকে সচিব যোনাথনের গৃহে  
আর ফেরত পাঠাবেন না, নইলে আমি সেখানে মারা পড়ব।” 21

রাজা সিদিকিয় তখন আদেশ দিলেন, যিরমিয়কে রক্ষীদের প্রাঙ্গণে  
রাখার জন্য এবং বললেন, তাকে যেন রুটিওয়ালাদের সরণি থেকে  
প্রতিদিন রুটি দেওয়া হয়, যতক্ষণ না নগর থেকে সমস্ত রুটি শেষ হয়।  
এইভাবে যিরমিয় রক্ষীদের প্রাঙ্গণে থেকে গেলেন।

**38** যিরমিয় সব লোকের কাছে যে কথা বলছিলেন, তা মন্তনের  
পুত্র শফটিয়, পশ্চুরের পুত্র গদলিয়, শেলেমিয়ের পুত্র যিত্তখল ও  
মক্কিয়ের পুত্র পশ্চুর শুনল। তিনি বলছিলেন, 2 “সদাপ্রভু এই কথা  
বলেন, ‘যে কেউ এই নগরে অবস্থান করবে, সে তরোয়াল, দুর্ভিক্ষ ও  
মহামারিতে মারা যাবে, কিন্তু যে কেউ ব্যাবিলনীয়দের কাছে যাবে, সে  
বেঁচে থাকবে। সে তার প্রাণ বাঁচাতে পারবে; সে বেঁচে থাকবে।’” 3  
আর সদাপ্রভু এই কথা বলেন, ‘এই নগর অবশ্য ব্যাবিলনের রাজার  
সৈন্যদের হাতে সমর্পিত হবে। তারা নগরটি অধিকার করবে।’” 4  
তখন রাজকর্মচারীরা রাজাকে বললেন, “এই লোকটিকে মৃত্যুদণ্ড দিতে  
হবে। সে যেসব কথা বলছে, তার দ্বারা এ নগরে অবশিষ্ট সৈন্যদের ও  
সেই সঙ্গে সব প্রজাকেও নিরাশ করছে। এই লোকটি এদের কোনো  
মঙ্গল চায় না, বরং তাদের বিনাশ দেখতে চায়।” 5 রাজা সিদিকিয়  
উত্তর দিলেন, “সে তোমাদেরই হাতে আছে। তোমাদের বিরুদ্ধে রাজা  
কিছুই করতে পারেন না।” 6 তাই তারা যিরমিয়কে নিয়ে রাজপুত্র  
মক্কিয়ের কুয়োতে রেখে দিল। সেই কুয়ো রক্ষীদের প্রাঙ্গণে ছিল। তারা  
দড়ি দিয়ে যিরমিয়কে নিচে নামিয়ে দিল। সেই কুয়োতে কোনো জল  
ছিল না, কেবলমাত্র কাদা ছিল। যিরমিয় সেই কাদায় প্রায় ডুবতে  
বসেছিলেন। 7 কিন্তু কৃশীয় এবদ-মেলক, একজন রাজপ্রাসাদের  
কর্মকর্তা, শুনতে পেলেন যে, তারা যিরমিয়কে সেই কুয়োর মধ্যে ফেলে  
দিয়েছে। রাজা যখন বিন্যামীন-দ্বারে বসেছিলেন, 8 এবদ-মেলক  
প্রাসাদের বাইরে রাজার কাছে গিয়ে তাঁকে বললেন, 9 “হে আমার প্রভু  
মহারাজা, এই লোকেরা ভাববাদী যিরমিয়ের প্রতি যা করেছে, তা  
দুষ্টার কাজ। তারা তাঁকে কুয়োর মধ্যে ফেলে দিয়েছে। সেখানে  
তিনি অনাহারে মারা যাবেন, যখন নগরে কোনো রুটি থাকবে না।” 10  
রাজা তখন কৃশীয় এবদ-মেলককে আদেশ দিলেন, “এখান থেকে

তোমার সঙ্গে ত্রিশজন লোককে নিয়ে যাও এবং ভাববাদী যিরমিয়কে,  
তাঁর মৃত্যুর পূর্বেই কুয়ো থেকে তুলে বের করো।” 11 তাই এবদ-  
মেলক সেই লোকদের সঙ্গে নিয়ে প্রাসাদের ভাণ্ডারগৃহের নিচে একটি  
কক্ষে গেলেন। তিনি সেখান থেকে কিছু পুরোনো ন্যাকড়া ও ছেঁড়া  
কাপড় নিলেন এবং দড়ির সাহায্যে সেগুলি কুয়োর মধ্যে যিরমিয়ের  
কাছে নামিয়ে দিলেন। 12 কৃশীয় এবদ-মেলক যিরমিয়কে বললেন,  
“এসব পুরোনো ন্যাকড়া ও ছেঁড়া কাপড় আপনার বগলে দিন, তা  
দড়ির যন্ত্রণা থেকে আপনাকে রক্ষা করবে।” যিরমিয় তাই করলেন,  
13 আর তারা সেই দড়ির সাহায্যে যিরমিয়কে টেনে কুয়োর বাইরে  
তুলে আনলেন। যিরমিয় রক্ষীদের প্রাঙ্গণে থেকে গেলেন। 14 তারপর  
রাজা সিদিকিয়, ভাববাদী যিরমিয়ের কাছে লোক পাঠালেন এবং  
তাঁকে সদাপ্রভুর মন্দিরের তৃতীয় প্রবেশপথে ডেকে আনলেন। রাজা  
যিরমিয়কে বললেন, “আমি আপনার কাছে কিছু জিজ্ঞাসা করতে চাই।  
আমার কাছ থেকে কোনো কিছু লুকাবেন না।” 15 যিরমিয় সিদিকিয়কে  
বললেন, “আমি যদি আপনাকে উত্তর দিই, আপনি কি আমাকে হত্যা  
করবেন না? আমি যদিও আপনাকে পরামর্শ দিই, আপনি আমার  
কথা শুনবেন না।” 16 কিন্তু রাজা সিদিকিয় গোপনে যিরমিয়ের কাছে  
এই শপথ করলেন, “যিনি আমাদের খাসবায়ু দিয়েছেন, সেই জীবন্ত  
সদাপ্রভুর দিব্যি, আমি আপনাকে হত্যা করব না বা যারা আপনার  
প্রাণাশ করতে চায়, তাদের হাতেও আপনাকে সমর্পণ করব না।” 17  
তখন যিরমিয় সিদিকিয়কে বললেন, “বাহ্নীগণের ঈশ্বর সদাপ্রভু,  
ইস্রায়েলের ঈশ্বর এই কথা বলেন, ‘তুমি যদি ব্যাবিলনের রাজার  
কর্মাধ্যক্ষদের কাছে আত্মসমর্পণ করো, তোমার জীবন রক্ষা পাবে ও  
এই নগর অগ্নিদন্ত হবে না; তুমি ও তোমার পরিবার বেঁচে থাকবে।’ 18  
কিন্তু যদি তুমি ব্যাবিলনের রাজার কর্মাধ্যক্ষদের কাছে আত্মসমর্পণ না  
করো, এই নগর ব্যাবিলনীয়দের হাতে সমর্পিত হবে ও তারা এই নগর  
আগ্নে পুড়িয়ে দেবে। আপনি নিজেও তাদের হাত থেকে বাঁচতে  
পারবেন না।” 19 রাজা সিদিকিয় যিরমিয়কে বললেন, “আমি সেই  
ইহুদিদের ভয় পাই, যারা ব্যাবিলনীয়দের পক্ষে যোগ দিয়েছে, কারণ

ব্যাবিলনীয়েরা হয়তো আমাকে তাদের হাতে সমর্পণ করবে ও তারা আমার প্রতি দুর্ব্যবহার করবে।” 20 উভরে যিরিমিয় বললেন, “তারা আপনাকে সমর্পণ করবে না। আমি আপনাকে যা বলি, তা পালন করে আপনি সদাপ্রভুর আদেশ মান্য করুন। তাহলে আপনার মঙ্গল হবে ও আপনার প্রাণরক্ষা পাবে। 21 কিন্তু যদি আপনি আত্মসমর্পণ করা অগ্রহ্য করেন, তাহলে শুনুন, সদাপ্রভু আমার কাছে কী প্রকাশ করেছেন: 22 যিহূদার রাজার প্রাসাদে অবশিষ্ট যে সমস্ত স্ত্রীলোক আছে, তাদের ব্যাবিলনের রাজার কর্মকর্তাদের কাছে নিয়ে যাওয়া হবে। সেই স্ত্রীলোকেরা আপনার সমস্তকে বলবে, “‘তোমার নির্ভরযোগ্য সব বন্ধু, তোমাকে বিপথে চালিত করে পরাস্ত করেছে, তোমার পা কাদায় নিমজ্জিত হয়েছে; তোমার বন্ধুরা তোমাকে ত্যাগ করেছে।’ 23 ‘তোমার সব স্ত্রী ও ছেলেমেয়েদের ব্যাবিলনীয়দের কাছে নিয়ে আসা হবে। তুমি নিজেও তাদের হাত থেকে রক্ষা পাবে না, কিন্তু ব্যাবিলনের রাজার হাতে ধৃত হবে; আর এই নগরকে আগুনে পুড়িয়ে দেওয়া হবে।’ 24 তারপর সিদিকিয় যিরিমিয়কে বললেন, “আমাদের এই বার্তালাপের কথা কেউ যেন জানতে না পারে, তা না হলে আপনার মৃত্যু হবে। 25 যদি কর্মচারীরা শোনে যে, আমি আপনার সঙ্গে কথা বলেছি, আর তারা আপনার কাছে এসে বলে, ‘আমাদের বলুন, আপনি রাজাকে কী বলেছেন এবং রাজা আপনাকে কী বলেছেন; কোনো কথা আমাদের কাছে গোপন করবেন না, নইলে আমরা আপনাকে হত্যা করব,’ 26 তাহলে তাদের বলবেন, ‘আমি রাজার কাছে মিনতি করছিলাম, তিনি যেন আমাকে পুনরায় যোনাথনের গৃহে মরবার জন্য না পাঠান।’” 27 সমস্ত কর্মচারী যিরিমিয়ের কাছে এল ও তাঁকে সে বিষয়ে জিজ্ঞাসা করল। রাজা যিরিমিয়কে যেমন আদেশ দিয়েছিলেন, তিনি তাদের সে সমস্তই বললেন। তাই তারা তাঁকে আর কিছু বলল না, কারণ রাজার সঙ্গে তাঁর কথোপকথন আর কেউই শুনতে পায়নি। 28 আর জেরশালেম অধিকৃত না হওয়া পর্যন্ত যিরিমিয় রক্ষীদের প্রাসঙ্গে থেকে গেলেন। এভাবেই জেরশালেমকে অধিকার করা হয়।

**৩৯** যিহুদার রাজা সিদিকিয়ের রাজত্বের নবম বছরের দশম মাসে,  
ব্যাবিলনের রাজা নেবুখাদনেজার তাঁর সমস্ত সৈন্য নিয়ে জেরুশালেমের  
বিরুদ্ধে সমরাভিযান করেন ও তা অবরোধ করেন। ২ সিদিকিয়ের  
রাজত্বের এগারোতম বছরের চতুর্থ মাসের নবম দিনে, নগরের প্রাচীর  
ভেঙ্গে ফেলা হল। ৩ তারপর ব্যাবিলনের রাজার সমস্ত কর্মকর্তা এসে  
মধ্যম-দ্বারে আসন গ্রহণ করল। তারা ছিল সমগরের নের্গল-শরেৎসর,  
একজন প্রধান আধিকারিক নেবো-সার্সেকিম, একজন উচ্চ পদাধিকারী  
নের্গল-শরেৎসর এবং ব্যাবিলনের রাজার অন্যান্য সমস্ত কর্মচারী।  
৪ যখন যিহুদার রাজা সিদিকিয় ও সমস্ত সৈন্য তাদের দেখলেন,  
তারা পলায়ন করলেন। রাজার উদ্যানের পথ দিয়ে তারা রাত্রিবেলা  
নগর ত্যাগ করলেন। সেই ফটকটি ছিল দুটি প্রাচীরের মাঝখানে  
এবং পথ ছিল অরাবা অভিমুখী। ৫ কিন্তু ব্যাবিলনীয় সৈন্যেরা তাদের  
পশ্চাদ্বাবন করল এবং যিরাহোর সমভূমিতে সিদিকিয়ের নাগাল পেল।  
তারা তাঁকে বন্দি করল এবং হমাং দেশের রিব্লাতে ব্যাবিলনের  
রাজা নেবুখাদনেজারের কাছে তাঁকে নিয়ে গেল। সেখানে তিনি তাঁর  
দণ্ডদেশ ঘোষণা করলেন। ৬ সেখানে ব্যাবিলনের রাজা রিব্লায়,  
সিদিকিয়ের চোখের সামনেই তাঁর পুত্রদের হত্যা করলেন এবং যিহুদার  
সমস্ত সন্তান ব্যক্তিকেও হত্যা করলেন। ৭ তারপর তিনি সিদিকিয়ের  
দুই চোখ উপড়ে নিলেন এবং তাঁকে ব্যাবিলনে নিয়ে যাওয়ার জন্য  
পিতলের শিকল দিয়ে বাঁধলেন। ৮ ব্যাবিলনীয়েরা রাজপ্রাসাদে  
ও লোকদের সমস্ত গৃহে আগুন লাগিয়ে দিল এবং জেরুশালেমের  
প্রাচীরগুলি ভেঙ্গে ফেলল। ৯ রাজরক্ষীবাহিনীর সেনাপতি নবৃষ্ণরদন  
নগরের অবশিষ্ট লোকদের এবং যারা তাদের পক্ষ অবলম্বন করেছিল  
তাদের ও অবশিষ্ট অন্য সব লোককে ব্যাবিলনে নির্বাসিত করলেন। ১০  
কিন্তু রক্ষীদলের সেনাপতি নবৃষ্ণরদন যিহুদায় কিছু দীনদরিদ্র ব্যক্তিকে  
ছেড়ে দিলেন, তাদের কাছে কিছুই ছিল না। সেই সময় তিনি তাদের  
দ্রাক্ষাকুঞ্জ ও কৃষিজমি দান করলেন। ১১ এরপর, ব্যাবিলনের রাজা  
নেবুখাদনেজার তাঁর রাজরক্ষীদলের সেনাপতি নবৃষ্ণরদনের মাধ্যমে  
যিরামিয়ের জন্য এই আদেশ দিলেন, ১২ “তাঁকে গ্রহণ করো ও তাঁর

তত্ত্বাবধান করো। তাঁর কোনো ক্ষতি করবে না, বরং তিনি যা চান,  
 তাঁর প্রতি তাই করবে।” 13 তাই রক্ষীদলের সেনাপতি নবৃষ্ণরদন,  
 একজন প্রধান আধিকারিক নবুশাস্বন, একজন উচ্চপদস্থ কর্মচারী  
 নের্গল-শরেৎসর ও ব্যাবিলনের রাজার অন্যান্য সমস্ত কর্মচারীকে  
 14 যিরমিয়ের কাছে প্রেরণ করে, তাঁকে রক্ষীদের প্রাঙ্গণ থেকে মুক্ত  
 করে আনলেন। তারা তাঁকে শাফনের পুত্র অহীকামের পুত্র গদলিয়ের  
 হাতে সমর্পণ করলেন, যেন তিনি তাঁকে তাঁর গৃহে ফেরত নিয়ে যান।  
 এভাবেই তিনি তাঁর আপনজনদের কাছে থেকে গোলেন। 15 যখন  
 যিরমিয় রক্ষীদের প্রাঙ্গণে অবরুদ্ধ ছিলেন, সদাপ্রভুর বাক্য তাঁর কাছে  
 উপস্থিত হল: 16 “তুমি যাও ও গিয়ে কৃশীয় এবন-মেলককে বলো,  
 ‘বাহিনীগণের সদাপ্রভু, ইআয়েলের ঈশ্বর এই কথা বলেন, আমি এই  
 নগরের বিরুদ্ধে আমার বচন, সমৃদ্ধির নয়, কিন্তু বিপর্যয়ের মাধ্যমে  
 পূর্ণ করতে চলেছি। সেই সময়, সেগুলি তোমার ঢোকার সামনে পূর্ণ  
 হবে। 17 কিন্তু সেদিন, আমি তোমাকে উদ্বার করব, সদাপ্রভু এই কথা  
 বলেন; তুমি যাদের ভয় করো, তাদের হাতে তোমাকে সমর্পণ করা  
 হবে না। 18 আমি তোমাকে রক্ষা করব; তুমি তরোয়ালের আঘাতে  
 পতিত হবে না, কিন্তু তোমার প্রাণরক্ষা পাবে, কারণ তুমি আমাকে  
 বিশ্বাস করেছ, সদাপ্রভু এই কথা বলেন।”

**40** রাজরক্ষীদলের সেনাপতি নবৃষ্ণরদন, যিরমিয়কে রামা-নগরে মুক্তি  
 দেওয়ার পর, সদাপ্রভুর বাক্য যিরমিয়ের কাছে উপস্থিত হল। নবৃষ্ণরদন  
 জেরশালেম ও যিহুদার যে সমস্ত বন্দিকে ব্যাবিলনে নির্বাসিত করার  
 জন্য নিয়ে যাচ্ছিলেন, তাদের মাঝে যিরমিয়কে শৃঙ্খলে বদ্ধ অবস্থায়  
 দেখতে পান। 2 রক্ষীদলের সেনাপতি যখন যিরমিয়কে দেখতে  
 পেলেন, তিনি তাঁকে বললেন, “আপনার ঈশ্বর সদাপ্রভু এই স্থানের  
 বিরুদ্ধে এই বিপর্যয়ের কথাই ঘোষণা করেছিলেন। 3 এখন সদাপ্রভু  
 তাই ঘটতে দিয়েছেন। তিনি যেমন করবেন বলেছিলেন, ঠিক তেমনই  
 করেছেন। এই সমস্তই এজন্য ঘটেছে, কারণ আপনারা সদাপ্রভুর  
 বিরুদ্ধে পাপ করেছেন ও তাঁর আদেশ পালন করেননি। 4 কিন্তু আমি  
 আজ আপনার কঙ্গির শৃঙ্খল থেকে আপনাকে মুক্ত করছি। আপনি

যদি চান, তাহলে আমার সঙ্গে ব্যাবিলনে যেতে পারেন, আমি আপনার তত্ত্বাবধান করব। কিন্তু আপনি যদি যেতে না চান, তাহলে যাবেন না। দেখুন, সমস্ত দেশ আপনার সামনে পড়ে আছে; আপনি যেখানে ইচ্ছা সেখানে যান।” ৫ কিন্তু, যিরিমিয় সেখান থেকে ফিরে যাওয়ার আগেই নবৃত্তরদন আরও বললেন, “আপনি শাফনের পুত্র অহীকামের পুত্র গদলিয়ের কাছে যান। ব্যাবিলনের রাজা তাঁকেই যিহুদার নগরগুলির উপরে প্রশাসকরূপে নিযুক্ত করেছেন। তাঁরই সঙ্গে আপনি লোকদের মাঝে বসবাস করুন, অথবা অন্যত্র যেখানে আপনি যেতে চান, চলে যান।” তারপর সেই সেনাপতি তাঁকে বিভিন্ন পাথেয় ও একটি উপহার দিয়ে তাঁকে বিদায় দিলেন। ৬ অতএব, যিরিমিয় মিস্পায় অহীকামের পুত্র গদলিয়ের কাছে গেলেন এবং তাঁর কাছে, দেশের ছেড়ে দেওয়া লোকদের মাঝে অবস্থিতি করলেন। ৭ যখন খোলা মাঠে ছড়িয়ে থাকা যিহুদার সমস্ত সৈন্যাধ্যক্ষ ও তাদের লোকেরা শুনতে পেল যে, ব্যাবিলনের রাজা অহীকামের পুত্র গদলিয়কে দেশের উপরে প্রশাসকরূপে নিযুক্ত করেছেন এবং সব পুরুষ, নারী ও ছেলেমেয়েদের, যারা ছিল দেশের মধ্যে দরিদ্রতম এবং যাদের ব্যাবিলনে নির্বাসিত করা হয়নি, তাদের তত্ত্বাবধানের জন্য তাঁকে দায়িত্ব দিয়েছেন, ৮ তারা তখন মিস্পাতে গদলিয়ের কাছে এল। এদের মধ্যে ছিল নথনিয়ের পুত্র ইশ্মায়েল, কারেহের দুই পুত্র যোহানন ও যোনাথন, তন্ত্মুতের পুত্র সরায়, নটোফাতীয় এফয়ের পুত্রে এবং মাখাতীয়ের পুত্র যাসনিয় ও তাদের লোকেরা। ৯ শাফনের পুত্র অহীকামের পুত্র গদলিয় এক শপথ গ্রহণ করে তাদের ও তাদের লোকদের পুনরায় আশ্বস্ত করলেন। তিনি বললেন, “ব্যাবিলনীয়দের সেবা করতে তোমরা ভয় পেয়ো না। তোমরা দেশের মধ্যে বসবাস করো এবং ব্যাবিলনের রাজার সেবা করো, তাহলে তোমাদের মঙ্গল হবে। ১০ আমি স্বয়ং আমাদের কাছে আসা ব্যাবিলনীয়দের কাছে তোমাদের প্রতিনিধিত্ব করার জন্য মিস্পায় থাকব। কিন্তু তোমাদের দ্রাক্ষারস, গ্রীষ্মকালের ফল ও তেল সংগ্রহ করতে হবে। তোমরা সেগুলি সঞ্চয় করার পাত্রে রাখবে ও যে সমস্ত নগর তোমরা হস্তগত করবে, সেখানে বসবাস করবে।” ১১

যখন মোঘাব, অম্বোন, ইদোম ও অন্যান্য দেশগুলিতে ছড়িয়ে থাকা ইহুদিরা শুনতে পেল যে, ব্যাবিলনের রাজা কিছু সংখ্যক অবশিষ্ট লোককে যিহুদায় রেখে গিয়েছেন ও শাফনের পুত্র অহীকামের পুত্র গদলিয়কে তাদের উপরে প্রশাসকরূপে নিযুক্ত করেছেন, 12 তখন তারা যেসব দেশে ছড়িয়ে পড়েছিল, সেই সমস্ত দেশ থেকে সবাই যিহুদা প্রদেশের মিস্পায়, গদলিয়ের কাছে ফিরে এল। তারা এসে প্রচুররূপে দ্রাক্ষারস ও গ্রীষ্মকালীন ফল সংগ্রহ করল। 13 কারেহের পুত্র যোহানন ও সমস্ত সৈন্যদলের সেনাপতিরা, যারা তখনও পর্যন্ত খোলা মাঠে ছিল, তারা মিস্পায় গদলিয়ের কাছে এল। 14 তারা তাঁকে বলল, “আপনি কি জানেন না, অম্বোনীয়দের রাজা বালিস, নথনিয়ের পুত্র ইশ্মায়েলকে, আপনাকে হত্যা করার জন্য পাঠিয়েছেন?” কিন্তু অহীকামের পুত্র গদলিয় তাদের কথায় বিশ্বাস করলেন না। 15 তখন কারেহের পুত্র যোহানন মিস্পায় গোপনে গদলিয়কে বলল, “আমাকে অনুমতি দিন, আমি গিয়ে নথনিয়ের পুত্র ইশ্মায়েলকে হত্যা করি। কেউ সেই কথা জানতে পারবে না। সে কেন আপনার প্রাণ হরণ করবে এবং আপনার চারপাশে জড়ে হওয়া ইহুদিদের ছড়িয়ে পড়তে ও যিহুদার অবশিষ্টাংশকে ধ্বংস হতে দেবেন?” 16 কিন্তু অহীকামের পুত্র গদলিয়, কারেহের পুত্র যোহাননকে বললেন, “তুমি এরকম কাজ করবে না। তুমি ইশ্মায়েল সম্পর্কে যে কথা বলছ, তা সত্যি নয়।”

**41** ইলীশামার পৌত্র নথনিয়ের পুত্র ইশ্মায়েল ছিল রাজবংশীয় এবং রাজার প্রধান কর্মচারীদের মধ্যে অন্যতম। আর এরকম হল, সপ্তম মাসে সে ও তার সঙ্গে আরও দশজন লোক মিস্পায় অহীকামের পুত্র গদলিয়ের কাছে এল। তারা যখন সেখানে একসঙ্গে আহার করছিল, 2 তখন নথনিয়ের পুত্র ইশ্মায়েল ও তার সঙ্গী দশজন লোক উঠে শাফনের পুত্র অহীকামের পুত্র গদলিয়কে তরোয়াল দিয়ে আঘাত করল। এভাবে তারা ব্যাবিলনের রাজা দ্বারা নিযুক্ত দেশের প্রশাসককে হত্যা করল। 3 ইশ্মায়েল মিস্পায় গদলিয়ের সঙ্গে থাকা সমস্ত ইহুদিকে ও হত্যা করল, সেই সঙ্গে সেখানে থাকা সমস্ত ব্যাবিলনীয় সৈন্যকেও মেরে ফেলল। 4 গদলিয়ের হত্যার পরের দিন, কেউ কিছু

জানার আগেই, ৫ শিখিম, শীলো ও শমরিয়া থেকে আশি জন লোক মন্দিরে সদাপ্রভুর উপাসনা করার জন্য উপস্থিত হল। তারা তাদের দাঢ়ি কামিয়ে ফেলেছিল, পরনের পোশাক ছিঁড়েছিল ও নিজেদের ক্ষতবিক্ষত করেছিল। তারা সঙ্গে নিয়ে এসেছিল শস্য-নৈবেদ্য ও ধূপ। ৬ নথনিয়ের পুত্র ইশ্যায়েল কাঁদতে কাঁদতে মিস্পা থেকে তাদের সঙ্গে সাক্ষাৎ করতে গেল। যখন সে তাদের সাক্ষাৎ পেল, সে বলল, “চলো, আমরা অহীকামের পুত্র গদলিয়ের কাছে যাই।” ৭ যখন তারা নগরে প্রবেশ করল, নথনিয়ের পুত্র ইশ্যায়েল ও তার সঙ্গী লোকেরা তাদের হত্যা করল এবং একটি কুয়োয় তাদের নিক্ষেপ করল। ৮ কিন্তু তাদের মধ্যে দশজন ইশ্যায়েলকে বলল, “আমাদের হত্যা করবেন না! আমরা মাঠের মধ্য গম ও যব, তেল ও মধু লুকিয়ে রেখেছি।” তাই সে তাদের ছেড়ে দিল, অন্যদের সঙ্গে তাদের হত্যা করল না। ৯ এখন ইশ্যায়েল যে সমস্ত লোককে হত্যা করেছিল, তাদের শবগুলিকে গদলিয়ের শবের সঙ্গে সেই কুয়োর মধ্যে নিক্ষেপ করেছিল, যেটি রাজা আসা, ইস্রায়েলের রাজা বাশার হাত থেকে রক্ষা পাওয়ার একটি উপায় হিসেবে তৈরি করিয়েছিলেন। এখন নথনিয়ের পুত্র ইশ্যায়েল তা শবে পরিপূর্ণ করল। ১০ মিস্পায় যারা অবশিষ্ট ছিল, ইশ্যায়েল তাদের সবাইকে বন্দি করল। তাদের মধ্যে ছিল রাজকন্যারা এবং অবশিষ্ট অন্য সব লোক। তাদেরই উপরে রাজরক্ষীদলের সেনাপতি নবৃষ্ণদন, অহীকামের পুত্র গদলিয়কে প্রশাসকরূপে নিযুক্ত করেছিলেন। নথনিয়ের পুত্র তাদেরই বন্দি করে অম্মোনীয়দের কাছে পার হয়ে যাওয়ার জন্য যাত্রা করলেন। ১১ যখন কারেহের পুত্র যোহানন ও তার সঙ্গী সমস্ত সৈন্যাধ্যক্ষেরা নথনিয়ের পুত্র ইশ্যায়েলের কৃত অপরাধের কথা শুনতে পেল, ১২ তারা নিজেদের সমস্ত লোককে সঙ্গে নিয়ে নথনিয়ের পুত্র ইশ্যায়েলের সঙ্গে যুদ্ধ করতে গেল। তারা গিবিয়োনের বড়ো পুকুরের কাছে তার নাগাল পেল। ১৩ ইশ্যায়েলের কাছে থাকা সব লোক যখন কারেহের পুত্র যোহানন ও তার সঙ্গী সৈন্যাধ্যক্ষদের দেখতে পেল, তারা ভীষণ খুশি হল। ১৪ মিস্পায় যত লোককে ইশ্যায়েল বন্দি করেছিল, তারা ফিরে কারেহের পুত্র

যোহাননের সঙ্গে যোগ দিল। 15 কিন্তু নথনিয়ের পুত্র ইশ্যায়েল তার আটজন সঙ্গীকে সাথে নিয়ে যোহাননের কাছ থেকে অম্যোনীয়দের দেশে পালিয়ে গেল। 16 নথনিয়ের পুত্র যে ইশ্যায়েল, অঙ্গীকামের পুত্র গদলিয়কে হত্যা করেছিল, তার কাছ থেকে কারেহের পুত্র যোহানন ও তার সঙ্গী সেনাপতিরা যেসব অবশিষ্ট লোককে মিস্পা থেকে ফিরিয়ে এনেছিল, তাদের সঙ্গে নিল: বীর সৈন্যদের এবং গিবিয়োন থেকে আনীত সমস্ত স্ত্রীলোক, ছেলেমেয়েদের ও রাজদরবারের কর্মকর্তাদের সঙ্গে নিল। 17 তারা মিশরে যাওয়ার পথে বেথলেহেমের কাছে গেরঞ্চ-কিম্বহমে দিয়ে থামল, 18 যেন ব্যাবিলনীয়দের হাত এড়াতে পারে। তারা তাদের থেকে ভীত হয়েছিল, কারণ নথনিয়ের পুত্র ইশ্যায়েল অঙ্গীকামের পুত্র গদলিয়কে হত্যা করেছিল, যাঁকে ব্যাবিলনের রাজা দেশের উপরে প্রশাসকরূপে নিযুক্ত করেছিলেন।

**42** তারপর কারেহের পুত্র যোহানন ও হোশায়িয়ের পুত্র যাসনিয় সমেত সমস্ত সৈন্যাধ্যক্ষ এবং ক্ষুদ্র ও মহান নির্বিশেষে সমস্ত লোক 2 ভাববাদী যিরিমিয়ের কাছে এসে তাঁকে বলল, “দয়া করে আমাদের আবেদন শুনুন এবং এই অবশিষ্ট লোকদের সবার জন্য আপনার ঈশ্বর সদাপ্রভুর কাছে প্রার্থনা করুন। কারণ, যেমন আপনি এখন দেখতে পাচ্ছেন, এক সময় আমরা যদিও অনেকে ছিলাম, কিন্তু এখন অল্প কয়েকজন মাত্র অবশিষ্ট আছি। 3 আপনি প্রার্থনা করুন যেন, আপনার ঈশ্বর সদাপ্রভু আমাদের বলে দেন, আমরা কোথায় যাব ও আমরা কী করব?” 4 ভাববাদী যিরিমিয় উত্তর দিলেন, “আমি তোমাদের কথা শুনেছি। তোমরা যেমন অনুরোধ করেছ, আমি নিশ্চয়ই তোমাদের ঈশ্বর সদাপ্রভুর কাছে প্রার্থনা করব। সদাপ্রভু আমাকে যা বলেন, সে সমস্তই আমি তোমাদের বলব এবং তোমাদের কাছ থেকে কিছুই গোপন রাখব না।” 5 তারপর তারা যিরিমিয়কে বলল, “সদাপ্রভুই একজন প্রকৃত ও বিশ্বস্ত সাক্ষীস্বরূপ হন, যদি আমরা সেইমতো কাজ না করি, আপনার ঈশ্বর সদাপ্রভু আমাদের বলার জন্য আপনাকে প্রেরণ করেন। 6 তা আমাদের অনুকূলে হোক বা না হোক, আমরা আমাদের সেই ঈশ্বর, সদাপ্রভুর আদেশ পালন করব, যাঁর কাছে

আমরা আপনাকে প্রেরণ করছি, যেন তা আমাদের পক্ষে অঙ্গলম্বনপ  
হয়, কারণ আমরা আমাদের ঈশ্বর সদাপ্রভুর কথা অবশ্যই পালন  
করব।” 7 দশদিন পরে, সদাপ্রভুর বাক্য যিরমিয়ের কাছে উপস্থিত  
হল। 8 তাই তিনি কারেহের পুত্র যোহানন, তার সঙ্গী সমস্ত সৈন্যাধ্যক্ষ  
ও ক্ষুদ্র ও মহান নির্বিশেষে সব লোককে ডেকে পাঠালেন। 9 তিনি  
তাদের বললেন, “সদাপ্রভু, ইস্রায়েলের ঈশ্বর, যাঁর কাছে তোমাদের  
নিবেদন রাখতে তোমরা আমাকে পাঠিয়েছিলে, তিনি এই কথা বলেন,  
10 ‘তোমরা যদি এই দেশে থেকে যাও, আমি তোমাদের গড়ে তুলব,  
ভেঙে ফেলব না; আমি তোমাদের রোপণ করব, উৎপাটন করব না,  
কারণ আমি তোমাদের উপরে যে বিপর্যয় এনেছিলাম, তার জন্য আমি  
দুঃখ পেয়েছি। 11 তোমরা এখন যাকে ভয় পাও, সেই ব্যাবিলনের  
রাজাকে ভয় পেয়ো না। সদাপ্রভু এই কথা বলেন, তোমরা তাকে ভয়  
পেয়ো না, কারণ আমি তোমাদের সঙ্গে আছি। আমি তোমাদের রক্ষা  
করব ও তার হাত থেকে তোমাদের উদ্ধার করব। 12 আমি তোমাদের  
প্রতি সহানুভূতি প্রদর্শন করব তাই সে তোমাদের প্রতি করণা করবে  
এবং তোমাদের দেশে আবার তোমাদের নিয়ে বসাবে।’ 13 ‘কিন্তু,  
যদি তোমরা বলো, ‘আমরা এই দেশে অবস্থান করব না,’ আর এভাবে  
তোমাদের ঈশ্বর সদাপ্রভুর কথার অবাধ্য হও, 14 আর যদি তোমরা  
বলো, ‘না, আমরা গিয়ে মিশরে বসবাস করব, যেখানে আমরা যুদ্ধ  
দেখতে পাব না বা তূরীর শব্দ শুনব না বা রুটির জন্য ক্ষুধার্ত হব  
না,’ 15 তাহলে যিহূদার অবশিষ্ট লোকেরা, তোমরা সদাপ্রভুর কথা  
শোনো। বাহিনীগণের সদাপ্রভু, ইস্রায়েলের ঈশ্বর এই কথা বলেন,  
'তোমরা যদি মিশরে যাওয়ার জন্য দৃঢ়সংকল্প হও আর সেখানে গিয়ে  
বসবাস করো, 16 তাহলে যে তরোয়ালকে তোমরা ভয় করছ, সেই  
তরোয়াল সেখানে তোমাদের নাগাল পাবে। আর যে দুর্ভিক্ষের জন্য  
তোমরা আতঙ্কগ্রস্ত, তা মিশরে তোমাদের পিছু নেবে, আর সেখানে  
তোমরা মারা যাবে। 17 বস্তত, যারাই মিশরে গিয়ে বসবাস করার  
জন্য দৃঢ়সংকল্প, তারা তরোয়াল, দুর্ভিক্ষ ও মহামারি দ্বারা মৃত্যুবরণ  
করবে। তাদের মধ্যে একজনও বেঁচে থাকবে না বা তাদের উপরে

আমি যে বিপর্যয় আনয়ন করব, তা তারা এড়াতে পারবে না।’ 18  
 বাহিনীগণের সদাপ্রভু, ইস্রায়েলের ঈশ্বর এই কথা বলেন, ‘আমার  
 রোষ ও ক্রোধ যেমন জেরশালেম নিবাসীদের উপরে আমি ঢেলে  
 দিয়েছিলাম, তেমনই, যখন তোমরা মিশরে যাবে, তোমাদের উপরে  
 আমি আমার ক্রোধ ঢেলে দেব। তোমরা অভিশাপ ও বিভীষিকার পাত্র  
 হবে, তোমরা হবে মৃত্যুদণ্ডের ও দুর্নামের পাত্র। তোমরা এই স্থান  
 আর কখনও দেখতে পাবে না।’ 19 “হে যিহূদার অবশিষ্ট লোকেরা,  
 সদাপ্রভু তোমাদের বলেছেন, ‘তোমরা মিশরে যেয়ো না।’ এই বিষয়ে  
 নিশ্চিত হও, আমি তোমাদের আজ সাবধান করে দিই, 20 তোমরা  
 আমাকে তোমাদের ঈশ্বর, সদাপ্রভুর কাছে পাঠিয়ে এক সাংঘাতিক  
 ভুল করেছিলে। তোমরা বলেছিলে, ‘আপনি আমাদের ঈশ্বর সদাপ্রভুর  
 কাছে আমাদের জন্য প্রার্থনা করুন। তিনি যা বলেন, আমাদের কাছে  
 বলুন, আমরা সেসবই পালন করব।’ 21 আমি আজ তা তোমাদের বলে  
 দিয়েছি, কিন্তু তোমরা তবুও সেইসব কথা পালন করছ না, যা সদাপ্রভু,  
 তোমাদের ঈশ্বর তোমাদের কাছে বলার জন্য আমাকে পাঠিয়েছেন।  
 22 সেই কারণে, এখন এই বিষয়ে নিশ্চিত হও, তোমরা যেখানে গিয়ে  
 স্থায়ীভাবে বসবাস করতে চাও, সেখানে তোমরা তরোয়াল, দুর্ভিক্ষ ও  
 মহামারিতে মৃত্যুবরণ করবে।”

**43** যিরমিয় যখন তাদের ঈশ্বর সদাপ্রভুর সব কথা বলা শেষ  
 করলেন, সেই সকল কথা, যা সদাপ্রভু তাদের কাছে বলার জন্য তাঁকে  
 পাঠিয়েছিলেন, 2 তখন হোশায়িরের পুত্র অসরিয় ও কারেহের পুত্র  
 যোহানন অন্য সব উদ্ধৃত মানুষের সঙ্গে যিরমিয়াকে বলল, “আপনি  
 মিথ্যা কথা বলছেন! আমাদের ঈশ্বর সদাপ্রভু আপনাকে এই কথা বলার  
 জন্য পাঠাননি যে, ‘অবশ্যই তোমরা মিশরে গিয়ে বসবাস করার জন্য  
 যাবে না।’ 3 কিন্তু নেরিয়ের পুত্র বারাক আমাদের বিরুদ্ধে আপনাকে  
 প্ররোচনা দিচ্ছে, ব্যাবিলনীয়দের হাতে আমাদের সমর্পণ করার জন্য,  
 যেন তারা আমাদের হত্যা করে বা ব্যাবিলনে নির্বাসিত করে।” 4  
 তাই কারেহের পুত্র যোহানন, অন্য সব সৈন্যাধ্যক্ষ ও লোকেরা যিহূদা  
 প্রদেশে থেকে যাওয়ার জন্য সদাপ্রভুর যে আদেশ, তা অগ্রাহ্য করল।

৫ পরিবর্তে, কারেহের পুত্র যোহানন ও সমস্ত সৈন্যাধ্যক্ষ যিহুদার  
অবশিষ্ট লোকেদের মিশরের পথে চালিত করল, যারা বিভিন্ন স্থানে  
ছিন্নভিন্ন হয়েছিল, কিন্তু যিহুদা প্রদেশে বসবাস করার জন্য এসেছিল।  
৬ তারা সমস্ত পুরুষ, নারী ও ছেলেমেয়েদের এবং রাজকন্যাদের  
নিয়ে গেল, যাদের রাজরক্ষীদলের সেনাপতি নবৃষ্ণরদন শাফনের পুত্র  
অঙ্গীকামের পুত্র গদলিয়ের হাতে সমর্পণ করেছিল। সেই সঙ্গে তারা  
ভাববাদী যিরমিয় ও নেরিয়ের পুত্র বারুককেও সঙ্গে নিয়ে গেল। ৭  
এভাবে তারা সদাপ্রভুর বাক্যের প্রতি অবাধ্য হয়ে মিশরে প্রবেশ  
করল এবং তফন্হেষ পর্যন্ত গেল। ৮ তফন্হেষে সদাপ্রভুর বাক্য  
যিরমিয়ের কাছে উপস্থিত হল, ৯ “তুমি ইহুদিদের চক্ষুগোচরে কতগুলি  
বড়ো বড়ো পাথর সঙ্গে নাও এবং তফন্হেষে ফরৌণের প্রাসাদের  
প্রবেশপথে যে ইট বাঁধানো পায়ে চলার পথ আছে, সেখানে মাটির  
নিচে সেগুলি পুঁতে রাখো। ১০ তারপর তাদের বলো, ‘বাহিনীগণের  
সদাপ্রভু, ইস্রায়েলের ঈশ্বর এই কথা বলেন, আমি আমার দাস,  
ব্যাবিলনের রাজা নেবুখাদনেজারকে ডেকে পাঠাব। আর যে সমস্ত  
পাথর আমি এখানে মাটির নিচে পুঁতে রেখেছি, সেগুলির উপরে তার  
সিংহাসন স্থাপন করব। সেগুলির উপরে সে তার রাজকীয় চন্দ্রাতপ  
বিস্তার করবে। ১১ সে এসে মিশর আক্রমণ করবে। যারা মৃত্যুর জন্য  
নির্ধারিত, তাদের মৃত্যু হবে, যারা বন্দিত্বের জন্য নির্ধারিত, তারা  
বন্দি হবে এবং যারা তরোয়ালের আঘাতের জন্য নির্ধারিত, তারা  
তরোয়ালের আঘাতে মরবে। ১২ সে মিশরের সব দেবদেবীর মন্দিরে  
আগুন লাগাবে। সে তাদের মন্দিরগুলি অগ্নিদণ্ড করবে এবং তাদের  
দেবমূর্তিগুলি লুট করে নিয়ে যাবে। যেভাবে মেষপালক তার শরীরের  
চারপাশে কাপড় জড়ায়, সেভাবেই সে মিশরকে তার চারপাশে জড়াবে  
ও অক্ষত এখান থেকে প্রস্থান করবে। ১৩ সেখানে মিশরের সূর্যমন্দিরে  
সে পবিত্র স্তনগুলি ভেঙে ফেলবে এবং মিশরের সব দেবদেবীর  
মন্দিরগুলি পুড়িয়ে ফেলবে।”

**৪৪** সদাপ্রভুর বাক্য সেইসব ইহুদির উদ্দেশে যিরমিয়ের কাছে  
উপস্থিত হল, যারা উত্তর মিশরের নিম্নাঞ্চলে মিগ্দোল, তফন্হেষ

ও মেম্ফিসে এবং দক্ষিণ মিশৱের উচ্চতর স্থানগুলিতে বসবাস করত। 2 “বাহিনীগণের সদাপ্রভু, ইস্রায়েলের ঈশ্বর, এই কথা বলেন, জেরুশালেমে ও যিহুদার সব নগরে আমি যে বিপর্যয় নিয়ে এসেছিলাম, তা তোমরা দেখেছ। সেগুলি আজও জনমানবহীন ও ধ্বংস হয়ে পড়ে আছে। 3 তারা যে সমস্ত অন্যায় করেছিল, সেগুলির কারণেই এরকম হয়েছে। তারা অন্যান্য দেবদেবীর উদ্দেশে ধূপদাহ করে তাদের উপাসনা করেছিল, যাদের কথা তোমরা বা তোমাদের পিতৃপুরুষেরা কেউই কখনও জানত না। 4 বারবার আমি তাদের কাছে আমার দাস ভাববাদীদের পাঠিয়েছি, যারা বলত, ‘আমি যা ঘৃণা করি, তোমরা সেইসব ঘৃণ্য কর্ম কোরো না।’ 5 কিন্তু তারা সেই কথা শোনেনি, তাতে মনোযোগও দেয়নি। তারা নিজেদের দুষ্টার আচরণ থেকে বিমুখ হয়নি বা অন্য সব দেবদেবীর কাছে ধূপদাহ করতেও নিবৃত্ত হয়নি। 6 সেই কারণে আমার প্রচণ্ড ক্রোধ বর্ষিত হয়েছে, যা যিহুদার নগরগুলি ও জেরুশালেমের পথে পথে প্রজ্বলিত হয়েছিল। আর সেগুলি এখন যেমন আছে, তেমনই পরিত্যক্ত ধ্বংসস্তূপ হয়ে রয়েছে। 7 “এখন, বাহিনীগণের সদাপ্রভু, ইস্রায়েলের ঈশ্বর, এই কথা বলেন, তোমরা কেন তোমাদের নিজেদের বিরুদ্ধে বিপর্যয় ঘটতে দিচ্ছ? এরকম করলে তো তোমরা স্ত্রী-পুরুষ, ছেলেমেয়ে ও দুর্ঘাপোষ্য শিশুসমেত সবাইকেই যিহুদার মধ্য থেকে এমনভাবে উচ্ছিন্ন করবে যে, তোমাদের কেউই আর অবশিষ্ট থাকবে না। 8 কেন তোমরা তোমাদের হাতে তৈরি বিগ্রহগুলির জন্য আমার ক্রোধ উদ্বেক করছ? যে মিশৱের তোমরা বসবাসের জন্য এসেছ, সেখানে কেন অন্য সব দেবদেবীর উদ্দেশে ধূপদাহ করছ? তোমরা নিজেদের ধ্বংস করবে এবং পৃথিবীর সব জাতির কাছে নিজেদের এক অভিশাপ ও দুর্নামের পাত্র করবে। 9 তোমাদের পিতৃপুরুষেরা যে দুষ্টার কাজগুলি করেছিল, যিহুদার রাজা ও রানিরা এবং দুষ্টার যে কাজগুলি তোমরা ও তোমাদের স্ত্রীরা যিহুদায় ও জেরুশালেমের পথে পথে করেছিলে, সেগুলি কি তোমরা ভুলে গিয়েছ? 10 আজও পর্যন্ত তারা নিজেদের নতন্ত্র করেনি বা ভয়ও করেনি। তারা আমার বিধান ও তোমাদের সামনে আমি

যে বিধিনিয়ম তোমাদের ও তোমাদের পিতৃপুরুষদের কাছে স্থাপন  
করেছিলাম, তা তারা পালন করেনি। 11 “সেই কারণে, বাহিনীগণের  
সদাপ্রভু, ইত্তায়েলের দৈশ্বর, এই কথা বলেন, আমি তোমাদের উপরে  
বিপর্যয় এনে সমস্ত যিহূদাকে ধ্বংস করার জন্য মনস্তির করেছি। 12  
যারা মিশরে গিয়ে বসবাস করার জন্য দৃঢ়সংকল্প হয়েছিল, আমি  
তাদের অপসারিত করব। তারা সবাই মিশরে বিনষ্ট হবে। তারা  
তরোয়ালের আঘাতে অথবা দুর্ভিক্ষে মৃত্যুবরণ করবে। ক্ষুদ্র-মহান  
নির্বিশেষে, তারা তরোয়ালের আঘাতে অথবা দুর্ভিক্ষে মারা যাবে।  
তারা অভিশাপ ও বিভীষিকার, বিনাশ ও দুর্নামের পাত্রস্বরূপ হবে। 13  
আমি যেভাবে জেরশালেমকে শাস্তি দিয়েছিলাম, তেমনই যারা মিশরে  
বসবাস করবে, তাদের তরোয়াল, দুর্ভিক্ষ ও মহামারির আঘাতে শাস্তি  
দেব। 14 যিহূদার অবশিষ্ট লোকেরা, যারা মিশরে বসবাস করার  
জন্য গিয়েছে, তারা কেউই যিহূদার দেশে, যে দেশে তারা ফিরে  
আসতে ও বসবাস করতে চায়, সেই দেশে ফিরে আসার জন্য শাস্তি  
এড়াতে বা বেঁচে থাকতে পারবে না। কয়েকজন প্লাতক ব্যক্তি ছাড়া  
আর কেউই ফিরে আসতে পারবে না।” 15 তখন যে সকল পুরুষ  
জানত যে, তাদের স্ত্রীরা অন্য দেবদেবীর উদ্দেশ্যে ধূপদাহ করেছে,  
সেখানে উপস্থিত অন্য স্ত্রীলোকদের সঙ্গে, নিম্নতর ও উচ্চতর মিশরে  
বসবাসকারী সব মানুষ, এক বিশাল জনতা যিরমিয়েকে বলল, 16  
“আপনি সদাপ্রভুর নামে আমাদের কাছে যে কথা বলেছেন, আমরা  
সেকথা শুনব না। 17 আমরা যা বলেছি, সেসবই নিশ্চিতরপে করব।  
আমরা আকাশ-রানির উদ্দেশ্যে ধূপদাহ করব এবং তার উদ্দেশ্যে পেয়-  
নৈবেদ্য উৎসর্গ করব, ঠিক যেভাবে আমরা ও আমাদের পিতৃপুরুষেরা,  
আমাদের রাজারা ও আমাদের রাজকর্মচারীরা যিহূদার নগরগুলিতে  
ও জেরশালেমের পথে পথে করতাম। সেই সময় আমাদের কাছে  
প্রচুর খাদ্যদ্রব্য ছিল। আমাদের অবস্থাও বেশ ভালো ছিল এবং আমরা  
কোনো ক্ষতির সম্মুখীন হইনি। 18 কিন্তু যখন থেকে আমরা আকাশ-  
রানির উদ্দেশ্যে ধূপদাহ ও পেয়-নৈবেদ্য উৎসর্গ করা বন্ধ করেছি,  
তখন থেকে আমাদের সব বন্ধনের অভাব হচ্ছে এবং আমরা তরোয়ালের

আমাতে ও দুর্ভিক্ষের কারণে ধ্বংস হচ্ছি।” 19 সেই স্ত্রীলোকেরা আরও বলল, “যখন আমরা আকাশ-রানির উদ্দেশে ধূপদাহ ও তার উদ্দেশে পেয়-নৈবেদ্য উৎসর্গ করতাম, আমাদের স্বামীরা কি জানতেন না যে আমরা আকাশ-রানির প্রতিকৃতিতে পিঠে তৈরি করতাম ও তার উদ্দেশ্যে পানীয়-নৈবেদ্য উৎসর্গ করতাম?” 20 তখন যিরমিয়, যারা তাঁর কথার প্রত্যন্তর করেছিল, সেই স্ত্রী ও পুরুষ সকলের উদ্দেশে বললেন, 21 “সদাপ্রভু কি স্মরণ করেননি এবং সেই বিষয়ে চিন্তা করেননি, যে তোমরা, তোমাদের পিতৃপুরুষেরা, তোমাদের রাজারা ও তোমাদের রাজকর্মচারীরা ও দেশের অন্যান্য সমস্ত লোক যিহুদার নগরগুলিতে ও জেরুশালেমের পথে পথে ধূপদাহ করতে? 22 সদাপ্রভু যখন তোমাদের দুষ্টতার ক্রিয়াকলাপ ও তোমাদের ঘৃণ্য সব কাজকর্ম সহ্য করতে পারলেন না, তখন তোমাদের দেশ এক অভিশাপের পাত্র ও জনমানবহীন পরিত্যক্ত স্থানে পরিণত হল, যেমন তা আজও আছে। 23 যেহেতু তোমরা বিভিন্ন দেবদেবীর উদ্দেশে ধূপদাহ করে সদাপ্রভুর বিরুদ্ধে পাপ করেছ এবং তাঁর কথা শোনোনি বা তাঁর বিধান, বিধিনিয়ম বা তাঁর বিধিনিষেধ মান্য করোনি, এই বিপর্যয় তোমাদের উপরে নেমে এসেছে, যেমন আজ তোমরা দেখতে পাচ্ছ।” 24 তারপর যিরমিয় সব পুরুষ এবং সব স্ত্রীলোকদের বললেন, “মিশরে বসবাসকারী যিহুদার লোকেরা, তোমরা সবাই সদাপ্রভুর এই বাক্য শোনো। 25 বাহিনীগণের সদাপ্রভু, ইস্রায়েলের স্টৰ্খের এই কথা বলেন, তোমরা ও তোমাদের স্ত্রীরা এই বলে প্রতিজ্ঞা করেছিলে, ‘আমরা নিশ্চয়ই আকাশ-রানির উদ্দেশ্যে ধূপদাহ ও পেয়-নৈবেদ্য উৎসর্গ করার শপথ পূর্ণ করব, তা তোমাদের কাজের মধ্য দিয়ে তোমরা দেখিয়েছ।’ “এখন তাহলে যাও, তোমাদের প্রতিজ্ঞা অনুসারে কাজ করো! তোমাদের শপথ পূর্ণ করো! 26 কিন্তু মিশরে বসবাসকারী সমস্ত ইহুদি সদাপ্রভুর এই বাক্য শোনো: সদাপ্রভু বলেন, ‘আমি আমারই মহৎ নামের শপথ করে বলছি, মিশরের মধ্যে বসবাসকারী কোনও ইহুদি আমার নাম নিয়ে শপথ করে আর বলবে না, “জীবন্ত সার্বভৌম সদাপ্রভুর দিবিয়।” 27 কারণ তাদের ক্ষতিসাধনের জন্য আমি তাদের

উপরে দৃষ্টি রেখেছি, তাদের মঙ্গলের জন্য নয়। মিশরে স্থিত ইহুদিরা তরোয়াল ও দুর্ভিক্ষে বিনষ্ট হবে, যতক্ষণ না তাদের সবাই ধ্বংস হয়। 28 যারা তরোয়ালের আঘাত এড়িয়ে মিশর থেকে যিহুদার দেশে ফিরে আসবে, তারা সংখ্যায় অতি অল্পই হবে। তখন যিহুদার অবশিষ্ট সকলে যারা মিশরে বসবাস করার জন্য এসেছে, জানতে পারবে, কার কথা ঠিক থাকবে, আমার না তাদের।’ 29 ‘সদাপ্রভু বলেন, ‘আমি তোমাদের এই স্থানে শান্তি দেব, তার চিহ্ন এরকম হবে, যেন তোমরা জানতে পারো যে তোমাদের বিরঞ্ছে ক্ষতিসাধনের জন্য আমার ভীতিপ্রদর্শন অবশ্যই বাস্তবায়িত হবে।’ 30 সদাপ্রভু এই কথা বলেন, ‘আমি মিশরের রাজা ফরৌণ-হফ্রাকে, যারা তার প্রাণনাশ করতে চায়, তার সেই শক্তিদের হাতে সমর্পণ করতে চলেছি, যেমন আমি যিহুদার রাজা সিদিকিয়কে, তার শক্তি ব্যাবিলনের রাজা নেবুখাদনেজারের হাতে সমর্পণ করেছিলাম, যে তার প্রাণনাশ করতে চেয়েছিল।’”

**45** যোশিয়ের পুত্র যিহুদার রাজা যিহোয়াকীমের রাজত্বের চতুর্থ বছরে, যখন নেরিয়ের পুত্র বারুক এসব কথা যিরমিয়ের কাছে শুনে পুঁথিতে লিখলেন, তখন ভাববাদী যিরমিয় বারুককে এই কথা বললেন: 2 “বারুক, সদাপ্রভু, ইস্রায়েলের স্টশ্বর, তোমাকে এই কথা বলেন: 3 তুমি বলেছ, ‘ধিক্ আমাকে! সদাপ্রভু আমার মর্মবেদনার সঙ্গে দুঃখও যুক্ত করেছেন। আমি আর্তনাদ করতে করতে নিঃশেষিত হলাম, আমি কোনো বিশ্রাম পাই না।’ 4 সদাপ্রভু আমাকে বলেছেন, তুমি তাকে এই কথা বলো, ‘সদাপ্রভু এই কথা বলেন, আমি সমস্ত দেশে যা নির্মাণ করেছি, তা উৎপাটন করব এবং যা রোপণ করেছি, তা উপড়ে ফেলব। 5 তাহলে তুমি কি নিজের জন্য মহৎ সব বিষয়ের চেষ্টা করবে? সেগুলির অন্বেষণ কোরো না। কারণ আমি সব লোকের উপরে বিপর্যয় নিয়ে আসব, একথা সদাপ্রভু বলেন। কিন্তু তুমি যেখানেই যাবে, সেখানে তোমার প্রাণ বাঁচাতে আমি তোমাকে সাহায্য করব।’”

**46** বিভিন্ন জাতি সম্পর্কে সদাপ্রভুর এই বাক্য, ভাববাদী যিরমিয়ের কাছে উপস্থিত হল: 2 মিশর সম্পর্কে: যোশিয়ের পুত্র যিহুদার রাজা যিহোয়াকীমের রাজত্বের চতুর্থ বছরে, ব্যাবিলনের রাজা

নেবুখাদনেজার, মিশরের রাজা ফরৌণ নথোর যে সৈন্যদলকে  
ইউফ্রেটিস নদীর তীরে কর্কমীশে পরাস্ত করেন, তাদের সম্পর্কে  
এই বাক্য, ৩ “বড়ো বা ছোটো, তোমাদের ঢালগুলি প্রস্তুত করো ও  
সমরাভিযানে বের হও! ৪ অশ্বগুলিকে সজ্জিত করো, যুদ্ধাশ্বে আরোহণ  
করো! শিরস্ত্রাণ পরে তোমরা অবস্থান নাও! তোমাদের বর্ষাগুলি  
ঝাকঝাকে করো, সব রণসাজ পরে নাও! ৫ আমি কী দেখতে পাচ্ছি?  
তারা আতঙ্কগ্রস্ত হয়েছে, তারা পিছনে অপসারণ করছে, তাদের বীর  
যোদ্ধারা পরাস্ত হয়েছে। পিছন দিকে না ফিরে তারা দ্রুত পলায়ন  
করে, তাদের চারদিকে কেবলই ভয়ের পরিবেশ,” সদাপ্রভু এই কথা  
বলেন। ৬ “দ্রুতগামী লোক পলায়ন করতে পারছে না, শক্তিশালী  
লোকেরাও নিষ্কৃতি পাচ্ছে না। উত্তর দিকে, ইউফ্রেটিস নদীর তীরে,  
তারা হোঁচ্ট খেয়ে পতিত হচ্ছে। ৭ “নীলনদের মতো, নদীর উপচে  
পড়া জলরাশির মতো, ওই যে উঠে আসছে, ও কে? ৮ মিশর নীলনদের  
মতো উঠে আসছে, যেমন নদীগুলিতে জলরাশি ফেঁপে ওঠে। সে  
বলছে, ‘আমি উঠে সমস্ত পৃথিবীকে প্লাবিত করব, আমি লোকসমেত  
সব নগর ধ্বংস করব।’ ৯ হে অশ্বেরা, তোমরা আক্রমণ করো! ওহে  
রথারোহীরা, তোমরা উন্নতের মতো রথ ঢালাও! হে যোদ্ধারা, তোমরা  
সমরাভিযান করো, কৃশ ও পুটের লোকেরা, যারা ঢাল বহন করে,  
লুদের লোকেরা, যারা ধনুকে শরসন্ধান করে। ১০ কিন্তু সেদিনটি হল  
প্রভু, বাহিনীগণের সদাপ্রভুর, এক প্রতিশোধের দিন, তাঁর শক্তদের  
উপরে প্রতিশোধ নেওয়ার দিন। তরোয়াল তৃষ্ণ না হওয়া পর্যন্ত গ্রাস  
করে যাবে, যতক্ষণ না রক্তে তার পিপাসা নিবারিত হয়। কারণ প্রভু,  
বাহিনীগণের সদাপ্রভু, উত্তরের দেশে, ইউফ্রেটিস নদীর তীরে, বলি  
উৎসর্গ করবেন। ১১ “হে মিশরের কুমারী-কন্যা, তুমি গিলিয়দে গিয়ে  
মলম নিয়ে এসো। কিন্তু তুমি বৃথাই অনেক ওষুধ ব্যবহার করছ,  
তোমার রোগের কোনো প্রতিকার নেই। ১২ জাতিগণ তোমার লজ্জার  
কথা শুনবে; তোমার কান্নায় পৃথিবী পূর্ণ হবে। এক যোদ্ধা অন্য যোদ্ধার  
উপরে পড়বে, তারা উভয়েই একসঙ্গে পতিত হবে।” ১৩ মিশরকে  
আক্রমণ করার জন্য ব্যাবিলনের রাজা নেবুখাদনেজারের আগমন

সম্পর্কে, সদাপ্রভু ভাববাদী যিরমিয়াকে এই বার্তা দিলেন: 14 “তোমরা মিশরে ঘোষণা করো, মিগ্ধোলে একথা প্রচার করো; মেস্ফিস ও তফন্হেষেও একথা গিয়ে বলো: ‘তোমরা নিজেদের অবস্থান নাও ও প্রস্তুত হও, কারণ তরোয়াল তোমাদের চারপাশের সবাইকে গ্রাস করবে।’ 15 কেন তোমার যোদ্ধারা ভূপাতিত হবে? তারা দাঁড়াতে পারে না, কারণ সদাপ্রভু তাদের মাটিতে ফেলে দেবেন। 16 তারা বারবার ঝঁঁচট খাবে; তারা পরস্পরের উপরে গিয়ে পড়বে। তারা বলবে, ‘ওঠো, চলো আমরা ফিরে যাই, স্বদেশে, আমাদের আপনজনদের কাছে, অত্যাচারীদের তরোয়াল থেকে অনেক দূরে।’ 17 সেখানে তারা চিৎকার করে বলবে, ‘মিশরের রাজা ফরৌণ এক উচ্চশব্দ মাত্র; সে তার সুযোগ হারিয়েছে।’ 18 “আমার জীবনের দিব্যি,” রাজা ঘোষণা করেন, যাঁর নাম বাহিনীগণের সদাপ্রভু, “একজন আসবেন, যিনি পর্বতগুলির মধ্যে তাবোরের তুল্য, সমুদ্রতীরের কর্মিল পাহাড়ের মতো। 19 তোমরা যারা মিশরে বসবাস করো, নির্বাসনের জন্য তোমাদের জিনিসপত্র তুলে নাও, কারণ মেস্ফিস নগরী পরিত্যক্ত হবে, নিবাসীহীন ধ্বংসস্তূপ হয়ে পড়ে থাকবে। 20 “মিশর এক সুন্দরী বকনা-বাচ্চুর, কিন্তু উত্তর দিক থেকে তার বিরুদ্ধে এক ডাঁশ-মাছি আসছে। 21 তার সৈন্যশ্রেণীরা বেতনভোগী, তারা সব নধর বাচ্চুরের মতো। তারাও পিছন ফিরে একসঙ্গে পালাবে, তারা তাদের স্থানে স্থির হয়ে দাঁড়াতে পারবে না, কারণ বিপর্যয়ের দিন তাদের উপরে নেমে আসছে, সেই সময়টি হল তাদের শান্তি পাওয়ার। 22 মিশর পালিয়ে যাওয়া সাপের মতো হিস্তিস্ করবে, যেভাবে সৈন্যদল সামনের দিকে এগিয়ে যায়; তারা কুড়ুল নিয়ে তার বিরুদ্ধে আসবে, যেমন লোকেরা গাছপালা কেটে নেয়। 23 তারা তার অরণ্য কেটে ফেলবে,” সদাপ্রভু এই কথা বলেন, “তা যতই গহন হোক না কেন। তারা পঙ্গপাল অপেক্ষাও বহুসংখ্যক, যাদের সংখ্যা গণনা করা যায় না। 24 মিশর-কন্যাকে লজ্জা দেওয়া হবে, উত্তরের লোকদের হাতে সে সমর্পিত হবে।” 25 বাহিনীগণের সদাপ্রভু, ইস্রায়েলের ঈশ্বর, এই কথা বলেন: “আমি শান্তি দিতে চলেছি থিব্স-নগরের আমোন-দেবের উপরে, ফরৌণের

উপরে, মিশরের উপরে ও তার দেবদেবী ও রাজাদের উপরে, এবং  
 তাদের উপরে, যারা মিশরের উপরে নির্ভর করে। 26 যারা তাদের প্রাণ  
 হরণ করতে চায়, আমি তাদের হাতে তাদের সমর্পণ করব। তারা হল  
 ব্যবিলনের রাজা নেবুখাদনেজার ও তার সৈন্যেরা। পরবর্তী সময়ে,  
 মিশর অবশ্য লোক অধ্যুষিত হবে, যেমন তারা পূর্বে ছিল,” একথা  
 সদাপ্রভু ঘোষণা করেন। 27 “আমার দাস যাকোব, তোমরা ভয় কোরো  
 না; ও ইস্রায়েল, তোমরা নিরাশ হোয়ো না। আমি নিশ্চয়ই তোমাকে  
 দূরবর্তী দেশ থেকে রক্ষা করব, তোমার বংশধরদের নির্বাসনের দেশ  
 থেকে উদ্বার করব। যাকোব পুনরায় শান্তি ও সুরক্ষা লাভ করবে,  
 আর কেউ তাকে ভয় দেখাতে পারবে না। 28 হে যাকোব, আমার  
 দাস, তুমি ভয় কোরো না, কারণ আমি তোমার সঙ্গে আছি,” সদাপ্রভু  
 এই কথা বলেন। “যাদের মধ্যে আমি তোমাকে ছড়িয়ে দিয়েছিলাম,  
 সেই অন্য সব জাতিকে যদিও সম্পূর্ণরূপে ধ্বংস করি, আমি তোমাকে  
 সম্পূর্ণরূপে ধ্বংস করব না। আমি কেবলমাত্র বিচার করে তোমাকে  
 শান্তি দেব, আমি কোনোমতেই তোমাকে অদণ্ডিত রাখব না।”

**47** ফরৌণ গাজা আক্রমণ করার পূর্বে, ফিলিস্তিনীদের সম্পর্কে  
 ভাববাদী যিরমিয়ের কাছে সদাপ্রভুর এই বাক্য উপস্থিত হল: 2  
 সদাপ্রভু এই কথা বলেন, “দেখো, উত্তর দিকের জলরাশি কেমন  
 ফেঁপে উঠছে; তা এক উপচে পড়া স্নোতে পরিণত হবে। তা সেই দেশ,  
 তার নগরগুলি ও সেগুলির মধ্যে বসবাসকারী সব কিছুকেই প্লাবিত  
 করবে। লোকেরা চিৎকার করে উঠবে, দেশে বসবাসকারী সকলেই  
 বিলাপ করবে 3 দ্রুততম গতিতে ছুটে আসা অশ্বদের খুরের শব্দে,  
 শক্রপক্ষের রথসমূহের কোলাহলে ও তাদের চাকাগুলির ঘরঘরানিতে।  
 বাবারা তাদের সন্তানদের সাহায্য করতে ফিরে আসবে না, তাদের  
 হাতগুলি অবশ হয়ে ঝুলে থাকবে। 4 কারণ সব ফিলিস্তিনীকে ধ্বংস  
 করার, যারা সৌর ও সীদোনের সাহায্য করত, সেই সমস্ত অবশিষ্ট  
 লোককে উচ্ছিষ্ট করার দিন, এসে পড়েছে। সদাপ্রভু ফিলিস্তিনীদের  
 ধ্বংস করতে চলেছেন, কঙ্গোরের উপকূল থেকে আসা অবশিষ্টদের  
 তিনি ধ্বংস করবেন। 5 গাজা বিলাপ করে তার মস্তক মুণ্ডন করবে;

অঙ্কিলোন নীরব হবে। হে সমতলভূমির অবশিষ্ট লোকেরা, তোমরা কত কাল নিজেদের শরীর কাটাকুটি করবে? ৬ “আহ, সদাপ্রভুর তরোয়াল, আর কত কাল পরে তুমি ক্ষান্ত হবে? তুমি নিজের কোম্পে প্রবেশ করো, নিঃস্ত হও ও শান্ত হও।’ ৭ কিন্তু তা কেমন করে ক্ষান্ত হবে, যখন সদাপ্রভু তাকে আদেশ দিয়েছেন? যখন তাঁর আদেশ নির্গত হয়েছে অঙ্কিলোন ও উপকূল এলাকা আক্রমণ করার?”

**48** মোয়াব সম্পর্কে: বাহিনীগণের সদাপ্রভু, ইস্রায়েলের ঈশ্বর, এই কথা বলেন: “ধিক্ নেবোকে, কারণ তা ধ্বংস হবে। কিরিয়াথয়িম অপমানিত ও পরহত্তগত হবে; সেই দুর্গ অবনমিত ও ভেঙে ফেলা হবে। ২ মোয়াবের আর প্রশংসা করা হবে না; হিষ্বোনে লোকেরা তার পতনের ঘড়্যন্ত করবে: ‘এসো, আমরা ওই জাতিকে শেষ করে দিই।’ ম্যাদমেন, তোমারও মুখ বন্ধ করা হবে; তরোয়াল তোমার পশ্চাদ্বাবন করবে। ৩ হোরোগয়িম থেকে কান্নার শব্দ শোনো, সর্বনাশ ও মহাবিনাশের কান্না। ৪ মোয়াবকে ভেঙে ফেলা হবে; তার ছোটো শিশুরা কেঁদে উঠবে। ৫ তারা লৃহীতের আরোহণ পথে উঠে যায়, ওঠার সময় তারা তীব্র রোদন করে; হোরোগয়িমের নেমে যাওয়ার পথে বিনাশের জন্য মনস্তাপের কান্না শোনা যাচ্ছে। ৬ তোমরা পালাও! তোমাদের প্রাণ বাঁচানোর জন্য দৌড়াও; তোমরা প্রান্তরের ঝোপঝাড়ের মতো হও। ৭ তোমাদের নির্ভরতা ছিল তোমাদের কৃতকর্ম ও ঐশ্বর্যের উপর, তোমাদেরও বন্দি করে নিয়ে যাওয়া হবে, কমোশ-দেবতা নির্বাসনে যাবে তার পুরোহিত ও কর্মকর্তা সমেত। ৮ বিনাশক সব নগরের বিরুদ্ধে আসবে, কোনো নগরই রক্ষা পাবে না, তলভূমি বিনষ্ট হবে এবং সমভূমি উচ্ছিন্ন হবে, কারণ সদাপ্রভু এই কথা বলেছেন। ৯ মোয়াবের ভূমিতে লবণ ছড়িয়ে দাও, কারণ সে পরিত্যক্ত পড়ে থাকবে; তার নগরগুলি হবে জনমানবহীন, আর কেউই তার মধ্যে বসবাস করবে না। ১০ “অভিশঙ্গ হোক সেই মানুষ, যে শিথিলভাবে সদাপ্রভুর কাজ করে! অভিশঙ্গ হোক সেই জন, যে তার তরোয়ালকে রক্তপাত করতে না দেয়! ১১ “মোয়াব তার যৌবনকাল থেকে বিশ্রাম ভোগ করেছে, যেভাবে দ্রাক্ষারস তার তলানির উপরে স্থির থাকে, যখন

এক পাত্র থেকে অন্য পাত্রে তা ঢালা হয় না, সে কখনও নির্বাসনে  
যায়নি। তাই তার স্বাদ পূর্বের মতোই থেকে গেছে, তার সুগন্ধের  
পরিবর্তন হয়নি।” 12 সদাপ্রভু ঘোষণা করেন, “কিন্তু সেদিন আসন্ন,  
আমি তাদের প্রেরণ করব, যারা পাত্র থেকে ঢেলে দেয়, আর তারা  
তাকে ঢেলে দেবে; তারা তার পাত্রগুলি খালি করবে ও ঢালবার জগগুলি  
চুরমার করবে। 13 তখন মোয়াব কমোশ-দেবতার জন্য লজ্জিত হবে,  
যেমন ইস্রায়েলের কুল লজ্জিত হয়েছিল যখন তারা বেথেলে স্থাপিত  
দেবতায় নির্ভর করেছিল। 14 “তোমরা কেমন করে বলতে পারো,  
‘আমরা যোদ্ধা, যুদ্ধে আমরা বীরত্ব দেখিয়েছি?’ 15 মোয়াব ধ্বংস করা  
হবে ও তার নগরগুলি আক্রান্ত হবে; তাদের সেরা যুবকেরা বধ্যস্থানে  
নেমে যাবে,” রাজা এই কথা বলেন, যাঁর নাম বাহিনীগণের সদাপ্রভু।  
16 “মোয়াবের পতন এসে পড়েছে; দ্রুত এসে পড়বে তার দুর্যোগ।  
17 তার চারপাশে থাকা লোকেরা, যারা তার খ্যাতির কথা জানো,  
তোমরা সবাই মোয়াবের জন্য বিলাপ করো। বলো, ‘পরাক্রমী রাজদণ্ড  
কেমন ভেঙে গেছে, সেই মহিমায় কর্তৃত্ব কেমন ভেঙে পড়েছে!’ 18  
“দীর্ঘনিরাপত্তি পেলে আমরা অধিবাসীরা, তোমরা মহিমার আসন থেকে নেমে  
এসো ও শুকনো মাটির উপরে বসে পড়ো, কারণ যিনি মোয়াবকে  
ধ্বংস করেন, তিনি তোমাদের বিরুদ্ধে আসবেন ও তোমাদের সুরক্ষিত  
নগরগুলি ধ্বংস করবেন। 19 তোমরা, যারা অরোয়েরে বসবাস করো,  
তোমরা রাস্তায় এসে দাঁড়াও ও দেখো। পলায়মান পুরুষ ও পলাতক  
স্ত্রীকে জিজ্ঞাসা করো, তাদের কাছে জানতে চাও, ‘কী হয়েছে?’  
20 মোয়াব অপমানিত হয়েছে, কারণ সে ভেঙে পড়েছে। তোমরা  
বিলাপ করো ও কান্নায় ভেঙে পড়ো! অর্ণেন নদীর তীরে ঘোষণা  
করো, মোয়াব ধ্বংস হয়েছে। 21 সমভূমিতে বিচারদণ্ড এসে গেছে—  
হোলন, যহস ও মেফাতে, 22 দীর্ঘনিরাপত্তি, নেবো ও বেথ-দিন্নাথয়িমে, 23  
কিরিয়াথয়িম, বেথ-গামূল ও বেথ-মিয়োনে, 24 করিয়োৎ ও বস্রায়—  
দূরে ও নিকটে, মোয়াবের সব নগরে। 25 মোয়াবের শৃঙ্খ কেটে  
ফেলা হয়েছে; তার হাত ভেঙে গেছে,” সদাপ্রভু এই কথা বলেন।  
26 “তাকে মন্ত্র করো, কারণ সে সদাপ্রভুর বিরুদ্ধে বড়ুই করেছে।

মোয়াব তার বমিতে গড়াগড়ি দিক, সে সকলের বিন্দুপের পাত্র হোক।  
27 ইস্রায়েল কি তোমার বিন্দুপের পাত্র ছিল না? সে কি চোরদের  
মধ্যে ধরা পড়েছিল যে নিম্নসূচক অবজায় তুমি মাথা নাড়িয়েছিলে,  
যখনই তার সম্পর্কে বলতে কোনও কথা? 28 তোমরা যারা মোয়াবে  
বসবাস করো, তোমরা নগরগুলি ছেড়ে বড়ো বড়ো পাথরের মধ্যে  
গিয়ে থাকো। তোমরা কপোতের মতো হও, যে তার বাসা গুহার মুখে  
তৈরি করে। 29 “আমরা মোয়াবের অহংকারের কথা শুনেছি, তার  
লাগামছাড়া দন্ত ও কল্পনার কথা, তার অশিষ্টতা, অহংকার ও উদ্বিষ্ট  
এবং তার তাচ্ছিল্যপূর্ণ মনোভাবের কথা। 30 আমি তার অশিষ্টতার  
কথা জানি, কিন্তু তা কিছুই নয়,” সদাপ্রভু এই কথা বলেন, “তার দর্প  
কেনো কাজের নয়। 31 তাই আমি মোয়াবের জন্য বিলাপ করি,  
সমস্ত মোয়াবের জন্য আর্তনাদ করি, কীর-হেরসের লোকদের জন্য  
কাতরোক্তি করি। 32 ওহে সিব্বার দ্রাক্ষালতা সব, আমি তোমার  
জন্য কাঁদি, যেমন যাসের কাঁদে। তোমার শাখাগুলি তো সাগর পর্যন্ত  
বিস্তৃত; সেগুলি যাসের সমুদ্র পর্যন্ত পৌঁছেছে। বিনাশকারীরা হামলে  
পড়েছে তোমার পাকা ফল ও আঙুরগুলির উপর। 33 মোয়াবের ফলের  
বাগান ও মাঠ থেকে আনন্দ ও আমোদ অস্তর্হিত হয়েছে। আমি মাড়াই  
যন্ত্রগুলি থেকে আঙুররসের প্রবাহ বন্ধ করেছি; কেউই তা আনন্দরবের  
সঙ্গে মাড়াই করে না। যদিও সেখানে চিৎকারের শব্দ শোনা যায়,  
সেগুলি কিন্তু আনন্দের ধ্বনি নয়। 34 “তাদের কান্নার শব্দ বৃদ্ধি পাচ্ছে  
হিষ্বোন থেকে ইলিয়ালী ও যহস পর্যন্ত, সোয়র থেকে হোরোগয়িম  
ও ইগ্ন-শলিশীয়া পর্যন্ত, কারণ এমনকি, নিত্রীমের জলও শুকিয়ে  
গেছে। 35 মোয়াবে যারা উঁচু স্থানগুলিতে নৈবেদ্য উৎসর্গ করে, যারা  
তাদের দেবদেবীর উদ্দেশ্যে ধূপদাহ করে, আমি তাদের শেষ করে  
দেব,” সদাপ্রভু এই কথা বলেন। 36 “তাই আমার প্রাণ মোয়াবের  
জন্য বাঁশির সুরের মতো বিলাপ করে; তা কীর-হেরসের লোকদের  
জন্য বাঁশির সুরের মতো বিলাপ করে। তাদের আহরিত ঐশ্বর্য শেষ  
হয়েছে। 37 সবার মস্তক মুণ্ডন করা, প্রত্যেকের দাঢ়ি কামানো হয়েছে;  
প্রত্যেকের হাত অঙ্গের আঘাতে ফালাফালা করা হয়েছে, তাদের সবার

কোমরে রয়েছে শোকের কাপড় জড়ানো। 38 মোয়াবের সমস্ত গৃহের  
ছাদে এবং প্রকাশ্য স্থানের চকগুলিতে, কেবলমাত্র শোকের ধ্বনি  
ছাড়া আর কিছু নেই, কারণ আমি মোয়াবকে ভেঙে ফেলেছি, কোনো  
পাত্রের মতো, যা আর কেউ চায় না,” একথা সদাপ্রভু বলেন। 39  
“সে কেমন চূর্ণ হয়েছে! তারা কেমন বিলাপ করে! মোয়াব কেমন  
লজ্জায় তার পিঠ ফেরায়! মোয়াব হয়েছে এক উপহাসের পাত্র, তার  
চারপাশের লোকদের কাছে এক বিভীষিকার মতো।” 40 সদাপ্রভু এই  
কথা বলেন: “দেখো, মোয়াবের উপরে ডানা বিস্তার করে এক সীগল  
নিচে নেমে আসছে। 41 এর নগরগুলি অধিকৃত হবে, এর দুর্গগুলির  
দখল নেওয়া হবে। সেদিন মোয়াবের যোদ্ধাদের হৃদয় প্রসববেদনাগ্রস্ত  
নারীর মতো হবে। 42 মোয়াব জাতিগতভাবে বিনষ্ট হবে, কারণ  
সে সদাপ্রভুর বিরুদ্ধে বড়াই করেছে। 43 ওহে মোয়াবের জনগণ,  
আতঙ্ক, গর্ত ও ফাঁদ তোমাদের জন্য অপেক্ষা করছে,” সদাপ্রভু এই  
কথা বলেন। 44 “আতঙ্ক থেকে যে পালায়, সে গর্তে পড়ে যাবে, যে  
গর্ত থেকে উঠে আসে, সে ফাঁদে ধরা পড়বে; কারণ আমি মোয়াবের  
উপরে তার শাস্তির বছর নিয়ে আসব,” সদাপ্রভু এই কথা বলেন। 45  
“প্লাতকেরা হিঘবোনের ছায়াতলে অসহায়ের মতো দাঁড়িয়ে থাকবে,  
কারণ হিঘবোন থেকে একটি আগুন বের হয়েছে, সীহোনের মধ্য  
থেকে নির্গত হয়েছে এক আগুনের শিখা; তা দক্ষ করবে মোয়াবের  
কপাল ও কোলাহলকারী দাস্তিকদের মাথার খুলি। 46 হে মোয়াব,  
ধিক তোমাকে! কমোশ-দেবতার লোকেরা ধ্বংস হয়েছে; তোমার  
পুত্রেরা নির্বাসিত হয়েছে ও তোমার কন্যারা বন্দি হয়েছে। 47 “তবুও,  
ভবিষ্যৎকালে আমি মোয়াবের অবস্থার পরিবর্তন ঘটাব,” সদাপ্রভু এই  
কথা বলেন। মোয়াবের বিচারদণ্ডের কথা এই পর্যন্ত।

**49** অম্মোনীয়দের সম্পর্কে: সদাপ্রভু এই কথা বলেন: ‘ইত্রায়েগের  
কি কোনো পুত্র নেই? তার কি কোনো উত্তরাধিকারী নেই? তাহলে  
মৌলক-দেবতা কেন গাদের এলাকা হস্তগত করেছে? কেন তার  
লোকেরা এর নগরগুলিতে বসবাস করে? 2 কিন্তু সেই দিনগুলি  
আসছে,’ সদাপ্রভু এই কথা বলেন, ‘যখন অম্মোনীয়দের রক্ষা নগরের

বিরুদ্ধে আমি রগভক্ষার শোনাব; তা তখন এক ধূসস্তুপ হবে, আর চারপাশের গ্রামগুলিতে আগুন লাগিয়ে দেওয়া হবে। তখন ইন্দ্রায়েল তাদের তাড়িয়ে দেবে, একদিন যারা তাদের তাড়িয়ে দিয়েছিল,”  
সদাপ্রভু এই কথা বলেন। ৩ “হে হিস্বোন, বিলাপ করো, কারণ  
অয় নগর ধ্বংস হল! ওহে রব্বার অধিবাসীরা, তোমরা হাহাকার  
করো! শোকবন্ধ পরে তোমরা শোকপ্রকাশ করো; প্রাচীরগুলির ভিতরে  
এদিক-ওদিক ছুটোছুটি করো, কারণ মোলক-দেবতা তার যাজক  
ও কর্মকর্তাদের সঙ্গে নির্বাসনে যাবে। ৪ কেন তোমরা তোমাদের  
উপত্যকাগুলির জন্য, তোমাদের উর্বর উপত্যকাগুলির জন্য গর্ব করো?  
হে অবিশ্বস্ত অম্মোন কন্যা, তুমি তোমার ঐশ্বর্যে নির্ভর করে বলো, ‘কে  
আমাকে আক্রমণ করবে?’ ৫ তোমার চারপাশে যারা আছে, তাদের  
কাছ থেকে আমি তোমার উপরে আতঙ্ক সৃষ্টি করব,” প্রভু, বাহিনীগণের  
সদাপ্রভু এই কথা বলেন। “তোমাদের সবাইকেই তাড়িয়ে দেওয়া  
হবে, কেউই আর পলাতকদের সংগ্রহ করবে না। ৬ “তবুও পরবর্তী  
সময়ে, আমি অম্মোনীয়দের দুর্দশার পরিবর্তন করব,” সদাপ্রভু এই  
কথা বলেন। ৭ ইদোম সম্পর্কে: বাহিনীগণের সদাপ্রভু এই কথা  
বলেন: “তৈমনে কি আর প্রজ্ঞা নেই? বিচক্ষণেরা কি পরামর্শ দেওয়া  
শেষ করেছেন? তাদের প্রজ্ঞা কি ক্ষয়প্রাপ্ত হয়েছে? ৮ তোমরা যারা  
দদানে বসবাস করো, পিছন ফিরে পালাও, গভীর গুহায় গিয়ে লুকাও,  
কারণ আমি এয়োকে শান্তি দেওয়ার সময়, তার কুলে বিপর্যয় নিয়ে  
আসব। ৯ যদি আঙ্গুর চয়নকারীরা তোমার কাছে আসত, তারা কি  
কয়েকটি আঙ্গুর রেখে যেত না? যদি চোরেরা রাত্রিবেলা আসত, তাদের  
যতটা প্রয়োজন, তারা ততটাই কি চুরি করত না? ১০ আমি কিন্তু  
এয়োর এলাকা জন্মানবহীন করব; আমি তার লুকানোর জায়গাগুলি  
প্রকাশ করে দেব, যেন সে নিজেকে লুকিয়ে রাখতে না পারে। তার  
সহযোগীরা ও প্রতিবেশীরা এবং তার সশস্ত্র পুরুষেরা বিনষ্ট হবে,  
আর তার বিষয় বলার আর কেউ থাকবে না। ১১ ‘তোমার অনাথ  
ছেলেমেয়েদের ছেড়ে যাও; আমি তাদের প্রাণরক্ষা করব। তোমার  
বিধবারাও আমার উপরে নির্ভর করতে পারে।’” ১২ সদাপ্রভু এই

কথা বলেন: “যদি নির্দোষ মানুষরা কষ্টভোগ করে, তাহলে তোমরা অবশ্যই আরও কত না কষ্টভোগ করবে? বিচারদণ্ডের এই পেয়ালা তোমাদের নিশ্চয়ই পান করতে হবে।” 13 সদাপ্রভু বলেন, “আমি নিজের নামেই শপথ করে বলছি, বস্তা ধ্বংসস্তুপে পরিণত হবে। তা হবে বিভীষিকার, দুর্নামের ও অভিশাপের আস্পদ। এর সব নগর চিরকালের জন্য ধ্বংস হয়ে পড়ে থাকবে।” 14 আমি সদাপ্রভুর কাছ থেকে এক বাক্য শুনেছি: জাতিগুলির কাছে এক দৃত একথা বলার জন্য প্রেরিত হয়েছে, “ইদোমের বিরংদে এক মিত্রবাহিনী গড়ে তোলো! তোমরা যুদ্ধের জন্য প্রস্তুত হও!” 15 “এবার আমি তোমাকে সব জাতির মধ্যে ক্ষুদ্র করব, তুমি মানবসমাজে অবজ্ঞাত হবে। 16 তুমি যে বড়ো বড়ো পাথরের ফটলে বসবাস করো, তোমরা যারা পাহাড়ের উঁচু উঁচু স্থানের অধিকারী, তোমরা অন্যদের মধ্যে যে আতঙ্ক ছড়িয়ে থাকো সেই কারণে ও তোমার অহংকারের জন্য, তুমি নিজেই প্রতারিত হয়েছ। যদিও তুমি ইংগলের মতো অনেক উঁচুতে তোমার বাসস্থান নির্মাণ করো, সেখান থেকে আমি তোমাকে নামিয়ে আনব,” সদাপ্রভু এই কথা বলেন। 17 “ইদোম হবে এক বিভীষিকার পাত্র; যারাই তার পাশ দিয়ে যাবে, তারা তার ক্ষতসকলের জন্য বিস্তৃত হয়ে তার নিন্দা করবে। 18 যেমন সদোম ও ঘমোরা তাদের চারপাশের নগরগুলি সমেত উৎপাটিত হয়েছিল,” সদাপ্রভু এই কথা বলেন, “সেইরকম, ইদোমেও কেউ বেঁচে থাকবে না, কোনো মানুষই সেখানে বসবাস করবে না। 19 “জর্ডনের জঙ্গলের মধ্য থেকে সিংহের মতো সে সমৃদ্ধ চারণভূমির উপরে আসবে। আমি ইদোমকে এক নিমেষে তারই দেশে তাড়া করব, কে সেই মনোনীত জন যাকে আমি তার উপরে নিযুক্ত করব? আমার মতো আর কে আছে? কে আমার প্রতিদ্বন্দ্বী হতে পারে? কোনো মেষপালক আমার বিরংদে দাঁড়াতে পারে?” 20 সেই কারণে শোনো, সদাপ্রভু ইদোমের বিরংদে কী পরিকল্পনা করেছেন, যারা তৈমনে বসবাস করে, তাদের জন্য তাঁর অভিপ্রায় কী: পালের শাবকদের টেনে নিয়ে যাওয়া হবে; তাদের কারণেই তিনি তাদের চারণভূমি সম্পূর্ণরূপে ধ্বংস করা হবে। 21 তাদের

পতনের কারণে সমস্ত পৃথিবী কম্পিত হবে; তাদের কানা লোহিত  
সাগর পর্যন্ত প্রতিষ্ঠানিত হবে। 22 দেখো! একটি ইগল উঁচুতে উড়বে  
ও চকিতে আক্রমণ হানবে, সে তার ডানা বস্তার উপরে মেলে ধরবে।  
সেদিন, ইদোমের যোদ্ধাদের হৃদয়, প্রসববেদনাগ্রস্ত স্ত্রীর হৃদয়ের  
মতো হবে। 23 দামাক্ষাস সম্পর্কে: “হমাং ও অর্পণ তায়ে ব্যাকুল  
হয়েছে, কারণ তারা মন্দ সংবাদ শুনেছে। তারা হতাশ হয়েছে, অশান্ত  
সমুদ্রের মতো তারা অধীর হয়েছে। 24 দামাক্ষাস অক্ষম হয়েছে, সে  
পিছন ফিরে পালিয়েছে কারণ আতঙ্ক তাকে ঘিরে ধরেছে; মনস্তাপ ও  
মর্মবেদনায় সে আচম্ভ হয়েছে যেমন কোনো প্রসববেদনাগ্রস্ত নারী  
হয়। 25 সুখ্যাতিপূর্ণ এই নগর, যে আমার আনন্দের কারণস্বরূপ,  
কেন এ পরিত্যক্ত হয়নি? 26 নিশ্চয়ই, তার যুবকেরা পথে পথে পড়ে  
থাকবে, সেদিন তার সব সৈন্য নিথর পড়ে থাকবে,” বাহিনীগণের  
সদাপ্রভু এই কথা বলেন। 27 “আমি দামাক্ষাসের সব প্রাচীরে আগুন  
লাগাব; তা বিন্হৃদদের দুর্গগুলিকে গ্রাস করবে।” 28 ব্যাবিলনের  
রাজা নেবুখাদনেজার যাদের আক্রমণ করেছিলেন, সেই কেদর ও  
হাঁসোরের রাজ্যগুলি সম্পর্কে: সদাপ্রভু এই কথা বলেন: “ওঠো,  
ও কেদরকে আক্রমণ করো এবং পূর্বদিকের সব লোককে ধ্বংস  
করো। 29 তাদের তাঁবুগুলি ও তাদের পশুপাল হরণ করা হবে; তাদের  
সব জিনিসপত্র ও উটগুলি সমেত তারা তাদের সঙ্গে নিয়ে যাবে।  
লোকেরা চিংকার করে তাদের বলবে, ‘চারদিকেই ভয়ের পরিবেশ!’  
30 “তাড়াতাড়ি পালিয়ে যাও! হাঁসোরে বসবাসকারী তোমরা দুর্গম  
গুহাগুলিতে গিয়ে থাকো,” সদাপ্রভু এই কথা বলেন। “ব্যাবিলনের  
রাজা নেবুখাদনেজার তোমার বিরুদ্ধে ঘড়্যন্ত্র করেছে; সে তোমার  
বিরুদ্ধে এক পরিকল্পনা রচনা করেছে। 31 “ওঠো ও সেই নিশ্চিন্ত  
জাতিকে আক্রমণ করো, যে নির্ভয়ে বসবাস করে,” সদাপ্রভু এই  
কথা বলেন, “সেই জাতির নগরে কোনো ফটক নেই, অর্গলও নেই,  
তার লোকেরা নিরিবিলিতে বসবাস করে। 32 তাদের উটগুলি হবে  
লুটের বস্তু, তাদের বিশাল পশুপাল লুট করা হবে। দূরবর্তী স্থানে থাকা  
লোকদের আমি চারপাশে ছড়িয়ে দেব, সবদিক থেকে আমি তাদের

উপরে বিপর্যয় নিয়ে আসব,” সদাপ্রভু এই কথা বলেন। 33 “হাঁসোর  
হবে শিয়ালদের বাসস্থান, চিরকালের জন্য পরিত্যক্ত এক স্থান। কেউ  
সেখানে থাকবে না; কোনো মানুষই সেখানে বসবাস করবে না।”  
34 যিহূদার রাজা সিদিকিয়ের রাজত্বের প্রথমদিকে, এলম সম্পর্কে  
সদাপ্রভুর এই বাক্য ভাববাদী যিরমিয়ের কাছে উপস্থিত হল। 35  
সর্বশক্তিমান সদাপ্রভু এই কথা বলেন: “দেখো, আমি এলমের শক্তির  
মুখ্য অবলম্বন, তাদের ধনুক ভেঙে ফেলব। 36 আমি আকাশমণ্ডলের  
চার প্রান্ত থেকে এলমের বিরুদ্ধে চার বায়ু প্রেরণ করব; আমি চার  
বায়ুর উদ্দেশে তাদের ছড়িয়ে ফেলব, এমন কোনো জাতি থাকবে  
না, যেখানে এলমের নির্বাসিত কেউ যাবে না। 37 আমি এলমের  
শক্তিদের সামনে, যারা তাদের প্রাণনাশ করতে চায়, তাদের সামনে  
আমি তাদের চূর্ণ করব; আমি তাদের উপরে বিপর্যয়, এমনকি, আমার  
ভয়ংকর ক্ষোধ বর্ণণ করব,” সদাপ্রভু এই কথা বলেন। “আমি তরোয়াল  
নিয়ে তাদের পিছনে তাড়া করে যাব, যতক্ষণ না আমি তাদের শেষ  
করে দিই। 38 আমি এলমে আমার সিংহাসন স্থাপন করব, তাদের  
রাজা ও সব কর্মচারীকে ধ্বংস করব,” সদাপ্রভু এই কথা বলেন।  
39 ‘তবুও, ভবিষ্যৎকালে আমি এলমের অবস্থার পরিবর্তন ঘটাব,’  
সদাপ্রভু এই কথা বলেন।

**50** ব্যাবিলন ও ব্যাবিলনীয়দের দেশ সম্পর্কে সদাপ্রভু, ভাববাদী  
যিরমিয়কে এই কথা বলেন: 2 “তোমরা বিভিন্ন জাতির মধ্যে প্রচার ও  
ঘোষণা করো, পতাকা তুলে ধরো ও ঘোষণা করো; কিছুই গোপন  
রেখো না, কিন্তু বলো, ‘ব্যাবিলন পরহস্তগত হবে; বেলকে লজ্জিত করা  
হবে, মরোদক আতঙ্কগ্রস্ত হবে। তার প্রতিমাণ্ডলি লজ্জিত হবে, তার  
বিগ্রহগুলি ভয়ে পরিপূর্ণ হবে।’ 3 উত্তর দিক থেকে আসা এক জাতি  
তাকে আক্রমণ করবে, তার দেশ পরিত্যক্ত হবে; তার মধ্যে কেউই  
বসবাস করবে না; মানুষ ও পশু, সকলেই পলায়ন করবে। 4 “সেই  
সমস্ত দিনে ও সেই সময়ে,” সদাপ্রভু ঘোষণা করেন, “ইস্রায়েল কুল ও  
যিহূদা কুলের লোকেরা একত্রে চোখের জলে তাদের ঈশ্বর সদাপ্রভুর  
অঙ্গে ঘোষণে যাবে। 5 তারা সিয়োনে যাওয়ার পথের কথা জিজ্ঞাসা করবে

ও সেই দিকে তাদের মুখ ফিরাবে। তারা এসে এক চিরস্থায়ী চুক্তির  
বাঁধনে সদাপ্রভুর সঙ্গে নিজেদের আবদ্ধ করবে, সেই চুক্তি লোকে  
কখনও ভুলে যাবে না। 6 “আমার প্রজারা হারানো মেষের মতো;  
তাদের পালকেরা তাদের বিপথে চালিত করেছে, তারা তাদের পাহাড়-  
পর্বতে পরিভ্রমণ করিয়েছে। তারা পাহাড়ে ও পর্বতে উদ্ভ্রান্ত ঘূরে  
বেড়িয়েছে, তারা নিজেদের বিশ্বামের স্থান ভুলে গেছে। 7 যে তাদের  
সন্ধান পেয়েছে, সেই তাদের গ্রাস করেছে; তাদের শক্ররা বলেছে,  
‘আমরা অপরাধী নই, কারণ তারা তাদের প্রকৃত চারণভূমি, সদাপ্রভুর  
বিরহে পাপ করেছে, যে সদাপ্রভু ছিলেন তাদের পিতৃপুরুষদের  
আশাভূমি।’ 8 “তোমরা ব্যাবিলন থেকে পলায়ন করো; ব্যাবিলনীয়দের  
দেশ ত্যাগ করো এবং পালের সামনে চলা ছাগলের মতো হও। 9  
কারণ আমি উন্নত দিকের দেশগুলি থেকে, বড়ো বড়ো জাতির এক  
জোটকে উন্নতিকরণ করব এবং ব্যাবিলনের বিরহে নিয়ে আসব। তারা  
তার বিরহে যুদ্ধের জন্য অবস্থান গ্রহণ করবে, উন্নত দিক থেকে তার  
দেশ অধিকৃত হবে। তাদের তিরগুলি সুনিপুণ মোদ্দাদের মতো হবে,  
যা লক্ষ্য বিন্দু না করে ফিরে আসে না। 10 এভাবে ব্যাবিলনিয়া লুণ্ঠিত  
হবে, তাদের লুণ্ঠনকারীরা সকলে পরিত্যক্ত হবে,” সদাপ্রভু এই কথা  
বলেন। 11 “আমার উন্নতাধিকারকে লুট করে যেহেতু তোমরা উল্লাস  
করেছে ও আনন্দিত হয়েছে, শস্য মাড়াইকারী বকনা-বাছুরের মতো  
নাচানাচি করেছে ও যুদ্ধের অশ্বের মতো ত্রেষাধ্বনি করেছে, 12 তাই  
তোমার স্বদেশ ভীষণ লজ্জিত হবে; তোমার জন্মদায়িনী অসম্মানিত  
হবে। জাতিগণের মধ্যে সে নগণ্যতম হবে, এক মরণপ্রাপ্তির, এক  
শুকনো ভূমি, এক মরণভূমির মতো। 13 সদাপ্রভুর ক্ষেত্রের জন্য,  
তার মধ্যে কেউ বসবাস করবে না, সে সম্পূর্ণরূপে পরিত্যক্ত হবে।  
ব্যাবিলনের পাশ দিয়ে যাওয়া যে কোনো মানুষ বিস্মিত হবে এবং  
তার ক্ষতগুলি দেখে বিদ্রূপ করবে। 14 “যারা ধনুকে চাড়া দাও,  
তোমরা সকলে ব্যাবিলনের বিরহে তোমাদের অবস্থান গ্রহণ করো।  
তার দিকে তির নিক্ষেপ করো! একটিও তির রেখে দিয়ো না, কারণ  
সে সদাপ্রভুর বিরহে পাপ করেছে। 15 সবদিক থেকে তার বিরহে

রণহৃকার দাও! সে আত্মসমর্পণ করছে, তার দুর্গাণ্ডি পতিত হচ্ছে, তার  
প্রাচীরগুলি ভেঙে পড়ছে। যেহেতু এ হল সদাপ্রভুর প্রতিশোধ গ্রহণের  
সময়, তোমরা তার উপরে প্রতিশোধ নাও; অন্যদের প্রতি সে যেমন  
করেছে, তার প্রতি তেমনই করো। 16 ব্যাবিলন থেকে বীজবপককে ও  
যারা ফসল কাটার সময় কাস্তে ধরে, তোমরা তাদের উচ্ছিন্ন করো।  
অত্যাচারীর তরোয়ালের জন্য প্রত্যেকেই তার আপনজনের কাছে  
ফিরে যাক, প্রত্যেকেই পালিয়ে যাক তার নিজের নিজের দেশে।

17 ‘ইস্রায়েল যেন এক ছিন্নভিন্ন মেষপাল, যাদের সিংহেরা তাড়িয়ে  
দিয়েছে। আসিরিয়া-রাজ তাকে সর্বপ্রথম গ্রাস করেছে, সবশেষে  
ব্যাবিলনের রাজা নেবুখাদনেজার তার হাড়গুলি চূর্ণ করেছে।’ 18 সেই  
কারণে, সর্বশক্তিমান সদাপ্রভু, ইস্রায়েলের ঈশ্বর এই কথা বলেন:  
“আমি যেমন আসিরিয়া রাজাকে দণ্ড দিয়েছি, তেমনই ব্যাবিলনের  
রাজা ও তার দেশকে দণ্ড দেব। 19 কিন্তু ইস্রায়েলকে আমি তার  
চারণভূমিতে ফিরিয়ে আনব, সে বাশন ও কর্মিলের উপরে চরে  
বেড়াবে; ইফ্রিয়ম ও গিলিয়দের পাহাড়গুলির উপরে, তার ক্ষুধার  
পরিত্বষ্টি হবে। 20 সেই দিনগুলিতে, সেই সময়ে,” সদাপ্রভু বলেন,  
“ইস্রায়েলের অপরাধের অঙ্গেষণ করা হবে, কিন্তু একটিও পাওয়া  
যাবে না, যিন্দুরও পাপের অঙ্গেষণ করা হবে, কিন্তু কোনো একটিও পাওয়া  
যাবে না, কারণ অবশিষ্ট যাদের আমি রেহাই দেব, তাদের পাপ ক্ষমা  
করব। 21 ‘মরাথায়িম ও পকোদের বসবাসকারী লোকেদের দেশ  
তোমরা আক্রমণ করো। তাদের তাড়া করে হত্যা করো, সম্পূর্ণরূপে  
তাদের ধ্বংস করো,’ সদাপ্রভু এই কথা বলেন। “আমি তোমাদের যা  
আদেশ দিয়েছি, তার প্রত্যেকটি পালন করো। 22 যুদ্ধের কোলাহল  
দেশে শোনা যাচ্ছে, শোনা যাচ্ছে মহাবিনাশের রব! 23 সমস্ত পৃথিবীর  
শক্তিশালী হাতুড়ি ব্যাবিলন কীভাবে ভগ্ন ও চূর্ণবিচূর্ণ হয়েছে! সব  
জাতির মধ্যে ব্যাবিলন কেমন পরিত্যক্ত হয়েছে! 24 হে ব্যাবিলন, আমি  
তোমার জন্য একটি ফাঁদ পেতেছি, তুমি বুঝবার আগেই তার মধ্যে  
ধরা পড়েছ; তোমার সন্ধান পাওয়া গেছে, তুমি ধৃত হয়েছ, কারণ তুমি  
সদাপ্রভুর বিরুদ্ধাচরণ করেছিলে। 25 সদাপ্রভু তাঁর অস্ত্রাগার খুলেছেন

আর বের করেছেন তাঁর ক্রোধের সব অস্ত্র, কারণ ব্যাবিলনীয়দের  
দেশে সার্বভৌম সর্বশক্তিমান সদাপ্রভুর কাজ করার আছে। 26 তোমরা  
সুন্দর দেশ থেকে তার বিরুদ্ধে এসো। তার গোলাঘরগুলি খুলে ফেলো,  
শস্যস্তুপের মতো তাকে স্তুপীকৃত করো। তোমরা তাকে সম্পূর্ণরূপে  
ধ্বংস করো, তার কেউই যেন অবশিষ্ট না থাকে। 27 তার সমস্ত এঁড়ে  
বাচ্চুরকে মেরে ফেলো; তাদের ঘাতকের কাছে নিয়ে যাওয়া হোক! ধিক্  
তাদের! কারণ তাদের শেষের দিন সমাগত, শেষের সময় যখন তাদের  
শাস্তি দেওয়া হবে। 28 ব্যাবিলন থেকে পালিয়ে আসা শরণার্থীদের  
কথা শোনো, তারা সিয়োনে ঘোষণা করছে, সদাপ্রভু আমাদের ঈশ্বর  
কেমনই না প্রতিশোধ নিয়েছেন, তাঁর মন্দিরের উপরে প্রতিশোধ  
নিয়েছেন। 29 “ব্যাবিলনের বিরুদ্ধে তিরন্দাজদের তলব করো, যারা  
ধনুকে চাড়া দেয় তাদের ভাকো। তার চারপাশে শিবির স্থাপন করো,  
কেউ যেন পালাতে না পারে। তার কৃতকর্মের প্রতিফল তাকে দাও;  
সে যেমন করেছে, তার প্রতি তেমনই করো। কারণ সে ইস্রায়েলের  
পবিত্রতম জন, সেই সদাপ্রভুর বিরুদ্ধে দর্প করেছে। 30 সেই কারণে,  
তার যুবকেরা পথে পথে পতিত হবে; তার সব সৈন্যকে সেদিন মেরে  
ফেলা হবে,” সদাপ্রভু এই কথা বলেন। 31 “তে উদ্বিগ্ন জন, দেখো,  
আমি তোমার বিরোধী,” প্রভু, সর্বশক্তিমান সদাপ্রভু এই কথা বলেন,  
“কারণ তোমার শেষের দিন সমাগত, যখন তোমাকে দণ্ডিত করা হবে।  
32 সেই উদ্বিগ্ন জন হোঁচ্ট খেয়ে পতিত হবে, কেউ তাকে উঠে দাঁড়াতে  
সাহায্য করবে না; আমি তার নগরগুলিতে অগ্নি সংযোগ করব, তা  
তার চারপাশের সবাইকে গ্রাস করবে।” 33 বাহিনীগণের সদাপ্রভু  
এই কথা বলেন: ‘ইস্রায়েলের লোকেরা অত্যাচারিত হয়েছে, হয়েছে  
যিহুদা কুলেরও সব মানুষ। বন্দিকারীরা তাদের শক্ত করে ধরে রাখে,  
তাদের কাউকে চলে যেতে দেয় না। 34 তবুও তাদের মুক্তিদাতা  
শক্তিশালী; তাঁর নাম বাহিনীগণের সদাপ্রভু। তিনি প্রবলভাবে তাদের  
পক্ষে ওকালতি করবেন, যেন তিনি তাদের দেশে সুস্থিতি নিয়ে আসেন,  
কিন্তু ব্যাবিলনবাসীদের প্রতি অস্ত্রিতা আনবেন। 35 “ব্যাবিলনীয়দের  
জন্যে রয়েছে একটি তরোয়াল!” সদাপ্রভু এই কথা বলেন— “তাদের

বিরুদ্ধে, যারা ব্যাবিলনে বসবাস করে, এবং তার যত রাজকর্মচারী ও  
জনী লোকের বিরুদ্ধে! 36 তরোয়াল রয়েছে তার ভগ্ন ভাববাদীদের  
বিরুদ্ধে! তারা সবাই মূর্খ প্রতিপন্থ হবে। তার যোদ্ধাদের বিরুদ্ধেও  
রয়েছে একটি তরোয়াল! তারা আতঙ্কে পূর্ণ হবে। 37 তরোয়াল  
রয়েছে তার অশ্বদের ও রথসমূহের এবং যত মিত্রশক্তি তাদের সঙ্গে  
আছে, তাদের বিরুদ্ধে! তারা সবাই হবে স্ত্রীলোকের মতো। তার  
সব ধনসম্পদের বিরুদ্ধেও রয়েছে তরোয়াল! সেগুলি সবই লুণ্ঠিত  
হবে। 38 তার জলাধার সকলের উপরেও রয়েছে তরোয়াল! সেগুলি  
সব শুকিয়ে যাবে। এর কারণ হল, সমস্ত দেশটি প্রতিমায় পরিপূর্ণ,  
যেগুলি আতঙ্কে পাগল হয়ে যাবে। 39 “তাই সেখানে থাকবে মরণভূমির  
পশ্চ ও হায়েনারা, সেখানে থাকবে রাজ্যের যত প্যাঁচা। এখানে আর  
কখনও জনবসতি হবে না, কিংবা বংশপরম্পরায় আর কেউ থাকবে  
না। 40 আমি যেমন চারপাশের নগরগুলি সমেত সদৌষ ও ঘমোরাকে  
উৎপাটিত করেছিলাম, তেমনই আর কেউ সেখানে বেঁচে থাকবে  
না, কোনো মানুষই সেখানে বসবাস করবে না,” সদাপ্রভু এই কথা  
বলেন। 41 “দেখো! উত্তর দিক থেকে এক সৈন্যদল আসছে; এক  
মহাজাতি ও অনেক রাজা উত্তেজিত হয়ে পৃথিবীর প্রান্তসীমা থেকে  
উঠে আসছে। 42 তাদের হাতে আছে ধনুক ও বর্ষা; তারা নিষ্ঠুর ও  
মায়ামতা প্রদর্শন করে না। তারা ঘোড়ায় চড়লে সমুদ্রগর্জনের মতো  
শব্দ শোনায়; হে ব্যাবিলনের কল্যা, তোমাকে আক্রমণ করার জন্য  
তারা যুদ্ধের সাজ পরে আসছে। 43 ব্যাবিলনের রাজা তাদের বিষয়ে  
সংবাদ পেয়েছে, তার হাত দুটি অবশ হয়ে ঝুলে গেছে। মনস্তাপে  
সে কবলিত হয়েছে, তার যন্ত্রণা যেন প্রসববেদনাগ্রস্ত স্তুর মতো।  
44 জর্ডনের জঙ্গলের মধ্য থেকে সিংহের মতো সে সমৃদ্ধ চারণভূমির  
উপরে আসবে। আমি ব্যাবিলনকে এক নিমেষে তারই দেশে তাড়া  
করব, কে সেই মনোনীত জন যাকে আমি তার উপরে নিযুক্ত করব?  
আমার মতো আর কে আছে? কে আমার প্রতিদ্বন্দ্বী হতে পারে? কোনো  
মেষপালক আমার বিরুদ্ধে দাঁড়াতে পারে?” 45 সেই কারণে শোনো,  
সদাপ্রভু ব্যাবিলনের বিরুদ্ধে কী পরিকল্পনা করেছেন, ব্যাবিলনীয়দের

দেশ সম্পর্কে তাঁর অভিপ্রায় কী: পালের শাবকদের টেনে নিয়ে যাওয়া  
হবে; তাদের চারণভূমি তাদের কারণেই সম্পূর্ণরূপে ধ্বংস করা হবে।

৪৬ ব্যাবিলনের পরহস্তগত হওয়ার শব্দে সমস্ত পৃথিবী কম্পিত হবে;  
এর আর্তস্বর সমস্ত জাতির মধ্যে প্রতিধ্বনিত হবে।

**৫১** সদাপ্রভু এই কথা বলেন: “দেখো, আমি এক ধ্বংসকারী আত্মাকে  
প্রেরণ করব ব্যাবিলনের ও লেব-কামাইয়ের লোকদের বিরুদ্ধে। ২  
আমি ব্যাবিলনকে ঝাড়াই করা তুষের মতো উড়িয়ে দেওয়ার জন্য  
তার মধ্যে বিদেশিদের প্রেরণ করব; তার বিপর্যয়ের দিনে, তারা  
চারপাশ থেকেই তার বিরোধিতা করবে। ৩ তিরন্দাজদের ধনুকে ছিলা  
পরাতে দিয়ো না, তারা যেন তাদের বর্ম পরাতে না পারে। তাদের  
যুবকদের প্রতি মমতা কোরো না, তার সৈন্যদলকে সম্পূর্ণ ধ্বংস করে  
দিয়ো। ৪ তারা নিহত হয়ে ব্যাবিলনে পড়ে থাকবে, মারাত্মকরূপে  
আহত হয়ে পথে পথে পড়ে থাকবে। ৫ কারণ ইস্রায়েল ও যিহুদাকে  
তাদের ঈশ্বর, বাহিনীগণের সদাপ্রভু পরিত্যাগ করেননি, যদিও তাদের  
দেশ ইস্রায়েলের পরিভ্রজনের সামনে অপরাধে পরিপূর্ণ হয়েছিল।  
৬ “ব্যাবিলন থেকে পলায়ন করো! তোমাদের প্রাণ বাঁচানোর জন্য  
দৌড়াও! ব্যাবিলনের পাপের জন্য তোমরা ধ্বংস হোয়ো না। এ হল  
সদাপ্রভুর প্রতিশোধ গ্রহণের সময়; তার উপযুক্ত প্রাপ্য প্রতিফল তিনি  
তাকে দেবেন। ৭ সদাপ্রভুর হাতে ব্যাবিলন ছিল সোনার পানপাত্রের  
মতো; এমন পানপাত্র, যার মধ্যে সমস্ত পৃথিবী পান করেছিল।  
জাতিগণ তার সুরা পান করেছিল; সেই কারণে, তারা এখন উন্নত  
হয়ে গেছে। ৮ ব্যাবিলনের হঠাৎই পতন হবে, সে ভগ্ন হবে। তার  
কারণে বিলাপ করো! তার ব্যথার জন্য মলম নিয়ে এসো, হয়তো তার  
ক্ষতের নিরাময় হবে। ৯ “‘আমরা ব্যাবিলনকে সুস্থ করতে পারতাম,  
কিন্তু সে নিরাময়ের অযোগ্য হয়ে পড়েছে; এসো আমরা তাকে ত্যাগ  
করে প্রত্যেকে স্বদেশে ফিরে যাই, কারণ তার বিচার গগনস্পর্শী, তা  
মেঘ পর্যন্ত উঁচুতে উঠে যায়।’ ১০ “সদাপ্রভু আমাদের নির্দোষিতা  
প্রকাশ করেছেন; সদাপ্রভু, আমাদের ঈশ্বর যা করেছেন, এসো, আমরা  
সিয়োনে গিয়ে তা বলি।’ ১১ “তোমরা তিরের ফলায় ধার দাও, সব ঢাল

হাতে তুলে নাও! সদাপ্রভু মাদীয় রাজাদের উভেজিত করেছেন, কারণ  
ব্যাবিলনকে ধ্বংস করাই হল তাঁর অভিপ্রায়। সদাপ্রভু প্রতিশোধ গ্রহণ  
করবেন, তাঁর মন্দির ধ্বংসের জন্য প্রতিশোধ নেবেন। 12 ব্যাবিলনের  
প্রাচীরগুলির বিরঞ্ছে পতাকা তোলো! রঞ্জীবাহিনীকে আরও মজবুত  
করো, স্থানে স্থানে প্রহরী নিযুক্ত করো, গোপনে ওত পাতা সৈন্যদের  
তৈরি রাখো! ব্যাবিলনের বিরঞ্ছে তাঁর রায়, তাদের বিরঞ্ছে সদাপ্রভু  
তাঁর অভিপ্রায় পূর্ণ করবেন। 13 তোমরা যারা জলরাশির তীরে বসবাস  
করো, আর যারা ধনসম্পদে ঐশ্বর্যবান, তোমাদের শেষের দিন এসে  
পড়েছে, সময় এসে গেছে তোমাদের উচ্চিল হওয়ার। 14 বাহিনীগণের  
সদাপ্রভু নিজের নামেই শপথ করেছেন: আমি নিশ্চয়ই ঝাঁক ঝাঁক  
পঙ্গপালের মতো তোমার দেশ লোকে পরিপূর্ণ করব, তারা তোমার  
বিরঞ্ছে সিংহনাদ করবে। 15 “সদাপ্রভু নিজের পরাক্রমে পৃথিবী সৃষ্টি  
করেছেন; এবং তাঁরই বুদ্ধিতে আকাশমণ্ডল প্রসারিত করেছেন। তিনি  
নিজের প্রজ্ঞায় জগৎ স্থাপন করেছেন এবং তাঁরই বুদ্ধিতে আকাশমণ্ডল  
প্রসারিত করেছেন। 16 তিনি যখন বজ্রনাদ করেন, আকাশমণ্ডলের  
জলরাশি গর্জন করে; পৃথিবীর প্রান্তসীমা থেকে তিনি মেঘমালাকে  
উপ্তির করেন। তিনি বৃষ্টির জন্য বিদ্যুৎ গঠন করেন এবং তাঁর ভাণ্ডার-  
কক্ষ থেকে বাতাস বের করে আনেন। 17 “সব মানুষই জ্ঞানহীন ও  
বুদ্ধিরহিত; সব স্বর্ণকার তার প্রতিমাগুলির জন্য লজ্জিত হয়। তাদের  
মূর্তিগুলি তো প্রতারণা মাত্র; সেগুলির মধ্যে কোনো শাসবায়ু নেই। 18  
সেগুলি মূল্যহীন, বিদ্রপের পাত্র; বিচারের সময় সেগুলি বিনষ্ট হবে।  
19 যিনি যাকোবের অধিকারস্বরূপ, তিনি এরকম নন, কারণ তিনিই  
সব বিষয়ের স্বষ্টা, যার অন্তর্ভুক্ত হল তাঁর প্রজাবন্দ, তাঁর নিজস্ব বিশেষ  
অধিকার— সর্বশক্তিমান সদাপ্রভু তাঁর নাম। 20 “তুমি আমার যুদ্ধের  
মুণ্ডর, যুদ্ধের জন্য আমার অস্ত্র। তোমাকে দিয়েই আমি জাতিগুলিকে  
চূর্ণ করি, তোমার দ্বারাই আমি রাজ্যগুলিকে ধ্বংস করি, 21 তোমার  
দ্বারা আমি অশ্ব ও অশ্বারোহীকে চূর্ণ করি, তোমার দ্বারা আমি রথ ও  
তার চালককে চূর্ণ করি, 22 তোমার দ্বারা আমি নারী ও পুরুষকে চূর্ণ  
করি, তোমাকে দিয়েই আমি বৃন্দ ও যুবকদের চূর্ণ করি, তোমাকে দিয়ে

আমি যুবক ও যুবতীকে চূর্ণ করি। 23 তোমার দ্বারা আমি পালরক্ষক  
ও তার পালকে চূর্ণ করি তোমার দ্বারা আমি কৃষক ও বৃষদের চূর্ণ  
করি, তোমার দ্বারা আমি প্রদেশপাল ও রাজকর্মচারীদের চূর্ণ করি।  
24 “সিয়োনে ব্যাবিলন ও ব্যাবিলনের নিবাসীরা যে অন্যায় করেছে,  
তার জন্য আমি তোমাদের চোখের সামনে তাদের সবাইকে প্রতিফল  
দেব,” সদাপ্রভু এই কথা বলেন। 25 “হে ধ্বংসকারী পর্বত, তুমি যে  
সমস্ত পৃথিবীকে ধ্বংস করো, আমি তোমার বিপক্ষ,” সদাপ্রভু এই কথা  
বলেন। “আমি তোমার উপরে আমার হাত প্রসারিত করব, খাড়া উঁচু  
পাথর থেকে তোমাকে গড়িয়ে দেব, তুমি একটি পুড়ে যাওয়া পর্বতের  
মতো হবে। 26 কোণের পাথর করার জন্য তোমার মধ্য থেকে কোনো  
পাথর আর কেউ নেবে না, কিংবা ভিত্তিমূলের জন্য তোমার কোনো  
পাথর নেওয়া হবে না, কারণ তুমি চিরকালের জন্য পরিত্যক্ত হবে,”  
সদাপ্রভু এই কথা বলেন। 27 “তোমরা দেশের মধ্যে পতাকা তোলো!  
জাতিগণের মধ্যে তুরী বাজাও! ব্যাবিলনের বিরুদ্ধে যুদ্ধের জন্য  
জাতিগণকে প্রস্তুত করো; আরারট, মিশ্র ও অঙ্গিনস, এই রাজ্যগুলিকে  
তার বিরুদ্ধে ডেকে পাঠাও। তার বিরুদ্ধে এক সেনাপতিকে নিয়োগ  
করো, পঙ্গপালের ঝাঁকের মতো অশ্বদের পাঠিয়ে দাও। 28 তার  
বিরুদ্ধে যুদ্ধের জন্য জাতিগণকে প্রস্তুত করো— মাদীয় রাজাদের,  
তাদের প্রদেশপাল ও রাজকর্মচারীদের ও তাদের শাসনাধীনে থাকা  
যত দেশকে। 29 সেই দেশ কাঁপছে ও যন্ত্রণায় মোচড় খাচ্ছে, কারণ  
ব্যাবিলনের বিরুদ্ধে সদাপ্রভুর অভিপ্রায়গুলি স্থির রয়েছে— যেন  
ব্যাবিলন পরিত্যক্ত পড়ে থাকে, আর কেউই তার মধ্যে বসবাস করবে  
না। 30 ব্যাবিলনের যোদ্ধারা যুদ্ধ করা থামিয়েছে; তারা নিজেদের  
দুর্গগুলির মধ্যে আছে। তাদের শক্তি নিঃশেষিত হয়েছে; তারা সব  
এক-একটি নারীর মতো হয়েছে। তাদের বাড়িগুলিতে আগুন দেওয়া  
হয়েছে; তাদের সব নগরাদারের স্তন্ত্রগুলি ভেঙে গেছে। 31 একের  
পর এক সংবাদদাতারা আসছে, এক দূতের পিছনে আর এক দূত  
আসছে, যেন ব্যাবিলনের রাজাকে সংবাদ দিতে পারে, যে তার সমগ্র  
রাজ্য অধিকৃত হয়েছে। 32 নদীর পারঘাটগুলি পরহস্তগত হয়েছে,

নলখাগড়ার বনে আগুন ধরানো হয়েছে এবং সব সৈন্য আতঙ্কগ্রস্ত হয়েছে।” 33 বাহিনীগণের সদাপ্রভু, ইন্দ্রায়েলের স্টিশুর এই কথা বলেন: “ব্যাবিলন-কন্যা শস্য মাড়াই করা খামারের মতো হয়েছে, উপযুক্ত সময়ে সে পদদলিত হয়েছে; তার মধ্য থেকে ফসল কাটার সময় শীঘ্র উপস্থিত হবে।” 34 “ব্যাবিলনের রাজা নেবুখাদনেজার আমাদের গ্রাস করেছেন, তিনি আমাদের বিভাস্তির মধ্যে ফেলেছেন, তিনি আমাদের শূন্য কলশির মতো করেছেন। সাপের মতো তিনি আমাদের গ্রাস করেছেন এবং আমাদের পুষ্টিকর আহারে নিজের উদরপূর্তি করেছেন, তারপর আমাদের বমন করেছেন। 35 আমাদের শরীরের উপরে যে অত্যাচার করা হয়েছে, তা ব্যাবিলনের প্রতিও করা হোক,” একথা সিয়োনের অধিবাসীরা বলুক। জেরশালেম বলুক, “যারা ব্যাবিলনিয়ায় বসবাস করে, আমাদের রক্তের জন্য তারা দায়ী হোক।” 36 সেই কারণে, সদাপ্রভু এই কথা বলেন: “দেখো, আমি তোমাদের পক্ষসমর্থন করব ও তোমাদের পক্ষে প্রতিশোধ নেব; আমি তার সমুদ্রকে জলশূন্য করব ও তার জলের উৎসগুলিকে শুকনো করব। 37 ব্যাবিলন হবে এক ধ্বংসের স্তূপ, শিয়ালদের থাকার আস্তানা, সে হবে এক বিভীষিকা ও বিদ্রূপের পাত্র, এমন স্থান, যেখানে কেউ বসবাস করবে না। 38 তার লোকেরা যুবসিংহদের মতো গর্জন করবে, তারা সিংহশাবকদের মতো তর্জন করবে। 39 কিন্তু যখন তারা উত্তেজিত হবে, আমি তাদের জন্য এক ভোজের ব্যবস্থা করব এবং তাদের মন্ত্র করব, যেন তারা হেসে হেসে চিৎকার করে, তারপর চিরনিদ্রায় শয়ন করে, কখনও জেগে না ওঠার জন্য,” সদাপ্রভু এই কথা বলেন। 40 “আমি তাদের নিচে টেনে নামাব, যেভাবে মেষশাবকদের, মেষ ও ছাগলদের ঘাতকের কাছে নিয়ে যাওয়া হয়। 41 “শেশক কেমন অধিকৃত হবে, সমস্ত পৃথিবীর গর্ব পরহস্তগত হবে। জাতিগণের মধ্য ব্যাবিলন কত না বিভীষিকার পাত্র হবে! 42 সমুদ্র ব্যাবিলনকে আচ্ছন্ন করবে; তার গর্জনকারী তরঙ্গমালা ব্যাবিলনের উপরে এসে পড়বে। 43 তার নগরগুলি পরিত্যক্ত হবে, সেগুলি হবে শুকনো ও মরুপ্রান্তের দেশ, এমন দেশ, যেখানে কেউ বসবাস করে না, যার মধ্য দিয়ে কেউ পথ্যাত্রা করে না। 44 আমি

ব্যাবিলনের বেল-দেবতাকে শান্তি দেব, সে যা গলার্ধঃকরণ করেছে,  
তা বমি করতে তাকে বাধ্য করব। জাতিগুলি আর তার দিকে স্নোতের  
মতো প্রবাহিত হবে না, আর ব্যাবিলনের প্রাচীর পতিত হবে। 45  
“আমার প্রজারা, তোমরা ওর মধ্য থেকে বের হয়ে এসো! তোমরা  
প্রাণ বাঁচানোর জন্য পালাও! সদাপ্রভুর প্রচণ্ড ক্ষেত্র থেকে পালাও।  
46 দেশে যখন জনরব শোনা যাবে, তোমরা নিরংসাহ হোয়ো না  
বা ভয় পেয়ো না; এক ধরনের জনরব এই বছরে, পরের বছর অন্য  
জনরব উঠে আসবে, তা হবে দেশের মধ্যে দৌরাত্ম্যের গুজব, যা এক  
শাসক অন্য শাসকের প্রতি করছে। 47 কারণ সেই সময় নিশ্চিতরপে  
আসবে, যখন আমি ব্যাবিলনের প্রতিমাগুলিকে শান্তি দেব; তার সমস্ত  
দেশ অপমানগ্রস্ত হবে, তার সমস্ত নিহতেরা তারই এলাকায় পড়ে  
থাকবে। 48 তখন আকাশমণ্ডল ও পৃথিবী এবং সেগুলির মধ্যস্থিত  
সবকিছু ব্যাবিলনের বিষয়ে আনন্দে চিৎকার করবে, কারণ উত্তর  
দিক থেকে বিনাশকেরা তাকে আক্রমণ করবে,” সদাপ্রভু এই কথা  
বলেন। 49 “ইত্তায়েলকে হত্যা করার জন্য ব্যাবিলনের অবশ্যই পতন  
হবে, যেমন সমস্ত পৃথিবীর নিহতেরা ব্যাবিলনের কারণে পতিত  
হয়েছিল। 50 তোমরা যারা তরোয়ালের যন্ত্রণা এড়িয়ে গিয়েছ, তোমরা  
চলে এসো দেরি কোরো না! দূরদেশে সদাপ্রভুকে স্মরণ করো এবং  
জেরুশালেমের কথা ভাবো।” 51 লোকেরা বলছে, “আমরা লাঞ্ছিত  
হয়েছি, কারণ আমাদের অপমান করা হয়েছে এবং লজ্জা আমাদের মুখ  
আচ্ছান্ন করেছে, কারণ বিদেশিরা সদাপ্রভুর গৃহে, পবিত্র স্থানগুলিতে  
প্রবেশ করেছে।” 52 সদাপ্রভু ঘোষণা করেন, “কিন্তু সেইসব দিন  
আসছে, যখন আমি ব্যাবিলনের প্রতিমাগুলিকে শান্তি দেব। তার  
সমস্ত দেশ জুড়ে আহতেরা আর্তনাদ করবে। 53 ব্যাবিলন যদিও  
গগন স্পর্শ করে এবং তার শক্তিশালী দুর্গগুলিকে অগম্য করে, তবুও  
তার বিরুদ্ধে আমি বিনাশকদের প্রেরণ করব,” সদাপ্রভু এই কথা  
বলেন। 54 “কান্নার এক হাহাকার শব্দ ব্যাবিলন থেকে আসছে, তা এক  
মহাবিনাশের শব্দ, যা আসছে ব্যাবিলনীয়দের দেশ থেকে। 55 সদাপ্রভু  
ব্যাবিলনকে ধ্বংস করবেন; তিনি তার হৈ-হল্লাকে স্তুর্ধ করে দেবেন।

মহাজলরাশির মতো শক্রদের গর্জনের চেট আছড়ে পড়বে; তাদের গর্জনের শব্দ ধ্বনিত-প্রতিধ্বনিত হবে। ৫৬ ব্যাবিলনের বিরুদ্ধে একজন বিনাশক আসবে; তার যোদ্ধারা সবাই বন্দি হবে, তাদের ধনুকগুলি ভেঙে ফেলা হবে। কারণ সদাপ্রভু হলেন প্রতিফলদাতা ঈশ্বর, তিনি পূর্ণরূপে প্রতিশোধ নেবেন। ৫৭ আমি তাদের রাজকর্মচারী ও জনী ব্যক্তিদের মন্ত করব, মন্ত করব তার প্রদেশপালদের, আধিকারিক ও যোদ্ধাদেরও; তারা চিরকালের জন্য নিদ্রিত হবে, কখনও উঠবে না,”  
রাজা এই কথা ঘোষণা করেন, যাঁর নাম বাহিনীগণের সদাপ্রভু। ৫৮  
বাহিনীগণের সদাপ্রভু এই কথা বলেন: “ব্যাবিলনের প্রশস্ত প্রাচীর ভেঙে সমান করে দেওয়া হবে এবং তার উঁচু তোরণদ্বারগুলি পুড়িয়ে দেওয়া হবে; লোকেরা মিথ্যাই নিজেদের ক্লান্ত করে, জাতিগুলির পরিশ্রম কেবলমাত্র আগন্তের শিখায় জ্বালানি দেওয়ার মতো।” ৫৯  
যিহুদার রাজা সিদিকিয়ের রাজত্বের চতুর্থ বছরে, মাসেয়ের পৌত্র নেরিয়ের পুত্র সরায়, যে সময়ে রাজার সঙ্গে ব্যাবিলনে যান, সেই সময় ভাববাদী যিরমিয় সরাইকে এই বার্তা দেন। ৬০ যিরমিয় একটি পুঁথিতে সেই সমস্ত বিপর্যয়ের কথা লিখেছিলেন, যা ব্যাবিলনের উপরে নেমে আসতে চলেছিল, অর্থাৎ, ব্যাবিলন সম্পর্কে নথিভুক্ত সমস্ত কথা।  
৬১ তিনি সরায়কে বললেন, ‘তুমি যখন ব্যাবিলনে পৌঁছাবে, তখন দেখো, এ সমস্তই যেন সেখানে জোরে জোরে পাঠ করা হয়। ৬২ তারপরে বোলো, ‘হে সদাপ্রভু, তুমি তো বলেছিলে যে, তুমি এই স্থান ধ্বংস করবে, যেন কোনো মানুষ বা পশু এখানে থাকতে না পারে; এ চিরকালের জন্য পরিত্যক্ত থাকবে।’ ৬৩ তুমি যখন এই পুঁথিতে লেখা কথাগুলি পড়ে শেষ করবে, তখন এর সঙ্গে একটি পাথর বেঁধে, এটি ইউফ্রেটিস নদীতে ডুবিয়ে দেবে। ৬৪ তারপর বলবে, ‘আমি যে সমস্ত বিপর্যয় ব্যাবিলনের উপরে নিয়ে আসব, সেই কারণে ব্যাবিলন এভাবে ডুবে যাবে, আর কখনও উঠতে পারবে না। আর তার সমস্ত অধিবাসীর পতন হবে।’” যিরমিয়ের সমস্ত কথার সমাপ্তি এখানেই।

**৫২** সিদিকিয় একুশ বছর বয়সে রাজা হন। তিনি এগারো বছর জেরশালেমে রাজত্ব করেন। তাঁর মা ছিলেন লিব্না নিবাসী যিরমিয়ের

কন্যা হমুটল। 2 তিনি সদাপ্রভুর দৃষ্টিতে কেবলই মন্দ কাজ করতেন, যেমন যিহোয়াকীমও করেছিলেন। 3 সদাপ্রভুর ক্ষোধের কারণেই জেরশালেম ও যিহুদার প্রতি এসব কিছু ঘটেছিল, এবং শেষ পর্যন্ত তিনি তাদের তাঁর উপস্থিতি থেকে ধাক্কা মেরে দূরে সরিয়ে দিলেন। ইত্যবসরে সিদিকিয় ব্যাবিলনের রাজার বিরুদ্ধে বিদ্রোহ করে বসেছিলেন। 4 তাই, সিদিকিয়ের রাজত্বের নবম বছরে, ব্যাবিলনের রাজা নেবুখাদনেজার, তাঁর সমস্ত সৈন্য নিয়ে জেরশালেমের বিরুদ্ধে যুদ্ধযাত্রা করলেন। তারা নগরের বাইরে শিবির স্থাপন করে তার চারপাশে অবরোধ গড়ে তুললেন। 5 রাজা সিদিকিয়ের রাজত্বের এগারোতম বছর পর্যন্ত নগর অবরুদ্ধ রইল। 6 চতুর্থ মাসের নবম দিনে নগরের দুর্ভিক্ষ এত চরম আকার নিয়েছিল, যে সেখানকার লোকজনের কাছে কোনও খাবারদাবার ছিল না। 7 পরে নগরের প্রাচীর ভেঙে ফেলা হল, এবং রাতের বেলায় গোটা সৈন্যদল রাজার বাগানের কাছে থাকা দুটি প্রাচীরের মাঝখানে অবস্থিত দরজা দিয়ে পালিয়ে গেল, যদিও ব্যাবিলনের সৈন্যসামন্ত কিন্তু নগরটি ঘিরে রেখেছিল। তারা অরাবার দিকে পালিয়ে গেল, 8 কিন্তু ব্যাবিলনের সৈন্যদল রাজা সিদিকিয়ের পিছনে তাড়া করে গেল এবং যিরাহোর সমভূমিতে তাঁর নাগাল পেল। তাঁর সমস্ত সৈন্য তাঁর কাছ থেকে পৃথক হয়ে ছড়িয়ে পড়ল, 9 আর তিনি ধৃত হলেন। তাঁকে ধরে হমাং দেশের রিব্লায় ব্যাবিলনের রাজার কাছে নিয়ে যাওয়া হল। সেখানে তিনি তাঁর শাস্তি ঘোষণা করলেন। 10 সেখানে রিব্লায়, ব্যাবিলনের রাজা সিদিকিয়ের চোখের সামনেই তাঁর পুত্রদের হত্যা করলেন; তিনি যিহুদার রাজকর্মচারীদেরও হত্যা করলেন। 11 তারপর তিনি সিদিকিয়ের দুই চোখ উপড়ে নিলেন, তাঁকে পিতলের শিকলে বাঁধলেন এবং ব্যাবিলনে নিয়ে গেলেন। সেখানে তিনি তাঁকে আমরণ পর্যন্ত কারাগারে নিষ্কেপ করলেন। 12 ব্যাবিলনের রাজা নেবুখাদনেজারের রাজত্বের উনিশতম বছরের পঞ্চম মাসের দশম দিনে, রাজরক্ষীদলের সেনাপতি নবুষরদন, যিনি ব্যাবিলনের রাজার সেবা করতেন, জেরশালেমে এলেন। 13 তিনি সদাপ্রভুর মন্দিরে, রাজপ্রাসাদে এবং জেরশালেমের সব বাড়িতে

আঙ্গন লাগিয়ে দিলেন। প্রত্যেকটি গুরুত্বপূর্ণ ঘরবাড়ি তিনি পুড়িয়ে ছাই করে দিলেন। 14 রাজরক্ষীদলের সেনাপতির অধীনস্থ সমস্ত ব্যাবিলনীয় সৈন্য জেরশালেমের চারপাশের প্রাচীরগুলি ভেঙে ফেলল। 15 রক্ষীদলের সেনাপতি নবৃষ্ণদন, নগরের অবশিষ্ট দরিদ্রতম ব্যক্তিদের কয়েকজনকে, ইতর শ্রেণীর মানুষদের ও যারা ব্যাবিলনের রাজার পক্ষ নিয়েছিল, তাদের সবাইকে ব্যাবিলনে নির্বাসিত করলেন। 16 কিন্তু দেশের অবশিষ্ট দীনদরিদ্র ব্যক্তিদের নবৃষ্ণদন দ্রাক্ষাকুঞ্জ ও মাঠগুলিতে কৃষিকর্ম করার জন্য রেখে দিলেন। 17 ব্যাবিলনীয়েরা সদাপ্রভুর মন্দিরের পিতলের দুটি স্তম্ভ, স্থানান্তরযোগ্য গামলা বসাবার পাত্রগুলি ও পিতলের সমুদ্রপাত্রটি ভেঙে খণ্ড খণ্ড করল, আর তারা সেগুলির সব পিতল ব্যাবিলনে নিয়ে গেল। 18 এছাড়াও তারা হাঁড়ি, বেলচা, সলতে ছাঁটার যন্ত্র, রক্ত ছিটানোর বাটিগুলি, থালা ও মন্দিরের সেবাকাজে যেগুলি ব্যবহৃত হত, ব্রোঞ্জের সেইসব জিনিসপত্রও তুলে নিয়ে গেল। 19 রাজরক্ষীদলের সেনাপতি সব গামলা, ধূনুচি, রক্ত ছিটানোর গামলাগুলি, বিভিন্ন পাত্র, দীপবৃক্ষগুলি, থালাগুলি এবং পেয়-নৈবেদ্য উৎসর্গ করার পাত্রগুলি—যত সোনা ও রূপোর তৈরি জিনিস ছিল, তাঁর সঙ্গে নিয়ে গেলেন। 20 দুটি পিতলের থাম, সমুদ্রপাত্র ও তার নিচে অবস্থিত বারোটি পিতলের বলদ, স্থানান্তরযোগ্য গামলা রাখার জিনিসগুলি, যেগুলি রাজা শলোমন সদাপ্রভুর মন্দিরের জন্য নির্মাণ করেছিলেন, সেগুলির পিতল অপরিমেয় ছিল। 21 প্রত্যেকটি স্তম্ভ ছিল আঠারো হাত উঁচু এবং পরিধি ছিল বারো হাত; প্রত্যেকটি ছিল চার আঙুল পুরু এবং ফাঁপা। 22 স্তম্ভের উপরে মাথার দিকটি ছিল পাঁচ হাত উঁচু এবং সেটি চারপাশে ব্রোঞ্জের জালি ও ব্রোঞ্জের ডালিম দিয়ে সুসজ্জিত ছিল। অন্য স্তম্ভটিও, এটির মতোই একই ধরনের ছিল। 23 চারপাশের ডালিমের সংখ্যা ছিল ছিয়ানবই এবং উপরের দিকের মোট ডালিমের সংখ্যা ছিল একশো। 24 রক্ষীদলের সেনাপতি মহাযাজক সরায়কে, পদাধিকারবলে তাঁর পরে যিনি ছিলেন, সেই যাজক সফনিয়কে ও তিনজন দারোয়ানকে বন্দি করে নিয়ে গেলেন। 25 যারা তখনও নগরে থেকে গিয়েছিল, তাদের

মধ্যে যোদ্ধাদের উপরে নিযুক্ত কর্মকর্তাকে ও সাতজন রাজকীয় পরামর্শদাতাদের ধরলেন। এছাড়া তিনি সচিবকে ধরলেন, যিনি ছিলেন দেশের লোকদের সৈন্যদলে নিযুক্ত করার জন্য ভারপ্রাপ্ত ব্যক্তি এবং তাঁর অধীনস্থ ষাটজন লোক, যাদের নগরে পাওয়া গেল, তাদেরও নিয়ে গেলেন। 26 সেনাপতি নবৃষ্ণরদন তাদের সবাইকে ধরে রিব্লাতে ব্যাবিলনের রাজার কাছে নিয়ে এলেন। 27 হ্যাঁ দেশের রিব্লাতে ব্যাবিলনের রাজা প্রাণদণ্ডে দণ্ডিত এই লোকদের বধ করলেন। অতএব যিহূদা তার দেশ থেকে নির্বাসিত হল। 28 নেবুখাদনেজার যাদের নির্বাসনে নিয়ে যান, তাদের সংখ্যা এরকম: সপ্তম বছরে 3,023 জন ইহুদি; 29 নেবুখাদনেজারের রাজত্বের আঠারোতম বছরে জেরশালেম থেকে 832 জন; 30 তাঁর রাজত্বের তেইশতম বছরে, রাজরক্ষীদলের সেনাপতি নবৃষ্ণরদন, 745 জন ইহুদিকে নির্বাসনে নিয়ে যান। লোকদের সর্বমোট সংখ্যা ছিল 4,600 জন। 31 যিহূদার রাজা যিহোয়াখীনের বন্দিত্বে সাঁইত্রিশতম বছরে, দ্বাদশ মাসের পঁচিশতম দিনে, ইবিল-মরোদক যে বছরে ব্যাবিলনের রাজা হন, তিনি যিহূদার রাজা যিহোয়াখীনকে মুক্তি দিলেন। তিনি তাঁকে কারাগার থেকে মুক্ত করলেন। 32 তিনি যিহোয়াখীনের সাথে সদয় ভঙ্গিতে কথা বললেন এবং ব্যাবিলনে তাঁর সাথে অন্যান্য যেসব রাজা ছিলেন, তাদের তুলনায় তিনি যিহোয়াখীনকে বেশি সম্মানীয় এক আসন দিলেন। 33 তাই যিহোয়াখীন তাঁর কয়েদির পোশাক একদিকে সরিয়ে রেখেছিলেন এবং জীবনের বাকি দিনগুলি তিনি নিয়মিতভাবে রাজার টেবিলেই বসে ভোজনপান করলেন। 34 যিহোয়াখীন যতদিন বেঁচেছিলেন, ব্যাবিলনের রাজা তাঁর মৃত্যু পর্যন্ত, তাঁকে নিয়মিতরূপে একটি ভাতা দিতেন।

## যিরমিয়ের বিলাপ

১ হায়! যে নগরী একদিন ছিল মানুষজনে পরিপূর্ণ, সে আজ পরিত্যক্ত হয়ে পড়ে আছে! যে ছিল একদিন জাতিসমূহের মধ্যে মহান, তার দশা আজ বিধবার মতো! একদিন যে ছিল প্রদেশগুলির রানি, সে আজ পরিণত হয়েছে ক্রীতদাসীতে। ২ রাত্রিবেলা সে তীব্র রোদন করে, তার দুই গাল বেয়ে অশ্রু বয়ে যায়। তার সব প্রেমিকের মধ্যে, তাকে সান্ত্বনা দেওয়ার মতো কেউই নেই। তার সব বন্ধু তার সঙ্গে বিশ্বাসঘাতকতা করেছে; তারা আজ সবাই তার শক্র হয়েছে। ৩ যন্ত্রণাভোগ ও কঠোর পরিশ্রমের পর, যিহুদা নির্বাসিত হয়েছে। সে জাতিসমূহের মধ্যে বাস করে; সে কোনো বিশ্বামের স্থান খুঁজে পায় না। যারা তাকে তাড়া করছিল, তার বিপর্যয়ের মাঝে তারা তাকে ধরে ফেলেছে। ৪ সিয়োনগামী পথগুলি শোকে ত্রিয়মাণ, কারণ নির্ধারিত উৎসবগুলিতে আর কেউ আসে না। তার সবকটি তোরণদ্বারের প্রবেশপথ নির্জন, তার যাজকেরা আর্তনাদ করে। তার কুমারী-কন্যারা শোকার্ত, এবং সে নিজে তিঙ্ক মনোবেদনায় আচ্ছন্ন। ৫ তার প্রতিপক্ষরা তার মনিব হয়েছে; তার শক্ররা আজ নিশ্চিন্ত। তার অনেক অনেক পাপের জন্য সদাপ্রভু তাকে ক্লিষ্ট করেছেন। তার ছেলেমেয়েরা নির্বাসনে গেছে, শক্রদের চোখের সামনে তারা বন্দি হয়েছে। ৬ সিয়োন-কন্যার মধ্য থেকে সমস্ত জৌলুস অস্তর্হিত হয়েছে। তার রাজপুরুষেরা এমন সব হরিণ হয়েছেন, যারা কোনো চারণভূমির সন্ধান পায় না। তারা শক্তিহীন হয়ে বিতাড়কদের আগে আগে পলায়ন করে। ৭ তার ক্লেশ ও অস্থির বিচরণের দিনগুলিতে, জেরক্ষালেম তার সব ঐশ্বর্যের কথা স্মরণ করে যা পুরোনো দিনে তার ছিল। যখন তার লোকেরা শক্রদের হাতে ধরা পড়ল, তখন তাকে সাহায্য করার জন্য কেউই ছিল না। তার শক্ররা তার দিকে তাকিয়েছিল এবং তার বিনাশের জন্য ব্যঙ্গবিদ্রূপ করেছিল। ৮ জেরক্ষালেম প্রচুর পাপ করেছে, এবং তাই সে অশুচি হয়েছে। যারা তাকে সম্মান করত, তারা তাকে অবজ্ঞা করছে, কারণ তারা সবাই তাকে উলঙ্গ দেখেছে; সে নিজেও আর্তনাদ করে ও উট্টোদিকে মুখ ফিরায়। ৯ তার জধন্যতা তার বসনপ্রাপ্তে লেগে আছে;

সে তার ভবিষ্যতের কথা ভাবেনি। তার পতন ছিল হতবুদ্ধিকর, তাকে  
সান্ত্বনা দেওয়ার জন্য কেউই ছিল না। “হে সদাপ্রভু, আমার দুঃখ  
দেখো, কারণ শক্র বিজয়ী হয়েছে।” 10 তার সমস্ত ধনসম্পদের উপরে  
শক্র হাত দিয়েছে; সে দেখেছে, পৌত্রলিক জাতিগুলি তার ধর্মধারে  
প্রবেশ করেছে— তোমার সমাজে প্রবেশ করতে যাদের তুমি নিষেধ  
করেছিলে। 11 তার সব লোকজন খাদ্যের খোঁজে আর্তনাদ করে;  
নিজেদের বাঁচিয়ে রাখার জন্য তারা তাদের সম্পদ বিনিময় করেছে।  
“হে সদাপ্রভু, দেখো ও বিবেচনা করো, কেননা আমি অবজ্ঞাত হয়েছি।”  
12 “ওহে পথিকেরা, এতে কি তোমাদের কিছু এসে যায় না? চারপাশে  
তাকিয়ে দেখো, আমাকে যে ধরনের যন্ত্রণা দেওয়া হয়েছে, তার মতো  
যন্ত্রণা আর কি কোথাও আছে, যা সদাপ্রভু তাঁর প্রচণ্ড ক্ষেত্রের দিনে  
আমার উপরে নিয়ে এসেছেন? 13 “উর্ধ্ব থেকে তিনি অগ্নিপ্রদাহ  
প্রেরণ করেছেন, তিনি তা প্রেরণ করেছেন আমার হাড়গুলির মধ্যে।  
আমার পা দুটির জন্য তিনি জাল পেতেছেন এবং আমাকে পিছন-পানে  
ঘূরিয়ে দিয়েছেন, তিনি আমাকে জনশূন্য করেছেন, যে সমস্ত দিন  
মৃহিত হয়ে পড়ে থাকে। 14 “আমার পাপগুলিকে একটি জোয়ালে বাঁধা  
হয়েছে; তাঁর দুটি হাত সেগুলি একত্র বুনেছে। সেগুলি আমার ঘাড়  
থেকে ঝুলছে, এবং প্রভু আমার জীবনীশক্তি নিঃশেষ করেছেন। যাদের  
আমি সহ্য করতে পারি না, তাদের হাতেই তিনি আমাকে সমর্পণ  
করেছেন। 15 “আমার মধ্যে যেসব যোদ্ধা ছিল, প্রভু তাদের অগ্রাহ্য  
করেছেন; তিনি আমার বিরুদ্ধে এক সৈন্যদল তলব করেছেন, যেন  
আমার যুবকদের চূর্ণ করেন। প্রভু তাঁর আঙুর মাড়াই-কল, কুমারী-  
কন্যা যিহুদাকে মর্দন করেছেন। 16 “এই কারণে আমি ক্রন্দন করি,  
এবং আমার চোখদুটি অশ্রুপ্লাবিত হয়। আমাকে সান্ত্বনা দেওয়ার  
জন্য কাছে কেউই নেই, কেউ আমার প্রাণ সংজ্ঞাবিত করে না। আমার  
ছেলেমেয়েরা আজ সহায়সম্বলহীন, কারণ শক্ররা বিজয়ী হয়েছে।” 17  
সিয়োন তার দু-হাত প্রসারিত করেছে, কিন্তু তাকে সান্ত্বনা দেওয়ার  
কেউ নেই। সদাপ্রভু যাকোব কুলের বিরুদ্ধে রায় ঘোষণা করেছেন  
যে, তার প্রতিবেশীরাই তার শক্র হবে; তাদের মধ্যে জেরুশালেম

এক অশুচি বস্তুতে পরিণত হয়েছে। 18 “সদাপ্রভু ধর্ময়, তা সত্ত্বেও  
আমি তাঁর আজগার বিদ্রোহী হয়েছি। সমস্ত জাতিগণ, তোমরা শোনো;  
আমার কষ্টভোগের প্রতি দৃষ্টি দাও। আমার যুবকেরা ও কুমারী-কন্যারা  
নির্বাসনে চলে গেছে। 19 “আমি আমার মিত্রবাহিনীকে ডেকেছিলাম,  
কিন্তু তারা আমার সঙ্গে বিশ্বাসঘাতকতা করেছে। আমার যাজকেরা ও  
প্রাচীনবর্গ নিজেদের বাঁচিয়ে রাখার জন্য, যখন খাদ্যদ্রব্যের অস্বেষণ  
করেছে, তখন তারা নগরের মধ্যে বিনষ্ট হয়েছে। 20 “হে সদাপ্রভু,  
দেখো, আমি কতটা যাতনাগ্রস্ত! আমার অন্তরে মর্মবেদনা প্রবল, এবং  
অন্তরে আমি দুশ্চিন্তাগ্রস্ত, কারণ আমি প্রচণ্ড বিদ্রোহী ছিলাম। বাইরে,  
তরোয়াল শোকাহত করছে, ভিতরে, কেবলই মৃত্যু। 21 “লোকেরা  
আমার আর্তনাদ শুনেছে, কিন্তু আমাকে সান্ত্বনা দেওয়ার কেউই নেই।  
আমার প্রতিটি শক্র আমার দুর্দশার কথা শুনেছে; তুমি যা করেছ, তার  
জন্য তারা উল্লসিত। তোমার ঘোষিত সেদিনকে তুমি নিয়ে এসো,  
যাতে তাদের অবস্থাও যেন আমারই মতো হয়। 22 “তাদের সমস্ত  
দুষ্টতা তোমার দৃষ্টিগোচর হোক; তুমি তাদের সঙ্গে তেমনই আচরণ  
করো যেমনটি আমার কৃত সব পাপের জন্য তুমি আমার সঙ্গে করেছ।  
আমার দীর্ঘশাস অসংখ্য এবং আমার হৃদয় মৃচ্ছিত।”

**২** প্রভু সিয়োন-কন্যাকে তাঁর আপন ক্রোধের মেঘে কেমন আবৃত  
করেছেন! তিনি ইস্রায়েলের জোলুসকে আকাশ থেকে ভূতলে নিষ্কেপ  
করেছেন; তাঁর ক্রোধের দিনে, তাঁর পাদপীঠের কথা তিনি মনে  
রাখেননি। 2 কোনো মমতা ছাড়াই প্রভু যাকোবের সমগ্র আবাস গ্রাস  
করেছেন; তিনি সক্রোধে যিহুদা-কন্যার দুর্গগুলি উৎপাটন করেছেন।  
তার রাজ্য ও তার রাজপুরুষদের অসম্মানের সঙ্গে তিনি ভুলুষ্ঠিত  
করেছেন। 3 তিনি প্রচণ্ড ক্রোধে ইস্রায়েলের প্রতিটি শৃঙ্খকে ছিন্ন  
করেছেন। শক্র অগ্রসর হওয়ার সময় তিনি তাঁর দক্ষিণ হস্ত প্রত্যাহার  
করে নিয়েছেন। তিনি যাকোবকে এক লেলিহান আগুনের শিখার মতো  
ভস্মীভূত করেছেন যা তার চারপাশের সবকিছুকে গ্রাস করে নেয়। 4  
শক্র মতো তিনি তাঁর ধনুকে চাড়া দিয়েছেন; তাঁর ডান হাত প্রস্তুত।  
যারা নয়নরঞ্জন ছিল, তিনি তাদের শক্র মতোই বধ করেছেন। তিনি

তাঁর রোষ আগনের মতো সিয়োন-কন্যার শিবিরের উপরে ঢেলে দিয়েছেন। ৫ প্রভু যেন এক শক্ত; তিনি ইস্রায়েলকে গ্রাস করেছেন। তিনি তার সব প্রাসাদ গ্রাস করেছেন এবং তার দুর্গসকল ধ্বংস করেছেন। যিহুদা-কন্যার শোকগাথা ও বিলাপ তিনি বহুগুণে বৃদ্ধি করেছেন। ৬ বাগানের মতো তাঁর আবাসকে তিনি বিধ্বস্ত করেছেন; তাঁর আপন সমাগম-স্থান তিনি ধ্বংস করেছেন। সদাপ্রভু সিয়োনকে বিস্তৃত করিয়ে দিয়েছেন তার নির্ধারিত সব পার্বণ-উৎসব ও সাক্ষাত্কার দিনগুলি; তিনি তাঁর ভয়ংকর ক্রোধে রাজা ও যাজক উভয়কেই অবজ্ঞা করেছেন। ৭ প্রভু তাঁর বেদিকে প্রত্যাখ্যান করেছেন এবং তাঁর ধর্মধারকে পরিত্যাগ করেছেন। তিনি জেরুশালেমের প্রাসাদগুলির প্রাচীর তার শক্তিদের হাতে তুলে দিয়েছেন; কোনও নির্ধারিত উৎসব-দিনের মতো তারা সদাপ্রভুর গৃহে চিংকার করেছে। ৮ সদাপ্রভু দৃঢ়সংকল্প করেছেন, তিনি সিয়োন-কন্যার চারপাশের প্রাচীর ভেঙে ফেলবেন। তিনি একটি মাপকাঠি বিস্তৃত করেছেন, এবং তাঁর হাতকে ধ্বংসকার্য থেকে নির্বান করেননি। তিনি পরিখা ও প্রাচীরগুলিকে বিলাপ করিয়েছেন; সেগুলি একসঙ্গে পড়ে বিধ্বস্ত হয়েছে। ৯ তার তেরোগন্ধারগুলি মাটিতে ঢাকা পড়েছে; সেগুলির অর্গলগুলি তিনি ভেঙেছেন ও ধ্বংস করেছেন। তার রাজা ও রাজপুরুষেরা জাতিগণের মধ্যে নির্বাসিত হয়েছে, বিধান আর নেই, এবং তার ভাববাদীরা সদাপ্রভুর কাছ থেকে কোনো দর্শন পান না। ১০ সিয়োন-কন্যার সমস্ত প্রাচীন নীরবে মাটিতে বসে রয়েছেন; তাদের মাথায় তারা ধুলো নিক্ষেপ করেছেন এবং শোকবন্ধ পরিধান করেছেন। জেরুশালেমের যুবতী নারীরা মাটিতে অধোমুখ হয়েছে। ১১ কাঁদতে কাঁদতে আমার চোখ ঝাপসা হয়েছে, আমার অন্তরে প্রচণ্ড মর্মবেদনা, আমার হৃদয় যেন গলে গিয়ে মাটিতে বয়ে যাচ্ছে কেননা আমার লোকেরা ধ্বংস হচ্ছে, কেননা ছেলেমেয়ে ও দুন্ধপোষ্য শিশুরা নগরের পথে পথে মূর্ছিত হচ্ছে। ১২ তারা তাদের মায়েদের বলে, “আমাদের জন্য খাবার ও দ্রাক্ষারস কোথায়?” কেননা তারা নগরের পথে পথে আহত মানুষের মতো মূর্ছিত হয়, তাদের মায়েদের কোলে তাদের প্রাণ ঢলে পড়ে। ১৩

আমি তোমাকে কী বলব? হে, জেরশালেম-কন্যা, তোমাকে কার  
সঙ্গে আমি তুলনা করব? হে সিয়োনের কুমারী-কন্যা, কার সঙ্গে আমি  
তোমার তুলনা করব, যাতে আমি তোমাকে সান্ত্বনা দিতে পারি?  
তোমার ক্ষত সমুদ্রের মতোই গভীর। কে তোমায় আরোগ্য করতে  
পারে? 14 তোমার ভাববাদীদের দর্শনগুলি মিথ্যা ও অসার ছিল;  
নির্বাসন থেকে তোমাকে মুক্ত করার জন্য তারা তোমার পাপকে প্রকাশ  
করেনি। যে প্রত্যাদেশ তারা তোমাকে দিয়েছিল, সেগুলি ছিল মিথ্যা  
ও ভ্রান্ত পথ-নির্দশক। 15 যারাই তোমার পাশ দিয়ে যায়, তারাই  
তোমাকে দেখে হাততালি দেয়; তারা জেরশালেম-কন্যাকে টিটকিরি  
দেয় ও মাথা নেড়ে বলে: “এই কি সেই নগর, যাকে বলা হত ‘পরম  
সৌন্দর্যের স্থান,’ ও ‘সমস্ত পৃথিবীর আনন্দস্থল’?” 16 তোমার সব শক্তি  
তোমার বিপক্ষে মুখ খুলে বড়ো হাঁ করে; তারা টিটকিরি দেয় ও দাঁতে  
দাঁত ঘষে, আর বলে, “আমরা ওকে গিলে ফেলেছি। এই দিনটির  
জন্যই আমরা এতদিন অপেক্ষা করছিলাম; এটি দেখার জন্যই আমরা  
বেঁচেছিলাম।” 17 সদাপ্রভু তাঁর পরিকল্পনা অনুযায়ী কাজ করেছেন;  
তিনি তাঁর কথা রেখেছেন, যে কথা তিনি বহুপূর্বে ঘোষণা করেছিলেন।  
তিনি মমতা না করে তোমাকে নিপাত করেছেন, তিনি শক্তিকে তোমার  
বিরুদ্ধে আনন্দ করতে দিয়েছেন, তিনি তোমার বিপক্ষের শৃঙ্খলে উন্নত  
করেছেন। 18 লোকদের হৃদয় প্রভুর কাছে কেঁদে ওঠে। হে সিয়োন-  
কন্যার প্রাচীর, দিনরাত তোমার চোখ দিয়ে নদীস্ন্তোত্রের মতো অশ্রু  
বয়ে যাক; তোমার কোনও ছাড় নেই, তোমার চোখের কোনও বিশ্রাম  
নেই। 19 রাতের প্রহর শুরু হলে পর ওঠো, রাত্রিকালে কাঁদতে থাকো;  
প্রভুর সামনে জলের মতো তোমার হৃদয় ঢেলে দাও তাঁর উদ্দেশ্যে  
তোমার দু-হাত তুলে ধরো, তোমার ছেলেমেয়েদের প্রাণরক্ষার জন্য,  
যারা প্রত্যেকটি পথের মোড়ে ক্ষুধায় মুর্ছিত হয়। 20 “হে সদাপ্রভু,  
তুমি দেখো ও বিবেচনা করো: তুমি এমন আচরণ আগে কার সঙ্গে  
করেছ? যে নারীরা তাদের ছেলেমেয়েদের জন্ম দিয়েছে, তাদের  
সন্তানদের প্রতিপালন করেছে, তারা কি তাদের মাংস খাবে? প্রভুর  
ধর্মধামের ভিতরে কি যাজক ও ভাববাদীদের হত্যা করা হবে? 21

“পথে পথে ধুলোর মধ্যে যুবক ও বৃন্দ সকলেই লুটিয়ে পড়ে আছে;  
আমার যুবকেরা ও কুমারী-কন্যারা তরোয়ালের আঘাতে ভূপাতিত  
হয়েছে। তোমার ক্ষেত্রের দিনে তুমি তাদের বধ করেছ; কোনো মমতা  
ছাড়াই তুমি তাদের কেটে ফেলেছ। 22 “উৎসবের দিনে তুমি যেভাবে  
লোকদের আহ্বান করো, ঠিক তেমনই তুমি আমার জন্য চারদিক থেকে  
আসকে আহ্বান করেছ। সদাপ্রভুর ক্ষেত্রের দিনে কেউই পালাতে বা  
বেঁচে থাকতে পারেনি; যাদের আমি প্রতিপালন ও যত্ন করেছি, আমার  
শক্ত তাদের সংহার করেছে।”

**৩** আমিই সেই ব্যক্তি, যে সদাপ্রভুর ক্ষেত্রে দণ্ড দ্বারা কৃত দুঃখকষ্ট  
দেখেছে। ২ তিনি আমাকে তাড়িয়ে নিয়ে গেছেন এবং আলোতে নয়  
অঙ্ককারে গমন করিয়েছেন; ৩ সত্যিই, তিনি সমস্ত দিন, বারংবার  
আমার বিরুদ্ধে তাঁর হাত তুলেছেন। ৪ তিনি আমার চামড়া ও আমার  
মাংস জীর্ণ হতে দিয়েছেন, তিনি আমার হাড়গুলি ভেঙে ফেলেছেন।  
৫ তিনি তিক্ততা ও দুর্দশা দিয়ে আমাকে অবরুদ্ধ করেছেন ও ঘিরে  
ধরেছেন। ৬ যারা অনেক দিন আগে মারা গেছে, তাদের মতো তিনি  
আমাকে অঙ্ককারে বসতি করান। ৭ তিনি আমার চারপাশে বেড়া  
দিয়েছেন, যেন আমি পালাতে না পারি; তিনি শিকল দিয়ে আমাকে  
ভারাক্রান্ত করেছেন। ৮ এমনকি, যখন আমি সাহায্যের জন্য তাঁকে  
ডাকি বা কাঁদি, তিনি আমার প্রার্থনা শোনেন না। ৯ বিশাল সব পাথর  
দিয়ে তিনি আমার পথ অবরুদ্ধ করেছেন, তিনি আমার সব পথ বাঁকা  
করেছেন। ১০ ভালুক যেমন লুকিয়ে ওৎ পাতে, যেভাবে সিংহ গোপনে  
লুকিয়ে থাকে, ১১ সেইভাবে তিনি আমাকে পথ থেকে টেনে এনে  
খণ্ডবিখণ্ড করেছেন এবং আমাকে সহায়হীন করেছেন। ১২ তিনি  
তাঁর ধনুকে চাড়া দিয়েছেন, এবং আমাকে তাঁর তিরগুলির লক্ষ্যবস্তু  
করেছেন। ১৩ তাঁর তৃণের তির দিয়ে তিনি বিন্দু করেছেন আমার হৃদয়।  
১৪ আমার সব লোকজনদের কাছে আমি হাসির খোরাক হয়েছি; তারা  
সারাদিন আমাকে নিয়ে বিদ্রূপাত্মক গান গায়। ১৫ তিনি আমাকে  
তিক্ততায় পূর্ণ করেছেন, এবং পান করার জন্য আমাকে এক বিষপূর্ণ  
পানপাত্র দিয়েছেন। ১৬ তিনি কাঁকর দিয়ে আমার দাঁত ভেঙেছেন;

তিনি ধুলিতে আমাকে পদদলিত করেছেন। 17 আমি শান্তি থেকে  
বঞ্চিত হয়েছি, আমি ভুলে গিয়েছি সম্মতি কাকে বলে। 18 তাই আমি  
বলি, “আমার জৌলুস শেষ হয়ে গেছে, এবং সদাপ্রভুর কাছ থেকে  
আমার সব প্রত্যাশার অবসান হয়েছে।” 19 আমি আমার কষ্ট ও অস্ত্রিত  
বিচরণ স্মরণ করি, আমার তিক্ততা ও পিত্তের কথা। 20 সেগুলি আমার  
ভালোভাবেই স্মরণে আছে, এবং আমার প্রাণ আমারই মধ্যে অবসম্ভ  
হয়েছে। 21 তবুও আমি আবার একথা স্মরণ করি, আর তাই আমার  
আশা জেগে আছে: 22 সদাপ্রভুর মহৎ প্রেমের জন্য আমরা নষ্ট হইনি,  
কেননা তাঁর সহানুভূতি কখনও শেষ হয় না। 23 প্রতি প্রভাতে তা নতুন  
করে দেখা দেয়; তোমার বিশ্বস্ততা মহৎ। 24 আমি নিজেকে বলি,  
“সদাপ্রভু আমার অধিকার; এজন্য আমি তাঁর প্রতীক্ষায় থাকব।” 25  
যারা সদাপ্রভুর উপরে তাদের আশা রাখে, এবং যারা তাঁর অন্বেষণ  
করে, তিনি তাদের পক্ষে মঙ্গলময়; 26 সদাপ্রভুর পরিত্রাণের জন্য  
শান্তভাবে অপেক্ষা করা ভালো। 27 মানুষের ঘোবনকালে জোয়াল  
বহন করা উত্তম। 28 নীরবে সে একা বসে থাকুক, কেননা সেই  
জোয়াল সদাপ্রভু তার উপরে দিয়েছেন। 29 সে ধুলোয় নিজের মুখ  
চেকে রাখুক—হয়তো তখনও আশা থাকতে পারে। 30 যে তাকে  
আঘাত করেছে, তার প্রতি সে গাল পেতে দিক, এবং সে অপমানে  
পূর্ণ হোক। 31 কারণ প্রভু মানুষকে চিরকালের জন্য পরিত্যাগ করেন  
না। 32 যদিও তিনি তাকে দুঃখ দেন, তাহলেও তিনি করণা প্রদর্শন  
করবেন, তাঁর অব্যর্থ ভালোবাসা এমনই মহান। 33 কারণ তিনি ইচ্ছা  
করে মানবসন্তানদের কষ্ট বা মনোদুঃখ দেন না। 34 দেশের সব  
বন্দিকে যদি লোকেরা পদতলে দলিত করে, 35 পরাণ্পর ঈশ্বরের  
সামনে যদি মানুষকে তার ন্যায্য অধিকার থেকে বঞ্চিত করে, 36 তারা  
যদি ন্যায়বিচার না পায়—তাহলে প্রভু কি এসব বিষয় দেখবেন না?  
37 প্রভু যদি অনুমতি না দেন তাহলে কে কিছু বলে তা ঘটাতে পারে?  
38 পরাণ্পর ঈশ্বরের মুখ থেকে কি বিপর্যয় ও উত্তমতা দুই-ই নির্গত  
হয় না? 39 তাহলে তাদের পাপের জন্য শান্তি পেলে জীবিত মানুষমাত্র  
কেন অভিযোগ করে? 40 এসো আমরা নিজেদের জীবনাচরণ যাচাই

ও পরীক্ষা করি, আর এসো, আমরা সদাপ্রভুর পথে ফিরে যাই। 41  
এসো, আমরা স্বর্গের ঈশ্বরের উদ্দেশ্যে আমাদের হৃদয় ও আমাদের  
হাতগুলি তুলে ধরি, এবং বলি: 42 “আমরা পাপ করেছি ও বিদ্রোহী  
হয়েছি, এবং তুমি আমাদের ক্ষমা করোনি। 43 “তুমি ক্রোধে নিজেকে  
আচ্ছাদন করে আমাদের তাড়া করেছ; কোনো মমতা ছাড়াই তুমি  
হত্যা করেছ। 44 তুমি মেঘ দ্বারা নিজেকে ঢেকেছ, ফলে কোনো  
প্রার্থনা তা ভেদ করতে পারে না। 45 তুমি জাতিগণের মধ্যে আমাদের  
আবর্জনা ও বর্জ্যপদার্থের মতো অবস্থা করেছ। 46 “আমাদের সব  
শক্তি আমাদের বিরুদ্ধে তাদের মুখ হাঁ করে খুলে আছে। 47 আমরা  
আস ও ফাঁদ, ধ্বংস ও বিনাশের মুখে পড়েছি।” 48 আমার দু-চোখ  
দিয়ে অশ্রুধারা বয়ে যাচ্ছে কেননা আমার লোকেরা ধ্বংস হয়ে যাচ্ছে।  
49 আমার অশ্রু অবিরাম বয়ে যায়, তার কোনো উপশম হয় না, 50  
যতক্ষণ না সদাপ্রভু স্বর্গ থেকে নিচে দৃষ্টিপাত করেন। 51 আমার  
নগরের সমস্ত নারীর যে দশা আমি দেখি, তা আমার প্রাণকে দুঃখ  
দেয়। 52 যারা বিনা কারণে আমার শক্তি হয়েছিল, তারা পাখির মতো  
আমাকে শিকার করেছে। 53 তারা গর্তে ফেলে আমার প্রাণ শেষ করতে  
চেয়েছে, তারা আমার দিকে পাথর ছুঁড়েছে; 54 জলরাশি আমার মাথার  
উপরে উঠেছে, এবং আমি ভেবেছিলাম, আমি প্রায় নিশ্চিহ্ন হতে  
চলেছি। 55 গর্তের গভীর তলদেশ থেকে হে সদাপ্রভু, আমি তোমার  
নামে ডেকেছি। 56 তুমি আমার এই বিনতি শুনেছ: “উপশম লাভের  
জন্য আমার কানার প্রতি তুমি তোমার কান ঝুঁক কোরো না।” 57 আমি  
তোমাকে ডাকলে তুমি নিকটে এলে, আর তুমি বললে, “ভয় কোরো  
না।” 58 হে সদাপ্রভু, তুমি আমার পক্ষ নিয়েছ; তুমি আমার জীবন মুক্ত  
করেছ। 59 হে সদাপ্রভু, আমার প্রতি যে অন্যায় করা হয়েছে, তা তুমি  
দেখেছ। আমার বিচার করে তুমি আমাকে নির্দোষ প্রতিপন্থ করো! 60  
তাদের প্রতিশোধ গ্রহণের গভীরতা, আমার বিরুদ্ধে তাদের সব ষড়যন্ত্র  
তুমি দেখেছ। 61 হে সদাপ্রভু, তুমি তাদের টিটকিরি, আমার বিরুদ্ধে  
তাদের সব ষড়যন্ত্রের কথা শুনেছ, 62 যা আমার শক্ররা আমার বিরুদ্ধে  
সারাদিন ফিসফিস ও বিড়বিড় করে বলে। 63 ওদের দেখো! ওরা

দাঁড়িয়ে থাকুক বা বসে থাকুক, ওরা গান গেয়ে আমাকে ঠাট্টা-বিদ্রূপ করে। ৬৪ হে সদাপ্রভু, তাদের হস্তকৃত কাজের যোগ্য প্রতিফল তাদের দাও। ৬৫ তাদের হন্দয়ের উপরে তুমি একটি আবরণ দাও, তোমার অভিশাপ তাদের উপরে বর্তাক। ৬৬ সক্রোধে তাদের পিছনে তাড়া করো ও সদাপ্রভুর স্বর্গের নিচে তাদের ধ্বংস করো।

**৪** হায! সোনা কেমন তার উজ্জ্বলতা হারিয়েছে, উজ্জ্বল সোনা মলিন হয়েছে। পবিত্র মণিরত্নগুলি ছত্রাকার হয়ে প্রতি পথের মোড়ে পড়ে আছে। ২ বহুমূল্য সিয়োন-সন্তানেরা, যারা একদিন সোনার মতো গুরুত্বপূর্ণ ছিল, এখন তাদের অবস্থা মাটির পাত্রের মতো, যা কুমোরের হাতে নির্মিত! ৩ এমনকি শিয়ালেরাও তাদের শাবকদের প্রতিপালনের জন্য স্তন্যপান করায়, কিন্তু আমার প্রজারা মরুভূমির উটপাথির মতো হৃদয়হীন হয়েছে। ৪ পিপাসিত হওয়ার কারণে কোলের শিশুদের জিভ মুখের তালুতে আটকে যায়; শিশুরা রুটি ভিক্ষা চায়, কিন্তু কেউই তাদের তা দেয় না। ৫ একদিন যারা উৎকৃষ্ট আহার্য গ্রহণ করত আজ তারা পথে পথে অসহায় হয়ে পড়ে আছে। যারা রাজকীয় বেঙ্গনিয়া পোশাক পরে প্রতিপালিত হয়েছে, তারা এখন ভস্মস্তূপে শুয়ে আছে। ৬ আমার প্রজাদের শাস্তি সদোমের লোকদের চেয়েও বেশি, যারা মুহূর্তমধ্যে উৎপাটিত হয়েছিল, একটি সাহায্যকারী হাতও তারা পায়নি। ৭ তাদের অমাত্যরা ছিল তুষারের চেয়েও উজ্জ্বল এবং দুধের চেয়েও শুভ, তাদের অঙ্গ ছিল প্রবালের চেয়েও লাল, তাদের কান্তি ছিল নীলকান্তমণির মতো। ৮ কিন্তু এখন তারা হয়েছে ভুঁয়োকালির চেয়েও কালো; পথে পথে তাদের চেনা যায় না। তাদের চামড়া কুঁচকে হাড়ের সঙ্গে লেগে রয়েছে, তা কাঠির মতোই শুকনো হয়ে গেছে। ৯ যারা তরোয়ালের আঘাতে নিহত হয় তারা বরং দুর্ভিক্ষের কারণে মৃতদের চেয়ে ভালো; মাঠ থেকে কোনো শস্য না পেয়ে, তারা ক্ষুধার জ্বালায় ক্ষয় পেয়ে উৎখাত হচ্ছে। ১০ মেহশীলা নারীরা তাদের নিজেদের হাতে, তাদেরই ছেলেমেয়েদের রাখা করেছে, তারা তখন তাদের খাদ্যে পরিণত হয়েছে, যখন আমার প্রজারা ধ্বংস হয়েছে। ১১ সদাপ্রভু তাঁর ক্রোধ পূর্ণরূপে সম্পন্ন করেছেন; তিনি তাঁর

তয়কর ক্রোধ টেলে দিয়েছেন। তিনি সিয়োনে এক আগুন প্রজ্বলিত করেছেন, যা গ্রাস করেছে তার সমস্ত ভিত্তিমূলকে। 12 পৃথিবীর রাজারা বা জগতের কোনো লোকও বিশ্বাস করেনি যে, বিপক্ষেরা ও শক্ররা জেরুশালেমের তোরণদ্বারগুলি দিয়ে প্রবেশ করতে পারবে। 13 কিন্তু তার ভাববাদীদের পাপের জন্য এইরকম ঘটেছে, এবং তার যাজকদের শৃষ্টার জন্য, যারা তারই মধ্যে বসে ধার্মিক লোকদের রক্তপাত করেছে। 14 এখন তারা অঙ্গ লোকদের মতো পথে পথে হাতড়ে বেড়ায়। রক্তে তারা এমনভাবে কল্পুষিত যে, কেউই তাদের পোশাক ছুঁতে চায় না। 15 লোকেরা চিৎকার করে তাদের বলে, “দূর হও! তোমরা অশুচি! দূর হও! দূর হও! আমাদের স্পর্শ কোরো না!” যখন তারা পালিয়ে এবং ঘুরে বেড়ায়, তখন অন্যান্য জাতির লোকেরা বলে, “ওরা এখানে কখনও থাকতে পারবে না।” 16 সদাপ্রভু স্বয়ং তাদের ছিন্নভিন্ন করেছেন; তিনি আর তাদের দেখেন না। যাজকদের কেউ আর সম্মান করে না, প্রাচীনদের কেউ আর কৃপা করে না। 17 এছাড়া, মিথ্যা সাহায্যের প্রত্যাশায় আমাদের দৃষ্টি ক্ষীণ হয়েছে; আমাদের উচ্চগৃহগুলি থেকে এক জাতির দিকে তাকিয়েছিলাম, কিন্তু তারা আমাদের রক্ষা করতে পারেনি। 18 লোকেরা চুপিসাড়ে আমাদের প্রতিটি পদক্ষেপ অনুসরণ করে, তাই আমরা পথে হাঁটতে পারি না। আমাদের শেষকাল নিকটবর্তী, আমাদের আয়ু সম্পূর্ণ, কেননা আমাদের শেষকাল উপস্থিত। 19 আকাশের ঈগল পাখিদের চেয়েও আমাদের পশ্চাদ্বাবনকারীরা দ্রুতগতিসম্পন্ন ছিল; তারা পর্বতগুলির উপরেও আমাদের তাড়া করে গেছে, আর মরণভূমিতে আমাদের জন্য ওৎ পেতে থেকেছে। 20 যিনি সদাপ্রভুর অভিষিক্ত, আমাদের জাতির প্রাণস্বরূপ, তিনি তাদের ফাঁদে ধরা পড়েছিলেন। আমরা ভেবেছিলাম যে তাঁরই ছায়ায় আমরা জাতিগুলির মধ্যে জীবনযাপন করব। 21 উষ দেশে বসবাসকারী, ইদোম-কন্যা, আনন্দ করো ও উল্লিঙ্কিত হও। কিন্তু তোমার কাছেও সেই পানপাত্র আসবে; তুমিও মন্ত হবে ও নগ্ন হবে। 22 সিয়োন-কন্যা, তোমার শাস্তির দিন শেষ হবে; তোমার নির্বাসনের

দিন তিনি আর বিলম্বিত করবেন না। কিন্তু ইদোম-কন্যা, তোমার  
পাপের শাস্তি তিনি দেবেন ও তোমার সমস্ত দুষ্টতা অনাবৃত করবেন।

৫ হে সদাপ্রভু, আমাদের প্রতি যা ঘটেছে, তা সুরণ করো, এদিকে  
তাকাও, দেখো আমাদের অসম্মান। ২ আমাদের অধিকার বিজাতীয়  
লোকদের হাতে, আমাদের ঘরবাড়ি বিদেশিদের দখলে চলে গেছে। ৩  
আমরা অনাথ ও পিতৃহীন হয়েছি, আমাদের মায়েরা বিধবা হয়েছে। ৪  
পান করার জলটুকুও আমাদের কিনে খেতে হয়; অর্থ দিলে তবেই  
আমরা জ্বালানির কাঠ পাই। ৫ যারা আমাদের তাড়া করে, তারা  
আমাদের ঠিক পিছনেই; আমরা শ্রান্ত-ক্লান্ত এবং এতটুকু বিশ্রাম পাই  
না। ৬ পর্যাপ্ত খাদ্যদ্রব্য পাওয়ার জন্য আমরা মিশর ও আসিরিয়ার কাছে  
আত্মসমর্পণ করেছি। ৭ আমাদের পিতৃপুরুষেরা পাপ করেছিলেন, কিন্তু  
তারা আর নেই, তাই আমরা তাদের শাস্তি বহন করছি। ৮ ক্রীতদাসেরা  
আমাদের উপরে কর্তৃত করে, এবং তাদের হাত থেকে আমাদের উদ্ধার  
করার জন্য কেউ নেই। ৯ মরুপ্রান্তের তরোয়ালের আক্রমণের মধ্যে  
জীবন বিপন্ন করে আমাদের খাদ্য সংগ্রহ করতে হয়। ১০ আমাদের  
চামড়া উনুনের মতো তপ্ত, খিদেয় আমাদের জ্বর জ্বর বোধ হয়। ১১  
সিয়োনে নারীদের অপবিত্র করা হয়েছে, এবং যিহুদার নগরগুলিতে  
কুমারী-কন্যারা ধর্ষিতা হয়েছে। ১২ রাজপুরুষদের হাত বেঁধে ফাঁসি  
দেওয়া হয়েছে, প্রাচীন ব্যক্তিদের প্রতি কোনো সম্মান দেখানো হয়নি।  
১৩ যুবকেরা জাঁতা ঘুরিয়ে কঠোর পরিশ্রম করে; বালকেরা কাঠের ভারী  
বোঝায় টলমল করে। ১৪ প্রাচীনেরা নগরদ্বার থেকে চলে গেছেন;  
যুবকেরা তাদের বাজনার শব্দ থামিয়ে দিয়েছে। ১৫ আমাদের হৃদয়  
থেকে আনন্দ চলে গেছে, আমাদের নৃত্য শোকে পরিণত হয়েছে। ১৬  
আমাদের মস্তক থেকে মুকুট খসে পড়েছে। ধিক্ আমাদের, কেননা  
আমরা পাপ করেছি! ১৭ এইসব কারণে আমাদের হৃদয় মূর্ছিত হয়েছে,  
এইসব কারণে আমাদের চোখের দৃষ্টি ক্ষীণ হয়েছে। ১৮ কারণ সিয়োন  
পর্বত পরিত্যক্ত পড়ে আছে, শিয়ালেরা তার উপরে বিচরণ করে। ১৯ হে  
সদাপ্রভু, তোমার রাজত্ব অনন্তকালীন; তোমার সিংহাসন পুরুষানুক্রমে  
চিরস্থায়ী। ২০ তুমি কেন সবসময় আমাদের ভুলে যাও? কেন তুমি

এত দীর্ঘকাল যাবৎ আমাদের পরিত্যাগ করে আছ? 21 হে সদাপ্রভু,  
তোমার কাছে আমাদের ফিরিয়ে নাও, যেন আমরা ফিরে আসতে  
পারি; পুরোনো দিনের মতোই আমাদের অবস্থা নবায়িত করো। 22  
কিন্তু তুমি যে আমাদের একেবারেই অগ্রাহ্য করেছ, এবং আমাদের  
উপরে তোমার মাত্রাহীন ক্ষেত্র রয়েছে।

## যিহিক্সেল ভাববাদীর বই

১ ত্রিশতম বছরের চতুর্থ মাসের পঞ্চম দিনে আমি যখন কবার নদীর ধারে বন্দিদের মধ্যে ছিলাম তখন আকাশ খুলে গেল আর আমি ঈশ্বরের দর্শন পেলাম। ২ সেই মাসের পঞ্চম দিনে, সেটি রাজা যিহোয়াখীনের নির্বাসনের পঞ্চম বছর ছিল, ৩ ব্যাবিলনীয়দের দেশে কবার নদীর ধারে বুঝির ছেলে যাজক যিহিক্সেলের কাছে সদাপ্রভুর বাক্য উপস্থিত হল। সেখানে সদাপ্রভুর হাত তাঁর উপর ছিল। ৪ আমি তাকিয়ে দেখলাম উত্তর দিক থেকে ঝড় আসছে—একটি বিরাট মেঘের সঙ্গে বিদ্যুৎ আর উজ্জ্বল আলো। আগুনের মাঝখানে উজ্জ্বল ধাতুর মতো কিছু বাকমক করছিল, ৫ আর আগুনে মধ্যে চারটি জীবন্ত প্রাণীর মতো কিছু দেখা গেল। তাদের চেহারা দেখতে ছিল মানুষের মতো ৬ কিন্তু তাদের প্রত্যেকের চারটি করে মুখ ও চারটি করে ডানা ছিল। ৭ তাদের পা সোজা; তাদের পায়ের পাতা বাচ্চুরের খুরের মতো; আর সেগুলি পালিশ করা ব্রোঞ্জের মতো চকচক করছিল। ৮ তাদের চারপাশের ডানার নিচে মানুষের মতো হাত ছিল। তাদের প্রত্যেকের মুখ ও ডানা ছিল, ৯ এবং তাদের ডানাগুলি একটির সঙ্গে অন্যটি ছুঁয়েছিল। তারা প্রত্যেকে সোজা এগিয়ে যেতেন; যাবার সময় ফিরতেন না। ১০ তাদের মুখগুলি এইরকম দেখতে ছিল: চারজনের প্রত্যেকের একটি করে মানুষের মুখ ছিল এবং প্রত্যেকের ডানদিকের মুখ সিংহের ও বাঁদিকের ঘাঁড়ের; প্রত্যেকের আবার একটি করে ঈগলের মুখও ছিল। ১১ তাদের মুখগুলি এরকম ছিল। তাদের ডানাগুলি উপরদিকে মেলে দেওয়া ছিল; প্রত্যেকের দুই ডানা তাঁর দুই পাশের প্রাণীর দেহ ছুঁয়েছিল, আর দুই ডানা দিয়ে সেই দেহ ঢাকা ছিল। ১২ তারা প্রত্যেকে সামনের দিকে যেতেন। আত্মা যেদিকে যেতেন তারাও না ঘুরে সেদিকে যেতেন। ১৩ এই জীবন্ত প্রাণীদের মধ্যে জ্বলন্ত কয়লা কিংবা মশালের মতো আগুন জ্বলছিল এবং তা সেই প্রাণীদের মধ্যে দিয়ে যাতায়াত করছিল; সেই আগুন উজ্জ্বল এবং তার মধ্যে দিয়ে বিদ্যুৎ বেরিয়ে আসছিল। ১৪ প্রাণীগুলি বিদ্যুৎ চমকাবার মতো যাতায়াত করছিলেন। ১৫ আমি যখন ওই জীবন্ত প্রাণীগুলির দিকে তাকালাম তখন দেখলাম প্রত্যেক প্রাণী

তাদের চারটে করে মুখ ছিল তাদের পাশে মাটিতে একটি করে চাকা  
পড়ে আছে। 16 সেই চাকাগুলির আকার ও গঠন এইরকম সেগুলি  
বৈদ্যুর্মণির মতো বাকমক করছিল এবং চারটে চাকাই এক রকম  
দেখতে ছিল। একটি চাকার ভিতরে যেন আর একটি চাকা এইভাবে  
প্রত্যেকটি চাকা তৈরি ছিল। 17 চাকাগুলি চারিদিকের একদিকে চলত  
যেদিকে প্রাণীগুলির মুখ থাকত; প্রাণীগুলি চলবার সময় চাকাগুলি দিক  
পরিবর্তন করত না। 18 সেগুলির বেড় ছিল উঁচু ও ভয়ংকর এবং চারটে  
বেড়ের চারিদিকে চোখে ভরা ছিল। 19 জীবস্ত প্রাণীগুলি যখন চলত  
তাদের পাশের চাকাগুলিও চলত; আর যখন জীবস্ত প্রাণীগুলি মাটি  
থেকে উঠত, চাকাগুলিও উঠত। 20 আত্মা যখন যেদিকে যেতেন,  
তারাও সেদিকে যেত, এবং চাকাগুলি তাদের সঙ্গে উঠত, কারণ  
জীবস্ত প্রাণীদের আত্মা সেই চাকার মধ্যে ছিল। 21 প্রাণীরা যখন  
চলতেন চাকাগুলিও চলত; প্রাণীগুলি স্থির হয়ে দাঁড়ালে চাকাগুলিও  
স্থির হয়ে দাঁড়াত, আর যখন প্রাণীরা মাটি থেকে উঠতেন, চাকাগুলি  
তাদের সঙ্গে উঠত, কারণ জীবস্ত প্রাণীদের আত্মা সেই চাকার মধ্যে  
ছিল। 22 সেই জীবস্ত প্রাণীদের মাথার উপরে উন্মুক্ত এলাকার মতো  
কিছু একটি বিছানো ছিল, সেটি স্ফটিকের মতো বাকমক করছিল এবং  
ভয়ংকর ছিল। 23 সেই খিলানের নিচে তাদের ডানাগুলি ছড়ানো ছিল  
এবং একজনের ডানা অন্যজনের ছুঁয়েছিল, আর প্রত্যেকের দেহ দুই  
ডানা দিয়ে ঢাকা ছিল। 24 প্রাণীগুলি চললে আমি তাদের ডানার শব্দ  
শুনতে পেলাম, যেন জলপ্রাতের শব্দের মতো, যেন সর্বশক্তিমানের  
গলার স্বরের মতো, যেন সৈন্যবাহিনীর শোরগোলের মতো। তারা  
স্থির হয়ে দাঁড়ালে তাদের ডানা নামিয়ে নিতেন। 25 তারা যখন ডানা  
নামিয়ে দাঁড়িয়েছিলেন তখন তাদের মাথার উপরকার সেই উন্মুক্ত  
এলাকার উপর থেকে একটি গলার স্বর শোনা গেল। 26 তাদের মাথার  
উপরকার সেই উন্মুক্ত এলাকার উপরে নীলকান্তমণির সিংহাসনের  
মতো কিছু একটি ছিল এবং তার উপরে মানুষের আকারের একজনকে  
দেখা গেল। 27 আমি দেখলাম কোমর থেকে উপর পর্যন্ত তিনি দেখতে  
ছিলেন উজ্জ্বল ধাতুর মতো, যেন সেটি আগনে পূর্ণ, আর কোমর থেকে

নিচ পর্যন্ত তাঁকে আগন্নের মতো দেখতে লাগছিল; তাঁর চারপাশে ছিল উজ্জ্বল আলো। 28 বৃষ্টির দিনে মেঘের মধ্যে মেঘধনুকের মতোই তাঁর চারপাশে সেই আলো দেখা যাচ্ছিল। যা দেখা গেল তা ছিল সদাপ্রভুর মহিমার মতো। আমি যখন তা দেখলাম, আমি মাটিতে উবুড় হয়ে পড়লাম, এবং আমি একজনের রব শুনতে পেলাম।

**2** তিনি আমাকে বললেন, “হে মানবসন্তান, তুমি পায়ে ভর দিয়ে দাঁড়াও, আমি তোমার সঙ্গে কথা বলব।” 2 তিনি যখন কথা বলছিলেন তখন দ্বিশ্রের আত্মা আমার মধ্যে এসে আমাকে পায়ে ভর দিয়ে দাঁড় করালেন আর আমি শুনলাম তিনি আমার সঙ্গে কথা বলছেন। 3 তিনি বললেন “হে মানবসন্তান, আমি তোমাকে ইস্রায়েলীদের কাছে পাঠাচ্ছি, সেই বিদ্রোহী জাতি যারা আমার বিরুদ্ধে বিদ্রোহ করেছে; তারা ও তাদের পূর্বপুরুষেরা আজ পর্যন্ত আমার বিরুদ্ধে বিদ্রোহ করছে। 4 যে লোকদের কাছে আমি তোমাকে পাঠাচ্ছি তারা একগুঁয়ে ও জেনি। তাদের বলবে, ‘সার্বভৌম সদাপ্রভু এই কথা বলেন।’ 5 আর তারা শুনুক বা না শুনুক—কারণ তারা বিদ্রোহীকুল—তারা জানতে পারবে যে একজন ভাববাদী তাদের মধ্যে আছেন। 6 আর তুমি, মানবসন্তান, তুমি তাদের ও তাদের কথায় ভয় পেয়ো না। যদিও তারা শিয়ালকাঁটা ও কাঁটাবোপের মতো তোমার চারপাশে থাকবে এবং তুমি কাঁকড়াবিছের মধ্যে বাস করবে। তাদের কথা শুনে বা তাদের দেখে ভয় পেয়ো না, যদিও তারা বিদ্রোহীকুল। 7 তুমি তাদের কাছে আমার কথা বলবে, তারা শুনুক বা না শুনুক, কারণ তারা বিদ্রোহী। 8 কিন্তু তুমি, মানবসন্তান, আমি যা বলছি তা শোনো। সেই বিদ্রোহীকুলের মতন বিদ্রোহী হোয়ো না; তোমার মুখ খোলো আর আমি যা তোমাকে দিচ্ছি তা খাও।” 9 তখন আমি তাকিয়ে দেখলাম আমার দিকে একটি হাত বাড়ানো রয়েছে। তাতে রয়েছে একটি গুটিয়ে রাখা বই, 10 যেটি তিনি আমার সামনে খুলে ধরলেন। তার দুদিকেই লেখা ছিল বিলাপ, শোক ও দুঃখের কথা।

**3** আর তিনি আমাকে বললেন, “হে মানবসন্তান, তোমার সামনে যা রয়েছে তা খাও, এই গুটানো বইটি খাও; তারপর ইস্রায়েল কুলের

কাছে গিয়ে কথা বলো।” 2 তখন আমি মুখ খুললাম, আর তিনি  
আমাকে সেই গুটানো বইটি খেতে দিলেন। 3 তারপর তিনি আমাকে  
বললেন, “হে মানবসন্তান, আমি তোমাকে যে গুটানো বই দিচ্ছি তা  
খেয়ে তোমার পেট ভর।” কাজেই আমি তা খেলাম, আর তা আমার  
মুখে মধুর মতো মিষ্টি লাগল। 4 তিনি তারপর আমাকে বললেন,  
“হে মানবসন্তান, তুমি এখন ইস্রায়েলীদের কাছে যাও আর আমার  
বাক্য তাদের বলো। 5 তোমাকে তো এমন লোকদের কাছে পাঠানো  
হচ্ছে না যাদের ভাষা তোমার অজানা ও কঠিন, কিন্তু পাঠানো হচ্ছে  
ইস্রায়েল কুলের কাছে 6 যাদের কথা তুমি বোরো না সেইরকম অজানা  
ও কঠিন ভাষা বলা অনেক জাতির কাছে তোমাকে পাঠানো হচ্ছে  
না। যদি তাদের কাছে আমি তোমাকে পাঠাতাম তাহলে নিশ্চয় তারা  
তোমার কথা শুনত। 7 কিন্তু ইস্রায়েলীরা তোমার কথা শুনতে চাইবে  
না, যেহেতু তারা আমার কথা শুনতে চায় না, কারণ ইস্রায়েল কুল  
কঠিন-মনা ও একগুঁয়ে। 8 কিন্তু আমি তোমাকে তাদেরই মতো জেদি  
ও একগুঁয়ে করব। 9 আমি তোমার কপাল সব থেকে চকমকি পাথরের  
চেয়েও শক্ত, হিরের থেকেও শক্ত করব। যদিও তারা এক বিদ্রোহী  
জাতি তবুও তুমি তাদের ভয় পেয়ো না বা তাদের দেখে আতঙ্কগ্রস্ত  
হোয়ো না।” 10 তিনি আমাকে আরও বললেন, “হে মানবসন্তান,  
আমি তোমাকে যে সকল কথা বলব তা তুমি মন দিয়ে শোনো ও  
অন্তরে গ্রহণ করো। 11 এখন তুমি বন্দিদশায় থাকা তোমার দেশের  
লোকদের কাছে গিয়ে কথা বলো। তারা শুনুক বা না শুনুক, তাদের  
বলো, ‘সার্বভৌম সদাপ্রভু এই কথা বলেন।’” 12 তারপর ঈশ্বরের  
আত্মা আমাকে তুলে নিলেন, আর আমার পিছনে আমি মহা-গজরানির  
শব্দ শুনতে পেলাম যখন আমি যেখানে দাঁড়িয়েছিলাম সেখান থেকে  
সদাপ্রভুর মহিমা উঠল। 13 সেই জীবন্ত প্রাণীদের ডানা একে অন্যের  
সঙ্গে ঘসার শব্দ ও তাদের পাশের চাকার শব্দ, এক গজরানির শব্দ।  
14 তারপর ঈশ্বরের আত্মা আমাকে তুলে নিয়ে গেলে আমি মনে দৃঃখ  
ও আমার আত্মায় রাগ নিয়ে গেলাম, আর সদাপ্রভুর শক্তিশালী হাত  
আমার উপর ছিল। 15 যে বন্দিরা কবার নদীর কাছে তেল-আবীরে

ছিল তাদের কাছে গেলাম। আর সেখানে, যেখানে তারা বাস করছিল,  
আমি তাদের মধ্যে—বিহুল হয়ে—সাত দিন বসে থাকলাম। 16 সাত  
দিন কেটে গেলে পর সদাপ্রভুর এই বাক্য আমার কাছে উপস্থিত হল  
17 “হে মানবসন্তান, ইস্রায়েল কুলের জন্য আমি তোমাকে পাহারাদার  
নিযুক্ত করেছি; সুতরাং আমি যা বলছি তা শোনো এবং আমার হয়ে  
তাদের সতর্ক করো। 18 আমি যখন একজন দুষ্ট লোককে বলি,  
'তুমি নিশ্চয় মরবে,' তখন তুমি যদি তাকে সাবধান না করো, কিংবা  
তার প্রাণ বাঁচাতে মন্দ পথ থেকে ফিরবার জন্য কিছু না বলো, তবে  
সেই দুষ্টলোক তার পাপের জন্য মরবে, কিন্তু তার রক্তের জন্য আমি  
তোমাকে দায়ী করব। 19 কিন্তু সেই দুষ্ট লোককে তুমি সাবধান করার  
পরেও যদি সে তার দুষ্টতা থেকে কিংবা তার মন্দ পথ থেকে না ফেরে,  
তবে তার পাপের জন্য সে মরবে, কিন্তু তুমি নিজে রক্ষা পাবে। 20  
“আবার, যখন কোনও ধার্মিক লোক তার ধার্মিকতা থেকে ফিরে মন্দ  
কাজ করে, আর আমি তার সামনে বিঘ্ন রাখি, তবে সে মরবে। যেহেতু  
তুমি তাকে সাবধান করোনি বলে সে তার পাপের জন্য মরবে। তার  
ধর্মের কাজ মনে রাখা হবে না, এবং তার রক্তের জন্য আমি তোমাকে  
দায়ী করব। 21 কিন্তু তুমি যদি কোনও ধার্মিক ব্যক্তিকে পাপ না  
করার জন্য সতর্ক করো এবং তারা পাপ না করে, তারা নিশ্চয় বাঁচবে  
কেননা তারা সাবধানবাণী গ্রহণ করেছে, এবং তুমি নিজেকে বাঁচাবে।”  
22 সেখানে সদাপ্রভুর হাত আমার উপর ছিল, আর তিনি আমাকে  
বললেন, “তুমি উঠে সমতলভূমিতে যাও, সেখানে আমি তোমার  
সঙ্গে কথা বলব।” 23 কাজেই আমি উঠে সমতলভূমিতে গেলাম।  
কবার নদীর ধারে সদাপ্রভুর যে মহিমা দেখেছিলাম সেইরকম মহিমাই  
সেখানে দেখলাম, আর আমি উবুড় হয়ে পড়লাম। 24 তখন ঈশ্বরের  
আত্মা আমার মধ্যে প্রবেশ করে আমায় দাঢ় করালেন। তিনি আমাকে  
বললেন, “তুমি তোমার ঘরে গিয়ে দরজা বন্ধ করে ভিতরে থাকো। 25  
আর হে মানবসন্তান, তারা তোমাকে দড়ি দিয়ে বাঁধবে; তাতে তুমি  
বাইরে লোকজনের মধ্যে যেতে পারবে না। 26 তুমি যাতে চুপ করে  
থাকো ও তাদের বকাবকি করতে না পার সেইজন্য আমি তোমার জিভ

মুখের তালুতে আটকে দেব, যদিও তারা বিদ্রোহীকুল। 27 কিন্তু যখন  
আমি তোমার সঙ্গে কথা বলব, আমি তোমার মুখ খুলে দেব এবং তুমি  
তাদের বলবে, ‘সার্বভৌম সদাপ্রভু এই কথা বলেন।’ যে শোনে সে  
শুনুক, আর যে না শোনে সে না শুনুক; কেননা তারা বিদ্রোহীকুল।

4 “এখন, হে মানবসন্তান, একটি মাটির ফলক নাও, সেটি তোমার  
সামনে রাখো এবং তার উপর জেরুশালেম নগরের ছবি আঁকো। 2  
আর সেটি সৈন্য দিয়ে ঘিরে ফেলো; তার বিরুদ্ধে একটি উঁচু ঢিবি  
বানাও, তার বিরুদ্ধে শিবির তৈরি করো এবং দেয়ালের চারপাশে  
দেয়াল ভাঙার যন্ত্র বসাও। 3 একটি লোহার তাওয়া নিয়ে সেটি তোমার  
এবং নগরের মাঝখানে লোহার দেওয়ালের মতো রাখো এবং তোমার  
মুখ সেই দিকে ফিরিয়ে রাখো। তাতে নগর অবরুদ্ধ হবে, ও তুমি তা  
অবরোধ করবে। এটি ইস্রায়েল কুলের কাছে চিহ্ন হবে। 4 “তারপর  
তুমি বাঁ পাশ ফিরে শোবে এবং ইস্রায়েলের পাপের শাস্তি তোমার  
নিজের উপরে নেবে। যে কয়দিন তুমি পাশ ফিরে শুয়ে থাকবে সেই  
কয়দিন তাদের শাস্তি তুমি বহন করবে। 5 তাদের শাস্তি পাবার বছরের  
সংখ্যা হিসেব করে ততদিন আমি তোমাকে তা বহন করতে দিলাম।  
কাজেই 390 দিন ইস্রায়েল কুলের শাস্তি তুমি বহন করবে। 6 “এটি  
শেষ হলে, তুমি আবার শোবে, এবারে ডান পাশ ফিরে শোবে এবং  
যিহৃদা কুলের শাস্তি বহন করবে। আমি তোমার জন্য 40 দিন নির্ধারণ  
করলাম, প্রত্যেক বছরের জন্য একদিন। 7 তোমার মুখ জেরুশালেমের  
অবরোধের দিকে রাখবে আঢাকা হাতে তার বিরুদ্ধে ভাববাণী বলবে।  
8 আমি তোমাকে দড়ি দিয়ে বাঁধব যেন তোমার অবরোধের দিন  
শেষ না হওয়া পর্যন্ত তুমি এক পাশ থেকে অন্য পাশে ফিরতে না  
পারো। 9 “তুমি গম ও যব, শিম ও মশুর ডাল, বাজরা ও জনরা  
নিয়ে একটি পাত্রে রাখবে এবং সেগুলি দিয়ে তোমার জন্য রঞ্চি তৈরি  
করবে। যে 390 দিন তুমি পাশ ফিরে থাকবে তখন তা থাবে। 10  
কুড়ি শেকল খাবার প্রত্যেক দিনের জন্য ওজন করবে এবং নির্ধারিত  
সময় তা থাবে। 11 এছাড়াও এক হিনের ছয় ভাগের এক ভাগ জল  
পরিমাপ করবে এবং নির্ধারিত সময় তা থাবে। 12 যবের পিঠের মতো

করে সেই খাবার খাবে; লোকদের চোখের সামনে তা তৈরি করবে এবং মানুষের বিষ্ঠা জ্বালানি হিসেবে ব্যবহার করবে।” 13 সদাপ্রভু বললেন, “এরকম করে ইস্রায়েলীরা সেইসব জাতির মধ্যে অঙ্গটি খাবার খাবে যেখানে আমি তাদের তাড়িয়ে দেব।” 14 আমি তখন বললাম, “হে সার্বভৌম সদাপ্রভু, এমন না হোক! আমি কখনও অঙ্গটি হইনি। ছেলেবেলা থেকে এই পর্যন্ত আমি মরা বা বুনো পশুর মেরে ফেলা কোনও কিছু খাইনি। কোনও অঙ্গটি মাংস আমার মুখে কখনও ঢোকেনি।” 15 তিনি বললেন, “খুব ভালো, আমি তোমাকে মানুষের বিষ্ঠার পরিবর্তে গোবরের ঘুঁটে পুড়িয়ে তোমার রঞ্চি সেঁকবার অনুমতি দিলাম।” 16 তারপর তিনি আমাকে বললেন, “হে মানবসন্তান, আমি জেরুশালেমে খাবারের যোগান বন্ধ করে দেব। লোকেরা দুশ্চিন্তা নিয়ে মেপে খাবার খাবে এবং হতাশা নিয়ে মেপে জল খাবে, 17 কারণ খাবার ও জলের অভাব হবে। তারা একে অন্যকে দেখে হতভস্ত হবে এবং তাদের পাপের জন্য তারা ক্ষয় হয়ে যেতে থাকবে।”

**৫** “এখন, হে মানবসন্তান, তোমার চুল ও দাঢ়ি কামাবার জন্য তুমি একটি ধারালো তরবার নিয়ে তা নাপিতের ক্ষুরের মতো ব্যবহার করবে। তারপর দাঢ়িপাল্লা নিয়ে চুলগুলি ভাগ করবে। 2 যখন অবরোধ দিন শেষ হবে তখন সেই চুলের তিন ভাগের এক ভাগ নিয়ে নগরের মধ্যে পুড়িয়ে দেবে। তিন ভাগের এক ভাগ চুল তরোয়াল দিয়ে নগরের চারিদিকে তা কুচি কুচি করে কাটবে। আর তিন ভাগের এক ভাগ চুল নিয়ে বাতাসে উড়িয়ে দেবে। কারণ আমি তাদের খোলা তরোয়াল নিয়ে তাড়া করব। 3 তবে কিছু চুল রেখে দিয়ে তা তোমার পোশাকের ভাঁজে গুঁজে রাখবে। 4 পরে আরও কিছু চুল নিয়ে আগুনে ফেলে পুড়িয়ে দেবে। সেখান থেকে আগুন সমস্ত ইস্রায়েল কুলের মধ্যে ছাড়িয়ে যাবে। 5 “অতএব সার্বভৌম সদাপ্রভু এই কথা বলেন, এই হল জেরুশালেম, যাকে আমি জাতিদের মাঝে স্থাপন করেছি, এবং বিভিন্ন দেশ তার চারিদিকে রয়েছে। 6 কিন্তু সে তার মন্দতার জন্য আমার আইনকানুন ও নিয়মের বিরুদ্ধে তার চারপাশের বিভিন্ন জাতি ও দেশের চেয়েও বেশি বিদ্রোহ করেছে। সে আমার আইনকানুন অগ্রাহ্য

করেছে এবং আমার নিয়ম মেনে চলোনি। 7 “অতএব সার্বভৌম  
সদাপ্রভু এই কথা বলেন, তোমার চারপাশের জাতিদের চেয়ে তুমি  
আরও বেশি অবাধ্য হয়েছ। তুমি আমার নিয়ম মেনে চলোনি ও  
আমার আইনকানুন পালন করোনি। এমনকি, তোমার চারপাশের  
জাতিদের শাসন অনুসারে চলোনি। 8 “এই জন্য সার্বভৌম সদাপ্রভু  
এই কথা বলেন, জেরুশালেম, আমি নিজেই তোমার বিরুদ্ধে, আর  
আমি জাতিদের চোখের সামনেই তোমাকে শান্তি দেব। 9 তোমার সব  
ঘৃণিত প্রতিমাণগুলির জন্য আমি তোমার প্রতি যা করব তা আমি আগে  
কখনও করিনি এবং কখনও আবার করব না। 10 এই জন্য তোমার  
মধ্যে মা-বাবারা সন্তানদের মাংস খাবে আর সন্তানেরা মা-বাবার মাংস  
খাবে। আমি তোমাকে শান্তি দেব এবং তোমার বেঁচে থাকা লোকদের  
চারিদিকে বাতাসে উড়িয়ে দেব। 11 অতএব, সার্বভৌম সদাপ্রভু  
বলেন, আমার জীবনের দিব্য দিয়ে বলছি, তোমার সব ঘৃণ্য মৃত্তি ও  
ঘৃণিত কাজকর্মের দ্বারা তুমি আমার উপাসনার স্থান অঙ্গটি করেছ বলে  
আমি নিজেই তোমাদের ধ্বংস করব; আমি তোমার উপর মমতা করে  
তাকাব না কিংবা তোমাকে রেহাই দেব না। 12 তোমার এক-তৃতীয়াংশ  
লোক হয় মহামারিতে নয়তো দুর্ভিক্ষে মরবে; এক-তৃতীয়াংশকে আমি বাতাসে  
বাহিরে তরোয়ালে মারা পড়বে; এবং এক-তৃতীয়াংশকে আমি বাতাসে  
চারিদিকে ছড়িয়ে দেব ও খোলা তরোয়াল নিয়ে তাদের তাড়া করব।  
13 “এসব করবার পর তাদের উপর আমার ভীষণ ক্রোধ প্রশামিত  
হবে, আর আমি সন্তুষ্ট হব। তাদের উপর আমার ভীষণ ক্রোধ চেলে  
দেবার পর তারা জানতে পারবে যে, আমার অন্তরের জ্বালায় আমি  
সদাপ্রভু এই কথা বলেছি। 14 “তোমার চারপাশের জাতিদের মধ্যে  
যারা তোমার পাশ দিয়ে যায় আমি তাদের চোখের সামনে তোমাকে  
একটি ধ্বংসস্থান ও ঠাট্টা-বিদ্রূপের পাত্র করব। 15 আমি যখন ভীষণ  
অসন্তোষ, ক্রোধ ও ভীষণ বকুনি দ্বারা তোমাকে শান্তি দেব তখন  
তোমার চারপাশের জাতিদের কাছে ভয়ের বস্ত হবে; তুমি তাদের  
কাছে ঠাট্টা-বিদ্রূপের পাত্র এবং সাবধানবাণীর মতো। আমি সদাপ্রভু  
এই কথা বললাম। 16 আমি যখন তোমার প্রতি মারাত্মক ও ধ্বংসাত্মক

দুর্ভিক্ষের তির ছুঁড়ব, আমি ছুঁড়ব তোমাকে ধ্বংস করার জন্য। আমি  
তোমার প্রতি আরও দুর্ভিক্ষ আনব এবং তোমার খাবারের যোগান বন্ধ  
করে দেব। 17 আমি তোমার বিরুদ্ধে দুর্ভিক্ষ ও হিংস্র পশু পাঠিয়ে  
দেব, তারা তোমাকে নিঃসন্তান করবে। মহামারি ও রক্তপাত তোমার  
মধ্যে দিয়ে যাবে, আর আমি তোমার বিরুদ্ধে তরোয়াল নিয়ে আসব।  
আমি সদাপ্রভু এই কথা বললাম।”

6 সদাপ্রভুর এই বাক্য আমার কাছে উপস্থিত হল, 2 “হে মানবসন্তান,  
তুমি ইস্রায়েলের পর্বতের দিকে মুখ করে তাদের বিরুদ্ধে ভবিষ্যদ্বাণী  
করো 3 এবং বলো: ‘হে ইস্রায়েলের পর্বত, সার্বভৌম সদাপ্রভুর বাক্য  
শোনো। পাহাড় ও পর্বত, খাদ ও উপত্যকার প্রতি সার্বভৌম সদাপ্রভু  
এই কথা বলেন, আমি তোমার বিরুদ্ধে তরোয়াল নিয়ে আসব এবং  
তোমাদের উচ্চ স্থানগুলি ধ্বংস করে দেব। 4 তোমাদের বেদি সব  
ধ্বংস করা হবে এবং তোমাদের ধূপবেদিগুলি ভেঙে ফেলা হবে; আর  
তোমাদের প্রতিমাগুলির সামনে তোমাদের লোকদের আমি মেরে  
ফেলব। 5 আমি ইস্রায়েলীদের মৃতদেহগুলি তাদের প্রতিমাদের সামনে  
রাখব এবং তোমাদের বেদির চারপাশে তোমাদের হাড়গুলি ছড়িয়ে  
দেব। 6 তোমরা যেখানেই বসবাস করো না কেন সেখানকার নগরগুলি  
খালি পড়ে থাকবে এবং পূজার্চনার উঁচু স্থানগুলি ধ্বংস হবে, তার  
ফলে তোমাদের বেদিগুলি জনশূন্য ও বিধ্বস্ত অবস্থায় পড়ে থাকবে,  
তোমাদের প্রতিমাগুলি চুরমার ও ধ্বংস হবে, তোমাদের ধূপবেদিগুলি  
ভেঙে পড়ে যাবে এবং তোমাদের তৈরি সবকিছু নিচিহ্ন হয়ে যাবে। 7  
তোমাদের মধ্যে তোমাদের লোকেরা মরে পড়ে থাকবে, আর তোমরা  
জানবে যে আমিই সদাপ্রভু। 8 “কিন্তু আমি কিছু লোককে বাঁচিয়ে  
রাখব, তোমাদের কিছু যখন বিভিন্ন দেশে ও জাতির মধ্যে ছড়িয়ে  
পড়বে তখন সেই লোকেরা তরোয়াল থেকে মৃত্যুর হাত এড়াতে  
পারবে। 9 আর যে সকল জাতির মধ্যে তাদের বন্দি করে নিয়ে  
যাওয়া হবে, যারা রক্ষা পাবে তারা আমায় মনে রাখবে—তাদের  
ব্যভিচারী হৃদয় আমাকে কেমন দুঃখ দিয়েছে, যার কারণে আমাকে  
ত্যাগ করেছে, এবং তাদের চোখ, যা তাদের প্রতিমাদের প্রতি কামনা

করেছ। তাদের সব মন্দ ও জঘন্য কাজের জন্য তারা নিজেরাই নিজেদের ঘৃণা করবে। 10 আর তারা জানতে পারবে যে আমিই সদাপ্রভু; তাদের উপর এই বিপদ আনতে আমি অনর্থক বলিনি।

11 “সার্বভৌম সদাপ্রভু এই কথা বলেন, তুমি করাঘাত ও মাটিতে পদাঘাত করো আর চেঁচিয়ে বলো “হায়!” কারণ ইন্দ্রায়েল কুল তাদের মন্দ ও জঘন্য কাজের জন্য যুদ্ধে, দুর্ভিক্ষে ও মহামারিতে মারা পড়বে।

12 যে দূরে আছে সে মহামারিতে মরবে, এবং যে কাছে আছে সে যুদ্ধে মারা পড়বে, আর যে বেঁচে যাবে সে দুর্ভিক্ষে মরবে। এইভাবে আমার ক্রোধ আমি তাদের উপর সম্পূর্ণভাবে ঢেলে দেব। 13 আর তারা জানতে পারবে যে আমিই সদাপ্রভু, তাদের লোকেরা যখন বেদির চারপাশে প্রতিমাগুলির মধ্যে, সমস্ত বড়ো বড়ো পাহাড়ের উপরে, ডালপালা ছড়ানো প্রত্যেকটি গাছের নিচে এবং পাতাভরা এলা গাছের তলায়—যেখানে তারা তাদের প্রতিমাগুলি উদ্দেশ্যে ধূপ জ্বালাত সেইসব জায়গায় তারা মরে পড়ে থাকবে। 14 আর আমি তাদের বিরঞ্জে আমার হাত বাড়াব এবং মরহেলাকা থেকে দিব্লা পর্যন্ত জনশূন্য ও ধৰ্মসঙ্খান করব—তারা যেখানেই থাকুক। তখন তারা জানবে যে আমিই সদাপ্রভু।”

7 সদাপ্রভুর এই বাক্য আমার কাছে উপস্থিত হল, 2 “হে মানবসন্তান, ইন্দ্রায়েল দেশের প্রতি সার্বভৌম সদাপ্রভু এই কথা বলেন, “শেষ সময়! দেশের চার কোনায় শেষ সময় উপস্থিত হয়েছে! 3 এখন সেই সময় তোমার উপর এসে পড়েছে এবং তোমার বিরঞ্জে আমি আমার ক্রোধ ঢেলে দেব। তোমার আচরণ অনুসারে আমি তোমার বিচার করব এবং তোমার সমস্ত জঘন্য কাজের জন্য তোমাকে শাস্তি দেব। 4 আমি তোমার প্রতি করণা দেখাব না; ক্ষমা করব না। আমি নিশ্চয়ই তোমার আচরণ ও তোমার মধ্যেকার জঘন্য কাজের জন্য তোমাকে শাস্তি দেব। “তখন তুমি জানবে যে আমিই সদাপ্রভু।’ 5 “সার্বভৌম সদাপ্রভু এই কথা বলেন: “বিপর্যয়! যে বিপর্যয়ের কথা শোনা যায়নি! দেখো, তা আসছে! 6 শেষ সময় এসে পড়েছে! শেষ সময় এসে পড়েছে! তোমাদের বিরঞ্জে তা জেগে উঠেছে। দেখো, তা আসছে! 7 তোমাদের

উপর সর্বনাশ এসে পড়েছে, তোমরা যারা এই দেশে বসবাস করো।  
সময় উপস্থিতি! সেদিন কাছে এসেছে! পর্বতের উপরে আনন্দ নেই,  
আছে আতঙ্ক। ৪ আমি তোমার উপর আমার ক্ষেত্র ঢালতে যাচ্ছি ও  
আমার রাগ তোমার উপর ব্যয় করব; তোমার আচরণ অনুসারে আমি  
তোমার বিচার করব এবং তোমার সমস্ত জগন্য কাজের জন্য তোমাকে  
শাস্তি দেব। ৫ আমি তোমার প্রতি করণা দেখাব না; আমি ক্ষমা করব  
না। আমি তোমার আচরণ ও তোমার মধ্যেকার জগন্য কাজের পাওনা  
তোমাকে দেব। “তখন তুমি জানবে যে আমি সদাপ্রভুই তোমাকে  
আঘাত করি। ১০ “দেখো, দিন এসেছে! তা এসে পড়েছে! সর্বনাশ  
ফেটে বেরিয়েছে, লাঠিতে কুঁড়ি ধরেছে, অহংকারের ফুল ফুটেছে!  
১১ হিংস্রতা উঠে এসেছে অন্যায়কারীদের লাঠি দ্বারা শাস্তি দেওয়া  
হবে; কোনও মানুষ বাদ যাবে না, কোনও জনসাধারণও না, তাদের  
কেনও ধনসম্পদ, মূল্যবান কিছুই না। ১২ সময় হয়েছে! সেদিন এসে  
গেছে! ক্রেতা আনন্দ না করুক বা বিক্রেতা শোক না করুক, কারণ  
আমার ক্ষেত্র সমস্ত জনসাধারণের উপরে। ১৩ বিক্রেতা ফেরত পাবে  
না যে জমি বিক্রি হয়েছে, যতক্ষণ বিক্রেতা ও ক্রেতা উভয়েই বেঁচে  
থাকে। কারণ সমস্ত লোকের জন্য এই দর্শনে পরিবর্তন হবে না। ১৪  
তাদের পাপের জন্য একজনও তার জীবন রক্ষা করতে পারবে না। ১৫  
“যদিও তারা তূরী বাজিয়ে সবকিছু প্রস্তুত করেছে, কিন্তু কেউ যুদ্ধে  
যাবে না, কারণ সমস্ত জনসাধারণের উপরে আমার ক্ষেত্র আছে। ১৬  
বাইরে তরোয়াল; ভিতরে দুর্ভিক্ষ ও মহামারি, যারা দেশের ভিতরে  
থাকবে তারা তরোয়াল দ্বারা মারা পড়বে, যারা নগরের ভিতরে থাকবে  
তাদের দুর্ভিক্ষ ও মহামারি থাস করবে। ১৭ যারা পালাতে পারবে,  
প্রত্যেকে নিজেদের পাপের জন্য। ১৮ প্রত্যেকের হাত অবশ হয়ে যাবে;  
প্রত্যেকের হাঁটু জলের মতো দুর্বল হয়ে পড়বে। ১৯ তারা চট পরবে ও  
ভীষণ ভয়ে কাঁপবে। লজ্জায় তাদের প্রত্যেকের মুখ ঢাকা পড়বে ও  
তাদের প্রত্যেকের মাথা কামানো হবে। ২০ “তারা রাস্তায় তাদের  
রংপো ফেলে দেবে এবং তাদের সোনা অশুচি জিনিস হবে। সদাপ্রভুর

ক্রোধের দিন তাদের রংপো ও সোনা তাদের রক্ষা করতে পারবে না।  
তা দিয়ে তাদের খিদে মিটবে না বা পেট ভরবে না, কারণ সেগুলিই  
তাদের পাপের মধ্যে ফেলেছে। 20 তাদের সুন্দর গহনার জন্য তারা  
গর্বোধ করত এবং সেগুলি ব্যবহার করে ঘৃণ্য প্রতিমা। তারা সেগুলি  
দিয়ে জয়ন্য মূর্তি তৈরি করত; সুতরাং আমি তাদের জন্য সেগুলি  
অশুচি করে দেব। 21 আমি তাদের সম্পদ লুট হিসেবে বিদেশিদের  
হাতে দেব এবং লুটের জিনিস হিসেবে পৃথিবীর দুষ্ট লোকদের হাতে  
তুলে দেব, তারা সেগুলি অপবিত্র করবে। 22 আমি তাদের থেকে  
মুখ ঘুরিয়ে নেব, এবং যে স্থান আমি ধন বলে মনে করি চোরেরা তা  
অপবিত্র করবে, তারা সেখানে চুকবে এবং তা অপবিত্র করবে। 23  
“শিকল প্রস্তুত করো! কেননা দেশ রক্তপাতে পূর্ণ এবং নগর হিংস্তায়  
পরিপূর্ণ। 24 তাদের ঘরবাড়ি দখল করার জন্য আমি জাতিদের মধ্যে  
সবচেয়ে দুষ্ট জাতিকে নিয়ে আসব; আমি শক্তিশালীদের অহংকার  
ভেঙে দেব, আর তাদের পবিত্র জায়গাগুলি অপবিত্র হবে। 25 সন্ত্রাস  
আসলে, তারা বৃথা শাস্তির খোঁজ করবে। 26 বিপদের উপর বিপদ  
আসবে, এবং গুজবের উপর গুজব। তারা ভাববাদীর কাছ থেকে দর্শন  
পাবার জন্য যাবে; প্রাচীন লোকদের উপদেশের মতন যাজকদের  
বিধান সম্বন্ধে শিক্ষা হারিয়ে যাবে। 27 রাজা বিলাপ করবে, রাজকুমার  
হতাশাগ্রস্ত হবে, আর দেশের লোকদের হাত কাঁপবে। আমি তাদের  
আচরণ অনুযায়ী তাদের সঙ্গে ব্যবহার করব, আর তাদের মানদণ্ড  
অনুযায়ী আমি তাদের বিচার করব। “তখন তারা জানবে যে আমিই  
সদাপ্রভু।”

**৮** ষষ্ঠ বছরের ষষ্ঠ মাসের পঞ্চম দিনে, আমি যখন আমার বাড়িতে  
বসেছিলাম আর যিহুদার বৃন্দ নেতারা আমার সামনে বসেছিলেন তখন  
সেখানে সার্বভৌম সদাপ্রভুর হাত আমার উপরে আসল। 2 আমি  
তাকিয়ে মানুষের মতো একজনকে দেখতে পেলাম। তাঁর কোমর  
থেকে নিচ পর্যন্ত আগুনের মতো লাগছিল, আর কোমর থেকে উপর  
পর্যন্ত চকচকে ধাতুর মতো উজ্জ্বল ছিল। 3 তিনি হাতের মতো কিছু  
বাড়ালেন ও আমার মাথার চুল ধরলেন। তখন সৈশ্বরের আত্মা আমাকে

পৃথিবী ও স্বর্গের মাঝে নিয়ে গেলেন এবং ঈশ্বরীয় দর্শনে আমাকে  
জেরহশালেমের ভিতরের প্রাঙ্গণের উত্তর দিকের দরজার ভিতরে চুকবার  
পথে নিয়ে গেলেন যেখানে সেই প্রতিমা ছিল যে ঈর্ষায় প্ররোচনা  
দিত। 4 আর সেখানে আমার সামনে ছিল ইস্রায়েলের ঈশ্বরের মহিমা,  
যা আমি সমভূমিতে দর্শনের মধ্যে দেখেছিলাম। 5 তারপর তিনি  
আমাকে বললেন, “হে মানবসন্তান, উত্তর দিকে তাকাও।” সুতরাং  
আমি তাকালাম, আর ঈর্ষায় প্রতিমাকে বেদির দরজার উত্তরের ভিতরে  
চুকবার জায়গায় দেখলাম। 6 আর তিনি আমাকে বললেন, “হে  
মানবসন্তান, তারা কি করছে তা কি তুমি দেখতে পাচ্ছ—ইস্রায়েল  
কুল এখানে কি ভীষণ ঘৃণ্য কাজ করছে, যার ফলে আমাকে আমার  
উপাসনার জায়গা থেকে দূরে সরিয়ে দেবে? কিন্তু এর পরেও তুমি  
আরও ঘৃণ্য কাজ দেখতে পাবে।” 7 তারপর তিনি আমাকে প্রাঙ্গণের  
চুকবার পথে নিয়ে গেলেন। আমি তাকিয়ে দেয়ালে একটি গর্ত দেখতে  
পেলাম। 8 তিনি আমাকে বললেন, “হে মানবসন্তান, দেয়ালের ওই  
গর্তটি আরও বড়ো করো।” সেইজন্য আমি গর্তটি আরও বড়ো করলাম  
আর সেখানে একটি দরজা দেখতে পেলাম। 9 আর তিনি আমাকে  
বললেন, “ভিতরে যাও এবং দেখো তারা এখানে কি মন্দ ও ঘৃণ্য কাজ  
করছে।” 10 সুতরাং আমি ভিতরে গিয়ে তাকালাম, আর দেয়ালের  
সমস্ত জায়গায় সব রকম বুকে হাঁটা প্রাণী ও ঘৃণ্য জীবজন্ম এবং  
ইস্রায়েল কুলের সমস্ত প্রতিমা। 11 তাদের সামনে ইস্রায়েল কুলের  
সন্তরজন প্রাচীন লোক দাঢ়িয়ে রয়েছে এবং তাদের মধ্যে দাঢ়িয়ে  
আছে শাফনের ছেলে যাসনিয়। তাদের প্রত্যেকের হাতে একটি করে  
ধূনুটি ছিল এবং তা থেকে ধূপের ধূমমেঘ উপরদিকে উঠেছিল। 12  
তিনি আমাকে বললেন, “হে মানবসন্তান, তুমি কি দেখেছ ইস্রায়েল  
কুলের প্রাচীন লোকেরা অন্ধকারে নিজের নিজের ঘরে প্রতিমার সামনে  
কি করছে? তারা বলছে, ‘সদাপ্রভু আমাদের দেখেন না; সদাপ্রভু  
আমাদের দেশ ত্যাগ করেছেন।’” 13 তিনি আবার বললেন, “এর  
চেয়েও বেশি ঘৃণ্য কাজ তুমি তাদের করতে দেখবে।” 14 তারপর  
তিনি আমাকে সদাপ্রভুর গৃহের উত্তর দিকের দরজার চুকবার পথে

আনলেন, আর আমি দেখলাম স্তীলোকেরা সেখানে বসে তমুষ দেবতার জন্য কাঁদছে। 15 তিনি আমাকে বললেন, “হে মানবসন্তান, তুমি কি দেখলে? এর চেয়েও বেশি ঘৃণ্য কাজ তুমি দেখতে পাবে।” 16 তারপর তিনি আমাকে সদাপ্রভুর গৃহের ভিতরের প্রাঙ্গণে নিয়ে গেলেন, আর মন্দিরের চুকবার পথে, বারান্দা ও বেদির মাঝখানে প্রায় পঁচিশজন লোক ছিল। সদাপ্রভুর মন্দিরের দিকে পিছন ফিরে পূর্বদিকে মুখ করে তারা সূর্যের কাছে প্রণাম করছিল। 17 তিনি আমাকে বললেন, “হে মানবসন্তান, তুমি এটি দেখলে? যিহুদার লোকেরা যে ঘৃণ্য কাজ এখানে করছে তা করা তাদের পক্ষে কি সামান্য ব্যাপার? সারা দেশ হিংস্রতায় পরিপূর্ণ করা এবং অবিরত আমার অসন্তোষ বাড়িয়ে তোলা তাদের কি উচিত? দেখো, তারা নিজেদের নাকের কাছে গাছের শাখা ধরছে! 18 অতএব তাদের প্রতি আমার আচরণ হবে রাগের; আমি তাদের প্রতি করল্লা দেখাব না অথবা ক্ষমা করব না। যদিও তারা আমার কানের কাছে চেঁচায়, আমি তাদের কথা শুনব না।”

9 তারপর উঁচু স্বরে তাঁকে বলতে শুনলাম, “নগরের বিচার করার জন্য যারা নিযুক্ত তাদের কাছে নিয়ে এসো, প্রত্যেকে হাতে অস্ত্র নিয়ে আসুক।” 2 আর আমি ছ-জন লোককে উপরের দরজার দিক দিয়ে আসতে দেখলাম, যেটির মুখ উভয় দিকে ছিল, প্রত্যেকের হাতে মারাত্মক অস্ত্র ছিল। তাদের সঙ্গে ছিলেন মসিনা কাপড় পরা একজন লোক আর তাঁর কোমরের পাশে দাঁড়ালেন। 3 তখন ইস্রায়েলের ঈশ্বরের যে মহিমা করবের উপর ছিল তা সেখান থেকে উঠে উপাসনা গৃহের চৌকাঠের কাছে গেল। সদাপ্রভু মসিনার কাপড় পরা সেই লোকটিকে ডাকলেন, যাঁর কোমরের পাশে লেখালেখির সরঞ্জাম ছিল 4 আর তাঁকে বললেন, “তুমি জেরশালেম নগরের মধ্যে দিয়ে যাও এবং তার মধ্যে যেসব ঘৃণ্য কাজ হচ্ছে সেইজন্য যারা শোক ও বিলাপ করছে তাদের কপালে একটি করে চিহ্ন দাও।” 5 আমি যখন শুনছিলাম, তিনি অন্যদের বললেন, “তোমরা নগরের মধ্যে ওর পিছনে পিছনে যাও এবং কোনও মায়ামতা না দেখিয়ে লোকদের মেরে ফেলতে

থাকো, কাউকে রেহাই দিয়ো না। ৬ বুড়ো, যুবক, যুবতী, স্ত্রীলোকদের ও ছোটো ছেলেমেয়েদের মেরে ফেলো, কিন্তু যাদের চিহ্ন আছে তাদের ছাঁয়ো না। আমার উপাসনা গৃহ থেকে শুরু করো।” তাতে তারা মন্দিরের সামনে প্রাচীন লোকদের দিয়ে শুরু করল। ৭ তারপর তিনি তাদের বললেন, “যাও! মন্দির অশুচি করো এবং নিহত লোকদের দিয়ে প্রাঙ্গণ ভরে ফেলো।” তাতে তারা নগরের মধ্যে গিয়ে লোকদের মেরে ফেলতে লাগলেন। ৮ তারা যখন হত্যা করছিলেন আর আমি একা ছিলাম তখন আমি উপুড় হয়ে পড়ে কাঁদলাম আর বললাম, “হায়, সার্বভৌম সদাপ্রভু! জেরশালেমের উপরে তোমার ক্ষেত্র চেলে দিয়ে তুমি কি ইস্রায়েলের বাকি সবাইকে ধ্বংস করে ফেলবে?” ৯ তিনি উত্তরে আমাকে বললেন, “ইস্রায়েল ও যিহূদা কুলের পাপ অত্যন্ত ভয়ানক; দেশ রক্তপাতে ভরা এবং নগরটি অবিচারে ডুবে গেছে। তারা বলে, ‘সদাপ্রভু দেশ ত্যাগ করেছেন; সদাপ্রভু আমাদের দেখেন না।’ ১০ সেইজন্য আমি তাদের প্রতি করণা দেখাব না অথবা ক্ষমা করব না, কিন্তু তারা যা করেছে তার ফল আমি তাদের উপর চেলে দেব।” ১১ তখন মসিনা কাপড় পরা সেই লোকটি যার কোমরের কাছে লেখালেখির সরঞ্জাম ছিল তিনি এই খবর দিলেন, “আপনি যেমন আদেশ দিয়েছিলেন আমি সেই অনুসারে কাজ করেছি।”

**10** তারপর আমি চেয়ে দেখলাম আর করবদের মাথার উপর দিকে সেই উন্মুক্ত এলাকা ছিল তার উপরে নীলকান্তমণির সিংহাসনের মতো কিছু একটি দেখতে পেলাম। ২ সদাপ্রভু মসিনা কাপড় পরা লোকটিকে বললেন, “করবদের নিচে যে চাকাগুলি আছে তুমি সেগুলির মধ্যে যাও। সেই করবদের মাঝখান থেকে তুমি দু-হাত ভরে জুলন্ত কয়লা নিয়ে নগরের উপর ছড়িয়ে দাও।” আমার চোখের সামনে লোকটি সেখানে চুকলেন। ৩ যখন সেই লোকটি ভিতরে চুকলেন, তখন করবেরা মন্দিরের দক্ষিণ দিকে দাঁড়িয়েছিলেন, এবং ভিতরের প্রাঙ্গণ মেঘে পরিপূর্ণ হয়ে গেল। ৪ সেই সময় সদাপ্রভুর মহিমা করবদের উপর থেকে উঠে মন্দিরের গোবরাটের উপর দাঢ়াল। মন্দির মেঘে পরিপূর্ণ হয়ে গেল, এবং প্রাঙ্গণ সদাপ্রভুর মহিমার ঔজ্জ্বল্যে ভরা

ছিল। 5 করবদের ডানার আওয়াজ বাইরের প্রাঙ্গণ পর্যন্ত শোনা যাচ্ছিল, সেই আওয়াজ সর্বশক্তিমান সুশ্বরের কথা বলার আওয়াজের মতো। 6 সদাপ্রভু যখন মসিনা কাপড় পরা লোকটিকে এই আদেশ দিয়েছিলেন, “তুমি করবদের মাঝখানে চাকার মধ্য থেকে আগুন নাও,” তখন লোকটি ভিতরে গিয়ে একটি চাকার পাশে দাঁড়ালেন। 7 তখন করবদের মধ্যে একজন তাদের মধ্যকার আগুনের দিকে হাত বাঢ়ালেন। তিনি কিছু আগুন নিয়ে সেই মসিনা কাপড় পরা লোকটির হাতে দিলেন, যিনি তা নিয়ে বের হয়ে গেলেন। 8 (করবদের ডানার নিচে মানুষের হাতের মতো কিছু দেখা গেল।) 9 পরে আমি তাকিয়ে করবদের প্রত্যেকের পাশে একটি করে মোট চারটি চাকা দেখতে পেলাম; চাকাগুলি বৈদ্যুর্মণির মতো চকমক করছিল। 10 সেগুলির আকৃতি এইরকম, সেই চারটি চাকা দেখতে একইরকম ছিল; একটি চাকার মধ্যচ্ছেদ করে যেন আর একটি চাকা। 11 চলবার সময় সেই চাকাগুলি চারদিকের যে কোনও দিকে সোজা চলত, অন্য কোনও দিকে ফিরত না। করবদের মাথা যেদিকে থাকত তারা সেদিকেই চলতেন, চলবার সময় ফিরতেন না। 12 তাদের চারটি চাকাতে, গোটা দেহে, পিঠে, হাতে এবং ডানার চারপাশে চোখে ভরা ছিল। 13 আমি শুনলাম চাকাগুলিকে “ঘূরন্ত চাকা” বলে ডাকা হচ্ছে। 14 প্রত্যেকটি করবের চারটি করে মুখ ছিল; প্রথমটি করবের, দ্বিতীয়টি মানুষের, তৃতীয়টি সিংহের, চতুর্থটি উঁগলি পাখির। 15 তখন করবেরা উপরের দিকে উঠলেন। এরাই সেই জীবন্ত প্রাণী যাদের আমি কবার নদীর ধারে দেখতে পেয়েছিলাম। 16 করবেরা চললে তাদের পাশে চাকাগুলি চলত; আর করবেরা মাটি ছেড়ে উঠবার জন্য ডানা মেললে চাকাগুলি তাদের পাশ ছাড়ত না। 17 করবেরা থামলে সেগুলি থামত আর করবেরা উঠলে তাদের সঙ্গে তারা উঠত, কারণ সেই জীবন্ত প্রাণীদের আত্মা সেগুলির মধ্যেই ছিল। 18 তারপর সদাপ্রভুর মহিমা মন্দিরের গোবরাটের উপর থেকে চলে গিয়ে করবদের উপরে থামল। 19 আমি যখন দেখছিলাম, করবেরা তাদের ডানা মেলে মাটি ছেড়ে উপরে উঠতে লাগলেন, আর তারা যখন যাচ্ছিলেন চাকাগুলি ও তাদের সঙ্গে

চলল। তারা সদাপ্রভুর গৃহের পূর্বদিকের দ্বারে চুকবার পথে গিয়ে  
থামল, আর ইস্রায়েলের ঈশ্বরের মহিমা তাদের উপরে ছিল। 20 এই  
জীবন্ত প্রাণীদেরই আমি কবার নদীর ধারে ইস্রায়েলের ঈশ্বরের নিচে  
দেখেছিলাম, আর আমি বুঝতে পারলাম যে তারা ছিলেন করুব। 21  
প্রত্যেকের চারটি করে মুখ ও চারটি করে ডানা ছিল এবং তাদের  
ডানার নিচে মানুষের হাতের মতো দেখতে কিছু ছিল। 22 কবার নদীর  
ধারে আমি যেমন দেখেছিলাম তাদের মুখের চেহারা তেমনই ছিল।  
তারা প্রত্যেকেই সামনের দিকে এগিয়ে যেতেন।

**11** তারপর ঈশ্বরের আত্মা আমাকে তুলে নিয়ে সদাপ্রভুর গৃহের  
পূর্বদিকের দ্বারের কাছে আনলেন। সেখানে দ্বারে চুকবার জায়গায়  
পঁচিশজন পুরুষ ছিল আর তাদের মধ্যে লোকদের নেতা অসূরের  
ছেলে যাসনিয় ও বনায়ের ছেলে প্লটিয়কে দেখলাম। 2 সদাপ্রভু  
আমাকে বললেন, “হে মানবসন্তান, এরাই সেই লোক যারা এই  
নগরের মধ্যে মন্দ পরিকল্পনা এবং খারাপ পরামর্শ দিচ্ছে। 3 তারা  
বলছে, ‘ঘরবাড়ি তৈরি করবার সময় কি হয়নি? এই নগরটি যেন  
রান্নার হাঁড়ি আর আমরা হচ্ছি মাংস।’ 4 অতএব হে মানবসন্তান,  
ভাববাণী বলো; সুতরাং এদের বিরুদ্ধে ভাববাণী বলো।” 5 তারপর  
সদাপ্রভুর আত্মা আমার উপরে আসলেন, আর তিনি আমাকে বলতে  
বললেন, “সদাপ্রভুর এই কথা বলেন, তোমরা এই কথা বলছ, তোমরা  
ইস্রায়েলের নেতারা, কিন্তু আমি জানি তোমাদের মনে কি আছে। 6  
তোমরা এই নগরে অনেক লোককে মেরে ফেলেছ এবং মরা মানুষ  
দিয়ে রাস্তাগুলি ভরেছ। 7 “সেইজন্য সার্বভৌম সদাপ্রভু এই কথা  
বলেন, তোমাদের যে মরা লোকদের তোমরা নগরে ফেলেছ সেগুলিই  
মাংস এবং এই নগরটি হাঁড়ি, কিন্তু সেখান থেকে তোমাদের তাড়িয়ে  
দেব। 8 সার্বভৌম সদাপ্রভু এই কথা বলেন; তোমরা তরোয়ালকে ভয়  
করো, আর আমি তোমাদের বিরুদ্ধে তরোয়ালই আনব। 9 আমি নগর  
থেকে তোমাদের তাড়িয়ে বের করে বিদেশিদের হাতে তুলে দেব এবং  
তোমাদের শাস্তি দেব। 10 তোমরা তরোয়াল দ্বারা মারা পড়বে, আর  
ইস্রায়েলের সীমানায় আমি তোমাদের বিচার করব। তখন তোমরা

জানবে যে, আমিই সদাপ্রভু। 11 এই নগর তোমাদের জন্য হাঁড়ি হবে না, আর তোমরা তার মধ্যেকার মাংস হবে না; ইস্রায়েলের সীমানায় আমি তোমাদের বিচার করব। 12 আর তোমরা জানবে যে, আমিই সদাপ্রভু, কারণ তোমরা আমার নিয়ম ও শাসন পালন করোনি বরং তোমাদের চারপাশের জাতিদের অনুরূপ হয়েছ।” 13 এখন আমি যখন ভাববাণী বলছিলাম, বনায়ের ছেলে প্লটিয় মারা গেল। আমি তখন উবুড় হয়ে পড়ে উঁচু স্বরে কেঁদে কেঁদে বললাম, “হায়, সার্বভৌম সদাপ্রভু! তুমি কি ইস্রায়েলের বাকি লোকদের সবাইকে শেষ করে দেবে?” 14 সদাপ্রভুর এই বাক্য আমার কাছে প্রকাশ পেল, 15 “হে মানবসন্তান, জেরুশালেমের লোকেরা তোমার নির্বাসিত ভাইদের এবং অন্যান্য ইস্রায়েলীদের সমস্কে বলছে, ‘তারা সদাপ্রভু থেকে অনেক দূরে চলে গেছে; এই দেশ তো আমাদের অধিকারের জন্য দেওয়া হয়েছে।’ 16 “সুতরাং বলো ‘সার্বভৌম সদাপ্রভু এই কথা বলেন, যদিও আমি তাদের বিভিন্ন জাতি ও দেশের মধ্যে ছড়িয়ে দিয়েছি, তবুও কিছু সময়ের জন্য সেই সমস্ত দেশে আমি তাদের পরিত্রান হয়েছি।’ 17 “সুতরাং বলো ‘সার্বভৌম সদাপ্রভু এই কথা বলেন আমি যদিও তোমাদের অন্যান্য জাতিগণের মধ্যে ছড়িয়ে দিয়েছি, আমি সেখান থেকে তোমাদের ফিরিয়ে নিয়ে আসব, আর আবার আমি তোমাদের ইস্রায়েল দেশ ফিরিয়ে দেব।’ 18 “তারা সেখানে ফিরে গিয়ে সব জঘন্য মূর্তি ও ঘৃণ্য প্রতিমাগুলি দূর করে দেবে। 19 আমি তাদের একই হৃদয় দেব ও সেখানে এক নতুন আত্মা স্থাপন করব; আমি তাদের মধ্যে থেকে কঠিন হৃদয় সরিয়ে এক মাংসময় হৃদয় দেব। 20 তখন তারা আমার নিয়ম সকল অনুসরণ করবে এবং আমার শাসন পালন করতে যত্নবান হবে। তারা আমার লোক হবে এবং আমি তাদের ঈশ্বর হব। 21 কিন্তু যাদের হৃদয় জঘন্য মূর্তি ও ঘৃণ্য প্রতিমার প্রতি অনুগত, তাদের কাজের ফল আমি তাদেরই মাথায় ঢেলে দেব, এই কথা সার্বভৌম সদাপ্রভু বলেন।” 22 এরপর করবেরা তাদের ডানা মেলে দিলেন, তাদের পাশে সেই চাকাগুলি ছিল, আর ইস্রায়েলের ঈশ্বরের মহিমা তাদের উপরে ছিলেন। 23 সদাপ্রভুর মহিমা নগরের

মধ্য থেকে উঠে তার পূর্বদিকের পাহাড়ের উপরে গিয়ে থামল। 24

ঈশ্বরের আত্মা আমাকে তুলে নিলেন এবং তাঁর দেওয়া দর্শনের মধ্য

দিয়ে আবার ব্যাবিলনে নির্বাসিতদের কাছে নিয়ে গেলেন। তখন যে

দর্শন আমি দেখেছিলাম তা আমার কাছ থেকে উপরে উঠে গেল, 25

আর সদাপ্রভু আমাকে যে সকল বিষয় দেখিয়েছিলেন, সে সমস্তই

আমি নির্বাসিত লোকদের বললাম।

**12** পরে সদাপ্রভুর বাক্য আমার কাছে উপস্থিত হল, 2 “হে

মানবসন্তান, তুমি বিদ্রোহী জাতির মধ্যে বাস করছ। তাদের দেখার

চোখ আছে কিন্তু দেখে না আর শোনার কান আছে কিন্তু শোনে না,

কারণ তারা বিদ্রোহী জাতি। 3 “অতএব, হে মানবসন্তান, তুমি যেন

নির্বাসনে যাচ্ছ সেইভাবে তোমার জিনিসপত্র বেঁধে নাও এবং তাদের

চোখের সামনে দিনের বেলাতেই তুমি যেখানে আছ স্থান থেকে

আরেকটি জায়গায় রওনা হও। হয়তো তারা বুবাতে পারবে, যদিও

তারা বিদ্রোহীকুল। 4 দিনের বেলা যখন তারা দেখবে, নির্বাসনে

যাবার জন্য তোমার জিনিসপত্র নিয়ে বেরিয়ে আসবে। তারপর সন্ধ্যায়

নির্বাসনে যাবার মতন করে তাদের চোখের সামনে দিয়ে যাবে। 5 তারা

যখন দেখবে, দেয়ালে গর্ত করে তোমার জিনিসপত্র তার মধ্যে দিয়ে

বাইরে বের করবে। 6 তাদের চোখের সামনেই জিনিসপত্র তোমার

কাঁধে তুলে নেবে এবং অঙ্কারের মধ্যে সেগুলি বের করে নিয়ে

যাবে। তোমার মুখ ঢাকবে যেন তুমি তোমার দেশের মাটি দেখতে

না পাও, কারণ ইস্রায়েল কুলের কাছে আমি তোমাকে চিহ্নস্বরূপ

করেছি।” 7 আমাকে যেমন আদেশ করা হয়েছিল আমি তেমনই

করলাম। নির্বাসনে যাবার জিনিসপত্রের মতন আমি আমার জিনিসপত্র

দিনের বেলাতেই বের করে নিয়ে আসলাম। তারপর সন্ধ্যায় আমি

হাত দিয়ে দেয়ালে গর্ত করলাম। তাদের চোখের সামনেই অঙ্কারের

মধ্যে আমার জিনিসপত্র কাঁধে তুলে রওনা দিলাম। 8 সকালবেলায়

সদাপ্রভুর বাক্য আমার কাছে উপস্থিত হল, 9 “হে মানবসন্তান,

বিদ্রোহী ইস্রায়েল কুল কি তোমায় জিজ্ঞাসা করেনি, ‘তুমি কি করছ?’

10 “তাদের বলো, ‘সার্বভৌম সদাপ্রভু এই কথা বলেন, এই চিহ্ন

জেরুশালেমের শাসনকর্তা এবং ইস্রায়েল কুলের জন্য যারা সেখানে আছে।’ 11 তাদের বলো, ‘আমি তোমাদের কাছে চিহ্ন।’ ‘আমি যেমন করেছি, তেমনই তাদের প্রতি করা হবে। তারা বন্দি হয়ে নির্বাসনে যাবে। 12 ‘তাদের শাসনকর্তা সন্ধ্যায় তার জিনিসপত্র কাঁধে নিয়ে বের হবে এবং দেয়ালে গর্ত খোঁড়া হবে যেন সে তার মধ্যে দিয়ে বের হয়ে যেতে পারে। সে তার মুখ ঢেকে রাখবে যেন দেশের মাটি দেখতে না পায়। 13 আমি তার জন্য জাল পাতব আর সে আমার ফাঁদে ধরা পড়বে; আমি তাকে কলন্দিয়দের দেশ, ব্যাবিলনে নিয়ে আসব, কিন্তু সে তা দেখতে পাবে না, আর সেখানেই সে মারা যাবে। 14 আমি তার চারিদিকে যারা আছে—তার কর্মচারী ও সৈন্যদল—তাদের সকলকে চারিদিকে ছড়িয়ে দেব এবং খোলা তরোয়াল নিয়ে আমি তাদের তাড়া করব। 15 ‘যখন আমি তাদের বিভিন্ন জাতি ও দেশের মধ্যে ছড়িয়ে দেব, তখন তারা জানবে যে, আমিই সদাপ্রভু। 16 কিন্তু আমি তাদের মধ্যে কিছু লোককে তরোয়াল, দুর্ভিক্ষ ও মহামারি থেকে রক্ষা করব, যেন তারা যেখানেই যাক না কেন সেখানকার সমস্ত জাতির মধ্যে তাদের সব ঘৃণ্য অভ্যাসের কথা স্বীকার করে। তখন তারা জানবে যে, আমিই সদাপ্রভু।’ 17 পরে সদাপ্রভুর বাক্য আমার কাছে উপস্থিত হল, 18 ‘হে মানবসন্তান, তুমি ভয়ে কাঁপতে কাঁপতে তোমার খাবার খাবে, আর উদ্বেগ ও চিন্তায় তোমার জলপান করবে। 19 তুমি দেশের লোকদের এই কথা বলো: ‘ইস্রায়েল দেশের জেরুশালেমে বসবাসকারীদের বিষয় সার্বভৌম সদাপ্রভু এই কথা বলেন তারা উদ্বেগের সঙ্গে খাবার খাবে আর হতাশায় জলপান করবে, কারণ সেখানকার লোকদের দৌরাত্ম্যের জন্য তাদের দেশের ও তার মধ্যের সবকিছু ধ্বংস হবে। 20 লোকজন ভরা নগরগুলি ধ্বংসস্থান হয়ে থাকবে এবং জনশূন্য হবে। তখন তোমরা জানবে যে, আমিই সদাপ্রভু।’’ 21 পরে সদাপ্রভুর বাক্য আমার কাছে উপস্থিত হল, 22 ‘হে মানবসন্তান, ইস্রায়েল দেশে এ কেমন প্রবাদ ‘দিন চলে যায় আর প্রত্যেক দর্শনই বিফল হয়?’ 23 তাদের বলো, ‘সার্বভৌম সদাপ্রভু এই কথা বলেন আমি এই প্রবাদ লোপ করব, আর তারা ইস্রায়েলের মধ্যে

সেই প্রবাদ কখনও বলবে না।' তাদের বলো, 'দিন এসে গেছে যখন  
প্রত্যেকটি দর্শন ফলবে। 24 কারণ ইস্রায়েলের লোকদের মধ্যে মিথ্যা  
দর্শন ও খুশি করার ভবিষ্যদ্বাণী আর বলবে না। 25 কেননা আমি  
সদাপ্রভু যা বলার তাই বলব আর তা সফল হবে, দেরি হবে না। হে  
বিদ্রোহীকুল, আমি যা বলছি তা তোমাদের সময়ই সফল হবে, এই  
কথা সার্বভৌম সদাপ্রভু বলেন।'" 26 আবার সদাপ্রভুর বাক্য আমার  
কাছে উপস্থিত হল, 27 "হে মানবসন্তান, ইস্রায়েল কুল বলছে, 'তুমি  
যে দর্শন দেখছ তা এখন থেকে অনেক বছর পরের কথা, আর যে  
ভবিষ্যদ্বাণী বলছ তা দূর ভবিষ্যতের বিষয়ে।' 28 "এই জন্য তাদের  
বলো, 'সার্বভৌম সদাপ্রভু এই কথা বলেন: আমার কোনো কথা সফল  
হতে আর দেরি হবে না; আমি যা বলব তা সফল হবে, সার্বভৌম  
সদাপ্রভু এই কথা ঘোষণা করেন।'"

**13** পরে সদাপ্রভুর বাক্য আমার কাছে উপস্থিত হল, 2 "হে  
মানবসন্তান, ইস্রায়েলের যে ভাববাদীরা ভাববাণী বলে, তুমি তাদের  
বিরুদ্ধে ভাববাণী বলো। যারা নিজেদের মনগড়া কথা বলছে তুমি  
তাদের বলো যে: 'সদাপ্রভুর বাক্য শোনো! 3 সার্বভৌম সদাপ্রভু এই  
কথা বলেন ধিক্ সেই নির্বোধ ভাববাদীরা যারা কোনও দর্শন না  
পেয়ে তাদের মনগড়া কথা বলে! 4 হে ইস্রায়েল, তোমার ভাববাদীরা  
ধৰ্মসন্তানের শিয়ালদের মতো। 5 তোমরা ইস্রায়েল কুলের দেয়ালের  
ফাটল মেরামত করতে ওঠোনি যেন সদাপ্রভুর দিনে যুদ্ধের সময়ে সেটি  
দৃঢ়ভাবে দাঁড়িয়ে থাকতে পারে। 6 তাদের দর্শন অলীক ও তাদের  
ভবিষ্যৎ-কথন মিথ্যা। তারা বলে, "সদাপ্রভু বলেন," অর্থ সদাপ্রভু  
তাদের পাঠ্ঠাননি; তবুও তারা আশা করে যে তাদের কথা সফল হবে।  
7 তোমরা কি অলীক দর্শন দেখোনি এবং মিথ্যা ভবিষ্যদ্বাণী উচ্চারণ  
করেনি যখন তোমরা বলো, "সদাপ্রভু বলেন," যদিও আমি বলিনি? 8  
"সুতরাং সার্বভৌম সদাপ্রভু এই কথা বলেন, তোমাদের অলীক কথা  
ও মিথ্যা দর্শনের জন্য, আমি তোমাদের বিরুদ্ধে, সার্বভৌম সদাপ্রভু  
এই কথা বলেন। 9 আমার হাত সেই ভাববাদীদের বিরুদ্ধে যারা  
অলীক দর্শন দেখে এবং মিথ্যা ভবিষ্যদ্বাণী উচ্চারণ করে। তারা

আমার প্রজাদের সভায় থাকবে না এবং ইস্রায়েল কুলের বংশতালিকায়  
তাদের নাম থাকবে না আর তারা ইস্রায়েল দেশে চুকবে না। তখন  
তারা জানবে যে, আমিই সার্বভৌম সদাপ্রভু। 10 “কারণ যখন কোনও  
শান্তি নেই তখন তারা “শান্তি” বলে আমার প্রজাদের বিপথে চালায়  
এবং তারা যেন লোকদের গাঁথা এমন দেয়ালের উপর চুনকাম করে যা  
শক্ত নয়, 11 সেইজন্য, যারা চুনকাম করছে তুমি তাদের বলো যে,  
সেই দেয়াল পড়ে যাবে। প্রবল বৃষ্টি পড়বে ও আমি বড়ো বড়ো শিলা  
পাঠাব এবং বোঝো বাতাস সজোরে বইবে। 12 দেয়াল যখন ভেঙে  
পড়বে তখন লোকেরা কি তোমাদের জিজ্ঞাসা করবে না, “তোমরা যে  
চুনকাম করেছিলে তার কি হল?” 13 “এই জন্য সার্বভৌম সদাপ্রভু  
এই কথা বলেন, আমার ভীষণ ক্ষেত্রে ঝোঝো বাতাস মুক্ত করব,  
আমার অসন্তোষে আমি বড়ো বড়ো শিলা ও প্রবল বৃষ্টি ধ্বংসাত্মক  
উন্মত্তায় পড়বে। 14 যে দেয়াল তোমরা চুনকাম করেছিলে তা আমি  
ধ্বংস করব ও মাটিতে মিশিয়ে দেব যেন তার ভিত্তি খোলা পড়ে  
থাকবে। সেটি যখন পড়বে তখন তোমরাও তার সঙ্গে ধ্বংস হবে, এবং  
তোমরা জানবে যে আমিই সদাপ্রভু। 15 সুতরাং আমি আমার ভীষণ  
ক্ষেত্র দেয়ালের ও যারা সেটি চুনকাম করেছিল তাদের উপর ব্যয়  
করব। আমি তোমাদের বলব, “দেয়াল ও যারা সেটি চুনকাম করেছিল  
তারা কেউ আর নেই, 16 যে ইস্রায়েলের ভাববাদীরা জেরুশালেমকে  
ভবিষ্যদ্বাণী করেছিল ও শান্তি না থাকলে তারা শান্তির দর্শন দেখেছিল  
তারাও নেই, এই কথা সার্বভৌম সদাপ্রভু বলেন।” 17 “এখন, হে  
মানবসন্তান, তোমার জাতির যে মেয়েরা ভাববাদীনী হিসেবে নিজেদের  
কল্পনার কথা বলে এখন তুমি তাদের বিরুদ্ধে দাঢ়াও। তাদের বিরুদ্ধে  
ভবিষ্যদ্বাণী করো, 18 আর বলো, ‘সার্বভৌম সদাপ্রভু এই কথা  
বলেন ধিক্ সেই মহিলারা যারা লোকদের হাতের জন্য তাবিজ এবং  
মাথা ঢাকবার জন্য বিভিন্ন মাপের কাপড় তৈরি করো যাতে তোমরা  
সেই লোকদের ফাঁদে ফেলতে পারো। তোমরা কি আমার লোকদের  
প্রাণ শিকার করে নিজেদের প্রাণরক্ষা করবে? 19 কয়েক মুঠো যব আর  
কয়েক টুকরো রুটির জন্য তোমরা আমার লোকদের সামনে আমাকে

অসম্মানিত করেছ। আমার লোকেরা, যারা মিথ্যা কথা শোনে, তোমরা তাদের কাছে মিথ্যা কথা বলে যারা মরবার উপযুক্ত নয় তাদের মেরে ফেলেছ এবং যারা বাঁচবার উপযুক্ত নয় তাদের বাঁচিয়ে রেখেছ। 20  
 “এই জন্য সার্বভৌম সদাপ্রভু এই কথা বলেন তোমরা যে তাবিজ দিয়ে পাখির মতো করে লোকদের ধরো আমি তার বিপক্ষে আর আমি তোমাদের হাত থেকে সেগুলি ছিঁড়ে ফেলে দেব; পাখির মতো করে যে লোকদের তোমরা ধরো তাদের আমি মুক্ত করব। 21 তোমাদের মাথা ঢাকবার কাপড়গুলি ছিঁড়ে ফেলে আমি তোমাদের হাত থেকে আমার লোকদের উদ্ধার করব, তারা আর তোমাদের হাতে শিকারের মতো ধরা পড়বে না। তখন তোমরা জানবে যে আমিই সদাপ্রভু। 22 যেহেতু ধার্মিকদের তোমরা তোমাদের মিথ্যা কথা দিয়ে দুঃখ দিয়েছ, যখন আমি তাদের জন্য কোনও দুর্দশা আনিনি, এবং দুষ্ট লোকদের তোমরা অনুপ্রাণিত করেছ যাতে তারা প্রাণ বাঁচাবার জন্য কুপথ থেকে না ফেরে, 23 সেইজন্য তোমরা আর অলীক দর্শন দেখবে না ও ভবিষ্যৎ-কথনের চর্চা করবে না। তোমাদের হাত থেকে আমি আমার লোকদের উদ্ধার করব। আর তখন তোমরা জানবে যে আমিই সদাপ্রভু।”

**14** ইস্রায়েলের কয়েকজন প্রাচীন আমার কাছে এসে আমার সামনে বসলেন। 2 তখন সদাপ্রভুর বাক্য আমার কাছে উপস্থিত হল, 3 “হে মানবসন্তান, এই লোকেরা তাদের অন্তরের মধ্যে প্রতিমা স্থাপন করে নিজেদের সামনে মন্দ প্রতিবন্ধক রেখেছে। আমি কি তাদের কখনও আমার কাছে অনুসন্ধান করতে দেব? 4 অতএব তুমি তাদের সঙ্গে কথা বলে বলো, ‘সার্বভৌম সদাপ্রভু এই কথা বলেন, যখন কোনও ইস্রায়েলী তার অন্তরের মধ্যে প্রতিমা স্থাপন করে নিজেদের সামনে মন্দ প্রতিবন্ধক রাখে এবং ভাববাদীর কাছে যায়, আমি সদাপ্রভু নিজেই তার অনেক প্রতিমাপূজা অনুসারে তাকে উত্তর দেব। 5 ইস্রায়েলীদের অন্তর আবার জয় করার জন্যই আমি এটা করব, কারণ তারা সবাই তাদের প্রতিমাগুলির জন্য আমাকে ত্যাগ করেছে।’ 6 “অতএব ইস্রায়েল কুলকে তুমি বলো, ‘সার্বভৌম সদাপ্রভু এই কথা বলেন, তোমরা মন ফিরাও! তোমাদের প্রতিমাগুলি থেকে ফেরো এবং

সকল ঘৃণ্য কাজ ত্যাগ করো! 7 “কেনও ইন্দ্রায়েলী কিংবা ইন্দ্রায়েল  
দেশে বাসকারী কোনও বিদেশি যদি আমার কাছ থেকে আলাদা  
হয়ে যায় এবং তার অন্তরের মধ্যে প্রতিমা স্থাপন করে নিজেদের  
সামনে মন্দ প্রতিবন্ধক রাখে এবং আমার কাছে জিজ্ঞাসা করার জন্য  
ভাববাদীর কাছে যায়, আমি সদাপ্রভু নিজেই তাকে উত্তর দেব। 8  
আমি সেই লোকের বিপক্ষে দাঁড়াব এবং তাকে একটি দৃষ্টান্ত ও একটি  
চলতি কথার মতো করব। আমার লোকদের মধ্য থেকে আমি তাকে  
ছেঁটে ফেলব। তখন তোমরা জানবে যে আমিই সদাপ্রভু। 9 “আর  
যে ভাববাদী প্ররোচিত হয়ে ভাববাণী বলে, আমি, সদাপ্রভুই সেই  
ভাববাদীকে প্ররোচিত করেছি, এবং আমি আমার হাত তার বিরংদে  
বাঢ়াব এবং আমার লোক ইন্দ্রায়েলীদের মধ্য থেকে তাকে ধ্বংস  
করব। 10 তারা তাদের অন্যায়ের শাস্তি পাবে—সেই ভাববাদী এবং  
যে তার সঙ্গে পরামর্শ করবে সেও দোষী হবে। 11 তখন ইন্দ্রায়েল কুল  
আর আমার কাছ থেকে বিপথে যাবে না, এবং তাদের সব পাপ দিয়ে  
নিজেদের আর অশুচি করবে না। তারা আমার লোক হবে এবং আমি  
তাদের ঈশ্বর হব, এই কথা সার্বভৌম সদাপ্রভু বলেন।” 12 সদাপ্রভুর  
বাক্য আমার কাছে উপস্থিত হল, 13 “হে মানবসন্তান, যদি কোনও  
দেশ আমার প্রতি অবিশ্বস্ত হয়ে পাপ করে আমি তাদের বিরংদে হাত  
বিস্তার করে তাদের খাবারের যোগান বন্ধ করে দিই এবং দুর্ভিক্ষ  
পাঠ্ঠয়ে সেখানকার মানুষ ও তাদের পশুদের মেরে ফেলি, 14 এমনকি  
এই তিনজন লোক—নোহ, দানিয়েল ও ইয়োব—যদি সেখানে থাকত,  
তারা তাদের ধার্মিকতার জন্য কেবল নিজেদের রক্ষা করতে পারত,  
এই কথা সার্বভৌম সদাপ্রভু বলেন। 15 “আমি যদি দেশে বুনো পশু  
পাঠাই আর তারা লোকদের নিঃসন্তান করে এবং দেশকে জনশূন্য  
করে যেন সেই পশুদের ভয়ে কেউ দেশের মধ্যে দিয়ে যাতায়াত না  
করতে পারে, 16 সার্বভৌম সদাপ্রভু বলেন, আমার জীবনের দিব্য,  
যদি তিনজন লোক সেখানে থাকত, তারা তাদের নিজেদের ছেলে  
অথবা মেয়েদেরও রক্ষা করতে পারত না। তারা শুধু নিজেদের বাঁচাতে  
পারত, কিন্তু দেশ জনশূন্য হত। 17 “অথবা আমি যদি সেই দেশের

বিরংদ্বে তরোয়াল এনে বলি, ‘দেশের মধ্যে দিয়ে তরোয়াল যাক,’  
এবং আমি সেখানকার মানুষ ও তাদের পশ্চদের মেরে ফেলি, 18  
সার্বভৌম সদাপ্রভু বলেন, আমার জীবনের দিব্য, যদি তিনজন লোক  
সেখানে থাকত, তারা তাদের নিজেদের ছেলে অথবা মেয়েদেরও রক্ষা  
করতে পারত না। তারা শুধু নিজেদের বাঁচাতে পারত। 19 “অথবা  
আমি যদি দেশের মধ্যে মহামারি পাঠাই এবং সেখানকার মানুষ ও  
তাদের পশ্চদের মেরে ফেলার জন্য আমার ক্ষেত্র তেলে রক্ত বহাই,  
20 সার্বভৌম সদাপ্রভু বলেন, আমার জীবনের দিব্য, এমনকি যদি  
সেখানে নোহ, দানিয়েল ও ইয়োব থাকত, তারা তাদের ছেলে অথবা  
মেয়েদেরও রক্ষা করতে পারত না। তারা তাদের ধার্মিকতার জন্য  
কেবল নিজেদের রক্ষা করতে পারত। 21 “কারণ সার্বভৌম সদাপ্রভু  
এই কথা বলেন এমন যদি হয় তবে আমি মানুষ ও পশ্চদের মেরে  
ফেলার জন্য জেরশালেমের বিরংদ্বে আমার চারটে ভয়ংকর শাস্তি  
পাঠাই—তরোয়াল ও দুর্ভিক্ষ ও বুনো পশু ও মহামারি! 22 তবুও  
সেখানকার কয়েকজন বেঁচে যাবে—ছেলে ও মেয়ে যাদের সেখান  
থাকে বের করে আনা হবে। তারা তোমাদের কাছে আসবে, এবং যখন  
তোমরা তাদের কাজ ও আচরণ দেখবে, জেরশালেমের বিরংদ্বে যে  
বিপর্যয় আমি নিয়ে এসেছি সে বিষয় তোমরা সান্ত্বনা পাবে—প্রত্যেক  
বিপর্যয় যা আমি তার উপরে নিয়ে এসেছি। 23 তাদের কাজ ও  
আচরণ দেখে তোমরা সান্ত্বনা পাবে, কারণ তোমরা জানতে পারবে যে  
অকারণে আমি কিছুই করিনি, এই কথা সার্বভৌম সদাপ্রভু বলেন।”

**15** পরে সদাপ্রভুর বাক্য আমার কাছে উপস্থিত হল, 2 “হে  
মানবসন্তান, কেমন করে দ্রাক্ষালতার ডাল অন্য সকল বনের গাছের  
ডালের থেকে আলাদা? 3 দরকারি কোনও কিছু তৈরি করবার জন্য কি  
তা থেকে কাঠ নেওয়া হয়? জিনিসপত্র ঝুলিয়ে রাখার জন্য কি তা  
দিয়ে গোঁজ তৈরি করে? 4 আর যখন সেটি জ্বালানি হিসেবে আগুনে  
ফেলা হয় এবং কাঠের দুই দিক পুড়ে যায় ও মাঝখানটা কালো হয়ে  
যায় তখন কি সেটি কোনও কাজে লাগে? 5 আগুনে ফেলার আগে  
অক্ষত অবস্থায় যদি সেটি কোনো কাজে না লেগে থাকে তবে আগুনে

পুড়ে কালো হয়ে গেলে কি তা দিয়ে কোনো দরকারি কিছু তৈরি  
করা যেতে পারে? ৬ “অতএব সার্বভৌম সদাপ্রভু এই কথা বলেন  
বনের গাছপালার মধ্যে দ্রাক্ষালতার কাঠকে আমি যেমন জ্বালানি  
কাঠ হিসেবে আগুনে দিয়েছি, তেমনি জেরুশালেমে বসবাসকারী  
লোকদেরও আগুনে দেব। ৭ আমি তাদের বিরংদে মুখ রাখব। আগুন  
থেকে তারা বের হয়ে আসলেও আগুনই তাদের পুড়িয়ে ফেলবে। আমি  
যখন তাদের বিরংদে মুখ রাখব, তোমরা তখন জানবে যে আমিই  
সদাপ্রভু। ৮ আমি দেশকে জনশূন্য করব কারণ তারা অবিশ্঵স্ত হয়েছে,  
এই কথা সার্বভৌম সদাপ্রভু বলেন।”

**16** পরে সদাপ্রভুর বাক্য আমার কাছে উপস্থিত হল, ২ “হে  
মানবসন্তান, জেরুশালেমের ঘৃণ্য কাজ সকলের বিষয় তার কাছে  
ঘোষণা করো ৩ আর বলো, ‘সার্বভৌম সদাপ্রভু জেরুশালেমকে এই  
কথা বলেন, তোমার পিতৃপুরুষগণ ও জন্মস্থান কনানীয়দের দেশে;  
তোমার বাবা ইমোরীয় এবং তোমার মা হিন্তীয়। ৪ তুমি যেদিন  
জন্মেছিলে তোমার নাড়ি কাটা হয়নি, তোমাকে পরিষ্কার করার জন্য  
ধোয়া হয়নি, তোমার গায়ে নুন মাখানো হয়নি কিংবা তোমাকে কাপড়  
দিয়ে জড়ানো হয়নি। ৫ কেউ তোমাকে মমতার চোখে দেখেনি কিংবা  
এসব করার জন্য সহানুভূতি দেখায়নি। তোমাকে বরং খোলা মাঠে  
ফেলে রাখা হয়েছিল, কারণ যেদিন তুমি জন্মেছিলে সেদিন তোমাকে  
ঘৃণা করা হয়েছিল। ৬ “আর আমি কাছ দিয়ে যাবার সময় তোমাকে  
তোমার রক্তের মধ্যে শুয়ে ছটফট করতে দেখলাম এবং আমি তোমাকে  
বললাম, “জীবিত হও!” ৭ আমি তোমাকে ক্ষেত্রের চারার মতো বড়ে  
করে তুললাম। তুমি বৃদ্ধি পেয়ে বড়ে হয়ে উঠে সব থেকে সুন্দর  
রত্ন হলে। তোমার বুক গড়ে উঠল, লোম গজাল, কিন্তু তুমি উলঙ্গিনী  
ও কাপড় ছাড়াই ছিলে। ৮ “পরে আমি তোমার পাশ দিয়ে যাবার  
সময় তোমার দিকে তাকিয়ে দেখলাম যে তোমার এখন প্রেম করবার  
সময় হয়েছে। আমি আমার পোশাকের কোনা তোমার উপরে ছড়িয়ে  
দিলাম ও তোমার উলঙ্গ শরীর ঢাকলাম। আমি শপথ করে তোমার  
সঙ্গে নিয়ম স্থির করলাম, আর তুমি আমার হলে, এই কথা সার্বভৌম

সদাপ্রভু বলেন। ৭ “আমি তোমাকে জলে স্নান করালাম, তোমার  
গা থেকে সমস্ত রক্ত ধূয়ে দিলাম এবং গায়ে তেল লাগিয়ে দিলাম।  
১০ আমি তোমার গায়ে নকশা তোলা কাপড় দিলাম, ও পায়ে সূক্ষ্ম  
চামড়ার চটি পরালাম। আমি মিহি মসিনার কাপড় তোমাকে পরালাম  
এবং দায়ি কাপড় দিয়ে তোমাকে ঢাকলাম। ১১ আমি তোমাকে গহনা  
দিয়ে সাজালাম তোমার হাতে চুড়ি ও গলায় হার, ১২ নাকে নোলক,  
কানে দুল ও মাথায় একটি সুন্দর মুকুট দিলাম। ১৩ এইভাবে সোনা  
ও রংপো দিয়ে তোমাকে সাজানো হল; তোমার কাপড় ছিল মিহি  
মসিনার, ব্যয়বহুল বস্ত্র ও নকশা তোলা কাপড়ের। তোমার খাবার ছিল  
মধু, জলপাই তেল ও মিহি ময়দা। তুমি খুব সুন্দরী হয়ে অবশেষে  
রানি হলে। ১৪ আর তোমার সৌন্দর্যের জন্য তোমার খ্যাতি জাতিদের  
মধ্যে ছড়িয়ে পড়ল, কারণ তোমাকে আমি যে শোভা দিয়েছিলাম  
তা তোমার সৌন্দর্য নিখুঁত হয়েছিল, এই কথা সার্বভৌম সদাপ্রভু  
বলেন। ১৫ “কিন্তু তুমি তোমার সৌন্দর্যের উপর নির্ভরশীল হয়েছ ও  
বেশ্যা হওয়ার জন্য তোমার সুনাম ব্যবহার করেছ। যে কেউ তোমার  
পাশ দিয়ে যেত তার সঙ্গে তুমি ব্যভিচার করতে এবং সে তোমাকে  
ভোগ করত। ১৬ তুমি তোমার কোনও কোনও কাপড় নিয়ে পূজার উঁচু  
জায়গায় সাজিয়ে সেখানে তোমার বেশ্যার কাজ করতে। তুমি তার  
কাছে যেতে এবং সে তোমার সৌন্দর্য অধিকার করত। ১৭ আমার  
সোনা ও রংপো দিয়ে তৈরি গয়না, যা আমি তোমাকে দিয়েছিলাম, সেই  
সুন্দর গয়না নিয়ে তুমি নিজের জন্য পুরুষ প্রতিমা করে সেগুলির সঙ্গে  
ব্যভিচার করতে। ১৮ আর তুমি তোমার নকশা তোলা কাপড় নিয়ে  
সেগুলিকে পরাতে এবং তাদের সামনে আমার তেল ও ধূপ রাখতে।  
১৯ আর যে খাবার আমি তোমাকে দিয়েছিলাম—মিহি ময়দা, জলপাই  
তেল ও মধু যা আমি তোমাকে খেতে দিয়েছিলাম—তুমি সেগুলি  
তাদের সামনে সুগন্ধি হিসেবে রাখতে। এসবই ঘটেছে, এই কথা  
সার্বভৌম সদাপ্রভু বলেন। ২০ “আর তোমার যে ছেলে এবং মেয়েদের  
আমার জন্য গর্ভে ধরেছিলে তাদের মূর্তিদের কাছে তুমি খাবার হিসেবে  
বলিদান করেছিলে। তোমার বেশ্যাবৃত্তি কি যথেষ্ট ছিল না? ২১ তুমি

আমার সন্তানদের হত্যা করে মূর্তিদের কাছে উৎসর্গ করেছিলে। 22  
তোমার সব ঘৃণ্য অভ্যাস এবং তোমার বেশ্যাবৃত্তিতে তুমি তোমার  
যৌবন স্মরণ করোনি, যখন তুমি উলঙ্গিনী ও খালি গায়ে নিজের রক্তের  
মধ্যে ছটফট করছিলে। 23 “ধিক্ক! ধিক্ক তোমাকে, এই কথা সার্বভৌম  
সদাপ্রভু বলেন। তোমার অন্য সব দুষ্টার পরেও, 24 তুমি নিজের  
জন্য চিবি তৈরি করেছ ও প্রত্যেকটি খোলা জায়গায় উঁচু প্রতিমার  
আসন প্রস্তুত করেছ। 25 রাস্তার মোড়ে মোড়েও প্রতিমার আসন তৈরি  
করে তোমার সৌন্দর্যকে তুমি অপমান করেছ, বাছবিচারহীনভাবে যে  
কেউ তোমার পাশ দিয়ে গেছে তুমি তাদের সঙ্গে ব্যভিচার করেছ। 26  
তোমার কামুক প্রতিবেশী মিশরীয়দের সঙ্গে তুমি ব্যভিচার করেছ,  
এবং আমাকে অসন্তুষ্ট করার জন্য তোমার ব্যভিচারের কাজ আরও  
বাড়িয়েছ। 27 সেইজন্য আমি তোমার বিরংদ্বে হাত বাড়িয়ে তোমার  
এলাকা কমিয়ে দিয়েছি; ফিলিষ্টিয়ার মেয়েরা, যারা তোমার শক্র  
তারা তোমার কামুক স্বভাবের জন্য লজ্জা পেয়েছে, আমি তাদের  
হাতে তোমাকে তুলে দিয়েছি। 28 আসিরীয়দের সঙ্গেও তুমি ব্যভিচার  
করেছ, কারণ তুমি অতৃপ্ত ছিলে, কিন্তু তারপরেও তোমার তৃপ্তি হয়নি।  
29 তারপরে তুমি তোমার ব্যভিচারের কাজ বাড়িয়ে বণিকদের দেশ  
ব্যবিলনের সঙ্গেও ব্যভিচার করেছ, কিন্তু এতেও তোমার তৃপ্তি হয়নি।  
30 “সার্বভৌম সদাপ্রভু বলেন, যখন তুমি এই সমস্ত করো, নির্লজ্জ  
বেশ্যার মতো ব্যবহার করো তখন তোমার বিরংদ্বে আমার ক্রোধ  
পূর্ণ হয়েছে। 31 যখন তুমি নিজের জন্য রাস্তার কোণে চিবি তৈরি  
করেছ ও প্রত্যেকটি খোলা জায়গায় উঁচু প্রতিমার আসন প্রস্তুত করেছ,  
তখন বেশ্যার মতো কাজ করোনি কারণ তুমি তোমার পাওনা টাকে  
অগ্রাহ্য করেছ। 32 “তুমি ব্যভিচারিণী স্ত্রী! তুমি তোমার স্বামীর চেয়ে  
অপরিচিতদের পছন্দ করেছ। 33 প্রত্যেক বেশ্যা পারিশ্রমিক পায়,  
কিন্তু তুমি তোমার সব প্রেমিকদের উপহার দিয়ে থাকো, তোমার  
কাছ থেকে অবৈধ অনুগ্রহ পাবার জন্য যাতে তারা সব জায়গা থেকে  
তোমার কাছে আসে সেইজন্য তুমি তাদের ঘুস দিয়ে থাকো। 34  
অন্যান্য স্ত্রীদের থেকে তোমার বেশ্যাবৃত্তি ঠিক উল্লেখ; তোমার অনুগ্রহ

পাবার জন্য কেউ তোমার পিছনে দৌড়ায় না। তুমি একেবারে আলাদা,  
কারণ তুমি টাকা নাও না বরং টাকা দিয়ে থাকো। 35 “অতএব,  
হে বেশ্যা, সদাপ্রভুর বাক্য শোনো! 36 সার্বভৌম সদাপ্রভু এই কথা  
বলেন: যেহেতু তুমি তোমার লালসা ঢেলে দিয়েছ ও বাছবিচার না করে  
তোমার প্রেমিকদের কাছে তোমার নিজের উলঙ্গতা প্রকাশ করেছ,  
এবং তোমার ঘৃণ্য মূর্তির কারণে ও তোমার সন্তানদের রক্ত তাদের  
দেওয়ার জন্য, 37 সেই কারণে আমি তোমার প্রেমিকদের জড়ো করব,  
যাদের সঙ্গে তুমি আনন্দ উপভোগ করেছ, যাদের তুমি প্রেম করেছ ও  
যাদের তুমি ঘৃণা করেছ। আমি চারিদিক থেকে তোমার বিরঞ্ছন্দে তাদের  
জড়ো করব ও তাদের সামনেই তোমার সব কাপড় খুলে ফেলব যাতে  
তারা তোমার উলঙ্গতা দেখতে পায়। 38 যে স্ত্রীলোকেরা ব্যভিচার করে  
এবং যারা রক্তপাত করে তাদের যে শাস্তি দেওয়া হয় সেই শাস্তিই  
আমি তোমাকে দেব; আমার ক্রোধ ও অঙ্গর্জলনের জন্য আমি তোমার  
উপরে রক্তের প্রতিহিংসা নিয়ে আসব। 39 তারপর আমি তোমাকে  
তোমার প্রেমিকদের হাতে তুলে দেব, আর তারা তোমার ঢিবি ও  
উঁচু প্রতিমার আসনগুলি ধ্বংস করবে। তারা তোমাকে বিবন্ধা করবে  
ও তোমার সুন্দর গহনাগুলি নিয়ে নেবে আর তোমাকে একেবারে  
উলঙ্গ করে রেখে যাবে। 40 তারা তোমার বিরঞ্ছে একদল লোককে  
উত্তেজিত করবে, যারা তোমাকে পাথর মারবে এবং তরোয়াল দিয়ে  
তোমাকে টুকরো টুকরো করে কাটবে। 41 তারা তোমার ঘরবাড়ি  
পুড়িয়ে দেবে এবং অনেক স্ত্রীলোকের চোখের সামনে তোমাকে শাস্তি  
দেবে। আমি তোমার বেশ্যাবৃত্তি বন্ধ করে দেব, তোমার প্রেমিকদের  
তুমি আর অর্থ দেবে না। 42 তারপর তোমার উপর আমার ক্রোধ ও  
অঙ্গরের জ্বালা থেমে যাবে; আমি শান্ত হব, আর অসন্তুষ্ট হব না।  
43 “যেহেতু তুমি তোমার যৌবনের কথা মনে রাখোনি, কিন্তু এসব  
বিষয় দিয়ে আমাকে দ্রুদ্ধ করেছ, সেইজন্য আমিও তোমার কাজের  
ফল তোমাকে দেব, এই কথা সার্বভৌম সদাপ্রভু বলেন। তোমার  
অন্য সমস্ত কুকর্মের সঙ্গে কি তুমি এই ঘৃণ্য কাজও যোগ করোনি?  
44 “যে কেউ প্রবাদ ব্যবহার করে, সে তোমার বিরঞ্ছে এই প্রবাদ

ব্যবহার করবে, “যেমন মা, তেমনি মেয়ে।” 45 তুমি তোমার মায়ের উপযুক্ত মেয়ে, যে তার স্বামী ও ছেলেমেয়েদের ঘৃণা করত; এবং তুমি তোমার বোনদের উপযুক্ত বোন, যারা তাদের স্বামী ও সন্তানদের ঘৃণা করত। তোমার মা হিতীয়া আর বাবা ইমোরীয়। 46 তোমার দিদি শমরিয়া, যে তার মেয়েদের নিয়ে তোমার উত্তর দিকে বাস করে; আর তোমার বোন, যে তার মেয়েদের নিয়ে তোমার দক্ষিণে বাস করে, সে সদোম। 47 তুমি যে কেবল তাদের পথে চলেছ ও তাদের ঘৃণ্য কাজ অনুসরণ করেছ তাই নয়, কিন্তু বরং তোমার সমস্ত আচার-ব্যবহারে তুমি অল্প সময়ের মধ্যে তাদের চেয়ে আরও চরিত্রহীন হয়েছ। 48 সার্বভৌম সদাগ্রভু এই কথা বলেন, আমার জীবনের দিব্য, তোমার মেয়েরা ও তুমি যা করেছ তোমার বোন সদোম ও তার মেয়েরা কখনও তা করেনি। 49 “তোমার বোন সদোমের এই পাপ ছিল: সে ও তার মেয়েরা ছিল অহংকারী, প্রচুর খেতো ও নিশ্চিন্তে বাস করত; তারা গরিব ও অভাবীদের সাহায্য করত না। 50 তারা অহংকারী ছিল ও আমার সামনে ঘৃণ্য কাজ করত। অতএব তুমি যেমন দেখেছ সেইভাবেই আমি তাদের দূর করে দিয়েছি। 51 তুমি যেসব পাপ করেছ তার অর্ধেক শমরিয়া করেনি। তুমি তাদের চেয়ে আরও ঘৃণ্য কাজ করেছ। তুমি এই যেসব কাজ করেছ তা দেখে তোমার বোনদের বরং ধার্মিক মনে হয়েছে। 52 তোমার অপমান তোমাকেই বহন করতে হবে, কারণ তোমার কাজগুলি তোমার বোনদের পক্ষে সাক্ষ্য দিচ্ছে। যেহেতু তোমার পাপ তাদের থেকে জঘন্য, তাদের দেখায় যে তারা তোমার থেকে ধার্মিক। সেইজন্য, লজ্জিত হও ও তোমার অপমান বহন করো, কারণ তোমার কাজগুলি তাদের তোমার থেকে বেশি ধার্মিক প্রতিপন্থ করেছে। 53 “যাহোক, আমি সদোম ও তার মেয়েদের, শমরিয়া ও তার মেয়েদের এবং তাদের সঙ্গে তোমারও অবঙ্গা ফিরাব, 54 যেন তুমি তোমার অপমান বহন করো এবং তাদের সান্ত্বনা দিতে যা করেছ তার জন্য লজ্জিত হও। 55 আর তোমার বোনেরা, সদোম তার মেয়েদের ও শমরিয়া তার মেয়েদের সঙ্গে আগে যে অবঙ্গায় ছিল সেই অবঙ্গায় ফিরে যাবে; এবং তুমি তোমার মেয়েদের নিয়ে আগের

অবস্থায় ফিরে যাবে। ৫৬ তোমার অহংকারের দিনে তুমি তোমার  
বোন সদোমের নাম মুখে আনতে না, ৫৭ যখন তোমার দুষ্টতা প্রকাশ  
পায়নি। তবুও অরামের মেয়েরা ও তার প্রতিবেশীরা, ফিলিস্তিনীদের  
মেয়েরা তোমাকে অবজ্ঞা করে—তোমার চারিদিকে যারা আছে তারা  
তোমাকে ঘৃণা করে। ৫৮ তুমি তোমার কুর্ক ও ঘৃণ্য কাজের ফলভোগ  
করবে, সদাপ্রভু এই কথা বলেন। ৫৯ “সার্বভৌম সদাপ্রভু এই কথা  
বলেন তোমার কাজ অনুসারে আমি তোমার সঙ্গে ব্যবহার করব, কারণ  
তুমি আমার শপথ অবজ্ঞা করে বিধান ভেঙেছ। ৬০ তবুও তোমার  
যৌবনকালে তোমার সঙ্গে আমার যে বিধান ছিল, তা আমি মনে করব  
এবং তোমার জন্য একটি চিরস্থায়ী বিধান স্থাপন করব। ৬১ তখন  
তুমি নিজের আচার-ব্যবহার স্মরণ করে লজ্জিতা হবে, যখন তুমি  
তোমার বোনদের, বড়ো ও ছোটো, তাদের তুমি গ্রহণ করবে। তোমার  
মেয়ে হিসেবে আমি তাদেরকে তোমাকে দেব, যদিও তারা তোমার  
সঙ্গে আমার বিধানের মধ্যে নেই। ৬২ অতএব আমি তোমার জন্য  
আমার বিধান স্থাপন করব, আর তুমি জানবে যে, আমিই সদাপ্রভু। ৬৩  
আমি যখন তোমার সব অন্যায় ক্ষমা করব তখন তুমি সেইসব অন্যায়  
কাজের জন্য লজ্জিত হবে এবং তোমার অপমানের জন্য আর কখনও  
মুখ খুলবে না, এই কথা সার্বভৌম সদাপ্রভু বলেন।”

**১৭** পরে সদাপ্রভুর বাক্য আমার কাছে উপস্থিত হল, ২ “হে  
মানবসন্তান, তুমি ইস্রায়েল কুলের সামনে একটি ধাঁধা রেখে দৃষ্টান্তের  
মধ্য দিয়ে বলো। ৩ তাদের বলো, ‘সার্বভৌম সদাপ্রভু এই কথা বলেন  
বিভিন্ন রংয়ের লম্বা পালকে ভরা খুব শক্তিশালী ডানাযুক্ত একটি বিশাল  
টিগল লেবাননে এসে সিদার গাছের উপরের ডাল ধরে ৪ সেটি ভাঙ্গল  
ও ব্যবসায়ীদের দেশে বয়ে নিয়ে গিয়ে ব্যবসায়ীদের নগরে লাগিয়ে  
দিল। ৫ “সে তোমার দেশের কিছু চারাগাছ নিল ও উর্বর মাটিতে  
লাগিয়ে দিল। প্রচুর জলের ধারে উইলো গাছের মতো করে সে তা  
লাগিয়ে দিল, ৬ সেটি মাটিতে ছড়িয়ে পড়া একটি দ্রাক্ষালতা হল।  
তার ডালগুলি ওই টিগলের দিকে ফিরল আর তার শিকড়গুলি পাথির  
নিচে রইল। এইভাবে সেই দ্রাক্ষালতা বড়ো হল এবং তাতে পাতাভরা

অনেক ডাল বের হল। 7 “কিন্তু সেখানে পালকে ঢাকা বড়ো ডানাযুক্ত  
আর একটি প্রকাণ্ড সংগল ছিল। সেই দ্রাক্ষালতা জল পাবার জন্য  
যেখানে সেটি লাগানো হয়েছিল সেখান থেকে তার শিকড় ও ডালগুলি  
সেই সংগলের দিকে বাঢ়িয়ে দিল। 8 প্রচুর জলের পাশে ভালো মাটিতে  
তাকে লাগানো হয়েছিল যাতে সে অনেক ডাল বের করতে পারে, ফল  
ধরাতে পারে ও সুন্দর দ্রাক্ষালতা হয়ে উঠতে পারে।’ 9 ‘তাদের বলো,  
‘সার্বভৌম সদাপ্রভু এই কথা বলেন, সে কি বেড়ে উঠবে? সে যাতে  
শুকিয়ে যায় সেইজন্য কি তাকে উপত্যে ফেলে তার ফল ছিড়ে নেওয়া  
হবে না? সব নতুন গজানো ডগা শুকিয়ে যাবে। তার শিকড় ধরে তুলে  
ফেলার জন্য কোনও শক্তিশালী হাত বা অনেক লোক লাগবে না। 10  
তাকে লাগানো হয়েছে, কিন্তু সে কি বাঁচবে? সে কি সম্পূর্ণ শুকিয়ে  
যাবে না যখন পূর্বদিকের বাতাস তাকে আঘাত করবে—যেখানে  
তাকে লাগানো হয়েছিল সেখানেই সে কি শুকিয়ে যাবে না?’” 11 আর  
সদাপ্রভুর বাক্য আমার কাছে উপস্থিত হল, 12 “তুমি এই বিদ্রোহী  
কুলকে বলো, ‘তোমরা কি জানো না এই সবের অর্থ কি?’ তাদের  
বলো, ‘ব্যাবিলনের রাজা জেরুশালেমে এসে তার রাজা ও গণ্যমান্য  
লোকদের ধরে তাঁর সঙ্গে ব্যাবিলনে নিয়ে গেল। 13 তারপর সে  
রাজপরিবারের একজনের সঙ্গে চুক্তি করে তাকে তার বাধ্য থাকবার  
শপথ করাল। সে দেশের প্রধান প্রধান লোকদেরও ধরে নিয়ে গেল, 14  
যেন সেই রাজ্যকে অধীনে রাখা যায় এবং তা শক্তিশালী হয়ে উঠতে  
না পারে কিন্তু চুক্তি রক্ষা করে টিকে থাকতে পারে। 15 কিন্তু সেই  
রাজা ঘোড়া ও সৈন্যদল পাবার জন্য মিশরে দৃত পাঠিয়ে ব্যাবিলনের  
রাজার বিরুদ্ধে বিদ্রোহ করল। সে কি সফল হবে? এমন কাজ যে  
করে সে কি রক্ষা পাবে? চুক্তি ভেঙে ফেললে কি সে রক্ষা পাবে? 16  
“সার্বভৌম সদাপ্রভু এই কথা বলেন, আমার জীবনের দিব্য, তাকে যে  
রাজা সিংহাসনে বসাল, যার শপথ সে অবজ্ঞা করল, আর যার চুক্তি সে  
ভেঙে ফেলল সে সেই রাজার দেশ ব্যাবিলনে মারা যাবে। 17 যুদ্ধের  
সময় যখন অনেক জীবন ধ্বংস করার জন্য উঁচু ঢিবি ও ঢালু পথ তৈরি  
করা হবে তখন ফরৌণের শক্তিশালী মন্ত্র বড়ো সৈন্যদল তাকে সাহায্য

করবে না। 18 সে শপথ অবজ্ঞা করে চুক্তি ভেঙেছে। সে অধীনতার চুক্তি করেও এসব কাজ করেছে বলে রক্ষা পাবে না। 19 “অতএব সার্বভৌম সদাপ্রভু এই কথা বলেন, আমার জীবনের দিব্য, সে আমার শপথ অবজ্ঞা করেছে ও আমার চুক্তি ভেঙেছে, অতএব তার ফল তাকে দেব। 20 আমি তার জন্য আমার জাল পাতব এবং সে আমার ফাঁদে ধরা পড়বে। সে আমার প্রতি অবিশ্বস্ত হয়েছে বলে আমি তাকে ব্যাবিলনে নিয়ে যাব আর সেখানে তার বিচার আমি করব। 21 তার সব সৈন্যরা তরোয়ালে মারা যাবে আর বাদবাকি সৈন্যরা চারিদিকে ছড়িয়ে পড়বে। তখন তোমরা জানবে যে আমি সদাপ্রভু এই কথা বলেছি। 22 “সার্বভৌম সদাপ্রভু এই কথা বলেন, আমি নিজেই সিডার গাছের মাথা থেকে একটি কচি ডাল নিয়ে সেটি লাগাব; আমি তার সব থেকে উঁচু ডালের একটি কচি অংশ ভেঙে পাহাড়ের উঁচু চুড়ার উপরে লাগিয়ে দেব। 23 ইস্রায়েলের উঁচু পাহাড়ের উপরে তা থেকে ডালপালা বের হয়ে ফল ধরবে এবং সেটি একটি বিশাল সিডার গাছ হয়ে উঠবে। সব রকমের পাথি তার ডালপালার মধ্যে বাসা করবে; তারা আশ্রয় পাবে এবং তার ছায়ায় বাস করবে। 24 এতে মাঠের সব গাছপালা জানবে যে, আমিই সদাপ্রভু উঁচু গাছকে নিচু করি এবং নিচু গাছকে উঁচু করি। আমি সবুজ গাছকে শুকনো করি এবং শুকনো গাছকে জীবিত করি। “আমি সদাপ্রভু এই কথা বলেছি, এবং আমি তা করব।”

**18** সদাপ্রভুর বাক্য আমার কাছে উপস্থিত হল: 2 “ইস্রায়েল দেশ সমন্বে প্রচলিত প্রবাদটি উদ্ভৃত করার দ্বারা লোকেরা কী অর্থ প্রকাশ করে: “‘বাবারা টক আঙুর খেয়েছিলেন, আর সন্তানদের দাঁত টকে গেছে’? 3 “আমার জীবনের দিব্য, সার্বভৌম সদাপ্রভু এই কথা বলেন, তোমরা এই প্রবাদ ইস্রায়েলে আর বলবে না। 4 জীবিত সব লোকই আমার, বাবা ও সন্তান উভয়ই আমার। যে পাপ করবে সেই মরবে। 5 “মনে করো, একজন ধার্মিক লোক আছে যে ন্যায় ও ঠিক কাজ করে। 6 সে পাহাড়ের উপরের কোনো পূজার স্থানে খাওয়াদাওয়া করে না কিংবা ইস্রায়েলীদের কোনো প্রতিমার পূজা করে না। সে তার প্রতিবেশীর স্ত্রীকে কল্পুষ্ট করে না কিংবা খাতুমতী স্ত্রীলোকের

সঙ্গে মিলিত হয় না। 7 সে কারও উপরে অত্যাচার করে না, বরং ঝগীকে বন্ধকি জিনিস ফিরিয়ে দেয়। সে চুরি করে না কিন্তু যাদের খিদে পেয়েছে তাদের খাবার দেয় এবং উলঙ্গদের কাপড় দেয়। 8 সে সুদে টাকা ধার দেয় না কিংবা বাড়তি সুদ নেয় না। সে অন্যায় করা থেকে হাত সরিয়ে রাখে ও লোকদের মধ্যে ন্যায়ভাবে আমার বিধান পালন করে। সেই লোক ধার্মিক; সে নিশ্চয় বাঁচবে, এই কথা সার্বভৌম সদাপ্রভু বলেন। 10 “মনে করো যদি সেই লোকের এক হিংস্র ছেলে আছে, যে রক্তপাত করে অথবা এগুলির মধ্যে যে কোনও একটি করে 11 (যদিও তার বাবা এর কোনোটিই করেনি), “সে পাহাড়ের উপরের পূজার স্থানগুলিতে খাওয়াদাওয়া করে। সে তার প্রতিবেশীর স্ত্রীকে কল্যাণ করে। 12 সে গরিব ও অভাবীদের উপর অত্যাচার করে। সে চুরি করে। সে বন্ধকি জিনিস ফিরিয়ে দেয় না। সে ঘৃতির প্রতি দৃষ্টিপাত করে। সে ঘৃণ্য কাজ করে। 13 সে সুদে টাকা ধার দেয় ও বাড়তি সুদ নেয়। সেই লোক কি বাঁচবে? সে বাঁচবে না! কারণ সে এসব ঘৃণ্য কাজ করেছে, সে মরবেই মরবে এবং তার মৃত্যুর জন্য সে নিজেই দায়ী হবে। 14 “কিন্তু মনে করো এই ছেলের একটি ছেলে আছে যে তার বাবাকে এসব পাপ করতে দেখেছে, এবং যদিও সেসব দেখেও সে তা করে না: 15 “সে পাহাড়ের উপরের পূজার স্থানগুলিতে খাওয়াদাওয়া করে না কিংবা ইস্রায়েলীদের কোনও প্রতিমার পূজা করে না। সে তার প্রতিবেশীর স্ত্রীকে কল্যাণ করে না। 16 সে কারও উপরে অত্যাচার করে না কিংবা ঝগীকে বন্ধকি জিনিস ফিরিয়ে দেয়। সে চুরি করে না কিন্তু যাদের খিদে পেয়েছে তাদের খাবার দেয় এবং উলঙ্গদের কাপড় দেয়। 17 সে গরিবদের প্রতি খারাপ ব্যবহার করা থেকে বিরত থাকে এবং সে সুদে টাকা ধার দেয় না কিংবা বাড়তি সুদ নেয় না। সে আমার নিয়মকানুন মেনে চলে ও আমার বিধান পালন করে। সে তার বাবার পাপের জন্য মরবে না; সে নিশ্চয় বাঁচবে। 18 কিন্তু তার বাবা নিজের পাপের জন্য মরবে, কারণ সে জোর করে টাকা আদায় করত, ভাইয়ের জিনিস চুরি করত এবং তার লোকদের মধ্যে অন্যায় কাজ করত। 19

“ত্বুও তোমরা বলছ, ‘বাবার দোষের জন্য কেন ছেলে শাস্তি পাবে  
না?’ যেহেতু সেই ছেলে তো ন্যায় ও ঠিক কাজ করেছে এবং যত্নের  
সঙ্গে আমার নিয়ম পালন করেছে, তাই সে নিশ্চয় বাঁচবে। 20 যে পাপ  
করবে সেই মরবে। ছেলে বাবার দোষের জন্য শাস্তি পাবে না আর  
বাবাও ছেলের দোষের জন্য শাস্তি পাবে না। ধার্মিক ধার্মিকতার ফল  
পাবে আর দুষ্ট দুষ্টতার ফল পাবে। 21 “কিন্তু যদি একজন দুষ্টলোক  
তার সব পাপ থেকে ফিরে আমার নিয়ম সকল পালন করে আর ন্যায়  
ও ঠিক কাজ করে তবে সে নিশ্চয়ই বাঁচবে; সে মরবে না। 22 যে সকল  
অপরাধ সে আগে করেছে তার কোনটাই মনে রাখা হবে না। তার  
ধার্মিক আচরণের জন্য, সে বাঁচবে। 23 দুষ্টলোকের মরণে কি আমি  
খুশি হই? এই কথা সার্বভৌম সদাপ্রভু বলেন। বরং তারা তাদের  
কৃপথ থেকে ফিরে বাঁচে, এতে কি আমি খুশি হই না? 24 “কিন্তু যদি  
একজন ধার্মিক লোক নিজের ধার্মিকতা থেকে ফিরে পাপ করে এবং  
সেই একই ঘণ্য কাজ করে যা দুষ্টলোক করে, তবে সে কি বাঁচবে?  
তার সব ধার্মিকতার কাজ যা সে আগে করেছে তা মনে রাখা হবে না।  
কারণ তার অবিশ্বস্ততার জন্য সে দোষী এবং যে পাপ সে করেছে, তার  
জন্য সে মরবে। 25 “ত্বুও তোমরা বলছ, ‘প্রভুর পথ ঠিক নয়।’ হে  
ইস্রায়েল কুল, শোনো, আমার পথ কি অন্যায়ের? তোমাদের পথ কি  
অন্যায়ের না? 26 যদি একজন ধার্মিক লোক নিজের ধার্মিকতা থেকে  
ফিরে পাপ করে, সে তার জন্য মরবে; কারণ যে পাপ সে করেছে,  
সে মরবে। 27 কিন্তু যদি একজন দুষ্টলোক তার দুষ্টতা থেকে ফেরে  
এবং যা ন্যায় ও সঠিক তাই করে, সে তার জীবন রক্ষা করবে। 28  
যেহেতু সে তার অপরাধের বিষয় বিবেচনা করে তার থেকে ফিরেছে,  
সে নিশ্চয়ই বাঁচবে; সে মরবে না। 29 অথচ ইস্রায়েল কুল বলছে,  
'প্রভুর পথ ঠিক নয়।' হে ইস্রায়েল কুল, আমার পথ কি সঠিক নয়?  
তোমাদের পথ কি অন্যায়ের নয়? 30 “অতএব, হে ইস্রায়েল কুল,  
আমি তোমাদের প্রত্যেকের আচার-ব্যবহার অনুসারে বিচার করব,  
এই কথা সার্বভৌম সদাপ্রভু বলেন। মন ফেরাও! তোমাদের অপরাধ  
থেকে ফেরো; তাহলে পাপ তোমাদের পতনের কারণ হবে না। 31

তোমাদের সমস্ত অন্যায় তোমাদের নিজেদের মধ্য থেকে দূর করো  
 এবং তোমাদের অন্তর ও মন নতুন করে গড়ে তোলো। হে ইস্রায়েল  
 কুল, তুমি কেন মরবে? 32 কারণ আমি কারোর মৃত্যুতে খুশি হই না,  
 এই কথা সার্বভৌম সদাপ্রভু বলেন। মন ফেরাও এবং বাঁচো!

**19** “তুমি ইস্রায়েলের শাসনকর্তাদের জন্য বিলাপ 2 করে বলো,  
 “সিংহদের মধ্যে তোমার মা ছিল সেরা সিংহী! সে যুবসিংহদের মধ্যে  
 শুয়ে থাকত; তার শাবকদের সে লালনপালন করত। 3 তার একটি  
 শাবক বড়ো হয়ে শক্তিশালী সিংহ হয়ে উঠল। সে পশু শিকার করতে  
 শিখল আর মানুষ থেতে লাগল। 4 জাতিরা তার বিষয় শুনতে পেল,  
 আর সে তাদের গর্তে ধরা পড়ল। তারা তার নাকে বড়শি পরিয়ে মিশর  
 দেশে নিয়ে গেল। 5 “যখন সে দেখল তার আশা পূর্ণ হল না, তার  
 প্রত্যাশা চলে গেছে, সে আর তার একটি শাবক নিয়ে তাকে শক্তিশালী  
 সিংহ করে তুলল। 6 সেই শাবক সিংহদের মধ্যে ঘোরাঘুরি করে কারণ  
 সে একটি শক্তিশালী সিংহ হয়ে উঠেছিল। সে পশু শিকার করতে  
 শিখল আর মানুষ থেতে লাগল। 7 সে তাদের দুর্গগুলি ভাঙল আর  
 নগর সব ধ্বংস করে ফেলল। সেই দেশ ও সেখানে যারা বাস করত  
 তারা তার গর্জনে ভয় পেল। 8 তখন তার চারপাশের জাতিরা তার  
 বিরুদ্ধে দাঢ়াল। তার উপরে তাদের জাল পাতল, আর সে তাদের  
 গর্তে ধরা পড়ল। 9 তাকে বড়শি পরিয়ে খাঁচায় পুরল আর তাকে  
 ব্যাবিলনের রাজাৰ কাছে নিয়ে গেল। তাকে কারাগারে রাখল যেন তার  
 গর্জন আর শোনা না যায় ইস্রায়েলের কোনও পাহাড়ে। 10 “তোমার  
 দ্রাক্ষাক্ষেত্রে তোমার মা জলের ধারে লাগানো একটি দ্রাক্ষালতার মতো  
 ছিল, প্রচুর জল পাবার দরজন তা ছিল ফল ও ডালপালায় ভরা। 11  
 তার ডালগুলি ছিল শক্ত শাসনকর্তার রাজদণ্ড হওয়ার উপযুক্ত। সে  
 খুব উঁচু এবং ডালপালায় ভরা সেইজন্য তাকে সুস্পষ্টভাবে দেখা যায়  
 তার বহু শাখার জন্য। 12 কিন্তু ক্রোধের প্রকোপে সেটিকে নির্মূল  
 করে মাটিতে ফেলা হল। পূবের বাতাসে সেটি ঝুঁকড়ে গেল, তার ফল  
 পড়ে গেল; তার শক্ত ডালগুলি শুকিয়ে গেল এবং আগুন সেগুলিকে  
 গ্রাস করল। 13 এখন সেটি কে মরণভূমিতে, শুকনো, জলহীন দেশে

লাগানো হয়েছে। 14 তার একটি ডাল থেকে আগুন ছড়িয়ে পড়ল এবং  
তার ফল আগুন গ্রাস করল। শাসনকর্তার রাজদণ্ড হওয়ার উপযুক্ত  
কেনও শক্ত ডাল আর রইল না।’ এটি একটি বিলাপ এবং এটি বিলাপ  
হিসেবে ব্যবহার করা হবে।”

**20** সপ্তম বছরের পঞ্চম মাসের দশ দিনের দিন, ইস্রায়েলের  
কর্যেকজন প্রাচীন সদাপ্রভুর ইচ্ছা জানবার জন্য আমার সামনে  
বসলেন। 2 তখন সদাপ্রভুর বাক্য আমার কাছে উপস্থিত হল 3 “হে  
মানবসন্তান, তুমি ইস্রায়েলের প্রাচীনদের সঙ্গে আলাপ করে তাদের  
বলো, ‘সার্বভৌম সদাপ্রভু এই কথা বলেন, তোমরা কি আমার ইচ্ছা  
জানতে এসেছ? সার্বভৌম সদাপ্রভু এই কথা বলেন, আমার জীবনের  
দিব্য, আমি তোমাদের আমার ইচ্ছা জানতে দেব না।’ 4 “তুমি কি  
তাদের বিচার করবে? হে মানবসন্তান, তুমি কি তাদের বিচার করবে?  
তবে তাদের পূর্বপুরুষদের ঘৃণ্য কাজের কথা তাদের জানা। 5 আর  
তাদের বলো, ‘সার্বভৌম সদাপ্রভু এই কথা বলেন, আমি যেদিন  
ইস্রায়েলকে বেছে নিয়েছিলাম, সেইদিন হাত তুলে যাকোবের বংশের  
লোকদের কাছে শপথ করেছিলাম ও মিশরে তাদের কাছে নিজেকে  
প্রকাশ করেছিলাম। হাত তুলে তাদের বলেছিলাম, ‘আমিই তোমাদের  
ঈশ্বর সদাপ্রভু।’” 6 সেইদিন আমি তাদের কাছে শপথ করেছিলাম  
যে আমি তাদের মিশর দেশ থেকে বার করে তাদের জন্য যে দেশ  
আমি খুঁজেছি সেখানে নিয়ে যাব, দুধ ও মধু প্রবাহিত দেশে, সেটি  
সব দেশের মধ্যে সুন্দর। 7 আমি তাদের বলেছিলাম, “তোমরা  
প্রত্যেকে যেসব ঘৃণ্য মূর্তি তোমাদের ভালো লেগেছে সেগুলি দূর করো,  
এবং মিশরের প্রতিমাগুলি দিয়ে নিজেদের অঙ্গ করো না। আমিই  
তোমাদের ঈশ্বর সদাপ্রভু।” 8 “কিন্তু তারা আমার বিরুদ্ধে বিদ্রোহ  
করল আর আমার কথা শুনতে রাজি হল না; যেসব ঘৃণ্য মূর্তি তাদের  
ভালো লাগত তা তারা দূর করেনি এবং মিশরের প্রতিমাগুলি ও ত্যাগ  
করেনি। সেইজন্য আমি বলেছিলাম মিশরে আমি তাদের উপর আমার  
ক্ষেত্র ও ভীষণ অসন্তোষ চেলে দেব। 9 কিন্তু আমার সুনাম রক্ষার  
জন্য আমি তা করিনি, যাতে তারা যে জাতিগণের মধ্যে বাস করছিল

তাদের কাছে আমার নাম যেন অপবিত্র না হয় ও যাদের সামনে আমি  
তাদের মিশর থেকে বের করে এনে ইস্রায়েলীদের কাছে আমি আমার  
পরিচয় দিয়েছি। 10 অতএব তাদের মিশর দেশ থেকে বের করে  
মরণভূমিতে আনলাম। 11 আমি তাদের আমার নিয়ম দিলাম ও আমার  
আইনকানুন তাদের জানলাম, যে তা পালন করবে সে তার মধ্যে দিয়ে  
বাঁচবে। 12 আরও আমার ও তাদের মধ্যে চিহ্ন হিসেবে আমার বিশ্রাম  
দিনগুলি তাদের দিলাম যেন তারা জানতে পারে যে, আমি সদাপ্রভু  
তাদের পবিত্র করেছি। 13 “কিন্তু ইস্রায়েলের লোকেরা মরণভূমিতে  
আমার বিরঞ্জে বিদ্রোহ করল। তারা আমার নিয়ম অনুসারে চলেনি,  
আমার আইনকানুন অগ্রাহ্য করেছে যদিও তা পালন করলে মানুষ  
তার মধ্যে দিয়ে বাঁচবে এবং তারা আমার বিশ্রামবারকে ভীষণভাবে  
অপবিত্র করেছে। তখন আমি বলেছিলাম যে আমার ক্ষেত্রে তাদের  
উপর ঢেলে দেব ও মরণভূমিতে তাদের ধ্বংস করব। 14 কিন্তু আমার  
সুনাম রক্ষার জন্য আমি তা করিনি, যাতে যে জাতিদের সামনে আমি  
তাদের বের করে এনেছিলাম তাদের কাছে আমার নাম অপবিত্র না  
হয়। 15 এছাড়া সেই মরণভূমিতে আমি হাত তুলে তাদের কাছে শপথ  
করেছিলাম তাদের যে দেশ দিয়েছি সেই দেশে নিয়ে যাব দুধ ও মধু  
প্রবাহিত দেশে, সেটি সব দেশের মধ্যে সুন্দর। 16 কারণ তারা আমার  
আইনকানুন অগ্রাহ্য করেছে ও আমার নিয়ম অনুসারে চলেনি এবং  
আমার বিশ্রামবারকে অপবিত্র করেছে। কেননা তাদের অন্তর তাদের  
প্রতিমাণগুলির অনুগত। 17 তবুও আমি তাদের করুণার চোখে দেখে  
মরণভূমিতে তাদের একেবারে ধ্বংস করিনি। 18 আমি মরণভূমিতে  
তাদের সন্তানদের বললাম, “তোমাদের পূর্বপুরুষদের মতো চলো  
না, তাদের আইনকানুন রক্ষা কোরো না ও তাদের প্রতিমাণগুলি দ্বারা  
নিজেদের অঙ্গটি কোরো না। 19 আমিই তোমাদের ঈশ্বর সদাপ্রভু;  
আমার নিয়মগুলি পালন করো ও আমার আইনকানুন রক্ষা করতে  
যত্ন নিও। 20 আমার বিশ্রামবার পবিত্র রেখো, যেন তা আমাদের  
মধ্যে চিহ্নস্বরূপ হয়। তখন তোমরা জানবে আমিই তোমাদের ঈশ্বর  
সদাপ্রভু।” 21 “তবুও সেই সন্তানেরা আমার বিরঞ্জে বিদ্রোহ করল

তারা আমার নিয়মগুলি পালন করেনি ও আমার আইনকানুন রক্ষা  
করতে যত্ন নেয়নি “যদিও তা পালন করলে মানুষ তার মধ্যে দিয়ে  
বাঁচবে” এবং তারা আমার বিশ্রামবারকে অপবিত্র করেছে। তখন আমি  
বলেছিলাম যে আমার ক্রোধ তাদের উপর ঢেলে দেব ও মরণভূমিতে  
আমার অসন্তোষ তাদের উপর ব্যয় করব। 22 কিন্তু আমি আমার হাত  
বাড়ালাম না, এবং আমার সুনাম রক্ষার জন্য আমি তা করিনি, যাতে  
যে জাতিদের সামনে আমি তাদের বের করে এনেছিলাম তাদের কাছে  
আমার নাম অপবিত্র না হয়। 23 এছাড়া সেই মরণভূমিতে আমি হাত  
তুলে তাদের কাছে শপথ করেছিলাম যে আমি তাদের বিভিন্ন জাতি ও  
দেশের মধ্যে ছড়িয়ে-ছিটিয়ে দেব, 24 কারণ তারা আইনকানুনের  
বাধ্য হয়নি অথচ নিয়মগুলি অগ্রাহ্য করেছে এবং আমার বিশ্রামবারকে  
অপবিত্র করেছে ও অগ্রাহ্য করেছে এবং তাদের চোখের লোলুপ  
দৃষ্টি ছিল তাদের পূর্বপুরুষদের পূজিত মূর্তির প্রতি। 25 যেসব নিয়ম  
ভালো না এবং যে আইনকানুন মধ্য দিয়ে তারা বাঁচতে পারবে না  
সেইসব তাদের দিলাম। 26 আমি তাদের উপহারকে অশুচি হতে  
দিলাম—তাদের প্রথমজাতকে উৎসর্গ যেন আমি আতঙ্কিত করতে  
পারি আর তারা জানতে পারবে যে আমিই সদাপ্রভু।’ 27 “অতএব, হে  
মানবসন্তান, তুমি ইস্রায়েল কুলের সঙ্গে আলাপ করে তাদের বলো,  
‘সার্বভৌম সদাপ্রভু এই কথা বলেন, তোমাদের পূর্বপুরুষেরা আমার  
প্রতি অবিশ্বস্ত হয়ে আমার নিন্দা করেছে। 28 আমি তাদের যে দেশ  
দেব বলে প্রতিজ্ঞা করেছিলাম, সেই দেশে যখন তাদের নিয়ে এলাম  
আর তারা যে কোনও উঁচু পাহাড় বা ডালপালা ছড়ানো সবুজ গাছ  
দেখল সেখানে তারা তাদের পশুবলি দিত, আমার অসন্তোষ বাড়াতে  
সেখানে নৈবেদ্য দিত, সুগন্ধি ধূপ রাখত এবং পেয়-নৈবেদ্য ঢালত।  
29 তখন আমি তাদের বললাম তোমরা যে উঁচু স্থানে উঠে যাও, ওটি  
কি?” (আজ পর্যন্ত সেই জায়গাকে বামা বলে ডাকা হয়।) 30 “অতএব  
ইস্রায়েল কুলকে বলো ‘সার্বভৌম সদাপ্রভু এই কথা বলেন তোমরা  
কি তোমাদের পূর্বপুরুষদের মতো করে নিজেদের অশুচি করবে  
এবং তাদের ঘৃণ্য মৃত্যুগুলির প্রতি লালসা করবে? 31 যখন তোমরা

তোমাদের উপহার অর্পণ করো—তোমাদের সন্তানদের আগন্তের  
মধ্য বলিদান করো—এই দিন পর্যন্ত তোমরা তোমাদের প্রতিমা দ্বারা  
নিজেদের অঙ্গটি করছ। হে ইস্রায়েল কুল, আমি কি তোমাদের আমার  
কাছে অনুসন্ধান করতে দেব? এই কথা সার্বভৌম সদাপ্রভু বলেন,  
আমার জীবনের দিব্য, আমি তোমাদের আমার কাছে অনুসন্ধান করতে  
দেব না। 32 “তোমরা বলে থাকো, ‘আমরা জগতের অন্যান্য জাতির  
লোকদের মতো হতে চাই যারা কাঠ ও পাথরের পূজা করে।’” কিন্তু  
তোমাদের মনে যা আছে তা কখনও হবে না। 33 এই কথা সার্বভৌম  
সদাপ্রভু বলেন, আমার জীবনের দিব্য, আমার শক্তিশালী হাত ও  
বিস্তারিত বাহু বাড়িয়ে ক্রোধ চেলে তোমাদের উপরে রাজত্ব করব। 34  
আমার শক্তিশালী হাত ও বিস্তারিত বাহু বাড়িয়ে ক্রোধ চেলে—বিভিন্ন  
জাতির মধ্য থেকে আমি তোমাদের নিয়ে আসব এবং যেসব দেশে  
তোমাদের ছড়িয়ে দেওয়া হয়েছিল সেখান থেকে তোমাদের একত্র  
করব। 35 আমি তোমাদের জাতিদের মরণভূমিতে নিয়ে এসে সেখানে  
তোমাদের, মুখোমুখি হয়ে, বিচার করব। 36 মিশ'র দেশের মরণভূমিতে  
আমি যেমন তোমাদের পূর্বপুরুষদের বিচার করেছিলাম, তেমনি  
তোমাদেরও বিচার করব, এই কথা সার্বভৌম সদাপ্রভু বলেন। 37  
তোমরা যখন আমার লাঠির নিচ দিয়ে যাবে তখন আমি তোমাদের  
পরীক্ষা করব, আমার বিধানের বাঁধন দিয়ে আমি তোমাদের বাঁধব।  
38 তোমাদের মধ্যে যারা আমার বিরুদ্ধে থাকে ও বিদ্রোহ করে আমি  
তাদের দূর করে দেব। তারা যে দেশে বাস করত যদিও সেখান থেকে  
আমি তাদের বের করে আনব তবুও তারা ইস্রায়েল দেশে চুক্তে  
পারবে না। তখন তোমরা জানবে যে, আমিই সদাপ্রভু। 39 “হে  
ইস্রায়েল কুল, তোমাদের জন্য সার্বভৌম সদাপ্রভু এই কথা বলেন,  
তোমরা যাও আর প্রত্যেকে নিজের নিজের প্রতিমাগুলির সেবা করো!  
কিন্তু পরে আমার কথা তোমরা অবশ্যই শুনবে এবং তখন তোমরা  
তোমাদের উপহার ও প্রতিমা দিয়ে আমার পবিত্র নাম আর অপবিত্র  
করবে না। 40 কারণ, তখন দেশের মধ্যে আমার পবিত্র পাহাড়ের  
উপরে, ইস্রায়েলের উঁচু পাহাড়ের উপরে, এই কথা সার্বভৌম সদাপ্রভু

বলেন, ইস্রায়েলের সমস্ত লোক আমার সেবা করবে এবং সেখানে আমি  
 তাদের গ্রহণ করব। সেখানে আমি তোমাদের সব পবিত্র নৈবেদ্য,  
 দান ও ভালো ভালো উপহার দাবি করব। 41 আমি যখন জাতিদের  
 মধ্য থেকে তোমাদের বের করে আনব এবং যেসব দেশে তোমরা  
 ছড়িয়ে পড়েছ সেখান থেকে একত্র করব তখন সুগন্ধি ধূপের মতো  
 আমি তোমাদের গ্রহণ করব। আমার পবিত্রতা তোমাদের মধ্য দিয়ে  
 প্রকাশিত হবে এবং সেটি সমস্ত জাতি দেখবে। 42 আমি তোমাদের  
 যে দেশ দেব বলে হাত তুলে তোমাদের পূর্বপুরুষদের কাছে শপথ  
 করেছিলাম, সেই ইস্রায়েল দেশে যখন তোমাদের নিয়ে আসব, তখন  
 তোমরা জানবে যে, আমিই সদাপ্রভু। 43 সেখানে তোমাদের আগের  
 আচার ব্যবহারের কথা ও যেসব কাজের দ্বারা তোমরা নিজেদের  
 অঙ্গ করেছিলে তা মনে করবে এবং তোমাদের সমস্ত মন্দ কাজের  
 জন্য নিজেরা নিজেদের ঘৃণা করবে। 44 হে ইস্রায়েল কুল, সার্বভৌম  
 সদাপ্রভু বলেন, আমি যখন তোমাদের মন্দ আচার-ব্যবহার ও মন্দ  
 কাজ অনুসারে তোমাদের সঙ্গে ব্যবহার করব না, কিন্তু নিজের সুনাম  
 রক্ষার জন্য তোমাদের সঙ্গে ভালো ব্যবহার করব, তখন তোমরা  
 জানবে যে, আমিই সদাপ্রভু।” 45 সদাপ্রভুর বাক্য আমার কাছে  
 উপস্থিত হল, 46 “হে মানবসন্তান, তোমার মুখ তুমি দক্ষিণ দিকে  
 রেখে সেই দেশে বিরঞ্জে কথা বলো এবং সেখানকার বনের বিরঞ্জে  
 ভবিষ্যদ্বাণী বলো। 47 দক্ষিণের বনকে তুমি বলো ‘সদাপ্রভুর বাক্য  
 শোনো। সার্বভৌম সদাপ্রভু এই কথা বলেন আমি তোমার মধ্যে  
 আগুন জ্বালাব, আর তা তোমার সব কাঁচা ও শুকনো গাছপালা পুড়িয়ে  
 ফেলবে। সেই গনগনে আগুন তৃপ্ত হবে না এবং দক্ষিণ থেকে উত্তর  
 পর্যন্ত সমস্ত লোক তাতে বলসে যাবে। 48 প্রত্যেকে দেখবে যে আমি  
 সদাপ্রভুই তা জ্বালিয়েছি; তা নিভবে না।” 49 তখন আমি বললাম,  
 “হে সার্বভৌম সদাপ্রভু! তারা আমাকে বলছে, ‘সে কি কেবল দৃষ্টান্ত  
 বলছে না?’”

**21** সদাপ্রভুর বাক্য আমার কাছে উপস্থিত হল 2 “হে মানবসন্তান,  
 তুমি জেরুশালেমের দিকে মুখ করে পবিত্রস্থানের বিরঞ্জে প্রচার করো।

ইস্রায়েল দেশের বিরুদ্ধে ভবিষ্যদ্বাণী করো ৩ আর তাকে বলো  
‘সদাপ্রভু এই কথা বলেন আমি তোমার বিপক্ষে। আমি খাপ থেকে  
আমার তরোয়াল বের করে তোমার মধ্য থেকে ধার্মিক ও দুষ্ট সবাইকে  
মেরে ফেলব। ৪ দক্ষিণ থেকে উত্তরের সকলকে মেরে ফেলার জন্য  
আমার তরোয়াল খাপ থেকে বের হবে কারণ আমি ধার্মিক ও দুষ্ট  
সবাইকে মেরে ফেলব। ৫ তখন সব লোক জানবে যে, আমি সদাপ্রভুই  
খাপ থেকে তরোয়াল বের করেছি; তা আর ফিরবে না।’ ৬ “সেইজন্য হে  
মানবসন্তান, তুমি কোঁকাও, ভগ্ন হন্দয়ে ও গভীর দৃঢ়খে তাদের সামনে  
কেঁকাও। ৭ আর তারা যখন তোমাকে জিজ্ঞাসা করবে, ‘তুমি কেন  
কেঁকাচ্ছ?’ তুমি বলবে, ‘খবরের জন্য, কারণ তা আসছে। প্রত্যেক  
হন্দয় গলে যাবে ও প্রত্যেক হাত দুর্বল হবে; প্রত্যেক আত্মা নিষ্ঠেজ  
হবে ও প্রত্যেক হাঁটু জলের মতো দুর্বল হয়ে যাবে।’ তা আসছে!  
তা নিশ্চয় ঘটবে, সার্বভৌম সদাপ্রভু এই কথা বলেন।” ৮ সদাপ্রভুর  
বাক্য আমার কাছে উপস্থিত হল: ৯ “হে মানবসন্তান, ভাববাণী বলো,  
‘সদাপ্রভু এই কথা বলেন: “একটি তরোয়াল, একটি তরোয়াল, ধার  
দেওয়া ও পালিশ করা, ১০ ধার দেওয়া হয়েছে কেটে ফেলার জন্য,  
পালিশ করা হয়েছে যেন বিদ্যুতের মতো ঝকমক করে! “আমার  
ছেলে যিহূদার রাজদণ্ডের জন্য কি আনন্দ করব? সেই তরোয়াল  
সেইরকম প্রত্যেক লাঠিকে তুচ্ছ করে। ১১ “তরোয়াল পালিশ করার  
জন্য নির্দিষ্ট হয়েছে যেন হাতে ধরা যায়; হত্যাকারীর হাতে দেবার  
জন্য এটি ধার দেওয়া ও পালিশ করা হয়েছে। ১২ হে মানবসন্তান,  
কাঁদো ও বিলাপ করো, কারণ এটি আমার প্রজাদের বিরুদ্ধে; এটি  
ইস্রায়েলের সমস্ত কর্মকর্তার বিরুদ্ধে। আর আমার প্রজাদের সঙ্গে  
তাদেরও তরোয়ালেতে ফেলা হবে। কাজেই তুমি বুক চাপড়াও। ১৩  
“পরীক্ষা নিশ্চয়ই আসবে। যিহূদার রাজদণ্ড, যা তরোয়াল তুচ্ছ করে,  
যদি আর না থাকে তাতে কি? এই কথা সার্বভৌম সদাপ্রভু বলেন।’  
১৪ “অতএব, হে মানবসন্তান, ভাববাণী বলো আর হাততালি দাও।  
সেই তরোয়াল দু-বার, এমনকি, তিনবার আঘাত করুক। এটি হত্যা  
করার সেই তরোয়াল, মহাহত্যা করার এই তরোয়াল, যা তাদের

উপর চারিদিক থেকে আসবে। 15 কেটে ফেলার জন্য তাদের সব  
দ্বারে দ্বারে আমি তরোয়াল বসিয়েছি যেন তাদের হন্দয় সব গলে  
যায় এবং অনেকে পড়ে। দেখো! সেই তরোয়াল বিদ্যুতের মতো  
ঝকমক করে, এটি হত্যার জন্য ধার দেওয়া হয়েছে। 16 হে তরোয়াল,  
ডানদিকে আঘাত করো, তারপর বাঁদিকে করো, যেদিকে তোমার  
ফলা ঘুরানো যায়। 17 আমি ও হাততালি দেব, আর আমার ক্রোধ  
শান্ত হবে। আমি সদাপ্রভুই এই কথা বলেছি।” 18 সদাপ্রভুর বাক্য  
আমার কাছে উপস্থিত হল: 19 “হে মানবসন্তান, ব্যাবিলনের রাজার  
তরোয়ালের জন্য দুটি রাস্তায় চিহ্ন দাও, সেই দুটি রাস্তাই এক দেশ  
থেকে বের হবে। যেখানে রাস্তা ভাগ হয়ে নগরের দিকে গেছে সেখানে  
পথনির্দেশ করার খুঁটি দাও। 20 তরোয়ালের জন্য অম্মোনীয়দের রক্ষা  
নগরের বিরুদ্ধে যাবার একটি রাস্তা এবং যিহুদা ও প্রাচীর দিয়ে যেরা  
জেরুশালেমের বিরুদ্ধে যাবার অন্য একটি রাস্তায় চিহ্ন দাও। 21  
কারণ ব্যাবিলনের রাজা পূর্বলক্ষণ জানার জন্য যেখানে দুটি রাস্তা  
মিশেছে সেখানে দাঁড়াবে; সে তির ছুড়বে, তার দেবতাদের সঙ্গে  
পরামর্শ করবে ও যকৃত পরীক্ষা করবে। 22 তার ডান হাতে আসবে  
জেরুশালেমের গণনা, যেখানে সে প্রাচীর ও দ্বার ভাঙবার যন্ত্র বসাবে,  
হত্যা করার হুকুম দেবে, ঢালু ঢিবি ও উঁচু ঢিবি তৈরি করবে। 23 যারা  
তার আনুগত্য স্বীকার করেছে তাদের কাছে এই লক্ষণ মিথ্যা মনে  
হবে, কিন্তু তাদের দোষের কথা সে তাদের মনে করিয়ে দেবে এবং  
তাদের বন্দি করে নিয়ে যাবে। 24 “এজন্য সার্বভৌম সদাপ্রভু এই কথা  
বলেন: ‘তোমরা খোলাখুলিভাবে পাপ করে তোমাদের দোষ দেখিয়ে  
দিয়েছ, তোমাদের সব কাজে তোমাদের অন্যায় প্রকাশ পাচ্ছে—তার  
ফলে তোমাদের বন্দি করে নিয়ে যাওয়া হবে। 25 “ওহে অপবিত্র ও  
দুষ্ট ইস্রায়েলের রাজপুত্র, তোমার দিন উপস্থিত হয়েছে, তোমার শাস্তির  
সময় চরমসীমায় পৌঁছেছে, 26 সার্বভৌম সদাপ্রভু এই কথা বলেন  
তোমার পাগড়ি খোলো, মুকুট নামিয়ে ফেলো। যেমন ছিল তেমন আর  
হবে না; ছোটোকে বড়ো আর বড়োকে ছোটো করা হবে। 27 ধ্বংস!  
ধ্বংস! আমি এসব ধ্বংস করে দেব! যাঁর সত্যিকারের অধিকার আছে

তিনি না আসা পর্যন্ত এগুলি আর পুনরুদ্ধার হবে না; আমি তাঁকেই  
এসব কিছু দেব।’ 28 “আর তুমি, হে মানবসন্তান, ভাববাণী বলো,  
‘সার্বভৌম সদাপ্রভু অম্মোনীয়দের ও তাদের অপমানের বিষয়ে এই  
কথা বলেন: “‘একটি তরোয়াল, একটি তরোয়াল, খোলা হয়েছে হত্যা  
করার জন্য, পালিশ করা হয়েছে গ্রাস করার জন্য ও যেন তা বিদ্যুতের  
মতো ঝকঝক করে! 29 এদিকে লোকেরা তোমার বিষয়ে মিথ্যা দর্শন  
পেলেও এবং মিথ্যা ভবিষ্যৎ-কথনের চর্চা করলেও যাদের মেরে ফেলা  
হবে সেই দুষ্টদের গলার উপর তোমাকে রাখা হবে, তাদের দিন এসে  
পড়েছে, তাদের শাস্তির সময় চরমসীমায় পৌঁছেছে। 30 “‘তরোয়াল  
খাপে ফিরিয়ে নাও। যে জায়গায় তোমাদের সৃষ্টি, তোমাদের সেই  
পূর্বপুরুষদের দেশে আমি তোমাদের বিচার করব। 31 আমার ক্রোধ  
আমি তোমার উপর ঢেলে দেব এবং তোমাদের বিরুদ্ধে আমার ভীষণ  
অসন্তোষের আগ্নে ফুঁ দেব; আমি তোমাদের এমন নিষ্ঠুর লোকদের  
হাতে তুলে দেব যারা ধ্বংস করতে দক্ষ। 32 তোমরা আগ্নের জন্য  
কাঠের মতো হবে, তোমাদের রক্ত তোমাদের দেশের মধ্যেই পড়বে,  
তোমাদের আর স্মরণ করা হবে না, কারণ আমি সদাপ্রভুই এই কথা  
বলছি।”

**22** সদাপ্রভুর বাক্য আমার কাছে উপস্থিত হল, 2 “হে মানবসন্তান,  
তুমি কি তার বিচার করবে? তুমি কি এই রক্তপাতের নগরের বিচার  
করবে? তাহলে তার জঘন্য কাজকর্মের বিষয় নিয়ে তার মুখোমুখি  
হও 3 এবং বলো, ‘সার্বভৌম সদাপ্রভু এই কথা বলেন, হে নগর  
যে নিজের মধ্যে রক্তপাত করে নিজের সর্বনাশ ডেকে আনে এবং  
প্রতিমা তৈরি করে নিজেকে অঙ্গু করে, 4 রক্তপাত করে তুমি দোষী  
হয়েছ এবং প্রতিমা তৈরি করে তুমি অঙ্গু হয়েছ। তুমি তোমার  
দিন কাছে নিয়ে এসেছ এবং তোমার শেষকাল উপস্থিত হয়েছে।  
সেইজন্য জাতিগণের কাছে তোমাকে ঘৃণ্য করব এবং সমস্ত দেশের  
কাছে তোমাকে হাসির পাত্র করব। 5 হে জঘন্য নগর, যা অশাস্তিতে  
পূর্ণ, যারা কাছে আছে আর যারা দূরে আছে তারা তোমাকে বিদ্রূপ  
করবে। 6 “‘দেখ ইস্রায়েলের প্রত্যেক শাসনকর্তা রক্তপাত করবার

জন্য কেমন করে তার ক্ষমতা ব্যবহার করছে। 7 তোমাদের মধ্যেই  
লোকে মা-বাবাকে তুচ্ছ করেছে; বিদেশিদের অত্যাচার করেছে আর  
অনাথ ও বিধবাদের সঙ্গে দুর্ব্যবহার করেছে। 8 তুমি আমার পবিত্র  
জিনিসগুলি অশ্রদ্ধা করেছ এবং আমার বিশ্রামবারগুলিকে অপবিত্র  
করেছ। 9 তোমার মধ্যে এমন এমন লোক আছে যারা অন্যের বদনাম  
রাটিয়ে তাদের রক্তপাত করায়; পাহাড়ের উপরের পূজার জায়গায়  
খাওয়াদাওয়া করে ও ঘৃণ্য কাজ করে। 10 তোমার মধ্যে এমন  
এমন লোক আছে যারা বাবার বিছানাকে অসম্মান করে; খতুমতী  
মহিলার সঙ্গে মিলিত হয়, যখন তারা অশুচি। 11 তোমার মধ্যে কেউ  
তার প্রতিবেশীর স্ত্রীর সঙ্গে ঘৃণ্য কাজ করে, আরেকজন নির্লজ্জভাবে  
তার ছেলের বৌকে অশুচি করে, এবং আরেকজন তার বোনের সঙ্গে  
ব্যভিচার করে, যে তার নিজের বাবার মেয়ে। 12 তোমার মধ্যে  
রক্তপাত করার জন্য লোকে ঘুস নেয়; তারা বাঢ়তি সুন্দ নিয়ে থাকে  
এবং জুলুম করে প্রতিবেশীর কাছ থেকে অন্যায় লাভ করে। এবং  
তুমি আমাকে ভুলে গিয়েছ, এই কথা সার্বভৌম সদাপ্রভু বলেন। 13  
“তুমি যে অন্যায় লাভ করেছ এবং তোমার মধ্যে যে রক্তপাত করেছ  
তার জন্য আমি নিশ্চয়ই হাততালি দেব। 14 আমি যেদিন তোমার  
কাছ থেকে হিসেব নেব সেদিন কি তোমার সাহস থাকবে? আমি  
সদাপ্রভু এই কথা বললাম এবং আমি তা করবই। 15 আমি তোমার  
লোকদের বিভিন্ন জাতি ও দেশের মধ্যে ছড়িয়ে-ছিটিয়ে দেব এবং  
তোমার অশুচিতা দূর করব। 16 জাতিগণের চোখে তুমি যখন অপবিত্র  
হবে, তুমি জানবে আমিই সদাপ্রভু।” 17 তারপর সদাপ্রভুর বাক্য  
আমার কাছে উপস্থিত হল: 18 “হে মানবসন্তান, ইস্রায়েল কুল আমার  
কাছে খাদের মতো হয়েছে; তারা সবাই যেন রংপো খাঁটি করবার  
সময় হাপরের মধ্যে খাদ হিসেবে পড়ে থাকা পিতল, দস্তা, লোহা  
ও সীসা। 19 অতএব সার্বভৌম সদাপ্রভু এই কথা বলেন: ‘তোমরা  
সবাই খাদ হয়ে গিয়েছ বলে আমি জেরক্ষালেমে তোমাদের জড়ে  
করব। 20 লোকে যেমন রংপো, পিতল, লোহা, সীসা ও দস্তা গলাবার  
জন্য হাপরের মধ্যে একত্র করে, তেমনি করে আমার ভীষণ অসন্তোষ

ও ক্রোধে আমি তোমাদের নগরের মধ্যে রেখে গলাব। 21 আমি তোমাদের জড়ো করে আমার জ্বলন্ত ক্রোধে ফুঁ দেব আর তোমরা নগরের মধ্যে গলে যাবে। 22 হাপরের মধ্যে যেমন রংপো গলে যায় তোমরাও তেমনি তার মধ্যে গলে যাবে, আর তোমরা জানবে যে, আমি সদাপ্রভুই তোমাদের উপর আমার ক্রোধ ঢেলে দিয়েছি।” 23 আবার সদাপ্রভুর বাক্য আমার কাছে উপস্থিত হল, 24 “হে মানবসন্তান, তুমি দেশকে বলো, ‘তুমি একটি দেশ যার উপর আমার ক্রোধের দিনে পরিষ্কার বা বৃষ্টি হয়নি।’ 25 তাদের শাসনকর্তারা সেখানে ঘড়্যন্ত করে; তারা গর্জনকারী সিংহের মতো শিকার ছেঁড়ে; তারা লোকদের গ্রাস করে, ধনসম্পদ ও দামি জিনিস নিয়ে নেয় এবং দেশের মধ্যে অনেক স্ত্রীলোককে বিধবা করে। 26 তার যাজকেরা আমার বিধানের বিরুদ্ধে কাজ করে এবং আমার পবিত্র জিনিসগুলিকে অপবিত্র করে; তারা পবিত্র ও যা সাধারণ তাদের মধ্যে কোনও তফাং রাখে না; তারা শিক্ষা দেয় যে পবিত্র ও অপবিত্রের মধ্যে কোনও তফাং নেই; এবং তারা আমার বিশ্বামদিন পালন করার ব্যাপারে চোখ বুজে থাকে সেইজন্য আমি তাদের মধ্যে অপবিত্র হচ্ছি। 27 সেখানকার কর্মকর্তারা নেকড়ের মতন শিকার ছেঁড়ে; তারা রক্তপাত করে এবং অন্যায় লাভের জন্য মানুষ খুন করে। 28 তার ভাববাদীরা মিথ্যা দর্শন এবং মিথ্যা ভবিষ্যদ্বাণী করে এই কাজের উপর চুনকাম করে। তারা বলে, ‘সার্বভৌম সদাপ্রভু এই কথা বলেন,’ যখন সদাপ্রভু কোনও কথা বলেননি। 29 দেশের লোকেরা অন্যায় দাবি করে অত্যাচার এবং চুরি করে, তারা গরিব এবং অভাবীদের উপর অন্যায় করে এবং ন্যায়বিচার না করে বিদেশিদের উপর অত্যাচার করে। 30 “আমি তাদের মধ্যে এমন একজন লোকের খোঁজ করলাম, যে প্রাচীর গাঁথবে এবং দেশের পক্ষ হয়ে আমার সামনে প্রাচীরের ফাটলে দাঁড়াবে যেন আমাকে দেশটা ধ্বংস করতে না হয়, কিন্তু কাউকে পেলাম না। 31 এই জন্য আমার ক্রোধ আমি তাদের উপর ঢেলে দেব এবং আমার জ্বলন্ত ক্রোধের আগুনে তাদের পুড়িয়ে ফেলব, তারা যা করেছে তার ফল তাদের মাথার উপর দেব, এই কথা সার্বভৌম সদাপ্রভু বলেন।”

**২৩** সদাপ্রভুর বাক্য আমার কাছে উপস্থিত হল, ২ “হে মানবসন্তান,  
দুজন স্ত্রীলোক ছিল যারা একই মায়ের মেয়ে। ৩ যৌবনকাল থেকেই  
তারা মিশরে গণিকা হয়েছিল। সেই দেশে তাদের বুক ধরে সোহাগ  
করা হত এবং তাদের কুমারী স্তন টিপত। ৪ তাদের মধ্যে বড়টির  
নাম অহলা ও তার বোনের নাম ছিল অহলীবা। তারা আমার হল  
এবং ছেলেমেয়েদের জন্ম দিল। অহলা হল শমরিয়া এবং অহলীবা  
হল জেরশালেম। ৫ “অহলা আমার থাকাতেই ব্যতিচারে লিপ্ত ছিল;  
এবং তার প্রেমিকদের প্রতি তার কামনা ছিল, আসিরীয়—সৈন্য ৬  
পরনে নীল কাপড়, শাসনকর্তা ও সেনাপতি, সকলেই সুন্দর যুবক  
এবং ঘোড়াসওয়ার। ৭ সে অভিজাত আসিরীয়দের কাছে নিজেকে  
বেশ্যারূপে দান করেছিল এবং যাদের সে কামনা করত তাদের সমস্ত  
দেবতা দ্বারা নিজেকে অশুচি করেছিল। ৮ সে মিশরে যে বেশ্যাবৃত্তি  
শুরু করেছিল তা ত্যাগ করেনি, যখন তার যৌবনকালে পুরুষেরা তার  
কাছে শুত, তার কুমারী স্তন টিপত এবং তাদের কামনা তার উপর  
চেলে দিত। ৯ “সেইজন্য আমি তাকে তার প্রেমিকদের হাতে ছেড়ে  
দিলাম, সেই আসিরীয়দের, যাদের সে কামনা করত। ১০ তারা তাকে  
উলঙ্ঘ করে, তার ছেলেমেয়েদের কেড়ে নিয়ে তরোয়াল দিয়ে তাকে  
মেরে ফেলল। সে স্ত্রীলোকদের আলোচনার বিষয় হল, কারণ তাকে  
শাস্তি দেওয়া হয়েছিল। ১১ “তার বোন অহলীবা এসব দেখেছিল, তবুও  
তার কামনা এবং বেশ্যাবৃত্তির কারণে সে তার বোনের চেয়ে আরও  
বেশি চরিত্রহীন ছিল। ১২ তারও আসিরীয়—শাসনকর্তা ও সেনাপতি,  
সম্পূর্ণ পোশাকে যোদ্ধা, ঘোড়াসওয়ার, সকল সুন্দর যুবকদের প্রতি  
কামনা ছিল। ১৩ আমি দেখলাম সেও নিজেকে অশুচি করল; দুজনই  
একই পথে গেল। ১৪ “কিন্তু সে তার বেশ্যাবৃত্তি আরও বাঢ়াল। সে  
দেয়ালের উপর লাল রংয়ে আঁকা কলদীয় পুরুষদের ছবি দেখতে, ১৫  
তাদের কোমর বাঁধনি এবং মাথায় উড়ন্ত পাগড়ি; তারা সবাই দেখতে  
ব্যাবিলীয় রথের সেনাপতিদের মতো, যারা কলদীয় দেশের অধিবাসী।  
১৬ তাদের দেখামাত্র তাদের প্রতি তার কামনা জাগত, এবং কলদীয়  
দেশে তাদের কাছে দূত পাঠাত। ১৭ তারপর ব্যাবিলীয়রা তার কাছে

এসে তার সঙ্গে বিছানায় যেত এবং ব্যভিচার করে তাকে অশুচি  
করত। তাদের দ্বারা অশুচি হবার পর সে তাদের ঘৃণা করতে লাগল।  
18 সে খোলাখুলিভাবে যখন তার বেশ্যার কাজ চালাতে লাগল এবং  
তার উলঙ্ঘন প্রকাশ করল তখন আমি তাকে ঘৃণা করলাম, যেমন  
আমি তার বোনকে ঘৃণা করেছিলাম। 19 যৌবনে সে যখন মিশরে  
গণিকা ছিল তখনকার দিনগুলির কথা মনে করে সে আরও বেশি  
ব্যভিচার করতে লাগল। 20 সেখানে সে তার প্রেমিকদের সাথে এমন  
যৌনাচার করত যাদের যৌনাঙ্গগুলি ছিল গাধার মতো ও নিঃসরণ  
ছিল ঘোড়ার মতো। 21 তোমার যৌবনকালে মিশরে যেমন তোমার  
বুক ধরে আদর করত এবং টিপত, তুমি আবার সেই যৌবনকালীন  
ব্যভিচারের আকাঙ্ক্ষা করছ। 22 “এই জন্য, অহলীবা, সার্বভৌম  
সদাপ্রভু এই কথা বলেন, তোমার যেসব প্রেমিকদের তুমি ঘৃণা করেছ,  
আমি তাদেরই তোমার বিরুদ্ধে উন্নেজিত করব এবং চারিদিক থেকে  
আমি তাদের তোমার বিরুদ্ধে নিয়ে আসব, 23 তারা হল ব্যাবিলীয়রা  
এবং কলদীয়েরা, পকোদ, শোয়া ও কোয়ার লোকেরা, এবং সমস্ত  
আসিরীয়রা, সুন্দর যুবকেরা, সকলেই শাসনকর্তা ও সেনাপতি, রথের  
কর্মচারী, উঁচু পদের লোক এবং ঘোড়াসওয়ার। 24 তারা তোমার  
বিরুদ্ধে অস্ত্র, রথ ও মালবাহী শকট এবং লোকজনের মস্ত বড়ে একটি  
দল নিয়ে আসবে; তারা ছোটো ও বড়ো ঢাল নিয়ে মাথা ঢাকার টুপি  
পরে তোমাকে ঘেরাও করবে। শাস্তি পাবার জন্য আমি তোমাকে  
তাদের হাতে তুলে দেব এবং তারা তাদের বিচারের নিয়ম অনুসারে  
তোমাকে শাস্তি দেবে। 25 আমার অন্তর্জ্ঞালা আমি তোমার বিরুদ্ধেই  
কাজে লাগাব বলে তারা তাদের প্রকোপ তোমার প্রতি ব্যবহার করবে।  
তারা তোমার নাক ও কান কেটে দেবে এবং তোমার বাকি লোকদের  
তরোয়াল দিয়ে মেরে ফেলবে। তারা তোমার ছেলেমেয়েদের নিয়ে  
যাবে, আর তোমার বাকি লোকেরা আগুনে পুড়ে মরবে। 26 তারা  
তোমাকে বিবৰ্ণ করবে এবং তোমার সুন্দর গহনা নিয়ে নেবে। 27 যে  
ব্যভিচার ও গণিকাবৃত্তি তুমি মিশরে শুরু করেছিলে তা আমি এইভাবে  
বন্ধ করে দেব। তাতে তুমি এই জিনিসগুলির প্রতি আকৃষ্ট হবে না

অথবা মিশরকে আর মনেও রাখবে না। 28 “কেননা সার্বভৌম সদাপ্রভু  
এই কথা বলেন, তুমি যাদের ঘৃণা করো, যাদের প্রতি বিরক্ত হয়ে  
তুমি তাড়িয়ে দিয়েছ আমি তোমাকে তাদের হাতেই তুলে দেব। 29  
তারা তোমার প্রতি ঘৃণার সঙ্গে ব্যবহার করবে এবং তুমি যা কিছু  
উপর্যুক্ত করেছ তার সবকিছু নিয়ে নেবে। তারা তোমাকে উলঙ্গিনী ও  
বিবন্ধ করে ছেড়ে চলে যাবে, এবং তোমার গণিকাবৃত্তির লজ্জা প্রকাশ  
পাবে। তোমার ব্যভিচার ও কুকর্মের জন্য 30 এই সমস্ত তোমার  
উপরে পড়েছে, কারণ জাতিগণের সঙ্গে ব্যভিচার করেছ এবং তাদের  
প্রতিমাণ্ডলি দিয়ে নিজেকে অশুচি করেছ। 31 তুমি তোমার বোনের পথ  
অনুসরণ করেছ; এই জন্য আমি তার পানপাত্র তোমার হাতে দেব। 32  
“সার্বভৌম সদাপ্রভু এই কথা বলেন, “তুমি তোমার বোনের পাত্রে পান  
করবে, সেই পাত্র বড়ো ও গভীর; এটি অপমান এবং উপহাস নিয়ে  
আসবে, কারণ এতে অনেক ধরে। 33 তুমি মাতলামিতে ও দৃঢ়খে  
পূর্ণ হবে, ধ্বংসের ও নির্জনতার পানপাত্র, তোমার বোন শমরিয়ার  
পানপাত্র। 34 তুমি তাতে পান করবে এবং চেটেপুটে পান করবে; তা  
তুমি ভেঙে চুরমার করবে এবং নিজের বুক ছিঁড়ে ফেলবে। সার্বভৌম  
সদাপ্রভু বলেন, আমি বলছি। 35 “সুতরাং সার্বভৌম সদাপ্রভু এই  
কথা বলেন যেহেতু তুমি আমাকে ভুলে গিয়েছ এবং আমার দিকে  
পিঠ ফিরিয়েছ বলে তোমাকে তোমার ঘৃণ্য কাজের ও বেশ্যাবৃত্তির  
ফলভোগ করতে হবে।” 36 সদাপ্রভু আমাকে বললেন “হে মানবসন্তান,  
তুমি কি অহলা এবং অহলীবার বিচার করবে? তাহলে তাদের ঘৃণ্য  
কাজের বিষয় তাদের সম্মুখীন হও, 37 কারণ তারা ব্যভিচার করেছে  
এবং তাদের হাতে রক্ত রয়েছে। তাদের প্রতিমাণ্ডলির সঙ্গে ব্যভিচার  
করেছে; যে সন্তানদের আমার জন্য জন্ম দিয়েছিলে তাদের প্রতিমাদের  
খাদ্যের জন্য উৎসর্গ করেছে। 38 তারা এই কাজ আমার প্রতিও  
করেছে সেই একই সময় তারা আমার পবিত্রস্থান অশুচি করেছে এবং  
আমার সাক্ষাত্তের পবিত্রতা রক্ষা করেনি। 39 যেদিন তারা তাদের  
প্রতিমাদের কাছে তাদের সন্তানদের উৎসর্গ করেছিল সেদিনই তারা  
আমার পবিত্রস্থানে গিয়ে তা অপবিত্র করেছে। তারা আমার গৃহের

মধ্যেই এই কাজ করেছে। 40 “তারা দূর থেকে পুরুষদের নিয়ে আসার  
জন্য সংবাদদাতাদের পাঠিয়েছিল, আর যখন তারা এল তোমরা  
তাদের জন্য স্বান করেছিলে, চোখে কাজল দিয়েছিলে এবং তোমাদের  
অলংকার পরেছিলে। 41 তোমরা সুন্দর বিছানায় শুয়ে তার সামনে  
একটি টেবিল রেখে আমারই সুগন্ধি এবং জলপাই তেল তার উপরে  
রেখেছিলে। 42 “তার চারিদিকে ছিল চিন্তাহীন লোকদের কোলাহল;  
উচ্ছুঙ্খল জনতার সঙ্গে মরণ্ভূমি থেকে ঘদ্যপায়ীদের আনা হয়েছিল,  
তারা সেই দুই বোনের হাতে চুড়ি এবং তাদের মাথায় সুন্দর মুকুট  
পরিয়েছিল। 43 তখন ব্যভিচার করে দুর্বল হয়ে যাওয়া এক স্ত্রীলোকের  
বিষয় আমি বলেছিলাম, ‘এখন লোকেরা গণিকা হিসেবে তার সঙ্গে  
ব্যবহার করুক, কারণ সে তাই।’ 44 আর তারা তার সঙ্গে শয়ন  
করল। একজন গণিকার সঙ্গে যেমন লোকে শয়ন করে, তেমনি করে  
তারা সেই কামুক স্ত্রীলোক, অহলা ও অহলীবার সঙ্গে শয়ন করেছিল।  
45 কিন্তু ধার্মিক বিচারকেরা ব্যভিচার ও রক্তপাতের পাওনা শাস্তি  
সেই স্ত্রীলোকদের দেবে, কারণ তারা ব্যভিচারিণী আর তাদের হাতে  
রক্ত রয়েছে। 46 “সার্বভৌম সদাপ্রভু এই কথা বলেন, তুমি তাদের  
বিরুদ্ধে একদল লোক নিয়ে যাও এবং আতঙ্ক ও লুটের হাতে তাদের  
তুলে দাও। 47 সেই জনতা তাদের পাথর ছুঁড়ে মেরে ফেলবে এবং  
তরোয়াল দিয়ে তাদের টুকরো টুকরো করে কাটবে; তারা তাদের  
ছেলেদের ও মেয়েদের মেরে ফেলবে এবং তাদের ঘরবাড়ি পুড়িয়ে  
দেবে। 48 “এইভাবে আমি দেশের মধ্যে কুকাজ শেষ করব, যেন  
সমস্ত স্ত্রীলোকেরা এটাকে সাবধানবাণী হিসেবে নেয় এবং তোমাদের  
অনুকরণ না করে। 49 তোমাদের কুকাজের ফল তোমাদেরই ভোগ  
করতে হবে এবং প্রতিমাপুজোর পাপের ফল বহন করতে হবে। তখন  
তোমরা জানবে যে, আমিই সার্বভৌম সদাপ্রভু।”

**24** নবম বছরের দশম মাসের দশম দিনে, সদাপ্রভুর বাক্য আমার  
কাছে উপস্থিত হল, 2 “হে মানবসন্তান, তুমি আজকের, আজকেরই  
তারিখ লিখে রাখো, কারণ আজকেই ব্যাবিলনের রাজা জেরশালেম  
অবরোধ করবে। 3 এই বিদ্রোহী জাতির কাছে একটি দৃষ্টান্তের কথা

বলো: ‘সার্বভৌম সদাপ্রভু এই কথা বলেন: “হাঁড়ি চড়াও, হাঁড়ি  
চড়াও এবং তার মধ্যে জল দাও। 4 তার মধ্যে মাংসের টুকরো দাও,  
প্রত্যেকটা ভালো টুকরো—উর এবং কাঁধের। ভালো ভালো হাড় দিয়ে  
তা ভর্তি করো; 5 পাল থেকে সেরা ভেড়াটা নাও। হাড়গুলির জন্য  
হাঁড়ির নিচে কাঠ সাজাও; তা ভালোভাবে ফুটিয়ে নিয়ে হাড়গুলি তাতে  
রান্না করো। 6 “কারণ সার্বভৌম সদাপ্রভু এই কথা বলেন, “ধিক্ সেই  
রক্তপাতকারী নগরকে, সে যেন একটি হাঁড়ি যাতে ময়লার স্তর পড়ে  
গেছে, যা পরিষ্কার হবে না! তাদের বিষয় গুটিকাপাত না করে একটি  
একটি করে মাংস বের করে খালি করো। 7 “কেননা তাদের মধ্যে  
তার রক্তপাত করা হয়েছে সেই রক্ত পাথরের উপর ঢালা হয়েছে; তা  
মাটিতে ঢালা হয়নি, যেখানে ধূলোয় তা ঢাকা পড়বে। 8 ক্রোধ খুঁচিয়ে  
তুলে যেন প্রতিশোধ নেওয়া হয় সেইজন্য আমি সেই রক্ত পাথরের  
উপরে রেখেছি যেন সেটি ঢাকা না পড়ে। 9 “অতএব সার্বভৌম  
সদাপ্রভু এই কথা বলেন, “ধিক্ সেই রক্তপাতকারী নগরকে! আমি ও  
কাঠ জড়ে করে উঁচু করব। 10 অনেক কাঠ সাজাও এবং আগুন  
জ্বালাও। ভালো করে মশলা মিশিয়ে মাংস রান্না করো; এবং হাড়গুলি  
পুড়তে দাও। 11 তারপর খালি হাঁড়ি কয়লার উপরে রাখো যতক্ষণ না  
সেটি গরম হয় আর তামা পুড়ে লাল হয় যেন তার অশুচিতা সব গলে  
যায় এবং ময়লার স্তর পুড়ে যায় 12 সব চেষ্টার কোনও ফল হয়নি; তার  
ময়লার পুরু স্তর পরিষ্কার করা যায়নি, এমনকি আগুন দিয়েও নয়।  
13 “এখন তোমার অশুচিতা হল ব্যভিচার। কারণ আমি তোমাকে  
পরিষ্কার করার জন্য চেষ্টা করেছি কিন্তু তুমি তোমার অশুচিতা থেকে  
পরিষ্কার হলে না, তুমি আবার পরিষ্কার হবে না যতক্ষণ না আমার  
ক্রোধ তোমার উপরে ঢেলে আমি শান্ত হব। 14 “আমি সদাপ্রভু এই  
কথা বললাম। আমার কাজ করার জন্য সময় এসে গেছে। আমি  
নিজেকে আটকাব না; মমতা করব না কিংবা নরম হব না। তোমার  
আচরণ এবং তোমার কাজ অনুসারে তোমার বিচার করা হবে, এই  
কথা সার্বভৌম সদাপ্রভু বলেন।” 15 সদাপ্রভুর বাক্য আমার কাছে  
উপস্থিত হল, 16 “হে মানবসন্তান, আমি এক আঘাতেই তোমার কাছ

থেকে তোমার স্ত্রী যাকে তুমি ভীষণ ভালোবাসো তাকে নিয়ে নেব।  
তবুও তুমি বিলাপ করো না, কেঁদো না কিংবা চোখের জল ফেলো না।  
17 নীরবে দীর্ঘনিঃশ্঵াস ফেলো, মৃত্তের জন্য শোকপ্রকাশ করো না।  
তুমি পাগড়ি বেঁধো ও পায়ে চটি দিয়ো; শোককারীদের স্বাভাবিক  
রীতি মেনো না অথবা তোমার সাত্ত্বনাকারী বস্তুদের দেওয়া কোনও  
খাবার গ্রহণ করো না।” 18 তখন আমি সকালবেলায় লোকদের সঙ্গে  
কথা বললাম, আর সন্ধ্যাবেলায় আমার স্ত্রী মারা গেলেন। পরদিন  
সকালে আমাকে যেমন আদেশ করা হয়েছিল তেমনই করলাম। 19  
তখন লোকেরা আমায় জিজ্ঞাসা করল, “আপনি কি আমাদের বলবেন  
না এসব বিষয়ের সঙ্গে আমাদের সম্পর্ক কি? আপনি কেন এরকম  
অভিনয় করছেন?” 20 তখন আমি তাদের বললাম, “সদাপ্রভুর এই  
বাক্য আমার কাছে এসেছে 21 ইস্রায়েল কুলকে বলো, ‘সার্বভৌম  
সদাপ্রভু এই কথা বলেন, আমার পরিব্রহ্মান—যা তোমাদের শক্তির  
অহংকার, যা তোমাদের চোখে সুখ ও তোমাদের মমতার জিনিস,  
সেটিকেই আমি অপবিত্র করব। তোমাদের যেসব ছেলেমেয়েদের  
তোমরা ফেলে গিয়েছ তারা তরোয়ালের আঘাতে মারা যাবে। 22 তখন  
আমি যা করেছি তোমরাও তাই করবে। শোককারীদের স্বাভাবিক  
রীতি মেনো না অথবা তোমার সাত্ত্বনাকারী বস্তুদের দেওয়া কোনও  
খাবার গ্রহণ করো না। 23 তোমরা তোমাদের মাথায় পাগড়ি বাঁধবে  
এবং পায়ে চটি পরবে। তোমরা শোক করবে না অথবা কাঁদবে না  
কিন্তু নিজের নিজের পাপের জন্য দুর্বল হয়ে যাবে এবং একজন  
অন্যজনের কাছে কোঁকাবে। 24 তোমাদের কাছে যিহিক্সেল একটি  
চিহ্নের মতো হবে; সে যা করেছে তোমরা ঠিক তাই করবে। যখন  
এটি হবে, তখন তোমরা জানবে যে আমিই সার্বভৌম সদাপ্রভু।’ 25  
“আর তুমি, হে মানবসন্তান, যেদিন আমি তাদের সেই দুর্গ, তাদের  
আনন্দ ও গৌরব, তাদের চোখের সুখ, তাদের অস্তরের চাওয়া এবং  
তাদের ছেলেমেয়েদের নিয়ে নেব, 26 সেদিন একজন পালিয়ে আসা  
লোক তোমাকে খবর দিতে আসবে। 27 সেই সময় তোমার মুখ খুলে  
যাবে; তুমি তার সঙ্গে কথা বলবে আর নীরব থাকবে না। এইভাবে

তুমি তাদের কাছে একটি চিহ্ন হবে, এবং তারা জানবে যে আমিই  
সদাপ্রভু।”

**25** সদাপ্রভুর বাক্য আমার কাছে উপস্থিত হল, 2 “হে মানবসন্তান,  
তুমি অম্মোনীয়দের দিকে তোমার মুখ রেখে তাদের বিরুদ্ধে  
ভবিষ্যদ্বাণী বলো। 3 তাদের বলো, ‘সার্বভৌম সদাপ্রভুর এই কথা  
শোনো। সার্বভৌম সদাপ্রভু এই কথা বলেন, যেহেতু তোমরা আমার  
পবিত্রস্থানের উপর “বাহবা!” বলেছিলে যখন সেই জায়গা অপবিত্র  
হতে দেখেছিলে ও ইস্রায়েল দেশকে পতিত জমি হতে দেখেছিলে  
এবং যিহুদার লোকদের বন্দি হয়ে নির্বাসনে যেতে দেখেছিলে, 4 এই  
জন্য আমি তোমাদের অধিকার করার জন্য পূর্বদেশের লোকদের হাতে  
তুলে দেব। তারা তোমাদের দেশে তাদের তাঁবু খাটিয়ে তোমাদের  
মধ্যে বাস করবে; তারা তোমাদের ফল খাবে ও দুধ পান করবে।  
5 আমি রবাকে উটের চারণভূমি ও অম্মোনকে মেষের বিশ্রামস্থান  
করব। তখন তোমরা জানবে যে আমিই সদাপ্রভু। 6 কারণ সার্বভৌম  
সদাপ্রভু এই কথা বলেন, কারণ তোমরা ইস্রায়েল দেশের অবস্থা দেখে  
হাততালি দিয়েছ, নেচেছ এবং অন্তরের সঙ্গে তাকে হিংসা করে আনন্দ  
করেছ, 7 এই জন্য তোমাদের বিরুদ্ধে আমি আমার হাত বাড়াব এবং  
লুটের জিনিস হিসেবে অন্য জাতিদের হাতে তোমাদের তুলে দেব।  
জাতিগণের মধ্যে থেকে তোমাকে কেটে ফেলব এবং সকল দেশের  
মধ্যে থেকে তোমাকে উচ্ছিন্ন করব। আমি তোমাকে ধ্বংস করব,  
তাতে তুমি জানবে যে আমিই সদাপ্রভু।” 8 “সার্বভৌম সদাপ্রভু এই  
কথা বলেন, ‘যেহেতু মোয়াব এবং সেয়ীর বলেছে, “দেখো, যিহুদা কুল  
অন্যান্য জাতিদের মতো হয়ে গেছে,”’ 9 এই জন্য আমি মোয়াবের  
সীমানা খুলে দেব, তার সামনের নগর থেকে শুরু করে, তাদের  
গৌরবের নগর—বেথ-যিশীমোৎ, বায়াল-মিয়োন ও কিরিয়াথিয়িম। 10  
আমি অম্মোনীয়দের সঙ্গে মোয়াবকেও পূর্বদেশের লোকদের হাতে  
তুলে দেব, যেন জাতিদের মধ্যে অম্মোনীয়দের কথা লোকে ভুলে যায়;  
11 আর আমি মোয়াবকেও শাস্তি দেব। তখন তারা জানবে যে আমিই  
সদাপ্রভু।” 12 “সার্বভৌম সদাপ্রভু এই কথা বলেন, ‘যেহেতু ইদোম

যিহুদা কুলের উপর প্রতিশোধ নিয়ে খুব অন্যায় করেছে, 13 এই জন্য সার্বভৌম সদাপ্রভু এই কথা বলেন, আমি ইদোমের বিরুদ্ধে আমার হাত বাড়াব এবং সেখানকার মানুষ ও পশুকে মেরে ফেলব। আমি সেটি ধ্বংসস্থান করে রাখব এবং তৈমন থেকে দদান পর্যন্ত তরোয়ালে মারা পড়বে। 14 আমি আমার লোক ইহায়েলের হাত দিয়ে ইদোমের উপর প্রতিশোধ নেব, আর তারা আমার ভীষণ অসন্তোষ ও ক্রোধ অনুসারে ইদোমের বিরুদ্ধে কাজ করবে; তখন তারা আমার প্রতিশোধ জানতে পারবে, এই কথা সার্বভৌম সদাপ্রভু বলেন।” 15 “সার্বভৌম সদাপ্রভু এই কথা বলেন, ‘যেহেতু ফিলিস্তিনীরা হিংসার মনোভাব নিয়ে যিহুদার উপর প্রতিশোধ নিয়েছে, এবং পুরানো শক্রতার মনোভাব নিয়ে যিহুদাকে ধ্বংস করতে চেয়েছে, 16 এই জন্য সার্বভৌম সদাপ্রভু এই কথা বলেন, ফিলিস্তিনীদের বিরুদ্ধে আমি আমার হাত বাড়াব, আর আমি করেথীয়দের কেটে ফেলব এবং সাগরের কিনারা বরাবর বাকি লোকদের ধ্বংস করব। 17 আমি তাদের উপর ভীষণ প্রতিশোধ নেবার জন্য আমার ক্ষেত্রে তাদের শাস্তি দেব। আমি যখন তাদের উপর প্রতিশোধ নেব তখন তারা জানবে যে, আমিই সদাপ্রভু।”

**26** একাদশ বছরে, এগারো মাসের প্রথম দিনে, সদাপ্রভুর বাক্য আমার কাছে উপস্থিত হল, 2 “হে মানবসন্তান, যেহেতু জেরশালেম সম্পন্নে সোর বলেছিল, ‘বাহবা! অন্যান্য জাতিগণের কাছে যাবার প্রধান ফটক ভেঙে গেছে, এবং তার দরজাগুলি আমার কাছে পুরোপুরি খুলে গেছে; এখন যখন সে ধ্বংস হয়ে পড়ে আছে আমার উন্নতি হবে,’ 3 সেইজন্য সার্বভৌম সদাপ্রভু এই কথা বলেন, হে সোর, আমি তোমার বিরুদ্ধে, আর সমুদ্র যেমন তার ঢেউ উঠায় তেমনি করে আমি অনেক জাতিকে তোমার বিরুদ্ধে নিয়ে আসব। 4 তারা সোরের প্রাচীর এবং উঁচু দুর্গগুলি ধ্বংস করবে; আমি তার ধুলা ময়লা চেঁচে ফেলে তাকে পাথরের মতো করে দেব। 5 সে সমুদ্রের বুকে জাল শুকাবার জায়গা হবে, কারণ আমি বলেছি, সার্বভৌম সদাপ্রভু এই কথা বলেন। সে জাতিদের লুটের জিনিস হবে, 6 তার মূল ভূখণ্ডে বসতিগুলি তরোয়াল দ্বারা ধ্বংসিত হবে। তখন তারা জানবে যে আমিই সদাপ্রভু। 7 “কারণ

সার্বভৌম সদাপ্রভু এই কথা বলেন, হে সোর, আমি উত্তর দিক থেকে  
ঘোড়া, রথ, ঘোড়সওয়ার ও বিরাট সৈন্যবাহিনীর সঙ্গে রাজাদের রাজা  
ব্যবিলনের রাজা নেবুখাদমেজারকে নিয়ে আসব। ৮ সে তোমার মূল  
ভূখণ্ডের বসতিগুলি তরোয়াল দ্বারা ধ্বংস করবে; তোমাদের বিরুদ্ধে  
অবরোধ তৈরি করবে, তোমার দেওয়ালের সঙ্গে লাগিয়ে একটি ঢালু  
চিবি বানাবে আর তোমার বিরুদ্ধে তার ঢাল উঁচু করবে। ৯ সে প্রাচীর  
ভাঙ্গার যন্ত্র দিয়ে তোমার প্রাচীরে আঘাত করবে তার অস্ত্রগুলি দিয়ে  
তোমার উঁচু দুর্গগুলি ধ্বংস করবে। ১০ তার এত বেশি ঘোড়া থাকবে  
যে, সেগুলি তোমাকে ধুলোয় ঢেকে দেবে। ভাঙ্গা প্রাচীরের মধ্য দিয়ে  
লোকে যেমন নগরে ঢোকে তেমনি করে সে যখন যুদ্ধের ঘোড়া, গাড়ি  
ও রথ নিয়ে তোমার দ্বারগুলির মধ্য দিয়ে চুকবে তখন তার শব্দে  
তোমার প্রাচীরগুলি কাঁপবে। ১১ তার ঘোড়াগুলির খুর তোমার সব  
রাস্তা মাড়াবে; সে তোমার লোকদের তরোয়াল দিয়ে মেরে ফেলবে,  
এবং তোমার শক্ত শক্ত থামগুলি মাটিতে পড়ে যাবে। ১২ তারা তোমার  
সম্পত্তি ও তোমার বাণিজ্যের জিনিসপত্র লুট করবে; তারা তোমার  
প্রাচীর ভেঙে ফেলবে ও তোমার সুন্দর বাড়িগুলি ধ্বংস করবে এবং  
তোমার পাথর, কাঠ ও ধুলো সমুদ্রে ফেলে দেবে। ১৩ আমি তোমার  
গানের শব্দ থামিয়ে দেব এবং তোমার বীণার সংগীত আর শোনা  
যাবে না। ১৪ আমি তোমাকে শুষ্ক পাথর করব, আর তুমি হবে জাল  
শুকানোর জায়গা। তোমাকে আর তৈরি করা হবে না, কেননা আমি  
সদাপ্রভু এই কথা বললাম, সার্বভৌম সদাপ্রভু এই কথা বলেন। ১৫  
“সার্বভৌম সদাপ্রভু সোরকে এই কথা বলেন, তোমার পতনের শব্দে,  
তোমার মধ্যে আহত লোকদের কোঁকানিতে এবং তোমার মধ্যে যে  
নরহত্যা হয়েছে তাতে কি উপকূল সকল কেঁপে উঠবে না? ১৬ তখন  
উপকূলের সমস্ত শাসনকর্তারা তাদের সিংহাসন থেকে নেমে তাদের  
রাজপোশাক ও কারুকাজ করা পোশাকগুলি খুলে ফেলবে। ভীষণ  
ভয়ে তারা মাটিতে বসবে, সবসময় কাঁপতে থাকবে, ও তোমাকে  
দেখে হতভয় হবে। ১৭ তখন তারা তোমার বিষয়ে বিলাপ করে  
তোমাকে বলবে: “হে নাম করা নগর, তুমি কেমন করে ধ্বংস হয়ে

গেলে, তোমার লোকেরা তো সমুদ্রে চলাচল করত! সমুদ্রে তোমরা  
শক্তিশালী ছিলে, তুমি এবং তোমার অধিবাসীরা; যারা সেখানে বাস  
করত তুমি তাদের ভয় দেখাতে। 18 এখন তোমার পতনের দিনে  
উপকূল কাঁপছে; সমুদ্রের দ্বীপ সকল তোমার পতনে আতঙ্কগ্রস্ত।’ 19  
“সার্বভৌম সদাপ্রভু এই কথা বলেন, আমি যখন তোমাকে জনশূন্য  
নগর করব, অন্যান্য নগরের মতো যেখানে কেউ বাস করে না, আর  
যখন মহাসমুদ্রের জল তোমার উপরে আনব ও তার জলের রাশি  
তোমাকে ঢেকে দেবে, 20 তখন আমি তোমাকে মৃতস্থানে যাওয়া  
লোকদের সঙ্গে পুরানো দিনের লোকদের কাছে নিচে নামিয়ে দেব।  
আমি তোমাকে পৃথিবীর গভীরে পুরানো দিনের ধ্বংসস্থানের মধ্যে  
মৃতস্থানে যাওয়া লোকদের সঙ্গে বাস করাব, তুমি আর ফিরে আসবে  
না অথবা জীবিতদের দেশে তোমার স্থান হবে না। 21 আমি তোমাকে  
ভয়ংকরভাবে শেষ করে দেব এবং তুমি আর থাকবে না। লোকেরা  
তোমার খোঁজ করবে, কিন্তু তোমাকে আর কখনও পাওয়া যাবে না,  
সার্বভৌম সদাপ্রভু এই কথা বলেন।”

**27** সদাপ্রভুর বাক্য আমার কাছে উপস্থিত হল, 2 “হে মানবসন্তান,  
তুমি সোরের বিষয়ে বিলাপ করো। 3 সোরকে বলো, সমুদ্রে চুকবার  
মুখে যে রয়েছে, অনেক উপকূলে জাতিগণের বণিক, ‘সার্বভৌম  
সদাপ্রভু এই কথা বলেন, “হে সোর, তুমি বলো, “আমি সৌন্দর্যে  
নির্ণুত।’” 4 সমুদ্রের মধ্যে তোমার রাজ্য; তোমার নির্মাণকারীরা তোমার  
সৌন্দর্যে সম্পূর্ণতা এনেছে। 5 তারা সন্নীর থেকে দেবদারু গাছ দিয়ে  
তোমার সমস্ত তক্ষা তৈরি করেছে; লেবাননের সিডার গাছ নিয়ে  
তোমার জন্য মাস্তুল তৈরি করেছে। 6 বাশন দেশের ওক কাঠ দিয়ে  
তোমার দাঁড়গুলি তৈরি করেছে; সাইপ্রাসের উপকূল থেকে চিরহরিৎ  
গাছের কাঠ এনে তারা তোমার পাটাতন বানিয়ে হাতির দাঁত দিয়ে  
সাজিয়েছে। 7 মিশরের সুন্দর নকশা তোলা মসিনার কাপড় দিয়ে  
তোমার পাল তৈরি করা হয়েছিল এবং সেটি তোমার পতাকা হিসেবে  
ব্যবহার হত; ইলীশা থেকে আনা নীল আর বেগুনি কাপড় ছিল তোমার  
চাঁদোয়া। 8 সীদোন ও অর্বদের লোকেরা তোমার দাঁড় বাইত; হে

সোর, দক্ষ লোকেরা তোমার নাবিক ছিল। ৭ গবালের প্রাচীনেরা দক্ষ লোক হিসেবে তোমার মধ্যে মেরামতের কাজ করত। সমুদ্রের সব জাহাজ ও তাদের নাবিকেরা তোমার জিনিসপত্র দেওয়া-নেওয়া করার জন্য তোমার পাশে ভিড়ত। ১০ “‘পারস্য, লৃদ ও পৃট দেশের লোকেরা তোমার সৈন্যদলে যোদ্ধার কাজ করত। তারা তাদের ঢাল ও মাথা রক্ষার টুপি তোমার দেয়ালে টাঙিয়ে তোমার জাঁকজমক বাড়িয়ে তুলত। ১১ অর্বদ ও হেলেকের লোকেরা তোমার চারপাশের প্রাচীরের উপর পাহারা দিত; গাম্মাদের লোকেরা তোমার উঁচু দুর্গ চৌকি দিত। তোমার চারপাশের দেয়ালে তারা তাদের ঢাল টাঙিয়ে রাখত; তোমার সৌন্দর্যের সম্পূর্ণতা তারাই এনেছিল। ১২ “তোমার প্রচুর ধনসম্পদের জন্য তশীশ তোমার সঙ্গে ব্যবসা করত; ঝঁপো, লোহা, দস্তা ও সীসার বদলে তারা তোমার জিনিস নিত। ১৩ “গ্রীস, তৃবল ও মেশক তোমার সঙ্গে ব্যবসা করত; তারা তোমার জিনিসপত্রের বদলে দিত দাস-দাসী ও ব্রাঞ্জের পাত্র। ১৪ “তোমার জিনিসপত্রের বদলে বৈৎ-তোগর্মের লোকেরা দিত ঘোড়া, যুদ্ধের ঘোড়া ও খচচর। ১৫ “দদানের লোকেরা তোমার সঙ্গে ব্যবসা করত, এবং উপকুলের অনেকেই তোমার ক্রেতা ছিল; তারা হাতির দাঁত ও আবলুস কাঠ দিয়ে তোমার দাম মিটাত। ১৬ “তোমার তৈরি অনেক জিনিসের জন্য অরাম তোমার সঙ্গে ব্যবসা করত; তোমার জিনিসপত্রের বদলে তারা দিত ফিরোজা মণি, বেঞ্চনি কাপড়, নকশা তোলা কাপড়, মসিনা কাপড়, প্রবাল ও পদ্মরাগমণি। ১৭ “যিহুদা ও ইস্রায়েল তোমার সঙ্গে ব্যবসা করত; তারা তোমার জিনিসের বদলে মিল্লীতের গম, খাবার জিনিস, মধু, তেল ও সুগন্ধি মলম দিত। ১৮ “তোমার তৈরি অনেক জিনিস ও প্রচুর ধনসম্পদের জন্য দামাক্ষাস তোমার বণিক ছিল, তারা হিলবোনের দ্রাক্ষারস এবং জাহার থেকে পশম এনে ব্যবসা করত ১৯ এবং বদান ও যবন উষল থেকে লোকেরা এসে তোমার জিনিসপত্রের বদলে নিয়ে যেত পিটানো লোহা, নীরসে ধরনের দারুচিনি ও বচ। ২০ “দদান তোমার সঙ্গে ঘোড়ার পিঠের গদির কাপড়ের ব্যবসা করত। ২১ “আরব ও কেদরের শাসনকর্তারা ছিল তোমার ক্রেতা; তারা তোমার জিনিসের বদলে

মেষের বাচ্চা, মেষ ও ছাগল দিত। 22 “শিবা ও রঘুমার ব্যবসায়ীরা তোমার সঙ্গে ব্যবসা করত; তোমার জিনিসপত্রের বদলে তারা দিত সব রকমের ভালো মশলা, দামি পাথর ও সোনা। 23 “হারণ, কন্নী, এদন ও শিবার ব্যবসায়ীরা এবং আসিরিয়া ও কিলমদ তোমার সঙ্গে ব্যবসা করত। 24 তারা তোমার বাজারে সুন্দর সুন্দর পোশাক, নীল কাপড়, নকশা তোলা কাপড় এবং বিভিন্ন রংয়ের গালিচা দড়ি দিয়ে শক্ত করে বেঁধে আনত। 25 “তশীশের জাহাজগুলি তোমার জিনিসপত্র বয়ে নিয়ে আসত। সমুদ্রের মাঝখানে ভারী জিনিসপত্র নিয়ে তুমি পূর্ণ ছিলে। 26 যারা দাঁড় বাইত তারা তোমাকে দূর সমুদ্রে নিয়ে যাবে। কিন্তু সমুদ্রের মাঝখানে পূর্বের বাতাসে তোমাকে টুকরো টুকরো করে দেবে। 27 তোমার ধনসম্পদ, ব্যবসার জিনিস ও অন্যান্য জিনিস, তোমার নাবিকেরা, মেরামতকারীরা, তোমার ব্যবসায়ীরা ও তোমার সব সৈন্যেরা এবং তোমার জাহাজে থাকা অন্য সকলে সমুদ্রের মাঝখানে ডুবে যাবে যেদিন তোমার জাহাজড়বি হবে। 28 তোমার নাবিকদের চিৎকারে সমুদ্রের পাড়ের জায়গাগুলি কেঁপে উঠবে। 29 যারা দাঁড় টানে তারা সবাই তাদের জাহাজ ছেড়ে চলে যাবে; নাবিকেরা সকলে সমুদ্রের পাড়ে দাঁড়িয়ে থাকবে। 30 তারা তোমার জন্য চিৎকার করে খুব কানাকাটি করবে; তারা তাদের মাথায় ধুলা দেবে ও ছাইয়ের মধ্যে গড়াগড়ি দেবে। 31 তোমার জন্য তারা তাদের মাথা কামিয়ে ফেলবে এবং ছালার চট পরবে। তারা মনের দুঃখে তোমার জন্য বিলাপ করে করে কাঁদবে। 32 তারা তোমার জন্য জোরে জোরে কাঁদবে ও শোক করবে, তোমাকে নিয়ে তারা এই বিলাপ করবে “সমুদ্রে ঘেরা সোরের মতো করে আর কাউকে কি চুপ করিয়ে দেওয়া হয়েছে?” 33 তোমার ব্যবসার জিনিসপত্র যখন সমুদ্রে বের হত তখন তুমি অনেক জাতিকে ত্রপ্ত করতে; তোমার প্রচুর ধনসম্পদ ও জিনিসপত্র দিয়ে তুমি পৃথিবীর রাজাদের ধনী করতে। 34 তুমি এখন সমুদ্রের আঘাতে গভীর জলের মধ্যে চুরমার হয়েছ; তোমার জিনিসপত্র ও তোমার সব লোক তোমার সঙ্গে ডুবে গেছে। 35 যারা উপকূলে বাস করে তারা তোমার অবঙ্গ দেখে হতভম্ব; তাদের

রাজারা তয়ে কেঁপে উঠছে এবং তাদের মুখ তয়ে বিকৃত হয়ে গেছে।

৩৬ জাতিগণের মধ্যের ব্যবসায়ীরা তোমাকে দেখে টিটকারি দেয়; তুমি  
ভয়ংকরভাবে শেষ হয়ে গিয়েছ আর তুমি থাকবে না।”

**২৮** সদাপ্রভুর বাক্য আমার কাছে উপস্থিত হল, ২ “হে মানবসন্তান,  
তুমি সোরের শাসনকর্তাকে বলো, ‘সার্বভৌম সদাপ্রভু এই কথা বলেন,  
“তোমার অন্তরের অহংকারে তুমি বলো, “আমি দেবতা; সমুদ্রের  
মাঝাখানে আমি ঈশ্বরের সিংহাসনে বসে আছি।” কিন্তু তুমি একজন  
মানুষ, দেবতা নও, যদিও তুমি মনে করো যে তুমি ঈশ্বরের মতো  
জ্ঞানী। ৩ তুমি কি দানিয়েলের থেকেও জ্ঞানী? তোমার কাছে কি  
কোনও গুণ বিষয় লুকানো হয়নি? ৪ তোমার জ্ঞান ও বুদ্ধি দিয়ে  
তুমি নিজের জন্য সম্পদ লাভ করেছ এবং তোমার কোষাগারে সোনা  
ও রূপো জমা করেছ। ৫ ব্যবসায়ে তোমার দারণ দক্ষতায় তুমি  
তোমার সম্পদ বাড়িয়েছ, এবং তোমার সম্পদের কারণে তোমার  
হৃদয় অহংকারে ভরে গিয়েছে। ৬ “এই জন্য সার্বভৌম সদাপ্রভু এই  
কথা বলেন “যেহেতু তুমি নিজেকে মনে করো, ঈশ্বরের মতো জ্ঞানী,  
৭ আমি তোমার বিরংক্ষে বিদেশিদের নিয়ে আসব, জাতিদের মধ্যে  
সবচেয়ে নির্মম; তারা তোমার সৌন্দর্য এবং জ্ঞানের বিরংক্ষে তাদের  
তরোয়াল উঠাবে এবং তোমার উজ্জ্বল ঐশ্বর্যকে বিদ্ব করবে। ৮ তারা  
তোমাকে কুয়োতে নামাবে, এবং তুমি সমুদ্রের গভীরে এক ভয়ংকর  
মৃত্যু ভোগ করবে। ৯ তোমার বধকারীদের সাক্ষাতে, তুমি কি তখন  
বলবে, “আমি ঈশ্বর?” যাদের হাতে তুমি বধ হয়েছ, তুমি কেবল  
একজন মানুষ, ঈশ্বর নও। ১০ তুমি বিদেশিদের হাতে অচিহ্নিত্বকের  
মতো মরবে। আমি বলেছি, সার্বভৌম সদাপ্রভু এই কথা বলেন।”

১১ সদাপ্রভুর বাক্য আমার কাছে উপস্থিত হল, ১২ “হে মানবসন্তান,  
সোরের রাজার জন্য তুমি বিলাপ করে বলো, ‘সার্বভৌম সদাপ্রভু এই  
কথা বলেন, “তুমি ছিলে নিখুঁতের মুদ্রাংক, জ্ঞানে পূর্ণ এবং সৌন্দর্যে  
নিখুঁত। ১৩ তুমি ঈশ্বরের বাগান এদনে ছিলে; প্রত্যেক মূল্যবান পাথরে  
তুমি সজ্জিত ছিলে: পোখরাজ, পীতমণি, হীরা, বৈদূর্যমণি, গোমেদ,  
সূর্যকান্তমণি, নীলকান্তমণি, ফিরোজা ও পান্না। তোমার অলংকার

এবং কারকার্য সোনা দিয়ে তৈরি করা হয়েছিল; তুমি যেদিন সৃষ্টি  
হয়েছিলে সেইদিন এগুলি তৈরি করা হয়েছিল। 14 রক্ষাকারী করব  
হিসেবে তোমাকে অভিষেক করা হয়েছিল, কারণ সেইভাবেই আমি  
তোমাকে অভিষিক্ত করেছিলাম। তুমি ঈশ্বরের পবিত্র পাহাড়ে ছিলে;  
তুমি অগ্নিময় পাথরের মধ্যে দিয়ে হাঁটাচলা করতে। 15 তোমার সৃষ্টির  
দিন থেকে তোমার চালচলনে তুমি নির্দোষ ছিলে যতক্ষণ না তোমার  
মধ্যে মন্দতা পাওয়া গোল। 16 তোমার অনেক ব্যবসার দরজ্ঞ তুমি  
অত্যাচারী হয়ে উঠলে এবং পাপ করলে। সেইজন্য আমি তোমাকে  
লঙ্ঘিত করে ঈশ্বরের পাহাড় থেকে বের করেছিলাম, এবং হে রক্ষাকারী  
করব, আমি তোমাকে অগ্নিময় পাথরের মধ্যে থেকে তাঢ়িয়ে দিলাম।  
17 তোমার সৌন্দর্যের কারণে তোমার হৃদয় অহংকারী হয়েছিল, এবং  
তোমার জাঁকজমকের জন্য তোমার জ্ঞানকে দূষিত করেছিলে। এই  
জন্য আমি তোমাকে মাটিতে ছুঁড়ে ফেলে দিলাম; রাজাদের সামনে  
আমি তোমাকে রাখলাম যেন তারা তোমাকে দেখতে পায়। 18 তোমার  
অনেক পাপ ও অসৎ ব্যবসা দিয়ে তুমি নিজের উপাসনার জায়গাগুলি  
অপবিত্র করেছ। এই জন্য আমি তোমার মধ্যে থেকে আগুন বের  
করলাম আর তা তোমাকে পুড়িয়ে দিল, এবং যারা দেখছিল তাদের  
চোখের সামনে আমি তোমাকে মাটির উপরে ছাই করে দিলাম। 19 যে  
সমস্ত জাতি তোমাকে জানত তারা তোমার বিষয় হতভস্ত হল; তুমি  
ভয়ংকরভাবে শেষ হয়ে গিয়েছ আর তুমি থাকবে না।” 20 সদাপ্রভুর  
বাক্য আমার কাছে উপস্থিত হল, 21 “হে মানবসন্তান, তুমি সীদোনের  
দিকে মুখ রাখো; তার বিরংদে ভবিষ্যদ্বাণী করো 22 এবং বলো  
‘সার্বভৌম সদাপ্রভু এই কথা বলেন, “হে সীদোন, আমি তোমার  
বিপক্ষে, এবং আমি তোমার মধ্যে মহিমান্বিত হব। তাতে তোমরা  
জানবে যে আমিই সদাপ্রভু, যখন আমি তোমাকে শান্তি দেব এবং  
তোমার মধ্যে আমার পবিত্রতা প্রকাশ করব। 23 আমি তোমার মধ্যে  
মহামারি পাঠাব এবং তোমার রাস্তায় রক্ত বহাব। চারিদিক থেকে  
তরোয়ালের আক্রমণের ফলে, আহত লোকেরা তার মধ্যে পতিত  
হবে। তখন তোমরা জানবে যে আমিই সদাপ্রভু। 24 “ইস্রায়েল কুলের

জন্য ব্যথা দেওয়া কোনও কঁটাগাছ এবং সূচালো কঁটার মতো বিদ্বেষী  
প্রতিবেশী আর থাকবে না। তখন তারা জানবে যে আমিই সদাপ্রভু। 25  
“সার্বভৌম সদাপ্রভু এই কথা বলেন, বিভিন্ন জাতির মধ্যে ছড়িয়ে পড়া  
ইন্দ্রায়েলীদের আমি যখন জড়ো করব, তখন জাতিদের সামনে তাদের  
মধ্যে আমি নিজের পবিত্রতা প্রকাশ করব। তারা নিজেদের সেই দেশে  
বাস করবে, যে দেশ আমি আমার দাস যাকোবকে দিয়েছিলাম। 26  
তারা সেখানে নিরাপদে বাস করবে এবং ঘরবাড়ি বানাবে ও আঙুর  
ক্ষেত করবে; তাদের বিদ্বেষী প্রতিবেশী সকল জাতিদের যখন আমি  
শাস্তি দেব তখন তারা নিরাপদে বাস করবে। তখন তারা জানবে যে  
আমিই তাদের ঈশ্বর সদাপ্রভু।”

**29** দশম বছরের, দশম মাসের বারো দিনের দিন, সদাপ্রভুর বাক্য  
আমার কাছে উপস্থিত হল, 2 “হে মানবসন্তান, তুমি তোমার মুখ  
মিশরের রাজা ফরোগের দিকে রেখে তার ও সারা মিশর দেশের  
বিরুদ্ধে ভবিষ্যদ্বাণী বলো। 3 তুমি এই কথা তাকে বলো: ‘সার্বভৌম  
সদাপ্রভু এই কথা বলেন, “হে মিশরের রাজা ফরোগ, আমি তোমার  
বিপক্ষে, তুমি নিজের নদীর মধ্যে শুয়ে থাকা এক প্রকাণ্ড দানব। তুমি  
বলো, “এই নীলনদ আমার; আমি নিজের জন্য এটি তৈরি করেছি।”  
4 আমি তোমার চোয়ালে বড়শি পরাব এবং তোমার স্ন্যাতোধারার  
মাছগুলিকে তোমার আঁশের সঙ্গে লাগিয়ে দেব। তোমার স্ন্যাতের  
মধ্যে থেকে আমি তোমাকে টেনে তুলব, তখনও তোমার স্ন্যাতের  
মাছগুলি তোমার আঁশের সঙ্গে লেগে থাকবে। 5 তোমাকে ও তোমার  
স্ন্যাতোধারার মাছগুলিকে আমি প্রান্তরে ফেলে রাখব। তুমি খোলা মাঠে  
পড়ে থাকবে এবং কেউ তোমাকে জড়ো করবে না বা তুলবে না। আমি  
খাবার হিসেবে তোমাকে ভূমির পশু এবং আকাশের পাখিদের দেব। 6  
তখন মিশরে যারা বাস করে তারা জানবে যে আমিই সদাপ্রভু। “তুমি  
ইন্দ্রায়েল কুলের জন্য নলের লাঠি হয়েছিলে। 7 যখন তারা তোমাকে  
হাতে ধরত, তুমি ফেটে গিয়ে তাদের কাঁধে আঘাত করতে, যখন  
তারা তোমার উপর ভর দিত তখন তুমি ভেঙে যেতে এবং তাদের  
পিঠ তাতে মুচড়ে যেত। 8 “সেইজন্য, সার্বভৌম সদাপ্রভু এই কথা

বলেন, আমি তোমার বিরুদ্ধে তরোয়াল নিয়ে এসে তোমার লোকদের  
ও পশুদের মেরে ফেলব। 9 মিশ্র হবে একটি জনশূন্য ধ্বংসস্থান।  
তখন তারা জানবে যে আমিই সদাপ্রভু। “কারণ তুমি বলেছিলে, “এই  
নীলনদ আমার; আমি এটি তৈরি করেছি,” 10 এই জন্য আমি তোমার  
ও তোমার স্বোতোধারা সকলের বিপক্ষে, এবং আমি মিগ্দোল থেকে  
সিবেনী পর্যন্ত, অর্থাৎ কৃশের সীমানা পর্যন্ত, মিশ্র দেশকে জনশূন্য ও  
ধ্বংসস্থান করব। 11 তার মধ্যে দিয়ে কোনও মানুষ বা পশু যাতায়াত  
করবে না; চল্লিশ বছর কেউ সেখানে বাস করবে না। 12 ধ্বংস হয়ে  
যাওয়া সমস্ত দেশগুলির মধ্যে আমি মিশ্র দেশের অবস্থা আরও বেশি  
খারাপ করে দেব; ধ্বংস হয়ে যাওয়া নগরগুলির মধ্যে তার নগরগুলির  
চল্লিশ বছর ধরে জনশূন্য হয়ে থাকবে। এবং আমি মিস্ত্রীয়দের বিভিন্ন  
জাতি ও দেশের মধ্যে ছাড়িয়ে দেব। 13 “কেননা সার্বভৌম সদাপ্রভু  
এই কথা বলেন, চল্লিশ বছরের শেষে আমি বিভিন্ন দেশে ছাড়িয়ে থাকা  
মিশ্রীয়দের জড়ে করব। 14 আমি তাদের বন্দিদশা থেকে ফিরিয়ে  
তাদের পূর্বপুরুষদের দেশ মিশ্রের উপরের এলাকাটি দেব। সেখানে  
তারা এক দুর্বল রাজ্য হবে। 15 সে দুর্বল রাজ্য হবে এবং অন্যান্য  
জাতিদের উপরে সে কখনও নিজেকে উঁচু করবে না। আমি তাকে  
এত দুর্বল করব যে সে আর কখনও অন্যান্য জাতিদের উপরে রাজত্ব  
করবে না। 16 ইস্রায়েলীরা আর কখনও মিশ্রের উপর নির্ভর করবে  
না, কিন্তু মিশ্রের অবস্থা দেখে তারা বুঝতে পারবে যে সাহায্যের  
জন্য মিশ্রের দিকে ফিরে তারা পাপ করেছিল। তখন তারা জানতে  
পারবে যে আমিই সার্বভৌম সদাপ্রভু।” 17 সাতাশ বছরের প্রথম  
মাসের প্রথম দিনে, সদাপ্রভুর বাক্য আমার কাছে উপস্থিত হল, 18 “হে  
মানবসন্তান, ব্যাবিলনের রাজা নেবুখাদনেজার সোরের বিরুদ্ধে যুদ্ধের  
সময় তার সৈন্যদলকে এত বেশি পরিশ্রম করিয়েছে যে; প্রত্যকের  
মাথার চুল উঠে গিয়েছে ও কাঁধের ছালচামড়া উঠে গিয়েছে। তবুও  
সোরের বিরুদ্ধে সে যে যুদ্ধ চালিয়েছে তাতে তার বা তার সৈন্যদলের  
কোনো লাভ হয়নি। 19 এই জন্য সার্বভৌম সদাপ্রভু এই কথা বলেন,  
আমি ব্যাবিলনের রাজা নেবুখাদনেজারকে মিশ্র দেশটা দেব, আর সে

তার ধনসম্পদ নিয়ে যাবে। তার সৈন্যদলের বেতনের জন্য সে সেই দেশ লুটপাট করবে। 20 সে ও তার সৈন্যদল আমার জন্য যে পরিশ্রম করেছে তার পুরস্কার হিসেবে আমি তাকে মিশর দেশটা দিয়েছি, সার্বভৌম সদাপ্রভু এই কথা বলেন। 21 “সেদিন আমি ইন্দ্রায়েল জাতিকে শক্তিশালী করব, এবং তাদের মধ্যে কথা বলার জন্য আমি তোমার মুখ খুলে দেব। তখন তারা জানবে যে আমিই সদাপ্রভু।”

**30** সদাপ্রভুর বাক্য আমার কাছে উপস্থিত হল, 2 “হে মানবসন্তান, ভাববাণী বলো: ‘সার্বভৌম সদাপ্রভু এই কথা বলেন, “‘বিলাপ করো এবং বলো, “হায়, সে কেমন দিন!”’ 3 কারণ সেদিনটি নিকটবর্তী, সদাপ্রভুর দিনটি নিকটবর্তী, সেটি মেঘে ঢাকা দিন, জাতিদের শেষ সময়। 4 মিশরের উপর যুদ্ধ আসবে, আর কৃশের উপর আসবে দারণ যন্ত্রণা। যখন মিশরে লোকেরা মরে পড়ে থাকবে, তার ধনসম্পদ নিয়ে যাওয়া হবে তার ভিত্তি ধ্বংস হবে। 5 কৃশ ও পূট, লুদ ও সমস্ত আরব দেশ, লিবিয়া এবং নিয়মের অধীন দেশের লোকেরা যুদ্ধে মিশরের সঙ্গে মারা পড়বে। 6 “সদাপ্রভু এই কথা বলেন, “‘মিশরের বন্ধু দেশের লোকেরা ধ্বংস হয়ে যাবে এবং তার শক্তির গর্ব অকৃতকার্য হবে। মিগ্দোল থেকে সিবেনী পর্যন্ত লোকেরা তার মধ্যেই যুদ্ধে মারা পড়বে, সার্বভৌম সদাপ্রভু এই কথা বলেন। 7 তারা জনশূন্য হবে জনশূন্য দেশের মধ্যে আর তাদের নগরগুলি পড়ে থাকবে ধ্বংস হওয়া নগরগুলি মধ্যে। 8 তখন তারা জানবে যে আমিই সদাপ্রভু, যখন আমি মিশরে আগুন লাগাব এবং তার সমস্ত সাহায্যকারী চুরমার হয়ে যাবে। 9 “সেদিন নিশ্চিন্তে থাকা কৃশকে ভয় দেখাবার জন্য সংবাদ বহনকারীরা আমার আদেশে জাহাজে করে বের হয়ে যাবে। মিশরের শেষ দিনে কৃশের যন্ত্রণা হবে, কারণ সেদিন তার উপরেও নিশ্চয় আসবে। 10 “সার্বভৌম সদাপ্রভু এই কথা বলেন, “‘ব্যাবিলনের রাজা নেবুখাদনেজারের হাত দিয়ে মিশরের মস্ত বড়ো দলকে আমি শেষ করে দেব। 11 সে এবং তার সৈন্যদলকে—জাতিগণের মধ্যে যারা সবচেয়ে নিষ্ঠুর, আনা হবে দেশকে ধ্বংস করার জন্য। তারা মিশরের বিরুদ্ধে তাদের তরোয়াল ধরবে আর নিহত লোকদের দিয়ে দেশ

ভরিয়ে দেবে। 12 আমি নীলনদের শ্রোত শুকিয়ে ফেলব এবং মন্দ  
জাতির কাছে দেশটা বিক্রি করে দেব; বিদেশিদের হাত দিয়ে দেশ ও  
তার মধ্যেকার সবকিছুকে আমি ধ্বংস করব। আমি সদাপ্রভু এই কথা  
বললাম। 13 “সার্বভৌম সদাপ্রভু এই কথা বলেন “আমি প্রতিমাণ্ডলি  
ধ্বংস করব এবং মেষ্টিস থেকে অবস্ত্র-প্রতিমাণ্ডলি শেষ করে দেব।  
মিশরে আর কোনও শাসনকর্তা থাকবে না, এবং দেশের সর্বত্র আমি  
ভয় ছড়িয়ে দেব। 14 আমি মিশরের উপরের এলাকাটিকে পতিত জমি  
করে ফেলে রাখব, সোয়নে আগুন লাগাব এবং থিব্সকে শাস্তি দেব।  
15 আমি মিশরের দুর্গ, সীন নগরের উপর আমার ক্ষেত্র ঢেলে দেব,  
এবং থিব্সের সমস্ত লোককে ছেঁটে ফেলে দেব। 16 আমি মিশরে  
আগুন লাগাব; সীন নগর যন্ত্রণায় ছটফট করবে। থিব্সের বিরুদ্ধে  
লোকেরা হঠাত আসবে; মেষ্টিসের নিয়মিত যন্ত্রণায় থাকবে। 17  
আবেন ও পী-বেশতের যুবকেরা যুদ্ধে মারা যাবে, এবং নগরগুলি  
নিজেরাই বন্দিদশায় যাবে। 18 তফন্ত্বে দিনের বেলা অন্ধকার  
হয়ে যাবে যখন আমি মিশরের জোয়াল ভাঙব; সেখানে তার শক্তির  
গর্ব শেষ হয়ে যাবে। সে মেঘে ঢেকে যাবে, তার গ্রামগুলি বন্দিদশায়  
যাবে। 19 এইভাবে আমি মিশরকে শাস্তি দেব, আর তারা জানবে যে  
আমিই সদাপ্রভু।” 20 দশম বছরের, দশম মাসের সাত দিনের দিন,  
সদাপ্রভুর বাক্য আমার কাছে উপস্থিত হল, 21 “হে মানবসন্তান, আমি  
মিশরের রাজা ফরৌণের হাত ভেঙে দিয়েছি। ভালো হবার জন্য সেই  
হাত কাপড় দিয়ে বাঁধা হয়নি যাতে সেটি তরোয়াল ধরার জন্য উপযুক্ত  
শক্তি পায়। 22 এই জন্য সার্বভৌম সদাপ্রভু এই কথা বলেন, আমি  
মিশরের রাজা ফরৌণের বিরুদ্ধে। আমি তার দুই হাতই ভেঙে দেব,  
ভালো ও ভাঙা উভয় হাতই, এবং তার হাত থেকে তরোয়াল ফেলে  
দেব। 23 আমি মিশরীয়দের বিভিন্ন জাতি ও দেশের মধ্যে ছড়িয়ে  
দেব। 24 আমি ব্যাবিলনের রাজার হাত শক্তিশালী করব এবং আমার  
তরোয়াল তার হাতে দেব, কিন্তু আমি ফরৌণের হাত ভেঙে দেব,  
তাতে সে ব্যাবিলনের রাজার সামনে আহত লোকের মতো কাতরাবে।  
25 আমি ব্যাবিলনের রাজার হাত শক্তিশালী করব, কিন্তু ফরৌণের হাত

ବୁଲେ ପଡ଼ିବେ । ଆମି ସଥନ ଆମାର ତରୋଯାଳ ବ୍ୟାବିଲନେର ରାଜାର ହାତେ  
ଦେବ ଆର ସେ ମିଶରେର ବିରଳଦେ ତା ଚାଲାବେ, ତଥନ ତାରା ଜାନବେ ଯେ  
ଆମିହି ସଦାପ୍ରଭୁ । 26 ଆର ଆମି ମିଶରୀୟଦେର ବିଭିନ୍ନ ଜାତି ଓ ଦେଶେର  
ମଧ୍ୟେ ଛଢିଯେ ଦେବ । ତଥନ ତାରା ଜାନବେ ଯେ ଆମିହି ସଦାପ୍ରଭୁ ।”

**31** ଏଗାରୋ ବହୁରେ, ତୃତୀୟ ମାସେର ପ୍ରଥମ ଦିନ, ସଦାପ୍ରଭୁର ବାକ୍ୟ  
ଆମାର କାହେ ଉପହିତ ହଲ, 2 “ହେ ମାନବସତ୍ତାନ, ମିଶରେର ରାଜା ଫରୋଣ  
ଓ ତାର ସମସ୍ତ ଲୋକଦେର ବଲୋ, “ମହିମାର ଦିକ ଥିକେ ତୁମି କାର  
ତୁଳ୍ୟ? 3 ଆସିରିଯାର କଥା ଚିନ୍ତା କରୋ, ସେ ଏକ ସମସ୍ତ ଲେବାନନ୍ଦେର  
ସିଡାର ଗାଛ ଛିଲ, ସୁନ୍ଦର ଡାଲପାଳା ବନେ ଘନ ଛାଯା ଫେଲତ; ସେ ଖୁବ  
ଉଁଚୁ ଛିଲ, ତାର ମାଥା ଯେନ ଆକାଶ ଛୁଟେ । 4 ପ୍ରଚୁର ଜଳ ତାକେ ପୁଷ୍ଟ  
କରେଛିଲ, ଗଭୀର ଫୋଯାରା ତାକେ ଲସା କରେଛିଲ; ତାଦେର ପ୍ରୋତ ବିହିତ  
ତାର ଗୋଡ଼ାର ଚାରିଦିକେ ଏବଂ ତାର ନାଲାଙ୍ଗୁଲି ବନେର ସବ ଗାଛକେ ଜଳ  
ଦିତ । 5 ଏହିଭାବେ ବନେର ସବ ଗାଛେର ଚେଯେ ସେ ଉଁଚୁ ହେୟ ଉଠିଲ; ତାର  
ଡାଲ ଛଢିଯେ ପଡ଼ିଲ ଆର ସେଗୁଲି ଲମ୍ବା ହଲ, ପ୍ରଚୁର ଜଳ ପାଓଯାର କାରଣେ  
ଚାରିଦିକେ ଛଢିଯେ ଗେଲ । 6 ଆକାଶେର ସବ ପାଖି ତାର ଡାଲେ ବାସା  
ବାଁଧିଲ, ମାଠେର ସବ ପଣ୍ଡ ତାର ଡାଲପାଳା ନିଚେ ବାଚା ଦିତ; ସକଳ ମହାନ  
ଜାତି ତାର ଛାଯାଯ ବାସ କରତ । 7 ସେ ଛିଲ ସୌନ୍ଦର୍ଯ୍ୟେ ମହିମାଘିତ ତାର  
ଛଢାନୋ ଡାଲପାଳାର ଜନ୍ୟ, କାରଣ ତାର ଶେକଡ଼ ଗଭୀରେ ଗିଯେଛିଲ ପ୍ରଚୁର  
ଜଳେର କାହେ । 8 ଈଶ୍ୱରେର ବାଗାନେର ସିଡାର ଗାଛଗୁଲି ଓ ତାର ସଙ୍ଗେ ପାଇଁଲା  
ଦିତେ ପାରତ ନା, ଦେବଦାର ଗାଛେର ସକଳ ଡାଲପାଳା ତାର ସମାନ ଛିଲ  
ନା, ପ୍ଲେଇନ ଗାଛେର ଡାଲପାଳାଙ୍ଗୁଲି ତାର ଡାଲପାଳାର ସଙ୍ଗେ ତୁଳନା କରା  
ଯେତ ନା, ଈଶ୍ୱରେର ବାଗାନେର କୋନ୍ତ ଗାଛଟି ସୌନ୍ଦର୍ଯ୍ୟେ ତାର ମତନ ଛିଲ  
ନା । 9 ଆମି ତାକେ ସୁନ୍ଦର କରେଛିଲାମ ପ୍ରଚୁର ଡାଲପାଳା ଦିଯେ, ସେ ଛିଲ  
ଏଦନେ ଈଶ୍ୱରେର ବାଗାନେର ସବ ଗାଛେର ହିଂସାର ପାତ୍ର । 10 “ଏହି ଜନ୍ୟ  
ସାର୍ବଭୌମ ସଦାପ୍ରଭୁ ଏହି କଥା ବଲେନ, ସେ ଉଁଚୁ ହେୟେ, ଘନ ବନେର ଉପରେ  
ତାର ମାଥା ଉଠେଛେ, ଏବଂ ଯେହେତୁ ସେ ଉଁଚୁ ବଲେ ତାର ଅହଂକାର, 11  
ଆମି ତାକେ ଜାତିଗଣେର ଶାସନକର୍ତ୍ତାର ହାତେ ତୁଲେ ଦିଯେଛି, ଯେନ ତାର  
ମନ୍ଦତା ଅନୁସାରେ ସେ ତାର ସଙ୍ଗେ ବ୍ୟବହାର କରବେ । ଆମି ତାକେ ଅଗ୍ରାହ୍ୟ  
କରେଛି, 12 ଏବଂ ବିଦେଶି ଜାତିଦେର ମଧ୍ୟେ ସବଚେଯେ ନିଷ୍ଠିର ଜାତିର

লোকেরা তাকে কেটে ফেলে রেখে গেছে। পাহাড় সকলের উপরে ও উপত্যকাগুলিতে তার শাখাগুলি পড়েছে; তার ডালপালাগুলি ভেঙে দেশের সব জলের প্রাতের মধ্যে পড়ে আছে। পৃথিবীর সব জাতি তার ছায়া থেকে বের হয়ে তাকে ফেলে চলে গেছে। 13 সেই পড়ে যাওয়া গাছে আকাশের সব পাখিরা বাস করছে, এবং বনের সব পশুরা তার ডালপালার কাছে থাকছে। 14 এই জন্য জলের ধারের অন্য কোনো গাছ অহংকারে উঁচু হবে না, তাদের মাথা ঘন বনের উপরে উঠবে না। আর কোনো গাছ এত ভালো জল পেয়েও কখনও এত উঁচুতে পৌঁছাবে না; তারা সবাই মানুষের মতো যত্ন্যর অধীন, তারা পৃথিবীর গভীরে পাতালে নেমে যাওয়ার জন্য ঠিক হয়ে আছে। 15 “সার্বভৌম সদাপ্রভু এই কথা বলেন, যেদিন সে পাতালে নেমে গেল সেদিন তার জন্য শোকের চিহ্ন হিসেবে সেই গভীর ফোয়ারা আমি ঢেকে দিলাম; আমি তার সব প্রোত্ত থামিয়ে দিলাম, তাতে তার অফুরন্ত জল বন্ধ হয়ে গেল। এই জন্য আমি লেবাননকে শোক করালাম আর তার মাঠের প্রত্যেকটা গাছ শুকিয়ে গেল। (Sheol h7585) 16 মৃত লোকদের সঙ্গে আমি যখন তাকে পাতালে নামিয়ে দিলাম তখন তার পড়ে যাবার শব্দে জাতিরা কেঁপে উঠল। তখন এদনের সব গাছ, লেবাননের বাছাই করা ও সেরা গাছ এবং ভালোভাবে জল পাওয়া সব গাছ, পৃথিবীর গভীরে সান্ত্বনা পেল। (Sheol h7585) 17 যারা তার ছায়াতে বাস করত, জাতিদের মধ্যে তার বন্ধুরা, তার সঙ্গে পাতালে যুদ্ধে নিহত লোকদের কাছে নেমে গেল। (Sheol h7585) 18 “এদনের কোনও গাছকে তোমার প্রতাপ ও মহত্ত্বের সঙ্গে তুলনা করা যাবে? তবুও তোমাকেও এদনের গাছপালার সঙ্গে পৃথিবীর গভীরে নামিয়ে দেওয়া হবে; যারা তরোয়ালে মারা গেছে, অচিন্ত্যক লোকদের মধ্যে তুমি শুয়ে থাকবে। “এ সেই ফরোগ ও তার সমস্ত লোকেরা, সার্বভৌম সদাপ্রভু এই কথা বলেন।”

**32** বারো বছরের, বারো মাসের প্রথম দিন, সদাপ্রভুর বাক্য আমার কাছে উপস্থিত হল, 2 “হে মানবসন্তান, মিশরের রাজা ফরৌণের জন্য বিলাপ করো আর তাকে বলো, “তুমি জাতিগণের মধ্যে একটি সিংহের মতো; তুমি সমুদ্রের মধ্যে একটি দানবের মতো নদীর মধ্যে

দাপাদাপি করতে, পা দিয়ে জল তোলপাড় করতে, এবং নদীর জল  
ঘোলা করতে। ৩ “সার্বভৌম সদাপ্রভু এই কথা বলেন, “‘লোকদের  
একটি বড়ো দল নিয়ে আমি তোমার উপর জাল ফেলব, তারা আমার  
জালে তোমাকে টেনে তুলবে। ৪ আমি তোমাকে ডাঙায় ছেড়ে দেব  
এবং খোলা মাঠে ছুঁড়ে ফেলব। আকাশের সব পাখিদের তোমার  
উপর বসাব এবং পৃথিবীর সব পশুরা তোমাকে খেয়ে তৃপ্ত হবে। ৫  
আমি পাহাড়ের উপরে তোমার মাংস ফেলব আর তোমার অবশিষ্টাংশ  
দিয়ে উপত্যকা সকল ভরাব। ৬ তোমার রক্ত দিয়ে আমি সেই দেশ  
ভিজাব এমনকি পাহাড়-পর্বত পর্যন্ত, এবং গিরিখাতগুলি তোমার  
মাংসে ভরে যাবে। ৭ তোমাকে শেষ করার সময়, আমি আকাশ  
চেকে দেব এবং তারাগুলি কালো করে দেব; আমি সূর্য মেঘ দিয়ে  
চেকে দেব এবং চাঁদ আর তার আলো দেবে না। ৮ আকাশের সকল  
উজ্জ্বল আলো আমি তোমার উপরে কালো করে দেব; আমি তোমার  
দেশের উপর অঙ্ককার নিয়ে আসব, সার্বভৌম সদাপ্রভু এই কথা  
বলেন। ৯ আমি বহু মানুষের মনে ত্রাস নিয়ে আসব যখন তোমাকে  
ধ্বংস করব জাতিগণের মধ্যে, এবং যে সকল দেশের বিষয় তুমি  
জানো না। ১০ আমি এমন করব যে বহু মানুষ তোমাকে দেখে হতভস্থ  
হবে, এবং তাদের রাজারা তোমার কারণে ভয়ে কাঁপবে যখন আমি  
তাদের সামনে আমার তরোয়াল ঘুরাব। তোমার পতনের দিনে তারা  
প্রত্যেকে কাঁপবে তাদের জীবনের প্রতি ক্ষণে। ১১ “কেননা সার্বভৌম  
সদাপ্রভু এই কথা বলেন, “‘ব্যাবিলনের রাজার তরোয়াল তোমার  
বিরুদ্ধে আসবে। ১২ আমি তোমার লোকদের পতন ঘটাব বীরদের  
তরোয়াল দ্বারা, জাতিগণের মধ্যে যারা সবচেয়ে নিষ্ঠুর। তারা মিশরের  
অহংকার খর্ব করবে, এবং তার সব লোকদের ধ্বংস করবে। ১৩  
প্রচুর জলের কাছে থাকা সমস্ত গবাদি পশুকে আমি ধ্বংস করব সেই  
জল আর মানুষের পায়ে অথবা গবাদি পশুর খুরে আর ঘোলা হবে  
না। ১৪ তখন আমি তার জল থিতাতে দেব এবং স্নোত তেলের মতো  
বহাব, সার্বভৌম সদাপ্রভু এই কথা বলেন। ১৫ আমি যখন মিশরকে  
জনশূন্য করব এবং দেশের মধ্যেকার সবকিছু খালি করে ফেলব,

আৱ সেখানকাৰ বাসিন্দাদেৱ আঘাত কৱৰ, তখন তাৱা জানবে যে  
আমই সদাপ্ৰভু।’ 16 “তাৱা তাৱ জন্য এই বিলাপ-গীত কৱবে। বিভিন্ন  
জাতিৰ মেয়েৱাও এই গান কৱবে; তাৱা মিশ্ৰ ও তাৱ সব লোকদেৱ  
জন্য তা গাইবে, সাৰ্বভৌম সদাপ্ৰভু এই কথা বলেন।” 17 বাৱো  
বছৱেৱ, মাসেৱ পনেৱো দিনেৱ দিন, সদাপ্ৰভুৰ বাক্য আমাৱ কাছে  
উপস্থিত হল, 18 “হে মানবসন্তান, মিশ্ৰেৱ লোকদেৱ জন্য বিলাপ  
কৱো এবং যাৱা পাতালে নেমে যাচ্ছে তাৱেৱ সঙ্গে তাকে ও অন্যান্য  
শক্তিশালী জাতিগণেৱ লোকদেৱ পৃথিবীৰ গভীৱে পাঠিয়ে দাও। 19  
তাৱেৱ বলো, ‘তুমি কি অন্যদেৱ থেকে আৱও পক্ষপাতদুষ্ট? তুমি  
নেমে যাও এবং অচিহ্নত্বকদেৱ সঙ্গে শুয়ে থাকো।’ 20 যুদ্ধে যাৱা মাৱা  
পড়েছে তাৱেৱ মধ্যেই তাৱ লোকেৱা পড়ে থাকবে। তরোয়ালেৱ হাতে  
তাকে তুলে দেওয়া হবে; তাৱ সব লোকদেৱ সঙ্গে তাকেও টেনে নিয়ে  
যাওয়া হবে। 21 পাতালেৱ মধ্যে থেকে পৰাক্ৰমী নেতাৱা মিশ্ৰ ও তাৱ  
মিত্ৰশক্তিদেৱ সম্বন্ধে বলবে, ‘তাৱা নিচে নেমে এসেছে এবং যাদেৱ  
সুন্ত হয়নি তাৱেৱ ও যাৱা তরোয়াল দারা মাৱা পড়েছে, তাৱেৱ সঙ্গে  
শুয়ে আছে।’ (Sheol h7585) 22 “আসিৱিয়া তাৱ সমস্ত সৈন্যদলেৱ সঙ্গে  
সেখানে আছে; তাকে ঘিৱে রয়েছে তাৱ সব নিহত লোকদেৱ কৱৰ,  
এৱা সবাই যুদ্ধে মাৱা পড়েছিল। 23 গৰ্তেৱ গভীৱে তাৱেৱ কৱৰ  
দেওয়া হয়েছে এবং তাৱ সৈন্যদল তাৱ কৱৱেৱ চারপাশে শুয়ে আছে।  
জীবিতদেৱ দেশে যাৱা ভয় ছড়িয়েছিল তাৱেৱ সকলকে যুদ্ধে মেৰে  
ফেলা হয়েছে। 24 “এলম সেখানে আছে, তাৱ কৱৱেৱ চারপাশে রয়েছে  
তাৱ সমস্ত লোক। তাৱা সকলে যুদ্ধে মাৱা গেছে। যাৱা জীবিতদেৱ  
দেশে ভয় ছড়িয়েছিল তাৱা অচিহ্নত্বক অবস্থায় পৃথিবীৰ গভীৱে  
নেমে গেছে। তাৱা পাতালবাসীদেৱ সঙ্গেই নিজেদেৱ অসম্মান ভোগ  
কৱছে। 25 নিহত লোকদেৱ মধ্যে তাৱ বিছানা পাতা হয়েছে, তাৱ  
কৱৱেৱ চারপাশে তাৱ সঙ্গে রয়েছে তাৱ সমস্ত লোক। তাৱা সকলেই  
অচিহ্নত্বক অবস্থায় যুদ্ধে মাৱা গেছে। যেহেতু তাৱা জীবিতদেৱ দেশে  
ভয় ছড়িয়েছিল, কিন্তু তাৱা পাতালবাসীদেৱ সঙ্গেই নিজেদেৱ অপমান  
ভোগ কৱছে; নিহত লোকদেৱ মধ্যে তাৱেৱ শোয়ানো হয়েছে। 26

“মেশক ও ত্বল সেখানে আছে, তাদের কবরের চারপাশে রয়েছে  
 তাদের সমস্ত লোক। তারা সকলেই অচিন্ত্য অবস্থায় যুদ্ধে মারা  
 গেছে কারণ তারা জীবিতদের দেশে ভয় ছড়িয়েছিল। 27 কিন্তু তারা  
 শুয়ে নেই তাদের সঙ্গে যারা যুদ্ধে মারা গেছে, যারা যুদ্ধের অস্ত্রশস্ত্র  
 নিয়ে কবরে গিয়েছে—যাদের তরোয়াল তাদের মাথার নিচে রাখা  
 হয়েছে? তাদের অপরাধ তাদের হাড়গোড়ের উপর রয়েছে—যদিও  
 এই সৈন্যরা জীবিতদের দেশে ভয় ছড়িয়েছিল। (Sheol h7585) 28 “হে  
 ফরৌণ, তোমাকেও ভাঙ্গা হবে এবং তুমি অচিন্ত্য লোকদের মধ্যে  
 শুয়ে থাকবে, যাদের যুদ্ধে মেরে ফেলা হয়েছে। 29 “ইদোম সেখানে  
 আছে, তার রাজারা ও তার সব শাসনকর্তারা সেখানে আছে; শক্তি  
 থাকলেও যুদ্ধে নিহত লোকদের সঙ্গে তাদের শোয়ানো হয়েছে। তারা  
 অচিন্ত্য লোকদের মধ্যে শুয়ে আছে যারা পাতালে নেমে গেছে। 30 “উত্তর  
 দেশের সব শাসনকর্তারা ও সীদোনীয়েরা সকলেই সেখানে আছে;  
 তাদের পরাক্রম ভয়ানক হলেও তারা লজ্জিত হয়ে নিহত লোকদের  
 সঙ্গে নিচে নেমেছে। যারা যুদ্ধে মারা গেছে তাদের সঙ্গে অচিন্ত্য অবস্থায়  
 শুয়ে আছে এবং যারা পাতালে নেমে গেছে তাদের সঙ্গে  
 অসম্মান ভোগ করছে। 31 “ফরৌণ—সে ও তার সৈন্যদল—তাদের  
 দেখবে এবং তাকে সান্ত্বনা দেওয়া হবে তার লোকদের জন্য যারা যুদ্ধে  
 নিহত হয়েছে, সার্বভৌম সদাপ্রভু এই কথা বলেন। 32 যদিও আমি  
 তাকে জীবিতদের দেশে ভয় ছড়াতে দিয়েছি, ফরৌণ ও তার লোকেরা  
 অচিন্ত্য লোকদের মধ্যে শুয়ে থাকবে, যারা যুদ্ধে মারা গেছে, সার্বভৌম  
 সদাপ্রভু এই কথা বলেন।”

**33** সদাপ্রভুর বাক্য আমার কাছে উপস্থিত হল, 2 “হে মানবসন্তান,  
 তোমার জাতির লোকদের বলো ‘আমি যখন কোনও দেশের বিরুদ্ধে  
 যুদ্ধ নিয়ে আসি, আর দেশের লোকেরা একজনকে মনোনীত করে  
 তাকে তাদের পাহারাদার নিযুক্ত করে, 3 সে তরোয়ালকে আসতে  
 দেখে লোকদের সতর্ক করবার জন্য তুরী বাজায়, 4 তখন যদি কেউ  
 তুরীর আওয়াজ শুনেও সতর্ক না হয় আর সৈন্যেরা এসে তাকে মেরে  
 ফেলে তবে তার মৃত্যুর জন্য সে নিজেই দায়ী থাকবে। 5 তুরীর

আওয়াজ শুনেও সে সতর্ক হয়নি বলে তার মৃত্যুর জন্য সে নিজেই  
দায়ী থাকবে। সে যদি সতর্ক হত তবে নিজেকে রক্ষা করতে পারত। 6  
কিন্তু সেই পাহারাদার যদি সৈন্যদলকে আসতে দেখেও লোকদের  
সতর্ক করবার জন্য তূরী না বাজায় এবং সৈন্যদল এসে একজনকে  
মেরে ফেলে, তাহলে বুঝতে হবে সেই মানুষ তার নিজের পাপের  
জন্যই মারা গেছে, কিন্তু তার মৃত্যুর জন্য আমি সেই পাহারাদারকে  
দায়ী করব।' 7 "হে মানবসন্তান, ইচ্ছায়েল কুলের জন্য আমি তোমাকে  
পাহারাদার নিযুক্ত করেছি; সুতরাং আমি যা বলছি তা শোনো এবং  
আমার হয়ে তাদের সতর্ক করো। 8 আমি যখন কোনও দুষ্ট লোককে  
বলি, 'হে দুষ্টলোক, তুমি নিশ্চয়ই মরবে,' আর তুমি তাকে তার মন্দ  
পথ থেকে ফিরবার জন্য সতর্ক না করো, তবে সেই দুষ্টলোক তার  
পাপের জন্য মারা যাবে, কিন্তু তার মৃত্যুর জন্য আমি তোমাকে দায়ী  
করব। 9 কিন্তু তুমি যদি সেই দুষ্ট লোককে তার পথ থেকে ফিরবার  
জন্য সতর্ক করো আর যদি সে না ফেরে তবে সে তার পাপের জন্য  
মরবে, কিন্তু তুমি নিজের প্রাণরক্ষা করবে। 10 "হে মানবসন্তান, তুমি  
ইচ্ছায়েল কুলকে বলো, 'তোমরা এই কথা বলছ: 'আমাদের অন্যায়  
আর পাপের ভার আমাদের উপর চেপে আছে, তাতেই আমরা ক্ষয়  
হয়ে যাচ্ছি। তাহলে আমরা কেমন করে বাঁচব?''" 11 তাদের বলো,  
'সার্বভৌম সদাপ্রভু এই কথা বলেন, আমার জীবনের দিব্য দিয়ে  
বলছি, দুষ্টলোকের মৃত্যুতে আমি কোনও আনন্দ পাই না, বরং তারা  
যেন কৃপথ থেকে ফিরে বাঁচে তাতেই আমি আনন্দ পাই। হে ইচ্ছায়েল  
কুল, তোমরা ফেরো, তোমাদের মন্দ পথ থেকে তোমরা ফেরো! কেন  
তোমরা মারা যাবে?' 12 "সেইজন্য, হে মানবসন্তান, তুমি তোমার  
জাতির লোকদের বলো, 'ধার্মিকের ধার্মিকতা তার অবাধ্যের দিনে  
তাকে রক্ষা করবে না, আর দুষ্টলোক যদি তার দুষ্টতা থেকে ফেরে  
তবে সে তার দুষ্টতার শাস্তি পাবে না। ধার্মিক লোক যদি পাপ করে  
তবে তার আগের ধার্মিকতা তাকে বাঁচাতে পারবে না।' 13 আমি যদি  
ধার্মিক লোককে বলি যে সে নিশ্চয় বাঁচবে, কিন্তু পরে তার ধার্মিকতার  
উপর নির্ভর করে মন্দ কাজ করে, তবে সে আগে যেসব ধর্মকর্ম সে

আগে করেছে তার কোনটাই মনে করা হবে না; সে যে অন্যায় করেছে  
তার জন্যই সে মরবে। 14 আর আমি যদি সেই দুষ্ট লোককে বলি,  
'তুমি নিশ্চয় মরবে,' কিন্তু সে পরে তার পাপ থেকে ফিরে ন্যায় ও ঠিক  
কাজ করে। 15 সেই দুষ্ট যদি বন্ধক রাখা জিনিস ফিরিয়ে দেয়, সে যা  
চুরি করেছিল তা ফিরিয়ে দেয়, জীবনদায়ী নিয়মকানুন পালন করে  
এবং অন্যায় না করে—সে নিশ্চয়ই বাঁচবে; সে মারা যাবে না। 16  
সে যেসব পাপ করেছে তার কোনটাই তার বিরুদ্ধে মনে রাখা হবে  
না। সে ন্যায় ও ঠিক কাজ করেছে বলে; সে নিশ্চয়ই বাঁচবে। 17  
“তবুও তোমার জাতির লোকেরা বলে, ‘সদাপ্রভুর পথ ঠিক নয়।’ কিন্তু  
তাদের পথই ঠিক নয়। 18 একজন ধার্মিক লোক যদি তার ধার্মিকতা  
থেকে ফিরে অন্যায় করে, সে তার জন্য মরবে। 19 আর যদি একজন  
দুষ্টলোক তার দুষ্টতা থেকে ফিরে ন্যায় ও ঠিক কাজ করে তবে সে তার  
জন্য বাঁচবে। 20 তবুও, হে ইস্রায়েল কুল, তোমরা বলো, ‘সদাপ্রভুর  
পথ ঠিক নয়।’ সেইজন্য তোমরা যেভাবে চলছ সেই অনুসারে আমি  
তোমাদের প্রত্যেকের বিচার করব।” 21 আমাদের নির্বাসনের বারো  
বছর দশ মাসের পাঁচ দিনের দিন, একজন লোক জেরুশালেম থেকে  
পালিয়ে আমার কাছে এসে বলল, “শক্তরা নগর অধিকার করেছে!”  
22 সেই লোক আমার কাছে পৌঁছাবার আগের বিকালে, সদাপ্রভুর  
হাত আমার উপরে ছিল, এবং সেই লোক সকালে আমার কাছে  
আসার আগেই তিনি আমার মুখ খুলে দিলেন। সেই কারণে আমার  
মুখ খুলে গিয়েছিল এবং আমি আর নীরব থাকতে পারলাম না। 23  
পরে সদাপ্রভুর বাক্য আমার কাছে উপস্থিত হল, 24 “হে মানবসন্তান,  
ইস্রায়েল দেশের ধ্বংসস্থানে যারা বাস করছে তারা বলছে, ‘অব্রাহাম  
মাত্র একজন মানুষ হয়েও দেশের অধিকার পেয়েছিলেন। কিন্তু আমরা  
তো অনেকজন; নিশ্চয়ই দেশটা আমাদের অধিকারের জন্য দেওয়া  
হয়েছে।’ 25 অতএব তাদের বলো, ‘সার্বভৌম সদাপ্রভু এই কথা  
বলেন, তোমরা রক্তশুদ্ধ মাংস খাচ্ছ, প্রতিমাণ্ডলির প্রতি দৃষ্টিপাত করছ  
এবং রক্তপাত করছ, তাহলে কি তোমরা দেশের অধিকারী হবে?

26 তোমরা তো তরোয়ালের উপর নির্ভর করছ, তোমরা ঘৃণ্য কাজ

করছ ও প্রত্যেকে নিজের প্রতিবাসীর স্ত্রীকে অঙ্গটি করছ। তাহলে  
কি তোমরা দেশের অধিকারী হবে?’ 27 ‘তাদের এই কথা বলো,  
‘সার্বভৌম সদাপ্রভু এই কথা বলেন, আমার জীবনের দিব্য দিয়ে  
বলছি, যারা সেই ধ্বংসস্থানে আছে তারা যুদ্ধে মারা পড়বে, যারা মাঠে  
আছে তাদের খেয়ে ফেলার জন্য আমি বন্যপশুদের কাছে তাদের দেব  
এবং যারা দুর্গে ও গুহায় আছে তারা মহামারিতে মারা যাবে। 28 আমি  
দেশটাকে একটি জনশূন্য পতিত জায়গা করব, তার শক্তির গর্ব শেষ  
হয়ে যাবে এবং ইন্দ্রায়েলের পাহাড়গুলি এত জনশূন্য হবে যে সেখান  
দিয়ে কেউ যাওয়া-আসা করবে না। 29 তাদের ঘৃণ্য কাজের জন্য আমি  
যখন দেশকে জনশূন্য করব তখন তারা জানবে যে আমিই সদাপ্রভু।’  
30 ‘আর, হে মানবসন্তান, তোমার জাতির লোকেরা দেয়ালের পাশে ও  
ঘরের দরজায় একত্র হয়ে তোমার বিষয়ে বলাবলি করছে এবং একে  
অন্যকে বলছে, ‘সদাপ্রভুর কাছ থেকে যে সংবাদ এসেছে চলো, আমরা  
গিয়ে তা শুনি।’ 31 আমার লোকেরা তোমার কাছে আসে, যেমন তারা  
সাধারণত এসে থাকে, এবং তারা তোমার সামনে বসে ও তোমার  
কথা শোনে, কিন্তু তারা তা কাজে লাগায় না। মুখে তারা ভালোবাসার  
কথা বলে কিন্তু তাদের অন্তরে অন্যায় লাভের জন্য লোভ থাকে। 32  
এই কথা সত্য যে, তুমি তাদের কাছে কেবল মিষ্টি সুরে সুন্দরভাবে  
বাজনা বাজিয়ে ভালোবাসার গান গাওয়া একজন লোক ছাড়া আর  
কিছু নও, কারণ তারা তোমার কথা শোনে, কিন্তু তা পালন করে না।  
33 ‘যখন এসব সত্যই ঘটবে—আর তা নিশ্চয়ই ঘটবে—তখন তারা  
জানবে যে তাদের মধ্যে একজন ভাববাদী আছে।’

**34** সদাপ্রভুর বাক্য আমার কাছে উপস্থিত হল, 2 “হে মানবসন্তান,  
ইন্দ্রায়েলের পালকদের বিরুদ্ধে তুমি ভাববাদী বলো; ভবিষ্যদ্বাণী  
করো এবং তাদের বলো, ‘সার্বভৌম সদাপ্রভু এই কথা বলেন, ধিক্  
ইন্দ্রায়েলের সেই পালকদের যারা শুধু নিজেদেরই দেখাশোনা করে!  
মেষপালের দেখাশোনা করা কি পালকের কর্তব্য নয়? 3 তোমরা  
তো দই খাও, পশম দিয়ে কাপড় বানিয়ে পর এবং বাছাই করা মেষ  
বলিদান করো, কিন্তু মেষদের যত্ন নাও না। 4 তোমরা দুর্বলদের

সবল করোনি, অসুস্থদের সুস্থ করোনি, আহতদের ক্ষত বেঁধে দাওনি।  
যারা বিপথে গেছে তাদের ফিরিয়ে নিয়ে আসোনি কিংবা যারা হারিয়ে  
গেছে তাদের খোঁজ করোনি। তোমরা তাদের কড়া ও নিষ্ঠুরভাবে  
শাসন করেছ। 5 তারা ছড়িয়ে পড়েছে কারণ তাদের পালক নেই  
আর ছড়িয়ে পড়ার দরুণ তারা বন্যপশুদের খাবার হয়েছে। 6 আমার  
মেষেরা সমস্ত পাহাড় ও উচ্চ গিরির উপরে ঘুরে বেড়াচ্ছে। তারা সমস্ত  
পৃথিবীতে ছড়িয়ে পড়েছে, এবং তাদের খোঁজ করেনি। 7 “অতএব,  
হে পালকেরা, সদাপ্রভুর কথা শোনো। 8 সার্বভৌম সদাপ্রভু এই  
কথা বলেন, আমার জীবনের দিব্য দিয়ে বলছি, পালকের অভাবে  
আমার পাল লুটের জিনিস হয়েছে এবং বন্যপশুর খাবার হয়েছে, আর  
যেতেও আমার পালকেরা আমার পালের খোঁজ করেনি বরং তারা  
নিজেদেরই দেখাশোনা করেছে আমার পালের যত্ন নেয়ানি, 9 অতএব,  
হে পালকেরা, সদাপ্রভুর কথা শোনো: 10 সার্বভৌম সদাপ্রভু এই কথা  
বলেন, আমি পালকদের বিপক্ষে এবং আমার পালের জন্য তাদের  
কাছ থেকে হিসেব নেব। আমি তাদের পালের দেখাশোনা করা থেকে  
সরিয়ে দেব যেন পালকেরা আর নিজেদের জন্য খাবার না পায়।  
আমিই আমার পালকে তাদের গ্রাস থেকে উদ্ধার করব, এবং তাদের  
খাবার হতে দেব না। 11 “কারণ সার্বভৌম সদাপ্রভু এই কথা বলেন,  
আমি নিজেই আমার মেষদের খুঁজব এবং তাদের যত্ন নেব। 12 পালক  
যেমন তার ছড়িয়ে পড়া পালের খোঁজ করে যখন সে তাদের সঙ্গে  
থাকে তেমনি আমি আমার মেষকে খুঁজব। মেষ ও অন্ধকারের দিনে  
তারা যেসব জায়গায় ছড়িয়ে পড়েছে আমি সেখান থেকে তাদের উদ্ধার  
করব। 13 আমি তাদের জাতিগণের মধ্যে থেকে বের করে আনব ও  
বিভিন্ন দেশ থেকে সংগ্রহ করব এবং আমি তাদের নিজের দেশে নিয়ে  
আসব। আমি তাদের ইস্রায়েলের পাহাড়ে, গিরিখাতে এবং দেশের সব  
বসতিস্থানগুলিতে চরাব। 14 তাদের আমি ভালো চরানিতে চরাব,  
এবং ইস্রায়েলের পাহাড়গুলি তাদের চরানিস্থান হবে। ভালো চরানিতে  
তারা শোবে, এবং তারা ইস্রায়েলের পাহাড়ে ভালো চরানিতে খাবে।  
15 আমিই নিজের মেষদের চরাব এবং তাদের শোয়াব, এই কথা

সার্বভৌম সদাপ্রভু বলেন। 16 যারা হারিয়ে গেছে তাদের আমি খোঁজ করব এবং যারা বিপথে গেছে তাদের ফিরিয়ে আনব। আমি আহতদের ক্ষত বেঁধে দেব এবং দুর্বলদের বলযুক্ত করব, কিন্তু মোটাসোটা ও বলবানদের ধ্বংস করব। আমি ন্যায়বিচারে সেই পালের যত্ন নেব। 17 “আর তোমাদের বিষয়, হে আমার পাল, সার্বভৌম সদাপ্রভু এই কথা বলেন, আমি ভালো ও খারাপ মেষদের মধ্যে বিচার করব, আবার মেষ ও ছাগলের মধ্যে বিচার করব। 18 তোমাদের পক্ষে ভালো চারণভূমিতে খাওয়া কি যথেষ্ট নয়? আবার বাকি ঘাসগুলিও পা দিয়ে মাড়াতে হবে? তোমাদের পক্ষে পরিষ্কার জল খাওয়া কি যথেষ্ট নয়? আবার বাকি জলও কি পা দিয়ে ঘোলা করতে হবে? 19 তোমরা পা দিয়ে যা মাড়িয়েছ এবং যে জল ঘোলা করেছ তাই কি আমার মেষগুলিকে খেতে হবে? 20 “অতএব সার্বভৌম সদাপ্রভু তাদের এই কথা বলেন, দেখো, আমি নিজেই মোটা আর রোগা মেষের মধ্যে বিচার করব। 21 যেহেতু তোমরা দেহ এবং কাঁধ দিয়ে তাদের ঠেলছ, শিং দিয়ে দুর্বলদের গুঁতিয়ে তাড়িয়ে দিছ, 22 আমি আমার পালকে রক্ষা করব, এবং তারা আর লুটের জিনিস হবে না। আমি এক মেষের সঙ্গে আরেক মেষের বিচার করব। 23 আমি তাদের উপর এক পালককে নিযুক্ত করব, আমার দাস দাউদকে, যে তাদের পালন করবে; সে তাদেরকে চরাবে এবং তাদের পালক হবে। 24 আমি সদাপ্রভু তাদের ঈশ্বর হব, এবং আমার দাস দাউদ তাদের মধ্যে শাসনকর্তা হবে, আমি সদাপ্রভু এই কথা বলছি। 25 “আমি তাদের সঙ্গে শান্তির এক বিধান স্থাপন করব এবং দেশ থেকে হিংস্র পশুদের শেষ করব যেন তারা নিরাপদে প্রান্তরে বাস করতে পারে এবং বনে ঘুমাতে পারে। 26 আমি তাদের এবং আমার পাহাড়ের চারপাশের জায়গাগুলিকে আশীর্বাদ করব। আমি ঠিক সময়ে বৃষ্টি পাঠাব; সেখানে আশীর্বাদের ধারা বর্ষাবে। 27 মাঠের গাছে গাছে ফল ধরবে এবং মাটি ফসল দেবে; লোকেরা তাদের জায়গায় নিরাপদে থাকবে। তারা জানবে যে আমিই সদাপ্রভু, যখন আমি তাদের জোয়ালের খিল ভেঙে ফেলব এবং যারা তাদের দাসত্ব করাচ্ছে তাদের হাত থেকে তাদের উদ্ধার করব। 28

তারা আর জাতিগণের লুটের জিনিস হবে না কিংবা বন্যপশুরা তাদের  
খেয়ে ফেলবে না। তারা নিরাপদে বাস করবে আর কেউ তাদের ভয়  
দেখাবে না। 29 আমি তাদের উর্বর জমি দেব, আর দেশের মধ্যে তারা  
দুর্ভিক্ষের হাতে পড়বে না কিংবা অন্যান্য দেশের অসম্মানের পাত্র হবে  
না। 30 তখন তারা জানবে যে আমি, সদাপ্রভু তাদের ঈশ্বর, তাদের  
সহবর্তী এবং তারা, ইস্রায়েল কুল, আমার প্রজা, সার্বভৌম সদাপ্রভু  
এই কথা বলেন। 31 তোমরা আমার মেষ, আমার চরাণির মেষ এবং  
আমি তোমাদের ঈশ্বর, সার্বভৌম সদাপ্রভু এই কথা বলেন।”

**35** সদাপ্রভুর বাক্য আমার কাছে উপস্থিত হল, 2 “হে মানবসন্তান,  
তুমি তোমার মুখ সেয়ীয় পাহাড়ের বিরুদ্ধে রাখো; তার বিরুদ্ধে  
ভবিষ্যদ্বাণী বলো, 3 এবং বলো: ‘সার্বভৌম সদাপ্রভু এই কথা  
বলেন, হে সেয়ীর পাহাড়, আমি তোমার বিরুদ্ধে, আমার হাত বাড়িয়ে  
তোমাকে একটি জনশূন্য পতিত জমি করে রাখব। 4 আমি তোমার  
নগরগুলি ধ্বংসস্থান করব এবং তুমি হবে জনশূন্য। তখন তুমি জানবে  
যে আমিই সদাপ্রভু। 5 “কারণ তোমার প্রাচীন শক্রভাব আছে এবং  
ইস্রায়েলীদের বিপদের সময় যখন তাদের শাস্তি সম্পূর্ণভাবে দেওয়া  
হয়েছে তখন তুমি তরোয়ালের হাতে তাদের তুলে দিয়েছ, 6 এজন্য,  
সার্বভৌম সদাপ্রভু বলেন, আমার জীবনের দিব্য দিয়ে বলছি, আমি  
তোমাকে রক্তপাতের হাতে তুলে দেব এবং তা তোমার পিছনে তাড়া  
করবে। যেহেতু তুমি রক্তপাত ঘৃণা করোনি, রক্তপাতই তোমার পিছনে  
তাড়া করবে। 7 আমি সেয়ীর পাহাড়কে জনশূন্য করব এবং যারা  
সেখানে যাওয়া-আসা করে তাদের উচ্ছিন্ন করব। 8 আমি তোমার  
পাহাড়গুলিকে নিহত লোকদের দিয়ে ভরে দেব; যারা যুদ্ধে মারা  
গেছে তারা তোমার পাহাড়গুলিতে, উপত্যকাগুলিতে এবং তোমার  
সব জলের স্নাতে পড়ে থাকবে। 9 চিরকালের জন্য আমি তোমাকে  
জনশূন্য করে রাখব; তোমার নগরগুলিতে কেউ বাস করবে না। তখন  
তুমি জানবে যে আমিই সদাপ্রভু। 10 “কারণ তুমি বলেছ, “এই দুই  
জাতি এবং দেশ আমাদের হবে আর আমরা সেগুলির অধিকারী হব,”  
যদিও আমি সদাপ্রভু সেখানে ছিলাম, 11 এজন্য, সার্বভৌম সদাপ্রভু

বলেন, আমার জীবনের দিব্য দিয়ে বলছি, তাদের প্রতি ঘৃণায় তুমি  
যেমন রাগ ও হিংসা দেখিয়েছ সেই অনুসারেই আমি তোমার সঙ্গে  
ব্যবহার করব এবং আমি যখন তোমার বিচার করব তখন তাদের  
মধ্যে আমি নিজেকে প্রকাশ করব। 12 তখন তুমি জানবে যে, তুমি  
ইত্তায়েলের সব পাহাড়ের বিরুদ্ধে যেসব অপমানের কথা বলেছ তা  
আমি সদাপ্রভু শুনেছি। তুমি বলেছ, “সেগুলি ধ্বংস হয়ে পড়ে আছে  
এবং তা গ্রাস করার জন্য আমাদের দেওয়া হয়েছে।” 13 তুমি আমার  
বিরুদ্ধে গর্ব করে অনেক কথা বলেছ, আর আমি সেইসব শুনেছি। 14  
সার্বভৌম সদাপ্রভু এই কথা বলেন সমস্ত পৃথিবী যখন আনন্দ করবে  
তখন আমি তোমাকে জনশূন্য করব। 15 ইত্তায়েল কুলের অধিকার  
হিসেবে যে দেশ পেয়েছে তা জনশূন্য দেখে তুমি যেমন আনন্দ করেছ  
তেমনি করে আমি তোমার সঙ্গে ব্যবহার করব। হে সেয়ীর পাহাড়,  
তুমি এবং ইদোমের বাকি সমস্ত জায়গা জনশূন্য হবে। তখন লোকে  
জানবে যে আমিই সদাপ্রভু।”

**36** “হে মানবসন্তান, ইত্তায়েলের সমস্ত পাহাড়ের বিরুদ্ধে ভবিষ্যদ্বাণী  
করো এবং বলো, ‘হে ইত্তায়েলের সমস্ত পাহাড়, সদাপ্রভুর বাক্য  
শোনো। 2 সার্বভৌম সদাপ্রভু এই কথা বলেন, শক্তরা তোমার বিরুদ্ধে  
বলেছে, “বাঃ! পুরানো উঁচু জায়গাগুলি আমাদের দখলে এসে গেছে।”  
3 এজন্য ভবিষ্যদ্বাণী করো এবং বলো, ‘সার্বভৌম সদাপ্রভু এই কথা  
বলেন, তোমরা যাতে অন্যান্য জাতিগুলির দখলে আস এবং লোকদের  
হিংসার ও নিন্দার পাত্র হও সেইজন্য তারা চারিদিক থেকে তোমাদের  
ধ্বংস ও গ্রাস করেছে, 4 এই জন্য, হে ইত্তায়েলের পাহাড়েরা, সার্বভৌম  
সদাপ্রভুর বাক্য শোনো: সার্বভৌম সদাপ্রভু পাহাড় ও ছোটো পাহাড়,  
খাদ ও উপত্যকাগুলি, জনশূন্য ধ্বংসস্থান ও পরিত্যক্ত নগর সকলকে  
এই কথা বলেন, তোমরা চারিদিকের জাতিগণের বাকি অংশের লুট ও  
হাসির পাত্র হয়েছ। 5 সার্বভৌম সদাপ্রভু এই কথা বলেন: আমার  
অন্তরের জ্বালায় আমি অন্যান্য জাতিদের ও সমস্ত ইদোমের বিরুদ্ধে  
কথা বলেছি, কারণ তাদের মনের আনন্দে ও হিংসায় তারা আমার  
দেশকে নিজেদের দখলে এনেছে যেন তারা তার চারণভূমি লুট করতে

পারে।’ 6 অতএব তুমি ইন্দ্রায়েল দেশ সমন্বে ভবিষ্যদ্বাণী করো এবং  
পাহাড় ও ছোটো পাহাড়, খাদ ও উপত্যকাগুলিকে বলো ‘সার্বভৌম  
সদাপ্রভু এই কথা বলেন, আমার জ্ঞালাপূর্ণ ক্রোধে আমি এই কথা  
বলছি, কারণ তোমরা অন্যান্য জাতির কাছ থেকে অপমান ভোগ  
করেছ। 7 এই জন্য সার্বভৌম সদাপ্রভু এই কথা বলেন, আমি হাত  
তুলে শপথ করে বলছি যে, তোমাদের চারপাশের জাতিরাও অপমান  
ভোগ করবে। 8 “কিন্তু তোমরা, হে ইন্দ্রায়েলের পাহাড়েরা, তোমাদের  
গাছের ডালপালা ছড়িয়ে দিয়ে আমার লোক ইন্দ্রায়েলীদের অনেক ফল  
দেবে, কারণ তারা শীঘ্রই ফিরে আসবে। 9 আমি তোমাদের পক্ষে  
আছি এবং তোমাদের দিকে মনোযোগ দেব; তাতে তোমাদের উপর  
চাষ করা ও বীজ বোনা হবে, 10 হাঁ, সমস্ত ইন্দ্রায়েল—আমি তোমার  
উপরে অসংখ্য মানুষকে থাকতে দেব। নগরগুলিতে লোকজন বাস  
করবে এবং ধ্রসঙ্গানগুলি আবার গড়া হবে। 11 আমি তোমার উপরে  
বসবাসকারী মানুষ ও পশুর সংখ্যা বাড়িয়ে দেব এবং তারা ফলবান  
ও সংখ্যায় অনেক হবে। আমি তোমাদের উপরে আগের মতোই  
লোকজন বাস করাব এবং আগের চেয়েও তোমাদের বেশি সফলতা  
দান করব। তখন তোমরা জানবে যে, আমিই সদাপ্রভু। 12 আমি  
তোমার উপর লোকজনকে, আমার লোক ইন্দ্রায়েলকে, বসবাস করাব।  
তারা তোমাদের অধিকার করবে, এবং তোমরা তাদের উত্তরাধিকারের  
জায়গা হবে; তোমরা আর কখনও তাদের সন্তানহারা করবে না। 13  
“সার্বভৌম সদাপ্রভু এই কথা বলেন, যেহেতু কিছু লোক তোমাদের  
বলে, ‘তুমি মানুষকে গ্রাস করো এবং নিজের জাতিকে সন্তানহারা  
করো,’” 14 সেইহেতু তুমি মানুষকে আর গ্রাস করবে না কিংবা তোমার  
জাতিকে সন্তানহারা করবে না, সার্বভৌম সদাপ্রভু এই কথা বলেন।” 16  
আমি তোমাকে আর জাতিগণের ঠাট্টা-বিদ্রূপ শোনাব না, এবং  
তাদের করা অপমান আর তোমাকে সহ্য করতে হবে না অথবা তোমার  
জাতি আর বিয় পাবে না, সার্বভৌম সদাপ্রভু এই কথা বলেন।” 17 “হে মানবসন্তান,  
ইন্দ্রায়েলীরা নিজেদের দেশে বাস করার সময়ে তাদের আচার-ব্যবহার

ও কাজকর্ম দিয়ে দেশটা অঙ্গিত করেছিল। আমার চোখে তাদের আচার-ব্যবহার ছিল এক ঝুকালীন স্তীলোকের মতন। 18 সেইজন্য আমি তাদের উপর আমার ক্ষেত্র ঢেলে দিয়েছিলাম কারণ তারা দেশের মধ্যে রক্তপাত করেছিল আর তাদের প্রতিমাণ্ডল দিয়ে দেশটা অঙ্গিত করেছিল। 19 আমি তাদের জাতিদের মধ্যে ছিন্নভিন্ন করেছি আর বিভিন্ন দেশে ছড়িয়ে দিয়েছি; আমি তাদের আচার-ব্যবহার ও কাজকর্ম অনুসারে বিচার করেছি। 20 আর তারা জাতিদের মধ্যে যেখানেই গেছে সেখানেই আমার পবিত্র নাম অপবিত্র করেছে, কারণ লোকে তাদের সম্বন্ধে বলেছে, ‘এরা সদাপ্রভুর লোক, অথচ তাঁর দেশ তাদের ছাড়তে হয়েছে।’ 21 আমার নামের পবিত্রতা রক্ষার দিকে আমার মনোযোগ ছিল, যা ইস্রায়েল জাতি যা সব জাতির মধ্যে গেছে সেখানেই আমার নাম অপবিত্র করেছে। 22 “অতএব ইস্রায়েল কুলকে বলো, ‘সার্বভৌম সদাপ্রভু এই কথা বলেন, হে ইস্রায়েল কুল, আমি যে তোমাদের জন্য এই কাজ করতে যাচ্ছি তা নয়, কিন্তু আমার সেই পবিত্র নামের জন্যিই করব, যা তোমরা যেখানে গিয়েছ সেখানেই জাতিগণের মধ্যে অপবিত্র করেছ। 23 আমি আমার মহান নামের পবিত্রতা দেখাব, যা জাতিগণের মধ্যে অপবিত্র করা হয়েছে, যে নাম তুমি তাদের মধ্যে অপবিত্র করেছ। আর জাতিগণ জানবে যে, আমিই সদাপ্রভু, যখন আমি তাদের চোখের সামনে তোমাদের মধ্য দিয়ে নিজের পবিত্রতা দেখাব, এই কথা সার্বভৌম সদাপ্রভু বলেন। 24 “আমি জাতিগণের মধ্যে দিয়ে তোমাদের বের করে আনব; সমস্ত দেশ থেকে আমি তোমাদের নিজেদের দেশে ফিরিয়ে আনব। 25 আমি তোমাদের উপর পরিষ্কার জল ছিটিয়ে দেব, আর তাতে তোমরা শুচি হবে; তোমাদের সমস্ত নোংরামি ও প্রতিমা থেকে আমি তোমাদের শুচি করব। 26 আমি তোমাদের এক নতুন হৃদয় দেব ও তোমাদের অন্তরে এক নতুন আত্মা দেব। আমি তোমাদের ভিতর থেকে পাথরের হৃদয় বের করে মাংসের হৃদয় দেব। 27 আর আমি তোমার মধ্যে আমার আত্মা স্থাপন করব এবং এমন করব যাতে তোমরা আমার সব নিয়ম পালন করো ও আমার বিধানের বিষয়ে যত্নবান হও। 28

তোমাদের পূর্বপুরুষদের যে দেশ আমি দিয়েছিলাম সেখানে তোমরা  
 বাস করবে; তোমরা আমারই লোক হবে, আর আমি তোমাদের ঈশ্বর  
 হব। 29 আমি তোমাদের সব অশুচিতা থেকে তোমাদের রক্ষা করব।  
 আমি তোমাদের প্রচুর ফসল দেব এবং তোমাদের দেশে আর দুর্ভিক্ষ  
 আনব না। 30 আমি গাছের ফল ও ক্ষেত্রে ফসল বৃদ্ধি করব, যেন  
 দুর্ভিক্ষের দরঢ়ন তোমরা জাতিগণের মধ্যে আর অসম্মান ভোগ না  
 করো। 31 তখন তোমরা তোমাদের মন্দ আচরণ ও অসৎ কাজের কথা  
 স্মারণ করবে এবং নিজেদের পাপ ও জঘন্য কাজকর্মের জন্য নিজেরাই  
 নিজেদের ঘৃণা করবে। 32 সার্বভৌম সদাপ্রভু বলেন, তোমরা জেনে  
 রাখো যে, আমি তোমাদের জন্য এই কাজ করছি তা নয়। হে ইস্রায়েল  
 কুল, তোমাদের আচরণের জন্য তোমরা লজ্জিত ও দুঃখিত হও! 33  
 “সার্বভৌম সদাপ্রভু এই কথা বলেন, যেদিন আমি সব পাপ থেকে  
 তোমাদের পরিষ্কার করব সেদিনই আমি নগরগুলিতে লোকদের বাস  
 করাব এবং ধ্বংসস্থানগুলি আবার তৈরি করা হবে। 34 পথিকেরা  
 যে দেশ ধ্বংস অবস্থায় দেখত সেখানে কৃষিকাজ হবে। 35 তারা  
 বলবে, “এই দেশটা আগে ধ্বংস হয়ে পড়েছিল সেটি এখন এদন  
 উদ্যানের মতো হয়েছে; নগরগুলি ধ্বংস অবস্থায় পড়েছিল, জনশূন্য ও  
 ভাঙ্গাচোরা হয়েছিল, এখন সেগুলি প্রাচীরে ঘেরা ও লোকেরা সেখানে  
 বাস করছে।” 36 তখন তোমাদের চারপাশের বেঁচে থাকা জাতিরা  
 জানবে যে, আমি সদাপ্রভুই ভাঙা জায়গা আবার গড়েছি এবং পতিত  
 জায়গায় আবার গাছ লাগিয়েছি। আমি সদাপ্রভু এই কথা বলেছি এবং  
 আমি তাই করব।’ 37 “সার্বভৌম সদাপ্রভু এই কথা বলেন, আমি আর  
 একবার ইস্রায়েল কুলকে আমার কাছে অনুরোধ জানাতে দেব এবং  
 এই কাজ তাদের জন্য করব: আমি তাদের লোকসংখ্যা মেষপালের  
 মতো বৃদ্ধি করব, 38 যেমন জেরুশালেমে পর্বের সময় উৎসর্গের জন্য  
 মেষে ভরে যায়। তেমনি ধ্বংস হওয়া নগরগুলি মানুষে ভরে যাবে।  
 তখন তারা জানবে যে, আমিই সদাপ্রভু।”

**37** সদাপ্রভুর হাত আমার উপরে ছিল এবং তিনি সদাপ্রভুর আত্মায়  
 আমাকে বাইরে নিয়ে গিয়ে একটি উপত্যকার মাঝখানে রাখলেন;

সেটি হাড়ে ভর্তি ছিল। 2 তিনি আমাকে তার মধ্যে দিয়ে যাতায়াত করালেন, আর আমি সেই উপত্যকার মধ্যে অসংখ্য হাড় দেখলাম, হাড়গুলি ছিল খুব শুকনো। 3 তিনি আমাকে জিজ্ঞাসা করলেন, “হে মানবসন্তান, এই হাড়গুলি কি বেঁচে উঠতে পারে?” আমি বললাম, “হে সার্বভৌম সদাপ্রভু, তুমই কেবল তা জান।” 4 তখন তিনি আমাকে বললেন, “এই হাড়গুলির উদ্দেশ্যে ভবিষ্যদ্বাণী করো এবং তাদের বলো, ‘হে শুকনো হাড়, সদাপ্রভুর বাক্য শোনো! 5 এই হাড়গুলিকে সার্বভৌম সদাপ্রভু এই কথা বলেন, আমি তোমাদের মধ্যে নিঃশ্বাস ঢুকিয়ে দেব আর তোমরা জীবিত হবে। 6 আমি তোমাদের উপরে শিরা দেব, তোমাদের উপরে মাংস তৈরি করব এবং চামড়া দিয়ে তা ঢেকে দেব; আমি তোমাদের মধ্যে নিঃশ্বাস দেব আর তোমরা জীবিত হবে। তখন তোমরা জানবে যে, আমিই সদাপ্রভু।” 7 আমাকে যেমন আদেশ করা হয়েছিল তেমনই আমি ভবিষ্যদ্বাণী করলাম। আর আমি যখন ভবিষ্যদ্বাণী করছিলাম, তখন একটি আওয়াজ হল, একটি ঘর্ঘর শব্দ, আর হাড়গুলি প্রত্যেকটা নিজের নিজের হাড়ের সঙ্গে যুক্ত হল। 8 আমি দেখলাম, আর তাদের উপরে শিরা হল ও মাংস উৎপন্ন হল এবং চামড়া দিয়ে তা ঢাকা পড়ল, কিন্তু তাদের মধ্যে শ্বাস ছিল না। 9 তখন তিনি আমাকে বললেন, “বাতাসের উদ্দেশ্যে ভাববাণী বলো; হে মনুষের সন্তান, ভাববাণী বলো আর তাকে বলো, ‘সার্বভৌম সদাপ্রভু এই কথা বলেন, হে বাতাস, তুমি চারদিক থেকে এসো এবং এসব নিহত লোকদের মধ্যে শ্বাস দাও যেন তারা জীবিত হয়।’” 10 সেইজন্য তাঁর আদেশমতোই আমি ভবিষ্যদ্বাণী বললাম আর তখন তাদের মধ্যে শ্বাস ঢুকল; তারা জীবিত হয়ে পায়ে ভর দিয়ে উঠে দাঁড়াল, তারা ছিল এক বিরাট সৈন্যদল। 11 তারপর তিনি আমাকে বললেন, “হে মানবসন্তান, এই হাড়গুলি হল সমস্ত ইন্দ্রায়েল কুল। তারা বলছে, ‘আমাদের হাড়গুলি শুকিয়ে গেছে আর আমাদের আশাও চলে গেছে; আমরা মরে গেছি।’ 12 এজন্য তুমি ভবিষ্যদ্বাণী করো এবং তাদের বলো, ‘সার্বভৌম সদাপ্রভু এই কথা বলেন, হে আমার লোকসকল, আমি তোমাদের কবর খুলে দেব এবং তোমাদের

সেখান থেকে বার করে আনব; তোমাদের আমি আবার ইস্রায়েল  
দেশে ফিরিয়ে আনব। 13 আমি যখন তোমাদের কবর খুলে তোমাদের  
বের করে আনব তখন আমার লোকেরা জানবে যে, আমিই সদাপ্রভু।  
14 আমি তোমাদের মধ্যে আমার আত্মা দেব এবং তোমরা জীবিত  
হবে ও আমি তোমাদের নিজেদের দেশে বাস করাব। তখন তোমরা  
জানবে যে, আমি সদাপ্রভু এই কথা বলেছি এবং সেইমতো কাজ  
করেছি, সদাপ্রভু এই কথা বলেন।” 15 সদাপ্রভুর বাক্য আমার কাছে  
উপস্থিত হল, 16 “হে মানবসন্তান, একটি কাঠের লাঠি নিয়ে তুমি তার  
উপর এই কথা লেখ, ‘যিহুদা ও তাঁর সঙ্গের ইস্রায়েলীদের জন্য।’  
তারপর আরও একটি কাঠের লাঠি নিয়ে তার উপর লেখ, ‘যোষেফের  
লাঠি (মানে ইফ্রিয়িমের) ও তাঁর সঙ্গের সমস্ত ইস্রায়েলীদের জন্য।’  
17 সেই দুটো লাঠি জোড়া দিয়ে একটি লাঠি বানাও যেন তোমার  
হাতে সেই দুটো একটি লাঠিই হয়। 18 “তোমার জাতির লোকেরা  
যখন তোমাকে জিজ্ঞাসা করবে, ‘তুমি কি এর মানে আমাদের বলবে  
না?’ 19 তাদের বোলো, ‘সার্বভৌম সদাপ্রভু এই কথা বলেন: আমি  
যোষেফের লাঠি গ্রহণ করব—যেটি ইফ্রিয়িমের হাতে আছে—এবং  
ইস্রায়েলীদের গোষ্ঠীগুলির যে লাঠিটি আছে আমি সেটি নিয়ে যিহুদার  
লাঠির সঙ্গে জোড়া দিয়ে একটি কাঠের লাঠিই বানাব, আর সেই দুই  
লাঠি আমার হাতে একটিই হবে।’ 20 যে লাঠির উপর তুমি লিখেছ  
সেগুলি তোমার চোখের সামনে তুলে ধরো 21 আর তাদের বলো,  
‘সার্বভৌম সদাপ্রভু এই কথা বলেন, ইস্রায়েলীরা যেসব জাতিদের  
মধ্যে আছে সেখান থেকে আমি তাদের বার করে আনব এবং চারদিক  
থেকে তাদের জড়ো করে তাদের নিজেদের দেশে ফিরিয়ে নিয়ে যাব।  
22 ইস্রায়েলের পাহাড়গুলির উপরে আমি তাদের একই জাতি করব।  
তাদের সকলের উপরে একজনই রাজা হবে এবং তারা কখনও দুই  
জাতি হবে না কিংবা দুই রাজ্য বিভক্ত হবে না। 23 তাদের সব  
প্রতিমা, ঘৃণ্য মূর্তি কিংবা তাদের কোনও অন্যায় দিয়ে তারা আর  
নিজেদের অশুচি করবে না, কারণ আমি তাদের সব পাপ ও বিপথে  
যাওয়া থেকে তাদের রক্ষা করব এবং শুচি করব। তারা আমার প্রজা

হবে, এবং আমি তাদের ঈশ্বর হবে। 24 “আমার দাস দাউদ তাদের  
রাজা হবে এবং তাদের পালক একজনই হবে। তারা আমার নিয়ম  
পালন করবে ও আমার বিধানের বিষয় যত্নবান হবে। 25 যে দেশ  
আমি আমার দাস যাকোবকে দিয়েছি, যে দেশে তাদের পূর্বপুরুষেরা  
বাস করেছে সেখানেই তারা বাস করবে। তারা, তাদের ছেলেমেয়েরা  
ও নাতিপুত্ররা সেখানে চিরকাল বাস করবে এবং আমার দাস দাউদ  
চিরকাল তাদের রাজা হবে। 26 আমি তাদের সঙ্গে এক শান্তির নিয়ম  
স্থাপন করব; সেটি হবে একটি চিরস্থায়ী বিধান। আমি তাদের বসাব ও  
সংখ্যায় বাড়াব এবং আমি আমার পবিত্রস্থান চিরকালের জন্য তাদের  
মধ্যে স্থাপন করব। 27 আমার বাসস্থান তাদের মধ্যে হবে; আমি  
তাদের ঈশ্বর হব এবং তারা আমার প্রজা হবে। 28 তখন জাতিগণ  
জানবে যে আমিই সদাপ্রভু যে ইস্রায়েলকে পবিত্র করেছে, যখন আমার  
পবিত্রস্থান চিরকাল তাদের মধ্যে থাকবে।”

**38** সদাপ্রভুর বাক্য আমার কাছে উপস্থিত হল, 2 “হে মানবসন্তান,  
তুমি মাগোগ দেশের মেশক ও তৃবলের প্রধান শাসনকর্তা গোগের  
দিকে মুখ করে তার বিরংদে ভবিষ্যদ্বাণী করো 3 এবং বলো:  
‘সার্বভৌম সদাপ্রভু এই কথা বলেন, হে গোগ, মেশক ও তৃবলের  
প্রধান শাসনকর্তা, আমি তোমার বিপক্ষে। 4 আমি তোমাকে পিছন  
যুরিয়ে তোমার চোয়ালে বড়শি পরাব এবং তোমার গোটা সৈন্যদলের  
সঙ্গে—তোমার ঘোড়া সকল, সম্পূর্ণ যুদ্ধের সজ্জা পরা অশ্বারোহী  
সকল, বড়ো ও ছোটো ঢালধারী বিরাট সৈন্যদল যারা তরোয়াল  
ঘোরাচ্ছে সকলকে বাইরে আনব। 5 পারস্য, কৃশ ও পূর্ট তাদের সঙ্গে  
থাকবে, তারা সকলে ঢাল ও শিরস্ত্রাণধারী, 6 আর গোমর ও তার  
সৈন্যদল, এবং উভয় দিকের শেষ সীমার বেৎ-তোর্গমের সব সৈন্য—ও  
অনেক জাতি তোমার সঙ্গী হবে। 7 “প্রস্তুত হও, তুমি ও তোমার সমস্ত  
লোকজন যারা তোমার চারপাশে আছে, নিজেদের প্রস্তুত করো, এবং  
তুমি তাদের সেনাপতি হও। 8 অনেক দিনের পর তোমাকে যুদ্ধের জন্য  
ডাকা হবে। ভবিষ্যতে তুমি এমন একটি দেশ আক্রমণ করবে যে দেশ  
যুদ্ধ থেকে রেহাই পেয়েছে, যার লোকেরা অনেক জাতির মধ্য থেকে

ইস্রায়েলের পাহাড়গুলি ও জড়ো হবে, যে জায়গা অনেক দিন ধরে  
জনশূন্য ছিল। তাদের জাতিগণের মধ্যে থেকে বের করে আনা হয়েছে,  
এবং এখন তারা সকলে নিরাপদে বাস করছে। ৭ তুমি ও তোমার সব  
সৈন্যেরা এবং তোমার সঙ্গের অনেক জাতি সেই দেশ আক্রমণ করতে  
ঝড়ের মতো এগিয়ে যাবে; তোমরা মেঘের মতো করে দেশটাকে  
চেকে ফেলবে। ১০ “সার্বভৌম সদাপ্রভু এই কথা বলেন, সেদিন  
তোমার মনে বিভিন্ন চিন্তা আসবে এবং তুমি একটি খারাপ মতলব  
আঁটবে। ১১ তুমি বলবে, ‘আমি এমন একটি দেশ আক্রমণ করব যার  
গ্রামগুলিতে প্রাচীর নেই; আমি শাস্তি এবং সন্দেহ করে না এমন  
লোকদের আক্রমণ করব—যারা সকলে এমন জায়গায় বাস করে  
যেখানে প্রাচীর, ফটক ও অর্গল নেই। ১২ আমি জিনিস কেড়ে নেব ও  
লুট করব এবং ধ্বংসাশ্রান ঠিক করে নেওয়া জায়গাগুলির বিরুদ্ধে আর  
জাতিগণের মধ্য থেকে জড়ো হওয়া লোকদের বিরুদ্ধে আমার হাত  
উঠাব, যারা পশ্চালে ও জিনিসপত্রে ধনী, এবং দেশটা হবে পৃথিবীর  
কেন্দ্র।” ১৩ শিবা, দদান এবং তর্ণীশ ও তার সব গ্রামের ব্যবসায়ীরা  
এবং সেখানকার সব যুবসিংহরা তোমাকে জিজ্ঞাসা করবে, “তোমরা  
কি লুটপাট করতে এসেছ? তোমরা কি দলবল জড়ো করেছ সোনা ও  
রূপো, পশ্চাল ও জিনিসপত্র নিয়ে যাবার জন্য আর অনেক জিনিস  
কেড়ে নেবার জন্য?” ১৪ “অতএব, হে মানবসন্তান, ভবিষ্যদ্বাণী  
করো এবং গোগকে বলো, ‘সার্বভৌম সদাপ্রভু এই কথা বলেন, সেদিন  
যখন আমার লোক ইস্রায়েল নিরাপদে বাস করবে তখন তুমি খেয়াল  
করবে না? ১৫ তুমি উত্তর দিকের শেষ সীমা থেকে আসবে, তোমার  
সঙ্গে থাকবে অনেক জাতির লোকেরা যারা ঘোড়ায় চড়ে এক বিরাট  
দল ও এক শক্তিশালী সৈন্যদল হয়ে আসবে। ১৬ দেশটা মেঘের  
মতো করে ঢেকে ফেলবার জন্য তুমি আমার লোক ইস্রায়েলের বিরুদ্ধে  
এগিয়ে আসবে। হে গোগ, ভবিষ্যতে আমি আমার দেশের বিরুদ্ধে  
তোমাকে আনব, তখন আমি জাতিগণের চোখের সামনে তোমার মধ্য  
দিয়ে নিজেকে পবিত্র বলে দেখাব যেন তারা আমাকে জানতে পারে।  
১৭ “সার্বভৌম সদাপ্রভু এই কথা বলেন, তুমি কি সেই সেই লোক নও

যার বিষয়ে আমি আগে আমার দাসদের যারা ইন্দ্রায়েলী ভাববাদীদের  
মাধ্যমে বলেছি? সেই সময় বছরের পর বছর ভাববাদীরা বলেছিল  
যে, আমি তোমাকে তাদের বিরুদ্ধে আনব। 18 সেদিন যখন গোগ  
ইন্দ্রায়েল দেশের বিরুদ্ধে আসবে তখন আমার ভীষণ ক্রোধ জ্বলে  
উঠবে, সার্বভৌম সদাপ্রভু এই কথা বলেন। 19 আমার আগ্রহে ও  
জ্বলন্ত ক্রোধে আমি ঘোষণা করছি যে, সেই সময়ে ইন্দ্রায়েল দেশে  
ভীষণ ভূমিকম্প হবে। 20 তাতে সমুদ্রের মাছ, আকাশের পাখি, বনের  
পশ্চ, মাটির উপরের চলমান প্রত্যেকটা প্রাণী আর পৃথিবীর সমস্ত লোক  
আমার সামনে কাঁপতে থাকবে। পাহাড়গুলি উল্টে যাবে, খাঁড়া উঁচু  
পাহাড় টুকরো টুকরো হয়ে পড়বে এবং সব প্রাচীর মাটিতে পড়ে যাবে।  
21 আমার সমস্ত পাহাড়ে আমি গোগের বিরুদ্ধে যুদ্ধ ডেকে আনব,  
সার্বভৌম সদাপ্রভু এই কথা বলেন। প্রত্যেক মানুষের তরোয়াল তার  
ভাইয়ের বিরুদ্ধে থাকবে। 22 আমি মহামারি ও রক্তপাত দিয়ে তাকে  
শাস্তি দেব; আমি ভীষণ বৃষ্টি, শিলা ও জ্বলন্ত গন্ধক তার উপর, তার  
সৈন্যদলের উপর ও তার সঙ্গের সমস্ত জাতির উপর ঢেলে দেব। 23  
আর আমি আমার মহত্ত্ব ও পবিত্রতা প্রকাশ করব, আর আমি অনেক  
জাতির সামনে নিজের পরিচয় দেব। তখন তারা জানবে যে, আমিই  
সদাপ্রভু।'

**39** “হে মানবসন্তান, তুমি গোগের বিরুদ্ধে ভবিষ্যদ্বাণী করো আর  
বলো, ‘সার্বভৌম সদাপ্রভু এই কথা বলেন, হে গোগ, রোশ, মেশক ও  
তুবলের প্রধান শাসনকর্তা, আমি তোমার বিপক্ষে। 2 আমি তোমাকে  
পিছনে ঘুরিয়ে টেনে নিয়ে যাব। আমি তোমাকে উত্তর দিকের শেষ  
সীমা থেকে নিয়ে এসে ইন্দ্রায়েলের পাহাড়গুলির বিরুদ্ধে পাঠাব। 3  
তারপর আমি আঘাত করে বাঁ হাত থেকে তোমার ধনুক ও ডান হাত  
থেকে তোমার তিরগুলি ফেলে দেব। 4 ইন্দ্রায়েলের পাহাড়গুলির উপরে  
তুমি, তোমার সব সৈন্যেরা ও তোমার সঙ্গের জাতিরা পড়ে থাকবে। 5  
আমি তোমাকে হিংস্র পাখি ও বুনো পশুদের খাবার হিসেবে দেব। 6  
তুমি খোলা মাঠে পড়ে থাকবে, কারণ আমি সদাপ্রভু এই কথা বলেছি,  
সার্বভৌম সদাপ্রভু এই কথা বলেন। 6 আমি মাগোগের উপরে এবং

যারা দূরের দেশগুলিতে নিরাপদে বাস করছে তাদের উপরে আগুন  
পাঠাব, আর তারা জানবে যে, আমিই সদাপ্রভু। 7 “আমার লোক  
ইস্রায়েলীদের মধ্যে আমি আমার পবিত্রতা প্রকাশ করব। আমি আর  
আমার পবিত্র নাম অপবিত্র হতে দেব না, তাতে জাতিগণ জানবে  
যে, আমিই সদাপ্রভু, ইস্রায়েলের মধ্যে পবিত্রতম। 8 এটি আসছে!  
এটি নিশ্চয়ই হবে, সার্বভৌম সদাপ্রভু এই কথা বলেন। এই দিনের  
কথাই আমি বলেছি। 9 “তখন যারা ইস্রায়েলের নগরে বাস করছে  
তারা বাইরে গিয়ে জ্বালানি কাঠ হিসেবে অস্ত্রশস্ত্র পোড়াবে—ছোটো ও  
বড়ো ঢাল, তির ও ধনুক, যুদ্ধের গদা ও বল্লম। সাত বছর ধরে তারা  
জ্বালানি হিসেবে এগুলি ব্যবহার করবে। 10 তারা মাঠ থেকে কাঠ  
আনবে না, বনের গাছ কাটবে না, কারণ তারা সেই অস্ত্রশস্ত্র নিয়েই  
আগুন জ্বালাবে। এবং তাদের লুটকারীদের ধন লুট করবে ও যারা  
তাদের সম্পত্তি কেড়ে নিয়েছিল তাদের সম্পত্তি কেড়ে নেবে, সার্বভৌম  
সদাপ্রভু এই কথা বলেন। 11 “সেদিন গোগকে আমি ইস্রায়েলের মধ্যে  
একটি কবরস্থান দেব, সেটি সমুদ্রের পূর্বদিকে পথিকদের উপত্যকা  
এবং এটি তাদের পথ বন্ধ করে দেবে কারণ সেখানে গোগ ও তার  
সমস্ত লোকদের কবর দেওয়া হবে। সেইজন্য এটাকে বলা হবে হামোন  
গোগের উপত্যকা। 12 “সাত মাস ধরে ইস্রায়েল কুল তাদের কবর  
দিয়ে দেশটা পরিষ্কার করবে। 13 দেশের সব লোক তাদের কবর  
দেবে, এবং যেদিন আমি গৌরবান্বিত হব সেদিন তাদের কাছে স্মরণীয়  
হবে, সার্বভৌম সদাপ্রভু এই কথা বলেন। 14 দেশ পরিষ্কার করার জন্য  
নিয়মিত লোকদের নিয়োগ করা হবে। কিছু দেশের চারিদিকে যাবে,  
আর তার অতিরিক্ত লোক, যা কিছু মাঠে পড়ে থাকবে তাদের কবর  
দেবে। “সাত মাস শেষ হলে তারা তাদের বিশদ খোঁজ শুরু করবে।  
15 তারা যখন দেশের মধ্যে দিয়ে যাবে এবং একজন মানুষের হাড়  
দেখবে, সে তার পাশে একটি চিহ্ন গাঁথবে যতক্ষণ না কবর খোঁড়ার  
লোকেরা সেটি হামোন গোগের উপত্যকায় কবর দিচ্ছে, 16 হামোন  
নামে এক নগরের কাছে। এইভাবে তারা দেশ পরিষ্কার করবে।’ 17  
“হে মানবসন্তান, সার্বভৌম সদাপ্রভু এই কথা বলেন, তুমি সব রকম

পাথি ও সব রকম বন্যপশুদের ডাক দিয়ে বলো, ‘তোমাদের জন্য যে  
বলিদানের ব্যবস্থা করছি তার জন্য তোমরা সবদিক থেকে জড়ো হও,  
কেননা আমি ইস্রায়েলের পাহাড়গুলির উপরে মহান বলিদানের ব্যবস্থা  
করেছি। সেখানে তোমরা মাংস খাবে ও রক্ত পান করবে। 18 তোমরা  
শক্তিশালী লোকদের মাংস খাবে এবং পৃথিবীর শাসনকর্তাদের রক্ত  
পান করবে যেন তারা পুরুষ মেষ, মেষশাবক, পাঁঠা ও ঘাঁড়—এরা  
সবাই বাশনের নধর পশু। 19 তোমাদের জন্য যে বলিদানের ব্যবস্থা  
করেছি, সেখানে তোমরা পেট না ভরা পর্যন্ত চর্বি খাবে এবং মাতাল  
না হওয়া পর্যন্ত রক্ত পান করবে। 20 আমার টেবিলে তোমরা পেট  
ভরে ঘোড়া, রথচালক, শক্তিশালী লোক ও সব রকম সৈন্যদের মাংস  
খাবে,’ সার্বভৌম সদাপ্রভু এই কথা বলেন। 21 “আমি জাতিদের  
মধ্যে আমার মহিমা প্রকাশ করব, এবং আমার হাত দিয়ে তাদের  
যে শাস্তি দেব তা সমস্ত জাতিই দেখবে। 22 সেদিন থেকে ইস্রায়েল  
কুল জানবে যে, আমিই সদাপ্রভু তাদের ঈশ্বর। 23 এবং জাতিরা  
জানবে যে ইস্রায়েল কুল তাদের পাপের জন্য নির্বাসিত হয়েছিল,  
কারণ তারা আমার প্রতি অবিশ্বস্ত হয়েছিল। সেইজন্য আমার মুখ আমি  
তাদের কাছ থেকে ফিরিয়ে রেখেছিলাম ও শক্রদের হাতে তাদের  
তুলে দিয়েছিলাম আর তারা সকলে যুদ্ধে মারা পড়েছিল। 24 তাদের  
অঙ্গচিতা ও পাপ অনুসারে আমি তাদের সঙ্গে ব্যবহার করেছিলাম  
এবং তাদের কাছ থেকে আমার মুখ ফিরিয়ে রেখেছিলাম। 25 “এজন্য  
সার্বভৌম সদাপ্রভু এই কথা বলেন, আমি এখন যাকোবকে বন্দিদশা  
থেকে ফিরিয়ে আনব ও সমস্ত ইস্রায়েল কুলের প্রতি করণা করব এবং  
আমার নামের পবিত্রতার জন্য আগ্রহী হব। 26 তারা যখন তাদের  
দেশে নিরাপদে বাস করবে এবং কেউ তাদের ভয় দেখাবে না তখন  
আমার প্রতি অবিশ্বস্তার দরূণ তাদের লজ্জার কথা তারা ভুলে যাবে।  
27 জাতিগণের মধ্য থেকে আমি যখন তাদের ফিরিয়ে আনব শক্রদের  
দেশ থেকে তাদের জড়ো করব তখন অনেক জাতির চেতের সামনে  
আমি তাদের মধ্য দিয়ে আমার পবিত্রতা প্রকাশ করব। 28 তখন তারা  
জানবে যে, আমিই তাদের ঈশ্বর সদাপ্রভু, কারণ বিভিন্ন জাতির মধ্যে

তাদের বন্দিদশায় পাঠালেও আমি তাদের নিজেদের দেশে ফিরিয়ে  
আনব, কাউকে ফেলে রাখব না। 29 তাদের কাছ থেকে আমি আর  
আমার মুখ ফিরিয়ে রাখব না, কারণ ইস্রায়েল কুলের উপরে আমি  
আমার আত্মা চেলে দেব, সার্বভৌম সদাপ্রভু এই কথা বলেন।”

**40** আমাদের বন্দিদশার পঁচিশ বছরে, বছরের শুরুতে, মাসের দশ  
দিনের দিন, নগরের পতনের চৌদ্দ বছরে, সেদিনে সদাপ্রভুর হাত  
আমার উপরে ছিল এবং তিনি আমাকে সেখানে নিয়ে গেলেন। 2  
ঈশ্বরীয় দর্শনে, তিনি আমাকে ইস্রায়েল দেশে নিয়ে গিয়ে একটি উঁচু  
পাহাড়ের উপরে রাখলেন, যার দক্ষিণ পাশে কতগুলি দালান ছিল  
যেগুলি দেখতে নগরের মতো। 3 তিনি আমাকে সেখানে নিয়ে গেলেন,  
আর আমি এক পুরুষকে দেখলাম যার চেহারা পিতলের মতো; হাতে  
মসিনার দড়ি ও মাপকাঠি নিয়ে তিনি দ্বারে দাঁড়িয়েছিল। 4 সেই  
পুরুষ আমাকে বললেন, “হে মানবসন্তান, তুমি চোখ দিয়ে দেখো ও  
কান দিয়ে শোনো এবং আমি তোমাকে যা দেখাব তার সব কিছুতে  
মনোযোগ দাও, কারণ সেইজন্যই তোমাকে এখানে আনা হয়েছে।  
তুমি যা কিছু দেখবে সবই ইস্রায়েল কুলকে বলবে।” 5 আমি একটি  
প্রাচীর দেখলাম যা মন্দিরের চারিদিক ঘিরে ছিল। লোকটির হাতের  
মাপের দণ্ডটি লম্বায় ছয় হাত, প্রত্যেক হাত এক হাত চার আঙুল করে  
লম্বা। তিনি প্রাচীরটি মাপলেন; সেটি এক মাপকাঠি মোটা আর এক  
মাপকাঠি উঁচু। 6 পরে তিনি পূর্বমুখী দ্বারের কাছে গেলেন। তিনি সিঁড়ি  
দিয়ে উপরে উঠে দ্বারের চুকবার মুখটা মাপলেন; সেটির প্রস্থ ছিল এক  
মাপকাঠি। 7 দ্বারের পাহারাদারদের ঘরগুলি এক মাপকাঠি লম্বা ও  
এক মাপকাঠি চওড়া এবং এক ঘর থেকে আর এক ঘরের মধ্যেকার  
দেয়াল পাঁচ হাত মোটা ছিল। আর দ্বারের বারান্দার পাশে মন্দিরের  
দ্বারের চুকবার মুখটা ছিল এক মাপকাঠি লম্বা। 8 তারপর তিনি দ্বারের  
বারান্দা মাপলেন; 9 সেটি ছিল আট হাত লম্বা এবং তার থামগুলি  
দু-হাত চওড়া। দ্বারের বারান্দা মন্দিরের দিকে ছিল। 10 পূর্বদিকের  
দ্বারের ভিতরের দুই পাশে তিনটি করে ঘর ছিল; তিনটির মাপ একই  
ছিল, এবং সেগুলির মধ্যেকার দেয়ালগুলির প্রত্যেকটার মাপ একই

ছিল। 11 তারপর তিনি দ্বারের চুকবার পথটা মাপলেন; সেটি লম্বায় তেরো হাত আর চওড়ায় দশ হাত ছিল। 12 ঘরগুলির সামনে দেয়াল এক হাত উঁচু ছিল এবং ঘরগুলি লম্বায় ও চওড়ায় ছিল ছয় হাত। 13 তারপর তিনি একটি ঘরের বাইরের দিক থেকে তার সামনের ঘরের বাইরের দিক পর্যন্ত মাপলেন; একটি ঘরের দেয়ালের খোলা জায়গা থেকে তার সামনের ঘরের দেয়ালের খোলা জায়গার দূরত্ব ছিল পঁচিশ হাত। 14 দ্বারের থাম দুটোর উচ্চতা তিনি মাপলেন—ষাট হাত। থাম দুটো থেকে দ্বারের উঠানের শুরু হয়েছে। 15 দ্বারে চুকবার মুখ থেকে দ্বারের শেষ সীমার ঘর পর্যন্ত দূরত্ব ছিল পঞ্চাশ হাত। 16 ঘরগুলির বাইরের দেয়ালে এবং থাম দুটোর পাশের দেয়ালে জালি দেওয়া জানালা ছিল, আর দ্বারের শেষে যে ঘর ছিল তার দেয়ালেও তাই ছিল; এইভাবে দ্বারের দেয়ালগুলিতে ওই রকম জানালা ছিল। এছাড়া থাম দুটোর গায়ে খেজুর গাছ খোদাই করা ছিল। 17 তারপর তিনি আমাকে বাইরের উঠানে আনলেন। সেখানে আমি দেখলাম কিছু ঘর এবং উঠানের চারিদিকে বাঁধানো জায়গা তৈরি করা হয়েছে; বাঁধানো জায়গার ধারে ত্রিশটা ঘর ছিল। 18 সেই বাঁধানো জায়গা প্রত্যেকটি দ্বারের দুই পাশেও ছিল এবং দ্বারের লম্বার সমান ছিল; এটি ছিল নিচের বাঁধানো জায়গা। 19 তারপর তিনি পূর্বদিকের বাইরের উঠানের দ্বারের শেষ সীমা থেকে ভিতরের উঠানের দ্বারে চুকবার মুখ পর্যন্ত মাপলেন; তার দূরত্ব ছিল একশো হাত। সেইভাবে উত্তর দিকের দূরত্বও ছিল একশো হাত। 20 তারপর তিনি বাইরের উঠানের উত্তরমুখী দ্বারের লম্বা ও চওড়া মাপলেন। 21 তার ঘরের—দুই পাশে তিনটি করে—মাপ ও তার থামগুলি এবং তার শেষের ঘরের মাপ প্রথম দ্বারের সবকিছুর মাপের মতোই ছিল। সেটি ছিল পঞ্চাশ হাত লম্বা ও পঁচিশ হাত চওড়া। 22 তার জানালাগুলি, বারান্দা ও খোদাই করা খেজুর গাছ পূর্বমুখী দ্বারের মতোই ছিল। সেখানে উঠবার সিঁড়ির সাতটি ধাপ ছিল আর তার উল্লেটোদিকে বারান্দা ছিল। 23 ভিতরের উঠানের পূর্বমুখী দ্বারের মতোই তার উত্তরমুখী একটি দ্বার ছিল, আর তিনি বাইরের উঠানের দ্বার থেকে ভিতরের উঠানের দ্বার পর্যন্ত

মাপলেন, তা একশো হাত হল। 24 তারপর তিনি আমাকে দক্ষিণ  
দিকে নিয়ে গেলেন আর আমি বাইরের উঠানের দক্ষিণমুখী একটি দ্বার  
দেখলাম। তিনি চৌকাঠের বাজু এবং তার বারান্দা মাপলেন, আর তার  
মাপ অন্যগুলির মতো একই ছিল। 25 প্রবেশদ্বার এবং তার বারান্দার  
চারিদিকে সরু জানালা ছিল যেমন অন্যদের ছিল। এটি ছিল পঞ্চাশ  
হাত লস্বা ও পঁচিশ হাত চওড়া। 26 সেখানে উঠবার সিঁড়ির সাতটি  
ধাপ ছিল, আর তার উল্টোদিকে হোমবলি দানের মণ্ডপ ছিল; দ্বারের  
ভিতরের দুই পাশের থামগুলিতে খেজুর গাছ খোদাই করা ছিল। 27  
ভিতরের উঠানেরও একটি দক্ষিণমুখী দ্বার ছিল, আর তিনি সেই দ্বার  
থেকে বাইরের উঠানের দক্ষিণমুখী দ্বার পর্যন্ত মাপলেন, তা একশো  
হাত হল। 28 তারপর তিনি ভিতরের উঠানের দক্ষিণমুখী দ্বারের মধ্য  
দিয়ে আমাকে নিয়ে গেলেন, এবং তিনি দক্ষিণ দ্বার মাপলেন; সেটি  
অন্যগুলির মতো একই মাপের হল। 29 তার ঘর, থামগুলি এবং  
বারান্দার মাপ অন্যগুলির মতো একই হল। প্রবেশদ্বার এবং তার  
বারান্দার চারিদিকে সরু জানালা ছিল। এটি ছিল পঞ্চাশ হাত লস্বা ও  
পঁচিশ হাত চওড়া। 30 (ভিতরের উঠানের প্রবেশদ্বারের বারান্দার  
মাপ ছিল পঁচিশ হাত লস্বা ও পাঁচ হাত চওড়া) 31 তার বারান্দার মুখ  
ছিল বাইরের উঠানের দিকে; চৌকাঠের বাজুতে খেজুর গাছ খোদাই  
করা ছিল, সেখানে উঠবার সিঁড়ির আটটি ধাপ ছিল। 32 তারপর  
তিনি আমাকে ভিতরের উঠানের পূর্বদিকে নিয়ে গেলেন, এবং তিনি  
সেখানকার দ্বার মাপলেন; সেটি অন্যগুলির মতো একই মাপের হল।  
33 তার ঘর, থামগুলি এবং বারান্দার মাপ অন্যগুলির মতো একই হল।  
প্রবেশদ্বার এবং তার বারান্দার চারিদিকে সরু জানালা ছিল। এটি ছিল  
পঞ্চাশ হাত লস্বা ও পঁচিশ হাত চওড়া। 34 তার বারান্দার মুখ বাইরের  
উঠানের দিকে ছিল; চৌকাঠের বাজুর দুই পাশে খেজুর গাছ খোদাই  
করা ছিল, সেখানে উঠবার সিঁড়ির আটটি ধাপ ছিল। 35 তারপর তিনি  
আমাকে উত্তর দিকের দ্বারে নিয়ে গেলেন এবং তিনি সেটি মাপলেন।  
তার মাপ অন্যগুলির মতো একই হল, 36 যেমন তার ঘর, থামগুলি  
এবং বারান্দার চারিদিকে সরু জানালা ছিল। এটি ছিল পঞ্চাশ হাত

লম্বা ও পঁচিশ হাত চওড়া। 37 তার বারান্দার মুখ বাইরের উঠানের দিকে ছিল; চৌকাঠের বাজুর দুই পাশে খেজুর গাছ খোদাই করা ছিল, সেখানে উঠবার সিঁড়ির আটটি ধাপ ছিল। 38 বাইরের উঠানের মধ্যে ভিতরের দ্বারের থামের পাশে একটি ঘর ছিল, যেখানে হোমবলি ধোয়া হত। 39 দ্বারের বারান্দায় দুদিকে দুটি করে টেবিল ছিল, তার উপরে হোমার্থক, পাপার্থক ও দোষার্থক-নৈবেদ্য বধ করা হত। 40 দ্বারের বারান্দার বাইরের দেয়ালের পাশে, উত্তরমুখী দ্বারের চুকবার পথের সিঁড়ির কাছে দুটি টেবিল এবং সিঁড়ির অন্য পাশে দুটি টেবিল ছিল। 41 অতএব দ্বারের এক পাশে চারটি ও অন্য পাশে চারটি টেবিল ছিল—মোট আটটি—যার উপরে বলি বধ করা হত। 42 হোমবলির জন্য চারটি টেবিল ছিল যেগুলি পাথর কেটে তৈরি করা, প্রত্যেকটি দেড় হাত লম্বা, দেড় হাত চওড়া এবং এক হাত উঁচু। তার উপরে হোমবলি ও অন্যান্য বলি বধ করার অস্ত্র রাখা হত। 43 চার আঙুল লম্বা দুই কঁটার আঁকড়া দেয়ালের গায়ে চারিদিকে লাগানো ছিল। টেবিলগুলির উপরে নৈবেদ্যের মাংস রাখা হত। 44 ভিতরের দ্বারের বাইরে, ভিতরের উঠানের মধ্যে দুটো ঘর ছিল, একটি উত্তর দ্বারের পাশে দক্ষিণমুখী এবং অন্যটি দক্ষিণ-দ্বারের পাশে উত্তরমুখী। 45 তিনি আমাকে বললেন, “দক্ষিণমুখী ঘর যাজকদের জন্য যারা মন্দিরের দায়িত্বে আছে, 46 এবং উত্তরমুখী ঘর সেই যাজকদের জন্য যারা বেদির দায়িত্বে আছে। এরা হল সাদোকের ছেলেরা, কেবল তারাই একমাত্র লেবীয় যারা সদাপ্রভুর সামনে তাঁর সেবাকাজের জন্য যেতে পারে।” 47 তারপর তিনি উঠানটা মাপলেন সেটি—একশো হাত লম্বা ও একশো হাত চওড়া একটি চারকোণা জায়গা। আর বেদিটি মন্দিরের সামনে ছিল। 48 তিনি আমাকে মন্দিরের বারান্দায় আনলেন এবং বারান্দার চৌকাঠের বাজু মাপলেন; উভয় দিকের সেগুলি পাঁচ হাত চওড়া ছিল। প্রবেশদ্বার চোদ্দ হাত এবং উভয় দিকের থামগুলি তিন হাত চওড়া ছিল। 49 বারান্দা কুড়ি হাত চওড়া ছিল এবং সামনে থেকে পিছন পর্যন্ত বারো হাত ছিল। সেখানে উঠবার একটি সিঁড়ি ছিল এবং সেই দুটো বাজুর সামনে ছিল একটি করে থাম।

**৪১** তারপর সেই ব্যক্তি মূল হল ঘরে নিয়ে গিয়ে চৌকাঠের বাজু  
মাপলেন; দুই দিকের বাজু চওড়ায় ছয় হাত ছিল। ২ প্রবেশস্থান  
ছিল দশ হাত চওড়া, এবং তার দুই পাশে পাঁচ হাত করে ছিল।  
তিনি মূল হল ঘরেও মাপলেন; সেটি চল্লিশ হাত লম্বা ও কুড়ি হাত  
চওড়া ছিল। ৩ তারপর তিনি মন্দিরের ভিতরে ঘরে গেলেন এবং  
প্রবেশস্থানের বাজু মাপলেন; প্রতিটি দু-হাত চওড়া ছিল। প্রবেশস্থান  
ছিল ছয় হাত চওড়া, এবং তার দুই পাশে সাত হাত করে ছিল। ৪  
আর তিনি ভিতরে উপাসনার স্থানের মাপ নিলেন; সেটি কুড়ি হাত  
লম্বা এবং মূল হলঘর পর্যন্ত চওড়ায় কুড়ি হাত ছিল। তিনি আমাকে  
বললেন, “এটাই মহাপবিত্র স্থান।” ৫ তারপর তিনি মন্দিরের দেয়াল  
মাপলেন; সেটি ছিল ছয় হাত মোটা এবং সেই দেয়ালের চারিদিকে ঘর  
প্রত্যেকটা চওড়ায় চার হাত ছিল। ৬ সেই পাশের ঘরগুলি একটির  
উপরে আর একটি করে তিনতলা ছিল, প্রত্যেক তলাতে ত্রিশটা করে  
ঘর ছিল। ঘরগুলির ভার বইবার জন্য মন্দিরের দেয়ালের চারপাশে  
থাকো ছিল, কিন্তু সেগুলি মন্দিরের দেয়ালের মধ্যে চুকানো ছিল  
না। ৭ মন্দিরের পাশের ঘরগুলি চওড়ায় নিচের তলা থেকে উপরের  
তলা পর্যন্ত পরপর বেড়ে গিয়েছিল। নিচের তলা থেকে মাঝের তলার  
মধ্য দিয়ে উপর তলা পর্যন্ত একটি সিঁড়ি উঠেছিল। ৮ আমি দেখলাম  
মন্দিরটা একটি উঁচু সমান জায়গার উপরে রয়েছে, যা মন্দিরের ও  
পাশের ঘরগুলির ভিত্তি। সেই ভিত্তি একটি মাপকাঠি সমান ছিল যা  
ছয় হাত লম্বা। ৯ ঘরগুলির বাইরের দেয়াল ছিল পাঁচ হাত মোটা। যে  
খোলা জায়গা মন্দিরের পাশের ঘর থেকে ১০ যাজকদের ঘর পর্যন্ত  
ছিল সেটি মন্দিরের চারিদিকে ছিল কুড়ি হাত। ১১ খোলা জায়গা থেকে  
পাশের ঘরগুলিতে ঢোকার পথ ছিল, একটি উত্তর দিকে আরেকটা  
দক্ষিণ দিকে; আর খোলা জায়গার চারিদিকের ভিত্তি পাঁচ হাত চওড়া  
ছিল। ১২ মন্দিরের পশ্চিমদিকে খোলা জায়গার শেষ সীমায় একটি  
দালান ছিল যেটা সন্তুর হাত চওড়া। দালানের দেয়াল চারিদিক পাঁচ  
হাত মোটা এবং লম্বা নবাই হাত ছিল। ১৩ তারপর তিনি মন্দির  
মাপলেন; সেটি লম্বায় একশো হাত এবং মন্দিরের উঠান আর দালানের

দেয়াল পর্যন্তও একশো হাত। 14 পূর্বদিকে মন্দিরের উঠান থেকে  
 মন্দিরের সামনে পর্যন্ত চওড়া ছিল একশো হাত। 15 তারপর তিনি  
 মন্দিরের পিছনে উঠানের দিকে মুখ করে যে দালান ছিল, লম্বা বারান্দা  
 সমেত মাপলেন; সেটি ছিল একশো হাত। মূল হলঘর, ভিতরের  
 পবিত্রস্থান এবং উঠানের দিকে মুখ করা বারান্দা, 16 এমনকি তিনটি  
 জায়গায় চুকবার মুখের দুই পাশের বাজুগুলি এবং জালি দেওয়া সরু  
 জানালাগুলি তত্ত্ব দিয়ে ঢাকা ছিল। মেঝে ও জানালা পর্যন্ত দেয়ালও  
 তত্ত্ব দিয়ে ঢাকা ছিল। 17 প্রবেশস্থানের বাইরে থেকে পবিত্রস্থানের  
 ভিতর পর্যন্ত এবং পবিত্রস্থানের বাইরের ও ভিতরের দেয়ালে পরপর  
 18 করব ও খেজুর গাছ খোদাই করা ছিল। খেজুর গাছের পর করব।  
 প্রত্যেক করবের দুটি করে মুখ ছিল: 19 এক পাশের খেজুর গাছের  
 দিকে মানুষের মুখ এবং অন্য পাশের খেজুর গাছের দিকে সিংহের  
 মুখ। সেগুলি সম্পূর্ণ মন্দিরের চারিদিকে খোদাই করা ছিল। 20 মূল  
 হলঘরের মেঝে থেকে প্রবেশস্থানের উপরের অংশের দেয়াল পর্যন্ত  
 করব ও খেজুর গাছ খোদাই করা ছিল। 21 মূল হলঘরের দ্বারের গঠন  
 চতুর্কোণ ছিল, এবং মহাপবিত্র স্থানের দ্বারটিও একইরকম ছিল। 22  
 সেখানে তিনি হাত উঁচু, দু-হাত লম্বা ও দু-হাত চওড়া কাঠের একটি  
 বেদি ছিল, তার কোনা, পায়া ও চারপাশ ছিল কাঠ দিয়ে তৈরি। সেই  
 ব্যক্তি আমাকে বললেন, “এটি হচ্ছে সেই টেবিল যা সদাপ্রভুর সামনে  
 রয়েছে।” 23 উভয় মূল হলঘর এবং মহাপবিত্র স্থানে একটি করে দুই  
 পাল্লার দ্বার ছিল। 24 প্রত্যেক দ্বারে দুটি কবাট ছিল—দুটি দ্বারে দুটি  
 করে কবাট। 25 এবং মূল হলঘরের দ্বারের কবাটে দেয়ালের মতোই  
 করব ও খেজুর গাছ খোদাই করা ছিল আর বারান্দার সামনে কাঠের  
 একটি ঝিলিমিলি ছিল। 26 বারান্দার পাশের দেয়ালে ছিল সরু জানালা  
 যার প্রত্যেক দিকে খেজুর গাছ খোদাই করা ছিল। মন্দিরের পাশের  
 ঘরগুলিতেও এইরকম ঝিলিমিলি ছিল।

**42** পরে সেই ব্যক্তি আমাকে মন্দিরের উত্তর দিকের বাইরের উঠানে  
 নিয়ে গিয়ে মন্দিরের উঠানের ও উত্তর দিকের বাইরের দেয়ালের  
 উল্টো দিকের ঘরগুলিতে নিয়ে গোলেন। 2 উত্তরমুখী দালান ছিল

একশো হাত লম্বা এবং পঞ্চাশ হাত চওড়া। ৩ ভিতরের উঠানের সামনে কুড়ি হাতের সেই খোলা জায়গা এবং বিপরীত অংশে বাইরের উঠানের বাঁধানো জায়গার মধ্যে দালানটা তিনতলা ছিল। ৪ এই ঘরগুলির সামনে ভিতরের দিকে একটি পথ ছিল দশ হাত চওড়া ও একশো হাত লম্বা। তাদের সকলের দ্বার উত্তর দিকের ছিল। ৫ উপরের ঘরগুলি সরু ছিল, কেননা লম্বা বারান্দা দালানের নিচের ও মাঝের তলার তুলনায় সেই ঘরগুলির থেকে বেশি জায়গা নিয়েছিল। ৬ তৃতীয় তলার ঘরগুলির কোনও থাম ছিল না, যেমন উঠানের ছিল; সেই কারণে নিচের ও মাঝের তলার তুলনায় তাদের মেঝের জায়গা সংকুচিত ছিল। ৭ সেখানে একটি বাইরের দেয়াল ছিল যেটা ঘরগুলি ও বাইরের উঠানের সমান্তরাল; এটা ঘরগুলির সামনে পঞ্চাশ হাত বাড়ান ছিল। ৮ বাইরের উঠানের পাশে যে ঘরগুলি ছিল পঞ্চাশ হাত লম্বা, যে সারি পরিত্রানের সবচেয়ে কাছে ছিল সেটি একশো হাত লম্বা। ৯ বাইরের উঠানে থেকে কেউ যখন ভিতরে ঢোকে নিচের ঘরগুলির প্রবেশপথ পূর্বদিকে ছিল। ১০ বাইরের উঠানের দেওয়াল বরাবর দক্ষিণ দিকে মন্দিরের উঠানের পাশে এবং বাইরের দেয়ালের উল্টোদিকে, ঘর ছিল ১১ যেখানে তাদের সামনে একটি পথ ছিল। সেগুলি উত্তর দিকের ঘরগুলির মতন; সেগুলি লম্বায় ও চওড়ায় সমান, আর একইরকম বাইরে যাওয়ার পথ ও মাপ। উত্তরের দ্বারের পথের মতোই ১২ দক্ষিণের ঘরগুলির দ্বারের পথ। দালানটার পূর্বদিকের আর একটি সমান্তরাল চুকবার পথ ছিল এবং তার সামনেও একটি দেয়াল ছিল। ১৩ তারপর তিনি আমাকে বললেন, “মন্দিরের খোলা জায়গার উত্তর ও দক্ষিণ দিকের দালান দুটো যাজকদের, যেখানে যাজকেরা সদাপ্রভুর কাছে যায় তারা সেই জায়গার অতি পরিত্রানের উৎসর্গিত জিনিস ভোজন করবে। সেখানে তারা অতি পরিত্রানের উৎসর্গিত জিনিসগুলি রাখবে—শস্য-নৈবেদ্য, পাপার্থক বলি ও দোষার্থক-নৈবেদ্য—কারণ জায়গাটি পবিত্র। ১৪ যাজকেরা সেবাকাজের জন্য পরিত্রানে যে পোশাকগুলি পরে চুকবে সেগুলি এই দালান দুটিতে খুলে রাখবে এবং তারপরে বাইরের উঠানে যেতে পারবে, কারণ

সেগুলি পবিত্র পোশাক। সাধারণ লোকদের জায়গায় যাবার আগে  
তাদের অন্য কাপড় পরতে হবে।” 15 মন্দিরের চারপাশের দেওয়ালের  
ভিতরের সবকিছু মাপা শেষ করার পর তিনি আমাকে পূর্বদিকের দ্বার  
দিয়ে বাইরে আনলেন এবং বাইরের চারপাশের এলাকাটা মাপলেন।  
16 তিনি পূর্বদিক মাপকাঠি দিয়ে মাপলেন; সেটি ছিল পাঁচশো হাত।  
17 তিনি উত্তর দিক মাপলেন; মাপকাঠিতে সেটি পাঁচশো হাত ছিল। 18  
তিনি দক্ষিণ দিক মাপলেন; মাপকাঠিতে সেটি পাঁচশো হাত ছিল। 19  
তারপর তিনি পশ্চিমদিকে ঘুরলেন এবং মাপলেন; মাপকাঠিতে সেটি  
পাঁচশো হাত ছিল। 20 এইভাবে তিনি তার চারদিক মাপলেন। সাধারণ  
লোকদের থেকে পবিত্রস্থান আলাদা করার জন্য তার চারদিকে একটি  
প্রাচীর ছিল, যেটা পাঁচশো হাত লম্বা এবং পাঁচশো হাত চওড়া।

**43** তারপর সেই ব্যক্তি আমাকে পূর্বমুখী দ্বারের কাছে আনলেন,  
2 এবং আমি পূর্বদিক থেকে ইস্রায়েলের ঈশ্বরের মহিমা দেখলাম।  
তাঁর গলার স্বর ছিল জোরে বয়ে যাওয়া জলের গর্জনের মতো, এবং  
তাঁর মহিমায় পৃথিবী উজ্জ্বল হয়ে উঠল। 3 যে দর্শন আমি দেখলাম  
সেটি সেই দর্শনের মতো যা আমি দেখেছিলাম যখন তিনি নগর  
ধ্বংস করতে এসেছিলেন এবং কবার নদীর তীরে সেই দর্শনের  
মতো, আর আমি উপুড় হয়ে পড়লাম। 4 পূর্বমুখী দ্বারের মধ্যে দিয়ে  
সদাপ্রভুর মহিমা মন্দিরে চুকল। 5 পরে ঈশ্বরের আত্মা আমাকে  
তুলে ভিতরের উঠানে নিয়ে গেলেন, আর সদাপ্রভুর মহিমায় মন্দির  
ভরে গেল। 6 সেই ব্যক্তি যখন আমার পাশে দাঢ়িয়েছিলেন, আমি  
শুনলাম মন্দিরের মধ্যে থেকে কেউ যেন আমার সঙ্গে কথা বলছেন।  
7 তিনি বললেন, “হে মানবসন্তান, এটাই আমার সিংহাসনের স্থান  
ও আমার পা রাখবার জায়গা। আমি এখানেই ইস্রায়েলীদের সঙ্গে  
চিরকাল বাস করব। ইস্রায়েল কুল—তারাও না বা তাদের রাজারাও  
না—তাদের ব্যভিচারের এবং উচ্চস্থলীতে তাদের রাজাদের মৃতদেহ  
দ্বারা আর কখনও আমার পবিত্র নাম অঙ্গু করবে না। 8 তারা  
আমার প্রবেশস্থলের পাশে তাদের প্রবেশস্থল করেছিল আর আমার  
চোকাঠের পাশে তাদের চোকাঠ করেছিল এবং আমার ও তাদের

মধ্যে কেবল একটি দেয়াল ছিল, তাদের ঘৃণ্য কাজ দ্বারা তারা আমার  
পবিত্র নাম কলঙ্কিত করেছিল। সেইজন্য আমি ক্ষোধে তাদের ধ্বংস  
করেছিলাম। ৭ এখন তারা তাদের ব্যভিচার এবং তাদের রাজাদের  
মৃতদেহ আমার সামনে থেকে দূর করুক, তাতে আমি চিরকাল তাদের  
মধ্যে বাস করব। ১০ “হে মানবসন্তান, ইত্যায়েল কুলের কাছে এই  
মন্দিরের বর্ণনা করো, যেন তারা তাদের পাপের জন্য লজ্জিত হয়।  
এর নকশাটার বিষয় চিন্তা করে দেখতে বলো, ১১ আর তারা যদি  
তাদের সব কাজের জন্য লজ্জিত হয়, তবে মন্দিরের নকশার খুঁটিনাটি  
তাদের জানাও—তার ব্যবস্থা, তার বাইরে যাবার ও ভিতরে ঢুকবার  
পথ—তার সম্পূর্ণ নকশা এবং তার নিয়ম ও আইনকানুন। তার  
সবকিছু তাদের সামনে লেখ যাতে তারা তার নকশা অনুসারে কাজ  
করতে পারে এবং তার সব নিয়ম মেনে চলতে পারে। ১২ “এই হল  
মন্দিরের ব্যবস্থা, পাহাড়ের উপরকার চারিদিকের সব এলাকা হবে  
মহাপবিত্র। এটাই মন্দিরের ব্যবস্থা। ১৩ “মন্দিরের বেদির মাপ হাতের  
মাপ অনুসারে এইরকম, প্রত্যেক হাত ছিল এক হাত চার আঙুল করে।  
তার ভিত্তিটা এক হাত গভীর এবং এক হাত চওড়া, যার চারিদিকে  
এগারো ইঞ্চি এক চক্রবেড় হবে। আর এটাই বেদির উচ্চতা। ১৪  
নিচের অংশটি ভিত্তি থেকে দু-হাত উঁচু ও এক হাত চওড়া, এবং  
ছোটো সোপানাকৃতি থেকে বড়ো সোপানাকৃতি পর্যন্ত চার হাত উঁচু  
ও এক হাত চওড়া। ১৫ বেদির উপরের যে অংশের উন্নুন চার হাত  
উঁচু, এবং তার উপরে চারটে শিং থাকবে। ১৬ বেদির উন্নুন চারকোণা  
হবে, বারো হাত লম্বা ও বারো হাত চওড়া। ১৭ উপরের শেলফ ও  
চারকোণা হবে, চৌদ্দ হাত লম্বা ও চৌদ্দ হাত চওড়া, যার চারিদিকে  
এক হাত বাড়ানো একটি বেড় থাকবে তার কিনারা আধ হাত উঁচু  
থাকবে। বেদির সিডিগুলি হবে পূর্বমুখী।” ১৮ তারপর তিনি আমাকে  
বললেন, “হে মানবসন্তান, সার্বভৌম সদাপ্রভু এই কথা বলেন, বেদিটা  
তৈরি হলে যেদিন সেটি সদাপ্রভুর উদ্দেশ্যে উৎসর্গ করা হবে যেন তার  
উপরে হোমবলি ও রক্ত প্রক্ষেপ করা হয়, সেদিন এই নিয়ম পালন  
করা হবে। ১৯ সার্বভৌম সদাপ্রভু বলেন, সাদোকের বংশের যে লেবীয়

যাজকেরা আমার পরিচর্যা করার জন্য আমার কাছে আসে তাদের তুমি  
পাপার্থক বলিদানের জন্য একটি যুবা ঘাঁড় দেবে। 20 তুমি তার কিছু  
রক্ত নিয়ে বেদির চারতে শিংয়ে, মাঝখানের অংশের চার কোনায় ও  
কিনারার সব দিকে লাগাবে, যেন বেদি শুন্দ হয় ও তার জন্য প্রায়শিত্ত  
করবে। 21 পরে তুমি ওই পাপার্থক ঘাঁড়টি নিয়ে যাবে এবং সেটি  
উপাসনার স্থানের বাইরে মন্দিরের নিরূপিত জায়গায় পুড়িয়ে দেবে।  
22 ‘দ্বিতীয় দিনে তুমি পাপার্থক বলির জন্য একটি নিখুঁত পঁঠা উৎসর্গ  
করবে, এবং বেদিটা শুচি করবে যেমন করে ঘাঁড় দিয়ে করা হয়েছিল।  
23 তোমার যখন সেটি শুচি করা হয়ে যাবে, তোমাকে একটি যুবা  
ঘাঁড় ও পাল থেকে একটি মেষ উৎসর্গ করতে হবে, দুটোই নিখুঁত  
হতে হবে। 24 তুমি সেগুলি সদাপ্রভুর সামনে উপস্থিত করবে, এবং  
যাজকেরা তাদের উপরে নুন ছিটাবে আর সদাপ্রভুর উদ্দেশে হোমার্থে  
সেগুলি বলি দেবে। 25 “সাত দিন ধরে তুমি পাপার্থক বলির জন্য  
প্রতিদিন একটি করে পঁঠা উৎসর্গ করবে; এছাড়াও তোমাকে একটি  
ঘাঁড় ও পাল থেকে একটি মেষ দিতে হবে, দুটোই নিখুঁত হতে হবে।  
26 সাত দিন ধরে বেদির জন্য প্রায়শিত্ত করবে ও শুচি করবে; এইভাবে  
সেটি উৎসর্গ করবে। 27 এই দিনগুলি শেষ হলে পর, আট দিনের  
দিন থেকে, যাজকেরা সেই বেদির উপরে তোমাদের হোমার্থক ও  
মঙ্গলার্থক বলি উৎসর্গ করবে। তখন আমি তোমাদের গ্রহণ করব,  
সার্বভৌম সদাপ্রভু এই কথা বলেন।”

**44** পরে সেই ব্যক্তি আমাকে উপাসনার স্থানের পূর্বমুখী বাইরের  
দ্বারের কাছে ফিরিয়ে আনলেন, এবং সেটি বন্ধ ছিল। 2 সদাপ্রভু  
আমাকে বলেন, “এই দ্বার বন্ধই থাকবে। এটি খোলা যাবে না; কেউ  
এটি দিয়ে ভিতরে ঢুকবে না। এটি বন্ধ থাকবে, কারণ ইস্রায়েলের ঈশ্বর  
সদাপ্রভু এর মধ্যে দিয়ে ঢুকেছেন। 3 কেবলমাত্র শাসনকর্তাই দ্বারের  
মধ্যে বসে সদাপ্রভুর সামনে খেতে পারবে। তিনি দ্বারের বারান্দার পথ  
দিয়ে ভিতরে আসবেন এবং একই পথ দিয়ে বাইরে যাবেন।” 4 তারপর  
সেই ব্যক্তি উভয় দ্বারের পথে আমাকে মন্দিরের সামনে আনলেন।  
আমি দেখলাম সদাপ্রভুর মহিমায় সদাপ্রভুর মন্দির পরিপূর্ণ, আর আমি

উবুড় হয়ে পড়লাম। ৫ সদাপ্রভু আমাকে বললেন, “হে মানবসন্তান,  
ভালো করে দেখো, ধ্যান দিয়ে শোনো এবং আমি তোমাকে সদাপ্রভুর  
মন্দিরের বিষয়ে সমস্ত নিয়মের কথা বলব তার প্রতি মনোযোগ  
দাও। মন্দিরে ঢোকার এবং উপাসনা স্থান থেকে বাইরে যাবার বিষয়ে  
মনোযোগ দাও। ৬ বিদ্রোহী ইস্রায়েল কুলকে বলো, ‘সার্বভৌম সদাপ্রভু  
এই কথা বলেন, হে ইস্রায়েল কুল! তোমাদের ঘৃণ্য কাজ যথেষ্ট  
হয়েছে। ৭ তোমাদের সমস্ত ঘৃণ্য কাজের অতিরিক্ত, তোমরা আমার  
উপাসনার স্থানে মাংসে ও হৃদয়ে অচিহ্নিত্বক বিদেশিদের নিয়ে এসেছ,  
আমার মন্দিরকে অপবিত্র করেছ, তোমরা আমার উদ্দেশে খাবার, চর্বি  
ও রক্ত উৎসর্গ করেছ আর আমার নিয়ম ভেঙেছ। ৮ আমার পবিত্র  
জিনিসগুলির প্রতি তোমাদের যে কর্তব্য করবার কথা তা না করে  
আমার উপাসনার স্থানের দায়িত্ব তোমরা অন্যদের হাতে তুলে দিয়েছ।  
৯ সার্বভৌম সদাপ্রভু এই কথা বলেন, মাংসে ও হৃদয়ে অচিহ্নিত্বক  
কোনও বিদেশি আমার উপাসনার স্থানে চুক্তে পারবে না, এমনকি,  
ইস্রায়েলীদের মধ্যে বাস করা বিদেশিরাও পারবে না। ১০ “ইস্রায়েলীরা  
যখন বিপথে গিয়েছিল তখন তাদের সঙ্গে যে লেবীয়েরা আমাকে ছেড়ে  
তাদের প্রতিমাগুলির পিছনে ঘুরে বেরিয়ে আমার কাছ থেকে দূরে  
সরে গিয়েছিল তাদের পাপের ফল তাদের বহন করতেই হবে। ১১  
তবুও তারা আমার উপাসনার স্থানের পরিচারক হবে, মন্দিরের দ্বারের  
দায়িত্ব থাকবে ও পরিচারক হবে; তারা লোকদের জন্য হোমবলি ও  
অন্য বলির পশ্চ বধ করবে এবং তাদের পরিচর্যার জন্য তাদের সামনে  
দাঁড়াবে। ১২ কিন্তু তারা প্রতিমাগুলির সামনে লোকদের সেবা করেছে  
এবং ইস্রায়েল কুলকে পাপে ফেলছে, সেইজন্য আমি তাদের বিরুদ্ধে  
আমার হাত তুলেছি যেন তারা নিজেদের পাপের ফলভোগ করে,  
সার্বভৌম সদাপ্রভু এই কথা বলেন। ১৩ তারা যাজক হিসেবে আমার  
পরিচর্যা করার জন্য আমার কাছে আসবে না কিংবা আমার কোনও  
পবিত্র অথবা মহাপবিত্র জিনিসের কাছে আসতে পারবে না, তাদের  
ঘৃণ্য কাজের লজ্জা তাদের বহন করতেই হবে। ১৪ তবুও মন্দির পাহারা  
দেবার জন্য ও সেখানকার সমস্ত কাজের ভার আমি তাদের উপর দেব।

15 “কিন্তু ইন্দ্রায়েল সন্তানগণ যখন আমাকে ছেড়ে বিপথে গিয়েছিল,  
 তখন সাদোকের সন্তান যে লেবীয় যাজকেরা আমার উপাসনার স্থানে  
 বিশ্঵স্ততার সঙ্গে তাদের কর্তব্য করেছে, তারাই আমার পরিচর্যা করার  
 জন্য আমার কাছে আসতে পারবে; আমার উদ্দেশ্যে চর্বি ও রক্ত উৎসর্গ  
 করার জন্য আমার সামনে দাঁড়াতে পারবে, সার্বভৌম সদাগ্রভু এই  
 কথা বলেন। 16 তারাই কেবল আমার উপাসনার স্থানে চুক্তে পারবে;  
 তারাই কেবল আমার পরিচর্যা করার জন্য আমার টেবিলের কাছে  
 আসতে পারবে ও আমার রক্ষণীয় রক্ষা করবে। 17 “ভিতরের উঠানের  
 দ্বারগুলি দিয়ে তারা যখন চুক্তে তখন তাদের মসিনার পোশাক পরতে  
 হবে; ভিতরের উঠানের দ্বারগুলির কাছে কিংবা মন্দিরের মধ্যে পরিচর্যা  
 করার সময় তারা কোনও পশ্চমের পোশাক পরতে পারবে না। 18  
 তাদের মাথায় মসিনার পাগড়ি থাকবে এবং তারা মসিনার জাঞ্জিয়া  
 পরবে। যাতে ঘাম হয় এমন কোনও কাপড় তারা পরবে না। 19 তারা  
 যখন বাইরের উঠানে থাকা লোকদের কাছে যাবে তখন পরিচর্যার জন্য  
 তারা যে পোশাক পরেছিল তা খুলে পরিত্ব ঘরে রেখে অন্য পোশাক  
 পরবে, যাতে তাদের পোশাকের ছোঁয়ায় লোকেরা আমার উদ্দেশ্যে  
 আলাদা না হয়ে যায়। 20 “তাদের মাথার চুল তারা কামিয়ে ফেলবে না  
 কিংবা চুল বড়ো রাখবে না কিন্তু চুল ছোটো করে কাটবে। 21 ভিতরের  
 উঠানে চুক্তবার সময় কোনও যাজক যেন সুরা পান না করে। 22  
 তারা বিধবাকে কিংবা পরিত্যক্তা স্ত্রীকে বিয়ে করবে না; তারা কেবল  
 ইন্দ্রায়েল কুলের কুমারীকে অথবা যাজকের বিধবা স্ত্রীকে বিয়ে করতে  
 পারবে। 23 তারা আমার লোকদের পরিত্ব ও সাধারণের পার্থক্যের  
 বিষয়ে শিক্ষা দেবে এবং শুচি ও অশুচির মধ্যে কেমন করে পার্থক্য  
 করতে হয় তা দেখিয়ে দেবে। 24 “কোনও বিতর্ক হলে, যাজকেরা  
 বিচারকের ভূমিকা পালন করবে এবং আমার বিধান অনুসারে সিদ্ধান্ত  
 নেবে। আমার সমস্ত পর্বগুলির জন্য তারা আমার বিধান ও বিধিসকল  
 পালন করবে, এবং আমার বিশ্বামদিনগুলির পরিত্বতা রক্ষা করবে। 25  
 “যাজক কোনও মৃত ব্যক্তির কাছে গিয়ে নিজেকে অশুচি করবে না;  
 কিন্তু যদি সেই মৃত ব্যক্তি তার মা অথবা বাবা, ছেলে অথবা মেয়ে, তাই

অথবা অবিবাহিত বোন হয়, তাহলে সে নিজেকে অশুচি করতে পারে।

26 শুচি হবার পর তাকে সাত দিন অপেক্ষা করতে হবে। 27 পরে  
যেদিন সে পরিচর্যা করার জন্য মন্দিরের ভিতরের উঠানে যাবে সেদিন  
তাকে নিজের জন্য পাপার্থক বলি উৎসর্গ করতে হবে, সার্বভৌম  
সদাপ্রভু এই কথা বলেন। 28 “যাজকদের সম্পত্তি বলতে কেবল  
আমিই থাকব। তোমরা ইস্রায়েলের মধ্যে তাদের কোনও সম্পত্তি  
দেবে না; আমিই তাদের সম্পত্তি হব। 29 শস্য-নৈবেদ্য, পাপার্থক-  
নৈবেদ্য ও দোষার্থক-নৈবেদ্য তাদের খাবার হবে, এবং ইস্রায়েল  
দেশে সদাপ্রভুর উদ্দেশে দেওয়া প্রত্যেকটি জিনিসই তাদের হবে।  
30 সব ফসলের অগ্রিমাংশের সবচেয়ে ভালো অংশ এবং তোমাদের  
সমস্ত বিশেষ উপহারগুলি যাজকদের হবে। তোমাদের নতুন ময়দার  
অগ্রিমাংশ তোমরা তাদের দেবে যেন তোমাদের পরিবারের উপর  
আশীর্বাদ থাকে। 31 মরে গেছে কিংবা বুনো জানোয়ার ছিঁড়ে ফেলেছে  
এমন কোনও পাখি অথবা পশু যাজকেরা থাবে না।

**45** “তোমরা যখন সম্পত্তি হিসেবে দেশের জমি ভাগ করে দেবে  
তখন 25,000 মাপকাঠি লম্বা ও 20,000 মাপকাঠি চওড়া একখণ্ড  
জমি সদাপ্রভুকে উপহার দেবে, সেই পুরো এলাকাটাই হবে পবিত্র।  
2 এর মধ্যে, 500 মাপকাঠি লম্বা ও 500 মাপকাঠি চওড়া একটি  
অংশ উপাসনার স্থানের জন্য থাকবে, তার চারপাশে 50 মাপকাঠি  
খোলা জায়গা থাকবে। 3 সেই পুরো পবিত্র এলাকার মধ্য থেকে  
25,000 মাপকাঠি লম্বা ও 10,000 মাপকাঠি চওড়া একটি অংশ  
মেপে রাখবে। এর মধ্যেই হবে উপাসনার স্থান, অর্ধাং মহাপবিত্র স্থান।  
4 এটি হবে দেশের পবিত্র অংশ যেটা যাজকদের জন্য, যারা উপাসনার  
স্থানের পরিচর্যা করে এবং সদাপ্রভুর সেবা করার জন্য তাঁর সামনে  
এগিয়ে যায়। এই জায়গাতেই হবে তাদের বাসস্থান এবং উপাসনার  
স্থানের পবিত্রস্থান। 5 আবার 25,000 মাপকাঠি লম্বা ও 10,000  
মাপকাঠি চওড়া জায়গা সেই লেবীয়দের অধিকারে থাকবে, যারা  
মন্দিরে পরিচর্যা করে, তাদের অধিকারে এই নগর থাকবে যেখানে  
তারা বাস করবে। 6 “পবিত্র এলাকার পাশে 5,000 মাপকাঠি চওড়া

ও 25,000 মাপকাঠি লম্বা একটি অংশ নগরের জন্য উপহার রাখে  
 রাখতে হবে; এটি সমস্ত ইস্রায়েল কুলের জন্য হবে। 7 “পবিত্র এলাকা  
 ও নগরের সীমানার উভয় পাশের জমি শাসনকর্তার হবে। শাসনকর্তার  
 এই দুই জায়গা দেশের পশ্চিম প্রান্তের পশ্চিমে ও পূর্ব প্রান্তের পূর্বে  
 এবং লম্বায় পশ্চিম সীমা থেকে পূর্ব সীমা পর্যন্ত বিস্তৃত অংশ হবে। 8  
 এই জায়গা ইস্রায়েল দেশের শাসনকর্তার অধিকারে থাকবে। এবং  
 আমার শাসনকর্তারা আমার লোকদের উপর আর অত্যাচার করবে না  
 কিন্তু ইস্রায়েল কুলকে তার নিজের নিজের বংশানুসারে দেশ দেবে। 9  
 “সার্বভৌম সদাপ্রভু এই কথা বলেন, হে ইস্রায়েলের শাসনকর্তারা!  
 তোমাদের যথেষ্ট হয়েছে। এখন দৌরাত্ম্য ও নিপীড়ন করা ছেড়ে দিয়ে  
 তোমরা যথাযথ ও ন্যায্য কাজ করো। আমার লোকদের অধিকারচ্যুত  
 করা বন্ধ করো, এই কথা সার্বভৌম সদাপ্রভু বলেন। 10 তোমরা ন্যায্য  
 দাঁড়িপাল্লা, ন্যায্য ঐফা ও ন্যায্য বাং ব্যবহার করো। 11 ঐফা ও বাং-  
 এর মাপ সমান হবে, এক বাং হোমরের দশ ভাগের এক ভাগ এবং  
 এক ঐফা হোমরের দশ ভাগের এক ভাগ; এই দুটোই মাপা হবে  
 হোমরের অনুসারে। 12 এক শেকলে থাকবে কুড়ি শেরো। কুড়ি শেকল,  
 পঁচিশ শেকল ও পনেরো শেকলে এক মানি হবে। 13 “তোমরা এই  
 বিশেষ উপহার উৎসর্গ করবে: গমের হোমর থেকে ঐফার ষষ্ঠাংশ  
 এবং যবের হোমর থেকে ঐফার ষষ্ঠাংশ। 14 তেলের পরিমাণ মাপবার  
 জন্য বাং-এর মাপ ব্যবহার করতে হবে যা এক কোর থেকে বাং-এর  
 দশমাংশ। (দশ বাং-এর সমান এক হোমর আর এক হোমরের সমান  
 এক কোর) 15 ইস্রায়েল দেশের মধ্যে ভালো জমিতে চরে এমন প্রতি  
 দুশো মেঘের মধ্যে একটি মেষ দেবে। লোকদের পাপের প্রায়শিত্বের  
 জন্য এগুলি শস্য-নৈবেদ্যের, হোমবলির ও মঙ্গলার্থক বলির জন্য  
 ব্যবহার করা হবে, এই কথা সার্বভৌম সদাপ্রভু বলেন। 16 দেশের  
 সব লোক ইস্রায়েলের শাসনকর্তাকে এই বিশেষ উপহার দেবে। 17  
 শাসনকর্তার কর্তব্য হবে আমাবস্যায় ও বিশ্রামবারে, সমস্ত উৎসবে  
 হোমবলি, শস্য-নৈবেদ্য ও পেয়-নৈবেদ্য উৎসর্গ করা। তিনি ইস্রায়েল  
 কুলের পাপের প্রায়শিত্বের জন্য পাপার্থক বলি, শস্য-নৈবেদ্য এবং

হোম ও মঙ্গলার্থক বলি উৎসর্গ করবেন। 18 “সার্বভৌম সদাপ্রভু এই কথা বলেন, প্রথম মাসের প্রথম দিনে তুমি একটি নিখুঁত যুবা ঘাঁড় নিয়ে উপাসনার স্থানকে শুচি করবে। 19 আর যাজক সেই পাপার্থক বলির রক্তের কিছুটা নিয়ে মন্দিরের চৌকাঠে, বেদির উপরের অংশের চার কোণে এবং ভিতরের উঠানের দ্বারের বাজুতে দেবে। 20 যারা ভুল করে বা অজ্ঞানতাবশত মন্দিরের বিরহক্ষে কোনো পাপ করে ফেলে তোমরা তাদের জন্য মাসের সপ্তম দিনে ওই একই কাজ করবে; অতএব তোমরা মন্দিরের জন্য প্রায়শিত্ব করবে। 21 “প্রথম মাসের চোদ্দ দিনের দিন তোমরা নিষ্ঠারপর্ব পালন করবে, এই পর্বটা সাত দিনের, সেই সময় তোমাদের তাড়ীশূন্য রূপটি খেতে হবে। 22 সেদিন শাসনকর্তা তার নিজের ও ইস্রায়েল দেশের সব লোকদের জন্য পাপার্থক বলি হিসেবে একটি ঘাঁড় উৎসর্গ করবে। 23 সেই পর্বের সাত দিনের প্রত্যেকদিন নিখুঁত সাতটা ঘাঁড় ও সাতটা মেষ দিয়ে সদাপ্রভুর উদ্দেশে তাকে হোমার্থক বলি, এবং প্রতিদিন একটি পুরুষ ছাগল পাপার্থক বলি জন্য উৎসর্গ করবে। 24 তাকে শস্য-নৈবেদ্যের জন্য প্রতি ঘাঁড়ের জন্য এক এফা ও প্রতি মেষের জন্য এক এফা, ও প্রতি এফার জন্য এক তিন জলপাই তেল উৎসর্গ করতে হবে। 25 “সাত মাসের পনেরো দিনের দিন যে সাত দিনের পর্ব আরম্ভ হয় সেই সময় শাসনকর্তা পাপার্থক বলি, হোমার্থক বলি, শস্য-নৈবেদ্য এবং তেল উৎসর্গ করবে।

**46** “সার্বভৌম সদাপ্রভু এই কথা বলেন, ভিতরের উঠানের পূর্বমুখী দ্বার কাজের ছয় দিন বন্ধ থাকবে, কিন্তু বিশ্রামদিনে ও অমাবস্যার দিনে সেটি খোলা হবে। 2 শাসনকর্তা বাইরে থেকে দ্বারের বারান্দার পথ দিয়ে চুকে চৌকাঠের কাছে দাঁড়াবেন। যাজকেরা তাঁর হোমার্থক বলি ও মঙ্গলার্থক বলি উৎসর্গ করবেন। সে দ্বারে চুকবার মুখে উপাসনা করবেন এবং তারপর বের হয়ে যাবেন, কিন্তু সন্ধ্যা না হওয়া পর্যন্ত দ্বার বন্ধ করা যাবে না। 3 দেশের লোকেরা বিশ্রামবার ও অমাবস্যাতে সেই দ্বারের বাইরে সদাপ্রভুর উপাসনা করবে। 4 বিশ্রামদিনে শাসনকর্তাকে সদাপ্রভুর উদ্দেশে হোমবলি উৎসর্গের জন্য ছয়টা পুরুষ মেষশাবক

৪ একটি মেষ আনতে হবে, সবগুলিই যেন নিখুঁত হয়। ৫ শস্য-  
 নৈবেদ্যরূপে মেষের জন্য এক ঐফা ও মেষশাবকের জন্য তার  
 হাতে যতটা উঠবে এবং প্রতি ঐফার জন্য এক হিন জলপাই তেল।  
 ৬ অমাবস্যার দিনে তাকে একটি যুবা ষাঁড়, ছয়টা মেষশাবক ও  
 একটি মেষ উৎসর্গ করতে হবে, সবগুলিই যেন নিখুঁত হয়। ৭ শস্য-  
 নৈবেদ্যরূপে সে ষাঁড়ের জন্য এক ঐফা, মেষের জন্য এক ঐফা ও  
 মেষশাবকের জন্য তার হাতে যতটা উঠবে এবং প্রতি ঐফার জন্য এক  
 হিন তেল দেবে। ৮ শাসনকর্তা যখন আসবে, তখন দ্বারের বারান্দার  
 পথ দিয়ে আসবে, এবং সেই একই পথ দিয়ে বের হয়ে আসতে হবে।  
 ৯ “নির্দিষ্ট সব পর্বের সময়ে দেশের লোকেরা যখন উপাসনার জন্য  
 সদাপ্রভুর সামনে আসবে তখন যে কেউ উত্তরের দ্বার দিয়ে চুকবে সে  
 দক্ষিণের দ্বার দিয়ে বের হয়ে যাবে আর যে দক্ষিণের দ্বার দিয়ে চুকবে  
 সে উত্তরের দ্বার দিয়ে বের হয়ে যাবে। লোকে যে দ্বার দিয়ে চুকবে সেই  
 দ্বার দিয়ে বেরিয়ে যাবে না, কিন্তু প্রত্যেককে চুকবার দ্বারের উল্টো  
 দিকের দ্বার দিয়ে বের হয়ে যেতে হবে। ১০ শাসনকর্তাকে লোকদের  
 সঙ্গে ভিতরে যেতে হবে এবং বাইরে যাবার সময় লোকদের সঙ্গেই  
 বের হয়ে যেতে হবে। ১১ উৎসবে ও নির্দিষ্ট পর্বে, শস্য-নৈবেদ্য একটি  
 ষাঁড়ের জন্য এক ঐফা, মেষের জন্য এক ঐফা ও মেষশাবকের জন্য  
 তার হাতে যতটা উঠবে এবং প্রতি ঐফার জন্য এক হিন তেল দিতে  
 হবে। ১২ “শাসনকর্তা যখন সদাপ্রভুর উদ্দেশে নিজের ইচ্ছায় কোনও  
 উৎসর্গ করতে চায়—সেটি হোমবলি অথবা মঙ্গলার্থক বলি—তখন  
 তার জন্য পূর্বমুখী দ্বারটা খুলে দিতে হবে। বিশ্রামদিনের মতো করেই  
 সে তার হোমবলি ও মঙ্গলার্থক বলি উৎসর্গ করবে। তারপর সে বাইরে  
 গেলে দ্বারটা বন্ধ করা হবে। ১৩ “প্রতিদিন তুমি সদাপ্রভুর উদ্দেশে  
 হোমবলির জন্য একটি এক বছরের নিখুঁত মেষশাবক উৎসর্গ করবে;  
 প্রতিদিন সকালে তোমাদের তা করতে হবে। ১৪ এছাড়া এর সঙ্গে  
 রোজ সকালে তোমাদের শস্য-নৈবেদ্যের জিনিসও দিতে হবে, এতে  
 থাকবে ঐফার ষষ্ঠাংশ এবং ময়দা ভিজানোর জন্য হিনের তৃতীয়াংশ  
 তেল। সদাপ্রভুর উদ্দেশে এই শস্য-নৈবেদ্যের অনুষ্ঠান একটি স্থায়ী

নির্দেশ। 15 এইভাবে প্রত্যেকদিন সকালে সেই মেষশাবক ও শস্য-নৈবেদ্য এবং তেল নিয়মিত হোমবলি জন্য যোগান দিতে হবে। 16 “সার্বভৌম সদাপ্রভু এই কথা বলেন, যদি শাসনকর্তা তার সম্পত্তি থেকে তার কোনও ছেলেকে কোনও জায়গা দান করে, তবে তা তার বংশধরদেরও অধিকারে থাকবে; তারা সেই সম্পত্তির উত্তরাধিকারী হবে। 17 কিন্তু যদি সে তার সম্পত্তি থেকে তার কোনও দাসকে কোনও জায়গা দান করে, তবে তা মুক্তিবহুর পর্যন্ত তার থাকবে; পরে সেটি আবার শাসনকর্তার দখলে আসবে। শাসনকর্তার সম্পত্তি কেবল তার ছেলেরাই পাবে; সেটি তাদেরই হবে। 18 লোকদের তাড়িয়ে দিয়ে শাসনকর্তা তাদের কোনও সম্পত্তিই দখল করতে পারবে না। সে কেবল তার নিজের সম্পত্তি থেকেই তার ছেলেদের দিতে পারবে, যাতে আমার লোকদের মধ্য থেকে কেউই তার সম্পত্তির মালিকানা না হারায়।” 19 তারপর সেই ব্যক্তি দ্বারের পাশের চুকবার পথ দিয়ে যাজকদের উত্তরমুখী ঘরগুলির সামনে আনলেন, এবং পশ্চিমদিকে পিছনে একটি জায়গা দেখালেন। 20 তিনি আমাকে বললেন, “এটা সেই জায়গা যেখানে যাজকেরা দোষার্থক-নৈবেদ্য ও পাপার্থক বলি রাখা করবে এবং শস্য-নৈবেদ্য সেঁকে নেবে যেন সেই পবিত্র জিনিসগুলি বাইরের উঠানে আনতে না হয় এবং লোকেরা পবিত্র হয়ে যায়।” 21 তারপর তিনি আমাকে বাইরের উঠানে এনে তার চারটি কোনা ঘুরিয়ে নিয়ে আসলেন, আর আমি প্রত্যেকটা কোনায় আরেকটা করে ছোটো উঠান দেখতে পেলাম। 22 উঠানের চার কোনায় চল্লিশ হাত লম্বা ও ত্রিশ হাত চওড়া প্রাচীর দিয়ে যেরা উঠান ছিল আর সেগুলি একই মাপের ছিল। 23 সেই চারটি উঠানের প্রত্যেকটির ভিতরের চারপাশে দেয়ালের সঙ্গে লাগানো পাথরের তাক ছিল, যেখানে তার নিচে চারপাশে উন্নুন ছিল। 24 তখন তিনি আমাকে বললেন, “এগুলি হল রান্নাঘর যেখানে মন্দিরের পরিচারকেরা লোকদের উৎসর্গ করা বলি রাখা করবে।”

**47** তারপর সেই ব্যক্তি আমাকে মন্দিরের চুকবার মুখের কাছে ফিরিয়ে আনলেন, আর আমি দেখলাম মন্দিরের চুকবার মুখের তলা

থেকে জল বের হয়ে পূর্বদিকে বইছে। (কারণ মন্দির পূর্বমুখী ছিল) সেই জল মন্দিরের দক্ষিণ পাশের তলা থেকে বেদির দক্ষিণ পাশ দিয়ে  
বয়ে যাচ্ছিল। 2 পরে তিনি উত্তর দ্বারের মধ্য দিয়ে আমাকে বের করে  
আনলেন এবং বাইরের পথ দিয়ে ঘুরিয়ে পূর্বমুখী বাইরের দ্বারের কাছে  
নিয়ে গেলেন, আর সেই জল-দ্বারের দক্ষিণ পাশ দিয়ে বয়ে যাচ্ছিল। 3  
মাপের দড়ি হাতে নিয়ে তিনি মাপতে মাপতে 1,000 হাত পূর্বদিকে  
গেলেন আর আমাকে গোড়ালি-ডোবা জলের মধ্য দিয়ে নিয়ে গেলেন।  
4 তারপর তিনি আর 1,000 হাত মেপে আমাকে হাঁটু জলের মধ্য  
দিয়ে নিয়ে গেলেন। তারপর তিনি আর 1,000 হাত মেপে কোমর  
পর্যন্ত জলের মধ্য দিয়ে আমাকে নিয়ে গেলেন। 5 তারপর তিনি আর  
1,000 হাত মাপলেন, কিন্তু জল তখন নদী হয়ে যাওয়াতে আমি পার  
হতে পারলাম না, কারণ জল বেড়ে গিয়েছিল এবং সাঁতার দেবার  
মতো গভীর হয়েছিল, এমন নদী হয়েছিল যা কেউ হেঁটে পার হতে  
পারে না। 6 তিনি আমাকে জিজ্ঞাসা করলেন, “হে মানবসন্তান, তুমি  
কি এটি দেখলে?” তারপর তিনি আমাকে আবার নদীর তীরে নিয়ে  
গেলেন। 7 সেখানে পৌঁছে আমি নদীর দুই ধারেই অনেক গাছপালা  
দেখতে পেলাম। 8 তিনি আমাকে বললেন, “এই জল পূর্বদিকে বয়ে  
যাচ্ছে এবং অরাবার মধ্য দিয়ে সমুদ্রে গিয়ে পড়ছে। যখন সোটি গিয়ে  
সমুদ্রে পড়ে তখন সেখানকার নোনতা জল মিষ্টি হয়ে যায়। 9 যেখান  
দিয়ে এই নদীটা বয়ে যাবে সেখানে সব রকমের ঝাঁক বাঁধা জীবন্ত  
প্রাণী ও প্রচুর মাছ বাস করবে, কারণ এই জল যেখান দিয়ে বয়ে  
যাবে সেখানকার জল মিষ্টি করে তুলবে; সেইজন্য যেখান দিয়ে নদীটা  
বয়ে যাবে সেখানকার সবকিছুই বাঁচবে। 10 জেলেরা নদীর তীরে  
দাঁড়াবে; এন-গদী থেকে এন-ইগ্নিম পর্যন্ত জাল মেলে দেবার জায়গা  
হবে। ভূমধ্যসাগরের মাছের মতো সেখানেও বিভিন্ন রকমের অনেক  
মাছ পাওয়া যাবে। 11 কিন্তু জলা জায়গা ও বিলের জল মিষ্টি হবে  
না; সেগুলি নুনের জন্য থাকবে। 12 নদীর দুই ধারেই সব রকমের  
ফলের গাছ জন্মাবে। সেগুলির পাতা শুকিয়ে যাবে না, ফলও শেষ  
হবে না। প্রতি মাসেই তাতে ফল ধরবে, কারণ উপাসনার স্থান থেকে

জল তার মধ্যে বয়ে আসছে। সেগুলির ফল খাবার জন্য আর পাতা  
সুস্থ হবার জন্য ব্যবহার করা হবে।” 13 সার্বভৌম সদাপ্রভু এই কথা  
বলেন, “তোমরা ইস্রায়েলের বারো গোষ্ঠীর মধ্যে যে দেশটি ভাগ  
করে দেবে, তার সীমা এইরকম, যোষেফের দুই অংশ হবে। 14  
তোমরা তা সমান ভাগে ভাগ করে নেবে। কারণ এই দেশটি আমি  
তোমাদের পূর্বপুরুষদের দেব বলে হাত তুলে শপথ করেছিলাম; এই  
দেশটি তোমাদেরই সম্পত্তি হবে। 15 “দেশের সীমানা হবে এই:  
“উত্তর দিকের সীমানা হবে ভূমধ্যসাগর থেকে লেবোহমাং ছাড়িয়ে  
হিংলোনের রাস্তা বরাবর সদাদ পর্যন্ত, 16 বরোথা এবং সিরায়িম (যা  
দামাক্ষাসের ও হ্মাতের সীমানার মধ্যে) হৌরণের সীমানার কাছে  
হৎসর-হন্তীকোন পর্যন্ত। 17 এই সীমানা চলে যাবে ভূমধ্যসাগর থেকে  
দামাক্ষাসের উত্তর সীমার পাশে হৎসর-এনন পর্যন্ত, অর্থাৎ উত্তর  
দিকের হ্মাতের সীমানা পর্যন্ত। এটাই হবে উত্তর দিকের সীমানা।  
18 পূর্বদিকের সীমানা, হৌরণ ও দামাক্ষাসের মধ্য দিয়ে গিলিয়দ  
ও ইস্রায়েল দেশের মধ্যেকার জর্ডন নদী বরাবর গিয়ে মরসাগরের  
তামার পর্যন্ত। এটাই হবে পূর্বদিকের সীমানা। 19 দক্ষিণ দিকের  
সীমানা মরসাগরের তামর থেকে কাদেশের মরীবার জল পর্যন্ত গিয়ে  
মিশ্রের মরা নদী বরাবর ভূমধ্যসাগর পর্যন্ত চলে যাবে। এটিই  
হবে দক্ষিণের সীমানা। 20 পশ্চিমদিকের সীমানা হবে ভূমধ্যসাগর  
বরাবর লেবো হ্মাতের উল্লে দিক পর্যন্ত। এটিই হবে পশ্চিমদিকের  
সীমানা। 21 “ইস্রায়েলের গোষ্ঠীগুলি অনুসারে তোমরা নিজেদের  
মধ্যে দেশটা ভাগ করে নেবে। 22 তোমাদের মধ্যে যেসব বিদেশি  
তাদের ছেলেমেয়েদের নিয়ে স্থায়ীভাবে বসবাস করছে তাদের জন্য ও  
তোমাদের জন্য দেশটি সম্পত্তি হিসেবে ভাগ করে দেবে। তাদের  
তোমরা দেশে জন্মানো ইস্রায়েলী হিসেবে ধরবে; তোমাদের সঙ্গে  
তারা ও ইস্রায়েলের গোষ্ঠীগুলির মধ্যে জমির ভাগ পাবে। 23 যে গোষ্ঠীর  
মধ্যে সেই বিদেশি বসবাস করবে সেখানেই তোমরা তাকে জমির  
অধিকার দেবে,” সার্বভৌম সদাপ্রভু এই কথা বলেন।

**48** “এসব গোষ্ঠী, নাম অনুসারে তালিকা দেশের উত্তর সীমায় দান একটি অংশ পাবে; “সেটি ভূমধ্যসাগর থেকে হিংলোনের রাস্তা বরাবর লেবো-হুম্ব পর্যন্ত যাবে; হৎসর-ঝিন পর্যন্ত দামাক্ষাসের সীমাতে, উত্তর দিকে হমাতের পাশে পূর্বপ্রান্ত থেকে পশ্চিমপ্রান্ত পর্যন্ত। 2 আশের একটি অংশ পাবে; সেটি দানের সীমার কাছে পূর্বপ্রান্ত থেকে পশ্চিমপ্রান্ত পর্যন্ত। 3 নগালি একটি অংশ পাবে; সেটি আশেরের সীমার কাছে পূর্বপ্রান্ত থেকে পশ্চিমপ্রান্ত পর্যন্ত। 4 মনঃশি একটি অংশ পাবে; সেটি নগালির সীমার কাছে পূর্বপ্রান্ত থেকে পশ্চিমপ্রান্ত পর্যন্ত। 5 ইফ্রয়িম একটি অংশ পাবে; সেটি মনঃশির সীমার কাছে পূর্বপ্রান্ত থেকে পশ্চিমপ্রান্ত পর্যন্ত। 6 রুবেণ একটি অংশ পাবে; সেটি ইফ্রয়িমের সীমার কাছে পূর্বপ্রান্ত থেকে পশ্চিমপ্রান্ত পর্যন্ত। 7 যিহুদা একটি অংশ পাবে; সেটি রুবেণের সীমার কাছে পূর্বপ্রান্ত থেকে পশ্চিমপ্রান্ত পর্যন্ত। 8 “যিহুদার সীমার কাছে পূর্বপ্রান্ত থেকে পশ্চিমপ্রান্ত পর্যন্ত থাকবে সেই জায়গাটা যা তোমরা বিশেষ এক উপহার রূপে আলাদা করে রাখবে। সেটি চওড়ায় হবে 25,000 হাত এবং লম্বায় হবে অন্যান্য গোষ্ঠীর অংশের মতো দেশের পূর্বপ্রান্ত থেকে পশ্চিমপ্রান্ত পর্যন্ত; সেই জায়গার মাঝখানে থাকবে উপাসনার স্থান। 9 “সেই আলাদা করা জায়গা থেকে তোমরা একটি অংশ সদাপ্রভুকে উপহার দেবে যেটা লম্বায় হবে 25,000 হাত এবং চওড়ায় 10,000 হাত। 10 এটি হবে যাজকদের জন্য পবিত্র অংশ। এটি উত্তর দিকে 25,000 মাপকাঠি, পশ্চিমদিকে 10,000 হাত, পূর্বদিকে 10,000 হাত এবং দক্ষিণ দিকে 25,000 হাত। তার মাঝখানে থাকবে সদাপ্রভুর উপাসনার স্থান। 11 এই অংশটি সাদোক-সন্তানদের মধ্যে পবিত্রকৃত যাজকদের জন্য হবে, তারা আমার সেবায় বিশ্বস্ত ছিল এবং ইস্রায়েলীদের সঙ্গে বিপথে যাওয়া লেবীয়দের মতো তারা বিপথে যায়নি। 12 দেশের পবিত্র অংশ থেকে এটি হবে তাদের জন্য এক বিশেষ উপহার, এক মহাপবিত্র অংশ, যা লেবীয়দের সীমানার পাশে, লেবীয়েরা 25,000 হাত লম্বা ও 10,000 হাত চওড়া একটি জায়গা পাবে। সম্পূর্ণ অংশ লম্বায় 25,000 হাত ও চওড়ায় 10,000 হাত।

14 তারা তার কিছু যেন বিক্রি অথবা বদল না করে। সেটি সবচেয়ে  
ভালো জমি এবং তা অন্যদের হাতে দিয়ে দেওয়া চলবে না, কারণ  
সেটি সদাপ্রভুর উদ্দেশে পবিত্র। 15 “বাকি অংশ, 5,000 হাত চওড়া  
ও 25,000 হাত লম্বা, নগরের সাধারণ কাজের জন্য ব্যবহার করা  
হবে, বাসস্থান ও পশু চরানোর জন্য। নগরটি তার মাঝখানে থাকবে  
16 আর তার মাপ এই হবে উত্তর দিকে 4,500 হাত, দক্ষিণ দিকে  
4,500 হাত, পূর্বদিকে 4,500 হাত এবং পশ্চিমদিকে 4,500 হাত।  
17 নগরে পশু চরাবার জায়গা থাকবে যা হবে উত্তর দিকে 250 হাত,  
দক্ষিণ দিকে 250 হাত, পূর্বদিকে 250 হাত এবং পশ্চিমদিকে 250  
হাত। 18 আর পবিত্র অংশের সামনে অবশিষ্ট জায়গা লম্বায় পূর্বদিকে  
10,000 হাত এবং পশ্চিমদিকে 10,000 হাত। সেই জায়গায় যে  
ফসল ফলবে তা নগরের কর্মচারীদের জন্য হবে। 19 ইস্রায়েলের সমস্ত  
গোষ্ঠী থেকে যারা এই নগরে কাজ করবে তারা এই জমি চাষ করবে।  
20 সেই পুরো জায়গাটা হবে 25,000 হাত করে একটি চৌকো  
জায়গা। পবিত্র উপহার রূপে তোমরা নগরের সম্পত্তির সঙ্গে পবিত্র  
অংশ আলাদা করবে। 21 “নগরের সম্পত্তির এবং পবিত্র অংশের দুই  
পাশের যে বাকি অংশ থাকবে তা শাসনকর্তার জন্য। সেটি পূর্বদিকের  
পবিত্র অংশ থেকে 25,000 হাত পূর্বপ্রান্ত পর্যন্ত, এবং পশ্চিমদিক  
থেকে 25,000 হাত পশ্চিমপ্রান্ত পর্যন্ত। অন্য সকলের অংশের সামনে  
শাসনকর্তার অংশ হবে, এবং পবিত্র অংশ ও মন্দিরের উপাসনার স্থান  
তার মাঝখানে হবে। 22 এইভাবে শাসনকর্তার জায়গার মাঝখানে  
থাকবে লেবীয়দের জায়গা এবং নগরের জায়গা। শাসনকর্তার এই  
জায়গাটা যিহুদার সীমানা এবং বিন্যামীনের সীমানার মধ্যে থাকবে।  
23 “বাকি গোষ্ঠীগুলির এসব অংশ হবে বিন্যামীন একটি অংশ পাবে;  
“সেটি পূর্বপ্রান্ত থেকে পশ্চিমপ্রান্ত পর্যন্ত। 24 শিমিয়োন একটি অংশ  
পাবে; সেটি বিন্যামীনের সীমার কাছে পূর্বপ্রান্ত থেকে পশ্চিমপ্রান্ত  
পর্যন্ত। 25 ইয়াখর একটি অংশ পাবে; সেটি শিমিয়োনের সীমার  
কাছে পূর্বপ্রান্ত থেকে পশ্চিমপ্রান্ত পর্যন্ত। 26 সবূলন একটি অংশ  
পাবে; সেটি ইয়াখরের সীমার কাছে পূর্বপ্রান্ত থেকে পশ্চিমপ্রান্ত পর্যন্ত।

27 গাদ একটি অংশ পাবে; সেটি সবুলনের সীমার কাছে পূর্বপ্রান্ত  
থেকে পশ্চিমপ্রান্ত পর্যন্ত। 28 গাদের অংশের দক্ষিণের সীমানার কাছে  
দক্ষিণপ্রান্তের দিকে তামর থেকে কাদেশের মরীচার জল পর্যন্ত গিয়ে  
মিশরের মরা নদী বরাবর ভূমধ্যসাগর পর্যন্ত চলে যাবে। 29 “এই দেশ  
ইস্রায়েলের গোষ্ঠীগুলিকে সম্পত্তি হিসেবে তোমরা ভাগ করে দেবে,  
আর এগুলি হবে তাদের অংশ,” সার্বভৌম সদাপ্রভু এই কথা বলেন।  
30 “এইগুলি হবে নগর থেকে বাইরে যাবার দ্বার উত্তর দিক থেকে শুরু,  
“যেটা 4,500 হাত লম্বা, 31 ইস্রায়েলের গোষ্ঠীগুলির নাম অনুসারে  
নগরের দ্বারগুলির নামকরণ হবে। উত্তর দিকের তিনটি দ্বারের নাম  
হবে রূবেগের দ্বার, যিহুদার দ্বার ও লেবির দ্বার। 32 পূর্বদিকে, মাপ  
হবে 4,500 হাত, তিনটি দ্বার থাকবে যোষেফের দ্বার, বিন্যামীনের  
দ্বার ও দানের দ্বার। 33 দক্ষিণ দিকে, মাপ হবে 4,500 হাত, তিনটি  
দ্বার থাকবে শিমিয়োনের দ্বার, ইষাখরের দ্বার ও সবুলনের দ্বার। 34  
পশ্চিমদিকে, মাপ হবে 4,500 হাত, তিনটি দ্বার থাকবে গাদের দ্বার,  
আশেরের দ্বার ও নঙ্গালির দ্বার। 35 “পরিধি হবে 18,000 হাত। “সেই  
সময় থেকে নগরের নাম হবে: সদাপ্রভু সেখানে আছেন।”

## দানিয়েল

১ যিহুদার রাজা যিহোয়াকীমের রাজত্বের তৃতীয় বছরে ব্যাবিলনের রাজা নেবুখাদনেজার জেরশালেমে এসে নগর অবরোধ করলেন।  
২ আর প্রভু, যিহুদার রাজা যিহোয়াকীম এবং ঈশ্বরের মন্দিরের কিছু মূল্যবান পাত্র রাজা নেবুখাদনেজারের হাতে সঁপে দিলেন।  
এবং নেবুখাদনেজার সেই মূল্যবান পাত্রগুলি নিয়ে ব্যাবিলনে তার দেবতার মন্দিরে গেলেন ও দেবতার ভাণ্ডার ঘরে রাখলেন। ৩ তারপর রাজা তার কর্মচারীদের প্রধান অস্পনসকে ইস্রায়েলী বন্দিদের মধ্যে থেকে রাজবংশ ও উচ্চবংশের এমন কয়েকজন যুবককে বাছাই করতে বললেন, ৪ যাদের কোনো শারীরিক খুঁত থাকবে না, তারা সুদর্শন, সমস্ত বিষয় শিখতে আগ্রহী, বিচক্ষণ, জ্ঞানে নিপুণ এবং রাজপ্রাসাদে থাকবার যোগ্য হবে; আর তিনি তাদের ব্যাবিলনীয়দের ভাষা ও সাহিত্য শিক্ষা দেবেন। ৫ রাজা নিজের আহারের খাদ্য ও পানীয় দ্রাক্ষারস থেকে তাদের জন্য প্রতিদিনের অংশ দিতে আদেশ দিলেন। এইভাবে তাদের তিনি বছর প্রশিক্ষণ দেওয়া হবে এবং সেই সময়ের শেষে তারা রাজকাজে নিযুক্ত হবে। ৬ বাছাই করা এই যুবকদের মধ্যে যিহুদা বংশের দানিয়েল, হনানিয়, মীশায়েল ও অসরিয় ছিলেন। ৭ কর্মচারীদের প্রধান তাদের নতুন নাম দিলেন; দানিয়েলকে বেল্টশৎসর, হনানিয়কে শদ্রুক, মীশায়েলকে মৈশক এবং অসরিয়কে অবেদনগো। ৮ কিন্তু দানিয়েল স্থির করলেন রাজার দেওয়া খাদ্য ও পানীয় দ্রাক্ষারস গ্রহণ করে তিনি নিজেকে অঙ্গটি করবেন না এবং তিনি এইভাবে নিজেকে অঙ্গটি না করার বিষয়ে কর্মচারীদের প্রধানের অনুমতি চাইলেন। ৯ ঈশ্বর সেই প্রধান কর্মচারীর কাছে দানিয়েলকে দয়া ও করুণার পাত্র করলেন। ১০ কিন্তু সেই প্রধান কর্মচারী দানিয়েলকে বললেন, “আমি আমার প্রভু মহারাজকে ডয় করি, তিনিই তোমাদের খাদ্য ও পানীয় নিরূপণ করেছেন। অন্য সমবয়স্ক যুবকদের থেকে কেন তিনি তোমাদের রূপ দেখবেন? তখন তোমাদের জন্য রাজা আমার গলা কেটে নেবেন।” ১১ সেই সময় দানিয়েল, হনানিয়, মীশায়েল ও অসরিয়কে দেখাশোনার দায়িত্ব কর্মচারীদের

প্রধান যে প্রহরীকে দিয়েছিলেন, দানিয়েল তাকে বললেন, 12 “আপনি অনুগ্রহ করে দশদিন আপনার দাসদের পরীক্ষা করুন এবং আমাদের শুধুমাত্র সবজি ও জল খেতে দিন। 13 তারপর রাজপ্রাসাদের অন্য যুবকেরা, যারা রাজকীয় খাদ্য ও পানীয় গ্রহণ করবে, তাদের চেহারার সঙ্গে আমাদের মিলিয়ে দেখুন এবং সেই অনুসারে আপনার দাসদের প্রতি যথাযথ ব্যবস্থা নিন।” 14 একথায় সেই প্রহরী রাজি হলেন ও তাদের দশদিন পরীক্ষা করলেন। 15 দশদিন পরে যারা রাজকীয় খাদ্য ও পানীয় গ্রহণ করেছিল তাদের থেকে এই চারজনকে বেশি স্বাস্থ্যবান ও হষ্টপুষ্ট দেখা গোল। 16 তাই সেই প্রহরী রাজকীয় খাদ্য ও পানীয় দ্রাক্ষারসের পরিবর্তে তাদের শুধু সবজি খেতে দিলেন। 17 ঈশ্বর এই চারজন যুবককে সমস্ত গ্রন্থে ও বিদ্যায়, জ্ঞান ও পারদর্শিতা দিলেন। আর দানিয়েল সমস্ত দর্শন ও স্বপ্ন বুঝে ব্যাখ্যা করতে পারতেন। 18 রাজার নির্ধারিত সময়ের শেষে কর্মচারীদের প্রধান এই যুবকদের নেবুখাদনেজারের কাছে উপস্থিত করলেন। 19 রাজা তাদের সঙ্গে কথা বললেন এবং দানিয়েল, হনানিয়, মীশায়েল ও অসরিয়দের সমতুল্য কাউকে পেলেন না; তাই তারা রাজার সেবা করতে শুরু করলেন। 20 সমস্ত রকম জ্ঞান ও বিচারবুদ্ধির বিষয়ে রাজা দেখলেন যে রাজ্যের সমস্ত মন্ত্রবেত্তা ও মায়াবীদের চেয়ে তারা দশগুণ বেশি বিচক্ষণ ও দূরদৃষ্টি সম্পন্ন ছিলেন। 21 এবং দানিয়েল রাজা কোরসের রাজত্বের প্রথম বছর পর্যন্ত রাজসভায় ছিলেন।

**২** নেবুখাদনেজারের রাজত্বের দ্বিতীয় বছরে, তিনি স্বপ্ন দেখলেন; তার মন অস্ত্রি হয়ে উঠল এবং তিনি ঘুমাতে পারলেন না। 2 তিনি রাজ্যের সমস্ত মন্ত্রবেত্তা, মায়াবী, জাদুকর ও জ্যোতিষীদের ডেকে পাঠালেন এবং তাদের কাছে জানতে চাইলেন যে তিনি কী স্বপ্ন দেখেছেন। যখন তারা এলেন ও রাজার সামনে দাঁড়ালেন, 3 তিনি তাদের বললেন, “আমি একটি স্বপ্ন দেখেছি যা আমাকে দুশ্চিন্তায় ফেলেছে এবং আমি এর মানে জানতে চাই।” 4 জ্যোতিষীগণ রাজাকে অরামীয় ভাষায় উত্তর দিলেন, “মহারাজ দীর্ঘজীবী হোন। আপনার দাসদের বলুন আপনি কী স্বপ্ন দেখেছেন, আমরা তার মানে ব্যাখ্যা

করব।” ৫ কিন্তু রাজা জ্যোতিষীদের বললেন, “আমি দৃঢ়ভাবে স্থির  
করেছি যে, যদি তোমরা আমার স্বপ্ন ও তার মানে বলতে না পারো  
তবে তোমাদের কেটে টুকরো টুকরো করে ফেলা হবে এবং তোমাদের  
ঘরবাড়ি ধ্বংসস্তূপে পরিণত করা হবে। ৬ কিন্তু যদি তোমরা আমার  
স্বপ্ন ও তার মানে বলতে পারো, তবে তোমরা অনেক উপহার, পুরস্কার  
ও মহা সম্মান পাবে। তাই তোমরা আমার স্বপ্নটি ও তার মানে বলো।”  
৭ তারা আবার বললেন, “মহারাজ, আপনি শুধু স্বপ্নটি বলুন, আমরা  
তার মানে বলে দেব।” ৮ তখন রাজা উত্তর দিলেন, “আমি নিশ্চিত যে  
তোমরা বেশি সময় নেবার চেষ্টা করছ, কারণ তোমরা বুঝেছ যে আমি  
এটি দৃঢ়ভাবে স্থির করেছি: ৯ যদি তোমরা আমার স্বপ্নটি বলতে না  
পারো, তাহলে তোমাদের জন্য একটিই শাস্তি হবে। তোমরা আমার  
বিরুদ্ধে মিথ্যা কথা ও বৰ্ধনাবাক্য বলার মন্ত্রণা করেছ, এই ভেবে যে  
পরিস্থিতির পরিবর্তন হবে। অতএব তোমরা আমার স্বপ্নটি বলো, তাতে  
আমি বুঝব যে তার মানেও তোমরা বলতে পারবে।” ১০ জ্যোতিষীরা  
রাজাকে উত্তর দিলেন, “মহারাজ, আপনি যা জানতে চাইছেন তা  
বলবার মতো লোক সারা পৃথিবীতে পাওয়া যাবে না! আজ পর্যন্ত  
কোনো রাজা, যত মহান ও ক্ষমতাশালী হোন না কেন, এরকম কথা  
মন্তব্বেন্তা, মায়াবী বা জ্যোতিষীদের কাছে জানতে চাননি। ১১ মহারাজ,  
যে কথা আপনি জানতে চাইছেন তা খুব কঠিন। দেবতারা ব্যতিরেকে  
আর কেউ রাজার কাছে এই কথা প্রকাশ করতে পারবেন না এবং  
দেবতারা মানুষের মধ্যে বাস করে না।” ১২ এটি শুনে রাজা এতটাই  
ক্রুদ্ধ ও ক্ষিপ্ত হয়ে উঠলেন যে তিনি ব্যাবিলনের সব জ্ঞানীদের হত্যা  
করার আদেশ দিলেন। ১৩ তাই আদেশ দেওয়া হল যেসব জ্ঞানীদের  
হত্যা করা হবে এবং রাজা লোকদের পাঠালেন যেন তারা দানিয়েল  
ও তার বন্ধুদের খুঁজে তাদের হত্যা করতে পারে। ১৪ রাজার প্রহরীদের  
সেনাপতি অরিয়োক, যখন ব্যাবিলনের জ্ঞানীদের হত্যা করতে গেল,  
দানিয়েল তার সঙ্গে জ্ঞান ও কৌশলের সাথে কথা বললেন। ১৫  
তিনি রাজার কর্মচারীকে জিজ্ঞাসা করলেন, “কেন রাজা এমন কঠোর  
আদেশ দিয়েছেন?” অরিয়োক তখন দানিয়েলকে সমস্ত বিষয় ব্যাখ্যা

করলেন। 16 এতে দানিয়েল রাজার কাছে গেলেন এবং সময় চেয়ে  
নিলেন যাতে তিনি রাজার স্বপ্নের মানে ব্যাখ্যা করতে পারেন। 17  
দানিয়েল তখন বাড়ি ফিরে এলেন ও তার বন্ধু হনানিয়, মীশায়েল ও  
অসরিয়কে সব কথা ব্যাখ্যা করলেন। 18 দানিয়েল তাদের স্বর্গের  
ঈশ্বরের কাছে এই স্বপ্নের রহস্য জানার জন্য করণা ভিক্ষা করতে  
বললেন, যেন সে ও তার বন্ধুরা ব্যাবিলনের অন্য জ্ঞানীদের সঙ্গে  
বিনষ্ট না হয়। 19 সেরাতেই স্বপ্নের রহস্য দানিয়েলের কাছে এক  
দর্শনের মাধ্যমে প্রকাশ পেল। তখন দানিয়েল স্বর্গের ঈশ্বরের প্রশংসা  
করলেন। 20 তিনি বললেন: “ঈশ্বরের নামের চিরকাল প্রশংসা হোক;  
কারণ জ্ঞান ও শক্তি তাঁরই। 21 তিনি সময় ও ঝাতু পরিবর্তন করেন;  
তিনি রাজাদের অপসারণ করেন ও অন্য রাজাদের উত্থাপন করেন।  
তিনি জ্ঞানীকে জ্ঞান দেন, আর বিচক্ষণকে বুদ্ধি দেন। 22 তিনি গভীর  
ও লুকানো বিষয় ব্যক্ত করেন; তিনি জানেন অন্ধকারে কী লুকিয়ে  
আছে, আর আলো ঈশ্বরেই বাস করে। 23 হে আমার পূর্বপুরুষের  
ঈশ্বর, আমি তোমার ধন্যবাদ ও প্রশংসা করি; তুমি আমায় জ্ঞান  
ও শক্তি দিয়েছ, আমরা তোমার কাছে যা জানতে চেয়েছিলাম তা  
তুমি আমার কাছে প্রকাশ করেছ, তুমি আমাদের কাছে রাজার সেই  
স্বপ্নের রহস্য প্রকাশ করেছ।” 24 তখন দানিয়েল অরিয়োকের কাছে  
গেলেন, যাকে রাজা ব্যাবিলনের সব জ্ঞানীদের হত্যা করার জন্য নিযুক্ত  
করেছিলেন। দানিয়েল তাকে বললেন, “ব্যাবিলনের সব জ্ঞানীদের  
হত্যা করবেন না। আমাকে মহারাজের কাছে নিয়ে চলুন, আমি তার  
স্বপ্নের মানে ব্যাখ্যা করব।” 25 অরিয়োক তখনই দানিয়েলকে রাজার  
কাছে নিয়ে গেলেন এবং বললেন, ‘মহারাজ, যিহুদার বন্দিদের মধ্যে  
এমন একজনকে খুঁজে পেয়েছি যে আপনার স্বপ্নের মানে বলে দিতে  
পারবে।’ 26 রাজা দানিয়েলকে, যাকে বেল্টশৎসর নামেও ডাকা হত,  
জিঙ্গাসা করলেন, “আমি স্বপ্নে কী দেখেছি তা কি বলতে ও মানে  
ব্যাখ্যা করতে পারবে?” 27 দানিয়েল উত্তরে বললেন, “কোনো জ্ঞানী,  
মায়াবী, মন্ত্রবেত্তা বা গনকের পক্ষে আপনার স্বপ্নের রহস্য ব্যাখ্যা করা  
সম্ভব নয়। 28 কিন্তু স্বর্গে এক ঈশ্বর আছেন যিনি রহস্য প্রকাশ করেন।

তিনি ভবিষ্যতে যা ঘটবে তা রাজা নেবুখাদনেজারকে দেখিয়েছেন।  
আপনি যখন বিছানায় শুয়েছিলেন তখন যে স্বপ্ন ও দর্শন দেখেছেন তা  
এই: 29 “হে মহারাজ, যখন আপনি শুয়েছিলেন, আপনি স্বপ্নে আগত  
ঘটনাসকল দেখলেন। ঈশ্বর যিনি রহস্য প্রকাশ করেন, ভবিষ্যতে কী  
ঘটতে চলেছে তা আপনাকে দেখিয়েছেন। 30 অন্য কোনো জীবিত  
মানুষের থেকে আমার বেশি জ্ঞান আছে বলে যে আপনার স্বপ্নের রহস্য  
আমার কাছে প্রকাশিত হয়েছে এমন নয়; কিন্তু উদ্দেশ্য এই, যেন  
আপনি মহারাজ এর মানে বুঝতে পারেন এবং আপনার মনের মধ্যে  
কী হয়েছিল তা বুঝতে পারেন। 31 “মহারাজ, আপনি দেখলেন যে  
আপনার সামনে একটি প্রকাণ্ড মৃত্তি: বৃহৎ, অতিশয় তেজোবিশিষ্ট  
ও দেখতে ভয়ংকর। 32 মৃত্তিটির মাথা ছিল বিশুদ্ধ সোনার, বুক ও  
বাহু রংপোর, পেট ও উরু পিতলের, 33 পা-দুটি লোহার, আর পায়ের  
পাতা লোহা ও মাটি দিয়ে তৈরি ছিল। 34 আপনি যখন মৃত্তিটির  
দিকে তাকিয়েছিলেন, তখন একটি বিরাট পাথরখণ্ড কাটা হল কিন্তু  
মানুষের হাত দিয়ে নয়; যা মৃত্তিটির লোহা ও মাটি দিয়ে গঠিত পায়ের  
পাতায় আঘাত করে চূর্ণ করল। 35 এরপরে লোহা, মাটি, পিতল,  
রংপো ও সোনা সবকিছুই চূর্ণবিচূর্ণ হল ও গ্রীষ্মকালে খামারের তুষ্ণের  
মতো গুঁড়ো হল। বাতাস সেগুলি সব উড়িয়ে নিয়ে গেল, কিছুই পড়ে  
রইল না। কিন্তু ওই পাথরখণ্ডটি, যেটি মৃত্তিটিকে আঘাত করেছিল,  
ক্রমে এক বিশাল পাহাড়ে পরিণত হয়ে সারা পৃথিবী পূর্ণ করল। 36  
“এটিই ছিল সেই স্বপ্ন এবং এখন আমরা এর মানে রাজাকে ব্যাখ্যা  
করব। 37 মহারাজ, আপনি রাজাদের রাজা। স্বর্গের ঈশ্বর আপনাকে  
আধিপত্য, শক্তি, প্রতাপ ও মহিমা দিয়েছেন; 38 এমনকি তিনি সমস্ত  
মানবজাতি, মাঠের পশ্চ ও আকাশের পাথি আপনার অধীন করেছেন।  
তাদের সকলের উপরে আপনাকে কর্তৃত দিয়েছেন। সেই সোনার  
মাথা হলেন আপনিই। 39 “আপনার পর আরেকটি রাজ্য আসবে,  
তবে তা আপনার থেকে নিক্ষেপ হবে। তারপর, তৃতীয় এক রাজ্য,  
পিতলের তৈরি, জগতে আধিপত্য করবে। 40 অবশ্যে, চতুর্থ এক  
রাজ্য আসবে তা হবে লোহার মতো কঠিন। লোহা যেমন সমস্ত কিছু

চূর্ণ করে ও পিষে ফেলে তেমনই এই রাজ্যও আগের সব রাজ্যগুলিকে চূর্ণ করবে ও পিষে ফেলবে। 41 আপনি যেমন দেখেছেন, মূর্তিটির পায়ের পাতা ও আঙুলগুলি লোহা ও মাটি মিশিয়ে তৈরি সেইরূপ এটি একটি বিভক্ত রাজ্য হবে; অথচ লোহার মতো কিছুটা শক্ত হবে, কেননা আপনি দেখেছিলেন লোহার সঙ্গে মাটি মিশানো ছিল। 42 পায়ের আঙুলগুলি যেমন লোহা ও মাটি মিশিয়ে তৈরি করা ছিল, তাই এই রাজ্য লোহার মতো শক্ত হবে আর মাটির মতো দুর্বল হবে। 43 এবং আপনি যেমন দেখেছেন লোহার সঙ্গে মাটি মিশানো ছিল, সেইরূপ এই রাজ্যের সকলে মিশ্রিত হবে এবং একত্রে থাকবে না; লোহা যেমন মাটির সঙ্গে কখনোই মিশে যায় না, তেমনই তারাও এক হতে পারবে না। 44 “এসব রাজাদের শাসনকালে স্বর্গের ঈশ্বর এমন একটি রাজ্যের প্রতিষ্ঠা করবেন, যা কেউ ধ্বংস করতে পারবে না বা কেউ অধিকার করতে পারবে না। কিন্তু এই রাজ্য অন্য সব রাজ্যের অবসান ঘটিয়ে চিরস্থায়ী হবে। 45 মানুষের সাহায্য ছাড়াই যেভাবে পাহাড় থেকে একটি পাথর কেটে লোহা, পিতল, মাটি, রংপো ও সোনা ধ্বংস করা হল, আপনার সেই দর্শনের অর্থ এই। “এ সবকিছুর মাধ্যমে মহান ঈশ্বর ভবিষ্যতে কী ঘটবে তা আপনাকে দেখিয়েছেন। মহারাজ, আপনার স্বপ্ন সত্য ও তার ব্যাখ্যা নিশ্চিত।” 46 তারপর রাজা নেবুখাদনেজার উপুড় হয়ে দানিয়েলকে প্রণাম ও আরাধনা করলেন এবং তার উদ্দেশ্যে নৈবেদ্য ও সুগন্ধিদ্রব্য উৎসর্গ করতে আদেশ দিলেন। 47 রাজা দানিয়েলকে বললেন, “তোমার ঈশ্বর সব দেবতাগনের উর্ধ্বে শ্রেষ্ঠ ঈশ্বর ও রাজাদের উর্ধ্বে প্রভু এবং রহস্য প্রকাশকারী, কারণ তুমি এই রহস্য প্রকাশ করতে সক্ষম হয়েছ।” 48 তখন রাজা দানিয়েলকে উচ্চপদে প্রতিষ্ঠিত করলেন এবং অনেক মূল্যবান উপহার দিলেন। রাজা তাকে ব্যাবিলন প্রদেশের শাসক করলেন এবং সব জ্ঞানী লোকেদের প্রধান হিসেবে নিযুক্ত করলেন। 49 এছাড়াও, দানিয়েলের অনুরোধে রাজা শদ্রক, মেশক ও অবেদনগোকে ব্যাবিলনের বিভিন্ন প্রদেশের প্রশাসক নিযুক্ত করলেন, যদিও দানিয়েল রাজসভাতেই রইলেন।

**৩** রাজা নেবুখাদনেজার 27 মিটার উঁচু এবং 2.7 মিটার চওড়া  
একটি সোনার মূর্তি তৈরি করলেন এবং ব্যাবিলন প্রদেশের দূরা  
সমভূমিতে স্থাপন করলেন। 2 তারপর রাজা দেশের সমস্ত রাজ্যপাল,  
উপরাজ্যপাল, প্রদেশপাল, উপদেষ্টা, কোষাধ্যক্ষ, বিচারক, উপবিচারক  
এবং প্রদেশসমূহের সমস্ত শাসনকর্তাদের এই মূর্তি প্রতিষ্ঠা উপলক্ষে  
সমবেত হতে আদেশ জারি করলেন। 3 তখন রাজ্যপাল, উপরাজ্যপাল,  
প্রদেশপাল, উপদেষ্টা, কোষাধ্যক্ষ, বিচারক, উপবিচারক এবং  
প্রদেশসমূহের সমস্ত শাসনকর্তাগণ রাজা নেবুখাদনেজারের স্থাপিত  
সেই মূর্তি প্রতিষ্ঠা উৎসবে একত্র হলেন এবং মূর্তির সামনে দাঁড়ালেন।  
4 তখন রাজঘোষক উচ্চস্বরে ঘোষণা করলেন, “প্রত্যেক বংশ, জাতি  
ও ভাষার মানুষগণ, আপনাদের প্রতি এই আদেশ দেওয়া হয়েছে:  
5 যখনই আপনারা শিঙ্গা, বাঁশি, সেতার, সুরবাহার, বীণা, সানাই  
ও সর্বপ্রকার যন্ত্রের বাজনা শুনবেন আপনারা উপুড় হয়ে রাজা  
নেবুখাদনেজারের স্থাপিত সোনার মূর্তিকে আরাধনা করবেন। 6  
কেউ যদি উপুড় হয়ে আরাধনা না করে, তাকে তৎক্ষণাত জ্বলন্ত  
অগ্নিকুণ্ডে ফেলে দেওয়া হবে।” 7 অতএব প্রত্যেক বংশ, জাতি  
ও ভাষার মানুষগণ যখন শিঙ্গা, বাঁশি, সেতার, সুরবাহার, বীণা  
ও সর্বপ্রকার যন্ত্রের বাজনা শুনলেন, তারা উপুড় হলেন ও রাজা  
নেবুখাদনেজারের প্রতিষ্ঠিত সোনার মূর্তিকে আরাধনা করল। 8 এসময়  
কিছু জ্যোতিষীগণ সামনে এগিয়ে এসে ইহুদিদের দোষারোপ করল।  
9 তারা রাজা নেবুখাদনেজারকে বলল, “মহারাজ, চিরজীবী হোন!  
10 মহারাজ, আপনি আদেশ জারি করেছেন, যে কেউ শিঙ্গা, বাঁশি,  
সেতার, সুরবাহার, বীণা, সানাই ও সর্বপ্রকার যন্ত্রের বাজনা শুনবে সে  
এই সোনার মূর্তিকে উপুড় হয়ে আরাধনা করবে, 11 আর কেউ যদি  
উপুড় হয়ে আরাধনা না করে তাকে জ্বলন্ত অগ্নিকুণ্ডে ফেলে দেওয়া  
হবে। 12 কিন্তু মহারাজ, আপনি কয়েকজন ইহুদিকে ব্যাবিলনের  
রাজকাজে নিযুক্ত করেছেন যাদের নাম শদ্রক, মৈশক ও অবেদনগো,  
যারা আপনাকে গ্রাহ্য করে না। তারা আপনার দেবতাদের সেবা করে  
না, এমনকি আপনার স্থাপিত সোনার মূর্তিরও আরাধনা করে না।”

13 রাগে ক্ষিপ্ত হয়ে, নেবুখাদনেজার আদেশ দিলেন শদ্রক, মৈশক  
ও অবেদনগোকে তার সামনে আনতে, তাই তাদের রাজার সামনে  
হাজির করা হল। 14 নেবুখাদনেজার তাদের জিঞ্চা করলেন, “শদ্রক,  
মৈশক ও অবেদনগো, একথা কি সত্য যে তোমরা আমার দেবতাদের  
ও আমার স্থাপিত সোনার মূর্তিকে আরাধনা করো না? 15 এখন যদি  
তোমরা শিঙ্গা, বাঁশি, সেতার, সুরবাহার, বীণা, সানাই ও সর্বপ্রকার  
যন্ত্রের বাজনা শোনার সঙ্গে সঙ্গে উপুড় হও এবং সেই মূর্তিকে আরাধনা  
করো, তবে ভালো। কিন্তু যদি তোমরা আরাধনা না করো, তোমাদের  
তৎক্ষণাত জলন্ত অগ্নিকুণ্ডে ফেলে দেওয়া হবে। তখন কোনও দেবতা  
আমার হাত থেকে তোমাদের উদ্ধার করতে পারবে?” 16 শদ্রক,  
মৈশক ও অবেদনগো রাজাকে উত্তর দিলেন, “হে নেবুখাদনেজার,  
আপনার এই কথার জবাব দেওয়ার কোনো দরকার আমাদের নেই। 17  
যদি আমাদের জলন্ত অগ্নিকুণ্ডে ফেলে দেওয়া হয়, আমাদের ঈশ্বর  
যাকে আমরা সেবা করি, তিনি আমাদের রক্ষা করতে পারবেন এবং হে  
রাজা, আপনার হাত থেকেও আমাদের রক্ষা করবেন। 18 কিন্তু তিনি  
যদি আমাদের রক্ষা নাও করেন, আপনি জেনে রাখুন হে মহারাজ যে,  
আমরা আপনার দেবতাদের সেবা করব না অথবা আপনার স্থাপিত  
সোনার মূর্তিকেও আরাধনা করব না।” 19 নেবুখাদনেজার তখন  
শদ্রক, মৈশক ও অবেদনগোর প্রতি রাগে ক্ষিপ্ত হয়ে উঠলেন এবং তার  
মুখ লাল হয়ে উঠল; এবং তিনি আদেশ দিলেন অগ্নিকুণ্ড যেমন থাকে,  
তার থেকেও সাতগুণ বেশি উত্পন্ন করতে। 20 তারপর তিনি কয়েকজন  
বলবান সৈন্যদের আদেশ দিলেন শদ্রক, মৈশক ও অবেদনগোকে  
শক্ত করে বাঁধতে ও অগ্নিকুণ্ডে ছুঁড়ে ফেলতে। 21 অতএব তাদেরকে  
পরনের পোশাক, আচ্ছাদন, মাথার কাপড় ও অন্যান্য বস্ত্র সহ বেঁধে  
জলন্ত অগ্নিকুণ্ডে ফেলে দেওয়া হল। 22 রাজার কঠোর আদেশের  
ফলে অগ্নিকুণ্ড এতটাই উত্পন্ন করা হল এবং সেই আগুনের তাপে  
যারা শদ্রক, মৈশক ও অবেদনগোকে আগুনে ফেলতে গিয়েছিল, সেই  
সৈন্যদের মৃত্যু হল। 23 আর এই তিনজন, হাত পা বাঁধা অবস্থায়,  
জলন্ত আগুনের মধ্যে পড়ল। 24 তখন রাজা নেবুখাদনেজার অত্যন্ত

আশ্চর্য হয়ে লাফ দিয়ে উঠে দাঁড়ালেন এবং উপদেষ্টাদের জিজ্ঞাসা  
করলেন, “আমরা কি তিনজনকে বেঁধে অগ্নিকুণ্ডে ফেলে দিলাম না?”  
তারা উভর দিলেন, “নিশ্চই, মহারাজ।” 25 তিনি বললেন, “দেখো!  
আমি চারজনকে আগুনের মধ্যে মুক্ত ও অক্ষত অবস্থায় চারপাশে  
হাঁটতে দেখছি। এবং চতুর্থ জনকে দেবতার পুত্র বলে মনে হচ্ছে।” 26  
তারপর নেবুখাদনেজার অগ্নিকুণ্ডের প্রবেশপথের দিকে গেলেন ও  
চিৎকার করে বললেন, “পরাণ্পর ঈশ্বরের সেবক শদ্রক, মৈশক ও  
অবেদনগো বের হয়ে এসো! এখানে এসো!” তখন শদ্রক, মৈশক  
ও অবেদনগো আগুন থেকে বের হয়ে এল। 27 সকল রাজ্যপাল,  
উপরাজ্যপাল, প্রদেশপাল, ও রাজ উপদেষ্টাবর্গ তাদেরকে ঘিরে ধরল।  
তারা দেখল যে আগুন তাদের দেহে কোনও ক্ষতি করেনি, আগুনে  
তাদের চুলও পোড়েনি, পরনের পোশাক আগুনে পুড়ে যায়নি, এমনকি  
তাদের গায়ে আগুনের পোড়া গন্ধও নেই। 28 তখন নেবুখাদনেজার  
বললেন, “শদ্রক, মৈশক ও অবেদনগোর ঈশ্বরের প্রশংসা হোক, যিনি  
নিজের দৃত পাঠ্টিয়ে তাঁর দাসদের রক্ষা করেছেন! তারা তাদের ঈশ্বরে  
আস্থা রেখেছে এবং রাজার আদেশ অমান্য করেছে। এমনকি নিজেদের  
আরাধ্য ঈশ্বর ছাড়া অন্য দেবতাদের সেবা ও আরাধনা না করে  
নিজেদের জীবন দিতেও তারা প্রস্তুত ছিল। 29 অতএব, আমি আদেশ  
জারি করছি, কোনো জাতি ও ভাষাভাষীর কেউ যদি শদ্রক, মৈশক ও  
অবেদনগোর আরাধ্য ঈশ্বরের বিপক্ষে কোনো কথা বলে তবে তাদের  
টুকরো টুকরো করা হবে, তাদের ঘরবাড়ি ভেঙে ধ্বংসাস্তূপে পরিণত  
করা হবে, কারণ অন্য কোনো দেবতা এইভাবে রক্ষা করতে পারে না।”  
30 এরপর রাজা শদ্রক, মৈশক ও অবেদনগোকে ব্যাবিলন প্রদেশে  
আরও উঁচু পদে নিযুক্ত করলেন।

**4** রাজা নেবুখাদনেজার, সমস্ত পৃথিবীতে বসবাসকারী প্রত্যেক জাতি  
ও ভাষার মানুষের প্রতি: তোমাদের অনেক উন্নতি হোক! 2 পরাণ্পর  
ঈশ্বর আমার জন্য যে অলৌকিক চিহ্ন ও আশ্চর্য কাজ করেছেন তা সব  
তোমাদের জানানো আমি উচিত মনে করছি। 3 তাঁর চিহ্নসকল কত  
মহান, 4 আমি, নেবুখাদনেজার, পরিত্তি ও সমৃদ্ধিতে রাজপ্রাসাদে

বাস করছিলাম। ৫ কিন্তু একদিন এক স্বপ্ন দেখলাম যা আমাকে ভীত করল। যখন আমি বিছানায় শুয়ে ছিলাম, তখন যেসব চিন্তা ও দর্শন মনে এল তা আমাকে আতঙ্কিত করল। ৬ তাই আদেশ দিলাম যে এই স্বপ্নের মানে আমাকে ব্যাখ্যা করবার জন্য ব্যাবিলনের সমস্ত জনীনের আমার সামনে হাজির করা হোক। ৭ যখন সব মন্ত্রবেত্তা, যাদুকর, জ্যোতিষী ও গণকেরা এসে হাজির হল, আমি স্বপ্নটি তাদের বললাম কিন্তু তারা কেউ এর মানে আমাকে ব্যাখ্যা করতে পারল না। ৮ অবশেষে, দানিয়েল আমার সামনে এল এবং আমি স্বপ্নটি তাকে বললাম। আমার দেবতার নামানুসারে তাকে বেল্টশ্ৎসর বলা হত কারণ পুণ্য দেবতাদের আত্মা তার অন্তরে ছিল। ৯ আমি বললাম, “হে মন্ত্রবেত্তাদের প্রধান বেল্টশ্ৎসর, আমি জানি পুণ্য দেবতাদের আত্মা তোমার অন্তরে আছে এবং কোনো রহস্যই তোমার অসাধ্য নয়। এই হল আমার স্বপ্ন; আমাকে এর মানে বুবিয়ে দাও। ১০ বিছানায় শুয়ে থাকা অবস্থায় আমি এসব দর্শন পেলাম: আমি তাকিয়ে দেখলাম, পৃথিবীর মাঝানে আমার সামনে একটি গাছ, যা ছিল উচ্চতায় প্রকাণ্ড। ১১ গাছটি ক্রমাগত বেড়ে বৃহৎ ও শক্তিশালী হয়ে উঠল, উচ্চতায় আকাশ ছুঁল এবং পৃথিবীর সব প্রান্ত পর্যন্ত দৃশ্যমান হল। ১২ তার সুন্দর পাতা ছিল ও পর্যাপ্ত ফল ছিল এবং তার মধ্যে সকলের আহার ছিল। মাঠের বন্যপশুরা এই গাছের তলায় আশ্রয় খুঁজে পেল এবং পাখিরা ডালপালায় বাস করল; সকল প্রাণী এই গাছটি থেকে খাবার পেল। ১৩ “পরে আমি বিছানায় শুয়ে দর্শনে দেখলাম, আমার সামনে এক পবিত্র ব্যক্তি, এক দৃত, যিনি স্বর্গ থেকে নেমে আসছিলেন। ১৪ তিনি জোর গলায় ঘোষণা করলেন: ‘গাছটি কেটে ফেলো ও তার ডালপালাগুলি ছেঁটে দাও, পাতাগুলি বেড়ে ফেলো এবং ফলগুলি ছড়িয়ে-ছিটিয়ে দাও। এই গাছের আশ্রয় থেকে পশুরা এবং ডালপালা থেকে পাখিরা পালিয়ে যাক। ১৫ কিন্তু শুধু মূলকাণ্ড ও শিকড়, লোহা ও পিতলের শিকল দিয়ে বাঁধা অবস্থায়, মাটিতে পড়ে থাক; ও মাঠের ঘাসের মধ্যে পড়ে থাক। “সে আকাশের শিশিরে ভিজুক এবং পশুদের সঙ্গে পৃথিবীর গাছপালার মধ্যে তার বাসস্থান হোক। ১৬ সাত

কাল পর্যন্ত তার মানুষের মন নিয়ে তাকে পশুর মন দেওয়া হোক। 17

“এই সিদ্ধান্ত দৃতদের মাধ্যমে ঘোষিত হল, পবিত্র ব্যক্তিগণ এই রায় ঘোষণা করলেন, যেন সব জীবিত মানুষ জানতে পারে যে পরাম্পর ঈশ্বর পৃথিবীর সব রাজ্যের উপর সার্বভৌম এবং যে ব্যক্তিকে চান তার হাতে তিনি সেই রাজত্বভার অর্পণ করেন এবং ঈশ্বর এই রাজ্যগুলি শাসনের জন্য বিনয়ী লোকেদের মনোনীত করেন।’ 18 “আমি, রাজা নেবুখাদনেজার এই স্বপ্নই দেখেছিলাম। এখন, বেল্টশৎসর, আমাকে এর মানে কি তা বুবিয়ে বলো কেননা আমার রাজ্যের কোনো জ্ঞানী এর মানে আমাকে ব্যাখ্যা করতে পারে না। কিন্তু তুমি পারবে, কারণ পবিত্র দেবতাদের আত্মা তোমার মধ্যে উপস্থিত।” 19 তখন দানিয়েল, যাকে বেল্টশৎসর বলা হত, কিছুক্ষণের জন্য খুব হতবুদ্ধি হয়ে রইল; স্বপ্নের মানে তাকে আতঙ্কিত করল। তাই রাজা বললেন, “বেল্টশৎসর, এই স্বপ্ন বা তার অর্থ যেন তোমাকে ভীত না করে।” বেল্টশৎসর উত্তর দিলেন, “হে আমার প্রভু, শুধু যদি এই স্বপ্ন আপনার পরিবর্তে আপনার শত্রুদের উপর বর্তাত ও এর অর্থ আপনার বিপক্ষের প্রতি ঘটত! 20 যে গাছটি আপনি দেখেছিলেন, যা বৃদ্ধি পেয়েছিল ও শক্তিশালী হয়েছিল, যার উচ্চতা আকাশ ছুঁয়েছিল, সমস্ত পৃথিবীতে দৃশ্যমান হয়ে উঠেছিল, 21 যার পাতা সুন্দর ও প্রচুর ফল ছিল, সকলকে আহার দিয়েছিল, বন্যপশুদের আশ্রয় দিয়েছিল এবং যার ডালে পাখিরা বাসা বেঁধেছিল, 22 হে মহারাজ, আপনিই সেই গাছ! আপনি মহান এবং শক্তিশালী হয়েছেন; আপনার গৌরব বৃদ্ধি পেয়ে আকাশ ছুঁয়েছে এবং আপনার আধিপত্য পৃথিবীর দূরদূরান্ত পর্যন্ত বিস্তৃত হয়েছে। 23 “হে মহারাজ আপনি এক পবিত্র ব্যক্তিকে দেখলেন, এক দৃত, যিনি স্বর্গ থেকে নেমে আসছিলেন; তিনি বললেন, ‘গাছটি কেটে একেবারে নষ্ট করে দাও, শুধু মূল কাণ্ডটি রেখে দাও, লোহা ও পিতলের শিকল দিয়ে ওটাকে বেঁধে রাখো, ঘাসের মধ্যে থাক, আর শিকড় মাটিতে পড়ে থাক। সে আকাশের শিশিরে ভিজুক, বন্যপশুদের সঙ্গে বাস করুক, যতদিন না পর্যন্ত তার জন্য সাত কাল অতিক্রম হচ্ছে।’ 24 “হে মহারাজ, স্বপ্নের মানে এই এবং পরাম্পর ঈশ্বর আমার প্রভু মহারাজের বিরংদে এই

আদেশ জারি করেছেন: 25 মানুষের সমাজ থেকে আপনাকে তাড়িয়ে  
দেওয়া হবে এবং আপনি বন্যপশ্চিমের সঙ্গে বাস করবেন; বলদের  
মতো আপনি ঘাস খাবেন ও আকাশের শিশিরে ভিজবেন। সাত কাল  
পার হবে যতদিন না পর্যন্ত আপনি স্বীকার করবেন যে পরাত্পর ঈশ্বর  
পৃথিবীর সমস্ত রাজ্যের উপর সার্বভৌম এবং যাকে তাঁর খুশি তার  
হাতে তিনি রাজত্বভার অর্পণ করেন। 26 আদেশ অনুযায়ী মূলকাণ্ড ও  
শিকড় অক্ষত রাখার অর্থ হল যে, আপনি যখন স্বর্গের কর্তৃত্বের কথা  
স্বীকার করবেন, তখন আপনার রাজত্ব আপনাকে ফিরিয়ে দেওয়া  
হবে। 27 অতএব, হে মহারাজ, আমার পরামর্শ গ্রহণ করুন: ন্যায়  
আচরণ করে পাপের জীবন পরিত্যাগ করুন ও পীড়িতদের প্রতি  
দয়া করে দুষ্ট জীবন বর্জন করুন। তাতে হ্যাতো আপনার সমৃদ্ধি  
বজায় থাকবে।” 28 এসবই রাজা নেবুখাদনেজারের জীবনে ঘটেছিল।  
29 বারো মাস পরে, রাজা যখন ব্যাবিলনের রাজপ্রাসাদের ছাদে  
হাঁটছিলেন, 30 তিনি বললেন, “এই কি সেই মহান ব্যাবিলন নয়, যা  
আমি আপন পরাক্রমে নিজের মহিমা প্রকাশের উদ্দেশে রাজকীয় ভবন  
রূপে গড়ে তুলেছি?” 31 কথাগুলি যখন তার মুখেই ছিল, স্বর্গ থেকে  
এক কঠস্বর ভেসে এল, “তোমার জন্য এই আদেশ জারি করা হয়েছে,  
রাজা নেবুখাদনেজার, তোমার রাজকীয় কর্তৃত্ব তোমার কাছে থেকে  
কেড়ে নেওয়া হয়েছে। 32 মানুষের সমাজ থেকে তোমাকে তাড়িয়ে  
দেওয়া হবে এবং বন্যপশ্চিমের সঙ্গে তুমি বাস করবে; তুমি বলদের  
মতো ঘাস খাবে। সাত কাল এভাবেই কেটে যাবে যতদিন না পর্যন্ত  
তুমি স্বীকার করবে যে পরাত্পর ঈশ্বর পৃথিবীর সমস্ত রাজ্যের উপর  
সার্বভৌম এবং যাকে তাঁর খুশি তার হাতে তিনি রাজত্বভার অর্পণ  
করেন।” 33 তৎক্ষণাত নেবুখাদনেজারের সম্মন্দে যা বলা হয়েছিল  
তা পূর্ণ হল। মানুষের সমাজ থেকে তাকে তাড়িয়ে দেওয়া হল এবং  
বলদের মতো সে ঘাস খেল। আকাশের নিচে তার সারা শরীর শিশিরে  
ভিজল যতদিন না পর্যন্ত তার চুল ঈগল পাখির পালকের মতো বেড়ে  
উঠল ও তার নখ পাখির নখের মতো হয়ে উঠল। 34 সেই সময় শেষ  
হওয়ার পরে, আমি, নেবুখাদনেজার, স্বর্গের দিকে চোখ তুলে দেখলাম

এবং আমার সুবুদ্ধি ফিরিয়ে দেওয়া হল; তখন আমি পরাংপর ঈশ্বরের  
ধন্যবাদ করলাম; যিনি নিত্যস্থায়ী তাঁর প্রশংসা ও সমাদর করলাম। 35  
পৃথিবীর সব মানুষেরা 36 যে সময়ে আমার সুবুদ্ধি ফিরিয়ে দেওয়া হল,  
আমার রাজ্যের গৌরবার্থে, সেই সময়েই আমার সম্মান ও প্রতিপত্তি ও  
আমাকে ফিরিয়ে দেওয়া হল। আমার উপদেষ্টা ও বিশিষ্ট ব্যক্তি সকলে  
আমাকে খুঁজে বের করল। আমাকে রাজসিংহাসনে পুনরায় প্রতিষ্ঠিত  
করা হল এবং আমার মহিমা আগের তুলনায় অনেক বৃদ্ধি পেল।  
37 এখন, আমি, নেবুখাদনেজার, স্বর্গের রাজার প্রশংসা, গৌরব ও  
সমাদর করি কারণ তিনি যা করেন তা সঠিক ও তাঁর সমস্ত পথ ন্যায়।  
আর যারা অহংকারে জীবন কাটায় তাদের তিনি নষ্ট করতে সক্ষম।

**৫** রাজা বেলশৎসর এক হাজার বিশিষ্ট ব্যক্তিদের জন্য এক মহাভোজ  
দিলেন ও তাদের সঙ্গে দ্রাক্ষারস পান করলেন। 2 বেলশৎসর যখন  
দ্রাক্ষারস পান করছিলেন, তিনি আদেশ দিলেন সেইসব সোনারঞ্চোর  
পানপাত্র সেখানে আনা হোক যেগুলি তার বাবা নেবুখাদনেজার  
জেরুশালেমের মন্দির থেকে নিয়েছিলেন, যেন রাজা ও তার বিশিষ্ট  
ব্যক্তিগণ, তার পত্নীগণ ও উপপত্নীগণ সকলে সেইসব পাত্রে দ্রাক্ষারস  
পান করতে পারেন। 3 তখন তারা সোনার পানপাত্রগুলি নিয়ে এল  
যেগুলি জেরুশালেমে অবস্থিত ঈশ্বরের মন্দির থেকে নেওয়া হয়েছিল  
এবং রাজা ও তার বিশিষ্ট ব্যক্তিগণ, রাজার পত্নীগণ ও উপপত্নীগণ  
সেই পাত্রগুলিতে দ্রাক্ষারস পান করলেন। 4 তারা দ্রাক্ষারস পান করতে  
করতে সোনা, রংপো, পিতল, লোহা, কাঠ ও পাথরের দেবতাদের  
জয়গান করলেন। 5 হঠাতে একটি মানুষের হাতের আঙুল দেখা গেল ও  
সেই আঙুলগুলি রাজপ্রাসাদের দেওয়ালে, বাতিদানের কাছে কিছু  
লিখতে শুরু করল। যে হাত লিখছিল রাজা সেই হাত দেখলেন। 6  
রাজার মুখ বিবর্ণ হয়ে উঠল ও রাজা এতটাই ভীত হলেন যে তার পা  
দুর্বল হয়ে উঠল এবং তার হাঁটু কাঁপতে লাগল। 7 রাজা চিংকার করে  
মায়াবী, জ্যোতিষী ও গণকদের ডেকে পাঠালেন। তিনি ব্যাবিলনের  
সেইসব জ্ঞানীদের বললেন, “এই লেখাগুলি যে পড়তে পারবে ও  
আমাকে এর মানে বলতে পারবে, তাকে বেগুনি রংয়ের রাজপোশাক

পরানো হবে, গলায় সোনার হার পরানো হবে এবং তাকে রাজ্যের  
তৃতীয় উচ্চতম শাসক করা হবে।” ৪ তখন রাজার সকল জ্ঞানী ব্যক্তিরা  
এগিয়ে এল কিন্তু কেউ সেই লেখা পড়তে পারল না বা রাজাকে তার  
মানেও বলতে পারল না। ৫ তখন রাজা বেলশৎসর আরও বেশি  
আতঙ্কিত হয়ে উঠলেন এবং তার মুখ আরও বিবর্ণ হয়ে উঠল। তার  
বিশিষ্ট ব্যক্তিগণ হতবুদ্ধি হলেন। ৬ মহারানি, যখন রাজার ও তার  
বিশিষ্ট ব্যক্তিদের গলা শুনলেন, মহাভোজের স্থানে এলেন, ও বললেন,  
“মহারাজ চিরজীবী হোন! আতঙ্কিত হবেন না! আপনার মুখ বিবর্ণ  
হতে দেবেন না! ৭ আপনার রাজ্যে এক ব্যক্তি আছে যার অস্তরে  
পৰিত্ব দেবতাদের আত্মা অবস্থান করে। আপনার বাবার রাজত্বকালে  
তার মধ্যে দেবতাদের ন্যায় অন্তর্দৃষ্টি, বুদ্ধিমত্তা ও জ্ঞানের পরিচয়  
পাওয়া গিয়েছিল। আপনার বাবা, রাজা নেবুখাদনেজার, তাকে সমস্ত  
মন্ত্রবেত্তা, মায়াবী, জ্যোতিষী ও গণকদের প্রধান নিযুক্ত করেছিলেন।  
৮ আপনার বাবা এই কাজ করেছিলেন কারণ দানিয়েলের, যাকে  
রাজা বেলশৎসর নাম দিয়েছিলেন, মধ্যে গভীর চিন্তাবনা, জ্ঞান,  
বোধশক্তি, এমনকি স্বপ্নের মানে বুঝিয়ে বলার ক্ষমতা, ধাঁধা বুঝিয়ে  
বলা ও কঠিন সমস্যা সমাধান করার দক্ষতা ছিল। আপনি তাকে ডেকে  
পাঠান এবং তিনি এই লেখার মানে আপনাকে বুঝিয়ে দেবেন।” ৯  
তখন দানিয়েলকে রাজার সামনে হাজির করা হল এবং রাজা তাকে  
বললেন, “তুমি কি দানিয়েল, যাকে আমার বাবা যিহুদা থেকে এখানে  
নির্বাসনে এনেছিলেন? ১০ আমি শুনেছি যে তোমার অস্তরে দেবতাদের  
আত্মা বাস করেন, তাই তোমার মধ্যে অন্তর্দৃষ্টি, বুদ্ধিমত্তা ও অসাধারণ  
জ্ঞান রয়েছে। ১১ দেওয়ালের এই লেখাটি পড়ে মানে বলবার জন্য  
রাজ্যের সব জ্ঞানী ও মায়াবীদের এখানে আনা হয়েছিল কিন্তু তারা  
কেউই এর মানে বলতে পারেনি। ১২ আমি এমনও শুনেছি যে তুমি  
রহস্য ব্যাখ্যা করতে ও কঠিন সমস্যা সমাধান করতে পারো। যদি  
তুমি এই লেখাটি পড়তে পারো ও আমাকে তার মানে বলতে পারো,  
তাহলে তোমাকে বেগুনি রংয়ের রাজপোশাক পরানো হবে, গলায়  
সোনার হার পরানো হবে এবং রাজ্যের তৃতীয় উচ্চতম শাসক হিসেবে

তোমাকে নিযুক্ত করা হবে।” 17 তখন দানিয়েল রাজাকে উত্তর দিলেন,  
আপনার উপহার আপনি নিজের কাছেই রাখুন ও আপনার পুরক্ষার  
আপনি অন্য কাটকে দিন। কিন্তু আমি মহারাজের কাছে এই লেখাটি  
পড়ব এবং তার মানে আপনাকে বলব। 18 “হে মহারাজ, পরাণ্পর  
ঈশ্বর আপনার বাবা নেবুখাদনেজারকে আধিপত্য, মাহাত্ম্য, মহিমা ও  
প্রতিপত্তি দিয়েছিলেন। 19 তিনি তাকে যে মহিমা দিয়েছিলেন তা  
দেখে প্রত্যেক জাতি ও ভাষাভাষীর মানুষেরা তার সাক্ষাতে কাঁপত ও  
ভয় করত। রাজা যাকে মৃত্যুদণ্ড দিতে চাইতেন, তাকে হত্যা করতেন,  
যাকে বাঁচাতে চাইতেন তাকে জীবন দিতেন; যার উন্নতি চাইতেন  
তার উন্নতি হত আবার যার অবনতি চাইতেন তার পতন হত। 20  
কিন্তু যখন তার হৃদয় অহংকারী হল এবং গর্বে কঠিন হল, তিনি  
আপন সিংহাসন হারালেন এবং সব গৌরব থেকে বিচ্যুত হলেন। 21  
মানুষের সমাজ থেকে তাকে তাড়িয়ে দেওয়া হল, তাকে বন্যপশুর  
মন দেওয়া হল; বুনো গাধার সঙ্গে বাস করলেন, বলদের মতো ঘাস  
খেলেন; আকাশের শিশিরে তার শরীর ভিজল, যতক্ষণ না পর্যন্ত তিনি  
স্বীকার করলেন যে পরাণ্পর ঈশ্বর জগতের সমস্ত রাজ্যের উপর  
সার্বভৌম এবং তিনি যাকে ভালো মনে করেন তার হাতে রাজত্বভার  
তুলে দেন। 22 “কিন্তু আপনি, বেলশৎসর, তার পুত্র, এসব জেনেও  
নিজেকে ঈশ্বরের সামনে নম্র করেননি। 23 বরং আপনি স্বর্গের ঈশ্বরের  
বিরুদ্ধে নিজেকে তুলে ধরেছেন। ঈশ্বরের মন্দির থেকে আনা পবিত্র  
পাত্রগুলিতে আপনি, আপনার বিশিষ্ট ব্যক্তিগণ, আপনার পত্নীগণ ও  
উপপত্নীগণ দ্রাক্ষারস পান করেছেন। রংপো, সোনা, পিতল, লোহা,  
কাঠ ও পাথরের দেবতাদের, যারা দেখতে, শুনতে বা বুঝতে পারে  
না, আপনি তাদের আরাধনা করছেন। কিন্তু আপনি সেই ঈশ্বরের  
আরাধনা করেননি যিনি আপনাকে জীবন দেন এবং আপনার নিয়তি  
নিয়ন্ত্রণ করেন! 24 তাই তিনি সেই হাত পাঠিয়েছেন যা এই লেখা  
লিখেছে। 25 “এই বার্তা লেখা হয়েছে: মেনে, মেনে, তেকেল, পারসিন  
26 “এই শব্দগুলির মানে হল: “মেনে: ঈশ্বর আপনার রাজত্বের দিনগুলি  
গুনেছেন এবং তা শেষ করেছেন। 27 “তেকেল: আপনাকে দাড়িপাল্লায়

ওজন করা হয়েছে এবং ওজনে ঘাটতি রয়েছে। 28 “পারসিন: আপনার  
রাজ্য বিভক্ত হয়েছে এবং মাদীয় ও পারসিকদেরকে দেওয়া হয়েছে।”

29 তখন বেলশৎসরের আদেশে, দানিয়েলকে বেগুনি রংয়ের রাজকীয়  
পোশাক ও গলায় সোনার হার পরান হল এবং তাকে রাজ্যের তৃতীয়  
উচ্চতম শাসক ঘোষণা করা হল। 30 ঠিক সেরাতেই ব্যাবিলনীয়দের  
রাজা বেলশৎসর নিহত হলেন, 31 এবং মাদীয়বাসী দারিয়াবস, বাষটি  
বছর বয়েসে, রাজ্য দখল করলেন।

**৬** সম্মাট দারিয়াবস তার রাজ্যে একশো কুড়ি জন রাজ্যপাল নিয়োগ  
করলেন, যারা তার রাজত্ব জুড়ে শাসন করবে 2 তাদের উপরে  
তিনজন শাসককে নিয়োগ করলেন, দানিয়েল ছিলেন তাদের মধ্যে  
একজন। এই রাজ্যপালেরা শাসকদের কাছে জবাবদিহি করত  
যাতে রাজার কোনো লোকসান না হয়। 3 এখন দানিয়েল তার  
ব্যতিক্রমী গুণাবলির দ্বারা শাসকদের এবং রাজ্যপালদের মধ্যে  
নিজেকে এমনভাবে প্রতিষ্ঠিত করেছিলেন যে রাজা তাকে সমগ্র  
রাজ্যের উপর নিয়োগ করার পরিকল্পনা করলেন। 4 এতে শাসকেরা  
ও রাজ্যপালেরা রাজকার্যে দানিয়েলের ভুল ক্রটি খুঁজতে লাগলেন কিন্তু  
তারা কোনো দোষই খুঁজে পেলেন না কেননা দানিয়েল ছিলেন বিশ্বস্ত;  
তিনি অসৎ বা অবহেলাকারী ছিলেন না। 5 শেষে তারা বললেন,  
“ঈশ্বরের বিধানসংক্রান্ত বিষয় ছাড়া দানিয়েলকে অভিযুক্ত করবার  
মতো কোনও ক্রটি পাওয়া যাবে না।” 6 তখন সেই শাসকগণ ও  
রাজ্যপালরা সকলে মিলে রাজার কাছে গেলেন ও বললেন, “রাজা  
দারিয়াবস চিরজীবী হোন! 7 রাজ্যের সকল শাসক, উপরাজ্যপাল,  
রাজ্যপাল, উপদেষ্টা এবং প্রদেশপাল সম্মত হয়েছে যে, মহারাজ  
একটি আদেশ জারি করুন ও বলবৎ করুন যে আগামী তিরিশ দিনে  
কেউ যদি মহারাজ ছাড়া অন্য কোনো দেবতা বা মানুষের কাছে  
প্রার্থনা করে, তবে হে মহারাজ, তাকে সিংহের গুহায় ফেলে দেওয়া  
হবে। 8 তাই, হে মহারাজ, এই আদেশনামা জারি করুন ও লিখিত  
আকারে বলবৎ করুন, যেন কেউ তা পরিবর্তন করতে না পারে, যেমন  
মাদীয় ও পারসিকদের ব্যবস্থানুসারে কোনো আদেশনামা বতিল হয়

না।” 9 তাই রাজা দারিয়াবস ওই আদেশনামা লিখিত আকারে জারি করলেন। 10 দানিয়েল যখন শুনলেন যে আদেশনামা জারি হয়েছে, তিনি তার বাড়ির উপরের ঘরে ফিরে গেলেন, যে ঘরের জানালা জেরকশালেমের দিকে খুলত। দিনে তিনবার অভ্যাসমতো নতজানু হলেন ও প্রার্থনা করলেন এবং ঈশ্বরের প্রশংসা করলেন। 11 তখন এই লোকেরা মিলিতভাবে গেলেন ও দেখলেন দানিয়েল ঈশ্বরের কাছে প্রার্থনা করছেন ও সাহায্য চাইছেন। 12 তখন তারা রাজার কাছে গেলেন ও রাজার আদেশনামার বিষয়ে বললেন, “মহারাজ, আপনি কি এই আদেশনামা জারি করেননি, যে তিরিশ দিনের মধ্যে কেউ যদি মহারাজ ছাড়া অন্য কোনো দেবতা বা মানুষের আরাধনা করে তবে তাকে সিংহের গুহায় ফেলে দেওয়া হবে?” রাজা বললেন, “সে আদেশ এখনও জারি রয়েছে; মাদীয় ও পারসিকদের রীতি অনুসারে তা বাতিল হবার নয়।” 13 তখন তারা রাজাকে বললেন, “হে মহারাজ, দানিয়েল নামে যিহুদা দেশের বন্দিদের মধ্যে একজন আপনাকে গ্রাহ্য করে না বা আপনার জারি করা লিখিত আদেশ মান্য করে না। সে এখনও দিনে তিনবার নিয়মিত প্রার্থনা করে।” 14 রাজা যখন একথা শুনলেন তখন অত্যন্ত উদ্বিগ্ন হলেন; তিনি দানিয়েলকে রক্ষা করতে দৃঢ়সংকল্প ছিলেন এবং সূর্যাস্ত পর্যন্ত তাকে বাঁচানোর সব রকম চেষ্টা করলেন। 15 তখন সেই লোকেরা আবার মিলিতভাবে রাজা দারিয়াবসের কাছে গেলেন ও তাকে বললেন, “মহারাজ, মনে রাখবেন, যে মাদীয় ও পারসিকদের রীতি অনুসারে রাজার আদেশনামা কখনও পরিবর্তন হয় না।” 16 তখন রাজা আদেশ দিলেন এবং তারা দানিয়েলকে ধরে আনলেন এবং তাকে সিংহের গুহায় ফেলে দিলেন। রাজা দানিয়েলকে বললেন, “তোমার ঈশ্বর, যাকে তুমি নিয়মিত সেবা করো, সেই তোমাকে রক্ষা করুক।” 17 একটি বড়ো পাথর আনা হল ও গুহার মুখ বন্ধ করা হল এবং রাজা ও বিশিষ্ট ব্যক্তিদের সিলমোহর তার উপর বসানো হল যেন দানিয়েলের অবস্থার কোনো পরিবর্তন না হয়। 18 তখন রাজা প্রাসাদে ফিরে গেলেন কিন্তু কিছু খাওয়াদাওয়া না করে ও কোনো আমোদ-প্রমোদ না করে, রাত্রি কাটালেন; এবং

সারারাত ঘুমাতে পারলেন না। 19 রাজা খুব ভোরে উঠলেন ও সিংহের গুহার দিকে ছুটে গেলেন। 20 যখন তিনি সিংহের গুহার কাছে এলেন, তখন উদ্বেগের সঙ্গে চিন্কার করলেন, “দানিয়েল, জীবন্ত ঈশ্বরের সেবক; যে ঈশ্বরকে তুমি নিষ্ঠার সঙ্গে আরাধনা করো, তিনি কি তোমাকে সিংহের মুখ থেকে রক্ষা করতে পেরেছেন?” 21 দানিয়েল উত্তরে দিলেন, “মহারাজ চিরজীবী হোন! 22 আমার ঈশ্বর তাঁর দৃত পাঠ্যেছেন এবং সিংহের মুখ বন্ধ করেছেন। তারা আমার কোনো ক্ষতি করেনি কারণ ঈশ্বরের দৃষ্টিতে আমাকে নির্দোষ পাওয়া গেছে। এবং, মহারাজ, আপনার সামনেও আমি কোনো অপরাধ করিনি।” 23 তখন রাজা আনন্দে আত্মহারা হলেন এবং সিংহের গুহা থেকে দানিয়েলকে তুলতে আদেশ দিলেন। যখন দানিয়েলকে গুহা থেকে তোলা হল, দেখা গেল যে তার গায়ে কোনও ক্ষত ছিল না কারণ সে তার ঈশ্বরে সম্পূর্ণ আঙ্গা রেখেছিল। 24 রাজার আদেশে, যারা দানিয়েলের বিরুদ্ধে মিথ্যা অভিযোগ এনেছিল, তাদের ধরে আনা হল এবং তাদের স্ত্রী ও সন্তানসহ সিংহের গুহায় ফেলে দেওয়া হল। তারা গুহার মেঝেতে পড়ার আগেই সিংহেরা বাঁপিয়ে পড়ল এবং তাদের সমস্ত হাড়গোড় নিশ্চিহ্ন করল। 25 তখন রাজা দারিয়াবস পৃথিবীর সমস্ত দেশ ও ভাষাভাষী মানুষের কাছে লিখলেন: “তোমাদের মঙ্গল হোক। 26 “আমি এই আদেশ জারি করলাম যে আমার রাজ্যের চতুর্দিকে সমস্ত মানুষ দানিয়েলের ঈশ্বরকে ভয় ও ভক্তি করবে। 27 তিনি রক্ষা করেন, পরিত্রাণ দেন; 28 এবং দানিয়েল, পারস্য-রাজ দারিয়াবস ও কোরসের রাজত্বকালে সমৃদ্ধিলাভ করল।

**৭** ব্যাবিলনের রাজা বেলশৎসরের রাজত্বের প্রথম বছরে দানিয়েল যখন শুয়েছিলেন তখন একটি স্বপ্ন দেখলেন এবং অনেক দর্শন তার মনে এল। তিনি স্বপ্নে যা দেখেছিলেন তার সারমর্ম লিখলেন। 2 দানিয়েল বললেন: “রাতের সেই দর্শনে আমি দেখলাম, আকাশের চারদিক থেকে বায়ু প্রবাহিত হয়ে মহাসমুদ্রকে উত্তাল করল। 3 এসময় চারটি বৃহৎ পশু, যারা একে অপরের থেকে ভিন্ন, সমুদ্র থেকে উঠে এল। 4 “প্রথমটি দেখতে ছিল সিংহের মতো এবং তার উগল পাথির

ডানা ছিল। তখন আমি দেখলাম ওর ডানাগুলি উপত্তে ফেলা হল  
এবং পশ্চিমে মাটি থেকে তোলা হল ও পেছনের পায়ে ভর দিয়ে  
মানুষের মতো দাঁড় করিয়ে দেওয়া হল আর মানুষের মন তাকে দেওয়া  
হল। 5 “আমার সামনে দ্বিতীয় এক পশ্চকে দেখলাম যা ছিল ভালুকের  
মতো। পশ্চিমে এক পাশে পায়ে ভর দিয়ে দাঁড় করান হল এবং সেই  
পশ্চ মুখে দাঁতের মাঝখানে তিনটি পাঁজরের হাড় কামড়ে ধরেছিল।  
তাকে বলা হল, ‘ওঠো, অনেক লোকের মাংস খাও!’ 6 “এরপর, আমি  
দেখলাম, আমার সামনে অন্য একটি পশ্চ ছিল, এটি ছিল চিতাবাঘের  
মতো দেখতে এবং তার পিঠে পাখির মতো চারটি ডানা ছিল। সেই  
পশ্চিম চারটি মাথা ছিল এবং শাসন করার কর্তৃত্ব তাকে দেওয়া  
হয়েছিল। 7 “তারপরে, রাতের দর্শনে আমি দেখলাম, আমার সামনে  
চতুর্থ একটি পশ্চ, সেটি ছিল আতঙ্কজনক, ভয়ংকর ও প্রচণ্ড শক্তিশালী।  
তার বড়ো লোহার দাঁত ছিল; সে তার শিকারকে চূর্ণ ও ভক্ষণ করল  
এবং বাকি অংশ পা দিয়ে পিষে ফেলল। এটি আগের সব পশ্চগুলির  
থেকে ভিন্ন এবং তার দশটি শিং ছিল। 8 “যখন আমি শিংগুলির কথা  
ভাবছিলাম, তখন সেগুলির মাঝে একটি ছোটো শিং গজিয়ে উঠল  
এবং আগের তিনটি শিং তার সামনে উপত্তে ফেলা হল। এই ছোটো  
শিংটির মানুষের মতো চোখ ছিল ও মুখ ছিল, যা দিয়ে সদর্পে কথা  
বলল। 9 “আমি তখন দেখলাম, ‘কয়েকটি সিংহাসন স্থাপিত হল,  
এবং অতি প্রাচীন ব্যক্তি নিজের স্থান গ্রহণ করলেন। তাঁর পরনের  
কাপড় ছিল বরফের মতো সাদা; মাথার চুল ছিল পশমের মতো সাদা।  
তাঁর সিংহাসন ছিল আগুনের শিখাময়, ও তাঁর সব চাকাগুলি ছিল  
জলন্ত আগুন। 10 এক আগুনের নদী প্রবাহিত হচ্ছিল, তাঁর উপস্থিতি  
থেকে নির্গত হচ্ছিল। হাজার হাজার তাঁর পরিচর্যা করছিল; সেবা করার  
জন্য লক্ষ লক্ষ তাঁর সামনে দাঁড়িয়েছিল। বিচারসভা শুরু হল, এবং  
বইগুলি খোলা হল। 11 “আমি দেখতে থাকলাম কারণ ছোটো শিংটির  
অহংকারী কথা শুনতে পেলাম। আমি দেখতে থাকলাম যতক্ষণ না  
পর্যন্ত সেই পশ্চিমে বধ করা হল, তার শরীর ধ্বংস করা হল ও জ্বলন্ত  
আগুনে ফেলে দেওয়া হল। 12 অন্যান্য পশ্চগুলির কর্তৃত্ব কেড়ে নেওয়া

হল কিন্তু তাদের কিছুদিন বাঁচতে দেওয়া হল। 13 “রাতের দর্শনে  
আমি মনুষ্যপুত্রের মতো একজনকে দেখলাম যিনি স্বর্গের মেঘের সঙ্গে  
আসছিলেন। তিনি অতি প্রাচীন ব্যক্তির দিকে এগিয়ে গেলেন এবং  
তাঁর উপস্থিতিতে আনীত হলেন। 14 তাঁকে কর্তৃত, গৌরব ও সার্বভৌম  
ক্ষমতা দেওয়া হল; এবং প্রত্যেক জাতি ও ভাষার মানুষ তাঁর আরাধনা  
করল। তাঁর আধিপত্য চিরস্থায়ী আধিপত্য যা কোনোদিন শেষ হবে না  
এবং তাঁর রাজ্য কোনোদিন বিনষ্ট হবে না। 15 “আমি, দানিয়েল,  
আত্মায় অস্ত্রির হলাম এবং আমার সব দর্শন আমাকে বিহুল করল।  
16 যারা দাঁড়িয়েছিলেন তাদের মধ্যে একজনের দিকে এগিয়ে গিয়ে  
আমি এই সবের মানে জিজ্ঞাসা করলাম। “তখন তিনি আমাকে এসব  
বললেন এবং মানে বুবিয়ে দিলেন: 17 ‘এই চারটি বৃহৎ পশ্চ হল চার  
রাজা, যারা পৃথিবী থেকে উদিত হবে। 18 কিন্তু পরামর্শের  
পরিগ্রামকে এই রাজ্যের অধিকার দেওয়া হবে এবং চিরদিন সেই  
রাজ্য তাদের অধীনে থাকবে, হ্যাঁ, চিরদিনই থাকবে।’ 19 ‘তখন আমি  
সেই চতুর্থ পশ্চিম মানে জানতে চাইলাম, যা অন্য পশ্চগুলির থেকে  
সম্পূর্ণ ভিন্ন ছিল, দেখতে ছিল অত্যন্ত ভয়ংকর। সেই পশ্চিম তার  
গোহার দাঁত ও পিতলের নখ দিয়ে শিকারকে চূর্ণ ও ভক্ষণ করেছিল  
এবং অবশিষ্ট অংশ পা দিয়ে পিঘে ফেলেছিল। 20 আমি সেই পশ্চিমের  
মাথার দশটি শিং এবং সেই ছোটো শিং যেটা গজিয়ে উঠেছিল, তাদের  
সম্বন্ধে জানতে চাইলাম। এই ছোটো শিং, যা অন্যদের তুলনায় ভয়ংকর  
ছিল, অন্য তিনটে শিংকে ধ্বংস করল। তার দুটি চোখ আর একটি মুখ  
ছিল যা দিয়ে সে সদর্পে কথা বলছিল। 21 আমি তখন দেখলাম, এই  
শিংটি পরিগ্রামদের বিরুদ্ধে যুদ্ধ করছিল ও তাদের পরামর্শ করছিল, 22  
যতক্ষণ না পর্যন্ত সেই অতি প্রাচীন ব্যক্তি—পরামর্শের স্থানে—এসে  
পরিগ্রামদের পক্ষে রায় দিলেন। তারপর পরিগ্রামদের রাজত্ব গ্রহণ  
করার সময় উপস্থিত হল। 23 ‘তিনি আমাকে এই ব্যাখ্যা দিলেন:  
‘চতুর্থ পশ্চিম ছিল চতুর্থ রাজ্য যা পৃথিবীতে আবির্ভূত হবে। এই রাজ্য  
অন্যান্য সব রাজ্য থেকে ভিন্ন হবে এবং তা সমস্ত পৃথিবীকে চূর্ণ  
করে, পায়ের তলায় পিঘে দিয়ে গ্রাস করবে। 24 সেই দশটি শিং হল

দশ রাজা যারা এই রাজ্য থেকে আসবে। তাদের পর আরেকজন  
রাজা আসবে, যে আগের রাজাদের থেকে ভিন্ন হবে এবং সে তিনি  
রাজাকে দমন করবে। 25 সে পরাঃপর ঈশ্বরের বিরুদ্ধে কথা বলবে  
এবং তাঁর পবিত্রগণদের অত্যাচার করবে, এমনকি নিরূপিত সময়  
ও ব্যবস্থা বদলাতে চাইবে। তার হাতে পবিত্রগণদের এক কাল, দু-  
কাল ও অর্ধ কালের জন্য দেওয়া হবে। 26 “কিন্তু তারপর বিচারসভা  
বসবে এবং তার সব শক্তি কেড়ে নেওয়া হবে ও তাকে সম্পূর্ণভাবে  
চিরকালের জন্য ধ্বংস করা হবে। 27 তখন আকাশের নিচে সব  
রাজ্যের আধিপত্য, ক্ষমতা ও মহিমা পরাঃপর ঈশ্বরের পবিত্রগণদের  
দেওয়া হবে। তাঁর রাজ্য অনন্তকালস্থায়ী রাজ্য হবে এবং পৃথিবীর  
সব শাসক তাঁকে আরাধনা করবে ও তাঁর বাধ্য হবে।’ 28 “এখানেই  
দর্শনের শেষ। আমি, দানিয়েল, ভাবনায় অঙ্গীর হয়ে উঠলাম, আমার  
মুখ বিবর্ণ হয়ে উঠল, কিন্তু এসব কথা আমি নিজের মনেই রাখলাম।”

**৮** রাজা বেলশংসরের রাজত্বের তৃতীয় বছরে আমি, দানিয়েল, প্রথম  
দর্শনের পরে আর একটি দর্শন পেলাম। 2 দর্শনে দেখলাম আমি  
ব্যাবিলনের এলম প্রদেশে শূশন নগরীর দুর্গে ছিলাম; দর্শনে আমি  
উলয় নদীর তীরে ছিলাম। 3 আমি চোখ তুলে দেখলাম, নদীতীরে  
একটি পুরুষ মেষ দাঁড়িয়ে আছে, যার দুটি লাঘু শিং ছিল। একটি শিং  
অন্যটির তুলনায় লম্বা, যদিও এটি অন্য শিংটির পরে গঁজিয়ে উঠেছিল।  
4 দেখলাম শিং উঁচিয়ে সেই পুরুষ মেষটি পশ্চিম, উত্তর ও দক্ষিণে  
তেড়ে যাচ্ছে। তাকে প্রতিরোধ করার মতো কোনও পশ্চ ছিল না,  
এমনকি তার শক্তি থেকে রক্ষা করতে পারে এমন কেউ ছিল না।  
তার যেমন ইচ্ছা তাই করল এবং উদ্বৃত হয়ে উঠল। 5 এসব যখন  
ভাবছিলাম, হঠাৎ একটি ছাগল, যার দু-চোখের মাঝখানে বিশিষ্ট এক  
শিং ছিল, পশ্চিমদিকে থেকে এত তীব্র গতিতে ছুটে পৃথিবী অতিক্রম  
করল যে তার পা পর্যন্ত মাটিতে ঠেকল না। 6 নদীর ধারে যে দুই  
শিংযুক্ত পুরুষ মেষকে আমি দাঁড়িয়ে থাকতে দেখেছিলাম এই ছাগলটি  
সক্রোধে তার দিকে তেড়ে গেল। 7 আমি আরও দেখলাম ছাগলটি  
ক্ষিণভাবে তেড়ে গিয়ে পুরুষ মেষটিকে ধাক্কা মারল ও তার শিং দুটি

ভেঞ্জে দিল। তাকে প্রতিরোধ করার মতো পুরুষ মেষটির ক্ষমতা ছিল না; তারপর ছাগলটি পুরুষ মেষটিকে সজোরে মাটিতে ফেলে দিয়ে পা দিয়ে মাড়াতে লাগল এবং কেউ তাকে ছাগলটির কবল থেকে রক্ষা করতে পারল না। ৪ এরপর ছাগলটি আরও শক্তিশালী হয়ে উঠল কিন্তু ক্ষমতার শিখরে তার প্রকাণ্ড শিংটি ভেঙ্গে দেওয়া হল এবং তার বদলে চারটি শিং আকাশের চারদিকে গজিয়ে উঠল। ৫ আর তাদের মধ্য থেকে একটি শিং, যা প্রথমে ছোটো ছিল কিন্তু পরে, শক্তিশালী হয়ে উঠল; সেটি ক্ষমতায় দক্ষিণে, পূর্বে ও সেই মনোরম দেশের দিকে বৃদ্ধি পেল। ১০ শিংটি আকাশের তারামণ্ডল পর্যন্ত বেড়ে উঠল, এমনকি কয়েকটি তারাকে মাটিতে ফেলে দিল ও পা দিয়ে পিষতে লাগল। ১১ সেই শিংটি এত শক্তিশালী হয়ে উঠল যে সদাপ্রভুর সেনাবাহিনীর প্রধানের বিরুদ্ধে নিজেকে প্রতিষ্ঠা করল, সদাপ্রভুকে নিবেদিত দৈনিক নৈবেদ্য ছিনিয়ে নিল এবং তাঁর পবিত্রস্থান অপবিত্র করে তুলল। ১২ বিদ্রোহের কারণে সদাপ্রভুর লোকদের এবং দৈনিক উৎসর্গ তার হাতে সঁপে দেওয়া হল; সে যা কিছু করল সবকিছুতেই সফল হল এবং সত্য বর্জিত হল। ১৩ এরপর আমি শুনলাম, এক পবিত্র ব্যক্তি কথা বলছেন এবং অন্য এক পবিত্র ব্যক্তি তাকে জিজ্ঞাসা করছেন, “এই দর্শন কত কাল পরে পূর্ণ হবে; দৈনিক উৎসর্গ, ধ্বংসাত্মক অধর্ম, পবিত্রস্থানের সমর্পণ এবং সদাপ্রভুর লোকদের পদদলিত করার দর্শন?” ১৪ তিনি আমাকে বললেন, “সব মিলিয়ে ২,৩০০ সকাল ও সন্ধ্যা কাটলে পর এই পবিত্রস্থান পুনরায় পবিত্রকৃত হবে।” ১৫ যখন আমি, দানিয়েল, এই দর্শনটি দেখছিলাম ও বোঝার চেষ্টা করছিলাম, তখন আমার সামনে মানুষের মতো একজনকে দাঁড়িয়ে থাকতে দেখলাম। ১৬ এবং উলয় নদী থেকে এক মানুষের কর্তৃস্বর শুনতে পেলাম, তিনি বললেন, “গ্যারিয়েল, ওকে এই দর্শনের মানে বুঝিয়ে দাও।” ১৭ আমি যেখানে দাঁড়িয়েছিলাম সেখানে যখন গ্যারিয়েল এলেন, আমি প্রচণ্ড ভয় পেয়ে মাটিতে উপুড় হয়ে পড়লাম। তিনি আমায় বললেন, “মনুষ্যপুত্র, তুমি বুঝে নাও, যেসব ঘটনাবলি এই দর্শনে দেখেছ তা সব জগতের অন্তিমকাল সম্পর্কিত।” ১৮ যখন তিনি আমার সঙ্গে কথা বলছিলেন,

আমি গভীর ঘূমে মাটিতে উপুড় হয়েছিলাম। তখন তিনি আমাকে স্পর্শ করলেন ও আমাকে আমার পায়ে দাঁড় করিয়ে দিলেন। 19 তিনি বললেন: “এবার আমি তোমাকে বলব যে পরবর্তীকালে ঈশ্বরের ক্ষেত্রের সময় কি হবে, কারণ এই দর্শনটি নির্ধারিত অস্তিমকাল সম্পর্কিত। 20 দুই শিংযুক্ত পুরুষ মেষ মাদীয় ও পারস্য রাজাদের প্রতীক। 21 কৃৎসিত ছাগলটি গ্রীস রাজার প্রতীক এবং তার দু-চোখের মাঝে বড়ো শিংটি প্রথম রাজার প্রতীক। 22 প্রথম শিংটি ভেঙে দেওয়ার পরে যে চারটি শিং গজিয়ে উঠেছিল সেগুলি চারটি বিভক্ত রাজ্যের প্রতীক। তার রাজ্য বিভক্ত হয়ে এসব রাজ্য গড়ে উঠবে কিন্তু এসব রাজ্য প্রথম রাজ্যের মতো শক্তিশালী হবে না। 23 “তাদের রাজত্বের পরবর্তী সময়ে, যখন বিদ্রোহীরা কদাচারে চরমে উঠবে তখন ভয়াবহ, কুচক্ষান্তে দক্ষ, এক রাজার উদয় হবে। 24 সে অত্যন্ত শক্তিশালী হয়ে উঠবে কিন্তু তার নিজের শক্তিতে হবে না। সে সবকিছু ভেঙে তচ্ছন্দ ও ধ্বংস করে দেবে, সে যা কিছু করবে সবকিছুতেই সফল হবে। সে শক্তিশালী ব্যক্তিদের ও পরিত্র ব্যক্তিদেরও হত্যা করবে। 25 সে মিথ্যা ছলনার বিস্তার ঘটাবে এবং সে নিজেকে শ্রেষ্ঠ মনে করবে। যারা নিজেদের নিরাপদ বোধ করবে, তাদের হঠাতে সে আক্রমণ করে বহুজনকে বিনষ্ট করবে এবং অধিপতিগণের অধিপতির বিরুদ্ধে যুদ্ধ করবে। অথচ তার ধ্বংস অবশ্যই ঘটবে কিন্তু তা কোনো মানুষের শক্তিতে হবে না। 26 “তোমাকে যে 2,300 সন্ধ্যা ও সকালের দর্শন দেওয়া হয়েছে তা সত্য, কিন্তু তুমি এই দর্শন সিলমোহর দিয়ে বন্ধ করে রাখো, কেননা এসব বিষয় সুদূর ভবিষ্যতের।” 27 আমি, দানিয়েল, বিধ্বন্ত হলাম ও কয়েক দিন অসুস্থ হয়ে শুয়ে থাকলাম। পরে আমি উঠলাম ও রাজার কাছে আমার দায়িত্ব পালন করলাম। দর্শনে আমি হতভয় হয়ে গেলাম; যা ছিল বোধশক্তির অতীত।

**৯** দারিয়াবস, মাদীয় বংশজাত এবং অহশ্চেরশের পুত্র, ব্যাবিলনীয়দের রাজা হয়েছিলেন। 2 তার রাজত্বের প্রথম বছরে, আমি, দানিয়েল ভাববাদী যিরমিয়কে সদাপ্রভুর দেওয়া বাক্য থেকে বুঝালাম যে, জেরশালেমের পতন সন্তান বছর হ্যায়ী হবে। 3 তাই আমি প্রতু ঈশ্বরের

মুখ অঙ্গের করলাম ও চটের কাপড় পড়ে, ছাই মেখে, উপবাসে, তাঁর  
কাছে প্রার্থনা ও বিনতি করলাম। 4 আমি সদাপ্রভু আমার ঈশ্বরের  
কাছে প্রার্থনা করে, স্বীকার করলাম: “প্রভু, মহান ও ভয়াবহ ঈশ্বর, যারা  
তাঁকে প্রেম করে ও তাঁর আজ্ঞাসকল মেনে চলে, তাদের প্রতি তিনি  
তাঁর প্রেমের নিয়ম রক্ষা করেন, 5 আমরা পাপ করেছি, অন্যায় আচরণ  
করেছি। আমরা দুষ্ট পথে চলেছি, বিদ্রোহী হয়েছি; তোমার আজ্ঞা ও  
বিধান থেকে বিপথে গিয়েছি। 6 আমরা তোমার ভক্তদাস ভাববাদীদের  
কথায় কর্ণপাত করিনি, যারা তোমার মহানামে আমাদের রাজা,  
অধিপতি, পূর্বপুরুষ এবং দেশের সকলের সঙ্গে কথা বলেছিলেন। 7  
“প্রভু, তুমি ন্যায়পরায়ণ, কিন্তু আজকের দিনে আমরা লজ্জায় আবৃত;  
যিহুদার লোকসকল, জেরুশালেমের সব নিবাসী এবং সমস্ত ইস্রায়েল,  
যারা কাছে এবং দূরে, তোমার প্রতি আমাদের অবিশ্বস্ততার কারণে  
তুমি আমাদের সমস্ত দেশে ছড়িয়ে-ছিটিয়ে দিয়েছ। 8 আমরা ও  
আমাদের রাজাগণ, আমাদের অধিপতিগণ ও আমাদের পূর্বপুরুষেরা,  
আমরা সকলে লজ্জাতে আবৃত কারণ হে সদাপ্রভু, আমরা তোমার  
বিরুদ্ধে পাপ করেছি। 9 আমরা তোমার বিরুদ্ধে বিদ্রোহী হওয়া  
সত্ত্বেও হে প্রভু আমাদের ঈশ্বর, তুমি দয়ালু ও ক্ষমাশীল; 10 সদাপ্রভু  
আমাদের ঈশ্বরের আমরা অবাধ্য হয়েছি, এমনকি তাঁর পাঠান ভক্তদাস  
ভাববাদীদের মাধ্যমে যে বিধান আমাদের দেওয়া হয়েছিল তাও  
অমান্য করেছি। 11 সমগ্র ইস্রায়েল তোমার বিধান অমান্য করেছে ও  
বিপথে গেছে, তোমার বাধ্য হতে অস্বীকার করেছে। “তাই ঈশ্বরের  
দাস মোশির ব্যবস্থায় যেসব অভিশাপ ও বিচারের কথা লেখা আছে তা  
আমাদের উপর ঢেলে দেওয়া হয়েছে কারণ আমরা তোমার বিরুদ্ধে  
পাপ করেছি। 12 আমাদের ও আমাদের শাসকবর্গের বিরুদ্ধে যে বাক্য  
বলা হয়েছিল, আমাদের উপর মহা দুর্ভোগ এনে তুমি তা পূরণ করেছ।  
জেরুশালেমের প্রতি যা ঘটেছে তা সমস্ত আকাশের নিচে কখনও  
ঘটেনি। 13 মোশির ব্যবস্থায় যেমন লেখা আছে সেই অনুসারে এসব  
বিপর্যয় আমাদের উপরে এসেছে, তবুও পাপ থেকে মন ফিরিয়ে ও  
তোমার সত্ত্বের দিকে মনোযোগ দিয়ে আমরা সদাপ্রভু আমাদের

ঈশ্বরের কাছে অনুগ্রহ বিনতি করিনি। 14 সদাপ্রভু আমাদের উপর  
বিপর্যয় আনতে পিছপা হননি কারণ সদাপ্রভু আমাদের ঈশ্বর যা করেন  
তাতেই তিনি ন্যায়পরায়ণ, তবুও আমরা তাঁর আজ্ঞা পালন করিনি। 15  
“এখন হে প্রভু, আমাদের ঈশ্বর, তুমি মহান বাহুবলে মিশর দেশ থেকে  
তোমার লোকদের উদ্ধার করেছ এবং আপন মহানাম আজকের দিন  
পর্যন্ত বিখ্যাত করেছ, তবুও আমরা পাপ করেছি, অন্যায় করেছি। 16  
হে প্রভু, তোমার ধার্মিকতা অনুসারে জেরুশালেমের প্রতি তোমার  
রাগ ও ক্রোধ থেকে নিবৃত্ত হও, জেরুশালেম তো তোমারই নগরী,  
তোমারই পবিত্র পর্বত। আমাদের পাপ ও আমাদের পূর্বপুরুষদের  
অনাচার, জেরুশালেম ও তোমার লোকদের চারপাশের সকলের  
চোখে উপহাসের বন্ধ করে তুলেছে। 17 “এখন, আমাদের ঈশ্বর,  
তোমার দাসের প্রার্থনা ও বিনতি শোনো। তোমার জন্য, হে প্রভু,  
তোমার পরিত্যক্ত পবিত্রস্থানের দিকে অনুগ্রহের দৃষ্টি দাও। 18 হে  
আমাদের ঈশ্বর, কর্ণপাত করো ও শোনো; চোখ খুলে দেখো, তোমার  
নামাঙ্কিত নগরীর কী দুরাবস্থা। আমাদের ধার্মিকতার বলে নয় কিন্তু  
তোমার মহান করণার বলে আমরা তোমার কাছে এই বিনতি করছি।  
19 হে প্রভু, শোনো! হে প্রভু, ক্ষমা করো! হে প্রভু, এদিকে মন দাও ও  
আমাদের অনুরোধে কাজ করো! তোমার জন্য, হে আমার ঈশ্বর, দেরি  
কোরো না, কারণ তোমার নগর ও তোমার নগরবাসীরা তোমার নাম  
বহন করে।” 20 আমি কথা বলছিলাম ও প্রার্থনা করছিলাম, আমার  
পাপ ও স্বজ্ঞাতি ইস্রায়েলীদের পাপস্বীকার করছিলাম এবং সদাপ্রভু  
আমার ঈশ্বরের কাছে তাঁর পবিত্র পর্বতের জন্য বিনতি করছিলাম। 21  
যখন আমি প্রার্থনায় রত ছিলাম, তখন গ্যারিয়েল, যে ব্যক্তিকে আমি  
আগের দর্শনে দেখেছিলাম, সান্ধ্যকালীন উৎসর্গের সময় দ্রুতগতিতে  
আমার কাছে এলেন। 22 তিনি আমাকে বুঝিয়ে বললেন, ‘দানিয়েল,  
এখন আমি তোমাকে অন্তর্দৃষ্টি ও বোধশক্তি দিতে এসেছি। 23 তুমি  
যে মুহূর্তে প্রার্থনা শুরু করেছিলে সেই মুহূর্তে এক আদেশ দেওয়া  
হয়েছিল যা আমি তোমাকে বলতে এসেছি কারণ তুমি ঈশ্বরের চোখে  
খুব মূল্যবান। তাই আমার কথা মন দিয়ে শোনো, যেন সেই দর্শন

বুনতে পারো: 24 “তোমার স্বজাতি ও পবিত্র নগরীর জন্য সন্তরের ‘সাত’ নির্ধারিত হয়েছে তাদের অপরাধ সমাপ্ত করার জন্য, পাপ কাজ বন্ধ করার জন্য, দুষ্টার প্রায়শিত করার জন্য, চিরস্থায়ী ধার্মিকতা আনার জন্য, দর্শন ও ভাববাণী সুনিশ্চিত করার জন্য এবং মহাপবিত্র স্থান অভিষিক্ত করার জন্য। 25 “মন দিয়ে শোনো ও বুঝে নাও: জেরশালেমের পুনরুদ্ধার ও পুর্ণগঠনের আদেশ জারি হওয়ার সময় থেকে অভিষিক্ত ব্যক্তি, শাসক আসা পর্যন্ত সন্তরের ‘সাত’ এবং বাষটির ‘সাত’ অতিবাহিত হবে। জেরশালেম রাস্তা ও শক্তিশালী প্রতিরক্ষা সহ পুনর্গঠিত হবে, যদিও সেই সময় সংকটময় হবে 26 পরে বাষটির ‘সাত’ পূর্ণ হলে সেই অভিষিক্ত ব্যক্তিকে হত্যা করা হবে এবং তার কিছুই থাকবে না। তারপর এক শাসকের আবির্ভাব হবে যার সৈন্যবাহিনী নগর ও মন্দির ধ্বংস করবে। বন্যার মতো শেষ সময় ঘনিয়ে আসবে: অন্তিমকাল পর্যন্ত যুদ্ধ চলবে কারণ প্রবল তাওর নির্ধারিত হয়েছে। 27 সেই শাসক এক ‘সাতের’ জন্য অনেকের সঙ্গে নিয়ম স্থাপন করবে। কিন্তু সেই ‘সাতের’ মাঝে সে উৎসর্গ ও বলিদান প্রথা বন্ধ করে দেবে। এবং মন্দিরে ধ্বংস-আনয়নকারী সেই ঘৃণ্য বন্ধ স্থাপন করবে, যতক্ষণ না পর্যন্ত শেষ সময় যা নির্ধারিত হয়েছিল, তার উপর ঘনিয়ে আসবে।”

**10** পারস্য-রাজ কোরসের রাজত্বের তৃতীয় বছরে যাকে বেল্টশৎসর নামে ডাকা হত সেই দানিয়েলের কাছে একটি দর্শন প্রকাশিত হল। তার বার্তা ছিল সত্য ও এক মহাযুদ্ধ সম্পর্কিত। দর্শনের মাধ্যমে সেই বার্তার মানে তার কাছে এল। 2 সেই সময় আমি, দানিয়েল, তিনি সপ্তাহ ধরে শোক পালন করলাম। 3 আমি কোনো সুস্থানু খাবার খেলাম না; মাংস ও সুরা আমি মুখে তুললাম না; এবং তিনি সপ্তাহ কেটে না যাওয়া পর্যন্ত সুগন্ধি তেল মাখলাম না। 4 প্রথম মাসের চরিশতম দিনে, আমি টাইগ্রিস মহানদীর ধারে দাঁড়িয়েছিলাম। 5 আমি চোখ তুলে দেখলাম যে আমার সামনে এক ব্যক্তি দাঁড়িয়ে আছেন, যার পরনে ছিল লিনেন, তাঁর কোমরে ছিল উফসের খাঁটি সোনার কটিবন্ধ। 6 তাঁর শরীর ছিল বৈদূর্যমণির মতো, তাঁর মুখমণ্ডল বিদ্যুতের মতো,

তাঁর চোখ জ্বলন্ত মশালের মতো, তাঁর হাত ও পা পালিশ করা পিতলের  
কিরণের মতো এবং তাঁর কণ্ঠস্বর ছিল জনসমুদ্রের মতো। 7 কেবলমাত্র  
আমি, দানিয়েল, সেই দর্শন দেখেছিলাম; যারা আমার সঙ্গে ছিল তারা  
কিছুই দেখতে পেল না কিন্তু আতঙ্ক তাদের এতটাই গ্রাস করল যে  
তারা পালিয়ে গেল ও লুকিয়ে পড়ল। 8 তাই আমি একাই রইলাম এবং  
এই মহা দর্শনের দিকে তাকিয়ে রইলাম; আমার কোনো শক্তি বাকি  
রইল না, আমার মুখমণ্ডল মৃতের মতো বিবর্ণ হয়ে উঠল এবং আমি  
অসহায় হয়ে পড়লাম। 9 এরপর আমি সেই ব্যক্তিকে কথা বলতে  
শুনলাম; যখন আমি তাঁর কণ্ঠস্বর শুনলাম তখন আমি অজ্ঞান হয়ে  
মাটিতে উরুড় হয়ে পড়লাম। 10 তখন একটি হাত আমাকে স্পর্শ  
করল ও আমাকে হাতের ও হাঁটুর উপর ভর দিয়ে বসিয়ে দিল; আমি  
কাঁপছিলাম। 11 তিনি আমাকে বললেন, “দানিয়েল, তুমি ঈশ্বরের  
প্রিয়পাত্র, আমি তোমাকে যা বলতে যাচ্ছি তা মনোযোগ দিয়ে শোনো  
এবং উঠে দাঁড়াও, কারণ আমাকে তোমার কাছে পাঠানো হয়েছে।”  
যখন তিনি আমাকে এই কথা বললেন, তখন আমি কাঁপতে কাঁপতে  
উঠে দাঁড়ালাম। 12 তিনি আরও বললেন, “দানিয়েল, ভয় কোরো না।  
তুমি প্রথম যেদিন জ্ঞান অর্জন করতে মনোযোগ দিয়েছিলে ও তোমার  
ঈশ্বরের সামনে নিজেকে নম্বৰ করেছিলে, সেইদিনই ঈশ্বর তোমার  
প্রার্থনা শুনেছিলেন এবং আমি তার উভরে তোমার সামনে হাজির  
হয়েছি। 13 কিন্তু পারস্য সান্ত্বাজ্যের অধিপতি আমাকে একুশদিন  
প্রতিরোধ করেছিল। তখন মীখায়েল, প্রধান অধিপতিগণদের একজন  
আমাকে সাহায্য করতে আসলেন, কারণ পারস্য রাজাৰ কাছে আমাকে  
আটকে রাখা হয়েছিল। 14 তোমার স্বজ্ঞাতিদের প্রতি ভবিষ্যতে কী  
ঘটবে তা ব্যাখ্যা করতে এখন আমি এসেছি, কারণ এই দর্শন আসন্ন  
সময়ের কথা।” 15 তিনি যখন আমাকে এসব কথা বলছিলেন তখন  
আমি মাথা নিচু করে উপুড় হয়ে মাটির দিকে চেয়ে রইলাম, কিছুই  
বলতে পারলাম না। 16 তখন যিনি মানুষের মতো দেখতে তিনি আমার  
ঠোঁট দুটি স্পর্শ করলেন এবং আমি মুখ খুললাম ও কথা বলতে শুরু  
করলাম। যিনি আমার সামনে দাঁড়িয়েছিলেন তাঁকে আমি বললাম,

“হে আমার প্রভু, দর্শনের কারণে নিদারণ মানসিক যন্ত্রণা আমাকে  
গ্রাস করেছে এবং নিজেকে অত্যন্ত দুর্বল বোধ করছি। 17 হে প্রভু,  
আমি, তোমার ভক্তদাস, কী করে তোমার সঙ্গে কথা বলতে পারি?  
আমার সব শক্তি শেষ হয়ে গেছে এবং ঠিক ভাবে নিখাসও নিতে  
পারছি না।” 18 পুনরায় তিনি, যাকে মানুষের মতো দেখতে, আমাকে  
স্পর্শ করলেন ও আমাকে শক্তি দিলেন। 19 তিনি বললেন, “ভয়  
করো না কারণ তুমি ঈশ্বরের প্রিয়পাত্র। তোমার শান্তি হোক! সাহস  
করো ও শক্তিশালী হও।” যখন তিনি আমাকে এসব বললেন তখন  
আমি শক্তি পেলাম এবং বললাম, “হে প্রভু, বলুন, কারণ আপনি  
আমাকে শক্তি দিয়েছেন।” 20 তখন তিনি বললেন, “তুমি কি জানো  
যে কেন আমি তোমার কাছে এসেছি? শীঘ্রই আমি পারস্য সাম্রাজ্যের  
অধিপতির বিরুদ্ধে যুদ্ধ করতে ফিরে যাব এবং যখন আমি যাব,  
গ্রীসের অধিপতিও আসবে; 21 কিন্তু প্রথমে আমি তোমাকে বলব  
সত্যের বইতে কি লেখা আছে। (তাদের বিরুদ্ধে এই সংগ্রামে একমাত্র  
মীখায়েল, তোমার অধিপতি ছাড়া কেউ আমাকে সাহায্য করে না।

**11** মাদীয় দারিয়াবসের রাজত্বের প্রথম বছরে, আমি তাকে শক্তি  
দেবার ও রক্ষা করার জন্য পদক্ষেপ নিয়েছিলাম।) 2 “আমি, এখন,  
তোমাকে সত্যি বলছি: পারস্যে আরও তিনজন রাজা রাজত্ব করবে,  
তারপরে চতুর্থ একজন রাজা আসবে যে অন্যদের থেকে অনেক  
বেশি ঐশ্বর্যশালী হবে। ঐশ্বর্যের বলে ক্ষমতার শিখরে উঠে সে গ্রীস  
রাজ্যের বিরুদ্ধে সকলকে প্ররোচিত করবে। 3 পরে এক শক্তিশালী  
রাজার উত্থান হবে যে মহাশক্তিতে এবং নিজের ইচ্ছা অনুযায়ী শাসন  
করবে। 4 কিন্তু উত্থানের পরে তার সাম্রাজ্য ভেঙে দেওয়া হবে ও  
আকাশের চারদিকে ছড়িয়ে দেওয়া হবে। সেই ভাগ তার বংশধরদের  
দেওয়া হবে না; এমনকি তার মতো প্রচণ্ড প্রতাপ তাদের থাকবে না  
কারণ তার সাম্রাজ্য উপড়ে ফেলা হবে ও অন্যদের দেওয়া হবে। 5  
“এরপর দক্ষিণের রাজার শক্তিরূপি পাবে কিন্তু তার একজন সেনাপতি  
তার তুলনায় বেশি শক্তিশালী হবে এবং সে মহাশক্তিতে নিজের  
রাজ্য শাসন করবে। 6 কয়েক বছর পরে, উত্তরের রাজা ও দক্ষিণের

রাজার মধ্যে মিত্রতা স্থাপন হবে। দক্ষিণের রাজার কন্যা উভয়ের  
রাজার সঙ্গে নিয়ম স্থাপন করতে যাবে কিন্তু সেই কন্যা তার শক্তি  
ধরে রাখতে পারবে না এবং সেই রাজাও তার ক্ষমতায় স্থায়ী হবে  
না। তারপর সেই কন্যা, তার রাজকীয় সহচর, তার বাবা ও যে তাকে  
সমর্থন করেছিল সকলেই বিশ্বাসযাতকতার শিকার হবে। 7 “কিন্তু  
যখন সেই কন্যার এক আত্মীয় দক্ষিণের রাজা হবে তখন সে উভয়ের  
রাজার সেনাবাহিনীকে আক্রমণ করবে ও তার দুর্গে প্রবেশ করবে;  
তাদের বিরুদ্ধে সে যুদ্ধ করবে ও বিজয়ী হবে। 8 বিজয়ী এই রাজা  
তাদের দেবতাদের, তাদের ধাতুর তৈরি বিগ্রহ এবং তাদের ঝঁপো ও  
সোনার মূল্যবান বস্ত্রসকল দখল করে মিশরে নিয়ে যাবে। কয়েক বছর  
সে উভয়ের রাজার বিরোধিতা করবে না। 9 তারপর উভয়ের রাজা  
দক্ষিণের রাজার রাজত্ব আক্রমণ করবে কিন্তু পরাজিত হয়ে নিজের  
দেশে ফিরে যাবে। 10 তার পুত্রেরা যুদ্ধের প্রস্তুতি করবে ও এক মহা  
সৈন্যদল একত্রিত করবে। তারা ভীষণ বন্যার মতো অগ্রসর হবে ও  
যুদ্ধ করতে করতে দক্ষিণের রাজার দুর্গ পর্যন্ত পৌঁছে যাবে। 11 “তখন  
দক্ষিণের রাজা প্রচণ্ড ক্ষোভে উভয়ের রাজার বিরুদ্ধে যাত্রা করবে ও  
যুদ্ধ করবে। উভয়ের রাজা বিশাল সেনাবাহিনী নিয়ে যুদ্ধ করলেও  
পরাজিত হবে। 12 যখন সৈন্যদের বন্দি করা হবে তখন দক্ষিণের রাজা  
অহংকারে মন্ত হয়ে উঠবে এবং হাজার হাজার জনকে হত্যা করবে  
অথচ সে বিজয়ী রইবে না। 13 কারণ উভয়ের রাজা আগের তুলনায়  
আরও বিশাল এক সৈন্যবাহিনী প্রস্তুত করবে এবং কয়েক বছর পরে  
সম্পূর্ণ সুসজ্জিত এক বিশাল বাহিনী নিয়ে আক্রমণ করবে। 14 “সেই  
সময়ে অনেকে দক্ষিণের রাজার বিরুদ্ধে মাথা তুলে দাঁড়াবে। তোমার  
স্বজাতির মধ্যে যারা উগ্র তারা বিদ্রোহ করবে; এতে দর্শন সম্পূর্ণ হবে  
কিন্তু তারা সফল হবে না। 15 এসময় উভয়ের রাজা আসবে, আক্রমণ  
করে এক সুরক্ষিত নগর অবরোধ করবে এবং দখল করে নেবে।  
দক্ষিণের সেনাবাহিনী প্রতিরোধ করতে শক্তিহীন হয়ে পড়বে; তাদের  
শ্রেষ্ঠ যোদ্ধারাও প্রতিরোধ করার শক্তি পাবে না। 16 সেই আক্রমণকারী  
যেমন খুশি তেমনই করবে; কেউই তার বিরুদ্ধে মাথা তুলে দাঁড়াতে

পারবে না। সে মনোরম দেশে নিজেকে প্রতিষ্ঠিত করবে ও সেটিকে ধ্বংস করার ক্ষমতা তার হাতেই থাকবে। 17 সে তার রাজ্যের সর্বশক্তি প্রয়োগ করে আসবার পরিকল্পনা করবে ও দক্ষিণের রাজার সঙ্গে মিত্রতা স্থাপন করবে। এবং সেই রাজা দক্ষিণের রাজার সঙ্গে তার এক মেয়ের বিয়ে দেবে এবং তার সাম্রাজ্য উৎখাত করতে চাইবে। কিন্তু তার এই অভিসন্ধি সফল হবে না। 18 এরপর সেই রাজা উপকূলের অঞ্চলের দিকে দৃষ্টি দেবে ও তাদের অনেক অংশ নিজের হস্তগত করবে, কিন্তু এক সেনানায়ক তার ওপর শেষ করবে এবং লজ্জায় তাকে পিছু ফিরতে বাধ্য করবে। 19 তারপর সে নিজের দেশের দুর্গে ফিরে যাওয়ার চেষ্টা করবে কিন্তু হোঁচ্ট খাবে এবং তার পতন হবে, তাকে পরবর্তীকালে আর খুঁজে পাওয়া যাবে না। 20 “তার উত্তরাধিকারী রাজ্যের প্রতিপত্তি বজায় রাখতে এক কর আদায়কারীকে পাঠাবে। কিন্তু কয়েক বছরের মধ্যে সেও ধ্বংস হবে, যদিও তার মৃত্যু ক্ষেত্রে বা যুদ্ধে ঘটবে না। 21 “তার স্থানে এক তুচ্ছ ব্যক্তি রাজা হবে, যার রাজকীয় সম্মান পাবার কোনো অধিকার নেই। যখন লোকেরা সুরক্ষিত বোধ করবে তখন সে আক্রমণ করবে এবং ছলনায় রাজপদ অধিকার করবে। 22 তখন অদম্য এক সেনাবাহিনী তার সামনে বহিষ্ঠিত হবে; সেই সেনাবাহিনী ও নিয়মের অধিপতি উভয়েই ধ্বংস হবে। 23 তার সাথে নিয়ম স্থাপন করে সে ছলনা করবে ও অল্প কয়েকজনকে নিয়ে সে ক্ষমতায় আসবে। 24 যখন ঐশ্বর্যশালী অঞ্চলগুলি সুরক্ষিত বোধ করবে, সে তখন সেইসব অঞ্চল আক্রমণ করবে এবং এমন সবকিছু হস্তগত করবে যা তার পিতৃপুরুষ বা পূর্বপুরুষেরাও পারেনি। যুদ্ধে লুঁচিত দ্রব্য ও লুট করা ধনসম্পদ তার অনুচরদের মধ্যে সে ভাগ করে দেবে। সে অনেক সামরিক দুর্গ দখল করার পরিকল্পনা করবে কিন্তু সীমিত সময়ের জন্যই তা স্থায়ী হবে। 25 “এক বিশাল বাহিনী নিয়ে সে দক্ষিণের রাজার বিরুদ্ধে নিজের শক্তি ও সাহস বৃদ্ধি করবে কিন্তু ষড়যন্ত্রের শিকার হয়ে তার বিরুদ্ধে টিকতে পারবে না। 26 তার রাজকীয় আদালতের সদস্যরা তাকে ধ্বংস করার চেষ্টা করবে; তার

সেনাবাহিনী পরাজিত হবে এবং অনেকে যুদ্ধে প্রাপ্ত হারাবে। 27  
দুই রাজা, হিংসায় পূর্ণ হয়ে, এক টেবিলে বসে আহার করবে অথচ  
পরম্পরকে ঘির্থ্যা কথা বলবে, কিন্তু তাদের অভিসন্ধি সফল হবে  
না, কারণ নির্ধারিত সময়েই বিনাশ ঘটবে। 28 উত্তরের রাজা প্রচুর  
ধনসম্পদ নিয়ে স্বদেশে ফিরে যাবে। কিন্তু তার হন্দয় পবিত্র নিয়মের  
বিপক্ষে যাবে এবং তার বিরুদ্ধে কাজ করবে; পরে সে দেশে ফিরে  
যাবে। 29 “নির্ধারিত সময়ে আবার সে দক্ষিণ দেশ আক্রমণ করবে  
কিন্তু আগের তুলনায় ফলাফল এবার ভিন্ন হবে। 30 পশ্চিম উপকূলীয়  
অঞ্চলের যুদ্ধজাহাজগুলি তার অভিযান প্রতিরোধ করবে এবং সে  
সাহস হারাবে। তখন সে ফিরে যাবে এবং পবিত্র নিয়মের বিরুদ্ধে  
ক্রোধ প্রকাশ করবে। সে ফিরে গিয়ে যারা পবিত্র নিয়ম পরিত্যাগ  
করেছে তাদের প্রতি পক্ষপাতিত্ব করবে। 31 “তার সশস্ত্র সেনাবাহিনী  
অগ্রসর হয়ে সুরক্ষিত পবিত্রস্থান অঙ্গটি করবে এবং নিত্য-নৈবেদ্য  
উৎসর্গ বন্ধ করে দেবে। তারপর তারা ধ্বংস-আনয়নকারী সেই ঘৃণ্য  
বস্তুকে স্থাপন করবে। 32 যারা সেই পবিত্র নিয়ম লঙ্ঘন করেছে তাদের  
সে তোষামোদ করবে ও নিজের দলে করবে কিন্তু যেসব মানুষ তাদের  
ঈশ্বরকে জানে তারা দৃঢ়ভাবে তার প্রতিরোধ করবে। 33 “এসময়  
যারা জ্ঞানী তারা অনেককে সুপরামর্শ দেবে, কিন্তু পরিণামে তাদের  
তরোয়াল দিয়ে বধ করা হবে, অথবা আগুনে পুড়িয়ে দেওয়া হবে,  
অথবা বন্দি করা হবে, অথবা তাদের সর্বস্ব লুট করে নেওয়া হবে।  
34 যখন তাদের পতন হবে, তারা স্বল্প সাহায্য পাবে, কিন্তু অনেকে  
যারা নিষ্ঠাহীন তাদের সঙ্গে যোগদান করবে। 35 জ্ঞানী লোকদের  
মধ্যে কেউ কেউ কষ্ট পাবে; এভাবে তারা পরীক্ষাসিদ্ধ, পরিষ্কৃত ও  
শুচিশুদ্ধ হয়ে উঠবে যে তক্ষণ না পর্যন্ত শেষ সময় ঘনিয়ে আসছে কারণ  
নির্ধারিত সময়েই তা উপস্থিত হবে। 36 “রাজা নিজের ইচ্ছামতো  
কাজ করবে। সব দেবতাদের উর্ধ্বে সে নিজেকে উন্নত ও মহিমান্বিত  
করবে এবং দেবতাদের ঈশ্বরের বিরুদ্ধে এমন কথা বলবে যা আগে  
কখনও শোনা যায়নি। ক্রোধের সময় সম্পূর্ণ না হওয়া পর্যন্ত সে সফল  
হবে, যা নির্ধারিত হয়েছে তা অবশ্যই ঘটবে। 37 তার পূর্বপুরুষদের

আরাধ্য দেবতাদের ও নারীদের কাম্য দেবতাকে সে মানবে না,  
এমনকি সে কোনো দেবতাকেই মানবে না, কিন্তু সব দেবতাদের  
উপরে নিজেকে মহিমান্বিত করবে। 38 তাদের পরিবর্তে সে এক দুর্গ  
দেবতার সম্মান করবে, যে দেবতা তার পিতৃপুরুষদের অজ্ঞাত ছিল;  
কিন্তু সেই দেবতাকে সোনা, রংপো, মণিমাণিক্য ও উৎকৃষ্ট উপহার  
দিয়ে সম্মান করবে। 39 অইছুদি দেবতার সাহায্যে সে শক্তিশালী  
দুর্গসকল আক্রমণ করবে এবং যারা তাকে স্বীকার করবে তাদের  
অনেক সম্মানিত করবে। অনেক লোকদের উপরে সে তাদের শাসক  
রূপে প্রতিষ্ঠা করবে ও মূল্যের বিনিময়ে তাদের মধ্যে জমি ভাগ করে  
দেবে। 40 “শেষ সময়ে দক্ষিণের রাজা তাকে যুদ্ধে রত করবে এবং  
উত্তরের রাজা মহাবিক্রমে তার রথ, ঘোড়া ও নৌবাহিনী নিয়ে তার  
বিরুদ্ধে যুদ্ধ করবে। সে অনেক দেশ আক্রমণ করবে ও জলস্ন্তোতের  
মতো তাদের বিরুদ্ধে জয়লাভ করবে। 41 সে মনোরম দেশও আক্রমণ  
করবে। অনেক দেশ তার হাতে পরাস্ত হবে কিন্তু ইদোম, মোয়াব  
এবং অম্মোনের রাজারা তার হাত থেকে রক্ষা পাবে। 42 এইভাবে  
বিভিন্ন দেশের উপর সে ক্ষমতা বিস্তার করবে; মিশরও রক্ষা পাবে  
না। 43 মিশরে সুরক্ষিত সোনা, রংপো ও বিভিন্ন মূল্যবান সামগ্রী তার  
হস্তগত হবে; এমনকি লিবিয়া ও কৃশকেও সে পদানত করবে। 44  
কিন্তু পূর্ব ও উত্তর থেকে আগত সংবাদ তাকে আতঙ্কিত করে তুলবে  
এবং মহাক্ষেত্রে সে অনেককে ধ্বংস ও বিনাশ করবে। 45 সমুদ্র ও  
পবিত্র পর্বতের মাঝখানে সে রাজকীয় তাঁবু স্থাপন করবে। অর্থাচ তার  
শেষকাল উপস্থিত হবে এবং কেউ তাকে সাহায্য করবে না।

**12** “সেই সময় মীখায়েল, সেই মহান অধিপতি যে তোমার স্বজাতিকে  
রক্ষা করে, উঠে দাঁড়াবে। আর এক সংকটের সময় উপস্থিত হবে,  
এমন সময় যা জগতের বিভিন্ন জাতির উত্থান থেকে আজ পর্যন্ত  
কখনও ঘটেনি। কিন্তু সেই সময়ে তোমার লোকেরা, যাদের নাম  
বইতে পাওয়া যাবে, কেবল তারাই রক্ষা পাবে। 2 পৃথিবীর ধুলোর  
মধ্যে যারা ঘুমিয়ে আছে, তাদের অনেকে বেঁচে উঠবে, কেউ চিরস্থায়ী  
জীবন লাভ করার উদ্দেশে আবার কেউ লজ্জা ও চিরস্থায়ী ঘৃণার

উদ্দেশে। 3 যারা জ্ঞানী তারা স্বর্গের উজ্জ্বলতার মতো জ্বলবে, ও যারা  
বহুজনকে ধার্মিকতার পথ দেখিয়েছে, তারা চিরকাল তারার মতো  
জ্বলবে। 4 কিন্তু তুমি, দানিয়েল, শেষ সময় পর্যন্ত এসব কথা গোপন  
করে রাখো এবং পুঁথির কথা সিলমোহর দিয়ে বন্ধ করে রাখো। জ্ঞানের  
সন্ধানে অনেকে এখানে ওখানে ছুটবে।” 5 তখন আমি, দানিয়েল,  
তাকিয়ে দেখলাম এবং আমার সামনে অন্য দুজনকে দাঁড়িয়ে থাকতে  
দেখলাম, একজন নদীর এপারে, অন্যজন ওপারে। 6 তাদের মধ্যে  
একজন লিনেন কাপড় পরিহিত ব্যক্তিকে, যিনি নদীর জলের উপর  
দাঁড়িয়েছিলেন, জিজ্ঞাসা করলেন, “এইসব আশৰ্য বিষয় কবে পূর্ণ  
হবে?” 7 সেই লিনেন কাপড় পরিহিত ও নদীর জলের উপর দাঁড়িয়ে  
থাকা ব্যক্তি নিজের ডান হাত ও বাঁ হাত স্বর্গের দিকে তুললেন এবং  
আমি শুনলাম যে তিনি নিত্যজীবির নামে শপথ করে বললেন, “এটি  
এক কাল, দুই কাল এবং অর্ধেক কাল পর্যন্ত হবে। যখন পরিভ্রজনদের  
শক্তি সবশেষে চূর্ণ হবে, তখন এইসব বিষয় সম্পূর্ণ হবে।” 8 আমি  
শুনলাম কিন্তু আমি বুঝতে পারলাম না। তাই আমি প্রশ্ন করলাম, “তে  
আমার প্রভু, এই সবকিছুর শেষে কী ফলাফল হবে?” 9 তিনি উত্তর  
দিলেন, “দানিয়েল, তুমি এবার যাও, কারণ জগতের শেষ সময় পর্যন্ত  
এই কথাগুলি গোপন রাখা হয়েছে এবং সিলমোহর দিয়ে বন্ধ করে  
রাখা হয়েছে। 10 অনেকে পরিষ্কৃত, শুচিশুদ্ধ ও পরীক্ষাসিদ্ধ হবে কিন্তু  
দুষ্টরা দুষ্টই থাকবে। আর দুষ্টদের মধ্যে কেউ বুঝবে না কেবল যারা  
জ্ঞানী তারাই এসব বুঝতে পারবে। 11 “নিত্য-নৈবেদ্য উচ্ছেদ হওয়া  
থেকে ধ্বংস-আনয়নকারী সেই ঘৃণ্য বস্তু স্থাপিত হওয়া পর্যন্ত 1,290  
দিন হবে। 12 ধন্য তারা যারা অপেক্ষা করবে এবং 1,335 দিনের  
শেষ পর্যন্ত পৌঁছাবে। 13 “কিন্তু, তুমি শেষদিন পর্যন্ত বিশ্বস্ত থেকো।  
এরপর তুমি বিশ্রাম নেবে এবং কালের শেষ সময়ে তোমার নির্ধারিত  
অধিকার গ্রহণ করতে বেঁচে উঠবে।”

## হোশেয় ভাববাদীর বই

১ যিহুদার রাজা উষিয়, যোথম, আহস ও হিক্ষিয়ের সময়ে এবং যিহোয়াশের পুত্র ইস্রায়েলের রাজা যারবিয়ামের সময়ে সদাপ্রভুর এই বাক্য বেরির পুত্র হোশেয়ের কাছে উপস্থিত হল: ২ সদাপ্রভু যখন হোশেয়ের মাধ্যমে কথা বলা শুরু করলেন, তখন সদাপ্রভু তাঁকে বললেন, “তুমি যাও, এক ব্যভিচারী স্তী ও অবিশ্঵স্ততার সন্তানদের গ্রহণ করো, কারণ এই দেশ সদাপ্রভুর কাছ থেকে বিচ্ছিন্ন হওয়ায় এক ভয়ংকর ব্যভিচার করেছে।” ৩ তাই তিনি গিয়ে দিবলায়িমের কন্যা গোমরকে বিবাহ করলেন, এবং সে গর্ভবতী হয়ে তাঁর জন্য এক পুত্র প্রসব করল। ৪ এরপর সদাপ্রভু হোশেয়কে বললেন, “ওর নাম রাখো যিন্নিয়েল, কারণ যিন্নিয়েলে হত্যালীলা সংঘটিত করার অপরাধে আমি যেহুর কুলকে সত্ত্বর শাস্তি দেব এবং আমি ইস্রায়েল রাজ্যের পরিসমাপ্তি ঘটাব। ৫ সেদিন, আমি যিন্নিয়েল উপত্যকায় ইস্রায়েলের ধনুক ভেঙে ফেলব।” ৬ গোমর আবার গর্ভবতী হয়ে এক কন্যাসন্তানের জন্ম দিল। তখন সদাপ্রভু হোশেয়কে বললেন, “ওর নাম রাখো লো-রহামা, কারণ আমি আর ইস্রায়েল কুলের প্রতি ভালোবাসা প্রদর্শন করব না। আমি তাদের আর ক্ষমা করব না। ৭ কিন্তু যিহুদা কুলের প্রতি আমি আমার ভালোবাসা প্রদর্শন করব। আমি তাদের উদ্ধার করব, তির, তরোয়াল বা যুদ্ধের দ্বারা নয়, অশ্ব বা অশ্বারোহীদের দ্বারাও নয়, কিন্তু তাদের ঈশ্বর সদাপ্রভুর দ্বারা।” ৮ গোমর লো-রহামাকে স্তন্যপান ত্যাগ করানোর পরে তার আর একটি পুত্র হল। ৯ তখন সদাপ্রভু বললেন, “ওর নাম রাখো লো-আম্মি, কারণ তোমরা আমার প্রজা নও এবং আমি তোমাদের ঈশ্বর নই। ১০ ‘তবুও ইস্রায়েল-সন্তানদের সংখ্যা হবে সমুদ্রতটের সেই বালুকগার মতো, যার পরিমাপ করা বা গণনা করা যায় না। যেখানে তাদের বলা হয়েছিল, ‘তোমরা’ আমার প্রজা নও,’ সেখানে তাদের বলা হবে, ‘জীবন্ত ঈশ্বরের পুত্র।’ ১১ কারণ যিহুদা কুল ও ইস্রায়েল কুলের লোকেরা পুনরায় সংযুক্ত হবে; তারা একজন নেতাকে নিযুক্ত করে সেই দেশ থেকে বের হয়ে আসবে, এবং যিন্নিয়েলের সেদিন মহান হবে।”

2 “তোমাদের ভাইদের বলো, ‘আমার প্রজা’ এবং তোমাদের বোনেদের  
বলো, ‘আমার প্রিয়পাত্রী।’ 2 “তোমাদের মাকে তিরক্ষার করো,  
তিরক্ষার করো তাকে, কারণ সে আমার স্ত্রী নয়, এবং আমি তার স্বামী  
নই। সে তার মুখমণ্ডল থেকে ব্যভিচারী চাউনি এবং তার স্তনযুগলের  
মধ্য থেকে অবিশ্বস্ত দূর করুক। 3 তা না হলে আমি তাকে বিবস্ত  
করব এবং জন্মক্ষণে সে যেমন ছিল, তেমনই তাকে উলঙ্গ রেখে  
দেব; আমি তাকে এক মরহুমান্তর সদৃশ করব, তাকে এক শুক্র-  
ভূমিতে পরিণত করব এবং পিপাসায় তার প্রাণ হরণ করব। 4 আমি  
তার ছেলেমেয়েদের প্রতি ভালোবাসা প্রদর্শন করব না, কারণ তারা  
ব্যভিচারের সন্তান। 5 তাদের মা অবিশ্বস্ত হয়েছে ও কলঙ্কিত হয়ে  
তাদের গর্ভে ধারণ করেছে। সে বলেছে, ‘আমি আমার প্রেমিকদের  
পশ্চাদগামী হব, যারা আমার অঘজল, আমার পশম ও মসিনার  
পোশাক, আমার তেল ও আমার পানীয় যুগিয়ে দেয়।’ 6 তাই আমি  
কাঁটাবোপে তার পথ রক্ষ করব; আমি তাকে প্রাচীরের মধ্যে অবরুদ্ধ  
করব, যেন সে তার সেই পথ খুঁজে না পায়। 7 সে তার প্রেমিকদের  
পশ্চাদ্বাবন করবে, কিন্তু তাদের নাগাল পাবে না; সে তাদের অস্বেষণ  
করবে, কিন্তু তাদের সন্ধান পাবে না। তখন সে বলবে, ‘আমি আমার  
প্রথম স্বামীর কাছে ফিরে যাব, কারণ তখন আমি এখনকার চেয়ে  
ভালো ছিলাম।’ 8 সে স্বীকার করেনি যে, আমিই সেই জন যে তাকে  
শস্য, নতুন দ্রাক্ষারস ও তেল দিতাম, তাকে অপরিমিত পরিমাণে  
সোনা ও রংপো দিতাম, যা তারা বায়াল-দেবতার উদ্দেশ্যে ব্যবহার  
করেছে। 9 “অতএব, আমার শস্য পরিপক্ষ হলে ও আমার নতুন  
দ্রাক্ষারস তৈরি হলে, আমি সেগুলি অপসারিত করব। তার নগ্নতা  
নিবারণের জন্য দেওয়া, আমার পশম ও মসিনার পোশাক আমি ফেরত  
নেব। 10 তাই এখন আমি তার প্রেমিকদের সামনে তার চরিত্রান্তিমার  
কথা প্রকাশ করব; আমার হাত থেকে কেউ তাকে নিষ্ঠার করতে  
পারবে না। 11 আমি তার সমস্ত আনন্দ উদ্যাপন, তার বাংসরিক  
উৎসব-অনুষ্ঠান, তার অমাবস্যা, সার্বার্থদিনগুলি ও তার নিরূপিত  
পালাপার্বনগুলি আমি বন্ধ করে দেব। 12 আমি তার সব দ্রাক্ষালতা,

তার ডুমুর গাছগুলি আমি ধ্বংস করব, কারণ সে বলেছিল যে, সেগুলি  
তার প্রেমিকদের কাছ থেকে পাওয়া বেতনস্বরূপ; আমি সেগুলিকে  
ঘন রোপঝাড়ে পরিণত করব, বন্যপশুরা সেগুলি গ্রাস করবে। 13  
বায়াল-দেবতাদের উদ্দেশে সে যতদিন ধূপদাহ করেছিল, তার জন্য  
আমি তাকে শাস্তি দেব; সে আংটি ও বিভিন্ন অলংকারে নিজেকে  
সজ্জিত করত এবং তার প্রেমিকদের পশ্চাদগামী হত, কিন্তু আমাকে  
সে ভুলে দিয়েছিল,” সদাপ্রভু একথা ঘোষণা করেন। 14 “অতএব  
আমি এখন তাকে বিমোহিত করব; তাকে মরণপ্রাপ্তরের পথে চালিত  
করব, ও তার সঙ্গে কোমল স্বরে কথা বলব। 15 সেখানে আমি তাকে  
তার দ্রাক্ষাকুঞ্জ ফিরিয়ে দেব এবং আখোর উপত্যকাকে তৈরি করব  
এক আশার দুয়ারে। সেখানে সে তার ঘোবনকালের দিনগুলির মতো  
প্রতিক্রিয়া করবে, যেমন যেদিন সে মিশ্র ছেড়ে বের হয়ে এসেছিল।”  
16 সদাপ্রভু বলেন, “সেদিন, তুমি আমাকে ‘আমার স্বামী’ বলে সম্মোধন  
করবে; তুমি আর আমাকে ‘আমার প্রভু’ বলে সম্মোধন করবে না। 17  
আমি তার ওষ্ঠাধর থেকে যাবতীয় বায়াল-দেবতার নাম মুছে দেব;  
তাদের নাম আর কখনও উচ্চারণ করা হবে না। 18 সেদিন আমি  
তাদের হয়ে মাঠের সমস্ত পশু, আকাশের সমস্ত পাখি এবং মাটিতে  
বিচরণকারী যাবতীয় সরীসৃপের সঙ্গে একটি চুক্তি করব। আমি দেশ  
থেকে লোপ করব ধনুক, তরোয়াল ও যুদ্ধ যেন সকলে নিরাপদে শয়ন  
করতে পারে। 19 আমি তোমাকে চিরকালের জন্য আমার আপন করার  
জন্য বাগ্দান করব; আমি তোমাকে ধার্মিকতায়, ন্যায়বিচারে, প্রেমে ও  
করুণায় বাগ্দান করব। 20 আমি বিশ্বস্ততার সঙ্গে তোমাকে বাগ্দান  
করব, এর ফলে তুমি সদাপ্রভুকে জানতে পারবে।” 21 সদাপ্রভু বলেন,  
“সেদিন আমি সাড়া দেব, আমি আকাশমণ্ডলের ডাকে সাড়া দেব আর  
তারা ধরিত্বীর আহানে সাড়া দেবে; 22 এবং ধরিত্বী তখন শস্য, নতুন  
দ্রাক্ষারস ও তেলের ডাকে সাড়া দেবে এবং তারা সকলে যিন্ত্রিয়েলকে  
সাড়া দেবে। 23 আমি আমারই জন্য তাকে দেশের মধ্যে রোপণ  
করব; তাঁর প্রতি আমি আমার প্রেম প্রদর্শন করব, যাকে এক সময়  
বলেছিলাম, ‘তুমি আমার প্রিয়পাত্রী নও।’ যাদের আমি এক সময়

বলেছিলাম, ‘আমার প্রজা নও,’ তাদের আমি বলব, ‘তোমরা আমার প্রজা’; আর তারা বলবে, ‘তুমি আমার ঈশ্বর।’”

**৩** সদাপ্রভু আমাকে বললেন, “যাও, তোমার স্ত্রীর কাছে গিয়ে তাকে আবার ভালোবাসো, যদিও তার প্রেমিক অন্য একজন এবং সে ব্যভিচারিণী। তাকে তেমনই ভালোবাসো, যেমন সদাপ্রভু ইস্রায়েলীদের ভালোবাসেন, যদিও তারা অন্য দেবতাদের প্রতি মুখ ফিরায় এবং কিশমিশের পিঠে ভালোবাসে।” ২ তাই আমি তাকে 170 গ্রাম ওজনের রৌপ্যমুদ্রা ও প্রায় 195 কিলোগ্রাম ঘব দিয়ে কিনে আনলাম। ৩ তারপর আমি তাকে বললাম, “তোমাকে অনেক দিনের জন্য আমার কাছে থাকতে হবে; তুমি অবশ্যই আর বেশ্যাবৃত্তি করবে না বা কোনো পুরুষের সঙ্গে ঘনিষ্ঠ সম্পর্ক স্থাপন করবে না এবং আমি তোমার সঙ্গে বাস করব।” ৪ কারণ ইস্রায়েলীরা বহুদিন রাজা বা শাসনকর্তা ছাড়া, বলি উৎসর্গ বা পরিত্র পাথরের খণ্ড ছাড়া, এফোদ বা প্রতিমা ছাড়াই বসবাস করবে। ৫ এরপর ইস্রায়েলীরা ফিরে আসবে ও তাদের ঈশ্বর সদাপ্রভুর ও তাদের রাজা দাউদের অম্বেষণ করবে। উত্তরকালে তারা সভয়ে সদাপ্রভুর কাছে ও তাঁর আশীর্বাদ লাভের জন্য আসবে।

**৪** হে ইস্রায়েলীরা, তোমরা সদাপ্রভুর বাণী শোনো, কারণ তোমরা যারা দেশে বাস করো, সেই তোমাদের বিরুদ্ধে সদাপ্রভু একটি অভিযোগ আনতে চান: “দেশে কোনো বিশ্বস্ততা, কোনো ভালোবাসা নেই এবং ঈশ্বরকে কেউ স্বীকৃতি দেয় না।” ২ এদেশে আছে কেবলই অভিশাপ, মিথ্যাচার ও নরহত্যা, চুরি ও ব্যভিচার; এরা সমস্ত সীমা লজ্জন করে, এবং রক্তপাতের উপরে রক্তপাত করে। ৩ এই কারণে এ দেশ শোকবিলাপ করে, এবং সেখানে বসবাসকারী সকলে নষ্ট হয়ে যাচ্ছে; মাঠের পশুরা ও আকাশের সব পাখি এবং সমুদ্রের সব মাছ মরে যাচ্ছে। ৪ “কিন্তু কোনো মানুষ যেন কোনো অভিযোগ না করে, কেননা মানুষ যেন পরম্পরের বিরুদ্ধে দোষারোপ না করে, কারণ তোমার প্রজারা তাদেরই মতো, যারা যাজকের বিরুদ্ধে অভিযোগ করে।” ৫ তোমরা দিনে ও রাতে হোঁচ্ট খাও, আর ভাববাদীরাও তোমাদের সঙ্গে হোঁচ্ট খায়। সুতরাং আমি তোমাদের জননীকে ধ্বংস করব,

৬ আমার প্রজারা জ্ঞানের অভাবে ধ্বংস হয়। “যেহেতু তোমরা জ্ঞান অগ্রাহ্য করেছ, ফলে আমিও আমার যাজকরণপে তোমাদের অগ্রাহ্য করছি; যেহেতু তোমরা তোমাদের ঈশ্বরের বিধান অবজ্ঞা করেছ, ফলে আমিও তোমাদের ছেলেমেয়েদের অবজ্ঞা করব। ৭ যাজকেরা যত সমৃদ্ধ হয়েছে, তারা ততই আমার বিরংধে পাপ করেছে; তারা ঈশ গৌরবের বিনিময়ে গ্রহণ করেছে কলঙ্ককে। ৮ তারা আমার প্রজাদের পাপে নিজেদের পুষ্ট করে এবং তাদের দুষ্টতাকে উপভোগ করে। ৯ আর এরকমই হবে: যেমন প্রজা, তেমনই যাজকেরা। আমি উভয়কেই তাদের জীবনাচরণের জন্য শাস্তি দেব, এবং তাদের সব কাজের প্রতিফল দেব। ১০ “তারা ভোজন করবে, কিন্তু তৃপ্ত হবে না, তারা বেশ্যাবৃত্তিতে লিঙ্গ হবে, কিন্তু বহুবৎশ হবে না, কারণ তারা সদাপ্রভুকে ত্যাগ করেছে নিজেদেরকে দিতে ১১ বেশ্যাবৃত্তিতে; সুরা ও নতুন দ্রাক্ষারসে মন্ত হওয়ার জন্য, যেগুলি আমার প্রজাদের বুদ্ধি-বিবেচনা হরণ করে। ১২ আমার লোকেরা কাঠের প্রতিমার কাছে পরামর্শ খোঁজে, এবং কাঠের তৈরি একটি লাঠি তাদের উন্নত দেয়। বেশ্যাবৃত্তির মানসিকতা তাদের ধ্বংসের পথে চালিত করে; তাদের ঈশ্বরের কাছে তারা অবিশ্বস্ত হয়েছে। ১৩ তারা পর্বতশীর্ষের উপরে বলিদান করে এবং বিভিন্ন পাহাড়ে হোমবলি উৎসর্গ করে, ওক, ঝাউ ও তার্পিন গাছের তলে যেখানে ছায়া বেশ মনোরম। সেই কারণে, তোমাদের কন্যারা বেশ্যাবৃত্তিতে ও তোমাদের পুত্রবধূরা ব্যভিচারে লিঙ্গ হলে, আমি তাদের শাস্তি দেব না, কারণ পুরুষেরা স্বেচ্ছায় দেবদাসদের সঙ্গে গোপন স্থানে যায় ও দেবদাসীদের সঙ্গে নৈবেদ্য উৎসর্গ করে, এই নির্বোধ জাতি ধ্বংস হয়ে যাবে! ১৫ “হে ইস্রায়েল, তুমি ব্যভিচার করলেও, যিহূদা যেন অপরাধী সাব্যস্ত না হয়। “তোমরা গিল্গলে পদার্পণ কোরো না, বেথ-আবনে উঠে যেয়ো না। এবং ‘জীবন্ত সদাপ্রভুর দিব্য,’ বলে শপথ কোরো না। ১৬ একগুঁয়ে বকনা-বাচ্চুরের মতোই ইস্রায়েলীরা অনমনীয়। সুতরাং সদাপ্রভু কীভাবে তাদের মেষশাবকদের মতো

চারণভূমিতে চরাবেন? 17 ইফ্রয়িম প্রতিমা সমৃহে আসক্ত হয়েছে;  
তাকে একা ছেড়ে দাও! 18 এমনকি, যখন তাদের মদ্যপান সমাপ্ত  
হয়, তখনও তারা ব্যভিচার করে চলে; তাদের শাসকেরা লজ্জাকর  
জীবনাচরণ ভীষণ ভালোবাসে। 19 এক ঘূর্ণিবায়ু তাদের উড়িয়ে নিয়ে  
যাবে, এবং তাদের নৈবেদ্যগুলি তাদের জন্য বয়ে আনবে লজ্জা।

**৫** “যাজকেরা, তোমরা শোনো! ইস্রায়েলীরা, তোমরা মনোযোগ দাও!  
ওহে রাজকুল, তোমরাও শোনো! তোমাদের বিরংদ্বে দণ্ডাঙ্গা এই:  
তোমরা মিস্পাতে ফাঁদস্বরূপ ও তাবোরে পাতা জালস্বরূপ হয়েছ। 2  
বিদ্রোহীদের হত্যাকাণ্ডের মাত্রা অত্যন্ত গভীর, আমি তাদের সকলকে  
শাস্তি দেব। 3 ইফ্রয়িম সম্পর্কে আমি সবকিছু জানি; ইস্রায়েলও আমার  
কাছে গুণ নয়। ইফ্রয়িম, তুমি এখন বেশ্যাবৃত্তির গ্রহণ করেছ, আর  
ইস্রায়েল হয়েছে কল্পিত। 4 “এদের কীর্তিকলাপ এদের উৎসরের  
কাছে ফিরে আসার জন্য এদের বাধা দেয়। কারণ তাদের অস্তরে  
রয়েছে বেশ্যাবৃত্তির মনোভাব, তারা সদাপ্রভুকে স্থীকার করে না।  
5 ইস্রায়েলের উদ্বৃত্ত তাদের বিরংদ্বেই সাক্ষ্য দেয়; ইস্রায়েলীরা,  
এমনকি ইফ্রয়িমও তাদের পাপে হোঁচট খায়; এদের সঙ্গে যিহুদাও  
হোঁচট খেয়ে পড়ে। 6 তারা যখন তাদের গোপাল ও মেষপাল নিয়ে  
সদাপ্রভুর অব্বেষণে যাবে, তখন তারা তাঁর সন্ধান পাবে না; তিনি  
তাদের কাছ থেকে নিজেকে সরিয়ে নিয়েছেন। 7 তারা সদাপ্রভুর  
কাছে অবিশ্বস্ত হয়েছে, তারা অবৈধ সন্তানদের জন্ম দিয়েছে। এখন  
তাদের অমাবস্যার উৎসবগুলি তিনি তাদের ক্ষেত্রগুলিকে গ্রাস করবে।  
8 “তোমরা গিবিয়াতে তূরীধ্বনি করো, রামাতে বাজাও শিঙা। বেথ-  
আবনে তোমরা রণনাদ করো; বিন্যামীন, তুমি নেতৃত্ব দাও। 9 হিসেব  
চোকানোর দিনে ইফ্রয়িম হবে জনশূন্য ও ধ্বংসস্থান পরিত্যক্ত। আমি  
ইস্রায়েলের গোষ্ঠীসমূহের মধ্যে যা নিশ্চিতরূপে ঘটবে তা ঘোষণা  
করেছি। 10 যিহুদার নেতারা তাদের মতো, যারা সীমানার পাথরগুলি  
সরিয়ে ফেলে। বন্যার স্ন্যাতের মতোই আমি তাদের উপরে ঢেলে দেব  
আমার ক্রোধ। 11 ইফ্রয়িম অত্যাচারিত হয়েছে, বিচারে পদদলিত  
হয়েছে, প্রতিমাদের পিছনে ধাওয়া করায় সে নিবিট। 12 ইফ্রয়িমের

কাছে আমি পোকার মতো, যিহুদার লোকেদের কাছে পচনের মতো।

13 ‘ইফ্রয়িম যখন তার অসুস্থতা ও যিহুদা তার ক্ষতগুলি দেখতে পেল,  
তখন ইফ্রয়িম আসিরিয়ার দিকে ফিরে তাকালো তাদের মহারাজের  
কাছে সাহায্য চেয়ে পাঠাল। কিন্তু সে তোমাদের আরোগ্য সাধন  
বা তোমাদের ক্ষতগুলি নিরাময় করতে অক্ষম। 14 কেননা আমি  
ইফ্রয়িমের কাছে সিংহের মতো হব, যিহুদার কাছে হব যুবসিংহের  
মতো। আমি তাদের বিদীর্ণ করে চলে যাব; আমি তাদের তুলে নিয়ে  
যাব, কেউ পারবে না তাদের উদ্ধার করতে। 15 তারপর আমি স্বস্থানে  
ফিরে যাব, যতক্ষণ না তারা নিজেদের অপরাধ স্বীকার করে। আর তারা  
আমার শ্রীমুখের অঙ্গে হবে তাদের চরম দুর্দশায় তারা আগ্রহভরে  
আমার অঙ্গে করবে।’

6 “এসো, আমরা সদাপ্রভুর কাছে ফিরে যাই। তিনি আমাদের খণ্ড খণ্ড  
করেছেন, কিন্তু তিনিই আমাদের আরোগ্য করবেন; তিনি আমাদের  
জখম করেছেন, কিন্তু তিনিই আমাদের ক্ষতসকল বেঁধে দেবেন। 2 দু-  
দিন পরে তিনি আমাদের পুনরুজ্জীবিত করবেন; তৃতীয় দিনে তিনি  
আমাদের করবেন পুনঃপ্রতিষ্ঠিত, যেন আমরা তাঁর সান্নিধ্যে বসবাস  
করি। 3 এসো, আমরা সদাপ্রভুকে জ্ঞাত হই, তাঁকে জানার জন্য  
স্থিরসংকল্প নিয়ে দ্রুত এগিয়ে যাই। অরুণোদয়ের মতোই সুনিশ্চিত  
তাঁর আবির্ভাব; তিনি আসবেন আমাদের কাছে বৃষ্টির বারিধারার মতো,  
আসবেন ভূমি-সেচনকারী শেষ বর্ষার মতো।” 4 “ইফ্রয়িম, আমি  
তোমাকে নিয়ে কী করব? যিহুদা, আমি তোমাকে নিয়েই বা কী করব?  
তোমাদের ভালোবাসা তো সকালের কুয়াশার মতো, ভোরের শিশির,  
যা প্রত্যয়েই অস্তর্হিত হয়। 5 তাই, আমি ভাববাদীদের দ্বারা তোমাদের  
খণ্ডবিখণ্ড করেছি, আমার মুখের বাক্য দ্বারা আমি তোমাদের হত্যা  
করেছি; আমার দণ্ডজ্ঞা বিদ্যুতের মতো তোমাদের উপরে আছড়ে  
পড়েছে। 6 কারণ আমি দয়া চাই, বলিদান নয়, এবং হোমবলির  
চেয়ে চাই ঈশ্বরকে স্বীকৃতি দান। 7 আদমের মতো তারা নিয়ম ভেঙে  
ফেলেছে; তারা ওখানেও আমার প্রতি অবিশ্বস্ত হয়েছিল। 8 গিলিয়দ  
হল দুষ্ট ও অধর্মাচারীদের নগর, তা রক্তাক্ত পদচিহ্নে কলঙ্কিত। 9

ଲୁଗ୍ଠନକାରୀ ବ୍ୟକ୍ତିରା ଯେମନ କୋନୋ ମାନୁଷେର ଅପେକ୍ଷାଯ ଓ୍ବ ପେତେ ଥାକେ,  
ତେମନିଇ କରେ ଥାକେ ସାଜକେର ଦଳ; ତାରା ଶିଖିମେର ପଥେ ଲୋକେଦେର  
ହତ୍ୟା କରେ, ତାରା ଲଜ୍ଜାକର ଅପରାଧ ସଂଘାତିତ କରେ । 10 ଆମି ଇଞ୍ଚାଯେଲ  
କୁଳେ ଏକ ଭୟକର ବ୍ୟାପାର ଦେଖେଛି । ସେଥାନେ ଇଞ୍ଚାଯିମ ବେଶ୍ୟାବୃତ୍ତିତେ  
ଜଡ଼ିଯେଛେ, ଆର ଇଞ୍ଚାଯେଲ ହେଁଛେ କଲୁଷିତ । 11 “ଏବଂ ଯିନ୍ଦ୍ରା, ତୋମାର  
ଜନ୍ୟଓ, ନିରାପିତ ଆଛେ ଏକ ଶସ୍ୟଚଯନେର କାଳ । “ଆମି ସଥନି ଆମାର  
ଲୋକେଦେର ପରିଷିତି ପୁନରନ୍ଦାର କରବ,

7 ସଥନି ଆମି ଇଞ୍ଚାଯେଲେର ରୋଗନିରାମୟ କରି, ତଥନି ଇଞ୍ଚାଯିମେର  
ପାପସକଳ ଉନ୍ନୋଚିତ ହୟ ଏବଂ ଶମରିଯାର ଅପରାଧସକଳ ପ୍ରକାଶିତ  
ହେଁ ପଡ଼େ । ତାରା ଛଲନା କରା ଚର୍ଚା କରେ, ଚୋରେର ମତୋ ସିଂଧ କେଟେ  
ଘରେ ଢାକେ, ଦସ୍ୟୁର ମତୋ ପଥେ ପଥେ ଡାକାତି କରେ । 2 କିନ୍ତୁ ତାରା  
ବୁଝାତେ ପାରେ ନା, ତାଦେର ସବ ଦୁର୍କର୍ମ ଆମାର ସାରଣେ ଥାକେ । ତାଦେର  
ପାପଗୁଲି ତାଦେର ଘିରେ ରେଖେଛେ; ସେଗୁଲି ସବସମୟଇ ଆମାର ସାମନେ  
ଆଛେ । 3 “ତାରା ତାଦେର ଦୁଷ୍ଟତାର ଦ୍ୱାରା ରାଜାକେ ଏବଂ ମିଥ୍ୟା କଥା ଦ୍ୱାରା  
ତାଦେର ସମ୍ମାନିତ ଲୋକେଦେର ଖୁଶି କରେ । 4 ତାରା ସବାଇ ବ୍ୟଭିଚାରୀ, ତାରା  
ଉନ୍ନନ୍ଦେର ମତୋ ଜ୍ଞଲତେ ଥାକେ, ମୟଦାର ତାଳ ମେଖେ ତା ଫେଁପେ ନା ଓଠା  
ପର୍ଯ୍ୟନ୍ତ ପାଚକକେ ସେଇ ଆଗୁନ ଖୋଁଚାତେ ହୟ ନା । 5 ଆମାଦେର ରାଜାର  
ଉତ୍ସବେର ଦିନେ ସମ୍ମାନିତ ଲୋକେରା ସୁରାପାନେ ଉତ୍ତଷ୍ଠ ହେଁ ପଡ଼େ, ଆର  
ସେ ବିଦ୍ରପକାରୀଦେର ସଙ୍ଗେ ହାତ ମେଲାଯ । 6 ତାଦେର ହଦୟ ଚୁଲ୍ଲିର ମତୋ,  
ତାରା ଗୋପନ ଉଦ୍ଦେଶ୍ୟ ତାର କାହେ ଉପର୍ଥିତ ହୟ । ସମନ୍ତ ରାତ୍ରି ତାଦେର  
କାମନାବାସନା ଧିକିଧିକି ଜ୍ଞଲତେ ଥାକେ, ସକାଳେ ତା ଆଗୁନେର ଶିଖାର  
ମତୋ ପ୍ରଜ୍ଞଲିତ ହୟ । 7 ତାରା ସକଳେଇ ଚୁଲ୍ଲିର ମତୋ ଉତ୍ତଷ୍ଠ, ତାରା ତାଦେର  
ଶାସକେଦେର ଗ୍ରାସ କରେ । ତାଦେର ସବ ରାଜାର ପତନ ହୟ, ଏବଂ ତାରା କେଉଁଇ  
ଆମାକେ ଆହ୍ଵାନ କରେ ନା । 8 “ଇଞ୍ଚାଯିମ ଅନ୍ୟ ଜାତିଦେର ସଙ୍ଗେ ମିଶ୍ରିତ ହୟ;  
ଇଞ୍ଚାଯିମ ଏକ ପିଠ ସେଂକା ପିଠେର ମତୋ, ଯା ଓଲ୍ଟାନୋ ହୟନି । 9 ବିଦେଶିରା  
ତାର ଶକ୍ତି ଶୁଷେ ନେୟ, କିନ୍ତୁ ସେ ତା ବୁଝାତେ ପାରେ ନା । ତାର କେଶରାଶି  
କ୍ରମେଇ ପେକେ ଗେଛେ, ସେ କିନ୍ତୁ ତା ଖେଳ କରେନି । 10 ଇଞ୍ଚାଯେଲେର  
ଓନ୍ଦତ୍ୟ ତାର ବିପକ୍ଷେ ସାଙ୍କ୍ୟ ଦେୟ, କିନ୍ତୁ ଏସବ ସତ୍ରେଓ ସେ ତାର ଈଶ୍ଵର  
ସଦାପ୍ରଭୁର ପ୍ରତି ଫେରେନି କିଂବା କରେନି ତାଁର ଅସ୍ଵେଷଣ । 11 “ଇଞ୍ଚାଯିମ

শুধুর মতো, যে নির্বোধ ও সহজেই প্রতারিত হয়। এই সে মিশরকে আহ্লান করে, পরক্ষণেই আবার সে আসিরিয়ার প্রতি ফেরে। 12 তাদের গমনকালে, আমি তাদের উপরে আমার জাল নিষ্কেপ করব; আকাশের পাখিদের মতো আমি তাদের নিচে টেনে নামাব। তাদের এক জায়গায় জড়ো হওয়ার কথা যখন আমি শুনব, আমি তাদের ধরে ফেলব। 13 ধিক তাদের, কারণ তারা আমার কাছ থেকে দূরে চলে গেছে! তারা বিনষ্ট হবে, কারণ তারা আমার বিরঞ্জে বিদ্রোহী হয়েছে! বহুদিন যাবৎ আমি তাদের উদ্ধার করতে চেয়েছি, কিন্তু তারা আমারই বিরঞ্জে মিথ্যা কথা বলেছে। 14 তারা অস্তর থেকে আমার কাছে কাঁদেনি, কিন্তু নিজ নিজ শয্যায় বিলাপ করেছে। তারা শস্য ও নতুন দ্রাক্ষারসের জন্য একসঙ্গে সম্মিলিত হয়, কিন্তু আমার দিক থেকে তারা মুখ ফিরিয়ে থাকে। 15 আমি তাদের প্রশিক্ষিত করেছি, শক্তিশালী করেছি, কিন্তু তারা আমারই বিরঞ্জে কুকল্পনার ঘড়্যন্ত করে। 16 তারা পরাত্পরের প্রতি ফিরে আসে না; তারা অস্তিপূর্ণ ধনুকের মতো। তাদের নেতৃবর্গ তরোয়ালের আঘাতে পতিত হবে, এর কারণ তাদের ঔদ্ধত্যপূর্ণ কথাবার্তা। এই কারণে মিশরের ভূমিতে তাদের উপহাস করা হবে।

**8** “তোমরা মুখে তৃরী দাও! সদাপ্রভুর গৃহের উপরে এক স্টগল উদীয়মান, কারণ লোকেরা আমার সঙ্গে কৃত চুক্তিভঙ্গ করেছে এবং আমার বিধানের বিরঞ্জে বিদ্রোহ করেছে। 2 ইস্রায়েল আমার কাছে কেঁদে বলে, ‘হে আমাদের ঈশ্বর, আমরা তোমাকে স্বীকার করি!’ 3 কিন্তু যা কিছু ভালো, ইস্রায়েল তা অগ্রাহ্য করেছে; তাই এক শক্ত তার পশ্চাদ্বাবন করবে। 4 আমার সম্মাতি ছাড়াই তারা রাজাদের প্রতিষ্ঠিত করে; আমার অনুমোদন ছাড়াই তারা মনোনীত করে সম্মানীয়দের। তাদের সোনা ও রূপোর দ্বারা তারা বিভিন্ন প্রতিমা নির্মাণ করে এবং নিজেদেরই ধৰ্মস ডেকে আনে। 5 শমরিয়া, তোমাদের বাছুর-প্রতিমাগুলি ছুঁড়ে ফেলে দাও! তাদের প্রতি আমার ক্রেতে প্রজ্ঞালিত হচ্ছে। আর কত দিন শুচিশুদ্ধ হওয়ার কাজে তারা অক্ষম থাকবে? 6 ওই প্রতিমাগুলি ইস্রায়েল থেকেই সৃষ্টি! ওই বাছুর-প্রতিমাটি একজন কারিগর নির্মাণ করেছে; ওটি ঈশ্বর নয়। শমরিয়ার

ওই বাচ্চুর-প্রতিমাকে খণ্ড করে ফেলা হবে। 7 “তারা বায়ুস্বরূপ  
বীজবপন করে এবং ঘূর্ণিবায়ুস্বরূপ শস্য কাটে। সেগুলির শিষের  
মাথায় শস্যদানা থাকে না, তাই তাতে কোনো ময়দা তৈরি হবে  
না। যদি তাতে শস্যদানা উৎপন্ন হত, তাহলে বিদেশিরা তা খেয়ে  
ফেলত। 8 ইস্রায়েলকে গ্রাস করা হয়েছে; এখন এক অসার বস্তর মতো  
জাতিসমূহের মধ্যে তাঁর অবস্থান। 9 যেমন কোনো বুনো গর্দভ একা  
একা বিচরণ করে, সেভাবেই তারা আসিরিয়ায় গিয়েছিল। ইফ্রায়িম  
প্রেমিকদের কাছে নিজেকে বিক্রি করেছে। 10 যদিও তারা নিজেদের  
অন্য জাতিদের কাছে বিক্রি করেছে, কিন্তু আমি এখন তাদের একত্রিত  
করব। পরাক্রান্ত রাজার অত্যাচারে তারা ক্রমশ ক্ষয়ে যাবে। 11 “যদিও  
ইফ্রায়িম পাপবলির উদ্দেশে বহু বেদি নির্মাণ করেছে, কিন্তু সেগুলি  
পরিণত হয়েছে পাপ করার বেদিতে। 12 আমি তাদের জন্য আমার  
বিধানে বহু বিষয় লিখেছিলাম, কিন্তু তারা সেগুলিকে বিজাতীয় বিষয়  
মনে করল। 13 তারা আমার কাছে বলি-উপহার উৎসর্গ করে, এবং  
সেই মাংস তারা ভক্ষণ করে; কিন্তু সদাপ্রভু তাদের প্রতি সন্তুষ্ট নন।  
এবাবে তিনি তাদের সব দুষ্টার কথা স্মরণ করবেন এবং তাদের  
পাপের শাস্তি দেবেন; তারা আবার মিশরে ফিরে যাবে। 14 ইস্রায়েল  
তার নির্মাতাকে ভুলে গেছে এবং বহু প্রাসাদ নির্মাণ করেছে; যিহুদা  
বহু নগরকে প্রাচীর দিয়ে সুরক্ষিত করেছে। কিন্তু তাদের নগরগুলির  
উপরে আমি অগ্নিবর্ষণ করব, যা তাদের দুর্গগুলিকে গ্রাস করবে।”

**৯** ইস্রায়েল, তুমি আনন্দিত হোয়ো না; অন্যান্য জাতিদের মতো  
উল্লাসে মেতে উঠো না। কারণ তোমার ঈশ্বরের কাছে তুমি অবিশ্বস্ত  
হয়েছ; প্রত্যেকটি শস্য মাড়াইয়ের খামারে বেশ্যাবৃত্তির পারিশ্রমিক  
তোমার প্রীতিজনক। 2 শস্য মাড়াইয়ের খামার কিংবা দ্রাক্ষাপেষাই  
কল লোকেদের খাদ্য জোগাবে না; নতুন দ্রাক্ষারস লোকেদের জন্য  
অপ্রতুল হবে। 3 তারা সদাপ্রভুর দেশে থাকতে পারবে না; ইফ্রায়িম  
মিশরে ফিরে যাবে এবং আসিরিয়ায় গিয়ে অঙ্গটি খাবার খাবে। 4  
তারা সদাপ্রভুর উদ্দেশে পেয়-নৈবেদ্য উৎসর্গ করবে না, কিংবা তাদের  
দেওয়া বিভিন্ন বলিও তাঁকে সন্তুষ্ট করতে পারবে না। এসব বলি তাদের

কাছে বিলাপকারীদের খাদ্যের মতো হবে; যারাই সেগুলি খাবে,  
তারাই অশুচি হবে। এই খাবার হবে তাদের নিজেদের জন্য; এগুলি  
সদাপ্রভুর মন্দিরে আসবে না। ৫ তোমাদের নির্ধারিত উৎসবগুলির  
দিনে যেগুলি সদাপ্রভুর উৎসবের দিন, সেই দিনগুলিতে তোমরা কী  
করবে? ৬ তারা যদিও বিনাশ এড়িয়ে যায়, মিশর তাদের একত্র করবে  
এবং মোফ তাদের কবর দেবে। তাদের রহপোর পাত্রগুলি হবে বিচ্ছুটি  
গাছের অধিকার, তাদের তাঁবুগুলি ছেয়ে যাবে কাঁটাবোপে। ৭ তাদের  
দণ্ডানের দিন এগিয়ে আসছে, হিসেব নেওয়ার দিনও সমাগত;  
ইস্রায়েল জানুক একথা। যেহেতু তোমার পাপসকল অত্যন্ত বেশি  
এবং তোমার হিংস্রতা এত বিশাল যে, ভাববাদীও মূর্খ বিবেচিত হয়,  
অনুপ্রাণিত মানুষকে বাতিকগ্রস্ত মনে হয়। ৮ ভাববাদী, আমাদের  
ঈশ্বরের সঙ্গে ইফ্রিয়িমের উপরে প্রহরা দেন, তা সত্ত্বেও তার সমস্ত  
পথে ফাঁদ পাতা থাকে, আর তার ঈশ্বরের গৃহে বিদ্রেষ বিরাজ করে। ৯  
তারা ডুবে গেছে দুর্নীতির গভীরে, যা এক সময় গিবিয়াতে হত। ঈশ্বর  
তাদের দুষ্টতার কথা স্মরণ করবেন এবং তাদের পাপের জন্য তাদের  
শাস্তি দেবেন। ১০ “আমি যখন ইস্রায়েলকে খুঁজে পেয়েছিলাম, তখন  
মনে হয়েছিল মরণপ্রাপ্তরে আঙুর খুঁজে পেয়েছি; আমি যখন তোমাদের  
পূর্বপুরুষদের দেখেছিলাম, তখন মনে হয়েছিল ডুমুর গাছে অগ্রিম  
ফল এসেছে। কিন্তু তারা যখন বায়াল-পিয়োরে উপস্থিত হল, তখন  
তারা সেই ন্যক্তারজনক মূর্তির কাছে নিজেদের উৎসর্গ করল এবং  
তাদের সেই প্রিয়পাত্রের মতোই জঘন্য হয়ে উঠল। ১১ ইফ্রিয়িমের  
গৌরব পাথির মতো উড়ে যাবে, প্রসব, গর্ভাবঙ্গা, গর্ভধারণ কিছুই  
হবে না। ১২ তা সত্ত্বেও যদি তারা শিশুদের লালনপালন করে, তাহলে  
আমি তাদের প্রত্যেককে মৃত্যুশোক দেব। ধিক্ তাদের, যখন আমি  
তাদের পরিত্যাগ করি! ১৩ আমি ইফ্রিয়িমকে সোরের মতো দেখেছি,  
যে এক মনোরম স্থানে রোপিত। কিন্তু ইফ্রিয়িম তার ছেলেমেয়েদের  
ঘাতকের কাছে নিয়ে আসবে।” ১৪ হে সদাপ্রভু, তুমি তাদের দাও—  
তুমি তাদের কী দেবে? তুমি তাদের গর্ভাবী জঠর ও শুক্ষ স্তন দাও।  
১৫ “গিল্গালে তাদের প্রতিটি দুষ্টতার জন্য, আমি সেখানে তাদের ঘৃণা

করেছিলাম। তাদের পাপপূর্ণ সমস্ত কাজের জন্য আমার গৃহ থেকে  
আমি তাদের বিতাড়িত করব। আমি আর তাদের ভালোবাসব না;  
কারণ তাদের নেতারা সবাই বিদ্রোহী। ১৬ ইফ্রায়িম ব্যাধিগ্রস্ত হয়েছে,  
তাদের শিকড় শুকিয়ে গেছে; তাই তারা কোনো ফল উৎপন্ন করে  
না। এমনকি তারা যদি সন্তানের জন্মও দেয়, তাহলে আমি তাদের  
নেহচ্ছায়ায় লালিত বংশধরদের মেরে ফেলব।” ১৭ আমার ঈশ্বর  
তাদের অগ্রাহ্য করবেন, কারণ তারা তাঁর আদেশ পালন করেনি; তাই  
বিভিন্ন জাতির মধ্যে তারা ইতস্তত ঘুরে বেড়াবে।

**১০** ইস্রায়েল ছিল শাখাপ্রশাখা সমষ্টি এক দ্রাক্ষালতা; সে নিজের  
জন্যই ফল উৎপন্ন করত। তার ফল যখন বৃদ্ধি পেল, সে তখন আরও  
বেশি যজ্ঞবেদি নির্মাণ করল; তার দেশ যেই সমৃদ্ধ হল, সে তার পবিত্র  
পাথর স্তম্ভগুলি সুশোভিত করল। ২ তাদের হৃদয় প্রবর্থনায় পূর্ণ, তাই  
এখন তারা অবশ্যই তাদের অপরাধ বহন করবে। সদাপ্রভু তাদের  
যজ্ঞবেদিগুলি ভেঙে ফেলবেন ও তাদের পবিত্র পাথরের স্তম্ভগুলি ধ্বংস  
করবেন। ৩ তখন তারা বলবে, “আমাদের কোনো রাজা নেই, তাই  
আমরা সদাপ্রভুকে ভয় করিনি। আর যদি আমাদের কোনো রাজা  
থাকতেন, তাহলে তিনিই বা আমাদের জন্য কী করতেন?” ৪ তারা বহু  
প্রতিশ্রূতি দেয়, চুক্তি করার সময় তারা মিথ্যা শপথ করে; সেই কারণে  
মোকদ্দমা গজিয়ে ওঠে চাষ করা জমিতে বিষাক্ত আগাছার মতো। ৫  
শমরিয়ায় বসবাসকারী লোকদের কাছে বেথ-আবনের বাচ্চুর-প্রতিমা  
ভীতিপ্রদ। কিন্তু এর অধিবাসীরা তার জন্য বিলাপ করবে, যেমনটা  
করবে তার মূর্তিপূজক যাজকেরা, যারা তার আড়ম্বরে আনন্দিত  
হয়েছিল, কেননা সেই গৌরবকে তাদের কাছ থেকে নিয়ে নির্বাসনে  
পাঠানো হবে। ৬ তা আসিরিয়ার মহারাজের কাছে উপটোকন স্বরূপ তা  
বহন করে নিয়ে যাওয়া হবে। ইফ্রায়িম অপমানিত হবে; ইস্রায়েল তার  
বিদেশি জোটের জন্য লজ্জিত হবে। ৭ জলরাশির উপরে কচি শাখার  
মতো শমরিয়া ও তার রাজা ভেসে যাবে। ৮ দুষ্টার উচ্চ স্থানগুলি  
ধ্বংস করা হবে, কারণ এ হল ইস্রায়েলের পাপ। সেখানে কঁটাগাছ ও  
শিয়ালকঁটার জন্ম হবে, এবং সেগুলি তাদের যজ্ঞবেদিগুলিকে ঢেকে

ফেলবে। তখন তারা পর্বতসকলের উদ্দেশে বলবে, “আমাদের দেকে ফেলো!” আর পাহাড়গুলিকে বলবে, “আমাদের উপরে পড়ো!” ৭ “হে ইন্দ্রায়েল, গিবিয়ার সময় থেকে তোমরা পাপ করেছ, আর তোমরা সেখানেই থেকে গিয়েছ। তাই যুদ্ধ গিবিয়ার দুর্কর্মকারীদের নাগাল কি পাবে না? ১০ আমার যখন ইচ্ছা হবে, আমি তাদের শান্তি দেব; তাদের দ্বিংণ পাপের জন্য তাদের বেঁধে ফেলতে। জাতিসমূহ তাদের বিরুদ্ধে একত্র হবে, ১১ ইফ্রায়িম এক প্রশিক্ষিত বকনা-বাচ্চুর, সে শস্যমুর্দন করতে ভালোবাসে; তাই আমি তার সুন্দর ঘাড়ে একটি জোয়াল দেব। আমি ইফ্রায়িমকে বিতাড়িত করব, যিন্দুকে অবশ্যই ভূমি কর্ষণ করতে হবে, আর যাকোব অবশ্যই মাটির চেলা ভাঙবে। ১২ তোমরা নিজেদের জন্য ধার্মিকতার বীজবপন করো, অনিঃশেষ ভালোবাসার ফসল তোলো, তোমাদের পতিত জমি চাষ করো; কারণ এখনই সদাপ্রভুকে অন্বেষণ করার সময়, যতক্ষণ তিনি এসে তোমাদের উপরে ধার্মিকতা বর্ষণ না করেন। ১৩ কিন্তু তোমরা তো দুষ্টতার বীজবপন করেছ, তোমরা মন্দতার শস্যচয়ন করেছ, তোমরা প্রতারণার ফল ভক্ষণ করেছ। এসবের কারণ, তোমরা নিজেদের শক্তি ও তোমাদের অসংখ্য বীর যোদ্ধাদের উপর নির্ভর করেছিলে। ১৪ তোমার প্রজাদের বিরুদ্ধে রণনাদ গর্জিত হবে, যাতে তোমাদের সব দুর্গ বিধ্বস্ত হয়; ঠিক যেভাবে শল্মন যুদ্ধের সময় বেথ-অর্বেলকে ধ্বংস করেছিল, সন্তানসহ মায়েদের আছাড় মেরে খণ্ড খণ্ড করেছিল। ১৫ ওহে বেথেল, তোমার প্রতি এরকমই করা হবে, কারণ তোমার দুষ্টতা বিপুল। সেদিন যখন ঘনিয়ে আসবে, তখন ইন্দ্রায়েলের রাজা সম্পূর্ণরূপে বিনষ্ট হবে।

**১১** “ইন্দ্রায়েল যখন শিশু ছিল, আমি তাকে ভালোবাসলাম, এবং মিশর থেকে আমি আমার পুত্রকে ডেকে আনলাম। ২ কিন্তু আমি ইন্দ্রায়েলকে যতবার ডেকেছি, তারা তত বেশি আমার কাছ থেকে দূরে সরে গেল। তারা বায়াল-দেবতাদের সামনে বলি উৎসর্গ করল এবং তারা প্রতিমাদের সামনে ধূপদাহ করল। ৩ আমিই ইফ্রায়িমকে হাঁটতে শিখিয়েছিলাম, তাদের কোলে নিতাম; তারা কিন্তু বুঝলো না। যে আমিই তাদের সুস্থ করেছিলাম। ৪ আমি মানবিক সদিচ্ছা ও

নেহের দড়ি দিয়ে তাদের চালিত করতাম; তাদের ঘাড় থেকে জোয়াল  
তুলে নিতাম এবং বুঁকে পড়ে তাদের খাবার খাওয়াতাম। ৫ “তারা  
কি মিশরে ফিরে যাবে না এবং আসিরিয়া কি তাদের উপরে রাজত্ব  
করবে না, যেহেতু তারা অনুতপ্ত হতে চায়নি? ৬ তাদের নগরগুলিতে  
তরোয়াল ঝলসে উঠবে, যা ভেঙে ফেলবে তাদের নগরদ্বারগুলির খিল  
এবং পরিসমাপ্তি ঘটাবে তাদের পরিকল্পনাসমূহের। ৭ আমার প্রজারা  
আমার কাছ থেকে মুখ ফেরাতে দৃঢ়প্রতিজ্ঞ হয়েছে। তাই যতই তারা  
পরাত্পর ঈশ্বরকে ডাকুক, তিনি কিন্তু কোনোভাবেই তাদের তুলে  
ধরবেন না। ৮ ‘ইফ্রয়িম, আমি কীভাবে তোমাকে ত্যাগ করতে পারি?  
ইস্রায়েল, আমি কীভাবে তোমাকে অন্যের হাতে সমর্পণ করব? আমি  
কীভাবে তোমার প্রতি অদ্যমার মতো আচরণ করব? কীভাবেই বা  
আমি তোমাকে সবোয়িমের তুল্য করে তুলবো? তোমার জন্য আমার  
অন্তর ব্যাকুল হচ্ছে; আমার সমস্ত অনুকম্পা উথলে উঠছে। ৯ আমার  
ভয়ংকর ক্ষেত্র আমি কার্যকর করব না, কিংবা ইফ্রয়িমের প্রতি মুখ  
ফিরিয়ে নিয়ে তাঁকে ছারখার করব না। কারণ আমি ঈশ্বর, মানুষ নই,  
তোমাদের মধ্যবর্তী আমি সেই এক ও অদ্বিতীয় পরিব্রজন। তাই আমি  
সক্ষেত্রে উপস্থিত হব না। ১০ তারা সদাপ্রভুর অনুসরণ করবে; তিনি  
সিংহের মতো গর্জন করবেন। এবং যখন তিনি গর্জন করেন, তখন  
তাঁর সন্তানেরা পশ্চিমদিক থেকে কম্পিত হয়ে আসবে। ১১ মিশর থেকে  
পাথির মতো তারা কাঁপতে কাঁপতে আসবে, আসিরিয়া থেকে ঘুঁঘুর  
মতো আসবে। আমি তাদের গৃহে তাদের প্রতিষ্ঠিত করব,” সদাপ্রভু  
এই কথা ঘোষণা করেন। ১২ ইফ্রয়িম মিথ্যা কথায় ও ইস্রায়েল ছলনায়  
আমাকে ঘিরে আছে। এবং যিহুদা ঈশ্বরের বিরুদ্ধে অবাধ্য এমনকি  
বিশ্঵স্ত পরিব্রজনের বিরুদ্ধেও।

**১২** ইফ্রয়িম বাতাস খায়; সে সারাদিন পুবালি বাতাসের পিছু ধাওয়া  
করে, এবং মিথ্যাচার ও সহিংসতার বৃদ্ধি ঘটায়। সে আসিরিয়ার সঙ্গে  
মেঢ়ীচুক্তি করে ও মিশরে জলপাইয়ের তেল পাঠায়। ২ সদাপ্রভু  
যিহুদার বিরুদ্ধে এক অভিযোগ আনবেন; তিনি যাকোবকে তার  
জীবনাচরণ অনুযায়ী দণ্ড দেবেন তার কর্ম অনুযায়ী তাকে প্রতিফল

দেবেন। 3 মায়ের গর্তে সে তার অগ্রজের গোড়ালি ধরেছিল; প্রাণ্বয়ক্ষ হয়ে সে ঈশ্বরের সঙ্গে মল্লযুদ্ধ করেছিল। 4 সে স্বর্গদূতের সঙ্গে মল্লযুদ্ধ করে বিজয়ী হয়েছিল; সে সজল নয়নে তাঁর কৃপা ভিক্ষা করেছিল। সে বেথেলে তাঁর সন্ধান পেয়েছিল এবং সেখানে তাঁর সঙ্গে করেছিল কথোপকথন। 5 তিনি সর্বশক্তিমান সদাপ্রভু, সদাপ্রভুই তাঁর স্মরণীয় নাম! 6 কিন্তু তোমাকে অবশ্যই তোমার ঈশ্বরের কাছে ফিরে আসতে হবে; তাই ভালোবাসা ও ন্যায়বিচার রক্ষা করো এবং সবসময় তোমার ঈশ্বরের প্রতীক্ষায় থাকো। 7 ব্যবসায়ী ছলনাপূর্ণ দাঁড়িপাল্লা ব্যবহার করে, সে প্রতারণা করতে ভালোবাসে। 8 ইফ্রয়িম গর্ব করে, “আমি অত্যন্ত ধনী; আমি বিস্তর ধনসম্পদের অধিকারী হয়েছি। আমার এইসব ধনসম্পদের ঈশ্বরের মধ্যে তারা কোনো অধর্ম বা পাপ খুঁজে পাবে না।” 9 “আমি সদাপ্রভু, তোমার ঈশ্বর, যে তোমাকে মিশর থেকে মুক্ত করে এনেছে; আমি তোমাকে আবার তাঁরুতে বসবাস করাব, যেমন তুমি তোমার নির্ধারিত উৎসবের দিনগুলিতে করতে। 10 আমি ভাববাদীদের সঙ্গে কথা বলেছি, তাদের বহু দর্শন দিয়েছি ও তাদের মাধ্যমে বহু রূপক কাহিনি বর্ণনা করেছি।” 11 গিলিয়দ কি দুর্জন? এর বাসিন্দারা অপদার্থ! তারা কি গিল্গলে ঘাঁড় বলিদান করে? তাদের বেদিগুলি হবে মাঠের আল বরাবর স্থাপিত পাথর খণ্ডের মতো। 12 যাকোব আরাম দেশে পলায়ন করেছিল; ইস্রায়েল স্ত্রী পাওয়ার জন্য সেবাকর্ম করেছিল, এবং তার জন্য কন্যাপণ দিতে সে পশ্চপালনের কাজ করেছিল। 13 সদাপ্রভু মিশর থেকে ইস্রায়েলকে মুক্ত করে আনার জন্য এক ভাববাদীকে ব্যবহার করলেন; এক ভাববাদীর দ্বারা তিনি তাদের তত্ত্ববধান করলেন। 14 কিন্তু ইফ্রয়িম ভীষণভাবে তাঁর ক্ষেত্রের উদ্বেক করেছে; তার প্রভু তার রক্তপাতের অপরাধ তাঁর উপরেই বর্তাবেন ও তার উপেক্ষার কারণে তাকে শাস্তি দেবেন।

**13** ইফ্রয়িম কথা বললে লোকেরা শিহরিত হত; সে ইস্রায়েলে উন্নীত হয়েছিল। কিন্তু বায়াল-দেবতার পূজার্চনা করে সে অপরাধী সাব্যস্ত হল ও মৃত্যুবরণ করল। 2 কিন্তু এখন তারা আরও বেশি পাপ করছে; তাদের রূপো দিয়ে তারা নিজেদের জন্য প্রতিমা নির্মাণ করে, যেগুলি

কুশলী হাতে নির্মিত সুন্দর সব দেবমূর্তি, সেগুলি সবই কারিগরদের  
শিল্পকর্ম। এসব লোকদের সম্পর্কে বলা হয়, “তারা নর বলি দেয়!  
এবং বাচুর-প্রতিমাদের চুম্বন করে!” ৩ সুতরাং তারা হবে সকালের  
কুয়াশার মতো, প্রত্যষের শিশিরের মতো, যা অন্তর্ভুত হয়, তুষের  
মতো, যা শস্য মাড়াইয়ের খামার থেকে উড়ে যায়, ধোঁয়ার মতো, যা  
জানালা দিয়ে নির্গত হয়। ৪ “কিন্তু আমিই সদাপ্রভু, তোমার ঈশ্বর,  
যিনি মিশ্র দেশ থেকে তোমাদের বের করে এনেছেন। আমাকে ছাঢ়া  
আর কোনো ঈশ্বরকে তোমরা জানো না, আমি ছাঢ়া আর কোনো  
পরিত্রাতা নেই। ৫ প্রথর উত্তপ্ত সেই মরুপ্রান্তে আমি তোমাদের  
তত্ত্বাবধান করেছিলাম। ৬ আমি তাদের আহার যোগালে তারা পরিতৃপ্ত  
হয়েছিল; কিন্তু পরিতৃপ্ত হওয়ার পরে তারা অহংকারী হয়ে উঠল;  
তারপর তারা আমাকে ভুলে গেল। ৭ তাই আমি তাদের উপরে সিংহের  
মতো আসব, চিতাবাঘের মতো আমি পথে ওৎ পেতে থাকব। ৮ শাবক  
কেড়ে নেওয়া ভালুকের মতো, আমি তাদের আক্রমণ করব এবং  
তাদের হৃৎপিণ্ড বিদীর্ণ করব। সিংহের মতো আমি তাদের গ্রাস করব;  
বন্যপশু তাদের খণ্ড খণ্ড করবে। ৯ “ইত্রায়েল, তুমি তো বিধ্বস্ত হয়েছ,  
কাবণ তুমি আমার, তোমার সাহায্যকারীর বিরুদ্ধে গিয়েছ। ১০ কোথায়  
তোমার রাজা, যে তোমাকে রক্ষা করতে পারে? তোমার প্রত্যেক নগরে  
সেই শাসকেরা কোথায়, যাদের সম্পর্কে তুমি বলেছিলে, ‘আমাকে  
একজন রাজা ও শাসনকর্তাদের দাও’? ১১ তাই আমার ক্রোধে  
আমি তোমাকে এক রাজা দিলাম, এবং আমার ভয়ংকর ক্রোধে আমি  
তাকে অপসারিত করলাম। ১২ ইফ্রায়িমের অপরাধ সঞ্চিত আছে,  
তার পাপসকল নথিবদ্ধ করা হয়েছে। ১৩ প্রসববেদনায় কাতর নারীর  
মতোই সে যাতনা হবে, কিন্তু সে এক নির্বোধ সন্তান; প্রসবের সময়  
হয়ে এলেও, সে গর্ভদ্বারে উপস্থিত হয় না। ১৪ “পাতালের পরাক্রম  
থেকে আমি তাদের উদ্ধার করব; মৃত্যু থেকে আমি তাদের মুক্ত করব।  
ওহে মৃত্যু, তোমার মহামারি সকল কোথায়? ওহে পাতাল, তোমারই  
বা বিনাশক শক্তি কোথায়? “সে তার ভাইদের মধ্যে সমৃদ্ধিশালী হয়ে  
উঠলেও। (Sheol h7585) ১৫ আমি তার প্রতি সহানুভূতিশীল হব না,

সদাপ্রভুর কাছ থেকে আসবে এক পুরালি বাতাস, মরণপ্রাপ্তরের মধ্যে  
তা প্রবাহিত হবে; তার বরনার প্রোতোধারা রংধ হবে, এবং তার  
কুঝোগুলি শুকিয়ে যাবে। তার ভাঙ্গারগৃহ, তাঁর সমস্ত সম্পদ লুণ্ঠিত  
হবে। ১৬ শমরিয়ার লোকেরা তাদের অপরাধ অবশ্য বহন করবে,  
কারণ তারা তাদের ঈশ্বরের বিষয়কে বিদ্রোহ প্রকাশ করেছে। তারা  
তরোয়ালতে পতিত হবে; তাদের শিশুদের মাটিতে আছড়ে চূর্ণ করা  
হবে, তাদের অন্তঃসত্ত্ব নারীদের উদর বিদীর্ণ করা হবে।”

**১৪** হে ইস্রায়েল, তোমরা ফিরে এসো তোমাদের ঈশ্বর সদাপ্রভুর  
কাছে। তোমাদের পাপ সমূহই তোমাদের পতনের কারণ! ২ তোমাদের  
বক্তব্য সঙ্গে নাও ও সদাপ্রভুর কাছে ফিরে এসো। তাঁকে বলো:  
“আমাদের সব পাপ ক্ষমা করো, আর অনুগ্রহ করে আমাদের ফিরিয়ে  
নাও, যাতে আমরা আমাদের ঠোঁটের ফল উৎসর্গ করতে পারি। ৩  
আসিরিয়া আমাদের রক্ষা করতে পারে না, আমরা যুদ্ধের ঘোড়ায়  
চড়ব না। আমাদের হাতে তৈরি প্রতিমাগুলিকে আমরা আর কখনও  
‘আমাদের দেবতা’ বলব না, কারণ তোমার মধ্যেই পিতৃহীনেরা  
অনুকম্পা লাভ করে।” ৪ “আমি তাদের বিপথগমনের রোগ প্রতিকার  
করব, এবং স্বতঃকৃতভাবে তাদের ভালোবাসব, কেননা আমার  
ক্ষেত্রে তাদের উপর থেকে সরে গেছে। ৫ আমি ইস্রায়েলের কাছে হব  
শিশিরের মতো: সে প্রস্ফুটিত হবে লিলিফুলের মতো। লেবাননের  
সিডার গাছের মতো, যার শিকড় গভীরে প্রোথিত হবে; ৬ তা থেকে  
কোমল পল্লব নির্গত হবে। তার জৌলুস হবে জলপাই গাছের মতো,  
তার সুগন্ধ হবে লেবাননের সিডার গাছের মতো। ৭ মানুষেরা আবার  
তার ছায়ায় বসবাস করবে; সে শস্যদানার মতো বিকশিত হবে, সে  
দ্রাক্ষালতার মতো মুকুলিত হবে, এবং তার খ্যাতি হবে লেবানন থেকে  
আনা দ্রাক্ষারসের মতো। ৮ হে ইহুয়িম, প্রতিমাগুলি নিয়ে আমি আর  
কি করব? আমি তাকে উন্নত দেব ও তার তত্ত্বাবধান করব। আমি এখন  
এক সবুজ-সতেজ দেবদারু গাছের মতো; তোমার ফলবান হওয়ার  
কারণ আমি।” ৯ কে জ্ঞানবান? তাদের এসব বিষয় উপলব্ধি করতে  
দাও। বিচক্ষণ কে? তাদের এগুলি বুবাতে দাও। সদাপ্রভুর পথসকল

ন্যায়সংগত; ধার্মিক ব্যক্তি সেইসব পথেই হাঁটে, কিন্তু বিদ্রোহীরা  
সেইসব পথে হোঁচট খায়।

## যোয়েল ভাববাদীর বই

১ সদাপ্রভুর এই বাক্য পথ্যেলের পুত্র যোয়েলের কাছে উপস্থিত হল। ২ আপনারা যারা প্রাচীন, একথা শুনুন; দেশে বসবাসকারী তোমরা সকলেই শোনো। তোমাদের সময়কালে, কিংবা তোমাদের পিতৃপুরুষদের সময়ে, এরকম ঘটনা কখনও কি ঘটেছে? ৩ তোমাদের সন্তানদের কাছে একথা বলো, তোমাদের সন্তানেরা তাদের সন্তানদের কাছে একথা বলুক, আর তাদের সন্তানেরা বলুক পরবর্তী প্রজন্মের কাছে। ৪ পঙ্গপালের ঝাঁক যা ছেড়ে গিয়েছে, তা বড়ো পঙ্গপালেরা খেয়ে ফেলেছে; বড়ো পঙ্গপালের যা ছেড়ে দিয়েছে, তরুণ পঙ্গপালেরা তা খেয়ে ফেলেছে; আর তরুণ পঙ্গপালেরা যা ছেড়ে দিয়েছে, তা অন্য পঙ্গপালেরা খেয়ে ফেলেছে। ৫ ওহে মাতাল ব্যক্তিরা, তোমরা ওঠো ও কাঁদো! যারা সুরা পান করো, তোমরা বিলাপ করো; নতুন দ্রাক্ষারসের জন্য বিলাপ করো, কারণ তা তোমাদের মুখ থেকে কেড়ে নেওয়া হয়েছে। ৬ এক জাতি আমার দেশকে আক্রমণ করেছে, তারা শক্তিশালী ও সংখ্যায় অগণ্য; তার আছে সিংহের মতো দাঁত, আছে সিংহার মতো কশের দাঁত। ৭ সে আমার দ্রাক্ষালতা নষ্ট করেছে, আমার ডুমুর গাছগুলি ধ্বংস করেছে। সে তাদের ছালগুলি খুলে দূরে ফেলে দিয়েছে, তাদের শাখাপ্রশাখা ত্বকশূন্য সাদা দেখা যায়। ৮ তোমরা শোকবন্ধু পরে যুবতী নারীর মতো বিলাপ করো, যে যৌবনেই তার স্বামীর মৃত্যুতে শোক করে। ৯ শস্য-নৈবেদ্য ও পেয়-নৈবেদ্য সকল সদাপ্রভুর গৃহ থেকে অপহৃত হয়েছে। যারা সদাপ্রভুর সামনে পরিচর্যা করেন, সেই যাজকেরা সবাই শোক করছেন। ১০ মাঠগুলি সব বিধ্বস্ত হয়েছে, জমি শুকিয়ে গেছে; শস্যরাশি ধ্বংস করা হয়েছে, নতুন দ্রাক্ষারস শুকিয়ে গেছে, তেল সব শেষ হতে চলেছে। ১১ ওহে কৃষকেরা, তোমরা হতাশ হও, দ্রাক্ষাচাষিরা, তোমরা বিলাপ করো; তোমরা গম ও যবের জন্য দুঃখ প্রকাশ করো, কারণ মাঠের সব উৎপন্ন শস্য ধ্বংস হয়েছে। ১২ দ্রাক্ষালতা শুকিয়ে গেছে ও ডুমুর গাছ জীর্ণ হয়েছে; ডালিম, খেজুর ও আপেল গাছ— মাঠের যত গাছপালা— শুকিয়ে গেছে। সতিয়ই মানবজাতির সব আনন্দ ফুরিয়ে গেছে। ১৩ ওহে যাজকেরা, তোমরা

শোকের বন্ধ পরে বিলাপ করো; যারা বেদির সামনে পরিচর্যা করো,  
তোমরা হাহাকার করো। তোমরা, যারা আমার ঈশ্বরের সামনে পরিচর্যা  
করো, তোমরাও এসো, সমস্ত রাত্রি শোকের বন্ধ পরে কাটাও; কারণ  
ভক্ষ্য-নৈবেদ্য ও পেয়-নৈবেদ্য তোমাদের ঈশ্বরের গৃহে আনা হয়নি।

14 এক পবিত্র উপবাস-পর্ব ঘোষণা করো, এক পবিত্র সভার আহ্বান  
করো। প্রাচীনদের ও যারা দেশে বসবাস করে, তাদের সবাইকে তলব  
করো, তারা যেন তোমাদের ঈশ্বর সদাপ্রভুর গৃহে আসে ও সদাপ্রভুর  
কাছে ক্রন্দন করে। 15 হায় হায়, সে কেমন দিন! কারণ সদাপ্রভুর দিন  
সন্মিকট; এ যেন সর্বশক্তিমানের কাছ থেকে বিনাশের মতো আসছে।

16 আমাদের চোখের সামনে থেকেই কি খাবার, আনন্দ ও উল্লাস  
আমাদের ঈশ্বরের গৃহ থেকে নিয়ন্ত্রিত করা হয়নি? 17 যত শস্যবীজ  
মাটির চেলার নিচে পচে গেছে। শস্যভাণ্ডারের গৃহগুলি ধ্বংস হয়েছে,  
গোলাঘরগুলি ভেঙে ফেলা হয়েছে, কারণ শস্য সব শুকিয়ে গেছে। 18  
পশ্চাপাল কেমন আর্তস্বর করছে! বলদের পাল দিশেহারা হয়ে পড়েছে,  
কারণ তাদের জন্য কোনো চারণভূমি নেই। 19 হে সদাপ্রভু, আমি  
তোমাকেই ডাকি, কারণ আগুন খোলা চারণভূমিকে গ্রাস করেছে আর  
আগুনের শিখা মাঠের সমস্ত গাছপালা দন্ধ করেছে। 20 এমনকি, বুনো  
পশুরাও হাঁপাতে হাঁপাতে তোমার দিকে চেয়ে আছে; জলের সমস্ত  
উৎস শুকিয়ে গেছে আর আগুন খোলা চারণভূমিগুলি ধ্বংস করেছে।

**2** তোমরা সিয়োনে তৃরী বাজাও; আমার পবিত্র পর্বতে সিংহনাদ  
তোলো। দেশে বসবাসকারী সকলে ভয়ে কাঁপুক, কারণ সদাপ্রভুর  
দিন এসে পড়েছে। হ্যাঁ, সেদিন কাছে এসে পড়েছে— 2 তা অন্ধকার  
ও নিরানন্দের দিন, মেঘের ও গাঢ় অন্ধকারের দিন। 3 তাদের সামনে  
আগুন গ্রাস করে, তাদের পিছনে আগুনের শিখা জ্বলে। তাদের সামনে  
দেশ হয় যেন এদন উদ্যানের মতো, তাদের পিছনে থাকে এক  
পরিত্যক্ত মরণ্প্রাপ্তর— কোনো কিছুই তাদের কাছ থেকে রেহাই পায়  
না। 4 তাদের আকার অশ্঵ের মতো, তারা অশ্বারোহী সৈন্যদের মতো  
ছুটে চলে। 5 বহু রথের শব্দের মতো ধ্বনি তুলে, নাড়া গ্রাসকারী  
আগুনের মতো শব্দ তুলে, তারা পাহাড়ের চূড়ায় লাফ দেয়, তারা

যেন যুদ্ধের উদ্দেশে শ্রেণীভূত পরাক্রমী সৈন্যদলের মতো। 6 তাদের দেখামাত্র জাতিসমূহ মনস্তাপে দন্ধ হয়; প্রত্যেকের মুখ বিবর্ণ হয়ে যায়। 7 তারা বীর যোদ্ধাদের মতো দৌড়ায়, সৈন্যদের মতো তারা প্রাচীর পরিমাপ করে। তারা সুশৃঙ্খলভাবে সমরাভিযান করে, কেউই তার স্থান থেকে বিচ্যুত হয় না। 8 তারা একে অন্যের উপরে চাপাচাপি করে পড়ে না, প্রত্যেকেই সোজা চলাপথে অগ্রসর হয়। প্রতিরোধ ব্যবস্থা তারা ভেদ করে, কেউই তার লাইন ভেঙে ফেলে না। 9 তারা নগরের মধ্যে দ্রুত দৌড়ে যায়, তারা প্রাচীরের উপরে দৌড়াতে থাকে। তারা ঘরবাড়ির উপরে চড়ে, চোরের মতো জানালা দিয়ে ভিতরে প্রবেশ করে। 10 তাদের সামনে পৃথিবী কম্পিত হয়, আকাশমণ্ডল কাঁপতে থাকে, সূর্য ও চাঁদ অন্ধকার হয়ে যায়, নক্ষত্রেরা আর দীপ্তি দেয় না। 11 সদাপ্রভু তাঁর সৈন্যদলের পুরোভাগে বজ্রধ্বনি করেন; তাঁর সৈন্যসংখ্যা গণনার অতীত, যারা তাঁর আদেশ পালন করে, তারা পরাক্রমী বীর। সদাপ্রভুর দিন অতি মহৎ; তা ভয়ংকর। কে তা সহ্য করতে পারে? 12 সদাপ্রভু ঘোষণা করেন, “তোমরা এখনই, তোমাদের সম্পূর্ণ মনেপ্রাণে আমার কাছে ফিরে এসো, তোমরা উপবাস ও কান্নার সঙ্গে, শোক করতে করতে ফিরে এসো।” 13 তোমাদের পোশাক নয়, কিন্তু তোমরা নিজের নিজের হৃদয় বিদীর্ণ করো। তোমরা তোমাদের দুশ্র সদাপ্রভুর কাছে ফিরে এসো, কারণ তিনি অনুগ্রহকারী ও সহানুভূতিশীল, বিলম্বে ক্রোধ করেন ও সীমাহীন তাঁর ভালোবাসা। তিনি বিপর্যয় প্রেরণ করে দয়ার্দ হন। 14 কে জানে? তিনি ফিরে আবার করুণা করবেন এবং পিছনে আশীর্বাদ রেখে যাবেন— ভক্ষ্য-নৈবেদ্য ও পেয়-নৈবেদ্য, তোমাদের দুশ্র সদাপ্রভুর জন্য। 15 তোমরা সিয়োনে তৃৰী বাজাও, পবিত্র উপবাস-পর্ব ঘোষণা করো, এক পবিত্র সভার করো আহ্বান। 16 লোকদের সমবেত করো, জনসমাজকে পবিত্র করো; প্রবীণদের এক স্থানে নিয়ে এসো, স্তন্যপায়ী শিশুদেরও এক স্থানে সমবেত করো। বর তার বাসগৃহ ও কনে তার নিবাস-কক্ষ ত্যাগ করুক। 17 সদাপ্রভুর সাক্ষাতে পরিচর্যাকারী যাজকেরা, মন্দিরের বারান্দা ও বেদির মাঝখানে ক্রন্দন করুক। তারা বলুক,

“হে সদাপ্রভু, তোমার প্রজাদের নিষ্কৃতি দাও। তোমার অধিকারকে  
নিন্দার পাত্র হতে ও জাতিসমূহের মধ্যে প্রবাদের আস্পদ হতে দিয়ো  
না। তারা কেন জাতিবৃন্দের কাছে বলবে, ‘তোমার ঈশ্বর কোথায়?’”

18 তারপরে সদাপ্রভু তাঁর দেশের বিষয়ে উদ্যোগী হলেন এবং তাঁর  
প্রজাদের প্রতি দয়া করলেন। 19 সদাপ্রভু তাদের প্রত্যন্তের করবেন:

“আমি তোমাদের কাছে শস্য, নতুন দ্রাক্ষারস ও তেল প্রেরণ করতে  
চলেছি, যা তোমাদের পরিত্থ করার জন্য পর্যাপ্ত হবে; আমি আর  
কখনও তোমাদের অন্যান্য জাতির কাছে নিন্দার পাত্র করব না। 20

“উত্তরের সৈন্যদলকে আমি তোমাদের কাছ থেকে তাড়িয়ে দেব,  
তাদের এক শুকনো ও অনুর্বর দেশে নিষ্কেপ করব, পূর্ব সমুদ্রের  
দিকে তার সামনের ভাগ ও পশ্চিম সমুদ্রের দিকে তার পেছনের ভাগ  
নিষ্কেপ করব। তার দুর্গন্ধ উপরে উঠে যাবে, তার পৃতিগন্ধ উঠতে  
থাকবে।” 21 ওহে দেশ, ভয় কোরো না; আনন্দিত হও ও উল্লাস

করো। সদাপ্রভু নিশ্চয়ই মহৎ সব কাজ করেছেন। 22 ওহে বুনো  
পশুরা, তোমরা ভয় কোরো না, কারণ খোলা চারণভূমিগুলি সবুজ হয়ে  
উঠছে। গাছগুলি তাদের ফল উৎপন্ন করছে, ডুমুর গাছ ও দ্রাক্ষালতা

তাদের ফলভারে সমৃদ্ধ হচ্ছে। 23 ওহে সিয়োনের অধিবাসীরা, তোমরা  
আনন্দিত হও, আমাদের ঈশ্বর সদাপ্রভুতে আনন্দিত হও, কারণ তিনি  
তাঁর ধর্মশীলতায় তোমাদের অগ্রিম বৃষ্টি দান করবেন। তিনি তোমাদের  
কাছে প্রচুর বৃষ্টি প্রেরণ করবেন, পূর্বের মতোই প্রথম ও শেষ বর্ষা  
প্রেরণ করবেন। 24 খামারগুলি শস্যে পরিপূর্ণ হবে; ভাঁটগুলি নতুন  
দ্রাক্ষারসে ও তেলে উপচে পড়বে। 25 “বছর বছর ধরে পঙ্গপালে যা  
খেয়েছে, তা আমি ফিরিয়ে দেব— অর্থাৎ বড়ো পঙ্গপাল, ও অল্পবয়স্ক  
পঙ্গপাল, অন্যান্য পঙ্গপাল ও পঙ্গপালের ঝাঁক— আমার মহা সৈন্যদল,

যাদের আমি প্রেরণ করেছিলাম। 26 যতক্ষণ না তোমরা তৃপ্ত হবে,  
তোমরা পর্যাপ্ত পরিমাণে আহার করবে, আর তোমরা তোমাদের ঈশ্বর  
সদাপ্রভুর প্রশংসা করবে, যিনি তোমাদের জন্য বিস্ময়কর সব কর্ম  
করেছেন; আমার প্রজারা আর কখনও লজ্জিত হবে না। 27 তখন  
তোমরা জানতে পারবে যে আমি ইস্রায়েলের মধ্যবর্তী আছি, যে আমিই

সদাপ্রভু, তোমাদের ঈশ্বর, আর কোনো ঈশ্বর নেই; আমার প্রজারা আর  
কখনও লজ্জিত হবে না। 28 “আর তারপর, আমি সমস্ত মানুষের উপরে  
আমার আত্মা ঢেলে দেব। তোমাদের ছেলে ও মেয়েরা ভাববাণী বলবে,  
তোমাদের প্রবীণেরা স্বপ্ন দেখবে, তোমাদের যুবকেরা দর্শন পাবে। 29  
এমনকি, আমার দাস-দাসীদেরও উপরে, সেইসব দিনে আমি আমার  
আত্মা ঢেলে দেব। 30 আমি আকাশমণ্ডলে ও পৃথিবীর উপরে আশ্চর্য  
সব নির্দশন দেখাব, রক্ত ও আগুন এবং ধোঁয়ার কুণ্ডলী দেখাব। 31  
সদাপ্রভুর সেই মহৎ ও ভয়ংকর দিনের আগমনের পূর্বে, সূর্য অঙ্ককার  
ও চাঁদ রক্তবর্ণ হয়ে যাবে। 32 আর যে কেউ সদাপ্রভুর নামে ডাকবে,  
সেই পরিত্রাণ পাবে; কারণ সদাপ্রভুর কথামতো সিয়োন পর্বত ও  
জেরুশালেমে, কিছু মুক্তিপ্রাপ্ত লোকের দল থাকবে; আর অবশিষ্ট  
লোকদের মধ্যেও থাকবে, যাদের সদাপ্রভু আহ্বান করেছেন।”

**৩** “সেইসব দিনে ও সেই সময়ে, যখন আমি যিহুদা ও জেরুশালেমের  
বন্দিদশা ফিরাব, 2 আমি সমস্ত জাতিকে একত্র করব ও তাদের  
যিহোশাফট উপত্যকায় নামিয়ে আনব। সেখানে আমি আমার অধিকার  
ও আমার প্রজা ইস্রায়েলের বিরুদ্ধে তাদের বিচার করব, কারণ তারা  
বিভিন্ন জাতির মধ্যে আমার প্রজাদের ছিন্নভিন্ন করেছিল এবং আমার  
দেশকে বিভাগ করেছিল। 3 তারা আমার প্রজাদের জন্য গুটিকাপাত  
করেছিল এবং বেশ্যার বিনিময়ে বালককে দিয়েছিল; দ্রাক্ষারসের জন্য  
তারা বালিকাদের বিক্রি করেছিল, যেন তারা তা পান করতে পারে। 4  
“এখন ওহে সোর ও সীদোন এবং ফিলিস্তিয়ার বিভিন্ন অঞ্চল, আমার  
বিরুদ্ধে তোমাদের কী বলার আছে? আমি কিছু করেছি বলে, তোমরা  
কি তারই প্রতিফল দিচ্ছ? যদি তোমরা আমাকে প্রতিফল দিচ্ছ,  
তাহলে আমি দ্রুত ও অতি সত্ত্বর তোমাদের মাথায় তাই ফিরিয়ে দেব,  
যা তোমরা করেছ। 5 কারণ তোমরা আমার রংপো ও আমার সোনা  
এবং আমার ভাণ্ডারের উৎকৃষ্ট রত্নরাজি নিয়ে বহন করে তোমাদের  
মন্দিরগুলিতে নিয়ে গিয়েছ। 6 তোমরা যিহুদা ও জেরুশালেম থেকে  
আমার প্রজাদের নিয়ে গ্রিকদের কাছে বিক্রি করেছ, যেন তোমরা  
তাদের স্বদেশ থেকে বহুদূরে তাড়িয়ে দিতে পারো। 7 “দেখো, তোমরা

তাদের যে যে স্থানে বিক্রি করেছ, সেখান থেকে আমি তাদের জাগিয়ে  
তুলে আনব, আর তোমরা যেসব অপকর্ম করেছ, তা আমি তোমাদেরই  
মাধ্যমে ফিরিয়ে দেব। ৪ আমি তোমাদের পুত্রকন্যাদের যিহুদার  
লোকদের কাছে বিক্রি করব; তারা তাদের বহুদূরে অবস্থানকারী এক  
জাতি, শিবায়ীয়দের কাছে বিক্রি করবে।” সদাপ্রভু একথা বলেছেন।  
৯ তোমরা জাতিবৃন্দের কাছে একথা ঘোষণা করো: তোমরা যুদ্ধের জন্য  
প্রস্তুত হও! যত বীরযোদ্ধাকে জাগিয়ে তোলো! সমস্ত লড়াকু মানুষ  
সামনে এসে আক্রমণ করো। ১০ তোমাদের লাঙলের ফাল ভেঙে  
তরোয়াল তৈরি করো ও তোমাদের কাণ্টেগুলি ভেঙে বর্শা তৈরি করো।  
দুর্বল মানুষও বলুক, “আমি বলবান!” ১১ সমস্ত দিক থেকে সব জাতির  
লোকেরা, তোমরা তাড়াতাড়ি এসো এবং ওই জায়গায় সমবেত  
হও। হে সদাপ্রভু, তোমারও যোদ্ধাদের ওখানে নামিয়ে আনো। ১২  
“জাতিগণ জেগে উঠুক; তারা যিহোশাফট উপত্যকার দিকে এগিয়ে  
যাক, কারণ আমি সেখানেই সব দিকের সমস্ত জাতির বিচার করতে  
বসব। ১৩ তোমরা কাস্তে চালাও, কারণ শস্য পেকে গেছে। এসো,  
আঙুর মাড়াই করো, কারণ আঙুর মাড়াই-কল পূর্ণ হয়েছে ও ভাঁটিগুলি  
রসে উপচে পড়েছে— তাদের দুষ্টতা এতই ব্যাপক!” ১৪ বিচারের  
উপত্যকায় অসংখ্য মানুষ, অসংখ্য মানুষ সেখানে জড়ো হয়েছে!  
কারণ বিচারের উপত্যকায় সদাপ্রভুর দিন সন্ধিকট হয়েছে। ১৫ সূর্য  
ও চাঁদ অন্ধকার হয়ে যাবে, নক্ষত্রগুলি দীপ্তি বিকিরণ বন্ধ করবে।  
১৬ সদাপ্রভু সিয়োন থেকে গর্জন করবেন এবং জেরুশালেম থেকে  
করবেন বজ্রধনি; পৃথিবী ও আকাশ কম্পিত হবে। কিন্তু সদাপ্রভু তাঁর  
প্রজাদের জন্য আশ্রয়স্থান হবেন, ইস্রায়েলের জন্য হবেন এক দৃঢ় দুর্গ।  
১৭ “তখন তোমরা জানতে পারবে যে, আমি সদাপ্রভু, তোমাদের সুরক্ষা,  
আমি আমার পবিত্র পর্বত সিয়োনে বসবাস করি। জেরুশালেম পবিত্র  
হবে; বিদেশিরা আর কখনও তা আক্রমণ করবে না। ১৮ “সেদিন  
পর্বতগুলি থেকে নতুন দ্রাক্ষারস ক্ষরে পড়বে, আর পাহাড়গুলি থেকে  
প্রবাহিত হবে দুধ; যিহুদার গিরিখাতগুলি থেকে জল প্রবাহিত হবে।  
সদাপ্রভুর গৃহ থেকে এক উৎস প্রবাহিত হবে, তা বাবলা-উপত্যকাকে

জলসিক্ত করবে। 19 কিন্তু মিশর জনশূন্য হবে, ইদোম হবে এক  
পতিত মরহ্মান্তর, যেহেতু তারা যিহুদার লোকেদের প্রতি হিংস্র আচরণ  
করেছিল, সেইসব ভূমিতে তারা নির্দোষের রক্তপাত করেছিল। 20  
যিহুদা চিরকালের জন্য ও জেরুশালেম বংশপরম্পরায় জনঅধ্যুষিত  
হবে। 21 তাদের রক্তপাতের যে অপরাধ আমি ক্ষমা করিনি, তা আমি  
ক্ষমা করব।”

## আমোষ ভাববাদীর বই

১ আমোষের বাণী। তিনি ছিলেন তকোয়ের একজন মেষপালক। তিনি যিতুদার রাজা উষিয়ের সময়ে ও যিহোয়াশের পুত্র ইস্রায়েলের রাজা যারবিয়ামের রাজত্বকালে, ভূমিকম্পের দুই বছর আগে ইস্রায়েল সম্পর্কে এই দর্শন পান। ২ তিনি বললেন, “সদাপ্রভু সিয়োন থেকে গর্জন করছেন, তিনি জেরশালেম থেকে শোনাচ্ছেন বজ্রধ্বনি; মেষপালকদের চারণভূমিগুলি শুকিয়ে যাচ্ছে, কর্মিলের শিখরস্থান শুকনো হচ্ছে।” ৩ সদাপ্রভু এই কথা বলেন: “দামাক্ষাসের তিনটি পাপের জন্য, এমনকি, চারটির জন্য, আমি আমার ক্রোধ ফিরিয়ে নেব না। কারণ সে লোহার দাঁতযুক্ত শস্য মাড়াই কল দিয়ে গিলিয়দকে চূর্ণ করেছে। ৪ আমি হসায়েল কুলের উপরে আগুন পাঠাব, তা বিন্হদদের দুর্গগুলি গ্রাস করবে। ৫ আমি দামাক্ষাসের তোরণদ্বার ভেঙে ফেলব; আমি আবন-উপত্যকায় স্থিত রাজাকে ধ্বংস করব এবং তাকেও করব, যে বেথ-এদনে রাজদণ্ড ধারণ করে। অরাম দেশের লোকেরা কীরে নির্বাসিত হবে,” সদাপ্রভু বলেন। ৬ সদাপ্রভু এই কথা বলেন: “গাজার তিনটি পাপের জন্য, এমনকি, চারটির জন্য, আমি আমার ক্রোধ ফিরিয়ে নেব না। কারণ সে সমস্ত সমাজকে বন্দি করে ইদোমের কাছে তাদের বিক্রি করেছিল। ৭ আমি গাজার প্রাচীরগুলির উপরে আগুন পাঠাব, তা তার দুর্গগুলিকে গ্রাস করবে। ৮ আমি অস্দোদের রাজাকে ধ্বংস করব, অঙ্কিলোনের রাজদণ্ডধারীকেও করব। আমি ইক্রোগের বিপক্ষে আমার হাত প্রসারিত করব, যতক্ষণ না শেষতম ফিলিস্তিনীর মৃত্যু হয়,” সার্বভৌম সদাপ্রভু বলেন। ৯ সদাপ্রভু এই কথা বলেন: “সোরের তিনটি পাপের জন্য, এমনকি চারটির জন্য, আমি আমার ক্রোধ ফিরিয়ে নেব না। যেহেতু সে ভাস্তুর চুক্তি অগ্রাহ্য করে বন্দিদের সবাইকে ইদোমের কাছে বিক্রি করেছিল, ১০ তাই আমি সোরের প্রাচীরগুলিতে আগুন পাঠাব, তা তার দুর্গগুলিকে গ্রাস করবে।” ১১ সদাপ্রভু এই কথা বলেন: “ইদোমের তিনটি পাপের জন্য, এমনকি, চারটির জন্য, আমি আমার ক্রোধ ফিরিয়ে নেব না। যেহেতু সে তরোয়াল নিয়ে তার ভাইকে তাড়া করেছিল এবং দেশের

মহিলাদের হত্যা করেছিল, কারণ তার ক্রোধ অবিরাম বৃদ্ধি পেয়েছিল, তার কোপ অবারিতভাবে জলে উঠেছিল। 12 আমি তৈমনের উপরে আগুন পাঠাব, তা বস্তার সমস্ত দুর্গকে গ্রাস করবে।” 13 সদাপ্রভু এই কথা বলেন: “আমোনের তিনটি পাপের জন্য, এমনকি, চারটির জন্য, আমি আমার ক্রোধ ফিরিয়ে নেব না। যেহেতু সে গিলিয়দের গর্ভবতী নারীদের উদর বিদীর্ঘ করেছিল, যেন সে নিজের সীমানা বৃদ্ধি করতে পারে, 14 তাই আমি রক্ষার প্রাচীরগুলিতে আগুন পাঠাব, তা তার সমস্ত দুর্গকে গ্রাস করবে যুদ্ধের দিনে রণনাদের কালে, ঘড়ের সময়ে প্রবল ঘূর্ণিবায়ুর কালে, 15 তার রাজা নির্বাসিত হবে, একইসঙ্গে নির্বাসিত হবে তার কর্মকর্তারাও,” সদাপ্রভু বলেন।

2 সদাপ্রভু এই কথা বলেন: “মোয়াবের তিনটি পাপের জন্য, এমনকি, চারটির জন্য, আমি আমার ক্রোধ ফিরিয়ে নেব না। যেহেতু সে ইদোমের রাজার অস্তি পুড়িয়ে ছাই করে দিয়েছিল, 2 তাই আমি মোয়াবের উপরে আগুন প্রেরণ করব, তা করিয়োতের দুর্গগুলি গ্রাস করবে। মোয়াব রণনাদ ও তুরীধ্বনির সঙ্গে মহা কোলাহলে প্রাণত্যাগ করবে। 3 আমি তার শাসককে ধ্বংস করব, তার সঙ্গে হত্যা করব তার সব কর্মচারীকে,” সদাপ্রভু বলেন। 4 সদাপ্রভু এই কথা বলেন: “যিহুদার তিনটি পাপের জন্য, এমনকি, চারটির জন্য, আমি আমার ক্রোধ ফিরিয়ে নেব না। যেহেতু তারা সদাপ্রভুর বিধান অগ্রাহ্য করেছে এবং তাঁর বিধিবিধান পালন করেনি, যেহেতু তারা ভ্রান্ত দেবদেবীর দ্বারা বিপথে চালিত হয়েছে, যে দেবদেবীকে তাদের পূর্বপুরুষেরা অনুসরণ করত, 5 তাই আমি যিহুদার উপরে আগুন পাঠাব, তা জেরশালেমের দুর্গগুলিকে গ্রাস করবে।” 6 সদাপ্রভু এই কথা বলেন: “ইস্রায়েলের তিনটি পাপের জন্য, এমনকি, চারটির জন্য, আমি আমার ক্রোধ ফিরিয়ে নেব না। তারা রূপোর মুদ্রার বিনিময়ে ধার্মিক ব্যক্তিকে এবং অভাবী মানুষকে এক জোড়া জুতোর বিনিময়ে বিক্রি করেছে। 7 তারা দীনদরিদ্র ব্যক্তির মাথা পায়ে মাড়ায়, যেমন মাটির উপরে ধুলোকে করা হয় এবং নিপীড়িত ব্যক্তির ন্যায়বিচার অন্যথা করে। বাবা ও ছেলে একই মেয়ের সঙ্গে ব্যাখ্যার করে, এভাবে তারা আমার

পবিত্র নামের অসমান করে। ৪ বন্ধকের বিনিময়ে রাখা পোশাকের উপরে, তারা প্রত্যেকটি বেদির পাশে শুয়ে থাকে। তারা তাদের দেবতার গৃহে জরিমানারপে গৃহীত দ্রাক্ষারস পান করে। ৫ “তবুও আমি তাদের সামনে সেই ইমোরীয়কে ধ্বংস করেছি, যদিও সে সিডার গাছের মতো লম্বা ছিল এবং ওক গাছের মতো শক্ত ছিল। আমি উপরে তার ফল ও নিচে তার মূল ধ্বংস করেছি। ১০ আমি তোমাদের মিশর থেকে মুক্ত করে এনেছি, আর চল্লিশ বছর মরণপ্রাপ্তরে চালিত করেছি, যেন তোমাদের ইমোরীয়দের দেশ দিতে পারি। ১১ “আমি তোমাদের পুত্রদের মধ্যে বিভিন্ন ভাববাদীকে ও তোমাদের যুবকদের মধ্য থেকে নাসরীয়দের উৎপন্ন করেছি। ওহে ইস্রায়েলের জনগণ, একথা কি সত্যি নয়?” সদাপ্রভু ঘোষণা করেন। ১২ “কিন্তু তোমরা নাসরীয়দের দ্রাক্ষারস পান করাতে, আর ভাববাদীদের আদেশ দিতে, তারা যেন ভবিষ্যদ্বাণী না করে। ১৩ “তাহলে এখন, আমি তোমাদের পেষণ করব, যেভাবে শস্যরাশিতে পরিপূর্ণ শক্ট পিষ্ট করে। ১৪ দ্রুতগামী মানুষও পালাতে পারবে না, শক্তিশালী মানুষ নিজের শক্তি প্রয়োগ করতে পারবে না, আর বীর যোদ্ধা তার প্রাণরক্ষা করতে পারবে না। ১৫ তিরন্দাজ দাঁড়াতে পারবে না, দ্রুতগামী সৈন্য পালাতে পারবে না, আর অশ্বারোহী তার প্রাণরক্ষা করতে পারবে না। ১৬ এমনকি, সব থেকে সাহসী যোদ্ধারাও সেদিন নগ হয়ে পলায়ন করবে,” সদাপ্রভু ঘোষণা করেন।

৩ ওহে ইস্রায়েলের লোকেরা, সদাপ্রভু তোমাদের বিরুদ্ধে যা বলেছেন, তোমরা সেই বাক্য শোনো। আমি যাদের মিশর থেকে মুক্ত করে এনেছি, সেই সমস্ত গোষ্ঠীর বিরুদ্ধে বলা বাক্য শোনো: ২ “পৃথিবীর সমস্ত গোষ্ঠীর মধ্যে, আমি কেবলমাত্র তোমাদেরই মনোনীত করেছি; তাই তোমাদের সব পাপের জন্য, আমি তোমাদের শাস্তি দেব।” ৩ দুজন মানুষ এক পরামর্শ না হলে তারা কি পথে একসঙ্গে চলতে পারে? ৪ ঘন জঙ্গলে শিকার না পেলে কোনো সিংহ কি গর্জন করে? কোনো শিকার না ধরে সে কি তার গহুরে হংকার দেয়? ৫ কোনো ফাঁসকল পাতা না থাকলে, পাখি কি মাটিতে ফাঁদে ধরা পড়ে? কিন্তু না

ধরা পড়লে, মাটি থেকে কোনো কল কি আপনা-আপনি হোটে? 6  
নগরের মধ্যে তৃৰী বাজনে, লোকেরা কি ভয়ে কাঁপে না? যখন কোনো  
নগরে বিপর্যয় উপস্থিত হয়, তা কি সদাপ্রভু থেকে হয় না? 7 নিশ্চয়ই  
সদাপ্রভু, তাঁর দাস ভাববাদীদের কাছে নিজের পরিকল্পনা প্রকাশ না  
করে, সার্বভৌম সদাপ্রভু কিছুই করেন না। 8 সিংহ গর্জন করলে— কে  
না ভয় করবে? সার্বভৌম সদাপ্রভু কথা বলেন— কে না ভবিষ্যদ্বাণী  
করবে? 9 তোমরা অস্তদের দুর্গণ্ডিতে, ও মিশরের দুর্গণ্ডিতে  
কাছে এই বার্তা ঘোষণা করো: “তোমরা শমরিয়ার পাহাড়গুলির কাছে  
সমবেত হও; আর তার মধ্যে মহা অস্ত্রিতা দেখো, তার প্রজাদের  
মধ্যে সংঘটিত নিপীড়ন দেখো।” 10 “তারা জানে না ন্যায়সংগত কাজ  
কীভাবে করতে হয়,” সদাপ্রভু এই কথা ঘোষণা করেন, “তারা তাদের  
দুর্গণ্ডিতে অত্যাচার ও লুটের জিনিস সঞ্চিত করেছে।” 11 অতএব,  
সার্বভৌম সদাপ্রভু এই কথা বলেন: “এক শক্তি দেশকে ছারখার করে  
দেবে, সে তোমার ঘাঁটিগুলি ভেঙে ফেলবে ও তোমার দুর্গণ্ডিলি লুট  
করবে।” 12 সদাপ্রভু এই কথা বলেন: “মেষপালক যেমন সিংহের মুখ  
থেকে দুটি পায়ের হাড় বা একটি কানের টুকরো উদ্ধার করে, তেমনই  
ইস্রায়েলীরাও রক্ষা পাবে, যারা শমরিয়ায় তাদের বিছানার প্রান্তে বা  
দামাক্ষাসে তাদের পালক্ষের কোণে বসে থাকে।” 13 “তোমরা এই  
কথা শোনো ও যাকোবের কুলের বিপক্ষে সাক্ষ্য দাও,” বলেন প্রভু,  
সর্বশক্তিমান ঈশ্বর সদাপ্রভু। 14 “যেদিন আমি ইস্রায়েলের সব পাপের  
জন্য তাদের শাস্তি দিই, আমি বেথেলের সব বেদি ধ্বংস করব; বেদির  
শৃঙ্গগুলি কেটে ফেলা হবে ও সেগুলি মাটিতে পতিত হবে। 15 আমি  
শীত্যাপনের গৃহ ও গ্রীষ্মাপনের গৃহকে ভেঙে ফেলব; হাতির দাঁতে  
সুসজ্জিত গৃহগুলি ধ্বংস হবে এবং অট্টালিকাগুলি ভূমিসাঁৎ করা হবে,”  
সদাপ্রভু ঘোষণা করেন।

**4** শমরিয়ার পর্বতের উপরে বিচরণ করা বাশনের গাভীসকল, তোমরা  
এই বাণী শ্রবণ করো, তোমরা সেই নারীরা যারা দরিদ্রদের নিপীড়ন ও  
নিঃস্বদের চূর্ণ করো, যারা নিজের নিজের স্বামীকে বলো, “আমাদের  
জন্য কিছু পান করার সুরা এনে দাও!” 2 সার্বভৌম সদাপ্রভু তাঁর

পবিত্রতায় শপথ করেছেন: “সেই সময় অবশ্যই আসবে, যখন তোমাদের কড়া লাগিয়ে, তোমাদের শেষতম ব্যক্তিকে বড়শি গেঁথে নিয়ে যাওয়া হবে। 3 তোমাদের মধ্যে প্রত্যেকে প্রাচীরের ভাঙ্গা স্থান দিয়ে সোজা বের হয়ে যাবে, আর তোমাদের হর্মোগের দিকে নিষ্কেপ করা হবে,” সদাপ্রভু ঘোষণা করেন। 4 “তোমরা বেথেলে যাও ও পাপ করো; তোমরা গিল্গলে যাও ও আরও বেশি পাপ করো। রোজ সকালে তোমাদের নৈবেদ্য নিয়ে এসো, প্রত্যেক তিন বছর পরপর তোমাদের দশমাংশ উৎসর্গ করো। 5 ধন্যবাদের বলিকৃপে খামিরযুক্ত ঝটি পোড়াও, আর স্বেচ্ছাকৃত দান যোষণা করো, তোমরা ইস্রায়েলীরা, সেগুলির জন্য গর্ব করো, কারণ তোমরা এরকমই করতে ভালোবাসো,” সার্বভৌম সদাপ্রভু ঘোষণা করেন। 6 “প্রত্যেকটি নগরে আমি তোমাদের শূন্য উদরে রেখেছি, প্রত্যেকটি নগরে রয়েছে খাদ্যের অভাব, তবুও তোমরা আমার কাছে ফিরে আসোনি,” সদাপ্রভু ঘোষণা করেন। 7 “আমি তোমাদের কাছ থেকে বৃষ্টিও ধরে রেখেছি, যখন শস্যচয়নের সময় তখনও তিন মাস দূরে ছিল। আমি একটি নগরে বৃষ্টি পাঠিয়েছি, অথচ, অন্য নগরে তা নিবারণ করেছি। একটি মাঠে বৃষ্টি হয়েছে, অন্য মাঠে তা না-হওয়ায় সব শুকিয়ে গেছে। 8 লোকেরা নগর থেকে নগরে জলের জন্য টলতে টলতে যেত, কিন্তু পান করার জন্য যথেষ্ট জল পেত না, তবুও তোমরা আমার কাছে ফিরে আসোনি,” সদাপ্রভু ঘোষণা করেন। 9 “অনেকবার আমি তোমাদের উদ্যানগুলিতে ও দ্রাক্ষাকুঞ্জগুলিতে আঘাত করেছি, কুঁকড়ে যাওয়া ও ছাতারোগে আমি সেগুলিতে আঘাত করেছি। পঙ্গপালেরা তোমাদের ডুমুর ও জলপাইগাছগুলি গ্রাস করেছে, তবুও তোমরা আমার কাছে ফিরে আসোনি,” সদাপ্রভু ঘোষণা করেন। 10 “আমি তোমাদের মধ্যে মহামারি পাঠিয়েছি, যেমন মিশরে করেছিলাম, আমি তরোয়ালের দ্বারা তোমাদের যুবকদের হত্যা করেছি, সেই সঙ্গে হত্যা করেছি অধিকত সব ঘোড়াদেরও। আমি তোমাদের নাসারঙ্গে তোমাদের শিবিরের দুর্গন্ধ প্রবেশ করিয়েছি, তবুও তোমরা আমার কাছে ফিরে আসোনি,” সদাপ্রভু ঘোষণা করেন। 11 “আমি তোমাদের কাউকে

কাউকে উৎপাটন করেছি, যেমন আমি সদোম ও ঘমোরাকে উৎপাটন করেছিলেন। তোমরা ছিলে আগুন থেকে কেড়ে নেওয়া জুলন্ত কাঠের তুকরোর মতো, তবুও তোমরা আমার কাছে ফিরে আসোনি,” সদাপ্রভু ঘোষণা করেন। 12 “সেই কারণে, ওহে ইস্রায়েল, আমি তোমাদের প্রতি এইরকম ব্যবহার করব, আর যেহেতু আমি এইরকম ব্যবহার করব, ওহে ইস্রায়েল, তুমি তোমার ঈশ্বরের সঙ্গে সাক্ষাৎ করার জন্য প্রস্তুত হও।” 13 যিনি পর্বতসকলের নির্মাতা, যিনি বাতাস সৃষ্টি করেন, যিনি তাঁর চিন্তাধারা মানুষের কাছে প্রকাশ করেন, যিনি প্রত্যুষকালকে অন্ধকারে পরিণত করেন ও পৃথিবীর উঁচু স্থানগুলির উপর দিয়ে চলেন— সর্বশক্তিমান ঈশ্বর সদাপ্রভু, এই তাঁর নাম।

5 ওহে ইস্রায়েল কুল, তোমরা এই বাণী শোনো। এই বিলাপ-গীতি আমি তোমাদের সম্পর্কে করতে চলেছি: 2 “কুমারী-ইস্রায়েল পতিত হয়েছে, সে আর কখনও উঠতে পারবে না; সে তার নিজের দেশেই পরিত্যক্ত হয়েছে, তাকে তুলে ধরার জন্য কেউই নেই।” 3 সার্বভৌম সদাপ্রভু এই কথা ইস্রায়েলকে বলেন: “তোমার নগরের লোকেরা সহস্র হয়ে সমরাভিযান করে, তাদের কেবলমাত্র শতজন অবশিষ্ট থাকবে; তোমার নগর একশত জন হয়ে যুদ্ধযাত্রা করে, তারা কেবলমাত্র দশজন অবশিষ্ট থাকবে।” 4 সদাপ্রভু এই কথা ইস্রায়েলকে বলেন: “আমার অঙ্গেষণ করো ও বাঁচো; 5 বেথেলের অঙ্গেষণ কোরো না, তোমরা গিল্গলে যেয়ো না, বের-শেবা পর্যন্ত যাত্রা কোরো না। কারণ গিল্গল অবশ্যই নির্বাসিত হবে, বেথেল অসার প্রতিপন্ন হবে।” 6 তোমরা সদাপ্রভুর অঙ্গেষণ করো ও বাঁচো, নইলে, তিনি আগন্তের মতো যোষেফের কুল বিনষ্ট করবেন, তা তাকে গ্রাস করবে, আর তা নির্বাপিত করার জন্য বেথেলে কেউই থাকবে না। 7 তোমরা যারা ন্যায়বিচারকে তিঙ্কতায় পরিণত করো, ও ধার্মিকতাকে ভূমিতে নিক্ষেপ করো, 8 যিনি কৃতিকা ও কালপুরুষ নক্ষত্রমণ্ডলী নির্মাণ করেছেন, যিনি মধ্য রাত্রিকে প্রভাতে পরিণত করেন ও দিনকে রাতের মতো অন্ধকারময় করেন, যিনি সমুদ্রের জলরাশিকে আহ্বান করেন ও ভূগূঢ়ের উপরে তাদের ঢেলে দেন— সদাপ্রভু তাঁর নাম। 9 তিনি

দৃঢ় দুর্গের উপরে দ্রুত সর্বনাশ নামিয়ে আনেন ও সুরক্ষিত নগরীকে  
ধ্বংস করে থাকেন, 10 তোমরা তাকে ঘৃণা করো, যে ন্যায়ালয়ে  
তিরক্ষার করে ও যে সত্যিকথা বলে, তাকে অবজ্ঞা করো। 11 তোমরা  
দরিদ্রদের পদদলিত করো ও জোর করে তাদের কাছ থেকে শস্য  
কেড়ে নাও। তাই, তোমরা যদিও পাথরের অট্টালিকা নির্মাণ করেছ,  
তোমরা সেগুলির মধ্যে বসবাস করতে পারবে না; তোমরা যদিও রম্য  
দ্রাক্ষাকুঞ্জ রোপণ করেছ, তা থেকে উৎপন্ন দ্রাক্ষারস তোমরা পান  
করতে পারবে না। 12 কারণ আমি তোমাদের অপরাধের মাত্রা ও  
তোমাদের পাপসকল কত ব্যাপক, তা জানি। তোমরা ধার্মিক ব্যক্তিকে  
নিপীড়ন করো ও ঘুস নাও, তোমরা ন্যায়ালয়ে দরিদ্রদের ন্যায়বিচার  
থেকে বধিত করো। 13 সেই কারণে বিচক্ষণ মানুষ এসব সময়ে চুপ  
করে থাকে, কারণ সময় সব মন্দ। 14 তোমরা মঙ্গলের অব্বেষণ করো,  
সন্দের নয়, যেন তোমরা বাঁচতে পারো। তখন সর্বশক্তিমান ঈশ্বর  
সদাপ্রভু তোমাদের সঙ্গে থাকবেন, যেমন তোমরা বলে থাকো যে তিনি  
থাকেন। 15 তোমরা মন্দকে ঘৃণা করো, উন্নততাকে ভালোবাসো;  
ন্যায়ালয়ে ন্যায়বিচার রক্ষা করো। হয়তো সর্বশক্তিমান ঈশ্বর সদাপ্রভু,  
যোষেফের অবশিষ্টাংশের উপরে করণা করবেন। 16 অতএব প্রভু,  
সর্বশক্তিমান ঈশ্বর সদাপ্রভু এই কথা বলেন: “সমস্ত পথে পথে  
শোকবিলাপ হবে, প্রত্যেক চকে প্রকাশ্যে মনস্তাপের কাঙ্গা শোনা  
যাবে। কৃষকদের কাঁদবার জন্য তলব করা হবে, বিলাপকারীদের  
বিলাপ করার জন্য ডাকা হবে। 17 সমস্ত দ্রাক্ষাকুঞ্জে সেদিন বিলাপ  
করা হবে, কারণ আমি তোমাদের মধ্য দিয়ে অতিক্রম করব,” সদাপ্রভু  
এই কথা বলেন। 18 ধিক্ তোমাদের, যারা সদাপ্রভুর দিনের অপেক্ষায়  
থাকো! কেন তোমরা সদাপ্রভুর দিনের অপেক্ষায় থাকো? সেদিন হবে  
অন্ধকারের, আলোর নয়। 19 তা এইরকম হবে, কেউ যেন সিংহ  
থেকে পালিয়ে বাঁচল তো গিয়ে ভালুকের সামনে পড়ল, অথবা বাড়িতে  
প্রবেশ করল আর দেওয়ালে হাত রাখল, তখন সাপ তাকে দংশন  
করল। 20 সদাপ্রভুর দিন কি আলো, তা অন্ধকার কি হবে না— তা  
হবে গাঢ় অন্ধকার, আলোর রেশও কি কোথাও থাকবে? 21 “আমি

তোমাদের ধৰ্মীয় উৎসবগুলি ঘৃণা করি, অগ্রাহ্য করি; তোমাদের  
সভাগুলি আমি সহ্য করতে পারি না। 22 তোমরা যদিও আমার কাছে  
হোমবলি ও শস্য-নৈবেদ্যগুলি উপস্থিত করো, আমি সেগুলি গ্রহণ  
করব না। তোমরা যদিও নধর পশুর মঙ্গলার্থক বলি উৎসর্গ করো,  
আমি সেগুলি চেয়েও দেখব না। 23 তোমাদের গানবাজনার শব্দ  
দূর করো! আমি তোমাদের বীণার বাংকার শুনতে চাই না। 24 কিন্তু  
ন্যায়বিচার নদীর মতো প্রবাহিত হোক, ধার্মিকতা কখনও শুকিয়ে না  
যাওয়া স্নোতের মতো হোক! 25 “হে ইস্রায়েলের কুল, তোমরা কি  
মরণভূমিতে চলিশ বছর, আমার কাছে বিভিন্ন বলিদান ও নৈবেদ্য নিয়ে  
এসেছিলে? 26 না, তোমরা বরং তোমাদের রাজা সিঁকুৎ ও কীয়ুন  
নামের প্রতিমাদের, তোমাদের দেবতাদের তারা— যা নিজেদের  
জন্য নির্মাণ করেছিলে, তাই তুলে বহন করেছিলে। 27 তাই আমি  
তোমাদের দামাকাসের ওপারে নির্বাসিত করব,” বলেন সদাপ্রভু, যাঁর  
নাম সর্বশক্তিমান ঈশ্বর।

**৬** ধিক্ তোমাদের, যারা সিয়োনে আত্মত্বষ্ট বসে আছ, ধিক্  
তোমাদেরও, যারা শমরিয়া পর্বতে নিজেদের নিরাপদ মনে করছ, যারা  
অগ্রগণ্য জাতির বিশিষ্ট লোক, যাদের কাছে ইস্রায়েল জাতি শরণাপন  
হয়েছে! 2 তোমরা কল্নীতে যাও ও তার প্রতি দৃষ্টিপাত করো, সেখান  
থেকে তোমরা বড়ো হমাতে যাও, তারপরে ফিলিস্তিয়ার গাতে নেমে  
যাও। তোমাদের দুই রাজ্য থেকে তারা কি উৎকৃষ্ট? তাদের দেশ কি  
তোমাদের থেকে বৃহত্তর? 3 তোমরা অন্যায়ের দিনকে ত্যাগ করে  
থাকো, অথচ এক সন্ত্বাসের রাজত্বকে কাছে নিয়ে আস। 4 তোমরা  
হাতির দাঁতে তৈরি বিছানায় শুয়ে থাকো ও নিজের নিজের পালক্ষে  
শরীর এলিয়ে দাও। তোমাদের পছন্দমতো মেষশাবক ও নধর বাচুর  
দিয়ে তোমার আহার সেবে থাকো। 5 তোমরা মনে করো দাউদের  
মতো, অথচ এলোপাথাড়ি বীণা বাজাও, বিভিন্ন বাদ্যযন্ত্রে তাংক্ষণিক  
গীত রচনা করো। 6 তোমরা বড়ো বড়ো পাত্রে ভরা দ্রাক্ষারস পান  
করো, উৎকৃষ্ট তেল গায়ে মাখো, কিন্তু তোমরা যোষেফের দুর্দশায়  
দুঃখার্থ হও না। 7 সেই কারণে, তোমরাই সর্বপ্রথমে নির্বাসিত

হবে, তোমাদের ভোজপূর্ব ও আলস্য শয়নের পরিসমাপ্তি ঘটবে।

৪ সার্বভৌম সদাপ্রভু শপথ করেছেন—সর্বশক্তিমান ঈশ্বর সদাপ্রভু

এই কথা বলেন: “আমি যাকোবের অহংকার ঘৃণা ও তার দুর্গঙ্গিকে

প্রচণ্ড ঘৃণা করি; এই কারণে আমি নগর ও তার মধ্যে স্থিত সমস্ত কিছু

পরের হাতে সমর্পণ করব।” ৫ যদি কোনো গৃহে দশজন মানুষও

অবশিষ্ট থাকে, তারাও মারা যাবে। ১০ আর শবদাহকারী কোনো

আত্মীয় তাদের গৃহ থেকে বের করে নিয়ে যাওয়ার জন্য আসে এবং

সেখানে অবশিষ্ট তখনও লুকিয়ে থাকা কোনো ব্যক্তিকে জিজ্ঞাসা

করে, “তোমার সঙ্গে আরও কেউ কি আছে?” সে বলবে, “না নেই।”

তখন সে বলবে, “চুপ করো! আমরা সদাপ্রভুর নাম আদৌ উল্লেখ

করব না।” ১১ কারণ সদাপ্রভু এই আদেশ দিয়েছেন, তিনি বৃহৎ

গৃহকে খণ্ডবিখণ্ড ও ক্ষুদ্র গৃহকে টুকরো টুকরো করবেন। ১২ ঘোড়ারা

কি খাড়া পাহাড়ে দৌড়ায়? লাঙল দিয়ে কি কেউ সমুদ্রে চাষ করে?

কিন্তু তোমরা ন্যায়বিচারকে বিষবৃক্ষে ও ধার্মিকতার ফলকে তিক্ততায়

পরিণত করেছ। ১৩ তোমরা করেছ, যারা লো-দ্বারের বিজয়ে উল্লসিত

হয়েছ ও বলেছ, “আমরা কি নিজের শক্তিতে কর্ণয়িম দখল করিনি?”

১৪ কারণ সর্বশক্তিমান ঈশ্বর সদাপ্রভু ঘোষণা করেন, “ওহে ইস্রায়েলের

কুল, আমি তোমাদের বিরুদ্ধে এক জাতিকে উত্তেজিত করব, তারা

লেবো-হয়াৎ থেকে অরাবা উপত্যকা পর্যন্ত সমস্ত পথে তোমাদের প্রতি

অত্যাচার করবে।”

৭ সার্বভৌম সদাপ্রভু আমাকে এই বিষয় দেখালেন: রাজার ভাগের

শস্যচয়নের পরে যখন দ্বিতীয়বার শস্য পেকে আসছিল, তিনি

পঙ্গপালের বাঁক তৈরি করছিলেন। ২ তারা যখন ভূমিজাত ফল

নিঃশেষে খেয়ে ফেলল, আমি চিৎকার করে বলে উঠলাম, “সার্বভৌম

সদাপ্রভু, ক্ষমা করো! কীভাবে যাকোব বেঁচে থাকবে? সে কত ছোটো!”

৩ তাই সদাপ্রভু অনুশোচনা করলেন। সদাপ্রভু বললেন, “এরকম হবে

না।” ৪ সার্বভৌম সদাপ্রভু আমাকে এই জিনিস দেখালেন: সার্বভৌম

সদাপ্রভু আগনের দ্বারা বিচার আহ্বান করলেন; তা মহা জলধিকে

শুকিয়ে ফেলল ও ভূমি গ্রাস করল। ৫ তখন আমি কেঁদে চিৎকার করে

উঠলাম, “সার্বভৌম সদাপ্রভু, আমি তোমার কাছে অনুনয় করছি,  
তুমি ক্ষান্ত হও! যাকোব কীভাবে বেঁচে থাকবে? সে কত ছোটো!” 6  
তাই সদাপ্রভু অনুশোচনা করলেন। সার্বভৌম সদাপ্রভু বললেন, “না  
এরকমও ঘটবে না।” 7 তারপর তিনি আমাকে দেখালেন: সদাপ্রভু  
একটি ওলন-সুতো হাতে ধরে ওলন-সুতোর সাহায্যে তৈরি একটি  
দেওয়ালের কাছে দাঁড়িয়ে আছেন। 8 সদাপ্রভু আমাকে জিজ্ঞাসা  
করলেন, “আমোষ, তুমি কী দেখতে পাচ্ছ?” আমি উত্তর দিলাম,  
“একটি ওলন-সুতো।” তখন সদাপ্রভু বললেন, “দেখো, আমি আমার  
প্রজা ইস্রায়েলের মধ্যে একটি ওলন-সুতো স্থাপন করছি; আমি আর  
তাদের ছেড়ে কথা বলব না। 9 “ইস্থাকের উঁচু স্থানগুলি ধ্বংস করা  
হবে, ইস্রায়েলের পুণ্যধামগুলি বিধ্বস্ত হবে; আমি আমার তরোয়াল  
নিয়ে যারবিয়ামের কুলের বিপক্ষে উঠব।” 10 এরপর, বেথেলের যাজক  
অমৎসিয়, ইস্রায়েলের রাজা যারবিয়ামের কাছে একটি বার্তা পাঠালেন:  
“আমোষ ইস্রায়েলের একেবারে কেন্দ্রস্থলে, আপনার বিরংদ্বে একটি  
চক্রান্ত গড়ে তুলেছেন। দেশ তাঁর সব কথা সহ্য করতে পারে না।  
11 কারণ আমোষ এরকম কথা বলছেন: “যারবিয়াম তরোয়ালের  
আঘাতে নিহত হবে, আর ইস্রায়েল অবশ্যই তাদের স্বদেশ থেকে দূরে  
নির্বাসিত হবে।” 12 তারপর অমৎসিয় আমোষকে বললেন, “ওহে  
দর্শক, তুমি এখান থেকে চলে যাও। তুমি যিহুদা দেশে ফিরে যাও।  
তুমি সেখানে তোমার রঞ্জি রোজগার করো এবং সেখানেই তোমার  
ভবিষ্যদ্বাণী করো। 13 তুমি বেথেলে আর ভবিষ্যদ্বাণী কোরো না,  
কারণ এ হল রাজার নির্মিত পুণ্যধাম এবং এই রাজ্যের মন্দির।” 14  
আমোষ অমৎসিয়কে উত্তর দিলেন, “আমি তো ভাববাদী ছিলাম না,  
ভাববাদীর সন্তানও নয়। আমি ছিলাম একজন পশুপালক। আমি সেই  
সঙ্গে ডুমুর গাছেরও দেখাশোনা করতাম। 15 কিন্তু সদাপ্রভু আমাকে  
পশুপাল চরানোর পিছন থেকে তুলে নিয়ে বললেন, ‘তুমি যাও, গিয়ে  
আমার প্রজা ইস্রায়েলের কাছে ভবিষ্যদ্বাণী করো।’ 16 এখন তাহলে  
আপনি সদাপ্রভুর বাণী শুনুন। আপনি বলছেন, “ইস্রায়েলের বিরংদ্বে  
ভবিষ্যদ্বাণী কোরো না, ইস্থাক কুলের বিরংদ্বে প্রচার করা বন্ধ

করো।’ 17 “সেই কারণে, সদাপ্রভু এই কথা বলেন: “আপনার স্ত্রী নগরের মধ্যে বেশ্যা হবে, আপনার পুত্রকন্যারা তরোয়ালে পতিত হবে। আপনার ভূমি পরিমাপ করে বিভক্ত করা হবে, আর আপনি নিজেও এক অঙ্গ দেশে মৃত্যুবরণ করবেন। আর ইস্রায়েল অবশ্যই তাদের স্বদেশ থেকে দূরে নির্বাসিত হবে।”

৮ সার্বভৌম সদাপ্রভু আমাকে এই জিনিস দেখালেন: পাকা ফলের একটি ঝুড়ি। 2 তিনি জিজ্ঞাসা করলেন, “আমোষ, তুমি কি দেখতে পাচ্ছ?” আমি উত্তর দিলাম, “পাকা ফলের একটি ঝুড়ি।” তারপর সদাপ্রভু আমাকে বললেন, “আমার প্রজা ইস্রায়েলের পেকে ওঠার সময় হয়ে এসেছে। আমি আর তাদের ছেড়ে কথা বলব না।” 3 সেদিন সার্বভৌম সদাপ্রভু ঘোষণা করলেন, “মন্দিরে গীত গান্ঞলি বিলাপে পরিণত হবে। অনেক, অনেক মৃতদেহ সেখানে নিষ্কেপ করা হয়েছে। তোমরা নীরব হও!” 4 তোমরা যারা দরিদ্রদের পদদলিত করো ও দেশের দীনদরিদ্র লোকেদের নিকেশ করো, তোমরা এই কথা শোনো। 5 তোমরা বলে থাকো, “আমাবস্য কখন শেষ হবে যে, আমরা শস্য বিক্রি করতে পারব? সাবাথবার কখন সমাপ্ত হবে যে, আমরা গমের ব্যবসা করতে পারব?” তা করা হবে বাটখারার ওজন কমিয়ে, দাম বৃদ্ধি করে ও অন্যায্য দাঁড়িপাল্লায় ঠকানোর মাধ্যমে, 6 দরিদ্রদের রূপোর টাকায় কিনে নিয়ে, এক জোড়া জুতোর বিনিময়ে অভাবীকে ক্রয় করে এবং গমের ছাঁটকে পর্যন্ত বিক্রি করে। 7 সদাপ্রভু যাকোবের অহংকারের নাম নিয়ে শপথ করেছেন: “তারা যা করেছে, তা আমি কোনোদিনই ভুলে যাব না।” 8 “এর জন্যই কি সেই দেশ ভয়ে কাঁপবে না? তার মধ্যে বসবাসকারী সকলে কি শোক করবে না? সমস্ত দেশ নীলনদের মতো স্ফীত হয়ে উঠবে; তাকে আলোড়িত করা হবে ও তা মিশরের নদীর মতোই আবার নেমে যাবে।” 9 সার্বভৌম সদাপ্রভু বলেন, “সেদিন আমি মধ্যহকালে সূর্যাস্ত ঘটাব, দিনের প্রথম আলোয় পৃথিবীকে তমসাচ্ছন্ন করব। 10 আমি তোমাদের সমস্ত ধর্মীয় উৎসবকে শোকে ও তোমাদের সমস্ত গীতকে বিলাপে পরিণত করব। আমি তোমাদের সবাইকে শোকের পোশাক পরাব ও তোমাদের মন্তক

মুণ্ডন করব। সেদিন হবে একমাত্র পুত্রের বিয়োগ-ব্যথার মতো, তার  
সমাপ্তি হবে তীব্র দুঃখের মাধ্যমে।” 11 সার্বভৌম সদাপ্রভু বলেন,  
“সময় আসছে, যখন আমি দেশের মধ্যে দুর্ভিক্ষ পাঠাব— তা খাবারের  
দুর্ভিক্ষ বা জলের পিপাসার নয়, কিন্তু সদাপ্রভুর বাক্য শোনার দুর্ভিক্ষ।  
12 লোকেরা এক সমুদ্র থেকে অন্য সমুদ্রে টলতে টলতে যাবে, উত্তর  
থেকে পূর্ব পর্যন্ত বিচরণ করবে, তারা সদাপ্রভুর বাক্য অঙ্গেষণ করবে,  
কিন্তু তার সন্ধান পাবে না। 13 “সেদিন, ‘সুন্দর সব যুবতী ও শক্তিশালী  
যুবকেরা, পিপাসার কারণে মৃচ্ছিত হবে। 14 যারা শমরিয়ার পাপ নিয়ে  
শপথ করে— যারা বলে, ‘ওহে দান, তোমার জীবিত দেবতার দিবিয়,’  
বা, ‘বের-শেবার জীবিত দেবতার দিবিয়,’ তারা সবাই পতিত হবে,  
তারা আর কখনও উঠতে পারবে না।”

9 আমি দেখলাম, সদাপ্রভু বেদির পাশে দাঁড়িয়ে আছেন আর  
তিনি বললেন: “তুমি স্তনগুলির মাথায় আঘাত করো, যেন দুয়ারের  
চৌকাঠগুলি কেঁপে ওঠে। সেগুলি সব লোকের মাথায় ভেঙে ফেলো;  
যারা অবশিষ্ট থাকবে, তাদের আমি তরোয়ালের আঘাতে মেরে ফেলব।  
তাদের কেউই নিঃকৃতি পাবে না, একজনও পালাতে পারবে না। 2  
তারা পাতালের গভীরে খুঁড়ে নেমে গেলেও, সেখান থেকে আমার হাত  
তাদের টেনে তুলবে। তারা আকাশ পর্যন্ত উঠে গেলেও, সেখান থেকে  
আমি তাদের নামিয়ে আনব। (Sheol h7585) 3 তারা যদি নিজেদের  
কর্মিল পর্বতের শিখরেও লুকিয়ে ফেলে, সেখানেও আমি তাদের ধরে  
নিয়ে বন্দি করব। তারা যদি সমুদ্রের গভীরে গিয়ে আমার কাছ থেকে  
লুকায়, সেখানে তাদের দংশন করার জন্য আমি সাপকে আদেশ  
দেব। 4 যদিও তাদের শক্ররা তাদের নির্বাসিত করে, সেখানে আমি  
তরোয়ালকে আদেশ দেব, যেন তাদের হত্যা করে। “আমি আমার দৃষ্টি  
তাদের উপরে নিবন্ধ রাখব, তা কেবল অঙ্গস্তের জন্য, মঙ্গলের জন্য  
নয়।” 5 প্রভু, সর্বশক্তিমান সদাপ্রভু, তিনি পৃথিবীকে স্পর্শ করলে তা  
দ্রবীভূত হয়, এবং তার মধ্যে বসবাসকারী সকলে শোক করে; সমস্ত  
দেশ নীলনদের মতো স্ফীত হয়, পরে মিশরের নদীর মতো নেমে যায়;  
6 তিনি আকাশমণ্ডলে নিজের প্রাসাদ নির্মাণ করেন, ও তার ভিত্তিমূল

পৃথিবীতে স্থাপন করেন, তিনি সমুদ্রের জলরাশিকে আহ্লান করেন  
স্থলের উপরে ঢেলে দেন— সদাপ্রভু তাঁর নাম। 7 সদাপ্রভু বলেন,  
“ওহে ইস্রায়েলীরা, আমার কাছে কি তোমরা কৃশীয়দের মতো নও?”  
সদাপ্রভু ঘোষণা করেন। আমিই কি মিশ্র থেকে ইস্রায়েলীদের, কঞ্চোর  
থেকে ফিলিস্তিনীদের ও কীর থেকে অরামীয়দের নিয়ে আসিনি? 8  
“নিশ্চিতরূপে সার্বভৌম সদাপ্রভুর দৃষ্টি এই পাপিষ্ঠ জাতির উপরে  
আছে। আমি ভৃপৃষ্ঠ থেকে একে ধ্বংস করব। তবুও আমি যাকোবের  
কুলকে সম্পূর্ণরূপে ধ্বংস করব না,” সদাপ্রভু ঘোষণা করেন। 9  
“কারণ আমি আদেশ দেব ও সমস্ত জাতির মধ্যে আমি ইস্রায়েলের  
কুলকে নাড়া দেব, যেমন শস্যদানা চালুনিতে চালা হয়, তার একটি  
দানাও নিচে মাটিতে পড়বে না। 10 আমার প্রজাদের মধ্যে সব পাপী  
মানুষ তরোয়ালের আঘাতে মারা যাবে, যারা সবাই বলে, ‘বিপর্যয়  
আমাদের নাগাল পাবে না বা আমাদের দেখা পাবে না।’ 11 “সেদিন  
‘আমি দাউদের পতিত তাঁরু পুনঃপ্রতিষ্ঠিত করব— আমি তার ভাঙ্গা  
দেয়ালগুলি মেরামত করব, আর তার বিধৃষ্ট স্থানগুলি পুনরায় দাঁড়  
করব— পূর্বে যেমন ছিল, তেমনই তা পুনর্নির্মাণ করব, 12 যেন  
তারা ইদোমের অবশিষ্টাংশকে অধিকার করে ও যত জাতির উপরে  
আমার নাম কীর্তিত হয়েছে,” একথা সেই সদাপ্রভু বলেন, যিনি এই  
সমস্ত কাজ করবেন। 13 “এমন সময় আসছে,” সদাপ্রভু ঘোষণা  
করেন, “যখন চাষি শস্যচ্ছেদকের সঙ্গে ও দ্রাক্ষাফল মাড়াইকারী  
বীজবপনকারীর সঙ্গে মিলিত হবে। পর্বতগুলি থেকে নতুন দ্রাক্ষারস  
ফেঁটায় ফেঁটায় ঝরে পড়বে ও সব পাহাড় থেকে তা প্রবাহিত হবে।  
14 আমি আমার নির্বাসিত প্রজা ইস্রায়েলকে আবার ফিরিয়ে আনব।  
“তারা ধ্বংসিত নগরগুলিকে পুনর্নির্মাণ করে সেগুলির মধ্যে বসবাস  
করবে। তারা দ্রাক্ষাক্ষেত রোপণ করে সেগুলি থেকে উৎপন্ন দ্রাক্ষারস  
পান করবে; তারা বিভিন্ন উদ্যান তৈরি করে সেগুলির ফল ভোজন  
করবে। 15 আমি ইস্রায়েলকে তাদের স্বদেশে রোপণ করব, আমি  
তাদের যে দেশ দিয়েছি, সেখান থেকে তারা আর কখনও উৎপাটিত  
হবে না,” তোমার ঈশ্বর সদাপ্রভু এই কথা বলেন।

## ଓবদিয় ভাববাদীর বই

১ ওবদিয়ের দর্শন। ইদোম সম্পর্কে সার্বভৌম সদাপ্রভু এই কথা বলেন: আমরা সদাপ্রভুর কাছ থেকে এক বার্তা শুনেছি, জাতিসমূহের কাছে বলার জন্য এক দৃত প্রেরিত হয়েছিল, “তোমরা ওঠো, চলো আমরা তার বিরংদে যুদ্ধের জন্য যাই।” ২ “দেখো, আমি জাতিসমূহের কাছে তোমাকে ক্ষুদ্র করব; তুমি নিতান্তই অবজ্ঞার পাত্র হবে। ৩ তোমরা যারা পাথরের ফাটলে বসবাস করো এবং উচ্চ স্থানগুলিতে নিজেদের বসতি স্থাপন করো, তোমরা যারা মনে মনে বলো, ‘কে আমাদের মাটিতে নামিয়ে আনবে?’ তোমাদের মনের অহংকার তোমাদের সঙ্গে প্রতারণা করেছে। ৪ যদিও তোমরা ঈগল পাখির মতো উপরে গিয়ে ওঠো, এবং তারকারাজির মধ্যে নিজেদের বাসা স্থাপন করো, সেখান থেকে আমি তোমাদের টেনে নামাব,” সদাপ্রভু এই কথা বলেন। ৫ “যদি চোরেরা তোমাদের কাছে আসত, যদি রাত্রে দস্যুরা আসত, তাহলে কী বিপর্যয়ের সমুখীনই না তোমরা হতে!— তাদের যতটা প্রয়োজন, তারা ততটাই কি চুরি করত না? যদি আঙুর চয়নকারীরা তোমাদের কাছে আসত, তারা কি কয়েকটি আঙুর রেখে যেত না? ৬ কিন্তু এয়োকে কেমন তন্ত্র করে খোঁজা হবে, তার গুপ্তধন সব লুঠতরাজ করা হয়েছে! ৭ তোমার সমস্ত মিত্রশক্তি তোমাকে সীমানা পর্যন্ত তাড়িয়ে নিয়ে যাবে, তোমার বন্ধুরা তোমার সঙ্গে প্রতারণা করে তোমাকে পরাস্ত করবে; যারা তোমার অন্ন ভোজন করে, তারা তোমার জন্য এক ফাঁদ পাতবে, কিন্তু তুমি তা বুঝাতে পারবে না।” ৮ সদাপ্রভু ঘোষণা করেন, “সেদিন, আমি কি ইদোমের জ্ঞানী লোকেদের বিনষ্ট করব না, এয়োর পর্বতগুলিতে কি বুদ্ধিমানদের ধ্বংস করব না? ৯ ওহে তৈমন, তোমার যোদ্ধারা আতঙ্কগ্রস্ত হবে, আর এয়োর পর্বতগুলিতে বসবাসকারী প্রত্যেকে হত্যালালায় উচ্ছিন্ন হবে। ১০ এর কারণ হল, তোমার ভাই যাকোবের বিরংদে তোমার হিংস্রতা, তুমি লজ্জায় আচ্ছন্ন হবে; তুমি চিরকালের জন্য ধ্বংস হয়ে যাবে। ১১ যেদিন তুমি দূরে দাঁড়িয়েছিলে, যখন বিজাতীয় লোকেরা তার ধনসম্পদ বয়ে নিয়ে যাচ্ছিল, বিদেশিরা তার তোরণদ্বারগুলিতে

প্রবেশ করে জেরুশালেমের জন্য গুটিকাপাত করেছিল, তুমিও তাদের একজনের মতো হয়েছিলে। 12 তোমার ভাই-এর দুর্ভাগ্যের দিনে, তার প্রতি তোমার হীনদৃষ্টি করা উচিত ছিল না, তাদের বিনাশের দিনে যিহূদার লোকদের সম্পর্কে তোমার উল্লসিত হওয়া উচিত ছিল না, না তো তাদের কষ্ট-সংকটের সময়ে তোমাদের এত বেশি দর্প করা উচিত হয়েছিল। 13 আমার প্রজাদের তোরণদ্বারগুলি দিয়ে তোমাদের সমরাভিযান করা উচিত হয়নি তাদের বিপর্যয়ের দিনে, তাদের দুর্ভোগের জন্য তোমাদের তাদেরকে ঘৃণা করা উচিত হয়নি তাদের বিপর্যয়ের দিনে, না তাদের ধনসম্পদ কেড়ে নেওয়া তোমাদের উচিত হয়েছিল তাদের বিপর্যয়ের দিনে। 14 তাদের পলাতকদের হত্যা করার জন্য রাস্তার সংযোগস্থানগুলিতে তোমাদের দাঁড়ানো উচিত হয়নি, না তো তাদের কষ্ট-সংকটের সময়ে অবশিষ্ট লোকেদের সমর্পণ করা তোমাদের উচিত হয়েছে। 15 “সমস্ত জাতির জন্য সদাপ্রভুর দিন সন্ধিকট হয়েছে। তোমরা যেমন করেছ, তোমাদের প্রতিও তেমনই করা হবে; তোমাদের কাজগুলির প্রতিফল তোমাদেরই মাথার উপরে ফিরে আসবে। 16 তোমরা যেমন আমার পবিত্র পর্বতে পান করেছিলে, তেমনই সব জাতি অবিরত পান করবে; তারা পান করবে ও করেই যাবে, এবং এমন হবে, যেন তেমন কখনও হয়নি। 17 কিন্তু সিয়োন পর্বতে উদ্বারপ্রাণ্ত লোকেরা থাকবে; তা পবিত্র হবে, আর যাকোবের কুল তার উত্তরাধিকার ভোগ করবে। 18 যাকোবের কুল হবে আগন্তের মতো আর যোষেফের কুল হবে আগন্তের শিখার মতো; এয়ৌর কুল হবে খড়কুটোর মতো, তারা তাকে দাহ করে গ্রাস করবে। এয়ৌর কুল থেকে অবশিষ্ট রক্ষাপ্রাণ্ত কেউই থাকবে না।” সদাপ্রভু একথা বলেছেন। 19 নেগেভ থেকে লোকেরা এসে এয়ৌর পাহাড়গুলি দখল করবে। নিচু পাহাড়ি অঞ্চলের লোকেরা ফিলিস্তিনীদের দেশ অধিকার করবে। তারা এসে ইফ্রায়িম ও শমরিয়ার ক্ষেত্রের দখল নেবে এবং বিন্যামীন গিলিয়দ অধিকার করবে। 20 এই ইস্রায়েলী নির্বাসিতের দল, যারা কনানে আছে, তারা সারিফত পর্যন্ত দেশ অধিকার করবে; জেরুশালেম থেকে নির্বাসিতের দল, যারা সফারদে আছে, তারা

নেগেতের নগরগুলি অধিকার করবে। 21 উদ্বারকারীদের দল সিয়োন  
পর্বতে উঠে যাবে, যেন এষৌর পর্বতগুলি শাসন করতে পারে। আর  
সেই রাজ্য সদাপ্রভুরই হবে।

## যোনা ভাববাদীর বই

১ সদাপ্রভুর বাণী অমিত্যের পুত্র যোনার কাছে এসে উপস্থিত হল: ২

“ওঠো ও নীনবী মহানগরে যাও এবং তাদের বিরুদ্ধে প্রচার করো,  
কারণ তাদের দুষ্টতার কথা আমার কান পর্যন্ত পৌঁছেছে।” ৩ কিন্তু  
যোনা সদাপ্রভুর কাছ থেকে পালিয়ে গেলেন এবং তশীশের পথ  
ধরলেন। তিনি জোপ্তা বন্দর-নগরে গেলেন এবং সেখান থেকে তশীশে  
যাবে, এমন একটি জাহাজের সন্ধান পেলেন। তিনি জাহাজের ভাড়া  
দিয়ে তাতে চড়লেন এবং সদাপ্রভুর কাছ থেকে পালিয়ে যাওয়ার জন্য  
তশীশের পথে সমুদ্রযাত্রা করলেন। ৪ তারপর সদাপ্রভু সমুদ্রে এক  
প্রচণ্ড বাতাস পাঠালেন, এমনই প্রবল এক ঝড় উঠল যে, জাহাজ  
ভেঙে যাওয়ার উপক্রম হল। ৫ সমস্ত নাবিক ভয়ভীত হয়ে উঠল ও  
নিজের নিজের দেবতার কাছে কাঁদতে লাগল। এবং জাহাজ হালকা  
করার জন্য তারা জাহাজের মালপত্র সমুদ্রে ফেলে দিল। কিন্তু যোনা  
জাহাজের খোলে নেমে গেলেন। সেখানে শুয়ে পড়ে তিনি গভীর  
ঘুমে আচ্ছন্ন হলেন। ৬ তখন নাবিকদের কর্মকর্তা তার কাছে গিয়ে  
বললেন, “ওহে, তুমি কি করে ঘুমিয়ে আছ? উঠে পড়ো ও তোমার  
দেবতাকে ডাকো! হয়তো তিনি আমাদের প্রতি দৃষ্টি দেবেন এবং  
আমরা ধ্বংস হব না।” ৭ এরপর নাবিকেরা পরস্পরকে বলল, “এসো,  
আমরা গুটিকাপাত করে দেখি, এই দুর্যোগের জন্য আমাদের মধ্যে কে  
দায়ী।” তারা যখন গুটিকাপাত করল, যোনার নামে গুটি উঠল। ৮ তাই  
তারা তাকে জিজ্ঞাসা করল, “আমাদের বলো, আমাদের উপর এই  
সমস্ত সংকট আনার জন্য কে দায়ী? তুমি কী করো? তুমি এসেছই বা  
কোথা থেকে? তোমার দেশের নাম কী? তোমার জাতি কী?” ৯ যোনা  
উত্তর দিলেন, “আমি একজন হিন্দু এবং আমি সদাপ্রভুর উপাসনা  
করি। তিনি স্বর্গের ঈশ্বর, যিনি সমুদ্র ও ভূমি নির্মাণ করেছেন।” ১০  
এতে তারা আতঙ্কগ্রস্ত হল ও জিজ্ঞাসা করল, “তুমি কী করেছ?” কারণ  
তারা জানতে পেরেছিল যে তিনি সদাপ্রভুর কাছ থেকে পালিয়ে যাচ্ছেন  
এবং যোনা ইতিমধ্যে সেকথা তাদের বলেছিলেন। ১১ সমুদ্র ক্রমেই  
উত্তাল ও বিক্ষুব্ধ হয়ে উঠছিল। তাই, তারা তাকে জিজ্ঞাসা করল,

“সমুদ্রকে শান্ত করার জন্য তোমার প্রতি আমাদের কী করা উচিত?”

12 তিনি উভর দিলেন, “আমাকে তুলে তোমরা সমুদ্রে ফেলে দাও।  
তখন তা শান্ত হয়ে যাবে। আমি জানি যে, আমার দোষের জন্যই  
এই মহা বাঢ় তোমাদের উপরে এসে পড়েছে।” 13 তা না করে সেই  
লোকেরা প্রাণপণ চেষ্টা করল, যেন তারা জাহাজটিকে ডাঙায় নিয়ে  
যেতে পারে। কিন্তু তারা পেরে উঠল না, বরং সমুদ্র আগের থেকেও  
বেশি বিকুঞ্চ হয়ে উঠল। 14 তারা তখন সদাপ্রভুর কাছে কাঁদতে  
লাগল আর বলল, “হে সদাপ্রভু, এই লোকটির প্রাণ নেওয়ার জন্য তুমি  
আমাদের মরতে দিয়ো না। এক নির্দোষ মানুষকে হত্যা করার জন্য  
আমাদের দোষী সাব্যস্ত কোরো না। কারণ হে সদাপ্রভু, তোমার যেমন  
ইচ্ছা, তুমি তেমনই করেছ।” 15 তারপর তারা যোনাকে ধরে সমুদ্রে  
ফেলে দিল; এতে উভাল সমুদ্র শান্ত হল। 16 এর ফলে জাহাজের  
লোকেরা সদাপ্রভুকে অত্যন্ত ভয় করল এবং তারা সদাপ্রভুর উদ্দেশে  
বলি উৎসর্গ ও বিভিন্ন প্রকার মানত করল। 17 এদিকে সদাপ্রভু  
যোনাকে গিলে ফেলার জন্য একটি বিশাল মাছ পাঠালেন এবং যোনা  
তিন দিন ও তিনরাত সেই মাছের পেটে রইলেন।

2 সেই মাছের পেটের মধ্যে থেকে যোনা, তার দুশ্শর সদাপ্রভুর কাছে  
এই প্রার্থনা করলেন। 2 তিনি বললেন: “আমার দুর্দশার সময়ে আমি  
সদাপ্রভুকে ডাকলাম, আর তিনি আমাকে উভর দিলেন। পাতালের  
গভীরতম স্থান থেকে আমি সাহায্য চাইলাম, আর তুমি আমার কান্না  
শুনলে। (Sheol h7585) 3 তুমি আমাকে গভীর জলে, সমুদ্রের গভী  
নিক্ষেপ করলে, আর প্রকাণ্ড জলস্তোত আমাকে ঘিরে ধরল; তোমার  
সকল চেউ, তোমার সমস্ত তরঙ্গ, আমাকে বয়ে নিয়ে গেল। 4  
আমি বললাম, ‘আমাকে তোমার দৃষ্টি থেকে দূর করা হয়েছে; তবুও  
আমি আবার তোমার পবিত্র মন্দিরের দিকে তাকাব।’ 5 আমার  
চারপাশের জলরাশি আমাকে ভীত করল, অগাধ জলরাশি আমাকে  
ঘিরে ধরল; সাগরের আগাছা আমার মাথায় জড়িয়ে গেল। 6 আমি  
সমুদ্রে পর্বতসমূহের তলদেশ পর্যন্ত ডুবে গেলাম; নিচের পৃথিবী  
চিরতরে আমাকে বন্দি করল। কিন্তু হে সদাপ্রভু, আমার দুশ্শর, তুমি

গভীর গর্ত থেকে আমার প্রাণকে তুলে ধরলে। ৭ “আমার প্রাণ যখন  
আমার মধ্যে ক্ষীণ হচ্ছিল, সদাপ্রভু, আমি তোমাকে স্মরণ করলাম,  
আর আমার প্রার্থনা তোমার কাছে গেল তোমার পবিত্র মন্দিরে উপস্থিত  
হল। ৮ “যারা অসার প্রতিমাদের প্রতি আসক্ত থাকে, নিজেদের প্রতি  
ঈশ্বরের প্রেম তারা পরিত্যাগ করে। ৯ কিন্তু আমি, ধন্যবাদের গান  
গেয়ে, তোমার কাছে নৈবেদ্য উৎসর্গ করব। আমি যা মানত করেছি,  
তা আমি পূর্ণ করব। আমি বলব, পরিত্রাণ সদাপ্রভুর কাছ থেকেই  
আসে।” ১০ পরে সদাপ্রভু সেই মাছকে আদেশ দিলে, তা যোনাকে  
বমি করে শুকনো ভূমিতে ফেলে দিল।

**৩** তারপর, সদাপ্রভুর বাণী দ্বিতীয়বার যোনার কাছে উপস্থিত হল:  
২ “তুমি মহানগরী নীনবীতে যাও ও আমি যে বার্তা তোমাকে দেব,  
তা গিয়ে তুমি ঘোষণা করো।” ৩ যোনা সদাপ্রভুর কথার বাধ্য হয়ে  
নীনবীতে গেলেন। সেই সময়, নীনবী ছিল একটি অত্যন্ত বৃহৎ নগর  
যার এক প্রান্ত থেকে অন্য প্রান্তে যেতে তিন দিন সময় লাগত। ৪ যোনা  
নগরে প্রবেশ করে একদিনের পথ গেলেন এবং ঘোষণা করলেন,  
“আজ থেকে চল্লিশ দিন পার হলে নীনবী ধ্বংস হবে।” ৫ নীনবীবাসীরা  
ঈশ্বরে বিশ্বাস করল। তারা উপবাস ঘোষণা করল এবং সকলে তাদের  
মহাম জন থেকে শুরু করে নগণ্যতম জন পর্যন্ত, প্রত্যেকে চট পরল।  
৬ যোনার সতর্কবাণী যখন নীনবীর রাজার কাছে পৌঁছাল, তিনি তার  
সিংহাসন থেকে উঠলেন, তার রাজকীয় পোশাক খুলে ফেলে চট  
পরলেন ও ভস্ত্রের উপরে বসলেন। ৭ রাজা নীনবীতে ঘোষণা করলেন:  
“রাজা ও তাঁর বিশিষ্ট ব্যক্তি সকলের আদেশ হল এই: “মানুষ অথবা  
পশু, গোপাল বা মেষপাল, কেউই যেন কোনও কিছুর স্বাদ গ্রহণ না  
করে; তারা যেন কেউ কিছু ভোজন বা পান না করে। ৮ কিন্তু মানুষ বা  
পশু, সকলকেই চট দিয়ে ঢেকে দেওয়া হোক। সকলেই আগ্রহভরে  
ঈশ্বরকে ডাকুক। তারা তাদের মন্দ আচরণ ও তাদের হিংস্রতা ত্যাগ  
করক। ৯ কে জানে? ঈশ্বর হয়তো নরমচিত্ত হবেন এবং করুণবিশিষ্ট  
হয়ে তাঁর প্রচণ্ড ক্রোধ থেকে মন পরিবর্তন করবেন, যেন আমরা বিনষ্ট  
না হই।” ১০ ঈশ্বর যখন দেখলেন যে তারা কী করেছে এবং কীভাবে

তারা তাদের মন্দ আচরণ থেকে মন ফিরিয়েছে, সৈশ্বর মন পরিবর্তন করলেন এবং যে ধ্বংস করার ভয় তাদের দেখিয়েছিলেন তা করলেন না।

**4** কিন্তু যোনার কাছে এটি খুব অন্যায় মনে হল এবং তাঁর ক্রোধ উৎপন্ন হল। 2 তিনি সদাপ্রভুর কাছে প্রার্থনা করলেন, “হে সদাপ্রভু, আমি যখন বাড়িতে ছিলাম তখনই কি আমি একথা বলিনি? সেই কারণেই তৃষ্ণাশে পালিয়ে গিয়ে আমি এটা বন্ধ করার চেষ্টা করেছিলাম। আমি জানতাম যে, তুমি এক কৃপাময় ও ম্লেহশীল সৈশ্বর, ক্রোধে ধীর ও প্রেমে মহান। তুমি এমন সৈশ্বর, যে শাস্তি দিতে উদ্যত হয়েও মন পরিবর্তন করো। 3 এখন, হে সদাপ্রভু, তুমি আমার প্রাণ নিয়ে নাও, কারণ বেঁচে থাকার চেয়ে আমার মরে যাওয়া ভালো।” 4 কিন্তু সদাপ্রভু উত্তরে বললেন, “তোমার রাগ করা কি ঠিক হচ্ছে?” 5 যোনা তখন বাইরে গেলেন ও নগরের পূর্বদিকে এক স্থানে বসলেন। সেখানে তিনি নিজের জন্য একটি ছাউনি নির্মাণ করে, তার ছায়ায় বসলেন এবং নগরের প্রতি কী ঘটবে, তা দেখার অপেক্ষায় রইলেন। 6 তারপর সদাপ্রভু সৈশ্বর সেখানে একটি দ্রাক্ষালতা উৎপন্ন করলেন এবং সেটিকে যোনার মাথার উপর পর্যন্ত বৃদ্ধি করালেন, যেন সেটি তার মাথায় ছায়া দেয় ও তার অস্বস্তির আরাম হয়। দ্রাক্ষালতাটির জন্য যোনা ভীষণ আনন্দিত হলেন। 7 কিন্তু পরের দিন ভোরবেলায়, সৈশ্বর একটি কীট পাঠালেন যা দ্রাক্ষালতাটিকে দংশন করলে সেটি শুকিয়ে গেল। 8 সূর্য উঠার পরে, সৈশ্বর এক উষ্ণ পূর্বের বাতাস পাঠালেন এবং সূর্য যোনার মাথায় এমন প্রথর তাপ দিতে লাগল যে, যোনা বিবর্ণ হয়ে নিজের মৃত্যু কামনা করে বললেন, “বেঁচে থাকার চেয়ে আমার মরে যাওয়া ভালো।” 9 কিন্তু সৈশ্বর যোনাকে বললেন, “দ্রাক্ষালতাটির জন্য তোমার রাগ করা কি ঠিক হচ্ছে?” যোনা বললেন, “হ্যাঁ ঠিক হচ্ছে, আমি এত রেগে আছি যে, আমি মরে গেলেই ভালো হত।” 10 কিন্তু সদাপ্রভু বললেন, “তুমি এই দ্রাক্ষালতাটি সম্পর্কে চিন্তিত হয়েছ, যদিও তুমি এটি রোপণ করোনি বা তা বেড়ে উঠতে সাহায্য করোনি। এক রাত্রির মধ্যে এটি অঙ্কুরিত হল ও এক রাত্রির মধ্যেই এটি শুকিয়ে গেল। 11

কিন্তু নীনবীতে 1,20,000 এরও বেশি মানুষ আছে, যারা জানে না  
কোনটা ডান হাত ও কোনটা বাঁ হাত। তেমনই অনেক পশুও আছে।  
তাহলে, আমিও কি সেই নীনবী মহানগরীর জন্য চিন্তিত হব না?”

## মীথা ভাববাদীর পুস্তক

১ যিহুদার রাজগণ যোথম, আহস এবং হিক্ষিয়ের শাসনকালে  
সদাপ্রভুর বাক্য মোরেষৎ-নিবাসী মীথার কাছে আসে—তিনি শমরিয়া  
এবং জেরশালেমের উদ্দেশে এক দর্শন পান। ২ শোনো, হে জাতিগণ,  
তোমরা সকলে, হে পৃথিবী ও যারা সেখানে বাস করে, শোনো, সদাপ্রভু  
তাঁর পবিত্র মন্দির থেকে, সার্বভৌম সদাপ্রভু তোমাদের বিরুদ্ধে সাক্ষ্য  
দেন। ৩ দেখো! সদাপ্রভু নিজ বাসস্থান থেকে আসছেন; তিনি নেমে  
এসে পৃথিবীর সব উচ্চস্থানের উপর দিয়ে গমনাগমন করবেন। ৪  
যেমন মোম আগুনের সংস্পর্শে গলে যায়, পাহাড়গুলি তাঁর নিচে গলে  
যায় এবং উপত্যকায় ফাটল ধরে, ঢালু জায়গায় জল গড়িয়ে পড়ে।  
৫ এইসবই যাকোবের অপরাধের জন্য এবং ইস্রায়েলের পরিবারের  
পাপের কারণেই ঘটেছে। যাকোবের অপরাধ কি? কি সেইসব  
শমরিয়ার নয়? যিহুদার উঁচু স্থান কি? সেইসব কি জেরশালেমের  
নয়? ৬ “সুতরাং আমি সদাপ্রভু শমরিয়াকে পাথরের স্তুপ, দ্রাক্ষালতা  
রোপণের ক্ষেত্রে পরিবর্তিত করব। সেখানকার পাথরগুলি উপত্যকায়  
বইয়ে দেব এবং তার ভিত্তিমূল খোলা রাখব। ৭ তার সব প্রতিমাগুলি  
টুকরো টুকরো করে ভেঙে ফেলা হবে; তার সকল মন্দিরের উপহার  
আগুনে পোড়ানো হবে; আমি তার সমস্ত প্রতিমাগুলি ধ্বংস করব।  
কারণ বেশ্যাবৃত্তির মজুরির থেকে সে তার উপহার সঞ্চয় করেছে,  
বেশ্যাবৃত্তির মজুরির মতোই সেইগুলি ব্যবহার করা হবে।” ৮ এই  
কারণেই আমি কাঁদব আর বিলাপ করব; আমি উলঙ্গ হয়ে খালি পায়ে  
ঘুরে বেড়াব। আমি শিয়ালের মতো চিংকার করব এবং প্যাঁচার মতো  
বিলাপ করব। ৯ কেননা শমরিয়ার ক্ষত আর ভালো হবে না; তা  
যিহুদার কাছে এসে গেছে। তা আমার লোকদের পর্যন্ত পৌঁছেছে,  
এমনকি জেরশালেম পর্যন্ত। ১০ গাতে এই কথা জানিও না, একটুও  
কান্নাকাটি করো না। বেথ-লি-অফ্রাতে ধুলোয় গড়াগড়ি দাও। ১১  
হে শাফীরের বাসকারী লোকেরা, তোমরা উলঙ্গ ও লজ্জিত হয়ে  
চলে যাও। যারা সাননে বাস করে তারা বের হয়ে আসতে পারবে  
না। বেথ-এৎসল শোক করছে; সে আর তোমাদের পক্ষে দাঁড়াবে

না। 12 যারা মারোতে বাস করে তারা ব্যাকুল হয়ে, রেহাই পাবার জন্য অপেক্ষা করছে, কারণ সদাপ্রভুর কাছে থেকে বিপদ এসে গেছে, এমনকি জেরশালেমের দ্বার পর্যন্ত পৌঁছেছে। 13 তোমরা যারা লাখীশে বসবাস করো, দ্রুতগামী ঘোড়াগুলি তোমরা রথের সঙ্গে বেঁধে দাও। ইস্রায়েলের অন্যায় প্রথমে তোমাদের মধ্যে পাওয়া গিয়েছিল, সেইজন্য সিয়োন-কন্যাকে তোমরাই পাপের পথে নিয়ে গিয়েছিলে। 14 সুতরাং মোরেষৎ-গাঃকে নিজের বিদায়ের উপহার তুমি নিজেই দেবে। ইস্রায়েলের রাজাদের জন্য অক্ষীব নগর প্রতারক হবে। 15 তোমরা যারা মারেশায় বসবাস করো, আমি তোমাদের বিরংদে এক দখলকারীকে নিয়ে আসব। ইস্রায়েলের গণ্যমান্য লোকেরা অদুল্লম্ভে পালিয়ে যাবে। 16 তোমাদের সন্তানদের যাদের তোমরা ভালোবাসো তাদের শোকে ন্যাড়া হও; নিজেকে শুনুনের মতো ন্যাড়া করো, কেননা তারা তোমাদের কাছ থেকে নির্বাসনে যাবে।

**২** ধিক্ তাদের যারা অন্যায় পরিকল্পনা করে, যারা নিজেদের বিছানায় মন্দের চক্রান্ত করে! প্রত্যয়েই তারা সেইসব কাজ করে কারণ এই সকল করার জন্য ক্ষমতা তাদের কাছে আছে। 2 তারা ক্ষেত্রের প্রতি লোভ করে তা কেড়ে নেয়, তারা বাড়ির প্রতি লোভ করে তা অধিকার করে। তারা মানুষকে প্রতারণা করে তাদের ঘরবাড়ি নেয়, তাদের উত্তরাধিকার ছুরি করে। 3 সুতরাং, সদাপ্রভু বলেন, “আমি এইসব লোকের বিরংদে বিপর্যয় পরিকল্পনা করছি, যা থেকে তোমরা নিজেকে বাঁচাতে পারবে না। তোমরা আর অহংকারের সঙ্গে চলাফেরা করবে না, কারণ সেই সময়টা হবে চরম দুর্দশার। 4 সেই সময়ে লোকেরা তোমাদের উপহাস করবে; তারা তোমাদের ব্যঙ্গ করে এই দুঃখের গান গাইবে; ‘আমরা সম্পূর্ণভাবে ধ্বংসপ্রাপ্ত; আমাদের লোকদের অধিকার ভাগ করা হয়েছে। তিনি তা আমার কাছ থেকে নিয়েছেন! তিনি আমাদের জমির বিশ্বাসঘাতকদের দিয়ে দিয়েছেন।’” 5 সেইজন্য গুটিকাপাত করে ভাগ করার জন্য তোমরা কেউ সদাপ্রভুর লোকদের সঙ্গে থাকবে না। 6 তাদের ভাববাদীরা বলে ‘ভাববাণী বোলো না। এইসব বিষয়ে ভাববাণী বোলো না; আমদের উপরে অসম্মান আসবে

না।” 7 হে যাকোবের বংশ, এই কথা কি বলা হবে, “সদাপ্রভু কি  
অসহিষ্ণু হয়েছেন? তিনি কি এমন কাজ করেন?” “আমার বাক্য কি  
তাদের মঙ্গল করে না যারা ন্যায়পথে চলে? 8 সম্প্রতি আমার লোকেরা  
জেগে উঠেছে যেন তারা শক্র। যুদ্ধ থেকে ফিরে আসা লোকদের মতো  
যারা নিশ্চিন্তে পথ চলছে তাদের গা থেকে কাপড় খুলে নিছ। 9 আমার  
লোকদের স্ত্রীদের তোমরা তাড়িয়ে দিছ তাদের সুখের ঘর থেকে।  
তাদের সন্তানদের কাছ থেকে আমার অশীর্বাদ চিরদিনের জন্য কেড়ে  
নিয়ে নিছ। 10 ওঠো, চলে যাও! কারণ এটি তোমার বিশ্বামের জায়গা  
নয়, কারণ তুমি তা অঙ্গ করেছ, সেইজন্য তা ভীষণভাবে ধ্বংস  
হবে। 11 যদি কোনও মিথ্যাবাদী ও প্রতারক আসে এবং বলে, ‘আমি  
বলছি যে, তোমাদের প্রচুর সুরা এবং দ্রাক্ষারস হবে,’ তবে সেই হবে  
এই জাতির জন্য উপযুক্ত ভাববাদী! 12 “হে যাকোব, আমি নিশ্চয়  
তোমাদের সবাইকে জড়ো করব; আমি নিশ্চয় ইস্রায়েলের অবশিষ্ট  
লোকদের একত্র করব। আমি তাদের খোঁয়াড়ের মেষদের মতো একত্র  
করব, যেমন চারণভূমিতে মেষপাল চরে, সেই স্থান লোকে ভরে যাবে।  
13 বন্দিদশা থেকে ফিরে আসবার জন্য যিনি পথ খুলে দেবেন তিনি  
তাদের আগে আগে যাবেন; তারা দ্বার ভেঙে বের হয়ে আসবে।  
সদাপ্রভু তাদের রাজা তাদের মধ্য দিয়ে আগে আগে যাবেন।”

**৩** তখন আমি বললাম, “হে যাকোবের নেতারা, ইস্রায়েলের শাসকেরা  
শোনো। তোমাদের কি ন্যায়বিচার সমাজে জানা উচিত নয়, 2 তোমরা  
যারা সঠিক কাজ ঘৃণা করো এবং দুর্ক্ষর্যকে পছন্দ করো; যারা আমার  
নিজ প্রজাদের গায়ের চামড়া এবং তাদের হাড় থেকে মাংস ছাড়িয়ে  
নিছ; 3 যারা আমার প্রজার মাংস খাচ্ছে, গায়ের চামড়া তুলে নিয়ে  
হাড়গুলি টুকরো টুকরো করছে যারা সেগুলি কড়াইয়ের জন্য মাংসের  
মতো টুকরো টুকরো করছে, যেন পাত্রের মধ্যে মাংস?” 4 তখন  
তারা সদাপ্রভুর কাছে কাঁদবে, কিন্তু তিনি উত্তর দেবেন না। সেই  
সময় তিনি তাঁর মুখ তাদের থেকে ফিরিয়ে রাখবেন কেননা তারা  
মন্দ কাজ করেছে। 5 সদাপ্রভু এই কথা বলেন, “যেসব ভাববাদী  
আমার লোকদের বিপথে নিয়ে যায়, যদি তারা কিছু খেতে পায় তো

‘শান্তি’ ঘোষণা করে, কিন্তু যারা তাদের খাবার দিতে অস্বীকার করে তাদের বিরংদে যুদ্ধ করার জন্য প্রস্তুত হয়। ৬ সুতরাং তোমাদের উপর রাত্রি আসবে, তোমরা দর্শন পাবে না, অন্ধকারাচ্ছন্ম হবে, ভবিষ্যৎ-কথন করতে পারবে না। ভাববাদীদের উপর সূর্য অস্ত যাবে, আর দিন তাদের জন্য অন্ধকার হবে। ৭ দর্শনকারীরা লজ্জা পাবে এবং গণকেরা অসম্মানিত হবে। তারা সবাই মুখ ঢাকবে কারণ ঈশ্বর কোনও উত্তর দেবেন না।” ৮ কিন্তু আমি যাকোবকে তার অপরাধ, এবং ইস্রায়েলকে তাদের পাপ জানাবার জন্য, সদাপ্রভুর আত্মার দ্বারা, ন্যায়বিচার এবং শক্তিতে আমি পূর্ণ হয়েছি। ৯ হে যাকোবের বংশের প্রধানেরা এবং ইস্রায়েলের শাসকেরা, শোনো, যারা ন্যায়বিচার ঘৃণা করে এবং যা কিছু সরল তা বিকৃত করে; ১০ যারা রক্তপাতের দ্বারা সিয়োনকে এবং অন্যায় দ্বারা জেরুশালেমকে গড়ে তোলে। ১১ তাদের প্রধানেরা ঘুস নিয়ে বিচার করে, তাদের যাজকেরা পারিশ্রমিক নিয়ে শিক্ষা দেয়, এবং তাদের ভাববাদীরা অর্থের বিনিময়ে ভবিষ্যৎ বলে দেয়। তবুও তারা সদাপ্রভুর সাহায্যের আশা করে বলে, “সদাপ্রভু কি আমাদের মধ্যে নেই? আমাদের উপর কোনও বিপদ আসবে না।” ১২ সেই কারণেই তোমাদের জন্য, সিয়োনকে মাঠের মতো চাষ করা হবে, জেরুশালেম এক ধ্বংসস্তূপে পরিণত হবে, মন্দিরের পাহাড় কাঁটাবোপে ঢাকা পড়বে।

**৪** শেষের সময়ে সদাপ্রভুর মন্দিরের পর্বত অন্য সব পর্বতের উপরে প্রধানরূপে প্রতিষ্ঠিত হবে; তাকে সব পাহাড়ের উপরে তুলে ধরা হবে এবং লোকেরা তার দিকে স্ন্যাতের মতো প্রবাহিত হবে। ২ অনেক জাতির লোক এসে বলবে, “চলো, আমরা সদাপ্রভুর পর্বতে উঠে যাই, যাকোবের ঈশ্বরের গৃহে যাই। তিনি আমাদের তাঁর পথের বিষয়ে শিক্ষা দেবেন, যেন আমরা তাঁর পথসমূহে চলতে পারি।” সিয়োন থেকে বিধান নির্গত হবে, জেরুশালেম থেকে সদাপ্রভুর বাণী নির্গত হবে। ৩ তিনি অনেক জাতির মধ্যে বিচার করবেন এবং দূর-দূরান্তের শক্তিশালী জাতিদের বিবাদ মীমাংসা করবেন। তারা নিজের তরোয়াল পিটিয়ে চাষের লাঙল এবং বল্লমগুলিকে কাস্তে পরিণত করবে। এক

জাতি অন্য জাতির বিরুদ্ধে আর তরোয়াল ব্যবহার করবে না, তারা  
আর যুদ্ধ করতেও শিখবে না। ৪ প্রত্যেকে নিজের নিজের দ্রাক্ষালতার  
ও নিজেদের ডুমুর গাছের নিচে বসবে, এবং কেউ তাদের তয় দেখাবে  
না, কারণ সর্বশক্তিমান সদাপ্রভু এই কথা বলেছেন। ৫ সব জাতির  
লোকেরা তাদের নিজস্ব দেবতার নামে চলতে পারে, কিন্তু আমরা  
চিরকাল আমাদের ঈশ্বর সদাপ্রভুর নামে চলব। ৬ সদাপ্রভু বলেন,  
“সেইদিন, আমি খোঁড়াদের একত্র করব; যারা বন্দি হয়ে অন্য দেশে  
আছে, যাদের আমি দুঃখ দিয়েছি, তাদের এক জায়গায় একত্র করব।  
৭ আমি খোঁড়াদের আমার অবশিষ্টাংশকে, যাদের তাড়িয়ে দেওয়া  
হয়েছে তাদের এক শক্তিশালী জাতি করব। সদাপ্রভু সেদিন থেকে  
চিরকাল সিয়োন পাহাড়ে তাদের উপরে রাজত্ব করবেন। ৮ আর তুমি,  
হে পালের দুর্গ, সিয়োন-কন্যার দুর্গ, আগের রাজ্য তোমাকে ফিরিয়ে  
দেওয়া হবে; জেরুশালেমের কন্যার উপর রাজপদ অধিষ্ঠিত হবে।”  
৯ কেন তুমি এখন জোরে জোরে কাঁদছ? তোমার কি রাজা নেই?  
তোমার শাসক কি ধৰংস হয়ে গেছে, সেইজন্য কি প্রসব ব্যথায় কষ্ট  
পাওয়া মহিলার মতো ব্যথা তোমাকে ধরেছে? ১০ হে সিয়োন-কন্যা,  
নিদারণ যন্ত্রণায় কাতর হও, প্রসব ব্যথায় কষ্ট পাওয়া স্ত্রীলোকের  
মতো, কারণ এখন তোমাকে নগর ত্যাগ করে খোলা মাঠে বাস করতে  
হবে। তুমি ব্যাবিলনে যাবে; সেখানে তুমি উদ্ধার পাবে। সদাপ্রভু  
সেখানেই তোমাকে মুক্ত করবেন তোমার শক্রদের হাত থেকে। ১১  
কিন্তু এখন অনেক জাতি তোমার বিরুদ্ধে জড়ে হয়েছে। তারা বলছে,  
“তাকে অঙ্গিচ করা হোক, আমাদের চোখ আগ্রহ সহকারে সিয়োনকে  
দেখুক!” ১২ কিন্তু তারা জানে না সদাপ্রভুর চিন্তাসকল; তারা বুঝতে  
পারে না তাঁর পরিকল্পনা, যা তিনি জড়ে করেছেন শস্যের আঁটির  
মতো খামারে মাড়াই করার জন্য। ১৩ “হে সিয়োন-কন্যা, তুমি উঠে  
শস্য মাড়াই করো, কারণ আমি তোমাকে লোহার শিং দেব; আমি  
তোমাকে ব্রাঞ্জের খুর দেব, আর তুমি অনেক জাতিকে চুরমার করবে।”  
তুমি সদাপ্রভুর উদ্দেশে তাদের অন্যায়ভাবে লাভ করা জিনিস, সমস্ত  
পৃথিবীর প্রভুর উদ্দেশে তাদের সম্পদ দিয়ে দেবে।

**৫** ওহে সৈন্যদলের নগর, এখন তোমার সৈন্যদল নিয়ে যাও, কারণ  
আমাদের বিরুদ্ধে অবরোধ হচ্ছে। ইত্তায়েলের শাসনকর্তার গালে  
লাঠি দিয়ে আঘাত করবে। ২ “কিন্তু তুমি, হে বেথলেহেম ইফ্রাথা,  
যদিও তুমি যিহুদার শাসকদের মধ্যে ছোটো, তোমার মধ্যে দিয়ে  
আমার জন্যে ইত্তায়েলের এক শাসক বেরিয়ে আসবে, যাঁর শুরু  
প্রাচীনকাল থেকে অনাদিকাল থেকে।” ৩ সুতরাং ইত্তায়েল পরিত্যক্ত  
হবে যতক্ষণ না প্রসবকারিণীর সন্তান হচ্ছে, এবং অবশিষ্ট ভাইয়েরা  
ফিরে আসে ইত্তায়েলীদের সঙ্গে যুক্ত হবার জন্য। ৪ তিনি দাঁড়িয়ে  
সদাপ্রভুর শক্তিতে তাঁর দুষ্প্রিয় সদাপ্রভুর নামের মহিমাতে, রাখালের  
মতো তাঁর লোকদের চালাবেন। এবং তারা নিরাপদে বাস করবে,  
কারণ তখন তাঁর মহস্ত্র পৃথিবীর শেষ সীমা পর্যন্ত পৌঁছাবে। ৫ আর  
তিনি আমাদের পক্ষে শান্তি হবেন যখন আসিরিয়ার আমাদের দেশ  
আক্রমণ করবে এবং আমাদের দুর্গগুলি পদদলিত করবে তখন আমরা  
তাদের বিরুদ্ধে সাতজন মেষপালক, এমনকি আটজন দলপতি নিযুক্ত  
করব। ৬ সেই সময় তারা আসিরিয়ার দেশ তরোয়াল দ্বারা, নিষ্ঠাদের  
দেশকে খোলা তরোয়াল দ্বারা শাসন করবে। তারা যখন আমাদের দেশ  
আক্রমণ করবে এবং আমাদের দেশের সীমানার মধ্যে দিয়ে যাবে তিনি  
আমাদের আসিরিয়দের হাত থেকে রক্ষা করবেন। ৭ অনেক জাতির  
মধ্যে যাকোবের বেঁচে থাকা লোকেরা সদাপ্রভুর কাছ থেকে আসা  
শিশিরের মতো হবে, ঘাসের উপরে পড়া বৃষ্টির মতো, যা মানুষের  
আদেশে পড়ে না কিংবা তার উপর নির্ভর করে না। ৮ অনেক জাতির  
মধ্যে যাকোবের বেঁচে থাকা লোকেরা হবে জঙ্গলের বুনো পশুর মধ্যে  
সিংহের মতো, মেষপালের মধ্যে যুবক সিংহের মতো, সে যখন পালের  
মধ্যে দিয়ে যায় তখন তাদের টুকরো টুকরো করে ছিঁড়ে ফেলে, কেউ  
তাদের উদ্ধার করতে পারে না। ৯ তোমরা তোমাদের শক্তদের উপর  
জয়লাভ করবে, এবং তোমার সমস্ত শক্তি ধ্বংস হবে। ১০ “সেইদিন,”  
সদাপ্রভুর বলেন, “আমি তোমাদের ঘোড়াদের তোমাদের মধ্যে থেকে  
বিনাশ করব এবং তোমাদের রথগুলি ধ্বংস করব। ১১ আমি তোমাদের  
দেশের নগরগুলি ধ্বংস করব আর তোমার সব দুর্গগুলি ভেঙ্গে ফেলব।

12 আমি তোমার জাদুবিদ্যা নষ্ট করব মায়াবিদ্যা ব্যবহারকারীরা  
তোমার মধ্যে আর থাকবে না। 13 আমি তোমার মধ্যে থেকে তোমার  
ক্ষেদিত মূর্তিগুলি এবং তোমার পবিত্র পাথরগুলি ধ্বংস করব; যাতে  
তুমি আর কখনও নিজের হাতে নির্মিত বস্তসকলের কাছে নত না হও।  
14 যখন তোমার নগরগুলি ধ্বংস করব, আমি তোমার মধ্যে থেকে  
তোমার আশেরার খুঁটিগুলি উপড়ে ফেলব। 15 যে জাতিগণ আমার  
বাধ্য হয়নি আমি ভীষণ ক্রোধে তাদের উপর প্রতিশোধ নেব।”

**৬** সদাপ্রভু কি বলছেন তা শোনো, “ওঠো, পর্বতের সামনে আমার কথা  
পেশ করো; তুমি যা বলছ তা পাহাড়গুলি শুনুক। 2 “হে পর্বতসকল,  
সদাপ্রভুর অভিযোগ শোনো; হে পৃথিবীর চিরস্থায়ী ভিত্তিমূলগুলি,  
তোমরাও শোনো। তাঁর নিজের লোকদের বিরুদ্ধে সদাপ্রভুর কিছু  
বলার আছে; তিনি ইস্রায়েলীদের বিরুদ্ধে একটি অভিযোগ আনছেন।  
3 “হে আমার লোকেরা, আমি তোমাদের কি করেছি? কীভাবে আমি  
তোমাদের কষ্ট দিয়েছি? আমাকে উত্তর দাও। 4 আমি তোমাদের মিশ্র  
দেশ থেকে বের করে এনেছি এবং দাসত্বের দেশ থেকে উদ্ধার করেছি।  
তোমাদের পরিচালনা করার জন্য আমি মোশি, হারোণ আর মরিয়মকে  
পাঠিয়েছি। 5 হে আমার লোকেরা, স্মরণ করো মোয়াবের রাজা বালাক  
তোমাদের বিরুদ্ধে যে পরিকল্পনা করেছিল, এবং বিয়োরের পুত্র  
বিলিয়ম কি উত্তর দিয়েছিল। শিটির থেকে গিল্গাল পর্যন্ত তোমাদের  
যাত্রার কথা মনে করো, যেন তোমরা সদাপ্রভুর ধার্মিকতার কাজগুলি  
জানতে পারো।” 6 আমি কি নিয়ে সদাপ্রভুর সামনে যাব এবং স্বর্গের  
ঈশ্বরের উপাসনা করব? আমি কি হোমবলির জন্য তাঁর সামনে যাব,  
কয়েকটি এক বছরের বাছুর নিয়ে? 7 সদাপ্রভু কি হাজার হাজার  
মেষ, কিংবা দশ হাজার নদী ভরা জলপাই তেলে খুশি হবেন? আমার  
অন্যায়ের জন্য কি আমি আমার প্রথম সন্তান, আমার পাপের জন্য  
নিজের শরীরের ফল উৎসর্গ করব? 8 হে মানুষ, যা ভালো তা তো  
তিনি তোমাকে দেখিয়েছেন। সদাপ্রভু তোমার কাছ থেকে কৌ চাইছেন  
জানো? শুধুমাত্র এইটা যে, ন্যায্য কাজ করা ও ভালোবাসা এবং  
তোমার সদাপ্রভুর সঙ্গে নম্ব হয়ে চলা। 9 শোনো! সদাপ্রভু নগরের

লোকদের ডাকছেন, আর তোমার নামের ভয় করা হল প্রজ্ঞা, “শাস্তির  
লাঠি এবং সেটিকে যিনি নিযুক্ত করেছেন তাঁর দিকে মনোযোগ দাও!

10 হে দুষ্ট ঘর, আমি কি ভুলে যাব অসৎ উপায়ে পাওয়া তোমার  
ধনসম্পদ এবং কম মাপের ঐফা, যা অভিশপ্ত? 11 আমি কি তাকে  
নির্দোষ মানব যার কাছে অসাধু দাঁড়িপাল্লা এবং থলিতে কম ওজনের  
বাটখারা আছে? 12 তোমাদের ধনী লোকেরা অত্যাচারী; তোমাদের  
অধিবাসীরা মিথ্যাবাদী এবং তাদের জিভ ছলনার কথা বলে। 13  
সুতরাং, আমি তোমাদের পাপের জন্য ভীষণভাবে শাস্তি দেব ও  
তোমাদের ধ্বংস করব। 14 তোমরা খাবে কিন্তু তৃপ্ত হবে না; তোমাদের  
পেট তখনও খালি থাকবে। তোমরা সঞ্চয় করার চেষ্টা করবে কিন্তু  
হবে না, কারণ তোমরা যা কিছু রক্ষা করবে তা আমি তরোয়ালকে  
দেব। 15 তোমরা বীজ বুনবে কিন্তু ফসল কাটতে পারবে না; তোমরা  
জলপাই মাড়াই করবে কিন্তু তার তেল ব্যবহার করতে পারবে না,  
তোমরা দ্রাক্ষামাড়াই করবে কিন্তু তার রস পান করতে পারবে না। 16  
তোমরা অম্বির নিয়ম পালন করেছ এবং আহাবের পরিবারের সব  
অভ্যাসমতো চলেছ; তোমরা তাদের প্রথা অনুসরণ করেছ। সুতরাং,  
আমি তোমাদের ধ্বংসের হাতে তুলে দেব আর তোমাদের লোকদের  
ঠাট্টার পাত্র করব; তোমরা পরজাতিদের অবজ্ঞা ভোগ করবে।”

7 কি দুর্দশা আমার! আমি সেইরকম হয়েছি যে গ্রীষ্মকালে ফল সংগ্রহ  
করে আর দ্রাক্ষাক্ষেতে কুড়ায়; খাবার জন্য আঙুরের গুচ্ছ নেই, আমার  
আকাঙ্ক্ষিত এমন কোনো ডুমুরও নেই যা পাকতে চলেছে। 2 দেশ  
থেকে ভক্তদের মুছে ফেলা হয়েছে; সৎলোক একজনও নেই। রক্তপাত  
করার জন্য সবাই ওৎ পেতে আছে; প্রত্যেকে তার নিজের জালে  
অন্যকে আটকাতে চায়। 3 দুর্কর্ম করার জন্য দু-হাতই দক্ষ, শাসকেরা  
উপহার দাবি করে, বিচারকেরা ঘুস নেয়, ক্ষমতাশালীরা তাদের  
ইচ্ছা প্রকাশ করে, তারা একসঙ্গে চক্রান্ত করে। 4 তাদের মধ্যে সব  
থেকে ভালো লোকেরা কাঁটাঝোপের মতো, সবচেয়ে সৎলোকেরা  
কাঁটাগাছের বেড়ার চেয়েও খারাপ। তোমার কাছে ঐশ্বরিক দণ্ডের  
দিন এসে গেছে, যেদিন তোমার প্রহীরা ঘোষণা করবে। এখনই

তোমাদের বিশ্বাস হওয়ার সময়। ৫ তোমাদের প্রতিবেশীদের বিশ্বাস করো না; তোমাদের মিত্রদের উপরও নির্ভর করো না। যে স্তু তোমার বুকের মধ্যে শুয়ে থাকে তার কাছে সাবধানতার সঙ্গে কথা বোলো। ৬ কারণ ছেলে তার নিজের বাবাকে অসম্মান করে, মেয়ে নিজের মায়ের বিরংদে, ছেলের বৌ নিজের শাশুড়ীর বিরংদে উঠে মানুষের নিজের পরিবারের লোকেরাই তার শক্র। ৭ কিন্তু আমি সদাপ্রভুর উপর আশা রাখব, আমি উদ্বারকারী ঈশ্বরের জন্য অপেক্ষা করব; আমার সদাপ্রভু আমার কথা শুনবেন। ৮ হে আমার শক্র, আমাকে নিয়ে খুশি হোয়ো না! আমি পড়ে গেলেও, আমি আবার উঠব। যদি আমি অন্ধকারেও বসি, সদাপ্রভু আমার জ্যোতি হবেন। ৯ যেহেতু আমি সদাপ্রভুর বিরংদে পাপ করেছি, তাই আমি তাঁর ক্রোধ বহন করছি, যতক্ষণ না তিনি আমাদের পক্ষে কথা বলেন এবং আমার উদ্দেশ্য সমর্থন করেন। তিনি আমাকে জ্যোতিতে নিয়ে আসবেন; আমি তাঁর ধার্মিকতা দেখব। ১০ তখন আমার শক্ররা তা দেখবে এবং লজ্জিত হয়ে নিজেকে ঢাকবে, সে আমাকে বলেছিল, “তোমাদের ঈশ্বর সদাপ্রভু কোথায়?” আমি নিজের চোখে তার পতন দেখব; এমনকি রাস্তার কাদার মতো তাকে পা দিয়ে দলন করা হবে। ১১ তোমার প্রাচীর গাঁথার দিন আসবে, তোমার সীমানা বৃদ্ধি করার দিন। ১২ সেদিন আসিরিয়া এবং মিশরের নগরগুলি থেকে লোকেরা তোমার কাছে আসবে, এমনকি মিশ্র থেকে ইউফ্রেটিস পর্যন্ত এবং এক সমুদ্র থেকে আর এক সমুদ্র পর্যন্ত, আর এক পাহাড় থেকে আর এক পাহাড় পর্যন্ত। ১৩ পৃথিবীর বাসিন্দাদের কাজের ফলে পৃথিবী জনশূন্য হবে। ১৪ তোমার লাঠি দিয়ে তোমার লোকদের তত্ত্বাবধান করো, সেই পাল তোমার উত্তরাধিকার, যারা নিজেরা একা অরণ্যে বাস করে, উর্বর চারণভূমিতে। অনেক দিন আগে যেমন চরে বেড়াত তেমনি বাশনে ও গিলিয়দে তারা চরে খাক। ১৫ “মিশ্র দেশ থেকে বের হয়ে আসার দিনগুলির মতো, আমি তাদের আমার আশ্চর্য কাজ দেখাব।” ১৬ জাতিগণ দেখবে ও লজ্জিত হবে, তাদের সমস্ত শক্তি থেকে তারা বঞ্চিত হবে। তারা নিজেদের মুখ হাত দিয়ে বন্ধ করবে, এবং তাদের কান বধির হবে। ১৭ তারা সাপের মতো

ধূলো চাটিবে, সেই প্রাণীদের মতো যারা সরীসৃপ। তারা ভয়ে কাঁপতে  
কাঁপতে তাদের গর্ত থেকে বেরিয়ে আসবে; তারা ভয়ে আমাদের ঈশ্বর  
সন্দাপ্রভুর কাছে ফিরে আসবে, এবং তোমাকে ভয় করবে। 18 কে  
তোমার মতো ঈশ্বর, যিনি তাঁর অধিকারভুক্ত অবশিষ্ট লোকদের পাপ  
ও অপরাধ ক্ষমা করেন? তুমি চিরকাল ক্রুদ্ধ হয়ে থেকো না কিন্তু দয়া  
দেখিয়ে আনন্দ পাও। 19 তুমি আমাদের উপর আবার করঢণা করবে;  
তুমি আমাদের সব পাপ পায়ের তলায় মাড়াবে এবং আমাদের সব  
অন্যায় সমুদ্রের গভীর জলে ফেলে দেবে। 20 তুমি যাকোবের প্রতি  
বিশ্বস্ত থাকবে এবং অব্রাহামকে তোমার ভালোবাসা দেখাবে, যেমন  
তুমি আমাদের পূর্বপুরুষদের কাছে প্রতিশ্রূতি দিয়ে শপথ করেছিলে  
অনেক দিন আগে।

## নতুন ভাববাদীর বই

১ নীনবী সংক্রান্ত এক ভবিষ্যদ্বাণী। ইল্কোশীয় নতুনের দর্শন সম্বলিত পুস্তক। ২ সদাপ্রভু সৰ্বান্বিত এবং প্রতিফলনদাতা ঈশ্বর; সদাপ্রভু প্রতিশোধ নেন এবং তিনি ক্রোধে পরিপূর্ণ। সদাপ্রভু তাঁর শক্রদের বিরুদ্ধে প্রতিশোধ নেন এবং তাঁর প্রতিপক্ষদের বিরুদ্ধে তাঁর ক্রোধ চেলে দেন। ৩ সদাপ্রভুর ক্রোধে ধীর কিন্তু পরাক্রমে মহান; সদাপ্রভু দোষীদের অদণ্ডিত অবস্থায় ছেড়ে দেবেন না। ঘূর্ণিঝড় ও বাটিকাই তাঁর পথ, ও মেঘরাশি তাঁর পদধূলি। ৪ তিনি উৎসন্না করে সমুদ্রকে শুকনো করে দেন; তিনি সব নদনদী জলশূন্য করে দেন। বাশন ও কর্মিল শুকিয়ে যায় এবং লেবাননের ফুলগুলি ও স্লান হয়ে যায়। ৫ তাঁর সামনে পর্বতমালা কেঁপে ওঠে এবং পাহাড়গুলি গলে যায়। তাঁর উপস্থিতিতে পৃথিবী কম্পিত হয়, জগৎ এবং সব জগৎবাসীও হয়। ৬ তাঁর ঘৃণামিশ্রিত ক্রোধের প্রতিরোধ কে করতে পারে? তাঁর প্রচণ্ড ক্রোধ কে সহ্য করতে পারে? তাঁর ক্রোধ আগুনের মতো ঢালা হয়েছে; তাঁর সামনে পাষাণপাথরগুলি চূর্ণিচূর্ণ হয়েছে। ৭ সদাপ্রভু মঙ্গলময়, সংকটকালে এক আশ্রয়স্থল। যারা তাঁতে নির্ভরশীল হয় তিনি তাদের যত্ন নেন, ৮ কিন্তু এক অপ্রতিরোধ্য বন্যা পাঠিয়ে তিনি নীনবীকে ধ্বংস করে দেবেন; তাঁর শক্রদের পশ্চাদ্বাবন করে তিনি অন্ধকারের রাজ্য নিয়ে যাবেন। ৯ সদাপ্রভুর বিরুদ্ধে তারা যে চক্রান্তই করুক না কেন তিনি তা নষ্ট করে দেবেন; দ্বিতীয়বার আর বিপত্তি আসবে না। ১০ তারা কাঁটাখোপে আটকে যাবে এবং মদের নেশায় মাতাল হবে; শুকনো নাড়ার মতো তারা ক্ষয়ে যাবে। ১১ হে নীনবী, এমন একজন তোমার মধ্যে থেকে বেরিয়ে এসেছে যে সদাপ্রভুর বিরুদ্ধে অনিষ্টের চক্রান্ত করে এবং দুষ্ট পরিকল্পনা উভাবন করে। ১২ সদাপ্রভু একথাই বলেন: “যদিও তারা বন্ধুত্ব করেছে ও সংখ্যায় তারা অনেক, তাও তারা ধ্বংস হয়ে মারা যাবে। হে যিহূদা, আমি যদিও তোমাকে দুর্দশাগ্রস্ত করেছিলাম, আমি আর তোমাকে নিগৃহীত করব না। ১৩ এখন আমি তোমার ঘাড় থেকে তাদের জোয়াল ভেঙ্গে ফেলব ও তোমার শিকল ছিন্ন করব।” ১৪ হে নীনবী, তোমার বিষয়ে সদাপ্রভু

এক আদেশ দিয়েছেন: “তোমার নাম ধারণ করার জন্য তোমার আর কোনও বংশধর থাকবে না। তোমার দেবতাদের মন্দিরে রাখা প্রতিমা ও মূর্তিগুলি আমি ধ্বংস করে দেব। আমি তোমার কবর প্রস্তুত করব, কারণ তুমি নীচ।” 15 দেখো, সেই পর্বতের উপর, তারই পা পড়েছে, যে সুসমাচার প্রচার করে, যে শান্তি ঘোষণা করে! হে যিহুদা, তোমার উৎসবগুলি পালন করো, তোমার প্রতিজ্ঞা পূরণ করো। দুষ্টেরা আর কখনও তোমাকে আক্রমণ করবে না; তারা সম্পূর্ণরূপে ধ্বংস হবে।

2 হে নীনবী, তোমার বিরংদে এক আক্রমণকারী এগিয়ে আসছে। দুর্গ পাহারা দাও, পথে নজরদারি চালাও, কোমর বাঁধো, তোমার সব শক্তি একত্রিত করো। 2 ইস্রায়েলের সমারোহের মতো সদাপ্রভু যাকোবের সমারোহও ফিরিয়ে আনবেন, যদিও বিনাশকারীরা তাদের ধ্বংস করেছে এবং তাদের দ্রাক্ষালতাগুলি নষ্ট করে দিয়েছে। 3 সৈনিকদের ঢালগুলির রং লাল; যোদ্ধারা টকটকে লাল রংয়ের পোশাকে সুসজ্জিত। রথ সাজিয়ে তোলার দিনে রথের ধাতু চকচক করে উঠেছে; দেবদারু কাঠে তৈরি বর্ষাগুলি আক্ষফলিত হয়েছে। 4 রথগুলি জোর কদমে রাস্তায় ছুটে বেড়ায়, চকের এদিক-ওদিক তীব্র গতিতে এগিয়ে যায়। সেগুলি দেখে মনে হয় সেগুলি বুবি জ্বলন্ত মশাল; সেগুলি বজ্রের মতো আছড়ে পড়ে। 5 নীনবী তার শ্রেষ্ঠ সৈন্যদলকে তলব করল, তাও তারা পথে হোঁচ্ট খেলো। তারা নগর-প্রাচীরে ধাক্কা খেলো; প্রতিরক্ষামূলক ঢাল স্বস্থানে রাখা হল। 6 নদীমুখ খুলে গেল এবং রাজপ্রাসাদের পতন হল। 7 হৃকুম দেওয়া হল যে নীনবী নির্বাসিত ও দূরে নীত হবে। তার দাসীরা ঘুঘুর মতো বিলাপ করবে ও বুক চাপড়াবে। 8 নীনবী এমন এক পুরুরের মতো যার জল শুকিয়ে যাচ্ছে। “দাঁড়াও! দাঁড়াও!” তারা চিঢ়কার করে, কিন্তু কেউই পিছু ফেরে না। 9 রংপো লুট করো! সোনা লুট করো! সরবরাহ অসীম! তার সব কোষাগারের ধনসম্পদ প্রাচুর্যময়! 10 সে লুণ্ঠিত, অপহত, নগ্ন হয়েছে! তার হৃদয় গলে গিয়েছে, হাঁটু ঠকঠক করেছে, শরীর কেঁপে উঠেছে, প্রত্যেকের মুখ ম্লান হয়ে গিয়েছে। 11 এখন কোথায় সিংহদের সেই গুহা, সেই স্থান যেখানে তারা যুবসিংহদের খাওয়াতো, যেখানে সিংহ ও সিংহী চলে

যেত, ও শাবকেরা নির্ভয়ে বসবাস করত? 12 সিংহ তার শাবকদের  
জন্য পর্যাপ্ত পশু হত্যা করত ও তার সঙ্গনীর জন্য শিকার করা পশুদের  
শাসরোধ করত, তার ডেরাগুলি নিহত পশুদের দিয়ে ও গুহাগুলি  
শিকার করা পশু দিয়ে পরিপূর্ণ করে রাখত। 13 “আমি তোমার বিপক্ষ,”  
সর্বশক্তিমান সদাপ্রভু ঘোষণা করছেন। “আমি তোমার রথগুলি পুড়িয়ে  
ধোঁয়ায় পরিণত করব, ও তরোয়াল তোমার যুবসিংহদের প্রাস করবে।  
পৃথিবীতে আমি তোমার জন্য কোনও শিকার ছেড়ে রাখব না। তোমার  
দৃতদের রব আর কখনও শোনা যাবে না।”

3 ধিক্ সেই রক্তপাতকারী নগর, যা মিথ্যায় পরিপূর্ণ, যা লুঠতরাজে  
পরিপূর্ণ, যেখানে কখনোই ক্ষতিগ্রস্তের অভাব হয় না! 2 চাবুকের  
জোরালো শব্দ, চাকার ঝনঝনানি, দ্রুতগতি ঘোড়ার ক্ষুরের শব্দ  
ও ধুলো ওড়ানো রথের শব্দ! 3 অশ্বারোহী সৈন্যদলের আক্রমণ!  
তরোয়ালের বলকানি ও বর্শার ঝনঝনানি! প্রচুর মানুষের মৃত্যু,  
মৃতদেহের স্তুপ, অসংখ্য মৃতদেহ, মানুষজন শবে হোঁচট খায়— 4  
এসবই সেই এক বেশ্যার উচ্ছ্বেল লালসার, লোভনীয়, ডাকিনীবিদ্যায়  
নিপুণ মহিলার কারণে হয়েছে, যে তার বেশ্যাবৃত্তি দ্বারা জাতিদের  
এবং তার জাদুবিদ্যা দ্বারা মানুষজনকে বন্দি করে রেখেছে। 5 “আমি  
তোমার বিপক্ষ,” সর্বশক্তিমান সদাপ্রভু ঘোষণা করেন। “আমি তোমার  
মুখের উপর তোমার ঘাঘরা তুলে ধরব। আমি জাতিদের তোমার  
উলঙ্ঘন দেখাব ও রাজ্যগুলির কাছে তোমার লজ্জা প্রকাশ করব। 6  
আমি অশ্বীলতা দিয়ে তোমাকে আঘাত করব, আমি তোমাকে ঘৃণার  
দৃষ্টিতে দেখব এবং তোমাকে এক প্রদর্শনীতে পরিণত করব। 7 যারা  
তোমাকে দেখবে তারা সবাই তোমার কাছ থেকে পালাবে ও বলবে,  
'নীনবী ধ্বংসাবশেষে পরিণত হয়েছে—তার জন্যে কে বিলাপ করবে?'  
তোমাকে সান্তনা দেওয়ার জন্য আমি কোথায় লোক খুঁজে পাব?”  
8 তুমি কি সেই থিব্সের চেয়ে শ্রেষ্ঠ, যা নীলনদের তীরে অবস্থিত,  
ও যার চতুর্দিক জলে ঘেরা? নদী তার সুরক্ষাবলয়, জলরাশি তার  
প্রাচীর ছিল। 9 কৃশ ও মিশর ছিল তার অপার শক্তি; পূট ও লিবিয়া  
তার মিত্রশক্তির মধ্যে গণ্য হত। 10 তাও তাকে বন্দি করা হল ও

সে নির্বাসনে গেল। তার শিশু সন্তানদের প্রত্যেকটি রাস্তার মোড়ে  
মোড়ে ছুঁড়ে ফেলে দিয়ে ছিন্নভিন্ন করা হল। তার গণ্যমান্য লোকদের  
জন্য গুটিকাপাত করা হল, এবং তার সব মহান লোককে শিকল দিয়ে  
বাঁধা হল। 11 তুমি ও মাতাল হয়ে যাবে; তুমি আত্মগোপন করবে ও  
শক্রের নাগাল এড়িয়ে থাকার জন্য আশ্রয়স্থল খুঁজবে। 12 তোমার  
সব দুর্গ এমন ডুমুর গাছের মতো, যেগুলির ফল পাকতে চলেছে;  
যখন সেগুলিকে নাড়ানো হয়, তখন ডুমুরগুলি ভক্ষকদের মুখে গিয়ে  
পড়ে। 13 তোমার সৈন্যদলের দিকে তাকাও— তারা সবাই দুর্বল  
প্রাণী। তোমার দেশের প্রবেশদ্বারগুলি তোমার শক্রদের জন্য হাট  
করে খুলে রাখা হয়েছে; তোমার ফটকের খিলগুলি আগুন গ্রাস করে  
নিয়েছে। 14 অবরোধকালের জন্য জল তুলে রাখো, তোমার দুর্গগুলি  
অভেদ্য করো! কাদা মেখে রাখো, চুন বালির মিশ্রণ তৈরি করো, ইটের  
গাঁথনি মেরামত করো! 15 সেখানেই আগুন তোমাকে গ্রাস করবে;  
তরোয়াল তোমাকে কেটে ফেলবে— সেগুলি তোমাকে পঙ্গপালের  
ঝাঁকের মতো গিলে খাবে। গঙ্গাফড়িং-এর মতো সংখ্যায় বৃদ্ধি পাও,  
পঙ্গপালের মতো সংখ্যায় বৃদ্ধি পাও! 16 তোমার বণিকদের সংখ্যা  
তুমি বাড়িয়েই গিয়েছ যতক্ষণ না তারা আকাশের তারাদের চেয়েও  
সংখ্যায় বেশি হয়েছে, কিন্তু পঙ্গপালের মতো তারা দেশকে ন্যাড়া করে  
দেয় ও পরে উড়ে চলে যায়। 17 তোমার রক্ষীবাহিনী পঙ্গপালের মতো,  
তোমার কর্মকর্তারা পঙ্গপালের সেই ঝাঁকের মতো যা এক শীতল দিনে  
প্রাচীরের উপর এসে বসে— কিন্তু যখন সূর্য ওঠে তখন তারা উড়ে  
চলে যায়, ও কেউ জানে না তারা কোথায় যায়। 18 হে আসিরিয়ার  
রাজা, তোমার মেষপালকেরা তন্দ্রাচুম্ব হয়েছে; তোমার গণ্যমান্য  
লোকেরা শুয়ে বিশ্রাম করছে। তোমার প্রজারা পর্বতমালায় ছিন্নভিন্ন  
হয়ে আছে ও তাদের একত্রিত করার কেউ নেই। 19 কোনো কিছুই  
তোমাকে সুস্থ করতে পারবে না; তোমার আঘাতটি মারাত্মক। যতজন  
তোমার খবর শোনে তারা সবাই তোমার পতনের খুশিতে হাততালি  
দেয়, যেহেতু তোমার অপার নিষ্ঠুরতার আঁচ কে না পেয়েছে?

## হবকূক ভাববাদীর বই

১ হবকূক ভাববাদী যিনি ভাববাণী পেয়েছিলেন। ২ হে সদাপ্রভু, আর কত কাল আমি সাহায্য চাইব, কিন্তু তুমি শোনো না? অথবা তোমাকে কেঁদে বলি, “অত্যাচার সর্বত্রই!” কিন্তু তুমি উদ্ধার করো না? ৩ কেন তুমি আমাকে অন্যায় দেখতে বাধ্য করছ? আর কেন তুমি অপরাধ সহ্য করছ? ধৰ্মস আর অত্যাচার আমার সামনে ঘটছে; বিবাদ আর মতবিরোধ চারিদিকে ছড়িয়ে রয়েছে। ৪ সুতরাং, বিধান শক্তিইন হয়েছে, এবং ন্যায়বিচার কখনোই প্রতিষ্ঠিত হচ্ছে না। দুষ্টরা বিচার নিয়ন্ত্রণ করছে, যেন ন্যায়বিচার বিকৃত হয়। ৫ “জাতিগণদের দিকে তাকিয়ে দেখো এবং সম্পূর্ণরূপে আশ্চর্য হও। কারণ আমি তোমাদের দিনে এমন কিছু করব যা তোমাদের বলা হলেও, তোমরা বিশ্বাস করবে না। ৬ দেখো আমি ব্যাবিলনীয়দের উথান ঘটাচ্ছি, এক নিষ্ঠুর ও দুর্দমনীয় জাতি, যারা অন্যদের বাসস্থান অধিকার করার জন্য সমগ্র পৃথিবীতে অগ্রসর হয়। ৭ তারা ভয়ানক এবং ভয়ংকর প্রকৃতির লোক; তারা নিজেরাই আইন তৈরি করে এবং নিজেদের গৌরব নিজেরাই করে। ৮ তাদের ঘোড়া চিতাবাঘের থেকেও দ্রুতগামী, সন্ধ্যাকালের নেকড়ের থেকেও ভয়ানক। তাদের অশ্বারোহী বাহিনী গর্বের সঙ্গে এগিয়ে যায়; তাদের ঘোড়সত্ত্বার অনেক দূরদূরান্ত থেকে আসে। তারা তাদের শিকারকে গ্রাস করতে ঈগল পাখির মতো ছোঁ মারে, ৯ তারা সবাই অত্যাচার করতে আসে, তাদের দলবল মরণভূমির বায়ুর মতো অগ্রসর হয় তারা বন্দিদের বালির কণার মতো একত্রিত করে। ১০ তারা রাজাদের বিদ্রূপ করে আর শাসকদের অবজ্ঞা করে। তারা সব উঁচু প্রাচীরে সুরক্ষিত নগরের উপহাস করে; মাটি স্তূপ করে সেইসব নগর অধিকার করে। ১১ তখন তারা প্রচণ্ড বাতাসের মতো বয়ে যায় ও এগিয়ে চলে, কিন্তু তারা অপরাধী; কারণ তাদের শক্তিই তাদের দেবতা।” ১২ হে সদাপ্রভু, তুমি কি অনন্তকাল থেকে নও? আমার ঈশ্বর, আমার পবিত্র ঈশ্বর, তোমার কখনও মৃত্যু নেই। তুমি, হে সদাপ্রভু, বিচার করার জন্য এই ব্যাবিলনীয়দের নিযুক্ত করেছ; তুমি, হে আমার শৈল, শান্তি দেবার জন্য তাদের নিরূপিত করেছ। ১৩ তোমার চোখ

এত পবিত্র যে মন্দ দেখতে পারে না; তুমি দুর্কর্ম সহ্য করতে পারো না। তবে কেন তুমি বিশ্বাসঘাতকদের সহ্য করছ? কেন তুমি নীরব রয়েছ যখন দুষ্টরা তাদের থেকে যারা ধার্মিক তাদের গ্রাস করছে?

14 তুমি মানুষদের সমুদ্রের মাছের মতো করেছ, সামুদ্রিক জীবের মতো যাদের কোনও শাসক নেই। 15 দুষ্ট শক্ত তাদের সকলকে বড়শিতে তোলে, সে তাদেরকে নিজের জালে ধরে, তারপর টানা-জালে তাদের একত্রিত করে; তাই সে আনন্দ করে ও উল্লসিত হয়। 16 সেই কারণে সে তার জালের উদ্দেশ্যে বলি উৎসর্গ করে এবং টানা-জালের প্রতি ধূপ জ্বালায়, কারণ তার জালের কারণেই সে বিলাসিতায় বাস করে এবং পছন্দতম খাবার উপভোগ করে। 17 এই জন্য কি সে নিজের জাল খালি করতে থাকবে, নির্দয়ভাবে জাতিগণকে ধ্বংস করতে থাকবে?

2 আমি নিজের নজর-ঘাঁটিতে দাঁড়াব এবং দুর্গের উপর অবস্থান করব; সেখানে অপেক্ষা করে দেখব যে সদাপ্রভু আমাকে কী বলছেন, এবং আমি কীভাবে এই নালিশের উত্তর দেব। 2 তখন সদাপ্রভু উত্তর দিলেন: “এই দর্শন লেখো স্পষ্ট করে ফলকের উপর লেখো যাতে একজন দৌড়বাজ অন্যদের কাছে সঠিক বার্তা বহন করতে পারে।

3 কারণ এই দর্শন নির্ধারিত সময়ের অপেক্ষায় রয়েছে; এটা শেষ সময়ের কথা বলে এবং মিথ্যা প্রমাণিত হবে না। এটা ঘটতে দেরি হলেও, অপেক্ষা করো; নিশ্চয়ই এটা ঘটবে এবং দেরি হবে না। 4 “দেখো, শক্ত অহংকারে ফুলে উঠেছে; তার ইচ্ছাসকল ন্যায্য নয়, কিন্তু ধার্মিক ব্যক্তি বিশ্বাসের দ্বারাই জীবিত থাকবে, 5 প্রকৃতপক্ষে, সুরা তাকে প্রতারণা করে; সে দাস্তিক এবং কখনও বিশ্রাম করে না। কারণ পাতালের মতো সে লোভী এবং মৃত্যুর মতো কখনোই সন্তুষ্ট হয় না, সমগ্র জাতিগণদের সে নিজের কাছে একত্রিত করে এবং সকলকে বন্দি করে। (Sheol h7585) 6 “কিন্তু তাদের সকলে

কি তাকে বিদ্রূপ ও অবঙ্গার সঙ্গে, এই বলে, উপহাস করবে না, “ধিক্ তাকে, যে চুরি করা সম্পত্তি জমিয়ে রাখে এবং জোর করে আদায় করে নিজেকে ধনী করে! এইভাবে আর কত দিন চলবে?’ 7

তোমার পাওনাদাররা কি হঠাতে তোমার বিরুদ্ধে সক্রিয় হয়ে উঠবে  
 না? তারা কি সজাগ হয়ে তোমাকে ভীত করবে না? তখন তোমরা  
 ওদের শিকার হবে। ৪ যেহেতু তোমরা বহু জাতিগণদের লুট করেছ,  
 তাই অবশিষ্ট ব্যক্তিরা তোমাদের লুট করবে। কারণ তোমরা মানুষের  
 রক্তপাত করেছ; তোমরা দেশ, নগর এবং তার সমস্ত মানুষদের ধ্বংস  
 করেছ। ৫ “ধিক্ তাকে, যে দুর্ঘর্মের লাভে নিজের ঘর তৈরি করে,  
 বিপর্যয়ের কবল থেকে বাঁচবার জন্য উঁচু স্থানে বসতি স্থাপন করে! ১০  
 তুমি বহু জাতির পতনের পরিকল্পনা করেছ, নিজের ঘরকে লজ্জিত  
 এবং নিজের জীবন নষ্ট করেছ। ১১ প্রাচীরের পাথরগুলি কেঁদে উঠবে,  
 এবং ছাদের কড়িকাঠ তা প্রতিধ্বনিত করবে। ১২ “ধিক্ তাকে, যে  
 রক্তপাতের মাধ্যমে নগর নির্মাণ করে, আর দুর্ঘর্মের সাথে নগর স্থাপন  
 করে! ১৩ সর্বশক্তিমান সদাপ্রভু কি নির্ধারণ করেননি যে জাতিগণের  
 পরিশ্রম আগুনের কেবল ইন্দনমাত্র, এবং তারা এত পরিশ্রম করে কিন্তু  
 সবকিছুই ব্যর্থ হয়! ১৪ কারণ সমুদ্র যেমন জলরাশিতে আচ্ছন্ন, পৃথিবী  
 তেমনই সদাপ্রভুর মহিমার জ্ঞানে পরিপূর্ণ হবে। ১৫ “ধিক্ তাকে,  
 যে তার প্রতিবেশীদের সুরা পান করায়, সুরাপাত্র থেকে ঢেলে যায়  
 যতক্ষণ না পর্যন্ত তারা মন্ত হয়ে ওঠে, যেন সে তাদের নগু শরীরের  
 প্রতি দৃষ্টি দিয়ে উপভোগ করতে পারে! ১৬ মহিমাতে নয় তুমি লজ্জায়  
 পরিপূর্ণ হবে। এখন তোমার পালা! সুরা পান করো এবং তোমার  
 নগ্নতা প্রকাশ পাক। সদাপ্রভুর বিচারের পানপাত্র থেকে পান করো  
 এবং তোমার সব গৌরব লাঞ্ছনায় রূপান্তরিত হবে। ১৭ লেবাননের  
 প্রতি তুমি যা অত্যাচার করেছ তা তোমাকে অভিভূত করবে, তুমি  
 বন্যপশুদের ধ্বংস করেছ, আর তাদের আতঙ্ক তোমার হবে। কারণ  
 তুমি মানুষের রক্তপাত করেছ; তোমরা দেশ, নগর এবং তার সমস্ত  
 মানুষদের ধ্বংস করেছ। ১৮ “কারিগরের তৈরি খোদিত মূর্তির কি  
 মূল্য? অথবা এক প্রতিমূর্তি যে মিথ্যা শেখায়? কারণ যে সেটা বানায়  
 সে নিজের সৃষ্টিতেই আঙ্গা রাখে; সে মূর্তি নির্মাণ করে যা কথা বলতে  
 পারে না। ১৯ ধিক্ তাকে, যে কাঠকে বলে, ‘জীবিত হও!’ আর নিজীব  
 পাথরকে বলে ‘ওঠো!’ সেটা কি পথ দেখাতে পারে? এটা সোনা ও

ରଙ୍ଗୋ ଦିଯେ ଆବୃତ; ଏର ମଧ୍ୟେ କୋନୋ ଶ୍ଵାସ ନେଇ ।” 20 କିନ୍ତୁ ସଦାପ୍ରଭୁ  
ଆପନ ପବିତ୍ର ମନ୍ଦିରେ ଆଛେନ; ସମସ୍ତ ପୃଥିବୀ ତାଁର ସାମନେ ନୀରବ ଥାକୁକ ।

**3** ଭାବବାଦୀ ହବକୁକେର ପ୍ରାର୍ଥନା । ସ୍ଵର, ଶିଗିଯୋନୋଂ 2 ହେ ସଦାପ୍ରଭୁ,  
ଆମି ତୋମାର ଖ୍ୟାତି ଶୁଣେଛି; ଆମି ତୋମାର ଆଶ୍ଚର୍ଯ୍ୟ କାଜେ ସମ୍ଭବେ  
ଦାଁଡିଯେ ଆଛି, ହେ ସଦାପ୍ରଭୁ । ଆମାଦେର ଦିନେ ଏହି ସବେର ପୁନରାବୃତ୍ତି  
କରୋ, ଆମାଦେର ସମୟେ ତା ପ୍ରକାଶିତ କରୋ; ତୋମାର କ୍ରୋଧେ କରଣା  
ସ୍ଵାରଣ କରୋ । 3 ଈଶ୍ୱର ତୈମନ ଥେକେ ଏସେହେନ, ପବିତ୍ରତମ ଏସେହେନ ପାରଣ  
ପର୍ବତ ଥେକେ । ସ୍ଵର୍ଗ ତାର ମହିମାୟ ଆଚାଦିତ ଆର ପୃଥିବୀ ତାର ପ୍ରଶଂସାୟ  
ପରିପୂର୍ଣ୍ଣ । 4 ତାଁର ପ୍ରଭା ସୂର୍ଯୋଦାୟର ମତୋ; ତାଁର ହାତ ଥେକେ ଆଲୋକରଶ୍ଯ  
ନିର୍ଗତ ହୁଁ, ସେଖାନେ ତାଁର ଶକ୍ତି ଲୁକିଯେ ଛିଲ । 5 ମହାମାରି ତାଁର ସାମନେ  
ଗେଲ; ସଂକ୍ରାମକ ବ୍ୟାଧି ତାର ପଥ ଅନୁସରଣ କରଲ । 6 ତିନି ଦାଁଡ଼ାଲେନ  
ଏବଂ ପୃଥିବୀ ନାଡିଯେ ଦିଲେନ; ତିନି ଦୃଷ୍ଟିପାତ କରଲେନ ଏବଂ ସମଗ୍ର  
ଜାତିଦେର କାଁପିଯେ ଦିଲେନ । ତିନି ପ୍ରାଚୀନ ପର୍ବତମକଳ ଭେଣେ ଗୁଡ଼ିଯେ  
ଦେନ ଏବଂ ପୁରାତନ ପାହାଡ ଧ୍ୱନି କରେନ; କିନ୍ତୁ ତିନି ଅନ୍ତକାଳଙ୍ଗୀ । 7  
ଆମି ଦେଖିଲାମ କୁଶାନେର ତାଁବୁସକଳ ଦୈନ୍ୟ, ମିଦିଯନେର ସରବାଡ଼ି ଦୁର୍ଶାୟ  
ପୂର୍ଣ୍ଣ । 8 ହେ ସଦାପ୍ରଭୁ, ତୁମି କି ନଦନଦୀର ପ୍ରତି କ୍ରୁଦ୍ଧ ଛିଲେ? ତୋମାର କ୍ରୋଧ  
କି ଜଲଧାରାର ପ୍ରତି? ତୁମି କି ସମୁଦ୍ରେ ବିରଳକୁ କ୍ରୋଧ ପ୍ରକାଶ କରେଛ  
ସଥନ ତୁମି ତୋମାର ଘୋଡ଼ାଯ ଚଢ଼ିଲେ ଏବଂ ବିଜୟ ରଥେ ଜୟଳାଭ କରଲେ?  
9 ତୁମି ନିଜେର ଧନୁକ ଅନାବୃତ କରଲେ, ଆର ଅନେକ ତିର ଦାବି କରଲେ ।  
ତୁମି ନଦୀର ଦାରା ପୃଥିବୀ ଭାଗ କରେଛ; 10 ପର୍ବତମାଳା ତୋମାକେ ଦେଖିଲ ଓ  
ଭଯେ କାଁପିଲ । ପ୍ରଚଣ୍ଡ ଜଲରାଶି ପ୍ରବାହିତ ହଲ; ଗଭୀର ସମୁଦ୍ର ଗର୍ଜେ ଉଠିଲ  
ଆର ନିଜେର ଢେଟ ଉତ୍ତୋଳନ କରଲ । 11 ସୂର୍ଯ୍ୟ ଓ ଚନ୍ଦ୍ର ଆକାଶେ ଛିର ହେଁ  
ରାଇଲ ସଥନ ତୋମାର ଉଜ୍ଜ୍ଵଳ ତିର ଉଡ଼ିଲ, ଏବଂ ତୋମାର ବଜ୍ରରପ ବର୍ଣ୍ଣ  
ଝଲକ ଦିଲ । 12 କ୍ରୋଧେ ତୁମି ପୃଥିବୀତେ ଅଗ୍ରବତୀ ହଲେ ଏବଂ କୋପେ ତୁମି  
ଜାତିଗଣକେ ମାଡ଼ିଯେ ଦିଲେ । 13 ତୁମି ତୋମାର ପ୍ରଜାଗଣେର ଉଦ୍ଧାରେର  
ଜନ୍ୟ ବାହିରେ ଗେଲେ, ତୋମାର ଅଭିଷିକ୍ତ-ଜନେର ଉଦ୍ଧାରେର ଜନ୍ୟ । ତୁମି  
ଦୁଷ୍ଟଦେଶେର ରାଜାକେ ଧ୍ୱନି କରଲେ, ତାର ମାଥା ଥେକେ ପା ପର୍ଯ୍ୟନ୍ତ ତାକେ  
ଅନାବୃତ କରଲେ । 14 ତୁମି ତାର ବର୍ଣ୍ଣ ଦିଯେ ତାର ନିଜେର ମାଥା ବିନ୍ଦ କରଲେ  
ସଥନ ତାର ଯୋଦାରା ଆମାଦେର ଛିନ୍ନଭିନ୍ନ କରତେ ସୂର୍ଯ୍ୟବାୟୁର ମତୋ ଆକ୍ରମଣ

করেছিল, গ্রাস করার অপেক্ষায় উল্লিখিত ছিল হতভাগ্য যারা লুকিয়ে  
ছিল। 15 তোমার ঘোড়াদের দিয়ে তুমি সমুদ্র মাড়িয়ে গেলে, আর মহা  
জলরাশিকে তোলপাড় করলে। 16 আমি শুনলাম এবং আমার হৃদয়  
কাঁপল, শব্দ শুনে আমার ঠোঁট কাঁপল; আমার শরীরের হাড়গুলি ক্ষয়  
হতে শুরু করল, এবং আমার পা কাঁপতে লাগল। তবুও আমি সেই  
বিপন্নির দিনের জন্য ধৈর্য ধরে অপেক্ষা করব যেদিন বিপন্নি আমাদের  
আক্রমণকারী জাতির উপরে নেমে আসবে। 17 যদিও ডুমুর গাছে কুঁড়ি  
ধরবে না এবং আঙুর লতায় কোনো আঙুর ধরবে না, যদিও জলপাই  
গাছ ফলহীন হবে এবং ক্ষেতে খাবারের জন্য শস্য ধরবে না, যদিও  
মেষের খোঁয়াড়ে কোনো মেষ থাকবে না এবং গোয়ালঘরে গবাদি  
পশুরা থাকবে না, 18 তবুও আমি সদাপ্রভুতে আনন্দ করব, আমার  
ঈশ্বর উদ্ধারকর্তায় উল্লিখিত হব। 19 সার্বভৌম সদাপ্রভুই আমার শক্তি;  
তিনি আমার পা হরিণীর পায়ের মতো করেন, তিনি আমাকে উচ্চ স্থানে  
চলতে ক্ষমতা দেন।

## সফনিয় ভাববাদীর বই

১ প্রধান বাদকের জন্য; আমার তারযুক্ত যন্ত্রে যিহুদার রাজা, আমোনের পুত্র যোশিয়ের রাজত্বকালে সদাপ্রভুর বাক্য কৃশির পুত্র সফনিয়ের কাছে আসে, কৃশি গদলিয়ের পুত্র, গদলিয় অমরিয়ের পুত্র, অমরিয় হিক্ষিয়ের পুত্র: ২ “আমি পৃথিবীর বুক থেকে সবকিছু নষ্ট করে দেব,” সদাপ্রভু বলেন। ৩ “আমি মানুষ এবং পশু উভয়কেই নষ্ট করে দেব; আকাশের পাখিদেরকেও আমি নষ্ট করে দেব আর সমুদ্রের মাছদের— আর যে মৃত্তিরা দুষ্টদের হোঁচট করাবে।” “তখন পৃথিবীর বুক থেকে সমগ্র মানবজাতিকে আমি ধ্বংস করব,” সদাপ্রভু বলেন, ৪ “আমি যিহুদার বিরুদ্ধে আমার হাত উঠাব আর জেরুশালেমবাসীদের বিরুদ্ধেও। আমি এই দেশ থেকে অবশিষ্ট বায়াল-দেবতার প্রতিমা এবং সমস্ত পৌত্রিক পুরোহিতদের নাম ধ্বংস করে দেব— ৫ যারা ছাদের উপর উঠে আকাশ-বাহিনীর উপাসনা করে, যারা সদাপ্রভুর নামে নত হয়ে প্রতিশ্রূতি নেয় এবং মালাকামের নামেও শপথ করে, ৬ যারা সদাপ্রভুকে অনুসরণ করা ছেড়ে দিয়েছে না তারা সদাপ্রভুকে অন্ধেষণ করে, না তাঁর অনুসন্ধান করে।” ৭ সার্বভৌম সদাপ্রভুর সামনে নীরব হও, কারণ সদাপ্রভুর দিন সম্মিক্ত। সদাপ্রভু একটি উৎসর্গের আয়োজন করেছেন; তিনি নিমন্ত্রিত জনদের শুচিশুদ্ধ করেছেন। ৮ “সদাপ্রভুর সেই বলিদানের দিনে আমি কর্মকর্তাদের রাজপুত্রদের এবং যারা বিদেশি রাজনীতি মানে তাদের শান্তি দেব। ৯ সেদিন আমি তাদের শান্তি দেব যারা পরজাতিদের দেবতাদের উপাসনায় সমিলিত হয়, যারা নিজের দেবতার মন্দির অত্যাচার আর ছলনার দ্বারা লুণ্ঠিত দ্রব্যে পূর্ণ করে। ১০ “সেদিনে,” সদাপ্রভু বলেন, “মাছ-ফটকের থেকে কান্নার শব্দ, নগরের নতুন অংশ থেকে বিলাপের ধ্বনি, এবং পাহাড়ের চারদিক সশব্দে ভেঙে পড়ার আওয়াজ শোনা যাবে। ১১ হে ব্যবসাকেন্দ্রের বসবাসকারীরা তোমরা বিলাপ করো, কারণ তোমাদের সমস্ত বণিকেরা নিশ্চিহ্ন হয়ে যাবে, যারা ঝঁপোর ব্যবসায়ী, তারাও বিনষ্ট হবে। ১২ তখন আমি বাতি নিয়ে জেরুশালেমেতে অন্ধেষণ করব যারা সন্তুষ্ট থাকে তাদের শান্তি দেব, যারা দ্রাক্ষারসের তলানির

মতো, আর ‘যারা মনে করে সদাপ্রভু কিছুই করবেন না, তালো বা মন্দ।’ 13 তাদের ধনসম্পত্তি লুট করা হবে, তাদের ঘরগুলি ধ্বংস করা হবে। তারা নতুন ঘর নির্মাণ করলেও, তাতে তারা বসবাস করতে পারবে না; তারা দ্রাক্ষালতা লাগালেও, তার রস পান করতে পারবে না।” 14 সদাপ্রভুর মহান বিচারের দিন নিকটে— সম্মিক্ট আর শীঘ্ৰই আসছে। সদাপ্রভুর সেদিনে ক্রন্দনের শব্দ খুবই তিক্ত; যুদ্ধে বীর যোদ্ধারা যন্ত্রণায় কাতৰ। 15 সেদিন হবে ক্রোধের দিন— ভীষণ দুর্দশা ও কষ্টের দিন, ধ্বংস এবং বিনাশের দিন, দিন ঘন অন্ধকারের, কালো মেঘাচ্ছম দিন— 16 চারদিকে যেৱা নগরের বিৱৰণে আর কোণের সব উঁচু জায়গায় পাহারা এবং ঘরের বিৱৰণে শিঙার রব ও যুদ্ধের হাঁকের দিন। 17 “আমি সমস্ত লোকেদের উপর এমন বিপত্তি আনব ফলে তারা অঙ্গ লোকের মতো হাঁটবে, কারণ তারা সদাপ্রভুর বিৱৰণে পাপ করেছে। তাদের রক্ত ধূলোর মতো ফেলা হবে আর দেহ গোবরের মতো পড়ে থাকবে। 18 সদাপ্রভুর ক্রোধের দিনে তাদের রংপো বা তাদের সোনা কোনো কিছুই তাদের বাঁচাতে পারবে না।” তার অগ্নিময় ক্রোধে সমগ্র পৃথিবী পুড়ে যাবে, তিনি জগতে বসবাসকারী সকলকে হঠাৎ নষ্ট করে দেবেন।

**২** হে লজ্জাবিহীন জাতি, একত্রিত হও, নিজেদের একত্রিত করো,  
 2 সেই আদেশের সময় কার্যকর হওয়ার আগে যখন দিন তুষের  
 মতো উড়ে যাবে, সদাপ্রভুর জ্বলন্ত ক্রোধ তোমাদের উপর আসার  
 আগেই, সদাপ্রভুর ভীষণ ক্রোধের দিন তোমাদের উপর আসার  
 আগেই। 3 সদাপ্রভুকে খোঁজ হে দেশের ন্যৌ জনেরা সদাপ্রভুর  
 আঙ্গা পালনকারীরা। ধার্মিকতার অনুসন্ধান করো, ন্যৌতার অনুসন্ধান  
 করো; তবেই সদাপ্রভুর ক্রোধের দিনে তোমরা আশ্রয় পাবে। 4  
 গাজা পরিত্যাক্ত হবে অক্ষিলো ধ্বংস হবে। দিনের বেলার মধ্যেই  
 অস্দোদকে খালি করে দেওয়া হবে এবং ইক্রোণবাসিদের উপড়ে  
 ফেলা হবে। 5 ধিক্ তোমাদের হে করেথীয়বাসীরা, যারা সমুদ্রের  
 ধারে বসবাস করো; ফিলিষ্টিনীদের দেশ কলান, তোমাদের বিৱৰণে  
 সদাপ্রভুর বাণী। তিনি বলেন, “আমি তোমাদের নষ্ট করব, কেউই

রেহাই পাবে না।” 6 সমুদ্রের ধারের তোমাদের এলাকা চারণভূমি  
হবে যেখানে মেষপালকদের জন্য কুয়ো এবং মেষদের জন্য খোঁয়াড়  
থাকবে। 7 সেই এলাকা যিন্হুনি বৎশের বেঁচে থাকা লোকেরা অধিকার  
করবে; সেখানে তারা চারণভূমি পাবে। সন্ধ্যায় তারা বিশ্রাম করবে  
অঙ্গলোনবাসীদের বাসায়। তখন থেকে তোমাদের ঈশ্বর সদাপ্রভু  
তাদের যত্ন করবেন; তিনি তাদের অবস্থা ফিরাবেন। 8 “আমি মোয়াবের  
অপমানের এবং অম্মোনীয়দের ঠাট্টার কথা শুনেছি, যারা আমার  
প্রজাদের অপমান করে তাদের দেশের বিরংদে ভীতিপ্রদর্শন করেছে।  
9 অতএব, আমার জীবনের দিব্য যে,” বাহিনীগণের সদাপ্রভু ঘোষণা  
করেন, যিনি ইস্রায়েলের ঈশ্বর, “নিশ্চয় মোয়াব সদোমের মতো,  
অম্মোনীয়রা ঘমোরার মতো হবে— যা আগাছার জায়গা ও লবণের  
গর্তে, চিরকালের জন্য পতিত জমি হয়ে থাকবে। আমার অবশিষ্ট  
লোকেরা তাদের লুটবে; আমার জাতির বেঁচে থাকা লোকেরা তাদের  
দেশ অধিকার করবে।” 10 সর্বশক্তিমান সদাপ্রভুর প্রজাদের ওপর  
অপমানে ও ঠাট্টার কারণে এভাবে তারা তাদের অহংকারের জন্য  
শাস্তি পাবে। 11 তখন সদাপ্রভু তাদের প্রতি ভয়ংকর হবেন যখন  
তিনি পৃথিবীর সমস্ত দেবতাদের ধ্বংস করবেন। দূর দেশের জাতিরা  
তাঁর কাছে নত হবে, তাদের নিজের দেশে তাঁর উপাসনা করবে। 12  
“হে কৃশীয়েরা, তোমরাও, আমার তরোয়ালের দ্বারা মারা যাবে।” 13  
তিনি উন্নত দিকের বিরংদে হাত বাড়িয়ে আসিরিয়াকে ধ্বংস করবেন,  
নীনবীকে একেবারে জনশূন্য এবং মরণভূমির মতো শুকনো করবেন।  
14 সেখানে গরু ও মেঘের পাল এবং সব ধরনের প্রাণী শুয়ে থাকবে।  
মরু-প্যাঁচা ও ভুতুম-প্যাঁচারা তার থামগুলির উপরে ঘুমাবে। জানলার  
মধ্যে দিয়ে তাদের ডাক শোনা যাবে, পুরোনো বাড়ির ভাঙ্গার ধ্বংসস্তূপ  
দরজার পথ ভরিয়ে দেবে সিডার গাছের তক্তাগুলি ও খোলা পড়ে  
থাকবে। 15 এই সেই নগর যা হৈচেপূর্ণ এবং নিরাপদে ছিল। সে  
নিজেকে বলত, “আমিই একমাত্র! আমাকে ছাড়া আর কেউই নেই।”  
সে কেমন ধ্বংস হয়ে গেছে, বন্যপশুদের আশ্রয়স্থান! যারা তার পাশ  
দিয়ে যায় হাত নেড়ে বিদ্রূপ করতে করতে যায়।

**৩** ধিক সেই অত্যাচারী, বিদ্রোহী এবং অপবিত্র নগর! ২ সে কারোর  
আদেশ মানে না, কোনও অনুশাসনও গ্রহণ করে না। সে সদাপ্রভুতে  
আস্থা রাখে না, সে তার ঈশ্বরের কাছে যায় না। ৩ তার মধ্যবর্তী  
রাজকর্মচারীরা যেন গর্জনকারী সিংহ; তার শাসকেরা সন্ধ্যাবেলার  
নেকড়ে, তারা সকালের জন্য কিছুই ফেলে রাখে না। ৪ তাদের  
ভাববাদীরা অনাচারী; তারা বিশ্বাসঘাতক। তাদের পুরোহিতরা পবিত্র  
বন্ধকে অপবিত্র করে এবং ব্যবস্থার বিরক্তে কাজ করে। ৫ তার মাঝে  
সদাপ্রভু ন্যায়পরায়ণ; তিনি কোনও অন্যায় করেন না। সকালের  
পর সকাল তিনি ন্যায়বিচার করেন, আর প্রত্যেক নতুন দিনে তিনি  
ভুল করেন না, তবুও সেই অন্যায়কারীদের কোনও লজ্জা নেই। ৬  
“আমি জাতিদের শেষ করেছি; তাদের বলিষ্ঠ দুর্গঙ্গলি ধ্বংস হয়ে  
গেছে। আমি তাদের নগরের রাস্তাগুলি নির্জন করে দিয়েছি, সেখান  
থেকে আর কেউই যাতায়াত করে না। তাদের নগরসকল ধ্বংস হয়ে  
গেছে; সেগুলি খালি এবং নির্জন। ৭ জেরশালেমের বিষয় আমি চিন্তা  
করলাম, ‘তুমি নিশ্চয় আমায় ভয় করবে এবং অনুশাসন গ্রাহ্য করবে!’  
তাতে তার আশ্রয়স্থান ধ্বংস হবে না, কিংবা আমার সকল শাস্তি ও তার  
উপর আসবে না। কিন্তু তাদের তখনও আগ্রহ ছিল দুর্কর্ম করার জন্য  
যেমন তারা আগে করত। ৮ সুতরাং আমার জন্য অপেক্ষা করো,”  
সদাপ্রভু বলেন, “যেদিন আমি সাক্ষ্য দেওয়ার জন্য উঠে দাঁড়াবো।  
আমি জাতিদের একত্র করার জন্য মনস্তির করেছি, আর রাজ্যগুলিকে  
একত্রিত করব এবং আমার ক্রোধ তাদের উপর ঢেলে দেব— আমার  
সকল প্রচণ্ড ক্রোধ। সমগ্র পৃথিবী ভস্য হবে আমার ঈর্ষাণ্বিত ক্রোধের  
আগুনে। ৯ ‘তখন আমি লোকেদের ওষ্ঠ শুচি করব, যাতে তারা  
সদাপ্রভুর নাম স্মরণ করে এবং কাঁধে কাঁধ মিলিয়ে তাঁর সেবা করে।  
১০ কৃশ দেশের নদীর ওপার থেকে আমার উপাসনাকারী আমার ছড়িয়ে  
যাওয়া লোকেরা, আমার জন্য উৎসর্গের বন্ধ নিয়ে আসবে। ১১ হে  
জেরশালেম আমার প্রতি তুমি যা ভুল করেছিলে তার জন্য তুমি সেদিন  
লজ্জিত হবে না, কারণ তোমাদের মধ্যে থেকে অহংকারী ও গর্বিত  
লোকেদের বের করে দেব। আমার পবিত্র পাহাড়ে তারা আর কখন

আমার বিরঞ্ছে বিদ্রোহ করবে না। 12 কিন্তু আমি তোমাদের মধ্যে  
ছেড়ে দেব দীন ও নন্দনের। অবশিষ্টাংশ ইস্রায়েলীরা সদাপ্রভুর নামে  
আস্থা রাখবে। 13 তারা কোনো দুর্কর্ম করবে না; তারা মিথ্যা কথা  
বলবে না, ছলনার জিহ্বা তাদের মুখে আর পাওয়া না। তারা খাবে  
আর ঘুমাবে আর কেউই তাদের ভয় দেখাবে না।” 14 হে সিয়োন-  
কন্যা, গান করো; হে ইস্রায়েল, জয়ধ্বনি করো! হে জেরুশালেম-কন্যা,  
তুমি খুশি হও ও অন্তর দিয়ে আনন্দ করো! 15 সদাপ্রভু তোমার শান্তি  
দূর করে দিয়েছেন, তোমার শক্রদের তাড়িয়ে দিয়েছেন। সদাপ্রভু,  
ইস্রায়েলের রাজা, তোমার সঙ্গে আছেন; তুমি আর কখনও অমঙ্গলের  
ভয় করবে না। 16 সেইদিন তারা জেরুশালেমকে বলবে, “হে সিয়োন,  
ভয় করো না; তোমার হাত পঙ্কু হতে দিয়ো না। 17 তোমার ঈশ্বর  
সদাপ্রভু তোমার সঙ্গে আছেন, সেই মহাযোদ্ধা যিনি তোমাকে বাঁচান।  
তিনি তোমাকে নিয়ে খুবই আনন্দিত হবেন; তাঁর ভালোবাসায় তিনি  
তোমাকে আর তিরক্ষার করবেন না, কিন্তু গান দ্বারা তোমার বিষয়ে  
উল্লাস করবেন।” 18 “তোমার নির্দিষ্ট উৎসব পালন না করতে পারার  
জন্য যারা শোক করে তা আমি তোমার থেকে দূর করে দেব, যা  
তোমার কাছে বোঝা এবং নিন্দা। 19 যারা তোমাদের উপর নিপীড়িন  
করেছে সেই সময় আমি তাদের শান্তি দেব। আমি খোঁড়াদের উদ্ধার  
করব; আমি নির্বাসিতদের একত্রিত করব। প্রত্যেক দেশে যেখানে  
তারা লজ্জা সহ্য করেছে আমি তাদের প্রশংসা ও সম্মান দান করব। 20  
সেই সময় আমি তোমাদের একত্রিত করব; সেই সময় আমি তোমাদের ফিরিয়ে  
আনব। পৃথিবীর সমগ্র জাতিদের মধ্যে আমি তোমাদের সম্মান  
ও প্রশংসা দান করব তোমাদের চোখের সামনেই আমি তোমাদের  
অবস্থা পুনঃপ্রতিষ্ঠা করব,” সদাপ্রভু বলেন।

## হগয় ভাববাদীর বই

১ রাজা দারিয়াবসের দ্বিতীয়বর্ষের রাজত্বকালে ষষ্ঠ মাসের প্রথম দিনে  
সদাপ্রভুর বাক্য ভাববাদী হগয়ের দ্বারা শল্টীয়েলের পুত্র সরঞ্জাবিল,  
যিহুদার শাসনকর্তা এবং যিহোষাদকের পুত্র মহাযাজক যিহোশুয়ের  
কাছে উপস্থিত হল। ২ সর্বশক্তিমান সদাপ্রভু এই কথা বলেন, “এই  
লোকেরা বলে, ‘সদাপ্রভুর গৃহ নির্মাণের সময় এখনও আসেনি।’” ৩  
তখন ভাববাদী হগয়ের মাধ্যমে সদাপ্রভুর বাক্য এল, ৪ “এটি কি  
ঠিক, যে তোমরা নিজের কারুকার্য করা বাঢ়িতে রয়েছো, যেখানে  
সদাপ্রভুর গৃহ বিনষ্ট?” ৫ এখন সর্বশক্তিমান সদাপ্রভু এই কথা বলেন,  
“স্যত্তে নিজের পথের বিচার করো। ৬ তোমরা অনেক ফসল রোপণ  
করো, কিন্তু পাও অল্প। তোমরা খাও, কিন্তু তাতে কখনও তুণ্ড হও  
না। সুরা পান করো তাও যথেষ্ট হয় না। কাপড় পড়ো কিন্তু তাতে গরম  
হয় না। কাজের মজুরি ফুটা থলিতে রাখো।” ৭ সর্বশক্তিমান সদাপ্রভু  
এই কথা বলেন, “স্যত্তে নিজের পথের বিষয় বিচার করো। ৮ আমার  
গৃহ নির্মাণ করার জন্য পাহাড়ে পাহাড়ে যাও এবং কাঠ নিয়ে এসো,  
যাতে আমি সন্তুষ্ট এবং সম্মানিত হই,” সদাপ্রভু বলেন। ৯ “তোমরা  
প্রাচুর্যের প্রত্যাশা করো, কিন্তু দেখো, তা অল্পে পরিণত হয়। যা ঘরে  
নিয়ে আস, আমি তা উড়িয়ে দিই। কেন?” সর্বশক্তিমান সদাপ্রভু  
এই কথা বলেন। “কারণ তোমরা সব নিজের নিজের ঘর নিয়ে ব্যস্ত  
এবং আমার ঘর বিনষ্ট। ১০ সেই কারণে পৃথিবীতে শিশির পড়া বন্ধ,  
ফলে ফসলও হচ্ছে না। ১১ ক্ষেতখামার আর পাহাড়ের উপর, শস্যের  
উপর, নতুন দ্রাক্ষারস, জলপাই তেল সবকিছু যা মাটিতে জন্মায়,  
মনুষ্য আর প্রাণী এবং তোমাদের সকলের হাতের পরিশ্রমের উপর  
আমি সদাপ্রভু খরার আহ্বান করেছি।” ১২ আর তখন শল্টীয়েলের পুত্র  
সরঞ্জাবিল, যিহোষাদকের পুত্র মহাপুরোহিত যিহোশুয়, ও অবশিষ্ট  
লোকেরা তাদের ঈশ্বর সদাপ্রভু এবং ভাববাদী হগয়ের আদেশ মানল।  
আর তারা সদাপ্রভুকে ভয় করতে লাগল। ১৩ তখন সদাপ্রভুর দৃত  
হগয়, লোকদের সদাপ্রভুর এই বার্তা দিলেন, “আমি তোমাদের সঙ্গে  
আছি,” এই কথা সদাপ্রভু বলেন। ১৪ এরপর সদাপ্রভু শল্টীয়েলের

পুত্র সরঞ্জাবিল, যিহুদার শাসনকর্তা, যিহোষাদকের পুত্র মহাযাজক  
যিহোশূয়, অবশিষ্ট লোকদের অন্তরাত্মাকে উত্তেজিত করলেন। তখন  
তারা ফিরে এসে একত্রে তাদের ঈশ্বর সর্বশক্তিমান সদাপ্রভুর গৃহ  
নির্মাণের কাজ শুরু করলেন, 15 ষষ্ঠ মাসের চৰিষ্ঠতম দিনে। রাজা  
দারিয়াবসের দ্বিতীয় বছরের রাজত্বকালে,

২ সপ্তম মাসের একুশ দিনের দিন, সদাপ্রভু বাক্য ভাববাদী হগয়ের  
মাধ্যমে এল, ২ ‘শল্টীয়েলের ছেলে যিহুদার শাসনকর্তা সরঞ্জাবিলকে,  
যিহোষাদকের ছেলে মহাযাজক যিহোশূয়কে এবং অবশিষ্ট লোকদের  
জিজ্ঞাসা করো, ৩ ‘তোমাদের মধ্যে কেউ বাকি আছে যে সদাপ্রভুর  
গৃহের পূর্বের শোভা দেখেছে? এখন তা কেমন দেখাচ্ছে? দেখে মনে  
হয় না আগেকার তুলনায় এটি এখন কিছুই নয়? ৪ কিন্তু এখন,  
সরঞ্জাবিল, বলবান হও,’ এই কথা সদপ্রভু বলেন, ‘যিহোষাদকের  
ছেলে মহাযাজক যিহোশূয় এবং দেশের অবশিষ্ট লোকেরা বলবান  
হও, কাজ করে যাও কারণ আমি তোমাদের সঙ্গে আছি,’ এই কথা  
সর্বশক্তিমান সদাপ্রভু বলেন। ৫ ‘মিশর দেশ থেকে বেরিয়ে আসার  
সময় আমি তোমাদের সঙ্গে এই প্রতিশ্রূতি করেছিলাম যে, আমার  
আত্মা তোমাদের সঙ্গে থাকবে। তাই ভয় করো না।’ ৬ ‘সর্বশক্তিমান  
সদাপ্রভু এই কথা বলেন, ‘আর কিছুক্ষণের মধ্যেই আমি আবার  
আকাশ, পৃথিবী, সমুদ্র এবং ভূমিকে প্রকস্পিত করব। ৭ আমি সমগ্র  
জাতিকে নাড়া দেব, ও সব জাতির মনোরঞ্জনকারী আসবেন, এবং  
এই গৃহ প্রতাপে পরিপূর্ণ করব,’ সর্বশক্তিমান সদাপ্রভু একথাই বলেন।  
৮ সর্বশক্তিমান সদাপ্রভু বলেন, ‘সোনা আমার ও রংপোও আমার,  
৯ তবনের বর্তমানের শোভা অতীতের শোভার চেয়ে মহান হবে।’  
সর্বশক্তিমান সদাপ্রভু এই কথা বলেন। ‘আর এখানেই আমি শান্তি  
প্রদান করব,’ সর্বশক্তিমান সদাপ্রভু এই কথা ঘোষণা করেন।’ ১০ নবম  
মাসের চৰিষ্ঠ দিনে, রাজা দারিয়াবসের দ্বিতীয় বছরের রাজত্বকালে  
ভাববাদী হগয়ের কাছে সদাপ্রভুর বাক্য উপস্থিত হল। ১১ ‘সর্বশক্তিমান  
সদাপ্রভু এই কথা বলেন, ‘বিধান সমক্ষে পুরোহিতদের জিজ্ঞাসা করো,  
১২ যদি কেউ নিজের কাপড়ের ভাঁজে পরিত্ব মাংস বহন করে, এবং

সেই ভাঁজ করা কাপড় কোনো রংটি বা সিন্ধ করা খাবার, দ্রাক্ষারস, জলপাই তেল বা অন্যান্য খাদ্যবস্তুকে স্পর্শ করে, কি সেই বস্তুসমগ্র পৰিত্ব হবে?” পুরোহিতরা উত্তর দিল, “না।” 13 তারপর হগয় জিঞ্জাসা করলেন, “যদি কোনো ব্যক্তি মৃতদেহ স্পর্শ করে অশুচি হয়ে, এইসব বস্তুর মধ্যে কাটকে স্পর্শ করে, কি তা অশুচি হবে?” পুরোহিতরা উত্তর দিলেন, “হ্যাঁ, সেটি অশুচি হয়ে যাবে।” 14 তখন হগয় বললেন, সদাপ্রভুর বলছেন, “‘আমার দৃষ্টিতে এই জাতি ও দেশ এমনই, তারা সেখানে যেসব কাজকর্ম করে এবং যা কিছু উৎসর্গ করে সেসব অশুচি।’ 15 “এখন থেকে স্যত্ত্বে চিন্তা করো—সদাপ্রভুর গৃহ স্থাপিত হওয়ার আগে যখন একটি পাথরের উপরে আরেকটি পাথর ছিল না তখন কি অবস্থা ছিল। 16 কেউ যখন কুড়ি কাঠা শস্যরাশির কাছে আসত, তখন শুধুমাত্র দশ কাঠা পেত। কেউ যখন দ্রাক্ষারসের ভাঁটি থেকে পঞ্চাশ পাত্র দ্রাক্ষারস নেওয়ার জন্য যেত, তখন শুধুমাত্র কুড়ি পাত্রই থাকত। 17 আমি তোমাদের হাতের কাজকে ক্ষয়রোগ, ছাতারোগ আর শিলাবৃষ্টি দিয়ে আঘাত করেছি, তা সত্ত্বেও তোমরা আমার দিকে ফেরোনি, ‘সদাপ্রভু বলেন।’ 18 ‘স্যত্ত্বে চিন্তা করো আজ নবম মাসের চরিশ দিন থেকে সদাপ্রভুর মন্দিরের ভিত্তিমূল স্থাপনের দিন পর্যন্ত। স্যত্ত্বে চিন্তা করো, 19 এখনও কি গোলাঘরে কোনো বীজ আছে? এখনও পর্যন্ত দ্রাক্ষালতা, ডুমুর, ডালিম ও জলপাই গাছে ফলও ভালো করে ধরেনি।’ “এখন থেকে আমি সদাপ্রভু তোমাদের আশীর্বাদ করব।” 20 সেই মাসের চরিশতম দিনে দ্বিতীয়বার সদাপ্রভুর বাক্য হগয়ের কাছে এল, 21 “যিহূদার শাসক সরঞ্জাবিলকে বলো যে আমি আকাশ আর পৃথিবীকে নাড়াবো। 22 আমি রাজাদের সিংহাসন উল্টে দেব এবং বিজাতীয় রাজ্যের ক্ষমতা শেষ করে দেব। আমি রথ ও তার চালকদের উল্টে দেব; ঘোড়া এবং ঘোড়সওয়ারেরা প্রত্যক্ষে তার ভাইদের তরোয়ালের দ্বারা মারা যাবে। 23 ‘সর্বশক্তিমান সদাপ্রভু বলেন, ‘সেইদিন, শল্টীয়েলের পুত্র সরঞ্জাবিল, আমার দাসকে গ্রহণ করব এবং আমার সিলমোহরের আংটির মতো করব কারণ আমি তোমাকে মনোনীত করেছি,’ সর্বশক্তিমান সদপ্রভু এই কথা বলেন।”

## সখরিয় ভাববাদীর বই

১ দারিয়াবসের রাজত্বের দ্বিতীয় বছরের অষ্টম মাসে, সদাপ্রভুর বাক্য  
বেরিখিয়ের ছেলে ভাববাদী সখরিয়ের কাছে এল, বেরিখিয় ছিল  
ইন্দোর ছেলে। ২ “সদাপ্রভু তোমার পূর্বপুরুষদের উপর ভীষণ রেগে  
ছিলেন। ৩ অতএব লোকদের বলো, সর্বশক্তিমান সদাপ্রভু এই কথা  
বলেন ‘আমার দিকে ফেরো,’ সর্বশক্তিমান সদাপ্রভু ঘোষণা করেন,  
‘আর আমিও তোমাদের দিকে ফিরব,’ সর্বশক্তিমান সদাপ্রভু বলেন।  
৪ তোমাদের পূর্বপুরুষদের মতো হোয়ো না, যাদের কাছে আগেকার  
ভাববাদীরা ঘোষণা করেছিল সর্বশক্তিমান সদাপ্রভু এই কথা বলেন  
‘তোমাদের মন্দ পথ এবং তোমাদের মন্দ অভ্যাস থেকে ফেরো।’  
কিন্তু তারা আমার কথা শোনেনি বা মনোযোগ দেয়নি, এই কথা  
সদাপ্রভু ঘোষণা করেন। ৫ তোমাদের পূর্বপুরুষেরা এখন কোথায়?  
তারা এবং ভাববাদীরা কি চিরকাল বেঁচে থাকে? ৬ কিন্তু আমি আমার  
দাস ভাববাদীদের যেসব আদেশ দিয়েছিলাম, আমার সেই বাক্য  
এবং আদেশ অনুসারে কি তোমাদের পূর্বপুরুষেরা করেনি? “তখন  
তারা মন ফিরিয়ে বলেছিল, ‘সর্বশক্তিমান সদাপ্রভু আমাদের পথ  
এবং অভ্যাসের জন্য যা প্রাপ্য তাই তিনি আমাদের প্রতি করেছেন,  
যেমন তিনি করতে মনস্তির করেছিলেন।” ৭ দারিয়াবসের রাজত্বের  
দ্বিতীয় বছরের এগারো মাসের, অর্থাৎ শৰাট মাসের, চৰিশ দিনের  
দিন সদাপ্রভুর বাক্য বেরিখিয়ের ছেলে ভাববাদী সখরিয়ের কাছে  
এল, বেরিখিয় ছিল ইন্দোর ছেলে। ৮ রাতের বেলায় আমি একটি  
দর্শন দেখলাম, এবং আমি দেখলাম একজন লোক একটি লাল  
ঘোড়ায় চড়ে আছে। সে একটি খাদের ভিতরে মেদি গাছগুলির মধ্যে  
দাঁড়িয়েছিল। তার পিছনে লাল, বাদামি এবং সাদা ঘোড়া ছিল। ৯  
আমি জিজ্ঞাসা করলাম, “হে আমার প্রভু, এগুলি কী?” যে স্বর্গদূত  
আমার সঙ্গে কথা বলছিলেন তিনি আমাকে বললেন, “সেগুলি কী তা  
আমি তোমাকে দেখাব।” ১০ তখন যে লোকটি মেদি গাছগুলির মধ্যে  
দাঁড়িয়েছিলেন তিনি ব্যাখ্যা করলেন, “সারা পৃথিবীতে ঘুরে দেখবার  
জন্য সদাপ্রভু এগুলিকে পাঠিয়েছেন।” ১১ আর সদাপ্রভুর যে দৃত

মেদি গাছগুলির মধ্যে দাঁড়িয়েছিলেন তাঁকে ঘোড়াসওয়ারেরা বলল,  
“আমরা সারা পৃথিবীতে ঘুরে দেখলাম যে, সমগ্র জগতে সুস্থিরতা ও  
শান্তি বিরাজমান।” 12 তখন সদাপ্রভুর দৃত বললেন, “সর্বশক্তিমান  
সদাপ্রভু, তুমি জেরুশালেম ও যিহুদার নগরগুলির উপর এই যে সতর  
বছর অসন্তুষ্ট হয়ে রয়েছ তাদের উপর আর কত কাল তুমি মমতা না  
করে থাকবে?” 13 তখন যে স্বর্গদূত আমার সঙ্গে কথা বলছিলেন  
সদাপ্রভু তাঁকে অনেক মঙ্গলের ও সান্ত্বনার কথা বললেন। 14 তখন  
যে স্বর্গদূত আমার সঙ্গে কথা বলছিলেন তিনি আমাকে বললেন,  
“তুমি এই কথা ঘোষণা করো: সর্বশক্তিমান সদাপ্রভু এই কথা বলেন  
'জেরুশালেম ও সিয়োনের জন্য আমি অন্তরে খুব উদ্যোগী হয়েছি, 15  
কিন্তু নিশ্চিন্তে থাকা জাতিগুলির উপরে আমি ভীষণ অসন্তুষ্ট হয়েছি।  
আমি কেবল অল্প অসন্তুষ্ট হয়েছিলাম, কিন্তু জাতিরা তাদের দুর্দশা  
আরও বাড়িয়ে দিয়েছিল।'” 16 “অতএব, সদাপ্রভু এই কথা বলেন,  
'আমি জেরুশালেমকে মমতা করার জন্য ফিরে আসব, এবং সেখানে  
আবার আমার গৃহ পুনর্নির্মিত হবে। আর জেরুশালেম নির্মাণের জন্য  
মাপ নেওয়া হবে,' সর্বশক্তিমান সদাপ্রভু এই কথা ঘোষণা করেন।  
17 “আরও ঘোষণা করো: সর্বশক্তিমান সদাপ্রভু এই কথা বলেন,  
'আমার নগরগুলি আবার মঙ্গলে উপচে পড়বে, এবং সদাপ্রভু আবার  
সিয়োনকে সান্ত্বনা দেবেন এবং জেরুশালেমকে মনোনীত করবেন।'”  
18 তারপর আমি চোখ তুলে দেখলাম, আর সেখানে আমার সামনে  
চারটি শিং ছিল! 19 যে স্বর্গদূত আমার সঙ্গে কথা বলছিলেন তাঁকে  
আমি জিজ্ঞাসা করলাম, “এগুলি কি?” তিনি উত্তর দিলেন, “এগুলি  
সেই শিং যা যিহুদা, ইস্রায়েল এবং জেরুশালেমকে ছিন্নভিন্ন করেছে।”  
20 সদাপ্রভু তারপর আমাকে চারজন কারিগরকে দেখালেন। 21 আমি  
জিজ্ঞাসা করলাম, “এরা কী করতে আসছে?” তিনি উত্তর দিলেন,  
“সেই শিংগুলি হল সেইসব জাতির শক্তি যারা যিহুদার লোকদের  
এমনভাবে ছিন্নভিন্ন করেছে যে, তারা কেউ মাথা তুলতে পারেনি, কিন্তু  
সেইসব জাতিকে ভয় দেখাবার জন্য ও তাদের শক্তি ধ্বংস করবার  
জন্য এই কারিগরেরা এসেছে।”

২ তারপর আমি চোখ তুলে দেখলাম, আর সেখানে আমার সামনে  
মাপের দড়ি হাতে একজন লোক ছিল! ২ আমি জিজ্ঞাসা করলাম,  
“আপনি কোথায় যাচ্ছেন?” তিনি উত্তর দিলেন, “জেরুশালেমকে  
মাপতে, সেটা কত চওড়া আর কত লম্বা তা দেখতে যাচ্ছি।” ৩  
তারপর যে স্বর্গদূত আমার সঙ্গে কথা বলছিলেন তিনি চলে যাচ্ছিলেন,  
এমন সময় আর একজন স্বর্গদূত তাঁর সঙ্গে দেখা করতে এলেন  
৪ এবং তাঁকে বললেন, “আপনি দৌড়ে গিয়ে ওই যুবককে বলুন,  
'জেরুশালেমের মধ্যে মানুষ ও পশুর সংখ্যা বেশি হওয়ার দরঘন  
তাতে কোনও প্রাচীর থাকবে না। ৫ এবং আমি নিজেই তার চারপাশে  
আগুনের প্রাচীর হব আর তার মধ্যে মহিমাস্বরূপ হব,' সদাপ্রভু এই  
কথা ঘোষণা করেন। ৬ “এসো! এসো! উত্তর দেশ থেকে পালাও,”  
সদাপ্রভু এই কথা বলেন, “কেননা আমি তোমাদের আকাশে বাতাসের  
মতো চারিদিকে ছড়িয়ে দিয়েছি,” সদাপ্রভু এই কথা ঘোষণা করেন। ৭  
“এসো, হে সিয়োন! তোমরা যারা ব্যাবিলনে বাস করছ, পালাও!”  
৮ কারণ সর্বশক্তিমান সদাপ্রভু এই কথা বলেন: “সেই প্রতাপান্বিত  
জন যারা তোমাদের লুট করেছে তাদের বিরুদ্ধে আমাকে পাঠানোর  
পরে—কারণ যে কেউ তোমাদের স্পর্শ করে সে আমার চোখের মণি  
স্পর্শ করে— ৯ আমি নিশ্চয়ই তাদের বিরুদ্ধে আমার হাত উঠাব যাতে  
তাদের দাসেরা তাদের লুট করবে। তখন তারা জানতে পারবে যে  
সর্বশক্তিমান সদাপ্রভু আমাকে পাঠিয়েছেন। ১০ “হে সিয়োন-কন্যা,  
আনন্দগান করো এবং খুশি হও। কেননা আমি আসছি, এবং আমি  
তোমাদের মধ্যে বাস করব,” সদাপ্রভু এই কথা ঘোষণা করেন। ১১  
“সেদিন অনেক জাতি সদাপ্রভুর সঙ্গে যুক্ত হয়ে আমার লোক হবে।  
আমি তোমাদের মধ্যে বাস করব আর তোমরা জানবে যে সর্বশক্তিমান  
সদাপ্রভু আমাকে তোমাদের কাছে পাঠিয়েছেন। ১২ সদাপ্রভু পবিত্র  
দেশে নিজের অংশ বলে যিহুদাকে অধিকার করবেন ও জেরুশালেমকে  
আবার মনোনীত করবেন। ১৩ সমস্ত মানুষ, সদাপ্রভুর সামনে নীরব  
হও, কেননা তিনি নিজের পবিত্র বাসস্থানের মধ্য থেকে বের হয়ে  
এসেছেন।”

৩ তারপর তিনি আমাকে দেখালেন মহাযাজক যিহোশূয় সদাপ্রভুর দৃতের সামনে দাঁড়িয়ে আছেন এবং তাঁকে দোষ দেবার জন্য শয়তান তাঁর ডানদিকে দাঁড়িয়ে আছে। ২ সদাপ্রভু শয়তানকে বললেন, “শয়তান, সদাপ্রভু তোমাকে ভীষণ তিরক্ষার করুন! যিনি জেরুশালেমকে মনোনীত করেছেন, সেই সদাপ্রভু তোমাকে ভীষণ তিরক্ষার করুন! এই লোকটি কি আগুন থেকে বের করে নেওয়া কাঠ নয়?” ৩ তখন যিহোশূয় নোংরা কাপড় পরা অবস্থায় সেই স্বর্গদুরে সামনে দাঁড়িয়েছিলেন। ৪ যারা তাঁর সামনে দাঁড়িয়েছিল তাদের সেই স্বর্গদুর বললেন, “তার নোংরা কাপড় খুলে ফেলো।” তারপর তিনি যিহোশূয়কে বললেন, “দেখো, আমি তোমার পাপ দূর করে দিয়েছি, এবং আমি তোমাকে দামি পোশাক পরাব।” ৫ তখন আমি বললাম, “তাঁর মাথায় পরিক্ষার পাগড়ি দাও।” সেইজন্য তারা তাঁর মাথায় একটি পরিক্ষার পাগড়ি দিলেন এবং কাপড় পরালেন, তখনও সদাপ্রভুর দৃত তাদের কাছে দাঁড়িয়েছিলেন। ৬ সদাপ্রভুর দৃত যিহোশূয়কে এই দায়িত্ব দিলেন: ৭ “সর্বশক্তিমান সদাপ্রভু এই কথা বলেন ‘তুমি যদি আমার পথে চলো ও আমার ইচ্ছা অনুসারে কাজ করো, তাহলে তুমি আমার গৃহের পরিচালনা করবে ও আমার উঠানের দায়িত্ব পাবে, এবং যারা এখানে দাঁড়িয়ে আছে আমি তাদের মতোই আমার সামনে আসবার অধিকার তোমাকে দেব। ৮ “হে মহাযাজক যিহোশূয় এবং তোমার সহযোগীরা যারা তোমার সামনে বসে আছে শোনো, কেননা তারা অস্তুত লক্ষণের লোক; আমি আমার দাস, সেই চারাকে, নিয়ে আসব। ৯ দেখো, আমি যিহোশূয়ের সামনে এই পাথর স্থাপন করেছি! সেই পাথরের উপরে সাতটা চোখ আছে, আর আমি তার উপরে একটি কথা খোদাই করব, এবং এই দেশের পাপ একদিনেই দূর করব,’ সর্বশক্তিমান সদাপ্রভু এই কথা বলেন। ১০ “সর্বশক্তিমান সদাপ্রভু ঘোষণা করেন, ‘সেদিনে তোমরা প্রত্যেকে নিজের প্রতিবেশীকে তোমাদের দ্রাক্ষালতার তলায় ও ডুমুর গাছের তলায় বসবার জন্য নিমন্ত্রণ করবে।’”

৪ পরে যে স্বর্গদূত আমার সঙ্গে কথা বলছিলেন তিনি ফিরে আসলেন এবং ঘুম থেকে জাগাবার মতো করে আমাকে জাগালেন। ২ তিনি আমাকে জিজ্ঞাসা করলেন, “তুমি কী দেখছ?” আমি উত্তর দিলাম, “আমি একটি সোনার বাতিদান দেখতে পাচ্ছি যার মাথার উপরে একটি পাত্র ও তার উপরে সাতটি প্রদীপ এবং সেই প্রদীপগুলির জন্য সাতটি নল। ৩ এছাড়াও তার পাশে দুটি জলপাই গাছ আছে, একটি পাত্রের ডানদিকে আর অন্যটি তার বাঁদিকে।” ৪ আমার সঙ্গে যে স্বর্গদূত কথা বলছিলেন তাঁকে আমি জিজ্ঞাসা করলাম, “হে আমার প্রভু, এগুলি কী?” ৫ তিনি উত্তর দিলেন, “তুমি কি জানো না এগুলি কী?” আমি উত্তর দিলাম, “হে প্রভু, না।” ৬ তখন তিনি আমাকে বললেন, “সদাপ্রভু সরঞ্জবাবিলকে এই কথা বলছেন: ‘বল দ্বারা নয় শক্তি দ্বারাও নয়, কিন্তু আমার আত্মা দ্বারা,’ সর্বশক্তিমান সদাপ্রভু এই কথা বলেন। ৭ “হে বিরাট পাহাড়, কে তুমি? সরঞ্জবাবিলের সামনে তুমি হবে সমভূমি। তারপর মন্তকস্বরূপ পাথরটা বের করে আনবার সময় তারা চিৎকার করে বলবে ‘ঈশ্বর একে আশীর্বাদ করো! ঈশ্বর একে আশীর্বাদ করো!’” ৮ তারপর সদাপ্রভুর বাক্য আমার কাছে উপস্থিত হল ৯ “সরঞ্জবাবিলের হাত এই মন্দিরের ভিত্তি স্থাপন করেছে; তাঁরই হাত এটি শেষ করবে। তখন তোমরা জানতে পারবে যে সর্বশক্তিমান সদাপ্রভুই আমাকে তোমাদের কাছে পাঠিয়েছেন। ১০ “সামান্য বিষয়ের দিনকে কে তুচ্ছজ্ঞান করেছে? লোকেরা আনন্দ করবে যখন তারা সরঞ্জবাবিলের হাতে ওলন-দড়ি দেখবে, যেহেতু এগুলি হল সদাপ্রভুর সাতটা চোখ, যেগুলি সারা পৃথিবী পর্যবেক্ষণ করে।” ১১ তখন আমি স্বর্গদূতকে জিজ্ঞাসা করলাম, “বাতিদানের ডানদিকে ও বামদিকে এই জলপাই গাছগুলি কী?” ১২ আমি তাঁকে আবার জিজ্ঞাসা করলাম, “দুটো সোনার নল যেগুলি সোনার তেল ঢালে তার দুদিকে এই দুটো জলপাই ডাল কী?” ১৩ তিনি উত্তর দিলেন, “তুমি কি জানো না এগুলি কী?” আমি উত্তর দিলাম, “হে প্রভু, না।” ১৪ তখন তিনি বললেন, “এই দুটি হল সেই দুজন যারা সমগ্র জগতে প্রভুর সেবা করার জন্য অভিষিক্ত হয়েছে।”

**5** পরে আমি আবার তাকালাম, আর দেখলাম আমার সামনে একটি উড়ন্ট গুটানো চামড়ার পুঁথি! 2 তিনি আমায় জিজ্ঞাসা করলেন, “তুমি কী দেখছ?” আমি উত্তর দিলাম, “আমি ত্রিশ ফুট লম্বা ও পনেরো ফুট চওড়া একটি উড়ন্ট গুটানো চামড়ার পুঁথি দেখছি।” 3 তিনি আমাকে আবার বললেন, “এটি হল সেই অভিশাপ যা সমস্ত দেশের উপর পড়বে; কারণ একদিকে যা লেখা আছে সেই অনুসারে, সব চোরেরা নির্বাসিত হবে, এবং অন্য দিকের কথা অনুসারে, মিথ্যা শপথকারীরা নির্বাসিত হবে। 4 সর্বশক্তিমান সদাপ্রভু বলেন, ‘আমি তাকে বের করে আনব, এবং সে চোরেদের বাড়িতে ও আমার নামে মিথ্যা শপথকারীদের বাড়িতে চুকবে। সে সেই বাড়িতে থেকে কাঠ ও পাথর শুন্দি ধ্বংস করবে।’” 5 পরে সেই স্বর্গদূত যিনি আমার সঙ্গে কথা বলছিলেন তিনি এগিয়ে এসে আমাকে বললেন, “তুমি উপরে তাকিয়ে দেখো কী আসছে।” 6 আমি জিজ্ঞাসা করলাম, “ওটি কী?” তিনি উত্তর দিলেন, “এটি ঐফা।” আর তিনি আরও বললেন, “এটি সমস্ত দেশে তাদের অধর্ম।” 7 তারপর সীসার ঢাকনি তোলা হল, আর ঐফার মধ্যে একজন স্ত্রীলোক বসেছিল! 8 তিনি বললেন, “এ হল দুষ্টতা,” এই বলে তিনি সেই স্ত্রীলোকটিকে ঐফার মধ্যে ঠেলে দিয়ে ঐফার মুখে সীসার ঢাকনিটা চেপে দিলেন। 9 তারপর আমি উপরে তাকালাম, আর দেখলাম আমার সামনে দুজন স্ত্রীলোক, তাদের ডানায় বাতাস ছিল! তাদের ডানা ছিল সারস পাথির ডানার মতো, এবং তারা পৃথিবী ও আকাশের মাঝখানে সেই ঐফাকে উঠিয়ে নিয়ে গেল। 10 যে স্বর্গদূত আমার সঙ্গে কথা বলছিলেন তাঁকে আমি জিজ্ঞাসা করলাম, “তারা ঐফা কোথায় নিয়ে যাচ্ছে?” 11 তিনি উত্তর দিলেন, “তার জন্য বাড়ি তৈরি করতে ব্যাবিলন দেশে নিয়ে যাচ্ছে। সেটা যখন প্রস্তুত হবে; ঐফাকে তার জায়গায় বসানো হবে।”

**6** পরে আমি আবার উপরদিকে তাকালাম, আর দেখলাম চারটে রথ দুটো পাহাড়ের মাঝখান থেকে বের হয়ে আসছিল, পাহাড় দুটো ছিল ব্রোঞ্জের। 2 প্রথম রথে ছিল লাল ঘোড়া, দ্বিতীয়টাতে ছিল কালো, 3 তৃতীয়টাতে ছিল সাদা, এবং চতুর্থটাতে ছিল বিভিন্ন রংয়ের ঘোড়া, সব

ঘোড়াই ছিল শক্তিশালী। 4 যে স্বর্গদূত আমার সঙ্গে কথা বলছিলেন তাঁকে আমি জিজ্ঞাসা করলাম, “হে আমার প্রভু, এগুলি কী?” 5 স্বর্গদূত আমাকে উত্তর দিলেন, “এগুলি স্বর্গের চারটি আত্মা সমস্ত জগতের প্রভুর সামনে দাঁড়িয়ে থাকবার পরে এগুলি বের হয়ে আসছে। 6 কালো ঘোড়ার রথটা উত্তর দেশের দিকে যাচ্ছে, সাদা ঘোড়ার রথটা যাচ্ছে পশ্চিমদিকে এবং বিভিন্ন রংয়ের ছাপের ঘোড়ার রথটা যাচ্ছে দক্ষিণ দিকে।” 7 শক্তিশালী ঘোড়াগুলি যখন বের হল, তারা সারা পৃথিবী ঘুরে বেড়াবার জন্য অস্ত্রিত হয়ে উঠেছিল। তখন তিনি বললেন, “পৃথিবীর সমস্ত জায়গা ঘুরে দেখো!” তাতে তারা পৃথিবী সমস্ত জায়গা ঘুরে দেখতে গেল। 8 তারপর তিনি আমাকে ডেকে বললেন, “দেখো, যারা উত্তর দেশের দিকে যাচ্ছে তারা উত্তর দেশে আমার আত্মাকে সুস্থিত করেছে।” 9 পরে সদাপ্রভুর এই বাক্য আমার কাছে উপস্থিত হল, 10 “ব্যাবিলনের বন্দিদশা থেকে ফিরে আসা হিল্দয়, টোবিয় ও যাদায়ের কাছ থেকে তুমি সোনা ও রংপো নাও। সেদিনই সফনিয়ের ছেলে যোশিয়ের বাড়ি যাও। 11 তুমি সোনা ও রংপো নিয়ে একটি মুকুট তৈরি করো, সেটা যিহোষাদকের ছেলে যিহোশূয় মহাযাজকের মাথায় পরিয়ে দাও। 12 তাঁকে বলো সর্বশক্তিমান সদাপ্রভু এই কথা বলেন, ‘এই সেই লোক যার নাম পল্লব, তিনি নিজের জায়গা থেকে বেড়ে উঠবেন এবং সদাপ্রভুর মন্দির গাঁথবেন। 13 হ্যাঁ, তিনিই সদাপ্রভুর মন্দির গাঁথবেন, এবং তাঁকে রাজার সম্মান দেওয়া হবে আর তিনি নিজের সিংহাসনে বসে শাসন করবেন। তিনি একজন যাজক হিসেবে সিংহাসনে বসবেন ও এই দুই পদের মধ্যে কোনও অমিল থাকবে না।’ 14 এই মুকুট হেলেমের, টোবিয়ের, যিদায়ের ও সফনিয়ের ছেলে হেনকে স্মারক হিসেবে সদাপ্রভুর মন্দিরে দেওয়া হবে। 15 যারা দূরে আছে তারা এসে সদাপ্রভুর মন্দির নির্মাণ করতে সাহায্য করবে, আর তোমরা জানবে যে সর্বশক্তিমান সদাপ্রভু আমাকে তোমাদের কাছে পাঠিয়েছেন। তোমরা যদি যত্তের সঙ্গে তোমাদের ঈশ্বর সদাপ্রভুর বাক্য পালন করো তবেই এসব হবে।”

৭ রাজা দারিয়াবসের রাজত্বের চতুর্থ বছরের কিশ্লের নামক নবম  
মাসের চতুর্থ দিন সদাপ্রভুর বাক্য সখরিয়ের কাছে উপস্থিত হল। ২  
বেথেলের লোকেরা শরেৎসরকে, রেগম্যোলককে ও তাদের লোকদের  
সদাপ্রভুর কাছে বিনতি করতে পাঠ্টিয়েছিল ৩ সর্বশক্তিমান সদাপ্রভুর  
গ্রহের যাজকদের ও ভাববাদীদের একথা জিজ্ঞাসা করার দ্বারা, “আমি  
এত বছর যেমন করে এসেছি সেভাবে কি পঞ্চম মাসেও শোকপ্রকাশ  
ও উপবাস করব?” ৪ পরে সর্বশক্তিমান সদাপ্রভুর এই বাক্য আমার  
কাছে উপস্থিত হল, ৫ “তুমি দেশের সব লোকদের ও যাজকদের  
জিজ্ঞাসা করো, ‘তোমরা গত সত্তর বছর ধরে পঞ্চম ও সপ্তম মাসে  
যে শোকপ্রকাশ ও উপবাস করেছ, তা কি সত্যিই আমার উদ্দেশ্যে  
করেছ?’ ৬ আর যখন তোমরা খেয়েছ ও পান করেছ, তোমরা কি  
নিজেদের জন্যই তা করোনি? ৭ যখন জেরুশালেম ও তার চারপাশের  
নগরগুলিতে লোকজন বাস করছিল ও সেগুলির অবস্থার উন্নতি হয়েছিল  
আর নেগেভ ও পশ্চিমের নিচু পাহাড়ি এলাকায় যখন লোকদের বসতি  
ছিল তখনও কি সদাপ্রভু এসব কথা পূর্বতন ভাববাদীদের মাধ্যমে  
বলেননি?” ৮ আর সদাপ্রভুর বাক্য সখরিয়ের কাছে উপস্থিত হল, ৯  
“সর্বশক্তিমান সদাপ্রভু এই কথা বলেন, ‘তোমরা ন্যায়ভাবে বিচার  
করো, একে অন্যের প্রতি করুণা করো ও সহানুভূতি দেখাও। ১০  
তোমরা বিধবাদের বা অনাথদের, বিদেশিদের বা গরিবদের উপর  
অত্যাচার কোরো না। একে অন্যের বিষয় হৃদয়ে মন্দ চিন্তা কোরো  
না।’ ১১ ‘কিন্তু তারা তা শুনতে চায়নি; একগুঁয়েমি করে তারা পিছন  
ফিরে তাদের কান বন্ধ করে রেখেছিল। ১২ তারা তাদের হৃদয়  
চকমকি পাথরের মতো শক্ত করেছিল এবং বিধানের কথা অথবা  
সর্বশক্তিমান সদাপ্রভু তাঁর আত্মা দ্বারা আগেকার ভাববাদীদের মাধ্যমে  
যে বাক্য পাঠ্টিয়েছিলেন তা যেন শুনতে না হয়। এই জন্য তাদের  
উপর সর্বশক্তিমান সদাপ্রভুর মহাক্ষেত্র উপস্থিত হয়েছিল। ১৩ ‘আমি  
যখন ডেকেছিলাম, তারা শোনেনি; সেইজন্য তারা যখন ডাকবে,  
আমিও শুনব না,’ সর্বশক্তিমান সদাপ্রভু এই কথা বলেন। ১৪ ‘আমি  
তাদের ঘূর্ণিবড় দিয়ে অপরিচিত জাতিদের মধ্যে ছড়িয়ে দিয়েছি।

এরপরে তাদের দেশ এত জনশূন্য হয়ে পড়েছিল যে, সেখানে কেউ যাওয়া-আসা করত না। এইভাবে তারা সেই সুন্দর দেশটাকে জনশূন্য করেছিল।”

৮ পরে সর্বশক্তিমান সদাপ্রভুর এই বাক্য আমার কাছে উপস্থিত হল।  
২ সর্বশক্তিমান সদাপ্রভু এই কথা বলেন, “সিয়োনের জন্য আমার খুব ঈর্ষ্য আছে; আমি তার জন্য ঈর্ষায় জ্বলছি।” ৩ সদাপ্রভু এই কথা বলেন, “আমি সিয়োনে ফিরে যাব এবং জেরুশালেমে বাস করব।  
তখন জেরুশালেমকে বিশ্বস্তার নগর বলা হবে, এবং সর্বশক্তিমান সদাপ্রভুর পাহাড়কে বলা হবে পবিত্র পাহাড়।” ৪ সর্বশক্তিমান সদাপ্রভু এই কথা বলেন, “পূর্ণবয়স্ক পুরুষ ও স্ত্রীলোকেরা আবার জেরুশালেমের খোলা জায়গায় বসবে আর বেশি বয়সের দরং তাদের প্রত্যেকের হাতে লাঠি থাকবে। ৫ নগরের খোলা জায়গা পূর্ণ করে বালক ও বালিকারা খেলা করবে।” ৬ সর্বশক্তিমান সদাপ্রভু এই কথা বলেন, “এসব যে ঘটবে তা এই জাতির বেঁচে থাকা লোকদের কাছে অসম্ভব বলে মনে হতে পারে, কিন্তু আমার কাছে কি তা অসম্ভব বলে মনে হবে?” সর্বশক্তিমান সদাপ্রভু এই কথা ঘোষণা করেন। ৭ সর্বশক্তিমান সদাপ্রভু এই কথা বলেন, “আমি পূর্বদেশ এবং পশ্চিম দেশ থেকে আমার লোকদের উদ্ধার করব। ৮ জেরুশালেমে বাস করার জন্য আমি তাদের ফিরিয়ে আনব; তারা আমার লোক হবে, এবং আমি তাদের প্রতি বিশ্বস্ত ও ন্যায়পরায়ণ থেকে তাদের ঈশ্বর হব।” ৯ সর্বশক্তিমান সদাপ্রভু এই কথা বলেন, “সর্বশক্তিমান সদাপ্রভুর গৃহের ভিত্তি স্থাপনের সময় ভাববাদীদের মুখের কথা এখন যে তোমরা শুনতে পাচ্ছ, তোমাদের হাত সবল হোক যেন মন্দির নির্মাণ করা হয়। ১০ সেই কাজ আরম্ভ করার আগে কোনও মানুষের বেতন কিংবা পশুর ভাড়া ছিল না। শক্রর দরং কেউ নিরাপদে নিজের কাজ করার জন্য চলাফেরা করতে পারত না, কারণ আমি প্রত্যেকজনকে নিজের নিজের প্রতিবেশীর বিরোধী করে তুলেছিলাম। ১১ কিন্তু এখন আমি এই জাতির বেঁচে থাকা লোকদের সঙ্গে আগেকার মতো ব্যবহার করব না,” সর্বশক্তিমান সদাপ্রভু এই কথা ঘোষণা করেন। ১২ “যীজ

থেকে গাছ ভালোভাবে বেড়ে উঠবে, দ্রাক্ষালতায় ফল ধরবে, মাটিতে ফসল ফলবে, আর আকাশ থেকে শিশির পড়বে। এই জাতির বেঁচে থাকা লোকদের আমি এসবের উত্তরাধিকারী করব। 13 হে যিহূদা ও ইস্রায়েল, জাতিগণের মধ্যে তোমরা যেমন অভিশাপস্বরূপ ছিলে, কিন্তু এখন আমি তোমাদের উদ্ধার করব, আর তোমরা আশীর্বাদস্বরূপ হবে।  
ভয় কোরো না, বরং শক্তিশালী হও।” 14 সর্বশক্তিমান সদাপ্রভু এই কথা বলেন, “আমি যেমন তোমার বিরলদে বিপর্যয় আনতে দৃঢ় প্রতিজ্ঞা করেছিলাম এবং তোমাদের পূর্বপুরুষেরা আমাকে ক্রুদ্ধ করাতে আমি তাদের প্রতি কোনও করণা দেখাইনি,” এই কথা সর্বশক্তিমান সদাপ্রভু বলেন, 15 “সুতরাং এখন আমি আবার যিহূদা ও জেরুশালেমের প্রতি মঙ্গল করার জন্য দৃঢ়প্রতিজ্ঞ। ভয় কোরো না। 16 এসব কাজ তোমাদের করতে হবে: একে অন্যের কাছে সত্যিকথা বলবে এবং তোমাদের আদালতে সত্য ও ন্যায়বিচার করবে; 17 তোমাদের প্রতিবেশীর বিরলদে অনিষ্ট পরিকল্পনা করবে না, এবং মিথ্যা শপথ ভালোবেসো না। আমি এগুলি ঘৃণা করি,” সদাপ্রভু এই কথা ঘোষণা করেন। 18 সর্বশক্তিমান সদাপ্রভুর বাক্য আবার আমার কাছে উপস্থিত হল। 19 সর্বশক্তিমান সদাপ্রভু এই কথা বলেন, “চতুর্থ, পঞ্চম, সপ্তম ও দশম মাসের উপবাস যিহূদার জন্য আনন্দের, খুশির ও মঙ্গলের উৎসব হয়ে উঠবে। অতএব তোমরা সত্য ও শান্তি ভালোবেসো।” 20 সর্বশক্তিমান সদাপ্রভু এই কথা বলেন, “অনেক মানুষ এবং অনেক নগরের বাসিন্দারা জেরুশালেমে আসবে, 21 আর এক নগরের বাসিন্দা অন্য নগরে গিয়ে বলবে, ‘চলো, আমরা সদাপ্রভুর কাছে বিনতি করতে ও সর্বশক্তিমান সদাপ্রভুর অব্বেষণ করতে এখনই যাই। আমিও যাব।’ 22 আর অনেক জাতির লোক ও শক্তিশালী জাতিরা সর্বশক্তিমান সদাপ্রভুর কাছে বিনতি করতে জেরুশালেমে আসবে।” 23 সর্বশক্তিমান সদাপ্রভু এই কথা বলেন, “সেই সময় বিভিন্ন ভাষা ও জাতির দশজন লোক একজন ইহুদির পোশাকের আঁচল ধরে বলবে, ‘চলো, আমরা তোমার সঙ্গে যাই, কারণ আমরা শুনেছি যে, ঈশ্বর তোমাদেরই সঙ্গে আছেন।’”

**৯** এক ভাববাণী: হন্দক দেশের বিরংদে সদাপ্রভুর বাক্য এবং  
দামাক্ষাসের উপরে তা অবস্থান করবে— কেননা ইত্তায়েলের  
গোষ্ঠীগুলির ও অন্য সব মানুষের চোখ সদাপ্রভুর উপরে রয়েছে—  
২ আর হমাং-এর উপরেও, যে তার সীমানার কাছে, এবং সোর ও  
সীদোনের উপরে, যদিও তারা খুবই দক্ষ। ৩ সোর তার জন্য একটি দৃঢ়  
দুর্গ তৈরি করেছে; সে ধুলোর মতো রংপোর স্তুপ করেছে, এবং রাস্তার  
কাদার মতো সোনা জড়ো করেছে। ৪ কিন্তু প্রভু তার সবকিছু দূর করে  
দেবেন আর তার সমুদ্রের শক্তিকে ধ্বংস করবেন, এবং আগুন তাকে  
গ্রাস করবে। ৫ অঙ্কিলোন তা দেখে ভয় পাবে; গাজা নিদারণ যন্ত্রণায়  
কষ্ট পাবে, এবং ইক্রোগের দশাও তাই হবে, কারণ তার আশা পূর্ণ  
হবে না। গাজা তার রাজাকে হারাবে আর অঙ্কিলোনে কেউ বাস করবে  
না। ৬ বিদেশিরা অস্ত্রোদ দখল করবে, এবং আমি ফিলিস্তিনীদের  
অহংকার শেষ করে দেব। ৭ আমি তাদের মুখ থেকে রক্ত, দাঁতের  
মধ্যে থেকে নিষিদ্ধ খাবার বের করব। যারা অবশিষ্ট থাকবে তারা  
আমাদের স্টশ্রের লোক হবে আর তারা হবে যিহুদার একটি পরিবার  
গোষ্ঠী, এবং ইক্রোণ হবে যিবৃষীয়ের মতো। ৮ কিন্তু আমি আমার গৃহ  
রক্ষা করব অনুপ্রবেশকারী বাহিনী থেকে। কোনো অত্যাচারী আর  
কখনও আমার লোকদের ধরবে না, কারণ এখন আমি পাহারা দিচ্ছি।  
৯ হে সিয়োন-কন্যা, খুব আনন্দ করো! হে জেরুশালেম-কন্যা, জয়ধ্বনি  
করো! দেখো, তোমার রাজা তোমার কাছে আসছেন, তিনি ধর্মময়  
ও বিজয়ী, নম্র ও গাধার পিঠে চড়ে আসছেন, গাধির বাচ্চার উপরে  
চড়ে আসছেন। ১০ আমি ইফ্রায়িমের কাছ থেকে রথ নিয়ে নেব ও  
জেরুশালেমের যুদ্ধের ঘোড়া, এবং যুদ্ধের ধনুক ভেঙে ফেলা হবে।  
তিনি জাতিগণের মধ্যে শান্তি ঘোষণা করবেন। তাঁর শাসন এক সমুদ্র  
থেকে অপর সমুদ্র পর্যন্ত প্রসারিত হবে এবং নদী থেকে পৃথিবীর শেষ  
সীমা পর্যন্ত হবে। ১১ তোমার ক্ষেত্রে, তোমার সঙ্গে স্থাপিত আমার  
নিয়মের রক্তের কারণে, আমি তোমার বন্দিদের নির্জলা গর্ত থেকে  
মুক্ত করে দেব। ১২ হে আশায় পূর্ণ বন্দিরা, তোমরা তোমাদের দুর্গে  
ফিরে যাও; আমি আজই প্রতিজ্ঞা করছি যে আমি তোমাদের দুই গুণ

আশীর্বাদ করব। 13 আমি যেমন ধনুক নত করি তেমনি যিহূদাকে  
নত করব এবং ইফ্রিমকে তিরের মতো ব্যবহার করব। হে সিয়োন,  
আমি তোমার ছেলেদের উত্তেজিত করে তুলব, হে গ্রীস, তোমার  
ছেলেদের বিরংদৈ, এবং তোমাকে যোদ্ধার তরোয়ালের মতো করব।  
14 তারপর সদাপ্রভু তাদের উর্ধ্বে দর্শন দেবেন; তাঁর তির বিদ্যুতের  
মতো চমকাবে। সার্বভৌম সদাপ্রভু তৃরী বাজাবেন; তিনি দক্ষিণের  
রোড়ো বাতাসের মতো এগিয়ে যাবেন, 15 এবং সর্বশক্তিমান সদাপ্রভু  
তাদের রক্ষা করবেন। তারা ধ্বংস করবে এবং গুলতি দ্বারা জয়লাভ  
করবে। তারা মন্ত হবে এবং দ্রাক্ষারসে মন্ত লোকের মতো শব্দ করবে;  
তারা বড়ো পানপাত্রের মতো পূর্ণ হবে যা যজ্ঞবেদির কোণে ছিটাবার  
জন্য ব্যবহার করা হয়। 16 সেদিন তাদের ঈশ্বর সদাপ্রভু তাদের রক্ষা  
করবেন যেমন মেষপালক তার মেষদের রক্ষা করেন। তারা মুকুটের  
মণির মতো তাঁর দেশে ঝাকমক করবে। 17 তারা কেমন আকর্ষণীয়  
এবং সুন্দর হবে! শস্য খেয়ে যুবকেরা সতেজ হয়ে উঠবে, এবং নতুন  
দ্রাক্ষারস পান করে যুবতীরা।

**10** বসন্তকালে সদাপ্রভুর কাছে বর্ষা চাও; সদাপ্রভুই ঝড়ের মেঘ  
তৈরি করেন। তিনি লোকদের প্রচুর বৃষ্টি দেন, আর সকলের ক্ষেতে  
উত্তিরোগ জন্মান। 2 প্রতিমাণ্ডলি ছলনার কথা বলে, গণকেরা মিথ্যা  
দর্শন দেখে; তারা যে স্বপ্নের কথা বলে তা মিথ্যা, তারা বৃথাই সাঙ্গনা  
দেয়। সেইজন্য লোকেরা মেষপালের মতো ঘুরে বেড়ায় মেষপালকের  
অভাবে তারা অত্যাচারিত। 3 “পালকদের বিরংদৈ আমার ক্রেতাই জলে  
উঠছে, এবং আমি নেতাদের শাস্তি দেব; কারণ সার্বভৌম সদাপ্রভু যত্ন  
নেন তাঁর পালের, যিহূদা কুলের, এবং তাদের যুদ্ধের অহংকারী ঘোড়ার  
মতো করব। 4 কারণ যিহূদা থেকে আসবে কোণার পাথর, তাঁর থেকে  
আসবে তাঁবু-খুটা, তাঁর থেকে আসবে যুদ্ধের ধনুক, তাঁর থেকে আসবে  
প্রত্যেক শাসনকর্তা। 5 একসঙ্গে তারা হবে যুদ্ধের যোদ্ধাদের মতো  
যারা কাদা ভরা রাস্তায় শক্রদের পায়ে মাড়াবে। তারা যুদ্ধ করবে কারণ  
সদাপ্রভু তাদের সঙ্গে আছেন, তারা শক্র অশ্বারোহীদের লজ্জিত  
করবে। 6 “আমি যিহূদা কুলকে শক্তিশালী করব আর যোমেফ-কুলকে

রক্ষা করব। আমি তাদের ফিরিয়ে আনব কেননা তাদের প্রতি আমার  
করণ্গা আছে। তারা এমন হবে যেন আমি তাদের অগ্রহ্য করিনি।  
কারণ আমি সদাপ্রভু তাদের ঈশ্বর এবং আমি তাদের উত্তর দেব।  
৭ ইক্ষুয়িমীয়েরা যোদ্ধাদের মতো হবে, দ্রাক্ষারস পান করার মতো  
তাদের অন্তর খুশি হবে। তা দেখে তাদের সন্তানেরা আনন্দিত হবে;  
তাদের অন্তর সদাপ্রভুতে আনন্দ করবে। ৮ আমি তাদের সংকেত দেব  
এবং তাদের একসঙ্গে জড়ো করব। তাদের আমি নিশ্চয়ই যুক্ত করব;  
তারা আগের মতোই সংখ্যায় অনেক হবে। ৯ আমি যদিও তাদের  
লোকদের মধ্যে ছড়িয়ে দেব, তবুও দূরদেশে তারা আমাকে মনে  
করবে। তারা ও তাদের সন্তানেরা বেঁচে থাকবে, এবং তারা ফিরে  
আসবে। ১০ মিশর দেশ থেকে আমি তাদের ফিরিয়ে নিয়ে আসব  
এবং আসিরিয়া থেকে তাদের একত্র করব। আমি তাদের গিলিয়দ ও  
লেবাননে নিয়ে আসব, এবং সেখানে তাদের জায়গা কুলাবে না। ১১  
তারা কষ্টের-সাগরের মধ্যে দিয়ে যাবে; সাগরের ঢেউকে দমন করা  
হবে এবং নীলনদের সমস্ত গভীর জায়গা শুকিয়ে যাবে। আসিরিয়ার  
অহংকার ভেঙে দেওয়া হবে এবং মিশরের রাজদণ্ড দূর হয়ে যাবে।  
১২ আমি তাদের সদাপ্রভুতে শক্তিশালী করব এবং তাঁর নামে তারা  
নিরাপদে বাস করবে,” সদাপ্রভু এই কথা ঘোষণা করেন।

**১১** হে লেবানন, তোমার দরজাগুলি খুলে দাও, যাতে আগুন তোমার  
দেবদারু গাছগুলি গ্রাস করতে পারো! ২ হে সবুজ-সতেজ দেবদারু  
গাছ, বিলাপ করো, কেননা সিডার গাছ পড়ে গেছে; সেরা গাছগুলি  
ধ্বংস হয়ে গেছে! হে বাশনের ওক গাছ, বিলাপ করো, কারণ গভীর  
বনের সব গাছ কেটে ফেলা হয়েছে! ৩ মেষপালকদের বিলাপ শোনো;  
তাদের ভালো ভালো চারণভূমি নষ্ট হয়ে গেছে! সিংহদের গর্জন  
শোনো; জর্ডনের গভীর জঙ্গল নষ্ট হয়ে গেছে! ৪ আমার ঈশ্বর সদাপ্রভু  
এই কথা বলেন যে মেষপাল বধ করার জন্য ঠিক হয়ে আছে তুমি সেই  
পাল চৰাও। ৫ “তাদের ক্ষেতারা তাদের বধ করে কিন্তু তাদের শাস্তি  
হয় না। যারা তাদের বিক্রি করে তারা বলে, ‘সদাপ্রভুর গৌরব হোক,  
আমি ধনী হয়েছি!’ তাদের নিজেদের মেষপালক তাদের উপর দয়া

করে না।” 6 কারণ, সদাপ্রভু বলেন, “দেশের লোকদের প্রতি আমি  
আর দয়া করব না। আমি প্রত্যেকজনকে তার প্রতিবেশী ও রাজার  
হাতে তুলে দেব। তারা দেশ নষ্ট করবে, আর আমি তাদের হাত থেকে  
কাউকে উদ্ধার করব না।” 7 বধ করার জন্য যে মেষপাল ঠিক হয়ে  
আছে, বিশেষ করে সেই পালের দুঃখীদের আমি মেষপালক হিসেবে  
চরাতে লাগলাম। তারপর আমি দুটো লাঠি নিলাম এবং একটির নাম  
দিলাম দয়া ও অন্যটির নাম দিলাম মিলন, আর আমি সেই মেষপাল  
চরালাম। 8 এক মাসের মধ্যে আমি তিনজন মেষপালককে দূর করে  
দিলাম। পরে মেষপাল আমাকে ঘৃণা করতে লাগল, আর আমি তাদের  
নিয়ে ঝান্ট হয়ে পড়লাম। 9 এবং বললাম, “আমি তোমাদের মেষপালক  
হব না। যে মরে সে মরুক, যে উচ্ছিন্ন হয় সে উচ্ছিন্ন হোক। বাকিরা  
একে অন্যের মাংস খাক।” 10 তারপর আমি দয়া নামে সেই লাঠিটা  
নিয়ে ভেঙে ফেলে সমস্ত জাতির সঙ্গে আমার যে চুক্তি ছিল তা বাতিল  
করলাম। 11 সেই দিনই তা বাতিল হল, তাই পালের মধ্যে যে সকল  
দুঃখী আমাকে লক্ষ্য করছিল তারা জানতে পারল যে, এটি সদাপ্রভুর  
বাক্য। 12 আমি তাদের বললাম, “আপনারা যদি ভালো মনে করেন,  
তবে আমার বেতন দিন; কিন্তু যদি ভালো মনে না করেন, তবে  
তা রেখে দিন।” তখন তারা আমাকে ত্রিশাটি রূপোর টুকরো দিল।  
13 পরে সদাপ্রভু আমাকে বললেন, “ওটি কুস্তকারের কাছে ফেলে  
দাও,” তাদের চোখে আমি এইরকমই মূল্যবান ছিলাম! সুতরাং আমি  
সেই ত্রিশাটি রূপোর টুকরো নিয়ে সদাপ্রভুর গৃহে কুমোরের কাছে  
ফেলে দিলাম। 14 তারপর আমি মিলন নামে দ্বিতীয় লাঠিটা ভেঙে  
যিহুদা ও ইস্রায়েলের মধ্যে ভাইয়ের যে সমন্বয় ছিল তা নষ্ট করলাম।  
15 পরে সদাপ্রভু আমাকে বললেন, “এবার তুমি একজন নির্বোধ  
মেষপালকের জিনিস নাও। 16 কেননা আমি দেশের মধ্যে এমন  
একজন মেষপালককে তুলব যে হারিয়ে যাওয়াদের যত্ন নেবে না, বা  
যুবাদের খুঁজবে না, বা যারা আঘাত পেয়েছে তাদের সুস্ত করবে না, বা  
স্বাস্থ্যবানদের খাওয়াবে না, কিন্তু সে বাছাই করা মেষগুলির মাংস  
খাবে, তাদের খুর থেকে মাংস ছিড়ে খাবে। 17 “ধিক্ সেই অপদার্থ

মেষপালক, যে সেই পাল ছেড়ে চলে যায়! তরোয়াল যেন তার হাত ও  
ডান চোখ আঘাত করে! তার হাত যেন সম্পূর্ণ শুকিয়ে যায়, তার ডান  
চোখ সম্পূর্ণ অঙ্গ হয়ে যায়।”

**12** এক ভাববাণী: এই হল ইস্রায়েল সম্বন্ধে সদাপ্রভুর বাক্য।  
সদাপ্রভু, যিনি আকাশকে মেলে দিয়েছেন, যিনি পৃথিবীর ভিত্তি স্থাপন  
করেছেন, যিনি ব্যক্তির ভিতরে মানুষের আত্মা সৃষ্টি করেছেন, তিনি  
বলেন ২ “আমি জেরুশালেমকে এমন এক পানপাত্রের মতো করব যা  
থেকে পান করে নিকটবর্তী সব জাতিরা টলবে। জেরুশালেমের সঙ্গে  
যিহুদাও অবরুদ্ধ হবে। ৩ সেদিন, যখন সমস্ত জাতি জেরুশালেমের  
বিরুদ্ধে জড়ো হবে, তখন আমি তাকে সব জাতির জন্য একটি ভারী  
পাথরের মতো করব। যারা সেটা সরাবার চেষ্টা করবে তারা নিজেরাই  
আহত হবে। ৪ সেদিন, আমি প্রত্যেকটা ঘোড়াকে আতঙ্কে আঘাত  
করব এবং তার আরোহীকে পাগল করব,” সদাপ্রভু এই কথা ঘোষণা  
করেন। “আমি যিহুদা কুলের উপর সতর্ক নজর রাখব, কিন্তু আমি  
অন্যান্য জাতির সব ঘোড়াকে অঙ্গ করব। ৫ তখন যিহুদার নেতৃবর্গ মনে  
মনে বলবে, ‘জেরুশালেমের লোকেরা শক্তিশালী, কারণ সর্বশক্তিমান  
সদাপ্রভু তাদের স্টিশর।’ ৬ “সেদিন যিহুদার নেতৃবর্গকে আমি কাঠের  
বোঝার মধ্যে আগুনের পাত্রের মতো ও শস্যের আঁটির মধ্যে জুলন্ত  
মশালের মতো করব। তারা তাদের ডানদিক ও বাঁদিকের চারিদিকের  
সমস্ত জাতিদের গ্রাস করবে, কিন্তু জেরুশালেম তার নিজের জায়গায়  
স্থির থাকবে। ৭ “সদাপ্রভু প্রথমে যিহুদার বাসস্থানগুলি রক্ষা করবেন,  
যেন দাউদ কুল ও জেরুশালেমের বাসিন্দাদের সম্মান যিহুদার অন্যান্য  
লোকদের চেয়ে বেশি না হয়। ৮ সেদিন সদাপ্রভু জেরুশালেমের  
বসবাসকারীদের রক্ষা করবেন, যেন তাদের মধ্যেকার সবচেয়ে দুর্বল  
লোকও দাউদের মতো হয়, এবং দাউদ কুল স্টিশরের মতো হয়,  
সদাপ্রভুর যে দূত তাদের আগে আগে চলবে তাঁর মতো হবে। ৯ সেদিন  
যে সমস্ত জাতি জেরুশালেমকে আক্রমণ করতে আসবে আমি তাদের  
ধ্বংস করব। ১০ “আর দাউদ কুল ও জেরুশালেমের বাসিন্দাদের  
উপরে আমি অনুগ্রহের ও বিনতির আত্মা ঢেলে দেব। তাতে তারা

আমার প্রতি, অর্থাৎ তারা যাঁকে বিদ্ধ করেছে, তাঁর দিকে তাকিয়ে দেখবে, এবং একমাত্র সন্তানের জন্য বিলাপ করার মতো করে তারা তাঁর জন্য বিলাপ করবে এবং প্রথম সন্তানের জন্য যেমন শোক করে তেমনি ভীষণভাবে শোক করবে। 11 সেদিন জেরুশালেমে ভীষণ বিলাপ হবে, যেমন মগিদোন সমভূমির হন্দ্-রিমোগে হয়েছিল। 12 দেশ বিলাপ করবে, গোষ্ঠীগুলি আলাদা আলাদাভাবে বিলাপ করবে, নিজেদের স্ত্রীদের সঙ্গে দাউদ কুলের গোষ্ঠী ও তাদের স্ত্রীরা, নাথন কুলের গোষ্ঠী ও তাদের স্ত্রীরা, 13 লেবি কুলের গোষ্ঠী ও তাদের স্ত্রীরা, শিমিয়ির গোষ্ঠী ও তাদের স্ত্রীরা, 14 এবং অবশিষ্ট সমস্ত গোষ্ঠী ও তাদের স্ত্রীরা।

**13** “সেদিন দাউদ কুলের ও জেরুশালেমের বাসিন্দাদের পাপ ও অশুচিতা ধুয়ে ফেলবার জন্য একটি ফোয়ারা খোলা হবে। 2 “সেদিন, দেশ থেকে প্রতিমাণুলি দূর করে দেওয়া হবে এবং তাদের নাম পর্যন্ত আর কারও মনে থাকবে না,” সর্বশক্তিমান সদাপ্রভু এই কথা ঘোষণা করেন। “আমি দেশ থেকে ভাববাদীদের ও অশুচিতার আত্মকে দূর করে দেব। 3 আর যদি কেউ ভাববাণী বলে, তবে তার জন্মদাতা মা ও বাবা, তাকে বলবে, ‘তোমাকে মরতে হবে, কারণ তুমি সদাপ্রভুর নাম করে মিথ্যা কথা বলেছ।’ সে ভাববাণী বললে, তার নিজের মা ও বাবা তাকে অন্তরিদ্ধ করবে। 4 “সেদিন প্রত্যেক ভাববাদী তাদের ভাববাণীমূলক দর্শনের বিষয়ে লজ্জা পাবে। প্রতারণা করার জন্য তারা ভাববাদীদের লোমের পোশাক আর পরবে না। 5 সে বলবে, ‘আমি ভাববাদী নই। আমি একজন কৃষক; যুবাকাল থেকে জমিই আমার জীবিকা।’ 6 তাকে যদি কেউ জিজ্ঞাসা করে, ‘তোমার শরীরের এই ক্ষতগুলি কীসের?’ সে উত্তর দেবে, ‘আমার বন্ধুর বাড়িতে এসব আঘাত পেয়েছি।’ 7 “হে তরোয়াল, আমার মেষপালকের বিরুদ্ধে জাগো, যে ব্যক্তি আমার কাছে তার বিরুদ্ধে!” সর্বশক্তিমান সদাপ্রভু এই কথা ঘোষণা করেন। “মেষপালককে আঘাত করো, তাতে মেষেরা ছড়িয়ে পড়বে, আর আমি মেষশাবকদের বিরুদ্ধে আমার হাত উঠাব।” 8 সদাপ্রভু বলেন, “সমস্ত দেশে দুই-ত্রিয়াংশকে আঘাত করে ধ্বংস

করব; তবুও এক-ত্রিয়াংশ বেঁচে থাকবে। ৭ এই এক-ত্রিয়াংশকে  
আমি আগুনের মধ্যে দিয়ে নিয়ে যাব; রহপোকে খাঁটি করার মতো  
আমি তাদের খাঁটি করব এবং সোনা যাচাই করার মতো তাদের যাচাই  
করব। তারা আমার নামে ডাকবে এবং আমি তাদের উত্তর দেব;  
আমি বলব, ‘এরা আমার লোক,’ এবং তারা বলবে, ‘সদাপ্রভুই আমার  
ঈশ্বর।’”

**14** সদাপ্রভুর একটি দিন আসছে যেদিন, জেরশালেম, তোমার  
প্রাচীরের মধ্যে তোমার সম্পত্তি লুট হয়ে ভাগ করা হবে। ২  
জেরশালেমের বিরাঙ্গে যুদ্ধ করবার জন্য আমি সমস্ত জাতিকে জড়ে  
করব; নগর দখল করা হবে, ঘরবাড়ি লুটপাট করা হবে, ও স্ত্রীলোকেরা  
ধর্ষিত হবে। নগরের অর্ধেক লোক নির্বাসিত হবে, কিন্তু বাকি লোকদের  
নগরের বাইরে নিয়ে যাওয়া হবে না। ৩ তখন সদাপ্রভু বের হবেন  
এবং যুদ্ধের সময় যেমন করেন সেইভাবে তিনি জাতিদের বিরাঙ্গে  
যুদ্ধে করবেন। ৪ সেদিন তিনি এসে জেরশালেমের পূর্বদিকে জৈতুন  
পাহাড়ের উপরে দাঁড়াবেন, তাতে জৈতুন পাহাড় পূর্ব থেকে পশ্চিমে  
দুই ভাগে বিভক্ত হয়ে যাবে এবং অর্ধেক উত্তরে ও অর্ধেক দক্ষিণে সরে  
গিয়ে একটি বড়ো উপত্যকা সৃষ্টি করবে। ৫ তোমরা আমার পাহাড়ের  
সেই উপত্যকা দিয়ে পালিয়ে যাবে, কারণ সেই উপত্যকা আৎসল পর্যন্ত  
চলে যাবে। যিহুদার রাজা উষিয়ের রাজত্বকালে ভূমিকঙ্গের সময়ে  
যেভাবে তোমরা পালিয়ে গিয়েছিলে সেইভাবেই পালিয়ে যাবে। তারপর  
আমার ঈশ্বর সদাপ্রভু তাঁর সব পরিত্রণকে সঙ্গে নিয়ে আসবেন। ৬  
সেদিন কোনও সূর্যের আলো, ঠান্ডা অথবা তুষারপাতের অন্ধকার  
হবে না। ৭ সেটা অধিতীয় দিন হবে, দিনও হবে না অথবা রাতও  
হবে না—দিনটার কথা কেবল সদাপ্রভুই জানেন—সন্ধ্যাকালে আলো  
হবে। ৮ সেদিন গ্রীষ্মকালে ও শীতকালে জেরশালেম থেকে জীবন্ত  
জল বের হবে, অর্ধেক পূর্বদিকে মরসুমাগর ও অর্ধেক পশ্চিমদিকে  
ভূমধ্যসাগরে যাবে। ৯ সদাপ্রভুই হবেন সারা পৃথিবীর রাজা। সেদিন  
কেবল একজনই সদাপ্রভু হবেন, এবং তাঁর নামই একমাত্র নাম  
হবে। ১০ গেৰা থেকে জেরশালেমের দক্ষিণের রিম্মোণ পর্যন্ত সমস্ত

দেশ অরাবা সমভূমির মতো হবে। কিন্তু জেরশালেমকে উঠানো হবে  
এবং তার নিজের জায়গায় থাকবে, বিন্যামীনের দ্বার থেকে প্রথম  
দ্বার পর্যন্ত, কোণের দ্বার পর্যন্ত, এবং হননেলের দুর্গ থেকে রাজকীয়  
দ্রাক্ষাপেষাই কল পর্যন্ত সেই স্থানেই থাকবে। 11 তার মধ্যে লোকেরা  
বসবাস করবে; কখনোই সেটি ধ্বংস হবে না। জেরশালেম সুরক্ষিত  
থাকবে। 12 যেসব জাতি জেরশালেমের বিরুদ্ধে যুদ্ধ করবে সদাপ্রভু  
এসব মহামারি দিয়ে তাদের আঘাত করবেন: তারা দাঁড়িয়ে থাকতে  
থাকতেই তাদের গায়ের মাংস পচে যাবে, তাদের চোখের গর্তের  
মধ্যে চোখ পচে যাবে, এবং মুখের মধ্যে তাদের জিভ পচে যাবে।  
13 সেদিন সদাপ্রভু আতঙ্ক দিয়ে লোকদের আঘাত করবেন। তারা  
প্রত্যেকজন প্রত্যেকের হাত ধরবে, এবং একে অপরকে আক্রমণ  
করবে। 14 যিহূদাও জেরশালেমে যুদ্ধ করবে। চারিদিকের সমস্ত  
জাতির ধনসম্পদ জড়ো করা হবে—প্রচুর পরিমাণে সোনা, রংপো  
ও কাপড়চোপড়। 15 একইরকম মহামারি সেনা-ছাউনির ঘোড়া ও  
খচচর, উট ও গাধা, এবং অন্যান্য সব পশুকে আঘাত করবে। 16 পরে  
জেরশালেমকে যে সমস্ত জাতি আক্রমণ করেছিল তাদের বেঁচে থাকা  
লোকেরা সেই রাজার, সর্বশক্তিমান সদাপ্রভুর, উপাসনা করার জন্য  
এবং কুটিরবাস-পর্ব পালন করতে বছরের পর বছর আসবে। 17 যদি  
পৃথিবীর জাতিদের মধ্যে কেউ সেই রাজার, সর্বশক্তিমান সদাপ্রভুর  
আরাধনা করার জন্য জেরশালেমে না যায়, তবে সেই দেশে বৃষ্টি  
হবে না। 18 যদি মিশরীয়েরা না যায় এবং উপাসনায় অংশ না নেয়  
তবে তাদের দেশেও বৃষ্টি হবে না। যে সকল জাতি কুটিরবাস-পর্ব  
পালন করতে আসবে না সদাপ্রভু তাদের উপরে মহামারি আনবেন।  
19 মিশর ও অন্যান্য যেসব জাতি কুটিরবাস-পর্ব পালন করার জন্য  
যাবে না তাদের এই শাস্তি দেওয়া হবে। 20 সেদিন “সদাপ্রভুর  
উদ্দেশে পবিত্র” এই কথা ঘোড়ার গলার ঘণ্টার উপরে খোদাই করা  
থাকবে, এবং সদাপ্রভুর গৃহের রাম্ভার হাঁড়িগুলি বেদির সামনের পবিত্র  
পাত্রগুলির মতো পবিত্র হবে। 21 জেরশালেমের ও যিহূদার সমস্ত  
হাঁড়ি সর্বশক্তিমান সদাপ্রভুর উদ্দেশে পবিত্র হবে, এবং যারা পশু

উৎসর্গ করতে আসবে তারা সেইসব পাত্রের কয়েকটা নিয়ে সেগুলিতে  
রাখা করবে। সেদিন সর্বশক্তিমান সদাপ্রভুর গৃহে কোনও কনানীয়  
আর থাকবে না।

## মালাখি ভাববাদীর বই

১ একটি ভাববাণী: ইস্রায়েলের প্রতি সদাপ্রভুর বাক্য যা মালাখির মাধ্যমে দেওয়া হল। ২ “আমি তোমাদের ভালোবেসেছি,” সদাপ্রভু বলেন। “কিন্তু তোমরা জিজ্ঞাসা করো, ‘কীভাবে তুমি আমাদের ভালোবেসেছ?’” এয়ে কি যাকোবের ভাই ছিল না?” সদাপ্রভু ঘোষণা করেন। “তা সত্ত্বেও যাকোবকে আমি ভালোবেসেছি, ৩ কিন্তু এয়েকে আমি ঘৃণা করেছি, আমি তার পর্বতমালাকে ধ্বংসস্তূপে পরিণত করেছি ও তার বসতিজগতি মরুভূমির শিয়ালদের দিয়েছি।” ৪ ইদোম বলতে পারে, “আমাদের চূর্ণ করা হলেও আমরা আবার সেই ধ্বংসস্তূপ নতুন করে গড়ে তুলব।” কিন্তু সর্বশক্তিমান সদাপ্রভু বলেন: “তারা গড়ে তুলতে পারে কিন্তু আমি তা ধ্বংস করব। তাদের বলা হবে ‘দুষ্টদের দেশ’ এবং ‘এক জাতি যারা সর্বদা সদাপ্রভুর ক্ষেত্রের অধীন।’ ৫ তোমরা তা নিজের চোখে দেখবে ও বলবে, ‘সদাপ্রভু মহান, এমনকি ইস্রায়েলের সীমার বাইরেও মহান।’” ৬ সর্বশক্তিমান সদাপ্রভু বলেন, “একজন ছেলে তার বাবাকে সম্মান করে, ও একজন দাস তার মালিককে সম্মান করে। আমি যদি বাবা হই, তবে আমার প্রাপ্য সম্মান কোথায়? আর আমি যদি প্রভু হই, তবে আমার প্রাপ্য শ্রদ্ধা কোথায়? “যাজকেরা, তোমরাই আমার নামকে অবজ্ঞা করেছ।” ৭ “কিন্তু তোমরা জিজ্ঞাসা করো, ‘আমরা কীভাবে তোমার নাম অবজ্ঞা করেছি?’” ৮ “আমার বেদিতে অশুচি খাদ্য নিবেদন করে।” ৯ “কিন্তু তোমরা জিজ্ঞাসা করো, ‘আমরা কীভাবে তোমাকে অশুচি করেছি?’” ১০ “এটা বলে যে সদাপ্রভুর মেজ তুচ্ছ।” ১১ যখন তোমরা অঙ্গ পশুবলি দাও, তা কি অন্যায় নয়? যখন তোমরা খোঁড়া বা অসুস্থ পশুবলি দাও, তা কি অন্যায় নয়? তোমাদের প্রদেশপালের কাছে এই ধরনের বলি দেওয়ার চেষ্টা করো! তিনি কি তোমাদের প্রতি তুষ্ট হবেন? তিনি কি তোমাকে গ্রহণ করবেন?” সর্বশক্তিমান সদাপ্রভু বলেন। ১২ “তোমরা এখন ঈশ্বরের কাছে বিনতি করো, যেন তিনি আমাদের প্রতি সদয় হন। তোমাদের হাত থেকে এই ধরনের নৈবেদ্য, তিনি কি তোমাদের গ্রহণ করবেন?” সর্বশক্তিমান সদাপ্রভু বলেন। ১৩ “আহা! আমি কামনা

করি যে তোমাদের মধ্যে কোনো একজন যদি মন্দিরের দরজা বন্ধ  
করে দিত, তবে হয়তো কেউ আমার বেদিতে বৃথা বাতি জ্বালাত না!  
আমি তোমাদের প্রতি খুশি নই,” সর্বশক্তিমান সদাপ্রভু বলেন, “এবং  
আমি তোমাদের হাত থেকে কোনও রকম নৈবেদ্য গ্রহণ করব না। 11  
আমার নাম জাতিগণের মধ্যে মহান হবে, সূর্য উদয়ের স্থান থেকে অস্ত  
যাওয়ার স্থান পর্যন্ত। প্রত্যেক স্থানে আমার নামের উদ্দেশ্যে ধূপ ও শুচি  
নৈবেদ্য উৎসর্গ করা হবে, কারণ আমার নাম জাতিগণের মধ্যে হবে  
মহান,” সর্বশক্তিমান সদাপ্রভু বলেন। 12 “কিন্তু তোমরা তা অপবিত্র  
করো, এই বলে, ‘সদাপ্রভুর মেজ অশুচি,’ এবং, ‘তাঁর খাদ্যও তুচ্ছ।’  
13 আর তোমরা বলো, ‘এ কি ধরনের বোৰ্বা!’ এবং তোমরা আমার  
আদেশ সম্পূর্ণভাবে অবজ্ঞা করো,” সর্বশক্তিমান সদাপ্রভু বলেন।  
“যখন তোমরা আহত, খোঁড়া অথবা অসুস্থ পশু নিয়ে আস এবং আমার  
প্রতি উৎসর্গ করো, তোমাদের হাত থেকে কি তা আমার গ্রহণ করা  
উচিত?” সর্বশক্তিমান সদাপ্রভু বলেন। 14 “অভিশঙ্গ সেই প্রতারক,  
যার পালে উপযুক্ত পুরুষ পশু আছে এবং তা উৎসর্গ করার জন্য শপথ  
করে, কিন্তু পরে ক্রটিপূর্ণ পশু টেশ্বরের প্রতি বলিদান করে। কারণ  
আমি মহান রাজা,” সর্বশক্তিমান সদাপ্রভু বলেন, “এবং জাতিগণ  
আমার নামে ভয় পাবে।

2 “তবে এখন, যাজকেরা, তোমরা শোনো, এই সতর্কবাণী তোমাদেরই  
জন্য। 2 যদি তোমরা না শোনো এবং যদি তোমরা আমার নামের  
মহিমা করতে মনস্ত না করো,” সর্বশক্তিমান সদাপ্রভু বলেন, “আমি  
তোমাদের ওপর অভিশাপ পাঠাব, ও তোমাদের সকল আশীর্বাদকে  
অভিশাপ দেব। হ্যাঁ, আমি সেই সবকিছুকে ইতিমধ্যে অভিশাপ  
দিয়েছি, কারণ তোমরা আমার নামের মহিমা করতে মনস্ত করোনি।  
3 “তোমাদের জন্য, আমি তোমাদের বংশধরদের তিরক্ষার করব;  
তোমাদের উৎসবের বলি থেকে সার নিয়ে তা তোমাদের মুখে মাথিয়ে  
দেব এবং তোমাদের সেইভাবেই নিয়ে যাওয়া হবে। 4 আর তোমরা  
জানবে যে, আমি তোমাদের কাছে এই সতর্কবাণী পাঠিয়েছি যাতে  
গেবীয়দের সঙ্গে আমার নিয়ম স্থায়ী হয়,” সর্বশক্তিমান সদাপ্রভু বলেন।

৫ “তার সঙ্গে আমার নিয়ম হয়েছিল, জীবন ও শান্তির নিয়ম, আর আমি উভয়ই তাকে দিয়েছিলাম; যেন সে আমাকে শন্দা করে এবং সে আমাকে সত্যিই ভয় করেছিল এবং আমার নামে ভয়ে কেঁপেছিল। ৬ তার মুখে সত্যের বিধান ছিল এবং কোনও প্রকার মিথ্যা তার ঠোঁটে খুঁজে পাওয়া যেত না। শান্তিতে ও ন্যায়পরায়ণতায় সে আমার সঙ্গে পথ চলেছে এবং পাপ থেকে মন ফিরিয়েছে। ৭ “প্রকৃতপক্ষে যাজকদের মুখ ঈশ্বরের জ্ঞানের সন্তার হওয়া উচিত, কারণ সে সর্বশক্তিমান সদাপ্রভুর দৃত এবং লোকেরা যাজকদের মুখ থেকেই উপদেশ চায়। ৮ কিন্তু তুমি বিপথে গিয়েছ এবং তোমার শিক্ষার মাধ্যমে অনেককে বিভ্রান্ত করেছ; লোবির সঙ্গে নিয়ম তুমি লজ্জন করেছ,” সর্বশক্তিমান সদাপ্রভু বলেন। ৯ “এজন্য আমি সমস্ত লোকের সামনে তোমাদেরকে অবজ্ঞা ও অপদস্থ করেছি, কারণ তোমরা আমার পথে চলোনি, উপরন্তু বিধানের বিষয়ে তোমরা পক্ষপাতিত্ব করেছ।” ১০ আমাদের সকলের কি একই বাবা নয়? একজন ঈশ্বরই কি আমাদের সৃষ্টি করেননি? তবে কেন আমরা একে অপরের প্রতি অবিশ্বস্ত হয়ে আমাদের পূর্বপুরুষদের নিয়ম অপবিত্র করি? ১১ যিহুদা অবিশ্বস্ত হয়েছে। ইস্রায়েলে ও জেরুশালেমে জন্ম্যন্য এক কাজ করা হয়েছে: যিহুদা, সেই মেয়েদের বিয়ে করেছে যারা অইহুদি এক দেবতার আরাধনা করে এবং এভাবে সদাপ্রভুর প্রেমের পরিদ্রাহন কল্পিত করেছে। ১২ যে ব্যক্তি এমন কাজ করেছে, সে যেই হোক না কেন, যদিও সে সর্বশক্তিমান সদাপ্রভুর কাছে এক নৈবেদ্য নিয়ে আসে, তবুও যেন সদাপ্রভু যাকোবের তাঁর থেকে তাকে উৎখাত করে। ১৩ আরেকটি কাজ তোমরা করো: তোমরা চোখের জলে সদাপ্রভুর বেদি ভাসিয়ে দাও। তোমরা কান্নাকাটি করো ও বিলাপ করো কারণ তিনি তোমাদের নৈবেদ্যের প্রতি আর অনুগ্রহপূর্বক দৃষ্টি দেন না বা তোমাদের হাত থেকে তা খুশিমনে গ্রহণ করেন না। ১৪ তবুও তোমরা জিজ্ঞাসা করো, “কেন?” কারণ সদাপ্রভু তোমার ও তোমার যৌবনের স্ত্রীর মধ্যে সাক্ষী হয়েছেন; তুমি তার প্রতি অবিশ্বস্ত হয়েছ; যদিও সে তোমার সঙ্গী, তোমার বিবাহ নিয়মের স্ত্রী। ১৫ একই ঈশ্বর কি তোমাদের সৃষ্টি করেননি? দেহ এবং আত্মাতে তো

তোমরা তাঁরই। আর সেই এক ঈশ্বর কি চান? ঈশ্বরভক্ত সন্তানসন্ততি।  
সুতরাং নিজেদের সম্পর্কে সতর্ক হও এবং তোমাদের ঘোবনের স্তৰীর  
প্রতি অবিশ্বস্ত হোয়ো না। 16 “যে ব্যক্তি নিজের স্ত্রীকে ঘৃণা করে ও  
বিবাহবিচ্ছেদ করে,” সদাপ্রভু ইস্রায়েলের ঈশ্বর বলেন, “যাকে তার  
রক্ষা করা উচিত তার প্রতি সে অত্যাচার করে,” সর্বশক্তিমান সদাপ্রভু  
বলেন। সুতরাং নিজেদের সম্পর্কে সতর্ক হও এবং অবিশ্বস্ত হোয়ো  
না। 17 তোমরা তোমাদের কথার মাধ্যমে সদাপ্রভুকে ক্লান্ত করেছ।  
“আমরা কীভাবে তাঁকে ক্লান্ত করেছি?” তোমরা জিজ্ঞাসা করো। এই  
বলে, “সবাই যারা মন্দ কাজ করে তারা সদাপ্রভুর চোখে ভালো এবং  
তিনি তাদের উপর খুশি” অথবা এই বলে, “ন্যায়ের ঈশ্বর কোথায়?”

3 “আমি আমার বার্তাবাহককে পাঠাব, যে আমার আগে পথ তৈরি  
করবে। তারপর, প্রভু, যাঁকে তোমরা খুঁজছ, হঠাৎ তিনি নিজের মন্দিরে  
আসবেন; যিনি নিয়মের দৃত, যাঁকে তোমরা চাও, তিনি আসবেন,”  
সর্বশক্তিমান সদাপ্রভু বলেন। 2 কিন্তু তাঁর আসবার দিন কে সহ্য  
করতে পারবে? যখন তিনি আবির্ভূত হবেন কে তাঁর সামনে দাঁড়াবে?  
কারণ তিনি হবেন জ্বলন্ত আগুনের শিখার মতো যা ধাতুকে পরীক্ষাসিদ্ধ  
করে অথবা কড়া সাবানের মতো কাপড় পরিষ্কার করে। 3 রংপোকে  
পরিশোধন ও পবিত্র করার মতো তিনি বসবেন; তিনি লেবীয়দের  
পবিত্র করবেন এবং তাদের সোনা ও রংপোর মতো পরিশোধন  
করবেন, যেন তারা পুনরায় সদাপ্রভুর কাছে গ্রহণযোগ্য নৈবেদ্য  
উৎসর্গ করতে পারে, 4 তখন যিহুদার ও জেরুশালেমের নৈবেদ্য  
সদাপ্রভুর কাছে গ্রহণযোগ্য হবে, যেমন আগেকার সময়ে, পূর্ববর্তী  
বছরে তিনি গ্রহণ করতেন। 5 সর্বশক্তিমান সদাপ্রভু বলেন, “তাই  
আমি তোমাদের বিচার করতে আসব। আর জাদুকর, ব্যভিচারী  
এবং মিথ্যাশপথকারী, যারা শ্রামিকদের বেতনে ঠকায় এবং বিধবা ও  
অনাথদের অত্যাচার করে, বিদেশিদের ন্যায় থেকে বঞ্চিত করে, অথচ  
আমাকে ভয় করে না, তাদের সকলের বিপক্ষে আমি দ্রুত সাক্ষী দেব।”  
6 “আমি সদাপ্রভু, আমার পরিবর্তন নেই। সেই কারণেই হে যাকোবের  
বংশধর, তোমরা ধ্বংস হওনি। 7 তোমাদের পূর্বপুরুষদের সময়


থেকেই তোমরা আমার আদেশ থেকে বিপথে গিয়েছ এবং সেগুলি  
পালন করোনি। আমার কাছে ফিরে এসো এবং আমি তোমাদের  
কাছে ফিরে যাব,” সর্বশক্তিমান সদাপ্রভু বলেন। “কিন্তু তোমরা বলো,  
‘আমরা কীভাবে ফিরব?’ ৪ “মরণশীল মানুষ কি কখনও ঈশ্বরকে  
ঠকাতে পারে? তবুও তোমরা আমাকে ঠকাও।” কিন্তু তোমরা জিজ্ঞাসা  
করো, ‘আমরা কীভাবে তোমাকে ঠকাচ্ছি?’ “দশমাংশে ও উপহারে।  
৭ তোমরা অভিশাপের মধ্যে আছ, তোমার সমস্ত জাতি, কারণ তোমরা  
আমাকে ঠকাচ্ছে ১০ তোমরা সমস্ত দশমাংশ আমার ভাঙ্গারে নিয়ে  
এসো যেন আমার গৃহে খান্দ্য থাকে।” সর্বশক্তিমান সদাপ্রভু বলেন,  
“এবং দেখো আমি স্বর্ণের সব দরজা তোমাদের জন্য খুলে দিয়ে অনেক  
আশীর্বাদ দেলে দিই কি না যা ধরে রাখার জন্য যথেষ্ট জায়গা হবে না।  
১১ সমস্ত কীটপতঙ্গদের হাত থেকে আমি তোমাদের ফসল রক্ষা করব  
এবং তোমার জমির আঙুরগাছের ফল পেকে ওঠার আগে ঝারে পরবে  
না,” সর্বশক্তিমান সদাপ্রভু বলেন। ১২ “তখন সব জাতি তোমাদের ধন্য  
বলবে, কারণ তোমাদের দেশ এক আনন্দময় দেশ হবে,” সর্বশক্তিমান  
সদাপ্রভু বলেন। ১৩ “তোমরা আমার বিরংদ্বে অহংকারের সাথে কথা  
বলেছ,” সদাপ্রভু বলেন। “তবুও তোমরা জিজ্ঞাসা করো, ‘আমরা  
তোমার বিরংদ্বে কি বলেছি?’ ১৪ “তোমরা বলেছ, ‘ঈশ্বরের সেবা করা  
অর্থহীন। তাঁর আদেশ পালন করে কী লাভ হয় এবং সর্বশক্তিমান  
সদাপ্রভুর সাক্ষাতে শোকে যাওয়া-আসা করে আমাদের কী লাভ?’ ১৫  
কিন্তু এখন আমরা অহংকারীকে ধন্য বলি। নিশ্চয়ই দুষ্ট আচরণকারী  
সমৃদ্ধিলাভ করে, এমনকি যখন তারা ঈশ্বরকে পরীক্ষায় ফেলে, তারা  
তা করেও রক্ষা পায়।” ১৬ তারপর যারা সদাপ্রভুকে ভয় করত তারা  
একে অপরের সাথে কথা বলল এবং সদাপ্রভু তাদের কথা মন দিয়ে  
শুনলেন। যারা সদাপ্রভুকে ভয় ও তাঁর নাম সম্মান করত, তাদের  
সম্মানে স্মরণীয় পুঁথি তাঁর সামনে লেখা হল। ১৭ “সেদিন যখন আমি  
আমার কাজ করব,” সর্বশক্তিমান সদাপ্রভু বলেন, তারা আমার প্রিয়  
অধিকার হবে। আমি তাদের প্রতি ক্ষমাপ্রায়ণ হব, যেমন একজন  
বাবা তার সেবায় রত ছেলেকে করণার চোখে দেখে এবং তার প্রতি

ক্ষমাপরায়ণ হয়। 18 আর তোমরা আবার ধার্মিক ও দুষ্টদের মধ্যে  
পার্থক্য দেখতে পাবে, যারা ঈশ্বরের সেবা করে ও যারা করে না তাদের  
মধ্যে পার্থক্য দেখতে পাবে।

4 “নিশ্চয়ই সেদিন আসছে; যা এক অগ্নিকুণ্ডের মতো জ্বলবে। সব  
অহংকারী ও দুষ্টগণ খড়ের মতো হবে এবং সেদিনে সকলে আগুনে  
পুড়বে।” সর্বশক্তিমান সদাপ্রভু বলেন। “কোনও শিকড় বা ডালপালা  
বাঁচবে না। 2 কিন্তু তোমরা যারা আমার নাম সম্মান করো, তোমাদের  
উপরে ধার্মিকতার সূর্য উঠবে এবং সেই রশ্মিতে তোমরা আরোগ্য  
পাবে। আর যেভাবে পালের হষ্টপুষ্ট বাছুর লাফিয়ে খোঁঁয়াড়ের বাইরে  
যায় ঠিক সেরকম তোমরাও বাইরে যাবে এবং আনন্দে লাফাবে।  
3 তখন তোমরা দুষ্টদের পদদলিত করবে; আর আমার কাজ করার  
দিনে তারা তোমাদের পায়ের তলায় পড়ে থাকা ছাইয়ের মতো হবে,”  
সর্বশক্তিমান সদাপ্রভু বলেন। 4 “তোমরা আমার দাস মোশির বিধান  
মনে করো, যে আদেশ ও আইন আমি তাকে হোরেব পাহাড়ে সমস্ত  
ইন্দ্রায়েলের জন্য দিয়েছিলাম। 5 “দেখো, সদাপ্রভুর সেই মহান ও  
ভয়ংকর দিন আসার আগে আমি তোমাদের কাছে ভাববাদী এলিয়কে  
পাঠাব। 6 তিনি বাবার মন সন্তানের দিকে ফেরাবেন; এবং সন্তানের  
মন বাবার দিকে ফেরাবেন, নয়তো আমি আসব এবং তোমাদের দেশ  
সম্পূর্ণ ধ্বংস করব।”



ନୂତନ ନିୟମ



তখন যীশু বললেন, “পিতা, এদের ক্ষমা করো, কারণ এরা জানে না, এরা কী করছে।”

আর গুটিকাপাত করে তারা তাঁর পোশাকগুলি ভাগ করে নিল।

লুক 23:34

## মথি

১ প্রভু যীশু খ্রিষ্টের বংশতালিকা, তিনি ছিলেন দাউদের বংশধর ও অব্রাহামের বংশধর। ২ অব্রাহামের পুত্র ইস্থাক, ইস্থাকের পুত্র যাকোব, যাকোবের পুত্র যিহুদা ও তাঁর ভাইয়েরা, ৩ যিহুদার পুত্র পেরস ও সেরহ, যাঁদের মা ছিলেন তামর, পেরসের পুত্র হিস্রোগ, হিস্রোগের পুত্র রাম। ৪ রামের পুত্র অম্মীনাদব, অম্মীনাদবের পুত্র নহশোন, নহশোনের পুত্র সলমন। ৫ সলমনের পুত্র বোয়স, তাঁর মা ছিলেন রাহব, বোয়সের পুত্র ওবেদ, তাঁর মা ছিলেন রুত। ওবেদের পুত্র যিশয়, ৬ ও যিশয়ের পুত্র রাজা দাউদ। দাউদের পুত্র শলোমন, তাঁর মা ছিলেন উরিয়ের বিধবা স্ত্রী। ৭ শলোমনের পুত্র রহবিয়াম, রহবিয়ামের পুত্র অবিয়, অবিয়ের পুত্র আসা। ৮ আসার পুত্র যিহোশাফট, যিহোশাফটের পুত্র যিহোরাম, যিহোরামের পুত্র উষিয়। ৯ উষিয়ের পুত্র যোথম, যোথমের পুত্র আহস, আহসের পুত্র হিক্যিয়। ১০ হিক্যিয়ের পুত্র মনঃশি, মনঃশির পুত্র আমোন, আমোনের পুত্র যোশিয়, ১১ আর যোশিয়ের পুত্র যিকনিয় ও তাঁর ভাইয়েরা, ব্যাবিলনে নির্বাসনকালে এঁদের জন্ম হয়। ১২ ব্যাবিলনে নির্বাসনের পরে জাত: যিকনিয়ের পুত্র শল্টীয়েল, শল্টীয়েলের পুত্র সরুক্বাবিল। ১৩ সরুক্বাবিলের পুত্র অবীহুদ, অবীহুদের পুত্র ইলিয়াকীম, ইলিয়াকীমের পুত্র আসোর। ১৪ আসোরের পুত্র সাদোক, সাদোকের পুত্র আখীম, আখীমের পুত্র ইলিহুদ। ১৫ ইলিহুদের পুত্র ইলিয়াসর, ইলিয়াসরের পুত্র মত্তন, মত্তনের পুত্র যাকোব, ১৬ যাকোবের পুত্র যোষেফ যিনি মরিয়মের স্বামী, এই মরিয়মের গর্ভে যীশুর জন্ম হয়, যাঁকে খ্রীষ্ট বলে। ১৭ এভাবে অব্রাহাম থেকে দাউদ পর্যন্ত মোট চোদো পুরুষ; দাউদ থেকে ব্যাবিলনে নির্বাসন যাওয়া পর্যন্ত চোদো পুরুষ এবং ব্যাবিলনে নির্বাসন থেকে খ্রীষ্ট পর্যন্ত চোদো পুরুষ। ১৮ যীশু খ্রিষ্টের জন্ম এভাবে হয়েছিল। তাঁর মা মরিয়ম যোষেফের সঙ্গে বিবাহের জন্য বাগদত্তা হলে, তাঁদের সহবাসের পূর্বে জানা গেল, তিনি পবিত্র আত্মার মাধ্যমে অন্তঃসন্ত্বা হয়েছেন। ১৯ যেহেতু তাঁর স্বামী যোষেফ একজন ধার্মিক ব্যক্তি ছিলেন এবং প্রকাশ্যে তাঁকে কলঙ্কের পাত্র করতে না চাওয়াতে, তিনি গোপনে

বাগদান ভেঙে দেওয়া স্থির করলেন। 20 কিন্তু একথা বিবেচনার পরে, স্বপ্নে প্রভুর এক দৃত তাঁর কাছে আবির্ভূত হয়ে বললেন, “দাউদ-সন্তান যোষেফ, মরিয়মকে তোমার স্ত্রীরপে ঘরে নিতে ভয় পেয়ো না, কারণ তাঁর গর্ভধারণ পরিব্রত আত্মা থেকে হয়েছে। 21 তিনি এক পুত্রের জন্ম দেবেন ও তুমি তাঁর নাম যীশু রাখবে, কারণ তিনিই তাঁর প্রজাদের তাদের সব পাপ থেকে পরিত্রাণ দেবেন।” 22 এই সমস্ত ঘটনা ঘটল, যেন ভাববাদীর মুখ দিয়ে প্রভু যা বলেছিলেন, তা পূর্ণ হয়: 23 “সেই কুমারী-কন্যা গর্ভবতী হবে ও এক পুত্রসন্তানের জন্ম দেবে, এবং তারা তাঁকে ইমানুয়েল” বলে ডাকবে, যার অর্থ, “ঈশ্বর আমাদের সঙ্গে আছেন।” 24 প্রভুর দৃত যেমন আদেশ দিয়েছিলেন, ঘুম থেকে উঠে যোষেফ সেইমতো মরিয়মকে ঘরে তাঁর স্ত্রীরপে গ্রহণ করলেন। 25 কিন্তু পুত্র প্রসব না করা পর্যন্ত তিনি মরিয়মের সঙ্গে মিলিত হলেন না। আর তিনি পুত্রের নাম রাখলেন যীশু।

2 হেরোদ রাজার সময় যিহুদিয়া প্রদেশের বেথলেহেমে যীশুর জন্ম হলে পর, পূর্বদেশ থেকে কয়েকজন পাণ্ডিত ব্যক্তি জেরুশালেমে এসে জিজ্ঞাসা করলেন, 2 “ইহুদিদের যে রাজা জন্মগ্রহণ করেছেন তিনি কোথায়? আমরা পূর্বদেশে তাঁর তারা দেখতে পেয়ে তাঁকে প্রণাম করতে এসেছি।” 3 একথা শুনে রাজা হেরোদ সন্ত্রস্ত হয়ে উঠলেন ও তাঁর সঙ্গে সমস্ত জেরুশালেমের মানুষেরাও উদ্বিগ্ন হয়ে উঠল। 4 তিনি সমগ্র জনসাধারণের প্রধান যাজকবৃন্দ ও শাস্ত্রবিদদের একত্রে ডেকে তাঁদের কাছে জানতে চাইলেন, খীষ্ট কোথায় জন্মগ্রহণ করবেন?

5 তাঁরা উন্নত দিলেন, “যিহুদিয়ার বেথলেহেমে, কারণ ভাববাদী এরকম লিখেছেন: 6 “কিন্তু তুমি, যিহুদা দেশের বেথলেহেম, যিহুদার শাসকদের মধ্যে তুমি কোনো অংশে ক্ষুদ্র নও; কারণ তোমার মধ্য থেকেই আসবেন এক শাসক, যিনি হবেন আমার প্রজা ইস্রায়েলের পালক।” 7 এরপর হেরোদ সেই পাণ্ডিতদের গোপনে ডেকে, সেই তারাটি সঠিক কখন উদিত হয়েছিল, তা তাঁদের কাছ থেকে জেনে নিলেন। 8 তিনি তাঁদের এই বলে বেথলেহেমে পাঠিয়ে দিলেন, “যাও, গিয়ে স্যাত্ত্বে শিশুটির অনুসন্ধান করো। তাঁর সন্ধান পাওয়া মাত্র

আমাকে সংবাদ দিয়ো, যেন আমি গিয়ে তাঁকে প্রণাম করতে পারি।”

৭ রাজার এই কথা শুনে তাঁরা তাঁদের পথে চলে গেলেন। আর তাঁরা যে তারাটিকে পূর্বদেশে দেখেছিলেন, সেটি তাঁদের আগে আগে চলতে লাগল এবং শিশুটি যেখানে ছিলেন, সেই স্থানের উপরে স্থির হয়ে রইল। ১০ তারাটি দেখতে পেয়ে তাঁরা মহা আনন্দে উল্লসিত হলেন।

১১ ঘরের মধ্যে প্রবেশ করে তাঁরা শিশুটিকে তাঁর মা মরিয়মের সঙ্গে দেখতে পেলেন। তাঁরা সকলে ভূমিষ্ঠ হয়ে শিশুটিকে প্রণাম করলেন ও তাঁর উপাসনা করলেন। তারপর তাঁরা তাদের রত্নপোটিকা খুলে তাঁকে সোনা, কুণ্ডরূপ ও গন্ধরস উপহার দিলেন। ১২ তাঁরা যেন হেরোদের কাছে ফিরে না যান, স্বপ্নে এই সতর্কবাণী পেয়ে তাঁরা অন্য এক পথ ধরে তাঁদের দেশে ফিরে গেলেন। ১৩ তাঁরা চলে যাওয়ার পরে প্রভুর এক দৃত স্বপ্নে যোষেফের কাছে আবির্ভূত হয়ে বললেন, “ওঠো, শিশুটি ও তাঁর মাকে নিয়ে মিশরে পালিয়ে যাও। আমি যতক্ষণ না বলি, সেখানেই থেকো, কারণ শিশুটিকে হত্যা করার জন্য হেরোদ তাঁর অনুসন্ধান করবে।” ১৪ অতএব, যোষেফ উঠে শিশুটি ও তাঁর মাকে নিয়ে সেই রাত্রিতেই মিশরের উদ্দেশে রওনা হলেন। ১৫ হেরোদের মৃত্যু পর্যন্ত তিনি সেখানেই থাকলেন। আর এভাবেই, ভাববাদীর মাধ্যমে প্রভু যা ব্যক্ত করেছিলেন, তা পূর্ণ হল: “মিশর থেকে আমি আমার পুত্রকে ডেকে আনলাম।” ১৬ পঞ্চিতেরা তাঁর সঙ্গে প্রতারণা করেছেন উপলক্ষ্মি করে হেরোদ ক্রোধে উন্মত্ত হলেন। পঞ্চিতদের কাছে জেনে নেওয়া সময় হিসেব করে, তিনি বেথলেহেম ও তার সন্নিহিত অঞ্চলের দু-বছর ও তার কমবয়সি সমস্ত শিশুকে হত্যা করার আদেশ দিলেন। ১৭ তখন ভাববাদী যিরমিয়ের দ্বারা কথিত এই বচন পূর্ণ হল।

১৮ “রামা-নগরে এক স্বর শোনা যাচ্ছে, এক ক্রন্দন ও মহাবিলাপের রব, রাহেল তাঁর সন্তানদের জন্য কাঁদছেন, তিনি সান্ত্বনা পেতে চান না, কারণ তারা আর বেঁচে নেই।” ১৯ হেরোদের মৃত্যুর পর, মিশরে প্রভুর এক দূর স্বপ্নে যোষেফের কাছে আবির্ভূত হয়ে বললেন, ২০ “ওঠো, শিশুটি ও তাঁর মাকে নিয়ে তুমি ইস্রায়েল দেশে ফিরে যাও। কারণ, যারা শিশুটির প্রাণ নিতে চাইছিল, তাদের মৃত্যু হয়েছে।” ২১

তাই তিনি উঠে শিশুটি ও তাঁর মা মরিয়মকে নিয়ে ইস্রায়েল দেশে গেলেন। 22 কিন্তু যখন তিনি শুনলেন, আর্থিলায় তাঁর পিতা হেরোদের পদে যিহুদিয়ায় রাজত্ব করছেন, তিনি সেখানে যেতে ভয় পেলেন। 23 তিনি স্বপ্নে এক সর্তর্কবাণী পেয়ে গালীল প্রদেশে চলে গেলেন। 23 তিনি বসবাস করার জন্য নাসরৎ নামের এক নগরে গেলেন। এভাবেই ভাববাদীদের দ্বারা কথিত বাণী পূর্ণ হল, “তিনি নাসরতীয় বলে আখ্যাত হবেন।”

**৩** ওইসব দিনগুলিতে বাষ্পিক্ষদাতা যোহন, যিহুদিয়ার মরহপ্রাপ্তরে উপস্থিত হয়ে প্রচার করতে লাগলেন, 2 “মন পরিবর্তন করো, কারণ স্বর্গরাজ্য এসে পড়ল।” 3 ইনিই সেই মানুষ, যাঁর সম্পর্কে ভাববাদী যিশাইয় বলেছিলেন: “মরহপ্রাপ্তরে একজনের কর্তৃপ্রবর আহ্বান করছে, ‘তোমরা প্রভুর জন্য পথ প্রস্তুত করো, তাঁর জন্য রাজপথগুলি সরল করো।’” 4 যোহনের পোশাক ছিল উটের লোমে তৈরি এবং তার কোমরে এক চামড়ার বেল্ট জড়ানো থাকত। তিনি পঙ্গপাল ও বনমধু খেতেন। 5 লোকেরা জেরশালেম, সমস্ত যিহুদিয়া ও জর্ডনের সমগ্র অঞ্চল থেকে তাঁর কাছে যেতে লাগল। 6 তারা নিজের নিজের পাপস্বীকার করে জর্ডন নদীতে তাঁর কাছে বাষ্পিক্ষ নিতে লাগল। 7 তিনি যেখানে বাষ্পিক্ষ দিচ্ছিলেন, সেখানে যখন বহু ফরিশী ও সন্দূকীদের আসতে দেখলেন, তিনি তাদের বললেন, “তোমরা বিষধর সাপের বংশ! সন্নিকট ক্রোধ থেকে পালিয়ে যেতে কে তোমাদের চেতনা দিল? 8 তোমরা এমন সব কাজ করো যেন তার দ্বারা বোঝা যায় যে তোমাদের মন পরিবর্তন হয়েছে। 9 আর ভেবো না, মনে মনে নিজেদের বলতে পারবে, ‘অব্রাহাম আমাদের পিতা।’ আমি তোমাদের বলছি, ঈশ্বর এই পাথরগুলি থেকেও অব্রাহামের জন্য সন্তান সৃষ্টি করতে পারেন। 10 গাছগুলির শিকড়ে ইতিমধ্যেই কুড়ুল লাগানো আছে। যে গাছে উৎকৃষ্ট ফল ধরে না, তা কেটে আগুনে নিক্ষেপ করা হবে। 11 “তোমরা মন পরিবর্তন করেছ বলে আমি তোমাদের জলে বাষ্পিক্ষ দিচ্ছি ঠিকই, কিন্তু আমার পরে একজন আসবেন, তিনি আমার চেয়েও পরাক্রমশালী; আমি তাঁর চাটিজুতো বওয়ারও যোগ্য

নই। তিনি তোমাদের পবিত্র আত্মায় ও আগুনে বাস্তিষ্ঠ দেবেন। 12  
শস্য ঝাড়াই করার কুলো তাঁর হাতেই আছে এবং তিনি তাঁর খামার  
পরিষ্কার করবেন। তিনি তাঁর গম গোলাঘরে সংগ্রহ করবেন এবং  
তুষ অনির্বাণ আগুনে পুড়িয়ে দেবেন।” 13 এরপর যীশু যোহনের  
কাছে বাস্তিষ্ঠ গ্রহণের জন্য গালীল প্রদেশ থেকে জর্ডনে এলেন। 14  
কিন্তু যোহন তাঁকে বারণ করার চেষ্টা করে বললেন, “আপনার কাছে  
আমারই বাস্তিষ্ঠ নেওয়া প্রয়োজন, আর আপনি কি না আমার কাছে  
আসছেন?” 15 উত্তরে যীশু বললেন, “এখন সেইরকমই হোক; সমস্ত  
ধার্মিকতা পূরণের জন্য আমাদের এরকম করা উপযুক্ত।” তখন যোহন  
সম্মত হলেন। 16 বাস্তাইজিত হওয়ার পরে পরেই যীশু জল থেকে  
উঠে এলেন। সেই মুহূর্তে স্বর্গলোক উন্মুক্ত হল, আর তিনি দেখলেন,  
ঈশ্বরের আত্মা কপোতের আকারে তাঁর উপরে নেমে এসে অধিষ্ঠান  
করছেন। 17 তখন স্বর্গ থেকে এক কণ্ঠস্বর শোনা গেল, “ইনিই আমার  
প্রিয় পুত্র, যাঁর উপরে আমি পরম প্রসন্ন।”

**4** এরপর যীশু পবিত্র আত্মার দ্বারা চালিত হয়ে মরুপ্রান্তের গেলেন,  
যেন দিয়াবলের দ্বারা প্রলোভিত হতে পারেন। 2 চল্লিশ দিন ও চল্লিশ  
রাত উপোস করার পর তিনি ক্ষুধার্ত হলেন। 3 তখন প্রলুক্কারী তাঁর  
কাছে এসে বলল, “তুমি যদি ঈশ্বরের পুত্র হও, এই পাথরগুলিকে  
রুটি হয়ে যেতে বলো।” 4 যীশু উত্তর দিলেন, “এরকম লেখা আছে,  
'মানুষ কেবলমাত্র রুটিতে বাঁচে না, বরং ঈশ্বরের মুখ থেকে নির্গত  
প্রত্যেকটি বাক্য দ্বারাই জীবনধারণ করবে।'” 5 তখন দিয়াবল তাঁকে  
পবিত্র নগরে নিয়ে গেল এবং মন্দিরের শীর্ষদেশে তাঁকে দাঁড় করালো।  
6 সে বলল, “তুমি যদি ঈশ্বরের পুত্র হও, তবে এখান থেকে নিচে ঝাঁপ  
দাও, কারণ এরকম লেখা আছে: ‘তিনি তাঁর দৃতদের তোমার বিষয়ে  
আদেশ দেবেন, আর তাঁরা তোমাকে তাঁদের হাতে তুলে নেবেন, যেন  
তোমার পায়ে পাথরের আঘাত না লাগে।'” 7 যীশু তাঁকে উত্তর দিলেন,  
“আবার একথাও লেখা আছে, 'তোমার ঈশ্বর প্রভুকে পরীক্ষা কোরো  
না।'” 8 দিয়াবল পুনরায় তাঁকে অতি উচ্চ এক পর্বতে নিয়ে গেল এবং  
জগতের সমস্ত রাজ্য ও সেগুলির সমারোহ তাঁকে দেখিয়ে বলল, 9

“তুমি যদি ভূমিষ্ঠ হয়ে আমার উপাসনা করো, এ সমস্ত আমি তোমাকে  
দেব।” 10 যীশু তাকে বললেন, “আমার কাছ থেকে দূর হও শয়তান!  
কারণ এরকম লেখা আছে, ‘তুমি তোমার ঈশ্বর প্রভুরই আরাধনা  
করবে, কেবলমাত্র তাঁরই সেবা করবে।’” 11 তখন দিয়াবল তাঁকে  
ছেড়ে চলে গেল, আর স্বর্গদ্বেতেরা এসে তাঁর পরিচর্মা করতে লাগলেন।  
12 যীশু যখন শুনলেন যে যোহনকে কারাগারে বন্দি করা হয়েছে, তিনি  
গালীলে ফিরে গেলেন। 13 তিনি নাসরৎ ত্যাগ করে কফরনাহুমে গিয়ে  
বসবাস করতে লাগলেন। সেই স্থানটি ছিল সবূলুন ও নগ্নালি অঞ্চলে,  
হৃদের উপকূলে। 14 এরকম ঘটল, যেন ভাববাদী যিশাইয়ের মাধ্যমে  
কথিত বচন পূর্ণ হয়: 15 “সমুদ্রের অভিমুখে, জর্ডনের অপর পারে,  
সবূলুন দেশ ও নগ্নালি দেশ, গালীলের অইল্লদি জাতিবৃন্দের— 16 যে  
জাতি অঙ্ককারে বসবাস করত, তারা এক মহাজ্যোতি দেখতে পেল;  
মৃত্যুচ্ছায়ার দেশে যাদের বসবাস ছিল, তাদের উপরে এক জ্যোতির  
উদয় হল।” 17 সেই সময় থেকে যীশু প্রচার করা শুরু করলেন,  
“মন পরিবর্তন করো, কারণ স্বর্গরাজ্য সন্নিকট।” 18 গালীল সাগরের  
তীর ধরে হেঁটে যাওয়ার সময় যীশু দুই ভাইকে দেখতে পেলেন,  
শিমোন যাঁকে পিতর নামে ডাকা হত ও তাঁর ভাই আন্দ্রিয়। তাঁরা  
সাগরের জলে জাল ফেলছিলেন, কারণ তাঁরা ছিলেন মৎস্যজীবী।  
19 যীশু বললেন, “এসো, আমাকে অনুসরণ করো, আমি তোমাদের  
মানুষ-ধরা জেলে করব।” 20 সেই মুহূর্তেই তাঁরা জাল ফেলে তাঁকে  
অনুসরণ করলেন। 21 সেখান থেকে এগিয়ে গিয়ে তিনি অপর দুই  
ভাইকে, সিবদিয়ের ছেলে যাকোব ও তাঁর ভাই যোহনকে দেখতে  
পেলেন। তাঁরা তাঁদের বাবা সিবদিয়ের সঙ্গে একটি নৌকায় তাঁদের  
জাল মেরামত করছিলেন। যীশু তাঁদের আহান করলেন। 22 সঙ্গে সঙ্গে  
তাঁরা নৌকা ও তাঁদের বাবাকে পরিত্যাগ করে তাঁর অনুসারী হলেন।  
23 যীশু সমস্ত গালীল পরিক্রমা করে তাদের সমাজভবনগুলিতে শিক্ষা  
দিলেন ও স্বর্গরাজ্যের সুসমাচার প্রচার করলেন। তিনি লোকদের সমস্ত  
রকমের রোগব্যাধি ও পীড়া থেকে সুস্থ করলেন। 24 তাঁর সংবাদ সমস্ত  
সিরিয়ায় ছড়িয়ে পড়ল। লোকেরা তাঁর কাছে বিভিন্ন রোগে আক্রান্ত

অসুস্থদের, যারা প্রচণ্ড যন্ত্রণায় কষ্ট পাচ্ছিল তাদের, ভূতগ্রস্তদের, মৃগী-  
রোগীদের ও পক্ষাঘাতগ্রস্ত ব্যক্তিদের নিয়ে এল। তিনি তাদের সুস্থ  
করলেন। 25 গালীল, ডেকাপলি, জেরশালেম, যিহুদিয়া ও জর্ডন নদীর  
অপর পারের অঞ্চল থেকে আগত বিস্তর লোক তাঁকে অনুসরণ করল।

**৫** যীশু অনেক লোক দেখে একটি পর্বতের উপরে উঠে বসলেন।  
তাঁর শিষ্যেরা তাঁর কাছে এলেন। 2 আর তিনি তাঁদের শিক্ষা দিতে  
লাগলেন। তিনি বললেন: 3 “ধন্য তারা, যারা আত্মায় দীনহীন, কারণ  
স্বর্গরাজ্য তাদেরই। 4 ধন্য তারা, যারা শোক করে, কারণ তারা সান্ত্বনা  
পাবে। 5 ধন্য তারা, যারা নতন্ত্র, কারণ তারা পৃথিবীর অধিকার লাভ  
করবে। 6 ধন্য তারা, যারা ধার্মিকতার জন্য ক্ষুধার্ত ও তৃক্ষার্ত, কারণ  
তারা পরিত্থ হবে। 7 ধন্য তারা, যারা দয়াবান, কারণ তাদের প্রতি  
দয়া প্রদর্শিত হবে। 8 ধন্য তারা, যাদের অস্তঃকরণ নির্মল, কারণ  
তারা ঈশ্বরের দর্শন পাবে। 9 ধন্য তারা, যারা মিলন করিয়ে দেয়,  
কারণ তাদের ঈশ্বরের পুত্র বলা হবে। 10 ধন্য তারা, যারা ধার্মিকতার  
কারণে তাড়িত, কারণ স্বর্গরাজ্য তাদেরই। 11 “ধন্য তোমরা, যখন  
লোকে আমার জন্য তোমাদের অপমান করে, নির্যাতন করে ও মিথ্যা  
অভিযোগে তোমাদের বিরুদ্ধে সর্বপ্রকার মন্দ কথা বলে। 12 উল্লিঙ্গিত  
হোয়ো, আনন্দ কোরো; কারণ স্বর্গে তোমাদের পুরক্ষার প্রচুর। কারণ  
পূর্বে ভাববাদীদেরও তারা একই উপায়ে নির্যাতন করত। 13 “তোমরা  
পৃথিবীর লবণ। কিন্তু লবণ যদি তার লবণত্ব হারায়, তাহলে কীভাবে  
তা পুনরায় লবণের স্বাদযুক্ত করা যাবে? তা আর কোনো কাজেরই  
উপযুক্ত থাকে না, কেবলমাত্র তা বাইরে নিষ্কেপ করার ও লোকদের  
পদদলিত হওয়ার যোগ্য হয়। 14 “তোমরা জগতের জ্যোতি। পাহাড়ের  
উপরে অবস্থিত নগর কখনও গুপ্ত থাকতে পারে না। 15 আবার  
লোকে কোনো প্রদীপ জ্বলে তা গামলা দিয়ে ঢেকে রাখে না, বরং তা  
বাতিদানের উপরেই রাখে। তখন তা ঘরে উপস্থিত সকলকেই আলো  
দান করে। 16 একইভাবে, তোমাদের দীপ্তি মানুষের সাক্ষাতে উদ্দীপ্ত  
হোক, যেন তারা তোমাদের সৎ কাজগুলি দেখে তোমাদের স্বর্গস্থ  
পিতার প্রশংসা কীর্তন করে। 17 “এরকম মনে কোরো না যে, বিধান

বা ভাববাদীদের গ্রন্থগুলি আমি লোপ করতে এসেছি; সেগুলি লোপ করার জন্য আমি আসিনি, কিন্তু পূর্ণ করার জন্যই এসেছি। 18 আমি তোমাদের প্রকৃতই বলছি, যতদিন পর্যন্ত আকাশ ও পৃথিবী লুণ্ঠ না হয়, ততদিন পর্যন্ত বিধানের ক্ষুদ্রতম একটি বর্ণ, বা কলমের সামান্যতম কোনো আঁচড়ও লুণ্ঠ হবে না, সমস্ত কিছু পূর্ণরূপে সফল হবে। 19 যে কেউ এইসব আদেশের ক্ষুদ্রতম কোনো আদেশ লজ্জন করে ও অপর মানুষদের সেইমতো শিক্ষা দেয়, সে স্বর্গরাজ্যে ক্ষুদ্রতম বলে গণ্য হবে; কিন্তু যে কেউ এই আদেশগুলি অনুশীলন করে ও সেইরূপ শিক্ষা দেয়, সে স্বর্গরাজ্যে মহান বলে গণ্য হবে। 20 কারণ আমি তোমাদের বলছি, তোমাদের ধার্মিকতা যদি ফরিশী ও শাস্ত্রবিদদের থেকে অধিক না হয়, তোমরা নিশ্চিতরূপে স্বর্গরাজ্যে প্রবেশ করতে পারবে না। 21 “তোমরা শুনেছ, পূর্বেকার মানুষদের বলা হয়েছিল, ‘তোমরা নরহত্যা কোরো না, আর যে নরহত্যা করবে, সে বিচারের দায়ে পড়বে।’ 22 কিন্তু আমি তোমাদের বলছি, যে তার ভাইয়ের উপরে ক্ষেত্র করে, সে বিচারের দায়ে পড়বে। এছাড়াও, কেউ যদি তার ভাইকে বলে, ‘ওরে অপদার্থ,’ তাকে মহাসভায় জবাবদিহি করতে হবে। আবার, কেউ যদি বলে, ‘তুই মূর্খ,’ সে নরকের আগন্তের দায়ে পড়বে। (Geenna g1067) 23 “সুতরাং, তুমি যখন তোমার নৈবেদ্য বেদিতে উৎসর্গ করতে যাচ্ছ, সেই সময় যদি তোমার মনে পড়ে যে, তোমার বিরুদ্ধে তোমার ভাইয়ের কোনো অভিযোগ আছে, 24 তোমার নৈবেদ্য সেই বেদির সামনে রেখে চলে যাও। প্রথমে গিয়ে তোমার ভাইয়ের সঙ্গে পুনর্মিলিত হও, তারপর এসে তোমার নৈবেদ্য উৎসর্গ করো। 25 “তোমার যে প্রতিপক্ষ তোমাকে আদালতে নিয়ে যায়, তার সঙ্গে দ্রুত বিবাদের মীমাংসা কোরো। পথে থাকতে থাকতেই তার সঙ্গে এ কাজ কোরো, না হলে সে হয়তো তোমাকে বিচারকের হাতে তুলে দেবে, বিচারক তোমাকে পেয়াদার হাতে তুলে দেবেন ও তোমাকে কারাগারে নিষ্কেপ করা হবে। 26 আমি তোমাকে সত্যিই বলছি, তোমার দেনা সম্পূর্ণ পরিশোধ না করা পর্যন্ত তুমি বাইরে আসতে পারবে না। 27 “তোমরা শুনেছ, এরকম বলা হয়েছিল, ‘তোমরা ব্যতিচার কোরো না।’ 28 কিন্তু

আমি তোমাদের বলছি যে, কেউ যদি কোনো নারীর প্রতি কামলালসা  
নিয়ে দৃষ্টিগত করে, সে তক্ষনি মনে মনে তার সঙ্গে ব্যভিচার করে।

29 তোমার ডান চোখ যদি তোমার পাপের কারণ হয়, তা উপড়ে  
ফেলে দাও। তোমার সমস্ত শরীর নরকে নিক্ষিপ্ত হওয়ার চেয়ে বরং  
শরীরের একটি অঙ্গহানি হওয়া তোমার পক্ষে ভালো। (Geenna g1067)

30 আর যদি তোমার ডান হাত তোমার পাপের কারণ হয়, তা কেটে  
ফেলে দাও। তোমার সমস্ত শরীর নরকে নিক্ষিপ্ত হওয়ার চেয়ে বরং  
শরীরের একটি অঙ্গহানি হওয়া তোমার পক্ষে ভালো। (Geenna g1067)

31 “এরকম বলা হয়েছে, ‘কেউ যদি তার স্ত্রীকে ত্যাগ করে, তাহলে  
সে যেন অবশ্যই তাকে বিচ্ছেদের ত্যাগপত্র লিখে দেয়।’ 32 কিন্তু  
আমি তোমাদের বলছি, বৈবাহিক জীবনে অবিশ্বস্ততার কারণ ছাড়া  
কেউ যদি তার স্ত্রীকে ত্যাগ করে, সে তাকে ব্যভিচারণী করে তোলে  
এবং পরিত্যক্ত সেই নারীকে যে বিবাহ করে, সেও ব্যভিচার করে।

33 “আবার তোমরা শুনেছ, বহুকাল পূর্বে লোকদের বলা হয়েছিল,  
'তোমরা প্রভুর সাক্ষাতে যে শপথ করেছ, তা ভঙ্গ কোরো না, বরং  
শপথগুলি পালন কোরো।' 34 কিন্তু আমি তোমাদের বলছি, তোমরা  
আদৌ কোনো শপথ কোরো না; স্বর্গের নামে নয়, কারণ তা ঈশ্বরের  
সিংহাসন; 35 কিংবা পৃথিবীর নামে নয়, কারণ তা ঈশ্বরের পাদপীঠ;

আবার জেরশালেমের নামেও নয়, কারণ তা মহান রাজার নগরী। 36  
আর নিজের মাথারও শপথ কোরো না, কারণ তুমি একটিও চুল সাদা

বা কালো করতে পারো না। 37 সাধারণভাবেই তোমাদের 'হ্যাঁ' যেন  
'হ্যাঁ' হয় ও 'না' যেন 'না' হয়। যা এর অতিরিক্ত, তা সেই পাপাত্মা

থেকে আসে। 38 “তোমরা শুনেছ, বলা হয়েছিল, ‘চোখের পরিবর্তে  
চোখ, দাঁতের পরিবর্তে দাঁত।’ 39 কিন্তু আমি তোমাদের বলছি, কোনো

দুষ্ট ব্যক্তির প্রতিরোধ কোরো না। কেউ যদি তোমার ডান গালে চড়  
মারে, তোমার অন্য গালও তার দিকে বাঢ়িয়ে দাও। 40 আর কেউ

যদি তোমার জামা নিয়ে নেওয়ার জন্য তোমার বিরংদে মামলা করতে  
চায়, তাকে তোমার চাদরও নিতে দিয়ো। 41 কেউ যদি তোমাকে  
এক কিলোমিটার যাওয়ার জন্য জোর করে, তুমি তার সঙ্গে দুই

কিলোমিটার যাও। 42 কেউ যদি তোমার কাছে কিছু চায়, তাকে তা দাও; যে তোমার কাছে খণ্ড চায়, তার কাছ থেকে মুখ ফিরিয়ে নিয়ো না। 43 “তোমরা শুনেছ, বলা হয়েছিল, ‘তোমার প্রতিবেশীকে প্রেম কোরো’ ও ‘তোমার শক্রকে ঘৃণা কোরো।’ 44 কিন্তু আমি তোমাদের বলছি, তোমরা তোমাদের শক্রদের ভালোবেসো এবং যারা তোমাদের অভ্যাচার করে, তোমরা তাদের জন্য প্রার্থনা কোরো, 45 যেন তোমরা তোমাদের স্বর্গস্থ পিতার সন্তান হও। কারণ তিনি ভালোমন্দ, সব মানুষের উপরে সূর্য উদিত করেন এবং ধার্মিক অধার্মিক নির্বিশেষে সকলের উপরে বৃষ্টি দেন। 46 যারা তোমাদের ভালোবাসে, তোমরা যদি তাদেরই ভালোবাসো, তাহলে তোমরা কী পুরক্ষার পাবে? কর আদায়কারীরাও কি সেরকম করে না? 47 আর তোমরা যদি কেবলমাত্র তোমাদের ভাইদেরই নমক্ষার করো, তাহলে অন্যদের চেয়ে বেশি আর কী করছ? পরজাতীয়েরাও কি সেরকম করে না? 48 অতএব, তোমাদের স্বর্গস্থ পিতা যেমন সিদ্ধ, তোমরাও সেইরূপ সিদ্ধ হও।

**৬** “সতর্ক থেকো তোমরা যেন প্রকাশ্যে কোনো লোক-দেখানো ধর্মকর্ম না করো। যদি করো, তাহলে তোমরা তোমাদের স্বর্গস্থ পিতার কাছ থেকে কোনো পুরক্ষারই পাবে না। 2 “তাই তোমরা যখন কোনো দরিদ্র মানুষকে দান করো, তখন ভঙ্গেরা যেমন সমাজভবনগুলিতে বা পথে পথে মানুষদের কাছে প্রশংসা পাওয়ার জন্য তুরী বাজিয়ে ঘোষণা করে, তোমরা তেমন কোরো না। আমি তোমাদের সত্য বলছি, তারা তাদের পুরক্ষার পেয়ে গেছে। 3 কিন্তু যখন তুমি দরিদ্রদের দান করো, তোমার ডান হাত কী করছে, তা যেন তোমার বাঁ হাত জানতে না পায়, যেন তোমার দান গোপনে হয়। 4 তাহলে তোমার পিতা, যিনি গোপনে সবকিছু দেখেন, তিনি তোমাকে পুরক্ষার দেবেন। 5 “আর তোমরা যখন প্রার্থনা করো, তখন ভগুদের মতো কোরো না, কারণ তারা সমাজভবনগুলিতে বা পথের কোণে কোণে দাঁড়িয়ে লোক-দেখানো প্রার্থনা করতে ভালোবাসে। আমি তোমাদের সত্যই বলছি, তারা তাদের পুরক্ষার পেয়ে গেছে। 6 কিন্তু তুমি যখন প্রার্থনা করো তখন ঘরে যাও, দরজা বন্ধ করো ও তোমার পিতা যিনি অদৃশ্য

হলেও উপস্থিত—তাঁর কাছে প্রার্থনা করো। এতে তোমার পিতা, যিনি  
গোপনে সবকিছু দেখেন, তিনি তোমাকে পুরস্কৃত করবেন। 7 আর  
তুমি প্রার্থনা করার সময় পরজাতীয়দের মতো অর্থহীন পুনরাবৃত্তি  
করো না, কারণ তারা মনে করে, বাগবাহ্ল্যের জন্যই তারা প্রার্থনার  
উত্তর পাবে। 8 তাদের মতো হোয়ো না, কারণ তোমাদের কী প্রয়োজন  
তা চাওয়ার পূর্বেই তোমাদের পিতা জানেন। 9 “অতএব, তোমরা  
এভাবে প্রার্থনা করো: “হে আমাদের স্বর্গস্থ পিতা, তোমার নাম পবিত্র  
বলে মান্য হোক, 10 তোমার রাজ্য আসুক, তোমার ইচ্ছা যেমন স্বর্গে,  
তেমন পৃথিবীতেও পূর্ণ হোক। 11 আমাদের দৈনিক আহার আজ  
আমাদের দাও। 12 আমরা যেমন আমাদের বিরণক্ষেত্রে অপরাধীদের  
ক্ষমা করেছি, তেমন তুমিও আমাদের অপরাধসকল ক্ষমা করো।  
13 আর আমাদের প্রলোভনে পড়তে দিয়ো না, কিন্তু সেই পাপাত্মা  
থেকে রক্ষা করো।’ 14 কারণ তোমরা যদি লোকের অপরাধ ক্ষমা  
করো, তোমাদের স্বর্গস্থ পিতাও তোমাদের অপরাধ ক্ষমা করবেন।  
15 কিন্তু তোমরা যদি লোকের অপরাধ ক্ষমা না করো, তোমাদের  
পিতাও তোমাদের অপরাধসকল ক্ষমা করবেন না। 16 “তোমরা যখন  
উপোস করো, তখন ভগ্নদের মতো নিজেদের গুরুগন্তীর দেখিয়ো  
না, কারণ তারা নিজেদের মুখমণ্ডল মলিন করে লোকদের দেখায় যে  
তারা উপোস করছে। আমি তোমাদের সত্ত্ব বলছি, তারা তাদের  
পুরস্কার পেয়ে গেছে। 17 কিন্তু তুমি যখন উপোস করো, তোমার মাথায়  
তেল দিয়ো ও মুখ ধুয়ো, 18 ফলে তুমি যে উপোস করছ, তা যেন  
লোকদের কাছে স্পষ্ট না হয়, কেবলমাত্র তোমার পিতার কাছেই স্পষ্ট  
হয় যিনি অদৃশ্য। এতে তোমার পিতা, যিনি গোপনে সব দেখেন, তিনি  
তোমাকে পুরস্কৃত করবেন। 19 “তোমরা নিজেদের জন্য পৃথিবীতে ধন  
সঞ্চয় করো না। এখানে কীটপতঙ্গ ও মরচে তা নষ্ট করে এবং চোর  
সিংধ কেটে চুরি করে। 20 কিন্তু নিজেদের জন্য স্বর্গে ধন সঞ্চয় করো,  
যেখানে কীটপতঙ্গ ও মরচে তা নষ্ট করতে পারে না এবং চোরেও  
সিংধ কেটে চুরি করতে পারে না। 21 কারণ যেখানে তোমাদের ধন  
থাকবে, সেখানেই তোমাদের মন পড়ে থাকবে। 22 “চোখ শরীরের

প্রদীপ। তোমার দুই চোখ যদি নির্মল হয়, তাহলে তোমার সমস্ত শরীর  
আলোময় হয়ে উঠবে। 23 কিন্তু তোমার চোখ যদি মন্দ হয়, তোমার  
সমস্ত শরীর অঙ্ককারে ছেয়ে যাবে। তোমার ভিতরের আলো যদি  
অঙ্ককারময় হয়ে ওঠে, তবে সেই অঙ্ককার কতই না ভয়ংকর! 24  
“কেউই দুজন মনিবের সেবা করতে পারে না। সে হয় একজনকে ঘৃণা  
করে অপরজনকে ভালোবাসবে, নয়তো সে একজনের অনুগত হয়ে  
অপরজনকে অবজ্ঞা করবে। তোমরা ঈশ্বর ও অর্থ, এই দুয়ের সেবা  
করতে পারো না। 25 “এই কারণে আমি তোমাদের বলছি, তোমাদের  
জীবনের বিষয়ে দুশ্চিন্তা কোরো না, তোমরা কী খাবে বা পান করবে;  
বা শরীরের বিষয়ে, কী পোশাক পড়বে। খাবারের চেয়ে জীবন কি  
বড়ো বিষয় নয় এবং পোশাকের চেয়ে শরীর কি বেশি গুরুত্বপূর্ণ নয়?  
26 আকাশের পাখিদের দিকে তাকিয়ে দেখো; তারা বীজবপন করে  
না, ফসল কাটে না, বা গোলায় সঞ্চয়ও করে না; তবুও তোমাদের  
স্বর্গস্থ পিতা তাদের খাবার জুগিয়ে দেন। তোমরা কি তাদের চেয়েও  
অনেক বেশি মূল্যবান নও? 27 দুশ্চিন্তা করে তোমাদের কেউ কি  
নিজের আয় এক ঘণ্টাও বৃদ্ধি করতে পারে? 28 “আর পোশাকের  
বিষয়ে তোমরা কেন দুশ্চিন্তা করো? দেখো, মাঠের লিলি ফুল কীভাবে  
বিকশিত হয়। তারা পরিশ্রম করে না, সুতোও কাটে না। 29 তবুও  
আমি তোমাদের বলছি, রাজা শলোমনও তার সমস্ত মহিমায় এদের  
একটিরও মতো সুশোভিত ছিলেন না। 30 মাঠের যে ঘাস আজ আছে,  
অথচ আগামীকাল আগুনে নিক্ষিপ্ত করা হবে, ঈশ্বর যদি সেগুলিকে  
এত সুশোভিত করে থাকেন, তাহলে ওহে অল্পবিশ্বাসীরা, তিনি কি  
তোমাদের আরও বেশি সুশোভিত করবেন না? 31 সেই কারণে,  
'আমরা কী খাব?' বা 'আমরা কী পান করব?' বা 'আমরা কী পরব?'  
এসব নিয়ে তোমরা দুশ্চিন্তা কোরো না। 32 কারণ পরজাতীয়রাই  
এই সমস্ত বিষয়ে ব্যতিব্যস্ত হয়ে থাকে, অথচ তোমাদের স্বর্গস্থ পিতা  
জানেন যে এগুলো তোমাদের প্রয়োজন। 33 কিন্তু তোমরা প্রথমে  
তাঁর রাজ্য ও ধার্মিকতার অঙ্গে করো, তাহলে এই সমস্ত বিষয়ও  
তোমাদের দেওয়া হবে। 34 অতএব, কালকের বিষয়ে দুশ্চিন্তা কোরো

না, কারণ কাল স্বয়ং নিজের বিষয়ে দুশ্চিন্তা করবে। প্রত্যেকটি দিনের কষ্ট প্রতিটি দিনের জন্য যথেষ্ট।

7 “তোমরা অপরকে বিচার কোরো না, নইলে তোমাদেরও বিচার করা হবে। 2 কারণ যেভাবে তোমরা অপরের বিচার করবে, সেভাবেই তোমাদের বিচার করা হবে এবং যে মানদণ্ডে তোমরা পরিমাপ করবে, সেই একই মানদণ্ডে তোমাদের পরিমাপ করা হবে। 3 “তোমার ভাইয়ের চোখে যে কাঠের গুঁড়ো রয়েছে, কেবলমাত্র সেটিই দেখছ, অথচ তোমার নিজের চোখে যে কড়িকাঠ রয়েছে, তার প্রতি মনোযোগ দিছ না কেন? 4 তুমি কী করে তোমার ভাইকে বলতে পারো, ‘এসো, তোমার চোখ থেকে কাঠের গুঁড়োটি বের করে দিই,’ যখন তোমার নিজের চোখেই সবসময় কড়িকাঠ রয়েছে? 5 ওহে ভগ্ন, প্রথমে নিজের চোখ থেকে কড়িকাঠটি বের করো, তাহলেই তোমার ভাইয়ের চোখ থেকে কাঠের গুঁড়োটি বের করার জন্য স্পষ্ট দেখতে পাবে। 6 “পবিত্র বস্তু কুকুরদের দিয়ো না; তোমাদের মুক্তো শূকরদের সামনে ছড়িয়ো না, যদি তা করো, তারা হয়তো সেগুলি পদদলিত করবে ও ফিরে তোমাদের ছিঁড়ে টুকরো টুকরো করবে। 7 “চাও, তোমাদের দেওয়া হবে; খোঁজ করো, তোমরা পাবে; কড়া নাড়ো, তোমাদের জন্য দ্বার খুলে দেওয়া হবে। 8 কারণ যে চায়, সে গ্রহণ করে; যে খোঁজ করে, সে সন্ধান পায়; আর যে কড়া নাড়ে, তার জন্য দ্বার খুলে দেওয়া হয়। 9 “তোমাদের মধ্যে এমন কে আছে যে তার ছেলে রূটি চাইলে, তাকে পাথর দেবে? 10 অথবা, মাছ চাইলে তাকে সাপ দেবে? 11 তোমরা মন্দ প্রকৃতির হয়েও যদি নিজেদের সন্তানদের ভালো ভালো উপহার দিতে জানো, তাহলে যারা তোমাদের স্বর্গস্থ পিতার কাছে চায়, তাদের তিনি আরও কত না উৎকৃষ্ট সব উপহার নিশ্চিতরূপে দান করবেন? 12 তাই সব বিষয়ে, তোমরা অপরের কাছ থেকে যেরূপ ব্যবহার পেতে চাও, তাদের প্রতি তোমরাও সেরূপ ব্যবহার কোরো। কারণ এই হল বিধান ও ভাববাদীদের শিক্ষার মূল বিষয়। 13 “সংকীর্ণ দ্বার দিয়ে প্রবেশ করো, কারণ প্রশংসন দ্বার ও সুবিস্তৃত পথ ধ্বংসের দিকে নিয়ে যায় এবং বহু মানুষ তা দিয়ে প্রবেশ করে। 14 কিন্তু জীবনে প্রবেশ

করার দ্বার সংকীর্ণ ও পথ দুর্গম, আর খুব কম লোকই তার সন্ধান  
পায়। 15 “ভগ্ন ভাববাদীদের থেকে সাবধান। তারা মেষের ছদ্মবেশে  
তোমাদের কাছে আসে, কিন্তু অন্তরে তারা হিংস্র নেকড়ের মতো।  
16 তাদের ফল দ্বারাই তোমরা তাদের চিনতে পারবে। লোকে কি  
কাঁটাবোপ থেকে আঙুর, বা শিয়ালকাঁটা থেকে ডুমুরফল পায়? 17  
একইভাবে, প্রত্যেক ভালো গাছে ভালো ফল ধরে, কিন্তু মন্দ গাছে  
মন্দ ফল ধরে। 18 কোনো ভালো গাছে মন্দ ফল ধরতে পারে না এবং  
কোনো মন্দ গাছে ভালো ফল ধরতে পারে না। 19 যে গাছে ভালো  
ফল ধরে না, সেই গাছ কেটে আগুনে ফেলে দেওয়া হয়। 20 এভাবে,  
তাদের ফল দ্বারাই তোমরা তাদের চিনতে পারবে। 21 “যারা আমাকে  
'প্রভু, প্রভু' বলে, তারা সবাই স্বর্গরাজ্য প্রবেশ করতে পারবে না;  
কিন্তু যে আমার স্বর্গস্থ পিতার ইচ্ছা পালন করবে, সেই প্রবেশ করতে  
পারবে। 22 সেদিন, অনেকে আমাকে বলবে, 'প্রভু, প্রভু; আমরা কি  
আপনার নামে ভবিষ্যদ্বাণী করিনি? আপনার নামে কি ভূত তাড়াইনি  
ও বহু অলৌকিক কাজ করিনি?' 23 তখন আমি তাদের স্পষ্ট বলব,  
'আমি তোমাদের কোনোকালেও জানতাম না। দুষ্টের দল, আমার  
সামনে থেকে দূর হও!' 24 “অতএব, যে আমার এসব বাক্য শুনে  
পালন করে, সে এমন এক বুদ্ধিমান লোকের মতো, যে পাথরের উপরে  
তার বাড়ি নির্মাণ করল। 25 পরে বৃষ্টি নামল, বন্যা এল, ঝড় বইল ও  
সেই বাড়িতে আঘাত করল; তবুও তার পতন হল না, কারণ পাথরের  
উপরে তার ভিত্তিমূল প্রতিষ্ঠিত ছিল। 26 কিন্তু যে কেউ আমার এসব  
বাক্য শুনেও পালন করে না, সে এমন এক মূর্খ মানুষের মতো, যে  
বালির উপরে তার বাড়ি নির্মাণ করল। 27 পরে বৃষ্টি নামল, বন্যা এল,  
ঝড় বইল ও সেই বাড়িতে আঘাত করল, আর তার ভয়ংকর পতন  
হল।” 28 যীশু যখন এসব বিষয় বলা শেষ করলেন তখন লোকেরা  
তাঁর শিক্ষায় আশ্চর্য হয়ে গেল। 29 কারণ তিনি শাস্ত্রবিদদের মতো নয়,  
কিন্তু একজন ক্ষমতাসম্পন্ন ব্যক্তির মতোই শিক্ষা দিলেন।

**৮** যীশু যখন পর্বতের উপর থেকে নেমে এলেন তখন অনেক লোক  
তাঁকে অনুসরণ করতে লাগল। 2 তখন একজন কুর্ষরোগী এসে তাঁর

সামনে নতজানু হয়ে বলল, “প্রভু, আপনি ইচ্ছা করলেই আমাকে  
শুচিশুদ্ধ করতে পারেন।” ৩ যীশু তাঁর হাত বাড়িয়ে সেই ব্যক্তিকে স্পর্শ  
করলেন। তিনি বললেন, “আমার ইচ্ছা, তুমি শুচিশুদ্ধ হও!” ৪ তখন যীশু তাকে বললেন, “দেখো,  
তুমি একথা কাউকে বোলো না, কিন্তু যাজকদের কাছে গিয়ে নিজেকে  
দেখাও এবং মোশির আদেশমতো তাদের কাছে সাক্ষ্য দেওয়ার জন্য  
নৈবেদ্য উৎসর্গ করো।” ৫ যীশু কফরনাহুমে প্রবেশ করলে একজন  
শত-সেনাপতি তাঁর কাছে এসে সাহায্যের নিবেদন করলেন। ৬ তিনি  
বললেন, “প্রভু, আমার দাস পক্ষাঘাতে আক্রান্ত হয়ে বাড়িতে পড়ে  
আছে, ভীষণ কষ্ট পাচ্ছে।” ৭ যীশু তাকে বললেন, “আমি গিয়ে তাকে  
সুস্থ করব।” ৮ সেই শত-সেনাপতি উত্তরে বললেন, “প্রভু, আপনি  
আমার বাড়িতে আসবেন আমি এমন যোগ্য নই। কেবলমাত্র মুখে  
বলুন, তাতেই আমার দাস সুস্থ হবে।” ৯ কারণ আমিও কর্তৃত্বের অধীন  
একজন মানুষ এবং সৈন্যরা আমার অধীন। আমি তাদের একজনকে  
'যাও' বললে সে যায়, অপরজনকে 'এসো' বললে সে আসে, আবার  
আমার দাসকে 'এই কাজটি করো,' বললে সে তা করে।” ১০ একথা  
শুনে যীশু বিস্মিত হয়ে তাঁর অনুসরণকারীদের উদ্দেশে বললেন, “আমি  
তোমাদের সত্যিই বলছি, ইস্রায়েলে আমি এমন কারও সন্ধান পাইনি,  
যার মধ্যে এত গভীর বিশ্বাস আছে। ১১ আমি তোমাদের বলে রাখছি,  
প্রাচ্য ও পাশ্চাত্য দেশ থেকে বহু মানুষই আসবে এবং এসে অব্রাহাম,  
ইস্থাক ও যাকোবের সঙ্গে স্বর্গরাজ্য তাদের আসন গ্রহণ করবে। ১২  
কিন্তু সেই রাজ্যের প্রজাদের বাইরের অন্ধকারে ফেলে দেওয়া হবে,  
যেখানে রোদন ও দন্তঘর্ষণ হবে।” ১৩ পরে যীশু সেই শত-সেনাপতিকে  
বললেন, “যাও! তুমি যেমন বিশ্বাস করেছ, তেমনই হবে।” আর সেই  
মুহূর্তেই তার দাস সুস্থ হয়ে গেল। ১৪ যীশু যখন পিতরের বাড়িতে  
এলেন, তিনি দেখলেন, পিতরের শাশুড়ি জ্বরে বিছানায় শুয়ে আছেন।  
১৫ তিনি তাঁর হাত স্পর্শ করলেন, এবং তাঁর জ্বর ছেড়ে গেল। তিনি  
উঠে তাঁর পরিচর্যা করতে লাগলেন। ১৬ যখন সন্ধ্যা ঘনিয়ে এল, বহু  
ভূতগ্রস্ত মানুষকে যীশুর কাছে নিয়ে আসা হল। তিনি মুখের কথাতেই

ভূতদের তাঢ়িয়ে দিলেন ও সব অসুস্থ ব্যক্তিকে সুস্থ করলেন। 17  
এভাবে ভাববাদী যিশাইয়ের মাধ্যমে কথিত বচন পূর্ণ হল: “তিনি  
আমাদের সমস্ত দুর্বলতা গ্রহণ ও আমাদের সকল রোগ বহন করলেন।”  
18 যীশু যখন তাঁর চারপাশে অনেক লোকের ভিড় দেখলেন, তিনি  
সাগরের অপর পারে যাওয়ার জন্য শিয়দের আদেশ দিলেন। 19  
তখন একজন শাস্ত্রবিদ তাঁর কাছে এসে বললেন, “গুরুমহাশয়, আপনি  
যেখানে যাবেন আমিও আপনার সঙ্গে সেখানে যাব।” 20 উভরে যীশু  
বললেন, “শিয়ালদের গর্ত আছে, আকাশের পাখিদের বাসা আছে,  
কিন্তু মনুষ্যপুত্রের মাথা রাখার কোনও স্থান নেই।” 21 অন্য একজন  
শিষ্য তাঁকে বললেন, “প্রভু, প্রথমে আমাকে গিয়ে আমার পিতাকে  
সমাধি দিয়ে আসার অনুমতি দিন।” 22 কিন্তু যীশু তাঁকে বললেন,  
“আমাকে অনুসরণ করো। মৃতেরাই তাদের মৃতজনদের সমাধি দিক।”  
23 এরপর যীশু নৌকায় উঠলেন ও শিয়রাও তাঁর সঙ্গ নিলেন। 24  
হঠাৎ সমুদ্রে এক ভয়ংকর ঝড় উঠল ও নৌকার উপরে চেউ আছড়ে  
পড়তে লাগল। কিন্তু যীশু তখন ঘুমাচ্ছিলেন। 25 শিষ্যেরা গিয়ে তাঁকে  
জাগিয়ে তুলে বললেন, “প্রভু, আমাদের রক্ষা করুন! আমরা যে ডুবতে  
বসেছি!” 26 তিনি উভর দিলেন, “অল্পবিশ্বাসীর দল, তোমরা এত ভয়  
পাচ্ছ কেন?” তারপর তিনি উঠে ঝড় ও চেউকে ধরক দিলেন, তাতে  
সবকিছু সম্পূর্ণ শান্ত হয়ে গেল। 27 এতে শিষ্যেরা আশ্চর্য হয়ে বললেন,  
“ইনি কেমন মানুষ? ঝড় ও সমুদ্র তাঁর আদেশ পালন করে!” 28 পরে  
যীশু যখন সমুদ্রের অপর পারে গাদারীয়দের অঞ্চলে পৌঁছালেন, দুজন  
ভূতগ্রস্ত লোক সমাধিস্থল থেকে বের হয়ে তাঁর সামনে এসে উপস্থিত  
হল। তারা এতই হিংস্র ছিল যে, সেই পথ দিয়ে কেউই যাওয়া-আসা  
করতে পারত না। 29 তারা চিংকার করে বলল, “হে ঈশ্বরের পুত্র,  
আপনি আমাদের নিয়ে কী করতে চান? নির্ধারিত সময়ের পূর্বেই কি  
আপনি আমাদের যন্ত্রণা দিতে এসেছেন?” 30 তাদের কাছ থেকে  
কিছুটা দূরে একপাল শূকর চরে বেড়াচ্ছিল। 31 সেই ভূতেরা যীশুর  
কাছে বিনতি করল, “আপনি যদি আমাদের তাড়াতে চান, তাহলে ওই  
শূকরদের মধ্যে আমাদের পাঠিয়ে দিন।” 32 তিনি তাদের বললেন,

“যাও!” তখন তারা বেরিয়ে এসে সেই শূকরপালের মধ্যে প্রবেশ করল। তাতে সেই শূকরের পাল ঢালু তীর বেয়ে তীব্র গতিতে ছুটে এসে সমুদ্রে পড়ল ও জলে ডুবে মারা গেল। 33 যারা সেই শূকরদের চরাচিল, তারা দৌড়ে পালিয়ে নগরের মধ্যে গেল ও এসব বিষয়ের সংবাদ দিল; ওই ভূতগ্রস্ত লোকদের কী ঘটেছিল, সেকথাও তারা বলল। 34 তখন নগরের সমস্ত লোক যীশুর সঙ্গে সাক্ষাৎ করার জন্য বেরিয়ে এল। তারা তাঁকে দেখতে পেয়ে অনুরোধ করল, যেন তিনি তাদের অঞ্চল ছেড়ে চলে যান।

9 এরপর যীশু একটি নৌকায় উঠে সাগর পার করে তাঁর নিজের নগরে এলেন। 2 কয়েকজন মানুষ একজন পক্ষাঘাতগ্রস্ত ব্যক্তিকে খাটে শুইয়ে তাঁর কাছে নিয়ে এল। তাদের বিশ্বাস দেখে যীশু সেই পক্ষাঘাতগ্রস্ত ব্যক্তিকে বললেন, “বৎস, সাহস করো, তোমার সব পাপ ক্ষমা করা হল।” 3 এতে কয়েকজন শাস্ত্রবিদ মনে মনে বলল, “এই লোকটি তো ঈশ্বরনিন্দা করছে!” 4 যীশু তাদের মনের কথা বুঝতে পেরে বললেন, “তোমরা মনে মনে মন্দ চিন্তা করছ কেন? 5 কোন কথাটি বলা সহজ, ‘তোমার পাপ ক্ষমা করা হল,’ বলা না, ‘তুমি উঠে হেঁটে বেড়াও’ বলা? 6 কিন্তু আমি চাই যেন তোমরা জানতে পারো যে পৃথিবীতে পাপ ক্ষমা করার অধিকার মনুষ্যপুত্রের আছে” এই বলে তিনি সেই পক্ষাঘাতগ্রস্ত ব্যক্তিকে বললেন, “ওঠো, তোমার খাট তুলে বাড়ি চলে যাও।” 7 তখন ব্যক্তি উঠে বাড়ি চলে গেল। 8 এই দেখে সমস্ত লোক ভীত হয়ে উঠল এবং ঈশ্বর মানুষকে এমন ক্ষমতা দিয়েছেন বলে তারা ঈশ্বরের প্রশংসা করতে লাগল। 9 সেই স্থান ছেড়ে চলে যাওয়ার সময় যীশু দেখলেন, মথি নামে এক ব্যক্তি কর আদায়কারীর চালাঘরে বসে আছেন। তিনি তাঁকে বললেন, “আমাকে অনুসরণ করো!” মথি তখনই উঠে পড়লেন ও তাঁকে অনুসরণ করতে লাগলেন। 10 মথির বাড়িতে যীশু যখন রাতের খাওয়া খেতে বসেছিলেন, তখন বহু কর আদায়কারী ও পাপী মানুষ এসে যীশু ও তাঁর শিষ্যদের সঙ্গে খেতে বসল। 11 ফরিশীরা তা লক্ষ্য করে তাঁর শিষ্যদের জিজ্ঞাসা করল, “কর আদায়কারী ও পাপীদের

সঙ্গে বসে তোমাদের গুরুমহাশয় কেন খাওয়াদাওয়া করেন?” 12  
একথা শুনে যীশু বললেন, “পীড়িত ব্যক্তিরই চিকিৎসকের প্রয়োজন,  
সুস্থ ব্যক্তির নয়। 13 কিন্তু তোমরা যাও এবং এই বাকেয়ের মর্ম কি তা  
শিক্ষা নাও: ‘আমি দয়া চাই, বলিদান নয়।’ কারণ আমি ধার্মিকদের  
নয়, কিন্তু পাপীদের আহ্বান করতে এসেছি।” 14 এরপর যোহন্নের  
শিয়েরা এসে তাঁকে জিজ্ঞাসা করল, “এ কী রকম যে, ফরিশীরা ও  
আমরা উপোস করি, কিন্তু আপনার শিয়েরা উপোস করে না?” 15  
যীশু উত্তর দিলেন, “বর সঙ্গে থাকতে তার অতিথিরা কীভাবে দুঃখ  
করতে পারে? সময় আসবে, যখন বরকে তাদের মধ্য থেকে সরিয়ে  
নেওয়া হবে; তখন তারা উপোস করবে। 16 “পুরোনো পোশাকে কেউ  
নতুন কাপড়ের তালি লাগায় না, কারণ তা করলে সেই কাপড়ের  
টুকরোটি পুরোনো পোশাক থেকে ছিঁড়ে বেরিয়ে আসবে ও সেই ছিন্দ  
আরও বড়ো হয়ে উঠবে। 17 আবার পুরোনো চামড়ার সুরাধাৰে কেউই  
টাটকা আঙুরের রস ঢালে না। যদি ঢালে, তাহলে চামড়ার সুরাধাৰ  
ফেটে যাবে, আঙুরের রস গাড়িয়ে পড়বে এবং সুরাধাৰটি ও নষ্ট হবে।  
না, তারা নতুন আঙুরের রস নতুন সুরাধাৰেই রাখে, এতে উভয়ই  
সংরক্ষিত থাকে।” 18 যীশু যখন এই কথাগুলি বলছিলেন, এমন  
সময়ে একজন সমাজভবনের অধ্যক্ষ এসে তাঁর সামনে নতজানু হয়ে  
বললেন, “আমার মেয়েটি সবেমাত্র মারা গেছে। কিন্তু আপনি এসে  
তার উপরে হাত রাখুন, তাহলে সে বেঁচে উঠবে।” 19 যীশু উঠে তাঁর  
সঙ্গ নিলেন, তাঁর শিয়েরাও তাই করলেন। 20 ঠিক সেই মুহূর্তে, এক  
নারী, যে বারো বছর ধরে রক্তস্নাবের ব্যাধিতে ভুগছিল, তাঁর পিছন  
দিক থেকে এসে তাঁর পোশাকের আঁচল স্পর্শ করল। 21 সে মনে মনে  
ভেবেছিল, “কেবলমাত্র তাঁর পোশাকটুকু যদি আমি স্পর্শ করতে পারি,  
তাহলেই আমি সুস্থ হব।” 22 যীশু পিছন ফিরে তাকে দেখতে পেয়ে  
বললেন, “সাহস করো, তোমার বিশ্বাসই তোমাকে সুস্থ করেছে।”  
সেই মুহূর্ত থেকেই সেই নারী সুস্থ হল। 23 যীশু সেই সমাজভবনের  
অধ্যক্ষের বাড়িতে প্রবেশ করে দেখলেন বাঁশি-বাদকেরা রয়েছে ও  
লোকেরা শোরগোল করছে। 24 তিনি বললেন, “তোমরা চলে যাও।

মেয়েটি মারা যায়নি, সে ঘুমিয়ে আছে।” তারা কিন্তু তাঁকে উপহাস করতে লাগল। 25 লোকের ভিড় এক পাশে সরিয়ে দেওয়ার পর, যীশু ভিতরে গিয়ে মেয়েটির হাত ধরলেন। এতে সে উঠে বসল। 26 এই ঘটনার সংবাদ সেই সমস্ত অঞ্চলে ছড়িয়ে পড়ল। 27 যীশু সেখান থেকে চলে যাওয়ার সময় দুজন অন্ধ মানুষ তাঁকে অনুসরণ করে চি�ৎকার করতে লাগল, “দাউদ-সন্তান, আমাদের প্রতি দয়া করুন।” 28 তিনি ঘরের মধ্যে প্রবেশ করলে সেই দুজন অন্ধ মানুষ তাঁর কাছে এল। তিনি তাদের জিজ্ঞাসা করলেন, “তোমরা কি বিশ্বাস করো যে, আমি এ কাজ করতে পারি?” তারা উত্তর দিল, “হ্যাঁ, প্রভু।” 29 তখন তিনি তাদের চোখ স্পর্শ করলেন ও বললেন, “তোমাদের বিশ্বাস অনুযায়ীই তোমাদের প্রতি হোক।” 30 আর তারা দৃষ্টিশক্তি পুনরায় ফিরে পেল। যীশু তাদের কঠোরভাবে সাবধান করে দিয়ে বললেন, “দেখো, কেউ যেন একথা জানতে না পারে।” 31 কিন্তু তারা বাইরে গিয়ে সেই অঞ্চলের সর্বত্র তাঁর সংবাদ ছড়িয়ে দিল। 32 সেই দুজন যখন বেরিয়ে চলে যাচ্ছিল, তখন একজন ভূতগ্রস্ত মানুষকে যীশুর কাছে নিয়ে আসা হল। সে কথা বলতে পারত না। 33 যখন সেই ভূতকে তাড়ানো হল তখন বোৰা মানুষটি কথা বলতে লাগল। সকলে বিস্ময়ে আশ্চর্য হয়ে বলল, “ইস্রায়েলে এ ধরনের ঘটনা আর কখনও দেখা যায়নি।” 34 কিন্তু ফরিশীরা বলল, “ও তো ভূতদের অধিপতির দ্বারাই ভূত ছাড়ায়।” 35 যীশু বিভিন্ন নগর ও গ্রাম পরিক্রমা করতে লাগলেন। তিনি তাদের সমাজভবনগুলিতে শিক্ষা দিতে ও স্বর্গরাজ্যের সুসমাচার প্রচার করতে লাগলেন। তিনি সব ধরনের রোগ ও ব্যাধি দূর করলেন। 36 যখন তিনি লোকের ভিড় দেখলেন তিনি তাদের প্রতি সহানুভূতিশীল হলেন, কারণ তারা পালকহীন মেষপালের মতো বিপর্যস্ত ও দিশেহারা ছিল। 37 তখন তিনি তাঁর শিষ্যদের বললেন, “ফসল প্রচুর, কিন্তু কর্মী সংখ্যা অল্প।” 38 তোমরা ফসলের মালিকের কাছে প্রার্থনা করো, যেন তিনি তাঁর শস্যক্ষেত্রে কর্মচারীদের পাঠান।”

**10** যীশু তাঁর বারোজন শিষ্যকে নিজের কাছে ডাকলেন। তিনি তাঁদের অশুচি আত্মা তাড়ানোর, সমস্ত রকম রোগ ও পীড়া ভালো

করার ক্ষমতা দিলেন। 2 সেই বারোজন প্রেরিতের নাম হল: প্রথমে, শিমোন যাকে পিতর নামে ডাকা হত ও তার ভাই আন্দ্রিয়; সিবদিয়ের পুত্র যাকোব ও তার ভাই যোহন; 3 ফিলিপ ও বর্থলিময়; থোমা ও কর আদায়কারী মথি; আলফেয়ের পুত্র যাকোব ও থদেয়; 4 উদ্যেগী শিমোন ও যিহূদা ইক্ফারিয়োৎ, যে তার সঙ্গে বিশ্বাসঘাতকতা করেছিল। 5 যীশু বারোজনকে এসব আদেশ দিয়ে পাঠালেন: “তোমরা অইহুদিদের মধ্যে যেয়ো না বা শমরীয়দের কোনো নগরে প্রবেশ কোরো না। 6 বরং তোমরা ইস্রায়েলের হারিয়ে যাওয়া মেষদের কাছে যাও। 7 তোমরা যেতে যেতে এই বার্তা প্রচার কোরো: ‘স্বর্গরাজ্য সন্নিকট।’ 8 তোমরা পীড়িতদের সুস্থ করো, মৃতদের উত্থাপন করো, যাদের কুর্থরোগ আছে, তাদের শুচিশুদ্ধ করো, ভূতদের তাঢ়িও। তোমরা বিনামূল্যে পেয়েছ, সেইরপ বিনামূল্যেই দান করো। 9 “তোমাদের কোমরের বেল্টে সোনা, বা রংপো, বা তামার মুদ্রা নিয়ো না; 10 যাত্রার উদ্দেশ্যে কোনো থলি, বা অতিরিক্ত পোশাক, বা চটিজুতো বা কোনো ছড়ি নিয়ো না; কর্মচারী তার বেতন পাওয়ার যোগ্য। 11 আর তোমরা যে নগরে বা গ্রামে প্রবেশ করবে, সেখানকার কোনো উপযুক্ত লোকের সন্ধান করে সেই স্থান ত্যাগ না করা পর্যন্ত তার বাড়িতেই থেকো। 12 সেই বাড়িতে প্রবেশ করার সময়, তোমরা তাদের শুভেচ্ছা জানিয়ো। 13 যদি সেই বাড়ি যোগ্য হয়, তোমাদের শান্তি তার উপরে বিরাজ করুক; যদি যোগ্য না হয়, তাহলে তোমাদের শান্তি তোমাদেরই কাছে ফিরে আসুক। 14 কেউ যদি তোমাদের স্বাগত না জানায়, বা তোমাদের কথা না শোনে, সেই বাড়ি বা নগর ত্যাগ করার সময় তোমাদের পায়ের ধুলো ঝোড়ে ফেলো। 15 আমি তোমাদের সত্যিই বলছি, বিচারদিনে সদোম ও ঘমোরার দশা, বরং সেই নগরের চেয়ে বেশি সহনীয় হবে। 16 “আমি নেকড়েদের মধ্যে তোমাদের মেষের মতো পাঠাচ্ছি। সেই কারণে, তোমরা সাপের মতো চতুর ও কপোতের মতো সরল হও। 17 লোকদের ব্যাপারে তোমরা সাবধান থেকো। তারা তোমাদের স্থানীয় বিচার-পরিষদের হাতে তুলে দেবে এবং তাদের সমাজভবনে তোমাদের চাবুক মারবে। 18 আমারই

কারণে প্রদেশপালদের ও রাজাদের কাছে এবং অইহুদিদের কাছে  
সাক্ষ্য দেওয়ার জন্য তোমাদের নিয়ে যাওয়া হবে। 19 কিন্তু, তারা  
যখন তোমাদের গ্রেপ্তার করবে, কী বলবে বা কীভাবে তা বলবে,  
সে বিষয়ে দুশ্চিন্তা কোরো না। সেই সময়ে, তোমরা কী বলবে, তা  
তোমাদের বলে দেওয়া হবে। 20 কারণ তোমরা যে কথা বলবে, তা  
নয়, কিন্তু তোমাদের পিতার আত্মাই তোমাদের মাধ্যমে কথা বলবেন।

21 “ভাই ভাইকে ও পিতা সন্তানকে প্রতারিত করবে; ছেলেমেয়েরা  
বাবা-মার বিরুদ্ধে বিদ্রোহী হয়ে তাদের মৃত্যুর উদ্দেশে সমর্পণ করবে।

22 আমার কারণে সব মানুষ তোমাদের ঘৃণা করবে, কিন্তু যে কেউ শেষ  
পর্যন্ত অবিচল থাকবে, সেই পরিত্রাণ পাবে। 23 কোনো এক স্থানে  
তোমরা নির্যাতিত হলে অন্য স্থানে পালিয়ে যেয়ো। আমি তোমাদের  
সত্যিই বলছি, মনুষ্যপুত্রের আগমনের পূর্বে ইস্রায়েলের নগরগুলির  
পরিক্রমা তোমরা শেষ করতে পারবে না। 24 “কোনো শিষ্য তার গুরু  
থেকে বড়ো নয়, কোনো দাস তার মনিব থেকেও নয়। 25 শিষ্য যদি  
গুরুর সদৃশ হয় এবং দাস তার মনিবের সদৃশ, তাহলেই যথেষ্ট।  
বাড়ির কর্তাকেই যদি বেলসবুল বলা হয়, তার পরিজনদের আরও কত  
নাকি বলা হবে। 26 “সুতরাং, তোমরা তাদের ভয় পেয়ো না। এমন  
কিছুই লুকোনো নেই যা প্রকাশ পাবে না, বা এমন কিছুই গোপন  
নেই যা জানা যাবে না। 27 আমি তোমাদের অন্ধকারে যা কিছু বলি,  
দিনের আলোয় তোমরা তা বোলো; তোমাদের কানে কানে যা বলা  
হয়, তা ছাদের উপর থেকে ঘোষণা কোরো। 28 যারা কেবলমাত্র  
শরীর বধ করতে পারে, কিন্তু আত্মাকে বধ করতে পারে না, তাদের  
ভয় কোরো না। বরং, যিনি আত্মা ও শরীর, উভয়কেই নরকে ধ্বংস  
করতে পারেন, তোমরা তাঁকেই ভয় কোরো। (Geenna g1067) 29 দুটি  
চড়ুইপাখি কি এক পয়সায় বিক্রি হয় না? তবুও, তোমাদের পিতার  
ইচ্ছা ব্যতিরেকে তাদের একটিও মাটিতে পড়ে না। 30 এমনকি,  
তোমাদের মাথার চুলগুলিরও সংখ্যা গোনা আছে। 31 তাই ভয়  
পেয়ো না কারণ চড়ুইপাখি থেকেও তোমরা অনেক বেশি মূল্যবান।  
32 “যে কেউ মানুষের সাক্ষাতে আমাকে স্বীকার করে, আমি ও স্বর্গে

আমার পিতার কাছে তাকে স্বীকার করব। 33 কিন্তু কেউ যদি মানুষের  
 সাক্ষাতে আমাকে অস্বীকার করে, আমিও স্বর্গে আমার পিতার কাছে  
 তাকে অস্বীকার করব। 34 “মনে কোরো না যে আমি পৃথিবীতে শান্তি  
 দিতে এসেছি। আমি শান্তি দিতে নয়, কিন্তু এক খড়া দিতে এসেছি।  
 35 কারণ আমি এসেছি, “পুত্রকে তার পিতার বিরুদ্ধে বিচ্ছেদ করাতে  
 ‘কন্যাকে তার মাতার বিরুদ্ধে, পুত্রবধূকে তার শাশুড়ির বিরুদ্ধে—  
 36 একজন মানুষের শক্তি তার নিজ পরিবারের সদস্যই হবে।’ 37  
 “যে তার বাবা অথবা মাকে আমার চেয়েও বেশি ভালোবাসে সে  
 আমার যোগ্য নয়। যে তার ছেলে বা মেয়েকে আমার চেয়েও বেশি  
 ভালোবাসে সে আমার যোগ্য নয়। 38 আর যে আমার অনুগামী হতে  
 চায় অথচ নিজের দ্রুশ বহন করে না, সে আমার যোগ্য নয়। 39 যে  
 তার প্রাণরক্ষা করতে চায় সে তা হারাবে এবং কেউ যদি আমার কারণে  
 তার প্রাণ হারায় সে তা লাভ করবে। 40 “যে তোমাদের গ্রহণ করে  
 সে আমাকেই গ্রহণ করে; যে আমাকে গ্রহণ করে সে তাঁকেই গ্রহণ  
 করে যিনি আমাকে পাঠিয়েছেন। 41 কেউ যদি কোনো ভাববাদীকে  
 ভাববাদী জেনে গ্রহণ করে, সে এক ভাববাদীরই পুরক্ষার লাভ করবে।  
 আবার যে এক ধার্মিক ব্যক্তিকে ধার্মিক ব্যক্তি বলে গ্রহণ করে, সেও  
 ধার্মিকের পুরক্ষার পাবে। 42 আবার এই ক্ষুদ্রজনেদের মধ্যে কোনো  
 একজনকে কেউ যদি আমার শিষ্য জেনে এক পেয়ালা ঠান্ডা জল দেয়,  
 আমি তোমাদের সত্যি বলছি সে কোনোমতেই তার প্রাপ্য পুরক্ষার  
 থেকে বঞ্চিত হবে না।”

**11** যীশু তাঁর বারোজন শিষ্যকে আদেশ দেওয়া শেষ করে সেখান  
 থেকে গালীলোর বিভিন্ন নগরে শিক্ষা দিতে ও প্রচার করতে চলে  
 গেলেন। 2 সেই সময়ে, যোহন কারাগার থেকে মশীহের কার্যাবলি  
 শুনে তাঁকে জিজ্ঞাসা করার জন্য তাঁর শিষ্যদের এই বলে পাঠালেন,  
 3 “যাঁর আসার কথা ছিল আপনিই কি তিনি না আমরা অন্য কারও  
 প্রতিক্রিয় থাকব?” 4 যীশু উত্তর দিলেন, “তোমরা যা শুনছ ও দেখছ,  
 ফিরে গিয়ে যোহনকে সেই কথা বলো। 5 যারা অন্ধ তারা দৃষ্টি পাচ্ছে,  
 যারা খোঁড়া তারা চলতে পারছে, যারা কুঠরোগী তারা শুচিশুদ্ধ হচ্ছে,

যারা কালা তারা শুনতে পাচ্ছে, যারা মৃত তারা উথাপিত হচ্ছে ও যারা  
দরিদ্র তাদের কাছে সুসমাচার প্রচারিত হচ্ছে। 6 আর ধন্য সেই ব্যক্তি  
যে আমার কারণে বাধা পায় না।” 7 যখন যোহনের শিয়েয়েরা চলে  
যাচ্ছিল, তখন যীশু সকলের কাছে যোহনের সম্পর্কে বলতে লাগলেন,  
“তোমরা মরহপ্রাণের কী দেখতে গিয়েছিলে? বাতাসে দুলছে এমন  
কোনো নলখাগড়া? 8 তা যদি না হয়, তাহলে তোমরা কী দেখতে  
গিয়েছিলে? মোলায়েম পোশাক পরা কোনো মানুষকে? তা নয়, যারা  
মোলায়েম পোশাকে পরিচ্ছন্ন তারা তো রাজপ্রাসাদে থাকে। 9 তাহলে  
তোমরা কী দেখতে গিয়েছিলে? কোনো ভাববাদীকে? হ্যাঁ, আমি  
তোমাদের বলি, ভাববাদীর চেয়েও মহত্তর একজনকে। 10 ইনিই  
সেই ব্যক্তি, যাঁর সম্পর্কে লেখা আছে: “আমি আমার বার্তাবাহককে  
তোমার আগে পাঠাব, যে তোমার আগে তোমার জন্য পথ প্রস্তুত  
করবে।” 11 আমি তোমাদের সত্যি বলছি: নারীর গর্ভে জন্মেছে এমন  
ব্যক্তিদের মধ্যে, বাষ্পিষ্ঠদাতা যোহনের চেয়ে মহান আর কেউই  
নেই; তবুও স্বর্গরাজ্যে যে নগণ্যতম সেও যোহনের চেয়ে মহান।  
12 বাষ্পিষ্ঠদাতা যোহনের সময় থেকে এখন পর্যন্ত, স্বর্গরাজ্য সবলে  
অগ্রসর হচ্ছে ও পরাক্রমী ব্যক্তিরা তা অধিকার করছে। 13 কারণ  
সমস্ত ভাববাদী ও বিধান যোহনের সময় পর্যন্ত ভবিষ্যদ্বাণী করেছে।  
14 আর তোমরা যদি স্বীকার করতে আগ্রহী হও তাহলে জেনে নাও,  
ইনিই সেই এলিয় যার আগমনের কথা ছিল। 15 যার কান আছে, সে  
শুনুক। 16 “এই প্রজন্মকে আমি কার সঙ্গে তুলনা করব? তারা সেই  
ছেলেমেয়েদের মতো, যারা হাটেবাজারে বসে অন্য লোকদের আহ্বান  
করে বলে, 17 “আমরা তোমাদের জন্য বাঁশি বাজালাম, তোমরা  
তো মৃত্য করলে না; আমরা শোকগাথা গাইলাম, তোমরা তো বিলাপ  
করলে না!” 18 কারণ যোহন এসে আহার করলেন না, দ্রাক্ষারস ও  
পান করলেন না, অথচ তারা বলল, ‘সে ভূতগ্রস্ত।’ 19 মনুষ্যপুত্র  
এলেন, খাওয়াদাওয়া করলেন, কিন্তু তারা বলল, ‘এই দেখো একজন  
পেটুক ও মদ্যপ, কর আদায়কারী ও “পাপীদের” বন্ধু।’ কিন্তু প্রজ্ঞা  
তার অনুসরণকারীদের আচরণের দ্বারাই সত্য বলে প্রমাণিত হয়।”

20 এরপর যীশু সেই সমস্ত নগরকে ধিক্কার দিতে লাগলেন, যেখানে তাঁর অধিকাংশ অলৌকিক কাজ সম্পাদিত হয়েছিল, কারণ তারা মন পরিবর্তন করেনি। তিনি বললেন, 21 “কোরাসীন, ধিক্ তোমাকে! বেথসৈদা, ধিক্ তোমাকে! তোমাদের মধ্যে যেসব অলৌকিক কাজ সম্পন্ন করা হয়েছে, সেসব যদি টায়ার ও সীদোনে করা হত, তারা অনেক আগেই চটবন্ধ পরে ভস্মে বসে অনুত্তাপ করত। 22 কিন্তু আমি তোমাদের বলছি, বিচারদিনে টায়ার ও সীদোনের দশা, বরং তোমাদের চেয়ে বেশি সহনীয় হবে। 23 আর তুমি কফরনাহূম, তুমি কি না স্বর্গ পর্যন্ত উঁচুতে উঠবে? তা নয়, তুমি অধোলোক পর্যন্ত তলিয়ে যাবে। তোমার মধ্যে যেসব অলৌকিক কাজ করা হয়েছে, সেগুলি যদি সদোমে করা হত, তাহলে আজও সেই নগরের অস্তিত্ব থাকত।

(Hadēs g86) 24 কিন্তু আমি তোমাকে বলছি যে, বিচারদিনে টায়ার ও সদোমের দশা, বরং তোমাদের চেয়ে বেশি সহনীয় হবে।” 25 সেই সময় যীশু বললেন, “হে পিতা, তুমি স্বর্গ ও পৃথিবীর প্রভু, আমি তোমার প্রশংসা করি, কারণ তুমি এই সমস্ত বিষয় বিজ্ঞ ও শিক্ষিত মানুষদের কাছ থেকে গোপন রেখে ছোটো শিশুদের কাছে প্রকাশ করেছ। 26 হ্যাঁ পিতা, কারণ এই ছিল তোমার দীক্ষিত ইচ্ছা। 27 “আমার পিতা সবকিছুই আমার হাতে সমর্পণ করেছেন। পুত্রকে কেউ জানে না, কেবলমাত্র পিতা জানেন এবং পিতাকে কেউ জানে না, কেবলমাত্র পুত্র জানেন ও পুত্র যার কাছে তাঁকে প্রকাশ করেন, সেই জানে। 28 “ওহে, তোমরা যারা পরিশ্রান্ত ও ভারাক্রান্ত, আমার কাছে এসো, আমি তোমাদের বিশ্রাম দেব। 29 আমার জোয়াল তোমরা নিজেদের উপরে তুলে নাও ও আমার কাছে শিক্ষা নাও, কারণ আমার স্বভাব কোমল ও নম্র। এতে তোমরা নিজেদের অন্তরে বিশ্রাম পাবে। 30 কারণ আমার জোয়াল সহজ ও আমার বোঝা হালকা।”

**12** সেই সময়ে যীশু বিশ্রামদিনে শস্যক্ষেত্রের মধ্য দিয়ে যাচ্ছিলেন। তাঁর শিষ্যেরা ক্ষুধার্ত ছিলেন। তাঁরা শস্যের শিষ ছিঁড়ে খেতে লাগলেন। 2 এ দেখে ফরিশীরা তাঁকে বলল, “দেখুন! বিশ্রামদিনে যা করা বিধিসংগত নয়, আপনার শিষ্যেরা তাই করছে।” 3 তিনি উত্তর দিলেন,

“দাউদ ও তাঁর সঙ্গীরা যখন ক্ষুধার্ত ছিলেন, তখন তাঁরা কী করেছিলেন,  
তা কি তোমরা পাঠ করোনি? 4 তিনি ঈশ্বরের গৃহে প্রবেশ করেছিলেন  
এবং তিনি ও তাঁর সঙ্গীরা সেই পবিত্র রূটি খেয়েছিলেন, যা করা  
তাঁদের পক্ষে বিধিসংগত ছিল না, কিন্তু কেবলমাত্র যাজকদেরই  
ছিল। 5 কিংবা, তোমরা কি মোশির বিধানে (বিধিগ্রন্থে) পড়েনি  
যে, বিশ্রামদিনে যাজকেরা মন্দির অপবিত্র করলেও তাঁরা নির্দোষ  
থাকতেন? 6 আমি তোমাদের বলছি, মন্দির থেকেও যথান এক ব্যক্তি  
এখানে আছেন। 7 ‘আমি দয়া চাই, বলিদান নয়,’ এই বাক্যের মর্ম যদি  
তোমরা বুঝতে, তাহলে নির্দোষদের তোমরা দোষী সাব্যস্ত করতে না।  
8 কারণ, মনুষ্যপুত্রই হলেন বিশ্রামদিনের প্রভু।” 9 সেই স্থান থেকে চলে  
গিয়ে, তিনি তাদের সমাজভবনে প্রবেশ করলেন। 10 সেখানে একটি  
লোক ছিল, যার একটি হাত শুকিয়ে গিয়েছিল। যীশুকে অভিযুক্ত  
করার মতো কোনো সূত্র পাওয়ার সন্ধানে তারা তাঁকে জিজ্ঞাসা করল,  
“বিশ্রামদিনে সুস্থ করা কি বিধিসংগত?” 11 তিনি তাদের বললেন,  
“তোমাদের মধ্যে কারও যদি একটি মেষ থাকে ও সেটি বিশ্রামদিনে  
গর্তে পড়ে যায়, তাহলে তোমরা কি সেটিকে ধরে তুলবে না? 12  
একটি মেষের চেয়ে একজন মানুষ আরও কত না মূল্যবান! সেই  
কারণে, বিশ্রামদিনে ভালো কাজ করা ন্যায়সংগত।” 13 তারপর তিনি  
সেই লোকটিকে বললেন, “তোমার হাতটি বাড়িয়ে দাও।” তাই সে  
হাতটি বাড়িয়ে দিল এবং সেটি অন্য হাতটির মতোই সম্পূর্ণ সুস্থ হয়ে  
গেল। 14 কিন্তু ফরিশীরা বাইরে গিয়ে কীভাবে যীশুকে হত্যা করতে  
পারে, তার ঘড়যন্ত্র করতে লাগল। 15 সেকথা জানতে পেরে, যীশু  
সেই স্থান থেকে চলে গেলেন। বহু মানুষ তাঁকে অনুসরণ করল এবং  
তিনি তাদের সব অসুস্থ মানুষকে সুস্থ করলেন। 16 তিনি তাদের সর্তক  
করলেন তারা যেন কাউকে না বলে যে, আসলে তিনি কে। 17 এরকম  
হল যেন ভাববাদী যিশাইয়ের মাধ্যমে কথিত বচন পূর্ণ হয়: 18 “এই  
দেখো আমার দাস, আমার মনোনীত, যাঁকে আমি প্রেম করি, যাঁর  
প্রতি আমি পরম প্রসন্ন; আমি তাঁর উপরে আমার আত্মাকে স্থাপন  
করব, আর তিনি সর্বজাতির কাছে ন্যায়ের বাণী প্রচার করবেন। 19

তিনি কলহবিবাদ করবেন না, উচ্চরবে চিত্কার করবেন না, পথে পথে  
কেউ তাঁর কর্গস্ত্র শুনতে পাবে না। 20 তিনি দলিল নলখাগড়া ভেঙে  
ফেলবেন না, এবং ধূমায়িত সলতে নির্বাপিত করবেন না, যতক্ষণ না  
ন্যায়বিচারকে প্রবলরূপে বলবৎ করেন। 21 আর সর্বজাতি তাঁরই নামে  
তাদের প্রত্যাশা রাখবে।” 22 তারপর তারা একজন ভৃতগ্রস্ত ব্যক্তিকে  
তাঁর কাছে নিয়ে এল। সে ছিল অঙ্গ ও বোবা। যীশু তাকে সুস্থ করলেন,  
আর সে দৃষ্টি ও বাক্স শক্তি, উভয়ই ফিরে পেল। 23 সব মানুষ চমৎকৃত  
হয়ে বলল, “ইনি কি সেই দাউদের সন্তান?” 24 কিন্তু ফরিশীরা একথা  
শুনে বলল, “এই লোকটি তো ভৃতদের অধিপতি, বেলসবুলের দ্বারা  
ভৃত তাড়ায়।” 25 যীশু তাদের মনের কথা বুঝতে পেরে তাদের  
বললেন, “যে কোনো রাজ্য অন্তর্বিরোধের ফলে বিভাজিত হলে, তা  
ধ্বংস হয়, আর যে কোনো নগর বা পরিবার অন্তর্বিরোধের কারণে  
বিভাজিত হলে, তা স্থির থাকতে পারে না। 26 শয়তান যদি শয়তানকে  
বিভাড়িত করে, সে তার নিজের বিপক্ষেই বিভাজিত হবে। তাহলে  
কীভাবে তার রাজ্য স্থির থাকবে? 27 আর আমি যদি বেলসবুলের দ্বারা  
ভৃত তাড়িয়ে থাকি, তাহলে তোমাদের লোকেরা কার সাহায্যে তাদের  
তাড়ায়? সেই কারণে, তারাই তোমাদের বিচারক হবে। 28 কিন্তু  
যদি আমি ঈশ্বরের আত্মার সাহায্যে ভৃতদের বিভাড়িত করি, তাহলে  
ঈশ্বরের রাজ্য তোমাদের উপরে এসে পড়েছে। 29 “আবার, কীভাবে  
কেউ কোনো শক্তিশালী ব্যক্তির বাড়িতে প্রবেশ করে তার ধনসম্পত্তি  
লুট করতে পারে, যতক্ষণ না সেই শক্তিশালী ব্যক্তিকে বেঁধে ফেলে?  
কেবলমাত্র তখনই সে তার বাড়ি লুট করতে পারবে। 30 “যে আমার  
পক্ষে নয়, সে আমার বিপক্ষে, আর যে আমার সঙ্গে সংগ্রহ করে না,  
সে ছড়িয়ে ফেলে। 31 আর তাই আমি তোমাদের বলছি, মানুষের সব  
পাপ ও ঈশ্বরনিন্দার ক্ষমা হবে, কিন্তু পবিত্র আত্মার বিরুদ্ধে নিন্দা  
ক্ষমা করা হবে না। 32 কোনো ব্যক্তি মনুষ্যপুত্রের বিরুদ্ধে কিছু বললে  
তাকে ক্ষমা করা হবে, কিন্তু কেউ যদি পবিত্র আত্মার বিরুদ্ধে কথা  
বলে, তাকে ইহকাল বা পরকাল, কোনো কালেই ক্ষমা করা হবে  
না। (aiōn g165) 33 “গাছ ভালো হলে তার ফলও ভালো হবে, আবার

গাছ মন্দ হলে তার ফলও মন্দ হবে, কারণ ফল দেখেই গাছ চেনা  
যায়। 34 তোমরা বিষধর সাপের বংশধর! তোমাদের মতো মন্দ মানুষ  
কীভাবে কোনও ভালো কথা বলতে পারে? কারণ হৃদয় থেকে যা  
উপচে পড়ে মুখ সেকথাই ব্যক্ত করে। 35 ভালো মানুষ তার অস্তরের  
সঞ্চিত ভালো ভাগুর থেকে ভালো বিষয়ই বের করে এবং মন্দ মানুষ  
তার অস্তরের সঞ্চিত মন্দ ভাগুর থেকে মন্দ বিষয়ই বের করে। 36  
কিন্তু আমি তোমাদের বলছি, মানুষ যত অনর্থক কথা বলে, বিচারদিনে  
তাকে তার প্রত্যেকটির জবাবদিহি করতে হবে। 37 কারণ তোমাদের  
কথার দ্বারাই তোমরা অব্যাহতি পাবে, আর তোমাদের কথার দ্বারাই  
তোমরা অপরাধী সাব্যস্ত হবে।” 38 এরপরে কয়েকজন ফরিশী ও  
শাস্ত্রবিদ তাঁকে বলল, “গুরুমহাশয়, আমরা আপনার কাছ থেকে  
কোনও অলৌকিক চিহ্ন দেখতে চাই।” 39 তিনি উত্তর দিলেন, “দুষ্ট ও  
ব্যভিচারী প্রজন্মাই অলৌকিক চিহ্ন দেখতে চায়! কিন্তু ভাববাদী যোনার  
চিহ্ন ছাড়া আর কোনো চিহ্নই কাউকে দেওয়া হবে না। 40 কারণ  
যোনা যেমন এক বিশাল মাছের পেটে তিন দিন ও তিনরাত ছিলেন,  
মনুষ্যপুত্রও তেমনই তিন দিন ও তিনরাত মাটির নিচে থাকবেন। 41  
বিচারের দিনে নীনবী নগরের লোকেরা এই প্রজন্মের লোকদের সঙে  
উঠে দাঁড়াবে ও এদের অভিযুক্ত করবে; কারণ তারা যোনার প্রচারে  
মন পরিবর্তন করেছিল, আর এখন যোনার চেয়েও মহান একজন  
এখানে উপস্থিত আছেন। 42 বিচারের দিনে দক্ষিণ দেশের রানি এই  
প্রজন্মের লোকদের সঙে উঠে দাঁড়িয়ে তাদের অভিযুক্ত করবেন,  
কারণ শলোমনের প্রজ্ঞার বাণী শোনার জন্য তিনি পৃথিবীর সুদূর প্রান্ত  
থেকে এসেছিলেন। কিন্তু শলোমনের চেয়েও মহান একজন এখানে  
উপস্থিত আছেন। 43 “কোনো মানুষের ভিতর থেকে যখন কোনও দুষ্ট-  
আত্মা বের হয়ে যায় সে তখন বিশ্বামের খোঁজে শুক্ষ-ভূমিতে ঘুরে  
বেড়ায় কিন্তু তার সন্ধান পায় না। 44 তখন সে বলে, ‘আমি যে বাড়ি  
ছেড়ে এসেছি সেখানেই ফিরে যাব।’ যখন সে ফিরে আসে তখন সেই  
বাড়ি শূন্য, পরিচ্ছন্ন ও সুশৃঙ্খল দেখতে পায়। 45 তখন সে গিয়ে তার  
থেকেও দুষ্ট আরও সাতটি আত্মাকে নিজের সঙ্গে নিয়ে আসে, আর

তারা ভিতরে প্রবেশ করে সেখানে বাস করতে থাকে। তখন সেই  
মানুষটির অস্তিমদশা আগের থেকে আরও বেশি শোচনীয় হয়ে পড়ে।  
এই দুষ্ট প্রজন্মের দশা সেরকমই হবে।” 46 যীশু যখন লোকদের  
সঙ্গে কথা বলছিলেন, তাঁর মা ও ভাইয়েরা তাঁর সঙ্গে কথা বলার  
জন্য বাইরে দাঁড়িয়েছিলেন। 47 এক ব্যক্তি তাঁকে বলল, “আপনার  
মা ও ভাইয়েরা বাইরে দাঁড়িয়ে আছেন, আপনার সঙ্গে কথা বলতে  
চাইছেন।” 48 তিনি তাঁকে উত্তর দিলেন, “কে আমার মা আর কারাই  
বা আমার ভাই?” 49 তাঁর শিষ্যদের দিকে ইশারা করে তিনি বললেন,  
“এই যে আমার মা ও ভাইয়েরা। 50 কারণ যে কেউ আমার স্বর্গস্থ  
পিতার ইচ্ছা পালন করে, তারাই আমার ভাই, বোন ও মা।”

**13** সেইদিনই যীশু বাড়ি থেকে বের হয়ে সাগরের তীরে গিয়ে  
বসলেন। 2 তাঁর চারপাশে এত লোক সমবেত হল যে তিনি একটি  
নৌকায় উঠলেন ও তার উপরে বসলেন। সব লোক তীরে দাঁড়িয়ে  
রইল। 3 তখন তিনি রূপকের মাধ্যমে তাদের অনেক কথা বলতে  
লাগলেন। তিনি বললেন, “একজন কৃষক তার বীজবপন করতে গেল।  
4 সে যখন বীজ ছড়াচ্ছিল, কিছু বীজ পথের ধারে পড়ল, আর পাখিরা  
এসে তা খেয়ে ফেলল। 5 কিছু বীজ পাথুরে জমিতে পড়ল, যেখানে  
মাটি গভীর ছিল না। মাটি অগভীর থাকাতে সেগুলো দ্রুত অঙ্কুরিত  
হল, 6 কিন্তু যখন সূর্য উঠল চারাগুলি ঝালসে গেল এবং মূল না  
থাকাতে সেগুলি শুকিয়ে গেল। 7 অন্য কিছু বীজ পড়ল কাঁটাবোপের  
মধ্যে। সেগুলি বৃক্ষ পেলে কাঁটাবোপ তাদের চেপে রাখল। 8 তবুও  
কিছু বীজ উৎকৃষ্ট জমিতে পড়ল ও ফসল উৎপন্ন করল—যা বপন  
করা হয়েছিল তার শতগুণ, ষাটগুণ বা ত্রিশতগুণ পর্যন্ত। 9 যাদের  
কান আছে, তারা শুনুক।” 10 শিষ্যেরা তাঁর কাছে এসে জিজ্ঞাসা  
করলেন, “আপনি লোকদের কাছে রূপকের মাধ্যমে কথা বলছেন  
কেন?” 11 উত্তরে তিনি বললেন, “স্বর্গরাজ্যের গুণ্ঠরহস্য তোমাদের  
জানতে দেওয়া হয়েছে, তাদেরকে নয়। 12 যার কাছে আছে, তাকে  
আরও দেওয়া হবে ও তার অনেক হবে। যার কাছে নেই, তার কাছে  
যা আছে, তাও তার কাছ থেকে কেড়ে নেওয়া হবে। 13 এই কারণে

আমি তাদের কাছে রূপকের মাধ্যমে কথা বলছি: “যেন দেখেও তারা দেখতে না পায়, শুনেও তারা শুনতে বা বুঝতে না পায়।” 14 তাদের মধ্যেই যিশাইয়ের এই ভবিষ্যদ্বাণী পূর্ণ হয়েছে: “তোমরা সবসময়ই শুনতে থাকবে, কিন্তু কখনও বুঝতে পারবে না; তোমরা সবসময়ই দেখতে থাকবে, কিন্তু কখনও উপলব্ধি করবে না। 15 কারণ এই লোকদের হৃদয় অনুভূতিহীন হয়েছে, তারা কদাচিত্ত তাদের কান দিয়ে শোনে এবং তারা তাদের চোখ বন্ধ করেছে। অন্যথায়, তারা হয়তো তাদের চোখ দিয়ে দেখবে, তাদের কান দিয়ে শুনবে, তাদের মন দিয়ে বুঝবে ও ফিরে আসবে, যেন আমি তাদের আরোগ্য দান করি।” 16 কিন্তু ধন্য তোমাদের চোখ কারণ সেগুলি দেখতে পায় ও তোমাদের কান কারণ সেগুলি শুনতে পায়। 17 কারণ আমি তোমাদের সত্যি বলছি, তোমরা যা দেখছ, বহু ভাববাদী ও ধার্মিক ব্যক্তি, তা দেখতে চেয়েছিলেন, কিন্তু তাঁরা তা দেখতে পাননি এবং তোমরা যা শুনছ, তাঁরা তা শুনতে চেয়েছিলেন, কিন্তু শুনতে পাননি। 18 “তাহলে শোনো, বীজবপকের রূপকের তাৎপর্য কী: 19 যখন কেউ স্বর্গরাজ্যের বার্তা শোনে অথচ বোঝে না, তখন সেই পাপাত্মা এসে তার হৃদয়ে যা বপন করা হয়েছিল, তা হরণ করে নেয়। এ সেই বীজ, যা পথের ধারে বপন করা হয়েছিল। 20 আর পাথুরে জমিতে বপন করা বীজের সম্বন্ধে বলা হয়েছে, যে বাক্য শোনামাত্র তা সানন্দে গ্রহণ করে, 21 কিন্তু যেহেতু তার অন্তরে মূল নেই, সে অল্পকালমাত্র স্থির থাকে। আর বাক্যের কারণে যখন কষ্ট বা অত্যাচার আসে, সে দ্রুত পিছিয়ে যায়। 22 আর যে বীজ কাঁটাবোপে বপন করা হয়েছিল, সে সেই মানুষ যে বাক্য শোনে কিন্তু এই জীবনের সব দুশ্চিন্তা ও ধনসম্পদের প্রতারণা তা চেপে রাখে, এতে তা ফলহীন হয়। (aiōn g165) 23 কিন্তু উৎকৃষ্ট জমিতে যে বীজবপন করা হয়েছিল, সে সেই ব্যক্তি যে বাক্য শোনে ও তা বোঝে। যা বপন করা হয়েছিল সে তার শতগুণ, ঘাটগুণ বা ত্রিশগুণ ফসল উৎপন্ন করে।” 24 যীশু তাদের আর একটি রূপকের কথা বললেন: “স্বর্গরাজ্য এমন একজন মানুষের মতো, যিনি তার মাঠে উৎকৃষ্ট বীজবপন করলেন। 25 কিন্তু সবাই যখন নির্দাচ্ছন্ন, তার শক্ররা

এসে গমের সঙ্গে শ্যামাঘাসেরও বীজবপন করে চলে গেল। 26 পরে  
গম অঙ্কুরিত হয়ে যখন শিষ্য দেখা দিল, তখন শ্যামাঘাসও দেখা গেল।  
27 “এতে সেই মনিবের দাসেরা তার কাছে এসে বলল, ‘মহাশয়,  
আপনি কি আপনার ক্ষেত্রে উৎকৃষ্ট বীজবপন করেননি? তাহলে এই  
শ্যামাঘাসগুলি কোথা থেকে এল?’ 28 “‘কোনো শক্র এরকম করেছে,’  
তিনি উত্তর দিলেন। ‘দাসেরা তাকে জিজ্ঞাসা করল, ‘আপনি কি চান,  
আমরা গিয়ে শ্যামাঘাসগুলি উপড়ে ফেলি?’ 29 “‘না,’ তিনি উত্তর  
দিলেন, ‘কারণ শ্যামাঘাস উপড়ানোর সময়, তোমরা হয়তো তার সঙ্গে  
গম ও শিকড়শুন্দ তুলে ফেলবে। 30 শাস্য কাটার দিন পর্যন্ত উভয়কে  
একসঙ্গে বাড়তে দাও। সেই সময়ে, আমি শস্যচয়নকারীদের বলে  
দেব: প্রথমে শ্যামাঘাস সংগ্রহ করে পোড়াবার জন্য আঁটি বাঁধো;  
তারপরে গম সংগ্রহ করে আমার গোলাঘরে এনে মজুত করো।’” 31  
তিনি তাদের অন্য একটি রূপক বললেন: “স্বর্গরাজ্য এমন একটি সর্বে  
বীজের মতো, যা একজন ব্যক্তি নিয়ে তার মাঠে রোপণ করল। 32  
যদিও সব বীজের মধ্যে ওই বীজ ক্ষুদ্রতম, তবুও তা যখন বৃক্ষি পেল  
তা অন্য সব গাছপালাকে ছাড়িয়ে গেল ও একটি গাছে পরিণত হল।  
ফলে আকাশের পাখিরা এসে তার শাখাপ্রশাখায় বাসা বাঁধল।” 33  
তিনি তাদের আরও একটি রূপক বললেন: “স্বর্গরাজ্য এমন খামিরের  
মতো, যা একজন স্ত্রীলোক তিন পাল্লা ময়দার সঙ্গে মেশালো, ফলে  
সমস্ত তালাটিই ফেঁপে উঠল।” 34 লোকেদের কাছে যীশু এই সমস্ত  
বিষয় রূপকের মাধ্যমে বললেন; রূপক ব্যবহার না করে তিনি তাদের  
কাছে কোনো কথাই বললেন না। 35 এভাবেই ভাববাদীর মাধ্যমে  
কথিত বচন পূর্ণ হল: “আমি রূপকের মাধ্যমে আমার মুখ খুলব, জগৎ  
সৃষ্টির লগ্ন থেকে গুপ্ত বিষয়গুলি আমি উচ্চারণ করব।” 36 এরপর  
তিনি সকলকে বিদায় দিয়ে ঘরে ঢুকলেন। তাঁর শিষ্যেরা তাঁর কাছে  
এসে বললেন, “মাঠের শ্যামাঘাসের রূপকটি আমাদের কাছে ব্যাখ্যা  
করুন।” 37 তিনি উত্তর দিলেন, “যিনি উৎকৃষ্ট বীজবপন করেন তিনি  
মনুষ্যপুত্র। 38 মাঠ হল জগৎ এবং উৎকৃষ্ট বীজ হল স্বর্গরাজ্যের  
সন্তানেরা। শ্যামাঘাস হল সেই পাপাত্মার সন্তানের। 39 আর যে শক্র

তাদের বপন করেছিল সে হল দিয়াবল। শস্য কাটার সময় হচ্ছে যুগের  
শেষ সময় এবং যাঁরা শস্য কাটবেন তাঁরা হলেন সব স্বর্গদৃত। (aiōn g165) 40 “যেমনভাবে শ্যামাঘাস উপত্থে ফেলে আগুনে পোড়ানো  
হয়েছিল যুগের শেষ সময়েও সেরকমই হবে। (aiōn g165) 41 মনুষ্যপুত্র  
তাঁর দৃতদের পাঠাবেন। তাঁরা তাঁর রাজত্ব থেকে যা কিছু পাপের  
কারণস্বরূপ ও যারা অন্যায় আচরণ করে তাদের উৎখাত করবেন। 42  
তাঁরা তাদের জ্বলন্ত অগ্নিকুণ্ডে নিক্ষেপ করবেন, যেখানে হবে কেবলই  
রোদন ও দন্তঘর্ষণ। 43 যখন ধার্মিকেরা তাদের পিতার রাজ্য সূর্যের  
মতো দীপ্যমান হবে। যার কান আছে, সে শুনুক। 44 “স্বর্গরাজ্য হল  
মাঠে লুকোনো ধনসম্পদের মতো। যখন কোনো মানুষ তার সন্ধান  
পায় সে পুনরায় তা লুকিয়ে রাখে। পরে আনন্দে সে গিয়ে সর্বস্ব বিক্রি  
করে ও মাঠটি কিনে নিল। 45 “আবার স্বর্গরাজ্য এমন এক বণিকের  
মতো, যে উৎকৃষ্ট সব মুক্তার অঙ্গেষণ করছিল। 46 যখন সে অমূল্য  
এক মুক্তার সন্ধান পেল সে ফিরে গিয়ে সর্বস্ব বিক্রি করে তা কিনে  
নিল। 47 “আবার স্বর্গরাজ্য এমন এক টানা-জালের মতো যা সাগরে  
নিক্ষেপ করা হলে সব ধরনের মাছ ধরা পড়ল। 48 জালটি পূর্ণ হলে  
জেলেরা তা টেনে তীরে তুলল। তারপর তারা বসে ভালো মাছগুলি  
বুড়িতে সংগ্রহ করল, কিন্তু মন্দগুলিকে ফেলে দিল। 49 যুগের শেষ  
সময়ে এরকমই ঘটনা ঘটবে। স্বর্গদৃতেরা এসে ধার্মিকদের মধ্যে  
থেকে দুষ্টদের পৃথক করবেন এবং (aiōn g165) 50 জ্বলন্ত অগ্নিকুণ্ডে  
তাদের নিক্ষেপ করবেন, যেখানে হবে কেবলই রোদন ও দন্তঘর্ষণ।”  
51 যীশু জিজ্ঞাসা করলেন, “তোমরা কি এসব বিষয় বুঝতে পেরেছ?”  
তারা উত্তর দিলেন, “হ্যাঁ।” 52 তিনি তাদের বললেন, “এই কারণে  
স্বর্গরাজ্যের বিষয়ে শিক্ষাপ্রাপ্ত প্রত্যেক শাস্ত্রবিদ এমন এক গৃহস্থের  
মতো যিনি তার ভাণ্ডার থেকে নতুন ও পুরোনো, উভয় প্রকার সম্পদই  
বের করে থাকেন।” 53 যীশু যখন এসব রূপক বলা শেষ করলেন,  
তিনি সেখান থেকে অন্যত্র চলে গেলেন। 54 নিজ নগরে ফিরে এসে  
তিনি সমাজভবনে লোকদের শিক্ষা দিতে লাগলেন। এতে তারা আশ্চর্য  
হয়ে গেল। তারা প্রশ্ন করল, “এই লোকটি কোথা থেকে এমন জ্ঞান ও

এই অলৌকিক ক্ষমতা পেল? ৫৫ এ কি সেই কাঠ মিন্তির পুত্র নয়? এর মায়ের নাম কি মরিয়ম নয়? আর যাকোব, যোষেফ, শিমোন ও যিহূদা কি এর ভাই নয়? ৫৬ এর বোনেরা কি আমাদের মধ্যে নেই? তাহলে ও কোথা থেকে এসব পেল?” ৫৭ এভাবে তারা তাঁর প্রতি বিরুদ্ধ হয়ে উঠল। কিন্তু যীশু তাদের বললেন, “কেবলমাত্র নিজের দেশ ও নিজের পরিবারেই কোনো ভাববাদী সম্মান পান না।” ৫৮ তাদের বিশ্বাসের অভাবে তিনি সেখানে বিশেষ আর অলৌকিক কাজ করলেন না।

**১৪** সেই সময়ে শাসনকর্তা হেরোদ যীশুর সমান্তরে শুনে ২ তাঁর পরিচারকদের বললেন, “ইনি সেই বাণিজ্যদাতা যোহন, যিনি মৃত্যু থেকে বেঁচে উঠেছেন! সেই কারণে এইসব অলৌকিক ক্ষমতা তাঁর মধ্যে রয়েছে।” ৩ কারণ হেরোদ, তাঁর ভাই ফিলিপের স্ত্রী হেরোদিয়ার জন্য যোহনকে গ্রেপ্তার করেছিলেন ও তাঁকে কারাগারে বন্দি করেছিলেন। ৪ কারণ যোহন তাঁকে ক্রমাগত বলতেন, “আপনার পক্ষে হেরোদিয়াকে রাখা ন্যায়সংগত নয়।” ৫ হেরোদ যোহনকে হত্যা করতে চেয়েছিলেন, কিন্তু তিনি লোকদের ভয় পেতেন কারণ তারা তাকে ভাববাদী বলে মনে করত। ৬ হেরোদের জন্মদিনে হেরোদিয়ার মেয়ে সকলের জন্য নৃত্য করে হেরোদকে এমন সন্তুষ্ট করল যে, ৭ তিনি শপথ করে বললেন সেই মেয়ে যা চাইবে, তাই তিনি তাকে দেবেন। ৮ তার মায়ের প্রোচনায়, সে তখন বলল, “বাণিজ্যদাতা যোহনের মাথা আমাকে থালায় করে এনে দিন।” ৯ এতে রাজা হেরোদ মর্মাহত হলেন, কিন্তু তাঁর নিজের শপথের জন্য ও যাঁরা তাঁর সঙ্গে ভোজসভায় বসেছিলেন তাঁদের জন্য তিনি তাঁর অনুরোধ রক্ষার আদেশ দিলেন। ১০ তিনি কারাগারে লোক পার্থিয়ে যোহনের মাথা কাটালেন। ১১ তাঁর মাথা একটি থালায় করে এনে সেই মেয়েকে দেওয়া হল। সে তার মায়ের কাছে তা নিয়ে গেল। ১২ পরে যোহনের শিশ্যেরা এসে তাঁর শরীর নিয়ে গেল ও কবর দিল। তারপর তারা গিয়ে যীশুকে সেই সংবাদ দিল। ১৩ সেই ঘটনার সংবাদ শুনে যীশু নৌকায় একান্তে এক নির্জন স্থানে গেলেন। একথা শুনতে পেয়ে অনেক লোক বিভিন্ন নগর থেকে পায়ে হেঁটে তাঁকে অনুসরণ করল। ১৪ তাঁরে নেমে যীশু যখন অনেক লোককে

দেখতে পেলেন, তিনি তাদের প্রতি করণায় পূর্ণ হলেন ও তাদের  
মধ্যে অসুস্থ লোকদের সুস্থ করলেন। 15 সন্ধ্যা ঘনিয়ে এলে, শিষ্যেরা  
তাঁর কাছে এসে বললেন, “এ এক নির্জন স্থান, আর ইতিমধ্যে অনেক  
দেরি হয়ে গেছে। আপনি সবাইকে বিদায় দিন, যেন তারা বিভিন্ন  
গ্রামে গিয়ে নিজেদের জন্য কিছু খাবার কিনতে পারে।” 16 যীশু উত্তর  
দিলেন, “ওদের যাওয়ার প্রয়োজন নেই। তোমরাই ওদের কিছু খেতে  
দাও।” 17 তারা উত্তর দিলেন, “এখানে আমাদের কাছে কেবলমাত্র  
পাঁচটি রূটি ও দুটি মাছ আছে।” 18 তিনি বললেন, “ওগুলি আমার  
কাছে নিয়ে এসো।” 19 আর তিনি লোকদের ঘাসের উপরে বসার  
জন্য নির্দেশ দিলেন। সেই পাঁচটি রূটি ও দুটি মাছ নিয়ে যীশু স্বর্গের  
দিকে তাকিয়ে ধন্যবাদ দিলেন ও রূটিগুলিকে ভাঙলেন। তারপর  
তিনি সেগুলি শিষ্যদের দিলেন ও শিষ্যেরা লোকদের দিলেন। 20  
তারা সকলে খেয়ে পরিত্থ হল। আর শিষ্যেরা অবশিষ্ট রূটির টুকরো  
সংগ্রহ করে বারো ঝুড়ি পূর্ণ করলেন। 21 যারা খাবার খেয়েছিল,  
তাদের সংখ্যা ছিল নারী ও শিশু বাদ দিয়ে প্রায় পাঁচ হাজার পুরুষ।  
22 পর মুহূর্তেই যীশু শিষ্যদের নৌকায় তুলে দিয়ে তাঁর যাওয়ার  
আগেই সাগরের অপর পারে তাঁদের চলে যেতে বললেন, ইতিমধ্যে  
তিনি সকলকে বিদায় দিলেন। 23 তাদের বিদায় করার পর তিনি  
একা প্রার্থনা করার জন্য এক পর্বতের উপরে উঠলেন। সন্ধ্যা ঘনিয়ে  
এলে তিনি সেখানে একাই ছিলেন। 24 কিন্তু নৌকাখানি তখন তীর  
থেকে বেশ খানিকটা দূরে চলে গিয়েছিল। বাতাস প্রতিকূলে বইছিল  
তাই নৌকা টেউয়ে টলোমলো করছিল। 25 রাত্রির চতুর্থ প্রহরে যীশু  
সাগরের উপর দিয়ে পায়ে হেঁটে শিষ্যদের কাছে গেলেন। 26 শিষ্যেরা  
তাঁকে সাগরের উপর দিয়ে হেঁটে যেতে দেখে ভীষণ ভয় পেলেন।  
তাঁরা বললেন, “এ এক ভূত!” আর তাঁরা ভয়ে চিন্কার করে উঠলেন।  
27 কিন্তু যীশু তক্ষনি তাঁদের বললেন, “সাহস করো! এ আমি। ভয়  
পেয়ো না।” 28 পিতর উত্তর দিলেন, “প্রভু, যদি আপনিই হন, তাহলে  
আমাকেও জলের উপর দিয়ে আপনার কাছে হেঁটে আসতে বলুন।” 29  
তিনি বললেন, “এসো।” তখন পিতর নৌকা থেকে নেমে জলের উপর

দিয়ে হেঁটে যীশুর দিকে চললেন। 30 কিন্তু যখন তিনি বাতাসের দিকে  
দৃষ্টি দিলেন, তিনি ভয় পেলেন ও ডুবতে লাগলেন। তিনি চিংকার  
করে বললেন, “প্রভু, আমাকে রক্ষা করুন!” 31 সঙ্গে সঙ্গে যীশু তাঁর  
হাত বাঢ়িয়ে তাঁকে ধরে ফেললেন ও বললেন, “অল্পবিশ্বাসী তুমি,  
কেন তুমি সন্দেহ করলে?” 32 আর তাঁরা যখন নৌকায় উঠলেন  
তখন বাতাস থেমে গেল। 33 তখন যাঁরা নৌকায় ছিলেন, তাঁরা তাঁকে  
প্রণাম করলেন, বললেন, “সত্যি, আপনিই ঈশ্বরের পুত্র।” 34 তাঁরা  
সাগরের অপর পারে গিয়ে গিনেষেরৎ প্রদেশে নৌকা থেকে নামলেন।  
35 সেখানকার লোকেরা যখন তাঁকে চিনতে পারল তারা চতুর্দিকে খবর  
পাঠাল। লোকেরা সব অসুস্থ ব্যক্তিদের তাঁর কাছে নিয়ে এল, 36 আর  
তাঁর কাছে মিনতি করল, যেন অসুস্থরা কেবলমাত্র তাঁর পোশাকের  
আঁচলটুকু স্পর্শ করতে পারে। আর যারাই তাঁকে স্পর্শ করল তারা  
সকলে সুস্থ হল।

**15** তখন জেরুশালেম থেকে কয়েকজন ফরিশী ও শাস্ত্রবিদ যীশুর  
কাছে এসে জিজ্ঞাসা করল, 2 “আপনার শিষ্যেরা কেন প্রাচীনদের  
পরম্পরাগত নিয়ম ভঙ্গ করে? তারা খাবার আগে কেন তাদের হাত  
ধোয় না?” 3 যীশু উন্নত দিলেন, “আর তোমরা কেন তোমাদের  
পরম্পরাগত নিয়মের দোহাই দিয়ে ঈশ্বরের আদেশ ভঙ্গ করো? 4  
কারণ ঈশ্বর বলেছেন, ‘তোমার বাবা ও তোমার মাকে সম্মান কোরো,’  
এবং ‘যে কেউ তার বাবা অথবা মাকে অভিশাপ দেয়, তার অবশ্যই  
প্রাণদণ্ড হবে।’ 5 কিন্তু তোমরা বলো, কেউ যদি তার বাবা বা মাকে  
বলে, ‘আমার কাছ থেকে তোমরা যে সাহায্য পেতে তা ঈশ্বরের  
কাছে উপহারস্বরূপ দেওয়া হয়েছে,’ 6 তাহলে সে তার বাবাকে বা  
মাকে আর তা দিয়ে সম্মান করবে না। এভাবে তোমরা পরম্পরাগত  
ঐতিহ্যের নামে ঈশ্বরের বাক্যকে অমান্য করে থাকো। 7 ভঙ্গের দল!  
যিশাইয় তোমাদের সম্পর্কে সঠিক ভবিষ্যদ্বাণী করেছেন: 8 “‘এই  
লোকেরা তাদের ওষ্ঠাধরে আমাকে সম্মান করে, কিন্তু তাদের হৃদয়  
থাকে আমার থেকে বহুদূরে। 9 বৃথাই তারা আমার উপাসনা করে;  
তাদের শিক্ষামালা বিভিন্ন মানুষের শেখানো নিয়মবিধি মাত্র।’” 10

যীশু সকলকে কাছে দেকে বললেন, “তোমরা শোনো ও বোবো। 11  
মানুষের মুখ দিয়ে যা প্রবেশ করে তা তাকে অঙ্গিচি করে না, কিন্তু যা  
তার মুখ দিয়ে বের হয়ে আসে তাই তাকে ‘অঙ্গিচি’ করে।” 12 তখন  
শিয়েরা তাঁর কাছে এসে বললেন, “আপনি কি জানেন, ফরিশীরা  
একথা শুনে মনে আঘাত পেয়েছে?” 13 তিনি উত্তর দিলেন, “যে  
চারাগাছ আমার স্বর্গস্থ পিতা রোপণ করেননি, তা উপড়ে ফেলা হবে।  
14 ওদের ছেড়ে দাও, ওরা অঙ্গ পথপ্রদর্শক। কোনো অঙ্গ ব্যক্তি যদি  
অপর ব্যক্তিকে পথ প্রদর্শন করে তবে উভয়েই গর্তে পড়বে।” 15  
পিতার বললেন, “এই রূপকটি আমাদের কাছে ব্যাখ্যা করুন।” 16 যীশু  
তাদের প্রশ্ন করলেন, “তোমরা কি এখনও এত অবুবা রয়েছে? 17  
তোমরা কি দেখতে পাও না, যা কিছু মুখের ভিতর দিয়ে প্রবেশ করে  
তা পাকস্থলীতে যায় ও তারপর শরীর থেকে বের হয়ে যায়? 18 কিন্তু  
যেসব বিষয় মুখ থেকে বার হয়ে আসে, তা হৃদয় থেকে আসে এবং  
সেগুলিই কোনো মানুষকে অঙ্গিচি করে তোলে। 19 কারণ মানুষের  
হৃদয় থেকে উৎপন্ন হয় কুচিষ্ঠা, নরহত্যা, ব্যভিচার, বিবাহ-বহির্ভূত  
যৌনাচার, চুরি, মিথ্যা সাক্ষ্য, পরনিন্দা। 20 এগুলিই কোনো মানুষকে  
অঙ্গিচি করে, কিন্তু হাত না ধুয়ে খাবার খেলে সে ‘অঙ্গিচি’ হয় না।” 21  
সেই স্থান ত্যাগ করে, যীশু টায়ার ও সীদোন অঞ্চলে চলে গেলেন। 22  
তারই কাছাকাছি কোনো স্থান থেকে এক কনানীয় নারী তাঁর কাছে  
এসে চিৎকার করতে লাগল, “প্রভু, দাউদের সন্তান, আমার প্রতি দয়া  
করুন! আমার মেয়েটি ভূতগ্রস্ত হয়ে ভীষণ কষ্ট পাচ্ছে।” 23 যীশু  
তাকে কোনও উত্তর দিলেন না। তাই তাঁর শিয়েরা তাঁর কাছে এসে  
তাঁকে অনুরোধ জানালেন, “ওকে বিদায় দিন কারণ ও চিৎকার করতে  
করতে আমাদের পিছনে আসছে।” 24 তিনি উত্তর দিলেন, “আমাকে  
কেবলমাত্র ইস্রায়েলের হারানো মেষদের কাছে পাঠানো হয়েছে।”  
25 সেই নারী এসে তাঁর কাছে নতজানু হয়ে বলল, “প্রভু, আমার  
উপকার করুন!” 26 তিনি উত্তর দিলেন, “ছেলেমেয়েদের খাবার নিয়ে  
কুকুরদের দেওয়া সংগত নয়।” 27 সে বলল, “হ্যাঁ প্রভু, কিন্তু কুকুরও  
তো মনিবের টেবিল থেকে খাবারের যেসব টুকরো পড়ে তা খায়।”

২৪ তখন যীশু উত্তর দিলেন, “নারী, তোমার বড়োই বিশ্বাস! তোমার অনুরোধ রক্ষা করা হল।” সেই মুহূর্ত থেকে তার মেয়ে সুস্থ হয়ে গেল।

২৯ যীশু সেই স্থান ত্যাগ করে গালীল সাগরের তীরে উপস্থিত হলেন। তারপর তিনি এক পাহাড়ের উপরে উঠে বসলেন। ৩০ অসংখ্য লোক খোঁড়া, অঙ্গ, পঙ্গ, বোবা ও অন্য অনেক অসুস্থ মানুষকে নিয়ে এসে তাঁর পায়ের কাছে ফেলে রাখল। তিনি তাদের সুস্থ করলেন। ৩১ লোকেরা যখন দেখল, বোবারা কথা বলছে, পঙ্গুরা সুস্থ হচ্ছে, যারা খোঁড়া তারা চলতে পারছে ও অঙ্গেরা দেখতে পাচ্ছে, তারা বিস্ময়ে হতবাক হল। আর তারা ইস্রায়েলের ঈশ্বরের প্রশংসা করতে লাগল।

৩২ যীশু তাঁর শিষ্যদের তাঁর কাছে ডেকে বললেন, “এই লোকদের প্রতি আমার করণ্ণা হচ্ছে; এরা তিন দিন ধরে আমার সঙ্গে আছে এবং এদের কাছে খাওয়ার জন্য কিছুই নেই। আমি এদের ক্ষুধার্ত অবস্থায় ফেরত পাঠাতে চাই না, হয়তো এরা পথেই অঙ্গান হয়ে পড়বে।” ৩৩ তাঁর শিষ্যেরা উত্তর দিলেন, “এত লোককে খাওয়ানোর জন্য এই প্রত্যন্ত স্থানে আমরা কোথায় যথেষ্ট খাবার পাব?” ৩৪ যীশু জিজ্ঞাসা করলেন, “তোমাদের কাছে কতগুলি রংটি আছে?” তাঁরা উত্তর দিলেন, “সাতটি, আর কয়েকটি ছোটো মাছ।” ৩৫ তিনি সবাইকে মাটির উপরে বসার আদেশ দিলেন। ৩৬ তারপর তিনি সেই সাতটি রংটি ও মাছগুলি নিয়ে ঈশ্বরকে ধন্যবাদ দিলেন। তারপর সেগুলি ভেঙে শিষ্যদের দিলেন ও তারা লোকদের দিলেন। ৩৭ সবাই খেয়ে পরিত্তপ্ত হল। পরে শিষ্যেরা অবশিষ্ট রংটির টুকরো সংগ্রহ করে সাতটি ঝুঁড়ি পূর্ণ করলেন। ৩৮ যারা খাবার খেয়েছিল, নারী ও শিশু ছাড়া তাদের সংখ্যা ছিল চার হাজার। ৩৯ যীশু সকলকে বিদায় করার পর নৌকাতে উঠলেন ও মগদনের সীমানায় চলে গেলেন।

**১৬** ফরিশী ও সন্দূকীরা যীশুর কাছে এসে পরীক্ষা করার জন্য তাঁকে বলল যেন তিনি আকাশ থেকে তাদের কোনো চিহ্ন দেখান। ২ তিনি উত্তর দিলেন, “যখন সন্ধ্যা আসে, তোমরা বলো, ‘আবহাওয়া মনোরম হবে, কারণ আকাশ লাল হয়েছে,’ আবার সকালবেলায় বলো, ৩ ‘আজ ঝাড় হবে, কারণ আকাশ লাল ও মেঘাচ্ছন্ন হয়েছে।’ তোমরা আকাশের

অবস্থা দেখে আবহাওয়ার ব্যাখ্যা করতে পারো, কিন্তু সময়ের চিহ্ন ব্যাখ্যা করতে পারো না। 4 এক দুষ্ট ও ব্যভিচারী প্রজন্ম অলৌকিক চিহ্ন খোঁজে কিন্তু যোনার চিহ্ন ছাড়া আর কিছুই তাদের দেওয়া হবে না।” তখন যীশু তাদের ছেড়ে চলে গেলেন। 5 তারা যখন সাগরের অপর পারে গেলেন, শিষ্যেরা ঝটি সঙ্গে নিতে ভুলে গিয়েছিলেন। 6 যীশু তাদের বললেন, “সতর্ক হও, ফরিশী ও সদূকীদের খামির থেকে তোমরা সাবধান থেকো।” 7 তারা নিজেদের মধ্যে এ বিষয়ে আলোচনা করে বললেন, “আমরা ঝটি আনিনি বলেই তিনি এরকম বলছেন।” 8 তাদের আলোচনা বুঝতে পেরে যীশু জিজ্ঞাসা করলেন, “অল্পবিশ্বাসী তোমরা, ঝটি নেই বলে কেন নিজেদের মধ্যে বিতর্ক করছ? 9 তোমরা কি এখনও বুঝতে পারোনি? তোমাদের কি পাঁচটি ঝটি ও পাঁচ হাজার মানুষের কথা মনে পড়ে না, তখন কত ঝুড়ি উদ্বৃত্ত তোমরা তুলে নিয়েছিলে? 10 কিংবা সেই সাতটি ঝটি ও চার হাজার মানুষ, কত ঝুড়ি তোমরা সংগ্রহ করেছিলে? 11 আমি যে তোমাদের ঝটির কথা বলিনি তা তোমরা বুঝতে পারোনি? তোমরা ফরিশী ও সদূকীদের খামির থেকে সাবধান থেকো।” 12 তখন তারা বুঝতে পারলেন যে, তিনি তাদের ঝটিতে ব্যবহৃত খামির থেকে সতর্ক থাকতে বলেননি, কিন্তু ফরিশী ও সদূকীদের দেওয়া শিক্ষা থেকে সতর্ক থাকতে বলেছেন। 13 যীশু যখন কৈসরিয়া-ফিলিপ্পী অঞ্চলে এলেন, তিনি তাঁর শিষ্যদের জিজ্ঞাসা করলেন, “মনুষ্যপুত্র কে, এ সম্বন্ধে লোকে কী বলে?” 14 তাঁরা উত্তর দিলেন, “কেউ কেউ বলে আপনি বাণিষ্ঠদাতা যোহন; অন্যেরা বলে এলিয়; আর কেউ কেউ বলে, যিরিমিয় বা ভাববাদীদের মধ্যে কোনও একজন।” 15 “কিন্তু তোমরা কী বলো?” তিনি জিজ্ঞাসা করলেন, “তোমরা কী বলো, আমি কে?” 16 শিমোন পিতর উত্তর দিলেন, “আপনি সেই খ্রীষ্ট, জীবন্ত ঈশ্বরের পুত্র।” 17 যীশু উত্তর দিলেন, “যোনার পুত্র শিমোন ধন্য তুমি, কারণ রক্তমাঙ্গনের কোনো মানুষ এ তোমার কাছে প্রকাশ করেনি, কিন্তু আমার স্বর্গস্থ পিতাই প্রকাশ করেছেন। 18 আর আমি তোমাকে বলি, তুমি পিতর, আর আমি এই পাথরের উপরে আমার মণ্ডলী নির্মাণ করব। আর পাতালের

দারসকল এর বিপক্ষে জয়ী হতে পারবে না। (Hadēs g86) 19 আমি  
তোমাকে স্বর্গরাজ্যের চাবি দেব; তোমরা পৃথিবীতে যা আবন্দ করবে  
তা স্বর্গেও আবন্দ হবে এবং পৃথিবীতে যা কিছু মুক্ত করবে তা স্বর্গেও  
মুক্ত হবে।” 20 তারপর তিনি তাঁর শিষ্যদের সতর্ক করে বলে দিলেন,  
তিনি যে খীঁট একথা তাঁরা যেন কাউকে না বলেন। 21 সেই সময়  
থেকে যীশু তাঁর শিষ্যদের কাছে স্পষ্টরূপে বলতে লাগলেন যে, তাঁকে  
অবশ্যই জেরশালেমে যেতে হবে। সেখানে তাঁকে বিভিন্ন বিষয়ে  
দুঃখভোগ করতে হবে; প্রাচীনবর্গ, মহাযাজকবৃন্দ ও শাস্ত্রবিদরা তাঁকে  
প্রত্যাখ্যান করবে। তাঁকে হত্যা করা হবে এবং তৃতীয় দিনে তাঁর  
পুনরুত্থান হবে। 22 পিতর তাঁকে এক পাশে নিয়ে গিয়ে অনুযোগ করে  
বললেন, “প্রভু, তা নয়! এরকম আপনার প্রতি কখনও ঘটবে না!” 23  
যীশু ফিরে পিতরকে বললেন, “দূর হও শয়তান! তুমি আমার কাছে  
এক বাধাস্বরূপ; তোমার মনে ঈশ্঵রের বিষয়গুলি নেই কেবল মানুষের  
বিষয়গুলিই আছে।” 24 তারপর যীশু তাঁর শিষ্যদের বললেন, “কেউ  
যদি আমাকে অনুসরণ করতে চায়, সে অবশ্যই নিজেকে অস্তীকার  
করবে, তার দ্রুশ তুলে নেবে ও আমাকে অনুসরণ করবে। 25 কারণ  
যে কেউ তার প্রাণরক্ষা করতে চায় সে তা হারাবে, কিন্তু কেউ যদি  
আমার কারণে তার প্রাণ হারায় সে তা লাভ করবে। 26 কেউ যদি  
সমস্ত জগতের অধিকার লাভ করে ও তার নিজের প্রাণ হারায়, তাহলে  
তার কী লাভ হবে? কিংবা কোনো মানুষ তার প্রাণের বিনিময়ে আর কী  
দিতে পারে? 27 কারণ মনুষ্যপুত্র তাঁর দৃতদের সঙ্গে নিয়ে নিজ পিতার  
মহিমায় ফিরে আসবেন, তখন তিনি প্রত্যেক ব্যক্তিকে তার কাজ  
অনুসারে ফল দেবেন। 28 ‘আমি তোমাদের সত্যি বলছি, যারা এখানে  
দাঁড়িয়ে আছে, তাদের মধ্যে কেউ কেউ, যতদিন না মনুষ্যপুত্রকে তাঁর  
রাজ্যে আসতে দেখবে ততদিন পর্যন্ত মৃত্যুর আস্বাদ পাবে না।’”

**17** ছয় দিন পর, যীশু তাঁর সঙ্গে পিতর, যাকোব ও তাঁর ভাই  
যোহনকে নিয়ে অতি উচ্চ এক পর্বতে উঠলেন। 2 সেখানে তিনি  
তাঁদের সামনে রূপান্তরিত হলেন। তাঁর মুখ সূর্যের মতো জ্যোতির্ময়  
হয়ে উঠল এবং তাঁর পোশাক আলোর মতো ধৰধবে সাদা হয়ে উঠল।

৩ ঠিক সেই সময়, তাঁদের সামনে মোশি ও এলিয় আবির্ভূত হয়ে যীশুর  
সঙ্গে কথা বলতে লাগলেন। ৪ পিতর যীশুকে বললেন, “প্রভু, এখানে  
থাকা আমাদের পক্ষে ভালোই হবে। আপনি যদি চান, আমি তিনটি  
তাঁরু নির্মাণ করি, একটি আপনার জন্য, একটি মোশির জন্য ও একটি  
এলিয়ের জন্য।” ৫ তিনি তখনও কথা বলছেন, এমন সময় একটি  
উজ্জ্বল মেঘ তাঁদের ঢেকে ফেলল। আর মেঘ থেকে এক কষ্টস্বর ধ্বনিত  
হল, “ইনিই আমার পুত্র, যাঁকে আমি প্রেম করি; এর প্রতি আমি পরম  
প্রসন্ন। তোমরা এঁর কথা শোনো।” ৬ শিয়েরা একথা শুনে ভূমিতে  
উরুড় হয়ে পড়লেন এবং অত্যন্ত ভীত হলেন। ৭ কিন্তু যীশু এসে  
তাঁদের স্পর্শ করে বললেন, “ওঠো, ভয় কোরো না।” ৮ তাঁরা যখন  
চোখ তুলে তাকালেন, তাঁরা আর কোনো মানুষকে দেখতে পেলেন না,  
কেবলমাত্র যীশু একা সেখানে ছিলেন। ৯ পর্বত থেকে নেমে আসার  
সময়, যীশু তাঁদের এই আদেশ দিলেন, “মনুষ্যপুত্র মৃতলোক থেকে  
উথাপিত না হওয়া পর্যন্ত, তোমরা যা দেখলে সেকথা কাউকে বোলো  
না।” ১০ শিয়েরা তাঁকে জিজ্ঞাসা করলেন, “শাস্ত্রবিদরা তাহলে কেন  
বলেন যে, এলিয়কে অবশ্যই প্রথমে আসতে হবে?” ১১ যীশু উত্তর  
দিলেন, “একথা নিশ্চিত যে, এলিয় এসে সব বিষয় পুনঃপ্রতিষ্ঠিত  
করবেন। ১২ কিন্তু আমি তোমাদের বলছি, এলিয় ইতিমধ্যে এসে  
গেছেন, আর তারা তাঁকে চিনতে পারেনি। তারা তাঁর প্রতি যেমন  
ইচ্ছা, তেমনই ব্যবহার করেছে। একইভাবে, মনুষ্যপুত্রও তাদের হাতে  
কষ্টভোগ করতে চলেছেন।” ১৩ শিয়েরা তখন বুঝতে পারলেন যে,  
তিনি তাঁদের বাস্তিষ্ঠাদাতা যোহনের কথা বলছেন। ১৪ তাঁরা যখন  
অনেক লোকের মাঝে এলেন, একজন লোক যীশুর সামনে এসে  
নতজানু হয়ে বলল, ১৫ “প্রভু, আমার পুত্রের প্রতি দয়া করুন, সে  
মৃগীরোগগ্রস্ত এবং অত্যন্ত যন্ত্রণাভোগ করছে। সে প্রায়ই আগনে বা  
জলে লাফ দিয়ে পড়ে। ১৬ আপনার শিষ্যদের কাছে আমি তাকে  
এনেছিলাম, কিন্তু তাঁরা তাকে সুস্থ করতে পারেননি।” ১৭ যীশু উত্তর  
দিলেন, “ওহে অবিশ্বাসী ও পথভ্রষ্ট প্রজন্ম, আমি কত কাল তোমাদের  
সঙ্গে থাকব? আমি কত কাল তোমাদের সহ্য করব? ছেলেটিকে

এখানে আমার কাছে নিয়ে এসো।” 18 যীশু সেই ভূতকে ধর্মক দিলেন, এতে ছেলেটির মধ্য থেকে সে বের হয়ে এল, আর সেই মৃহূর্ত থেকে সে সুস্থ হয়ে উঠল। 19 তারপর শিষ্যেরা গোপনে যীশুর কাছে এসে তাঁকে জিজ্ঞাসা করলেন, “আমরা কেন ওটি ছাড়াতে পারলাম না?” 20 তিনি উত্তর দিলেন, “কারণ তোমাদের বিশ্বাস অতি অল্প। আমি তোমাদের সত্যি বলছি, তোমাদের বিশ্বাস যদি সর্বের দানা যেমন ক্ষুদ্র তেমনই হয়, তোমরা এই পর্বতটিকে বলবে, ‘এখান থেকে ওখানে সরে যাও,’ আর সেটি সরে যাবে। তোমাদের পক্ষে কোনো কিছুই অসম্ভব থাকবে না।” 21 কিন্তু প্রার্থনা ও উপোস ছাড়া এই জাতি কোনো কিছুতেই বের হয় না। 22 পরে তারা যখন গালীলে একত্র হলেন, তিনি তাদের বললেন, “মনুষ্যপুত্রকে লোকদের হাতে তুলে দেওয়া হবে। 23 তারা তাঁকে হত্যা করবে, কিন্তু তৃতীয় দিনে তিনি মৃত্যু থেকে জীবিত হয়ে উঠবেন।” এতে শিষ্যেরা খুব দুঃখিত হলেন। 24 যীশু ও তাঁর শিষ্যেরা কফরনাহুমে উপস্থিত হলে পর মন্দিরের দুই-দ্রাকমা কর আদায়কারীরা এসে পিতরকে জিজ্ঞাসা করল, “তোমাদের গুরুমহাশয় কি মন্দিরের কর দেন না?” 25 তিনি উত্তর দিলেন, “হ্যাঁ, তিনি দেন।” পিতর যখন বাড়িতে ফিরে এলেন, যীশুই প্রথমে জিজ্ঞাসা করলেন, “শিমোন, তুমি কী মনে করো, পৃথিবীর রাজারা কার কাছ থেকে শুল্ক ও কর আদায় করে থাকেন—তাঁর নিজের সন্তানদের কাছে, না অন্যদের কাছ থেকে?” 26 পিতর উত্তর দিলেন, “অন্যদের কাছ থেকে।” যীশু তাকে বললেন, “তাহলে তো সন্তানেরা দায়মুক্ত! 27 কিন্তু আমরা যেন তাদের মনে আঘাত না দিই, এই কারণে তুমি সাগরে গিয়ে তোমার বড়শি ফেলো। প্রথমে যে মাছটি তুমি ধরবে, সেটি নিয়ে তার মুখ খুললে তুমি চারদিনের পারিশ্রমিকের সমান একটি মুদ্রা পাবে। সেটি নিয়ে তোমার ও আমার কর-বাবদ ওদের দিয়ে দাও।”

**18** সেই সময়ে, শিষ্যেরা যীশুর কাছে এসে জিজ্ঞাসা করলেন, “স্বর্গরাজ্যে কে শ্রেষ্ঠ?” 2 তিনি একটি ছোটো শিশুকে তাঁর কাছে ঢেকে সবার মাঝে দাঁড় করালেন। 3 তিনি বললেন, “আমি তোমাদের সত্যি বলছি, তোমরা মন পরিবর্তন করে যদি এই ছোটো শিশুদের মতো

না হও তবে কোনোমতেই স্বর্গরাজ্য প্রবেশ করতে পারবে না। 4

অতএব, যে কেউ এই শিশুর মতো নিজেকে নম্র করে, সেই স্বর্গরাজ্য সব থেকে মহান। 5 আবার যে কেউ এর মতো এক ছোটো শিশুকে স্বাগত জানায়, সে আমাকেই স্বাগত জানায়। 6 “কিন্তু এই ছোটো শিশুদের যারা আমাকে বিশ্বাস করে, তাদের কোনো একজনকে কেউ যদি পাপ করতে বাধ্য করে, তাহলে তার গলায় বড়ো একটি জাঁতা বেঁধে সমুদ্রের অঈথে জলে ডুবিয়ে দেওয়া তার পক্ষে ভালো হবে।

7 ধিক্কার সেই জগৎকে কারণ জগতের বিভিন্ন প্রলোভন মানুষকে পাপের মুখে ফেলে। এসব বিষয় অবশ্যই উপস্থিত হবে, কিন্তু ধিক্ক সেই ব্যক্তিকে যার দ্বারা তা উপস্থিত হবে! 8 যদি তোমার হাত বা পা যদি পাপের কারণ হয়, তা কেটে ফেলে দাও। কারণ দু-হাত ও দুই পা নিয়ে নরকের অনির্বাণ আগুনে নিক্ষিপ্ত হওয়ার চেয়ে বরং বিকলাঙ্গ বা পঙ্কু হয়ে জীবনে প্রবেশ করা ভালো। (aiōnios g166) 9 আর তোমার চোখ যদি পাপের কারণ হয়, তাহলে তা উপড়ে ফেলো ও ছুঁড়ে ফেলে দাও। দুই চোখ নিয়ে নরকের আগুনে নিক্ষিপ্ত হওয়ার চেয়ে বরং এক চোখ নিয়ে জীবনে প্রবেশ করা তোমার পক্ষে ভালো। (Geenna g1067)

10 “দেখো, এই ছোটো শিশুদের একজনকেও যেন কেউ তুচ্ছজ্ঞান না করে। কারণ আমি তোমাদের বলছি, স্বর্গে তাদের দূতেরা প্রতিনিয়ত আমার স্বর্গস্থ পিতার মুখদর্শন করে থাকেন। 12 “তোমরা কী মনে করো? কোনো মানুষের যদি একশোটি মেষ থাকে এবং তাদের মধ্যে কোনো একটি যদি ভুল পথে যায়, তাহলে সে কি নিরানবইটি মেষ পাহাড়ের উপরে ছেড়ে ভুল পথে যাওয়া সেই মেষটি খুঁজতে যাবে না?

13 আর যদি সে সেটি খুঁজে পায়, আমি তোমাদের সত্যি বলছি, যে নিরানবইটি মেষ ভুল পথে যায়নি, সেগুলির চেয়ে সে ওই একটি মেষের জন্য বেশি আনন্দিত হবে। 14 একইভাবে, তোমাদের স্বর্গস্থ পিতার এমন ইচ্ছা নয় যে এই ক্ষুদ্রজনেদের মধ্যে একজনও হারিয়ে যায়। 15 “তোমার ভাই অথবা বোন যদি তোমার বিরণক্ষে কোনও অপরাধ করে, তাহলে যাও, যখন তোমরা দুজন থাকো, তার দোষ তাকে দেখিয়ে দাও। যদি সে তোমার কথা শোনে, তাহলে তুমি তোমার

ভাইকে জয় করলে। 16 কিন্তু সে যদি কথা না শোনে, তাহলে আরও দুই একজনকে সঙ্গে নিয়ে যাও, যেন ‘দুই বা তিনজন সাক্ষীর সাক্ষ্য প্রমাণে কোনো বিষয় সত্যি বলে প্রমাণিত হবে।’ 17 যদি সে তাদের কথাও শুনতে না চায়, তাহলে মণ্ডলীকে বলো; আর সে যদি মণ্ডলীর কথাও শুনতে না চায়, তাহলে পরজাতীয় বা কর আদায়কারীদের সঙ্গে তুমি যে রকম ব্যবহার করো, তার সঙ্গে তেমনই করো। 18 “আমি তোমাদের সত্যি বলছি, তোমরা পৃথিবীতে যা আবদ্ধ করবে তা স্বর্গেও আবদ্ধ হবে এবং পৃথিবীতে যা কিছু মুক্ত করবে তা স্বর্গেও মুক্ত হবে। 19 “আবার, আমি সত্যি বলছি, তোমাদের মধ্যে দুজন এই পৃথিবীতে একমত হয়ে যা কিছু চাইবে, আমার স্বর্গস্থ পিতা তোমাদের জন্য তাই করবেন। 20 কারণ যেখানে দুই কিংবা তিনজন আমার নামে একত্র হয়, সেখানে আমি তাদের মধ্যে উপস্থিত।” 21 তখন পিতর যীশুর কাছে এসে জিজাসা করলেন, “প্রভু, আমার ভাই কতবার আমার বিরুদ্ধে অপরাধ করলে আমি তাকে ক্ষমা করব? সাতবার পর্যন্ত?” 22 যীশু উত্তর দিলেন, “আমি তোমাকে বলছি, সাতবার নয়, কিন্তু সত্ত্বর গুণ সাতবার পর্যন্ত। 23 “এই কারণে স্বর্গরাজ্য এমন এক রাজার মতো, যিনি তাঁর দাসদের কাছে হিসেব চাইলেন। 24 হিসেব নিকেশ করার সময় একজন দাস, যে তাঁর কাছে দশ হাজার তালন্তের খণ্ড ছিল, তাকে নিয়ে আসা হল। 25 যেহেতু সে খণ্ড শোধ করতে অক্ষম ছিল, তাঁর মনিব আদেশ দিলেন যেন তাকে, তার স্ত্রী ও সন্তানদের ও তার সর্বস্ব বিক্রি করে খণ্ড পরিশোধ করা হয়। 26 “এতে সেই দাস তাঁর সামনে নতজানু হয়ে পড়ল, ‘আমার প্রতি ধৈর্য ধরন,’ সে মিনতি জানাল, ‘আমি সব দেনা শোধ করে দেব।’ 27 সেই দাসের মনিব তাঁকে দেয়া করে তার খণ্ড মরুব করলেন ও তাকে চলে যেতে দিলেন। 28 “কিন্তু সেই দাস বাইরে গিয়ে তার এক সহদাসকে দেখতে পেল। সে তার কাছে মাত্র একশো দিনার খণ্ড করেছিল। সে তাকে ধরে তার গলা টিপে দাবি করল, ‘আমার কাছে যে খণ্ড করেছিস তা শোধ কর।’ 29 “তার সহদাস তার পায়ে পড়ে মিনতি করল, ‘আমার প্রতি ধৈর্য ধরন, আমি আপনার খণ্ড শোধ করে দেব।’ 30 “সে কিন্তু শুনতে চাইল

না। পরিবর্তে, সে চলে গিয়ে ঝণ শোধ না করা পর্যন্ত তাকে কারাগারে  
বন্দি করে রাখল। 31 অন্য সব সহদাস যখন এসব ঘটতে দেখল,  
তারা অত্যন্ত রেগে গিয়ে তাদের মনিবকে যা ঘটেছিল সব বলল। 32  
“তখন মনিব সেই দাসকে ভিতরে ডাকলেন। তিনি বললেন, ‘দুষ্ট দাস  
তুমি, আমার কাছে তুমি মিনতি করায় আমি তোমার সব ঝণ মরুব  
করেছিলাম। 33 আমি যেমন তোমাকে দয়া করেছিলাম, তোমারও কি  
উচিত ছিল না তোমার সহদাসকে দয়া করা?’ 34 ক্রুদ্ধ হয়ে তার মনিব  
তাকে কারাধ্যক্ষদের হাতে নিপীড়িত হওয়ার জন্য সমর্পণ করলেন,  
যতদিন না পর্যন্ত সে তার সমস্ত ঝণ শোধ করে। 35 “তোমরা যদি  
প্রত্যেকে তোমাদের ভাইকে মনেপ্রাণে ক্ষমা না করো, তাহলে আমার  
স্বর্গস্থ পিতাও তোমাদের প্রতি এরকমই আচরণ করবেন।”

**19** যীশু এসব কথা বলা শেষ করে গালীল প্রদেশ ত্যাগ করলেন এবং  
জর্ডন নদীর অপর পারে যিহুদিয়ার অঞ্চলে উপস্থিত হলেন। 2 অনেক  
লোক তাঁকে অনুসরণ করল, আর তিনি সেখানে অসুস্থ মানুষদের সুস্থ  
করলেন। 3 কয়েকজন ফরিশী তাঁকে পরীক্ষা করার জন্য তাঁর কাছে  
এসে প্রশ্ন করল, “কোনো পুরুষের পক্ষে তার স্ত্রীকে যে কোনো কারণে  
পরিত্যাগ করা কি বিধিসংগত?” 4 তিনি উত্তর দিলেন, “তোমরা কি  
পাঠ করোনি যে, প্রথমে সৃষ্টিকর্তা ‘তাদের পুরুষ ও স্ত্রীলোক করে  
সৃষ্টি করেছিলেন?’ 5 তিনি বললেন, ‘এই কারণে একজন পুরুষ তার  
পিতা ও মাতাকে ত্যাগ করবে, তার স্ত্রীর সাথে সংযুক্ত হবে ও সেই  
দুজন একঙ্গ হবে।’ 6 তাই, তারা আর দুজন নয়, কিন্তু অভিন্নসত্তা।  
সেই কারণে, ঈশ্বর যা সংযুক্ত করেছেন, কোনো মানুষ তা বিচ্ছিন্ন  
না করবে।” 7 তারা জিজ্ঞাসা করল, “তাহলে মোশি কেন ত্যাগপত্র  
লিখে দিয়ে স্ত্রীকে বিদায় দেওয়ার আদেশ দিয়েছেন?” 8 যীশু উত্তর  
দিলেন, “তোমাদের মন কঠোর বলেই মোশি তোমাদের স্ত্রীকে ত্যাগ  
করার অনুমতি দিয়েছিলেন, কিন্তু প্রথম থেকে এরকম বিধান ছিল  
না। 9 আমি তোমাদের বলছি, বৈবাহিক জীবনে অবিশ্বস্ততার কারণ  
ছাড়া কেউ যদি তার স্ত্রীকে ত্যাগ করে অপর কোনো নারীকে বিবাহ  
করে, সে ব্যভিচার করে।” 10 শিখেরা তাঁকে বললেন, “স্বামী ও স্ত্রীর

মধ্যে সম্পর্ক যদি এরকম হয়, তাহলে বিবাহ না করাই তালো।”

11 যীশু উত্তর দিলেন, “সবাই একথা গ্রহণ করতে পারে না, কিন্তু  
যাদের এই ক্ষমতা দেওয়া হয়েছে, তারাই পারে। 12 কারণ কেউ  
কেউ নপুংসক, যেহেতু তারা সেইরকম হয়েই জন্মগ্রহণ করেছে;  
অন্যদের মানুষেরা নপুংসক করেছে; এছাড়াও আরও কিছু মানুষ  
স্বর্গরাজ্যের কারণে বিবাহ করতে অস্বীকার করেছে। যে এ বিষয় গ্রহণ  
করতে পারে সে গ্রহণ করবক।” 13 এরপর ছোটো শিশুদের যীশুর  
কাছে নিয়ে আসা হল, যেন তিনি তাদের উপরে হাত রেখে প্রার্থনা  
করেন। কিন্তু যারা তাদের এনেছিল শিশুরা তাদের বকুনি দিলেন।

14 যীশু বললেন, “ছোটো শিশুদের আমার কাছে আসতে দাও, ওদের  
বাধা দিয়ো না। কারণ স্বর্গরাজ্য এদের মতো মানুষদেরই।” 15 তিনি  
তাদের উপরে হাত রেখে প্রার্থনা করে সেখান থেকে চলে গেলেন। 16  
সেই সময় একজন লোক এসে যীশুকে জিজ্ঞাসা করল, “গুরুমহাশয়,  
অনন্ত জীবন লাভের জন্য আমাকে কী ধরনের সৎকর্ম করতে হবে?”

(aiōnios g166) 17 যীশু উত্তর দিলেন, “আমাকে সৎ-এর বিষয়ে কেন  
জিজ্ঞাসা করো? সৎ কেবলমাত্র একজনই আছেন। তুমি যদি জীবনে  
প্রবেশ করতে চাও, তাহলে অনুশাসনগুলি পালন করো।” 18 লোকটি  
জিজ্ঞাসা করল, “কোন কোন অনুশাসন?” যীশু উত্তর দিলেন, “নরহত্যা  
কোরো না, ব্যভিচার কোরো না, চুরি কোরো না, মিথ্যা সাক্ষ্য দিয়ো  
না, 19 তোমার পিতামাতাকে সম্মান কোরো ও তোমার প্রতিবেশীকে  
নিজের মতোই প্রেম কোরো।” 20 যুবকটি বলল, “এ সমস্ত আমি  
পালন করেছি। আমার আর কী ক্রটি আছে?” 21 যীশু উত্তর দিলেন,  
“তুমি যদি সিদ্ধ হতে চাও, তাহলে যাও, গিয়ে তোমার সব সম্পত্তি  
বিক্রি করে দরিদ্রদের মধ্যে বিলিয়ে দাও, তাহলে তুমি স্বর্গে ধন লাভ  
করবে। তারপর এসে আমাকে অনুসরণ করো।” 22 এই কথা শুনে  
যুবকটি দুঃখিত হয়ে চলে গেল, কারণ তার প্রচুর ধনসম্পত্তি ছিল। 23  
তখন যীশু তাঁর শিষ্যদের বললেন, “আমি তোমাদের সত্যি বলছি,  
স্বর্গরাজ্য ধনী মানুষের প্রবেশ করা কঠিন। 24 আবার আমি তোমাদের  
বলছি, ধনী মানুষের পক্ষে ঈশ্বরের রাজ্যে প্রবেশ করার চেয়ে বরং

সুচের ছিদ্রপথ দিয়ে উটের পার হওয়া সহজ।” 25 শিষ্যেরা একথা  
শুনে অত্যন্ত আশ্চর্য হলেন ও জিজ্ঞাসা করলেন, “তাহলে কে পরিব্রাগ  
পেতে পারে?” 26 যীশু তাদের দিকে তাকিয়ে বললেন, “মানুষের  
পক্ষে এটা অসম্ভব, কিন্তু ঈশ্বরের পক্ষে সবকিছুই সম্ভব।” 27 পিতর  
উত্তরে তাঁকে বললেন, “আপনাকে অনুসরণ করার জন্য আমরা সবকিছু  
ত্যাগ করেছি। আমরা তাহলে কী পাব?” 28 যীশু তাদের বললেন,  
“আমি তোমাদের সত্যিই বলছি, সব বিষয়ের নতুন সৃষ্টিতে যখন  
মনুষ্যপুত্র মহিমার সিংহাসনে বসবেন, তখন তোমরা, যারা আমার  
অনুগামী হয়েছে, তোমরাও বারোটি সিংহাসনে বসে ইস্তায়েলের বারো  
বংশের বিচার করবে। 29 আর যে কেউ আমার কারণে তার বাড়ি বা  
ভাইদের বা বোনেদের বা বাবাকে বা মাকে বা সন্তানদের বা স্থাবর  
সম্পত্তি ত্যাগ করেছে, সে তার শতগুণ লাভ করবে ও অনন্ত জীবনের  
অধিকারী হবে। (aiōnios g166) 30 কিন্তু যারা প্রথম, এমন অনেকে  
শেষে পড়বে, আর যারা শেষে তারা প্রথমে আসবে।”

**20** “কারণ স্বর্গরাজ্য এমন এক গৃহকর্তার মতো, যিনি তাঁর দ্রাক্ষাক্ষেত্রে  
কর্মী নিয়োগের জন্য ভোরবেলা বাইরে গেলেন। 2 কর্মীদের দৈনিক এক  
দিনার পারিশ্রমিক দিতে সম্মত হয়ে তাদের তিনি নিজের দ্রাক্ষাক্ষেত্রে  
পাঠিয়ে দিলেন। 3 “সকাল নয়টার সময় তিনি বাইরে গিয়ে দেখলেন,  
আরও কিছু মানুষ বাজারে নিষ্কর্মা অবস্থায় দাঁড়িয়ে আছে। 4 তিনি  
তাদের বললেন, ‘তোমরাও গিয়ে আমার দ্রাক্ষাক্ষেত্রে কাজ করো, যা  
ন্যায়সংগত তা আমি তোমাদের দেব।’ 5 তাতে তারাও গেল। “বেলা  
বারোটার সময় ও বিকেল তিনটের সময় তিনি আবার বাইরে গিয়ে  
সেরকম করলেন। 6 বিকেল প্রায় পাঁচটার সময় তিনি বাইরে গিয়ে  
দেখলেন, আরও কয়েকজন দাঁড়িয়ে আছে। তিনি তাদের জিজ্ঞাসা  
করলেন, ‘তোমরা কেন এখানে সমস্ত দিন নিষ্কর্মা অবস্থায় দাঁড়িয়ে  
আছ?’ 7 “তারা উত্তর দিল, ‘কারণ কেউই আমাদের কাজে লাগায়নি।’  
‘তিনি তাদের বললেন, ‘তোমরাও গিয়ে আমার দ্রাক্ষাক্ষেত্রে কাজ  
করো।’ 8 “পরে সন্ধ্যা হলে, দ্রাক্ষাক্ষেত্রের মালিক তাঁর নায়েবকে  
ডেকে বললেন, ‘সব কর্মীকে ডেকে শেষের জন থেকে শুরু করে

প্রথমজন পর্যন্ত প্রত্যেককে তাদের মজুরি দিয়ে দাও।’ ৭ “বিকেল  
পাঁচটায় যাদের নিয়োগ করা হয়েছিল, তারা এসে সকলে এক দিনার  
করে পেল। ১০ তখন যাদের সর্বপ্রথমে নিযুক্ত করা হয়েছিল, তারা  
এসে আরও বেশি পারিশ্রমিক আশা করল। কিন্তু তারা প্রত্যেকে এক  
দিনার করেই পেল। ১১ তারা তা পেয়ে গৃহকর্তার বিষয়ে অসন্তোষ  
প্রকাশ করতে লাগল। ১২ তারা বলল, ‘এই লোকেরা, যাদের বিকেল  
পাঁচটায় নিয়োগ করা হয়েছিল, তারা তো কেবলমাত্র এক ঘণ্টা কাজ  
করেছে। আর আমরা যারা সমস্ত দিনের কাজের ভারবহন করে রোদের  
তাপে পুড়েছি, আপনি কি না আমাদের সমান মজুরি তাদের দিলেন।’  
১৩ ‘কিন্তু তিনি তাদের একজনকে উত্তর দিলেন, ‘বন্ধু, আমি তোমার  
প্রতি কোনও অবিচার করিনি। তুমি কি এক দিনারের বিনিময়ে কাজ  
করতে সম্মত হওনি? ১৪ তোমার পাওনা নিয়ে চলে যাও। আমার  
ইচ্ছা আমি শেষে নিয়োগ করা লোকটিকেও তোমার সমানই মজুরি  
দেব। ১৫ আমার অর্থ নিজের ইচ্ছামতো ব্যবহার করার কি অধিকার  
আমার নেই? না, আমি সদয় বলে তুমি ঈর্ষাকাতর হয়ে পড়েছ?’  
১৬ ‘এভাবেই শেষের জন প্রথম হবে ও প্রথমের জন শেষে পড়বে।’  
১৭ এসময় যীশু যখন জেরুশালেমের পথে যাচ্ছিলেন, তিনি সেই  
বারোজন শিষ্যকে এক পাশে ডেকে বললেন, ১৮ ‘আমরা জেরুশালেম  
পর্যন্ত যাচ্ছি, আর মনুষ্যপুত্রকে প্রধান যাজকদের ও শাস্ত্রবিদদের  
হাতে সমর্পণ করা হবে। তারা তাঁকে মৃত্যুদণ্ডে দণ্ডিত করবে ১৯ ও  
অঙ্গুষ্ঠিদিদের হাতে তুলে দেবে। তারা তাঁকে বিন্দুপ করবে ও চাবুক  
দিয়ে মারার এবং ক্রুশার্পিত হওয়ার জন্য তাঁকে সমর্পণ করবে। কিন্তু  
তৃতীয় দিনে তিনি মৃত্যু থেকে পুনরুদ্ধৃত হবেন।’ ২০ পরে সিবদিয়ের  
দুই পুত্রের মা তাদের নিয়ে যীশুর কাছে এলেন এবং নতজানু হয়ে তাঁর  
কাছে এক প্রার্থনা চাইলেন। ২১ তিনি জিজ্ঞাসা করলেন, “তুমি কী  
চাও?” তিনি বললেন, “অনুমতি দিন যেন আপনার রাজ্যে আমার  
এক ছেলে আপনার ডানদিকে ও অন্যজন বাঁদিকে বসতে পায়।” ২২  
যীশু তাদের বললেন, “তোমরা কী চাইছ, তা তোমরা বোঝো না।  
আমি যে পানপাত্রে পান করি, তাতে কি তোমরা পান করতে পারো?”

তারা উত্তর দিলেন, “আমরা পারি।” 23 যীশু তাদের বললেন, “তোমরা সত্যিই আমার পানপাত্র থেকে পান করবে, কিন্তু আমার ডানদিকে বাঁদিকে বসার অনুমতি আমি দিতে পারি না। আমার পিতা যাদের জন্য তা নির্ধারিত করেছেন, এই স্থানগুলিতে কেবলমাত্র তারাই বসতে পারবে।” 24 অন্য দশজন একথা শুনে সেই দুই ভাইয়ের প্রতি ঝট্ট হলেন। 25 যীশু তাদের সকলকে কাছে ঢেকে বললেন, “তোমরা জানো, পরজাতীয়দের শাসকেরা তাদের উপরে প্রভৃতি করে, আবার তাদের উচ্চপদাধিকারীরাও তাদের উপরে কর্তৃত করে। 26 তোমাদের ক্ষেত্রে সেরকম হবে না। বরং, কেউ যদি তোমাদের মধ্যে মহান হতে চায়, তাকে অবশ্যই তোমাদের দাস হতে হবে। 27 আর কেউ যদি প্রধান হতে চায়, তাকে অবশ্যই তোমাদের ক্রীতদাস হতে হবে। 28 যেমন মনুষ্যপুত্রও সেবা পেতে আসেননি, কিন্তু সেবা করতে ও অনেকের পরিবর্তে নিজের প্রাণ মুক্তিপণ্ডকপ দিতে এসেছেন।” 29 যীশু ও তাঁর শিষ্যেরা যখন যিরাহো ছেড়ে যাচ্ছিলেন, অনেক লোক তাঁকে অনুসরণ করল। 30 দুজন অন্ধ মানুষ পথের পাশে বসেছিল। তারা যখন শুনল, যীশু সেই পথ দিয়ে যাচ্ছেন, তারা চিৎকার করে বলল, “প্রভু, দাউদ-সন্তান, আমাদের প্রতি কৃপা করুন!” 31 লোকেরা তাদের ধরক দিয়ে শান্ত থাকতে বলল, কিন্তু তারা আরও জোরে চিৎকার করতে লাগল, “প্রভু, দাউদ-সন্তান, আমাদের প্রতি কৃপা করুন!” 32 যীশু পথ চলা থামিয়ে তাদের ডাকলেন। তিনি জিজ্ঞাসা করলেন, “তোমরা কী চাও, আমি তোমাদের জন্য কী করব?” 33 তারা উত্তর দিল, “প্রভু, আমরা দৃষ্টিশক্তি পেতে চাই।” 34 যীশু তাদের প্রতি করণ্যায় পূর্ণ হয়ে তাদের চোখ স্পর্শ করলেন। সঙ্গে সঙ্গে তারা দৃষ্টিশক্তি লাভ করল ও তাঁকে অনুসরণ করতে লাগল।

**21** তাঁরা জেরশালেমের কাছাকাছি এসে যখন জলপাই পর্বতের ধারে বেথফাগ গ্রামে উপস্থিত হলেন, তখন যীশু দুজন শিষ্যকে এই বলে পাঠালেন, 2 “তোমরা সামনের ওই গ্রামে যাও। সেখানে গিয়ে তোমরা দেখতে পাবে একটি গর্দভী তার শাবকের সঙ্গে বাঁধা আছে। তাদের খুলে আমার কাছে নিয়ে এসো। 3 কেউ যদি তোমাদের কিছু

বলে, তাকে বোলো যে, প্রভুর তাদের প্রয়োজন আছে। এতে সে  
তখনই তাদের পাঠিয়ে দেবে।” 4 এরকম ঘটল যেন ভাববাদীর দ্বারা  
কথিত বচন পূর্ণ হয়: 5 “তোমরা সিয়োন-কন্যাকে বলো, ‘দেখো,  
তোমার রাজা তোমার কাছে আসছেন, তিনি নম্ব কোমল প্রাণ, গর্দভের  
উপরে উপবিষ্ট, এক শাবকের, গর্দভ শাবকের উপরে উপবিষ্ট।’” 6  
শিয়েরা গেলেন ও যীশু যেমন নির্দেশ দিয়েছিলেন, তেমনই করলেন।  
7 তারা গর্দভী ও সেই শাবকটিকে নিয়ে এসে, তাদের উপরে নিজেদের  
পোশাক পেতে দিলেন। যীশু তার উপরে বসলেন। 8 আর ভিড়ের মধ্যে  
অনেক লোক নিজেদের পোশাক রাস্তায় বিছিয়ে দিল, অন্যেরা গাছ  
থেকে ডালপালা কেটে পথে ছড়িয়ে দিল। 9 যেসব লোক তাঁর সামনে  
যাচ্ছিল ও পিছনে অনুসরণ করছিল, তারা চিঢ়কার করে বলতে লাগল,  
“হোশান্না, দাউদ-সন্তান!” “ধন্য তিনি, যিনি প্রভুর নামে আসছেন!”  
“উর্ধ্বতমলোকে হোশান্না!” 10 যীশু যখন জেরশীলেমে প্রবেশ করলেন,  
সমস্ত নগরে আলোড়ন পড়ে গেল ও তারা জিঞ্জাসা করল, “ইনি কে?”  
11 তাতে লোকেরা উন্নত দিল, “ইনি যীশু, গালীলের নাসরতের সেই  
ভাববাদী।” 12 যীশু মন্দির চতুরে প্রবেশ করে তাদের তাড়িয়ে দিলেন  
যারা সেখানে কেনাবেচা করছিল। তিনি মুদ্রা-বিনিময়কারীদের টেবিল  
ও যারা পায়রা বিক্রি করছিল তাদের আসন উল্টে দিলেন। 13 তিনি  
তাদের বললেন, “এরকম লেখা আছে, ‘আমার গৃহ প্রার্থনা-গৃহ বলে  
আখ্যাত হবে,’ কিন্তু তোমরা একে ‘দস্যুদের গহুরে’ পরিণত করেছ।”  
14 পরে অঙ্ক ও খোঁড়া সকলে মন্দিরে তাঁর কাছে এলে তিনি তাদের  
সুস্থ করলেন। 15 কিন্তু প্রধান যাজকবর্গ ও শাস্ত্রবিদরা যখন দেখল,  
তিনি আশ্র্য সব কাজ করে চলেছেন ও ছেলেমেয়েরা মন্দির চতুরে  
“হোশান্না, দাউদ-সন্তান,” বলে চিঢ়কার করছে, তারা রুষ্ট হল। 16  
তারা তাঁকে বলল, “এই ছেলেমেয়েরা কী সব বলছে, তা কি তুমি  
শুনতে পাচ্ছ?” তোমরা কি কখনও পাঠ করোনি, “‘ছেলেমেয়েদের ও  
শিশুদের মুখ দিয়ে তুমি স্তব ও প্রশংসার ব্যবস্থা করেছ?’” 17 পরে  
তিনি তাদের ছেড়ে দিয়ে নগরের বাইরে বেথানি গ্রামে চলে গেলেন।  
সেখানেই তিনি রাত্রিযাপন করলেন। 18 খুব ভোরবেলায়, নগরে

আসার পথে যীশুর খিদে পেল। 19 পথের ধারে একটি ডুমুর গাছ দেখে, তিনি তার কাছে গেলেন, কিন্তু পাতা ছাড়া আর কিছুই দেখতে পেলেন না। তখন তিনি গাছটিকে বললেন, “তোমার মধ্যে আর কখনও যেন ফল না ধরে!” সঙ্গে সঙ্গে গাছটি শুকিয়ে গেল। (aión g165) 20 শিয়েরা এই দেখে আশ্চর্য হয়ে গেলেন। তারা জিজ্ঞাসা করলেন, “ডুমুর গাছটি এত তাড়াতাড়ি শুকিয়ে গেল কীভাবে?” 21 যীশু উত্তর দিলেন, “আমি তোমাদের সত্যিই বলছি, তোমাদের যদি বিশ্বাস থাকে আর তোমরা সন্দেহ না করো, তাহলে এই ডুমুর গাছটির প্রতি যা করা হয়েছে, তোমরা যে কেবলমাত্র তাই করতে পারবে, তা নয়, কিন্তু যদি এই পর্বতটিকে বলো, ‘যা ও, সমন্বে গিয়ে পড়ো,’ তবে সেরকমই হবে। 22 আর তোমরা প্রার্থনায় যা কিছু চাইবে, বিশ্বাস করলে সে সমস্তই পাবে।” 23 যীশু মন্দির চতুরে প্রবেশ করলেন। তিনি যখন শিক্ষা দিচ্ছিলেন, তখন প্রধান যাজকেরা ও লোকদের প্রাচীনবর্গ তাঁর কাছে এসে জিজ্ঞাসা করল, “তুমি কোন অধিকারে এসব কাজ করছ? আর এসব করার অধিকারটি বা কে তোমাকে দিল?” 24 যীশু উত্তর দিলেন, “আমিও তোমাদের একটি প্রশ্ন করব। তোমরা যদি উত্তর দিতে পারো, তাহলে আমিও তোমাদের বলব, আমি কোন অধিকারে এসব করছি। 25 যোহনের বাণিজ্য কোথা থেকে হয়েছিল? স্বর্গ থেকে, না মানুষের কাছ থেকে?” তারা নিজেদের মধ্যে এ বিষয়ে আলোচনা করে বলল, “যদি আমরা বলি, ‘স্বর্গ থেকে,’ ও জিজ্ঞাসা করবে, ‘তাহলে তোমরা তাকে বিশ্বাস করোনি কেন?’” 26 কিন্তু যদি আমরা বলি, ‘মানুষের কাছ থেকে,’ আমরা জনসাধারণকে ভয় করিঃ কারণ তারা প্রত্যেকে যোহনকে ভাববাদী বলেই মনে করত।” 27 তাই তারা যীশুকে উত্তর দিল, “আমরা জানি না।” তখন তিনি বললেন, “তাহলে, আমিও কোন অধিকারে এসব কাজ করছি, তোমাদের বলব না।” 28 “তোমরা কী মনে করো? এক ব্যক্তির দুই পুত্র ছিল। তিনি প্রথমজনের কাছে গিয়ে বললেন, ‘বৎস, তুমি গিয়ে দ্রাক্ষাক্ষেতে কাজ করো।’” 29 “সে উত্তর দিল, ‘আমি যাব না,’ কিন্তু পরে সে মত পরিবর্তন করে কাজ করতে গেল।” 30 “পরে সেই পিতা অপর পুত্রের কাছে গেলেন এবং একই

কথা তাকেও বললেন। সে উত্তর দিল, ‘হ্যাঁ মহাশয়, যাচ্ছি,’ কিন্তু সে গেল না। 31 “এই দুজনের মধ্যে কে তার পিতার ইচ্ছা পালন করল?” তারা উত্তর দিলেন, “প্রথমজন।” যীশু তাদের বললেন, “আমি তোমাদের সত্যিই বলছি, কর আদায়কারী ও বেশ্যারা তোমাদের আগেই স্বর্গরাজ্য প্রবেশ করছে। 32 কারণ যোহন তোমাদের কাছে এসে ধার্মিকতার পথ দেখালেন আর তোমরা তাকে বিশ্বাস করলে না, কিন্তু কর আদায়কারী ও বেশ্যারা বিশ্বাস করল। আর তোমরা তা দেখো সত্ত্বেও অনুত্তপ করলে না এবং বিশ্বাস করলে না। 33 “অন্য একটি রূপক শোনো: একজন জমিদার এক দ্রাক্ষাক্ষেত্র প্রস্তুত করলেন। তিনি তাঁর চারপাশে বেড়া দিলেন, তার মধ্যে এক দ্রাক্ষাকুণ্ড খুঁড়লেন ও পাহারা দেওয়ার জন্য এক উঁচু মিনার নির্মাণ করলেন। তারপর তিনি সেই দ্রাক্ষাক্ষেত্র কয়েকজন ভাগচাষিকে ভাড়া দিয়ে বিদেশ ভ্রমণে চলে গোলেন। 34 ফল কাটার সময় উপস্থিত হল তিনি তাঁর দাসদের ফল সংগ্রহের জন্য ভাগচাষিদের কাছে পাঠিয়ে দিলেন। 35 “ভাগচাষিরা সেই দাসদের বন্দি করে একজনকে মারধর করল, অন্যজনকে হত্যা করল, তৃতীয় জনকে পাথর ছুঁড়ে মারল। 36 আবার তিনি তাদের কাছে অন্য দাসদের পাঠালেন, এদের সংখ্যা আগের চেয়েও বেশি ছিল। ভাগচাষিরা এদের প্রতিও সেই একইরকম ব্যবহার করল। 37 সবশেষে তিনি তাদের কাছে তাঁর পুত্রকে পাঠালেন, বললেন, ‘তারা আমার পুত্রকে সম্মান করবে।’ 38 “কিন্তু ভাগচাষিরা যখন সেই পুত্রকে দেখল, তারা পরম্পরাকে বলল, ‘এই হচ্ছে উত্তরাধিকারী। এসো, আমরা একে হত্যা করে এর মালিকানা হস্তগত করি।’ 39 এভাবে তারা তাঁকে ধরে, দ্রাক্ষাক্ষেত্রের বাইরে ছুঁড়ে ফেলে দিয়ে হত্যা করল। 40 “অতএব, দ্রাক্ষাক্ষেত্রের মালিক যখন ফিরে আসবেন, তিনি ওই দুর্জনদের শোচনীয় পরিণতি ঘটাবেন ও সেই দ্রাক্ষাক্ষেত্র অন্য ভাগচাষিদের ভাড়া দেবেন, যারা ফল সংগ্রহের সময় তাকে তার উপযুক্ত অংশ দেবে।” 42 যীশু তাদের বললেন, “তোমরা কি শাস্ত্রে কখনও পাঠ করোনি: “গাঁথকেরা যে পাথর অগ্রাহ্য করেছিল, তাই

হয়ে উঠল কোণের প্রধান পাথর; প্রত্তুই এরকম করেছেন, আর তা আমাদের দৃষ্টিতে অবিশ্বাস্য?’ 43 “এই কারণে আমি তোমাদের বলছি যে, স্বর্গরাজ্য তোমাদের কাছ থেকে কেড়ে নিয়ে এমন এক জাতিকে দেওয়া হবে, যারা এর জন্য ফল উৎপন্ন করবে। 44 যে এই পাথরের উপরে পড়বে, সে খানখান হবে, কিন্তু যার উপরে এই পাথর পড়বে, সে চূর্ণবিচূর্ণ হবে।” 45 যখন প্রধান যাজকেরা ও ফরিশীরা যীশুর কথিত রূপকগ্নি শুনল, তারা বুবাতে পারল, তিনি তাদের সম্পর্কেই সেগুলি বলছেন। 46 তারা যীশুকে গ্রেষ্মার করার কোনো উপায় খুঁজল, কিন্তু তারা জনসাধারণকে ভয় পেত কারণ তারা তাঁকে ভাববাদী বলে মানত।

**22** যীশু পুনরায় তাদের সঙ্গে রূপকের মাধ্যমে কথা বলতে লাগলেন। তিনি বললেন, 2 “স্বর্গরাজ্য এমন এক রাজার মতো যিনি তাঁর পুত্রের বিবাহভোজের আয়োজন করলেন। 3 তিনি আমন্ত্রিত ব্যক্তিদের বিবাহভোজে আসার জন্য আহ্বান করতে তাঁর দাসদের পাঠালেন, কিন্তু তারা আসতে চাইল না। 4 ‘তারপর তিনি আরও অনেক দাসকে পাঠিয়ে বললেন, ‘আমন্ত্রিত লোকদের গিয়ে বলো, আমি আমার ভোজ প্রস্তুত করোছি: আমার বলদ ও মোটাসোটা বাছুরদের জবাই করা হয়েছে এবং সবকিছুই প্রস্তুত আছে। তোমরা সবাই বিবাহভোজে এসো।’ 5 ‘কিন্তু তারা কোনও আগ্রহ না দেখিয়ে নিজের নিজের কাজে চলে গেল—একজন তার মাঠে, অন্যজন তার ব্যবসায়। 6 অবশিষ্ট লোকেরা তার দাসদের ধরে তাদের সঙ্গে দুর্ব্যবহার করল ও তাদের হত্যা করল। 7 রাজা ভীষণ দ্রুদ্ধ হলেন। তিনি তাঁর সৈন্যদল পাঠিয়ে সেইসব হত্যাকারীদের ধ্বংস করলেন ও তাদের নগর পুড়িয়ে দিলেন। 8 ‘তারপর তিনি তাঁর দাসদের বললেন, ‘বিবাহভোজ তো প্রস্তুত, কিন্তু যাদের আমি নিমন্ত্রণ করেছিলাম, তারা এর যোগ্য ছিল না। 9 তোমরা পথের কোণে কোণে যাও এবং যারই সন্ধান পাও, তাকে বিবাহভোজে আমন্ত্রণ করো।’ 10 অতএব দাসেরা পথের কোণে কোণে গেল ও তারা যত লোকের সন্ধান পেল, ভালোমন্দ সবাইকে ডেকে একত্র করল। এইভাবে বিবাহের আসর অতিথিতে

তরে গেল। 11 “কিন্তু রাজা যখন অতিথিদের দেখতে এলেন, তিনি লক্ষ্য করলেন, একজন বিবাহ-পোশাক না পরেই সেখানে উপস্থিত ছিল। 12 তিনি জিজ্ঞাসা করলেন, ‘বন্ধু, বিবাহ-পোশাক ছাড়াই তুমি কীভাবে এখানে প্রবেশ করলে?’ লোকটি নির্ণত্ত্ব রইল। 13 “রাজা তখন পরিচারকদের বললেন, ‘ওর হাত পা বেঁধে বাইরের অঙ্ককারে ফেলে দাও। সেখানে রোদন ও দন্তঘর্ষণ হবে।’ 14 “কারণ বহু জন আমন্ত্রিত, কিন্তু অল্প কয়েকজনই মনোনীত।” 15 তখন ফরিশীরা বাইরে গিয়ে ঘড়যন্ত্র করল, কীভাবে যীশুকে কথার ফাঁদে ফেলতে পারে। 16 তারা কয়েকজন হেরোদীয়ের সঙ্গে তাদের শিষ্যদের তাঁর কাছে পাঠাল। তারা বলল, “গুরুমহাশয়, আমরা জানি, আপনি একজন সত্যনিষ্ঠ মানুষ এবং আপনি সত্য অনুযায়ী ঈশ্বরের পথের বিষয়ে শিক্ষা দেন। আপনি কারও দ্বারা প্রভাবিত হন না, কারণ তাদের কারও বিষয়ে আপনি কোনো জ্ঞানে করেন না। 17 বেশ, আমাদের বলুন, আপনার অভিমত কী, কৈসরকে কর দেওয়া কি উচিত?” 18 কিন্তু যীশু তাদের মন্দ অভিসন্ধি বুঝতে পেরে বললেন, “ভগো, তোমরা কেন আমাকে ফাঁদে ফেলার চেষ্টা করছ? 19 সেই কর প্রদানের মুদ্রা আমাকে দেখাও।” তারা তাঁর কাছে একটি দিনার নিয়ে এল। 20 তিনি তাদের জিজ্ঞাসা করলেন, “এই মূর্তি কার? এই নামই বা কার?” 21 তারা উত্তর দিল, “কৈসরের।” তখন তিনি তাদের বললেন, “কৈসরের যা, তা কৈসরকে দাও, এবং যা ঈশ্বরের, তা ঈশ্বরকে দাও।” 22 একথা শুনে তারা আশ্চর্য হল। তাই তারা তাঁকে ছেড়ে চলে গেল। 23 সেদিনই সন্দূকীরা, যারা বলে পুনরুত্থান বলে কিছু নেই, তাঁর কাছে এক প্রশ্ন নিয়ে এল। 24 তারা বলল, “গুরুমহাশয়, মোশি আমাদের বলেছেন, কোনো মানুষ যদি অপুত্রক মারা যায়, তাহলে তার ভাই সেই বিধিবাকে বিবাহ করবে ও তার বড়ো ছেলের জন্য সন্তানের জন্ম দেবে। 25 এখন, আমাদের মধ্যে সাত ভাই ছিল। প্রথমজন বিবাহ করে মারা গেল, আর যেহেতু সে অপুত্রক ছিল, সে তার ভাইয়ের জন্য স্ত্রীকে রেখে গেল। 26 একই ঘটনা দ্বিতীয়, তৃতীয়, এমনকি সপ্তমজন পর্যন্ত ঘটল। 27 শেষে সেই নারীও মারা গেল। 28 তাহলে

পুনরুদ্ধানে সে সাতজনের মধ্যে কার স্তু হবে, কারণ তারা সবাই তো  
তাকে বিবাহ করেছিল?" 29 যীশু উত্তর দিলেন, "তোমরা ভুল করছ,  
কারণ তোমরা শাস্ত্র জানো না, ঈশ্বরের পরাক্রমও জানো না। 30  
পুনরুদ্ধানের পর লোকেরা বিবাহ করে না, বা তাদের বিবাহ দেওয়াও  
হয় না। তারা স্বর্গলোকের দৃতদের মতো থাকে। 31 কিন্তু মৃতদের  
পুনরুদ্ধান সম্পর্কে বলি, ঈশ্বর তোমাদের কী বলেছেন, তা কি তোমরা  
পাঠ করোনি? 32 তিনি বলেছেন, 'আমি অব্রাহামের ঈশ্বর, ইস্খাকের  
ঈশ্বর ও যাকোবের ঈশ্বর।' তিনি মৃতদের ঈশ্বর নন, তিনি জীবিতদের  
ঈশ্বর।" 33 সকলে যখন একথা শুনল, তারা তাঁর উপদেশে চমৎকৃত  
হল। 34 যীশু সন্দূকীদের নিরুত্তর করেছেন শুনে ফরিশীরা একত্র  
হল। 35 তাদের মধ্যে অন্যতম, একজন বিধানবিশারদ, এই প্রশ্ন  
করে তাঁকে পরীক্ষা করল: 36 "গুরুমহাশয়, বিধানের মধ্যে সর্বাপেক্ষা  
মহৎ আজ্ঞা কোনটি?" 37 যীশু উত্তর দিলেন: "তুমি তোমার সমস্ত  
হৃদয়, তোমার সমস্ত প্রাণ ও তোমার সমস্ত মন দিয়ে তোমার ঈশ্বর  
সদাপ্রভুকে প্রেম করবে।" 38 এটিই প্রথম ও মহত্তম আজ্ঞা। 39  
আর দ্বিতীয়টি এরই সমতুল্য: 'তোমার প্রতিবেশীকে তোমার নিজের  
মতোই প্রেম করবে।' 40 এই দুটি আজ্ঞার উপরেই সমস্ত বিধান ও  
ভাববাদীদের গ্রন্থ প্রতিষ্ঠিত।" 41 ফরিশীরা যখন সমবেত হয়েছিল,  
যীশু তাদের প্রশ্ন করলেন, 42 "খ্রীষ্ট সম্পর্কে তোমাদের কী মনে  
হয়? তিনি কার সন্তান?" তারা উত্তর দিল, "তিনি দাউদের সন্তান।"  
43 তিনি তাদের বললেন, "তাহলে দাউদ কীভাবে আত্মার আবেশে  
তাঁকে 'প্রভু' বলেন? কারণ তিনি বলেছেন, 44 "প্রভু আমার প্রভুকে  
বললেন, আমার ডানদিকে এসে বসো, যে পর্যন্ত তোমার শক্তদের  
আমি তোমার পদতলে না রাখি।" 45 যদি দাউদ তাঁকে 'প্রভু' বলে  
অভিহিত করেছেন, তাহলে কীভাবে তিনি তাঁর সন্তান হতে পারেন?"  
46 প্রত্যুত্তরে তারা কেউ একটি কথাও বলতে পারল না। সেদিন থেকে  
আর কেউ তাঁকে কোনও প্রশ্ন করতে সাহস পেল না।

**23** তারপর যীশু সকল লোকদের ও তাঁর শিষ্যদের বললেন, 2  
"শাস্ত্রবিদ ও ফরিশীরা মোশির আসনে বসে। 3 সেই কারণে, তোমরা

অবশ্যই তাদের কথা শুনবে ও তারা যা বলে তা পালন করবে। কিন্তু তারা যে কাজ করে, তোমরা সেই কাজ করবে না, কারণ তারা যা প্রচার করে, তা নিজেরা অনুশীলন করে না। 4 তারা দুর্বহ বোঝা বেঁধে সেগুলি মানুষদের কাঁধে চাপায়, কিন্তু তারা একটি আঙুল দিয়েও তা সরাতে ইচ্ছুক হয় না। 5 “তারা যা কিছুই করে, তা লোক-দেখানো মাত্র। তারা তাদের কবচ প্রশস্ত ও আলখাল্লার ঝালর লম্বা করে। 6 তারা ভোজসভায় সব থেকে সম্মানজনক আসন ও সমাজভবনে সবচেয়ে গুরুত্বপূর্ণ আসনগুলি পেতে ভালোবাসে। 7 তারা হাটেবাজারে সন্তানিত হতে ভালোবাসে ও চায় যেন লোকেরা তাদের ‘রবি’ বলে ডাকে। 8 “কিন্তু তোমরা ‘রবি’ বলে সন্তানিত হোয়ো না, কারণ তোমাদের গুরুমহাশয় কেবলমাত্র একজন ও তোমরা পরম্পর ভাই ভাই। 9 আবার পৃথিবীতে কাউকে ‘পিতা’ বলে সঙ্ঘোধন কোরো না, কারণ তোমাদের পিতা একজনই, তিনি স্বর্গে থাকেন। 10 আবার কেউ তোমাদের ‘আচার্য’ বলে যেন না ডাকে, কারণ তোমাদের আচার্য একজনই তিনি খীষ্ট। 11 তোমাদের মধ্যে যে শ্রেষ্ঠ, সে তোমাদের পরিচারক হবে। 12 কারণ যে কেউ নিজেকে উন্নত করে, তাকে নত করা হবে, আর যে কেউ নিজেকে নত করে তাকে উন্নত করা হবে। 13 “শান্ত্রবিদ ও ফরিশীরা, ভঙ্গের দল, ধিক্ তোমাদের! তোমরা লোকদের মুখের সামনে স্বর্গরাজ্য রূপ্ত করে থাকো। 14 তোমরা নিজেরা তার মধ্যে তো প্রবেশ করো না অথচ যারা প্রবেশ করতে চেষ্টা করে তাদেরও প্রবেশ করতে দাও না। শান্ত্রবিদ ও ফরিশীরা, ভঙ্গের দল, ধিক্ তোমাদের! তোমরা বিধবাদের বাড়িগুলি গ্রাস করো, আর লোক-দেখানো লম্বা লম্বা প্রার্থনা করো। সেই কারণে তোমাদের শাস্তি কঠোরতম হবে। 15 “শান্ত্রবিদ ও ফরিশীরা, ভঙ্গের দল, ধিক্ তোমাদের! তোমরা একজনকে ইহুদি ধর্মে ধর্মান্তরিত করার জন্য স্ত্রে ও সমুদ্রে পরিভ্রমণ করে থাকো। আর সে যখন রাজি হয়, তখন তোমরা যেমন নারকীয়, তাকেও তেমনই তোমাদের দ্বিগুণ নরকের উপযুক্ত করে তোলো। (Geenna g1067) 16 “অন্ধ পথপ্রদর্শকেরা, ধিক্ তোমাদের! তোমরা বলো, ‘কেউ যদি মন্দিরের নামে শপথ করে সেটা

বড়ো কিছুই নয়, কিন্তু কেউ যদি মন্দিরের সোনার শপথ করে তাহলে  
সে তার শপথে আবদ্ধ হল।’ 17 মূর্খ অঙ্গের দল! কোনটা মহত্ত্ব:  
সেই সোনা, না সেই মন্দির, যা সোনাকে পবিত্র করে? 18 তোমরা  
আরও বলো, ‘কেউ যদি যজ্ঞবেদির শপথ করে সেটা কিছুই নয়; কিন্তু  
কেউ যদি তার উপরে স্থিত নৈবেদ্যের শপথ করে তাহলে সে তার  
শপথে আবদ্ধ হল।’ 19 অন্ধ মানুষ তোমরা! কোনটা মহত্ত্ব: সেই  
নৈবেদ্য, না যজ্ঞবেদি, যা নৈবেদ্যকে পবিত্র করে? 20 সেই কারণে,  
যে যজ্ঞবেদির শপথ করে সে বেদির ও তার উপরে স্থিত সবকিছুরই  
শপথ করে। 21 আর যে মন্দিরের শপথ করে সে মন্দিরের ও যিনি  
তার মধ্যে অধিষ্ঠান করেন, তাঁরও শপথ করে। 22 আর যে স্বর্গের  
শপথ করে, সে ঈশ্বরের সিংহাসন ও যিনি তার উপরে উপবেশন  
করেন তাঁরও শপথ করে। 23 “শান্ত্রিবিদ ও ফরিশীরা, ভগ্নের দল,  
ধিক্ তোমাদের! তোমরা তোমাদের মশলাপাতি—পুদিনা, মৌরি ও  
জিরার দশমাংশ দিয়ে থাকো কিন্তু বিধানের আরও গুরুত্বপূর্ণ বিষয়,  
যেমন ন্যায়বিচার, করণা, বিশ্বস্ততা—এগুলি উপেক্ষা করে থাকো।  
ভালো হত, তোমরা আগের বিষয়গুলি উপেক্ষা না করে যদি এগুলিও  
পালন করতে। 24 অন্ধ পথপ্রদর্শক তোমরা! তোমরা মশা ছাঁকো,  
কিন্তু উট গিলে ফেলো। 25 “শান্ত্রিবিদ ও ফরিশীরা, ভগ্নের দল, ধিক্  
তোমাদের! তোমরা থালাবাটির বাইরেটা পরিষ্কার করে থাকো কিন্তু  
ভিতরের দিকটা লোভ-লালসা ও আত্ম-অসংযমে পূর্ণ। 26 অন্ধ ফরিশী!  
প্রথমে থালাবাটির ভিতরটা পরিষ্কার করো তারপরে বাইরের দিকটি ও  
পরিষ্কার হবে। 27 “শান্ত্রিবিদ ও ফরিশীরা, ভগ্নের দল, ধিক্ তোমাদের!  
তোমরা চুনকাম করা করবের মতো! সেগুলি বাইরে থেকে দেখতে তো  
সুন্দর কিন্তু ভিতরে মরা মানুষের হাড় ও সব ধরনের অশুচি বিষয়ে  
পরিপূর্ণ। 28 একইভাবে, লোকেদের কাছে বাহ্যিকভাবে তোমরা  
নিজেদের ধার্মিক দেখাও কিন্তু অন্তরে তোমরা ভঙ্গামি ও দুষ্টায় পূর্ণ।  
29 “শান্ত্রিবিদ ও ফরিশীরা, ভগ্নের দল তোমরা! তোমরা ভাববাদীদের  
সমাধি নির্মাণ করে থাকো এবং ধার্মিকদের কবর সুশোভিত করো।  
30 আর তোমরা বলো, ‘আমরা যদি পূর্বপুরুষদের সময়ে থাকতাম

তাহলে ভাববাদীদের রক্তপাত করায় তাদের সঙ্গ দিতাম না।’ 31  
 এভাবে তোমরা নিজেরাই নিজেদের বিষয়ে সাক্ষ্য দাও যে যারা  
 ভাববাদীদের হত্যা করেছিল তোমরা তাদেরই বৎসধর। 32 তাহলে,  
 তোমাদের পূর্বপুরুষেরা যে পাপ শুরু করেছিল তোমরা তারই মাত্রা  
 পূর্ণ করো! 33 “সাপেরা! কালসাপের বৎশেরা! তোমরা ন্যায়বিচারের  
 দিন কীভাবে নরকদণ্ড এড়াতে পারবে? (Geenna g1067) 34 সেই  
 কারণে আমি তোমাদের কাছে ভাববাদী, বিজ্ঞ মানুষ ও শিক্ষাদণ্ডদের  
 পাঠ্ঠিয়ে চলেছি। তাদের মধ্যে কয়েকজনকে তোমরা হত্যা করবে,  
 কয়েকজনকে দ্রুশার্পিত করবে। অপরদের তোমরা সমাজভবনে নিয়ে  
 গিয়ে চাবুক দিয়ে মারবে ও এক নগর থেকে অন্য নগরে তাদের তাড়া  
 করবে। 35 এভাবে পৃথিবীতে যত ধার্মিক মানুষের রক্তপাত হয়ে  
 আসছে, সেই ধার্মিক হেবলের রক্তপাত থেকে শুরু করে, বরখিয়ের  
 পুত্র সখরিয়ের রক্তপাত পর্যন্ত, যাকে তোমরা মন্দির ও যজ্ঞবেদির  
 মাঝাখানে হত্যা করেছিলে, এদের সকলের রক্তপাতের ফল তোমাদের  
 উপরেই বর্তাবে। 36 আমি তোমাদের সত্যিই বলছি, এসবই এই  
 প্রজন্মের লোকদের উপরে এসে পড়বে। 37 “হায়! জেরুশালেম,  
 জেরুশালেম, তুমি ভাববাদীদের হত্যা করো ও তোমার কাছে যাদের  
 পাঠানো হয়, তাদের পাথরের আঘাত করে থাকো। কতবার আমি  
 তোমার সন্তানদের একত্র করতে চেয়েছি, যেমন মুরগি তার শাবকদের  
 নিজের ডানার তলায় একত্র করে, কিন্তু তোমরা ইচ্ছুক হওনি। 38  
 দেখো, তোমাদের গৃহ তোমাদের জন্য পরিত্যক্ত হয়ে পড়ে রইল।  
 39 কারণ আমি তোমাদের বলছি, যতক্ষণ না তোমরা বলবে, ‘ধন্য  
 তিনি, যিনি প্রভুর নামে আসছেন’ ততক্ষণ পর্যন্ত তোমরা আর আমাকে  
 দেখতে পাবে না।”

**24** যীশু মন্দির ছেড়ে চলে যাচ্ছেন, এমন সময়ে তাঁর শিষ্যেরা তাঁর  
 কাছে এসে মন্দিরের গঠনের প্রতি তাঁর মনোযোগ আকৃষ্ট করলেন।  
 2 তিনি জিজ্ঞাসা করলেন, “তোমরা কি এসব জিনিস দেখছ? আমি  
 তোমাদের সত্যিই বলছি, এদের একটি পাথরও অন্যটির উপরে  
 থাকবে না, সবকটিকেই ভূমিসাং করা হবে।” 3 যীশু যখন জলপাই

পর্বতের উপরে বসেছিলেন, শিষ্যেরা এক প্রকার গোপনে তাঁর কাছে  
এসে বললেন, “আমাদের বলুন, কখন এসব ঘটনা ঘটবে এবং  
আপনার আগমনের, বা যুগান্তের চিহ্নই বা কী কী হবে?” (aión g165) 4  
যীশু উত্তর দিলেন, “সতর্ক থেকো, কেউ যেন তোমাদের সঙ্গে প্রতারণা  
না করে। 5 কারণ অনেকে এসে আমার নামে দাবি করবে, ‘আমিই  
সেই খ্রীষ্ট’ আর এভাবে বহু মানুষকে ঠকাবে। 6 তোমরা যুদ্ধের কথা ও  
যুদ্ধের সব জন্মব শুনবে। কিন্তু দেখো, তোমরা যেন ব্যাকুল না হও।  
এ সমস্ত বিষয় অবশ্যই ঘটবে, কিন্তু তখনও অন্তিমলগ্ন উপস্থিত হয়নি।  
7 এক জাতি অন্য জাতির বিপক্ষে, এক রাজ্য অন্য রাজ্যের বিপক্ষে  
অভিযান করবে। বিভিন্ন স্থানে দুর্ভিক্ষ ও ভূমিকম্প হবে। 8 এসব প্রসব  
যন্ত্রণার সূচনা মাত্র। 9 “তখন তোমাদেরকে অত্যাচার করার ও মৃত্যুদণ্ড  
দেওয়ার জন্য সমর্পণ করা হবে। আমার কারণে সমস্ত জাতির মানুষেরা  
তোমাদের ঘৃণা করবে। 10 সেই সময়ে অনেকেই বিশ্বাস হারাবে,  
বিশ্বাসঘাতকতা করবে ও পরস্পরকে ঘৃণা করবে। 11 বহু ভগু ভাববাদী  
উপস্থিত হয়ে বহু মানুষের সঙ্গে প্রতারণা করবে। 12 আর দুষ্টতা  
বৃদ্ধি পাওয়ার কারণে অধিকাংশ মানুষেরই প্রেম শীতল হয়ে যাবে,  
13 কিন্তু যে কেউ শেষ পর্যন্ত অবিচল থাকবে, সেই পরিত্রাণ পাবে।  
14 আর সকল জাতির কাছে সাক্ষ্য দেওয়ার জন্য স্বর্গরাজ্যের এই  
সুসমাচার সমস্ত জগতে প্রচারিত হবে, আর তখনই অন্তিমলগ্ন উপস্থিত  
হবে। 15 “আর তাই, যখন তোমরা দেখবে, ‘ধ্বংস-আনয়নকারী সেই  
ঘৃণ্য বস্ত’ পবিত্রস্থানে দাঁড়িয়ে আছে, যা ভাববাদী দানিয়েল উল্লেখ  
করেছেন—পাঠক বুঝে নিক— 16 তখন যারা যিহুদিয়া প্রদেশে  
বসবাস করে, তারা পার্বত্য অঞ্চলে পালিয়ে যাক। 17 তখন ছাদের  
উপরে যে থাকবে, সে যেন কোনো জিনিসপত্র ঘর থেকে নেওয়ার  
জন্য নিচে নেমে না আসে। 18 মাঠে যে থাকবে, সে যেন জামাকাপড়  
নেওয়ার জন্য ঘরে ফিরে না যায়। 19 সেই সময় গর্ভবতী নারীদের ও  
স্তন্যদাত্রী মায়েদের কতই না ভয়ংকর কষ্ট হবে! 20 প্রার্থনা কোরো,  
যেন তোমাদের পালিয়ে যাওয়া শীতকালে বা বিশ্রামদিনে না হয়। 21  
কারণ সেই সময় এমন চরম বিপর্যয় এসে উপস্থিত হবে, যা পৃথিবী

সৃষ্টির সময় থেকে এ পর্যন্ত কখনও হয়নি, আর কখনও হবেও না। 22

“সেই সমস্ত দিনের সংখ্যা যদি কমিয়ে না দেওয়া হত, তাহলে কোনো  
মানুষই রক্ষা পেত না, কিন্তু যাদের তিনি মনোনীত করেছেন, তাঁদের  
জন্য সেইসব দিনের সংখ্যা কমিয়ে দেওয়া হবে। 23 সেই সময়, কেউ  
যদি তোমাদের বলে, ‘দেখো, শ্রীষ্ট এখানে!’ অথবা, ‘তিনি ওখানে!’  
তোমরা বিশ্বাস কোরো না। 24 কারণ ভগু শ্রীষ্টেরা ও ভগু ভাববাদীরা  
উপস্থিত হয়ে বহু বড়ো বড়ো চিহ্ন ও অলৌকিক কাজ করে দেখাবে,  
যেন সম্ভব হলে মনোনীতদেরও প্রতারিত করতে পারে। 25 দেখো,  
ঘটনা ঘটবার পূর্বেই আমি তোমাদের একথা বলে দিলাম। 26 “তাই,  
কেউ যদি তোমাদের বলে, ‘দেখো, তিনি মরণপ্রাপ্তরে আছেন,’ তোমরা  
বেরিয়ে যেয়ো না; কিংবা, ‘তিনি এখানে ভিতরের ঘরে আছেন,’ তা  
বিশ্বাস কোরো না। 27 কারণ বিদ্যুতের ঝলক যেমন পূর্বদিক থেকে  
পশ্চিমদিক পর্যন্ত দৃশ্যমান হয়, মনুষ্যপুত্রের আগমনও সেইরূপ হবে।  
28 যেখানেই মৃতদেহ, সেখানেই শকুনের ঝাঁক জড়ো হবে। 29 “আর  
সেই সময়কালীন বিপর্যয়ের অব্যবহিত পরেই, “‘সূর্য অন্ধকারে ঢেকে  
যাবে, চাঁদ তার আলো দেবে না, আকাশ থেকে নক্ষত্রসমূহের পতন  
হবে, আর জ্যোতিষ্কমণ্ডলী প্রকল্পিত হবে।’ 30 “সে সময়ে মনুষ্যপুত্রের  
আগমনের চিহ্ন আকাশে ফুটে উঠবে, আর পৃথিবীর সমস্ত জাতি  
শোকবিলাপ করবে। তারা মনুষ্যপুত্রকে স্বর্গের মেঘে করে আসতে  
দেখবে, তিনি পরাক্রমে ও মহামহিমায় আবির্ভূত হবেন। 31 তিনি  
তাঁর দৃতদের মহা তূরীধ্বনির সঙ্গে পাঠাবেন। তাঁরা আকাশের এক  
প্রান্ত থেকে অন্য প্রান্ত পর্যন্ত চারদিক থেকে তাঁর মনোনীতদের সংগ্রহ  
করবেন। 32 “এখন ডুমুর গাছ থেকে এই শিক্ষাগ্রহণ করো: যখনই  
এর শাখায় কোমল পল্লব ও পাতা বের হয়ে আসে, তোমরা বুঝতে  
পারো যে, গ্রীষ্মকাল কাছে এসেছে। 33 একইভাবে, তোমরা যখন  
এসব বিষয় ঘটতে দেখবে, তোমরা জানবে যে, সময় হয়ে এসেছে,  
এমনকি, তিনি দুয়ারে উপস্থিত হয়েছেন। 34 আমি তোমাদের সত্ত্বেই  
বলছি, এই সমস্ত ঘটনা না ঘটা পর্যন্ত বর্তমান প্রজন্ম লুণ্ঠ হবে না। 35  
আকাশ ও পৃথিবী লুণ্ঠ হবে, কিন্তু আমার বাক্য কখনও লুণ্ঠ হবে না।

36 “কিন্তু সেই দিন বা ক্ষণের কথা কেউই জানে না, এমনকি স্বর্গদূতেরা  
বা পুত্রও জানেন না, কেবলমাত্র পিতা জানেন। 37 নোহের সময়ে  
যে রকম হয়েছিল, মনুষ্যপুত্রের আগমনকালেও তেমনই হবে। 38  
কারণ মহাপ্লাবনের আগে নোহ জাহাজে প্রবেশ করা পর্যন্ত, লোকেরা  
খাওয়াদাওয়া করত, পান করত, বিবাহ করত ও তাদের বিবাহ দেওয়া  
হত। 39 কী ঘটতে চলেছে, তারা তার কিছুই বুঝতে পারেনি, যতক্ষণ  
না বন্যা এসে তাদের সবাইকে ভাসিয়ে নিয়ে গেল। মনুষ্যপুত্রের  
আগমনকালেও ঠিক একই ঘটনা ঘটবে। 40 দুজন মানুষ মাঠে কর্মরত  
থাকবে; একজনকে গ্রহণ করা হবে, অন্যজন পরিত্যক্ত হবে। 41  
দুজন মহিলা একটি জাঁতা পেষণ করবে; একজনকে নিয়ে যাওয়া হবে,  
অন্যজনকে ছেড়ে যাওয়া হবে। 42 “সেই কারণে সতর্ক থেকো, কারণ  
তোমরা জানো না, কোন দিন তোমাদের প্রভু এসে পড়বেন। 43 কিন্তু  
এ বিষয় বুঝে নাও; বাড়ির কর্তা যদি জানতে পারত, রাতের কোন  
প্রহরে চোর আসছে, তাহলে সে সজাগ থাকত এবং তার বাড়িতে সিঁধ  
কাটতে দিত না। 44 তাই তোমরাও প্রস্তুত থেকো, কারণ যখন তোমরা  
প্রত্যাশা করবে না, সেই মুহূর্তেই মনুষ্যপুত্র আসবেন। 45 “তাহলে  
সেই বিশ্বস্ত ও বিজ্ঞ দাস কে, যাকে প্রভু তাঁর পরিজনবর্গের উপরে  
নিযুক্ত করেছেন, যেন সে তার দাসদের যথাসময়ে খাদ্য পরিবেশন  
করে? 46 তার প্রভু ফিরে এসে তাকে সেই কাজ করতে দেখলে সেই  
দাসের পক্ষে তা মঙ্গলজনক হবে। 47 আমি তোমাদের সত্যি বলছি,  
তিনি তাকে তাঁর বিষয়সম্পত্তির তত্ত্বাবধায়ক করবেন। 48 কিন্তু মনে  
করো, সেই দুষ্ট দাস মনে মনে ভাবল, ‘দীর্ঘদিন হল আমার প্রভু দূরে  
বাস করছেন,’ 49 আর সে তার সহদাসদের মাঝতে শুরু করল ও  
মদ্যপদের সঙ্গে খাওয়াদাওয়া ও সুরাপান করে মত হতে লাগল। 50  
সেই দাসের প্রভু এমন এক সময়ে ফিরে আসবেন, যখন সে তাঁর  
আগমনের প্রত্যাশা করেনি, বা এমন এক ক্ষণে, যা সে জানতেও  
পারেনি। 51 তিনি তাকে খণ্ডবিখণ্ড করবেন এবং ভণ্ডদের মধ্যে তাকে  
স্থান দেবেন, যেখানে কেবলমাত্র রোদন ও দন্তঘর্ষণ হবে।

**25** “সেই সময়ে স্বর্গরাজ্য হবে এমন দশজন কুমারীর মতো, যারা  
তাদের প্রদীপ হাতে নিয়ে বরের সঙ্গে মিলিত হতে গেল। 2 তাদের  
মধ্যে পাঁচজন ছিল নির্বোধ ও পাঁচজন ছিল বুদ্ধিমতী। 3 নির্বোধ  
কুমারীরা তাদের প্রদীপ নিল, কিন্তু তাদের সঙ্গে কোনো তেল নিল  
না। 4 কিন্তু বুদ্ধিমতী কুমারীরা প্রদীপের সঙ্গে পাত্রে করে তেলও  
নিল। 5 বর আসতে দেরি করল, ফলে তারা সকলে চুলতে চুলতে  
ঘূমিয়ে পড়ল। 6 “মধ্যরাত্রে এক উচ্চ রব শোনা গোল: ‘দেখো, বর  
এসেছেন! তোমরা তার সঙ্গে মিলিত হওয়ার জন্য বেরিয়ে এসো।’  
7 “তখন সব কুমারী উঠে তাদের প্রদীপ সাজিয়ে নিল। 8 নির্বোধ  
কুমারীরা বুদ্ধিমতীদের বলল, ‘তোমাদের তেল থেকে আমাদের কিছু  
দাও; আমাদের প্রদীপগুলি নিতে যাচ্ছ।’ 9 “তারা উত্তর দিল, ‘না,  
তোমাদের ও আমাদের জন্য হয়তো পর্যাপ্ত হবে না। বরং যারা তেল  
বিক্রি করে তাদের কাছে গিয়ে তোমরা নিজেদের জন্য কিছু তেল কিনে  
আনো।’ 10 “তারা তেল কেনার জন্য যখন পথে যাচ্ছে, এমন সময় বর  
এসে পৌঁছালেন। যে কুমারীরা প্রস্তুত ছিল, তারা তাঁর সঙ্গে বিবাহ  
আসরে প্রবেশ করল। আর দরজা বন্ধ করে দেওয়া হল। 11 “পরে অন্য  
কুমারীরাও এসে পৌঁছাল। তারা বলল, ‘প্রভু! প্রভু! আমাদের জন্যও  
দরজা খুলে দিন।’ 12 “কিন্তু তিনি উত্তর দিলেন, ‘আমি তোমাদের  
সত্যিই বলছি, আমি তোমাদের চিনি না।’ 13 “সেই কারণে সজাগ  
থেকো, কারণ তোমরা সে দিন বা ক্ষণ জানো না। 14 “আবার, এ  
হবে এমন এক ব্যক্তির মতো, যিনি বিদেশ ভ্রমণে বের হলেন। তিনি  
তার দাসদের ডেকে তাদের হাতে তার সম্পত্তির ভার দিলেন। 15  
একজনকে তিনি পাঁচ তালন্ত অর্থ দিলেন, অপর একজনকে দুই তালন্ত  
ও আরও একজনকে এক তালন্ত, যার যেমন ক্ষমতা, সেই অনুযায়ী  
দিলেন। তারপর তিনি ভ্রমণে চলে গেলেন। 16 যে মানুষটি পাঁচ তালন্ত  
নিয়েছিল, সে তক্ষুনি গিয়ে তার অর্থ বিনিয়োগ করল ও আরও পাঁচ  
তালন্ত লাভ করল। 17 একইভাবে, যে দুই তালন্ত নিয়েছিল, সে আরও  
দুই তালন্ত লাভ করল। 18 কিন্তু যে এক তালন্ত নিয়েছিল, সে ফিরে  
গেল, মাটিতে গর্ত খুঁড়ল ও তার মনিবের অর্থ লুকিয়ে রাখল। 19 “দীর্ঘ

সময় পরে, ওই দাসদের মনিব ফিরে এলেন ও তাদের সঙ্গে হিসেব  
নিকেশ করতে চাইলেন। 20 যে পাঁচ তালন্ত নিয়েছিল, সে আরও  
পাঁচ তালন্ত নিয়ে এসে বলল, ‘প্রভু, আপনি আমার হাতে পাঁচ তালন্ত  
দিয়েছিলেন। দেখুন, আমি আরও পাঁচ তালন্ত লাভ করেছি।’ 21 “তার  
মনিব উত্তর দিলেন, ‘বেশ করেছ, উত্তম ও বিশ্বস্ত দাস! তুমি অল্প  
বিষয়ে বিশ্বস্ত থেকেছ; আমি তোমাকে বহু বিষয়ের উপরে তত্ত্বাবধায়ক  
নিযুক্ত করব। এসো, তোমার মনিবের আনন্দের অংশীদার হও!’ 22  
“যে দুই তালন্ত নিয়েছিল, সেও এসে বলল, ‘প্রভু, আপনি আমাকে দুই  
তালন্ত দিয়েছিলেন; দেখুন, আমি আরও দুই তালন্ত লাভ করেছি।’ 23  
“তার মনিব উত্তর দিলেন, ‘বেশ করেছ, উত্তম ও বিশ্বস্ত দাস! তুমি অল্প  
বিষয়ে বিশ্বস্ত থেকেছ; আমি তোমাকে বহু বিষয়ের উপরে তত্ত্বাবধায়ক  
নিযুক্ত করব। এসো, তোমার মনিবের আনন্দের অংশীদার হও!’ 24  
“তখন যে এক তালন্ত অর্থ নিয়েছিল, সে এসে উপস্থিত হল। সে বলল,  
‘প্রভু, আমি জানি, আপনি এক কঠোর প্রকৃতির মানুষ, যেখানে বীজ  
বোনেননি, সেখানে কাটেন এবং যেখানে বীজ ছড়াননি, সেখানেই  
সংগ্রহ করেন।’ 25 তাই আমি ভীত হয়ে, আপনার তালন্ত মাটিতে  
লুকিয়ে রেখেছিলাম। এই দেখুন, আপনার যা, তা ফিরে পেলেন।’  
26 “তার মনিব উত্তর দিলেন, ‘দুষ্ট ও অলস দাস! তুমি তো জানতে  
যে, আমি যেখানে বুনিনি, সেখানেই কাটি ও যেখানে বীজ ছড়াইনি,  
সেখানেই সংগ্রহ করি? 27 তাহলে মহাজনদের কাছে তুমি আমার অর্থ  
গচ্ছিত রাখতে পারতে, যেন আমি ফিরে এসে তা সুদসমেত ফেরত  
পেতাম। 28 “অতএব, তোমরা ওই তালন্তটি তার কাছ থেকে নিয়ে  
নাও এবং যার দশ তালন্ত আছে তাকে দিয়ে দাও। 29 কারণ যার  
কাছে আছে, তাকে আরও দেওয়া হবে ও তার অনেক হবে। যার কাছে  
নেই, তার কাছে যা আছে, তাও তার কাছ থেকে কেড়ে নেওয়া হবে।  
30 আর তোমরা সেই অকর্ম্য দাসকে বাইরের অন্ধকারে ফেলে দাও,  
যেখানে কেবলই রোদন ও দন্তঘর্ষণ হবে।’ 31 “মনুষ্যপুত্র যখন তাঁর  
মহিমায়, তাঁর সমস্ত দৃতদের সঙ্গে নিয়ে আসবেন, তিনি স্বর্গীয় মহিমায়  
তাঁর সিংহাসনে উপবেশন করবেন। 32 সমস্ত জাতিকে তাঁর সামনে

উপস্থিত করা হবে। তিনি লোকদের, একজন থেকে অপরজনকে  
পৃথক করবেন, যেভাবে মেষপালক ছাগদের মধ্য থেকে মেষদের পৃথক  
করে। 33 তিনি মেষদের তাঁর ডানদিকে ও ছাগদের তাঁর বাঁদিকে  
রাখবেন। 34 “তখন রাজা তাঁর ডানদিকের লোকদের বলবেন, ‘আমার  
পিতার আশিস ধন্য তোমরা এসো; জগৎ সৃষ্টির সময় থেকে যে রাজ্য  
তোমাদের জন্য প্রস্তুত করা হয়েছে, তোমরা তার অধিকারী হও।  
35 কারণ আমি ক্ষুধার্ত ছিলাম, তোমরা আমাকে খাবার দিয়েছিলে;  
আমি তৃষ্ণার্ত ছিলাম, তোমরা আমাকে পান করতে দিয়েছিলে; আমি  
অপরিচিত ছিলাম, তোমরা আমাকে আশ্রয় দিয়েছিলে; 36 আমার  
পোশাকের প্রয়োজন ছিল, তোমরা পোশাক দিয়েছিলে; আমি অসুস্থ  
ছিলাম, তোমরা আমার দেখাশোনা করেছিলে; আমি কারাগারে ছিলাম,  
তোমরা আমাকে দেখতে গিয়েছিলে।’ 37 “ধার্মিক ব্যক্তিরা তখন  
তাঁকে উত্তর দেবে, ‘প্রভু, আমরা কখন আপনাকে ক্ষুধার্ত দেখে আহার  
দিয়েছিলাম, বা তৃষ্ণার্ত দেখে পান করতে দিয়েছিলাম? 38 কখনই-বা  
আপনাকে অপরিচিত দেখে ভিতরে নিয়ে গিয়ে আশ্রয় দিয়েছিলাম, বা  
পোশাকহীন দেখে পোশাক দিয়েছিলাম? 39 কখনই-বা আপনাকে  
অসুস্থ বা কারাগারে দেখে আপনার কাছে গিয়েছিলাম?’ 40 “রাজা  
উত্তর দেবেন, ‘আমি তোমাদের সত্যিই বলছি, যখন তোমরা আমার  
এই ভাইবোনদের মধ্যে নগণ্যতম কারও প্রতি এরকম করেছিলে,  
তখন তা আমারই প্রতি করেছিলে।’ 41 “তারপরে তিনি তাঁর বাঁদিকের  
লোকদের বলবেন, ‘অভিশপ্ত তোমরা, আমার কাছ থেকে দূর হয়ে  
অনন্ত অগ্নিতে নিষ্কিপ্ত হও, যা দিয়াবল ও তার দুতদের জন্য তৈরি  
করা হয়েছে। (aiōnios g166) 42 কারণ আমি ক্ষুধার্ত ছিলাম, তোমরা  
আমাকে কিছুই খেতে দাওনি; আমি তৃষ্ণার্ত ছিলাম, তোমরা আমাকে  
পান করার জন্য কিছু দাওনি; 43 আমি অপরিচিত ছিলাম, তোমরা  
আমাকে আশ্রয় দাওনি; আমার পোশাকের প্রয়োজন দেখেও আমাকে  
পোশাক দাওনি; আমি অসুস্থ ও কারাগারে ছিলাম, তোমরা আমার  
দেখাশোনা করোনি।’ 44 “তারাও উত্তর দেবে, ‘প্রভু, আমরা কখন  
আপনাকে ক্ষুধার্ত বা তৃষ্ণার্ত, অপরিচিত বা পোশাকহীন, অসুস্থ বা

কারাগারে দেখে সাহায্য করিনি?’ 45 ‘তিনি উত্তর দেবেন, ‘আমি তোমাদের সত্যিই বলছি, আমার এই নগণ্যতম জনেদের কোনো একজনের প্রতি যখন তা করোনি তখন তা তোমরা আমার প্রতিই করোনি।’ 46 “তারপর তারা চিরস্তন শাস্তির উদ্দেশ্যে যাবে, কিন্তু ধার্মিকেরা অনন্ত জীবনে প্রবেশ করবে।” (aiōnios g166)

**26** এসব বিষয় বলা শেষ করার পর যীশু তাঁর শিষ্যদের বললেন, 2 “তোমরা জানো, আর দু-দিন পরে নিষ্ঠারপর্ব আসছে, তখন মনুষ্যপুত্রকে ক্রুশার্পিত করার জন্য সমর্পণ করা হবে।” 3 সেই সময় প্রধান যাজকেরা ও লোকদের প্রাচীনবর্গ কায়াফা নামক মহাযাজকের প্রাসাদে সমবেত হল। 4 আর তারা কোনও ছলে যীশুকে গ্রেপ্তার করে হত্যা করার ঘড়্যন্ত করল। 5 তারা বলল, “কিন্তু পর্বের সময়ে নয়, তাতে লোকদের মধ্যে দাঙ্গা বেথে যেতে পারে।” 6 যীশু যখন বেথানিতে কুঠরোগী শিমোনের বাড়িতে ছিলেন, 7 তখন একজন নারী একটি শ্বেতস্ফটিকের পাত্রে বহুমূল্য সুগন্ধি তেল নিয়ে তাঁর কাছে এল। যীশু যখন টেবিলে হেলান দিয়ে বসেছিলেন, সেই নারী তাঁর মাথায় তা উপুড় করে ঢেলে দিল। 8 শিয়েরা এই দেখে ভীষণ রুষ্ট হলেন। তাঁরা বললেন, “এই অপচয় কেন? 9 এই সুগন্ধি তেল তো অনেক টাকায় বিক্রি করে দরিদ্রদের দান করা যেত!” 10 একথা শুনে যীশু তাঁদের বললেন, “তোমরা কেন এই মহিলাকে বিরক্ত করছ? সে তো আমার জন্য এক ভালো কাজই করেছে। 11 দরিদ্রেরা তোমাদের সঙ্গে সবসময়ই থাকবে, কিন্তু আমাকে তোমরা সবসময় পাবে না। 12 সে আমার শরীরে এই সুগন্ধি তেল ঢেলে আমাকে সমাধির উদ্দেশ্যে প্রস্তুত করল। 13 আমি তোমাদের সত্যিই বলছি, সমস্ত জগতে যেখানেই এই সুসমাচার প্রচারিত হবে, সে যা করেছে, সৃতির উদ্দেশ্যে তার সেই কাজের কথাও বলা হবে।” 14 তখন সেই বারোজনের মধ্যে একজন, যে যিহুদা ইঞ্চারিয়োৎ নামে আখ্যাত, সে প্রধান যাজকদের কাছে গিয়ে জিজ্ঞাসা করল, 15 “যীশুকে আপনাদের হাতে সমর্পণ করলে, আপনারা আমাকে কী দেবেন?” তারা তাকে ত্রিশতি রূপোর মুদ্রা গুনে দিল। 16 সেই সময় থেকে যিহুদা তাঁকে তাদের হাতে তুলে

দেওয়ার সুযোগ খুঁজতে লাগল। 17 খামিরবিহীন রূটির পর্বের প্রথম দিনে, শিষ্যেরা যীশুর কাছে এসে জিজ্ঞাসা করলেন, “নিষ্ঠারপর্বের ভোজ গ্রহণের প্রস্তুতি আমরা কোথায় করব?” 18 তিনি উভর দিলেন, “তোমরা নগরে জনৈক ব্যক্তির কাছে যাও ও তাকে বলো, ‘গুরুমহাশয় বলছেন, আমার জন্য নির্ধারিত সময় এসে গেছে। আমি তোমার গৃহে আমার শিষ্যদের নিয়ে নিষ্ঠারপর্বের ভোজ গ্রহণ করতে চাই।’” 19 তাই শিষ্যেরা যীশুর নির্দেশমতো কাজ করলেন ও গিয়ে নিষ্ঠারপর্বের ভোজ প্রস্তুত করলেন। 20 সন্ধ্যা হলে, যীশু সেই বারোজনের সঙ্গে ভোজের টেবিলে হেলান দিয়ে বসলেন। 21 তারা খাওয়াদাওয়া করছেন, এমন সময়ে যীশু বললেন, “আমি তোমাদের সত্যিই বলছি, তোমাদের মধ্যে একজন আমার সঙ্গে বিশ্বাসঘাতকতা করবে।” 22 তাঁরা ভীষণ দুঃখিত হলেন ও একের পর এক তাঁকে বললেন, “প্রভু, সে নিশ্চয়ই আমি নই?” 23 যীশু উভর দিলেন, “যে আমার সঙ্গে খাবারের পাত্রে হাত ডুবালো, সেই আমার সঙ্গে বিশ্বাসঘাতকতা করবে। 24 মনুষ্যপুত্রের বিষয়ে যে রকম লেখা আছে, তেমনই তিনি চলে যাবেন, কিন্তু ধিক সেই ব্যক্তিকে, যে মনুষ্যপুত্রের সঙ্গে বিশ্বাসঘাতকতা করবে! তার জন্ম না হলেই বরং তার পক্ষে ভালো হত।” 25 তখন, যে তাঁর সঙ্গে বিশ্বাসঘাতকতা করবে, সেই যিহূদা বলল, “রবি, সে নিশ্চয়ই আমি নই?” যীশু উভর দিলেন, “হ্যাঁ, তুমই সে।” 26 তাঁরা যখন আহার করছিলেন, যীশু রূটি নিলেন, ধন্যবাদ দিলেন ও তা ভাঙলেন। আর তিনি তাঁর শিষ্যদের দিলেন ও বললেন, “তোমরা নাও, এবং ভোজন করো; এ আমার শরীর।” 27 তারপর তিনি পানপাত্র নিলেন, ধন্যবাদ দিলেন ও শিষ্যদের তা দিয়ে বললেন, “তোমরা সবাই এর থেকে পান করো। 28 এ আমার রক্ত, সেই নতুন নিয়মের রক্ত, যা পাপক্ষমার উদ্দেশ্যে অনেকের জন্য পাতিত হচ্ছে। 29 আমি তোমাদের বলছি, এখন থেকে আমি এই দ্রাক্ষারস আর কখনও পান করব না, যতদিন না আমি আমার পিতার রাজ্যে তোমাদের সঙ্গে নতুন দ্রাক্ষারস পান করি।” 30 পরে তাঁরা একটি গান করে সেখান থেকে বের হয়ে জলপাই পর্বতে গেলেন। 31 তারপর যীশু তাঁদের বললেন, “এই

রাত্রিতে তোমরা সবাই আমাকে ছেড়ে চলে যাবে, কারণ এরকম লেখা  
আছে, “আমি পালরক্ষককে আঘাত করব, তাতে পালের মেষেরা  
ছিন্নভিন্ন হয়ে যাবে।” 32 কিন্তু আমি উথিত হলে পর, আমি তোমাদের  
আগেই গালীলে পৌঁছাব।” 33 পিতর উত্তর দিলেন, “সবাই আপনাকে  
ছেড়ে চলে গেলেও, আমি কিন্তু কখনও যাব না।” 34 প্রত্যুত্তরে যীশু  
বললেন, “আমি তোমাকে সত্যিই বলছি, আজ রাত্রে, মোরগ ডাকার  
আগেই, তুমি তিনবার আমাকে অস্থীকার করবে।” 35 কিন্তু পিতর  
তাঁকে বললেন, “আপনার সঙ্গে যদি আমাকে মৃত্যুবরণও করতে হয়,  
তাহলেও আমি আপনাকে কখনোই অস্থীকার করব না।” অন্য সব  
শিষ্যও একই কথা বললেন। 36 তারপর যীশু তাঁর শিষ্যদের সঙ্গে  
গেৎশিমানি নামে এক স্থানে গেলেন। তিনি তাদের বললেন, “আমি  
যতক্ষণ ওখানে প্রার্থনা করি তোমরা ততক্ষণ এখানে বসে থাকো।”  
37 তিনি পিতর ও সিবদিয়ের দুই পুত্রকে তাঁর সঙ্গে নিলেন। তিনি  
ক্রমেই দুঃখার্ত ও ব্যাকুল হতে লাগলেন। 38 তারপর তিনি তাঁদের  
বললেন, “আমার প্রাণ মৃত্যু পর্যন্ত দুঃখার্ত হয়েছে। তোমরা এখানে  
থাকো, এবং আমার সঙ্গে জেগে থাকো।” 39 আরও কিছু দূর এগিয়ে,  
তিনি ভূমিতে উবুড় হয়ে প্রার্থনা করলেন, “পিতা, যদি সন্তুষ্ট হয়, এই  
পানপাত্র আমার কাছ থেকে দূর করে দাও। তবুও আমার ইচ্ছামতো  
নয়, কিন্তু তোমারই ইচ্ছামতো হোক।” 40 তারপর তিনি শিষ্যদের  
কাছে ফিরে এসে দেখলেন, তাঁরা ঘুমিয়ে পড়েছেন। তিনি পিতরকে  
জিজ্ঞাসা করলেন, “তোমরা কি এক ঘণ্টাও আমার সঙ্গে জেগে থাকতে  
পারলে না? 41 জেগে থাকো ও প্রার্থনা করো, যেন তোমরা প্রলোভনে  
না পড়ো। আত্মা ইচ্ছুক, কিন্তু শরীর দুর্বল।” 42 তিনি দ্বিতীয়বার গিয়ে  
প্রার্থনা করলেন, “পিতা আমার, আমি পান না করলে যদি এই পাত্র  
দূর না হয়, তাহলে তোমার ইচ্ছাই পূর্ণ হোক।” 43 যখন তিনি ফিরে  
এলেন, তিনি আবার তাঁদের ঘুমাতে দেখলেন, কারণ তাঁদের চোখের  
পাতা ভারী হয়ে উঠেছিল। 44 তাই তিনি পুনরায় তাদের ছেড়ে এগিয়ে  
গেলেন ও একই কথা বলে তৃতীয়বার প্রার্থনা করলেন। 45 তারপর  
তিনি শিষ্যদের কাছে ফিরে গিয়ে বললেন, “তোমরা কি এখনও ঘুমিয়ে

আহ ও বিশ্রাম করছ? দেখো, সময় হয়েছে। মনুষ্যপুত্রকে পাপীদের হাতে ধরিয়ে দেওয়া হচ্ছে। 46 ওঠো, চলো আমরা যাই! দেখো, আমার বিশ্বাসঘাতক এসে পড়েছে!” 47 তিনি তখনও কথা বলছেন সেই সময় বারোজনের অন্যতম যিন্দু সেখানে এসে উপস্থিত হল। তার সঙ্গে ছিল একদল সশন্ত লোক, তাদের হাতে ছিল তরোয়াল ও লাঠিসৌঁটা। প্রধান যাজকেরা ও লোকসমূহের প্রাচীনবর্গ তাদের পাঠিয়েছিল। 48 সেই বিশ্বাসঘাতক তাদের এই সংকেত দিয়ে রেখেছিল, “যাকে আমি চুম্বন করব, সেই ওই ব্যক্তি; তাকে গ্রেপ্তার কোরো।” 49 সেই মুহূর্তেই যীশুর কাছে গিয়ে যিন্দু বলল, “রবি, নমস্কার!” আর তাঁকে চুম্বন করল। 50 যীশু উত্তর দিলেন, “বন্ধু, যা করতে এসেছ, তুমি তাই করো।” তখন সেই লোকেরা এগিয়ে এসে যীশুকে ধরল ও তাঁকে গ্রেপ্তার করল। 51 তাই দেখে যীশুর সঙ্গীদের একজন তাঁর তরোয়াল বের করে মহাযাজকের দাসকে আঘাত করে তার কান কেটে ফেললেন। 52 যীশু তাঁকে বললেন, “তোমার তরোয়াল পুনরায় স্বস্থানে রাখো, কারণ যারাই তরোয়াল ধারণ করে তারাই তরোয়ালের দ্বারা মৃত্যুবরণ করবে। 53 তুমি কি মনে করো? আমি কি আমার পিতাকে ডাকতে পারি না, আর তিনি সঙ্গে সঙ্গে কি আমার অধীনে বারোটি বাহিনীরও বেশি দৃত পাঠিয়ে দেবেন না? 54 তাহলে শান্ত্রিবাণী কীভাবে পূর্ণ হবে, যা বলে যে, এসব এভাবেই ঘটবে?” 55 সেই সময় যীশু লোকদের বললেন, “আমি কি কোনও বিদ্রোহের নেতৃত্ব দিচ্ছি যে, তোমরা তরোয়াল ও লাঠিসৌঁটা নিয়ে আমাকে ধরতে এসেছ? প্রতিদিন আমি মন্দির চতুরে বসে শিক্ষা দিয়েছি, তখন তো তোমরা আমাকে গ্রেপ্তার করোনি। 56 কিন্তু এ সমস্ত এজন্যই ঘটছে, যেন ভাববাদীদের লিখিত বচনগুলি পূর্ণ হয়।” তখন সব শিষ্য তাঁকে ত্যাগ করে পালিয়ে গেলেন। 57 যারা যীশুকে গ্রেপ্তার করেছিল, তারা তাঁকে মহাযাজক কায়াফার কাছে নিয়ে গেল। সেখানে সব শান্ত্রিবিদ ও লোকদের প্রাচীনবর্গ সমবেত হয়েছিল। 58 কিন্তু পিতর দূর থেকে, মহাযাজকের উঠান পর্যন্ত যীশুকে অনুসরণ করলেন। তিনি প্রবেশ করে শেষ পর্যন্ত কী হয়, তা দেখার জন্য রক্ষীদের কাছে গিয়ে বসলেন। 59

প্রধান যাজকেরা ও সমস্ত মহাসত্ত্ব যীশুকে মৃত্যুদণ্ড দেওয়ার জন্য তাঁর বিরুদ্ধে মিথ্যা সাক্ষ্য-প্রমাণ খুঁজছিল। 60 বহু মিথ্যাসাক্ষী এগিয়ে এলেও তারা সেরকম কিছুই পেল না। শেষে দুজন এগিয়ে 61 এসে বলল, “এই লোকটি বলেছিল, ‘আমি ঈশ্বরের মন্দির ভেঙে ফেলতে ও তিনিনের মধ্যে তা পুনর্নির্মাণ করতে পারি।’” 62 তখন মহাযাজক উঠে দাঁড়িয়ে যীশুকে বললেন, “তুমি কি উত্তর দেবে না? এই লোকেরা তোমার বিরুদ্ধে যেসব অভিযোগ নিয়ে এসেছে, এগুলি কী?” 63 যীশু তবুও নীরব রইলেন। মহাযাজক তাঁকে বললেন, “আমি জীবন্ত ঈশ্বরের নামে শপথ করে তোমাকে অভিযুক্ত করছি: আমাদের বলো দেখি, তুমিই কি সেই খ্রিস্ট, ঈশ্বরের পুত্র?” 64 যীশু উত্তর দিলেন, “হ্যাঁ, ঠিক তাই, যেমন তুমি বলেছ। কিন্তু আমি তোমাদের সবাইকে বলছি: ভাবীকালে তোমরা মনুষ্যপুত্রকে সেই সর্বশক্তিমান ঈশ্বরের ডানদিকে বসে থাকতে ও স্বর্গের মেঘে করে আসতে দেখবে।” 65 তখন মহাযাজক তাঁর কাপড় ছিঁড়ে ফেলে বললেন, “ও ঈশ্বরনিন্দা করেছে! আমাদের আর সাক্ষ্য-প্রমাণের কী প্রয়োজন? দেখো, এখন তোমরা ঈশ্বরনিন্দা শুনলে।” 66 তোমাদের অভিমত কী?” তারা উত্তর দিল, “ও মৃত্যুরই যোগ্য।” 67 তারা তখন তাঁর মুখে থুতু দিল ও তাঁকে ঘুসি মারল। 68 অন্যেরা তাঁকে চড় মেরে বলতে লাগল, “ওরে খ্রিস্ট, আমাদের কাছে ভাববাণী বল দেখি, কে তোকে মারল?” 69 সেই সময় পিতর বাইরের উঠানে বসেছিলেন। একজন দাসী তাঁর কাছে এসে বলল, “তুমি ও সেই গালীলীয় যীশুর সঙ্গে ছিলে।” 70 কিন্তু তিনি তাদের সবার সামনে সেকথা অস্বীকার করলেন। তিনি বললেন, “আমি জানি না, তুমি কী বলছ।” 71 তখন তিনি ফটকের কাছে গেলেন। সেখানে অন্য একজন দাসী তাঁকে দেখে, সেখানকার লোকজনকে বলল, “এই লোকটি ও নাসরতীয় যীশুর সঙ্গে ছিল।” 72 তিনি শপথ করে আবার তা অস্বীকার করলেন, বললেন, “আমি ওই মানুষটিকে চিনি না!” 73 আরও কিছুক্ষণ পরে, যারা সেখানে দাঁড়িয়েছিল, তারা পিতরের কাছে গিয়ে বলল, “নিশ্চিতরূপে তুমি তাদেরই একজন, কারণ তোমার উচ্চারণভঙ্গিই তা প্রকাশ করছে।” 74 তখন তিনি

নিজের উপরে অভিশাপ দেকে এনে তাদের কাছে শপথ করে বললেন,  
“আমি ওই মানুষটিকে চিনিই না!” সেই মুহূর্তে একটি ঘোরগ দেকে  
উঠল। 75 তখন যীশু যে কথা বলেছিলেন, তা পিতরের মনে পড়ল,  
“ঘোরগ ডাকার পূর্বে তুমি তিনবার আমাকে অস্বীকার করবে।” আর  
তিনি বাইরে গিয়ে খুব কাঁদতে লাগলেন।

**27** ভোরবেলায়, সমস্ত প্রধান যাজক ও লোকদের প্রাচীনবর্গ এই  
সিদ্ধান্তে উপনীত হল যে, যীশুকে মৃত্যুদণ্ড দেওয়া হবে। 2 তারা  
তাঁকে বেঁধে প্রদেশপাল পীলাতের কাছে গেল ও তাঁর হাতে তাঁকে  
সমর্পণ করল। 3 যে তাঁর সঙ্গে বিশ্বাসঘাতকতা করেছিল, সেই যিহুদা  
যখন দেখল যে যীশুকে দোষী সাব্যস্ত করা হয়েছে সে তৌর বিবেক  
দংশনে বিন্দু হল। সে প্রধান যাজকদের ও প্রাচীনদের কাছে গিয়ে  
সেই ত্রিশটি রূপোর মুদ্রা ফিরিয়ে দিল। 4 সে বলল, “নির্দোষ মানুষের  
রক্ত সমর্পণ করে আমি পাপ করেছি।” তারা উত্তরে বলল, “তাতে  
আমাদের কী? সে তোমার দায়।” 5 তাই যিহুদা সেই অর্থ মন্দিরে  
ছুঁড়ে ফেলে দিয়ে চলে গেল। তারপর গিয়ে নিজেকে ফাঁসি দিল। 6  
প্রধান যাজকেরা মুদ্রাগুলি তুলে নিয়ে বলল, “এই অর্থ ভাণ্ডারে রাখা  
বিধানবিরুদ্ধ, কারণ এটি রক্তের মূল্য।” 7 তাই তারা স্থির করল, ওই  
অর্থ দিয়ে কুমোরের জমি কেনা হবে, যেন বিদেশিদের কবর দেওয়া  
যেতে পারে। 8 এই কারণে একে আজও পর্যন্ত রক্তক্ষেত্র বলা হয়। 9  
তখন ভাববাদী যিরমিয়ের দ্বারা কথিত এই বচন পূর্ণ হল: “তারা সেই  
ত্রিশটি রূপোর মুদ্রা নিল, ইহায়েল-সন্তানেরা যা তাঁর মূল্য নির্ধারণ  
করেছিল, 10 আর তারা সেই অর্থ কুমোরের জমি কেনার জন্য ব্যয়  
করল, যেমন প্রভু আমাকে আদেশ দিয়েছিলেন।” 11 ইতিমধ্যে যীশুকে  
প্রদেশপালের সামনে দাঁড় করানো হল। প্রদেশপাল তাঁকে জিজ্ঞাসা  
করলেন, “তুমি কি ইহাদিদের রাজা?” যীশু উত্তর দিলেন, “হ্যাঁ, ঠিক  
তাই, যেমন তুমি বললে।” 12 প্রধান যাজকেরা ও প্রাচীনবর্গ যখন  
তাঁর বিরুদ্ধে অভিযোগ করতে লাগল, তিনি কোনও উত্তর দিলেন  
না। 13 তখন পীলাত তাঁকে জিজ্ঞাসা করলেন, “তোমার বিরুদ্ধে ওরা  
যে সাক্ষ্য এনেছে তুমি কি শুনতে পাচ্ছ না?” 14 তবুও যীশু কোনো

উত্তর দিলেন না, একটি অভিযোগেরও না। এতে প্রদেশপাল অত্যন্ত বিস্মিত হলেন। 15 সেই সময়ে, পর্ব উপলক্ষে প্রদেশপালের একটি প্রথা ছিল, লোকসাধারণ যে কারাবন্দিকে চাইত, তিনি তাকে মুক্তি দিতেন। 16 তখন যীশু-বারাব্বা নামে তাদের এক কুখ্যাত বন্দি ছিল। 17 তাই লোকেরা সমবেত হলে পীলাত তাদের জিজ্ঞাসা করলেন, “তোমাদের জন্য আমি কাকে মুক্তি দেব, বারাব্বাকে না যীশুকে, যাকে খীষ্ট বলে?” 18 কারণ তিনি জানতেন, তারা ঈর্ষাবশত যীশুকে তাঁর হাতে তুলে দিয়েছিল। 19 পীলাত যখন বিচারাসনে বসেছিলেন, তাঁর স্ত্রী তাঁর কাছে এই বার্তা পাঠালেন, “ওই নির্দোষ ব্যক্তির প্রতি তুমি কিছু কোরো না, কারণ আজ আমি স্বপ্নে তাঁর কারণে ভীষণ কষ্ট পেয়েছি।” 20 কিন্তু প্রধান যাজকেরা ও প্রাচীনবর্গ লোকদের প্ররোচিত করে বলল, তারা যেন বারাব্বাকে মুক্তির জন্য চেয়ে নেয়, কিন্তু যীশুকে যেন মৃত্যুদণ্ড দেওয়া হয়। 21 প্রদেশপাল জিজ্ঞাসা করলেন, “এই দুজনের মধ্যে তোমরা কাকে চাও যে আমি মুক্ত করি?” তারা উত্তর দিল, “বারাব্বাকে।” 22 পীলাত জিজ্ঞাসা করলেন, “তাহলে যীশু, যাকে খীষ্ট বলে, আমি তাকে নিয়ে কী করব?” তারা সকলে মিলে উত্তর দিল, “ওকে ক্রুশে দিন!” 23 পীলাত জিজ্ঞাসা করলেন, “কেন? ও কী অপরাধ করেছে?” কিন্তু তারা আরও জোরে চিৎকার করে বলতে লাগল, “ওকে ক্রুশে দিন!” 24 পীলাত যখন দেখলেন, তাঁর সব প্রচেষ্টা নিষ্ফল হচ্ছে, বরং এক হটগোলের সৃষ্টি হচ্ছে, তিনি জল নিয়ে লোকদের সামনে তাঁর হাত ধুয়ে বললেন, “আমি এই মানুষটির রক্তপাত সম্পর্কে নির্দোষ। এই দায় তোমাদের!” 25 লোকেরা সবাই উত্তর দিল, “ওর রক্ত আমাদের উপরে ও আমাদের সন্তানের উপরে বর্তাক।” 26 তখন তিনি তাদের কাছে বারাব্বাকে মুক্ত করে দিলেন, কিন্তু যীশুকে চাবুক দিয়ে প্রহার করিয়ে ক্রুশার্পিত করার জন্য সমর্পণ করলেন। 27 এরপর প্রদেশপালের সৈন্যদলকে একত্র করল। 28 তারা তাঁর পোশাক খুলে একটি লাল রংয়ের পোশাক পরিয়ে দিল। 29 তারপর কাঁটালতা দিয়ে পাকানো একটি মুকুট তৈরি করে তাঁর

মাথায় স্থাপন করল। তারা তাঁর ডান হাতে নলখাগড়ার একটি ছড়ি দিল ও তাঁর সামনে নতজানু হয়ে ব্যঙ্গবিন্দুপ করল, বলল, “ইছদিদের রাজা, নমস্কার!” 30 তারা তাঁর গায়ে থুতু দিল, ছড়িতি নিয়ে নিল এবং তা দিয়ে বারবার তাঁর মাথায় আঘাত করতে লাগল। 31 তাঁকে ব্যঙ্গবিন্দুপ করার পর, তারা তাঁর পোশাকটি খুলে নিল ও তাঁর নিজের পোশাক তাঁকে পরিয়ে দিল। তারপর তারা তাঁকে ক্রুশবিন্দু করার জন্য নিয়ে গেল। 32 তারা যখন বেরিয়ে যাচ্ছে, তখন তারা কুরীণ থেকে আগত শিমোন নামে এক ব্যক্তির সাক্ষাৎ পেল। তারা ক্রুশ বয়ে নিয়ে যেতে তাকে বাধ্য করল। 33 তারা গলগথা নামক এক স্থানে এল (নামটির অর্থ, “মাথার খুলির স্থান”)। 34 তারা সেখানে যীশুকে পিণ্ডরসে মেশানো দ্রাক্ষারস পান করতে দিল; কিন্তু তিনি তার স্বাদ নিয়ে তা পান করতে চাইলেন না। 35 তারা যখন তাঁকে ক্রুশবিন্দু করল, তারা গুটিকাপাত করে তাঁর পোশাকগুলি ভাগ করে নিল। 36 আর সেখানে বসে, তারা তাঁকে পাহারা দিতে লাগল। 37 তাঁর মাথার উপরে তারা তাঁর বিবরন্দে এই লিখিত অভিযোগপত্র টাঙ্গিয়ে দিল: এই ব্যক্তি যীশু, ইছদিদের রাজা। 38 দুজন দস্যুকে তাঁর সঙ্গে ক্রুশার্পিত করা হল, একজনকে তাঁর ডানদিকে, অন্যজনকে তাঁর বাঁদিকে। 39 যারা ওই পথ দিয়ে যাচ্ছিল, তারা তাদের মাথা নাড়তে নাড়তে তাঁকে অপমান করে বলতে লাগল, 40 “তুমি নাকি মন্দির ধ্বংস করে তিনদিনের মধ্যে পুনর্নির্মাণ করতে চলেছিলে, এবার নিজেকে রক্ষা করো! তুমি যদি ঈশ্বরের পুত্র হও, ক্রুশ থেকে নেমে এসো!” 41 একইভাবে প্রধান যাজকেরা, শাস্ত্রবিদরা ও প্রাচীনবর্গ তাঁকে বিন্দুপ করল। 42 তারা বলল, “ও অন্যদের বাঁচাত, কিন্তু নিজেকে বাঁচাতে পারে না! ও তো ইস্রায়েলের রাজা! এখন ও ক্রুশ থেকে নেমে আসুক, তাহলে আমরাও ওকে বিশ্বাস করব। 43 ও ঈশ্বরে নির্ভর করে। ঈশ্বরই ওকে নিষ্ঠার করুন, যদি তিনি ওকে চান, কারণ ও বলেছে, ‘আমি ঈশ্বরের পুত্র।’” 44 একইভাবে, তাঁর সঙ্গে ক্রুশবিন্দু দুই দস্যুও তাঁকে বিভিন্নভাবে অপমান করল। 45 দুপুর বারোটা থেকে তিনটে পর্যন্ত সমস্ত দেশে অন্ধকার ছেয়ে গেল। 46 প্রায় তিনটের সময় যীশু উচ্চকঞ্চে চিৎকার

করে উঠলেন, “এলী, এলী, লামা শব্দতানী?” যার অর্থ, “ঈশ্বর আমার, ঈশ্বর আমার, কেন তুমি আমাকে পরিত্যাগ করেছ?” 47 সেখানে দাঁড়িয়ে আছেন এমন কয়েকজন যখন একথা শুনল, তারা বলল, “ও এলিয়কে ডাকছে।” 48 সঙ্গে সঙ্গে তাদের মধ্যে একজন দৌড়ে গিয়ে একটি স্পঞ্জ নিয়ে এল। সে তা সিরকা মিশ্রিত দ্রাক্ষারসে পূর্ণ করে একটি নলের সাহায্যে যীশুকে পান করতে দিল। 49 অন্যেরা সকলে বলল, “এখন ওকে একা ছেড়ে দাও। দেখি, এলিয় ওকে রক্ষা করতে আসেন কি না।” 50 পরে যীশু আবার উচ্চকগ্নে চিত্কার করে তাঁর আত্মাকে সমর্পণ করলেন। 51 আর সেই মুহূর্তে মন্দিরের পর্দাটি উপর থেকে নিচ পর্যন্ত চিরে দু-টুকরো হল। ভূমিকম্প হল ও পাথর শিলাগুলি বিদীর্ণ হল। 52 কবরসকল উন্মুক্ত হল ও বহু পুণ্যজনের শরীর, যাঁরা পূর্বে নিদাগত হয়েছিলেন, তাদের জীবনে উত্থাপিত করা হল। 53 তাঁরা কবর থেকে বের হয়ে এলেন ও যীশুর পুনরুদ্ধানের পর পবিত্র নগরে প্রবেশ করলেন এবং বহু মানুষকে দর্শন দিলেন। 54 তখন সেই শত-সেনাপতি ও যারা তার সঙ্গে যীশুকে পাহারা দিচ্ছিল, সেই ভূমিকম্প ও অন্য সব ঘটনা ঘটতে দেখে, তারা আতঙ্কগ্রস্ত হল ও বিস্ময়ে চিত্কার করে উঠল, “নিশ্চিতকপেই ইনি ঈশ্বরের পুত্র ছিলেন!” 55 সেখানে বহু মহিলাও উপস্থিত ছিলেন, তাঁরা দূর থেকে সব লক্ষ্য করছিলেন। তাঁরা যীশুর পরিচর্যার জন্য গালীল থেকে তাঁকে অনুসরণ করে আসছিলেন। 56 তাঁদের মধ্যে ছিলেন মাগ্দালাবাসী মরিয়ম, যাকোব ও যোষির মা মরিয়ম এবং সিবদিয়ের পুত্রদের মা। 57 সন্ধ্যা ঘনিয়ে এলে, সেখানে যোষেফ নামে আরিমাথিয়ার এক ধনী ব্যক্তি উপস্থিত হলেন। তিনি নিজেও যীশুর শিষ্য হয়েছিলেন। 58 পীলাতের কাছে গিয়ে তিনি যীশুর দেহটি চাইলেন, পীলাত তা তাঁকে দেওয়ার আদেশ দিলেন। 59 যোষেফ সেই দেহটি নিয়ে পরিষ্কার লিনেন কাপড়ে জড়ালেন 60 ও পাথরে খোদাই করা তাঁর নিজের নতুন সমাধি গৃহে তা রাখলেন। তিনি সমাধির প্রবেশপথে একটি বড়ো পাথর গড়িয়ে দিয়ে সেখান থেকে চলে গেলেন। 61 সেখানে মাগ্দালাবাসী মরিয়ম ও অন্য মরিয়ম কবরের উল্টোদিকে বসেছিলেন। 62 পরের দিন, অর্থাৎ প্রস্তুতি-দিনের

পরদিন, প্রধান যাজকেরা ও ফরিশীরা পীলাতের কাছে গেল। 63

তারা বলল, “মহাশয়, আমাদের মনে পড়ছে, সেই প্রবৃক্ষক জীবিত

থাকাকালীন বলেছিল, ‘তিন দিন পরে আমি আবার উঠিত হব।’ 64

সেই কারণে, তিন দিন পর্যন্ত সমাধিটি পাহারা দিতে আদেশ দিন,

তা না হলে, তাঁর শিষ্যেরা এসে সেই দেহ চুরি করে নিয়ে যাবে ও

লোকদের বলবে যে তিনি মৃতলোক থেকে জীবিত হয়ে উঠেছেন।

তাহলে শেষের এই প্রতারণা প্রথমের থেকে আরও গুরুতর হবে।”

65 পীলাত উত্তর দিলেন, “তোমরা পাহারা দাও। গিয়ে সমাধি যতটা

সুরক্ষিত রাখতে পারো, তোমরা তাই করো।” 66 তাই তারা গেল, সেই

পাথরটি মোহরাক্ষিত করে সমাধি সুরক্ষিত করল ও প্রহরীদের নিযুক্ত

করল।

**28** বিশ্রামদিনের অবসান হলে, সপ্তাহের প্রথম দিনে অতি  
প্রত্যুষকালে, মাগ্দালাবাসী মরিয়ম ও অন্য মরিয়ম সমাধি দেখতে  
গেলেন। 2 সেখানে এক প্রচণ্ড ভূমিকম্প হল, কারণ প্রভুর এক দৃত স্বর্গ  
থেকে নেমে এলেন। তিনি সমাধির কাছে গিয়ে সেই পাথরটি গড়িয়ে  
দিলেন ও তাঁর উপরে বসলেন। 3 তাঁর বন্ধু ছিল বিদ্যুতের মতো  
এবং তাঁর পোশাক ছিল তুষারের মতো ধৰ্বধরে সাদা। 4 তাঁকে দেখে  
প্রহরীরা এত ভয়ভীত হয়েছিল, যে তারা কাঁপতে লাগল ও মরার মতো  
পড়ে রইল। 5 স্বর্গদৃত সেই মহিলাদের বললেন, “তোমরা ভয় পেয়ো  
না, কারণ আমি জানি, তোমরা যীশুর অন্বেষণ করছ, যিনি ক্রুশার্পিত  
হয়েছিলেন। 6 তিনি এখানে নেই, তিনি মৃত্যু থেকে বেঁচে উঠেছেন,  
যেমন তিনি বলেছিলেন। এসো, তিনি যেখানে শায়িত ছিলেন, সেই  
স্থানটি দেখবে। 7 তারপর দ্রুত গিয়ে তাঁর শিষ্যদের বলো, ‘তিনি  
মৃতলোক থেকে জীবিত হয়ে উঠেছেন এবং তোমাদের আগেই গালীলে  
যাচ্ছেন। সেখানে তোমরা তাঁকে দেখতে পাবে।’ মনে রাখবে, যে কথা  
আমি তোমাদের বললাম।” 8 তাই সেই মহিলারা ভীত, অথচ আনন্দে  
পূর্ণ হয়ে দ্রুত সমাধি ছেড়ে চলে গেলেন ও তাঁর শিষ্যদের সংবাদ  
দেওয়ার জন্য দৌড়ে গেলেন। 9 হঠাৎ যীশু তাঁদের সঙ্গে সাক্ষাৎ করে  
বললেন, “তোমাদের কল্যাণ হোক।” তারা এগিয়ে এসে তাঁর পা-

দুখানি জড়িয়ে ধরলেন ও তাঁকে প্রণাম করলেন। 10 তখন যীশু তাঁদের বললেন, “তোমরা ভয় পেয়ো না। যাও, আমার ভাইদের গালীলে যেতে বলো; সেখানে তারা আমার দর্শন পাবে।” 11 সেই মহিলারা যখন পথে যাচ্ছেন, প্রহরীদের কয়েকজন নগরে প্রবেশ করে প্রধান যাজকদের সমস্ত ঘটনার বিবরণ দিল। 12 প্রধান যাজকেরা প্রাচীনবর্গের সঙ্গে মিলিত হয়ে এক কুমন্ত্রণা করল। তারা সেই সৈন্যদের প্রচুর পরিমাণে অর্থ দিল, 13 তাঁদের বলল, “তোমাদের বলতে হবে, ‘রাত্রে আমরা যখন ঘুমিয়েছিলাম, তখন তার শিষ্যেরা এসে তাকে চুরি করে নিয়ে গেছে।’ 14 আর এই সংবাদ যদি প্রদেশপালের কাছে যায়, আমরাই তাঁকে বুঝিয়ে তোমাদের সংকটের সমাধান করব।” অতএব, সৈন্যরা সেই অর্থ নিয়ে তাঁদের নির্দেশমতো কাজ করল। 15 আর এই কাহিনি ব্যাপকরূপে ইহুদিদের মধ্যে রঞ্জিতে দেওয়া হল, যা আজও পর্যন্ত প্রচলিত আছে। 16 তাঁরপর সেই এগারোজন শিষ্য গালীলের সেই পর্বতে গোলেন, যেখানে যীশু তাঁদের যেতে বলেছিলেন। 17 তাঁরা তাঁকে দেখে প্রণাম করলেন, কিন্তু কেউ কেউ সন্দেহ প্রকাশ করলেন। 18 তখন যীশু তাঁদের কাছে এসে বললেন, “স্বর্গে ও পৃথিবীতে সমস্ত কর্তৃত্ব আমাকে দেওয়া হয়েছে। 19 অতএব, তোমরা যাও ও সমস্ত জাতিকে শিষ্য করো, পিতা ও পুত্র ও পরিব্রান্ত আত্মার নামে তাঁদের বাণিজ্য দাও। 20 আর আমি তোমাদের যে সমস্ত আদেশ দিয়েছি, সেগুলি পালন করার জন্য তাঁদের শিক্ষা দাও। আর আমি নিশ্চিতরূপে, যুগান্ত পর্যন্ত নিত্য তোমাদের সঙ্গে সঙ্গে আছি।” (াইটন গ 165)

## মার্ক

১ ঈশ্বরের পুত্র যীশু খ্রীষ্টের সুসমাচারের সূচনা। ২ ভাববাদী যিশাইয়ের গ্রন্থে লেখা আছে: “আমি আমার বার্তাবাহককে তোমার আগে পাঠাব, যে তোমার পথ প্রস্তুত করবে” — ৩ “মরণপ্রাপ্তরে একজনের কর্তৃস্বর আহ্বান করছে, তোমরা প্রভুর জন্য পথ প্রস্তুত করো, তাঁর জন্য রাজপথগুলি সরল করো।” ৪ আর তাই যোহন মরণপ্রাপ্তরে এসে জলে বাণিজ্য দিতে এবং মন পরিবর্তন, অর্থাৎ পাপক্ষমার জন্য বাণিজ্য বিষয়ক বাণী প্রচার করতে লাগলেন। ৫ সমগ্র যিহুদিয়ার গ্রামাঞ্চল ও জেরুশালেম নগরের সমস্ত লোক তাঁর কাছে যেতে লাগল। তারা নিজের নিজের পাপস্থীকার করে জর্ডন নদীতে তাঁর কাছে বাণিজ্য নিতে লাগল। ৬ যোহন উটের লোমে তৈরি পোশাক এবং কোমরে এক চামড়ার বেল্ট পরতেন। তাঁর খাদ্য ছিল পঙ্গপাল ও বনমধু। ৭ আর তিনি প্রচার করতেন: “যিনি আমার পরে আসছেন, তিনি আমার চেয়েও পরাক্রমশালী, নত হয়ে যাঁর চিত্তজুতোর ফিতেটুকু খোলারও যোগ্যতা আমার নেই। ৮ আমি তোমাদের জলে বাণিজ্য দিচ্ছি, কিন্তু তিনি তোমাদের পবিত্র আত্মায় বাণিজ্য দেবেন।” ৯ সেই সময় যীশু গালীল প্রদেশের অস্তর্গত নাসরৎ নগর থেকে এলেন এবং যোহনের কাছে জর্ডন নদীতে বাণিজ্য নিলেন। ১০ যীশু জলের মধ্য থেকে উঠে আসা মাত্র দেখলেন, আকাশ উন্মুক্ত হয়ে গেছে এবং পবিত্র আত্মা কপোতের মতো তাঁর উপরে অবতরণ করছেন। ১১ আর সেই মুহূর্তে স্বর্গ থেকে এক স্বর ধ্বনিত হল: “তুমি আমার পুত্র, আমি তোমাকে প্রেম করি, তোমারই উপর আমি পরম প্রসন্ন।” ১২ ঠিক এর পরেই পবিত্র আত্মা তাঁকে মরণপ্রাপ্তরে পাঠিয়ে দিলেন ১৩ এবং সেই মরণপ্রাপ্তরে চল্লিশ দিন থাকার সময় যীশু শয়তানের দ্বারা প্রলোভিত হলেন। তখন তাঁর চারপাশে ছিল বন্যপশু, আর স্বর্গদূতেরা তাঁর পরিচর্যা করলেন। ১৪ যোহন কারাগারে বন্দি হওয়ার পর, যীশু গালীলে গিয়ে ঈশ্বরের সুসমাচার প্রচার করতে লাগলেন এবং বললেন: ১৫ “কাল পূর্ণ হয়েছে, তাই ঈশ্বরের রাজ্য সন্নিকট। তোমরা মন পরিবর্তন করো ও সুসমাচারে বিশ্বাস করো।” ১৬ পরে গালীল সাগরের তীর ধরে

হেঁটে যাওয়ার সময় যীশু, শিমোন ও তাঁর ভাই আন্দ্রিয়কে দেখতে পেলেন। তাঁরা সাগরের জলে জাল ফেলছিলেন, কারণ তাঁরা ছিলেন মৎস্যজীবী। 17 যীশু বললেন, “এসো, আমাকে অনুসরণ করো, আমি তোমাদের মানুষ-ধরা জলে করব।” 18 সেই মুহূর্তেই তাঁরা জাল ফেলে তাঁকে অনুসরণ করলেন। 19 আরও কিছুটা পথ অতিক্রম করার পর যীশু সিবদিয়ের ছেলে যাকোব ও তাঁর ভাই যোহনকে দেখতে পেলেন। তাঁরা দুজন নৌকায় বসে জাল মেরামত করছিলেন। 20 যীশু তখনই তাঁদের ডাক দিলেন এবং তাঁরা মজুরদের সঙ্গে তাঁদের বাবা সিবদিয়কে নৌকায় পরিত্যাগ করে যীশুকে অনুসরণ করলেন। 21 এরপর তাঁরা সবাই কফরনাহুমে গেলেন। পরবর্তী সাবাথ অর্থাৎ বিশ্রামদিনে যীশু সমাজভবনে গিয়ে লোকদের শিক্ষা দিতে শুরু করলেন। 22 তাঁর শিক্ষায় লোকেরা বিস্মিত হল, কারণ তিনি ক্ষমতাপূর্ণ ব্যক্তির মতো শিক্ষা দিতেন, প্রথাগত শাস্ত্রবিদদের মতো নয়। 23 সেই সময় সমাজভবনে উপস্থিত মন্দ-আত্মাগ্রস্ত এক ব্যক্তি চিৎকার করে উঠল, 24 “নাসরতের যীশু, আপনি আমাদের নিয়ে কি করতে চান? আপনি কি আমাদের ধর্ম করতে এসেছেন? আমি জানি আপনি কে—ঈশ্বরের সেই পবিত্রজন!” 25 যীশু তাকে কঠোরভাবে ধরক দিয়ে বললেন, “চুপ করো! ওর ভিতর থেকে বেরিয়ে এসো।” 26 তখন সেই মন্দ-আত্মা চিৎকার করে লোকটির মধ্য থেকে বেরিয়ে গেল। 27 এই ঘটনায় লোকেরা এমনই অবাক হল যে, তারা পরম্পর বলাবলি করল, “এ কী? এ তো এক নতুন ধরনের শিক্ষা—আর কী কর্তৃত্বপূর্ণ! এমনকি, ইনি কেমন কর্তৃত্ব সহকারে মন্দ-আত্মাদের আদেশ দেন, আর তারাও তাঁর আজ্ঞা পালন করে!” 28 অচিরেই যীশুর এসব কীর্তি ও বাণী সমগ্র গালীল অঞ্চলে দ্রুত ছড়িয়ে পড়ল। 29 যীশু সমাজভবন ত্যাগ করার সঙ্গে সঙ্গে যাকোব ও যোহনকে সঙ্গে নিয়ে শিমোন ও আন্দ্রিয়ের বাড়িতে গেলেন। 30 সেই সময় শিমোনের শাশুড়ি জরে শয্যাশয়ী হয়ে পড়েছিলেন, যাঁর বিষয়ে যীশুকে তাঁরা জানালেন। 31 তাই তিনি প্রথমেই শিমোনের শাশুড়ির কাছে গেলেন, তাঁর হাত ধরলেন ও তাঁকে উঠে বসতে সাহায্য করলেন। তক্ষনি

শিমোনের শাশ্বতির জ্বর ছেড়ে গেল এবং তিনি তাঁদের আপ্যায়ন  
করতে লাগলেন। 32 সেদিন সন্ধ্যায় সূর্য অস্ত যাওয়ার পর, স্থানীয়  
লোকেরা সমস্ত পীড়িত ও ভূতগ্রস্তদের যীশুর কাছে নিয়ে এল। 33  
ফলে শিমোনের বাড়ির দরজায় সমস্ত নগরের লোক এসে জড়ো হল  
34 এবং যীশু বিভিন্ন ধরনের রোগে আক্রান্ত অসংখ্য মানুষকে সুস্থ  
করলেন। বহু ভূতকেও তিনি তাড়ালেন, কিন্তু ভূতদের তিনি কোনো  
কথা বলতে দিলেন না, কারণ তারা জানত যে তিনি কে। 35 পরদিন  
খুব ভোরে, রাত পোহাবার অনেক আগে, যীশু উঠে পড়লেন এবং  
বাড়ি ছেড়ে এক নির্জন স্থানে গিয়ে প্রার্থনা করতে শুরু করলেন। 36  
এদিকে শিমোন ও তাঁর সঙ্গীসাথীরা তাঁকে খুঁজতে বের হলেন। 37  
তাঁকে দেখতে পেয়ে তাঁরা উৎফুল্ল কঢ়ে চিন্কার করে উঠলেন, “সবাই  
আপনার খোঁজ করছে।” 38 যীশু উন্নত দিলেন, “চলো, আমরা অন্য  
কোথাও—কাছের গ্রামগুলিতে যাই, যেন ওইসব জায়গাতেও আমি  
বাণী প্রচার করতে পারি, কারণ সেজন্যই আমি এসেছি।” 39 অতএব  
তিনি গালীলের সর্বত্র বিভিন্ন সমাজভবনে গিয়ে বাণী প্রচার করলেন ও  
ভূতে ধরা লোকদের সুস্থ করে তুললেন। 40 একবার একজন কুঠরোগী  
যীশুর কাছে এসে নতজানু হয়ে মিনতি করল, “প্রভু, আপনি ইচ্ছা  
করলেই আমাকে শুচিশুদ্ধ করতে পারেন।” 41 করণ্যায় পূর্ণ হয়ে যীশু  
তাঁর হাত বাড়িয়ে সেই ব্যক্তিকে স্পর্শ করলেন। বললেন, “আমার  
ইচ্ছা, তুমি শুচিশুদ্ধ হও।” 42 সঙ্গে সঙ্গে তার কুঠ মিলিয়ে গেল,  
সে শুচিশুদ্ধ হয়ে উঠল। 43 যীশু তাকে তক্ষুনি অন্যত্র পাঠিয়ে এই  
বলে দৃঢ়ভাবে সতর্ক করে দিলেন, 44 “দেখো, তুমি একথা কাউকে  
বোলো না; কিন্তু যাজকদের কাছে গিয়ে নিজেকে দেখাও এবং তোমার  
শুচিশুদ্ধ হওয়ার বিষয়ে তাদের কাছে সাক্ষ্য দেওয়ার জন্য মোশির  
আদেশমতো নৈবেদ্য উৎসর্গ করো।” 45 কিন্তু সে তা না করে, ফিরে  
গিয়ে মুক্তকঢ়ে ঘটনাটির কথা সবাইকে বলে বেড়াতে লাগল, ফলে  
এই সংবাদ সর্বত্র ছড়িয়ে পড়ল। এর ফলে যীশু আর কোনো নগরে  
প্রকাশ্যে প্রবেশ করতে পারলেন না; নগরের বাইরে নির্জন স্থানেই

তিনি থাকতে লাগলেন। তরুও বিভিন্ন জায়গা থেকে দলে দলে মানুষ  
তাঁর কাছে আসতে লাগল।

২ কয়েক দিন পরে যীশু যখন আবার কফরনাহুমে প্রবেশ করলেন,  
তখন সেখানকার লোকজনেরা জানতে পারল যে, তিনি বাড়িতে  
এসেছেন। ৩ ফলে সেই বাড়িতে অসংখ্য লোক জড়ো হল; এমনকি,  
দরজার বাইরেও তিল ধারণের স্থান রইল না। যীশু তাদের কাছে  
ঈশ্বরের বাণী প্রচার করলেন। ৪ সেই সময় একদল লোক চারজন  
বাহকের সাহায্যে এক পক্ষাঘাতগ্রস্ত ব্যক্তিকে যীশুর কাছে নিয়ে  
আসতে চাইছিল। ৫ কিন্তু ভিড়ের জন্য তারা কিছুতেই যীশুর কাছে  
পৌঁছাতে পারছিল না; ফলে, যীশুর ঠিক মাথার উপরের ছাদ খুলে  
তারা পক্ষাঘাতগ্রস্ত ব্যক্তিকে খাটে শুইয়ে ঘরের মধ্যে নামিয়ে দিল। ৬  
তাদের এই ধরনের বিশ্বাস দেখে যীশু পক্ষাঘাতগ্রস্ত ব্যক্তিকে বললেন  
“বৎস, তোমার সব পাপ ক্ষমা করা হল।” ৭ সেখানে কয়েকজন  
শাস্ত্রবিদ বসেছিল। তারা মনে মনে ভাবল, “লোকটা এভাবে কথা  
বলছে কেন? এ তো ঈশ্বরনিন্দা! কেবলমাত্র ঈশ্বর ছাড়া আর কে পাপ  
ক্ষমা করতে পারে?” ৮ তাদের মনের এই কথা যীশু তক্ষুনি তাঁর  
অতরে বুঝতে পেরে তাদের বললেন, “তোমরা এসব কথা চিন্তা করছ  
কেন? ৯ পক্ষাঘাতগ্রস্ত রোগীকে কোন কথাটি বলা সহজ, ‘তোমার  
পাপ ক্ষমা করা হল’ বলা, নাকি ‘ওঠো, তোমার বিছানা তুলে নিয়ে ঘরে  
চলে যাও’ বলা? ১০ কিন্তু আমি চাই যেন তোমরা জানতে পারো যে  
পৃথিবীতে পাপ ক্ষমা করার অধিকার মনুষ্যপুত্রের আছে” এই বলে  
তিনি সেই পক্ষাঘাতগ্রস্ত ব্যক্তিকে বললেন, ১১ “ওঠো, তোমার খাট  
তুলে বাড়ি চলে যাও।” ১২ লোকটি সঙ্গে সঙ্গে উঠে তার খাট তুলে  
নিয়ে সকলের চোখের সামনে দিয়ে ঘরের বাইরে হেঁটে চলে গেল।  
এই দৃশ্য দেখে সবাই বিস্ময়ে অভিভূত হল এবং তারা ঈশ্বরের প্রশংসা  
করে বলতে লাগল, “এরকম ঘটনা আমরা কখনও দেখিনি।” ১৩  
যীশু আবার গালীল সাগরের তীরে চলে গেলেন। সেখানে অনেক  
লোক তাঁর কাছে এসে উপস্থিত হল এবং তিনি তাদের শিক্ষা দিতে  
লাগলেন। ১৪ এরপর সেখান থেকে ফেরার পথে যীশু দেখলেন,

আলফেয়ের পুত্র লেবি কর আদায়ের চালাঘরে বসে আছেন। যীশু  
তাঁকে বললেন, “আমাকে অনুসরণ করো।” লেবি তখনই উঠে পড়লেন  
ও তাঁকে অনুসরণ করতে লাগলেন। 15 লেবির বাড়িতে যীশু যখন  
রাতের খাওয়া খেতে বসেছিলেন, তখন বহু কর আদায়কারী ও পাপী  
মানুষ এসে যীশু ও তাঁর শিষ্যদের সঙ্গে খেতে বসল। কারণ তাদের  
মধ্যে অনেকেই যীশুর অনুগামী ছিল। 16 পাপী ও কর আদায়কারীদের  
সঙ্গে ওইভাবে পাশাপাশি বসে যীশুকে খাওয়াদাওয়া করতে দেখে,  
কয়েকজন শাস্ত্রবিদ ফরিশী যীশুর শিষ্যদের জিঙ্গসা করল, “তিনি  
এইসব কর আদায়কারী ও পাপীদের সঙ্গে বসে কেন খাওয়াদাওয়া  
করেন?” 17 একথা শুনে যীশু তাদের বললেন, “পীড়িত ব্যক্তিরই  
চিকিৎসকের প্রয়োজন, সুস্থ ব্যক্তির নয়। আমি ধার্মিকদের নয়, কিন্তু  
পাপীদের আহ্বান করতে এসেছি।” 18 একদিন বাণিজ্যদাতা যোহনের  
শিষ্যেরা ও ফরিশীরা উপোস করছিল। তখন কয়েকজন ব্যক্তি এসে  
জিঙ্গসা করল, “যোহন আর ফরিশীদের শিষ্যেরা উপোস করে, কিন্তু  
আপনার শিষ্যেরা করে না, এ কেমন কথা?” 19 যীশু উত্তর দিলেন,  
“বর সঙ্গে থাকতে তার অতিথিরা কীভাবে উপোস করতে পারে?  
যতদিন বর তাদের সঙ্গে থাকবে ততদিন তারা তা করতে পারবে না।  
20 কিন্তু সময় আসবে, যেদিন বরকে তাদের মধ্য থেকে সরিয়ে নেওয়া  
হবে; এবং সেদিনই তারা উপোস করবে। 21 “পুরোনো পোশাকে কেউ  
নতুন কাপড়ের তালি লাগায় না। তা করলে নতুন কাপড়ের টুকরোটি  
পুরোনো পোশাক থেকে ছিঁড়ে বেরিয়ে আসবে ও সেই ছিদ্র আরও  
বড়ো হয়ে উঠবে। 22 তেমনই পুরোনো চামড়ার সুরাধারে কেউ নতুন  
সুরা রাখে না। তা করলে সুরাধারের চামড়া ফেটে যাবে। তাতে সুরা  
এবং সুরাধার দুটিই নষ্ট হবে—তাই নতুন সুরা নতুন সুরাধারেই রাখতে  
হবে।” 23 এক বিশ্রামদিনে যীশু শস্যক্ষেত্রের মধ্য দিয়ে যাচ্ছিলেন।  
সেই সময় তাঁর শিষ্যেরা শস্যের শিষ ছিঁড়তে লাগলেন। 24 তা দেখে  
ফরিশীরা যীশুকে বলল, “আচ্ছা, বিশ্রামদিনে যা করা বিধিসংগত  
নয়, তা আপনার শিষ্যেরা করছে কেন?” 25 তিনি উত্তর দিলেন,  
“যখন দাউদ ও তাঁর সঙ্গীরা ক্ষুধার্ত ছিলেন, তখন খাদ্যের প্রয়োজনে

তাঁরা কী করেছিলেন, তা কি তোমরা কখনও পাঠ করোনি? 26

মহাযাজক অবিয়াথরের সময়ে তিনি ঈশ্বরের গৃহে প্রবেশ করেছিলেন

এবং সেই পবিত্র রংটি খেয়েছিলেন যা করা একমাত্র যাজকদের পক্ষেই

বিধিসংগত ছিল। এমনকি তিনি তাঁর সঙ্গীদেরও দিয়েছিলেন।” 27

তারপর তিনি তাদের বললেন, “বিশ্রামদিন সৃষ্টি হয়েছে মানুষের জন্য,

মানুষ বিশ্রামদিনের জন্য সৃষ্টি হয়নি। 28 অতএব, মনুষ্যপুত্রই হলেন

বিশ্রামদিনের পত্র।”

**৩** অন্য এক সময়ে যীশু সমাজভবনে গেলেন। সেখানে এক লোক ছিল, যার একটি হাত শুকিয়ে গিয়েছিল। ২ কয়েকজন ফরিশী যীশুকে অভিযুক্ত করার সুযোগ খুঁজে বেড়াচ্ছিল। যীশু বিশ্রামদিনে লোকটিকে সুস্থ করেন কি না, দেখার জন্য তারা তাঁর উপর সতর্ক দৃষ্টি রাখল। ৩ যার হাত শুকিয়ে গিয়েছিল, তাকে যীশু বললেন, “তুমি সবার সামনে এসে দাঁড়াও।” ৪ এরপর যীশু তাদের জিজ্ঞাসা করলেন, “বিশ্রামদিনে কী করা ন্যায়সংগত, ভালো কাজ করা, না মন্দ কাজ করা; জীবন রক্ষা করা, না হত্যা করা?” কিন্তু তারা নীরব হয়ে রইল। ৫ যীশু দ্রুদ্ধ দৃষ্টিতে তাদের সকলের দিকে তাকালেন এবং তাদের হৃদয়ের তীব্র কার্ত্তিন্যের জন্য তিনি গভীর বেদনায় লোকটিকে বললেন, “তোমার হাত বাড়িয়ে দাও।” লোকটি হাত বাড়িয়ে দিল, সঙ্গে সঙ্গে তার হাত আগের মতো সম্পূর্ণ সুস্থ হয়ে গেল। ৬ এরপর ফরিশীরা বেরিয়ে গেল এবং হেরোদীয় সম্প্রদায়ের সঙ্গে ঘড়্যন্ত করতে শুরু করল যে, কীভাবে যীশুকে হত্যা করা যায়। ৭ যীশু তাঁর শিষ্যদের নিয়ে গালীল সাগরের দিকে চলে গেলেন। গালীল থেকে অনেক লোক তাঁকে সেখানে অনুসরণ করল। ৮ তারা যখন যীশুর সমষ্টি কীর্তির কথা শুনল, তখন যিহূদিয়া, জেরুশালেম, ইন্দুমিয়া, জর্ডনের অপর পারের অঞ্চল এমনকি টায়ার ও সৌদীনের চারদিক থেকে অসংখ্য মানুষ তাঁর কাছে এসে জড়ো হল। ৯ এই বিপুল সংখ্যক লোক দেখে যীশু তাঁর শিষ্যদের বললেন, তাঁর জন্য একটি ছোটো নৌকা প্রস্তুত রাখতে, যেন এত ভিড়ের চাপ তাঁর উপরে এসে না পড়ে। ১০ যেহেতু যীশু এর আগে বহু লোককে সুস্থ করেছিলেন, তাই অসংখ্য রোগী তাঁকে

একবার স্পর্শ করার জন্য ঠেলাঠেলি করে সামনে এগোতে চাইছিল।

১১ তাদের মধ্যে মন্দ-আত্মাগ্রস্ত ব্যক্তিরা তাঁকে দেখে তাঁর সামনে  
লুটিয়ে পড়ে চিৎকার করে বলছিল, “আপনিই সেই ঈশ্বরের পুত্র।” ১২  
যীশু কিন্তু তাদের কঠোর নির্দেশ দিলেন, তারা যেন কাউকে না বলে  
যে, আসলে তিনি কে। ১৩ পরে যীশু এক পাহাড়ে উঠলেন ও তিনি  
যাদের ইচ্ছা করলেন তাঁদের কাছে আহ্বান করলেন, এবং তারা তাঁর  
কাছে এগিয়ে এলেন। ১৪ তিনি বারোজন শিষ্যকে নিয়োগ করলেন ও  
তাঁদের “প্রেরিতশিষ্য” বলে ডাকলেন যেন তাঁরা তাঁর সঙ্গে সঙ্গে থাকেন  
ও তিনি যেন তাঁদের প্রচারের কাজে চারদিকে পাঠাতে পারেন ১৫ এবং  
তাঁরা যেন ভূত তাড়ানোর ক্ষমতাপ্রাপ্ত হন। ১৬ যে বারোজনকে তিনি  
প্রেরিতশিষ্য পদে নিয়োগ করলেন, তাঁরা হলেন: শিমোন (যাঁকে তিনি  
নাম দিয়েছিলেন পিতর), ১৭ সিবদিয়ের পুত্র যাকোব ও তাঁর ভাই  
যোহন (তিনি যাঁদের নাম দিয়েছিলেন বোনেরগশ, এর অর্থ, বজ্রতনয়);  
১৮ আন্দ্রিয়, ফিলিপ, বর্থলময়, মথি, থোমা, আলফেয়ের পুত্র যাকোব,  
খদ্দেয়, জিলট দলভুক্ত শিমোন, ১৯ এবং যিহুদা ইস্কারিয়োৎ, যে  
যীশুর সঙ্গে বিশ্বাসঘাতকতা করেছিল। ২০ এরপর যীশু এক বাড়িতে  
প্রবেশ করলেন, কিন্তু সেখানেও আবার এত লোক ভিড় জমালো  
যে, তিনি ও তাঁর শিষ্যেরা খাওয়াদাওয়া করার সময়ই পেলেন না।

২১ এসব ঘটনার কথা শুনে যীশুর আত্মায় পরিজনেরা বলল, “ওর  
বুদ্ধিভূম হয়েছে।” এই বলে তারা তাঁকে ধরে আনতে গেল। ২২ আর  
জেরুশালেম থেকে যেসব শাস্ত্রবিদ এসেছিল, তারা বলল, “ওর উপর  
বেলসবুল ভর করেছে। ভূতদের অধিপতির সাহায্যেই ও ভূতদের  
দূর করছে।” ২৩ যীশু তখন তাদের ডাকলেন ও রূপকের আশ্রয়ে  
তাদের বললেন, “শয়তান কীভাবে শয়তানকে দূর করতে পারে? ২৪  
কোনো রাজ্য যদি নিজের বিপক্ষে বিভক্ত হয়, তাহলে সেই রাজ্য  
টিকে থাকতে পারে না। ২৫ আবার একটি পরিবার যদি নিজেরই  
বিরোধিতা করে, তাহলে সেই পরিবারও টিকে থাকতে পারে না। ২৬  
এভাবে শয়তান যদি নিজেরই বিরুদ্ধে যায় ও বিভক্ত হয়, তাহলে  
সেও আর টিকে থাকতে পারে না। অর্থাৎ তার সমাপ্তি সম্ভিকট। ২৭

বন্ধুত, শক্তিশালী ব্যক্তির ধনসম্পত্তি লুট করতে হলে, প্রথমেই তাকে  
বেঁধে ফেলতে হয়, তা না হলে তার ঘরে চুকে তার সম্পত্তি লুট করা  
অসম্ভব। 28 আমি তোমাদের সত্যিই বলছি, মানুষের সব পাপ ও  
ঈশ্বরনিন্দা ক্ষমা করা হবে, 29 কিন্তু পবিত্র আত্মার নিন্দা যে করবে,  
তাকে কোনো কালেই ক্ষমা করা হবে না, বরং সে হবে অনন্ত পাপের  
অপরাধী।” (aiōn g165, aiōnios g166) 30 তাঁর একথা বলার কারণ হল,  
শাস্ত্রবিদরা বলেছিল, “ওর মধ্যে মন্দ-আত্মা ভর করেছে।” 31 তখন  
যীশুর মা ও ভাইয়েরা সেখানে এসে পৌঁছালেন। তাঁরা ঘরের বাইরে  
দাঁড়িয়ে যীশুকে ডেকে আনার জন্য একজনকে ভিতরে পাঠালেন। 32  
সেই সময় যীশুর চারপাশে বহু মানুষ ভিড় করে বসেছিল। তারা তাঁকে  
বলল, “আপনার মা ও ভাইয়েরা বাইরে দাঁড়িয়ে আছেন এবং আপনার  
খোঁজ করছেন।” 33 তিনি প্রশ্ন করলেন, “কে আমার মা? আর আমার  
ভাইয়েরাই বা কারা?” 34 তারপর, যারা তাঁর চারপাশে গোল করে  
বসেছিল, তাদের দিকে তাকিয়ে তিনি বললেন, “এরাই হল আমার  
মা ও ভাইয়েরা! 35 কারণ যে কেউ ঈশ্বরের ইচ্ছা পালন করে, সেই  
আমার ভাই ও বোন এবং মা।”

4 যীশু আবার সাগরের তীরে গিয়ে শিক্ষা দেওয়া শুরু করলেন।  
সেখানে তাঁর চারপাশে এত লোক এসে ভিড় করল যে, তিনি সাগরের  
উপরে একটি নৌকায় উঠলেন ও তার উপরে বসলেন, লোকেরা রইল  
সাগরের তীরে, জলের কিনারায়। 2 তিনি রূপকের মাধ্যমে বহু বিষয়ে  
তাদের শিক্ষা দিলেন। তাঁর উপদেশে তিনি বললেন, 3 “শোনো!  
একজন কৃষক তার বীজবপন করতে গেল। 4 সে যখন বীজ ছড়াচ্ছিল,  
কিছু বীজ পথের ধারে পড়ল। আর পাথিরা এসে তা খেয়ে ফেলল।  
5 কিছু বীজ পাথুরে জমিতে পড়ল, যেখানে মাটি গভীর ছিল না।  
মাটি অগভীর থাকাতে সেগুলো দ্রুত অঙ্কুরিত হল। 6 কিন্তু যখন সূর্য  
উঠল চারাগুলি ঝলসে গেল এবং মূল না থাকাতে সেগুলি শুকিয়ে  
গেল। 7 অন্য কিছু বীজ পড়ল কাঁটাবোপের মধ্যে। সেগুলি বৃদ্ধি পেলে  
কাঁটাবোপ তাদের চেপে রাখল, ফলে সেগুলিতে কোনও দানা হল না।  
8 আরও কিছু বীজ পড়ল উৎকৃষ্ট জমিতে। সেগুলির অঙ্কুরোদগম হল,

বৃদ্ধি পেল এবং ত্রিশণ্গ, ষাটগুণ, এমনকি, শতগুণ পর্যন্ত শস্য উৎপন্ন হল।” 9 এরপর যীশু বললেন, “যার শোনবার মতো কান আছে, সে শুনুক।” 10 যীশু যখন একা ছিলেন, তখন সেই বারোজনের সঙ্গে তাঁর চারপাশে থাকা মানুষেরা এই রূপকটি সম্বন্ধে তাঁকে জিজ্ঞাসা করলেন। 11 তিনি তাদের বললেন, “ঈশ্বরের রাজ্যের নিষ্ঠাতত্ত্বগুলি তোমাদের জানতে দেওয়া হয়েছে। কিন্তু যারা বাইরের মানুষ, তাদের কাছে সবকিছুই রূপকের আশ্রয়ে বলা হবে, 12 যেন, “‘তারা ক্রমেই দেখে যায়, কিন্তু কিছুই বুবাতে পারে না, আর সবসময় শুনতে থাকে, কিন্তু কখনও উপলব্ধি করে না, অন্যথায় তারা হয়তো ফিরে আসত ও পাপের ক্ষমা লাভ করত।’” 13 তারপর যীশু তাদের বললেন, “তোমরা কি এই রূপকটি বুবাতে পারছ না? তাহলে অন্য কোনো রূপক তোমরা কীভাবে বুবাবে? 14 কৃষক বাক্য-বীজ বপন করে। 15 কিছু মানুষ পথের ধারে থাকা লোকের মতো, যেখানে বীজবপন করা হয়েছিল। তারা তা শোনামাত্র, শয়তান এসে তাদের মধ্যে বপন করা বাক্য হরণ করে নেয়। 16 অন্য কিছু লোক পাথুরে জমিতে ছড়ানো বীজের মতো। তারা বাক্য শুনে তক্ষুনি তা আনন্দের সঙ্গে গ্রহণ করে। 17 কিন্তু যেহেতু সেগুলির মধ্যে শিকড় নেই, সেগুলি ক্ষণস্থায়ী হয়। বাক্যের কারণে যখন কষ্টসমস্যা বা নির্যাতন ঘটে, তারা দ্রুত পতিত হয়। 18 আরও কিছু লোক, কাঁটাবোপে ছড়ানো বীজের মতো। তারা বাক্য শ্রবণ করে, 19 কিন্তু এই জীবনের বিভিন্ন দুষ্কিঞ্চিৎ, ধনসম্পত্তি, ছলনা ও অন্য সব বিষয়ের কামনাবাসনা এসে উপস্থিত হলে, তা সেই বাক্যকে চেপে রাখে, ফলে তা ফলহীন হয়। (aiōn g165) 20 আর, যারা উৎকৃষ্ট জমিতে বপন করা বীজের মতো, তারা বাক্য শুনে তা গ্রহণ করে এবং যা বপন করা হয়েছিল, তার ত্রিশণ্গ, ষাটগুণ, এমনকি, শতগুণ পর্যন্ত ফল উৎপন্ন করে।” 21 তিনি তাদের বললেন, “তোমরা কি কোনো প্রদীপ এনে, তা কোনও গামলা বা খাটের নিচে রাখো? বরং তোমরা কি তা বাতিদানের উপরেই রাখো না? 22 এতে যা কিছু গুপ্ত থাকে, তা প্রকাশ পায় এবং যা কিছু লুকোনো থাকে, তা প্রকাশ্যে নিয়ে আসা হয়। 23 যদি কারও শোনবার মতো কান থাকে, সে শুনুক।” 24 তিনি বলে

চললেন, “তোমরা যা শুনছ, তা সতর্কভাবে বিবেচনা করে দেখো। যে মানদণ্ডে তোমরা পরিমাপ করবে, সেই একই মানদণ্ডে, কিংবা আরও কঠোর মানদণ্ডে তোমাদের পরিমাপ করা হবে। 25 যার আছে, তাকে আরও বেশি দেওয়া হবে, যার নেই, তার যেটুকু আছে, তাও তার কাছ থেকে নিয়ে নেওয়া হবে।” 26 তিনি আরও বললেন, “ঈশ্বরের রাজ্য এরকম। কোনো ব্যক্তি জমিতে বীজ ছড়ায়। 27 দিনরাত সে জেগে বা ঘুমিয়ে কাটালেও, বীজের অঙ্গুরোদগম হয় ও তা বেড়ে ওঠে। অথচ, কেমন করে তা হল, তার সে কিছুই বুঝতে পারে না। 28 মাটি নিজে থেকেই শস্য উৎপন্ন করে—প্রথমে অঙ্গুর, পরে শিষ, তারপর শিষের মধ্যে পরিণত দানা। 29 দানা পরিপক্ষ হলে, সে তক্ষুনি তাতে কাস্তে চালায়, কারণ শস্য কাটার সময় উপস্থিত হয়েছে।” 30 তিনি আবার বললেন, “আমরা কী বলব, ঈশ্বরের রাজ্য কীসের মতো? অথবা তা বর্ণনা করার জন্য আমরা কোন রূপক ব্যবহার করব? 31 এ যেন এক সর্বে বীজের মতো; তোমরা যতরকম বীজ জমিতে বোনো, তা সেগুলির মধ্যে ক্ষুদ্রতম। 32 তবুও বোনা হলে তা বৃদ্ধি পায় ও বাগানের অন্য সব গাছপালা থেকে বড়ো হয়ে ওঠে। এর শাখাগুলি এত বিশাল হয় যে, আকাশের পাখিরা এসে এর ছায়ায় বাসা বাঁধতে পারে।” 33 এ ধরনের আরও অনেক রূপকের মাধ্যমে, যীশু তাদের বুঝবার সামর্থ্য অনুযায়ী তাদের কাছে বাক্য প্রচার করলেন। 34 রূপক ব্যবহার না করে তিনি তাদের কাছে কোনো কথাই বললেন না। কিন্তু তিনি তাঁর শিষ্যদের সঙ্গে একান্তে থাকার সময়, তাঁদের কাছে সবকিছুই ব্যাখ্যা করতেন। 35 সেদিন সন্ধ্যা হলে যীশু তাঁর শিষ্যদের বললেন, “চলো আমরা ওপারে যাই।” 36 সকলকে পিছনে রেখে, যীশু যেভাবে নৌকায় ছিলেন, সেভাবেই তাঁকে নিয়ে শিষ্যেরা নৌকায় যাত্রা করলেন। তাঁর সঙ্গে আরও কয়েকটি নৌকা ছিল। 37 ভয়ংকর এক বাঢ়ি এসে উপস্থিত হল। টেউ নৌকার উপরে এমনভাবে আছড়ে পড়তে লাগল যে, নৌকা প্রায় জলে পূর্ণ হতে লাগল। 38 যীশু নৌকার পিছন দিকে একটি বালিশে মাথা রেখে ঘুমাচ্ছিলেন। শিষ্যেরা তাঁকে জাগিয়ে তুলে বললেন, “গুরুমহাশয়, আমরা ডুরে যাচ্ছি, আপনার কি

কেনও চিন্তা নেই?" 39 তিনি উঠে ঝাড়কে থেমে যাওয়ার আদেশ দিলেন ও টেক্টগুলিকে বললেন, "শান্ত হও! স্থির হও!" তখন ঝাড় থেমে গেল ও সবকিছু সম্পূর্ণ শান্ত হল। 40 তিনি তাঁর শিষ্যদের বললেন, "তোমরা এত ভয় পেলে কেন? তোমাদের কি এখনও কোনো বিশ্বাস নেই?" 41 আতঙ্কগ্রস্ত হয়ে তারা পরস্পর বলাবলি করতে লাগলেন, "ইনি তাহলে কে? ঝাড় ও টেক্ট যে এঁর আদেশ পালন করে!"

5 তারা গালীল সাগর আড়াআড়ি পার হয়ে গেরাসেনী অঞ্চলে পৌঁছালেন। 2 যীশু নৌকা থেকে নেমে এলে এক মন্দ-আত্মাগ্রস্ত ব্যক্তি কবরস্থান থেকে বের হয়ে তাঁর সঙ্গে সাক্ষাৎ করতে এল। 3 এই মানুষটি কবরস্থানে বাস করত। কেউ তাকে আর বেঁধে রাখতে পারত না, এমনকি, শিকল দিয়েও নয়। 4 কারণ তার হাত পা প্রায়ই শিকল দিয়ে বাঁধা হত, কিন্তু সে ওই শিকল ছিঁড়ে ফেলত এবং পায়ের লোহার বেড়িও ভেঙে ফেলত। তাকে বশ করার মতো শক্তি কারও ছিল না। 5 সে দিনরাত কবরস্থানে ও পাহাড়ে পাহাড়ে চিংকার করে বেড়াত এবং পাথর দিয়ে নিজেকে ক্ষতবিক্ষত করত। 6 সে দূর থেকে যীশুকে দেখতে পেয়ে দৌড়ে এসে তাঁর সামনে নতজানু হয়ে প্রণাম করল। 7 তারপর সে উচ্চকর্ত্তে চিংকার করে বলে উঠল, "হে পরাম্পর ঈশ্বরের পুত্র যীশু! আমাকে নিয়ে আপনি কী করতে চান? আমি আপনাকে ঈশ্বরের দিব্য দিয়ে বলছি, আমাকে যন্ত্রণা দেবেন না।" 8 কারণ যীশু তাকে ইতিমধ্যে বলেছিলেন, "ওহে মন্দ-আত্মা, এই মানুষটির ভিতর থেকে বেরিয়ে এসো!" 9 তারপর যীশু তাকে জিজ্ঞাসা করলেন, "তোমার নাম কী?" সে উত্তর দিল, "আমার নাম বাহিনী, কারণ আমাদের সংখ্যা অনেক।" 10 আর সে বারবার যীশুর কাছে অনুনয়-বিনয় করতে লাগল, যেন সেই এলাকা থেকে তিনি তাদের তাড়িয়ে না দেন। 11 অদূরে পাহাড়ের ঢালে বিশাল একপাল শূকর চরে বেড়াচ্ছিল। 12 ওই ভূতেরা যীশুর কাছে মিনতি করতে লাগল, "আমাদের ওই শূকরদের মধ্যে পাঠিয়ে দিন; ওদের ভিতরে প্রবেশ করার অনুমতি আমাদের দিন।" 13 তিনি তাদের যাওয়ার অনুমতি দিলেন। তখন মন্দ-আত্মারা বের হয়ে সেই শূকরদের মধ্যে

প্রবেশ করল। পালে প্রায় দুই হাজার শূকর ছিল। সেই শূকরের পাল  
হুদের ঢালু পাড় বেয়ে ছুটে গেল এবং হুদে ডুবে মরল। 14 যারা ওই  
শূকরদের চরাছিল, তারা দৌড়ে পালিয়ে গিয়ে নগরে ও গ্রামে-গঞ্জে  
এই বিষয়ের সংবাদ দিল। আর কী ঘটেছে, তা দেখার জন্য লোকেরা  
বেরিয়ে এল। 15 তারা যীশুর কাছে এসে দেখল, যে ব্যক্তির উপরে  
ভূত বাহিনী ভর করেছিল, সে পোশাক পরে সুবোধ হয়ে সেখানে  
বসে আছে। তারা সবাই তয় পেয়ে গেল। 16 প্রত্যক্ষদর্শীরা সেই  
ভূতগ্রস্ত ব্যক্তিটির ও সেই শূকরপালের পরিণতির কথা সকলকে বলতে  
লাগল। 17 তখন সেই লোকেরা তাদের অঞ্চল ছেড়ে চলে যাওয়ার  
জন্য যীশুকে অনুরোধ করল। 18 যীশু নৌকায় উঠতে যাচ্ছিলেন, এমন  
সময় সেই ব্যক্তি, যে ভূতগ্রস্ত ছিল, তাঁর সঙ্গে যাওয়ার জন্য অনুরোধ  
করল। 19 যীশু তাকে সেই অনুমতি দিলেন না, কিন্তু বললেন, “তুমি  
বাড়িতে তোমার পরিবারের কাছে যাও ও তাদের বলো, প্রভু তোমার  
জন্য যে যে মহান কাজ করেছেন এবং কেমন করে তিনি তোমার  
প্রতি দয়া প্রদর্শন করেছেন।” 20 তখন সে চলে গেল এবং যীশু তার  
জন্য যা করেছেন, সেকথা ডেকাপলিতে প্রচার করতে লাগল। আর  
সব মানুষই এতে চমৎকৃত হল। 21 যীশু যখন আবার নৌকায় উঠে  
আড়াআড়ি সাগরের অপর পারে গেলেন, সাগরের তীরে তখন তাঁর  
চারপাশে অনেক লোকের সমাবেশ হল। 22 সেই সময় যায়ীর নামে  
সমাজভবনের একজন অধ্যক্ষ সেখানে এলেন। যীশুকে দেখে তিনি  
তাঁর চরণে পতিত হলেন। 23 তিনি আকুলভাবে তাঁর কাছে অনুয়  
করলেন, “আমার ছোটো মেয়েটি মরণাপন্থ। আপনি দয়া করে আসুন  
ও তার উপরে হাত রাখুন, যেন সে আরোগ্য লাভ করে বাঁচতে পারে।”  
24 তাই যীশু তাঁর সঙ্গে চললেন। অনেক লোক তাঁকে অনুসরণ করছিল  
ও তারা চারপাশ থেকে ঠেলাঠেলি করে তাঁর উপরে প্রায় চেপে পড়তে  
লাগল। 25 সেখানে এক নারী ছিল, যে বারো বছর ধরে রক্তস্রাবের  
ব্যাধিতে ভুগছিল। 26 বহু চিকিৎসকের তত্ত্বাবধানে থেকে সে অনেক  
কষ্টভোগ করেছিল। সে তার সর্বস্ব ব্যয় করেছিল, কিন্তু ভালো হওয়ার  
পরিবর্তে তার অবস্থা ক্রমেই খারাপ হচ্ছিল। 27 যীশুর কথা শুনে

ভিড়ের মধ্যে সে পিছন দিকে এল এবং তাঁর পোশাক স্পর্শ করল। 28  
কারণ সে ভেবেছিল, “আমি যদি কেবলমাত্র তাঁর পোশাকটি স্পর্শ  
করতে পারি, তাহলেই আমি সুস্থ হয়ে যাব।” 29 আর তঙ্গুনি তার  
রক্তক্ষরণ বন্ধ হয়ে গেল এবং সে শরীরে অনুভব করল যে, সে তার  
কষ্ট থেকে মুক্তি পেয়েছে। 30 সেই মুহূর্তে যীশু উপলব্ধি করলেন  
যে, তাঁর মধ্য থেকে শক্তি নির্গত হয়েছে। তিনি পিছনে লোকদের  
দিকে ঘুরে বললেন, “কে আমার পোশাক স্পর্শ করেছে?” 31 তাঁর  
শিয়েরা উত্তর দিলেন, “আপনি দেখতে পাচ্ছেন, লোকেরা আপনার  
উপর চাপাচাপি করে পড়ছে, তবুও আপনি জিজ্ঞাসা করছেন, ‘কে  
আমাকে স্পর্শ করল?’” 32 কিন্তু যীশু চারদিকে তাকিয়ে দেখতে  
লাগলেন, কে এই কাজ করেছে। 33 তখন সেই নারী, তার প্রতি  
কী ঘটেছে জেনে, যীশুর কাছে এসে তাঁর চরণে লুটিয়ে পড়ল। সে  
ভয়ে কাঁপতে কাঁপতে সমস্ত সত্য তাঁকে জানাল। 34 যীশু তাকে  
বললেন, “কন্যা, তোমার বিশ্বাসই তোমাকে সুস্থ করেছে। শান্তিতে  
ফিরে যাও ও তোমার কষ্ট থেকে মুক্তি পাও।” 35 যীশু তখনও কথা  
বলছেন, এমন সময় সমাজভবনের অধ্যক্ষ যায়ারের বাড়ি থেকে  
কয়েকজন লোক এসে উপস্থিত হল। তারা বলল, “আপনার মেয়ের  
মৃত্যু হয়েছে। আর কেন গুরুমহাশয়কে বিব্রত করছেন?” 36 তাদের  
কথা অগ্রাহ্য করে যীশু সেই অধ্যক্ষকে বললেন, “ভয় পেয়ো না, শুধু  
বিশ্বাস করো।” 37 তিনি পিতর, যাকোব ও যাকোবের ভাই যোহন,  
এই তিনজন ছাড়া আর কাউকে তাঁর সঙ্গে যেতে দিলেন না। 38 তাঁরা  
সেই অধ্যক্ষের বাড়িতে এলে যীশু দেখলেন, সেখানে প্রচণ্ড হৃষ্টগোল  
হচ্ছে, লোকেরা কাঁদছে ও তারম্বরে বিলাপ করছে। 39 তিনি ভিতরে  
প্রবেশ করে তাদের বললেন, “তোমরা এত হৈ হৃষ্টগোল ও বিলাপ  
করছ কেন? মেয়েটি মরেনি, ও ঘুমিয়ে আছে।” 40 তারা কিন্তু তাঁকে  
উপহাস করল। তাদের সবাইকে বের করে দিয়ে তিনি মেয়েটির বাবা-  
মা ও তাঁর সঙ্গী শিষ্যদের সঙ্গে নিয়ে মেয়েটি ভিতরে যেখানে ছিল,  
সেখানে গেলেন। 41 তিনি তার হাত ধরে তাকে বললেন, “টালিথা  
কওম!” (এর অর্থ, “খুকুমণি, আমি তোমাকে বলছি, ওঠো”) 42 সঙ্গে

সঙ্গে মেয়েটি উঠে দাঁড়াল ও চারদিকে ঘুরে বেড়াতে লাগল (তার বয়স  
ছিল বারো বছর)। এতে তারা সম্পূর্ণরূপে বিস্ময়-বিহুল হয়ে পড়ল।  
৪৩ তিনি তাদের দৃঢ় আদেশ দিলেন, কেউ যেন এ বিষয়ে জানতে না  
পারে। তারপর তিনি মেয়েটিকে কিছু খাবার থেতে দিতে বললেন।

৬ যীশু সেই স্থান ত্যাগ করে তাঁর শিষ্যদের সঙ্গে নিয়ে নিজের  
নগরে গেলেন। ২ বিশ্রামদিন উপস্থিত হলে তিনি সমাজভবনে শিক্ষা  
দিতে লাগলেন। তাঁর শ্রোতাদের অনেকেই এতে বিস্মিত হল। তারা  
প্রশ্ন করল, “এই লোকটি কোথা থেকে এমন জ্ঞান পেল? সে এসব  
অলৌকিক কাজ কীভাবে করছে? ৩ এ কি সেই ছুতোরমিস্ত্রি নয়? এ  
কি মরিয়মের পুত্র নয় এবং যাকোব, যোষি, যিহুদা ও শিমোনের দাদা  
নয়? ওর বোনেরাও কি এখানে আমাদের মধ্যে নেই?” তারা তাঁর  
উপরে বিরূপ হয়ে উঠল। ৪ যীশু তাদের বললেন, “নিজের নগরে  
আপনজনদের মধ্যে ও নিজের গৃহে ভাববাদী অসম্মানিত হন।” ৫  
তিনি সেখানে আর কোনো অলৌকিক কাজ করতে পারলেন না,  
কেবলমাত্র কয়েকজন অসুস্থ ব্যক্তির উপরে হাত রাখলেন ও তাদের  
সুস্থ করলেন। ৬ তাদের বিশ্বাসের অভাব দেখে তিনি অবাক হয়ে  
গেলেন। তারপর যীশু গ্রাম থেকে গ্রামান্তরে ঘুরে ঘুরে শিক্ষা দিতে  
লাগলেন। ৭ তিনি সেই বারোজনকে তাঁর কাছে ডেকে, দুজন দুজন  
করে তাঁদের পাঠালেন। তিনি তাঁদের অঙ্গটি আঘাত উপরে কর্তৃত  
করার ক্ষমতাও প্রদান করলেন। ৮ তাঁর নির্দেশগুলি ছিল এরকম:  
“যাত্রার উদ্দেশে একটি ছাড়ি ছাড়া আর কিছুই সঙ্গে নিয়ো না—কোনো  
খাবার, কোনো থলি বা কোমরের বেল্টে কোনো অর্থও নয়। ৯  
চাটিজুতো পরো, কিন্তু কোনো অতিরিক্ত পোশাক নিয়ো না। ১০ কোনো  
বাড়িতে প্রবেশ করলে, সেই নগর পরিত্যাগ না করা পর্যন্ত তোমরা  
সেখানেই থেকো। ১১ আর কোনো স্থানের মানুষ যদি তোমাদের স্বাগত  
না জানায়, বা তোমাদের বাকে কর্ণপাত না করে, সেই স্থান ছেড়ে  
যাওয়ার সময় তাদের বিরাঙ্গে সাক্ষ্যব্দীর তোমাদের পায়ের ধুলো  
বেড়ে ফেলো।” ১২ তাঁরা বেরিয়ে পড়লেন ও প্রচার করতে লাগলেন,  
যেন লোকেরা মন পরিবর্তন করে। ১৩ তাঁরা বহু ভূত বিতাড়িত

করলেন ও অনেক অসুস্থ মানুষকে তেল দিয়ে অভিষেক করে তাদের  
রোগনিরাময় করলেন। 14 রাজা হেরোদ এ সম্পর্কে শুনতে পেলেন,  
কারণ যীশুর নাম সুপরিচিত হয়ে উঠেছিল। কেউ কেউ বলছিল,  
“বাণিজ্ঞানাতা যোহন মৃতলোক থেকে উথাপিত হয়েছেন, সেই কারণে  
এইসব অলৌকিক ক্ষমতা তাঁর মধ্যে সক্রিয় রয়েছে।” 15 অন্যেরা  
বলল, “তিনি এলিয়।” কিন্তু আরও অন্যেরা দাবি করল, “উনি একজন  
ভাববাদী, বা পুরাকালের ভাববাদীদের মতোই একজন।” 16 কিন্তু  
হেরোদ একথা শুনে বললেন, “যে যোহনের আমি মাথা কেটেছিলাম,  
তিনি মৃতলোক থেকে উথাপিত হয়েছেন!” 17 কারণ হেরোদ স্বয়ং  
যোহনকে গ্রেপ্তার করার আদেশ দিয়েছিলেন এবং তাঁকে শিকলে বেঁধে  
কারাগারে বন্দি করেছিলেন। তাঁর ভাই ফিলিপের স্ত্রী হেরোডিয়ার জন্য  
তিনি এ কাজ করেছিলেন, কারণ তিনি তাকে বিবাহ করেছিলেন।  
18 এর কারণ হল, যোহন ক্রমাগত হেরোদকে বলতেন, “ভাইয়ের  
স্ত্রীর সঙ্গে সহবাস করা আপনার পক্ষে ন্যায়সংগত নয়।” 19 সেই  
কারণে, হেরোডিয়া যোহনের বিরুদ্ধে অসন্তোষ পোষণ করছিল ও  
তাঁকে হত্যা করতে চেয়েছিল। কিন্তু তার পক্ষে তা করা সম্ভব ছিল না।  
20 কারণ, হেরোদ যোহনকে ভয় করতেন এবং তিনি একজন ধার্মিক  
ও পবিত্র মানুষ জেনে তাঁকে সুরক্ষা দিতেন। হেরোদ যখন যোহনের  
কথা শুনলেন, তখন তিনি অত্যন্ত হতবুদ্ধি হয়ে পড়লেন, তবুও তিনি  
তাঁর কথা শুনতে ভালোবাসতেন। 21 অবশ্যে এক সুযোগ এসে  
গেল। হেরোদ তাঁর জন্মদিনে তাঁর উচ্চপদস্থ কর্মচারী, সেনাধক্ষ্য ও  
গালীলের নেতৃত্বানীয় ব্যক্তিদের জন্য এক ভোজসভার আয়োজন  
করলেন। 22 সেখানে হেরোডিয়ার মেয়ে এসে নৃত্য পরিবেশন করে  
হেরোদ ও ভোজে আগত অতিথিদের সন্তুষ্ট করল। রাজা সেই মেয়েকে  
বললেন, “তুমি যা খুশি আমার কাছে চাইতে পারো, আমি তা তোমাকে  
দেব।” 23 তিনি শপথ করে তাকে প্রতিশ্রূতি দিলেন, “তুমি যা চাইবে,  
অর্ধেক রাজত্ব হলেও আমি তোমাকে তাই দেব।” 24 সে বাইরে গিয়ে  
তার মাকে জিজ্ঞাসা করল, “আমি কী চাইব?” তার মা উত্তর দিল,  
“বাণিজ্ঞানাতা যোহনের মাথা।” 25 মেয়েটি তখনই ভিতরে প্রবেশ করে

রাজাকে তার অনুরোধ জানাল, “আমি চাই, আপনি একটি থালায়  
বাষ্পিষ্ঠদাতা যোহনের মাথা এনে এখনই আমাকে দিন।” 26 রাজা  
অত্যন্ত মর্মাহত হলেন, কিন্তু তাঁর নিজের শপথের জন্য ও যাঁরা তাঁর  
সঙ্গে ভোজসভায় বসেছিলেন, তাঁদের জন্য তিনি তাকে প্রত্যাখ্যান  
করতে চাইলেন না। 27 তিনি তক্ষুনি যোহনের মাথা কেটে নিয়ে আসার  
আদেশ দিয়ে একজন ঘাতককে পাঠালেন। লোকটি কারাগারে গিয়ে  
যোহনের মাথা কাটল। 28 সে থালায় করে তাঁর কাঁটা মাথা নিয়ে এল।  
তিনি তা নিয়ে সেই মেয়েটিকে দিলেন ও সে তা নিয়ে তার মাকে  
দিল। 29 একথা শুনে যোহনের শিষ্যেরা এসে তাঁর শরীর নিয়ে গেল ও  
কবরে শুইয়ে দিল। 30 প্রেরিতশিষ্যেরা যীশুর চারপাশে জড়ে হয়ে  
তাঁদের সমস্ত কাজ ও শিক্ষাদানের বিবরণ দিলেন। 31 সেই সময় এত  
বেশি লোক সেখানে যাওয়া-আসা করছিল যে, তাঁরা খাবার খাওয়ারও  
সুযোগ পাচ্ছিলেন না। তিনি তাঁদের বললেন, “তোমরা আমার সঙ্গে  
কোনো নির্জন স্থানে চলো ও সেখানেই কিছু সময় বিশ্রাম করো।” 32  
তাই তাঁরা নিজেরাই নৌকায় করে এক নির্জন স্থানে গেলেন। 33 কিন্তু  
সেই স্থান ত্যাগ করার সময় বহু মানুষ তাঁদের চিনতে পারল। লোকেরা  
সব নগর থেকে দৌড়ে গিয়ে তাঁদের আগেই সেখানে উপস্থিত হল। 34  
তীরে নেমে যীশু যখন অনেক লোককে দেখতে পেলেন, তিনি তাদের  
প্রতি করুণায় পূর্ণ হলেন। কারণ তারা ছিল পালকহীন মেষপালের  
মতো। তাই তিনি তাদের বহু বিষয়ে শিক্ষা দিতে লাগলেন। 35  
এসময় দিনের প্রায় অবসান হয়ে এল। তাই শিষ্যেরা তাঁর কাছে  
এসে বললেন, “এ এক নির্জন এলাকা, আর ইতিমধ্যে অনেক দেরিও  
হয়ে গেছে। 36 লোকদের বিদায় দিন, যেন তারা কাছাকাছি গ্রাম বা  
পল্লিতে যেতে পারে ও নিজেদের জন্য কিছু খাবার কিনতে পারে।” 37  
কিন্তু প্রত্যন্তরে তিনি বললেন, “তোমরা তাদের কিছু খেতে দাও।”  
তাঁরা তাঁকে বললেন, “এর জন্য ছয় মাসের বেতনের সমান পরিমাণ  
অর্থের প্রয়োজন হবে। আমরা কি গিয়ে অত পরিমাণ অর্থ ব্যয় করে  
রঞ্চি কিনে লোকদের খেতে দেব?” 38 তিনি তাঁদের জিজ্ঞাসা করলেন,  
“তোমাদের কাছে কতগুলি রঞ্চি আছে? যাও গিয়ে দেখো।” তারা

খুঁজে দেখে বললেন, “পাঁচটি রূটি, আর দুটি মাছও আছে।” 39 তখন  
যীশু লোকদের সবুজ ঘাসে দলে দলে বসাবার জন্য শিষ্যদের নির্দেশ  
দিলেন। 40 তারা এক-একটা সারিতে একশো জন ও পঞ্চাশ জন  
করে বসে গেল। 41 সেই পাঁচটি রূটি ও দুটি মাছ নিয়ে যীশু স্বর্গের  
দিকে দৃষ্টি দিলেন, ধন্যবাদ দিলেন ও রূটিগুলিকে ভাঙলেন। তারপর  
তিনি সেগুলি লোকদের পরিবেশন করার জন্য তাঁর শিষ্যদের হাতে  
তুলে দিলেন। তিনি সেই মাছ দুটিও সবার মধ্যে ভাগ করে দিলেন।  
42 তারা সকলে খেয়ে পরিত্থপ্ত হল। 43 আর শিষ্যেরা অবশিষ্ট রূটি ও  
মাছের টুকরো সংগ্রহ করে বারো ঝুড়ি পূর্ণ করলেন। 44 যতজন পুরুষ  
খাবার খেয়েছিল, তাদের সংখ্যা ছিল পাঁচ হাজার। 45 পর মুহূর্তেই  
যীশু তাঁর শিষ্যদের নৌকায় তুলে দিয়ে তাঁর যাওয়ার আগেই তাঁদের  
বেথসৈদায় যেতে বললেন, ইতিমধ্যে তিনি সকলকে বিদায় দিলেন।  
46 তাঁদের বিদায় করে তিনি প্রার্থনা করার জন্য একটি পাহাড়ে উঠে  
গেলেন। 47 সন্ধ্যা ঘনিয়ে এলে। নৌকা ছিল সাগরের মাঝখানে,  
কেবলমাত্র তিনি একা স্থলে ছিলেন। 48 তিনি দেখলেন, প্রতিকূল  
বাতাসে শিষ্যেরা অতিকষ্টে নৌকা বইছিল। রাত্রি চতুর্থ প্রহরে তিনি  
সাগরে, জলের উপরে হেঁটে শিষ্যদের কাছে চললেন। তিনি তাঁদের  
পাশ কাটিয়ে যেতে চাইলেন। 49 কিন্তু তাঁকে সাগরের উপর দিয়ে  
হেঁটে যেতে দেখে তাঁরা তাঁকে কোনও ভূত মনে করলেন। 50 তাঁর  
চিৎকার করে উঠলেন, কারণ তাঁরা সবাই তাঁকে দেখে আতঙ্কগ্রস্ত  
হয়ে পড়েছিলেন। তিনি তক্ষুনি তাঁদের সঙ্গে কথা বললেন। তিনি  
বললেন, “সাহস করো! এ আমি! ভয় পেয়ো না।” 51 তারপর তিনি  
তাঁদের কাছে নৌকায় উঠলেন। বাতাস থেমে গেল। তাঁরা সম্পূর্ণরূপে  
বিস্মিত হলেন, 52 কারণ তাঁরা সেই রূটির বিষয়ে কিছুই বুঝতে  
পারেননি, তাঁদের হৃদয় কঠিন হয়ে পড়েছিল। 53 তাঁরা সাগরের অপর  
পারে গিয়ে গিনেয়ৰৎ প্রদেশে নৌকা থেকে নামলেন ও নৌকা নোঙর  
করলেন। 54 তাঁরা নৌকা থেকে নামা মাত্রই লোকেরা যীশুকে চিনতে  
পারল। 55 তাঁরা সেখানকার সমগ্র অঞ্চলে ছুটে গেল এবং যেখানেই  
যীশু আছেন শুনতে পেল, তাঁরা সেখানেই খাটে করে পীড়িতদের বয়ে

নিয়ে এল। ৫৬ আর যেখানেই তিনি গেলেন—গ্রামে, নগরে বা পল্লি-  
অঞ্চলে—সেখানেই তারা পীড়িতদের বাজারের মধ্যে এনে রাখল।  
তারা মিনতি করল, তিনি যেন তাঁর পোশাকের আঁচলও তাদের স্পর্শ  
করতে দেন। আর যারাই তাঁকে স্পর্শ করল, তারা সবাই সুস্থ হল।

৭ জেরশালেম থেকে কয়েকজন ফরিশী ও শাস্ত্রবিদ এসে যীশুর  
চারপাশে জড়ো হল। ২ তারা দেখল, তাঁর কয়েকজন শিষ্য অঙ্গ  
হাতে, অর্থাৎ হাত না ধুয়ে খাবার গ্রহণ করছে। ৩ (ফরিশীরা ও সমগ্র  
ইহুদি সমাজ প্রাচীনদের নিয়ম অনুসারে সংস্কারগতভাবে হাত না  
ধুয়ে খাবার গ্রহণ করত না। ৪ হাটবাজার থেকে ফিরে এসে তারা  
মান না করে খাবার খেতো না। আরও বহু প্রথা তারা পালন করত,  
যেমন ঘটি, কলশি ও বিভিন্ন পাত্র পরিষ্কার করা।) ৫ সেই কারণে  
ফরিশীরা ও শাস্ত্রবিদরা যীশুকে জিজ্ঞাসা করল, “আপনার শিষ্যেরা  
প্রাচীনদের প্রথা অনুসরণ না করে অঙ্গ হাতেই খাচ্ছে কেন?”  
৬ তিনি উত্তর দিলেন, “ভঙ্গের দল! যিশাইয় তোমাদের সম্পর্কে সঠিক  
ভবিষ্যদ্বাণী করেছেন: যেমন লেখা আছে: ‘এই লোকেরা তাদের  
ওষ্ঠাধরে আমাকে সম্মান করে, কিন্তু তাদের হৃদয় থাকে আমার থেকে  
বহুদূরে। ৭ বৃথাই তারা আমার উপাসনা করে, তাদের শিক্ষামালা  
বিভিন্ন মানুষের শেখানো নিয়মবিধি মাত্র।’ ৮ তোমরা ঈশ্বরের আদেশ  
উপেক্ষা করে মানুষের প্রথা আঁকড়ে আছ।” ৯ তিনি তাদের আরও  
বললেন, “তোমাদের নিজস্ব প্রথা পালন করার উদ্দেশ্যে ঈশ্বরের  
আদেশ এক পাশে সরিয়ে রাখার এক সুন্দর উপায় তোমাদের আছে।  
১০ মোশি বলেছেন, তোমার বাবা ও তোমার মাকে সম্মান কোরো, এবং  
'যে কেউ তার বাবা অথবা মাকে অভিশাপ দেয়, তার অবশ্যই প্রাণদণ্ড  
হবে।' ১১ কিন্তু তোমরা বলে থাকো, কেউ যদি তার বাবা অথবা মাকে  
বলে, 'আমার কাছ থেকে যে সাহায্য তোমরা পেতে পারতে, তা কর্বান,'  
(অর্থাৎ ঈশ্বরকে দেওয়া হয়েছে)— ১২ তাহলে তাকে তার বাবা অথবা  
মার জন্য আর কিছুই করতে দাও না। ১৩ এইভাবে প্রথা অনুসরণ  
করতে গিয়ে তোমরা ঈশ্বরের বাক্য নিষ্কল করছ। এই ধরনের আরও  
অনেক কাজ তোমরা করে থাকো।” ১৪ যীশু আবার সব লোককে তাঁর

কাছে দেকে বললেন, “তোমরা সকলে শোনো আর একথা বুবো নাও,  
15 বাইরে থেকে কোনো কিছু মানুষের ভিতরে প্রবেশ করে তাকে  
অঙ্গটি করতে পারে না। 16 বরং মানুষের ভিতর থেকে যা বের হয়ে  
আসে, তাই তাকে অঙ্গটি করে। যদি কারোর শোনার কান থাকে, তবে  
সে শুনুক।” 17 লোকদের ছেড়ে দিয়ে যীশু এসে ঘরে প্রবেশ করলে  
তাঁর শিখেরা তাঁকে এই রূপকটি সমন্বে জিজ্ঞাসা করলেন। 18 তিনি  
প্রশ্ন করলেন, “তোমরা কি এতই অবোধ? তোমরা কি বোবো না  
যে, বাইরে থেকে যা মানুষের ভিতরে প্রবেশ করে, তা তাকে অঙ্গটি  
করতে পারে না? 19 কারণ সেটা তার অন্তরে প্রবেশ করে না, কিন্তু  
(একথা বলে যীশু ঘোষণা করলেন যে, সব খাদ্যদ্রব্যই শুচিশুদ্ধ।) 20  
তিনি আরও বললেন, “মানুষের ভিতর থেকে যা বের হয়ে আসে, তাই  
তাকে অঙ্গটি করে। 21 কারণ ভিতর থেকে, সব মানুষের হৃদয় থেকে  
নির্গত হয় কুচিষ্টা, বিবাহ-বহির্ভূত যৌনাচার, ছুরি, নরহত্যা, ব্যভিচার,  
22 লোভ-লালসা, অপরের অনিষ্ট কামনা, প্রতারণা, অশীলতা, ঈর্ষা,  
কুৎসা-রঁটনা, ঔদ্ধত্য ও কাণ্ডজ্ঞানহীনতা। 23 এই সমস্ত মন্দ বিষয়  
ভিতর থেকে আসে ও মানুষকে অঙ্গটি করে।” 24 যীশু সেই অঞ্চল  
ত্যাগ করে টায়ার ও সীদোনের কাছাকাছি স্থানে গেলেন। তিনি একটি  
বাড়িতে প্রবেশ করলেন, কিন্তু চাইলেন, কেউ যেন সেকথা জানতে না  
পারে। তবুও তিনি তাঁর উপস্থিতি গোপন রাখতে পারলেন না। 25  
প্রকৃতপক্ষে একজন নারী, যেই তাঁর কথা শুনতে পেল, এসে তাঁর  
চরণে লুটিয়ে পড়ল। তার মেয়ে ছিল ছোটো অথচ অঙ্গটি-আত্মাগ্রস্ত  
ছিল। 26 সেই নারী ছিল জাতিতে গ্রিক, তার জন্ম সাইরো-ফিনিশিয়া  
অঞ্চলে। সে তার মেয়ের ভিতর থেকে ভূত বের করার জন্য যীশুর কাছে  
মিনতি করল। 27 তিনি তাকে বললেন, “প্রথমে ছেলেমেয়েরা পরিত্পত্তি  
হোক, কারণ ছেলেমেয়েদের খাবার নিয়ে কুকুরদের দেওয়া সংগত  
নয়।” 28 সে উত্তর দিল, “হ্যাঁ প্রভু, কিন্তু কুকুরও তো টেবিলের নিচে  
থেকে ছেলেমেয়েদের রংটির টুকরো খেতে পায়!” 29 তখন তিনি তাকে  
বললেন, “এ ধরনের উত্তর দিয়েছ বলে, তুমি চলে যাও, ভূত তোমার

মেয়েকে ছেড়ে চলে গেছে।” 30 সে বাড়ি পিয়ে দেখল, তার মেয়ে  
বিছানায় শুয়ে আছে ও ভূত তাকে ছেড়ে চলে গেছে। 31 এরপর যীশু  
টায়ারের সমিহিত সেই অঞ্চল ত্যাগ করে সীদোনের মধ্য দিয়ে গালীল  
সাগরের কাছে গেলেন। খাওয়ার সময় তিনি ডেকাপলি হয়েই গেলেন।  
32 সেখানে কয়েকজন লোক এক কালা ও তোৎলা ব্যক্তিকে তাঁর  
কাছে নিয়ে এল। সে ভালো করে কথা বলতে পারত না। তারা তার  
উপর হাত রেখে প্রার্থনা করার জন্য যীশুকে মিনতি করল। 33 তখন  
তিনি সকলের মধ্য থেকে সেই ব্যক্তিকে এক পাশে নিয়ে গেলেন।  
তিনি তার দুই কানে আঙুল রাখলেন, থুতু ফেললেন ও তার জিভ  
স্পর্শ করলেন। 34 আর তিনি স্বর্গের দিকে উর্ধ্বদৃষ্টি করে দীর্ঘশ্বাস  
ফেলে বললেন, “ইপফাথাা!” (যার অর্থ, “খুলে যাক!”)। 35 এতে সেই  
লোকটির দুই কান খুলে গেল, তার জিভ জড়তামুক্ত হল এবং সে  
স্পষ্টভাবে কথা বলতে লাগল। 36 সেকথা কাউকে না বলার জন্য  
যীশু তাদের আদেশ দিলেন। কিন্তু তিনি যতই নিষেধ করলেন, তারা  
ততই সেকথা প্রচার করতে লাগল। 37 লোকে বিস্ময়ে অভিভূত হয়ে  
বলতে লাগল, “তিনি সবকিছুই সুন্দরকৃপে সম্পন্ন করেছেন, এমনকি,  
কালাকে শোনার শক্তি ও বোবাকে কথা বলার শক্তি দান করেছেন।”

**8** সেই দিনগুলিতে আবার অনেক লোকের ভিড় হল। কিন্তু তাদের  
কাছে খাওয়ার কিছু ছিল না। যীশু তাই তাঁর শিষ্যদের তাঁর কাছে  
ডেকে বললেন, 2 “এই লোকদের প্রতি আমার করণ্ণা হচ্ছে; এরা  
তিন দিন ধরে আমার সঙ্গে আছে এবং এদের কাছে খাওয়ার জন্য  
কিছুই নেই। 3 আমি যদি এদের ক্ষুধার্ত অবস্থায় বাড়ি পাঠিয়ে দিই,  
তাহলে এরা পথেই অজ্ঞান হয়ে পড়বে। কারণ এদের মধ্যে কেউ  
কেউ বহুদূর থেকে এসেছে।” 4 তাঁর শিষ্যেরা উত্তর দিলেন, “কিন্তু  
এই জনহীন প্রান্তরে ওদের তৃষ্ণ করার মতো কে এত রুটি জোগাড়  
করবে?” 5 যীশু জিজ্ঞাসা করলেন, “তোমাদের কাছে কতগুলি রুটি  
আছে?” তাঁরা উত্তর দিলেন, “সাতটি।” 6 তিনি সবাইকে মাটির উপরে  
বসার আদেশ দিলেন। তিনি সেই সাতটি রুটি নিলেন ও ঈশ্বরকে  
ধন্যবাদ দিলেন। পরে সেগুলি ভাঙলেন ও লোকদের পরিবেশন করার

জন্য শিষ্যদের দিতে লাগলেন। তাঁরা তাই করলেন। ৭ তাঁদের কাছে  
কয়েকটি ছোটো মাছও ছিল। তিনি সেগুলির জন্যও ধন্যবাদ দিয়ে  
পরিবেশন করার জন্য শিষ্যদের বললেন। ৮ লোকেরা খেয়ে পরিত্থপ্ত  
হল। পরে শিষ্যেরা অবশিষ্ট রূটির টুকরো সংগ্রহ করে সাতটি ঝুড়ি  
পূর্ণ করলেন। ৯ সেখানে উপস্থিত পুরুষদের সংখ্যা ছিল প্রায় চার  
হাজার। পরে তিনি তাঁদের বিদায় দিয়ে ১০ তাঁর শিষ্যদের সঙ্গে  
নৌকায় বসলেন ও দলমনুথা প্রদেশে চলে গেলেন। ১১ ফরিশীরা এসে  
যীশুকে বিভিন্ন প্রশ্ন করতে লাগল। তাঁকে পরীক্ষা করার জন্য তারা এক  
স্বর্গীয় নির্দশন দেখতে চাইল। ১২ তিনি দীর্ঘশ্বাস ত্যাগ করে বললেন,  
“এই প্রজন্মের লোকেরা কেন অলৌকিক নির্দশন দেখতে চায়? আমি  
তোমাদের সত্ত্বাই বলছি, ওদের কোনো নির্দশন দেখানো হবে না।”  
১৩ তারপর তিনি তাঁদের ত্যাগ করে নৌকায় উঠলেন ও অপর পারে  
চলে গেলেন। ১৪ শিষ্যেরা রূটি নিতে ভুলে গিয়েছিলেন। নৌকায়  
তাঁদের সঙ্গে কেবলমাত্র একটি রূটি ছাড়া আর কোনো রূটি ছিল না।  
১৫ যীশু তাঁদের সতর্ক করে দিলেন, “সাবধান, হেরোদ ও ফরিশীদের  
খামির থেকে সতর্ক থেকো।” ১৬ এ বিষয়ে তাঁরা পরস্পরের সঙ্গে  
আলোচনা করে বললেন, “এর কারণ হল, আমাদের কাছে কোনো রূটি  
নেই।” ১৭ তাঁদের আলোচনার বিষয় অবহিত ছিলেন বলে যীশু তাঁদের  
জিজ্ঞাসা করলেন, “রূটি নেই বলে তোমরা তর্কবিতর্ক করছ কেন?  
তোমরা কি এখনও কিছু দেখতে বা বুঝতে পারছ না? তোমাদের  
মন কি কঠোর হয়ে গেছে? ১৮ তোমরা কি চোখ থাকতেও দেখতে  
পাচ্ছ না, কান থাকতেও শুনতে পাচ্ছ না? ১৯ আমি যখন পাঁচ হাজার  
লোকের জন্য পাঁচটি রূটি ভেঙেছিলাম, তোমরা কত ঝুড়ি রূটির  
টুকরো তুলে নিয়েছিলে?” তাঁরা উত্তর দিলেন, “বারো ঝুড়ি।” ২০ “আর  
যখন আমি চার হাজার লোকের জন্য সাতটি রূটি ভেঙেছিলাম, তোমরা  
কত ঝুড়ি রূটির টুকরো তুলে নিয়েছিলে?” উত্তরে তাঁরা বললেন,  
“সাত ঝুড়ি।” ২১ তিনি তাঁদের বললেন, “তোমরা কি এখনও বুঝতে  
পারছ না?” ২২ তাঁরা বেথসৈদায় উপস্থিত হলে কয়েকজন লোক  
এক দৃষ্টিহীন ব্যক্তিকে নিয়ে এল ও তাকে স্পর্শ করার জন্য যীশুকে

অনুরোধ করল। 23 তিনি সেই দৃষ্টিহীন ব্যক্তির হাত ধরে তাকে গ্রামের বাইরে নিয়ে গেলেন। যীশু তার দুই চোখে খুতু দিয়ে তার উপর হাত রাখলেন। যীশু জিজ্ঞাসা করলেন, “তুমি কিছু দেখতে পাচ্ছ কি?” 24 সে চোখ তুলে চাইল ও বলল, “আমি মানুষ দেখতে পাচ্ছি, তারা দেখতে গাছের মতো, ঘুরে বেড়াচ্ছে।” 25 যীশু আর একবার তার চোখে হাত রাখলেন। তখন তার দৃষ্টি স্থির হল। আরোগ্য লাভ করে সে সবকিছু স্পষ্ট দেখতে লাগল। 26 যীশু তাকে সোজা বাঢ়ি পাঠিয়ে দিলেন ও বললেন, “তুমি এই গ্রামে যেয়ো না।” 27 যীশু ও তাঁর শিষ্যেরা কৈসরিয়া-ফিলিপ্পী অঞ্চলের গ্রামে গ্রামে পরিঅভ্যন্তর করতে লাগলেন। পথে তিনি তাঁদের জিজ্ঞাসা করলেন, “আমি কে, লোকেরা এ সম্পর্কে কী বলে?” 28 তাঁরা উত্তর দিলেন, “কেউ কেউ বলে আপনি বাণিজ্যিক যোহন, অন্যেরা বলে এলিয়, আর কেউ কেউ বলে, আপনি ভাববাদীদের মধ্যে কোনও একজন।” 29 “কিন্তু তোমরা কী বলো?” তিনি জিজ্ঞাসা করলেন, “তোমরা কী বলো, আমি কে?” পিতর উত্তর দিলেন, “আপনি সেই খ্রীষ্ট।” 30 যীশু তাঁর সম্পর্কে কাউকে কিছু না বলার জন্য তাঁদের সতর্ক করে দিলেন। 31 তারপর তিনি তাঁদের শিক্ষা দিতে গিয়ে একথা বললেন যে, মনুষ্যপুত্রকে বিভিন্ন বিষয়ে দুঃখভোগ করতে হবে; প্রাচীনবর্গ, মহাযাজকবৃন্দ ও শাস্ত্রবিদরা তাঁকে প্রত্যাখ্যান করবেন। তাঁকে হত্যা করা হবে এবং তিনি দিন পরে তাঁর পুনরুত্থান হবে। 32 তিনি এ বিষয়ে স্পষ্টরূপে কথা বললেন, কিন্তু পিতর তাঁকে এক পাশে নিয়ে অনুযোগ করতে লাগলেন। 33 কিন্তু যীশু যখন ফিরে শিষ্যদের দিকে তাকালেন, তিনি পিতরকে তিরক্ষার করলেন। তিনি বললেন, “দূর হও শয়তান! তোমার মনে ঈশ্বরের বিষয়গুলি নেই, কেবল মানুষের বিষয়ই আছে।” 34 তারপর তিনি শিষ্যদের সঙ্গে অন্যান্য লোকদেরও তাঁর কাছে ডাকলেন ও বললেন, “কেউ যদি আমাকে অনুসরণ করতে চায়, সে অবশ্যই নিজেকে অস্বীকার করবে, তার ক্রুশ তুলে নেবে ও আমাকে অনুসরণ করবে।” 35 কারণ যে তার জীবন রক্ষা করতে চায়, সে তা হারাবে, কিন্তু যে তার জীবন আমার ও সুসমাচারের জন্য হারায়, সে তা রক্ষা করবে। 36 বন্ধুত, কোনো মানুষ

যদি সমস্ত জগতের অধিকার লাভ করে ও তার প্রাণ হারায়, তাহলে  
তার কী লাভ হবে? 37 কিংবা, নিজের প্রাণের পরিবর্তে মানুষ আর কী  
দিতে পারে? 38 এই ব্যতিচারী ও পাপিষ্ঠ প্রজন্মের মধ্যে কেউ যদি  
আমাকে ও আমার বাক্যকে লজ্জার বিষয় বলে মনে করে, মনুষ্যপুত্রও  
যখন পবিত্র দৃতবাহিনীর সঙ্গে তাঁর পিতার মহিমায় আসবেন, তখন  
তিনিও তাকে লজ্জার পাত্র বলে মনে করবেন।”

9 আবার তিনি তাঁদের বললেন, “আমি তোমাদের সত্যিই বলছি, যারা  
এখানে দাঁড়িয়ে আছে, তাদের কেউ কেউ সপরাক্রমে ঈশ্বরের রাজ্যের  
আগমন না দেখা পর্যন্ত মৃত্যুর আস্বাদ লাভ করবে না।” 2 ছয় দিন  
পরে যীশু কেবলমাত্র পিতর, যাকোব ও মোহনকে তাঁর সঙ্গে নিয়ে  
এক অতি উচ্চ পর্বতে গেলেন। সেখানে কেবলমাত্র তাঁরাই একান্তে  
ছিলেন। সেখানে তিনি তাঁদের সামনে রূপান্তরিত হলেন। 3 তাঁর  
পরনের পোশাক উজ্জ্বল ও ধৰ্বধৰে সাদা হয়ে উঠল। পৃথিবীর কোনও  
রজক পোশাককে সেরকম সাদা করতে পারে না। 4 আর সেখানে  
এলিয় ও মোশি তাঁদের সামনে আবির্ভূত হয়ে যীশুর সঙ্গে কথা বলতে  
লাগলেন। 5 পিতর যীশুকে বললেন, “রবি, এখানে থাকা আমাদের  
পক্ষে ভালোই হবে। এখানে আমরা তিনটি তাঁবু স্থাপন করি, একটি  
আপনার জন্য, একটি মোশির জন্য ও একটি এলিয়ের জন্য।” 6  
(তাঁরা এত ভয় পেয়েছিলেন যে, কী বলতে হবে, তিনি তা বুঝতে  
পারেননি।) 7 তখন এক টুকরো মেঘ এসে তাঁদের ঢেকে ফেলল।  
সেই মেঘের ভিতর থেকে একটি স্বর ভেসে এল, “ইনিই আমার প্রিয়  
পুত্র, তোমরা এঁর কথা শোনো।” 8 হঠাৎই তাঁরা চারদিকে তাকিয়ে  
আর কোনো মানুষকে দেখতে পেলেন না। কেবলমাত্র যীশু তাঁদের  
সঙ্গে ছিলেন। 9 পর্বত থেকে নেমে আসার সময় যীশু তাঁদের আদেশ  
দিলেন, মনুষ্যপুত্র মৃতদের মধ্য থেকে উথাপিত না হওয়া পর্যন্ত,  
তাঁদের এই দর্শন লাভের কথা তাঁরা যেন কাউকে না বলেন। 10  
তাঁরা বিষয়টি নিজেদেরই মধ্যে গোপন রাখলেন, আলোচনা করতে  
লাগলেন, “মৃতদের মধ্য থেকে উথান” এর তাৎপর্য কী! 11 তাঁরা তাঁকে  
জিঙ্গাসা করলেন, “শান্ত্রিবিদরা কেন বলেন যে, এলিয়কে অবশ্যই

প্রথমে আসতে হবে?” 12 যীশু উত্তর দিলেন, “একথা ঠিক, এলিয়  
প্রথমে এসে সব বিষয় পুনঃস্থাপিত করবেন। তাহলে, একথাও কেন  
লেখা আছে যে, মনুষ্যপুত্রকেও অনেক কষ্টভোগ করতে ও অগ্রাহ্য  
হতে হবে? 13 কিন্তু আমি তোমাদের বলছি, এলিয় এসে গেছেন। আর  
তাঁর বিষয়ে যেমন লেখা আছে, তেমনই লোকেরা তাঁর প্রতি তাদের  
ইচ্ছামতো দুর্ব্যবহার করেছে।” 14 তাঁরা যখন অন্য শিষ্যদের কাছে  
ফিরে এলেন তখন দেখলেন, অনেক লোক তাঁদের ঘিরে আছে ও  
শাস্ত্রবিদরা তাঁদের সঙ্গে তর্কবিতর্ক করছেন। 15 সমস্ত লোক যেই  
যীশুকে দেখতে পেল, তারা বিস্ময়ে অভিভূত হল ও দৌড়ে গিয়ে  
তাঁকে অভিবাদন জানাল। 16 তিনি জিজ্ঞাসা করলেন, “তোমরা কী  
নিয়ে ওদের সঙ্গে তর্কবিতর্ক করছ?” 17 লোকদের মধ্য থেকে  
একজন উত্তর দিল, “গুরুমহাশয়, আমি আমার ছেলেটিকে আপনার  
কাছে এনেছিলাম, ওকে এক অশুচি আত্মা ভর করেছে, তাই ও কথা  
বলতে পারে না। 18 সে যখনই তাকে ধরে, তাকে মাটিতে ফেলে  
দেয়। তার মুখে ফেনা ওঠে, সে দাঁত কিড়মিড় করে, আর আড়ষ্ট হয়ে  
যায়। আত্মাটিকে দূর করার জন্য আমি আপনার শিষ্যদের অনুরোধ  
করেছিলাম, কিন্তু তাঁরা তা করতে পারেননি।” 19 যীশু উত্তর দিলেন,  
“ওহে অবিশ্বাসী প্রজন্ম, আমি আর কত কাল তোমাদের সঙ্গে থাকব?  
কত কাল তোমাদের জন্য ধৈর্য রাখতে হবে? ছেলেটিকে আমার কাছে  
নিয়ে এসো।” 20 তারা তাকে নিয়ে এল। অশুচি আত্মাটি যীশুকে  
দেখে সঙ্গে ছেলেটিকে খুব জোরে মুচড়ে ধরল। সে মাটিতে পড়ে  
গড়াগড়ি দিতে লাগল, ও তার মুখ দিয়ে ফেনা বের হতে লাগল। 21  
যীশু ছেলেটির বাবাকে জিজ্ঞাসা করলেন, “কত দিন থেকে ওর এরকম  
হচ্ছে?” সে উত্তর দিল, “ছোটোবেলা থেকেই। 22 এ তাকে মেরে  
ফেলার জন্য বহুবার জলে ও আগুনে ফেলে দিয়েছে। কিন্তু আপনি যদি  
কিছু করতে পারেন, আমাদের প্রতি সদয় হোন ও আমাদের সাহায্য  
করুন।” 23 যীশু বললেন, “যদি আপনি পারেন? যে বিশ্বাস করে,  
তার পক্ষে সবকিছুই সম্ভব।” 24 সঙ্গে সঙ্গে ছেলেটির বাবা আর্তনাদ  
করে উঠল, “আমি বিশ্বাস করি, অবিশ্বাস কাটিয়ে উঠতে আমাকে

সাহায্য করন।” 25 যীশু যখন দেখলেন, অনেক লোক ঘটনাস্থলের  
দিকে একসঙ্গে দৌড়ে আসছে, তিনি সেই অঙ্গটি আত্মাকে ধমক  
দিলেন। তিনি বললেন, “ওহে কালা ও বোবা আত্মা, আমি তোমাকে  
আদেশ দিচ্ছি, ওর ভিতর থেকে বেরিয়ে এসো এবং আর কখনও  
ওর মধ্যে প্রবেশ কোরো না।” 26 আত্মাটি তীক্ষ্ণ চিৎকার করে তাকে  
প্রচণ্ডভাবে মুচড়ে দিয়ে তার মধ্যে থেকে বের হয়ে গেল। ছেলেটিকে  
মড়ার মতো পড়ে থাকতে দেখে অনেকে বলল, “ও মরে গেছে।” 27  
কিন্তু যীশু তাকে হাত দিয়ে ধরলেন ও তার পায়ে ভর দিয়ে তাকে  
দাঁড় করালেন। এতে সে উঠে দাঁড়াল। 28 যীশু বাড়ির ভিতরে প্রবেশ  
করলে, তাঁর শিষ্যেরা একান্তে তাঁকে জিজ্ঞাসা করলেন, “আমরা কেন  
ওটিকে তাড়াতে পারলাম না?” 29 তিনি উত্তর দিলেন, “প্রার্থনা ছাড়া  
এই ধরনের আত্মা বের হতে চায় না।” 30 তাঁরা সেই স্থান ত্যাগ  
করে গালীলীর মধ্য দিয়ে যাত্রা করলেন। যীশু চাইলেন না, যে তাঁরা  
কোথায় আছেন, কেউ সেকথা জানুক। 31 কারণ যীশু সেই সময় তাঁর  
শিষ্যদের শিক্ষা দিচ্ছিলেন। তিনি তাঁদের বললেন, “মনুষ্যপুত্র মানুষের  
হাতে সমর্পিত হতে চলেছেন। তারা তাঁকে হত্যা করবে, আর তিন  
দিন পর তিনি উথাপিত হবেন।” 32 কিন্তু শিষ্যেরা তাঁর একথার অর্থ  
বুঝতে পারলেন না, আবার এ বিষয়ে তাঁকে জিজ্ঞাসা করতেও তাঁরা  
ভয় পেলেন। 33 পরে তাঁরা কফরনাহূমে এলেন। বাড়ির মধ্যে গিয়ে  
তিনি তাঁদের জিজ্ঞাসা করলেন, “পথে তোমরা কী নিয়ে তর্কবিতর্ক  
করছিলে?” 34 তাঁরা চুপ করে রইলেন, কারণ তাঁদের মধ্যে কে শ্রেষ্ঠ,  
তাঁরা এই নিয়ে পথে তর্কবিতর্ক করছিলেন। 35 সেখানে বসে, যীশু  
সেই বারোজনকে ডেকে বললেন, “কেউ যদি প্রথম হতে চায়, তাকে  
থাকতে হবে সকলের পিছনে, আর তাকে সকলের দাস হতে হবে।”  
36 পরে তিনি একটি শিশুকে তাঁদের মাঝে দাঁড় করালেন। তাকে  
নিজের কোলে নিয়ে তিনি তাঁদের বললেন, 37 “আমার নামে যে  
এই শিশুদের একজনকেও গ্রহণ করে, সে আমাকেই গ্রহণ করে।  
আর যে আমাকে গ্রহণ করে, সে আমাকে নয়, কিন্তু যিনি আমাকে  
পাঠিয়েছেন, তাঁকেই গ্রহণ করে।” 38 যোহন বললেন, “গুরুমহাশয়,

আমরা একজনকে আপনার নামে ভূত তাড়াতে দেখে, তাকে সে কাজ করতে বারণ করেছিলাম, কারণ সে আমাদের দলের কেউ ছিল না।” 39 যীশু বললেন, “তাকে নিষেধ কোরো না। কেউ যদি আমার নামে কোনো অলৌকিক কাজ করে, পর মুহূর্তেই সে আমার নামে কেনও নিন্দা করতে পারবে না।” 40 কারণ যে আমাদের বিপক্ষে নয়, সে আমাদের সপক্ষে। 41 আমি তোমাদের সত্যই বলছি, কেউ যদি খীঁটের লোক বলে তোমাদের এক পেয়ালা জল খেতে দেয়, সে কোনোভাবেই তার পুরস্কার থেকে বঞ্চিত হবে না। 42 “কিন্তু এই ছোটো শিশুরা যারা আমাকে বিশ্বাস করে, তাদের কোনো একজনকে কেউ যদি পাপ করতে বাধ্য করে, তাহলে তার গলায় বড়ো একটি জাঁতা বেঁধে সমুদ্রের জলে ডুবিয়ে দেওয়া তার পক্ষে ভালো হবে।

43 যদি তোমার হাত পাপের কারণ হয়, তা কেটে ফেলে দাও। দু-হাত নিয়ে নরকের অনৰ্বাণ আগুনে নিষ্কিপ্ত হওয়ার চেয়ে অঙ্গহীন হয়ে জীবনে প্রবেশ করা ভালো। (Geenna g1067) 44 সেখানে, ‘তাদের কীট মরে না, আর আগুন নির্বাপিত হয় না।’ 45 যদি আর তোমার পা পাপের কারণ হয়, তা কেটে ফেলে দাও। দুই পা নিয়ে নরকে নিষ্কিপ্ত হওয়ার চেয়ে পঙ্কু হয়ে জীবনে প্রবেশ করা ভালো। (Geenna g1067) 46 সেখানে, ‘তাদের কীট মরে না, আর আগুন নির্বাপিত হয় না।’ 47 আর তোমার চোখ যদি পাপের কারণ হয়, তা উপত্তে ফেলে দাও। কারণ দুই চোখ নিয়ে নরকে নিষ্কিপ্ত হওয়ার চেয়ে, বরং এক চোখ নিয়ে দুশ্বরের রাজ্য প্রবেশ করা ভালো। (Geenna g1067) 48 সেখানে, “‘তাদের কীট মরে না, আর আগুন নির্বাপিত হয় না।’ 49 প্রত্যেক ব্যক্তিকে আগুনে লবণাক্ত করা হবে। 50 “লবণ ভালো, কিন্তু লবণ যদি তার লবণত্ব হারায়, তাহলে তোমরা কীভাবে তা আবার লবণাক্ত করবে? তোমরা নিজেদের মধ্যে লবণের গুণ বজায় রাখো ও পরম্পরের সঙ্গে শান্তিতে সহাবস্থান করো।”

**10** যীশু এরপর সেই স্থান ত্যাগ করে যিহুদিয়া অঞ্চলে ও জর্ডন নদীর অপর পারে গেলেন। আবার তাঁর কাছে লোকেরা ভিড় করতে লাগল, আর তিনি তাঁর রীতি অনুযায়ী তাদের শিক্ষা দিলেন। 2

কয়েকজন ফরিশী এসে তাঁকে পরীক্ষা করার উদ্দেশ্যে প্রশ্ন করল,  
“কোনো পুরুষের পক্ষে তার স্ত্রীকে পরিত্যাগ করা কি বিধিসংগত?” ৩  
তিনি উত্তর দিলেন, “মোশি তোমাদের কি আদেশ দিয়েছেন?” ৪  
তারা বলল, “মোশি পুরুষকে একটি ত্যাগপত্র লিখে দিয়ে তার স্ত্রীকে  
পরিত্যাগ করার অনুমতি দিয়েছেন।” ৫ যীশু উত্তর দিলেন, “তোমাদের  
হৃদয় কঠোর বলেই মোশি এই বিধানের কথা লিখে গিয়েছেন। ৬  
কিন্তু সৃষ্টির সূচনায় ঈশ্বর তাদের পুরুষ ও নারী—এভাবেই সৃষ্টি  
করেছিলেন। ৭ আর এই কারণে একজন পুরুষ তার পিতা ও মাতাকে  
ত্যাগ করবে, তার স্ত্রীর সাথে সংযুক্ত হবে ৮ ও সেই দুজন একাঙ্গ  
হবে। তাই, তারা আর দুজন নয়, কিন্তু অভিন্নসত্তা। ৯ সেই কারণে,  
ঈশ্বর যা সংযুক্ত করেছেন, কোনো মানুষ তা বিচ্ছিন্ন না করুক।” ১০  
তাঁরা আবার ঘরের মধ্যে প্রবেশ করলে তাঁর শিষ্যেরা যীশুকে এ বিষয়ে  
জিজ্ঞাসা করলেন। ১১ তিনি উত্তর দিলেন, “যে নিজের স্ত্রীকে ত্যাগ  
করে অন্য নারীকে বিবাহ করে, সে তার বিরুদ্ধে ব্যভিচার করে। ১২  
আর নারী যদি তার স্বামীকে পরিত্যাগ করে অন্য পুরুষকে বিবাহ  
করে, সেও ব্যভিচার করে।” ১৩ লোকেরা ছোটো শিশুদের যীশুর  
কাছে নিয়ে আসছিল, যেন তিনি তাদের স্পর্শ করেন। কিন্তু শিষ্যেরা  
তাদের ধর্মক দিলেন। ১৪ যীশু তা দেখে রুষ্ট হলেন। তিনি তাঁদের  
বললেন, “ছোটো শিশুদের আমার কাছে আসতে দাও, ওদের বাধা  
দিয়ো না। কারণ ঈশ্বরের রাজ্য এদের মতো মানুষদেরই। ১৫ আমি  
তোমাদের সত্যিই বলছি, ছোটো শিশুর মতো যে ঈশ্বরের রাজ্যকে  
গ্রহণ করতে পারে না, সে কখনও তাতে প্রবেশ করতে পারবে না।” ১৬  
পরে তিনি সেই শিশুদের কোলে নিয়ে তাদের উপরে হাত রাখলেন ও  
তাদের আশীর্বাদ করলেন। ১৭ যীশু তাঁর পথ চলা শুরু করলে, একজন  
যুবক দৌড়ে তাঁর কাছে এল। সে তাঁর সামনে নতজানু হয়ে জিজ্ঞাসা  
করল, “সৎ গুরু, অনন্ত জীবনের অধিকারী হওয়ার জন্য আমাকে কী  
করতে হবে?” (aiōnios g166) ১৮ যীশু উত্তর দিলেন, “তুমি আমাকে  
সৎ বলছ কেন? একমাত্র ঈশ্বর ছাড়া আর কেউ সৎ নয়। ১৯ তুমি  
আজাগুলি নিশ্চয় জানো, ‘নরহত্যা কোরো না, ব্যভিচার কোরো না,

চুরি কোরো না, মিথ্যা সাক্ষ্য দিয়ো না, প্রতারণা কোরো না, তোমার  
বাবাকে ও তোমার মাকে সম্মান কোরো।” 20 সে ঘোষণা করল,  
“গুরুমহাশয়, এসবই আমি বাল্যকাল থেকে পালন করে আসছি।” 21  
যীশু তার দিকে তাকালেন ও তাকে প্রেম করলেন। তিনি বললেন,  
“একটি বিষয়ে তোমার ঘাটতি আছে। তুমি যাও, গিয়ে তোমার যা কিছু  
আছে, সর্বস্ব বিক্রি করে দরিদ্রদের মধ্যে বিলিয়ে দাও, তাহলে তুমি  
স্বর্গে ধনসম্পত্তি লাভ করবে। তারপর এসে আমাকে অনুসরণ করো।”  
22 এতে সেই লোকটির মুখ ম্লান হয়ে গেল। সে দুঃখিত মনে চলে  
গেল, কারণ তার বিপুল ধনসম্পত্তি ছিল। 23 যীশু চারদিকে তাকিয়ে  
তাঁর শিষ্যদের বললেন, “ধনী মানুষের পক্ষে ঈশ্বরের রাজ্যে প্রবেশ  
করা কত কঠিন!” 24 শিষ্যেরা তাঁর কথা শুনে বিস্মিত হলেন। কিন্তু  
যীশু আবার বললেন, “বৎসেরা, যারা ধনসম্পদে নির্ভর করে, তাদের  
পক্ষে ঈশ্বরের রাজ্যে প্রবেশ করা কেমন কঠিন! 25 ধনী মানুষের পক্ষে  
ঈশ্বরের রাজ্যে প্রবেশ করার চেয়ে বরং সুচের ছিদ্রপথ দিয়ে উটের পার  
হওয়া সহজ।” 26 শিষ্যেরা তখন আরও বেশি বিস্মিত হয়ে পরস্পরকে  
বললেন, “তাহলে কে পরিত্রাণ পেতে পারে?” 27 যীশু তাদের দিকে  
তাকিয়ে বললেন, “মানুষের পক্ষে এ অসম্ভব, কিন্তু ঈশ্বরের কাছে  
নয়। ঈশ্বরের পক্ষে সবকিছুই সম্ভব।” 28 পিতর তাঁকে বললেন,  
“আপনাকে অনুসরণ করার জন্য আমরা সবকিছু ত্যাগ করেছি।” 29  
যীশু উত্তর দিলেন, “আমি তোমাদের সত্যিই বলছি, এমন কেউ নেই,  
যে আমার ও সুসমাচারের জন্য নিজের বাড়িঘর, ভাইবোন, মা-বাবা,  
সন্তানসন্ততি, কি জমিজায়গা ত্যাগ করেছে, অথচ বর্তমান কালে তার  
শতঙ্গ ফিরে পাবে না। 30 সে এই জীবনেই বাড়িঘর, ভাইবোন, মা-  
বাবা, সন্তানসন্ততি ও জমিজায়গা লাভ করবে ও সেই সঙ্গে নির্যাতন  
ভোগ করবে। কিন্তু ভাবীকালে অনন্ত জীবন লাভ করবে। (aiōn g165,  
aiōnios g166) 31 কিন্তু অনেকেই, যারা প্রথমে আছে, তারা শেষে হবে,  
আর যারা পিছনে আছে, তারা প্রথমে হবে।” 32 তাঁরা জেরুশালেমের  
পথে যাচ্ছিলেন। যীশু ছিলেন সবার সামনে। শিষ্যেরা এতে বিস্মিত  
হলেন ও যারা অনুসরণ করছিল, তারা ভয় পেল। তিনি আবার সেই

বারোজনকে এক পাশে ডেকে নিয়ে, তাঁর প্রতি কী ঘটতে চলেছে তা  
বললেন। 33 তিনি বললেন, “আমরা জেরশালেম পর্যন্ত যাচ্ছি। আর  
মনুষ্যপুত্রকে প্রধান যাজকদের ও শাস্ত্রবিদদের হাতে সমর্পণ করা  
হবে। তারা তাঁকে মৃত্যুদণ্ডে দণ্ডিত করবে ও অইহুদিদের হাতে তুলে  
দেবে। 34 তারা তাঁকে বিন্দুপ করবে, তাঁর গায়ে থুতু দেবে, চাবুক  
দিয়ে মারবে ও তাঁকে হত্যা করবে। তিন দিন পরে, তিনি আবার মৃত্যু  
থেকে পুনর়ুত্থিত হবেন।” 35 তারপর, সিবদিয়ের পুত্র যাকোব ও  
যোহন তাঁর কাছে এলেন। তাঁরা বললেন, “গুরুমহাশয়, আমরা যা  
চাই, আপনি আমাদের জন্য তা করুন।” 36 তিনি জিজ্ঞাসা করলেন,  
“তোমরা কী চাও? আমি তোমাদের জন্য কী করব?” 37 তাঁরা উত্তর  
দিলেন, “আপনি মহিমা লাভ করলে আমাদের একজনকে আপনার  
ডানদিকে, আর একজনকে আপনার বাঁদিকে বসতে দেবেন।” 38 যীশু  
বললেন, “তোমরা কী চাইছ, তা তোমরা জানো না। আমি যে পেয়ালায়  
পান করি, তাতে তোমরা কি পান করতে পারো? অথবা যে বাণিষ্ঠে  
আমি বাণিষ্ঠ লাভ করি, তাতে কি তোমরা বাণিষ্ঠ নিতে পারো?” 39  
তাঁরা উত্তর দিলেন, “আমরা পারি।” যীশু তাঁদের বললেন, “আমি যে  
পেয়ালায় পান করি, তাতে তোমরা পান করবে এবং আমি যে বাণিষ্ঠে  
বাণিষ্ঠ লাভ করি, তোমরাও সেই বাণিষ্ঠে বাণিষ্ঠ লাভ করবে। 40  
কিন্তু, আমার ডানদিকে বা বাঁদিকে বসতে দেওয়ার অধিকার আমার  
নেই। এই স্থান তাদের জন্য, যাদের জন্য সেগুলি প্রস্তুত করা হয়েছে।”  
41 অন্য দশজন একথা শুনে যাকোব ও যোহনের প্রতি ঝষ্ট হলেন। 42  
যীশু তাঁদের কাছে ডেকে বললেন, “তোমরা জানো যে, যারা অন্য  
জাতির শাসক বলে পরিচিত, তারা তাদের উপরে প্রভুত্ব করে। আবার  
তাদের উচ্চপদস্থ কর্মচারীরা সেই শাসকদের উপরে কর্তৃত্ব করে। 43  
তোমাদের ক্ষেত্রে সেরকম হবে না। বরং, কেউ যদি তোমাদের মধ্যে  
মহান হতে চায়, তাকে অবশ্যই তোমাদের দাস হতে হবে। 44 আর  
যে প্রধান হতে চায়, সে অবশ্যই সকলের ক্রীতদাস হবে। 45 কারণ,  
এমনকি, মনুষ্যপুত্রও সেবা পেতে আসেননি, কিন্তু সেবা করতে ও  
অনেকের পরিবর্তে নিজের প্রাণ মুক্তিপণ্ডৰূপ দিতে এসেছেন।” 46

এরপর তাঁরা যিরীহোতে এলেন। যীশু ও তাঁর শিষ্যেরা যখন অনেক লোকের সঙ্গে নগর ত্যাগ করে চলে যাচ্ছেন, তখন বরতীময় নামে এক ব্যক্তি পথের ধারে বসে ভিক্ষা করছিল। সে ছিল তীময়ের পুত্র। 47 যখন সে শুনতে পেল, তিনি নাসরতের যীশু, সে চিংকার করে বলতে লাগল, “দাউদ-সন্তান যীশু, আমার প্রতি কৃপা করুন।” 48 অনেকে তাকে ধর্মক দিল ও চুপ করতে বলল, কিন্তু সে আরও বেশি চিংকার করে বলতে লাগল, “হে দাউদের সন্তান, আমার প্রতি কৃপা করুন।” 49 যীশু থেমে বললেন, “ওকে ডাকো।” তাই তারা সেই অন্ধ লোকটিকে ডেকে বলল, “ওহে, সাহস করো, ওঠো, তিনি তোমাকে ডাকছেন!” 50 সে তার নিজের পোশাক একদিকে ছুঁড়ে ফেলে তার পায়ে লাফ দিয়ে উঠে দাঁড়াল ও যীশুর কাছে এল। 51 যীশু তাকে জিজ্ঞাসা করলেন, “তুমি কী চাও, আমি তোমার জন্য কী করব?” অন্ধ লোকটি বলল, “রবি, আমি যেন দেখতে পাই।” 52 যীশু বললেন, “যাও, তোমার বিশ্বাসই তোমাকে সুস্থ করেছে।” তখনই সে তার দৃষ্টিশক্তি লাভ করল ও সেই পথে যীশুকে অনুসরণ করল।

**11** তাঁরা জেরুশালেমের কাছাকাছি এসে যখন জলপাই পর্বতের ধারে বেথফাগ ও বেথানি গ্রামে উপস্থিত হলেন, তখন যীশু তাঁর দুজন শিষ্যকে এই বলে পাঠালেন, 2 “তোমরা সামনের ওই গ্রামে যাও। সেখানে প্রবেশ করা মাত্র দেখতে পাবে যে একটি গর্দভশাবক বাঁধা আছে, যার উপরে কেউ কখনও বসেনি। সেটির বাঁধন খুলে এখানে নিয়ে এসো। 3 কেউ যদি তোমাদের জিজ্ঞাসা করে, ‘তোমরা কেন এরকম করছ?’ তাকে বোলো, ‘প্রভুর প্রয়োজন আছে, শীত্বাই তিনি এটি ফেরত পাঠিয়ে দেবেন।’” 4 তাঁরা গিয়ে দেখলেন, একটি দরজার কাছে, বাইরের রাস্তায় একটি গর্দভশাবক বাঁধা আছে। তাঁরা সেটি খোলা মাত্র, 5 সেখানে দাঁড়িয়ে থাকা কয়েকজন লোক জিজ্ঞাসা করল, “তোমরা কী করছ? শাবকটির বাঁধন খুলছ কেন?” 6 এতে যীশু যেমন বলেছিলেন, তাঁরা সেভাবেই উত্তর দিলেন। আর সেই লোকেরা সেটিকে নিয়ে যেতে দিল। 7 তাঁরা গর্দভশাবকটি যীশুর কাছে নিয়ে এসে তার উপর তাদের পোশাক বিছিয়ে দিলেন। তিনি তার উপরে

বসলেন। ৪ বহু মানুষ পথের উপরে তাদের পোশাক বিছিয়ে দিল,  
অন্যেরা মাঠ থেকে গাছের ডালপালা কেটে এনে রাস্তার উপরে ছড়িয়ে  
দিল। ৫ যারা সামনে যাচ্ছিল ও যারা পিছনে ছিল, তারা চিন্কার করে  
বলতে লাগল, “হোশানা!” “ধন্য তিনি, যিনি প্রভুর নামে আসছেন!” ১০  
“ধন্য আমাদের পিতা দাউদের সন্নিকট রাজ্য!” “উর্ধ্বলোকে হোশানা!”  
১১ যীশু জেরুশালেমে প্রবেশ করে মন্দিরে গেলেন। তিনি চারপাশের  
সবকিছু লক্ষ্য করতে লাগলেন। কিন্তু ইতিমধ্যে অনেক দেরি হওয়াতে,  
তিনি সেই বারোজনের সঙ্গে বেথানিতে চলে গেলেন। ১২ পরদিন,  
তাঁরা বেথানি পরিত্যাগ করে যাওয়ার সময়, যীশু ক্ষুধার্ত হলেন। ১৩  
দূরে একটি পাতায় ভরা ডুমুর গাছ দেখে, তাতে কোনো ফল আছে কি  
না, তিনি তা খুঁজতে গেলেন। তিনি গাছটির কাছে গিয়ে পাতা ছাঢ়া  
আর কিছুই দেখতে পেলেন না, কারণ তখন ডুমুরের মরশুম ছিল না।  
১৪ তখন তিনি সেই গাছটিকে বললেন, “তোমার ফল কেউ যেন আর  
কখনও না খায়।” শিষ্যেরা তাঁকে একথা বলতে শুনলেন। (aiōn g165)  
১৫ জেরুশালেমে পৌঁছে যীশু মন্দির চতুরে প্রবেশ করলেন এবং যারা  
সেখানে কেনাবেচা করছিল, তাদের তাড়িয়ে দিতে লাগলেন। তিনি  
মুদ্রা-বিনিময়কারীদের টেবিল ও পায়রা-বিক্রেতাদের বেঞ্চি উল্লে  
দিলেন। ১৬ মন্দির-প্রাঙ্গণ দিয়ে তিনি কাউকে বিক্রি করার কোনো কিছু  
নিয়ে যাওয়ার অনুমতি দিলেন না। ১৭ তিনি তাদের বললেন, “একথা  
কি লেখা নেই, ‘আমার গৃহ সর্বজাতির প্রার্থনা-গৃহস্থে আখ্যাত হবে’?  
কিন্তু তোমরা একে ‘দস্যুদের গৃহে পরিণত করেছ।’” ১৮ প্রধান  
যাজকেরা ও শাস্ত্রবিদরা একথা শুনতে পেয়ে, তাঁকে হত্যা করার পথ  
খুঁজতে লাগল। কিন্তু তারা তাঁকে ভয় করত, কারণ লোকসকল তার  
উপদেশে চমৎকৃত হয়েছিল। ১৯ সন্ধ্যা ঘনিয়ে এলে, যীশু ও তাঁর  
শিষ্যরা নগরের বাইরে চলে গেলেন। ২০ সকালবেলা, পথে যাওয়ার  
সময় তাঁরা দেখলেন, সেই ডুমুর গাছটি সমূলে শুকিয়ে গেছে। ২১  
সব কথা তখন পিতরের মনে পড়ল, আর তিনি যীশুকে বললেন,  
“রবি দেখুন, যে ডুমুর গাছটিকে আপনি অভিশাপ দিয়েছিলেন, সেটি  
শুকিয়ে গেছে।” ২২ যীশু উত্তর দিলেন, “ঈশ্বরে বিশ্বাস রাখো। ২৩

আমি তোমাদের সত্যই বলছি, কেউ যদি এই পর্বতটিকে বলে, ‘যাও, উপড়ে গিয়ে সমুদ্রে পড়ো,’ কিন্তু তার মনে কোনো সন্দেহ পোষণ না করে বিশ্বাস করে যে, সে যা বলেছে, তাই ঘটবে, তার জন্য সেরকমই করা হবে। 24 সেই কারণে আমি তোমাদের বলছি, তোমরা প্রার্থনায় যা কিছু চাও, বিশ্বাস করো যে তোমরা তা পেয়ে গিয়েছ, তবে তোমাদের জন্য সেরকমই হবে। 25 আর তোমরা যখন প্রার্থনা করার জন্য দাঁড়াও, যদি কারও বিরণক্ষেত্রে তোমাদের কোনও ক্ষেত্রে থাকে, তাকে ক্ষমা করো, 26 যেন তোমাদের স্বর্গস্থ পিতাও তোমাদের সকল পাপ ক্ষমা করেন।” 27 তাঁরা পুনরায় জেরশালেমে এলেন। যীশু যখন মন্দির চতুরে হেঁটে যাচ্ছিলেন, তখন প্রধান যাজকেরা, শাস্ত্রবিদরা ও লোকদের প্রাচীনবর্গ তাঁর কাছে এল। 28 তাঁরা প্রশ্ন করল, “তুমি কোন অধিকারে এসব কাজ করছ? আর এসব করার অধিকারই বা কে তোমাকে দিল?” 29 যীশু উত্তর দিলেন, “আমি তোমাদের একটি প্রশ্ন করব। আমাকে উত্তর দাও, তাহলে আমি তোমাদের বলব, আমি কোন অধিকারে এসব করছি। 30 আমাকে বলো, যোহনের বাণিজ্য স্বর্গ থেকে হয়েছিল, না মানুষের কাছ থেকে?” 31 তাঁরা নিজেদের মধ্যে এ বিষয়ে আলোচনা করে বলল, “যদি আমরা বলি, ‘স্বর্গ থেকে,’ ও জিজ্ঞাসা করবে, ‘তাহলে তোমরা তাকে বিশ্বাস করোনি কেন?’ 32 কিন্তু যদি আমরা বলি, ‘মানুষের কাছ থেকে’” (তাঁরা জনসাধারণকে ভয় করত, কারণ প্রত্যেকে যোহনকে প্রকৃত ভাববাদী বলেই মনে করত।) 33 তাই তাঁরা যীশুকে উত্তর দিল, “আমরা জানি না।” যীশু বললেন, “তাহলে, আমি কোন অধিকারে এসব কাজ করছি, তা তোমাদের বলব না।”

**12** যীশু তখন বিভিন্ন রূপকের আশ্রয়ে তাদের সঙ্গে কথা বলতে লাগলেন: “এক ব্যক্তি একটি দ্রাক্ষাক্ষেত্র স্থাপন করলেন। তিনি তাঁর চারপাশে একটি প্রাচীর নির্মাণ করলেন; দ্রাক্ষা পেষাই করার জন্য গর্ত খুঁড়লেন এবং পাহারা দেওয়ার জন্য এক উঁচু মিনার নির্মাণ করলেন। তারপর কয়েকজন ভাগচাষিকে দ্রাক্ষাক্ষেত্রটি ভাড়া দিয়ে তিনি এক যাত্রাপথে চলে গোলেন। 2 পরে ফল কাটার সময় উপস্থিত হলে, তিনি

তাঁর এক দাসকে ফলের অংশ সংগ্রহের জন্য দ্রাক্ষাক্ষেতে ভাগচাষিদের  
কাছে পাঠালেন। ৩ কিন্তু তারা তাকে মারধর করল ও শূন্য হাতে  
তাকে ফিরিয়ে দিল। ৪ তারপর তিনি অন্য এক দাসকে তাদের কাছে  
পাঠালেন; তারা সেই দাসের মাথায় আঘাত করল ও তার সঙ্গে নির্লজ্জ  
আচরণ করল। ৫ তিনি তবুও আর একজনকে পাঠালেন, তারা তাকে  
হত্যা করল। তিনি আরও অনেকজনকে পাঠালেন, তাদের কাউকে  
কাউকে তারা মারধর করল, অন্যদের হত্যা করল। ৬ “তখন তাঁর কাছে  
অবশিষ্ট ছিলেন আর একজন মাত্র ব্যক্তি, তিনি তাঁর প্রিয়তম পুত্র।  
সকলের শেষে তিনি একথা বলে তাঁকেই পাঠালেন, ‘তারা আমার  
পুত্রকে সম্মান করবে।’ ৭ “কিন্তু ভাগচাষিরা পরম্পরকে বলল, ‘এই  
হচ্ছে উত্তরাধিকারী! এসো, আমরা একে হত্যা করি, তাহলে মালিকানা  
আমাদের হবে।’ ৮ তাই তারা তাঁকে ধরে হত্যা করল ও দ্রাক্ষাক্ষেতের  
বাহিরে ছুঁড়ে ফেলে দিল। ৯ “দ্রাক্ষাক্ষেতের মালিক তখন কী করবেন?  
তিনি এসে ওহসব ভাগচাষিদের হত্যা করবেন এবং দ্রাক্ষাক্ষেতটি  
অন্যদের দেবেন। ১০ তোমরা কি শাস্ত্রে পাঠ করোনি, “‘গাঁথকেরা যে  
পাথর অগ্রাহ্য করেছিল, তাই হয়ে উঠল কোণের প্রধান পাথর; ১১  
প্রভুই এরকম করেছেন, আর তা আমাদের দৃষ্টিতে অবিশ্বাস্য।’” ১২  
তখন প্রধান যাজকেরা, শাস্ত্রবিদরা ও প্রাচীনবর্গ যীশুকে গ্রেপ্তার করার  
কেন্দ্রে উপায় খুঁজতে লাগল, কারণ তারা জানত, রূপক কাহিনিটি  
তিনি তাদের বিরুদ্ধেই বলেছেন। কিন্তু তারা জনসাধারণকে ভয় পেত;  
তাই তারা তাঁকে ছেড়ে চলে গেল। ১৩ এরপর তারা কয়েকজন ফরিশী  
ও হেরোদীয়কে যীশুর কাছে পাঠাল, যেন তাঁর কথাতেই তারা তাঁকে  
ধরার সূত্র খুঁজে পায়। ১৪ তারা তাঁর কাছে এসে বলল, “গুরুমহাশয়,  
আমরা জানি, আপনি একজন সত্যনির্ণ মানুষ। কোনো মানুষের দ্বারা  
আপনি প্রভাবিত হন না, তাদের কারও বিষয়ে আপনি কোনো জ্ঞানে  
করেন না। বরং আপনি সত্য অনুযায়ী ঈশ্বরের পথের বিষয়ে শিক্ষা  
দেন। আপনার অভিমত কী, কৈসরকে কর দেওয়া কি উচিত? ১৫  
আমরা কি কর দেব না দেব না?” যীশু কিন্তু তাদের ভগ্নামির কথা  
বুঝতে পারলেন। তিনি জিজ্ঞাসা করলেন, “তোমরা কেন আমাকে

ফাঁদে ফেলার চেষ্টা করছ? তোমরা আমার কাছে এক দিনার মুদ্রা  
নিয়ে এসো ও আমাকে তা দেখতে দাও।” 16 তারা সেই মুদ্রা নিয়ে  
এল। তিনি তাদের জিজ্ঞাসা করলেন, “এটি কার প্রতিকৃতি? খোদাই  
করা এই নাম কার?” তারা উত্তর দিল, “কৈসরের।” 17 তখন যীশু  
তাদের বললেন, “যা কৈসরের, তা কৈসরকে দাও, আর যা ঈশ্বরের,  
তা ঈশ্বরকে দাও।” এতে তারা তাঁর সম্পর্কে অত্যন্ত বিস্মিত হল।  
18 তখন সন্দূকীরা, যারা বলে পুনরুত্থান বলে কিছু নেই, একটি প্রশ্ন  
নিয়ে তাঁর কাছে এল। 19 তারা বলল, “গুরুমহাশয়, মোশি আমাদের  
জন্য লিখে গেছেন, কোনো ব্যক্তি যদি স্ত্রীকে সন্তানহীন রেখে মারা  
যায়, তবে তার ভাই, তার বিধবা পত্নীকে বিবাহ করবে এবং সে তার  
বড়ো ভাইয়ের জন্য সন্তানের জন্ম দেবে। 20 মনে করুন, সাতজন  
ভাই ছিল। প্রথমজন বিবাহ করল ও নিঃসন্তান অবস্থায় তার স্ত্রীকে  
রেখে মারা গেল। 21 দ্বিতীয়জন সেই বিধবাকে বিবাহ করল, কিন্তু  
সেও নিঃসন্তান অবস্থায় মারা গেল। তৃতীয় জনের ক্ষেত্রেও একই  
ঘটনা ঘটল। 22 প্রকৃতপক্ষে, সেই সাতজনের কেউই কোনো সন্তান  
রেখে যেতে পারল না। অবশ্যে সেই স্ত্রীরও মৃত্যু হল। 23 তাহলে,  
পুনরুত্থানে সে কার স্ত্রী হবে, কারণ সাতজনই তো তাকে বিবাহ  
করেছিল?” 24 যীশু উত্তর দিলেন, “এই কি তোমাদের আন্তির কারণ  
নয়, কারণ তোমরা শাস্ত্র জানো না, ঈশ্বরের পরাক্রমও জানো না?  
25 মৃতেরা যখন উথিত হয়, তখন তারা বিবাহ করে না, বা তাদের  
বিবাহ দেওয়াও হয় না। তারা স্বর্গলোকের দৃতগণের মতো হয়। 26  
কিন্তু মৃতদের উত্থান সম্পর্কে মোশির গ্রন্থে জ্বলন্ত ঝোপের বৃত্তান্তে  
কী লেখা আছে, তা কি তোমরা পাঠ করোনি? ঈশ্বর কীভাবে তাঁকে  
বলেছিলেন, ‘আমি অব্রাহামের ঈশ্বর, ইস্মাকের ঈশ্বর ও যাকোবের  
ঈশ্বর?’ 27 তিনি মৃতদের ঈশ্বর নন, তিনি জীবিতদের ঈশ্বর। তোমরা  
চরম বিভিত্তিতে আছ।” 28 শাস্ত্রবিদদের মধ্যে একজন এসে তাদের  
তর্কবিত্তক করতে শুনলেন। যীশু তাদের ভালো উত্তর দিয়েছেন লক্ষ্য  
করে তিনি তাঁকে জিজ্ঞাসা করলেন, “সব আজ্ঞার মধ্যে কোনটি  
সর্বাপেক্ষা মহৎ?” 29 যীশু উত্তর দিলেন, “সব থেকে মহৎ আজ্ঞাটি হল

এই, ‘হে ইশ্বারেল শোনো, আমাদের ঈশ্বর সদাপ্রভু, একই প্রভু। 30  
 তুমি তোমার সমস্ত হৃদয়, তোমার সমস্ত প্রাণ, তোমার সমস্ত মন ও  
 তোমার সমস্ত শক্তি দিয়ে তোমার ঈশ্বর সদাপ্রভুকে প্রেম করবে।’ 31  
 দ্বিতীয়টি হল, ‘তোমার প্রতিবেশীকে নিজের মতোই প্রেম করবে।’  
 এগুলির থেকে আর বড়ো কোনও আজ্ঞা নেই।” 32 “গুরুমহাশয়,  
 আপনি বেশ বলেছেন,” শাস্ত্রবিদ উত্তর দিলেন। “আপনি যথার্থই  
 বলেছেন যে, ঈশ্বর একই প্রভু এবং তিনি ছাড়া আর অন্য কেউ নেই।  
 33 সমস্ত হৃদয়, সমস্ত উপলক্ষি ও সমস্ত শক্তি দিয়ে ঈশ্বরকে ভালোবাসা  
 এবং তোমার প্রতিবেশীকে নিজের মতো প্রেম করা, সমস্ত হোম ও  
 বলিদানের চেয়েও বেশি মহত্ত্বপূর্ণ।” 34 যীশু দেখলেন, তিনি বিজ্ঞতার  
 সঙ্গে উত্তর দিয়েছেন, তাই তিনি তাকে বললেন, “ঈশ্বরের রাজ্য থেকে  
 তুমি দূরে নও।” সেই সময় থেকে কেউ তাঁকে আর কোনো প্রশ্ন করতে  
 সাহস পেল না। 35 মন্দির-প্রাঙ্গণে শিক্ষা দেওয়ার সময় যীশু জিজ্ঞাসা  
 করলেন, “শাস্ত্রবিদরা কী করে বলে যে, খ্রীষ্ট দাউদের পুত্র? 36 দাউদ  
 স্বয়ং পরিত্ব আত্মার আবেশে একথা ঘোষণা করেছেন, “‘প্রভু আমার  
 প্রভুকে বললেন, “তুমি আমার ডানদিকে বসো, যতক্ষণ না তোমার  
 শক্তদের আমি তোমার পদানত করি।” 37 স্বয়ং দাউদ তাঁকে ‘প্রভু’  
 বলে অভিহিত করেছেন, তাহলে কীভাবে তিনি তাঁর সন্তান হতে  
 পারেন?” বিস্তর লোক আনন্দের সঙ্গে তাঁর কথা শুনছিল। 38 শিক্ষা  
 দেওয়ার সময় যীশু তাদের বললেন, “শাস্ত্রবিদদের সম্পর্কে সতর্ক  
 থেকো। তারা লম্বা লম্বা পোশাক পরে ঘুরে বেড়াতে ও হাটেবাজারে  
 সন্তানিত হতে ভালোবাসে। 39 তারা সমাজভবনে সবচেয়ে গুরুত্বপূর্ণ  
 আসন পেতে ও ভোজসভায় সব থেকে সম্মানজনক আসন লাভ  
 করতে ভালোবাসে। 40 তারা বিধবাদের বাড়িগুলি গ্রাস করে এবং  
 লোক-দেখানো লম্বা লম্বা প্রার্থনা করে। এই ধরনের লোকেরা কঠোর  
 শাস্তি ভোগ করবে।” 41 যেখানে দান সংগ্রহ করা হচ্ছিল, যীশু তার  
 উল্টোদিকে বসে দেখছিলেন, লোকেরা কীভাবে মন্দিরের ভাণ্ডারে অর্থ  
 দান করছে। বহু ধনী ব্যক্তি প্রচুর সব মুদ্রা সেখানে রাখছিল। 42 কিন্তু  
 একজন দরিদ্র বিধবা এসে তার মধ্যে খুব ছোটো দুটি তামার পয়সা

রাখল, যার মূল্য সিকি পয়সা মাত্র। 43 যীশু তাঁর শিষ্যদের কাছে ডেকে বললেন, “আমি তোমাদের সত্যিই বলছি, এই দরিদ্র বিধবা, অন্য সবার চেয়ে বেশি অর্থ ভাঙারে দিয়েছে। 44 তারা সবাই তাদের প্রাচুর্য থেকে দান করেছে, কিন্তু সে তার দরিদ্রতা সত্ত্বেও, তার বেঁচে থাকার জন্য যা কিছু ছিল, তা থেকে সর্বস্ব দিয়ে দিয়েছে।”

**13** তিনি যখন মন্দির ছেড়ে যাচ্ছেন, তাঁর শিষ্যদের মধ্যে একজন তাঁকে বললেন, “গুরুমহাশয়, দেখুন! পাথরগুলি কেমন বিশাল! কেমন অপরূপ সব ভবন!” 2 উভরে যীশু বললেন, “তোমরা কি বিশাল এসব ভবন দেখছ? এদের একটি পাথরও অন্যটির উপরে থাকবে না, সবকটিকেই ভূমিসাঁও করা হবে।” 3 মন্দিরের বিপরীত দিকে যীশু যখন জলপাই পর্বতে বসেছিলেন, পিতর, যাকোব, যোহন ও আন্দ্রিয় তাঁকে একান্তে জিজ্ঞাসা করলেন, 4 “কখন এই সমস্ত ঘটনা ঘটবে, আমাদের বলুন। আর এগুলি পূর্ণ হওয়ার চিহ্নই বা কী হবে?” 5 যীশু তাঁদের বললেন, “সতর্ক থেকো, কেউ যেন তোমাদের সঙ্গে প্রতারণা না করে। 6 অনেকে এসে আমার নামে দাবি করবে, ‘আমিই সেই,’ আর এভাবে বহু মানুষকে ঠকাবে। 7 তোমরা যখন যুদ্ধের কথা ও যুদ্ধের সব জনরব শুনবে, তখন আতঙ্কগ্রস্ত হোয়ো না। এ সমস্ত বিষয় অবশ্যই ঘটবে, কিন্তু তখনও অন্তিমলগ্ন উপস্থিত হয়নি। 8 এক জাতি অন্য জাতির বিপক্ষে, এক রাজ্য অন্য রাজ্যের বিপক্ষে অভিযান করবে। বিভিন্ন স্থানে ভূমিকম্প হবে ও দুর্ভিক্ষ দেখা দেবে। কিন্তু এসব প্রসব যন্ত্রণার সূচনা মাত্র। 9 “তোমরা অবশ্যই নিজেদের সম্পর্কে সতর্ক থাকবে। তোমাদেরকে স্থানীয় কর্তৃপক্ষের হাতে তুলে দেওয়া হবে ও সমাজভবনগুলিতে চাবুক মারা হবে। আমার কারণে তোমাদের বিভিন্ন প্রদেশপাল ও রাজাদের কাছে দাঁড়াতে হবে, তাদের কাছে তোমরা আমার সাক্ষীস্বরূপ হবে। 10 আর প্রথমে সমস্ত জাতির কাছে সুসমাচার প্রচারিত হবে। 11 যখনই তোমাদের গ্রেপ্তার করে বিচারের জন্য নিয়ে আসা হবে, কী বলবে, তা নিয়ে আগে থেকেই দুশ্চিন্তাগ্রস্ত হোয়ো না। সেই সময়ে তোমাদের যা দেওয়া হবে, কেবলমাত্র তাই বোলো, কারণ তোমরা যে কথা বলবে, এমন নয়, কিন্তু পবিত্র আত্মাই বলবেন। 12

“তাই ভাইকে ও পিতা সন্তানকে প্রতারিত করবে; ছেলেমেয়েরা বাবা-  
মার বিরংদু বিদ্রোহী হয়ে তাদের মৃত্যুর উদ্দেশে সমর্পণ করবে। 13  
আমার কারণে সব মানুষ তোমাদের ঘৃণা করবে, কিন্তু যে কেউ শেষ  
পর্যন্ত অবিচল থাকবে, সেই পরিভ্রান্ত পাবে। 14 “যখন তোমরা দেখবে,  
‘ধ্বংসের কারণস্বরূপ সেই ঘৃণ্য বস্ত’ যেখানে তার দাঁড়াবার অধিকার  
নেই, সেখানেই দাঁড়িয়ে আছে, তখন যারা যিহুদিয়ায় থাকে, তারা  
পার্বত্য অঞ্চলে পালিয়ে যাক। 15 তখন ছাদের উপরে যে থাকবে, সে  
যেন কোনো জিনিসপত্র নেওয়ার জন্য নিচে নেমে না আসে, বা ঘরে  
প্রবেশ না করে। 16 মাঠে যে থাকবে, সে যেন জামাকাপড় নেওয়ার  
জন্য ঘরে ফিরে না যায়। 17 সেই সময় গর্ভবতী নারীদের ও শন্যদাত্রী  
মায়েদের কতই না ভয়ংকর কষ্ট হবে! 18 প্রার্থনা কোরো, যেন এই  
ঘটনা শীতকালে না ঘটে। 19 কারণ সেইসব দিনের দুঃসহ যন্ত্রণার  
কোনও তুলনা হবে না, ঈশ্বরের জগৎ সৃষ্টির সময় থেকে সেরকম  
কখনও হয়নি, বা আর কখনও হবেও না। 20 “অভু যদি সেই সমস্ত  
দিনের সংখ্যা কমিয়ে না দিতেন, তাহলে কোনো মানুষই রক্ষা পেত না।  
কিন্তু যাদের তিনি মনোনীত করেছেন ও বেছে নিয়েছেন, তাঁদের জন্য  
তিনি সেইসব দিনের সংখ্যা কমিয়ে দিয়েছেন। 21 সেই সময় কেউ  
যদি তোমাদের বলে, ‘দেখো, খ্রীষ্ট এখানে,’ বা ‘দেখো, তিনি ওখানে,’  
সেকথা তোমরা বিশাস কোরো না। 22 কারণ ভগ্ন খ্রীষ্টেরা ও ভগ্ন  
ভাববাদীরা উপস্থিত হয়ে বহু চিহ্ন ও অলৌকিক কাজ করে দেখাবে,  
যেন সন্তব হলে মনোনীতদেরও প্রতারিত করতে পারে। 23 তাই,  
সতর্ক থেকো, সময়ের আগেই আমি তোমাদের সবকিছু জানালাম। 24  
“কিন্তু সেই সমস্ত দিনে, সেই বিপর্যয়ের শেষে, “‘সূর্য অন্ধকারে ঢেকে  
যাবে, চাঁদ তার আলো দেবে না; 25 আকাশ থেকে নক্ষত্রসমূহের পতন  
হবে, আর জ্যোতিক্ষমণ্ডলী প্রকল্পিত হবে।’ 26 “সেই সময়ে লোকেরা  
মনুষ্যপুত্রকে মহাপরাক্রমে ও মহিমায় মেঘে করে আসতে দেখবে। 27  
তিনি তাঁর দৃতদের পাঠাবেন এবং তাঁরা আকাশের এক প্রান্ত থেকে  
অন্য প্রান্ত পর্যন্ত চারদিক থেকে তাঁর মনোনীতদের সংগ্রহ করবেন।  
28 “এখন ডুমুর গাছ থেকে এই শিক্ষাগ্রহণ করো: যখনই এর শাখায়

কোমল পল্লব ও পাতা বের হয়ে আসে, তোমরা বুঝতে পারো যে,  
গ্রীষ্মকাল কাছে এসেছে। 29 সেভাবে, তোমরা যখন এসব বিষয়  
ঘটতে দেখবে, তোমরা জানবে যে, সময় হয়ে এসেছে, এমনকি, তিনি  
দুয়ারে উপস্থিত হয়েছেন। 30 আমি তোমাদের সত্যিই বলছি, এই  
সমস্ত ঘটনা না ঘটা পর্যন্ত বর্তমান প্রজন্ম লুপ্ত হবে না। 31 আকাশ ও  
পৃথিবী লুপ্ত হবে, কিন্তু আমার বাক্য কখনও লুপ্ত হবে না। 32 “কিন্তু  
সেই দিন বা ক্ষণের কথা কেউই জানে না, এমনকি স্বর্গদুতেরা বা  
পুত্রও জানেন না, কেবলমাত্র পিতা জানেন। 33 সতর্ক হও! তোমরা  
সজাগ থেকো! কারণ তোমরা জানো না সেই সময় কখন আসবে। 34  
এ যেন কোনো ব্যক্তি বাড়ি ছেড়ে যাচ্ছেন; তিনি তাঁর বাড়ি ত্যাগ করে  
তাঁর দাসদের উপরে সমস্ত দায়িত্ব দিলেন। তিনি প্রত্যেককে তার  
নির্দিষ্ট কাজ দিলেন এবং দ্বাররক্ষীকে সতর্ক পাহারা দিতে বললেন।  
35 “সেই কারণে, সজাগ থেকো, কারণ তোমরা জানো না, বাড়ির কর্তা  
কখন ফিরে আসবেন—সন্ধ্যায়, না মধ্যরাত্রে, মোরগ ডাকার সময়,  
নাকি সকালবেলায়। 36 তিনি যদি হঠাতে এসে উপস্থিত হন, তোমাদের  
যেন ঘুমিয়ে থাকা অবস্থায় দেখতে না পান। 37 আমি তোমাদের যা  
কিছু বলি, তা সবাইকেই বলি: ‘তোমরা সজাগ থেকো।’”

**14** নিষ্ঠারপর্ব ও খামিরবিহীন রূপটির পর্ব শুরু হতে আর মাত্র দু-দিন  
বাকি ছিল। প্রধান যাজকেরা ও শাস্ত্রবিদরা সুকোশলে যীশুকে গ্রেপ্তার  
ও হত্যা করার জন্য সুযোগ খুঁজে বেড়াচ্ছিল। 2 তারা বলল, “কিন্তু  
পর্বের সময়ে নয়, তাতে লোকদের মধ্যে দাঙ্গা বেধে যেতে পারে।” 3  
যীশু যখন বেথানিতে কুঠরোগী শিমোন নামে পরিচিত এক ব্যক্তির  
বাড়িতে আসন্ন হেলান দিয়ে বসেছিলেন, তখন একজন নারী, একটি  
শ্বেতস্ফটিকের পাত্রে বিশুদ্ধ জটামাংসীর নির্যাসে তৈরি বহুমূল্য সুগন্ধি  
তেল নিয়ে এল। সে পাত্রটি ভেঙে তাঁর মাথায় সেই সুগন্ধি তেল ঢেলে  
দিল। 4 উপস্থিত ব্যক্তিদের মধ্যে কেউ কেউ বিরক্তির স্বরে বলল,  
“সুগন্ধিদ্রব্যের এই অপচয় কেন? 5 এটি বিক্রি করে তো তিনশো  
দিনারেরও বেশি অর্থ পাওয়া যেত ও দরিদ্রদের দান করা যেত।” তারা  
রূচিভাবে তাকে তিরক্ষার করল। 6 যীশু বললেন, “ওকে ছেড়ে দাও।

তোমরা কেন ওকে উত্ত্যক্ত করছ? ও আমার প্রতি এক অপূর্ব কাজ করেছে। 7 দরিদ্রদের তোমরা সবসময়ই সঙ্গে পাবে, আর তোমরা চাইলে যে কোনো সময় তাদের সাহায্য করতে পারো। কিন্তু আমাকে তোমরা সবসময় পাবে না। 8 সে তার সাধ্যমতোই কাজ করেছে। সে আগে থেকেই আমার শরীরে সুগন্ধিদ্রব্য ঢেলে দিয়ে আমার দেহকে সমাধির জন্য প্রস্তুত করেছে। 9 আমি তোমাদের সত্যিই বলছি, সমস্ত জগতে, যেখানেই সুসমাচার প্রচারিত হবে, সে যা করেছে, সৃতির উদ্দেশে তার সেই কাজের কথাও বলা হবে।” 10 তখন সেই বারোজনের একজন, যিন্হাঁ ইক্ষারিয়োৎ যীশুকে ধরিয়ে দেওয়ার জন্য প্রধান যাজকদের কাছে গেল। 11 তারা একথা শুনে আনন্দিত হয়ে তাকে টাকা দিতে প্রতিশ্রুতি দিল। তাই সে তাঁকে তাদের হাতে তুলে দেওয়ার সুযোগ খুঁজতে লাগল। 12 খামিরবিহীন রুটির পর্বের প্রথম দিনে, যখন নিষ্ঠারপর্বের মেষশাবক বলিদান করার প্রথা ছিল, যীশুর শিষ্যেরা তাঁকে জিজ্ঞাসা করলেন, “আমরা কোথায় গিয়ে আপনার জন্য নিষ্ঠারপর্বের ভোজ প্রস্তুত করব? আপনার ইচ্ছা কী?” 13 তাই তিনি তাঁর দুজন শিষ্যকে এই বলে পাঠালেন, “তোমরা ওই নগরে যাও। সেখানে দেখবে, এক ব্যক্তি জলের একটি কলশি নিয়ে যাচ্ছে। তোমরা তাকে অনুসরণ কোরো। 14 যে বাড়িতে সে প্রবেশ করবে, সেই গৃহকর্তাকে তোমরা বোলো, ‘গুরুমহাশয় জানতে চান, অতিথিদের জন্য আমার সেই নির্দিষ্ট ঘরটি কোথায়, যেখানে আমি আমার শিষ্যদের নিয়ে নিষ্ঠারপর্বের ভোজ গ্রহণ করতে পারি?’ 15 সে তোমাদের উপরতলায় একটি বড়ো ঘর দেখাবে। তা সুসজ্জিত ও প্রস্তুত অবস্থায় আছে। আমাদের জন্য সেখানেই সব আয়োজন কোরো।” 16 সেই শিষ্যেরা বেরিয়ে পড়লেন। নগরে প্রবেশ করে যীশু তাঁদের যেমন বলেছিলেন, ঠিক তেমনই তাঁরা সবকিছু দেখতে পেলেন। তাই তাঁরা সেখানেই নিষ্ঠারপর্বের ভোজ প্রস্তুত করলেন। 17 সন্ধ্যা ঘনিয়ে এলে, যীশু সেই বারোজনের সঙ্গে সেখানে উপস্থিত হলেন। 18 আসনে হেলান দিয়ে তাঁরা যখন আহার করছিলেন, তিনি বললেন, “আমি তোমাদের সত্যিই বলছি, তোমাদের মধ্যে একজন আমার সঙ্গে

বিশ্বাসঘাতকতা করবে—সে আমারই সঙ্গে আহার করছে।” 19 তাঁরা দুঃখিত হলেন এবং এক এক করে তাঁকে জিজ্ঞাসা করলেন, “সে নিশ্চয়ই আমি নই?” 20 তিনি উত্তর দিলেন, “সে এই বারোজনের মধ্যেই একজন, যে আমার সঙ্গে খাবারের পাত্রে ঝটি ডুবালো। 21 মনুষ্যপুত্রের বিষয়ে যে রকম লেখা আছে, তেমনই তিনি চলে যাবেন, কিন্তু ধিক্ষ সেই ব্যক্তিকে, যে মনুষ্যপুত্রের সঙ্গে বিশ্বাসঘাতকতা করবে! তার জন্ম না হলেই বরং তার পক্ষে ভালো হত।” 22 তাঁরা যখন আহার করছিলেন, যীশু ঝটি নিলেন, ধন্যবাদ দিলেন ও তা ভাঙলেন। আর তিনি তাঁর শিষ্যদের দিলেন ও বললেন, “তোমরা নাও; এ আমার শরীর।” 23 তারপর তিনি পানপাত্রটি নিলেন, ধন্যবাদ দিলেন ও তাঁদের সেটি দিলেন। তাঁরা সবাই তা থেকে পান করলেন। 24 তিনি তাঁদের বললেন, “এ আমার রক্ত, নতুন নিয়মের রক্ত, যা অনেকের জন্য পাতিত হয়েছে। 25 আমি তোমাদের সত্ত্ব বলছি, ঈশ্বরের রাজ্য আমি নতুন করে পান না করা পর্যন্ত দ্রাক্ষারস আর কখনও পান করব না।” 26 পরে তাঁরা একটি গান করে সেখান থেকে বের হয়ে জলপাই পর্বতে গেলেন। 27 যীশু তাঁদের বললেন, “তোমরা সবাই আমাকে ছেড়ে যাবে, কারণ এরকম লেখা আছে: ‘আমি মেষপালককে আঘাত করব, এতে মেষেরা ছিন্নভিন্ন হয়ে পড়বে।’ 28 কিন্তু আমি উপ্রিত হলে পর, আমি তোমাদের আগেই গালীলে পৌঁছাব।” 29 পিতর তাঁকে বললেন, “সবাই আপনাকে ছেড়ে গেলেও, আমি যাব না।” 30 যীশু উত্তরে বললেন, “আমি তোমাকে সত্যিই বলছি, আজই—হাঁ, আজ রাত্রিবেলায়—দু-বার মোরগ ডাকার আগেই, তুমি আমাকে তিনবার অস্বীকার করবে।” 31 কিন্তু পিতর আরও জোরের সঙ্গে বললেন, “আপনার সঙ্গে যদি আমাকে মৃত্যুবরণও করতে হয়, তাহলেও আমি আপনাকে কখনোই অস্বীকার করব না।” আর বাকি সকলেও একই কথা বললেন। 32 পরে তাঁরা গেৎশিমানি নামে পরিচিত একটি স্থানে গেলেন। আর যীশু তাঁর শিষ্যদের বললেন, “আমি যখন প্রার্থনা করি, তোমরা এখানে বসে থাকো।” 33 তিনি পিতর, যাকোব ও যোহনকে তাঁর সঙ্গে নিলেন এবং গভীর মর্মবেদনাগ্রন্থ ও উৎকর্ষিত

হয়ে উঠলেন। 34 তিনি তাঁদের বললেন, “আমার প্রাণ ঘৃত্য পর্যন্ত  
দুঃখার্ত হয়েছে। তোমরা এখানে থাকো, এবং জেগে থাকো।” 35  
আরও কিছু দূর এগিয়ে গিয়ে, তিনি মাটিতে লুটিয়ে পড়ে প্রার্থনা  
করলেন, যেন সন্তব হলে সেই লগ্ন তাঁর কাছ থেকে দূর করা হয়। 36  
তিনি বললেন, “আবো, পিতা, তোমার পক্ষে সবকিছুই করা সন্তব। এই  
পানপাত্র আমার কাছ থেকে সরিয়ে নাও। তবুও আমার ইচ্ছা অনুযায়ী  
নয়, কিন্তু তোমারই ইচ্ছা অনুযায়ী হোক।” 37 তারপর তিনি শিষ্যদের  
কাছে ফিরে এসে দেখলেন, তাঁরা ঘুমিয়ে পড়েছেন। তিনি পিতরকে  
বললেন, “শিমোন, তুমি কি ঘুমিয়ে পড়েছ? তুমি এক ঘণ্টাও জেগে  
থাকতে পারলে না? 38 জেগে থাকো ও প্রার্থনা করো, যেন প্রলোভনে  
না পড়ো। আজ্ঞা ইচ্ছুক, কিন্তু শরীর দুর্বল।” 39 আর একবার তিনি  
দূরে গিয়ে সেই একই প্রার্থনা করলেন। 40 যখন তিনি ফিরে এলেন,  
তিনি আবার তাঁদের ঘুমাতে দেখলেন, কারণ তাঁদের চোখের পাতা  
ভারী হয়ে উঠেছিল। তাঁরা তাঁকে কী বলবেন, বুবাতে পারলেন না। 41  
তৃতীয়বার তিনি ফিরে এসে তাঁদের বললেন, “তোমরা কি এখনও  
ঘুমিয়ে আছ ও বিশ্রাম করছ? যথেষ্ট হয়েছে! সময় হয়েছে। দেখো,  
মনুষ্যপুত্রকে পাপীদের হাতে ধরিয়ে দেওয়া হচ্ছে। 42 ওঠো! চলো  
আমরা যাই! দেখো, আমার বিশ্বাসঘাতক এসে পড়েছে।” 43 তিনি  
তখনও কথা বলছেন, সেই সময় বারোজনের অন্যতম যিহুদা এসে  
উপস্থিত হল। তার সঙ্গে ছিল একদল সশস্ত্র লোক, তাদের হাতে ছিল  
তরোয়াল ও লাঠিসোঁটা। প্রধান যাজকেরা, শাস্ত্রবিদরা ও লোকসমূহের  
প্রাচীনবর্গ তাদের পাঠিয়েছিল। 44 সেই বিশ্বাসঘাতক তাদের এই  
সংকেত দিয়ে রেখেছিল, “যাকে আমি চুম্বন করব, সেই ওই ব্যক্তি;  
তাকে গ্রেপ্তার কোরো ও সর্তক পাহারা দিয়ে নিয়ে যেয়ো।” 45 সেই  
মুহূর্তেই যীশুর কাছে গিয়ে যিহুদা বলল, “রবি!” আর তাঁকে চুম্বন  
করল। 46 সেই লোকেরা যীশুকে ধরল ও তাঁকে গ্রেপ্তার করল। 47 যারা  
আশেপাশে দাঁড়িয়েছিল তাঁদের মধ্যে একজন তার তরোয়াল বের করে  
মহাযাজকের দাসকে আঘাত করে তার একটি কান কেটে ফেলল। 48  
যীশু বললেন, “আমি কি কোনও বিদ্রোহের নেতৃত্ব দিচ্ছি যে, তোমরা

তরোয়াল ও লাঠিসৌঁটা নিয়ে আমাকে ধরতে এসেছ? 49 প্রতিদিন  
আমি তোমাদের সঙ্গে থেকে মন্দির চতুরে বসে শিক্ষা দিয়েছি, তখন  
তো তোমরা আমাকে গ্রেপ্তার করোনি। কিন্তু শাস্ত্রবাণী অবশ্যই পূর্ণ  
হতে হবে।” 50 তখন সকলে তাঁকে ত্যাগ করে পালিয়ে গেলেন। 51  
আর একজন যুবক, কোনো কিছু না-পরে, কেবলমাত্র একটি মাসিনার  
কাপড় গায়ে জড়িয়ে যীশুকে অনুসরণ করছিল। 52 তারা তাকে ধরলে,  
সে তার পোশাক ফেলে নগ্ন অবস্থাতেই পালিয়ে গেল। 53 তারা  
যীশুকে মহাযাজকের কাছে নিয়ে গেল। আর সব প্রধান যাজকেরা,  
লোকদের প্রাচীনবর্গ ও শাস্ত্রবিদরা সমবেত হয়েছিল। 54 পিতর দূর  
থেকে তাঁকে অনুসরণ করে মহাযাজকের উঠান পর্যন্ত চলে গেলেন।  
সেখানে তিনি প্রহরীদের সঙ্গে বসে আগুন পোহাতে লাগলেন। 55  
প্রধান যাজকেরা ও সমস্ত মহাসভা যীশুকে মৃত্যুদণ্ড দেওয়ার জন্য  
তাঁর বিরুদ্ধে সাক্ষ্য-প্রমাণ খুঁজছিল, কিন্তু তারা সেরকম কিছুই পেল  
না। 56 অনেকে তাঁর বিরুদ্ধে মিথ্যা সাক্ষ্য দিল ঠিকই, কিন্তু তাদের  
সাক্ষ্যের মধ্যে কোনও মিল ছিল না। 57 তখন কয়েকজন উঠে দাঁড়িয়ে  
তাঁর বিরুদ্ধে এই মিথ্যা সাক্ষ্য দিল: 58 “আমরা একে বলতে শুনেছি,  
‘মানুষের তৈরি এই মন্দির আমি ধ্বংস করতে ও তিনদিনের মধ্যে আর  
একটি মন্দির নির্মাণ করতে পারি, যা মানুষের তৈরি নয়।’” 59 তবুও,  
এই সাক্ষ্যের মধ্যেও কোনো মিল খুঁজে পাওয়া গেল না। 60 তখন  
মহাযাজক তাদের সামনে উঠে দাঁড়ালেন ও যীশুকে জিজ্ঞাসা করলেন,  
“তুমি কি উত্তর দেবে না? তোমার বিরুদ্ধে এরা যেসব সাক্ষ্য-প্রমাণ  
এনেছে, সেগুলি কী?” 61 যীশু তবুও নীরব রইলেন, কোনও উত্তর  
দিলেন না। মহাযাজক তাঁকে আবার জিজ্ঞাসা করলেন, “তুমই কি  
সেই খ্রীষ্ট, পরমধন্য ঈশ্঵রের পুত্র?” 62 যীশু বললেন, “আমিই তিনি।  
আর তোমরা মনুষ্যপুত্রকে সেই সর্বশক্তিমান ঈশ্বরের ডানদিকে বসে  
থাকতে ও স্বর্গের মেঘে করে আসতে দেখবে।” 63 তখন মহাযাজক  
তাঁর পোশাক ছিঁড়ে ফেললেন। তিনি বললেন, “আমাদের আর সাক্ষ্য-  
প্রমাণের কী প্রয়োজন? 64 তোমরা তো ঈশ্বরনিন্দা শুনলে। তোমাদের  
অভিমত কী?” তারা সবাই যীশুকে অপরাধী সাব্যস্ত করে মৃত্যুদণ্ড

পাওয়ার যোগ্য বলে রায় দিল। ৬৫ তখন কেউ কেউ তাঁর গায়ে থুতু  
 দিল, তারা তাঁর চোখ বেঁধে তাঁকে ঘুসি মারল ও বলল, “ভাববাণী বল!”  
 আর প্রহরীরা তাঁকে নিয়ে গিয়ে প্রহার করতে লাগল। ৬৬ পিতর যখন  
 নিচে উঠানে ছিলেন, মহাযাজকের একজন দাসী তাঁর কাছে এল। ৬৭  
 পিতরকে আগুন পোহাতে দেখে সে তাঁকে মনোযোগ দিয়ে দেখতে  
 লাগল। সে বলল, “তুমি ওই নাসরতীয় যীশুর সঙ্গে ছিলে।” ৬৮ কিন্তু  
 তিনি সেই কথা অস্বীকার করলেন। তিনি বললেন, “তুমি কী বলছ,  
 তা আমি জানি না, বুঝতেও পারছি না।” এরপর তিনি প্রবেশদ্বারের  
 দিকে চলে গেলেন, আর তক্ষুনি মোরগ ডেকে উঠল। ৬৯ সেই দাসী  
 তাঁকে সেখানে দেখে তাঁর চারপাশের লোকদের আবার বলল, “এই  
 লোকটি ওদেরই একজন!” ৭০ তিনি আবার তা অস্বীকার করলেন।  
 এর কিছুক্ষণ পরে, যারা পিতরের কাছে দাঁড়িয়েছিল, তারা বলল,  
 “তুমি নিশ্চয় ওদেরই একজন, কারণ তুমি একজন গালীলীয়।” ৭১  
 তিনি নিজেকে অভিশাপ দিতে লাগলেন ও তাদের কাছে শপথ করে  
 বললেন, “যাঁর সম্পর্কে আপনারা বলছেন, তাঁকে আমি চিনি না।” ৭২  
 সঙ্গে সঙ্গে মোরগ দ্বিতীয়বার ডেকে উঠল। তখন যীশু পিতরকে যে  
 কথা বলেছিলেন, তাঁর তা মনে পড়ল: “মোরগ দু-বার ডাকার পূর্বে  
 তুমি তিনবার আমাকে অস্বীকার করবে।” তখন তিনি অত্যন্ত কানায়  
 ভেঙে পড়লেন।

**15** খুব ভোরবেলায়, প্রধান যাজকেরা, লোকদের প্রাচীনবর্গ ও  
 শাস্ত্রবিদরা সমস্ত মহাসভার সঙ্গে এক সিদ্ধান্তে উপনীত হল। তারা  
 যীশুকে বেঁধে পীলাতের কাছে নিয়ে গেল ও তাঁর হাতে তাঁকে সমর্পণ  
 করল। ২ পীলাত জিজ্ঞাসা করলেন, “তুমিই কি ইহুদিদের রাজা?”  
 যীশু উত্তর দিলেন, “হ্যাঁ, ঠিক তাই, যেমন তুমি বললে।” ৩ প্রধান  
 যাজকেরা তাঁকে অনেক বিষয়ে অভিযুক্ত করল। ৪ তাই পীলাত  
 আবার তাঁকে জিজ্ঞাসা করলেন, “তুমি কি উত্তর দেবে না? দেখো,  
 ওরা তোমার বিরংদে কত অভিযোগ করছে।” ৫ যীশু তবুও কোনো  
 উত্তর দিলেন না দেখে পীলাত বিস্মিত হলেন। ৬ লোকদের পর্বের  
 সময় সকলের অনুরোধে এক বন্দিকে মুক্তি দেওয়ার প্রথা প্রচলিত

ছিল। 7 তখন বারাবা নামে এক ব্যক্তি অন্য কয়েকজন বিদ্রোহীর  
সঙ্গে কারারঞ্চ ছিল। তারা প্রশাসনের বিরুদ্ধে বিদ্রোহ করার সময়  
নরহত্যাও করেছিল। 8 লোকেরা সামনে এসে পীলাতকে অনুরোধ  
করল, তিনি সাধারণত যা করে থাকেন, তাদের জন্য যেন তাই করেন।  
9 পীলাত জিজ্ঞাসা করলেন, “তোমরা কি চাও যে, ‘ইন্দিদের রাজাকে’  
আমি তোমাদের জন্য মুক্ত করে দিই?” 10 কারণ তিনি জানতেন,  
প্রধান যাজকেরা ঈর্ষাবশত যীশুকে তাঁর হাতে তুলে দিয়েছিল। 11  
কিন্তু প্রধান যাজকেরা সকলকে উত্তেজিত করে পীলাতকে বলতে  
বলল যে তারা যেন বারাবাৰ মুক্তি চায়। 12 পীলাত তাদের জিজ্ঞাসা  
করলেন, “তাহলে, তোমরা যাকে ইন্দিদের রাজা বলো, তাকে নিয়ে  
আমি কী করব?” 13 তারা চি�ৎকার করে বলল, “ওকে ক্রুশে দিন!” 14  
পীলাত জিজ্ঞাসা করলেন, “কেন, ও কী অপরাধ করেছে?” কিন্তু তারা  
আরও জোরে চি�ৎকার করে বলতে লাগল, “ওকে ক্রুশে দিন!” 15  
লোকসকলকে সন্তুষ্ট করার জন্য পীলাত তাদের কাছে বারাবাকে মুক্ত  
করে দিলেন। তিনি যীশুকে চাবুক দিয়ে প্রথার করিয়ে ক্রুশার্পিত করার  
জন্য সমর্পণ করলেন। 16 সৈন্যরা যীশুকে প্রাঙ্গণে, অর্থাৎ শাসক-  
ভবনের ভিতরে নিয়ে গেল। তারা সৈন্যবাহিনীর সবাইকে ডেকে একত্র  
করল। 17 তারা তাঁর গায়ে বেগুনি রংয়ের এক পোশাক পরিয়ে দিল।  
তারপর পাক দিয়ে একটি কাঁচার মুকুট গেঁথে তাঁর মাথায় পরিয়ে  
দিল। 18 তারা তাঁকে অভিবাদন করে বলতে লাগল, “ইন্দি-রাজ,  
নমস্কার!” 19 একটি নলখাগড়া দিয়ে বারবার তারা তাঁর মাথায় আঘাত  
করল ও তাঁর গায়ে থুতু দিল। তারপর তারা নতজানু হয়ে তাঁকে প্রণাম  
করল। 20 তাঁকে নিয়ে বিদ্রূপের পর্ব এভাবে শেষ হলে, তারা বেগুনি  
রংয়ের পোশাকটি খুলে নিল ও তাঁর নিজের পোশাক তাঁকে পরিয়ে  
দিল। তারপর তারা তাঁকে ক্রুশার্পিত করার জন্য নিয়ে গেল। 21  
কুরীণ থেকে আগত শিমোন নামে জনৈক ব্যক্তি গ্রামাঞ্চল থেকে সেই  
পথে আসছিল। সে আলেকজান্ড্রার ও রুফের পিতা। তারা ক্রুশ বয়ে  
নিয়ে যেতে তাকে বাধ্য করল। 22 তারা যীশুকে গলগথা নামে একটি  
স্থানে নিয়ে এল (নামটির অর্থ, “মাথার খুলির স্থান”)। 23 সেখানে

তারা যীশুকে গন্ধরস মেশানো দ্রাক্ষারস পান করতে দিল, কিন্তু তিনি তা গ্রহণ করলেন না। 24 এরপর তারা তাঁকে ক্রুশে দিল। তাঁর পোশাকগুলি তাগ করে নিয়ে কে কোন অংশ নেবে, তার জন্য তারা গুটিকাপাত করল। 25 সকাল নয়টার সময় তারা তাঁকে ক্রুশে দিল। 26 তাঁর বিরঞ্জে এই অভিযোগপত্র টাঙ্গিয়ে দেওয়া হল: ইহুদিদের রাজা। 27 তারা তাঁর সঙ্গে আরও দুজন দস্যুকে ক্রুশার্পিত করল, একজনকে তাঁর ডানদিকে, অন্যজনকে তাঁর বাঁদিকে। 28 তখন এই শাস্ত্রীয় বাণী পূর্ণ হল, “তিনি অধিমৌদ্রের সঙ্গে গণিত হলেন।” 29 যারা সেই পথ দিয়ে যাতায়াত করছিল, তারা মাথা নাড়তে নাড়তে তাঁকে অপমান করে বলতে লাগল, “তাহলে তুমিই সেই লোক, যে মন্দির ধ্বংস করে তিনদিনে তা পুনর্নির্মাণ করতে পারো! 30 এখন ক্রুশ থেকে নেমে এসো ও নিজেকে রক্ষা করো।” 31 একইভাবে প্রধান যাজকেরা ও শাস্ত্রবিদরাও তাঁকে বিদ্রূপ করে নিজেদের মধ্যে বলাবলি করতে লাগল; তারা বলল, “ও অন্যদের বাঁচাত, কিন্তু নিজেকে বাঁচাতে পারে না। 32 এখন এই খ্রীষ্ট, ইস্রায়েলের রাজা, ক্রুশ থেকে নেমে আসুক, যেন আমরাও তা দেখে বিশ্বাস করতে পারি।” যারা তাঁর সঙ্গে ক্রুশবিদ্ব হয়েছিল, তারাও তাঁকে অনেক অপমান করল। 33 বেলা বারোটা থেকে তিনটে পর্যন্ত সমস্ত দেশে অন্ধকার ছেয়ে গেল। 34 আর বেলা তিনটের সময়, যীশু উচ্চকগ্নে বলে উঠলেন, “এলী, এলী, লামা শব্দভানী?” যার অর্থ, “ঈশ্বর আমার, ঈশ্বর আমার, কেন তুমি আমাকে পরিত্যাগ করেছ?” 35 সেখানে দাঁড়িয়েছিল এমন কয়েকজন যখন একথা শুনল, তারা বলল, “শোনো, ও এলিয়কে ডাকছে।” 36 আর একজন লোক দৌড়ে গিয়ে একটি স্পঞ্জ সিরকায় পূর্ণ করে, একটি নলখাগড়ার সাহায্যে যীশুকে পান করতে দিল। সে বলল, “ওকে ছেড়ে দাও, এসো দেখি, এলিয় ওকে নামাতে আসেন কি না।” 37 এরপর যীশু উচ্চকগ্নে চিৎকার করে তাঁর শেষনিশ্বাস ত্যাগ করলেন। 38 মন্দিরের পর্দাটি উপর থেকে নিচ পর্যন্ত চিরে দু-টুকরো হল। 39 আর যে শত-সেনাপতি সেখানে যীশুর সামনেই দাঁড়িয়েছিলেন, তাঁর চিৎকার শুনে এবং তিনি কীভাবে মৃত্যুবরণ করলেন, তা দেখে বলে উঠলেন, “নিশ্চিতরূপেই

ইনি ঈশ্বরের পুত্র ছিলেন।” 40 কয়েকজন নারী দূর থেকে সব লক্ষ্য করছিলেন। তাঁদের মধ্যে ছিলেন মাগ্দালাবাসী মরিয়ম, কনিষ্ঠ যাকোব ও যোষির মা মরিয়ম ও শালোমি। 41 গালীলে এসব নারী তাঁকে অনুসরণ করে তাঁর পরিচর্যা করতেন। আরও অনেক নারী, যারা তাঁর সঙ্গে জেরুশালেমে এসেছিলেন, তাঁরাও সেখানে উপস্থিত ছিলেন। 42 সেদিন ছিল প্রস্তুতির দিন (অর্থাৎ, বিশ্রামদিনের আগের দিন)। সন্ধ্যা ঘনিয়ে এলে, 43 আরিমাথিয়ার যোষেফ, যিনি বিচার-পরিষদের একজন বিশিষ্ট সদস্য ছিলেন, তিনি সাহসের সঙ্গে পীলাতের কাছে গিয়ে যীশুর দেহটি চাইলেন। ইনি নিজেও ঈশ্বরের রাজ্যের প্রতীক্ষায় ছিলেন। 44 যীশু ইতিমধ্যে মারা গিয়েছেন শুনে পীলাত বিস্মিত হলেন। শত-সেনাপতিকে তলব করে তিনি তাকে জিজ্ঞাসা করলেন, সত্যিই এর মধ্যে যীশুর মৃত্যু হয়েছে কি না। 45 শত-সেনাপতির কাছে সেকথার সত্যতা জেনে তিনি যীশুর দেহটি যোষেফের হাতে তুলে দিলেন। 46 তাই যোষেফ কিছু লিনেন কাপড় কিনে আনলেন, দেহটি নামিয়ে লিনেন কাপড়ে আবৃত করলেন। তারপরে বড়ো পাথরে খোদিত এক সমাধিতে তা রাখলেন। পরে তিনি সমাধির প্রবেশপথে বড়ো একটি পাথর গড়িয়ে দিলেন। 47 কোথায় তাঁকে রাখা হল, তা মগদলিনী মরিয়ম ও যোষির মা মরিয়ম দেখতে পেলেন।

**16** বিশ্রামদিন অতিক্রান্ত হলে, মাগ্দালাবাসী মরিয়ম, যাকোবের মা মরিয়ম ও শালোমি কিছু সুগন্ধিদ্রব্য কিনে নিয়ে এলেন, যেন যীশুর দেহে তা লেপন করতে পারেন। 2 সপ্তাহের প্রথম দিন, খুব ভোরবেলায়, সূর্যোদয়ের অব্যবহিত পরেই তাঁরা সমাধির কাছে এলেন। 3 তাঁরা পরম্পরাকে জিজ্ঞাসা করলেন, “সমাধির প্রবেশমুখ থেকে কে পাথরখানা সরাবে?” 4 কিন্তু তাঁরা যখন চোখ তুলে তাকালেন, তাঁরা দেখলেন যে, অতি বিশাল সেই পাথরটিকে সরানো হয়েছে। 5 সমাধির মধ্যে প্রবেশ করা মাত্র, তাঁরা দেখলেন, সাদা পোশাক পরে এক যুবক ডানদিকে বসে আছেন। এতে তাঁরা অত্যন্ত বিস্মিত হলেন। 6 তিনি বললেন, “তোমরা ভয় পেয়ো না। তোমরা তো নাসরতীয় যীশুর অন্বেষণ করছ, যিনি ক্রুশার্পিত হয়েছিলেন। তিনি উঠিত হয়েছেন!

তিনি এখানে নেই। এই দেখো সেই স্থান, যেখানে তাঁর দেহ রাখা হয়েছিল। 7 কিন্তু তোমরা যাও, গিয়ে তাঁর শিষ্যদের ও পিতরকেও বলো, ‘তিনি তোমাদের আগেই গালীলে যাচ্ছেন। সেখানে তোমরা তাঁর দর্শন পাবে, যেমন তিনি তোমাদের বলেছিলেন।’” 8 ভীতকম্পিত ও কিংকর্তব্যবিমৃঢ় হয়ে সেই মহিলারা বাইরে গিয়ে সেই সমাধিস্থল থেকে পালিয়ে গেলেন। তাঁরা ভয় পেয়েছিলেন বলে কাউকেই তাঁরা কিছু বললেন না। 9 (note: The most reliable and earliest manuscripts do not include Mark 16:9-20.) সপ্তাহের প্রথম দিনে ভোরবেলায় যীশু উঠিত হয়ে প্রথমে মাগ্দালাবাসী মরিয়মকে দর্শন দেন, যার মধ্য থেকে তিনি সাতটি ভূত দূর করেছিলেন। 10 তিনি গিয়ে যারা যীশুর সঙ্গে ছিলেন ও কানাকাটি এবং বিলাপ করছিলেন, তাঁদের কাছে সেই সংবাদ দিলেন। 11 তাঁরা যখন শুনলেন যে, যীশু জীবিত আছেন ও মরিয়ম তাঁকে দর্শন করেছেন, তাঁরা সেকথা বিশ্বাস করলেন না। 12 এরপর যীশু ভিন্ন রূপে অপর দুজন শিষ্যকে দর্শন দিলেন। তাঁরা পায়ে হেঁটে একটি গ্রামের উদ্দেশে যাচ্ছিলেন। 13 তাঁরাও ফিরে এসে অন্য স্বার কাছে সেকথা বললেন, কিন্তু তাঁরা তাদের কথাও বিশ্বাস করলেন না। 14 পরে এগারোজন শিষ্য যখন আহার করছিলেন, যীশু তাঁদের কাছে আবির্ভূত হলেন, তাঁদের বিশ্বাসের অভাব দেখে ও পুনরুত্থানের পরে যারা তাঁকে দেখেছিলেন, তাদের কথা কিছুতেই বিশ্বাস করতে রাজি না-হওয়াতে তিনি তাদের তিরক্ষার করলেন। 15 তিনি তাঁদের বললেন, “তোমরা সমস্ত জগতে যাও ও সমস্ত সৃষ্টির কাছে সুসমাচার প্রচার করো। 16 যে বিশ্বাস করে ও বাণাইজিত হয়, সে পরিত্রাণ পাবে, কিন্তু যে বিশ্বাস করে না, তার শান্তি হবে। 17 আর যারা বিশ্বাস করে, এই চিহ্নগুলি তাদের মধ্যে দেখতে পাওয়া যাবে: তারা আমার নামে ভূত তাড়াবে, তারা নতুন নতুন ভাষায় কথা বলবে, 18 তারা হাতে করে সাপ তুলে ধরবে, আর তারা প্রাণনাশক বিষ পান করলেও তাদের কোনো ক্ষতি হবে না; তারা পীড়িত ব্যক্তিদের উপরে হাত রেখে প্রার্থনা করবে, আর তারা সুস্থ হবে।” 19 তাদের সঙ্গে প্রভু যীশুর কথা বলা শেষ হওয়ার পর, তাঁকে স্বর্গে তুলে নেওয়া হল, আর তিনি

ইশ্বরের ডানদিকে গিয়ে উপবিষ্ট হলেন। 20 তারপর শিষ্যেরা বেরিয়ে  
পড়ে সর্বত্র সুসমাচার প্রচার করতে লাগলেন। আর প্রভু তাঁদের সঙ্গী  
হয়ে কাজ করতে লাগলেন এবং সেই সঙ্গে বহু চিহ্নকর্মের মাধ্যমে  
তাঁর বাক্যের সত্যতা সুপ্রতিষ্ঠিত করলেন।

## ଲୁକ

୧ ଯା କିଛୁ ଘଟେ ଗେଛେ, ଆମାଦେର ମଧ୍ୟେ ଅନେକେଇ ତାର ଏକଟି ବିବରଣ ଦେଓଯାର ଚେଷ୍ଟା କରେଛେନ । ୨ ଯାଁରା ପ୍ରଥମ ଥେକେଇ ସବକିଛୁ ଚାକ୍ଷୁସ ଦେଖେଛେନ ଓ ବାକ୍ୟେର ପରିଚର୍ଯ୍ୟ କରେଛେନ, ତାଁରାଇ ସେ ସମ୍ପତ୍ତ ଆମାଦେର କାହେ ସମର୍ଗଣ କରେଛେନ । ୩ ମହାମାନ୍ୟ ଥିଯଫିଲ, ସେଇଜନ୍ୟ ଆମି ପ୍ରଥମ ଥେକେ ସବକିଛୁ ସଯତ୍ତେ ଅନୁସନ୍ଧାନ କରେ ଆପନାର ଜନ୍ୟ ଏକଟି ସୁବିନ୍ୟସ୍ତ ବିବରଣ ରଚନା କରା ସଂଗତ ବିବେଚନା କରଲାମ, ୪ ଯେନ ଆପନି ଯେ ଶିକ୍ଷା ଲାଭ କରେଛେନ, ସେ ବିଷୟେ ଆପନାର ଡାନ ସୁନିଶ୍ଚିତ ହ୍ୟ । ୫ ଯିହୁଦୀଯାର ରାଜୀ ହେରୋଦେର ରାଜତ୍ୱକାଳେ ସଖାରିୟ ନାମେ ଏକଜନ ଯାଜକ ଛିଲେନ । ତିନି ଛିଲେନ ଅବିଯେର ପୁରୋହିତ ଅଧୀନସ୍ତ ଯାଜକ-ସମ୍ପଦାୟଭୁକ୍ତ । ତାଁର ଶ୍ରୀ ଇଲିଶାବେତେ ଛିଲେନ ହାରୋଗ ବଂଶୀୟ । ୬ ତାଁରା ଉଭୟେଇ ଛିଲେନ ଈଶ୍ୱରେର ଦୃଷ୍ଟିତେ ଧାର୍ମିକ । ତାଁରା ପ୍ରଭୁର ସମ୍ପତ୍ତ ଆଜ୍ଞା ଓ ବିଧିନିୟମ ନିର୍ଦ୍ଦେଶରକ୍ରମରେ ପାଲନ କରତେନ । ୭ କିନ୍ତୁ ତାଁରା ଛିଲେନ ନିଃସନ୍ତାନ, କାରଣ ଇଲିଶାବେତ ବନ୍ଦ୍ୟା ଛିଲେନ ଏବଂ ତାଁଦେର ଦୁଜନେରଇ ବେଶ ବୟସ ହେଁଛିଲ । ୮ ଏକଦିନ ସଖାରିୟେ ଦଲେର ପାଲା ଛିଲ ଏବଂ ତିନି ଈଶ୍ୱରେର ସାମନେ ଯାଜକୀୟ ପରିଚର୍ଯ୍ୟ କରଛିଲେନ । ୯ ଯାଜକୀୟ କାଜେର ରୀତି ଅନୁସାରେ, ପ୍ରଭୁର ମନ୍ଦିରେ ଗିଯେ ଧୂପ ଜ୍ଵାଳାବାର ଜନ୍ୟ ତିନିଇ ଗୁଟିକାପାତେର ଦାରା ମନୋନୀତ ହେଁଛିଲେନ । ୧୦ ସେଇ ଧୂପ ଜ୍ଵାଳାବାର ସମୟ ସଖନ ଉପସ୍ଥିତ ହଲ, ସମବେତ ଉପାସକେରା ତଥନ ବାହିରେ ପ୍ରାର୍ଥନା କରଛିଲେନ । ୧୧ ସେଇ ସମୟ ପ୍ରଭୁର ଏକ ଦୂତ ଧୂପ ଜ୍ଵାଳାବାର ବେଦିର ଡାନଦିକେ ଦାଁଡ଼ିଯେ ତାଁର କାହେ ଆବିଭୂତ ହଲେନ । ୧୨ ତାଁକେ ଦେଖେ ସଖାରିୟ ବିସ୍ମୟେ ବିହୁଲ ଓ ଭୀତ ହଲେନ । ୧୩ କିନ୍ତୁ ଦୂତ ତାଁକେ ବଲିଲେନ, “ସଖାରିୟ, ତାଙ୍କ ପେଯୋ ନା, ଈଶ୍ୱର ତୋମାର ପ୍ରାର୍ଥନା ଶୁଣେଛେନ । ତୋମାର ଶ୍ରୀ ଇଲିଶାବେତ ତୋମାର ଜନ୍ୟ ଏକ ପୁତ୍ରସନ୍ତାନେର ଜନ୍ୟ ଦେବେନ । ତୁମି ତାର ନାମ ରାଖବେ, ଯୋହନ । ୧୪ ସେ ତୋମାର ଆନନ୍ଦ ଓ ଉତ୍ସାହେର କାରଣ ହବେ ଏବଂ ତାର ଜନ୍ୟ ଅନେକ ମାନୁଷ ଉତ୍ସାହିତ ହବେ, ୧୫ କାରଣ ପ୍ରଭୁର ଦୃଷ୍ଟିତେ ସେ ହବେ ମହାନ । ସେ କଥନଓ ଦ୍ରାକ୍ଷାରସ, ବା ଅନ୍ୟ କୋଣୋ ଉତ୍ସେଜକ ପାନୀୟ ଗ୍ରହଣ କରବେ ନା ଏବଂ ଜନ୍ମମୁହୂର୍ତ୍ତ ଥେକେଇ ସେ ପବିତ୍ର ଆତ୍ମାୟ ପୂର୍ଣ୍ଣ ହବେ । ୧୬ ଇତ୍ରାଯେଲେର ବନ୍ଦ ମାନୁଷକେ ସେ ତାଦେର ପ୍ରଭୁ ଈଶ୍ୱରେର କାହେ ଫିରିଯେ ଆନବେ । ୧୭

ভাববাদী এলিয়ের আত্মা ও পরাক্রমে সে প্রভুর অগ্রগামী হবে; সকল  
পিতৃহৃদয়কে তাদের সন্তানের দিকে ফিরিয়ে আনবে, অবাধ্যদের  
ধার্মিকদের প্রজ্ঞাপথে নিয়ে আসবে—প্রভুর জন্য এক প্রজাসমাজকে  
প্রস্তুত করে তুলবে।” 18 সখরিয় দৃতকে জিজ্ঞাসা করলেন, “আমি কী  
করে এ বিষয়ে সুনিশ্চিত হব? কারণ আমি বৃদ্ধ, আমার স্ত্রীরও অনেক  
বয়স হয়েছে।” 19 দৃত উত্তর দিলেন, “আমি গ্যারিয়েল, ঈশ্বরের  
সামনে দাঁড়িয়ে থাকি। এই শুভবার্তা ব্যক্ত করার জন্য ও তোমার  
সঙ্গে কথা বলার জন্য আমাকে তোমার কাছে পাঠানো হয়েছে। 20  
কিন্তু তুমি আমার কথা বিশ্বাস করলে না, যদিও সেকথা যথাসময়ে  
সত্য হয়ে উঠবে। এজন্য তুমি বোবা হয়ে যাবে এবং যতদিন না এই  
ঘটনা ঘটে, তুমি কথা বলতে পারবে না।” 21 এদিকে সখরিয়ের জন্য  
অপেক্ষায় লোকেরা অবাক হয়ে ভাবছিল, তিনি মন্দিরে কেন এত দেরি  
করছেন। 22 বাইরে বেরিয়ে এসে তিনি তাদের সঙ্গে কোনো কথা  
বলতে পারলেন না। তারা উপলক্ষ্মি করল, তিনি মন্দিরে কোনো দর্শন  
লাভ করেছেন, কারণ তিনি ক্রমাগত ইঙ্গিতে তাদের বোঝাচ্ছিলেন,  
কিন্তু কথা বলতে পারছিলেন না। 23 তাঁর পরিচর্যার কাজ সম্পূর্ণ হলে  
তিনি ঘরে ফিরে গেলেন। 24 এরপরে তাঁর স্ত্রী ইলিশাবেত অন্তঃসন্ত্বা  
হলেন এবং পাঁচ মাস গোপনে অবস্থান করলেন। 25 তিনি বললেন,  
“প্রভু আমার জন্য এ কাজ করেছেন। এই সময়ে তিনি আমার প্রতি  
করণা প্রদর্শন করেছেন, লোকসমাজ থেকে আমার অপবাদ দূর  
করেছেন।” 26 ছয় মাস পরে ঈশ্বর তাঁর দৃত গ্যারিয়েলকে গালীল  
প্রদেশের নাসরৎ-নগরে এক কুমারীর কাছে পাঠালেন। 27 তিনি দাউদ  
বংশের যোষেফ নামে এক ব্যক্তির সঙ্গে বাগদত্তা হয়েছিলেন। সেই  
কুমারী কন্যার নাম ছিল মরিয়ম। 28 দৃত তাঁর কাছে গিয়ে বললেন,  
“মহান অনুগ্রহের অধিকারিণী, তোমাকে অভিনন্দন! প্রভু তোমার সঙ্গে  
আছেন।” 29 তাঁর কথা শুনে মরিয়ম অত্যন্ত বিচলিত হলেন এবং  
অবাক হয়ে ভাবলেন, এ কী ধরনের অভিবাদন হতে পারে! 30 কিন্তু  
দৃত তাঁকে বললেন, “মরিয়ম, ভয় পেয়ো না। তুমি ঈশ্বরের অনুগ্রহ  
লাভ করেছ। 31 তুমি অন্তঃসন্ত্বা হয়ে এক পুত্রের জন্ম দেবে, আর তুমি

তাঁর নাম রাখবে যীশু। 32 তিনি মহান হবেন ও পরাম্পরের পুত্র নামে  
আখ্যাত হবেন। প্রভু ঈশ্বর তাঁর পিতা দাউদের সিংহাসন তাঁকে দেবেন  
33 এবং তিনি যাকোব বংশে চিরকাল রাজত্ব করবেন। তাঁর রাজত্বের  
কখনও অবসান হবে না।” (aiōn g165) 34 মরিয়ম দৃতকে জিজ্ঞাসা  
করলেন, “তা কী করে হবে? আমি যে কুমারী!” 35 উত্তর দিয়ে দৃত  
তাঁকে বললেন, “পবিত্র আত্মা তোমার উপরে অবতরণ করবেন ও  
পরাম্পরের শক্তি তোমাকে আবৃত করবে। তাই যে পবিত্র পুরুষ  
জন্মগ্রহণ করবেন, তিনি ঈশ্বরের পুত্র বলে আখ্যাত হবেন। 36 আর  
তোমার আত্মীয় ইলিশাবেতও বৃদ্ধ বয়সে সন্তানের মা হতে চলেছেন।  
যাকে সকলে বন্ধ্যা বলে জানত, এখন তাঁর ছয় মাস চলছে। 37 কারণ  
ঈশ্বর যা বলেন তা সবসময় সত্য হয়।” 38 মরিয়ম উত্তর দিলেন,  
“আমি প্রভুর দাসী। আপনি যে রকম বললেন, আমার প্রতি সেরকমই  
গ্রেচুক! এরপর দৃত তাঁকে ছেড়ে চলে গেলেন। 39 তখন মরিয়ম  
যিহুদিয়ার পার্বত্য অঞ্চলের এক নগরের দিকে দ্রুত বেরিয়ে পড়লেন।  
40 সেখানে এসে তিনি স্থানিয়ের বাড়িতে প্রবেশ করে ইলিশাবেতকে  
অভিনন্দন জানালেন। 41 ইলিশাবেত যখন মরিয়মের অভিনন্দন  
শুনলেন, তাঁর গর্ভে শিশুটি লাফ দিয়ে উঠল এবং ইলিশাবেত পবিত্র  
আত্মায় পূর্ণ হলেন। 42 উচ্ছ্বসিত স্বরে তিনি বলে উঠলেন, “নারীকুলে  
তুমি ধন্য, আর যে শিশুকে তুমি গর্ভে ধারণ করবে, সেও ধন্য। 43  
আর আমার প্রতিই বা এত অনুগ্রহের কারণ কী যে, আমার প্রভুর মা  
আমার কাছে এসেছেন? 44 তোমার অভিনন্দন আমার কানে প্রবেশ  
করা মাত্র, আমার গর্ভের শিশুটি আনন্দে নেচে উঠল। 45 ধন্য সেই  
নারী, যে বিশ্বাস করেছে, প্রভুর প্রতিশ্রুতি তাঁর জীবনে সার্থক হয়ে  
উঠবে।” 46 তখন মরিয়ম বললেন, “আমার প্রাণ প্রভুর মহিমাকীর্তন  
করে, 47 আমার পরিত্রাতা ঈশ্বরে আমার আত্মা উল্লাস করে। 48  
কারণ তিনি তাঁর এই দীনদরিদ্র দাসীর প্রতি দৃষ্টিপাত করেছেন।  
এখন থেকে পুরুষ-পরম্পরা আমাকে ধন্য বলে অভিহিত করবে।  
49 কারণ যিনি পরাক্রমী, যিনি আমার জন্য কত মহৎ কাজ সাধন  
করেছেন— তাঁর নাম পবিত্র। 50 যারা তাঁকে ভয় করে, তাদেরই

জন্য পুরুষ-পরম্পরায় তাঁর করণার হাত প্রসারিত। 51 তাঁর বাহু সব  
পরাক্রম কাজ সাধন করেছে; যারা অন্তরের গভীরতম ভাবনায় গর্বিত,  
তিনি তাদের ছক্ষণ করেছেন। 52 শাসকদের তিনি সিংহাসনচ্যুত  
করেছেন, কিন্তু বিন্দুদের উন্নত করেছেন। 53 তিনি উভয় দ্রব্যে  
স্কুধার্তদের তৃষ্ণ করেছেন, কিন্তু ধনীদের রিক্ত হাতে বিদায় করেছেন।  
54 আপন করণার কথা স্মরণ করে, তিনি তাঁর সেবক ইস্রায়েলকে  
সহায়তা দান করেছেন। 55 যেমন আমাদের পিতৃপুরুষদের কাছে  
বলেছিলেন, অবাহাম ও তাঁর বংশধরদের প্রতি চিরতরে করণা প্রদান  
করেছেন।” (aiōn g165) 56 মরিয়ম প্রায় তিন মাস ইলিশাবেতের কাছে  
রইলেন, তারপর তিনি বাড়িতে ফিরে এলেন। 57 প্রসবের সময় পূর্ণ  
হলে, ইলিশাবেত এক পুত্রসন্তানের জন্ম দিলেন। 58 তাঁর প্রতিবেশী  
এবং আত্মীয়পরিজনেরা শুনল যে, প্রভু তাঁর প্রতি মহৎ করণা প্রদর্শন  
করেছেন, আর তারাও তাঁর আনন্দের অংশীদার হল। 59 অষ্টম দিনে  
তারা শিশুটিকে সুন্নত করার জন্য এসে তার পিতার নাম অনুসারে  
শিশুটির নাম স্থানিয় রাখতে চাইল। 60 কিন্তু তার মা বলে উঠলেন,  
“না, ওর নাম হবে যোহন।” 61 তারা তাঁকে বলল, “কেন? আপনার  
আত্মীয়স্বজনদের মধ্যে কারও তো এই নাম নেই।” 62 তখন তারা  
তার পিতার কাছে ইশ্বারায় জানতে চাইল, তিনি শিশুটির কী নাম  
রাখতে চান। 63 তিনি একটি লিপিফলক চেয়ে নিলেন এবং সবাইকে  
অবাক করে দিয়ে লিখলেন, “ওর নাম যোহন।” 64 সঙ্গে সঙ্গে তাঁর মুখ  
খুলে গেল, জিভের জড়তা চলে গেল, আর তিনি কথা বলতে লাগলেন  
ও দৃশ্যের প্রশংসায় মুখের হলেন। 65 প্রতিবেশীরা সবাই ভীত হল  
এবং যিহুদিয়ার সমস্ত পার্বত্য অঞ্চলের লোকেরা এসব বিষয় নিয়ে  
আলোচনা করতে লাগল। 66 যারা শুনল, তারা প্রত্যেকেই বিস্মিত হয়ে  
বলাবলি করল, “এই শিশুটি তাহলে ভবিষ্যতে কী হবে?” কারণ প্রভুর  
হাত ছিল তার সহায়। 67 তখন তার পিতা স্থানিয় পবিত্র আত্মায়  
পরিপূর্ণ হয়ে ভাববাণী করলেন। তিনি বললেন: 68 “প্রভু, ইস্রায়েলের  
দৃশ্যের নাম প্রশংসিত হোক, কারণ তিনি এসে তাঁর প্রজাদের মুক্ত  
করেছেন।” 69 তিনি তাঁর দাস দাউদের বংশে আমাদের জন্য এক

ত্রাণশৃঙ্খ তুলে ধরেছেন, 70 (বহুকাল আগে তাঁর পবিত্র ভাববাদীদের মাধ্যমে তিনি যেমন বলেছিলেন), (aiōn g165) 71 যেন আমরা আমাদের সব শক্তির কবল থেকে উদ্বার পাই, যারা আমাদের ঘৃণা করে, তাদের হাত থেকে রক্ষা পাই, 72 আমাদের পিতৃপুরুষদের প্রতি করণা প্রদর্শন এবং তাঁর পবিত্র নিয়ম স্মরণ করার জন্য, 73 আমাদের পিতা অব্রাহামের কাছে তিনি যা শপথ করেছিলেন: 74 তিনি আমাদের সব শক্তির হাত থেকে আমাদের নিষ্ঠার করবেন, যেন নির্ভয়ে তাঁর সেবা করতে আমাদের সক্ষম করেন, 75 যেন তাঁর সামনে পবিত্রতায় ও ধার্মিকতায় আমরা তাঁর সেবা করে যাই। 76 “আর তুমি, আমার শিশুসন্তান, তুমি পরাম্পরের ভাববাদী বলে আখ্যাত হবে, কারণ প্রভুর পথ প্রস্তুতির জন্য তুমি তাঁর অগ্রগামী হবে; 77 তাঁর প্রজাবৃন্দকে, তাদের পাপসমূহ ক্ষমার মাধ্যমে পরিত্রাণের জ্ঞান দেওয়ার জন্য। 78 আমাদের ঈশ্বরের মেহময় করণার গুণে, স্বর্গ থেকে আমাদের মাঝে স্বর্গীয় জ্যোতির উদয় হবে। 79 যারা অন্ধকারে, মৃত্যুচ্ছায়ায় বসবাস করছে, তাদের উপর আলো বিকীর্ণ করতে, আমাদের পা শাস্তির পথে চালিত করতে।” 80 আর বয়স বৃদ্ধির সঙ্গে সঙ্গে সেই শিশু আত্মাতে বলীয়ান হয়ে উঠলেন এবং ইত্যায়ের জনসমক্ষে আত্মপ্রকাশ না করা পর্যন্ত, তিনি মরণপ্রাপ্তরে বসবাস করলেন।

2 সেই সময়, সম্বাট অগাস্টাস, এক ভুক্ত জারি করলেন যে, সমগ্র রোমীয় জগতে লোকগণনা করা হবে। 2 সিরিয়ার শাসনকর্তা কুরিণ্ডিয়ের সময় এটিই ছিল প্রথম জনগণনা। 3 আর নাম তালিকাভুক্তির জন্য প্রত্যেকেই নিজের নিজের নগরে গেল। 4 যোষেফ দাউদের কুল ও বংশজাত পুরুষ হিসেবে, গালীলের নাসরৎ নগর থেকে বিহুদিয়ার অন্তর্গত দাউদের নগর বেথলেহেমের উদ্দেশে যাত্রা করলেন। 5 তিনি তাঁর বাগদত্ত স্ত্রী মরিয়মকে নিয়ে সেখানে নাম তালিকাভুক্তির জন্য গেলেন। মরিয়ম তখন সন্তানের জন্মের প্রতীক্ষায় ছিলেন। 6 তাঁরা যখন সেখানে ছিলেন, তখন সন্তানের জন্ম দেওয়ার সময় ঘনিয়ে এল। 7 মরিয়ম তাঁর প্রথম সন্তান, এক পুত্রের জন্ম দিলেন এবং শিশুটিকে কাপড়ে জড়িয়ে জাবপাত্রে শুইয়ে রাখলেন, কারণ পান্থশালায় তাদের

জন্য কোনো স্থান ছিল না। ৪ আশেপাশের মাঠে কয়েকজন মেষপালক  
অবস্থিতি করছিল। তারা রাত্রিবেলা তাদের মেষপাল পাহারা দিচ্ছিল।  
৫ প্রভুর এক দৃত তাদের সামনে আবির্ভূত হলেন, ও প্রভুর প্রতাপ  
তাদের চারপাশে উজ্জ্বল হওয়ায় তারা ভীতচকিত হয়ে উঠল। ১০ কিন্তু  
দৃত তাদের বললেন, “ভয় কোরো না, আমি তোমাদের কাছে এক মহা  
আনন্দের সুসমাচার নিয়ে এসেছি—এই আনন্দ হবে সব মানুষেরই  
জন্য। ১১ আজ দাউদের নগরে তোমাদের জন্য এক উদ্বারকর্তা  
জন্মগ্রহণ করেছেন, তিনি খ্রীষ্ট প্রভু। ১২ তোমাদের কাছে এই হবে  
চিহ্ন: তোমরা কাপড়ে জড়ানো এক শিশুকে জাবপাত্রে শুইয়ে রাখা  
অবস্থায় দেখতে পাবে।” ১৩ হঠাৎই বিশাল এক স্বর্গীয় দৃতবাহিনী ওই  
দৃতের সঙ্গে সম্মিলিত হয়ে ঈশ্বরের বন্দনা করে বলতে লাগলেন, ১৪  
“উর্ধ্বর্তমলোকে ঈশ্বরের মহিমা, আর পৃথিবীতে তাঁর প্রীতির পাত্র  
সব মানুষের মাঝে শান্তি।” ১৫ স্বর্গদৃতেরা তাদের ছেড়ে স্বর্গে ফিরে  
যাওয়ার পরে মেষপালকেরা নিজেদের মধ্যে বলাবলি করল, “চলো,  
প্রভু আমাদের যে ঘটনার কথা জানালেন, আমরা বেথলেহেমে গিয়ে  
তা দেখে আসি।” ১৬ তারা দ্রুত সেখানে গিয়ে মরিয়ম, যোষেফ ও  
জাবপাত্রে শুইয়ে রাখা শিশুটিকে দেখতে পেল। ১৭ তারা শিশুটিকে  
দর্শন করার পর তাঁর সম্পর্কে যে কথা বলা হয়েছিল, সেই কথা  
চারদিকে ছড়িয়ে দিল। ১৮ যারা মেষপালকদের এই কথা শুনল, তারা  
সবাই হতচকিত হল। ১৯ কিন্তু মরিয়ম এসব বিষয় তাঁর হৃদয়ের  
মধ্যে সঞ্চয় করে রাখলেন, আর এ নিয়ে চিন্তা করে গেলেন। ২০  
যেমন তাদের বলা হয়েছিল, তেমনই সব দেখেশুনে মেষপালকেরা  
ঈশ্বরের গৌরব ও বন্দনা করতে করতে ফিরে গেল। ২১ আট দিন  
পরে, শিশুটির সুন্নত অনুষ্ঠানের সময়ে, তাঁর নাম রাখা হল যীশু।  
শিশুটি মায়ের গর্ভে আসার আগেই স্বর্গদৃত তাঁর এই নাম দিয়েছিলেন।  
২২ মোশির বিধান অনুসারে তাঁদের শুন্দকরণের সময় পূর্ণ হওয়ার পর,  
যোষেফ ও মরিয়ম যীশুকে জেরুশালেমের মন্দিরে প্রভুর সান্নিধ্যে  
উপস্থিত করার জন্য নিয়ে গেলেন, যেমন ২৩ প্রভুর বিধান লেখা  
আছে, “প্রত্যেক প্রথমজাত পুরুষসন্তান প্রভুর কাছে উৎসর্গীকৃত হবে,”

এবং 24 প্রভুর বিধান অনুযায়ী তারা যেন “এক জোড়া ঘুঘু পাখি  
বা দুটি কপোতশাবক” বলির জন্য উৎসর্গ করেন। 25 সেই সময়  
জেরশালেমে শিমিয়োন নামে এক ব্যক্তি ছিলেন। তিনি ছিলেন ধার্মিক  
ও ভক্তিপরায়ণ। তিনি ইস্রায়েলের সান্ত্বনাপ্রাপ্তির প্রতীক্ষায় ছিলেন  
এবং পবিত্র আত্মা তাঁর উপর অধিষ্ঠিত ছিলেন। 26 পবিত্র আত্মা তাঁর  
কাছে প্রকাশ করেছিলেন যে, প্রভুর মশীহকে দর্শন না করা পর্যন্ত  
তাঁর মৃত্যু হবে না। 27 আত্মার চালনায় তিনি মন্দির-প্রাঙ্গণে এসে  
উপস্থিত হলেন। বিধানের প্রথা অনুযায়ী সেই শিশু যীশুর বাবা-মা  
যখন তাঁকে নিয়ে এলেন, 28 শিমিয়োন তাঁকে দু-হাতে তুলে নিয়ে  
ঈশ্বরের স্তুতি করতে লাগলেন এবং বললেন, 29 “সার্বভৌম প্রভু,  
তোমার প্রতিশ্রুতিমতো এবার তুমি তোমার দাসকে শান্তিতে বিদায়  
দাও। 30 কারণ আমার দুই চোখ তোমার পরিত্রাণ দেখেছে, 31  
যা তুমি সমস্ত জাতির দৃষ্টিগোচরে প্রস্তুত করেছ, 32 পরজাতিদের  
কাছে প্রকাশিত হওয়ার জন্য ইনিই সেই জ্যোতি এবং তোমার প্রজা  
ইস্রায়েল জাতির জন্য গৌরব।” 33 যীশুর সম্পর্কে যে কথা বলা হল,  
তা শুনে তাঁর বাবা-মা চমৎকৃত হলেন। 34 তখন শিমিয়োন তাঁদের  
আশীর্বাদ করলেন এবং যীশুর মা মরিয়মকে বললেন, “এই শিশু  
হবেন ইস্রায়েলের অনেকের পতন ও উত্থানের কারণ এবং ইনি হবেন  
এক চিহ্নস্বরূপ, যার বিকল্পতা করবে অনেকে, 35 ফলে অনেকের  
হৃদয় হবে উদ্ঘাটিত; আর একটি তরোয়াল তোমারও প্রাণকে বিদ্ধ  
করবে।” 36 সেখানে হান্না নামে এক মহিলা ভাববাদী ছিলেন। তিনি  
ছিলেন আশের বংশীয় পন্ডিতের মেয়ে। তাঁর অনেক বয়স হয়েছিল।  
বিবাহের পর তিনি স্বামীর সঙ্গে সাত বছর জীবনযাপন করেছিলেন। 37  
পরে চুরাশি বছর পর্যন্ত তিনি বিধবার জীবনযাপন করেন। তিনি  
কখনও মন্দির পরিত্যাগ করে যাননি, বরং তিনি উপোস ও প্রার্থনার  
সঙ্গে দিনরাত আরাধনা করতেন। 38 তিনি সেই মুহূর্তে তাদের কাছে  
এগিয়ে এসে ঈশ্বরকে ধন্যবাদ দিলেন। আর যারা জেরশালেমের  
মুক্তির অপেক্ষায় ছিল, তাদের সকলের কাছে শিশুটির বিষয়ে বলতে  
লাগলেন। 39 প্রভুর বিধান অনুযায়ী সমস্ত কাজ সম্পাদন করে যোষেফ

ও মরিয়ম নিজেদের নগর গালীল প্রদেশের নাসরতে ফিরে গেলেন।  
40 আর বয়স বৃদ্ধির সঙ্গে সঙ্গে সেই শিশু বলীয়ান হয়ে উঠলেন; তিনি  
বিজ্ঞতায় পূর্ণ হলেন এবং তাঁর উপরে ঈশ্বরের অনুগ্রহ রইল। 41 যীশুর  
বাবা-মা প্রতি বছর নিষ্ঠারপর্ব পালন করতে জেরশালেমে যেতেন।  
42 তাঁর যখন বারো বছর বয়স, প্রথানুসারে তাঁরা পর্বে যোগ দিতে  
গেলেন। 43 পর্ব শেষে তাঁর বাবা-মা যখন ঘরে ফিরে আসছিলেন,  
কিশোর যীশু জেরশালেমে রয়ে গেলেন, কিন্তু এ বিষয়ে তাঁরা কিছুই  
জানতে পারলেন না। 44 যীশু তাঁদের দলের সঙ্গেই আছেন, ভেবে  
নিয়ে তাঁরা একদিনের পথ অতিক্রম করলেন। তারপর তাঁরা তাদের  
আত্মীয়পরিজন ও বন্ধুবান্ধবদের মধ্যে তাঁর খোঁজ করতে লাগলেন।  
45 যীশুর সন্ধান না পেয়ে, তাঁকে খুঁজতে তাঁরা জেরশালেমে ফিরে  
গেলেন। 46 তিনি দিন পর তাঁরা তাঁকে মন্দির-প্রাঙ্গণে খুঁজে পেলেন  
এবং দেখলেন, যীশু শাস্ত্রগুচ্ছের মাঝে বসে তাঁদের কথা শুনছেন,  
আর বহু প্রশ্ন করছেন। 47 তাঁর বুদ্ধিমত্তা ও উত্তর দেওয়ার ক্ষমতায়  
প্রত্যেক শ্রোতাটি বিস্মিত হচ্ছিলেন। 48 তাঁর বাবা-মা তাঁকে দেখতে  
পেয়ে আশ্চর্য হলেন। তাঁর মা তাঁকে বললেন, “বৎস, তুমি আমাদের  
সঙ্গে এরকম আচরণ করলে কেন? তোমার বাবা আর আমি কত  
ব্যাকুল হয়ে তোমাকে খুঁজছিলাম!” 49 তিনি বললেন, “তোমরা আমার  
সন্ধান করছিলে কেন? তোমরা কি জানতে না যে, আমাকে আমার  
পিতার গৃহে থাকতে হবে?” 50 যীশু তাঁদের যে কী বলছিলেন, তা  
কিন্তু তাঁরা বুঝতে পারলেন না। 51 এরপর তিনি তাঁদের সঙ্গে নাসরতে  
ফিরে গেলেন ও তাঁদের বাধ্য হয়ে রইলেন। তাঁর মা কিন্তু এই সমস্ত  
কথা হৃদয়ে সংযত করে রাখলেন। 52 আর যীশু জ্ঞানে ও বয়সে বেড়ে  
উঠতে লাগলেন এবং ঈশ্বর ও মানুষের অনুগ্রহে সমন্বয় হতে থাকলেন।

**৩** রোমান সন্তান তিবিরীয় কৈসরের রাজত্বের পনেরোতম বছরে,  
যখন পন্তীয় পীলাত ছিলেন যিহুদিয়ার শাসনকর্তা, হেরোদ ছিলেন  
গালীল প্রদেশের সামন্ত-নৃপতি, তাঁর ভাই ফিলিপ ছিলেন ইতুরিয়া ও  
ত্রাখোনীতিয়া প্রদেশের সামন্ত-নৃপতি ও লুসানিয় ছিলেন অবিলিনীর  
সামন্ত-নৃপতি ২ এবং হানন ও কায়াফা ছিলেন মহাযাজক, সেই সময়

সখরিয়ের পুত্র যোহনের কাছে মরণপ্রাপ্তরে ঈশ্বরের বাক্য উপস্থিত হল। 3 তিনি জর্ডন অঞ্চলের চতুর্দিক পরিভ্রমণ করে পাপক্ষমার জন্য মন পরিবর্তনের বাণিজ্যের কথা প্রচার করলেন। 4 ভাববাদী যিশাইয়ের বাক্য যেমন গ্রন্থে লেখা আছে: “মরণপ্রাপ্তরে একজনের কঠস্বর আহ্বান করছে, ‘তোমরা প্রভুর জন্য পথ প্রস্তুত করো, তাঁর জন্য রাজপথগুলি সরল করো। 5 প্রত্যেক উপত্যকা ভরিয়ে তোলা হবে, প্রত্যেক পর্বত ও উপপর্বতকে নিচু করা হবে। বক্র পথগুলি সরল হবে, অস্থানগুলি সমতল হবে। 6 আর সমস্ত মানুষ ঈশ্বরের পরিত্রাণ প্রত্যক্ষ করবে।’” 7 যে লোকেরা যোহনের কাছে বাণিজ্য নিতে এসেছিল, তিনি তাদের বললেন, “তোমরা বিষধর সাপের বৎশ! সন্নিকট ক্রোধ থেকে পালিয়ে যেতে কে তোমাদের চেতনা দিল? 8 তোমরা এমন সব কাজ করো যেন তার দ্বারা বোঝা যায় যে তোমাদের মন পরিবর্তন হয়েছে। তোমরা মনে মনে এরকম বোলো না, ‘অব্রাহাম আমাদের পিতা।’ কারণ আমি তোমাদের বলছি, ঈশ্বর এই পাথরগুলি থেকেও অব্রাহামের জন্য সন্তান সৃষ্টি করতে পারেন। 9 গাছগুলির শিকড়ে ইতিমধ্যেই কুড়ুল লাগানো আছে। যে গাছে উৎকৃষ্ট ফল ধরে না, তা কেটে আগুনে নিক্ষেপ করা হবে।” 10 লোকেরা প্রশ্ন করল, “আমরা তাহলে কী করব?” 11 যোহন উত্তর দিলেন, “যার দুটি পোশাক আছে সে, যার একটিও নেই, তার সঙ্গে ভাগ করে নিক; আর যার কাছে কিছু খাদ্যসামগ্রী আছে, সেও তাই করুক।” 12 কর আদায়কারীরাও এল বাণিজ্য নিতে। তারা বলল, “গুরুমহাশয়, আমরা কী করব?” 13 তিনি তাদের বললেন, “তোমরা ন্যায্য পরিমাণের অতিরিক্ত কর আদায় কোরো না।” 14 তখন কয়েকজন সৈন্য তাঁকে জিজ্ঞাসা করল, “আর আমরা কী করব?” তিনি উত্তর দিলেন, “তোমরা বলপ্রয়োগ করে লোকদের কাছ থেকে অর্থ আদায় কোরো না, মিথ্যা অভিযোগে কাউকে অভিযুক্ত কোরো না; যা বেতন পাও, তাতে সন্তুষ্ট থেকো।” 15 সকলে অধীর প্রতীক্ষায় ছিল এবং সবারই মনে প্রশ্ন জাগছিল, যোহনই হয়তো সেই খ্রীষ্ট। 16 যোহন তাদের সবাইকে উত্তর দিলেন, “আমি তোমাদের জগে বাণিজ্য দিই; কিন্তু আমার চেয়েও পরাক্রমী

একজন আসছেন। তাঁর চিজুতোর বাঁধন খোলারও যোগ্যতা আমার  
নেই। তিনি তোমাদের পবিত্র আত্মায় ও আগুনে বাষ্পিষ্ঠ দেবেন। 17  
শস্য ঝাড়াই করার কুলো তাঁর হাতেই আছে, তিনি তা দিয়ে খামার  
পরিষ্কার করবেন ও তাঁর গম গোলাঘরে সংগ্রহ করবেন এবং তুষ  
অনিবাগ আগুনে পুড়িয়ে দেবেন।” 18 যোহন লোকসমূহকে আরও  
অনেক শিক্ষা দিয়ে সর্তক করলেন এবং তাদের কাছে সুসমাচার প্রচার  
করলেন। 19 কিন্তু যোহন যখন সামন্তরাজ হেরোদকে নিজের ভাইয়ের  
স্ত্রী হেরোডিয়াকে বিবাহ করার বিষয়ে এবং তাঁর সমস্ত দুর্ক্ষর্মের জন্য  
তিরক্ষার করলেন, 20 তখন হেরোদ আরও একটি দুর্ক্ষর্ম করলেন:  
তিনি যোহনকে কারাগারে বন্দি করলেন। 21 অন্য সকলে যখন  
বাষ্পিষ্ঠ নিছিল, তখন যীশুও বাষ্পিষ্ঠ গ্রহণ করলেন। তিনি যখন প্রার্থনা  
করছিলেন, সেই সময়ে স্বর্গলোক খুলে গেল 22 এবং পবিত্র আত্মা  
কপোতের রূপ ধারণ করে তাঁর উপর অবতীর্ণ হলেন। আর স্বর্গ থেকে  
একটি কর্তৃপক্ষ ধ্বনিত হল, “তুমি আমার প্রিয় পুত্র, যাঁকে আমি প্রেম  
করি, তোমার উপরে আমি পরম প্রসন্ন।” 23 পরে যীশুর বয়স যখন  
প্রায় ত্রিশ বছর, তিনি তাঁর পরিচর্যা কাজ শুরু করলেন। লোকেরা  
যেমন মনে করত, যীশু ছিলেন যোষেফের পুত্র, যোষেফ ছিলেন, এলির  
পুত্র, 24 এলি মন্ততের পুত্র, মন্তত লেবির পুত্র, লেবি মন্ত্রিক পুত্র, মন্ত্  
যান্নায়ের পুত্র, যান্নায় যোষেফের পুত্র, 25 যোষেফ মন্তথিয়ের পুত্র,  
মন্তথিয় আমোষের পুত্র, আমোষ নহুমের পুত্র, নহুম ইয়লির পুত্র,  
ইয়লি নগির পুত্র, 26 নগি মাটের পুত্র, মাট মন্তথিয়ের পুত্র, মন্তথিয়  
শিমিয়ির পুত্র, শিমিয়ি যোষেফের পুত্র, যোষেফ জোদার পুত্র, 27  
জোদা যোহানার পুত্র, যোহানা রীষার পুত্র, রীষা সরূক্বাবিলের পুত্র,  
সরূক্বাবিল শল্টীয়েলের পুত্র, শল্টীয়েল নেরির পুত্র, 28 নেরি মন্ত্রিক  
পুত্র, মন্ত্রি অদীর পুত্র, অদী কোষণের পুত্র, কোষণ ইলমাদমের পুত্র,  
ইলমাদম এরের পুত্র, 29 এর যিহোশূয়ের পুত্র, যিহোশূয় ইলীয়েষরের  
পুত্র, ইলীয়েষর যোরীমের পুত্র, যোরীম মন্ততের পুত্র, মন্তত লেবির  
পুত্র, 30 লেবি শিমিয়নের পুত্র, শিমিয়ন যিহুদার পুত্র, যিহুদা  
যোষেফের পুত্র, যোষেফ যোনমের পুত্র, যোনম ইলিয়াকীমের পুত্র, 31

ইলিয়াকীম মিলেয়ার পুত্র, মিলেয়া মিনার পুত্র, মিনা মন্তথের পুত্র,  
মন্তথ নাথনের পুত্র, নাথন দাউদের পুত্র, 32 দাউদ যিশয়ের পুত্র,  
যিশয় ওবেদের পুত্র, ওবেদ বোয়সের পুত্র, বোয়স সলমনের পুত্র,  
সলমন নহশোনের পুত্র, 33 নহশোন অম্মীনাদবের পুত্র, অম্মীনাদব  
রামের পুত্র, রাম হিন্দোগের পুত্র, হিন্দোগ পেরসের পুত্র, পেরস যিহুদার  
পুত্র, 34 যিহুদা যাকোবের পুত্র, যাকোব ইস্থাকের পুত্র, ইস্থাক  
অব্রাহামের পুত্র, অব্রাহাম তেরহের পুত্র, তেরহ নাহোরের পুত্র, 35  
নাহোর সরংগের পুত্র, সরংগ রিয়ুর পুত্র, রিয়ু পেলগের পুত্র, পেলগ  
এবরের পুত্র, এবর শেলহের পুত্র, 36 শেলহ কৈননের পুত্র, কৈনন  
অর্ফকষদের পুত্র, অর্ফকষদ শেমের পুত্র, শেম নোহের পুত্র, নোহ  
লেমকের পুত্র, 37 লেমক মথুশেলহের পুত্র, মথুশেলহ হনোকের পুত্র,  
হনোক যেরদের পুত্র, যেরদ মহললেলের পুত্র, মহললেল কৈননের  
পুত্র, 38 কৈনন ইনোশের পুত্র, ইনোশ শেখের পুত্র, শেখ আদমের  
পুত্র, আদম ঈশ্বরের পুত্র।

**৪** যীশু পবিত্র আত্মায় পরিপূর্ণ হয়ে জর্জন নদী থেকে ফিরে এলেন  
এবং পবিত্র আত্মার দ্বারা চালিত হয়ে মরণপ্রাপ্তরে গেলেন। 2 সেখানে  
চালিশ দিন দিয়াবলের দ্বারা প্রলোভিত হলেন। এই সমস্ত দিন তিনি  
কিছুই আহার করেননি। সেইসব দিন শেষ হলে তিনি ক্ষুধার্ত হলেন। 3  
দিয়াবল তাঁকে বলল, “যদি তুমি ঈশ্বরের পুত্রই হও, তবে পাথরগুলিকে  
রঞ্চিতে পরিণত হতে বলো।” 4 যীশু উত্তর দিলেন, “এরকম লেখা  
আছে: ‘মানুষ কেবলমাত্র রঞ্চিতে বাঁচে না।’” 5 তখন দিয়াবল তাঁকে  
নিয়ে গেল এক উচ্চ স্থানে; এক লহমায় সে তাঁকে বিশ্বের সমস্ত রাজ্য  
দর্শন করাল। 6 আর সে তাঁকে বলল, “এসবই আমাকে দেওয়া  
হয়েছে; আমি যাকে চাই, তাকে এগুলি দিতে পারি। এসব অধিকার  
ও সমারোহ, আমি তোমাকে দিতে চাই। 7 তাই, যদি তুমি আমার  
উপাসনা করো, তাহলে তুমিই এ সবকিছুর অধিকারী হবে।” 8 যীশু  
উত্তর দিলেন, “এরকম লেখা আছে, ‘তুমি তোমার ঈশ্বর প্রভুরই  
আরাধনা করবে, কেবলমাত্র তাঁরই সেবা করবে।’” 9 দিয়াবল তাঁকে  
জেরক্ষালেমে নিয়ে গিয়ে মন্দিরের শীর্ষদেশে তাঁকে দাঁড় করালো।

সে বলল, “তুমি যদি ঈশ্বরের পুত্র হও, তবে এখান থেকে নিচে  
ঝাঁপ দাও। 10 কারণ এরকম লেখা আছে: “তিনি তাঁর দৃতদের  
তোমার বিষয়ে আদেশ দেবেন, যেন তাঁরা যত্নসহকারে তোমাকে  
রক্ষা করেন, 11 তাঁরা তোমাকে তাঁদের হাতে তুলে নেবেন, যেন  
তোমার পায়ে পাথরের আঘাত না লাগে।” 12 যীশু উত্তর দিলেন,  
“একথাও লেখা আছে, ‘তোমার ঈশ্বর প্রভুকে পরীক্ষা কোরো না।’” 13  
প্লেটনের সমস্ত কৌশল ব্যর্থ হলে দিয়াবল কিছুকালের জন্য যীশুকে  
ছেড়ে চলে গেল, এবং পরবর্তী সুযোগের অপেক্ষায় রইল। 14 পরে  
আত্মার পরাক্রমে যীশু গালীলে প্রত্যাবর্তন করলেন। সমস্ত গ্রামাঞ্চলে  
তাঁর কথা ছড়িয়ে পড়ল। 15 তিনি তাদের সমাজভবনগুলিতে শিক্ষা  
দিলেন এবং সবাই তাঁর প্রশংসা করল। 16 আর তিনি যেখানে বড়ো  
হয়েছিলেন, সেই নাসরতে উপস্থিত হলেন। তাঁর রীতি অনুসারে তিনি  
বিশ্বামদিনে সমাজভবনে গোলেন এবং শাস্ত্র থেকে পাঠ করার জন্য  
উঠে দাঁড়ালেন। 17 ভাববাদী যিশাইয়ের পুঁথি তাঁর হাতে তুলে দেওয়া  
হল। পুঁথিটি খুলে তিনি সেই অংশটি দেখতে পেলেন, যেখানে লেখা  
আছে, 18 “প্রভুর আত্মা আমার উপর অধিষ্ঠিত, কারণ দীনহীনদের  
কাছে সুসমাচার প্রচারের জন্য তিনি আমাকে অভিষিক্ত করেছেন।  
তিনি আমাকে বন্দিদের কাছে মুক্তি প্রচার করবার জন্য পাঠালেন,  
অন্ধদের কাছে দৃষ্টিপ্রাপ্তি প্রচার করার জন্য, নিপীড়িতদের নিষ্ঠার  
করে বিদায় করার জন্য, 19 প্রভুর প্রসন্নতার বছর ঘোষণা করার  
জন্য।” 20 তারপর তিনি পুঁথিটি গুটিয়ে পরিচারকের হাতে ফেরত  
দিয়ে আসন গ্রহণ করলেন। সমাজভবনে সকলের দৃষ্টি তাঁর উপরে  
নিবন্ধ হল। 21 তিনি তাদের প্রতি এই কথা বললেন, “যে শান্তীয় বাণী  
তোমরা শুনলে আজ তা পূর্ণ হল।” 22 সকলেই তাঁর প্রশংসা করল।  
তাঁর মুখ থেকে বেরোনো অমৃতবাণী শুনে তারা চমৎকৃত হল। তারা  
প্রশ্ন করল, “এ কি যোষেফের পুত্র নয়?” 23 যীশু তাদের বললেন,  
“আমি নিশ্চিত যে, তোমরা আমাকে এই প্রবাদ উল্লেখ করে বলবে,  
‘চিকিৎসক, তুমি নিজেকে সুস্থ করো। কফরনাহুমে যে কাজ তুমি  
করেছ বলে শুনেছি, এখন তোমার নিজের নগরে তা করে দেখাও।’”

24 তিনি আরও বললেন, “আমি তোমাদের সত্য বলছি, কোনো  
ভাববাদীই স্বদেশে স্বীকৃতি পান না। 25 আমি তোমাদের নিশ্চিতরাপে  
বলছি, এলিয়ের সময়ে ইস্রায়েলে বহু বিধবা ছিল। সেই সময় সাড়ে  
তিনি বছর ধরে আকাশ থেকে বৃষ্টি হয়নি। ফলে সারা দেশে ভয়াবহ  
দুর্ভিক্ষ দেখা দিয়েছিল। 26 তবুও এলিয় তাদের কারও কাছে প্রেরিত  
হননি, কিন্তু সীদোন অঞ্চলে সারিফত-নিবাসী এক বিধবার কাছে  
প্রেরিত হয়েছিলেন। 27 আর ভাববাদী ইলীশায়ের কালে ইস্রায়েলে বহু  
কুষ্ঠরোগী ছিল, তবুও সিরিয়া-নিবাসী নামান ছাড়া একজনও শুচিশুদ্ধ  
হয়নি।” 28 একথা শুনে সমাজভবনের লোকেরা ঝুঁক হয়ে উঠল।  
29 তারা উঠে এসে তাঁকে নগরের বাইরে তাড়িয়ে নিয়ে গেল। যে  
পাহাড়ের উপরে নগরটি স্থাপিত ছিল, তারা তাঁকে সেই পাহাড়ের  
কিনারায় নিয়ে গিয়ে সেখান থেকে নিচে ছুঁড়ে ফেলে দিতে চাইল। 30  
কিন্তু তিনি সকলের মধ্য দিয়ে নিজের পথ করে সোজা হেঁটে চলে  
গেলেন। 31 তারপর তিনি গালীল প্রদেশের একটি নগর কফরনাহুমে  
ফিরে গেলেন। বিশ্বামদিনে তিনি লোকসকলকে শিক্ষা দিতে লাগলেন।  
32 তাঁর শিক্ষা শুনে সকলে চমৎকৃত হল, কারণ তিনি ক্ষমতার সঙ্গে  
বাক্য প্রচার করতেন। 33 সেই সমাজভবনে ছিল একটি ভূতগ্রস্ত,  
অশুচি আত্মাবিষ্ট লোক। 34 সে উচ্চকষ্টে চিংকার করে বলল, “আহা,  
নাসরতের যীশু, আপনি আমাদের নিয়ে কী করতে চান? আপনি কি  
আমাদের বিনাশ করতে এসেছেন? আমি জানি, আপনি কে, আপনি  
ঈশ্বরের সেই পরিত্ব ব্যক্তি!” 35 যীশু কঠোর স্বরে তাকে বললেন, “চুপ  
করো! ওর ভিতর থেকে বেরিয়ে এসো!” তখন সেই ভূত সেই লোকটির  
কোনও ক্ষতি না করে, সকলের সামনে তাকে আছড়ে ফেলে দিয়ে  
বেরিয়ে এল। 36 লোকেরা চমৎকৃত হয়ে পরম্পর বলাবলি করল, “এ  
কেমন শিক্ষা! কর্তৃত ও পরাক্রমের সঙ্গে ইনি মন্দ-আত্মাদের আদেশ  
দেন, আর তারা বেরিয়ে আসে!” 37 তখন সেই অঞ্চলের চারদিকে  
তাঁর কথা ছড়িয়ে পড়ল। 38 সমাজভবন ত্যাগ করে যীশু শিমোনের  
বাড়িতে গেলেন। শিমোনের শাশুড়ি তখন প্রচণ্ড জুরে ভুগছিলেন। তাঁর  
নিরাময়ের জন্য তাঁরা যীশুর কাছে অনুনয় করলেন। 39 যীশু তাই

তাঁর উপরে ঝুঁকে পড়ে জ্বরকে ধমক দিলেন, এবং তাঁর জ্বর ছেড়ে গেল। তিনি তখনই উঠে তাঁদের পরিচর্যা করতে লাগলেন। 40 পরে সূর্য যখন অস্ত গেল, লোকেরা যীশুর কাছে বিভিন্ন রোগে আক্রান্ত ব্যক্তিদের নিয়ে এল। তিনি তাদের প্রত্যেকের উপরে হাত রেখে আরোগ্য দান করলেন। 41 এছাড়াও বহু জনের মধ্য থেকে দুষ্টাত্মারা বেরিয়ে এসে চিৎকার করতে লাগল, “আপনিই সেই ঈশ্বরের পুত্র!” কিন্তু তিনি তাদের ধমক দিলেন, তাদের কথা বলার অনুমতি দিলেন না, কারণ তিনি যে মশীহ, তা তারা জানত। 42 প্রত্যয়ে যীশু এক নির্জন স্থানে গেলেন। লোকেরা তাঁর সন্ধান করছিল। তিনি যেখানে ছিলেন, তারা সেখানে এসে উপস্থিত হল। তারা তাঁকে নিরস্ত করতে চেষ্টা করল, যেন তিনি তাদের ছেড়ে না যান। 43 কিন্তু তিনি বললেন, “আমাকে অন্যান্য নগরেও ঈশ্বরের রাজ্যের সুসমাচার প্রচার করতে হবে, কারণ এই জন্যই আমি প্রেরিত হয়েছি।” 44 আর তিনি যিহুদিয়ার সমাজভবনগুলিতে প্রচার করতে লাগলেন।

5 একদিন যখন লোকসমূহ তাঁর উপরে চাপাচাপি করে ঈশ্বরের বাক্য শুনছিল, তখন তিনি গিনেষরৎ হৃদের তীরে দাঁড়িয়েছিলেন, আর তিনি দেখলেন। 2 মৎস্যজীবীরা জলের কিনারায় দুটি নৌকা রেখে দিয়ে তাদের জাল পরিষ্কার করছিল। 3 তিনি দুটি নৌকার একটিতে, শিমোনের নৌকায় উঠে তাঁকে কুল থেকে কিছুটা দূরে নিয়ে যেতে বললেন। তারপর তিনি নৌকায় বসে সকলকে শিক্ষা দিতে লাগলেন। 4 কথা শেষ করে তিনি শিমোনকে বললেন, “নৌকা গভীর জলে নিয়ে গিয়ে মাছ ধরার জন্য জাল ফেলো।” 5 শিমোন উত্তর দিলেন, “প্রভু, আমরা সারারাত কঠোর পরিশ্রম করেও কিছু ধরতে পারিনি, কিন্তু আপনার কথানুসারে আমি জাল ফেলব।” 6 তাঁরা সেইমতো করলে এত মাছ ধরা পড়ল যে, তাঁদের জাল ছেঁড়ার উপক্রম হল। 7 তখন অন্য নৌকায় তাঁদের যে সহযোগীরা ছিলেন, তিনি তাঁদের ইশারা করলেন, যেন তাঁরা এসে তাঁদের সাহায্য করেন। তাঁরা এলেন। দুটি নৌকায় মাছে এমনভাবে ভর্তি হল যে, সেগুলি ডুবে যাওয়ার উপক্রম হল। 8 তা দেখে শিমোন পিতর যীশুর দুই পায়ের উপর লুটিয়ে

পড়ে বললেন, “প্রভু, আমার কাছ থেকে চলে যান, আমি পাপী!” 9  
কারণ এত মাছ ধরা পড়তে দেখে তিনি ও তাঁর সহযোগীরা আশ্চর্য  
হয়ে পড়েছিলেন। 10 শিমোনের সঙ্গী সিবদিয়ের দুই পুত্র যাকোব  
ও যোহনও একইভাবে আশ্চর্য হয়েছিলেন। যীশু তখন শিমোনকে  
বললেন, “তব কোরো না, এখন থেকে তুমি মানুষ ধরবে।” 11 তখন  
তাঁরা তাঁদের নৌকা দুটি তীরে টেনে নিয়ে এসে, সবকিছু পরিত্যাগ  
করে তাঁকে অনুসরণ করলেন। 12 যীশু তখন কোনো এক নগরে  
ছিলেন। সেই সময়, এক ব্যক্তি তাঁর কাছে এল, যার সর্বাঙ্গ কুষ্ঠরোগে  
আক্রান্ত ছিল। যীশুকে দেখে সে মাটিতে উপৃষ্ঠ হয়ে পড়ে মিনতি  
করল, “প্রভু, আপনি ইচ্ছা করলেই আমাকে শুচিষুদ্ধ করতে পারেন।”  
13 যীশু তাঁর হাত বাড়িয়ে সেই ব্যক্তিকে স্পর্শ করলেন। তিনি বললেন,  
“আমার ইচ্ছা, তুমি শুচিষুদ্ধ হও।” সেই মুহূর্তে সে কুষ্ঠরোগ থেকে  
মুক্ত হল। 14 যীশু তাকে আদেশ দিলেন, “কাউকে একথা বলো না।  
কিন্তু যাজকদের কাছে গিয়ে নিজেকে দেখাও এবং তোমার শুচিষুদ্ধ  
হওয়ার বিষয়ে তাদের কাছে সাক্ষ্য দেওয়ার জন্য মোশির আদেশমতো  
নৈবেদ্য উৎসর্গ করো।” 15 তবুও তাঁর কীর্তিকলাপের কথা আরও  
বেশি করে এমনভাবে ছড়িয়ে পড়ল যে, দলে দলে বিস্তর লোক তাঁর  
শিক্ষা শুনতে ও অসুস্থতা নিরাময়ের জন্য তাঁর কাছে আসতে লাগল।  
16 কিন্তু যীশু কোনও না কোনও নির্জন স্থানে গিয়ে প্রার্থনা করতেন।  
17 একদিন যীশু শিক্ষা দিচ্ছিলেন। গালীলের প্রতিটি গ্রাম থেকে এবং  
যিহুদিয়া ও জেরুশালেম থেকে আগত ফরিশী ও শাস্ত্রবিদরা সেখানে  
বসেছিল। এবং রোগীদের সুস্থ করবার জন্য প্রভুর শক্তি যীশুর মধ্যে  
ছিল। 18 কয়েকজন লোক এক পক্ষাঘাতগ্রস্ত রোগীকে খাটে করে  
ঘরের ভিতরে যীশুর কাছে রাখার চেষ্টা করল। 19 ভিড়ের জন্য ভিতরে  
প্রবেশের পথ না পেয়ে তারা ছাদে উঠল ও টালি সরিয়ে খাটগুদ্ধ  
লোকটিকে ভিড়ের মধ্যে যীশুর সামনে নামিয়ে দিল। 20 তাদের এই  
ধরনের বিশ্বাস দেখে যীশু বললেন, “বন্ধু, তোমার সব পাপ ক্ষমা করা  
হল।” 21 ফরিশী ও শাস্ত্রবিদরা মনে মনে চিন্তা করতে লাগল, “এই  
লোকটি কে, যে ঈশ্বরের নিন্দা করছে! ঈশ্বর ছাড়া আর কে পাপ ক্ষমা

করতে পারে?” 22 যীশু তাদের মনের কথা বুঝতে পেরে জিজ্ঞাসা করলেন, “তোমরা মনে মনে এসব কথা চিন্তা করছ কেন? 23 কোন কথাটি বলা সহজ, ‘তোমার পাপ ক্ষমা করা হল,’ বলা না, ‘তুমি উঠে হেঁটে বেড়াও’ বলা? 24 কিন্তু আমি চাই যেন তোমরা জানতে পারো যে পৃথিবীতে পাপ ক্ষমা করার অধিকার মনুষ্যপুত্রের আছে” এই বলে তিনি সেই পক্ষাঘাতগ্রস্ত ব্যক্তিকে বললেন, “ওঠো, তোমার খাট তুলে নিয়ে বাড়ি চলে যাও।” 25 লোকটি সঙ্গে সঙ্গে তাদের সামনে উঠে দাঁড়িয়ে, তার খাট তুলে নিয়ে ঈশ্বরের প্রশংসা করতে করতে বাড়ি ফিরে গেল। 26 সবাই চমৎকৃত হয়ে ঈশ্বরের প্রশংসায় মুখর হয়ে উঠল। তারা ভয়ে ও ভক্তিতে অভিভূত হয়ে বলল, “আজ আমরা এক অলৌকিক ঘটনা প্রত্যক্ষ করলাম।” 27 এরপর যীশু বেরিয়ে লেবি নামে এক কর আদায়কারীকে তাঁর নিজের কর আদায়ের চালাঘরে বসে থাকতে দেখলেন। যীশু তাঁকে বললেন, “আমাকে অনুসরণ করো।” 28 লেবি তখনই উঠে পড়লেন, সবকিছু ত্যাগ করলেন ও তাঁকে অনুসরণ করতে লাগলেন। 29 পরে লেবি তাঁর বাড়িতে যীশুর সম্মানে এক বিরাট ভোজসভার আয়োজন করলেন। বহু কর আদায়কারী এবং আরও অনেকে তাঁদের সঙ্গে আহার করছিল। 30 কিন্তু ফরিশীরা ও তাঁদের দলভুক্ত শাস্ত্রবিদরা যীশুর শিষ্যদের কাছে অভিযোগ করল, “কর আদায়কারী ও পাপীদের সঙ্গে তোমরা কেন খাওয়াদাওয়া করছ?” 31 যীশু তাদের উত্তর দিলেন, “পীড়িত ব্যক্তিরই চিকিৎসকের প্রয়োজন, সুস্থ ব্যক্তির নয়। 32 আমি ধার্মিকদের নয়, কিন্তু পাপীদের আহ্বান করতে এসেছি, যেন তারা মন পরিবর্তন করে।” 33 তাঁরা যীশুকে বললেন, “যোহনের শিষ্যেরা প্রায়ই উপোস ও প্রার্থনা করে, ফরিশীদের শিষ্যেরাও তাই করে, কিন্তু আপনার শিষ্যেরা নিয়মিত খাওয়াদাওয়া করে যায়।” 34 যীশু উত্তর দিলেন, “বর সঙ্গে থাকতে তোমরা কি বরের অতিথিদের উপোস করাতে পারো? 35 কিন্তু সময় আসবে, যখন বরকে তাদের মধ্য থেকে সরিয়ে নেওয়া হবে, তখন তারা উপোস করবে।” 36 তিনি তাদের এই রূপকটি বললেন, “নতুন কাপড় থেকে টুকরো কেটে নিয়ে কেউ পুরোনো কাপড়ে তালি দেয়

না। কেউ তা করলে, নতুন কাপড়টিও ছিঁড়বে, আর নতুন কাপড়ের তালিটি পুরোনো কাপড়ের সঙ্গে মিলবে না। 37 আবার পুরোনো চামড়ার সুরাধারে কেউ নতুন দ্রাক্ষারস ঢালে না। তা করলে, নতুন দ্রাক্ষারস চামড়ার সুরাধারটিকে ফাটিয়ে দেবে; ফলে দ্রাক্ষারস পড়ে যাবে এবং চামড়ার সুরাধারটিও নষ্ট হয়ে যাবে। 38 তাই, নতুন চামড়ার সুরাধারেই নতুন দ্রাক্ষারস ঢালতে হবে। 39 আর পুরোনো দ্রাক্ষারস পান করার পর কেউ নতুন দ্রাক্ষারস পান করতে চায় না, কারণ সে বলে, ‘পুরোনোটিই ভালো।’”

6 এক বিশ্রামদিনে যীশু শস্যক্ষেত্রের মধ্য দিয়ে যাচ্ছিলেন। তাঁর শিষ্যেরা শস্যের শিষ ছিঁড়ে দু-হাতে ঘষে দানা বের করে খেতে লাগলেন। 2 কয়েকজন ফরিশী জিজ্ঞাসা করল, “বিশ্রামদিনে যা করা বিধিসংগত নয়, এমন কাজ তোমরা করছ কেন?” 3 যীশু তাদের উত্তর দিলেন, “দাউদ ও তাঁর সঙ্গীরা যখন স্ফুর্ধার্ত ছিলেন, তখন তাঁরা কী করেছিলেন, তা কি তোমরা কখনও পাঠ করোনি? 4 তিনি ঈশ্বরের গৃহে প্রবেশ করেছিলেন, এবং পবিত্র রূপটি নিয়ে নিজে খেয়েছিলেন যা করা একমাত্র যাজকদের পক্ষেই বিধিসংগত ছিল। এমনকি তিনি তাঁর সঙ্গীদেরও দিয়েছিলেন।” 5 তারপর যীশু তাদের বললেন, “মনুষ্যপুত্রই হলেন বিশ্রামদিনের প্রভু।” 6 আর এক বিশ্রামদিনে তিনি সমাজভবনে গিয়ে শিক্ষাদান করেছিলেন। সেখানে একটি লোক ছিল, তার ডান হাত শুকিয়ে গিয়েছিল। 7 ফরিশী ও শাস্ত্রবিদরা যীশুর বিরক্তে অভিযোগ আনার জন্য কোনো সূত্রের সন্ধানে ছিল। সেইজন্য যীশু বিশ্রামদিনে সুস্থ করেন কি না, সেদিকে ছিল তাদের তীক্ষ্ণ দৃষ্টি। 8 কিন্তু যীশু তাদের চিন্তার কথা জেনে হাত শুকিয়ে যাওয়া লোকটিকে বললেন, “তুমি সকলের সামনে উঠে দাঁড়াও।” তাই সে সেখানে উঠে দাঁড়াল। 9 যীশু তখন তাদের বললেন, “আমি তোমাদের জিজ্ঞাসা করি, বিশ্রামদিনে কী করা ন্যায়সংগত, ভালো কাজ করা, না মন্দ কাজ করা; জীবন রক্ষা করা, না তা ধ্বংস করা?” 10 তিনি তাদের সকলের প্রতি চারদিকে তাকালেন। তারপর লোকটিকে বললেন, “তোমার হাতটি বাড়িয়ে দাও।” সে তাই করল। তার হাত একেবারে সুস্থ হল।

11 তারা কিন্তু ক্ষিণ্ঠ হয়ে উঠল এবং যীশুর বিরলদে আর কী করা যায়,  
তা নিয়ে পরম্পর আলোচনা শুরু করল। 12 সেই সময়, একদিন যীশু  
প্রার্থনা করার জন্য একটি পাহাড়ের ধারে গেলেন। সেখানে তিনি  
ঈশ্বরের কাছে প্রার্থনা করে সারারাত কাটালেন। 13 ভোরবেলায় তিনি  
তাঁর শিষ্যদের কাছে ঢাকলেন এবং তাঁদের মধ্য থেকে বারোজনকে  
মনোনীত করলেন। তিনি তাঁদের প্রেরিতশিষ্য নামে অভিহিত করলেন:  
14 শিমোন (তিনি যাঁর নাম দিয়েছিলেন পিতর), তাঁর ভাই আন্দ্রিয়,  
যাকোব, যোহন, ফিলিপ, বর্থলময়, 15 মথি, থোমা, আলফেয়ের পুত্র  
যাকোব, জিলট নামে পরিচিত শিমোন, 16 যাকোবের পুত্র যিহুদা  
এবং যিহুদা ইস্কারিয়োৎ, যে বিশ্বাসঘাতকতা করেছিল। 17 তিনি  
তাঁদের সঙ্গে নেমে এসে এক সমভূমিতে দাঁড়ালেন। সেখানে তাঁর  
অনেক শিষ্য এবং যিহুদিয়া, জেরুশালেম, টায়ার ও সীদোনের উপকূল  
অঞ্চল থেকে আগত অনেক লোক সমবেত হয়েছিল। 18 তারা তাঁর  
শিক্ষা শুনতে ও তাদের সব রোগ থেকে মুক্ত হওয়ার জন্য এসেছিল।  
মন্দ-আত্মার দ্বারা উৎপাদিতেরা সুস্থ হল। 19 লোকেরা তাঁকে স্পর্শ  
করার চেষ্টা করল, কারণ তাঁর ভিতর থেকে শক্তি নির্গত হয়ে সবাইকে  
রোগমুক্ত করছিল। 20 যীশু তাঁর শিষ্যদের দিকে তাকিয়ে বললেন,  
“ধন্য তোমরা, যারা দীনহীন কারণ ঈশ্বরের রাজ্য তোমাদেরই। 21  
ধন্য তোমরা, যারা এখন ক্ষুধার্ত, কারণ তোমরা পরিত্রণ হবে। ধন্য  
তোমরা, যারা এখন কান্নাকাটি করছ, কারণ তোমাদের মুখে হাসি  
ফুটবে। 22 ধন্য তোমরা, যখন মনুষ্যপুত্রের জন্য মানুষ তোমাদের  
ঘৃণা করে, তোমাদের বহিক্ষার করে ও তোমাদের অপমান করে,  
আবার মন্দ অপবাদ দিয়ে তোমাদের নাম অগ্রহ্য করে। 23 “তখন  
তোমরা উল্লিখিত হোয়ো, আনন্দে নাচ কোরো, কারণ স্বর্গে তোমাদের  
জন্য আছে প্রচুর পুরক্ষার। তাদের পূর্বপুরুষেরা ভাববাদীদের সঙ্গেও  
এরকম আচরণ করেছিল। 24 “কিন্তু তোমরা যারা ধনী, ধিক্ তোমাদের  
কারণ স্বাচ্ছন্দ্য তোমরা ইতিমধ্যেই পেয়ে গিয়েছ। 25 খাদ্য প্রাচুর্যে  
পরিত্রণ যারা, ধিক্ তোমাদের, কারণ তোমরা ক্ষুধার্ত হবে। যারা  
এখন হাসছ, ধিক্ তোমাদের, কারণ তোমরা বিলাপ ও কান্নাকাটি

করবে। 26 যখন মানুষ তোমাদের প্রশংসা করে, ধিক্ তোমাদের,  
কারণ তাদের পূর্বপুরুষেরা তঙ্গ ভাববাদীদের সঙ্গে এরকমই আচরণ  
করত। 27 “কিন্তু তোমরা, যারা আমার কথা শুনছ, তাদের আমি বলছি,  
তোমরা শক্রদের ভালোবেসো; যারা তোমাদের ঘৃণা করে, তাদের  
মঙ্গল কোরো। 28 যারা তোমাদের অভিশাপ দেয়, তাদের আশীর্বাদ  
দিয়ো; যারা তোমাদের সঙ্গে দুর্ব্যবহার করে, তাদের জন্য প্রার্থনা  
কোরো। 29 কেউ যদি তোমার এক গালে চড় মারে, অন্য গালও তার  
দিকে ফিরিয়ে দিয়ো। কেউ যদি তোমার গায়ের চাদর নিয়ে নেয়,  
তাকে তোমার জামাও নিতে বাধা দিয়ো না। 30 যারা তোমার কাছে  
চায়, তাদের তুমি দাও। আর কেউ যদি তোমার কাছ থেকে তোমার  
কোনো জিনিস নিয়ে নেয়, তা ফেরত চেয়ো না। 31 তোমরা অপরের  
কাছ থেকে যেরূপ ব্যবহার পেতে চাও, তাদের প্রতি তোমরাও সেরূপ  
ব্যবহার কোরো। 32 “যারা তোমাদের ভালোবাসে, তোমরা যদি  
তাদেরই ভালোবাসো, তাহলে তোমাদের কৃতিত্ব কোথায়? এমনকি,  
পাপীদের যারা ভালোবাসে, পাপীরা তাদেরই ভালোবাসে। 33 যারা  
তোমাদের উপকার করে, তোমরা যদি তাদেরই উপকার করো, তাহলে  
তোমাদের কৃতিত্ব কোথায়? পাপীরাও তো তাই করে। 34 যাদের  
কাছে খণ্ড পরিশোধের নিচয়তা আছে, শুধুমাত্র তাদেরই যদি তোমরা  
খণ্ড দাও, তাহলে তোমাদের কৃতিত্ব কোথায়? পাপীরাও তো তাদের  
সমস্ত খণ্ড ফেরত পাওয়ার আশায় পাপীদের খণ্ড দেয়। 35 কিন্তু  
তোমরা শক্রদেরও ভালোবেসো, তাদের মঙ্গল কোরো এবং কোনো  
কিছু ফেরত পাওয়ার প্রত্যাশা না করে, তাদের খণ্ড দিয়ো। তাহলে  
তোমাদের পুরক্ষার হবে প্রচুর। আর তোমরা হবে পরাম্পরের সন্তান,  
কারণ তিনি অকৃতজ্ঞ ও দুর্জনদের প্রতিও কৃপাবান। 36 অতএব,  
তোমাদের পিতা যেমন দয়ালু, তোমরাও তেমনই দয়ালু হও। 37  
“বিচার কোরো না, তাহলে তোমাদের বিচার করা হবে না। কাউকে  
দোষী কোরো না, তাহলে তোমাদেরও দোষী সাব্যস্ত করা হবে না।  
ক্ষমা কোরো, তাহলে তোমাদেরও ক্ষমা করা হবে। 38 দান কোরো,  
তোমাদেরও দেওয়া হবে। প্রচুর পরিমাণে, ঠেসে, ঝাঁকিয়ে তোমাদের

পাত্র এমনভাবে তোমাদের কোলে ভরিয়ে দেওয়া হবে, যেন তা উপচে পড়ে। কারণ যে মানদণ্ডে তোমরা পরিমাপ করবে, সেই একই মানদণ্ডে পরিমাপ করে তোমাদের ফেরত দেওয়া হবে।” 39 পরে তিনি তাদের এই রূপকটি বললেন, “একজন অন্ধ কি আর একজন অন্ধকে পথ দেখাতে পারে? তারা দুজনেই কি কোনো গর্তে পড়বে না? 40 শিষ্য তার গুরুর উর্ধ্বে নয়, কিন্তু সম্পূর্ণ শিক্ষালাভ করলে প্রত্যেক শিষ্যও তার গুরুর সমকক্ষ হয়ে উঠতে পারে। 41 “তোমার ভাইয়ের চোখে যে কাঠের গুঁড়ো রয়েছে, কেবলমাত্র সেটিই দেখছ? অথচ তোমার নিজের চোখে যে কড়িকাঠ রয়েছে, তার প্রতি মনোযোগ দিচ্ছ না কেন? 42 তুমি কী করে তোমার ভাইকে বলতে পারো, ‘এসো, তোমার চোখ থেকে কাঠের গুঁড়োটি বের করে দিই,’ যখন তোমার নিজের চোখের কড়িকাঠ দেখতে পাচ্ছ না? ওহে ভগ্ন, প্রথমে নিজের চোখ থেকে কড়িকাঠটি বের করো, তাহলেই তোমার ভাইয়ের চোখ থেকে কাঠের গুঁড়োটি বের করার জন্য স্পষ্ট দেখতে পাবে। 43 “কোনো ভালো গাছে মন্দ ফল ধরে না, আবার মন্দ গাছেও ভালো ফল ধরে না। 44 তার ফলের দ্বারাই প্রত্যেক গাছের পরিচয় পাওয়া যায়। লোকে কাঁটাবোপ থেকে ডুমুর বা শেয়ালকাঁটা থেকে আঙুর সংগ্রহ করে না। 45 ভালো মানুষ তার অন্তরের সঞ্চিত ভালো ভাঙ্গার থেকে ভালো বিষয়ই বের করে, এবং মন্দ মানুষ তার অন্তরের সঞ্চিত মন্দ ভাঙ্গার থেকে মন্দ বিষয়ই বের করে। কারণ হৃদয় থেকে যা উপচে পড়ে মুখ সেকথাই ব্যক্ত করে। 46 “কেন তোমরা আমাকে ‘প্রভু, প্রভু,’ বলে সম্মোধন করো, অথচ আমি যা বলি, তা তোমরা করো না? 47 যে আমার কাছে এসে আমার কথা শুনে কাজ করে, সে যে কেমন লোক, তা আমি তোমাদের বলি। 48 সে এমন একজন লোক, যে বাড়ি তৈরি করতে গিয়ে গভীর গর্ত খুঁড়ে শক্ত পাথরের উপর তার ভিত্তিমূল স্থাপন করল। যখন বন্যা এল, প্রবল ঝ্রোত বাড়িতে এসে আঘাত করল, তাকে টলাতে পারল না, কারণ তা দৃঢ়ভাবে নির্মিত হয়েছিল। 49 কিন্তু যে আমার কথা শুনেও সেই অনুযায়ী কাজ করে না, সে এমন একজনের মতো, যে ভিত ছাড়াই জমিতে বাড়ি নির্মাণ

করল। প্রবল স্নোত যে মুহূর্তে সেই বাড়িতে আসাত হানল, বাড়িটি  
পড়ে গেল, আর সম্পূর্ণরূপে ধ্বংস হয়ে গেল।”

৭ যীশু সকলের সামনে এই সমস্ত কথা বলার পর কফরনাহুমে  
ফিরে গেলেন। ২ সেখানে এক শত-সেনাপতির দাস, যে ছিল তাঁর  
প্রিয়পাত্র, রোগে মৃত্যুয় হয়ে পড়েছিল। ৩ শত-সেনাপতি যীশুর কথা  
শুনেছিলেন। তিনি ইহুদি সম্প্রদায়ের কয়েকজন প্রাচীনকে যীশুর কাছে  
পাঠিয়ে অনুরোধ জানালেন, তিনি যেন এসে তাঁর দাসকে সুস্থ করেন।  
৪ তাঁরা যীশুর কাছে এসে তাঁকে কাতর মিনতি জানালেন, “এই ব্যক্তি  
আপনার সাহায্য পাওয়ার যোগ্য, ৫ কারণ তিনি আমাদের জাতিকে  
ভালোবাসেন, আর আমাদের সমাজভবনটি নির্মাণ করে দিয়েছেন।” ৬  
তাই যীশু তাঁদের সঙ্গে গেলেন। যীশু শত-সেনাপতির বাড়ির কাছাকাছি  
এলে, তিনি তাঁর কয়েকজন বন্ধুকে যীশুর কাছে বলে পাঠালেন, “প্রভু,  
আপনি নিজে কষ্ট করবেন না। আপনি আমার বাড়িতে আসবেন আমি  
এমন যোগ্য নই। ৭ তাই আমি নিজেকেও আপনার কাছে যাওয়ার  
যোগ্য মনে করিনি। আপনি কেবলমাত্র মুখে বলুন, তাতেই আমার  
দাস সুস্থ হবে। ৮ কারণ আমিও কর্তৃত্বের অধীন একজন মানুষ এবং  
সৈন্যরা আমার অধীন। আমি তাদের একজনকে ‘যাও’ বললে সে যায়,  
অপরজনকে ‘এসো’ বললে সে আসে, আবার আমার দাসকে ‘এই  
কাজটি করো,’ বললে সে তা করে।” ৯ একথা শুনে যীশু তার সম্পর্কে  
চমৎকৃত হলেন। তাঁকে যারা অনুসরণ করছিলেন তাদের দিকে ফিরে  
তিনি বললেন, “আমি তোমাদের বলছি, ইস্রায়েলের মধ্যেও আমি  
এমন প্রগাঢ় বিশ্বাস দেখতে পাইনি।” ১০ তখন যে লোকদের তাঁর  
কাছে পাঠানো হয়েছিল, তাঁরা বাড়ি ফিরে গিয়ে দেখলেন, দাসটি  
সুস্থ হয়ে উঠেছে। ১১ এর কিছুকাল পরেই যীশু নায়িন নামে এক  
নগরে গেলেন। তাঁর শিয়েরা ও বিস্তর লোক তাঁর সঙ্গী হল। ১২ তিনি  
নগরদ্বারের কাছে এসে পৌঁছালেন। তখন দেখলেন, লোকেরা এক  
মৃত ব্যক্তিকে বয়ে নিয়ে যাচ্ছে। তার মা ছিল বিধবা এবং সে ছিল  
তার একমাত্র পুত্র। নগরের বিস্তর লোক তাদের সঙ্গে ছিল। ১৩ তাকে  
দেখে প্রভুর হৃদয় তার প্রতি করুণায় ভরে উঠল। তিনি তাকে বললেন,

“কেঁদো না।” 14 তারপর তিনি এগিয়ে গিয়ে শবদেহ রাখা খাট স্পর্শ করলেন। আর যারা বাহক তারা দাঁড়িয়ে পড়ল। তিনি বললেন, “ওহে যুবক, আমি তোমাকে বলছি, তুমি ওঠো!” 15 মৃত মানুষটি উঠে বসে কথা বলতে লাগল। যীশু তাকে তার মায়ের কাছে ফিরিয়ে দিলেন। 16 এই দেখে তারা সকলে ভয়ে ও ভক্তিতে অভিভূত হল, ঈশ্বরের প্রশংসা করতে লাগল এবং তারা বলতে লাগল, “আমাদের মধ্যে এক মহান ভাববাদীর উদয় হয়েছে। ঈশ্বর তাঁর প্রজাদের সাহায্য করতে এসেছেন।” 17 যীশুর এই কীর্তির কথা যিহুদিয়ার সর্বত্র এবং সন্নিহিত অঞ্চলগুলিতে ছড়িয়ে পড়ল। 18 যোহনের শিষ্যেরা এই সমস্ত কথা তাঁকে জানাল। 19 তিনি তাদের দুজনকে ডেকে প্রভুর কাছে জিজ্ঞাসা করতে পাঠালেন, “যাঁর আসার কথা ছিল আপনিই কি তিনি না আমরা অন্য কারও প্রতীক্ষায় থাকব?” 20 তারা যখন যীশুর কাছে এল, তারা বলল, “বাস্তিউদাতা যোহন আপনার কাছে আমাদের জিজ্ঞাসা করতে পাঠিয়েছেন, ‘যে মশীহের আবির্ভাবের কথা ছিল, সে কি আপনি, না আমরা অন্য কারও প্রতীক্ষায় থাকব?’” 21 ঠিক সেই সময়ে যীশু বহু রোগগ্রস্ত, পীড়িত ও মন্দ-আত্মাগ্রস্ত ব্যক্তিদের সুস্থ করছিলেন; বহু অন্ধকেও দৃষ্টিশক্তি দান করছিলেন। 22 তাই তিনি সেই বার্তাবহদের উত্তর দিলেন, “তোমরা যা দেখলে, যা শুনলে, ফিরে গিয়ে সেসব যোহনকে জানাও। যারা অঙ্গ তারা দৃষ্টি পাচ্ছে, যারা খোঁড়া তারা চলতে পারছে, যারা কুঠরোগী তারা শুচিশুদ্ধ হচ্ছে, যারা কালা তারা শুনতে পাচ্ছে, যারা মৃত তারা উখাপিত হচ্ছে ও যারা দরিদ্র তাদের কাছে সুসমাচার প্রচারিত হচ্ছে। 23 আর ধন্য সেই ব্যক্তি যে আমার কারণে বাধা পায় না।” 24 যোহনের বার্তাবাহকেরা চলে গেলে, যীশু সকলের কাছে যোহনের সম্পর্কে বলতে লাগলেন, “তোমরা মরুপ্রান্তেরে কী দেখতে গিয়েছিলে? বাতাসে দুলছে এমন কোনো নলখাগড়া? 25 তা না হলে, তোমরা কী দেখতে গিয়েছিলে? মোলায়েম পোশাক পরা কোনো মানুষকে? তা নয়, যারা মূল্যবান পোশাক পরে, বিলাসবহুল জীবনযাপন করে, তারা তো রাজপ্রাসাদে থাকে। 26 কিন্তু তোমরা কী দেখতে গিয়েছিলে? কোনো ভাববাদীকে? হ্যাঁ, আমি তোমাদের বলি,

ভাববাদীর চেয়েও মহত্তর একজনকে। 27 ইনিই সেই ব্যক্তি, যাঁর  
সম্পর্কে লেখা আছে: “আমি আমার বার্তাবাহককে তোমার আগে  
পাঠাব, যে তোমার আগে তোমার জন্য পথ প্রস্তুত করবে।” 28 আমি  
তোমাদের বলছি, নারীর গর্ভে জন্মেছে এমন ব্যক্তিদের মধ্যে যোহনের  
চেয়ে মহান আর কেউই নেই; তবুও ঈশ্বরের রাজ্যে যে নগণ্যতম সেও  
তাঁর চেয়ে মহান।” 29 সব লোক, এমনকি, কর আদায়কারীরাও,  
যীশুর শিক্ষা শুনে ঈশ্বরের পথকে সঠিক বলে স্বীকার করল, কারণ  
তারা বুঝতে পারল, যোহনের কাছে বাণিজ্য নিয়ে তারা ভুল করেনি।  
30 কিন্তু ফরিশীরা ও শাস্ত্রবিদরা তাদের বিষয়ে ঈশ্বরের পরিকল্পনা  
অগ্রাহ্য করল, কারণ তারা যোহনের কাছে বাণিজ্য গ্রহণ করেনি।  
31 “তাহলে, কার সঙ্গে আমি এই প্রজন্মের লোকদের তুলনা করতে  
পারি? তারা কাদের মতো? 32 তারা সেইসব ছেলেমেয়ের মতো, যারা  
হাটেবাজারে বসে পরম্পরাকে সঙ্ঘোধন করে বলে, “‘আমরা তোমাদের  
জন্য বাঁশি বাজালাম, কিন্তু তোমরা নৃত্য করলে না; আমরা শোকগাথা  
গাইলাম, কিন্তু তোমরা বিলাপ করলে না।’ 33 বাণিজ্যাদাতা যোহন  
এসে রংটি খেলেন না বা দ্রাক্ষারস পান করলেন না, কিন্তু তোমরা  
বললে, ‘তিনি ভূতগ্রস্ত।’ 34 মনুষ্যপুত্র এলেন, খাওয়াদাওয়া করলেন,  
কিন্তু তোমরা বললে, ‘এই দেখো একজন পেটুক ও মদ্যপ, কর  
আদায়কারী ও পাপীদের বন্ধু।’ 35 কিন্তু প্রজ্ঞা তার অনুসরণকারীদের  
আচরণের দ্বারাই সত্য বলে প্রমাণিত হয়।” 36 আর একজন ফরিশী  
আহার করার জন্য যীশুকে নিমন্ত্রণ করল। যীশু তার বাড়িতে গেলেন  
এবং খাবারের সময় আসনে হেলান দিয়ে বসলেন। 37 সেই নগরে  
একজন পাপীষ্ঠা নারী ছিল। যীশু ফরিশীর বাড়িতে খাবার খাচ্ছেন  
শুনে, সে একটি শ্রেতস্ফটিকের পাত্রে সুগন্ধি তেল নিয়ে এল। 38 সে  
যীশুর পিছনে তাঁর পায়ের কাছে দাঁড়িয়ে চোখের জলে তাঁর পা-দুটি  
ভিজিয়ে দিতে লাগল। তারপর সে তার চুল দিয়ে তাঁর পা দুটিকে  
মুছিয়ে দিয়ে চুম্বন করল এবং সেই সুগন্ধি তেল ঢেলে দিল। 39 এই  
ঘটনা দেখে আমন্ত্রণকর্তা ফরিশী মনে মনে ভাবল, “এই লোকটি যদি  
ভাববাদী হত, তাহলে বুঝতে পারত, কে তাঁকে স্পর্শ করছে এবং

সে কী প্রকৃতির নারী! সে তো এক পাপীষ্টা!” 40 যীশু তাকে উত্তর দিলেন, “শিমোন, তোমাকে আমার কিছু বলার আছে।” শিমোন বলল, “গুরুমহাশয়, বলুন।” 41 “এক মহাজনের কাছে দুজন ব্যক্তি খণ্ড নিয়েছিল। একজন নিয়েছিল পাঁচশো দিনার, অন্যজন পঞ্চাশ দিনার। 42 তাদের কারোরই সেই পরিমাণ অর্থ ফেরত দেওয়ার ক্ষমতা ছিল না, তাই তিনি দুজনেরই খণ্ড মকুব করে দিলেন। এখন তাদের মধ্যে কে তাঁকে বেশি ভালোবাসবে?” 43 শিমোন উত্তর দিল, “আমার মনে হয়, যার বেশি খণ্ড মকুব করা হয়েছিল, সেই।” যীশু বললেন, “তুমি যথার্থ বিচার করেছ।” 44 তারপর তিনি সেই নারীর দিকে ফিরে শিমোনকে বললেন, “তুমি এই স্ত্রীলোককে দেখতে পাছ, আমি তোমার বাড়িতে প্রবেশ করলাম, অথচ তুমি আমাকে পা-ধোওয়ার জল দিলে না। কিন্তু ও তার চোখের জলে আমার পা ভিজিয়ে দিল, আর তার চুল দিয়ে তা মুছিয়ে দিল। 45 তুমি আমাকে একবারও চুম্বন করলে না, কিন্তু আমি এই বাড়িতে প্রবেশ করার সময় থেকেই এই নারী আমার পা-দুখানি চুম্বন করা থেকে বিরত হয়নি। 46 তুমি আমার মাথায় তেল দিয়ে অভিষেক করলে না, কিন্তু ও আমার পায়ে সুগন্ধি তেল ঢেলে অভিষেক করল। 47 তাই আমি তোমাকে বলছি, যেহেতু তার অজস্র পাপ ক্ষমা করা হয়েছে, সে আমাকে বেশি ভালোবাসেছে। কিন্তু যাকে অল্প ক্ষমা করা হয়, সে অল্পই ভালোবাসে।” 48 তারপর যীশু সেই নারীকে বললেন, “তোমার সব পাপ ক্ষমা করা হয়েছে।” 49 অন্য অতিথিরা নিজেদের মধ্যে বলাবলি করতে লাগল “ইনি কে, যে পাপও ক্ষমা করেন?” 50 যীশু সেই নারীকে বললেন, “তোমার বিশ্বাসই তোমাকে পরিত্রাণ দিয়েছে, শান্তিতে চলে যাও।”

**৮** এরপর যীশু ঈশ্বরের রাজ্যের সুসমাচার ঘোষণা করতে করতে বিভিন্ন গ্রাম ও নগর পরিক্রমা করতে লাগলেন। সেই বারোজন প্রেরিতশিষ্য ও তাঁর সঙ্গে ছিলেন। 2 মন্দ-আত্মা ও বিভিন্ন রোগ থেকে সুস্থতা লাভ করেছিলেন, এমন আরও কয়েকজন মহিলা তাদের সহযাত্রী হয়েছিলেন। তারা হলেন সেই মরিয়ম (মাগ্দালাবাসী নামে আখ্যাত), যার মধ্যে থেকে যীশু সাতটি ভূত তাড়িয়ে ছিলেন, 3

হেরোদের গৃহস্থালীর প্রধান ব্যবস্থাপক কুম্হের স্ত্রী মোহানা, শোশনা  
এবং আরও অনেকে। এই মহিলারা আপন আপন সম্পত্তি থেকে  
তাঁদের পরিচর্যা করতেন। 4 যখন অনেক লোক সমবেত হচ্ছিল এবং  
বিভিন্ন নগর থেকে লোকেরা যীশুর কাছে আসছিল, তিনি তাদের  
এই রূপক কাহিনিটি বললেন: 5 “একজন কৃষক তার বীজবপন  
করতে গেল। সে যখন বীজ ছড়াচ্ছিল, কিছু বীজ পথের ধারে পড়ল;  
সেগুলি পায়ের তলায় মাড়িয়ে গেল, আর পাখিরা এসে তা খেয়ে  
ফেলল। 6 কতগুলি বীজ পড়ল পাথুরে জমিতে। সেগুলির অঙ্কুরোদগম  
হল, কিন্তু রস না থাকায় চারাগুলি শুকিয়ে গেল। 7 কিছু বীজ পড়ল  
কাঁটাবোপের মধ্যে। কাঁটাবোপ চারাগাছের সঙ্গেই বেড়ে উঠে তাদের  
চেকে ফেলল। 8 আবার কিছু বীজ পড়ল উৎকৃষ্ট জমিতে, সেখানে  
গাছগুলি বেড়ে উঠে যা বপন করা হয়েছিল, তার শতগুণ ফসল উৎপন্ন  
করল।” একথা বলার পর তিনি উচ্চকণ্ঠে বললেন, “যার শোনবার  
কান আছে, সে শুনুক।” 9 তাঁর শিষ্যেরা তাঁকে এই রূপকের অর্থ  
জিজ্ঞাসা করলেন। 10 তিনি বললেন, “ঈশ্বরের রাজ্যের নিগৃতত্ত্ব  
তোমাদেরই কাছে ব্যক্ত হয়েছে, কিন্তু অন্যদের কাছে আমি রূপকের  
আশ্রয়ে কথা বলি যেন, “‘দেখো তারা দেখতে না পায়, আর শুনেও  
তারা বুঝতে না পায়।’ 11 ‘এই রূপকের অর্থ হল এরকম: সেই বীজ  
ঈশ্বরের বাক্য। 12 পথের উপর পতিত বীজ হল এমন কিছু লোক,  
যারা বাক্য শোনে, আর পরে দিয়াবল এসে তাদের অন্তর থেকে  
বাক্য হরণ করে, যেন তারা বিশ্বাস করতে না পারে ও পরিত্রাণ না  
পায়। 13 পাথুরে জমির উপরে পতিত বীজ হল তারাই, যারা ঈশ্বরের  
বাক্য শোনামাত্র সানন্দে গ্রহণ করে, কিন্তু মূল না থাকায় তাদের  
বিশ্বাস ক্ষণস্থায়ী হয়, কিন্তু পরীক্ষার সময় তারা বিপথগামী হয়। 14  
কাঁটাবোপের মধ্যে পতিত বীজ তারা, যারা বাক্য শোনে, কিন্তু জীবনে  
চলার পথে বিভিন্ন দুশ্চিন্তা, ধনসম্পত্তি ও বিলাসিতায় ব্যাহত হয়ে  
পরিপক্ষ হতে পারে না। 15 কিন্তু উৎকৃষ্ট জমিতে পতিত বীজ তারাই,  
যারা উদার ও শুদ্ধচিন্তা, তারা বাক্য শুনে তা আঁকড়ে থাকে এবং নিষ্ঠার  
সঙ্গে প্রচুর শস্য উৎপন্ন করে। 16 “প্রদীপ জ্বেলে কেউ পাত্রের মধ্যে

লুকিয়ে রাখে না, বা খাটের নিচেও রেখে দেয় না। বরং প্রদীপটিকে  
সে একটি বাতিদানের উপরেই রেখে দেয়, যেন যারা ভিতরে প্রবেশ  
করে, তারা আলো দেখতে পায়। 17 কারণ গুপ্ত এমন কিছুই নেই, যা  
জানা যাবে না, বা প্রকাশ্যে উদ্ঘাটিত হবে না। 18 কাজেই কীভাবে  
শুনছ, সে বিষয়ে সতর্ক থেকো। যার আছে, তাকে আরও দেওয়া হবে;  
যার নেই, এমনকি, কিছু আছে বলে যদি সে মনে করে, তাও তার  
কাছ থেকে কেড়ে নেওয়া হবে।” 19 এরপর যীশুর মা ও ভাইয়েরা  
তাঁর সঙ্গে সাক্ষাৎ করতে এলেন, কিন্তু ভিড়ের জন্য তাঁরা তাঁর কাছে  
পৌঁছাতে পারলেন না। 20 এক ব্যক্তি তাঁকে বলল, “আপনার মা ও  
ভাইয়েরা বাইরে দাঁড়িয়ে আছেন, আপনার সঙ্গে দেখা করতে চান।”  
21 তিনি উত্তর দিলেন, “যারা ঈশ্বরের বাক্য শুনে সেইমতো কাজ করে,  
তারাই আমার মা ও ভাই।” 22 একদিন যীশু তাঁর শিষ্যদের বললেন,  
“চলো আমরা সাগরের ওপারে যাই।” এতে তারা একটি নৌকায়  
উঠে বসে যাত্রা করলেন। 23 তাঁরা নৌকা চালানো শুরু করলে তিনি  
যুমিয়ে পড়লেন। এমন সময় সাগরে প্রচণ্ড ঝড় উঠল, নৌকা জলে  
ভর্তি হতে লাগল। তাঁরা এক ভয়ংকর বিপদের সমুখীন হলেন। 24  
শিষ্যেরা কাছে গিয়ে তাঁকে জাগালেন, “প্রভু, প্রভু, আমরা যে ডুবতে  
বসেছি!” তিনি উঠে বাতাস ও উভাল জলরাশিকে ধমক দিলেন, ঝড়  
থেমে গেল। সবকিছু শান্ত হল। 25 তিনি তাঁর শিষ্যদের বললেন,  
“তোমাদের বিশ্বাস কোথায় গেল?” ভয়ে ও বিস্ময়ে তাঁরা পরস্পর  
বলাবলি করলেন, ‘ইনি তাহলে কে, যিনি বাতাস ও জলকে আদেশ  
দেন, ও তারা তাঁর কথা মেনে চলে?’ 26 পরে তাঁরা গেরাসেনী অঞ্চলে  
পৌঁছালেন। সেই স্থানটি গালীল সাগরের অপর পারে অবস্থিত। 27 যীশু  
তীরে নামবার সঙ্গে সঙ্গেই নগরের এক মন্দ-আত্মগ্রস্ত ব্যক্তির সাক্ষাৎ  
পেলেন। বহুদিন ধরে এই লোকটি বিনা কাপড়ে উলঙ্গ হয়ে থাকত,  
বাড়িতে বসবাস করত না। সে থাকত কবরস্থানে। 28 সে যীশুকে  
দেখে চিৎকার করে উঠল এবং তাঁর পায়ে লুটিয়ে পড়ে উচ্চস্থরে বলল,  
“পরাম্পর ঈশ্বরের পুত্র যীশু, আপনি আমাকে নিয়ে কী করতে চান?  
আমি আপনার কাছে মিনতি করি, আমাকে যন্ত্রণা দেবেন না!” 29

কারণ লোকটির মধ্য থেকে বেরিয়ে আসার জন্য যীশু সেই অশ্চিত্ত আত্মাকে আদেশ দিয়েছিলেন। বারবার সে তার উপর ভর করত। লোকটির হাতে-পায়ে শিকল দিয়ে সর্তক পাহারা রাখা হলেও, সে তার শিকল ছিঁড়ে ফেলত, আর ভূত তাকে তাড়িয়ে নির্জন স্থানে নিয়ে যেত। 30 যীশু তাকে জিজ্ঞাসা করলেন, “তোমার নাম কী?” “বাহিনী,” সে উত্তর দিল, কারণ বহু ভূত তার মধ্যে প্রবেশ করেছিল। 31 তারা তাঁর কাছে বারবার অনুরোধ করতে লাগল, তিনি যেন তাদের রসাতলে না পাঠান। (Abyssos g12) 32 সেখানে পাহাড়ের গায়ে বিশাল একপাল শূকর চরে বেড়াচ্ছিল। ভূতেরা শূকরদের মধ্যে প্রবেশ করার অনুমতি প্রার্থনা করে যীশুকে অনুনয় করল। তিনি তাদের অনুমতি দিলেন। 33 ভূতেরা লোকটির ভিতর থেকে বেরিয়ে এসে সেই শূকরগালের মধ্যে প্রবেশ করল। শূকরের পাল পাহাড়ের খাড়া ঢাল বেয়ে ছুটে গিয়ে ছুদে পড়ে ডুবে গেল। 34 যারা শূকর চরাচ্ছিল, তারা এই ঘটনাটি দেখে দৌড়ে পালিয়ে গেল ও নগরে ও গ্রামাঞ্চলে গিয়ে এই সংবাদ দিল। 35 কী ঘটেছে দেখবার জন্য লোকেরা বাইরে এল। যীশুর কাছে উপস্থিত হয়ে তারা দেখতে পেল, সেই লোকটি ভূতের কবলমুক্ত হয়ে পোশাক পরে সুস্থ মনে যীশুর পায়ের কাছে বসে আছে। এই দেখে তারা ভয় পেয়ে গেল। 36 প্রত্যক্ষদর্শীরা সেই ভূতগ্রস্ত ব্যক্তিটি কীভাবে সুস্থ হয়েছে, তা সকলকে বলতে লাগল। 37 তখন গোরাসেনী অঞ্চলের লোকেরা ভয় পেয়ে তাদের ছেড়ে চলে যাওয়ার জন্য যীশুকে অনুরোধ করল। যীশু তখন নৌকায় উঠে চলে গেলেন। 38 যে লোকটির মধ্য থেকে ভূতেরা বেরিয়ে এসেছিল, সে তাঁর সঙ্গী হওয়ার জন্য যীশুকে অনুনয় করতে লাগল। কিন্তু যীশু তাকে ফিরিয়ে দিলেন, 39 বললেন, “তুমি বাড়ি ফিরে যাও, আর লোকদের গিয়ে বলো, ঈশ্বর তোমার জন্য কী করেছেন।” তাই লোকটি চলে গেল, আর যীশু তার জন্য যা করেছেন, সেকথা নগরের সর্বত্র বলে বেড়াতে লাগল। 40 যীশু ফিরে আসার পর লোকেরা তাঁকে স্বাগত জানাল, কারণ তারা তাঁর জন্য অপেক্ষা করছিল। 41 সেই সময়, যায়ীর নামে এক ব্যক্তি এসে যীশুর পায়ে লুটিয়ে পড়লেন; তিনি ছিলেন সমাজভবনের একজন

অধ্যক্ষ। তাঁর বাড়িতে আসার জন্য তিনি তাঁকে মিনতি করলেন। 42  
কারণ তাঁর একমাত্র মেয়ে তখন ছিল মৃত্যুশয্যায়, যার বয়স ছিল প্রায়  
বারো বছর। যীশু যখন পথ চলছিলেন, মানুষের ভিড়ে তাঁর চাপা  
পড়ার উপক্রম হল। 43 সেখানে এক নারী ছিল, যে বারো বছর ধরে  
রক্তন্দাবের ব্যাধিতে ভুগছিল। সে চিকিৎসকদের পিছনে তার সর্বস্ব  
ব্যয় করেছিল, কিন্তু কেউ তাকে সুস্থ করতে পারেনি। 44 নারী ভিড়ের  
মধ্যে যীশুর পিছনে এসে তাঁর পোশাকের আঁচল স্পর্শ করল এবং সঙ্গে  
সঙ্গে তার রক্তন্দরণ বন্ধ হয়ে গেল। 45 যীশু জিজ্ঞাসা করলেন, “কে  
আমাকে স্পর্শ করল?” তারা সবাই অঙ্গীকার করলে, পিতর বললেন,  
“প্রভু, লোকেরা ভিড় করে যে আপনার উপরে চেপে পড়ছে!” 46 কিন্তু  
যীশু বললেন, “কেউ একজন আমাকে স্পর্শ করেছে, কারণ আমি  
বুঝতে পেরেছি যে, আমার ভিতর থেকে শক্তি নির্গত হয়েছে।” 47  
সেই নারী যখন দেখল যে এই বিষয়টি গোপন রাখা সম্ভব নয়, তখন  
সে কাঁপতে কাঁপতে এগিয়ে এসে যীশুর পায়ে লুটিয়ে পড়ল। সে সমস্ত  
লোকের সাক্ষাতে বলল, কেন সে তাঁকে স্পর্শ করেছিল এবং কীভাবে,  
সেই মুহূর্তেই সে সুস্থ হয়েছিল। 48 তখন তিনি তাকে বললেন, “কন্যা,  
তোমার বিশাসই তোমাকে সুস্থ করেছে। শান্তিতে ফিরে যাও।” 49  
যীশু তখনও কথা বলছেন, এমন সময় সমাজভবনের অধ্যক্ষ যায়ীরের  
বাড়ি থেকে একজন এসে উপস্থিত হল। সে বলল, “আপনার মেয়ের  
মৃত্যু হয়েছে। আর গুরুমহাশয়কে বিব্রত করবেন না।” 50 একথা শুনে  
যীশু যায়ীরকে বললেন, “ভয় পেয়ো না, শুধু বিশাস করো, সে সুস্থ হয়ে  
যাবে।” 51 তিনি যায়ীরের বাড়িতে উপস্থিত হয়ে পিতর, যোহন ও  
যাকোব এবং মেয়েটির বাবা-মা ছাড়া আর কাউকে তাঁর সঙ্গে ভিতরে  
প্রবেশ করতে দিলেন না। 52 সেই সময়, সমস্ত লোক মেয়েটির জন্য  
শোক ও বিলাপ করছিল। যীশু বললেন, “তোমাদের বিলাপ বন্ধ করো।  
সে মারা যায়নি, ঘুমিয়ে আছে মাত্র।” 53 তারা জানত, মেয়েটি মারা  
গেছে, তাই তারা যীশুকে উপহাস করল। 54 কিন্তু যীশু মেয়েটির হাত  
ধরে বললেন, “খুকুমণি, ওঠো!” 55 তখন তার আত্মা ফিরে এল এবং  
সে তখনই উঠে দাঁড়াল। তখন যীশু তাদের বললেন মেয়েটিকে কিছু

খেতে দিতে। ৫৬ তার বাবা-মা ভীষণ অবাক হয়ে গেল। কিন্তু তিনি  
এই ঘটনার বিষয়ে কাউকে কিছু বলতে তাদের নিষেধ করে দিলেন।

**৯** যীশু সেই বারোজনকে আহ্বান করে মন্দ-আত্মা তাড়ানোর এবং  
রোগনিরাময় করার ক্ষমতা ও অধিকার তাদের দিলেন। ২ তিনি  
ঈশ্বরের রাজ্যের বিষয়ে প্রচার ও পীড়িতদের আরোগ্য দান করার  
জন্য তাঁদের পাঠালেন। ৩ তিনি তাঁদের বললেন, “যাত্রার উদ্দেশে  
তোমরা সঙ্গে কিছুই নিয়ো না; ছড়ি, থলি, কোনো খাবার, টাকাপয়সা,  
অতিরিক্ত পোশাক, কোনো কিছুই না। ৪ যে বাড়িতে তোমরা  
প্রবেশ করবে, সেই নগর পরিত্যাগ না করা পর্যন্ত তোমরা সেখানেই  
থেকো। ৫ লোকে তোমাদের স্বাগত না জানালে, তাদের বিরক্তে  
প্রমাণস্বরূপ, তাদের নগর পরিত্যাগ করার সময় তোমাদের পায়ের  
ধূলো ঝেড়ে ফেলো।” ৬ সেইমতো তাঁরা যাত্রা করলেন এবং গ্রাম  
থেকে গ্রামাঞ্চলে ঘুরে সুসমাচার প্রচার করলেন, সর্বত্র লোকদের  
রোগনিরাময় করলেন। ৭ সামন্তরাজ হেরোদ এসব ঘটনার কথা শুনতে  
পেলেন। তিনি খুব বিচলিত হয়ে পড়লেন, কারণ কেউ কেউ বলছিল  
যে, যোহন মৃত্যুলোক থেকে উঠিত হয়েছেন। ৮ অন্যেরা বলছিল,  
এলিয় আবির্ভূত হয়েছেন; আবার কেউ কেউ বলছিল, প্রাচীনকালের  
কোনো ভাববাদী পুনর্জীবিত হয়েছেন। ৯ কিন্তু হেরোদ বললেন,  
“আমিই তো যোহনের মাথা কেটেছিলাম, তাহলে কে এই ব্যক্তি, যাঁর  
সম্পর্কে আমি এত কথা শুনছি?” তিনি যীশুকে দেখার চেষ্টা করতে  
লাগলেন। ১০ প্রেরিতশিখ্যেরা ফিরে এসে যীশুকে তাঁদের কাজের  
বিবরণ দিলেন। তিনি তখন তাঁদের সঙ্গে নিয়ে বেথসৈদা নগরের দিকে  
একান্তে যাত্রা করলেন। ১১ কিন্তু লোকেরা সেকথা জানতে পেরে তাঁকে  
অনুসরণ করল। তিনি তাদের স্বাগত জানিয়ে ঈশ্বরের রাজ্যের বিষয়ে  
কথা বললেন এবং যাদের সুস্থিতা লাভের প্রয়োজন ছিল, তাদের সুস্থ  
করলেন। ১২ পড়ন্ত বিকেলে সেই বারোজন তাঁর কাছে এসে বললেন,  
“লোকদের চলে যেতে বলুন, তারা যেন চারদিকের গ্রামে এবং পল্লিতে  
গিয়ে খাবার ও রাত্রিবাসের সন্ধান করতে পারে, কারণ আমরা এখানে  
এক প্রত্যন্ত স্থানে আছি।” ১৩ তিনি উত্তর দিলেন, “তোমরাই ওদের

কিন্তু খেতে দাও।” তাঁরা বললেন, “আমাদের কাছে কেবলমাত্র পাঁচটি  
রংটি ও দুটি মাছ আছে—সব লোককে খাওয়াতে হলে আমাদের গিয়ে  
খাবার কিনতে হবে।” 14 (সেখানে প্রায় পাঁচ হাজার পুরুষ ছিল।)  
তিনি কিন্তু শিষ্যদের বললেন, “প্রত্যেক সারিতে কমবেশি পঞ্চাশ জন  
করে ওদের বসিয়ে দাও।” 15 শিষ্যেরা তাই করলেন, এবং প্রত্যেকে  
বসে পড়ল। 16 সেই পাঁচটি রংটি ও দুটি মাছ নিয়ে যীশু স্বর্গের দিকে  
দৃষ্টি দিলেন, ধন্যবাদ দিলেন ও রংটিগুলিকে ভাঙলেন। তারপর তিনি  
সেগুলি লোকদের পরিবেশন করার জন্য শিষ্যদের হাতে তুলে দিলেন।  
17 তাঁরা সকলে খেয়ে পরিত্থষ্ট হল। আর শিষ্যেরা অবশিষ্ট রংটির  
টুকরো সংগ্রহ করে বারো ঝুড়ি পূর্ণ করলেন। 18 একদিন যীশু একান্তে  
প্রার্থনা করছিলেন। তাঁর শিষ্যেরাও তাঁর সঙ্গে ছিলেন। তিনি তাঁদের  
জিজ্ঞাসা করলেন, “আমি কে, এ বিষয়ে লোকেরা কী বলে?” 19  
তাঁরা উত্তর দিলেন, “কেউ কেউ বলে আপনি বাস্তিষ্ঠাতা যোহন,  
অন্যেরা বলে এলিয়, আর কেউ কেউ বলে, প্রাচীনকালের কোনও  
একজন ভাববাদী যিনি পুনর্জীবিত হয়েছেন।” 20 “কিন্তু তোমরা কী  
বলো?” তিনি জিজ্ঞাসা করলেন, “তোমরা কী বলো, আমি কে?” পিতর  
উত্তর দিলেন, “আপনি ঈশ্বরের সেই খ্রীষ্ট।” 21 একথা কারও কাছে  
প্রকাশ না করার জন্য যীশু দৃঢ়ভাবে তাঁদের সতর্ক করে দিলেন। 22  
তিনি বললেন, “মনুষ্যপুত্রকে বিভিন্ন বিষয়ে দুঃখভোগ করতে হবে;  
প্রাচীনবর্গ, মহাযাজকবৃন্দ ও শাস্ত্রবিদরা তাঁকে প্রত্যাখ্যান করবে।  
তাঁকে হত্যা করা হবে এবং তৃতীয় দিনে তাঁর পুনরুত্থান হবে।” 23  
তারপর তিনি তাঁদের সবাইকে বললেন, “কেউ যদি আমাকে অনুসরণ  
করতে চায়, সে অবশ্যই নিজেকে অস্ত্বীকার করবে, প্রতিদিন তার  
ক্রুশ তুলে নেবে ও আমাকে অনুসরণ করবে। 24 কারণ কেউ যদি  
তার প্রাণ হারায়, সে তা হারাবে, কিন্তু কেউ যদি আমার  
কারণে তার প্রাণ হারায়, সে তা লাভ করবে। 25 মানুষ যদি সমস্ত  
জগতের অধিকার লাভ করে ও তার নিজের প্রাণ হারায়, বা জীবন  
থেকে বধিত হয়, তাতে তার কী লাভ হবে? 26 কেউ যদি আমার ও  
আমার বাকেয়ের জন্য লজ্জাবোধ করে, মনুষ্যপুত্র যখন তাঁর নিজের

মহিমায় ও তাঁর পিতা এবং পবিত্র স্বর্গদৃতদের মহিমায় আসবেন,  
তিনিও তার জন্য লজ্জাবোধ করবেন। 27 “আমি তোমাদের সত্যই  
বলছি, এখানে যারা দাঁড়িয়ে আছে, তাদের মধ্যে কেউ কেউ ঈশ্বরের  
রাজ্যের দর্শন না পাওয়া পর্যন্ত মৃত্যুর আস্বাদ লাভ করবে না।” 28  
একথা বলার প্রায় আট দিন পরে যীশু পিতর, যোহন ও যাকোবকে  
সঙ্গে নিয়ে প্রার্থনা করার জন্য এক পর্বতে উঠলেন। 29 প্রার্থনাকালে  
তাঁর মুখের রূপের পরিবর্তন হল এবং তাঁর পোশাক বিদ্যুতের মতো  
উজ্জ্বল হয়ে উঠল। 30 দুজন পুরুষ, মোশি ও এলিয়, হঠাৎই আবির্ভূত  
হয়ে যীশুর সঙ্গে কথা বলতে লাগলেন। 31 তাঁরা মহিমাময় রূপ নিয়ে  
আবির্ভূত হয়ে যীশুর সঙ্গে তাঁর আসন্ন প্রস্থানের বিষয়ে আলোচনা  
করছিলেন, যা তিনি জেরুশালামে সম্পন্ন করতে চলেছিলেন। 32  
পিতর ও তাঁর সঙ্গীরা ঘুমে আচ্ছন্ন হয়ে পড়েছিলেন। কিন্তু যখন তাঁরা  
সম্পূর্ণ জেগে উঠলেন, তাঁরা যীশুর মহিমান্বিত রূপ এবং তাঁর সঙ্গে  
দাঁড়িয়ে থাকা দুই ব্যক্তিকে দেখতে পেলেন। 33 যখন তাঁরা যীশুকে  
ছেড়ে চলে যেতে উদ্যত হলেন, তখন পিতর যীশুকে বললেন, “প্রভু,  
এখানে থাকা আমাদের পক্ষে ভালোই হবে। এখানে আমরা তিনটি  
তাঁরু নির্মাণ করি, একটি আপনার জন্য, একটি মোশির জন্য, ও একটি  
এলিয়ের জন্য।” (তিনি কী বলছেন, তা নিজেই বুঝতে পারলেন না।)  
34 তিনি একথা বলছেন, এমন সময় একখণ্ড মেঘ এসে তাঁদের ঢেকে  
ফেলল। যখন তাঁরা মেঘে ঢাকা পড়লেন, তখন তাঁরা অত্যন্ত ভয়ভীত  
হলেন। 35 তখন মেঘের ভিতর থেকে একটি স্বর ধ্বনিত হল, “ইনিই  
আমার পুত্র, আমার মনোনীত, তোমরা এঁর কথা শোনো।” 36 সেই  
স্বর ধ্বনিত হওয়ার পর, তাঁরা দেখলেন যীশু একা দাঁড়িয়ে আছেন।  
শিয়েরা নিজেদের মধ্যেই সেকথা গোপন করে রাখলেন, তাঁরা কী  
দেখেছেন, সে সম্বন্ধে তাঁরা কারও কাছেই প্রকাশ করলেন না। 37  
পরদিন তাঁরা পর্বত থেকে নেমে আসার পর একদল লোক তাঁর সঙ্গে  
সাক্ষাৎ করল। 38 সকলের মধ্য থেকে এক ব্যক্তি তাঁকে উচ্চকণ্ঠে  
বলল, “গুরুমহাশয়, মিনতি করছি, আপনি আমার ছেলেটির দিকে দয়া  
করে একবার দেখুন, সে আমার একমাত্র সন্তান।” 39 একটি আত্মা

তার উপর ভর করেছে। সে হঠাতে চিৎকার করে ওঠে। সেই আত্মা  
তাকে আছড়ে ফেলে এবং এমনভাবে মোচড় দেয় যে, তার মুখ দিয়ে  
ফেনা বের হতে থাকে। সে তাকে যন্ত্রণায় ক্ষতিবিক্ষত করে দিচ্ছে,  
কিছুতেই তাকে ছেড়ে যায় না। 40 আমি আপনার শিষ্যদের কাছে  
মিনতি করেছিলাম যেন তাঁরা সেই আত্মাকে তাড়িয়ে দেন, কিন্তু তাঁরা  
ব্যর্থ হয়েছেন।” 41 যীশু উত্তর দিলেন, “ওহে অবিশ্বাসী ও বিপথগামী  
প্রজন্ম, আমি আর কত কাল তোমাদের সঙ্গে থাকব ও তোমাদের  
সহ্য করব? তোমার ছেলেটিকে এখানে নিয়ে এসো।” 42 ছেলেটি  
যখন আসছিল, এমন সময় সেই ভূত তাকে মাটিতে আছাড় দিয়ে  
মুচড়ে ধরল। কিন্তু যীশু মন্দ-আত্মাটিকে ধরক দিলেন, ছেলেটিকে সুস্থ  
করলেন এবং তাকে তার বাবার কাছে ফিরিয়ে দিলেন। 43 ঈশ্বরের  
এই মহিমা দেখে তারা সকলে অভিভূত হয়ে পড়ল। যীশুর কার্যকলাপ  
যখন সবাইকে বিস্মিত করে দিল, তিনি তাঁর শিষ্যদের বললেন, 44  
“আমি তোমাদের যা বলতে চলেছি, তা মন দিয়ে শোনো। মনুষ্যপুত্র  
মানুষদের হাতে বিশ্বাসঘাতকতার শিকার হতে চলেছেন।” 45 তাঁরা  
কিন্তু একথার অর্থ বুঝতে পারলেন না। বিষয়টি তাঁদের কাছে গুপ্ত  
রাখা হয়েছিল বলে, তাঁরা তা উপলব্ধি করতে পারলেন না। এ বিষয়ে  
জিজ্ঞাসা করতেও তাঁরা ভয় পেলেন। 46 পরে শিষ্যদের মধ্যে এক  
বিতর্কের সূচনা হল, তাদের মধ্যে কে শ্রেষ্ঠ? 47 যীশু তাঁদের মনোভাব  
জানতে পেরে একটি শিশুকে কাছে টেনে নিয়ে নিজের পাশে দাঁড়  
করালেন। 48 তারপর তিনি তাঁদের বললেন, “যে আমার নামে এই  
শিশুটিকে স্বাগত জানায়, সে আমাকেই স্বাগত জানায়। যে আমাকে  
গ্রহণ করে, সে তাঁকেই গ্রহণ করে যিনি আমাকে পাঠিয়েছেন। কারণ  
তোমাদের সকলের মধ্যে যে নগণ্য, সেই হল শ্রেষ্ঠ।” 49 যোহন  
বললেন, “প্রভু, আমরা একজনকে আপনার নামে ভূত তাড়াতে দেখে,  
তাকে সে কাজ করতে বারণ করেছিলাম, কারণ সে আমাদের কেউ  
নয়।” 50 যীশু বললেন, “তাকে নিমেধ কোরো না, কারণ যে তোমাদের  
বিপক্ষে নয়, সে তোমাদের সপক্ষে।” 51 স্বর্গে যাওয়ার কাল সন্ধিকট  
হলে, যীশু স্ত্রিসংকল্প হয়ে জেরুশালেমের দিকে যাত্রা করলেন। 52

তিনি তাঁর বার্তাবহদের আগেই পাঠিয়ে দিলেন। তাঁরা যীশুর জন্য সবকিছুর আয়োজন সম্পূর্ণ করতে শমরীয়দের এক গ্রামে প্রবেশ করলেন। 53 কিন্তু তিনি জেরশালেম দিকে যাচ্ছিলেন বলে সেখানকার অধিবাসীরা কেউ তাঁকে স্বাগত জানাল না। 54 এই দেখে তাঁর দুজন শিষ্য, যাকোব ও যোহন জিজ্ঞাসা করলেন, “প্রভু, আপনি কি চান যে, আমরা ওদের ধ্বংস করার জন্য আকাশ থেকে আগুন নেমে আসতে বলি, যেমন এলিয় করেছিলেন?” 55 কিন্তু যীশু তাঁদের দিকে ফিরে তিরক্ষার করলেন। 56 এরপর তাঁরা অন্য গ্রামে চলে গেলেন। 57 তাঁরা রাস্তা দিয়ে যাচ্ছেন, সেই সময় একজন তাঁকে বলল, “আপনি যেখানে যাবেন আমিও আপনার সঙ্গে সেখানে যাব।” 58 উত্তরে যীশু বললেন, “শিয়ালদের গর্ত আছে, আকাশের পাখিদের বাসা আছে, কিন্তু মনুষ্যপুত্রের মাথা রাখার কোনও স্থান নেই।” 59 তারপর তিনি অন্য একজনকে বললেন, “আমাকে অনুসরণ করো।” কিন্তু সে উত্তর দিল, “প্রভু, প্রথমে আমাকে গিয়ে আমার পিতাকে সমাধি দিয়ে আসার অনুমতি দিন।” 60 যীশু তাকে বললেন, “মৃতরাই তাদের মৃতদের সমাধি দিক। কিন্তু তুমি গিয়ে ঈশ্বরের রাজ্যের কথা ঘোষণা করো।” 61 আরও একজন বলল, “প্রভু, আমি আপনাকে অনুসরণ করব। কিন্তু আমাকে ফিরে গিয়ে প্রথমে পরিবারের কাছ থেকে বিদায় নিতে অনুমতি দিন।” 62 যীশু উত্তর দিলেন, “লাঙলে হাত দিয়ে যে পিছনে ফিরে তাকায়, সে ঈশ্বরের রাজ্যের সেবাকাজের উপযুক্ত নয়।”

**10** এরপর প্রভু আরও বাহাতর জনকে নিযুক্ত করলেন এবং যে সমস্ত নগরে ও স্থানে নিজে যাওয়ার পরিকল্পনা করেছিলেন, তার আগেই তিনি দুজন দুজন করে তাঁদের সেইসব স্থানে পাঠিয়ে দিলেন। 2 তিনি তাঁদের বললেন, “ফসল প্রচুর, কিন্তু কর্মী সংখ্যা অল্প। তোমরা ফসলের মালিকের কাছে প্রার্থনা করো, যেন তিনি তাঁর শস্যক্ষেত্রে কর্মচারীদের পাঠান।” 3 তোমরা যাও! আমি নেকড়েদের মধ্যে তোমাদের মেষের মতো পাঠাচ্ছি। 4 তোমাদের সঙ্গে টাকার থলি, ঝুলি, অথবা চটিজুতো নিয়ো না; পথে কাউকে অভিবাদন জানিয়ো না। 5 “কোনো বাড়িতে প্রবেশ করার সময়, প্রথমে তোমরা বোলো,

‘এই বাড়িতে শান্তি বিরাজ করুক।’ 6 সেখানে কোনো শান্তিপ্রিয় মানুষ থাকলে, তোমাদের শান্তি তার উপর বিরাজ করবে, না থাকলে তোমাদের কাছেই তা ফিরে আসবে। 7 তোমরা সেই বাড়িতে থেকো, তারা যা দেবেন, তাই খেয়ো ও পান কোরো, কারণ কর্মচারী তার বেতন পাওয়ার যোগ্য। তোমরা এক বাড়ি ছেড়ে অন্য কোনো বাড়িতে আশ্রয় নিয়ো না। 8 “তোমরা কোনো নগরে প্রবেশ করলে সেখানকার লোক যদি তোমাদের স্বাগত জানিয়ে কিছু খাবার খেতে দেয়, তবে সেই খাবার গ্রহণ কোরো। 9 সেখানকার পৌড়িতদের সুস্থ কোরো। তাদের বোলো, ‘ঈশ্বরের রাজ্য তোমাদের সন্নিকট।’ 10 কিন্তু কোনো নগরে প্রবেশ করার পর লোকে যদি তোমাদের স্বাগত না জানায়, তবে পথে বেরিয়ে পড়ে বোলো, 11 ‘তোমাদের নগরের যে ধূলো আমাদের পায়ে লেগেছিল, তাও আমরা তোমাদের বিরুদ্ধে ঘোড়ে ফেললাম। তবুও তোমরা এ বিষয়ে নিশ্চিতভাবে জেনো, ঈশ্বরের রাজ্য সন্নিকট।’ 12 আমি তোমাদের বলছি, বিচারদিনে সদোমের দশা, বরং সেই নগরের চেয়ে বেশি সহনীয় হবে। 13 “কোরাসীন, ধিক্ তোমাকে! বেথসৈদা, ধিক্ তোমাকে! তোমাদের মধ্যে যেসব অলৌকিক কাজ সম্পন্ন করা হয়েছে, সেসব যদি টায়ার ও সীদোনে করা হত, তারা অনেক আগেই চটবন্ধ পরে ভস্মে বসে অনুতাপ করত। 14 কিন্তু বিচারদিনে টায়ার ও সীদোনের দশা, বরং তোমাদের চেয়ে বেশি সহনীয় হবে। 15 আর তুমি কফরনাহূম, তুমি কি না স্বর্গ পর্যন্ত উঁচুতে উঠবে? তা নয়, তুমি অধোলোক পর্যন্ত তলিয়ে যাবে। (Hades g86) 16 ‘যারা তোমাদের কথা শোনে, তারা আমারই কথা শোনে; যারা তোমাদের প্রত্যাখ্যান করে, তারা আমাকেই প্রত্যাখ্যান করে; কিন্তু যে আমাকে প্রত্যাখ্যান করে, সে প্রত্যাখ্যান করে তাঁকেই, যিনি আমাকে পাঠিয়েছেন।’ 17 সেই বাহাত্তর জন শিষ্য সানন্দে ফিরে এসে বললেন, ‘প্রভু, আপনার নামে ভূতেরাও আমাদের অধীনতা স্বীকার করে।’ 18 তিনি উত্তর দিলেন, “আমি আকাশ থেকে বিদ্যুতের মতো শয়তানকে পতিত হতে দেখেছি। 19 আমি তোমাদের সাপ ও কঁকড়াবিছে পায়ের তলায় পিষে মারার এবং শক্রের সমস্ত ক্ষমতার

উপর কর্তৃত্ব করার অধিকার দান করেছি। কোনো কিছুই তোমাদের  
ক্ষতি করতে পারবে না। 20 কিন্তু আত্মারা তোমাদের বশীভূত হয়  
বলে উল্লসিত হোয়ো না, বরং স্বর্গে তোমাদের নাম লেখা হয়েছে বলে  
উল্লসিত হও।” 21 সেই সময় যীশু পরিত্র আত্মার মাধ্যমে আনন্দে  
পরিপূর্ণ হয়ে বললেন, “হে পিতা, তুমি স্বর্গ ও পৃথিবীর প্রভু, আমি  
তোমার প্রশংসা করি, কারণ তুমি এই সমস্ত বিষয় বিজ্ঞ ও শিক্ষিত  
মানুষদের কাছ থেকে গোপন রেখে ছোটো শিশুদের কাছে প্রকাশ  
করেছ। হ্যাঁ পিতা, কারণ এই ছিল তোমার সৌন্দর্য ইচ্ছা। 22 “আমার  
পিতা সবকিছুই আমার হাতে সমর্পণ করেছেন। পুত্রকে কেউ জানে না,  
কেবলমাত্র পিতা জানেন এবং পিতাকে কেউ জানে না, কেবলমাত্র পুত্র  
জানেন ও পুত্র যার কাছে তাঁকে প্রকাশ করে, সেই জানে।” 23 তারপর  
তিনি শিষ্যদের দিকে ফিরে একান্তে বললেন, “তোমরা যা দেখছ,  
যারা তা দেখতে পায় ধন্য তাদের চোখ। 24 কারণ আমি তোমাদের  
বলছি, বহু ভাববাদী ও রাজা তা দেখতে চেয়েছিলেন, কিন্তু তাঁরা তা  
দেখতে পাননি এবং তোমরা যা শুনছ, তাঁরা তা শুনতে চেয়েছিলেন,  
কিন্তু শুনতে পাননি।” 25 একদিন এক শাস্ত্রবিদ যীশুকে পরীক্ষা করার  
জন্য উঠে দাঁড়িয়ে প্রশ্ন করল, “গুরুমহাশয়, অনন্ত জীবনের অধিকারী  
হওয়ার জন্য আমাকে কী করতে হবে?” (aiōnios g166) 26 তিনি উত্তর  
দিলেন, “বিধানশাস্ত্রে কী লেখা আছে? তুমি কি পাঠ করছ?” 27 সে  
উত্তরে বলল, “‘তুমি তোমার সমস্ত হৃদয়, সমস্ত প্রাণ, সমস্ত শক্তি ও  
সমস্ত মন দিয়ে তোমার ঈশ্বর সদাপ্রভুকে প্রেম করবে’; এবং, ‘তোমার  
প্রতিবেশীকে নিজের মতো প্রেম করবে।’” 28 যীশু উত্তরে বললেন,  
“তুমি যথার্থ উত্তর দিয়েছ। তাই করো এবং এতেই তুমি জীবন লাভ  
করবে।” 29 কিন্তু সে নিজের সততা প্রতিপন্থ করতে যীশুকে প্রশ্ন  
করল, “বেশ, আমার প্রতিবেশী কে?” 30 প্রত্যুত্তরে যীশু বললেন,  
“এক ইহুদি ব্যক্তি জেরশালেম থেকে যিরীহোতে নেমে যাচ্ছিল। পথে  
সে দস্যুদের কবলে পড়ল। তারা তার পোশাক খুলে নিয়ে এবং তাকে  
মেরে আধমরা করে ফেলে রেখে চলে গেল। 31 ঘটনাক্রমে একজন  
যাজক সেই পথ দিয়ে যাচ্ছিল। লোকটিকে দেখে সে রাস্তার অন্য প্রান্ত

দিয়ে চলে গেল। 32 সেভাবে একজন লেবীয়ও সেখানে এসে তাকে দেখে অন্য দিক দিয়ে চলে গেল। 33 কিন্তু একজন শমরীয় পথ চলতে চলতে, সেই ব্যক্তি যেখানে ছিল, সেখানে এসে পৌঁছাল; তাকে দেখে সে তার প্রতি করণাবিষ্ট হল। 34 সে তার কাছে গিয়ে ক্ষতস্থানে তেল ও দ্রাক্ষারস লাগিয়ে বেঁধে দিল। তারপর সেই ব্যক্তিকে তার নিজের গাধায় চাপিয়ে একটি পাঞ্চশালায় নিয়ে এসে তার সেবাযত্ত করল। 35 পরদিন পাঞ্চশালার মালিককে সে দুটি রংপোর মুদ্রা দিল। সে বলল, ‘ওই ব্যক্তির সেবাযত্ত কোরো। এর অতিরিক্ত কিছু ব্যয় হলে, ফেরার পথে আমি পরিশোধ করে দেব।’ 36 “এই তিনজনের মধ্যে কে দস্যদের হাতে পড়া ওই লোকটির কাছে প্রতিবেশী হয়ে উঠল? তোমার কী মনে হয়?” 37 সেই শাস্ত্রবিদ উত্তর দিল, “লোকটির প্রতি যে করণা দেখিয়েছিল, সেই।” যীশু তাকে বললেন, “যাও, ফিরে গিয়ে তুমি ও সেরকম করো।” 38 যীশু শিষ্যদের নিয়ে পথ চলতে চলতে একটি গ্রামে এসে পৌঁছালেন। সেখানে মার্থা নামে এক স্ত্রীলোক তাঁর বাড়িতে তাঁকে স্বাগত জানালেন। 39 মরিয়ম নামে তাঁর এক বোন ছিলেন। প্রভুর মুখের বাক্য শোনার জন্য তিনি তাঁর পায়ের কাছে বসলেন। 40 কিন্তু মার্থা আপ্যায়নের আয়োজন করতে গিয়ে ব্যতিব্যস্ত হয়ে পড়লেন। তিনি যীশুর কাছে এসে বললেন, “প্রভু, আপনি কি দেখতে পাচ্ছেন না, আমার বোন আমার একার উপর সমস্ত কাজের ভার ছেড়ে দিয়েছে? আপনি ওকে বলুন, আমাকে সাহায্য করতে।” 41 প্রভু উত্তর দিলেন, “মার্থা, মার্থা, তুমি অনেক বিষয়ে উদ্বিগ্ন, আর বিচলিত হয়ে পড়েছ। 42 কিন্তু প্রয়োজন একটিমাত্র বিষয়ের। মরিয়ম সেই উত্তম বিষয়টিই মনোনীত করেছে, যা তার কাছ থেকে কেড়ে নেওয়া হবে না।”

**11** একদিন যীশু কোনো এক স্থানে প্রার্থনা করছিলেন। যখন শেষ করলেন, তাঁর একজন শিষ্য তাঁকে বললেন, “প্রভু, যোহন যেমন তাঁর শিষ্যদের শিক্ষা দিয়েছিলেন, তেমন আপনিও আমাদের প্রার্থনা করতে শিখিয়ে দিন।” 2 তিনি তাঁদের বললেন, “প্রার্থনা করার সময়, তোমরা বোলো: “হে পিতা, তোমার নাম পরিত্র বলে মান্য হোক, তোমার

রাজ্য আসুক। 3 প্রতিদিন আমাদের দৈনিক আহার আমাদের দাও।  
4 আর আমাদের সব পাপ ক্ষমা করো, যেমন আমরাও নিজেদের  
সব অপরাধীকে ক্ষমা করি। আর আমাদের প্রলোভনে পড়তে দিয়ো  
না।” 5 তারপর তিনি তাঁদের বললেন, “মনে করো, তোমাদের কোনও  
একজনের বন্ধু যদি মাঝারাতে তার কাছে গিয়ে বলে, 6 ‘বন্ধু, আমাকে  
তিনটি রূপ্তি ধার দাও। আমার এক বন্ধু এক জায়গায় যাওয়ার পথে  
আমার কাছে এসেছে। কিন্তু তাকে খেতে দেওয়ার ঘটো আমার  
কিছুই নেই।’ 7 তখন ভিতর থেকে সে উত্তর দিল, ‘আমাকে বিরক্ত  
করো না। দরজা বন্ধ করা হয়েছে, ছেলেমেয়েরা আমার সঙ্গে শুয়ে  
আছে। আমি উঠে তোমাকে কিছু দিতে পারছি না।’ 8 আমি তোমাদের  
বলছি, যদিও তার বন্ধু বলে সে উঠে তাকে রূপ্তি দিতে পারবে না,  
কিন্তু লোকটির আকুলতার জন্য সে উঠে তার চাহিদামতো রূপ্তি তাকে  
দেবে। 9 “তাই আমি তোমাদের বলছি, চাও, তোমাদের দেওয়া হবে;  
খোঁজ করো, তোমরা পাবে; কড়া নাড়ো, তোমাদের জন্য দ্বার খুলে  
দেওয়া হবে। 10 কারণ যে চায়, সে গ্রহণ করে; যে খোঁজ করে, সে  
সন্ধান পায়; আর যে কড়া নাড়ে, তার জন্য দ্বার খুলে দেওয়া হয়।  
11 “তোমাদের মধ্যে এমন বাবা কে আছে, ছেলে রূপ্তি চাইলে যে  
তাকে পাথর দেবে, অথবা মাছ চাইলে তার পরিবর্তে সাপ দেবে?  
12 অথবা সে ডিম চাইলে তাকে কাঁকড়াবিছে দেবে? 13 তোমরা  
মন্দ প্রকৃতির হয়েও যদি নিজেদের সন্তানদের ভালো ভালো উপহার  
দিতে জানো, তাহলে যারা তোমাদের স্বর্গস্থ পিতার কাছে চায়, তাদের  
তিনি আরও কত না নিশ্চিতরূপে পবিত্র আত্মা দান করবেন!” 14  
যীশু ভূতগ্রস্ত এক বোৰা ব্যক্তির মধ্য থেকে ভূত তাড়ালেন। ভূতটি  
চলে গেলে বোৰা মানুষটি কথা বলতে লাগল। এ দেখে লোকেরা  
ভীষণ চমৎকৃত হয়ে গেল। 15 কিন্তু তাদের মধ্যে কয়েকজন বলল,  
“ও ভূতদের অধিপতি বেলসবুলের সহায়তায় ভূতদের দূর করে।”  
16 অন্যেরা তাঁকে পরীক্ষা করার জন্য কোনও স্বর্গীয় চিহ্ন দেখতে  
চাইল। 17 যীশু তাদের মনের কথা জানতে পেরে তাদের বললেন,  
“কোনো রাজ্য যদি নিজেরই বিরুদ্ধে বিভাজিত হয়, তাহলে তার পতন

হবে। কোনো পরিবার যদি নিজের বিরুদ্ধে বিভাজিত হয়, তাহলে তার পতন হবে। 18 শয়তান যদি নিজের বিরুদ্ধে বিভাজিত হয়ে পড়ে, কেমনভাবে তার সাম্রাজ্য টিকে থাকতে পারে? আমার একথা বলার কারণ, তোমরা বলে থাকো যে, আমি বেলসবুলের সহায়তায় ভূতদের তাড়িয়ে থাকি। 19 আমি যদি বেলসবুলের দ্বারা ভূত তাড়িয়ে থাকি, তাহলে তোমাদের অনুগামীরা কার সাহায্যে তাদের তাড়ায়? সেই কারণে, তারাই তোমাদের বিচারক হবে। 20 কিন্তু যদি আমি ঈশ্বরের শক্তির দ্বারা ভূত তাড়াই, তাহলে ঈশ্বরের রাজ্য তোমাদের উপরে এসে পড়েছে। 21 “কোনো শক্তিশালী ব্যক্তি যখন অস্ত্রশস্ত্রে সজ্জিত হয়ে নিজের প্রাসাদ পাহারা দেয়, তখন তার সম্পত্তি সুরক্ষিত থাকে। 22 কিন্তু তার চেয়েও বলিষ্ঠ কেউ যখন আক্রমণ করে তাকে পরামর্শ করেন, পরাজিত লোকটি যে অস্ত্রশস্ত্রের উপর নির্ভর করেছিল, সেসব তিনি কেড়ে নেন এবং সমস্ত লুণ্ঠিত দ্রব্য নিয়ে চলে যান। 23 “যে আমার পক্ষে নয়, সে আমার বিপক্ষে, আর যে আমার সঙ্গে সংগ্রহ করে না, সে ছাড়িয়ে ফেলে। 24 “কোনো মানুষের ভিতর থেকে যখন কোনও দুষ্ট-আত্মা বের হয়ে যায় সে তখন বিশ্বামের খোঁজে শুক্র-ভূমিতে ঘুরে বেড়ায় কিন্তু তার সন্ধান পায় না। তখন সে বলে, ‘আমি যে বাঢ়ি ছেড়ে এসেছি সেখানেই ফিরে যাব।’ 25 যখন সে ফিরে আসে, তখন সেই বাঢ়ি পরিচ্ছন্ন ও সুশৃঙ্খল দেখতে পায়। 26 তখন সে গিয়ে তার থেকেও দুষ্ট আরও সাতটি আত্মাকে নিয়ে আসে, আর তারা ভিতরে প্রবেশ করে সেখানে বাস করতে থাকে। তখন সেই মানুষটির অস্তিমদশা আগের থেকে আরও বেশি শোচনীয় হয়ে পড়ে।” 27 যীশু যখন এসব কথা বলছিলেন, লোকদের মধ্য থেকে একজন স্ত্রীলোক চিৎকার করে বলে উঠল, “ধন্য সেই গর্ভ, যা আপনাকে ধারণ করেছিল এবং সেই স্তন, যার দুধ আপনি পান করেছিলেন।” 28 তিনি উত্তর দিলেন, “বরং তারাই ধন্য, যারা ঈশ্বরের বাক্য শোনে ও তা পালন করে।” 29 লোকের সংখ্যা ক্রমশ বাঢ়তে লাগল। যীশু বললেন, “বর্তমান প্রজন্মের লোকেরা দুষ্ট প্রকৃতির। তারা অলৌকিক নির্দর্শন দেখতে চায়, কিন্তু যোনার নির্দর্শন ছাড়া আর কিছুই তাদের দেওয়া

হবে না। 30 যোনা নীনবীবাসীদের কাছে যেমন নির্দশনস্বরূপ ছিলেন, মনুষ্যপুত্রও তেমনই এই প্রজন্মের কাছে নির্দশনস্বরূপ হবেন। 31 বিচারের দিনে দক্ষিণ দেশের রানি এই প্রজন্মের লোকদের সঙ্গে উঠে দাঁড়িয়ে তাদের অভিযুক্ত করবেন, কারণ শলোমনের প্রজার বাণী শোনার জন্য তিনি পৃথিবীর সুদূর প্রান্ত থেকে এসেছিলেন। 32 কিন্তু শলোমনের চেয়েও মহান একজন এখানে উপস্থিত আছেন। 33 বিচারের দিনে নীনবী নগরের লোকেরা এই প্রজন্মের লোকদের সঙ্গে উঠে দাঁড়াবে ও এদের অভিযুক্ত করবে, কারণ তারা যোনার প্রচারে মন পরিবর্তন করেছিল; আর এখন যোনার চেয়েও মহান একজন এখানে উপস্থিত আছেন। 34 “প্রদীপ জ্বলে কেউ গোপন স্থানে, বা পাত্রের নিচে রাখে না, বরং সে দীপাধারের উপরে রাখে, যেন যারা ঘরের ভিতরে প্রবেশ করে, তারা আলো দেখতে পায়। 35 তোমার চোখই তোমার শরীরের প্রদীপ। তোমার চোখ যদি সরল হয়, তাহলে তোমার সমস্ত শরীর আলোকময় হয়ে উঠবে। কিন্তু চোখদুটি যদি মন্দ হয়, তোমার শরীরও হয়ে উঠবে অন্ধকারময়। 36 সেই কারণে দেখো, তোমার মধ্যে যে আলো রয়েছে বলে তুমি মনে করছ, তা আসলে অন্ধকার যেন না হয়। 37 তাই তোমার সারা শরীর যদি আলোকময় হয়ে ওঠে ও তার কোনো অংশ যদি অন্ধকারময় না হয়, প্রদীপের আলো যেমন তোমার উপরে আলো দেয় তেমনই তোমার শরীরও সম্পূর্ণ আলোময় হয়ে উঠবে।” 38 যীশুর কথা বলা শেষ হওয়ার পর একজন ফরিশী তাঁকে তার সঙ্গে খাবারের জন্য নিমন্ত্রণ করল। তাই তিনি ভিতরে গিয়ে খেতে বসলেন। 39 কিন্তু খাওয়ার আগে যীশুকে প্রথামতো হাত পা ধূতে না দেখে, সেই ফরিশী অবাক হয়ে গেল। 40 তখন প্রভু তাকে বললেন, “তোমরা ফরিশীরা, থালাবাটির বাইরের অংশ পরিষ্কার করে থাকো, কিন্তু তোমাদের অন্তর লালসা ও দুষ্টায় ভর্তি থাকে। 41 মুর্দার দল! বাইরের দিক যিনি তৈরি করেছেন, তিনি কি ভিতরের দিকও তৈরি করেননি? 42 কিন্তু পাত্রের ভিতরে যা আছে, তা দরিদ্রদের বিলিয়ে দাও, দেখবে, তোমাদের কাছে সবকিছুই শুচিশুন্দ হয়ে উঠবে। 43 “ফরিশীরা, ধিক্ তোমাদের! কারণ তোমরা

খেতের পুদিনা, তেজপাতা ও অন্যান্য শাকের এক-দশমাংশ সৈশ্বরকে  
দিয়ে থাকো, কিন্তু ন্যায়বিচার ও সৈশ্বরের প্রেম অবহেলা করে থাকো।  
এক-দশমাংশ দান করেও, আরও গুরুত্বপূর্ণ এই বিষয়গুলি তোমাদের  
পালন করা উচিত ছিল। 43 “ফরিশীরা, ধিক্ তোমাদের! কারণ তোমরা  
সমাজভবনে সবচেয়ে গুরুত্বপূর্ণ আসনে বসতে এবং হাটেবাজারে  
লোকদের অভিবাদন পেতে ভালোবাসো। 44 “ধিক্ তোমাদের! কারণ  
তোমরা চিহ্নিন কবরের মতো, যার উপর দিয়ে মানুষ অজান্তে হেঁটে  
যায়।” 45 একজন শাস্ত্রবিদ তাঁকে উত্তর দিল, “গুরুমহাশয়, এ সমস্ত  
কথায় আপনি আমাদেরও অপমান করছেন।” 46 যীশু প্রত্যন্তরে  
বললেন, “শাস্ত্রবিদরা, ধিক্ তোমাদের! তোমরা সব মানুষের উপর  
এমন বোঝা চাপিয়ে দাও, যা তারা বইতে অক্ষম, কিন্তু তোমরা  
নিজেরা একটি আঙুল তুলেও তাদের সাহায্য করো না। 47 “ধিক্  
তোমাদের! কারণ তোমরা ভাববাদীদের সমাধি নির্মাণ করে থাকো,  
কিন্তু তোমাদের পূর্বপুরুষেরাই তাদের হত্যা করেছিল। 48 তোমাদের  
পূর্বপুরুষদের কাজ যে তোমরা সমর্থন করছ, তোমাদের কাজই তার  
প্রমাণ। তারা হত্যা করেছিল সেই ভাববাদীদের, আর তোমরা তাদের  
সমাধি নির্মাণ করছ। 49 এজন্য সৈশ্বর তাঁর প্রজ্ঞায় বলেন, ‘আমি তাদের  
কাছে ভাববাদীদের ও প্রেরিতশিষ্যদের পাঠাব; তাদের কয়েকজনকে  
তারা হত্যা করবে এবং অন্যদের নিপীড়ন করবে।’ 50 তাই জগতের  
উৎপত্তিকাল থেকে সব ভাববাদীর রক্তপাতের জন্য এই প্রজন্মের  
মানুষেরাই দায়ী হবে। 51 হ্যাঁ, আমি তোমাদের বলছি, হেবল থেকে  
শুরু করে বেদি ও মন্দিরের মাঝখানে নিহত সখরিয় পর্যন্ত, সকলেরই  
রক্তপাতের জন্য বর্তমান প্রজন্ম দায়ী হবে। 52 “শাস্ত্রবিদরা, ধিক্  
তোমাদের! কারণ তোমরা জ্ঞান-ভাণ্ডারের চাবি কেড়ে নিয়েছ। তোমরা  
নিজেরা তো প্রবেশ করেইনি, যারা প্রবেশ করতে চেয়েছে, তাদেরও  
বাধা দিয়েছ।” 53 যীশু সেই স্থান ছেড়ে যাওয়ার সময় ফরিশী ও  
শাস্ত্রবিদরা তাঁর তীব্র বিরোধিতা করতে লাগল এবং তাঁকে প্রশংসাণে  
জর্জরিত করে তুলল। 54 যীশুর কথা দিয়েই তাঁকে ফাঁদে ফেলার জন্য  
তারা সুযোগের অপেক্ষায় রইল।

**12** ইতিমধ্যে কয়েক হাজার মানুষ সেখানে সমবেত হলে এমন অবস্থা হল যে, একে অন্যের পা-মাড়াতে লাগল। যীশু প্রথমে তাঁর শিষ্যদের শিক্ষা দিতে লাগলেন, বললেন, “ফরিশীদের খামির, অর্থাৎ ভগুমি থেকে তোমরা নিজেদের সাবধানে রেখো। 2 গোপন এমন কিছুই নেই, যা প্রকাশিত হবে না, লুকোনো এমন কিছুই নেই, যা অজানা থেকে যাবে। 3 অঙ্ককারে তোমরা যা উচ্চারণ করেছ তা প্রকাশ্য দিবালোকে শোনা যাবে। আর ভিতরের ঘরে যে কথা তুমি চুপিচুপি বলেছ, তা ছাদের উপর থেকে ঘোষণা করা হবে। 4 “আমার বন্ধু সব, আমি তোমাদের বলছি, শরীরকে হত্যা করার বেশি আর কিছু করার সাধ্য যাদের নেই, তাদের তোমরা ভয় কোরো না। 5 কিন্তু কাকে ভয় করতে হবে, তা আমি তোমাদের বলছি: শরীরকে হত্যা করার পর যাঁর ক্ষমতা আছে তোমাদের নরকে নিক্ষেপ করার তোমরা তাঁকেই ভয় কোরো। হ্যাঁ, আমি তোমাদের বলছি, তোমরা তাঁকেই ভয় কোরো। (Geenna g1067) 6 দুই পয়সায় কি পাঁচটি চড়ুইপাখি বিক্রি হয় না? তবুও তাদের একটিকেও ঈশ্বর ভোলেন না। 7 প্রকৃতপক্ষে, তোমাদের মাথার চুলগুলিরও সংখ্যা গোনা আছে। ভয় পেয়ে না কারণ চড়ুইপাখি থেকেও তোমরা অনেক বেশি মূল্যবান। 8 “আমি তোমাদের বলছি, যে কেউ মানুষের সাক্ষাতে আমাকে স্বীকার করে, মনুষ্যপুত্রও তাকে ঈশ্বরের দৃতদের সাক্ষাতে স্বীকার করবেন। 9 কিন্তু কেউ যদি মানুষের সাক্ষাতে আমাকে অস্বীকার করে, ঈশ্বরের দৃতদের সাক্ষাতে তাকেও অস্বীকার করা হবে। 10 মনুষ্যপুত্রের বিরুদ্ধে কেউ কিছু বললে, তাকে ক্ষমা করা হবে, কিন্তু পবিত্র আত্মার বিরুদ্ধে কেউ যদি নিন্দা করে, তার ক্ষমা হবে না। 11 “যখন সমাজভবনের শাসনকর্তা ও কর্তৃপক্ষের সামনে তোমাদের টেনে আনা হয়, তখন তোমরা কীভাবে আত্মপক্ষ সমর্থন করবে, অথবা কী বলবে, তা নিয়ে দুশ্চিন্তা কোরো না। 12 কারণ সে সময়ে তোমাদের কী বলতে হবে, পবিত্র আত্মা তা শিখিয়ে দেবেন।” 13 লোকদের মধ্য থেকে কেউ একজন বলল, “গুরুমহাশয়, আমার ভাইকে বলুন, সে যেন পৈত্রিক সম্পত্তি আমার সঙ্গে ভাগ করে নেয়।” 14 যীশু উত্তর দিলেন, “ওহে,

কে আমাকে তোমাদের বিচার, অথবা মধ্যস্থতা করার জন্য নিযুক্ত  
করেছে?” 15 তারপর তিনি তাদের বললেন, “সজাগ থেকো! সমস্ত  
রকম লোভ থেকে নিজেদের রক্ষা কোরো; সম্পদের প্রাচুর্যের উপরে  
মানুষের জীবনের অস্তিত্ব নির্ভর করে না।” 16 আর তিনি তাদের এই  
রূপকটি বললেন: “এক ধনবান ব্যক্তির জমিতে প্রচুর ফসল হয়েছিল।  
17 সে চিন্তা করল, ‘আমি কী করব? এত ফসল মজুত করার মতো  
কেনো জায়গা আমার নেই।’ 18 “তারপর সে বলল, ‘আমি এক কাজ  
করব, আমার গোলাঘরগুলি ভেঙে আমি বড়ো বড়ো গোলাঘর নির্মাণ  
করব। সেখানে আমার সমস্ত ফসল আর অন্যান্য দ্রব্যসামগ্রী মজুত  
করব। 19 তারপর নিজেকে বলব, “তুমি বহু বছরের জন্য অনেক  
ভালো ভালো জিনিস মজুত করেছ। এবার জীবনকে সহজভাবে  
নাও; খাওয়াদাওয়া ও আমোদ স্ফূর্তি করো।” 20 “কিন্তু ঈশ্বর তাকে  
বললেন, ‘মুর্খ! আজ রাতেই তোমার প্রাণ তোমার কাছ থেকে ছিনিয়ে  
নেওয়া হবে। তাহলে, তোমার নিজের জন্য যে আয়োজন করে রেখেছ,  
তখন কে তা ভোগ করবে?’ 21 “যে নিজের জন্য ধন সঞ্চয় করে, অথচ  
ঈশ্বরের উদ্দেশ্যে ধনী নয়, তার পরিণতি এরকমই হবে।” 22 এরপর  
যীশু তাঁর শিষ্যদের বললেন, “এই কারণে আমি তোমাদের বলছি,  
তোমাদের জীবনের বিষয়ে দুশ্চিন্তা কোরো না, তোমরা কী খাবে;  
বা শরীরের বিষয়ে, কী পোশাক পড়বে। 23 কারণ খাবারের চেয়ে  
জীবন বড়ো বিষয় এবং পোশাকের চেয়ে শরীর বেশি গুরুত্বপূর্ণ। 24  
কাকদের কথা ভেবে দেখো, তারা বীজবপন করে না, ফসল কাটে না,  
তাদের কোনও গুদাম, বা গোলাঘরও নেই, তবুও ঈশ্বর তাদের খাবার  
জুগিয়ে দেন। পাখিদের চেয়ে তোমাদের মূল্য আরও কত না বেশি!  
25 দুশ্চিন্তা করে কে তার আয়ু এক ঘণ্টাও বৃদ্ধি করতে পারে? 26  
অতএব, তোমরা যখন এই সামান্য কাজটুকু করতে পারো না, তখন  
অন্য সব বিষয়ে দুশ্চিন্তা করো কেন? 27 “লিলি ফুল কেমন বেড়ে  
ওঠে, ভেবে দেখো। তারা পরিশ্রম করে না, সুতোও কাটে না। তবুও  
আমি তোমাদের বলছি, রাজা শলোমনও তাঁর সমস্ত মহিমায় এদের  
একটিরও মতো সুশোভিত ছিলেন না। 28 মাঠের যে ঘাস আজ আছে,

অথচ আগামীকাল আগনে নিষ্কিঞ্চ করা হবে, স্টশ্বর যদি সেগুলিকে এত সুশোভিত করে থাকেন, তাহলে ওহে অল্পবিশ্বাসীরা, তিনি তোমাদের আরও কত বেশি সুশোভিত করবেন! 29 আর কী খাবার খাবে বা কী পান করবে, তা নিয়ে তোমাদের হস্যকে ব্যাকুল কোরো না; এজন্য তোমরা দুষ্চিন্তা কোরো না। 30 কারণ জগতে স্টশ্বরে অবিশ্বাসীরা এসব জিনিসের পিছনে ছুটে বেড়ায়; কিন্তু তোমাদের পিতা জানেন, তোমাদের এগুলির প্রয়োজন আছে। 31 কিন্তু তোমরা প্রথমে তাঁর রাজ্যের অস্বেষণ করো, তাহলে এই সমস্ত বিষয়ও তোমাদের দেওয়া হবে। 32 “ক্ষুদ্র মেষপাল, তোমরা তয় পেয়ো না, কারণ তোমাদের পিতা এই রাজ্য তোমাদের দান করেই প্রীত হয়েছেন। 33 তোমাদের সমস্ত সম্পত্তি বিক্রি করে দীনদরিদ্রদের মাঝে বিলিয়ে দাও। নিজেদের জন্য এমন টাকার থলি তৈরি করো, যা কোনোদিন জীর্ণ হবে না; স্বর্গে এমন গ্রিশ্য সংগ্রহ করো, যা কোনোদিন নিঃশেষ হবে না, সেখানে কোনো চোর কাছে আসে না, কোনো কৌটপতঙ্গ তা নষ্ট করে না। 34 কারণ যেখানে তোমাদের ধন থাকবে, সেখানেই তোমাদের মন পড়ে থাকবে। 35 “সেবাকাজ করার জন্য প্রস্তুত থাকো ও তোমাদের প্রদীপ জ্বলে রাখো 36 যেন তোমরা তোমাদের প্রভুর প্রতীক্ষায় রয়েছ যে কখন তিনি বিবাহ আসবে থেকে ফিরে আসবেন। যে মুহূর্তে তিনি ফিরে আসবেন ও দরজায় কড়া নাড়বেন সেই মুহূর্তেই যেন দরজা খুলে দেওয়ার জন্য প্রস্তুত থাকতে পারো। 37 ফিরে এসে প্রভু যাদের সজাগ দেখবেন, সেই দাসদের কাছে তা মঙ্গলজনক হয়ে উঠবে। আমি তোমাদের সত্যি বলছি, তিনি নিজে পরিবেশন করার জন্য পোশাক পরে প্রস্তুত হবেন, তাদের খাওয়াদাওয়া করতে টেবিলে বসাবেন, এবং তাদের কাছে এসে তাদের পরিচর্যা করবেন। 38 রাতের দ্বিতীয়, বা তৃতীয় প্রহরে এসেও তিনি যাদের প্রস্তুত থাকতে দেখবেন, তাদের পক্ষে তা হবে মঙ্গলজনক। 39 কিন্তু এ বিষয় বুঝে নাও; বাড়ির কর্তা যদি জানতে পারত, কোন প্রহরে চোর আসছে, তাহলে সে তার বাড়িতে সিঁধ কাটতে দিত না। 40 সেরকম, তোমরাও প্রস্তুত থেকো, কারণ যখন তোমরা প্রত্যাশা করবে না, সেই মুহূর্তেই

মনুষ্যপুত্র আসবেন।” 41 পিতর জিজাসা করলেন, “প্রভু, আপনি এই  
রূপকটি শুধুমাত্র আমাদেরই বলছেন, না সবাইকেই বলছেন?” 42  
প্রভু উভর দিলেন, “তাহলে সেই বিশ্বস্ত ও বিজ্ঞ দেওয়ান কে, যাকে  
তার প্রভু বাড়ির অন্যান্য সকল দাসকে যথাসময়ে খাবার দেওয়ার  
দায়িত্ব অর্পণ করবেন? 43 তার প্রভু ফিরে এসে তাকে সেই কাজ  
করতে দেখলে সেই দাসের পক্ষে তা মঙ্গলজনক হবে। 44 আমি  
তোমাদের সত্ত্ব বলছি, তিনি তাকে তাঁর বিষয়সম্পত্তির তত্ত্বাবধায়ক  
করবেন। 45 কিন্তু মনে করো, সেই দাস মনে মনে ভাবল, ‘আমার  
প্রভুর ফিরে আসতে এখনও অনেক দেরি আছে,’ তাই সে অন্য দাস-  
দাসীদের মারতে শুরু করল, খাওয়াদাওয়া ও সুরাপান করে মন্ত্র  
হতে লাগল। 46 সেই দাসের প্রভু এমন এক সময়ে ফিরে আসবেন,  
যখন সে তাঁর আগমনের প্রত্যাশা করেনি, বা এমন এক ক্ষণে, যা সে  
জানতেও পারেনি। তিনি তাকে খণ্ডবিখণ্ড করবেন এবং অবিশ্বাসীদের  
মধ্যে তাকে স্থান দেবেন। 47 “যে দাস তার প্রভুর ইচ্ছা জেনেও প্রস্তুত  
হয়ে থাকে না বা প্রভুর ইচ্ছা অনুযায়ী কাজ করে না, তাকে কঠোর দণ্ড  
দেওয়া হবে। 48 কিন্তু যে না জেনেই শাস্তিযোগ্য অপরাধ করে, তাকে  
কম দণ্ড দেওয়া হবে। যাকে অনেক দেওয়া হয়েছে, তার কাছে দাবি ও  
করা হবে অনেক; যার উপর বহু বিষয়ের ভার অর্পণ করা হয়েছে,  
তার কাছে আরও বেশি প্রত্যাশা করা হবে। 49 “আমি পৃথিবীতে  
আগুন জ্বালাতে এসেছি; আর আমার একান্ত ইচ্ছা এই যে, সেই আগুন  
ইতিমধ্যে জ্বলে উঠছে। 50 কিন্তু আমাকে এক বাণিজ্য গ্রহণ করতে  
হবে। তা শেষ না হওয়া পর্যন্ত আমি কতই না যন্ত্রণাবিদ্ধ হচ্ছি! 51  
তোমরা কি মনে করো যে, আমি পৃথিবীতে শাস্তি দিতে এসেছি?  
তা নয়, আমি তোমাদের বলছি, আমি দিতে এসেছি বিভেদ। 52  
এখন থেকে পরিবারের পাঁচজনের মধ্যে পারস্পরিক বিভেদ দেখা  
যাবে; তিনজন যাবে দুজনের বিপক্ষে, আর দুজন যাবে তিনজনের  
বিপক্ষে। 53 তারা বিচ্ছিন্ন হবে; পিতা সন্তানের বিরুদ্ধে এবং সন্তান  
পিতার বিরুদ্ধে, মা মেয়ের বিরুদ্ধে এবং মেয়ে মায়ের বিরুদ্ধে, শাশুড়ি  
বউমার বিরুদ্ধে এবং বউমা শাশুড়ির বিরুদ্ধে।” 54 তিনি সকলকে

বললেন, “পশ্চিম আকাশে যেদের উদয় হলে তোমরা সঙ্গে সঙ্গে বলো, ‘বৃষ্টি আসছে,’ আর তাই হয়। ৫৫ যখন দক্ষিণ দিক থেকে বাতাস বইতে থাকে, তোমরা বলো, ‘এবার গরম পড়বে’ এবং সত্যই গরম পড়ে। ৫৬ ভঙ্গের দল! তোমরা পৃথিবী ও আকাশের অবস্থা দেখে তার মর্মব্যাখ্যা করতে পারো, অথচ এই বর্তমানকালের মর্মব্যাখ্যা করতে পারো না, এ কেমন কথা? ৫৭ “কোনটি ন্যায্য, তা তোমরা নিজেরাই বিচার করো না কেন? ৫৮ প্রতিপক্ষের সঙ্গে বিচারকের কাছে যাওয়ার সময় পথেই তার সঙ্গে বিবাদের মীমাংসা করার যথাসাধ্য চেষ্টা করো, না হলে সে তোমাকে বিচারকের কাছে টেনে নিয়ে যাবে; বিচারক তোমাকে আধিকারিকের হাতে তুলে দেবে, আর আধিকারিক তোমাকে কারাগারে নিষ্কেপ করবে। ৫৯ আমি তোমাকে বলছি, তোমার দেনা সম্পূর্ণ পরিশোধ না করা পর্যন্ত তুমি বাইরে আসতে পারবে না।”

**১৩** সেই সময় সেখানে উপস্থিত কয়েকজন যীশুকে সেই গালীলীয়দের সম্পর্কে সংবাদ দিল, যাদের রক্ত পীলাত তাদের বলির সঙ্গে মিশিয়ে ছিলেন। ২ যীশু উত্তর দিলেন, “তোমরা কি মনে করো যে, এইভাবে তাড়িত হয়েছিল বলে তারা অন্যান্য গালীলীয়দের তুলনায় বেশি পাপী ছিল? ৩ আমি তোমাদের বলছি, না! কিন্তু মন পরিবর্তন না করলে তোমরা সবাই সেরকমই বিনষ্ট হবে। ৪ অথবা, সিলোয়ামের মিনার চাপা পড়ে যে আঠারো জনের মৃত্যু হয়েছিল, তোমরা কি মনে করো, অন্যান্য জেরুশালেমবাসীদের চেয়ে তারা বেশি অপরাধী ছিল? ৫ আমি তোমাদের বলছি, না! কিন্তু মন পরিবর্তন না করলে তোমরা সেরকমই বিনষ্ট হবে।” ৬ তারপর তিনি এই রূপকটি বললেন: “এক ব্যক্তি তাঁর দ্রাক্ষাক্ষেতে একটি ডুমুর গাছ লাগিয়েছিলেন। তিনি ফলের আশায় গাছটির কাছে গেলেন কিন্তু একটি ফলও খুঁজে পেলেন না। ৭ তাই দ্রাক্ষাক্ষেতের রক্ষককে তিনি বললেন, ‘গত তিন বছর ধরে আমি এই গাছে ফলের আশায় আসছি, কিন্তু কোনো ফলই পাইনি। এটাকে কেটে ফেলো। কেন শুধু শুধু এ জমি জুড়ে থাকবে?’ ৮ “লোকটি উত্তর দিল, ‘মহাশয়, আর শুধু এক বছর এটাকে থাকতে দিন। আমি এর চারপাশে গর্ত খুঁড়ে সার দেব। ৯ এতে পরের বছর যদি ফল

ধরে, তালো! না হলে, এটাকে কেটে ফেলবেন।” 10 বিশ্রামদিনে যীশু কোনও এক সমাজভবনে শিক্ষা দিচ্ছিলেন। 11 সেখানে এক নারী মন্দ-আত্মার প্রভাবে আঠারো বছর ধরে পঙ্গু হয়েছিল। সে কুঁজো হয়ে পড়েছিল, কিছুতেই সোজা হতে পারত না। 12 যীশু তাকে দেখে সামনে ডেকে বললেন, “নারী, তুমি তোমার দুর্বলতা থেকে মুক্ত হলে।” 13 তারপর তিনি তাকে স্পর্শ করলে সে সঙ্গে সঙ্গে সোজা হয়ে দাঁড়িয়ে ঈশ্বরের প্রশংসা করতে লাগল। 14 বিশ্রামদিনে যীশু সুস্থ করেছেন দেখে সমাজভবনের অধ্যক্ষ ঘৃণামিশ্রিত ক্রোধে অন্যান্য লোকদের লক্ষ্য করে বলল, “কাজ করার জন্য অন্য ছয় দিন আছে। তাই, ওই দিনগুলিতে তোমরা সুস্থ হতে এসো, বিশ্রামদিনে নয়।” 15 প্রভু তাকে উত্তর দিলেন, “ওহে ভগ্নের দল! তোমরা প্রত্যেক বিশ্রামদিনে বলদ অথবা গর্দভকে গোয়ালঘর থেকে বাঁধন খুলে জল খাওয়ানোর জন্য কি বাইরে নিয়ে যাও না? 16 তাহলে, অবাহামের কল্যা এই নারী, শয়তান যাকে দীর্ঘ আঠারো বছর বেঁধে রেখেছিল, বিশ্রামদিনে তাকে বাঁধন থেকে মুক্ত করা কি উচিত নয়?” 17 একথা শুনে তাঁর সমস্ত বিরোধী লজ্জিত হল। কিন্তু তাঁর বিস্ময়কর কাজগুলি দেখে সাধারণ লোকেরা আনন্দিত হল। 18 এরপর যীশু প্রশ্ন করলেন, “ঈশ্বরের রাজ্য কৌসের মতো? কার সঙ্গে আমি এর তুলনা দেব? 19 এ হল এক সর্বে বীজের মতো যা এক ব্যক্তি সেটাকে তার বাগানে রোপণ করল। তারপর সেটি বেড়ে উঠে গাছে পরিণত হল, আর আকাশের পাখিরা এসে তার শাখায় আশ্রয় নিল।” 20 তিনি আবার জিজ্ঞাসা করলেন, “ঈশ্বরের রাজ্যকে আমি কৌসের সঙ্গে তুলনা করব? 21 এ এমন খামিরের মতো যা একজন স্ত্রীলোক তিন পাল্লা ময়দার সঙ্গে মেশালো, ফলে সমস্ত ময়দা ফেঁপে উঠল।” 22 তারপর যীশু নগরে ও গ্রামে শিক্ষা দিতে দিতে জেরশালেমের দিকে চললেন। 23 তখন এক ব্যক্তি তাঁকে জিজ্ঞাসা করল, “প্রভু, শুধু কি অল্প সংখ্যক লোকই পরিত্রাণ পাবে?” 24 তিনি তাকে বললেন, “সংকীর্ণ দ্বার দিয়ে প্রবেশ করার জন্য প্রাণপণ চেষ্টা করো, কারণ আমি তোমাদের বলছি, বহু মানুষই প্রবেশ করার চেষ্টা করবে, কিন্তু সফল হবে না। 25 বাড়ির কর্তা একবার উঠে

দার বন্ধ করে দিলে তোমরা বাইরে দাঁড়িয়ে কড়া নাড়িয়ে মিনতি  
করতে থাকবে, ‘মহাশয়, আমাদের জন্য দ্বার খুলে দিন।’ কিন্তু তিনি  
উত্তর দেবেন, ‘তোমরা কোথা থেকে এসেছ, আমি জানি না।’ 26  
‘তখন তোমরা বলবে, ‘আমরা আপনার সঙ্গে খাওয়াদাওয়া করেছি,  
আমাদের পথে পথে আপনি শিক্ষা দিয়েছেন।’ 27 “কিন্তু তিনি উত্তর  
দেবেন, ‘তোমরা কে বা কোথা থেকে এসেছ, আমি জানি না। হে  
অন্যায়কারীরা, আমার কাছ থেকে তোমরা দূর হও!’ 28 “সেখানে হবে  
রোদন ও দন্তঘর্ষণ; তখন তোমরা দেখবে, ঈশ্বরের রাজ্যে রয়েছেন  
অব্রাহাম, ইস্হাক, যাকোব ও সব ভাববাদী, কিন্তু তোমরা নিজেরা  
বাইরে নিক্ষিপ্ত হয়েছ। 29 আর পূর্ব-পশ্চিম ও উত্তর-দক্ষিণ থেকে  
লোকেরা এসে ঈশ্বরের রাজ্যের ভোজসভায় আসন গ্রহণ করবে। 30  
বাস্তবিক, যারা আছে, তারা কেউ কেউ প্রথমে স্থান পাবে এবং যারা  
প্রথমে আছে, তাদের কারোর কারোর স্থান সকলের শেষে হবে।” 31  
সেই সময় কয়েকজন ফরিশী যীশুর কাছে এসে তাঁকে বলল, “এই স্থান  
ত্যাগ করে অন্য কোথাও চলে যান। হেরোদ আপনাকে হত্যা করতে  
চাইছেন।” 32 তিনি উত্তর দিলেন, “সেই শিয়ালকে গিয়ে বলো, ‘আজ  
ও আগামীকাল, আমি ভূতদের তাড়াব, অসুস্থ মানুষদের সুস্থ করব  
এবং তৃতীয় দিনে আমি আমার লক্ষ্যে উপনীত হব।’ 33 যেভাবেই  
হোক, আজ, কাল ও তার পরের দিন আমাকে এগিয়ে চলতেই  
হবে—কারণ নিঃসন্দেহে, কোনো ভাববাদীই জেরুশালেমের বাইরে  
মৃত্যুবরণ করবেন না। 34 “হায়! জেরুশালেম, জেরুশালেম, তুমি  
ভাববাদীদের হত্যা করো ও তোমার কাছে যাদের পাঠানো হয়, তাদের  
পাথরের আঘাত করে থাকো। কতবার আমি তোমার সন্তানদের একত্র  
করতে চেয়েছি, যেমন মুরগি তার শাবকদের নিজের ডানার তলায়  
একত্র করে, কিন্তু তোমরা ইচ্ছুক হওনি! 35 দেখো, তোমাদের গৃহ  
তোমাদের জন্য পরিত্যক্ত হয়ে পড়ে রইল। আমি তোমাদের বলছি,  
যতক্ষণ না তোমরা বলবে, ‘ধন্য তিনি, যিনি প্রভুর নামে আসছেন’  
ততক্ষণ পর্যন্ত তোমরা আর আমাকে দেখতে পাবে না।”

**১৪** এক বিশ্রামদিনে যীশু এক বিশিষ্ট ফরিশীর বাড়িতে খাবার খেতে গেলেন। লোকেরা তাঁর দিকে সতর্ক দৃষ্টি রেখেছিল। ২ সেখানে তাঁর সামনে ছিল এক ব্যক্তি যার শরীর রোগের কারণে অস্বাভাবিক ফুলে উঠেছিল। ৩ যীশু ফরিশী ও শাস্ত্রবিদদের প্রশ্ন করলেন, “বিশ্রামদিনে রোগনিরাময় করা বৈধ, না অবৈধ?” ৪ তারা কিন্তু নির্ণ্যত রাইল। তাই যীশু তাকে ধরে সুস্থ করলেন ও তাকে বিদায় দিলেন। ৫ তারপর তিনি তাদের প্রশ্ন করলেন, “তোমাদের কারও ছেলে বা বলদ যদি বিশ্রামদিনে কুয়োতে পড়ে যায়, তোমরা কি তখনই তাকে তুলবে না?” ৬ প্রত্যন্তে তাদের কিছু বলার ছিল না। ৭ আর নিমন্ত্রিত লোকেরা কীভাবে বিশিষ্ট আসন দখল করছিল তা লক্ষ্য করে তিনি তাদের একটি দৃষ্টান্ত দিয়ে পরামর্শ দিলেন: ৮ “কেউ যখন তোমাকে বিবাহভোজে নিমন্ত্রণ করে, তখন তুমি সম্মানিত ব্যক্তির আসন গ্রহণ করো না। কারণ তোমার চেয়ে বেশি সম্মানিত কোনো ব্যক্তি হয়তো নিমন্ত্রিত হয়ে থাকতে পারেন। ৯ যদি তাই হয়, তাহলে যিনি তোমাদের দুজনকেই নিমন্ত্রণ করেছেন, তিনি এসে তোমাকে বলবেন, ‘এই ভদ্রলোককে আপনার আসনটি ছেড়ে দিন।’ তখন লজ্জিত হয়ে কম গুরুত্বপূর্ণ আসনে তোমাকে বসতে হবে। ১০ কিন্তু তুমি নিমন্ত্রিত হলে, নিকৃষ্টতম আসনে গিয়ে বোসো, তাহলে তোমার নিমন্ত্রণকর্তা তোমাকে বলবেন, ‘বন্ধু, এর চেয়ে ভালো আসনে উঠে বসো।’ তখন অন্যান্য সহ নিমন্ত্রিতদের সামনে তুমি সম্মানিত হবে। ১১ কারণ যে কেউ নিজেকে নত করে তাকে উঠান করা হবে।” ১২ যীশু তখন তাঁর নিমন্ত্রণকর্তাকে বললেন, “তুমি যখন দুপুরের, বা রাতের ভোজ আয়োজন করবে, তোমার বন্ধুবান্ধব, ভাইবোন অথবা আত্মায়স্বজন, বা তোমার ধনী প্রতিবেশীদের নিমন্ত্রণ করবে না; তাহলে তারা তার প্রতিদানে আবার তোমাকে নিমন্ত্রণ করবে। আর তাই হবে তোমার কেবলমাত্র পুরস্কার। ১৩ পরিবর্তে, দীনদরিদ্র, পঙ্ক, খোঁড়া ও দৃষ্টিহীনদের নিমন্ত্রণ করো। ১৪ তখনই তুমি আশীর্বাদধন্য হবে। তারা তোমাকে প্রতিদান কিছু দিতে না পারলেও, ধার্মিকদের পুনরুত্থানকালে তুমি প্রতিদান লাভ করবে।”

15 তাঁর সঙ্গে ভোজে খাচ্ছিলেন এমন এক ব্যক্তি একথা শুনে যীশুকে  
বলল, “ধন্য সেই মানুষ, যে ঈশ্বরের রাজ্যের ভোজে আহার করবে।”

16 যীশু উভর দিলেন, “কেনো ব্যক্তি এক বিশাল ভোজের আয়োজন  
করে বহু অতিথিকে নিমন্ত্রণ করলেন। 17 ভোজের সময় তিনি তাঁর  
দাসের মারফত নিমন্ত্রিতদের বলে পাঠালেন, ‘সব আয়োজনই এখন  
সম্পূর্ণ, তোমরা এসো।’ 18 ‘কিন্তু তারা সবাই একইভাবে অজুহাত  
দেখাতে লাগল। প্রথম ব্যক্তি বলল, ‘আমি সবেমাত্র একটি জমি  
কিনেছি, আমাকে গিয়ে সেটি দেখতেই হবে। আমাকে মার্জনা করো।’  
19 ‘আর একজন বলল, ‘আমি এইমাত্র পাঁচজোড়া বলদ কিনেছি।  
সেগুলি পরখ করে দেখার জন্য আমি পথে বেরিয়ে পড়েছি। আমাকে  
মার্জনা করো।’ 20 ‘আর এক ব্যক্তি বলল, ‘আমি সবেমাত্র বিবাহ  
করেছি, তাই আমি যেতে পারছি না।’ 21 “পরে সেই দাস ফিরে এসে  
তার প্রভুকে এসব কথা জানাল। তখন সেই বাড়ির কর্তা ক্রুদ্ধ হয়ে  
তার দাসকে আদেশ দিলেন, ‘নগরের পথে পথে ও অলিগালিতে শীত্র  
বেরিয়ে পড়ো এবং কাঞ্জাল, পঙ্গু, অঙ্গ ও খোঁড়া—সবাইকে নিয়ে  
এসো।’ 22 “সেই দাস বলল, ‘প্রভু, আপনার আদেশমতোই কাজ  
হয়েছে, কিন্তু এখনও অনেক জায়গা খালি আছে।’ 23 “প্রভু তখন  
তার দাসকে বললেন, ‘বড়ো রাস্তায় ও গ্রামের অলিগালিতে যাও এবং  
যাদের পাও তাদের জোর করে নিয়ে এসো যেন আমার বাসভবন ভর্তি  
হয়ে ওঠে। 24 আমি তোমাকে বলছি, যাদের নিমন্ত্রণ করা হয়েছিল  
তাদের কেউই আমার ভোজের স্বাদ পাবে না।’” 25 অনেক লোক  
যীশুর সঙ্গে সঙ্গে চলছিল। তিনি তাদের দিকে ফিরে বললেন, 26  
“কেউ যদি আমার কাছে আসে এবং তার বাবা ও মা, স্ত্রী ও সন্তান,  
ভাই ও বোন, এমনকি, নিজের প্রাণকেও অপ্রিয় জ্ঞান না করে, সে  
আমার শিষ্য হতে পারে না। 27 যে আমার অনুগামী হতে চায় অর্থচ  
নিজের ক্রুশ বহন করে না, সে আমার শিষ্য হতে পারে না। 28 “মনে  
করো, তোমাদের মধ্যে একজন একটি মিনার তৈরি করতে চাইল।  
সে কি প্রথমেই খরচের হিসেব করে দেখে নেবে না, যে তা শেষ  
করার মতো তার যথেষ্ট আর্থিক সংগতি আছে, কি না? 29 কারণ

তিত স্থাপন করে তা শেষ করতে না পারলে, যে দেখবে, সেই তাকে বিদ্রূপ করে বলবে, 30 ‘এই লোকটি নির্মাণ করতে শুরু করেছিল, কিন্তু শেষ করতে পারেনি।’ 31 “অথবা, মনে করো, এক রাজা অন্য এক রাজার বিরুদ্ধে যুদ্ধের অভিযান চালাতে উদ্যত হলেন। তিনি কি প্রথমেই বসে বিবেচনা করে দেখবেন না, কুড়ি হাজার সৈন্য নিয়ে যে রাজা তার বিরুদ্ধে এগিয়ে আসছেন, দশ হাজার সৈন্য নিয়ে তিনি তার প্রতিরোধ করতে পারবেন, কি না? 32 তিনি সক্ষম না হলে, প্রতিপক্ষ অনেক দূরে থাকতে থাকতেই তিনি এক প্রতিনিধিদল পাঠিয়ে সন্ধির শর্ত জেনে নেবেন। 33 একইভাবে, তোমাদের মধ্যে কেউ তার সর্বস্ব পরিত্যাগ না করলে আমার শিষ্য হতে পারে না। 34 ‘লবণ তো উত্তম, কিন্তু লবণ যদি তার লবণত্ব হারায়, তাহলে কেমনভাবে আবার তা লবণাক্ত করা যাবে? 35 সেগুলি জমি, অথবা সারাটিবি, কোনো কিছুরই যোগ্য নয় বলে বাইরে ফেলে দেওয়া হবে। ‘শোনবার মতো কান যার আছে, সে শুনুক।’”

**15** আর কর আদায়কারী ও পাপীরা, তাঁর কথা শোনার জন্য তাঁর চারপাশে সমবেত হয়েছিল। 2 কিন্তু ফরিশী ও শাস্ত্রবিদরা ফিসফিস করে বলতে লাগল, “এই মানুষটি পাপীদের গ্রহণ করে, তাদের সঙ্গে খাওয়াদাওয়া করে।” 3 যীশু তখন তাদের এই রূপকটি বললেন, 4 “মনে করো, তোমাদের কারও একশোটি মেষ আছে। তার মধ্যে একটি হারিয়ে গেল। সে কি নিরানবইটি মেষকে মাঠে রেখে হারানো মেষটি খুঁজে না পাওয়া পর্যন্ত তার সঙ্ঘান করবে না? 5 সেটি খুঁজে পেলে সে সানন্দে তাকে কাঁধে তুলে নিয়ে বাড়ি ফিরে যাবে। 6 পরে বন্ধুবান্ধব ও প্রতিবেশীদের ডেকে সে বলবে, ‘আমার সঙ্গে আনন্দ করো; আমি আমার হারানো মেষটি খুঁজে পেয়েছি।’ 7 আমি তোমাদের বলছি, একইভাবে নিরানবইজন ধার্মিক ব্যক্তি, যাদের মন পরিবর্তন করার প্রয়োজন নেই, তাদের চেয়ে একজন পাপী মন পরিবর্তন করলে স্বর্গে অনেক বেশি আনন্দ হবে। 8 “আবার মনে করো, কোনো স্ত্রীলোকের দশটি রংপোর মুদ্রা আছে, কিন্তু তার একটি হারিয়ে গেল। সেটাকে না পাওয়া পর্যন্ত, সে কি প্রদীপ জ্বলে, ঘর ঝাঁট দিয়ে, তন্ত্র করে

খুঁজবে না? ৭ মুদ্রাটি খুঁজে পেলে, সে তার বন্ধুবান্ধব ও প্রতিবেশীদের  
একসঙ্গে ডেকে বলবে, ‘আমার সঙ্গে আনন্দ করো, আমার হারিয়ে  
যাওয়া মুদ্রাটি আমি খুঁজে পেয়েছি।’ ১০ একইভাবে, আমি তোমাদের  
বলছি, একজন পাপী মন পরিবর্তন করলে ঈশ্বরের দৃতগণের সাক্ষাতে  
আনন্দ হয়।” ১১ যীশু আরও বললেন, “এক ব্যক্তির দুই ছেলে ছিল।  
১২ ছোটো পুত্র তার বাবাকে বলল, ‘বাবা, সম্পত্তির যে অংশ আমার,  
তা আমাকে দিয়ে দাও।’ তাই তিনি ছেলেদের মধ্যে তাঁর সম্পত্তি  
ভাগ করে দিলেন। ১৩ “অল্পদিন পরেই, ছোটো ছেলে তার সবকিছু  
নিয়ে এক দূরবর্তী দেশের উদ্দেশে যাত্রা করল। সেখানে সে উচ্ছ্বেষণ  
জীবনযাপন করে, তার নিজস্ব সম্পত্তি অপচয় করল। ১৪ তার সর্বস্ব  
শেষ হলে পর, সেই দেশের সর্বত্র ভয়াবহ দুর্ভিক্ষ দেখা দিল; তাতে  
সে অত্যন্ত অভাবের মধ্যে পড়ল। ১৫ তখন সে গিয়ে সেই দেশের  
এক ব্যক্তির কাছে তার অধীনে কাজে নিযুক্ত হল। সে তাকে শূকর  
চরানোর কাজে মাঠে পাঠিয়ে দিল। ১৬ সে এতটাই ক্ষুধার্ত হয়ে উঠল  
যে শূকরেরা যে শুঁটি খেত তা খেয়েই পেট ভরানো তার কাছে ভালো  
মনে হল, কিন্তু কেউ তাকে কিছুই খেতে দিত না। ১৭ “কিন্তু যখন তার  
চেতনার উদয় হল, সে মনে মনে বলল, ‘আমার বাবার কত মজুরই  
তো প্রয়োজনের অতিরিক্ত খাবার পাচ্ছে, আর আমি এখানে অনাহারে  
মৃত্যুর মুখে পড়ে আছি! ১৮ আমি বাড়ি ফিরে আমার বাবার কাছে যাব;  
তাঁকে বলব, ‘বাবা, আমি স্বর্গের বিরুদ্ধে ও তোমার বিরুদ্ধে পাপ  
করেছি, ১৯ তোমার ছেলে বলে পরিচয় দেওয়ার যোগ্যতা আর আমার  
নেই; আমাকে তোমার এক মজুরের মতো করে নাও।’” ২০ তাই সে  
উঠে তার বাবার কাছে ফিরে গেল। ‘সে তখনও অনেক দূরে, তার বাবা  
তাকে দেখতে পেলেন। ছেলের জন্য তাঁর অন্তর করণায় ভরে উঠল।  
তিনি দৌড়ে তাঁর ছেলের কাছে গেলেন, তার গলা জড়িয়ে ধরলেন ও  
তাকে চুম্বন করলেন। ২১ “সেই ছেলে তাঁকে বলল, ‘বাবা, আমি স্বর্গের  
বিরুদ্ধে ও তোমার বিরুদ্ধে পাপ করেছি। তোমার ছেলে বলে পরিচয়  
দেওয়ার কোনো যোগ্যতা আমার নেই।’ ২২ “কিন্তু তার বাবা তাঁর  
দাসদের বললেন, ‘শীত্র, সবচেয়ে উৎকৃষ্ট পোশাক এনে ওকে পরিয়ে

দাও। ওর আঙ্গুলে আংটি পরিয়ে দাও, পায়ে চটিজুতো দাও। 23 আর ভোজের জন্য একটি হষ্টপুষ্ট বাচ্চুর এনে মারো। এসো আমরা ভোজ ও আনন্দ উৎসবের আয়োজন করি। 24 কারণ আমার এই ছেলেটি মারা গিয়েছিল, কিন্তু এখন সে আবার বেঁচে উঠেছে। সে হারিয়ে গিয়েছিল, কিন্তু এখন তাকে খুঁজে পাওয়া গেছে।' তাই তারা আনন্দ উৎসবে মেতে উঠল। 25 'এদিকে বড়ো ছেলেটি মাঠে ছিল। সে বাড়ির কাছে এসে নাচ-গানের শব্দ শুনতে পেল। 26 তখন সে একজন দাসকে ডেকে কি হচ্ছে জানতে চাইল? 27 সে উত্তর দিল, 'আপনার ভাই ফিরে এসেছে এবং আপনার বাবা তাকে নিরাপদে, সুস্থ শরীরে ফিরে পোয়েছেন বলে একটি হষ্টপুষ্ট বাচ্চুর মেরেছেন।' 28 'বড়ো ছেলে খুব রেগে গেল ও ভিতরে প্রবেশ করতে রাজি হল না। তাই তার বাবা বাইরে গিয়ে তাকে অনুনয়-বিনয় করলেন। 29 কিন্তু সে তার বাবাকে উত্তর দিল, 'দেখুন, এত বছর ধরে আমি আপনার সেবা করছি, কখনও আপনার আদেশের অবাধ্য হইনি। তবুও আমার বন্ধুদের সঙ্গে আনন্দ উৎসব করার জন্য আপনি আমাকে কখনও একটি ছাগলছানাও দেননি। 30 কিন্তু আপনার এই ছেলে, যে বেশ্যাদের পিছনে আপনার সম্পত্তি উড়িয়ে দিয়েছে, সে যখন বাড়ি ফিরে এলে, আপনি তারই জন্য হষ্টপুষ্ট বাচ্চুরাটি মারলেন!' 31 'বাবা বললেন, 'ছেলে আমার, তুমি সবসময়ই আমার সঙ্গে আছ। আর আমার যা কিছু আছে, সবই তো তোমার। 32 কিন্তু তোমার এই ভাই মরে গিয়েছিল, এখন সে আবার বেঁচে উঠেছে; সে হারিয়ে গিয়েছিল, এখন খুঁজে পাওয়া গেছে। তাই আমাদের উচিত আনন্দ উৎসব করা ও খুশি হওয়া।'"

**16** যীশু তাঁর শিষ্যদের বললেন, "এক ধনী ব্যক্তি ছিলেন। তাঁর দেওয়ান তাঁর ধনসম্পত্তি অপচয় করার অপরাধে অভিযুক্ত হল। 2 তাই তিনি তাকে ডেকে জিজ্ঞাসা করলেন, 'আমি তোমার সম্পর্কে এ কী কথা শুনছি? তোমার হিসেব পত্র দাখিল করো, কারণ তুমি আর কখনোই দেওয়ান থাকতে পারো না।' 3 'সেই দেওয়ান মনে মনে ভাবল, 'আমি এখন কী করব? আমার মনিব আমার কাজ কেড়ে নিয়েছেন। মাটি কাটার মতো শারীরিক সামর্থ্য আমার নেই, ভিক্ষা করতেও আমার

লজ্জা হয়— 4 আমি এখানে কাজ হারালে লোকেরা যেন আমাকে  
তাদের বাড়িতে স্বাগত জানায়, এজন্য আমি জানি আমাকে কী করতে  
হবে।’ 5 “তখন যারা যারা তার মনিবের খণ্ডী তাদের প্রত্যেককে  
সে ডেকে পাঠাল। সে প্রথমজনকে বলল, ‘আমার মনিবের কাছে  
তোমার খণ্ড কত?’ 6 “সে উত্তর দিল, ‘তিন হাজার লিটার জলপাই  
তেল।’” দেওয়ান তাকে বলল, ‘তোমার খণ্ডপত্র নাও, তাড়াতাড়ি  
বসো আর এখানে এক হাজার পাঁচশো লিটার লেখো।’ 7 “তারপর সে  
দ্বিতীয়জনকে জিজ্ঞাসা করল, ‘আর তোমার খণ্ড কত?’ “‘এক হাজার  
বষ্টা গম,’ সে উত্তর দিল। “সে তাকে বলল, ‘তোমার খণ্ডপত্র নাও আর  
আটশো বষ্টা লেখো।’ 8 “সেই অসাধু দেওয়ান বিচক্ষণতার সঙ্গে কাজ  
করেছিল বলে তাঁর মনিব তার প্রশংসা করলেন। কারণ, এই যুগের  
জাগতিক মনোভাব সম্পন্ন লোকেরা তাদের সমকালীন আলোকপ্রাপ্ত  
লোকদের থেকে বেশি বিচক্ষণ। (aiōn g165) 9 আমি তোমাদের বলছি,  
নিজেদের জন্য বন্ধুত্ব গড়ে তোলার উদ্দেশে জাগতিক সম্পদ ব্যবহার  
করো, যেন সব ধন নিঃশেষ হয়ে গেলে তোমাদের অনন্ত আবাসে  
স্বাগত জানানো হয়। (aiōnios g166) 10 “অল্প বিষয়ে যার উপরে নির্ভর  
করা যায়, বহু বিষয়েও তার উপর নির্ভর করা যায়। আবার অতি অল্প  
বিষয়ে যে অসৎ, বহু বিষয়েও সে অসৎ। 11 তাই, জাগতিক ধনসম্পদ  
ব্যবহারের ক্ষেত্রে তোমরা যদি বিশ্বাসযোগ্য না হও, তাহলে কে  
বিশ্বাস করে তোমাদের হাতে প্রকৃত সম্পদ গচ্ছিত রাখবে? 12 আর  
অন্যের সম্পত্তি সম্পর্কে যদি তোমরা বিশ্বস্ত না হও, তবে তোমাদের  
নিজেদের সম্পত্তির দায়িত্ব তোমাদের হাতে কে ছেড়ে দেবে? 13  
“কেউই দুজন মনিবের সেবা করতে পারে না। সে হয় একজনকে  
ঘৃণা করে অপরজনকে ভালোবাসবে, নয়তো সে একজনের অনুগত  
হয়ে অপরজনকে অবজ্ঞা করবে। তোমরা ঈশ্বর ও অর্থ, এই দুয়ের  
সেবা করতে পারো না।” 14 এই সমস্ত কথা শুনে অর্থলোভী ফরিশীরা  
যীশুকে ব্যঙ্গ করতে লাগল। 15 তিনি তাদের বললেন, “তোমরাই  
সেই লোক, যারা মানুষের চোখে নিজেদের ন্যায়পরায়ণ বলে প্রতিপন্থ  
করতে চাও, কিন্তু ঈশ্বর তোমাদের হন্দয় জানেন। মানুষের কাছে যার

মূল্য অপরিসীম, ঈশ্বরের দৃষ্টিতে তা ঘূণ্য। 16 “যোহনের আমল পর্যন্ত বিধিবিধান ও ভাববাদীদের বাণী ঘোষিত হয়েছিল। সেই সময় থেকে ঈশ্বরের রাজ্যের সুসমাচার প্রচারিত হয়ে আসছে এবং প্রত্যেকেই সেখানে সবলে প্রবেশ করছে। 17 কিন্তু বিধানের একটি আঁচড়ও লোপ হওয়ার চেয়ে বরং আকাশ ও পৃথিবী বিলুপ্ত হওয়া সহজ। 18 “যে নিজের স্ত্রীকে ত্যাগ করে অন্য নারীকে বিবাহ করে, সে ব্যভিচার করে এবং যে পুরুষ কোনও বিবাহবিহীন নারীকে বিবাহ করে, সেও ব্যভিচার করে। 19 “এক ধনী ব্যক্তি ছিল। সে বেগুনি রংয়ের মিহি মসিনার পোশাক পরত। প্রতিদিন সে বিলাসবণ্ণন জীবনযাপন করত। 20 তার বাড়ির প্রবেশপথে এক ভিখারি সর্বাঙ্গে ক্ষত নিয়ে শুয়ে থাকত। তার নাম ছিল লাসার। 21 ধনী ব্যক্তির টেবিল থেকে যা কিছু উচ্চিষ্ট পড়ত, তাই সে খেতে চাইত। এমনকি, কুকুরেরা এসেও তার ঘা চাটতো। 22 “কালক্রমে ভিখারিটির মৃত্যু হল। স্বর্গদূতেরা তাকে নিয়ে এল অব্রাহামের পাশে। পরে ধনী ব্যক্তির মৃত্যু হলে, তাকেও সমাধি দেওয়া হল। 23 সে পাতালে নির্দারণ যন্ত্রণায় দন্ধ হচ্ছিল। সেখান থেকে সে দৃষ্টি উর্ধ্বে তুলে দূরে অব্রাহামের পাশে লাসারকে দেখতে পেল। (Hades g86) 24 তাই সে তাঁকে ডাকল, ‘পিতা অব্রাহাম, আমার প্রতি কৃপা করুন; লাসারকে পাঠিয়ে দিন, সে যেন আঙুলের ডগায় জল নিয়ে আমার জিভ ঠান্ডা করে দেয়। কারণ এই আগুনে আমি ভীষণ যন্ত্রণা পাচ্ছি।’ 25 “কিন্তু অব্রাহাম উত্তর দিলেন, ‘বৎস, স্মরণ করে দেখো, তোমার জীবনকালে তুমি সব উৎকৃষ্ট জিনিস পেয়েছে, লাসার পেয়েছে সব মন্দ জিনিস। কিন্তু এখন সে এখানে লাভ করছে সান্ত্বনা, আর তুমি পাছে যন্ত্রণা। 26 আর তা ছাড়া, তোমার ও আমাদের মধ্যে রয়েছে বিরাট এক ব্যবধান যাতে কেউ এখান থেকে তোমাদের কাছে যেতে চাইলেও যেতে পারে না বা কেউ ওখান থেকে পার হয়ে আমাদের কাছেও আসতে পারে না।’ 27 “সে উত্তর দিল, ‘তাহলে পিতা, আপনার কাছে অনুনয় করছি, লাসারকে আমার পরিবারের কাছে পাঠিয়ে দিন, 28 কারণ আমার পাঁচ ভাই আছে। সে গিয়ে তাদের সতর্ক করে দিক, যেন তারাও এই যন্ত্রণাময় স্থানে না এসে পড়ে।’ 29

“অবাহাম উত্তর দিলেন, ‘তাদের জন্য আছেন মোশি ও ভাববাদীরা।  
তাদেরই কথায় তারা কর্ণপাত করুক।’ 30 “সে বলল, ‘না, পিতা  
অবাহাম, মৃতলোক থেকে কেউ যদি তাদের কাছে যায়, তাহলেই তারা  
মন পরিবর্তন করবে।’ 31 “তিনি তাকে বললেন, ‘তারা যদি মোশি ও  
ভাববাদীদের কথায় কর্ণপাত না করে, তাহলে মৃত্যলোক থেকে উঠে  
কেউ গেলেও তারা তাকে বিশ্বাস করবে না।’”

**17** যীশু তাঁর শিষ্যদের বললেন, “পাপের প্রলোভন নিশ্চিতভাবে  
আসবে, কিন্তু ধিক্ তাকে, যার মাধ্যমে সেসব আসবে। 2 যে এই  
শুন্দজনেদের একজনকেও পাপে প্রলোভিত করে, তার গলায় জাঁতা  
বেঁধে তাকে সমুদ্রে নিক্ষেপ করাই বরং তার পক্ষে ভালো। 3 তাই  
নিজেদের সম্পর্কে সতর্ক থেকো। “তোমার ভাই পাপ করলে তাকে  
তিরক্ষার কোরো এবং সে অনুতঙ্গ হলে, তাকে ক্ষমা কোরো। 4  
সে যদি দিনে সাতবার তোমার বিরুদ্ধে পাপ করে এবং সাতবারই  
ফিরে এসে বলে, ‘আমি অনুতঙ্গ,’ তাহলেও তাকে ক্ষমা কোরো।”  
5 প্রেরিতশিখেয়ারা প্রভুকে বললেন, “আমাদের বিশ্বাস বৃদ্ধি করুন।”  
6 তিনি বললেন, “যদি তোমাদের সর্বে বীজের মতো অতি সামান্য  
বিশ্বাস থাকে, তাহলে এই তুঁত গাছটিকে তোমরা বলতে পারো, ‘যাও,  
সমূলে উপড়ে দিয়ে সমুদ্রে রোপিত হও,’ তাহলে সেরকমই হবে।  
7 “মনে করো, তোমাদের কোনো একজনের এক দাস আছে। সে  
চাষবাস বা মেষপালের তত্ত্বাবধান করে। সে মাঠ থেকে ফিরে এলে  
তার মনিব কি তাকে বলবে, ‘এখন এসে থেতে বসো?’ 8 বরং, সে কি  
তাকে বলবেন না, ‘আমার খাবারের আয়োজন করো; আমি যতক্ষণ  
খাওয়াদাওয়া করব, আমার সেবাযত্ত করার জন্য প্রস্তুত থাকো, তারপর  
তুমি খাওয়াদাওয়া করতে পারো?’ 9 তার কথামতো কাজ করার জন্য  
তিনি কি সেই দাসকে ধন্যবাদ দেবেন? 10 সেরকমই, তোমাদের  
যা করতে বলা হয়েছিল, তার সবকিছু পালন করার পর তোমরাও  
বোলো, ‘আমরা অমোগ্য দাস, যা করতে বাধ্য ছিলাম শুধুমাত্র তাই  
করেছি।’” 11 জেরুশালেমের দিকে যাওয়ার সময় যীশু শমরিয়া ও  
গালীল প্রদেশের মধ্যবর্তী সীমান্ত অঞ্চল দিয়ে যাচ্ছিলেন। 12 তিনি

যখন একটি গ্রামে প্রবেশ করছেন, দশজন কুষ্ঠরোগী তাঁর কাছে এল।  
তারা দূরে দাঁড়িয়ে রইল 13 এবং উচ্চকণ্ঠে চিকার করে বলল, “যীশু,  
প্রভু, আমাদের প্রতি দয়া করছন!” 14 তাদের দেখে তিনি বললেন,  
“যাও, যাজকদের কাছে গিয়ে নিজেদের দেখাও।” আর যেতে যেতেই  
তারা শুচিশুদ্ধ হয়ে গেল। 15 তাদের মধ্যে একজন যখন দেখল, সে  
সুস্থ হয়ে গেছে, সে ফিরে এসে উচ্চকণ্ঠে ঈশ্বরের প্রশংসা করতে  
লাগল। 16 সে যীশুর পায়ে লুটিয়ে পড়ে তাঁর প্রতি কৃতজ্ঞতা জানাল।  
সে ছিল একজন শমরীয়। 17 যীশু জিজ্ঞাসা করলেন, “দশজনই কি  
শুচিশুদ্ধ হয়নি? অন্য নয়জন কোথায়? 18 ফিরে এসে ঈশ্বরের প্রশংসা  
করার জন্য এই বিদেশি ছাড়া আর কাউকে কি পাওয়া গেল না?” 19  
তারপর তিনি তাকে বললেন, “ওঠো, চলে যাও। তোমার বিশ্বাসই  
তোমাকে সুস্থ করেছে।” 20 এক সময় ফরিশীরা ঈশ্বরের রাজ্যের  
আগমনকাল সম্বন্ধে জানতে চাইল। যীশু উত্তর দিলেন, “সতর্ক দৃষ্টি  
রাখলেই যে ঈশ্বরের রাজ্যের আগমন দেখতে পাওয়া যাবে, তেমন  
নয়। 21 লোকেরা বলবেও না, ‘ঈশ্বরের রাজ্য এখানে’ বা ‘ওখানে,’  
কারণ ঈশ্বরের রাজ্য বিরাজ করছে তোমাদের মধ্যেই।” 22 তারপর  
তিনি তাঁর শিষ্যদের বললেন, “এমন এক সময় আসছে, যখন তোমরা  
মনুষ্যপুত্রের রাজত্বের একটি দিন দেখার আকাঙ্ক্ষা করবে, কিন্তু  
তোমরা তা দেখতে পাবে না। 23 লোকেরা তোমাদের বলবে, ‘ওই যে,  
তিনি ওখানে’ অথবা ‘এখানে!’ তোমরা তাদের পিছনে ছুটে বেড়িয়ো  
না। 24 কারণ বিদ্যুৎ রেখা যেমন আকাশের এক প্রান্ত থেকে অপর  
প্রান্তে উত্তোলিত হয়ে আকাশকে আলোকিত করে, তেমনই মনুষ্যপুত্রও  
তাঁর দিনে হবেন। 25 কিন্তু প্রথমে তাঁকে অবশ্যই বহু যন্ত্রণাভোগ  
করতে হবে এবং এই প্রজন্মের মানুষের দ্বারা প্রত্যাখ্যাত হতে হবে।  
26 “নোহের সময় যেমন ঘটেছিল, মনুষ্যপুত্রের সময়েও সেরকম হবে।  
27 নোহ জাহাজে প্রবেশ করা পর্যন্ত লোকেরা খাওয়াদাওয়া করত,  
বিবাহ করত ও তাদের বিবাহ দেওয়া হত। তারপর মহাপ্লাবন এসে  
তাদের সবাইকে ধ্বংস করে দিল। 28 “লোটের সময়েও একই ঘটনা  
ঘটেছিল। লোকেরা খাওয়াদাওয়া করছিল, কেনাবেচা, কৃষিকাজ ও

গৃহ নির্মাণে ব্যস্ত ছিল। 29 কিন্তু লোট যেদিন সদোম ত্যাগ করলেন, সেদিন আকাশ থেকে আগুন ও গন্ধকের বৃষ্টি নেমে তাদের সবাইকে ধ্বংস করে দিল। 30 “মনুয়পুত্র যেদিন প্রকাশিত হবেন, সেদিনও ঠিক এরকমই হবে। 31 সেদিন ছাদের উপরে যে থাকবে, সে যেন ঘরের ভিতরে জিনিসপত্র নেওয়ার জন্য নিচে নেমে না আসে। সেরকমই, মাঠে যে থাকবে, সে যেন কোনোকিছু নেওয়ার জন্য ফিরে না যায়। 32 লোটের স্ত্রীর কথা মনে করো! 33 যে নিজের জীবন রক্ষা করতে চায়, সে তা হারাবে; আবার যে তার জীবন হারায়, সে তা রক্ষা করবে। 34 আমি তোমাদের বলছি, সেই রাত্রে একই বিছানায় দুজন শুয়ে থাকবে; তাদের একজনকে নিয়ে যাওয়া হবে, অন্যজনকে ছেড়ে যাওয়া হবে। 35 দুজন মহিলা একসঙ্গে জাঁতা পেষণ করবে; একজনকে নিয়ে যাওয়া হবে, অন্যজনকে ছেড়ে যাওয়া হবে। 36 দুজন মাঠে থাকবে; একজনকে নিয়ে যাওয়া হবে, অন্যজনকে ছেড়ে যাওয়া হবে।” 37 তারা জিজ্ঞাসা করল, “কোথায় প্রভু?” তিনি বললেন, “যেখানে মৃতদেহ, শকুনের বাঁক সেখানেই জড়ো হবে।”

**18** তারপর যীশু এক রূপক কাহিনির মাধ্যমে তাঁর শিষ্যদের বোঝাতে চাইলেন, তাঁরা যেন সব সবময়ই প্রার্থনা করে, নিরাশ না হয়। 2 তিনি বললেন, “কোনো এক নগরে একজন বিচারক ছিলেন। তিনি ঈশ্বরকে ভয় করতেন না, কোনো মানুষকেও প্রাহ্য করতেন না। 3 সেই নগরে একজন বিধিবা ছিল। সে বারবার এসে তাঁর কাছে মিনতি করত, ‘আমার প্রতিপক্ষের বিরুদ্ধে আমার প্রতি ন্যায়বিচার করুন।’ 4 ‘কিছুদিন তিনি সম্মত হলেন না। কিন্তু শেষে চিন্তা করলেন, ‘যদি আমি ঈশ্বরকে ভয় করি না, 5 তবুও, এই বিধিবা যেহেতু আমাকে বারবার জ্বালাতন করে চলেছে, তাই সে যেন ন্যায়বিচার পায়, তা আমি দেখব যেন সে বারবার এসে আমাকে আর বিরক্ত না করে।’” 6 প্রভু বললেন, “শোনো তোমরা, ওই ন্যায়হীন বিচারক কী বলে। 7 তাহলে ঈশ্বরের যে মনোনীত জনেরা তাঁর কাছে দিবারাত্রি কান্নাকাটি করে, তাদের বিষয়ে তিনি কি ন্যায়বিচার করবেন না? তিনি কি তাদের দূরে সরিয়ে রাখবেন? 8 আমি তোমাদের বলছি, তিনি দ্রুত তাদের

ন্যায়বিচারের ব্যবস্থা করবেন। কিন্তু মনুষ্যপুত্র যখন আসবেন, তিনি  
কি পৃথিবীতে বিশ্বাস খুঁজে পাবেন?” ৭ নিজেদের ধার্মিকতার প্রতি  
যাদের আস্থা ছিল ও অন্যদের যারা হৈনদৃষ্টিতে দেখত, যীশু এই রূপক  
কাহিনিটি তাদের বললেন: ১০ “দুই ব্যক্তি প্রার্থনার জন্য মন্দিরে গেল;  
একজন ফরিশী ও অন্যজন কর আদায়কারী। ১১ ফরিশী দাঁড়িয়ে  
নিজের বিষয়ে প্রার্থনা করল, ‘হে ঈশ্বর, আমি তোমাকে ধন্যবাদ  
জানাই, কারণ আমি কোনো দস্য, দুর্বৃত্ত, ব্যভিচারী, এমনকি, ওই কর  
আদায়কারী, বা অন্য লোকের মতো নই। ১২ আমি সপ্তাহে দু-দিন  
উপোস করি এবং যা আয় করি, তার এক-দশমাংশ দান করি।’ ১৩  
“কিন্তু কর আদায়কারী দূরে দাঁড়িয়ে রইল। এমনকি, সে স্বর্গের দিকে  
তাকাতে পর্যন্ত পারল না। সে তার বুক চাপড়ে বলতে লাগল, ‘হে ঈশ্বর,  
আমার প্রতি, এই পাপীর প্রতি কৃপা করো।’ ১৪ “আমি তোমাদের  
বলছি, এই ব্যক্তি ঈশ্বরের কাছে ধার্মিক গণ্য হয়ে ঘরে ফিরে গেল,  
কিন্তু অন্যজন নয়। কারণ যে কেউ নিজেকে উন্নত করে, তাকে নত  
করা হবে, আর যে কেউ নিজেকে নত করে তাকে উন্নত করা হবে।”  
১৫ যীশুকে স্পর্শ করার জন্য লোকেরা শিশু সন্তানদের তাঁর কাছে নিয়ে  
আসছিল। এই দেখে শিশ্যেরা তাদের তিরক্ষার করলেন। ১৬ কিন্তু যীশু  
শিষ্যদের তাঁর কাছে ডাকলেন ও বললেন, “ছোটো শিশুদের আমার  
কাছে আসতে দাও, ওদের বাধা দিয়ো না। কারণ ঈশ্বরের রাজ্য এদের  
মতো মানুষদেরই। ১৭ আমি তোমাদের সত্যই বলছি, ছোটো শিশুর  
মতো যে ঈশ্বরের রাজ্যকে গ্রহণ করতে পারে না, সে কখনও তাতে  
প্রবেশ করতে পারবে না।” ১৮ একজন সমাজভবনের অধ্যক্ষ তাঁকে  
প্রশ্ন করল, “সৎ গুরু, অনন্ত জীবনের অধিকারী হওয়ার জন্য আমাকে  
কী করতে হবে?” (aiōnios g166) ১৯ যীশু উত্তর দিলেন, “আমাকে সৎ  
বলছ কেন? ঈশ্বর ছাড়া তো আর কেউ সৎ নেই! ২০ ঈশ্বরের আজ্ঞা  
তুমি নিশ্চয় জানো: ‘ব্যভিচার কোরো না, নরহত্যা কোরো না, চুরি  
কোরো না, মিথ্যা সাক্ষ্য দিয়ো না, তোমার বাবাকে ও তোমার মাকে  
সম্মান কোরো।’” ২১ তিনি বললেন, “আমি ছোটোবেলা থেকে এসব  
পালন করে আসছি।” ২২ একথা শুনে যীশু তাকে বললেন, “এখনও

একটি বিষয়ে তোমার ঘাটতি আছে। তুমি তোমার সর্বস্ব বিক্রি করে দরিদ্রদের মধ্যে বিলিয়ে দাও, তাহলে স্বর্গে গ্রিশ্বর্য লাভ করবে। তারপর এসো, আমাকে অনুসরণ করো।” 23 একথা শুনে সে অত্যন্ত বিষণ্ণ হয়ে উঠল, কারণ সে প্রচুর সম্পত্তির অধিকারী ছিল। 24 যীশু তার দিকে দৃষ্টিপাত করে বললেন, “ধনীর পক্ষে ঈশ্বরের রাজ্যে প্রবেশ করা কেমন কষ্টসাধ্য! 25 প্রকৃতপক্ষে, ধনী মানুষের পক্ষে ঈশ্বরের রাজ্যে প্রবেশ করার চেয়ে বরং সুচের ছিদ্রপথ দিয়ে উটের পার হওয়া সহজ।” 26 একথা শুনে শ্রোতারা জিজ্ঞাসা করল, “তাহলে কে পরিত্রাণ পেতে পারে?” 27 যীশু উত্তর দিলেন, “মানুষের পক্ষে যা অসম্ভব, ঈশ্বরের কাছে তা সম্ভবপর।” 28 পিতর তাঁকে বললেন, “আপনাকে অনুসরণ করার জন্য আমরা আমাদের সর্বস্ব ত্যাগ করেছি।” 29 যীশু তাদের বললেন, “আমি তোমাদের সত্যিই বলছি, এমন কেউ নেই, যে ঈশ্বরের রাজ্যের জন্য নিজের ঘরবাড়ি, অথবা স্ত্রী, ভাই, বাবা-মা, বা সন্তানসন্ততি ত্যাগ করেছে, 30 সে এই জীবনে তার বহুগুণ এবং আগামী যুগে অনন্ত জীবন লাভ করবে না।” (aiōn g165, aiōnios g166) 31 যীশু সেই বারোজনকে একান্তে ডেকে বললেন, “আমরা জেরুশালেম পর্যন্ত যাচ্ছি; আর মনুষ্যপুত্র সম্পর্কে ভাববাদীদের সমস্ত ভবিষ্যদ্বাণী বাস্তবায়িত হবে। 32 তাঁকে অইভুদিদের হাতে সমর্পণ করা হবে। তারা তাঁকে বিদ্রূপ করবে, অপমান করবে, তাঁর গায়ে থুতু দেবে, তাঁকে চাবুক দিয়ে মারবে ও হত্যা করবে। 33 কিন্তু তৃতীয় দিনে তিনি মৃত্যু থেকে পুনর্গঢ়িত হবেন।” 34 শিষ্যেরা এসব কথার কিছুই উপলব্ধি করতে পারলেন না। তাদের কাছে এর অর্থ গুপ্ত ছিল এবং তিনি কোন বিষয়ে আলোচনা করছেন, তা তারা বুঝতে পারলেন না। 35 যীশু যখন যিরীহোর নিকটবর্তী হলেন, একজন দৃষ্টিহীন ব্যক্তি পথের পাশে বসে ভিক্ষা করছিল। 36 পথে চলা লোকদের কলরোল শুনে সে তার কারণ জানতে চাইল। 37 তারা তাকে বলল, “নাসরতের যীশু সেখান দিয়ে যাচ্ছেন।” 38 সে চিৎকার করে উঠল, “যীশু, দাউদ-সন্তান, আমার প্রতি দয়া করুন।” 39 সামনের লোকেরা তাকে ধমক দিল ও চুপ করতে বলল, কিন্তু সে আরও বেশি চিৎকার করে বলতে

লাগল, “হে দাউদের সন্তান, আমার প্রতি কৃপা করুন।” 40 যীশু থেমে সেই মানুষটিকে তাঁর কাছে নিয়ে আসার জন্য আদেশ দিলেন। সে কাছে এলে যীশু তাকে জিজ্ঞাসা করলেন, 41 “আমার কাছে তুমি কী চাও? তোমার জন্য আমি কী করব?” সে উত্তর দিল, “প্রভু, আমি যেন দেখতে পাই।” 42 যীশু তাকে বললেন, “তুমি দৃষ্টি লাভ করো; তোমার বিশ্বাসই তোমাকে সুস্থ করেছে।” 43 তখনই সে তার দৃষ্টিশক্তি লাভ করল ও ঈশ্বরের প্রশংসা করতে করতে যীশুকে অনুসরণ করল। এই দেখে সমস্ত লোকও ঈশ্বরের বন্দনা করতে লাগল।

**19** যীশু যিরীহোয় প্রবেশ করে তার মধ্য দিয়ে যাচ্ছিলেন। 2 সেখানে সক্রেয় নামে এক ব্যক্তি ছিল, সে ছিল প্রধান কর আদায়কারী ও একজন ধনী ব্যক্তি। 3 কে যীশু, সে তা দেখতে চেয়েছিল। কিন্তু সে খাটো প্রকৃতির হওয়ার দরকন ও ভিড়ের জন্য, তাঁকে দেখতে পেল না। 4 তাই তাঁকে দেখার জন্য সে দৌড়ে গিয়ে সামনের একটি সিকামোর-ডুমুর গাছে উঠল। কারণ যীশু সেই পথ ধরেই আসছিলেন। 5 যীশু সেই স্থানে উপস্থিত হয়ে উপর দিকে তাকালেন ও তাকে বললেন, “সক্রেয়, এখনই নেমে এসো, আজ আমাকে অবশ্যই তোমার ঘরে থাকতে হবে।” 6 তাই সে তখনই নেমে এসে সানন্দে তাঁকে স্বাগত জানাল। 7 এই দেখে লোকেরা গুগ্ন করতে লাগল, “ইনি একজন ‘পাপীর’ ঘরে অতিথি হতে যাচ্ছেন।” 8 কিন্তু সক্রেয় দাঁড়িয়ে প্রভুকে বলল, “প্রভু দেখুন, আমি এখনই আমার সম্পত্তির অর্ধেক দরিদ্রদের মধ্যে বিলিয়ে দিচ্ছি। আর কাউকে প্রতারণা করে যদি কিছু নিয়েছি, তাহলে তার চারণে অর্থ আমি তাকে ফিরিয়ে দেব।” 9 যীশু তাকে বললেন, “আজই এই পরিবারে পরিত্রাণ উপস্থিত হল, কারণ এই ব্যক্তিও অব্রাহামের সন্তান। 10 বস্তত, যা হারিয়ে গিয়েছিল, তার অন্নেষণ ও পরিত্রাণ করতে মনুষ্যপুত্র উপস্থিত হয়েছেন।” 11 তারা যখন একথা শুনছিল, তিনি তাদের একটি রূপক কাহিনি বললেন, কারণ তিনি জেরুশালেমের নিকটে এসে পড়েছিলেন এবং লোকেরা মনে করছিল, ঈশ্বরের রাজ্যের আবির্ভাব তখনই হবে। 12 তিনি বললেন, “সম্ভাস্ত বংশের এক ব্যক্তি এই উদ্দেশ্য নিয়ে কোনো এক

সুন্দর দেশে গেলেন যে রাজপদ লাভের পর স্বদেশে ফিরে আসবেন।

13 তাই তিনি তাঁর দশজন দাসকে ডেকে তাদের দশটি মিনা দিয়ে  
বললেন, ‘আমি যতদিন ফিরে না-আসি, এই অর্থ ব্যবসায়ে নিয়োগ  
করো।’ 14 “কিন্তু তার প্রজারা তাকে ঘৃণা করত। তারা তাই তার  
পিছনে এক প্রতিনিধি মারফত বলে পাঠাল, ‘আমরা চাই না, এই  
লোকটি আমাদের উপর রাজত্ব করুক।’ 15 “যাই হোক, তিনি রাজপদ  
লাভ করে স্বদেশে ফিরে এলেন। তারপর তিনি যে দাসদের অর্থ দিয়ে  
গিয়েছিলেন, তারা কী লাভ করেছে, জানবার জন্য তাদের ডেকে  
পাঠালেন। 16 “প্রথমজন এসে বলল, ‘হজুর, আপনার মুদ্রা দিয়ে আমি  
আরও দশটি মুদ্রা অর্জন করেছি।’ 17 “তার মনিব উত্তর দিলেন, ‘উত্তম  
দাস আমার, তুমি ভালোই করেছ। যেহেতু অত্যন্ত সামান্য বিষয়ে তুমি  
বিশ্বস্তার পরিচয় দিয়েছ, সেজন্য তুমি দশটি নগরের দায়িত্ব গ্রহণ  
করো।’ 18 “দ্বিতীয়জন এসে বলল, ‘হজুর, আপনার মুদ্রা দিয়ে আমি  
আরও পাঁচটি মুদ্রা অর্জন করেছি।’ 19 “তার মনিব উত্তর দিলেন, ‘তুমি  
পাঁচটি নগরের দায়িত্ব গ্রহণ করো।’ 20 “তখন অন্য একজন দাস  
এসে বলল, ‘হজুর, এই নিন আপনার মুদ্রা, আমি এটাকে কাপড়ে  
জড়িয়ে রেখে দিয়েছিলাম। 21 আমি আপনাকে ভয় করেছিলাম, কারণ  
আপনি কঠোর প্রকৃতির মানুষ। আপনি যা রাখেননি, তাই নিয়ে নেন,  
যা বোনেননি, তাও কাটেন।’ 22 “তার মনিব উত্তর দিলেন, ‘দুষ্ট  
দাস, তোমার নিজের কথা দিয়েই আমি তোমার বিচার করব! তুমি  
না জানতে, আমি কঠোর প্রকৃতির মানুষ, যা আমি রাখিনি, তা নিয়ে  
থাকি, আর যা বুনিনি, তা কেটে থাকি? 23 আমার অর্থ তুমি কেন  
মহাজনের কাছে রাখোনি, তাহলে ফিরে এসে আমি তা সুদসমেত  
আদায় করতে পারতাম?’ 24 “তারপর তিনি পাশে দাঁড়িয়ে থাকা  
সকলের উদ্দেশে বললেন, ‘ওর কাছ থেকে মুদ্রাটি নিয়ে নাও, আর যার  
দশটি মুদ্রা আছে, তাকে দাও।’ 25 “তারা বলল, ‘মহাশয়, ওর তো  
দশটি মুদ্রা আছেই।’ 26 “তিনি উত্তর দিলেন, ‘আমি তোমাদের বলছি,  
যার আছে, তাকে আরও বেশি দেওয়া হবে; কিন্তু যার কিছু নেই, তার  
যেটুকু আছে, তাও তার কাছ থেকে নিয়ে নেওয়া হবে। 27 আর যারা

চায়নি যে, আমি তাদের উপরে রাজত্ব করি, আমার সেইসব শক্তিকে  
এখানে নিয়ে এসে আমার সামনে বধ করো।” 28 এসব কথা বলার  
পর যীশু সামনে, জেরুশালেমের দিকে এগিয়ে চললেন। 29 জলপাই  
পর্বত নামের পাহাড়ে, বেথফাগে ও বেথানি গ্রামের কাছে এসে তিনি  
তাঁর দুজন শিষ্যকে এই কথা বলে পাঠালেন, 30 “তোমরা সামনের  
ওই গ্রামে যাও। সেখানে প্রবেশ করা মাত্র দেখতে পাবে যে একটি  
গর্দভশাবক বাঁধা আছে, যার উপরে কেউ কখনও বসেনি। সেটির  
বাঁধন খুলে এখানে নিয়ে এসো। 31 কেউ যদি তোমাদের জিজ্ঞাসা  
করে, ‘এর বাঁধন খুলছ কেন?’ তাহলে তাকে বলো, ‘এতে প্রভুর  
প্রয়োজন আছে।’” 32 যাদের আগে পাঠানো হয়েছিল, তাঁরা গিয়ে যীশু  
যেমন বলেছিলেন, ঠিক তেমনই দেখতে পেলেন। 33 তাঁরা যখন গর্দভ  
শাবকটির বাঁধন খুলছিলেন, শাবকটির মালিকেরা তাঁদের জিজ্ঞাসা  
করল, “তোমরা কেন এর বাঁধন খুলছ?” 34 তাঁরা উত্তর দিলেন,  
“এতে প্রভুর প্রয়োজন আছে।” 35 তাঁরা শাবকটিকে যীশুর কাছে নিয়ে  
এসে তার উপর তাঁদের পোশাক বিছিয়ে দিলেন, আর তার উপর  
যীশুকে বসালেন। 36 তাঁর যাওয়ার পথের উপর জনসাধারণ তাদের  
পোশাক বিছিয়ে দিতে লাগল। 37 পথ যেখানে জলপাই পর্বতের দিকে  
নেমে গেছে, যীশু সেখানে উপস্থিত হলে তাঁর সমস্ত শিষ্যদল, যীশুর  
মাধ্যমে যেসব অলৌকিক কাজ দেখেছিলেন, সেগুলিকে উল্লেখ করে  
উচ্চকগ্নি ঈশ্বরের মহিমাকীর্তন করে বলতে লাগলেন: 38 “ধন্য সেই  
রাজাধিরাজ, যিনি আসছেন প্রভুরই নামে।” “স্বর্গলোকে শান্তি, আর  
উর্ধ্বতমলোকে মহিমা হোক!” 39 লোকদের মধ্য থেকে কয়েকজন  
ফরিশী যীশুকে বলল, “গুরুমহাশয়, আপনার শিষ্যদের ধর্মক দিন!” 40  
তিনি উত্তর দিলেন, “আমি তোমাদের বলছি, ওরা যদি চুপ করে থাকে,  
তাহলে এই পাথরগুলি চিৎকার করে উঠবে।” 41 জেরুশালেমের  
কাছাকাছি এসে নগরটিকে দেখে তিনি কেঁদে ফেললেন, আর বললেন,  
42 “তুমি, শুধুমাত্র তুমি যদি জানতে, আজকের দিনে শান্তির জন্য  
তোমার কী প্রয়োজন! কিন্তু এখন তা তোমার দৃষ্টির অগোচর হয়ে  
রইল। 43 তোমার উপরে এমন একদিন ঘনিয়ে আসবে, যেদিন

তোমার শক্ররা তোমার বিরক্তে অবরোধের প্রাচীর তুলবে, তোমাকে  
বেষ্টন করে সবদিক থেকে তোমাকে ঘিরে ধরবে। 44 তারা তোমাকে  
ও তোমার চার দেওয়ালের মধ্যবর্তী সন্তানদের ভূমিসাং করবে। তারা  
একটি পাথরের উপর অন্য পাথর রাখবে না। কারণ তোমার কাছে  
ঈশ্বরের আগমনকালকে তুমি চিনতে পারোনি।” 45 তারপর তিনি  
মন্দির-প্রাঙ্গণে প্রবেশ করে যারা বিক্রি করছিল তাদের তিনি তাড়িয়ে  
দিতে লাগলেন। 46 তিনি তাদের বললেন, “এরকম লেখা আছে,  
‘আমার গৃহ হবে প্রার্থনার গৃহ,’ কিন্তু তোমরা একে দস্যদের গহুরে  
পরিণত করেছ।” 47 প্রতিদিন তিনি মন্দিরে শিক্ষা দিতেন। কিন্তু প্রধান  
যাজকেরা, শাস্ত্রবিদরা ও জননেতারা তাঁকে হত্যা করার চেষ্টা করছিল।  
48 তবুও তা কাজে পরিণত করার পথ তারা খুঁজে পাচ্ছিল না, কারণ  
জনসাধারণ মুক্ত হয়ে তাঁর বাক্য শুনত।

**20** একদিন যৌশু মন্দির-প্রাঙ্গণে শিক্ষা দিচ্ছিলেন এবং সুসমাচার  
প্রচার করছিলেন। সেই সময় প্রধান যাজকেরা ও শাস্ত্রবিদরা, প্রাচীনদের  
সঙ্গে একযোগে তাঁর কাছে এল। 2 তারা বলল, “আমাদের বলো,  
কোন অধিকারে তুমি এসব কাজ করছ? কে তোমাকে এই অধিকার  
দিয়েছে?” 3 তিনি উত্তর দিলেন, “আমিও তোমাদের একটি প্রশ্ন  
করব। তোমরা আমাকে বলো, 4 যোহনের বাণিজ্য কোথা থেকে  
হয়েছিল? স্বর্গ থেকে, না মানুষের কাছ থেকে?” 5 তারা নিজেদের  
মধ্যে এ বিষয়ে আলোচনা করে বলল, “যদি আমরা বলি, ‘স্বর্গ থেকে,’  
ও জিজ্ঞাসা করবে, ‘তাহলে তোমরা তাকে বিশ্বাস করোনি কেন?’  
6 কিন্তু যদি আমরা বলি, ‘মানুষের কাছ থেকে,’ তাহলে লোকেরা  
আমাদের পাথর ছুঁড়ে মারবে, কারণ তারা নিঃসংশয়ে বিশ্বাস করে যে,  
যোহন ছিলেন একজন ভাববাদী।” 7 তাই তারা উত্তর দিল, “কোথা  
থেকে, আমরা তা জানি না।” 8 যৌশু বললেন, “আমিও কোন অধিকারে  
এসব কাজ করছি, তোমাদের বলব না।” 9 তিনি সকলকে এই রূপক  
আখ্যানটি বলতে লাগলেন: “এক ব্যক্তি একটি দ্রাক্ষাক্ষেত তৈরি করে  
কয়েকজন ভাগচাষিকে ভাড়া দিয়ে অনেক দিনের জন্য অন্যত্র চলে  
গেলেন। 10 ফল সংগ্রহের সময় তিনি এক দাসকে ভাগচাষিদের কাছে

পাঠালেন, যেন তারা তাকে দ্রাক্ষাক্ষেত্রের ফলের কিছু অংশ দেয়।  
কিন্তু ভাগচাষিরা তাকে মারধর করে খালি হাতে তাড়িয়ে দিল। 11  
তিনি আর একজন দাসকে পাঠালেন, কিন্তু তাকেও তারা মারধর  
করল এবং অপমানজনক ব্যবহার করে তাকে শূন্য হাতে ফিরিয়ে  
দিল। 12 এবার তিনি তৃতীয় জনকে পাঠালেন। তারা তাকে ক্ষতবিক্ষত  
করল এবং ছুঁড়ে বাইরে ফেলে দিল। 13 “তখন দ্রাক্ষাক্ষেত্রের মালিক  
বললেন, ‘আমি কী করি? আমি আমার প্রিয় পুত্রকে পাঠাব, তারা  
হয়তো তাঁকে সম্মান করবে।’ 14 “কিন্তু ভাগচাষিরা তাঁকে দেখে  
বিষয়টি নিয়ে নিজেদের মধ্যে আলোচনা করল। তারা বলল, ‘এই  
হচ্ছে উত্তরাধিকারী। এসো আমরা একে হত্যা করি, তাহলে মালিকানা  
আমাদের হবে।’ 15 তাই তারা তাঁকে দ্রাক্ষাক্ষেত্রের বাইরে ছুঁড়ে  
ফেলে দিয়ে হত্যা করল। “দ্রাক্ষাক্ষেত্রের মালিক তখন তাদের প্রতি কী  
করবেন? 16 তিনি এসে ওইসব ভাগচাষিদের হত্যা করবেন এবং  
দ্রাক্ষাক্ষেত্রটি অন্যদের দেবেন।” লোকেরা এই কাহিনি শুনে বলল,  
“এরকম যেন কখনও না হয়।” 17 যীশু তাদের দিকে সরাসরি তাকিয়ে  
প্রশ্ন করলেন, “তাহলে, এই লিখিত বাকেয়ের অর্থ কী? “‘গাঁথকেরা যে  
পাথর অগ্রাহ্য করেছিল, তাই হয়ে উঠল কোণের প্রধান পাথর।’ 18  
সেই পাথরের উপরে যে পড়বে, সে খানখান হবে, কিন্তু যার উপরে এই  
পাথর পড়বে, সে চূর্ণবিচূর্ণ হবে।” 19 শাস্ত্রবিদরা ও প্রধান যাজকবর্গ  
আর দেরি না করে তাঁকে গ্রেপ্তার করার পথ খুঁজতে লাগল। কারণ  
তারা জানত, এই রূপক কাহিনিটি তিনি তাদের বিরুদ্ধেই বলেছেন,  
কিন্তু তারা জনসাধারণকে ভয় পেত। 20 যীশুর উপর তীক্ষ্ণ নজর  
রেখে তারা কয়েকজন গুপ্তচর পাঠাল যারা যীশুর সঙ্গে সততার ভান  
করল। তারা আশা করছিল, যীশুর কথায় খুঁত ধরে তাঁকে দেশাধ্যক্ষের  
ক্ষমতা ও বিচারাধীনে আনতে পারবে। 21 তাই গুপ্তচরেরা তাঁকে  
প্রশ্ন করল, “গুরুমহাশয়, আমরা জানি, আপনি ন্যায়সংগত কথা  
বলেন ও শিক্ষা দেন, আপনি পক্ষপাতিত্ব করেন না, কিন্তু ঈশ্বরের  
পথ সম্বন্ধে যথার্থ শিক্ষা দেন। 22 আপনার অভিমত কী, কৈসরকে  
কর দেওয়া কি উচিত?” 23 তিনি তাদের দুমুখো আচরণ বুঝাতে

পেরে বললেন, 24 “আমাকে একটি দিনার দেখাও। এর উপরে কার  
 মূর্তি আর কার নাম আছে?” তারা উভর দিল, “কৈসরের।” 25 তিনি  
 তাদের বললেন, “তাহলে, যা কৈসরের প্রাপ্য, তা কৈসরকে দাও,  
 আর স্টশরের যা প্রাপ্য, তা স্টশরকে দাও।” 26 তিনি সেখানে যে কথা  
 প্রকাশ্যে বললেন, সেই কথায় তারা তাঁকে ফাঁদে ফেলতে পারল না।  
 তাঁর উভরে তারা চমৎকৃত হয়ে নির্বাক হয়ে গেল। 27 যে সন্দূকীরা  
 বলে, পুনরঢান বলে কিছু নেই, তাদের কয়েকজন একটি প্রশ্ন নিয়ে  
 যীশুর কাছে এল। 28 তারা বলল, “গুরুমহাশয়, মোশি আমাদের জন্য  
 লিখে গেছেন, কোনো ব্যক্তি যদি স্ত্রীকে সন্তানহীন রেখে মারা যায়,  
 তবে তার ভাই, তার বিধবা পত্নীকে বিবাহ করবে এবং সে তার বড়ো  
 ভাইয়ের জন্য সন্তানের জন্ম দেবে। 29 মনে করুন, সাত ভাই ছিল।  
 প্রথমজন, এক নারীকে বিবাহ করে নিঃসন্তান অবস্থায় মারা গেল।  
 30 দ্বিতীয়জন ও তৃতীয়জন তাকে বিবাহ করল এবং 31 একইভাবে  
 নিঃসন্তান অবস্থায় সেই সাতজনই মারা গেল। 32 সবশেষে, সেই  
 নারীরও মৃত্যু হল। 33 তাহলে, পুনরঢানে সে কার স্ত্রী হবে, কারণ  
 সাতজনই তো তাকে বিবাহ করেছিল? 34 যীশু উভর দিলেন, “এই  
 জগতের সন্তানেরা বিবাহ করে এবং তাদের বিবাহ দেওয়া হয়। (aiōn  
 g165) 35 কিন্তু যারা সেই জগতের ও মৃতলোক থেকে পুনরঢানে  
 অংশীদার হওয়ার যোগ্যরূপে বিবেচিত হয়েছে, তারা বিবাহ করবে না  
 বা তাদের বিবাহও দেওয়া হবে না। (aiōn g165) 36 তাদের কখনও  
 মৃত্যু হবে না, কারণ তারা হবে স্বর্গদুর্গের মতো। তাদের পুনরঢান  
 বলে তারা স্টশরের সন্তান। 37 কিন্তু জ্ঞান রোপের বর্ণনায় মোশি ও  
 দেখিয়েছেন যে মৃত্যোর উত্থাপিত হয়, কারণ তিনি প্রভুকে ‘অব্রাহামের  
 স্টশর, ইস্হাকের স্টশর ও যাকোবের স্টশর,’ বলে অভিহিত করেছেন।  
 38 তিনি মৃতদের স্টশর নন, তিনি জীবিতদের স্টশর। কারণ তাঁর  
 কাছে সকলেই জীবিত।” 39 তখন কয়েকজন শান্ত্রিদ উভর দিল,  
 “গুরুমহাশয়, আপনি বেশ ভালোই বলেছেন।” 40 সেই থেকে কেউ  
 তাঁকে আর কোনো প্রশ্ন জিজ্ঞাসা করতে সাহস পেল না। 41 এরপর  
 যীশু তাদের বললেন, ‘লোকে বলে, ‘ঞ্চীষ্ট হল দাউদের পুত্র,’ এ কেমন

কথা? 42 গীতসংহিতা পুস্তকে দাউদ স্বয়ং ঘোষণা করেছেন: “‘প্রভু  
আমার প্রভুকে বলেন, ‘তুমি আমার ডানদিকে বসো, 43 যতক্ষণ না  
আমি তোমার শক্রদের তোমার পাদগীঠে পরিণত করি।’” 44 সুতরাং,  
দাউদ তাঁকে ‘প্রভু’ বলে অভিহিত করেছেন, তাহলে কীভাবে তিনি  
তাঁর সন্তান হতে পারেন?” 45 সমস্ত লোকেরা যখন শুনছিল, যীশু  
তখন তাঁর শিষ্যদের বললেন, 46 “শাস্ত্রবিদদের সম্পর্কে সতর্ক থেকো,  
তারা লম্বা লম্বা পোশাক পরে ঘুরে বেড়াতে ও হাটেবাজারে সন্তানিত  
হতে ভালোবাসে; সমাজভবনে সবচেয়ে গুরুত্বপূর্ণ আসন পেতে ও  
ভোজসভায় সব থেকে সম্মানজনক আসন লাভ করতে ভালোবাসে।  
47 তারা বিধবাদের বাড়িগুলি গ্রাস করে এবং লোক-দেখানো লম্বা লম্বা  
প্রার্থনা করে। এই ধরনের লোকেরা কর্তৃর শাস্তি ভোগ করবে।”

**21** যীশু চোখ তুলে দেখলেন ধনী ব্যক্তিরা মন্দিরের ভাঙারে উপহার  
দান করছে। 2 তিনি এক দরিদ্র বিধবাকেও খুব ছোটো দুটি তামার  
পয়সা রাখতে দেখলেন। 3 তিনি বললেন, “আমি তোমাদের সত্যই  
বলছি, এই দরিদ্র বিধবা অন্য সবার চেয়ে বেশি দান করেছে। 4 কারণ  
এসব লোক তাদের প্রাচুর্য থেকে দান করেছে, কিন্তু সে তার দরিদ্রতা  
সত্ত্বেও, তার বেঁচে থাকার জন্য যা কিছু ছিল, তা থেকে সর্বস্ব দিয়ে  
দিয়েছে।” 5 তাঁর কয়েকজন শিষ্য আলোচনা করে বলছিল যে, সুন্দর  
সুন্দর পাথর ও ঈশ্বরের কাছে নিবেদিত সব বস্তুতে মন্দিরটি কেমন  
সুশোভিত! কিন্তু যীশু বললেন, 6 “তোমরা এখানে যা দেখছ, এমন  
এক সময় আসবে, যখন এদের একটি পাথরও অন্যটির উপরে থাকবে  
না, সবকটিকেই ভূমিসাং করা হবে।” 7 তাঁরা জানতে চাইলেন,  
“গুরুমহাশয়, এ সমস্ত কখন ঘটবে? তার লক্ষণই বা কী, যা দেখে  
আমরা বুঝব যে, সে সমস্ত ঘটতে চলেছে?” 8 তিনি উত্তর দিলেন,  
“সতর্ক থেকো, তোমরা যেন প্রতারিত না হও। কারণ আমার নাম  
নিয়ে অনেকেই আসবে। তারা দাবি করে বলবে, ‘আমিই তিনি,’ আর  
'সেই কাল সন্নিকট।' তোমরা তাদের অনুগামী হোয়ো না। 9 যুদ্ধ  
ও বিপ্লবের কথা শুনে তোমরা আতঙ্কিত হোয়ো না। প্রথমে এসব  
অবশ্যই ঘটবে, কিন্তু তখনই সমাপ্তি হবে না।” 10 এরপর তিনি তাঁদের

বললেন, “এক জাতি অন্য জাতির বিপক্ষে, এক রাজ্য অন্য রাজ্যের বিপক্ষে অভিযান করবে। 11 বিভিন্ন স্থানে প্রচণ্ড ভূমিকম্প, দুর্ভিক্ষ ও মহামারি হবে, মহাকাশে দেখা যাবে বহু ভীতিকর দৃশ্য ও বড়ো বড়ো নিদর্শন। 12 “কিন্তু এসব ঘটার আগে তারা তোমাদের প্রেপ্তার করবে ও নির্যাতন করবে। তারা তোমাদের সমাজভবনের কর্তৃপক্ষের হাতে সমর্পণ করবে ও কারাগারে নিষ্কেপ করবে। রাজা ও প্রদেশপালদের দরবারে তোমাদের হাজির করানো হবে, আর আমার নাম স্বীকার করার কারণেই সে সমস্ত ঘটবে। 13 এর পরিণামে, তোমরা তাদের কাছে সাক্ষ্যদানের সুযোগ লাভ করবে। 14 কিন্তু কীভাবে আত্মপক্ষ সমর্থন করবে, সে বিষয়ে আগেই দুশ্চিন্তাগ্রস্ত না হওয়ার জন্য মনস্থির করবে। 15 কারণ আমি তোমাদের এমন বাক্য ও জ্ঞান দান করব, যা তোমাদের প্রতিপক্ষ প্রতিরোধ ও খণ্ডন করতে ব্যর্থ হবে। 16 এমনকি, তোমাদের বাবা-মা, ভাই, আত্মীয়পরিজন ও বন্ধুবান্ধব তোমাদের সঙ্গে বিশ্বাসঘাতকতা করবে। তারা তোমাদের কাউকে কাউকে মৃত্যুমুখে সমর্পণ করবে। 17 আর আমার কারণে তোমরা সকলের কাছে ঘৃণিত হবে। 18 কিন্তু তোমাদের মাথার একটি চুলও বিনষ্ট হবে না। 19 তোমরা যদি অবিচলিত থাকো, তাহলে জীবন লাভ করবে, তখন জানবে যে তার ধর্বসের দিন এগিয়ে এসেছে। 20 “যখন তোমরা দেখবে সৈন্যসামন্ত জেরুশালেম নগরীকে অবরোধ করেছে, তখন জানবে যে তার ধর্বসের দিন এগিয়ে এসেছে। 21 তখন যারা যিহুদিয়ায় থাকবে, তারা যেন পার্বত্য অঞ্চলে পালিয়ে যায়, যারা নগরে থাকে, তারা যেন বাইরে চলে যায়; আর যারা গ্রামাঞ্চলে থাকবে, তারা যেন নগরের ভিতরে প্রবেশ না করে। 22 কারণ সেসময় হবে প্রতিশোধের সময়, শাস্ত্রের সমস্ত বাক্য পূর্ণ হওয়ার সময়। 23 সেই সময় গর্ভবতী নারীদের ও স্তন্যদাত্রী মায়েদের কতই না ভয়ংকর কষ্ট হবে! দেশের উপর ঘনিয়ে আসবে চরম দুর্গতি, এই জাতির উপরে নেমে আসবে দুর্শরের ক্রোধ। 24 তরোয়ালের আঘাতে তাদের মৃত্যু হবে, বন্দিরাপে অন্য সব জাতির কাছে নির্বাসিত হবে। অইহুদিদের জন্য নিরাপিত সময় সম্পূর্ণ না হওয়া পর্যন্ত জেরুশালেম অইহুদিদের দ্বারা পদদলিত হবে। 25 “আর সূর্য, চাঁদ ও তারার মধ্যে বিভিন্ন

অত্তুত চিহ্ন দেখা যাবে। উভাল সমুদ্রের গর্জনে ও অত্তুত টেউয়ের সামনে পৃথিবীর সমস্ত জাতি যন্ত্রণাগ্রস্ত ও হতবুদ্ধি হয়ে পড়বে। 26 পৃথিবীতে যা কিছু ঘটবে, সেই কথা ভেবে মানুষ আতঙ্কে মৃতপ্রায় হয়ে পড়বে, কারণ জ্যোতিষ্ক্রমগুল তখন প্রকস্পিত হবে। 27 সেই সময়ে তারা দেখতে পাবে, মনুষ্যপুত্র পরাক্রমে ও মহামহিমায় মেঘে করে আবির্ভূত হবেন। 28 এই সমস্ত ঘটনা যখন ঘটতে শুরু হবে, তখন তোমরা উর্ধ্ববৰ্দ্ধিত কোরো ও মাথা উঁচু কোরো, কারণ তোমাদের মুক্তি সন্নিকট।” 29 তিনি তাদের এই রূপকটিও বললেন: “ডুমুর গাছ ও অন্য সব গাছের দিকে তাকিয়ে দেখো। 30 সেগুলি যখন নতুন পাতায় সজ্জিত হয়ে ওঠে, তা দেখে তোমরা নিজেরাই বুবাতে পারো, গ্রীষ্মকাল সন্নিকট। 31 সেরকম, তোমরা যখন এই সমস্ত ঘটনে দেখবে, তখন জেনো যে, ঈশ্বরের রাজ্য সন্নিকট। 32 “আমি তোমাদের সত্যিই বলছি, এসব না ঘটা পর্যন্ত এই প্রজন্মের অবনুষ্ঠি কিছুতেই হবে না। 33 আকাশ ও পৃথিবী লুপ্ত হবে, কিন্তু আমার বাক্য কখনও লুপ্ত হবে না। 34 “সতর্ক থেকো, নইলে উচ্ছৃঙ্খলতা, মন্ততা ও জীবনের দুশ্চিন্তা তোমাদের হৃদয়কে ভারাক্রান্ত করে তুলবে। 35 আর সেদিনটি ফাঁদের মতো অপ্রত্যাশিতভাবে সমগ্র পৃথিবীর প্রত্যেক অধিবাসীর উপরেই ঘনিয়ে আসবে। 36 সবসময় সতর্ক দৃষ্টি রেখো ও প্রার্থনা কোরো, যেন সন্নিকট সব ঘটনা থেকে তোমরা অব্যাহতি পাও এবং মনুষ্যপুত্রের সামনে দাঁড়াবার সামর্থ্য লাভ করো।” 37 যীশু প্রতিদিন মন্দিরে গিয়ে শিক্ষা দিতেন এবং প্রতি সন্ধিয় রাত্রি কাটানোর জন্য জলপাই নামের পর্বতের অভিমুখে বেরিয়ে পড়তেন। 38 তাঁর বাণী শোনার জন্য লোকেরা খুব ভোরবেলাতেই মন্দিরে এসে উপস্থিত হত।

**22** তখন, নিষ্ঠারপর্ব নামে পরিচিত খামিরবিহীন ঝটির পর্ব ক্রমশ এগিয়ে আসছিল। 2 আর প্রধান যাজকেরা ও শাস্ত্রবিদরা যীশুর হাত থেকে নিষ্কৃতি পাওয়ার পথ খুঁজছিল, কারণ তারা জনসাধারণকে ভয় করত। 3 শয়তান তখন সেই বারোজনের অন্যতম, ইক্ষারিয়োৎ নামে পরিচিত যিহুদার অস্তরে প্রবেশ করল। 4 যিহুদা প্রধান যাজকবর্গ ও মন্দিরের পাহারায় নিযুক্ত পদস্থ কর্মচারীদের কাছে গিয়ে, কীভাবে

যীশুকে ধরিয়ে দেবে, তা নিয়ে আলোচনা করল। 5 তারা আনন্দিত হয়ে তাকে টাকা দিতে সম্মত হল। 6 সেও তাদের প্রস্তাবে সম্মত হয়ে জনসাধারণের অগোচরে যীশুকে তাদের হাতে তুলে দেওয়ার সুযোগ খুঁজতে লাগল। 7 অবশ্যে খামিরবিহীন রূটির পর্বের দিন উপস্থিত হল। সেদিন নিষ্ঠারপর্বের মেষ বলি দিতে হত। 8 যীশু পিতর ও যোহনকে পাঠিয়ে দিয়ে বললেন, “যাও, আমাদের জন্য নিষ্ঠারপর্বের ভোজের আয়োজন করো।” 9 তাঁরা জিজ্ঞাসা করলেন, “আপনি কী চান? আমরা কোথায় এর আয়োজন করব?” 10 তিনি উত্তর দিলেন, “তোমরা নগরে প্রবেশ করেই দেখতে পাবে, এক ব্যক্তি জলের একটি কলশি নিয়ে যাচ্ছে। তোমরা তাকে অনুসরণ করে যে বাড়িতে সে প্রবেশ করবে, সেখানে যেয়ো। 11 তোমরা সেই বাড়ির কর্তাকে বোলো, ‘গুরুমহাশয় জানতে চান, অতিথিদের জন্য নির্দিষ্ট ঘরটি কোথায়, যেখানে আমি আমার শিষ্যদের নিয়ে নিষ্ঠারপর্বের ভোজ গ্রহণ করতে পারি?’ 12 সে তোমাদের উপরতলার একটি সুজিজ্ঞত বড়ো ঘর দেখাবে। সেখানেই সব আয়োজন কোরো।” 13 তাঁরা বেরিয়ে পড়ে যীশুর কথামতো সবকিছুই দেখতে পেলেন এবং নিষ্ঠারপর্বের ভোজ প্রস্তুত করলেন। 14 পরে সময় উপস্থিত হলে যীশু ও প্রেরিতশিষ্যেরা আসনে হেলান দিয়ে বসলেন। 15 আর তিনি তাঁদের বললেন, “যন্ত্রণাভোগের আগে আমি তোমাদের সঙ্গে নিষ্ঠারপর্বের ভোজ গ্রহণ করার জন্য সাগ্রহে প্রতীক্ষা করেছি। 16 কারণ আমি তোমাদের বলছি, ঈশ্বরের রাজ্য এই ভোজের উদ্দেশ্য বাস্তবায়িত না হওয়া পর্যন্ত, আমি আর এই ভোজ গ্রহণ করব না।” 17 পরে তিনি পানপাত্র তুলে নিয়ে ধন্যবাদ দিলেন। তারপর বললেন, “এটি নাও ও তোমাদের মধ্যে ভাগ করো। 18 আমি তোমাদের বলছি, ঈশ্বরের রাজ্যের আগমন না হওয়া পর্যন্ত আমি আর দ্রাক্ষারস পান করব না।” 19 তাপর তিনি রূটি নিলেন, ধন্যবাদ দিলেন ও তেজে তাঁদের দিলেন, আর বললেন, “এই হল আমার শরীর যা তোমাদের জন্য উৎসর্গীকৃত; আমার স্নানণার্থে তোমরা এরকম কোরো।” 20 একইভাবে, খাবারের পরে তিনি পানপাত্র নিয়ে বললেন, “এই পানপাত্র আমার রক্তে নতুন

নিয়ম, যা তোমাদেরই জন্য পাতিত হয়েছে। 21 কিন্তু যে আমার সঙ্গে  
বিশ্বাসঘাতকতা করবে, তার হাত আমারই সঙ্গে টেবিলের উপরে  
আছে। 22 মনুষ্যপুত্র তাঁর নির্ধারিত পথেই এগিয়ে যাবেন, কিন্তু ধিক্  
সেই ব্যক্তিকে, যে মনুষ্যপুত্রের সঙ্গে বিশ্বাসঘাতকতা করবে!” 23  
তাঁরা পরস্পরকে জিজ্ঞাসা করতে লাগলেন যে, তাদের মধ্যে কে এমন  
কাজ করতে পারে! 24 আর তাঁদের মধ্যে কে শ্রেষ্ঠ, এ নিয়েও একটি  
বিতর্ক দেখা দিল। 25 যীশু তাঁদের বললেন, “অন্য অন্য জাতির রাজা  
তাদের প্রজাদের উপরে প্রভুত্ব করে; আর যারা তাদের উপরে কর্তৃত্ব  
করে, তারা নিজেদের হিতার্থী বলে অভিহিত করে। 26 কিন্তু তোমরা  
সেরকম হোয়ো না। বরং, তোমাদের মধ্যে যে শ্রেষ্ঠ, তাকে হতে হবে  
যে সবচেয়ে ছোটো তার মতো, আর প্রশাসককে হতে হবে সেবকের  
মতো। 27 কারণ শ্রেষ্ঠ কে? যে খাবার খেতে বসে সে, না, যে পরিবেশন  
করে, সে? যে খাবার খেতে বসে, সেই নয় কি? কিন্তু আমি তোমাদের  
মধ্যে সেবকের মতো আছি। 28 আমার পরীক্ষার দিনগুলিতে তোমরা  
বরাবর আমার সঙ্গে আছ। 29 আমার পিতা যেমন আমাকে একটি  
রাজ্য অর্পণ করেছেন, আমিও তেমনই তোমাদের জন্য একটি রাজ্য  
নিরূপণ করছি, 30 যেন তোমরা আমার রাজ্যে আমারই সঙ্গে বসে  
খাওয়াদাওয়া করতে ও সিংহাসনে বসে ইস্তায়েলের বারো গোষ্ঠীর  
বিচার করতে পারো। 31 “শিমোন, শিমোন, শয়তান তোমাদেরকে  
গমের মতো ঝাড়াই করার জন্য অনুমতি চেয়েছে। 32 কিন্তু শিমোন,  
আমি তোমার জন্য প্রার্থনা করেছি, যেন তোমার বিশ্বাস ব্যর্থ না হয়।  
আর তুমি যখন ফিরে আসবে, তখন তোমার ভাইদের মধ্যে শক্তি  
সঞ্চার কোরো।” 33 কিন্তু পিতার উত্তর দিলেন, “প্রভু, আমি আপনার  
সঙ্গে কারাগারে যেতে ও মৃত্যুবরণ করতেও প্রস্তুত আছি।” 34 যীশু  
উত্তর দিলেন, “পিতার, আমি তোমাকে বলছি, আজ মোরগ ডাকার  
আগেই তুমি আমাকে চেনো না বলে তিনবার অস্বীকার করবে।”  
35 যীশু তারপর তাঁদের জিজ্ঞাসা করলেন, “আমি যখন তোমাদের  
টাকার থলি, ঝুলি, বা চাটিজুতো ছাড়াই পাঠিয়েছিলাম, তখন তোমরা  
কি কোনো কিছুর অভাববোধ করেছিলে?” তাঁরা উত্তর দিলেন, “না,

কেনো কিছুরই নয়।” 36 তিনি তাঁদের বললেন, “কিন্তু এখন তোমাদের  
কাছে টাকার থলি থাকলে সঙ্গে নিয়ো, একটি বুলিও নিয়ো; যদি  
তোমাদের তরোয়াল না থাকে, তাহলে পোশাক বিক্রি করে তা কিনে  
নিয়ো। 37 কারণ লেখা আছে: ‘আর তিনি অপরাধীদের সঙ্গে গণিত  
হলেন’; আর আমি তোমাদের বলছি, যে লেখা আছে তা আমার জীবনে  
অবশ্যই পূর্ণ হবে। হ্যাঁ, আমার সম্পর্কে যা লেখা আছে, তার পূর্ণ হতে  
চলেছে।” 38 শিষ্যেরা বললেন, “প্রভু দেখুন, এখানে দুটি তরোয়াল  
আছে।” তিনি উত্তর দিলেন, “তাই যথেষ্ট।” 39 পরে যীশু সেখান  
থেকে বেরিয়ে তাঁর অভ্যসমতো জলপাই পর্বতে গেলেন এবং তাঁর  
শিষ্যেরা তাঁকে অনুসরণ করলেন। 40 সেই স্থানে উপস্থিত হয়ে তিনি  
তাঁদের বললেন, “প্রার্থনা করো, যেন তোমরা প্রলোভনে না পড়ো।”  
41 তিনি তাঁদের কাছ থেকে এক-চিল ছোঁড়া দূরত্বে গিয়ে নতজানু হয়ে  
প্রার্থনা করলেন, 42 “পিতা, তোমার ইচ্ছা হলে আমার কাছ থেকে এই  
পানপাত্র সরিয়ে নাও। তবুও আমার ইচ্ছা নয়, তোমারই ইচ্ছা পূর্ণ  
হোক।” 43 তখন স্বর্গের এক দৃত তাঁর কাছে আবির্ভূত হয়ে তাঁকে শক্তি  
জোগালেন। 44 নিদারণ যন্ত্রণায়, তিনি প্রার্থনায় আরও একাগ্র হলেন;  
তাঁর ঘাম রক্তের বড়ো বড়ো ফেঁটার মতো মাটিতে ঝরে পড়ছিল। 45  
প্রার্থনা থেকে উঠে তিনি শিষ্যদের কাছে ফিরে গিয়ে দেখলেন, তাঁরা  
দুঃখে ভারাক্রান্ত হয়ে ঘুমিয়ে পড়েছেন। 46 তিনি তাদের জিজ্ঞাসা  
করলেন, “তোমরা ঘুমাচ্ছ কেন? ওঠো, প্রার্থনা করো, যেন তোমরা  
প্রলোভনে না পড়ো।” 47 তিনি তখনও কথা বলছেন, এমন সময়  
একদল লোক উঠে এল আর তাদের সঙ্গে এল সেই বারোজনের  
অন্যতম যিহুদা। সে তাদের নেতৃত্ব দিচ্ছিল। সে চুম্বন করার জন্য যীশুর  
কাছে এগিয়ে এল। 48 কিন্তু যীশু তাকে জিজ্ঞাসা করলেন, “যিহুদা,  
তুম কি চুম্বন করে মনুষ্যপুত্রকে শক্রদের হাতে সমর্পণ করছ?” 49  
যীশুর অনুগামীরা যখন দেখলেন কী ঘটতে যাচ্ছে, তাঁরা বললেন,  
“প্রভু, আমাদের তরোয়াল দিয়ে কি আঘাত করব?” 50 তাঁদের মধ্যে  
একজন মহাযাজকের দাসকে আঘাত করে তার ডানদিকের কান কেটে  
ফেললেন। 51 কিন্তু যীশু উত্তর দিলেন, “এমন যেন আর না ঘটে!” আর

তিনি সেই লোকটির কান স্পর্শ করে তাকে সুস্থ করে দিলেন। 52 আর যে প্রধান যাজকবর্গ, মন্দিরের প্রহরীদলের অধ্যক্ষেরা ও প্রাচীনবর্গ যীশুর উদ্দেশে এসেছিল, তিনি তাদের বললেন, “আমি কি বিদ্রোহের নেতৃত্ব দিচ্ছি যে, তোমরা তরোয়াল ও লাঠিসেঁটা নিয়ে এসেছ? 53 আমি মন্দির চতুরে প্রতিদিনই তোমাদের মধ্যে ছিলাম। তখন তোমরা আমার উপরে হস্তক্ষেপ করোনি। কিন্তু এই হল তোমাদের সুসময়, কারণ এখন অন্ধকারেরই রাজত্ব।” 54 তারা তখন যীশুকে বন্দি করল ও তাঁকে মহাযাজকের বাড়িতে নিয়ে গেল। পিতর দূরত্ব বজায় রেখে অনুসরণ করলেন। 55 কিন্তু উঠানের মাঝখানে তারা যখন আগুন জ্বলে একসঙ্গে বসল, পিতরও তাদের সঙ্গে বসলেন। 56 একজন দাসী আগুনের আলোয় তাঁকে সেখানে বসে থাকতে দেখল। সে তাঁর দিকে একদৃষ্টে তাকিয়ে বলল, “এই লোকটিও ওর সঙ্গে ছিল।” 57 কিন্তু তিনি অঙ্গীকার করে বললেন, “নারী, আমি ওঁকে চিনি না।” 58 অল্প কিছুক্ষণ পরে আর একজন তাকে দেখে বলল, “তুমিও ওদের একজন।” পিতর বললেন, “ওহে, আমি নই।” 59 প্রায় এক ঘণ্টা পরে আরও একজন দৃঢ়ভাবে বলল, “নিঃসন্দেহে, এই লোকটিও তাঁর সঙ্গে ছিল, কারণ এ একজন গালীলীয়।” 60 পিতর উত্তর দিলেন, “ওহে, তুমি কী বলছ, আমি বুঝতে পারছি না।” তিনি কথা বলছিলেন, এমন সময় মোরগ ডেকে উঠল। 61 প্রভু মুখ ফিরালেন ও সোজা পিতরের দিকে তাকালেন। তখন প্রভু তাঁকে যে কথা বলেছিলেন, পিতরের তা মনে পড়ল: “আজ মোরগ ডাকার আগেই তুমি আমাকে তিনবার অঙ্গীকার করবে।” 62 তখন পিতর বাইরে গিয়ে তীব্র কান্নায় ভেঙ্গে পড়লেন। 63 যারা যীশুর পাহারায় নিযুক্ত ছিল, তারা তাঁকে বিদ্রূপ ও মারধর করতে লাগল। 64 তাঁর চোখ বেঁধে দিয়ে তারা জিঙ্গাসা করল, “ভাববাণী বল দেখি! কে তোকে মারল?” 65 তারা তাঁকে আরও অনেক অপমানসূচক কথা বলল। 66 সকাল হলে সেই জাতির প্রাচীনবর্গ, দুই প্রধান যাজক ও শাস্ত্রবিদদের মন্ত্রণা পরিষদ সমবেত হল। যীশুকে তাদের সামনে হাজির করা হল। 67 তারা বলল, “তুমি যদি সেই খ্রীষ্ট হও, তাহলে আমাদের বলো।” যীশু উত্তর দিলেন,

“আমি তোমাদের বললে তোমরা আমাকে বিশ্বাস করবে না। 68

আর আমি যদি তোমাদের প্রশ্ন করি, তোমরাও উত্তর দেবে না। 69

কিন্তু এখন থেকে, মনুষ্যপুত্র সর্বশক্তিমান ঈশ্বরের ডানদিকে উপবিষ্ট

থাকবেন।” 70 তারা সবাই প্রশ্ন করল, “তাহলে, তুমই কি ঈশ্বরের

পুত্র?” তিনি বললেন, “তোমরা ঠিক কথাই বলছ, আমিই তিনি।” 71

তখন তারা বলল, “আমাদের আর সাক্ষ্য-প্রমাণের কী প্রয়োজন?

আমরা নিজেরাই তো ওর মুখ থেকে একথা শুনলাম।”

**23** তখন সকলে দল বেঁধে উঠে তাঁকে পীলাতের কাছে নিয়ে গেল।

2 তারা যীশুকে অভিযুক্ত করে বলল, “আমরা দেখেছি, এই লোকটি আমাদের জাতিকে বিপথে নিয়ে যাচ্ছে। সে কৈসরকে কর দিতে নিষেধ করে, আর নিজেকে খ্রীষ্ট, একজন রাজা বলে দাবি করে।” 3

পীলাত তাই যীশুকে জিজ্ঞাসা করলেন, “তুমি কি ইহুদিদের রাজা?”

যীশু উত্তর দিলেন, “হ্যাঁ, ঠিক তাই, যেমন তুমি বললে।” 4 পীলাত তখন প্রধান যাজকবর্গ ও লোকদের কাছে ঘোষণা করলেন, “এই

মানুষটিকে অভিযুক্ত করার মতো কোনো দোষ আমি খুঁজে পেলাম না।” 5 কিন্তু তারা জোর দিয়ে বলল, “ও তার শিক্ষায় সমগ্র যিহুদিয়ার লোকদের উত্তেজিত করে তুলেছে। গালীল থেকে শুরু করে ও এখানেও এসে পৌঁছেছে।” 6 একথা শুনে পীলাত জানতে চাইলেন, লোকটি গালীলীয় কি না। 7 তিনি যখন জানতে পারলেন যে, যীশু হেরোদের শাসনাধীন, তিনি তাঁকে হেরোদের কাছে পাঠিয়ে দিলেন। সেই সময় হেরোদ ও জেরুশালেমে ছিলেন। 8 যীশুকে দেখে হেরোদ অত্যন্ত খুশি হলেন, কারণ দীর্ঘকাল যাবৎ তিনি তাঁকে দেখতে চাইছিলেন।

তিনি যীশুর সম্পর্কে যা শুনেছিলেন, সেইমতো আশা করছিলেন,

তাঁকে কোনো অলৌকিক চিহ্নকাজ করতে দেখবেন। 9 তিনি তাঁকে

বহু প্রশ্ন করলেন, কিন্তু যীশু তাঁকে কোনও উত্তর দিলেন না। 10

প্রধান যাজকবৃন্দ ও শাস্ত্রবিদরা সেখানে দাঁড়িয়ে প্রচণ্ডভাবে তাঁর

বিরুদ্ধে দোষারোপ করতে লাগল। 11 তখন হেরোদ ও তাঁর সেনারা

তাঁকে তুচ্ছ ও ব্যঙ্গবিদ্রূপ করলেন। এক জমকালো পোশাক পরিয়ে

যীশুকে তারা পীলাতের কাছে ফেরত পাঠালেন। 12 সেদিন হেরোদ ও

পীলাত বন্ধু হয়ে উঠলেন; কারণ এর আগে তাঁরা পরস্পরের শক্র  
ছিলেন। 13 পীলাত প্রধান যাজকদের, সমাজতন্ত্রের অধ্যক্ষদের ও  
জনসাধারণকে একসঙ্গে ডেকে তাদের বললেন, 14 “বিদ্রোহের জন্য  
লোকদের উত্তেজিত করার অভিযোগে তোমরা এই লোকটিকে আমার  
কাছে নিয়ে এসেছ। তোমাদের সাক্ষাতে আমি তাকে পরীক্ষা করেছি,  
কিন্তু তাঁর বিরুদ্ধে তোমাদের অভিযোগের কোনো ভিত্তি আমি খুঁজে  
পাইনি। 15 আর হেরোদও কোনো দোষ পাননি, কারণ তিনি তাঁকে  
আমার কাছে ফেরত পাঠিয়েছেন। তোমরা দেখতেই পাচ্ছ, মৃত্যুদণ্ডের  
যোগ্য কোনো অপরাধই সে করেনি। 16 তাই, আমি তাকে শাস্তি দিয়ে  
ছেড়ে দেব।” 17 সেই পর্বের সময়ে একজন বন্দিকে মুক্তি দেওয়ার  
পথা ছিল। 18 কিন্তু তারা সকলে চিৎকার করে উঠল, “এই লোকটিকে  
দূর করছন। আমরা বারাবার মুক্তি চাই।” 19 (নগরে বিদ্রোহের চেষ্টা  
ও হত্যার অপরাধে বারাবাকে কারারূদ্ধ করা হয়েছিল।) 20 যীশুকে  
মুক্ত করার অভিপ্রায়ে পীলাত তাদের কাছে আবার অনুরোধ করলেন।  
21 কিন্তু তারা চিৎকার করতে লাগল, “ওকে ক্রুশে দিন! ওকে ক্রুশে  
দিন!” 22 তিনি তৃতীয়বার তাদের কাছে বললেন, “কেন? এই মানুষটি  
কী অপরাধ করেছে? মৃত্যুদণ্ড দেওয়ার মতো কোনো কারণই আমি  
এর মধ্যে খুঁজে পাইনি। সেইজন্য আমি ওকে শাস্তি দিয়ে ছেড়ে দেব।”  
23 কিন্তু তাঁকে ক্রুশবিদ্ধ করার অনড় দাবিতে তারা উচ্চকণ্ঠে চিৎকার  
করতে লাগল। শেষ পর্যন্ত তাদের চিৎকারেরই জয় হল। 24 তাই  
পীলাত তাদের দাবি মেনে নেওয়ার সিদ্ধান্ত নিলেন। 25 বিদ্রোহ ও  
হত্যার অভিযোগে যে লোকটি কারাগারে বন্দি ছিল ও যাকে তারা  
চেয়েছিল, তিনি তাকে মুক্তি দিলেন এবং তাদের ইচ্ছার কাছে তিনি  
যীশুকে সমর্পণ করলেন। 26 যীশুকে নিয়ে এগিয়ে চলার পথে কুরীগের  
অধিবাসী শিমোনকে তারা ধরল। সে গ্রাম থেকে শহরে আসছিল। তারা  
ক্রুশটি তার উপরে চাপিয়ে দিয়ে যীশুর পিছন পিছন সেটি বয়ে নিয়ে  
যেতে তাকে বাধ্য করল। 27 বিস্তর লোক তাঁকে অনুসরণ করছিল।  
সেই সঙ্গে ছিল অনেক নারী, যারা তাঁর জন্য শোক ও বিলাপ করছিল।  
28 যীশু ফিরে তাদের উদ্দেশে বললেন, “ওগো জেরুশালেমের কন্যারা,

আমার জন্য তোমরা কেঁদো না, কিন্তু নিজেদের জন্য ও তোমাদের ছেলেমেয়েদের জন্য কাঁদো। 29 কারণ এমন সময় আসবে, যখন তোমরা বলবে, ‘ধন্য সেই বন্ধ্যা নারীরা, যাদের গর্ত কোনোদিন সন্তানধারণ করেনি, যারা কোনোদিন বুকের দুধ পান করায়নি।’ 30 তখন “তারা পর্বতসকলের উদ্দেশে বলবে, “আমাদের উপরে পতিত হও!” আর পাহাড়গুলিকে বলবে, “আমাদের ঢেকে ফেলো!” 31 গাছ সতেজ থাকার সময়ই মানুষ যদি এরকম আচরণ করে, তাহলে গাছ যখন শুকিয়ে যাবে, তখন আরও কি না ঘটবে!” 32 আরও দুজন দুষ্কৃতীকে মৃত্যুদণ্ড দেওয়ার জন্য তাঁর সঙ্গে নিয়ে যাওয়া হচ্ছিল। 33 মাথার খুলি নামক স্থানে উপস্থিত হয়ে তারা তাঁকে সেই দুষ্কৃতীদের সঙ্গে দ্রুশবিদ্ধ করল, একজনকে তাঁর ডানদিকে, অন্যজনকে তাঁর বাঁদিকে। 34 তখন যীশু বললেন, “পিতা, এদের ক্ষমা করো, কারণ এরা জানে না, এরা কী করছে।” আর গুটিকাপাত করে তারা তাঁর পোশাকগুলি ভাগ করে নিল। 35 লোকেরা দাঁড়িয়ে সবকিছু লক্ষ্য করছিল। এমনকি, সমাজভবনের অধ্যক্ষরাও তাঁকে ব্যঙ্গবিদ্ধ করল। তারা বলল, “ও অন্যদের বাঁচাত; ও যদি ঈশ্বরের সেই খীষ্ট, সেই মনোনীত জন হয়, তাহলে এখন নিজেকে বাঁচাক!” 36 সৈন্যেরাও উঠে এসে তাঁকে বিদ্ধ করল। তারা তাঁকে সিরকা দিয়ে বলল, 37 “তুমি যদি ইহুদিদের রাজা হও, তাহলে নিজেকে বাঁচাও।” 38 তাঁর মাথার উপরে একটি লিখিত বিজ্ঞপ্তি ছিল। তাতে লেখা ছিল, “এই ব্যক্তি ইহুদিদের রাজা।” 39 ক্রুশার্পিত দুষ্কৃতীদের একজন তাঁকে কটুক্তি করে বলল, “তুমিই কি সেই খীষ্ট নও? নিজেকে আর আমাদের বাঁচাও!” 40 কিন্তু অপর দুষ্কৃতী তাকে তিরক্ষার করে বলল, “তুমি কি ঈশ্বরকেও ভয় করো না? তুমিও তো সেই একই দণ্ডভোগ করছ। 41 আমরা ন্যায়সংগত দণ্ডভোগ করছি, আমরা যা করেছি, তারই সমুচ্চিত ফলভোগ করছি। কিন্তু এই মানুষটি কোনও অন্যায় করেননি।” 42 তারপর সে বলল, “যীশু, আপনি যখন নিজের রাজ্যে আসবেন, তখন আমাকে স্মরণ করবেন।” 43 যীশু তাকে উত্তর দিলেন, “আমি তোমাকে সতীই বলছি, আজই তুমি আমার সঙ্গে পরমদেশে উপস্থিত হবে।” 44

তখন দুপুর প্রায় বারোটা। সেই সময় থেকে বিকেল তিনটে পর্যন্ত  
সমস্ত দেশের উপরে অঙ্ককার ছেয়ে রইল। 45 সূর্যের আলো নিভে  
গেল। আর মন্দিরের পর্দাটি চিরে দু-টুকরো হল। 46 যীশু উচ্চকণ্ঠে  
বলে উঠলেন, “পিতা, তোমার হাতে আমি আমার আত্মা সমর্পণ করি।”  
একথা বলে তিনি তাঁর শেষ নিশাস ত্যাগ করলেন। 47 এই সমস্ত  
ঘটনা প্রত্যক্ষ করে শত-সেনাপতি ঈশ্বরের প্রশংসা করে বললেন,  
“এই মানুষটি নিঃসন্দেহে ধার্মিক ছিলেন।” 48 এই দৃশ্য দেখার জন্য  
যারা সমবেত হয়েছিল, তারা তা দেখে বুকে আঘাত করতে করতে  
ফিরে গেল। 49 কিন্তু তাঁর পরিচিতজনেরা এবং গালীলের যে মহিলারা  
তাঁকে অনুসরণ করছিলেন, তাঁরা দূরে দাঁড়িয়ে এই সমস্ত ঘটনা লক্ষ্য  
করলেন। 50 এখন যোমেফ নামে মহাসভার এক সদস্য সেখানে  
ছিলেন। তিনি ছিলেন সৎ ও ন্যায়পরায়ণ। 51 তিনি তাদের সিদ্ধান্তে ও  
কাজকর্মে সহমত ছিলেন না। তিনি ছিলেন যিহুদিয়ার আরিমাথিয়া  
নগরের অধিবাসী। তিনি ঈশ্বরের রাজ্যের আগমনের প্রতীক্ষায় ছিলেন।  
52 তিনি পীলাতের কাছে গিয়ে যীশুর দেহটি চেয়ে নিলেন। 53 তিনি  
তাঁর দেহটি ক্রুশ থেকে নামিয়ে একখণ্ড লিনেন কাপড়ে জড়িয়ে,  
পাহাড় কেটে তৈরি করা একটি সমাধিতে রাখলেন। আগে কখনও  
কাউকে সেখানে সমাধি দেওয়া হয়নি। 54 সেদিনটি ছিল প্রস্তুতির  
দিন, বিশ্রামদিন শুরু হতে অল্প কিছুক্ষণ বাকি ছিল। 55 গালীল থেকে  
যীশুর সঙ্গে আগত মহিলারা যোমেফকে অনুসরণ করে সমাধি স্থানটি  
ও কীভাবে তাঁর দেহটি রাখা হল, তা দেখলেন। 56 তারপর তাঁরা বাড়ি  
ফিরে বিভিন্ন রকম মশলা ও সুগন্ধিদ্রব্য প্রস্তুত করলেন। কিন্তু বিধানের  
প্রতি বাধ্য হয়ে তাঁরা বিশ্রামদিনে বিশ্রাম করলেন।

**24** সপ্তাহের প্রথম দিনে খুব ভোরবেলায়, সেই মহিলারা তাঁদের  
প্রস্তুত করা মশলা নিয়ে সমাধিস্থানে গোলেন। 2 তাঁরা দেখলেন,  
সমাধির মুখ থেকে পাথরখানি সরিয়ে দেওয়া হয়েছে। 3 কিন্তু ভিতরে  
প্রবেশ করে তাঁরা প্রভু যীশুর দেহটি দেখতে পেলেন না। 4 তাঁরা  
এ বিষয়ে যখন অবাক বিস্ময়ে ভাবছিলেন, তখন বিদ্যুতের মতো  
উজ্জ্বল পোশাক পরা দুজন পুরুষ হঠাতে তাঁদের পাশে এসে দাঁড়ালেন।

৫ আতকে মহিলারা মাটির দিকে মাথা নিচু করে দাঁড়িয়ে রইলেন।  
কিন্তু পুরুষ দুজন তাঁদের বললেন, “তোমরা মৃতদের মধ্যে জীবিতের  
সন্ধান করছ কেন? ৬ তিনি এখানে নেই, কিন্তু উপ্থাপিত হয়েছেন।  
তোমাদের সঙ্গে গালীলে থাকার সময়ে তিনি কী বলেছিলেন, মনে  
করে দেখো। ৭ তিনি বলেছিলেন, ‘মনুষ্যপুত্রকে পাপী মানুষদের  
হাতে অবশ্যই সমর্পিত হতে হবে, তাঁকে ক্রুশবিন্দু ও তৃতীয় দিনে  
পুনরঃথিত হতে হবে।’” ৮ তখন তাঁর কথাগুলি তাঁদের মনে পড়ে গেল।  
৯ সমাধিস্থান থেকে ফিরে এসে তাঁরা এ সমস্ত বিষয় সেই এগারোজন  
ও অন্য সবাইকে বললেন। ১০ এরা হলেন মাগ্দালাবাসী মরিয়ম,  
যোহান্না ও যাকোবের মা মরিয়ম। তাঁদের সঙ্গে আরও অনেকে এই  
ঘটনার কথা প্রেরিতশিষ্যদের জানালেন। ১১ কিন্তু তাঁরা মহিলাদের  
কথা বিশ্বাস করলেন না। কারণ তাঁদের এই সমস্ত কথা তাঁরা আজগুবি  
বলে মনে করলেন। ১২ কিন্তু পিতর উঠে সমাধিস্থানের দিকে দৌড়ে  
গেলেন। তিনি নিচু হয়ে দেখলেন, লিনেন কাপড়ের খণ্ডগুলি পড়ে  
রয়েছে। বিস্ময়ে অভিভূত হয়ে কী ঘটেছে ভাবতে ভাবতে তিনি ফিরে  
গেলেন। ১৩ সেদিন, তাঁদের মধ্যে দুজন জেরুশালেম থেকে এগারো  
কিলোমিটার দূরের ইমায়ুস নামে একটি গ্রামে যাচ্ছিলেন। ১৪ তাঁরা  
পরস্পর বিগত ঘটনাবলি সম্পর্কে আলাপ-আলোচনা করছিলেন। ১৫  
তাঁরা যখন পরস্পরের মধ্যে এ সমস্ত আলোচনা করছিলেন, তখন যীশু  
স্বয়ং উপস্থিত হয়ে তাঁদের সঙ্গে সঙ্গে পথ চলতে লাগলেন; ১৬ কিন্তু  
দৃষ্টি রূদ্ধ থাকায় তাঁরা তাঁকে চিনতে পারলেন না। ১৭ তিনি তাঁদের  
জিজ্ঞাসা করলেন, “পথ চলতে চলতে তোমরা পরস্পর কী আলোচনা  
করছিলে?” তাঁরা বিষণ্ণ মুখে থমকে দাঁড়ালেন। ১৮ তাঁদের মধ্যে যাঁর  
নাম ক্লিয়োপা তিনি তাঁকে জিজ্ঞাসা করলেন, “আপনি কি জেরুশালেমে  
একমাত্র প্রবাসী যে, এই কয় দিনে সেখানে যা ঘটেছে তার কিছুই  
আপনি জানেন না?” ১৯ তিনি জিজ্ঞাসা করলেন, “কী সব ঘটেছে?”  
তাঁরা উত্তর দিলেন, “নাসরতের যীশু সম্পর্কিত ঘটনা। তিনি ছিলেন  
একজন ভাববাদী, ঈশ্঵র ও সব মানুষের সাক্ষাতে বাক্যে ও কাজে এক  
ক্ষমতাসম্পন্ন ব্যক্তি। ২০ প্রধান যাজকেরা ও আমাদের সমাজভবনের

অধ্যক্ষরা তাঁকে মৃত্যুদণ্ডে দণ্ডিত করার উদ্দেশে সমর্পিত করল এবং  
তারা তাঁকে ক্রুশবিদ্ধ করল। 21 কিন্তু আমরা আশা করেছিলাম যে,  
তিনিই সেই ব্যক্তি, যিনি ইস্রায়েলকে মুক্ত করতে চলেছেন। আর তিন  
দিন হল এই সমস্ত ঘটনা ঘটেছে। 22 এছাড়াও, আমাদের কয়েকজন  
মহিলা আমাদের হতবাক করে দিয়েছেন। তাঁরা আজ খুব ভোরবেলা  
সমাধিস্থলে গিয়েছিলেন, 23 কিন্তু তাঁর দেহের সন্ধান পাননি। তাঁরা  
এসে আমাদের বললেন যে, তাঁরা স্বর্গদুতদের দর্শন লাভ করেছেন।  
তাঁরা আরও বললেন যে, যীশু জীবিত আছেন। 24 তারপর আমাদের  
কয়েকজন সঙ্গী সমাধিস্থলে গিয়ে মহিলারা যেমন বলেছিলেন, ঠিক  
সেইমতো দেখলেন, কিন্তু তাঁকে তাঁরা দেখতে পাননি।” 25 যীশু  
তাঁদের বললেন, “তোমরা কত অবোধ! আর ভাববাদীরা যেসব কথা  
বলে গেছেন, সেগুলি বিশ্বাস করতে তোমাদের মন কেমন শিথিল! 26  
এই প্রকার দুঃখ বরণ করার পরই কি খীষ্ট স্বমহিমায় প্রবেশ করতেন  
না?” 27 এরপর মোশি ও সমস্ত ভাববাদী গ্রন্থ থেকে শুরু করে সমগ্র  
শাস্ত্রে তাঁর সম্পর্কে যা লেখা আছে, সে সমস্তই তিনি তাঁদের কাছে  
ব্যাখ্যা করলেন। 28 যে গ্রামে তারা যাচ্ছিলেন, সেখানে উপস্থিত হলে  
যীশু আরও দূরে এগিয়ে যাওয়ার ভাব দেখালেন। 29 কিন্তু তাঁরা তাঁকে  
সাধাসাধি করে বললেন, “সন্ধ্যা হয়ে এসেছে, দিনও প্রায় শেষ হয়ে  
এল, আপনি আমাদের সঙ্গে থাকুন।” তাই তিনি তাঁদের সঙ্গে থাকার  
জন্য ভিতরে গেলেন। 30 তাঁদের সঙ্গে আহারে বসে তিনি ঝুঁটি নিলেন,  
ধন্যবাদ দিলেন এবং তা ভেঙে তাঁদের হাতে দিলেন। 31 সেই মুহূর্তে  
তাঁদের চোখ খুলে গেল, আর তাঁরা তাঁকে চিনতে পারলেন। কিন্তু  
যীশু তাঁদের চোখের সামনে থেকে অদৃশ্য হয়ে গেলেন। 32 তাঁরা  
পরম্পরাকে জিজ্ঞাসা করলেন, “আমাদের সঙ্গে পথ চলতে চলতে তিনি  
যখন আমাদের কাছে শাস্ত্রের ব্যাখ্যা করছিলেন, তখন কি আমাদের  
অন্তরে এক আবেগের উত্তাপ অনুভব হচ্ছিল না?” 33 সেই মুহূর্তে তাঁরা  
উঠে জেরশালেমে ফিরে গেলেন। সেখানে সেই এগারোজন এবং  
তাঁদের সঙ্গীদের তাঁরা দেখতে পেলেন। 34 তাঁরা এক স্থানে মিলিত  
হয়ে বলাবলি করছিলেন, “সত্যিই, প্রভু পুনর্গুরুত্ব হয়েছেন এবং

শিমোনকে দর্শন দিয়েছেন।” 35 তখন সেই দুজন, পথে কী ঘটেছিল  
এবং যীশু রংটি ভেঙে দেওয়ার পর তাঁরা কেমনভাবে তাঁকে চিনতে  
পেরেছিলেন, সেইসব কথা জানালেন। 36 তাঁরা তখনও এ বিষয়ে  
আলোচনা করছিলেন, সেই সময় যীশু তাঁদের মধ্যে এসে দাঁড়ালেন  
এবং তাঁদের বললেন, “তোমাদের শান্তি হোক।” 37 কোনও ভূত  
দেখছেন তেবে তাঁরা ভয়ভীত হলেন ও বিশুল হয়ে পড়লেন। 38 তিনি  
তাঁদের বললেন, “তোমরা দুশ্চিন্তাগ্রস্ত হচ্ছো কেন? তোমাদের মনে  
সংশয়ই বা জাগছে কেন? 39 আমার হাত ও পায়ের দিকে তাকিয়ে  
দেখো! এ স্বয়ং আমি! আমাকে স্পর্শ করো, দেখো! ভূতের এরকম  
হাড় মাংস নেই; তোমরা দেখতে পাচ্ছ, আমার তা আছে।” 40 এই  
কথা বলার পর তিনি তাঁর দু-হাত ও পা তাঁদের দেখালেন। 41 আনন্দে  
ও বিস্ময়ে তাঁরা তখনও বিশ্বাস করতে পারছেন না দেখে, যীশু তাঁদের  
জিঙ্গাসা করলেন, “এখানে তোমাদের কাছে কিছু খাবার আছে?” 42  
তাঁরা তাঁকে আগুনে বলসানো এক টুকরো মাছ দিলেন। 43 তিনি সোঁটি  
নিয়ে তাঁদের সামনেই আহার করলেন। 44 তিনি তাঁদের বললেন,  
“তোমাদের সঙ্গে থাকার সময়েই আমি এই কথা বলেছিলাম, মোশির  
বিধানে, ভাববাদীদের গ্রন্থে ও গীতসংহিতায় আমার সম্পর্কে যা লেখা  
আছে, তার সবকিছুই পূর্ণ হবে।” 45 তারপর তিনি তাঁদের মনের দ্বার  
খুলে দিলেন, যেন তাঁরা শাস্ত্র বুঝতে পারেন। 46 তিনি তাঁদের বললেন,  
“একথা লেখা আছে, খ্রীষ্ট কষ্টভোগ করবেন ও তৃতীয় দিনে মৃতলোক  
থেকে পুনর্গংথিত হবেন। 47 এবং জেরুশালেম থেকে শুরু করে সমস্ত  
জাতির কাছে তাঁরই নামে মন পরিবর্তন ও পাপক্ষমার কথা প্রচার করা  
হবে। 48 আর তোমরাই এ সমস্ত বিষয়ের সাক্ষী। 49 আর দেখো,  
পিতার প্রতিশ্রূত দান আমি তোমাদের জন্য পাঠিয়ে দিতে যাচ্ছি; কিন্তু  
উর্ধ্বলোক থেকে আগত শক্তি লাভ না করা পর্যন্ত তোমরা এই নগরেই  
অবস্থান করো।” 50 তারপর তিনি তাঁদের বেথানির কাছাকাছি নিয়ে  
গিয়ে, তাঁদের দিকে হাত তুলে আশীর্বাদ করলেন। 51 আশীর্বাদরত  
অবস্থাতেই তিনি তাঁদের ছেড়ে গেলেন ও স্বর্গে নীত হলেন। 52 তাঁরা

তখন তাঁকে প্রণাম জানিয়ে মহা আনন্দে জেরশালেমে ফিরে গেলেন

৫৩ এবং মন্দিরে নিরস্তর ঈশ্বরের বন্দনা করতে থাকলেন।

## যোহন

১ আদিতে বাক্য ছিলেন, সেই বাক্য ঈশ্বরের সঙ্গে ছিলেন এবং বাক্যই  
ঈশ্বর ছিলেন। ২ আদিতে তিনি ঈশ্বরের সঙ্গে ছিলেন। ৩ তাঁর মাধ্যমে  
সবকিছু সৃষ্টি হয়েছিল; সৃষ্টি কোনো বস্তুই তিনি ব্যতিরেকে সৃষ্টি হয়নি। ৪  
তাঁর মধ্যে জীবন ছিল। সেই জীবন ছিল মানবজাতির জ্যোতি। ৫ সেই  
জ্যোতি অঙ্ককারে আলো বিকিরণ করে, কিন্তু অঙ্ককার তা উপলব্ধি  
করতে পারেনি। ৬ ঈশ্বর থেকে প্রেরিত এক ব্যক্তির আবির্ভাব হল,  
তাঁর নাম যোহন। ৭ সেই জ্যোতির সাক্ষ্য দিতেই সাক্ষীরূপে তাঁর  
আগমন ঘটেছিল, যেন তাঁর মাধ্যমে মানুষ বিশ্বাস করে। ৮ তিনি  
স্বয়ং সেই জ্যোতি ছিলেন না, কিন্তু সেই জ্যোতির সাক্ষ্য দিতেই তাঁর  
আবির্ভাব হয়েছিল। ৯ সেই প্রকৃত জ্যোতি, যিনি প্রত্যেক মানুষকে  
আলো দান করেন, জগতে তাঁর আবির্ভাব হচ্ছিল। ১০ তিনি জগতে  
ছিলেন, জগৎ তাঁর দ্বারা সৃষ্টি হলেও জগৎ তাঁকে চিনল না। ১১ তিনি  
তাঁর আপনজনদের মধ্যে এলেন, কিন্তু যারা তাঁর আপন, তারা তাঁকে  
গ্রহণ করল না। ১২ তবু যতজন তাঁকে গ্রহণ করল, যারা তাঁর নামে  
বিশ্বাস করল, তাদের তিনি ঈশ্বরের সন্তান হওয়ার অধিকার দিলেন।  
১৩ তারা স্বাভাবিকভাবে জাত নয়, মানবিক ইচ্ছা বা পুরুষের ইচ্ছায়  
নয়, কিন্তু ঈশ্বর থেকে জাত। ১৪ সেই বাক্য দেহ ধারণ করলেন এবং  
আমাদেরই মধ্যে বসবাস করলেন। আমরা তাঁর মহিমা দেখেছি, ঠিক  
যেমন পিতার নিকট থেকে আগত এক ও অদ্বিতীয় পুত্রের মহিমা।  
তিনি অনুগ্রহ ও সত্যে পূর্ণ। ১৫ যোহন তাঁর বিষয়ে সাক্ষ্য দিলেন।  
তিনি উচ্চকগ্নে ঘোষণা করলেন, “ইনিই সেই ব্যক্তি যাঁর সম্পর্কে আমি  
বলেছিলাম, ‘আমার পরে যিনি আসছেন তিনি আমার অগ্রগণ্য, কারণ  
আমার আগে থেকেই তিনি বিদ্যমান।’” ১৬ তাঁর অনুগ্রহের পূর্ণতা  
থেকে আমরা সকলেই একের পর এক আশীর্বাদ লাভ করেছি। ১৭  
মোশির মাধ্যমে বিধান দেওয়া হয়েছিল; যীশু খ্রীষ্টের মাধ্যমে অনুগ্রহ  
ও সত্য উপস্থিত হয়েছে। ১৮ ঈশ্বরকে কেউ কোনোদিন দেখেনি; কিন্তু  
এক ও অদ্বিতীয় ঈশ্বর, যিনি পিতার পাশে বিরাজ করেন, তিনিই তাঁকে  
প্রকাশ করেছেন। ১৯ জেরুশালেমে ইহুদিরা যখন কয়েকজন যাজক ও

ଲେବୀୟକେ ପାଠିଯେ ତାଁର ପରିଚୟ ଜାନତେ ଚାଇଲ, ତଥନ ଯୋହନ ଏତାରେ  
ସାଙ୍କ୍ୟ ଦିଲେନ । 20 ତିନି ସ୍ଵିକାର କରତେ ଦ୍ଵିଧାବୋଧ କରଲେନ ନା ବରଂ  
ମୁକ୍ତକଟେ ସ୍ଵିକାର କରଲେନ, “ଆମି ସେଇ ଖ୍ରୀଷ୍ଟ ନାହିଁ ।” 21 ତାରା ତାଁକେ  
ପ୍ରଶ୍ନ କରଲ, “ତାହଲେ ଆପଣି କେ? ଆପଣି କି ଏଲିଯ?” ତିନି ବଲଲେନ,  
“ନା, ଆମି ନାହିଁ ।” “ଆପଣି କି ସେଇ ଭାବବାଦୀ?” ତିନି ବଲଲେନ, “ନା ।”  
22 ଶେଷେ ତାରା ବଲଲ, “ତାହଲେ, କେ ଆପଣି? ଆମାଦେର ବଲୁନ । ଯାରା  
ଆମାଦେର ପାଠିଯେଛେନ, ତାଦେର କାହେ ଉତ୍ତର ନିଯେ ଯେତେ ହବେ । ନିଜେର  
ସମ୍ପର୍କେ ଆପଣାର ଅଭିମତ କୀ?” 23 ଭାବବାଦୀ ଯିଶାଇୟେର ଭାଷାଯ  
ଯୋହନ ଉତ୍ତର ଦିଲେନ, “ଆମି ମର୍କପ୍ରାତ୍ରରେ ଏକ କଞ୍ଚକର ଯା ଆହୁନ କରଛେ,  
‘ତୋମରା ପ୍ରଭୁର ଜନ୍ୟ ରାଜପଥଗୁଲି ସରଲ କରୋ ।’” 24 ତଥନ ଫରିଶୀଦେର  
ପ୍ରେରିତ କଥେକଜନ ଲୋକ 25 ତାଁକେ ପ୍ରଶ୍ନ କରଲ, “ଆପଣି ଯଦି ଖ୍ରୀଷ୍ଟ,  
ଏଲିଯ, ବା ସେଇ ଭାବବାଦୀ ନା ହନ, ତାହଲେ ବାଣ୍ପିଞ୍ଚ ଦିଚ୍ଛେନ କେନ?” 26  
ଯୋହନ ଉତ୍ତର ଦିଲେନ, “ଆମି ତୋମାଦେର ଜଳେ ବାଣ୍ପିଞ୍ଚ ଦିଚ୍ଛି ଠିକିଟି, କିନ୍ତୁ  
ତୋମାଦେଇ ମଧ୍ୟେ ଏମନ ଏକଜନ ଦାଁଡ଼ିଯେ ଆଛେନ, ଯାଁକେ ତୋମରା ଜାନୋ  
ନା । 27 ତିନି ଆମାର ପରେ ଆସଛେନ । ତାଁର ଚଟିଜୁତୋର ବାଁଧନ ଖୋଲାରେ  
ଯୋଗ୍ୟତା ଆମାର ନେଇ ।” 28 ଏଇ ସମସ୍ତ ଘଟଳ ଜର୍ଡନ ନଦୀର ଅପର ପାରେ  
ବେଖାନିତେ, ସେଥିରେ ଯୋହନ ଲୋକେଦେର ବାଣ୍ପିଞ୍ଚ ଦିଚିଲେନ । 29 ପରେର  
ଦିନ ଯୋହନ ଯୀଶୁକେ ତାଁର ଦିକେ ଏଗିଯେ ଆସତେ ଦେଖେ ବଲଲେନ, “ଓହେ  
ଦେଖୋ ଈଶ୍ଵରେର ମେଷଶାବକ, ଯିନି ଜଗତେର ସମସ୍ତ ପାପ ଦୂର କରେନ । 30  
ଇନିଇ ସେଇ ବ୍ୟକ୍ତି, ଯାଁର ସମ୍ପର୍କେ ଆମି ବଲେଛିଲାମ ‘ଆମାର ପରେ ଯିନି  
ଆସଛେନ ତିନି ଆମାର ଚେଯେଓ ମହାନ, କାରଣ ଆମାର ଆଗେ ଥେକେଇ  
ତିନି ବିଦ୍ୟମାନ ଆଛେନ ।’ 31 ଆମି ନିଜେ ତାଁକେ ଜାନତାମ ନା, କିନ୍ତୁ  
ତିନି ଯେନ ଇସ୍ରାୟେଲେର କାହେ ପ୍ରକାଶିତ ହନ ସେଜନାହିଁ ଆମି ଜଳେ ବାଣ୍ପିଞ୍ଚ  
ଦିତେ ଏସେଛି ।” 32 ତାରପର ଯୋହନ ଏଇ ସାଙ୍କ୍ୟ ଦିଲେନ: “ଆମି ପବିତ୍ର  
ଆତ୍ମାକେ କପୋତେର ମତୋ ସ୍ଵର୍ଗ ଥେକେ ନେମେ ଆସତେ ଦେଖିଲାମ, ତିନି  
ତାଁର ଉପରେ ଅଧିଷ୍ଠାନ କରଲେନ । 33 ଆମି ତାଁକେ ଚିନତାମ ନା କିନ୍ତୁ ଯିନି  
ଆମାକେ ଜଳେ ବାଣ୍ପିଞ୍ଚ ଦିତେ ପାଠିଯେଛେନ ତିନି ବଲେଛିଲେନ, ‘ଆତ୍ମାକେ  
ଯାଁର ଉପରେ ନେମେ ଏସେ ଅଧିଷ୍ଠାନ କରତେ ଦେଖିବେ ତିନିଇ ପବିତ୍ର ଆତ୍ମା  
ବାଣ୍ପିଞ୍ଚ ଦେବେନ ।’ 34 ଆମି ଦେଖେଛି ଓ ସାଙ୍କ୍ୟ ଦିଚ୍ଛି ଯେ, ଇନିଇ ଈଶ୍ଵରେର

পুত্র।” 35 পরের দিন যোহন তাঁর দুজন শিষ্যের সঙ্গে আবার সেখানে উপস্থিত ছিলেন। 36 সেখান দিয়ে যীশুকে যেতে দেখে তিনি বললেন, “ওই দেখো দ্বিশরের মেষশাবক।” 37 তাঁর একথা শুনে শিয় দুজন যীশুকে অনুসরণ করলেন। 38 তাঁদের অনুসরণ করতে দেখে যীশু ঘুরে তাকিয়ে জিজ্ঞাসা করলেন, “তোমরা কী চাও?” তাঁরা বললেন, “রবি, (এর অর্থ, গুরুমহাশয়) আপনি কোথায় থাকেন?” 39 “এসো,” তিনি উভর দিলেন, “আর তোমরা দেখতে পাবে।” অতএব, তাঁরা গিয়ে দেখলেন তিনি কোথায় থাকেন এবং তাঁরা সেদিন তাঁর সঙ্গেই থাকলেন। তখন সময় ছিল বেলা প্রায় চারটা। 40 যোহনের কথা শুনে যে দুজন যীশুকে অনুসরণ করেছিলেন, শিমোন পিতরের ভাই আন্দ্রিয় ছিলেন তাদের অন্যতম। 41 আন্দ্রিয় প্রথমে তাঁর ভাই শিমোনের খোঁজ করলেন এবং তাঁকে বললেন, “আমরা মশীহের (অর্থাৎ খ্রীষ্টের) সন্ধান পেয়েছি।” 42 তিনি তাঁকে যীশুর কাছে নিয়ে এলেন। যীশু তাঁর দিকে তাকিয়ে বললেন, “তুমি যোহনের পুত্র শিমোন। তোমাকে কৈফা বলে ডাকা হবে।” (যার অনুদিত অর্থ, পিতর)। 43 পরের দিন যীশু গালীলের উদ্দেশে যাত্রার সিদ্ধান্ত নিলেন। ফিলিপকে দেখতে পেয়ে তিনি বললেন, “আমাকে অনুসরণ করো।” 44 আন্দ্রিয় ও পিতরের মতো ফিলিপও ছিলেন বেথসেদা নগরের অধিবাসী। 45 ফিলিপ নথনেলকে দেখতে পেয়ে বললেন, “মোশি তার বিধানপুষ্টকে ও ভাববাদীরাও যাঁর বিষয়ে লিখেছেন, আমরা তাঁর সন্ধান পেয়েছি। তিনি নাসরতের যীশু, যোষেফের পুত্র।” 46 নথনেল জিজ্ঞাসা করলেন, “নাসরৎ থেকে কি ভালো কিছু আসতে পারে?” ফিলিপ বললেন, “এসে দেখে যাও।” 47 যীশু নথনেলকে আসতে দেখে তাঁর সম্পর্কে বললেন, “ওই দেখো একজন প্রকৃত ইস্রায়েলী, যার মধ্যে কোনও ছলনা নেই।” 48 নথনেল জিজ্ঞাসা করলেন, “আপনি কী করে আমাকে চিনলেন।” যীশু বললেন, “ফিলিপ তোমাকে ডাকার আগে তুমি যখন ডুমুর গাছের নিচে ছিলে, তখনই আমি তোমাকে দেখেছিলাম।” 49 তখন নথনেল বললেন, “রবি, আপনিই দ্বিশরের পুত্র, আপনিই ইস্রায়েলের রাজা।” 50 যীশু বললেন, “তোমাকে ডুমুর গাছের তলায় দেখেছি একথা বলার

জন্য কি তুমি বিশ্বাস করলে! তুমি এর চেয়েও অনেক মহৎ বিষয় দেখতে পাবে।” 51 তিনি আরও বললেন, “আমি তোমাকে সত্য বলছি, তুমি দেখবে স্বর্গলোক উন্মুক্ত হয়েছে, আর ঈশ্বরের দ্রুতেরা মনুষ্যপুত্রের উপর ওঠানামা করছেন।”

2 তৃতীয় দিনে গালীলের কানা নগরে এক বিবাহ অনুষ্ঠান সম্পন্ন হল। যীশুর মা সেখানে উপস্থিত ছিলেন। 2 যীশু এবং তাঁর শিষ্যেরাও সেই বিবাহ অনুষ্ঠানে নিমন্ত্রিত ছিলেন। 3 দ্রাক্ষারস শেয় হয়ে গেলে, যীশুর মা তাঁকে বললেন, “ওদের দ্রাক্ষারস আর নেই।” 4 যীশু বললেন, “নারী! কেন তুমি এর সঙ্গে আমাকে জড়াচ্ছ? এখনও আমার সময় উপস্থিত হয়নি।” 5 তাঁর মা পরিচারকদের বললেন, “উনি যা বলেন, তোমরা সেইমতো করো।” 6 কাছেই জল রাখার জন্য ছয়টি পাথরের জালা ছিল। ইহুদিদের শুচিকরণ রীতি অনুযায়ী সেগুলিতে জল রাখা হত। প্রতিটি জালায় কুড়ি থেকে তিরিশ গ্যালন জল ধরত। 7 যীশু দাসদের বললেন, “জালাগুলি জলে পূর্ণ করো।” তারা কানায় কানায় সেগুলি ভর্তি করল। 8 তখন তিনি তাদের বললেন, “এবার এখান থেকে কিছুটা তুলে ভোজের কর্ত্তার কাছে নিয়ে যাও।” তারা তাই করল। 9 ভোজের কর্তা দ্রাক্ষারসে রূপান্তরিত জলের স্বাদ গ্রহণ করলেন। কিন্তু তিনি বুবাতে পারলেন না কোথা থেকে এই দ্রাক্ষারস এল। সেকথা দাসেরা জানত। তখন তিনি বরকে এক পাশে ডেকে বললেন, 10 “সবাই প্রথমে উৎকৃষ্ট দ্রাক্ষারসই পরিবেশন করে। অতিথিরা যথেষ্ট পান করার পর কমদামি দ্রাক্ষারস পরিবেশন করা হয়। কিন্তু তুমি এখনও পর্যন্ত সবচেয়ে ভালো জিনিসই বাঁচিয়ে রেখেছ!” 11 এ ছিল গালীলের কানা নগরে করা যীশুর প্রথম চিহ্নকাজ। এইভাবে তিনি তাঁর মহিমা প্রকাশ করলেন এবং তাঁর শিষ্যেরা তাঁর উপর বিশ্বাস করলেন। 12 এরপর তিনি তাঁর মা, ভাইদের ও শিষ্যদের নিয়ে কফরনাহুমে গেলেন। তাঁরা সেখানে কিছুদিন থাকলেন। 13 ইহুদিদের নিষ্ঠারপর্ব প্রায় এসে গেলে যীশু জেরুশালেমে গেলেন। 14 তিনি দেখলেন মন্দির-প্রাঙ্গণে লোকেরা গবাদি পশু, মেষ ও পায়রা বিক্রি করছে আর অন্যেরা টেবিল সাজিয়ে মুদ্রা বিনিময় করছে। 15 তিনি দড়ি

দিয়ে একটি চাবুক তৈরি করে গবাদি পশু ও মেষপালসহ সবাইকে মন্দির চতুর থেকে তাড়িয়ে দিলেন। তিনি মুদ্রা-বিনিময়কারীদের মুদ্রা ছড়িয়ে দিয়ে তাদের টেবিল উল্টে দিলেন। 16 যারা পায়রা বিক্রি করছিল তাদের তিনি বললেন, “এখান থেকে এসব বের করে নিয়ে যাও! আমার পিতার গৃহকে ব্যবসার গৃহে পরিগত কোরো না!” 17 তাঁর শিষ্যদের মনে পড়ল, শাস্ত্র লেখা আছে, “তোমার গৃহের জন্য আবেগ আমাকে গ্রাস করবে।” 18 ইহুদিরা তখন তাঁর কাছে জিজ্ঞাসা করল, “এই সমস্ত কাজ করার অধিকার যে তোমার আছে, তার প্রমাণস্বরূপ তুমি আমাদের কোন চিহ্ন দেখাতে পারো?” 19 প্রত্যন্তে তিনি তাদের বললেন, “তোমরা এই মন্দির ধ্বংস করে ফেলো, আমি তিনদিনে আবার এটি গড়ে তুলব।” 20 ইহুদিরা বলল, “এই মন্দির নির্মাণ করতে ছেচলিশ বছর লেগেছে, আর তুমি কি না সেটি তিনদিনে গড়ে তুলবে?” 21 কিন্তু যীশু মন্দির বলতে নিজের দেহের কথা বলেছিলেন। 22 তিনি মৃতলোক থেকে পুনর্গঠিত হওয়ার পর তাঁর শিষ্যদের মনে পড়েছিল, তিনি কী বলেছিলেন। তখন তাঁরা শাস্ত্র ও যীশুর কথিত বাক্যে বিশ্বাস করলেন। 23 নিষ্ঠারপর্বের উৎসবের সময় জেরুশালেমে থাকাকালীন তিনি যে সমস্ত চিহ্নকাজ করছিলেন, তা দেখে তারা তাঁর নামে বিশ্বাস করল। 24 কিন্তু যীশু নিজে তাদের বিশ্বাস করতেন না, কারণ তিনি সব মানুষকেই জানতেন। 25 মানুষের সম্পর্কে কোনো সাক্ষ্য-প্রমাণের প্রয়োজন তাঁর ছিল না, কারণ মানুষের অন্তরে কী আছে তা তিনি জানতেন।

**৩** নীকদীম নামে ফরিশী সম্প্রদায়ভুক্ত এক ব্যক্তি ছিলেন। তিনি ছিলেন ইহুদি মহাসভার এক সদস্য। 2 তিনি রাত্রিবেলা যীশুর কাছে এসে বললেন, “রবি, আমরা জানি আপনি ঈশ্বরের কাছ থেকে আগত একজন শিক্ষাগুরু কারণ ঈশ্বরের সহায়তা ব্যতীত কোনো মানুষ আপনার মতো চিহ্নকাজ সম্পাদন করতে পারে না।” 3 উত্তরে যীশু তাঁকে বললেন, “আমি তোমাকে সত্যি বলছি, নতুন জন্ম লাভ না করলে কেউ ঈশ্বরের রাজ্যের দর্শন পায় না।” 4 নীকদীম তাঁকে জিজ্ঞাসা করলেন, “বয়স্ক মানুষ কীভাবে জন্মগ্রহণ করতে পারে?

জন্মগ্রহণের জন্য সে নিশ্চয়ই দ্বিতীয়বার তার মাত্রগর্তে প্রবেশ করতে পারে না!” ৫ যীশু উত্তর দিলেন, “আমি তোমাকে সত্যিই বলছি, জল ও পবিত্র আত্মা থেকে জন্মগ্রহণ না করলে কেউ ঈশ্বরের রাজ্যে প্রবেশ করতে পারে না। ৬ মাংস থেকে মাংসই জন্ম নেয়, আর আত্মা থেকে আত্মাই জন্ম নেয়। ৭ ‘তোমাদের অবশ্যই নতুন জন্ম লাভ করতে হবে,’ আমার একথায় তুমি বিস্মিত হোয়ো না। ৮ বাতাস আপন খেয়ালে যেদিকে খুশি বয়ে চলে। তোমরা তার শব্দ শুনতে পাও, কিন্তু তার উৎস কোথায়, কোথায়ই বা সে যায়, তা তোমরা বলতে পারো না। পবিত্র আত্মা থেকে জাত প্রত্যেক ব্যক্তিও সেরূপ।” ৯ নীকদীম জিজ্ঞাসা করলেন, “কীভাবে তা সম্ভব?” ১০ যীশু বললেন, “তুমি ইহায়েলের শিক্ষাগুরু, আর এই সমস্ত তুমি উপলব্ধি করতে পারছ না? ১১ আমি তোমাকে সত্যি বলছি, আমরা যা জানি, তার কথাই বলি; আর যা দেখেছি, তারই সাক্ষ্য দিই। তা সত্ত্বেও তোমরা আমাদের সাক্ষ্য গ্রহণ করো না। ১২ আমি তোমাদের পার্থিব বিষয়ের কথা বললেও তোমরা তা বিশ্বাস করোনি, তাহলে স্বর্গীয় বিষয়ের কথা কিছু বললে, তোমরা কী করে বিশ্বাস করবে? ১৩ স্বর্গলোক থেকে আগত সেই একজন, অর্থাৎ, মনুষ্যপুত্র ব্যতীত আর কেউ কখনও স্বর্গে প্রবেশ করেননি। ১৪ মরহুমাত্রে মোশি যেমন সেই সাপকে উঁচুতে স্থাপন করেছিলেন, মনুষ্যপুত্রকেও তেমনই উন্নত হতে হবে, ১৫ যেন যারা তাঁকে বিশ্বাস করে তারা প্রত্যেকেই অনন্ত জীবন পায়। (aiōnios g166) ১৬ “কারণ ঈশ্বর জগৎকে এমন প্রেম করলেন যে, তিনি তাঁর একজাত পুত্রকে দান করলেন, যেন যে কেউ তাঁকে বিশ্বাস করে সে বিনষ্ট না হয় কিন্তু অনন্ত জীবন পায়। (aiōnios g166) ১৭ কারণ জগতের বিচার করতে ঈশ্বর তাঁর পুত্রকে জগতে পাঠাননি, কিন্তু তাঁর মাধ্যমে জগৎকে উদ্ধার করতেই পাঠিয়েছিলেন। ১৮ যে ব্যক্তি তাঁকে বিশ্বাস করে না, তার বিচার ইতিমধ্যেই হয়ে গেছে, কারণ ঈশ্বরের একজাত পুত্রের নামে সে বিশ্বাস করেনি। ১৯ এই হল দণ্ডাদেশ: জগতে জ্যোতির আগমন হয়েছে, কিন্তু মানুষ জ্যোতির পরিবর্তে অন্ধকারকে ভালোবাসলো কারণ তাদের সব কাজ ছিল মন্দ।

20 যে দুর্কর্ম করে, সে জ্যোতিকে ঘৃণা করে ও জ্যোতির সান্নিধ্যে  
আসতে তয় পায়, পাছে তার দুর্কর্মগুলি প্রকাশ হয়ে পড়ে। 21 কিন্তু যে  
সত্যে জীবন্যাপন করে সে জ্যোতির সান্নিধ্যে আসে, যেন তার সমস্ত  
কাজই ঈশ্বরে সাধিত বলে প্রকাশ পায়।” 22 এরপর যীশু শিষ্যদের  
সঙ্গে যিহুদিয়ার গ্রামাঞ্চলে গেলেন। সেখানে তিনি শিষ্যদের সঙ্গে  
কিছু সময় কাটালেন ও বাণিজ্য দিলেন। 23 শালীমের নিকটবর্তী  
ঐনোনে যোহন বাণিজ্য দিচ্ছিলেন, কারণ সেখানে প্রচুর পরিমাণে  
জল ছিল এবং লোকেরা অনবরত এসে বাণিজ্য গ্রহণ করছিল। 24  
(যোহন কারাগারে বন্দি হওয়ার আগে এই ঘটনা ঘটেছিল।) 25 তখন  
আনন্দানিক শুন্দকরণ নিয়ে যোহনের কয়েকজন শিষ্য ও কয়েকজন  
ইহুদির মধ্যে বিতর্ক দেখা দিল। 26 তারা যোহনের কাছে এসে বলল,  
“রবি, জর্ডনের অপর পারে, যিনি আপনার সঙ্গে ছিলেন—যাঁর বিষয়ে  
আপনি সাক্ষ্য দিয়েছিলেন—তিনি বাণিজ্য দিচ্ছেন, আর সকলেই  
তাঁর কাছে যাচ্ছে।” 27 উভরে যোহন বললেন, “উর্ধ্বলোক থেকে যা  
দেওয়া হয়েছে একজন মানুষ কেবল তাই গ্রহণ করতে পারে। 28  
তোমরা নিজেরাই সাক্ষ্য দিতে পারো যে, আমি বলেছিলাম, ‘আমি  
সেই খ্রীষ্ট নই, কিন্তু আমি তাঁর আগে প্রেরিত হয়েছি।’ 29 যে বধুকে  
পেয়েছে সেই তো বর। যে বধু বরের সঙ্গে থাকে, সে তার কথা শোনার  
প্রতীক্ষায় থাকে ও বরের কর্তৃত্ব শুনে আনন্দে পূর্ণ হয়ে ওঠে। সেই  
আনন্দই আমার, তা এখন পূর্ণ হয়েছে। 30 তাঁকে অবশ্যই বৃদ্ধি পেতে  
হবে, আর আমাকে ক্ষুদ্র হতে হবে। 31 “উর্ধ্বলোক থেকে যাঁর আগমন  
তিনি সবার উপরে। যিনি মর্ত্য থেকে আসেন তিনি মর্ত্যেরই, আর  
তিনি মর্ত্যের কথাই বলেন। স্বর্গলোক থেকে যাঁর আগমন তিনি সবার  
উর্ধ্বে। 32 তিনি যা দেখেছেন ও শুনেছেন তারই সাক্ষ্য দেন, কিন্তু  
তাঁর সাক্ষ্য কেউ গ্রহণ করে না। 33 যে তাঁর সাক্ষ্য গ্রহণ করেছে সে  
বিবৃতি দিয়েছে যে ঈশ্বর সত্য। 34 ঈশ্বর যাঁকে পাঠিয়েছেন তিনি  
ঈশ্বরের বাক্য প্রকাশ করেন, কারণ ঈশ্বর সীমা ছাড়িয়ে পবিত্র আত্মা  
দান করেন। 35 পিতা পুত্রকে প্রেম করেন এবং সবকিছু তাঁরই হাতে  
সমর্পণ করেছেন। 36 পুত্রকে যে বিশ্বাস করে, সে অনন্ত জীবন লাভ

করেছে; কিন্তু পুত্রকে যে অমান্য করে, সে জীবন দেখতে পাবে না,  
কারণ ঈশ্বরের ক্ষেত্রে তার উপর নেমে আসে।” (aiōnios g166)

৪ যীশু জানতে পারলেন যে ফরিশীরা শুনেছে, যীশুর শিষ্যসংখ্যা  
যোহনের চেয়েও বৃদ্ধি পাচ্ছে এবং তিনি তাদের বাণিজ্য দিচ্ছেন—  
২ অবশ্য যীশু নিজে বাণিজ্য দিতেন না, তাঁর শিষ্যেরাই দিতেন। ৩  
তিনি যিহুদিয়া ত্যাগ করে আর একবার গালীলে ফিরে গেলেন। ৪  
কিন্তু শমরিয়ার মধ্য দিয়ে তাঁকে যেতে হয়েছিল। ৫ যেতে যেতে তিনি  
শমরিয়ার শুধু নামক একটি গ্রামে এসে উপস্থিত হলেন। যাকোব  
তাঁর পুত্র যোষেফকে যে জমি দান করেছিলেন, সেই স্থানটি তারই  
নিকটবর্তী। ৬ সেই স্থানে যাকোবের কুয়ো ছিল। পথশ্রান্ত যীশু কুয়োর  
পাশে বসলেন। তখন প্রায় দুপুরবেলা। ৭ এক শমরীয় নারী জল তুলতে  
এলে, যীশু তাকে বললেন, “আমাকে একটু জল খেতে করতে দেবে?”  
৮ (তাঁর শিষ্যেরা তখন খাবার কিনতে নগরে গিয়েছিলেন।) ৯ শমরীয়  
নারী তাঁকে বলল, “আপনি একজন ইহুদি, আর আমি এক শমরীয়  
নারী। আপনি কী করে আমার কাছে খাওয়ার জন্য জল চাইছেন?”  
(কারণ ইহুদিদের সঙ্গে শমরীয়দের সামাজিক সম্পর্ক ছিল না।) ১০  
উত্তরে যীশু তাকে বললেন, “তুমি যদি ঈশ্বরের দানের কথা জানতে,  
আর জানতে, কে তোমার কাছে খাওয়ার জন্য জল চাইছেন, তাহলে  
তুমই তাঁর কাছে চাইতে আর তিনি তোমাকে জীবন্ত জল দিতেন।” ১১  
সেই নারী তাঁকে বলল, “মহাশয়, আপনার কাছে জল তোলার কোনো  
পাত্র নেই, কুয়োটিও গভীর। এই জীবন্ত জল আপনি কোথায় পাবেন?  
১২ আমাদের পিতৃপুরুষ যাকোবের চেয়েও কি আপনি মহান? তিনি  
আমাদের এই কুয়ো দান করেছিলেন। তিনি নিজেও এর থেকে জল  
খেতেন, আর তার পুত্রেরা ও তার পশ্চাপাল এই জলই খেতো।” ১৩  
যীশু উত্তর দিলেন, “যে এই জল খাবে, সে আবার তৃষ্ণার্ত হবে, ১৪  
কিন্তু আমি যে জল দান করি, তা যে খাবে, সে কোনোদিনই তৃষ্ণার্ত  
হবে না। প্রকৃতপক্ষে, আমার দেওয়া জল তার অন্তরে এক জলের  
উৎসে পরিণত হবে, যা অনন্ত জীবন পর্যন্ত উঠলে উঠবে।” (aiōn  
g165, aiōnios g166) ১৫ সেই নারী তাঁকে বলল, “মহাশয়, আমাকে

সেই জল দিন, যেন আমার পিপাসা না পায় এবং জল তোলার জন্য  
আমাকে এখানে আর আসতে না হয়।” 16 তিনি তাকে বললেন, “যাও,  
তোমার স্বামীকে ডেকে নিয়ে এসো।” 17 সে উত্তর দিল, “আমার স্বামী  
নেই।” যীশু তাকে বললেন, “তুমি ঠিকই বলেছ যে, তোমার স্বামী  
নেই। 18 প্রকৃত সত্য হল, তোমার পাঁচজন স্বামী ছিল আর এখন যে  
পুরুষটি তোমার সঙ্গে আছে, সে তোমার স্বামী নয়। তুমি যা বলেছ তা  
সম্পূর্ণ সত্য।” 19 সেই নারী বলল, “মহাশয়, আমি দেখছি, আপনি  
একজন ভাববাদী। 20 আমাদের পূর্বপুরুষেরা এই পর্বতে উপাসনা  
করতেন, কিন্তু আপনারা, যাঁরা ইহুদি, দাবি করেন যে, জেরুশালেমেই  
আমাদের উপাসনা করতে হবে।” 21 যীশু তাকে বললেন, “নারী,  
আমার কথায় বিশ্বাস করো, এমন সময় আসছে যখন তোমরা এই  
পর্বতে অথবা জেরুশালেমে পিতার উপাসনা করবে না। 22 তোমরা  
শ্যামীয়েরা জানো না, তোমরা কী উপাসনা করছ; আমরা জানি, আমরা  
কী উপাসনা করি, কারণ ইহুদিদের মধ্য থেকেই পরিত্রাণ উপলব্ধ  
হবে। 23 কিন্তু এখন সময় আসছে বরং এসে পড়েছে, যখন প্রকৃত  
উপাসকেরা আত্মায় ও সত্যে পিতার উপাসনা করবে, কারণ পিতা  
এরকম উপাসকদেরই খোঁজ করেন। 24 স্ট্যুর আত্মা, তাই যারা তাঁর  
উপাসনা করে, তাদেরকে আত্মায় ও সত্যে উপাসনা করতে হবে।”  
25 তখন সেই নারী তাঁকে বলল, “আমি জানি মশীহ” (যাঁকে খ্রীষ্ট  
বলা হয়), “আসছেন। তিনি এসে আমাদের কাছে সবকিছু ব্যাখ্যা  
করবেন।” 26 যীশু তাকে বললেন, “তোমার সঙ্গে কথা বলছি যে আমি,  
আমিই সেই খ্রীষ্ট।” 27 ঠিক এসময় শিষ্যেরা ফিরে এসে যীশুকে এক  
নারীর সঙ্গে কথা বলতে দেখে বিস্মিত হলেন। কিন্তু একথা কেউ  
জিজ্ঞাসা করলেন না, “আপনি কী চাইছেন?” বা “আপনি ওর সঙ্গে  
কেন কথা বলছেন?” 28 তখন জলের পাত্র ফেলে রেখে সেই নারী  
নগরে ফিরে গিয়ে লোকদের বলল, 29 “একজন মানুষকে দেখবে  
এসো। আমি এতদিন যা করেছি, তিনি সবকিছু বলে দিয়েছেন।  
তিনিই কি সেই খ্রীষ্ট নন?” 30 নগর থেকে বেরিয়ে তারা যীশুর কাছে  
আসতে লাগল। 31 এই অবসরে তাঁর শিষ্যেরা তাঁকে মিনতি করলেন,

“রবি, কিছু খেয়ে নিন।” 32 কিন্তু তিনি তাঁদের বললেন, “আমার এমন খাবার আছে, যার কথা তোমরা কিছুই জানো না।” 33 তাঁর শিষ্যেরা তখন পরস্পর বলাবলি করলেন, “কেউ কি তাঁকে কিছু খাবার এনে দিয়েছে?” 34 যীশু বললেন, “যিনি আমাকে পাঠিয়েছেন তাঁর ইচ্ছা পালন করা ও তাঁর কাজ শেষ করাই আমার খাবার। 35 তোমরা কি বলো না, ‘আর চার মাস পরেই ফসল কাটার সময় আসবে?’ আমি তোমাদের বলছি, তোমরা চোখ মেলে মাঠের দিকে তাকিয়ে দেখো।

ফসল কাটার উপযুক্ত হয়ে উঠেছে। 36 এমনকি, যে ফসল কাটছে, সে এখনই তার পারিশ্রমিক পাছে এবং এখনই সে অনন্ত জীবনের ফসল সংগ্রহ করছে, যেন যে কাটছে, আর যে বুনছে—দুজনেই উল্লসিত হতে পারে। (aiōnios g166) 37 তাই ‘একজন বোনে, অপরজন কাটে,’ এই কথাটি সত্য। 38 আমি তোমাদের এমন ফসল সংগ্রহ করতে পাঠিয়েছি, যার জন্য তোমরা পরিশ্রম করোনি। অন্যেরা কঠোর পরিশ্রম করেছে, আর তোমরা তাদের শ্রমের ফসল সংগ্রহ করেছ।” 39 “আমি এতদিন যা করেছি, তিনি তার সবকিছু বলে দিয়েছেন,” নারীটির এই সাক্ষ্যের ফলে সেই নগরের বহু শমরীয় যীশুকে বিশ্বাস করল। 40 তাই শমরীয়েরা তাঁর কাছে এসে তাদের সঙ্গে থাকার জন্য তাঁকে মিনতি করলে, তিনি সেখানে দু-দিন থাকলেন। 41 তাঁর বাণী শুনে আরও অনেকেই তাঁকে বিশ্বাস করল, 42 তারা সেই নারীকে বলল, “শুধু তোমার কথা শুনে এখন আর আমরা বিশ্বাস করছি না, আমরা এখন নিজেরা শুনেছি এবং আমরা জানি যে, এই ব্যক্তিই প্রকৃতপক্ষে জগতের উদ্ধারকর্তা।” 43 দু-দিন পরে তিনি গালীলের উদ্দেশে যাত্রা করলেন। 44 (যীশু স্বয়ং উল্লেখ করেছিলেন যে, ভাববাদী তার নিজের নগরে সম্মানিত হন না।) 45 তিনি গালীলে উপস্থিত হলে গালীলীয়রা তাঁকে স্বাগত জানাল। নিস্তারপর্বের সময় তিনি জেরশালেমে যে সমস্ত কাজ করেছিলেন, তারা তা দেখেছিল, কারণ তারাও সেখানে গিয়েছিল। 46 গালীলের যে কানা নগরে তিনি জলকে দ্রাক্ষারসে ঝুপান্তরিত করেছিলেন, তিনি আর একবার সেখানে গেলেন। সেখানে এক উচ্চপদস্থ রাজকর্মচারী ছিলেন, যাঁর পুত্র কফরনাহুমে অসুস্থ ছিল।

47 তিনি যখন শুনতে পেলেন, যীশু যিহুদিয়া থেকে গালীলে এসেছেন, তিনি যীশুর কাছে গিয়ে অনুনয় করলেন, যেন তিনি এসে তার মৃতপ্রায় পুত্রকে সুস্থ করেন। 48 যীশু তাকে বললেন, “তোমরা চিহ্ন ও বিস্ময়কর কিছু না দেখলে কি কখনোই বিশ্বাস করবে না।” 49 রাজকর্মচারী বললেন, “মহাশয়, আমার ছেলেটির মৃত্যুর পূর্বে আসুন।” 50 যীশু উত্তর দিলেন, “যাও, তোমার ছেলে বেঁচে থাকবে।” সেই ব্যক্তি যীশুর কথা বিশ্বাস করে চলে গেলেন। 51 তিনি তখনও পথে, এমন সময় তার পরিচারকেরা এসে তাকে সংবাদ দিল যে, তার ছেলেটি বেঁচে আছে। 52 “কখন থেকে ছেলেটির অবস্থার উন্নতি ঘটল,” তার এই প্রশ্নের উত্তরে তারা বলল, “গতকাল বেলা একটায় তার জ্বর ছেড়েছে।” 53 বালকটির পিতা তখন বুঝতে পারলেন, ঠিক ওই সময়েই যীশু তাকে বলেছিলেন, “তোমার ছেলে বেঁচে থাকবে।” এর ফলে তিনি ও তার সমস্ত পরিজন বিশ্বাস করলেন। 54 যিহুদিয়া থেকে গালীলে আগমনের পর যীশু এই দ্বিতীয় চিহ্নকাজটি সম্পন্ন করলেন।

**৫** যীশু কিছুদিন পর ইহুদীদের একটি পর্ব উপলক্ষে জেরুশালেমে গেলেন। 2 সেখানে মেষদারের কাছে একটি সরোবর আছে। অরামীয় ভাষায় একে বলা হয় বেথেসদা। পাঁচটি আচ্ছাদিত ঘাট সরোবরটিকে ঘিরে রেখেছিল। 3 সেখানে বহু প্রতিবন্ধী—অঙ্ক, খোঁড়া, পক্ষাঘাতগ্রস্ত লোকেরা শুয়ে থাকত। 4 সময়ে সময়ে প্রভুর এক দৃত সেখানে নেমে আসতেন এবং জল কাঁপাতেন। সেই সময় প্রথম যে ব্যক্তি প্রথমে সরোবরের জলে নামত, সে যে কোনো রাকমের রোগ থেকে মুক্ত হত। 5 সেখানে আটত্রিশ বছরের এক পঙ্গু ব্যক্তি ছিল। 6 যীশু তাকে সেখানে শুয়ে থাকতে দেখে এবং দীর্ঘদিন ধরেই তার এরকম অবস্থা জেনে তাকে জিজ্ঞাসা করলেন, “তুমি কি সুস্থ হতে চাও?” 7 পঙ্গু লোকটি উত্তর দিল, “মহাশয়, জল কেঁপে ওঠার সময় সরোবরের জলে নামতে আমাকে সাহায্য করার মতো কেউ নেই। আমি জলে নামার চেষ্টা করতে করতেই অন্য কেউ আমার আগে নেমে পড়ে।” 8 যীশু তখন তাকে বললেন, “ওঠো, তোমার খাট তুলে নিয়ে চলে যাও।” 9 লোকটি সঙ্গে সঙ্গে সুস্থ হয়ে গেল। সে তার খাট তুলে নিয়ে হাঁটতে

ଲାଗଲ । ସେଦିନ ଏହି ଘଟନା ଘଟେ, ସେଦିନ ଛିଲ ବିଶ୍ରାମଦିନ । 10 ତାଇ,  
ଯେ ଲୋକଟି ରୋଗ ଥେକେ ସୁନ୍ଧର ହେଲାଇଲ, ଇହଦିରା ତାକେ ବଲଲ, “ଆଜ  
ବିଶ୍ରାମଦିନ । ବିଧାନ ଅନୁସାରେ ଆଜ ଶଯ୍ୟ ବସେ ନେଇଯା ତୋମାର ପକ୍ଷେ  
ଅନୁଚିତ ।” 11 କିନ୍ତୁ ସେ ଉତ୍ତର ଦିଲ, “ଯେ ବ୍ୟକ୍ତି ଆମାକେ ସୁନ୍ଧର କରେଛେ,  
ତିନିହି ଆମାକେ ବଲଲେନ, ‘ତୋମାର ବିଛାନା ତୁଲେ ନିଯେ ଚଲେ ଯାଓ ।’” 12  
ଅତ୍ୟବ, ତାରା ତାକେ ଜିଜ୍ଞାସା କରଲ, “ଯେ ତୋମାକେ ବିଛାନା ତୁଲେ ନିଯେ  
ଚଲେ ଯେତେ ବଲେଛେ, ସେ କେ?” 13 ଯେ ଲୋକଟି ସୁନ୍ଧର ହେଲାଇଲ, ଯୀଶୁର  
ବିଷୟେ ତାର କୋନୋ ଧାରଣାଇ ଛିଲ ନା, କାରଣ ଯୀଶୁ ସେଥାନେ ଉପାସିତ  
ସକଳେର ମଧ୍ୟେ ମିଶେ ଗିଯେଛିଲେନ । 14 ପରେ ଯୀଶୁ ତାକେ ମନ୍ଦିରେ ଦେଖିତେ  
ପୋଯେ ବଲଲେନ, “ଦେଖୋ, ତୁମି ଏବାର ସୁନ୍ଧର ହେଁ ଉଠେଛ । ଆର ପାପ କୋରୋ  
ନା, ନା ହଲେ ତୋମାର ଜୀବନେ ଏର ଥେକେଓ ବେଶି ଅମଙ୍ଗଳ ଘଟତେ ପାରେ ।”  
15 ଲୋକଟି ଫିରେ ଗିଯେ ଇହଦିଦେର ବଲଲ ଯେ, ଯୀଶୁ ତାକେ ସୁନ୍ଧର କରେଛେ ।  
16 ଯୀଶୁ ବିଶ୍ରାମଦିନେ ଏହି ସମସ୍ତ କାଜ କରିଛିଲେନ ବଲେ ଇହଦିରା ତାଁକେ  
ତାଡ଼ନା କରଲ ଏବଂ ହତ୍ୟା କରାରେ ଚେଷ୍ଟା କରଲ । 17 ଯୀଶୁ ତାଦେର ବଲଲେନ,  
“ଆମାର ପିତା ନିରନ୍ତର କାଜ କରେ ଚଲେଛେ, ଆର ଆମିଓ କାଜ କରେ  
ଚଲେଛି ।” 18 ଏହି କାରଣେ ଇହଦିରା ତାଁକେ ହତ୍ୟା କରାର ଆପ୍ରାଣ ଚେଷ୍ଟା  
କରଲ, କାରଣ ତିନି ଯେ ଶୁଦ୍ଧ ବିଶ୍ରାମଦିନ ଲଜ୍ଜନ କରିଛିଲେନ, ତା ନଯ, ତିନି  
ଈଶ୍ୱରକେ ତାଁର ପିତା ବଲେଓ ସମ୍ବୋଧନ କରେ ନିଜେକେ ଈଶ୍ୱରର ସମତୁଳ୍ୟ  
କରେଛିଲେନ । 19 ଯୀଶୁ ତାଦେର ଏହି ଉତ୍ତର ଦିଲେନ: “ଆମି ତୋମାଦେର  
ସତିଯିଇ ବଲଛି, ପୁତ୍ର ନିଜେ ଥେକେ କିଛୁଇ କରେନ ନା, କିନ୍ତୁ ପିତାକେ ଯା  
କରତେ ଦେଖିନ, ତିନି କେବଳ ତାଇ କରତେ ପାରେନ, କାରଣ ପିତା ଯା  
କରେନ, ପୁତ୍ରଓ ତାଇ କରେନ । 20 ପିତା ପୁତ୍ରକେ ପ୍ରେମ କରେନ ଏବଂ ତିନି  
ଯା କରେନ, ତା ପୁତ୍ରକେ ଦେଖାନ । ହାଁ, ତୋମରା ଅବାକ ବିସ୍ମୟେ ଦେଖିବେ,  
ତିନି ଏର ଚେଯେଓ ମହ୍ୟ ମହ୍ୟ ବିଷୟ ତାଁକେ ଦେଖାଚେନ । 21 ପିତା ଯେମନ  
ମୃତଦେର ଉଥାପିତ କରେ ଜୀବନ ଦାନ କରେନ, ପୁତ୍ରଓ ତେମନଇ ଯାକେ ଇଚ୍ଛା  
ତାକେ ଜୀବନ ଦାନ କରେନ । 22 ଆର ପିତା କାରଓ ବିଚାର କରେନ ନା,  
କିନ୍ତୁ ସମସ୍ତ ବିଚାରେ ଭାର ପୁତ୍ରର ଉପର ଦିଯେଛେ, 23 ସେଇ ତାରା ଯେମନ  
ପିତାକେ ସମ୍ମାନ କରେ, ତେମନଇ ସକଳେ ପୁତ୍ରକେଓ ସମ୍ମାନ କରେ । ଯେ  
ବ୍ୟକ୍ତି ପୁତ୍ରକେ ସମ୍ମାନ କରେ ନା, ସେ ସେଇ ପିତାକେଓ ସମ୍ମାନ କରେ ନା,

যিনি তাঁকে পাঠিয়েছেন। 24 “আমি তোমাদের সত্যই বলছি, যে  
আমার বাক্য শোনে এবং যিনি আমাকে পাঠিয়েছেন, তাঁকে বিশ্বাস  
করে, সে অনন্ত জীবন লাভ করেছে। সে বিচারে দোষী সাব্যস্ত হবে  
না, কারণ সে মৃত্যু থেকে জীবনে পার হয়েছে। (aiōnios g166) 25

আমি তোমাদের সত্যই বলছি, সময় আসছে, বরং তা এসে গেছে,  
যখন মৃতেরা ঈশ্বর পুত্রের রব শুনতে পাবে; আর যারা শুনবে, তারা  
জীবিত হবে। 26 কারণ পিতার মধ্যে যেমন জীবন আছে, তেমনই  
তিনি পুত্রকেও তাঁর মধ্যে জীবন রাখার অধিকার দিয়েছেন। 27 পিতা  
পুত্রকে বিচার করার অধিকার দিয়েছেন, কারণ তিনি মনুষ্যপুত্র। 28  
“তোমরা একথায় বিস্মিত হোয়ো না, কারণ এমন এক সময় আসছে,  
যখন কবরস্থ লোকেরা সকলে তাঁর কর্তৃপক্ষের শুনবে এবং 29 যারা  
সৎকাজ করেছে, তারা জীবনের পুনরুদ্ধানের জন্য, আর যারা দুর্কর্ম  
করেছে, তারা বিচারের পুনরুদ্ধানের জন্য বের হয়ে আসবে। 30 আমি  
আমার ইচ্ছামতো কিছুই করতে পারি না। আমি যেমন শুনি, কেবল  
তেমনই বিচার করি। আর আমার বিচার ন্যায্য কারণ আমি নিজের  
নয়, কিন্তু যিনি আমাকে পাঠিয়েছেন, তাঁরই ইচ্ছা পালনের চেষ্টা করি।  
31 “আমি যদি নিজের বিষয়ে সাক্ষ্য দিই, তাহলে আমার এই সাক্ষ্য  
সত্য নয়। 32 আর একজন আছেন, যিনি আমার পক্ষে সাক্ষ্য দেন।  
আমি জানি, আমার বিষয়ে তাঁর সাক্ষ্য সত্য। 33 “তোমরা যোহনের  
কাছে লোক পাঠিয়েছিলে। তিনি সত্যের পক্ষেই সাক্ষ্য দিয়েছেন।  
34 আমি যে মানুষের সাক্ষ্য গ্রহণ করি তা নয়, কিন্তু তোমরা যেন  
পরিত্রাণ লাভ করতে পারো, সেজন্য এর উল্লেখ করছি। 35 যোহন  
ছিলেন এক প্রদীপ যিনি জ্যোতি প্রদান করেছিলেন এবং কিছু সময়  
তোমরা তার জ্যোতি উপভোগ করতে চেয়েছিলে। 36 “সেই যোহনের  
সাক্ষ্যের চেয়েও এক গুরুত্বপূর্ণ সাক্ষ্য আমার আছে। পিতা আমাকে  
যে কাজ সম্পাদন করতে দিয়েছেন এবং যে কাজ সম্পূর্ণ করতে আমি  
নিয়োজিত, সেই কাজই সাক্ষ্য দিচ্ছ যে, পিতা আমাকে পাঠিয়েছেন।  
37 পিতা, যিনি আমাকে পাঠিয়েছেন, তিনি স্বয়ং আমার বিষয়ে সাক্ষ্য  
দিয়েছেন। তোমরা কখনও তাঁর স্বর শোনোনি, তাঁর রূপও দেখোনি।

38 তোমাদের মধ্যে তাঁর বাক্য বিরাজ করে না। কারণ তিনি যাঁকে  
পাঠিয়েছেন, তোমরা তাঁকে বিশ্বাস করো না। 39 তোমরা মনোযোগ  
সহকারে শাস্ত্র পাঠ করে থাকো, কারণ তোমরা মনে করো যে, তার  
মাধ্যমেই তোমরা অনন্ত জীবন লাভ করেছ। সেই শাস্ত্র আমারই  
সম্পর্কে সাক্ষ্য দিচ্ছে। (aiōnios g166) 40 তবু তোমরা জীবন পাওয়ার  
জন্য আমার কাছে আসতে চাও না। 41 “মানুষের প্রশংসা আমি গ্রহণ  
করি না। 42 কিন্তু আমি তোমাদের চিনি। আমি জানি, তোমাদের  
হৃদয়ে ঈশ্বরের প্রেম নেই। 43 আমি আমার পিতার নামে এসেছি,  
কিন্তু তোমরা আমাকে গ্রহণ করলে না। অন্য কেউ যদি তার নিজের  
নামে আসে, তোমরা তাকে গ্রহণ করবে। 44 তোমরা যদি পরম্পরের  
কাছ থেকে গৌরবলাভের জন্য সচেষ্ট হও অথচ যে গৌরব কেবলমাত্র  
ঈশ্বরের কাছ থেকে পাওয়া যায়, তা পাওয়ার জন্য যদি কোনো প্রয়াস  
না করো, তাহলে কীভাবে তোমরা বিশ্বাস করতে পারো? 45 “তোমরা  
মনে কোরো না যে, পিতার সামনে আমি তোমাদের অভিযুক্ত করব।  
যার উপর তোমাদের প্রত্যাশা, সেই মোশিই তোমাদের অভিযুক্ত  
করবেন। 46 তোমরা যদি মোশিকে বিশ্বাস করতে, তাহলে আমাকেও  
বিশ্বাস করতে, কারণ তিনি আমারই বিষয়ে লিখেছেন। 47 তার লিখিত  
বাণী তোমরা বিশ্বাস না করলে, আমার মুখের কথা তোমরা কীভাবে  
বিশ্বাস করবে?”

**6** এর কিছুদিন পর, যীশু গালীল সাগরের (অর্থাৎ, টাইবেরিয়াস  
সাগরের) দূরবর্তী তীরে, লম্বালম্বি ভাবে পার হলেন। 2 অসুস্থদের  
ক্ষেত্রে তিনি যে চিহ্নকাজ সাধন করেছিলেন, তার পরিচয় পেয়ে  
অনেক লোক তাঁকে অনুসরণ করল। 3 যীশু তখন শিষ্যদের নিয়ে এক  
পর্বতে উঠলেন ও তাঁদের নিয়ে সেখানে বসলেন। 4 তখন ইহুদিদের  
নিষ্ঠারপর্ব উৎসবের সময় এসে গিয়েছিল। 5 যীশু ঢোক তুলে অনেক  
লোককে তাঁর দিকে এগিয়ে আসতে দেখে ফিলিপকে বললেন, “এসব  
লোককে খাওয়াবার জন্য আমরা কোথা থেকে রঞ্চি কিনব।” 6 তিনি  
তাঁকে শুধু পরীক্ষা করার জন্যই একথা জিজ্ঞাসা করলেন, কারণ তিনি  
যে কি করবেন সে সম্পর্কে ইতিমধ্যেই মনস্থির করে ফেলেছিলেন। 7

ফিলিপ তাঁকে উভর দিলেন, “প্রত্যেকের মুখে কিছু খাবার দেওয়ার  
জন্য আট মাসের বেতনের বিনিময়ে কেনা রূটি ও পর্যাপ্ত হবে না।” 8  
তাঁর অপর একজন শিষ্য, শিমোন পিতরের ভাই, আন্দ্রিয়কে বললেন,  
9 “এখানে একটি ছেলের কাছে যবের পাঁচটি ছোটো রূটি ও দুটি  
ছোটো মাছ আছে। কিন্তু এত লোকের মধ্যে ওতে কী হবে?” 10 যীশু  
বললেন, “লোকদের বসিয়ে দাও।” সেখানে প্রচুর ঘাস ছিল এবং  
প্রায় পাঁচ হাজার পুরুষ বসে পড়ল। 11 তখন যীশু রূটিগুলি নিয়ে  
ধন্যবাদ দিলেন এবং যারা বসেছিলেন তাদের মধ্যে চাহিদামতো  
ভাগ করে দিলেন। মাছগুলি নিয়েও তিনি তাই করলেন। 12 সকলে  
তৃষ্ণি করে খাওয়ার পর যীশু তাঁর শিষ্যদের বললেন, “অবশিষ্ট রূটির  
টুকরোগুলি এক জায়গায় জড়ো করো। কোনো কিছুই যেন নষ্ট না  
হয়।” 13 তাই তাঁরা সেই পাঁচটি যবের রূটির অবশিষ্ট অংশ সংগ্রহ  
করলেন। লোকদের খাওয়ার পর বেঁচে যাওয়া রূটির টুকরোগুলি দিয়ে  
তাঁরা বারোটি ঝুড়ি পূর্ণ করলেন। 14 যীশুর করা এই চিহ্নকাজ দেখে  
লোকেরা বলতে লাগল, “পৃথিবীতে যাঁর আসার কথা, ইনি নিশ্চয়ই  
সেই ভাববাদী।” 15 যীশু বুঝতে পারলেন যে লোকেরা তাঁকে জোর  
করে রাজা করতে চায়, তখন তিনি নিজে একটি পাহাড়ে চলে গেলেন। 17  
সেখানে একটি নৌকায় উঠে তাঁরা সাগরের তীরে নেমে গেলেন। 17  
সেখানে একটি নৌকায় উঠে তাঁরা সাগর পার হয়ে কফরনাহুমের  
উদ্দেশ্যে যাত্রা করলেন। সেই সময় অন্ধকার নেমে এলেও যীশু তখনও  
তাঁদের কাছে ফিরে আসেননি। 18 প্রবল বাতাস বইছিল এবং জলরাশি  
উত্তাল হয়ে উঠেছিল। 19 তাঁরা নৌকা বেয়ে পাঁচ-ছয় কিলোমিটার  
এগিয়ে যাওয়ার পর যীশুকে জলের উপর দিয়ে হেঁটে নৌকার দিকে  
আসতে দেখলেন। তাঁরা ভয় পেলেন। 20 কিন্তু তিনি তাঁদের বললেন,  
“এ আমি, ভয় পেয়ো না।” 21 তখন তাঁরা যীশুকে নৌকায় তুলতে  
আগ্রহী হলেন এবং তাঁরা যেখানে যাচ্ছিলেন নৌকা তাঁদের গন্তব্যস্থলে  
পৌঁছে গেল। 22 পরদিন, সাগরের অপর তীরে যারা থেকে গিয়েছিল,  
তারা বুঝতে পারল যে, আগের দিন সেখানে একটি নৌকা ছাড়া আর  
অন্য নৌকা ছিল না। যীশু শিষ্যদের সঙ্গে সেই নৌকায় ওঠেননি, বরং

শিষ্যেরা নিজেরাই চলে গিয়েছিলেন। 23 প্রভুর ধন্যবাদ দেওয়ার  
পর লোকেরা যেখানে রংটি খেয়েছিল, টাইবেরিয়াস থেকে কয়েকটি  
নৌকা তখন সেই স্থানে এসে পৌঁছাল। 24 যীশু বা তাঁর শিষ্যদের  
কেউই সেখানে নেই বুঝতে পেরে সকলে নৌকায় উঠে যীশুর সন্ধানে  
কফরনাহূমে গেল। 25 সাগরের অপর পারে যীশুকে দেখতে পেয়ে  
তারা জিজ্ঞাসা করল, “রবি, আপনি কখন এখানে এলেন?” 26 যীশু  
উত্তর দিলেন, “আমি তোমাদের সত্যাই বলছি, তোমরা চিহ্নকাজ  
দেখেছিলে বলে যে আমার অন্নেষণ করছ, তা নয়, কিন্তু রংটি খেয়ে  
তৃপ্ত হয়েছিলে বলেই তোমরা আমার অন্নেষণ করছ। 27 যে খাদ্য  
নষ্ট হয়ে যায় তার জন্য নয়, বরং অনন্ত জীবনব্যাপী স্থায়ী খাদ্যের  
জন্য তোমরা পরিশ্রম করো। মনুষ্যপুত্রই তোমাদের সেই খাদ্য দান  
করবেন। পিতা ঈশ্বর তাঁকেই মুদ্রাঙ্কিত করেছেন।” (aiōnios g166) 28  
তারা তখন জিজ্ঞাসা করল, “ঈশ্বরের কাজ করতে হলে আমাদের কী  
করতে হবে?” 29 যীশু উত্তর দিলেন, “ঈশ্বরের কাজ হল এই: তিনি  
যাঁকে পাঠিয়েছেন, তোমরা তাঁকে বিশ্বাস করো।” 30 অতএব, তারা  
জিজ্ঞাসা করল, “আপনাকে বিশ্বাস করতে পারি, এমন কী অলৌকিক  
চিহ্নকাজ আপনি আমাদের দেখাবেন? আপনি কী করবেন? 31 ‘তিনি  
খাবারের জন্য স্বর্গ থেকে তাদের খাদ্য দিয়েছিলেন,’ শাস্ত্রে লিখিত  
এই বচন অনুসারে, আমাদের পূর্বপুরুষেরা মরণপ্রাপ্তরে মাঝা আহার  
করেছিলেন।” 32 যীশু তাদের বললেন, “আমি তোমাদের সত্যাই  
বলছি, মোশি স্বর্গ থেকে তোমাদের সেই খাদ্য দেননি, বরং আমার  
পিতাই স্বর্গ থেকে প্রকৃত খাদ্য দান করেন। 33 কারণ যিনি স্বর্গ থেকে  
নেমে এসে জগৎকে জীবন দান করেন, তিনিই ঈশ্বরীয় খাদ্য।” 34  
তারা বলল, “প্রভু, এখন থেকে সেই খাদ্যই আমাদের দিন।” 35 যীশু  
তখন ঘোষণা করলেন, “আমিই সেই জীবন-খাদ্য। যে আমার কাছে  
আসে, সে কখনও ক্ষুধার্ত হবে না এবং যে আমাকে বিশ্বাস করে, সে  
কোনোদিনই পিপাসিত হবে না। 36 কিন্তু আমি যেমন তোমাদের  
বলেছি, তোমরা আমাকে দেখেছ অথচ এখনও পর্যন্ত আমাকে বিশ্বাস  
করোনি। 37 পিতা যাদের আমাকে দেন, তাদের সবাই আমার কাছে

আসবে, আর যে আমার কাছে আসে, তাকে আমি কখনও তাড়িয়ে  
দেব না। 38 কারণ আমার ইচ্ছা পূরণের জন্য আমি স্বর্গ থেকে আসিনি,  
আমি এসেছি যিনি আমাকে পাঠিয়েছেন, তাঁর ইচ্ছা পূরণের জন্য।  
39 আর যিনি আমাকে পাঠিয়েছেন তাঁর ইচ্ছা এই যে, তিনি যাদের  
আমাকে দিয়েছেন, আমি যেন তাদের একজনকেও না হারাই, কিন্তু  
শেষের দিনে তাদের মৃত্যু থেকে উত্থাপিত করি। 40 কারণ আমার  
পিতার ইচ্ছা এই, পুত্রের দিকে যে দৃষ্টিপাত করে তাঁকে বিশ্বাস করে,  
সে যেন অনন্ত জীবন লাভ করে। আর শেষের দিনে আমি তাকে  
উত্থাপিত করব।” (aiōnios g166) 41 একথায় ইহুদিরা তাঁর বিরচকে  
অসন্তোষ প্রকাশ করতে লাগল, কারণ তিনি বলেছিলেন, “আমিই সেই  
খাদ্য, যা স্বর্গলোক থেকে নেমে এসেছে।” 42 তারা বলল, “এ কি  
যোমেফের পুত্র যীশু নয়, যার বাবা-মা আমাদের পরিচিত? তাহলে কী  
করে ও এখন বলছে, ‘আমি স্বর্গলোক থেকে নেমে এসেছি?’” 43  
প্রত্যন্তের যীশু বললেন, “তোমরা নিজেদের মধ্যে অসন্তোষ দেখিয়ো  
না। 44 পিতা, যিনি আমাকে পাঠিয়েছেন, তিনি আকর্ষণ না করলে  
কেউ আমার কাছে আসতে পারে না, আর শেষের দিনে আমি তাকে  
উত্থাপিত করব। 45 ভাববাদীদের গ্রন্থে লেখা আছে, ‘তারা সবাই  
ঈশ্বরের কাছ থেকে শিক্ষা লাভ করবে।’ পিতার কথায় যে কর্ণপাত করে  
এবং তাঁর কাছে শিক্ষা লাভ করে, সে আমার কাছে আসে। 46 ঈশ্বরের  
কাছ থেকে যিনি এসেছেন, তিনি ব্যতীত আর কেউ পিতার দর্শন লাভ  
করেনি, একমাত্র তিনিই পিতাকে দর্শন করেছেন। 47 আমি তোমাদের  
সত্যই বলছি, যে বিশ্বাস করে, সে অনন্ত জীবন লাভ করেছে। (aiōnios  
g166) 48 আমিই সেই জীবন-খাদ্য। 49 তোমাদের পিতৃপুরুষেরা  
মরুপ্রান্তেরে মাঝে আহার করেছিল, তবুও তাদের মৃত্যু হয়েছিল। 50  
কিন্তু এখানে স্বর্গ থেকে আগত সেই খাদ্য রয়েছে, কোনো মানুষ তা  
গ্রহণ করলে তার মৃত্যু হবে না। 51 আমিই স্বর্গ থেকে নেমে আসা  
সেই জীবন-খাদ্য। যদি কেউ এই খাদ্যগ্রহণ করে, সে চিরজীবী হবে।  
আমার মাংসই এই খাদ্য, যা জগতের জীবন লাভের জন্য আমি দান  
করব।” (aiōn g165) 52 তখন ইহুদিরা নিজেদের মধ্যে তীব্র বাদানুবাদ

শুরু করল, “এই লোকটি কীভাবে আমাদের খাওয়ার জন্য তাঁর মাংস  
দান করতে পারে?” 53 যীশু তাদের বললেন, “আমি তোমাদের সত্যই  
বলছি, তোমরা যদি মনুষ্যপুত্রের মাংস ভোজন এবং তাঁর রক্ত পান না  
করো, তোমাদের মধ্যে জীবন নেই। 54 যে আমার মাংস ভোজন ও  
আমার রক্ত পান করে, সে অনন্ত জীবন লাভ করেছে এবং শেষের দিনে  
আমি তাকে উত্থাপিত করব। (aiōnios g166) 55 কারণ আমার মাংসই  
প্রকৃত খাদ্য এবং আমার রক্তই প্রকৃত পানীয়। 56 যে আমার মাংস  
ভোজন ও আমার রক্ত পান করে, সে আমার মধ্যে থাকে, আর আমি  
তার মধ্যে থাকি। 57 জীবন্ত পিতা যেমন আমাকে পাঠিয়েছেন এবং  
আমি যেমন পিতারই জন্য জীবনধারণ করি, আমাকে যে ভোজন করে,  
সেও তেমনই আমার জন্য জীবনধারণ করবে। 58 এই সেই খাদ্য যা  
স্বর্গলোক থেকে নেমে এসেছে। তোমাদের পিতৃপুরুষেরা মান্না ভোজন  
করেছিল, তাদের মৃত্যু হয়েছে, কিন্তু যে এই খাদ্য ভোজন করে, সে  
চিরকাল জীবিত থাকবে।” (aiōn g165) 59 কফরনাহুমের সমাজভবনে  
শিক্ষা দেওয়ার সময় তিনি এসব কথা বললেন। 60 একথা শুনে তাঁর  
শিষ্যদের মধ্যে অনেকে বললেন, “এ এক কঠিন শিক্ষা। এই শিক্ষা কে  
গ্রহণ করতে পারে?” 61 শিষ্যেরা এ নিয়ে অসন্তোষ প্রকাশ করছে,  
জানতে পেরে যীশু তাদের বললেন, “একথায় কি তোমরা আঘাত  
পেলে? 62 তাহলে, মনুষ্যপুত্র আগে যে স্থানে ছিলেন সেই স্থানে উঞ্জীত  
হতে দেখলে কী বলবে? 63 পবিত্র আত্মাই জীবন দান করেন, মাংস  
কিছু উপকারী নয়। তোমাদের কাছে আমি যেসব কথা বলেছি সেই  
বাক্যই আত্মা এবং জীবন। 64 কিন্তু তোমাদের মধ্যে কেউ কেউ আছে,  
যারা বিশ্বাস করেন না।” কারণ প্রথম থেকেই যীশু জানতেন, তাদের  
মধ্যে কে তাঁকে বিশ্বাস করবে না এবং কে তাঁর সঙ্গে বিশ্বাসঘাতকতা  
করবে। 65 তিনি বলে চললেন, “এই জন্য আমি তোমাদের বলছি,  
পিতার কাছ থেকে সামর্থ্য লাভ না করলে, কেউ আমার কাছে আসতে  
পারে না।” 66 সেই সময় থেকে বহু শিষ্য ফিরে গেল এবং তারা আর  
তাঁকে অনুসরণ করল না। 67 তখন যীশু সেই বারোজন শিষ্যকে  
জিঙ্গাসা করলেন, “তোমরাও কি আমাকে ছেড়ে যেতে চাও?” 68

শিমোন পিতর তাঁকে উত্তর দিলেন, “প্রভু, আমরা কার কাছে যাব?

আপনার কাছেই আছে অনন্ত জীবনের বাক্য। (aiōnios g166) 69 আমরা

বিশ্বাস করি এবং জানি যে, আপনিই ঈশ্বরের সেই পবিত্র ব্যক্তি।” 70

যীশু তখন বললেন, “তোমাদের এই বারোজনকে কি আমি মনোনীত

করিনি? তবুও তোমাদের মধ্যে একজন হচ্ছে এক দিয়াবল।” 71

(একথার দ্বারা তিনি শিমোন ইস্ফারিয়োৎ-এর পুত্র যিহুদার বিষয়ে

ইঙ্গিত করলেন। সে বারোজন শিয়ের অন্যতম হলোও পরবর্তীকালে

যীশুর সঙ্গে বিশ্বাসঘাতকতা করেছিল।)

7 এরপর যীশু গালীল প্রদেশের চতুর্দিকে ঘুরে বেড়াতে লাগলেন,  
ইচ্ছাপূর্বক তিনি যিহুদিয়া থেকে দূরে রইলেন, কারণ সেখানে ইহুদিরা  
তাঁর প্রাণনাশের চেষ্টায় ছিল। 2 কিন্তু ইহুদিদের কুটিরবাস-পর্ব সন্ধিকট  
হলে, 3 যীশুর ভাইয়েরা তাঁকে বলল, “এ স্থান ছেড়ে তোমার যিহুদিয়ায়  
যাওয়া উচিত, যেন তোমার শিয়েরা তোমার অলৌকিক কাজ দেখতে  
পায়। 4 প্রকাশ্যে পরিচিতি লাভ করতে চাইলে কেউ গোপনে কাজ  
করে না। তুমি যখন এই সমস্ত কাজ করছো, তখন নিজেকে জগতের  
সামনে প্রকাশ করো।” 5 এরকম বলার কারণ হল, এমনকি যীশুর  
নিজের ভাইরাও তাঁকে বিশ্বাস করত না। 6 তখন যীশু তাদের বললেন,  
“আমার নিরাপিত সময় এখনও আসেনি, তোমাদের পক্ষে যে কোনো  
সময়ই উপযুক্ত। 7 জগৎ তোমাদের ঘৃণা করতে পারে না, কিন্তু  
আমাকে ঘৃণা করে। কারণ জগৎ যা করে, তা যে মন্দ, তা আমি প্রকাশ  
করে দিই। 8 তোমরাই পর্বে যোগদান করতে যাও। আমি এখনই  
পর্বে যাচ্ছি না, কারণ আমার উপযুক্ত সময় এখনও আসেনি।” 9  
একথা বলে তিনি গালীলেই থেকে গেলেন। 10 কিন্তু তাঁর ভাইয়েরা  
পর্বে চলে গেলে, তিনিও সেখানে গেলেন, তবে প্রকাশ্যে নয়, কিন্তু  
গোপনে। 11 পর্বের সময় ইহুদিরা যীশুর সন্ধান করছিল এবং জিজ্ঞাসা  
করছিল, “সেই ব্যক্তি কোথায়?” 12 ভিড়ের মধ্যে তাঁকে নিয়ে প্রচুর  
গুঞ্জন চলছিল। কেউ কেউ বলল, “তিনি একজন সৎ মানুষ।” অন্যেরা  
বলল, “না, সে মানুষকে ভুল পথে চালনা করছে।” 13 কিন্তু ইহুদিদের  
ভয়ে কেউ তাঁর সম্পর্কে প্রকাশ্যে কোনো কথা বলল না। 14 পর্বের

ମାବାମାର୍ବି ସମୟ, ଯୀଶୁ ମନ୍ଦିର-ପ୍ରାଙ୍ଗଣେ ଗିଯେ ଶିକ୍ଷା ଦିତେ ଲାଗଲେନ ।

15 ଇହଦିରା ବିସିତ ହୁୟେ ଜିଜ୍ଞାସା କରଲ, “ଶିକ୍ଷାଲାଭ ନା କରେଓ ଏହି ମାନୁଷଟି କି କରେ ଏତ ଶାସ୍ତ୍ରଜ ହୁୟେ ଉଠଲ?” 16 ଯୀଶୁ ଉତ୍ତର ଦିଲେନ, “ଏହି ଶିକ୍ଷା ଆମାର ନିଜସ୍ଵ ନୟ । ଯିନି ଆମାକେ ପାଠିଯେଛେନ ତାଁର କାହିଁ ଥେକେଇ ଆମି ଏହି ଶିକ୍ଷା ପେଯେଛି । 17 କେଉ ଯଦି ଈଶ୍ଵରେର ଇଚ୍ଛା ପାଲନ କରତେ ମନସ୍ତିର କରେ, ତାହଲେ ସେ ଉପଲବ୍ଧି କରତେ ପାରବେ, ଆମାର ଏହି ଶିକ୍ଷା ଈଶ୍ଵରେର କାହିଁ ଥେକେ ଏସେହେ, ନା ଆମି ନିଜେ ଥେକେ ବଲେଛି । 18 ଯେ ନିଜେର ଜ୍ଞାନେର କଥା ବଲେ, ସେ ତାର ଗୌରବପ୍ରାପ୍ତିର ଜନ୍ୟଇ ତା କରେ, କିନ୍ତୁ ଯେ ତାର ପ୍ରେରଣକର୍ତ୍ତାର ଗୌରବେର ଜନ୍ୟ କାଜ କରେ, ସେ ସତ୍ୟବାଦୀ ପୁରୁଷ । ତାର ମଧ୍ୟେ କୋନୋ ମିଥ୍ୟାଚାର ନେଇ । 19 ମୋଶି କି ତୋମାଦେର ବିଧାନ ଦେନନି? ତବୁ ତୋମରା ଏକଜନଓ ସେଇ ବିଧାନ ପାଲନ କରୋ ନା । ତୋମରା କେନ ଆମାକେ ହତ୍ୟା କରାର ଚେଷ୍ଟା କରଛ?” 20 ସବ ଲୋକ ଉତ୍ତର ଦିଲ, “ତୋମାକେ ଭୂତେ ପେଯେଛେ । କେ ତୋମାକେ ହତ୍ୟାର ଚେଷ୍ଟା କରଛେ?” 21 ଯୀଶୁ ତାଦେର ବଲଲେନ, “ଆମି ମାତ୍ର ଏକଟି ଅଲୌକିକ କାଜ କରେଛି, ଆର ତା ଦେଖେଇ ତୋମରା ଚମର୍କୁତ ହୁୟେଛିଲେ । 22 ମୋଶି ତୋମାଦେର ସୁନ୍ନତ ପ୍ରଥା ଦିଯେଛିଲେନ ବଲେ (ଯଦିଓ ପ୍ରକୃତପକ୍ଷେ ମୋଶି ତା ଦେନନି, କିନ୍ତୁ ପିତୃପୁରୁଷଦେର ସମୟ ଥେକେ ଏଇ ପ୍ରଥାର ପ୍ରାଚଳନ ଛିଲ), ତୋମରା ବିଶ୍ରାମଦିନେ ଶିଶୁକେ ସୁନ୍ନତ କରି ଯଦି ମୋଶିର ବିଧାନ ଭାଙ୍ଗା ନା ହୁଁ, ତାହଲେ ବିଶ୍ରାମଦିନେ ଏକଟି ମାନୁଷକେ ସମ୍ପୂର୍ଣ୍ଣ ସୁନ୍ଧର କରେଛି ବଲେ ତୋମରା ଆମାର ଉପର କ୍ରୁଦ୍ଧ ହଚ୍ଛୋ କେନ? 24 ଶୁଦ୍ଧ ବାହ୍ୟିକ ବିଷୟ ଦେଖେ ବିଚାର କୋରୋ ନା, ନ୍ୟାୟସଂଗତ ବିଚାର କରୋ ।” 25 ସେଇ ସମୟ ଜେରଣ୍ଣାଲେମେର କିଛୁ ଲୋକ ଜିଜ୍ଞାସା କରତେ ଲାଗଲ, “ଏହି ଲୋକଟିକେଇ କି ତାରା ହତ୍ୟା କରାର ଚେଷ୍ଟା କରଛେନ ନା? 26 ଇନି ତୋ ଏଥାନେ ପ୍ରକାଶ୍ୟେ କଥା ବଲଛେନ, ଅଥଚ ତାରା ତାଁକେ ଏକଟିଓ କଥା ବଲଛେନ ନା । କର୍ତ୍ତପକ୍ଷ କି ସତ୍ୟସତ୍ୟଇ ମେନେ ନିଯେଛେନ ଯେ, ଉନିଇ ସେଇ ଖ୍ରୀଷ୍ଟ? 27 ଯାଇ ହୋକ, ଏହି ବ୍ୟକ୍ତି କୋଥା ଥେକେ ଏସେହେନ ତା ଆମରା ଜାନି, କିନ୍ତୁ ଖ୍ରୀଷ୍ଟ ଏଲେ କେଉ ଜାନବେ ନା ଯେ କୋଥା ଥେକେ ତାଁର ଆଗମନ ହୁୟେଛେ ।” 28 ତାରପର ମନ୍ଦିର-ପ୍ରାଙ୍ଗଣେ ଶିକ୍ଷା ଦେଓୟାର ସମୟ ଯୀଶୁ ଉଚ୍ଚକଟେ ବଲଲେନ, “ଏଟା ଠିକ ଯେ, ତୋମରା ଆମାକେ ଜାନୋ

এবং আমি কোথা থেকে এসেছি, তাও তোমরা জানো। আমি নিজের ইচ্ছানুসারে এখানে আসিনি, কিন্তু যিনি আমাকে পাঠিয়েছেন, তিনি সত্যময়। তোমরা তাঁকে জানো না। 29 কিন্তু আমি তাঁকে জানি, কারণ আমি তাঁরই কাছ থেকে এসেছি এবং তিনিই আমাকে পাঠিয়েছেন।”

30 একথায় তারা তাঁকে বন্দি করতে চেষ্টা করল, কিন্তু কেউ তাঁর গায়ে হাত দিল না, কারণ তাঁর সময় তখনও উপস্থিত হয়নি। 31 কিন্তু লোকদের মধ্যে অনেকেই তাঁর উপর বিশ্বাস স্থাপন করল। তারা বলল, “খ্রীষ্টের আগমন হলে তিনি কি এই লোকটির চেয়ে আরও বেশি চিহ্নকাজ করে দেখাবেন?” 32 ফরিশীরা লোকদিগকে তাঁর সম্পর্কে এসব বিষয়ে কানাকানি করতে শুনল। তখন প্রধান যাজকবর্গ এবং ফরিশীরা তাঁকে গ্রেপ্তার করার জন্য মন্দিরের রক্ষীদের পাঠাল। 33 যীশু বললেন, “আমি তোমাদের সঙ্গে আর অল্পকাল আছি, তারপর যিনি আমাকে পাঠিয়েছেন, আমি তাঁর কাছে ফিরে যাব। 34 তোমরা আমার সন্ধান করবে, কিন্তু পাবে না। আর আমি যেখানে থাকব, তোমরা সেখানে আসতে পারো না।” 35 তখন ইহুদিরা পরম্পর বলাবলি করল, “এই লোকটি এমন কোথায় যেতে চায় যে আমরা তাঁর সন্ধান পাব না? যেখানে গ্রিকদের মধ্যে আমাদের লোকরা বিক্ষিণ্ণ অবস্থায় রয়েছে, ও কি সেখানে গিয়ে গ্রিকদের শিক্ষা দিতে চায়? 36 ‘তোমরা আমাকে খুঁজবে, কিন্তু পাবে না,’ আর, ‘আমি যেখানে থাকব, তোমরা সেখানে আসতে পারো না,’ একথার দ্বারা ও কী বলতে চায়?” 37 পর্বের শেষ ও প্রধান দিনটিতে যীশু দাঁড়িয়ে উচ্চকণ্ঠে বললেন, “কেউ যদি ত্রুটি হয়, সে আমার কাছে এসে পান করুক। 38 আমাকে যে বিশ্বাস করে, শাস্ত্রের বচন অনুসারে, তার অন্তর থেকে জীবন্ত জলের প্রাতোধারা প্রবাহিত হবে।” 39 একথার দ্বারা তিনি সেই পবিত্র আত্মার কথাই বললেন। যারা তাঁকে বিশ্বাস করে, পরবর্তীকালে তারা সেই আত্মা লাভ করবে। যীশু তখনও মহিমাপ্রিত হননি, তাই সেই সময় পর্যন্ত পবিত্র আত্মা প্রদান করা হয়নি। 40 তাঁর একথা শুনে কিছু লোক বলল, “নিশ্চয়ই, এই লোকটিই সেই ভাববাদী।” 41 অন্যেরা বলল, “ইনিই সেই খ্রীষ্ট।” আবার অনেকে জিজ্ঞাসা করল, “গালীল থেকে কি

ঞ্চান্তের আগমন হতে পারে? 42 শাস্ত্র কি একথা বলে না যে, দাউদ  
যেখানে বসবাস করতেন, সেই বেথলেহেম নগরে, দাউদের বংশে  
ঞ্চান্তের আগমন হবে?” 43 এভাবে যীশুকে নিয়ে লোকদের মধ্যে  
মতবিরোধ দেখা দিল। 44 কয়েকজন তাঁকে গ্রেপ্তার করতে চাইলেও  
কেউ তাঁর গায়ে হাত দিল না। 45 মন্দিরের রক্ষীরা অবশেষে প্রধান  
যাজকদের ও ফরিশীদের কাছে ফিরে গেল। তারা তাদের জিজ্ঞাসা  
করল, “তোমরা তাকে ধরে নিয়ে এলে না কেন?” 46 রক্ষীরা বলল,  
“এই লোকটি যেভাবে কথা বলেন, এ পর্যন্ত আর কেউ সেভাবে কথা  
বলেননি।” 47 প্রত্যন্তে ফরিশীরা ব্যঙ্গ করে বলল, “তোমরা বলতে  
চাইছ, লোকটি তোমাদেরও বিভ্রান্ত করেছে। 48 কোনো নেতা বা  
কেনো ফরিশী কি তাকে বিশ্বাস করেছে? 49 না! কিন্তু এই যেসব  
লোক, যারা বিধানের কিছুই জানে না, এরা সকলে অভিশপ্ত।” 50  
তখন নীকদীম, যিনি আগে যীশুর সঙ্গে সাক্ষাৎ করতে গিয়েছিলেন  
এবং যিনি ছিলেন তাদেরই একজন, জিজ্ঞাসা করলেন, 51 “কোনো  
ব্যক্তির কথা প্রথমে না শুনে ও সে কী করে তা না জেনে, তাকে দোষী  
সাব্যস্ত করা কি আমাদের পক্ষে বিধানসংগত?” 52 তারা উত্তর দিল,  
“তুমিও কি গালীলের লোক? শাস্ত্র খুঁজে দেখো, দেখতে পাবে যে,  
গালীল থেকে কোনো ভাববাদীই আসতে পারেন না।” 53 তখন তারা  
প্রত্যেকেই নিজের নিজের ঘরে ফিরে গেল,

**৮** কিন্তু যীশু জলপাই পর্বতে চলে গেলেন। 2 ভোরবেলায় যীশু আবার  
মন্দির-প্রাঙ্গণে উপস্থিত হলেন। সেখানে সমস্ত লোক তাঁর চারপাশে  
সমবেত হলে তিনি বসলেন ও তাদের শিক্ষাদান করলেন। 3 তখন  
শাস্ত্রবিদ এবং ফরিশীরা ব্যভিচারের দায়ে অভিযুক্ত এক নারীকে  
নিয়ে এল। তারা সকলের সামনে তাকে দাঁড় করিয়ে দিয়ে 4 তারা  
যীশুকে বলল, “গুরুমহাশয়, এই স্ত্রীলোকটি ব্যভিচার করার মুহূর্তে  
ধরা পড়েছে। 5 মোশি তাঁর বিধানে এই ধরনের স্ত্রীলোককে পাথর  
মারার আদেশ দিয়েছেন। এখন এ বিষয়ে আপনার অভিমত কী?” 6  
তারা এই প্রশ্নটি ফাঁদ হিসেবে প্রয়োগ করল, যেন যীশুকে অভিযুক্ত  
করার মতো কোনো সূত্র পেতে পারে। কিন্তু যীশু নত হয়ে তাঁর আঙুল

দিয়ে মাটিতে লিখতে লাগলেন। 7 কিন্তু তারা যখন তাঁকে বারবার  
প্রশ্ন করল, তিনি সোজা হয়ে তাদের বললেন, “তোমাদের মধ্যে কেউ  
যদি নিষ্পাপ থাকে, তাহলে প্রথমে সেই তাকে পাথর মারুক,” 8  
বলে তিনি আবার নত হয়ে মাটিতে লিখতে লাগলেন। 9 যারা একথা  
শুনল তারা, প্রবীণ থেকে শুরু করে শেষ ব্যক্তি পর্যন্ত একে একে  
সরে পড়তে লাগল। সেখানে শুধু যীশু রইলেন, আর দাঁড়িয়ে থাকল  
সেই নারী। 10 যীশু সোজা হয়ে তাকে জিজ্ঞাসা করলেন, “নারী,  
ওরা সব গেল কোথায়? কেউ কি তোমাকে দোষী সাব্যস্ত করেনি?”  
11 সে বলল, “একজনও নয়, প্রভু।” যীশু বললেন, “তাহলে আমি ও  
তোমাকে দোষী সাব্যস্ত করি না। এখন যাও, আর কখনও পাপ কোরো  
না।” 12 লোকদের আবার শিক্ষা দেওয়ার সময় যীশু বললেন, “আমি  
জগতের জ্যোতি। যে আমাকে অনুসরণ করে, সে কখনও অন্ধকারে  
পথ চলবে না, বরং সে জীবনের জ্যোতি লাভ করবে।” 13 ফরিশীরা  
তাঁর প্রতিবাদ করে বলল, “তুমি তো নিজের হয়ে নিজেই সাক্ষ্য দিছ,  
তোমার সাক্ষ্য বৈধ নয়।” 14 যীশু উত্তর দিলেন, “নিজের পক্ষে সাক্ষ্য  
দিলেও আমার সাক্ষ্য বৈধ, কারণ আমি কোথা থেকে এসেছি, আর  
কোথায় যাচ্ছি, তা আমি জানি। কিন্তু আমি কোথা থেকে এসেছি বা  
কোথায় যাচ্ছি, সে বিষয়ে তোমাদের কোনো ধারণা নেই। 15 তোমরা  
মানুষের মানদণ্ডে বিচার করো; আমি কারও বিচার করি না। 16 কিন্তু  
যদি আমি বিচার করি, আমার রায় যথার্থ, কারণ আমি একা নই। যিনি  
আমাকে পাঠিয়েছেন, আমার সেই পিতা স্বয়ং আমার সঙ্গে আছেন।  
17 তোমাদের নিজেদের বিধানশাস্ত্রে লেখা আছে যে, দুজন লোকের  
সাক্ষ্য বৈধ। 18 আমার সাক্ষী আমি স্বয়ং, অপর সাক্ষী হলেন পিতা,  
যিনি আমাকে পাঠিয়েছেন।” 19 তারা তখন যীশুকে জিজ্ঞাসা করল,  
“তোমার পিতা কোথায়?” যীশু উত্তর দিলেন, “তোমরা আমাকে বা  
আমার পিতাকে জানো না। যদি তোমরা আমাকে জানতে, তাহলে  
আমার পিতাকেও জানতে।” 20 যেখানে দান উৎসর্গ করা হত, সেই  
স্থানের কাছে মন্দির-প্রাঙ্গণে শিক্ষা দেওয়ার সময়, যীশু এই সমস্ত  
কথা বললেন। তবুও কেউ তাঁকে গ্রেপ্তার করল না, কারণ তাঁর সময়

তখনও আসেনি। 21 যীশু আর একবার তাদের বললেন, “আমি চলে  
যাচ্ছি, আর তোমরা আমাকে খুঁজে বেড়াবে, কিন্তু তোমাদের পাপেই  
তোমাদের মৃত্যু হবে। আমি যেখানে যাচ্ছি, তোমরা সেখানে আসতে  
পারো না?” 22 এর ফলে ইহুদিরা বাধ্য হয়ে জিজ্ঞাসা করল, “ও কি  
আত্মহত্যা করবে? সেই কারণেই ও কি বলছে, ‘আমি যেখানে যাচ্ছি,  
সেখানে তোমরা আসতে পারো না?’” 23 তিনি কিন্তু বলে চললেন,  
“তোমরা মর্তের মানুষ কিন্তু আমি উর্ধ্বর্লোকের। তোমরা এই জগতের,  
আমি এই জগতের নই। 24 সেই কারণেই আমি তোমাদের বলেছি,  
তোমাদের পাপেই তোমাদের মৃত্যু হবে; আমি নিজের বিষয়ে যা  
দাবি করেছি, যে আমিই তিনি, তোমরা তা বিশ্বাস না করলে অবশ্যই  
তোমাদের পাপে তোমাদের মৃত্যু হবে।” 25 তারা জিজ্ঞাসা করল,  
“আপনি কে?” যীশু উত্তর দিলেন, “আমি প্রথম থেকে যা দাবি করে  
আসছি, আমিই সেই। 26 তোমাদের বিষয়ে বিচার করে আমার অনেক  
কিছু বলার আছে। কিন্তু যিনি আমাকে পাঠিয়েছেন, তিনি সত্য। তাঁর  
কাছ থেকে আমি যা শুনেছি, জগৎকে সেকথাই বলি।” 27 তারা বুঝতে  
পারল না যে, যীশু তাদের কাছে তাঁর পিতার বিষয়ে বলছেন। 28 তাই  
যীশু বললেন, “যখন তোমরা মনুষ্যপুত্রকে উঁচুতে স্থাপন করবে, তখন  
জানতে পারবে যে, আমি নিজেকে যা বলে দাবি করি, আমিই সেই।  
আর আমি নিজে থেকে কিছুই করি না, কিন্তু পিতা আমাকে যা শিক্ষা  
দেন, আমি শুধু তাই বলি। 29 যিনি আমাকে পাঠিয়েছেন, তিনি আমার  
সঙ্গেই আছেন। তিনি আমাকে একা ছেড়ে দেননি, কারণ আমি সর্বদা  
তাই করি যা তাঁকে সন্তুষ্ট করে।” 30 তিনি যখন এসব কথা বললেন  
তখন অনেকেই তাঁর উপর বিশ্বাস স্থাপন করল। 31 যে ইহুদিরা তাঁকে  
বিশ্বাস করেছিল, যীশু তাদের বললেন, ‘যদি তোমরা আমার বাকেয়  
অবিচল থাকো, তাহলে তোমরা প্রকৃতই আমার শিষ্য। 32 তখন  
তোমরা সত্যকে জানবে, আর সেই সত্য তোমাদের মুক্ত করবে।’ 33  
তারা তাঁকে বলল, “আমরা অব্রাহামের বংশধর, আমরা কখনও কারও  
দাসত্ত্ব করিনি। তাহলে আপনি কী করে বলছেন, আমরা মুক্ত হব?”  
34 যীশু তাদের উত্তর দিলেন, “আমি তোমাদের সত্যি বলছি, যে ব্যক্তি

পাপ করে, সে পাপেরই দাসত্ব করে। 35 কোনও দাস পরিবারে স্থায়ী  
জায়গা পায় না, কিন্তু পরিবারে পুত্রের স্থান চিরদিনের। (aiōn g165)

36 তাই পুত্র যদি তোমাদের মুক্ত করেন, তাহলেই তোমরা প্রকৃত  
মুক্ত হবে। 37 আমি জানি, তোমরা অব্রাহামের বংশধর, তবু আমার  
বাক্য তোমাদের অন্তরে স্থান পায় না বলে তোমরা আমাকে হত্যা  
করতে উদ্যত হয়েছ। 38 পিতার সাম্মিধ্যে আমি যা দেখেছি, তোমাদের  
তাই বলছি। আর তোমাদের পিতার কাছে তোমরা যা শুনেছ, তোমরা  
তাই করে থাকো।” 39 তারা উত্তর দিল, “অব্রাহাম আমাদের পিতা।”  
যীশু তাদের বললেন, “তোমরা যদি অব্রাহামের সন্তান হতে, তাহলে  
অব্রাহাম যা করেছিলেন, তোমরাও তাই করতে। 40 অথচ, ঈশ্বরের  
কাছ থেকে আমি যে সত্য শুনেছি, তা তোমাদের কাছে প্রকাশ করেছি  
বলে তোমরা আমাকে হত্যা করার জন্য উদ্যত হয়েছ। অব্রাহাম এমন  
সব কাজ করেননি। 41 তোমাদের পিতা যা করে, তোমরা সেসব  
কাজই করছ।” তারা প্রতিবাদ করে বলল, “আমরা অবৈধ সন্তান  
নই। আমাদের একমাত্র পিতা স্বয়ং ঈশ্বর।” 42 যীশু তাদের বললেন,  
“ঈশ্বর যদি তোমাদের পিতা হন তবে তোমরা আমাকে ভালোবাসতে,  
কারণ আমি ঈশ্বরের কাছ থেকেই এখানে এসেছি। আমি নিজের  
ইচ্ছানুসারে আসিনি, কিন্তু তিনি আমাকে পাঠিয়েছেন। 43 আমার  
ভাষা তোমাদের বোধগম্য হচ্ছে না কেন? কারণ তোমরা আমার কথা  
শুনতে অক্ষম। 44 তোমরা তোমাদের পিতা দিয়াবলের আর তোমাদের  
পিতার সব অভিলাষ পূর্ণ করাই তোমাদের ইচ্ছা। প্রথম থেকেই সে  
এক হত্যাকারী। তার মধ্যে সত্যের লেশমাত্র নেই, কারণ সে সত্যনিষ্ঠ  
নয়। সে তার নিজস্ব স্বভাববশেই মিথ্যা বলে, কারণ সে এক মিথ্যাবাদী  
এবং সব মিথ্যার জন্মদাতা। 45 কিন্তু আমি সত্যিকথা বললেও তোমরা  
আমাকে বিশ্বাস করো না। 46 তোমরা কি কেউ আমাকে পাপের দোষী  
বলে প্রমাণ করতে পারো? আমি যদি সত্যি বলি, তাহলে কেন তোমরা  
আমাকে বিশ্বাস করো না? 47 যে ঈশ্বরের আপনজন, সে ঈশ্বরের সব  
কথা শোনে। তোমরা যে শোনো না তার কারণ হল, তোমরা ঈশ্বরের  
আপনজন নও।” 48 উত্তরে ইহুদিরা যীশুকে বলল, “আমরা যে বলি,

তুমি শমরীয় এবং একজন ভৃতগ্রস্ত, তা কি যথার্থ নয়?” 49 যীশু  
বললেন, “আমি ভৃতগ্রস্ত নই, কিন্তু আমি আমার পিতাকে সমাদর করি,  
আর তোমরা আমার অনাদর করো। 50 আমি নিজের গৌরবের খোঁজ  
করি না, কিন্তু একজন আছেন, যিনি তা খোঁজ করেন, তিনিই বিচার  
করবেন। 51 আমি তোমাদের সত্যি বলছি, কেউ যদি আমার বাক্য  
পালন করে, সে কখনও মৃত্যু দেখবে না।” (aiōn g165) 52 কিন্তু একথা  
শুনে ইহুদিরা বলে উঠল, “এখন আমরা জানতে পারলাম যে, তুমি  
ভৃতগ্রস্ত! অব্রাহাম এবং ভাববাদীদেরও মৃত্যু হয়েছে, তবু তুমি বলছ  
যে তোমার বাক্য পালন করে সে কখনও মৃত্যুর আস্বাদ পাবে না।  
(aiōn g165) 53 তুমি কি আমাদের পিতা অব্রাহামের চেয়েও মহান?  
তিনি মৃত্যুবরণ করেছেন, ভাববাদীরাও তাই। তুমি নিজের সম্পর্কে কী  
মনে করো?” 54 যীশু উত্তর দিলেন, “আমি যদি নিজের গৌরব নিজেই  
করতাম, তবে আমার গৌরব মূল্যহীন। আমার পিতা, যাঁকে তোমরা  
নিজেদের ঈশ্বর বলে দাবি করছ, তিনিই আমাকে গৌরব দান করেন।  
55 তোমরা তাঁকে না জানলেও আমি তাঁকে জানি। আমি যদি বলতাম,  
আমি তাঁকে জানি না, তাহলে তোমাদেরই মতো আমি মিথ্যাবাদী  
হতাম। কিন্তু আমি তাঁকে জানি, আর তাঁর বাক্য পালন করি। 56  
আমার দিন দেখার প্রত্যাশায় তোমাদের পিতা অব্রাহাম উল্লিখিত হয়ে  
উঠেছিলেন এবং তা দর্শন করে তিনি আনন্দিত হয়েছেন।” 57 ইহুদিরা  
তাঁকে বলল, “তোমার বয়স পঞ্চাশ বছরও হয়নি, আর তুমি কি না  
অব্রাহামকে দেখেছ!” 58 যীশু উত্তর দিলেন, “আমি তোমাদের সত্যি  
বলছি, অব্রাহামের জন্মের পূর্ব থেকেই আমি আছি।” 59 একথা শুনে  
তারা তাঁকে আঘাত করার জন্য পাথর তুলে নিল। কিন্তু যীশু লুকিয়ে  
পড়লেন এবং সবার অলঙ্ক্ষে মন্দির-প্রাঙ্গণ থেকে চলে গেলেন।

**9** পথ চলতে চলতে যীশু এক জন্মান্ব ব্যক্তিকে দেখতে পেলেন। 2  
তাঁর শিশ্যেরা তাঁকে জিজ্ঞাসা করলেন, “রবি, কার পাপের কারণে এ  
অঙ্গ হয়ে জন্মেছে, নিজের না এর বাবা-মার?” 3 যীশু বললেন, “এই  
ব্যক্তি বা এর বাবা-মা যে পাপ করেছে, তা নয়, কিন্তু এর জীবনে যেন  
ঈশ্বরের কাজ প্রকাশ পায়, তাই এরকম ঘটেছে। 4 যতক্ষণ দিনের

আলো আছে, যিনি আমাকে পাঠিয়েছেন তাঁরই কাজ আমাদের করতে  
হবে। রাত্রি ঘনিয়ে আসছে, তখন কেউ আর কাজ করতে পারে না। 5  
যতক্ষণ আমি জগতে আছি, আমিই এই জগতের জ্যোতি হয়ে আছি।”  
6 একথা বলে, তিনি মাটিতে থুতু ফেললেন এবং সেই লালা দিয়ে কাদা  
তৈরি করে সেই ব্যক্তির চোখে মাখিয়ে দিলেন। 7 তারপর তিনি তকে  
বললেন, “যাও, সিলোয়াম সরোবরে গিয়ে ধুয়ে ফেলো” (সিলোয়াম  
শব্দের অর্থ, প্রেরিত)। তখন সেই ব্যক্তি সেখানে গিয়ে (চোখ) ধুয়ে  
ফেলল এবং দৃষ্টিশক্তি পেয়ে বাঢ়ি ফিরে গেল। 8 তার প্রতিবেশীরা  
এবং যারা তাকে আগে ভিক্ষা করতে দেখেছিল, তারা বলল, “যে ব্যক্তি  
বসে ভিক্ষা করত, এ কি সেই একই ব্যক্তি নয়?” 9 কেউ কেউ বলল  
যে, সেই ব্যক্তিই তো! অন্যেরা বলল, “না, সে তার মতো দেখতে।” সে  
বলল, “আমিই সেই ব্যক্তি।” 10 তারা জানতে চাইল, “তাহলে তোমার  
চোখ কীভাবে খুলে গেল?” 11 উত্তরে সে বলল, “লোকে যাকে যীশু  
বলে, তিনি কিছু কাদা তৈরি করে আমার দু-চোখে মাখিয়ে দিলেন  
এবং আমাকে বললেন, ‘যাও, সিলোয়াম সরোবরে গিয়ে ধুয়ে ফেলো।’  
তাঁর নির্দেশমতো গিয়ে আমি তাই ধুয়ে ফেললাম, আর তারপর থেকে  
আমি দেখতে পাচ্ছি।” 12 তারা তাকে জিজ্ঞাসা করল, “সেই ব্যক্তি  
কোথায়?” সে বলল, “আমি জানি না।” 13 যে অন্ধ ছিল, সেই ব্যক্তিকে  
তারা ফরিশীদের কাছে নিয়ে গেল। 14 যেদিন যীশু কাদা তৈরি করে  
ব্যক্তির চোখ খুলে দিয়েছিলেন, সেই দিনটি ছিল বিশ্রামদিন। 15 তাই  
ফরিশীরাও তাকে জিজ্ঞাসা করল, কীভাবে সে দৃষ্টিশক্তি লাভ করেছে।  
সে উত্তর দিল, “তিনি আমার চোখদুটিতে কাদা মাখিয়ে দিলেন। আমি  
ধুয়ে ফেললাম, আর এখন আমি দেখতে পাচ্ছি।” 16 ফরিশীদের মধ্যে  
কেউ কেউ বলল, “এই লোকটি সৌন্দর্যের কাছ থেকে আসেনি, কারণ সে  
বিশ্রামদিন পালন করে না।” অন্য ফরিশীরা বলল, “যে পাপী, সে কী  
করে এমন চিহ্নকাজ করতে পারে?” এইভাবে তাদের মধ্যে মতভেদ  
দেখা দিল। 17 অবশ্যে তারা অন্ধ ব্যক্তির দিকে ফিরে তাকে আবার  
জিজ্ঞাসা করল, “যে তোমার চোখ খুলে দিয়েছে তার বিষয়ে তোমার  
কী বলার আছে?” সে উত্তর দিল, “তিনি একজন ভাববাদী।” 18 তার

বাবা-মাকে ডেকে না আনা পর্যন্ত ইহুদিরা বিশ্বাসই করতে পারল না  
যে, সে অঙ্গ ছিল এবং সে দৃষ্টিশক্তি লাভ করেছে। 19 তারা জিজ্ঞাসা  
করল, “এ কি তোমাদেরই ছেলে? এর বিষয়েই কি তোমরা বলো যে,  
এ অঙ্গ হয়েই জন্মগ্রহণ করেছিল? তাহলে এখন কী করে ও দেখতে  
পাচ্ছ?” 20 তার বাবা-মা উত্তর দিল, “আমরা জানি ও আমাদের  
ছেলে, আর আমরা এও জানি যে, ও অঙ্গ হয়েই জন্মগ্রহণ করেছিল।  
21 কিন্তু এখন ও কীভাবে দেখতে পাচ্ছ বা কে ওর চোখ খুলে দিয়েছে,  
আমরা তা জানি না। আপনারা ওকেই জিজ্ঞাসা করুন। ও সাবালক,  
তাই ওর কথা ও নিজেই বলবে।” 22 তার বাবা-মা ইহুদিদের ভয়ে  
একথা বলল, কারণ ইহুদিরা ইতিমধ্যেই সিদ্ধান্ত নিয়েছিল, যীশুকে যে  
ঝীষ্ট বলে স্বীকার করবে, সমাজভবন থেকে তাড়িয়ে দেওয়া হবে। 23  
সেইজন্য তার বাবা-মা বলল, “ও সাবালক, তাই ওকেই জিজ্ঞাসা  
করুন।” 24 যে আগে অঙ্গ ছিল, সেই ব্যক্তিকে তারা দ্বিতীয়বার ডেকে  
এনে বলল, “ঈশ্বরকে গৌরব প্রদান করো। আমরা জানি, সেই ব্যক্তি  
একজন পাপী।” 25 সে উত্তর দিল, “তিনি পাপী, কি পাপী নন, তা  
আমি জানি না। আমি একটি বিষয় জানি, আমি আগে অঙ্গ ছিলাম,  
কিন্তু এখন দেখতে পাচ্ছি।” 26 তারা তখন তাকে জিজ্ঞাসা করল, “সে  
তোমার প্রতি কী করেছিল? সে কী করে তোমার চোখ খুলে দিল?”  
27 সে উত্তর দিল, “আমি এর আগেই সেকথা আপনাদের বলেছি,  
কিন্তু আপনারা তা শোনেননি। আপনারা আবার তা শুনতে চাইছেন  
কেন? আপনারাও কি তাঁর শিষ্য হতে চান?” 28 তারা তাকে গালাগাল  
দিয়ে অপমান করে বলল, “তুই ওই লোকটির শিষ্য! আমরা মোশির  
শিষ্য। 29 আমরা জানি, ঈশ্বর মোশির সঙ্গে কথা বলেছিলেন, কিন্তু  
এই লোকটির আগমন কোথা থেকে হল তা আমরা জানি না।” 30 সে  
উত্তর দিল, “সেটাই তো আশ্চর্যের কথা! আপনারা জানেন না তিনি  
কোথা থেকে এলেন, অথচ তিনিই আমার দু-চোখ খুলে দিলেন। 31  
আমরা জানি, ঈশ্বর পাপীদের কথা শোনেন না। যারা ঈশ্বরভক্ত ও  
তাঁর ইচ্ছা পালন করে, তিনি তাদেরই কথা শোনেন। 32 জন্মান্ত  
ব্যক্তির চোখ কেউ খুলে দিয়েছে, একথা কেউ কখনও শোনেনি। (aiōn

g165) 33 সেই ব্যক্তির আগমন ঈশ্বরের কাছ থেকে না হলে, কোনো  
কিছুই তিনি করতে পারতেন না।” 34 একথা শুনে তারা বলল, “তোর  
জন্ম পাপেই হয়েছে, তুই কী করে আমাদের শিক্ষা দেওয়ার সাহস  
পেলি?” আর তারা তাকে সমাজ থেকে বের করে দিল। 35 যীশু শুনতে  
পেলেন তারা লোকটিকে বের করে দিয়েছে। তিনি তাকে যখন দেখতে  
পেলেন, তিনি বললেন, “তুমি কি মনুষ্যপুত্রে বিশ্বাস করো?” 36 সেই  
ব্যক্তি জিজ্ঞাসা করল, “প্রভু তিনি কে? আমাকে বলুন, আমি যেন  
তাঁকে বিশ্বাস করতে পারি।” 37 যীশু বললেন, “তুমি তাঁকে দেখেছ।  
প্রকৃতপক্ষে, তিনিই তোমার সঙ্গে কথা বলছেন।” 38 “প্রভু, আমি  
বিশ্বাস করি,” একথা বলে সে তাঁকে প্রণাম করল। 39 যীশু বললেন,  
“বিচার করতেই আমি এ জগতে এসেছি, যেন দৃষ্টিহীনরা দেখতে পায়  
এবং যারা দেখতে পায়, তারা দৃষ্টিহীন হয়।” 40 তাঁর সঙ্গী কয়েকজন  
ফরিশী তাঁকে একথা বলতে শুনে জিজ্ঞাসা করল, “কী হল? আমরাও  
অন্ধ নাকি?” 41 যীশু বললেন, “তোমরা অন্ধ হলে তোমাদের পাপের  
জন্য অপরাধী হতে না; কিন্তু তোমরা নিজেদের দেখতে পাও বলে  
দাবি করছ, তাই তোমাদের অপরাধ রয়ে গেল।”

**10** পরে যীশু বললেন, “আমি তোমাদের সত্যি বলছি, যে ব্যক্তি সদর  
দরজা দিয়ে মেষদের খোঁয়াড়ে প্রবেশ না করে অন্য কোনো দিক দিয়ে  
ডিঙিয়ে আসে, সে চোর ও দস্য। 2 যে সদর দরজা দিয়ে প্রবেশ করে,  
সেই তার মেষদের পালক। 3 পাহারাদার তার জন্য দরজা খুলে দেয়  
এবং মেষ তার গলার স্বর শোনে। সে নিজের মেষদের নাম ধরে ডেকে  
তাদের বাইরে নিয়ে যায়। 4 নিজের সব মেষকে বাইরে নিয়ে এসে সে  
তাদের সামনে সামনে এগিয়ে চলে। তার মেষেরা তাকে অনুসরণ  
করে, কারণ তারা তার কণ্ঠস্বর চেনে। 5 কিন্তু তারা কখনও কোনো  
অপরিচিত ব্যক্তিকে অনুসরণ করবে না; বরং, তারা তার কাছ থেকে  
ছুটে পালাবে, কারণ অপরিচিত লোকের গলার স্বর তারা চেনে না।” 6  
যীশু এই রূপকটি ব্যবহার করলেন, কিন্তু তিনি তাদের কী বললেন,  
তারা তা বুঝতে পারল না। 7 তাই যীশু তাদের আবার বললেন, “আমি  
তোমাদের সত্যি বলছি, আমিই মেষদের দ্বার। 8 যারা আমার আগে

এসেছিল, তারা সবাই ছিল চোর ও দস্যু, তাই মেঘেরা তাদের ডাকে  
কান দেয়নি। ৭ আমিই দ্বার, আমার মধ্য দিয়ে যে প্রবেশ করবে, সে  
রক্ষা পাবে। সে ভিতরে আসবে ও বাইরে যাবে, আর চারণভূমির  
সন্ধান পাবে। ১০ চোর আসে কেবল চুরি, হত্যা ও ধ্বংস করতে,  
কিন্তু আমি এসেছি যেন তারা জীবন পায় এবং তা পূর্ণরূপেই পায়।  
১১ “আমিই উৎকৃষ্ট মেষপালক। উৎকৃষ্ট মেষপালক মেষদের জন্য  
তাঁর প্রাণ সমর্পণ করেন। ১২ বেতনজীবী লোক মেষপালক নয়, সে  
মেষপালের মালিকও নয়। তাই সে নেকড়ে বাঘকে আসতে দেখে,  
মেষদের ছেড়ে পালিয়ে যায়। নেকড়ে তখন মেষপালকে আক্রমণ  
করে ছিন্নভিন্ন করে দেয়। ১৩ বেতনজীবী বলেই সে পালিয়ে যায়,  
মেষপালের জন্য কোনো চিন্তা করে না। ১৪ “আমিই উৎকৃষ্ট মেষপালক,  
আমার মেষদের আমি জানি ও আমার নিজেরা আমাকে জানে— ১৫  
যেমন পিতা আমাকে জানেন ও আমি পিতাকে জানি—আর মেষদের  
জন্য আমি আমার প্রাণ সমর্পণ করি। ১৬ এই খোঁয়াড়ের বাইরেও  
আমার অন্য মেষ আছে। তারা আমার কঠস্বর শুনবে। তখন একটি  
পাল এবং একজন পালক হবে। ১৭ আমার পিতা এজন্য আমাকে প্রেম  
করেন, কারণ আমি আমার প্রাণ সমর্পণ করি, যেন আবার তা পুনরায়  
গ্রহণ করি। ১৮ কেউ আমার কাছ থেকে তা কেড়ে নিতে পারে না।  
আমি স্বেচ্ছায় আমার প্রাণ সমর্পণ করি। সমর্পণ করার অধিকার এবং  
তা ফিরে পাওয়ারও অধিকার আমার আছে। আমার পিতার কাছ থেকে  
আমি এই আদেশ লাভ করেছি।” ১৯ একথায় ইহুদিদের মধ্যে আবার  
মতভেদ দেখা দিল। ২০ তাদের অনেকেই বলল, “ওকে ভূতে পেয়েছে;  
তাই ও পাগলের মতো কথা বলছে। ওর কথা শুনছ কেন?” ২১ কিন্তু  
অন্যেরা বলল, “এসব কথা তো ভূতের পাওয়া লোকের নয়! ভূত কি  
অন্ধদের চোখ খুলে দিতে পারে?” ২২ এরপর জেরুশালেমে মন্দির-  
উৎসর্গের পর্ব এসে গেল। তখন শীতকাল। ২৩ যীশু মন্দির চতুরে  
শলোমনের বারান্দায় হেঁটে বেড়াচ্ছিলেন। ২৪ ইহুদিরা তাঁকে ঘিরে  
ধরে বলল, “আর কত দিন তুমি আমাদের অনিশ্চয়তার মধ্যে রাখবে?  
তুমি যদি খ্রীষ্ট হও, সেকথা আমাদের স্পষ্ট করে বলো!” ২৫ উভরে

যীশু বললেন, “আমি বলা সত্ত্বেও তোমরা বিশ্বাস করোনি। আমার  
পিতার নামে সম্পাদিত অলৌকিক কাজই আমার পরিচয় বহন করে।  
২৬ কিন্তু তোমরা তা বিশ্বাস করো না, কারণ তোমরা আমার পালের  
মেষ নও। ২৭ আমার মেষেরা আমার কষ্টস্বর শোনে, আমি তাদের  
জানি, আর তারা আমাকে অনুসরণ করে। ২৮ আমি তাদের অনন্ত  
জীবন দান করি; তারা কোনোদিনই বিনষ্ট হবে না। আর কেউ তাদের  
আমার হাত থেকে কেড়ে নিতে পারবে না। (aiōn g165, aiōnios g166)

২৯ আমার পিতা, যিনি তাদের আমাকে দিয়েছেন, তিনি সবার চেয়ে  
মহান। আমার পিতার হাত থেকে কেউ তাদের কেড়ে নিতে পারে না।  
৩০ আমি ও পিতা, আমরা এক।” ৩১ ইহুদিরা তাঁকে আবার পাথর  
ছুঁড়ে মারার জন্য পাথর তুলে নিল। ৩২ কিন্তু যীশু তাদের বললেন,  
“পিতার দেওয়া শক্তিতে আমি তোমাদের অনেক মহৎ অলৌকিক  
কাজ দেখিয়েছি। সেগুলির মধ্যে কোনটির জন্য তোমরা আমাকে পাথর  
মারতে চাইছ?” ৩৩ ইহুদিরা বলল, “এসব কোনো কারণের জন্যই নয়,  
কিন্তু ঈশ্বরনিদার জন্য আমরা তোমাকে পাথর মারতে উদ্যত হয়েছি,  
কারণ তুমি একজন সামান্য মানুষ হয়েও নিজেকে ঈশ্বর বলে দাবি  
করছ।” ৩৪ যীশু তাদের বললেন, “তোমাদের বিধানপুস্তকে কি লেখা  
নেই, ‘আমি বলেছি, তোমরা “ঈশ্বর”?’ ৩৫ যাদের কাছে ঈশ্বরের বাক্য  
প্রকাশিত হয়েছিল, তিনি যদি তাদের ‘ঈশ্বর’ নামে অভিহিত করে  
থাকেন—এবং শাস্ত্রের তো পরিবর্তন হতে পারে না— ৩৬ তাহলে  
পিতা যাকে তাঁর আপনজনরপে পৃথক করে জগতে পাঠিয়েছেন, তাঁর  
বিষয়ে কী বলবে? তবে ‘আমি ঈশ্বরের পুত্র,’ একথা বলার জন্য কেন  
তোমরা আমাকে ঈশ্বরনিদার অভিযোগে অভিযুক্ত করছ? ৩৭ আমার  
পিতা যা করেন, আমি যদি সে কাজ না করি, তাহলে তোমরা আমাকে  
বিশ্বাস কোরো না। ৩৮ কিন্তু আমি যদি তা করি, তোমরা আমাকে  
বিশ্বাস না করলেও, সেই অলৌকিক কাজগুলিকে বিশ্বাস করো, যেন  
তোমরা জানতে ও বুঝতে পারো যে, পিতা আমার মধ্যে ও আমি  
পিতার মধ্যে আছি।” ৩৯ তারা আবার তাঁকে বন্দি করার চেষ্টা করল,  
কিন্তু তিনি তাদের কবল এড়িয়ে গেলেন। ৪০ এরপর যীশু জর্জন নদীর

অপর পারে ফিরে গেলেন, যেখানে যোহন আগে লোকদের বাস্তিষ্ম  
দিতেন। তিনি সেখানে থেকে গেলেন এবং বহু লোক তাঁর কাছে এল।

41 তারা বলল, “যোহন কখনও চিহ্নিকাজ সম্পাদন না করলেও, এই  
মানুষটির বিষয়ে তিনি যথার্থ কথাই বলেছেন।” 42 সেখানে বহু মানুষ  
যীশুতে বিশ্বাস স্থাপন করল।

**11** লাসার নামে এক ব্যক্তি পীড়িত ছিলেন। তিনি ছিলেন বেথানি  
গ্রামের অধিবাসী, যেখানে মরিয়ম ও তার বোন মার্থা বসবাস করতেন।  
2 এই মরিয়মই প্রভুর উপরে সুগন্ধিন্দ্রিয় ঢেলে তাঁর চুল দিয়ে প্রভুর  
পা-দুটি মুছিয়ে দিয়েছিলেন। তাঁরই ভাই লাসার সেই সময় অসুস্থ  
হয়ে পড়েছিলেন। 3 দুই বোন তাই যীশুর কাছে সংবাদ পাঠালেন,  
“প্রভু আপনি যাকে প্রেম করেন, সে অসুস্থ হয়ে পড়ছে।” 4 একথা  
শুনে যীশু বললেন, “এই অসুস্থতা মৃত্যুর জন্য হয়নি, কিন্তু ঈশ্বরের  
মহিমা প্রকাশের জন্য এককম হয়েছে, যেন ঈশ্বরের পুত্র এর মাধ্যমে  
গৌরবান্বিত হন।” 5 মার্থা, তাঁর বোন ও লাসারকে যীশু প্রেম করতেন।  
6 তবুও লাসারের অসুস্থতার কথা শুনে তিনি যেখানে ছিলেন, সেখানেই  
আরও দু-দিন রইলেন। 7 এরপর তিনি তাঁর শিষ্যদের বললেন, “চলো,  
আমরা যিহুদিয়ায় ফিরে যাই।” 8 তাঁর শিষ্যেরা বললেন, “কিন্তু রবি,  
কিছু সময় আগেই তো ইহুদিরা আপনাকে পাথর মারার চেষ্টা করেছিল,  
তবুও আপনি সেখানে ফিরে যেতে চাইছেন?” 9 যীশু উত্তর দিলেন,  
“দিনের আলোর স্থায়িত্ব কি বারো ঘণ্টা নয়? যে মানুষ দিনের আলোয়  
পথ চলে, সে হোঁচ্ট খাবে না। কারণ এই জগতের আলোতেই সে  
দেখতে পায়। 10 কিন্তু রাতে যখন সে পথ চলে, তখন সে হোঁচ্ট  
খায়, কারণ তার কাছে আলো থাকে না।” 11 একথা বলার পর তিনি  
তাঁদের বললেন, “আমাদের বন্ধু লাসার ঘুমিয়ে পড়েছে। কিন্তু তাকে  
জাগিয়ে তুলতে আমি সেখানে যাচ্ছি।” 12 তাঁর শিষ্যেরা বললেন,  
“প্রভু, সে যদি ঘুমিয়ে পড়েছে, তাহলে সে সুস্থ হয়ে উঠবে।” 13  
যীশু তাঁর মৃত্যুর বিষয়ে বলছিলেন, কিন্তু তাঁর শিষ্যেরা ভাবলেন,  
তিনি স্বাভাবিক ঘুমের কথা বলছেন। 14 তাই তিনি তাঁদের স্পষ্টভাবে  
বললেন, “লাসারের মৃত্যু হয়েছে। 15 তোমাদের কথা ভেবে আমি

আনন্দিত যে, আমি তখন সেখানে ছিলাম না, যেন তোমরা বিশ্বাস  
করতে পারো। চলো, আমরা তার কাছে যাই।” 16 তখন থোমা, যিনি  
দিদুমঃ (যমজ) নামে আখ্যাত, অন্যান্য শিষ্যদের বললেন, “চলো,  
আমরাও যাই, যেন তাঁর সঙ্গে মৃত্যবরণ করতে পারি।” 17 সেখানে  
এসে যীশু দেখলেন যে, চারদিন যাবৎ লাসার সমাধির মধ্যে আছেন।  
18 বেথানি থেকে জেরুশালেমের দূরত্ব প্রায় তিনি কিলোমিটার। 19  
আর মার্থা ও মরিয়মের ভাইয়ের মৃত্য হওয়ায় তাঁদের সান্ত্বনা দেওয়ার  
জন্য জেরুশালেম থেকে অনেক ইহুদি তাঁদের কাছে এসেছিল। 20  
যীশুর আসার কথা শুনতে পেয়ে মার্থা তাঁর সঙ্গে দেখা করতে গেলেন,  
কিন্তু মরিয়ম ঘরেই রইলেন। 21 মার্থা যীশুকে বললেন, “প্রভু, আপনি  
এখানে উপস্থিত থাকলে আমার ভাইয়ের মৃত্য হত না। 22 কিন্তু আমি  
জানি, আপনি ঈশ্বরের কাছে যা চাইবেন, তিনি আপনাকে এখনও  
তাই দেবেন।” 23 যীশু তাঁকে বললেন, “তোমার ভাই আবার জীবিত  
হবে।” 24 মার্থা উত্তর দিলেন, “আমি জানি, শেষের দিনে, পুনরুত্থানের  
সময়, সে আবার জীবিত হবে।” 25 যীশু তাঁকে বললেন, “আমিই  
পুনরুত্থান ও জীবন। যে আমাকে বিশ্বাস করে, তার মৃত্য হলেও সে  
জীবিত থাকবে। 26 আর যে জীবিত এবং আমাকে বিশ্বাস করে, তার  
মৃত্য কখনও হবে না। তুমি কি একথা বিশ্বাস করো?” (aiōn g165) 27  
তিনি তাঁকে বললেন, “হ্যাঁ প্রভু, আমি বিশ্বাস করি যে, জগতে যাঁর  
আগমনের সময় হয়েছিল, আপনিই সেই মশীহ, ঈশ্বরের পুত্র।” 28  
একথা বলে তিনি ফিরে গিয়ে তাঁর বোন মরিয়মকে একান্তে ডেকে  
বললেন, “গুরুমহাশয় এখানে এসেছেন, তিনি তোমাকে ডাকছেন।”  
29 একথা শুনে মরিয়ম তাড়াতাড়ি উঠে তাঁর কাছে গেলেন। 30  
যীশু তখনও গ্রামে প্রবেশ করেননি, মার্থার সঙ্গে তাঁর যেখানে দেখা  
হয়েছিল, তিনি তখনও সেখানেই ছিলেন। 31 যে ইহুদিরা মরিয়মকে  
তাঁর বাড়িতে এসে সান্ত্বনা দিচ্ছিল, তাঁকে তাড়াতাড়ি উঠে বাইরে  
যেতে দেখে তারা মনে করল, তিনি বোধহয় সমাধিস্থানে দুঃখে কাঁদতে  
যাচ্ছেন। তাই তারা তাকে অনুসরণ করল। 32 যীশু যেখানে ছিলেন,  
মরিয়ম সেখানে পৌঁছে তাঁকে দেখতে পেলেন। তিনি তাঁর পায়ে লুটিয়ে

পড়ে বললেন, “প্রভু, আপনি এখানে উপস্থিত থাকলে আমার ভাইয়ের  
মৃত্যু হত না।” 33 মরিয়মকে এবং তাঁর অনুসরণকারী ইহুদিদের  
কাঁদতে দেখে, যীশু আত্মায় গভীরভাবে বিচলিত ও উদ্বিগ্ন হলেন।  
তিনি জিজ্ঞাসা করলেন, 34 “তোমরা তাকে কোথায় রেখেছ?” তাঁরা  
উত্তর দিল, “প্রভু, দেখবেন আসুন।” 35 যীশু কাঁদলেন। 36 তখন  
ইহুদিরা বলল, “দেখো, তিনি তাঁকে কত ভালোবাসতেন!” 37 কিন্তু  
তাদের মধ্যে কয়েকজন বলল, “যিনি সেই অন্ধ ব্যক্তির চোখ খুলে  
দিয়েছিলেন, তিনি কি সেই ব্যক্তিকে মৃত্যু থেকে রক্ষা করতে পারতেন  
না?” 38 যীশু আবার গভীরভাবে বিচলিত হয়ে সমাধির কাছে উপস্থিত  
হলেন। সেটি ছিল একটি গুহা, তার প্রবেশপথে একটি পাথর রাখা  
ছিল। 39 তিনি বললেন, “পাথরটি সরিয়ে দাও।” মৃত ব্যক্তির বোন  
মার্থা বললেন, “কিন্তু প্রভু, চারদিন হল সে সেখানে আছে। এখন  
সেখানে দুর্গম্ব হবে।” 40 যীশু তখন বললেন, “আমি কি তোমাকে  
বলিনি যে, যদি তুমি বিশ্বাস করো, তাহলে ঈশ্বরের মহিমা দেখতে  
পাবে?” 41 তারা তখন পাথরটি সরিয়ে দিল। যীশু তারপর আকাশের  
দিকে দৃষ্টি দিয়ে বললেন, “পিতা, আমার প্রার্থনা শুনেছ বলে তোমায়  
ধন্যবাদ দিই।” 42 আমি জানতাম, তুমি নিয়ত আমার কথা শোনো,  
কিন্তু এখানে যারা দাঁড়িয়ে আছে, তাদের উপকারের জন্য একথা  
বলছি। তারা যেন বিশ্বাস করে যে তুমি আমাকে পাঠিয়েছ,” 43 একথা  
বলে যীশু উচ্চকণ্ঠে ডাক দিলেন, “লাসার, বেরিয়ে এসো!” 44 সেই  
মৃত ব্যক্তি বেরিয়ে এলেন। তাঁর হাত ও পালিনেন কাপড়ের ফালিতে  
জড়ানো ছিল, তার মুখ ছিল কাপড়ে ঢাকা। যীশু তাদের বললেন,  
“ওর বাঁধন খুলে ওকে যেতে দাও।” 45 তখন ইহুদিদের অনেকে  
যারা মরিয়মের সঙ্গে দেখা করতে এসেছিল, তারা যীশুকে এই কাজ  
করতে দেখে তাঁকে বিশ্বাস করল। 46 কিন্তু তাদের মধ্যে কয়েকজন  
ফরিশীদের কাছে গিয়ে যীশুর সেই অলৌকিক কাজের কথা জানাল।  
47 তখন প্রধান যাজকবর্গ ও ফরিশীরা মহাসভার এক অধিবেশন  
আহ্লান করল। তারা জিজ্ঞাসা করল, “আমরা কী করছি? এই লোকটি  
তো বহু চিহ্নকাজ করে যাচ্ছে।” 48 আমরা যদি ওকে এভাবে চলতে

দিই, তাহলে প্রত্যক্ষেই ওকে বিশ্বাস করবে। তখন রোমীয়রা এসে আমাদের স্থান ও জাতি উভয়ই ধ্বংস করবে।” 49 তখন তাদের মধ্যে কায়াফা নামে এক ব্যক্তি, যিনি সে বছরের মহাযাজক ছিলেন, বললেন, “তোমরা কিছুই জানো না, 50 তোমরা বুঝতে পারছ না যে, সমগ্র জাতি বিনষ্ট হওয়ার চেয়ে বরং প্রজাদের মধ্যে একজন মানুষের মৃত্যু শ্রেয়।” 51 তিনি নিজের থেকে একথা বলেননি, কিন্তু সেই বছরের মহাযাজকরপে ভবিষ্যদ্বাণী করলেন যে, ইহুদি জাতির জন্য যীশু মৃত্যুবরণ করবেন 52 এবং শুধুমাত্র সেই জাতির জন্য নয়, কিন্তু ঈশ্বরের যেসব সন্তান ছিন্নভিন্ন হয়েছিল, তাদের সংগ্রহ করে এক করার জন্যও তিনি মৃত্যুবরণ করবেন। 53 তাই সেদিন থেকে তারা যীশুকে হত্যা করার জন্য ঘড়্যন্ত করতে লাগল। 54 সেই কারণে যীশু এরপর ইহুদিদের মধ্যে আর প্রকাশ্যে ঘোরাফেরা করলেন না। পরিবর্তে, তিনি মরহ-অঞ্চলের নিকটবর্তী ইফ্রায়িম নামক এক গ্রামে চলে গেলেন। সেখানে তিনি তাঁর শিষ্যদের সঙ্গে থাকলেন। 55 ইহুদিদের নিষ্ঠারপর্বের সময় প্রায় এসে গেল; নিষ্ঠারপর্বের আগে আনুষ্ঠানিক শুন্দকরণের জন্য বহু লোক গ্রামাঞ্চল থেকে জেরুশালেমে গেল। 56 তারা যীশুর সন্দান করতে লাগল এবং মন্দির চতুরে দাঁড়িয়ে পরম্পরাকে জিজ্ঞাসা করতে লাগল, “তোমাদের কী মনে হয়, তিনি কি পর্বে আসবেন না?” 57 কিন্তু প্রধান যাজকবর্গ ও ফরিশীরা আদেশ জারি করেছিল যে, কেউ যদি কোথাও যীশুর সন্দান পায়, তাহলে যেন সেই সংবাদ জানায়, যেন তারা যীশুকে গ্রেঞ্জার করতে পারে।

**12** নিষ্ঠারপর্বের ছয় দিন আগে যীশু বেথানিতে উপস্থিত হলেন। যীশু যাকে মৃতলোক থেকে উখাপিত করেছিলেন, সেই লাসারের বাড়ি সেখানে ছিল। 2 সেখানে যীশুর সম্মানে এক ভোজসভার আয়োজন করা হয়েছিল। মার্থা পরিবেশন করছিলেন, আর লাসার ভোজের আসনে হেলান দিয়ে অনেকের সঙ্গে যীশুর কাছে বসেছিলেন। 3 তখন মরিয়ম আধিলিটার বিশুদ্ধ বহুমূল্য জটামাংসীর সুগন্ধি তেল নিয়ে যীশুর চরণে ঢেলে দিলেন এবং তাঁর চুল দিয়ে তাঁর পা-দুখানি মুছিয়ে দিলেন। তেলের সুগন্ধি সেই ঘর ভরে গেল। 4 কিন্তু তাঁর এক

শিষ্য যিহুদা ইক্ষারিয়োৎ, যে পরবর্তীকালে তাঁর সঙ্গে বিশ্বাসঘাতকতা  
করেছিল, আপত্তি করল, ৫ “এই সুগন্ধিদ্রব্য বিক্রি করে সেই অর্থ  
দরিদ্রদের দেওয়া হল না কেন? এর মূল্য তো এক বছরের বেতনের  
সমান!” ৬ দরিদ্রদের জন্য চিন্তা ছিল বলে যে সে একথা বলেছিল, তা  
নয়; প্রকৃতপক্ষে সে ছিল চোর। টাকার থলি তার কাছে থাকায়, সেই  
অর্থ থেকে সে নিজের স্বার্থসিদ্ধি করত। ৭ যীশু উভর দিলেন, “ওকে  
ছেড়ে দাও। আমার সমাধি দিনের জন্য সে এই সুগন্ধিদ্রব্য বাঁচিয়ে  
রেখেছিল। ৮ তোমরা তো তোমাদের মধ্যে দরিদ্রদের সবসময়ই পাবে,  
কিন্তু আমাকে তোমরা সবসময় পাবে না।” ৯ ইতিমধ্যে ইহুদি সমাজের  
অনেক লোক যীশু সেখানে আছেন জানতে পেরে, শুধু যীশুকে নয়,  
লাসারকেও দেখতে এল, যাঁকে যীশু মৃত্যু থেকে উঠাপিত করেছিলেন।  
১০ প্রধান যাজকেরা তখন লাসারকেও হত্যা করার পরিকল্পনা করল,  
১১ কারণ তাঁর জন্য অনেক ইহুদি যীশুর কাছে যাচ্ছিল এবং তাঁকে  
বিশ্বাস করছিল। ১২ পর্বের জন্য যে বিস্তর লোকের সমাগম ঘটেছিল,  
পরদিন তারা শুনতে পেল যে, যীশু জেরুজালেমের পথে এগিয়ে  
চলেছেন। ১৩ তারা খেজুর গাছের ডাল নিয়ে তাঁর সঙ্গে দেখা করতে  
গেল, আর উচ্চকঞ্চে বলতে লাগল, “হোশানা!” “প্রভুর নামে যিনি  
আসছেন, তিনি ধন্য!” “ধন্য ইস্রায়েলের সেই রাজাধিরাজ!” ১৪ তখন  
একটি গর্দভশাবক দেখতে পেয়ে যীশু তার উপরে বসলেন, যেমন  
শাস্ত্রে লেখা আছে, ১৫ “হে সিয়োন-কন্যা, তুমি ভীত হোয়ো না, দেখো,  
তোমার রাজাধিরাজ আসছেন, গর্দভশাবকে চড়ে আসছেন।” ১৬ তাঁর  
শিয়েরা প্রথমে এ সমস্ত বুঝতে পারেননি। যীশু মহিমাপ্রিত হওয়ার  
পর তাঁরা উপলক্ষি করেছিলেন যে, যীশুর সম্পর্কে শাস্ত্রে উল্লিখিত  
ঘটনা অনুসারেই তাঁরা তাঁর প্রতি এরূপ আচরণ করেছেন। ১৭ যীশু  
লাসারকে সমাধি থেকে ডেকে মৃত্যু থেকে উঠাপিত করার সময় যে  
সকল লোক তাঁর সঙ্গে ছিল, তারা এসব কথা প্রচার করে চলেছিল। ১৮  
বহু মানুষ যীশুর করা এই চিহ্নকাজের কথা শুনে তাঁর সঙ্গে সাক্ষাৎ  
করতে গেল। ১৯ তাই ফরিশীরা পরম্পর বলাবলি করল, “দেখো,  
আমরা কিছুই করতে পারছি না। চেয়ে দেখো, সমস্ত জগৎ কেমন তাঁর

পিছনে ছুটে চলেছে!” 20 পর্বের সময় যারা উপাসনা করতে গিয়েছিল, তাদের মধ্যে কয়েকজন গ্রিক ছিল। 21 তারা গালীলের বেথসৈদার অধিবাসী ফিলিপের কাছে এসে নিবেদন করল, “মহাশয়, আমরা যীশুকে দেখতে চাই!” 22 ফিলিপ আন্দ্রিয়র কাছে বলতে গেলেন। আন্দ্রিয় ও ফিলিপ গিয়ে সেকথা যীশুকে জানালেন। 23 কিন্তু যীশু তাদের বললেন, “মনুষ্যপুত্রের মহিমান্বিত হওয়ার মুহূর্ত এসে পড়েছে। 24 আমি তোমাদের সত্যি বলছি, গমের দানা যদি মাটিতে পড়ে না মরে, তবে তা শুধু একটি বীজ হয়েই থাকে। কিন্তু যদি মরে, তাহলে বহু বীজের উৎপন্ন হয়। 25 যে মানুষ নিজের প্রাণকে ভালোবাসে, সে তা হারাবে; কিন্তু এ জগতে যে নিজের প্রাণকে ঘৃণা করে, সে অনন্ত জীবনের জন্য তা রক্ষা করবে। (aiōnios g166) 26 যে আমার সেবা করতে চায়, তাকে অবশ্যই আমার অনুগামী হতে হবে, যেন আমি যেখানে থাকব, আমার সেবকও সেখানে থাকে। যে আমার সেবা করবে, আমার পিতা তাকে সমাদর করবেন। 27 “আমার হৃদয় এখন উৎকর্থায় ভরে উঠচ্ছে? আমি কি বলব, ‘পিতা এই মুহূর্ত থেকে তুমি আমাকে রক্ষা করো?’ না! সেজন্যই তো আমি এই মুহূর্ত পর্যন্ত এসেছি। 28 পিতা, তোমার নাম মহিমান্বিত করো।” তখন স্বর্গ থেকে এক বাণী উপস্থিত হল, “আমি তা মহিমান্বিত করেছি এবং আবার মহিমান্বিত করব।” 29 উপস্থিত সকলে সেই বাণী শুনে বলল, “এ বজ্রের ধ্বনি!” অন্যেরা বলল, “কোনো স্বর্গদূত এঁর সঙ্গে কথা বললেন।” 30 যীশু বললেন, “এই বাণী ছিল তোমাদের উপকারের জন্য, আমার জন্য নয়। 31 এখন এ জগতের বিচারের সময়। এ জগতের অধিপতিকে এখন তাড়িয়ে দেওয়া হবে। 32 কিন্তু, যখন আমি পৃথিবী থেকে আকাশে উত্তোলিত হব, তখন সব মানুষকে আমার দিকে আকর্ষণ করব।” 33 তিনি কীভাবে মৃত্যুবরণ করবেন, তা বোঝাবার জন্য তিনি একথা বললেন। 34 লোকেরা বলে উঠল, “আমরা বিধানশাস্ত্র থেকে শুনেছি যে, খ্রীষ্ট চিরকাল থাকবেন। তাহলে আপনি কী করে বলতে পারেন, ‘মনুষ্যপুত্রকে অবশ্যই উত্তোলিত হতে হবে?’ এই ‘মনুষ্যপুত্র’ কে?” (aiōn g165) 35 তখন যীশু তাদের বললেন, “আর অল্পকালমাত্র জ্যোতি

তোমাদের মধ্যে আছেন। অন্ধকার তোমাদের গ্রাস করার আগেই  
জ্যোতির প্রভায় তোমরা পথ চলো। যে অন্ধকারে পথ চলে, সে জানে  
না, কোথায় চলেছে। 36 তোমরা যতক্ষণ জ্যোতির সহচর্যে আছ,  
তোমরা সেই জ্যোতির উপরেই বিশ্বাস রেখো, যেন তোমরাও জ্যোতির  
সন্তান হতে পারো।” কথা বলা শেষ করে যীশু সেখান থেকে চলে  
গেলেন এবং তাদের কাছ থেকে লুকিয়ে রইলেন। 37 যীশু ইহুদিদের  
সামনে এই সমস্ত চিহ্নকাজ সম্পাদন করলেন। তবুও তারা তাঁকে  
বিশ্বাস করল না। 38 ভাববাদী যিশাইয়ের বাণী এভাবেই সম্পূর্ণ হল:  
“প্রভু, আমাদের দেওয়া সংবাদ কে বিশ্বাস করেছে? কার কাছেই  
বা প্রভুর পরাক্রম প্রকাশিত হয়েছে?” 39 এই কারণেই তারা বিশ্বাস  
করতে পারেনি, যেমন যিশাইয় অন্যত্র বলেছেন: 40 “তিনি তাদের  
চক্ষু দৃষ্টিহীন করেছেন, তাদের হৃদয়কে কঠিন করেছেন। তাই তারা  
নয়নে দেখতে পায় না, হৃদয়ে উপলব্ধি করে না, অথবা ফিরে আসে  
না—যেন আমি তাদের সুস্থ করি।” 41 যিশাইয় একথা বলেছিলেন,  
কারণ তিনি যীশুর মহিমা দর্শন করেছিলেন ও তাঁরই কথা বলেছিলেন।  
42 তবু, সেই একই সময়ে, নেতাদের মধ্যেও অনেকেই তাঁকে বিশ্বাস  
করেছিল। কিন্তু ফরিশীদের ভয়ে তারা তাদের বিশ্বাসের কথা স্বীকার  
করতে পারল না, কারণ আশঙ্কা ছিল যে সমাজভবন থেকে তাদের  
তাড়িয়ে দেওয়া হতে পারে; 43 কেননা ঈশ্বরের প্রশংসার চেয়ে তারা  
মানুষের কাছ থেকে প্রশংসা পেতে বেশি ভালোবাসতো। 44 যীশু তখন  
উচ্চকণ্ঠে বললেন, “কোনো মানুষ যখন আমাকে বিশ্বাস করে তখন সে  
শুধু আমাকেই নয়, যিনি আমাকে পাঠিয়েছেন তাঁকেও বিশ্বাস করে।  
45 আমাকে দেখলে সে তাঁকেই দেখে, যিনি আমাকে পাঠিয়েছেন।  
46 এ জগতে আমি জ্যোতিরূপে এসেছি, যেন আমাকে যে বিশ্বাস  
করে, সে আর অন্ধকারে না থাকে। 47 “যে আমার বাণী শুনেও তা  
পালন করে না, আমি তার বিচার করি না। কারণ আমি জগতের বিচার  
করতে আসিনি, আমি এসেছি জগৎকে উদ্ধার করতে। 48 যে আমাকে  
প্রত্যাখ্যান করে এবং আমার বাক্য গ্রহণ করে না, তার জন্য এক  
বিচারক আছেন। আমার বলা বাক্যই শেষের দিনে তাকে দোষী সাব্যস্ত

করবে। 49 কারণ আমি নিজের ইচ্ছানুসারে বাক্য প্রকাশ করিনি, কিন্তু  
যিনি আমাকে পাঠিয়েছেন, আমার সেই পিতাই, কী বলতে হবে বা  
কেমনভাবে বলতে হবে, আমাকে তার নির্দেশ দিয়েছেন। 50 আমি  
জানি, তাঁর নির্দেশ অনন্ত জীবনের দিকে নিয়ে যায়। তাই আমার পিতা  
আমাকে যা বলতে বলেছেন, আমি শুধু সেকথাই বলি।” (aiōnios g166)

**13** নিষ্ঠারপর্বের আগের ঘটনা। যীশু বুঝতে পেরেছিলেন যে এই  
পৃথিবী থেকে তাঁর বিদায় নিয়ে পিতার কাছে যাওয়ার সময় উপস্থিত  
হয়েছে। জগতে তাঁর আপনজন যাঁদের তিনি প্রেম করতেন, এখন  
তিনি তাঁদের শেষ পর্যন্ত প্রেম করলেন। 2 সান্ধ্যভোজ পরিবেশন  
করা হচ্ছিল। দিয়াবল ইতিমধ্যেই যীশুর সঙ্গে বিশ্বাসঘাতকতা করার  
জন্য শিমোনের পুত্র যিহূদা ইক্ষারিয়োৎকে প্ররোচিত করেছিল। 3  
যীশু জানতেন যে, পিতা সবকিছু তাঁর ক্ষমতার অধীন করেছেন এবং  
ঈশ্বরের কাছ থেকেই তিনি এসেছেন ও তিনি ঈশ্বরের কাছেই ফিরে  
যাচ্ছেন। 4 তাই তিনি ভোজ থেকে উঠে তাঁর উপরের পোশাক খুলে  
কোমরে একটি তোয়ালে জড়ালেন। 5 এরপর তিনি একটি গামলায়  
জল নিয়ে তাঁর শিষ্যদের পা ধুয়ে, ও তাঁর কোমরে জড়ানো তোয়ালে  
দিয়ে মুছিয়ে দিতে লাগলেন। 6 তিনি শিমোন পিতরের কাছে এলে  
পিতর তাঁকে বললেন, “প্রভু, আপনি কি আমার পা ধুয়ে দেবেন?”  
7 যীশু উত্তর দিলেন, “আমি কী করছি তা তুমি এখন বুঝতে পারছ  
না, কিন্তু পরে বুঝবে।” 8 পিতর বললেন, “না, আপনি কখনোই  
আমার পা ধুয়ে দেবেন না।” প্রত্যন্তবে যীশু বললেন, “আমি তোমার  
পা ধুয়ে না দিলে, আমার সাথে তোমার কোনো অংশই থাকবে না।”  
(aiōn g165) 9 শিমোন পিতর বললেন, “তাহলে প্রভু, শুধু আমার  
পা নয়, আমার হাত ও মাথাও ধুয়ে দিন।” 10 যীশু উত্তর দিলেন,  
“যে স্নান করেছে, তার শুধু পা ধোয়ার প্রয়োজন, কারণ তার সমস্ত  
শরীরই শুচিশুদ্ধ। তুমিও শুচিশুদ্ধ, তবে তোমাদের প্রত্যেকে নও।”  
11 কারণ কে তাঁর সঙ্গে বিশ্বাসঘাতকতা করবে, তা তিনি জানতেন।  
সেই কারণেই তিনি বললেন যে, সবাই শুচিশুদ্ধ নয়। 12 তাঁদের  
পা ধুয়ে দেওয়া শেষ হলে যীশু তাঁর পোশাক পরে নিজের আসনে

ফিরে গেলেন। তিনি তাঁদের জিজ্ঞাসা করলেন, “আমি তোমাদের প্রতি  
কী করলাম, তা কি তোমরা বুঝতে পেরেছ? 13 তোমরা আমাকে  
‘গুরুমহাশয়’ ও ‘প্রভু’ বলে থাকো এবং তা যথার্থই, কারণ আমি সেই।  
14 এখন তোমাদের প্রভু ও গুরুমহাশয় হয়েও আমি তোমাদের পা  
ধুয়ে দিলাম, সুতরাং, তোমাদেরও একে অপরের পা ধুয়ে দেওয়া  
উচিত। 15 আমি তোমাদের কাছে এক আদর্শ স্থাপন করেছি, যেন  
আমি তোমাদের প্রতি যা করলাম, তোমরাও তাই করো। 16 আমি  
তোমাদের সত্যি বলছি, কোনো দাস তার প্রভুর চেয়ে মহান নয়,  
কিংবা প্রেরিত ব্যক্তি তার প্রেরণকারীর চেয়ে মহান নয়। 17 তোমরা  
যেহেতু এখন এসব জেনেছ, তা পালন করলে তোমরা ধন্য হবে।  
18 “আমি তোমাদের সকলের কথা বলছি না, কিন্তু যাদের আমি  
মনোনীত করেছি, তাদের আমি জানি। কিন্তু, ‘যে আমার রূপটি ভাগ  
করে খেয়েছে, সে আমারই বিপক্ষে গেছে’ শাস্ত্রের এই বচন পূর্ণ হতে  
হবে। 19 “এরকম ঘটার আগেই আমি তোমাদের জানাচ্ছি, যখন  
তা ঘটবে, তোমরা যেন বিশ্বাস করতে পারো যে, আমিই তিনি। 20  
আমি তোমাদের সত্যি বলছি, আমার প্রেরিত কোনো মানুষকে যে  
গ্রহণ করে, সে আমাকেই গ্রহণ করে এবং যে আমাকে গ্রহণ করে,  
সে তাঁকেই গ্রহণ করে যিনি আমাকে পাঠিয়েছেন।” 21 একথা বলার  
পর যীশু আত্মায় উদ্বিঘ্ন হয়ে সাক্ষ্য দিলেন, “আমি তোমাদের সত্যিই  
বলছি, তোমাদের মধ্যে একজন আমার সঙ্গে বিশ্বাসঘাতকতা করবে।”  
22 শিষ্যরা বিস্ময়ের দৃষ্টিতে একে অপরের দিকে তাকালেন, তাঁরা  
বুঝতে পারলেন না যে যীশু তাঁদের মধ্যে কার সম্পর্কে এই ইঙ্গিত  
করলেন। 23 তাঁদের মধ্যে এক শিষ্য, যীশু যাঁকে প্রেম করতেন,  
তিনি যীশুর বুকে হেলান দিয়ে বসেছিলেন। 24 শিমোন পিতর সেই  
শিষ্যকে ইশারায় বললেন, “ওঁকে জিজ্ঞাসা করো, কার সম্পর্কে তিনি  
একথা বলছেন।” 25 যীশুর বুকের দিকে পিছন ফিরে তিনি জিজ্ঞাসা  
করলেন, “প্রভু, সে কে?” 26 যীশু উন্নত দিলেন, “পাত্রে ডুবিয়ে রূপটির  
টুকরোটি আমি যার হাতে তুলে দেব, সেই তা করবে।” এরপর, রূপটির  
টুকরোটি ডুবিয়ে তিনি শিমোনের পুত্র যিহূদা ইক্ষারিয়োৎকে দিলেন।

27 যিহুদা রংটি গ্রহণ করার সঙ্গে সঙ্গে শয়তান তার মধ্যে প্রবেশ করল। যীশু তাকে বললেন, “তুমি যা করতে উদ্যত, তা তাড়াতাড়ি করে ফেলো।” 28 কিন্তু যাঁরা খাবার খাচ্ছিলেন তাঁদের কেউই বুঝতে পারলেন না যে, যীশু একথা তাকে কেন বললেন। 29 যিহুদার হাতে টাকাপয়সার দায়িত্ব ছিল বলে কেউ কেউ মনে করলেন যে, যীশু তাকে পর্বের জন্য প্রয়োজনীয় জিনিস কেনার কথা, অথবা দরিদ্রদের কিছু দান করার বিষয়ে বলছেন। 30 রংটির টুকরোটি গ্রহণ করার সঙ্গে সঙ্গে যিহুদা বাইরে বেরিয়ে গেল। বাইরে তখন ঘোর অন্ধকার। 31 যিহুদা বেরিয়ে গেলে যীশু বললেন, “এখন মনুষ্যপুত্র মহিমান্বিত হলেন এবং ঈশ্বর তাঁর মধ্যে মহিমান্বিত হলেন। 32 ঈশ্বর যখন তাঁর মধ্যে মহিমান্বিত হলেন, তিনিও পুত্রকে নিজের মধ্যেই মহিমান্বিত করবেন এবং তাঁকে শীঘ্রই মহিমান্বিত করবেন। 33 “বৎসেরা, আমি আর কিছুকাল তোমাদের সঙ্গে থাকব। তোমরা আমার সন্দৰ্ভান করবে, আর ইহুদিদের যেমন বলেছি, এখন তোমাদেরও বলছি, আমি যেখানে যাচ্ছি, তোমরা সেখানে আসতে পারো না। 34 “আমি তোমাদের এক নতুন আজ্ঞা দিচ্ছি, তোমরা পরস্পরকে প্রেম করো। আমি যেমন তোমাদের প্রেম করেছি, তোমাদেরও তেমন পরস্পরকে প্রেম করতে হবে। 35 তোমাদের এই পারস্পরিক প্রেমের দ্বারাই সব মানুষ জানতে পারবে যে, তোমরা আমার শিষ্য।” 36 শিমোন পিতর তাঁকে জিজ্ঞাসা করলেন, “প্রভু, আপনি কোথায় যাচ্ছেন?” যীশু উত্তর দিলেন, “আমি যেখানে যাচ্ছি, তুমি এখন সেখানে আমার সঙ্গে আসতে পারো না, কিন্তু পরে আমার সঙ্গে আসতে পারো।” 37 পিতর বললেন, “প্রভু, কেন এখন আপনার সঙ্গে যেতে পারি না? আপনার জন্য আমি আমার প্রাণও দেব।” 38 তখন যীশু উত্তর দিলেন, “তুমি কি সত্যিই আমার জন্য প্রাণ দেবে? আমি তোমাকে সত্যিই বলছি, মোরগ ডাকার আগেই তুমি আমাকে তিনবার অস্বীকার করবে।”

**14** “তোমাদের হৃদয় যেন উদ্বিঘ্ন না হয়। ঈশ্বরকে বিশ্বাস করো, আমাকেও বিশ্বাস করো। 2 আমার পিতার গৃহে অনেক ঘর আছে, যদি না থাকত, আমি তোমাদের বলতাম। তোমাদের জন্য আমি

সেখানে স্থান প্রস্তুত করতে যাচ্ছি। 3 আর যখন আমি সেখানে যাই ও তোমাদের জন্য স্থানের ব্যবস্থা করি, আমি আবার ফিরে আসব এবং আমি যেখানে থাকি, সেখানে আমার সঙ্গে থাকার জন্য তোমাদের নিয়ে যাব। 4 আমি যেখানে যাচ্ছি, সেখানে যাওয়ার পথ তোমরা জানো।” 5 খোমা তাঁকে বললেন, “প্রভু, আপনি কোথায় যাচ্ছেন, আমরা জানি না, তাহলে সেই পথ আমরা জানব কী করে?” 6 যীশু উত্তর দিলেন, “আমিই পথ ও সত্য ও জীবন। আমার মাধ্যমে না এলে, কোনো মানুষই পিতার কাছে আসতে পারে না। 7 তোমরা যদি আমাকে প্রকৃতই জানো, তাহলে আমার পিতাকেও জানবে। এখন থেকে তোমরা তাঁকে জেনেছ এবং দেখেছ।” 8 ফিলিপ বললেন, “প্রভু, পিতাকে আমাদের দেখান, তাই আমাদের পক্ষে যথেষ্ট হবে।” 9 যীশু বললেন, “ফিলিপ, এত কাল আমি তোমাদের মধ্যে আছি, তবুও কি তুমি আমাকে চেনো না? যে আমাকে দেখেছে, সে পিতাকেও দেখেছে। তাহলে ‘পিতাকে আমাদের দেখান,’ একথা তুমি কী করে বলছ? 10 তোমরা কি বিশ্বাস করো না যে, আমি পিতার মধ্যে আছি এবং পিতা আমার মধ্যে আছেন? আমি তোমাদের যা কিছু বলি, তা শুধু আমার নিজের কথা নয়, বরং পিতা, যিনি আমার মধ্যে আছেন, তিনি তাঁর কাজ সম্পাদন করছেন। 11 তোমরা আমাকে বিশ্বাস করো যে, আমি পিতার মধ্যে আমি আছি এবং পিতা আমার মধ্যে আছেন, না হলে অস্তত অলৌকিক সব কাজ দেখে বিশ্বাস করো। 12 আমি তোমাদের সত্যি বলছি, আমার উপর যার বিশ্বাস আছে, আমি যে কাজ করছি, সেও সেরকম কাজ করবে, এমনকি, এর চেয়েও মহৎ সব কাজ করবে, কারণ আমি পিতার কাছে যাচ্ছি। 13 আর আমার নামে তোমরা যা কিছু চাইবে, আমি তাই পূরণ করব, যেন পুত্র পিতাকে মহিমান্বিত করেন। 14 আমার নামে তোমরা যা কিছু চাইবে, আমি তা পূরণ করব। 15 “তোমরা যদি আমাকে ভালোবেসে থাকো, তাহলে আমার সব আদেশ পালন করবে। 16 আমি পিতার কাছে নিবেদন করব এবং তোমাদের সঙ্গে চিরকাল থাকার জন্য তিনি আর এক সহায় তোমাদের দান করবেন। (aiōn g165) 17 তিনি সত্যের আত্মা। জগৎ

তাঁকে গ্রহণ করতে পারে না। কারণ জগৎ তাঁকে দেখে না, তাঁকে  
জানেও না। কিন্তু তোমরা তাঁকে জানো, কারণ তিনি তোমাদের সঙ্গে  
আছেন এবং তিনি তোমাদের অন্তরে থাকবেন। 18 আমি তোমাদের  
অনাথ রেখে যাব না, আমি তোমাদের কাছে আসব। 19 অল্পকাল পরে  
জগৎ আর আমাকে দেখতে পাবে না, কিন্তু তোমরা আমাকে দেখতে  
পাবে। কারণ আমি জীবিত আছি, এই জন্য তোমরাও জীবিত থাকবে।  
20 সেদিন তোমরা উপলব্ধি করবে যে, আমি পিতার মধ্যে আছি, আর  
তোমরা আমার মধ্যে এবং আমি তোমাদের মধ্যে আছি। 21 যে আমার  
আদেশ লাভ করে সেগুলি পালন করে, সেই আমাকে প্রেম করে।  
আমাকে যে প্রেম করে, আমার পিতাও তাকে প্রেম করবেন, আর  
আমিও তাকে প্রেম করব এবং নিজেকে তারই কাছে প্রকাশ করব।”  
22 তখন যিহুদা (যিহুদা ইক্ষারিয়োৎ নয়) বললেন, “কিন্তু প্রভু, আপনি  
জগতের কাছে নিজেকে প্রকাশ না করে, শুধুমাত্র আমাদের কাছে  
প্রকাশ করতে চান কেন?” 23 যীশু উত্তর দিলেন, “কেউ যদি আমাকে  
প্রেম করে, সে আমার বাক্য পালন করবে। আমার পিতা তাকে প্রেম  
করবেন। আমরা তার কাছে আসব এবং তারই সঙ্গে বাস করব। 24  
যে আমাকে প্রেম করে না, সে আমার শিক্ষাও পালন করে না। তোমরা  
আমার যেসব বাণী শুনছ, তা আমার নিজের নয়, সেগুলি পিতার, যিনি  
আমাকে পাঠিয়েছেন। 25 “তোমাদের মধ্যে থাকার সময়ে আমি এ  
সমস্ত কথা বললাম, 26 কিন্তু সেই সহায়, সেই পবিত্র আত্মা, যাঁকে  
পিতা আমার নামে পাঠাবেন, তিনি সমস্ত বিষয়ে তোমাদের শিক্ষা  
দেবেন এবং তোমাদের কাছে আমার বলা সমস্ত বাক্য তোমাদের  
স্মরণ করিয়ে দেবেন। 27 আমি তোমাদের মধ্যে শান্তি রেখে যাচ্ছি,  
আমারই শান্তি তোমাদের দিয়ে যাচ্ছি। জগৎ যেভাবে দেয়, আমি  
সেভাবে তোমাদের দান করি না। তোমাদের হাদয় যেন উদ্বিগ্ন না হয়  
এবং তোমরা ভীত হোয়ো না। 28 “তোমরা আমার কাছে শুনেছ, ‘আমি  
চলে যাচ্ছি, কিন্তু তোমাদের কাছে আবার ফিরে আসছি।’ তোমরা যদি  
আমাকে প্রেম করতে, আমি পিতার কাছে যাচ্ছি বলে তোমরা উল্লাসিত  
হতে, কারণ পিতা আমার চেয়ে মহান। 29 এসব ঘটবার আগেই আমি

এখন তোমাদের সেসব বলে দিলাম, যেন তা ঘটলে তোমরা বিশ্বাস করতে পারো। ৩০ আমি তোমাদের সঙ্গে আর বেশিক্ষণ কথা বলব না, কারণ এই জগতের অধিকর্তা আসছে। আমার উপর তার কোনো অধিকার নেই। ৩১ কিন্তু জগৎ যেন শিক্ষাগ্রহণ করে যে, আমি পিতাকে প্রেম করি এবং পিতা আমাকে যা আদেশ করেন, আমি ঠিক তাই পালন করি। “এখন চলো, আমরা এখান থেকে যাই।

**১৫** “আমিই প্রকৃত দ্রাক্ষালতা এবং আমার পিতা কৃষক। ২ আমার সঙ্গে যুক্ত প্রত্যেকটি শাখায় ফল না ধরলে, তিনি তা কেটে ফেলেন, কিন্তু যে শাখায় ফল ধরে তাদের প্রত্যেকটিকে তিনি পরিষ্কার করেন, যেন সেই শাখায় আরও বেশি ফল ধরে। ৩ আমার বলা বাক্যের দ্বারা তোমরা ইতিমধ্যেই শুচিশুন্দ হয়েছে। ৪ তোমরা আমার মধ্যে থাকলে, আমিও তোমাদের মধ্যে থাকব। নিজে থেকে কোনো শাখা ফলধারণ করতে পারে না, দ্রাক্ষালতার সঙ্গে অবশ্যই সেটিকে যুক্ত থাকতে হবে। আমার সঙ্গে যুক্ত না থাকলে, তোমরাও ফলবান হতে পারো না। ৫ “আমি দ্রাক্ষালতা, তোমরা সবাই শাখা। যে আমার মধ্যে থাকে এবং আমি যার মধ্যে থাকি, সে প্রচুর ফলে ফলবান হবে; আমাকে ছাড়া তোমরা কিছুই করতে পারো না। ৬ কেউ যদি আমার মধ্যে না থাকে, সে সেই শাখার মতো, যেটিকে বাইরে ফেলে দেওয়া হয় ও সেটি শুকিয়ে যায়। সেই শাখাগুলিকে তুলে নিয়ে আগুনে ফেলা হয় ও সেগুলি পুড়ে যায়। ৭ তোমরা যদি আমার মধ্যে থাকো এবং আমার বাক্য তোমাদের মধ্যে থাকে, তোমরা যা কিছুই প্রার্থনা করো, তা তোমাদের দেওয়া হবে। ৮ এতেই আমার পিতা মহিমান্বিত হন যে, তোমরা প্রচুর ফলে ফলবান হও, আর এর দ্বারাই প্রমাণিত হয় যে তোমরা আমার শিষ্য। ৯ “পিতা যেমন আমাকে ভালোবেসেছেন, আমিও তেমন তোমাদের ভালোবেসেছি। তোমরা এখন আমার প্রেমে অবস্থিতি করো। ১০ তোমরা যদি আমার আদেশ পালন করো, তাহলে আমার প্রেমে অবস্থিতি করবে, যেমন আমি আমার পিতার আদেশ পালন করে তাঁর প্রেমে অবস্থিতি করছি। ১১ আমি তোমাদের একথা বললাম, যেন আমার আনন্দ তোমাদের মধ্যে থাকে এবং তোমাদের

আনন্দ সম্পূর্ণ হয়। 12 আমি যেমন তোমাদের ভালোবেসেছি, তোমরা তেমনই পরম্পরকে ভালোবেসো, এই আমার আদেশ। 13 বন্ধুদের জন্য যে নিজের প্রাণ সমর্পণ করে, তার চেয়ে মহত্তর প্রেম আর কিছু নেই। 14 তোমরা যদি আমার আদেশ পালন করো, তাহলে তোমরা আমার বন্ধু। 15 আমি তোমাদের আর দাস বলে ডাকি না, কারণ একজন প্রভু কী করেন, দাস তা জানে না। বরং, আমি তোমাদের বন্ধু বলে ডাকি, কারণ আমার পিতার কাছ থেকে আমি যা কিছু জেনেছি, তা তোমাদের জানিয়েছি। 16 তোমরা আমাকে মনোনীত করোনি, আমিই তোমাদের মনোনীত করেছি এবং ফলধারণ করবার জন্য নিযুক্ত করেছি—সেই ফল যেন স্থায়ী হয়—তাতে আমার নামে পিতার কাছে তোমরা যা কিছু প্রার্থনা করবে, তা তিনি তোমাদের দান করবেন। 17 আমার আদেশ এই: তোমরা পরম্পরকে প্রেম করো। 18 “জগৎ যদি তোমাদের ঘৃণা করে, তাহলে মনে রেখো যে, জগৎ প্রথমে আমাকেই ঘৃণা করেছে। 19 তোমরা যদি জগতের হতে, তাহলে জগৎ তোমাদের তার আপনজনের মতো ভালোবাসতো। তোমরা এ জগতের নও, বরং এ জগতের মধ্য থেকে আমি তোমাদের মনোনীত করেছি। তাই জগৎ তোমাদের ঘৃণা করে। 20 আমি তোমাদের কাছে যেসব কথা বলেছি, তা মনে রাখো: ‘কোনো দাস তার প্রভুর চেয়ে মহান নয়।’ তারা যখন আমাকে তাড়না করেছে, তখন তোমাদেরও তাড়না করবে। তারা আমার শিক্ষা মান্য করলে, তোমাদের শিক্ষাও মান্য করবে। 21 আমার নামের জন্য তোমাদের সঙ্গে তারা এরকম আচরণ করবে, কারণ আমাকে যিনি পাঠিয়েছেন, তারা তাঁকে জানে না। 22 আমি যদি না আসতাম এবং তাদের সঙ্গে কথা না বলতাম, তাহলে তাদের পাপ হত না। কিন্তু এখন পাপের জন্য তাদের অজুহাত দেওয়ার উপায় নেই। 23 যে আমাকে ঘৃণা করে, সে আমার পিতাকেও ঘৃণা করে। 24 যা কেউ করেনি, সেইসব কাজ যদি আমি তাদের মধ্যে না করতাম, তবে তাদের পাপ হত না। কিন্তু তারা এখন এসব অলৌকিক ঘটনা নিজেদের চোখে দেখেছে। তবুও তারা আমাকে, ও আমার পিতাকে ঘৃণা করেছে। 25 ‘কিন্তু তারা বিনা কারণে আমাকে

যৃগ্না করেছে, 'তাদের বিধানশাস্ত্রে লিখিত এই বচন সফল করার জন্যই  
এসব ঘটেছে। 26 "যাঁকে আমি পিতার কাছ থেকে পাঠাব, সেই সহায়  
যখন আসবেন, পিতার কাছ থেকে নির্গত সেই সত্ত্যের আত্মা, তিনি  
আমার বিষয়ে সাক্ষ্য দেবেন। 27 আর তোমরাও আমার সাক্ষ্য হবে,  
কারণ প্রথম থেকেই তোমরা আমার সঙ্গে আছ।

**16** "আমি তোমাদের এ সমস্ত কথা বললাম, যেন তোমরা বিপথে না  
যাও। 2 ওরা সমাজভবন থেকে তোমাদের বহিক্ষার করবে; এমনকি  
সময় আসছে, যখন তোমাদের যারা হত্যা করবে তারা ভাববে যে  
তারা ঈশ্বরের উদ্দেশে এক নৈবেদ্য উৎসর্গ করছে। 3 ওরা পিতাকে বা  
আমাকে জানে না বলেই, এই সমস্ত কাজ করবে। 4 একথা আমি  
তোমাদের এজন্য বললাম যে, সময় উপস্থিত হলে তোমরা মনে করতে  
পারো যে, আমি আগেই তোমাদের সতর্ক করেছিলাম। আমি প্রথমে  
তোমাদের একথা বলিনি, কারণ আমি এতদিন তোমাদের সঙ্গেই  
ছিলাম। 5 "যিনি আমাকে পাঠিয়েছেন, এখন আমি তাঁরই কাছে যাচ্ছি,  
অথচ তোমরা কেউই আমাকে জিজ্ঞাসা করছ না, 'আপনি কোথায়  
যাচ্ছেন?' 6 এ সমস্ত কথা আমি বলেছি বলেই তোমাদের হৃদয় দুঃখে  
ভরে গেছে। 7 কিন্তু আমি তোমাদের সত্যিই বলছি, তোমাদের মঙ্গলের  
জন্যই আমি চলে যাচ্ছি। আমি না গেলে সেই সহায় তোমাদের কাছে  
আসবেন না। আমি গিয়ে তাঁকে তোমাদের কাছে পাঠিয়ে দেব। 8  
তিনি এসে পাপ, ধার্মিকতা এবং বিচার সম্বন্ধে জগৎকে অভিযুক্ত  
করবেন: 9 পাপের সম্বন্ধে করবেন, কারণ মানুষ আমাকে বিশ্বাস করে  
না; 10 ধার্মিকতার সম্বন্ধে করবেন, কারণ আমি পিতার কাছে যাচ্ছি  
এবং তোমরা আমাকে আর দেখতে পাবে না; 11 আর বিচার সম্বন্ধে  
করবেন, কারণ এই জগতের অধিপতি এখন দোষী প্রমাণিত হয়েছে।  
12 "তোমাদেরকে আমার আরও অনেক কিছু বলার আছে, যা এখন  
তোমরা সহ্য করতে পারবে না। 13 কিন্তু যখন তিনি, সেই সত্যের  
আত্মা আসবেন, তিনি তোমাদের সমস্ত সত্যের পথে নিয়ে যাবেন।  
তিনি নিজে থেকে কিছুই বলবেন না, তিনি যা শুনবেন, তিনি শুধু  
তাই বলবেন। আর তিনি আগামী দিনের ঘটনার কথাও তোমাদের

কাছে প্রকাশ করবেন। 14 তিনি আমাকেই মহিমান্বিত করবেন, কারণ  
তিনি আমার কাছ থেকে যা গ্রহণ করবেন তা তিনি তোমাদের কাছে  
প্রকাশ করবেন। 15 যা কিছু পিতার অধিকারভূক্ত, তা আমারই।  
সেজন্যই আমি বলছি পবিত্র আত্মা আমার কাছ থেকে সেইসব গ্রহণ  
করে তোমাদের কাছে প্রকাশ করবেন। 16 “কিছুকাল পরে তোমরা  
আমাকে আর দেখতে পাবে না, কিন্তু তার অল্পকাল পরে তোমরা  
আমাকে আবার দেখতে পাবে, কারণ আমি পিতার কাছে যাচ্ছি।” 17  
তখন তাঁর কয়েকজন শিষ্য পরস্পর বলাবলি করলেন, “আর কিছুকাল  
পরে তোমরা আমাকে দেখতে পাবে না, কিন্তু তার অল্পকাল পরে  
তোমরা আমাকে আবার দেখতে পাবে,” আবার বলছেন, ‘কারণ আমি  
পিতার কাছে যাচ্ছি,’ এসব কথার মাধ্যমে তিনি কী বলতে চাইছেন?”  
18 তাঁরা আরও বললেন, “‘অল্পকাল পরে’ বলতে তিনি কী বোঝাতে  
চেয়েছেন? আমরা তাঁর কথার মানে বুঝতে পারছি না।” 19 যীশু  
বুঝতে পারলেন, তাঁরা এ সম্পর্কে তাঁকে কিছু জিজ্ঞাসা করতে চান।  
তাই তিনি বললেন, “আর কিছুকাল পরে তোমরা আমাকে দেখতে  
পাবে না, কিন্তু তার অল্পকাল পরে তোমরা আমাকে দেখতে পাবে,  
আমার একথার অর্থ কি তোমরা পরস্পরের কাছে জানতে চাইছ? 20  
আমি তোমাদের সত্য বলছি, তোমরা যখন কাঁদবে ও শোক করবে,  
জগৎ তখন আনন্দ করবে। তোমরা শোক করবে, কিন্তু তোমাদের  
শোক আনন্দে রূপান্তরিত হবে। 21 সন্তানের জন্ম দেওয়ার সময় নারী  
যন্ত্রণায় কাতর হয়ে ওঠে, কারণ তার সময় পূর্ণ হয়েছে। কিন্তু সন্তানের  
জন্ম হলে, আনন্দে সে তার যন্ত্রণা ভুলে যায়, কারণ জগতে একটি  
শিশুর জন্ম হয়েছে। 22 তোমাদের ক্ষেত্রেও তাই। এখন তোমাদের  
শোকের সময়, কিন্তু আমি তোমাদের সঙ্গে আবার সাক্ষাৎ করব এবং  
তোমরা আনন্দ করবে। তোমাদের সেই আনন্দ কেউ কেড়ে নিতে  
পারবে না। 23 সেদিন তোমরা আমার কাছে আর কিছু চাইবে না। আমি  
তোমাদের সত্য বলছি, আমার নামে, আমার পিতার কাছে, তোমরা  
যা কিছু প্রার্থনা করবে, তা তিনি তোমাদের দান করবেন। 24 এখনও  
পর্যন্ত তোমরা আমার নামে কোনো কিছুই চাওনি। চাও, তোমরা

পাবে এবং তখন তোমাদের আনন্দ পূর্ণ হবে। 25 “আমি রূপকের মাধ্যমে কথা বললেও এমন এক সময় আসছে, যখন আমি আর এমন ভাষা প্রয়োগ করব না। আমার পিতার সম্পর্কে আমি স্পষ্টভাবে কথা বলব। 26 সেদিন তোমরা আমার নামে চাইবে। আমি বলছি না যে, তোমাদের পক্ষে আমি পিতার কাছে অনুরোধ করব, 27 কিন্তু পিতা স্বয়ং তোমাদের প্রেম করেন, কারণ তোমরা আমাকে ভালোবেসেছ এবং বিশ্বাস করেছে যে, আমি পিতার কাছ থেকে এসেছি। 28 আমি পিতার কাছ থেকে এসে এই জগতে প্রবেশ করেছি। এখন আমি জগৎ থেকে বিদ্যায় নিয়ে পিতার কাছে ফিরে যাচ্ছি।” 29 তাঁর শিখেরা তখন বললেন, “এখন আপনি রূপকের সাহায্য না নিয়েই স্পষ্টভাবে কথা বলছেন। 30 এখন আমরা জানতে পারলাম যে, আপনি সবই জানেন এবং আপনাকে প্রশ্ন করার কারণ কোনো প্রয়োজন নেই। এর দ্বারাই আমরা বিশ্বাস করছি যে, ঈশ্বরের কাছ থেকে আপনি এসেছেন।” 31 যীশু উত্তর দিলেন, “অবশ্যে তোমরা বিশ্বাস করলে! 32 কিন্তু সময় আসছে, বরং এসে পড়েছে, যখন তোমরা ছিন্নভিন্ন হয়ে প্রত্যেকে আপন আপন ঘরের কোণে ফিরে যাবে। তোমরা আমাকে নিঃসঙ্গ অবস্থায় পরিত্যাগ করবে। তবুও আমি নিঃসঙ্গ নই, কারণ আমার পিতা আমার সঙ্গে আছেন। 33 “আমি তোমাদের এসব কথা জানালাম, যেন আমার মধ্যে তোমরা শান্তি লাভ করো। এই জগতে তোমরা সংকটের সম্মুখীন হবে, কিন্তু সাহস করো! আমি এই জগৎকে জয় করেছি।”

**17** একথা বলে যীশু স্বর্গের দিকে তাকিয়ে প্রার্থনা করলেন, “পিতা, সময় উপস্থিত হয়েছে, তোমার পুত্রকে মহিমান্বিত করো, যেন তোমার পুত্র তোমাকে মহিমান্বিত করতে পারেন। 2 কারণ সব মানুষের উপর তুমি তাঁকে কর্তৃত্ব দান করেছ, যেন তুমি তাঁর হাতে যাদের অর্পণ করেছ, তিনি তাদের অনন্ত জীবন দিতে পারেন। (aiōnios g166) 3 আর এই হল অনন্ত জীবন যে, তারা তোমাকে, একমাত্র সত্যময় ঈশ্বরকে, এবং তুমি যাঁকে পাঠিয়েছ, সেই যীশু খ্রীষ্টকে জানতে পাবে। (aiōnios g166) 4 তোমার দেওয়া কাজ সম্পূর্ণ করে, আমি পৃথিবীতে তোমাকে মহিমান্বিত করেছি। 5 তাই এখন পিতা, জগৎ সৃষ্টির আগে

তোমার কাছে আমার যে মহিমা ছিল, তোমার সান্নিধ্যে আমাকে  
সেই মহিমায় ভূষিত করো। ৬ “এই জগতের মধ্য থেকে যাদের তুমি  
আমায় দিয়েছিলে, তাদের কাছে আমি তোমাকে প্রকাশ করেছি। তারা  
তোমারই ছিল, তুমি তাদের আমাকে দিয়েছ। তারা তোমার বাক্য  
পালন করেছে। ৭ এখন তারা জানে, যা কিছু তুমি আমাকে দিয়েছ, তা  
তোমারই দেওয়া। ৮ আমাকে দেওয়া তোমার সব বাণী আমি তাদের  
দান করেছি। তারা তা গ্রহণ করেছে। তারা সত্যিই জানে যে, আমি  
তোমারই কাছ থেকে এসেছি, আর তারা বিশ্বাস করেছে যে, তুমি  
আমাকে পাঠিয়েছ। ৯ তাদেরই জন্য আমি নিবেদন করছি। আমি  
জগতের জন্য নিবেদন করছি না, কিন্তু যাদের তুমি আমাকে দিয়েছ,  
তাদেরই জন্য করছি, কারণ তারা তোমারই। ১০ আমার যা কিছু আছে  
সবই তোমার, আর তোমার সবকিছুই আমার। তাদেরই মধ্যে আমি  
মহিমান্বিত হয়েছি। ১১ আমি জগতে আর থাকব না, কিন্তু ওরা এখনও  
জগতে আছে। আমি তোমার কাছে যাচ্ছি। পবিত্র পিতা, যে নাম তুমি  
আমাকে দিয়েছ, তোমার সেই নামের শক্তিতে তাদের রক্ষা করো।  
আমরা যেমন এক, তারাও যেন তেমনই এক হতে পারে। ১২ তাদের  
সঙ্গে থাকার সময় যে নাম তুমি আমাকে দিয়েছ, সেই নামে আমি  
তাদের রক্ষা করে নিরাপদে রেখেছি। তাদের মধ্যে আর কেউই বিনষ্ট  
হ্যানি কেবলমাত্র সেই বিনাশ-সন্তান ছাড়া, যেন শান্তবাক্য পূর্ণ হয়। ১৩  
“আমি এখন তোমার কাছে আসছি, কিন্তু জগতে থাকার সময়েই আমি  
এ সমস্ত বিষয়ে বলছি, যেন আমার আনন্দ তাদের হস্তয়ে সম্পূর্ণ হয়।  
১৪ তোমার বাণী তাদের কাছে আমি প্রকাশ করেছি, কিন্তু জগৎ তাদের  
ঘৃণা করেছে, কারণ তারা আর জগতের নয়, যেমন আমিও জগতের  
নই। ১৫ আমি এই নিবেদন করছি না যে তুমি তাদের জগৎ থেকে নিয়ে  
নাও কিন্তু সেই পাপাত্মা থেকে তাদের রক্ষা করো। ১৬ তারা জগতের  
নয়, যেমন আমিও জগতের নই। ১৭ সত্যের দ্বারা তুমি তাদের পবিত্র  
করো, তোমার বাকাই সত্য। ১৮ তুমি যেমন আমাকে জগতে পাঠিয়েছ,  
আমিও তেমনই তাদের জগতে পাঠাচ্ছি। ১৯ তাদেরই জন্য আমি  
নিজেকে পবিত্র করি, যেন তারাও সত্যের দ্বারা পবিত্র হতে পারে। ২০

“শুধু তাদেরই জন্য আমি নিবেদন করছি না। তাদের বাক্য প্রচারের মাধ্যমে যারা আমাকে বিশ্বাস করবে, আমি তাদের জন্যও নিবেদন করছি, যেন তারাও সকলে এক হয়। 21 যেমন পিতা, তুমি আমার মধ্যে এবং আমি তোমার মধ্যে আছি, যেন তারাও আমাদের মধ্যে এক হয়, যেন জগৎ বিশ্বাস করে যে, তুমি আমাকে পাঠিয়েছ। 22 তুমি আমাকে যে মহিমা দিয়েছিলে, তাদের আমি তা দিয়েছি, যেন তারা এক হয়, যেমন আমরা এক। 23 আমি তাদের মধ্যে এবং তুমি আমার মধ্যে আছ। তারা যেন সম্পূর্ণ এক হয় এবং জগৎ যেন জানতে পারে যে, তুমিই আমাকে পাঠিয়েছ এবং তুমি যেমন আমাকে ভালোবেসেছ, তেমনই তাদেরও ভালোবেসেছ। 24 “পিতা, তুমি যাদের আমাকে দিয়েছ, আমি চাই, আমি যেখানে থাকি, তারাও যেন সেখানে আমার সঙ্গে থাকে এবং তারাও যেন সেই মহিমা দেখতে পায় যে মহিমা তুমি আমাকে দিয়েছ, কারণ জগৎ সৃষ্টির আগে থেকেই তুমি আমাকে ভালোবেসেছ। 25 “ধর্মময় পিতা, জগৎ তোমাকে না জানলেও আমি তোমাকে জানি, আর তারা জানে যে, তুমিই আমাকে পাঠিয়েছ। 26 তোমাকে আমি তাদের কাছে প্রকাশ করেছি এবং তা প্রকাশ করতেই থাকব, যেন আমার প্রতি তোমার যে প্রেম, তা তাদের মধ্যে থাকে এবং আমি স্বয়ং যেন তাদের মধ্যে থাকি।”

**18** প্রার্থনা শেষ করে যীশু শিষ্যদের সঙ্গে সেই স্থান ত্যাগ করলেন এবং কিন্দ্রোণ উপত্যকা পার হয়ে গেলেন। অন্য পারে একটি বাগান ছিল। যীশু এবং তাঁর শিষ্যরা সেখানে প্রবেশ করলেন। 2 যিহুদা, যে তাঁর সঙ্গে বিশ্বাসঘাতকতা করেছিল, সেই স্থানটি সমন্বে জানত, কারণ যীশু প্রায়ই সেখানে তাঁর শিষ্যদের সঙ্গে মিলিত হতেন। 3 তাই যিহুদা সৈন্যদল, প্রধান যাজকদের ও ফরিশীদের প্রেরিত কিছু কর্মচারীকে পথ দেখিয়ে সেই বাগানে প্রবেশ করল। তাদের সঙ্গে ছিল মশাল, লণ্ঠন এবং অস্ত্রশস্ত্র। 4 তাঁর প্রতি যা কিছু ঘটতে চলেছে জানতে পেরে, যীশু এগিয়ে এসে তাদের জিজ্ঞাসা করলেন, “তোমরা কাকে খুঁজছ?” 5 তারা উত্তর দিল, “নাসরতের যীশুকে।” যীশু বললেন, “আমিই তিনি।” বিশ্বাসঘাতক যিহুদাও তাদের সঙ্গে দাঁড়িয়েছিল। 6

“আমিই তিনি,” যীশুর এই কথা শুনে তারা পিছিয়ে গিয়ে মাটিতে  
পড়ে গেল। 7 তিনি তাদের আবার জিজ্ঞাসা করলেন, “তোমরা কাকে  
চাও?” তারা বলল, “নাসরতের যীশুকে।” 8 যীশু উত্তর দিলেন, “আমি  
তো তোমাদের বললাম, আমিই তিনি। যদি তোমরা আমারই সন্ধান  
করছ, তাহলে এদের যেতে দাও।” 9 এরকম ঘটল, যেন তিনি যে  
কথা বলেছিলেন, তা পূর্ণ হয়, “যাদের তুমি আমাকে দান করেছ,  
তাদের একজনকেও আমি হারাইনি।” 10 তখন শিমোন পিতর তার  
তরোয়াল বের করে মহাযাজকের দাসকে আঘাত করলেন এবং তার  
ডানদিকের কান কেটে ফেললেন। সেই দাসের নাম ছিল মক্ষ। 11  
যীশু পিতরকে আদেশ দিলেন, “তোমার তরোয়াল কোষে রেখে দাও।  
পিতা আমাকে যে পানপাত্র দিয়েছেন, আমি কি তা থেকে পান করব  
না?” 12 তখন সৈন্যদল, সেনাপতি এবং ইহুদি কর্মচারীরা যীশুকে  
গ্রেপ্তার করে বেঁধে ফেলল। 13 প্রথমে তারা তাঁকে হাননের কাছে  
নিয়ে এল। তিনি ছিলেন সেই বছরের মহাযাজক, কায়াফার শুশ্রু।  
14 এই কায়াফাই ইহুদিদের পরামর্শ দিয়েছিলেন যে, সমগ্র জাতির  
জন্য বরং একজনের মৃত্যুই ভালো। 15 শিমোন পিতর এবং আর এক  
শিষ্য যীশুকে অনুসরণ করছিলেন। সেই শিষ্য মহাযাজকের পরিচিত  
ছিলেন। তাই তিনি যীশুর সঙ্গে মহাযাজকের উঠানে প্রবেশ করলেন।  
16 কিন্তু পিতরকে দরজার বাইরে অপেক্ষা করতে হল। মহাযাজকের  
পরিচিত অপর শিষ্যটি ফিরে এলেন এবং সেখানে কর্তব্যরত দাসীকে  
বলে পিতরকে ভিতরে নিয়ে গেলেন। 17 দাররক্ষী সেই দাসী পিতরকে  
জিজ্ঞাসা করল, “তুমি কি তাঁর শিষ্যদেরই একজন নও?” তিনি উত্তর  
দিলেন, “না, আমি নই।” 18 তখন ছিল শীতকাল। নিজেদের উষ্ণ  
করার জন্য পরিচারক এবং কর্মচারীরা আগুন জ্বালিয়ে তার চারপাশে  
দাঁড়িয়েছিল। পিতরও তাদের সঙ্গে দাঁড়িয়ে আগুন পোহাছিলেন। 19  
মহাযাজক ইতিমধ্যে যীশুকে তাঁর শিষ্যদের এবং তাঁর শিক্ষা সম্পর্কে  
জিজ্ঞাসাবাদ করলেন। 20 যীশু উত্তর দিলেন, “জগতের সামনে আমি  
প্রকাশ্যে প্রচার করেছি। ইহুদিরা সকলে যেখানে সমবেত হয়, সেই  
সমাজভবনে, অথবা মন্দিরে, আমি সবসময়ই শিক্ষা দিয়েছি, গোপনে

কিছুই বলিনি। 21 আমাকে প্রশ্ন করছ কেন? আমার শিক্ষা যারা শুনেছে, তাদের জিজ্ঞাসা করো। আমি যা বলেছি, তারা নিশ্চয়ই তা জানে।” 22 যীশুর একথা শুনে তাঁর পাশে দাঁড়িয়ে থাকা এক কর্মচারী তাঁর মুখে ঢড় মারল। সে বলল, “মহাযাজকের প্রশ্নের উত্তর দেওয়ার কি এই রীতি?” 23 যীশু উত্তর দিলেন, “আমি যদি অন্যায় কিছু বলে থাকি, তাহলে সেই অন্যায়ের বিপক্ষে সাক্ষ্য দাও। কিন্তু যদি আমি সত্যিকথা বলে থাকি, তাহলে তুমি আমাকে কেন আঘাত করলে?” 24 হানন তখনই তাঁকে বাঁধন সমেত মহাযাজক কায়াফার কাছে পাঠালেন। 25 শিমোন পিতর যখন দাঁড়িয়ে আগুন পোহাছিলেন, একজন তাঁকে জিজ্ঞাসা করল, “তুমি কি তাঁর শিষ্যদের একজন নও?” তিনি অস্বীকার করলেন, বললেন, “আমি নই।” 26 মহাযাজকের দাসেদের মধ্যে একজন, পিতর যার কান কেটে দিয়েছিলেন, তার এক আত্মীয় দৃঢ়তার সঙ্গে বলল, “আমি কি বাগানে তোমাকে তাঁর সঙ্গে দেখিনি?” 27 পিতর আবার সেকথা অস্বীকার করলেন, আর সেই মুহূর্তে একটি মোরগ ডাকতে শুরু করল। 28 পরে ইহুদি নেতারা যীশুকে কায়াফার কাছ থেকে নিয়ে রোমায় প্রদেশপালের প্রাসাদে গেল। তখন ভোর হয়ে আসছিল। ইহুদি নেতারা নিজেদের কলুষিত করতে চায়নি। তারা যেন নিষ্ঠারপর্বের ভোজ গ্রহণ করতে পারে, এজন্য তারা প্রাসাদে প্রবেশ করল না। 29 তাই পীলাত তাদের কাছে বেরিয়ে এসে জিজ্ঞাসা করলেন, “এই মানুষটির বিরুদ্ধে তোমাদের অভিযোগ কী?” 30 তারা উত্তর দিল, “সে অপরাধী না হলে, আমরা তাকে আপনার হাতে তুলে দিতাম না।” 31 পীলাত বললেন, “তোমরা নিজেরাই ওকে নিয়ে গিয়ে তোমাদের নিজস্ব বিধান অনুসারে ওর বিচার করো।” ইহুদিরা আপত্তি জানিয়ে বলল, “কিন্তু কাউকে প্রাণদণ্ড দেওয়ার অধিকার আমাদের নেই।” 32 তাঁর কীভাবে মৃত্যু হবে, সে সম্পর্কে ইঙ্গিত দিয়ে যীশু যে কথা বলেছিলেন, তা সফল হয়ে ওঠার জন্যই এরকম ঘটল। 33 পীলাত তখন প্রাসাদের অভ্যন্তরে ফিরে গিয়ে যীশুকে ডেকে পাঠালেন এবং তাঁকে জিজ্ঞাসা করলেন, “তুমি কি ইহুদিদের রাজা?” 34 উত্তরে যীশু বললেন, “এ কি তোমার নিজের

ধারণা, না অন্যেরা আমার সম্পর্কে তোমাকে বলেছে?” 35 পীলাত উত্তর দিলেন, “আমি কি ইহুদি? তোমারই স্বজাতিয়েরা এবং প্রধান যাজকেরা তোমাকে আমার হাতে তুলে দিয়েছে। কী করেছে তুমি?” 36 যীশু বললেন, “আমার রাজ্য এ জগতের নয়। তা যদি হত, ইহুদিদের দ্বারা আমার প্রের্ণার আটকানোর জন্য আমার অনুচররা প্রাণপণ সংগ্রাম করত। কিন্তু আমার রাজ্য তো এখানকার নয়।” 37 পীলাত বললেন, “তাহলে, তুমি তো একজন রাজাই!” যীশু উত্তর দিলেন, “তুমি সংগত কথাই বলছ যে, আমি একজন রাজা। প্রকৃতপক্ষে, এজন্যই আমি জন্মগ্রহণ করেছি, আর এই কারণেই, সত্যের পক্ষে সাক্ষ্য দিতে আমি জগতে এসেছি। যে সত্যের পক্ষে, সে আমার কথা শোনে।” 38 পীলাত জিজ্ঞাসা করলেন, “সত্য কী?” একথা বলে তিনি বাইরে ইহুদিদের কাছে আবার গোলেন। তিনি বললেন, “ওকে অভিযুক্ত করার মতো কোনো কারণই আমি খুঁজে পাচ্ছি না।” 39 কিন্তু তোমাদের প্রথা অনুসারে নিষ্ঠারপর্বের সময় একজন বন্দিকে আমি কারাগার থেকে মুক্তি দিয়ে থাকি। তোমরা কি চাও যে, ‘ইহুদিদের রাজাকে’ আমি তোমাদের জন্য মুক্ত করে দিই?” 40 তারা চিন্কার করে উঠল, “না, ওকে নয়! বারাক্বাকে আমাদের দিন।” সেই বারাক্বা এক বিদ্রোহে অংশ নিয়েছিল।

**19** পীলাত তখন যীশুকে নিয়ে গিয়ে চাবুক দিয়ে প্রহার করালেন। 2 সৈন্যরা একটি কাঁটার মুকুট তৈরি করে তাঁর মাথায় পরালো। তারা তাঁকে বেগুনি রংয়ের পোশাক পরিয়ে দিল। 3 বারবার তাঁর কাছে গিয়ে তারা বলতে লাগল, ‘ইহুদি-রাজ নমক্ষার!’ আর তাঁর মুখে তারা চড় মারতে লাগল। 4 পীলাত আর একবার বাইরে এসে ইহুদিদের বললেন, “দেখো, ওকে অভিযুক্ত করার মতো আমি কোনো অপরাধ খুঁজে পাইনি, একথা জানানোর জন্য ওকে আমি তোমাদের কাছে বের করে নিয়ে এসেছি।” 5 কাঁটার মুকুট এবং বেগুনি পোশাক পরে যীশু বেরিয়ে এলে পীলাত তাদের বললেন, “এই দেখো, সেই ব্যক্তি!” 6 প্রধান যাজকবৃন্দ ও তাদের কর্মচারীরা তাঁকে দেখার সঙ্গে সঙ্গে চিন্কার করে উঠল, “ওকে ক্রুশে দিন, ক্রুশে দিন!” পীলাত বললেন,

“তোমরাই ওকে নিয়ে ক্রুশে দাও। যদি আমার কথা বলো, ওকে  
অভিযুক্ত করার মতো কোনো অপরাধ আমি পাইনি।” 7 ইহুদিরা  
জোর করতে লাগল, “আমাদের একটি বিধান আছে এবং সেই বিধান  
অনুসারে লোকটিকে মৃত্যুদণ্ড ভোগ করতে হবে, কারণ সে নিজেকে  
ঈশ্বরের পুত্র বলে দাবি করেছে।” 8 একথা শুনে পীলাত আরও বেশি  
ভীত হয়ে পড়লেন 9 এবং প্রাসাদের ভিতরে ফিরে গিয়ে তিনি যীশুকে  
জিজ্ঞাসা করলেন, “তুমি কোথা থেকে এসেছ?” কিন্তু যীশু তাঁকে  
কোনও উত্তর দিলেন না। 10 পীলাত বললেন, “তুমি কি আমার সঙ্গে  
কথা বলতে চাও না? তুমি কি বুবাতে পারছ না, তোমাকে মুক্তি  
দেওয়ার বা ক্রুশবিদ্ধ করার ক্ষমতা আমার আছে?” 11 যীশু উত্তর  
দিলেন, “ঈশ্বর তোমাকে এ ক্ষমতা না দিলে আমার উপর তোমার  
কোনো অধিকার থাকত না, তাই যে আমাকে তোমার হাতে সমর্পণ  
করেছে, তার অপরাধ আরও বেশি।” 12 সেই সময় থেকে পীলাত  
যীশুকে মুক্ত করার চেষ্টা করলেন, কিন্তু ইহুদিরা চিৎকার করে বলতে  
লাগল, “এই লোকটিকে মুক্তি দিলে আপনি কৈসরের বন্ধু নন। যে  
নিজেকে রাজা বলে দাবি করে, সে কৈসরের বিরুদ্ধাচরণ করে।” 13  
একথা শুনে পীলাত যীশুকে বাইরে নিয়ে এলেন এবং পাষাণ-বেদি  
নামে পরিচিত এক স্থানে বিচারের আসনে বসলেন (অরামীয় ভাষায়  
স্থানটির নাম, গবরথা)। 14 সেদিন ছিল নিষ্ঠারপর্বের প্রস্তুতির দিন।  
তখন প্রায় দুপুর। “এই দেখো, তোমাদের রাজা,” পীলাত ইহুদিদের  
বললেন। 15 কিন্তু তারা চিৎকার করে উঠল, “ওকে দূর করুন, দূর  
করুন, ওকে ক্রুশে দিন!” পীলাত জিজ্ঞাসা করলেন, “তোমাদের  
রাজাকে কি আমি ক্রুশে দেব?” প্রধান যাজকেরা উত্তর দিলেন, “কৈসের  
ছাড়া আমাদের আর কোনও রাজা নেই।” 16 অবশ্যে পীলাত যীশুকে  
ক্রুশবিদ্ধ করার জন্য তাদের হাতে সমর্পণ করলেন। তখন সৈন্যরা  
যীশুর দায়িত্ব গ্রহণ করল। 17 যীশু নিজের ক্রুশ বহন করে করোটি  
নামক স্থানে গেলেন (অরামীয় ভাষায় স্থানটির নাম গলগথা)। 18 তারা  
সেখানে অন্য দুজনের সঙ্গে তাঁকে ক্রুশার্পিত করল। দুই পাশে দুজন  
এবং মাঝখানে যীশু। 19 একটি বিজ্ঞপ্তি লিখিয়ে পীলাত ক্রুশে ঝুলিয়ে

দিলেন। তাতে লেখা ছিল: নাসরতের যীশু, ইহুদিদের রাজা। 20  
যীশুকে যেখানে ক্রুশবিন্দ করা হয়েছিল, সেই স্থানটি ছিল নগরের  
কাছে। অনেক ইহুদি এই বিজ্ঞপ্তি পড়ল। এটি লেখা হয়েছিল  
অরামীয়, লাতিন ও গ্রিক ভাষায়। 21 ইহুদিদের প্রধান যাজকেরা  
পীলাতের কাছে প্রতিবাদ জানাল, “‘ইহুদিদের রাজা,’ একথা লিখবেন  
না, বরং লিখুন যে এই লোকটি নিজেকে ইহুদিদের রাজা বলে দাবি  
করেছিল।” 22 পীলাত উত্তর দিলেন, “আমি যা লিখেছি, তা লিখেছি।”  
23 সৈন্যরা যীশুকে ক্রুশবিন্দ করার পর তাঁর পোশাক চার ভাগে ভাগ  
করে প্রত্যেকে একটি করে অংশ নিল। রইল শুধু অঙ্গৰাসটি। সেই  
পোশাকে কোনো সেলাই ছিল না, উপর থেকে নিচ পর্যন্ত বোনা একটি  
অখণ্ড কাপড়ে সেটি তৈরি করা হয়েছিল। 24 তারা পরস্পরকে বলল,  
“এটা আমরা ছিঁড়ব না, এসো, এটা কার ভাগে পড়ে, তা নির্ধারণ  
করার জন্য গুটিকাপাত করি।” শাস্ত্রের এই বাণী যেন পূর্ণ হয় তাঁর জন্য  
এ ঘটনা ঘটল: “আমার পোশাক তারা তাদের মধ্যে ভাগ করে নিল,  
আর আমার আচ্ছাদনের জন্য গুটিকাপাতের দান ফেলল।” সুতরাং,  
সৈন্যরা তাই করল। 25 যীশুর ক্রুশের কাছেই দাঁড়িয়েছিলেন তাঁর মা,  
তাঁর মাসিমা, ক্লোপার স্ত্রী মরিয়ম এবং মাগদালাবাসী মরিয়ম। 26 যীশু  
সেখানে তাঁর মা এবং কাছেই দাঁড়িয়ে থাকা শিষ্যকে, যাঁকে তিনি প্রেম  
করতেন, তাঁকে দেখে, তাঁর মাকে বললেন, “নারী, ওই দেখো, তোমার  
পুত্র!” 27 এবং সেই শিষ্যকে বললেন, “ওই দেখো, তোমার মা!” সেই  
সময় থেকে, সেই শিষ্য তাঁর মাকে তাঁর বাড়িতে নিয়ে গেলেন। 28  
এরপর, সবকিছুই সম্পূর্ণ হয়েছে জেনে, শাস্ত্রের বচন যেন পূর্ণ হয়  
সেইজন্য যীশু বললেন, “আমার পিপাসা পেয়েছে।” 29 সেখানে রাখা  
ছিল এক পাত্র অশ্বরস। তারা সেই অশ্বরসে এক টুকরো স্পঞ্জ ভিজিয়ে,  
সেটিকে এসোব গাছের ডাঁটায় লাগিয়ে যীশুর মুখের কাছে তুলে ধরল।  
30 সেই পানীয় গ্রহণ করে যীশু বললেন, “সমাপ্ত হল।” এই কথা বলে  
তিনি তাঁর মাথা নত করে তাঁর আত্মা সমর্পণ করলেন। 31 সেদিন  
ছিল প্রস্তুতির দিন এবং পরদিন ছিল বিশেষ এক বিশ্রামদিন। ইহুদিরা  
চায়নি যে বিশ্রামদিনের সময় ওই দেহগুলি ক্রুশের উপর থাকে, তাই

পা ভেঙে দিয়ে দেহগুলি ক্রুশের উপর থেকে নামাবার জন্য তারা  
পীলাতকে অনুরোধ করল। 32 সৈন্যরা সেই কারণে এসে যীশুর সঙ্গে  
ক্রুশবিদ্ধ প্রথম ব্যক্তির এবং তারপর অন্য ব্যক্তির পা ভেঙে দিল। 33  
কিন্তু তারা যীশুর কাছে এসে দেখল, ইতিমধ্যে তাঁর মৃত্যু হয়েছে, তাই  
তারা তাঁর পা তাঙ্গল না। 34 বরং, সৈন্যদের একজন বর্ষা দিয়ে যীশুর  
বুকে বিদ্ধ করলে রক্ত ও জলের ধারা নেমে এল। 35 যে এ বিষয়ের  
প্রত্যক্ষদর্শী, সেই সাক্ষ্যদান করেছে এবং তার সাক্ষ্য সত্য। সে জানে  
যে, সে সত্য কথা বলেছে এবং সে সাক্ষ্য দিচ্ছে যেন তোমরাও বিশ্বাস  
করতে পারো। 36 শাস্ত্রের বচন পূর্ণ হওয়ার জন্য এই সমস্ত ঘটল,  
“তাঁর একটিও হাড় ভাঙা হবে না” এবং 37 শাস্ত্রের অন্যত্র যেমন বলা  
হয়েছে, “তারা যাঁকে বিদ্ধ করেছে, তাঁরই উপরে দৃষ্টি নিবন্ধ করবে  
তারা।” 38 পরে, আরিমাথিয়ার যোমেফ যীশুর দেহের জন্য পীলাতের  
কাছে নিবেদন জানালেন। যোমেফ ছিলেন যীশুর একজন শিষ্য, কিন্তু  
ইহুদি নেতাদের ভয়ে তাঁকে গোপনে অনুসরণ করতেন। পীলাতের  
অনুমতি নিয়ে, তিনি এসে যীশুর দেহ নিয়ে গেলেন। 39 তার সঙ্গে  
ছিলেন নীকদীম, যিনি রাত্রিবেলা যীশুর সঙ্গে পূর্বে সাক্ষাৎ করতে  
গিয়েছিলেন। নীকদীম প্রায় চৌত্রিশ কিলোগ্রাম গন্ধরস মিশ্রিত অগুর  
নিয়ে এলেন। 40 যীশুর দেহ নিয়ে তারা দুজনে সুগন্ধি মশলা মাখিয়ে  
লিলেন কাপড়ের ফালি দিয়ে জড়ালেন। ইহুদিদের সমাধিদানের  
প্রথা অনুসারে তারা এ কাজ করলেন। 41 যীশু যেখানে ক্রুশবিদ্ধ  
হয়েছিলেন, সেখানে একটি বাগান ছিল। সেই বাগানে ছিল একটি  
নতুন সমাধি, কাউকে কখনও তার মধ্যে কবর দেওয়া হয়নি। 42  
সেদিন ছিল ইহুদিদের প্রস্তুতির দিন এবং সমাধিটি কাছেই ছিল বলে  
তারা সেখানেই যীশুর দেহ শুইয়ে রাখলেন।

**20** সপ্তাহের প্রথম দিন ভোরবেলায়, অন্ধকার থাকতে থাকতেই,  
মাগ্দালাবাসী মরিয়ম সমাধির কাছে গিয়ে দেখলেন যে, প্রবেশমুখ  
থেকে পাথরটিকে সরানো হয়েছে। 2 তাই তিনি শিমোন পিতর এবং  
সেই অন্য শিষ্য, যীশু যাঁকে প্রেম করতেন, তাঁদের কাছে দৌড়ে গিয়ে  
বললেন, “ওরা সমাধি থেকে প্রভুকে নিয়ে গেছে, ওরা তাঁকে কোথায়

রেখেছে, আমরা জানি না!” ৩ তাই পিতর এবং সেই অন্য শিষ্য  
সমাধিস্থলের উদ্দেশে যাত্রা করলেন। ৪ তাঁরা দুজনেই ছুটে যাচ্ছিলেন।  
কিন্তু অন্য শিষ্যটি পিতরকে অতিক্রম করে প্রথমে সমাধির কাছে  
পৌঁছালেন। ৫ তিনি নত হয়ে ভিতরে পড়ে থাকা লিনেন কাপড়ের  
খণ্ডগুলি দেখতে পেলেন, কিন্তু ভিতরে প্রবেশ করলেন না। ৬ তাঁর  
পিছনে পিছনে শিমোন পিতর উপস্থিত হয়ে সমাধির ভিতরে প্রবেশ  
করলেন। তিনি দেখলেন লিনেন কাপড়ের খণ্ডগুলি ৭ এবং যীশুর মাথার  
চারপাশে যে সমাধিবস্তু জড়ানো ছিল, সেগুলি সেখানে পড়ে আছে।  
সমাধিবস্তুটি লিনেন কাপড় থেকে পৃথকভাবে গুটানো অবস্থায় রাখা  
ছিল। ৮ অবশ্যে, অপর যে শিষ্যটি প্রথমে সমাধিতে পৌঁছেছিলেন,  
তিনিও ভিতরে প্রবেশ করলেন। তিনি দেখলেন ও বিশ্বাস করলেন। ৯  
(তখনও তাঁরা শাস্ত্রের বাণী উপলব্ধি করতে পারেননি যে, যীশুকে  
মৃতদের মধ্য থেকে পুনরুৎস্থিত হতে হবে।) ১০ এরপর শিষ্যেরা তাঁদের  
ঘরে ফিরে গেলেন। ১১ কিন্তু মরিয়ম সমাধির বাইরে দাঁড়িয়ে কাঁদতে  
লাগলেন। কাঁদতে কাঁদতে সমাধির ভিতরে দেখার জন্য তিনি নিচু  
হলেন। ১২ যীশুর দেহ যেখানে শোয়ানো ছিল, সেখানে তিনি সাদা  
পোশাক পরে দুজন স্বর্গদূতকে দেখতে পেলেন, একজন মাথার দিকে  
এবং অন্যজন পায়ের দিকে বসে আছেন। ১৩ তাঁরা তাঁকে জিজ্ঞাসা  
করলেন, “নারী, তুমি কাঁদছ কেন?” তিনি বললেন, “ওরা আমার  
প্রভুকে নিয়ে গেছে, তাঁকে কোথায় রেখেছে, আমি জানি না।” ১৪  
এই বলে পিছনে ফিরতেই তিনি যীশুকে সেখানে দাঁড়িয়ে থাকতে  
দেখলেন, কিন্তু তিনি যে যীশু, মরিয়ম তা বুঝতে পারলেন না। ১৫ যীশু  
তাঁকে বললেন, “নারী, তুমি কাঁদছ কেন? কার সন্ধান করছ?” তাঁকে  
বাগানের মালি মনে করে মরিয়ম বললেন, “মহাশয়, আপনি যদি  
তাঁকে নিয়ে গিয়ে থাকেন, আমাকে বলুন, কোথায় তাঁকে রেখেছেন,  
আমি তাঁকে নিয়ে যাব।” ১৬ যীশু তাঁকে বললেন, “মরিয়ম!” তাঁর দিকে  
যুরে তিনি চিৎকার করে উঠলেন, “রবুনি!” (শব্দটি অরামীয়, যার অর্থ,  
“গুরুমহাশয়”)। ১৭ যীশু তাঁকে বললেন, “আমাকে ধরে রেখো না,  
কারণ আমি এখনও পিতার কাছে ফিরে যাইনি। বরং, আমার ভাইদের

কাছে গিয়ে তাঁদের বলো, ‘যিনি আমার পিতা ও তোমাদের পিতা, যিনি আমার ঈশ্বর এবং তোমাদের ঈশ্বর, আমি তাঁর কাছে ফিরে যাচ্ছি।’” 18 মাগ্দালাবসী মরিয়ম শিষ্যদের কাছে গিয়ে এই সংবাদ দিলেন, “আমি প্রভুকে দেখেছি!” আর যে সমস্ত বিষয়ের কথা যীশু তাঁকে বলেছিলেন, তিনি তাঁদের সেসব কথা বললেন। 19 সপ্তাহের প্রথম দিন, সন্ধ্যা হলে, শিষ্যেরা ইহুদিদের ভয়ে দরজা বন্ধ করে একত্র হয়েছিলেন। সেই সময় যীশু তাঁদের মধ্যে এসে দাঁড়ালেন। তিনি বললেন, “তোমাদের শান্তি হোক।” 20 একথা বলার পর তিনি তাঁর দুহাত ও বুকের পাঁজর তাঁদের দেখালেন। প্রভুকে দেখে শিষ্যেরা আনন্দিত হয়ে উঠলেন। 21 যীশু আবার বললেন, “তোমাদের শান্তি হোক! পিতা যেমন আমাকে পাঠিয়েছেন, আমিও তেমন তোমাদের পাঠাচ্ছি।” 22 একথা বলে তিনি তাদের উপর ফুঁ দিয়ে বললেন, “পবিত্র আত্মাকে গ্রহণ করো। 23 তোমরা যাদের পাপ ক্ষমা করবে, তাদের ক্ষমা হবে, যাদের ক্ষমা করবে না, তাদের ক্ষমা হবে না।” 24 যীশু যখন এসেছিলেন, তখন বারোজন শিষ্যের অন্যতম, দিদুমঃ নামে আখ্যাত থোমা সেখানে ছিলেন না। 25 তাই অন্য শিষ্যেরা তাঁকে বললেন, “আমরা প্রভুকে দেখেছি।” কিন্তু তিনি তাঁদের বললেন, “আমি যতক্ষণ না তাঁর হাতে পেরেকের চিহ্ন দেখেছি এবং যেখানে পেরেকের চিহ্ন ছিল, সেখানে আঙুল রাখছি, আর তাঁর বুকের পাশে আমার হাত রাখছি, ততক্ষণ আমি বিশ্বাস করব না।” 26 এক সপ্তাহ পরে শিষ্যেরা আবার ঘরের মধ্যে ছিলেন। থোমা তাঁদের সঙ্গেই ছিলেন। দরজা বন্ধ করা থাকলেও যীশু এসে তাঁদের মধ্যে দাঁড়িয়ে বললেন, “তোমাদের শান্তি হোক।” 27 তারপর তিনি থোমাকে বললেন, “এখানে তোমার আঙুল রাখো। আমার হাত দুটি দেখো। তোমার হাত বাড়িয়ে দাও, আমার বুকের পাশে রাখো। সন্দেহ কোরো না ও বিশ্বাস করো।” 28 থোমা তাঁকে বললেন, “প্রভু আমার, ঈশ্বর আমার!” 29 যীশু তখন তাঁকে বললেন, “তুমি আমাকে দেখেছ বলে বিশ্বাস করেছ, কিন্তু ধন্য তারা, যারা আমাকে না দেখেও বিশ্বাস করেছে।” 30 যীশু শিষ্যদের সাক্ষাতে আরও অনেক চিহ্নকাজ করেছিলেন, সে সমস্ত এই বইতে

লিপিবদ্ধ হয়নি। 31 কিন্তু এ সমস্ত এজন্য লিখে রাখা হয়েছে, যেন  
তোমরা বিশ্বাস করো যে, যীশুই মশীহ, ঈশ্বরের পুত্র এবং বিশ্বাস করে  
তোমরা তাঁর নামে জীবন লাভ করো।

**21** পরে, টাইবেরিয়াস সাগরের তীরে যীশু শিষ্যদের সামনে আবার  
আবির্ভূত হলেন। এভাবে তিনি নিজেকে প্রকাশ করছিলেন: 2 শিমোন  
পিতর, থোমা (দিদুমঃ নামে আখ্যাত), গালীলের কানা নগরের নথনেল,  
সিবদিয়ের দুই পুত্র এবং অন্য দুজন শিষ্য সমবেত হয়েছিলেন। 3  
শিমোন পিতর তাঁদের বললেন, “আমি মাছ ধরতে যাচ্ছি।” তাঁরা  
বললেন, “আমরাও তোমার সঙ্গে যাব।” তাই তাঁরা বের হয়ে নৌকায়  
উঠলেন, কিন্তু সেই রাত্রে তাঁরা কিছুই ধরতে পারলেন না। 4 ভোরবেলা  
যীশু তীরে দাঁড়িয়েছিলেন। কিন্তু শিষ্যেরা বুঝতে পারলেন না যে,  
তিনিই যীশু। 5 যীশু তাঁদের বললেন, “বৎসেরা, তোমাদের কাছে  
কি কোনো মাছ নেই?” তাঁরা উত্তর দিলেন, “না।” 6 তিনি বললেন,  
“নৌকার ডানদিকে তোমাদের জাল ফেলো, পাবে।” তাঁর নির্দেশমতো  
জাল ফেললে এত অসংখ্য মাছ ধরা পড়ল যে, তাঁরা জাল টেনে তুলতে  
পারলেন না। 7 তখন যীশুর সেই শিষ্য, যাঁকে তিনি প্রেম করতেন,  
তিনি পিতরকে বললেন, “উনি প্রভু!” যেই না শিমোন পিতর শুনলেন  
যে “উনি প্রভু,” তিনি তাঁর উপরের পোশাক শরীরে জড়িয়ে নিয়ে জলে  
ঝাঁপ দিলেন (কারণ তিনি তা খুলে রেখেছিলেন)। 8 অন্য শিষ্যেরা মাছ  
ভর্তি সেই জাল টানতে টানতে নৌকায় করে এলেন, কারণ তাঁরা তীর  
থেকে খুব একটি দূরে ছিলেন না, নবাই মিটার মাত্র দূরে ছিলেন। 9  
তীরে নেমে তাঁরা দেখলেন, কয়লার আগুন জ্বলছে এবং তাঁর উপরে  
মাছ ও কিছু রুটি রাখা আছে। 10 যীশু তাঁদের বললেন, “এইমাত্র  
যে মাছ তোমরা ধরেছ, তা থেকে কিছু নিয়ে এসো।” 11 শিমোন  
পিতর নৌকায় উঠে জালটিকে টেনে তীরে নিয়ে এলেন। সেটি একশো  
তিথান্নটি বড়ো মাছে ভর্তি ছিল, কিন্তু অত মাছেও জাল ছিঁড়ল না। 12  
যীশু তাঁদের বললেন, “এসো, খেয়ে নাও।” একজন শিষ্যও সাহস  
করে তাঁকে জিজ্ঞাসা করতে পারলেন না, “আপনি কে,” কারণ তাঁরা  
জানতেন, তিনিই প্রভু। 13 যীশু এসে রুটি নিয়ে তাঁদের দিলেন,

সেভাবে মাছও দিলেন। 14 মৃতদের মধ্য থেকে পুনরুদ্ধানের পর  
শিষ্যদের কাছে যীশুর এই ছিল তৃতীয় আবির্ভাব। 15 খাবার শেষে  
যীশু শিমোন পিতরকে বললেন, “যোহনের পুত্র শিমোন, তুমি কি  
আমাকে এদের চেয়েও বেশি প্রেম করো?” তিনি বললেন, “হ্যাঁ, প্রভু,  
আপনি জানেন, আমি আপনাকে ভালোবাসি।” যীশু তাঁকে বললেন,  
“আমার মেষশাবকদের চরাও।” 16 যীশু দ্বিতীয়বার তাঁকে বললেন,  
“যোহনের পুত্র শিমোন, তুমি কি আমাকে প্রেম করো?” তিনি তাঁকে  
বললেন, “হ্যাঁ, প্রভু। আপনি জানেন যে, আমি আপনাকে ভালোবাসি।”  
যীশু তাঁকে বললেন, “আমার মেষদের যত্ন করো।” 17 দ্বিতীয়বার তিনি  
তাঁকে বললেন, “যোহনের পুত্র শিমোন, তুমি কি আমাকে প্রেম করো?”  
পিতর দুঃখিত হলেন, কারণ তৃতীয়বার যীশু তাঁকে জিজ্ঞাসা করলেন,  
“তুমি কি আমাকে প্রেম করো?” তখন তিনি তাঁকে বললেন, “প্রভু,  
আপনি সবই জানেন। আপনি জানেন, আমি আপনাকে ভালোবাসি।”  
যীশু বললেন, “আমার মেষদের চরাও।” 18 আমি তোমাকে সত্য  
বলছি, যখন তুমি যুবক ছিলে তখন নিজেই নিজের পোশাক পরতে,  
যেখানে ইচ্ছা সেখানে যেতে, কিন্তু বৃদ্ধ হলে তুমি তোমার হাত দুটিকে  
বাড়িয়ে দেবে, আর অন্য কেউ তোমাকে পোশাক পরিয়ে দেবে এবং  
যেখানে যেতে চাও না, সেখানে তোমাকে নিয়ে যাবে।” 19 একথার  
দ্বারা যীশু ইঙ্গিত দিলেন পিতর কীভাবে মৃত্যুবরণ করে ঈশ্বরের গৌরব  
করবেন। এরপর তিনি তাঁকে বললেন, “আমাকে অনুসরণ করো।” 20  
পিতর ফিরে দেখলেন, যে শিষ্যকে যীশু প্রেম করতেন, তিনি তাঁদের  
অনুসরণ করছেন (ইনিই সেই শিষ্য, যিনি সান্ধ্যভোজের সময় যীশুর  
বুকের দিকে ঝুঁকে জিজ্ঞাসা করেছিলেন, “প্রভু, কে আপনার সঙ্গে  
বিশ্঵াসঘাতকতা করবে?”) 21 পিতর তাঁকে দেখে জিজ্ঞাসা করলেন,  
“প্রভু, ওর কী হবে?” 22 যীশু উত্তর দিলেন, “আমি যদি চাই যে আমার  
ফিরে আসা পর্যন্ত সে জীবিত থাকবে, তাতে তোমার কী? তুমি শুধু  
আমাকে অনুসরণ করো।” 23 এই কারণে শিষ্যদের মধ্যে গুজব  
ছড়িয়ে পড়ল যে সেই শিষ্যের মৃত্যু হবে না, যদিও যীশু বলেননি যে  
তাঁর মৃত্যু হবে না। তিনি শুধু বলেছিলেন, “আমি যদি চাই যে আমার

ফিরে আসা পর্যন্ত সে জীবিত থাকবে, তাতে তোমার কী?" 24 সেই  
শিয়হি এই সমস্ত বিষয়ে সাক্ষ্য দিচ্ছেন এবং তিনিই এ সমস্ত লিপিবদ্ধ  
করেছেন। আমরা জানি যে, তাঁর সাক্ষ্য সত্য। 25 যীশু আরও অনেক  
কাজ করেছিলেন। সেগুলির প্রত্যেকটি যদি এক এক করে লেখা হত,  
আমার মনে হয়, এত বই লেখা হত যে, সমগ্র বিশ্বেও সেগুলির জন্য  
স্থান যথেষ্ট হত না।

## প্রেরিত

১ হে থিয়ফিল, আমার আগের বইতে আমি সেইসব বিষয় লিখেছি,  
যেগুলি যীশু সম্পন্ন করতে ও শিক্ষা দিতে শুরু করেছিলেন, ২  
সেদিন পর্যন্ত, যখন তিনি তাঁর মনোনীত প্রেরিতশিষ্যদের পরিত্র  
আত্মার মাধ্যমে বিভিন্ন নির্দেশান করার পর উর্ধ্বে নীত হন। ৩  
তাঁর কষ্টভোগের পর, তিনি এসব মানুষের কাছে নিজেকে দেখা  
দিলেন এবং বহু বিশ্বাসযোগ্য প্রমাণ দিলেন যে, তিনি জীবিত আছেন।  
চল্লিশ দিন অবধি তিনি তাঁদের কাছে দেখা দিলেন এবং ঈশ্বরের  
রাজ্য সম্পর্কে শিক্ষা দিলেন। ৪ একবার, যখন তিনি তাঁদের সঙ্গে  
খাবার খাচ্ছিলেন তখন তিনি তাঁদের এই আদেশ দিলেন, “তোমরা  
জেরুশালেম ছেড়ে যেয়ো না, কিন্তু আমার পিতার প্রতিশ্রূতি দেওয়া  
যে দানের কথা আমাকে বলতে শুনেছ, তাঁর অপেক্ষায় থেকো। ৫  
কারণ যোহন জলে বাণিজ্য দিতেন ঠিকই, কিন্তু কয়েকদিনের মধ্যে  
তোমরা পরিত্র আত্মায় বাণিজ্য লাভ করবে।” ৬ পরে তাঁরা যখন একত্র  
মিলিত হলেন, তাঁরা তাঁকে জিজ্ঞাসা করলেন, “প্রভু, আপনি কি এই  
সময়ে ইস্রায়েলীদের কাছে রাজ্য ফিরিয়ে দিতে চলেছেন?” ৭ তিনি  
তাঁদের বললেন, “পিতা তাঁর নিজস্ব অধিকারে যে সময় ও দিন নির্দিষ্ট  
করে রেখেছেন, সেসব তোমাদের জানার কথা নয়। ৮ কিন্তু পরিত্র  
আত্মা তোমাদের উপরে এলে তোমরা শক্তি লাভ করবে, আর তোমরা  
জেরুশালেমে ও সমস্ত যিহুদিয়ায় ও শমরিয়ায় এবং পৃথিবীর প্রান্তসীমা  
পর্যন্ত আমার সাক্ষী হবে।” ৯ একথা বলার পর তাঁকে তাঁদের চোখের  
সামনেই স্বর্গে তুলে নেওয়া হল ও একখণ্ড মেঘ তাঁকে তাঁদের দৃষ্টিতে  
আড়াল করে দিল। ১০ তিনি যখন যাচ্ছিলেন, তাঁরা অপলক দৃষ্টিতে  
আকাশের দিকে তাকিয়েছিলেন, তখন হঠাৎই সাদা পোশাক পরে  
দুজন পুরুষ তাঁদের পাশে এসে দাঁড়ালেন। ১১ তাঁরা বললেন, “হে  
গালীলীয়ারা, তোমরা এখানে কেন আকাশের দিকে তাকিয়ে দাঁড়িয়ে  
আছ? এই একই যীশু, যাঁকে তোমাদের মধ্য থেকে স্বর্গে নিয়ে যাওয়া  
হল, তাঁকে যেভাবে স্বর্গে যেতে দেখলে, ঠিক সেভাবেই তিনি ফিরে  
আসবেন।” ১২ এরপর তাঁরা “জলপাই পর্বত” নামক পাহাড় থেকে

জেরশালেমে ফিরে এলেন। নগর থেকে তা ছিল এক বিশ্রামদিনের হাঁটাপথ। 13 তাঁরা যখন নগরে পৌছালেন, তাঁরা উপরতলার সেই ঘরে গেলেন, যেখানে তাঁরা থাকতেন। সেখানে উপস্থিত ছিলেন: পিতর, যোহন, যাকোব ও আন্দ্রিয়, ফিলিপ ও থোমা, বর্থলময় ও মথি, আলফেয়ের ছেলে যাকোব এবং জিলট দলভুক্ত শিমোন ও যাকোবের ছেলে যিহুদা। 14 তাঁরা সকলে এবং কয়েকজন মহিলা, যীশুর মা মরিয়ম ও তাঁর ভাইরা একযোগে প্রার্থনায় ক্রমাগত লেগে রইলেন। 15 সেই সময় একদিন পিতর বিশ্বাসীদের (প্রায় একশো কুড়ি জনের একটি দল) মধ্যে উঠে দাঁড়ালেন। 16 তিনি বললেন, “সকল ভাই ও বোন, যীশুকে যারা গ্রেপ্তার করেছিল, তাদের পথপ্রদর্শক যে যিহুদা, তার সম্পর্কে অনেক আগে দাউদের মাধ্যমে পরিব্রত আত্মা যে কথা বলেছিলেন, সেই শাস্ত্রবাণী পূর্ণ হওয়া আবশ্যক ছিল। 17 সে আমাদেরই একজন ছিল এবং আমাদের এই পরিচর্যায় অংশগ্রহণ করেছিল।” 18 তার দুষ্টার জন্য সে যে পুরুষার পেয়েছিল, তা দিয়ে যিহুদা একটি জমি কিনেছিল। সেখানেই সে নিচের দিকে মাথা করে পড়ে গেল, তার শরীর ফেটে ছিন্নভিন্ন হয়ে গেল ও তার সমস্ত অন্ত বেরিয়ে পড়ল। 19 জেরশালেমের সকলে একথা শুনতে পেল, তাই তারা তাদের ভাষায় সেই জমির নাম দিল হকলদামা, যার অর্থ, রক্তক্ষেত্র। 20 পিতর বললেন, “বস্তুত, গীতসংহিতায় লেখা আছে, ‘তার বাসস্থান শূন্য হোক; সেখানে বসবাস করার জন্য যেন কেউ না থাকে,’ আবার, ‘অন্য কেউ যেন তার নেতৃত্বের পদে নিযুক্ত হয়।’ 21 অতএব, প্রভু যীশু যতদিন আমাদের সঙ্গে বাস করেছিলেন এবং সেই সময়ে আমাদের মধ্যে যারা উপস্থিত ছিলেন, তাদেরই একজনকে মনোনীত করা আবশ্যিক, 22 অর্থাৎ, যোহনের বাণিজ্য দেওয়ার সময় থেকে শুরু করে আমাদের মধ্য থেকে যীশুর স্বর্গে নীত হওয়ার সময় পর্যন্ত। কারণ এদেরই মধ্যে একজন ব্যক্তিকে আমাদের সঙ্গে তাঁর পুনরুত্থানের সাক্ষী হতে হবে।” 23 তখন তাঁরা দুজনের নাম প্রস্তাব করলেন: বার্শবু নামে আখ্যাত যোফে (ইনি যুষ্ট নামেও পরিচিত ছিলেন), ও মন্তথিয়। 24 তারপর তাঁরা প্রার্থনা করলেন, “প্রভু, তুমি

সকলের অন্তর জানো। আমাদের দেখিয়ে দাও, এই দুজনের মধ্যে  
তুমি কাকে মনোনীত করেছ, 25 যে এই প্রেরিতিক পরিচর্যার ভার  
গ্রহণ করবে, যা যিহুদা ত্যাগ করে তার যেখানে যাওয়া উচিত ছিল,  
সেখানে গিয়েছে।” 26 পরে তাঁরা গুটিকাপাত করলেন ও মন্তথিয়ের  
নামে গুটি উঠল। এইভাবে তিনি সেই এগারোজন প্রেরিতশিখের  
সঙ্গে যুক্ত হলেন।

**২** যখন পঞ্চাশক্তমীর দিন উপস্থিত হল, তাঁরা সকলেই এক স্থানে  
সমবেত ছিলেন। 2 হঠাৎই আকাশ থেকে প্রবল বায়ুপ্রবাহের মতো  
একটি শব্দ ভেসে এল এবং তাঁরা যেখানে বসেছিলেন, সেই ঘরের সর্বত্র  
ব্যাপ্ত হল। 3 তাঁরা দেখতে পেলেন, যেন জিভের মতো আগুনের শিখা,  
যা ভাগ ভাগ হয়ে তাঁদের প্রত্যেকের উপরে অধিষ্ঠান করল। 4 আর  
তাঁরা সবাই পবিত্র আত্মায় পরিপূর্ণ হলেন এবং আত্মা যেমন সক্ষমতা  
দিলেন, তাঁরা সেইরূপ অন্য অন্য ভাষায় কথা বলতে লাগলেন। 5  
সেই সময় আকাশের নিচে অবস্থিত সমস্ত দেশ থেকে ঈশ্বরভয়শীল  
ইহুদিরা জেরশালেমে বাস করছিলেন। 6 তারা যখন এই শব্দ শুনল,  
তারা হতচকিত হয়ে সেই স্থানে এসে ভিড় করল, কারণ তাদের  
মধ্যে প্রত্যেকেই নিজস্ব ভাষায় তাঁদের কথা বলতে শুনল। 7 অত্যন্ত  
চমৎকৃত হয়ে তারা জিজ্ঞাসা করল, “এই যে লোকেরা কথা বলছে,  
এরা সবাই কি গালীলীয় নয়? 8 তাহলে কীভাবে আমরা প্রত্যেকেই  
তার নিজস্ব জন্মদেশীয় ভাষায় তাঁদের কথা বলতে শুনছি? 9 পার্থীয়,  
মাদীয়, এলমীয় এবং মেসোপটেমিয়া, যিহুদিয়া ও কাঙ্গাদেকিয়া,  
পন্ত ও এশিয়ার অধিবাসীরা, 10 ফর়গিয়া ও পাম্ফুলিয়া, মিশর  
ও কুরীণের কাছাকাছি লিবিয়ার অংশবিশেষ, রোম থেকে আগত  
পরিদর্শকেরা, 11 (ইহুদি ও ইহুদি ধর্মে ধর্মান্তরিত, উভয়ই); ঝীটিয়  
ও আরবীয়েরা, আমরা শুনতে পাচ্ছি, আমাদের নিজস্ব ভাষায় তাঁরা  
ঈশ্বরের বিস্ময়কর কীর্তির কথা ঘোষণা করছেন!” 12 চমৎকৃত ও  
হতভয় হয়ে তারা পরম্পরকে জিজ্ঞাসা করল, “এর অর্থ কী?” 13 কেউ  
কেউ অবশ্য তাদের পরিহাস করে বলল, “এরা অত্যধিক সুরাপান করে  
ফেলেছে।” 14 তখন পিতর সেই এগারোজনের সঙ্গে উঠে দাঁড়িয়ে

উচ্চকষ্টে জনসাধারণকে সহোধন করলেন, “হে ইহুদি জনমঙ্গলী ও  
জেরুশালেমে বসবাসকারী আপনারা সকলে, আমাকে এই ঘটনার কথা  
আপনাদের কাছে ব্যাখ্যা করতে দিন; আমি যা বলি, তা মনোযোগ  
দিয়ে শুনুন। 15 এই লোকেরা নেশাগ্রস্ত নয়, যেমন আপনারা মনে  
করছেন। এখন সকাল নয়টা মাত্র! 16 আসলে ভাববাদী যোয়েল এই  
ঘটনার কথাই ব্যক্ত করেছিলেন: 17 “ঈশ্বর বলেন, ‘অস্তিমকালে,  
আমি সমস্ত মানুষের উপরে আমার আত্মা ঢেলে দেব। তোমাদের  
ছেলে ও মেয়েরা ভাববাদী বলবে, তোমাদের প্রবীণেরা স্বপ্ন দেখবে,  
তোমাদের যুবকেরা দর্শন পাবে। 18 এমনকি, আমার দাস-দাসীদেরও  
উপরে, সেইসব দিনে আমি আমার আত্মা ঢেলে দেব, আর তারা  
ভবিষ্যদ্বাণী করবে। 19 উর্ধ্বাকাশে আমি দেখাব বিস্ময়কর সব লক্ষণ  
এবং নিচে পৃথিবীতে বিভিন্ন নির্দর্শন, রক্ত ও আগুন এবং ধোঁয়ার  
কুণ্ডলী। 20 প্রভুর সেই মহৎ ও মহিমাময় দিনের আগমনের পূর্বে,  
সূর্য অন্ধকার এবং চাঁদ রক্তবর্ণ হয়ে যাবে। 21 আর যে কেউ প্রভুর  
নামে ডাকবে, সেই পরিণাম পাবে।’ 22 “হে ইস্রায়েলবাসী, একথা  
শুনুন, নাসরতীয় যীশু অনেক অলৌকিক কাজ, বিস্ময়কর ঘটনা ও  
নির্দর্শনের মাধ্যমে প্রকাশ্যে আপনাদের কাছে ঈশ্বরের দ্বারা স্বীকৃত  
মানুষ ছিলেন। সেইসব কাজ ঈশ্বর তাঁরই মাধ্যমে সম্পন্ন করেছেন,  
যেমন আপনারা নিজেরাই অবগত আছেন। 23 সেই ব্যক্তিকে ঈশ্বর  
তাঁর নিরূপিত পরিকল্পনা ও পূর্বজ্ঞান অনুসারে তোমাদের হাতে  
সমর্পণ করেছিলেন, আর তোমরা দুর্জন ব্যক্তিদের সহায়তায় তাঁকে  
ক্রুশবিদ্ধ করে হত্যা করেছ। 24 কিন্তু ঈশ্বর তাঁকে মৃত্যুযন্ত্রণা থেকে মুক্ত  
করে মৃত্যুর কবল থেকে উত্থাপিত করেছেন, কারণ মৃত্যুর পক্ষে তাঁকে  
ধরে রাখা অসম্ভব ছিল। 25 দাউদ তাঁর সম্পর্কে বলেছেন, “আমি  
প্রভুকে নিয়ত, আমার সামনে দেখেছি। কারণ, তিনি তো আমার  
ডানপাশে, আমি বিচলিত হব না। 26 তাই আমার হৃদয় আনন্দিত  
এবং আমার জিভ উল্লাস করে; আমার দেহ প্রত্যাশায় বিশ্রাম নেবে,  
27 কারণ তুমি কখনও আমাকে পাতালের গর্ভে পরিত্যাগ করবে  
না, তুমি তোমার পবিত্রজনকে ক্ষয় দেখতে দেবে না। (Hades g86)

28 তুমি আমার কাছে জীবনের পথ অবগত করেছ, তোমার সামনে  
আমায় আনন্দে পূর্ণ করবে।' 29 "হে ইস্রায়েলবাসী, আমি আপনাদের  
মুক্তকষ্টে বলতে পারি যে, পূর্বপুরুষ দাউদ মৃত্যবরণ করেছিলেন ও  
তাঁকে কবর দেওয়া হয়েছিল; তাঁর কবর আজও এখানে আমাদের  
মধ্যে বিদ্যমান রয়েছে। 30 কিন্তু তিনি একজন ভাববাদী ছিলেন, আর  
তিনি জানতেন যে, ঈশ্বর শপথপূর্বক তাঁকে প্রতিশ্রুতি দান করেছেন,  
তিনি তাঁর এক সন্তানকে তাঁর সিংহাসনে স্থাপন করবেন। 31 ভবিষ্যতে  
কী ঘটবে তা আগেই দেখতে পেয়ে তিনি মশীহের পুনরুত্থান সম্পর্কে  
বলেছেন যে, তিনি পাতালের গর্ভে পরিত্যক্ত হবেন না, কিংবা তাঁর  
শরীর ক্ষয় দেখবে না। (Hadès g86) 32 এই যীশুকেই ঈশ্বর মৃত্যু থেকে  
জীবনে বাঁচিয়ে তুলেছেন এবং আমরা সকলেই এই ঘটনার সাক্ষী। 33  
ঈশ্বরের ডানদিকে উন্নীত হয়ে তিনি পিতার কাছ থেকে প্রতিশ্রুত পরিত্র  
আত্মা লাভ করেছেন এবং আমাদের উপরে তাঁকে ঢেলে দিয়েছেন,  
যেমন আপনারা এখন দেখছেন ও শুনছেন। 34 কিন্তু দাউদ নিজে  
স্বর্গে যাননি, তবুও তিনি বলেছেন, “‘প্রভু আমার প্রভুকে বললেন,  
তুমি আমার ডানদিকে বসো, 35 যতক্ষণ না আমি তোমার শক্রদের  
তোমার পাদপীঠ করি।’ 36 ‘সেই কারণে, সমস্ত ইস্রায়েল এ বিষয়ে  
নিশ্চিত হোক: যে যীশুকে তোমরা ক্রুশে বিদ্ধ করেছ, ঈশ্বর তাঁকে  
প্রভু ও মশীহ, এই উভয়ই করেছেন।’” 37 সকলে যখন একথা শুনল,  
তাদের হৃদয় ক্ষতবিক্ষত হল। তারা পিতর ও অন্য প্রেরিতশিষ্যদের  
বলল, “ভাইরা, আমরা কী করব?” 38 পিতর উন্নত দিলেন, “তোমরা  
প্রত্যেকে মন পরিবর্তন করো ও যীশু খ্রীষ্টের নামে বাস্তিষ্ঠ গ্রহণ করো,  
যেন তোমাদের পাপ ক্ষমা হয়, তাহলে তোমরা ঈশ্বরের দানন্দনীপ  
পরিত্র আত্মা লাভ করবে। 39 এই প্রতিশ্রুতি তোমাদের ও তোমাদের  
সন্তানদের জন্য এবং যারা দূরে আছে তাদের সকলের জন্য—সকলের  
জন্য যাদেরকে আমাদের ঈশ্বর প্রভু আহ্বান করবেন।” 40 আরও  
অনেক কথায় তিনি তাদের সতর্ক করে দিলেন এবং তিনি তাদের  
উপদেশ দিয়ে বললেন, “এই কল্যাণিত প্রজন্ম থেকে তোমরা নিজেদের  
রক্ষা করো।” 41 যারা তাঁর বাণী গ্রাহ্য করল, তারা বাস্তিষ্ঠ গ্রহণ করল,

আর সেদিন প্রায় তিন হাজার লোক তাদের সঙ্গে যুক্ত হল। 42 আর তারা প্রেরিতশিষ্যদের শিক্ষায় ও সহভাগিতায়, রংটি-ভাঙায় ও প্রার্থনায় একান্তভাবে অংশগ্রহণ করল। 43 প্রেরিতশিষ্যদের মাধ্যমে বহু আশ্চর্য ঘটনা ও অলৌকিক নির্দশন সম্পন্ন হতে দেখে প্রত্যেকে ভক্তিপূর্ণ ভয়ে পূর্ণ হয়ে উঠল। 44 যারা বিশ্বাস করল তারা সকলেই একসঙ্গে থাকত ও একই ভাঙার থেকে তাদের প্রয়োজন যেটাতো। 45 তাদের বিষয়সম্পত্তি ও জিনিসপত্র বিক্রি করে তাদের প্রত্যেকের প্রয়োজন অনুযায়ী তা ভাগ করে দিত। 46 প্রতিদিন তারা একসঙ্গে মন্দির-প্রাঙ্গণে মিলিত হত। তারা নিজেদের ঘরে রংটি ভাঙত এবং আনন্দের সঙ্গে ও হৃদয়ের সরলতায় একসঙ্গে খাওয়াদাওয়া করত। 47 তারা ঈশ্বরের প্রশংসা করত এবং সব মানুষ তাদের শ্রদ্ধা করত। আর যারা পরিত্রাণ লাভ করল, প্রভু দিন-প্রতিদিন তাঁদের সঙ্গে পরিত্রাণপ্রাপ্তদের যুক্ত করে তাঁদের সংখ্যা বৃদ্ধি করলেন।

**৩** একদিন প্রার্থনার নির্দিষ্ট সময়ে, বেলা তিনটের সময়, পিতর ও যোহন একসঙ্গে মন্দিরের দিকে যাচ্ছিলেন। 2 এমন সময়ে জল্ল থেকে খোঁড়া এক ব্যক্তিকে মন্দিরের সুন্দর নামক দরজার দিকে বয়ে নিয়ে যাওয়া হচ্ছিল। যারা মন্দির-প্রাঙ্গণে যেত, তাদের কাছে ভিক্ষা চাওয়ার জন্য তাকে রোজ সেখানে বসিয়ে রাখা হত। 3 সে যখন পিতর ও যোহনকে মন্দিরে প্রবেশ করতে দেখল, সে তাদের কাছে টাকাপয়সা ভিক্ষা করল। 4 পিতর সোজা তার দিকে তাকালেন, যোহনও তাই করলেন। তখন পিতর বললেন, “আমাদের দিকে তাকাও!” 5 এতে সেই ব্যক্তি তাদের দিকে তাকিয়ে দেখল। তাদের কাছ থেকে সে কিছু পাওয়ার আশা করেছিল। 6 তখন পিতর বললেন, “সোনা কি রংপো আমার কাছে নেই, কিন্তু আমার কাছে যা আছে, আমি তাই তোমাকে দান করি। তুমি নাসরতের যীশু খ্রীষ্টের নামে হেঁটে বেড়াও।” 7 তার ডান হাত ধরে তিনি তাকে উঠে দাঁড়াতে সাহায্য করলেন, সঙ্গে সঙ্গে মানুষটির দু-পা ও গোড়ালি সবল হয়ে উঠল। 8 সে তার পায়ে লাফ দিয়ে উঠল ও চলে বেড়াতে লাগল। তারপর সে চলতে চলতে, লাফ দিতে দিতে ও ঈশ্বরের প্রশংসা করতে করতে তাঁদের সঙ্গে মন্দির-

প্রাঙ্গণে প্রবেশ করল। ৭ সব লোক তাকে যখন চলতে ও ঈশ্বরের  
প্রশংসা করতে দেখল, ৮ তারা তাকে চিনতে পারল যে, এ সেই  
ব্যক্তি, যে সুন্দর নামে পরিচিত মন্দিরের দরজায় বসে ভিক্ষা চাইত।  
তার প্রতি যা ঘটেছে, তা দেখে তারা চমৎকৃত ও বিস্ময়ে অভিভূত  
হয়ে পড়ল। ৯ আর সেই ব্যক্তি পিতর ও যোহনের কাছে ঘনিষ্ঠভাবে  
দাঁড়িয়ে থাকাতে সব লোক বিস্মিত হল। তারা সবাই শলোমনের  
বারান্দায় তাদের কাছে দৌড়ে এল। ১০ পিতর যখন তা দেখলেন, তিনি  
তাদের বললেন, “হে ইস্রায়েলবাসী, এই ঘটনায় তোমরা কেন বিস্মিত  
হচ্ছে? কেনই বা আমাদের দিকে এমন অপলক দৃষ্টিতে তাকিয়ে  
আছ, যেন আমরা নিজস্ব ক্ষমতায় বা পুণ্যবলে এই ব্যক্তিকে চলার  
শক্তি দিয়েছি? ১১ অবাহাম, ইস্হাক ও যাকোবের ঈশ্বর, আমাদের  
পিতৃপুরুষদের ঈশ্বর, তাঁর সেবক সেই যীশুকে গৌরবান্বিত করেছেন।  
তোমরা তাঁকে হত্যা করার জন্য সমর্পণ করেছিলে এবং পীলাতের  
বিচারালয়ের সামনে তাঁকে অস্বীকার করেছিলে, যদিও তিনি তাঁকে  
মুক্তি দিতে চেয়েছিলেন। ১২ তোমরা সেই পরিত্র ও ধার্মিক জনকে  
অস্বীকার করে চেয়েছিলে যেন এক হত্যাকারীকে তোমাদের জন্য মুক্তি  
দেওয়া হয়। ১৩ যিনি জীবনের স্ট্রঠা, তোমরা তাঁকে হত্যা করেছিলে,  
কিন্তু ঈশ্বর তাঁকে মৃত্যু থেকে উত্থাপিত করেছেন। আমরা এই ঘটনার  
সাক্ষী। ১৪ তোমরা এই যে ব্যক্তিকে দেখছ ও জানো, যীশুর নামে  
বিশ্বাস করেই সে সবল হয়েছে। যীশুর নাম ও তাঁর মাধ্যমে যে বিশ্বাস  
দেওয়া হয়েছে, তার দ্বারা সে সম্পূর্ণরূপে সুস্থ হয়েছে, যেমন তোমরা  
সবাই দেখছ। ১৫ “হে ইস্রায়েলবাসী, আমি জানি, তোমাদের নেতাদের  
মতো তোমরাও না জেনে এসব কাজ করেছিলে। ১৬ কিন্তু ঈশ্বর তা  
এভাবেই পূর্ণ করেছেন, যা তিনি তাঁর সব ভাববাদীর দ্বারা অনেক  
আগেই ঘোষণা করেছিলেন, বলেছিলেন যে তাঁর মশীহ কষ্টভোগ  
করবেন। ১৭ সুতরাং, এখন তোমরা মন পরিবর্তন করো ও ঈশ্বরের  
প্রতি ফিরে এসো, যেন তোমাদের সব পাপ মুছে ফেলা হয় ও প্রভুর  
কাছ থেকে পুনরঞ্জীবনের সময় উপস্থিত হয়। ১৮ তখন তিনি সেই  
মশীহকে, অর্থাৎ যীশুকে, আবার পাঠাবেন যাঁকে তিনি তোমাদের

জন্য নিযুক্ত করেছেন। 21 তাঁকে সেই সময় পর্যন্ত স্বর্গে থাকতেই  
হবে, যতক্ষণ না সবকিছু পুনরায় প্রতিষ্ঠা করার জন্য ঈশ্বরের সময়  
উপস্থিত হয়, যেমন তিনি তাঁর পূর্বে ভাববাদীদের মাধ্যমে বহুকাল  
আগেই প্রতিশ্রূতি দান করেছিলেন। (aiōn g165) 22 কারণ মোশি

বলেছেন, ‘প্রভু, তোমাদের ঈশ্বর, তোমাদের ভাইয়ের মধ্য থেকে  
আমার মতো একজন ভাববাদীর উথান ঘটাবেন। তিনি তোমাদের  
যা বলেন, তোমরা অবশ্যই সেইসব বিষয় মন দিয়ে শোনো। 23  
কোনো ব্যক্তি যদি তাঁর কথা না শোনে, সে তার আপনজনদের মধ্য  
থেকে সম্পূর্ণভাবে উচ্ছিন্ন হবে।’ 24 “প্রকৃতপক্ষে শমুয়েল থেকে  
শুরু করে যতজন ভাববাদী বাণী প্রচার করেছেন, তাঁরা এই সময়ের  
বিষয়েই আগে ঘোষণা করেছিলেন। 25 আর তোমরা হলে সেই  
ভাববাদীদের উত্তরাধিকারী এবং তোমাদের পিতৃপুরুষদের সঙ্গে  
স্থাপিত নিয়মের উত্তরাধিকারী। ঈশ্বর অব্রাহামকে বলেছিলেন, ‘তোমার  
বংশের মাধ্যমে পৃথিবীর সমস্ত জাতি আশীর্বাদ লাভ করবে।’ 26 যখন  
ঈশ্বর তাঁর দাসকে মনোনীত করলেন, তিনি তাঁকে প্রথমে তোমাদের  
কাছে পাঠিয়েছিলেন, যেন তোমাদের প্রত্যেককে নিজেদের দুষ্টতার  
জীবনাচরণ থেকে ফিরিয়ে আশীর্বাদ করতে পারেন।”

4 পিতর ও যোহন যখন জনসাধারণের সঙ্গে কথা বলেছিলেন, সেই  
সময় যাজকেরা, মন্দিরের রক্ষী-প্রধান ও সদৃকীরা তাদের কাছে এল।  
2 তারা অত্যন্ত বিরক্ত হয়েছিল, কারণ প্রেরিতশিষ্যেরা লোকদের শিক্ষা  
দিচ্ছিলেন এবং যীশুর মাধ্যমেই মৃতলোক থেকে পুনরুত্থানের কথা  
প্রচার করেছিলেন। 3 তারা পিতর ও যোহনকে গ্রেপ্তার করল, আর  
সন্ধ্যা হয়েছিল বলে তারা পরদিন পর্যন্ত তাঁদের কারাগার বন্দি করে  
রাখল। 4 কিন্তু যারা বাক্য শুনেছিল, তাদের মধ্যে অনেকে বিশ্বাস  
করল এবং পুরুষদের সংখ্যা বৃদ্ধি পেয়ে হল প্রায় পাঁচ হাজার। 5 পরের  
দিন শাসকেরা, প্রাচীনবর্গ ও শাস্ত্রবিদরা জেরুশালেমে মিলিত হল।  
6 মহাযাজক হানন সেখানে উপস্থিত ছিলেন, আর ছিলেন কায়াফা,  
যোহন, আলেকজান্ডার ও মহাযাজকের পরিবারের অন্যান্য ব্যক্তিরাও।  
7 তাঁরা পিতর ও যোহনকে তাঁদের কাছে তলব করে প্রশ্ন করতে শুরু

করলেন, “কোন শক্তিতে বা কী নামে তোমরা এই কাজ করেছ?” ৪  
তখন পিতর, পবিত্র আত্মায় পরিপূর্ণ হয়ে তাঁদের বললেন, “শাসকেরা  
ও সমাজের প্রাচীনবর্গ! ৫ একজন পঙ্গু মানুষের প্রতি করণা দেখানোর  
জন্য যদি আজ আমাদের জবাবদিহি করতে বলা হচ্ছে এবং জিজ্ঞেস  
করা হচ্ছে যে, সে কীভাবে সুস্থ হল, ১০ তাহলে আপনারা ও ইস্রায়েলের  
সব মানুষ একথা জেনে নিন: যাঁকে আপনারা ক্রুশার্পিত করেছিলেন,  
কিন্তু ঈশ্বর যাঁকে মৃতদের মধ্য থেকে উত্থাপিত করেছেন, নাসরতের  
সেই যীশু খ্রিষ্টের নামে এই ব্যক্তি সুস্থ হয়ে আপনাদের সামনে দাঁড়িয়ে  
আছে। ১১ তিনিই “সেই পাথর যাঁকে গাঁথকেরা অগ্রহ্য করেছিলেন,  
তিনিই হয়ে উঠেছেন কোণের প্রধান পাথর।” ১২ আর অন্য কারও  
কাছে পরিত্রাণ পাওয়া যায় না, কারণ আকাশের নিচে, মানুষের মধ্যে  
এমন আর কোনো নাম দেওয়া হয়নি, যার দ্বারা আমরা পরিত্রাণ পেতে  
পারি।” ১৩ তাঁরা যখন পিতর ও যোহনের সাহসিকতা দেখলেন ও  
উপলক্ষ্মি করলেন যে তাঁরা ছিলেন অশিক্ষিত, সাধারণ মানুষ, তখন  
তাঁরা বিস্মিত হলেন। তাঁরা বুঝতে পারলেন যে এঁরা যীশুর সঙ্গে  
ছিলেন। ১৪ কিন্তু যে ব্যক্তি সুস্থ করেছিল, তাকে তাঁদের সঙ্গে সেখানে  
দাঁড়িয়ে থাকতে দেখে, তাঁদের বলার মতো আর কিছুই ছিল না।  
১৫ সেই কারণে তাঁরা তাঁদের মহাসভা থেকে বাইরে যেতে বললেন  
এবং তারপর একত্রে শলাপরামৰ্শ করতে লাগলেন। ১৬ তাঁরা বলাবলি  
করলেন, “এই লোকগুলিকে নিয়ে আমরা কী ব্যবস্থা গ্রহণ করব?  
জেরুশালেমে বসবাসকারী প্রত্যেক ব্যক্তিই জানে যে, তাঁরা এক  
নজিরবিহীন অলৌকিক চিহ্নকাজ সম্পন্ন করেছে, আর আমরা তা  
অস্থীকার করতে পারি না। ১৭ কিন্তু এই বিষয় লোকদের মধ্যে যেন  
আর ছড়িয়ে না পড়ে, সেজন্য আমরা অবশ্যই তাঁদের সতর্ক করে দেব,  
যেন তাঁরা এই নামে আর কারও কাছে আর কোনো কথা না বলে।” ১৮  
তাঁরা তখন আবার তাঁদের ভিতরে ডেকে পাঠালেন ও আদেশ দিলেন,  
যেন তাঁরা যীশুর নামে আদৌ আর কোনো কথা না বলে, বা শিক্ষা না  
দেয়। ১৯ কিন্তু পিতর ও যোহন উভয় দিলেন, “আপনারা নিজেরাই  
বিচার করুন, ঈশ্বরের কথা শোনার চেয়ে আপনাদের কথা শোনা

ঈশ্বরের দৃষ্টিতে ন্যায়সংগত কি না। 20 কারণ আমরা যা দেখেছি ও শুনেছি, তা না বলে থাকতে পারছি না।” 21 পরে আরও অনেকভাবে ভয় দেখানোর পর তাঁরা তাঁদের যেতে দিলেন। তাঁরা ঠিক করতে পারলেন না, কীভাবে তাঁদের শাস্তি দেবেন, কারণ যা ঘটেছিল, সেই কারণে সব মানুষই ঈশ্বরের প্রশংসা-স্তব করছিল। 22 আর যে মানুষাটি অলৌকিকভাবে সুস্থ হয়েছিল, তার বয়স ছিল চল্লিশ বছরের বেশি। 23 মুক্তিলাভের পর, পিতর ও যোহন, তাঁদের নিজেদের লোকজনের কাছে ফিরে গেলেন এবং প্রধান যাজকেরা ও প্রাচীনবর্গ, যা কিছু তাঁদের বলেছিলেন, সেই সংবাদ তাঁদের দিলেন। 24 তাঁরা যখন একথা শুনলেন, তখন তাঁরা সম্মিলিতভাবে উচ্চকর্ত্ত্বে প্রার্থনায় ঈশ্বরের উদ্দেশে বলতে লাগলেন, “হে সার্বভৌম প্রভু, তুমই আকাশমণ্ডল ও পৃথিবী ও সমুদ্র ও সেগুলির মধ্যে যা কিছু আছে সেসব সৃষ্টি করেছ। 25 তুমি, তোমার দাস, আমাদের পিতৃপুরুষ দাউদের মাধ্যমে, পবিত্র আত্মার দ্বারা বলেছিলে, “কেন জাতিগণ চক্রান্ত করে আর লোকেরা কেন বৃথাই সংকল্প করে? 26 পৃথিবীর রাজারা উদিত হয় এবং শাসকেরা সংঘবন্ধ হয়, সদাপ্রভুর বিরুদ্ধে ও তাঁর অভিষিক্ত ব্যক্তির বিরুদ্ধে।’ 27 সত্ত্বাই হেরোদ ও পন্তীয় পীলাত পরজাতিদের ও ইস্রায়েলী জনগণের সঙ্গে এই নগরে মিলিত হয়ে তোমার সেই পবিত্র সেবক যীশু, যাঁকে তুমি অভিষিক্ত করেছিলে, তাঁর বিরুদ্ধে ঘড়্যন্ত করেছিল। 28 তারা তাই করেছিল, যা তোমার পরাক্রম ও ইচ্ছা অনুসারে অবশ্যই ঘটবে বলে অনেক আগে থেকে স্থির করে রেখেছিল। 29 এখন হে প্রভু, ওদের ভয় দেখানোর কথা বিবেচনা করো ও সম্পূর্ণ সাহসিকতার সঙ্গে তোমার বাক্য বলার জন্য তোমার এই দাসেদের ক্ষমতা দাও। 30 তোমার পবিত্র সেবক যীশুর নামের মাধ্যমে রোগনিরাময় ও অলৌকিক সব নির্দর্শন এবং বিস্ময়কর কাজগুলি সম্পূর্ণ করতে তোমার হাত বাড়িয়ে দাও।” 31 তাঁদের প্রার্থনা শেষ হলে, তাঁরা যে স্থানে মিলিত হয়েছিলেন, সেই স্থান কেঁপে উঠল। আর তাঁরা সকলেই পবিত্র আত্মায় পরিপূর্ণ হলেন এবং সাহসের সঙ্গে ঈশ্বরের বাক্য বলতে লাগলেন। 32 বিশ্বাসীরা সকলেই ছিল একচিত্ত ও একপ্রাণ। কেউই তাঁর সম্পত্তির

কেনো অংশ নিজের বলে দাবি করত না। কিন্তু তাদের যা কিছু ছিল,  
তা সকলের সঙ্গে ভাগ করে নিত। 33 প্রেরিতশিষ্যেরা মহাপরাক্রমের  
সঙ্গে প্রভু যীশুর পুনরুত্থান সম্পর্কে সাক্ষ্য দিতে লাগলেন এবং প্রভুর  
অনুগ্রহ তাদের সকলের উপরে ছিল। 34 তাদের মধ্যে কেউ অভাবগ্রস্ত  
ছিল না। কারণ, সময়ে সময়ে, যাদের জমি বা বাড়িগুলি ছিল, তারা  
সেগুলি বিক্রি করে, সেই বিক্রি করা অর্থ এনে 35 প্রেরিতশিষ্যদের  
চরণে রাখত। পরে যার যেমন প্রয়োজন হত, তাকে সেই অনুযায়ী ভাগ  
করে দেওয়া হত। 36 আর যোষেফ নামে সাইপ্রাসের একজন লেবীয়,  
যাঁকে প্রেরিতশিষ্যেরা বার্গবা (নামটির অর্থ, উৎসাহের সন্তান) নামে  
ডাকতেন, 37 তাঁর মালিকানাধীন একটি জমি তিনি বিক্রি করে সেই  
অর্থ নিয়ে এলেন ও প্রেরিতশিষ্যদের চরণে তা রাখলেন।

**5** এখন অননিয় নামে একজন ব্যক্তি, তার স্ত্রী সাফিরার সঙ্গে সম্পত্তির  
এক অংশ বিক্রি করল। 2 তার স্ত্রীর সম্পূর্ণ জ্ঞাতসারে, সে তার  
নিজের জন্য অর্থের কিছু অংশ রেখে দিল, কিন্তু অবশিষ্ট অংশ এনে  
প্রেরিতশিষ্যদের চরণে রাখল। 3 তখন পিতর বললেন, “অননিয়, এ কী  
রকম হল, শয়তান তোমার অন্তরকে এমন পূর্ণ করল যে, তুমি পবিত্র  
আত্মার কাছে মিথ্যা বললে এবং জমির বিক্রি করা অর্থের কিছু অংশ  
নিজের জন্য রেখে দিলে? 4 বিক্রি করার আগে তা কি তোমারই ছিল  
না? আর বিক্রি করার পরেও সেই অর্থ কি তোমারই অধিকারে ছিল  
না? এরকম একটি কাজ করার কথা তুমি কী করে চিন্তা করলে? তুমি  
মানুষের কাছে নয়, কিন্তু ঈশ্বরেরই কাছে মিথ্যা বললে।” 5 অননিয়  
একথা শোনামাত্র মাটিতে পড়ে গেল ও প্রাণত্যাগ করল। ওই ঘটনার  
কথা যারা শুনল, তারা সকলেই মহা আতঙ্কে কবলিত হল। 6 তখন  
যুবকেরা এগিয়ে এল, তার শরীরে কাপড় জড়ালো এবং তাকে বাইরে  
নিয়ে গিয়ে কবর দিল। 7 প্রায় তিন ঘণ্টা পরে তার স্ত্রী উপস্থিত হল।  
কী ঘটনা ঘটেছে, সে তা জানত না। 8 পিতর তাকে জিজ্ঞাসা করলেন,  
“আমাকে বলো তো, জমি বিক্রি করে তুমি ও অননিয় কি এই পরিমাণ  
অর্থ পেয়েছিলে?” সে বলল, “হ্যাঁ, এই তার দাম।” 9 পিতর তাকে  
বললেন, “প্রভুর আত্মাকে পরীক্ষা করার জন্য কীভাবে তোমরা একমত

হলে? দেখো! যারা তোমার স্বামীকে কবর দিয়েছে, তারা দুয়ারে এসে  
পড়েছে, তারা তোমাকেও বাইরে নিয়ে যাবে।” 10 সেই মুহূর্তে সে  
তাঁর চরণে পড়ে প্রাণত্যাগ করল। তখন যুবকেরা ভিতরে এসে দেখল  
সেও মারা গেছে। তারা তাকে বাইরে বয়ে নিয়ে গেল ও তার স্বামীর  
পাশে তাকে কবর দিল। 11 সমস্ত মণ্ডলী ও যারাই এই ঘটনার কথা  
শুনল, সকলেই অত্যন্ত আতঙ্কিত হয়ে উঠল। 12 প্রেরিতশিষ্যেরা  
জনসাধারণের মধ্যে অনেক অলৌকিক নির্দশন ও বিস্ময়কর কাজ  
সম্পন্ন করলেন। বিশাসীরা সকলে শলোমনের বারান্দায় একযোগে  
মিলিত হত। 13 অন্য কেউই তাদের সঙ্গে যোগ দিতে সাহস করত  
না, যদিও লোকেরা তাদের অত্যন্ত সমাদর করত। 14 তা সত্ত্বেও,  
বহু পুরুষ ও মহিলা, উত্তরোত্তর প্রভুতে বিশ্বাস করে তাদের সংখ্যা  
বৃদ্ধি করল। 15 শেষে এমন হল যে, লোকেরা অসুস্থ মানুষদের রাস্তার  
ধারে বয়ে নিয়ে গিয়ে তাদের বিছানা ও মাদুরে শুইয়ে রাখত, যেন  
পিতৃর রাস্তা দিয়ে যাওয়ার সময় তাঁর ছায়া অন্তত কারও কারও উপরে  
পড়ে। 16 জেরুশালেমের চারপাশের নগরগুলি থেকেও জনতা ভিড়  
করতে লাগল। তারা তাদের অসুস্থ মানুষদের ও যারা মন্দ-আত্মা দ্বারা  
যন্ত্রণা পাচ্ছিল, তাদের নিয়ে আসত এবং তারা সকলেই সুস্থ হয়ে  
উঠত। 17 এরপর মহাযাজক ও তাঁর সমস্ত সহযোগী, যারা সদূকী  
সম্প্রদায়ের সদস্য ছিলেন, তাঁরা ঈর্ষায় পূর্ণ হয়ে উঠলেন। 18 তাঁরা  
প্রেরিতশিষ্যদের গ্রেপ্তার করে সরকারি কারাগারে রেখে দিলেন। 19  
কিন্তু রাত্রিবেলা প্রভুর এক দৃত কারাগারের দরজাগুলি খুলে দিয়ে  
তাঁদের বাইরে নিয়ে এলেন। 20 তিনি বললেন, “তোমরা যাও, গিয়ে  
মন্দির-প্রাঙ্গণে দাঁড়াও এবং জনসাধারণের কাছে এই নতুন জীবনের  
পূর্ণ বার্তা প্রকাশ করো।” 21 তাঁদের যেমন বলা হয়েছিল, ভোরবেলা  
তাঁরা মন্দির-প্রাঙ্গণে প্রবেশ করলেন এবং লোকদের শিক্ষা দিতে  
লাগলেন। মহাযাজক ও তাঁর সহযোগীরা যখন উপস্থিত হলেন, তাঁরা  
ইস্রায়েলীদের প্রাচীনবর্গের সমন্বয়ে গঠিত পূর্ণ জমায়েত বা মহাসভাকে  
একত্র করলেন ও প্রেরিতশিষ্যদের নিয়ে আসার জন্য কারাগারে লোক  
পাঠালেন। 22 কিন্তু কারাগারে উপস্থিত হয়ে কর্মচারীরা তাঁদের সেখানে

খুঁজে পেল না। তাই তারা ফেরত গিয়ে সংবাদ দিল, 23 “আমরা গিয়ে দেখলাম, কারাগার সুদ্ধুরূপে তালাবন্ধ, রক্ষীরাও দরজায় দরজায় দাঁড়িয়ে আছে, কিন্তু আমরা সেগুলি খুলে ভিতরে কাউকে দেখতে পেলাম না।” 24 এই সংবাদ শুনে মন্দিরের রক্ষী-প্রধান ও মহাযাজক বিস্ময়বিস্মৃত হলেন। তাঁরা অবাক হয়ে ভাবতে লাগলেন যে, এর পরিণাম কী হতে পারে। 25 তখন একজন ব্যক্তি এসে বলল, “দেখুন! যাঁদের আপনারা কারাগারে রেখেছিলেন, তাঁরা মন্দির-প্রাঙ্গণে দাঁড়িয়ে লোকদের শিক্ষা দিচ্ছে।” 26 এতে রক্ষী-প্রধান তাঁর কর্মচারীদের সঙ্গে গিয়ে প্রেরিতশিষ্যদের নিয়ে এলেন। তাঁরা বলপ্রয়োগ করলেন না, কারণ লোকেরা তাঁদের উপর পাথর মারতে পারে ভেবে তাঁরা ভয় পেয়েছিলেন। 27 প্রেরিতশিষ্যদের নিয়ে এসে, তাঁরা তাঁদের মহাসভার সামনে উপস্থিত করলেন, যেন মহাযাজক তাঁদের জিজ্ঞাসাবাদ করতে পারেন। 28 তিনি বললেন, “আমরা তোমাদের এই নামে শিক্ষা না দেওয়ার জন্য কঠোর আদেশ দিয়েছিলাম, তবুও তোমরা তোমাদের উপদেশে জেরশালেম পূর্ণ করেছ এবং সেই ব্যক্তির রক্তের জন্য আমাদেরই অপরাধী সাব্যস্ত করার উদ্দেশ্য দৃঢ়সংকল্প হয়েছ।” 29 পিতর ও অন্য প্রেরিতশিষ্যেরা উত্তর দিলেন, “মানুষের চেয়ে আমরা বরং ঈশ্বরের আদেশই পালন করব! 30 আমাদের পিতৃপুরুষদের ঈশ্বর সেই যীশুকে মৃতলোক থেকে উথাপিত করেছেন—যাঁকে আপনারা একটি গাছের উপরে টাঙিয়ে হত্যা করেছিলেন। 31 ঈশ্বর তাঁকে অধিপতি ও উদ্ধারকর্তা করে তাঁর ডানদিকে উঘীত করেছেন, যেন তিনি ইস্রায়েলকে মন পরিবর্তনের পথে চালনা করতে ও পাপের ক্ষমা দিতে পারেন। 32 আমরা এই সমস্ত বিষয়ের সাক্ষী, আর পবিত্র আত্মাও সাক্ষী, যাঁকে ঈশ্বর, যারা তাঁর আজ্ঞা পালন করে, তাদের দান করেছেন।” 33 একথা শুনে তাঁরা ক্রোধে উন্মত্ত হলেন এবং তাঁদের মৃত্যুদণ্ড দিতে চাইলেন। 34 কিন্তু গমলীয়েল নামে একজন ফরিশী, যিনি শাস্ত্রবিদ ও সর্বসাধারণের কাছে একজন গণ্যমান্য ব্যক্তি ছিলেন, তিনি উঠে দাঁড়ালেন ও আদেশ দিলেন, যেন কিছুক্ষণের জন্য ওদেরকে বাইরে নিয়ে যাওয়া হয়। 35 এরপর তিনি মহাসভাকে সম্মোধন করে

বললেন, “হে ইস্রায়েলী জনগণ, এই লোকদের নিয়ে আপনারা যা  
করতে চলেছেন, সে সম্পর্কে সতর্কতার সঙ্গে বিবেচনা করুন। 36  
কিছুদিন আগে, থুদা উপস্থিত হয়ে নিজেকে এক মহাপুরুষ বলে দাবি  
করেছিল এবং প্রায় চারশো মানুষ তার পাশে জড়ো হয়েছিল। সে  
নিহত হল ও তার অনুগামীরা ছত্রভঙ্গ হওয়ায় সবকিছুই ব্যর্থ হয়েছিল;  
কারো আর অস্তিত্ব রইল না। 37 তারপরে গালীলীয় যিহুদা জনগণনার  
সময়ে উপস্থিত হয়ে কিছু মানুষকে বিদ্রোহের পথে চালিত করল।  
সেও নিহত হল ও তার সমস্ত অনুগামী ছিন্নভিন্ন হয়ে পড়ল। 38 সেই  
কারণে, বর্তমান বিষয়টি সম্পর্কে আমি তোমাদের পরামর্শ দিই, এই  
লোকেরা যেমন আছে, থাকতে দাও! ওদের চলে যেতে দাও! কারণ  
ওদের অভিপ্রায় বা কাজকর্ম যদি মানুষ থেকে হয়, তবে তা ব্যর্থ হবে।  
39 কিন্তু তা যদি ঈশ্বর থেকে হয়, তোমরা এদের আটকাতে পারবে  
না; তোমরা কেবলমাত্র দেখতে পাবে যে, তোমরা নিজেরাই ঈশ্বরের  
বিরুদ্ধে সংগ্রামে লিঙ্গ হয়েছ।” 40 তাঁরা তখন তাঁর পরামর্শ গ্রহণ  
করল। তাঁরা প্রেরিতশিষ্যদের ভিতরে ডেকে এনে চাবুক মারলেন।  
তাঁরা তাঁদের আদেশ দিলেন, তাঁরা যেন যীশুর নামে কোনো কথা না  
বলেন। তারপর তাঁরা তাঁদের চলে যেতে দিলেন। 41 প্রেরিতশিষ্যেরা  
আনন্দ করতে করতে মহাসভা ত্যাগ করলেন, কারণ তাঁরা সেই নামের  
কারণে অপমান ভোগ করার জন্য যোগ্য বলে গণ্য হয়েছিলেন। 42  
দিনের পর দিন, মন্দির-প্রাঙ্গণে ও ঘরে ঘরে, তাঁরা শিক্ষা দিতে এবং  
যীশুই যে সেই খ্রীষ্ট, এই সুসমাচার ঘোষণা করতে কখনও ক্ষান্ত হতেন  
না।

**৬** সেই সময় শিষ্যদের সংখ্যা যখন বৃদ্ধি পাচ্ছিল, তাদের মধ্যে যারা  
গ্রিকভাষী ইহুদি ছিল তারা, হিন্দুভাষী ইহুদিদের বিরুদ্ধে অভিযোগ  
করতে লাগল, কারণ প্রতিদিনের খাবার ভাগ করার সময় তাদের  
বিধবারা উপেক্ষিত হচ্ছিল। 2 তখন সেই বারোজন সব শিষ্যকে  
একে আহ্বান করে বললেন, “খাবার পরিবেশনের জন্য ঈশ্বরের  
বাকেয়ের পরিচর্যা অবহেলা করা আমাদের পক্ষে ন্যায়সংগত হবে না।  
3 ভাইয়েরা, তোমাদের মধ্য থেকে এমন সাতজনকে বেছে নাও, যারা

পবিত্র আত্মায় ও বিজ্ঞতায় পূর্ণ বলে সুপরিচিত। আমরা এই দায়িত্বভার তাদের উপরে দেবো ৪ ও আমরা প্রার্থনায় ও বাক্যের পরিচর্যায় মনোনিবেশ করব।” ৫ এই প্রস্তাব সমস্ত দলের কাছে সন্তোষজনক হল। তারা স্তিফানকে মনোনীত করল, যিনি বিশ্বাসে ও পবিত্র আত্মায় পরিপূর্ণ ছিলেন; এবং ফিলিপ, প্রখোর, নিকানর, তিমোন, পার্মেনাস ও আন্তিয়খের নিকোলাসকে, যিনি ইহুদি ধর্মে ধর্মান্তরিত হয়েছিলেন। ৬ তারা এই সাতজনকে প্রেরিতশিষ্যদের কাছে উপস্থিত করল, যাঁরা প্রার্থনা করে তাঁদের উপরে হাত রাখলেন। ৭ এভাবে ঈশ্বরের বাক্য ছড়িয়ে পড়ল। জেরুশালেমে শিম্যদের সংখ্যা দ্রুত বৃদ্ধি পেল এবং বহুসংখ্যক যাজক বিশ্বাসের প্রতি বাধ্য হলেন। ৮ এরপর স্তিফান, যিনি ঈশ্বরের অনুগ্রহ ও শক্তিতে পূর্ণ ছিলেন, তিনি জনসাধারণের মধ্যে অত্যন্ত বিস্ময়কর ও অলৌকিক চিহ্নকাজ সাধন করতে লাগলেন। ৯ এতে মুক্ত-মানুষদের (যেমন বলা হত) সমাজভবনের সদস্যরা প্রতিবাদ করল। এরা ছিল, কুরীণ ও আলেকজান্দ্রিয়া এবং সেই সঙ্গে কিলিকিয়া ও এশিয়া প্রদেশের ইহুদিরা। এই লোকেরা স্তিফানের সঙ্গে তর্ক শুরু করল। ১০ কিন্তু তারা তাঁর প্রজ্ঞা ও যে আত্মার শক্তিতে তিনি কথা বলছিলেন, তার বিরুদ্ধে দাঁড়াতে পারল না। ১১ তখন তারা গোপনে কয়েকজন মানুষকে এই কথা বলতে প্রয়োচিত করল, “আমরা স্তিফানকে মোশির বিরুদ্ধে ও ঈশ্বরের বিরুদ্ধে নিন্দার কথা বলতে শুনেছি।” ১২ এভাবে তারা জনসাধারণ, প্রাচীনবর্গ ও শাস্ত্রবিদদের উত্তেজিত করে তুলল। তারা স্তিফানকে গ্রেগোর করে মহাসভার সামনে উপস্থিত করল। ১৩ তারা মিথ্যা সাক্ষীদের দাঁড় করালো, যারা সাক্ষ্য দিল, “এই লোকটি এই পবিত্রস্থান ও বিধানের বিরুদ্ধে কথা বলতে কখনও ক্ষত্ত হয় না। ১৪ কারণ আমরা তাকে বলতে শুনেছি যে, নাসরতের যীশু এই স্থান ধ্বংস করবে ও মোশি আমাদের কাছে যেসব রীতিনীতি সমর্পণ করেছেন—সেগুলির পরিবর্তন করবে।” ১৫ যারা মহাসভায় বসেছিল, তারা স্তিফানের প্রতি একদৃষ্টে চেয়ে দেখল, তাঁর মুখমণ্ডল স্বর্গদূতের মুখমণ্ডলের মতো।

7 তখন মহাযাজক স্তিফানকে জিজ্ঞাসা করলেন, “এসব অভিযোগ কি  
সত্যি?” 2 এর উত্তরে তিনি বললেন, “হে আমার ভাইরা ও পিতৃতুল্য  
ব্যক্তিরা, আমার কথা শুনুন। আমাদের পিতৃপুরুষ অব্রাহাম, হারণে  
বসবাস করার পূর্বে তিনি যখন মেসোপটেমিয়ায় বাস করছিলেন, তখন  
প্রতাপের ঈশ্বর তাঁর কাছে আবির্ভূত হয়েছিলেন। 3 ঈশ্বর বলেছিলেন,  
‘তুমি তোমার দেশ ও তোমার আত্মীয়স্বজন ত্যাগ করো এবং আমি যে  
দেশ তোমাকে দেখাব, সেই দেশে যাও।’ 4 “তাই তিনি কলদীয়দের  
দেশ ত্যাগ করে হারণে গিয়ে বসতি স্থাপন করলেন। তাঁর পিতার  
মৃত্যুর পর ঈশ্বর তাঁকে এই দেশে পাঠালেন, যেখানে এখন আপনারা  
বসবাস করছেন। 5 তিনি তাঁকে এখানে কোনও অধিকার, এমনকি,  
পা রাখার মতো একখণ্ড জমিও দান করেননি। কিন্তু ঈশ্বর তাঁকে  
প্রতিশ্রুতি দিয়েছিলেন যে, তিনি ও তাঁর পরে তাঁর উত্তরপুরুষেরা সেই  
দেশের অধিকারী হবেন, যদিও সেই সময় অব্রাহামের কোনো সন্তান  
চির না। 6 ঈশ্বর তাঁর সঙ্গে এভাবে কথা বলেছিলেন, ‘জেনে রাখো  
যে তোমার বংশধরেরা চারশো বছর এমন একটি দেশে অপরিচিত  
হয়ে বসবাস করবে, যা তাদের নিজস্ব নয়; তারা সেখানে ক্রীতদাসে  
পরিণত হবে এবং তাদের সাথে দুর্ব্যবহার করা হবে। 7 কিন্তু যে দেশে  
তারা ক্রীতদাস হয়ে থাকবে, সেই দেশটিকে আমি শাস্তি দেব।’ ঈশ্বর  
বলেছিলেন, ‘শেষ পর্যন্ত তারা সেই দেশ থেকে বেরিয়ে আসবে ও এই  
স্থানে এসে আমার উপাসনা করবে।’ 8 তারপর তিনি অব্রাহামকে  
নিয়মের চিহ্নস্বরূপ সুন্নতের সংস্কার দান করলেন। আর অব্রাহাম, তাঁর  
ছেলে ইস্থাকের জন্ম দিলেন ও আট দিন পরে তাঁর সুন্নত করলেন।  
পরে ইস্থাক যাকোবের জন্ম দিলেন ও যাকোব সেই বারোজন  
পিতৃকুলপতির জন্ম দিলেন। 9 “যেহেতু পিতৃকুলপতিরা যোষেফের  
প্রতি ঈর্ষাণ্বিত হয়েছিলেন, তারা তাঁকে মিশরে ক্রীতদাসরূপে বিক্রি  
করে দিলেন। কিন্তু ঈশ্বর তাঁর সহবতী ছিলেন। 10 তিনি তাঁকে সমস্ত  
সংকট থেকে উদ্ধার করলেন। তিনি যোষেফকে প্রজ্ঞা দান করলেন  
এবং মিশরের রাজা ফরৌণের আনুকূল্য অর্জন করতে সক্ষমতা  
দিলেন। সেই কারণে, ফরৌণ তাঁকে মিশর ও তাঁর সমস্ত প্রাসাদের

উপরে প্রশাসকরণে নিযুক্ত করলেন। 11 “তারপরে সমস্ত মিশরে ও কনানে এক দুর্ভিক্ষ হল এবং ভীষণ কষ্ট উপস্থিত হল। আমাদের পিতৃপুরুষেরা খাদ্যের সংস্কার পেলেন না। 12 যাকোব যখন শুনলেন যে মিশরে শস্য সঞ্চিত আছে, তিনি আমাদের পিতৃপুরুষদের প্রথমবার সেই যাত্রায় পাঠালেন। 13 তাদের হিতীয় যাত্রায় যোমেফ তাঁর ভাইদের কাছে আত্মপরিচয় দিলেন, আর ফরৌণ যোমেফের পরিবারের বিষয়ে জানতে পারলেন। 14 এরপরে যোমেফ নিজের পিতা যাকোব ও তাঁর সমগ্র পরিবারের সব মিলিয়ে পঁচাত্তর জনকে তাঁর কাছে ডেকে পাঠালেন। 15 তারপরে যাকোব মিশরে গেলেন। সেখানে তাঁর ও আমাদের পিতৃপুরুষদের মৃত্যু হল। 16 তাঁদের শবদেহ শিখিমে নিয়ে আসা হল এবং অব্রাহাম শিখিমে, হমোরের ছেলেদের কাছ থেকে কিছু অর্থের বিনিময়ে যে কবর কিনেছিলেন, সেখানে তাদের কবর দেওয়া হল। 17 “ঈশ্বর অব্রাহামের কাছে যে প্রতিশ্রূতি করেছিলেন, তা পূর্ণ হওয়ার সময় সন্নিকট হলে, মিশরে আমাদের লোকদের সংখ্যা অত্যন্ত বৃদ্ধি পেল। 18 পরে ‘এমন এক নতুন রাজা মিশরের ক্ষমতায় এলেন, যাঁর কাছে যোমেফের কোনও গুরুত্বই ছিল না।’ 19 তিনি আমাদের পিতৃপুরুষদের সঙ্গে বিশ্বাসযাতকতাপূর্ণ আচরণ করলেন এবং তিনি বলপ্রয়োগ করে তাদের নবজাত সন্তানদের বাইরে ফেলে দিতে বললেন, যেন তারা মারা যায়। এভাবে তারা আমাদের পূর্বপুরুষদের উপরে অত্যাচার করলেন। 20 “সেই সময়ে মোশির জন্ম হয়। তিনি কোনো সাধারণ শিশু ছিলেন না। তিনি মাস পর্যন্ত তিনি তাঁর বাবার বাড়িতে প্রতিপালিত হলেন। 21 তাঁকে যখন বাইরে রেখে দেওয়া হল, ফরৌণের মেয়ে তাঁকে তুলে নিলেন ও তাঁর নিজের ছেলের মতো তাঁকে প্রতিপালন করলেন। 22 মোশি মিশরীয় সমস্ত জ্ঞান-বিদ্যায় শিক্ষিত হয়ে উঠলেন। কথায় ও কাজে তিনি পরাক্রমী ছিলেন। 23 “মোশির বয়স যখন চাল্লিশ বছর, তিনি তাঁর সহ-ইস্রায়েলীদের খোঁজ করবেন বলে স্থির করলেন। 24 তিনি দেখলেন, তাদের একজনের প্রতি এক মিশরীয় অন্যায় আচরণ করছে। তাই তিনি তার প্রতিরক্ষায় গেলেন এবং সেই মিশরীয়কে হত্যা করে তার প্রতিশোধ নিলেন।

25 মোশি ভেবেছিলেন যে, তাঁর স্বজাতির লোকেরা উপলব্ধি করতে পারবে যে, তাদের উদ্বারের জন্য ঈশ্বর তাঁকে ব্যবহার করছেন, কিন্তু তারা বুঝতে পারল না। 26 পরের দিন, দুজন ইস্রায়েলী যখন পরম্পর মারামারি করছিল, মোশি তাদের কাছে এলেন। তিনি এই কথা বলে তাদের পুনর্মিলনের চেষ্টা করলেন, ‘ওহে, তোমরা পরম্পর ভাই ভাই, কেন তোমাদের একজন অন্যজনকে আহত করতে চাইছ?’ 27 ‘কিন্তু যে লোকটি অপরজনের প্রতি অন্যায় আচরণ করছিল, সে মোশিকে এক পাশে ধাক্কা দিয়ে সরিয়ে বলল, ‘কে তোমাকে আমাদের উপরে শাসক ও বিচারকর্তা নিযুক্ত করেছে? 28 গতকাল সেই মিশরীয়াটিকে যেমন হত্যা করেছিলে, আমাকেও কি তেমনই হত্যা করতে চাও?’ 29 মোশি যখন একথা শুনলেন, তিনি মিদিয়ন দেশে পালিয়ে গেলেন। সেখানে তিনি প্রবাসী হয়ে বসবাস করে দুই ছেলের জন্ম দিলেন। 30 “চলিশ বছর অতিক্রান্ত হওয়ার পর, সীনয় পর্বতের কাছে মরুপ্রান্তের এক প্রজ্বলিত ঘোপের আগুনের শিখায় এক স্বর্গদূত মোশিকে চাক্ষুষ দর্শন দিলেন। 31 তিনি যখন তা দেখলেন, সেই দৃশ্যে তিনি চমৎকৃত হলেন। আরও নিবিড়ভাবে লক্ষ্য করার জন্য যেই তিনি এগিয়ে গেলেন, তিনি প্রভুর কঠস্বর শুনতে পেলেন: 32 ‘আমি তোমার পিতৃপুরুষদের ঈশ্বর, অব্রাহাম, ইস্থাক ও যাকোবের ঈশ্বর।’ মোশি ভয়ে কাঁপতে লাগলেন, সেদিকে তাকানোর সাহস তাঁর রইল না। 33 “তখন প্রভু তাঁকে বললেন, ‘তোমার চাটিজুতো খুলে ফেলো, কারণ তুমি যে স্থানে দাঁড়িয়ে আছ সেটি পবিত্র ভূমি। 34 আমি প্রকৃতই মিশরে আমার প্রজাদের উপরে নির্যাতন লক্ষ্য করেছি। আমি তাদের আর্তনাদ শুনেছি ও তাদের মুক্ত করার জন্যই নেমে এসেছি। এখন এসো, আমি তোমাকে মিশরে ফেরত পাঠাই।’ 35 ‘ইনিই সেই মোশি, যাঁকে তারা এই কথা বলে প্রত্যাখ্যান করেছিল, ‘কে তোমাকে শাসক ও বিচারকর্তা নিযুক্ত করেছে?’ স্বয়ং ঈশ্বর তাঁকে তাদের শাসক ও উদ্বারকারীরাপে পাঠিয়েছিলেন সেই স্বর্গদূতের মাধ্যমে, যিনি ঘোপের মধ্যে তাঁকে দর্শন দিয়েছিলেন। 36 তিনি তাদের মিশর থেকে বের করে আনলেন এবং মিশরে, লোহিত সাগরে ও চলিশ বছর যাবৎ মরুপ্রান্তের বিভিন্ন

বিস্ময়কর কাজ ও অলৌকিক চিহ্নকাজ সম্পন্ন করলেন। 37 “ইনিই  
সেই মোশি, যিনি ইস্রায়েলীদের বলেছিলেন, ‘ঈশ্বর তোমাদের ভাইয়ের  
মধ্য থেকে আমার মতো একজন ভাববাদীর উপান ঘটাবেন।’ 38  
তিনি সেই মরণপ্রাপ্তরে জনমগুলীর মধ্যে ছিলেন। তিনি ছিলেন সেই  
স্বর্গদুর্গের সঙ্গে, যিনি সীনয় পর্বতের উপরে তাঁর সঙ্গে কথা বলেছিলেন  
এবং যিনি আমাদের পিতৃপুরুষদের সঙ্গেও ছিলেন। তিনি জীবন্ত  
বাক্য আমাদের কাছে দেওয়ার জন্য গ্রহণ করেছিলেন। 39 “কিন্তু  
আমাদের পিতৃপুরুষেরা মোশির আদেশ পালন করতে চাইলেন না।  
পরিবর্তে, তাঁরা তাঁকে অগ্রাহ্য করলেন ও মনে মনে মিশরের প্রতি  
ফিরে গেলেন। 40 তাঁরা হারোগকে বললেন, ‘আমাদের আগে আগে  
যাওয়ার উদ্দেশে আমাদের জন্য দেবতা নির্মাণ করো। এই যে মোশি,  
যিনি আমাদের মিশর থেকে বের করে এনেছিলেন, তাঁর কী হয়েছে,  
তা আমরা জানি না।’ 41 সেই সময় তাঁরা বাছুরের আকৃতিবিশিষ্ট  
একটি মূর্তি নির্মাণ করলেন। তাঁরা তার কাছে বিভিন্ন নৈবেদ্য নিয়ে  
এলেন এবং তাঁদের হাতে তৈরি মূর্তির সম্মানে এক আনন্দোৎসব  
পালন করলেন। 42 কিন্তু ঈশ্বর বিমুখ হলেন এবং আকাশের সূর্য, চাঁদ  
ও আকাশের তারা উপাসনা করার জন্য তাদের সমর্পণ করলেন।  
ভাববাদীদের গ্রন্থে যা লেখা আছে, এ তারই সঙ্গে সহমত পোষণ  
করে: “‘হে ইস্রায়েলের কুল, তোমরা কি মরুভূমিতে চালিশ বছর,  
আমার কাছে বিভিন্ন বলিদান ও নৈবেদ্য নিয়ে এসেছিলে? 43 তোমরা  
তুলে ধরেছিলে মোলকের সেই সমাগম তাঁরু ও তোমাদের দেবতা  
রিফনের প্রতীক, তারকা— যে দুই মূর্তি তোমরা উপাসনার জন্য  
নির্মাণ করেছিলে। আমি তাই তোমাদের ব্যাবিলনের সীমানার ওপারে  
নির্বাসনে পাঠাব।’ 44 “মরণপ্রাপ্তরে আমাদের পিতৃপুরুষদের সঙ্গে ছিল  
সেই সাক্ষ্য-তাঁরু। মোশি যে নকশা দেখেছিলেন, সেই অনুযায়ী তাঁকে  
ঈশ্বরের দেওয়া নির্দেশমতো তা নির্মিত হয়েছিল। 45 পরবর্তীকালে  
যিহোশূয়ের আমলে আমাদের পিতৃপুরুষেরা যখন ঈশ্বর দ্বারা তাড়িয়ে  
দেওয়া জাতিকে উচ্ছেদ করে তাদের দেশ অধিকার করলেন, তখনও  
তাঁরা সেই সমাগম তাঁরুটি সঙ্গে নিয়ে গেলেন। সেই তাঁরু দাউদের

সময় পর্যন্ত সেখানেই ছিল। 46 তিনি ঈশ্বরের অনুগ্রহ উপভোগ করলেন এবং যাকোবের ঈশ্বরের জন্য একটি আবাসগৃহ নির্মাণ করার জন্য অনুমতি চাইলেন। 47 কিন্তু প্রকৃতপক্ষে শালোমন তাঁর জন্য সেই আবাসগৃহ নির্মাণ করেন। 48 “যাই হোক, পরাঃপর মানুষের হাতে তৈরি গৃহে বসবাস করেন না। ভাববাদী যেমন বলেন: 49 “‘স্বর্গ আমার সিংহাসন ও পৃথিবী আমার পাদপীঠ। প্রভু বলেন, তোমরা আমার জন্য কী ধরনের আবাস নির্মাণ করবে? অথবা, আমার বিশ্বামিষ্টানই বা হবে কোথায়? 50 আমার হাতই কি এই সমস্ত নির্মাণ করেনি?’ 51 “একগুঁয়ে মানুষ তোমরা, অচিহ্নিতক তোমাদের হৃদয় ও কান! তোমরাও তোমাদের পিতৃপুরুষদের মতো; তোমরা সবসময়ই পবিত্র আত্মাকে প্রতিরোধ করে থাকো! 52 তোমাদের পিতৃপুরুষেরা নির্যাতন করেনি, এমন কোনও ভাববাদী কি আছেন? তারা এমনকি, তাঁদেরও হত্যা করেছিল, যাঁরা সেই ধর্মময় পুরুষের আগমনবার্তা ঘোষণা করেছিলেন। আর এখন তোমরাও বিশ্বাসঘাতকতা করে তাঁকে হত্যা করেছ— 53 তোমরা, বিধান গ্রহণ করেছিলে, যা স্বর্গদূতদের মাধ্যমে দেওয়া হয়েছিল, কিন্তু তা পালন করোনি।” 54 মহাসভার সদস্যরা যখন একথা শুনল, তারা ক্রোধে উন্নত হয়ে তাঁর প্রতি দন্তঘর্ষণ করতে লাগল। 55 কিন্তু স্তিফান, পবিত্র আত্মায় পূর্ণ হয়ে স্বর্গের প্রতি একদৃষ্টে চেয়ে রইলেন। তিনি ঈশ্বরের মহিমা দেখতে পেলেন। আরও দেখলেন যে যীশু ঈশ্বরের ডানদিকে দাঁড়িয়ে আছেন। 56 তিনি বললেন, “দেখো, আমি স্বর্গ খোলা দেখতে পাচ্ছি ও মনুষ্যপুত্র ঈশ্বরের ডানদিকে দাঁড়িয়ে আছেন।” 57 এতে তারা তাদের কান বন্ধ করল এবং উচ্চকণ্ঠে চিৎকার করে সকলে তাঁর দিকে এগিয়ে গেল। 58 তারা তাঁকে নগরের বাইরে টেনে নিয়ে গেল ও তাঁকে পাথর দিয়ে আঘাত করতে লাগল। ইতিমধ্যে, সাক্ষীরা নিজের নিজের পোশাক খুলে শৌল নামে এক যুবকের পায়ের কাছে রাখল। 59 তারা যখন তাঁকে পাথর দিয়ে আঘাত করছিল, স্তিফান প্রার্থনা করলেন, “প্রভু যীশু, আমার আত্মাকে তুমি গ্রহণ করো।” 60 তারপর তিনি নতজানু হয়ে চিৎকার করে বললেন,

“প্রভু, এদের বিরংদে তুমি এই পাপ গণ্য করো না।” একথা বলার পর  
তিনি মৃত্যুর কোলে ঢলে পড়লেন।

**৮** আর শৌল সেখানে তাঁর মৃত্যুর অনুমোদন করছিলেন। সেদিন,  
জেরশালেমের মণ্ডলীর বিরংদে ভীষণ নির্যাতন শুরু হল। প্রেরিতশিষ্যরা  
ছাড়া অন্য সকলে যিহুদিয়া ও শমরিয়ার সর্বত্র ছড়িয়ে পড়ল। ২  
কয়েকজন ঈশ্বরভক্ত স্তিফানের কবর দিলেন এবং তাঁর জন্য গভীর  
শোকপ্রকাশ করলেন। ৩ কিন্তু শৌল মণ্ডলী ধ্বংস করার কাজ শুরু  
করলেন। ঘরে ঘরে প্রবেশ করে তিনি নারী ও পুরুষ সবাইকে টেনে  
এনে তাদের কারাগারে নিক্ষেপ করলেন। ৪ যারা ছড়িয়ে পড়েছিল,  
তারা যেখানেই গেল, সেখানেই বাক্য প্রচার করল। ৫ ফিলিপ শমরিয়ার  
একটি নগরে গেলেন এবং খ্রীষ্টকে সেখানে প্রচার করতে লাগলেন।  
৬ সব লোক যখন ফিলিপের কথা শুনল ও তিনি যেসব অলৌকিক  
চিহ্নকাজ করছিলেন, তা দেখল, তারা তাঁর কথায় গভীর মনোনিবেশ  
করল। ৭ বহু মানুষের মধ্য থেকে অঙ্গু আত্মারা তীক্ষ্ণ চিত্কার করতে  
করতে বেরিয়ে এল। বহু পক্ষাঘাতগ্রস্ত ও পঙ্কু ব্যক্তিরা আরোগ্য  
লাভ করল। ৮ সেই কারণে, সেই নগরে মহা আনন্দ উপস্থিত হল।  
৯ কিছুকাল যাবৎ সেই নগরে শিমোন নামে এক ব্যক্তি জাদুবিদ্যা  
অভ্যাস করত এবং শমরিয়ার সব মানুষকে চমৎকৃত করত। সে  
নিজেকে একজন মহাপুরুষরূপে জাহির করে গর্ববোধ করত ১০ এবং  
উঁচু বা নীচ সবাই তাঁর কথা মন দিয়ে শুনত ও বলত, “এই ব্যক্তি  
সেই দিব্যশক্তি, যা ‘মহাশক্তি’ নামে পরিচিত।” ১১ তারা তার কথা  
মনোযোগ দিয়ে শুনত, কারণ সে তার জাদুবিদ্যার মাধ্যমে বহুদিন ধরে  
তাদের মুক্ত করে রেখেছিল। ১২ কিন্তু ফিলিপ যখন ঈশ্বরের রাজ্যের  
সুসমাচার ও যীশু খ্রীষ্টের নাম প্রচার করলেন, তারা তাঁকে বিশ্বাস করল  
এবং নারী-পুরুষ নির্বিশেষে সকলে বাস্তিষ্ঠ গ্রহণ করল। ১৩ শিমোন  
নিজেও বিশ্বাস করে বাস্তিষ্ঠ গ্রহণ করল। আর সে সর্বত্র ফিলিপকে  
অনুসরণ করতে থাকল; মহান সব চিহ্নকাজ ও অলৌকিক কাজ দেখে  
আশ্চর্যচকিত হল। ১৪ জেরশালেমের প্রেরিতশিষ্যেরা যখন শুনলেন  
যে, শমরিয়া ঈশ্বরের বাক্য গ্রহণ করেছে, তাঁরা পিতর ও যোহনকে

তাদের কাছে পাঠালেন। 15 তাঁরা সেখানে উপস্থিত হয়ে তাদের জন্য প্রার্থনা করলেন, যেন তারা পবিত্র আত্মা পায়, 16 কারণ তখনও পর্যন্ত পবিত্র আত্মা তাদের কারোরই উপরে আসেননি, তারা প্রতু যীশুর নামে কেবলমাত্র বাস্তিষ্ঠ গ্রহণ করেছিল। 17 তখন পিতর ও যোহন তাদের উপরে হাত রাখলেন, আর তারা পবিত্র আত্মা লাভ করল। 18 শিমোন যখন দেখল যে প্রেরিতশিষ্যদের হাত রাখার ফলে পবিত্র আত্মা দেওয়া হচ্ছেন, সে তাঁদের টাকা দেওয়ার প্রস্তাব দিল 19 ও বলল, “আমাকেও এই ক্ষমতা দিন, যেন আমি যার উপরে হাত রাখি, সেও পবিত্র আত্মা পেতে পারে।” 20 পিতর উন্নত দিলেন, “তোমার অর্থ তোমার সঙ্গেই ধ্বংস হোক, কারণ তুমি ভেবেছ, অর্থ দিয়ে তুমি ঈশ্বরের দান কিনতে পারো! 21 এই পরিচর্যায় তোমার কোনও ভূমিকা বা ভাগ নেই, কারণ তোমার অন্তর ঈশ্বরের দৃষ্টিতে সরল নয়। 22 এই দুষ্টার জন্য অনুত্তপ করো এবং প্রভুর কাছে প্রার্থনা করো। হয়তো তোমার অন্তরের এ ধরনের চিন্তার জন্য তিনি তোমাকে ক্ষমা করবেন, 23 কারণ আমি দেখতে পাচ্ছি, তুমি তিক্ততায় পূর্ণ ও পাপের কাছে এখনও বন্দি হয়ে আছ।” 24 তখন শিমোন উন্নত দিল, “আমার জন্য আপনারাই প্রভুর কাছে প্রার্থনা করুন, যেন আপনারা যা বললেন, তার কিছুই আমার প্রতি না ঘটে।” 25 যীশুর বিষয়ে সাক্ষ্য দেওয়ার পর ও প্রভুর বাক্য প্রচার করার পর পিতর ও যোহন বিভিন্ন শমরীয় গ্রামে সুসমাচার প্রচার করলেন ও জেরুশালেমে ফিরে গেলেন। 26 ইতিমধ্যে প্রভুর এক দৃত ফিলিপকে বললেন, “দক্ষিণ দিকে, জেরুশালেম থেকে গাজার দিকে যে পথটি গোছে, মরণপ্রাপ্তরের সেই পথটিতে যাও।” 27 তিনি তখন যাত্রা শুরু করলেন। তাঁর যাওয়ার পথে তিনি এক ইথিয়োপীয় নগুংসক ব্যক্তির সাক্ষাৎ পেলেন। তিনি ইথিয়োপীয়দের কান্দাকি রানির সমস্ত কোষাগার তত্ত্বাবধানের দায়িত্বপ্রাপ্ত একজন গুরুত্বপূর্ণ আধিকারিক ছিলেন। সেই ব্যক্তি উপাসনা করার জন্য জেরুশালেমে গিয়েছিলেন। 28 তাঁর বাড়ি ফেরার পথে, তিনি তাঁর রথে বসে ভাববাদী যিশাইয়ের পুস্তকটি পাঠ করছিলেন। 29 পবিত্র আত্মা ফিলিপকে বললেন, ‘তুমি ওই রথের কাছে গিয়ে তার কাছাকাছি

থাকো।” 30 ফিলিপ তখন রথের দিকে দৌড়ে গেলেন এবং শুনলেন, সেই ব্যক্তি ভাববাদী যিশাইয়ের গ্রন্থ পাঠ করছেন। ফিলিপ জিজ্ঞাসা করলেন, “আপনি যা পাঠ করছেন, তা কি বুঝতে পারছেন?” 31 তিনি বললেন, “কেউ আমাকে এর ব্যাখ্যা না করে দিলে, আমি কী করে বুঝতে পারব?” সেই কারণে তিনি ফিলিপকে তাঁর কাছে উঠে বসার জন্য আমন্ত্রণ জানালেন। 32 সেই নপুংসক শাস্ত্রের এই অংশটি পাঠ করছিলেন: “যেমন ঘাতকের কাছে নিয়ে যাওয়া মেষশাবককে, ও লোমচ্ছেদকদের কাছে নিয়ে যাওয়া মেষ নীরব থাকে, তেমনই তিনি তাঁর মুখ খোলেননি। 33 তাঁর অবমাননাকালে তিনি ন্যায়বিচার থেকে বাধিত হলেন। তাঁর বংশধরদের কথা কে বলতে পারে? কারণ পৃথিবী থেকে তাঁর জীবন উচ্ছিষ্ট হল।” 34 নপুংসক ফিলিপকে জিজ্ঞাসা করলেন, “অনুগ্রহ করে আমাকে বলুন, ভাববাদী এখানে কার সম্পর্কে একথা বলেছেন, নিজের বিষয়ে, না অন্য কারও সম্পর্কে?” 35 তখন তাঁর কাছে ফিলিপ শাস্ত্রের সেই অংশ থেকে শুরু করে যীশুর বিষয়ে সুসমাচার প্রচার করলেন। 36 তাঁরা যখন পথে যাচ্ছিলেন, তাঁরা এক জলাশয়ের কাছে এসে পৌঁছালেন। নপুংসক বললেন, “দেখুন, এখানে জল আছে। আমার বাণিজ্য গ্রহণের বাধা কোথায়?” 37 ফিলিপ বললেন, “আপনি যদি সম্পূর্ণ মনেপ্রাণে বিশ্বাস করেন, তাহলে নিতে পারেন।” প্রত্যুভয়ে নপুংসক বললেন, “আমি বিশ্বাস করি যে, যীশু খ্রীষ্টই ঈশ্বরের পুত্র।” 38 তিনি তখন রথ থামানোর আদেশ দিলেন। পরে ফিলিপ ও নপুংসক, উভয়েই জলের মধ্যে নেমে গেলেন এবং ফিলিপ তাঁকে বাণিজ্য দিলেন। 39 তাঁরা যখন জলের মধ্য থেকে বের হয়ে এলেন, প্রভুর আত্মা তখন হঠাৎই ফিলিপকে সেই স্থান থেকে সরিয়ে দিলেন। নপুংসক তাঁকে আর দেখতে পেলেন না। তখন তিনি আলন্দ করতে করতে তাঁর পথে চলে গেলেন। 40 ফিলিপকে অবশ্য আজোতাস নগরে দেখতে পাওয়া গেল। তিনি যাওয়ার পথে সব নগরগুলিতে সুসমাচার প্রচার করতে করতে অবশেষ কৈসরিয়াতে গিয়ে পৌঁছালেন।

**৯** এর মধ্যে শৌল তখনও তাঁর শ্বাসপ্রশ্বাসের মাধ্যমে তয় দেখাচ্ছিলেন ও প্রভুর শিষ্যদের হত্যা করতে উদ্যত ছিলেন। তিনি মহাযাজকের কাছে গিয়ে ২ দামাক্ষাসের সমাজভবনগুলির উদ্দেশে তাঁর কাছে কয়েকটি পত্র লিখে দিতে অনুরোধ করলেন, যেন নারী-পুরুষ নির্বিশেষে সেই পথের অনুসারী যদি কাউকে দেখতে পান, তাদেরকে বন্দি করে জেরশালেমে নিয়ে আসতে পারেন। ৩ দামাক্ষাসে যাওয়ার পথে, যখন তিনি সে নগরের কাছে পৌঁছালেন, হঠাৎই আকাশ থেকে এক আলো তাঁর চারপাশে দ্যুতিমান হয়ে উঠল। ৪ তিনি মাটিতে পড়ে গেলেন ও এক কঙ্গুর শুনতে পেলেন তাঁকে বলছে, “শৌল, শৌল, তুমি কেন আমাকে নির্যাতন করছ?” ৫ শৌল জিজ্ঞাসা করলেন, “প্রভু, আপনি কে?” তিনি উত্তর দিলেন, “আমি যীশু, যাঁকে তুমি নির্যাতন করছ। ৬ এখন ওঠো, আর নগরের মধ্যে প্রবেশ করো। তোমাকে যা করতে হবে, তা তোমাকে জানিয়ে দেওয়া হবে।” ৭ শৌলের সহযাত্রীরা নির্বাক হয়ে সেখানে দাঁড়িয়ে রইল। তারা সেই শব্দ শুনলেও কাউকে দেখতে পেল না। ৮ শৌল মাটি থেকে উঠে দাঁড়ালেন, কিন্তু তিনি চোখ খুললে পর কিছুই দেখতে পেলেন না। তাই তারা তাঁর হাত ধরে তাঁকে দামাক্ষাসে নিয়ে গেল। ৯ তিনি দিন যাবৎ তিনি দৃষ্টিহীন রইলেন, খাবার বা পানীয় কিছুই গ্রহণ করলেন না। ১০ দামাক্ষাসে অননিয় নামে একজন শিষ্য ছিলেন। প্রভু এক দর্শনের মাধ্যমে তাঁকে ডাক দিলেন, “অননিয়!” তিনি উত্তর দিলেন, “হ্যাঁ প্রভু, দেখুন, এই আমি!” ১১ প্রভু তাঁকে বললেন, “তুমি সরল নামক রাস্তায় অবস্থিত যিহুদার বাড়িতে যাও এবং তার্ষ নগরের শৌল নামে এক ব্যক্তির সন্ধান করো, কারণ সে প্রার্থনা করছে। ১২ এক দর্শনে সে দেখেছে যে, অননিয় নামে এক ব্যক্তি এসে তার উপরে হাত রাখলেন, যেন সে দৃষ্টিশক্তি ফিরে পায়।” ১৩ অননিয় উত্তর দিলেন, “প্রভু, আমি এই লোকটি সম্পর্কে বহু অভিযোগ এবং জেরশালেমে তোমার পবিত্রগণের যে সমস্ত ক্ষতি করেছে, তা আমি শুনেছি। ১৪ আবার এখানেও যারা তোমার নামে ডাকে, তাদের সবাইকে গ্রেপ্তার করার জন্য সে প্রধান যাজকদের কাছ থেকে ক্ষমতা নিয়ে এসেছে।” ১৫ কিন্তু প্রভু অননিয়কে

বললেন, “তুমি যাও! অইহুদি সব জাতি ও তাদের রাজাদের কাছে  
এবং ইস্রায়েলী জনগণের কাছে আমার নাম প্রচার করার জন্য সে  
আমার মনোনীত পাত্র। 16 আমি তাকে দেখাব যে আমার নামের জন্য  
তাকে কত কষ্টভোগ করতে হবে।” 17 অননিয় তখন সেই বাড়ির  
উদ্দেশে চলে গেলেন এবং সেখানে প্রবেশ করলেন। শৌলের উপরে  
হাত রেখে তিনি বললেন, “ভাই শৌল, প্রভু যীশু, যিনি তোমার আসার  
সময় পথে তোমাকে দর্শন দিয়েছেন, তিনি আমাকে পাঠিয়েছেন,  
যেন তুমি দৃষ্টি ফিরে পাও ও পবিত্র আত্মায় পূর্ণ হও।” 18 সঙ্গে সঙ্গে,  
আঁশের মতো কোনো বন্ধ শৌলের দু-চোখ থেকে পড়ে গেল এবং  
তিনি আবার দেখতে লাগলেন। তিনি উঠে বাষ্পাইজিত হলেন, 19 এবং  
পরে কিছু খাবার খেয়ে তাঁর শক্তি ফিরে পেলেন। শৌল কয়েক দিন  
দামাক্ষাসে শিষ্যদের সঙ্গে সময় কাটালেন। 20 দেরি না করে তিনি  
সমাজভবনগুলিতে প্রচার করতে লাগলেন যে, যীশুই ঈশ্বরের পুত্র।  
21 যারা তাঁর কথা শুনল, তারা বিস্মিত হয়ে জিজ্ঞাসা করল, “এ কি  
সেই ব্যক্তি নয় যে জেরুশালেমে তাদের সর্বনাশ করেছিল যারা যীশুর  
নামে ডাকে, এবং তাদের বন্দি করে প্রধান যাজকদের কাছে নিয়ে  
যাওয়ার জন্যই কি সে এখানে আসেনি?” 22 কিন্তু শৌল শক্তিতে  
উত্তরোত্তর বৃদ্ধি পেতে লাগলেন এবং যীশুই যে মশীহ, দামাক্ষাসবাসী  
ইহুদিদের কাছে তা প্রমাণ করে তাদের হতবুদ্ধি করে দিলেন। 23  
এভাবে অনেকদিন কেটে যাওয়ার পর ইহুদিরা তাঁকে হত্যা করার  
ষড়যন্ত্র করল। 24 কিন্তু শৌল তাদের পরিকল্পনার কথা জানতে  
পারলেন। তাঁকে হত্যা করার উদ্দেশ্যে তারা দিনরাত নগরঘারগুলিতে  
সতর্ক পাহারা দিতে লাগল। 25 কিন্তু তাঁর অনুগামীরা একটি বড়ো  
বুড়িতে করে প্রাচীরের একটি ছিদ্রের মধ্য দিয়ে রাত্রিবেলা তাঁকে  
নামিয়ে দিলেন। 26 তিনি যখন জেরুশালেমে এলেন, তিনি শিষ্যদের  
সঙ্গে যোগ দেওয়ার চেষ্টা করলেন। কিন্তু তাঁরা সকলেই তাঁর সম্পর্কে  
ভীত হলেন, বিশ্বাস করতে চাইলেন না যে, তিনি প্রকৃতই শিষ্য  
হয়েছেন। 27 কিন্তু বার্ণবা তাঁর হাত ধরে তাঁকে প্রেরিতশিষ্যদের কাছে  
নিয়ে গেলেন। তিনি তাঁদের বললেন, শৌল কীভাবে তাঁর যাত্রাপথে

প্রভুর দর্শন লাভ করেছেন এবং প্রভু তাঁর সঙ্গে কথা বলেছেন, আবার দামাক্ষাসে তিনি কেমন সাহসের সঙ্গে যীশুর নামে প্রচার করেছেন। 28 এভাবে শৌল তাঁদের সঙ্গে থেকে গেলেন। তিনি স্বচ্ছন্দে জেরুশালেমে এদিক-ওদিক যাতায়াত করতে লাগলেন, প্রভুর নামে সাহসের সঙ্গে কথা বলতে লাগলেন। 29 তিনি গ্রিকভাষী ইহুদিদের সঙ্গে আলাপ-আলোচনা ও তর্কবিতর্কে যুক্ত হলেন, কিন্তু তারা তাঁকে হত্যা করার চেষ্টা করল। 30 বিশাসী ভাইয়েরা যখন একথা জানতে পারলেন, তাঁরা তাঁকে কৈসেরিয়ায় নিয়ে গেলেন এবং সেখান থেকে তার্ষে পাঠিয়ে দিলেন। 31 এরপরে যিহুদিয়া, গালীল ও শমরিয়ার সর্বত্র মণ্ডলীগুলি শান্তি উপভোগ করতে লাগল ও শক্তিশালী হতে লাগল। তারা প্রভুর ভয়ে দিন কাটিয়ে ও পবিত্র আত্মার দ্বারা প্রেরণা লাভ করে সংখ্যায় বৃদ্ধিলাভ করল। 32 পিতর যখন দেশের সর্বত্র যাতায়াত করছিলেন, তিনি লুদ্দায় পবিত্রগণের সঙ্গে দেখা করতে গেলেন। 33 সেখানে তিনি ঐনিয় নামে এক ব্যক্তির সন্ধান পেলেন, সে ছিল পক্ষাঘাতগ্রস্ত ও আট বছর যাবৎ শয়্যাশায়ী। 34 পিতর তাকে বললেন, “ঐনিয়, যীশু খ্রীষ্ট তোমার সুস্থ করছেন। তুমি ওঠো ও তোমার বিছানা গুটিয়ে নাও।” ঐনিয় সঙ্গে সঙ্গে উঠে দাঁড়াল। 35 লুদ্দা ও শারোণ-নিবাসী সব মানুষ তাকে সুস্থ দেখতে পেল ও প্রভুকে গ্রহণ করল। 36 জোপ্পায় টাবিথা নামে এক মহিলা শিষ্য ছিলেন (এই নামের অনুদিত অর্থ, দর্কা); তিনি সবসময় সৎকর্ম করতেন ও দরিদ্রদের সাহায্য করতেন। 37 সেই সময় তিনি অসুস্থ হয়ে মারা যান। তাঁর শরীর ধুয়ে দিয়ে উপরতলার একটি ঘরে রেখে দেওয়া হয়েছিল। 38 লুদ্দা জোপ্পার কাছেই ছিল, তাই শিষ্যেরা যখন শুনল যে, পিতর লুদ্দায় আছেন, তারা তাঁর কাছে দুজন লোককে পাঠিয়ে মিনতি করল, “অনুগ্রহ করে আপনি এখনই চলে আসুন!” 39 পিতর তাদের সঙ্গে গেলেন। তিনি সেখানে পৌঁছালে তাঁকে উপরতলার সেই ঘরে নিয়ে যাওয়া হল। বিধবারা কাঁদতে কাঁদতে তাঁর চারপাশে দাঁড়িয়েছিল, দর্কা তাদের সঙ্গে থাকার সময় যে সমস্ত আলখাল্লা ও অন্যান্য পোশাক তৈরি করেছিলেন, সেসব তাঁকে দেখাতে লাগল। 40 পিতর তাদের সবাইকে সেই ঘর থেকে বের করে

দিলেন। তারপর তিনি নতজানু হয়ে প্রার্থনা করলেন। মৃত মহিলার দিকে ফিরে তিনি বললেন, “টাবিথা, ওঠো।” তিনি তাঁর চোখ খুললেন এবং পিতরকে দেখে উঠে বসলেন। 41 তিনি তাঁর হাত ধরলেন ও তাঁর দু-পায়ে ভর দিয়ে তাঁকে উঠে দাঁড়াতে সাহায্য করলেন। তারপর তিনি সব বিধবা ও অন্য বিশ্বাসীদের ডেকে তাদের কাছে তাঁকে জীবিত অবস্থায় উপস্থিত করলেন। 42 জোপ্তার সর্বত্র একথা প্রকাশ পেল, আর বহু মানুষ প্রভুর উপরে বিশ্বাস করল। 43 পিতর কিছুকাল জোপ্তায় শিমোন নামে এক চর্মকারের বাড়িতে থাকলেন।

**10** কেসরিয়াতে কর্ণীলিয় নামে এক ব্যক্তি ছিলেন, তিনি ইতালীয় সৈন্যবাহিনী নামে পরিচিত এক সৈন্যদলের শত-সেনাপতি ছিলেন। 2 তিনি ও তাঁর পরিবারের সকলে ভক্তিপরায়ণ ও ঈশ্বরভয়শীল ছিলেন। তিনি অভাবী লোকদের উদার হাতে দান করতেন এবং নিয়মিতভাবে ঈশ্বরের কাছে প্রার্থনা করতেন। 3 একদিন বিকালে, প্রায় তিনটের সময়, তিনি এক দর্শন লাভ করলেন। তিনি ঈশ্বরের এক দৃতকে স্পষ্ট দেখতে পেলেন। তিনি তাঁর কাছে এসে বললেন, “কর্ণীলিয়!” 4 কর্ণীলিয় সভয়ে তাঁর দিকে অপলক দৃষ্টিতে তাকিয়ে রইলেন। তিনি জিজ্ঞাসা করলেন, “প্রভু, কী হয়েছে?” দৃত উত্তর দিলেন, “তোমার সব প্রার্থনা ও দরিদ্রদের প্রতি সব দান, স্মারণীয় নৈবেদ্যরূপে ঈশ্বরের কাছে উপস্থিত হয়েছে। 5 এখন জোপ্তায় লোক পাঠিয়ে শিমোন নামে এক ব্যক্তিকে নিয়ে এসো, যাকে পিতর বলে ডাকা হয়। 6 সে শিমোন নামে এক চর্মকারের বাড়িতে আছে, যার বাড়ি সমুদ্রের তীরে অবস্থিত।” 7 তাঁর সঙ্গে যিনি কথা বলছিলেন, সেই দৃত চলে যাওয়ার পর, কর্ণীলিয় তাঁর দুজন দাস ও একজন অনুগত সৈন্যকে ডেকে পাঠালেন, যে ছিল তাঁর ব্যক্তিগত পরিচারক। 8 তিনি তাদের কাছে সব ঘটনার কথা বলে তাদের জোপ্তায় পাঠিয়ে দিলেন। 9 পরের দিন, প্রায় দুপুর বারোটায়, তারা যখন পথ চলতে চলতে সেই নগরের কাছাকাছি উপস্থিত হল, সেই সময়, পিতর প্রার্থনা করার জন্য ছাদের উপরে উঠলেন। 10 তাঁর খিদে পেল এবং তিনি কিছু খাবার খেতে চাইলেন। যখন খাবার প্রস্তুত হচ্ছে, তিনি ভাবাবিষ্ট হলেন। 11 তিনি দেখলেন, আকাশ খুলে গেছে

এবং বিশাল চাদরের মতো একটা কিছু, তার চার প্রান্ত ধরে পৃথিবীতে  
নামিয়ে দেওয়া হচ্ছে। 12 তার মধ্যে ছিল সব ধরনের চতুর্পদ প্রাণী,  
সেই সঙ্গে পৃথিবীর যত সরীসৃপ ও আকাশের বিভিন্ন পাখি। 13 তখন  
একটি কর্তস্বর তাঁকে বলল, “পিতর ওঠো, মারো ও খাও।” 14 পিতর  
উত্তর দিলেন, “কিছুতেই তা হয় না প্রত্ব! অশুন্দ বা অশুচি কোনো কিছু  
আমি কখনও ভোজন করিনি।” 15 সেই কর্তস্বর দ্বিতীয়বার তাঁকে  
বলল, “ঈশ্বর যা শুচিশুন্দ করেছেন, তুমি তাকে অশুন্দ বোলো না।” 16  
এরকম তিনবার হল, আর সঙ্গে সঙ্গে সেই চাদরখানা আকাশে তুলে  
নেওয়া হল। 17 সেই দর্শনের কী অর্থ হতে পারে, ভেবে পিতর যখন  
বিস্মিত হচ্ছিলেন, কণ্ঠালিয়ের প্রেরিত সেই লোকেরা শিমোনের বাড়ির  
সন্ধান পেল এবং দুয়ারের সামনে এসে দাঁড়াল। 18 তারা ডাকাডাকি  
করে জিজ্ঞাসা করল, পিতর নামে পরিচিত শিমোন সেখানে থাকেন কি  
না। 19 পিতর তখনও সেই দর্শনের বিষয়ে চিন্তা করছিলেন পবিত্র  
আত্মা তাঁকে বললেন, “শিমোন, তিনজন লোক তোমার খোঁজ করছে।  
20 তাই ওঠো ও নিচে নেমে যাও। তাদের সঙ্গে যেতে ইতস্তত বোধ  
কোরো না, কারণ আমিই তাদের পাঠিয়েছি।” 21 পিতর নিচে নেমে  
সেই লোকদের বললেন, “তোমরা যাঁর খোঁজ করছ, আমিই সেই।  
তোমরা কেন এসেছ?” 22 সেই লোকেরা উত্তর দিল, “আমরা শত-  
সেনাপতি কণ্ঠালিয়ের কাছ থেকে এসেছি। তিনি একজন ধার্মিক ও  
ঈশ্বরভয়শীল মানুষ। সব ইহুদিই তাঁকে শ্রদ্ধা করে। এক পবিত্র দৃত  
তাঁকে বলেছেন, তিনি যেন আপনাকে তাঁর বাড়িতে ডাকেন ও আপনি  
এসে যা বলতে চান, তিনি সেকথা শোনেন।” 23 তখন পিতর তাদের  
বাড়ির ভিতরে নিয়ে গেলেন ও তাদের আতিথ্য করলেন। পরের দিন  
পিতর তাদের সঙ্গে যাত্রা শুরু করলেন। জোপ্তার কয়েকজন ভাইও  
তাদের সঙ্গে গেলেন। 24 তার পরদিন তিনি কৈসরিয়ায় পৌঁছালেন।  
কণ্ঠালিয় তাদের অপেক্ষায় ছিলেন। তিনি তাঁর আত্মীয়স্বজন ও ঘনিষ্ঠ  
বন্ধুদেরও ডেকে একত্র করেছিলেন। 25 পিতর বাড়িতে প্রবেশ করা  
মাত্র কণ্ঠালিয় তাঁর সঙ্গে সাক্ষাৎ করলেন ও সম্মুখবশত তাঁর চরণে  
লুটিয়ে পড়লেন। 26 কিন্তু পিতর তাঁকে তুলে ধরলেন ও বললেন,

“উঠে দাঁড়ান, আমিও একজন মানুষমাত্র!” 27 তাঁর সঙ্গে কথা বলতে  
বলতে পিতর ভিতরে প্রবেশ করলেন এবং দেখলেন অনেক লোক  
একত্র হয়েছে। 28 তিনি তাদের বললেন, “আপনারা ভালোভাবেই  
জানেন যে, অইহুদি কোনো মানুষের সঙ্গে মেলামেশা করা বা তাকে  
পরিদর্শন করা, কোনো ইহুদির পক্ষে বিধানবিরচন্দ কাজ। কিন্তু ঈশ্বর  
আমাকে দেখিয়েছেন, আমি যেন কোনো মানুষকে অশুন্দ বা অশুচি  
না বলি। 29 তাই যখন আমাকে ডেকে পাঠানো হল, কোনোরকম  
আপত্তি না করে আমি চলে এলাম। আমি কি জিজ্ঞাসা করতে পারি,  
কেন আপনারা আমাকে ডেকে পাঠিয়েছেন?” 30 কণ্ণীলিয় উত্তর  
দিলেন, “চারদিন আগে, এরকম সময়ে, বেলা তিনটের সময়, আমি  
আমার বাড়িতে প্রার্থনা করছিলাম। হঠাৎই উজ্জ্বল পোশাক পরে এক  
ব্যক্তি আমার সামনে এসে দাঁড়ালেন। 31 তিনি বললেন, ‘কণ্ণীলিয়,  
ঈশ্বর তোমার প্রার্থনা শুনেছেন এবং দরিদ্রদের প্রতি তোমার সব দান  
স্মরণ করেছেন। 32 তুমি পিতর নামে পরিচিত শিমোনকে ডেকে  
আনার জন্য জোপ্তাতে লোক পাঠাও। সে শিমোন নামে এক চর্মকারের  
বাড়িতে অতিথি হয়ে আছে। তার বাড়ি সমুদ্রের তীরে।’ 33 তাই  
আমি সঙ্গে সঙ্গে আপনার কাছে লোক পাঠালাম, আর আপনি এসে  
ভালোই করেছেন। এখন আমরা সকলে এই স্থানে ঈশ্বরের সাক্ষাতে  
উপস্থিত হয়েছি। প্রভু আমাদের কাছে বলার জন্য আপনাকে যে  
আদেশ দিয়েছেন, সেই সমস্ত শোনার জন্য আমরা একত্র হয়েছি।” 34  
তখন পিতর কথা বলা শুরু করলেন: “এখন আমি বুঝতে পারছি যে,  
একথা কেমন সত্যি যে ঈশ্বর পক্ষপাতিত্ব করেন না, 35 কিন্তু যারাই  
তাঁকে ভয় করে ও ন্যায়সংগত আচরণ করে, সেইসব জাতির মানুষকে  
তিনি গ্রহণ করেন। 36 ইস্রায়েল জাতির কাছে এই হল সুসমাচারের  
বার্তা যে যীশু খ্রীষ্ট, যিনি সকলের প্রতি, তাঁর মাধ্যমে, ঈশ্বরের সঙ্গে  
শান্তি স্থাপিত হয়েছে। 37 যোহন বাণিজ্যের বিষয়ে প্রচার করার পর  
গান্ধীল থেকে শুরু করে সমস্ত যিহুদিয়ায় যা যা ঘটেছে, তা আপনাদের  
অজানা নেই— 38 ঈশ্বর কীভাবে নাসরতের যীশুকে পবিত্র আত্মায় ও  
পরাক্রমে অভিযিঙ্ক করেছিলেন এবং কীভাবেই বা তিনি বিভিন্ন স্থানে

সকলের কল্যাণ করে বেড়াতেন ও দিয়াবলের ক্ষমতাধীন ব্যক্তিদের সুস্থ করতেন, কারণ ঈশ্বর তাঁর সহবাতী ছিলেন। 39 “ইহুদিদের দেশে ও জেরুশালেমে তিনি যা যা করেছিলেন, আমরা সেই সমস্ত বিষয়ের সাক্ষী। তারা তাঁকে ক্রুশে টাঙিয়ে হত্যা করেছিল। 40 কিন্তু ঈশ্বর তৃতীয় দিনে তাঁকে মৃতলোক থেকে উথাপিত করেছিলেন এবং তাঁকে প্রত্যক্ষ হতে দিয়েছিলেন। 41 সব মানুষ তাঁকে দেখতে পায়নি, কিন্তু ঈশ্বর যাদের আগে থেকেই সাক্ষীরপে মনোনীত করে রেখেছিলেন, সেই আমরাই মৃতলোক থেকে তাঁর উথাপিত হওয়ার পর তাঁকে দেখেছি ও তাঁর সঙ্গে খাওয়াদাওয়া করেছি। 42 তিনি সব জাতির কাছে প্রচার করতে ও সাক্ষ্য দিতে আমাদের এই আদেশ দিয়েছেন যে, তিনিই সেই ব্যক্তি, যাঁকে ঈশ্বর জীবিত ও মৃতদের বিচারক হওয়ার জন্য নিযুক্ত করেছেন। 43 তাববাদীরা সকলে তাঁর সম্পর্কে সাক্ষ্য দিয়েছেন, যে তাঁকে বিশ্বাস করে, সে তাঁর নামের মাধ্যমে নিজের সব পাপের ক্ষমা লাভ করে।” 44 পিতর যখন এসব কথা বলেছিলেন, সেই সময়, যত লোক সেই বাণী শুনছিল, তাদের উপরে পবিত্র আত্মা নেমে এলেন। 45 সুন্মতপ্রাপ্ত যে বিশ্বাসীরা পিতরের সঙ্গে এসেছিলেন, তাঁরা অইহুদিদের উপরে পবিত্র আত্মার বরদান নেমে আসতে দেখে বিস্মিত হলেন। 46 কারণ তাঁরা তাঁদের বিভিন্ন ভাষায় কথা বলতে ও ঈশ্বরের মহিমাকীর্তন করতে শুনলেন। তখন পিতর বললেন, 47 “আমাদেরই মতো এরাও পবিত্র আত্মা লাভ করেছে বলে কেউ কি এদের জলে বাষ্পিক্ষ গ্রহণ করতে বাধা দিতে পারে?” 48 তাই তিনি যীশু খ্রীষ্টের নামে তাদের বাষ্পাইজিত হওয়ার আদেশ দিলেন। পরে তাঁরা পিতরকে অনুয় করলেন, যেন তিনি আরও কিছুদিন তাঁদের সঙ্গে থেকে যান।

**11** প্রেরিতশিষ্যেরা ও সমগ্র যিহুদিয়ার ভাইয়েরা শুনতে পেলেন যে, অইহুদিরাও ঈশ্বরের বাক্য গ্রহণ করেছে। 2 তাই পিতর যখন জেরুশালেমে গেলেন, সুন্মতপ্রাপ্ত বিশ্বাসীরা তাঁর সমালোচনা করল। 3 তারা বলল, “তুমি অচিহ্নস্তুক লোকদের বাড়িতে গিয়ে তাদের সঙ্গে খাবার খেয়েছ।” 4 যা যা ঘটেছিল, প্রথম থেকে শুরু করে শেষ পর্যন্ত পিতর একের পর এক তাদের কাছে ব্যাখ্যা করলেন। 5 “আমি

জোপ্পা নগরে প্রার্থনা করছিলাম। তখন ভাবাবিষ্ট হয়ে আমি এক দর্শন লাভ করলাম। আমি দেখলাম বিশাল চাদরের মতো একটি বস্ত্র চার প্রান্ত ধরে আকাশ থেকে নিচে নামিয়ে দেওয়া হচ্ছে। আমি যেখানে ছিলাম, সেটা আমার কাছে সেখানে নেমে এল। ৬ আমি তার উপরে দৃষ্টিপাত করে পৃথিবীর সব ধরনের চতুর্পদ প্রাণী, বন্যপশু, বিভিন্ন সরীসৃপ ও আকাশের পাখি দেখতে পেলাম। ৭ তারপর আমি শুনলাম, এক কঠস্বর আমাকে বলছেন, ‘ওঠো পিতর, মারো ও খাও।’ ৮ “আমি উত্তর দিলাম, ‘কিছুতেই নয়, প্রভু! কখনও কোনো অশুন্দ বা অশুচি কিছু আমার মুখে প্রবেশ করেনি।’ ৯ “দ্বিতীয়বার সেই কঠস্বর আকাশ থেকে বলে উঠলেন, ‘ঈশ্বর যা শুচিশুন্দ করেছেন, তুমি তাকে অশুন্দ বোলো না।’ ১০ এরকম তিনবার হল। তারপর সেটাকে আবার আকাশে তুলে নেওয়া হল। ১১ “ঠিক সেই সময়ে, যে তিনজন লোককে কৈসেরিয়া থেকে আমার কাছে পাঠানো হয়েছিল, তারা সেই বাড়ির কাছে এসে দাঁড়াল, যেখানে আমি ছিলাম। ১২ পবিত্র আত্মা আমাকে বললেন, তাদের সঙ্গে যেতে আমি যেন কোনো দ্বিধাবোধ না করি। এই ছ-জন ভাইও আমার সঙ্গে গিয়েছিলেন এবং আমরা সেই ব্যক্তির বাড়িতে প্রবেশ করলাম। ১৩ তিনি আমাদের বললেন, কীভাবে তিনি এক স্বর্গদূতের দর্শন পেয়েছেন, যিনি তাঁর বাড়িতে আবির্ভূত হয়ে বলেছিলেন, ‘পিতর নামে পরিচিত শিমোনকে আনার জন্য জোপ্পাতে লোক পাঠাও। ১৪ সে তোমাদের কাছে এক বার্তা নিয়ে আসবে, যার মাধ্যমে তুমি ও তোমার সমস্ত পরিজন পরিত্রাগ লাভ করবে।’ ১৫ “আমি কথা বলা শুরু করলে, পবিত্র আত্মা তাঁদের উপরে নেমে এলেন, যেভাবে তিনি শুরুতে আমাদের উপরে নেমে এসেছিলেন। ১৬ তখন আমার মনে এল, যে কথা প্রভু বলেছিলেন, ‘যোহন জলে বাণিজ্য দিতেন, কিন্তু তোমরা পবিত্র আত্মায় বাণিজ্য লাভ করবে।’ ১৭ সুতরাং, আমরা যখন প্রভু যীশু খ্রীষ্টকে বিশ্বাস করেছিলাম তখন ঈশ্বর যেমন আমাদেরকে বরদান দিয়েছিলেন তেমন যদি তাঁদেরও দিয়ে থাকেন, তাহলে আমি কে যে ঈশ্বরের পথে বাধা সৃষ্টি করব?” ১৮ তাঁরা যখন একথা শুনলেন, তাঁদের আর কোনো আপত্তি রইল না। তাঁরা এই

বলে ঈশ্বরের প্রশংসা করতে লাগল, “তাহলে তো ঈশ্বর অইহুদিদেরও  
জীবন পাওয়ার উদ্দেশ্যে মন পরিবর্তনের সুযোগ দিয়েছেন।” 19  
এখন স্থিফানকে কেন্দ্র করে নির্যাতন শুরু হওয়ার ফলে যারা ছত্রসঙ্গ  
হয়ে পড়েছিল, তারা যাত্রা শুরু করে ফিনিসিয়া, সাইপ্রাস ও আন্তিয়খ  
পর্যন্ত গিয়ে কেবলমাত্র ইহুদিদের কাছে সেই বার্তা প্রচার করেছিল।  
20 অবশ্য তাদের মধ্যে কেউ কেউ, যারা ছিল সাইপ্রাস ও কুরীণের  
মানুষ, তারা আন্তিয়খে গিয়ে গ্রিকভাষী ইহুদিদের কাছেও কথা বলল,  
তাদের কাছে প্রভু যীশুর বিষয়ে সুসমাচার প্রচার করল। 21 প্রভুর হাত  
তাদের সহবতী ছিল এবং বিপুল সংখ্যক মানুষ বিশ্বাস করে প্রভুর  
প্রতি ফিরল। 22 এ বিষয়ের সংবাদ জেরুশালেমে স্থিত মণ্ডলীর কানে  
পৌঁছাল। তাঁরা বার্ণবাকে আন্তিয়খে পাঠিয়ে দিলেন। 23 তিনি সেখানে  
পৌঁছে যখন ঈশ্বরের অনুগ্রহের প্রমাণ দেখতে পেলেন, তিনি আনন্দিত  
হলেন ও তাদের সকলকে সর্বান্তকরণে প্রভুর প্রতি বিশ্বস্ত থাকার জন্য  
প্রেরণা দিলেন। 24 তিনি ছিলেন একজন সৎ ব্যক্তি, পবিত্র আত্মায়  
ও বিশ্বাসে পরিপূর্ণ। আর বিপুল সংখ্যক মানুষকে সেখানে প্রভুর  
কাছে নিয়ে আসা হয়েছিল। 25 এরপরে বার্ণবা শৌলের সন্ধানে তার্ষ  
নগরে গেলেন। 26 তাঁর সন্ধান পেয়ে তিনি তাঁকে আন্তিয়খে নিয়ে  
এলেন। আর তাঁরা সম্পূর্ণ এক বছর মণ্ডলীর সঙ্গে মিলিত হলেন এবং  
অনেক লোককে শিক্ষা দিলেন। আর আন্তিয়খেই শিয়েরা সর্বপ্রথম  
খ্রীষ্টিয়ান নামে আখ্যাত হল। 27 এই সময়ে কয়েকজন ভাববাদী  
জেরুশালেম থেকে আন্তিয়খে এসে উপস্থিত হলেন। 28 তাঁদের  
মধ্যে আগাব নামে একজন উঠে দাঁড়ালেন এবং (পবিত্র) আত্মার  
মাধ্যমে ভবিষ্যদ্বাণী করলেন যে, সমগ্র রোমীয় সাম্রাজ্য দারুণতাবে  
দুর্ভিক্ষকবলিত হবে। (এই ঘটনা ঘটেছিল ক্লিয়াসের রাজত্বকালে।)  
29 শিয়েরা, তাদের প্রত্যেকের সামর্থ্য অনুযায়ী, যিহুদিয়া প্রদেশে  
বসবাসকারী ভাইবোনদের কাছে সাহায্য পাঠানোর সিদ্ধান্ত গ্রহণ  
করলেন। 30 সেই অনুযায়ী তাঁরা বার্ণবা ও শৌলের মারফত তাদের  
দান প্রাচীনদের কাছে পাঠিয়ে দিলেন।

**12** প্রায় এরকম সময়ে রাজা হেরোদ মণ্ডলীর কয়েকজনকে নির্যাতন করার উদ্দেশ্যে গ্রেপ্তার করলেন। 2 তিনি যোহনের ভাই যাকোবকে তরোয়ালের আঘাতে হত্যা করলেন। 3 এতে ইহুদিরা সন্তুষ্ট হল দেখে তিনি পিতরকেও বন্দি করার আদেশ দিলেন। খামিরশূন্য রুটির পর্বের সময়ে এই ঘটনা ঘটল। 4 তাঁকে গ্রেপ্তার করে তিনি কারাগারে রাখলেন। এক-একটি দলে চারজন করে সৈন্য, এমন চারটি দলের উপরে তিনি তাঁর পাহারার ভার দিলেন। হেরোদের উদ্দেশ্য ছিল, নিষ্ঠারপর্বের পরে তাঁকে নিয়ে এসে সবার সামনে তাঁর বিচার করবেন। 5 এভাবে পিতরকে কারাগারে রেখে দেওয়া হল, কিন্তু মণ্ডলী আন্তরিকতার সঙ্গে তাঁর জন্য ঈশ্বরের কাছে প্রার্থনা করছিল। 6 হেরোদ সবার সামনে যেদিন তাঁর বিচারের দিন স্থির করেছিলেন, তার আগের রাতে পিতর দুজন সৈন্যের মাঝাখানে দুটি শিকলে বাঁধা অবস্থায় ঘুমিয়েছিলেন। প্রহরীরা প্রবেশপথে পাহারা দিচ্ছিল। 7 হঠাৎই প্রভুর এক দৃত সেখানে আবির্ভূত হলেন এবং কারাগারে এক আলো প্রকাশ পেল। তিনি পিতরের বুকের পাশে আঘাত করে তাঁকে জাগিয়ে তুললেন। তিনি বললেন, “তাড়াতাড়ি করো, উঠে পড়ো!” তখন পিতরের দু-হাতের কঙি থেকে শিকল খসে পড়ল। 8 তারপর সেই দৃত তাঁকে বললেন, “তুমি তোমার জামাকাপড় ও চটিজুতো পরে নাও।” পিতর তাই করলেন। দৃত তাঁকে বললেন, “তোমার আলখাল্লা তোমার গায়ে জড়িয়ে নাও ও আমাকে অনুসরণ করো।” 9 পিতর তাঁকে অনুসরণ করে কারাগারের বাইরে এলেন, কিন্তু দৃত যা করছেন, তা সত্যিই বাস্তবে ঘটছে কি না, সে বিষয়ে কোনও ধারণা করতে পারলেন না। তিনি ভাবলেন যে তিনি কোনো দর্শন দেখছেন। 10 তাঁরা প্রথম ও দ্বিতীয় প্রহরীদলকে অতিক্রম করে যেখান দিয়ে নগরে যাওয়া যায় সেই লোহার দরজার সামনে এসে উপস্থিত হলেন। সেই দরজা তাঁদের জন্য আপনা-আপনি খুলে গেল, তাঁরা তার মধ্য দিয়ে পার হয়ে গেলেন। তাঁরা যখন একটি পথের শেষ প্রান্ত পর্যন্ত হেঁটে পার হলেন, হঠাৎই দৃত তাঁকে ছেড়ে চলে গেলেন। 11 তখন পিতর তাঁর চেতনা ফিরে পেলেন ও বললেন, “এখন

আমি নিঃসন্দেহে বুবাতে পারছি যে, প্রভুই তাঁর দৃত পাঠিয়ে আমাকে  
হেরোদের কবল থেকে এবং ইহুদি জনসাধারণের সমস্ত আকাঙ্ক্ষা  
থেকে উদ্বার করেছেন।” 12 এই বিষয় তাঁর উপলব্ধি হওয়ার পর, তিনি  
মার্ক নামে পরিচিত সেই যোহনের মা মরিয়মের বাড়িতে গেলেন।  
সেখানে অনেকে একত্র হয়ে প্রার্থনা করছিল। 13 পিতর বাইরের  
দরজায় করাঘাত করলে রোদা নামে এক দাসী সাড়া দিতে দরজার  
কাছে এল। 14 সে যখন পিতরের কঠস্বর চিনতে পারল, আনন্দের  
আতিশয্যে দরজা না খুলেই দৌড়ে ফিরে গেল ও চিৎকার করে বলে  
উঠল, “পিতর দরজার সামনে দাঁড়িয়ে আছেন।” 15 তারা তাকে বলল,  
“তোমার মাথা খারাপ হয়েছে।” কিন্তু যখন সে জোর দিয়ে বলতে  
লাগল যে তার কথাই সত্যি, তারা বলল, “উনি নিশ্চয়ই তাঁর দৃত।” 16  
পিতর কিন্তু ক্রমাগত দরজায় করাঘাত করে যাচ্ছিলেন। তারা দরজা  
খুলে যখন তাঁকে দেখতে পেল, তারা বিস্মিত হল। 17 পিতর হাতের  
ইশারায় তাদের শান্ত হতে বললেন। তারপর বর্ণনা করলেন, প্রভু  
কীভাবে তাঁকে কারাগার থেকে বাইরে এনেছেন। তিনি বললেন,  
“তোমরা এই ঘটনার কথা যাকোবকে ও সেই ভাইদের বলো,” একথা  
বলে তিনি অন্য স্থানের উদ্দেশে চলে গেলেন। 18 সকালবেলা, পিতরের  
কী হল, ভেবে সৈন্যদের মধ্যে উত্তেজনার বড় বয়ে গেল। 19 তাঁর  
জন্য হেরোদ তন্ত্র অনুসন্ধান করার পরেও তাঁকে খুঁজে না পেয়ে  
তিনি প্রত্যৌদের জিজ্ঞাসাবাদ করলেন ও তাদের প্রাণদণ্ডের আদেশ  
দিলেন। এরপরে হেরোদ যিহুদিয়া থেকে কৈসরিয়ায় চলে গেলেন ও  
সেখানে কিছুকাল থাকলেন। 20 টায়ার ও সীদানের জনগণের সঙ্গে  
তাঁর বিরোধ চলছিল। তারা এসময় জোটবদ্ধ হয়ে তাঁর কাছে এল  
যেন তিনি তাদের কথা শোনেন। রাজার শয়নাগারের একজন দাস  
রাস্ত-এর সমর্থন আদায় করে তারা সন্ধির প্রস্তাব করল, কারণ তাদের  
খাদ্যসামগ্রী সরবরাহের জন্য তারা রাজার দেশের উপরে নির্ভর করত।  
21 পরে, এক নির্ধারিত দিনে হেরোদ, তাঁর রাজকীয় পোশাক পরে তাঁর  
সিংহাসনে বসলেন। তিনি প্রকাশ্যে জনগণের উদ্দেশে এক ভাষণ  
দিলেন। 22 তারা চিৎকার করে বলল, “এ তো এক দেবতার কঠস্বর,

মানুষের নয়।” 23 হেরোদ ঈশ্বরকে গৌরব প্রদান না করায়, সেই  
মুহূর্তেই, প্রভুর এক দৃত তাঁকে আঘাত করলেন, ফলে তাঁর সর্বাঙ্গ  
পোকায় ছেয়ে গেল। পোকায় তাঁকে খেয়ে ফেলল ও তাঁর মৃত্যু হল।  
24 কিন্তু ঈশ্বরের বাক্য উভরোত্তর বৃদ্ধি পেতে ও প্রসার লাভ করতে  
লাগল। 25 যখন বার্ণবা ও শৌল তাঁদের পরিচর্যা কাজ শেষ করলেন,  
তাঁরা জেরুশালেম থেকে ফিরে এলেন। সঙ্গে তাঁরা যোহনকে নিয়ে  
এলেন যাকে মার্ক বলেও ডাকা হত।

**13** আন্তিয়থের মণ্ডলীতে কয়েকজন ভাববাদী ও শিক্ষক ছিলেন:  
বার্ণবা, নিগের নামে আখ্যাত শিমোন, কুরীণ প্রদেশের লুসিয়াস,  
মনায়েন (ইনি সামন্তরাজ হেরোদের সঙ্গে প্রতিপালিত হয়েছিলেন) ও  
শৌল। 2 তাঁরা যখন প্রভুর উপাসনা ও উপোস করছিলেন, পবিত্র  
আত্মা বললেন, “বার্ণবা ও শৌলকে আমি যে কাজের জন্য আহ্বান  
করেছি, সেই কাজের জন্য আমার উদ্দেশ্যে তাদের পৃথক করে দাও।”  
3 এভাবে তাঁরা উপোস ও প্রার্থনা শেষ করার পর, তাঁরা তাঁদের  
উপরে হাত রাখলেন ও তাঁদের বিদায় দিলেন। 4 এইভাবে তাঁরা  
দুজন পবিত্র আত্মার দ্বারা প্রেরিত হয়ে সিলুকিয়াতে গেলেন এবং  
সেখান থেকে জাহাজে সাইপ্রাস গেলেন। 5 তাঁরা সালামিতে পৌঁছে  
ইহুদি সমাজভবনগুলিতে ঈশ্বরের বাক্য প্রচার করলেন। যোহন ও  
তাঁদের সঙ্গে সাহায্যকারীরূপে ছিলেন। 6 সম্পূর্ণ দ্বীপটির এদিক-  
ওদিক যাতায়াত করে তাঁরা পাফোতে পৌঁছালেন। সেখানে তাঁরা  
বর-যীশু নামে একজন ইহুদি জাদুকর ও ভগু ভাববাদীর সাক্ষাৎ  
গেলেন। 7 সে ছিল প্রদেশপাল সেগীয় পৌলের একজন পরিচারক।  
প্রদেশপাল ছিলেন একজন বুদ্ধিমান ব্যক্তি। তিনি বার্ণবা ও শৌলকে  
ডেকে পাঠালেন, কারণ তিনি ঈশ্বরের বাক্য শুনতে চাইছিলেন। 8  
কিন্তু ইলুমা, সেই জাদুকর (কারণ সেই ছিল তার নামের অর্থ), তাদের  
বিরোধিতা করল এবং প্রদেশপালকে বিশ্বাস থেকে ফেরাতে চাইল। 9  
তখন শৌল, যাঁকে পৌল নামেও অভিহিত করা হত, পবিত্র আত্মায়  
পরিপূর্ণ হয়ে ইলুমার দিকে একদৃষ্টে তাকিয়ে বললেন, 10 “তুমি  
দিয়াবলের সন্তান এবং সর্বপ্রকার ধার্মিকতার বিপক্ষ! তুমি সর্বপ্রকার

ছলনা ও ধূর্ততায় পরিপূর্ণ। প্রভুর প্রকৃত পথকে বিকৃত করতে তুমি কি  
কখনোই ক্ষান্ত হবে না? 11 এখন প্রভুর হাত তোমার বিপক্ষে রয়েছে।  
তুমি দৃষ্টিহীন হবে এবং কিছু সময় পর্যন্ত তুমি সুর্যের আলো দেখতে  
পাবে না।” সঙ্গে সঙ্গে ঘন কুয়াশা ও অঙ্ককার তাকে আচ্ছন্ন করল। সে  
হাতড়ে বেড়াতে লাগল, খুঁজতে লাগল, কেউ যেন তার হাত ধরে নিয়ে  
যায়। 12 যা ঘটেছে, প্রদেশপাল তা লক্ষ্য করে বিশ্বাস করলেন, কারণ  
তিনি প্রভুর সম্পর্কিত উপদেশে চমৎকৃত হয়েছিলেন। 13 পাফো থেকে  
পৌল ও তাঁর সঙ্গীরা জাহাজে করে পাম্ফুলিয়ার পর্গা নগরে গেলেন।  
সেখানে যোহন তাঁদের ছেড়ে দিয়ে জেরশালেমে ফিরে গেলেন। 14  
পর্গা থেকে তাঁরা গেলেন পিঘিদিয়ার আন্তরিকে। বিশ্রামদিনে তাঁরা  
সমাজভবনে প্রবেশ করে আসন গ্রহণ করলেন। 15 বিধানশাস্ত্র ও  
ভাববাদী গ্রন্থ পাঠ করা হলে পর, সমাজভবনের অধ্যক্ষেরা তাঁদের  
কাছে বলে পাঠালেন, “ভাইরা, জনগণের জন্য আপনাদের কাছে যদি  
কোনও উৎসাহ দেওয়ার বার্তা থাকে, তাহলে অনুগ্রহ করে বলুন।”  
16 পৌল উঠে দাঁড়িয়ে হাত দিয়ে ইঙ্গিত করলেন ও বললেন, “হে  
ইস্রায়েলবাসী ও ঈশ্বরের উপাসক অইহুদি জনগণ, আমার কথা  
শোনো। 17 ইস্রায়েল জাতির ঈশ্বর আমাদের পিতৃপুরুষদের মনোনীত  
করেছিলেন, মিশরে তাদের থাকার সময়ে তিনিই তাদের সমৃদ্ধ  
করেছিলেন। মহাপ্রাক্রিয়ের সঙ্গে তিনি সেদেশ থেকে তাদের বের  
করেও এনেছিলেন। 18 চল্লিশ বছর পর্যন্ত মরুপ্রান্তের তিনি তাদের  
আচরণ সহ্য করেছিলেন। 19 কলানে সাতটি জাতিকে উৎখাত করে  
তিনি অধিকারুণ্যে তাদের দেশ তাঁর প্রজাদের দান করেছিলেন। 20  
এসব সম্প্রল হতে প্রায় চারশো পঞ্চাশ বছর লেগেছিল। “এরপর,  
ভাববাদী শমুয়েলের আমল পর্যন্ত ঈশ্বর তাদের জন্য বিচারকর্তৃগণ  
দিলেন। 21 তারপর প্রজারা একজন রাজা চাইল। তিনি তাদের  
বিন্যামীন গোষ্ঠীভুক্ত কীশের ছেলে শৌলকে দিলেন। তিনি চল্লিশ বছর  
রাজত্ব করলেন। 22 শৌলকে পদচ্যুত করে, তিনি দাউদকে তাদের  
রাজা করলেন। তিনি তাঁর সম্পর্কে সাক্ষ্য দিয়েছিলেন: ‘আমি আমার  
মনের মতো মানুষ, যিশয়ের ছেলে দাউদকে খুঁজে পেয়েছি। আমি যা

চাই, সে আমার জন্য তাই করবে।’ 23 “তাঁর প্রতিশ্রূতি অনুযায়ী,  
 ঈশ্বর তাঁরই বংশধরদের মধ্য থেকে পরিত্রাতা যীশুকে ইন্দ্রায়েলী  
 কাছে উপস্থিত করলেন। 24 যীশুর আগমনের পূর্বে যোহন ইস্রায়েলী  
 প্রজাদের কাছে মন পরিবর্তন ও বাণিজ্যের কথা প্রচার করলেন।  
 25 যোহন তাঁর কাজ সম্পূর্ণ করার সময় বলেছিলেন, ‘তোমরা কী  
 মনে করো, আমি কে? আমি সেই ব্যক্তি নই। না, কিন্তু তিনি আমার  
 পরে আসছেন, যাঁর চাটিজুতোর বাঁধন খোলারও যোগ্যতা আমার  
 নেই।’ 26 ‘ভাইরা, অব্রাহামের সন্তানেরা এবং ঈশ্বরভয়শীল অইহুদি  
 তোমরা, আমাদেরই কাছে পরিত্রাণের এই বাণী পাঠানো হয়েছে। 27  
 জেরুশালেমের লোকেরা ও তাদের অধ্যক্ষেরা যীশুকে চিনতে পারেনি,  
 তবুও তাঁকে দোষী সাব্যস্ত করে তারা ভাববাদীদের বাণী পূর্ণ করেছে,  
 যা প্রতি বিশ্রামদিনে পড়া হয়। 28 যদিও তাঁকে প্রাণদণ্ড দেওয়ার  
 জন্য তারা কোনো যথাযথ কারণ খুঁজে পায়নি, তবুও তারা পীলাতের  
 কাছে নিবেদন করেছিল যেন তাঁকে হত্যা করা হয়। 29 তাঁর সম্পর্কে  
 লিখিত সব কথা তারা সম্পূর্ণ করলে, তারা তাঁকে ত্রুশ থেকে নামিয়ে  
 একটি কবরে সমাধি দিল। 30 কিন্তু ঈশ্বর তাঁকে মৃতলোক থেকে  
 উথাপিত করলেন। 31 যাঁরা তাঁর সঙ্গে গালীল থেকে জেরুশালেমে  
 যাত্রা করেছিলেন, তিনি তাঁদের কাছে দেখা দিয়েছিলেন। তাঁরা এখন  
 জনসমক্ষে তাঁর সাক্ষী হয়েছেন। 32 “আমরা তোমাদের এই সুসমাচার  
 বলি: ঈশ্বর আমাদের পিতৃপুরুষদের যে প্রতিশ্রূতি দিয়েছিলেন, 33  
 যীশুকে উথাপিত করে তিনি তাদের বংশধরদের, অর্থাৎ আমাদের  
 কাছে তা পূর্ণ করেছেন। দ্বিতীয় গীতে যেমন লেখা আছে, “‘তুমি আমার  
 পুত্র, আজ আমি তোমার পিতা হয়েছি।’ 34 ঈশ্বর তাঁকে মৃতলোক  
 থেকে উথাপিত করেছেন, কবরে পচে যাওয়ার জন্য ছেড়ে দেননি।  
 এই সত্য এসব বচনে ব্যক্ত হয়েছে: “আমি তোমাকে দাউদের কাছে  
 প্রতিশ্রূত পবিত্র ও সুনিশ্চিত সব আশীর্বাদ দান করব।’ 35 অন্যত্রও  
 এই কথার এভাবে বর্ণনা করা হয়েছে: “‘তুমি তোমার পবিত্রজনকে  
 ক্ষয় দেখতে দেবে না।’ 36 “কারণ দাউদ যখন তাঁর প্রজন্মে ঈশ্বরের  
 উদ্দেশ্য পূর্ণ করলেন, তিনি নির্দ্বাগত হলেন। তিনি তাঁর পিতৃপুরুষদের

সঙ্গে কবরপ্রাণ্ত হলেন ও তাঁর শরীর ক্ষয় পেল। 37 কিন্তু ঈশ্বর যাঁকে  
মৃতলোক থেকে উথাপিত করেছেন, তিনি ক্ষয় দেখেননি। 38 “সেই  
কারণে, আমার ভাইরা, আমি চাই তোমরা অবগত হও যে যীশুর  
মাধ্যমে সব পাপের ক্ষমা হয়, যা তোমাদের কাছে ঘোষণা করা  
হচ্ছে। মোশির বিধান যে সমস্ত বিষয় থেকে তোমাদের নির্দোষ করতে  
পারেনি, 39 যীশুর মাধ্যমে প্রত্যেকজন, যারা বিশ্বাস করে, তারা  
সেইসব বিষয় থেকে নির্দোষ গণ্য হয়। 40 সাবধান হও, ভাববাদীরা  
যা বলে গেছেন, তোমাদের ক্ষেত্রে যেন সেরকম না হয়: 41 “ওহে  
বিদ্রূপকারীর দল, তোমরা বিস্ময়চকিত হয়ে ধ্বংস হও, কারণ আমি  
তোমাদের দিনে এমন কিছু করব, যা তোমাদের বলা হলেও, তোমরা  
কখনও তা বিশ্বাস করবে না।” 42 পৌল ও বার্গবা সমাজভবন থেকে  
বেরিয়ে যাওয়ার সময়, লোকেরা পরবর্তী বিশ্বামদিনে এ প্রসঙ্গে আরও  
কথা বলার জন্য তাঁদের আমন্ত্রণ জানাল। 43 সভা শেষ হওয়ার পর বহু  
ইহুদি ও ইহুদি ধর্মে ধর্মান্তরিত ব্যক্তিকে পৌল ও বার্গবাকে অনুসরণ  
করল। তাঁরা তাদের সঙ্গে কথা বললেন এবং ঈশ্বরের অনুগ্রহে অবিচল  
থাকার জন্য তাদের উৎসাহিত করলেন। 44 পরবর্তী বিশ্বামদিনে  
নগরের প্রায় সমস্ত মানুষ প্রভুর বাক্য শোনার জন্য একত্র হল। 45  
ইহুদিরা সেই জনসমাগম দেখে ঈর্যায় পরিপূর্ণ হল। তারা পৌলের  
বক্তব্যের বিরুদ্ধে কটুক্তি করতে লাগল। 46 তখন পৌল ও বার্গবা  
সাহসের সঙ্গে উত্তর দিলেন, “প্রথমে আপনাদের কাছে আমাদের  
ঈশ্বরের বাক্য বলতে হয়েছে। আপনারা যেহেতু তা অগ্রাহ্য করছেন  
ও নিজেদের অনন্ত জীবন লাভের জন্য অযোগ্য বিবেচনা করছেন,  
আমরা এখন অইহুদিদের কাছেই যাচ্ছি। (aiōnios g166) 47 কারণ  
প্রভু আমাদের এই আদেশই দিয়েছেন: “আমি তোমাকে অইহুদিদের  
জন্য দীক্ষিস্বরূপ করেছি, যেন পৃথিবীর প্রান্ত পর্যন্ত তুমি পরিত্রাণ নিয়ে  
যেতে পারো।” 48 অইহুদিরা একথা শুনে আনন্দিত হল। তারা  
প্রভুর বাক্যের সমাদর করল। যারাই অনন্ত জীবনের জন্য নিরূপিত  
হয়েছিল, তারা সকলে বিশ্বাস করল। (aiōnios g166) 49 প্রভুর বাক্য  
সেই সমস্ত অঞ্চল জুড়ে ছড়িয়ে পড়ল। 50 কিন্তু ইহুদিরা সন্ত্বান্ত ঘরের

ইশ্বরভয়শীল মহিলাদের ও নগরের নেতৃস্থানীয় লোকদের উত্তেজিত করে তুলল। তারা পৌল ও বার্গবার প্রতি নির্যাতন করা শুরু করল এবং তাদের এলাকা থেকে তাঁদের বের করে দিল। 51 তাঁরা তখন তাদের বিরুদ্ধে প্রতিবাদস্বরূপ তাঁদের পায়ের ধুলো বেড়ে ইকনিয়তে চলে গেলেন। 52 আর শিষ্যরা আনন্দে ও পবিত্র আত্মায় পূর্ণ হয়ে উঠল।

**14** ইকনিয়তে পৌল ও বার্গবা যথারীতি ইহুদিদের সমাজভবনে গেলেন। সেখানে তারা এমনভাবে কথা বললেন যে, এক বিপুল সংখ্যক ইহুদি ও গ্রিক বিশ্বাস করল। 2 কিন্তু যে ইহুদিরা বিশ্বাস করতে চাইল না, তারা অইহুদিদের উত্তেজিত করে তুলল এবং তাইদের বিরুদ্ধে তাদের মন বিষয়ে তুলল। 3 তাই পৌল ও বার্গবা সেখানে বেশ কিছুদিন কাটালেন। তাঁরা সাহসের সঙ্গে প্রভুর কথা প্রচার করতে লাগলেন। আর প্রভুও তাঁদের মাধ্যমে বিভিন্ন অলৌকিক নির্দর্শন দেখিয়ে ও বিস্যাক্ত কাজ সম্পন্ন করে তাঁর অনুগ্রহের বার্তার সত্যতা প্রমাণ করলেন। 4 সেই নগরের লোকেরা দুদলে ভাগ হয়ে গেল; কিছু লোক ইহুদিদের, অন্যেরা প্রেরিতশিষ্যদের পক্ষসমর্থন করল। 5 অইহুদি ও ইহুদিরা, তাদের নেতৃবৃন্দের সঙ্গে এক হয়ে ঘড়্যন্ত করল যে তারা তাঁদের প্রতি দুর্ব্যবহার করবে ও তাঁদের পাথর দিয়ে মারবে। 6 কিন্তু তাঁরা একথা জানতে পেরে লুকায়োনিয়ার লুস্ত্রা ও ডার্বি নগরে এবং পারিপার্শ্বিক অঞ্চলগুলিতে পালিয়ে গেলেন। 7 আর সেখানে তাঁরা সুসমাচার প্রচার করতে থাকলেন। 8 লুস্ত্রায় একটি খোঁড়া মানুষ বসে থাকত। সে ছিল জন্ম থেকেই খোঁড়া। সে কখনও হাঁটেন। 9 সে পৌলের প্রচার শুনছিল। পৌল সরাসরি তার দিকে তাকালেন ও দেখলেন যে সুস্থ হওয়ার জন্য তার বিশ্বাস আছে। 10 তিনি উচ্চকণ্ঠে বললেন, “তোমার পায়ে ভর দিয়ে উঠে দাঁড়াও!” এতে সেই ব্যক্তি লাফ দিয়ে উঠল ও হেঁটে বেড়াতে লাগল। 11 পৌলের এই অলৌকিক কাজ দেখে জনতা লুকায়োনীয় ভাষায় চিৎকার করে বলতে লাগল, “দেবতারা মানুষের রূপ ধরে আমাদের মধ্যে নেমে এসেছেন!” 12 বার্গবাকে তারা বলল জুপিটর এবং পৌল প্রধান বক্তা ছিলেন বলে তাঁর নাম দিল মার্কারি। 13 নগরের ঠিক বাইরেই ছিল জিউসের

মন্দির। সেখানকার পুরোহিত ঘাঁড় ও ফুলের মালা নগরের প্রবেশপথে  
নিয়ে এল, কারণ সে ও সমস্ত লোক তাদের উদ্দেশে বলি উৎসর্গ  
করতে চাইল। 14 কিন্তু প্রেরিতশিয়েরা, বার্ণবা ও পৌল যখন একথা  
শুনলেন, তাঁরা তাদের পোশাক ছিঁড়লেন। তাঁরা দ্রুত জনতার কাছে  
ছুটে গিয়ে চিংকার করে বললেন, 15 “বন্ধুগণ, আপনারা কেন এরকম  
করছেন? আমরাও মানুষ, আপনাদেরই মতো মানুষমাত্র। আমরা  
আপনাদের কাছে এই সুসমাচার নিয়ে এসেছি ও আপনাদের বলছি  
যে, এসব অসার বস্ত্র থেকে জীবন্ত ঈশ্বরের প্রতি ফিরে আসতে যিনি  
আকাশমণ্ডল ও পৃথিবী, সমুদ্র ও সেগুলির মধ্যে যা কিছু আছে সেসব  
সৃষ্টি করেছেন। 16 অতীতে, তিনি সব জাতিকেই তাদের ইচ্ছামতো  
জীবনাচরণ করতে দিয়েছেন। 17 তবুও তিনি নিজেকে সাক্ষ্যবিহীন  
রাখেননি। তিনি আকাশ থেকে বৃষ্টি ও বিভিন্ন খাতুতে শস্য উৎপাদন  
করে তাঁর করণা দেখিয়েছেন। তিনি আপনাদের প্রচুর খাদ্যসামগ্রী  
দান করেছেন ও আপনাদের অন্তর আনন্দে পরিপূর্ণ করেছেন।” 18  
এসব কথা বলা সত্ত্বেও, তাঁদের উদ্দেশে বলি উৎসর্গ করা থেকে  
জনতাকে নিবৃত্ত করতে তাঁরা বেগ পেলেন। 19 এরপর আন্তিয়খ ও  
ইকনিয় থেকে কয়েকজন ইহুদি এসে জনতাকে প্রভাবিত করল। তারা  
পৌলকে পাথর দিয়ে আঘাত করল ও নগরের বাইরে টেনে নিয়ে গেল,  
ভাবল তিনি মারা গেছেন। 20 কিন্তু শিয়েরা তাঁর চারপাশে একত্র  
হলে, তিনি উঠে দাঁড়ালেন এবং নগরের মধ্যে ফিরে গেলেন। পরের  
দিন তিনি ও বার্ণবা ডার্বির উদ্দেশে রওনা হলেন। 21 তাঁরা সেই  
নগরে সুসমাচার প্রচার করলেন এবং বিপুল সংখ্যক মানুষকে শিষ্য  
করলেন। তারপর তারা লুঙ্গা, ইকনিয় ও আন্তিয়খে ফিরে এলেন। 22  
তাঁরা শিষ্যদের শক্তি জোগালেন ও বিশ্বাসে স্থির থাকার জন্য তাঁদের  
প্রেরণা দিলেন। তাঁরা বললেন, “ঈশ্বরের রাজ্য প্রবেশ করার জন্য  
আমাদের অবশ্যই বহু কষ্টভোগ করতে হবে।” 23 পৌল ও বার্ণবা  
প্রত্যেকটি মণ্ডলীতে তাঁদের জন্য প্রাচীনদের মনোনীত করলেন। যে  
প্রভুর উপরে তাঁরা আস্তা স্থাপন করেছিলেন, প্রার্থনা ও উপোসের  
মাধ্যমে তাঁরই কাছে তাঁদের সমর্পণ করলেন। 24 পিয়দিয়া অতিক্রম

করে তাঁরা গেলেন পাম্ফুলিয়ায়। 25 পরে পর্ণায় বাক্য প্রচার করে তাঁরা অভালিয়াতে চলে গেলেন। 26 অভালিয়া থেকে তাঁরা সমুদ্রপথে আন্তিয়খে ফিরে এলেন। তাঁরা যে প্রচারকাজ সম্পাদন করেছিলেন তার জন্য এখান থেকেই ঈশ্বরের অনুগ্রহের অধীনে তাঁদের সমর্পণ করা হয়েছিল। 27 সেখানে পৌঁছে তাঁরা মণ্ডলীকে একত্রিত করলেন। ঈশ্বর যা কিছু তাঁদের মাধ্যমে সম্পন্ন করেছিলেন ও যেভাবে তিনি অইহুদিদের কাছে বিশ্বাসের দরজা খুলে দিয়েছিলেন, সেই সংবাদ তাঁদের কাছে পরিবেশন করলেন। 28 এরপর তাঁরা সেখানে শিষ্যদের সঙ্গে অনেকদিন কাটালেন।

**15** যিহুদিয়া থেকে কয়েকজন ব্যক্তি আন্তিয়খে এসে বিশ্বাসীদের শিক্ষা দিতে লাগল যে, “মোশি যে প্রথার বিষয়ে শিক্ষা দিয়েছেন, সেই অনুযায়ী সুন্নত না করলে, তোমরা পরিত্রাণ পাবে না।” 2 এই ঘটনায় পৌল ও বার্গবার সঙ্গে তাদের তুমুল মতবিরোধ ও তর্কবিতর্ক দেখা দিল। সেই কারণে ঠিক হল, এই প্রশ্নের নিষ্পত্তির জন্য পৌল ও বার্গবা আরও কয়েকজন বিশ্বাসীর সঙ্গে জেরুশালেমে যাবেন এবং প্রেরিতশিষ্যবর্গ ও প্রাচীনদের সঙ্গে এ বিষয়ে আলোচনা করবেন। 3 মণ্ডলী তাঁদের যাত্রাপথে পাঠিয়ে দিলেন। ফিনিসিয়া ও শমারিয়ার মধ্য দিয়ে যাওয়ার সময় কীভাবে অইহুদি মানুষেরা পরিবর্তিত হয়েছিল, তাঁরা সেকথা বর্ণনা করলেন। এই সংবাদে সব ভাইয়েরা আনন্দিত হলেন। 4 তাঁরা যখন জেরুশালেমে এলেন, মণ্ডলী প্রেরিতশিষ্যবর্গ ও প্রাচীনদের সঙ্গে তাঁদের স্বাগত জানালেন। ঈশ্বর তাঁদের মাধ্যমে যে সমস্ত কাজ সাধন করেছিলেন, তাঁরা সেকথা তাঁদের জানালেন। 5 তখন ফরিশী-দলভুক্ত কয়েকজন বিশ্বাসী উঠে দাঁড়িয়ে বলল, “অইহুদিদের অবশ্যই সুন্নত করতে হবে এবং তাদের মোশির বিধানও পালন করা প্রয়োজন।” 6 প্রেরিতশিষ্যবর্গ ও প্রাচীনেরা এই প্রশ্নের আলোচনার জন্য মিলিত হলেন। 7 বহু আলোচনার পর, পিতর উঠে দাঁড়িয়ে, তাঁদের উদ্দেশ্যে বললেন, “ভাইরা, তোমরা জানো যে, কিছুদিন আগে ঈশ্বর তোমাদের মধ্য থেকে আমাকে মনোনীত করেছিলেন, যেন অইহুদিরা আমার মুখ থেকে সুসমাচারের বার্তা শুনে বিশ্বাস করে। 8

ঈশ্বর, যিনি অস্তর্যামী, তিনি তাদের গ্রহণ করেছেন প্রমাণ করার জন্য,  
আমাদের ক্ষেত্রে যেমন করেছিলেন, তেমনই তাদেরও পবিত্র আত্মা  
দান করলেন। 9 আমাদের ও তাদের মধ্যে তিনি কোনও বিভেদ  
রাখেননি, কারণ তিনি বিশ্বাসের দ্বারা তাদের হৃদয় শুচিশুক্ত করেছেন।  
10 তাহলে এখন, কেন তোমরা শিষ্যদের কাঁধে সেই জোয়াল চাপিয়ে  
দিয়ে ঈশ্বরকে পরীক্ষা করার চেষ্টা করছ, যা আমরা বা আমাদের  
পিতৃপুরুষেরাও বহন করতে পারিনি? 11 না! আমরা বিশ্বাস করি,  
প্রভু যীশুর অনুগ্রহের মাধ্যমেই আমরা পরিত্রাণ পেয়েছি, ঠিক যেমন  
তারাও পেয়েছে।” 12 সমস্ত মণ্ডলী নীরব হয়ে রইল; আর বার্ণবা ও  
পৌলের মাধ্যমে ঈশ্বর অইহুদিদের মাঝে যেসব অলৌকিক নির্দর্শন ও  
বিস্ময়কর কাজ সম্পাদন করেছিলেন সেসব বর্ণনা তারা শুনল। 13  
তাঁদের কথা শেষ হলে, যাকোব বলে উঠলেন, “ভাইয়েরা, আমার  
কথা শোনো। 14 শিমোন আমাদের কাছে বর্ণনা করেছেন যে ঈশ্বর  
কীভাবে তাঁর নিজের নামের গৌরবের জন্য অইহুদিদের পরিদর্শন  
করেছেন ও তাদের মধ্য থেকে একদল লোক বেছে নিয়েছেন। 15  
ভাববাদীদের বাণীর সঙ্গে এর মিল আছে, যেমন লেখা আছে: 16  
“‘এরপর আমি ফিরে আসব ও দাউদের পতিত হওয়া তাঁর পুনরায়  
গাঁথব। এর ধ্বসাবশেষকে আমি পুনর্নির্মাণ করব এবং তা আমি  
পুনঃপ্রতিষ্ঠিত করব, 17 যেন লোকেদের অবশিষ্টাংশ এবং আমার নাম  
বহনকারী সমস্ত অইহুদি জাতি প্রভুর অন্বেষণ করতে পারে, একথা  
বলেন প্রভু, যিনি এ সমস্ত সাধন করেন’ 18 বছরাল আগে যা তিনি  
ব্যক্ত করেছেন। (aiōn g165) 19 “অতএব আমার বিচার এই, যে সমস্ত  
অইহুদি ঈশ্বরের দিকে ফিরে এসেছে, আমরা তাদের জন্য কোনো  
কিছু কঠিন করব না। 20 বরং আমরা পত্র লিখে তাদের জানিয়ে  
দেব, যেন তারা প্রতিমার কাছে উৎসর্গ করা খাবার যা কল্যাণিত,  
অবৈধ যৌন-সংসর্গ, শ্বাসরোধ করে মারা প্রাণীর মাংস এবং রক্ত  
পান করা থেকে দূরে থাকে। 21 কারণ প্রাচীনকাল থেকে প্রতিটি  
নগরেই মোশির বিধান প্রচার করা হয়েছে এবং প্রতি বিশ্রামবারে  
তা সমাজভবনগুলিতে পড়া হয়েছে।” 22 তখন প্রেরিতশিয়বর্গ ও

প্রাচীনেরা, সমস্ত মণ্ডলীর সঙ্গে স্থির করলেন যে তাঁদের মধ্য থেকে  
নিজস্ব কয়েকজন ব্যক্তিকে মনোনীত করে, পৌল ও বার্ণবার সঙ্গে  
তাঁদের আন্তিয়থে পাঠাবেন। তারা ভাইদের মধ্যে নেতৃস্থানীয় দুজনকে  
মনোনীত করলেন যাদের নাম যিহুদা (বার্শব্রা নামেও ডাকা হত) ও  
সীল। 23 তাদের মারফত তাঁরা নিম্নলিখিত পত্র পাঠালেন: আন্তিয়থ,  
সিরিয়া ও কিলিকিয়ার অইহুদি বিশ্বাসীদের প্রতি সব প্রেরিতশিষ্য,  
প্রাচীনগণ ও আমরা ভাইয়েরা তোমাদের শুভেচ্ছা জ্ঞাপন করছি।  
24 “আমরা শুনলাম যে, আমাদের অনুমোদন ছাড়াই আমাদের মধ্য  
থেকে কয়েকজন, তাদের কথাবার্তার দ্বারা তোমাদের মনকে আহ্বান ও  
বিক্ষুন্দ করে তুলেছে। 25 তাই আমরা সর্বসম্মতিক্রমে কয়েকজনকে  
মনোনীত করে আমাদের প্রিয় বন্ধু বার্ণবা ও পৌলের সঙ্গে তোমাদের  
কাছে পাঠাচ্ছি 26 যাঁরা আমাদের প্রভু যীশু খ্রীষ্টের নামের জন্য তাঁদের  
প্রাণের ঝুঁকি নিয়েছেন। 27 অতএব, আমরা যা লিখছি, তা মুখে  
তোমাদের কাছে ব্যক্ত করার জন্য আমরা যিহুদা ও সীলকে পাঠাচ্ছি।  
28 পবিত্র আত্মা ও আমাদের কাছে এ বিষয়ে বিহিত মনে হয়েছে যে  
নিম্নলিখিত প্রয়োজনীয় বিষয়গুলি ছাড়া আমরা আর কোনো বোৰা  
তোমাদের উপর চাপাতে চাই না। 29 তোমরা প্রতিমার কাছে উৎসর্গ  
করা খাবার, রক্ত, শাসরোধ করে মারা প্রাণীর মাংস এবং অবৈধ যৌন-  
সংসর্গ থেকে দূরে থাকবে। এই সমস্ত বিষয় এড়িয়ে চললে তোমাদের  
মঙ্গল হবে। বিদায়।” 30 তখন তাঁদের বিদায় দেওয়া হল ও তাঁরা  
আন্তিয়থে উপস্থিত হলেন। তাঁরা সেখানে মণ্ডলীকে সমবেত করে  
সেই পত্র দিলেন। 31 তা পাঠ করে তাঁরা সেই উৎসাহজনক বার্তার  
জন্য আনন্দিত হল। 32 যিহুদা ও সীল, যাঁরা নিজেরাও ভাববাদী  
ছিলেন, বিশ্বাসীদের উৎসাহ দান ও শক্তি সঞ্চার করার জন্য অনেক  
কথা বললেন। 33 কিছুকাল সেখানে কাটানোর পর, বিশ্বাসীরা শান্তি  
কামনা করে আশীর্বাদ দিয়ে তাঁদের বিদায় দিলেন, যেন যাঁরা তাঁদের  
পাঠ্যেছিলেন তাঁদের কাছে ফেরত যান। 34 কিন্তু সীল সেখানেই  
থেকে যাওয়ার সিদ্ধান্ত নিলেন। 35 কিন্তু পৌল ও বার্ণবা আন্তিয়থে  
থেকে গেলেন, যেখানে তাঁরা এবং অন্য আরও অনেকে প্রভুর বাক্য

শিক্ষা দিলেন ও সুসমাচার প্রচার করলেন। 36 কিছুদিন পর পৌল  
বার্ণবাকে বললেন, “যে সমস্ত নগরে আমরা প্রভুর বাক্য প্রচার করেছি,  
চলো সেখানে ফিরে গিয়ে সেই ভাইদের সঙ্গে সাক্ষাৎ করি এবং দেখি,  
তারা কেমন আছে।” 37 বার্ণবা চাইলেন যোহনকে সঙ্গে নিতে, যাকে  
মার্ক বলেও ঢাকা হত। 38 কিন্তু পৌল তাঁকে নেওয়া উপযুক্ত হবে  
বলে মনে করলেন না, কারণ তিনি পাম্ফুলিয়ায় তাঁদের সঙ্গ ত্যাগ করে  
চলে গিয়েছিল, তাদের কাজে সহায়তা করেনি। 39 এতে তাঁদের মধ্যে  
মতবিরোধ এমন তীব্র আকার ধারণ করল যে, তাঁরা পৃথকভাবে যাত্রা  
করলেন। বার্ণবা মার্ককে সঙ্গে নিয়ে জাহাজে করে সাইপ্রাসের পথে  
যাত্রা করলেন, 40 কিন্তু পৌল, সীলকে মনোনীত করে সেখানকার  
ভাইদের দ্বারা প্রভুর অনুগ্রহে সমর্পিত হয়ে রওনা হলেন। 41 সিরিয়া  
ও কিলিকিয়ার মধ্য দিয়ে যাওয়ার সময় তিনি মণ্ডলীগুলিকে আরও  
শক্তিশালী করে তুললেন।

**16** পৌল ডার্বিতে গেলেন ও পরে লুক্ট্রায় এলেন। সেখানে তিমথি  
নামে একজন শিয় বসবাস করতেন। তাঁর মা ছিলেন একজন বিশ্বাসী  
ইহুদি, কিন্তু পিতা ছিলেন গ্রিক। 2 লুক্ট্রা ও ইকনিয়ের ভাইরা তাঁর  
সম্পর্কে সুখ্যাতি করতেন। 3 পৌল চাইলেন যাত্রায় তাঁকেও সঙ্গে  
নিতে। তাই সেই অঞ্চলে বসবাসকারী ইহুদিদের জন্য তিনি তাঁকে  
সুন্মত করালেন, কারণ তারা সকলে জানত যে, তাঁর পিতা ছিলেন  
একজন গ্রিক। 4 এক নগর থেকে অন্য নগরে যাওয়ার সময়, তাঁরা  
জেরশালেমের প্রেরিতশিয়বর্গ ও প্রাচীনদের গৃহীত সিদ্ধান্তগুলি  
তাদের জানালেন, যেন তারা সেসব পালন করে। 5 এভাবে মণ্ডলীগুলি  
বিশ্বাসে বলীয়ান হতে ও প্রতিদিন সংখ্যায় বৃদ্ধি পেতে থাকল। 6  
পরিত্র আত্মা তাঁদের এশিয়া প্রদেশে সুসমাচার প্রচার করতে বাধা  
দেওয়ায়, পৌল ও তাঁর সঙ্গীরা ফরংগিয়া ও গালাতিয়া অঞ্চলের সর্বত্র  
পরিদ্রমণ করলেন। 7 মুশিয়া প্রদেশের সীমান্তে এসে তাঁরা বিখুনিয়ায়  
প্রবেশ করার চেষ্টা করলেন, কিন্তু যৌশুর আত্মা তাঁদের অনুমতি  
দিলেন না। 8 তাই তাঁরা মুশিয়াকে পাশ কাটিয়ে ত্রোয়াতে গিয়ে  
পৌঁছালেন। 9 রাত্রিবেলা পৌল এক দর্শন পেলেন, তিনি দেখলেন

ম্যাসিডোনিয়ার একজন ব্যক্তি দাঁড়িয়ে তাঁর কাছে অনুনয় করছেন,  
“আপনি ম্যাসিডোনিয়ায় এসে আমাদের সাহায্য করুন।” 10 পৌলের  
এই দর্শন পাওয়ার পর আমরা তখনই ম্যাসিডোনিয়ার উদ্দেশে যাত্রা  
করার জন্য প্রস্তুত হলাম। আমরা বুবাতে পেরেছিলাম যে, তাদের কাছে  
সুসমাচার প্রচার করার জন্য স্টশ্বর আমাদের আহ্বান করেছেন। 11 ত্রোয়া  
থেকে আমরা সরাসরি সামোথ্রেসের উদ্দেশে সমুদ্রপথে পাড়ি দিলাম।  
পরের দিন সেখান থেকে গেলাম নিয়াপলিতে। 12 সেখান থেকে  
আমরা যাত্রা করলাম ফিলিপীতে। ফিলিপী নগরটি ছিল একটি রোমীয়  
উপনিবেশ এবং ম্যাসিডোনিয়া প্রদেশের একটি অত্যন্ত গুরুত্বপূর্ণ  
নগর। আমরা বেশ কিছুদিন সেখানে থাকলাম। 13 বিশ্রামদিনে আমরা  
নগরদ্বারের বাইরে নদীতীরে গেলাম। সেখানে প্রার্থনা করার কোনও  
উপযুক্ত স্থান পাওয়া যাবে বলে আশা করেছিলাম। আমরা সেখানে  
বসে পড়লাম ও সমবেত মহিলাদের সঙ্গে কথা বললাম। 14 যারা  
আমাদের কথা শুনছিলেন তাদের মধ্যে লিডিয়া নামে এক মহিলা  
ছিলেন। থুয়াতীরা নগরের বেগুনি কাপড়ের ব্যবসায়ী এই মহিলাটি  
ছিলেন স্টশ্বরের উপাসক। পৌলের বার্তায় মনোনিবেশ করার জন্য প্রভু  
তাঁর হৃদয় খুলে দিলেন। 15 যখন তিনি ও তাঁর পরিজনেরা বাণিজ্য  
গ্রহণ করলেন, তিনি আমাদের তাঁর বাড়িতে আমন্ত্রণ জানালেন। তিনি  
বললেন, “আপনারা যদি আমাকে প্রভুতে বিশাসী বলে মনে করেন,  
তাহলে এসে আমার বাড়িতে থাকুন।” তিনি আমাদের বুবিয়ে রাজি  
করালেন। 16 একদিন যখন আমরা প্রার্থনা-স্থানে যাচ্ছিলাম, এক  
ক্রীতদাসীর সঙ্গে আমাদের সাক্ষাৎ হল। সে ভবিষ্যৎ বলতে পারে  
এমন আত্মার প্রভাবে ভবিষ্যতের কথা বলতে পারত। ভবিষ্যতের  
কথা বলে সে তার মনিবদের জন্য প্রচুর অর্থ উপার্জন করত। 17 সেই  
মেয়েটি পৌল ও আমাদের সকলকে অনুসরণ করতে লাগল। সে  
চিৎকার করে বলতে লাগল, “এই লোকেরা পরাম্পর স্টশ্বরের দাস,  
তোমাদের কাছে পরিত্রাগের উপায়ের কথা বলছেন।” 18 বহুদিন যাবৎ  
সে এরকম করতে থাকল। শেষে পৌল এত উত্ত্যক্ত হয়ে উঠলেন যে,  
তিনি ফিরে সেই আত্মার উদ্দেশে বললেন, “আমি যীশু খ্রীষ্টের নামে

তোমাকে আদেশ দিচ্ছি, ওর মধ্য থেকে বেরিয়ে এসো।” সেই মুহূর্তেই  
সেই আত্মা তাকে ছেড়ে চলে গেল। 19 সেই ক্রীতদাসীর মনিবেরা  
যখন বুবাতে পারল যে, তাদের অর্থ উপার্জনের আশা শেষ হয়েছে,  
তারা পৌল ও সীলকে ধরে টানতে টানতে বাজারে কর্তৃপক্ষের সামনে  
উপস্থিত করল। 20 তারা নগরের প্রশাসকদের সামনে তাঁদের নিয়ে  
এসে বলল, “এই ব্যক্তিরা ইহুদি। এরা আমাদের নগরে গঙ্গোলের  
সৃষ্টি করেছে। 21 এরা এমন সব রীতিনীতির কথা বলছে, যা আমাদের,  
রোমীয়দের পক্ষে গ্রহণ বা পালন করা ন্যায়সংগত নয়।” 22 জনসাধারণ  
পৌল ও সীলের বিরুদ্ধে আক্রমণে ঘোগ দিল। প্রশাসকেরা তাদের  
পোশাক খুলে তাদের চাবুক মারার আদেশ দিলেন। 23 চাবুক দিয়ে  
তাঁদের অনেক মারার পর কারাগারে বন্দি করা হল। কারারক্ষককে  
আদেশ দেওয়া হল যেন তাঁদের সতর্কভাবে পাহারা দেওয়া হয়। 24  
এই ধরনের আদেশ পেয়ে, সে তাঁদের কারাগারের ভিতরের ঘরে  
নিয়ে গেল এবং কাঠের বেড়ির মধ্যে তাঁদের পা আটকে দিল। 25  
প্রায় মাঝারাতে পৌল ও সীল প্রার্থনা এবং ঈশ্বরের উদ্দেশে স্তবগান  
করছিলেন। অন্য কারাবন্দিরা তা শুনছিল। 26 হঠাৎই সেখানে এমন  
এক ভয়ংকর ভূমিকম্প হল যে, কারাগারের ভিত পর্যন্ত কেঁপে উঠল।  
সঙ্গে সঙ্গে কারাগারের সব দরজা খুলে গেল এবং বন্দিদের শিকল  
খসে পড়ল। 27 কারারক্ষক জেগে উঠল। সে যখন কারাগারের  
দরজাগুলি খোলা দেখল, তখন সে তার তরোয়াল কোষ থেকে বের  
করে আত্মহত্যায় উদ্যত হল, কারণ সে ভেবেছিল যে বন্দিরা পালিয়ে  
গেছে। 28 কিন্তু পৌল চিংকার করে বললেন, “তুমি নিজের ক্ষতি  
করো না! কারণ আমরা সবাই এখানেই আছি!” 29 কারারক্ষক আলো  
আনতে বলে দ্রুত ভিতরে প্রবেশ করল। সে কাঁপতে কাঁপতে পৌল ও  
সীলের সামনে লুটিয়ে পড়ল। 30 তারপর সে তাঁদের বাইরে এনে  
জিঙ্গাসা করল, “মহাশয়েরা, পরিত্রাণ পাওয়ার জন্য আমাকে কী  
করতে হবে?” 31 তাঁরা উত্তর দিলেন, “প্রভু যীশুতে বিশ্বাস করো,  
তাহলে তুমি ও তোমার পরিবার পরিত্রাণ পাবে।” 32 তারপর তাঁরা তার  
কাছে ও তার বাড়ির অন্য সকলের কাছে প্রভুর বাক্য প্রচার করলেন।

33 রাত্রির সেই প্রহরেই, কারারক্ষক তাঁদের নিয়ে গিয়ে তাঁদের ক্ষত  
ধূয়ে দিল। তারপর দেরি না করে সে ও তার সমস্ত পরিবার বাণিজ্য  
গ্রহণ করল। 34 সেই কারারক্ষক তার বাড়ির ভিতরে তাঁদের নিয়ে  
গেল ও তাদের সামনে খাবার পরিবেশন করল। সে ও তার পরিবারের  
সকলে আনন্দে পরিপূর্ণ হল, কারণ তারা ঈশ্বরকে বিশ্বাস করেছিল।  
35 দিনের আলো দেখা দিলে, প্রশাসকেরা কারারক্ষকের কাছে তাঁদের  
কর্মচারীদের পাঠিয়ে দিয়ে আদেশ দিলেন, “ওই লোকদের মুক্ত করে  
দাও।” 36 কারারক্ষক পৌলকে বললেন, “প্রশাসকেরা আপনাকে ও  
সীলকে মুক্ত করার আদেশ দিয়েছেন। এখন আপনারা চলে যেতে  
পারেন। শাস্তিতে প্রস্থান করুন।” 37 কিন্তু পৌল সেই কর্মচারীদের  
বললেন, “আমরা রোমীয় নাগরিক হওয়া সত্ত্বেও তাঁরা বিনা বিচারে  
সবার সামনে আমাদের মেরেছে ও কারাগারে বন্দি করেছে। এখন  
তাঁরা গোপনে আমাদের থেকে অব্যাহতি পেতে চাইছেন? না, তাঁরা  
নিজেরা এখানে এসে আমাদের বের করে নিয়ে যান।” 38 কর্মচারীরা  
একথা গিয়ে প্রশাসকদের জানাল। তাঁরা যখন শুনলেন যে, পৌল ও  
সীল রোমীয় নাগরিক, তাঁরা আতঙ্কিত হলেন। 39 তাঁরা এসে তাঁদের  
শাস্ত করলেন এবং কারাগার থেকে সঙ্গে করে তাঁদের বের করে এনে  
অনুরোধ করলেন, তাঁরা যেন নগর ছেড়ে চলে যান। 40 পৌল ও  
সীল কারাগার থেকে বের হয়ে আসার পর, তাঁরা লিডিয়ার বাড়ি চলে  
গেলেন। সেখানে তাঁরা বিশাসী ভাইদের সঙ্গে মিলিত হয়ে তাদের  
উৎসাহিত করলেন। তারপর তারা সেখান থেকে চলে গেলেন।

**17** তাঁরা পরে অ্যাস্ফিপলি ও অ্যাপল্লোনিয়ার মধ্য দিয়ে যাত্রা করে  
থিষ্টলিনিকায় পৌঁছালেন। সেখানে একটি ইহুদি সমাজভবন ছিল। 2  
পৌল তাঁর প্রথা অনুসারে সমাজভবনে গেলেন এবং তিনটি বিশ্রামদিনে  
যুক্তিসহ তাদের কাছে শাস্ত্রব্যাখ্যা করলেন। 3 তিনি তাদের কাছে  
প্রমাণ করে দেখালেন যে, শ্রীষ্টের কষ্টভোগ করা ও মৃতলোক থেকে  
উত্থাপিত হওয়ার প্রয়োজন ছিল। তিনি বললেন, “এই যে যীশুর  
কথা আমি তোমাদের কাছে প্রচার করছি, তিনিই সেই মশীহ।” 4  
এতে কয়েকজন ইহুদি বিশ্বাস করে পৌল ও সীলের সঙ্গে যোগ

দিল। সেই সঙ্গে বহুসংখ্যক ঈশ্বরভয়শীল গ্রিক ও বেশ কিছু বিশিষ্ট মহিলাও তাঁদের সঙ্গে যোগ দিলেন। 5 কিন্তু ইছদিরা সৰ্বান্বিত হয়ে উঠল। তাই তাঁরা বাজার-চতুর থেকে কিছু খারাপ চরিত্রের লোককে একত্র করে একটি দল গঠন করল এবং তারা নগরে দাঙাহঙ্গামা শুরু করে দিল। তারা পৌল ও সীলের সন্ধানে যাসোনের বাড়ির দিকে ছুটে গেল, যেন তাদের সেই জনসাধারণের সামনে নিয়ে আসা যায়। 6 কিন্তু তারা যখন তাঁদের খুঁজে পেল না, তারা যাসোন ও অন্য কয়েকজন বিশ্বাসীকে নগরের প্রশাসকদের কাছে টেনে নিয়ে গেল। তারা চিৎকার করে বলল, “এই লোকেরা সমস্ত জগৎ ওলট-পালট করে দিয়ে এখন এখানে এসে উপস্থিত হয়েছে, 7 আর যাসোন তার বাড়িতে এদের আতিথ্য করেছে। এরা সবাই কৈসরের শাসন অস্বীকার করে, বলে যে যীশু নামে আর একজন রাজা আছেন।” 8 তারা যখন একথা শুনল, সেই জনসাধারণ ও নগর-প্রশাসকেরা উত্তেজিত হয়ে উঠল। 9 তখন যাসোন ও অন্যান্যদের কাছে জামিন আদায় করে, তাঁদের ছেড়ে দেওয়া হল। 10 রাত্রি নেমে আসার সঙ্গে সঙ্গে বিশ্বাসী ভাইয়েরা পৌল ও সীলকে বিরয়াতে পাঠিয়ে দিলেন। সেখানে পৌঁছে তাঁরা ইছদিরের সমাজভবনে গেলেন। 11 বিরয়াবাসীরা থিয়লনিকার ইছদিরের চেয়ে উদার চরিত্রের মানুষ ছিল, কারণ তারা ভীষণ আগ্রহের সঙ্গে সুসমাচার গ্রহণ করেছিল। পৌল যা বলছিলেন, তা প্রকৃতই সত্য কি না, তা জানবার জন্য তারা প্রতিদিন শান্ত্র পরীক্ষা করে দেখত। 12 অতএব, অনেক ইছদি বিশ্বাস করল, বেশ কিছু বিশিষ্ট গ্রিক মহিলা ও অনেক গ্রিক পুরুষও বিশ্বাস করলেন। 13 থিয়লনিকার ইছদিরা যখন জানতে পারল যে, পৌল বিরয়াতে ঈশ্বরের বাক্য প্রচার করছেন, তারা সেখানেও গেল। তারা গিয়ে সবাইকে বিকুঠি ও উত্তেজিত করে তুলল। 14 বিশ্বাসী ভাইয়েরা তৎক্ষণাতে পৌলকে সমুদ্র উপকূলের দিকে পাঠিয়ে দিলেন, কিন্তু সীল ও তিমথি বিরয়াতে থেকে গেলেন। 15 পৌলের সঙ্গী যারা ছিল, তারা তাঁকে এথেন্সে নিয়ে এল এবং সীল ও তিমথিকে যত শীঘ্র সন্তুষ্ট পৌলের সঙ্গে মিলিত হওয়ার নির্দেশ নিয়ে ফিরে গেল। 16 পৌল যখন এথেন্সে

তাদের জন্য অপেক্ষা করছিলেন, তখন নগরটি প্রতিমায় পরিপূর্ণ দেখে  
অত্যন্ত মর্মাহত হলেন। 17 তাই তিনি সমাজভবনে ইহুদিদের ও  
ঈশ্বরভয়শীল গ্রিকদের সঙ্গে এবং বাজারে যাদের সঙ্গে তাঁর দিনের  
পর দিন সাক্ষাৎ হত, তাদের কাছে এ নিয়ে আলোচনা করতেন।  
18 একদল এপিকুরীয় ও স্টেয়িকীয় দার্শনিক তাঁর সঙ্গে তর্কবিতর্কে  
করতে লাগল। তাদের মধ্যে কয়েকজন জিজ্ঞাসা করল, “এই বাচাল  
লোকটি কী বলতে চাইছে?” অন্যেরা মন্তব্য করল, “একে বিদেশি  
দেবতাদের প্রচারক বলে মনে হচ্ছে।” তাদের একথা বলার কারণ হল,  
পৌল যীশুর সুসমাচার ও পুনরুত্থানের কথা প্রচার করছিলেন। 19  
তখন তারা তাঁকে ধরে আরেয়পাগের সভায় নিয়ে গেল। সেখানে তারা  
তাঁকে বলল, “আমরা কি জানতে পারি, আপনি যে নতুন শিক্ষা প্রচার  
করছেন, সেটি কী? 20 আপনি কতগুলি অঙ্গুত ধারণার কথা আমাদের  
কানে দিচ্ছেন, আমরা সেগুলির অর্থ জানতে চাই।” 21 (এথেন্সের  
অধিবাসীরা ও সেখানকার প্রবাসী বিদেশিরা কেবলমাত্র নতুন সব  
চিন্তাধারা সম্পর্কে আলোচনা করা বা সেসব শোনা ছাড়া আর কোনো  
কিছুতে কালঙ্কেপ করত না)। 22 পৌল তখন আরেয়পাগের সভায় উঠে  
দাঁড়িয়ে বললেন, “এথেন্সের জনগণ! আমি দেখতে পাচ্ছি, তোমরা  
সর্বতোভাবে অত্যন্ত ধর্মপরায়ণ। 23 কারণ আমি যখন চারপাশে ঘুরে  
বেড়াচ্ছিলাম, তোমাদের আরাধনা করার বস্তু সতর্কভাবে দেখছিলাম।  
তখন আমি এমন একটি বেদি দেখতে পেলাম, যার উপরে লেখা আছে:  
এক অজ্ঞাত দেবতার উদ্দেশ্যে। এখন, তোমরা যাকে অজ্ঞাতরূপে  
আরাধনা করো, তাঁরই কথা আমি তোমাদের কাছে বলতে চাই। 24  
“ঈশ্বর, যিনি এই জগৎ ও তার অন্তর্গত সমস্ত বস্তু রচনা করেছেন,  
তিনিই স্বর্গ ও মর্ত্যের প্রভু। তিনি হাত দিয়ে তৈরি দেবালয়ে বাস  
করেন না। 25 তাঁর কোনো কিছুর প্রয়োজন আছে বলে মানুষের হাতে  
তাঁর সেবা গ্রহণের প্রয়োজন হয় না। কারণ তিনি স্বয়ং সমস্ত মানুষকে  
জীবন ও শাস এবং সবকিছুই দান করেন। 26 তিনি একজন ব্যক্তি  
থেকে সব জাতিকে সৃষ্টি করেছেন, যেন তারা সমস্ত পৃথিবীতে বসবাস  
করে। তিনি আগেই তাদের নির্দিষ্ট কাল ও বসবাসের জন্য স্থান স্থির

করে রেখেছিলেন। 27 ঈশ্বর এ কাজ করেছেন, যেন মানুষ তাঁর অব্বেষণ করে এবং সন্তুষ্ট হলে অনুসন্ধান করে তাঁর সন্ধান পায়, যদিও তিনি আমাদের কারও কাছ থেকে দূরে নেই। 28 কারণ তাঁর মধ্যেই আছে আমাদের প্রাণ, আমাদের জীবনাচরণ ও আমাদের অস্তিত্ব। যেমন তোমাদেরই কয়েকজন কবি বলেছেন, ‘আমরা তাঁর বৎশ।’ 29 “অতএব, আমরা যখন ঈশ্বরের বৎশ, তখন আমাদের এরকম চিন্তা করা উচিত নয় যে ঈশ্বর মানুষের কলাকুশলতা ও কল্পনাপ্রসূত সোনা, রূপো বা পাথরের তৈরি করা কোনো প্রতিমূর্তি। 30 অতীতকালে ঈশ্বর এই প্রকার অঙ্গতাকে উপেক্ষা করেছেন, কিন্তু এখন তিনি সর্বস্থানের সব মানুষকে মন পরিবর্তনের আদেশ দিচ্ছেন। 31 কারণ তিনি একটি দিন নির্ধারিত করেছেন, যখন তিনি তাঁর নিযুক্ত এক ব্যক্তির দ্বারা ন্যায়ে জগতের বিচার করবেন। মৃত্যু থেকে তাঁকে উত্থাপিত করে সব মানুষের কাছে তিনি তার প্রমাণ দিয়েছেন।” 32 যখন তারা মৃতদের পুনরুত্থানের কথা শুনল, তাদের মধ্যে কয়েকজন উপহাসসূচক মন্তব্য করল। কিন্তু অন্যেরা বলল, “আমরা আপনার কাছ থেকে এ বিষয়ে আবার শুনতে চাই।” 33 একথা শুনে পৌল সভা ত্যাগ করে চলে গেলেন। 34 অল্প কয়েকজন ব্যক্তি পৌলের অনুসারী হলেন ও বিশ্বাস করলেন। তাদের মধ্যে ছিলেন আরেয়পাগের সদস্য দিয়নুমিয়, দামারি নামে এক মহিলা এবং আরও অনেক ব্যক্তি।

**18** এরপরে পৌল এথেন্স ত্যাগ করে করিন্থে গেলেন। 2 সেখানে আকিলা নামে এক ইহুদির সঙ্গে তাঁর সাক্ষাৎ হল। তিনি পন্তের অধিবাসী। ক্লিয়াস সব ইহুদিকে রোম পরিত্যাগ করার আদেশ জারি করায়, তিনি তাঁর স্ত্রী প্রিফিল্লাকে নিয়ে সম্প্রতি ইতালি থেকে এসেছিলেন। পৌল তাঁদের সঙ্গে সাক্ষাৎ করতে গেলেন। 3 তিনি যেহেতু তাঁদের মতো তাঁবু-নির্মাতা ছিলেন, তিনি তাঁদেরই সঙ্গে থেকে কাজ করতে লাগলেন। 4 প্রতি বিশ্রামবারে তিনি সমাজভবনে গিয়ে আলাপ-আলোচনা করতেন, ইহুদি ও গ্রিকদের বিশ্বাসে নিয়ে আসার চেষ্টা করতেন। 5 যখন সীল ও তিমথি ম্যাসিডোনিয়া থেকে উপস্থিত হলেন, পৌল সম্পূর্ণরূপে নিজেকে প্রচারকাজে উৎসর্গ করলেন। তিনি

ইহুদিদের কাছে সাক্ষ্যদান করতে লাগলেন যে, যীশুই ছিলেন মশীহ।  
৬ কিন্তু ইহুদিরা পৌলের বিরোধিতা ও কটুভাষায় তাঁর নিন্দা করায়,  
তিনি প্রতিবাদস্বরূপ তাঁর পোশাক বেড়ে তাদের বললেন, “তোমাদের  
রক্তের দায় তোমাদেরই মাথায় থাকুক। আমি আমার দায়িত্ব থেকে  
মুক্ত। এখন থেকে আমি অইহুদিদের কাছে যাব।” ৭ পৌল তখন  
সমাজভবন ত্যাগ করে পাশেই তিতিয়-যুষ্টের বাড়িতে গেলেন। তিনি  
ছিলেন ঈশ্বরের একজন উপাসক। ৮ সমাজভবনের অধ্যক্ষ ক্রীস্প ও  
তাঁর সমস্ত পরিজন প্রভুকে বিশ্বাস করলেন। করিঞ্চীয়দের মধ্যেও বহু  
ব্যক্তি তাঁর কথা শুনে বিশ্বাস করল ও বাষ্পাইজিত হল। ৯ এক রাত্রে,  
প্রভু পৌলকে এক দর্শনের মাধ্যমে বললেন, “তুমি তয় পেয়ো না,  
প্রচার করতে থাকো, নীরব থেকো না। ১০ কারণ আমি তোমার সঙ্গে  
আছি, কেউই তোমাকে আক্রমণ বা তোমার ক্ষতি করবে না, কারণ এই  
নগরে আমার অনেক প্রজা আছে।” ১১ তাই পৌল সেখানে দেড় বছর  
থেকে গেলেন এবং তাদের ঈশ্বরের বাক্য শিক্ষা দিলেন। ১২ গাল্লিয়ো  
যখন আখায়ার প্রদেশপাল ছিলেন, ইহুদিরা একজোট হয়ে পৌলকে  
আক্রমণ করল এবং তাঁকে বিচারালয়ে নিয়ে গেল। ১৩ তারা অভিযোগ  
করল, “এই ব্যক্তি বিধানশাস্ত্রের বিরুদ্ধে ঈশ্বরের আরাধনা করার জন্য  
জনসাধারণকে প্ররোচিত করছে।” ১৪ পৌল কথা বলতে উদ্যত হলে,  
গাল্লিয়ো ইহুদিদের বললেন, “তোমরা ইহুদিরা, যদি কিছু অপকর্ম বা  
গুরুতর অপরাধ সম্পর্কে অভিযোগ করতে, তাহলে তোমাদের কথা  
শোনা আমার পক্ষে যুক্তিযুক্ত হত। ১৫ কিন্তু যেহেতু এর সঙ্গে জড়িয়ে  
আছে কতগুলি শব্দ, নাম ও তোমাদের বিধানসম্পর্কিত কয়েকটি প্রশ্ন,  
তোমরা নিজেরাই বিষয়টির নিষ্পত্তি করে নাও, আমি এসব বিষয়ের  
বিচারক হতে চাই না।” ১৬ তাই তিনি বিচারালয় থেকে তাদের বের  
করে দিলেন। ১৭ তখন তারা সকলে সমাজভবনের অধ্যক্ষ সোস্টিনিকে  
আক্রমণ করে বিচারালয়ের সামনেই তাঁকে মারতে লাগল। কিন্তু  
গাল্লিয়ো এ বিষয়ে কোনোরকম জ্ঞানেপ করলেন না। ১৮ পৌল আরও  
কিছু সময় করিন্থে থাকলেন। তারপর তিনি ভাইবোনেদের বিদায়  
জানিয়ে জাহাজে করে সিরিয়ার উদ্দেশে যাত্রা করলেন। সহযাত্রীরাপে

তিনি নিলেন প্রিক্সিল্লা ও আকিলাকে। তিনি মানত করেছিলেন বলে যাত্রার আগে কিংক্রিয়া নগরে তাঁর মাথা ন্যাড়া করলেন। 19 তাঁরা ইফিষে উপস্থিত হলেন। সেখানে পৌল প্রিক্সিল্লা ও আকিলাকে রেখে দিলেন, কিন্তু তিনি নিজে সমাজভবনে গিয়ে ইহুদিদের সঙ্গে আলাপ-আলোচনা করতে লাগলেন। 20 তারা যখন তাঁকে আরও কিছু সময় তাদের সঙ্গে কাটাতে বললেন, তিনি রাজি হলেন না। 21 কিন্তু বিদায় নেওয়ার সময় তিনি প্রতিশ্রূতি দিলেন, “ঈশ্বরের ইচ্ছা হলে আমি আবার ফিরে আসব।” তারপর তিনি ইফিষ থেকে সমুদ্রপথে যাত্রা করলেন। 22 যখন তিনি কৈসারিয়ায় পৌঁছালেন, তিনি জেরশালেম গোলেন ও মণ্ডলীকে শুভেচ্ছা জানালেন ও সেখান থেকে আন্তিয়খে চলে গোলেন। 23 আন্তিয়খে কিছুকাল থাকার পর, পৌল সেখান থেকে পুনরায় যাত্রা শুরু করলেন। সমস্ত গালাতিয়া ও ফর়গিয়ার বিভিন্ন অঞ্চলে পরিভ্রমণ করে তিনি শিষ্যদের সুদৃঢ় করতে লাগলেন। 24 ইতিমধ্যে আপল্লো নামে এক ইহুদি ইফিষে এসে উপস্থিত হলেন। তিনি ছিলেন আলেকজান্দ্রিয়ার অধিবাসী। তিনি শিক্ষিত ব্যক্তি ছিলেন, শান্ত সম্পর্কে তাঁর পুঁজোনুপুঁজি জ্ঞান ছিল। 25 তাঁকে প্রভুর পথ সম্পর্কে শিক্ষা দেওয়া হয়েছিল। তিনি আত্মার উদ্দীপনায় কথা বলতেন এবং যীশুর বিষয়ে নিখুঁতরূপে শিক্ষা দিতেন, যদিও তিনি কেবলমাত্র যোহনের বাণিজ্যের কথা জানতেন। 26 তিনি সমাজভবনে সাহসের সঙ্গে প্রচার করতে লাগলেন। প্রিক্সিল্লা ও আকিলা তাঁর প্রচার শুনে তাঁদের বাড়িতে তাঁকে আমন্ত্রণ জানালেন। তাঁরা ঈশ্বরের পথের বিষয়ে তাঁর কাছে আরও সঠিকরূপে ব্যাখ্যা করলেন। 27 আপল্লো যখন আখায়ায় যেতে চাইলেন, বিশ্বাসী ভাইয়েরা তাঁকে উৎসাহিত করলেন এবং তাঁকে স্বাগত জানানোর উদ্দেশে সেখানকার শিষ্যদের পত্র লিখলেন। যখন তিনি সেখানে পৌঁছালেন তিনি তাদের, যারা অনুগ্রহ দ্বারা বিশ্বাস করেছিল, অনেক সাহায্য করলেন। 28 প্রকাশ্য বিতর্কে তিনি দৃঢ়ভাবে ইহুদিদের যুক্তি খণ্ডন করলেন, শান্ত থেকে প্রমাণ দিতে লাগলেন যে, যীশুই ছিলেন সেই মশীহ।

**19** আপল্লো যখন করিষ্ঠে ছিলেন, পৌল তখন দেশের ভিতরের পথ দিয়ে ইফিষে পৌঁছালেন। সেখানে তিনি কয়েকজন শিষ্যের সন্ধান পেলেন। 2 তিনি তাদের জিজ্ঞাসা করলেন, “তোমরা যখন বিশ্বাস করেছিলে, তখন কি পবিত্র আত্মা লাভ করেছিলে?” তারা উত্তর দিল, “না, এমনকি কোনো পবিত্র আত্মা যে আছেন, সেকথা, আমরা শুনিনি।” 3 তখন পৌল জিজ্ঞাসা করলেন, “তাহলে তোমরা কোন বাণিজ্য গ্রহণ করেছিলে?” তারা উত্তর দিল, “যোহনের বাণিজ্য।” 4 পৌল বললেন, “যোহনের বাণিজ্য ছিল মন পরিবর্তনের বাণিজ্য। তিনি লোকদের বলেছিলেন, যিনি তাঁর পরে আসছেন, সেই যীশুর উপরে তারা যেন বিশ্বাস করে।” 5 একথা শুনে তারা প্রভু যীশুর নামে বাণিজ্য গ্রহণ করল। 6 পৌল যখন তাদের উপরে হাত রাখলেন, পবিত্র আত্মা তাদের উপরে নেমে এলেন। তারা ভিন্ন ভিন্ন ভাষায় কথা ও ভাববাণী বলতে লাগল। 7 সেখানে মোট বারোজন পুরুষ ছিল। 8 পরে পৌল সমাজভবনে প্রবেশ করে সেখানে তিনি মাস যাবৎ সাহসের সঙ্গে প্রচার করলেন। তিনি যুক্তিতর্কের মাধ্যমে ঈশ্বরের রাজ্যের বিষয়ে তাদের বিশ্বাস করতে অনুপ্রেরণা দিলেন। 9 কিন্তু তাদের মধ্যে কয়েকজন জেনি মনোভাবাপন্ন হল। তারা বিশ্বাস করতে চাইল না এবং সেই পথ সম্পর্কে প্রকাশ্যে নিন্দা করতে লাগল। তাই পৌল তাদের ত্যাগ করে চলে গেলেন। তিনি তাঁর সঙ্গে শিষ্যদের নিয়ে গেলেন এবং তুরান্নের বক্তৃতা দেওয়ার স্থানে প্রতিদিন আলোচনা করতে লাগলেন। 10 এভাবে দুই বছর অতিক্রান্ত হল। ফলে এশিয়া প্রদেশে বসবাসকারী ইহুদি ও গ্রিক সবাই প্রভুর বাক্য শুনতে পেল। 11 ঈশ্বর পৌলের মাধ্যমে অনন্যসাধারণ সব অলৌকিক কাজ সাধন করতেন। 12 এমনকি, তাঁর স্পর্শ করা রুমাল ও পোশাক অসুস্থ ব্যক্তিদের কাছে নিয়ে গেলে তারা সুস্থ হত এবং মন্দ-আত্মা তাদের ছেড়ে যেত। 13 কয়েকজন ইহুদি ওঝা, যারা এদিক-ওদিক ঘোরাঘুরি করে মন্দ-আত্মাদের তাড়ানোর কাজ করত, তারা মন্দ-আত্মাগ্রস্তদের উপরে প্রভু যীশুর নাম প্রয়োগ করতে চেষ্টা করল। তারা বলত, “পৌল যাঁকে প্রচার করেন, সেই যীশুর নামে আমরা তোমাদের বেরিয়ে আসার

জন্য আদেশ করছি।” 14 কিন্বা নামে এক ইহুদি প্রধান যাজকের সাত ছেলে এই কাজ করে যাচ্ছিল। 15 তাতে সেই মন্দ-আত্মা তাদের উভর দিল, “আমি যীশুকে জানি, পৌলের বিষয়েও জানি, কিন্তু তোমরা কারা?” 16 তখন যে ব্যক্তির মধ্যে মন্দ-আত্মা ছিল, সে তাদের উপরে ঝাঁপিয়ে পড়ে তাদের সবাইকে পর্যন্দস্ত করে তুলল। সে তাদের এমন মার দিল যে, তারা পোশাক ফেলে রক্ষাকৃ ও নগ্ন দেহে সেই বাড়ি থেকে ছুটে পালিয়ে গেল। 17 ইফিষে বসবাসকারী ইহুদি ও গ্রিকেরা একথা জানতে পেরে সবাই ভয়ে আড়ষ্ট হয়ে পড়ল এবং প্রভু যীশুর নাম মহিমান্বিত হয়ে উঠল। 18 যারা বিশ্বাস করেছিল, তাদের অনেকেই তখন এসে প্রকাশ্যে তাদের সব অপকর্মের কথা স্মীকার করল। 19 যারা জাদুবিদ্যার অনুশীলন করছিল, তাদের মধ্যে অনেকে তাদের পুঁথিপত্র নিয়ে এসে একত্র করে সেগুলি প্রকাশ্যে আঙ্গনে পুড়িয়ে দিল। পুঁথিগুলির মূল্য নির্ধারণ করে তারা দেখল, সেগুলির মোট মূল্য পঞ্চাশ হাজার দ্রাকমা। 20 এইভাবে প্রভুর বাক্য ব্যাপক আকারে বিস্তার লাভ করল এবং পরাক্রমে বৃদ্ধি পেতে থাকল। 21 এই সমস্ত ঘটনা ঘটে যাওয়ার পর পৌল ম্যাসিডোনিয়া ও আখায়া পরিত্রক্ত করে জেরুশালেম যাবেন বলে স্থির করলেন। তিনি বললেন, “সেখানে উপস্থিত হওয়ার পর আমি অবশ্যই রোম-ও পরিদর্শন করতে যাব।” 22 তিনি তাঁর দুই সাহায্যকারী, তিমথি ও ইরাস্তকে ম্যাসিডোনিয়ায় পাঠিয়ে দিলেন এবং স্বয়ং এশিয়া প্রদেশে আরও কিছুকাল থেকে গেলেন। 23 প্রায় সেই সময়ে, সেই পথের বিষয়ে এক মহা গোলযোগ দেখা দিল। 24 দিমিত্রীয় নামে একজন রূপোর কারিগর, যে আর্টেমিসের মন্দিরের মতো রূপোর ছোটো ছোটো মন্দির নির্মাণ করত ও শিল্পীদের প্রচুর কাজের জোগান দিত, 25 সে তার সহকর্মীদের ও একই ব্যবসার সঙ্গে যুক্ত অন্যান্য শ্রমিকদের ডেকে একত্র করল ও বলল, “জনগণ, আপনারা জানেন, এই ব্যবসা থেকে আমরা ভালোরকম অর্থ উপার্জন করি। 26 আর আপনারা দেখছেন ও শুনতে পাচ্ছেন, এই পৌল কেমনভাবে লোকদের প্রভাবিত করছে এবং এখানে ইফিষের, বস্তুত সমগ্র এশিয়া প্রদেশের বিপুল সংখ্যক

মানুষকে ভুল পথে নিয়ে যাচ্ছে। সে বলে যে, মানুষের হাতে তৈরি  
দেবতারা আদৌ কোনো দেবতা নয়। 27 এর ফলে এই বিপদের  
আশঙ্কা হচ্ছে যে, এতে কেবলমাত্র আমাদের ব্যবসার সুনাম নষ্ট হবে  
তা নয়, মহাদেবী আর্তেমিসের মন্দিরেরও অখ্যাতি হবে এবং যিনি  
সমগ্র এশিয়া প্রদেশে, এমনকি সারা পৃথিবীতে প্রজিত হন, তারও  
অখ্যাতি হবে এবং তিনি তার মহিমা হারাবেন।” 28 একথা শুনে তারা  
ক্ষেত্রে উন্মত্ত হয়ে উঠল ও চিন্কার করতে লাগল, “ইফিষীয়দের  
আর্তেমিস-ই মহাদেবী!” 29 এর পরেই সমস্ত নগরে হটগোল ছাড়িয়ে  
পড়ল। জনসাধারণ ম্যাসিডোনিয়া থেকে আগত পৌলের দুই ভ্রমণের  
সঙ্গী গায়ো ও আরিষ্টার্খকে ধরে একযোগে রঙ্গমধ্যে নিয়ে গেল।  
30 পৌল জনসাধারণের সম্মুখীন হতে চেয়েছিলেন, কিন্তু শিয়েরা  
তাঁকে যেতে দিলেন না। 31 এমনকি, পৌলের বন্ধুস্থানীয় কয়েকজন  
প্রাদেশিক কর্মকর্তা তাঁর কাছে বার্তা পাঠিয়ে অনুনয় করলেন, রঙ্গমধ্যে  
গিয়ে তিনি যেন বিপদের ঝুঁকি না নেন। 32 তখন সভার মধ্যে বিভাস্ত  
দেখা দিল। কিছু লোক এক বিষয়ে, আবার কিছু লোক অন্য বিষয়ে  
চিন্কার করছিল। এমনকি, অধিকাংশ লোকই জানত না, কেন তারা  
সেখানে সমবেত হয়েছে। 33 ইছুদিরা আলেকজান্ডারকে সামনে  
এগিয়ে দিল। জনসাধারণের একাংশ চিন্কার করে তাকে নির্দেশ  
দিতে লাগল। এতে সে সকলের সামনে আত্মপক্ষ সমর্থনের জন্য  
হাত নেড়ে নীরব হওয়ার জন্য ইঙ্গিত করল। 34 কিন্তু যখন তারা  
তাকে ইছুদি বলে জানতে পারল, তারা প্রায় দুঃস্তো ধরে একস্বরে  
চিন্কার করে গেল, “ইফিষীয়দের আর্তেমিস-ই মহাদেবী!” 35 নগরের  
ভারপ্রাণ কর্মচারী সবাইকে শাস্ত করে বললেন, “ইফিষের জনগণ,  
সমস্ত পৃথিবীর মানুষ কি জানে না যে, এই ইফিষ নগরই মহাদেবী  
আর্তেমিসের মন্দিরের ও তাঁর প্রতিমার রক্ষক, যা আকাশ থেকে  
পতিত হয়েছিল? 36 সেই কারণে, যেহেতু এই বিষয়টি কেউ অস্বীকার  
করতে পারে না, তোমাদের শাস্ত থাকাই উচিত, হঠকারিতার বশে কিছু  
করা উচিত নয়। 37 তোমরা এই লোকগুলিকে এখানে নিয়ে এসেছ,  
এরা তো মন্দির লুট করেনি, আমাদের দেবীরও অবমাননা করেনি। 38

তাহলে, যদি দিমিত্রীয় ও তার সহযোগী শিল্পীদের কোনো অভিযোগ থাকে, আদালতের দরজা খোলা আছে, সেখানে প্রদেশপালেরাও আছেন। তারা সেখানে অভিযোগ দাখিল করতে পারে। 39 এছাড়া, আরও যদি অন্য কোনো বিষয় তোমাদের উত্থাপন করার থাকে, তাহলে বৈধ সভায় অবশ্যই তা নিষ্পত্তি করা হবে। 40 আজকের ঘটনার জন্য দাঙ্গা বাধানোর অভিযোগে আমরা অভিযুক্ত হওয়ার বিপদে পড়তে পারি। সেক্ষেত্রে, এই বিক্ষেপাত্তের পক্ষে আমরা কোনও যুক্তি দেখাতে পারব না।” 41 এই কথা বলে তিনি সভা ভেঙে দিলেন।

**20** হটগোল সমাপ্ত হলে পৌল শিষ্যদের ডেকে পাঠালেন। তাদের উৎসাহিত করে তিনি বিদায়সন্নামণ জানালেন ও ম্যাসিডেনিয়ার পথে যাত্রা শুরু করলেন। 2 সেই অঞ্চল অতিক্রম করার সময় তিনি লোকদের উৎসাহ দেওয়ার অনেক কথাবার্তা বলে শেষে গ্রীসে উপস্থিত হলেন। 3 সেখানে তিনি তিন মাস থাকলেন। তিনি জলপথে সিরিয়া যাওয়ার আগে ইহুদিরা তাঁর বিরক্তে এক ষড়যন্ত্র রচনা করায়, তিনি ম্যাসিডেনিয়ার মধ্য দিয়ে ফিরে যাওয়ার সিদ্ধান্ত নিলেন। 4 তাঁর সহযাত্রী হলেন বিরয়া থেকে পুর্বের ছেলে সোপাত্র, থিয়লনিকা নিবাসী আরিষ্টার্খ ও সিকুন্দ, ডার্বি নগর থেকে গায়ো, সেই সঙ্গে তিমথি, এশিয়া প্রদেশের তুথিক ও ত্রফিম। 5 এরা আমাদের আগেই যাত্রা করে ত্রোয়াতে আমাদের জন্য অপেক্ষা করলেন। 6 কিন্তু খামিরশূন্য রংটির পর্বের পর আমরা ফিলিপী থেকে জলপথে যাত্রা করলাম এবং পাঁচদিন পরে অন্যান্যদের সঙ্গে ত্রোয়াতে মিলিত হলাম। সেখানে আমরা সাত দিন থাকলাম। 7 সপ্তাহের প্রথম দিনে আমরা রংটি-ভাঙ্গার জন্য একত্র হলাম। পৌল লোকদের সঙ্গে কথা বললেন। পরদিন তিনি সেই স্থান ত্যাগ করার মনস্ত করেছিলেন বলে মাঝারাত পর্যন্ত তাদের সঙ্গে কথা বললেন। 8 উপরতলার যে ঘরে আমরা সমবেত হয়েছিলাম, সেখানে অনেক প্রদীপ জ্বলছিল। 9 উতুখ নামে একজন যুবক জানালায় বসেছিল। পৌল যখন ক্রমেই কথা বলে গেলেন, সে গভীর ঘুমে মগ্ন হয়ে পড়ল। সে যখন গভীর ঘুমে মগ্ন ছিল, সে তিনতলা থেকে নিচে, মাটিতে পড়ে গেল। লোকেরা তাকে তুলতে

গিয়ে দেখল যে সে মারা গোছে। 10 পৌল নিচে গেলেন, নিচু হয়ে  
তিনি তাঁর দু-হাত দিয়ে যুবকটিকে জড়িয়ে ধরলেন। তিনি বললেন,  
“তোমরা আতঙ্কিত হোয়ো না, এর মধ্যে প্রাণ আছে!” 11 পরে তিনি  
আবার উপরতলায় গিয়ে রুটি ভেঁড়ে ভোজন করলেন। তারপর সূর্য  
ওঠা পর্যন্ত কথা বলে তিনি বিদায় নিলেন। 12 লোকেরা সেই যুবককে  
জীবিত অবস্থায় বাড়িতে নিয়ে গেল ও দুশ্চিন্তামুক্ত হল। 13 আমরা  
আগেই গিয়ে জাহাজে উঠলাম এবং আসোস অভিযুক্তে যাত্রা করলাম।  
কথা ছিল যা সেখানে আমরা পৌলকে জাহাজে তুলে নেব। তিনি এই  
ব্যবস্থা করেছিলেন কারণ তিনি সেখানে পায়ে হেঁটে যাচ্ছিলেন। 14  
তিনি যখন আসোসে আমাদের সঙ্গে মিলিত হলেন, আমরা তাঁকে  
জাহাজে তুলে নিলাম ও মিতুলিনীতে গেলাম। 15 পরের দিন আমরা  
সেখান থেকে জাহাজে যাত্রা করে খী-দ্বীপের তীরে পৌঁছালাম। তার  
পরদিন আমরা সমুদ্র অতিক্রম করে সামো দ্বীপে এবং পরের দিন  
মিলেতা পৌঁছালাম। 16 পৌল মনস্তির করেছিলেন জলপথে ইফিয় পাশ  
কাটিয়ে যাবেন, যেন এশিয়া প্রদেশে সময় নষ্ট না হয়। কারণ তিনি  
জেরকশালেমে ফিরে যাওয়ার জন্য তাড়াহড়ো করেছিলেন, যেন সন্তুষ  
হলে পঞ্চাশত্ত্বাব্দীর দিনে জেরকশালেমে উপস্থিত থাকতে পারেন। 17  
পৌল মিলেতা থেকে ইফিয়ে লোক পাঠিয়ে মণ্ডলীর প্রাচীনদের ডেকে  
পাঠালেন। 18 তাঁরা এসে পৌঁছালে তিনি তাঁদের বললেন, “তোমরা  
জানো, এশিয়া প্রদেশে আমি উপস্থিত হওয়ার পর প্রথম দিন থেকেই  
তোমাদের মধ্যে থাকাকালীন আমি কীভাবে জীবনযাপন করেছি। 19  
আমি অত্যন্ত ন্যূনতার সঙ্গে ও চোখের জলে প্রভুর সেবা করে গেছি,  
যদিও ইহুদিদের ষড়যন্ত্রের কারণে আমি অনেক পরীক্ষার সমূখীন  
হয়েছিলাম। 20 তোমরা জানো যে আমি তোমাদের পক্ষে কল্যাণকর  
কোনো কিছুই প্রচার করতে ইতস্তত করিনি, বরং প্রকাশ্যে এবং বাড়ি  
বাড়ি গিয়ে শিক্ষা দিয়েছি। 21 ইহুদি ও গ্রিক, উভয়েরই কাছে আমি  
যোষণা করেছি যে, মন পরিবর্তনের মাধ্যমে তাদের অবশ্যই ঈশ্বরের  
কাছে ফিরে আসতে হবে এবং আমাদের প্রভু যীশুর উপরে বিশ্বাস  
স্থাপন করতে হবে। 22 “আর এখন পবিত্র আত্মার দ্বারা বাধ্য হয়ে

আমি জেরশালেমে যাচ্ছি, জানি না, সেখানে আমার প্রতি কী ঘটবে।

23 আমি শুধু জানি যে, পবিত্র আত্মা আমাকে সচেতন করছেন, প্রতিটি  
নগরে আমাকে বন্দিদশা ও কষ্টের সম্মুখীন হতে হবে। 24 কিন্তু,  
আমি আমার প্রাণকেও নিজের কাছে মূল্যবান বিবেচনা করি না, শুধু  
চাই যে আমি যেন সেই দৌড় শেষ করতে পারি এবং প্রভু যীশু যে  
কর্মভার আমাকে দিয়েছেন, তা সম্পূর্ণ করতে পারি—সেই কাজটি  
হল, ঈশ্বরের অনুগ্রহের সুসমাচার সম্পর্কে সাক্ষ্য দেওয়া। 25 “এখন  
আমি জানি, আমি যাদের মধ্যে সেই রাজ্যের কথা প্রচার করেছি, সেই  
তোমরা কেউই আর আমাকে দেখতে পাবে না। 26 সেই কারণে, আমি  
তোমাদের কাছে আজ ঘোষণা করছি যে, সব মানুষের রক্তের দায়  
থেকে আমি নির্দোষ। 27 কারণ তোমাদের কাছে ঈশ্বর যা চান, আমি  
সেইসব ইচ্ছা ঘোষণা করতে দ্বিধাবোধ করিনি। 28 তোমরা নিজেদের  
বিষয়ে সাবধান থাকো ও পবিত্র আত্মা যে মেষদের উপরে তোমাদের  
তত্ত্বাবধায়করণে নিযুক্ত করেছেন, তাদের প্রতি সতর্ক দৃষ্টি রাখো।  
ঈশ্বরের যে মণ্ডলীকে তিনি তাঁর রক্তের দ্বারা কিনেছেন, তার প্রতিপালন  
করো। 29 আমি জানি, আমার চলে যাওয়ার পর, তোমাদের মধ্যে  
হিংস্র নেকড়েদের আবির্ভাব হবে, তারা মেষপালকে নিষ্কৃতি দেবে  
না। 30 এমনকি, তোমাদের নিজেদের মধ্য থেকেই তাদের উত্থান  
হবে। তারা সত্যকে বিকৃত করবে, যেন তাদের অনুগামী হওয়ার জন্য  
শিষ্যদের টেনে নিয়ে যেতে পারে। 31 তাই তোমরা সতর্ক থাকো! মনে  
রেখো যে, সেই তিনি বছর আমি তোমাদের প্রত্যেকজনকে দিনরাত  
চোখের জলে সাবধান করে এসেছি, কখনও ক্ষান্ত হইনি। 32 “এখন  
আমি ঈশ্বর ও তাঁর অনুগ্রহের বাক্যের কাছে তোমাদের সমর্পণ করছি,  
যা তোমাদের গঠন করতে ও যারা পবিত্র তাঁদের মধ্যে অধিকার দান  
করতে সমর্থ। 33 আমি কোনো মানুষের রূপো, সোনা বা পোশাকের  
প্রতি লোভ করিনি। 34 তোমরা নিজেরা জানো যে, আমার এই দু-হাত  
আমার ও আমার সঙ্গীদের সব প্রয়োজন মিটিয়েছে। 35 আমার সমস্ত  
কাজের মাধ্যমে আমি তোমাদের দেখিয়েছি যে, এই ধরনের কঠোর  
পরিশ্রমের মাধ্যমে আমাদের অবশ্যই দুর্বলদের সাহায্য করতে হবে।

স্বয়ং প্রভু যীশুর বলা বাক্য আমাদের মনে রাখতে হবে, ‘গ্রহণ করার  
চেয়ে দান করাতেই বেশি আশীর্বাদ।’” 36 একথা বলার পর তিনি  
তাদের সবার সঙ্গে হাঁটু গেড়ে প্রার্থনা করলেন। 37 তাঁরা সবাই তাঁকে  
জড়িয়ে ধরল ও চুমু খেয়ে কাঁদতে লাগল। 38 তাঁরা আর কখনও তাঁর  
মুখ দেখতে পারবেন না—পৌলের এই কথায় তাঁরা সবচেয়ে দুঃখ  
পেলেন। এরপর তাঁরা সবাই জাহাজ পর্যন্ত তাঁর সঙ্গে গেলেন।

**21** তাদের কাছ থেকে আমরা বহুকষ্টে বিদায় নেওয়ার পর, সমুদ্রপথে  
সরাসরি কোস নামক দ্বীপ অভিমুখে যাত্রা করলাম। পরদিন আমরা  
রোডসে এবং সেখান থেকে পাতারায় গেলাম। 2 সেখানে আমরা  
ফিনিসিয়াগামী একটি জাহাজ পেলাম। আমরা সেই জাহাজে উঠে  
যাত্রা করলাম। 3 সাইপ্রাস দেখা দিলে আমরা তার দক্ষিণ দিক  
দিয়ে অতিক্রম করে সিরিয়ার দিকে চললাম। টায়ারে এসে আমরা  
নামলাম। সেখানে আমাদের জাহাজের মালপত্র নামানোর কথা ছিল।  
4 সেখানে কয়েকজন শিয়ের সন্ধান পেয়ে আমরা তাঁদের সঙ্গে সাত  
দিন থাকলাম। পবিত্র আত্মার মাধ্যমে তাঁরা পৌলকে জেরুশালেমে  
না যাওয়ার জন্য পীড়াপীড়ি করলেন। 5 কিন্তু আমাদের সময় হয়ে  
এলে, আমরা সেই স্থান ত্যাগ করে আমাদের পথে এগিয়ে চললাম।  
সব শিষ্য, তাদের স্ত্রী ও সন্তানসন্তিসহ আমাদের সঙ্গে নগরের  
বাইরে পর্যন্ত এল। সেখানে সমুদ্রতীরে আমরা নতজানু হয়ে প্রার্থনা  
করলাম। 6 পরম্পরাকে বিদায়সন্তাষণ জানিয়ে আমরা জাহাজে  
উঠলাম, আর তাঁরা ঘরে ফিরে গেলেন। 7 টায়ার থেকে আমাদের  
সমুদ্রযাত্রা অব্যাহত রেখে আমরা তলোমায়িতে নামলাম। সেখানে  
ভাইবোনেদের অভিনন্দন জানিয়ে আমরা একদিন তাদের সঙ্গে  
থাকলাম। 8 পরদিন সেই স্থান ছেড়ে আমরা কৈসরিয়ায় পৌঁছালাম  
ও সুসমাচার প্রচারক ফিলিপের বাড়িতে থাকলাম। তিনি ছিলেন  
জেরুশালেমে মনোনীত সাতজনের অন্যতম। 9 তাঁর ছিল চারজন  
অবিবাহিত মেয়ে, যাঁরা ভাববাদী বলতেন। 10 সেখানে আমরা বেশ  
কিছুদিন থাকার পর, যিহুদিয়া থেকে আগাব নামে এক ভাববাদী এসে  
পৌঁছালেন। 11 আমাদের কাছে এসে তিনি পৌলের বেল্ট নিয়ে নিজের

হাত ও পা-দুটি বেঁধে বললেন, “পবিত্র আত্মা বলছেন, ‘এই বেল্ট যে  
ব্যক্তির, জেরশালেমের ইহুদিরা তাঁকে এভাবে বাঁধবে, আর তাঁকে  
পরজাতিদের হাতে তুলে দেবে।’” 12 যখন আমরা একথা শুনলাম,  
তখন আমরা ও সেখানে উপস্থিত সবাই পৌলকে জেরশালেম পর্যন্ত না  
যাওয়ার জন্য অনুয়া করলাম। 13 তখন পৌল উত্তর দিলেন, “তোমরা  
কেন কাঁদছ ও আমার মনোবল ভেঙে দিচ্ছ? আমি যে শুধু বন্দি হওয়ার  
জন্যই তৈরি তা নয়, বরং প্রভু যীশুর নামের জন্য আমি জেরশালেমে  
মৃত্যুবরণ করতেও প্রস্তুত।” 14 তিনি কিছুতেই সম্মত হবেন না দেখে,  
আমরা হাল ছেড়ে দিলাম ও বললাম, “প্রভুরই ইচ্ছা পূর্ণ হোক।” 15  
এরপর আমরা প্রস্তুত হয়ে জেরশালেমের দিকে যাত্রা করলাম। 16  
কৈসরিয়া থেকে আসা কয়েকজন শিষ্য আমাদের সঙ্গী হলেন এবং  
আমাদের মাসোনের বাড়িতে নিয়ে গেলেন। এখানেই আমাদের থাকার  
কথা ছিল। তিনি ছিলেন সাইপ্রাসের মানুষ ও প্রাথমিক শিক্ষাদের  
অন্যতম। 17 আমরা জেরশালেমে পৌঁছালে ভাইবনেরা আমাদের  
উষ্ণ অভ্যর্থনা জানালেন। 18 পরদিন পৌল ও আমরা সবাই যাকোবের  
সঙ্গে দেখা করতে গোলাম। সেখানে সব প্রাচীন উপস্থিত ছিলেন।  
19 পৌল তাঁদের নমক্ষার জানিয়ে, ঈশ্বর তাঁর পরিচর্যার মাধ্যমে  
অইহুদিদের মধ্যে কী কাজ করেছেন, তার বিস্তারিত বিবরণ দিলেন।  
20 একথা শুনে তাঁরা ঈশ্বরের প্রশংসা করলেন। তারপর তারা পৌলকে  
বললেন, “দেখুন ভাই, কত সহস্র ইহুদি বিশ্বাস করেছে, তারা সকলেই  
শাস্ত্রের বিধান সম্পর্কে অত্যন্ত উদ্যমী। 21 তারা সংবাদ পেয়েছে  
যে, অইহুদি জাতিদের মধ্যে প্রবাসী সব ইহুদিকে তুমি মোশির পথ  
ত্যাগ করার শিক্ষা দাও, বলে থাকো, তারা যেন শিশুদের সুন্নত না  
করে বা আমাদের প্রথা অনুযায়ী না চলে। 22 আমরা কী করব? তারা  
নিশ্চয়ই তোমার আসার কথা শুনতে পাবে। 23 তাই তুমি আমাদের  
কথামতো কাজ করো। আমাদের মধ্যে চারজন ব্যক্তি আছে, যারা  
এক মানত করেছে। 24 তুমি এসব ব্যক্তিকে নিয়ে যাও, তাদের  
শুন্দকরণ-সংস্কারে যোগ দাও ও তাদের মাথা ন্যাড়া করার ব্যয়ভার  
বহন করো। তখন প্রত্যেকে জানতে পারবে যে, তোমার সম্পর্কিত

এই সংবাদের কোনও সত্যতা নেই, বরং তুমিও নিজে বিধানের প্রতি অনুগত জীবনযাপন করছ। 25 কিন্তু অইহুদি বিশ্বাসীদের সম্পর্কে, আমরা আমাদের সিদ্ধান্তের কথা তাদের লিখেছি, তারা যেন প্রতিমার কাছে উৎসর্গ করা খাবার, রক্ত, শ্বাসরোধ করে মারা প্রাণীর মাংস এবং অবৈধ যৌন-সংসর্গ থেকে নিজেদের দূরে রাখে।” 26 পরের দিন পৌল সেই ব্যক্তিদের তাঁর সঙ্গে নিলেন এবং তাদের সঙ্গে তিনি নিজেও শুচিশুন্দ হলেন। তারপর, শুন্দকরণ অনুষ্ঠানের সময় কখন শেষ হবে এবং তাদের প্রত্যেকের জন্য কবে নৈবেদ্য উৎসর্গ করা হবে, সেকথা জানানোর জন্য তিনি মন্দিরে প্রবেশ করলেন। 27 সাত দিন যখন প্রায় শেষ হতে চলেছে, সেই সময় এশিয়া প্রদেশ থেকে আসা কয়েকজন ইহুদি পৌলকে মন্দিরে দেখতে পেল। তারা সমস্ত জনতাকে উত্তেজিত করে পৌলকে পাকড়াও করল। 28 তারা চিংকার করে বলতে লাগল, “হে ইস্রায়েলবাসী, আমাদের সাহায্য করো। এই সেই লোক, যে সব স্থানের সব মানুষকে আমাদের জাতি, আমাদের বিধান ও এই স্থানের বিরুদ্ধে শিক্ষা দিয়ে থাকে। এছাড়াও ও মন্দির এলাকায় গ্রিকদের নিয়ে এসে এই পবিত্র স্থানকে কলুষিত করেছে।” 29 (তারা ইফিষের অফিমকে ইতিপূর্বে পৌলের সঙ্গে নগরে দেখে মনে করেছিল, পৌল হয়তো তাঁকে মন্দির অঞ্চলে নিয়ে এসেছেন।) 30 সমস্ত নগর উত্তেজিত হয়ে উঠল এবং লোকেরা সবদিক থেকে ছুটে এল। পৌলকে পাকড়াও করে তারা মন্দির থেকে তাঁকে টেনে বের করল। সঙ্গে সঙ্গে সমস্ত দরজা বন্ধ করে দেওয়া হল। 31 তারা যখন তাঁকে হত্যা করতে উদ্যত, সেই সময়ে রোমাইয় সৈন্যদলের অধিনায়কের কাছে সংবাদ পৌঁছাল যে, সমস্ত জেরুশালেম নগরে গঙ্গোল শুরু হয়েছে। 32 তিনি সঙ্গে সঙ্গে কয়েকজন শত-সেনাপতি ও সৈন্যকে নিয়ে দ্রুত জনতার কাছে ছুটে গেলেন। হাঙ্গামাকারীরা যখন সেনাপতি ও সৈন্যদের দেখতে পেল, তারা পৌলকে মারা বন্ধ করল। 33 সেনাপতি এগিয়ে এসে তাঁকে গ্রেপ্তার করলেন ও দুটি শিকল নিয়ে তাঁকে বাঁধার আদেশ দিলেন। তারপর তিনি তাঁর পরিচয় ও তিনি কী করেছেন, তা জিজ্ঞাসা করলেন। 34 জনতার মধ্য থেকে

কেউ এক রকম, কেউ আবার অন্যরকম কথা বলে চি�ৎকার করতে লাগল। হট্টগোলের জন্য সেনাপতি প্রকৃত সত্য বুঝতে না পারায়, তিনি পৌলকে সেনানিবাসে নিয়ে যাওয়ার আদেশ দিলেন। 35 পৌল সিঁড়ির কাছে পৌঁছালে জনতা এত ক্ষিপ্ত হয়ে উঠল যে, সৈন্যদের তাঁকে বয়ে নিয়ে যেতে হল। 36 অনুসরণকারী জনতা চি�ৎকার করতে লাগল, “ওকে দূর করে দাও!” 37 সৈন্যরা পৌলকে সেনানিবাসের ভিতরে নিয়ে যেতে উদ্যত হলে, তিনি সেনাপতিকে জিজ্ঞাসা করলেন, “আমি কি আপনাকে কিছু বলতে পারি?” তিনি উত্তর দিলেন, “তুমি কি প্রিক বলতে পারো? 38 তুমই কি সেই মিশরীয় নও, যে একটি বিদ্রোহের সূচনা করেছিল এবং চার হাজার সন্ত্রাসবাদীকে কিছুকাল আগে মরহুমাত্তরে নিয়ে গিয়েছিল?” 39 প্রত্যন্তরে পৌল বললেন, “আমি একজন ইহুদি, কিলিকিয়া তার্ষ নগরের মানুষ, কোনও সাধারণ নগরের নাগরিক নই। দয়া করে আমাকে লোকদের সঙ্গে কথা বলতে দিন।” 40 সেনাপতির অনুমতি লাভ করে পৌল সিঁড়ির উপরে দাঁড়িয়ে হাত নেড়ে জনতার দিকে ইঙ্গিত করলেন। তারা সকলে নীরব হলে তিনি হিঙ্গ ভাষায় বলতে শুরু করলেন:

**22** “হে ভাইয়েরা ও পিতৃতুল্য ব্যক্তিরা, আমার আত্মপক্ষ সমর্থনের কথা এখন আপনারা শুনুন।” 2 পৌলকে হিঙ্গ ভাষায় কথা বলতে শুনে তারা আরও শান্ত হয়ে গেল। তখন পৌল বললেন, 3 “আমি একজন ইহুদি, কিলিকিয়ার তার্ষ নগরে আমার জন্ম, কিন্তু এই নগরে বড়ে হয়েছি। গমলীয়েলের অধীনে আমি আমাদের পিতৃপুরুষদের বিধান সম্পর্কে পুঁজানুপুঁজি শিক্ষা লাভ করেছি। আজ আপনারা যেমন, একদিন আমিও আপনাদেরই একজনের মতো ঈশ্বরের পক্ষে উদ্যমী ছিলাম। 4 আমি এই পথের অনুসারীদের অত্যাচার করে অনেককে হত্যা করেছি, নারী ও পুরুষ সবাইকে গ্রেপ্তার করে কারাগারে বন্দি করেছি। 5 এ বিষয়ে মহাযাজক ও সমস্ত বিচার পরিষদ আমার সাক্ষী। এমনকি আমি তাদের কাছ থেকে কয়েকটি পত্র নিয়ে তাদের ইহুদি ভাইদের কাছে দামাক্ষাসে যাচ্ছিলাম, যেন এই সমস্ত লোককে গ্রেপ্তার করে জেরুশালেমে নিয়ে এসে শান্তি দেওয়ার ব্যবস্থা করি। 6 “প্রায়

দুপুরবেলায়, যেই আমি দামাক্ষাসের কাছে পৌছালাম, হঠাৎই আকাশ  
থেকে একটি উজ্জ্বল আলো আমার চারপাশে ঝলসে উঠল। 7 আমি  
মাটিতে পড়ে গেলাম ও একটি কঠস্বর শুনতে পেলাম, আমাকে বলছে,  
'শৌল, শৌল, তুমি কেন আমাকে নির্যাতন করছ?' 8 "প্রভু, আপনি  
কে?" আমি জিজ্ঞাসা করলাম। "আমি নাসরতীয় যীশু, যাঁকে তুমি  
নির্যাতন করছ।" তিনি উত্তর দিলেন। 9 আমার সঙ্গীরা সেই আলো  
দেখতে পেল, কিন্তু যিনি আমার উদ্দেশে কথা বলছিলেন, তারা তাঁর  
সেই কঠস্বর বুঝতে পারল না। 10 "প্রভু, আমি কী করব?" আমি  
জিজ্ঞাসা করলাম। "উঠে পড়ো," প্রভু বললেন, 'ও দামাক্ষাসে প্রবেশ  
করো। তোমাকে কী করতে হবে, সেখানে তোমাকে বলে দেওয়া  
হবে।' 11 আমার সঙ্গীরা হাত ধরে আমাকে দামাক্ষাসে নিয়ে গেল,  
কারণ সেই আলোর তীব্র ওজ্জ্বল্য আমাকে দৃষ্টিহীন করে দিয়েছিল। 12  
"এরপর অনন্য নামে একজন ব্যক্তি আমার সঙ্গে সাক্ষাৎ করতে  
এলেন। তিনি নিষ্ঠার সঙ্গে বিধান পালন করতেন এবং সেখানকার  
অধিবাসী সব ইছদির কাছে অত্যন্ত শ্রদ্ধার পাত্র ছিলেন। 13 তিনি  
আমার পাশে দাঁড়িয়ে বললেন, 'তাই শৌল, তুমি দৃষ্টিশক্তি লাভ  
করো!' আর সেই মুহূর্তে আমি তাঁকে দেখতে পেলাম। 14 "তখন তিনি  
বললেন, 'আমাদের পিতৃপুরুষদের ঈশ্বর তোমাকে মনোনীত করেছেন,  
যেন তুমি তাঁর ইচ্ছা জানতে পারো ও সেই ধর্মময় ব্যক্তির দর্শন লাভ  
করো এবং তাঁর মুখের বাণী শুনতে পাও। 15 তুমি যা দেখেছ বা  
শুনেছ, সব মানুষের কাছে সেইসব বিষয়ে তাঁর সাক্ষী হবে। 16 আর  
এখন তুমি কীসের প্রতীক্ষা করছ? ওঠো, বাণিজ্য গ্রহণ করো ও তাঁর  
নামে আহ্বান করে তোমার সব পাপ ধূয়ে ফেলো।' 17 "জেরুশালেমে  
ফিরে এসে আমি যখন মন্দিরে প্রার্থনা করছিলাম, আমি ভাবাবিষ্ট  
হলাম। 18 আমি দেখলাম, প্রভু কথা বলছেন, 'তাড়াতাড়ি করো!'  
তিনি আমাকে বললেন, 'এই মুহূর্তে জেরুশালেম ছেড়ে চলে যাও,  
কারণ তারা আমার বিষয়ে তোমার সাক্ষ্য গ্রাহ্য করবে না।' 19 "আমি  
উত্তর দিলাম, 'প্রভু, এই লোকেরা জানে, যারা তোমাকে বিশ্঵াস করে  
তাদের মারধোর ও বন্দি করার জন্য আমি এক সমাজভবন থেকে অন্য

সমাজভবনে গিয়েছি। 20 আর তোমার শহিদ স্থিফানের যখন রক্তপাত  
করা হয়, আমি সেখানে দাঁড়িয়ে আমার সমর্থন দিচ্ছিলাম ও যারা  
তাঁকে হত্যা করছিল, তাদের পোশাক পাহারা দিচ্ছিলাম।’ 21 ‘তারপর  
প্রভু আমাকে বললেন, ‘যাও, আমি তোমাকে বহুদূরে, অইহুদিদের  
কাছে পাঠাব।’” 22 লোকেরা এই পর্যন্ত পৌলের কথা শুনল। তারপর  
তারা চিৎকার করতে লাগল, “ওকে পৃথিবী থেকে দূর করো! ও বেঁচে  
থাকার যোগ্য নয়!” 23 তারা যখন চিৎকার করে তাদের পোশাক খুলে  
ফেলছিল ও বাতাসে ধুলো ছড়াতে শুরু করেছিল, 24 তখন সেনাপতি  
পৌলকে সেনানিবাসে নিয়ে যাওয়ার আদেশ দিলেন। তিনি নির্দেশ  
দিলেন যেন তাঁকে চাবুক মারা হয় এবং প্রশ্ন করে যেন জানতে পারা  
যায় কেন তাঁর বিরুদ্ধে লোকেরা এরকম চিৎকার করছে। 25 তারা  
তাঁকে টান-টান করে বেঁধে চাবুক মারতে উদ্যত হলে, সেখানে দাঁড়িয়ে  
থাকা শত-সেনাপতিকে পৌল বললেন, “যার অপরাধ সাব্যস্ত হয়নি,  
এমন কোনও রোমীয় নাগরিককে চাবুক মারা কি আপনাদের পক্ষে  
আইনসংগত?” 26 শত-সেনাপতি একথা শুনে সেনানায়কের কাছে  
গোলেন ও এই সংবাদ দিলেন। তিনি বললেন, “আপনি কী করতে  
চলেছেন? এই ব্যক্তি তো একজন রোমীয় নাগরিক!” 27 সেনানায়ক  
পৌলের কাছে গিয়ে জিজ্ঞাসা করলেন, “আমাকে বলো, তুমি কি  
একজন রোমীয় নাগরিক?” তিনি উত্তর দিলেন, “হ্যাঁ, আমি তাই।” 28  
তখন সেনানায়ক তাঁকে বললেন, “আমার নাগরিকত্ব লাভের জন্য  
আমাকে অনেক টাকা খরচ করতে হয়েছে।” পৌল উত্তর দিলেন,  
“কিন্তু আমি জন্মসূত্রেই নাগরিক।” 29 যারা তাঁকে জিজ্ঞাসাবাদ করার  
জন্য প্রস্তুত হয়েছিল, তারা তক্ষনি পিছিয়ে গেল। সেনানায়ক যখন  
উপলব্ধি করলেন যে, যাঁকে তিনি শিকলে বন্দি করেছেন, সেই পৌল  
একজন রোমীয় নাগরিক, তিনি নিজেই আতঙ্কিত হলেন। 30 পরদিন,  
সেনানায়ক অনুসন্ধান করতে চাইলেন, পৌলের বিরুদ্ধে ইহুদিদের  
সুনির্দিষ্ট কী অভিযোগ আছে। তিনি তাঁকে মুক্ত করলেন ও প্রধান  
যাজকদের এবং মহাসভার সমস্ত সদস্যকে একত্র হওয়ার আদেশ  
দিলেন। তারপর তিনি পৌলকে এনে তাঁদের সামনে দাঁড় করালেন।

**23** পৌল সরাসরি মহাসভার দিকে তাকিয়ে বললেন, “আমার ভাইয়েরা, আজকের এই দিন পর্যন্ত আমি সৎ বিবেকে ঈশ্বরের প্রতি আমার কর্তব্য পালন করেছি।” 2 এতে মহাযাজক অননিয়, যারা পৌলের কাছে দাঁড়িয়েছিল, তাদের আদেশ দিলেন যেন তাঁর মুখে আঘাত করা হয়। 3 তখন পৌল তাঁকে বললেন, “চুনকাম করা দেওয়ালের মতো তুমি, ঈশ্বর তোমাকেও আঘাত করবেন! বিধানসম্মতভাবে আমার বিচার করার জন্য তুমি ওখানে বসেছ, কিন্তু তবুও আমাকে আঘাত করার আদেশ দিয়ে তুমি স্বয়ং বিধান লজ্জন করছ!” 4 যারা পৌলের কাছাকাছি দাঁড়িয়েছিল, তারা বলল, “তুমি কি ঈশ্বরের মহাযাজককে অপমান করার দুঃসাহস দেখাচ্ছ?” 5 পৌল উত্তর দিলেন, “ভাইয়েরা, আমি বুঝতে পারিনি যে, উনিই মহাযাজক। আমি জানি যে, এরকম লেখা আছে, ‘তোমার স্বজাতির অধ্যক্ষ সম্পর্কে কটুত্তি কোরো না।’” 6 তারপর পৌল যখন বুঝতে পারলেন যে, তাদের একাংশ সন্দূকী ও একাংশ ফরিশী, তখন মহাসভার মধ্যে চিৎকার করে বললেন, “আমার ভাইয়েরা, আমি ফরিশী, একজন ফরিশীর সন্তান। মৃতদের পুনরুত্থান সম্পর্কে আমার প্রত্যাশার জন্যই আমার বিচার করা হচ্ছে।” 7 তিনি একথা বলার পর ফরিশী ও সন্দূকীদের মধ্যে বিতর্ক বেধে গেল, সভা দুদলে ভাগ হয়ে গেল। 8 (সন্দূকীরা বলে যে পুনরুত্থান নেই, স্বর্গদুতের বা আত্মারাও নেই, কিন্তু ফরিশীরা সেসব স্বীকার করে থাকে।) 9 তখন প্রচণ্ড কোলাহল শুরু হল। কয়েকজন শাস্ত্রবিদ যারা ফরিশী-দলভুক্ত ছিল, উঠে দাঁড়িয়ে তীব্র বিতর্ক শুরু করল। তারা বলল, “আমরা এই লোকটির কোনো অন্যায় খুঁজে পাচ্ছি না। কোনো আত্মা বা স্বর্গদূত যদি এর সঙ্গে কথা বলে থাকে, তাহলে তাতেই বা কী?” 10 বিতর্ক এমন হিংস্র আকার ধারণ করল সেনানায়ক ভয় পেলেন যে তারা হয়তো পৌলকে টুকরো টুকরো করে ছিঁড়ে ফেলবে। তিনি সৈন্যবাহিনীকে আদেশ দিলেন, নিচে নেমে গিয়ে তাঁকে তাদের কাছ থেকে জোর করে নিয়ে আনতে ও সেনানিবাসে নিয়ে যেতে। 11 সেই দিনই রাত্রিবেলায় প্রভু পৌলের পাশে এসে দাঁড়ালেন ও বললেন, “সাহসী হও! তুমি যেমন

জেরক্ষালেমে আমার বিষয়ে সাক্ষ্য দিয়েছ, তেমনই তুমি রোমেও  
সাক্ষ্য দেবে।” 12 পরের দিন সকালবেলা ইহুদিরা এক ঘড়যন্ত্র করল  
এবং একটি শপথে নিজেদের আবদ্ধ করল যে, যতদিন পর্যন্ত তারা  
পৌলকে হত্যা না করে, ততদিন পর্যন্ত তারা খাওয়াদাওয়া বা পান  
করবে না। 13 চল্লিশজনেরও বেশি লোক এই ঘড়যন্ত্রে জড়িত ছিল।  
14 তারা প্রধান যাজকদের ও প্রাচীনবর্গের কাছে গিয়ে বলল, “আমরা  
এক গুরু-অঙ্গীকার করেছি যে, পৌলকে হত্যা না করা পর্যন্ত আমরা  
কিছুই খাবো না। 15 তাহলে এখন, মহাসভাকে সঙ্গে নিয়ে আপনারা  
সেনানায়কের কাছে এই অজুহাতে আবেদন করুন যে, তার সম্পর্কে  
আরও সঠিক তথ্য অনুসন্ধানের জন্য তাকে যেন আপনাদের সামনে  
নিয়ে আসা হয়। সে এখানে আসার আগেই তাকে আমরা হত্যা করার  
জন্য প্রস্তুত আছি।” 16 কিন্তু পৌলের ভাগ্নে যখন এই ঘড়যন্ত্রের কথা  
শুনতে পেল, সে সেনানিবাসে গিয়ে পৌলকে সেকথা বলল। 17  
পৌল তখন একজন শত-সেনাপতিকে ডেকে বললেন, “এই যুবককে  
সেনানায়কের কাছে নিয়ে যান, সে তাঁকে কিছু বলতে চায়।” 18  
তাই তিনি তাকে সেনানায়কের কাছে নিয়ে গেলেন। শত-সেনাপতি  
বললেন, “বন্দি পৌল আমাকে ডেকে এই যুবককে আপনার কাছে  
নিয়ে আসতে বলল, কারণ আপনার কাছে এর কিছু বক্তব্য আছে।”  
19 সেনানায়ক যুবকটির হাত ধরে তাকে এক পাশে নিয়ে গেলেন ও  
জিঙ্গাসা করলেন, “তুমি আমাকে কী বলতে চাও?” 20 সে বলল,  
“ইহুদিরা একমত হয়েছে, আগামীকাল পৌলের বিষয়ে আরও তথ্য  
অনুসন্ধান করবে, এই অজুহাতে তাঁকে মহাসভার কাছে হাজির করার  
জন্য তারা আপনার কাছে আবেদন জানাবে। 21 আপনি তাদের  
কথায় সম্মত হবেন না, কারণ তাদের চল্লিশজনেরও বেশি লোক তাঁর  
জন্য গোপনে ওত পেতে আছে। তারা শপথ করেছে যে, তাঁকে হত্যা  
না করা পর্যন্ত তারা খাদ্য বা পানীয় গ্রহণ করবে না। তারা এখনই  
প্রস্তুত আছে, তাদের অনুরোধের প্রত্যুত্তরে আপনার সম্মতির অপেক্ষা  
করছে।” 22 সেনানায়ক যুবকটিকে বিদায় করার সময় সর্তক করে  
দিলেন, “তুমি যে এই সংবাদ আমাকে দিয়েছ, একথা কাউকে বোলো

না।” 23 এরপর তিনি তাঁর দুজন শত-সেনাপতিকে ডেকে তাদের আদেশ দিলেন, “আজ রাত্রি নয়টার সময় দুশো জন সেনা, সন্তোষজন অশ্বারোহী ও দুশো বর্ণাধারী সেনা কৈসরিয়ার উদ্দেশে যাত্রা করার জন্য প্রস্তুত থেকো। 24 পৌলের জন্য আরও কয়েকটি ঘোড়ার ব্যবস্থা করো, যেন তাকে নিরাপদে প্রদেশপাল ফীলিঙ্গের কাছে পৌঁছে দেওয়া যায়।” 25 তিনি এভাবে একটি পত্র লিখলেন: 26 কুড়িয়াস লিসিয়াসের তরফে, মহামান্য প্রদেশপাল ফীলিঙ্গ সমীপেষু, শুভেচ্ছা। 27 ইছুদিরা এই ব্যক্তিকে পাকড়াও করে হত্যা করতে উদ্যত হয়েছিল, কিন্তু আমি আমার সৈন্যবাহিনীসহ গিয়ে একে উদ্বার করি, কারণ আমি জানতে পেরেছিলাম যে, সে একজন রোমীয় নাগরিক। 28 আমি জানতে চেয়েছিলাম, কেন তারা এর বিরুদ্ধে অভিযোগ করছে, তাই আমি একে তাদের মহাসভার কাছে নিয়ে গিয়েছিলাম। 29 আমি দেখলাম যে, তাদের অভিযোগ ছিল তাদের বিধানসম্পর্কিত বিষয়ে, কিন্তু এর বিরুদ্ধে মৃত্যুদণ্ড বা কারাদণ্ডের যোগ্য কোনো অভিযোগ ছিল না। 30 এই ব্যক্তির বিরুদ্ধে এক ঘড়্যন্ত করা হচ্ছে তা যখন আমাকে জানানো হল, আমি তক্ষুনি একে আপনার কাছে পাঠিয়ে দিলাম। আমি এর বিরুদ্ধে অভিযোগকারীদেরও আদেশ দিলাম, তারা যেন তাদের অভিযোগ আপনার কাছে উপস্থাপিত করে। 31 অতএব সৈন্যরা তাঁর আদেশ পালন করে রাত্রিবেলা পৌলকে সঙ্গে নিয়ে সুদূর আন্তিপাত্রিতে নিয়ে গেল। 32 পরের দিন অশ্বারোহী সেনাদের সঙ্গে তাঁকে পাঠিয়ে দিয়ে পদাতিকেরা সেনানিবাসে ফিরে গেল। 33 অশ্বারোহী সেনারা কৈসরিয়ায় পৌঁছে, তারা সেই পত্র প্রদেশপালকে দিল ও পৌলকে তাঁর হাতে সমর্পণ করল। 34 সেই পত্র পড়ে প্রদেশপাল জানতে চাইলেন, তিনি কোন প্রদেশের লোক। পৌল কিলিকিয়ার অধিবাসী জানতে পেরে, 35 তিনি বললেন, “তোমার অভিযোগকারীরা এখানে এসে উপস্থিত হলে আমি তোমার কথা শুনব।” এরপর তিনি পৌলকে হেরোদের প্রাসাদে পাহারাধীন রাখার আদেশ দিলেন।

**24** পাঁচদিন পরে মহাযাজক অনন্য কয়েকজন প্রাচীন ও তর্তুল নামে এক উকিলকে সঙ্গে নিয়ে কৈসরিয়ায় পৌঁছালেন। তাঁরা প্রদেশপালের

কাছে পৌলের বিরুদ্ধে অভিযোগ দায়ের করলেন। 2 পৌলের ডাক  
পড়লে, তর্তুল্ল ফীলিঙ্গের কাছে তাঁর অভিযোগ উপস্থাপন করলেন,  
“আপনার অধীনে আমরা দীর্ঘকাল শান্তি উপভোগ করে আসছি;  
আপনার দূরদর্শিতার গুণে এই জাতির বিভিন্ন প্রকার সংক্ষার সাধিত  
হয়েছে। 3 হে মহামান্য ফীলিঙ্গ, সর্বত্র এবং সর্বতোভাবে আমরা  
এই সত্য গভীর কৃতজ্ঞতাসহ স্বীকার করছি। 4 কিন্তু বেশি কথা বলে  
আপনাকে বিরক্ত করতে চাই না তাই আমি আপনাকে অনুরোধ করি,  
অনুগ্রহ করে আপনি আমাদের সংক্ষিপ্ত বক্তব্য শুনুন। 5 “আমরা  
দেখেছি, এই ব্যক্তি গঙ্গোল সৃষ্টি করে ও সমস্ত পৃথিবীতে ইহুদিদের  
মধ্যে দাঙ্গাহাঙ্গামা বাধানোর জন্য প্ররোচনা দেয়। সে নাসরতীয় দলের  
একজন হোতা। 6 সে এমনকি, মন্দিরও অপবিত্র করতে চেয়েছিল;  
তাই আমরা তাকে ধরে এনেছি, এবং আমাদের বিধান অনুসারে  
তার বিচার করতে চেয়েছিলাম। 7 কিন্তু সেনানায়ক লিসিয়াস এসে  
বলপ্রয়োগ করে আমাদের হাত থেকে তাকে ছিনিয়ে নিলেন এবং  
8 তার অভিযোগকারীদের কাছে উপস্থিত হওয়ার আদেশ দিলেন।  
যেসব বিষয়ে এর বিরুদ্ধে অভিযোগ করা হচ্ছে, আপনি স্বয়ং একে  
জিজ্ঞাসাবাদ করলে তার সত্যতা জানতে পারবেন।” 9 ইহুদিরাও  
এসব বিষয় সত্য বলে সেই অভিযোগ সমর্থন করল। 10 প্রদেশপাল  
পৌলকে তাঁর বক্তব্য জানানোর ইঙ্গিত করলে, পৌল উত্তর দিলেন:  
“বহু বছর যাবৎ আপনি এই জাতির বিচারক হয়ে আছেন জানতে  
পেরে আমি সানন্দে আত্মপক্ষ সমর্থন করছি। 11 আপনি সহজেই  
যাচাই করতে পারেন যে, বারোদিনেরও বেশি হয়নি, আমি উপাসনা  
করার জন্য জেরুশালেমে গিয়েছিলাম। 12 আমার অভিযোগকারীরা  
আমাকে মন্দিরে কারও সঙ্গে তর্কবিতর্ক করতে বা সমাজভবনে, কিংবা  
নগরের অন্যত্র, কোথাও কোনো জনগণকে উত্তেজিত করতে দেখেনি।  
13 আর তারা এখন আমার বিরুদ্ধে যে সমস্ত অভিযোগ উত্থাপন করছে,  
সেগুলি আপনার কাছে প্রমাণ করতেও পারে না। 14 তবুও, আমি  
স্বীকার করছি, এরা যাকে ‘দল’ বলছে, সেই ‘পথের’ অনুসারীরূপে  
আমি আমার পিতৃপুরুষদের ঈশ্বরের উপাসনা করি। যেসব বিষয়

বিধানসম্মত এবং যা কিছু ভাববাদীদের প্রশ্নে লেখা আছে, আমি  
সে সমস্তই বিশ্বাস করি। 15 আর এসব লোকের মতোই আমারও  
ঈশ্বরে একই প্রত্যাশা আছে যে, ধার্মিক ও দুর্জন, উভয়েরই পুনরুত্থান  
হবে। 16 তাই ঈশ্বর ও মানুষের কাছে আমার বিবেক নির্মল রাখার  
জন্য আমি আপ্রাণ চেষ্টা করি। 17 “কয়েক বছর অনুপস্থিত থাকার  
পর, আমি স্বজাতীয় দরিদ্রদের জন্য কিছু দানসামগ্রী নিয়ে ও নৈবেদ্য  
উৎসর্গ করার জন্য জেরশালেমে যাই। 18 যখন তারা আমাকে মন্দির-  
প্রাঙ্গণে এ কাজ করতে দেখেছিল আমি সংক্ষারণতভাবে শুচিশুদ্ধ  
ছিলাম। আমার সঙ্গে কোনো লোকজন ছিল না, কোনো গণগোলের  
সঙ্গেও আমি জড়িত ছিলাম না। 19 কিন্তু এশিয়া প্রদেশ থেকে  
আগত কিছু ইহুদি সেখানে ছিল। আমার বিরংদে কোনও অভিযোগ  
থাকলে, তা নিয়ে এখানে আপনার কাছে তাদের উপস্থিত হওয়া উচিত  
ছিল। 20 অথবা, এখানে যারা উপস্থিত আছে, তারাই বলুক, যখন  
আমি মহাসভার সামনে দাঁড়িয়েছিলাম, তারা আমার মধ্যে কোন  
অপরাধ পেয়েছিল— 21 শুধু একটি ছাড়া? তাদের উপস্থিতিতে আমি  
দাঁড়িয়ে চিন্কার করে বলেছিলাম, ‘মৃতদের পুনরুত্থান সম্পর্কে আজ  
আপনাদের সামনে আমার বিচার হচ্ছে।’” 22 তখন ফীলিঙ্গ, সেই পথ  
সম্পর্কে যথেষ্ট ওয়াকিবহাল ছিলেন বলে, শুনানি মুলতুবি রাখলেন।  
তিনি বললেন, “যখন সেনানায়ক লিসিয়াস আসবেন, আমি তোমাদের  
বিচার নিষ্পত্তি করব।” 23 তিনি শত-সেনাপতিকে আদেশ দিলেন  
পৌলকে পাহারায় রাখার জন্য, কিন্তু তাঁকে যেন কিছুটা স্বাধীনতা  
দেওয়া হয় ও তাঁর বন্ধুদেরও যেন তাঁকে সেবা করার অনুমতি দেওয়া  
হয়। 24 বেশ কয়েক দিন পর ফীলিঙ্গ, তাঁর ইহুদি স্ত্রী দ্রষ্টিলাকে  
সঙ্গে নিয়ে এলেন। তিনি পৌলকে ডেকে পাঠালেন এবং তাঁর মুখ  
থেকে খীঁষ্ট যীশুতে বিশ্বাস স্থাপনের কথা শুনলেন। 25 আলোচনাকালে  
পৌল ন্যায়পরায়ণতা, আত্মসংযম ও সন্নিকট বিচারের কথা বললে,  
ফীলিঙ্গ ভীত হয়ে বললেন, “এখন এই যথেষ্ট। তুমি যেতে পারো।  
পরে সুবিধেমতো আমি তোমাকে ডেকে পাঠাব।” 26 একইসঙ্গে, তিনি  
পৌলের কাছে কিছু ঘুস পাওয়ারও আশা করেছিলেন, সেই কারণে,

তিনি তাঁকে বারবার ডেকে পাঠাতেন ও তাঁর সঙ্গে কথা বলতেন। 27

দুই বছর অতিক্রান্ত হয়ে গেল, পক্ষীয় ফীষ্ট ফীলিঙ্গের পদে বসলেন।

কিন্তু ফীলিঙ্গ যেহেতু ইহুদিদের সন্তুষ্ট করতে চেয়েছিলেন, তিনি  
পৌলকে কারাগারেই রেখে দিলেন।

**25** সেই প্রদেশে উপস্থিত হওয়ার তিন দিন পর ফীষ্ট কৈসরিয়া থেকে  
জেরুশালেমে গেলেন। 2 সেখানে প্রধান যাজকেরা ও ইহুদি নেতৃবৃন্দ  
তাঁর নিকটে উপস্থিত হয়ে পৌলের বিরুদ্ধে বিভিন্ন অভিযোগ উপস্থাপন  
করলেন। 3 তাঁরা ফীষ্টের কাছে জরুরি অনুরোধ জানালেন যে, তাঁদের  
প্রতি অনুগ্রহ দেখিয়ে পৌলকে যেন জেরুশালেমে স্থানান্তরিত করা হয়  
কারণ তাঁরা পথের মধ্যেই পৌলকে হত্যা করার জন্য ওত পাতার  
প্রস্তুতি নিয়েছিলেন। 4 ফীষ্ট উত্তর দিলেন, “পৌল কৈসরিয়াতে বন্দি  
আছে, আমিও স্বয়ং শীঘ্ৰই সেখানে যাচ্ছি। 5 তোমাদের কয়েকজন  
নেতা আমার সঙ্গে আসুক, সেই লোকটি কোনো অন্যায় করে থাকলে,  
তোমরা সেখানে তার বিরুদ্ধে অভিযোগ দাখিল করবে।” 6 সেখানে  
তাঁদের সঙ্গে আট-দশদিন কাটিয়ে, তিনি কৈসরিয়ায় চলে গেলেন।  
পরের দিনই তিনি বিচারসভা আহ্বান করলেন এবং আদেশ দিলেন  
যেন পৌলকে তাঁর সামনে নিয়ে আসা হয়। 7 পৌল উপস্থিত হলে,  
জেরুশালেম থেকে আগত ইহুদিরা তাঁর চারপাশে দাঁড়াল। তারা তাঁর  
বিরুদ্ধে বহু গুরুতর অভিযোগ উথাপন করতে লাগল, কিন্তু কোনো  
প্রমাণ দিতে পারল না। 8 তখন পৌল আত্মপক্ষ সমর্থন করলেন:  
“আমি ইহুদিদের বিধানের বিরুদ্ধে বা মন্দিরের বিরুদ্ধে বা কৈসরের  
বিরুদ্ধে কোনো অন্যায় করিনি।” 9 ফীষ্ট ইহুদিদের প্রতি সুবিধা  
দেওয়ার উদ্দেশ্যে পৌলকে বললেন, “তুমি কি জেরুশালেমে গিয়ে  
এসব অভিযোগের জন্য আমার সামনে বিচারের জন্য দাঁড়াতে চাও?”  
10 পৌল উত্তর দিলেন, “আমি এখন কৈসরের বিচারালয়ে দাঁড়িয়ে  
আছি, আমার বিচার এখানেই হওয়া উচিত। আপনি স্বয়ং ভালোভাবেই  
জানেন যে, আমি ইহুদিদের প্রতি কোনও অন্যায় করিনি। 11 তা  
সত্ত্বেও, যদি আমি মৃত্যুদণ্ডের যোগ্য কোনো অপরাধ করে থাকি,  
তাহলে মৃত্যুবরণ করতে অস্বীকার করি না। কিন্তু ইহুদিদের দ্বারা নিয়ে

আসা এসব অভিযোগ যদি সত্য না হয়, তাহলে আমাকে তাদের  
হাতে তুলে দেওয়ার অধিকার কারও নেই। আমি কৈসরের কাছে  
আপিল করছি।” 12 ফীষ্ঠ তাঁর মন্ত্রণা-পরিষদের সঙ্গে পরামর্শ করে  
এই রায় ঘোষণা করলেন, “তুমি কৈসরের কাছে আপিল করেছ, তুমি  
কৈসরের কাছেই যাবে।” 13 কয়েক দিন পর রাজা আগ্রিম্ব ও বার্নিস,  
ফীষ্ঠকে তাদের শ্রদ্ধা জ্ঞাপন করার জন্য কৈসরিয়ায় উপস্থিত হলেন।  
14 সেখানে তাঁরা বেশ কিছুদিন কাটানোর সময়, ফীষ্ঠ রাজার সঙ্গে  
পৌলের বিষয় নিয়ে আলোচনা করলেন। তিনি বললেন, “এখানে  
এক ব্যক্তি আছে, যাকে ফীলিঙ্গ বন্দি রেখে গেছেন। 15 আমি যখন  
জেরুশালেমে গেলাম, প্রধান যাজকেরা ও ইহুদিদের প্রাচীনেরা তার  
বিরুদ্ধে অভিযোগ উথাপন করে তার শাস্তি চেয়েছিল। 16 “আমি  
তাদের বললাম যে, কোনো মানুষকে সমর্পণ করা রোমায়দের প্রথা  
নয়, যতক্ষণ না সে তার অভিযোগকারীদের সম্মুখীন হয় ও তাদের  
উথাপিত অভিযোগের বিরুদ্ধে আত্মপক্ষ সমর্থন করে। 17 তারা যখন  
এখানে আমার সঙ্গে এল, আমি মামলাটি নিয়ে দেরি করলাম না,  
পরের দিনই বিচারসভা আহ্বান করে সেই ব্যক্তিকে নিয়ে আসার  
আদেশ দিলাম। 18 অভিযোগকারীরা কথা বলতে উঠে দাঁড়ালে,  
আমি যে রকম আশা করেছিলাম, তারা সে ধরনের কোনও অভিযোগ  
উথাপন করল না। 19 বরং, তারা তাদের নিজস্ব ধর্ম-সংক্রান্ত বিষয়  
এবং যীশু নামে এক মৃত ব্যক্তি যাকে পৌল জীবিত বলে দাবি  
করে, সেই নিয়ে তার সঙ্গে তর্কবিতর্কের প্রসঙ্গ উথাপন করল। 20  
এ ধরনের বিষয় কীভাবে অনুসন্ধান করতে হবে, তা বুঝতে না  
পেরে আমি তাকে জিজ্ঞাসা করলাম, এসব অভিযোগের বিচারের  
জন্য সে জেরুশালেম যেতে ইচ্ছুক কি না। 21 পৌল যখন সন্মাটের  
সিদ্ধান্ত লাভের জন্য আপিল করল, কৈসরের কাছে না পাঠানো পর্যন্ত  
আমি তাকে বন্দি করে রাখারই আদেশ দিলাম।” 22 তখন আগ্রিম্ব  
ফীষ্ঠকে বললেন, “আমি নিজে এই লোকটির কথা শুনতে চাই।”  
তিনি উত্তর দিলেন, “আগামীকালই আপনি তার কথা শুনবেন।” 23  
পরদিন আগ্রিম্ব ও বার্নিস, মহাসমারোহের সঙ্গে সেখানে এলেন ও

উচ্চপদস্থ রাজকর্মচারীদের ও নগরের নেতৃস্থানীয় ব্যক্তিদের সঙ্গে  
সভাকক্ষে প্রবেশ করলেন। ফীষ্টের আদেশে পৌলকে সেখানে নিয়ে  
আসা হল। 24 ফীষ্ট বললেন, “মহারাজ আগ্রিম্ব ও আমাদের সঙ্গে  
উপস্থিত সকলে, আপনারা এই ব্যক্তিকে দেখতে পাচ্ছেন! সমস্ত  
ইহুদি সম্প্রদায় জেরুশালেমে ও এখানে এই কৈসেরিয়ায় আমার কাছে  
এর বিরংদে আবেদন করেছে, চিত্কার করে বলেছে যে এর আর  
বেঁচে থাকা উচিত নয়। 25 আমি দেখেছি, এ মৃত্যুদণ্ড পেতে পারে  
এমন কোনো অপরাধ করেনি, কিন্তু যেহেতু সে সন্ধাটের কাছে তার  
আপিল করেছে, আমি তাকে রোমে পাঠাবার সিদ্ধান্ত নিয়েছি। 26 কিন্তু  
মাননীয় সন্ধাটের কাছে তার সম্পর্কে সুনির্দিষ্টভাবে লেখার কিছু নেই।  
সেই কারণে, তাকে আমি আপনাদের সকলের কাছে, বিশেষভাবে  
মহারাজ আগ্রিম্ব, আপনার কাছে নিয়ে এসেছি, যেন এই তদন্তের  
ফলে আমি তার বিষয়ে লেখার মতো কিছু পাই। 27 কারণ আমি মনে  
করি, কোনো বন্দির বিরংদে সুনির্দিষ্ট অভিযোগ ছাড়া তাকে রোমে  
পাঠানো যুক্তিসম্মত নয়।”

**26** তখন আগ্রিম্ব পৌলকে বললেন, “তোমার স্বপক্ষে বক্তব্য পেশ  
করার জন্য তোমাকে অনুমতি দেওয়া হচ্ছে।” তখন পৌল তাঁর হাত  
প্রসারিত করে তাঁর আত্মপক্ষ সমর্থন শুরু করলেন: 2 ‘মহারাজ  
আগ্রিম্ব, ইহুদিদের সমস্ত অভিযোগের বিরংদে আত্মপক্ষ সমর্থন  
করার উদ্দেশ্যে, আজ আপনার সামনে দাঁড়াতে পেরে আমি নিজেকে  
সৌভাগ্যবান মনে করছি। 3 আর বিশেষ করে এজন্য যে, আপনি  
ইহুদিদের সমস্ত রীতিনীতি ও মতবিরোধগুলির সঙ্গে বিশেষভাবে  
পরিচিত। সেই কারণে, ধৈর্যের সঙ্গে আমার বক্তব্য শোনার জন্য আমি  
আপনাকে অনুরোধ করছি। 4 ‘শৈশবকাল থেকে, আমার জীবনের  
প্রথমদিকে, আমার নিজের নগরে ও জেরুশালেমে আমি কীভাবে  
জীবনযাপন করেছি ইহুদিরা তা সকলেই জানে। 5 দীর্ঘকাল যাবৎ  
তারা আমাকে জানে ও ইচ্ছা করলে সাক্ষ্যও দিতে পারে যে, আমাদের  
ধর্মের মধ্যে পরম নিষ্ঠাবান সম্প্রদায়, একজন ফরিশীরূপে আমি  
জীবনযাপন করতাম। 6 আর এখন, ঈশ্বর আমাদের পিতৃপুরুষদের

কাছে যে প্রতিশ্রুতি দান করেছিলেন, তারই উপর আমার প্রত্যাশার  
জন্য, আজ আমি বিচারের সম্মুখীন হয়েছি। 7 আমাদের বারো  
গোষ্ঠী সেই প্রতিশ্রুতি পূর্ণ হওয়ার প্রত্যাশায় আগ্রহভরে দিনরাত  
ঈশ্বরের সেবা করে আসছে। মহারাজ, এই প্রত্যাশার জন্যই ইহুদিরা  
আমাকে অভিযুক্ত করেছে। 8 ঈশ্বর মৃতজনকে উত্থাপিত করেন,  
কেন একথা বিশ্বাস করা আপনাদের কাছে অবিশ্বাস্য বলে মনে  
হয়? 9 “আমারও দৃঢ় বিশ্বাস ছিল এই যে, নাসরতের যীশুর নামের  
প্রতিরোধে যা কিছু করা সম্ভবপর, সে সবকিছু করাই আমার কর্তব্য।  
10 আর জেরুশালেমে ঠিক সেই কাজই আমি করেছিলাম। প্রধান  
যাজকদের দেওয়া অধিকারবলে আমি অনেক পবিত্রগণকে কারাগারে  
বন্দি করেছি। যখন তাদের মৃত্যুদণ্ড দেওয়া হত, তখন আমি তাদের  
বিরুদ্ধে আমার মত দিয়েছি। 11 অনেক সময় আমি এক সমাজভবন  
থেকে অন্য সমাজভবনে তাদের শাস্তি দেওয়ার জন্য গিয়েছি, তাদের  
উপরে বলপ্রয়োগ করেছি, যেন তারা ঈশ্বরনিন্দা করে। তাদের বিরুদ্ধে  
ক্ষেত্রে উন্নত হয়ে আমি তাদের অত্যাচার করার জন্য পরজাতীয়  
নগরগুলি পর্যন্তও গিয়েছিলাম। 12 “এরকমই এক যাত্রাকালে, আমি  
প্রধান যাজকদের কাছ থেকে অধিকার ও অনুমতিপত্র নিয়ে দামাক্সাসে  
যাচ্ছিলাম। 13 মহারাজ, প্রায় দুপুরবেলায়, যখন আমি মাঝাপথে  
ছিলাম, আকাশ থেকে এক আলো দেখলাম। তা ছিল সূর্য থেকেও  
উজ্জ্বল, আমার ও আমার সঙ্গীদের চারপাশে তা উজ্জ্বল হয়ে উঠেছিল।  
14 আমরা সবাই মাটিতে পড়ে গেলাম। আমি একটি কর্তৃপক্ষের শুনলাম,  
যা হিঙ্গ ভাষায় আমাকে বলছিল, ‘শৌল, শৌল, তুমি কেন আমাকে  
নির্যাতন করছ? কাঁটার মুখে লাথি মারা তোমার পক্ষে কঠিন।’ 15  
“তখন আমি জিজ্ঞাসা করলাম, ‘প্রভু, আপনি কে?’ “আমি যীশু, যাঁকে  
তুমি নির্যাতন করছ,’ প্রভু উত্তর দিলেন। 16 ‘এখন ওঠো ও তোমার  
পায়ে ভর দিয়ে দাঁড়াও। আমি তোমাকে আমার সেবক নিযুক্ত করার  
জন্য তোমাকে দর্শন দিয়েছি। আমার বিষয়ে তুমি যা দেখেছ ও আমি  
তোমাকে যা দেখাব, তুমি তার সাক্ষী হবে। 17 আমি তোমার স্বজাতি  
ও অইহুদিদের হাত থেকে তোমাকে উদ্ধার করব। আমি তোমাকে

তাদের কাছে পাঠাচ্ছি, 18 তুমি তাদের চোখ খুলে দেবে, অন্ধকার  
থেকে তাদের আলোয় ফিরিয়ে আনবে, শয়তানের পরাক্রম থেকে নিয়ে  
আসবে ঈশ্বরের কাছে, যেন তারা সব পাপের ক্ষমা লাভ করে এবং  
আমার উপরে বিশ্বাসের মাধ্যমে যারা পবিত্র হয়েছে, তাদের মধ্যে স্থান  
লাভ করতে পারে।’ 19 “সেই কারণে, মহারাজ আগ্রিপ্ত, আমি স্বর্গীয়  
এই দর্শনের অবাধ্য হইনি। 20 প্রথমে দামাক্ষাসবাসীদের কাছে, পরে  
জেরুশালেম ও সমগ্র যিহুদিয়ার অধিবাসীদের কাছে এবং অইহুদিদের  
কাছেও আমি প্রচার করলাম, যেন তারা মন পরিবর্তন করে ঈশ্বরের  
কাছে ফিরে আসে ও তাদের কাজ দিয়ে তাদের অনুত্তাপের প্রমাণ  
দেয়। 21 এই কারণেই ইহুদিরা আমাকে মন্দির চতুরে পাকড়াও করে  
ও আমাকে হত্যা করার চেষ্টা করে। 22 কিন্তু আজ, এই দিন পর্যন্ত,  
আমি ঈশ্বরের সহায়তা লাভ করে এসেছি। সেই কারণেই আজ আমি  
এখানে দাঁড়িয়ে ছেটো-বড়ো নির্বিশেষে সব মানুষের কাছে সাক্ষ্য  
দিচ্ছি। ভাববাদীরা ও মোশি যা ঘটবার কথা বলে গেছেন, তার বাইরে  
আমি কোনো কথাই বলছি না— 23 মশীহকে কষ্টভোগ করতে হবে  
এবং মৃতলোক থেকে সর্বপ্রথম উত্থাপিত বলে, তিনি তাঁর স্বজাতি  
ও অইহুদিদেরও কাছে আলোর বার্তা ঘোষণা করবেন।” 24 এই  
সময়ে ফীষ্ট পৌলের আত্মপক্ষ সমর্থনে বাধা দিয়ে বললেন, “পৌল,  
তোমার বুদ্ধিমত্তা হয়েছে। তোমার অত্যধিক জ্ঞান তোমাকে পাগল  
করে তুলেছে।” 25 পৌল উত্তর দিলেন, “মহামান্য ফীষ্ট, আমি পাগল  
নই। আমি যা বলছি, তা সত্য ও যুক্তিগ্রাহ্য। 26 রাজা এসব বিষয়ে  
পরিচিত ও তাঁর কাছে আমি স্বচ্ছন্দে কথা বলতে পারি। আমি দৃঢ়রূপে  
বিশ্বাস করি, এর কোনো কিছুই তাঁর দৃষ্টি এড়ায়নি, কারণ তা কোনে  
করা হয়নি। 27 মহারাজ আগ্রিপ্ত, আপনি কি ভাববাদীদের বিশ্বাস  
করেন? আমি জানি, আপনি করেন।” 28 আগ্রিপ্ত তখন পৌলকে  
বললেন, “তুমি কি মনে করো যে, এই অল্প সময়ের মধ্যেই তুমি  
আমাকে খৈষিয়ান করে তুলবে?” 29 পৌল উত্তর দিলেন, “অল্প সময়ে  
হোক, বা বেশি—আমি ঈশ্বরের কাছে প্রার্থনা করি, শুধুমাত্র আপনি  
নন, কিন্তু যারা আজ আমার কথা শুনছেন, কেবলমাত্র এই শিকলটুকু

ছাঢ়া তারা সবাই যেন আমারই মতো হতে পারেন।” 30 রাজা উঠে  
দাঁড়ালেন ও তাঁর সঙ্গে প্রদেশপাল, বার্নিস ও তাদের সঙ্গে বসে থাকা  
সকলে উঠলেন। 31 তাঁরা সেই ঘর ত্যাগ করলেন ও পরস্পরের সঙ্গে  
আলোচনা করার সময়ে বললেন, “এই ব্যক্তি মৃত্যুদণ্ড বা কারাগারে  
বন্দি হওয়ার যোগ্য কিছুই করেনি।” 32 আগ্রিম্ব ফীষ্টিকে বললেন,  
“কেসরের কাছে আপিল না করলে এই ব্যক্তিকে মুক্তি দেওয়া যেত।”

**27** যখন স্থির হল যে আমরা জাহাজে করে ইতালি যাত্রা করব,  
পৌল ও আরও কয়েকজন বন্দিকে সত্রাট অগাস্টাসের সৈন্যদলের  
একজন শত-সেনাপতি জুলিয়াসের হাতে সমর্পণ করা হল। 2 আমরা  
আদ্রামুত্তিয়ামের একটি জাহাজে উঠলাম, যেটা এশিয়া প্রদেশের  
উপকূলবর্তী বিভিন্ন বন্দরে যাত্রা করার জন্য প্রস্তুত ছিল। আমরা  
সমুদ্রযাত্রা শুরু করলাম। থিয়লনিকা থেকে আসা আরিষ্টার্খ নামে  
একজন ম্যাসিডোনিয়াবাসী আমাদের সঙ্গে ছিলেন। 3 পরের দিন,  
আমরা সীদোনে পৌঁছালাম। জুলিয়াস পৌলের প্রতি দয়া দেখিয়ে  
বন্ধুদের কাছে তাঁকে যাওয়ার অনুমতি দিলেন, যেন তারা তাঁর  
সব প্রয়োজনীয় উপকরণ জোগাতে পারে। 4 সেখান থেকে আমরা  
আবার সমুদ্রযাত্রা শুরু করলাম এবং বাতাস যেহেতু আমাদের  
প্রতিকূলে বইছিল, আমরা সাইপ্রাস দ্বীপের আড়ালে আড়ালে যেতে  
লাগলাম। 5 যখন আমরা কিলিকিয়া ও পাঞ্চলিয়া উপকূলের সমুখবর্তী  
সমুদ্র অতিক্রম করলাম, আমরা লুসিয়া প্রদেশের ম্যুরা নামক স্থানে  
পৌঁছালাম। 6 সেখানে একটি আলেকজান্দ্রীয় জাহাজকে ইতালির  
উদ্দেশে যাত্রা করতে দেখে শত-সেনাপতি আমাদের সেই জাহাজে  
তুলে দিলেন। 7 বছদিন যাবৎ ধীর গতিতে চলার পর আমরা কষ্টের  
সঙ্গে ঝীদের কাছে এসে পৌঁছালাম। বাতাস যখন আমাদের নির্ধারিত  
পথে যাত্রা করতে দিল না, আমরা সলমোনির বিপরীত দিকে ক্রীট  
দ্বীপের আড়ালে আড়ালে পাড়ি দিলাম। 8 কষ্ট করে উপকূল বরাবর  
যেতে যেতে, আমরা লাসেয়া নগরের কাছে সুন্দর পোতাশ্রয় নামে  
একটি স্থানে এসে পৌঁছালাম। 9 এভাবে অনেক সময় নষ্ট হয়েছিল।  
উপবাস-পর্ব শেষ হওয়ার পরে সমুদ্রযাত্রা বিপদসংকুল হয়ে উঠেছিল।

তাই পৌল তাদের সতর্ক করে দিয়ে বললেন, 10 “মহাশয়েরা, আমি দেখতে পাচ্ছি, আমাদের সমুদ্রযাত্রা দুর্দশাজনক হবে, জাহাজ ও মালপত্রের প্রচণ্ড ক্ষয়ক্ষতি হবে, আবার আমাদেরও প্রাণসংশয় হতে পারে।” 11 কিন্তু শত-সেনাপতি, পৌলের কথায় কান না দিয়ে, নাবিকের ও জাহাজের মালিকের পরামর্শ মেনে চললেন। 12 যেহেতু বন্দরটি শীতকাল কাটানোর জন্য উপযুক্ত ছিল না তাই অধিকাংশ লোকই সমুদ্রযাত্রায় এগিয়ে যাওয়ার সিদ্ধান্ত নিল। তারা আশা করছিল যে ফিনিঙ্গে পৌঁছে সেখানে শীতকাল কাটাবে। সেটা ছিল ক্রীটের একটি বন্দর, যার দক্ষিণ-পশ্চিম ও উত্তর-পশ্চিম দুই দিকই ছিল খোলা। 13 যখন দক্ষিণ দিক থেকে হালকা এক বাতাস বইতে লাগল, তারা ভাবল যে তারা যা চেয়েছিল তাই হয়েছে। ফলে তারা নোঙ্র তুলে ক্রীটের উপকূল বরাবর যাত্রা করল। 14 কিন্তু খুব অল্প সময়ের মধ্যেই উরাকুলো নামে প্রচণ্ড এক ঘূর্ণিঝড় দ্বীপের দিক থেকে আছড়ে পড়ল। 15 জাহাজটি বাড়ের মুখে পড়ল এবং বাতাসের মধ্য দিয়ে যেতে পারল না। তাই আমরা তা ভেসে যেতে দিলাম। 16 যখন আমরা কৌদা নামের ছোটো একটি দ্বীপের আড়াল দিয়ে যাচ্ছিলাম, আমরা অনেক কষ্টে জাহাজের জীবন-রক্ষাকারী নৌকাটি নিজেদের আয়ত্তে আনতে পারলাম। 17 মাঝিমাল্লারা যখন সেটাকে পাঠাতনের উপরে তুলল, তারা নিচ থেকে দড়ি দিয়ে সেটাকে জাহাজের সঙ্গে বাঁধল। সূর্তির বালির চড়ায় আটকে পড়ার ভয়ে তারা সমুদ্রে নোঙ্র নামিয়ে দিল এবং জাহাজটিকে ভেসে যেতে দিল। 18 আমরা বাড়ের এমন প্রচণ্ড দাপটের মুখে পড়লাম যে পরের দিন তারা জাহাজের মালপত্র ফেলে দিতে লাগল। 19 ত্তীয় দিনে তারা নিজের হাতে জাহাজের সাজসরঞ্জাম জলে ফেলে দিল। 20 যখন অনেকদিন পর্যন্ত সূর্য বা আকাশের তারা দেখা গেল না এবং বাড়ের তাণ্ডব অব্যাহত রইল, আমরা বেঁচে থাকার সব আশা ছেড়ে দিলাম। 21 লোকেরা অনেকদিন অনাহারে থাকার পর, পৌল তাদের সামনে দাঁড়িয়ে বললেন, “মহাশয়েরা, আমার পরামর্শ গ্রহণ করে ক্রীট থেকে আপনাদের যাত্রা না করাই উচিত ছিল; তাহলে আপনাদের এই ক্ষয়ক্ষতি হত না। 22 কিন্তু এখন আমি

আপনাদের অনুনয় করছি, আপনারা সাহস রাখুন, কারণ আপনাদের কারও প্রাণহনি হবে না, কেবলমাত্র জাহাজটি ধ্বংস হবে। 23 আমি যে ঈশ্বরের দাস ও আমি যাঁর উপাসনা করি, তাঁর এক দৃত গত রাত্রে আমার পাশে দাঁড়িয়ে 24 বললেন, ‘পৌল, তুমি ভয় পেয়ো না। তোমাকে কৈসরের সামনে বিচারের জন্য উপস্থিত হতেই হবে। আর ঈশ্বর দয়া করে যারা তোমার সঙ্গে সমুদ্রযাত্রা করছে, তাদের সকলের জীবন তোমায় দান করেছেন।’ 25 সেই কারণে মহাশয়েরা সাহস রাখুন, কারণ ঈশ্বরের উপরে আমার বিশ্বাস আছে যে, তিনি আমার কাছে যেমন ব্যক্ত করেছেন, তেমনই ঘটবে। 26 তবুও, আমাদের কোনো দ্বীপে গিয়ে উঠতেই হবে।” 27 চোদ্দো দিন পরে রাত্রিবেলায়, আমরা তখনও আদিয়া সমুদ্রের উপর দিয়ে ভেসে চলেছি, এমন সময়ে, প্রায় মাঝারাতে, নাবিকরা অনুমান করল যে তারা কোনও ডাঙার কাছাকাছি এসে পড়েছে। 28 তারা মেপে দেখল যে, জলের গভীরতা একশো কুড়ি ফুট। অল্প কিছুক্ষণ পরে তারা আবার মেপে দেখল, জলের গভীরতা নববই ফুট। 29 পাথরের গায়ে আছড়ে পরার ভয়ে তারা জাহাজের পিছন দিক থেকে চারটি নোঙর ফেলে দিয়ে দিনের আলোর জন্য প্রার্থনা করতে লাগল। 30 আর জাহাজ থেকে পালিয়ে যাওয়ার উদ্দেশে নাবিকেরা জাহাজের সামনের দিকে কয়েকটি নোঙর নামিয়ে দেওয়ার ছল করল ও সমুদ্রে জীবন-রক্ষাকারী নৌকাটিকে নামিয়ে দিল। 31 পৌল তখন শত-সেনাপতি ও সৈন্যদের বললেন, “এই লোকেরা জাহাজে না থাকলে আপনারা কিছুতেই রক্ষা পাবেন না।” 32 তখন সৈন্যরা নৌকার দড়ি কেটে দিয়ে সেটাকে জলে পড়ে যেতে দিল। 33 ভোরের ঠিক আগে, পৌল তাদের সবাইকে কিছু খেয়ে নেওয়ার জন্য অনুনয় করলেন। তিনি বললেন, “গত চোদ্দো দিন যাবৎ আপনারা ক্রমাগত উদ্বেগের মধ্যে আছেন এবং অনাহারে কাটিয়েছেন, আপনারা কিছুই আহার করেননি। 34 এখন কিছু খাওয়ার জন্য আমি আপনাদের অনুরোধ করছি। বেঁচে থাকার জন্য আপনাদের খাবার প্রয়োজন আছে। আপনাদের একজনের মাথার একটি চুলও নষ্ট হবে না।” 35 একথা বলার পর, তিনি কিছু রূটি নিয়ে তাদের

সকলের সামনে ঈশ্বরকে ধন্যবাদ দিলেন। তারপর তা ভেঙে তিনি  
খেতে লাগলেন। 36 এতে তারা সকলেই উৎসাহিত হয়ে কিছু কিছু  
খাবার গ্রহণ করল। 37 জাহাজে আমরা সর্বমোট দুশো ছিয়াত্তর জন  
ছিলাম। 38 তারা যখন নিজেদের ইচ্ছামতো পর্যাপ্ত খাবার গ্রহণ করল,  
তারা খাদ্যশস্য সমুদ্রে ফেলে দিয়ে জাহাজের ভার হালকা করল। 39  
দিনের আলো ফুটে উঠলে তারা জায়গাটা চিনতে পারল না। কিন্তু  
তারা একটি উপসাগর দেখতে পেল, যার তীর বালিতে ভর্তি ছিল।  
তারা স্থির করল, সন্তুষ্ট হলে তারা জাহাজটিকে চড়ায় আটকে দেবে।  
40 নোঙরগুলি কেটে দিয়ে তারা সেগুলি সমুদ্রে ফেলে দিল। সেই  
সঙ্গে তারা হালের সঙ্গে বাঁধা দড়িগুলিও খুলে দিল। এরপর তারা  
বাতাসের অনুকূলে পাল তুলে দিয়ে তীরের দিকে এগিয়ে চলল। 41  
কিন্তু জাহাজ একটি বালির চড়ায় ধাক্কা মারল এবং আটকে গেল।  
জাহাজের সামনের দিকটি জোরে ধাক্কা মারল ও তা অচল হয়ে গেল।  
কিন্তু পিছনের দিকটি চেউয়ের প্রবল আঘাতে টুকরো টুকরো হয়ে  
গেল। 42 বন্দিরা কেউ যেন সাঁতার কেটে পালিয়ে যেতে না পারে,  
সেজন্য সৈন্যরা তাদের হত্যা করার পরামর্শ করল। 43 কিন্তু শত-  
সেনাপতি পৌলের প্রাণ বাঁচানোর ইচ্ছায় তাদের সেই পরিকল্পনা  
কার্যকর হতে দিলেন না। তিনি আদেশ দিলেন, যারা সাঁতার জানে,  
প্রথমে তারাই যেন জলে ঝাঁপ দিয়ে তীরে ওঠে। 44 অবশিষ্ট সকলে  
যেন তক্তা বা জাহাজের ভাঙ্গা অংশ নিয়ে সেখানে পৌঁছায়। এভাবে  
প্রত্যেকেই নিরাপদে তীরে পৌঁছে গেল।

**28** এভাবে নিরাপদে তীরে পৌঁছানোর পর, আমরা জানতে পারলাম  
যে সেই দ্বীপের নাম মাল্টা। 2 সেই দ্বীপের অধিবাসীরা আমাদের  
প্রতি অসাধারণ সহানুভূতি দেখাল। সেই সময় বৃষ্টি পড়ছিল এমনকি  
শীতও পড়েছিল, তাই তারা আগুন ভেঙে আমাদের সবাইকে অভ্যর্থনা  
জানাল। 3 পৌল এক বোঝা জ্বালানি কাঠ সংগ্রহ করে ওই আগুনে  
দেওয়ামাত্র, আগুনের তাপে একটি বিষধর সোপ বেরিয়ে এসে তাঁর  
হাত শক্ত করে জড়িয়ে ধরল। 4 দ্বীপের অধিবাসীরা যখন দেখল  
যে সাপটি তাঁর হাতে ঝুলছে, তারা পরম্পরাকে বলতে লাগল, “এই

ব্যক্তি নিশ্চয়ই একজন খুনি। কারণ সমুদ্রের কবল থেকে এ রক্ষা  
পেলেও দেবতার বিচারে ও প্রাণে বাঁচবে না।” ৫ কিন্তু পৌল সাপটিকে  
আগুনে ঝেড়ে ফেলে দিলেন, আর তাঁর কোনো ক্ষতি হল না। ৬  
লোকেরা ভাবছিল, তিনি ফুলে উঠবেন বা হঠাতেই মারা গিয়ে মাটিতে  
পড়ে যাবেন, কিন্তু দীর্ঘ সময় প্রতীক্ষা করেও কোনো অস্বাভাবিক  
ঘটনা তাঁর প্রতি ঘটতে না দেখে, তারা তাদের মত বদল করে  
বলল যে, তিনি একজন দেবতা। ৭ কাছেই ছিল সেই দ্বীপের প্রধান  
কর্মকর্তা পুরুষের জমিজায়গা। তিনি আমাদের তাঁর বাড়িতে স্বাগত  
জানালেন এবং তিন দিন যাবৎ আমাদের অতিথি আপ্যায়ন করলেন।  
৮ তাঁর বাবা জ্বর ও আমাশয়রোগে শয্যাশায়ী ছিলেন। পৌল তাঁকে  
দেখতে ভিতরে গেলেন এবং প্রার্থনা করার পর তাঁর উপরে হাত রেখে  
তাঁকে সুস্থ করলেন। ৯ এ ঘটনা ঘটার পর, সেই দ্বীপের অন্যান্য  
রোগীরাও এসে সুস্থতা লাভ করল। ১০ তারা বিভিন্ন উপায়ে আমাদের  
সমাদর করল এবং যখন আমরা সমুদ্রযাত্রার জন্য প্রস্তুত হলাম,  
আমাদের প্রয়োজনীয় সমস্ত কিছু তারা সরবরাহ করল। ১১ তিন মাস  
পরে আমরা একটি জাহাজে করে যাত্রা শুরু করলাম। সেই জাহাজ  
ওই দ্বীপেই শীতকাল কাটাচ্ছিল। সেটা ছিল একটি আলেকজান্দ্রীয়  
জাহাজ, যার সামনে খোদাই করা ছিল ক্যাস্টর ও পোল্লাক্স, দুই যমজ  
দেবতার মূর্তি। ১২ আমরা সুরাক্ষে জাহাজ লাগিয়ে সেখানে তিন  
দিন থাকলাম। ১৩ সেখান থেকে আমরা সমুদ্রযাত্রা করে রিগিয়ামে  
পৌঁছালাম। পরের দিন দক্ষিণ দিক থেকে বাতাস বইতে লাগল এবং  
তার পরের দিন আমরা পুতিয়লিতে পৌঁছালাম। ১৪ সেখানে আমরা  
কয়েকজন বিশাসীর সন্ধান পেলাম, তাঁরা তাঁদের সঙ্গে এক সশ্রাহ  
কাটানোর জন্য আমাদের আমন্ত্রণ জানালেন। এভাবে আমরা রোমে  
পৌঁছালাম। ১৫ সেখানকার ভাইবোনরা আমাদের আসার খবর শুনতে  
পেয়েছিলেন, তাই আমাদের সঙ্গে সাক্ষাৎ করার জন্য তাঁরা সুন্দর  
আশ্চর্যের হাট ও ত্রি-পান্থনিবাস পর্যন্ত এলেন। তাঁদের দেখে পৌল  
ঈশ্বরকে ধন্যবাদ দিলেন ও উৎসাহিত হলেন। ১৬ যখন আমরা রোমে  
পৌঁছালাম, পৌলকে স্বতন্ত্রভাবে বাস করার অনুমতি দেওয়া হল যদিও

একজন সৈন্য তাঁকে পাহারা দিত। 17 তিনি দিন পরে তিনি ইহুদিদের নেতৃবৃন্দকে একত্র হওয়ার জন্য আহ্বান করলেন। তাঁরা সমবেত হলে পৌল তাঁদের বললেন, “হে আমার ভাইয়েরা, যদি ও স্বজাতির বিরুদ্ধে বা আমাদের পিতৃপুরুষদের রীতিনীতির বিরুদ্ধে আমি কিছুই করিনি, তবুও আমাকে জেরশালেমে গ্রেপ্তার করে রোমীয়দের হাতে তুলে দেওয়া হয়েছিল। 18 তারা আমাকে জেরা করার পর মুক্তি দিতে চেয়েছিল, কারণ মৃত্যুদণ্ডের যোগ্য কোনো অপরাধই আমি করিনি। 19 কিন্তু ইহুদিরা যখন আপত্তি করল, আমি কৈসরের কাছে অনুরোধ জানাতে বাধ্য হলাম। এমন নয় যে স্বজাতির লোকদের দোষারোপ করার মতো আমার কোনও অভিযোগ ছিল। 20 এই কারণে, আমি আপনাদের সঙ্গে সাক্ষাৎ করতে ও কথা বলতে চেয়েছি। ইস্রায়েলের প্রত্যাশার জন্যই আমি এই শিকলে বন্দি হয়েছি।” 21 তাঁরা উত্তর দিলেন, “আমরা আপনার সম্পর্কে যিহুদিয়া থেকে কোনও পত্র পাইনি। সেখান থেকে আসা কোনও ব্যক্তি আপনার বিষয়ে কোনো খারাপ সংবাদ দেয়নি বা কোনো খারাপ কথা বলেনি। 22 কিন্তু আপনার দৃষ্টিভঙ্গি কী প্রকার তা আমরা শুনতে চাই, কারণ আমরা জানি, সর্বত্র লোকেরা এই দলের বিরুদ্ধে কথা বলে।” 23 পৌলের সঙ্গে সাক্ষাতের জন্য তাঁরা একটি দিন স্থির করলেন। পৌল যেখানে বসবাস করছিলেন, তাঁরা আরও বেশি সংখ্যায় সেখানে এসে উপস্থিত হলেন। সকাল থেকে সন্ধ্যা পর্যন্ত তিনি তাঁদের কাছে ঈশ্বরের রাজ্য সম্পর্কে ব্যাখ্যা ও প্রচার করলেন। তিনি মোশির বিধান ও ভাববাদীদের গ্রন্থ থেকে যীশুর বিষয়ে তাঁদের মনে বিশ্বাস জাগানোর চেষ্টা করলেন। 24 তিনি যা বললেন, তা শুনে কেউ কেউ বিশ্বাস করলেন, কিন্তু অন্যরা বিশ্বাস করলেন না। 25 তাঁদের নিজেদের মধ্যে মতবিরোধ হওয়ায় তাঁরা সেই স্থান ত্যাগ করতে লাগলেন, যখন পৌল তাঁর সর্বশেষ মন্তব্য করলেন, “পবিত্র আত্মা আপনাদের পিতৃপুরুষদের কাছে সত্য ঘোষণা করেছিলেন, যখন তিনি ভাববাদী যিশাইয়ের মাধ্যমে বলেছিলেন, 26 “তুমি এই জাতির কাছে যাও ও বলো, ‘তোমরা সবসময়ই শুনতে থাকবে, কিন্তু কখনও বুঝতে পারবে না; তোমরা সবসময়ই দেখতে

থাকবে, কিন্তু কখনও উপলক্ষ্মি করবে না।” 27 কারণ এই লোকদের  
হৃদয় অনুভূতিহীন হয়েছে, তারা কদাচিত তাদের কান দিয়ে শোনে,  
তারা তাদের চোখ মুদ্রিত করেছে। অন্যথায়, তারা হয়তো তাদের  
চোখ দিয়ে দেখবে, তাদের কান দিয়ে শুনবে, তাদের মন দিয়ে  
বুববে, ও ফিরে আসবে যেন আমি তাদের আরোগ্য দান করি।’ 28  
“সেই কারণে, আমি আপনাদের বলতে চাই যে, ঈশ্বরের পরিত্রাণ  
অইহুদিদের কাছে পাঠানো হয়েছে, আর তারা তা শুনবে।” 29 তিনি  
একথা বলার পর, ইহুদিরা নিজেদের মধ্যে তুমুল তর্কবিতর্ক করতে  
করতে সেই স্থান ত্যাগ করল। 30 সম্পূর্ণ দু-বছর পৌল সেখানে তাঁর  
নিজস্ব ভাড়াবাড়িতে রইলেন। যারা তাঁর সঙ্গে দেখা করতে আসত,  
তাদের সকলকে তিনি স্বাগত জানাতেন। 31 সাহসের সঙ্গে তিনি  
ঈশ্বরের রাজ্যের বিষয়ে প্রচার করতেন এবং প্রভু যীশু খ্রীষ্ট সম্পর্কে  
শিক্ষা দিতেন। কেউ তাঁকে বাধা দিত না।

## ରୋମୀଯ

1 ପୌଲ, ଶ୍ରୀଷ୍ଟ ଯୀଶୁର ଏକଜନ କ୍ରୀତଦାସ, ପ୍ରେରିତଶିଷ୍ୟଙ୍କରପେ ଆହୂତ ଓ ଈଶ୍ୱରେର ସୁସମାଚାର ପ୍ରଚାରେର ଜନ୍ୟ ନିଯୁକ୍ତ— 2 ପବିତ୍ର ଶାନ୍ତଗଞ୍ଚେ ତାଁର ଭାବବାଦୀଦେର ଦ୍ୱାରା ପୂର୍ବ ଥେକେଇ ତିନି ଯେ ସୁସମାଚାରେର ପ୍ରତିଶ୍ରଦ୍ଧି ଦିଯେଇଲେଣ, 3 ତା ତାଁର ପୁତ୍ର-ବିଷୟକ, ଯିନି ତାଁର ମାନବ ପ୍ରକୃତିର ଦିକ ଥେକେ ଛିଲେନ ଦାଉଦେର ଏକଜନ ବଂଶଧର । 4 କିନ୍ତୁ ଯିନି ପବିତ୍ରତାର ଆତ୍ମାର ମାଧ୍ୟମେ ମୃତଲୋକ ଥେକେ ପୁନରୁଥାନେର ଦ୍ୱାରା ସପରାକ୍ରମେ ଈଶ୍ୱରେର ପୁତ୍ରଙ୍କରପେ ଘୋଷିତ ହେଯେଛେ: ତିନି ଯୀଶୁ ଶ୍ରୀଷ୍ଟ, ଆମାଦେର ପ୍ରଭୁ । 5 ତାଁର ମାଧ୍ୟମେ ଓ ତାଁର ନାମେର ଗୁଣେ, ଆମରା ଅନୁଗ୍ରହ ପୋରେଛି ଓ ପ୍ରେରିତଶିଷ୍ୟ ହେତ୍ୟାର ଆହୁନ ପୋରେଛି, ଯେନ ବିଶ୍ୱାସ ଥେକେ ଯେ ବାଧ୍ୟତା ଆସେ ତାର ପ୍ରତି ସବ ଅଇହଦି ଜାତିର ମଧ୍ୟ ଥେକେ ଲୋକଦେର ଆହୁନ କରି । 6 ଆବାର ତୋମରାଓ ତାଦେର ଅନ୍ତର୍ଭୁକ୍ତ, ଯାରା ଯୀଶୁ ଶ୍ରୀଷ୍ଟର ଆପନଜନ ହେତ୍ୟାର ଜନ୍ୟ ଆହୂତ ହେଯେଛ । 7 ରୋମେ, ଈଶ୍ୱର ଯାଦେର ଭାଲୋବେସେହେଳ ଓ ଯାରା ପବିତ୍ରଗଣ ହେତ୍ୟାର ଜନ୍ୟ ଆହୂତ, ତାଦେର ସବାର ପ୍ରତି: ଆମାଦେର ପିତା ଈଶ୍ୱରେର ଓ ପ୍ରଭୁ ଯୀଶୁ ଶ୍ରୀଷ୍ଟର କାହିଁ ଥେକେ ଅନୁଗ୍ରହ ଓ ଶାନ୍ତି ତୋମାଦେର ପ୍ରତି ବର୍ତ୍ତୁକ । 8 ସର୍ବପ୍ରଥମ, ଆମି ଯୀଶୁ ଶ୍ରୀଷ୍ଟର ମାଧ୍ୟମେ, ତୋମାଦେର ସକଳେର ଜନ୍ୟ ଆମାର ଈଶ୍ୱରକେ ଧନ୍ୟବାଦ ଦିଇ, କାରଣ ତୋମାଦେର ବିଶ୍ୱାସେର କଥା ଜଗତେର ସରତ୍ର ଶୋନା ଯାଚେ । 9 ଯେ ଈଶ୍ୱରକେ ତାଁର ପୁତ୍ରେର ସୁସମାଚାରେର ଜନ୍ୟ ଆମି ସମନ୍ତ ଅନ୍ତର ଦିଯେ ସେବା କରି, ତିନିଇ ଆମାର ସାକ୍ଷୀ ଯେ ଆମି କୀଭାବେ ଆମାର ପ୍ରାର୍ଥନାୟ ପ୍ରତିନିଯିତ ତୋମାଦେର ସ୍ମରଣ କରି; 10 ଆବାର, ଆମି ପ୍ରାର୍ଥନା କରି ଯେ ଈଶ୍ୱରେର ଇଚ୍ଛାୟ ତୋମାଦେର କାହେ ଆମାର ଆସାର ପଥ ଯେନ ଉନ୍ନୟନ ହୁଏ । 11 ଆମି ତୋମାଦେର ସଙ୍ଗେ ସାକ୍ଷାତ୍ କରାର ଜନ୍ୟ ବ୍ୟାକୁଳ ହେଯେ ଆଛି, ଯେନ ଆମି ତୋମାଦେର କାହେ କୋନୋ ଆତ୍ମିକ ବରଦାନ ପ୍ରଦାନ କରେ ତୋମାଦେର ଶକ୍ତିଶାଲୀ କରେ ତୁଲତେ ପାରି— 12 ଅର୍ଥାତ୍, ତୋମାଦେର ଓ ଆମାର ବିଶ୍ୱାସେର ଦ୍ୱାରା ଯେନ ଆମରା ପାରମ୍ପରିକ ଅନୁପ୍ରାଣିତ ହତେ ପାରି । 13 ଭାଇବୋନେରା, ଆମି ଚାଇ ନା ତୋମାଦେର କାହେ ଏକଥା ଅଜାନା ଥାକୁକ ଯେ, ତୋମାଦେର କାହେ ଆସାର ଜନ୍ୟ ଆମି ବହୁବାର ପରିକଳ୍ପନା କରେଛି, କିନ୍ତୁ ଏଥନ୍ତ ପର୍ଯ୍ୟନ୍ତ କିଛୁ ନା କିଛୁ ଆମାର ଯାଓୟାର ପକ୍ଷେ ବାଧା ହେଯେ ଦାଁଡ଼ିଯେଛେ । ଅନ୍ୟାନ୍ୟ ଅଇହଦି ଜାତିର ମଧ୍ୟେ ଆମି ଯେମନ ଫଳ ଲାଭ

করেছি, তেমন তোমাদের মধ্যেও যেন ফল লাভ করতে পারি। 14  
গ্রিক ও যারা গ্রিক নয়, জ্ঞানী অথবা মূর্খ, উভয়েরই কাছে আমি খণ্ডী।  
15 এই কারণেই তোমরা যারা রোম নগরে বাস করছ, তোমাদের  
কাছে সুসমাচার প্রচার করার জন্য আমি এত উৎসুক। 16 আমি  
সুসমাচারের জন্য লজ্জাবোধ করি না, কারণ যারা বিশ্বাস করে, তাদের  
সকলের পরিত্রাণ লাভের জন্য এ হল ঈশ্বরের পরাক্রম: প্রথমত,  
ইহন্দিদের জন্য, পরে অইহন্দিদের জন্যও। 17 কারণ সুসমাচারে ঈশ্বর  
থেকে এক ধার্মিকতা প্রকাশিত হয়েছে—প্রথম থেকে শেষ পর্যন্ত  
বিশ্বাসের দ্বারা এক ধার্মিকতা, যেমন লেখা আছে, “ধার্মিক ব্যক্তি  
বিশ্বাসের দ্বারাই জীবিত থাকবে।” 18 যেসব মানুষ তাদের দুষ্টার  
দ্বারা সত্যকে চেপে রাখছে, তাদের সমস্ত ভক্তিহীনতা ও দুষ্টার  
বিরুদ্ধে স্বর্গ থেকে ঈশ্বরের ক্রোধ প্রকাশিত হচ্ছে। 19 কারণ ঈশ্বর  
সম্পর্কে যা জানা যেতে পারে, তা তাদের কাছে সুস্পষ্ট, কারণ ঈশ্বর  
তা তাদের কাছে স্পষ্ট করে দিয়েছেন। 20 এর কারণ হল, জগৎ সৃষ্টি  
হওয়ার সময় থেকে, ঈশ্বরের অদৃশ্য গুণাবলি—তাঁর অনন্ত পরাক্রম ও  
ঐশ্বী-চরিত্র—স্পষ্টভাবে দৃশ্যমান হয়েছে। সমস্ত সৃষ্টি বস্তুর মধ্য দিয়ে  
তা বোঝা যায়, যেন কোনো মানুষ অজুহাত দিতে না পারে। (audios  
g126) 21 কারণ তারা ঈশ্বরকে জানলেও, ঈশ্বর বলে তাঁর মহিমাকীর্তন  
করেনি, তাঁকে ধন্যবাদও দেয়নি, কিন্তু তাদের ভাবনাচিন্তা অসার হয়ে  
পড়েছে এবং তাদের মূর্খ হৃদয় অন্ধকারাচ্ছন্ন হয়েছে। 22 যদিও তারা  
নিজেদের বিজ্ঞ বলে দাবি করে, কিন্তু তারা মূর্খে পরিণত হয়েছে। 23  
তারা নশ্বর মানুষ, পশুপাখি ও সরীসৃপের মতো দেখতে প্রতিমূর্তির  
সঙ্গে অক্ষয় ঈশ্বরের মহিমার পরিবর্তন করেছে। 24 সেই কারণে  
ঈশ্বর, অশুদ্ধ যৌনাচারের প্রতি তাদের হৃদয়কে পাপপূর্ণ অভিলাষে  
সমর্পণ করলেন, যেন পরম্পরের দ্বারা তাদের শরীরের মর্যাদাহানি হয়।  
25 তারা ঈশ্বরের সত্যের পরিবর্তে এক মিথ্যাকে বেছে নিল। তারা  
অষ্টার উপাসনা না করে সৃষ্টি বস্তুর উপাসনা ও সেবা করেছে—সেই  
অষ্টাই চিরতরে প্রশংসিত হোন। আমেন। (aiōn g165) 26 এই কারণে,  
ঈশ্বর তাদের ঘৃণ্য কামনাবাসনার সমর্পণ করেছেন। এমনকি, তাদের

নারীরাও স্বাভাবিক শারীরিক সম্পর্ক ত্যাগ করে অস্বাভাবিক সম্পর্ক গড়ে তুলেছে। 27 একইভাবে, পুরুষেরাও নারীদের সঙ্গে স্বাভাবিক সম্পর্ক ত্যাগ করে পরস্পরের প্রতি সমকামী হওয়ার আগুনে জ্বলে উঠেছে। পুরুষেরা অন্য পুরুষদের সঙ্গে অশালীন আচরণ করেছে এবং তাদের বিকৃত আচরণের জন্য তারা যোগ্য শাস্তি লাভ করেছে। 28 শুধু তাই নয়, তারা যেহেতু ঐশ্বরিক উত্তীর্ণকে মান্য করার প্রয়োজন বোধ করেনি, তিনি তাদের ভ্রষ্ট মানসিকতার কবলে সমর্পণ করেছেন, যেন তারা অনেতিক কাজ করে। 29 তারা সব ধরনের দুষ্টতা, মন্দতা, লোভ ও বিকৃতরূপে পূর্ণ হয়েছে। তারা ঈর্ষা, নরহত্যা, বিবাদ, প্রতারণা ও বিদ্বেষের মানসিকতায় পরিপূর্ণ। 30 তারা গুজব রটনাকারী, পরানিন্দুক, ঈশ্বরঘণাকারী, অশিষ্ট, উদ্ধৃত ও দাস্তিক; তারা দুর্ফর্মের নতুন পন্থা খুঁজে বের করে, তারা তাদের বাবা-মার অবাধ্য হয়; 31 তারা নির্বোধ, বিশ্বাসহীন, হৃদয়হীন ও নির্মম। 32 যদিও তারা ঈশ্বরের ন্যায়বিচার জানে যে, যারা এসব কাজ করে তারা মৃত্যুর যোগ্য, তবুও তারা কেবলমাত্র যে সেরকম আচরণ করে শুধু তাই নয়, কিন্তু যারা সেই ধরনের আচরণ অভ্যাস করে, তাদেরও অনুমোদন করে।

**2** তোমাদের মনে হতে পারে যে তোমরা তাদের বিচার করতে পারো কিন্তু তোমাদের অজুহাত দেওয়ার মতো কিছু নেই, কারণ যে বিষয়ে তুমি অন্যদের বিচার করো সেই বিষয়ে তুমি নিজেকেই অপরাধী করে তুলছ, কারণ তোমরা যারা বিচার করো, তোমরাও একই কাজ করে থাকো। 2 এখন, আমরা জানি যে, যারা এই ধরনের আচরণে লিঙ্গ থাকে, তাদের বিরুদ্ধে ঈশ্বরের বিচার সত্ত্বের উপরে ভিত্তি করে হয়। 3 তাহলে, তোমরা যখন নিছক মানুষ হয়ে তাদের উপরে শাস্তি ঘোষণা করো অথচ নিজেরাও একই কাজ করো, তখন কি মনে হয় যে তোমরা ঈশ্বরের ন্যায়বিচার এড়াতে পারবে? 4 অথবা তোমরা কি তাঁর দয়া, সহিষ্ণুতা ও ধৈর্যের ঐশ্বর্যের প্রতি অবজ্ঞা করছ, একথা না বুঝে যে ঈশ্বরের করণা তোমাদের অনুত্তাপের পথে নিয়ে যায়? 5 কিন্তু তোমাদের একগুঁয়ে ও অনুত্তাপহীন হৃদয়ের কারণে, তোমরা নিজেদেরই উপরে ঈশ্বরের সেই ক্ষেত্রে প্রকাশ করার দিনের জন্য

ঈশ্বরের ক্রোধ জমা করছ, যেদিন তাঁর ধর্ময় ন্যায়বিচার প্রকাশিত হবে। ৬ ঈশ্বর “প্রত্যেক মানুষকে তার কাজ অনুযায়ী পুরস্কার দেবেন।” ৭ যারা নিরবচ্ছিন্ন সৎকর্মের দ্বারা মহিমা, সমাদর ও অক্ষয়তা অনুসরণ করে তিনি তাদের অনন্ত জীবন দেবেন। (aiōnios g166) ৮ কিন্তু যারা স্বার্থচেষ্টা করে সত্যকে প্রত্যাখ্যান করে এবং মন্দের অনুসারী হয়, তাদের উপরে ক্রোধ ও রোষ নেমে আসবে। ৯ যারা দুর্কর্ম করে তাদের প্রত্যেকের উপরে কষ্ট-সংকট ও দুঃখযন্ত্রণা হবে: প্রথমে ইহুদিদের, পরে অইহুদিদের; ১০ কিন্তু যারাই সৎকর্ম করে, তাদের প্রত্যেকজন লাভ করবে গৌরব, সম্মান ও শান্তি: প্রথমে ইহুদিরা, পরে অইহুদিরাও। ১১ কারণ ঈশ্বরের কাছে কোনও পক্ষপাতিত্ব নেই। ১২ বিধান ছাড়া যতজন পাপ করে, বিধান ছাড়াই তারা ধ্বংস হবে। আবার বিধানের অধীনে থেকে যারা পাপ করে, তাদের বিচার বিধান অনুসারেই হবে। ১৩ কারণ, যারা বিধান শুধু শোনে, তারা যে ঈশ্বরের দৃষ্টিতে ধার্মিক বলে গণ্য হয়, তা নয়, কিন্তু যারা বিধান পালন করে, তারাই ধার্মিক বলে ঘোষিত হবে। ১৪ বাস্তবিক ক্ষেত্রে অইহুদিদের কাছে বিধান না থাকলেও, তারা যখন স্বাভাবিকভাবে বিধানসম্মত আচরণ করে, তখন তাদের কাছে বিধান না থাকলেও তারা নিজেরাই নিজেদের বিধান হয়ে ওঠে, ১৫ তারা দেখায় যে, ঈশ্বরের বিধান তাদের হৃদয়ে লেখা আছে, কারণ তাদের বিবেকও সেই সাক্ষ্য বহন করে এবং তাদের চিন্তাভাবনা কখনও কখনও তাদের অভিযুক্ত করে আবার কখনও কখনও তাদের পক্ষসমর্থন করে। ১৬ আর আমি সুসমাচারের এই বার্তা প্রচার করি—সেইদিন আসছে যেদিন ঈশ্বর, যীশু খ্রীষ্টের মাধ্যমে, মানুষের সব গুণ বিষয় বিচার করবেন। ১৭ এখন তুমি, যদি নিজেকে ইহুদি বলে অভিহিত করে থাকো; তুমি যদি বিধানের উপরে আস্থা রেখে থাকো এবং ঈশ্বরের সঙ্গে তোমার সম্পর্কের কারণে দণ্ডপ্রকাশ করো; ১৮ যদি তুমি তাঁর ইচ্ছা জেনে থাকো এবং যেহেতু বিধানের দ্বারা নির্দেশিত হয়েছ, তাই যা কিছু উৎকৃষ্ট, সেগুলির অনুমোদন করে থাকো; ১৯ যদি তুমি নিশ্চিতরূপে উপলব্ধি করেছ যে, তুমই অঙ্গের একজন পথপ্রদর্শক, যারা অন্ধকারে আছে, তাদের পক্ষে এক

জ্যোতিস্বরূপ, 20 মূর্খদের জ্ঞানদাতা, শিশুদের শিক্ষাদাতা, কারণ  
বিধানের মাধ্যমে জ্ঞান ও সত্যের পূর্ণরূপ তুমি দেখেছ— 21 তুমি  
অপরকে শিক্ষা দিয়ে থাকো তবে কেন নিজেকে শিক্ষা দিচ্ছ না? তুমি  
চুরি না করার শিক্ষা দাও, কিন্তু তুমি কি চুরি করো? 22 তুমি বলে  
থাকো, লোকেরা যেন ব্যভিচার না করে, অথচ তুমি নিজে কি ব্যভিচার  
করছ? তুমি যে প্রতিমাদের ঘৃণা করো, তুমি কি মন্দির লুট করছ? 23  
তুমি বিধানের জন্য গর্ব করে থাকো, অথচ নিজে কি বিধান ভেঙে  
ঈশ্বরের অবমাননা করছ? 24 যেমন লেখা আছে, “তোমাদেরই কারণে  
আইহুদিদের মধ্যে ঈশ্বরের নাম নিন্দিত হচ্ছে।” 25 তুমি যদি বিধান  
পালন করো, তাহলে সুন্নত হয়ে লাভ আছে। কিন্তু তুমি যদি বিধান  
মান্য না করো, তাহলে তুমি এমন মানুষ হয়েছে, যেন তোমার সুন্নতই  
হয়নি। 26 যাদের সুন্নত হয়নি, তারা যদি বিধানের নির্দেশ পালন  
করে, তাহলে তারা কি সুন্নতপ্রাপ্ত বলে গণ্য হবে না? 27 যে ব্যক্তি  
শারীরিকরূপে সুন্নতপ্রাপ্ত নয় অথচ বিধান পালন করে, সে তোমাকে  
অপরাধী সাব্যস্ত করবে, কারণ তোমার কাছে লিখিত বিধি থাকা ও  
সুন্নত হওয়া সত্ত্বেও তুমি বিধান অমান্য করেছ। 28 কোনো ব্যক্তি  
বাহ্যিকরূপে ইহুদি হলে সে ইহুদি নয়, আবার সুন্নতও নিছক বাহ্যিক  
ও শরীরে কৃত কোনও কাজ নয়। 29 না, অন্তরে যে ইহুদি হয় সেই  
প্রকৃত ইহুদি; আবার প্রকৃত সুন্নত হল হন্দয়ের সুন্নত, তা আত্মার দ্বারা  
হয়, লিখিত বিধির দ্বারা নয়। এ ধরনের মানুষের প্রশংসা মানুষের কাছ  
থেকে নয়, কিন্তু ঈশ্বর থেকে হয়।

**৩** তাহলে, একজন ইহুদি হওয়ার সুবিধা কী বা সুন্নত হলেই বা কী  
লাভ? 2 সবদিক দিয়েই তা প্রচুর! ঈশ্বরের সমস্ত বাক্য সর্বপ্রথম,  
তাদের কাছেই অর্পণ করা হয়েছিল। 3 কেউ কেউ যদি অবিশ্বাসী হয়,  
তো কী হয়েছে? তাদের অবিশ্বাস কি ঈশ্বরের বিশ্বস্তাকে নাকচ করে  
দেবে? 4 আদৌ তা নয়! ঈশ্বরই সত্যময় থাকুন, প্রত্যেক মানুষ হোক  
মিথ্যাবাদী। যেমন লেখা আছে: “মেন, তুমি যখন কথা বলো, তুমি যেন  
সত্যময় প্রতিপন্থ হও ও বিচারকালে তুমি বিজয়ী হও।” 5 কিন্তু যদি  
আমাদের অধাৰ্মিকতা ঈশ্বরের ধাৰ্মিকতাকে আৱো স্পষ্ট কৰে প্ৰকাশ

করে, তাহলে আমরা কী বলব? ঈশ্বর আমাদের উপরে তাঁর ক্রোধ  
নিয়ে এসে অন্যায় করেছেন? (আমি মানবিক যুক্তি প্রয়োগ করছি।) 6  
নিশ্চিতরপে তা নয়! যদি তাই হত, ঈশ্বর কীভাবে জগতের বিচার  
করতেন? 7 কেউ হয়তো তর্ক করতে পারে, “আমার মিথ্যাচার যদি  
ঈশ্বরের সত্যতা বৃদ্ধি করে ও এভাবে তাঁর মহিমা বৃদ্ধি পায়, তাহলে  
আমি এখনও কেন পাপী বলে অভিযুক্ত হচ্ছি?” 8 কেউ কেউ এভাবে  
আমাদের বাক্য বিকৃত করে বলে যে আমরা নাকি বলি, “এসো, আমরা  
অপকর্ম করি, যেন পরিণামে মঙ্গল হয়?” তাদের শাস্তি যথাযোগ্য।  
9 তাহলে আমাদের শেষ কথা কী হবে? আমরা কি কোনোভাবে  
অন্যদের চেয়ে ভালো? অবশ্যই নয়! আমরা ইতিপূর্বে অভিযোগ  
করেছি যে, ইহুদি, অইহুদি নির্বিশেষে সকলেই পাপের অধীন। 10  
যেমন লেখা আছে: “ধার্মিক কেউই নেই, একজনও নেই; 11 বোরো,  
এমন কেউই নেই, কেউই ঈশ্বরের অব্বেষণ করে না। 12 সকলেই  
বিপথগামী হয়েছে, তারা একসঙ্গে অকর্মণ্য হয়ে পড়েছে, সৎকর্ম  
করে এমন কেউই নেই, একজনও নেই।” 13 “তাদের কর্ত উন্মুক্ত  
কবরস্বরূপ; তাদের জিভ প্রতারণার অনুশীলন করে।” “কালসাপের  
বিষ তাদের মুখে।” 14 “তাদের মুখ অভিশাপে ও তিক্ততায় পূর্ণ।” 15  
“তাদের চরণ রক্তপাতের জন্য দ্রুত দৌড়ায়; 16 বিনাশ ও দুর্গতি  
তাদের সব পথ চিহ্নিত করে, 17 আর তারা শাস্তির পথ জানে না,” 18  
“তাদের চোখে ঈশ্বরভয় নেই।” 19 এখন আমরা জানি যে, বিধান  
যা কিছু বলে, যারা বিধানের অধীনে আছে আসলে তাদেরই বলে,  
যেন প্রত্যেকের মুখ বদ্ধ হয় ও সমস্ত জগৎ ঈশ্বরের কাছে জবাবদিহি  
করতে বাধ্য হয়। 20 সুতরাং, বিধান পালন করে কোনো ব্যক্তিই  
তাঁর দৃষ্টিতে ধার্মিক ঘোষিত হবে না, বরং, বিধানের মাধ্যমে আমরা  
পাপ সম্পর্কে সচেতন হয়ে উঠি। 21 কিন্তু এখন, বিধান ছাড়াই ঈশ্বর  
থেকে এক ধার্মিকতা প্রকাশিত হয়েছে, যে বিষয়ে সেই বিধান ও  
ভাববাদীরা সাক্ষ্য দিয়েছেন। 22 এই ধার্মিকতা, যারা বিশ্বাস করে,  
তাদের প্রতি যীশু খ্রীষ্টে বিশ্বাসের মাধ্যমে ঈশ্বরের কাছ থেকে আসে।  
এখানে কোনও পার্থক্য-বিভেদ নেই, 23 কারণ সকলেই পাপ করেছে

এবং ঈশ্বরের গৌরব-বিহীন হয়েছে। 24 তারা বিনামূল্যে, তাঁরই অনুগ্রহে, শ্রীষ্ট যীশুতে প্রাপ্ত মুক্তির দ্বারা নির্দোষ গণ্য হয়। 25 তাঁর রক্তে বিশ্বাসের মাধ্যমে, ঈশ্বর তাঁকেই প্রায়শিত্ত-বলিক্রমে উপস্থাপিত করেছেন। তিনি তাঁর ন্যায়পরায়ণতা প্রদর্শনের জন্য এরকম করেছেন, কারণ তাঁর সহনশীলতার ওগে তিনি অতীতে করা সকল পাপের শাস্তি দেননি। 26 বর্তমান যুগে তাঁর ন্যায়পরায়ণতা প্রদর্শনের জন্য তিনি এরকম করেছিলেন, যেন তিনি ন্যায়পরায়ণ থাকেন এবং যারা যীশুতে বিশ্বাস করে, তাদের নির্দোষ গণ্য করেন। 27 তাহলে গবের স্থান কোথায়? তা বর্জন করা হয়েছে। কোন নীতির দ্বারা? তা কি বিধান পালনের জন্য? না, কিন্তু বিশ্বাসের কারণে। 28 কারণ আমাদের সিদ্ধান্ত এই যে, একজন ব্যক্তি বিধান পালন না করে বিশ্বাসের মাধ্যমে নির্দোষ গণ্য হয়। 29 ঈশ্বর কি কেবলমাত্র ইহুদিদেরই ঈশ্বর? তিনি কি অইহুদিদেরও ঈশ্বর নন? হ্যাঁ, তিনি অইহুদিদেরও ঈশ্বর 30 যেহেতু ঈশ্বর একজনই, যিনি সুন্নত হওয়া লোকদের বিশ্বাসের মাধ্যমে ও সুন্নতবিহীন লোকদের সেই একই বিশ্বাসের মাধ্যমে নির্দোষ গণ্য করবেন। 31 তাহলে আমরা কি এই বিশ্বাসের দ্বারা বিধানকে বাতিল করি? না, আদৌ তা নয়! বরং, আমরা বিধানকে প্রতিষ্ঠা করছি।

**4** আমরা তাহলে কী বলব যে, আমাদের পূর্বপুরুষ অব্রাহাম এই বিষয়ে কী লাভ করেছিলেন? 2 যদি, অব্রাহাম কাজের দ্বারা নির্দোষ গণিত হয়ে থাকতেন তবে তাঁর পক্ষে গর্ব করার কিছু থাকত, কিন্তু ঈশ্বরের কাছে নয়। 3 শাস্ত্র কী কথা বলে? “অব্রাহাম ঈশ্বরে বিশ্বাস করলেন, এবং তা তাঁর পক্ষে ধার্মিকতা বলে গণ্য হল।” 4 এখন, কোনো ব্যক্তি যখন কাজ করে, তার পারিশ্রমিক কিন্তু উপহার বলে গণ্য করা হয় না, কিন্তু তার প্রাপ্ত বলেই গণ্য হয়। 5 কিন্তু, যে ব্যক্তি কাজ করে না—অথচ ঈশ্বরের উপরে আস্থা রাখে যিনি ভক্তিহীনকে নির্দোষ ঘোষণা করে থাকেন—তার বিশ্বাসই তার পক্ষে ধার্মিকতা বলে গণ্য হয়। 6 দাউদও এই একই কথা বলেন, যখন তিনি সেই ব্যক্তির ধন্য হওয়া সম্পর্কে বলেছেন, যাকে ঈশ্বর কোনো কাজ ছাড়াই ধার্মিক গণ্য করেন: 7 “ধন্য তারা, যাদের অপরাধ ক্ষমা করা হয়েছে,

যাদের পাপ আচ্ছাদিত হয়েছে। ৪ ধন্য সেই ব্যক্তি, যার পাপ প্রভু  
কখনও তার বিরুদ্ধে গণ্য করবেন না।” ৫ এই আশীর্বাদ কি কেবলমাত্র  
সুন্নত হওয়া লোকদের জন্য, না যারা সুন্নতবিহীন, তাদেরও জন্য?  
আমরা বলে আসছি যে, অব্রাহামের বিশ্বাস তাঁর পক্ষে ধার্মিকতা  
বলে গণ্য হয়েছিল। ১০ কেন অবস্থায় তা গণ্য হয়েছিল? তা কি  
তাঁর সুন্নতের পরে, না আগেই? তা পরে নয়, কিন্তু আগে। ১১ আর  
তিনি সুন্নতের চিহ্ন লাভ করলেন যা ধার্মিকতার এক সিলমোহর, যা  
তিনি সুন্নতবিহীন অবস্থায় থাকার সময়ই বিশ্বাসের দ্বারা পেয়েছিলেন।  
সেই কারণে, যারা বিশ্বাস করে, অথচ সুন্নতপ্রাপ্ত হয়নি, তিনি তাদের  
সকলের পিতা, যেন তাদের পক্ষে ধার্মিকতা বলে গণ্য করা হয়। ১২  
একইসঙ্গে, তিনি সুন্নতপ্রাপ্তদেরও পিতা, যারা কেবলমাত্র সুন্নতপ্রাপ্ত  
হয়েছে বলে নয় কিন্তু আমাদের পিতা অব্রাহামের সুন্নত হওয়ার আগে  
যে বিশ্বাস ছিল সেই বিশ্বাসের পদাক্ষ অনুসরণ করে চলে বলে। ১৩  
অব্রাহাম ও তাঁর বংশ প্রতিশ্রূতি লাভ করেছিলেন, যে তিনি জগতের  
উত্তরাধিকারী হবেন। কিন্তু সেই প্রতিশ্রূতি বিধানের মাধ্যমে নয় বরং  
ধার্মিকতার মাধ্যমে আসে যা বিশ্বাস থেকে উৎপন্ন হয়। ১৪ কারণ  
যারা বিধান অনুযায়ী জীবনযাপন করে, তারা যদি উত্তরাধিকারী হয়  
তাহলে বিশ্বাসের কোনো মূল্যই থাকে না এবং সেই প্রতিশ্রূতিও  
অর্থহীন হয়, ১৫ কারণ বিধান নিয়ে আসে ক্রোধ। আর যেখানে বিধান  
নেই, সেখানে বিধান অমান্য করার অপরাধও নেই। ১৬ অতএব,  
সেই প্রতিশ্রূতি আসে বিশ্বাসের দ্বারা, যেন তা অনুগ্রহ অনুসারে  
সন্তুষ্ট হয় এবং অব্রাহামের সকল বংশধরের জন্য নিশ্চয়তা প্রদান  
করা হয়—কেবলমাত্র যারা বিধান মান্য করে তাদের প্রতি নয়, কিন্তু  
তাদেরও প্রতি যারা অব্রাহামের বিশ্বাস অবলম্বন করে। তিনি আমাদের  
সকলের পিতা। ১৭ যেমন লেখা আছে, “আমি তোমাকে বহু জাতির  
পিতা করেছি।” যে ঈশ্বরে তিনি বিশ্বাস করেছিলেন, তাঁর দৃষ্টিতে  
তিনি আমাদের পিতা—সেই ঈশ্বর, যিনি মৃতদের জীবন দান করেন  
ও যা নেই, তা আছে বলেন। ১৮ সব আশার প্রতিকূলে, অব্রাহাম  
প্রত্যাশাতেই বিশ্বাস করলেন এবং এভাবে বহু জাতির পিতা হয়ে

উঠলেন, যেমন তাঁকে বলা হয়েছিল, “তোমার বৎশ এরকমই হবে।”

19 তাঁর বিশ্বাসে দুর্বল না হয়েও, তিনি এই সত্যের সমুখীন হয়েছিলেন যে, তাঁর শরীর মৃত মানুষেরই সদৃশ ছিল—কারণ তাঁর বয়স হয়েছিল প্রায় একশো বছর—আবার সারার গর্ভও অসাড় হয়েছিল। 20 তবুও তিনি অবিশ্বাস করে ঈশ্বরের প্রতিশ্রূতি সম্পর্কে দ্বিধাগ্রস্ত হলেন না, কিন্তু তাঁর বিশ্বাসে বলীয়ান হয়ে ঈশ্বরকে গৌরবান্বিত করলেন। 21 তিনি পূর্ণরূপে বিশ্বাস করেছিলেন যে, ঈশ্বর যে প্রতিশ্রূতি দিয়েছেন তা সফল করার ক্ষমতা তাঁর আছে। 22 এই কারণেই “এটি তাঁর পক্ষে ধার্মিকতা বলে গণ্য হয়েছিল।” 23 “তাঁর পক্ষে গণ্য হয়েছিল,” এই কথাগুলি কেবলমাত্র তাঁরই জন্য লেখা হয়নি, 24 কিন্তু আমাদের জন্য, যারা তাঁকে বিশ্বাস করি, যিনি আমাদের প্রভু যীশুকে মৃতলোক থেকে উত্থাপিত করেছেন। 25 আমাদের পাপের জন্য তাঁকে মৃত্যুর কাছে সমর্পণ করা হয়েছিল এবং আমাদের নির্দোষ গণ্য করার জন্য তাঁকে জীবনে উত্থাপিত করা হয়েছে।

5 অতএব, বিশ্বাসের মাধ্যমে যেহেতু আমরা নির্দোষ গণ্য হয়েছি, তাই আমাদের প্রভু যীশু খ্রীষ্টের মাধ্যমে ঈশ্বরের সঙ্গে আমাদের শান্তি স্থাপিত হয়েছে। 2 তাঁরই মাধ্যমে বিশ্বাসে আমরা এই অনুগ্রহে প্রবেশের অধিকার অর্জন করেছি ও তার মধ্যেই এখন আমরা অবস্থান করছি। আর আমরা ঈশ্বরের মহিমার প্রত্যাশায় উল্লিঙ্কিত হচ্ছি। 3 শুধু তাই নয়, আমরা আমাদের দুঃখকষ্টেও আনন্দ করি, কারণ আমরা জানি, দুঃখকষ্ট সহিষ্ণুতাকে, 4 সহিষ্ণুতা অভিজ্ঞতাকে ও অভিজ্ঞতা প্রত্যাশার জন্ম দেয়। 5 সেই প্রত্যাশা আমাদের নিরাশ করে না, কারণ আমাদের প্রতি দেওয়া পবিত্র আত্মা দ্বারা ঈশ্বর তাঁর প্রেম আমাদের হাদয়ে উজাড় করে ঢেলে দিয়েছেন। 6 তাহলে বলা যায়, আমরা যখন শক্তিহীন ছিলাম, তখনই খ্রীষ্ট উপযুক্ত সময়ে ভক্তিহীনদের জন্য মৃত্যুবরণ করলেন। 7 কোনো ধার্মিক ব্যক্তির জন্য প্রায় কেউই প্রাণ দেয় না, যদিও কোনো সৎ ব্যক্তির জন্য কেউ হয়তো প্রাণ দেওয়ার সাহস দেখাতেও পারে; 8 কিন্তু ঈশ্বর এভাবে তাঁর প্রেম আমাদের প্রতি প্রদর্শন করেছেন: আমরা যখন পাপী ছিলাম তখন

ঞ্চাষ্ট আমাদের জন্য মৃত্যুবরণ করলেন। ৭ এখন যেহেতু আমরা তাঁর  
রক্তের দ্বারা নির্দোষ বলে গণ্য হয়েছি, তাঁর মাধ্যমে ঈশ্বরের ক্রোধ  
থেকে আমরা কত না বেশি নিষ্কৃতি পাব! ১০ কারণ যখন আমরা  
ঈশ্বরের শক্তি ছিলাম, তখন তাঁর পুত্রের মৃত্যুর মাধ্যমে আমরা তাঁর  
সঙ্গে পুনর্মিলিত হয়েছিলাম, তাহলে আমরা আরও কত বেশি সুনিশ্চিত  
যে, তাঁর জীবনের দ্বারা আমরা রক্ষা পাব! ১১ কেবলমাত্র এই নয়, কিন্তু  
আমরা আমাদের প্রভু যীশু খ্রীষ্টের মাধ্যমে ঈশ্বরে আনন্দ উপভোগও  
করি, যাঁর মাধ্যমে আমরা এখন পুনর্মিলন লাভ করেছি। ১২ সুতরাং,  
যেমন একজন মানুষের মাধ্যমে পাপ ও পাপের মাধ্যমে মৃত্যু জগতে  
প্রবেশ করেছিল এবং এভাবে সব মানুষের কাছে মৃত্যু উপস্থিত হল  
কারণ সকলেই পাপ করেছিল। ১৩ বিধান প্রবর্তিত হবার আগেও  
জগতে পাপ ছিল। কিন্তু বিধান না থাকায় পাপ গণ্য করা হয়নি। ১৪  
তবুও, আদমের সময় থেকে মোশির সময় পর্যন্ত মৃত্যু কর্তৃত্ব করেছিল,  
এমনকি তাদের উপরেও করেছিল যারা বিধান অমান্য করে কোনো  
পাপ করেনি, যেমন সেই আদম করেছিলেন, যিনি ছিলেন ভবিষ্যতে  
আগত ব্যক্তির প্রতিরূপ। ১৫ কিন্তু অনুগ্রহ-দান অপরাধের মতো নয়।  
কারণ একজন ব্যক্তির অপরাধে যখন অনেকের মৃত্যু হল, তখন  
ঈশ্বরের অনুগ্রহ ও সেই অপর ব্যক্তি অর্থাৎ যীশু খ্রীষ্টের দ্বারা আগত  
অনুগ্রহ-দান, অনেকের উপরে কত বেশি না উপচে পড়ল! ১৬ আবার,  
ঈশ্বরের অনুগ্রহ-দান একজন ব্যক্তির পাপের পরিণামের মতো নয়:  
একটিমাত্র পাপের পরিণামে হয়েছিল বিচার ও তা এনেছিল শাস্তি;  
কিন্তু অনেক অপরাধের পরে এসেছিল অনুগ্রহ-দান, যা নিয়ে এসেছিল  
নির্দোষিকরণ। ১৭ কারণ যদি একজন ব্যক্তির অপরাধের কারণে  
মৃত্যু সেই ব্যক্তির মাধ্যমে কর্তৃত্ব করল, তাহলে যারা যীশু খ্রীষ্টের  
মাধ্যমে ঈশ্বরের অনুগ্রহের প্রাচুর্য ও ধার্মিকতার অনুগ্রহ-দান লাভ  
করে, তারা আরও কত না নিশ্চিতরপে জীবনের উপরে কর্তৃত্ব করবে!

১৮ সুতরাং, একটি পাপের পরিণামে যেমন সব মানুষের উপর শাস্তি  
নেমে এসেছিল, তেমনই ধার্মিকতার একটিমাত্র কাজের পরিণামে এল  
নির্দোষিকরণ, যা সব মানুষের কাছে জীবন নিয়ে আসে। ১৯ কারণ

একজন মানুষের অবাধ্যতার মাধ্যমে যেমন অনেকে পাপী বলে গণ্য হয়েছে, তেমনই সেই একজন ব্যক্তির বাধ্যতার ফলে বহু মানুষকে ধার্মিক বলে গণ্য করা হবে। 20 বিধান দেওয়া হল যেন অপরাধ বৃদ্ধি পায়। কিন্তু যেখানে পাপের বৃদ্ধি হল, অনুগ্রহ আরও বেশি বৃদ্ধি পেল, 21 যেন পাপ যেমন মৃত্যু দ্বারা কর্তৃত করছে, তেমনই অনুগ্রহ যেন ধার্মিকতার দ্বারা কর্তৃত করে ও আমাদের প্রভু, যীশু খ্রীষ্টের মাধ্যমে অনস্ত জীবন নিয়ে আসে। (aiōnios g166)

6 তাহলে, আমরা কী বলব? আমরা কি পাপ করতেই থাকব যেন অনুগ্রহ বৃদ্ধি পায়? 2 কোনোমতেই নয়! আমরা পাপের পক্ষে মৃত, তাহলে কী করে আমরা আবার পাপে জীবনযাপন করব? 3 অথবা, তোমরা কি জানো না, আমরা যারা খ্রীষ্ট যীশুতে বাঞ্ছাইজিত হয়েছি, আমরা সকলে তাঁর মৃত্যুর উদ্দেশে বাঞ্ছাইজিত হয়েছি? 4 সেই কারণে আমরা মৃত্যুর উদ্দেশে বাঞ্ছিতের মাধ্যমে তাঁর সঙ্গে সমাধিপ্রাপ্ত হয়েছি, যেন খ্রীষ্ট যেমন পিতার মহিমার মাধ্যমে মৃতলোক থেকে উত্থিত হয়েছিলেন, তেমনই আমরাও এক নতুন জীবন লাভ করি। 5 যদি আমরা এভাবে তাঁর মৃত্যুতে তাঁর সঙ্গে সংযুক্ত হয়ে থাকি, আমরা নিশ্চিতরূপে তাঁর পুনরুত্থানেও তাঁর সঙ্গে সংযুক্ত হব। 6 কারণ আমরা জানি যে, আমাদের পুরোনো সত্তা তাঁর সঙ্গে ক্রুশবিদ্ধ হয়েছে যেন আমাদের পাপদেহ শক্তিহীন হয় এবং আমরা আর পাপের ক্রীতদাস না থাকি— 7 কারণ যার মৃত্যু হয়েছে, সে পাপ থেকে মুক্ত হয়েছে। 8 এখন যদি আমরা খ্রীষ্টের সঙ্গে মৃত্যুবরণ করেছি, আমরা বিশ্বাস করি যে আমরা তাঁর সঙ্গে জীবিতও থাকব। 9 কারণ আমরা জানি, খ্রীষ্টকে যেহেতু মৃতলোক থেকে উত্থাপিত করা হয়েছিল, তিনি আর মরতে পারেন না; তাঁর উপরে মৃত্যুর আর কোনও কর্তৃত্ব নেই। 10 যে মৃত্যু তিনি বরণ করেছেন, পাপের সম্বন্ধে একবারেই তিনি চিরকালের জন্য সেই মৃত্যুবরণ করেছেন; কিন্তু তাঁর যে জীবন আছে তার দ্বারা তিনি ঈশ্঵রের উদ্দেশ্যেই জীবিত আছেন। 11 একইভাবে, নিজেদের তোমরা পাপের ক্ষমতার প্রতি মৃত, কিন্তু খ্রীষ্ট যীশুতে ঈশ্বরের উদ্দেশে জীবিত বলে গণ্য করো। 12 অতএব, তোমাদের নশ্বর দেহে পাপকে কর্তৃত

করতে দিয়ো না, তা না হলে, তোমরা তার দৈহিক কামনাবাসনার আঙ্গবহ হয়ে পড়বে। 13 তোমাদের শরীরের অঙ্গপ্রত্যঙ্গকে দুষ্টতার উপকরণরপে পাপের কাছে সমর্পণ কোরো না, বরং মৃত্যু থেকে জীবিত মানুষরূপে নিজেদের ঈশ্বরের কাছে সমর্পণ করো এবং তাঁর কাছে তোমাদের শরীরের অঙ্গপ্রত্যঙ্গগুলি ধার্মিকতার উপকরণরপে সমর্পণ করো। 14 কারণ পাপ তোমাদের উপরে আর কর্তৃত্ব করবে না, কারণ তোমরা বিধানের অধীন নও, কিন্তু অনুগ্রহের অধীন। 15 তাহলে কী বলা যায়? বিধানের অধীন নই, কিন্তু অনুগ্রহের অধীন বলে আমরা কি পাপ করেই যাব? কোনোভাবেই নয়! 16 তোমরা কি জানো না যে, ক্রীতদাসের মতো আদেশ পালনের জন্য যখন তোমরা কারও কাছে নিজেদের সমর্পণ করো, যার আদেশ তোমরা পালন করো, তোমরা তারই ক্রীতদাস হও—হয় তোমরা পাপের ক্রীতদাস, যা মৃত্যুর অভিমুখে নিয়ে যায়, অথবা বাধ্যতার দাস, যা ধার্মিকতার পথে চালিত করে? 17 কিন্তু ঈশ্বরকে ধন্যবাদ দিই যে, তোমরা যদিও পাপের ক্রীতদাস ছিলে, শিক্ষার যে আদর্শ তোমাদের কাছে রাখা হয়েছিল, তা তোমরা সমস্ত অন্তর দিয়ে পালন করেছ। 18 তোমাদের পাপ থেকে মুক্ত করা হয়েছে এবং তোমরা ধার্মিকতার ক্রীতদাস হয়েছ। 19 তোমরা যেহেতু তোমাদের স্বাভাবিক সন্তায় দুর্বল তাই আমি একথা সাধারণ মানুষের মতোই বলছি। যেমন তোমরা তোমাদের শরীরের অঙ্গপ্রত্যঙ্গকে অশুদ্ধতা ও ক্রমবর্ধমান দুষ্টতার কাছে সমর্পণ করতে, তেমনই এখন সেগুলি ধার্মিকতার ক্রীতদাসত্ত্ব সমর্পণ করো, যা পবিত্রতার অভিমুখে চালিত করে। 20 তোমরা যখন পাপের ক্রীতদাস ছিলে, তখন তোমরা ধার্মিকতার নিয়ন্ত্রণ থেকে মুক্ত ছিলে। 21 যেসব বিষয়ের জন্য তোমরা এখন লজ্জাবোধ করছ, সেই সময় তোমরা তা থেকে কী ফল সংগ্রহ করেছিলে? সেই সমস্ত বিষয়ের পরিণাম মৃত্যু! 22 কিন্তু এখন, যেহেতু তোমাদের পাপ থেকে মুক্ত করা হয়েছে এবং তোমরা ঈশ্বরের ক্রীতদাস হয়েছ, যে ফল তোমরা লাভ করছ, তা হল পবিত্রতা এবং তার পরিণাম হল অনন্ত জীবন।

(aiōnios g166) 23 কারণ পাপের বেতন মৃত্যু, কিন্তু ঈশ্বরের অনুগ্রহ-  
দান আমাদের প্রভু, শ্রীষ্ট যীশুতে অনন্ত জীবন। (aiōnios g166)

7 ভাইবোনেরা, বিধান সম্বন্ধে যাদের কিছুটা জ্ঞান আছে আমি তাদের  
বলছি, তোমরা কি জানো না যে যতদিন কোনো মানুষ জীবিত থাকে,  
বিধান ততদিনই তার উপরে কর্তৃত্ব করে? 2 উদাহরণস্বরূপ, কোনো  
বিবাহিত নারী, যতদিন তার স্বামী জীবিত থাকে ততদিন সে তার  
সঙ্গে বিবাহের বাঁধনে যুক্ত থাকে; কিন্তু যদি তার স্বামী মারা যায়, সে  
বিবাহের বাঁধন থেকে মুক্ত হয়। 3 সেই কারণে, তার স্বামী জীবিত  
থাকাকালীন সে যদি অপর পুরুষকে বিবাহ করে, সে ব্যভিচারিণীরপে  
গণ্য হবে। কিন্তু যদি তার স্বামী মারা যায়, সে বিধান থেকে মুক্ত হয়।  
ফলে সে অপর পুরুষকে বিবাহ করলেও আর ব্যভিচারিণী হয় না। 4  
অতএব, আমার ভাইবোনেরা, তোমরাও শ্রীষ্টের শরীরের মাধ্যমে  
বিধানের কাছে মৃত্যুবরণ করেছ, যেন তোমরা অন্যের হও, যাঁকে  
মৃতলোক থেকে উত্থাপিত করা হয়েছিল, যেন আমরা ঈশ্বরের উদ্দেশে  
ফল উৎপন্ন করতে পারি। 5 কারণ, যখন আমরা পাপ-প্রকৃতি দ্বারা  
নিয়ন্ত্রিত হতাম, তখন আমাদের শরীরে পাপপূর্ণ বাসনাগুলি বিধানের  
মাধ্যমে জাগ্রত হয়ে সক্রিয় হত, যেন আমরা মৃত্যুর উদ্দেশে ফল  
উৎপন্ন করি। 6 কিন্তু এক সময় যে বিধান আমাদের আবন্দ করে  
রেখেছিল, এখন তার প্রতি মৃত্যুবরণ করার ফলে আমরা বিধানের  
বাঁধন থেকে মুক্ত হয়েছি, যেন আমরা লিখিত বিধানের পুরোনো  
পদ্ধতিতে নয়, কিন্তু পবিত্র আত্মার নতুন পথে ঈশ্বরের দাসত্ব করি। 7  
তাহলে, আমরা কী বলব? বিধানই কি পাপ? নিশ্চিতরণে তা নয়!  
প্রকৃতপক্ষে বিধান না থাকলে পাপ কী, আমি তা জানতেই পারতাম  
না, কারণ বিধান যদি না বলত, “লোভ কোরো না,” তাহলে লোভ  
প্রকৃতপক্ষে কী, তা আমি জানতে পারতাম না। 8 কিন্তু পাপ, সেই  
বিধানের সুযোগ নিয়ে আমার মধ্যে সব ধরনের লোভের ইচ্ছাকে  
জাগিয়ে তুলল, কারণ বিধান ছাড়া পাপ মৃত। 9 এক সময় আমি  
বিধান ছাড়াই জীবিত ছিলাম, কিন্তু দশজ্ঞা আসার পরে পাপ জীবিত  
হয়ে উঠল, আর আমার মৃত্যু হল। 10 আমি দেখলাম, যে আজ্ঞার

জীবন নিয়ে আসার কথা ছিল, প্রকৃতপক্ষে তা মৃত্যু নিয়ে এল। 11  
কারণ আজ্ঞার সুযোগ নিয়ে পাপ আমার সঙ্গে প্রতারণা করল এবং  
আজ্ঞার মাধ্যমে আমাকে মৃত্যুদণ্ড দিল। 12 তাহলে বিধান পবিত্র, সেই  
আজ্ঞাও পবিত্র, ন্যায়সংগত ও কল্যাণকর। 13 তাহলে, যা কল্যাণকর,  
তাই কি আমার পক্ষে মৃত্যুজনক হয়ে উঠল? কোনোভাবেই নয়! কিন্তু  
পাপকে যেন পাপরূপেই চিনতে পারা যায়, তাই যা কল্যাণকর ছিল  
তারই মধ্য দিয়ে পাপ আমার মধ্যে মৃত্যু নিয়ে এল, যেন আজ্ঞার  
মাধ্যমে সেই পাপ চরম পাপময় হয়ে ওঠে। 14 আমরা জানি যে বিধান  
আত্মিক, কিন্তু আমি অনাত্মিক, পাপের কাছে ক্রীতদাসরূপে বিক্রীত।  
15 আমি যা করি, তা আমি বুঝি না, কারণ আমি যা করতে চাই, তা  
আমি করি না, কিন্তু যা আমি ঘৃণা করি, আমি তাই করি। 16 আবার  
আমি যা করতে চাই না, যদি তাই করি, তাহলে আমি মেনে নিই যে  
বিধান উৎকৃষ্ট। 17 তাই যদি হয়, আমি আর নিজে থেকে এ কাজ করি  
না, কিন্তু আমার মধ্যে যে পাপ বাস করে তাই করে। 18 আমি জানি  
যে আমার মধ্যে, অর্থাৎ আমার পাপময় প্রকৃতির মধ্যে ভালো কিছুই  
বাস করে না। কারণ যা কিছু কল্যাণকর, তা করার ইচ্ছা আমার আছে,  
কিন্তু আমি তা করে উঠতে পারি না। 19 কারণ আমি যা করতে চাই,  
সেই ভালো কাজ আমি করি না, কিন্তু যে দুর্কর্ম আমি করতে চাই না,  
তা ক্রমাগত করেই যাই। 20 এখন, যা আমি করতে চাই না তা যদি  
আমি করি, সে কাজটি আর আমি নিজে করি না, কিন্তু আমার মধ্যে  
বাস করা পাপ-ই তা করে। 21 তাই আমি এই নিয়ম সক্রিয় দেখতে  
পাচ্ছি: যখন আমি সৎকর্ম করতে চাই, তখনই মন্দ আমার সঙ্গী হয়।  
22 কারণ আমার আন্তরিক সন্তায় আমি ঈশ্বরের বিধানে আনন্দ করি,  
23 কিন্তু আমার শরীরের অঙ্গপ্রত্যঙ্গে অন্য এক বিধান কার্যকরী দেখতে  
পাই; তা আমার মনের বিধানের সঙ্গে সংগ্রাম করে চলে এবং পাপের  
যে বিধান আমার অঙ্গপ্রত্যঙ্গে আছে, আমাকে তার বন্দি করে রাখে।  
24 কী দুর্ভাগ্যপূর্ণ মানুষ আমি! মৃত্যুর এই শরীর থেকে কে আমাকে  
উদ্ধার করবে? 25 আমাদের প্রভু, খ্রীষ্ট যীশুর মাধ্যমে আমি ঈশ্বরকে

ধন্যবাদ দিই। সুতরাং, মনে মনে আমি ঈশ্বরের বিধানের ক্রীতদাস,  
কিন্তু পাপময় প্রকৃতিতে পাপের বিধানের দাসত্ব করি।

**৮** অতএব, এখন যারা খ্রীষ্ট যীশুতে আছে, তাদের প্রতি কোনও শাস্তি  
নেই, ২ কারণ খ্রীষ্ট যীশুতে জীবনের আত্মার যে বিধান, তা আমাকে  
পাপ ও মৃত্যুর বিধান থেকে মুক্ত করেছে। ৩ বিধান রক্তমাংসের দ্বারা  
দুর্বল হওয়াতে যা করতে পারেনি, ঈশ্বর তা করেছেন। তিনি তাঁর  
নিজ পুত্রকে পাপময় মানবদেহের সাদৃশ্যে পাপার্থক বলিলেপে উৎসর্গ  
করার জন্য পাঠ্যে তাই সম্পাদন করেছেন। এভাবে তিনি পাপময়  
মানুষের রক্তমাংসে পাপের শাস্তি দিলেন, ৪ যেন বিধানের ধার্মিক  
দাবি আমাদের মধ্যে সম্পূর্ণ সিদ্ধ হয়। কারণ আমরা পাপময় প্রকৃতি  
অনুযায়ী জীবনযাপন করি না কিন্তু আত্মার বশ্যতাধীন হয়ে করি। ৫  
যারা পাপময় প্রকৃতি অনুযায়ী জীবনযাপন করে, সেই প্রকৃতি যা চায়,  
তার উপর তারা তাদের মনোনিবেশ করে। কিন্তু যারা পবিত্র আত্মার  
বশে জীবনযাপন করে, তাদের মন পবিত্র আত্মা যা চান, তার প্রতিই  
নিবিষ্ট থাকে। ৬ রক্তমাংসের উপরে নিবন্ধ মানসিকতার পরিণাম হল  
মৃত্যু, কিন্তু পবিত্র আত্মার দ্বারা নিয়ন্ত্রিত মানসিকতা হল জীবন ও  
শাস্তি। ৭ রক্তমাংসের মানসিকতা হল ঈশ্বরের বিকল্পে শক্রতা। তা  
ঈশ্বরের বিধানের প্রতি বশীভূত থাকে না, আর তেমন করতেও পারে  
না। ৮ যারা রক্তমাংসের স্বত্বাব দ্বারা নিয়ন্ত্রিত, তারা ঈশ্বরকে সন্তুষ্ট  
করতে পারে না। ৯ তোমরা অবশ্য রক্তমাংসের দ্বারা নয়, কিন্তু পবিত্র  
আত্মা দ্বারা নিয়ন্ত্রিত, যদি ঈশ্বরের আত্মা তোমাদের মধ্যে বাস করেন।  
আর যার মধ্যে খ্রীষ্টের আত্মা নেই, সে খ্রীষ্টের নয়। ১০ কিন্তু খ্রীষ্ট  
যদি তোমাদের মধ্যে থাকেন, পাপের কারণে তোমাদের শরীর মৃত  
হলেও ধার্মিকতার কারণে তোমাদের আত্মা জীবিত। ১১ যিনি যীশুকে  
মৃতলোক থেকে উত্থাপিত করেছেন, তাঁর আত্মা যদি তোমাদের মধ্যে  
বাস করেন, তাহলে যিনি খ্রীষ্টকে মৃতলোক থেকে উত্থাপিত করেছেন,  
তিনি তোমাদের নশ্বর শরীরকেও তাঁর আত্মার মাধ্যমে সঞ্জীবিত  
করবেন, যিনি তোমাদের অস্তরে বাস করেন। ১২ অতএব ভাইবোনেরা,  
আমাদের আইনগত এক বাধ্যবাধকতা আছে—তা কিন্তু রক্তমাংসের

বশে জীবনযাপন করার জন্য নয়। 13 কারণ তোমরা যদি রক্তমাংসের  
বশ্যতাধীনে জীবনযাপন করো, তোমাদের মৃত্যু হবে; কিন্তু পবিত্র  
আত্মার দ্বারা যদি শরীরের অপকর্মগুলি ধ্বংস করো, তোমরা জীবিত  
থাকবে। 14 কারণ যারা ঈশ্বরের আত্মা দ্বারা চালিত হয়, তারাই  
ঈশ্বরের পুত্র। 15 প্রকৃতপক্ষে, তোমরা যে আত্মাকে গ্রহণ করেছ, তিনি  
তোমাদের ভয়ে জীবন কাটানোর জন্য ক্রীতদাস করেন না; কিন্তু  
তোমরা দত্তকপুত্র হওয়ার আত্মা লাভ করেছ। তাঁরই দ্বারা আমরা ডেকে  
উঠি “আরবা! পিতা” বলে। 16 পবিত্র আত্মা স্বয়ং আমাদের আত্মার  
সঙ্গে সাক্ষ্য দিচ্ছেন যে, আমরা ঈশ্বরের সন্তান। 17 এখন, যদি আমরা  
সন্তান হই, তাহলে আমরা উত্তরাধিকারীও—ঈশ্বরের উত্তরাধিকারী  
ও খ্রীষ্টের সঙ্গে সহ-উত্তরাধিকারী। কিন্তু যদি আমরা তাঁর মহিমার  
অংশীদার হতে চাই তবে তাঁর কষ্টভোগেরও অংশীদার হতে হবে।  
18 আমি এরকম মনে করি যে, আমাদের মধ্যে যে মহিমার প্রকাশ  
ঘটবে, আমাদের বর্তমানকালের কষ্টভোগের সঙ্গে তার কোনো তুলনা  
হতে পারে না। 19 ঈশ্বরের পুত্রগণের প্রকাশ পাওয়ার প্রতীক্ষায় সমস্ত  
সৃষ্টি সাগ্রহে অপেক্ষা করে আছে। 20 কারণ সৃষ্টি অলীকতার বশীভূত  
হয়েছিল, তার নিজের ইচ্ছায় নয়, কিন্তু যিনি বশীভূত করেছিলেন,  
তাঁর ইচ্ছায়; 21 প্রত্যাশা ছিল এই যে, সৃষ্টি স্বয়ং অবক্ষয়ের বাঁধন  
থেকে মুক্ত হবে এবং ঈশ্বরের সন্তানদের গৌরবোজ্জ্বল স্বাধীনতায়  
অংশীদার হবে। 22 আমরা জানি যে, সমস্ত সৃষ্টি বর্তমানকাল পর্যন্ত  
সন্তান প্রসবের যন্ত্রণার মতো আর্তনাদ করছে। 23 শুধু তাই নয়,  
কিন্তু আমরা নিজেরাও, যারা আত্মার প্রথম ফল পেয়েছি, আমাদের  
দত্তকপুত্র হয়ে স্বীকৃতি পাওয়ার গভীর প্রতীক্ষায় ও শরীরের মুক্তির  
জন্য অন্তরে আর্তনাদ করছি। 24 কারণ এই প্রত্যাশাতেই আমরা  
পরিত্রাণ লাভ করেছি। কিন্তু যে প্রত্যাশা দৃষ্টিগোচর, তা আদৌ কোনো  
প্রত্যাশা নয়। যার ইতিমধ্যে কিছু আছে, তার জন্য কেন সে প্রত্যাশা  
করবে? 25 কিন্তু যা আমাদের নেই, তার জন্য যদি আমরা প্রত্যাশা  
করি, তাহলে তার জন্য ধৈর্যসহ প্রতীক্ষা করি। 26 একইভাবে পবিত্র  
আত্মা আমাদের দুর্বলতায় আমাদের সাহায্য করেন। সঠিক কী প্রার্থনা

করতে হয়, তা আমরা জানি না, কিন্তু পবিত্র আত্মা স্বয়ং আমাদের  
পক্ষে আর্তস্বরে প্রার্থনা করেন, যা ভাষায় প্রকাশ করা যায় না। 27  
যিনি আমাদের সকলের হৃদয় অনুসন্ধান করেন, তিনি পবিত্র আত্মার  
মানসিকতা জানেন, কারণ পবিত্র আত্মা ঈশ্বরের ইচ্ছা অনুযায়ীই  
পবিত্রগণের জন্য মিলিত করেন। 28 আর আমরা জানি যে, যারা  
ঈশ্বরকে ভালোবাসে, যারা তাঁর ইচ্ছা অনুসারে আহুত, তিনি সব  
বিষয়ে তাদের মঙ্গলসাধনের জন্য কাজ করেন। 29 কারণ ঈশ্বর  
যাদের পূর্ব থেকে জানতেন, তিনি তাদের তাঁর পুত্রের প্রতিমূর্তির  
সাদৃশ্য দান করবেন বলে নির্দিষ্ট করে রেখেছিলেন, যেন তিনি অনেক  
ভাইয়ের মধ্যে প্রথমজাত হন। 30 আবার যাদের তিনি পূর্ব থেকে  
নির্দিষ্ট করেছিলেন, তাদের তিনি আহুনও করলেন, যাদের আহুন  
করলেন, তিনি তাদের নির্দোষ প্রতিপন্ন করলেন, আর যাদের নির্দোষ  
প্রতিপন্ন করলেন, তাদের মহিমান্বিতও করলেন। 31 এসবের প্রত্যন্তের  
তাহলে আমরা কী বলব? ঈশ্বর যদি আমাদের পক্ষে থাকেন, তাহলে  
কে আমাদের বিরোধী হতে পারে? 32 যিনি তাঁর নিজ পুত্রকেও নিঃকৃতি  
দেননি, কিন্তু আমাদের সকলের জন্য তাঁকে সমর্পণ করেছেন—তিনি  
কি তাঁর সঙ্গে সবকিছুই অনুগ্রহপূর্বক আমাদের দান করবেন না?  
33 ঈশ্বর যাদের মনোনীত করেছেন, তাদের বিরঞ্চনে কে অভিযোগ  
করবে? ঈশ্বরই তাদের নির্দোষ প্রতিপন্ন করেন। 34 কে তাহলে  
দোষী সাব্যস্ত করবে? খ্রীষ্ট যীশু, যিনি মৃত্যুবরণ করেছেন—তার  
চেয়েও বড়ো কথা, যাঁকে জীবনে উত্থাপিত করা হয়েছিল—তিনি  
ঈশ্বরের ডানদিকে উপস্থিত আছেন এবং আমাদের জন্য অনুরোধও  
করছেন। 35 খ্রীষ্টের প্রেম থেকে কে আমাদের বিছিন্ন করবে? কষ্ট-  
সংকট, না দুর্দশা, না নির্যাতন, না দুর্ভিক্ষ, না নগ্নতা, না বিপদ, না  
তরোয়াল—এর কোনোটিই নয়? 36 যেমন লেখা আছে, “তোমার  
জন্য আমরা প্রতিনিয়ত মৃত্যুর মুখোমুখি হই, বলির মেষের মতো  
আমাদের গণ্য করা হয়।” 37 না, যিনি আমাদের প্রেম করেছেন,  
তাঁরই মাধ্যমে আমরা এসব বিষয়ে বিজয়ীর থেকেও বেশি বিজয়ী  
হয়েছি। 38 কারণ আমি নিশ্চিতরূপে জানতে পেরেছি যে, মৃত্যু বা

জীবন, স্বর্গদুতেরা বা ভূতেরা, বর্তমান বা তারীকালের কোনো বিষয়, না কোনো পরাক্রম, ৩৯ উর্ধ্বলোক বা অধোলোক বা সমস্ত সৃষ্টির অন্য কোনো বিষয়, কোনো কিছুই আমাদের প্রভু, খীঁষ যীশুতে অবস্থিত ঈশ্বরের প্রেম থেকে আমাদের বিচ্ছিন্ন করতে পারবে না।

৯ খ্রিষ্টে আমি সত্যি কথাই বলছি—মিথ্যা বলছি না, পবিত্র আত্মায় আমার বিবেক তা সমর্থন করছে যে— ২ আমার গভীর দুঃখ আছে ও হৃদয়ে আমি নিরন্তর মর্মযন্ত্রণা অনুভব করছি। ৩ এমনকি, যারা আমার স্বজাতি, আমার সেই ভাইবোনেদের জন্য আমি নিজে খ্রিষ্ট থেকে বিছিন্ন হয়ে অভিশপ্ত হতেও রাজি হতাম! ৪ তারা হল ইস্রায়েল জাতি। দক্ষকপুত্রের অধিকার তাদেরই, স্বর্গীয় মহিমাও তাদের, বিভিন্ন নিয়ম, বিধানলাভ, মন্দির-কেন্দ্রিক উপাসনা ও সব প্রতিশ্রূতি তাদেরই; ৫ পিতৃপুরুষেরাও তাদের এবং খ্রিষ্টের মানবীয় বংশপরিচয় তাদের মধ্যেই খুঁজে পাওয়া যায়, যিনি সর্বোপরি বিরাজমান ঈশ্বর, চির প্রশংসনীয়! আমেন। (aión g165) ৬ এরকম নয় যে, ঈশ্বরের বাক্য ব্যর্থ হয়েছে। কারণ ইস্রায়েল বংশজাত সকলেই ইস্রায়েলী নয়। ৭ আবার অব্রাহামের বংশধর বলে তারা সকলেই যে তাঁর সন্তান, তাও নয়। কিন্তু বলা হয়েছিল, “ইস্থাকের মাধ্যমেই তোমার বংশ পরিচিত হবে।” ৮ অন্যভাবে বলা যায়, স্বাভাবিকভাবে জাত সন্তানেরা ঈশ্বরের সন্তান নয়, কিন্তু প্রতিশ্রূতির সন্তানেরাই অব্রাহামের বংশধর বলে বিবেচিত হয়। ৯ কারণ এভাবে প্রতিশ্রূতি দেওয়া হয়েছিল: “পূর্ব-নির্ধারিত সময়েই আমি ফিরে আসব, তখন সারার এক পুত্র হবে।” ১০ শুধু তাই নয়, রেবেকার সন্তানদেরও একমাত্র ও একই পিতা ছিলেন, তিনি আমাদের পিতৃপুরুষ ইস্থাক। ১১ তবুও, সেই দুজন যমজের জন্ম হওয়ার পূর্বে ও তাদের ভালোমন্দ কোনো কাজ করার পূর্বেই মনোনয়নের ব্যাপারে ঈশ্বরের অভিপ্রায় যেন স্থির থাকে, ১২ কাজের ফলস্বরূপ নয়, কিন্তু যিনি আহ্বান করেন তাঁর ইচ্ছার দ্বারা—সারাকে বলা হয়েছিল, “বড়ো ছেলে ছোটো ছেলের সেবা করবে।” ১৩ যেমন লেখা আছে: “যাকোবকে আমি ভালোবেসেছি, কিন্তু এয়োকে আমি ঘৃণা করেছি।” ১৪ তাহলে, এখন আমরা কী বলব? ঈশ্বর কি অবিচার

করেছেন? তা কখনোই নয়! 15 কারণ তিনি মোশিকে বলেছেন, “যার প্রতি আমি দয়া দেখাতে চাই, তার প্রতি আমি দয়া দেখাব, এবং যার প্রতি আমি করণা করতে চাই, তার প্রতি আমি করণা করব।” 16 সেই কারণে, তা মানুষের ইচ্ছা বা চেষ্টার উপরে নির্ভর করে না, কিন্তু ঈশ্বরের করণার উপর তা নির্ভর করে। 17 কারণ শাস্ত্র ফরৌণকে বলে, “আমি এই বিশেষ উদ্দেশ্যেই তোমাকে উন্নত করেছি, যেন আমি তোমাকে আমার ক্ষমতা দেখাতে পারি ও সমগ্র পৃথিবীতে আমার নাম প্রচারিত হয়।” 18 সেই কারণে, ঈশ্বর যার প্রতি দয়া করতে চান, তার প্রতি তিনি দয়া করেন, কিন্তু যাকে কঠিন করতে চান, তাকে কঠিন করেন। 19 তোমাদের মধ্যে কেউ হয়তো আমাকে বলবে, “তাহলে কেন ঈশ্বর এসব সত্ত্বেও আমাদের প্রতি দোষারোপ করেন? কারণ, কে তাঁর ইচ্ছার প্রতিরোধ করতে পারে?” 20 কিন্তু ওহে মানুষ, তুমি কে যে ঈশ্বরের প্রতিবাদ করো? “সৃষ্টিবন্ধ কি তার নির্মাতাকে একথা বলতে পারে, ‘তুমি কেন আমাকে এরকম গঠন করেছ?’” 21 একই মাটির তাল থেকে অভিজাত উদ্দেশ্যে ব্যবহারের জন্য কিছু পাত্র এবং সাধারণ ব্যবহারের জন্য কিছু পাত্র নির্মাণ করার অধিকার কি কুমোরের নেই? 22 কী হবে, যদি ঈশ্বর তাঁর ক্ষেত্রে ও ক্ষমতা প্রকাশ করার জন্য ধ্বংসের উদ্দেশ্যে নির্দিষ্ট তাঁর ক্ষেত্রের পাত্রদের অসীম ধৈর্য সহকারে সহ্য করেন? 23 আর এতেই বা কী, তিনি যদি তাঁর করণার পাত্রদের, যাদের মহিমাপ্রাপ্তির জন্য তিনি পূর্ব থেকেই প্রস্তুত করেছিলেন, তাদের কাছে তাঁর মহিমার ঐশ্বর্য প্রকাশ করেন— 24 এমনকি, আমাদের কাছেও, যাদের তিনি কেবলমাত্র ইহুদি জাতির মধ্য থেকে নয়, কিন্তু অইহুদিদের মধ্য থেকেও আহ্বান করেছেন? 25 হোশেয়ের গ্রন্থে যেমন তিনি বলেছেন: “যারা আমার প্রজা নয়, তাদের আমি ‘আমার প্রজা’ বলব; আর যে আমার প্রেমের পাত্রী নয়, তাকে আমি ‘আমার প্রিয়তমা’ বলে ডাকব।” 26 আবার, “এরকম ঘটবে, যে স্থানে তাদের বলা হত, ‘তোমরা আমার প্রজা নও,’ তাদের বলা হবে, ‘জীবন্ত ঈশ্বরের পুত্র।’” 27 যিশাইয় ইস্রায়েল সম্পর্কে উচ্চকণ্ঠে ঘোষণা করেন, “ইস্রায়েলীদের জনসংখ্যা যদি সমুদ্রতীরের বালির

মতোও হয়, কেবলমাত্র অবশিষ্টাংশই পরিত্রাণ পাবে। 28 কারণ প্রভু দ্রুতগতিতে ও চরমভাবে পৃথিবীতে তাঁর শাস্তি কার্যকর করবেন।” 29 যিশাইয় যেমন পূর্বেই একথা বলেছিলেন: “সর্বশক্তিমান প্রভু যদি আমাদের জন্য কয়েকজন বংশধর অবশিষ্ট না রাখতেন, আমাদের অবস্থা হত সদোমের মতো, আমরা হতাম ঘমোরার মতো।” 30 তাহলে আমরা কী বলব? অইহুদিরা, যারা ধার্মিকতা লাভের জন্য চেষ্টা করেনি কিন্তু তা পেয়েছে, তা এমন ধার্মিকতা, যা বিশ্বাসের দ্বারা পাওয়া যায়। 31 কিন্তু ইস্রায়েল, যারা ধার্মিকতার বিধান অনুসরণ করেছে, তা তারা অর্জন করতে পারেনি। 32 কেন পারেনি? কারণ তারা বিশ্বাসের দ্বারা তার অনুসরণ না করে বিভিন্ন কাজের দ্বারা তা করেছে। তারা সেই “প্রতিবন্ধকতার পাথরে” হোঁচ্ট খেয়েছে। 33 যেমন লেখা আছে, “দেখো, আমি সিয়োনে এক পাথর রেখেছি, যাতে মানুষ হোঁচ্ট খাবে, আর একটি শিলা স্থাপন করেছি, যার কারণে তাদের পতন হবে, আর যে কেউ তাঁর উপরে বিশ্বাস করবে, সে কখনও লজ্জিত হবে না।”

**10** ভাইবোনেরা, ইস্রায়েলীদের জন্য আমার হৃদয়ের আকাঙ্ক্ষা ও ঈশ্বরের কাছে প্রার্থনা এই যে তারা যেন পরিত্রাণ পায়। 2 কারণ তাদের বিষয়ে আমি সাক্ষ্য দিতে পারি যে, তারা ঈশ্বরের জন্য প্রবল উদ্যমী, কিন্তু তাদের উদ্যম জ্ঞানের উপরে ভিত্তি করে গড়ে ওঠেনি। 3 তারা যেহেতু ঈশ্বর থেকে আগত ধার্মিকতার কথা জানত না এবং তারা নিজেদের ধার্মিকতা প্রতিষ্ঠা করতে চেয়েছিল তাই তারা ঈশ্বরের ধার্মিকতার বশীভূত হয়নি। 4 খ্রীষ্টই হচ্ছেন বিধানের পূর্ণতা, যেন যারা বিশ্বাস করে তাদের সকলে ধার্মিক বলে গণ্য হয়। 5 বিধানের দ্বারা যে ধার্মিকতা সে সম্পর্কে মোশি এভাবে বর্ণনা করেছেন: “যে ব্যক্তি এইসব পালন করবে, সে এগুলির দ্বারা জীবিত থাকবে।” 6 কিন্তু বিশ্বাস দ্বারা যে ধার্মিকতা, তা বলে, “তুমি তোমার মনে মনে বোলো না, ‘কে স্বর্গে আরোহণ করবে?’” (অর্থাৎ, খ্রীষ্টকে নামিয়ে আনার জন্য), 7 “অথবা, ‘কে অতলে নেমে যাবে?’” (অর্থাৎ, খ্রীষ্টকে মৃতলোক থেকে তুলে আনার জন্য)। (Abyssos g12) 8 কিন্তু এ কী কথা বলে? “সেই বাক্য তোমাদের খুব কাছেই আছে; তা তোমাদের মুখে

ও তোমাদের হন্দয়ে রয়েছে,” এর অর্থ, বিশ্বাসেরই এই বার্তা আমরা ঘোষণা করছি: ৭ যদি তুমি “যীশুই প্রভু,” বলে মুখে স্বীকার করো ও হন্দয়ে বিশ্বাস করো যে, ঈশ্বর তাঁকে মৃতলোক থেকে উত্থাপিত করেছেন, তাহলে তুমি পরিত্রাণ পাবে। ১০ কারণ হন্দয়েই তুমি বিশ্বাস করো ও ধার্মিক বলে গণ্য হও এবং তোমার মুখে তা স্বীকার করো ও পরিত্রাণ পাও। ১১ শাস্ত্র যেমন বলে, “যে কেউ তাঁর উপরে বিশ্বাস করে, সে কখনও লজ্জিত হবে না।” ১২ কারণ ইহুদি ও অইহুদির মধ্যে কোনও পার্থক্য নেই; সেই একই প্রভু সকলের প্রভু এবং যতজন তাঁকে ডাকে, তাদের সকলকে তিনি পর্যাপ্ত আশীর্বাদ করেন। ১৩ কারণ, “যে কেউ প্রভুর নামে ডাকবে, সেই পরিত্রাণ পাবে।” ১৪ তাহলে, যাঁর উপরে তারা বিশ্বাস করেনি তারা কীভাবে তাঁকে ডাকবে? আর যাঁর কথাই তারা শোনেনি, কীভাবে তাঁর উপর বিশ্বাস স্থাপন করবে? আবার কেউ তাদের কাছে প্রচার না করলে তারা কীভাবে শুনতে পাবে? ১৫ আর তারা প্রচারই বা কীভাবে করবে, যদি তারা প্রেরিত না হয়? যেমন লেখা আছে, “যারা সুসমাচার প্রচার করে, তাদের চরণ কতই না সুন্দর!” ১৬ কিন্তু ইস্রায়েলীরা সকলেই সেই সুসমাচার গ্রহণ করেনি। কারণ যিশাইয় বলেছেন, “হে প্রভু, আমাদের দেওয়া সংবাদ কে বিশ্বাস করেছে?” ১৭ সুতরাং, সুসমাচারের প্রচার শুনে বিশ্বাস উৎপন্ন হয় ও প্রচার হয় খ্রিস্টের বাক্য দ্বারা। ১৮ কিন্তু আমি জিজ্ঞাসা করি, তারা কি শোনেনি? অবশ্যই তারা শুনেছিল: “তাদের কর্তৃপক্ষের সারা পৃথিবীতে ছড়িয়ে পড়ে, তাদের বাক্য পৃথিবীর প্রান্তসীমায় পৌঁছায়।” ১৯ আমি আবার জিজ্ঞাসা করি: ইস্রায়েল জাতি কি বুঝতে পারেনি? প্রথমত, মোশি বলেন, “যারা কোনো প্রজা নয় তাদের দ্বারা আমি তোমাদের ঈর্ষাকাতর করে তুলব; যে জাতি কিছু বোঝে না তাদের দ্বারা আমি তাদের ক্রুদ্ধ করব।” ২০ আবার যিশাইয় সাহসিকতার সঙ্গে বলেছেন, “যারা আমার অব্বেষণ করেনি, তারা আমাকে খুঁজে পেয়েছে, যারা কখনও আমার সন্ধান করেনি, তাদের কাছে আমি নিজেকে প্রকাশ করেছি।” ২১ কিন্তু ইস্রায়েল জাতি সম্পর্কে

তিনি বলেছেন, “এক অবাধ্য ও একগুঁয়ে জাতির প্রতি, সারাদিন  
আমি, আমার দু-হাত বাড়িয়ে রেখেছিলাম।”

**11** আমি তাই জিজ্ঞাসা করি: ঈশ্বর কি তাঁর প্রজাদের অগ্রাহ্য  
করেছেন? কোনোভাবেই নয়! আমি স্বয়ং একজন ইস্রায়েলী, বিন্যামীন  
গোষ্ঠীভুক্ত, অব্রাহামের এক বংশধর। ২ ঈশ্বর যাদের পূর্ব থেকেই  
জানতেন, তাঁর সেই প্রজাদের তিনি অগ্রাহ্য করেননি। এলিয়ের  
ইতিহাসে শাস্ত্র কী বলে, তা কি তোমরা জানো না যে কীভাবে তিনি  
ইস্রায়েল জাতির বিরুদ্ধে আবেদন করেছিলেন: ৩ “প্রভু, তারা তোমার  
ভাববাদীদের হত্যা করেছে ও তোমার যজ্ঞবেদি চূণবিচূর্ণ করেছে,  
কেবলমাত্র আমি একা বেঁচে আছি, আর তারা আমাকেও হত্যা করতে  
চেষ্টা করছে?” ৪ কিন্তু ঈশ্বর তাঁকে কী উত্তর দিয়েছিলেন? “বায়াল-  
দেবতার সামনে যারা নতজানু হয়নি, এমন 7,000 লোককে আমি  
আমার জন্য সংরক্ষিত রেখেছি।” ৫ একইভাবে, বর্তমান সময়েও  
অনুগ্রহের দ্বারা মনোনীত অবশিষ্টাংশ একদল আছে। ৬ তারা যদি  
অনুগ্রহে মনোনীত হয়, তাহলে তা কাজের পরিণামে নয়; যদি তা হত,  
তাহলে অনুগ্রহ আর অনুগ্রহ থাকত না। ৭ তাহলে বিষয়টা কী দাঁড়াল?  
ইস্রায়েল যা এত আগ্রহভরে অব্যবস্থণ করল, তা তারা পেল না, কিন্তু  
যারা মনোনীত তারা পেল। অন্য সকলের মন কঠোর হয়েছিল, ৮  
যেমন লেখা আছে: “ঈশ্বর তাদের এক অচেতন আত্মা দিয়েছেন,  
চোখ দিয়েছেন, যেন তারা দেখতে না পায় ও কান, যেন তারা শুনতে  
না পায়, আজও পর্যন্ত।” ৯ আর দাউদ বলেন, “তাদের টেবিলের  
খাবার হোক জাল ও ফাঁদস্বরূপ, তাদের পক্ষে এক প্রতিবন্ধক ও  
প্রতিফলস্বরূপ। ১০ তাদের চোখ অঙ্ককারে পূর্ণ হোক যেন তারা দেখতে  
না পায়, এবং তাদের পিঠ চিরকাল বেঁকে থাকুক।” ১১ আমি আবার  
জিজ্ঞাসা করি, তারা কি এজন্যই হোঁচ্ট খেয়েছে, যেন পতিত হয় ও  
আর কখনও উঠে দাঁড়াতে না পারে? আদৌ তা নয়! বরং, তাদের  
অপরাধের কারণেই অইহুদিরা পরিত্রাণ লাভ করেছে, যেন ইস্রায়েলীরা  
ঈর্ষাকাতর হয়ে ওঠে। ১২ কিন্তু যদি তাদের অপরাধের ফলে জগতের  
শ্রীবৃদ্ধি হয় এবং তাদের ক্ষতি যদি অইহুদিদের সম্মানের কারণ হয়,

তাহলে তাদের পূর্ণতা আরও কত না মহত্ব সম্মিলিত নিয়ে আসবে! 13  
হে অইহুদি লোকেরা, আমি তোমাদের বলছি, আমি অইহুদিদের কাছে  
সুসমাচার প্রচারের জন্য প্রেরিতশিষ্য। তাই ঈশ্বর ও অন্যদের প্রতি  
আমি যে কাজ করি তাতে আমি গর্ববোধ করছি। 14 আশা করি আমি  
যে কোনো উপায়ে যেন আমার স্বজাতীয়দের মধ্যে ঈর্ষা উৎপন্ন করতে  
পারি ও তাদের কয়েকজনের পরিত্রাণ সাধন করতে পারি। 15 কারণ  
তাদের প্রত্যাখ্যানের ফলে যদি জগতের পুনর্মিলন হয়, তাহলে তাদের  
গ্রহণ করার ফলে কী হবে? তার ফলে কি মৃত্যু থেকে জীবন লাভ হবে  
না? 16 ময়দার তালের প্রথম অংশ, যা নৈবেদ্যরূপে উৎসর্গ করা হয়,  
তা যদি পবিত্র হয়, তাহলে সমস্ত তাল-ই পবিত্র; যদি গাছের মূল পবিত্র  
হয়, তাহলে তার শাখাগুলিও পবিত্র। 17 কিন্তু ইস্রায়েলীদের মধ্য থেকে  
কতগুলি শাখাপ্রশাখা ভেঙে ফেলা হয়েছে। আর অইহুদি তোমরা বন্য  
জলপাই গাছের শাখা না হলেও তাদের মধ্যে তোমাদের কলমরূপে  
লাগানো হয়েছে; তাই এখন তোমরা জলপাই গাছের মূলের পুষ্টিকর  
রসের অংশীদার হয়েছে। 18 সুতরাং, কেটে ফেলা শাখাপ্রশাখার বিরণে  
গর্ব করো না। যদি তুমি করো, এ বিষয়ে বিবেচনা করো: তুমি  
মূলকে ধরে রাখোনি, বরং মূল-ই তোমাকে ধরে রেখেছে। 19 তুমি  
হয়তো বলবে, “সেইসব শাখাপ্রশাখাকে ভেঙে ফেলা হয়েছিল, যেন  
আমাকে কলমরূপে লাগানো হয়।” 20 ভালোই বলেছ! তুমি বিশ্বাসের  
উপরে দাঁড়িয়ে আছ, কিন্তু অবিশ্বাসের কারণে তাদের ভেঙে ফেলা  
হয়েছিল। তাই, উদ্বিগ্ন হোয়ো না, বরং ভীত হও। 21 কারণ ঈশ্বর যদি  
প্রকৃত শাখাপ্রশাখাকে রেহাই না দিয়ে থাকেন, তিনি তোমাকেও রেহাই  
দেবেন না! 22 সেই কারণে, ঈশ্বরের সদয়তা ও কঠোরতা, উভয়ই  
বিবেচনা করো: যারা পতিত হয়, তাদের প্রতি তিনি কঠোর, কিন্তু  
তোমার প্রতি সদয়, যদি তুমি তাঁর সদয়তার শরণাপন্ন থাকো। নতুনা,  
তোমাকেও কেটে ফেলা হবে। 23 আবার, তারা যদি অবিশ্বাস ত্যাগ  
করে বিশ্বাসী হয় তাহলে তাদেরও কলমরূপে লাগানো হবে, কারণ  
ঈশ্বর পুনরায় তাদের কলমরূপে জুড়ে দিতে সমর্থ। 24 সর্বোপরি,  
তোমাকে যদি কোনো বন্য জলপাই গাছ থেকে কেটে অস্বাভাবিকভাবে

আসল গাছের সঙ্গে জুড়ে দেওয়া হয়, তাহলে আরও কত না অনায়াসে  
গাছের আসল শাখাগুলিকে তাদের নিজস্ব জলপাই গাছের সঙ্গে জুড়ে  
দেওয়া যাবে! 25 ভাইবোনেরা, আমি চাই না যে এই গুপ্তরহস্য সম্পর্কে  
তোমরা অজ্ঞাত থাকো, যেন তোমরা আত্মার আত্মার না হও: যতক্ষণ  
না অইন্দ্রিয়া পূর্ণ সংখ্যায় মণ্ডলীতে প্রবেশলাভ করে ততক্ষণ ইন্দ্রায়েল  
জাতি আংশিক কঠোর হয়েছে। 26 আর এভাবেই সমস্ত ইন্দ্রায়েল  
পরিত্রাণ লাভ করবে, যেমন লেখা আছে, “সিয়োন থেকে মুক্তিদাতা  
আসবেন; তিনি যাকোব কুল থেকে ভক্তিহীনতা দূর করবেন। 27 আর  
এই হবে তাদের সঙ্গে আমার নিয়ম, যখন তাদের পাপসকল আমি  
হরণ করি।” 28 ইন্দ্রায়েলের অনেকে এখন সুসমাচারের শক্র, আর  
এর ফলে তোমরা অইন্দ্রিয়া লাভবান হয়েছে। কিন্তু ঈশ্বর তাদের  
এখনও প্রেম করেন কারণ তিনি তাদের পিতৃপুরুষদের মনোনীত  
করেছিলেন। 29 কারণ ঈশ্বরের অনুগ্রহ-দানসকল ও তাঁর আহ্লান তিনি  
কখনও প্রত্যাহার করেন না। 30 যেমন তোমরা এক সময় ঈশ্বরের  
অবাধ্য ছিলে, কিন্তু এখন তাদের অবাধ্যতার কারণে করণা লাভ  
করেছ, 31 তেমনই তারাও এখন অবাধ্য হয়েছে, যেন তোমরা ঈশ্বরের  
করণা লাভ করেছে বলে তারাও একদিন করণা লাভ করবে। 32  
কারণ ঈশ্বর সব মানুষকে অবাধ্যতার কাছে রুদ্ধ করেছেন, যেন তিনি  
তাদের সকলেরই প্রতি করণা করতে পারেন। (eleēse g1653) 33 আহা,  
ঈশ্বরের প্রজ্ঞার ঐশ্বর্য ও জ্ঞান কত গভীর! তাঁর বিচারসকল কেমন  
অঙ্গেরে অতীত, তাঁর পথসকল অনুসন্ধান করা যায় না! 34 “প্রভুর  
মন কে জানতে পেরেছে? কিংবা কে তাঁর উপদেষ্টা হয়েছে?” 35 “কে  
কখন ঈশ্বরকে কিছু দিয়েছে, যে ঈশ্বর তা পরিশোধ করবেন?” 36  
কারণ সকল বস্ত্র উদ্ভব তাঁর থেকে, তাঁর মাধ্যমে ও তাঁরই জন্য,  
তাঁরই মহিমা হোক চিরকাল! আমেন। (aiōn g165)

**12** অতএব, ভাইবোনেরা, ঈশ্বরের বহুবিধ করণার পরিপ্রেক্ষিতে,  
আমি তোমাদের কাছে মিনতি করছি, তোমরা তোমাদের শরীরকে  
জীবন্ত বলিরপে, পবিত্র ও ঈশ্বরের গ্রহণযোগ্যরূপে উৎসর্গ করো—তাই  
হবে তোমাদের যুক্তিসংগত আরাধনা। 2 আর তোমরা এই জগতের

রীতি অনুযায়ী জীবনযাপন করো না, কিন্তু তোমাদের মনের  
নতুনীকরণের দ্বারা রূপান্তরিত হও। তখন তোমরা ঈশ্বরের ইচ্ছাকে  
যাচাই ও অনুমোদন করতে পারবে, যা উৎকৃষ্ট, প্রীতিজনক ও সিদ্ধ।

(aiōn g165) 3 কারণ যে অনুগ্রহ আমাকে দেওয়া হয়েছে, তার গুণে  
আমি তোমাদের প্রত্যেককে বলছি: তোমরা নিজেদের সমন্বে যেমন  
উপযুক্ত, তার থেকে আরও উচ্চ ধারণা পোষণ কোরো না, কিন্তু ঈশ্বর  
তোমাকে যে পরিমাণ বিশ্বাস দান করেছেন, সেই অনুযায়ী, সংযতী  
বিচার দ্বারা নিজের বিষয়ে চিন্তা কোরো। 4 যেমন আমাদের প্রত্যেকের  
একই শরীরে বহু অঙ্গপ্রত্যঙ্গ আছে, আর এসব অঙ্গপ্রত্যঙ্গের কাজ  
এক নয়, 5 তেমনই খৃষ্টে আমরা, যারা অনেকে, এক দেহ গঠন  
করি এবং প্রত্যেক সদস্য অপর সদস্যদের প্রতি অঙ্গপ্রত্যঙ্গরূপে  
যুক্ত। 6 আমাদের প্রতি যে অনুগ্রহ দেওয়া হয়েছে, সেই অনুযায়ী  
আমাদের বিভিন্ন বরদান আছে। যদি কোনো মানুষের বরদান হয়  
ভাববাণী বলা, তাহলে সে তার বিশ্বাসের মাত্রা অনুযায়ী তা ব্যবহার  
করুক। 7 যদি তা হয় সেবাকাজ করার, তাহলে সে সেবাকাজ  
করুক; যদি তা হয় শিক্ষাদানের, তাহলে সে শিক্ষাদান করুক; 8  
যদি তা হয় উৎসাহদানের, তবে সে উৎসাহ দান করুক। যদি তা  
হয় অন্যের প্রয়োজনে দান করার, সে উদারভাবে দান করুক; যদি  
তা হয় নেতৃত্বদানের, সে নিষ্ঠার সঙ্গে শাসন করুক; তা যদি হয়  
করুণা প্রদর্শনের, সে আনন্দের সঙ্গেই তা করুক। 9 প্রেম অকপট  
হোক। যা মন্দ, তা ঘৃণা করো, যা ভালো, তার প্রতি আসক্ত হও। 10  
প্রেমে তোমরা পরম্পরের প্রতি অনুরক্ত হও। নিজেদের থেকেও বেশি  
একে অপরকে সম্মান করো। 11 কর্ম উদ্যোগে শিথিল হোয়ো না,  
কিন্তু আত্মায় উদ্বৃত্তিপূর্ণ থেকো ও প্রভুর সেবা করো। 12 প্রত্যাশায়  
আনন্দ করো, কষ্ট-সংকটে সহিষ্ণু হও, প্রার্থনায় বিশ্বস্ত থেকো। 13  
ঈশ্বরভক্তদের অভাবে সাহায্য করো। আতিথেয়তার চর্চা করো। 14  
যারা তোমাদের নির্যাতন করে, তাদের আশীর্বাদ করো; আশীর্বাদ  
করো, অভিশাপ দিয়ো না। 15 যারা আনন্দ করে, তাদের সঙ্গে আনন্দ  
করো; যারা শোক করে, তাদের সঙ্গে শোক করো। 16 পরম্পরের

প্রতি তোমরা সময়না হও। দাস্তিক হোয়ো না, কিন্তু সাধারণ মানুষের প্রতি সহযোগিতা করতে ইচ্ছুক হও। নিজেকে বিজ্ঞ বলে মনে করো না। 17 মন্দের পরিশোধে কারও মন্দ করো না। সকলের দৃষ্টিতে যা ন্যায়সংগত, তা করতে যত্নবান হও। 18 যদি সন্তুষ্ট হয়, তোমার পক্ষে যতদূর সাধ্য, সকলের সঙ্গে শাস্তিতে বসবাস করো। 19 হে আমার প্রিয় বন্ধুগণ, তোমরা প্রতিশোধ নিয়ো না, কিন্তু ঈশ্বরের ক্রোধের জন্য স্থান ছেড়ে দাও, কারণ একথা লেখা আছে: “প্রতিশোধ নেওয়া আমারই কাজ, আমি প্রতিফল দেব,” একথা প্রভু বলেন। 20 বরং, “তোমার শক্তি যদি ক্ষুধার্ত হয়, তাকে খেতে দাও; যদি সে তৃষ্ণার্ত হয়, তাকে পান করার কিছু দাও। এরকম করলে, তুমি তার মাথায় জলন্ত কয়লার স্তুপ চাপিয়ে দেবে।” 21 তুমি মন্দের দ্বারা পরাজিত হোয়ো না, বরং উভমের দ্বারা মন্দকে পরাস্ত করো।

**13** প্রত্যেকেই ক্ষমতায় অধিষ্ঠিত কর্তৃপক্ষের কাছে অবশ্যই বশ্যতাস্তীকার করুক, কারণ ঈশ্বর ব্যতিরেকে কোনও কর্তৃপক্ষের শাসন প্রতিষ্ঠিত হয় না। যে সমস্ত কর্তৃপক্ষের অস্তিত্ব আছে, সেগুলি ঈশ্বর প্রতিষ্ঠিত করেছেন। 2 কাজেই, যে কর্তৃত্বের বিরুদ্ধে বিদ্রোহ করে, সে ঈশ্বর যা স্থাপন করেছেন, তারই বিরুদ্ধে বিদ্রোহ করে, আর যারা তা করে, তারা নিজেদের উপরে শাস্তি নিয়ে আসে। 3 কারণ যারা ন্যায়সংগত কাজ করে, তাদের কাছে নয়, কিন্তু যারা অন্যায় করে, তাদের কাছে শাসকেরা ভীতির কারণস্বরূপ। কর্তৃত্বে যিনি আছেন, তাঁর কাছে তুমি কি নির্ভয় হতে চাও? তাহলে যা ন্যায়সংগত, তাই করো, তিনি তোমার প্রশংসা করবেন। 4 কারণ তোমাদের মঙ্গল করার জন্যই তিনি ঈশ্বরের পরিচারক। কিন্তু তুমি যদি অন্যায় করো, তাহলে ভীত হও, কারণ তিনি বিনা কারণে তরোয়াল ধারণ করেন না। তিনি ঈশ্বরের পরিচারক, দুষ্কৃতীকে শাস্তিদানের জন্য তিনি ঈশ্বরের প্রতিনিধি। 5 সেই কারণে, কর্তৃপক্ষের বশ্যতাধীন থাকা আবশ্যিক, কেবলমাত্র সন্তান্য শাস্তির জন্য নয়, কিন্তু বিবেকের কারণেও। 6 এজন্যই তোমরা কর দিয়ে থাকো, কারণ কর্তৃপক্ষেরা ঈশ্বরের পরিচারক, যারা তাদের পূর্ণ সময় শাসনকর্মে প্রদান করেন। 7

প্রত্যেকের যা প্রাপ্য, তা তাকে দাও: যাঁকে কর দেওয়ার থাকে, তাঁকে কর দাও; যদি শুষ্ক হয়, তাহলে শুষ্ক দাও; যদি শ্রদ্ধা হয়, শ্রদ্ধা প্রদর্শন করো; যদি সম্মান হয়, তাহলে সম্মান করো। ৪ তোমরা কারও কাছে কোনো খণ্ড কোরো না, কেবলমাত্র পরম্পরের কাছে ভালোবাসার খণ্ড কোরো; কারণ যে তার অপরকে ভালোবাসে, সে বিধান পূর্ণরূপে পালন করেছে। ৫ “ব্যভিচার কোরো না,” “নরহত্যা কোরো না,” “চুরি কোরো না,” “লোভ কোরো না,” এই আজ্ঞাগুলি এবং আরও যে কোনো আজ্ঞা থাকুক না কেন, এই একটি আজ্ঞায় সেসবই সংকলিত হয়েছে, “তোমার প্রতিবেশীকে নিজের মতোই প্রেম করো।” ১০ ভালোবাসা প্রতিবেশীর কোনও অনিষ্ট করে না। সেই কারণে, প্রেম করাই বিধানের পূর্ণতা। ১১ আর বর্তমানকাল সম্পর্কে সচেতন হয়ে তোমরা এরকম কোরো। তোমাদের তন্দ্রা থেকে জেগে ওঠার সময় উপস্থিত হয়েছে, কারণ যখন আমরা প্রথম বিশ্বাস করেছিলাম, তখন থেকে আমাদের পরিদ্রাঘ আরও এগিয়ে এসেছে। ১২ রাত্রি প্রায় অবসান হল, দিন এল বলে। তাই, এসো আমরা অন্ধকারের কাজকর্ম ত্যাগ করে আলোর রণসজ্জা পরিধান করি। ১৩ এসো, আমরা দিনের আলোর উপযুক্ত শোভন আচরণ করি, রঙবরস ও মন্ত্রায় নয়, যৌনাচার ও লাম্পটে নয়, মতবিরোধ ও ঈর্ষায় নয়। ১৪ বরং, তোমরা প্রভু যীশু খ্রীষ্টকে পরিধান করো, রক্তমাংসের অভিলাষ কীভাবে পূর্ণ করবে, সে সম্পর্কে চিন্তা কোরো না।

**১৪** বিশ্বাসে যে দুর্বল, বিতর্কিত বিষয়গুলিতে তার সমালোচনা না করেই তাকে গ্রহণ করো। ২ একজন ব্যক্তির বিশ্বাস, তাকে সবকিছুই আহার করার অনুমতি দেয়, কিন্তু অপর ব্যক্তি, যার বিশ্বাস দুর্বল, সে কেবলমাত্র শাকসবজি খায়। ৩ যে ব্যক্তি সবকিছুই খায়, সে তাকে অবজ্ঞা না করুক যে সবকিছু খায় না, আবার যে সবকিছু খায় না, সে অপর ব্যক্তিকে দোষী না করুক যে সবকিছু খায়, কারণ ঈশ্বর তাকে গ্রহণ করেছেন। ৪ তুমি কে, যে অন্য কোনো ব্যক্তির দাসের বিচার করো? সে তার মনিবের কাছে হয় স্থির থাকবে, নয়তো পতিত হবে। আর সে অবশ্য স্থির থাকবে, কারণ প্রভু তাকে স্থির রাখতে

সমর্থ। 5 কোনো ব্যক্তি কোনো একটি দিনকে অন্য দিনের চেয়ে  
বেশি পবিত্র মনে করে। অন্য একজন সবদিনকেই সমান বলে মনে  
করে। প্রত্যেক ব্যক্তি তার মনে দৃঢ়প্রত্যয়ী হোক। 6 কেউ যদি কোনো  
দিনকে বিশিষ্ট বলে মানে, প্রভুর উদ্দেশেই সে তা করে। যে মাংস  
খায়, সে প্রভুর উদ্দেশেই খায়, যেহেতু সে ঈশ্বরকে ধন্যবাদ দেয়। 7  
কারণ আমরা কেউই কেবলমাত্র নিজের জন্য জীবনধারণ করি না এবং  
কেউই শুধু নিজের জন্য মৃত্যুবরণ করি না। 8 আমরা যদি জীবিত  
থাকি, তাহলে প্রভুর উদ্দেশেই জীবিত থাকি; আবার যদি আমরা  
মৃত্যুবরণ করি, আমরা প্রভুর উদ্দেশেই মৃত্যুবরণ করি। তাই, আমরা  
জীবিত থাকি বা মৃত্যুবরণ করি, আমরা প্রভুরই থাকি। 9 এই বিশেষ  
কারণেই, শ্রীষ্ট মৃত্যুবরণ করলেন ও পুনর্জীবিত হলেন, যেন তিনি মৃত  
ও জীবিত, উভয়েরই প্রভু হন। 10 তাহলে তুমি কেন অপর বিশ্বাসীর  
বিচার করো? কিংবা, কেনই বা অপর বিশ্বাসীকে ঘৃণা করো? কারণ  
আমরা তো সকলেই ঈশ্বরের বিচারাসনের সামনে দাঁড়াব! 11 এরকম  
লেখা আছে: “প্রভু বলেন, ‘আমার অস্তিত্বের মতোই এ বিষয় নিশ্চিত,  
প্রত্যেকের জানু আমার সামনে পাতিত হবে, প্রত্যেক জিভ ঈশ্বরের  
গৌরব স্বীকার করবে।’” 12 সুতরাং, আমাদের প্রত্যেককেই ঈশ্বরের  
কাছে নিজের জবাবদিহি করতে হবে। 13 এই কারণে এসো,  
আমরা পরম্পরের বিচার যেন আর না করি। বরং অপর বিশ্বাসীর চলার  
পথে কোনো বাধা বা প্রতিবন্ধকতা স্থাপন না করার মানসিকতা গড়ে  
তোলো। 14 প্রভু যীশুর সঙ্গে যুক্ত ব্যক্তিক্রমে আমি সম্পূর্ণ নিশ্চিত যে,  
কোনো খাবারই স্বাভাবিকভাবে অশুচি নয়। কিন্তু কেউ যদি কোনো  
বস্তকে অশুচি বলে মনে করে, তাহলে তার কাছে সেটা অশুচি। 15 তুমি  
যা খাও, সেই কারণে তোমার ভাই যদি অস্বস্তি বোধ করে, তাহলে  
তুমি আর প্রেমপূর্ণ আচরণ করছ না। তোমার খাওয়াদাওয়ার জন্য  
তোমার ভাইয়ের বিনাশের কারণ হোয়ো না, যার জন্য শ্রীষ্ট মৃত্যুবরণ  
করেছেন। 16 তুমি যা ভালো মনে করো, সেই বিষয়ে তাকে মন্দ  
কথা বলার সুযোগ দিয়ো না। 17 কারণ ঈশ্বরের রাজ্য ভোজনপানের  
বিষয় নয়, কিন্তু ধার্মিকতার, শাস্তির ও পবিত্র আত্মায় আনন্দের। 18

কারণ এভাবে যে খ্রীষ্টের দেবা করে, সে ঈশ্বরের প্রতিপাত্র ও মানুষের কাছেও সমর্থনযোগ্য। 19 সেই কারণে, যা শান্তির পথে চালিত করে ও পরস্পরকে গেঁথে তোলে, তা করার জন্য এসো আমরা সর্বতোভাবে চেষ্টা করি। 20 খাদ্যের কারণে ঈশ্বরের কাজ ধ্বংস কোরো না। সমস্ত খাবারই শুচিশুদ্ধ, কিন্তু কেউ যদি এমন খাবার গ্রহণ করে যা অন্যের বিষ্ণ ঘটায়, তাহলে সেই খাবার গ্রহণ করা অন্যায়। 21 মাঃস খাওয়া বা মদ্যপান বা অন্য কোনও কৃতকর্ম, যা অপর বিশ্বাসীর পতনের কারণ হয়, তা না করাই ভালো। 22 তাই, এ সমস্ত বিষয়ে তুমি যা বিশ্বাস করো, তা তোমার ও ঈশ্বরের মধ্যে সীমাবদ্ধ রাখো। ধন্য সেই ব্যক্তি, যে নিজে যা অনুমোদন করে, তার জন্য নিজের প্রতি দোষারোপ করে না। 23 কিন্তু যে ব্যক্তির সন্দেহ আছে, সে যদি আহার করে তাহলে সে দোষী সাব্যস্ত হয়, কারণ তার আহার করা বিশ্বাস থেকে হয় না; আর যা কিছু বিশ্বাস থেকে হয় না, তাই পাপ।

**15** আমরা যারা বলবান, আমাদের উচিত দুর্বলদের ব্যর্থতা বহন করা এবং নিজেদের সন্তুষ্ট না করা। 2 আমাদের প্রত্যেকেরই উচিত প্রতিবেশীকে গঠন করার উদ্দেশে তার মঙ্গলের জন্য তাকে সন্তুষ্ট করা। 3 কারণ, এমনকি খীটও নিজেকে সন্তুষ্ট করলেন না, কিন্তু যেমন লেখা আছে, “যারা তোমাকে অপমান করে, তাদের করা সব অপমান আমার উপরে এসে পড়েছে।” 4 এই কারণে, অতীতে যা কিছু লেখা হয়েছিল, তা আমাদের শিক্ষার জন্যই লেখা হয়েছিল, যেন সহিষ্ণুতা ও শান্ত্রিকাণ্ডের আশাসের মাধ্যমে আমরা প্রত্যাশা লাভ করি। 5 যে ঈশ্বর সহিষ্ণুতা ও আশাস দেন, তিনি তোমাদের মধ্যে পরস্পরের সঙ্গে ঐক্যের মনোভাব নিয়ে বাস করার ক্ষমতা প্রদান করুন যা খ্রীষ্ট যীশুর বিশ্বাসীদের পক্ষে মানানসই। 6 তখন তোমরা এক মনে ও একস্বরে আমাদের প্রভু যীশু খ্রীষ্টের ঈশ্বর ও পিতার মহিমাকীর্তন করতে পারবে। 7 অতএব খ্রীষ্ট যেমন তোমাদের গ্রহণ করেছেন, তেমনই ঈশ্বরের প্রশংসার জন্য তোমরা একে অপরকে গ্রহণ করো। 8 কারণ আমি তোমাদের বলি, খ্রীষ্ট ইহুদিদের দাস হয়ে এসেছিলেন যেন পিতৃপুরুষদের প্রতি ঈশ্বরের দেওয়া প্রতিশ্রূতিসমূহকে প্রমাণ

করেন। ৭ তিনি এই কারণেও এসেছিলেন যেন অইহুদি জাতিরাও  
ঈশ্বরের করুণার জন্য তাঁর মহিমাকীর্তন করে, যেমন লেখা আছে:  
“অতএব, অইহুদি জাতিরূপের মাঝে, আমি তোমার প্রশংসা করব;  
আমি তোমার নামের উদ্দেশে সংকীর্তন গাইব।” ১০ আবার তা বলে,  
“ওহে অইহুদি জাতিরা, তাঁর প্রজাদের সঙ্গে উল্লসিত হও।” ১১  
আবারও, “তোমরা সব অইহুদি জাতি, প্রভুর প্রশংসা করো, আর সমস্ত  
প্রজাবৃন্দ, তোমরাও তাঁর সংকীর্তন করো।” ১২ আবার যিশাইয় বলেন,  
“যিশয়ের মূল অঙ্কুরিত হবে, যিনি সব জাতির উপরে কর্তৃত্ব করতে  
উপ্তি হবেন, অইহুদিরা তাঁরই উপরে প্রত্যাশা রাখবে।” ১৩ প্রত্যাশার  
ঈশ্বর তোমাদের সমস্ত আনন্দ ও শান্তিতে পূর্ণ করছন, যেমন তোমরা  
তাঁর উপরে বিশ্বাস করো, যেন তোমরা পবিত্র আত্মার পরাক্রমের  
দ্বারা প্রত্যাশায় উপচে পড়ো। ১৪ আমার ভাইবোনেরা, আমি নিজে  
নিশ্চিত যে, তোমরা নিজেরা সদগুণে পূর্ণ, পূর্ণজ্ঞানী ও পরম্পরকে  
শিক্ষা দেওয়ার যোগ্য। ১৫ আমি কতগুলি বিষয়ে সম্পূর্ণ সাহসের  
সঙ্গে তোমাদের কাছে লিখেছি, যেন সেগুলি পুনরায় তোমাদের স্মরণ  
করিয়ে দিই। এর কারণ হল, ঈশ্বর আমাকে অনুগ্রহ প্রদান করেছেন,  
১৬ যেন আমি অইহুদিদের কাছে খ্রীষ্ট যীশুর একজন সেবক হই ও  
ঈশ্বরের সুসমাচার ঘোষণা করার জন্য যাজকীয় কর্তব্য পালন করি।  
এর পরিণামে, অইহুদিরা যেন পবিত্র আত্মা দ্বারা শুচিশুদ্ধ হয় এবং  
ঈশ্বরের কাছে গ্রহণযোগ্য নৈবেদ্যস্বরূপ হয়। ১৭ সেই কারণে, আমি  
ঈশ্বরের জন্য আমার পরিচ্যায় খ্রীষ্ট যীশুতে গর্বপ্রকাশ করি। ১৮ আমি  
অন্য কিছু বলার দুঃসাহস করি না, কেবলমাত্র এই বিষয় ছাড়া, যা  
আমার কথা ও কাজের দ্বারা অইহুদিদের ঈশ্বরের আজ্ঞবহ হওয়ার  
জন্য চালিত করতে খ্রীষ্ট আমার মাধ্যমে সাধন করেছেন। ১৯ তিনি তা  
করেছেন চিহ্নকাজ ও অলৌকিক নির্দর্শনের ক্ষমতার দ্বারা ও পবিত্র  
আত্মার পরাক্রমের দ্বারা। তাই আমি জেরুশালেম থেকে ইল্লুরিকা  
পর্যন্ত সমস্ত অঞ্চলে খ্রীষ্টের সুসমাচার পূর্ণরূপে ঘোষণা করেছি। ২০  
সবসময়ই এ আমার উচ্চাকাঙ্ক্ষা ছিল যে, খ্রীষ্টকে যেখানে প্রচার  
করা হয়নি, সেখানে সুসমাচার প্রচার করি, যেন আমি অন্য কারও

ভিত্তিমূলের উপর নির্মাণ না করি। 21 বরং, যেমন লেখা আছে: “তাঁর  
সম্পর্কে যাদের কাছে বলা হয়নি, তারা দেখতে পাবে, আর যারা শুনতে  
পায়নি, তারা বুবাতে পারবে।” 22 এই কারণেই, আমি তোমাদের  
কাছে যেতে চেয়েও প্রায়ই বাধা পেয়েছি। 23 কিন্তু এখন, এই সমস্ত  
অঞ্চলে কাজ করার জন্য, আমার আর কোনও স্থান নেই এবং যেহেতু  
আমি বহু বছর যাবৎ তোমাদের সঙ্গে সাক্ষাৎ করার জন্য আকুল হয়ে  
আছি, 24 আমি স্পেনে যাওয়ার সময় তা করার পরিকল্পনা করেছি।  
ওই পথ অতিক্রম করার সময় আমি আশা করি তোমাদের পরিদর্শন  
করব, যেন কিছু সময় তোমাদের সামিধ্য উপভোগের পর তোমরা  
আমার সেখানে যাওয়ার ব্যবস্থা করে দাও। 25 এখন, আমি অবশ্য  
জেরুশালেমের পরিত্রিগণের পরিচর্যা করার জন্য আমার যাত্রাপথে  
আছি। 26 কারণ জেরুশালেমের পরিত্রিগণের মধ্যে যারা দীনদরিদ্র,  
তাদের জন্য ম্যাসিডোনিয়া ও আখায়ার লোকেরা কিছু অনুদান সংগ্রহ  
করেছিল। 27 তারা খুশি হয়েই এ কাজ করেছে এবং বাস্তবিকই এই  
ব্যাপারে তারা ওদের কাছে ঝগী। কারণ অইহুদিরা যদি ইহুদিদের  
আত্মিক সব আশীর্বাদের অংশীদার হয়েছে, তাহলে তাদের পার্থিব  
আশীর্বাদসমূহ ভাগ করে দেওয়ার জন্য তারা ইহুদিদের কাছে ঝগী।  
28 তাই, আমি এ কাজ সম্পূর্ণ করার পর এবং তারা এই ফল প্রাপ্ত  
হয়েছে, এ বিষয়ে সুনিশ্চিত হওয়ার পরই আমি স্পেন দেশে যাব ও  
যাত্রাপথে তোমাদের সঙ্গে সাক্ষাৎ করব। 29 আমি জানি যে, আমি  
যখন যাব, তখন আমি পূর্ণমাত্রায় খ্রীষ্টের আশীর্বাদের সঙ্গেই যাব।  
30 ভাইবোনেরা, আমি আমাদের প্রভু যীশু খ্রীষ্টের কারণে ও পরিত্র  
আত্মার প্রেমের কারণে তোমাদের কাছে অনুনয় করছি, তোমরা আমার  
জন্য ঈশ্বরের কাছে প্রার্থনা করে আমার সঙ্গে আমার সংগ্রামে যোগদান  
করো। 31 প্রার্থনা করো, আমি যেন যিহুদিয়ার অবিশ্বাসীদের হাত  
থেকে উদ্বারলাভ করি এবং জেরুশালেমে আমার সেবাকাজ যেন  
সেখানকার পরিত্রিগণের কাছে গ্রহণযোগ্য হয়। 32 এর পরিণামে,  
আমি যেন ঈশ্বরের ইচ্ছায় সানন্দে তোমাদের কাছে যেতে পারি ও

একত্র তোমাদের সঙ্গে প্রাণ জুড়াতে পারি। ৩৩ শান্তির ঈশ্বর তোমাদের  
সকলের সঙ্গে থাকুন। আমেন।

**১৬** আমি তোমাদের কাছে কিংক্রিয়ায় অবস্থিত মণ্ডলীর পরিচারিকা,  
বোন ফৈবীর জন্য সুপারিশ করছি। ২ আমি তোমাদের কাছে অনুরোধ  
করি, পবিত্রগণের পক্ষে যেমন উপযুক্ত, তোমরা তেমনই উপায়ে  
তাঁকে গ্রহণ করো। তোমাদের কাছে তাঁর কোনও সাহায্যের প্রয়োজন  
হলে, তোমরা তাঁকে তা দিয়ো, কারণ তিনি বহু মানুষের, এমনকি  
আমারও অনেক উপকার করেছেন। ৩ খ্রীষ্ট যীশুতে আমার সহকর্মী  
প্রিঞ্জিলা ও আফিলাকে অভিনন্দন জানাও। ৪ তাঁরা আমার জন্য  
প্রাণের ঝুঁকি নিয়েছিলেন। কেবলমাত্র আমিই নই, কিন্তু আইহুদিদের  
সব মণ্ডলীই তাঁদের কাছে কৃতজ্ঞ। ৫ তাঁদের বাড়িতে সমবেত হওয়া  
মণ্ডলীকেও অভিনন্দন জানিয়ো। আমার প্রিয় বন্ধু ইপেনিতকেও  
অভিবাদন জানিয়ো। তিনি এশিয়া প্রদেশে সর্বপ্রথম খ্রীষ্টকে গ্রহণ করে  
পরিবর্তিত হন। ৬ মরিয়মকে অভিবাদন জানাও। তিনি তোমাদের  
জন্য কঠোর পরিশ্রম করেছিলেন। ৭ আমার আত্মীয় আনন্দনিক ও  
জুনিয়াকে অভিবাদন জানাও, যাঁরা আমারই সঙ্গে কারাবন্দি ছিলেন।  
প্রেরিতশিষ্যদের মধ্যে তাঁরা সুপরিচিত এবং আমার পূর্বেই তাঁরা  
খ্রীষ্টের শরণাগত হয়েছেন। ৮ আমলিয়াতকে অভিবাদন জানিয়ো,  
যাঁকে আমি প্রভুতে ভালোবাসি। ৯ খ্রীষ্টে আমাদের সহকর্মী উর্বাণ  
ও আমার প্রিয় বন্ধু স্তাখুকে অভিবাদন জানিয়ো। ১০ আপিলিকে  
অভিবাদন জানিয়ো। তিনি খ্রীষ্টে পরীক্ষিত হয়ে অনুমোদন লাভ  
করেছেন। যারা আরিষ্টবুলের পরিজন, তাঁদেরও অভিবাদন জানাও।  
১১ আমার আত্মীয় হেরোদিয়ানকে অভিবাদন জানাও। যাঁরা প্রভুতে  
আছেন, সেই নার্কিসের পরিজনদের অভিনন্দন জানাও। ১২ ক্রফেণা ও  
ক্রফোষাকে অভিবাদন জানাও। এই মহিলারা প্রভুতে কঠোর পরিশ্রম  
করেন। অপর এক মহিলা প্রভুতে কঠোর পরিশ্রম করেছেন, আমার  
সেই প্রিয় বন্ধু পার্সিসকে অভিবাদন জানাও। ১৩ প্রভুতে মনোনীত  
রূফকে অভিবাদন জানাও, তাঁর মাকেও জানাও, যিনি আমারও  
মা। ১৪ অসুংক্রিত, ফ্লেগন, হার্মি, পাত্রোবা, হর্মা ও তাঁদের সঙ্গী

ভাইবোনেদের অভিবাদন জানাও। 15 ফিলিগ, জুলিয়া, নীরিয় ও  
তাঁর বোনকে, অলিম্পাস ও তাঁদের সঙ্গী সমস্ত পবিত্রগণকে অভিবাদন  
জানাও। 16 তোমরা পবিত্র চুম্বনে পরস্পরকে অভিবাদন জানাও।  
খ্রীষ্টের সব মণ্ডলী তোমাদের শুভেচ্ছা জানাচ্ছেন। 17 ভাইবোনেরা,  
আমি তোমাদের অনুনয় করছি, তোমরা যে শিক্ষায় শিক্ষিত হয়েছ,  
তার বিরোধিতা করে যারা বিভেদ সৃষ্টি করে ও তোমাদের পথে বাধার  
সৃষ্টি করে, তোমরা তাদের চিনে নিয়ো। তাদের থেকে দূরে থেকো। 18  
কারণ এই ধরনের লোকেরা আমাদের প্রভু খ্রীষ্টের দাসত্ব করে না,  
কিন্তু নিজেদের পেটের দাসত্ব করে। মধুর কথাবার্তা ও স্নাবকতার  
দ্বারা তারা সরল মানুষদের প্রতারিত করে। 19 তোমাদের বাধ্যতার  
কথা প্রত্যেকেই জানতে পেরেছে, সেই কারণে আমি তোমাদের জন্য  
আনন্দে পরিপূর্ণ। কিন্তু আমি চাই, তোমরা যা ন্যায়সংগত, সে ব্যাপারে  
বিজ্ঞ এবং যা মন্দ, সে বিষয়ে অমায়িক থাকো। 20 শান্তির ঈশ্বর  
অচিরেই শয়তানকে তোমাদের পদতলে দলিত করবেন। আমাদের  
প্রভু যীশু খ্রীষ্টের অনুগ্রহ তোমাদের সহবর্তী হোক। 21 আমার সহকর্মী  
তিমথিও তোমাদের অভিবাদন জানাচ্ছেন ও সেই সঙ্গে লুসিয়াস,  
যাসোন ও সোষিপাত্র, আমার স্বজনবর্গেরাও জানাচ্ছেন। 22 এই  
পত্রের লেখক, আমি তর্তিয়, তোমাদের প্রভুতে শুভেচ্ছা জানাচ্ছি।  
23 আমি ও এখানকার সব মণ্ডলী যাঁর আতিথেয়তা উপভোগ করে,  
সেই গায়ো তাঁর অভিবাদন জ্ঞাপন করছেন। এই নগরের সরকারি  
কর্মাধ্যক্ষ ইরাস্ত ও আমাদের ভাই কার্ত, তোমাদের কাছে তাঁদের  
শুভেচ্ছা জানাচ্ছেন। 25 যিনি তোমাদের প্রতিষ্ঠিত করতে সমর্থ,  
আমার সুসমাচারের দ্বারা ও যীশু খ্রীষ্ট-বিষয়ক ঘোষণার দ্বারা, অতীতে  
দীর্ঘকালব্যাপী যা অপ্রকাশিত ছিল, সেই গুপ্তরহস্যের প্রকাশ অনুসারে,  
(aiōnios g166) 26 কিন্তু সম্পত্তি সনাতন ঈশ্বরের আদেশের দ্বারা  
প্রকাশিত ও ভাববাণীমূলক রচনাসমূহের দ্বারা ব্যক্ত হয়েছে, যেন সব  
জাতি বিশ্বাস করে ও তাঁর আজ্ঞাবহ হয়— (aiōnios g166) 27 সেই  
একমাত্র প্রজ্ঞাবান ঈশ্বরের মহিমা চিরকাল ধরে যীশু খ্রীষ্টের মাধ্যমে  
কীর্তিত হোক! আমেন। (aiōn g165)

## ১ম করিঞ্চীয়

১ পৌল, ঈশ্বরের ইচ্ছায় খ্রীষ্ট যীশুর আহুত প্রেরিতশিষ্য ও আমাদের ভাই সোস্থিনি, ২ করিন্থে অবস্থিত ঈশ্বরের মণ্ডলীর প্রতি, খ্রীষ্ট যীশুতে যাদের শুচিশুদ্ধ ও পবিত্ররূপে আহুন করা হয়েছে তাদের প্রতি, সেই সঙ্গে যারা সর্বত্র আমাদের প্রভু যীশু খ্রীষ্টের নামে ডাকে, তাদের সকলের প্রতি; তিনি তাদের ও আমাদেরও প্রভু। ৩ আমাদের পিতা ঈশ্বর ও প্রভু যীশু খ্রীষ্ট থেকে অনুগ্রহ ও শান্তি তোমাদের প্রতি বর্তুক। ৪ খ্রীষ্ট যীশুতে যে অনুগ্রহ তোমাদের দেওয়া হয়েছে, সেজন্য আমি প্রতিনিয়ত ঈশ্বরকে ধন্যবাদ দিই। ৫ কারণ তাঁতেই তোমরা—তোমাদের সমস্ত কথাবার্তায় ও তোমাদের সমস্ত জ্ঞানে—সর্বতোভাবে সমৃদ্ধ হয়েছে। ৬ কারণ খ্রীষ্ট সম্পর্কে আমাদের সাক্ষ্য তোমাদের মধ্যে স্বীকৃত হয়েছে। ৭ এই কারণে যখন তোমরা আমাদের প্রভু যীশু খ্রীষ্টের প্রকাশের জন্য সাগ্রহে অপেক্ষা করছ, তোমাদের মধ্যে কোনও আত্মিক বরদানের অভাব ঘটেনি। ৮ তিনিই শেষ পর্যন্ত তোমাদের সবল রাখবেন, যেন তোমরা আমাদের প্রভু যীশু খ্রীষ্টের দিনে অনিন্দনীয় থাকতে পারো। ৯ ঈশ্বর, যিনি তাঁর পুত্র, আমাদের প্রভু, যীশু খ্রীষ্টের সহভাগিতায় তোমাদের আহুন করেছেন, তিনি বিশ্বাসযোগ্য। ১০ ভাইবোনেরা, আমাদের প্রভু যীশু খ্রীষ্টের নামে তোমাদের কাছে নিবেদন করাছি, তোমরা সকলে পরম্পর অভিন্নমত হও, যেন তোমাদের মধ্যে কোনোরকম দলাদলি না হয় এবং তোমরা যেন মনে ও চিন্তায় সম্পূর্ণভাবে ঐক্যবন্ধ থাকো। ১১ আমার ভাইবোনরা, ক্লোয়ার পরিজনদের মধ্যে কয়েকজন আমাকে এই সংবাদ দিয়েছে যে, তোমাদের মধ্যে বাগড়া-বিবাদ আছে। ১২ আমি যা বলতে চাই, তা হল এই: তোমাদের মধ্যে একজন বলে, “আমি পৌলের অনুসারী,” অন্য একজন বলে, “আমি আপল্লার অনুসারী,” আরও একজন বলে, “আমি কৈফার অনুসারী”; এছাড়াও অন্য একজন বলে, “আমি খ্রীষ্টের অনুসারী।” ১৩ খ্রীষ্ট কি বিভাজিত হয়েছেন? পৌল কি তোমাদের জন্য ক্রুশবিদ্ধ হয়েছে? তোমরা কি পৌলের নামে বাঙাইজিত হয়েছে? ১৪ আমি ঈশ্বরের কাছে কৃতজ্ঞ

যে, ক্রীষ্ণ ও গায়ো ছাড়া তোমাদের মধ্যে আমি কাউকে বাস্তিষ্ঠ  
দিইনি, 15 তাই কেউই বলতে পারে না যে, তোমরা আমার নামে  
বাস্তিষ্ঠ গ্রহণ করেছ। 16 (হ্যাঁ, আমি স্ত্রোনার পরিজনদেরও বাস্তিষ্ঠ  
দিয়েছি, এছাড়া আর কাউকে যে আমি বাস্তিষ্ঠ দিয়েছি, তা আমার মনে  
পড়ে না।) 17 কারণ খ্রীষ্ট আমাকে বাস্তিষ্ঠ দেওয়ার জন্য পাঠাননি,  
কিন্তু সুসমাচার প্রচারের জন্য—কিন্তু তা মানবিক জ্ঞানের বাক্য দিয়ে  
নয় কারণ এতে খ্রীষ্টের ক্রুশের পরাক্রম ক্ষুণ্ণ হয়। 18 কারণ যারা  
ধ্বংস হচ্ছে সেই ক্রুশের বার্তা তাদের কাছে মূর্খতা, কিন্তু আমরা যারা  
পরিত্রাণ লাভ করছি, এই বাক্য হল ঈশ্বরের পরাক্রমস্বরূপ। 19 কারণ  
একথা লেখা আছে: “আমি জ্ঞানীদের জ্ঞান নষ্ট করব, বুদ্ধিমানদের  
বুদ্ধি ব্যর্থ করব।” 20 জ্ঞানবান মানুষ কোথায়? বিধানের শিক্ষকই বা  
কোথায়? এই যুগের দার্শনিক কোথায়? ঈশ্বর কি জগতের জ্ঞানকে  
মূর্খতায় পরিণত করেননি? (aiōn g165) 21 কারণ, যেহেতু ঈশ্বরের জ্ঞান  
অনুসারে জগৎ তার জ্ঞানে তাঁকে জানতে পারেনি, তাই যা প্রচারিত  
হয়েছিল সেই মূর্খতার মাধ্যমে যারা বিশ্বাস করে ঈশ্বর তাদের পরিত্রাণ  
দিতে প্রীত হলেন। 22 ইহুদিরা অলৌকিক বিভিন্ন চিহ্ন দাবি করে  
এবং গ্রিকেরা জ্ঞানের খোঁজ করে, 23 কিন্তু আমরা ক্রুশবিদ্ব খ্রীষ্টকে  
প্রচার করি; তিনি ইহুদিদের কাছে প্রতিবন্ধকতাস্বরূপ ও অইহুদিদের  
কাছে মূর্খতাস্বরূপ। 24 কিন্তু ইহুদি ও গ্রিক নির্বিশেষে, ঈশ্বর যাদের  
আহ্বান করেছেন, তাদের কাছে খ্রীষ্টই হলেন ঈশ্বরের পরাক্রম ও  
ঈশ্বরের জ্ঞান। 25 কারণ ঈশ্বরের মূর্খতা মানুষের জ্ঞান থেকেও  
বেশি জ্ঞানসম্পন্ন এবং ঈশ্বরের দুর্বলতা মানুষের শক্তি থেকেও বেশি  
শক্তিশালী। 26 ভাইবোনেরা, ভেবে দেখো, যখন তোমাদের আহ্বান  
করা হয়, তখন তোমরা কী ছিলে? মানবিক মানদণ্ড অনুসারে, তোমরা  
অনেকেই জ্ঞানী ছিলে না; অনেকেই প্রভাবশালী ছিলে না; অনেকেই  
অভিজ্ঞত বংশীয় ছিলে না। 27 কিন্তু ঈশ্বর জগতের মূর্খ বিষয়গুলি  
মনোনীত করলেন, যেন জ্ঞানীদের লজ্জা দেন; ঈশ্বর জগতের দুর্বল  
বিষয়গুলি মনোনীত করলেন, যেন শক্তিসম্পন্ন বিষয়গুলিকে লজ্জিত  
করেন। 28 তিনি জগতের যা কিছু নিচুস্তরের, যা কিছু তুচ্ছ, আবার

যেসব বিষয় কিছুই নয়, সেইসব বিষয় ঘনোনীত করলেন, যেন যা  
কিছু আছে সেগুলিকে নাকচ করেন, 29 যেন কোনো মানুষ তাঁর সামনে  
গর্ব করতে না পারে। 30 তাঁরই কারণে তোমরা খীঁষ যীশুতে আছ,  
যিনি আমাদের জন্য হয়েছেন ঈশ্বর থেকে জ্ঞান—অর্থাৎ, আমাদের  
ধার্মিকতা, পবিত্রতা ও মুক্তি। 31 অতএব, যেমন লেখা আছে, “যে গর্ব  
করে, সে প্রভুতেই গর্ব করুক।”

2 ভাইবোনেরা, আমি যখন তোমাদের কাছে গিয়েছিলাম, আমি  
কোনো বাক্যের অলংকার ব্যবহার বা জ্ঞানের উৎকৃষ্টতায় তোমাদের  
কাছে ঈশ্বরের সাক্ষ্য ঘোষণা করতে যাইনি। 2 কারণ আমি মনস্থির  
করেছিলাম, তোমাদের সঙ্গে থাকার সময়, আমি যীশু খীঁষ ও তাঁকে  
ক্রুশবিদ্ধ বলে জানা ছাড়া আর কিছুই জানতে চাইব না। 3 আমি  
দুর্বলতায় ও ভয়ে এবং মহাকম্পিত হয়ে তোমাদের কাছে গিয়েছিলাম।  
4 আমার বার্তা ও আমার প্রচার কোনও জ্ঞানের বা প্রেরণা দেওয়ার  
বাক্যযুক্ত ছিল না, কিন্তু ছিল পবিত্র আত্মার পরাক্রমের প্রদর্শনযুক্ত,  
5 যেন তোমাদের বিশ্বাস মানবীয় জ্ঞানের উপরে প্রতিষ্ঠিত না হয়ে  
ঈশ্বরের পরাক্রমের উপরে হয়। 6 যারা পরিণত তাদের কাছে আমরা  
জ্ঞানের কথা বলে থাকি, তা কিন্তু এই যুগের জ্ঞান অনুযায়ী নয় বা এই  
যুগের শাসকদেরও নয়, যারা ক্রমেই মূল্যহীন হয়ে পড়ছেন। (aiōn g165) 7 না, আমরা ঈশ্বরের গোপন জ্ঞানের কথা বলি, যে নিগৃঢ়তত্ত্ব  
গুণ্ঠ ছিল, যা সময় শুরু হওয়ার আগেই ঈশ্বর আমাদের মহিমার জন্য  
নির্দিষ্ট করে রেখেছিলেন। (aiōn g165) 8 এই যুগের শাসকদের কেউই  
তা বুঝতে পারেননি, কারণ যদি পারতেন, তাহলে তাঁরা মহিমার  
প্রভুকে ক্রুশবিদ্ধ করতেন না। (aiōn g165) 9 কিন্তু, যেমন লেখা আছে,  
“কোনো চোখ যা দেখেনি, কোনো কান যা শোনেনি, কোনো মানুষের  
মনে যা আসেনি, যারা তাঁকে ভালোবাসে, ঈশ্বর তাদের জন্য তাই  
প্রস্তুত করেছেন।” 10 কিন্তু ঈশ্বর, তাঁর আত্মার দ্বারা, সেসব আমাদের  
কাছে প্রকাশ করেছেন। আত্মা সকল বিষয়ের, এমনকি, ঈশ্বরের  
নিগৃঢ় বিষয়গুলিও অনুসন্ধান করেন। 11 কারণ মানুষের অন্তরের  
আত্মা ছাড়া কোনো মানুষের চিন্তা কে জানতে পারে? একইভাবে,

ঈশ্বরের চিন্তাভাবনা ঈশ্বরের আত্মা ছাড়া আর কেউই জানতে পারে না। 12 আমরা জগতের আত্মাকে লাভ করিনি, কিন্তু লাভ করেছি সেই আত্মাকে, যিনি ঈশ্বর থেকে নির্গত হয়েছেন, যেন আমরা বুঝতে পারি, ঈশ্বর বিনামূল্যে আমাদের কী দান করেছেন। 13 আমরা একথাই বলি, মানুষের জ্ঞান দ্বারা আমাদের শেখানো ভাষায় নয়, কিন্তু পবিত্র আত্মার দ্বারা শেখানো ভাষায়, যা আত্মিক বিভিন্ন সত্যকে আত্মিক ভাষায় ব্যক্ত করে। 14 প্রাকৃতিক মানুষ ঈশ্বরের আত্মা থেকে আগত বিষয়গুলি গ্রহণ করতে পারে না, কারণ সেসব তার কাছে মূর্খতা। সে সেগুলি বুঝতেও পারে না, কারণ সেগুলিকে আত্মিকভাবে বিচার-বিশ্লেষণ করতে হয়। 15 আত্মিক চেতনা সম্পন্ন মানুষ সব বিষয়েরই বিচার করে, কিন্তু সে স্বয়ং কোনো মানুষের বিচারাধীন হয় না। 16 “কারণ প্রভুর মন কে জানতে পেরেছে, যে তাঁকে পরামর্শ দান করতে পারে?” কিন্তু খ্রীষ্টের মন আমাদের আছে।

**৩** ভাইবোনেরা, আমি তোমাদের আত্মিক চেতনা সম্পন্ন মানুষরূপে সম্মোধন করতে পারিনি, কিন্তু করেছি জাগতিক মানুষরূপে—খ্রীষ্টে নিতান্তই শিশুদের মতো। 2 আমি তোমাদের দুধ পান করতে দিয়েছি, কঠিন খাবার নয়, কারণ তার জন্য তখনও তোমরা প্রস্তুত ছিলে না। 3 তোমরা এখনও জাগতিকমনা রয়েছ। কারণ তোমাদের মধ্যে, যেহেতু ঈর্ষা ও কলহবিবাদ রয়েছে, তা কি প্রমাণ করে না যে, তোমাদের মধ্যে এখনও জাগতিক প্রবৃত্তি রয়েছে? তোমরা কি নিতান্তই জাগতিক মানুষের মতো আচরণ করছ না? 4 কারণ যখন একজন বলে, “আমি পৌলের অনুসারী,” অন্যজন, “আমি আপল্লোর অনুসারী,” তাহলে তোমরা কি নিতান্তই সাধারণ মানুষ নও? 5 তাহলে আপল্লো কে? আর পৌল-ই বা কে? কেবল পরিচারক মাত্র, যাদের দ্বারা তোমরা বিশ্বাসী হয়েছ—যেমন প্রভু তাদের প্রত্যেকের উপরে দায়িত্ব অর্পণ করেছেন। 6 আমি বীজবপন করেছি, আপল্লো এতে জল দিয়েছেন, কিন্তু ঈশ্বর তা বৃদ্ধি পেতে সাহায্য করেছেন। 7 তাই, যে বীজবপন করেছে সে কিছু নয়, যে জল দিয়েছে সেও কিছু নয়, কিন্তু কেবলমাত্র ঈশ্বর, যিনি সবকিছু বৃদ্ধি পেতে সাহায্য করেন। 8 যে বীজবপন করে এবং যে জল

দেয়, তাদের উদ্দেশ্য একই থাকে। তাই প্রত্যেক ব্যক্তি, যে যেমন পরিশ্রম করে, সেই অনুযায়ী পুরস্কৃত হবে। ৭ কারণ, আমরা ঈশ্বরের সহকর্মী; তোমরা ঈশ্বরের জমি, ঈশ্বরেরই ভবন। ১০ ঈশ্বর আমাকে যে অনুগ্রহ-দান করেছেন, তার দ্বারা এক দক্ষ স্থপতির মতো আমি এক ভিত্তিমূল স্থাপন করেছি, আর অন্য কেউ তার উপর নির্মাণকাজ করছে।  
কিন্তু প্রত্যেককে সতর্ক থাকবে হবে যে, সে কীভাবে নির্মাণ করছে।  
১১ কারণ ইতিমধ্যেই যে ভিত্তিমূল স্থাপিত হয়েছে, তা ছাড়া অন্য কোনও ভিত্তিমূল আর কেউ স্থাপন করতে পারে না। সেই ভিত্তিমূল হল যীশু খ্রীষ্ট। ১২ কেউ যদি এই ভিত্তিমূলের উপরে সোনা, রংপো, মণিমাণিক্য, কাঠ, খড় বা নাড়া দিয়ে নির্মাণ করে, ১৩ তার কাজের যথার্থ রূপ প্রকাশ করা হবে, কারণ সেদিনই তা আলোতে প্রকাশ করবে। আগন্তের মাধ্যমে তা প্রকাশিত হবে এবং আগন্তন প্রত্যেক মানুষের কাজের গুণমান যাচাই করবে। ১৪ সে যা নির্মাণ করেছে, তা যদি থেকে যায়, সে তার পুরস্কার লাভ করবে। ১৫ যদি তা আগন্তে পুড়ে যায় তাহলে সে ক্ষতিগ্রস্ত হবে। সে নিজে রক্ষা পাবে, কিন্তু কেবলমাত্র আগন্তের শিখা থেকে উত্তীর্ণ মানুষের মতো। ১৬ তোমরা কি জানো না যে তোমরা নিজেরাই হলে ঈশ্বরের মন্দির এবং ঈশ্বরের আত্মা তোমাদের মধ্যে অধিষ্ঠান করেন? ১৭ কেউ যদি ঈশ্বরের মন্দির ধ্বংস করে, ঈশ্বর তাকে ধ্বংস করবেন, কারণ ঈশ্বরের মন্দির শুচিশুদ্ধ এবং তোমরাই হলে সেই মন্দির। ১৮ তোমরা নিজেদের সঙ্গে প্রতারণা কোরো না। তোমাদের মধ্যে কেউ যদি এই যুগের মানবণ্ড অনুসারে নিজেকে জ্ঞানী বলে ভাবে, তাকে “মূর্খ” হতে হবে, যেন সে জ্ঞানী হতে পারে। (aiōn g165) ১৯ কারণ ঈশ্বরের দৃষ্টিতে এই জগতের জ্ঞান মূর্খতামাত্র। যেমন লেখা আছে: “জ্ঞানীদের তিনি তাদের ধূর্ততায় ধরে ফেলেন,” ২০ আবার, “প্রত্ব জানেন যে, জ্ঞানীদের চিন্তাভাবনা অসার।”  
২১ তাহলে, কোনো মানুষ সম্পর্কে কেউ যেন আর গর্ব না করে! সব বিষয়ই তোমাদের জন্য, ২২ পৌল হোক বা আপল্লো বা কৈফা বা জগৎ বা জীবন বা মৃত্যু বা বর্তমানকাল বা ভাবীকাল—সবকিছুই তোমাদের, ২৩ আর তোমরা খ্রীষ্টের ও খ্রীষ্ট ঈশ্বরের।

**4** তাহলে, লোকেরা আমাদের অবশ্যই খ্রীষ্টের পরিচারক ও ঈশ্বরের গোপন বিষয়সমূহের ধারক বলে মনে করুক। 2 এখন, যাকে তত্ত্বাবধায়কের দায়িত্ব দেওয়া হয়েছে, তার বিশ্বস্তা প্রমাণিত হওয়া আবশ্যিক। 3 তোমাদের কাছে, কিংবা মানুষের কোনও আদালতে যদি আমার বিচার হয়, আমি তা নগণ্য বিষয় বলেই মনে করি। প্রকৃতপক্ষে, আমি নিজেরও বিচার করি না। 4 আমার বিবেক পরিষ্কার, কিন্তু তা আমাকে নির্দেশ প্রতিপন্থ করে না। যিনি আমার বিচার করেন, তিনি প্রভু। 5 অতএব, নির্দিষ্ট সময়ের পূর্বে তোমরা কোনো কিছুরই বিচার কোরো না। প্রভুর আগমন পর্যন্ত অপেক্ষা করো। অন্ধকারে যা গুপ্ত আছে, তা তিনি আলোয় নিয়ে আসবেন এবং সব মানুষের হস্তয়ের অভিপ্রায় উদ্ঘাটিত করবেন। সেই সময় প্রত্যেকে ঈশ্বর থেকে তার প্রশংসা লাভ করবে। 6 এখন ভাইবোনেরা, আমি তোমাদের উপকারের জন্য এ সমস্ত বিষয় নিজের ও আপল্লোর উপরে প্রয়োগ করেছি, যেন তোমরা আমাদের কাছ থেকে এই প্রবচনের অর্থ শিখতে পারো, “যা লেখা আছে, তা অতিক্রম কোরো না।” তখন তোমরা কোনো একজনের পক্ষে আর অন্য কারও বিপক্ষে গর্ব করতে পারবে না। 7 কারণ কে তোমাদের অন্য কারও চেয়ে বিশিষ্ট করেছে? তোমাদের এমন কী আছে যা ঈশ্বর তোমদের দান করেননি? আর যদি তা পেয়েছ, তাহলে নিজেরা তা অর্জন করেছ ভেবে গর্ব করো কেন? 8 তোমরা যা চাও, ইতিমধ্যে তা তোমাদের কাছে আছে। তোমরা এরই মধ্যে সম্পদশালী হয়েছ! তোমরা রাজা হয়েছ—তাও আমাদের বাদ দিয়েই! আমি কত না ইচ্ছা করি যে তোমরা সত্যিসত্যিই রাজা হয়ে ওঠো, যেন আমরাও তোমাদের সঙ্গে রাজা হতে পারি! 9 কিন্তু আমার মনে হয়, শোভাযাত্রার শেষে বধ্যভূমিতে মৃত্যুদণ্ড পাওয়া ব্যক্তিদের মতো, ঈশ্বর আমাদের, অর্থাৎ প্রেরিতশিষ্যদের দর্শনীয় বস্তুরপে প্রদর্শন করছেন। আমরা সমস্ত বিশ্ব, স্বর্গদৃত ও সেই সঙ্গে সব মানুষের কাছে উপহাসের পাত্র হয়েছি। 10 আমরা খ্রীষ্টের জন্য মৃখ, কিন্তু তোমরা খ্রীষ্টে কত বুদ্ধিমান! আমরা দুর্বল, কিন্তু তোমরা সবল! তোমরা সম্মানিত, আমরা অপমানিত! 11 এই মুহূর্ত পর্যন্ত আমরা

ঙ্কুধার্ত ও তৃকার্ত হয়ে আছি, আমাদের পোশাক জীর্ণ, আমাদের প্রতি  
নির্মম ব্যবহার করা হয়েছে, আমরা গৃহহীন। 12 আমরা নিজেদের  
হাত দিয়ে কঠোর পরিশ্রম করি। আমাদের অভিশাপ দেওয়া হলে,  
আমরা আশীর্বাদ করি, যখন আমাদের নির্যাতন করা হয়, আমরা সহ্য  
করি। 13 আমাদের যখন নিন্দা করা হয়, আমরা নয়তায় তার উত্তর  
দিই। এই মুহূর্ত পর্যন্ত আমরা সমাজের আবর্জনা, জগতের জঙ্গল  
হয়ে আছি। 14 তোমাদের লজ্জা দেওয়ার জন্য আমি এই পত্র লিখছি  
না, কিন্তু আমার প্রিয় সন্তানতুল্য মনে করে তোমাদের সতর্ক করার  
জন্যই লিখছি। 15 খীটে যদিও তোমাদের দশ হাজার অভিভাবক  
থাকে কিন্তু তোমাদের অনেক পিতা থাকতে পারে না, কারণ খীট  
যীশুতে সুসমাচারের মাধ্যমে আমি তোমাদের জন্ম দিয়েছি। 16  
সেই কারণে, আমি তোমাদের কাছে অনুনয় করি, তোমরা আমাকে  
অনুকরণ করো। 17 এই উদ্দেশ্যে আমি আমার পুত্রসম তিমথিকে  
তোমাদের কাছে পাঠাচ্ছি, যাঁকে আমি ভালোবাসি; তিনি প্রভুতে  
বিশ্বস্ত। তিনি খীট যীশুতে আমার জীবনযাপনের কথা তোমাদের মনে  
করিয়ে দেবেন, যা আমি সর্বত্র প্রতিটি মণ্ডলীতে আমি যা শিক্ষা দিই  
তার সঙ্গে সংগতিপূর্ণ। 18 তোমাদের কাছে আমি আসব না মনে  
করে তোমাদের মধ্যে কেউ কেউ উদ্ধৃত হয়ে উঠেছে। 19 কিন্তু প্রভুর  
ইচ্ছা হলে, খুব শীঘ্রই আমি তোমাদের কাছে যাব। তখন এই উদ্ধৃত  
লোকেরা কীভাবে কথা বলছে, শুধু তাই নয়, তাদের ক্ষমতা কতটুকু,  
তাও আমি দেখব। 20 কারণ ঈশ্বরের রাজ্য কথা বলার বিষয় নয়, কিন্তু  
পরাক্রমের। 21 তোমরা কী চাও? তোমাদের কাছে আমি কি চাবুক  
নিয়ে যাব, না ভালোবাসায় ও কোমল মানসিকতার সঙ্গে যাব?

**5** আমাকে বাস্তবিকই এরকম সংবাদ দেওয়া হয়েছে যে, তোমাদের  
মধ্যে অনৈতিক যৌনাচার রয়েছে, আর তা এমনই ধরনের যা  
পরজাতীয়দের মধ্যেও দেখা যায় না। এক ব্যক্তি তার বিমাতার সঙ্গে  
সহবাস করছে। 2 আর তোমরা গর্ব করছ? তোমাদের কি দুঃখে  
ভারাক্রান্ত হওয়া এবং যে লোকটি এ কাজ করেছে, তাকে তোমাদের  
সহভাগিতা থেকে বহিক্ষার করা উচিত ছিল না? 3 আমি যদিও

সশরীরে তোমাদের মধ্যে নেই, তবুও আত্মায় আমি তোমাদের সঙ্গে  
আছি। আর আমি ইতিমধ্যে একজন উপস্থিত ব্যক্তির মতোই সেই  
ব্যক্তির বিচার করেছি যে এমন করেছে। 4 তোমরা যখন প্রভু যীশুর  
নামে সমবেত হও এবং আমিও আত্মায় তোমাদের সঙ্গে থাকি ও  
প্রভু যীশুর পরাক্রম উপস্থিত থাকে, 5 সেই ব্যক্তিকে শয়তানের হাতে  
সমর্পণ কোরো, যেন তার পাপময় চরিত্রের বিনাশ হয় ও তার আত্মা  
আমাদের প্রভু যীশুর দিনে রক্ষা পায়। 6 তোমাদের গর্ব করা ভালো  
নয়। তোমরা কি জানো না যে, সামান্য খামির ময়দার সমস্ত তালকেই  
খামিরময় করতে পারে? 7 তোমরা পুরোনো খামির দূর করে দাও, যেন  
এক নতুন তাল হতে পারো, যার মধ্যে খামির থাকবে না—প্রকৃতপক্ষে  
যেমন তোমরা আছ। কারণ খ্রীষ্ট, আমাদের নিষ্ঠারপর্বীয় মেষশাবক  
বলিনুপে উৎসর্গীকৃত হয়েছেন। 8 তাই এসো, আমরা পুরোনো খামির  
দিয়ে নয়, যা হিংসা ও দুষ্টতার খামির, বরং খামিরশূন্য ঝটি দিয়ে, যা  
সরলতা ও সত্যের খামির, তা দিয়ে পর্বটি পালন করি। 9 আমার পত্রে  
আমি লিখেছিলাম, তোমরা যেন অন্তিক ঘৌন-সংসর্গকারীদের সঙ্গে  
যুক্ত না থাকো— 10 তার অর্থ এই নয় যে, এ জগতের সব লোক, যারা  
নীতিভ্রষ্ট বা লোভী বা প্রতারক কিংবা প্রতিমাপূজক, তাদের সংসর্গ  
ত্যাগ করতে হবে। সেক্ষেত্রে তোমাদের এ জগৎ পরিত্যাগ করতে  
হবে। 11 কিন্তু এখন আমি তোমাদের লিখছি, বিশ্বাসী নামে পরিচয়  
দিয়ে যে ব্যক্তি বিবাহ-বহির্ভূত সংসর্গে লিঙ্গ থাকে, অথবা লোভী,  
প্রতিমাপূজক বা পরনিন্দুক, মদ্যপ বা প্রতারক হয়, তার সঙ্গ অবশ্যই  
ত্যাগ করবে। এ ধরনের মানুষের সঙ্গে খাওয়াদাওয়া পর্যন্ত করবে  
না। 12 মণ্ডলীর বাইরের লোকদের বিচার করায় আমার কাজ কী?  
ভিতরের লোকদের বিচার করা কি তোমাদের দায়িত্ব নয়? 13 বাইরের  
লোকদের বিচার ঈশ্বর করবেন। “তোমরা ওই দুষ্ট ব্যক্তিকে তোমাদের  
মধ্য থেকে দূর করে দাও।”

**6** তোমাদের মধ্যে কারও যদি অন্যজনের সঙ্গে বিবাদ থাকে, সে কি  
তা বিচারের জন্য পরিত্রগণের কাছে না নিয়ে গিয়ে অবিশ্বাসীদের  
কাছে নিয়ে যাওয়ার সাহস দেখায়? 2 তোমরা কি জানো না যে,

পবিত্রগণেরা জগতের বিচার করবেন? আর যদি তোমরা জগতের বিচার করতে যাচ্ছ, তাহলে তোমরা কি এই সামান্য বিষয়গুলিও বিচার করার যোগ্য নও? ৩ তোমরা কি জানো না যে, আমরা স্বর্গদূতদেরও বিচার করব? তাহলে, এই জীবন সংক্রান্ত বিষয়ের বিচার আরও কর্তৃত না বেশি করব! ৪ অতএব, এই সমস্ত বিষয়ে যদি তোমাদের মধ্যে বিবাদ থাকে, তাহলে মণ্ডলীতে যারা কিছুরই মধ্যে গণ্য নয়, তাদেরই কি বিচারকের আসনে বসিয়ে থাকো? ৫ তোমাদের লজ্জা দেওয়ার উদ্দেশে আমি একথা বলছি। বিশ্বাসীদের মধ্যে বিরোধ দেখা দিলে নিষ্পত্তি করার মতো যথেষ্ট বিচক্ষণ ব্যক্তি তোমাদের মধ্যে কেউ নেই, এও কি সম্ভব? ৬ কিন্তু এর পরিবর্তে, এক ভাই অপর এক ভাইয়ের বিরুদ্ধে আইনের দ্বারা হচ্ছে—তাও আবার অবিশ্বাসীদের সামনেই! ৭ তোমাদের মধ্যে মামলা-মোকদ্দমা থাকার অর্থ, তোমরা ইতিমধ্যে সম্পূর্ণ পরাস্ত হয়েছ। এর চেয়ে বরং অন্যায় সহ্য করো বা প্রতারিত হও। ৮ কিন্তু তার পরিবর্তে, তোমরা নিজেরাই প্রতারণা ও অন্যায় করছ, আবার এসব তোমাদের সহ-বিশ্বাসীদের বিরুদ্ধেই করছ। ৯ তোমরা কি জানো না, যে যারা অধার্মিক, তারা ঈশ্বরের রাজ্যের অধিকার লাভ করবে না? তোমরা বিভ্রান্ত হোয়ো না। কারণ যারা বিবাহ-বহির্ভূত সংসর্গকারী, বা প্রতিমাপূজক, বা ব্যভিচারী, বা সমকামী ১০ বা চোর বা লোভী বা মদ্যপ বা কুৎসা-রটনাকারী বা পরধনগ্রাহী, তারা কেউই ঈশ্বরের রাজ্যে অধিকার লাভ করবে না। ১১ আর তোমাও কেউ কেউ সেইরকমই ছিলে, কিন্তু তোমরা প্রভু যীশু খ্রীষ্টের নামে ও আমাদের ঈশ্বরের আত্মার দ্বারা ধৌত হয়েছ, শুচিশুদ্ধ হয়েছ ও নির্দোষ প্রতিপন্থ হয়েছ। ১২ “সবকিছু করা আমার পক্ষে নিয়মসংগত,” কিন্তু সবকিছুই আমার জন্য উপকারী নয়। “সবকিছু করা আমার পক্ষে নিয়মসংগত,” কিন্তু কোনো কিছুই আমার উপরে কর্তৃত করবে না। ১৩ “পেটের জন্য খাদ্য এবং খাদ্যের জন্য পেট,” কিন্তু ঈশ্বর এই উভয়কেই ধ্বংস করবেন। দেহ অবৈধ সংসর্গের জন্য নয়, কিন্তু প্রভুর জন্য এবং প্রভু দেহের জন্য। ১৪ ঈশ্বর তাঁর পরাক্রমের দ্বারা প্রভুকে মৃত্যু থেকে উত্থাপিত করেছেন এবং তিনি আমাদেরও

উপর্যুক্ত করবেন। 15 তোমরা কি জানো না যে, তোমাদের দেহ স্বয়ং  
শ্রীষ্টেরই অঙ্গ? তাহলে আমি কি শ্রীষ্টের অঙ্গগুলিকে নিয়ে কোনো  
বেশ্যার সঙ্গে সংযুক্ত করব? কখনোই নয়! 16 তোমরা কি জানো না,  
যে নিজেকে বেশ্যার সঙ্গে সংযুক্ত করে, সে তার সঙ্গে এক দেহ হয়?  
কারণ এরকম বলা হয়েছে, “সেই দুজন একাঙ্গ হবে।” 17 কিন্তু যে  
নিজেকে প্রভুর সঙ্গে সংযুক্ত করে, সে তাঁর সঙ্গে একাত্ম হয়। 18  
তোমরা অবৈধ সংসর্গ থেকে পালিয়ে যাও। কোনো মানুষ অন্য যেসব  
পাপাচারে লিপ্ত হয়, তার সঙ্গে দেহের কোনো সম্পর্ক নেই, কিন্তু যে  
যৌন-পাপ করে, সে তার নিজের দেহের বিরুদ্ধেই পাপ করে। 19  
তোমরা কি জানো না যে, তোমাদের দেহ পবিত্র আত্মার মন্দির, যিনি  
তোমাদের অস্তরে বাস করেন, যাঁকে তোমরা ঈশ্বরের কাছ থেকে  
পেয়েছ? 20 তোমরা আর তোমাদের নিজের নও, তোমাদের মূল্য  
দিয়ে কিনে নেওয়া হয়েছে। অতএব, তোমাদের দেহ দিয়ে তোমরা  
ঈশ্বরের গৌরব করো।

7 এখন যেসব বিষয়ে তোমরা লিখেছ: “বিবাহ না করা পুরুষের পক্ষে  
মঙ্গলজনক।” 2 কিন্তু যৌনাচার এত বেশি যে, প্রত্যেক পুরুষের  
পক্ষে তার নিজের স্ত্রী ও প্রত্যেক নারীর পক্ষে তার নিজের স্বামী  
থাকা উচিত। 3 স্বামী তার স্ত্রীর প্রতি স্বামীর কর্তব্য পালন করুক ও  
একইভাবে স্ত্রীও তার স্বামীর প্রতি তা করুক। 4 স্ত্রীর দেহ কেবলমাত্র  
তার নিজের অধিকারভুক্ত নয়, কিন্তু তার স্বামীরও। একইভাবে,  
স্বামীর দেহ কেবলমাত্র তার অধিকারভুক্ত নয়, কিন্তু তার স্ত্রীরও। 5  
পরম্পরের সম্মতি ছাড়া কেউ কাউকে বঞ্চিত কোরো না, কিন্তু প্রার্থনায়  
নিজেদের নিয়োজিত করার জন্য কিছু সময় পৃথক থাকতে পারো।  
তারপর পুনরায় একত্র মিলিত হবে, যেন তোমাদের আত্মসংযমের  
অভাবে শয়তান তোমাদের প্রলোভনে ফেলতে না পারে। 6 আমি  
একথা আদেশরূপে নয়, কিন্তু কিছু সুবিধা দেওয়ার জন্য বলছি। 7  
আমার ইচ্ছা, যদি সব মানুষই আমার মতো থাকতে পারত! কিন্তু  
প্রত্যেকজন ঈশ্বরের কাছ থেকে তার নিজস্ব বরদান লাভ করেছে,  
একজনের এক ধরনের বরদান, অপরজনের অন্য ধরনের। 8 এখন

অবিবাহিত ও বিধবাদের সম্পর্কে আমি বলি, তারা যদি আমার মতো  
অবিবাহিত থাকে, তাহলে তাদেরই পক্ষে মঙ্গল। ৭ কিন্তু যদি তারা  
নিজেদের সংযত রাখতে না পারে, তারা বিবাহ করুক, কারণ কামনার  
আগুনে দক্ষ হওয়ার চেয়ে বরং বিবাহ করা ভালো। ১০ বিবাহিতদের  
প্রতি আমি এই আদেশ দিই, আমি নই, বরং প্রভুই দিচ্ছেন, কোনো  
স্ত্রী তার স্বামীর কাছ থেকে বিচ্ছিন্ন না হোক। ১১ কিন্তু যদি সে তা  
করে, সে অবশ্যই অবিবাহিত থাকবে, নয়তো সে তার স্বামীর সঙ্গে  
পুনর্মিলিত হবে। আবার কোনো স্বামীও তার স্ত্রীকে অবশ্যই ত্যাগ  
করবে না। ১২ বাকিদের সম্পর্কে আমি একথা বলি (আমি, প্রভু নন),  
কোনো ভাইয়ের যদি অবিশ্বাসী স্ত্রী থাকে ও সে তার সঙ্গে বসবাস  
করতে চায়, সেই ভাইয়ের পক্ষে তাকে ত্যাগ করা উচিত নয়। ১৩  
আবার কোনো নারীর যদি অবিশ্বাসী স্বামী থাকে ও সে তার সঙ্গে  
বসবাস করতে চায়, সেই নারীর পক্ষেও তাকে ত্যাগ করা উচিত নয়।  
১৪ কারণ সেই অবিশ্বাসী স্বামী, তার স্ত্রীর মাধ্যমে শুচিশুদ্ধ হয়েছে  
এবং সেই অবিশ্বাসী স্ত্রী, তার বিশ্বাসী স্বামীর মাধ্যমে শুচিশুদ্ধ হয়েছে।  
তা না হলে তোমাদের ছেলেমেয়েরা অশুচি বলে গণ্য হত, কিন্তু  
প্রকৃতপক্ষে তারা পরিত্র। ১৫ কিন্তু অবিশ্বাসী যদি চলে যায়, তাকে তাই  
করতে দাও। কোনো বিশ্বাসী ভাই বা বোন, এ ধরনের পরিস্থিতিতে  
বাধ্যবাধকতায় আবদ্ধ নয়। ঈশ্বর আমাদের শান্তিতে বসবাস করার  
জন্য আহ্বান করেছেন। ১৬ হে স্ত্রী, তুমি জানো না যে, তোমার মাধ্যমেই  
তোমার স্বামী হয়তো পরিত্রাণ লাভ করবে অথবা হে স্বামী, তুমি ও  
জানো না যে, তোমার মাধ্যমেই হয়তো তোমার স্ত্রী পরিত্রাণ পাবে! ১৭  
তা সত্ত্বেও, প্রভু যার প্রতি যেমন কর্তব্যভার নির্দিষ্ট করেছেন ও যার  
জন্য ঈশ্বর তাকে আহ্বান করেছেন, প্রত্যেকে জীবনে সেই হ্রান ধরে  
রাখুক। সমস্ত মণ্ডলীতে আমি এই নিয়মই স্থাপন করে থাকি। ১৮ সুন্নত  
হওয়ার পরে কি কাউকে আহ্বান করা হয়েছিল? তবে সে যেন সুন্নতহীন  
না হয়। সুন্নতহীন অবস্থায় কি কাউকে আহ্বান করা হয়েছিল? তবে সে  
যেন সুন্নত না হয়। ১৯ সুন্নত কিছু নয় এবং সুন্নতহীন হওয়াও কিছু  
নয়, ঈশ্বরের আদেশপালনই হল আসল বিষয়। ২০ ঈশ্বরের আহ্বান

পাওয়ার সময়ে কোনো ব্যক্তি যে অবস্থায় ছিল, সে সেই অবস্থাতেই থাকুক। 21 তোমাকে যখন আহ্বান করা হয়, তখন তুমি কি ক্রীতদাস ছিলে? তা তোমাকে দুশ্চিন্তাগ্রস্ত না করুক। অবশ্য যদি তুমি স্বাধীনতা অর্জন করতে পারো তবে তাই করো। 22 কারণ প্রভুর আহ্বান লাভের সময় যে ব্যক্তি ছিল দাস, সে প্রভুতে মুক্তিপ্রাপ্ত ব্যক্তি। একইভাবে, আহ্বান লাভের সময় যে ব্যক্তি স্বাধীন ছিল, সে খীঁটের ক্রীতদাস। 23 মূল্যের বিনিময়ে তোমাদের কিনে নেওয়া হয়েছে, তোমরা মানুষদের ক্রীতদাস হোয়ো না। 24 ভাইবোনেরা, ঈশ্বর প্রত্যেক ব্যক্তিকে যে অবস্থায় আহ্বান করেছেন, ঈশ্বরের প্রতি তার দায়বদ্ধতা অনুসারে সে সেই অবস্থাতেই জীবনযাপন করুক। 25 এবারে কুমারীদের প্রসঙ্গে বলি: আমি প্রভুর কাছ থেকে তাদের সম্পর্কে কোনও আদেশ পাইনি, কিন্তু আমি এমন ব্যক্তির মতো অভিমত ব্যক্ত করছি, যে প্রভুর করণ্যায় এক বিশ্বস্ত ব্যক্তি। 26 বর্তমান সংকটের কারণে, আমি মনে করি, তোমরা যেমন আছ, তেমনই থাকা তোমাদের পক্ষে ভালো। 27 তুমি কি বিবাহিত? তাহলে বিবাহবিচ্ছেদ চেয়ো না। তুমি কি অবিবাহিত? তাহলে বিবাহ করার চেষ্টা কোরো না। 28 কিন্তু যদি তুমি বিবাহ করো, তাহলে তোমার পাপ হবে না। আর কোনো কুমারী যদি বিবাহ করে, তারও পাপ হবে না; কিন্তু যারা বিবাহ করে, তারা জীবনে বহু কষ্ট-সংকটের সমূখীন হবে, কিন্তু আমি এ থেকে তোমাদের নিষ্কৃতি দিতে চাই। 29 ভাইবোনেরা, আমি যা বোঝাতে চাই, তা হল সময় সংক্ষিপ্ত। এখন থেকে যাদের স্ত্রী আছে, তারা এমনভাবে জীবনযাপন করুক, যেন তাদের স্ত্রী নেই। 30 যারা শোক করে, তারা মনে করুক তাদের শোকের কোনো কারণ নেই; যারা আনন্দিত, তারাও মনে করুক তাদের আনন্দিত হওয়ার কোনো কারণ নেই; যারা কিছু কেনে, তারা মনে করুক তাদের কেনা জিনিসগুলি তাদের নয়; 31 যারা সাংসারিক বিষয় ভোগ করছে, তারা মনে করুক তারা সংসারে আর জড়িত নয়। কারণ এই জগৎ তার বর্তমান রূপে শেষ হচ্ছে। 32 আমি চাই, তোমরা যেন দুশ্চিন্তামুক্ত থাকো। কোনো অবিবাহিত পুরুষ প্রভুরই বিষয়ে চিন্তা করে যে, কীভাবে সে প্রভুকে সন্তুষ্ট করবে। 33 কিন্তু একজন

বিবাহিত পুরুষ এই জগতের সব বিষয়ে জড়িত থাকে, কীভাবে সে তার স্ত্রীকে সন্তুষ্ট করবে, 34 তার স্বার্থ দ্বিধায় বিভক্ত হয়ে পড়ে। একজন অবিবাহিত নারী বা কুমারী, প্রভুর বিষয়ে মনোযোগী হয়। তার লক্ষ্য থাকে দেহে ও আত্মায় প্রভুর প্রতি সমর্পিত থাকা। কিন্তু একজন বিবাহিত নারী সাংসারিক বিষয়ে মনোযোগী থাকে—কীভাবে সে তার স্বামীকে সন্তুষ্ট করবে। 35 আমি তোমাদেরই মঙ্গলের জন্য একথা বলছি, তোমাদের বাধা সৃষ্টি করার জন্য নয়, কিন্তু যেন তোমরা প্রভুর প্রতি অখণ্ড আনুগত্য নিয়ে সঠিক পথে জীবনযাপন করতে পারো। 36 যদি কেউ মনে করে, সে তার বাগদত্ত কুমারীর প্রতি সঠিক আচরণ করছে না এবং যদি তার বয়স বেড়ে যেতে থাকে এবং সে মনে করে তার বিবাহ হওয়া উচিত, তাহলে সে যেমন চায়, তেমনই করুক। সে পাপ করছে না। তাদের বিবাহ হওয়া উচিত। 37 কিন্তু যে ব্যক্তি এ বিষয়ে তার মনে দৃঢ়সংকল্প, যে সে কোনো বাধ্যবাধকতার মধ্যে নেই কিন্তু তার নিজের ইচ্ছার উপরে তার নিয়ন্ত্রণ আছে এবং যে মনে স্থির করেছে যে সেই কুমারীকে বিবাহ করবে না—এই ব্যক্তিও যথার্থ কাজ করে। 38 তাহলে যে এক কুমারীকে বিবাহ করে, সে যথার্থ কাজই করে, কিন্তু যে তাকে বিবাহ না করে, সে আরও ভালো কাজ করে। 39 একজন নারী, যতদিন তার স্বামী বেঁচে থাকে ততদিন পর্যন্ত তার কাছে বাঁধনে যুক্ত থাকে। কিন্তু যদি তার স্বামীর মৃত্যু হয়, সে তার ইচ্ছামতো যে কাউকে বিবাহ করতে পারে। কিন্তু সেই পুরুষ প্রভুর অনুগত হবে। 40 আমার বিচারে, সে যদি বিবাহ না করে থাকে, সে আরও বেশি সুখী থাকবে—আর আমি মনে করি যে, আমারও মধ্যে ঈশ্বরের আত্মা আছেন।

**8** এখন প্রতিমাদের কাছে উৎসর্গ করা খাবার সম্পর্কিত কথা। আমরা জানি যে, আমাদের সকলরেই জ্ঞান আছে। জ্ঞান গর্বিত করে, কিন্তু প্রেম গেঁথে তোলে। 2 যে মনে করে যে সে কিছু জানে, তার যেমন জানা উচিত, তা সে এখনও জানে না। 3 কিন্তু যে ঈশ্বরকে ভালোবাসে, সেই ঈশ্বরের পরিচিত ব্যক্তি। 4 তাহলে, প্রতিমাদের কাছে উৎসর্গ করা খাবার গ্রহণ করা সম্পর্কে বলতে হয়: আমরা জানি যে, কোনো

প্রতিমা জগতে কিছুই নয় এবং আর কোনো ঈশ্বর নেই, কেবলমাত্র একজন আছেন। ৫ কারণ স্বর্গে, বা পৃথিবীতে, যদিও তথাকথিত কেনও দেবতারা থাকে (বাস্তবিক অনেক “দেবতা” ও অনেক “প্রভুর” কথা শোনা যায়), ৬ তবুও আমাদের জন্য আছেন একমাত্র সেই পিতা ঈশ্বর, যাঁর কাছ থেকে সবকিছুরই উদ্ভব হয়েছে এবং যাঁর উদ্দেশ্যে আমরা জীবনধারণ করি; আবার একজনই প্রভুও আছেন, তিনি যীশু খ্রীষ্ট। তাঁরই মাধ্যমে সবকিছু উদ্ভূত হয়েছে এবং তাঁরই মাধ্যমে আমরা জীবনধারণ করি। ৭ কিন্তু প্রত্যেকেই একথা জানে না। কিছু সংখ্যক মানুষ প্রতিমার বিষয়ে এমনই অভ্যন্ত, তারা যখন এ ধরনের খাবার গ্রহণ করে, তারা মনে করে যে, সেই খাবার যেন কোনো প্রতিমার কাছে উৎসর্গ করা হয়েছে, আর যেহেতু তাদের বিবেক দুর্বল, তাই তা কল্পিত হয়। ৮ কিন্তু খাবার আমাদের ঈশ্বরের নিকটে নিয়ে আসে না; আমরা যদি সেই খাবার না খাই, আমাদের ক্ষতি হয় না; আবার তা গ্রহণ করলেও কোনো লাভ হয় না। ৯ কিন্তু, তোমরা সতর্ক থেকো, তোমাদের এই অধিকার যেন কোনোভাবেই দুর্বল মানুষের কাছে বিঘ্নের কারণ না হয়। ১০ কারণ দুর্বল বিবেকবিশিষ্ট যদি কেউ তোমাকে, অর্থাৎ তোমার মতো জ্ঞানবিশিষ্ট মানুষকে, প্রতিমার মন্দিরে খাবার গ্রহণ করতে দেখে, তাহলে সে কি প্রতিমাদের কাছে উৎসর্গ করা খাবার গ্রহণ করতে সাহস পাবে না? ১১ তাই, তোমার জ্ঞানের জন্য এই দুর্বল বিশ্বাসী, যার জন্য খ্রীষ্ট মৃত্যুবরণ করেছেন, তাকে নষ্ট করা হয়। ১২ তোমরা যখন তোমাদের ভাইবোনের বিরুদ্ধে পাপ করো ও তাদের দুর্বল বিবেককে আঘাত করো, তোমরা খ্রীষ্টের বিরুদ্ধে পাপ করো। ১৩ এই কারণে, আমি যে খাবার গ্রহণ করি, তা যদি অপর বিশ্বাসীর পাপে পতনের কারণ হয়, আমি আর কখনও সেই খাবার গ্রহণ করব না, যেন আমি তার পতনের কারণ না হই। (aión g165)

**৯** আমি কি স্বাধীন নই? আমি কি প্রেরিতশিষ্য নই? আমি কি আমাদের প্রভু, যীশুকে দেখিনি? তোমরা কি প্রভুতে আমার কাজের ফলস্বরূপ নও? ২ আমি যদিও অন্যদের কাছে প্রেরিতশিষ্যরূপে গণ্য না হই, তোমাদের কাছে নিশ্চিতরূপে আমি তো তাই! কারণ প্রভুতে তোমরাই

আমার প্রেরিতশিষ্য হওয়ার সিলমোহর। ৩ যারা আমার বিচার করে,  
তাদের কাছে এই হল আমার আত্মপক্ষ সমর্থন। ৪ খাওয়াদাওয়া  
করার অধিকার কি আমাদের নেই? ৫ অন্য সব প্রেরিতশিষ্য, প্রভুর  
ভাইয়েরা ও কৈফার মতো কোনো বিশ্বাসী স্ত্রীকে সঙ্গে নিয়ে বিভিন্ন  
স্থানে যাওয়ার অধিকার কি আমাদের নেই? ৬ অথবা, পরিশ্রম না  
করার অধিকার কি কেবলমাত্র আমার ও বার্ণবার নেই? ৭ কে নিজের  
খরচে সৈনিকের কাজ করে? কে দ্রাক্ষাক্ষেত্র প্রস্তুত করে ও নিজে তার  
ফল গ্রহণ করে না? কে পশুপাল চরায় ও তার দুধ পান করে না? ৮  
আমি কি কেবলমাত্র মানবিক দৃষ্টিভঙ্গি থেকে একথা বলছি? বিধানও  
কি এই একই কথা বলে না? ৯ কারণ মোশির বিধানে একথা লেখা  
আছে, “শস্য মাড়াই করার সময় বলদের মুখে জালতি বেঁধো না।”  
ঈশ্বর কি কেবলমাত্র বলদের বিষয়েই চিন্তা করেন? ১০ নিশ্চিতরূপে,  
তিনি আমাদেরও বিষয়ে একথা বলেন, তাই নয় কি? হ্যাঁ, একথা  
আমাদের জন্য লেখা হয়েছে, কারণ যে চাষ করে, সেই প্রত্যাশাতেই  
তার চাষ করা উচিত এবং যে শস্য মাড়াই করে, ফসলের ভাগ পাওয়ার  
প্রত্যাশাতেই তার শস্য মাড়াই করা উচিত। ১১ আমরা যদি তোমাদের  
মধ্যে আত্মিক বীজবপন করে থাকি, তাহলে তোমাদের মধ্য থেকে যদি  
পার্থিব ফসলের প্রত্যাশা করি, তাহলে কি খুব বেশি চাওয়া হবে? ১২  
অন্যদের যদি তোমাদের কাছ থেকে সাহায্য লাভের অধিকার থাকে,  
তাহলে আমাদের এই প্রাপ্য কি আরও বেশি হওয়া উচিত নয়? কিন্তু  
আমরা এই অধিকার প্রয়োগ করিনি। কিন্তু তার পরিবর্তে, আমরা  
সবকিছু সহ্য করেছি, যেন খ্রীষ্টের সুসমাচারের কোনো বাধা সৃষ্টি না  
করি। ১৩ তোমরা কি জানো না যে, যারা মন্দিরের কাজ করে, তারা  
তাদের খাবার মন্দির থেকেই পায় এবং যারা যজ্ঞবেদিতে সেবাকাজ  
করে, যজ্ঞবেদিতে উৎসর্গ করা নৈবেদ্যের অংশ তারা পায়? ১৪  
একইভাবে, প্রভু এরকম আদেশ দিয়েছেন যে, যারা সুসমাচার প্রচার  
করে, তাদের জীবিকা সুসমাচার থেকেই হবে। ১৫ কিন্তু আমি এ সমস্ত  
কোনো অধিকারই প্রয়োগ করিনি। আর আমি এসব এজন্য লিখছি না  
যে, তোমরা আমার জন্য এসব কিছু করবে। আমার এই গর্ব থেকে

কেউ আমাকে বধিত করুক, তার থেকে বরং মৃত্যুবরণই আমি শ্রেয়  
মনে করব। 16 তবুও, আমি যখন সুসমাচার প্রচার করি, আমি গর্ব  
করতে পারি না, কারণ তা প্রচার করতে আমি বাধ্য। ধিক্ আমাকে,  
যদি আমি সুসমাচার প্রচার না করি! 17 আমি যদি স্বেচ্ছায় প্রচার  
করি, তাহলে আমার পুরক্ষার আছে। যদি স্বেচ্ছায় না করি, তাহলে  
আমার উপর দেওয়া দায়িত্ব আমি শুধু পালন করে চলেছি মাত্র। 18  
তাহলে আমার পুরক্ষার কী? শুধু এই যে, আমি যেন বিনা পারিশ্রমিকে  
সুসমাচার প্রচার করি, এভাবে তা প্রচার করার জন্য আমার অধিকার  
যেন আমাকে প্রয়োগ করতে না হয়। 19 যদিও আমি মুক্ত ও কারও  
অধীন নই, আমি নিজেকে সকলের ক্রীতদাস করে তুলেছি, যেন  
যতজনকে সন্তুষ্ট, ততজনকে জয় করতে পারি। 20 ইহুদিদের কাছে  
আমি ইহুদির মতো হয়েছি, যেন ইহুদিদের জয় করতে পারি। যারা  
বিধানের অধীন, তাদের কাছে আমি বিধানের অধীন একজনের মতো  
হয়েছি (যদিও আমি স্বয়ং বিধানের অধীন নই), যেন বিধানের অধীন  
মানুষদের আমি জয় করতে পারি। 21 যারা বিধানের অধীন নয়,  
তাদের জন্য আমি বিধানবিহীন মানুষের মতো হয়েছি (যদিও আমি  
ঈশ্বরের বিধান থেকে মুক্ত নই, কিন্তু খ্রীষ্টের বিধানের অধীন), যেন  
যারা বিধানের অধীন নয়, তাদের জয় করতে পারি। 22 দুর্বলদের জন্য  
আমি দুর্বল হলাম, যেন দুর্বলদের জয় করতে পারি। সব মানুষের  
কাছে আমি সবকিছু হয়েছি, যেন সন্তান্য সমস্ত উপায়ে, আমি কিছু  
মানুষের পরিত্রাণ সাধন করতে পারি। 23 আমি সুসমাচারের কারণে এ  
সমস্ত করি, যেন আমি এর সমস্ত আশীর্বাদের অংশীদার হতে পারি।  
24 তোমরা কি জানো না যে, দৌড়ের প্রতিযোগিতায় সব দৌড়বাজ  
দৌড়ায়, কিন্তু কেবলমাত্র একজনই পুরক্ষার পায়। তোমরা এমনভাবে  
দৌড়াও, যেন পুরক্ষার পেতে পারো। 25 যারা ক্রীড়া প্রতিযোগী, তারা  
সকলেই প্রশিক্ষণের মধ্য দিয়ে যায়। তারা এক অঙ্গীয় মুকুট পাওয়ার  
প্রত্যাশায় তা করে, কিন্তু আমরা তা করি এক অক্ষয় মুকুট পাওয়ার  
প্রত্যাশায়। 26 সেই কারণে, আমি কোনো লক্ষ্যহীন মানুষের মতো  
ছুটে চলি না; যে বাতাসে মুষ্টিযুদ্ধ করে, আমি তার মতো লড়াই করি

না। 27 না, আমি আমার দেহকে প্রহার করে আমার দাসত্বে রাখি, যেন  
অপর মানুষদের কাছে সুসমাচার প্রচার করার পর, আমি স্বয়ং যেন  
পুরক্ষার লাভের অযোগ্য হয়ে না পড়ি।

**10** কারণ তাইবোনেরা, আমি চাই না, তোমরা এ বিষয়ে অভ্যাত  
থাকো যে, আমাদের পিতৃপুরুষেরা সকলে সেই মেঘের নিচে ছিলেন  
এবং তাঁরা সকলে সমুদ্রের মধ্য দিয়ে অতিক্রম করেছিলেন। 2 তাঁরা  
সবাই মোশির উদ্দেশে মেঘে ও সমুদ্রে বাঞ্ছাইজিত হয়েছিলেন। 3  
তাঁরা সকলে একই আত্মিক খাদ্যগ্রহণ করেছিলেন এবং একই আত্মিক  
পানীয় পান করেছিলেন। 4 কারণ তাঁরা তাঁদের সঙ্গে পথ চলেছিলেন  
সেই আত্মিক শৈল থেকে পান করতেন এবং সেই শৈল ছিলেন খীঁষ।  
5 তবুও, ঈশ্বর তাঁদের অধিকাংশদের প্রতিই সন্তুষ্ট ছিলেন না; তাই,  
তাঁদের দেহ মরণপ্রাপ্তরে ছড়িয়ে-ছিটিয়ে পড়ে রইল। 6 এখন এ সমস্ত  
বিষয় দৃষ্টান্তস্বরূপ হয়েছিল, যেন তাঁদের মতো আমরাও মন্দ বিষয়ে  
আসক্ত না হই। 7 তাঁদের মধ্যে যেমন কিছু প্রতিমাপূজক ছিল, তোমরা  
তাঁদের মতো হোয়ো না, যেমন লেখা আছে: “লোকেরা ভোজনপান  
করার জন্য বসে পড়ল, তারপর উঠে পরজাতীয়দের মতো হঙ্গাড়ে  
মত হল।” 8 তাঁদের মধ্যে কেউ কেউ যেমন অনৈতিক বৌনাচারে  
মত হয়েছিল এবং একদিনে তেইশ হাজার মানুষের মৃত্যু হয়েছিল,  
আমরাও যেন তেমনই ব্যভিচার না করি। 9 তাঁদের কেউ কেউ যেমন  
মশীহের পরীক্ষা করেছিল ও সাপের কামড়ে মৃত্যুবরণ করেছিল,  
আমরাও যেন তেমন না করি। 10 আবার তাদের কেউ কেউ অসন্তোষ  
প্রকাশ করে যেমন মৃত্যুদূতের দ্বারা নিহত হয়েছিল, তোমরাও তেমন  
কোরো না। 11 এসব বিষয় তাঁদের প্রতি দৃষ্টান্তস্বরূপ ঘটেছিল এবং  
আমাদের সতর্ক করার জন্যই সেগুলি লেখা হয়েছে—যাদের উপরে  
শেষ সময় এসে উপস্থিত হয়েছে। (aión g165) 12 তাই, তোমরা যদি  
মনে করো যে, তোমরা দৃঢ়ভাবে দাঁড়িয়ে আছ, সতর্ক থেকো, যেন  
তোমাদের পতন না ঘটে। 13 মানুষের কাছে সাধারণভাবে যেমন ঘটে  
থাকে, তা ছাড়া অন্য কোনো প্রলোভন তোমাদের প্রতি ঘটেনি। আর  
ঈশ্বর বিশ্বস্ত। তোমরা যা সহ্য করতে পারো, তার অতিরিক্ত কোনো

প্রলোভনে তিনি তোমাদের পড়তে দেবেন না। কিন্তু তোমরা যখন  
প্রলোভিত হও, তিনিই তোমাদের রক্ষা পাওয়ার পথও করে দেবেন,  
যেন তার মধ্যেও তোমরা দাঁড়িয়ে থাকতে পারো। 14 সেই কারণে,  
আমার প্রিয় বন্ধুরা, তোমরা প্রতিমাপূজা থেকে পালিয়ে যাও। 15  
তোমাদের বিচক্ষণ মনে করেই আমি একথা বলছি; আমি যা বলি, তা  
তোমরা নিজেরাই বিচার করো। 16 ধন্যবাদ দেওয়ার যে পানপাত্রটি  
নিয়ে আমরা ধন্যবাদ দিই, তা কি খ্রীষ্টের রক্তের সহভাগিতা নয়?  
আবার, যে রূটি আমরা ভেঙে থাকি, তা কি খ্রীষ্টের দেহের সহভাগিতা  
নয়? 17 কারণ, আমরা যারা অনেকে, আমরা এক রূটি, একই দেহ,  
কারণ আমরা সকলেই এক রূটি থেকে অংশগ্রহণ করে থাকি। 18  
ইস্রায়েল জাতির বিষয়ে বিবেচনা করে দেখো: যারা বিভিন্ন বলির মাংস  
আহার করে, তারা কি যজ্ঞবেদিতে অংশগ্রহণকারী হয়ে ওঠে না? 19  
তাহলে আমি একথাই বোঝাতে চাইছি যে, প্রতিমার কাছে উৎসর্গ  
করা খাবারের কী মূল্য? বা কোনো প্রতিমারই বা কী মূল্য? 20 কিছুই  
নয়, কিন্তু যারা প্রতিমাপূজা করে তাদের নিবেদিত সব বলি ভূতদের  
উদ্দেশে নিবেদিত হয়, ঈশ্বরের উদ্দেশে নয়। আর আমি চাই না যে  
তোমরা ভূতদের সঙ্গে অংশগ্রহণকারী হও। 21 তোমরা একইসঙ্গে  
প্রভুর পানপাত্র ও ভূতদের পানপাত্র থেকে অংশগ্রহণ করতে পারো  
না। 22 আমরা কি প্রভুর ঈর্ষা জাগিয়ে তোলার চেষ্টা করছি? আমরা  
কি তাঁর চেয়েও শক্তিমান? 23 “সব কিছুকেই অনুমোদন দেওয়া  
যায়,” কিন্তু সবকিছু উপকারী নয়। “সবকিছুই অনুমোদনযোগ্য,” কিন্তু  
সবকিছু গঠনমূলক নয়। 24 কোনো ব্যক্তিই যেন স্বার্থচেষ্টা না করে,  
বরং অপরের মঙ্গল করার চেষ্টা করে। 25 বিবেকের প্রশ্ন না তুলে  
মাংসের বাজারে যা বিক্রি হয়, তা ভোজন করো। 26 কারণ, “এই  
জগৎ ও তার মধ্যে থাকা সবকিছু, সব প্রভুরই।” 27 যদি কোনো  
অবিশ্বাসী ব্যক্তি, কোনও ভোজে তোমাদের আমন্ত্রণ করে ও তোমরা  
সেখানে যেতে চাও, তাহলে বিবেকের প্রশ্ন না তুলে, তোমাদের সামনে  
যা রাখা হয়, তাই ভোজন করো। 28 কিন্তু কেউ যদি তোমাদের বলে,  
“এ প্রতিমার কাছে উৎসর্গ করা বলি,” তাহলে যে বলল, সেই ব্যক্তির

জন্য ও বিবেকের কারণে তোমরা তা ভোজন কোরো না। 29 আমি  
বলতে চাই, এই বিবেক তোমাদের নয়, কিন্তু সেই ব্যক্তির। কারণ  
আমার স্বাধীনতা কেন অপরের বিবেকের দ্বারা বিচারিত হবে? 30  
ধন্যবাদ জ্ঞাপন করে যদি আমি আহার গ্রহণ করি, তাহলে যার জন্য  
আমি ঈশ্বরকে ধন্যবাদ দিই, তার জন্য আমার নিষ্ঠা করা হবে কেন?  
31 অতএব, তোমরা ভোজন, কি পান, বা যা কিছুই করো, সবকিছুই  
ঈশ্বরের গৌরবের জন্য করো। 32 ইহাদি, গ্রিক, কি ঈশ্বরের মণ্ডলী,  
কারণ জন্য তোমরা বিষ্ণের কারণ হোয়ো না, 33 যেমন আমিও সব  
উপায়ে সব মানুষকে সন্তুষ্ট করার চেষ্টা করি। কারণ আমি নিজের  
মঙ্গলের চেষ্টা করি না, কিন্তু বহু মানুষের জন্য করি, যেন তারা পরিদ্রাশ  
লাভ করে।

**11** তোমরা আমার আদর্শ অনুকরণ করো, যেমন আমিও খ্রীষ্টের  
আদর্শ অনুকরণ করি। 2 আমি তোমাদের প্রশংসা করি, কারণ তোমরা  
সব বিষয়ে আমাকে স্মরণ করে থাকো ও তোমাদের যে শিক্ষা আমি  
দিই, তা হ্বহু তোমরা মেনে চলো। 3 এখন আমি চাই, তোমরা  
যেন উপলব্ধি করো যে, প্রত্যেক পুরুষের মস্তকস্বরূপ হলেন খ্রীষ্ট  
এবং নারীর মস্তকস্বরূপ হল পুরুষ, আবার খ্রীষ্টের মস্তকস্বরূপ হলেন  
ঈশ্বর। 4 যে পুরুষ তার মস্তক আবৃত রেখে প্রার্থনা করে বা ভাববাণী  
বলে, সে তার মস্তকের অবমাননা করে। 5 আবার, কোনো নারী যখন  
মস্তক অনাবৃত রেখে প্রার্থনা করে বা ভাববাণী বলে, সে তার মস্তকের  
অবমাননা করে—এ যেন তার মস্তক মুগ্ন করা হয়েছে, সেরকম।  
6 কোনো নারী যদি তার মস্তক আবৃত না করে, তাহলে তার চুল  
কেটে ফেলাই উচিত, কিন্তু চুল কেটে ফেলা বা মুগ্ন করা যদি নারীর  
কাছে অবমাননাকর বলে মনে হয়, সে তার মস্তকে আবরণ দিক। 7  
কোনো পুরুষ অবশ্যই তার মস্তক আবৃত করবে না, কারণ সে ঈশ্বরের  
প্রতিমূর্তি ও গৌরব; কিন্তু নারী পুরুষের গৌরব। 8 কারণ পুরুষের  
উড্ডব নারী থেকে নয়, কিন্তু নারীর উড্ডব পুরুষ থেকে। 9 আবার,  
পুরুষের সৃষ্টি নারীর জন্য হয়নি, কিন্তু নারীর সৃষ্টি হয়েছে পুরুষের  
জন্য। 10 এই কারণে ও স্বর্গদূতদের জন্য, নারী তার মস্তকে কর্তৃত্বের

চিহ্ন রাখবে। 11 অবশ্য, প্রভুতে নারীও পুরুষ থেকে স্বতন্ত্র নয়, আবার পুরুষও নারী থেকে স্বতন্ত্র নয়। 12 কারণ যেমন নারী এসেছে পুরুষ থেকে, তেমনই পুরুষেরও জন্ম হয়েছে নারী থেকে। কিন্তু ঈশ্বর থেকে সকলই উদ্ভূত হয়। 13 তোমরা নিজেরাই বিচার করো: মস্তক অনাবৃত রেখে কোনো নারীর ঈশ্বরের কাছে প্রার্থনা করা কি যথাযথ? 14 স্বয়ং প্রকৃতিও কি এই বিষয়ের শিক্ষা দেয় না যে, যদি কোনও পুরুষ লম্বা চুল রাখে, তাহলে তা তার পক্ষে অসম্মানজনক বিষয়, 15 কিন্তু কোনো নারীর যদি লম্বা চুল থাকে, তাহলে, তা তার গৌরবের বিষয়, কারণ লম্বা চুল তাকে আবরণের পরিবর্তে দেওয়া হয়েছে। 16 কেউ যদি এ বিষয়ে বিবাদ করতে চায়, তাহলে আমাদের অন্য কোনও আচরণ-বিধি নেই, কিংবা ঈশ্বরের মণ্ডলীরও নেই। 17 পরবর্তী নির্দেশগুলি দেওয়ার সময়, আমি তোমাদের প্রশংসা করি না, কারণ তোমাদের সমবেত হওয়া ভালোর চেয়ে ক্ষতিই বেশি করে। 18 প্রথমত, আমি শুনতে পাচ্ছি, তোমরা যখন মণ্ডলীগতভাবে সমবেত হও, তোমাদের মধ্যে দলাদলি হয়ে থাকে এবং এর কিছুটা আমি বিশ্বাসও করি। 19 কোনো সন্দেহ নেই, তোমাদের মধ্যে মতবিরোধ হতেই হবে, যেন তোমাদের মধ্যে যারা ঈশ্বরের অনুমোদন লাভ করেছে, তাদের বুঝাতে পারা যায়। 20 তোমরা যখন একত্রে সমবেত হও, তোমরা যে প্রভুর ভোজ গ্রহণ করো, তা নয়, 21 কারণ যখন তোমরা ভোজন করো, তখন তোমাদের প্রত্যেকে অন্য কারও জন্য অপেক্ষা না করে, নিজেরাই প্রথমে ভোজন করে থাকো। একজন থাকে ক্ষুধার্ত, অপর একজন মত হয়। 22 ভোজনপান করার জন্য কি তোমাদের ঘরবাড়ি নেই? নাকি, তোমরা ঈশ্বরের মণ্ডলীকে অবজ্ঞা করছ ও যাদের কিছু নেই, তাদের লজ্জা দিচ্ছ? তোমাদের আমি কী বলব? এর জন্য আমি কি তোমাদের প্রশংসা করব? কোনোমতেই নয়! 23 কারণ প্রভু থেকে আমি যে শিক্ষা লাভ করেছি, তোমাদের কাছে আমি তাই সমর্পণ করছি। যে রাত্রিতে প্রভু যীশুর প্রতি বিশ্বাসঘাতকতা করা হয়, তিনি রঞ্জিত নিলেন 24 এবং ধন্যবাদ দিয়ে তা ভাঙলেন ও বললেন, “এ আমার দেহ, এ তোমাদেরই জন্য; তোমরা আমার স্মরণার্থে এরকম

কেরো।” 25 একইভাবে, খাবারের পরে তিনি পানপাত্র নিয়ে বললেন, “এই পানপাত্র আমার রক্তে নতুন নিয়ম, তোমরা যখনই এটা পান করবে, আমার স্মরণার্থেই তা করবে।” 26 কারণ যখনই তোমরা এই রুটি ভোজন করো ও এই পানপাত্র থেকে পান করো, তোমরা প্রভুর মৃত্যু ঘোষণা করে থাকো, যতদিন পর্যন্ত তিনি না আসেন। 27 অতএব, যে কেউ যদি অযোগ্যরূপে এই রুটি ভোজন করে, বা প্রভুর পানপাত্র থেকে পান করে, সে প্রভুর দেহ ও প্রভুর রক্তের বিরুদ্ধে পাপ করার জন্য দোষী সাব্যস্ত হবে। 28 সেই রুটি ভোজন ও পানপাত্র থেকে পান করার পূর্বে কোনো মানুষের অবশ্যই নিজেকে পরীক্ষা করে দেখা উচিত, 29 কারণ কেউ যদি প্রভুর দেহ উপলক্ষ্মি না করে ভোজন ও পান করে, সে নিজেরই উপরে বিচারের শাস্তি ভোজন ও পান করে। 30 এই কারণেই তোমাদের মধ্যে অনেকে দুর্বল ও পীড়িত এবং বেশ কয়েকজন নিদ্রাগত হয়েছে। 31 কিন্তু যদি আমরা নিজেদের বিচার করতাম, তাহলে বিচারের দায়ে পড়তাম না। 32 যখন আমরা প্রভুর দ্বারা বিচারিত হই, আমরা শাসিত হই, যেন আমরা জগতের সঙ্গে শাস্তিপ্রাপ্ত না হই। 33 তাই, আমার ভাইবোনেরা, তোমরা যখন প্রভুর ভোজের জন্য সমবেত হও, পরম্পরের জন্য অপেক্ষা করো। কেউ ক্ষুধার্ত থাকলে সে তার নিজের বাড়িতেই আহার করক, 34 যেন তোমাদের সমবেত হওয়া বিচারের কারণ হয়ে না দাঁড়ায়। এরপর আমি উপস্থিত হলে তোমাদের আরও সব নির্দেশ দেব।

**12** ভাইবোনেরা, এখন আত্মিক বরদানগুলির ব্যাপারে তোমরা যে অঙ্গ থাকো, তা আমি চাই না। 2 তোমরা জানো যে, যখন তোমরা পরজাতীয় ছিলে, তখন যে কোনোভাবে হোক তোমরা প্রভাবিত হয়ে নির্বাক প্রতিমাদের দিকে চালিত হয়েছিলে। 3 সেই কারণে, আমি তোমাদের বলছি যে, ঈশ্বরের আত্মার দ্বারা কথা বললে, “যীশু অভিশপ্ত হোক,” কেউ বলতে পারে না এবং পবিত্র আত্মার আবেশ ছাড়া কেউ বলতে পারে না যে, “যীশুই প্রভু।” 4 বিভিন্ন ধরনের বরদান আছে, কিন্তু আত্মা সেই একই। 5 বিভিন্ন ধরনের সেবাকাজ আছে, কিন্তু প্রভু সেই একই। 6 বিভিন্ন ধরনের কাজ আছে, কিন্তু

সেই একই স্টশ্বর সব মানুষের মধ্যে সেইসব কাজ করেন। 7 এখন  
সবার মঙ্গলের জন্য প্রত্যেকের কাছে আত্মার প্রকাশ দেওয়া হয়েছে।  
8 একজনকে আত্মার মাধ্যমে দেওয়া হয়েছে তানের বাণী, অপর  
একজনকে সেই একই আত্মার দ্বারা প্রজ্ঞার বাণী, 9 অপর একজনকে  
সেই আত্মার দ্বারা বিশ্বাস, অপর একজনকে সেই একই আত্মার দ্বারা  
সুস্থ করার বরদান, 10 অপর একজনকে অলৌকিক কাজ করার  
পরাক্রম, অপর একজনকে ভাববাণী, আর একজনকে আত্মার মধ্যে  
পার্থক্য নির্ণয়ের ক্ষমতা, অপর একজনকে ভিন্ন ভিন্ন ভাষায় কথা বলার  
ক্ষমতা এবং আরও অপরজনকে বিশেষ বিশেষ ভাষার তর্জমা করার  
ক্ষমতা দেওয়া হয়েছে। 11 এসবই সেই এক ও অদ্বিতীয় আত্মার  
কাজ, তিনি প্রত্যেকের জন্য যেমন নির্ধারণ করেন, তেমনই বরদান  
দিয়ে থাকেন। 12 দেহ যেমন এক, যদিও তা বহু অঙ্গপ্রত্যঙ্গ নিয়ে  
গঠিত; আর যদিও এর অঙ্গপ্রত্যঙ্গ অনেক, সেগুলি এক দেহ গঠন  
করে। খ্রীষ্টের ক্ষেত্রেও সেই কথা। 13 কারণ আমরা সবাই—ইহুদি বা  
গ্রিক, ক্রীতদাস বা স্বাধীন—এক আত্মার দ্বারা একই দেহে বাস্তাইজিত  
হয়েছি, আবার আমাদের সবাইকে একই আত্মা পান করতে দেওয়া  
হয়েছিল। 14 এখন দেহ কেবলমাত্র একটি অঙ্গ দিয়ে নয়, কিন্তু  
বহু অঙ্গের দ্বারা গঠিত। 15 পা যদি বলে, “যেহেতু আমি হাত নই,  
তাই দেহের অংশ নই,” সেই কারণে যে সে দেহের অংশ হবে না,  
তা নয়। 16 আবার, কান যদি বলে, “আমি যেহেতু চোখ নই, তাই  
আমি দেহের অংশ নই,” এই কারণের জন্য তা যে দেহের অংশ  
হবে না, তা নয়। 17 সমস্ত দেহই যদি চোখ হত, তাহলে শোনার  
ক্ষমতা কোথায় থাকত? সমস্ত দেহই যদি কান হত, তাহলে গন্ধ  
পাওয়ার ক্ষমতা কোথায় থাকত? 18 কিন্তু স্টশ্বর প্রকৃতপক্ষে দেহের  
অঙ্গপ্রত্যঙ্গগুলির প্রত্যেকটিকে নিজের ইচ্ছামতো সাজিয়েছেন। 19  
সবই যদি এক অঙ্গ হত, তাহলে দেহ কোথায় থাকত? 20 আসলে,  
অঙ্গপ্রত্যঙ্গ অনেক, কিন্তু দেহ একটাই। 21 চোখ হাতকে বলতে পারে  
না, “তোমাকে আমার প্রয়োজন নেই!” আবার মাথা পা-কে বলতে পারে  
না, “তোমাকে আমার প্রয়োজন নেই!” 22 তার পরিবর্তে, দেহের যেসব

অঙ্গকে অপেক্ষাকৃত দুর্বল মনে হয়, সেগুলিই অপরিহার্য 23 এবং যে অঙ্গগুলিকে আমরা কম মর্যাদাপূর্ণ বলে মনে করি, সেগুলিকে আমরা বিশেষ মর্যাদা দিয়ে থাকি। এছাড়া যেসব অঙ্গ সুশ্রী নয়, সেগুলি বিশেষ শালীনতার সঙ্গে যত্ন নিয়ে থাকি, 24 অথচ আমাদের সুশ্রী অঙ্গগুলির বিশেষ যত্নের প্রয়োজন হয় না। কিন্তু ঈশ্বর দেহের অঙ্গগুলিকে একত্র সংগঠিত করেছেন এবং যে অঙ্গগুলি শ্রীহীন, সেগুলিকে বেশি মর্যাদা দিয়েছেন, 25 যেন দেহের মধ্যে কোনও বিভেদ সৃষ্টি না হয়, কিন্তু সব অঙ্গ পরম্পরের প্রতি সমান যত্নবান হয়। 26 যদি কোনো একটি অঙ্গ কষ্টভোগ করে, তাহলে তার সঙ্গে প্রত্যেকটি অঙ্গই কষ্টভোগ করে। কোনো একটি অঙ্গ মর্যাদা লাভ করলে, তার সঙ্গে প্রত্যেক অঙ্গই আনন্দ করে। 27 এখন তোমরা হলে খীঁটের দেহ এবং এক একজন সেই দেহের এক-একটি অঙ্গ। 28 আর ঈশ্বর মণ্ডলীতে নিয়োগ করেছেন, প্রথমত প্রেরিতশিষ্যদের, দ্বিতীয়ত ভাববাদীদের, তৃতীয়ত শিক্ষকদের। তারপরে, অলৌকিক ক্ষমতাপ্রাপ্ত, সুস্থ করার ক্ষমতাপ্রাপ্ত, সাহায্য করার ক্ষমতাপ্রাপ্ত, প্রশাসনিক বরদানপ্রাপ্ত, এবং বিভিন্ন ধরনের ভাষা বলার ক্ষমতাপ্রাপ্ত তাদের নিয়োগ করেছেন। 29 সবাই কি প্রেরিতশিষ্য? সবাই কি ভাববাদী? সবাই কি শিক্ষক? সবাই কি অলৌকিক কাজ সম্পাদন করে? 30 সবারই কি সুস্থ করার বরদান আছে? সবাই কি ভিন্ন ভিন্ন ভাষায় কথা বলে? সবাই কি অর্থ ব্যাখ্যা করে? 31 তোমরা বরং মহন্তর বরদান পাওয়ার জন্য আগ্রহভরে কামনা করো। তবে আমি এবার তোমাদের সর্বশ্রেষ্ঠ পন্থা দেখাতে চাই।

**13** আমি যদি সব মানুষের ও দৃতদেরও ভাষায় কথা বলি, কিন্তু আমার ভালোবাসা না থাকে, তাহলে আমি শুধু এক অনুনাদী কাঁসরঘণ্টা বা ঝানঝানকারী করতাল। 2 যদি আমার ভাববাদী বলার বরদান আছে এবং আমি সকল গুপ্তরহস্য ও সমস্ত জ্ঞানে পারদশী হই এবং আমার যদি এমন বিশ্বাস থাকে, যা পাহাড়-পর্বতকে স্থানান্তরিত করতে পারে, অথচ আমার ভালোবাসা না থাকে, তাহলে আমি কিছুই নই। 3 যদি আমি আমার সর্বস্ব দরিদ্রদের দান করি এবং আগুনে পুড়ে যাওয়ার জন্য আমার দেহ সমর্পণ করি, কিন্তু ভালোবাসা না থাকে, আমার

কোনোই লাভ হয় না। 4 প্রেম চিরসহিষ্ণু, প্রেম সদয়। তা দৈর্ঘ্য করে না, আত্মাহংকার করে না, গর্বিত হয় না। 5 তা রুঢ় আচরণ করে না, স্বার্থ অন্নেষণ করে না, সহজে ঝুঁক্দ হয় না, অন্যায় আচরণ মনে রাখে না। 6 প্রেম মন্দ কিছুতে আনন্দ করে না, কিন্তু সত্যে উল্লিঙ্গিত হয়। 7 তা সবসময় সুরক্ষা দেয়, সবসময়ই বিশ্বাস করে, সবসময়ই প্রত্যাশায় থাকে, সবসময়ই ধৈর্য ধরে। 8 প্রেম কখনও ব্যর্থ হয় না। কিন্তু যদি ভাববাণী থাকে, সেগুলির অবসান হবে। যদি ভিন্ন ভিন্ন ভাষা থাকে, সেগুলি স্তুত হয়ে যাবে; যদি জ্ঞান থাকে, তা অবলুপ্ত হবে। 9 এখন, আমাদের জ্ঞান অসম্পূর্ণ ও অসম্পূর্ণরূপে ভাববাণী বলি, 10 কিন্তু পূর্ণতা উপস্থিত হলে যা কিছু অসম্পূর্ণ, সেগুলি বিলীন হবে। 11 আমি যখন শিশু ছিলাম, আমি শিশুর মতো কথা বলতাম, শিশুর মতো চিন্তা করতাম, শিশুর মতো বিচার করতাম। যখন আমি পরিণত বয়স্ক হয়ে উঠলাম, আমি শিশুসূলভ সবকিছুই ত্যাগ করলাম। 12 কারণ এখন আমরা আয়নায় অস্পষ্ট প্রতিফলন দেখছি, কিন্তু তখন আমরা দেখব মুখোযুথি। এখন আমার জ্ঞান অসম্পূর্ণ; কিন্তু তখন আমি সম্পূর্ণরূপে জানতে পারব যেমন আমি সম্পূর্ণ পরিচিত হয়েছি। 13 আর এখন এই তিনটি অবশিষ্ট আছে: বিশ্বাস, প্রত্যাশা ও প্রেম। কিন্তু এদের মধ্যে প্রেমই সর্বশ্রেষ্ঠ।

**14** তোমরা ভালোবাসার পথ অনুসরণ করো এবং আগ্রহের সঙ্গে আত্মিক বরদানগুলি কামনা করো, বিশেষত ভাববাণী বলার বরদান। 2 কারণ কেউ যদি কোনো বিশেষ ভাষায় কথা বলে, সে মানুষের উদ্দেশে নয়, কিন্তু ঈশ্বরের উদ্দেশে কথা বলে। প্রকৃতপক্ষে, কেউ তার কথা বুঝতে পারে না; সে তার আত্মায় গুণ্ঠরহস্য উচ্চারণ করে। 3 কিন্তু যে ব্যক্তি ভাববাণী বলে, সে মানুষের উদ্দেশে বলে, তাদের শক্তিশালী, প্রেরণা ও আশ্঵াস-দান করার জন্যই বলে। 4 যে বিশেষ ভাষায় কথা বলে, সে নিজেকে গেঁথে তোলে, কিন্তু যে ভাববাণী বলে, সে মণ্ডলীকে গেঁথে তোলে। 5 আমি ইচ্ছা করি, তোমরা প্রত্যেকেই যেন বিশেষ ভাষায় কথা বলতে পারো। কিন্তু আমি বেশি করে চাইব, তোমরা যেন ভাববাণী বলো। যে ভাববাণী বলে সে, যে বিশেষ

সব ভাষায় কথা বলে, তার চেয়ে মহান, যদি না সে মণ্ডলীকে গেঁথে  
তোলার জন্য সেই ভাষার অর্থ ব্যাখ্যা করে দেয়। ৬ এখন ভাইবোনেরা,  
আমি যদি তোমাদের কাছে এসে বিশেষ বিশেষ ভাষায় কথা বলি,  
অথচ প্রত্যাদেশ, জ্ঞান বা ভাববাণী বা শিক্ষামূলক কোনো কথা না  
বলি, আমি তোমাদের কোন উপকারে লাগব? ৭ এমনকি, বাঁশি বা  
বীণার মতো যেসব নিষ্প্রাণ বস্তু শব্দ সৃষ্টি করে, সেগুলির স্বরের মধ্যে  
তফাও সৃষ্টি না হলে, কেমন করে লোকে জানবে যে, কোন সুর বাজানো  
হচ্ছে? ৮ আবার তুরীঘননির আহ্বান যদি স্পষ্ট না হয়, তাহলে যুদ্ধের  
জন্য কে প্রস্তুত হবে? ৯ তোমাদের সম্পর্কেও একই কথা প্রযোজ্য।  
তোমাদের জিভের দ্বারা যদি বোধগম্য বাক্য উচ্চারণ না করো, তাহলে  
তোমরা কী বলছ, কেউ তা কীভাবে জানতে পারবে? তোমরা যেন  
বাতাসের সঙ্গে কথা বলবে। ১০ নিঃসন্দেহে, জগতে সব ধরনের ভাষা  
আছে, তবুও সেগুলির কোনোটিই অর্থহীন নয়। ১১ তাহলে কারও  
কথার অর্থ আমি যদি উপলব্ধি করতে না পারি, তাহলে সেই বক্তার  
কাছে আমি হব বিদেশি, আর সেও আমার কাছে হবে বিদেশি। ১২  
তোমাদের ক্ষেত্রেও একই কথা সত্যি। তোমরা যেহেতু আত্মিক বরদান  
লাভের জন্য আগ্রহী, সেইসব বরদান লাভের চেষ্টা করো, যেগুলি  
মণ্ডলীকে গেঁথে তোলে। ১৩ এই কারণে, যে ব্যক্তি কোনো বিশেষ  
ভাষায় কথা বলে, তার প্রার্থনা করা উচিত, যেন সে যা বলে, তা ব্যাখ্যা  
করে বুঝিয়ে দিতে পারে। ১৪ কারণ আমি যদি বিশেষ ভাষায় প্রার্থনা  
করি, তাহলে আমার আত্মা প্রার্থনা করে, কিন্তু আমার বুদ্ধি ফলহীন  
থাকে। ১৫ তাহলে আমি কী করব? আমি আমার আত্মাতে প্রার্থনা  
করব, কিন্তু আমি আমার বুদ্ধি-সহযোগেও প্রার্থনা করব। আমি আমার  
আত্মাতে গান গাইব, কিন্তু আমার বোধশক্তিতেও গান গাইব। ১৬  
তা না হলে তুমি যখন তোমার আত্মায় ঈশ্বরের প্রশংসা করো তবে  
যে শ্রোতা তা বুঝতে পারে না, তোমার ধন্যবাদ দেওয়ায় সে কী  
করে “আমেন” বলবে? কারণ তুমি কী বলছ, সে তো তা বুঝবেই  
না! ১৭ তুমি হয়তো বেশ ভালোভাবেই ধন্যবাদ দিচ্ছ, কিন্তু অপর  
ব্যক্তিকে গেঁথে তোলা হল না। ১৮ আমি ঈশ্বরকে ধন্যবাদ দিই যে,

তোমাদের সবার চেয়ে আমি অনেক বেশি ভাষায় কথা বলতে পারি।  
19 কিন্তু মণ্ডলীর মধ্যে বিশেষ ভাষায় দশ হাজার শব্দ উচ্চারণ করার  
চেয়ে, আমি বরং পাঁচটি সহজবোধ্য শব্দ বলব। 20 ভাইবোনেরা,  
তোমরা শিশুসুলভ চিন্তাভাবনা করা থেকে ক্ষান্ত হও। মন্দ বিষয়ে  
তোমরা দুধ খাওয়া শিশুর মতো হও, কিন্তু বোধবুদ্ধিতে পরিণত হও।  
21 বিধানশাস্ত্রে একথা লেখা আছে: “ভিন্নদেশী ভাষাভাষী লোকদের  
এবং বিদেশিদের ওষ্ঠাধরের মাধ্যমে, আমি এই জাতির সঙ্গে কথা  
বলব, কিন্তু তবুও, তারা আমার কথা শুনতে চাইলো না,” একথা  
প্রভু বলেন। 22 তাহলে, বিশেষ বিশেষ ভাষা বিশ্বাসীদের জন্য নয়,  
কিন্তু অবিশ্বাসীদের জন্য চিহ্নস্বরূপ; কিন্তু ভাববাণী বিশ্বাসীদের জন্য,  
অবিশ্বাসীদের জন্য নয়। 23 তাই যদি সমস্ত মণ্ডলী একত্রে মিলিত  
হয় ও প্রত্যেকেই বিশেষ বিশেষ ভাষায় কথা বলে এবং কোনো  
ব্যক্তি, যে তা বোঝে না, বা কিছু সংখ্যক অবিশ্বাসী ব্যক্তি সেখানে  
উপস্থিত হয়, তাহলে তারা কি বলবে না যে, তোমরা পাগল? 24 কিন্তু  
যদি কোনো অবিশ্বাসী বা অবোধ ব্যক্তি সেখানে উপস্থিত হয়, যখন  
সকলেই ভাববাণী বলে, সে তাদের সকলের দ্বারা বুঝতে পারবে যে  
সে একজন পাপী এবং সকলের দ্বারা সে বিচারিত হবে। 25 তখন  
তার হৃদয়ের গুপ্ত বিষয়গুলি প্রকাশ হয়ে যাবে। তাই সে মাটিতে পড়ে  
ঈশ্বরের উপাসনা করবে এবং পরম বিস্ময়ে বলে উঠবে, “সত্যই,  
ঈশ্বর আপনাদের মধ্যে বিরাজমান!” 26 ভাইবোনেরা, তাহলে আমরা  
কী বলব? তোমরা যখন একত্রে মিলিত হও, তখন প্রত্যেকের কোনো  
গীত বা উপদেশবাণী, কোনো প্রত্যাদেশ, কোনো বিশেষ ভাষা বা  
কোনও অর্থ ব্যাখ্যা আছে। এসব অবশ্যই মণ্ডলীকে শক্তিশালী করার  
জন্য করতে হবে। 27 কেউ যদি কোনো বিশেষ ভাষায় কথা বলে,  
দুজন বা তিনজনের বেশি তা বলবে; একবারে একজন করে বলবে  
এবং অন্য কেউ অবশ্যই তার অর্থ ব্যাখ্যা করে দেবে। 28 সেখানে যদি  
কোনও অর্থব্যাখ্যাকারী না থাকে, সেই ব্যক্তি মণ্ডলীতে নীরব থাকবে  
এবং নিজের ও ঈশ্বরের উদ্দেশে কথা বলবে। 29 ভাববাদীরা দুজন বা  
তিনজন কথা বলবে এবং অন্যরা স্বত্ত্বে বক্তব্যের গুরুত্ব বিবেচনা

করবে। 30 আর উপস্থিত ব্যক্তিদের মধ্যে কেউ যদি প্রত্যাদেশ লাভ করে, তাহলে প্রথম বঙ্গা নীরব থাকবে। 31 কারণ তোমরা সকলে পর্যায়ক্রমে ভাববাণী বলতে পারো, যেন প্রত্যেকেই শিক্ষা ও প্রেরণা লাভ করতে পারে। 32 ভাববাদীদের আত্মা ভাববাদীদের নিয়ন্ত্রণাধীন থাকে। 33 কারণ ঈশ্বর বিশ্বজ্ঞানের ঈশ্বর নন, কিন্তু শান্তির যেমন পবিত্রগণের সমস্ত মণ্ডলীতে হয়ে থাকে। 34 মণ্ডলীতে মহিলারা নীরব থাকবে। তাদের কথা বলার অনুমতি দেওয়া যায় না, বরং শান্তীর বিধানও যেমন বলে, তারা অবশ্যই বশ্যতাধীন থাকবে। 35 তারা যদি কোনও বিষয়ে কিছু জানতে চায়, তারা বাঢ়িতে নিজের নিজের স্বামীর কাছে তা জিজ্ঞাসা করক, কারণ মণ্ডলীতে কোনো মহিলার কথা বলা লজ্জাকর ব্যাপার। 36 ঈশ্বরের বাক্য কি তোমাদের মধ্য থেকেই উচ্চৃত হয়েছিল? অথবা, তা কি কেবলমাত্র তোমাদেরই কাছে উপস্থিত হয়েছে? 37 কেউ যদি নিজেকে ভাববাদী বা আত্মিকভাবে বরদানপ্রাপ্ত বলে মনে করে, তাহলে সে স্বীকার করবে যে, তোমাদের কাছে আমি যা লিখছি, তা প্রভুরই আদেশ। 38 সে যদি তা উপেক্ষা করে, তাহলে সে নিজেই উপেক্ষিত হবে। 39 অতএব, আমার ভাইবোনেরা, তোমরা ভাববাণী বলার জন্য আগ্রহী হও এবং বিশেষ বিশেষ ভাষায় কথা বলতে নিষেধ কোরো না। 40 কিন্তু সবকিছুই যথাযথ ও সুশৃঙ্খলভাবে হওয়া উচিত।

**15** এখন ভাইবোনেরা, আমি যে সুসমাচার তোমাদের কাছে প্রচার করেছি, তা আমি তোমাদের স্মরণ করিয়ে দিতে চাই, যা তোমরা গ্রহণ করেছিলে এবং যার উপরে তোমরা প্রতিষ্ঠিত আছ। 2 এই সুসমাচারের দ্বারা তোমরা পরিভ্রান্ত পেয়েছ, যদি তোমরা তোমাদের কাছে আমার প্রচারিত বাক্য দৃঢ়ভাবে ধারণ করে থাকো। অন্যথায়, তোমরা বৃথাই বিশ্বাস করেছ। 3 কারণ আমি যে বিষয়ে শিখেছি তা গুরুত্বপূর্ণ বলে প্রথমেই তোমাদের কাছে তা সমর্পণ করেছি যে, শান্ত অনুসারে শ্রীষ্ট আমাদের পাপের কারণে মৃত্যুবরণ করেছেন, 4 তিনি সমাধিপ্রাপ্ত হয়েছেন ও শান্ত অনুসারেই তিনি তৃতীয় দিনে উত্থাপিত হয়েছেন 5 এবং পরে কৈফা ও সেই বারোজনকে দর্শন

দিয়েছেন। 6 এরপরে তিনি ভাইদের মধ্যে পাঁচশোরও বেশিজনকে  
একবারে দর্শন দিয়েছেন, যাদের মধ্যে কয়েকজন নিদ্রাগত হলেও,  
অধিকাংশ জনই এখনও জীবিত আছেন। 7 তারপর তিনি যাকোবকে  
ও পরে সমস্ত প্রেরিতশিষ্যকে দর্শন দিয়েছেন; 8 সবশেষে, আমার  
মতো অকালজাতের কাছেও তিনি দর্শন দিয়েছেন। 9 কারণ, আমি  
প্রেরিতশিষ্যদের মধ্যে নগণ্যতম, এমনকি, প্রেরিতশিষ্যরূপে অভিহিত  
হওয়ারও যোগ্যতা আমার নেই, কারণ আমি ঈশ্বরের মঙ্গলীকে নির্যাতন  
করতাম। 10 কিন্তু এখন আমি যা হয়েছি তা ঈশ্বরের অনুগ্রহেই হয়েছি  
এবং আমার প্রতি তাঁর অনুগ্রহ নির্ধারিত হয়নি। বরং, আমি তাঁদের  
সকলের চেয়ে বেশি পরিশ্রম করেছি—তবুও আমি নই, কিন্তু ঈশ্বরের  
অনুগ্রহ আমার সহবর্তী ছিল। 11 অতএব, আমি হই বা তাঁরা হন,  
একথাই আমরা প্রচার করি এবং তোমরা একথাই বিশ্বাস করেছ। 12  
কিন্তু একথা যদি প্রচার করা হয়ে থাকে যে, খ্রীষ্টকে মৃতলোক থেকে  
উথাপিত করা হয়েছে, তাহলে তোমাদের মধ্যে কেউ কীভাবে বলে যে,  
মৃতদের পুনরুত্থান নেই? 13 যদি মৃতদের পুনরুত্থান নেই, তাহলে তো  
খ্রীষ্টও উথাপিত হননি! 14 আবার খ্রীষ্ট যদি উথাপিত না হয়ে থাকেন  
তবে আমাদের প্রচার করা ও তোমাদের বিশ্বাস করা, সব অর্থহীন  
হয়েছে। 15 তার চেয়েও বড়ো কথা, আমরা তখন ঈশ্বর সম্পর্কে  
মিথ্যাসাক্ষী বলে প্রমাণিত হব, কারণ ঈশ্বর সম্পর্কে আমরা এই সাক্ষ্য  
দিয়েছি যে, তিনি খ্রীষ্টকে মৃতলোক থেকে উথাপিত করেছেন। 16  
কারণ মৃতদের উথাপন যদি না হয়, তাহলে খ্রীষ্টকেও উথাপিত  
করা হয়নি। 17 আর যদি খ্রীষ্ট উথাপিত না হয়েছেন, তোমাদের  
বিশ্বাস নির্ধারিত, তোমরা এখনও তোমাদের পাপের মধ্যে রয়েছে। 19  
18 সুতরাং, যারা খ্রীষ্টে নিদ্রাগত হয়েছে, তারাও বিনষ্ট হয়েছে। 19  
কেবলমাত্র এই জীবনের জন্য যদি আমাদের খ্রীষ্টে প্রত্যাশা থাকে,  
তাহলে সব মানুষের চেয়ে আমরাই বেশি দুর্ভাগ্যপূর্ণ। 20 কিন্তু খ্রীষ্ট  
সত্তিই মৃতদের মধ্য থেকে উথাপিত হয়েছেন, যারা নিদ্রাগত হয়েছে,  
তাদের মধ্যে তিনিই প্রথম ফলস্বরূপ। 21 কারণ মৃত্যু যেহেতু একজন  
মানুষের মাধ্যমে এসেছিল, মৃতদের পুনরুত্থানও তেমনই একজন

মানুষের মাধ্যমেই আসে। 22 কারণ আদমে যেমন সকলের মৃত্যু হয়, তেমনই খ্রীষ্টে সকলেই পুনজীবিত হবে। 23 কিন্তু প্রত্যেকেই তার নিজ নিজ পর্যায়ক্রমে: প্রথম ফসল খ্রীষ্ট, পরে যখন তিনি আসবেন, তাঁর আপনজনেরা। 24 তারপর সবকিছুর শেষ সময় উপস্থিত হবে যখন তিনি সমস্ত শাসনভার, কর্তৃত্ব ও পরাক্রম ধ্বংস করার পর, পিতা ঈশ্বরের হাতে রাজ্যের ভার হস্তান্তর করবেন। 25 কারণ যতক্ষণ না তিনি তাঁর সমস্ত শক্তি কর্তৃত্ব ও পরাক্রম ধ্বংস করার পর, পিতা ঈশ্বরের হাতে রাজ্যের ভার হস্তান্তর করতেই হবে। 26 সর্বশেষ শক্তি যে মৃত্যু, তাও ধ্বংস করা হবে। 27 কারণ, “তিনি সবকিছুই তাঁর পায়ের নিচে রেখেছেন।” এখন, যখন বলা হচ্ছে, “সবকিছুই” তাঁর বশ্যতাধীন করা হয়েছে, এ বিষয় সুস্পষ্ট যে, এতে স্বয়ং ঈশ্বর অন্তর্ভুক্ত নন, যিনি সবকিছুই খ্রীষ্টের অধীন করেছেন। 28 তিনি যখন এরকম করবেন, তখন পুত্রও স্বয়ং তাঁর বশ্যতাধীন হবেন, যিনি সবকিছুই তাঁর বশ্যতাধীন করেন, যেন ঈশ্বরই সর্বসর্বা হন। 29 এখন পুনরঢ়ান যদি না থাকে, তাহলে যারা মৃতদের জন্য বাণিজ্য গ্রহণ করে, তারা কী করবে? মৃতেরা যদি আদৌ উথাপিত না হয়, লোকেরা কেন তাদের জন্য বাণিজ্য গ্রহণ করে? 30 আর আমাদের প্রসঙ্গে বলতে হলে, আমরাই বা কেন প্রতি মুহূর্তে নিজেদের বিপদগ্রস্ত করে তুলি? 31 ভাইবোনেরা, আমাদের প্রভু যীশু খ্রীষ্টে তোমাদের বিষয়ে আমার যা গর্ব, তারই দোহাই দিয়ে আমি বলছি যে আমি প্রতিদিনই মৃত্যুর মুখোমুখি হচ্ছি। 32 শুধুমাত্র মানবিক কারণেই যদি আমি ইফিষে বন্যপশুদের সঙ্গে লড়াই করে থাকি, তাহলে আমি কী লাভ করেছি? মৃতেরা যদি উথাপিত না হয়, তাহলে, “এসো আমরা ভোজন ও পান করি, কারণ আগামীকাল আমরা মারা যাব।” 33 তোমরা বিভান্ত হোয়ো না। “অসৎ সঙ্গ ভালো চরিত্রকে কলুষিত করে।” 34 তোমাদের যেমন হওয়া উচিত, চেতনায় ফিরে এসো এবং পাপ করা থেকে ক্ষান্ত হও; কারণ এমন কিছু লোক আছে, যাদের ঈশ্বরজ্ঞান নেই; তোমাদের লজ্জা দেওয়ার জন্য আমি একথা বলছি। 35 কিন্তু, কেউ হয়তো প্রশ্ন করবে, “কীভাবে মৃতদের উথাপিত করা হয়? কোন প্রকারের দেহ নিয়ে তারা উপস্থিত হবে?” 36 কী মূর্খতা! তোমরা যা

বপন করো, তা না মরলে জীবিত হয় না। 37 যখন তোমরা কিছু বপন করো, যে গাছ উৎপন্ন হবে, তা কিন্তু তোমরা বপন করো না, কিন্তু একটি বীজবপন করো; তা হয়তো গমের বা অন্য কিছুর। 38 কিন্তু ঈশ্বর যেমন নির্ধারণ করেছেন, তেমনই তার দেহ দান করেন এবং প্রত্যেক প্রকারের বীজকে তার নিজ নিজ দেহ দান করেন। 39 সব মাংসই এক প্রকারের নয়: মানুষের এক প্রকার মাংস আছে, পশুদের অন্য প্রকার; পাখিদের এক প্রকার এবং মাছের আর এক প্রকার; 40 এছাড়াও আছে স্বগীয় দেহ এবং আছে পার্থিব দেহ; কিন্তু স্বগীয় দেহগুলির ঔজ্জল্য এক প্রকার, পার্থিব দেহগুলির অন্য প্রকার। 41 সূর্যের আছে এক ধরনের ঔজ্জল্য, চাঁদের আর এক ধরনের ও তারার আর এক ধরনের; আর ঔজ্জল্যের দিক দিয়ে এক তারা অন্য তারার থেকে ভিন্ন। 42 মৃতদের পুনরুত্থানের ক্ষেত্রেও এরকমই হবে। ক্ষয়ে বপন করা হয়, কিন্তু অক্ষয়তায় উত্থাপিত করা হবে; 43 অনাদরে বপন করা হয়, মহিমায় তা উত্থাপিত করা হবে; দুর্বলতায় তা বপন করা হয়, পরাক্রমে তা উত্থাপিত হবে; 44 স্বাভাবিক দেহ বপন করা হয়, আত্মিক দেহ উত্থাপিত হবে। যদি স্বাভাবিক দেহ থাকে, তাহলে আত্মিক দেহও থাকে। 45 তাই এরকম লেখা আছে: “প্রথম মানুষ আদম হলেন এক জীবিত প্রাণী”; শেষ আদম হলেন এক জীবনদায়ী আত্মা। 46 আত্মিক প্রথমে আসেনি, কিন্তু এসেছে স্বাভাবিক, তারপর আত্মিক। 47 প্রথম মানুষ ছিলেন পৃথিবীর ধুলি থেকে, দ্বিতীয় মানুষ স্বর্গ থেকে। 48 পার্থিব সব ব্যক্তি সেই পার্থিব ব্যক্তির মতো এবং স্বগীয় সকলে সেই স্বর্গ থেকে আগত ব্যক্তির মতোই। 49 আর যেমন আমরা পার্থিব ব্যক্তির স্বরূপ ধারণ করেছি, তেমনই আমরা স্বর্গ থেকে আগত ব্যক্তির রূপও ধারণ করব। 50 ভাইবোনেরা, আমি তোমাদের কাছে ঘোষণা করছি যে, রক্তমাংসের দেহ ঈশ্বরের রাজ্যের অধিকারী হয় না। 51 শোনো, আমি তোমাদের এক গুপ্তরহস্য বলি: আমরা সকলে নিন্দাগত হব না, কিন্তু আমরা সকলেই রূপান্তরিত হব— 52 এক নিমিষে, চোখের পলকে, শেষ তূরীধ্বনির সঙ্গে তা ঘটবে। কারণ তূরীধ্বনি

হবে, মৃতেরা অক্ষয়তায় উত্থাপিত হবে এবং আমরা রূপান্তরিত হবে,  
53 কারণ এই ক্ষয়প্রাপ্তকে অক্ষয়তা পরিধান করতে হবে এবং এই  
মরদেহকে অমরতা পরিধান হতে হবে। 54 আর এই ক্ষয়প্রাপ্ত যখন  
অক্ষয়তা পরিধান করবে ও এই মরদেহ অমরতা পরিধান করবে, তখন  
এই যে কথা লেখা আছে, তা সত্য প্রমাণিত হবে: “চিরকালের জন্য  
মৃত্যুকে গ্রাস করা হয়েছে।” 55 “মৃত্যু, তোমার জয় কোথায়? মৃত্যু,  
তোমার হল কোথায়?” (Hadēs g86) 56 মৃত্যুর হল পাপ ও পাপের  
পরাক্রম হল বিধান। 57 কিন্তু ঈশ্বরের ধন্যবাদ হোক! তিনি প্রভু যীশু  
খ্রীষ্টের মাধ্যমে আমাদের বিজয় দান করেন। 58 তাই, আমার প্রিয়  
ভাইবোনেরা, সুস্থির থাকো। কোনো কিছুই তোমাদের বিচলিত না  
করুক। প্রভুর কাজে তোমরা সর্বদা নিজেদের সম্পূর্ণ উৎসর্গ করো,  
কারণ তোমরা জানো যে, প্রভুতে তোমাদের পরিশ্রম ব্যর্থ হবে না।

**16** এখন ঈশ্বরের লোকদের জন্য দান সংগ্রহ প্রসঙ্গে লিখছি: আমি  
গালাতিয়ায় অবস্থিত মণ্ডলীগুলিকে যা করতে বলেছি, তোমরাও তাই  
করো। 2 প্রত্যেক সপ্তাহের প্রথম দিনে, তোমাদের প্রত্যেকে নিজ নিজ  
উপার্জনের সঙ্গে সংগতি রেখে কিছু অর্থ আলাদা করে সরিয়ে রাখো,  
যেন আমি যখনই আসি, তখন কোনো অর্থ সংগ্রহ করতে না হয়। 3  
তারপর, আমি উপস্থিত হলে, তোমরা যাদের উপযুক্ত মনে করবে,  
আমি তাদের পরিচয়-পত্র দিয়ে তোমাদের সেই দান তাদের মাধ্যমে  
জেরুশালেমে পাঠিয়ে দেব। 4 আর যদি আমার যাওয়া প্রয়োজন বলে  
মনে হয়, তবে তারা আমার সঙ্গে যাবে। 5 ম্যাসিডেনিয়া দিয়ে আমার  
যাত্রা শেষ হলেই আমি তোমাদের ওখানে যাব—কারণ আমাকে  
ম্যাসিডেনিয়ার মধ্য দিয়ে যেতে হবে। 6 আমি হয়তো কিছুকাল  
তোমাদের সঙ্গে থাকব, কিংবা শীতকালও কাটাব, যেন আমি যেখানেই  
বাই, তোমরা আমার যাত্রায় সহায় করতে পারো। 7 আমি এখন  
তোমাদের সঙ্গে মাত্র কিছুক্ষণের জন্য দেখাসাক্ষাৎ করতে চাই না।  
প্রভুর অনুমতি পেলে, আমি তোমাদের সঙ্গে কিছু সময় কাটানোর  
আশা করছি। 8 কিন্তু পঞ্চাশতমী পর্যন্ত আমি ইফিয়েই থাকব, 9 কারণ  
মহৎ কাজের এক উন্মুক্ত দুয়ার আমার সামনে খুলে গিয়েছে, যদিও

এখানে অনেকেই আমার বিরোধিতা করে। 10 যদি তিমথি আসেন,  
তবে দেখো, তোমাদের সঙ্গে থাকার সময় তাঁর ভয় পাওয়ার যেন  
কিছু না থাকে, কারণ তিনি আমারই মতো প্রভুর কাজ করে চলেছেন।  
11 তাই, কেউই তাঁকে যেন গ্রহণ করতে অস্বীকার না করে। তাঁকে  
শান্তিতে তাঁর যাত্রাপথে পাঠিয়ে দিয়ো, যেন তিনি আমার কাছে ফিরে  
আসতে পারেন। আমি ভাইদের সঙ্গে তাঁরও আগমনের প্রতীক্ষায়  
আছি। 12 এখন আমাদের ভাই আপল্লো সম্পর্কে বলছি, অন্যান্য  
বিশ্বাসীদের সঙ্গে তোমাদের কাছে যাওয়ার জন্য আমি তাঁকে অনেক  
অনুরোধ করেছিলাম। কিন্তু তিনি এখন একেবারেই যেতে ইচ্ছুক নন।  
পরে সুযোগ পেলেই তিনি যাবেন। 13 তোমরা সতর্ক থেকো; বিশ্বাসে  
অবিচলিত থেকো; সাহসী ও শক্তিমান হও। 14 তোমরা যা কিছু করো  
সেসব ভালোবাসায় করো। 15 তোমরা জানো যে স্তেফানার পরিজনেরা  
হলেন আখ্যায় প্রদেশের প্রথম ফসল, তাঁরা পরিব্রহ্মণের সেবাকাজে  
নিজেদের নিযুক্ত করেছেন। ভাইবোনেরা, আমি তোমাদের অনুরোধ  
করছি, 16 তোমরা এইসব লোকদের এবং যতজন কাজে যুক্ত হয় ও  
পরিশ্রম করে, তাঁদের প্রত্যেকের বাধ্য হও। 17 স্তেফানা, ফর্তুনাত ও  
আখাইকার আগমনে আমি আনন্দিত হয়েছিলাম, কারণ তোমাদের  
থেকে যা অপূর্ণ ছিল, তাঁরা তা সরবরাহ করেছেন। 18 এর কারণ হল,  
তাঁরা আমার ও সেই সঙ্গে তোমাদেরও আত্মাকে অনুপ্রাণিত করেছেন।  
এই ধরনের লোকেরা স্বীকৃতি পাওয়ার যোগ্য। 19 এশিয়া প্রদেশের  
সব মণ্ডলী তোমাদের অভিবাদন জানাচ্ছেন। আক্রিলা ও প্রিক্সিলা এবং  
তাঁদের বাড়িতে সমবেত হওয়া মণ্ডলী, প্রভুতে তোমাদের উষ্ণ শুভেচ্ছা  
জ্ঞাপন করছেন। 20 এখানকার সমস্ত ভাইবোনেরা তোমাদের শুভেচ্ছা  
জ্ঞাপনে পরম্পরাকে প্রীতি-সন্তাষণ জানাও।  
21 আমি পৌল, নিজের হাতে এই অভিনন্দনবাণী লিখছি। 22 কেউ যদি  
প্রভুকে না ভালোবাসে, তবে তার উপরে অভিশাপ নেমে আসুক। হে  
প্রভু, তুমি এসো! 23 প্রভু যীশুর অনুগ্রহ তোমাদের সহবর্তী হোক। 24  
প্রীষ্ট যীশুতে তোমাদের সকলকে আমার ভালোবাসা জানাই। আমেন।

## ২য় করিষ্ণীয়

১ পৌল, ঈশ্বরের ইচ্ছা অনুযায়ী খ্রীষ্ট যীশুর একজন প্রেরিতশিষ্য  
এবং আমাদের ভাই তিমথি, করিন্থে অবস্থিত ঈশ্বরের মণ্ডলী এবং  
সমস্ত আখায়া প্রদেশের যত পবিত্রগণ আছেন, তাদের সবার প্রতি:  
২ আমাদের পিতা ঈশ্বর ও প্রভু যীশু খ্রীষ্ট থেকে অনুগ্রহ ও শান্তি  
তোমাদের প্রতি বর্তুক। ৩ আমাদের প্রভু যীশু খ্রীষ্টের ঈশ্বর ও পিতার  
প্রশংসা হোক, যিনি করণাময় পিতা ও সমস্ত সান্ত্বনার ঈশ্বর, ৪ যিনি  
আমাদের সকল কষ্টের জন্য সান্ত্বনা প্রদান করেন, যেন আমরা স্বয়ং যে  
সান্ত্বনা ঈশ্বরের কাছ থেকে লাভ করেছি, যারা যে কোনো কষ্টভোগ  
করছে, তাদের সেই সান্ত্বনা দ্বারা সান্ত্বনা প্রদান করতে পারি। ৫ কারণ  
যেমন খ্রীষ্টের কষ্টভোগ আমাদের জীবনে প্রচুররূপে প্রবাহিত হয়েছে,  
তেমনই খ্রীষ্টের মাধ্যমে আমাদের সান্ত্বনাও যেন প্রবলরূপে উপচে  
পড়ে। ৬ আমরা যদি যন্ত্রণাগ্রস্ত হই, তা তোমাদের সান্ত্বনা ও পরিত্রাণের  
জন্য; যদি আমরা সান্ত্বনা লাভ করি, তা তোমাদের সান্ত্বনার জন্য,  
যা তোমাদের মধ্যে ধৈর্যসহ, আমরা যে কষ্টভোগ করি, সেই একই  
কষ্টভোগে সহ্যশক্তি উৎপন্ন করে। ৭ আর তোমাদের জন্য আমাদের  
প্রত্যাশা অবিচল, কারণ আমরা জানি যে, যেমন তোমরা আমাদের  
কষ্টভোগের অংশীদার হও, তেমনই তোমরা আমাদের সান্ত্বনারও  
সহভাগী হয়ে থাকো। ৮ ভাইবোনেরা, আমি চাই না, এশিয়া প্রদেশে  
যে দুর্দশা আমরা ভোগ করেছিলাম, তা তোমাদের অজানা থাকে।  
আমাদের সহ্যশক্তির থেকেও বহুগে বেশি আমরা নিদারণ চাপের  
মধ্যে ছিলাম, যার ফলে আমরা প্রাণের আশা ছেড়ে দিয়েছিলাম। ৯  
প্রকৃতপক্ষে, আমরা আমাদের অন্তরে মৃত্যুর শান্তি অনুভব করেছিলাম।  
কিন্তু এরকম ঘটল, যেন আমরা নিজের উপরে নির্ভর না করে ঈশ্বরের  
উপরে করি, যিনি মৃতদের উত্থাপিত করেন। ১০ তিনিই আমাদের  
এরকম মৃত্যুজনক সংকট থেকে উদ্বার করেছেন এবং তিনি আমাদের  
উদ্বার করবেন। তাঁরই উপর আমরা আশা রেখেছি যে, তিনি আমাদের  
পুনরায় উদ্বার করবেন, ১১ যেমন তোমরা তোমাদের প্রার্থনা দ্বারা  
আমাদের সাহায্য করে থাকো। এরপর অনেকের প্রার্থনার উত্তরে

আমরা যে মহা-অনুগ্রহ লাভ করেছি, সেই কারণে, অনেকেই আমাদের পক্ষে ঈশ্বরকে ধন্যবাদ জ্ঞাপন করবে। 12 এখন আমাদের গর্ব এই: আমাদের বিবেক সাক্ষ্য দেয় যে, আমরা ঈশ্বরের দেওয়া পবিত্রতায় এবং সরলতায় জগতের মধ্যে আচরণ করেছি, বিশেষত তোমাদের সঙ্গে আমাদের সম্পর্কের ক্ষেত্রে। এইসব গুণ ঈশ্বর থেকে লক্ষ। আমরা জাগতিক প্রজ্ঞা অনুসারে নয়, কিন্তু ঈশ্বরের অনুগ্রহের দ্বারা এরকম করেছি। 13 আমরা শুধু তাই লিখছি, যা তোমরা পড়তে ও বুঝতে পারবে। আমি এই আশাতেই আছি। 14 এখন পর্যন্ত তোমরা আমাদের আংশিকরণে বুঝতে পেরেছ, যেন প্রভু যীশুর দিনে তোমরা আমাদের জন্য গর্ব করতে পারো, যেমন আমরা তোমাদের জন্য গর্ব করব। 15 আমি যেহেতু এ বিষয়ে নিশ্চিত ছিলাম, যাত্রার শুরুতে আমি প্রথমে তোমাদের কাছে যাব, যেন তোমরা দু-বার উপকৃত হতে পারো। 16 আমি ম্যাসিডোনিয়া যাওয়ার পথে তোমাদের সঙ্গে দেখা করার পরিকল্পনা করেছিলাম এবং চেয়েছিলাম সেখান থেকে তোমাদের কাছে ফিরে আসতে, তারপর তোমরা যেন আমাকে যিহুদিয়ার পথে পাঠিয়ে দাও। 17 এই পরিকল্পনা করার সময় আমি কি তা লম্বুভাবে করেছিলাম? নাকি আমি আমার পরিকল্পনাগুলি জাগতিক উপায়ে করি যে, একইসঙ্গে আমি ‘হ্যাঁ, হ্যাঁ’ ও ‘না, না’ বলি? 18 কিন্তু ঈশ্বর যেমন নিশ্চিতরূপে বিশ্বস্ত, তোমাদের কাছে আমাদের বার্তা তেমনই ‘হ্যাঁ’ বা ‘না’ নয়। 19 কারণ ঈশ্বরের পুত্র, যীশু খ্রীষ্ট, যাঁকে আমি, সীল ও তিমথি তোমাদের কাছে প্রচার করেছিলাম, তিনি ‘হ্যাঁ’ ও ‘না’ মেশানো ছিলেন না, কিন্তু তাঁর মধ্যে সবসময়ই ‘ইতিবাচক’ ব্যাপার ছিল। 20 কারণ ঈশ্বর যত প্রতিশ্রূতিই দিয়েছেন, সেগুলি খ্রীষ্টের মধ্যে ‘ইতিবাচক’ হয়েছে। আর তাই, তাঁরই মাধ্যমে ঈশ্বরের মহিমার উদ্দেশ্যে আমরা ‘আমেন’ বলি। 21 এখন ঈশ্বর তোমাদের সঙ্গে আমাদের, উভয়কেই খ্রীষ্টে দৃঢ়প্রতিষ্ঠ করেছেন। তিনি আমাদের অভিযিঙ্গ করেছেন, 22 আমাদের উপরে তাঁর অধিকারের সিলমোহর দিয়েছেন এবং সন্ধিকট সব বিষয়ের নিশ্চয়তাস্বরূপ তাঁর আত্মাকে আমাদের হাদয়ে অগ্রিম দানস্বরূপ স্থাপন করেছেন। 23 আমি আমার

প্রাণের উপরে ঈশ্বরকে সাক্ষী রেখে বলছি যে, তোমাদেরকে কঠোর  
তিরক্ষার থেকে বাঁচানোর জন্যই আমি করিন্থে ফিরে যাইনি। 24  
তোমাদের বিশ্বাসের উপরে প্রভৃতি করতে চেয়েছি বলে নয়, কিন্তু  
তোমাদের আনন্দের জন্য আমরা তোমাদের সহকর্মী হয়েছি, কারণ  
বিশ্বাস সম্পর্কে বলতে গেলে, তোমরা তার উপরে সুদৃঢ়রূপে প্রতিষ্ঠিত  
আছ।

2 তাই আমি আমার মনে স্থির করেছিলাম যে, পুনরায় তোমাদের  
দুঃখ দেওয়ার জন্য আমি তোমাদের কাছে যাব না। 2 কারণ, আমি  
যদি তোমাদের দুঃখ দিই, তাহলে যাদের দুঃখ দিয়েছি, সেই তোমরা  
ছাড়া আমাকে আনন্দিত জন্য আর কে থাকবে? 3 পত্র লেখার সময়  
আমি এরকমই লিখেছিলাম যে, আমি যখন আসব, তখন যাদের কাছ  
থেকে আমার আনন্দ পাওয়ার কথা, তাদের কাছ থেকে যেন দুঃখ  
না পাই। তোমাদের সকলের প্রতি আমার এই দৃঢ় বিশ্বাস ছিল যে,  
তোমরা সকলে আমার আনন্দে আনন্দিত হবে। 4 আমি নিরাকৃত কষ্ট  
ও মর্মযন্ত্রণায় ও অনেক চোখের জলের সঙ্গে তোমাদের লিখেছিলাম,  
তোমাদের দুঃখ দেওয়ার জন্য নয়, কিন্তু তোমাদের প্রতি আমার গভীর  
ভালোবাসা জানাবার জন্য। 5 কেউ যদি দুঃখের কারণ হয়ে থাকে, সে  
আমাকে তেমন দুঃখ দেয়নি, যেমন তোমাদের সবাইকে কিছু পরিমাণে  
দিয়েছে—কোনও অতিশয়োক্তি না করেই আমি একথা বলছি। 6  
অধিকাংশ লোকই তাকে যে শাস্তি দিয়েছে, তাই তার পক্ষে যথেষ্ট। 7  
বরং, এখন তোমাদের উচিত তাকে ক্ষমা করা ও সান্ত্বনা দেওয়া,  
যেন সে দুঃখের আতিশয়ে ভেঙে না পড়ে। 8 তাই, আমি তোমাদের  
অনুরোধ করছি, তোমরা পুনরায় তার প্রতি তোমাদের ভালোবাসা  
প্রদর্শন করো। 9 তোমাদের কাছে আমার লেখার কারণ এই যে, আমি  
দেখতে চেয়েছিলাম, তোমরা সেই পরীক্ষা সহ্য করতে ও সর্ববিষয়ে  
অনুগত থাকতে পারো কি না। 10 তোমরা যদি কাউকে ক্ষমা করো,  
আমিও তাকে ক্ষমা করি। আর আমি যা ক্ষমা করেছি—যদি ক্ষমা  
করার মতো কিছু ছিল—আমি তোমাদেরই কারণে শ্রীষ্টের সাক্ষাতে  
তাকে ক্ষমা করেছি, 11 যেন শয়তান ধূর্ততায় আমাদের পরামর্শ করতে

না পারে, কারণ তার কৌশল আমাদের অজানা নয়। 12 এখন খ্রীষ্টের সুসমাচার প্রচারের জন্য যখন আমি ত্রোয়াতে গেলাম, দেখলাম প্রভু আমার জন্য এক দুয়ার খুলে দিয়েছেন। 13 তবুও আমার মনে শান্তি ছিল না, কারণ সেখানে আমি আমার ভাই তাতের সন্ধান পাইনি। তাই তাদের বিদায় জানিয়ে আমি ম্যাসিডেনিয়ায় চলে গেলাম। 14 কিন্তু ঈশ্বরের ধন্যবাদ হোক, তিনি সর্বদা আমাদের নিয়ে খ্রীষ্টে বিজয়যাত্রা করেন এবং আমাদের মাধ্যমে সর্বত্র তাঁর সম্পর্কীয় জ্ঞানের সৌরভ ছাড়িয়ে দেন। 15 কারণ যারা পরিত্রাণ পাচ্ছে এবং যারা ধ্বংস হচ্ছে, উভয়েরই কাছে আমরা ঈশ্বরের পক্ষে খ্রীষ্টের সৌরভস্বরূপ। 16 এক পক্ষের কাছে আমরা মৃত্যুর ভীতিপ্রদ গন্ধস্বরূপ, অপর পক্ষের কাছে জীবনের সুগন্ধস্বরূপ। আর এ ধরনের কাজের জন্য উপযুক্ত ব্যক্তি কে? 17 অনেকের মতো, আমরা লাভের জন্য ঈশ্বরের বাক্য ফেরি করে বেড়াই না। এর পরিবর্তে, ঈশ্বরের দ্বারা প্রেরিত মানুষদের মতো আমরা সরলতার সঙ্গে ঈশ্বরের সাক্ষাতে খ্রীষ্টেই কথা বলি।

**3** আমরা কি আবার নিজেদের প্রশংসা করা শুরু করেছি? কিংবা, কিছু মানুষের মতো, তোমাদের কাছে আমাদেরও সুপারিশ-পত্রের প্রয়োজন বা তোমাদের কাছ থেকে তা নিতে হবে? 2 তোমরাই তো আমাদের পত্র, আমাদের হাদয়ে লিখিত পত্র, যা প্রত্যেকেই জানে ও পড়ে। 3 তোমরা দেখাও যে, আমাদের পরিচর্যার ফলস্বরূপ তোমরা খ্রীষ্টের কাছ থেকে লিখিত পত্র, যা কালি দিয়ে নয়, কিন্তু জীবন্ত ঈশ্বরের আত্মা দিয়ে, পাথরের ফলকে নয়, কিন্তু মানুষের হাদয়-ফলকে লেখা হয়েছ। 4 ঈশ্বরের প্রতি এ ধরনের বিশাসই খ্রীষ্টের মাধ্যমে আমাদের আছে। 5 এরকম নয় যে, নিজেদের যোগ্যতায় আমরা কিছু করতে পারি বলে দাবি করি। আমাদের যোগ্যতা ঈশ্বর থেকেই আসে। 6 তিনিই আমাদের এক নতুন নিয়মের পরিচারকরূপে যোগ্য করে তুলেছেন—যা অক্ষরে নয়, কিন্তু আত্মায় লিখিত হয়েছে, কারণ অক্ষর মৃত্যুতে শেষ হয়, কিন্তু পবিত্র আত্মা জীবন প্রদান করেন। 7 যে পরিচর্যা মৃত্যু নিয়ে এসেছিল, যা পাথরের উপরে লিপিতে উৎকীর্ণ ছিল, তা যদি এমন মহিমার সঙ্গে উপস্থিত হয়েছিল যে, ইস্রায়েলীরা

স্থিরদৃষ্টিতে মোশির মুখমণ্ডলের দিকে তাঁর মহিমার জন্য তাকাতে  
 পারছিল না, যদিও সেই মহিমা ক্রমেই নিষ্পত্ত হচ্ছিল, ৪ তাহলে  
 আত্মার পরিচর্যা কি আরও বেশি মহিমাদীপ্ত হবে না? ৫ যে পরিচর্যা  
 মানুষকে অভিযুক্ত করে, তা যদি এমন মহিমাদীপ্ত হয়, তাহলে যে  
 পরিচর্যা ধার্মিকতা নিয়ে আসে, তা আরও কত না বেশি মহিমাদীপ্ত  
 হবে! ১০ প্রকৃতপক্ষে, যা ছিল মহিমাময়, তা বর্তমানের বহুগণে শ্রেষ্ঠতর  
 মহিমার তুলনায় কোনো মহিমাই নয়। ১১ আবার যা ক্রমশ নিষ্পত্ত হয়ে  
 যাচ্ছিল, তা যদি মহিমার সঙ্গে উপস্থিত হয়েছিল, তাহলে যা স্থায়ী, তার  
 মহিমা আরও কত না মহত্তর হবে! ১২ সেই কারণে, আমাদের এরকম  
 প্রত্যাশা আছে বলেই আমরা এরকম অতি সাহসী হয়েছি। ১৩ আমরা  
 মোশির মতো নই; তিনি তাঁর মুখের উপরে আবরণ দিতেন যেন, যে  
 মহিমার কিরণ স্লান হয়ে আসছিল, ইস্রায়েল-সন্তানদের দৃষ্টি শেষ পর্যন্ত  
 তা থেকে সরিয়ে রাখতে পারেন। ১৪ কিন্তু তাদের মনকে কঠিন করা  
 হয়েছিল, কারণ পুরোনো নিয়মের পাঠে আজও পর্যন্ত সেই আবরণ  
 থেকেই গেছে। তা অপসারিত করা হয়নি, কারণ কেবলমাত্র শ্রীষ্টেই  
 তা অপসারিত করা যায়। ১৫ এমনকি, আজও অবধি যখন মোশির  
 বিধান পাঠ করা হয়, একটি আবরণ তাদের অন্তরকে আবৃত করে  
 রাখে। ১৬ কিন্তু যখনই কেউ প্রভুর প্রতি ফিরে আসে, সেই আবরণ  
 অপসারিত করা হয়। ১৭ এখন প্রভুই সেই আত্মা, আর যেখানে প্রভুর  
 আত্মা থাকেন সেখানেই স্বাধীনতা থাকে। ১৮ আর আমরা সকলে, যারা  
 অনাবৃত মুখমণ্ডলে প্রভুর মহিমা দর্পণের মতো প্রতিফলিত করছি,  
 আমরা তাঁরই প্রতিমূর্তিতে ক্রমশ বৃদ্ধি পাওয়া মহিমায় রূপান্তরিত  
 হচ্ছি, যে মহিমা প্রভু, যিনি আত্মা, তাঁর কাছ থেকে আসে।

**৪** এই কারণে, ঈশ্বরের করণার মাধ্যমে আমাদের যেহেতু এই  
 পরিচর্যা আছে, আমরা নিরঞ্জসাহ হই না। ২ বরং, আমরা গোপনীয়  
 ও লজ্জাজনক পথগুলি ত্যাগ করেছি; আমরা ধূর্ততার আশ্রয় নিই  
 না, কিংবা ঈশ্বরের বাক্যকে বিকৃতও করি না। এর বিপরীতে,  
 সহজসরলভাবে সত্যকে প্রকাশ করে আমরা ঈশ্বরের দৃষ্টিতে সব  
 মানুষের বিবেকের কাছে নিজেদের যোগ্য করে তুলি। ৩ আবার,

আমাদের সুসমাচার যদি আবৃত থাকে, তাহলে যারা ধ্বংস হচ্ছে, তা  
তাদের কাছেই আবৃত থাকে। 4 এই যুগের দেবতা অবিশ্বাসীদের মন  
অঙ্গ করেছে, যেন তারা খ্রীষ্টের মহিমার যে সুসমাচার তার আলো  
দেখতে না পায়। সেই খ্রীষ্টই হলেন ঈশ্বরের প্রতিমূর্তি। (aiōn g165)

5 কারণ আমরা নিজেদের বিষয়ে প্রচার করি না, কিন্তু যীশু খ্রীষ্টকে  
প্রভুরপে করি এবং যীশুর কারণে নিজেদের পরিচয় দিই তোমাদের  
দাসরূপে। 6 কারণ যে ঈশ্বর বলেছিলেন, “অঙ্গকারের মধ্য থেকে  
জ্যোতি উদ্ভাসিত হোক,” তিনি তাঁর জ্যোতি আমাদের হৃদয়ে উদ্বীপিত  
করলেন, যেন খ্রীষ্টের মুখমণ্ডলে বিরাজিত ঈশ্বরের যে মহিমা, তার  
জ্ঞানের আলো আমাদের প্রদান করেন। 7 কিন্তু এই সম্পদ আমরা  
মাটির পাত্রে ধারণ করছি, যেন এরকম প্রত্যক্ষ হয় যে সর্বগুণে  
উৎকৃষ্টতর এই পরাক্রম আমাদের থেকে নয়, কিন্তু ঈশ্বরের কাছ থেকে  
আসে। 8 আমরা চতুর্দিক থেকেই প্রবলরূপে নিষ্পেষিত হচ্ছি, কিন্তু চূর্ণ  
হচ্ছি না; হতবুদ্ধি হচ্ছি, কিন্তু নিরাশ হচ্ছি না; 9 নির্যাতিত হচ্ছি, কিন্তু  
পরিত্যক্ত হচ্ছি না; আঘাতে ধরাশায়ী হচ্ছি, কিন্তু বিধ্বস্ত হচ্ছি না। 10  
আমরা সবসময়ই, আমাদের শরীরে যীশুর মৃত্যুকে বহন করে চলেছি,  
যেন আমাদের শরীরে যীশুর জীবনও প্রকাশ পায়। 11 কারণ আমরা  
যারা জীবিত আছি, তাদের সবসময়ই যীশুর কারণে মৃত্যুর কাছে  
সমর্পণ করা হচ্ছে, যেন আমাদের এই মানবিক দেহে তাঁর জীবনও  
প্রকাশিত হতে পারে। 12 তাহলে এখন, মৃত্যু আমাদের শরীরে সক্রিয়  
ঠিকই, কিন্তু তোমাদের মধ্যে জীবন সক্রিয় আছে। 13 বিশাসের সেই  
একই আত্মা আমাদের আছে বলে, যেমন লেখা আছে, “আমি বিশ্বাস  
করেছি, তাই কথা বলেছি,” সেই অনুযায়ী আমরাও বিশ্বাস করি ও  
সেই কারণে কথা বলি। 14 কারণ আমরা জানি যে, যিনি প্রভু যীশুকে  
মৃতলোক থেকে উত্থাপিত করেছেন, তিনি যীশুর সঙ্গে আমাদেরও  
উত্থাপিত করবেন এবং তোমাদের সঙ্গে আমাদেরও তাঁর সান্নিধ্যে  
উপস্থিত করবেন। 15 এসবই তোমাদের কল্যাণের জন্য, যেন যে  
অনুগ্রহ আরও বেশি সংখ্যক মানুষের কাছে উপস্থিত হচ্ছে, তা ঈশ্বরের  
মহিমার উদ্দেশে উপচে পড়া ধন্যবাদ জ্ঞাপনের কারণ হয়। 16 সেই

কারণে, আমরা নিরক্ষসাহ হই না। যদিও বাহ্যিকভাবে আমরা ক্ষয়প্রাপ্ত হচ্ছি, তবুও অভ্যন্তরীণভাবে দিন-প্রতিদিন আমরা নতুন হচ্ছি। 17

কারণ আমাদের তুচ্ছ ও ক্ষণস্থায়ী কষ্টসমস্যাগুলি আমাদের জন্য যে চিরস্তন মহিমা অর্জন করছে, তা সেইসব কষ্টসমস্যাকে বিপুলরূপে অতিক্রম করে। (aiōnios g166) 18 তাই কোনো দৃশ্যমান বস্তর দিকে নয়, কিন্তু যা অদৃশ্য তার প্রতি আমরা দৃষ্টি নিবন্ধ করি। কারণ যা কিছু দৃশ্যমান, তা ক্ষণস্থায়ী, কিন্তু যা কিছু অদৃশ্য তাই চিরস্তন। (aiōnios g166)

5 এখন আমরা জানি যে, যদি এই পার্থিব তাঁবু, যার মধ্যে আমরা বসবাস করি, তা যদি ধ্বংস হয়ে যায়, তাহলে আমাদের জন্য আছে এক ঈশ্঵রের দেওয়া গৃহ, স্বর্গে এক চিরস্তন আবাস, যা মানুষের হাতে তৈরি নয়। (aiōnios g166) 2 এই সময়কালে আমরা আর্তনাদ করছি, আমাদের স্বর্গীয় আবাস পরিহিত হওয়ার জন্য আকাঙ্ক্ষা করছি, 3 কারণ যখন আমরা পোশাক পরিহিত হব, আমাদের বস্ত্রহীন দেখা যাবে না। 4 কারণ আমরা যতক্ষণ এই তাঁবুর মধ্যে আছি, আমরা আর্তনাদ করি ও ভারগ্রস্ত হই, কারণ আমরা পোশাকহীন হতে চাই না, কিন্তু আমাদের স্বর্গীয় আবাসের দ্বারা আবৃত হতে চাই, যেন যা কিছু নশ্বর, তা জীবনের দ্বারা কবলিত হয়। 5 এখন ঈশ্বর আমাদের এই উদ্দেশ্যেই সৃষ্টি করেছেন এবং আগামী সময়ে যা সন্নিকট, তার নিশ্চয়তাস্বরূপ পরিত্র আত্মাকে আমাদের অগ্রিম দান করেছেন। 6 অতএব, আমরা সবসময়ই সুনিশ্চিত এবং জানি যে, যতক্ষণ আমরা এই শরীরে অবস্থান করছি, আমরা প্রভু থেকে দূরে আছি। 7 আমরা বিশ্বাস দ্বারা জীবনযাপন করি, দৃশ্য বস্তর দ্বারা নয়। 8 আমরা সুনিশ্চিত, তাই আমি বলি, আমরা বেশি করে চাইব, শরীর থেকে দূরে থেকে প্রভুর সান্নিধ্যে গিয়ে বাস করি। 9 তাই আমরা এই শরীরে বাস করি বা এর থেকে দূরে থাকি, আমাদের লক্ষ্য হল তাঁকে সন্তুষ্ট করা। 10 কারণ আমরা সকলে খীঁটের বিচারাসনের সামনে অবশ্যই উপস্থিত হব, যেন প্রত্যেকেই শরীরে বসবাস করার কালে, সৎ বা অসৎ, যে কাজই করেছে, তার প্রাপ্য ফল পায়। 11 তাহলে,

প্রভুকে ভয় করার অর্থ কী, তা আমরা জানি; সেই কারণে আমরা  
সব মানুষকে তা বোঝানোর চেষ্টা করি। আমরা যে কী প্রকার, তা  
ঈশ্বরের কাছে স্পষ্ট। আমি আশা করি, তোমাদের বিবেকের কাছেও  
তা স্পষ্ট। 12 আমরা আবার তোমাদের কাছে নিজেদের প্রশংসা করার  
চেষ্টা করছি না, কিন্তু আমাদের জন্য তোমাদের গর্ব করার একটি  
সুযোগ দিচ্ছি, যেন যারা অন্তরের বিষয় নিয়ে গর্বিত না হয়ে বাহ্যিক  
প্রদর্শন নিয়ে গর্ব করে, তোমরা তাদের উত্তর দিতে পারো। 13 যদি  
আমরা উন্মাদ হয়েছি, তাহলে তা ঈশ্বরের জন্যই হয়েছি; যদি আমরা  
স্বাভাবিক অবস্থায় আছি, তাহলে তা তোমাদেরই জন্য। 14 কারণ  
খ্রীষ্টের প্রেম আমাদের বাধ্য করেছে এবং আমরা নিশ্চিত যে, একজন  
যখন সকলের জন্য মৃত্যুবরণ করলেন, সেই কারণে সকলেরই মৃত্যু  
হল। 15 আর তিনি সকলের জন্য মৃত্যুবরণ করেছেন, যেন যারা  
জীবিত আছে, তারা আর যেন নিজেদের জন্য জীবনধারণ না করে,  
কিন্তু তাঁর জন্য করে, যিনি তাদের জন্য মৃত্যুবরণ করেছেন ও পুনরায়  
উথাপিত হয়েছেন। 16 তাই, এখন থেকে জাগতিক মানবগুলি অনুসারে  
আমরা কাউকে জানি না। যদিও খ্রীষ্টকে আমরা জাগতিক মানবগুলি  
অনুসারে জানতাম, কিন্তু এখন আর জানি না। 17 অতএব, কেউ  
যদি খ্রীষ্টে থাকে, সে এক নতুন সৃষ্টি; পুরোনো বিষয় সব অতীত  
হয়েছে, দেখো সব নতুন হয়ে উঠেছে। 18 এসবই ঈশ্বর থেকে হয়েছে,  
যিনি খ্রীষ্টের মাধ্যমে তাঁর নিজের সঙ্গে আমাদের পুনর্মিলিত করেছেন  
এবং পুনর্মিলনের সেই পরিচয়া আমাদের দিয়েছেন। 19 তা হল এই  
যে, ঈশ্বর জগৎকে খ্রীষ্টের মাধ্যমে তাঁর সঙ্গে পুনর্মিলিত করছিলেন,  
মানুষের পাপসকল আর তাদের বিরুদ্ধে গণ্য করেননি। আর সেই  
পুনর্মিলনের বার্তা ঘোষণা করা তিনি আমাদের উপর ন্যস্ত করেছেন।  
20 অতএব, আমরা খ্রীষ্টের রাজন্তু, ঈশ্বর যেন আমাদের মাধ্যমে তাঁর  
আবেদন জানাচ্ছিলেন। আমরা খ্রীষ্টের পক্ষে তোমাদের কাছে এই  
মিনতি করছি, ঈশ্বরের সঙ্গে পুনর্মিলিত হও। 21 যিনি পাপ জানতেন  
না, ঈশ্বর তাঁকে আমাদের পক্ষে পাপস্বরূপ করলেন, যেন আমরা তাঁর  
দ্বারা ঈশ্বরের ধার্মিকতাস্বরূপ হতে পারি।

**৬** ঈশ্বরের সহকর্মীরপে আমরা তোমাদের নিবেদন করছি, তোমরা ঈশ্বরের অনুগ্রহ বৃথা গ্রহণ কোরো না। ২ কারণ তিনি বলেন, “আমার অনুগ্রহ প্রদর্শনকালে, আমি তোমার কথা শুনেছি, আর পরিত্রাণের দিনে আমি তোমাকে সাহায্য প্রদান করেছি।” আমি তোমাদের বলি, এখনই ঈশ্বরের সেই অনুগ্রহের সময়, আজই সেই পরিত্রাণের দিন। ৩ আমরা কারও পথে কোনো বাধার সৃষ্টি করি না, যেন আমাদের পরিচর্যা কলঙ্কিত না হয়। ৪ বরং, আমরা যেহেতু ঈশ্বরের পরিচারক, সবদিক দিয়ে নিজেদের যোগ্যপ্রদর্শনে দেখাতে চাই: মহা ধৈর্যে, কষ্ট-সংকটে, কষ্টভোগ ও দুর্দশায়; ৫ প্রহারে, কারাবাসে ও গণবিক্ষেপে, কঠোর পরিশ্রমে, নিদ্রাহীন রাত্রিযাপনে ও অনাহারে; ৬ শুন্দতায়, জ্ঞানে, সহিষ্ণুতায় ও সদয়তাবে, পবিত্র আত্মায় ও অকপট ভালোবাসায়; ৭ সত্যভাষণে ও ঐশ্বরিক পরাক্রমে, ডান ও বাঁ হাতে ধার্মিকতার অন্তর্শস্ত্র নিয়ে; ৮ গৌরব ও অসম্মানের মধ্যে, অখ্যাতি ও সুখ্যাতিক্রমে; আমরা সত্যনিষ্ঠ, অথচ বিবেচিত হই প্রতারকরপে; ৯ পরিচিত, অথচ যেন অপরিচিতের মতো; মরণাপন্থ, তরুণ বেঁচে আছি; প্রহারিত, তরুণ নিহত নই; ১০ দুঃখার্ত, তরু যেন সবসময়ই আনন্দ করছি; দরিদ্র, তরুণ অনেককে সমৃদ্ধ করছি; আমাদের কিছুই নেই, তরুণ সবকিছুর অধিকারী। ১১ করিঞ্চের মানুষেরা, আমরা অবাধে তোমাদের সঙ্গে কথা বলছি এবং তোমাদের কাছে আমাদের হৃদয় উন্মুক্ত করেছি। ১২ আমরা আমাদের ভালোবাসা তোমাদের দিতে অস্মীকার করিনি, কিন্তু তোমরা তোমাদের ভালোবাসা আমাদের দিতে অস্মীকার করছ। ১৩ শোভনীয় বিনিময়রপে—আমি আমার সন্তানরপে তোমাদের বলছি—তোমরাও তোমাদের হৃদয় উন্মুক্ত করো। ১৪ তোমরা অবিশ্বাসীদের সঙ্গে অসম জোয়ালে আবদ্ধ হোয়ো না। কারণ ধার্মিকতা ও দুষ্টতার মধ্যে কী সাদৃশ্য আছে? অথবা, অন্ধকারের সঙ্গে আলোর কী সহভাগিতা থাকতে পারে? ১৫ খ্রীষ্ট ও বলিয়ালের মধ্যেই বা কী ঐক্য? কোনো বিশ্বাসীর সঙ্গে অবিশ্বাসীরই বা কী মিল? ১৬ ঈশ্বরের মন্দির ও প্রতিমার মধ্যেই বা কী সহযোগিতা থাকতে পারে? কারণ আমরাই তো জীবন্ত ঈশ্বরের মন্দির! ঈশ্বর যেমন বলেছেন, “আমি তাদের মধ্যে বসতি

করব ও তাদের মধ্যে গমনাগমন করব, আর আমি তাদের ঈশ্বর হব ও তারা আমার প্রজা হবে।” 17 অতএব, “তোমরা তাদের মধ্য থেকে বেরিয়ে এসো ও পৃথক হও, একথা প্রভু বলেন। কোনো অঙ্গ বস্তু স্পর্শ কোরো না, তাহলে আমি তোমাদের গ্রহণ করব।” 18 “আমি তোমাদের পিতা হব, আর তোমরা হবে আমার পুত্রকন্যা, সর্বশক্তিমান প্রভু একথা বলেন।”

7 প্রিয় বন্ধুরা, যেহেতু আমাদের কাছে এসব প্রতিশ্রূতি আছে, তাই যা কিছু আমাদের শরীর ও আত্মাকে কল্পিত করে, এসো আমরা সেসব থেকে নিজেদের শুচিশুদ্ধ করি এবং ঈশ্বরের প্রতি সন্তুষ্টিমুগ্ধ পূজা পরিত্বাতা সিদ্ধ করি। 2 তোমরা তোমাদের হৃদয়ে আমাদের জন্য স্থান দিয়ো। আমরা কারও প্রতি অন্যায় করিনি, আমরা কাউকে ভুল পথে নিয়ে যাইনি, আমরা কাউকে শোষণ করিনি। 3 তোমাদের অভিযুক্ত করার জন্য আমি একথা বলছি না। আমি পূর্বেই তোমাদের বলেছি যে, তোমরা আমাদের অন্তরে এমন স্থান জুড়ে আছ যে, আমরা মরি তো একসঙ্গে, আবার বাঁচি তো একসঙ্গে। 4 তোমাদের প্রতি আমার গভীর আস্থা আছে; তোমাদের নিয়ে আমার ভীষণ গর্ব। তাই আমি সম্পূর্ণ অনুপ্রাণিত হয়েছি; আমাদের সমস্ত কষ্ট-সংকটের মধ্যেও আমার আনন্দের সীমা নেই। 5 কারণ, আমরা ম্যাসিডোনিয়ায় আসার পরেও, আমাদের এই শরীরের কোনো বিশ্রাম ছিল না, কিন্তু জীবনের প্রতিটি মৌড়ে বিপর্যস্ত হচ্ছিলাম—বাইরে সংঘর্ষ, অন্তরে ভয়। 6 কিন্তু ঈশ্বর, যিনি দুঃখিত মানুষদের সান্ত্বনা প্রদান করেন, তিনি তীতের আগমনের মাধ্যমে আমাদের সান্ত্বনা দিলেন। 7 আর কেবলমাত্র তাঁর আগমনের মাধ্যমে নয়, কিন্তু তোমরা তাঁকে যে সান্ত্বনা দিয়েছ, তার মাধ্যমেও আশ্রিত করলেন। তিনি আমার জন্য তোমাদের আকাঙ্ক্ষা, তোমাদের গভীর দুঃখ, আমার জন্য তোমাদের প্রবল দুশ্চিন্তার কথাও ব্যক্ত করলেন, যেন আমার আনন্দ আগের থেকেও আরও বেশি হয়। 8 আমার পত্রের দ্বারা আমি তোমাদের দুঃখ দিলেও, আমি তার জন্য অনুশোচনা করি না। আমি অনুশোচনা করলেও—আমি দেখছি যে আমার পত্র তোমাদের আহত করেছে, কিন্তু তা মাত্র অল্প সময়ের

জন্য— ৭ এখন আমি আনন্দিত, তোমাদের দুঃখ দিয়েছিলাম বলে  
নয়, কিন্তু সেই দুঃখ তোমাদের অনুত্তাপের পথে চালিত করেছিল বলে।  
কারণ ঈশ্বর যেমন চেয়েছিলেন, তোমরা তেমনই দৃঢ়খ্যত হয়েছিলে,  
অতএব, আমাদের দ্বারা তোমাদের কোনো ক্ষতি হয়নি। ১০ ঈশ্বরিক  
দুঃখ নিয়ে আসে অনুত্তাপ, যা পরিভ্রান্তের পথে চালিত করে; সেখানে  
অনুশোচনার কোনও অবকাশ নেই; কিন্তু জাগতিক দুঃখ নিয়ে আসে  
মৃত্যু। ১১ দেখো, ঈশ্বরের অভিমত অনুযায়ী তোমাদের মধ্যে কী সব  
বিষয় উৎপন্ন করেছে: কত আগ্রহ, নিজেদের শুন্দ দেখানোর জন্য কত  
আকুলতা, কত না ধিক্কার, কত আশঙ্কা, কত প্রতীক্ষা, কত উদ্বেগ, ন্যায়  
প্রতিষ্ঠার জন্য কত না প্রস্তুতি। এই ব্যাপারে, প্রতি ক্ষেত্রেই তোমরা  
নিজেদের নির্দোষ প্রমাণ করেছ। ১২ তাই আমি যদিও তোমাদের  
লিখেছিলাম, যে অন্যায় করেছিল, এ তার বিরুদ্ধে, অথবা ক্ষতিগ্রস্ত  
পক্ষের বিরুদ্ধে নয়, বরং ঈশ্বরের দৃষ্টিতে তোমরা নিজেরাই দেখতে  
পাও যে, তোমরা আমাদের প্রতি কত অনুরক্ত। ১৩ এ সবকিছুর  
দ্বারা আমরা উৎসাহ লাভ করেছি। আমাদের নিজস্ব উৎসাহ ছাড়াও,  
তীতকে সুখী দেখে আমরাও বিশেষভবে আনন্দিত হয়েছিলাম, কারণ  
তোমাদের সকলের দ্বারা তাঁর আত্মা সংজ্ঞীবিত হয়েছে। ১৪ আমি  
তাঁর কাছে তোমাদের সম্পর্কে গর্বপ্রকাশ করেছিলাম, আর তোমরা  
আমাকে অপ্রস্তুত করোনি। কারণ যেমন তোমাদের কাছে আমাদের  
বলা সব কথাই ছিল সত্যি, তেমনই তীতের কাছে তোমাদের সম্পর্কে  
যে গর্বপ্রকাশ করেছিলাম, তাও সত্যি বলে প্রমাণিত হয়েছে। ১৫ আর  
তোমাদের জন্য তাঁর স্নেহ আরও বেশি প্রবল হয়েছে, যখন তিনি স্মরণ  
করেন যে, তোমরা কেমন আদেশ পালন করেছিলে, তাঁকে সভয়ে  
ও কম্পিত হৃদয়ে গ্রহণ করেছিলে। ১৬ আমি আনন্দিত যে, আমি  
তোমাদের উপরে সম্পূর্ণ আঙ্গা রাখতে পারি।

**৮** এখন ভাইবোনেরা, ম্যাসিডোনিয়ার মণ্ডলীগুলিকে ঈশ্বর যে অনুগ্রহ  
প্রদান করেছেন, আমরা চাই, তোমরা সে সম্পর্কে অবহিত হও। ২  
কষ্টের চরম পরীক্ষার মধ্যেও তাদের আনন্দের উচ্ছ্বাস ও নিদারূণ  
দারিদ্র্য, প্রচুর দানশীলতায় উপচে পড়েছে। ৩ কারণ আমি সাক্ষ্য দিছি,

তারা তাদের সাধ্যমতো, এমনকি, সাধ্যেরও অতিরিক্ত পরিমাণে, দান করেছে। তারা নিজেদের ইচ্ছায় ৪ প্রবল আগ্রহের সঙ্গে, পবিত্রগণের এই সেবায় অশ্বাহণের সুযোগ লাভের জন্য আমাদের মিনতি জানিয়েছে। ৫ তারা আমাদের প্রত্যাশাকে ছাড়িয়ে কাজ করল। ঈশ্বরের ইচ্ছা অনুসারে তারা প্রথমে প্রভুর, পরে আমাদেরও কাছে নিজেদের প্রদান করল। ৬ তাই আমরা তীতকে অনুরোধ করলাম, তোমাদের মধ্যে সেই অনুগ্রহের কাজ শেষ করার জন্য, যা তিনি আগেই শুন্ন করেছিলেন। ৭ কিন্তু যেমন তোমরা সব বিষয়ে উৎকর্ষ লাভ করছ—বিশাসে, বক্তৃতায়, জ্ঞানে, সম্পূর্ণ আন্তরিকতায় ও ভালোবাসায়, যা তোমাদের মধ্যে আমরা উদ্দীপিত করেছি—দেখো, দান দেওয়ার ক্ষেত্রে এই অনুগ্রহেও তোমরা যেন উৎকর্ষ লাভ করো। ৮ আমি তোমাদের আদেশ করছি না, কিন্তু অপর মানুষদের আন্তরিকতার সঙ্গে তুলনা করে আমি তোমাদের ভালোবাসার সততাকে পরীক্ষা করতে চাই। ৯ কারণ তোমরা আমাদের প্রভু যীশু খ্রীষ্টের অনুগ্রহের কথা জানো যে, তিনি যদিও ধনী ছিলেন, তবুও তোমাদের কারণে তিনি দরিদ্র হলেন, যেন তোমরা তাঁর দারিদ্র্যের মাধ্যমে ধনী হতে পারো। ১০ আর এ বিষয়ে তোমাদের পক্ষে যা সর্বোৎকৃষ্ট, সে সম্পর্কে আমার পরামর্শ এই: গত বছর, তোমরা যে কেবলমাত্র প্রথমে দান করেছিলে, তা নয়, কিন্তু তা করার আগ্রহও প্রকাশ করেছিলে। ১১ এখন সেই কাজ সম্পূর্ণ করো, যেন তা করার জন্য তোমাদের আগ্রহ তোমাদের সামর্থ্য অনুযায়ী তা সম্পন্ন করার সঙ্গে সামঞ্জস্যপূর্ণ হয়। ১২ কারণ আগ্রহ যদি থাকে, তবে যার যা আছে, সেই অনুযায়ী দান গ্রহণযোগ্য হয়, তার যা নেই, সেই অনুযায়ী নয়। ১৩ আমাদের ইচ্ছা এই নয় যে অন্যেরা স্বন্তি বোধ করে এবং তোমরা প্রবল চাপ অনুভব করো, কিন্তু যেন সাম্যভাব বজায় থাকে। ১৪ বর্তমানে তোমাদের প্রাচুর্যে তাদের যা প্রয়োজন, তা পূরণ করবে, যেন তার পরিবর্তে, তাদের প্রাচুর্য সময়মতো তোমাদের প্রয়োজন পূরণ করবে। তখনই সমতা বজায় থাকবে, ১৫ যেমন লেখা আছে, “যে বেশি পরিমাণে কুড়িয়েছিল তার কাছে খুব বেশি ছিল না, এবং যে কম পরিমাণে কুড়িয়েছিল

তার কাছেও খুব কম ছিল না।” 16 আমি ঈশ্বরকে ধন্যবাদ দিই যে, তিনি তীতের অন্তরে সেই একই প্রকার প্রবল আগ্রহ দিয়েছেন, যেমন তোমাদের প্রতি আমার আছে। 17 কারণ তীত আমাদের আবেদনকে কেবলমাত্র স্বাগতই জানাননি, কিন্তু ভীষণ উদ্যোগী হয়ে স্বেচ্ছায় তিনি তোমাদের কাছে যাচ্ছেন। 18 আর আমরা তাঁর সঙ্গে সেই ভাইকে পাঠাচ্ছি, যিনি সুসমাচারের প্রতি তাঁর সেবাকাজের জন্য মণ্ডলীগুলির দ্বারা প্রশংসিত হয়েছেন। 19 শুধু তাই নয়, আমরা যখন সেই দান বহন করে নিয়ে যাই, আমাদের সঙ্গী হওয়ার জন্য তিনিও মণ্ডলীগুলির দ্বারা মনোনীত হয়েছেন। প্রভুর গৌরবের জন্য ও সহায়তা প্রদানে আমাদের ঐকান্তিক আগ্রহ প্রকাশের জন্য আমরা এই পরিচর্যা সম্পন্ন করছি। 20 সুপ্রচুর এই দান আমরা যেভাবে তদারকি করছি, আমরা চাই না যে কেউ তার সমালোচনা করে। 21 কারণ কেবলমাত্র প্রভুর দৃষ্টিতে নয়, কিন্তু সব মানুষের দৃষ্টিতেও যা ন্যায়সংগত, আমরা তাই করার জন্য প্রাণপণ করছি। 22 সেই সঙ্গে তাঁদের সঙ্গী করে আমাদের আর একজন ভাইকে পাঠাচ্ছি, যিনি বিভিন্নভাবে বহুবার আমাদের কাছে তাঁর উদ্যমের পরিচয় দিয়েছেন, এমনকি, তোমাদের প্রতি তাঁর গভীর আস্থার জন্য তিনি এখন আরও অনেক বেশি উদ্যমী হয়েছেন। 23 তীতের বিষয়ে বলতে হলে, তিনি আমার অংশীদার ও তোমাদের মধ্যে আমার সহকর্মী। আর আমাদের ভাইদের সম্পর্কে বলি, তাঁরা মণ্ডলীগুলির দ্বারা প্রেরিত ও খ্রীষ্টের গৌরবস্বরূপ। 24 অতএব, তাঁদের কাছে তোমাদের ভালোবাসা ও তোমাদের সম্পর্কে আমাদের গর্ববোধের প্রমাণ প্রদর্শন করো, যেন সব মণ্ডলী তা দেখতে পায়।

**9** পবিত্রগণের প্রতি এই যে সেবাকাজ, সে সম্পর্কে তোমাদের কাছে আমার কিছু লেখার প্রয়োজন নেই। 2 সাহায্যের জন্য তোমাদের আগ্রহের কথা আমি জানি। ম্যাসিডোনিয়ার লোকদের কাছে এ সম্পর্কে আমি গর্বও করে থাকি, তাদের বলি যে, আখায়া প্রদেশের মধ্যে তোমরা গত বছর থেকেই দান করার জন্য প্রস্তুত হয়েছ এবং তোমাদের উদ্যম তাদের অধিকাংশ লোককে এ বিষয়ে তৎপর করে

তুলতে উৎসাহিত করেছে। 3 কিন্তু আমি এজন্যই এই ভাইদের পাঠাচ্ছি, যেন এ বিষয়ে তোমাদের সম্পর্কে আমাদের গব মিথ্যা না হয়, বরং তোমরা যেন প্রস্তুত থাকো, যেমন তোমরা থাকবে বলে আমি বলেছিলাম। 4 কারণ ম্যাসিডোনিয়ার কোনো লোক আমার সঙ্গে এসে যদি দেখে যে, তোমরা প্রস্তুত নও, আমরা—তোমাদের সম্পর্কে কিছু বলতে চাই না—এত আঙ্গুশীল বলে লজ্জিতই হব। 5 তাই আমি ভাবলাম, এই ভাইদের অনুরোধ করা আবশ্যিক, যেন তাঁরা আগে তোমাদের পরিদর্শন করেন এবং যে মুক্তহস্ত দানের প্রতিশ্রূতি তোমরা দিয়েছিলে, সেই ব্যবস্থাপনা শেষ করতে পারেন। তখন তা মুক্তহস্তের দান বলে প্রস্তুত থাকবে, অনিচ্ছাকৃত দানরূপে নয়। 6 একথা স্মরণে রেখো: যে অল্প পরিমাণে বীজ বোনে, সে অল্প পরিমাণেই ফসল কাটবে এবং যে অনেক পরিমাণে বীজ বোনে, সে অনেক পরিমাণে ফসলও কাটবে। 7 প্রত্যেক ব্যক্তি তার মনে যা দেওয়ার সংকল্প করেছে, তার তাই দেওয়া উচিত, অনিচ্ছুকরূপে বা বাধ্যবাধকতা বলে নয়, কারণ ঈশ্বর উৎফুল্ল দাতাকে প্রেম করেন। 8 আর ঈশ্বর তোমাদের সমস্ত অনুগ্রহে সমৃদ্ধ করতে সমর্থ, যেন সকল বিষয়ে, সবসময়, সব ধরনের পর্যাপ্ততা থাকায়, তোমরা সব ধরনের সৎকর্মে উপচে পড়ো। 9 যেমন লেখা আছে: “সে অবাধে দরিদ্রদের মাঝে দান বিতরণ করেছে, তার ধার্মিকতা চিরস্মায়ী।” (aiōn g165) 10 এখন যিনি বপনকারীকে বীজ ও আহারের জন্য খাদ্য যুগিয়ে দেন, তিনি তোমাদের জন্য বীজ যুগিয়ে দেবেন ও বৃদ্ধি করবেন, সেই সঙ্গে তোমাদের ধার্মিকতার ফসল প্রচুররূপে বৃদ্ধি করবেন। 11 তোমরা সর্বতোভাবে সমৃদ্ধিশালী হবে, যেন তোমরা সব উপলক্ষে মুক্তহস্ত হতে পারো এবং আমাদের মাধ্যমে তোমাদের মুক্তহস্তের সেই দান ঈশ্বরের প্রতি ধন্যবাদ-দানে পরিণত হবে। 12 তোমাদের সাধিত এই সেবাকাজ কেবলমাত্র যে ঈশ্বরের লোকদের অভাব দূর করেছে, তা নয়, কিন্তু তা বহু অভিব্যক্তির মাধ্যমে ঈশ্বরের প্রতি ধন্যবাদ-জ্ঞাপনে উপচে পড়ছে। 13 যে সেবাকাজের দ্বারা তোমরা নিজেদের প্রমাণ করেছ, সেই কারণে খ্রীষ্টের সুসমাচারের প্রতি তোমাদের স্বীকৃত বাধ্যতার জন্য

এবং তাদের প্রতি ও অন্য সকলের প্রতি তোমাদের মুক্তহস্তের দানের জন্য লোকেরা ঈশ্বরের প্রশংসা করবে। 14 ঈশ্বর তোমাদের প্রতি যে অপার অনুগ্রহ-দান করেছেন, সেই কারণে তোমাদের জন্য তাদের প্রার্থনায়, তাদের হৃদয় তোমাদের প্রতি ভালোবাসায় পূর্ণ হয়ে উঠবে। 15 বর্ণনার অতীত ঈশ্বরের দানের জন্য তাঁকে ধন্যবাদ জানাই।

**10** খ্রীষ্টের মৃদুভাব ও সৌজন্যবোধের জন্য, আমি তোমাদের কাছে অনুরোধ করছি—তোমরা বলো, আমি পৌল নাকি তোমাদের সাক্ষাতে “ভীরু,” কিন্তু অসাক্ষাতে “সাহসী!” 2 আমি তোমাদের কাছে মিনতি করছি যে, যখন আমি আসি, আমাকে যেন তেমন সাহসী হতে না হয়, যেমন কয়েকজন ব্যক্তির প্রতি সাহসী হওয়া আবশ্যক বলে আমি মনে করি, কারণ তারা মনে করে যে, আমরা এই জগতের মানদণ্ড অনুযায়ী জীবনযাপন করি। 3 কারণ যদিও আমরা এই জগতে বসবাস করি, আমরা এই জগতের মতো যুদ্ধের অভিযান করি না। 4 যে অন্তর্শন্ত্র নিয়ে আমরা সংগ্রাম করি, তা জাগতিক নয়, কিন্তু দুর্গস্কল ধ্বংস করার জন্য সেগুলির মধ্যে আছে ঐশ্বরিক পরাক্রম। আমরা সব তর্কবিতর্ক ধ্বংস করে 5 এবং ঈশ্বরজ্ঞানের বিরুদ্ধে উত্থাপিত সমস্ত ভাগিতা ও সমস্ত চিন্তাকে বন্দি করে খ্রীষ্টের আজ্ঞাবহ করি। 6 আর একবার তোমাদের আজ্ঞাবহতা সম্পূর্ণ হলে, আমরা বাকিদের সমস্ত অবাধ্যতার শাস্তি দিতে প্রস্তুত আছি। 7 তোমরা সব বিষয়ের কেবলমাত্র উপরিভাগটা দেখছ। যদি কেউ দৃঢ়বিশ্বাসী হয়ে বলে যে সে খ্রীষ্টের, তাহলে তার একথাও বিবেচনা করা উচিত যে, সে যেমন খ্রীষ্টের, আমরাও তেমনই খ্রীষ্টের। 8 তোমাদের উপর কর্তৃত করার যে অধিকার প্রভু আমাকে দিয়েছেন, তা নিয়ে যদি আমি একটু বেশ গর্ব করেই থাকি, সেই কর্তৃত তোমাদের ভেঙে ফেলার জন্য নয়, কিন্তু গঠন করার জন্য—সেজন্য আমি একটুও লজ্জিত হব না। 9 আমি চাই না যে তোমরা মনে করো, আমার পত্রগুলির দ্বারা আমি তোমাদের ভয় দেখাতে চাইছি। 10 কারণ কেউ কেউ বলে, “তাঁর পত্রগুলি তো গুরুভার ও শক্তিশালী, কিন্তু উপস্থিত ব্যক্তি হিসেবে তিনি প্রভাবহীন ও তাঁর কথাবার্তাও গুরুত্বহীন।” 11 এই ধরনের লোকদের

বোবা উচিত যে, আমাদের অনুপস্থিতিতে আমাদের পত্রগুলিতে  
আমরা যেমন, আমরা উপস্থিত হলে, আমাদের কাজেও একই প্রকার  
হবে। 12 যারা নিজেরাই নিজেদের প্রশংসা করে, তাদের কারণ  
সঙ্গে আমরা নিজেদের সমর্পণ্যায়ভুক্ত বা তুলনা করার সাহস করি  
না। তারা যখন নিজেরাই নিজেদের পরিমাণ করে ও নিজেদেরই  
সঙ্গে নিজেদের তুলনা করে, তখন তারা বিজ্ঞ নয়। 13 আমরা অবশ্য  
যথাযথ সীমা অতিক্রম করে গর্ব করব না, কিন্তু ঈশ্বর আমাদের জন্য  
যে কর্মক্ষেত্র নির্ধারণ করেছেন, যা তোমাদের কাছ পর্যন্ত প্রসারিত  
হয়েছে, সেই কর্মক্ষেত্র অবধি আমাদের গর্বকে সীমিত রাখব। 14  
আমাদের গর্বে আমরা বহুদূর ছাড়িয়ে যাচ্ছি না। তোমাদের কাছে না  
এলে বরং তেমনই হত, কিন্তু খ্রিস্টের সুসমাচার নিয়ে আমরা সমস্ত পথ  
অতিক্রম করে তোমাদের কাছ পর্যন্ত গিয়েছিলাম। 15 এছাড়াও, অপর  
ব্যক্তিদের দ্বারা সাধিত কর্মের জন্য আমরা গর্ব করি না এবং এভাবে  
আমাদের নির্ধারিত সীমা অতিক্রমও করি না। আমাদের আশা এই  
যে তোমাদের বিশ্বাস যেমন যেমন বৃদ্ধি পাবে, তোমাদের সাহায্যে  
আমাদের সুসমাচার প্রচারের কাজও বিস্তৃত হবে। 16 এর পরিণামে  
তোমাদের এলাকা ছাড়িয়েও আমরা সুসমাচার প্রচার করতে পারি।  
কারণ অপরের এলাকায় যে কাজ ইতিমধ্যে করা হয়েছে, সে সম্পর্কে  
আমরা গর্ব করতে চাই না। 17 তাই, “যে গর্ব করে, সে প্রভুতেই গর্ব  
করুক।” 18 কারণ নিজের প্রশংসা যে করে সে নয়, কিন্তু প্রভু যার  
প্রশংসা করেন, সেই অনুমোদিত হয়।

**11** আমি আশা করি, তোমরা আমার সামান্য নির্বুদ্ধিতা সহ্য করবে;  
অবশ্য তা তোমরা আগে থেকেই করে আসছ। 2 আমি তোমাদের  
জন্য ঈর্ষাণ্বিত, তবে সেই ঈর্ষা ঐশ্বরিক। আমি তোমাদেরকে এক  
বর, খ্রিস্টের কাছে সমর্পণ করার জন্য বাগদান করেছি, যেন শুচিশুদ্ধ  
কুমারীর মতো আমি তাঁর কাছে তোমাদের উপস্থাপিত করি। 3  
কিন্তু আমার ভয় হয়, হ্বা যেমন সেই সাপের চতুরতায় প্রতারিত  
হয়েছিলেন, খ্রিস্টের প্রতি তোমাদের আন্তরিক ও অমলিন ভক্তি থেকে  
তোমাদের মন যেন কোনোভাবে বিপথে চালিত না হয়। 4 কারণ কেউ

যদি তোমাদের কাছে এসে যে যীশুকে আমরা প্রচার করেছি, তাঁকে  
ছাড়া এমন এক যীশুকে তোমাদের কাছে প্রচার করে বা যে পবিত্র  
আত্মা তোমরা পেয়েছ, তা ছাড়া অন্য কোনো আত্মাকে তোমরা গ্রহণ  
করো, কিংবা যে সুসমাচার তোমরা গ্রহণ করেছ, তা ছাড়া অন্য কোনো  
সুসমাচার পাও, তাহলে তো দেখছি তোমরা যথেষ্ট সহজেই সেসব  
সহ্য করছ। 5 প্রকৃতপক্ষে, আমি মনে করি না, ওইসব “প্রেরিতশিষ্য-  
শিরোমণির” তুলনায় আমি কোনও অংশে নিকৃষ্ট। 6 হতে পারে,  
আমি কোনও প্রশিক্ষিত বক্তা নই, কিন্তু আমার জ্ঞানবুদ্ধি আছে।  
আমরা সর্বতোভাবে এ বিষয় তোমাদের কাছে সম্পূর্ণরূপে স্পষ্ট করে  
দিয়েছি। 7 তোমাদের উন্নত করার জন্য আমি নিজেকে অবনত করে  
বিনামূল্যে তোমাদের কাছে ঈশ্বরের সুসমাচার প্রচার করেছি। এতে  
আমার কি পাপ হয়েছে? 8 তোমাদের সেবা করার জন্য অন্যান্য  
মণ্ডলী থেকে সাহায্য গ্রহণ করে আমি তাদের লুট করেছি। 9 আর  
তোমাদের সঙ্গে থাকার সময় আমার যখন কিছু প্রয়োজন হত, আমি  
কারও বোৰা হইনি, কারণ ম্যাসিডেনিয়া থেকে আগত ভাইয়েরা  
আমার সমস্ত প্রয়োজন মিটিয়েছিলেন। কোনো দিক দিয়েই আমি  
যেন তোমাদের বোৰা না হই, তাই আমি নিজেকে রক্ষা করেছি এবং  
এভাবেই আমি করে যাব। 10 খ্রীষ্টের সত্য যেমন নিশ্চিতরূপে আমার  
মধ্যে বিদ্যমান, সমস্ত আখ্যায়া প্রদেশে কোনো মানুষই আমার এই  
গর্ব করা থেকে নিবৃত্ত করতে পারবে না। 11 কেন? আমি তোমাদের  
ভালোবাসি না বলে? ঈশ্বর জানেন, আমি ভালোবাসি! 12 আর তাই  
আমি যা করছি, তা করেই যাব, যেন যারা আমাদের সমকক্ষ হওয়ার  
সুযোগ পেতে চায়, যে বিষয়গুলি নিয়ে তারা গর্ব করে, সেগুলির  
সুযোগ আমি তাদের পেতেই দেব না। 13 কারণ এসব মানুষ হল ভগু  
প্রেরিত, প্রতারক সব কমী, তারা খ্রীষ্টের প্রেরিতশিষ্যদের ছদ্মবেশ  
ধারণ করে। 14 বিস্ময়ের কিছু নেই, কারণ শয়তান স্বয়ং দীপ্তিময়  
স্বর্গদূতের ছদ্মবেশ ধারণ করে। 15 তাহলে এতেও অবাক হওয়ার  
কিছু নেই যে, তার পরিচারকেরা ধার্মিকতার পরিচারকদের ছদ্মবেশ  
ধারণ করবে। তাদের কাজের নিরিখেই তাদের যোগ্য পরিণতি হবে।

১৬ আমি আবার বলছি, কেউ যেন আমাকে নির্বোধ বলে মনে না করে।  
কিন্তু তোমরা যদি করো, তাহলে এক নির্বোধের মতোই আমাকে  
গ্রহণ করো, যেন আমিও কিছুটা গর্ব করতে পারি। ১৭ আত্মপ্রত্যয়ের  
সঙ্গে এই যে গর্বপ্রকাশ, প্রভু যে রকম বলতেন, আমি সেরকম বলছি  
না, কিন্তু বলছি এক নির্বোধের মতো। ১৮ যেহেতু অনেকে যখন  
জাগতিক উপায়ে গর্ব করছে, আমিও সেভাবে গর্ব করব। ১৯ তোমরা  
সানন্দে মূর্খদের সহ্য করো, যেহেতু তোমরা কত জ্ঞানবান! ২০  
প্রকৃতপক্ষে, কেউ যদি তোমাদের দাসত্ব করায়, কিংবা শোষণ করে  
বা তোমাদের কাছ থেকে সুযোগ আদায় করে বা নিজে গর্ব করে বা  
তোমাদের গালে চড় মারে—তোমরা এদের যে কাউকে সহ্য করে  
থাকো। ২১ আমি লজ্জার সঙ্গে স্বীকার করছি যে, এ বিষয়ে আমরা  
খুবই দুর্বলচিন্ত ছিলাম! অপর কেউ যে বিষয়ে গর্ব করতে সাহস  
করে—আমি নির্বোধের মতোই বলছি—আমিও গর্ব করতে সাহস  
করি। ২২ ওরা কি হিঙ্গ? আমিও তাই। ওরা কি ইস্রায়েলী? আমিও  
তাই। ওরা কি অব্রাহামের বংশধর? আমিও তাই। ২৩ ওরা কি খ্রীষ্টের  
সেবক? (আমি উন্মাদের মতো একথা বলছি।) আমি বেশিমাত্রায়।  
আমি অনেক কঠোর পরিশ্রম করেছি, ঘনঘন কারাগারে বন্দি হয়েছি,  
অনেক বেশি চাবুকের মার খেয়েছি, বারবার মৃত্যুর সম্মুখীন হয়েছি।  
২৪ ইহুদিদের কাছ থেকে আমি পাঁচ দফায় উনচল্লিশ ঘা করে চাবুক  
খেয়েছি। ২৫ তিনবার আমাকে বেত দিয়ে মারা হয়েছে, একবার পাথর  
দিয়ে, তিনবার আমি জাহাজড়ুবিতে পড়েছি, অগাধ সমুদ্রের জলে  
আমি এক রাত ও একদিন কাটিয়েছি, ২৬ আমি অবিরত এক স্থান  
থেকে অন্যত্র গিয়েছি। আমি কতবার নদীতে বিপদে পড়েছি, দস্যুদের  
কাছে বিপদে, স্বদেশবাসীদের কাছে, অইহুদি জাতির কাছে বিপদে  
পড়েছি, নগরের মধ্যে, মরুপ্রান্তরে, সমুদ্রের মধ্যে ও ভগু ভাইদের  
মধ্যে আমি বিপদে পড়েছি। ২৭ আমি পরিশ্রম ও কষ্ট করেছি এবং  
প্রায়ই অনিদ্রায় কাটিয়েছি, আমি ক্ষুধাত্মকার সঙ্গে পরিচিত হয়েছি ও  
কতবারই অনাহারে কাটিয়েছি, শীতে ও নগ্নতায় দিনযাপন করেছি।  
২৮ এর সবকিছু ছাড়া, প্রতিদিন একটি বিষয় আমার উপর চাপ সৃষ্টি

করে, তা হল, সব মণ্ডলীর চিন্তা। 29 কেউ দুর্বল হলে আমি দুর্বলতা  
অনুভব করি না? কেউ পাপপথে চালিত হলে আমার অস্তর রাগে জ্বলে  
ওঠে না? 30 আমাকে যদি গর্ব করতেই হয়, যেসব বিষয় আমার  
দুর্বলতাকে প্রকাশ করে, আমি সেসব বিষয় নিয়েই গর্ব করব। 31 প্রভু  
যীশুর ঈশ্বর ও পিতা, যিনি চিরতরে প্রশংসনীয়, তিনি জানেন যে,  
আমি মিথ্যা কথা বলছি না! (aiōn g165) 32 দামাক্ষাসে রাজা আরিতা-র  
অধীনস্থ প্রশাসক আমাকে প্রেঙ্গার করার জন্য দামাক্ষাসবাসীদের সেই  
নগরে পাহারা বসিয়েছিলেন। 33 কিন্তু প্রাচীরের একটি জানালা দিয়ে  
ঝুঁড়িতে করে আমাকে নামিয়ে দেওয়া হয়েছিল। এভাবে আমি তাঁর  
হাত এড়িয়েছিলাম।

**12** আমি অবশ্যই গর্ব করতে থাকব। যদিও লাভজনক কিছু না  
হলেও আমি প্রভুর কাছ থেকে উপলক্ষ বিভিন্ন দর্শন ও প্রত্যাদেশের  
কথা বলে যাব। 2 আমি খীটে আশ্রিত একজন মানুষকে জানি, চোদ্দো  
বছর আগে যিনি তৃতীয় স্বর্গে নীত হয়েছিলেন। তা সশরীরে, না  
অশরীরে, তা আমি জানি না—ঈশ্বরই জানেন। 3 আর আমি জানি  
যে এই ব্যক্তি—সশরীরে, না অশরীরে, তা আমি জানি না, ঈশ্বরই  
জানেন— 4 তাঁকে পরমদেশে তুলে নেওয়া হয়েছিল। তিনি অবর্ণনায়  
সব বিষয় শুনতে পেয়েছিলেন, যে বিষয়গুলি বলার অধিকার মানুষকে  
দেওয়া হয়নি। 5 এরকম ব্যক্তির জন্যই আমি গর্ব করব; কিন্তু আমার  
দুর্বলতাগুলি ছাড়া আমি নিজের সম্পর্কে কোনো গর্ব করব না। 6 যদিও  
আমি গর্ব করাকে বেছে নিই, আমি একজন নির্বোধ হব না, কারণ  
আমি সত্যি কথাই বলব। তবুও আমি সংযত থাকি, যেন আমার মধ্যে  
কেউ যা দেখে বা আমার কাছে যা শোনে, তার চেয়ে বেশি সে আমাকে  
কিছু মনে না করে। 7 এই সমস্ত অসাধারণ, মহৎ প্রত্যাদেশের  
কারণে, আমি যেন গর্বে ফুলেফেঁপে না উঠি, আমার শরীরে এক কাঁচা,  
শয়তানের এক দৃত, দেওয়া হয়েছে যেন সে আমাকে কষ্ট দেয়। 8  
আমার কাছ থেকে এটা সরিয়ে নেওয়ার জন্য তিনবার আমি প্রভুর  
কাছে মিনতি করেছিলাম। 9 কিন্তু তিনি আমাকে বলেছেন, “আমার  
অনুগ্রহ তোমার পক্ষে যথেষ্ট, কারণ আমার শক্তি দুর্বলতায় সিদ্ধিলাভ

করে।” অতএব, আমার দুর্বলতা সম্পর্কে আমি সানন্দে আরও বেশি গর্ব করব, যেন শ্রীষ্টের শক্তি আমার উপরে অবস্থিতি করে। 10 এই কারণে, শ্রীষ্টের জন্য আমি বিভিন্ন দুর্বলতায়, অপমানে, অনটনে, ক্লেশভোগ ও কষ্ট-সংকটে আনন্দ করি, কারণ যখন আমি দুর্বল, তখনই আমি শক্তিমান। 11 আমি নিজেকে নির্বোধ প্রতিপন্থ করেছি, কিন্তু তোমরাই তা করতে আমাকে বাধ্য করেছ। তোমাদের দ্বারা আমার প্রশংসা হওয়া উচিত ছিল, কারণ যদিও আমি কিছু নই, সেই “প্রেরিতশিষ্য-শিরোমণিদের” তুলনায় কিন্তু কোনো অংশে নিকৃষ্ট নই। 12 যেসব বিষয় কোনো প্রেরিতশিষ্যকে চিহ্নিত করে—চিহ্নকাজ, বিস্ময়কর ও অলৌকিক কর্মসূকল—অত্যন্ত প্রয়ত্নের সঙ্গে আমি সেগুলি তোমাদের মধ্যে করেছি। 13 অন্যান্য সব মণ্ডলীর তুলনায় তোমরা কি নিকৃষ্ট হয়েছ? আমি কখনও তোমাদের কাছে বোৰা হইনি, কেবলমাত্র এই বিষয়টি ছাড়া? এই অন্যায়টির জন্য তোমরা আমাকে ক্ষমা করো। 14 এখন, এই তৃতীয়বার, আমি তোমাদের কাছে যাওয়ার জন্য প্রস্তুত হয়ে আছি। আমি তোমাদের পক্ষে বোৰা হব না, কারণ আমি যা চাই, তা তোমাদের ধনসম্পত্তি নয়, কিন্তু তোমাদেরই চাই। যাই হোক, বাবা-মার জন্য সম্মত করা সন্তানদের উচিত নয়, কিন্তু বাবা-মা সন্তানদের জন্য তা করবে। 15 তাই, আমার যা কিছু আছে, সবই এবং নিজেকেও তোমাদের জন্য সানন্দে ব্যয় করব। আমি যদি তোমাদের বেশি ভালোবাসি, তোমরা কি আমাকে কম ভালোবাসবে? 16 যাই হোক, একথা ঠিক, আমি তোমাদের কাছে বোৰা হইনি। তবুও, চতুর ব্যক্তি আমি নাকি তোমাদের কৌশলে বশ করেছি! 17 যাদের আমি তোমাদের কাছে পাঠিয়েছিলাম, তাদের কারও মাধ্যমে আমি কি তোমাদের শোষণ করেছি? 18 তোমাদের কাছে যাওয়ার জন্য আমি তীতকে বিনীত অনুরোধ করেছিলাম এবং তাঁর সঙ্গে আমাদের সেই ভাইকে পাঠিয়েছিলাম। তীত তোমাদের শোষণ করেননি, তাই নয় কি? আমরা উভয়ই কি একই মানসিকতা নিয়ে কাজ করিনি ও একই পথ অনুসরণ করিনি? 19 তোমরা কি এ পর্যন্ত মনে ভাবছ যে, আমরা তোমাদের কাছে আত্মপক্ষ সমর্থন করছি? ঈশ্বরের দৃষ্টিতে আমরা

ঞ্চাই আশ্রিত মানুষদের মতোই কথা বলছি। প্রিয় বন্ধুরা, আমরা যা  
কিছু করি, তোমাদের শক্তি জোগানোর জন্যই তা করি। 20 কারণ  
আমার ভয় হয়, আমি যখন আসব, আমি তোমাদের যেমন দেখতে  
চাই, তেমন হয়তো দেখতে পাব না এবং তোমরা আমাকে যেমনভাবে  
দেখতে চাও, তেমন হয়তো দেখতে পাবে না। আমার ভয় হয়, হয়তো  
কলহবিবাদ, ঈর্ষা, ক্রোধের বহিঃপ্রকাশ, দলাদলি, অপবাদ, কৃৎসা-  
রটনা, উদ্বৃত্য ও বিশৃঙ্খলা দেখা যাবে। 21 আমার আশক্ষা, আমি  
যখন আবার আসব, আমার ঈশ্বর তোমাদের সামনে আমাকে নত  
করবেন। আগে যারা পাপ করেছে অথচ ঘৃণ্য কাজকর্ম, যৌন-পাপ ও  
লাম্পট্যে জড়িয়ে থাকার জন্য অনুত্তাপ করেনি, এমন অনেক মানুষের  
জন্য আমাকে দুঃখ পেতে হবে।

**13** তোমাদের কাছে এ হবে আমার তৃতীয় পরিদর্শন। “দুই বা  
তিনজন সাক্ষীর সাক্ষ্য প্রমাণে কোনো বিষয় সত্যি বলে প্রমাণিত  
হবে।” 2 দ্বিতীয়বার তোমাদের সঙ্গে থাকার সময় ইতিমধ্যে আমি  
তোমাদের সতর্ক করে দিয়েছি। এখন আমি অনুপস্থিত থাকাকালীন  
তার পুনরাবৃত্তি করছি। আমি যখন ফিরে আসব তখন, ইতিপূর্বে  
যারা পাপ করেছে, অথবা অন্য কাউকেই আমি অব্যাহতি দেব না, 3  
কারণ খৃষ্ট যে আমার মাধ্যমে কথা বলেন, তোমরা তার প্রমাণ দাবি  
করছ। তোমাদের সঙ্গে আচরণে তিনি দুর্বল নন, বরং তোমাদের মধ্যে  
তিনি পরাক্রমী। 4 কারণ নিশ্চিতরূপে বলতে গেলে, তিনি দুর্বলতায়  
ক্রুশার্পিত হয়েছিলেন, তবুও ঈশ্বরের পরাক্রমের দ্বারা তিনি জীবিত  
আছেন। একইভাবে, আমরা তাঁতে দুর্বল, তবুও তোমাদের প্রতি  
আচরণে, আমরা তাঁর সঙ্গে ঐশ্বরিক পরাক্রমে জীবিত থাকব। 5  
নিজেদের পরীক্ষা করে দেখো, তোমরা বিশ্বাসে আছ, কি না; নিজেরাই  
পরীক্ষা করো। তোমরা কি উপলব্ধি করতে পারো না যে, যীশু খৃষ্ট  
তোমাদের মধ্যে আছেন—যদি না তোমরা পরীক্ষায় অনুভূর্ণ হও? 6  
যাই হোক, আমি আশা করি, তোমরা জানতে পারবে যে, আমরা  
পরীক্ষায় ব্যর্থ হইনি। 7 এখন আমরা ঈশ্বরের কাছে প্রার্থনা করি,  
যেন তোমরা আর কোনো অন্যায় না করো। এরকম নয় যে, লোকেরা

দেখবে আমরা পরীক্ষায় উত্তীর্ণ হয়েছি, কিন্তু যা ন্যায়সংগত, তোমরা  
তা করবে, যদিও আমরা ব্যর্থ হয়েছি বলে মনে হয়। 8 কারণ সত্যের  
বিপক্ষে আমরা কিছুই করতে পারি না, কিন্তু কেবলমাত্র সত্যের পক্ষেই  
পারি। 9 তোমরা যদি সবল হও, আমরা দুর্বল হতেও আনন্দ বোধ  
করি। তোমাদের পরিপক্ষতার জন্য আমরা প্রার্থনা করি। 10 এজন্যই  
আমি অনুপস্থিত থাকার সময় এই সমস্ত বিষয় লিখছি, যেন আমি যখন  
আসি, কর্তৃত্বাধিকার প্রয়োগের জন্য আমাকে কঠোর হতে না হয়। এই  
কর্তৃত্বাধিকার প্রভু আমাকে দিয়েছেন তোমাদের গঠন করে তোলার  
জন্য, তোমাদের ভেঙে ফেলার জন্য নয়। 11 সবশেষে ভাইবোনরা,  
তোমরা আনন্দ করো। পরম্পরের সঙ্গে সম্পর্ক ঠিক করার জন্য সচেষ্ট  
হও। পরম্পরকে সাহায্য করো ও তোমরা সমন্বন্ধ হও। শান্তিতে  
বসবাস করো। আর প্রেম ও শান্তির ঈশ্বর তোমাদের সঙ্গে থাকবেন।  
12 তোমরা পবিত্র চুম্বনে পরম্পরকে শুভেচ্ছা জানাও। 13 ঈশ্বরের  
সব লোকজন তাদের শুভেচ্ছা জ্ঞাপন করছেন। 14 প্রভু যীশু খ্রীষ্টের  
অনুগ্রহ ও ঈশ্বরের প্রেম এবং পবিত্র আত্মার সহভাগিতা, তোমাদের  
সকলের সঙ্গে থাকুক।

## গালাতীয়

১ গৌল, একজন প্রেরিতশিষ্য—মানুষের কাছ থেকে বা কোনো  
মানুষের দ্বারা প্রেরিত নয়, কিন্তু যীশু খ্রীষ্টের দ্বারা ও যিনি তাঁকে মৃত্যু  
থেকে জীবিত করে তুলেছেন, সেই পিতা ঈশ্বরের দ্বারা নিযুক্ত— 2  
এবং আমার সঙ্গী সমস্ত ভাই, আমরা গালাতীয়ার সকল মণ্ডলীকে  
এই পত্র লিখছি: 3 আমাদের পিতা ঈশ্বর ও প্রভু যীশু খ্রীষ্ট তোমাদের  
অনুগ্রহ ও শান্তি দান করলন। 4 তিনি আমাদের সমস্ত পাপের জন্য  
নিজের জীবন দিয়েছেন যেন আমাদের ঈশ্বর ও পিতার ইচ্ছা অনুযায়ী  
বর্তমান মন্দ যুগ থেকে আমাদের উদ্ধার করতে পারেন। (aiōn g165) 5  
চিরকাল তাঁর মহিমা হোক। আমেন। (aiōn g165) 6 আমি আশৰ্য বোধ  
করছি যে, যিনি তোমাদের খ্রীষ্টের অনুগ্রহে আহ্বান করেছেন, তাঁকে  
তোমরা এত শীঘ্র ছেড়ে দিয়ে, অন্য এক সুসমাচারের দিকে ঝুঁকে  
পড়েছ— 7 যা আসলে কোনো সুসমাচারই নয়। স্পষ্টত, কিছু লোক  
তোমাদের বিভ্রান্ত করছে এবং খ্রীষ্টের সুসমাচারকে বিকৃত করার  
চেষ্টা করছে। 8 কিন্তু যে সুসমাচার আমরা তোমাদের কাছে প্রচার  
করেছিলাম, তা ছাড়া অন্য কোনো সুসমাচার যদি আমরা বা স্বর্গ থেকে  
আগত কোনো দৃতও প্রচার করে, তাহলে সে চিরকালের জন্য অভিশপ্ত  
হোক। 9 যেমন আমরা এর আগে বলেছি, তেমনই আমি এখন আবার  
বলছি, তোমরা যে সুসমাচার গ্রহণ করেছ, তা ছাড়া অন্য কোনও  
সুসমাচার কেউ যদি প্রচার করে, তাহলে সে চিরকালের জন্য অভিশপ্ত  
হোক। 10 আমি কি এখন মানুষের সমর্থন পেতে চাইছি, না ঈশ্বরের?  
অথবা, আমি কি মানুষকে সন্তুষ্ট করার চেষ্টা করছি? আমি যদি এখনও  
মানুষকে সন্তুষ্ট করার চেষ্টা করতাম, আমি খ্রীষ্টের একজন দাস হতাম  
না। 11 ভাইবনেরা, আমি তোমাদের জানাতে চাই, যে সুসমাচার  
আমি প্রচার করেছি, তা মানবসৃষ্টি কোনো বিষয় নয়। 12 কোনো  
মানুষের কাছে আমি তা পাইনি, কিংবা শিক্ষাও পাইনি; বরং যীশু খ্রীষ্ট  
নিজেই আমার কাছে তা প্রকাশ করেছিলেন। 13 কারণ ইহুদি ধর্মে  
আমার অতীত জীবনের কথা তোমরা তো শুনেছ। ঈশ্বরের মণ্ডলীকে  
আমি কী মারাত্মকরণে অত্যাচার ও ধ্বংস করার চেষ্টা করতাম। 14

আমি ইহুদি ধর্মশিক্ষায় আমার সমবয়সি অনেক ইহুদিকে ছাড়িয়ে  
গিয়েছিলাম এবং আমার পূর্বপুরুষদের রীতিনীতি পালন করায় আমি  
ছিলাম খুব আগ্রহী। 15 কিন্তু ঈশ্বর, যিনি মাতৃগর্ভ থেকে আমাকে  
পৃথক করেছেন এবং তাঁর অনুগ্রহে আমাকে আহ্বান করেছেন, 16 তিনি  
যখন তাঁর পুত্রকে আমার মধ্যে প্রকাশ করতে ইচ্ছা করলেন, যেন  
আমি অইহুদি জাতিদের কাছে তাঁকে প্রচার করি, তখন আমি এক  
মুহূর্তের জন্যও কোনো মানুষের সঙ্গে পরামর্শ করিনি, 17 এমনকি  
যাঁরা আমার আগে প্রেরিত হয়েছিলেন আমি তাঁদের সঙ্গে সাক্ষাৎ করার  
জন্য জেরশালেমেও গেলাম না, কিন্তু আমি সঙ্গে সঙ্গে আরবে চলে  
গেলাম ও পরে দামাক্সাসে ফিরে এলাম। 18 এরপর, তিনি বছর পরে,  
পিতরের সঙ্গে দেখা করার জন্য আমি জেরশালেমে গেলাম ও পনেরো  
দিন তাঁর সঙ্গে কাটালাম। 19 সেখানে অন্য প্রেরিতশিষ্যদের মধ্যে আর  
কাউকে দেখতে পেলাম না, কেবলমাত্র প্রভুর ভাই যাকোব ছিলেন। 20  
ঈশ্বরের সাক্ষাতে আমি তোমাদের আশ্বস্ত করে বলছি, আমি তোমাদের  
কাছে যা লিখছি, তা মিথ্যা নয়। 21 তারপর আমি সিরিয়া ও কিলিকিয়া  
প্রদেশে গেলাম। 22 আমি খ্রীষ্টে স্থিত যিহুদিয়ার মণ্ডলীগুলির কাছে  
ব্যক্তিগতভাবে অপরিচিত ছিলাম। 23 তারা কেবলমাত্র এই সংবাদ  
পেয়েছিল, “আগে যে লোকটি আমাদের উপর অত্যাচার করত, সে  
এখন সেই বিশ্বাসের কথা প্রচার করছে, যা সে আগে ধ্বংস করতে  
চেয়েছিল।” 24 আর তারা আমার কারণে ঈশ্বরের প্রশংসা করতে  
লাগল।

**২** চোদ্দো বছর পরে, আমি আবার জেরশালেমে গেলাম; এসময়  
সঙ্গে ছিলেন বার্ণবা। আমি তীতকেও সঙ্গে নিলাম। 2 ঈশ্বরের ইচ্ছা  
প্রকাশিত হওয়ার আগে আমি সেখানে গিয়েছিলাম ও যে সুসমাচার  
আমি অইহুদি জাতিদের কাছে প্রচার করি, তা তাঁদের সামনে বললাম।  
কিন্তু এ কাজ আমি গোপনে, যাঁদের নেতৃত্বানীয় বলে আমার মনে  
হয়েছিল, তাঁদের কাছে করলাম, কারণ তার হচ্ছিল, আমি হয়তো  
অনর্থক পরিশ্রম করেছি বা করছি। 3 এমনকি, আমার সঙ্গী তীত, যিনি  
জাতিতে প্রিক ছিলেন, তাঁকেও সুন্নত করতে বাধ্য করা হয়নি। 4 কারণ

ঞ্চীষ্ট যীশুতে আমরা যে স্বাধীনতা ভোগ করি, তার উপরে গুণ্ঠচরবৃত্তির জন্য ও আমাদের ক্রীতদাসে পরিণত করার জন্য কয়েকজন ভঙ্গ ভাই আমাদের মধ্যে অনুপ্রবেশ করেছিল। ৫ আমরা এক মুহূর্তের জন্যও তাদের বশ্যতাস্থীকার করলাম না, যেন সুসমাচারের সত্য তোমাদের জন্য রক্ষা করতে পারি। ৬ আর যাদের গুরুত্বপূর্ণ বলে মনে হয়েছিল—তারা যেই হোন না কেন, আমার কিছু আসে-যায় না; ঈশ্বর বাহ্যিক রূপ দেখে বিচার করেন না—সেই ব্যক্তিরা আমার বার্তার সঙ্গে অতিরিক্ত কিছুই যোগ করেননি। ৭ এর বিপরীতে, তারা দেখলেন যে, পিতরকে যেমন ইহুদিদের কাছে, তেমনই আমাকে অইহুদি জাতিদের কাছে সুসমাচার প্রচার করার দায়িত্ব দেওয়া হয়েছে। ৮ কারণ ঈশ্বর, যিনি ইহুদিদের কাছে প্রেরিতশিষ্যরূপে কাজ করার জন্য পিতরের পরিচর্যায় সক্রিয় ছিলেন, তিনি অইহুদি জাতিদের কাছে প্রেরিতশিষ্যরূপে কাজ করার জন্য আমার পরিচর্যাতেও সক্রিয় ছিলেন। ৯ যাকোব, পিতর ও যোহন—যাঁরা মণ্ডলীর শুন্ধরূপে খ্যাত ছিলেন—তাঁরা আমাকে দেওয়া এই অনুগ্রহ উপলব্ধি করে আমার ও বার্ণবার হাতে হাত মিলিয়ে সহকর্মীরূপে আমাদের গ্রহণ করলেন। তাঁরা সম্মত হলেন যে, অইহুদিদের কাছে আমাদের যাওয়া উচিত ও তাঁদের উচিত ইহুদিদের কাছে যাওয়া। ১০ তাঁরা শুধু চাইলেন, আমরা যেন নিয়ত দরিদ্রদের কথা স্মরণে রাখি, যে কাজ করার জন্য আমি আগ্রহী ছিলাম। ১১ পিতর যখন আস্তিয়থে এলেন, আমি মুখের উপর তাঁর প্রতিবাদ করলাম, কারণ স্পষ্টতই তিনি উচিত কাজ করেননি। ১২ যাকোবের কাছ থেকে কিছু লোক আসার আগে তিনি অইহুদিদের সঙ্গে আহার করতেন; কিন্তু তারা উপস্থিত হলে তিনি পিছিয়ে গেলেন ও অইহুদিদের কাছ থেকে নিজেকে পৃথক করতে লাগলেন, কারণ যারা সন্তুতপ্রাপ্ত ছিল, তিনি তাদের ভয় পেতেন। ১৩ অন্য সব ইহুদিরাও তাঁর এই ভগ্নামিতে যোগ দিল, এমনকি, তাঁদের ভঙ্গ আচরণে বার্ণবাও ভুল পথে পা বাঢ়িয়েছিলেন। ১৪ আমি যখন দেখলাম, তাঁরা সুসমাচারের সত্য অনুযায়ী কাজ করছেন না, আমি তাঁদের সকলের সামনে পিতরকে বললাম, “তুমি একজন ইহুদি, তবুও

তুমি ইহুদির মতো নয় বরং একজন অইহুদির মতো জীবনযাপন করছ। তাহলে, এ কী রকম যে, তুমি অইহুদিদের বাধ্য করছ ইহুদি রীতিনীতি পালন করতে? 15 “আমরা, যারা জন্মসূত্রে ইহুদি, কিন্তু ‘অইহুদি পাপী’ নই, 16 আমরা জানি যে, বিধান পালন করে কোনো মানুষ নির্দোষ প্রতিপন্থ হয় না, কিন্তু হয় যীশু খ্রীষ্টের উপর বিশ্বাস দ্বারা। তাই আমরাও খ্রীষ্ট যীশুতে আমাদের বিশ্বাস স্থাপন করেছি, যেন আমরা খ্রীষ্টের উপর বিশ্বাস দ্বারা নির্দোষ প্রতিপন্থ হতে পারি, বিধান পালনের দ্বারা নয়, কারণ বিধান পালনের দ্বারা কেউই নির্দোষ প্রতিপন্থ হবে না। 17 “যদি খ্রীষ্টে নির্দোষ বলে গণ্য হওয়ার প্রচেষ্টায় আমরাও যদি পাপী বলে প্রতিপন্থ হয়ে থাকি, তবে কি ধরে নিতে হবে যে খ্রীষ্ট পাপের সহায়ক? অবশ্যই নয়! 18 যদি আমি যা ধ্বংস করেছি, তাই আবার তৈরি করি, আমি নিজেকে আইনভঙ্গকারী বলেই প্রমাণ করি। 19 “কারণ বিধানের মাধ্যমে বিধানের প্রতি আমি মৃত্যুবরণ করেছি, যেন আমি ঈশ্বরের জন্য বেঁচে থাকতে পারি। আমি খ্রীষ্টের সঙ্গে ক্রুশবিদ্ধ হয়েছি। 20 আমি আর জীবিত নেই, কিন্তু খ্রীষ্টই আমার মধ্যে জীবিত আছেন। আর এই শরীরে আমি যে জীবনযাপন করছি, তা আমি ঈশ্বরের পুত্রের উপর বিশ্বাস দ্বারাই যাপন করছি; তিনি আমাকে প্রেম করেছেন ও আমার জন্য নিজেকে প্রদান করেছেন। 21 আমি ঈশ্বরের অনুগ্রহ অগ্রাহ্য করতে পারি না, কারণ যদি বিধান দ্বারা ধার্মিকতা লাভ করা যায়, তাহলে বৃথাই খ্রীষ্ট মৃত্যুবরণ করেছেন!”

**৩** ওহে অবুঝ গালাতীয়রা! কে তোমাদের জাদু করেছে? তোমাদেরই চোখের সামনে ক্রুশবিদ্ধ যীশু খ্রীষ্টের রূপ স্পষ্টভাবে চিত্রিত হয়েছে। 2 আমি তোমাদের কাছে থেকে কেবলমাত্র একটি বিষয় জানতে চাই। তোমরা কি বিধান পালন করে পবিত্র আত্মা লাভ করেছিলে, নাকি যা শুনেছিলে তা বিশ্বাস করে? 3 তোমরা কি এতই নির্বোধ? সেই আত্মায় শুরু করে, এখন কি তোমরা মানবিক প্রচেষ্টায় লক্ষ্য অর্জন করতে চাইছ? 4 তোমরা কি বৃথাই এত কষ্টভোগ করেছ—যদি তা প্রকৃতই বৃথা হয়ে থাকে? 5 ঈশ্বর তোমাদের তাঁর আত্মা দান করেন ও তোমাদের মধ্যে অলৌকিক সব কাজ করেন, কারণ তোমরা বিধান

পালন করো বলে নাকি যা শুনেছিলে, তা বিশ্বাস করেছ বলে? 6  
অব্রাহামের কথা বিবেচনা করো। তিনি “ঈশ্বরকে বিশ্বাস করলেন,  
তিনি তা অব্রাহামের পক্ষে ধার্মিকতা বলে গণ্য করলেন।” 7 তাহলে  
বুঝে নাও, যারা বিশ্বাস করে, তারাই অব্রাহামের সন্তান। 8 শাস্ত্র  
আগেই দেখেছিল যে, ঈশ্বর অইভুদি জাতিদের বিশ্বাসের দ্বারা নির্দোষ  
প্রতিপন্থ করবেন এবং সেই সুসমাচার অব্রাহামের কাছে আগেই  
যোগ্যতা করেছিলেন। “সমস্ত জাতি তোমার মাধ্যমে আশীর্বাদ লাভ  
করবে।” 9 তাই যাদের বিশ্বাস আছে, তারা বিশ্বাসী অব্রাহামের সঙ্গেই  
আশীর্বাদ লাভ করেছে। 10 যারা বিধান পালনের উপরে আস্থাশীল,  
তারা সকলে এক অভিশাপের অধীন, কারণ লেখা আছে, “প্রতিটি  
লোক অভিশপ্ত যে বিধানের সব কথাগুলি পালন করে না।” 11 স্পষ্টত,  
কোনো মানুষই বিধানের দ্বারা ঈশ্বরের সাক্ষাতে নির্দোষ প্রতিপন্থ হয়  
না, কারণ, “ধার্মিক ব্যক্তি বিশ্বাসের দ্বারাই জীবিত থাকবে।” 12 বিধান  
বিশ্বাসভিত্তিক নয়; এর পরিবর্তে, “যে ব্যক্তি এইসব পালন করবে,  
সে এগুলির দ্বারা জীবিত থাকবে।” 13 খ্রীষ্টই মূল্য দিয়ে বিধানের  
অভিশাপ থেকে আমাদের মুক্ত করেছেন, কারণ তিনি আমাদের জন্য  
অভিশাপস্বরূপ হলেন, কারণ এরকম লেখা আছে, “যে ব্যক্তিকে গাছে  
টাঙ্গনো হয়, সে অভিশাপগ্রস্ত।” 14 তিনি আমাদের মুক্ত করলেন,  
যেন যে আশীর্বাদ অব্রাহামকে দেওয়া হয়েছিল, তা খ্রীষ্ট যীশুর মাধ্যমে  
অইভুদিদের কাছে পৌঁছায়, যেন বিশ্বাসের দ্বারা আমরা পবিত্র আত্মার  
প্রতিশ্রূতি লাভ করি। 15 সকল ভাই ও বোন, প্রতিদিনের জীবন থেকে  
আমি একটি উদাহরণ দিতে চাই। যে দুজনের মধ্যে চুক্তিপত্র ইতিমধ্যে  
প্রতিষ্ঠিত হয়েছে, তাতে যেমন কেউ কিছু বাদ দিতে পারে না বা তাতে  
কিছু যোগ করতে পারে না, তেমনই এক্ষেত্রে একই কথা প্রযোজ্য। 16  
সেই প্রতিশ্রূতিগুলি অব্রাহাম ও তাঁর বংশধরের কাছে বলা হয়েছিল।  
শাস্ত্র এরকম বলেনি, “বংশধরদের কাছে,” যার অর্থ, অনেকের কাছে,  
কিন্তু “তোমার বংশের কাছে,” যার অর্থ, একজন ব্যক্তি অর্থাৎ খ্রীষ্টের  
কাছে। 17 আমি যা বলতে চাই, তা হল, যে বিধান 430 বছর পরে  
প্রবর্তিত হল, তা পূর্বে ঈশ্বরের দ্বারা প্রতিষ্ঠিত নিয়মকে বাতিল করতে

পারে না এবং এভাবে সেই প্রতিশ্রুতি বিফল হতে পারে না। 18 কারণ  
উত্তরাধিকার যদি বিধানের উপরে নির্ভরশীল হয়, তাহলে তা আর  
কেনো প্রতিশ্রুতির উপরে নির্ভরশীল হয় না; কিন্তু ঈশ্বর তাঁর অনুগ্রহে  
এক প্রতিশ্রুতির মাধ্যমে অব্রাহামকে তা দান করেছিলেন। 19 তাহলে,  
বিধানের উদ্দেশ্য কী ছিল? এই শাস্ত্রীয় বিধান অপরাধের কারণে যুক্ত  
হয়েছিল, যতক্ষণ না পর্যন্ত যে বংশধরের উদ্দেশে প্রতিশ্রুতি দেওয়া  
হয়েছিল, তাঁর আগমন হয়। স্বর্গদৃতদের মাধ্যমে এক মধ্যস্থতাকারীর  
দ্বারা সেই বিধান কার্যকরী হয়েছিল। 20 যেখানে একটি পক্ষ, সেখানে  
কেনো মধ্যস্থতাকারী প্রতিনিধিত্ব করে না; কিন্তু ঈশ্বর এক। 21  
তাহলে বিধান কি ঈশ্বরের সব প্রতিশ্রুতির বিরোধিতা করেছিল?  
একেবারেই নয়! কারণ জীবনদানের জন্য যদি কেনো বিধান দেওয়া  
হত, তাহলে বিধানের দ্বারা অবশ্যই ধার্মিকতা উপলব্ধ হত। 22 কিন্তু  
শাস্ত্র ঘোষণা করে যে, সমস্ত জগৎ পাপের কাছে বন্দি হয়ে আছে, যেন  
যা প্রতিশ্রুত হয়েছিল, তা যীশু খ্রিস্টে বিশ্বাসের মাধ্যমে দেওয়া যায় ও  
যারা বিশ্বাস করে, তাদের প্রতি দেওয়া হয়। 23 এই বিশ্বাস আসার  
পূর্বে, আমরা বিধানের দ্বারা বন্দি হয়ে অবরুদ্ধ ছিলাম, যতক্ষণ না  
বিশ্বাস প্রকাশিত হল। 24 তাই আমাদের খ্রিস্টের উদ্দেশে চালিত করার  
জন্য বিধানকে দায়িত্ব দেওয়া হল, যেন আমরা বিশ্বাসের দ্বারা নির্দোষ  
প্রতিপন্থ হই। 25 এখন সেই বিশ্বাসের আগমন হওয়ায়, আমরা আর  
বিধানের তত্ত্বাবধানে নেই। 26 তোমরা সকলেই খ্রিস্ট যীশুতে বিশ্বাসের  
মাধ্যমে ঈশ্বরের পুত্রকন্যা হয়েছ, 27 কারণ তোমরা সকলে যারা  
খ্রিস্টে বাঞ্ছাইজিত হয়েছ, তারা সকলে খ্রিস্টকে পরিধান করেছ। 28  
ইহুদি কি গ্রিক, ক্রীতদাস কি স্বাধীন, পুরুষ কি স্ত্রী, তোমরা সকলেই  
খ্রিস্ট যীশুতে এক। 29 আর তোমরা যদি খ্রিস্টের হও, তাহলে তোমরা  
অব্রাহামের বংশ, সেই প্রতিশ্রুতি অনুযায়ী উত্তরাধিকারী।

**4** যা আমি বলতে চাইছি, তা হল, উত্তরাধিকারী যতদিন শিশু থাকে,  
সে সমস্ত সম্পত্তির অধিকারী হলেও, ক্রীতদাসের সঙ্গে তার কোনও  
পার্থক্য থাকে না। 2 তার বাবা যে সময় নির্দিষ্ট করে দিয়েছেন, সেই  
সময় পর্যন্ত সে অভিভাবক ও প্রতিপালকদের তত্ত্বাবধানে থাকে।

৩ একইভাবে, আমরা যখন শিশু ছিলাম, আমরা জগতের বিভিন্ন  
রীতিনীতির অধীনে ক্রীতদাস ছিলাম। ৪ কিন্তু সময় যখন সম্পূর্ণ হল,  
ঈশ্বর তাঁর পুত্রকে পাঠালেন; তিনি এক নারী থেকে জন্ম নিলেন,  
বিধানের অধীনে জন্মগ্রহণ করলেন, ৫ যেন যারা বিধানের অধীন  
তাদের মুক্তিপণ দিয়ে মুক্ত করেন এবং আমরা পুত্র হওয়ার পূর্ণ  
অধিকার লাভ করি। ৬ যেহেতু আমরা পুত্র, তাই ঈশ্বর তাঁর পুত্রের  
আত্মকে আমাদের হস্তয়ে পাঠালেন, যে আত্মা “আবা, পিতা” বলে  
ডেকে ওঠেন। ৭ তাই তোমরা আর ক্রীতদাস নও, কিন্তু পুত্র; আর  
যেহেতু তোমরা পুত্র, ঈশ্বর তোমাদের উত্তরাধিকারীও করেছেন। ৮  
আগে তোমরা যখন ঈশ্বরকে জানতে না, তোমরা তাদেরই দাসত্ব  
করতে, যারা প্রকৃতপক্ষে দেবতা নয়। ৯ কিন্তু এখন, যেহেতু তোমরা  
ঈশ্বরকে জানো—বা সঠিক বলতে গেলে, তোমরাই ঈশ্বরের দ্বারা  
পরিচিত হয়েছ—তাহলে, কী করে তোমরা ওইসব দুর্বল ও ঘৃণ্য  
নীতিগুলির প্রতি ফিরে যাচ্ছ? তোমরা কি আবার ফিরে গিয়ে সেসবের  
দ্বারা দাসত্বে আবদ্ধ হতে চাও? ১০ তোমরা বিশেষ বিশেষ দিন, মাস,  
ঝুঁতি ও বছর পালন করছ! ১১ তোমাদের জন্য আমার ভয় হয়, হয়তো  
আমি তোমাদের মধ্যে ব্যর্থ পরিশ্রম করেছি। ১২ ভাই ও বোনেরা,  
আমি তোমাদের অনুরোধ করছি, তোমরা আমার মতো হও, কারণ  
আমি তোমাদের মতো হয়েছি। তোমরা আমার প্রতি কোনো অন্যায়  
করোনি। ১৩ যেমন তোমরা জানো, আমি অসুস্থ ছিলাম, যখন প্রথমবার  
তোমাদের কাছে সুসমাচার প্রচার করেছিলাম। ১৪ যদিও আমার  
সঙ্গে ঘৃণ্য ও অবজ্ঞাসুলভ আচরণ করোনি। বরং তোমরা আমাকে  
যেন ঈশ্বরের এক দৃতের মতো, স্বয়ং খ্রীষ্ট যীশুর মতো মনে করে  
স্বাগত জানিয়েছিলে। ১৫ তোমাদের সেইসব আনন্দের কী হল? আমি  
সাক্ষ্য দিতে পারি যে, সন্তুষ্ট হলে, তোমরা নিজের নিজের চোখদুটি  
উপড়ে নিয়ে আমাকে দিতে। ১৬ সত্যিকথা বলার জন্য আমি কি এখন  
তোমাদের শক্তি হয়েছি? ১৭ ওইসব লোক তোমাদের জয় করার জন্য  
আগ্রহী হয়েছে, কিন্তু কোনো ভালো উদ্দেশ্যে নয়। তারা যা চায় তা

হল আমাদের কাছ থেকে তোমাদের দুরে সরিয়ে দিতে, যেন তোমরা  
ওদের প্রতি আগ্রহী হয়ে ওঠো। 18 কেবলমাত্র তোমাদের মধ্যে যখন  
উপস্থিত থাকি তখন নয়, কিন্তু সব সময়ের জন্য সঠিক উদ্দেশ্য নিয়ে  
আগ্রহী হওয়া ভালো। 19 আমার প্রিয় সন্তানেরা তোমাদের জন্য আমি  
আবার প্রসবযন্ত্রণা ভোগ করছি, যতক্ষণ না তোমরা খীটের মতো  
হও। 20 আমার এমন ইচ্ছা হচ্ছে যে, আমি যদি এখনই তোমাদের  
কাছে যেতে ও অন্য স্বরে কথা বলতে পারতাম! কারণ আমি তোমাদের  
নিয়ে যে কী করব তা বুঝতে পারছি না! 21 তোমরা যারা বিধানের  
অধীনে থাকতে চাও, আমাকে বলো তো, বিধান যা বলে, তা কি  
তোমরা জানো না? 22 কারণ লেখা আছে, অৱাহামের দুই পুত্র ছিল,  
একজন ক্রীতদাসীর, অন্যজন স্বাধীন নারীর। 23 ক্রীতদাসী নারীর  
দ্বারা তাঁর পুত্রের জন্ম হয়েছিল স্বাভাবিক উপায়ে, কিন্তু স্বাধীন নারীর  
দ্বারা তাঁর পুত্রের জন্ম হয়েছিল এক প্রতিশ্রূতির ফলস্বরূপে। 24 এসব  
বিষয় রূপক অর্থে গ্রহণ করা যেতে পারে, কারণ ওই দুজন নারী দুটি  
চুক্তির প্রতীকস্বরূপ। একটি চুক্তি সীনয় পর্বত থেকে, তা ক্রীতদাস  
হওয়ার জন্য সন্তানদের জন্ম দেয়। এ হল হাগার। 25 এখন হাগার  
হল আরবে স্থিত সীনয় পর্বতের প্রতীক এবং বর্তমানের জেরশালেম  
নগরীর সঙ্গে সংগতিপূর্ণ, কারণ সে তার সন্তানদের নিয়ে দাসত্ববন্ধনে  
আবদ্ধ আছে। 26 কিন্তু উর্ধ্বে স্থিত জেরশালেম স্বাধীন, সে আমাদের  
প্রকৃত মা। 27 কারণ লেখা আছে, “ওহে বন্ধ্যা নারী, যে কখনও  
সন্তান প্রসব করোনি, আনন্দিত হও; তোমরা কখনও প্রসবযন্ত্রণা  
ভোগ করোনি, আনন্দোল্লাসে ফেটে পড়ো; কারণ যার স্বামী আছে,  
সেই নারীর চেয়ে, যে নারী পরিত্যক্তা, তার সন্তান বেশি।” 28 এখন  
ভাইবোনেরা, তোমরা ইস্থাকের মতো প্রতিশ্রূতির সন্তান। 29 সেই  
সময়, স্বাভাবিক উপায়ে জাত পুত্র, ঈশ্বরের আত্মার পরাক্রমে জাত  
পুত্রকে নির্যাতন করত। তেমনই এখনও হচ্ছে। 30 কিন্তু শাস্ত্র কী  
বলে? “সেই ক্রীতদাসী ও তার ছেলেকে তাড়িয়ে দাও, কারণ সেই  
স্বাধীন নারীর সম্পত্তির অধিকারে ওই মহিলার ছেলে কখনোই ভাগ

বসাবে না।” 31 অতএব ভাইবোনেরা, আমরা ক্রীতদাসীর সন্তান নই,  
কিন্তু সেই স্বাধীন নারীর সন্তান।

**৫** স্বাধীনতা ভোগ করার জন্যই খ্রীষ্ট আমাদের স্বাধীন করেছেন।  
অতএব, তোমরা অবিচল থাকো এবং দাসত্বের জোয়ালে নিজেদের  
পুনরায় বন্দি কোরো না। 2 আমার কথা লক্ষ্য করো। আমি পৌল  
তোমাদের বলছি যে, তোমরা যদি নিজেদের সুন্নত করো, তাহলে  
তোমাদের কাছে খ্রীষ্টের কোনো মূল্যই থাকবে না। 3 যারা নিজেদের  
সুন্নত করতে চায়, তাদের প্রত্যেকের কাছে আমি আবার ঘোষণা  
করছি যে, সে সমস্ত বিধান পালন করতে বাধ্য। 4 তোমরা যারা  
বিধানের দ্বারা নির্দোষ প্রতিপন্থ হতে চাইছ, তারা খ্রীষ্ট থেকে বিচ্ছিন্ন  
হয়েছ; তোমরা অনুগ্রহ থেকে বিচ্ছিন্ন হয়েছ। 5 কিন্তু যে ধর্মিকতার  
আমরা প্রত্যাশা করি, তার জন্য আমরা বিশ্বাসের দ্বারা পবিত্র আত্মার  
মাধ্যমে সাদর আগ্রহে অপেক্ষা করে আছি। 6 কারণ খ্রীষ্ট যীশুতে  
সুন্নত বা অতৃকছেন, উভয়ই মূল্যহীন। কেবলমাত্র বিষয় যা গণ্য  
করা হয়, তা হল বিশ্বাস, যা ভালোবাসার মাধ্যমে নিজেকে প্রকাশ  
করে। 7 তোমরা তো ভালোভাবেই দোড়াচ্ছিলে। কে তোমাদের বাধা  
দিল এবং সত্য পালন করতে দিল না? 8 যিনি তোমাদের আহ্বান  
করেছেন, তাঁর কাছ থেকে এই ধরনের চাপ আসে না। 9 অল্প একান্ত  
খামির সমস্ত ময়দার তালকে তাড়িময় করে তোলে। 10 প্রভুতে আমি  
আত্মবিশ্বাসী যে, তোমরা আর কোনো দৃষ্টিভঙ্গি গ্রহণ করবে না। যে  
তোমাদের বিভ্রান্ত করছে, সে যেই হোক না কেন, সে তার শান্তি ভোগ  
করবে। 11 ভাইবোনেরা, আমি যদি এখনও সুন্নতের বিষয় প্রচার  
করে থাকি, তাহলে কেন এখনও আমি নির্যাতিত হচ্ছি? তাহলে তো  
ক্রুশের কথা প্রচারের বাধা দূর হয়ে যেত। 12 যারা তোমাদের কাছে  
অশান্তি সৃষ্টি করে আমার ইচ্ছা এই যে তারা সম্পূর্ণ পথ অতিক্রম করে  
নিজেদের নপুংসক করে ফেলুক। 13 আমার ভাইবোনেরা, তোমরা  
স্বাধীনতার জন্য আহুত হয়েছ, কিন্তু তোমাদের স্বাধীনতাকে শারীরিক  
লালসা চরিতার্থ করার জন্য প্রশ্রয় দিয়ো না; বরং প্রেমে পরম্পরের  
সেবা করো। 14 সমস্ত বিধান এই একটিমাত্র আজ্ঞায় সারসংক্ষিপ্ত

হয়েছে: “তোমার প্রতিবেশীকে নিজের মতোই ভালোবেসো।” 15  
যদি তোমরা পরম্পরকে দংশন ও গ্রাস করো, সতর্ক হও, অন্যথায়  
তোমরা পরম্পরের দ্বারা ধ্বংস হবে। 16 তাই আমি বলি, তোমরা  
পবিত্র আত্মার বশে জীবনযাপন করো, তাহলে তোমরা শারীরিক  
লালসার অভিলাষ চরিতার্থ করবে না। 17 কারণ শারীরিক লালসা  
পবিত্র আত্মার অভিলাষের বিপরীত এবং পবিত্র আত্মা শারীরিক  
লালসার অভিলাষের বিপরীত। সেগুলি পরম্পরের বিরুদ্ধে সংঘর্ষ  
করে, যেন তোমরা যা চাও, তা করতে না পারো। 18 কিন্তু তোমরা  
যদি পবিত্র আত্মার দ্বারা চালিত হও, তাহলে তোমরা বিধানের অধীন  
নও। 19 শারীরিক লালসার সব কাজ সুস্পষ্ট: ব্যভিচার, বিবাহ-  
বহির্ভূত ঘোনাচার ও উচ্ছৃঙ্খলতা; 20 প্রতিমাপূজা ও ডাকিনীবিদ্যা;  
ঘৃণা, ঈর্ষা, ক্রোধের উত্তেজনা, স্বার্থকেন্দ্রিক উচ্চাকাঙ্ক্ষা, মতবিরোধ,  
দলাদলি ও 21 হিংসা; মন্ততা, রঙ্গরস ও এ ধরনের আরও অনেক  
বিষয়। আগের মতোই আমি আবার তোমাদের সতর্ক করছি, যারা এ  
ধরনের জীবনযাপন করে, তারা ঈশ্বরের রাজ্যে অধিকার পাবে না।  
22 কিন্তু পবিত্র আত্মার ফল হল প্রেম, আনন্দ, শান্তি, দীর্ঘসহিষ্ণুতা,  
মাধুর্য, পরোপকারিতা, বিশ্বতা, 23 বিনয়তা ও আত্মসংযম। এসব  
বিষয়ের বিরুদ্ধে কোনও বিধান নেই। 24 আর যারা খ্রীষ্ট যীশুর, তারা  
শারীরিক লালসার সমস্ত আসক্তি ও অভিলাষকে ক্রুশার্পিত করেছে।  
25 আমরা যেহেতু পবিত্র আত্মার বশে জীবনযাপন করি, এসো আমরা  
আত্মার সঙ্গে তাল মিলিয়ে চলি। 26 এসো, আমরা অহংকারী না হই,  
পরম্পরকে উত্তেজিত না করি ও এক অপরের প্রতি হিংসা না করি।

**6** ভাইবোনেরা, কেউ যদি কোনো পাপকাজে ধরা পড়ে, তাহলে  
তোমরা যারা আত্মিক, তোমরা কোমল মনোভাব নিয়ে তাকে আগের  
অবস্থায় ফিরিয়ে আনো। কিন্তু নিজেদের সম্পর্কে সতর্ক থেকো, নইলে  
তোমরাও প্রলোভিত হতে পারো। 2 প্রত্যেকে একে অপরের ভারবহন  
করো, এভাবে তোমরা খ্রীষ্টের বিধান পূর্ণ করবে। 3 কেউ যদি কিছু না  
হয়েও নিজেকে বিশিষ্ট মনে করে, সে নিজের সঙ্গে প্রতারণা করে।  
4 প্রত্যেকেই তার নিজের কাজ যাচাই করে দেখবে। তাহলেই সে

অপর কারণে সঙ্গে নিজের তুলনা না করেই নিজের বিষয়ে গর্ব করতে  
পারবে। ৫ কারণ প্রত্যেকেরই উচিত, তার নিজের ভারবহন করা। ৬  
যে ব্যক্তি ঈশ্বরের বাক্য সম্পর্কে শিক্ষা লাভ করে, সে তার শিক্ষককে  
অবশ্যই সমস্ত উৎকৃষ্ট বিষয়ের সহভাগী করবে। ৭ তোমরা বিভ্রান্ত  
হোয়ে না, ঈশ্বরকে উপহাস করা যায় না। কোনো মানুষ যা বোনে,  
তাই কাটে। ৮ যে তার শারীরিক লালসা নির্বাচিত উদ্দেশে বীজ বোনে,  
সেই শরীর থেকেই সে বিনাশকূপ শস্য সংগ্রহ করবে। যে পবিত্র  
আত্মাকে প্রীত করার জন্য বীজ বোনে, তা থেকেই অনন্ত জীবনের  
ফসল আসবে। (aiōnios g166) ৯ এসো, সৎকর্ম করতে করতে আমরা  
যেন ক্লান্তিবোধ না করি, কারণ হাল ছেড়ে না দিলে আমরা যথাসময়ে  
ফসল তুলব। ১০ তাই, আমরা যখন সুযোগ পেয়েছি, এসো, আমরা  
সব মানুষের প্রতি সৎকর্ম করি, বিশেষত তাদের প্রতি যারা বিশ্বাসীদের  
পরিজন। ১১ দেখো, আমি কত বড়ো বড়ো অক্ষরে নিজের হাতে  
তোমাদের কাছে লিখলাম! ১২ যারা ব্যাহ্যিকরণে এক সুন্দর ভাবমূর্তি  
গড়তে চায়, তারা তোমাদের সুন্নত পালনে বাধ্য করতে চেষ্টা করছে।  
কেবলমাত্র যে কারণের জন্য তারা এ কাজ করতে চাইছে, তা খ্রীষ্টের  
ক্রুশের কারণে নির্যাতিত হওয়া থেকে অব্যাহতি পাওয়ার জন্য। ১৩  
যারা সুন্নতপ্রাণ্ত তারাও বিধান পালন করে না, তবুও তারা চায় তোমরা  
সুন্নত-সংস্কার পালন করো, যেন তারা তোমাদের শরীরের বিষয়ে গর্ব  
করতে পারে। ১৪ কিন্তু আমাদের প্রতু যীশু খ্রীষ্টের ক্রুশ ছাড়া আমি  
আর যে কোনো বিষয়ে গর্ব করি, তা দূরে থাকুক, কারণ তাঁরই দ্বারা  
জগৎ আমার কাছে ও আমি জগতের কাছে ক্রুশার্পিত। ১৫ সুন্নত বা  
অতুকছেদ, উভয়ই মূল্যহীন, নতুন সৃষ্টিই হল মূলকথা। ১৬ এই নীতি  
যারা অনুসরণ করে তাদের উপর, এমনকি ঈশ্বরের ইস্রায়েলের উপর  
শান্তি ও করণা বিরাজ করুক। ১৭ সবশেষে বলি, কেউ যেন আমাকে  
কষ্ট না দেয়, কারণ আমার শরীরে আমি যীশুর ক্ষতচিহ্ন বহন করছি।  
১৮ ভাইবোনেরা, আমাদের প্রতু যীশু খ্রীষ্টের অনুগ্রহ তোমাদের আত্মার  
সঙ্গে থাকুক। আমেন।

## ইফিষীয়

১ ঈশ্বরের ইচ্ছা অনুসারে খ্রীষ্ট যীশুর প্রেরিতশিষ্য, আমি পৌল, ইফিষ নগরীর সব পবিত্রগণ ও খ্রীষ্ট যীশুতে বিশ্বস্তজনদের প্রতি, ২ আমাদের পিতা ঈশ্বর এবং প্রভু যীশু খ্রীষ্ট থেকে অনুগ্রহ ও শান্তি তোমাদের উপরে বর্ষিত হোক। ৩ ধন্য আমাদের প্রভু যীশু খ্রীষ্টের ঈশ্বর ও পিতা, যিনি খ্রীষ্টে স্বর্গীয় স্থানে সমস্ত আত্মিক আশীর্বাদে আমাদের আশীর্বাদ করেছেন। ৪ কারণ জগৎ সৃষ্টির পূর্বেই তিনি আমাদের খ্রীষ্টে মনোনীত করেছিলেন, যেন তাঁর দৃষ্টিতে আমরা প্রেমে পবিত্র ও নিষ্কলঙ্ঘ হতে পারি। ৫ প্রেমে, তিনি তাঁর মঙ্গল সংকল্প ও ইচ্ছায়, যীশু খ্রীষ্টের মাধ্যমে আমাদের পুত্ররূপে দত্তক নেওয়ার জন্য পূর্ব থেকেই নির্ধারিত করেছিলেন— ৬ এসব তিনি করেছেন তাঁর গৌরবময় অনুগ্রহের প্রশংসার জন্য, যাঁকে তিনি প্রেম করেন, তাঁর মাধ্যমে, যা তিনি বিনামূল্যে আমাদের দান করেছেন। ৭ তাঁর দ্বারাই আমরা তাঁর রক্তে মুক্তি, অর্থাৎ সব পাপের ক্ষমা পেয়েছি। এসব ঈশ্বরের অনুগ্রহের প্রাচুর্যের কারণে হয়েছে, ৮ যা তিনি সমস্ত প্রজ্ঞা ও বোধশক্তির সঙ্গে আমাদের উপরে পর্যাপ্ত পরিমাণে ঢেলে দিয়েছেন। ৯ তিনি তাঁর সেই হিতসংকল্প অনুযায়ী সেই গুপ্তরহস্য আমাদের জানতে দিয়েছেন, যা তিনি খ্রীষ্টে পূর্বসংকল্প করেছিলেন, ১০ যা কালের পূর্ণতার সঙ্গে সঙ্গে রূপায়িত করার সংকল্প করেছিলেন, যেন স্বর্গে ও পৃথিবীতে সবকিছুই, এক মস্তক, অর্থাৎ খ্রীষ্টের অধীনে একত্র করেন। ১১ যিনি তাঁর সংকল্প অনুসারে সমস্ত কিছু সাধন করেন, তাঁরই পরিকল্পনামতো পূর্ব-নির্ধারিত হয়ে তাঁর মাধ্যমে আমরা মনোনীতও হয়েছি, ১২ যেন আমরা যারা খ্রীষ্টের উপরে প্রথমে প্রত্যাশা রেখেছিলাম, সেই আমাদেরই মাধ্যমে তাঁর মহিমার গুণগান হতে পারে। ১৩ আর তোমরা যখন সত্যের বাণী, তোমাদের পরিআগের সুসমাচার শুনেছ, তখনই তোমরা খ্রীষ্টে অন্তর্ভুক্ত হয়েছ। বিশ্বাস করে তোমরা তাঁর মাধ্যমে প্রতিশ্রূত পবিত্র আত্মার মুদ্রাঙ্কণে চিহ্নিত হয়েছ, ১৪ যিনি আমাদের উত্তরাধিকার সুনিশ্চিত করার জন্য অগ্রিম বায়নাস্বরূপ, যতক্ষণ না তিনি নিজের মহিমার প্রশংসনের জন্য তাঁর আপনজনদের মুক্ত করেন। ১৫ এই কারণে,

প্রভু যীশুর প্রতি তোমাদের বিশ্বাসের ও পবিত্রগণের প্রতি তোমাদের  
ভালোবাসার কথা যখন শুনেছি, 16 তখন থেকেই আমার প্রার্থনায়  
তোমাদের স্নান করে তোমাদের জন্য ঈশ্বরকে ধন্যবাদ জানাতে  
বিরত হইনি। 17 আমি অবিরত মিনতি করি, আমাদের প্রভু যীশু  
খ্রীষ্টের ঈশ্বর, গৌরবময় পিতা, তোমাদের প্রজ্ঞা ও প্রত্যাদেশের আত্মা  
দান করুন, যেন তোমরা তাঁর পরিচয় অনেক বেশি জানতে পারো। 18  
আমি আরও প্রার্থনা করি যে, তোমাদের অস্তর্দৃষ্টি আলোকিত হয়ে  
উঠুক, যেন তাঁর আত্মানের প্রত্যাশা, পবিত্রগণের মধ্যে তাঁর গৌরবময়  
উত্তরাধিকারের ঐশ্বর্য 19 এবং আমাদের মতো বিশ্বাসীদের জন্য তাঁর  
অতুলনীয় মহান শক্তি তোমরা জানতে পারো। সেই শক্তি তাঁর প্রবল  
পরাক্রমের সঙ্গে কৃতকর্মের মতো সক্রিয়। 20 তিনি সেই শক্তি খ্রীষ্টে  
প্রয়োগ করেছেন, যখন তিনি তাঁকে মৃতলোক থেকে উথাপন করেছেন  
এবং স্বর্গীয় স্থানে তাঁর ডানদিকে তাঁকে বসিয়েছেন, 21 শুধু বর্তমান  
কালে নয়, কিন্তু আগামী দিনেও যে সমস্ত শাসন ও কর্তৃত্ব, ক্ষমতা ও  
আধিপত্য এবং পদাধিকার দেওয়া যেতে পারে, তারও উর্ধ্বে তিনি  
তাঁকে স্থাপন করেছেন। (aiōn g165) 22 আর ঈশ্বর সমস্তই খ্রীষ্টের  
পদানত করেছেন, তাঁকেই মণ্ডলীর সবকিছুর উপরে মস্তকরূপে প্রতিষ্ঠা  
করলেন, 23 সেই মণ্ডলীই তাঁর দেহ, তাঁরই পূর্ণতাস্বরূপ, যিনি সব  
বিষয় সমস্ত উপায়ে পূর্ণ করেন।

2 তোমাদের কথা বলতে হলে, তোমরা নিজের নিজের অপরাধে  
ও পাপে মৃত ছিলে, 2 যেগুলির মধ্যে তোমরা জীবনযাপন করতে।  
তখন তোমরা এই জগতের ও আকাশের রাজ্যশাসকের পথ অনুসরণ  
করতে, যে আত্মা এখন যারা অবাধ্য, তাদের মধ্যে কার্যকরী রয়েছে।  
(aiōn g165) 3 আমরাও সকলে এক সময় তাদেরই মধ্যে জীবনযাপন  
করতাম। আমাদের পাপময় প্রকৃতির বাসনাকে চরিতার্থ করার জন্য  
আমরা তার কামনা ও ভাবনার বশে চলতাম। অন্য সকলের মতো,  
স্বভাবগতভাবে আমরা ছিলাম (ঈশ্বরের) ক্ষেত্রের পাত্র। 4 কিন্তু  
আমাদের প্রতি মহাপ্রেমের জন্য ঈশ্বর, যিনি অপার করণাময়, 5  
আমরা যখন অপরাধের ফলে মৃত হয়েছিলাম, তখনই তিনি খ্রীষ্টের

সঙ্গে আমাদের জীবিত করলেন। আর তোমরা অনুগ্রহেই পরিত্রাণ  
লাভ করেছ। ৬ ঈশ্বর খ্রীষ্টের সঙ্গে আমাদের পুনরঃথিত করে তাঁরই  
সঙ্গে আমাদের স্বর্গীয় স্থানে বসিয়েছেন, ৭ মেন খ্রীষ্ট যীশুতে আমাদের  
প্রতি তাঁর যে করণা প্রকাশ পেয়েছে, আগামী দিনেও তিনি তাঁর  
সেই অতুলনীয় অনুগ্রহের ঐশ্বর্য প্রদর্শন করতে পারেন। (aión g165)

৮ কারণ বিশ্বাসের মাধ্যমে অনুগ্রহের দ্বারাই তোমরা পরিত্রাণ লাভ  
করেছ। তা তোমাদের থেকে হয়নি, কিন্তু ঈশ্বরেরই দান। ৯ তা কোনো  
কাজের ফল নয় যে তা নিয়ে কেউ গর্ববোধ করবে। ১০ কারণ আমরা  
ঈশ্বরের রচনা, সৎকর্ম করার জন্য খ্রীষ্ট যীশুতে সৃষ্ট, যা তিনি পূর্ব  
থেকেই আমাদের করার জন্য প্রস্তুত করেছিলেন। ১১ অতএব স্মরণ  
করো, এক সময় তোমরা, যারা জন্মসূত্রে অইল্লাদি ছিলে, মানুষের  
হাতে করা “সুন্নতপ্রাপ্ত” ব্যক্তিরা তোমাদের “সুন্নতহীন” বলে অভিহিত  
করত। ১২ স্মরণ করো, সেই সময় তোমরা খ্রীষ্টের কাছ থেকে বিচ্ছিন্ন  
ছিলে, ইস্রায়েলের নাগরিকত্বের সঙ্গে তোমরা ছিলে সম্পর্কহীন এবং  
প্রতিশ্রূতির নিয়মের কাছে ছিলে অসম্পর্কিত। তোমাদের কোনও আশা  
ছিল না এবং পৃথিবীতে তোমরা ছিলে ঈশ্বরবিহীন। ১৩ কিন্তু তোমরা  
যারা এক সময় বহু দূরবর্তী ছিলে, এখন খ্রীষ্ট যীশুতে তাঁর রক্তের  
মাধ্যমে নিকটবর্তী হয়েছ। ১৪ কারণ তিনি স্বয়ং আমাদের শান্তি।  
তিনি উভয়কে এক করেছেন এবং প্রতিবন্ধকতাকে ধ্বংস করেছেন,  
বিদ্বেষের প্রাচীর ভেঙ্গে ফেলেছেন, ১৫ বিধান ও তার নির্দেশমালা,  
নিয়ন্ত্রণবিধি, সব নিজের শরীরে বিলোপ করেই তা করেছেন। উভয়কে  
নিয়ে নিজের মধ্যে এক নতুন মানুষ গড়ে তোলা এবং এভাবে শান্তি  
প্রতিষ্ঠা করাই ছিল তাঁর উদ্দেশ্য। ১৬ আর এই এক দেহে, ক্রুশের  
মাধ্যমে তিনি উভয়কে ঈশ্বরের সঙ্গে সম্মিলিত করেছেন, যার দ্বারা  
তিনি দু-পক্ষের শক্তির অবসান ঘটিয়েছেন। ১৭ তোমরা যারা ছিলে  
বহুদূরে, আর যারা ছিলে কাছে, তোমাদের সকলের কাছে তিনি এসে  
শান্তির বাণী প্রচার করেছেন। ১৮ কারণ তাঁরই মাধ্যমে আমরা দু-পক্ষ  
একই আত্মার দ্বারা পিতার সামিধ্যে আসার অধিকার লাভ করেছি। ১৯  
অতএব, তোমরা আর অসম্পর্কিত ও বহিরাগত নও, তোমরা এখন

ঈশ্বরের প্রজাদের সহনাগরিক এবং ঈশ্বরের পরিবারের সদস্য। 20  
প্রেরিতশিষ্যবর্গ ও ভাববাদীদের ভিত্তিমূলের উপর তোমাদের গেঁথে  
তোলা হয়েছে, স্বয়ং খ্রীষ্ট যীশু যার কোণের প্রধান পাথর। 21 তাঁরই  
মধ্যে সমগ্র কাঠামো একত্রে সন্ধিবন্ধ এবং প্রভুতে তা এক পবিত্র  
মন্দিররূপে গড়ে উঠেছে। 22 তাঁতে তোমাদেরও একসঙ্গে একটি  
আবাসরূপে গঠন করা হচ্ছে, যেখানে ঈশ্বর তাঁর আত্মায় অধিষ্ঠান  
করেন।

3 এই কারণে, তোমরা যারা ইহুদি নও, তাদের জন্য খ্রীষ্ট যীশুর  
বন্দি আমি, পৌল— 2 তোমাদের জন্য ঈশ্বর তাঁর যে অনুগ্রহের  
পরিচালনা আমাকে প্রদান করেছেন, তোমরা সেকথা নিশ্চয় শুনেছ। 3  
অর্থাৎ, ঈশ্বরের যে গুণ্ডরহস্য আমাকে জ্ঞাপন করা হয়েছে, সেকথা  
আমি সংক্ষেপে আগেই লিখেছি। 4 এই লিপি পাঠ করলে খ্রীষ্টের  
গুণ্ডরহস্যে আমার অন্তর্দৃষ্টির কথা তোমরা বুঝতে পারবে। 5 অন্য  
প্রজন্মের মানুষের কাছে এই সত্য ব্যক্ত হয়নি, যেমন বর্তমান প্রজন্মে  
ঈশ্বরের পবিত্র প্রেরিতশিষ্যদের এবং ভাববাদীদের কাছে পবিত্র আত্মা  
তা প্রকাশ করেছেন। 6 এই গুণ্ডরহস্য হল, সুসমাচারের মাধ্যমে  
আইহুদিরা ইস্রায়েলীদের সঙ্গে একই উত্তরাধিকারের শরিক, একত্রে  
একই দেহের বিভিন্ন অঙ্গ এবং খ্রীষ্ট যীশুতে একই প্রতিশ্রুতির ঘোষ  
অংশীদার। 7 ঈশ্বরের পরাক্রমের সক্রিয়তায়, তাঁরই অনুগ্রহ দানের  
দ্বারা আমি এই সুসমাচারের পরিচারক হয়েছি। 8 ঈশ্বরের সকল  
পবিত্রগণের মধ্যে আমি সর্বাপেক্ষা তুচ্ছ হলেও এই অনুগ্রহ আমাকে  
দেওয়া হয়েছিল, যেন খ্রীষ্টের অতুল ঐশ্বর্যের সুসমাচার অইহুদিদের  
কাছে প্রচার করি; 9 এবং এই গুণ্ডরহস্যের প্রয়োগ প্রত্যেকের কাছে  
স্পষ্ট করে দিই, যা অতীতকালে সবকিছুর সৃষ্টিকর্তা ঈশ্বরের কাছে  
গুণ্ড রাখা ছিল। (aiōn g165) 10 তাঁর অভিপ্রায় ছিল এই যে, এখন  
মণ্ডলীর মাধ্যমে যেন ঈশ্বরের বহুবিধ প্রজ্ঞা, স্বর্গীয় স্থানের আধিপত্য  
ও কর্তৃত্বসকলের কাছে প্রকাশ করা যায়। 11 এ ছিল তাঁর চিরকালীন  
অভিপ্রায়, যা তিনি আমাদের প্রভু খ্রীষ্ট যীশুতে সাধন করেছেন। (aiōn  
g165) 12 তাঁতে এবং তাঁর প্রতি বিশ্বাসের মাধ্যমে আমরা স্বাধীনভাবে

এবং আত্মবিশ্বাসের সঙ্গে ঈশ্বরের সামনাধ্যে আসতে পারি। 13 তাই,  
আমি তোমাদের অনুরোধ করছি, তোমাদের জন্য আমার যে কষ্টভোগ,  
তা দেখে তোমরা নিরাশ হোয়ো না; কারণ এসব তোমাদের গৌরব।  
14 এই কারণের জন্য আমি পিতার কাছে নতজানু হই, 15 যাঁর কাছ  
থেকে স্বর্গে ও পৃথিবীতে তাঁর সমগ্র পরিবার এই নাম প্রাপ্ত হয়েছে।  
16 আমি প্রার্থনা করি, যেন তাঁর গৌরবময় ঐশ্বর্য থেকে তিনি তাঁর  
আত্মার মাধ্যমে তোমাদেরকে আন্তরিক সত্ত্বায় ও শক্তিতে সর্বল করে  
তোলেন, 17 যেন বিশ্বাসের মাধ্যমে খ্রীষ্ট তোমাদের অন্তরে অধিষ্ঠান  
করেন। আমি প্রার্থনা করি, তোমরা প্রেমে দৃঢ়মূল ও প্রতিষ্ঠিত হয়ে, 18  
সকল পবিত্রগণের সঙ্গে যেন পরাক্রমের অধিকারী হতে পারো এবং  
খ্রীষ্টের প্রেমের বিস্তার, দৈর্ঘ্য, উচ্চতা ও গভীরতা উপলব্ধি করতে  
পারো, আর 19 জ্ঞানের অতীত খ্রীষ্টের এই প্রেম অবগত হয়ে তোমরা  
যেন ঈশ্বরের সকল পূর্ণতায় ভরপূর হয়ে ওঠো। 20 এখন আমাদের  
অন্তরে যিনি তাঁর সক্রিয় ক্ষমতা অনুসারে আমাদের সকল চাহিদা পূর্ণ  
করতে অথবা কল্পনারও অতীত কাজ করতে সমর্থ, 21 মণ্ডলীতে  
এবং খ্রীষ্ট যীশুতে, যুগ যুগ ধরে সকল প্রজন্মে চিরকাল তাঁর গৌরব  
কীর্তিত হোক! আমেন। (aiōn g165)

4 অতএব, প্রভুতে বন্দি আমি তোমাদের কাছে মিনতি করছি, যে  
আহ্বান তোমরা লাভ করেছ, তার যোগ্য হয়ে জীবনযাপন করো। 2  
সম্পূর্ণ নৃত্ব ও অমায়িক হও, ধৈর্যশীল হয়ে প্রেমে পরম্পরের প্রতি  
সহনশীল হও। 3 শান্তির যোগবন্ধনে আত্মার ঐক্য রক্ষা করার জন্য  
বিশেষভাবে সচেষ্ট হও। 4 দেহ এক এবং আত্মা এক, তেমনই  
তোমাদের প্রত্যাশাও এক, যে প্রত্যাশার উদ্দেশে তোমরা আহুত  
হয়েছিলে। 5 প্রভু এক, বিশ্বাস এক, বাণিজ্য এক, 6 সকলের ঈশ্বর  
ও পিতা এক, তিনি সকলের উপরে, সকলের কাছে এবং সকলের  
অন্তরে আছেন। 7 কিন্তু খ্রীষ্ট যেভাবে বণ্টন করেছেন, সেই অনুযায়ী  
আমরা প্রত্যেকে অনুগ্রহ-দান পেয়েছি। 8 সেজন্যই বলা হয়েছে:  
“তিনি যখন উর্ধ্বে আরোহণ করলেন, সঙ্গে নিয়ে গেলেন বহু বন্দিকে  
এবং মানুষকে দিলেন বিবিধ উপহার।” 9 “তিনি উর্ধ্বে আরোহণ

করলেন,” একথার অর্থ কি এই নয় যে, তিনি পৃথিবীর নিম্নলোকেও  
অবতরণ করেছিলেন? 10 সমগ্র বিশ্বে পরিব্যাপ্ত হওয়ার জন্য যিনি  
সব স্বর্গের উর্দ্ধে আরোহণ করেছিলেন, সেই তিনিই নিম্নে অবতরণ  
করেছিলেন। 11 তিনিই কয়েকজনকে প্রেরিতশিষ্য, কয়েকজনকে  
ভাববাদী, কয়েকজনকে সুসমাচার প্রচারক, কয়েকজনকে পালক  
ও শিক্ষকরূপে দান করেছেন, 12 পবিত্রগণকে পরিপক্ব করার জন্য  
করেছেন, যেন পরিচার্যার কাজ সাধিত হয়, খ্রীষ্টের দেহ যেন গঠন  
করে তোলা হয়, 13 যতদিন না আমরা সবাই ঈশ্বরের পুত্রের জ্ঞান ও  
বিশ্বাসের ঐক্যে উপনীত হতে পারি ও পরিণত হই এবং খ্রীষ্টের সকল  
পূর্ণতা অর্জন করতে পারি। 14 তখন আমরা আর নাবালক থাকব না।  
যে কোনো মতবাদের হাওয়ায় বিচলিত হব না বা বাতাসে ভেসে ঘাব  
না। আমরা প্রভাবিত হব না যখন লোকেরা মিথ্যার সাহায্য নিয়ে, যা  
শুনে মনে হয় সত্য, আমাদের ঠকানোর চেষ্টা করবে। 15 এর পরিবর্তে  
আমরা প্রেমে সত্য প্রকাশ করব এবং সব বিষয়ে খ্রীষ্টের মতো হয়ে  
উঠব, যিনি তাঁর দেহের মস্তক; আর সেই দেহ হল মণ্ডলী। 16 তিনি  
সমগ্র দেহকে সুন্দরভাবে সন্নিবদ্ধ করেন। প্রতিটি অঙ্গ নিজের নিজের  
বিশেষ কাজ করে, যার ফলে অন্যান্য অংশ বৃদ্ধিলাভ করে। এই কারণে  
সমগ্র দেহ সুস্থ, বৃদ্ধিপ্রাপ্ত ও প্রেমে পূর্ণতা লাভ করে। 17 অতএব,  
আমি তোমাদের এই কথা বলি এবং প্রভুর নামে অনুনয় করি, তোমরা  
অহিহ্বদিদের মতো আর অসার চিন্তায় জীবনযাপন কোরো না। 18  
তাদের বুদ্ধি হয়েছে অন্ধকারে আচ্ছন্ন এবং ঐশ্বরিক-জীবন থেকে  
তারা হয়েছে বিচ্ছিন্ন। তাদের কঠিন হৃদয়ের অঙ্গতাই তার কারণ। 19  
সমস্ত চেতনা হারিয়ে তারা কামনাবাসনায় নিজেদের সমর্পণ করেছে,  
যেন সকল প্রকার কল্যাণ ও ইন্দ্রিয়লালসায় তারা বেশি আসক্ত হয়ে  
পড়ে। 20 খ্রীষ্টের সম্বন্ধে তোমরা অবশ্য সেরকম শিক্ষা লাভ করোনি।  
21 নিঃসন্দেহে, তোমরা তাঁর বিষয়ে শুনেছ এবং যীশুর মধ্যে যে সত্য  
আছে, সেই অনুযায়ী শিক্ষা পেয়েছ। 22 তোমাদের অতীত জীবনধারা  
সম্বন্ধে তোমরা শিক্ষা পেয়েছ যে, তোমাদের পুরোনো সন্তাকে ত্যাগ  
করতে হবে, যা তার বহুবিধ ছলনাময় অভিলাষের দ্বারা কল্পিত হয়ে

উঠেছে। 23 তোমাদের মানসিকতাকে নতুন করতে হবে; 24 প্রকৃত ধার্মিকতা এবং পবিত্রতায় ঈশ্বরের সাদৃশ্যে সৃষ্টি নতুন সন্তাকে পরিধান করতে হবে। 25 অতএব, তোমাদের প্রত্যেকে মিথ্যাচার ত্যাগ করে প্রতিবেশীর সঙ্গে সত্য কথা বলো, কারণ আমরা সকলে একই দেহের অঙ্গপ্রত্যঙ্গ। 26 “ক্রোধের বশবর্তী হয়ে পাপ কোরো না।” সূর্য অস্ত যাওয়ার আগেই তোমাদের ক্রোধ প্রশমিত হোক। 27 দিয়াবলকে প্রশ্রয় দিয়ো না। 28 যে চুরি করতে অভ্যন্ত, সে যেন আর চুরি না করে, বরং নিজের হাতে পরিশ্রমের দ্বারা সৎ উপায়ে উপার্জন করে; দুষ্টদের সাহায্য করার মতো তার হাতে যেন কিছু উদ্ভূত থাকে। 29 তোমরা কোনো অশালীন কথা বোলো না, প্রয়োজন অনুসারে যা অপরকে গড়ে তোলার ক্ষেত্রে সহায়ক, যা শ্রোতার পক্ষে কল্যাণকর, তোমাদের মুখ থেকে শুধু এমন কথাই বের হোক। 30 ঈশ্বরের পবিত্র আত্মাকে দুঃখার্ত কোরো না, তাঁরই দ্বারা তোমরা মুক্তিদিনের জন্য মোহরাক্ষিত হয়েছে। 31 সব রকমের তিক্ততা, রোষ ও ক্রোধ, কলহ ও নিন্দা, সেই সঙ্গে সব ধরনের হিংসা ত্যাগ করো। 32 পরম্পরারের প্রতি দয়ালু ও সহানুভূতিশীল হও। ঈশ্বর যেমন খ্রীষ্টে তোমাদের ক্ষমা করেছেন, তেমনই তোমরাও পরম্পরাকে ক্ষমা করো।

**৫** অতএব, যেহেতু তোমরা ঈশ্বরের প্রিয় সন্তান, তোমরা ঈশ্বরেরই অনুকরণ করো ২ এবং প্রেমে জীবনযাপন করো, যেমন খ্রীষ্ট আমাদের ভালোবেসেছেন এবং নিজেকে সুরভিত নৈবেদ্য ও বলিরূপে ঈশ্বরের উদ্দেশে উৎসর্গ করেছেন। ৩ কিন্তু, তোমাদের মধ্যে যেন বিবাহ-বহির্ভূত ঘৌনাচার, কোনও ধরনের কলুষতা বা লোভের লেশমাত্র না থাকে। কারণ ঈশ্বরের পবিত্রগণের পক্ষে এ সমস্ত আচরণ অনুচিত। ৪ কোনও রকম অশ্লীলতা, নির্বোধের মতো কথাবার্তা বা স্তুল রসিকতা যেন শোনা না যায়, কারণ এসবই অসংগত; বরং ধন্যবাদ জ্ঞাপন করো। ৫ কারণ এ ব্যাপারে তোমরা নিশ্চিত হতে পারো যে, ব্যভিচারী, অশুদ্ধাচারী বা লোভী ব্যক্তি—সে তো এক প্রতিমাপূজক—খ্রীষ্টের ও ঈশ্বরের রাজ্যে তাদের কোনো অধিকার নেই। ৬ অসার বাকেয়ের দ্বারা কেউ যেন তোমাদের প্রতারিত না করে, কারণ এসব বিষয়ের

জন্যই অবাধ্য ব্যক্তিদের উপরে ঈশ্বরের ক্রোধ নেমে আসে। 7  
অতএব, তাদের সঙ্গে তোমরা অংশীদার হোয়ো না। 8 এক সময়ে  
তোমরা ছিলে অন্ধকার, কিন্তু এখন তোমরা প্রভুতে আলো হয়ে উঠেছ।  
আলোর সন্তানদের মতো চলো। 9 কারণ এই আলো তোমাদের মধ্যে  
কেবলমাত্র উত্তম ও নৈতিক ও সত্য বিষয় উৎপন্ন করে। 10 প্রভু  
কোন কাজে সন্তুষ্ট হন, তা বোঝার চেষ্টা করো। 11 অন্ধকারের নিষ্কল  
কার্যকলাপের সঙ্গে জড়িত হোয়ো না, বরং সেগুলিকে আলোতে প্রকাশ  
করো। 12 কারণ যারা অবাধ্য, তারা গোপনে যা করে, তা উল্লেখ  
করাও লজ্জাজনক। 13 কিন্তু আলোকে প্রকাশিত সবকিছুই দৃশ্যমান  
হয়ে ওঠে, 14 কারণ আলোই সবকিছু দৃশ্যমান করে। এজন্যই লেখা  
আছে: “ওহে নিদ্রামগ্ন ব্যক্তি, জাগো, মৃতদের মধ্য থেকে উঞ্চিত  
হও, তাহলে খ্রীষ্ট তোমার উপর আলোক বিকিরণ করবেন।” 15  
তাই, কীভাবে জীবনযাপন করবে সে সম্বন্ধে অত্যন্ত সতর্ক থেকো।  
জ্ঞানবানের মতো চলো, মূর্খের মতো নয়। 16 সব সুযোগের সর্বাধিক  
সদ্ব্যবহার করো, কারণ এই যুগ মন্দ। 17 এই জন্য নির্বোধ হোয়ো  
না, প্রভুর ইচ্ছা কী, তা উপলব্ধি করো। 18 সুরা পান করে মন্ত হোয়ো  
না, তা অষ্টাচারের পথে নিয়ে যায়; তার পরিবর্তে আত্মায় পরিপূর্ণ হও।  
19 গীত, স্তুতি ও আত্মিক সংকীর্তনে পরম্পর ভাব বিনিময় করো।  
প্রভুর উদ্দেশে গীত গাও, হৃদয়ে সুরের ঝংকার তোলো। 20 আমাদের  
প্রভু যীশু খ্রীষ্টের নামে সব বিষয়ের জন্য সবসময় পিতা ঈশ্বরকে  
ধন্যবাদ দাও। 21 খ্রীষ্টের জন্য সম্মুখবশত একে অপরের বশীভূত  
হও। 22 স্ত্রীরা, তোমরা যেমন প্রভুর, তেমনই স্বামীর বশ্যতাধীন হও।  
23 কারণ স্বামী হল স্ত্রীর মন্তক, যেমন খ্রীষ্ট মণ্ডলীর মন্তক, যে মণ্ডলী  
তাঁর দেহ, যার তিনি পরিদ্রাতা। 24 মণ্ডলী যেমন খ্রীষ্টের বশ্যতাধীন  
থাকে, স্ত্রীরাও তেমনই সম্মত বিষয়ে নিজের নিজের স্বামীর বশ্যতাধীন  
থাকুক। 25 স্বামীরা, তোমরা নিজের নিজের স্ত্রীকে ভালোবেসো, যেমন  
খ্রীষ্ট মণ্ডলীকে ভালোবেসেছেন এবং তার জন্য আত্মাগ করেছেন,  
26 যেন তাকে পবিত্র করেন, বাক্যের মাধ্যমে জলে স্নান করিয়ে তাকে  
শুচি করেন, 27 এবং তাকে সব রকম কলঙ্ক, বিকৃতি এবং কলুষতা

থেকে যুক্ত করে পবিত্র ও অনিন্দনীয়ভাবে এক প্রদীপ্তি মণ্ডলী করে নিজের কাছে উপস্থিত করেন। 28 স্বামীদেরও সেভাবে নিজের নিজের দেহের মতোই স্ত্রীদের ভালোবাসা উচিত। যে তার স্ত্রীকে ভালোবাসে, সে নিজেকেই ভালোবাসে। 29 সর্বোপরি, কেউ কখনও তার নিজের দেহকে ঘৃণা করে না, বরং সে তার ভরণ-পোষণ ও তত্ত্বাবধান করে, যেমন খ্রীষ্ট তাঁর মণ্ডলীর প্রতি করেন, 30 কারণ আমরা তো তাঁরই দেহের অঙ্গপ্রত্যঙ্গ। 31 “এই কারণে একজন পুরুষ তার পিতা ও মাতাকে ত্যাগ করবে, তার স্ত্রীর সাথে সংযুক্ত হবে ও সেই দুজন একঙ্গ হবে।” 32 এ এক বিশাল রহস্য, কিন্তু আমি খ্রীষ্ট ও তাঁর মণ্ডলী সমন্বে একথা বলছি। 33 যাই হোক, তোমাদের মধ্যে প্রত্যেকে যেমন নিজেকে ভালোবাসে, তেমনই স্ত্রীকে অবশ্যই ভালোবাসবে এবং স্ত্রী অবশ্যই তার স্বামীকে শ্রদ্ধা করবে।

**৬** সন্তানেরা, তোমরা প্রভুতে বাবা-মার বাধ্য হও, কারণ তাই হবে ন্যায়সংগত। 2 “তোমার বাবাকে ও তোমার মাকে সম্মান কোরো,” এই হল প্রথম আদেশ, যার সঙ্গে যুক্ত হয়েছে একটি প্রতিশ্রূতি, 3 “যেন তোমার মঙ্গল হয় এবং পৃথিবীতে তুমি দীর্ঘ জীবন উপভোগ করো।” 4 তোমরা যারা বাবা, তোমরা সন্তানদের ক্রুদ্ধ কোরো না, বরং প্রভুর শিক্ষা ও নির্দেশ অনুযায়ী তাদের গড়ে তোলো। 5 ক্রীতদাসেরা, তোমরা শ্রদ্ধায় ও ভয়ে, হৃদয়ের সরলতার সঙ্গে তোমাদের জাগতিক প্রভুদের আদেশ মেনে চলো, যেমন তোমরা খ্রীষ্টের আদেশ মেনে থাকো। 6 তাদের আদেশ পালন করো, কেবলমাত্র তাদের দৃষ্টি যখন তোমাদের প্রতি থাকে, তখন তাদের অনুগ্রহ লাভের জন্য নয়, কিন্তু খ্রীষ্টের ক্রীতদাসদের মতো, অন্তর দিয়ে যেন তোমরা ঈশ্বরের ইচ্ছা পালন করছ, সেভাবে। 7 তোমরা সমস্ত অন্তর দিয়ে তাদের সেবা করো, যেন তোমরা মানুষের নয়, কিন্তু প্রভুরই সেবা করছ। 8 কারণ তোমরা জানো যে, ক্রীতদাস হোক, বা স্বাধীন হোক, প্রভু তাদের সকলকেই সৎকর্মের জন্য পুরস্কৃত করবেন। 9 আর গৃহস্বামীরা, তোমরাও ক্রীতদাসদের প্রতি অনুরূপ আচরণ করো। তাদের ভয় দেখিয়ো না, কারণ তোমরা জানো, যিনি স্বর্গে আছেন, তিনি তাদের

এবং তোমাদের, উভয়েরই প্রভু। তিনি কারও পক্ষপাতিত্ব করেন না।  
10 পরিশেষে, তোমরা প্রভুতে এবং তাঁর প্রবল পরাক্রমে বলীয়ান হও।  
11 ঈশ্বরের সম্পূর্ণ রণসাজ পরে নাও, যেন দিয়াবলের বিভিন্ন চাতুরী  
প্রতিহত করতে পারো। 12 কারণ আমাদের সংগ্রাম রক্তমাংসের  
বিরংদে নয়, কিন্তু আধিপত্য ও কর্তৃত্বের বিরংদে, অন্ধকারে আচ্ছন্ন  
এই জগতের শক্তির বিরংদে এবং স্বর্গীয় স্থানের মন্দ আত্মিক শক্তির  
বিরংদে। (aiōn g165) 13 তাই, ঈশ্বরের সম্পূর্ণ রণসাজ পরে নাও, যেন  
সেই মন্দ দিন উপস্থিত হলে তোমরা শক্তির আক্রমণ প্রতিহত করতে  
পারো এবং সমস্ত বিময় সম্পন্ন করে স্থির থাকতে পারো। 14 সুতরাং  
সত্যের বেল্ট কোমরে বেঁধে, ধার্মিকতার বুকপাটা পরে নিয়ে এবং  
15 শান্তির সুসমাচার প্রচারের তৎপরতায় চটিজুতো পরে দৃঢ়ভাবে  
দাঁড়িয়ে থাকো। 16 এসব ছাড়া তুলে নাও বিশ্বাসের ঢাল; তা দিয়েই  
সেই পাপাত্মার সমস্ত অগ্নিবাণ তোমরা নির্বাপিত করতে পারবে। 17  
আর ধারণ করো পরিত্রাণের শিরস্ত্রাণ ও আত্মার তরোয়াল, অর্থাৎ  
ঈশ্বরের বাক্য। 18 সব উপলক্ষে, সব ধরনের মিনতি ও অনুরোধের  
সঙ্গে আত্মায় প্রার্থনা করো। এসব স্মরণে রেখে সতর্ক থেকো এবং  
সকল পবিত্রগণের জন্য সবসময়ই প্রার্থনায় রত থেকো। 19 তোমরা  
আমার জন্য প্রার্থনা কোরো, যেন আমি যখনই মুখ খুলি, সুসমাচারের  
গুণ্ঠরহস্য নিভীকভাবে প্রচার করতে আমাকে বাক্য দান করা হয়।  
20 এরই জন্য কারাগারে বন্দি হয়েও আমি রাজদুতের কাজ করছি।  
প্রার্থনা কোরো, যেমন করা উচিত তেমনই আমি সাহসের সঙ্গে সেই  
ঘোষণা করতে পারি। 21 আমি কেমন আছি এবং কী করছি, তোমরাও  
যেন তা জানতে পারো, সেজন্য প্রিয় ভাই ও প্রভুতে বিশ্বস্ত সেবক  
তুখিক তোমাদের সবকিছু জানাবেন। 22 শুধু এই উদ্দেশ্যেই আমি  
তাঁকে তোমাদের কাছে পাঠাচ্ছি, যেন আমরা কেমন আছি তা তোমরা  
জানাতে পারো এবং তিনি তোমাদের অনুপ্রাণিত করতে পারেন।  
23 পিতা ঈশ্বর এবং প্রভু যীশু খ্রীষ্ট থেকে শান্তি, বিশ্বাসে পূর্ণ প্রেম,  
ভাইবোনদের উপরে বর্ষিত হোক। 24 আমাদের প্রভু যীশু খ্রীষ্টের প্রতি  
যাদের ভালোবাসা অমর, অনুগ্রহ তাদের সহায় হোক।

## ফিলিপীয়

১ খ্রীষ্ট যীশুর দাস পৌল ও তিমথি, খ্রীষ্ট যীশুতে অবস্থিত ফিলিপীর সমস্ত সন্ত, অধ্যক্ষগণ ও পরিচারকবর্গের প্রতি, ২ আমাদের পিতা ঈশ্বর এবং প্রভু যীশু খ্রীষ্ট থেকে অনুগ্রহ ও শান্তি তোমাদের উপর বর্ষিত হোক। ৩ আমি যখনই তোমাদের কথা স্মরণ করি, আমি আমার ঈশ্বরকে ধন্যবাদ দিই। ৪ প্রার্থনার সময়ে আমি তোমাদের সকলের জন্য সর্বদা সানন্দে প্রার্থনা করি, ৫ কারণ প্রথম দিন থেকে, আজ পর্যন্ত সুসমাচার প্রচারের কাজে তোমরা আমাকে সহযোগিতা করেছ। ৬ এ বিষয়ে আমি সুনিশ্চিত যে, যিনি তোমাদের অন্তরে শুভকর্মের সূচনা করেছেন, খ্রীষ্ট যীশুর দিন পর্যন্ত তিনি তা সুসম্পন্ন করবেন। ৭ তোমাদের সকলের বিষয়ে এই মনোভাব পোষণ করাই আমার পক্ষে সংগত, কারণ তোমরা আমার হৃদয় জুড়ে আছ। আমি বন্দিদশায় থাকি, অথবা সুসমাচারের পক্ষসমর্থনে বা প্রতিষ্ঠার কাজে ব্যাপ্ত থাকি, তোমরা সকলেই আমার সঙ্গে ঈশ্বরের অনুগ্রহের সহভাগী। ৮ ঈশ্বরই আমার সাক্ষী, খ্রীষ্ট যীশুর মেঝে আমি তোমাদের সাক্ষাত্ পাওয়ার জন্য কতই না ব্যাকুল! ৯ এখন, আমার প্রার্থনা এই: তোমাদের ভালোবাসা যেন জ্ঞান ও গভীর অন্তর্দৃষ্টিতে দিনের পর দিন সমৃদ্ধ হয়ে ওঠে, ১০ যেন কোনটি উৎকৃষ্ট, তা তোমরা উপলব্ধি করতে পারো এবং খ্রীষ্টের পুনরাগমনের দিন পর্যন্ত পবিত্র ও নিষ্কলঙ্ঘ হয়ে থাকতে পারো; ১১ ঈশ্বরের গৌরব ও প্রশংসার জন্য তোমরা ধার্মিকতার সেই ফলে পরিপূর্ণ হয়ে ওঠো, যা যীশু খ্রীষ্টের মাধ্যমে পাওয়া যায়। ১২ ভাই ও বোনেরা, আমি চাই, তোমরা যেন জানতে পারো যে, আমার প্রতি যা ঘটেছে, তা প্রকৃতপক্ষে সুসমাচার প্রচারের কাজ আরও এগিয়ে দিয়েছে। ১৩ ফলস্বরূপ, সমস্ত প্রাসাদরক্ষী এবং অন্য সকলের কাছে সুস্পষ্ট হয়ে গেছে যে, খ্রীষ্টের জন্যই আমি কারাগারে বন্দি হয়েছি। ১৪ আমার বন্দিদশার জন্যই প্রভুতে অধিকাংশ ভাই আরও সাহসের সঙ্গে ও আরও নিভীকভাবে ঈশ্বরের বাক্য প্রচার করতে অনুপ্রেরণা লাভ করেছে। ১৫ একথা সত্যি যে, কেউ কেউ ঈর্ষা ও প্রতিদ্বন্দ্বিতার মনোভাব নিয়ে খ্রীষ্টকে প্রচার করে, কিন্তু অন্যেরা করে সদিচ্ছার

বশ্বতী হয়ে। 16 এই ব্যক্তিরা তালোবাসায় উদ্বৃদ্ধ হয়ে প্রচার করে  
কারণ তারা জানে যে সুসমাচারের পক্ষ সমর্থনের জন্যই আমাকে  
এখানে রাখা হয়েছে। 17 কিন্তু অন্যরা আন্তরিকতায় নয়, স্বার্থসিদ্ধির  
উদ্দেশ্যে শ্রীষ্টকে প্রচার করে। তারা মনে করে, আমার বন্দিদশ্যায় তারা  
আমার কষ্ট আরও বেশি বাড়িয়ে তুলতে পারবে। 18 কিন্তু তাতেই বা  
কী? গুরুত্বপূর্ণ বিষয় হল, ছলনা বা সত্য, যেভাবেই হোক, শ্রীষ্টকে  
প্রচার করা হচ্ছে। আর সেই কারণেই আমি আনন্দিত। হ্যাঁ, আমার  
এই আনন্দ অব্যাহত থাকবে, 19 কারণ আমি জানি, আমার জীবনে যা  
ঘটেছে, তোমাদের প্রার্থনার মাধ্যমে এবং যীশু শ্রীষ্টের আত্মা দ্বারা যে  
সহায়তা দেওয়া হয়েছে, সেসব আমার মুক্তির কারণ হবে। 20 আমার  
আকুল আকাঙ্ক্ষা ও প্রত্যাশা এই যে, আমি কোনোভাবেই লজ্জিত  
হব না, বরং পর্যাপ্ত সাহসের সঙ্গে চলব, যেন সবসময় যেমন করে  
এসেছি আজও তেমনি—জীবনে হোক বা মৃত্যুতে হোক—আমার এই  
শরীরে শ্রীষ্ট মহিমান্বিত হবেন। 21 কারণ আমার কাছে শ্রীষ্টই জীবন,  
আর মৃত্যু লাভজনক। 22 যদি এই শরীরে আমাকে বেঁচে থাকতে হয়,  
তাহলে আমার পরিশ্রম ফলপ্রসূ হয়েছে বলে মনে করব। তবুও কোনটা  
আমি বেছে নেব, তা জানি না! 23 এই দুই আকাঙ্ক্ষার মধ্যে আমি  
বিদীর্ঘ হচ্ছি: আমার আকাঙ্ক্ষা এই, বিদায় নিয়ে আমি শ্রীষ্টের সঙ্গে  
থাকি, যা অনেক বেশি শ্রেয়। 24 কিন্তু তোমাদেরই জন্য আমার শরীরে  
বেঁচে থাকার প্রয়োজন অনেক বেশি। 25 এ বিষয়ে আমি নিশ্চিত যে,  
আমি জীবিত থাকব এবং বিশ্বাসে তোমাদের উন্নতি ও আনন্দের  
জন্য আমি তোমাদের সকলের সঙ্গেই থাকব, 26 যেন তোমাদের  
মধ্যে আমার পুনরায় অবস্থিতির জন্য শ্রীষ্ট যীশুতে তোমাদের আনন্দ,  
আমার কারণে উপচে পড়তে পারে। 27 যাই ঘটুক না কেন, তোমরা  
শ্রীষ্টের সুসমাচারের যোগ্য আচরণ করো। তাহলে আমি কাছে এসে  
তোমাদের সঙ্গে সাক্ষাৎ করি বা আমার অনুপস্থিতিতে তোমাদের কথা  
শুধু শুনেই থাকি, আমি জানব যে তোমরা এক আত্মায় অবিচল আছ,  
এবং এক মন হয়ে সুসমাচারে তোমাদের স্থির বিশ্বাসের জন্য সংগ্রাম  
করছ, 28 যারা তোমাদের বিপক্ষতা করে, কোনোভাবেই তাদের ভয়

পাওনি। এই হবে তাদের বিনাশের প্রমাণ, কিন্তু তোমরা লাভ করবে  
মুক্তি—ঈশ্বরই তা দান করবেন। 29 কারণ খ্রীষ্টের পক্ষে তোমাদের  
এই অনুগ্রহ দেওয়া হয়েছে, কেবলমাত্র তাঁর উপর বিশ্঵াস করো, তা  
নয়, কিন্তু তাঁর জন্য যেন কষ্টভোগও করো, 30 কারণ আমাকে যে  
রকম দেখেছ ও শুনতে পাচ্ছ এবং এখনও যেমন হচ্ছে, তোমরাও  
সেই একই সংগ্রাম করে চলেছ।

2 খ্রীষ্টের সঙ্গে সংযুক্ত থাকার জন্য তোমরা যদি কোনো অনুপ্রেরণা,  
তাঁর প্রেমে যদি কোনো সান্ত্বনা, যদি আত্মায় কোনো সহভাগিতা,  
যদি কোনো কোমলতা ও সহমর্মিতা লাভ করে থাকো, 2 তাহলে  
তোমরা এক চিন্ত, এক প্রেম, এক আত্মা এবং একই ভাববিশিষ্ট হয়ে  
আমার আনন্দকে পূর্ণ করো। 3 স্বার্থযুক্ত উচ্চাকাঙ্ক্ষা বা আন্ত দন্তের  
বশবর্তী হয়ে কিছু কোরো না, কিন্তু নম্রতা সহকারে অন্যকে নিজেদের  
চেয়েও শ্রেষ্ঠ বিবেচনা করো। 4 নিজেদেরই বিষয়ে নয়, কিন্তু তোমরা  
অন্যদের বিষয়েও চিন্তা করো। 5 খ্রীষ্ট যীশুর যে মনোভাব ছিল,  
তোমাদেরও ঠিক তেমনই হওয়া উচিত: 6 তিনি স্বভাবগতভাবে ঈশ্বর  
হয়েও ঈশ্বরের সমকক্ষ হওয়ার অবস্থান আঁকড়ে ধরে রাখার কথা  
ভাবেননি, 7 কিন্তু নিজেকে শূন্য করে দিয়ে, খ্রীতদাসের রূপ ধারণ  
করলেন, মানব-সদৃশ হয়ে জন্ম নিলেন ও 8 মানব দেহ ধারণ করে  
নিজেকে অবনত করলেন; মৃত্যু পর্যন্ত, এমনকি ক্রুশে মৃত্যু পর্যন্ত,  
অনুগত থাকলেন। 9 সেই কারণে, ঈশ্বর তাঁকে সর্বোচ্চ স্থানে উন্নীত  
করলেন এবং সব নাম থেকে শ্রেষ্ঠ সেই নাম তাঁকে দান করলেন, 10  
যেন যীশুর নামে স্বর্গ-মর্ত্য-পাতালনিবাসী সকলে নতজানু হয় 11  
এবং পিতা ঈশ্বরের মহিমার জন্য প্রত্যেক জিভ স্বীকার করে যে, যীশু  
খ্রীষ্টই প্রভু। 12 সুতরাং, আমার প্রিয় বন্ধুরা, তোমরা সবসময় যেমন  
বাধ্য থেকেছ—কেবলমাত্র আমার উপস্থিতিতে নয়, কিন্তু এখন আমার  
অনুপস্থিতিতে আরও বেশি করে সভয়ে ও কম্পিত হাদয়ে, কঠোর  
পরিশ্রমের দ্বারা তোমাদের পরিত্রাণ সম্পন্ন করো। 13 কারণ ঈশ্বর  
তাঁর শুভ-সংকল্পের জন্য তোমাদের অন্তরে ইচ্ছা উৎপন্ন ও কাজ  
করার জন্য সক্রিয় আছেন। 14 তোমরা অভিযোগ ও তর্কবিতর্ক না

করে সব কাজ করো, 15 যেন তোমরা এই কুটিল ও অবক্ষয়ের যুগে  
“ঈশ্বরের নিষ্কলঙ্ঘ ও শুচিশুদ্ধ সন্তান হতে পারো।” তোমরা তখন  
তাদের মধ্যে আকাশের তারার মতো এই জগতে উজ্জ্বল হয়ে উঠবে,  
16 কারণ তোমরা সেই জীবনের বাক্য ধারণ করে আছ। এর ফলে  
যেন খ্রীষ্টের দিনে আমি গর্ব করতে পারি যে, আমি বৃথা দৌড়াইনি বা  
পরিশ্রম করিনি। 17 যেমন তোমাদের বিশ্বস্ত সেবা ঈশ্বরের কাছে এক  
নৈবেদ্য, তেমন যদি আমাকে পেয়-নৈবেদ্যের মতো ঢেলে দেওয়া হয়  
ও তার ফলে আমি জীবন হারাই, তবুও আমি আনন্দ করব। আর  
আমি চাই যে তোমরাও আমার সেই আনন্দের ভাগীদার হও। 18  
সুতরাং তোমরাও আনন্দিত হও এবং আমার সঙ্গে আনন্দ করো। 19  
আমি প্রভু যীশুতে আশা করি, তিমথিকে অচিরেই তোমাদের কাছে  
পাঠাতে পারব, তাহলে তোমাদের সংবাদ পেয়ে আমিও আশ্঵স্ত হব।  
20 সে ছাড়া আমার কাছে এমন আর একজনও নেই, যে তোমাদের  
মঙ্গলের জন্য আন্তরিক আগ্রহ দেখাবে। 21 প্রত্যেকেই যীশু খ্রীষ্টের  
নয়, কিন্তু নিজের স্বার্থই দেখে। 22 কিন্তু তোমরা জানো, তিমথি  
নিজেকে যোগ্য বলে প্রমাণ করেছে, কারণ সুসমাচারের কাজে সে  
বাবার সঙ্গে ছেলের মতো আমার সেবা করেছে। 23 তাই আশা করছি,  
আমার পরিস্থিতি কী হয়, সেকথা জানার সঙ্গে সঙ্গেই তাকে পাঠিয়ে  
দিতে পারব। 24 আমি প্রভুতে নিশ্চিত যে, আমি নিজেও খুব শীঘ্রই  
উপস্থিত হব। 25 কিন্তু আমার মনে হয়, আমার ভাই, সহকর্মী ও  
সংগ্রামী-সঙ্গী ইপাফন্ডাইট, যিনি তোমাদেরও সংবাদবাহক এবং আমার  
প্রয়োজনের দায়িত্ব গ্রহণের জন্য যাঁকে তোমরা পাঠিয়েছিলে, তাঁকে  
তোমাদের কাছে ফেরত পাঠানো প্রয়োজন। 26 কারণ তিনি তোমাদের  
সকলের জন্যই অত্যন্ত ব্যাকুল এবং তোমরা তাঁর অসুস্থ্রতার সংবাদ  
শুনেছিলে বলে তিনি উৎকর্ষিত। 27 সতিই তিনি অসুস্থ হয়ে মরণাপন্ন  
হয়েছিলেন, কিন্তু ঈশ্বর তাঁর উপর করণা করেছেন; শুধু তাঁর উপর  
নয়, আমার উপরেও করণা করেছেন, যেন দুঃখের উপর আমার  
আর দুঃখ না হয়। 28 সেইজন্য, আমি আরও আগ্রহ সহকারে তাঁকে  
পাঠাচ্ছি, যেন আবার তাঁর দেখা পেয়ে তোমরা আনন্দ করতে পারো

এবং আমারও দুঃখ হালকা হয়। 29 প্রভুতে অত্যন্ত আনন্দের সঙ্গে  
তাঁকে স্বাগত জানিয়ো এবং তাঁর মতো লোকদের সমাদর করো। 30  
কারণ খ্রীষ্টের কাজের জন্য তিনি মরণাপন্ন হয়েছিলেন, যে সাহায্য দূর  
থেকে তোমরা আমাকে দিতে অপারগ ছিলে, তার জন্য তিনি তাঁর  
জীবন বিপন্ন করেছিলেন।

**3** পরিশেষে আমার ভাইবোনেরা, প্রভুতে আনন্দ করো। তোমাদের  
কাছে একই বিষয়ে বারবার লিখতে আমি বিরক্তি বোধ করি না এবং তা  
তোমাদের পক্ষে নিরাপদও বটে। 2 যারা দুর্কর্ম করে, যারা অঙ্গচ্ছেদ  
ঘটায়, সেইসব কুকুর থেকে সাবধান থেকো। তাদের সম্বন্ধে সতর্ক  
হও। 3 কারণ আমরা যারা ঈশ্বরের আত্মায় উপাসনা করি, যারা খ্রীষ্ট  
যীশুতে গৌরববোধ করি, শরীরের বিষয়ে যাদের কোনো আঙ্গ নেই,  
সেই আমরাই তো প্রকৃত সুন্নতপ্রাপ্ত— 4 যদিও এরকম আঙ্গশীল  
হওয়ার যথেষ্ট কারণ আমার নিজের উপরে আছে। অন্য কেউ যদি মনে  
করে যে, শারীরিক সংস্কারের ব্যাপারে সে নির্ভর করতে পারে, আমার  
আরও অনেক বিষয়ে নির্ভর করার আছে: 5 অষ্টম দিনে আমার সুন্নত  
হয়েছে, জাতিতে আমি ইস্রায়েলী, বিন্যামীন গোষ্ঠীভূক্ত, হিন্দু বংশজাত  
একজন হিন্দু, বিধানসংক্রান্ত বিষয়ে একজন ফরিশী; 6 উদ্যমের  
ব্যাপারে আমি মণ্ডলীর নির্যাতনকারী এবং বিধানগত ধার্মিকতায় আমি  
ছিলাম নির্দোষ। 7 কিন্তু, যা ছিল আমার কাছে লাভজনক, খ্রীষ্টের  
জন্য আজ সেই সবকিছুকে আমি লোকসান বলে মনে করছি। 8 তার  
চেয়েও বেশি, আমার প্রভু, খ্রীষ্ট যীশুকে জানার বহুগুণে শ্রেষ্ঠতর  
মহত্বের তুলনায়, বাকি সবকিছুকে আমি লোকসান মনে করি, যাঁর  
জন্য আমি সবকিছু হারিয়েছি। খ্রীষ্টকে লাভ করার প্রচেষ্টায় আমি সে  
সমস্তকে আবর্জনাতুল্য মনে করি এবং 9 তাঁরই মধ্যে যেন আমাকে  
খুঁজে পাওয়া যায়। যে ধার্মিকতা বিধান থেকে পাওয়া যায় তা আজ  
আর আমার মধ্যে নেই; কিন্তু সেই ধার্মিকতা আছে যা খ্রীষ্টে বিশ্বাসের  
মাধ্যমে প্রাপ্য—যে ধার্মিকতা ঈশ্বর থেকে বিশ্বাসের মাধ্যমে আসে।  
10 আমি খ্রীষ্টকে এবং তাঁর পুনরুত্থানের পরাক্রমকে জানতে চাই; তাঁর  
কষ্টভোগের সহভাগীও হতে চাই; এভাবেই তাঁর মৃত্যুতে যেন তাঁরই

মতো হই। 11 আর তাই, যেভাবেই হোক, যেন আমি মৃত্যু থেকে  
পুনরঢানের অভিজ্ঞতা লাভ করতে পারি। 12 আমি যে ইতিমধ্যেই  
এসব পেয়েছি, বা সিদ্ধিলাভ করেছি, তা নয়, কিন্তু যে জন্য খ্রীষ্ট যীশুর  
দ্বারা আমি ধৃত হয়েছি, আমিও তা ধারণ করার জন্য প্রাণপণ ছুটে  
চলেছি। 13 ভাইবোনেরা, আমি নিজে যে ধরে ফেলেছি, এমন কথা  
বলতে পারি না, কিন্তু একটি কাজ আমি করি: পিছনের সমস্ত কিছু  
ভুলে গিয়ে সামনে যা আছে, তারই দিকে আমি প্রাণপণ প্রয়াসে, 14  
লক্ষ্যের অভিমুখে দৌড়াই, যেন ঈশ্বর খ্রীষ্ট যীশুতে স্বর্গীয় যে আহ্বান  
দিয়েছেন, সেই পুরস্কার লাভ করতে পারি। 15 আমাদের মধ্যে যারা  
পরিপক্ষ, তাদের সকলের দৃষ্টিভঙ্গি যেন এরকমই হয়। যদি কোনো  
ক্ষেত্রে তোমরা ভিন্নমত পোষণ করো, ঈশ্বর সে বিষয়ও তোমাদের  
কাছে সুস্পষ্ট করে তুলবেন। 16 আমরা যা পেয়েছি, কেবলমাত্র সেই  
অনুযায়ী যেন জীবনযাপন করি। 17 ভাইবোনেরা, তোমরা সবাই মিলে  
আমার আদর্শ অনুসরণ করো। যে আদর্শ আমরা স্থাপন করেছি, সেই  
অনুযায়ী যারা জীবনযাপন করে, তাদের লক্ষ্য করো। 18 কারণ, আমি  
আগেই যেমন বারবার তোমাদের বলেছি, আর এখন আবার চোখের  
জলে বলছি, অনেকেই এমন জীবনযাপন করে, যেন তারা খ্রীষ্টের  
ক্রুশের শক্তি। 19 ধৰ্মসই তাদের শেষগতি, পেটপূজাই তাদের দেবতা,  
নিজ লজ্জাতেই তাদের গৌরব। জাগতিক বিষয়ই তারা ভাবে। 20 কিন্তু  
আমরা স্বর্গের নাগরিক। আমরা আগ্রহ সহকারে সেখান থেকে এক  
পরিত্রাতার প্রতীক্ষা করছি—অর্থাৎ, প্রভু যীশু খ্রীষ্টের, যিনি তাঁর যে  
ক্ষমতাবলে সবকিছু নিয়ন্ত্রণে রাখতে সমর্থ, 21 তারই দ্বারা আমাদের  
দীনতার দেহকে রূপান্তরিত করে, তাঁর গৌরবজ্ঞল দেহের মতো  
করবেন।

**4** অতএব, আমার প্রিয় ভাইবোন, তোমাদের, যাদের আমি ভালোবাসি  
ও যাদের একান্তভাবে পেতে চাই, তোমরাই আমার আনন্দ ও মুকুট।  
প্রিয় বন্ধুরা, প্রভুতে তোমরা এভাবেই অবিচল থাকো। 2 আমি  
ইবদিয়াকে অনুনয় করছি এবং সুন্তুষ্ঠীকেও অনুনয় করছি, তারা  
যেন প্রভুতে সহমত হয়। 3 আর আমার অনুগত সহকর্মী, আমি

তোমাকেও বলছি, এই মহিলাদের সাহায্য করো। সুসমাচারের জন্য  
তারা ক্লীমেন্ট এবং আমার অন্যান্য সহকর্মীদের পাশে থেকে কঠোর  
পরিশ্রম করেছে। তাদের নাম জীবনপুস্তকে লেখা আছে। 4 তোমরা  
প্রভুতে সবসময় আনন্দ করো। আমি আবার বলব, আনন্দ করো। 5  
তোমাদের শান্তভাব সবার কাছে প্রত্যক্ষ হোক। প্রভু শীঘ্ৰই আসছেন।  
6 কোনো বিষয়েই উৎকৃষ্টিত হোয়ো না, কিন্তু সব বিষয়ে প্রার্থনা ও  
মিনতি দ্বারা ধন্যবাদের সঙ্গে ঈশ্বরের কাছে তোমাদের সব অনুরোধ  
জানাও। 7 এতে সব বোধবুদ্ধির অতীত ঈশ্বরের শান্তি, খ্রীষ্ট যীশুতে  
তোমাদের অন্তর ও মন রক্ষা করবে। 8 অবশ্যে বলি, ভাইবোনেরা,  
যা কিছু সত্য, যা কিছু মহান, যা কিছু যথার্থ, যা কিছু বিশুদ্ধ, যা কিছু  
আদরণীয়, যা কিছু আকর্ষণীয়—যদি কোনো কিছু উৎকৃষ্ট বা প্রশংসার  
যোগ্য হয়—তোমরা সেই সমস্ত বিষয়ের চিন্তা করো। 9 তোমরা  
আমার কাছ থেকে যা শিক্ষা পেয়েছ, যা কিছু পেয়েছ, যা কিছু শুনেছ  
বা আমার মধ্যে দেখেছ, সেসব অনুশীলন করো। তাহলে শান্তির ঈশ্বর  
তোমাদের সঙ্গে অবস্থিতি করবেন। 10 প্রভুতে আমি পরম আনন্দ  
করি যে, অবশ্যে তোমরা আমার সম্মক্ষে চিন্তা করতে নতুন উৎসাহ  
পেয়েছ। সত্যিই, তোমাদের চিন্তা ছিল, কিন্তু তা দেখানোর সুযোগ  
তোমাদের ছিল না। 11 আমি অভাবগ্রস্ত বলেই যে একথা তোমাদের  
বলছি, তা নয়। কারণ যে কোনো পরিস্থিতিতেই আমি সন্তুষ্ট থাকার  
শিক্ষা লাভ করেছি। 12 অভাব কী, তা আমি জানি এবং প্রাচুর্য কী,  
তাও আমি জানি। যে কোনো এবং প্রত্যেকটি পরিস্থিতিতে আমি  
সন্তুষ্ট থাকার গোপন রহস্য শিখেছি—ভালোভাবে উদ্বোধন করার  
বা ক্ষুধার্ত থাকার, প্রাচুর্যের মধ্যে থাকার, কিংবা অন্টনে থাকার।  
13 যিনি আমাকে শক্তি দান করেন, তাঁর মাধ্যমে আমি সবকিছুই  
করতে পারি। 14 তবুও তোমরা আমার দুঃখকষ্টের অংশীদার হয়ে  
ভালোই করেছে। 15 তা ছাড়াও, তোমরা ফিলিপীয়েরা তো জানো,  
তোমাদের সুসমাচার-পরিচিতি লাভের প্রাথমিক পর্বে আমি যখন  
ম্যাসিডোনিয়া ছেড়ে যাত্রা করেছিলাম, তখন তোমরা ছাড়া আর  
কোনো মণ্ডলী দেওয়া-নেওয়ার বিষয়ে আমার সহভাগী হয়নি। 16

এমনকি, থিষ্লনিকায় থাকার সময়ে আমার অভাব পূরণের জন্য তোমরা বারবার আমাকে সাহায্য পাঠিয়েছিলে। 17 আমি যে দান গ্রহণের জন্য আগ্রহী, তা নয়, বরং আমার দৃষ্টি তোমাদের ভবিষ্যতের সম্ভয়ের দিকে। 18 আমি পূর্ণমাত্রায় সবকিছু পেয়েছি, এমনকি, তার চেয়েও বেশি পেয়েছি; বর্তমানে ইপাফ্রদীতের মাধ্যমে পাঠানো তোমাদের দান পর্যাপ্ত পরিমাণে আমাকে দেওয়া হয়েছে। সেই দান সুরক্ষিত অর্ধ্যস্বরূপ, ঈশ্বরের প্রীতিজনক গ্রহণযোগ্য বলি। 19 আর আমার ঈশ্বর খীষ্ট যীশুতে স্থিত তাঁর গৌরবময় ধন অনুযায়ী তোমাদের সব প্রয়োজন পূর্ণরূপে মিটিয়ে দেবেন। 20 আমাদের ঈশ্বর ও পিতার প্রতি মহিমা যুগে যুগে চিরকাল হোক। আমেন। (aiōn g165) 21 খীষ্ট যীশুতে সমস্ত পবিত্রগণকে শুভেচ্ছা জানিয়ো। আমার সঙ্গী ভাইয়েরা তোমাদের শুভেচ্ছা জানাচ্ছেন। 22 সমস্ত পবিত্রগণ, বিশেষ করে কৈসরের পরিজনেরা, তোমাদের শুভেচ্ছা জানাচ্ছেন। 23 প্রভু যীশু খীষ্টের অনুগ্রহ তোমাদের আত্মার সহবর্তী হোক। আমেন।

## কলসীয়

১ ঈশ্বরের ইচ্ছা অনুযায়ী, খ্রীষ্ট যীশুর প্রেরিতশিষ্য আমি গৌল এবং আমাদের ভাই তিমথি, ২ কলসী নগরে খ্রীষ্টে পবিত্র ও বিশ্বস্ত ভাইবোনেদের প্রতি: আমাদের পিতা ঈশ্বর থেকে তোমাদের প্রতি অনুগ্রহ এবং শান্তি বর্ষিত হোক। ৩ তোমাদের জন্য প্রার্থনা করার সময় আমরা সবসময় আমাদের প্রভু যীশু খ্রীষ্টের পিতা ঈশ্বরকে ধন্যবাদ দিই। ৪ কারণ খ্রীষ্ট যীশুতে তোমাদের বিশ্বাস এবং পবিত্রগণের প্রতি তোমাদের ভালোবাসার কথা আমরা শুনেছি। ৫ যে বিশ্বাস ও প্রেম প্রত্যাশা থেকে উৎসারিত হয়, যা স্বর্গে তোমাদের জন্য সঞ্চিত রয়েছে, তা সত্যবাণীর মাধ্যমে তোমরা আগেই শুনেছ। ৬ সেই সুসমাচার তোমাদের কাছে উপস্থিত হয়েছে। সুসমাচার শোনার ও ঈশ্বরের অনুগ্রহের নিগৃঢ় সত্যকে উপলব্ধি করার দিন থেকে তা যেমন তোমাদের মধ্যে সক্রিয়, তেমনই সারা জগতে এই সুসমাচার ফলপ্রসূ হচ্ছে ও বৃদ্ধি পাচ্ছে। ৭ একথা তোমরা আমাদের প্রিয় সহসেবক ইপাফ্রার কাছে শিক্ষা পেয়েছ, যিনি আমাদের পক্ষে খ্রীষ্টের একজন বিশ্বস্ত পরিচারক। ৮ আত্মাতে তোমাদের ভালোবাসার কথা তিনিও আমাদের জানিয়েছেন। ৯ এই কারণে আমরাও, যেদিন থেকে তোমাদের কথা শুনেছি সেইদিন থেকে তোমাদের জন্য প্রার্থনা করা থেকে বিরত হইনি। আমরা ঈশ্বরের কাছে প্রতিনিয়ত নিবেদন করি, যেন তোমরা সমস্ত আত্মিক জ্ঞানে ও বোধশক্তিতে তাঁর ইচ্ছার তত্ত্বজ্ঞানে পূর্ণ হও। ১০ আমরা এজন্য এই প্রার্থনা করছি যে, তোমরা যেন প্রভুর যোগ্যরূপে জীবনযাপন করো, জীবনের প্রতি ক্ষেত্রেই তোমাদের আচরণ দ্বারা তাঁকে সন্তুষ্ট করে তোলো, সমস্ত শুভকাজে সফল হয়ে ওঠো ও ঐশ্বরিক জ্ঞানে বৃদ্ধিলাভ করো। ১১ ঈশ্বরের গৌরবময় শক্তিতে তোমরা পরাক্রান্ত হয়ে যেন অসীম সহিষ্ণুতা ও ধৈর্যের অধিকারী হও এবং ১২ সানন্দে পিতাকে ধন্যবাদ জ্ঞাপন করো, যিনি জ্যোতির রাজ্যে পবিত্রগণের যে অধিকার তার অংশীদার হওয়ার জন্য তোমাদের যোগ্য করে তুলেছেন। ১৩ কারণ অন্ধকারের কর্তৃত্ব থেকে তিনি আমাদের উদ্ধার করে তাঁর পুত্রের রাজ্যে নিয়ে

এসেছেন, যাঁকে তিনি প্রেম করেন। 14 তাঁর দ্বারাই আমরা মুক্তি এবং  
সব পাপের ক্ষমা পেয়েছি। 15 তিনি অদৃশ্য ঈশ্বরের প্রতিমূর্তি, সমগ্র  
সৃষ্টির প্রথমজাত। 16 কারণ তাঁর দ্বারা সমস্ত কিছু সৃষ্টি হয়েছে, স্বর্গ কি  
মর্ত্য, দৃশ্য কি অদৃশ্য, সিংহাসন কি আধিপত্য, আধিপত্য কি কর্তৃত,  
সমস্ত বস্তু তাঁরই দ্বারা ও তাঁরই জন্য সৃষ্টি হয়েছে। 17 সব বিষয়ের  
পূর্ব থেকেই তিনি বিরাজমান। তাঁরই মধ্যে সমস্ত বস্তু সম্মিলিত। 18  
তিনি দেহের, অর্থাৎ মণ্ডলীর মস্তক; তিনিই সূচনা, তিনিই মৃতগণের  
মধ্য থেকে উদ্ধিত প্রথমজাত, যেন সমস্ত কিছুর উপরে তাঁর শ্রেষ্ঠত্ব  
প্রতিষ্ঠিত হয়। 19 কারণ ঈশ্বর এতেই প্রীত হলেন যে, তাঁর সমস্ত  
পূর্ণতা খ্রীষ্টের মধ্যে অধিষ্ঠান করে এবং 20 ক্রুশে পাতিত তাঁর রক্তের  
মাধ্যমে শান্তি স্থাপন করে, তাঁর দ্বারা স্বর্গ কি মর্ত্যের সবকিছুকে তাঁর  
সঙ্গে সম্মিলিত করেন। 21 এক সময় তোমরা ঈশ্বরের কাছ থেকে দূরে  
সরে গিয়েছিলে এবং তোমাদের মন্দ আচরণের জন্য অন্তরে ঈশ্বরের  
শক্তি হয়েছিলে; 22 কিন্তু ঈশ্বর এখন খ্রীষ্টের মানবদেহে মৃত্যুবরণের  
দ্বারা তোমাদের সম্মিলিত করেছেন, যেন তাঁর সাক্ষাতে তোমাদের  
পবিত্র, নিষ্কলঙ্ঘ ও অনিন্দনীয়রূপে উপস্থিত করেন, 23 যদি তোমরা  
বিশ্বাসে অবিচল থাকো, প্রতিষ্ঠিত ও সুদৃঢ় থেকে সুসমাচারের মধ্যে যে  
প্রত্যাশা আছে, তা থেকে বিচ্যুত না হও। তোমরা এই সুসমাচারই  
শুনেছ, যা আকাশমণ্ডলের নিচে সব সৃষ্টির কাছে প্রচার করা হয়েছে,  
আমি গৌল যার পরিচারক হয়েছি। 24 তোমাদের জন্য আমি আমার  
দেহে যে দুঃখকষ্ট আমি ভোগ করেছি তার জন্য এখন আমি আনন্দ  
বোধ করছি কারণ এভাবে আমি খ্রীষ্টের কষ্টভোগে অংশগ্রহণ করছি যা  
তাঁর দেহ অর্থাৎ মণ্ডলীর ক্ষেত্রে বজায় রয়েছে। 25 তোমাদের কাছে  
ঈশ্বরের বাক্যকে সম্পূর্ণরূপে প্রকাশ করার জন্য ঈশ্বর আমার উপর যে  
দায়িত্ব অর্পণ করেছেন, সেজন্য আমি মণ্ডলীর দাসত্ব বরণ করেছি। 26  
যুগ্যমান এবং বহু প্রজন্ম ধরে এই গুণৱহস্য গোপন রাখা হয়েছিল,  
কিন্তু এখন তা পবিত্রগণের কাছে প্রকাশ করা হয়েছে। (aiōn g165) 27  
কারণ ঈশ্বর চেয়েছিলেন, তাঁরা জানবে যে খ্রীষ্টের ঐশ্বর্য ও গৌরব  
অইহুদিদের জন্যও। আর এই হল সেই গুণৱহস্য: খ্রীষ্ট তোমাদের

মধ্যে বাস করেন; এই সত্য তোমাদের আশ্বাস দেয় যে তোমরাও তাঁর গৌরবের ভাগীদার হবে। 28 আমরা তাঁকেই প্রচার করি। প্রত্যেককে আমরা পূর্ণরূপে সতর্ক করে তুলি এবং শিক্ষা দিই যেন প্রত্যেককে খ্রীষ্টে নিখুঁতরূপে উপস্থিত করতে পারি। 29 এই উদ্দেশ্যে খ্রীষ্টের যেসব শক্তি আমার মধ্যে প্রবলভাবে সক্রিয়, তাঁরই সহায়তায় আমি পরিশ্রম ও সংগ্রাম করে চলেছি।

2 লায়োদেকিয়ার অধিবাসীদের ও যাদের সঙ্গে আমার ব্যক্তিগতভাবে সাক্ষাৎ হয়নি, তাদের এবং তোমাদের জন্য আমি কত সংগ্রাম করে চলেছি, তোমাদের তা অবগত করতে চাই। 2 তাদের অন্তরকে অনুপ্রেরণায় উদ্বৃদ্ধ ও ভালোবাসায় একতাবন্ধ করে তোলাই আমার অভিপ্রায়। তারা যেন পূর্ণ বোধশক্তির ঐশ্বর্যে পরিপূর্ণতা লাভ করতে পারে এবং ঈশ্বরের গুণরহস্য, অর্থাৎ খ্রীষ্টকে জানতে পারে। 3 তাঁরই মধ্যে আছে প্রজ্ঞা ও জ্ঞানের সমস্ত ঐশ্বর্য। 4 আমি তোমাদের একথা বলছি যেন, কোনো মানুষ শ্রতিসুখকর যুক্তিজাল বিন্দুর করে তোমাদের প্রতারিত না করে। 5 কারণ শারীরিকভাবে আমি তোমাদের কাছে অনুপস্থিত থাকলেও, আত্মায় আমি তোমাদের মধ্যে উপস্থিত আছি। তোমাদের সুশঙ্খল জীবন এবং খ্রীষ্টে তোমাদের বিশ্বাস দেখে আমি আনন্দিত। 6 সুতরাং, খ্রীষ্ট যীশুকে যেমন প্রভুরূপে গ্রহণ করেছ, তেমনই তাঁর মধ্যেই জীবনযাপন করতে থাকো। 7 তাঁর মধ্যেই তোমাদের বিশ্বাসের মূল গভীর হোক ও গড়ে ওঠো। তোমরা যে শিক্ষা পেয়েছ তা অনুযায়ী বিশ্বাসে দৃঢ় হও ও ধন্যবাদ অর্পণে উচ্ছ্বসিত হও। 8 দেখো, কেউ যেন অসার ও বিভাস্তিকর দর্শনের দ্বারা তোমাদের বন্দি না করে, যা কেবল মানবিক ঐতিহ্য এবং জাগতিক মূলনীতির উপর নির্ভরশীল, খ্রীষ্টের উপর নয়। 9 কারণ ঈশ্বরত্বের সমস্ত পূর্ণতা, খ্রীষ্টের মধ্যেই দৈহিকরূপে অধিষ্ঠিত 10 এবং যিনি সমস্ত পরাক্রম ও কর্তৃত্বের মস্তকস্বরূপ, সেই খ্রীষ্টে তোমরা পূর্ণতা লাভ করেছ। 11 পাপময় স্বভাব পরিত্যাগ করে, তাঁর মধ্যেই তোমরা সুন্নতপ্রাপ্ত হয়েছ। সেই সুন্নত-সংস্কার মানুষের হাতে নয়, কিন্তু খ্রীষ্টের দ্বারা সাধিত হয়েছে। 12 এর ফলে, বাস্তিষ্ঠে খ্রীষ্টের সঙ্গে তোমরা সমাধিপ্রাপ্ত হয়েছ এবং মৃতদের

মধ্য থেকে যিনি তাঁকে উত্থাপিত করেছিলেন, সেই ঈশ্বরের পরাক্রমে  
বিশ্বাস স্থাপন করে তাঁরই সঙ্গে তোমরা উত্থাপিত হয়েছ। 13 তোমাদের  
সকল পাপে এবং পাপময় স্বভাবে সুন্মতহীন অবস্থায় তোমরা যখন মৃত  
ছিলে, তখন ঈশ্বর তোমাদের খ্রীষ্টে জীবিত করেছেন। 14 বিধানের  
যেসব লিখিত নির্দেশনামা আমাদের বিরক্তে ও প্রতিকূলে ছিল, তা  
তিনি বাতিল করেছেন; ক্রুশে বিন্দু করে তিনি তা দূর করেছেন। 15  
আর পরাক্রম এবং কর্তৃত্বকে পরাস্ত করে ক্রুশের মাধ্যমে তাদের উপরে  
বিজয়ী হয়েছেন এবং তাদের প্রকাশ্যে দৃশ্যমান করেছেন। 16 অতএব  
আহার, পানীয়, ধর্মীয় উৎসব, অমাবস্যা বা বিশ্রামদিন পালন নিয়ে  
কেউ তোমাদের বিচার না করুক। 17 এগুলি ছিল ভবিষ্যতে যা ঘটবে  
তার ছায়ামাত্র, প্রকৃত বিষয় কিন্তু খ্রীষ্টের মধ্যেই প্রকাশিত হয়েছে।  
18 যারা ভ্রান্ত নম্রতায় সুখবোধ করে ও স্বর্গদূতদের আরাধনা করে,  
পুরক্ষারের জন্য তারা যেন তোমাদের অযোগ্য প্রতিপন্থ না করতে  
পারে। এই ধরনের লোক নিজের দর্শনের কথাই সবিজ্ঞারে বর্ণনা করে;  
তার জাগতিক মন তাকে অনর্থক মানসিক কল্পনায় দাস্তিক করে  
তোলে। 19 সে সেই মন্তকের সঙ্গে সংযোগ বিচ্ছিন্ন করেছে, যা থেকে  
সমগ্র দেহ পরিপূষ্ট হয়, পেশী ও গ্রান্থি-বন্ধনীর দ্বারা পরম্পরের সঙ্গে  
সন্নিবদ্ধ থাকে এবং ঈশ্বরের ইচ্ছা অনুযায়ী বৃদ্ধিলাভ করে। 20 খ্রীষ্টের  
সঙ্গে মৃত্যুবরণ করে তোমরা জগতের রীতিনীতি থেকে মুক্ত হয়েছ,  
তাহলে, কেন তোমরা এখনও সেইসব রীতিনীতির অধীনে জীবনযাপন  
করছ? 21 “এটা কোরো না! ওটা খেয়ো না! সেটা ছাঁয়ো না!”? 22  
প্রয়োগ করার সঙ্গে সঙ্গেই তো এসব রীতিনীতির প্রয়োজনীয়তা শেষ  
হয়ে যায়, কারণ মানুষের তৈরি বিধিনিষেধ এবং শিক্ষার উপর ভিত্তি  
করেই এগুলি গড়ে উঠেছে। 23 তাদের স্ব-আরোপিত আরাধনা,  
ভ্রান্ত নম্রতা এবং শরীরের প্রতি নির্দয় ব্যবহার দেখে জ্ঞানের পরিচয়  
আছে বলে মনে হলেও শারীরিক কামনাবাসনা নিবৃত্তির ক্ষেত্রে এসব  
মূল্যইন।

**৩** তাহলে, তোমরা যেহেতু খ্রীষ্টের সঙ্গে উত্থাপিত হয়েছ, তাই ঈশ্বরের  
ডামদিকে, যেখানে খ্রীষ্ট উপবিষ্ট আছেন, সেই স্বর্গীয় বিষয়সমূহে

মনোনিবেশ করো। 2 তোমরা পার্থিব বিষয়সমূহে নয়, স্বগীয় বিষয়ে  
মনোযোগী হও। 3 কারণ তোমাদের মৃত্যু হয়েছে এবং এখন তোমাদের  
জীবন খ্রীষ্টের সঙ্গে ঈশ্বরে নিহিত আছে। 4 তোমাদের জীবনস্বরূপ খ্রীষ্ট  
যখন প্রকাশিত হবেন, তখন তোমরাও তাঁর সঙ্গে মহিমায় প্রকাশিত  
হবে। 5 তাই তোমাদের সমস্ত পার্থিব প্রবৃত্তিকে নাশ করো—অনেতিক  
যৌনাচার, অশুদ্ধতা, ব্যভিচার, কামনাবাসনা এবং লোভ যা হল  
প্রতিমাপূজা। 6 এসব কারণেই যারা অবাধ্য, তাদের উপর ঈশ্বরের  
ক্রোধ নেমে এসেছে। 7 বিগত জীবনে, এক সময় তোমরা এসব  
কিছুতেই অভ্যন্ত ছিলে। 8 কিন্তু এখন তোমরা এসব বিষয় পরিত্যাগ  
করো: ক্রোধ, রোষ, বিদ্যেষ ও পরনিন্দা, এবং মুখে অশ্লীল ভাষা  
উচ্চারণ করা। 9 পরম্পরের কাছে মিথ্যা কথা বোলো না, কারণ তোমরা  
তোমাদের পুরোনো সন্তাকে তার কার্যকলাপসহ পরিত্যাগ করে। 10  
নতুন সন্তাকে পরিধান করেছ, যা তার সন্তার প্রতিমূর্তিতে ঈশ্বরের  
জ্ঞানে নতুন হয়ে উঠেছে। 11 এখানে গ্রিক বা ইহুদি, সুন্নত হওয়া বা  
সুন্নতবিহীন, বর্বর, স্কুরীয়, ক্রীতদাস বা স্বাধীন বলে কিছু নেই, খ্রীষ্টই  
সব এবং তিনি সকলের মধ্যে আছেন। 12 অতএব, ঈশ্বরের মনোনীত,  
পবিত্র ও প্রিয়জনরূপে সহানুভূতি, দয়া, নম্রতা, সৌজন্যবোধ এবং  
সহিষ্ণুতায় নিজেদের আবৃত করো। 13 পরম্পরের প্রতি সহনশীল  
হও। একের বিরুদ্ধে অপরের কোনো ক্ষোভ থাকলে, পরম্পরাকে ক্ষমা  
করো। প্রভু যেমন তোমাদের ক্ষমা করেছেন, তোমরাও তেমনই করো।  
14 এসব গুণের উর্ধ্বে ভালোবাসাকে পরিধান করো, যা সেইসব  
গুণকে পূর্ণ ঐক্যের বাঁধনে আবদ্ধ করে। 15 খ্রীষ্টের শান্তি তোমাদের  
হৃদয়ে কর্তৃত করুক, কারণ একই দেহের অঙ্গপ্রত্যঙ্গরূপে তোমরা  
শান্তির উদ্দেশে আহুত হয়েছ। আর তোমরা কৃতজ্ঞ হও। 16 তোমাদের  
অন্তরে খ্রীষ্টের বাক্য প্রচুর পরিমাণে অবস্থিতি করুক; তোমরা সমস্ত  
বিজ্ঞতায় বিভূষিত হয়ে পরম্পরাকে শিক্ষাদান ও সচেতন করো এবং  
গীত, স্তুতি ও আত্মিক সংকীর্তনে মুখ্য হয়ে ঈশ্বরের প্রতি তোমাদের  
হৃদয়ের কৃতজ্ঞতায় তা করো। 17 আর কথায় ও কাজে, তোমরা  
যা কিছুই করো, সবই প্রভু যীশুর নামে করো, তাঁরই মাধ্যমে পিতা

ঈশ্বরকে ধন্যবাদ দিতে দিতে তা করো । 18 স্ত্রীরা, স্বামীর বশ্যতাধীন  
হও । প্রভুতে এরকম আচরণই সংগত । 19 স্বামীরা, তোমরা নিজের  
নিজের স্ত্রীকে ভালোবেসো । তাদের প্রতি রুঢ় আচরণ কোরো না । 20  
সন্তানেরা, সব বিষয়ে বাবা-মার বাধ্য হও, কারণ এরকম আচরণই  
প্রভুর প্রীতিজনক । 21 পিতারা, সন্তানদের উত্ত্যক্ত কোরো না, করলে  
তারা উৎসাহ হারিয়ে ফেলবে । 22 ক্রীতদাসেরা, তোমরা সব বিষয়ে  
জগতের মনিবদ্দের আজ্ঞা পালন করো; তাদের অনুগ্রহ লাভের জন্য  
বা তারা যখন তোমাদের প্রতি লক্ষ্য রাখে, তখনই শুধু নয়, কিন্তু  
অক্ষট হস্তয়ে প্রভুর প্রতি সম্মুখবশত তা করো । 23 মানুষের জন্য নয়,  
প্রভুরই জন্য করছ মনে করে, যা কিছুই করো, মনপ্রাণ দিয়ে করো, 24  
কারণ তোমাদের জানা আছে, প্রভুর কাছ থেকে তোমরা পুরক্ষারঞ্জপে  
এক অধিকার লাভ করবে । তোমরা প্রভু খ্রীষ্টেরই সেবায় রত আছ ।  
25 অন্যায়কারী তার অন্যায়ের প্রতিফল পাবে, কারণ ঈশ্বরের কাছে  
কোনও পক্ষপাতিত্ব নেই ।

**4** মনিবেরা, তোমরা তোমাদের দাসদের সঙ্গে ন্যায়সংগত ও শোভনীয়  
আচরণ করো, কারণ তোমরা জানো, স্বর্গে তোমাদেরও এক প্রভু  
আছেন । 2 তোমরা সচেতনভাবে ও ধন্যবাদের সঙ্গে প্রার্থনায় নিবিষ্ট  
থাকো । 3 আমাদের জন্যও প্রার্থনা করো, যেন ঈশ্বর আমাদের জন্য  
বাক্যের দরজা উন্মুক্ত করে দেন এবং আমরা খ্রীষ্টের গুপ্তরহস্য ঘোষণা  
করতে পারি, যে কারণে আমি শিকলে বন্দি আছি । 4 প্রার্থনা করো,  
যেন যেমন উচিত, আমি তা স্পষ্টরূপে ব্যক্ত করতে পারি । 5 বাইরের  
লোকদের সঙ্গে আচরণে বিজ্ঞতার পরিচয় দিয়ো, সব সুযোগের  
সর্বাধিক সদব্যবহার করো । 6 তোমাদের আলাপ-আলোচনা যেন  
সবসময় অনুগ্রহে ভরপূর ও লবণ্যে আস্বাদযুক্ত হয় এবং কাকে কীভাবে  
উত্তর দিতে হবে, তা যেন তোমরা জানতে পারো । 7 আমার সব খবর  
তুখিক তোমাদের জানাবেন । তিনি একজন প্রিয় ভাই, বিশ্বস্ত পরিচারক  
এবং প্রভুতে আমার সহদাস । 8 তাঁর কাছ থেকে তোমরা যেন আমাদের  
পরিস্থিতি সম্বন্ধে জানতে পারো এবং তিনি যেন তোমাদের হস্তয়ে  
উৎসাহ সঞ্চার করতে পারেন, এই বিশেষ উদ্দেশ্যে তাঁকে আমি

তোমাদের কাছে পাঠাচ্ছি। ৭ তাঁর সঙ্গে আছেন আমাদের বিশ্বস্ত ও  
প্রিয় ভাই ওনীষ্ম। তিনি তোমাদেরই একজন। এখানকার সব কথা  
তাঁরা তোমাদের জানাবেন। ১০ আমার কারাগারের সঙ্গী আরিষ্টার্থ এবং  
বার্গবার ড্রাতিভাই মার্ক-ও তোমাদের শুভেচ্ছা জানাচ্ছেন। (তোমরা  
তাঁর সম্বন্ধে নির্দেশ পেয়েছ, তিনি যদি তোমাদের কাছে যান তবে  
তাঁকে স্বাগত জানিয়ো।) ১১ যীশু নামে আখ্যাত যুষ্ট তোমাদের শুভেচ্ছা  
জানাচ্ছেন। ঈশ্বরের রাজ্যের জন্য আমার সহকর্মীদের মধ্যে শুধু  
এরাই ইহুদি। তাঁরা আমার সান্ত্বনার কারণ হয়েছেন। ১২ তোমাদেরই  
একজন, যীশু খ্রীষ্টের সেবক ইপাফ্রা, তোমাদের শুভেচ্ছা জানাচ্ছেন।  
তিনি তোমাদের জন্য সবসময় প্রার্থনায় মল্লযুদ্ধ করছেন, যেন তোমরা  
ঈশ্বরের সব ইচ্ছায় সুদৃঢ় থাকো, পরিণত ও সুনিশ্চিত হও। ১৩  
তাঁর পক্ষে আমি সাক্ষ্য দিচ্ছি যে, তিনি তোমাদের, লায়োদেকিয়া  
ও হিয়েরাপলিসের অধিবাসীদের জন্য কঠোর পরিশ্রম করছেন। ১৪  
আমাদের প্রিয় বন্ধু, চিকিৎসক লুক এবং দীমা শুভেচ্ছা জানাচ্ছেন। ১৫  
লায়োদেকিয়ার ভাইবনেন্দের, এবং নিম্ফা ও তাঁর বাড়িতে সমবেত  
হওয়া মণ্ডলীর সবাইকে আমার শুভেচ্ছা জানিয়ো। ১৬ এই পত্রটি  
তোমাদের কাছে পাঠ করার পর যেন লায়োদেকিয়ার মণ্ডলীতেও পাঠ  
করা হয়। আর লায়োদেকিয়া মণ্ডলী থেকে যে পত্রটি তোমাদের কাছ  
পাঠানো হবে, সেটি তোমরাও পাঠ কোরো। ১৭ আর্থিঙ্কাকে বোলো,  
“প্রভুতে সেবা করার যে দায়িত্ব তোমাকে দেওয়া হয়েছে তা যেন তুমি  
সুসম্পন্ন করো।” ১৮ আমি পৌল, নিজের হাতে এই অভিনন্দনবাণী  
লিখছি। আমার বন্দি অবস্থার কথা সুরণ কোরো। অনুগ্রহ তোমাদের  
সহবর্তী হোক।

## ১ম থিষ্টলনীকীয়

১ পিতা ঈশ্বর এবং প্রভু যীশু খ্রীষ্টে থিষ্টলনীকীয় মণ্ডলীর প্রতি, পৌল, সীল এবং তিমথি এই পত্র লিখছি। অনুগ্রহ ও শান্তি তোমাদের প্রতি বর্তুক। ২ আমাদের প্রার্থনায় তোমাদের নাম উল্লেখ করে আমরা তোমাদের সবার জন্য ঈশ্বরের কাছে সবসময় ধন্যবাদ নিবেদন করি। ৩ বিশ্বাসের বলে তোমরা যে কাজ করেছ, প্রেমের বশে যে পরিশ্রম দিয়েছ এবং আমাদের প্রভু যীশু খ্রীষ্টের উপর প্রত্যাশা রেখে যে সহিষ্ণুতার পরিচয় রেখেছ—আমাদের ঈশ্বর ও পিতার সমক্ষে আমরা সেকথা বারবার মনে করি। ৪ ঈশ্বরের প্রীতিভাজন ভাইবোনেরা, আমরা জানি যে, তিনি তোমাদের মনোনীত করেছেন, ৫ কারণ, আমাদের সুসমাচার শুধু বাক্যবিন্যাসের দ্বারা তোমাদের কাছে আসেনি, কিন্তু এসেছিল পরাক্রম, পবিত্র আত্মায় এবং গভীর প্রত্যয়ের সঙ্গে। তোমাদের মধ্যে, তোমাদেরই জন্য আমরা কীভাবে জীবনযাপন করেছি, তা তোমরা জানো। ৬ তোমরা আমাদের এবং প্রভুর অনুকরণ করেছিলে, প্রচণ্ড দৃঢ়কষ্টের মধ্যেও পবিত্র আত্মার দেওয়া আনন্দে তোমরা সেই বার্তাকে স্বাগত জানিয়েছ। ৭ তাই ম্যাসিডোনিয়া এবং আখায়ার সমস্ত বিশ্বাসীর কাছে তোমরা আদর্শ হয়ে উঠেছ। ৮ তোমাদের কাছ থেকে প্রভুর বার্তা শুধু যে ম্যাসিডোনিয়া এবং আখায়াতে ঘোষিত হয়েছে তা নয়, ঈশ্বরের প্রতি তোমাদের বিশ্বাসের কথা সর্বত্র ছড়িয়ে পড়েছে। তাই এ বিষয়ে আমাদের কিছু বলার প্রয়োজন নেই। ৯ কারণ তোমরা আমাদের কী রকম অভ্যর্থনা জানিয়েছিলে, লোকেরা নিজেরাই সেকথা প্রচার করেছে। তারা প্রকাশ করে যে, জীবন্ত এবং সত্য ঈশ্বরের সেবা করার জন্য তোমরা সব প্রতিমা ত্যাগ করে কীভাবে ঈশ্বরের কাছে ফিরে এসেছ এবং ১০ তিনি যাঁকে মৃতদের মধ্য থেকে পুনর্গঠিত করেছিলেন, সম্মিলিত ক্রোধ থেকে যিনি আমাদের রক্ষা করবেন, তোমরা ঈশ্বরের সেই পুত্র যীশুর স্বর্গ থেকে আগমনের প্রতীক্ষায় রয়েছ।

২ ভাইবোনেরা, তোমরা জানো, তোমাদের সঙ্গে আমাদের সাক্ষাৎ ব্যর্থ হয়নি। ২ তোমরা জানো, আমরা ফিলিপীতে আগেই নির্যাতিত

ও অপমানিত হয়েছিলাম, কিন্তু প্রবল বিরোধিতা সত্ত্বেও আমাদের ঈশ্বরের সহায়তায় তোমাদের কাছে তাঁর সুসমাচারের কথা বলতে সাহসী হয়েছিলাম। ৩ ভাস্তির বশে, অথবা অসৎ উদ্দেশ্যে আমরা আবেদন জানাইনি, আমরা কাউকে প্রতারিত করারও চেষ্টা করিনি, ৪ বরং, ঈশ্বর যেমন আমাদের পরীক্ষাসিদ্ধ করে সুসমাচার প্রচার করার দায়িত্ব দিয়েছেন, আমরা তেমনই প্রচার করি। আমরা মানুষকে সন্তুষ্ট করার চেষ্টা করিনি, কিন্তু সন্তুষ্ট করতে চেয়েছি ঈশ্বরকে, যিনি আমাদের হৃদয় পরীক্ষা করেন। ৫ তোমরা জানো, আমরা কখনও তোষামোদ করিনি, মুখোশের আড়ালে লোভকে ঢাকিনি—ঈশ্বর আমাদের সাক্ষী। ৬ আমরা কোনো মানুষের প্রশংসা পাওয়ার চেষ্টা করিনি, তোমাদের কাছে নয় বা অন্য কারও কাছে নয়। খ্রীষ্টের প্রেরিতশিক্ষ্য বলে আমরা আমাদের কর্তৃত্ব প্রয়োগ করতে পারতাম, ৭ কিন্তু তা না করে খ্রীষ্টের প্রেরিতশিক্ষ্যকে আমরা শিশুদের মতো তোমাদের কাছে নতন্ত্র হয়েছিলাম। যেমন মা তাঁর শিশু সন্তানদের লালনপালন করেন, ৮ আমরা তেমনই তোমাদের প্রতি যত্নশীল ছিলাম। আমরা তোমাদের এত ভালোবেসেছিলাম যে, শুধু ঈশ্বরের সুসমাচারই নয়, কিন্তু তোমাদের আনন্দে আমাদের জীবনও ভাগ করেছিলাম, তোমরা ছিলে আমাদের কাছে এতই প্রিয়। ৯ ভাইবোনেরা, আমাদের কঠোর পরিশ্রম এবং কষ্টস্বীকারের কথা তোমাদের নিশ্চয় মনে আছে। তোমাদের কাছে ঈশ্বরের সুসমাচার প্রচারের সময়, আমরা যেন কারও বোৰা না হই, সেজন্য আমরা দিনরাত পরিশ্রম করেছি। ১০ তোমরা যারা বিশ্বাস করেছিলে, তাদের মধ্যে আমরা কেমন পবিত্র, ধার্মিক ও নিষ্কলুষ জীবনযাপন করেছি—তোমরা এবং ঈশ্বরও তার সাক্ষী। ১১ তোমরা জানো, পিতা তাঁর নিজের সন্তানদের প্রতি যেমন আচরণ করেন, আমরাও তোমাদের প্রত্যেকের সঙ্গে তেমনই আচরণ করেছি। ১২ আমরা তোমাদেরও তেমনই উদ্বৃদ্ধ করছি, সান্ত্বনা দিচ্ছি ও প্রেরণা দিচ্ছি যেন ঈশ্বর তাঁর যে রাজ্যে ও মহিমায় তোমাদের আহ্বান করেছেন, তোমরা তার যোগ্য হয়ে জীবনযাপন করো। ১৩ আমরাও এজন্য ঈশ্বরকে অবিরত ধন্যবাদ জানাই যে, আমাদের কাছে শুনে

তোমরা যখন ঈশ্বরের বাক্য গ্রহণ করেছিলে, তা মানুষের নয় বরং  
ঈশ্বরের বলেই গ্রহণ করেছিলে এবং প্রকৃতপক্ষে সে তো ঈশ্বরেরই  
বাক্য; তোমরা যারা বিশ্বাস করেছ, তোমাদের অন্তরে সেই বাক্য  
কাজ করে চলেছে। 14 কারণ ভাইবোনেরা, তোমরা খ্রীষ্ট যীশুতে  
যিহুদিয়ায় ঈশ্বরের মণ্ডলীগুলির অনুকরণ করেছিলে, ইহুদিদের হাতে  
যেসব মণ্ডলী নির্যাতিত হয়েছিল, তোমরা তাদেরই মতো নিজেদের  
স্বজাতির হাতে লাঙ্ঘনা ভোগ করেছ। 15 ইহুদিরাই তো প্রভু যীশুকে ও  
ভাববাদীদের হত্যা করেছিল এবং আমাদেরও তাড়িয়ে দিয়েছিল।  
তারা ঈশ্বরকে অসন্তুষ্ট করে এবং সমস্ত লোকের তারা বিরোধী, 16  
যেন অইহুদিদের কাছে আমরা পরিত্রাণের সুসমাচার প্রচার করতে  
না পারি, এভাবেই তারা সবসময় তাদের পাপের বোৰা পূর্ণ করে  
চলেছে। তাদের উপর ঈশ্বরের রোষ অবশ্যে নেমে এসেছে। 17 কিন্তু  
ভাইবোনেরা, আমরা যখন তোমাদের কাছ থেকে কিছু সময়ের জন্য  
বিছিন্ন হয়ে পড়েছিলাম (মানসিকভাবে নয়, কিন্তু শারীরিকভাবে),  
তখন তোমাদের দেখার জন্য আকুল হয়ে সব ধরনের চেষ্টা করেছি।  
18 আমরা তোমাদের কাছে আসতে চেয়েছিলাম, প্রকৃতপক্ষে আমি  
গৌল দু-একবার চেষ্টা করেছি, কিন্তু শয়তান আমাদের বাধা দিয়েছে।  
19 কারণ আমাদের প্রত্যাশা, আমাদের আনন্দ, অথবা আমাদের প্রভু  
যীশুর আগমনকালে আমাদের গৌরব-মুকুট কী? 20 তা কি তোমরাই  
নও? প্রকৃতপক্ষে, তোমরাই আমাদের গৌরব ও আনন্দ।

**3** সেই কারণে, আর ধৈর্য ধরতে না পেরে, আমরা মনস্থির করলাম  
যে, এথেন্সেই থেকে যাব। 2 খ্রীষ্টের সুসমাচার প্রচারের ক্ষেত্রে  
আমাদের ভাই ও ঈশ্বরের সহকর্মী তিমথিকে পাঠিয়েছিলাম, যেন তিনি  
তোমাদের বিশ্বাসে সবল করেন ও উৎসাহ দান করেন, 3 যেন এই  
দুঃখকষ্টের সময় কেউ বিচলিত হয়ে না পড়ে। তোমরা নিঃসংশয়েই  
জানো যে, আগে থেকেই আমরা এসবের জন্য নির্ধারিত হয়ে আছি। 4  
বাস্তবিক, তোমাদের সঙ্গে থাকার সময়েই আমরা বারবার তোমাদের  
বলেছিলাম যে, আমাদের অত্যাচারিত হতে হবে। আর তোমরা  
ভালোভাবেই জানো, সেভাবেই তা ঘটেছে। 5 এই কারণে, আর ধৈর্য

ধরতে না পেরে, তোমাদের বিশ্বাস সম্পর্কে জানার জন্য আমি তাঁকে  
পাঠিয়েছিলাম। আমার আশঙ্কা ছিল, প্রলুক্কারী হয়তো কোনোভাবে  
তোমাদের প্রলুক্ক করে থাকতে পারে এবং আমাদের সমস্ত প্রচেষ্টাই  
হয়তো ব্যর্থ হয়েছে। 6 কিন্তু তোমাদের কাছ থেকে সদ্য ফিরে এসে  
তিমথি তোমাদের বিশ্বাস এবং ভালোবাসা সম্পর্কে সুসংবাদ নিয়ে  
এসেছেন। তিনি আমাদের বলেছেন যে, তোমরা সবসময় আমাদের  
কথা আনন্দের সঙ্গে স্মরণ করে থাকো এবং আমরা যেমন তোমাদের  
দেখতে উৎসুক, তোমরাও তেমনই আমাদের দেখার জন্য আগ্রহী। 7  
অতএব, ভাইবোনেরা, আমাদের সমস্ত দুর্দশা ও লাঞ্ছনার মধ্যেও  
তোমাদের বিশ্বাসের কথা শুনে আমরা আশ্চর্ষ হয়েছি। 8 প্রভুতে  
তোমরা স্থির আছ, তা জানতে পেরে আমরা সংজ্ঞীবিত হয়ে উঠছি।  
9 তোমাদের জন্য আমাদের ঈশ্বরের সান্নিধ্যে যে আনন্দ আমাদের  
হয়েছে তার প্রতিদানে ঈশ্বরকে কীভাবে পর্যাপ্ত ধন্যবাদ দেব! 10  
আবার তোমাদের সঙ্গে মিলিত হয়ে যেন তোমাদের বিশ্বাসের ঘাটতি  
পূরণ করতে পারি, এজন্য আকুল আগ্রহে দিনরাত আমরা প্রার্থনা  
করেছি। 11 এখন, আমাদের ঈশ্বর ও পিতা স্বয়ং এবং আমাদের প্রভু  
যীশু তোমাদের কাছে আসার জন্য আমাদের পথ সুগম করুন। 12 প্রভু  
তোমাদের ভালোবাসা বৃদ্ধি করুন এবং তোমাদের প্রতি আমাদের  
ভালোবাসা যেমন উপচে পড়ে, তেমনই পরম্পরের ও অন্য সকলের  
প্রতি তোমাদের ভালোবাসা উপচে পড়ুক। 13 তোমাদের অন্তরকে  
তিনি সবল করুন, যেন আমাদের প্রভু যীশু তাঁর সমস্ত পবিত্রজনের  
সঙ্গে যেদিন আসবেন, সেদিন তোমরা আমাদের ঈশ্বর ও পিতার  
সান্নিধ্যে অনিন্দনীয় ও পবিত্র অবস্থায় প্রতিষ্ঠিত হতে পারো।

**4** ভাইবোনেরা, সবশেষে বলি, ঈশ্বরকে সন্তুষ্ট করার জন্য কীভাবে  
জীবনযাপন করতে হয়, সেই নির্দেশ আমরা তোমাদের দিয়েছি  
এবং সেইমতোই তোমরা জীবনযাপন করছ। এখন, প্রভু যীশুর  
নামে আমরা তোমাদের অনুরোধ করছি ও মিনতি জানাচ্ছি, তোমরা  
এই বিষয়ে আরও সমৃদ্ধ হতে চেষ্টা করো। 2 কারণ প্রভু যীশুর  
দেওয়া অধিকারবলে আমরা তোমাদের কী নির্দেশ দিয়েছিলাম, তা

তোমরা জানো। 3 ফলত, ঈশ্বরের ইচ্ছা এই যে, তোমরা পবিত্র হও, বিবাহ-বহির্ভূত যৌনাচার থেকে দূরে থাকো; 4 যেন তোমরা প্রত্যেকে এই শিক্ষা লাভ করো যে শরীরকে সংযত রেখে কীভাবে পবিত্র ও সম্মানজনক জীবনযাপন করতে হয়, 5 যারা ঈশ্বরকে জানে না, এমন বিধৰ্মী লোকদের মতো জাগতিক কামনার বশে নয়; 6 আর এই ব্যাপারে কেউ যেন তার ভাইয়ের (বা, বোনের) প্রতি কোনো অন্যায় আচরণ বা প্রতারণা না করে। এরকম সব পাপের জন্য প্রভু মানুষকে শাস্তি দেবেন, একথা আমরা তোমাদের আগেই বলেছি এবং সতর্ক করে দিয়েছি। 7 ঈশ্বর আমাদের পবিত্র জীবনযাপন করার জন্য আহ্বান করেছেন, অঙ্গটি হওয়ার জন্য নয়। 8 তাই, এই নির্দেশ যে অগ্রাহ্য করে, সে মানুষকে নয়, কিন্তু যিনি তোমাদের তাঁর পবিত্র আত্মা দান করেন, সেই ঈশ্বরকেই অগ্রাহ্য করে। 9 আবার বিশ্বসীদের প্রতি ভালোবাসা সম্পর্কে তোমাদের কাছে কিছু লেখার প্রয়োজন নেই। কারণ পরস্পরকে ভালোবাসতে স্বয়ং ঈশ্বরই তোমাদের শিক্ষা দিয়েছেন। 10 বস্তুত, সমগ্র ম্যাসিডোনিয়ার ভাইবোনেদের তোমরা ভালোবাসো। তবুও ভাইবোনেরা, আমরা তোমাদের মিনতি করছি, তোমরা আরও বেশি করে তা করো। 11 শাস্তি জীবনযাপনই হোক তোমাদের লক্ষ্য। আমাদের নির্দেশমতো, নিজের কাজে মন দাও, স্বনির্ভর হও, 12 যেন তোমাদের দৈনিক জীবনচর্যা বাইরের লোকদের শ্রদ্ধা উদ্বেক করতে পারে এবং তোমরা যেন পরনির্ভরশীল না হও। 13 ভাইবোনেরা, আমরা চাই না যে, যারা নিদ্রাগত হয়েছে, তাদের সম্পর্কে তোমরা অজ্ঞ থাকো বা যাদের প্রত্যাশা নেই, তাদের মতো দুঃখে ভারাক্রান্ত হও। 14 কারণ আমরা বিশ্বাস করি, যীশু মৃত্যুবরণ করেছিলেন এবং পুনরুদ্ধিত হয়েছেন। তাই আমাদের বিশ্বাস যে, যীশুতে যারা নিদ্রাগত হয়েছে, ঈশ্বর তাঁর সঙ্গে তাদেরও নিয়ে আসবেন। 15 প্রভুর নিজের কথা অনুসারে আমরা তোমাদের বলছি যে, আমরা যারা বেঁচে আছি, প্রভুর আগমন পর্যন্ত যারা অবশিষ্ট থাকব, তারা নিদ্রাগতদের আগে কিছুতেই যেতে পারব না। 16 কারণ প্রভু স্বয়ং উচ্চধ্বনির সঙ্গে, প্রধান স্বর্গদূতের উচ্চ রব

এবং ঐশ্বরিক ত্রুটীপুনির আহানের সঙ্গে স্বর্গ থেকে অবতরণ করবেন  
এবং শ্রীষ্টে যারা মৃত্যুবরণ করেছে, প্রথমে তারা উত্থাপিত হবে। 17  
এরপর, আমরা যারা জীবিত আছি, যারা অবশিষ্ট থাকব, আমরা প্রভুর  
সঙ্গে অন্তরীক্ষে মিলিত হওয়ার জন্য তাদের সঙ্গে মেঘযোগে উন্নীত  
হব। আর এইভাবে আমরা চিরকাল প্রভুর সঙ্গে থাকব। 18 সেইজন্য,  
এসব কথা বলে তোমরা পরম্পরকে আশ্বাস দাও।

**5** এখন ভাইবোনেরা, এসব কথন ঘটবে, সেই সময় ও কালের  
বিষয়ে তোমাদের কিছু লেখার প্রয়োজন নেই। 2 কারণ, তোমরা  
ভালোভাবেই জানো, রাতের বেলা যেমন ঢোর আসে, সেভাবেই প্রভুর  
দিন উপস্থিত হবে। 3 লোকেরা যখন “শান্তি ও নিরাপত্তার” কথা  
বলবে, তখন গর্ববতী নারীর প্রসববেদনার মতো অকস্মাত তাদের  
উপর ধ্বংস নেমে আসবে; তারা কোনোক্রমেই তা এড়তে পারবে  
না। 4 কিন্তু ভাইবোনেরা, তোমরা তো অন্ধকারে থাকো না, তাই  
সেদিন তোমাদের ঢোরের মতো বিস্মিত করে তুলবে না। 5 তোমরা  
সবাই জ্যোতির সন্তান এবং দিনের সন্তান। আমরা রাত্রির নই বা  
অন্ধকারেরও নই। 6 তাই, অন্যদের মতো আমরা যেন নিদ্রামগ্ন  
না হই। আমরা যেন সচেতন থাকি ও আত্মসংযমী হই। 7 কারণ  
যারা নিদ্রা যায়, তারা রাত্রেই নিদ্রা যায় এবং মদ্যপানকারীরা রাত্রেই  
মত হয়। 8 কিন্তু আমরা যেহেতু দিনের সন্তান, তাই এসো, আমরা  
আত্মসংযমী হয়ে উঠঃ; বিশ্বাস এবং ভালোবাসাকে বুকপাটা করি, আর  
পরিত্রাণের প্রত্যাশাকে করি শিরদ্রাণ। 9 কারণ দুশ্শর তাঁর ক্রোধের  
শিকার হওয়ার জন্য নয়, কিন্তু আমাদের প্রভু যীশু শ্রীষ্টের মাধ্যমে  
পরিত্রাণ লাভের জন্য আমাদের নিযুক্ত করেছেন। 10 আমরা জীবিত  
থাকি বা নিদ্রাগত হই, তাঁরই সঙ্গে যেন জীবনধারণ করি, এই উদ্দেশ্যে  
তিনি আমাদের জন্য মৃত্যুবরণ করেছেন। 11 অতএব তোমরা এখন  
যেমন করছ, সেভাবেই পরম্পরকে প্রেরণা দাও এবং একজন আর  
একজনকে গড়ে উঠতে সাহায্য করো। 12 ভাইবোনেরা, আমরা  
তোমাদের অনুরোধ করছি, তোমাদের মধ্যে যারা কঠোর পরিশ্রম  
করেন, যাঁরা প্রভুতে তোমাদের উপরে নিযুক্ত আছেন, যাঁরা তোমাদের

সতর্ক করেন, তাঁদের সম্মান করো। 13 তাঁদের পরিষেবার জন্য  
ভালোবেসে সর্বোচ্চ শৃঙ্খা জানিয়ো। পরম্পরের সঙ্গে শান্তিতে বসবাস  
করো। 14 ভাইবোনেরা, আমরা তোমাদের মিনতি করছি, যারা অলস,  
তাদের সতর্ক করো, ভীরুৎ প্রকৃতির ব্যক্তিকে প্রেরণা দিয়ো, দুর্বলকে  
সাহায্য করো, প্রত্যেকের প্রতি সহনশীলতা দেখিয়ো। 15 দেখো,  
কেউ যেন অন্যায়ের প্রতিশোধ নিতে অন্যায় না করে, পরম্পরের এবং  
অন্যান্য সকলের প্রতি সবসময় সহাদয় হতে চেষ্টা করে। 16 সবসময়  
আনন্দ করো; 17 অবিরত প্রার্থনা করো; 18 সমস্ত পরিস্থিতিতেই  
ধন্যবাদ জ্ঞাপন করো, কারণ খীষ যীশুতে তোমাদের জন্য এই হল  
ঈশ্বরের ইচ্ছা। 19 আত্মার আগুন নিভিয়ে দিয়ো না। 20 কোনও  
ভাববাণী অগ্রাহ্য কোরো না। 21 সবকিছু পরীক্ষা করে দেখো। যা  
কিছু উৎকৃষ্ট, তা আঁকড়ে থাকো। 22 যা কিছু মন্দ, তা এড়িয়ে চলো।  
23 শান্তির ঈশ্বর স্বয়ং তোমাদের সর্বতোভাবে পবিত্র করে তুলুন।  
আমাদের প্রভু যীশু খ্রীষ্টের আগমনকালে তোমাদের সমগ্র আত্মা, প্রাণ  
ও দেহ, অনিন্দনীয়রূপে রক্ষিত হোক। 24 যিনি তোমাদের আহ্বান  
করেন, তিনি বিশ্বস্ত, তিনিই এই কাজ করবেন। 25 ভাইবোনেরা,  
আমাদের জন্য প্রার্থনা কোরো। 26 পবিত্র চুম্বনে সব বিশ্বাসীকে সাদর  
সন্তানণ জানিয়ো। 27 প্রভুর সাক্ষাতে আমি তোমাদের মিনতি করছি,  
সব ভাইবোনেদের কাছে এই পত্র যেন পাঠ করা হয়। 28 আমাদের  
প্রভু যীশু খ্রীষ্টের অনুগ্রহ তোমাদের সঙ্গে বিরাজ করুক।

## ২য় থিষলনীকীয়

১ আমাদের পিতা ঈশ্বর এবং প্রভু যীশু খ্রীষ্টে অবস্থিত থিষলনীকীয়দের মণ্ডলীর প্রতি, পৌল, সীল ও তিমথি এই পত্র লিখছি। ২ পিতা ঈশ্বর এবং প্রভু যীশু খ্রীষ্ট থেকে তোমাদের প্রতি অনুগ্রহ ও শান্তি বর্তুক। ৩ ভাইবনেরা, তোমাদের জন্য সবসময় ঈশ্বরকে ধন্যবাদ দিতে আমরা বাধ্য এবং তাই সংগত। কারণ তোমাদের বিশ্বাস এবং পারস্পরিক ভালোবাসা দিনে দিনে বৃদ্ধি পাচ্ছে। ৪ তাই সমস্ত নির্যাতন এবং দুঃখকষ্টের মধ্যেও তোমাদের সহনশীলতা ও বিশ্বাসের জন্য ঈশ্বরের মণ্ডলীগুলিতে আমরা গর্ব করি। ৫ এসব কিছুই প্রমাণ করছে যে, ঈশ্বরের বিচার ন্যায়সংগত এবং এর ফলে, যে ঐশ্ব-রাজ্যের জন্য তোমরা দুঃখভোগ করছ, তার যোগ্য বলে গণ্য হয়ে উঠবে। ৬ ঈশ্বর ন্যায়পরায়ণ; যারা তোমাদের নির্যাতন করে, তিনি প্রতিদানে তাদের কষ্ট দেবেন। ৭ এবং তোমরা যারা নিপীড়িত, তিনি সেই তোমাদের এবং আমাদের স্বন্তি দেবেন। প্রভু যীশু যখন তাঁর পরাক্রান্ত দৃতবাহিনী নিয়ে জ্বলন্ত আগুনের শিখার মাঝে স্বর্গ থেকে প্রকাশিত হবেন, এ সমস্ত তখনই ঘটবে। ৮ যারা ঈশ্বরকে জানে না এবং আমাদের প্রভু যীশুর সুসমাচার পালন করে না, তাদের তিনি শান্তি দেবেন। ৯ তাদের দণ্ড হবে চিরকালীন বিনাশ এবং প্রভুর সাম্রাজ্য ও তাঁর পরাক্রমের গৌরব থেকে তারা বিচ্ছিন্ন হবে। (aiōnios g166) ১০ এই ঘটনা সেদিন ঘটবে, যেদিন তাঁর পুণ্যজনদের মাঝে তিনি মহিমাপ্রিত হওয়ার জন্য এবং যারা বিশ্বাস করেছে তাদের চমৎকৃত হওয়ার জন্য তিনি আসবেন। তোমরাও তাদের মধ্যে অন্তর্ভুক্ত, কারণ তোমাদের কাছে আমরা যে সাক্ষ্য দিয়েছি, তোমরা তা বিশ্বাস করেছ। ১১ একথা মনে রেখে, আমরা তোমাদের জন্য অবিরত প্রার্থনা করি, যেন আমাদের ঈশ্বর, তাঁর আহ্বানের যোগ্য বলে তোমাদের গড়ে তোলেন এবং তাঁর পরাক্রমে তোমাদের প্রত্যেক শুভ-সংকল্প এবং বিশ্বাস-প্রগোদ্ধিত প্রত্যেকটি কাজ সম্পূর্ণ করতে পারেন। ১২ আমরা এই প্রার্থনা করি, যেন তোমাদের মধ্যে প্রভু যীশুর নাম গৌরবান্বিত হয় এবং আমাদের

ঈশ্বর ও প্রভু যীশু খ্রীষ্টের অনুগ্রহে, তোমরা তাঁতে গৌরব লাভ করতে পারো।

**২** ভাইবোনেরা, প্রভু যীশু খ্রীষ্টের আগমন ও তাঁর কাছে আমাদের একত্রিত হওয়া সম্পর্কে তোমাদের অনুরোধ করছি, ২ প্রভুর দিন ইতিমধ্যেই এসে গেছে, এই মর্মে আমাদের কাছ থেকে কোনো প্রত্যাদেশ, কোনো পত্র বা সংবাদ পেয়েছ মনে করে তোমরা সহজেই বিচলিত বা আতঙ্কিত হোয়ো না। ৩ কেউ যেন কোনোভাবেই তোমাদের প্রতারিত করতে না পারে। কারণ বিদ্রোহ না ঘটা এবং চরম বিনাশের জন্য নির্ধারিত ধর্মবন্ধ পুরুষের প্রকাশ না হওয়া পর্যন্ত সেদিনের আবির্ভাব হবে না। ৪ সে প্রতিরোধ করবে এবং সবকিছুর উর্ধ্বে যিনি, অর্থাৎ ঈশ্বর নামে আখ্যাত ও পূজিত, তাঁর উপরে সে নিজেকে উন্নীত করবে, এমনকি, সে ঈশ্বররূপে নিজেকে ঈশ্বরের মন্দিরে প্রতিষ্ঠিত করবে এবং নিজেকে ঈশ্বর বলে ঘোষণা করবে। ৫ তোমাদের কাছে থাকার সময় এ সমস্ত বিষয় আমি তোমাদের বলতাম, সেকথা কি তোমাদের মনে নেই? ৬ নির্ধারিত সময়ে প্রকাশিত হওয়ার পথে এখন কোন শক্তি তার বাধা সৃষ্টি করছে, তা তোমরা জানো। ৭ কারণ অধর্মের গোপন শক্তি ইতিমধ্যে সক্রিয় হয়ে উঠেছে, কিন্তু একজন তাকে বাধা দিচ্ছেন এবং দিয়েই যাবেন, যতদিন পর্যন্ত তাকে দূর করা না হয়। ৮ তারপর, সেই পাপ-পুরুষের প্রকাশ হবে, প্রভু যীশু তাঁর মুখের নিঃশ্বাসে তাকে সংহার করবেন এবং তাঁর আগমনের জৌলুসে তাকে ধ্বংস করবেন। ৯ সেই অধর্মাচারী পুরুষের আগমন শয়তানের ক্রিয়াকলাপের সঙ্গে হবে। সে সব ধরনের ক্ষমতার প্রদর্শন বিভিন্ন চিহ্ন ও আশ্র্য কাজকর্মের মাধ্যমে করবে, যেগুলি মিথ্যাচারিতার সেবা করে। ১০ সে সব ধরনের মন্দের দ্বারা যারা বিনাশের পথে চলেছে তাদের প্রতারণা করবে। তারা ধ্বংস হবে, কারণ তারা সত্যের অনুরাগী হতে অস্বীকার করেছে ও পরিত্রাণ পেতে চায়নি। ১১ সেইজন্য, ঈশ্বর তাদের মধ্যে এক বিভ্রান্তিকর শক্তিকে প্রেরণ করবেন, যেন তারা মিথ্যাকেই বিশ্বাস করে, ১২ এবং তারা সকলেই যেন শান্তি পায় যারা সত্যে বিশ্বাস করেনি, কিন্তু দুষ্টতায় উল্লিঙ্কিত হয়েছে। ১৩

প্রভুর প্রতিজনক ভাইবোনেরা, আমরা কিন্তু তোমাদের জন্য ঈশ্বরকে  
সবসময় ধন্যবাদ দিতে বাধ্য হই, কারণ পবিত্র আত্মার শুद্ধকরণের  
কাজ ও সত্যের প্রতি বিশ্বাসের মাধ্যমে পরিত্রাণ লাভের জন্য প্রথম  
থেকেই ঈশ্বর তোমাদের মনোনীত করেছেন। 14 আমাদের প্রভু  
যীশু খ্রীষ্টের মহিমার অংশীদার হওয়ার জন্য আমাদের প্রচার করা  
সুসমাচারের মাধ্যমে তিনি তোমাদের এই উদ্দেশ্যে আহ্বান করেছেন।  
15 সেইজন্য, ভাইবোনেরা, অবিচল থাকো; আমরা মুখের কথায়,  
অথবা পত্রের মাধ্যমে যেসব শিক্ষা তোমাদের দিয়েছি, তা আঁকড়ে  
ধরে থাকো। 16 প্রভু যীশু খ্রীষ্ট স্বয়ং এবং আমাদের পিতা ঈশ্বর, যিনি  
আমাদের ভালোবেসেছেন এবং যাঁর অনুগ্রহে আমরা চিরস্মৃত সান্ত্বনা  
ও উত্তম প্রত্যাশা লাভ করেছি, (aiōnios g166) 17 তিনি তোমাদের  
অন্তরকে আশ্বাস প্রদান করুন এবং প্রত্যেকটি শুভকর্মে ও উত্তম  
বাক্যে সবল করুন।

**৩** সবশেষে বলি, ভাইবোনেরা, আমাদের জন্য প্রার্থনা করো, যেন  
প্রভুর বাণী দ্রুত ছাড়িয়ে পড়ে এবং সসম্মানে গৃহীত হয়, যেমন  
তোমাদের ক্ষেত্রে হয়েছিল। 2 আর প্রার্থনা করো, দুষ্ট ও নীচ লোকদের  
হাত থেকে আমরা যেন নিষ্কৃতি পাই, কারণ প্রত্যেকের যে বিশ্বাস  
আছে, এমন নয়, 3 কিন্তু প্রভু বিশ্বস্ত। তিনি তোমাদের শক্তি দেবেন  
এবং সেই পাপাত্মা থেকে রক্ষা করবেন। 4 তোমাদের সম্পর্কে প্রভুতে  
আমাদের এই দৃঢ়প্রত্যয় আছে যে, আমাদের সমস্ত আদেশ, যা তোমরা  
পালন করছ, তা করে যাবে। 5 প্রভু তোমাদের হন্দয়কে ঈশ্বরের  
প্রেমের পথে এবং খ্রীষ্টের ধৈর্যের পথে চালিত করুন। 6 ভাইবোনেরা,  
প্রভু যীশু খ্রীষ্টের নামে আমরা তোমাদের আদেশ দিচ্ছি, যে ভাই অলস  
এবং আমাদের শিক্ষা অনুযায়ী জীবনযাপন করে না, তার সঙ্গ ত্যাগ  
করো। 7 কারণ তোমরা নিজেরা জানো, কীভাবে আমাদের আদর্শ  
অনুকরণ করতে তোমরা বাধ্য। তোমাদের সঙ্গে থাকার সময় আমরা  
আলস্যে কাল কাটাইনি; 8 অথবা বিনামূল্যে আমরা কারও খাবার  
গ্রহণ করিনি। বরং আমরা যেন তোমাদের কারও কাছে বোঝা না হই,  
সেজন্য দিনরাত কাজ করেছি, কঠোর পরিশ্রম ও কষ্ট করেছি। 9 এই

সাহায্য লাভের অধিকার যে আমাদের নেই, তা নয়, কিন্তু তোমরা যেন  
অনুসরণ করো, সেজন্য নিজেদের এক আদর্শরূপে স্থাপন করেছি। 10  
কারণ তোমাদের সঙ্গে থাকার সময়েও আমরা তোমাদের এই নিয়ম  
দিয়েছি, “যদি কেউ পরিশ্রম না করে, সে আহারও করবে না।” 11  
আমরা শুনতে পাচ্ছি, তোমাদের মধ্যে কেউ কেউ অলস হয়ে পড়েছে।  
তারা কর্মব্যস্ত নয়; পরের ব্যাপারে অনর্থক চর্চায় তারা সবসময় ব্যস্ত।  
12 এরকম লোকদের আমরা প্রভু যীশু খ্রীষ্টে নির্দেশ ও উপদেশ দিচ্ছি,  
যেন তারা শান্তভাব বজায় রেখে পরিশ্রম করে এবং তাদের খাবারের  
সংস্থান করে। 13 আর ভাইবোনেরা, তোমাদের আরও বলাছি, সৎকর্ম  
করতে কখনও ক্লান্তিবোধ কোরো না। 14 এই পত্রে উল্লিখিত আমাদের  
নির্দেশ কেউ যদি অমান্য করে, তাকে চিহ্নিত করে রেখো। তার  
সংস্পর্শে থেকো না, যেন সে লজ্জাবোধ করতে পারে। 15 তবুও,  
তাকে শক্ত বলে মনে কোরো না, বরং ভাই বা বোন হিসেবে তাকে  
সতর্ক কোরো। 16 এখন শান্তির প্রভু স্বয়ং তোমাদের সর্বদা এবং  
সর্বতোভাবে শান্তি দান করবন। প্রভু তোমাদের সকলের সঙ্গে থাকুন।  
17 আমি পৌল, নিজের হাতে এই অভিনন্দনবাণী লিখছি। আমার  
সমস্ত পত্রের এটিই বিশেষ চিহ্ন। এভাবেই আমি লিখে থাকি। 18  
আমাদের প্রভু যীশু খ্রীষ্টের অনুগ্রহ তোমাদের সকলের সঙ্গী হোক।

## ୧ମ ତୀମଥି

୧ ଆମାଦେର ପରିଆତା ଈଶ୍ୱର ଏବଂ ଆମାଦେର ପ୍ରତ୍ୟାଶା ଶ୍ରୀଷ୍ଟ ସୀଶୁର ଆଦେଶେ, ତାଁରଇ ପ୍ରେରିତଶିଷ୍ୟ, ଆମି ପୌଳ, ୨ ବିଶ୍ୱାସେ ଆମାର ପ୍ରକୃତ ସନ୍ତାନ ତିମଥିର ପ୍ରତି ଏହି ପତ୍ର ଲିଖଛି । ପିତା ଈଶ୍ୱର ଏବଂ ଆମାଦେର ପ୍ରଭୁ, ଶ୍ରୀଷ୍ଟ ସୀଶୁର ଅନୁଗ୍ରହ, କରଣ ଏବଂ ଶାନ୍ତି ବର୍ଷିତ ହୋକ । ୩ ମ୍ୟାସିଡେନିଆ ସାଓୟାର ପଥେ, ଆମି ତୋମାକେ ଅନୁରୋଧ କରେଛିଲାମ, ଯେନ ତୁମି ଇହିଷେ ଥେକେ କତଞ୍ଗଲି ଲୋକକେ ଆଦେଶ ଦାଓ, ତାରା ଯେନ ଆର ଭୁଲ ଶିକ୍ଷା ନା ଦେଯ ଏବଂ ୪ ତାରା ଯେନ ପୁରାକାହିନୀ ଓ ଅନ୍ତହିନ ବଂଶାବଳିର ଆଲୋଚନାତେଇ ନିଜେଦେର ମନପ୍ରାଣ ଢେଲେ ନା ଦେଯ । ଈଶ୍ୱରେର କାଜେର ପରିବର୍ତ୍ତେ ଏଗୁଳି ବିତର୍କେର ସୃଷ୍ଟି କରେ । କାରଣ ଈଶ୍ୱରେର କାଜ ହୟ ବିଶ୍ୱାସେର ଉପର ନିର୍ଭର କରେ । ୫ ଏହି ଆଦେଶେର ଲକ୍ଷ୍ୟ ହଲ ଭାଲୋବାସା, ଯା ଶୁଚିଶୁଦ୍ଧ ହୁଦୟ, ସଂ ବିବେକ ଓ ଅକପ୍ଟ ବିଶ୍ୱାସ ଥେକେ ଉତ୍ସମ୍ଭବ ହୟ । ୬ କିଛୁ ଲୋକ ଏସବ ଥେକେ ବିଚ୍ୟୁତ ହୟେ ଅର୍ଥହିନ ଆଲୋଚନାତେ ମନ ଦିଯେଛେ । ୭ ତାରା ଶାସ୍ତ୍ରବିଦ ହତେ ଚାଯ, କିନ୍ତୁ ତାରା କୋନ ବିଷୟେ ବଲଛେ ବା ଯେସବ ବିଷୟେ ଏତ ଜୋରେର ସଙ୍ଗେ ବଲେଛେ, ତା ସମ୍ବନ୍ଧେ ତାରା ନିଜେରାଇ ଜାନେ ନା । ୮ ଆମରା ଜାନି, ଯଥାର୍ଥଭାବେ ବ୍ୟବହାର କରଲେଇ ବିଧାନ ମଙ୍ଗଳଜନକ ହୟେ ଓଠେ । ୯ ଆମରା ଆରଓ ଜାନି ଯେ, ଧାର୍ମିକଦେର ଜନ୍ୟ ବିଧାନେର ସୃଷ୍ଟି ହୟନି, ବରଂ ଯାରା ବିଧାନଭଙ୍ଗକାରୀ, ଭକ୍ତିହିନ ଓ ଉଚ୍ଛ୍ଵାସ ଏବଂ ପାପୀ, ଅପବିତ୍ର, ଧର୍ମବିରୋଧୀ, ଯାରା ତାଦେର ବାବା-ମାକେ ବା ଅନ୍ୟଦେର ହତ୍ୟା କରେ, ୧୦ ବ୍ୟଭିଚାରୀ, ସମକାମୀ ବ୍ୟକ୍ତି ଓ କ୍ରୀତଦାସ-ବ୍ୟବସାୟୀ ଏବଂ ମିଥ୍ୟାବାଦୀ ଓ ମିଥ୍ୟାଶପଥକାରୀ, ତାଦେର ଜନ୍ୟ ଏବଂ ଯା କିଛୁ ସଠିକ ଶିକ୍ଷାର ବିରୋଧୀ, ତାରଇ ଜନ୍ୟ ବିଧାନେର ସୃଷ୍ଟି । ୧୧ ପରମଧନ୍ୟ ଈଶ୍ୱରେର ଗୌରବମୟ ସୁସମାଚାରେର ସଙ୍ଗେ ସଂଗତିପୂର୍ଣ୍ଣ ସେଇ ବିଷୟଟି ପ୍ରଚାର କରାର ଦାୟିତ୍ୱ ତିନି ଆମାର ଉପରେ ଦିଯେଛେ । ୧୨ ଆମାଦେର ପ୍ରଭୁ, ଶ୍ରୀଷ୍ଟ ସୀଶୁ, ଯିନି ଆମାକେ ଶକ୍ତି ଦାନ କରେଛେ ଏବଂ ଆମାକେ ବିଶ୍ୱଷ୍ଟ ବିଚାର କରେ ଯିନି ତାଁ ପାରିଚ୍ୟାକାଜେ ଆମାକେ ନିୟୁକ୍ତ କରେଛେ, ତାଁକେ ଆମି ଧନ୍ୟବାଦ ଜ୍ଞାପନ କରି । ୧୩ ଯଦିଓ ଆମି ଏକ ସମୟ ଈଶ୍ୱରନିନ୍ଦୁକ, ନିର୍ଯ୍ୟାତନକାରୀ ଏବଂ ନୃଶଂସ ଛିଲାମ, କିନ୍ତୁ ତିନି ଆମାର ପ୍ରତି କରଣ ପ୍ରଦର୍ଶନ କରେଛେ, କାରଣ ଅଞ୍ଜତା ଓ ଅବିଶ୍ୱାସେର ବଶେଇ ଆମି ସେବ କରେଛିଲାମ । ୧୪ ଆମାଦେର ପ୍ରଭୁର

অনুগ্রহ, খ্রীষ্ট যীশুতে স্থিত বিশ্বাস ও প্রেম আমার উপরে প্রচুর পরিমাণে বর্ষিত হয়েছে। 15 এই উক্তি বিশ্বাসযোগ্য এবং সম্পূর্ণরূপে গ্রহণের যোগ্য যে, খ্রীষ্ট যীশু পাপীদের উদ্ধার করার জন্য পৃথিবীতে এসেছেন এবং তাদের মধ্যে আমিই নিকৃষ্টতম। 16 কিন্তু শুধু এই কারণেই ঈশ্বর আমার প্রতি করঙ্গা প্রদর্শন করলেন যে, আমার মতো জগন্যতম পাপীর মধ্য দিয়ে খ্রীষ্ট যীশু যেন তাঁর অসীম সহিষ্ণুতা প্রদর্শন করতে পারেন, যেন তাঁর উপর বিশ্বাস করে যারা অনন্ত জীবনের অধিকারী হবে, তাদের কাছে তিনি আমাদের উদাহরণস্বরূপ উপস্থাপন করতে পারেন। (aiōnios g166) 17 এখন অনন্ত রাজাধিরাজ, অবিনশ্বর, অদৃশ্য, একমাত্র ঈশ্বর, তাঁরই প্রতি যুগে যুগে সম্মান ও মহিমা অর্পিত হোক। আমেন। (aiōn g165) 18 বৎস তীমিথি, এক সময় তোমার বিষয়ে যেসব ভবিষ্যদ্বাণী করা হয়েছিল, তার সঙ্গে সংগতি রেখে আমি তোমাকে এই নির্দেশ দিচ্ছি, সেসব পালনের মধ্য দিয়ে তুমি যেন যথোচিত সংগ্রাম করতে পারো, 19 বিশ্বাস ও সৎ বিবেক আঁকড়ে ধরে রাখতে পারো। কেউ কেউ এসব প্রত্যাখান করায়, তাদের বিশ্বাসের নৌকার ভরাডুবি হয়েছে। 20 তাদের মধ্যে রয়েছে হৃমিনায় ও আলেকজান্ডার। আমি তাদের শয়তানের হাতে তুলে দিয়েছি, যেন তারা ঈশ্বরনিন্দা ত্যাগ করার শিক্ষা পায়।

2 সর্বপ্রথমেই আমি অনুনয় করছি, সকলের জন্য যেন অনুরোধ, প্রার্থনা, মিনতি এবং ধন্যবাদ জ্ঞাপন করা হয়, 2 বিশেষত রাজা এবং উচ্চপদস্থ সকল ব্যক্তির জন্য, যেন আমরা পরিপূর্ণ ভক্তিতে ও পবিত্রতায়, শান্তিপূর্ণ ও নিরুদ্বিঘ্ন জীবনযাপন করতে পারি। 3 আমাদের পরিত্রাতা ঈশ্বরের সামনে এটাই উত্তম ও সন্তোষজনক। 4 তিনি চান, সব মানুষ যেন পরিত্রাণ পায় এবং সত্যের তত্ত্বজ্ঞান উপলব্ধি করতে পারে। 5 কারণ ঈশ্বর যেমন এক তেমন ঈশ্বর ও মানুষের মধ্যে একজন মধ্যস্থতাকারী আছেন, তিনি মানুষ খ্রীষ্ট যীশু। 6 তিনি সব মানুষের জন্য নিজেকে মুক্তিপ্রদর্শনে প্রদান করেছেন—এই সাক্ষ্য যথাসময়ে দেওয়া হয়েছে। 7 এই উদ্দেশ্যেই আমি বার্তাবাহক ও প্রেরিতশিষ্য এবং অইন্দিদের কাছে প্রকৃত বিশ্বাসের শিক্ষক নিযুক্ত

হয়েছি—আমি সত্যিই বলছি, মিথ্যা নয়। ৪ আমি চাই, সর্বত্র পুরুষেরা  
ক্রোধ এবং মতবিরোধ ত্যাগ করে তাদের পবিত্র দু-হাত তুলে প্রার্থনা  
করুক। ৫ আমি এও চাই, নারীরা পরিশীলিত সাজসজ্জা করুক,  
শিষ্টাচার ও শালীনতা বজায় রাখুক। চুলের বাহার, সোনা ও মণিমুক্তা  
বা বহুমূল্য পোশাক দ্বারা নয়, ১০ কিন্তু যে নারীরা নিজেদের ঈশ্বরের  
উপাসক বলে দাবি করে, তারা যোগ্য সৎকর্মের দ্বারা ভূষিত হোক। ১১  
নীরবে এবং সম্পূর্ণ বশ্যতার সঙ্গে নারীর শিক্ষাগ্রহণ করা উচিত। ১২  
শিক্ষা দেওয়ার বা পুরুষের উপর কর্তৃত করার অনুমতি আমি নারীকে  
দিই না, সে নীরব হয়ে থাকবে। ১৩ কারণ, প্রথমে সৃষ্টি হয়েছিল  
আদমের, পরে হবার। ১৪ আর আদম প্রতারিত হননি, নারীই প্রতারিত  
হয়ে পাপী প্রতিপন্থ হলেন। ১৫ কিন্তু নারী যদি আত্মসংযমের সঙ্গে  
বিশ্বাস, প্রেম ও পবিত্রতা বজায় রাখে, তাহলে সন্তান-ধারণের মধ্য  
দিয়ে সে মুক্তি পাবে।

**৩** এক বিশ্বাসযোগ্য উক্তি আছে: যদি কেউ অধ্যক্ষ হওয়ার জন্য  
মনস্থির করেন, তাহলে তিনি মহৎ কাজ করারই আকাঙ্ক্ষী হন।  
২ অধ্যক্ষকে অবশ্যই নিন্দার উর্ধ্বে থাকতে হবে; তিনি একজন  
স্ত্রীর স্বামী হবেন। তিনি হবেন মিতাচারী, আত্মসংযমী, শ্রদ্ধার পাত্র,  
অতিথিপরায়ণ এবং শিক্ষাদানে দক্ষ। ৩ তিনি মদ্যপ বা উগ্র স্বভাবের  
হবেন না কিন্তু অমায়িক হবেন; তিনি বাগড়াটে বা অর্থলোভী হবেন না।  
৪ নিজের পরিবারের উপরে তাঁর নিয়ন্ত্রণ থাকবে এবং তিনি দেখবেন,  
তাঁর সন্তানেরা যেন যথোচিত শ্রদ্ধায় তাঁর বাধ্য হয়। ৫ (কারণ কেউ  
যদি নিজের পরিবারকে নিয়ন্ত্রণ করতে না জানেন, তাহলে কীভাবে  
তিনি ঈশ্বরের মঙ্গলীর তত্ত্বাবধান করবেন?) ৬ তিনি যেন নতুন বিশ্বাসী  
না হন, অন্যথায়, তিনি দাস্তিক হয়ে দিয়াবলের মতো একই বিচারের  
দায়ে পড়তে পারেন। ৭ বাইরের সব মানুষের কাছেও তাঁর সুনাম থাকা  
চাই, যেন তিনি অসম্মানের ভাগী না হন এবং দিয়াবলের ফাঁদে না  
পড়েন। ৮ তেমনই, ডিকনেরাও হবেন শ্রদ্ধার যোগ্য ও আন্তরিকতাপূর্ণ।  
তাঁরা যেন অত্যধিক মদ্যপানে আসঙ্গ ও অসৎ ভাবে ধনলাভের জন্য  
সচেষ্ট না হন। ৯ নির্মল বিবেকে তাঁরা যেন বিশ্বাসের গভীর সত্যকে

ধারণ করে থাকেন। 10 প্রথমে তাঁদের যাচাই করে দেখতে হবে, যদি তাঁরা অনিন্দনীয় হন, তবেই ডিকন্সেপ্টে তাদের পরিচর্যা করতে দেওয়া হবে। 11 একইভাবে, তাদের স্ত্রীদেরও শ্রদ্ধার পাত্রী হতে হবে। পরনিন্দা না করে তাঁরা যেন মিতাচারী এবং সর্ববিষয়ে বিশ্বস্ত হন। 12 ডিকন্সেপ্টে কেবলমাত্র একজন স্ত্রীর স্বামী হবেন। তাঁর সন্তান এবং পরিজনদের তিনি যেন উপযুক্তভাবে বশ্যতাধীনে রাখেন। 13 কারণ যাঁরা উপযুক্তভাবে পরিচর্যা করেছেন, তাঁরা সুপ্রতিষ্ঠা এবং খ্রীষ্ট যীশুতে তাদের বিশ্বাসে মহা-নিচয়তা লাভ করবেন। 14 যদিও শীঘ্ৰই আমি তোমাদের কাছে যাওয়ার প্রত্যাশা করছি, এই সমস্ত নির্দেশ আমি তোমাদের লিখে জানাচ্ছি, যেন 15 আমার দেরি হলেও, তোমরা জানতে পারবে যে, ঈশ্বরের গৃহের মধ্যে লোকদের আচরণ কেমন হওয়া উচিত। এই গৃহ হল জীবন্ত ঈশ্বরের মণ্ডলী এবং সত্যের স্তস্ত ও বুনিয়াদ। 16 ধার্মিকতার গুপ্তরহস্য মহৎ! তা প্রশাতীত: তিনি দেহ ধারণ করে প্রকাশিত হলেন, আত্মার দ্বারা নির্দোষ প্রতিপন্থ হলেন, তিনি দৃতদের কাছে দেখা দিলেন, সর্বজাতির মাঝে প্রচারিত হলেন, তিনি বিশ্বাসে জগতের মাঝে গৃহীত হলেন, মহিমাপ্রিত হয়ে উর্ধ্বে উন্নীত হলেন।

**4** ঈশ্বরের আত্মা সুস্পষ্টভাবে বলছেন যে, পরবর্তীকালে বেশ কিছু লোক বিশ্বাস ত্যাগ করে বিভ্রান্তি সৃষ্টিকারী দুষ্টাত্মা দ্বারা প্রভাবিত হবে ও সেসব আত্মা ও তাদের বিভিন্ন বিষয় অনুসরণ করবে। 2 এসব শিক্ষা ভঙ্গ মিথ্যবাদীদের মাধ্যমে আসে, যাদের বিবেক উত্তপ্ত লোহার দ্বারা যেন পুড়ে গেছে। 3 তারা লোকদের বিবাহ করতে নিষেধ করে ও কোনো কোনো খাবার থেকে দূরে থাকার জন্য আদেশ দেয়, যা ঈশ্বর এই উদ্দেশে সৃষ্টি করেছেন যেন যারা বিশ্বাসী এবং সত্য জানে তারা ধন্যবাদ জ্ঞাপনের সঙ্গে সেইসব খাবার গ্রহণ করে। 4 ঈশ্বরের সৃষ্টি সবকিছুই ভালো এবং ধন্যবাদের সঙ্গে গ্রহণ করলে, কোনো কিছুই অখাদ্য নয়, 5 কারণ ঈশ্বরের বাক্য এবং প্রার্থনায় এসব পবিত্র হয়ে যায়। 6 এসব বিষয় যদি ভাইবোনেদের বুঝিয়ে দিতে পারো, তাহলে তুমি যীশু খ্রীষ্টের উত্তম পরিচর্যাকারী হয়ে উঠবে, কারণ বিশ্বাসের

বিভিন্ন সত্যে এবং উভয় শিক্ষায় তুমি বড়ো হয়েছ, যা তুমি অনুসরণ  
করে এসেছ। 7 ঈশ্বরবিহীন রূপকথা এবং মহিলাদের গালগল্পে  
মগ্ন না হয়ে নিজেকে ভক্তিপ্রায়ণ হতে প্রশিক্ষিত করে তোলো। 8  
শরীরচর্চার কিছু মূল্য আছে, কিন্তু ভক্তির মূল্য আছে সব বিষয়ে। তা  
এই জীবন এবং পরের জীবন, উভয় জীবনেরই জন্য মঙ্গলময়। 9  
একথা বিশ্বাসযোগ্য এবং সর্বতোভাবে গ্রহণযোগ্য; 10 কারণ এজন্যই  
আমরা পরিশ্রম ও কষ্ট স্বীকার করছি। কারণ সেই জীবন্ত ঈশ্বরেরই  
উপরে আমরা প্রত্যাশা করেছি, যিনি সব মানুষের বিশেষত বিশ্বাসীদের  
পরিত্রাতা। 11 তুমি এই সমস্ত বিষয়ে নির্দেশ ও শিক্ষা দাও। 12  
তুমি যুবক বলে কেউ যেন তোমাকে অবজ্ঞা না করে, কিন্তু কথায়,  
আচার-আচরণে, প্রেমে, বিশ্বাসে ও শুদ্ধতায়, বিশ্বাসীদের মধ্যে আদর্শ  
হয়ে ওঠো। 13 আমি না আসা পর্যন্ত প্রকাশ্যে শাস্ত্র পাঠ, প্রচার ও  
শিক্ষাদানে নিজেকে নিযুক্ত রাখো। 14 তুমি যে বরদান লাভ করেছ,  
তা অবহেলা কোরো না, যা ভাববাণীমূলক বার্তার মাধ্যমে তোমাকে  
দেওয়া হয়েছিল, যখন প্রাচীনেরা তোমার উপরে হাত রেখেছিলেন। 15  
এসব বিষয়ে মনঃসংযোগ করো, সম্পূর্ণভাবে সেগুলিতে আত্মনিয়োগ  
করো, সকলে যেন তোমার উন্নতি দেখতে পায়। 16 তোমার জীবন ও  
শাস্ত্রশিক্ষা সম্বন্ধে একান্তভাবে সচেতন থেকো। এসব পালন করে  
চলো তাহলে তুমি নিজেকে এবং তোমার কথা যারা শোনে, তাদেরও  
রক্ষা করতে পারবে।

**5** কোনো প্রবীণ ব্যক্তিকে কঠোরভাবে তিরক্ষার কোরো না, বরং  
তাঁকে তোমার বাবার মতো মনে করে বিনীতভাবে অনুরোধ করো।  
যুবকদের ছোটো ভাইয়ের মতো মনে করো। 2 প্রবীণদের মায়ের  
মতো এবং তরুণীদের সঙ্গে সম্পূর্ণ শুদ্ধভাবে বোনের মতো আচরণ  
করো। 3 প্রকৃত দুষ্ট বিধবাদের যথাযথ স্বীকৃতি দিয়ো। 4 কিন্তু কোনো  
বিধবার যদি সন্তানসন্ততি বা নাতি-নাতনি থাকে, তবে তাদের প্রথম  
দায়িত্ব হল নিজেদের বাড়িতে তাদের পরিবারের তত্ত্বাবধান করা এবং  
তাদের বাবা-মা ও দাদু-দিদার প্রতি ঝাগ পরিশোধ করা। এভাবেই  
তারা তাদের ধর্মীয় কর্তব্য পালন করবে এবং তা ঈশ্বরের চোখে

সন্তোষজনক। ৫ যে বিধবা প্রকৃতই নিঃস্ব ও একেবারেই নিঃসঙ্গ, সে ঈশ্বরের উপরেই প্রত্যাশা রাখে এবং দিনরাত প্রার্থনায় রত থেকে ঈশ্বরের কাছে সাহায্য প্রার্থনা করে। ৬ কিন্তু যে বিধবা শারীরিক কামনার বশে জীবনযাপন করে, সে জীবিত থেকেও মৃত। ৭ তুমি তাদের এই শিক্ষা দাও, যেন কেউ তাদের নিম্না করার সুযোগ না পায়। ৮ কেউ যদি তার আত্মিয়স্বজনের, বিশেষত পরিবারের আপনজনদের ভরণ-পোষণ না করে, সে বিশ্বাস অস্বীকার করেছে এবং অবিশ্বাসীর চেয়েও নিকৃষ্ট প্রতিপন্থ হয়েছে। ৯ তাঁরই নাম বিধবাদের তালিকাভুক্ত হবে, যাঁর বয়স ষাট বছরের বেশি এবং যিনি তাঁর স্বামীর প্রতি বিশ্বস্ত ছিলেন; ১০ যিনি বিভিন্ন সৎকর্মের জন্য সুপরিচিত, যেমন সন্তানের লালনপালন, আতিথেয়তা, পরিত্রাগের পা ধুয়ে দেওয়া, বিপন্নদের সাহায্য করা এবং সর্বপ্রকার সৎকর্মে আত্মনিরোগ করেছেন। ১১ অল্পবয়স্ক বিধবাদের নাম এই ধরনের তালিকায় অন্তর্ভুক্ত কোরো না। কারণ শ্রীষ্টের প্রতি আত্মনিবেদনের চেয়ে, তাদের শারীরিক কামনাবাসনা যখন প্রবল হয়ে ওঠে, তখন তারা বিবাহ করতে চায়। ১২ এভাবে তারা প্রথম প্রতিশ্রুতি ভেঙে নিজেদের অপরাধী করে তোলে আর নিজের উপরে শাস্তি দেকে আনে। ১৩ এছাড়া তারা অলসতায় জীবনযাপন করতে এবং বাঢ়ি বাঢ়ি ঘুরে বেড়াতে অভ্যন্ত হয়ে পড়ে। তারা যে শুধু অলসই হয়, তা নয়, তারা অনধিকারচর্চা এবং কৃৎসা-রটনা করে যা বলা উচিত নয়, এমন কথা বলে বেড়ায়। ১৪ তাই অল্পবয়স্ক বিধবাদের প্রতি আমার উপদেশ: তারা বিবাহ করুক, সন্তানের জন্ম দিক, তাদের গৃহের দেখাশোনা করুক এবং মিথ্যা কলঙ্ক দেওয়ার কোনো সুযোগ যেন শক্তকে না দেয়। ১৫ বাস্তবিক, কেউ কেউ ইতিমধ্যেই ভুল পথে গিয়ে শয়তানের অনুগামী হয়েছে। ১৬ বিশ্বাসী কোনো মহিলার পরিবারে যদি বিধবারা থাকে, তাহলে সে তাদের সাহায্য করুক, তাদের জন্য মণ্ডলীকে যেন দায়িত্বভার নিতে না হয়; সেক্ষেত্রে যে বিধবারা সত্যসত্ত্বই দুষ্ট, মণ্ডলী তাদের সাহায্য করতে পারবে। ১৭ যেসব প্রাচীন মণ্ডলীর কাজকর্ম ভালোভাবে পরিচালনা করেন, তাঁরা দ্বিগুণ সম্মানের যোগ্য, বিশেষ করে যাঁরা প্রচারক ও

শিক্ষক। 18 কারণ শাস্ত্র বলে, “শস্য মাড়াই করার সময় বলদের মুখে  
জালতি বেঁধো না” এবং “কর্মচারী তার বেতন পাওয়ার যোগ্য” 19  
দুজন কি তিনজন সাক্ষীর সমর্থন ছাড়া কোনো প্রাচীনের বিরুদ্ধে নিয়ে  
আসা অভিযোগকে গ্রাহ্য কোরো না। 20 যারা পাপ করে, প্রকাশ্যে  
তাদের তিরক্ষার করো, যেন অন্যেরা সতর্ক হতে পারে। 21 ঈশ্বর,  
ঐষ্ট যীশু এবং মনোনীত দৃতদের সাক্ষাতে আমি তোমাকে আদেশ  
দিচ্ছি, এসব নির্দেশ নিরপেক্ষভাবে পালন করো, পক্ষপাতিত্বের বশে  
কোনো কিছুই কোরো না। 22 সত্ত্ব কারও উপরে হাত রেখো না;  
অপরের পাপের ভাগী হোয়ো না; নিজেকে শুচিশুদ্ধ রেখো। 23 এখন  
থেকে শুধু জলপান কোরো না, তোমার পাকস্থলীর রোগ এবং বারবার  
অসুস্থতার জন্য একটু দ্রাক্ষারস পান কোরো। 24 কিছু লোকের পাপ  
স্পষ্ট ধরা পড়ে এবং তা বিচারের অপেক্ষা রাখে না, কিন্তু অন্যদের  
পাপ পরবর্তীকালে ধরা পড়ে। 25 একইভাবে, সৎ কর্মগুলি সুস্পষ্ট  
দেখা যায়, যদি নাও দেখা যায়, সেগুলি ঢেকে রাখা যায় না।

**৬** যারা ক্রীতদাসত্বের জোয়ালে আবদ্ধ, তারা তাদের প্রভুকে সম্পূর্ণ  
শ্রদ্ধার যোগ্য বলে মনে করুক, যেন ঈশ্বরের নাম এবং আমাদের  
শিক্ষার নিম্না না হয়। 2 যাদের মনিবরা বিশ্বাসী, প্রভুতে ভাই হওয়ার  
কারণে সেই মনিবদের প্রতি তাদের যেন শ্রদ্ধার অভাব না দেখা যায়।  
বরং, আরও ভালোভাবে তারা তাঁদের সেবা করবে, কারণ যাঁরা তাদের  
সেবার দ্বারা উপকৃত হচ্ছে, তাঁরাও বিশ্বাসী এবং তাদের প্রিয়জন। এই  
সমস্ত বিষয় তুমি তাদের শিক্ষা দাও এবং অনুনয় করো। 3 কেউ যদি  
ভাস্ত ধর্মশিক্ষা দেয় এবং আমাদের প্রভু যীশু ঐষ্টের অভ্রাস্ত নির্দেশ  
ও ঈশ্বরিক শিক্ষার সঙ্গে একমত না হয়, 4 তাহলে সে গর্বে অঙ্গ ও  
নির্বোধ। বগড়া ও তর্কবিতর্কের প্রতিই তার অকারণ আগ্রহ, ফলে  
সৃষ্টি হয় ঈর্ষা, বিবাদ, বিদ্রোহপূর্ণ কথাবার্তা, হীন সন্দেহ; 5 এবং  
কলুষিতমনা লোকদের মধ্যে সৃষ্টি হয় অবিরত দ্঵ন্দ্ব। তারা সত্যব্রষ্ট  
হয়েছে এবং ভক্তিকে তারা অর্থলাভের উপায় বলে মনে করে। 6  
প্রকৃতপক্ষে ভক্তি মহালাভজনক, যদি তার সঙ্গে থাকে পরিত্বষ্টি;  
7 কারণ এ জগতে আমরা কিছুই আনিনি এবং এখান থেকে কিছু

নিয়েও যেতে পারি না। ৪ কিন্তু যদি আমাদের অন্বন্দের সংস্থান থাকে, তাহলে তাতেই আমরা সন্তুষ্ট থাকব। ৫ যারা ধনী হতে চায়, তারা প্রলোভনে পড়ে। তারা বহু অবোধ ও ক্ষতিকর বাসনার ফাঁদে পড়ে, যা মানুষকে বিনাশ ও ধ্বংসের গর্তে ছুঁড়ে দেয়। ১০ কারণ অর্থের প্রতি আসক্তি সকল প্রকার অনর্থের মূল। অর্থলোভী কিছু মানুষ বিশ্বাস থেকে বিচ্যুত হয়েছে ও গভীর দুঃখে নিজেদের বিন্দু করেছে। ১১ তুমি কিন্তু ঈশ্বরের লোক, এসব বিষয় থেকে পালিয়ে যাও এবং ধার্মিকতা, ভক্তি, বিশ্বাস, ভালোবাসা, ধৈর্য এবং মৃদুতার অনুসরণ করো। ১২

তুমি বিশ্বাসের উত্তম যুদ্ধে সংগ্রাম করো। অনন্ত জীবনে প্রতিষ্ঠিত থাকো, কারণ এরই জন্য তোমাকে আহ্বান করা হয়েছে এবং বহু সাক্ষীর সামনে তোমার উত্তম প্রতিজ্ঞা স্বীকার করেছে। (aiōnios g166)

১৩ যিনি সকলকে জীবন দান করেন, সেই ঈশ্বরের দৃষ্টিতে ও খ্রীষ্ট যীশুর দৃষ্টিতে, যিনি পন্থীয় পীলাতের দরবারে সাক্ষ্য দেওয়ার সময় উত্তম স্বীকারোক্তি করেছিলেন, আমি তোমাকে আদেশ দিচ্ছি, ১৪ আমাদের প্রভু যীশু খ্রীষ্টের আগমনের পূর্ব পর্যন্ত এই আজ্ঞা নিষ্কলন্ক ও অনিন্দনীয়রূপে পালন করো, ১৫ যা ঈশ্বর তাঁর উপযুক্ত সময়ে প্রদর্শন করবেন—যিনি পরমধন্য, একমাত্র সম্মাট, রাজাদের রাজা ও প্রভুদের প্রভু, ১৬ একমাত্র অমর, অগম্য জ্যোতির মাঝে যাঁর অবস্থান, যাঁকে কেউ কখনও দেখেনি এবং দেখতেও পারে না—তাঁরই প্রতি হোক সমাদর এবং চিরস্থায়ী পরাক্রম। আমেন। (aiōnios g166) ১৭ এই বর্তমান জগতে যারা ধনবান, তাদের আদেশ দাও, তারা যেন উদ্ধৃত না হয়, তাদের অনিচ্ছিত সম্পদের উপরে তারা যেন আশাভরসা না করে, কিন্তু ঈশ্বরের উপরে প্রত্যাশা রাখে, যিনি আমাদের উপভোগের

জন্য সবকিছুই সম্পূর্ণরূপে জুগিয়ে দেন। (aiōn g165) ১৮ তাদের

সৎকর্ম করতে আদেশ দাও, তারা যেন ভালো কাজে সমৃদ্ধ হয়ে উঠতে পারে, দানশীল হয় এবং নিজেদের সম্পদ অপরের সঙ্গে ভাগ করে নিতে ইচ্ছুক হয়। ১৯ এভাবে তারা নিজেদের জন্য ধন সঞ্চয় করে তাদের ভবিষ্যতে দৃঢ় ভিত্তিমূল স্থাপন করবে এবং যা প্রকৃতই জীবন, সেই জীবন ধরে রাখতে পারবে। (aiōnios g166) ২০ তিমথি,

তোমার তত্ত্বাবধানে যা দেওয়া হয়েছে, তা স্যত্ত্বে রক্ষা করো। অসার  
বাক্যালাপ এবং বিরক্ত মতবাদ থেকে দূরে থেকো, যা ভাস্তিরপে  
“জ্ঞান” বলে অভিহিত। 21 কিছু মানুষ তা স্বীকার করেছে, এর ফলে  
বিশ্বাস থেকে বিচ্ছুত হয়েছে। অনুগ্রহ তোমাদের সহবর্তী হোক।

## ২য় তীমথি

১ ঈশ্বরের ইচ্ছায় খ্রীষ্ট যীশুর প্রেরিতশিষ্য, আমি পৌল, খ্রীষ্ট যীশুতে  
নিহিত জীবনের প্রতিশ্রূতি অনুসারে, ২ আমার প্রিয় বৎস তিমথির  
উদ্দেশে এই পত্র লিখছি। পিতা ঈশ্বর এবং আমাদের প্রভু খ্রীষ্ট যীশু  
থেকে অনুগ্রহ, করণা এবং শান্তি বর্ষিত হোক। ৩ আমি শুন্ধবিবেকে  
আমার পূর্বপুরুষদের মতোই যে ঈশ্বরের উপাসনা করি, আমার  
প্রার্থনায় আমি দিনরাত তোমাকে স্মারণ করে সেই ঈশ্বরকে ধন্যবাদ  
দিয়ে থাকি। ৪ তোমার চোখের জলের কথা স্মারণ করে তোমাকে  
দেখার জন্য আমি আকুল হয়ে উঠেছি, যেন আমি আনন্দে পূর্ণ হয়ে  
উঠতে পারি। ৫ তোমার অকপট বিশ্বাসের কথা আমি স্মারণ করি, যা  
প্রথমে তোমার দিদিমা লোয়িস ও মা ইউনিসের মধ্যেও ছিল। আমি  
সুনিশ্চিত, তোমার মধ্যেও এখন তা বর্তমান। ৬ এই কারণেই আমি  
তোমাকে মনে করিয়ে দিচ্ছি, তোমার উপরে আমার হাত রাখার ফলে  
ঈশ্বরের যে বরদান তুমি লাভ করেছিলে, তা উদ্দীপ্ত করে তোলো।  
৭ কারণ ঈশ্বর আমাদের ভীরুতার আত্মা দেননি, কিন্তু দিয়েছেন  
পরাক্রম, প্রেম ও সুবৃদ্ধির আত্মা। ৮ সেইজন্য আমাদের প্রভুর বিষয়ে  
সাক্ষ্য দিতে বা তাঁরই বন্দি আমার বিষয়ে বলতে লজ্জাবোধ কোরো  
না। বরং, ঈশ্বরের শক্তিতে আমার সঙ্গে সুসমাচারের জন্য কষ্টভোগ  
স্বীকার করো। ৯ আমাদের করা কোনো কাজের জন্য নয়, কিন্তু ঈশ্বর  
তাঁর নিজের পরিকল্পনা এবং অনুগ্রহ অনুসারে পরিত্রাণ দান করে  
আমাদের পবিত্র জীবনে আহ্বান করেছেন। সময় শুরু হওয়ার আগেই,  
তিনি খ্রীষ্ট যীশুতে এই অনুগ্রহ আমাদের দান করেছিলেন। (aiōnios  
g166) ১০ কিন্তু এখন আমাদের পরিত্রাতা খ্রীষ্ট যীশুর আগমনের  
দ্বারা সেই অনুগ্রহ প্রকাশিত হয়েছে। তিনি মৃত্যুর বিনাশ ঘটিয়ে  
সুসমাচারের মাধ্যমে জীবন ও অমরত্ব আলোতে নিয়ে এসেছেন। ১১  
এই সুসমাচারের জন্য আমি একজন ঘোষক, প্রেরিত এবং শিক্ষক  
নিযুক্ত হয়েছি। ১২ এই জন্যই আমি এত দুঃখকষ্ট ভোগ করছি। তবুও  
আমি লজ্জিত নই, কারণ যাঁকে আমি বিশ্বাস করেছি, তাঁকে জানি  
এবং আমার নিশ্চিত যে, সেই মহাদিনের জন্য আমি তাঁর কাছে যা

গচ্ছিত রেখেছি, তিনি তা রক্ষা করতে সমর্থ। 13 খ্রীষ্ট যীশুর বিশ্বাসে ও ভালোবাসায় আমার কাছে তুমি যা যা শুনেছ সেসব অভ্যন্ত শিক্ষার আদর্শরপে ধারণ করো। 14 যে উৎকৃষ্ট সম্পদ তোমার কাছে গচ্ছিত হয়েছে, তা রক্ষা করো—আমাদের অন্তরে যিনি বাস করেন সেই পবিত্র আত্মার সহায়তায় তা রক্ষা করো। 15 তুমি জানো, ফুগিল্ল ও হর্মগিনিসহ এশিয়া প্রদেশের অন্যান্য সবাই আমাকে পরিত্যাগ করে চলে গেছে। 16 অনীষিফরের পরিজনদের প্রতি ঈশ্বর করণা প্রদর্শন করুন, কারণ বারবার তিনি আমার প্রাণ জুড়িয়েছেন এবং আমার শিকলের জন্য লজ্জাবোধ করেননি। 17 বরং, তিনি যখন রোমে ছিলেন, আমার সন্ধান না পাওয়া পর্যন্ত, তিনি সবিশেষ চেষ্টা করে আমার খোঁজ করেছিলেন। 18 ইফিষে তিনি যে কতভাবে আমাকে সাহায্য করেছিলেন, তা তুমি ভালোভাবেই জানো। প্রভু তাঁকে এমনই বর দিন যেন সেইদিন তিনি প্রভুর করণা লাভ করতে পারেন।

**২** অতএব, বৎস আমার, খ্রীষ্ট যীশুতে স্থিত অনুগ্রহে তুমি শক্তিশালী হও। ২ আর বহু সাক্ষীর উপস্থিতিতে তুমি আমাকে যেসব বিষয় বলতে শুনেছ, সেগুলি এমন নির্ভরযোগ্য ব্যক্তিদের হাতে অর্পণ করো, যারা অন্যদের কাছে সেগুলি শিক্ষা দিতে সমর্থ হবে। ৩ তুমি খ্রীষ্ট যীশুর একজন উত্তম সৈনিকের মতো আমার সঙ্গে কষ্টভোগ করো। ৪ যে সৈনিক সে সাংসারিক বিষয়ে নিজেকে জড়াতে চায় না, কিন্তু সে তার সেনানায়ককেই সন্তুষ্ট করতে চায়। ৫ সেরকমই, ক্রীড়া প্রতিযোগিতায় যে অংশগ্রহণ করে সে নিয়ম মেনে না চললে, বিজয়ীর মুকুট লাভ করতে পারে না। ৬ যে কৃষক কঠোর পরিশ্রম করে, ফসলে তারই প্রথম অধিকার হয়। ৭ আমি যা বলছি তা বিবেচনা করো। প্রভু তোমাকে এসব বিষয়ে অস্তদৃষ্টি দান করবেন। ৮ যীশু খ্রীষ্টকে স্মারণ করো, যিনি মৃতলোক থেকে পুনরুত্থিত হয়েছেন এবং যিনি দাউদের বংশজাত। এই হল আমার সুসমাচার। ৯ এরই জন্য, আমি অপরাধীর মতো শিকলে বন্দি হয়ে দুঃখযন্ত্রণা ভোগ করছি, কিন্তু ঈশ্বরের বাণী শিকলে বন্দি হয়নি। ১০ অতএব, মনোনীতদের জন্য আমি সবকিছুই সহ্য করি, যেন তারাও অনন্ত মহিমার সঙ্গে সেই মুক্তি অর্জন করতে পারে

যার আধার থ্রীষ্ট যীশু। (aiōnios g166) 11 একটি বিশ্বাসযোগ্য উক্তি

হলঃ আমরা যদি তাঁর সঙ্গে মৃত্যুবরণ করে থাকি, তাহলে তাঁর সঙ্গে  
জীবিতও থাকব; 12 যদি সহ্য করি, তাহলে তাঁর সঙ্গে রাজত্বও করব।  
যদি তাঁকে অস্বীকার করি, তিনিও আমাদের অস্বীকার করবেন। 13  
আমরা যদি বিশ্বাসবিহীন হই, তিনি থাকবেন চির বিশ্বস্ত, কারণ তিনি  
নিজেকে অস্বীকার করতে পারেন না। 14 এ সমস্ত বিষয় তুমি তাদের  
সবসময় স্মরণ করিয়ে দাও। ঈশ্বরের সাক্ষাতে তাদের সতর্ক করে  
দাও যেন তারা তর্কবিতর্ক না করে। এর কোনও মূল্য নেই, তা শুধু  
শ্রোতাদের ধ্বংস করে। 15 সর্বোত্তম প্রচেষ্টার দ্বারা তুমি ঈশ্বরের  
কাছে নিজেকে অনুমোদিতরূপে উপস্থাপন করো; এমন কার্যকারী  
হও, যার লজিত হওয়ার প্রয়োজন নেই, যে সত্যের বাক্য যথার্থরূপে  
ব্যবহার করতে জানে। 16 কিন্তু, ঈশ্বরবিরোধী বাক্যালাপ এড়িয়ে  
চলো, কারণ যারা এগুলিতে জড়িয়ে পড়ে, তারা দিনে দিনে ভক্তিহীন  
হয়। 17 তাদের শিক্ষা দূষিত ক্ষতের মতো ছড়িয়ে পড়বে। হৃমিনায় ও  
ফিলিত তাদেরই অন্তর্ভুক্ত। 18 তারা সত্য থেকে দূরে চলে গেছে।  
তারা এই কথা বলে কিছু লোকের বিশ্বাস নষ্ট করছে যে পুনরুত্থান  
ইতিমধ্যে হয়ে গেছে। 19 তবুও, ঈশ্বরের স্ফৱিত বনিয়াদ দৃঢ় ও অটল  
হয়ে দাঁড়িয়ে আছে, তার উপর মোহরাঙ্কিত আছে এই বাক্য: “প্রভু  
জানেন কে কে তাঁর” এবং “প্রভুর নাম যে কেউ স্বীকার করে, দুর্কর্ম  
থেকে সে দূরে থাকুক।” 20 কোনো বড়ো বাড়িতে শুধু সোনারঞ্চোর  
বাসনই নয়, কিন্তু কাঠ ও মাটিরও পাত্র থাকে; কতগুলি ব্যবহৃত হয়  
বিশেষ কাজে, আবার কতগুলি সাধারণ কাজে। 21 কোনো মানুষ  
যদি নিজেকে ইতরতা থেকে মুক্ত রাখতে পারে, সে হবে মহৎ কাজে  
ব্যবহারের উপযুক্ত, পরিত্রীকৃত, মনিবের কাজের উপযোগী এবং  
যে কোনো সৎকর্মে ব্যবহারের জন্য প্রস্তুত। 22 তুমি যৌবনের সব  
কু-অভিলাষ থেকে পালিয়ে যাও এবং যারা শুন্দিচিতে প্রভুকে ডাকে,  
তাদের সঙ্গে ধার্মিকতা, বিশ্বাস, প্রেম ও শান্তিলাভের অনুধাবন করো।  
23 বিচারবুদ্ধিহীন ও নির্বুদ্ধিতার তর্কবিতর্কে রত হোয়ো না, কারণ তুমি  
জানো, এসব থেকে বিবাদের সূত্রপাত হয়। 24 আর প্রভুর সেবক

কখনোই বাগড়ায় লিপ্ত হবে না; বরং সে সবার প্রতি হবে সদয়, শিক্ষাদানে নিপুণ এবং সহনশীল। 25 যারা তার বিরোধিতা করে সে এই প্রত্যাশায় নয়ভাবে তাদের সুপরামর্শ দেবে, যেন ঈশ্বর সত্যের জ্ঞানের দিকে তাদের মন পরিবর্তন করেন এবং 26 তারা যেন চেতনা ফিরে পেয়ে দিয়াবলের ফাঁদ থেকে নিষ্কৃতি লাভ করে যে তার ইচ্ছা পালনের জন্য তাদের বন্দি করে রেখেছে।

**৩** কিন্তু একথা মনে রেখো: শেষের দিনগুলিতে ভীষণ দুঃসময় ঘনিয়ে আসবে; 2 মানুষ হবে আত্মপ্রেমী, অর্থপ্রিয়, দাস্তিক, অহংকারী, পরনিন্দুক, বাবা-মার অবাধ্য, অকৃতজ্ঞ, অপবিত্র, 3 প্রেমহীন, ক্ষমাহীন, কৃৎসা-রটনাকারী, আত্মসংযমহীন, নৃশংস, ভালো সবকিছুকে ঘৃণা করবে, 4 বিশ্বাসঘাতক, বেপরোয়া, আত্মাভিমানী, ঈশ্বরকে ভালোবাসার চেয়ে তারা ভোগ-বিলাসকেই বেশি ভালোবাসবে। 5 তারা ভক্তির ছদ্মবেশ ধারণ করবে, কিন্তু তাঁর প্রাক্রমকে তারা অস্বীকার করবে। তুমি তাদের সঙ্গে কোনো সম্পর্ক রেখো না। 6 তারা কৌশলে ঘরে ঘরে প্রবেশ করে পাপ-ভারাক্রান্ত ও সমস্ত রকমের দুষ্প্রবৃত্তির দ্বারা চালিত, দুর্বলচিন্ত স্ত্রীলোকদের উপরে আধিপত্য বিস্তার করে। 7 তারা সর্বদা শিক্ষা লাভ করলেও, কখনোই সত্য স্বীকার করতে পারে না। 8 যানি এবং যান্ত্রি যেমন মোশির বিরংবর্তা করেছিল, তারাও তেমনই সত্যের প্রতিরোধ করে। তাদের মন দৃষ্টিতে, যাদের বিশ্বাস সম্বন্ধে যতদূর বলা যেতে পারে, তারা কোনো পরীক্ষায় উত্তীর্ণ হতে পারবে না। 9 তারা বেশি দূর এগিয়ে যেতে পারবে না কারণ সেই দুই ব্যক্তির মতো তাদের মূর্খতাও সকলের সামনে প্রকাশ হয়ে পড়বে। 10 তুমি অবশ্য আমার শিক্ষা, আমার জীবনচর্যা, আমার উদ্দেশ্য, বিশ্বাস, ধৈর্য, ভালোবাসা, সহিষ্ণুতা, 11 লাঙ্ঘনা, দৃঢ়কষ্ট, সবকিছু জানো—যেসব ঘটনা আন্তিমথ, ইকনিয় ও লুক্ষাতে আমার প্রতি ঘটেছিল এবং যেসব নির্যাতন আমি সহ্য করেছিলাম। তবুও প্রভু সে সমস্ত থেকে আমাকে উদ্ধার করেছেন। 12 প্রকৃতপক্ষে, শ্রীষ্ট যীশুতে যারা ভক্তিপূর্ণ জীবনযাপন করতে চায়, তারা নির্যাতিত হবেই। 13 কিন্তু একই সময়ে, দুষ্ট প্রকৃতির লোকেরা ও প্রতারকেরা, ক্রমাগত

মন্দ থেকে নিকৃষ্টতার দিকে যাবে, তারা অন্যদের প্রতারণা করবে এবং  
নিজেরাও প্রতারিত হবে। 14 কিন্তু তুমি যা শিখেছ এবং বিশ্বাস করেছ,  
তা পালন করে চলো। কারণ, তুমি জানো যে তুমি কাদের কাছে শিক্ষা  
পেয়েছ, 15 এবং ছোটোবেলা থেকে কীভাবে পবিত্র শাস্ত্র জেনেছ, তা ও  
তুমি জানো। সে সবকিছু খ্রীষ্ট যীশুতে বিশ্বাসের মাধ্যমে পরিত্রাণের  
জন্য তোমাকে বিজ্ঞ করে তুলতে সক্ষম। 16 সমস্ত শাস্ত্রলিপি ঈশ্বর-  
নিষ্পত্তি এবং শিক্ষা, তিরক্ষার, সংশোধন ও ধার্মিকতায় প্রশিক্ষণের  
জন্য উপযোগী, 17 যেন ঈশ্বরের লোক পরিপক্ষ ও সমস্ত সৎকর্মের  
জন্য সুসজ্জিত হয়।

**4** ঈশ্বর এবং যিনি জীবিত ও মৃতদের বিচার করবেন, সেই খ্রীষ্ট যীশুর  
সাক্ষাতে এবং তাঁর আগমন ও তাঁর রাজ্যের প্রেক্ষিতে আমি তোমাকে  
এই দায়িত্ব অর্পণ করছি: 2 তুমি বাক্য প্রচার করো; সময়ে-অসময়ে  
প্রস্তুত থেকো; অসীম ধৈর্য ও সুপরামর্শ দিয়ে সবাইকে সংশোধন,  
তিরক্ষার এবং উৎসাহ প্রদান করো। 3 কারণ এমন সময় আসবে  
যখন মানুষ অভ্রান্ত শিক্ষা সহ্য করতে পারবে না। বরং তাদের নিজস্ব  
কামনাবাসনা চরিতার্থ করতে শ্রতিসুখকর কথা শোনার জন্য তারা  
অনেক গুরু জোগাড় করবে। 4 তারা সত্যের প্রতি কর্ণপাত না করে  
কল্পকাহিনির দিকে ঝুঁকে পড়বে। 5 কিন্তু সকল পরিস্থিতিতেই তুমি  
নিজেকে সংযত রেখো, দুঃখকষ্ট সহ্য কোরো, সুসমাচার প্রচারকের  
কাজ কোরো ও তোমার পরিচর্যার সমস্ত কর্তব্য সম্পাদন কোরো। 6  
আর আমি ইতিমধ্যে পানীয়-নেবেদ্যের মতো সৌচিত হয়েছি, আমার  
মহাপ্রস্থানের সময় এসে উপস্থিত হয়েছে। 7 আমি উত্তম সমরে সংগ্রাম  
করেছি। আমার দৌড় শেষ হয়েছে। আমি বিশ্বাস রক্ষা করেছি। 8 এখন  
আমার জন্য সঞ্চিত আছে সেই ধার্মিকতার মুকুট যা ধর্ময় বিচারক,  
সেই প্রভু, সেদিন আমাকে তা দান করবেন। শুধুমাত্র আমাকে নয়,  
কিন্তু যতজন তাঁর আবির্ভাবের প্রতীক্ষায় রয়েছে তাদের সবাইকেই তা  
দেবেন। 9 তুমি অবিলম্বে আমার কাছে আসার জন্য যথাসাধ্য চেষ্টা  
করো, 10 কারণ দীমা, এই জগৎকে ভালোবেসে আমাকে ত্যাগ করে  
থিষ্পলনিকাতে চলে গেছে। ক্রিসেন্স গালাতিয়ায় এবং ভীত গেছেন

দালমাতিয়ায়। (aiōn g165) 11 কেবলমাত্র লুক, একা আমার সঙ্গে  
আছেন। তুমি মার্ককে সঙ্গে নিয়ে এসো, কারণ পরিচর্যার কাজে সে  
আমার বড়ো উপকারী। 12 তুথিককে আমি ইফিষে পাঠিয়েছি। 13  
আসার সময়, ত্রোয়াতে কার্পের কাছে যে আলখাল্লাটি ফেলে এসেছি,  
সেটা নিয়ে এসো; আর আমার পুঁথিগুলি, বিশেষত চামড়ার পুঁথিগুলিও  
নিয়ে আসবে। 14 ধাতু-শিল্পী আলেকজান্ডার আমার অনেক ক্ষতি  
করেছে। প্রভু তার কাজের সমুচ্চিত প্রতিফল তাকে দেবেন। 15 তুমি  
তার থেকে সাবধানে থেকো, কারণ আমাদের বার্তাকে সে প্রবলভাবে  
প্রতিরোধ করেছিল। 16 প্রথমবারের আত্মপক্ষ সমর্থনের সময়, আমার  
পক্ষে একজনও এগিয়ে আসেনি, বরং প্রত্যেকেই আমাকে ছেড়ে  
চলে গিয়েছিল। এসব যেন তাদের বিপক্ষে না যায়। 17 কিন্তু প্রভু  
আমার পাশে দাঁড়িয়ে শক্তি দিয়েছিলেন, যেন আমার মাধ্যমে সেই  
বার্তা সম্পূর্ণরূপে প্রচারিত হয় ও অহিহুদি জনগণ তা শুনতে পায়।  
আবার আমি সিংহের মুখ থেকেও উদ্ধার পেয়েছি। 18 সমস্ত অশুভ  
আক্রমণ থেকে প্রভু আমাকে রক্ষা করবেন এবং তাঁর স্বর্গীয় রাজ্যে  
তিনি আমাকে নিরাপদে নিয়ে আসবেন। চিরকাল যুগে যুগে কীর্তিত  
হোক তাঁর মহিমা। আমেন। (aiōn g165) 19 প্রিষ্ঠা ও আকিলা এবং  
অনীষিফরের পরিজনদের শুভেচ্ছা জানিয়ো। 20 ইরান্ত করিষ্ঠে থেকে  
গেছেন এবং ত্রিমিকে আমি অসুস্থ অবস্থায় মিলেতায় রেখে এসেছি।  
21 তুমি শীতকালের আগেই এখানে আসার জন্য যথাসাধ্য চেষ্টা  
কোরো। উবুল, পুদেল, লীন, কুড়িয়া এবং ভাইবোনেরা সকলে  
তোমাকে শুভেচ্ছা জানাচ্ছেন। 22 প্রভু তোমার আত্মার সহবর্তী হোন।  
অনুগ্রহ তোমাদের সহবর্তী হোক।

## ତୀତ

1 ପୌଳ, ଈଶ୍ୱରେର ଏକଜନ ଦାସ ଓ ସୀଣ ଖ୍ରୀଷ୍ଟେର ଏକଜନ ପ୍ରେରିତଶିଷ୍ୟ ଥେକେ ଏହି ପତ୍ର । ଈଶ୍ୱରେର ମନୋନୀତ ବ୍ୟକ୍ତିଦେର କାହେ ବିଶ୍ୱାସ ପ୍ରଚାର କରତେ ଏବଂ ଭକ୍ତିପରାୟନତାର ପଥେ ତାଦେର ଚାଲନା କରାର ଉଦ୍ଦେଶ୍ୟ ସତ୍ୟର ତଡ଼କାନ ଶିକ୍ଷା ଦିତେ ଆମାକେ ପାଠାନୋ ହେଁଛେ । 2 ସେଇ ସତ୍ୟ ତାଦେର ଆଶ୍ୱାସ ଦେଯ ଯେ ତାଦେର ଅନୁଷ୍ଟ ଜୀବନ ଆହେ ଯା ଈଶ୍ୱର, ଯିନି ମିଥ୍ୟ କଥା ବଲାତେ ପାରେନ ନା, ସମୟେର ଶୁରୁତେଇ ତାଦେର ପ୍ରତିଶ୍ରୁତି ଦିଯେଇଲେନ । (aiōnios g166) 3 ଏବଂ ତାଁର ନିର୍ଧାରିତ ସମୟେ ତିନି ତାଁର ବାକ୍ୟ ଘୋଷଣା କରେଛେ ଯା ପ୍ରଚାର କରାର ଭାର ଆମାଦେର ପରିଦ୍ରାତା ଈଶ୍ୱରେର ଆଦେଶେ ଆମାରଇ ଉପର ଦେଓଯା ହେଁଛେ । 4 ଆମାଦେର ଯେ ସାଧାରଣ ବିଶ୍ୱାସ ଆହେ, ତାର ବଳେ, ଆମାର ପ୍ରକୃତ ବ୍ସ, ତୀତେର ପ୍ରତି: ପିତା ଈଶ୍ୱର ଏବଂ ଆମାଦେର ପରିଦ୍ରାତା ଖ୍ରୀଷ୍ଟ ସୀଣ ଥେକେ ଅନୁଗ୍ରହ ଓ ଶାନ୍ତି ବର୍ତ୍ତୁକ । 5 ଆମି ତୋମାକେ ଯେ କାରଣେ କ୍ରିଟେ ରେଖେ ଏସେଇଲାମ, ତା ହଲ, ତୁମି ଯେନ ସବ ଅସମ୍ପୂର୍ଣ୍ଣ କାଜ ସମ୍ପନ୍ନ କରତେ ପାରୋ ଏବଂ ଆମାର ନିର୍ଦେଶମତୋ ପ୍ରତ୍ୟେକ ନଗରେ ପ୍ରାଚୀନଦେର ନିୟୁକ୍ତ କରତେ ପାରୋ । 6 ଏକଜନ ପ୍ରାଚୀନ ଅବଶ୍ୟଇ ହବେନ ଅନିନ୍ଦନୀୟ, ତିନି ଏକ ସ୍ତ୍ରୀର ସ୍ଵାମୀ ହବେନ, ଯାଁର ସନ୍ତାନେରା ବିଶ୍ୱାସୀ ଏବଂ ଯାଦେର ବିରଳଦେ ଉଚ୍ଛ୍ଵାସିତାର ଓ ଅବାଧ୍ୟତାର କୋନୋ ଅଭିଯୋଗ ନେଇ । 7 ଯେହେତୁ ଅଧ୍ୟକ୍ଷେର ଉପରେ ଈଶ୍ୱରେର କାଜେର ଭାର ଦେଓଯା ହେଁଛେ, ତାଇ ତାଁକେ ହତେ ହବେ ଅନିନ୍ଦନୀୟ; ତିନି ଉନ୍ନତ, ବଦମେଜାଜି, ମଦ୍ୟପ, ଉତ୍ତର ବା ଅସଂ ପଥେ ଅର୍ଥ ଉପାର୍ଜନେର ଜନ୍ୟ ଲାଲାଯିତ ହବେନ ନା; 8 ବରଂ ତାଁକେ ହତେ ହବେ ଅତିଥିବ୍ସଲ, ମଙ୍ଗଲଜନକ ସବକିଛୁର ପ୍ରତି ଅନୁରକ୍ତ, ଆତ୍ମସଂୟମୀ, ନ୍ୟାୟନିଷ୍ଠ, ପବିତ୍ର ଏବଂ ଶୃଙ୍ଖଳାପରାୟଣ । 9 ଯେମନ ଶିକ୍ଷା ଦେଓଯା ହେଁଛେ ତେମନିଇ ତାଁକେ ବିଶ୍ୱାସ୍ୟୋଗ୍ୟ ବାଣୀ ଦୃଢ଼ଭାବେ ଆଁକଡ଼େ ଥାକତେ ହବେ, ଯେନ ସର୍ଥିକ ତଡ଼କାନ ଶିକ୍ଷା ଦେଓଯାର ମାଧ୍ୟମେ ତିନି ଅନ୍ୟଦେର ଅନୁପ୍ରାପିତ କରତେ ପାରେନ ଓ ଯାରା ସେଇ ଶିକ୍ଷାର ବିରୋଧିତା କରେ ତାଦେର ଭୁଲ ପ୍ରମାଣିତ କରତେ ପାରେନ । 10 କାରଣ ବହୁ ବିଦ୍ରୋହୀଭାବାପନ୍ନ, ଅସାର ବାକ୍ୟବାଗୀଶ ଏବଂ ପ୍ରତାରକ ବ୍ୟକ୍ତି ରଯେଛେ ତାରା ବିଶେଷତ ସୁନ୍ନତ-ପ୍ରାଣ୍ଦେର ଦଲେ ଆହେ । 11 ଏରା ଅସଂ ଲାଭେର ଜନ୍ୟ ଏମନ ସବ କଥା ବଲଛେ ଯେ ଶିକ୍ଷା ଦେଓଯା

উচিত নয়। ফলে পরিবারগুলি ধ্বংস হয়ে যাচ্ছে। এদের মুখ অবশ্যই  
বন্ধ করতে হবে। 12 এমনকি, তাদেরই একজন ভাববাদী বলেছেন,  
“ক্রীটের অধিবাসীরা সবসময়ই মিথ্যবাদী, পঙ্গু মতো হিংস্র, অলস  
পেটুক।” 13 এই সাক্ষ্য সত্য। সুতরাং তাদের কঠোরভাবে তিরক্ষার  
করো, যেন তারা সঠিক বিশ্বাসের অধিকারী হতে পারে 14 এবং তারা  
যেন ইহুদি গালগলে অথবা যারা সত্যকে প্রত্যাখ্যান করেছে, এমন  
লোকদের আদেশের প্রতি মনোযোগ না দেয়। 15 যারা শুচিশুদ্ধ,  
তাদের কাছে সবকিছুই শুচিশুদ্ধ, কিন্তু যারা কলুষিত এবং অবিশ্বাসী,  
তাদের কাছে কোনো কিছুই শুচিশুদ্ধ নয়। প্রকৃতপক্ষে, তাদের মন ও  
বিবেক উভয়ই কলুষিত হয়ে পড়েছে। 16 ঈশ্বরকে জানে বলে তারা  
দাবি করে, কিন্তু তাদের কাজকর্মের দ্বারা তারা তাঁকে অঙ্গীকার করে।  
তারা ঘৃণার পাত্র, অবাধ্য এবং কোনও সৎকর্ম করার অযোগ্য।

**২** তীত, তুমি লোকদের অভ্যন্ত শাস্ত্রশিক্ষা দাও। ২ বয়স্ক ব্যক্তিদের  
মিতাচারী, শ্রদ্ধেয়, আত্মসংযমী হতে এবং বিশ্বাস, প্রেম ও ধৈর্যে  
মজবুত হতে শিক্ষা দাও। ৩ সেভাবে, বয়স্ক মহিলাদেরও শিক্ষা দাও,  
যেন তাঁরা সম্মের সঙ্গে জীবনযাপন করেন, যেন পরচর্চায় মত বা  
মদ্যপানে আসক্ত না হয়ে পড়েন। কিন্তু যা কিছু মঙ্গলজনক, তাঁরা যেন  
সেই শিক্ষা দেন। ৪ তাহলেই তাঁরা তরুণীদের শিক্ষা দিতে পারবেন,  
যেন তারা তাদের স্বামী ও সন্তানদের ভালোবাসতে পারে; ৫ যেন  
তারা সংযত, শুদ্ধচিত্ত, ঘরের কাজে ব্যস্ত, সদয় ও নিজের নিজের  
স্বামীর বশ্যতাধীন হয়, যেন কেউ ঈশ্বরের বাকেয়র নিন্দা করতে না  
পারে। ৬ একইভাবে, আত্মসংযমী হওয়ার জন্য তরুণদের অনুপ্রাণিত  
করো। ৭ সৎকর্মের দ্বারা প্রত্যেক বিষয়ে তাদের সামনে আদর্শ স্থাপন  
করো। শিক্ষাদানকালে তুমি সততা এবং আন্তরিকতা দেখাও, ৮ আর  
তোমার কথা এমন সারগর্ড হোক যেন কেউ তা অগ্রাহ্য করতে না  
পারে, যারা তোমার বিরোধিতা করে তারা যেন লজ্জিত হয়, কারণ  
আমাদের বিষয়ে তাদের খারাপ কিছুই বলার নেই। ৯ ক্রীতদাসদের  
শেখাও, তারা যেন সব বিষয়ে তাদের মনিবদ্দের অনুগত হয়, তাদের  
সন্তুষ্ট করার চেষ্টা করে, তাদের কথার প্রতিবাদ না করে; ১০ তাদের

কিছু চুরি না করে, বরং তারা যেন নিজেদের সম্পূর্ণ বিশ্বস্ত দেখায়;  
আমাদের পরিত্রাতা ঈশ্বর সম্মানীয় শিক্ষাকে তারা যেন সর্বতোভাবে  
আকর্ষণীয় করে তোলে। 11 কারণ ঈশ্বরের অনুগ্রহ প্রকাশিত হয়েছে,  
তা সব মানুষের কাছে পরিত্রাণ নিয়ে আসে। 12 এই অনুগ্রহ অভিক্ষিণী  
এবং সাংসারিক অভিলাষকে উপেক্ষা করতে এবং এই বর্তমান যুগে  
আত্মসংঘর্ষী, সৎ ও ভক্তিপূর্ণ জীবনযাপন করতে আমাদের শিক্ষা  
দেয়, (aiōn g165) 13 যখন আমরা সেই পরমধন্য আশা নিয়ে, আমাদের  
মহান ঈশ্বর ও পরিত্রাতা যীশু খ্রিস্টের মহিমাময় প্রকাশের প্রতীক্ষায়  
আছি, 14 যিনি আমাদের জন্য নিজেকে দান করেছেন, যেন সব দুষ্টতা  
থেকে আমাদের মুক্ত করেন এবং নিজের জন্য এক জাতিকে, যারা  
তাঁর একান্তই আপন, তাদের শুচিশুদ্ধ করেন, যেন তারা সৎকর্মে  
আগ্রহী হয়। 15 তাহলে এই বিষয়গুলি তুমি শিক্ষা দাও, পূর্ণ কর্তৃত্বের  
সঙ্গে তুমি তাদের উৎসাহ দাও ও তিরকার করো। কেউ যেন তোমাকে  
অবজ্ঞা না করে।

3 লোকদের তুমি মনে করিয়ে দিয়ো, তারা যেন প্রশাসক ও কর্তৃপক্ষের  
অনুগত ও বাধ্য হয় এবং যে কোনো সৎকর্মের জন্যই প্রস্তুত থাকে। 2  
তারা যেন কারও নিন্দা না করে, কিন্তু শান্তিপ্রিয় ও সুবিবেচক হয় এবং  
সব মানুষের প্রতি যথার্থ ন্যূনতা প্রদর্শন করে। 3 এক সময় আমরাও  
ছিলাম মূর্খ, অবাধ্য, পথভ্রষ্ট এবং সমস্ত রকমের কামনাবাসনা ও  
সহজাত প্রবৃত্তির দাস। আমরা বিদ্বেষ ও ঈর্ষাপূর্ণ জীবনযাপন করতাম  
এবং নিজেরাও অন্যদের ঘৃণার পাত্র ছিলাম; আমরা পরস্পরকে ঘৃণা  
করতাম। 4 কিন্তু যখন আমাদের উদ্বারকর্তা ঈশ্বরের করণা ও প্রেমের  
প্রকাশ ঘটল, 5 তখন তিনি আমাদের পরিত্রাণ দিলেন, আমাদের  
সৎকর্মের জন্য নয়, কিন্তু তাঁর করণার গুণে। তিনি নতুন জন্মের স্নান ও  
পবিত্র আত্মার নবীকরণের মাধ্যমে আমাদের পরিত্রাণ সাধন করলেন।  
6 যাঁকে তিনি আমাদের পরিত্রাতা যীশু খ্রিস্টের মাধ্যমে উদারভাবে সঙ্গে  
চেলে দিলেন, 7 যেন তাঁর অনুগ্রহে আমরা ধার্মিক সাব্যস্ত হয়ে অনন্ত  
জীবনের প্রত্যাশায় তাঁর উত্তরাধিকারী হয়ে উঠতে পারি। (aiōnios  
g166) 8 এই উক্তি নির্ভরযোগ্য। আমি চাই, এ সমস্ত বিষয়ে তুমি

গুরুত্ব দেবে, যেন ঈশ্বরের উপর যারা বিশ্বাস স্থাপন করেছে, তারা  
সতর্কতাবে সৎকর্মে আত্মনিয়োগ করে। এই বিষয়গুলি পরম উৎকৃষ্ট  
এবং সবার পক্ষেই লাভজনক। ৭ কিন্তু বিচারবৃদ্ধিহীন মতবিরোধ,  
বংশতালিকা, তর্কবিতর্ক এবং বিধিবিধান সম্পর্কিত সব ঝগড়া এড়িয়ে  
চলো, কারণ এসব লাভজনক নয় এবং নিরর্থক। ১০ বিভেদ সৃষ্টিকারী  
ব্যক্তিকে একবার বা প্রয়োজন হলে দু-বার সতর্ক করে দাও। এরপর  
তার সঙ্গে আর সম্পর্ক রেখো না। ১১ তুমি নিশ্চিতভাবে জেনো যে, এই  
ধরনের লোকেরা বিকৃতমনা এবং তারা পাপে লিঙ্গ; তারা নিজেরাই  
নিজেদের দোষী করে। ১২ আর্তিমা বা তুখিককে তোমার কাছে পাঠানো  
মাত্র নিকোপলিতে আমার কাছে আসার জন্য তুমি যথাসাধ্য চেষ্টা  
কোরো, কারণ সেখানেই আমি শীতকাল কাটাতে মনস্তির করেছি। ১৩  
আইনজীবী সীনাকে ও আপল্লোকে তাদের যাত্রাপথে যথাসাধ্য সাহায্য  
কোরো, দেখো তাদের প্রয়োজনীয় সবকিছুই যেন তারা পায়। ১৪  
আমাদের লোকদের সৎকর্মে আত্মনিয়োগ করতে শেখা উচিত, যেন  
তারা দৈনিক প্রয়োজন মেটাতে পারে এবং তাদের জীবন ফলহীন হয়ে  
না পড়ে। ১৫ আমার সঙ্গীরা সকলে তোমাকে শুভেচ্ছা জানাচ্ছেন। অনুগ্রহ  
তোমাদের সকলের সহবর্তী হোক।

## ফিলীমন

১ খ্রীষ্ট যীশুর বন্দি, আমি পৌল এবং আমাদের ভাই তিমথি, আমাদের প্রিয় বন্ধু ও সহকর্মী ফিলীমন, ২ আমাদের বোন আপ্পিয়া ও আমাদের সহসৈনিক আর্থিঙ্গ এবং তোমার বাড়িতে সমবেত হওয়া মণ্ডলীর উদ্দেশ্যে: ৩ আমাদের পিতা ঈশ্বর এবং প্রভু যীশু খ্রীষ্ট থেকে অনুগ্রহ ও শান্তি তোমাদের উপর বর্ষিত হোক। ৪ আমার প্রার্থনায় তোমাকে স্নায়ু করার সময় আমি প্রতিনিয়ত আমার ঈশ্বরকে ধন্যবাদ দিই, ৫ কারণ প্রভু যীশুতে তোমার বিশ্বাস এবং সমস্ত পবিত্রগণের প্রতি তোমার ভালোবাসার কথা আমি শুনেছি। ৬ আমি প্রার্থনা করি, বিশ্বাসে আমাদের যে সহভাগিতা আছে তা অন্যের কাছে ব্যক্ত করতে তুমি যেন সক্রিয় হয়ে ওঠো, যেন খ্রীষ্টে আমাদের যেসব উৎকৃষ্ট বিষয় আছে তার পূর্ণ উপলক্ষ্মি তোমার হয়। ৭ তোমার ভালোবাসা আমাকে খুবই আনন্দ এবং প্রেরণা দিয়েছে, কারণ ভাই, তুমি পবিত্রগণের প্রাণ জুড়িয়েছ। ৮ অতএব, খ্রীষ্টে সাহসী হয়ে যদিও তোমার কর্তব্য সম্বন্ধে আমি তোমাকে আদেশ দিতে পারতাম, ৯ তবুও, ভালোবাসাবশত আমি তোমার কাছে মিনতি করছি, আমি পৌল—সেই বৃন্দ এবং এখন খ্রীষ্ট যীশুর বন্দি— ১০ আমার ছেলে ওনীয়িমের জন্য আমি তোমাকে মিনতি করছি যাকে আমি বন্দিদশায় ছেলেরূপে পেয়েছি। ১১ আগে তোমার কাছে সে ছিল অনুপযোগী, কিন্তু এখন তোমার ও আমার, উভয়ের কাছেই সে উপযোগী হয়ে উঠেছে। ১২ আমি তাকেই—আমার চোখের মণিকে—তোমার কাছে ফেরত পাঠাচ্ছি। আমার সব ভালোবাসা তার সাথে যাচ্ছে। ১৩ তাকে আমি আমার কাছেই রাখতে পারতাম, তাহলে সুসমাচারের জন্য আমার বন্দিদশায় সে আমাকে তোমার পরিবর্তে সাহায্য করতে পারত। ১৪ কিন্তু তোমার সম্মতি ছাড়া আমি কিছুই করতে চাইনি, যেন তুমি যে মঙ্গলকর কাজ করো, তা স্বেচ্ছায় করো, বাধ্য হয়ে নয়। ১৫ হয়তো, সে অল্প সময়ের জন্য তোমার কাছ থেকে দূরে সরে গিয়েছিল, যেন তুমি তাকে চিরকালের জন্য ফিরে পাও—  
(aiōnios g166) ১৬ আর ক্রীতদাসরূপে নয়, কিন্তু তার চেয়েও শ্রেয়, প্রিয় এক ভাইরূপে। সে আমার বড়োই প্রিয়, কিন্তু ব্যক্তি হিসেবে

এবং প্রভুতে ভাই হিসেবে, সে তোমার কাছে আরও বেশি প্রিয়। 17  
তাই, তুমি যদি আমাকে তোমার সহযোগী বলে মনে করো, তাহলে  
আমাকে যেমন স্বাগত জানাতে, তাকেও সেভাবেই গ্রহণ করো। 18  
আর সে যদি তোমার প্রতি কোনো অন্যায় করে থাকে বা তোমার  
কাছে তার কোনো খণ্ড থাকে, তা আমারই বলে গণ্য করো। 19 আমি  
পৌল, নিজের হাতে এই পত্র লিখছি, আমি তা সব শোধ করব। তুমি  
নিজেই যে আমার কাছে খণ্ডে বাঁধা আছ, সেকথা আর উল্লেখ করলাম  
না। 20 ভাই, আমরা দুজনই প্রভুতে আছি। প্রভুতে আমি তোমার  
কাছ থেকে এই উপকার যেন পেতে পারি; খ্রীষ্টে তুমি আমাকে এ  
বিষয়ে নিশ্চিন্ত করো। 21 তোমার আনুগত্যের উপরে আস্থা রেখেই  
আমি তোমাকে লিখছি, কারণ আমি জানি যে, আমি যা চাই তুমি তার  
চেয়েও বেশি করবে। 22 আরও একটি কথা: আমার থাকার জন্য  
একটি ঘরের ব্যবস্থা করো, কারণ তোমাদের সব প্রার্থনার উন্নতিরূপ,  
আমি তোমাদের কাছে ফিরে যাওয়ার আশা করি। 23 খ্রীষ্ট যীশুতে  
আমার সহবন্দি ইপাফ্রা তোমাকে শুভেচ্ছা জানাচ্ছেন। 24 আর আমার  
সহকর্মী মার্ক, আরিষ্টার্খ, দীমা ও লুক, এরাও জানাচ্ছেন। 25 প্রভু যীশু  
খ্রীষ্টের অনুগ্রহ তোমাদের আত্মার সহবর্তী হোক। আমেন।

## ইরীয়

1 অতীতে ঈশ্বর ভাববাদীদের মাধ্যমে আমাদের পূর্বপুরুষদের সঙ্গে  
বহুবার বিভিন্নভাবে কথা বলেছেন, 2 কিন্তু এই শেষ যুগে, তিনি  
তাঁর পুত্রের মাধ্যমেই আমাদের কাছে কথা বলেছেন, যাঁকে তিনি  
সবকিছুর উত্তরাধিকারী করেছেন, এবং যাঁর মাধ্যমে তিনি সমগ্র বিশ্ব  
সৃষ্টি করেছেন। (aiōn g165) 3 সেই পুত্রই ঈশ্বরের মহিমার বিচ্ছুরণ  
এবং তাঁর সত্তার যথার্থ প্রতিরূপ, যিনি তাঁর তেজোদৃষ্ট বাকেয়ের দ্বারা  
সবকিছুই ধারণ করে আছেন। সব পাপ ক্ষমা করার কাজ সম্পন্ন করার  
পর, তিনি স্বর্গে গ্রীষ্ম-মহিমার ডানদিকে উপবেশন করেছেন। 4 তিনি  
উত্তরাধিকার বলে স্বর্গদূতদের তুলনায় যে উচ্চতর পদের অধিকারী  
হয়েছেন, সেই অনুযায়ী তাদের থেকেও মহান হয়ে উঠেছেন। 5  
কারণ স্বর্গদূতদের মধ্যে কাকে ঈশ্বর কখন বলেছেন, “তুমি আমার  
পুত্র, আজ আমি তোমার পিতা হয়েছি?” অথবা আবার, “আমি তার  
পিতা হব, আর সে হবে আমার পুত্র?” 6 আবারও, ঈশ্বর যখন তাঁর  
প্রথমজাতকে এই পৃথিবীতে নিয়ে আসেন, তিনি বললেন, “ঈশ্বরের  
সব দৃত তাঁর উপাসনা করুক।” 7 আর স্বর্গদূতদের সম্পর্কে তিনি  
বলেন, “তিনি তাঁর দৃতদের করেন বায়ুসদৃশ, তাঁর সেবকদের করেন  
আগ্নের শিখার মতো।” 8 কিন্তু পুত্র সম্পর্কে তিনি বলেন, “হে ঈশ্বর,  
তোমার সিংহাসন অনন্তকালস্থায়ী; ধার্মিকতার রাজদণ্ড হবে তোমার  
রাজ্যের রাজদণ্ড। (aiōn g165) 9 তুমি ধার্মিকতাকে ভালোবেসেছ, আর  
দুষ্টাকে ঘৃণা করেছ; সেই কারণে ঈশ্বর, তোমার ঈশ্বর, আনন্দের  
তেল দিয়ে অভিষিক্ত করে, তোমাকে তোমার সহচরদের উর্ধ্বে স্থাপন  
করেছেন।” 10 তিনি আরও বলেন, “হে প্রভু, আদিকালে তুমি এই  
পৃথিবীর ভিত্তিমূল স্থাপন করেছ, আর আকাশমণ্ডলও তোমারই হাতের  
রচনা। 11 সেসব বিলুপ্ত হবে, কিন্তু তুমি স্থায়ী হবে; সেগুলি ছেঁড়া  
কাপড়ের মতো হবে। 12 পরিচ্ছদের মতো তুমি সেসব গুটিয়ে রাখবে,  
পরনের পোশাকের মতো সেগুলি পরিবর্তিত হবে। কিন্তু তুমি থাকবে  
সেই একইরকম, তোমার আয়ুর কখনও শেষ হবে না।” 13 স্বর্গদূতদের  
মধ্যে কাকে ঈশ্বর কখন বলেছেন, “তুমি আমার ডানদিকে বসো,

যতক্ষণ না আমি তোমার শক্রদের তোমার পাদপীঠে পরিগত করি?"

14 স্বর্গদূতেরা সবাই কি পরিচর্যাকারী আত্মা নন? যারা পরিত্রাণের  
অধিকারী হবে, তাদের সেবা করার জন্যই কি তারা প্রেরিত হননি?

2 সেজন্য, আমরা যা শুনেছি, তার প্রতি অবশ্যই আরও যত্নসহকারে  
মনোযোগ দেব, যেন আমরা বিপথে না যাই। 2 কারণ স্বর্গদূতদের  
দ্বারা কথিত বাণী যদি বাধ্যতামূলক হয় এবং তা কোনও ভাবে লজ্জন  
বা অমান্য করার ফলে যদি ন্যায্য শাস্তি প্রাপ্য হয়, 3 তাহলে, এমন  
এক মহা পরিত্রাণ অবহেলা করলে আমরা কীভাবে নিষ্কৃতি পাব? এই  
পরিত্রাণের কথা প্রভুই প্রথমে ঘোষণা করেছিলেন; তাঁর কথা যারা  
শুনেছিলেন, তারাই আমাদের কাছে তার সত্যতা প্রতিপন্থ করেছেন।  
4 আর ঈশ্বরও বিভিন্ন নির্দর্শন, বিস্ময়কর কাজ এবং বিভিন্ন অলৌকিক  
কাজের মাধ্যমে তার প্রমাণ দিয়েছেন এবং তাঁর ইচ্ছা অনুসারে পবিত্র  
আত্মার বিভিন্ন বরদান বিতরণ করা হয়েছে। 5 আমরা যে নতুন  
জগতের কথা বলছি তা তিনি স্বর্গদূতদের হাতে সমর্পণ করেননি। 6  
কিন্তু কোনো এক ব্যক্তি কোনো এক স্থানে সাক্ষ্য দিয়ে বলেছেন:  
"মানবজাতি কি, যে তাদের কথা তুমি চিন্তা করো? মানবসন্তান কি,  
যে তার তুমি যত্ন করো? 7 তুমি তাদের স্বর্গদূতদের চেয়ে সামান্য  
ছোটো করেছ; তুমি তাদের গৌরব ও সম্মানের মুকুটে ভূষিত করেছ,  
8 আর সবকিছুই তাঁর পদানত করেছ।" ঈশ্বর সবকিছুই তার অধীনে  
রাখাতে এমন আর কিছুই রাখেননি, যা তার অধীন নয়। অথচ,  
বর্তমানে আমরা সবকিছু তার অধীনে দেখতে পাচ্ছি না। 9 আমরা সেই  
বীণকে দেখতে পাচ্ছি, যাঁকে স্বর্গদূতদের সামান্য নিচে স্থান দেওয়া  
হয়েছিল, তিনি মৃত্যুযন্ত্রণা ভোগের কারণে মহিমা ও সমাদরের মুকুটে  
ভূষিত হয়েছেন, যেন ঈশ্বরের অনুগ্রহে তিনি সব মানুষের জন্য মৃত্যুর  
আস্বাদ প্রহণ করেন। 10 যাঁর জন্য ও যাঁর মাধ্যমে সবকিছু অস্তিত্বাত্ম  
করেছে, সেই ঈশ্বর তাঁর বহু সন্তানকে মহিমায় অংশীদার করার  
পরিকল্পনাকে সম্পূর্ণ করার জন্য যিনি তাদের পরিত্রাণের প্রবর্তক  
তাঁকে কষ্টভোগের মাধ্যমে সিদ্ধি প্রদান করেছেন। ঈশ্বরের পক্ষে তাই  
যথার্থ কাজ হয়েছিল। 11 যিনি মানুষকে পবিত্র করেন ও যারা পবিত্র

হয়, তারা উভয়েই এক পরিবারভুক্ত। তাই তাদের ভাই (বা বোন) বলতে যীশু লজ্জিত নন। 12 তিনি বলেন, “আমার ভাইবোনেদের কাছে আমি তোমার নাম ঘোষণা করব; সভার মাঝে আমি তোমার জয়গান গাইব।” 13 আবার, “আমি তাঁরই উপর আমার আস্থা স্থাপন করব।” তিনি আরও বলেন, “দেখো, এই আমি ও আমার সন্তানেরা, ঈশ্বর যাদের আমায় দিয়েছেন।” 14 যেহেতু সন্তানেরা রক্তমাংস বিশিষ্ট, তাই তিনি তাদের মানব-স্বভাবের অংশীদার হলেন, যেন তাঁর মৃত্যুর দ্বারা তিনি মৃত্যুর উপরে যার ক্ষমতা আছে অর্থাৎ দিয়াবলকে ধ্বংস করতে পারেন, 15 এবং মৃত্যুভয়ে যারা সমস্ত জীবন দাসত্বের শিকলে বন্দি ছিল, তিনি তাদের মুক্ত করতে পারেন। 16 নিশ্চিতরণপেই তিনি স্বর্গদুতদের নয়, কিন্তু অব্রাহামের বংশধরদের সাহায্য করেন। 17 এই কারণে, তাঁকে সর্বতোভাবে তাঁর ভাইবোনেদের মতো হতে হয়েছিল, যেন ঈশ্বরের সেবায় তিনি এক করণাময় ও বিশ্বস্ত মহাযাজক হতে পারেন এবং প্রজাদের সব পাপের জন্য প্রায়শিত্ব করতে পারেন। 18 কারণ প্রলোভিত হয়ে তিনি স্বয়ং যন্ত্রণাভোগ করেছিলেন বলে, যারা অলুক্ত হচ্ছে, তাদের তিনি সাহায্য করতে সক্ষম।

**৩** অতএব, পবিত্র ভাইবোনেরা, তোমরা যারা স্বর্গীয় আহ্বানের অংশীদার, আমরা যাঁকে স্বীকার করি প্রেরিত ও মহাযাজকরপে, সেই যীশুর প্রতি তোমাদের সব চিন্তাভাবনা নিবন্ধ করো। 2 ঈশ্বরের সমস্ত গৃহে মোশি যেমন বিশ্বস্ত ছিলেন, যীশুও তেমনই তাঁর নিয়োগকর্তার প্রতি বিশ্বস্ত ছিলেন। 3 বাড়ির চেয়ে বাড়ির নির্মাতা যেমন বেশি সম্মানের অধিকারী, যীশুও তেমনই মোশির চেয়ে বেশি সম্মানের যোগ্য বলে নিশ্চিত হয়েছেন। 4 কারণ প্রত্যেক গৃহ কারও দ্বারা নির্মিত হয়, কিন্তু ঈশ্বর সবকিছুর নির্মাতা। 5 “ঈশ্বরের সমস্ত গৃহে মোশি দাসের মতো বিশ্বস্ত ছিলেন,” ভবিষ্যতে যা বলা হবে, সে বিষয়ে তিনি সাক্ষ্য দিয়েছিলেন। 6 কিন্তু খ্রীষ্ট, ঈশ্বরের গৃহের উপরে, তাঁর পুত্রের মতো বিশ্বস্ত। যদি আমরা সাহস ও প্রত্যাশা শেষ পর্যন্ত ধারণ করে থাকি, যার জন্য আমরা গর্ব করি, তাহলে তাঁর গৃহ আমরাই। 7 অতএব, “আজ যদি তোমরা তাঁর কর্তৃত্বের শোনো, 8 তাহলে তোমাদের

হৃদয় কঠিন কোরো না; যেমন মৰণপ্রাণ্তৰে পৱীক্ষাকালে, তোমরা বিদ্রোহ করেছিলে; ৭ যেখানে তোমাদের পূর্বপুরুষেরা আমাকে পৱীক্ষা করেছিল; আর যাচাই করেছিল, যদি ও চল্লিশ বছর ধরে আমি যা করেছিলাম, তারা সব দেখেছিল। ১০ তাই, ওই প্রজন্মের প্রতি আমি ক্রুদ্ধ হয়েছিলাম এবং আমি বলেছিলাম, ‘তাদের হৃদয় সবসময় বিপথগামী হয় আর তারা আমার পথগুলি জানে না।’ ১১ তাই আমার ক্ষেত্রে আমি এক শপথ নিয়েছিলাম, ‘আমার বিশ্বামৈ তারা আর কোনোদিন প্রবেশ করবে না।’” ১২ ভাইবোনেরা, দেখো, তোমাদের কারও হৃদয়ে যেন পাপ ও অবিশ্বাস না থাকে, যা জীবন্ত দীঘৰের কাছ থেকে তোমাদের দূরে সরিয়ে নিয়ে যায়। ১৩ কিন্তু প্রতিদিন পরস্পরকে উৎসাহিত করো, যতক্ষণ আজ বলে দিনটি অভিহিত হয়, যেন পাপের ছলনায় তোমাদের কারও হৃদয় কঠিন হয়ে না পড়ে। ১৪ প্রথমে যেমন ছিল, যদি শেষ পর্যন্ত আমাদের বিশ্বাস সুদৃঢ় রাখতে পারি, তাহলে আমরা খ্রীষ্টের সহভাগী হয়েছি। ১৫ যেমন যথার্থই বলা হয়েছে, “আজ যদি তোমরা তাঁর কঠিন্ত্বের শোনো, তাহলে তোমাদের হৃদয়কে কঠিন কোরো না, যেমন বিদ্রোহ-কালে তোমরা করেছিলে।” ১৬ যারা শুনে বিদ্রোহ করেছিল, তারা কারা? মোশি যাদের মিশ্র থেকে বের করে এনেছিলেন, তারাই কি নয়? ১৭ আর চল্লিশ বছর ধরে তিনি কাদের প্রতি ক্রুদ্ধ ছিলেন? যারা পাপ করেছিল, মৰণপ্রাণ্তৰে যাদের শবদেহ পতিত হয়েছিল, তাদেরই উপর নয় কি? ১৮ আর কাদের বিরুদ্ধে দীঘৰ শপথ করেছিলেন, যে তারা কখনও তাঁর বিশ্বামৈ প্রবেশ করবে না, যারা অবাধ্য হয়েছিল, তাদেরই বিরুদ্ধে নয় কি? ১৯ তাই আমরা দেখতে পাই যে, অবিশ্বাসের জন্যই তারা প্রবেশ করতে পারেন।

**৪** অতএব, তাঁর বিশ্বামৈ প্রবেশ করার প্রতিশ্রূতি বলবৎ থাকলেও, তোমাদের কেউ যেন তা থেকে বাধ্যত না হয়। এ বিষয়ে এসো, আমরা সতর্ক হই। ২ কারণ তাদের মতো আমাদেরও কাছে সুসমাচার প্রচার করা হয়েছিল; কিন্তু তারা যে বাণী শুনেছিল, তাদের কাছে তা ছিল মূল্যহীন, কারণ যারা বিশ্বাসের সঙ্গে শুনেছিল, তারা তাদের সঙ্গে সংযুক্ত থাকেনি। ৩ এখন আমরা যারা বিশ্বাস করেছি, তারা সেই

বিশ্রামে প্রবেশ করছি, যে বিশ্রামের কথা ঈশ্বর উল্লেখ করেছেন, যেমন তিনি বলেছেন, “তাই আমার ক্রোধে আমি এক শপথ নিয়েছিলাম, ‘আমার বিশ্রামে তারা আর কোনোদিন প্রবেশ করবে না।’” যদিও তাঁর কাজ জগৎ সৃষ্টির সময় থেকে সমাপ্ত হয়েছে। 4 কারণ সপ্তম দিন সম্পর্কে তিনি কোনও এক স্থানে এই কথা বলেছেন, “সপ্তম দিনে ঈশ্বর তাঁর সমস্ত কাজ থেকে বিশ্রাম নিলেন।” 5 উপরোক্ত অংশটিতে তিনি আবার বলেন, “তারা আমার বিশ্রামে আর কোনোদিন প্রবেশ করবে না।” 6 একথা এখনও ঠিক যে, কিছু লোক সেই বিশ্রামে প্রবেশ করবে এবং যাদের কাছে পূর্বে সুসমাচার প্রচার করা হয়েছিল, তাদের অবাধ্যতার জন্য তারা প্রবেশ করতে পারেনি। 7 তাই, “আজ” নামে অভিহিত করে ঈশ্বর আর একটি দিন নির্ধারণ করলেন, যেমন ইতিপূর্বে বলা হয়েছে, সেইমতো বহুকাল পরে তিনি দাউদের মাধ্যমে বলেছেন: “আজ যদি তোমরা তাঁর কর্তৃত্বের শোনো, তাহলে তোমাদের হৃদয়কে কঠিন কোরো না।” 8 কারণ যিহোশূয় যদি তাদের বিশ্রাম দিতেন, তাহলে ঈশ্বর পরে তাদের আর একটি দিনের কথা বলতেন না। 9 তাই ঈশ্বরের প্রজাবৃন্দের জন্য এক সাক্ষাতের বিশ্রাম ভোগ করা বাকি আছে। 10 কারণ ঈশ্বর যেমন তাঁর কাজ থেকে বিশ্রাম নিয়েছিলেন, ঈশ্বরের বিশ্রামে যে প্রবেশ করে, সেও তেমনই তার নিজের কাজ থেকে বিশ্রাম নেয়। 11 সুতরাং এসো, সেই বিশ্রামে প্রবেশ করার জন্য আমরা প্রাণপণ চেষ্টা করি, যেন তাদের অবাধ্যতার দৃষ্টিতে অনুসরণ করে কারও পতন না হয়। 12 কারণ ঈশ্বরের বাক্য জীবন্ত ও সক্রিয়, উভয় দিকে ধারবিশিষ্ট যে কোনো তরোয়াল থেকে তীক্ষ্ণ; প্রাণ ও আত্মা এবং শরীরের গ্রন্থি ও মজ্জা পর্যন্ত তা ভেদ করে যায়; তা হৃদয়ের চিন্তা ও আচরণের বিচার করে। 13 সমস্ত সৃষ্টিতে সবকিছুই যাঁর দৃষ্টিতে অনাবৃত ও উন্মুক্ত, তাঁর কাছে আমাদের অবশ্যই জবাবদিহি করতে হবে। 14 অতএব, আমরা এমন এক মহান মহাযাজককে পেয়েছি, যিনি আকাশমণ্ডল অতিক্রম করে উল্লীল হয়েছেন, তিনি ঈশ্বরের পুত্র যীশু; তাই এসো, আমরা যে বিশ্বাস স্থীকার করি, তা দৃঢ়রূপে আঁকড়ে ধরে থাকি। 15 কারণ আমাদের মহাযাজক এমন নন, যিনি আমাদের

দুর্বলতায় সহানুভূতি দেখাতে অক্ষম; বরং আমরা এমন একজনকে পেয়েছি, যিনি আমাদেরই মতো সব বিষয়ে প্রলোভিত হয়েছিলেন, অথচ নিষ্পাপ থেকেছেন। 16 তাই এসো, আস্তার সঙ্গে আমরা তাঁর অনুগ্রহ-সিংহাসনের সামনে উপস্থিত হই, যেন আমরা করণা লাভ করতে পারি ও আমাদের প্রয়োজনের সময়ে অনুগ্রহ পাই।

5 প্রত্যেক মহাযাজক মানুষের মধ্য থেকে মনোনীত হন এবং ঈশ্বর সম্পর্কিত বিষয়ে প্রতিনিধিত্ব করার ও পাপার্থক বলি উৎসর্গ করার জন্য নিযুক্ত হন। 2 যারা অজ্ঞ, যারা পথভ্রান্ত, তাদের সঙ্গে তিনি কোমল আচরণ করতে সমর্থ, যেহেতু তিনি স্বয়ং দুর্বলতার অধীন। 3 এই জন্যই তাঁর নিজের ও সেই সঙ্গে প্রজাদের সব পাপের জন্য তাঁকে বিভিন্ন বলি উৎসর্গ করতে হয়। 4 কেউ এই সম্মান স্বয়ং নিজের উপর নিতে পারে না। তাঁকে অবশ্যই ঈশ্বরের দ্বারা আহুত হতে হবে, যেমন হারোগকে হতে হয়েছিল। 5 তাই খ্রীষ্টও মহাযাজক হওয়ার মহিমা স্বয়ং গ্রহণ করেননি। কিন্তু ঈশ্বর তাঁকে বলেছিলেন, “তুমি আমার পুত্র, আজ আমি তোমার পিতা হয়েছি।” 6 অন্যত্র তিনি বলেন, “মক্ষীয়েদকের পরম্পরা অনুযায়ী, তুমিই চিরকালীন যাজক।” (aiōn g165) 7 যীশু তাঁর পার্থিব জীবনকালে তীব্র আর্তনাদ ও অশ্রুপাতের সঙ্গে সেই একজনের কাছে প্রার্থনা ও মিনতি উৎসর্গ করেছিলেন, যিনি তাঁকে মৃত্যু থেকে উদ্বার করতে সমর্থ ছিলেন। তাঁর এই বিন্মু আত্মসমর্পণের জন্য তিনি উভর পেয়েছিলেন। 8 পুত্র হয়েও তিনি কষ্টযন্ত্রণা ভোগ করলেন ও তার মাধ্যমে বাধ্য হওয়ার শিক্ষা লাভ করলেন 9 এবং এভাবে সম্পূর্ণ সিদ্ধ হয়ে, তাঁর অনুগতদের জন্য তিনি চিরস্তন পরিত্রাণের উৎস হয়েছেন। (aiōnios g166) 10 আর মক্ষীয়েদকের পরম্পরা অনুযায়ী ঈশ্বরের দ্বারা মহাযাজকরূপে অভিহিত হয়েছেন। 11 এ বিষয়ে আমাদের অনেক কিছুই বলার আছে, কিন্তু তোমরা শিখতে মন্ত্র বলে, তা ব্যাখ্যা করা কষ্টসাধ্য। 12 প্রকৃতপক্ষে, এতদিনে তোমাদের শিক্ষক হওয়া উচিত ছিল, কিন্তু ঈশ্বরের বাকেয়ের প্রাথমিক সত্য শিক্ষা দেওয়ার জন্য তোমাদেরই একজন শিক্ষকের প্রয়োজন। তোমাদের প্রয়োজন কঠিন খাবার নয়, কিন্তু দুধের। 13

যে দুধ খেয়ে বেঁচে থাকে সে এখনও শিশু, ধার্মিকতা বিষয়ের শিক্ষা  
সম্পর্কে তার কোনো পরিচয় নেই। 14 কিন্তু প্রাপ্তবয়স্ক লোকদের  
প্রয়োজন কঠিন খাবার, যারা সবসময় অনুশীলনের মাধ্যমে তালো ও  
খারাপের মধ্যে প্রভেদ নির্ণয় করতে নিজেদের অভ্যন্ত করে তুলেছে।

6 সুতরাং এসো, আমরা গ্রীষ্ম সম্পর্কিত প্রাথমিক শিক্ষার দিকে বারবার  
দৃষ্টি না দিই। তার পরিবর্তে আমরা পরিপক্ষতার দিকে এগিয়ে চলি।  
সুতরাং, যেসব কাজ মৃত্যুর পথে চালিত করে সেসব থেকে অনুত্তাপ  
করা ও ঈশ্বরের প্রতি বিশ্বাস করা—এইসব প্রাথমিক শিক্ষার পুনরাবৃত্তি  
করার আর প্রয়োজন নেই। 2 বাণিজ্য সম্পর্কিত নির্দেশ, কারও উপরে  
হাত রাখা, মৃত ব্যক্তিদের পুনরুত্থান ও শেষ বিচার—এইসব বিষয়ে  
তোমাদের আর নতুন করে নির্দেশের প্রয়োজন নেই। (aiōnios g166) 3  
আর ঈশ্বরের ইচ্ছা হলে আমরা পরবর্তী শিক্ষার দিকে এগিয়ে যাব।  
4 কারণ একবার যারা আলোকপ্রাপ্ত হয়েছে—যারা স্বর্গীয় বিষয়ের  
রস আস্বাদন করেছে, যারা পরিত্র আত্মার অংশীদার হয়েছে, 5 যারা  
ঈশ্বরের বাক্যের মাধুর্য উপলক্ষ্মি করেছে ও সাম্মিকট যুগের পরাক্রম  
আস্বাদন করেছে—(aiōn g165) 6 তারা যদি ঈশ্বর থেকে দূরে চলে  
যায় তাহলে তাদের আবার মন পরিবর্তন ঘটানো অসম্ভব। কারণ  
ঈশ্বরের পুত্রকে প্রত্যাখ্যান করে তারা আবার তাঁকে ক্রুশবিদ্ধ করছে  
এবং প্রকাশ্যে তাঁর মর্যাদাহানি করছে। 7 যে জমি বৃষ্টির জল শুষে নেয়  
ও উপযোগী ফসল উৎপন্ন করে, তা ঈশ্বরের আশীর্বাদ লাভ করে।  
8 কিন্তু যে জমি কাঁটারোপ ও আগাছা উৎপন্ন করে, তা ব্যবহারের  
অনুপযোগী হয়। চাষি সেই জমিকে অভিশাপ দেয় ও তা পুড়িয়ে  
দেয়। 9 প্রিয় বন্ধুরা, আমরা এসব কথা বললেও আমরা বিশ্বাস করি  
না যে এইসব বিষয় তোমাদের ক্ষেত্রে প্রযোজ্য। আমরা নিশ্চিত যে  
তোমরা এর থেকে উৎকৃষ্ট বিষয়ের সহযোগী যা পরিত্রাগের মাধ্যমে  
আসে। 10 কারণ ঈশ্বর অবিচার করেন না; অতীতে তোমরা তাঁর  
ভঙ্গদাসদের প্রতি যে সাহায্য করেছে এবং এখনও করে যাচ্ছ এবং  
তাঁর প্রতি যে ভালোবাসার নির্দর্শন দেখিয়েছে, ঈশ্বর তোমাদের সেসব  
কাজ ভুলে যাবেন না। 11 আমরা চাই, তোমরা প্রত্যেকে তোমাদের

প্রত্যাশা সম্পূর্ণ না হওয়া পর্যন্ত সমান আগ্রহ বজায় রাখো। 12  
আমরা চাই না, তোমরা শিথিল হও, বরং বিশ্বাস ও দৈর্ঘ্যের দ্বারা  
যারা প্রতিশ্রুতির অধিকারী, তাদেরই অনুসরণ করো। 13 সৈশ্বর যখন  
অব্রাহামকে প্রতিশ্রুতি দিয়েছিলেন, শপথ করার মতো আর মহত্তর  
কেট না থাকায়, তিনি নিজের নামেই শপথ করেছিলেন 14 এবং  
বলেছিলেন, “আমি নিশ্চয়ই তোমাকে আশীর্বাদ করব এবং তোমাকে  
বহু বংশধর দান করব।” 15 তাই অব্রাহাম দৈর্ঘ্যের সঙ্গে প্রতীক্ষার  
পরে প্রতিশ্রুত বিষয় লাভ করেছিলেন। 16 আর মানুষ নিজের চেয়েও  
মহত্তর কারও নামে শপথ করে। আবার যা বলা হয়েছে শপথ তার  
নিশ্চয়তা দেয় ও সব যুক্তিতর্কের অবসান ঘটায়। 17 কারণ সৈশ্বর তাঁর  
অপরিবর্তনীয় ইচ্ছাকে প্রতিশ্রুতির উত্তরাধিকারীদের কাছে স্পষ্ট করে  
প্রকাশ করতে চেয়েছিলেন বলে, তিনি শপথের দ্বারা তা সুনিশ্চিত  
করলেন। 18 সৈশ্বর আমাদের প্রতিশ্রুতি ও শপথ দুই-ই দিয়েছেন।  
এই দুটি বিষয় অপরিবর্তনীয় কারণ সৈশ্বরের পক্ষে মিথ্যা কথা বলা  
অসম্ভব। তাই, আমাদের সামনের প্রত্যাশা আঁকড়ে ধরে আমরা শরণ  
নেওয়ার জন্য তাঁর দিকে ছুটে গিয়েছি যেন আমরা দৃঢ় আশ্বাস প্রাপ্ত  
হই। 19 আমাদের সেই প্রত্যাশা আছে যা প্রাণের নোঙরের মতো,  
সুদৃঢ় ও নিশ্চিত। তা পর্দার অন্তরালে থাকা মহাপবিত্র স্থানে প্রবেশ  
করে, 20 যেখানে আমাদের অগ্রগামী যীশু আমাদের পক্ষে প্রবেশ  
করেছেন। মন্ত্রীষ্ঠদের পরম্পরা অনুসারে তিনি চিরকালের জন্য  
মহাযাজক হয়েছেন। (ajōn g165)

7 এই মন্ত্রীষ্ঠদের ছিলেন শালেমের রাজা ও পরাম্পর সৈশ্বরের যাজক।  
অব্রাহাম যখন রাজন্যবর্গকে পরাম্পর করে ফিরে আসছিলেন, সেই  
সময় তিনি তাঁর সঙ্গে সাক্ষাৎ করে তাঁকে আশীর্বাদ করেছিলেন 2  
এবং অব্রাহাম তাঁর সর্বশ্঵ের এক-দশমাংশ তাঁকে দান করেছিলেন।  
প্রথমত, তাঁর নামের অর্থ, “ধার্মিকতার রাজা,” আর পরে, “শালেমের  
রাজা,” এর অর্থ, “শান্তিরাজ।” 3 পিতামাতা ছাড়া ও বংশপরিচয়  
ছাড়া, জীবনের সূচনা বা সমাপ্তি ছাড়াই, সৈশ্বরের পুত্রের মতো তিনি  
চিরকালের জন্য যাজক হয়েছেন। 4 শুধু ভেবে দেখো, তিনি কত মহান

ছিলেন: এমনকি পিতৃপুরুষ অব্রাহাম তাঁকে লুট করা দ্রব্যসামগ্রীর এক-দশমাংশ দান করেছিলেন। ৫ এখন বিধান অনুসারে, লেবির বংশধরেরা, যারা যাজক হয়, তারা প্রজাসাধারণের, অর্থাৎ তাদের ভাইদের কাছ থেকে এক-দশমাংশ সংগ্রহ করার বিধি লাভ করেছে, যদিও তারা ছিল অব্রাহামেরই বংশধর। ৬ যাই হোক, এই ব্যক্তি লেবির বংশধররূপে নির্দিষ্ট না হলেও, তিনি অব্রাহামের কাছ থেকে এক-দশমাংশ সংগ্রহ করেছিলেন এবং বিভিন্ন প্রতিশ্রুতিপ্রাপ্ত অব্রাহামকে আশীর্বাদ করেছিলেন। ৭ নিঃসন্দেহে, সাধারণ ব্যক্তি মহৎ ব্যক্তির কাছ থেকে আশীর্বাদ লাভ করে। ৮ এক অর্থে, মরণশীল মানুষের দ্বারা দশমাংশ সংগৃহীত হয়; কিন্তু অন্য অর্থে, যিনি জীবিত আছেন বলে ঘোষিত হয়েছিলেন তাঁর দ্বারাই হয়। ৯ কেউ এমন কথাও বলতে পারে যে, যিনি দশমাংশ সংগ্রহ করেন সেই লেবি অব্রাহামের মাধ্যমেই দশমাংশ দিয়েছিলেন, ১০ কারণ মক্ষীয়েদক যখন অব্রাহামের সঙ্গে সাক্ষাত করেন, তখন লেবি তাঁর পিতৃপুরুষের কঠিতে বিদ্যমান ছিলেন। ১১ লেবীয় যাজকত্বের মাধ্যমে যদি পূর্ণতা অর্জন করা যেত—কারণ এরই ভিত্তিতে লোকদের কাছে বিধিবিধান দেওয়া হয়েছিল—তাহলে হারোগের রীতি অনুযায়ী নয়, কিন্তু মক্ষীয়েদকের রীতি অনুযায়ী কেন আরও একজন যাজকের প্রয়োজন হল? ১২ কারণ যাজকত্বের পরিবর্তন হলে বিধানেরও পরিবর্তন হওয়া আবশ্যিক। ১৩ যাঁর সম্পর্কে এসব বিষয় উক্ত হয়েছে, তিনি ভিন্ন গোষ্ঠীভুক্ত এবং সেই গোষ্ঠীর কেউ কখনও যজ্ঞবেদির পরিচর্যা করেনি। ১৪ একথা স্পষ্ট যে, আমাদের প্রভু যিহুদা বংশের। এবং এই বংশের যে কেউ যাজক হবে সে সম্পর্কে মোশি কিছুই বলেননি। ১৫ মক্ষীয়েদকের মতো অন্য একজন যাজকের আবির্ভাব হলে আমাদের কথা আরও স্পষ্ট হয়ে ওঠে, ১৬ যিনি তাঁর পূর্বপুরুষদের মতো বিধানের উপরে ভিত্তি করে নয়, কিন্তু এক অবিনশ্বর জীবনের শক্তিতে যাজক হয়েছিলেন। ১৭ কারণ ঘোষণা করা হয়েছে: “মক্ষীয়েদকের রীতি অনুযায়ী তুমই চিরকালীন যাজক।” (aiōn g165) ১৮ পূর্বেকার বিধান নিষ্কল ও অপ্রয়োজনীয় হয়ে পড়ায়, তা অগ্রাহ্য করা হয়েছে। ১৯ (কারণ বিধানের দ্বারা কিছুই পূর্ণতা লাভ

করেনি), বরং এক মহত্ত্বর প্রত্যাশা উপস্থিত হয়েছে, যার দ্বারা আমরা ঈশ্বরের সান্নিধ্যে আসতে পারি। 20 আবার শপথ ছাড়া কিন্তু এরকম হয়নি! অন্যেরা কোনো শপথ ছাড়াই যাজক হয়েছেন, 21 তিনি কিন্তু শপথ সহ যাজক হয়েছিলেন, যখন ঈশ্বর তাঁকে বলেছিলেন, “প্রভু এই শপথ করেছেন, তাঁর সংকল্পের পরিবর্তন হবে না; ‘তুমি চিরকালীন যাজক।’” (aiōn g165) 22 এই শপথের জন্য যীশু এক উৎকৃষ্টতর নিয়মের প্রতিভূত হয়েছেন। 23 পুরোনো প্রথায় এরকম অনেক যাজকই ছিলেন, যারা মৃত্যুর জন্য তাদের পদে চিরকাল থেকে যেতে পারেননি, 24 কিন্তু যীশু চিরজীবী বলে তাঁর যাজকত্বও চিরস্থায়ী। (aiōn g165) 25 তাই তাঁর মাধ্যমে যারা ঈশ্বরের কাছে আসে, তাদের তিনি সম্পূর্ণভাবে পরিত্রাণ করতে সমর্থ, কারণ তাদের পক্ষে মিনতি করার জন্য তিনি সবসময়ই জীবিত আছেন। 26 এইরকম একজন মহাযাজক আমাদের প্রয়োজন পূর্ণ করেন, যিনি পবিত্র, অনিন্দনীয়, বিশুদ্ধ, পাপীদের থেকে পৃথকীকৃত এবং সমস্ত স্বর্গলোকের উর্ধ্বে উন্নীত। 27 অন্যান্য মহাযাজকের মতো, প্রথমত নিজের জন্য ও পরে সব মানুষের পাপের জন্য, দিনের পর দিন তাঁর বিভিন্ন বলি উৎসর্গ করার প্রয়োজন নেই, কারণ তাদের সব পাপের জন্য তিনি নিজেকে একবারই বলিকর্পে উৎসর্গ করেছেন। 28 কারণ বিধান যাদের মহাযাজকরূপে নিযুক্ত করে, তারা দুর্বল। কিন্তু বিধান প্রতিষ্ঠা করার পরবর্তীকালে শপথের দ্বারা যিনি নিযুক্ত হয়েছেন তিনি “পুত্র,” সর্বকালের সিদ্ধপুরুষ। (aiōn g165)

**৮** আমরা যা বলছি, তার মর্ম হল এই: আমাদের এমন একজন মহাযাজক আছেন, যিনি স্বর্গে মহিমা-সিংহাসনের ডানদিকে উপবিষ্ট; 2 তিনি সেই পবিত্রধামে, যা মানুষের দ্বারা নির্মিত নয়, কিন্তু প্রভুর দ্বারা স্থাপিত, সেই প্রকৃত সমাগম তাঁবুতে সেবাকাজ করেন। 3 প্রত্যেক মহাযাজক বিভিন্ন নৈবেদ্য ও বলি উৎসর্গের জন্য নিযুক্ত হয়েছেন, সেই কারণে এই মহাযাজকেরও উৎসর্গ করার জন্য অবশ্যই কিছু থাকা প্রয়োজন ছিল। 4 তিনি যদি পৃথিবীতে থাকতেন, তাহলে তিনি যাজক হতে পারতেন না, কারণ এখানে এমন অনেক লোক আছে,

যারা বিধানের নির্দেশমতো নৈবেদ্য উৎসর্গ করে। ৫ তারা এমন এক পবিত্রস্থানে পরিচর্যা করে, যা স্বগীয় পবিত্রস্থানের মতো ও তার প্রতিচ্ছায়াস্বরূপ। সেই কারণে সমাগম তাঁর নির্মাণ করতে উদ্যত হলে মোশিকে সতর্ক করা হয়েছিল, “দেখো, পর্বতের উপরে তোমাকে যে নকশা দেখানো হয়েছিল, সেই অনুযায়ী সবকিছু নির্মাণ কোরো।” ৬ কিন্তু যীশু যে পরিচর্যা করেন, তা তাদের চেয়েও উৎকৃষ্ট স্তরের, কারণ তিনি যে সন্ধিচুক্তির মধ্যস্থতাকারী হয়েছেন, পুরোনোর চেয়ে তা শ্রেয় এবং উৎকৃষ্টতর প্রতিশ্রূতির উপরে প্রতিষ্ঠিত। ৭ কারণ প্রথম সন্ধিচুক্তির মধ্যে যদি কোনো ক্রটি না থাকত, তাহলে অন্যটির কোনো প্রয়োজনই হত না। ৮ কিন্তু ঈশ্বর লোকদের মধ্যে ক্রটি দেখে বলেছিলেন, “প্রভু ঘোষণা করেন, দিন সন্ধিকট, যখন ইস্রায়েল বংশ ও যিহুদা বংশের সঙ্গে আমি নতুন এক সন্ধিচুক্তি স্থাপন করব। ৯ তাদের পূর্বপুরুষদের সঙ্গে স্থাপন করা নিয়মের মতো হবে না, যখন আমি তাদের হাত ধরে মিশর থেকে বের করে এনেছিলাম, কারণ তারা আমার সন্ধিচুক্তির প্রতি বিশ্বস্ত ছিল না, আর আমি তাদের প্রতি বিমুখ হয়েছিলাম, প্রভু একথা বলেন। ১০ সেই সময়ের পরে, আমি ইস্রায়েল বংশের সঙ্গে এই নিয়ম স্থাপন করব, প্রভু ঘোষণা করেন। আমি তাদের মনে আমার বিধান স্থাপন করব, তাদের হৃদয়ে সেসব লিখে দেব। আর আমি হব তাদের ঈশ্বর এবং তারা হবে আমার প্রজা। ১১ কোনো মানুষ তার প্রতিবেশীকে শেখাবে না বা একে অপরকে বলবে না, ‘তুমি সদাপ্রভুকে জেনে নাও,’ কারণ নগণ্যতম জন থেকে মহত্বম ব্যক্তি পর্যন্ত, তারা সবাই আমার পরিচয় পাবে। ১২ কারণ আমি তাদের পাপ ক্ষমা করব এবং তাদের অনাচার আর কোনোদিন স্মরণ করব না।” ১৩ এই সন্ধিচুক্তিকে নতুন আখ্যা দিয়ে প্রথমটিকে তিনি পুরোনো করেছেন; আর যা পুরোনো, যা জীর্ণ, তা অচিরেই লুণ্ঠ হবে।

**৯** প্রথম সন্ধিচুক্তিতে উপাসনা-সংক্রান্ত রীতিনীতি ছিল এবং ছিল এক পার্থিব পবিত্রধাম। ২ কারণ, একটি সমাগম তাঁর স্থাপিত হয়েছিল, যার প্রথম কক্ষে ছিল সেই দীপাধার, উৎসর্গীকৃত দর্শন রুটিসহ একটি টেবিল; একে বলা হত, পবিত্রস্থান। ৩ দ্বিতীয় পর্দার পিছনে মহাপবিত্র

স্থান বলে আর একটি কক্ষ ছিল। 4 সেখানে ছিল সোনার ধূপবেদি ও সোনায় মোড়া নিয়ম-সিন্দুক। এই সিন্দুকে ছিল মাঝায় ভরা সোনার ঘট, হারোগের মুকুলিত লাঠি এবং নিয়মসমন্বিত পাথরের ফলকগুলি। 5 সিন্দুকের উপরে ছিল মহিমার সেই দুই করুব, যারা সিন্দুকের আচ্ছাদনের উপরে ছায়া বিস্তার করত। কিন্তু এখন আমরা এ সমস্ত বিষয় বিশদভাবে আলোচনা করতে পারি না। 6 এইভাবে পবিত্র তাঁবুতে সবকিছুর ব্যবস্থা করার পর, যাজকেরা তাদের পরিচর্যা সম্পন্ন করার জন্য নিয়মিতরূপে বাইরের কক্ষে প্রবেশ করতেন। 7 কিন্তু কেবলমাত্র মহাযাজকই বছরে শুধুমাত্র একবার ভিতরের কক্ষে প্রবেশ করতেন এবং কখনও রক্ত ছাড়া প্রবেশ করতেন না। সেই রক্ত তিনি নিজের ও লোকেদের অঙ্গতায় করা পাপের প্রায়শিত্তের জন্য উৎসর্গ করতেন। 8 এর দ্বারা পবিত্র আত্মা দেখিয়েছেন যে, প্রথম সমাগম তাঁবুটি যতদিন বজায় ছিল, ততদিন মহাপবিত্র স্থানের প্রবেশপথ উন্মুক্ত হয়নি। 9 বর্তমানকালের জন্য এ এক দৃষ্টান্তস্বরূপ; এর তাৎপর্য হল, উৎসর্গীকৃত বলি-উপহার ও নৈবেদ্য কখনও উপাসনাকারীর বিবেক শুচিশুদ্ধ করতে সমর্থ হয়নি। 10 সেগুলি শুধুমাত্র খাবার, পানীয় ও বিভিন্ন আনুষ্ঠানিক শুচিকরণ সম্পর্কিত বাহ্যিক নিয়ন্ত্রণ-বিধিস্বরূপ, যা নতুন বিধি প্রবর্তনের সময় না আসা পর্যন্ত প্রযোজ্য ছিল। 11 এখন, শ্রীষ্ট যখন আগত উৎকৃষ্ট বিষয়গুলির জন্য মহাযাজকরূপে এলেন, তিনি আরও বেশি মহৎ ও নিখুঁত সমাগম তাঁবুর মধ্য দিয়ে প্রবেশ করলেন, যা মানবসৃষ্ট নয়; এমনকি, যা এই সৃষ্টিরই অঙ্গ নয়। 12 তিনি ছাগল ও বাচ্চুরের রক্ত নিয়ে প্রবেশ করেননি; সেই মহাপবিত্র স্থানে তিনি নিজের রক্ত নিয়ে চিরকালের মতো একবারই প্রবেশ করেছেন এবং আমাদের জন্য অনন্তকালীন মুক্তি অর্জন করেছেন। (aiōnios g166) 13 যারা সংক্ষারণতভাবে অশুটি, বাহ্যিকভাবে শুচিশুদ্ধ করার জন্য তাদের উপরে ছাগল ও শাঁড়ের রক্ত এবং দন্ধ বকনা-বাচ্চুরের ভস্য ছিটিয়ে দেওয়া হত। 14 তাহলে আমরা যেন জীবন্ত ঈশ্বরের সেবা করতে পারি, এই উদ্দেশ্যে যিনি চিরস্তন আত্মার মাধ্যমে নিষ্কলঙ্ঘ বলিরূপে নিজেকেই ঈশ্বরের কাছে উৎসর্গ করেছেন, সেই শ্রীষ্টের

রক্ত আমাদের বিবেককে মৃত্যুমুখী ক্রিয়াকলাপ থেকে আরও কত না  
নিশ্চিতরূপে শুচিশুদ্ধ করবে! (aiōnios g166) 15 এই কারণে খ্রীষ্ট এক  
নতুন নিয়মের মধ্যস্থতাকারী, যেন আহুতজনেরা চিরস্তন উত্তরাধিকার  
লাভ করতে পারে। এখন তা সন্তুষ্ট, কারণ প্রথম নিয়মের সময়ে  
তারা যেসব পাপ করেছিল, তা থেকে তাদের উদ্ধার করতে তিনি  
মুক্তিপণ্ডৰপে মৃত্যুবরণ করেছেন। (aiōnios g166) 16 কোনও ইচ্ছাপত্র  
কার্যকর হওয়ার ক্ষেত্রে, যিনি ইচ্ছাপত্র সম্পাদন করেছেন, তাঁর মৃত্যু  
প্রমাণিত হওয়া আবশ্যিক। 17 কারণ যখন কোনো ব্যক্তির মৃত্যু হয়,  
কেবলমাত্র তখনই ইচ্ছাপত্র বলবৎ হয়। জীবিত ব্যক্তির ইচ্ছাপত্র  
কখনও কার্যকর হয় না। 18 এই কারণেই রক্ত ছাড়া প্রথম নিয়ম  
কার্যকর হয়নি। 19 মোশি যখন সব লোকের কাছে বিধানপুস্তকের  
প্রত্যেকটি আঙুল ঘোষণা করেন, তিনি বাছুরের ও ছাগদের রক্তের  
সঙ্গে নিলেন জল, রক্তবর্ণ মেষলোম ও এসোব গাছের শাখা এবং তিনি  
তা ছিটিয়ে দিলেন সেই পুঁথি ও প্রজাদের উপর। 20 তিনি বললেন, “এ  
হল সেই নতুন নিয়মের রক্ত, যা পালন করার জন্য ঈশ্বর তোমাদের  
আদেশ দিয়েছেন।” 21 একইভাবে তিনি সেই সমাগম তাঁর ও তার  
বিভিন্ন আচার-অনুষ্ঠানে ব্যবহৃত দ্রব্যসামগ্রীর উপরে রক্ত ছিটিয়ে  
দিলেন। 22 বিধান অনুসারে, প্রকৃতপক্ষে সব কিছুকেই রক্ত দ্বারা  
পরিশোধিত হতে হয় এবং রক্তসেচন ছাড়া পাপের ক্ষমা হয় না। 23  
অতএব, যেগুলি স্বর্গীয় বিষয়ের প্রতিরূপ, সেগুলি এসব বলির দ্বারা  
শুচিকৃত হওয়ার প্রয়োজন ছিল, কিন্তু স্বর্গীয় বিষয়গুলির জন্য মহত্তর  
বলিদানের আবশ্যিকতা ছিল। 24 কারণ খ্রীষ্ট প্রকৃত উপাসনাস্থলের  
প্রতিরূপ মানব-নির্মিত পরিত্থিতে প্রবেশ করেননি; তিনি সাক্ষাৎ স্বর্গে  
প্রবেশ করেছেন, যেন আমাদের পক্ষে ঈশ্বরের সামিধ্যে উপস্থিত হন।  
25 আবার মহাযাজক যেভাবে নিজের নয়, কিন্তু অন্যের রক্ত নিয়ে প্রতি  
বছর মহাপবিত্র স্থানে প্রবেশ করতেন, খ্রীষ্ট কিন্তু সেভাবে নিজেকে  
উৎসর্গ করার জন্য বারবার স্বর্গে প্রবেশ করেননি। 26 তাহলে জগৎ  
সৃষ্টির কাল থেকে খ্রীষ্টকে বহুবারই কষ্টভোগ ও মৃত্যুবরণ করতে হত।  
কিন্তু এখন, যুগের শেষ সময়ে, আত্মবলিদানের দ্বারা তিনি চিরকালের

মতো পাপের বিলোপ সাধনের উদ্দেশ্যে একবারই প্রকাশিত হয়েছেন।

(aiōn g165) 27 মানুষের জন্য যেমন একবার মৃত্যু ও তারপর বিচার নির্ধারিত হয়ে আছে, 28 তেমনই বহু মানুষের সব পাপ হরণ করার জন্য খ্রীষ্ট একবারই উৎসর্গীকৃত হয়েছেন এবং আর পাপবহনের জন্য নয়, কিন্তু যারা তাঁর প্রতীক্ষায় আছে, তাদের পরিত্রাণ সাধনের উদ্দেশ্যে তিনি দ্বিতীয়বার প্রকাশিত হবেন।

**10** বিধান হল সন্নিকট বিষয়ের ছায়ামাত্র, সেগুলির বাস্তব রূপ নয়।  
সেই কারণে, বিধান অনুযায়ী বছরের পর বছর একইভাবে যে বলি  
উৎসর্গ করা হয় তা উপাসকদের সিদ্ধি দান করতে পারে না। 2 যদি  
তা পারত, তাহলে সেগুলি উৎসর্গ করা কি বন্ধ হয়ে যেত না? কারণ  
উপাসকেরা চিরকালের মতো একবারেই শুচিশুদ্ধ হত, তাদের পাপের  
জন্য আর অপরাধবোধ করত না। 3 কিন্তু ওইসব বলিদান প্রতি  
বছর পাপের কথা স্মরণ করিয়ে দেয়, 4 কারণ ঘাঁড় ও ছাগলের রক্ত  
পাপ হরণ করতেই পারে না। 5 তাই খ্রীষ্ট যখন জগতে এসেছিলেন,  
তিনি বলেছিলেন, “তুমি বলিদানে ও নৈবেদ্যে প্রীত নও, কিন্তু আমার  
জন্য এক শরীর রচনা করেছ; 6 হোমবলি বা পাপার্থক বলি তুমি  
চাওনি। 7 তখন আমি বললাম, ‘এই আমি, শাস্ত্রে আমার বিষয়ে  
লেখা আছে—হে আমার ঈশ্বর, আমি তোমার ইচ্ছা পালন করতেই  
এসেছি।’” 8 প্রথমে তিনি বলেছিলেন, “বিভিন্ন বলিদান ও নৈবেদ্য  
এবং হোম ও পাপার্থক বলিদান তুমি চাওনি, তাতে তুমি প্রসন্নও ছিলে  
না।” 9 তারপর তিনি বললেন, “দেখো, এই আমি, তোমার ইচ্ছা পালন  
করতেই আমি এসেছি।” দ্বিতীয়টিকে প্রতিষ্ঠিত করার জন্য তিনি প্রথম  
বিধানকে অগ্রহ্য করলেন। 10 সেই ইচ্ছার কারণেই, যীশু খ্রীষ্টের দেহ  
চিরকালের জন্য একবারই উৎসর্গ করা হয়েছে বলে আমরা পবিত্র  
হয়েছি। 11 দিনের পর দিন, প্রত্যেক যাজক ধর্মীয় অনুষ্ঠান সম্পাদন  
করার জন্য দাঁড়িয়ে থাকেন; তিনি বারবার একই বলি উৎসর্গ করেন,  
যা কখনও পাপ হরণ করতে পারে না। 12 কিন্তু এই যাজক সব পাপের  
জন্য চিরকালের মতো একটিই বলি উৎসর্গ করলেন, তারপর তিনি  
ঈশ্বরের ডানাদিকে গিয়ে বসলেন। 13 সেই সময় থেকে, তাঁর শক্তদের

তাঁর পদান্ত করার জন্য তিনি প্রতীক্ষা করে আছেন, 14 কারণ তাঁর  
একবার মাত্র বলিদানের জন্য যাদের পবিত্র করা হচ্ছে, তাদের তিনি  
চিরকালের জন্য পূর্ণতা দান করেন। 15 এ বিষয়ে পবিত্র আত্মাও  
আমাদের কাছে সাক্ষ্য দিচ্ছেন। প্রথমে তিনি বলেন: 16 “সেই কালের  
পর আমি তাদের সঙ্গে এই নিয়ম স্থাপন করব, প্রভু একথা বলেন।  
আমি তাদের হৃদয়ে আমার বিধান রাখব এবং সেগুলি তাদের মনে  
লিখে রাখব।” 17 এরপর তিনি বলেন, “আমি তাদের পাপ ও অনাচার,  
আর কোনোদিন স্মরণ করব না।” 18 যেখানে এগুলি ক্ষমা করা হয়েছে,  
সেখানে পাপের জন্য বলিদানের আর প্রয়োজন হয় না। 19 অতএব  
ভাইবোনেরা, যীশুর রক্তের মাধ্যমে মহাপবিত্র স্থানে প্রবেশ করার  
আমাদের দৃঢ় নিশ্চয়তা আছে। 20 পর্দা অর্থাৎ তাঁর দেহের মাধ্যমে  
তিনি আমাদের জন্য এক নতুন ও জীবন্ত পথ উন্মুক্ত করেছেন, 21  
এবং যেহেতু ঈশ্বরের গৃহের উপরে নিযুক্ত আমাদের একজন মহান  
যাজক আছেন, 22 তাই এসো রক্ত সিঞ্চনের দ্বারা অপরাধী বিবেক  
থেকে আমাদের হৃদয়কে শুচিশুদ্ধ করে এবং নির্মল জলে আমাদের  
দেহ ধূয়ে বিশাসের পূর্ণ নিশ্চয়তায় সরল হৃদয়ে ঈশ্বরের কাছে উপস্থিত  
হই। 23 এসো, আমরা অবিচলভাবে আমাদের প্রত্যাশার স্বীকারোক্তি  
আঁকড়ে ধরে থাকি, কারণ যিনি প্রতিশ্রূতি দিয়েছেন, তিনি বিশ্বস্ত।  
24 আবার এসো, আমরা এও বিবেচনা করে দেখি, কীভাবে আমরা  
পরম্পরাকে প্রেমে ও সৎকর্মে উন্মুক্ত করতে পারি। 25 এসো, আমরা  
সভায় একত্রিত হওয়ার অভ্যাস পরিত্যাগ না করি, কেউ কেউ যেমন  
এতে অভ্যস্ত হয়ে উঠেছে। বরং এসো পরম্পরাকে উৎসাহিত করি,  
বিশেষত আরও বেশি তৎপর হয়ে করি, কারণ তোমরা দেখতেই  
পাচ্ছ প্রভুর আগমনের সেইদিন ক্রমশ এগিয়ে আসছে। 26 আবার  
সত্যের তত্ত্বজ্ঞান লাভ করার পর আমরা যদি স্বেচ্ছায় পাপ করতে  
থাকি, তাহলে ওইসব পাপ ক্ষমা করার জন্য বলিদানের আর ব্যবস্থা  
থাকে না, 27 থাকে শুধু বিচারের জন্য ভয়াবহ প্রতীক্ষা এবং ঈশ্বরের  
শক্তিদের গ্রাস করার জন্য প্রচণ্ড আগুন। 28 কেউ মোশির বিধান  
লজ্জন করলে, দুজন বা তিনজনের সাক্ষ্য প্রমাণে তাকে নির্দয়ভাবে

হত্যা করা হত। 29 তাহলে যে ঈশ্বরের পুত্রকে পদদলিত করেছে, নিয়মের রক্ত দ্বারা শুচিশুন্দ হয়েও যে তা অপবিত্র জ্ঞান করেছে এবং যে অনুগ্রহের আত্মাকে অপমান করেছে, সে আরও কত না কঠোর শাস্তির যোগ্য বলে তোমাদের মনে হয়? 30 কারণ যিনি বলেছেন, “প্রতিশোধ নেওয়া আমারই কাজ, আমি প্রতিফল দেব,” তাঁকে আমরা জানি। আবার, “প্রভুই তাঁর প্রজাদের বিচার করবেন।” 31 জীবন্ত ঈশ্বরের হাতে পড়া ভয়ংকর বিষয়! 32 ঈশ্বরের আলো পাওয়ার পর প্রাথমিক সেই দিনগুলির কথা তোমরা স্মরণ করো, যখন তোমরা দুঃখকষ্টের মুখোযুক্তি হয়ে কঠোর সংগ্রামে রত ছিলে। 33 কখনও কখনও তোমরা প্রকাশ্যে অপমানিত হয়েছে, অত্যাচার ভোগ করছ; অন্য সময়ে যাদের প্রতি এরকম আচরণ করা হয়েছিল, তোমরা তাদের সহভাগী হয়েছে। 34 তোমরা কারাগারে বন্দিদের প্রতি সহানুভূতি দেখিয়েছে এবং তোমাদের সম্পত্তি বাজেয়াপ্ত হলেও তা সানন্দে মেনে নিয়েছে, কারণ তোমরা জানতে যে, তোমাদের জন্য এক উৎকৃষ্টতর ও স্থায়ী সম্পত্তি রাখা আছে। 35 তাই তোমরা তোমাদের নির্ভরতা ত্যাগ কোরো না, তা পর্যাপ্ত পরিমাণে পুরস্কৃত হবে। 36 তোমাদের ধৈর্য ধরার প্রয়োজন আছে, যেন ঈশ্বরের ইচ্ছা পালন করে তিনি যা প্রতিজ্ঞা করেছেন, তা লাভ করতে পারো। 37 কারণ, আর অতি অল্পকাল পরেই, “যাঁর আগমন সন্নিকট, তিনি আসবেন, বিলম্ব করবেন না। 38 কিন্তু আমার ধার্মিক ব্যক্তি, বিশ্বাসের দ্বারাই জীবিত থাকবে। যদি সে পিছিয়ে পড়ে, আমি তার প্রতি প্রসন্ন হব না।” 39 যারা পিছিয়ে পড়ে ও বিনষ্ট হয়, আমরা তাদের অঙ্গৰ্ভুক্ত নই; যারা বিশ্বাস করে ও পরিত্রাণ পায়, আমরা তাদেরই সহভাগী।

**11** এখন বিশ্বাস হল, যা আমরা আশা করি, সে বিষয়ের নিশ্চয়তা এবং যা আমরা দেখতে পাই না, তার অস্তিত্ব সম্পর্কে সুনিশ্চিত হওয়া। 2 এই কারণেই প্রাচীনকালের লোকেরা প্রশংসিত হয়েছিলেন। 3 বিশ্বাসে আমরা বুবাতে পারি যে, সমগ্র বিশ্ব ঈশ্বরের আদেশে রচিত হয়েছিল; যার ফলে, যা কিছু এখন আমরা দেখি, তা কোনো দৃশ্য বস্তু থেকে নির্মিত হয়নি। (aiōn g165) 4 বিশ্বাসে হেবল কয়নের চেয়ে

উৎকৃষ্ট বলি ঈশ্বরের কাছে উৎসর্গ করেছিলেন। বিশ্বাসেই তিনি ধার্মিক বলে প্রশংসিত হয়েছিলেন, যখন ঈশ্বর তাঁর বলিদানের সপক্ষে কথা বলেছিলেন। যদিও তিনি মৃত, তবু আজও বিশ্বাসের দ্বারা তিনি কথা বলে চলেছেন। ৫ বিশ্বাসেই হনোককে এই জীবন থেকে তুলে নেওয়া হয়েছিল, “এই কারণে তিনি মৃত্যুর অভিজ্ঞতা লাভ করেননি। তাঁর সন্ধান পাওয়া গেল না, কারণ ঈশ্বর তাঁকে তুলে নিয়েছিলেন।” উর্ধ্বে নীত হওয়ার পূর্বে, ঈশ্বরকে সন্তুষ্ট করেছিলেন বলে তিনি প্রশংসিত হয়েছিলেন। ৬ কিন্তু বিশ্বাস ছাড়া ঈশ্বরকে সন্তুষ্ট করা অসম্ভব। কারণ যে ব্যক্তি তাঁর সামিধ্যে আসে, তাকে অবশ্যই বিশ্বাস করতে হবে যে, তিনি আছেন এবং যারা আন্তরিকভাবে তাঁর অন্বেষণ করে, তিনি তাদের পুরক্ষার দেন। ৭ বিশ্বাসে নোহ, যেসব বিষয় তখনও প্রত্যক্ষ হয়নি, সেগুলি সম্পর্কে সতর্কবাণী লাভ করে তাঁর পরিবারকে রক্ষা করার জন্য ভক্তিপূর্ণ ভয়ে তাঁর বিশ্বাসের দ্বারা একটি জাহাজ নির্মাণ করলেন। বিশ্বাসের দ্বারা তিনি জগৎকে অপরাধী সাব্যস্ত করলেন এবং বিশ্বাসের দ্বারা যে ধার্মিকতা লাভ করা যায়, তিনি তার উত্তরাধিকার হলেন। ৮ বিশ্বাসেই অব্রাহাম, যে স্থান তিনি ভাবীকালে উত্তরাধিকার হিসেবে লাভ করবেন, সেই স্থানে যাওয়ার আহ্বান পেয়ে গন্তব্যস্থান না জেনেই, বাধ্যতার সঙ্গে সেই স্থানে গোলেন। ৯ এমনকি তিনি যখন সেই দেশে পৌঁছালেন যা ঈশ্বর তাঁকে প্রতিশ্রুতি দিয়েছিলেন, তিনি সেখানে বিশ্বাসে বাস করলেন—কারণ তিনি সেখানে ছিলেন বিদেশি আগন্তুকের মতো, তিনি তাঁবুতে বাস করলেন। আর ইস্থাক ও যাকোব তাঁর মতো তাঁবুতে বাস করলেন, যাঁরা তাঁর সঙ্গে একই প্রতিশ্রুতির উত্তরাধিকার ছিলেন। ১০ কারণ তিনি ভিত্তিযুক্ত সেই নগরের প্রতীক্ষায় ছিলেন, ঈশ্বরই যার স্থপতি ও নির্মাতা। ১১ বিশ্বাসে সারা, যিনি বন্ধ্যা ছিলেন—তিনি মা হওয়ার সক্ষমতা লাভ করেছিলেন, কারণ যিনি প্রতিশ্রুতি দিয়েছিলেন, তিনি তাঁকে বিশ্বস্ত মনে করেছিলেন। ১২ আর তাই এই এক ব্যক্তি থেকে অর্থাৎ এক মৃতপ্রায় ব্যক্তি থেকে আকাশের তারার মতো বহুসংখ্যক এবং সমুদ্রতটের বালির কণার মতো অগণিত বংশধর উৎপন্ন হল। ১৩ এই সমস্ত লোক মৃত্যুবরণ

করলেও, তাঁদের কাছে দেওয়া ঈশ্বরের প্রতিশ্রূতিতে তাঁরা বিশ্বাস করেছিলেন। প্রতিশ্রূত দান তাঁরা লাভ করেননি; তাঁরা শুধু সেগুলি দেখেছিলেন এবং দূর থেকে সেগুলিকে স্বাগত জানিয়েছিলেন। তাঁরা স্বীকার করেছিলেন, এই পৃথিবীতে তাঁরা বহিরাগত ও আগস্তুক মাত্র।

14 যাঁরা এসব কথা বলেন, তাঁরা স্পষ্ট ব্যক্ত করেন যে, তাঁরা নিজেদের জন্য একটি দেশের অনুসন্ধান করছেন। 15 তাঁরা যদি তাঁদের ফেলে-আসা দেশের কথা ভাবতেন, তাহলে ফিরে যাওয়ার সুযোগ তাঁরা পেতেন। 16 বরং, তাঁরা এর চেয়েও উৎকৃষ্ট, এক স্বর্গীয় দেশের আকাঙ্ক্ষা করেছিলেন। তাই ঈশ্বর, তাঁদের ঈশ্বর বলে অভিহিত হতে লজ্জাবোধ করেননি, কারণ তাঁদের জন্য তিনি এক নগর প্রস্তুত করে রেখেছেন। 17 বিশ্বাসে অব্রাহাম, ঈশ্বর যখন তাঁকে পরীক্ষা করলেন, তিনি ইস্থাককে বলিলেপে উৎসর্গ করলেন। যিনি বিভিন্ন প্রতিশ্রূতি লাভ করেছিলেন, তিনি তাঁর একমাত্র ও অনন্য পুত্রকে বলি দিতে উদ্যত হয়েছিলেন, 18 যদিও ঈশ্বর তাঁকে বলেছিলেন, “ইস্থাকের মাধ্যমেই তোমার বংশ পরিচিত হবে।” 19 অব্রাহাম যুক্তিবিবেচনা করেছিলেন যে, ঈশ্বর মৃত মানুষকেও উত্থাপিত করতে পারেন, তাই আলংকারিকরণে বলা যেতে পারে, তিনি মৃত্যু থেকে ইস্থাককে ফিরে পেয়েছিলেন। 20 বিশ্বাসে ইস্থাক, যাকোব ও এয়োকে, তাঁদের ভাবীকাল সম্পর্কে আশীর্বাদ করেছিলেন। 21 বিশ্বাসে যাকোব, মৃত্যুর সময় যোষেফের উভয় পুত্রকে আশীর্বাদ করেছিলেন এবং তাঁর লাঠির ডগার উপর হেলান দিয়ে উপাসনা করেছিলেন। 22 বিশ্বাসে যোষেফ, যখন তাঁর অস্তিমকাল ঘনিয়ে এল, তিনি মিশর থেকে ইস্রায়েলীদের নির্গমনের কথা বলেছিলেন এবং তাঁর হাড়গোড় সেখানে কবর দেওয়ার বিষয়ে নির্দেশ দিয়েছিলেন। 23 বিশ্বাসে মোশির বাবা-মা, জন্মের পরে তিনি কোনও সাধারণ শিশু ছিলেন না। তাঁরা রাজার হৃকুমনামায় ভীত হননি। 24 বিশ্বাসে মোশি বড়ো হয়ে উঠলে, ফরৌণের মেয়ের পুত্র বলে পরিচিত হতে অস্বীকার করলেন। 25 তিনি পাপের ক্ষণঙ্গায়ী সুখ ভোগ করার বদলে, ঈশ্বরের প্রজাদের সঙ্গে নির্যাতন ভোগ করাই শ্রেয় বলে

মনে করলেন। 26 মিশরের ঐশ্বর্যের চেয়ে খীষ্টের জন্য অপমান ভোগ করাকে তিনি আরও বেশি মূল্যবান বলে মনে করলেন, কারণ তিনি তাঁর দৃষ্টি ভাবী পুরকারের প্রতিই নিবন্ধ রেখেছিলেন। 27 রাজার ক্ষেত্র ভয় না করে, তিনি বিশ্বাসে মিশর ত্যাগ করলেন। যিনি দৃষ্টির অগোচর, তিনি তাঁকে দেখেছিলেন বলে অবিচল ছিলেন। 28 বিশ্বাসে তিনি নিষ্ঠারপর্ব পালন ও রক্তসিদ্ধন করলেন, যেন প্রথমজাতদের ধৰ্মসকারী দৃত ইস্রায়েলের প্রথমজাতদের স্পর্শ না করেন। 29 বিশ্বাসে ইস্রায়েলী লোকেরা শুক্র ভূমির মতো লোহিত সাগর পার হয়ে গেল, কিন্তু মিশরীয়রা তা করতে গিয়ে সাগরে তলিয়ে গেল। 30 বিশ্বাসে যিরাহোর প্রাচীর পড়ে গেল, যখন ইস্রায়েলী লোকেরা সেগুলির চারদিকে সাত দিন ধরে প্রদক্ষিণ করল। 31 বিশ্বাসে পতিতা রাহব, গুপ্তচরদের স্বাগত জানিয়েছিল বলে, যারা অবাধ্য হয়েছিল, তাদের সঙ্গে সে নিহত হয়নি। 32 আমি আর কত বলব? গিদিয়োন, বারক, শিমশোন, যিষ্ঠে, দাউদ, শম্মুয়েল ও ভাববাদীদের সম্পর্কে বলার মতো সময় আমার নেই। 33 বিশ্বাসের মাধ্যমে তাঁরা বিভিন্ন রাজ্য জয় করেছিলেন, ন্যায়বিচার প্রতিষ্ঠিত করেছিলেন এবং প্রতিশ্রুত বিষয় লাভ করেছিলেন; তাঁরা সিংহের মুখ বন্ধ করেছিলেন, 34 জ্বলন্ত আগুনের শিখা নিভিয়ে দিয়েছিলেন এবং ধারালো তরোয়াল থেকে নিষ্ঠার পেয়েছিলেন; তাঁদের দুর্বলতা শক্তিতে পরিণত হয়েছিল; তাঁরা যুদ্ধে পরাক্রমী হয়েছিলেন ও পরজাতীয় সৈন্যবাহিনীকে ছত্রভঙ্গ করেছিলেন। 35 নারীরা তাঁদের মৃতজনেদের ফিরে পেয়েছিলেন, তাঁদের পুনরায় জীবন দান করা হয়েছিল। অন্যেরা যন্ত্রণাভোগ করেছিলেন এবং মুক্ত হতে অস্বীকার করেছিলেন, যেন তাঁরা এক উৎকৃষ্টতর পুনরুত্থানের অংশীদার হতে পারেন। 36 কেউ কেউ বিদ্রূপ ও বেতের আঘাত সহ্য করেছিলেন, অন্যেরা বন্দি ও কারারুদ্ধ হয়েছিলেন। 37 তাঁদের পাথর দিয়ে আঘাত করা হয়েছিল; করাত দিয়ে দু-খণ্ড করা হয়েছিল; তরোয়ালের আঘাতে হত্যা করা হয়েছিল। তাঁরা মেষের ছাল ও ছাগলের ছাল পরে ঘুরে বেড়াতেন; তাঁরা দীনদরিদের মতো ও অত্যাচারিত ও দুর্ব্যবহারের শিকার হতেন। 38 এই জগৎ তাঁদের জন্য যোগ্য স্থান ছিল না; তাঁরা

বিভিন্ন মরণ্ডলিতে, পাহাড়-পর্বতে, গুহায় ও মাটির গর্তে আশ্রয় নিতেন। 39 এরা সবাই বিশ্বাসের জন্য প্রশংসা লাভ করেছিলেন, তবুও এরা কেউই প্রতিশ্রুত বিষয় লাভ করেননি। 40 ঈশ্বর উৎকৃষ্টতর কিছু আমাদের জন্য পরিকল্পনা করেছিলেন, যেন আমাদেরই সঙ্গে মিলিতভাবে তাঁদের সিদ্ধাতা দান করা হয়।

**12** সুতরাং, আমরা এরকম এক বিশাল সাক্ষীবাহিনী দ্বারা পরিবেষ্টিত হওয়ায়, এসো বাধাদায়ক সমস্ত বিষয় ও যেসব পাপ সহজেই আমাদের জড়িয়ে ধরে, সেগুলি ছুঁড়ে ফেলি। আর যে দৌড় আমাদের জন্য নির্ধারণ করা হয়েছে, এসো ধৈর্যের সঙ্গে সেই অভিমুখে ছুটে চলি। 2 এসো, আমাদের বিশ্বাসের আদি-উৎস ও সিদ্ধিদাতা যীশুর উপরে আমাদের দৃষ্টি নিবন্ধ করি, যিনি তাঁর সামনে স্থিত আনন্দের জন্য ক্রুশ সহ্য করলেন, সেই লজ্জাকে উপেক্ষা করলেন ও ঈশ্বরের সিংহাসনের ডানদিকে উপবেশন করলেন। 3 পাপী মানুষের এত বিরোধিতা যিনি সহ্য করলেন, তাঁর কথা বিবেচনা করো, তাহলে তোমরাও ক্লান্তিতে অবসন্ন ও নিরুৎসাহ হবে না। 4 পাপের বিরুদ্ধে সংগ্রামের জন্য তোমাদের রক্তপাত করতে হয়েছে, এ ধরনের প্রতিরোধ তোমরা এখনও করোনি। 5 আর উৎসাহ প্রদানকারী সেই বাণী তোমরা ভুলে গিয়েছ, যা তোমাদের পুত্র বলে সম্মোধন করে: “পুত্র আমার, তুমি প্রভুর শাসন তুচ্ছ মনে কোরো না, তিনি তিরক্ষার করলে নিরুৎসাহ হোয়ো না। 6 কারণ প্রভু যাদের প্রেম করেন, তাদের শাসনও করেন, যাকে পুত্ররূপে গ্রহণ করেন, তাকে শাস্তি প্রদানও করেন।” 7 কষ্ট-দুর্দশাকে শাসন বলে সহ্য করো; ঈশ্বর তোমাদের সঙ্গে সন্তানের মতো আচরণ করেন। কারণ এমন পুত্র কেউ আছে, যাকে পিতা শাসন করেন না? 8 যদি তোমাদের শাসন করা না হয়, আর প্রত্যেক ব্যক্তিকেই শাসনের মধ্যে দিয়ে যেতে হয়, তাহলে তোমরা অবৈধ সন্তান, প্রকৃত পুত্রের নও। 9 এছাড়া, পৃথিবীতে আমাদের প্রত্যেকেরই বাবা আছেন, যাঁরা আমাদের শাসন করেছেন এবং সেজন্য আমরা তাঁদের শ্রদ্ধাও করি। তাহলে যিনি আমাদের আত্মাসকলের পিতা, তাঁর কাছে আমরা কত না আত্মসমর্পণ করব ও বেঁচে থাকব? 10 তাঁরা যেমন ভালো মনে

করেছেন, তেমনই অল্পকালের জন্য আমাদের শাসন করেছেন।  
কিন্তু ঈশ্বর আমাদের মঙ্গলের জন্য শাসন করেন, যেন আমরা তাঁর  
পবিত্রতার অংশীদার হতে পারি। 11 কোনো শাসনই তৎক্ষণিক  
আনন্দায়ক মনে হয় না, বরং যন্ত্রণাদায়ক মনে হয়। যাই হোক,  
পরবর্তীকালে, যারা এর মধ্য দিয়ে শিক্ষা লাভ করেছে, তা তাদের  
জন্য ধার্মিকতার ও শান্তির ফসল উৎপন্ন করে। 12 অতএব, তোমরা  
তোমাদের অশক্ত বাহু ও দুর্বল হাঁটু সবল করো। 13 “তোমাদের  
চলার পথ সরল করো,” যেন খোঁড়া ব্যক্তি পঙ্কু না হয়, বরং সুস্থ  
হতে পারে। 14 সকলের সঙ্গে শান্তিতে বসবাস করতে ও পবিত্র  
হওয়ার জন্য সর্বাত্মক চেষ্টা করো। পবিত্রতা ব্যতিরেকে কেউ প্রভুর  
দর্শন পাবে না। 15 সতর্ক থেকো, কেউ যেন ঈশ্বরের অনুগ্রহ থেকে  
বঞ্চিত না হয়। দেখো, তিক্ততার কোনো মূল যেন অক্ষুরিত হয়ে  
সমস্যার সৃষ্টি না করে ও অনেককে কলুষিত না করে। 16 সাবধান,  
কেউ যেন অবৈধ-সংসর্গকারী, অথবা এঘোর মতো ভক্তিহীন না  
হয়, যে একবারের খাবারের জন্য বড়ো ছেলের অধিকার বিক্রি করে  
দিয়েছিল। 17 তোমরা জানো, পরে এই আশীর্বাদের অধিকারী হতে  
চাইলেও, সে প্রত্যাখ্যাত হয়েছিল। যদিও সে চোখের জল ফেলে  
সেই আশীর্বাদের অন্ধেষ্মী হয়েছিল, কিন্তু সে মনের কোনও পরিবর্তন  
ঘটাতে পারেনি। 18 তোমরা এমন কোনো পর্বতের সম্মুখীন হওনি, যা  
স্পর্শ করা যায়, যাতে আগুন জ্বলছে, যেখানে আছে অঙ্ককার, ভীতি  
ও ঝড়বাঞ্চা। 19 যারা তূরীধ্বনি শুনেছিল বা কর্তৃপ্ররের মুখোমুখি  
হয়েছিল, তারা প্রার্থনা করেছিল যে তাদের কাছে যেন আর কোনো  
কথা বলা না হয়। 20 কারণ এই আদেশ তারা সহ্য করতে পারেনি,  
“যদি একটি পশুও পর্বত স্পর্শ করে, তাহলে তাকে অবশ্যই পাথরের  
আঘাতে মেরে ফেলা হবে।” 21 সেই দৃশ্য এতই ভয়ংকর ছিল যে,  
মোশি বলেছিলেন, “আমি ভয়ে কাঁপছি।” 22 কিন্তু তোমরা উপস্থিত  
হয়েছ সিয়োন পর্বতে, সেই স্বর্গীয় জেরুশালেমে, জীবন্ত ঈশ্বরের  
নগরে। তোমরা উপস্থিত হয়েছ হাজার হাজার স্বর্গদুতের আনন্দমুখর  
সমাবেশে, 23 প্রথমজাতদের মণ্ডলীতে, যাদের নাম স্বর্গে লেখা আছে।

তোমরা সব মানুষের বিচারক ঈশ্বর, সিদ্ধিপ্রাপ্তি ধার্মিকদের আত্মা ৩  
২৪ এক নতুন নিয়মের মধ্যস্থতাকারী যীশু এবং তাঁর সিদ্ধিত রক্তের  
সম্মুখীন হয়েছে, যা হেবলের রক্তের চেয়েও উৎকৃষ্টতর কথা বলে।  
২৫ দেখো, যিনি কথা বলেন, তাঁকে যেন তোমরা অগ্রাহ্য না করো।  
যিনি পৃথিবীতে তাদের সতর্ক করে দিয়েছিলেন, তাঁকে অগ্রাহ্য করে  
তারা যদি অব্যাহতি না পেয়ে থাকে, তাহলে যিনি স্বর্গ থেকে আমাদের  
সতর্ক করেন, তাঁর প্রতি যদি আমরা বিমুখ হই, তাহলে নিশ্চিত যে  
আমরা নিষ্ক্রিয় পাব! ২৬ সেই সময় তাঁর কর্তৃপক্ষের পৃথিবীকে কম্পিত  
করেছিল, কিন্তু এখন তিনি প্রতিশ্রুতি দিয়েছেন, “আর একবার, আমি  
শুধুমাত্র পৃথিবীকে নয়, কিন্তু আকাশমণ্ডলকেও প্রকম্পিত করব।” ২৭  
“আর একবার” উক্তিটির তাঁৎপর্য হল, যেসব সৃষ্টিবস্তু প্রকম্পিত করা  
যায়, সেগুলি দূর করা হবে, কিন্তু যা প্রকম্পিত করা যায় না, সেগুলি  
স্থায়ী হবে। ২৮ অতএব, আমরা যে রাজ্য গ্রহণ করতে চলেছি, তা  
প্রকম্পিত হবে না; তাই এসো আমরা কৃতজ্ঞ হই এবং শ্রদ্ধায় ও সন্তুষ্মে  
ঈশ্বরের প্রীতিজনক উপাসনা করি। ২৯ কারণ আমাদের “ঈশ্বর সবকিছু  
পুড়িয়ে দেওয়া আগুনের মতো।”

**১৩** তোমরা ভাইবোনের মতো পরস্পরকে ভালোবেসে যাও। ২  
অতিথির সেবা করতে ভুলে যেয়ো না, কারণ তা করে কেউ কেউ না  
জেনে স্বর্গদূতদেরই সেবা করেছে। ৩ যারা কারারুদ্ধ আছে, সহবন্দি  
মনে করে তাদের স্মরণ করো। তোমরা নিজেরাই যেন কষ্টভোগ  
করছ, এরকম মনে করে যাদের প্রতি অন্যায় আচরণ করা হয়েছে,  
তাদের স্মরণ করো। ৪ বিবাহ-সম্পর্ককে সবারই সম্মান করা উচিত  
এবং বিবাহ-শয্যা শুচিশুদ্ধ রাখতে হবে। কারণ ব্যভিচারীদের ও  
অবৈধ-সংসর্গকারীদের বিচার ঈশ্বর করবেন। ৫ তোমাদের জীবন  
অর্থলালসা থেকে মুক্ত রেখো। তোমাদের যা আছে, তাতেই সন্তুষ্ট  
থেকো। কারণ ঈশ্বর বলেছেন, “আমি কখনও তোমাকে ছেড়ে দেব  
না, কখনও তোমায় পরিত্যাগ করব না।” ৬ তাই আমরা আঙ্গুর  
সঙ্গে বলতে পারি, “প্রভুই আমার সহায়, আমি ভীত হব না, মানুষ  
আমার কী করতে পারে?” ৭ যাঁরা তোমাদের কাছে ঈশ্বরের বাণী

প্রচার করে গেছেন সেই নেতাদের স্মারণ করো। তাদের জীবনচর্যার  
পরিণাম সম্পর্কে বিবেচনা করো এবং তাদের বিশ্বাসের অনুকরণ  
করো। ৪ যীশু খ্রিষ্ট কাল যেমন ছিলেন, আজও তেমনি আছেন এবং  
চিরকাল একই থাকবেন। (aiōn g165) ৫ তোমরা বিভিন্ন ধরনের  
বিচিত্র শিক্ষায় বিপথে চালিত হোয়ো না। অনুগ্রহের দ্বারা আমাদের  
হৃদয়কে শক্তিশালী করাই ভালো, কোনো সংস্কারগত খাবার দিয়ে  
নয়, কারণ যারা তা ভোজন করে, তাদের কাছে এর কোনো মূল্য  
নেই। ১০ আমাদের এক যজ্ঞবেদি আছে, যা থেকে, যারা সমাগম  
তাঁবুর পরিচারক, তাদের ভোজন করার অধিকার নেই। ১১ মহাযাজক  
পাপমোচনের নৈবেদ্যস্বরূপ পশুর রক্ত মহাপবিত্র স্থানে বয়ে নিয়ে  
যান, কিন্তু সেগুলির দেহ শিবিরের বাইরে পুড়িয়ে দেওয়া হয়। ১২  
সেভাবে, যীশুও তাঁর রক্তের মাধ্যমে প্রজাদের পবিত্র করার জন্য  
নগরাদারের বাইরে মৃত্যুবরণ করেছেন। ১৩ তাহলে এসো, তিনি যে  
অপমান সহ্য করেছিলেন, তা বহন করে আমরা শিবিরের বাইরে তাঁর  
কাছে যাই। ১৪ কারণ এখানে আমাদের কাছে কোনো চিরস্থায়ী নগর  
নেই, কিন্তু আমরা সন্নিকট সেই নগরের প্রতীক্ষায় আছি। ১৫ অতএব  
এসো, যীশুর মাধ্যমে আমরা ঈশ্বরের কাছে অবিরাম প্রশংসার বলি  
উৎসর্গ করি—তা হল তাঁর নাম স্বীকার করা আমাদের ঠোঁটের ফল।  
১৬ আর অপরের উপকার ও অন্যদের সঙ্গে তোমাদের সম্পদ ভাগ  
করার কথা ভুলে যেয়ো না, কারণ এ ধরনের বলিদানেই ঈশ্বর সন্তুষ্ট  
হন। ১৭ তোমাদের নেতাদের নির্দেশ মেনে চলো ও তাদের কর্তৃত্বের  
বশ্যতাধীন হও। যাদের জবাবদিহি করতে হবে, এমন মানুষের মতো  
তাঁরা তোমাদের প্রতি সতর্ক দৃষ্টি রাখেন। তাঁদের আদেশ পালন করো,  
যেন তাদের কাজ আনন্দদায়ক হয়, বোৰাস্বরূপ না হয়, তা না হলে,  
তা তোমাদের পক্ষে লাভজনক হবে না। ১৮ আমাদের জন্য প্রার্থনা  
করো। আমরা সুনিশ্চিত যে, আমাদের এক পরিচ্ছন্ন বিবেক আছে  
এবং আমরা সব বিষয়ে সম্মানজনক জীবনযাপন করার আকাঙ্ক্ষা  
করি। ১৯ আমি তোমাদের বিশেষভাবে প্রার্থনা করার জন্য অনুনয়  
করি, যেন আমি শীঘ্ৰই তোমাদের কাছে আবার ফিরে যেতে পারি।

20 শান্তির ঈশ্বর, যিনি অনন্ত সক্ষিপ্তির রক্তের মাধ্যমে আমাদের  
প্রভু যীশুকে মৃতলোক থেকে পুনরায় উথাপিত করেছেন, মেষপালের  
সেই মহান পালরক্ষক, (aiōnios g166) 21 তাঁর ইচ্ছা পালনের উদ্দেশে  
তোমাদের সব উত্তম উপকরণে সুসজ্জিত করুন এবং তাঁর কাছে যা  
প্রীতিকর, তা যীশু খ্রিস্টের মাধ্যমে আমাদের অন্তরে সম্পন্ন করুন।  
যুগে যুগে চিরকাল তাঁর মহিমা কীর্তিত হোক। আমেন! (aiōn g165)

22 ভাইবোনেরা, তোমাদের অনুনয় করি, আমার এই উপদেশবাণী  
সহ্য করো, কারণ আমি তোমাদের কাছে একটি সংক্ষিপ্ত পত্র লিখেছি  
মাত্র। 23 আমি চাই, তোমরা জেনে নাও যে, আমাদের ভাই তিমথিকে  
মুক্তি দেওয়া হয়েছে। তিনি যদি শীত্ব আসেন, তোমাদের সঙ্গে সাক্ষাৎ  
করার জন্য আমি তাঁর সঙ্গে যাব। 24 তোমাদের সব নেতা ও ঈশ্বরের  
সমস্ত পবিত্রগণকে শুভেচ্ছা জানিয়ো। ইতালির সকলেও তোমাদের  
শুভেচ্ছা জানাচ্ছেন। 25 অনুগ্রহ তোমাদের সবারই সহবর্তী হোক।

## যাকোব

১ ঈশ্বর ও প্রভু যীশু খ্রিস্টের দাস, আমি যাকোব, বিভিন্ন দেশে বিক্ষিপ্ত অবস্থায় থাকা ইস্রায়েলের বারো গোষ্ঠীর উদ্দেশে: শুভেচ্ছা। ২ হে আমার ভাইবোনেরা, যখনই তোমরা বিভিন্ন প্রকারের পরীক্ষার সমূথীন হও, সেগুলিকে নির্মল আনন্দের বিষয় বলে মনে করো, ৩ কারণ তোমরা জানো যে, তোমাদের বিশ্বাসের পরীক্ষা দৈর্ঘ্য উৎপন্ন করে। ৪ দৈর্ঘ্যকে অবশ্যই তার কাজ শেষ করতে হবে, যেন তোমরা পরিপক্ষ ও সম্পূর্ণ হয়ে উঠতে পারো, কোনো বিষয়ের অভাব তোমাদের না থাকে। ৫ তোমাদের কারণ যদি প্রজ্ঞার অভাব থাকে, সে ঈশ্বরের কাছে তা চাইবে, যিনি কোনও ক্ষণি না ধরে উদারভাবে সকলকে দান করে থাকেন, আর তাকে তা দেওয়া হবে। ৬ কিন্তু চাওয়ার সময় তাকে বিশ্বাস করতে হবে, সে যেন সন্দেহ না করে। কারণ যে সন্দেহ করে, সে সমৃদ্ধের চেতনার মতো, বাতাসে তাড়িত ও উৎক্ষিপ্ত। ৭ সেই ব্যক্তি এমন মনে না করুক যে, সে প্রভুর কাছ থেকে কিছু পাবে। ৮ সে দ্বিমান ব্যক্তি, তার সমস্ত কাজে কোনো স্থিরতা নেই। ৯ যে ভাইবোনেরা খুব সাধারণ পরিস্থিতিতে আছে, সে তার উঁচু অবস্থানের জন্য গর্ববোধ করুক। ১০ কিন্তু যে ধনী, সে তার থেকে নিচু অবস্থানের জন্য গর্বিত হোক, কারণ সে বুনোফুলের মতো হারিয়ে যাবে। ১১ কারণ সূর্য প্রথর তাপ নিয়ে উদিত হয় ও গাছগালা শুকিয়ে যায়; তার ফুল বারে যায় ও সৌন্দর্য নষ্ট হয়। একইভাবে, ধনী ব্যক্তি তার কর্মব্যস্ততা সত্ত্বেও ম্লান হয়ে যাবে। ১২ ধন্য সেই ব্যক্তি, যে পরীক্ষার মধ্যেও দৈর্ঘ্য ধরে, কারণ পরীক্ষা সহ্য করলে সে জীবনমুকুট লাভ করবে, যা দেওয়ার প্রতিশ্রুতি ঈশ্বর তাদের দিয়েছেন, যারা তাঁকে ভালোবাসে। ১৩ প্রলোভনে পড়লে কেউ যেন না বলে, “ঈশ্বর আমাকে প্রলুক্ষ করেছেন।” কারণ মন্দ বিষয়ের দ্বারা ঈশ্বরকে প্রলুক্ষ করা যায় না, আবার তিনি কাউকে প্রলুক্ষ করেন না। ১৪ কিন্তু প্রত্যেক মানুষ তার নিজের কামনাবাসনার দ্বারা আকর্ষিত হয়ে প্রলোভনে পড়ে ও কৃপথে চালিত হয়। ১৫ পরে, সেই কামনা পূর্ণগর্ভ হয়ে পাপের জন্ম দেয় এবং পাপ পূর্ণতা লাভ করে মৃত্যু প্রসব করে। ১৬ আমার প্রিয় ভাইবোনেরা, আন্ত হোয়ো

না। 17 সমস্ত উৎকৃষ্ট ও নিখুঁত দান উর্ধ্বলোক থেকে, আকাশের  
 জ্যোতিক্ষমগুলীর সেই পিতা থেকে আসে। তিনি কখনও পরিবর্তন হন  
 না বা ছায়ার মতো সরে যান না। 18 তিনি আমাদের মনোনীত করে  
 সত্যের বাক্য দ্বারা আমাদের জন্ম দিয়েছেন, যেন তাঁর সমগ্র সৃষ্টির  
 মধ্যে আমরা এক প্রকার প্রথম ফসলরূপে গণ্য হতে পারি। 19 আমার  
 প্রিয় ভাইবোনেরা, তোমরা এ বিষয়ে মনোনিবেশ করো: প্রত্যেকেই  
 শুনতে আগ্রহী হও ও কথা বলায় ধীর হও এবং ক্রোধে ধীর হও।  
 20 কারণ মানুষের ক্রোধ ঈশ্বরের কাঙ্ক্ষিত ধর্ময় জীবনের বিকাশ  
 ঘটাতে পারে না। 21 সেই কারণে, তোমাদের জীবনের সমস্ত নৈতিক  
 কল্যাণ ও মন্দতা থেকে মুক্ত হও ও তোমাদের মধ্যে বপন করা সেই  
 বচনকে নতনভ্ররূপে গ্রহণ করো, যা তোমাদের পরিত্রাণ সাধন করতে  
 পারে। 22 বাক্যের কেবল শ্রোতা হোয়ো না ও নিজেদের প্রতারিত  
 কোরো না। বাক্য যা বলে, তা করো। 23 যে বাক্য শোনে অথচ তার  
 নির্দেশ পালন করে না, সে এমন মানুষের মতো যে আয়নায় তার মুখ  
 দেখে, 24 নিজেকে দেখার পর সে চলে যায় এবং সঙ্গে সঙ্গেই ভুলে  
 যায়, সে দেখতে কেমন। 25 কিন্তু যে নিখুঁত বিধানের প্রতি আগ্রহভরে  
 দৃষ্টি দেয়, যা স্বাধীনতা প্রদান করে ও যা শুনেছে তা ভুলে না গিয়ে  
 নিরস্তর তা পালন করতে থাকে, সে সবকাজেই আশীর্বাদ পাবে। 26  
 কেউ যদি নিজেকে ধার্মিক বলে মনে করে, কিন্তু নিজের জিভকে  
 লাগাম দিয়ে বশে না রাখে, সে নিজের সঙ্গে নিজেই প্রতারণা করে  
 এবং তার ধর্ম অসার। 27 পিতা ঈশ্বরের কাছে বিশুদ্ধ ও নির্দোষরূপে  
 গ্রহণযোগ্য ধর্ম হল এই: অনাথ ও বিধিবাদের দুঃখকষ্টে তত্ত্বাবধান  
 করা এবং সাংসারিক কল্যাণ থেকে নিজেকে রক্ষা করা।

**2** হে আমার ভাইবোনেরা, আমাদের মহিমাময় প্রভু যীশু খ্রীষ্টে  
 বিশ্বাসীরূপে তোমরা পক্ষপাতিত্ব দেখিয়ো না। 2 মনে করো, কোনো  
 ব্যক্তি সোনার আংটি ও সুন্দর পোশাক পরে তোমাদের মণ্ডলীর সভায়  
 এল এবং মালিন পোশাক পরে একজন দীনহীন ব্যক্তি ও সেখানে এল।  
 3 তোমরা যদি সুন্দর পোশাক পরা ব্যক্তির প্রতি বিশেষ মনোযোগ  
 দেখাও ও তাকে বলো, “এখানে আপনার জন্য একটি ভালো আসন

আছে,” কিন্তু সেই দীনহীন ব্যক্তিকে বলো, “তুমি ওখানে দাঁড়াও” বা “আমার পায়ের কাছে মেঝের উপরে বসো,” 4 তাহলে তোমরা কি নিজেদের মধ্যে বৈষম্যমূলক আচরণ করছ না ও মন্দ ভাবনা নিয়ে বিচারকের স্থান গ্রহণ করছ না? 5 আমার প্রিয় ভাইবোনেরা, তোমরা শোনো: জগতের দৃষ্টিতে যারা দরিদ্র, ঈশ্বর কি তাদের মনোনীত করেননি, যেন তারা বিশ্বাসে ধনী হয় এবং যারা তাঁকে ভালোবাসে, তাদের কাছে প্রতিশ্রুত রাজ্যের অধিকারী হয়? 6 কিন্তু তোমরা সেই দরিদ্রকে অপমান করেছ। ধনী ব্যক্তিরাই কি তোমাদের শোষণ করে না? তারাই কি তোমাদের বিচারালয়ে টেনে নিয়ে যায় না? 7 তারাই কি সেই পরমশ্রেষ্ঠ নামের নিন্দা করে না, যাঁর নিজস্ব অধিকারুণ্যে তোমরা পরিচিত হয়েছ? 8 শাস্ত্রের এই রাজকীয় বিধান, “তোমার প্রতিবেশীকে নিজের মতোই ভালোবেসো,” যদি তোমরা প্রকৃতই মেনে চলো, তাহলে তোমরা ঠিকই করছ। 9 কিন্তু তোমরা যদি পক্ষপাতিত্ব করো, তবে পাপ করেছ এবং বিধানের দ্বারাই তোমরা বিধানভঙ্গকারীরূপে দোষী সাব্যস্ত হবে। 10 কারণ সমস্ত বিধান পালন করে কেউ যদি শুধুমাত্র একটি আজ্ঞা পালনে ব্যর্থ হয়, সে তার সমস্তই লজ্জনের দায়ে দোষী হবে। 11 কারণ যিনি বলেছেন, “ব্যভিচার কোরো না,” তিনিই আবার বলেছেন, “তোমরা নরহত্যা কোরো না।” তোমরা হয়তো ব্যভিচার করোনি, কিন্তু যদি নরহত্যা করে থাকো, তাহলে তোমরা বিধানভঙ্গকারী হয়েছ। 12 যে বিধানের দ্বারা তোমরা স্বাধীনতা লাভ করেছ তারই দ্বারা তোমাদের বিচার হতে চলেছে, তোমরা সেইমতো কথা বলো ও কাজ করো। 13 কারণ যে দয়া দেখায়নি, নির্দয়ত্বাবে তার বিচার করা হবে। দয়াই বিচারের উপরে জয়লাভ করে। 14 কোনো মানুষ যদি দাবি করে তার বিশ্বাস আছে, কিন্তু সেইমতো কোনো কর্ম না থাকে, তাহলে আমার ভাইবোনেরা, এতে কী লাভ হবে? এ ধরনের বিশ্বাস কি তাকে পরিত্রাণ দিতে পারে? 15 মনে করো, কোনো ভাই বা বোনের পোশাক ও দৈনন্দিন খাবারের সংস্থান নেই। 16 তোমাদের মধ্যে কেউ যদি তাকে বলে, “শান্তিতে যাও, তুমি উষ্ণ ও তৃপ্ত থাকো,” কিন্তু তার শারীরিক প্রয়োজন সম্পর্কে

সে কিছুই না করে, তাহলে, তাতে কী লাভ হবে? 17 একইভাবে, বিশ্বাসের সঙ্গে যদি কর্ম যুক্ত না হয়, তাহলে সেই বিশ্বাস মৃত। 18 কিন্তু কেউ হয়তো বলবে, “তোমার বিশ্বাস আছে, কিন্তু আমার কর্ম আছে।” আমাকে তোমার কর্মহীন বিশ্বাসের প্রমাণ দেখাও, আমি তোমাকে আমার কর্মের মাধ্যমে বিশ্বাস দেখাব। 19 তুমি তো বিশ্বাস করো যে, ঈশ্বর এক। ভালো, এমনকি, ভূতেরাও তা বিশ্বাস করে ও ভয়ে কাঁপে। 20 ওহে নির্বোধ মানুষ, কর্মহীন বিশ্বাস যে নিরীক্ষক, তুমি কি তার প্রমাণ চাও? 21 আমাদের পূর্বপুরুষ অব্রাহাম, তাঁর পুত্র ইস্থাককে বেদির উপরে উৎসর্গ করেছিলেন এবং তাঁর কর্মের দ্বারাই তাঁকে কি ঈশ্বরের সাক্ষাতে ধার্মিক দেখানো হয়নি? 22 তাহলে, তোমরা দেখতে পাচ্ছ যে, তাঁর বিশ্বাস ও তাঁর কর্ম একযোগে সক্রিয় ছিল এবং কর্মের দ্বারাই তাঁর বিশ্বাস পূর্ণতা লাভ করেছিল। 23 আবার শাস্ত্রেরও এই বচন পূর্ণ হল, যা বলে, “অব্রাহাম ঈশ্বরকে বিশ্বাস করলেন এবং তা তাঁর পক্ষে ধার্মিকতা বলে গণ্য হল।” আর তিনি ঈশ্বরের বন্ধু—এই নামে আখ্যাত হলেন। 24 তোমরা দেখতে পাচ্ছ, কোনো মানুষ কেবলমাত্র বিশ্বাসে নয়, কিন্তু তার কর্মের দ্বারাই নির্দোষ গণ্য হয়। 25 একইভাবে, বেশ্যা রাহবও তাঁর কর্মের জন্য কি ধার্মিক বলে প্রদর্শিত হননি? তিনি সেই গুণ্ঠচরদের থাকার আশ্রয় দিয়ে, পরে অন্য পথ দিয়ে তাদের বিদায় দিয়েছিলেন। 26 যেমন আত্মাবিহীন শরীর মৃত, তেমনই কর্মবিহীন বিশ্বাসও মৃত।

**৩** আমার ভাইবোনেরা, তোমরা অনেকেই শিক্ষক হতে চেয়ে না, কারণ তোমরা জানো যে, আমরা যারা শিক্ষা দিই, আমাদের আরও কঠোরভাবে বিচার করা হবে। 2 আমরা সকলেই বিভিন্নভাবে ভুল করি। কেউ যদি তার কথাবার্তায় কখনও ভুল না করে, তাহলে সে সিদ্ধপূরুষ, সে তার সমস্ত শরীর বশে রাখতে সমর্থ। 3 ঘোড়াকে বশে রাখার জন্য যখন আমরা তাদের মুখে লাগাম পরাই, তখন আমরা তার সমস্ত শরীরকেও নিয়ন্ত্রণ করতে পারি। 4 কিংবা উদাহরণস্বরূপ, জাহাজের কথাই ধরো। যদিও সেগুলি অনেক বড়ো ও প্রবল বাতাসে চলে, তবুও নাবিক একটি ছোটো হালের সাহায্যে যেদিকে ইচ্ছা

সেদিকে নিয়ে যায়। ৫ একইভাবে, জিভ শরীরের একটি ছোটো অঙ্গ, কিন্তু তা মহা দন্তের সব কথা বলে থাকে। ভেবে দেখো, সামান্য একটি আগুনের ফুলকি কীভাবে মহা অরণ্যকে জ্বালিয়ে দেয়! ৬ সেরকম, জিভও যেন এক আগুন, শরীরের অঙ্গপ্রত্যঙ্গের মধ্যে অধর্মের এক জগতের মতো রয়েছে। সমগ্র ব্যক্তিসত্ত্বকে তা কল্পিত করে, তার সমগ্র জীবনচক্রে আগুন জ্বালায় এবং সে নিজেও নরকের আগুনে জ্বলে। (Geenna g1067) ৭ সব ধরনের পশ্চাত্তি, সরীসৃপ ও সামুদ্রিক প্রাণীকে বশ করা যায় ও মানুষ তাদের বশ করেছে, ৮ কিন্তু জিভকে কেউই বশ করতে পারে না। এ এক অশান্ত মন্দতা ও প্রাণঘাতী বিষে পূর্ণ। ৯ এই জিভ দিয়েই আমরা আমাদের প্রভু ও পিতার গৌরব করি, আবার এ দিয়েই আমরা ঈশ্বরের সাদৃশ্য সৃষ্টি সব মানুষকে অভিশাপ দিই। ১০ একই মুখ থেকে প্রশংসা ও অভিশাপ বের হয়ে আসে। আমার ভাইবোনেরা, এরকম হওয়া উচিত নয়। ১১ একই উৎস থেকে কি মিষ্টি জল ও লবণাক্ত জল, উভয়ই প্রবাহিত হতে পারে? ১২ আমার ভাইবোনেরা, ডুমুর গাছে কি জলপাই, কিংবা দ্রাক্ষালতায় কি ডুমুর উৎপন্ন হতে পারে? তেমনই লবণাক্ত জলের উৎস মিষ্টি জল দিতে পারে না। ১৩ তোমাদের মধ্যে কে জ্ঞানবান ও বুদ্ধিমান? সে জ্ঞানের মাধ্যমে আসা সৎ জীবন ও নম্রতায় করা কাজকর্মের দ্বারা তা প্রমাণ করুক। ১৪ কিন্তু তোমরা যদি তোমাদের অন্তরে তিক্ত ঈর্ষ্যা ও স্বার্থকেন্দ্রিক উচ্চাশা পোষণ করো, তার জন্য গর্বপ্রকাশ কোরো না বা সত্যকে অস্মীকার কোরো না। ১৫ এ ধরনের “জ্ঞান” স্বর্গ থেকে নেমে আসে না। তা পার্থিব, সাংসারিক ও শয়তানসুলভ। ১৬ কারণ যেখানে তোমাদের মধ্যে ঈর্ষ্যা ও স্বার্থকেন্দ্রিক উচ্চাশা আছে, সেখানেই তোমরা দেখবে বিশৃঙ্খলা ও সব ধরনের মন্দ অভ্যাস। ১৭ কিন্তু স্বর্গ থেকে যে জ্ঞান আসে, প্রথমত তা বিশুদ্ধ, তারপরে তা শান্তিপ্রিয়, সুবিবেচক, অনুগত, করুণায় ও উৎকৃষ্ট ফলে পূর্ণ, পক্ষপাতশূন্য ও অকপ্ট। ১৮ আর যারা শান্তি স্থাপনের জন্য শান্তিতে বীজবপন করে, তারা ধার্মিকতার ফসল উৎপন্ন করবে।

**4** তোমাদের মধ্যে কী কারণে সংবর্ধ ও বিবাদ ঘটে? তোমাদের মধ্যে যেসব অভিলাষ যুদ্ধ করে সেসব থেকেই কি তার উৎস নয়? 2  
তোমরা কিছু পেতে চাও, কিন্তু তা পাও না। তোমরা হত্যা করো, লোভ করো, কিন্তু যা পেতে চাও, তা তোমরা পাও না। তোমরা বিবাদ করো ও সংঘর্ষে লিপ্ত হও। তোমরা ঈশ্বরের কাছে কিছু চাও না, তাই তোমরা পাও না। 3 তোমরা যখন চাও, তখন তোমরা পাও না, কারণ তোমরা মন্দ উদ্দেশ্যে সেসব চেয়ে থাকো, যেন প্রাপ্তি বিষয়গুলি নিয়ে নিজেদের সুখাভিলাষের জন্য ব্যবহার করতে পারো। 4 ব্যভিচারীর দল, তোমরা কি জানো না, জগতের সঙ্গে বন্ধুত্ব হল ঈশ্বরের প্রতি ঘৃণার নির্দর্শন? কোনো ব্যক্তি যদি জগতের সঙ্গে বন্ধুত্বকে বেছে নেয়, সে ঈশ্বরের শক্তি হয়ে ওঠে। 5 তোমরা কি জানো না যে শাস্ত্র কী বলে? যে আত্মাকে তিনি আমাদের মধ্যে অবিস্থান করতে দিয়েছেন, তিনি চান যেন তিনি শুধু তাঁরই হয়ে থাকেন। ঈশ্বর এই আত্মাকে আমাদের মধ্যে বসবাস করতে দিয়েছেন। তোমাদের কি মনে হয় না যে শাস্ত্রে একথা বলার এক কারণ আছে? 6 কিন্তু তিনি আমাদের আরও বেশি অনুগ্রহ-দান করেন। এই কারণেই শাস্ত্র বলে: “ঈশ্বর অহংকারীদের প্রতিরোধ করেন, কিন্তু নতনম্বদের অনুগ্রহ-দান করেন।” 7 অতএব, তোমরা ঈশ্বরের বশ্যতাধীন হও। দিয়াবলের প্রতিরোধ করো, আর সে তোমাদের কাছ থেকে পালিয়ে যাবে। 8 ঈশ্বরের কাছে এসো, তিনিও তোমাদের কাছে আসবেন। পাপীরা, তোমরা তোমাদের হাত ধূয়ে ফেলো ও দ্বিধাত্ত ব্যক্তিরা, তোমরা তোমাদের অন্তর পরিশুদ্ধ করো। 9 তোমরা দুঃখকাতর হও, শোক ও বিলাপ করো। তোমাদের হাসিকে কান্নায় ও আনন্দকে বিষাদে পরিবর্তন করো। 10 তোমরা প্রভুর কাছে নিজেদের নতনম্ব করো, তিনিই তোমাদের উন্নীত করবেন। 11 ভাইবোনেরা, তোমরা পরম্পরের বিরুদ্ধে কৃৎসা-রটনা থেকে দূরে থাকো। যে তার ভাইয়ের (বা বোনের) বিরুদ্ধে কথা বলে, কিংবা তার বিচার করে, সে বিধানের বিরুদ্ধে কথা বলে ও তা বিচার করে। তোমরা যখন বিধানের বিচার করো, তোমরা তা আর পালন না করে তা নিয়ে বিচার করতে বসো। 12 বিধানদাতা ও বিচারক কেবলমাত্র

একজনই যিনি রক্ষা বা ধৰ্স উভয়ই করতে সক্ষম। কিন্তু তুমি, তুমি কে যে, তোমার প্রতিবেশীর বিচার করো? 13 এখন শোনো, তোমরা যারা বলে থাকো, “আজ বা আগামীকাল আমরা এই নগরে বা ওই নগরে যাব, সেখানে এক বছর থাকব, ব্যবসা করে অর্থ উপার্জন করব।” 14 কেন, তোমরা তা জানোই না যে আগামীকাল কী ঘটবে! তোমাদের জীবন কী ধরনের? তোমরা তো কুয়াশার মতো, যা সামান্য সময়ের জন্য দেখা দিয়েই মিলিয়ে যায়। 15 বরং তোমাদের বলা উচিত, “যদি প্রভুর ইচ্ছা হয়, আমরা বেঁচে থেকে এ কাজ বা ও কাজ করব।” 16 কিন্তু যেমন দেখা যাচ্ছে, তোমরা দস্ত ও বড়াই করছ। এ ধরনের সমস্ত গর্ব হল মন্দ বিষয়। 17 তাহলে, সৎকর্ম করতে জেনেও যে তা করে না, সে পাপ করে।

**5** ওহে ধনী ব্যক্তিরা, তোমরা এখন শোনো, তোমাদের উপরে যে দুঃখদুর্দশা ঘনিয়ে আসছে, তার জন্য তোমরা কাঁদো ও বিলাপ করো। 2 তোমাদের ধনসম্পদ পচে যাচ্ছে ও জামাকাপড় পোকায় খেয়ে নিচ্ছে। 3 তোমাদের সোনা ও রূপো পচতে শুরু করেছে। সেই পচনই তোমাদের বিপক্ষে সাক্ষ্য দেবে ও আগন্তের মতো তোমাদের শরীরকে গ্রাস করবে, কারণ শেষের দিনগুলির জন্য তোমরা ধন সঞ্চয় করছ। 4 দেখো! যে মজুরেরা তোমাদের জমিতে ফসল কেটেছে তাদের মজুরি তোমরা দাওনি, তারা তোমাদের বিরুদ্ধে চিন্কার করছে। যারা শস্য কাটে তাদের কান্না সর্বশক্তিমান প্রভুর কানে গিয়ে পৌঁছেছে। 5 তোমরা পৃথিবীতে বিলাসিতায় ও আত্মসুখভোগে জীবন কাটিয়েছে। পশুহত্যার দিনে তোমরা নিজেদের হষ্টপুষ্ট করেছে। 6 যারা প্রতিরোধ করেনি সেইসব নির্দোষ মানুষকেও তোমরা অপরাধী সাব্যস্ত করে হত্যা করেছে। 7 তাই ভাইবোনেরা, তোমরা প্রভুর আগমন পর্যন্ত ধৈর্যধারণ করো। দেখো, মূল্যবান ফসলের জন্য চাষি জমির দিকে তাকিয়ে কত প্রতীক্ষা করে, প্রথম ও শেষ বৃষ্টির জন্য সে কতই না সহিষ্ণুতা অবলম্বন করে। 8 তোমরাও তেমনই ধৈর্যধারণ করো ও অবিচল থাকো, কারণ প্রভুর আগমন সম্মিক্ত। 9 ভাইবোনেরা, পরম্পরের বিরুদ্ধে অসন্তোষ প্রকাশ কোরো না, নতুবা তোমাদের

বিচার করা হবে। বিচারক দুয়ারেই দাঁড়িয়ে আছেন! 10 ভাইবোনেরা, কষ্টযন্ত্রণা ভোগের সময় সেইসব ভাববাদীর দীর্ঘসহিষ্ণুতার আদর্শ গ্রহণ করো, যাঁরা প্রভুর নামে কথা বলেছিলেন। 11 যেমন তোমরা জানো, যারা কষ্টভোগের সময় নিষ্ঠাবান ছিল তাদের আমরা ধন্য বলে মনে করি। তোমরা ইয়োবের নিষ্ঠার কথা শুনেছ এবং দেখেছ, শেষে প্রভু কী করলেন। প্রভু সহানুভূতিশীল ও করুণায় পূর্ণ। 12 আমার ভাইবোনেরা, সবচেয়ে বড়ো কথা, তোমরা দিব্য কোরো না—স্বর্গ বা মর্ত্য, বা অন্য কিছুরই নামে নয়। তোমাদের “হ্যাঁ,” হ্যাঁ হোক, আর “না,” না হোক, নইলে তোমরা দোষী সাব্যস্ত হবে। 13 তোমাদের মধ্যে কেউ কি সমস্যায় ভুগছে? সে প্রার্থনা করুক। কেউ কি সুখে আছে? সে প্রশংসাগান করুক। 14 তোমাদের মধ্যে কেউ কি অসুস্থ আছে? সে মণ্ডলীর প্রাচীনদের আহ্বান করুক, তাঁরা তার জন্য প্রার্থনা করবেন ও প্রভুর নামে তাকে তেল দিয়ে অভিষেক করবেন। 15 আর বিশ্বাসের সঙ্গে নিবেদিত প্রার্থনা, সেই অসুস্থ ব্যক্তিকে সুস্থ করবে। প্রভু তাকে তুলে ধরবেন। যদি সে পাপ করে থাকে, সে ক্ষমা লাভ করবে। 16 সেই কারণে, তোমরা পরস্পরের কাছে পাপস্঵ীকার করো ও পরস্পরের জন্য প্রার্থনা করো, যেন তোমরা আরোগ্য লাভ করতে পারো। ধার্মিকদের প্রার্থনা শক্তিশালী ও কার্যকরী। 17 এলিয় আমাদের মতোই একজন সাধারণ মানুষ ছিলেন। দেশে বৃষ্টি না হওয়ার জন্য তিনি একান্তভাবে প্রার্থনা করেছিলেন, আর সাড়ে তিনি বছর পর্যন্ত বৃষ্টি হয়নি। 18 আবার তিনি প্রার্থনা করলেন, আকাশমণ্ডল থেকে বৃষ্টি এল ও পৃথিবী শস্য উৎপন্ন করল। 19 আমার ভাইবোনেরা, তোমাদের মধ্যে কেউ যদি সত্য থেকে দূরে চলে যায় ও অপর কেউ তাকে ফিরিয়ে আনে, 20 তাহলে, একথা মনে রেখো: পাপীকে যে কেউ তার ভুল পথ থেকে ফেরায়, সে তাকে মৃত্যু থেকে রক্ষা করে ও তার সব পাপ ঢেকে দেয়।

## ১ম পিতর

১ আমি পিতর, যীশু খ্রীষ্টের একজন প্রেরিতশিষ্য, তাঁদের উদ্দেশে  
এই পত্র লিখছি, যাঁরা ঈশ্বরের মনোনীত, পৃথিবীতে প্রবাসী এবং  
পন্ত, গালাতিয়া, কাঙ্গাদোকিয়া, এশিয়া ও বিথুনিয়াতে বিক্ষিপ্তভাবে  
বসবাস করছে। ২ পিতা ঈশ্বর পূর্বজ্ঞান অনুসারে তোমাদের মনোনীত  
করেছেন, এবং তাঁর আত্মা তোমাদের পবিত্র করেছেন। এর ফলে  
তোমরা তাঁর প্রতি অনুগত হয়েছ এবং যীশু খ্রীষ্টের রক্তের মাধ্যমে  
শুচিশুদ্ধ হয়েছ: অনুগ্রহ ও শান্তি তোমাদের উপরে প্রচুর পরিমাণে  
বর্ষিত হোক। ৩ আমাদের প্রভু যীশু খ্রীষ্টের ঈশ্বর ও পিতার প্রশংসা  
হোক! মৃতলোক থেকে যীশু খ্রীষ্টের পুনরুত্থানের মাধ্যমে, তাঁর মহা  
করণায় তিনি এক জীবন্ত প্রত্যাশায় আমাদের নতুন জন্ম দান করেছেন  
৪ এবং তিনি এক অধিকার দিয়েছেন, যা অক্ষয়, অম্লান এবং নিষ্কলঙ্ক;  
তা তোমাদেরই জন্য স্বর্গে সঞ্চিত আছে। ৫ যে পরিত্রাণ অন্তিমকালে  
প্রকাশিত হওয়ার জন্য প্রস্তুত হয়ে আছে, যা প্রভুর আগমনের সময়  
পর্যন্ত বিশ্বাসের মাধ্যমে ঈশ্বরের পরাক্রমের দ্বারা সুরক্ষিত রয়েছে। ৬  
এই কারণে তোমরা মহা উল্লসিত হয়েছে, যদিও বর্তমানে কিছু সময়ের  
জন্য সমস্ত রকম পরীক্ষায় তোমাদের দুঃখকষ্ট ভোগ করতে হচ্ছে। ৭  
সোনা আগনের দ্বারা পরিশোধিত হলেও ক্ষয়প্রাপ্ত হয়। তার থেকেও  
বহুমূল্য তোমাদের বিশ্বাস তেমনি আগনের মাধ্যমে শুন্দ হয়েছে  
যেন যীশু খ্রীষ্টের প্রকাশকালে তা প্রশংসা, গৌরব ও মর্যাদা লাভ  
করতে পারে। ৮ তোমরা তাঁকে দেখোনি অথচ তাঁকে ভালোবেসেছ;  
আর যদিও তোমরা তাঁকে এখন দেখতে পাচ্ছ না, তোমরা তাঁকে  
বিশ্বাস করে অবর্ণনীয় ও মহিমাময় আনন্দে পূর্ণ হয়ে উঠছ, ৯ কারণ  
তোমরা তোমাদের বিশ্বাসের লক্ষ্য, অর্থাৎ তোমাদের প্রাণের পরিত্রাণ  
লাভ করছ। ১০ এই পরিত্রাণ সম্পর্কে ভাববাদীরা তোমাদের কাছে  
ইতিপূর্বে যে আসন্ন অনুগ্রহের কথা বলেছিলেন, তাঁরা ও নিষ্ঠাভরে ও  
পরম যত্নের সঙ্গে তা অনুসন্ধান করেছিলেন। ১১ তাঁদের অন্তরে স্থিত  
খ্রীষ্টের আত্মা তাঁদের কাছে খ্রীষ্টের কষ্টভোগ ও পরবর্তী মহিমার কথা  
আগেই ঘোষণা করেছিলেন এবং কোন সময়ে ও কোন পরিস্থিতিতে তা

ঘটবে, তার সন্ধান পেতে তাঁরা চেষ্টা করছিলেন। 12 তাঁদের কাছে এ বিষয় প্রকাশিত হয়েছিল যে, তাঁরা নিজেদের সেবা করছেন না, কিন্তু তোমাদের সেবা করছেন। আর এখন এই সুসমাচার তাঁদের মাধ্যমে তোমাদের কাছে ঘোষণা করা হয়েছে যাঁরা স্বর্গ থেকে প্রেরিত পবিত্র আত্মার শক্তিতে এই সমস্ত প্রচার করেছিলেন। আবার স্বর্গদৃতেরাও সাগ্রহে এসব প্রত্যক্ষ করার আকাঙ্ক্ষায় রয়েছেন। 13 অতএব, কর্মে তৎপর হওয়ার জন্য তোমাদের মনকে প্রস্তুত করো, আত্মসংযোগ হও; যীশু খ্রীষ্টের প্রকাশকালে যে অনুগ্রহ তোমাদের দেওয়া হবে, তার উপরে পূর্ণ প্রত্যাশা রাখো। 14 বাধ্য সন্তানদের মতো চলো, অঙ্গতাবশত আগে যেভাবে মন্দ বাসনার বশে চলতে, তার মতো আর গ্রেয়ো না। 15 কিন্তু যিনি তোমাদের আহ্বান করেছেন, তিনি যেমন পবিত্র, তোমরাও তেমনই সমস্ত আচার-আচরণে পবিত্র হও। 16 কারণ লেখা আছে, “তোমরা পবিত্র হও, কারণ আমি পবিত্র।” 17 যেহেতু তোমরা এমন পিতার নামে আহ্বান করো, যিনি সব মানুষের কাজ নিরপেক্ষভাবে বিচার করেন, তাই তোমরা সম্মপূর্ণ ভয়ে প্রবাসীর মতো এখানে নিজেদের জীবনযাপন করো। 18 কারণ তোমরা জানো যে, তোমাদের পিতৃপুরুষদের কাছ থেকে পাওয়া অলীক আচার-ব্যবহার থেকে, রংপো বা সোনার মতো ক্ষয়িক্ষুণ্ড বস্ত্র বিনিময়ে তোমরা মুক্তি পাওনি, 19 কিন্তু নির্দোষ ও নিষ্কলঙ্ঘ মেষশাবক, অর্থাৎ খ্রীষ্টের বহুমূল্য রক্তের দ্বারা মুক্তি পেয়েছ। 20 জগৎ সৃষ্টির আগে থেকে ঈশ্বর তাঁকে মনোনীত করেছিলেন, কিন্তু তোমাদের কারণে এই শেষ সময়ে তিনি প্রকাশিত হয়েছেন। 21 তাঁরই মাধ্যমে তোমরা ঈশ্বরকে বিশ্বাস করেছ, যিনি তাঁকে মৃতলোক থেকে উত্থাপিত করে মহিমাপ্রিম করেছেন। সেই কারণে, তোমাদের বিশ্বাস ও প্রত্যাশা ঈশ্বরের উপরে রয়েছে। 22 এখন তোমরা সত্যের বাধ্য হয়ে নিজেদের পরিশুল্ক করেছ যেন ভাইবনেদের প্রতি তোমাদের আন্তরিক ভালোবাসা থাকে, তোমরা অন্তর থেকেই পরম্পরকে ভালোবাসো। 23 কারণ তোমরা ক্ষয়িক্ষুণ্ড বীর্য থেকে নয়, কিন্তু অক্ষয় বীর্য থেকে, অর্থাৎ, ঈশ্বরের জীবন্ত ও চিরস্থায়ী বাক্যের দ্বারা নতুন জন্ম লাভ করেছ। (aiōn g165) 24

কারণ, “সব মানুষই ঘাসের মতো, আর তাদের সব সৌন্দর্য মেঠো-  
ফুলের মতো; ঘাস শুকিয়ে যায় ও ফুল ঝরে পড়ে, 25 কিন্তু প্রভুর  
বাক্য থাকে চিরকাল।” আর সুসমাচারের এই বাক্যই তোমাদের কাছে  
প্রচার করা হয়েছে। (aiōn g165)

2 অতএব, তোমরা সমস্ত বিদ্বেষ ও সমস্ত ছলনা, ভঙ্গামি, ঈর্ষা ও সমস্ত  
রকম কৃৎসা-রটানো ত্যাগ করো। 2 নবজাত শিশুর মতো, বিশুদ্ধ  
আত্মিক দুধের আকাঙ্ক্ষা করো, যেন এর গুণে তোমরা পরিত্রাণের পূর্ণ  
অভিজ্ঞতায় বৃদ্ধিলাভ করতে পারো, 3 যেহেতু এখন তোমরা আস্থাদন  
করে দেখেছ যে, প্রভু মঙ্গলময়। 4 তোমরা যখন তাঁর কাছে অর্থাৎ  
সেই জীবন্ত পাথরের কাছে এসেছ—যিনি মানুষের দ্বারা প্রত্যাখ্যাত,  
কিন্তু ঈশ্বরের দ্বারা মনোনীত হয়েছিলেন ও তাঁর কাছে মহামূল্যবান  
ছিলেন— 5 তখন তোমাদেরও জীবন্ত পাথরের মতো, একটি আত্মিক  
আবাসরূপে গড়ে তোলা হচ্ছে, যেন এক পরিত্র যাজকসমাজ হয়ে  
তোমরা যীশু খ্রীষ্টের মাধ্যমে ঈশ্বরের কাছে গ্রহণযোগ্য আত্মিক বলি  
উৎসর্গ করতে পারো। 6 কারণ শাস্ত্রে বলা হয়েছে: “দেখো, আমি  
সিয়োনে এক পাথর স্থাপন করি, এক মনোনীত ও মহামূল্যবান  
কোণের পাথর, যে তাঁর উপরে আস্থা রাখে, সে কখনও লজ্জিত হবে  
না।” 7 এখন তোমরা যারা বিশ্বাস করো, তাদের কাছে এই পাথর  
বহুমূল্য। কিন্তু যারা বিশ্বাস করে না, তাদের ক্ষেত্রে, “গাঁথকেরা যে  
পাথর অগ্রাহ্য করেছিল, তাই হয়ে উঠল কোণের প্রধান পাথর,” 8 এবং  
“এক পাথর, যাতে মানুষ হোঁচ্ট খাবে এবং এক শিলা, যার কারণে  
তাদের পতন হবে।” সেই বাক্যের অবাধ্য হওয়াতে তারা হোঁচ্ট খায়,  
যার জন্য তারা নির্ধারিত হয়েই আছে। 9 কিন্তু তোমরা এক মনোনীত  
বংশ, এক রাজকীয় যাজক-সম্প্রদায়, এক পরিত্র জাতি, ঈশ্বরের  
অধিকারস্বরূপ নিজস্ব এক প্রজা, যেন তোমরা তাঁই গুণকীর্তন করতে  
পারো, যিনি তোমাদের অন্ধকার থেকে আহ্বান করে তাঁর আশ্চর্য  
জ্যোতির মধ্যে নিয়ে এসেছেন। 10 এক সময় তোমরা তাঁর প্রজা ছিলে  
না, কিন্তু এখন তোমরা ঈশ্বরের প্রজা হয়েছ; এক সময় তোমরা করণা  
পাওনি, কিন্তু এখন তোমরা করণা লাভ করেছ। 11 প্রিয় বন্ধুরা,

আমি তোমাদের অনুনয় করি, যেহেতু পৃথিবীতে তোমরা বিদেশি ও  
প্রবাসী তাই তোমরা পাপপূর্ণ কামনাবাসনা থেকে দূরে থাকো, যেগুলি  
তোমাদের প্রাণের বিরক্তে যুদ্ধ করে। 12 অবিশ্বাসী প্রতিবেশীদের  
মধ্যে তোমরা এমন উৎকৃষ্ট মানের জীবনযাপন করো যে, যদিও তারা  
তোমাদের দুর্কর্মকারী বলে অপবাদ দেয়, তবুও তারা তোমাদের সৎ  
কর্মগুলি দেখতে পায় ও যেদিন ঈশ্বর আমাদের পরিদর্শন করেন,  
সেদিন তারা তাঁর গৌরব কীর্তন করবে। 13 তোমরা প্রভুর কারণে  
মানুষের মধ্যে নিযুক্ত প্রত্যেক কর্তৃপক্ষের বশ্যতাস্ত্বীকার করো—তা  
তিনি সর্বোচ্চ ক্ষমতাসম্পন্ন রাজা হন 14 বা তাঁর প্রেরিত প্রদেশগাল  
হন। কারণ অন্যায়কারীদের শাস্তি ও সদাচারীদের প্রশংসা করতে  
রাজাই তাঁদের নিযুক্ত করেছেন। 15 কারণ ঈশ্বরের ইচ্ছা হল এই যে,  
সৎকর্মের দ্বারা তোমরা নির্বোধ লোকদের অর্থহীন কথাবার্তাকে যেন  
স্তুত করে দিতে পারো। 16 তোমরা স্বাধীন মানুষের মতো জীবনযাপন  
করো; কিন্তু তোমাদের স্বাধীনতাকে দুর্কর্মের আড়ালস্বরূপ ব্যবহার  
কোরো না; বরং তোমরা ঈশ্বরের সেবকরণে জীবনযাপন করো।  
17 প্রত্যেক মানুষের প্রতি যথোচিত সম্মান প্রদর্শন করো: বিশ্বাসী  
সমাজকে প্রেম করো, ঈশ্বরকে ভয় করো, রাজাকে সমাদর করো। 18  
ক্রীতদাসেরা, তোমরা সব ব্যাপারে শ্রদ্ধার সঙ্গে তোমাদের মনিবদ্দের  
বশ্যতাস্ত্বীকার করো; কেবলমাত্র যারা সজ্জন ও সুবিবেচক, তাদেরই  
নয়, কিন্তু যারা হৃদয়হীন, তাদেরও। 19 কারণ ঈশ্বরসচেতন কোনো  
ব্যক্তি যদি অন্যায় যন্ত্রণা পেয়ে কষ্টভোগ করে, তাহলে তা প্রশংসার  
যোগ্য। 20 কিন্তু অন্যায় কাজের জন্য যদি মার খাও ও তা সহ্য করো,  
তাহলে এতে তোমাদের কৃতিত্ব কোথায়? বরং সৎকর্মের জন্য যদি  
কষ্টভোগ করো ও তা সহ্য করো, তাই ঈশ্বরের কাছে প্রশংসনীয়। 21  
এই উদ্দেশ্যেই তোমাদের আহ্বান করা হয়েছে, কারণ খ্রীষ্টও তোমাদের  
জন্য কষ্টভোগ করেছেন ও তোমাদের কাছে এক দৃষ্টান্ত রেখে গেছেন,  
যেন তোমরাও তাঁর চলার পথ অনুসরণ করো। 22 “তিনি কোনও পাপ  
করেননি, তাঁর মুখেও কোনো ছলনার বাণী পাওয়া যায়নি।” 23 তাঁর  
প্রতি যখন নিন্দা-অপমান বর্ষিত হল, তিনি প্রতিনিন্দা করলেন না।

যখন কষ্টভোগ করলেন, তিনি কোনও কটু বাক্য উচ্চারণ করলেন না। পরিবর্তে, যিনি ন্যায়বিচারক, তিনি তাঁরই হাতে বিচারের ভার অর্পণ করলেন। 24 স্বয়ং তিনি ক্রুশের উপরে নিজ শরীরে আমাদের “পাপরাশি বহন করলেন,” যেন আমরা পাপসমূহের প্রতি মৃত্যুবরণ করে ধার্মিকতার প্রতি জীবিত হই; “তাঁরই সব ক্ষত দ্বারা তোমরা আরোগ্য লাভ করেছ।” 25 কারণ “তোমরা বিপথগামী মেঘের মতো ছিলে,” কিন্তু এখন তোমরা তোমাদের প্রাণের পালক ও তত্ত্বাবধায়কের কাছে ফিরে এসেছ।

3 একইভাবে স্ত্রীরা, তোমরা তোমাদের নিজ নিজ স্বামীর বশ্যতাধীন হও। তাদের মধ্যে কেউ কেউ যদি বাক্যের অবাধ্য হয়, তবে কোনো বাক্য ছাড়াই তাদের স্ত্রীর আচার-আচরণের দ্বারা তাদের জয় করা যাবে, 2 যখন তারা তোমাদের জীবনের শুন্দতা ও সন্তুষ্পূর্ণ মনোভাব লক্ষ্য করবে। 3 তোমাদের সৌন্দর্য যেন বাহ্যিক সাজসজ্জা, যেমন চুলের বাহার, সোনার অলংকার বা সূক্ষ্ম পোশাক-পরিচ্ছদের উপর নির্ভরশীল না হয়। 4 বরং সেই সৌন্দর্য হবে তোমাদের আন্তরিক সত্তার, শান্ত ও কোমল আত্মার অম্লান শোভায় ভূষিত, যা ঈশ্বরের দৃষ্টিতে মহামূল্যবান। 5 কারণ প্রাচীনকালের পবিত্র নারীরা, যাঁরা ঈশ্বরের উপরে প্রত্যাশা রাখতেন, এভাবেই নিজেদের সৌন্দর্যময়ী করতেন। তাঁরা নিজের নিজের স্বামীর বশ্যতাধীন থাকতেন, 6 যেমন সারা, তিনি অব্রাহামের বাধ্য ছিলেন এবং তাঁকে “প্রভু” বলে সম্মোধন করতেন। যদি তোমরা ন্যায়সংগত কাজ করো ও ভয়ঙ্গীত না হও, তাহলে তোমরা তাঁরই কন্যা হয়ে উঠেছ। 7 একইভাবে স্বামীরা, তোমরা তোমাদের স্ত্রীর সঙ্গে বাস করার সময় সুবিবেচক হও। তাদের দুর্বলতর সঙ্গী ও জীবনের অনুগ্রহ-রূপ বরদানের সহ-উত্তরাধিকারী জেনে, তোমরা তাদের সঙ্গে শুদ্ধাপূর্বক আচরণ কোরো, যেন কোনো কিছুই তোমাদের প্রার্থনায় বাধা সৃষ্টি করতে না পারে। 8 সবশেষে বলি, তোমরা সবাই পরস্পরের সঙ্গে মিল রেখে বসবাস করো; তোমরা সহানুভূতিশীল, একে অপরকে ভালোবাসো, দরদি ও নতনষ্ট হও। 9 মন্দের পরিশোধে মন্দ বা অপমানের পরিশোধে অপমান কোরো।

না, বরং আশীর্বাদ কোরো; কারণ এর জন্যই তোমাদের আহ্বান করা হয়েছ, যেন তোমরা আশীর্বাদের অধিকারী হতে পারো। 10 কারণ, “কেউ যদি জীবন ভালোবাসতে চায়, মঙ্গলের দিন দেখতে চায়, সে অবশ্যই মন্দ থেকে তার জিভ ও ছলনাপূর্ণ বাক্য থেকে তার ঠোঁট রক্ষা করবে। 11 তারা মন্দ থেকে মন ফেরাবে আর সৎকর্ম করবে তারা অবশ্যই শান্তির সন্ধান করবে ও তা অনুসরণ করবে। 12 কারণ প্রভুর দৃষ্টি ধার্মিকদের প্রতি রয়েছে, আর তাদের প্রার্থনায় তিনি কর্ণপাত করেন, কিন্তু যারা দুর্কর্ম করে প্রভুর মুখ তাদের বিরুদ্ধে।” 13 তোমরা যদি সৎকর্ম করতে আগ্রহী হও, কে তোমাদের ক্ষতি করবে? 14 কিন্তু ন্যায়সংগত কাজের জন্য যদি তোমরা কষ্টও ভোগ করো, তাহলে তোমরা ধন্য। “তাদের ভীতি প্রদর্শনে তোমরা ভয় পেয়ো না, তোমরা বিচলিত হোয়ো না।” 15 কিন্তু তোমাদের হৃদয়ের মধ্যে খ্রীষ্টকেই প্রভু বলে মান্য করো। তোমাদের অন্তরের প্রত্যাশার কারণ সম্পর্কে কেউ জানতে চাইলে, তাকে উন্নত দেওয়ার জন্য সবসময় প্রস্তুত থেকো। কিন্তু তা কোমলতা ও শ্রদ্ধার সঙ্গে কোরো, 16 বিবেককে স্বচ্ছ রেখো, যেন তোমাদের খ্রীষ্টীয় সদাচরণ দেখে যারা বিদ্বেষপূর্ণভাবে তোমাদের বিরুদ্ধে কথা বলে, তারা তাদের কটুক্তির জন্য লজ্জিত হয়। 17 যদি ঈশ্বরের ইচ্ছা হয়, তবে দুর্কর্ম করে দুঃখকষ্ট ভোগ করার চেয়ে বরং সৎকর্ম করে কষ্টভোগ করা শ্রেয়। 18 কারণ খ্রীষ্টও পাপের প্রায়চিত্তের জন্য একবারই মৃত্যুবরণ করেছেন, সেই ধার্মিক ব্যক্তি অধার্মিকদের জন্য করেছেন, যেন তোমাদের ঈশ্বরের কাছে নিয়ে যেতে পারেন। তাঁকে শরীরে হত্যা করা হলেও আত্মায় জীবিত করা হয়েছে, 19 যাঁর মাধ্যমে কারাগারে বন্দি আত্মাদের কাছে গিয়ে তিনি প্রচার করেছিলেন। 20 এই আত্মারা বহুপূর্বে অবাধ্য হয়েছিল, যখন ঈশ্বর নোহের সময়ে সহিষ্ণুতার সঙ্গে অপেক্ষা করেছিলেন এবং জাহাজ নির্মিত হচ্ছিল। এর মধ্যে মাত্র কয়েকজন, সর্বমোট আটজন জলের মধ্য থেকে উদ্ধার পেয়েছিল। 21 এই জলই হল বাণিষ্ঠের প্রতীক, যা এখন তোমাদেরও রক্ষা করে—শরীর থেকে ময়লা দূর করার জন্য নয়, কিন্তু ঈশ্বরের কাছে এক সৎ বিবেক নিবেদন করার

জন্য। এ যীশু খ্রীষ্টের পুনরুত্থান দ্বারা তোমাদের পরিত্রাণ সাধন করে।

22 তিনি স্বর্গে গিয়েছেন ও ঈশ্বরের ডানদিকে আছেন—সব স্বর্গদৃত,  
কর্তৃত্ব ও পরাক্রম তাঁরই বশ্যতাধীন রয়েছে।

4 অতএব, খ্রীষ্ট তাঁর শরীরে কষ্টভোগ করেছেন বলে, তোমরাও সেই  
একই উপায়ে নিজেদের সুসজ্জিত করে তোলো, কারণ যে শরীরে  
কষ্টভোগ করেছে, সে পাপের সঙ্গে সম্পর্ক শেষ করেছে। 2 এর ফলে,  
সে মন্দ দৈহিক কামনাবাসনায় তাঁর পার্থিব জীবনযাপন করে না, বরং  
ঈশ্বরের ইচ্ছা অনুসারেই করে। 3 অইন্দ্রিয়া যেমন করে—লম্পটতা,  
ভোগলালসা, মদ্যপান, রংজন ও ঘৃণ্য প্রতিমাপূজা—এসব করে  
অতীতে তোমরা যথেষ্ট সময় কাটিয়ে দিয়েছ। 4 তোমরা তাদের মতো  
একই উচ্ছৃঙ্খলার জীবন অনুসরণ করছ না বলে এখন তারা বিস্ময়  
বোধ করে ও তোমাদের উপরে অবমাননার বোৰা চাপিয়ে দেয়। 5  
কিন্তু যিনি জীবিত ও মৃতদের বিচার করতে প্রস্তুত, তাঁর কাছে তাদের  
কৈফিয়ত দিতে হবে। 6 এই কারণেই এখন যারা মৃত, তাদের কাছেও  
সুসমাচার প্রচার করা হয়েছিল, যেন শারীরিকভাবে মানুষের মতো  
তাদের বিচার করা গেলেও, ঈশ্বরের ইচ্ছা অনুযায়ী তারা আত্মায়  
জীবিত থাকে। 7 সবকিছুরই অন্তিমকাল সন্ধিকট। অতএব তোমরা  
শুন্দরন ও আত্মসংঘর্ষ হও, যেন প্রার্থনা করতে পারো। 8 সর্বোপরি,  
পরম্পরকে গভীরভাবে ভালোবাসো, কারণ “ভালোবাসা” পাপকে  
আবৃত করে।” 9 বিরক্তি বোধ না করে তোমরা একে অপরের আতিথ্য  
করো। 10 প্রত্যেকেই অন্যদের সেবা করার উদ্দেশ্যে যে বরদান লাভ  
করেছে, ঈশ্বরের সেই অনুগ্রহ তারা বিশৃঙ্খল কর্মাধ্যক্ষের মতো ব্যবহার  
করুক। 11 কেউ যদি কথা বলে, সে এমনভাবে বলুক, যেন ঈশ্বরের  
বাণীই বলছে। কেউ যদি সেবা করে, সে ঈশ্বরের দেওয়া শক্তির গুণেই  
তা করুক, যেন সব বিষয়ে যীশু খ্রীষ্টের মাধ্যমে ঈশ্বর প্রশংসিত হন।  
মহিমা ও পরাক্রম যুগে যুগে চিরকাল তাঁরই হোক। আমেন। (aiōn  
g165) 12 প্রিয় বন্ধুরা, যে যন্ত্রণাপূর্ণ পরীক্ষা তোমরা ভোগ করছ, তা  
কোনো অস্বাভাবিক ঘটনা তোমাদের প্রতি ঘটছে মনে করে বিস্মিত  
হোয়ো না। 13 কিন্তু খ্রীষ্টের কষ্টভোগে তোমরাও অংশগ্রহণ করছ মনে

করে আনন্দ করো, যেন যেদিন তাঁর মহিমা প্রকাশিত হবে, সেদিন  
তোমরাও অতিশয় আনন্দিত হতে পারো। 14 খ্রীষ্টের নামের জন্য  
যদি তোমরা অপমানিত হও, তাহলে তোমরা ধন্য, কারণ ঈশ্বরের  
মহিমাময় আত্মা তোমাদের উপরে অধিষ্ঠান করছেন। 15 তোমরা  
যদি কষ্টভোগ করো, তাহলে হত্যাকারী বা চোর অথবা অন্য কোনো  
প্রকার অপরাধী হয়ে, এমনকি, অনধিকার-চর্চাকারীরূপে করো না,  
16 কিন্তু যদি খ্রীষ্টিয়ান বলে কষ্টভোগ করো, তাহলে লজ্জিত হোয়ো  
না, বরং সেই নামের জন্য ঈশ্বরের প্রশংসা করো। 17 কারণ ঈশ্বরের  
গৃহেই বিচারের সময় আরম্ভ হল, আর তা যদি আমাদের দিয়ে শুরু  
হয়, তাহলে যারা ঈশ্বরের সুসমাচারের অবাধ্য, তাদের পরিণতি কী  
হবে? 18 আবার, “পরিত্রাণ লাভ যদি ধার্মিকদেরই কষ্টসাধ্য হয়,  
তাহলে ভক্তিহীন ও পাপীদের কী হবে?” 19 তাহলে, সেই কারণে যারা  
ঈশ্বরের ইচ্ছা অনুযায়ী কষ্টভোগ করে, তারা তাদের বিশ্বস্ত সৃষ্টিকর্তার  
কাছে নিজেদের সমর্পণ করুক ও সৎকর্ম করে যাক।

**5** তোমাদের মধ্যে যে প্রাচীনেরা আছেন, তাদের কাছে আমিও  
একজন প্রাচীন, খ্রীষ্টের কষ্টভোগের সাক্ষী ও যে মহিমা প্রকাশিত হবে  
তার অংশীদাররূপে আমি মিনতি করছি, 2 ঈশ্বরের যে পাল তোমাদের  
তত্ত্বাবধানে আছে, তাদের পালক হও—তত্ত্বাবধায়করূপে তাদের  
সেবা করো—বাধ্য হয়ে নয়, কিন্তু তোমরা ইচ্ছুক বলে, যেমন ঈশ্বর  
তোমাদের কাছে চান; অর্থের লালসায় নয়, কিন্তু সেবার আগ্রহ নিয়ে,  
3 যাদের তোমাদের হাতে সমর্পণ করা হয়েছে, তাদের উপরে প্রভুত্ব  
করার জন্য নয়, কিন্তু পালের কাছে আদর্শস্বরূপ হয়ে করো। 4 তাহলে,  
যখন প্রধান পালক প্রকাশিত হবেন, তোমরা মহিমার মুকুট লাভ করবে,  
যা কখনও ম্লান হবে না। 5 সেভাবে যুবকেরা, তোমরা প্রাচীনদের  
বশ্যতাস্বীকার করো। তোমাদের মধ্যে প্রত্যেকেই পরস্পরের প্রতি  
নতন্ত্র আচরণ করো, কারণ, “ঈশ্বর অহংকারীদের প্রতিরোধ করেন,  
কিন্তু বিনয়দের অনুগ্রহ-দান করেন।” 6 সেই কারণে, ঈশ্বরের পরাক্রমী  
হাতের নিচে, নিজেদের নতন্ত্র করো, যেন তিনি উপযুক্ত সময়ে  
তোমাদের উন্নত করেন। 7 তোমাদের সমস্ত দুশ্চিন্তার ভার তাঁরই

উপরে দিয়ে দাও, কারণ তিনি তোমাদের জন্য চিন্তা করেন। ৪ তোমরা  
আত্মসংযোগী হও ও সতর্ক থাকো। তোমাদের শক্তি, সেই দিয়াবল,  
গর্জনকারী সিংহের মতো কাকে গ্রাস করবে, তাকে চারদিকে খুঁজে  
বেড়াচ্ছে। ৫ বিশ্বাসে অটল থেকে তোমরা তার প্রতিরোধ করো, কারণ  
তোমরা জানো যে, সমগ্র জগতে বিশ্বাসী মণ্ডলীও একই রকমের কষ্ট-  
লাঞ্ছনা ভোগ করছে। ১০ আর সমস্ত অনুগ্রহের ঈশ্বর, যিনি খ্রীষ্টে তাঁর  
অনন্ত মহিমা প্রদানের জন্য তোমাদের আহ্বান করেছেন, সাময়িক  
কষ্টভোগ করার পর তিনি স্বয়ং তোমাদের পুনঃপ্রতিষ্ঠিত করবেন এবং  
তোমাদের শক্তিশালী, সুদৃঢ় ও অবিচল করবেন। (aiōnios g166) ১১  
যুগে যুগে চিরকাল তাঁর পরাক্রম হোক। আমেন। (aiōn g165) ১২ সীল,  
যাঁকে আমি বিশ্বস্ত ভাই বলে মনে করি, তাঁরই সাহায্য নিয়ে আমি  
তোমাদের উৎসাহ দিয়ে এই সংক্ষিপ্ত পত্র লিখেছি এবং সাক্ষ্য দিচ্ছি  
যে, এই হল ঈশ্বরের প্রকৃত অনুগ্রহ। এতেই তোমরা স্পির থাকো।  
১৩ তোমাদেরই সঙ্গে মনোনীত ব্যাবিলনবাসী সেই বোন তোমাদের  
প্রতি তাঁর শুভেচ্ছা জানাচ্ছেন। আমার পুত্রসম মার্ক-ও তাঁর শুভেচ্ছা  
জানাচ্ছেন। ১৪ প্রীতি-চুম্বনে তোমরা পরস্পরকে শুভেচ্ছা জানাও।  
তোমরা যতজন খ্রীষ্টে আছ, সকলের প্রতি শান্তি বর্তুক।

## ২য় পিতর

১ আমি শিমোন পিতর, যীশু খ্রীষ্টের একজন প্রেরিতশিষ্য ও দাস, যারা আমাদের ঈশ্বর ও পরিত্রাতা যীশু খ্রীষ্টের ধার্মিকতার মাধ্যমে আমাদের মতোই বহুমূল্য বিশ্বাস পেয়েছে, তাদের উদ্দেশে এই পত্র লিখছি।  
২ ঈশ্বর ও আমাদের প্রভু যীশু খ্রীষ্টের বিষয়ে জ্ঞানলাভের মাধ্যমে তোমরা প্রচুর পরিমাণে অনুগ্রহ ও শান্তির অধিকারী হও। ৩ যিনি নিজ মহিমা ও মহৎ আমাদের আহ্বান করেছেন, তাঁর তত্ত্বজ্ঞান দ্বারা তাঁর ঐশ্বরিক পরাক্রম আমাদের জীবন ও ভক্তিপরায়ণতা সম্পর্কে যা কিছু প্রয়োজন, সবকিছুই দান করেছেন। ৪ এসবের মাধ্যমে তিনি আমাদের তাঁর অত্যন্ত মহান ও বহুমূল্য সব প্রতিশ্রূতি দিয়েছেন। তোমরা যেন সেগুলির মাধ্যমে ঐশ্বরিক স্বভাবের অংশীদার হও। সেই সঙ্গে মন্দ কামনাবাসনার দ্বারা উত্তৃত যে জগতের কলৃষ্টতা, তা থেকে তোমরা পালিয়ে যেতে পারো। ৫ বিশেষ এই কারণেই তোমরা সর্বতোভাবে চেষ্টা করে তোমাদের বিশ্বাসের সঙ্গে যুক্ত করো সৎ আচরণ, সৎ আচরণের সঙ্গে জ্ঞান, ৬ জ্ঞানের সঙ্গে আত্মসংযম, আত্মসংযমের সঙ্গে নিষ্ঠা, নিষ্ঠার সঙ্গে ভক্তি ৭ ও ভক্তির সঙ্গে একে অপরের প্রতি নেহ এবং একে অপরের প্রতি নেহের সঙ্গে ভালোবাসা। ৮ কারণ তোমরা যদি এই সমস্ত গুণের অধিকারী হয়ে সেগুলির বৃদ্ধি ঘটাও, তাহলে সেগুলিই তোমাদের প্রভু যীশু খ্রীষ্টের সমন্বন্ধে জ্ঞানলাভের পথে তোমাদের নিষ্ক্রিয় বা নিষ্ক্রিয় হতে দেবে না। ৯ কিন্তু কারণ মধ্যে যদি সেগুলি না থাকে, সে অদুরদৃশী ও অক্ষ, সে ভুলে গেছে যে, তার অতীতের সব পাপ থেকে সে শুন্দ হয়েছে। ১০ সেই কারণে ভাইবোনেরা, তোমাদের আহ্বান ও মনোনীত হওয়া সম্পর্কে সুনিশ্চিত হওয়ার জন্য তোমরা সবাই আরও বেশি আগ্রহী হও। কারণ তোমরা এসব বিষয় সম্পর্ক করলে তোমরা কখনও ব্যর্থ হবে না। ১১ আর তোমরা আমাদের প্রভু ও পরিত্রাতা যীশু খ্রীষ্টের অনন্ত রাজ্যে সাদর অভ্যর্থনা লাভ করবে। (aiōnios g166) ১২ অতএব, আমি এই সমস্ত বিষয় প্রতিনিয়ত তোমাদের মনে করিয়ে দেব, যদিও তোমরা সেসব জানো এবং এখন যে সত্য তোমরা জেনেছ তাতেই দৃঢ়রূপে প্রতিষ্ঠিত

আছ। 13 এই দেহরূপ তাঁবুতে আমি যতদিন বাস করব, ততদিন তোমাদের মনে করিয়ে দেওয়া আমার কর্তব্য বলে মনে করি। 14 কারণ আমি জানি, খুব শীঘ্রই আমাকে তা ছেড়ে যেতে হবে, প্রভু যীশু খ্রিষ্ট আমাকে তা স্পষ্টই জানিয়ে দিয়েছেন। 15 আমি আপ্রাণ চেষ্টা করে যাব, যেন আমার চলে যাওয়ার পরেও তোমরা এসব বিষয় সবসময়ই মনে রাখতে পারো। 16 তোমাদের কাছে যখন প্রভু যীশু খ্রিষ্টের পরাক্রম ও আগমনের কথা বলেছিলাম, তখন আমরা কোশলে কোনো কল্পকাহিনির আশ্রয় গ্রহণ করিনি, কিন্তু আমরা ছিলাম তাঁর মহিমার প্রত্যক্ষদর্শী। 17 কারণ তিনি পিতা ঈশ্বরের কাছ থেকে সম্মান ও গৌরব পেয়েছিলেন, যখন রাজসিক মহিমা থেকে এক বাণী তাঁর কাছে উপস্থিত হল, “ইনিই আমার প্রিয় পুত্র, যাঁকে আমি প্রেম করি, এর প্রতি আমি পরম প্রসন্ন।” 18 আমরা যখন তাঁর সঙ্গে সেই পবিত্র পর্বতে ছিলাম, আমরা নিজেরাও স্বর্গ থেকে শোষিত সেই স্বর শুনেছি। 19 আবার, আমাদের কাছে ভাববাদীদের বাণীও রয়েছে যা আমাদের আরও সুনিশ্চিত করেছে এবং তোমরা এ বিষয়ে মনোনিবেশ করলে ভালোই করবে, কারণ যতদিন না দিনের আলো ফুটে ওঠে ও তোমাদের হৃদয়ের আকাশে প্রভাতি তারার উদয় হয়, ততদিন এই বাণীই হবে অন্ধকারময় স্থানে প্রদীপের মতো। 20 সর্বোপরি, তোমাদের অবশ্যই বুঝে নিতে হবে যে, শাস্ত্রের কোনো ভবিষ্যদ্বাণী ভাববাদীর নিজের ব্যাখ্যার বিষয় নয়। 21 কারণ মানুষের ইচ্ছা থেকে কখনও ভাববাণীর উত্তর হয়নি, মানুষেরা পবিত্র আত্মার দ্বারা পরিচালিত হয়ে ঈশ্বর থেকে যা পেয়েছেন, তাই বলেছেন।

**২** কিন্তু, সেই ইস্রায়েলী প্রজাদের মধ্যে ভগ্ন ভাববাদীরাও ছিল, যেমন তোমাদের মধ্যে ভগ্ন শিক্ষকদের দেখা যাবে। তারা গোপনে ধ্বংসাত্মক মতবাদ প্রচার করবে, এমনকি, যিনি তাদের কিনে নিয়েছেন, সেই সার্বভৌম প্রভুকেই অস্মীকার করবে—তারা দ্রুত নিজেদের বিনাশ দেকে আনবে। 2 বহু মানুষই তাদের ঘৃণ্য আচরণের অনুসারী হবে; আর তাদের জন্য সত্যের পথ নিন্দিত করবে। 3 এসব শিক্ষক লোভের বশবত্তী হয়ে তাদেরই রচিত কল্পকাহিনির দ্বারা তোমাদের শোষণ

করবে। দীর্ঘ সময় ধরে তাদের উপরে শাস্তি নির্ধারিত রয়েছে এবং তাদের বিনাশের আর দেরি নেই। 4 কারণ স্বর্গদুতেরা পাপ করলে, ঈশ্বর তাদের নিষ্কৃতি না দিয়ে নরকে পাঠিয়ে দিলেন, বিচারের জন্য অন্ধকারাচ্ছন্ম পাতালে শিকল দিয়ে বন্দি করে রেখে দিলেন। (Tartaroō g5020) 5 তিনি প্রাচীন পৃথিবীকে নিষ্কৃতি না দিয়ে ভক্তিহীন লোকদের উপরে মহাপ্লাবন এনেছিলেন, কিন্তু ধার্মিকতার প্রচারক নোহ ও অপর আরও সাতজনকে রক্ষা করেছিলেন; 6 তিনি সদোম ও ঘমোরা নগর দুটিকে দোষী সাব্যস্ত করে ভস্মীভূত করেছিলেন, যেন ভবিষ্যতে ভক্তিহীন লোকদের প্রতি কী ঘটবে তার দৃষ্টান্ত স্থাপন করেন। 7 কিন্তু লোট নামের এক ধার্মিক ব্যক্তিকে, যিনি উচ্ছ্বাস মানুষদের স্বেচ্ছাচারে যন্ত্রণাভোগ করতেন, তাঁকে তিনি উদ্ধার করেছিলেন। 8 (কারণ সেই ধার্মিক ব্যক্তি দিনের পর দিন তাদের মধ্যে বাস করে, তাদের অনাচার দেখে ও শুনে, তাঁর ধর্মময় প্রাণে কষ্ট পেতেন) — 9 যদি তাই হয়, তাহলে প্রভু জানেন, কীভাবে ধার্মিকদের বিভিন্ন পরীক্ষা থেকে উদ্ধার করতে হয় এবং অধার্মিকদের কীভাবে বিচারদিনের জন্য রাখতে হয়, যদিও সেই সময় পর্যন্ত তাদের শাস্তি অব্যাহত রাখেন। 10 একথা বিশেষরূপে তাদের ক্ষেত্রে সত্য, যারা পাপময় প্রবৃত্তির কলুষিত কামনাবাসনার অনুসারী হয় ও কর্তৃত্বকে অবজ্ঞা করে। এরা দুঃসাহসী ও উদ্বিগ্ন, এরা দিব্যজনেদের নিন্দা করতে ভয় পায় না; 11 তবুও স্বর্গদুতেরা, যদিও তাঁরা বেশি শক্তিশালী ও বেশি ক্ষমতাসম্পন্ন, তাঁরা কিন্তু এদের বিরুদ্ধে প্রভুর সাক্ষাতে কুৎসাপূর্ণ অভিযোগ করেন না। 12 কিন্তু এই লোকেরা যে বিষয় বোঝে না, সেই বিষয়েরই নিন্দা করে। তারা হিংস্র পশুর মতো, ইতর প্রবৃত্তির প্রাণী, তাদের জন্ম কেবলমাত্র ধরা পড়ে ধৰ্মস হওয়ার জন্যই হয়েছে। পশুর মতোই তারা বিনষ্ট হবে। 13 তারা যে অনিষ্ট করেছে, তার প্রতিফলে তারা অনিষ্টই ভোগ করবে। তাদের কাছে সুখভোগের অর্থ হল প্রকাশ্যে দিনের আলোয় ভোজনপানে মন্ত হওয়া। তোমাদের সঙ্গে ভোজসভায় যোগ দেওয়ার সময় তারা উচ্ছ্বাস ভোগবাসনায় কলক্ষ ও লজ্জার কারণ হয়। 14 তাদের চোখ ব্যভিচারে পূর্ণ, তারা পাপ করতে কখনও ক্ষান্ত হয় না;

বাদের মতিগতির কোনো ঠিক নেই তাদের ব্যভিচারে প্রলুক্ত করে; তারা অর্থলালসায় অভ্যস্ত, তারা অভিশপ্ত বংশ। 15 তারা সহজসরল পথ ত্যাগ করে, বিয়োরের পুত্র বিলিয়মের পথ অনুসরণ করেছে, যে দুষ্টার পারিশ্রমিক ভালোবাসতো। 16 কিন্তু সে তার দুর্ঘর্মের জন্য কথা বলতে পারে না এমন এক পশ্চ—এক গর্দভের দ্বারা তিরকৃত হল; সেই গর্দভ মানুষের ভাষায় কথা বলে সেই ভাববাদীর অন্যায় কাজ সংযত করেছিল। 17 এই লোকেরা জলহীন উৎস ও ঝাড়ে উড়ে যাওয়া কুয়াশার মতো। তাদের জন্য ঘোরতর অন্ধকার সংরক্ষিত আছে। 18 কারণ তারা অসার ও দাস্তিক উক্তি করে এবং পাপপূর্ণ দৈহিক কামনাবাসনার কথা বলে। তারা সেইসব মানুষদের প্রলোভিত করে, যারা বিপথে জীবনযাপন করার হাত থেকে সবেমাত্র উদ্ধার পেয়েছে। 19 এই ভঙ্গ শিক্ষকেরা তাদের কাছে স্বাধীনতার প্রতিশ্রুতি দেয়, অথচ তারা নিজেরাই অনৈতিকতার ক্ষীতিদাস, কারণ মানুষের উপরে যা প্রভৃতি করে, মানুষ তারই দাস। 20 আমাদের প্রভু ও পরিত্রাতা যীশু খ্রীষ্টকে জানার পর তারা যদি জগতের কল্যাণতা থেকে মুক্ত হয়ে আবার তারই মধ্যে জড়িয়ে পড়ে ও পরাজিত হয়, তাহলে তাদের প্রথম অবস্থার চেয়ে শেষের অবস্থা হবে আরও শোচনীয়। 21 তাদের পক্ষে ধার্মিকতার পথ জেনে ও তাদের কাছে যে পবিত্র অনুশাসন দেওয়া হয়েছিল, তা আমান্য করার চেয়ে, সেই পথ না-জানাই তাদের পক্ষে ভালো ছিল। 22 তাদের পক্ষে এই প্রবাদ সত্যি: “কুকুর তার বমির দিকে ফিরে যায়,” আর “পরিচ্ছন্ন শূকর কাদায় গড়াগড়ি দিতে ফিরে যায়।”

**৩** প্রিয় বন্ধুরা, তোমাদের কাছে এ আমার দ্বিতীয় পত্র। তোমাদের সরল ভাবনাচিন্তাকে উদ্বীপিত করার জন্য এই দুটি পত্রে আমি তোমাদের মনে করিয়ে দিয়েছি। 2 অতীতে পবিত্র ভাববাদীরা যেসব কথা বলে গিয়েছেন এবং তোমাদের প্রেরিতশিষ্যদের মাধ্যমে প্রদত্ত আমাদের প্রভু ও উদ্ধারকর্তা যে আদেশ দিয়েছেন, আমি চাই তোমরা যেন সেগুলি মনে রাখো। 3 প্রথমে, তোমরা অবশ্যই বুঝে নিয়ো যে, শেষের দিনে ব্যঙ্গ-বিদ্রূপকারীদের আবির্ভাব ঘটবে; তারা ব্যঙ্গবিদ্রূপ করবে

ও নিজের নিজের কুপ্রবৃত্তির অনুসরণ করবে। 4 তারা বলবে, “তাঁর পুনরাগমনের প্রতিশ্রূতির কী হল? আমাদের পিতৃপুরুষদের যখন থেকে মৃত্যু হয়েছে, সৃষ্টির রচনাকাল থেকে সবকিছু যেমন চলছিল, তেমনই চলছে।” 5 কিন্তু তারা ইচ্ছা করেই ভুলে যায় যে, আদিতে ঈশ্বরের বাক্য দ্বারাই আকাশমণ্ডল সৃষ্টি হয়েছিল এবং পৃথিবী জলের মধ্য থেকে ও জলের দ্বারা গঠিত হয়েছিল। 6 এই জলরাশির দ্বারাই সেই সময়ের পৃথিবী প্লাবিত হয়ে ধ্বংস হয়েছিল। 7 সেই একই বাক্যের দ্বারা বর্তমান আকাশমণ্ডল ও পৃথিবী আগুনের জন্য সংরক্ষিত আছে, বিচারদিনের জন্য ও ভক্তিহীন মানুষদের ধ্বংসের জন্য রক্ষিত আছে। 8 প্রিয় বন্ধুরা, এই একটি কথা কিন্তু ভুলে যেয়ো না: প্রভুর কাছে একদিন হাজার বছরের সমান ও হাজার বছর একদিনের সমান। 9 প্রভু তাঁর প্রতিশ্রূতি পালনে দেরি করেন না যেমন কেউ কেউ তা মনে করে। তিনি তোমাদের প্রতি দীর্ঘসহিষ্ণু, তিনি চান না, কেউ যেন বিনষ্ট হয়, কিন্তু চান, প্রত্যেকেই যেন মন পরিবর্তন করে। 10 কিন্তু প্রভুর সেদিন আসবে চোরের মতো। আকাশমণ্ডল গুরুগন্তীর গর্জনে অদৃশ্য হয়ে যাবে; এর মৌলিক পদার্থগুলি আগুনে ধ্বংস হবে এবং পৃথিবী ও তার মধ্যে সবকিছুই আগুনে পুড়ে বিলীন হবে। 11 সবকিছুই যখন এভাবে ধ্বংস হয়ে যাবে, তখন তোমাদের কী ধরনের মানুষ হওয়া উচিত? তোমাদের অবশ্যই পবিত্র ও ভক্তিপূর্ণ জীবনযাপন করতে হবে, 12 যখন তোমরা ঈশ্বরের সেই দিনের আগমনের জন্য প্রতীক্ষা করছ ও চাইছ যে তা যেন দ্রুত আসে। সেদিনে আকাশমণ্ডল ধ্বংস হয়ে যাবে এবং মৌলিক পদার্থগুলি আগুনে পুড়ে গলে যাবে। 13 কিন্তু তাঁর প্রতিশ্রূতি অনুযায়ী আমরা এক নতুন আকাশ ও এক নতুন পৃথিবীর প্রতীক্ষায় আছি, তা হবে ধার্মিকতার আবাস। 14 তাহলে, প্রিয় বন্ধুরা, তোমরা যেহেতু এরই প্রতীক্ষা করে আছ তাই সব ধরনের প্রয়াস করো, যেন তোমাদের নিষ্কলঙ্ঘ ও নির্দোষ অবস্থায় ও শান্তিতে তাঁর কাছে দেখতে পাওয়া যায়। 15 মনে রাখবে, আমাদের প্রভুর দীর্ঘসহিষ্ণুতা মানুষকে পরিত্রাণ পাওয়ার সুযোগ দেয়। আমাদের প্রিয় ভাই পৌলও ঈশ্বরের দেওয়া জ্ঞান ব্যবহার করে তোমাদের একথা

লিখেছেন। 16 তিনি তাঁর সব পত্রেই এভাবে লিখেছেন এবং সেগুলির  
মধ্যে এসব বিষয়ের উল্লেখ থাকে। তাঁর পত্রগুলির মধ্যে এমন কতগুলি  
বিষয় থাকে, যেগুলি বুঝে ওঠা কষ্টকর। অঙ্গ ও চপ্পল লোকেরা শাস্ত্রের  
অন্যান্য বাণীর মতো এগুলিও বিকৃত করে ও নিজেদের সর্বনাশ ডেকে  
আনে। 17 তাই প্রিয় বন্ধুরা, যেহেতু তোমরা এ বিষয় আগে থেকেই  
জানো, সতর্ক থেকো, যেন তোমরা স্বেচ্ছাচারী মানুষদের ভুল পথে  
ভোসে যেয়ো না ও তোমাদের নিরাপদ অবস্থান থেকে বিপথ না যাও।  
18 কিন্তু তোমরা আমাদের প্রভু ও পরিত্রাতা যীশু খ্রীষ্টের অনুগ্রহ ও  
জ্ঞানে বৃদ্ধি পেতে থাকো। এখন ও চিরকাল পর্যন্ত তাঁর মহিমা হোক।  
আমেন। (aiōn g165)

## ୧ମ ଯୋହନ

**୧** ପ୍ରଥମ ଥେକେଇ ଯା ଛିଲ ବିଦ୍ୟମାନ, ଯା ଆମରା ଶୁଣେଛି, ଯା ଆମରା ନିଜେର ଚୋଥେ ଦେଖେଛି, ଯା ଆମରା ନିରୀକ୍ଷଣ କରେଛି ଏବଂ ନିଜେର ହାତେ ଯା ସ୍ପର୍ଶ କରେଛି, ଜୀବନେର ସେଇ ବାକ୍ୟ ସମ୍ପର୍କେ ଆମରା ଘୋଷଣା କରାଇ । ୨ ସେଇ ଜୀବନ ପ୍ରକାଶିତ ହଲେନ, ଆମରା ତା ପ୍ରତ୍ୟକ୍ଷ କରେଛି ଓ ସେଇ ବିଷୟେ ସାକ୍ଷ୍ୟ ଦିଚ୍ଛି । ଯା ପିତାର କାହେ ଛିଲ ଏବଂ ଯା ଆମାଦେର କାହେ ପ୍ରକାଶିତ ହେଁଛେ, ଆମରା ସେଇ ଅନ୍ତ ଜୀବନେର କଥା ତୋମାଦେର କାହେ ଘୋଷଣା କରାଇ । (aiōnios g166) ୩ ଆମରା ଯା ଦେଖେଛି ଓ ଶୁଣେଛି, ତାଇ ତୋମାଦେର କାହେ ଘୋଷଣା କରାଇ, ଯେନ ତୋମରା ଆମାଦେର ସଙ୍ଗେ ସହଭାଗିତା ସ୍ଥାପନ କରତେ ପାରୋ । ଆର ଆମାଦେର ସହଭାଗିତା ପିତା ଓ ତା'ର ପୁତ୍ର ଯୀଶୁ ଖ୍ରୀଷ୍ଟେର ସଙ୍ଗେ । ୪ ତୋମାଦେର ଆମରା ଏକଥା ଲିଖାଇ, ଯେନ ଆମାଦେର ଆନନ୍ଦ ସମ୍ପୂର୍ଣ୍ଣ ହୁଏ । ୫ ଏହି ବାଣୀ ଆମରା ତା'ର କାହେ ଥେକେ ଶୁଣେ ତୋମାଦେର କାହେ ଘୋଷଣା କରାଇ: ଈଶ୍ୱର ଜ୍ୟାତି; ତା'ର ମଧ୍ୟେ ଅନ୍ଧକାରେର ଲେଶମାତ୍ର ନେଇ । ୬ ତା'ର ସଙ୍ଗେ ଆମାଦେର ସହଭାଗିତା ଆହେ, ଏମନ ଦାବି କରେଓ ଯଦି ଅନ୍ଧକାରେ ଚଲି, ତବେ ଆମରା ମିଥ୍ୟା କଥା ବଲି ଏବଂ ସତ୍ୟ ଜୀବନଯାପନ କରି ନା । ୭ କିନ୍ତୁ ତିନି ଯେମନ ଜ୍ୟାତିତେ ଆହେନ ଆମରାଓ ଯଦି ତେମନ ଜ୍ୟାତିତେ ଜୀବନ କାଟାଇ, ତାହଲେ ପରମ୍ପରରେ ସଙ୍ଗେ ଆମାଦେର ସହଭାଗିତା ଆହେ ଏବଂ ତା'ର ପୁତ୍ର ଯୀଶୁର ରଙ୍ଗ ସବ ପାପ ଥେକେ ଆମାଦେର ଶୁଚିଶୁଦ୍ଧ କରେ । ୮ ଆମରା ଯଦି ନିଜେଦେର ନିଷ୍ପାପ ବଲେ ଦାବି କରି, ତାହଲେ ଆମରା ନିଜେଦେର ପ୍ରତାରଣା କରି ଏବଂ ସତ୍ୟ ଆମାଦେର ମଧ୍ୟେ ବାସ କରେ ନା । ୯ ଆମରା ଯଦି ଆମାଦେର ପାପସ୍ଵାକାର କରି, ତିନି ବିଶ୍ଵସ ଓ ନ୍ୟାୟପରାଯଣ, ତାଇ ତିନି ଆମାଦେର ସବ ପାପ କ୍ଷମା କରେ ସମସ୍ତ ଅଧାର୍ମିକତା ଥେକେ ଶୁଚିଶୁଦ୍ଧ କରବେନ । ୧୦ ଯଦି ଆମରା ବଲି ଯେ ଆମରା ପାପ କରିନି, ଆମରା ତା'କେ ମିଥ୍ୟାବାଦୀ ପ୍ରତିପଦ୍ଧତି କରି ଏବଂ ଆମାଦେର ଜୀବନେ ତା'ର ବାକ୍ୟେର କୋନାଓ ହାନି ନେଇ ।

**୨** ଆମାର ପ୍ରିୟ ସନ୍ତାନେରା, ଆମି ତୋମାଦେର ଏସବ ଲିଖାଇ, ଯେନ ତୋମରା ପାପ ନା କରୋ । କିନ୍ତୁ କେଉଁ ଯଦି ପାପ କରେ, ତାହଲେ ଆମାଦେର ଏକଜନ ପକ୍ଷସମର୍ଥନକାରୀ ଆହେନ; ତିନି ଆମାଦେର ହେଁ ପିତାର କାହେ ମିନତି କରେନ । ତିନି ଯୀଶୁ ଖ୍ରୀଷ୍ଟ, ସେଇ ଧାର୍ମିକ ପୁରୁଷ । ୨ ତିନି ଆମାଦେର ସବ

পাপের প্রায়শিত্ত, শুধুমাত্র আমাদের জন্য নয়, কিন্তু সমস্ত জগতের  
পাপের প্রায়শিত্ত করেছেন। 3 আমরা যদি তাঁর আদেশ পালন করি,  
তাহলেই বুঝতে পারব যে আমরা তাঁকে জেনেছি। 4 যে ব্যক্তি বলে,  
“আমি তাঁকে জানি,” কিন্তু তাঁর আদেশ পালন করে না, সে মিথ্যাচারী,  
তার অন্তরে সত্য নেই। 5 কিন্তু যে তাঁর বাক্য পালন করে, তার  
অন্তরে ঈশ্বরের প্রেম প্রকৃত অর্থেই পূর্ণতা লাভ করেছে। এভাবেই  
আমরা জানতে পারি যে, আমরা তাঁর মধ্যে আছি। 6 তাঁর মধ্যে বাস  
করছে বলে যে দাবি করে, সে অবশ্যই তেমন জীবনাচরণ করবে ঠিক  
যেমন যীশু করতেন। 7 প্রিয় বন্ধুরা, আমি তোমাদের কাছে নতুন  
আদেশ নয়, কিন্তু এক পুরোনো আদেশ সম্পর্কেই লিখছি, যা তোমরা  
প্রথম থেকেই পেয়েছে। এই পুরোনো আদেশই সেই বাণী, যা তোমরা  
শুনেছ, 8 তবুও, তোমাদের কাছে আমি এক নতুন আদেশ সম্পর্কে  
লিখছি; এর সত্যতা তাঁর এবং তোমাদের জীবনে প্রত্যক্ষ হয়েছে,  
কারণ অন্ধকার ক্রমশ কেটে যাচ্ছে এবং প্রকৃত জ্যোতি এখন প্রকাশ  
পাচ্ছে। 9 যে সেই জ্যোতিতে বাস করে বলে দাবি করে, অর্থ তার  
ভাইবোনকে ঘৃণা করে, সে এখনও অন্ধকারেই আছে। 10 যে তার  
ভাইবোনকে ভালোবাসে, সে জ্যোতির মধ্যেই জীবনযাপন করে, তার  
হোঁচ্ট খাওয়ার কোনো কারণ নেই। 11 কিন্তু যে তার ভাইবোনকে  
ঘৃণা করে, সে অন্ধকারেই বাস করে এবং অন্ধকারেই পথ চলে।  
সে কোথায় যাচ্ছে তা জানে না, কারণ অন্ধকার তাকে অন্ধ করে  
দিয়েছে। 12 প্রিয় সন্তানেরা, আমি তোমাদের লিখছি, কারণ তাঁর  
নামের গুণে তোমাদের সব পাপের ক্ষমা হয়েছে। 13 পিতারা, আমি  
তোমাদের লিখছি, কারণ যিনি আদি থেকে আছেন, তাঁকে তোমরা  
জানো। যুবকেরা, আমি তোমাদের লিখছি, কারণ সেই পাপাত্মাকে  
তোমরা জয় করেছ। 14 প্রিয় সন্তানেরা, আমি তোমাদের লিখছি, কারণ  
তোমরা পিতাকে জানো। পিতারা, আমি তোমাদের লিখছি, কারণ  
আদি থেকে যিনি আছেন, তোমরা তাঁকে জানো। যুবকেরা, আমি  
তোমাদের লিখছি, কারণ তোমরা বলবান, আর তোমাদের মধ্যেই  
ঈশ্বরের বাক্য বাস করে এবং তোমরা সেই পাপাত্মাকে জয় করেছ।

15 জগৎকে বা জাগতিক কোনো কিছুই তোমরা তালোবেসো না। কেউ  
যদি জগৎকে তালোবাসে, তাহলে পিতার প্রেম তার অন্তরে নেই। 16  
কারণ এ জগতের সমস্ত বিষয়—শারীরিক অভিলাষ, চোখের অভিলাষ  
ও জীবনের অহংকার—পিতা থেকে নয়, কিন্তু জগৎ থেকে আসে। 17  
আর জগৎ ও তার কামনাবাসনা বিলুপ্ত হবে, কিন্তু যে ব্যক্তি ঈশ্বরের  
ইচ্ছা পালন করে সে চিরকাল জীবিত থাকবে। (aiōn g165) 18 প্রিয়  
সন্তানেরা, এ সেই শেষ সময় এবং তোমরা যেমন শুনেছ, খ্রীষ্টারির  
আগমন সন্ধিকট, বরং এখনই বহু খ্রীষ্টারি উপস্থিত হয়েছে। এভাবেই  
আমরা জানতে পারি যে, এখনই শেষ সময়। 19 আমাদের মধ্য থেকেই  
তারা বেরিয়ে গেছে, কিন্তু প্রকৃতপক্ষে তারা আমাদের ছিল না। কারণ  
তারা যদি আমাদের হত, তাহলে আমাদের সঙ্গেই তারা থাকত। কিন্তু  
তাদের চলে যাওয়ার ফলে এটাই প্রমাণিত হয়েছে যে, তারা আমাদের  
ছিল না। 20 কিন্তু তোমরা সেই পবিত্রজন থেকে অভিষিঞ্চ হয়েছ এবং  
তোমরা সবাই সত্যকে জানো। 21 তোমরা সত্য জানো না বলে নয়,  
বরং তোমরা তা জানো বলেই আমি তোমাদের লিখছি। সত্য থেকে  
কোনো মিথ্যার উদ্ভব হতে পারে না। 22 মিথ্যাবাদী কে? যে অস্বীকার  
করে যে যীশুই খ্রীষ্ট। এরকম মানুষই খ্রীষ্টারি—যে পিতা ও পুত্রকে  
অস্বীকার করে। 23 পুত্রকে যে অস্বীকার করে, সে পিতাকে পায়নি;  
পুত্রকে যে স্বীকার করে, সে পিতাকে পেয়েছে। 24 দেখো, প্রথম  
থেকেই তোমরা যা শুনেছ, তা যেন তোমাদের অন্তরে থাকে। যদি তা  
থাকে, তোমরা পুত্রতে ও পিতাতে থাকবে। 25 আর আমাদের যা তিনি  
প্রতিশ্রূতি দিয়েছেন তা হল অনন্ত জীবন। (aiōnios g166) 26 যারা  
তোমাদের বিপথে চালিত করতে সচেষ্ট, তাদেরই বিষয়ে আমি এসব  
কথা লিখছি। 27 তোমাদের বিষয়ে বলি, তাঁর কাছ থেকে যে অভিষেক  
তোমরা পেয়েছ তা তোমাদের মধ্যেই রয়েছে এবং আর কারও কাছ  
থেকে তোমাদের শিক্ষাগ্রহণের প্রয়োজন নেই। তাঁর সেই অভিষেক  
সব বিষয়ে তোমাদের শিক্ষা দেয় এবং সেই অভিষেক প্রকৃত, কৃত্রিম  
নয়। তাই এই অভিষেক তোমাদের যেমন শিক্ষা দিয়েছে, তোমরা  
তেমনই তাঁর মধ্যে থাকো। 28 প্রিয় সন্তানেরা, তোমরা এখন তাঁর

মধ্যেই থাকো, যেন তাঁর আবির্ভাবকালে আমরা নিঃসংশয় থাকতে  
পারি এবং তাঁর আগমনের সময় তাঁর সাক্ষাতে যেন লজ্জিত না হই।  
২৯ তিনি ধর্ময় তা যদি তোমরা জেনে থাকো, তাহলে একথাও জেনো,  
যারা ধর্মাচরণ করে তারা সবাই ঈশ্বর থেকে জাত।

**৩** দেখো, ঈশ্বর কেমন তাঁর প্রেম পর্যাপ্ত পরিমাণে আমাদের চেলে  
দিয়েছেন, যেন আমরা ঈশ্বরের সন্তান বলে অভিহিত হই। আর আমরা  
প্রকৃতপক্ষে তাই। জগৎ এজন্য আমাদের জানে না, কারণ সে তাঁকে  
জানে না। ২ প্রিয় বন্ধুরা, বর্তমানে আমরা ঈশ্বরের সন্তান এবং আমরা  
কী হব, তা এখনও প্রকাশিত হয়নি। কিন্তু আমরা জানি, যখন তিনি  
প্রকাশিত হবেন আমরা তাঁরই মতো হব, কারণ তিনি যেমন আছেন,  
আমরা তেমনই তাঁকে দেখতে পাব। ৩ তাঁর প্রতি যার এই প্রত্যাশা  
আছে, তিনি যেমন শুন্দ, সে নিজেকেও তেমনই শুন্দ করে। ৪ যে কেউ  
পাপ করে, সে বিধান লজ্জন করে; প্রকৃতপক্ষে, বিধান লজ্জন করাই  
হল পাপ। ৫ কিন্তু তোমরা জানো যে, আমাদের পাপ হরণের জন্য  
তিনি প্রকাশিত হয়েছিলেন এবং তাঁর মধ্যে পাপের লেশমাত্র নেই।  
৬ যে তাঁর মধ্যে বাস করে, সে পাপে লিঙ্গ থাকে না। যে অবিরত  
পাপ করতেই থাকে, সে তাঁকে দেখেনি বা তাঁকে জানেও না। ৭ প্রিয়  
সন্তানেরা, কাউকে তোমাদের বিপথে চালিত করতে দিয়ো না। যে  
ন্যায়সংগত আচরণ করে, সে ধার্মিক, যেমন তিনি ধার্মিক। ৮ যে পাপ  
করে, সে দিয়াবলের, কারণ দিয়াবল প্রথম থেকেই পাপ করে আসছে।  
ঈশ্বরের পুত্র এই কারণেই প্রকাশিত হয়েছেন, যেন দিয়াবলের সব  
কাজ ধ্বংস করেন। ৯ ঈশ্বর থেকে জাত কোনো ব্যক্তি পাপে লিঙ্গ  
থাকতে পারে না, কারণ ঈশ্বরের স্বভাব তার মধ্যে থাকে; সে ক্রমাগত  
পাপ করতে পারে না, কারণ সে ঈশ্বর থেকে জাত। ১০ এভাবেই  
আমরা জানতে পারি, কারা ঈশ্বরের সন্তান, আর কারা দিয়াবলের  
সন্তান। যে ন্যায়সংগত আচরণ করে না, সে ঈশ্বরের সন্তান নয়; যে  
তার ভাইবোনকে ভালোবাসে না, সেও নয়। ১১ কারণ প্রথম থেকেই  
তোমরা এই শিক্ষা শুনেছ যে, আমাদের পরম্পরাকে ভালোবাসা উচিত।  
১২ তোমরা কয়নির মতো হোয়ো না; সে ছিল সেই পাপাত্মার দলভুক্ত

এবং তার ভাইয়ের হত্যাকারী। সে কেন তাকে হত্যা করেছিল? কারণ  
তার নিজের কাজ ছিল মন্দ এবং তার ভাইয়ের কাজ ছিল ন্যায়সংগত।  
13 প্রিয় ভাইবনেরা, জগৎ যদি তোমাদের ঘৃণা করে, তাহলে আশ্চর্য  
হোয়ো না। 14 আমরা জানি, মৃত্যু থেকে আমরা জীবনে উত্তীর্ণ হয়েছি,  
কারণ আমাদের ভাইবনের আমরা ভালোবাসি; যে ভালোবাসে না,  
সে মৃত্যুর মাঝেই বাস করে। 15 যে তার ভাইবনকে ঘৃণা করে, সে  
হত্যাকারী এবং তোমরা জানো যে কোনো হত্যাকারীর অন্তরে অনন্ত  
জীবন থাকতে পারে না। (aiōnios g166) 16 প্রেম করার অর্থ আমরা  
এভাবেই বুঝতে পারি: যীশু খ্রীষ্ট আমাদের জন্য জীবন দিয়েছেন।  
আমাদেরও তেমনই ভাইবনের জন্য নিজেদের প্রাণ দেওয়া উচিত।  
17 জাগতিক সম্পদের অধিকারী হয়ে কেউ যদি তার ভাইবনকে  
অভাবগ্রস্ত দেখে কিন্তু তার প্রতি করণাবিষ্ট না হয়, তাহলে তার অন্তরে  
ঈশ্বরের প্রেম কীভাবে থাকতে পারে? 18 প্রিয় সন্তানেরা, এসো, মুখের  
কথায় অথবা ভাষণে নয়, কিন্তু কাজ করে ও সত্যের মাধ্যমেই আমরা  
প্রেম করি। 19 আমাদের কাজকর্ম প্রমাণ করবে যে আমরা সত্যের,  
এবং যখন আমরা ঈশ্বরের সামনে দাঁড়াব তখন আমাদের হৃদয়ে  
আশ্বাস থাকবে। 20 কারণ আমাদের হৃদয়ে দোষভাব থাকলেও ঈশ্বর  
আমাদের অনুভূতির চেয়ে মহান এবং তিনি সবকিছুই জানেন। 21 প্রিয়  
বন্ধুরা, আমাদের হৃদয় যদি আমাদের দোষী সাব্যস্ত না করে, তাহলে  
ঈশ্বরের সাক্ষাতে আমাদের দৃঢ় বিশ্বাস জন্মায় 22 এবং আমাদের  
প্রার্থিত সবকিছুই আমরা তাঁর কাছ থেকে পাই; কারণ আমরা তাঁর  
আদেশ পালন করি এবং তাঁর প্রীতিজনক কাজ করি। 23 আর তাঁর  
আদেশ এই: আমরা যেন তাঁর পুত্র যীশু খ্রীষ্টের নামে বিশ্বাস করি এবং  
তাঁর নির্দেশমতো পরম্পরাকে প্রেম করি। 24 যারা তাঁর আদেশ পালন  
করে, তারা তাঁর মধ্যেই বাস করে এবং তিনিও তাদের মধ্যে বাস  
করেন। আবার তিনি যে আত্মা আমাদের দিয়েছেন, তাঁর দ্বারা আমরা  
জানতে পারি যে, তিনি আমাদের মধ্যে আছেন।

**4** প্রিয় বন্ধুরা, সব আত্মাকে বিশ্বাস কোরো না, বরং তারা ঈশ্বর  
থেকে এসেছে কি না তা জানার জন্য তাদের পরীক্ষা করো, কারণ

বহু ভঙ্গ ভাববাদী পৃথিবীতে ছড়িয়ে পড়েছে। 2 তোমরা এভাবেই  
ঈশ্বরের আত্মাকে চিনতে পারবে: যে আত্মা স্বীকার করে যে যীশু খ্রীষ্ট  
মানবদেহে আগমন করেছেন, সে ঈশ্বর থেকে, 3 কিন্তু যে আত্মা যীশু  
খ্রীষ্টকে শরীরে আগত বলে স্বীকার করে না, সে ঈশ্বর থেকে নয়।  
এ হল সেই খ্রীষ্টারির আত্মা, যার আগমন সম্পর্কে তোমরা শুনেছ,  
এমনকি ইতিমধ্যেই সে জগতে উপস্থিত হয়েছে। 4 প্রিয় সন্তানেরা,  
তোমরা ঈশ্বর থেকে। তোমরা খ্রীষ্ট বিরোধীদের পরামর্শ করেছ, কারণ  
তোমাদের অন্তরে যিনি আছেন, তিনি জগতে যে বিচরণ করে, তার  
চেয়ে মহান। 5 তারা জগৎ থেকে, তাই জাগতিক দৃষ্টিভঙ্গিতেই তারা  
কথা বলে এবং জগৎ তাদের কথা শোনে। 6 কিন্তু আমরা ঈশ্বর থেকে  
এবং ঈশ্বরকে যে জানে, সে আমাদের কথা শোনে; কিন্তু যে ঈশ্বর  
থেকে নয়, সে আমাদের কথায় কর্ণপাত করে না। এভাবেই আমরা  
সত্যের আত্মা ও বিভ্রান্তির আত্মাকে চিনতে পারি। 7 প্রিয় বন্ধুরা, এসো  
আমরা পরম্পরকে প্রেম করি, কারণ প্রেম ঈশ্বর থেকে আসে। যে প্রেম  
করে, সে ঈশ্বর থেকে জাত এবং সে ঈশ্বরকে জানে। 8 যে প্রেম করে  
না, সে ঈশ্বরকে জানে না, কারণ ঈশ্বরই প্রেম। 9 এভাবেই ঈশ্বর  
আমাদের মধ্যে তাঁর প্রেম প্রদর্শন করেছেন: তাঁর এক ও অদ্বিতীয়  
পুত্রকে তিনি জগতে পাঠিয়েছেন, যেন আমরা তাঁর মাধ্যমে জীবিত  
থাকি। 10 এই হল প্রেম: এমন নয় যে আমরা ঈশ্বরকে প্রেম করেছি,  
বরং তিনি আমাদের প্রেম করেছেন এবং আমাদের পাপের প্রায়চিত্ত  
করার জন্য তাঁর পুত্রকে পাঠিয়েছেন। 11 প্রিয় বন্ধুরা, ঈশ্বর যখন  
আমাদের এত প্রেম করেছেন, আমাদেরও উচিত পরম্পরকে প্রেম  
করা। 12 কেউ কখনও ঈশ্বরকে দেখেনি। কিন্তু আমরা যদি পরম্পরকে  
প্রেম করি, ঈশ্বর আমাদের মধ্যে বাস করেন এবং আমাদের মধ্যে  
তাঁর প্রেম পূর্ণতা লাভ করে। 13 এতেই আমরা জানি যে, আমরা তাঁর  
মধ্যে বাস করি এবং তিনি আমাদের মধ্যে বাস করেন, কারণ তিনি  
তাঁর আত্মাকে আমাদের দিয়েছেন। 14 আমরা দেখেছি ও সাক্ষ্য দিচ্ছি  
যে, পিতা তাঁর পুত্রকে জগতের উদ্ধারকর্তা হওয়ার জন্য পাঠিয়েছেন।  
15 কেউ যদি যীশুকে ঈশ্বরের পুত্র বলে স্বীকার করে, তাহলে ঈশ্বর তার

মধ্যে থাকেন এবং সেও ঈশ্বরের মধ্যে থাকে। 16 আর তাই, আমাদের জন্য ঈশ্বরের যে প্রেম, আমরা তা জানি এবং তার উপর নির্ভর করি। ঈশ্বরই প্রেম। যে প্রেমে বাস করে, সে ঈশ্বরের থাকে এবং ঈশ্বর তার মধ্যে থাকেন। 17 এভাবে, আমাদের মধ্যে প্রেম পূর্ণতা লাভ করে, যেন বিচারের দিনে আমরা নির্ভয়ে থাকতে পারি, কারণ এই জগতে আমরা তাঁরই মতো রয়েছি। 18 প্রেমে কোনো ভয় নেই। কিন্তু নিখাদ ভালোবাসা ভয় দূর করে, কারণ ভয়ের সঙ্গে জড়িত থাকে শাস্তি। আর যে ভয় করে, তার প্রেম পূর্ণতা লাভ করেনি। 19 আমরা প্রেম করি, কারণ তিনিই প্রথমে আমাদের প্রেম করেছেন। 20 কেউ যদি বলে, “আমি ঈশ্বরকে প্রেম করি,” অথচ তার ভাইবোনকে ঘৃণা করে, সে মিথ্যাবাদী। যে ভাই বা বোনকে সে দেখতে পায় তাকে যদি সে প্রেম না করে, তাহলে যে ঈশ্বরকে সে দেখেনি তাঁকে সে প্রেম করতে পারে না। 21 তিনি আমাদের এই আদেশ দিয়েছেন: ঈশ্বরকে যে প্রেম করে, সে তার ভাইবোনকেও প্রেম করবে।

5 যে বিশ্বাস করে যে, যীশুই খ্রীষ্ট, সে ঈশ্বর থেকে জাত এবং যে পিতাকে প্রেম করে, সে তাঁর সন্তানকেও প্রেম করে। 2 ঈশ্বরকে প্রেম করে এবং তাঁর আদেশ পালনের মাধ্যমে আমরা জানতে পারি যে, আমরা ঈশ্বরের সন্তানদের প্রেম করি। 3 ঈশ্বরের প্রতি প্রেম করা হল এই: তাঁর আদেশ পালন করা। আর, কারণ তাঁর আদেশ দুর্বহ নয়। 4 কারণ ঈশ্বর থেকে জাত প্রত্যেক ব্যক্তি জগৎকে জয় করে। আমাদের জয় এই যে, আমাদের বিশ্বাসই জগতকে পরাস্ত করেছে। 5 কে জগৎকে জয় করে? একমাত্র সেই, যে বিশ্বাস করে যে, যীশুই ঈশ্বরের পুত্র। 6 ইনিই সেই যীশু খ্রীষ্ট, যিনি জল ও রক্তের মধ্য দিয়ে এসেছিলেন। তিনি শুধু জলের মাধ্যমে নয়, কিন্তু জল ও রক্তের মাধ্যমে এসেছিলেন। আত্মাই এই সাক্ষ্য দিচ্ছেন, কারণ এই আত্মাই সেই সত্য। 7 বস্তুত তিনি সাক্ষী এখানে রয়েছে: 8 আত্মা, জল ও রক্ত, এই তিনের সাক্ষ্য একই। 9 আমরা মানুষের সাক্ষ্য গ্রহণ করি, কিন্তু ঈশ্বরের সাক্ষ্য তার চেয়েও মহান, কারণ তিনি তাঁর পুত্রের বিষয়ে যে সাক্ষ্য দিয়েছেন, তাই ঈশ্বরের সাক্ষ্য। 10 ঈশ্বরের পুত্রে যে বিশ্বাস

করে, তার অন্তরে এই সাক্ষ্য আছে। ঈশ্বরকে যে বিশ্বাস করে না, সে প্রকৃতপক্ষে তাঁকে মিথ্যাবাদী বলে, কারণ তাঁর পুত্রের বিষয়ে ঈশ্বর যে সাক্ষ্য দিয়েছেন, সে তা বিশ্বাস করেনি। 11 এই হল সেই সাক্ষ্য: ঈশ্বর আমাদের অনন্ত জীবন দিয়েছেন এবং সেই জীবন তাঁর পুত্রের মধ্যে আছে। (aiōnios g166) 12 যে পুত্রকে লাভ করেছে, সে জীবন পেয়েছে; যে ঈশ্বরের পুত্রকে লাভ করেনি, সে জীবন পায়নি। 13 তোমরা যারা ঈশ্বরের পুত্রের নামে বিশ্বাস করো, তাদের কাছে আমি এসব বিষয় লিখছি, যেন তোমরা জানতে পারো যে, তোমরা অনন্ত জীবন লাভ করেছে। (aiōnios g166) 14 ঈশ্বরের কাছে আসার জন্য আমরা এই ভরসা পেয়েছি যে, আমরা যদি তাঁর ইচ্ছানুসারে কিছু প্রার্থনা করি, তিনি আমাদের প্রার্থনা শোনেন। 15 আর আমরা যদি জানি যে, আমরা যা কিছুই প্রার্থনা করি, তিনি তা শোনেন, তাহলে আমরা এও জানব যে, তাঁর কাছে প্রার্থিত সবকিছুই আমরা পেয়েছি। 16 কেউ যদি তার ভাইবনকে এমন কোনো পাপ করতে দেখে যা মৃত্যুখী নয়, তাহলে সে প্রার্থনা করক, এবং ঈশ্বর তাকে জীবন দান করবেন। যাদের পাপ মৃত্যুর দিকে নিয়ে যায় না আমি তাদের কথাই বলছি। কিন্তু এমন একটি পাপ আছে, যা মৃত্যুর দিকে নিয়ে যায়। আমি সে বিষয়ে তাকে প্রার্থনা করতে বলছি না। 17 সমস্ত দুর্কর্মই পাপ, কিন্তু এমনও পাপ আছে যা মৃত্যুর দিকে নিয়ে যায় না। 18 আমরা জানি, যে ঈশ্বর থেকে জাত, সে পাপকর্মে রত থাকে না; ঈশ্বর থেকে যে জাত, সে নিজেকে সুরক্ষিত রাখে এবং সেই পাপাত্মা তার ক্ষতি করতে পারে না। 19 আমরা এও জানি, আমরা ঈশ্বরের সন্তান, আর সমস্ত জগৎ সেই পাপাত্মার নিয়ন্ত্রণের অধীন। 20 আমরা আরও জানি যে, ঈশ্বরের পুত্রের আগমন হয়েছে এবং তিনি আমাদের বোধশক্তি দিয়েছেন যেন, যিনি প্রকৃত সত্য তাঁকে আমরা জানতে পারি। আমরা তাঁরই মধ্যে আছি, যিনি সত্যময়, অর্থাৎ তাঁর পুত্র যীশু খ্রীষ্ট। তিনিই প্রকৃত ঈশ্বর এবং অনন্ত জীবন। (aiōnios g166) 21 প্রিয় সন্তানেরা, তোমরা সব প্রতিমা থেকে নিজেদের রক্ষা করো।

## ২য় ঘোষণ

১ আমি, এই প্রাচীন, সেই মনোনীত মহিলা ও তাঁর সন্তানদের উদ্দেশ্যে লিখছি, যাঁদের আমি প্রকৃতই ভালোবাসি, শুধু আমি নয়, যারা সত্যকে জানে, তারা সকলেই ভালোবাসে, ২ কারণ সেই সত্য আমাদের অন্তরে আছে এবং চিরদিন আমাদের সঙ্গে থাকবে। (aiōn g165) ৩ পিতা ঈশ্বর এবং পিতার পুত্র, যীশু খ্রীষ্ট থেকে অনুগ্রহ, করণা ও শান্তি আমাদের মধ্যে সত্যে ও প্রেমে বিরাজ করবে। ৪ পিতা যেমন আমাদের নির্দেশ দিয়েছেন, তোমার কয়েকজন সন্তান সেইমতো সত্যে জীবন কাটাচ্ছে দেখে আমি অত্যন্ত আনন্দ পেয়েছি। ৫ আর এখন, প্রিয় মহিলা, এ কোনো নতুন আজ্ঞা নয়, কিন্তু প্রথম থেকে যা পেয়েছি, এমন একটি আজ্ঞা সম্পর্কে আমি তোমাকে লিখছি। আমি বলি, আমরা যেন পরস্পরকে প্রেম করি। ৬ আর প্রেম হল এই: আমরা যেন তাঁর সব আজ্ঞার বাধ্য হয়ে চলি। প্রথম থেকেই তোমরা তাঁর এই আজ্ঞা শুনেছ যে, তোমরা প্রেমে জীবনযাপন করো। ৭ বহু প্রতারক, যারা যীশু খ্রীষ্টের মানবদেহে আগমনকে স্বীকার করে না, তারা পৃথিবীতে ছড়িয়ে পড়েছে। এই ধরনের লোকেরাই প্রতারক এবং খ্রীষ্টারি। ৮ সতর্ক থেকো, যে জন্য তোমরা পরিশ্রম করেছ, তা যেন হারিয়ে না ফেলো, বরং তোমরা যেন পূর্ণমাত্রায় পুরস্কার লাভ করতে পারো। ৯ খ্রীষ্টের শিক্ষায় অবিচল না থেকে যে তা অতিক্রম করে চলে, সে ঈশ্বরকে পায়নি। সেই শিক্ষায় যে অবিচল থাকে, সে পিতা ও পুত্র উভয়কেই পেয়েছে। ১০ কেউ যদি এই শিক্ষা না নিয়েই তোমার কাছে আসে, তাকে তোমার বাড়িতে স্থান দিয়ো না বা স্বাগত জানিয়ো না। ১১ যে তাকে স্বাগত জানায়, সে তার দুর্ক্ষের অংশীদার হয়। ১২ তোমাকে আরও অনেক কথা লেখার ছিল, কিন্তু আমি কাগজ কলম ব্যবহার করতে চাই না। বরং, আমি তোমাদের কাছে গিয়ে সাক্ষাতে কথা বলার আশা করি, যেন আমাদের আনন্দ সম্পূর্ণ হয়। ১৩ তোমার মনোনীত বোনের সন্তানেরা তোমাকে শুভেচ্ছা জানাচ্ছে।

## ୩ୟ ଯୋହନ

୧ ଆମି ଯାକେ ପ୍ରକୃତିଇ ଭାଲୋବାସି, ଆମାର ସେଇ ପ୍ରିୟ ବନ୍ଦୁ ଗାୟୋର ପ୍ରତି  
ଆମି ଏହି ପ୍ରାଚୀନ, ଏହି ପତ୍ର ଲିଖାଇଁ । ୨ ପ୍ରିୟ ବନ୍ଦୁ, ତୋମାର ଆତ୍ମା ସେମନ  
କୁଶଳେ ଆଛେ, ତେମନିହି ତୋମାର ଶାରୀରିକ ଓ ସର୍ବାଙ୍ଗୀଣ କୁଶଳ କାମନା  
କରି । ୩ ସତ୍ୟେର ପ୍ରତି ତୋମାର ବିଶ୍ୱାସତା ଏବଂ କେମନଭାବେ ତୁମି ସତ୍ୟେର  
ପଥେ ଚଲଛ, କରେକଜନ ଭାଇ ଏସେ ଆମାକେ ସେକଥା ଜାନାନୋଯ, ଆମି  
ଅଭ୍ୟନ୍ତ ଆନନ୍ଦ ପେଯୋଇ । ୪ ଆମାର ସତାନେରା ସତ୍ୟେ ଜୀବନ୍ୟାପନ କରାଇଁ,  
ଏକଥା ଶୁଣେ ଯେ ଆନନ୍ଦ ପାଇ ତାର ଥେକେ ବେଶି ଆନନ୍ଦ ଆର କିଛୁତେଇ  
ହତେ ପାରେ ନା । ୫ ପ୍ରିୟ ବନ୍ଦୁ, ତୋମାର କାହେ ଅପରିଚିତ ହଲେଓ ତୁମି  
ଭାଇଦେର ପ୍ରତି ବିଶ୍ୱାସଭାବେ ତୋମାର କର୍ତ୍ତବ୍ୟ କରେ ଚଲେଛ । ୬ ତାଁରା ତୋମାର  
ଭାଲୋବାସାର କଥା ମଞ୍ଗଲୀତେ ଜାନିଯେଛେନ । ଈଶ୍ୱରେର ଉପଯୋଗୀରୂପେ  
ତାଁଦେର ଯାତ୍ରାର ସୁବ୍ୟବସ୍ଥା କରେ ଦିଲେ ତୁମି ଭାଲୋ କାଜଇ କରାବେ । ୭ ପ୍ରଭୁର  
ନାମ-କୀର୍ତ୍ତନେର ଜନ୍ୟଇ ତାଁରା ବେରିଯେଛେନ, ତାଁରା ବିଧୟାଦେର କାହୁ ଥେକେ  
କୋନୋ ସାହାଯ୍ୟ ଗ୍ରହଣ କରେନନି । ୮ ଅତ୍ୟବ୍ୟ, ଏହି ଧରନେର ଲୋକଦେର ପ୍ରତି  
ଆମାଦେର ଆତିଥ୍ୟେତା ପ୍ରଦର୍ଶନ କରା ଉଚିତ, ସେନ ସତ୍ୟେର ପକ୍ଷେ ଆମରା  
ଏକସଙ୍ଗେ କାଜ କରତେ ପାରି । ୯ ମଞ୍ଗଲୀର କାହେ ଆମି ପତ୍ର ଲିଖେଛିଲାମ,  
କିନ୍ତୁ ଦିଯାତ୍ରିଫି ଯେ ପ୍ରାଧାନ୍ୟ ପେତେ ଭାଲୋବାସେ, ସେ ଆମାଦେର ସଙ୍ଗେ  
କୋନୋ ସମ୍ପର୍କ ରାଖେ ନା । ୧୦ ତାଇ ଆମି ଓଖାନେ ଗେଲେ, ସେ କୀ କରାଇଁ,  
ତା ତୋମାଦେର କାହେ ବଲବ; ଆମାଦେର ସମ୍ପର୍କେ ସେ କୁଂସା-ରଟନା କରାଇଁ  
ତାତେଓ ସନ୍ତୁଷ୍ଟ ନା ହୁଁ, ସେ ଭାଇଦେର ଅଭ୍ୟର୍ଥନା କରତେ ଅସ୍ମୀକାର କରେ;  
ଯାରା ତା କରତେ ଚାଯ, ସେ ତାଦେରେ ବାଧା ଦେଯ, ଏମନକି, ମଞ୍ଗଲୀ ଥେକେଓ  
ବେର କରେ ଦେଯ । ୧୧ ପ୍ରିୟ ବନ୍ଦୁ, ଯା ମନ୍ଦ ତାର ଅନୁକରଣ କୋରୋ ନା, ଯା  
ଭାଲୋ, ତାରଇ ଅନୁକରଣ କୋରୋ । ମନେ ରେଖୋ ଯାରା ଭାଲୋ କାଜ କରେ  
ତାରା ପ୍ରମାଣ କରେ ଯେ ତାରା ଈଶ୍ୱରକେ ଜାନେ ନା । ୧୨ ଦୀମୀତ୍ରିୟେର ସୁଖ୍ୟାତି  
ସକଳେଇ କରେ । ଏମନକି, ସତ୍ୟଓ ତାଁର ପକ୍ଷେ । ଆମରାଓ ତାଁର ସୁଖ୍ୟାତି  
କରି ଏବଂ ତୁମି ଜାନୋ ଯେ, ଆମାଦେର ସାକ୍ଷ୍ୟ ସତି । ୧୩ ତୋମାକେ ଅନେକ  
କଥା ଲେଖାର ଆଛେ, କିନ୍ତୁ କାଗଜେ କଲମେ ତା ଆମି କରତେ ଚାଇ ନା । ୧୪  
ଆଶା କରି, ଅଚିରେଇ ତୋମାର ସଙ୍ଗେ ସାକ୍ଷାତ୍ ହବେ; ଆମରା ମୁଖୋମୁଖୀ ସବ

আলোচনা করব। তোমার শান্তি হোক। এখানকার বন্ধুরা তোমাকে  
শুভেচ্ছা জানাচ্ছেন। ওখানকার বন্ধুদেরও প্রত্যেকের নাম উল্লেখ করে  
শুভেচ্ছা জানিয়ো।

## যিহুদা

১ আমি যিহুদা, যীশু খ্রীষ্টের দাস ও যাকোবের ভাই, যাঁরা পিতা ঈশ্বরের প্রতির পাত্র ও যীশু খ্রীষ্টের জন্য সংরক্ষিত, সেই আহুনপ্রাণ লোকদের উদ্দেশে এই পত্র লিখছি। ২ করুণা, শান্তি ও প্রেম প্রচুর পরিমাণে তোমাদের প্রতি বর্ষিত হোক। ৩ প্রিয় বন্ধুরা, যে পরিত্রাগের আমরা অংশীদার সেই বিষয়ে আমি তোমাদের কাছে লিখবার জন্য প্রবল আগ্রহী ছিলাম। কিন্তু এমন আমি বুঝতে পারলাম যে তোমাদের কাছে অন্য কিছু লেখা প্রয়োজন; তোমরা সেই বিশ্বাসের জন্য প্রাণপণ সংগ্রাম করো যে বিশ্বাস সর্বসময়ের জন্য একবারই পরিত্রাগণের কাছে দেওয়া হয়েছে। ৪ কারণ কয়েকজন ব্যক্তি গোপনে তোমাদের মধ্যে অনুপ্রবেশ করেছে, যাদের শান্তি অনেক আগেই লেখা হয়েছিল। তারা সব ভক্তিহীন, যারা আমাদের ঈশ্বরের অনুগ্রহকে লাম্পট্যের ছাড়পত্রে পরিণত করে এবং আমাদের একমাত্র সার্বভৌম ও প্রভু, যীশু খ্রীষ্টকে অগ্রাহ্য করে। ৫ তোমরা যদিও এসব বিষয় ইতিমধ্যেই জানো, তবুও আমি তোমাদের মনে করিয়ে দিতে চাই যে, প্রভু তাঁর প্রজাদের মিশ্র থেকে উদ্ধার করেছিলেন, কিন্তু যারা বিশ্বাস করেনি, পরবর্তীকালে তিনি তাদের বিনষ্ট করেছিলেন। ৬ আর যে স্বর্গদূতেরা নিজেদের অধিকারের সীমা ছাড়িয়ে তাদের নিজস্ব আবাস ত্যাগ করেছিল, তিনি তাদের সেই মহাদিনে বিচারের জন্য চিরকালীন শিকলে বন্দি করে ঘোর অন্ধকারের মধ্যে রেখেছেন। (aidios g126) ৭ একইভাবে, সদোম ও ঘমোরা এবং তাদের আশেপাশের নগরগুলি এদেরই মতো দৈহিক উচ্ছৃঙ্খলতা ও অস্বাভাবিক যৌন আচরণে নিজেদের সমর্পণ করেছিল বলে অনন্ত আগুনের শান্তি ভোগ করে এরা সকলের কাছে দৃষ্টান্তস্বরূপ হয়ে আছে। (aiōnios g166) ৮ সেই একইভাবে, এসব লোকেরা—যারা তাদের স্বপ্ন থেকে অধিকার দাবি করে—নিজেদের শরীরকে কলুষিত করে, কর্তৃত্বকে অগ্রাহ্য করে ও দিব্যজনেদের নিন্দা করে। ৯ এমনকি, প্রধান স্বর্গদূত মীখায়েল যখন মোশির মৃতদেহ নিয়ে দিয়াবলের সঙ্গে বাদ-প্রতিবাদ করেছিলেন তখনও তিনি তার বিরুদ্ধে কোনো নিন্দাসূচক অভিযোগ উথাপন করার সাহস দেখাননি, কিন্তু

বলেছিলেন, “প্রভু তোমাকে তিরক্ষার করুন!” 10 কিন্তু এই লোকেরা যা বোঝে না, সেইসব বিষয়ের তীব্র নিন্দা করে। বিবেচনাহীন পশুর মতো সহজাত প্রবৃত্তির বশে যা খুশি তারা তাই করে, আর সেভাবেই নিজেদের ধৰ্ম ডেকে আনে। 11 তাদেরকে ধিক! তারা কয়নের পথ বেছে নিয়েছে; তারা টাকার লোভে বিলিয়মের দেখানো ভুল পথে দ্রুত ছুটে চলেছে; তারা কোরহের মতো বিদ্রোহ করে ধৰ্ম হয়েছে। 12 এই লোকেরা তোমাদের সব প্রীতিভোজে কলঙ্ক নিয়ে আসে, তোমাদের সঙ্গে খাওয়াদাওয়া করার সময় এদের সামান্যতমও বিবেক-দংশন হয় না। এরা এমন পালক, যারা কেবলমাত্র নিজেদেরই পেটপূজা করে। এরা বাতাসে উড়ে চলা বৃষ্টিহীন মেঘের মতো; হেমন্ত খাতুর গাছ, ফলশূণ্য ও মূল থেকে উপড়ানো—দু-বার মৃত। 13 এরা সমুদ্রের উত্তাল ঢেউয়ের মতো, নিজেদের লজ্জা ফেনার মতো ফাঁপিয়ে তোলে; কক্ষপথ থেকে বিচ্যুত তারার মতো, যাদের জন্য অনন্তকালীন ঘোরতর অন্ধকার নির্দিষ্ট করা আছে। (aiōn g165) 14 আদম থেকে সাত পুরুষ যে হনোক, তিনি এসব লোকের বিষয়ে ভবিষ্যদ্বাণী করেছেন: “দেখো, প্রভু তাঁর হাজার হাজার পরিব্রজনেদের সঙ্গে নিয়ে আসছেন 15 যেন তিনি জগতের প্রত্যেকের বিচার করেন। তিনি প্রত্যেক ভক্তিহীন মানুষকে ভক্তিবরণ্দ কাজ করার জন্য এবং তাঁর বিরুদ্ধে যেসব ভক্তিহীন পাপী কটুকথা বলেছে, তাদের দোষী সাব্যস্ত করবেন।” 16 এসব লোক সবসময় অসন্তুষ্ট, দোষ খুঁজে বেড়ায়; তারা শুধু নিজেদের কু-বাসনা সন্তুষ্ট করতে বেঁচে আছে; তারা নিজেদের বিষয়ে গর্ব করে এবং নিজেদের সুযোগ সুবিধার জন্য অপর ব্যক্তিদের তোষামোদ করে। 17 কিন্তু প্রিয় বন্ধুরা, আমাদের প্রভু যীশু খ্রীষ্টের প্রেরিতশিষ্যেরা ইতিপূর্বে কী বলে গিয়েছেন, তা মনে করো। 18 তাঁরা তোমাদের বলেছিলেন, “শেষ সময়ে এমন ব্যঙ্গ-বিদ্রূপকারীদের উদয় হবে, যারা তাদের নিজস্ব ভক্তিহীন কামনাবাসনা অনুসারে চলবে।” 19 এই লোকেরাই তোমাদের মধ্যে ভেদাভেদ তৈরি করে, যারা নিজেদের সহজাত প্রবৃত্তি অনুসারে চলে এবং তাদের মধ্যে পবিত্র আত্মা নেই। 20 কিন্তু প্রিয় বন্ধুরা, তোমরা তোমাদের পরম পবিত্র বিশ্বাসের উপরে

নিজেদের গেঁথে তোলো ও পবিত্র আত্মার শক্তিতে প্রার্থনা করো, 21

ঈশ্বরের প্রেমে অবিচল থাকো এবং সেই দিনের জন্য প্রতীক্ষা করো

যেদিন আমাদের প্রভু যীশু খ্রীষ্ট সদয় হয়ে তোমাদের অনন্ত জীবন

দান করবেন। (aiōnios g166) 22 যারা সন্দেহ করে তাদের প্রতি করণা

করো; 23 অন্যদের বিচারের আগুন থেকে টেনে এনে রক্ষা করো;

অন্যদের প্রতি সম্মে করণা করো, কিন্তু অত্যন্ত সাবধানতার সাথেই

তা করো, তাদের দেহ কল্যাণিত করেছে সেসব পাপকে ঘৃণা করো। 24

যিনি তোমাদের বিশ্বাসে হোঁচ্ট খাওয়া থেকে রক্ষা করতে সমর্থ, ও

যিনি তোমাদের নির্দোষকরপে ও মহা আনন্দের সঙ্গে তাঁর মহিমাময়

উপস্থিতিতে উপস্থাপন করবেন, 25 সেই একমাত্র ঈশ্বর, আমাদের

পরিদ্রাতা, আমাদের প্রভু যীশু খ্রীষ্টের মাধ্যমে মহিমা, রাজকীয় প্রতাপ,

পরাক্রম ও কর্তৃত্ব, সকল যুগের শুরু থেকে বর্তমানে ও যুগপর্যায়ের

সমস্ত যুগেই হোক! আমেন। (aiōn g165)

## প্রকাশিত বাক্য

১ যীশু খ্রীষ্টের প্রকাশিত বাক্য। ঈশ্বর তাঁকে তা দান করেছেন, যেন  
খুব শীঘ্রই যা ঘটতে চলেছে তা তিনি তাঁর দাসদের দেখিয়ে দেন।  
তিনি তাঁর দাস যোহনের কাছে নিজের দৃত পাঠিয়ে একথা জানালেন;  
২ সেই যোহন যা কিছু দেখেছিলেন, অর্থাৎ ঈশ্বরের বাক্য ও যীশু খ্রীষ্টের  
সাক্ষ্য সম্পর্কে সবকিছু সবিস্তারে সাক্ষ্য দিলেন। ৩ ধন্য সেই ব্যক্তি, যে  
এই ভাববাণীর বাক্যগুলি পাঠ করে এবং ধন্য তারাও, যারা তা শোনে  
ও তার মধ্যে যা লেখা আছে, সেগুলি পালন করে, কারণ সময় আসন্ন।  
৪ আমি যোহন, এশিয়া প্রদেশে অবস্থিত সাতটি মঙ্গলীর উদ্দেশে  
লিখছি, অনুগ্রহ ও শান্তি তোমাদের সহবর্তী হোক, যিনি আছেন, যিনি  
ছিলেন ও যিনি আসছেন, তাঁর কাছ থেকে এবং তাঁর সিংহাসনের  
সম্মুখবর্তী সপ্ত-আত্মা থেকে ৫ এবং সেই যীশু খ্রীষ্ট থেকে যিনি বিশ্বস্ত  
সাক্ষী, মৃতলোক থেকে প্রথমজাত ও পৃথিবীর রাজাদের শাসক। যিনি  
আমাদের প্রেম করেন এবং যিনি তাঁর রক্তে আমাদের পাপসমূহ থেকে  
আমাদের মুক্ত করেছেন, ৬ এবং তাঁর ঈশ্বর ও পিতার সেবা করার  
জন্য আমাদের এক রাজ্যস্বরূপ ও যাজকসমাজ করেছেন—তাঁরই  
মহিমা ও পরাক্রম যুগে যুগে চিরকাল হোক! আমেন। (aiōn g165) ৭

দেখো, তিনি মেঘবাহনে আসছেন, এবং প্রত্যেক চোখ তাঁকে দেখতে  
পাবে, এমনকি, যারা তাঁকে বিন্দু করেছিল, তারাও দেখবে; আর  
পৃথিবীর সমস্ত জাতি তাঁর জন্য বিলাপ করবে। ৮ প্রভু ঈশ্বর বলেন,  
“আমি আলফা ও ওমেগা, আদি ও অন্ত, যিনি আছেন ও যিনি ছিলেন  
ও যিনি আসছেন, সেই সর্বশক্তিমান।” ৯ আমি যোহন, তোমাদের  
ভাই; কষ্টভোগ, ঈশ্বরের রাজ্য ও ধৈর্যশীল সহিষ্ণুতা—যীশুতে যা কিছু  
আমাদের সেসব কিছুতে তোমাদের সহভাগী। আমি ঈশ্বরের বাক্য  
প্রচার ও যীশুর হয়ে সাক্ষ্য দেওয়ার অপরাধে পাটম দ্বাপে নির্বাসিত  
ছিলাম। ১০ প্রভুর দিনে আমি পবিত্র আত্মায় আবিষ্ট ছিলাম, আর তখন  
আমার পিছনে তৃৰীধ্বনির মতো এক উচ্চ কর্তৃপক্ষ শুনতে পেলাম; ১১  
তা ঘোষণা করল: “তুমি যা কিছু দেখছ তা একটি পুঁথিতে লিপিবদ্ধ  
করো এবং ইফিষ, সূর্ণা, পর্ণাম, থুয়াতীরা, সার্দি, ফিলাদেলফিয়া

ও লায়োদেকিয়া, এই সাতটি মণ্ডলীর কাছে পাঠিয়ে দাও।” 12 যে  
কর্তৃস্বর আমার সঙ্গে কথা বলছিলেন, তাঁকে দেখার জন্য আমি পিছন  
দিকে ফিরে তাকালাম। আর আমি দেখলাম, সাতটি সোনার দীপাধার,  
13 ও দীপাধারগুলির মধ্যে “মনুষ্যপুত্রের মতো এক ব্যক্তি”; তাঁর দু-পা  
লম্ব আলখাল্লায় আবৃত ও তাঁর বুকে জড়ানো সোনার এক বন্ধনী।  
14 তাঁর মাথা ও চুল ছিল শুকনো পশমের মতো, এমনকি, তুষারের  
মতো ধৰ্বধবে সাদা এবং তাঁর চোখদুটি ছিল জ্বলন্ত আগুনের শিখার  
মতো। 15 তাঁর দু-পা ছিল চুল্লিতে পরিষ্কৃত পিতলের মতো বকঝাকে  
ও তাঁর কর্তৃস্বর ছিল প্রবহমান মহা জলস্ত্রোতের মতো। 16 তাঁর ডান  
হাতে তিনি সাতটি তারা ধরে আছেন ও তাঁর মুখ দিয়ে বার হয়ে  
আসছে দুদিকে ধারবিশিষ্ট এক তরোয়াল। তাঁর মুখমণ্ডল পূর্ণ দীপ্তিতে  
উত্তাসিত সূর্যের মতো। 17 তাঁকে দেখামাত্র আমি মৃত মানুষের মতো  
তাঁর চরণে পতিত হলাম। তখন তিনি তাঁর ডান হাত আমার উপরে  
রেখে বললেন, “তয় পেয়ো না, আমিই আদি ও অন্ত। 18 আমিই সেই  
জীবিত সন্তা; আমার মৃত্যু হয়েছিল, আর দেখো, আমি যুগে যুগে  
চিরকাল জীবিত আছি! আর মৃত্যু ও পাতালের চাবি আছে আমারই  
হাতে। (aiōn g165, Hades g86) 19 “আতএব, তুমি যা কিছু দেখলে,  
এখন যা কিছু ঘটছে ও পরে যেসব ঘটনা ঘটবে, তা লিখে ফেলো। 20  
আমার ডান হাতে যে সাতটি তারা ও যে সাতটি সোনার দীপাধার তুমি  
দেখলে, তার গুণ্ঠলহস্য এই: ওই সাতটি তারা সেই সাতটি মণ্ডলীর  
দৃত এবং সাতটি দীপাধার হল সেই সাতটি মণ্ডলী।

**২** “ইফিয়ে অবস্থিত মণ্ডলীর দৃতকে লেখো: যিনি তাঁর ডান হাতে  
সাতটি তারা ধারণ করে আছেন ও সাতটি সোনার দীপাধারের মধ্যে  
দিয়ে গমনাগমন করেন, তিনিই একথা বলেন: 2 আমি তোমার সব  
কাজ, তোমার কঠোর পরিশ্রম ও তোমার ধৈর্যের কথা জানি। আমি  
জানি তুমি দুষ্ট লোকদের সহ্য করতে পারো না এবং যারা নিজেদের  
প্রেরিতশিষ্য বলে দাবি করলেও প্রেরিতশিষ্য নয়, তাদের তুমি যাচাই  
করে মিথ্যাবাদী প্রমাণ করেছ। 3 তুমি আমার নামের জন্য ধৈর্য  
অবলম্বন করেছ ও কষ্ট সহ্য করেছ, অর্থচ পরিশ্রান্ত হওনি। 4 তবুও

তোমার বিরণ্দে আমার কিছু কথা আছে: তুমি তোমার প্রথম প্রেম পরিত্যাগ করেছ। ৫ অতএব ভেবে দেখো, কোথা থেকে কোথায় তোমার পতন হয়েছে। তুমি মন পরিবর্তন করো ও প্রথমে যে কাজগুলি করতে সেগুলি করো। কিন্তু যদি মন পরিবর্তন না করো, আমি তোমার কাছে এসে তোমার দীপাধারটি তার নির্দিষ্ট স্থান থেকে অপসারিত করব। ৬ তবে তোমার পক্ষে বলার মতো এই বিষয়টি হল: তুমি নিকোলায়তীয়দের আচার-আচরণ ঘৃণা করো, আমিও সেগুলিকে ঘৃণা করি। ৭ যার কান আছে, সে শুনুক, যে পবিত্র আত্মা মণ্ডলীদের কী বলছেন। যে বিজয়ী হয়, তাকে আমি ঈশ্বরের পরমদেশে অবস্থিত জীবনন্দায়ী গাছের ফল খাওয়ার অধিকার দেব। ৮ “সূর্ণায় অবস্থিত মণ্ডলীর দৃতকে লেখো: যিনি প্রথম ও শেষ, যিনি মৃত্যুবরণ করেছিলেন ও পুনরায় জীবিত হয়েছেন, তিনিই একথা বলেন: ৯ আমি তোমার দৃঢ়খকষ্ট ও তোমার দারিদ্র্যের কথা জানি—তবুও তুমি ধনী। নিজেদের ইহাদি বললেও যারা ইহাদি নয়, কিন্তু শয়তানের সমাজ, তাদের ধর্মনিন্দার কথাও আমি জানি। ১০ তোমাকে যে কষ্টভোগ করতে হবে, তার জন্য তয় পেয়ো না। আমি তোমাকে বলি, তোমাদের পরীক্ষা করার জন্য দিয়াবল তোমাদের কাউকে কাউকে কারাগারে নিক্ষেপ করবে। এতে দশদিন পর্যন্ত তোমরা নির্যাতন ভোগ করবে। তুমি মৃত্যু পর্যন্ত বিশ্বস্ত থেকো, আর আমি তোমাকে জীবনমুক্ত দেব। ১১ যার কান আছে, সে শুনুক, যে পবিত্র আত্মা মণ্ডলীদের কী বলছেন। যে বিজয়ী হয়, সে কখনোই দ্বিতীয় মৃত্যুর কোনো আঘাত পাবে না। ১২ “পর্গামে অবস্থিত মণ্ডলীর দৃতকে লেখো: যিনি তীক্ষ্ণ ও দুদিকে ধারবিশিষ্ট তরোয়াল ধারণ করেন, তিনিই একথা বলেন: ১৩ আমি জানি, তুমি কোথায় বাস করছ—সেখানে রয়েছে শয়তানের সিংহাসন। তা সত্ত্বেও তুমি আমার নামের প্রতি বিশ্বস্ত থেকেছ। আমার সেই বিশ্বস্ত সাক্ষী আন্তিপাস যখন তোমার নগরের মধ্যে নিহত হয়েছিল, যেখানে শয়তানের বাসস্থান, তখনও তুমি আমার উপরে তোমার বিশ্বাস অস্বীকার করোনি। ১৪ তা সত্ত্বেও, তোমার বিরণ্দে আমার কয়েকটি অভিযোগ আছে: তুমি সেখানে এমন কিছু মানুষকে থাকতে দিয়েছ

যারা বিলিয়মের শিক্ষা পালন করে, যে বালাককে কুশিক্ষা দিয়েছিল  
যেন সে ইস্রায়েলীদের প্রলোভিত করে যার ফলে তারা প্রতিমার কাছে  
উৎসর্গ করা বলি আহার করেছিল ও অবৈধ যৌনাচারে লিঙ্গ হওয়ার  
পাপ করেছিল। 15 একইভাবে, তোমার মধ্যেও নিকোলায়তীয়দের  
শিক্ষা পালন করে এমন কিছু মানুষ আছে। 16 সেই কারণে, মন  
পরিবর্তন করো! অন্যথায়, আমি শীঘ্ৰই তোমার কাছে এসে আমার  
মুখের তরোয়াল দিয়ে তাদের বিৱৰণে সংগ্ৰাম কৰব। 17 যার কান  
আছে, সে শুনুক, যে পবিত্র আত্মা মণ্ডলীদের কী বলছেন। যে বিজয়ী  
হয়, তাকে আমি কিছু পরিমাণ গুপ্ত মালা দেব। এছাড়াও, তাকে  
আমি একটি শ্বেতপাথৰ দেব, যার উপরে একটি নতুন নাম লেখা  
আছে, কেউ সেই নাম জানতে পারে না, কেবলমাত্ৰ যে তা গ্ৰহণ  
করে, সেই জানে। 18 “থুয়াতীরায় অবস্থিত মণ্ডলীর দৃতকে লেখো:  
যিনি ঈশ্বরের পুত্ৰ, যাঁৰ দুটি চোখ জ্বলন্ত আগুনের শিখার মতো ও  
যাঁৰ দু-পা ঝাকঝাকে পিতলের মতো, তিনিই একথা বলছেন: 19  
আমি তোমার সকল কাজকৰ্ম, তোমার প্ৰেম ও বিশ্বাস, তোমার সেবা  
ও ধৈৰ্য সম্বন্ধে জানি; এবং তোমার শেষের কাজগুলি যে প্ৰথমের  
কাজগুলিকে ছাপিয়ে গেছে সেকথাও আমি জানি। 20 তা সত্ত্বেও,  
তোমার বিৱৰণে আমার অভিযোগ এই: তুমি ওই নারী ঈষেবলকে  
সহ্য করে আসছ, যে নিজেকে মহিলা ভাববাদী বলে। তার শিক্ষার  
মাধ্যমে সে আমার দাসদের অবৈধ যৌনাচার ও প্রতিমাদের কাছে  
উৎসর্গ করা বলি আহার কৰতে বলে তাদের আন্তপথে চালিত কৰছে।  
21 তার ব্যভিচার থেকে মন পরিবর্তন কৰার জন্য আমি তাকে সময়  
দিয়েছিলাম, কিন্তু সে ইচ্ছুক হয়নি। 22 সেই কারণে, আমি তাকে  
কষ্টভোগে শ্যায়াশ্যায়ী কৰব এবং যারা তার সঙ্গে ব্যভিচার কৰছে, তারা  
যদি তার শেখানো পথ থেকে মন পরিবর্তন না কৰে, তাহলে তাদেরও  
প্ৰচণ্ড যন্ত্ৰণায় ফেলব। 23 আমি সেই নারীৰ সন্তানদের আঘাত কৰে  
বধ কৰব। তখন সব মণ্ডলী জানতে পারবে যে আমি হৃদয় ও মনের  
অনুসন্ধানকাৰী এবং আমি তোমাদের প্ৰত্যেককে, তার কাজ অনুযায়ী  
প্ৰতিফল দেব। 24 এখন অবশিষ্ট তোমৰা যারা থুয়াতীরাতে আছ, যারা

তার শিক্ষাগ্রহণ করোনি এবং শয়তানের তথাকথিত গভীর তত্ত্বকথা  
গ্রহণ করোনি, ‘আমি তোমাদের উপরে আর কোনও ভার চাপাতে চাই  
না: 25 তোমাদের যা আছে, আমার আগমন পর্যন্ত কেবলমাত্র সেটুকুই  
দৃঢ়রূপে পালন করো।’ 26 যে বিজয়ী হয় ও শেষ পর্যন্ত আমার ইচ্ছা  
পালন করে, তাকে আমি জাতিবৃন্দের উপরে কর্তৃত্ব করতে দেব—  
27 তার ফলে ‘সে লোহার দঙ্গের দ্বারা তাদের শাসন করবে; মাটির  
পাত্রের মতো সে তাদের খণ্ডবিখণ্ড করবে’—ঠিক যে ধরনের কর্তৃত্ব  
আমি পিতার কাছ থেকে লাভ করেছি। 28 এছাড়াও আমি তাকে  
দেব প্রভাতি তারা। 29 যার কান আছে, সে শুনুক, যে পরিত্র আত্মা  
মণ্ডলীদের কী বলছেন।

**৩** “সার্দিতে অবস্থিত মণ্ডলীর দৃতকে লেখো: যিনি ঈশ্বরের সপ্ত-আত্মা  
ও সাতটি তারা ধারণ করেন, তিনিই একথা বলেন: আমি তোমার  
কাজকর্মগুলি জানি; তুমি তো নামে মাত্র জীবিত আছ, আসলে তুমি  
মৃত। 2 তুমি জেগে ওঠো! কেননা এখনও যা কিছু অবশিষ্ট আছে  
অথচ মৃতপ্রায়, সেগুলিতে শক্তি সঞ্চার করো, কারণ আমি তোমার  
কেনও কাজ আমার ঈশ্বরের দৃষ্টিতে সুসম্পূর্ণ দেখিনি। 3 অতএব  
স্মরণ করো, তুমি যা যা পেয়েছ ও শুনেছ; তা পালন করো ও মন  
পরিবর্তন করো। কিন্তু তুমি যদি জেগে না-ওঠো, তাহলে আমি চোরের  
মতো আসব, আর আমি কখন তোমার কাছে আসব, তা তুমি জানতেই  
পারবে না। 4 তবুও সার্দিতে তোমার এমন কয়েকজন লোক আছে,  
যারা নিজেদের পোশাক কল্পিত করেনি। তারা সাদা পোশাক পরে  
আমার সান্নিধ্যে জীবনযাপন করবে, কারণ তারা যোগ্য। 5 যে বিজয়ী  
হবে, সেও তাদের মতোই সাদা পোশাক পরবে। আমি জীবনপুস্তক  
থেকে তার নাম কখনও মুছে ফেলব না, কিন্তু আমার পিতার ও তাঁর  
দৃতদের সামনে তার নাম স্বীকার করব। 6 যার কান আছে, সে শুনুক,  
যে পরিত্র আত্মা মণ্ডলীদের কী বলছেন। 7 “ফিলাদেলফিয়ায় অবস্থিত  
মণ্ডলীর দৃতকে লেখো: যিনি পরিত্র ও সত্যময়, যিনি দাউদের চাবি  
ধারণ করেন, তিনিই একথা বলেন: তিনি যা খোলেন, কেউ তা বন্ধ  
করতে পারে না এবং তিনি যা বন্ধ করেন, কেউ তা খুলতে পারে

না। ৪ আমি তোমার কাজকর্মগুলি জানি। দেখো, আমি তোমার সামনে এক দরজা খুলে রেখেছি, যা কেউ বন্ধ করতে পারে না। আমি জানি তোমার শক্তি অল্প আছে, তা সত্ত্বেও তুমি আমার বাক্য পালন করেছ এবং আমার নাম অস্থীকার করোনি। ৫ দেখো, যারা শয়তানের সমাজের লোক, যারা নিজেদের ইহুদি বলে দাবি করলেও ইহুদি নয়, তারা মিথ্যাবাদী—আমি তাদের নিয়ে এসে তোমার পায়ে প্রণাম করতে বাধ্য করব, আর তারা স্বীকার করবে যে, আমি তোমাকে ভালোবেসেছি। ৬ যেহেতু তুমি ধৈর্যের সঙ্গে সহ্য করে আমার আদেশ পালন করেছ, আমি তোমাকে সেই পরীক্ষাকাল থেকে রক্ষা করব, যা সকল পৃথিবীবাসীর জন্য সমগ্র জগতে আসতে চলেছে। ৭ আমি শীঘ্রই আসছি। তোমার কাছে যা আছে, স্যত্ত্বে ধরে থাকো, যেন কেউই তোমার মুকুট কেড়ে নিতে না পারে। ৮ যে বিজয়ী হয়, তাকে আমি আমার ঈশ্বরের মন্দিরের এক স্তম্ভস্বরূপ করব। তারা কখনও সেখান থেকে বাইরে যাবে না। আমি তার উপরে আমার ঈশ্বরের নাম ও আমার ঈশ্বরের সেই নগর সেই নতুন জেরশালেমের নাম লিখব, যা আমার ঈশ্বরের কাছ থেকে, স্বর্গ থেকে নেমে আসছে; এবং তার উপরেও আমি আমার নতুন নাম লিখব। ৯ যার কান আছে, সে শুন্ক, যে পবিত্র আত্মা মণ্ডলীদের কী বলছেন। ১০ “লায়োদেকিয়া অবস্থিত মণ্ডলীর দৃতকে লেখো: যিনি আমেন, সেই বিশ্বস্ত ও সত্তময় সাক্ষী, ঈশ্বরের সৃষ্টির শাসনকর্তা, তিনিই একথা বলেন: ১১ আমি তোমার কাজকর্মগুলি জানি, তুমি উত্তপ্ত নও, তুমি শীতলও নও। আমি চাইছিলাম, তুমি হয় উত্তপ্ত হও, নয় শীতল হও! ১২ তাই, তুমি যেহেতু নাতিশীতোষ্ণ, অর্থাৎ না উত্তপ্ত, না শীতল, তাই আমি তোমাকে আমার মুখ থেকে বমি করে ফেলতে উদ্যত হয়েছি। ১৩ তুমি বলে থাকো, ‘আমি ধনী; আমি প্রচুর ধনসম্পদ সংগ্রহ করেছি, তাই আমার আর কোনও প্রয়োজন নেই।’ কিন্তু তুমি বুবাতেই পারছ না যে, তুমিই হলে দুর্দশাগ্রস্ত, কৃপার পাত্র, দরিদ্র, অঙ্গ ও নগ্ন। ১৪ আমি তোমাকে একটি পরামর্শ দিই, তুমি আমার কাছ থেকে আগনে পরিশোধিত হওয়া সোনা কিনে নাও যেন তুমি ধনী হতে পারো; গায়ে পরবার জন্য সাদা

পোশাক যেন তোমার লজ্জাজনক নগ্নতা ঢাকা দিতে পারো; ও দুই  
চোখে লাগানোর জন্য কাজল যেন তুমি দেখতে পাও। 19 আমি যাদের  
প্রেম করি, তাদের আমি তিরক্ষার করি ও শাসন করি। তাই আন্তরিক  
আগ্রহ দেখাও ও মন পরিবর্তন করো। 20 দেখো আমি তোমার কাছেই  
আছি! এই আমি দুয়ারে দাঁড়িয়ে আছি ও কড়া নাড়ছি, যদি কেউ  
আমার কষ্টস্বর শুনে দুয়ার খুলে দেয়, আমি ভিতরে প্রবেশ করব ও  
তার সঙ্গে বসে আহার করব, আর সেও আমার সঙ্গে আহার করবে।  
21 যে বিজয়ী হয়, তাকে আমি আমার সঙ্গে আমার সিংহাসনে বসার  
অধিকার দেব, ঠিক যেমন আমি বিজয়ী হয়ে আমার পিতার সঙ্গে তাঁর  
সিংহাসনে বসেছি। 22 যার কান আছে, সে শুনুক, যে পরিত্ব আত্মা  
মণ্ডলীদের কী বলছেন।”

**4** এরপরে আমি তাকিয়ে দেখলাম, আমার সামনে স্বর্গে একটি দুয়ার  
খোলা রয়েছে; আর প্রথমে যে কষ্টস্বর আমি শুনেছিলাম যা তুরীক্ষনির  
মতো আমার সঙ্গে কথা বলেছিলেন, তিনি বললেন, “তুমি এখানে  
উঠে এসো, এরপরে যা অতি অবশ্যই ঘটবে, সেসব আমি তোমাকে  
দেখাব।” 2 আমি সেই মুহূর্তেই পরিত্ব আত্মায় আবিষ্ট হলাম এবং  
দেখলাম আমার সামনে স্বর্গের সিংহাসন রাখা আছে এবং এক ব্যক্তি  
তার উপরে উপবিষ্ট। 3 এবং উপবিষ্ট সেই ব্যক্তির চেহারা সূর্যকান্ত  
ও সাদীয় মণির মতো। সেই সিংহাসনকে ঘিরে ছিল পান্নার মতো  
এক মেঘধনু। 4 সেই সিংহাসনের চারদিকে ছিল আরও চবিশটি  
সিংহাসন, সেগুলির উপরে উপবিষ্ট ছিলেন চবিশজন প্রাচীন ব্যক্তি।  
তাদের পরনে ছিল সাদা পোশাক ও তাদের মাথায় ছিল সোনার মুকুট।  
5 সেই সিংহাসন থেকে নির্গত হচ্ছিল বিদ্যুতের ঝলক, গুরুগন্তীর  
ধ্বনি ও বজ্রপাতের গর্জন। সিংহাসনের সামনে রাখা ছিল সাতটি  
জ্বলন্ত প্রদীপ, যেগুলি ঈশ্বরের সপ্ত-আত্মা। 6 এছাড়াও, সিংহাসনের  
সামনেটা ছিল স্ফটিকের মতো স্বচ্ছ, যেন কাচের একটি সমুদ্র।  
মাঝখানে, সিংহাসনের চারদিকে ছিলেন চার জীবন্ত প্রাণী, এবং  
তাদের সামনের ও পেছনের দিক ছিল চোখে পরিপূর্ণ। 7 প্রথম জীবন্ত  
প্রাণী ছিলেন সিংহের মতো, দ্বিতীয়জন ছিলেন বলদের মতো, তৃতীয়

জনের মুখমণ্ডল ছিল মানুষের মতো, চতুর্থজন ছিলেন উড়ন্ট টেগলের মতো। ৪ এই চার জীবন্ত প্রাণীর প্রত্যেকের ছিল ছয়টি করে ডানা এবং তাদের দেহের সর্বত্র এমনকি ডানাগুলির নিচেও ছিল চোখে পরিপূর্ণ। দিনরাত, অবিরাম তারা একথা বলেন: ৫ যিনি সিংহাসনে উপবিষ্ট ও যিনি যুগে যুগে চিরকাল জীবন্ত, তাঁকে যখনই সেই জীবন্ত প্রাণীরা গৌরব, সম্মান ও ধন্যবাদ অর্পণ করেন, (aiōn g165) ১০ তখন সিংহাসনে উপবিষ্ট ব্যক্তির সামনে ওই চবিশজন প্রাচীন প্রণাম করেন ও যিনি যুগে যুগে চিরকাল জীবন্ত, তাঁর উপাসনা করেন। তাঁরা তাদের মুকুট সিংহাসনের সামনে রেখে দিয়ে বলেন, (aiōn g165) ১১ “আমাদের প্রভু ও ঈশ্বর, তুমি মহিমা, সম্মান ও পরাক্রম গ্রহণের যোগ্য; কেননা তুমি সবকিছু সৃষ্টি করেছ, এবং তোমার ইচ্ছামতোই সবকিছু সৃষ্টি হয়েছে ও তাদের অস্তিত্ব প্রকাশিত হয়েছে।”

৫ পরে আমি দেখলাম, যিনি সিংহাসনে উপবিষ্ট, তাঁর ডান হাতে রয়েছে একটি পুঁথি, যার ভিতরে ও বাইরে, দুদিকেই লেখা এবং তা সাতটি সিলমোহর দ্বারা মোহরাফিত। ২ পরে আমি এক শক্তিশালী দৃতকে দেখলাম, যিনি উচ্চকগ্নে ঘোষণা করছেন, “এই সিলমোহরগুলি কেবলে পুঁথিটি খোলার যোগ্য কে?” ৩ কিন্তু স্বর্গে বা পৃথিবীতে বা পাতালে, কেউই ওই পুঁথিটি খুলতে বা তার ভিতরে দৃষ্টিপাত করতে সক্ষম হল না। ৪ আমি কেবলই কাঁদতে থাকলাম, কারণ ওই পুঁথি খুলতে বা তার ভিতরে দৃষ্টিপাত করার যোগ্য কাউকেই পাওয়া গেল না। ৫ তখন প্রাচীনদের মধ্যে একজন আমাকে বললেন, “তুমি কেঁদো না! দেখো, যিনি যিহুদা গোষ্ঠীর সিংহ, দাউদ বংশের মূলস্বরূপ, তিনি বিজয়ী হয়েছেন। তিনিই ওই পুঁথি ও তার সাতটি সিলমোহর খুলতে সক্ষম।” ৬ এরপর আমি এক মেষশাবককে দেখতে পেলাম, দেখে মনে হল যেন তাঁকে হত্যা করা হয়েছিল। তিনি সিংহাসনের কেন্দ্রস্থলে দাঁড়িয়েছিলেন ও তাঁকে চারদিক থেকে ঘিরে ছিলেন সেই চার জীবন্ত প্রাণী ও প্রাচীনবর্গ। সেই মেষশাবকের ছিল সাতটি শিং ও সাতটি চোখ, যেগুলি হল সমস্ত পৃথিবীতে প্রেরিত ঈশ্বরের সপ্ত-আত্মা। ৭ তিনি গেলেন ও সিংহাসনে যিনি উপবিষ্ট তাঁর ডান হাত থেকে সেই পুঁথিটি

নিলেন। ৪ এবং তিনি সেই পুঁথিটি নেওয়া মাত্র সেই চার জীবন্ত প্রাণী  
ও চরিশজন প্রাচীনবর্গ মেষশাবকের সামনে নত হয়ে প্রণাম করলেন।  
তাঁদের প্রত্যেকের হাতে ছিল একটি করে বীগা ও তাদের হাতে ছিল  
সুগন্ধি ধূপে পরিপূর্ণ একটি সোনার পাত্র। এই ধূপ হল পরিত্রগণের  
প্রার্থনা। ৫ আর তাঁরা একটি নতুন গীত গাইলেন: “তুমি ওই পুঁথি  
প্রহণ করার ও তার সিলমোহর খোলার যোগ্য, কারণ তোমাকে হত্যা  
করা হয়েছিল, আর তোমার রক্ত দ্বারা তুমি ঈশ্বরের জন্য সব গোষ্ঠী  
ও ভাষাভাষী ও জাতি ও দেশ থেকে মানুষদের কিনে নিয়েছ। ১০  
আমাদের ঈশ্বরের সেবা করার জন্য তুমি তাদের রাজ্য ও যাজকসমাজ  
করেছ, আর তারা পৃথিবীতে রাজত্ব করবে।” ১১ তখন আমি দৃষ্টিপাত  
করলাম এবং হাজার হাজার ও অযুত অযুত স্বর্গদুর্তের কর্তৃস্বর শুনতে  
পেলাম। তাঁরা সেই সিংহাসন ও জীবন্ত প্রাণীদের ও প্রাচীনদের ঘিরে  
ছিলেন। ১২ তাঁরা উচ্চকঠ গাইতে লাগলেন, “মেষশাবক, যিনি হত  
হয়েছিলেন, তিনিই পরাক্রম ও ঐশ্বর্য ও প্রজ্ঞা ও শক্তি ও সম্মান ও  
মহিমা ও প্রশংসা, গ্রহণ করার যোগ্য!” ১৩ পরে আমি শুনতে পেলাম  
স্বর্গ ও পৃথিবী ও পৃথিবীর নিচ ও সমুদ্রের অভ্যন্তরস্থ প্রত্যেক সৃষ্টি প্রাণী  
এবং এই সবকিছুর মধ্যে যা আছে সে সমস্ত গাইছে: “যিনি সিংহাসনে  
উপবিষ্ট, তাঁর ও মেষশাবকের প্রশংসা ও সম্মান, মহিমা ও পরাক্রম,  
(ajōn g165) ১৪ সেই চারজন জীবন্ত প্রাণী বললেন, “আমেন,” আর  
প্রাচীনেরা ভূমিষ্ঠ হলেন ও উপাসনা করলেন।

৬ পরে আমি দেখলাম, সেই মেষশাবক সাতটি সিলমোহরের প্রথমটি  
খুললেন। তারপর আমি শুনলাম, ওই চারজন জীবন্ত প্রাণীর মধ্যে  
একজন বজ্রগন্তীর কঠে ডেকে উঠলেন, “এসো!” ২ আমি তাকিয়ে  
দেখলাম, আর আমার সামনে এক সাদা রংয়ের ঘোড়া! এর আরোহীর  
হাতে ধনুক, আর তাঁকে একটি মুকুট দেওয়া হল, আর তিনি বিজয়ীর  
মতো জয়লাভ করার উদ্দেশ্যে বেরিয়ে পড়লেন। ৩ মেষশাবক যখন  
দ্বিতীয় সিলমোহরটি খুললেন, আমি শুনতে পেলাম, দ্বিতীয় জীবন্ত  
প্রাণী বললেন, “এসো!” ৪ তখন আগন্তনের মতো লাল রংয়ের দ্বিতীয়  
একটি ঘোড়া বের হয়ে এল। এর আরোহীকে পৃথিবীর শান্তি হরণ

করার ও মানুষের মধ্যে একে অপরকে হত্যা করে ক্ষমতা দেওয়া হল।  
তাকে দেওয়া হল লস্বা এক তরোয়াল। ৫ মেষশাবক যখন তৃতীয়  
সিলমোহরটি খুললেন, আমি তৃতীয় জীবন্ত প্রাণীকে বলতে শুনলাম,  
“এসো!” আমি তাকিয়ে দেখলাম, আর আমার সামনে এক কালো  
রংয়ের ঘোড়া। এর আরোহীর হাতে একটি দাঁড়িপাল্লা। ৬ তারপর আমি  
শুনতে পেলাম, সেই চারজন জীবন্ত প্রাণীর কোনো একজনের কর্তৃপক্ষ,  
বলে উঠল, “এক কিলো গমের দাম এক দিনার ও তিনি কিলো যবের  
দাম এক দিনার, এবং তুমি তেল বা দ্রাক্ষারসের অপচয় কোরো না!” ৭  
মেষশাবক যখন চতুর্থ সিলমোহর খুললেন, আমি শুনতে পেলাম চতুর্থ  
জীবন্ত প্রাণীর কর্তৃপক্ষ বলছে, “এসো!” ৮ আমি তাকিয়ে দেখলাম আর  
আমার সামনে এক পাঞ্চুর রংয়ের ঘোড়া! এর আরোহীর নাম মৃত্যু,  
পাতাল ঘনিষ্ঠভাবে তাকে অনুসরণ করছে। তাদের ক্ষমতা দেওয়া হল  
যেন তারা তরোয়াল, দুর্ভিক্ষ ও মহামারি এবং পৃথিবীর বন্য জন্মদের  
দ্বারা পৃথিবীর এক-চতুর্থাংশ প্রাণীকে হত্যা করে। (Hadēs g86) ৯ তিনি  
যখন পঞ্চম সিলমোহরটি খুললেন তখন আমি বেদির নিচে তাঁদের  
প্রাণকে দেখলাম, যারা ঈশ্বরের বাক্য ও তাদের অবিচল সাক্ষ্যের  
জন্য নিহত হয়েছিলেন। ১০ তাঁরা উচ্চস্থরে বলে উঠলেন, “পবিত্র  
ও সত্যময়, সর্বশক্তিমান প্রভু, পৃথিবী নিবাসীদের বিচার করতে ও  
আমাদের রক্তের প্রতিশোধ নিতে আর কত কাল দেবি করবেন?” ১১  
তখন তাঁদের প্রত্যেককে একটি করে সাদা পোশাক দেওয়া হল এবং  
তাঁদের বলা হল, আর অল্প সময় অপেক্ষা করতে, যতক্ষণ না তাঁদেরই  
মতো তাঁদের সহদাস ও ভাইবোনদের হত্যা করা হবে ও তাঁদের  
সংখ্যা পূর্ণ হবে। ১২ পরে আমি দেখলাম, তিনি ষষ্ঠি সিলমোহরটি  
খুললেন। তখন এক মহা ভূমিকম্প হল। সূর্য ছাগলের লোমে বোনা  
কম্বলের মতো কালো রংয়ের আর সম্পূর্ণ চাঁদ রক্তের মতো লাল রংয়ে  
রূপান্তরিত হল, ১৩ আর ঠিক যেভাবে প্রবল বাতাসে আন্দোলিত ডুমুর  
গাছ থেকে কাঁচা ডুমুর ঝারে পড়ে সেভাবে আকাশের তারা সকল  
পৃথিবীতে ঝারে পড়ল। ১৪ যেভাবে পুঁথিকে গুটিয়ে ফেলা হয় সেভাবে  
আকাশমণ্ডল দৃষ্টিপথ থেকে দূরে সরে গেল এবং সমস্ত পর্বত ও দ্বীপ

নিজের নিজের স্থান থেকে উপড়ে ফেলা হল। 15 তখন পৃথিবীর সব রাজা, রাজপুত্র ও রাজকন্যা, সৈন্যাধ্যক্ষ, ধনী, পরাক্রমী, এবং সকলে, ক্রীতদাস ও সব স্বাধীন মানুষ বিভিন্ন গুহায় ও পর্বতশিলায় নিজেদের লুকিয়ে রাখল। 16 তারা পর্বতসকল ও মহাশিলাকে ডেকে বলতে লাগল, “আমাদের উপরে পতিত হও, যিনি সিংহাসনে উপবিষ্ট, তাঁর সামনে থেকে ও মেষশাবকের কোপ থেকে আমাদের লুকিয়ে রাখো! 17 কারণ তাঁদের ক্রোধ প্রকাশের মহাদিন এসে পড়েছে, আর কে তাঁর সামনে দাঁড়াতে পারে?”

7 এরপরে আমি দেখলাম চারজন স্বর্গদৃত, তাঁরা পৃথিবীর চার কোণে দাঁড়িয়ে আছেন এবং তাঁরা পৃথিবীর চার বায়ুকে পিছন দিকে টেনে ধরে রেখেছেন, যেন ভূমিতে বা সমুদ্রে বা কোনো গাছের উপরে বাতাস প্রবাহিত না হয়। 2 তারপর আমি আর একজন স্বর্গদৃতকে পূর্বদিক থেকে আসতে দেখলাম, তাঁর কাছে ছিল জীবন্ত স্টশুরের সিলমোহর। তিনি সেই চার স্বর্গদৃত, যাঁদের ভূমি ও সমুদ্রের উপর অনিষ্ট করার ক্ষমতা দেওয়া হয়েছিল তাঁদের উদ্দেশে উচ্চস্থরে বললেন: 3 “আমরা যতক্ষণ না আমাদের স্টশুরের দাসগণের কপালে সিলমোহর দিয়ে ছাপ দিতে পারি, ততক্ষণ পর্যন্ত তোমরা ভূমি বা সমুদ্র বা গাছগুলির প্রতি কোনো অনিষ্ট কোরো না।” 4 পরে আমি ওই সিলমোহরাঙ্কিত লোকদের সংখ্যার কথা শুনতে পেলাম। তারা ছিল ইন্দ্রায়েলের সমস্ত গোষ্ঠীর 1,44,000 জন। 5 যিন্দূ গোষ্ঠী থেকে মোহরাঙ্কিত 12,000 জন, রূবেণ গোষ্ঠী থেকে 12,000 জন, গাদ গোষ্ঠী থেকে 12,000 জন, 6 আশের গোষ্ঠী থেকে 12,000 জন, নঙ্গালি গোষ্ঠী থেকে 12,000 জন, মনঃশি গোষ্ঠী থেকে 12,000 জন, 7 শিমিয়োন গোষ্ঠী থেকে 12,000 জন, লেবি গোষ্ঠী থেকে 12,000 জন, ইষাখর গোষ্ঠী থেকে 12,000 জন, 8 সব্লুন গোষ্ঠী থেকে 12,000 জন, যোষেফ গোষ্ঠী থেকে 12,000 জন, বিন্যামীন গোষ্ঠী থেকে 12,000 জন মোহরাঙ্কিত হল। 9 এরপর আমি তাকিয়ে দেখলাম, আর আমার সামনে প্রত্যেক দেশের, গোষ্ঠীর, জাতির ও ভাষাভাষী লোকের এক বিশাল জনারণ্য দেখতে পেলাম যাদের গণনা করার সামর্থ কারও

নেই। তারা সেই সিংহাসন ও মেষশাবকের সামনে দাঁড়িয়েছিল।  
তারা ছিল সাদা পোশাক পরিহিত ও তাদের হাতে ছিল খেজুর পাতা।

10 তারা উচ্চকগ্নে চিন্কার করে বলল, “পরিত্রাণ দেওয়ার অধিকার  
সিংহাসনে উপবিষ্ট আমাদের ঈশ্বর ও মেষশাবকের অধিকারভুক্ত।” 11  
সব স্বর্গদৃত সেই সিংহাসনের চারদিকে এবং সেই প্রাচীনবর্গের ও  
চারজন জীবন্ত প্রাণীর চারদিকে দাঁড়িয়েছিলেন। তাঁরা সেই সিংহাসনের  
সামনে নত হয়ে প্রণাম করলেন ও ঈশ্বরের উপাসনা করলেন, 12  
বললেন: “আমেন! প্রশংসা ও মহিমা, প্রজ্ঞা ও ধন্যবাদ ও সম্মান,  
পরাক্রম ও শক্তি চিরকাল যুগে যুগে আমাদের ঈশ্বরেরই হোক।  
আমেন!” (aiōn g165) 13 তখন প্রাচীনদের মধ্যে একজন আমাকে  
জিজ্ঞাসা করলেন, “সাদা পোশাক পরিহিত এই লোকেরা কারা এবং  
কেথা থেকে তারা এসেছেন?” 14 আমি উত্তর দিলাম, “মহামান্য,  
আপনিই তা জানেন।” তখন তিনি বললেন, “এরা সেই লোক, যারা  
মহাসংকটকাল থেকে উত্তীর্ণ হয়ে এসেছে; তারা মেষশাবকের রক্তে  
তাদের পোশাক পরিষ্কার করেছে ও তা সাদা করেছে। 15 এই কারণে,  
“তারা ঈশ্বরের সিংহাসনের সামনে রয়েছে, আর তারা দিনরাত তাঁর  
মন্দিরে তাঁর সেবা করে; আর যিনি সিংহাসনে উপবিষ্ট, তিনি তাদের  
আশ্রয় দেবেন। 16 ‘আর তারা কখনও ক্ষুধার্ত হবে না, আর তারা  
কখনও তৃষ্ণার্ত হবে না। সূর্যের প্রচণ্ড তাপ বা প্রখর উত্তাপ,’ তাদের  
গায়ে লাগবে না। 17 কারণ সিংহাসনের কেন্দ্রে স্থিত মেষশাবক  
তাদের পালক হবেন; ‘তিনি তাদের জীবন্ত জলের উৎসের দিকে নিয়ে  
যাবেন।’ ‘আর ঈশ্বর তাদের চোখের জল মুছিয়ে দেবেন।’”

8 তিনি যখন সপ্তম সিলমোহরাটি খুললেন, তখন স্বর্গে প্রায় আধ ঘণ্টা  
পর্যন্ত নিষ্ঠকৃতা পরিলক্ষিত হল। 2 আর আমি ঈশ্বরের সামনে সেই  
সাতজন স্বর্গদৃতকে দাঁড়িয়ে থাকতে দেখলাম, তাঁদেরকে সাতটি তূরী  
দেওয়া হল। 3 অন্য একজন স্বর্গদৃত এসে বেদির কাছে দাঁড়ালেন।  
তাঁর কাছে ছিল একটি সোনার ধূপদানী। তাঁকে প্রচুর ধূপ দেওয়া হল,  
যেন তিনি সিংহাসনের সামনে সব পবিত্রগণের প্রার্থনার সময় তা  
সোনার বেদিতে উৎসর্গ করেন। 4 পবিত্রগণের প্রার্থনার সঙ্গে মিশ্রিত

সেই ধূপের ধোঁয়া, সেই স্বর্গদূতের হাত থেকে উর্ধ্বে ঈশ্বরের কাছে  
 উঠে গেল। ৫ তারপরে সেই স্বর্গদূত ধূপদানীটি নিয়ে বেদি থেকে  
 আগুন নিয়ে তা পূর্ণ করলেন এবং পৃথিবীতে তা নিষ্কেপ করলেন;  
 এতে বজ্রপাতের গর্জন, গুরুগন্তীর ধ্বনি, বিদ্যুতের ঝলকানি ও  
 ভূমিকম্প হল। ৬ পরে সাত তূরীধারী সেই সাতজন স্বর্গদূত তূরীগুলি  
 বাজাবার জন্য প্রস্তুত হলেন। ৭ প্রথম স্বর্গদূত তাঁর তূরী বাজালেন,  
 আর রক্তমিশ্রিত শিলা ও আগুন উপস্থিত হল ও তা পৃথিবীতে নিষ্কিপ্ত  
 হল। এতে পৃথিবীর এক-তৃতীয়াংশ আগুনে পুড়ে গেল, এক-তৃতীয়াংশ  
 গাছ আগুনে পুড়ে গেল ও সমস্ত সবুজ ঘাস আগুনে পুড়ে গেল। ৮  
 দ্বিতীয় স্বর্গদূত তাঁর তূরী বাজালেন, আর প্রজ্বলিত বিশাল পর্বতের  
 মতো একটি বস্ত্র সমুদ্রের মধ্যে নিষ্কিপ্ত হল। এতে সমুদ্রের এক-  
 তৃতীয়াংশ রক্তে পরিণত হল, ৯ সমুদ্রের জীবন্ত প্রাণীদের এক-  
 তৃতীয়াংশ মারা গেল ও জাহাজসমূহের এক-তৃতীয়াংশ ধ্বংস হল।  
 ১০ তৃতীয় স্বর্গদূত তাঁর তূরী বাজালেন, আর মশালের মতো জ্বলন্ত  
 এক বৃহৎ তারা আকাশ থেকে এক-তৃতীয়াংশ নদনদীর ও জলের  
 সমস্ত উৎসের উপরে পতিত হল। ১১ এই তারাটির নাম সোমরাজ।  
 এতে এক-তৃতীয়াংশ জল তেতো হয়ে গেল এবং সেই তেতো জলের  
 কারণে বহু মানুষের মৃত্যু হল। ১২ চতুর্থ স্বর্গদূত তাঁর তূরী বাজালেন।  
 এতে সূর্যের এক-তৃতীয়াংশ, চাঁদের এক-তৃতীয়াংশ ও তারাগণের  
 এক-তৃতীয়াংশ আঘাতপ্রাপ্ত হল, এভাবে তাদের প্রত্যেকের এক-  
 তৃতীয়াংশ অঙ্ককারময় হল। ফলে দিনের এক-তৃতীয়াংশ ও রাতের  
 এক-তৃতীয়াংশ আলোকশূন্য হল। ১৩ আমি যখন তাকিয়ে দেখছিলাম,  
 আমি মধ্য-আকাশে উড়ে যাওয়া এক ঈগল পাখির রব শুনলাম, সে  
 উচ্চকণ্ঠে চিৎকার করে বলল, “আরও তিনজন স্বর্গদূত, যাঁরা তূরী  
 বাজাতে উদ্যত, তাঁদের তূরীধনির জন্য পৃথিবীর অধিবাসীদের প্রতি  
 দুর্দশা, দুর্দশা, দুর্দশাই হবে!”

**৯** পঞ্চম স্বর্গদূত তাঁর তূরী বাজালেন, আর আমি দেখলাম আকাশ  
 থেকে একটি তারা পৃথিবীতে খসে পড়ল। সেই তারাটিকে অতল-  
 গহুরের সুড়ঙ্গপথের চাবি দেওয়া হল। (Abyssos g12) ২ যখন সে অতল-

গহুরের সুড়ঙ্গপথটি খুলল, তার মধ্যে থেকে বিশাল চুল্লির ধোঁয়ার  
মতো একটি ধোঁয়া উঠতে লাগল। অতল-গহুরের সেই ধোঁয়ায় সূর্য ও  
চাঁদ অন্ধকারাচ্ছন্ন হয়ে গেল। (Abyssos g12) 3 আর সেই ধোঁয়ার মধ্য  
থেকে পঙ্গপাল বের হয়ে পৃথিবীতে নেমে এল। তাদেরকে পৃথিবীর  
কাঁকড়াবিছেদের মতোই ক্ষমতা দেওয়া হল। 4 তাদের বলা হল, তারা  
যেন পৃথিবীর কোনো ঘাস বা গাছপালা বা গাছের ক্ষতি না করে, কিন্তু  
সেইসব মানুষের ক্ষতি করে, যাদের কপালে ঈশ্বরের সিলমোহর নেই।  
5 তাদের হত্যা করার অনুমতি দেওয়া হয়নি, কিন্তু পাঁচ মাস ধরে  
অত্যাচার করার ক্ষমতা দেওয়া হল। আর তারা সেরকম যন্ত্রণাভোগ  
করল, যেমন কাঁকড়াবিছে কোনো মানুষকে হল ফোটালে যন্ত্রণা হয়। 6  
ওই দিনগুলিতে মানুষ মৃত্যুর সন্ধান করবে, কিন্তু তার সন্ধান পাবে না।  
তারা আকুল হয়ে মৃত্যুবরণ করতে চাইবে, কিন্তু মৃত্যু তাদের নাগাল  
এড়িয়ে যাবে। 7 সেই পঙ্গপালগুলি দেখতে ছিল রণসাজে সজিত  
ঘোড়ার মতো। তাদের মাথায় ছিল সোনার মুকুটের মতো দেখতে কিছু  
এক জিনিস এবং তাদের মুখমণ্ডল দেখতে ছিল মানুষের মুখমণ্ডলের  
মতো। 8 তাদের চুল ছিল নারীর চুলের মতো এবং দাঁত ছিল সিংহের  
দাঁতের মতো। 9 তাদের বুকের পাটা ছিল লোহার বুকের পাটার মতো  
এবং তাদের ডানার আওয়াজ ছিল যুদ্ধে চলেছে এমন অনেক ঘোড়া ও  
রথের গুরুগন্তীর শব্দের মতো। 10 কাঁকড়াবিছের মতো ছিল তাদের  
লেজ ও হল। পাঁচ মাস ধরে মানুষকে যন্ত্রণা দেওয়ার ক্ষমতা তাদের  
ওই লেজে ছিল, 11 অতল-গহুরের এক দূত ছিল তাদের রাজা। হিঙ্গ  
ভাষায় তার নাম আবদ্দোন ও গ্রিক ভাষায়, আপলিয়োন। (Abyssos  
g12) 12 প্রথম দুর্দশার অন্ত হল; আরও বাকি দুই দুর্দশার সময় ছিল  
সন্ধিকট। 13 ষষ্ঠি দূত তাঁর তৃরী বাজালেন, আর আমি ঈশ্বরের সামনে  
স্থিত সোনার বেদির শঙ্খগুলি থেকে এক বাণী শুনতে পেলাম। 14 তা  
তুরীধারী সেই ষষ্ঠি স্বর্গদূতকে বলছিল, “ইউফ্রেটিস মহানদীর কাছে যে  
চারজন দূত রূপ্ত্ব আছে, তাদের মৃত্যু করে দাও।” 15 তখন যে চারজন  
দূতকে সেই ক্ষণ ও দিন ও মাস ও বছরের জন্য প্রস্তুত রাখা হয়েছিল,  
তাদের মৃত্যু করা হল, যেন তারা মানবজাতির এক-ত্রৃতীয়াংশকে

হত্যা করতে পারে। 16 আর অশ্বারোহী ওই সৈন্যের সংখ্যা ছিল কুড়ি  
কোটি। আমি তাদের সংখ্যা শুনলাম। 17 আমি আমার দর্শনে যেসব  
যোড়া ও তাদের আরোহীদের দেখতে পেলাম, তারা দেখতে ছিল  
এরকম: তাদের বুকের পাটা ছিল আগুনে-লাল, ঘন নীল ও গন্ধকের  
মতো হলুদ রংয়ের। যোড়াগুলির মাথা ছিল সিংহের মাথার মতো এবং  
তাদের মুখ দিয়ে বের হচ্ছিল আগুন, ধোঁয়া ও গন্ধক। 18 তাদের মুখ  
থেকে বের হওয়া সেই তিনি মহামারি, আগুন, ধোঁয়া ও গন্ধকের দ্বারা  
মানবজাতির এক-ভূতীয়াংশ নিহত হল। 19 যোড়াগুলির ক্ষমতা ছিল  
তাদের মুখে ও তাদের লেজে; কারণ তাদের লেজে সাপের মতো মাথা  
ছিল, যার দ্বারা তারা মানুষের ক্ষতি করতে পারত। 20 মানবজাতির  
অবশিষ্ট লোক, যারা এই সমস্ত মহামারির দ্বারা নিহত হল না, তারা  
তখনও তাদের হাত দিয়ে করা কাজ থেকে মন পরিবর্তন করল না;  
তারা ভূতদের পূজা এবং সোনা, রংপো, পিতল, পাথর ও কাঠ দ্বারা  
নির্মিত বিভিন্ন প্রতিমা—যে প্রতিমারা দেখতে বা শুনতে বা চলতে  
পারে না, তাদের পূজা করা থেকে বিরত থাকল না। 21 এছাড়াও তারা  
তাদের নরহত্যা, তাদের তন্ত্রমন্ত্র-মায়াবিদ্যা, তাদের অবৈধ যৌনাচার,  
কিংবা তাদের চুরি করা থেকেও মন পরিবর্তন করল না।

**10** এরপর আমি অন্য একজন শক্তিশালী দৃতকে স্বর্গ থেকে নেমে  
আসতে দেখলাম। তাঁর পরনে ছিল মেঘের পোশাক ও তাঁর মাথায়  
ছিল এক মেঘধনু। তাঁর মুখমণ্ডল ছিল সূর্যের মতো ও তাঁর পা-দুটি  
ছিল আগুনের স্তম্ভের মতো। 2 তাঁর হাতে ধরা ছিল ছোটো একটি  
পুঁথি, যা ছিল খোলা অবস্থায়। তিনি তাঁর ডান পা সমুদ্রের উপরে ও বাঁ  
পা শুকনো জমির উপরে রাখলেন। 3 আর তিনি সিংহের গর্জনের  
মতো প্রবল হংকার দিলেন। তিনি চিংকার করলে পর সাতটি বজ্রধনি  
প্রত্যন্তের করল। 4 যখন সেই সাতটি বজ্রধনি কথা বলল, আমি  
তা লিখতে উদ্যত হলাম; কিন্তু আমি স্বর্গ থেকে এক বাণী শুনতে  
পেলাম, তা আমাকে বলছিল, “সাত বজ্রধনির বাণী সিলমোহরাঙ্কিত  
করো, কিন্তু তা লিপিবদ্ধ করবে না।” 5 তখন সমুদ্র ও স্তলের উপরে  
দাঁড়িয়ে থাকা যে স্বর্গদূতকে আমি দেখেছিলাম, তিনি স্বর্গের দিকে

তাঁর ডান হাত তুলে ধরলেন। ৬ আর যিনি যুগে যুগে চিরকাল জীবন্ত,  
যিনি আকাশমণ্ডল ও তার মধ্যস্থিত সবকিছু, পৃথিবী ও তার মধ্যস্থিত  
সবকিছু এবং সমুদ্র ও তার মধ্যস্থিত সবকিছু সৃষ্টি করছেন, তাঁরই  
নামে তিনি এই শপথ করে বললেন, “আর দেরি হবে না! (aiōn g165) ৭

কিন্তু যখন সেই সপ্তম স্বর্গদৃত তাঁর তুরী বাজাতে উদ্যত হবেন, ঠিক  
তখনই ঈশ্বরের রহস্য পরিপূর্ণতা লাভ করবে যেমন তিনি তাঁর দাস  
ভাববাদীদের কাছে ঘোষণা করেছিলেন।” ৮ তারপর যে কঠস্বর স্বর্গ  
থেকে আমার সঙ্গে কথা বলেছিলেন, তিনি আমার সঙ্গে আবার কথা  
বললেন: “তুমি যাও, যে স্বর্গদৃত সমুদ্র ও ভূমির উপরে দাঁড়িয়ে আছে,  
তাঁর হাত থেকে খোলা ওই পুঁথিটি গ্রহণ করো।” ৯ তাই আমি ওই  
স্বর্গদৃতের কাছে গিয়ে, তাঁর কাছ থেকে ওই ছোটো পুঁথিটি চাইলাম।  
তিনি আমাকে বললেন, “এটি নাও ও খেয়ে ফেলো। এ তোমার পেটে  
গিয়ে টক হয়ে উঠবে, কিন্তু তোমার মুখে তা মধুর মতো মিষ্টি লাগবে।”  
১০ আমি ওই স্বর্গদৃতের হাত থেকে ছোটো পুঁথিটি নিয়ে তা খেয়ে  
ফেললাম। তা আমার মুখে মধুর মতো মিষ্টি স্বাদযুক্ত মনে হল, কিন্তু  
তা খেয়ে ফেলার পর আমার পেট টক হয়ে গেল। ১১ তখন আমাকে  
বলা হল, “তোমাকে আবার বহু জাতি, দেশ, ভাষাভাষী ও রাজাদের  
সম্পর্কে ভাববাণী বলতে হবে।”

**১১** আমাকে মাপকাঠির মতো একটি নলখাগড়া দেওয়া হল ও বলা  
হল, “তুমি যাও, গিয়ে ঈশ্বরের মন্দির ও তাঁর বেদি পরিমাপ করো ও  
সেখানকার উপাসকদের সংখ্যা গুনে নাও। ২ কিন্তু বাইরের প্রাঙ্গণটি  
বাদ দেবে; সেটার পরিমাপ কোরো না, কারণ তা অইহুদীদের দেওয়া  
হয়েছে। তারা ৪২ মাস পর্যন্ত পবিত্র নগরকে পদদলিত করবে। ৩ আর  
আমি আমার দুই সাক্ষীকে ক্ষমতা দেব। তাঁরা চটের পোশাক পরে  
১,২৬০ দিন ভাববাণী বলবে।” ৪ তাঁরাই সেই দুই জলপাই গাছ ও  
দুই দীপাধার, যাঁরা পৃথিবীর প্রভুর সামনে দাঁড়িয়ে থাকে। ৫ কেউ  
যদি তাঁদের কোনো ক্ষতি করতে চায়, তবে তাঁদের মুখ থেকে আগুন  
বেরিয়ে এসে তাঁদের শক্রদের গ্রাস করে। এভাবে, যারা তাদের ক্ষতি  
করতে চায়, অবশ্যই তাদের মৃত্যু হবে। ৬ আকাশ রঞ্জ করার ক্ষমতা

থাকবে তাঁদের, যেন যতদিন তাঁরা ভাববাণী বলেন, কোনও বৃষ্টি না  
হয়। জলকে রক্তে পরিণত করার এবং তাঁরা যতবার যখনই চায়, সব  
প্রকার মহামারিতে পৃথিবীকে আঘাত করার ক্ষমতা তাঁদের আছে। 7  
তাঁরা নিজেদের সাক্ষ্য শেষ করলে পরে, যে পশু সেই অতল-গহুর  
থেকে উঠে আসবে, সে তাঁদের আক্রমণ করবে, বিজয়ী হবে ও তাঁদের  
হত্যা করবে। (Abyssos g12) 8 তাঁদের মৃতদেহ মহানগরীর পথে পড়ে  
থাকবে। এই নগরীকেই আলংকারিকরণে সদোম ও মিশ্র বলে,  
যেখানে তাঁদের প্রভুও ক্রুশার্পিত হয়েছিলেন। 9 সাড়ে তিন দিন যাবৎ  
প্রত্যেক জাতি, গোষ্ঠী, ভাষাভাষী ও দেশের মানুষ তাঁদের মৃতদেহের  
দিকে চেয়ে থাকবে ও তাঁদের কবর দেওয়ার অনুমতি দেবে না। 10  
পৃথিবীর অধিবাসীরা তাঁদের কারণে উল্লসিত হবে এবং পরম্পরকে  
উপহার পাঠিয়ে আনন্দ উদ্যাপন করবে, কারণ এই দুই ভাববাদী  
পৃথিবী নিবাসীদের যন্ত্রণা দিত। 11 কিন্তু সাড়ে তিন দিন পরে ঈশ্বরের  
কাছ থেকে আগত প্রাণবায়ু তাঁদের মধ্যে প্রবেশ করল। তাঁরা তাঁদের  
পায়ে ভর দিয়ে দাঁড়ালেন; যারা তাঁদের দেখল, তারা আতঙ্কগ্রস্ত  
হয়ে পড়ল। 12 এরপর তাঁরা শুনলেন, স্বর্গ থেকে কেউ উচ্চকর্ণে  
তাঁদের বলছেন, “এখানে উঠে এসো।” আর তাঁদের শক্তিদের চোখের  
সামনেই এক মেঘযোগে স্বর্গে উঠে গোলেন। 13 আর সেই মুহূর্তে এক  
তীব্র ভূমিকম্প হল এবং সেই নগরীর এক-দশমাংশ ধসে পড়ল।  
সেই ভূমিকম্পে সাত হাজার মানুষ নিহত হল, আর যারা রক্ষা পেল,  
তারা আতঙ্কিত হয়ে স্বর্গের ঈশ্বরের গৌরব করল। 14 দ্বিতীয় দুর্দশার  
অবসান হল; শীত্রই তৃতীয় দুর্দশা এসে উপস্থিত হবে। 15 সপ্তম  
স্বর্গদূত তাঁর তূরী বাজালেন, আর স্বর্গে উচ্চনাদে এই বাণী শোনা গেল:  
“জগতের রাজ্য পরিণত হল, আমাদের প্রভু ও তাঁর খ্রীষ্টের রাজ্যে,  
আর তিনি যুগে যুগে চিরকাল রাজত্ব করবেন।” (ajōn g165) 16 আর  
যে চরিষ্যজন প্রাচীন ঈশ্বরের সামনে নিজেদের সিংহাসনে উপবিষ্ট  
ছিলেন, তাঁরা অধোমুখে প্রণাম করে ঈশ্বরের উপাসনা করলেন: 17  
তাঁরা বললেন, “হে সর্বশক্তিমান প্রভু ঈশ্বর, যিনি আছেন ও ছিলেন,  
আমরা তোমাকে ধন্যবাদ দিই, কারণ তুমি তোমার মহাপ্রাক্রম গ্রহণ

করেছ ও রাজত্ব শুরু করেছ। 18 সব জাতি ক্রুদ্ধ হয়েছিল; তাই তোমার  
রোষও উপস্থিত হয়েছে। মৃতদের বিচার করার সময় এবং তোমার  
দাস সেই ভাববাদীদের ও পরিত্রগণের, আর যতজন তোমার নামে  
সম্মত প্রকাশ করে, ক্ষুদ্র ও মহান নির্বিশেষে সবাইকে পুরস্কার দেওয়ার  
জন্য—এবং পৃথিবী-বিনাশকদের ধ্বংস করার সময় উপস্থিত হল।”

19 তারপরে স্বর্গে ঈশ্বরের মন্দির খোলা হল এবং মন্দিরের ভিতরে  
তাঁর নিয়ম-সিন্দুকটি দেখা গেল। আর সেখানে বিদ্যুতের ঝলক,  
গুরুগন্তীর ধ্বনি, বজ্রপাতের গর্জন, ভূমিকম্প ও বড়ো বড়ো শিলাবৃষ্টি  
হতে লাগল।

**12** তারপর স্বর্গে এক বিশাল ও বিস্ময়কর চিহ্ন দেখা গেল, এক  
নারী, সূর্য তার পোশাক, চাঁদ তার পায়ের নিচে এবং তার মাথায়  
বারোটি তারাখচিত এক মুকুট। 2 সে ছিল সন্তান-সন্তুষ্টা এবং প্রসব  
যন্ত্রণায় কাতর হয়ে সে আর্তনাদ করছিল। 3 এরপর মহাকাশে আর  
একটি চিহ্ন দেখা দিল; এক অতিকায় লাল দানব, তার ছিল সাতটি  
মাথা ও দশটি শিং এবং তার মাথাগুলিতে ছিল সাতটি মুকুট। 4  
তার লেজ আকাশের এক-তৃতীয়াংশ তারাকে টেনে পৃথিবীতে নিষ্কেপ  
করল। সেই দানব, সন্তান প্রসব করতে উদ্যত সেই নারীর সামনে  
এসে দাঁড়াল, যেন জন্ম হওয়ামাত্র সে তার শিশুকে থাস করতে পারে।  
5 সেই নারী এক পুত্রসন্তানের জন্ম দিল, যিনি লোহার রাজদণ্ডের দ্বারা  
সব জাতিকে শাসন করবেন। তার সেই শিশুকে সেই দানবের সামনে  
থেকে ছিনিয়ে নিয়ে ঈশ্বর ও তাঁর সিংহাসনের কাছে নিয়ে যাওয়া হল।  
6 সেই নারী মরুপ্রান্তের এক স্থানে পালিয়ে গেল, যে স্থান ঈশ্বর তার  
জন্য প্রস্তুত করেছিলেন, যেখানে তাকে 1,260 দিন পর্যন্ত প্রতিপালন  
করা হবে। 7 এরপর স্বর্গে এক যুদ্ধ হল। মীখায়েল ও তাঁর দূতেরা ও  
সেই দানবের বিরক্তি যুদ্ধ করলেন, আর সেই দানব ও তাঁর দূতেরাও  
যুদ্ধ করল। 8 কিন্তু তার যথেষ্ট শক্তি ছিল না, তাই স্বর্গে তাদের আর  
কেনও স্থান হল না। 9 সেই মহাদানবকে নিচে নিষ্কেপ করা হল—এ  
সেই পুরাকালের সাপ, যাকে দিয়াবল বা শয়তান বলা হয়, সে সমস্ত  
জগৎকে বিপথে চালিত করে। তাকে ও তার সঙ্গে তাঁর দূতদেরও

পৃথিবীতে নিষ্কেপ করা হল। 10 এরপরে আমি স্বর্গে এক উচ্চ রব  
শুনতে পেলাম: “এখন পরিত্রাণ ও পরাক্রম ও আমাদের ঈশ্বরের রাজ্য  
এবং তাঁর শ্রীষ্টের কর্তৃত্ব উপস্থিত হল। কারণ আমাদের ভাইবনেদের  
বিরঞ্ছে সেই অভিযোগকারী, যে আমাদের ঈশ্বরের সামনে তাদের  
বিরঞ্ছে দিনরাত অভিযোগ করে, সে নিষিষ্ঠ হয়েছে। 11 মেষশাবকের  
রক্তের দ্বারা ও তাদের সাক্ষ্যের বাণী দ্বারা তারা তাকে পরাস্ত করেছে;  
তারা নিজেদের প্রাণকেও এত প্রিয় জ্ঞান করেনি, যে কারণে মৃত্যুকেও  
তুচ্ছজ্ঞান করেছে। 12 সেই কারণে স্বর্গলোক ও তার অধিবাসীরা,  
তোমরা আনন্দ করো! কিন্তু পৃথিবী ও সমুদ্রের দুর্দশা হবে, কারণ  
দিয়াবল তোমাদের কাছে নেমে গিয়েছে! সে ক্রোধে পূর্ণ, কারণ  
সে জানে তার সময় সংক্ষিপ্ত।” 13 সেই দানব যখন দেখল, তাকে  
পৃথিবীতে নিষ্কেপ করা হয়েছে, সে সেই নারীর পিছনে ধাওয়া করল,  
যে পুত্রসন্তানের জন্ম দিয়েছিল। 14 সেই নারীকে একটি বড়ো ঈগল  
পাখির মতো দুটি ডানা দেওয়া হয়েছিল, যেন মরণপ্রাপ্তরে তার জন্য  
যে স্থান প্রস্তুত করা হয়েছে, সে সেখানে উড়ে যেতে পারে। সে সেই  
দানবের নাগালের বাইরে, এক বছর, দু-বছর ও ছয় মাস প্রতিপালিত  
হবে। 15 তারপর সেই দানবটি তার মুখ থেকে নদীর মতো জলস্নোত  
বের করল, যেন সেই নারীর নাগাল পায় ও তাকে জলের স্ন্যাতে  
ভাসিয়ে দিতে পারে। 16 কিন্তু পৃথিবী তার মুখ খুলে সেই নারীকে  
সাহায্য করল এবং সে নাগ-দানবের মুখ থেকে বের হওয়া সেই নদী  
গিলে ফেলল। 17 তখন সেই নাগ-দানব সেই নারীর প্রতি ভীষণ ক্রুদ্ধ  
হয়ে তার বংশের সেই অবশিষ্ট লোকদের সঙ্গে—যারা ঈশ্বরের আদেশ  
পালন ও যীশুর সাক্ষ্য ধারণ করে—তাদের সঙ্গে যুদ্ধ করতে গেল।

**13** আর সেই নাগ-দানব সমুদ্রের তীরে গিয়ে দাঁড়াল। আর আমি  
দেখলাম, একটি পশু সমুদ্রের মধ্য থেকে উঠে আসছে। তার ছিল  
দশটি শিং ও সাতটি মাথা এবং তার শিংগুলির উপরে দশটি মুকুট।  
আর প্রত্যেকটি মাথার উপরে ছিল একটি করে ঈশ্বর নিন্দাসূচক নাম।  
2 যে পশুটি আমি দেখলাম, সেটি দেখতে চিতাবাঘের মতো, কিন্তু তার  
পা ছিল ভালুকের মতো এবং মুখ ছিল সিংহের মতো। সেই নাগ তার

পরাক্রম ও তার সিংহাসন ও মহা কর্তৃত্ব সেই দানব পশ্চিমকে দান করল। 3 সেই পশুর একটি মাথা মনে হল যেন মারাত্মক আঘাতে আহত, কিন্তু সেই মারাত্মক আঘাতের নিরাময় করা হল। এতে সমস্ত জগৎ বিস্মিত হয়ে সেই পশুকে অনুসরণ করল। 4 লোকেরা সেই নাগ-দানবের পূজা করল, কারণ সে সেই পশুকে কর্তৃত্ব প্রদান করেছিল। আর তারা সেই পশ্চিমেও পূজা করে বলতে লাগল, “এই পশুর সমতুল্য কে? কে এর বিরুদ্ধে লড়াই করতে পারে?” 5 সেই পশ্চিমকে এমন এক মুখ দেওয়া হল, যা বহু দণ্ডের বাক্য ও ঈশ্বরনিন্দার উক্তি করবে এবং বিয়ালিশ মাস পর্যন্ত তার কর্তৃত্ব প্রয়োগ করবে। 6 সে তার মুখ খুলে ঈশ্বরের নিন্দা, তাঁর নাম, তাঁর আবাসস্থল ও স্বর্গবাসী সকলের নিন্দা করতে লাগল। 7 তাকে পবিত্রগণের বিরুদ্ধে যুদ্ধ করতে ও তাদের পরাস্ত করার ক্ষমতা দেওয়া হল। আর সমস্ত গোষ্ঠী, জাতি, ভাষাভাষী ও দেশের উপরে তাকে কর্তৃত্ব দেওয়া হল। 8 এতে পৃথিবীর সমস্ত অধিবাসী সেই পশুর পূজা করবে। তাদের নাম জগৎ সৃষ্টির লগ্ন থেকে মেষশাবকের জীবনপুস্তকে লিখিত নেই। 9 যার কান আছে, সে শুনুক। 10 যদি কেউ বন্দি হওয়ার জন্য নির্ধারিত, সে বন্দি হবে। যদি কেউ তরোয়ালের দ্বারা হত হওয়ার জন্য নির্ধারিত, সে তরোয়ালের দ্বারা হত হবে। এর অর্থ, পবিত্রজনেরা ধৈর্যের সঙ্গে নিপীড়ন সহ্য করবে ও বিশ্বস্ত থাকবে। 11 তারপর আমি অন্য একটি পশু দেখলাম, সে পৃথিবীর গর্ভ থেকে উঠে এল। তার ছিল মেষশাবকের মতো দুটি শিং, কিন্তু সে দানবের মতো কথা বলত। 12 সে ওই প্রথম পশ্চিমের পক্ষে তার সমস্ত কর্তৃত্ব প্রয়োগ করল এবং যার মারাত্মক ক্ষত নিরাময় করা হয়েছিল, সেই প্রথম পশ্চিমের পূজা করতে পৃথিবী ও তার অধিবাসীদের বাধ্য করল। 13 আর সে মহা অলৌকিক চিহ্নকাজ করতে লাগল, এমনকি, লোকদের চোখের সামনে মহাকাশ থেকে পৃথিবীতে আগুন নামিয়ে আনল। 14 এভাবে প্রথম পশুর সামনে যেসব চিহ্নকাজ করার ক্ষমতা তাকে দেওয়া হয়েছিল তা দিয়ে সে পৃথিবীবাসীদের প্রতারণা করল। সেই পশুর সম্মানে সে তাদের একটি প্রতিমা স্থাপন করার আদেশ দিল; যে পশুকে তরোয়ালের দ্বারা আঘাত

করলেও সে জীবিত ছিল। 15 তাকে ক্ষমতা দেওয়া হল যেন সে প্রথম পশ্চিম প্রতিমায় প্রাণবায়ু দিতে পারে ও সেই প্রতিমা কথা বলতে পারে। তখন সেই পশ্চর প্রতিমা আদেশ দিল যে, যারাই তাকে পূজা করতে অস্বীকার করে তাদের হত্যা করা হয়। 16 আর, সামান্য ও মহান, ধর্মী ও দরিদ্র, স্বাধীন ও ক্রীতদাস নির্বিশেষে সকলকে সে বাধ্য করল, যেন তারা তাদের ডান হাতে বা কপালে একটি ছাপ গ্রহণ করে, 17 যেন ওই ছাপ না থাকলে, কেউ কেনাবেচো করতে না পারে। সেই ছাপ ছিল ওই পশ্চর নাম বা তার নামের সংখ্যা। 18 এতে প্রজ্ঞার প্রয়োজন হয়। যদি কারও অন্তর্দৃষ্টি থাকে, সে ওই পশ্চর সংখ্যা গুনে নিক, কারণ তা ছিল মানুষের সংখ্যা। সেই সংখ্যাটি হল 666।

**14** তারপর আমি তাকিয়ে দেখলাম, আমার সামনে সিয়োন পর্বতের উপরে দাঁড়িয়েছিলেন সেই মেষশাবক ও তাঁর সঙ্গে ছিল সেই 1,44,000 জন মানুষ, যাদের কপালে তাঁর নাম ও তাঁর পিতার নাম লেখা ছিল। 2 আর আমি স্বর্গ থেকে প্রবহমান মহা জলস্ন্নাতের মতো গর্জন ও বজ্রপাতের মতো শব্দ শুনতে পেলাম। যে শব্দ আমি শুনলাম, মনে হল যেন কোনো বীণাবাদকের দল তাদের বীণা বাজাচ্ছে। 3 আর তাঁরা সেই সিংহাসনের সামনে এবং চারজন সজীব প্রাণীর ও প্রাচীনদের সামনে এক নতুন গীত গাইলেন। পৃথিবী থেকে মুক্ত করা সেই 1,44,000 জন ব্যক্তি ছাড়া আর কেউই সেই গান শিখতে পারল না। 4 এঁরা তাঁরাই, যাঁরা নারী-সংসর্গে নিজেদের কলুষিত করেননি, কারণ তাঁরা নিজেদের শুচিশুদ্ধ রেখেছিলেন। মেষশাবক যেখানেই যান, তাঁরা তাঁকে অনুসরণ করেন। তাঁদের মানুষদের মধ্য থেকে কিনে নেওয়া হয়েছিল এবং ঈশ্বর ও সেই মেষশাবকের উদ্দেশে প্রথম ফসলরূপে তাঁদের নিবেদন করা হয়েছিল। 5 তাঁদের মুখে কোনও মিথ্যা কথা পাওয়া যায়নি, তাঁরা ছিলেন নিষ্কলঙ্ক। 6 এরপর আমি অন্য এক স্বর্গদূতকে মধ্যাকাশে উড়ে যেতে দেখলাম। তাঁর কাছে ছিল অনন্তকালীন সুসমাচার, যেন তিনি প্রত্যেক দেশ, গোষ্ঠী, ভাষাভাষী, জাতির, পৃথিবীর সমস্ত অধিবাসীর কাছে তা ঘোষণা করেন। (aiōnios g166) 7 তিনি উচ্চকণ্ঠে বললেন, “ঈশ্বরকে ভয় করো ও তাঁকে সম্মান

দাও, কারণ তাঁর বিচারের সময় এসে উপস্থিত হয়েছে। যিনি স্বর্গ,  
পৃথিবী, সমুদ্র ও জলের সব উৎস উৎপন্ন করেছেন, তাঁর উপাসনা  
করো।” ৪ দ্বিতীয় এক স্বর্গদূত তাঁকে অনুসরণ করে এসে বললেন,  
“পতন হল! বিশাল সেই ব্যাবিলনের পতন হল, যে তার ব্যভিচারের  
উন্মত্তকারী সুরা সমস্ত জাতিকে পান করিয়েছে।” ৫ তৃতীয় এক স্বর্গদূত  
তাঁদের অনুসরণ করে এসে উচ্চকগ্নে বললেন: “যদি কেউ সেই পশুর  
ও তার মূর্তির পূজা করে এবং কপালে বা হাতে তার চিহ্ন গ্রহণ করে,  
১০ সেও ঈশ্বরের রোষের সুরা অবশ্যই পান করবে, যা ঈশ্বরের ক্ষেত্রের  
পানপাত্রে পূর্ণ শক্তির সঙ্গে ঢেলে দেওয়া হয়েছে। সে পবিত্র দৃতদের  
ও মেষশাবকের সাক্ষাতে জ্বলন্ত আগুন ও গন্ধকে যন্ত্রণা পাবে। ১১  
আর তাঁদের যন্ত্রণাভোগের ধোঁয়া যুগে যুগে চিরকাল উঠতে থাকবে।  
যারা সেই পশু ও তার মূর্তিকে পূজা করে, বা যে কেউ তাঁর নামের  
চিহ্ন গ্রহণ করে, দিনরাত কখনও সে বিশ্রাম পাবে না।” (aiōn g165) ১২  
পবিত্রগণ যারা ঈশ্বরের আদেশ পালন করে ও যীশুর কাছে বিশ্বস্ত  
থাকে, এখানেই তাঁদের ধৈর্যশীল সহিষ্ণুতার পরীক্ষা হবে। ১৩ তখন  
আমি স্বর্গ থেকে এই কঠস্বর শুনতে পেলাম, “তুমি লেখো: ধন্য সেই  
মৃতজনেরা, যারা এখন থেকে প্রভুতে মৃত্যুবরণ করবে।” পবিত্র আত্মা  
বলছেন, “হ্যাঁ, তারা তাঁদের শ্রম থেকে বিশ্রাম পাবে, কারণ তাঁদের সব  
কাজ তাঁদের অনুসরণ করবে।” ১৪ আমি তাকিয়ে দেখলাম, আমার  
সামনে ছিল এক সাদা রংয়ের মেঘ। সেই মেঘের উপরে “মনুষ্যপুত্রের  
মতো” একজনকে উপবিষ্ট দেখলাম, যাঁর মাথায় ছিল সোনার মুকুট ও  
হাতে ছিল এক ধারালো কাস্তে। ১৫ তাঁরপর মন্দির থেকে অন্য এক  
স্বর্গদূত বের হয়ে, যিনি মেঘের উপরে উপবিষ্ট ছিলেন, তাঁকে উচ্চকগ্নে  
বললেন, “আপনার কাস্তে নিন ও শস্য কাটুন, কারণ শস্য কাটার সময়  
উপস্থিত হয়েছে, কারণ পৃথিবীর শস্য পরিপক্ষ হয়েছে।” ১৬ তাই যিনি  
মেঘের উপরে উপবিষ্ট তিনি পৃথিবীর উপরে তাঁর কাস্তে চালালেন, আর  
পৃথিবীর শস্য কাটা হল। ১৭ স্বর্গের মন্দির থেকে আর একজন স্বর্গদূত  
বেরিয়ে এলেন, তাঁর কাছেও ছিল ধারালো এক কাস্তে। ১৮ আরও  
একজন স্বর্গদূত বেদি থেকে বেরিয়ে এলেন। আগুনের উপরে তাঁর

কর্তৃত্ব করার ক্ষমতা ছিল। যাঁর কাছে ধারালো কাস্টে ছিল, তিনি তাঁকে উচ্চকক্ষে ডেকে বললেন, “আপনার ধারালো কাস্টে নিন ও পৃথিবীর দ্রাক্ষালতার গুচ্ছ সংগ্রহ করুন, কারণ তার দ্রাক্ষা পরিপুর হয়েছে।”

19 সেই স্বর্গদূত পৃথিবীতে তাঁর কাস্টে চালালেন, তাঁর দ্রাক্ষাগুচ্ছ সংগ্রহ করলেন ও সেগুলি ঈশ্বরের ক্ষেত্রের বিশাল দ্রাক্ষাকুণ্ডে নিষেপ করলেন। 20 সেগুলি নগরের বাইরে দ্রাক্ষাকুণ্ডে পদদলিত করা হল এবং কুণ্ড থেকে রক্তস্রোত প্রবাহিত হল। তা 300 কিলোমিটার পর্যন্ত প্রবাহিত হল ও ঘোড়ার বলগা পর্যন্ত উঠল।

**15** আমি স্বর্গে আর একটি মহৎ ও বিস্ময়কর চিহ্ন দেখতে পেলাম: সাতজন স্বর্গদূত সাতটি অস্তিম বিপর্যয় নিয়ে আসছেন। অস্তিম, কারণ এগুলির সঙ্গেই ঈশ্বরের ক্ষেত্রের অবসান হবে। 2 আর আমি দেখলাম, যেন আগুন মেশানো এক গনগনে কাচময় সমুদ্র, আর সেই সমুদ্রের পাশে দাঁড়িয়ে আছে সেইসব মানুষ, যাঁরা সেই পশ্চ ও তার মূর্তি ও তার নামের সংখ্যার উপরে বিজয়ী হয়েছে। তাঁদের হাতে আছে ঈশ্বরের দেওয়া বীণা। 3 তাঁরা ঈশ্বরের দাস মোশির গীত ও মেষশাবকের গীত গাইছেন: “প্রভু ঈশ্বর, সর্বশক্তিমান, মহৎ ও বিস্ময়কর তোমার কর্মসকল; যুগপর্যায়ের রাজা, ন্যায়সংগত ও সত্য তোমার যত পথ। 4 হে প্রভু, কে না তোমাকে ভয় করবে ও তোমার নামের মহিমা করবে? কারণ কেবলমাত্র তুমই পবিত্র। সর্বজাতি এসে তোমার সামনে উপাসনা করবে, কারণ তোমার ধর্মময় ক্রিয়াকলাপ প্রকাশিত হয়েছে।” 5 এরপরে আমি দৃষ্টিপাত করলাম, স্বর্গের মন্দির, অর্থাৎ সেই সাক্ষ্য-তাঁরু খুলে দেওয়া হল। 6 সেই মন্দির থেকে সাতটি বিপর্যয় নিয়ে বেরিয়ে এলেন সাতজন স্বর্গদূত। তারা পরিষ্কার ও উজ্জ্বল মসিনার পোশাক পরিহিত এবং তাদের বুকে ঘিরে ছিল সোনার উত্তরীয়। 7 তখন সেই চারজন জীবন্ত প্রাণীর একজন, যুগে যুগে চিরজীবী ঈশ্বরের ক্ষেত্রে পরিপূর্ণ সাতটি সোনার বাটি, সেই সাতজন স্বর্গদূতকে দিলেন। (aiōn g165) 8 আর সেই মন্দির ঈশ্বরের গরিমা থেকে ও তাঁর পরাক্রম থেকে উৎপন্ন ধোঁয়ায় পূর্ণ হল, আর ওই সাতজন স্বর্গদূতের সাতটি বিপর্যয় শেষ না হওয়া পর্যন্ত কেউই মন্দিরে প্রবেশ করতে পারল না।

**১৬** এরপর আমি মন্দিরের মধ্য থেকে এক উচ্চ রব শুনতে পেলাম, যা  
ওই সাতজন স্বর্গদূতকে বলছিল, “তোমরা যাও, গিয়ে ঈশ্বরের ক্ষেত্রে  
পূর্ণ ওই সাতটি বাটি পৃথিবীতে টেলে দাও।” ২ প্রথম স্বর্গদূত গিয়ে  
তাঁর বাটি পৃথিবীর উপরে টেলে দিলেন। এতে যারা সেই পশুর ছাপ  
ধারণ করেছিল ও তার মূর্তির পূজা করেছিল, তাদের গায়ে বীভৎস ও  
যন্ত্রণাদায়ক ক্ষত উৎপন্ন হল। ৩ দ্বিতীয় স্বর্গদূত সমুদ্রের উপরে তাঁর  
বাটি টেলে দিলেন। এতে তা মৃত মানুষের রক্তের মতো হল ও সমুদ্রের  
সমস্ত সজীব প্রাণী মারা পড়ল। ৪ তৃতীয় স্বর্গদূত তাঁর বাটি সব নদনদী  
ও জলের উৎসের উপরে টেলে দিলেন, ও সেগুলি রক্তে পরিণত হল।  
৫ তখন আমি শুনলাম, জলরাশির উপরে ভারপ্রাপ্ত স্বর্গদূত বলছেন:  
“যিনি আছেন ও যিনি ছিলেন, সেই পরিব্রজন, এই সমস্ত বিচারে তুমিই  
ধর্ময়, যেহেতু তুমি এরকম বিচার করেছ; ৬ কারণ তারা তোমার  
পরিব্রাগের ও ভাববাদীদের রক্তপাত করেছিল, আর তুমি তাদের রক্ত  
পান করতে দিয়েছ, কারণ তারা তারই উপযুক্ত।” ৭ আর আমি সেই  
যজ্ঞবেদির প্রত্যুক্তির শুনতে পেলাম: “হ্যাঁ, প্রভু ঈশ্বর, সর্বশক্তিমান,  
তোমার সব বিচারাদেশ যথার্থ ও ন্যায়সংগত।” ৮ চতুর্থ স্বর্গদূত তাঁর  
বাটি সূর্যের উপরে টেলে দিলেন। আর সূর্যকে ক্ষমতা দেওয়া হল, যেন  
সে আগুনের দ্বারা সব মানুষকে বালসে দেয়। ৯ তখন প্রথর উত্তাপে  
তারা তাপদণ্ড হয়ে, এই সমস্ত আঘাতের উপরে যাঁর নিয়ন্ত্রণ ছিল সেই  
ঈশ্বরের নামকে অভিশাপ দিতে লাগল। কিন্তু তারা মন পরিবর্তন  
করতে ও তাঁকে গৌরব দিতে চাইল না। ১০ পঞ্চম স্বর্গদূত সেই পশুর  
সিংহাসনের উপরে তাঁর বাটি টেলে দিলেন। ফলে তার রাজ্য অন্ধকারে  
ছেয়ে গেল। লোকেরা যন্ত্রণায় তাদের জিভ কামড়াতে লাগল ১১ এবং  
তাদের যন্ত্রণা ও তাদের ক্ষতের জন্য স্বর্গের ঈশ্বরকে অভিশাপ দিল।  
কিন্তু তারা তাদের কৃতকর্মের জন্য অনুশোচনা করল না। ১২ ষষ্ঠ  
স্বর্গদূত মহানদী ইউফ্রেটিসের উপরে তাঁর বাটি টেলে দিলেন। এতে  
সেই নদীর জল শুকিয়ে গিয়ে পূর্বদিক থেকে রাজাদের আগমনের পথ  
সুগম করল। ১৩ তারপর আমি তিনটি মন্দ-আত্মা দেখলাম, যেগুলি  
দেখতে ছিল ব্যাঙের মতো। সেগুলি সেই নাগ-দানবের মুখ থেকে,

সেই পশুর মুখ থেকে ও সেই তঙ্গ ভাববাদীর মুখ থেকে বেরিয়ে  
এল। 14 তারা ভৃতদের আত্মা, অলৌকিক সব চিহ্নকাজ করে, আর  
তারা সমস্ত জগতের রাজাদের কাছে যায়, যেন সর্বশক্তিমান ঈশ্বরের  
সেই মহাদিনের জন্য সেইসব রাজাদের যুদ্ধে একত্র করতে পারে।  
15 “দেখো, আমি চোরের মতো আসছি! ধন্য সেই মানুষ, যে জেগে  
থেকে তার পোশাক সঙ্গে রাখে, যেন সে উলঙ্গ না হয় ও তার লজ্জা  
প্রকাশ হয়ে না পড়ে।” 16 তারপর তারা সেই রাজাদের একটি স্থানে  
একত্র করল, হিন্দু ভাষায় যে স্থানটির নাম হরমাণিদোন। 17 সপ্তম  
স্বর্গদূত আকাশের উপরে তাঁর বাটি ঢেলে দিলেন। তখন মন্দিরের  
ভিতরের সিংহাসন থেকে এক উচ্চধ্বনি শোনা গেল, যা বলছিল,  
“সমাপ্ত হলা!” 18 তারপর সেখানে প্রকাশ পেল বিদ্যুতের বলকানি,  
গুরুগন্তীর ধ্বনি, বজ্রপাত ও এক প্রচণ্ড ভূমিকম্প। পৃথিবীতে মানুষের  
সৃষ্টি হওয়া থেকে এমন ভূমিকম্প আর কখনও হয়নি, সেই ভূমিকম্প  
ছিল এমনই সাংঘাতিক। 19 এতে সেই মহানগরী তিন ভাগে বিভক্ত  
হল ও বিভিন্ন দেশের নগর ধূলিসাং হল। ঈশ্বর মহানগরী ব্যাবিলনকে  
স্মরণ করলেন এবং তাঁর ভয়ংকর ক্রোধে পূর্ণ সুরার পানপাত্র তাকে  
দিলেন। 20 প্রত্যেকটি দীপ পালিয়ে গেল ও পর্বতগণকে আর খুঁজে  
পাওয়া গেল না। 21 আর মহাকাশ থেকে মানুষদের উপরে বড়ো বড়ো  
শিলাবৃষ্টি হল, তার এক একটির ওজন প্রায় পঞ্চাশ কিলোগ্রাম। তখন  
তারা শিলাবৃষ্টির জন্য ঈশ্বরকে অভিশাপ দিল, কারণ সেই আঘাত ছিল  
অত্যন্ত ভয়ংকর।

**17** সেই সাতটি বাটি যাদের হাতে ছিল, সেই সাতজন স্বর্গদূতের  
মধ্যে একজন এসে আমাকে বললেন, “এসো, বহু জলরাশির উপরে  
বসে থাকে যে মহাবেশ্যা, তার কী শাস্তি হয়, আমি তোমাকে দেখাব। 2  
তার সঙ্গে পৃথিবীর রাজাৱা ব্যভিচার করেছে। আর পৃথিবীৰ অধিবাসীৱা  
তার ব্যভিচারেৰ সুৱায় মত হয়েছে।” 3 তারপর সেই স্বর্গদূত পবিত্র  
আত্মায় আমাকে এক মৰণপ্রাপ্তরে নিয়ে গেলেন। সেখানে আমি এক  
নারীকে একটি গাঢ় লাল রংয়ের পশুর উপরে বসে থাকতে দেখলাম।  
পশুটি ছিল ঈশ্বরনিন্দার নামে আবৃত এবং তার ছিল সাতটি মাথা ও

দশটি শিং। 4 সেই নারীর পোশাক ছিল বেগুনি ও লাল রংয়ের এবং  
সে ছিল সোনা, মণিমাণিক্য ও মুকায় ভূষিত। সে তার হাতে একটি  
সোনার পানপাত্র ধরেছিল, যা ছিল ঘৃণ্য সব দ্রব্য ও তার ব্যতিচারের  
মলিনতায় পূর্ণ। 5 তার কপালে লিখিত ছিল এই শিরোনামঃ রহস্যময়ী  
মহানগরী ব্যবিলন পৃথিবীর বেশ্যাদের এবং ঘৃণ্য বস্ত্রসকলের মা। 6  
আমি দেখলাম, সেই নারী পবিত্রগণের রক্তে ও যারা যীশুর সাক্ষ্য বহন  
করেছে, তাদের রক্তে মত। তাকে দেখে আমি ভীষণ আশ্চর্য হলাম।  
7 তখন সেই স্বর্গদৃত আমাকে বললেন, “তুমি আশ্চর্য বোধ করলে  
কেন? আমি ওই নারীর ও তার বাহনের, অর্থাৎ যার সাতটি মাথা ও  
দশটি শিং, সেই পশুর রহস্য তোমার কাছে ব্যাখ্যা করব। 8 যে পশুকে  
তুমি দেখলে, যে এক সময়ে ছিল, কিন্তু এখন নেই, সে অতল-গহুর  
থেকে আবার উঠে আসবে ও তার ধ্বংসের পথে যাবে। আর পৃথিবীর  
অধিবাসী যতজনের নাম জগৎ সৃষ্টির সময় থেকে জীবনপুন্তকে লেখা  
নেই, তারা যখন সেই পশুটিকে দেখবে, যা ছিল কিন্তু এখন নেই  
কিন্তু পরে আসবে, তখন তারাও আশ্চর্য বোধ করবে। (Abyssos g12)

9 “এখানে বিচক্ষণ মানসিকতার প্রয়োজন হয়। ওই সাতটি মাথা  
হল সাতটি পর্বত, যার উপরে সেই নারী বসে আছে। 10 সেগুলি  
আবার সাতজন রাজাও। পাঁচজনের পতন হয়েছে, একজন আছে,  
অন্যজনের আগমন এখনও হয়নি; কিন্তু সে এলে পরে, তাকে অবশ্য  
অল্প সময়ের জন্য থাকতে হবে। 11 আর যে পশুটি এক সময় ছিল,  
কিন্তু এখন নেই, সে অষ্টম রাজা। সেও সেই সাতজনের অন্যতম এবং  
সে তার বিনাশের অভিমুখী হবে। 12 “যে দশটি শিং তুমি দেখলে,  
তারা দশজন রাজা। তারা এখনও তাদের রাজ্য লাভ করেনি, কিন্তু  
তারা সেই পশুর সঙ্গে এক ঘণ্টার জন্য রাজাদের মতো কর্তৃত্ব প্রাপ্ত  
হবে। 13 তাদের অভিপ্রায় একই, তাই তারা তাদের পরাক্রম ও কর্তৃত্ব  
সেই পশুকে দান করবে। 14 তারা মেষশাবকের বিরুদ্ধে যুদ্ধ করবে,  
কিন্তু মেষশাবক তাদের পরাক্রম করবেন, কারণ তিনি প্রভুদের প্রভু  
ও রাজাদের রাজা। আর যারা আহুত, মনোনীত ও বিশ্বস্ত অনুসারী,  
তারাও তাঁর সঙ্গে বিজয়ী হবেন।” 15 তারপর সেই স্বর্গদৃত আমাকে

বললেন, “যে জলরাশি তুমি দেখলে, যার উপরে সেই বেশ্যা বসে আছে, তা হল বিভিন্ন প্রজাবৃন্দ, বিপুল জনসমষ্টি, বিভিন্ন জাতি ও ভাষাভাষী মানুষ। 16 আর তুমি যে সেই পশু ও দশটা শিং দেখলে তারা সেই বেশ্যাকে ঘৃণা করবে। তারা তার সর্বনাশ করে তাকে উলঙ্গ করে ছেড়ে দেবে; তারা তার মাংস খাবে ও তাকে আগ্নে পুড়িয়ে মারবে। 17 কারণ ঈশ্বর তাদের হৃদয়ে এই প্রবৃত্তি দিয়েছিলেন যেন তারা তাঁর অভিপ্রায় পূর্ণ করে এবং যতদিন পর্যন্ত ঈশ্বরের সমস্ত বাক্য পূর্ণ না হয়, ততদিন তারা শাসন করার জন্য সেই পশুকে রাজকীয় কর্তৃত্ব দান করতে একমত হয়। 18 যে নারীকে তুমি দেখলে, সে হল সেই মহানগরী, যা পৃথিবীর রাজাদের উপরে শাসন করে।”

**18** এরপরে আমি অন্য এক দৃতকে স্বর্গ থেকে নেমে আসতে দেখলাম। তিনি ছিলেন মহা কর্তৃত্বসম্পন্ন, পৃথিবী তাঁর প্রতাপে আলোকিত হয়ে উঠল। 2 তিনি প্রবল রবে চিকার করে বললেন, ““পতন হল! বিশাল সেই ব্যাবিলনের পতন হল!” সে হয়ে উঠেছিল ভূতপ্রেতদের গৃহ, সমস্ত মন্দ-আঘাত লুকোনোর স্থান, প্রত্যেক অশুচি পাথির এক আস্তানা। প্রত্যেক অশুচি ও ঘৃণ্য পশুর এক আস্তানা। 3 কারণ সমস্ত জাতি তার ব্যভিচারের উন্মত্তকারী সুরা পান করেছে। পৃথিবীর রাজারা তার সঙ্গে ব্যভিচার করেছে, আবার পৃথিবীর বণিকেরা তার বিলাসিতার প্রাচুর্যে ধনবান হয়েছে।” 4 তারপর আমি স্বর্গ থেকে শুনলাম অন্য এক কর্তৃস্বর: ““আমার প্রজারা, ওর মধ্য থেকে বের হয়ে এসো,’ যেন তোমরা তার পাপসকলের অংশীদার না হও, যেন তার কোনো বিপর্যয় তোমাদের প্রতি না ঘটে; 5 কারণ তার সব পাপ আকাশ পর্যন্ত স্তুপীকৃত হয়েছে; আর ঈশ্বর তার সব অপরাধ স্মরণ করেছেন। 6 সে যেমন করেছে, তার প্রতি ফিরে সেরকমই করো; তার কৃতকর্মের দ্বিগুণ প্রতিফল তাকে দাও। তার নিজের পানপাত্রেই তার জন্য দ্বিগুণ পানীয় মিশ্রিত করো। 7 সে যত আত্মগরিমা ও বিলাসিতা করত, সেই পরিমাণে তাকে যন্ত্রণা ও কষ্ট দাও। সে তার মনে মনে দস্ত করে, ‘আমি রানির মতো উপবিষ্ট, আমি বিধবা নই, আর আমি কখনও শোকবিলাপ করব না।’ 8 এই কারণে একদিনেই তার সমস্ত

বিপর্যয়, মৃত্যু, শোকবিলাপ ও দুর্ভিক্ষ, তার উপরে এসে পড়বে।  
আগুন তাকে গ্রাস করবে, কারণ তার বিচারকর্তা প্রভু ঈশ্বর, শক্তিমান।

৭ “যখন পৃথিবীর রাজারা, যারা তার সঙ্গে ব্যতিচার করেছিল ও তার  
বিলাসিতায় অংশগ্রহণ করেছিল, তারা তার দাহ হওয়ার ধোঁয়া দেখবে,  
তারা তার জন্য কাঁদবে ও শোকবিলাপ করবে। ১০ তার যন্ত্রণাভোগে  
আতঙ্কগ্রস্ত হয়ে তারা দূরে দাঁড়িয়ে থাকবে ও আর্তনাদ করে বলবে,  
“হায়! হায় সেই মহানগরী, ও ব্যাবিলন, পরাক্রান্ত নগরী! এক ঘণ্টার  
মধ্যেই তোমার সর্বনাশ উপস্থিত হল।’ ১১ “পৃথিবীর বণিকেরা তার  
জন্য কাঁদবে ও বিলাপ করবে, কারণ কেউই আর তাদের বাণিজ্যিক  
পণ্যসামগ্রী কিনবে না। ১২ সেই বাণিজ্যিক পণ্যসামগ্রী হল সোনা,  
রংপো, মণিমাণিক্য ও মুক্তো; মিহি মসিনা, বেগুনি, সিঙ্ক ও লাল  
রংয়ের পোশাক; সব ধরনের চন্দনকাঠ ও হাতির দাঁত, মূল্যবান  
কাঠ, পিতল, লোহা ও মার্বেল পাথরের তৈরি সমস্ত ধরনের দ্রব্য; ১৩  
দারচিনি ও মশলা, সুগন্ধি ধূপ, কুন্দুর ও গন্ধরস, সুরা ও জলপাই  
তেল, সূক্ষ্ম ময়দা ও গুড়, গবাদি পশ্চপাল ও মেষ, ঘোড়া ও রথ,  
ক্রীতদাস ও মানুষের প্রাণ। ১৪ “আর তারা বলবে, ‘যে ফলের তুমি  
আকাঙ্ক্ষা করতে, তা তোমার হাতছাড়া হয়ে গেছে। তোমার সমস্ত  
ঐশ্বর্য ও সমারোহ তোমার নাগালের বাইরে, আর কখনও সেসব ফিরে  
পাওয়া যাবে না।’ ১৫ যে বণিকেরা এই সমস্ত পণ্য বিক্রি করত ও তার  
কাছ থেকে তাদের ঐশ্বর্য লাভ করত, তারা তার যন্ত্রণায় আতঙ্কগ্রস্ত  
হয়ে দূরে দাঁড়িয়ে থাকবে। তারা কাঁদবে ও হাহাকার করবে ১৬ এবং  
চিৎকার করে বলে উঠবে, “হায়! হায়! সেই মহানগরী, সে মিহি  
মসিনা, বেগুনি ও লাল রংয়ের পোশাকে সজ্জিত ছিল, সে সজ্জিত  
ছিল সোনা, মণিমাণিক্য ও মুক্তো! ১৭ এক ঘণ্টায় এই বিপুল ঐশ্বর্য  
ধ্বংস হয়ে গেল!” “আর সমুদ্রের প্রত্যেক দলপতি, যারা জলপথে যাত্রা  
করে, নাবিকের দল ও সমুদ্র থেকে যারা তাদের জীবিকা অর্জন করে,  
তারা সবাই দূরে দাঁড়িয়ে থাকবে। ১৮ তারা যখন তার দাহ হওয়ার  
ধোঁয়া দেখবে, তারা চিৎকার করে বলবে, ‘এই মহানগরীর সমতুল্য  
আর কোনও নগর কি ছিল?’ ১৯ তারা তাদের মাথায় ধুলো ছড়াবে,

কাঁদতে কাঁদতে ও বিলাপ করতে করতে হাহাকার করে বলবে: “হায়! হায়! হে মহানগরী, তারা কোথায়, যাদের জাহাজ সমুদ্রে ছিল, যারা তার ঐশ্বর্যের দ্বারা সম্মুক্ষ হয়েছিল! এক ঘণ্টার মধ্যে তাকে ধ্বংস করা হল! 20 “হে স্বর্গ, তার এ দশায় উল্লসিত হও! পবিত্রগণেরা ও প্রেরিতশিষ্যেরা এবং সব ভাববাদী, তোমরা আনন্দ করো! কারণ সে তোমাদের প্রতি যে রকম আচরণ করেছে, ঈশ্বর তেমনই তার বিচার করেছেন।” 21 পরে এক শক্তিমান স্বর্গদৃত বড়ো জাঁতার মতো বিশাল এক পাথর তুলে সমুদ্রে নিক্ষেপ করলেন ও বললেন: “এ ধরনের কঠোরতার সঙ্গে মহানগরী ব্যাবিলনকে নিক্ষিপ্ত করা হবে, তার সন্ধান আর কখনও পাওয়া যাবে না। 22 বীণাবাদক ও সংগীতজ্ঞদের গানবাজনা, বাঁশি-বাদক ও তুরীবাদকদের ধ্বনি, আর শোনা যাবে না। কোনও বাণিজ্যের কোনো শ্রমিককে আর তোমার মধ্যে পাওয়া যাবে না, কোনো জাঁতার শব্দ আর কখনও তোমার মধ্যে শোনা যাবে না। 23 প্রদীপের শিখা তোমার মধ্যে আর কখনও আলো জ্বালাবে না। বর ও কনের রব আর কখনও তোমার মধ্যে শোনা যাবে না। তোমার বণিকেরা ছিল জগতের সব মহৎ ব্যক্তি। তোমার তন্ত্রমন্ত্রের মায়ায় সব জাতি বিপথে চালিত হয়েছিল। 24 তার মধ্যে পাওয়া গিয়েছে ভাববাদীদের ও পবিত্রগণের এবং যতজন পৃথিবীতে নিহত হয়েছে, তাদের সকলের রক্ত।”

**19** এরপরে আমি স্বর্গে এক বিপুল জনসমষ্টির গর্জনের মতো শব্দ শুনতে পেলাম। তারা বলছিল: “হাল্লেলুইয়া! পরিত্রাণ ও মহিমা ও পরাক্রম আমাদের ঈশ্বরেরই, 2 কারণ তাঁর বিচারাদেশ সব যথার্থ ও ন্যায়সংগত। যে মহাবেশ্যা অবৈধ সহবাসের দ্বারা পৃথিবীকে কল্পিষ্ঠ করেছিল, তিনি তার বিচার করেছেন। তিনি তাঁর দাসদের রক্তের প্রতিশোধ তার কাছ থেকে নিয়েছেন।” 3 তারা আবার চিৎকার করে উঠল: “হাল্লেলুইয়া! তার ধোঁয়া যুগে যুগে চিরকাল উপরে উঠে যাবে।” (aión g165) 4 সেই চরিশজন প্রাচীন ও চারজন জীবন্ত প্রাণী নত হয়ে প্রণাম করে সিংহাসনে উপবিষ্ট ঈশ্বরের উপাসনা করলেন। তাঁরা উচ্চকণ্ঠে বললেন, “আমেন, হাল্লেলুইয়া!” 5 তখন সিংহাসন থেকে

এক কঠস্বর শোনা গেল, “ঈশ্বরের দাসেরা, তোমরা যারা ঈশ্বরকে  
ভয় করো, সামান্য কি মহান তোমরা সকলে আমাদের ঈশ্বরের  
স্তবগান করো।” ৬ তারপর আমি এক বিপুল জনসমষ্টির রব, প্রবহমান  
মহা জলস্ত্রোত ও প্রবল বজ্রপাতের মতো ধ্বনি শুনতে পেলাম।  
সেই ধ্বনিতে ঘোষণা করা হচ্ছিল: “হাল্লেলুইয়া! কারণ আমাদের  
সর্বশক্তিমান, প্রভু ঈশ্বর, রাজত্ব করছেন। ৭ এসো আমরা উল্লসিত  
হই, আনন্দ করি এবং তাঁকে মহিমা প্রদান করি। কারণ মেষশাবকের  
বিবাহ-লগ্ন উপস্থিত এবং তাঁর কনে নিজেকে প্রস্তুত করেছে। ৮  
উজ্জ্বল ও পরিষ্কার, মিহি মসিনার পোশাক সজ্জিত হতে তাকে দেওয়া  
হয়েছিল।” (মিহি মসিনার পোশাক পবিত্রগণের ধর্মাচরণের প্রতীক।)  
৯ তখন সেই স্বর্গদৃত আমাকে বললেন, “তুমি লেখো, ‘ধন্য তারা, যারা  
মেষশাবকের বিবাহভোজে আমন্ত্রিত।’” তিনি আরও যোগ করলেন,  
“এগুলি প্রকৃতই ঈশ্বরের বাক্য।” ১০ একথা শুনে উপাসনা করার জন্য  
আমি তাঁর পায়ে পড়লাম। কিন্তু তিনি আমাকে বললেন, “তুমি এরকম  
কেরো না! আমি তোমার ও তোমার ভাইবোন যারা যীশুর সাক্ষ্য ধারণ  
করে, তাদের সহদাস; কেবলমাত্র ঈশ্বরের উপাসনা করো! কারণ  
যীশুর সাক্ষ্যই হল ভাববাণীর অনুপ্রেরণা।” ১১ আমি দেখলাম, স্বর্গ  
খুলে গেল এবং সেখানে আমার সামনে ছিল একটি সাদা ঘোড়া।  
এর আরোহী বিশ্বস্ত ও সত্যময় নামে আখ্যাত। ন্যায়পরায়ণতার সঙ্গে  
তিনি বিচার ও যুদ্ধ করেন। ১২ তাঁর দুই চোখ জ্বলন্ত আগুনের শিখার  
মতো এবং তাঁর মাথায় আছে অনেক মুকুট। তাঁর উপরে একটি নাম  
লেখা আছে, যা স্বয়ং তিনি ছাড়া আর কেউ জানে না। ১৩ তিনি রক্তে  
ডুবানো পোশাক পরে আছেন ও তাঁর নাম ঈশ্বরের বাক্য। ১৪ স্বর্গের  
সৈন্যরা তাঁকে অনুসরণ করল যিনি সাদা ও পরিষ্কার মিহি মসিনার  
পোশাক পরে সাদা ঘোড়ায় চড়ে ছিলেন। ১৫ তাঁর মুখ থেকে নির্গত  
হচ্ছিল এক ধারালো তরোয়াল, যা দিয়ে তিনি সব জাতিকে ধরাশায়ী  
করেন। “তিনি লোহার রাজদণ্ড নিয়ে তাদের শাসন করবেন।” তিনি  
সর্বশক্তিমান ঈশ্বরের প্রচণ্ড ক্রোধের পেষণকুণ্ডের দ্রাক্ষা দলন করেন।  
১৬ তাঁর পোশাকে ও তাঁর উরুতে তাঁর এই নাম লেখা আছে: রাজাদের

রাজা ও প্রভুদের প্রভু। 17 আর আমি দেখলাম, একজন স্বর্গদৃত সূর্যের মধ্যে দাঁড়িয়ে আছেন। তিনি মধ্যাকাশে উড়ন্ত সব পাখিকে উচ্চকর্ষে দেকে বললেন, “তোমরা এসো, ঈশ্বরের মহাভোজে সকলে একত্র হও, 18 যেন তোমরা রাজাদের মাংস, সৈন্যাধ্যক্ষদের মাংস, শক্তিশালী লোকেদের মাংস, ঘোড়া ও তাদের আরোহীর মাংস, স্বাধীন বা ক্রীতদাস, সামান্য বা মহান—সকলের মাংস খেতে পারো।” 19 তারপর আমি দেখলাম, ওই সাদা ঘোড়ার আরোহী ও তাঁর সৈন্যদলের বিরুদ্ধে যুদ্ধ করার জন্য সেই পশু ও পৃথিবীর রাজারা ও তাদের সৈন্যবাহিনী একত্রিত হল। 20 কিন্তু সেই পশু বন্দি হল ও তার সঙ্গে যে ভগু ভাববাদী তার হয়ে অলৌকিক সব চিহ্নকাজ করেছিল, সেও ধরা পড়ল। যারা সেই পশুর ছাপ ধারণ ও তার মূর্তির পূজা করেছিল, সে এসব চিহ্নকাজের দ্বারা তাদের বিভাস্ত করেছিল। সেই দুজনকে জীবন্ত অবস্থায় জলন্ত গন্ধকের আগুনের হুন্দে নিক্ষেপ করা হল। (Limnē Pyrgos 3041 g4442) 21 অবশিষ্ট সকলে সেই সাদা ঘোড়ার আরোহীর মুখ থেকে নির্গত তরোয়ালের দ্বারা নিহত হল এবং সব পাখি তাদের মাংস থেরে তৃষ্ণ হল।

**20** তারপর আমি স্বর্গ থেকে এক দূরত্বে নেমে আসতে দেখলাম। তাঁর হাতে ছিল সেই অতল-গহুরের চাবি ও একটি বড়ো শিকল। (Abyssos g12) 2 তিনি সেই দানবকে বন্দি করলেন। এ সেই পুরোনো সাপ, যে হল দিয়াবল বা শয়তান। তিনি তাকে এক হাজার বছর বন্দি করে রাখলেন। 3 তিনি তাকে সেই অতল-গহুরে নিক্ষেপ করে তার উপরে তালাবন্ধ করে সিলমোহরাঙ্কিত করলেন, যেন যতদিন পর্যন্ত সেই হাজার বছর শেষ না হয়, ততদিন সে সব জাতিকে প্রতারিত করতে না পারে। তারপরে তাকে অবশ্যই অল্প সময়ের জন্য মুক্তি দেওয়া হবে। (Abyssos g12) 4 পরে আমি কতগুলি সিংহাসন দেখলাম। সেগুলির উপরে যাঁরা উপবিষ্ট ছিলেন, তাঁদের বিচার করার ক্ষমতা দেওয়া হয়েছিল। আর আমি তাদেরও আত্মা দেখলাম, যীশুর সপক্ষে তাদের দেওয়া সাক্ষ্য ও ঈশ্বরের বাক্যের কারণে যাদের মাথা কেটে হত্যা করা হয়েছিল। তারা সেই পশু বা তার মূর্তির পূজা করেনি। তারা

তার ছাপও তাদের কপালে কিংবা তাদের হাতে ধারণ করেনি। তারা পুনর্জীবন লাভ করে এক হাজার বছর খ্রীষ্টের সঙ্গে রাজত্ব করল। 5  
সেই হাজার বছর শেষ না হওয়া পর্যন্ত অবশিষ্ট মৃত্যের জীবন লাভ করল না।) এই হল প্রথম পুনরুৎসাহ। 6 ধন্য ও পবিত্র তাঁরা, যারা প্রথম পুনরুৎসাহের অংশীদার হন। তাঁদের উপরে দ্বিতীয় মৃত্যুর কোনও ক্ষমতা নেই, কিন্তু তাঁরা ঈশ্বরের ও খ্রীষ্টের যাজক হবেন এবং তাঁর সঙ্গে এক হাজার বছর রাজত্ব করবেন। 7 সেই হাজার বছর শেষ হলে পর শয়তানকে তার কারাগার থেকে মুক্তি দেওয়া হবে। 8 তখন সে গোগ ও মাগোগ নামে অভিহিত পৃথিবীর চতুর্দিকে অবস্থিত জাতিদের গিয়ে প্রতারিত করে যুদ্ধ করার জন্য তাদের সমবেত করবে। সংখ্যায় তারা সমুদ্রতীরের বালির মতো। 9 তারা পৃথিবীর বিস্তীর্ণ অঞ্চল বরাবর যুদ্ধযাত্রা করে ঈশ্বরের প্রজাদের শিবির ও তাঁর প্রিয় নগরটি ঘিরে ধরল। কিন্তু স্বর্গ থেকে আগুন নেমে এসে তাদের গ্রাস করল। 10 আর তাদের প্রতারণাকারী দিয়াবলকে জ্বলন্ত গন্ধকের হৃদে নিক্ষেপ করা হল, যেখানে সেই পশ্চ ও ভগ্ন ভাববাদীকেও নিক্ষেপ করা হয়েছিল।  
তারা যুগে যুগে চিরকাল, দিনরাত যন্ত্রণাভোগ করবে। (aiōn g165, Limnē Pyr g3041 g4442) 11 এরপরে আমি এক বিশাল সাদা রংয়ের সিংহাসন ও তার উপরে যিনি বসে আছেন, তাঁকে দেখতে পেলাম।  
তাঁর উপস্থিতি থেকে পৃথিবী ও আকাশ পালিয়ে গেল। তাদের জন্য আর কোনো স্থান পাওয়া গেল না। 12 আর আমি দেখলাম, সামান্য ও মহান সকল মৃত ব্যক্তিরা সেই সিংহাসনের সামনে দাঁড়িয়ে আছে। আর কতগুলি পুস্তক খোলা হল। অন্য একটি পুস্তক, অর্থাৎ জীবনপুস্তকও খোলা হল। পুস্তকগুলিতে লিখিত মৃত ব্যক্তিদের কার্যকলাপ অনুসারে তাদের বিচার করা হল। 13 সমুদ্র তার মধ্যস্থিত মৃতদের সমর্পণ করল এবং পরলোক ও পাতাল ও তাদের মধ্যে অবস্থিত মৃতদের সমর্পণ করল। আর তাদের প্রত্যেকের কাজ অনুযায়ী তাদের বিচার করা হল। (Hadēs g86) 14 তারপর পরলোক ও পাতালকেও আগুনের হৃদে নিক্ষেপ করা হল। সেই আগুনের হৃদ হল দ্বিতীয় মৃত্যু। (Hadēs g86, Limnē Pyr g3041 g4442) 15 আর যার নাম সেই জীবনপুস্তকে লিখিত

ପାଓୟା ଗେଲନା, ତାକେଇ ଆଗୁନେର ହୁଦେ ନିଷ୍କେପ କରା ହଲ । (Limnē Pyr g3041 g4442)


**21** ତାରପର ଆମି ଏକ ନତୁନ ଆକାଶ ଓ ଏକ ନତୁନ ପୃଥିବୀ ଦେଖିଲାମ,  
କାରଣ ପ୍ରଥମ ଆକାଶ ଓ ପ୍ରଥମ ପୃଥିବୀ ଲୁଣ୍ଡ ହେଁଲିଲ ଏବଂ କୋନୋ  
ସମୁଦ୍ର ଆର ଛିଲ ନା । 2 ଆର ଆମି ଦେଖିଲାମ, ପବିତ୍ର ନଗରୀ, ସେଇ ନତୁନ  
ଜେରଶାଲେମ, ସ୍ଵର୍ଗ ଥେକେ, ଈଶ୍ଵରେର କାହିଁ ଥେକେ ନେମେ ଆସଛେ । ସେ ତାର  
ବରେର ଜନ୍ୟ ସୁନ୍ଦର କନେର ବେଶେ ସଜ୍ଜିତ ହେଁଲିଲ । 3 ଆର ଆମି ସେଇ  
ସିଂହାସନ ଥେକେ ଏକ ଉଚ୍ଚ ରବ ଶୁନତେ ପେଲାମ, ତା ବଲଛିଲ, “ଦେଖୋ,  
ଏଥିନ ମାନୁଷେର ମାଝେ ଈଶ୍ଵରେର ଆବାସ, ତିନି ତାଦେର ସଙ୍ଗେ ବସିବାସ  
କରିବେନ । ତାରା ତାଁର ପ୍ରଜା ହବେ ଏବଂ ଈଶ୍ଵର ସ୍ଵଯଂ ତାଦେର ସଙ୍ଗେ ଥାକିବେନ  
ଓ ତାଦେର ଈଶ୍ଵର ହବେନ । 4 ତିନି ତାଦେର ସମ୍ମତ ଚୋଥେର ଜଳ ମୁଛେ  
ଦେବେନ । ଆର କୋନୋ ଶୋକ ବା ମୃତ୍ୟୁ ବା କାନ୍ଦା ବା ବ୍ୟଥାବେଦନା ହବେ ନା,  
କାରଣ ପୁରୋନୋ ସମ୍ମତ ବିଷୟ ଗତ ହେଁଛେ ।” 5 ଯିନି ସିଂହାସନେ ଉପବିଷ୍ଟ  
ଛିଲେନ, ତିନି ବଲଲେନ, “ଆମି ସବକିଛୁଇ ନତୁନ କରାଇଁ ।” ତାରପର ତିନି  
ବଲଲେନ, “ଲିଖେ ନାଓ, କାରଣ ଏସବ ବାକ୍ୟ ବିଶ୍ଵାସ୍ୟୋଗ୍ୟ ଓ ସତିୟ ।” 6  
ତିନି ଆମାକେ ବଲଲେନ: “ସମ୍ପନ୍ନ ହଲ । ଆମିଇ ଆଲଫା ଓ ଓମେଗା, ଆଦି  
ଓ ଅନ୍ତ । ଯେ ତୃଷ୍ଣାର୍ତ୍ତ, ତାକେ ଆମି ଜୀବନ-ଜଳେର ଉତ୍ସ ଥେକେ ବିନାମୂଲ୍ୟ  
ପାନ କରତେ ଦେବ । 7 ଯେ ଜୟୀ ହ୍ୟ, ସେ ଏସବେର ଅଧିକାରୀ ହବେ, ଆର  
ଆମି ତାର ଈଶ୍ଵର ହବ ଓ ସେ ଆମାର ପୁତ୍ର ବା କନ୍ୟା ହବେ । 8 କିନ୍ତୁ ଯାରା  
କାପୁରକ୍ସ, ଅବିଶ୍ଵାସୀ, ଘ୍ରଣ୍ୟ ସ୍ଵଭାବବିଶିଷ୍ଟ, ଖୁନି, ଅବୈଧ ଯୌନାଚାରୀ, ଯାରା  
ତନ୍ତ୍ରମନ୍ତ୍ର-ମାୟାବିଦ୍ୟା ଅଭ୍ୟାସ କରେ, ଯାରା ପ୍ରତିମାପୂଜା କରେ ଏବଂ ଯତ  
ମିଥ୍ୟାବାଦୀ, ତାଦେର ହ୍ରାନ୍ତ ହେଁଲାନ୍ତ ଗନ୍ଧକେର ଆଗୁନେର ହୁଦେ । ଏହି ହଲ  
ଦିତୀୟ ମୃତ୍ୟୁ ।” (Limnē Pyr g3041 g4442) 9 ଯେ ସାତଜନ ସ୍ଵର୍ଗଦୂତେର କାହେ  
ସାତଟି ଶେଷ ଆଘାତେ ପୂର୍ଣ୍ଣ ସାତଟି ବାଟି ଛିଲ, ତାଦେର ମଧ୍ୟେ ଏକଜନ  
ଏସେ ଆମାକେ ବଲଲେନ, “ଏସୋ, ଆମି ତୋମାକେ ସେଇ କନେ ଦେଖାଇ  
ଯିନି ମେଷଶାବକେର ସ୍ତ୍ରୀ ।” 10 ଆର ତିନି ଆମାକେ ପବିତ୍ର ଆତ୍ମାଯ ପୂର୍ଣ୍ଣ  
କରେ ଏକ ବିଶାଳ ଓ ଉଁଚୁ ମହାପର୍ବତେ ନିଯେ ଗେଲେନ ଓ ସେଇ ପବିତ୍ର ନଗରୀ  
ଜେରଶାଲେମକେ ଦେଖାଲେନ, ଯା ସ୍ଵର୍ଗ ଥେକେ, ଈଶ୍ଵରେର କାହିଁ ଥେକେ ନେମେ  
ଆସଛିଲ । 11 ତା ଛିଲ ଈଶ୍ଵରେର ମହିମାଯ ଭାସ୍ଵର, ଆର ତାର ଓଜ୍ଜ୍ବଳ୍ୟ

ছিল বহুমূল্য মণির, স্ফটিকের মতো স্বচ্ছ, সূর্যকান্ত মণির মতো। 12  
তার চারিদিকে ছিল বিশাল, উঁচু প্রাচীর এবং তার বারোটি দরজা।  
বারোজন স্বর্গদৃত ওই দরজাগুলিতে পাহারা দিচ্ছিলেন। দরজাগুলির  
উপরে লেখা ছিল ইস্রায়েলের বারো গোষ্ঠীর নাম। 13 তিনটি দরজা  
ছিল পূর্বদিকে, তিনটি উত্তর দিকে, তিনটি দক্ষিণ দিকে ও তিনটি  
পশ্চিমদিকে। 14 নগরের প্রাচীরের ছিল বারোটি ভিত, আর সেগুলির  
উপরে লেখা ছিল মেষশাবকের বারোজন প্রেরিতশিম্যের নাম। 15  
যে স্বর্গদৃত আমার সঙ্গে কথা বলছিলেন, তাঁর হাতে ওই নগর, তার  
দরজাগুলি ও তার প্রাচীরগুলি পরিমাপ করার জন্য ছিল সোনার এক  
মাপকাঠি। 16 নগরটির আকৃতি ছিল বর্গাকার, তার দৈর্ঘ্য-প্রস্থ সমান।  
তিনি ওই মাপকাঠি দিয়ে নগরটি পরিমাপ করলেন এবং তার দৈর্ঘ্য,  
প্রস্থ ও উচ্চতা একই হল, অর্থাৎ 2,220 কিলোমিটার। 17 তিনি  
মানুষের মাপকাঠি অনুসারে সেই প্রাচীর পরিমাপ করলেন এবং যার  
উচ্চতা 65 মিটার হল। 18 সেই প্রাচীর সূর্যকান্তমণি দ্বারা ও নগর  
বিশুদ্ধ কাচের মতো নির্মাণ সোনায় নির্মিত। 19 নগর-প্রাচীরের ভিত  
সব ধরনের মণিমাণিক্যে সুশোভিত। প্রথম ভিত সূর্যকান্ত মণির,  
দ্বিতীয় নীলকান্তের, তৃতীয় তাম্রমণির, চতুর্থ মরকতের, 20 পঞ্চম  
বৈদুর্যের, ষষ্ঠি সাদীয় মণির, সপ্তম হেমকান্তমণির, অষ্টম গোমেদের,  
নবম পদ্মারাগমণির, দশম লঙ্ঘনিয়ের, একাদশ পেরোজের ও বারো  
জামিরা মণির। 21 আর বারোটি দরজা ছিল বারোটি মুক্তার, প্রত্যেকটি  
দরজা এক-একটি মুক্তায় নির্মিত। নগরের রাজপথ ছিল স্বচ্ছ কাচের  
মতো বিশুদ্ধ সোনার। 22 আমি নগরের মধ্যে কোনো মন্দির দেখলাম  
না, কারণ সর্বশক্তিমান প্রভু ঈশ্বর ও মেষশাবকই তার মন্দির। 23  
নগরটি আলোকিত করার জন্য সূর্যের বা চাঁদের কোনও প্রয়োজন নেই,  
কারণ ঈশ্বরের মহিমা সেখানে আলো প্রদান করে এবং মেষশাবকই  
তার প্রদীপ 24 সব জাতি তার আলোয় চলাফেরা করবে এবং পৃথিবীর  
রাজারা এর মধ্যে তাদের প্রতাপ নিয়ে আসবে। 25 ওই নগরের  
দরজাগুলি কোনোদিন বা কখনও বন্ধ হবে না, কারণ সেখানে কোনো  
রাত্রিই হবে না। 26 সব জাতির প্রতাপ ও সম্মান এর মধ্যে নিয়ে

আসা হবে। 27 কোনও অশুচি কিছু কিংবা লজ্জাজনক মূর্তিপূজক বা প্রতারণাকারী, কেউই এর মধ্যে প্রবেশ করতে পারবে না; কেবলমাত্র যাদের নাম মেষশাবকের জীবনপুস্তকে লেখা আছে, তারাই প্রবেশ করবে।

**22** তারপর সেই স্বর্গদৃত আমাকে জীবন-জলের নদী দেখালেন। তার জল স্ফটিকের মতো স্বচ্ছ এবং তা ঈশ্বরের ও মেষশাবকের সিংহাসন থেকে নির্গত হয়ে 2 নগরের রাজপথের মাঝখান দিয়ে বয়ে চলেছে। নদীর দুই পাশে ছিল জীবনদায়ী গাছ, যা বারো মাসে বারো রকমের ফল উৎপন্ন করে। আর সেই গাছের পাতা সব জাতির আরোগ্যলাভের জন্য। 3 সেখানে আর কোনও অভিশাপ থাকবে না। সেই নগরের মধ্যে থাকবে ঈশ্বরের ও মেষশাবকের সিংহাসন, আর তাঁর দাসেরা তাঁর উপাসনা করবে। 4 তারা তাঁর শ্রীমুখ দর্শন করবে এবং তাঁর শ্রীনাম তাদের কপালে লেখা থাকবে। 5 সেখানে আর রাত্রি হবে না। তাদের প্রদীপের আলো বা সূর্যের আলোর প্রয়োজন হবে না, কারণ প্রভু ঈশ্বরই তাদের আলো প্রদান করবেন। আর তারা যুগে যুগে চিরকাল রাজত্ব করবে। (aiōn g165) 6 সেই স্বর্গদৃত আমাকে বললেন, “এই সমস্ত বাক্য বিশ্বাসযোগ্য ও সত্যি; যা অবশ্যই অচিরে ঘটতে চলেছে। আর এইসব তাঁর দাসদের দেখানোর জন্য প্রভু, ভাববাদীদের আত্মসমৃহের ঈশ্বর, নিজের দৃতকে প্রেরণ করেছেন।” 7 “দেখো, আমি শীত্বাই আসছি! ধন্য সেই জন, যে এই পুঁথিতে লেখা ভাববাণীর বাক্য পালন করে।” 8 আমি যোহন, এসব বিষয় শুনলাম ও দেখলাম। আর যখন আমি সেগুলি শুনলাম ও দেখলাম, তখন যে স্বর্গদৃত সেসব আমাকে দেখাচ্ছিলেন, আমি তাঁর উপাসনা করার জন্য তাঁর পায়ে পড়ে তাঁকে উপাসনা করলাম। 9 কিন্তু তিনি আমাকে বললেন, “তুমি এরকম কোরো না। আমি তোমার ভাববাদী ভাইদের ও যারা এই পুঁথিতে লিখিত সব বাক্য পালন করে, তাদের সহদাস। কেবলমাত্র ঈশ্বরের উপাসনা করো!” 10 এরপর তিনি আমাকে বললেন, “এই পুঁথিতে লিখিত ভাববাণীর বাক্য মোহরাঙ্কিত কোরো না, কারণ সময় সন্ধিকট। 11 যে অন্যায় করে, সে এর পরেও অন্যায় করবে; যে কল্পিত, সে

এর পরেও কল্পতার আচরণ করুক; যে ন্যায়সংগত আচরণ করে,  
সে এর পরেও ন্যায়সংগত আচরণ করুক; আর যে পবিত্র, সে এর  
পরেও পবিত্র থাকুক।” 12 “দেখো, আমি শীঘ্রই আসছি! আমার দেয়  
পুরস্কার আমার সঙ্গে আছে, আর আমি সকলের কৃতকর্ম অনুযায়ী  
তাদের পুরস্কার দেব। 13 আমিই আলফা ও ওমেগা, প্রথম ও শেষ,  
আদি ও অন্ত। 14 “ধন্য তারা, যারা নিজেদের পোশাক পরিষ্কার করে,  
যেন তারা জীবনদায়ী গাছের অধিকার লাভ করে ও নগরের দরজা  
দিয়ে প্রবেশ করে। 15 বাইরে রয়েছে কুকুরেরা, আর যারা তন্ত্রমন্ত্র-  
মায়াবিদ্যা অভ্যাস করে, যারা অবৈধ যৌনাচারী, যারা খুনি, যারা  
প্রতিমাপূজা করে, আর যারা মিথ্যা কথা বলতে ভালোবাসে ও তা  
অনুশীলন করে। 16 “আমি যীশু, মণ্ডলীগুলির কাছে এই সাক্ষ্য দিতে  
আমি আমার দৃতকে তোমাদের কাছে পাঠিয়েছি। আমিই দাউদের মূল  
ও বংশধর, উজ্জ্বল প্রভাতী-তারা।” 17 পবিত্র আত্মা ও কন্যা বলছেন,  
“এসো!” যে শোনে, সেও বলুক, “এসো!” যে তৃষ্ণার্ত, সে আসুক;  
আর যে চায়, সে বিনামূল্যের উপহার, জীবন-জল গ্রহণ করুক। 18  
যারা এই পুঁথির ভাববাণীর বাক্যগুলি শোনে, আমি তাদের প্রত্যেককে  
সতর্ক করে বলছি: যদি কেউ এর সঙ্গে আরও কিছু যোগ করে, ঈশ্বর  
সেই ব্যক্তির প্রতি এই পুঁথিতে লেখা আঘাতগুলি ও যোগ করবেন। 19  
আবার কেউ যদি ভাববাণীর এই পুঁথি থেকে কোনও বাক্য সরিয়ে দেয়,  
তাহলে ঈশ্বর এই পুঁথিতে লিখিত জীবনদায়ী গাছ থেকে ও সেই পবিত্র  
নগর থেকে তার অধিকার ও সরিয়ে দেবেন। 20 যিনি এসব বিষয়ের  
সাক্ষ্য দেন, তিনি বলছেন, “হ্যাঁ, আমি শীঘ্রই আসছি।” আমেন। প্রভু  
যীশু, এসো। 21 প্রভু যীশুর অনুগ্রহ ঈশ্বরের সকল পবিত্রজনের সঙ্গে  
থাকুক। আমেন।



আর আমি দেখলাম, পরিত্র নগৱী, সেই নতুন জেরুশালেম, দ্বর্গ থেকে, ঈশ্বরের কাছ থেকে নেমে আসছে। সে তার  
বরের জন্য সুন্দর কনের বেশে সজ্জিত হয়েছিল। আর আমি সেই সিংহাসন থেকে এক উচ্চ রব শুনতে পেলাম, তা  
বলছিল, “দেখো, এখন মানুষের মাঝে ঈশ্বরের আবাস, তিনি তাদের সঙ্গে বসবাস করবেন। তারা তাঁর প্রজা হবে  
এবং ঈশ্বর স্বয়ং তাদের সঙ্গে থাকবেন ও তাদের ঈশ্বর হবেন।

প্রকাশিত বাক্য 21:2-3

## পাঠকের গাইড

বাংলা at [AionianBible.org/Readers-Guide](http://AionianBible.org/Readers-Guide)

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, “*As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him.*” Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, “*And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned.*” So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, “*Do your best to present yourself approved by God, a worker who does not need to be ashamed, properly handling the word of truth.*” 2 Timothy 2:15. “*God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,*” 2 Peter 1:4-8.

## শব্দকোষ

বাংলা at [AionianBible.org/Glossary](http://AionianBible.org/Glossary)

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 201 New Testament verses. Compare the meanings below to the Strong's Concordance and Glossary definitions.

### **Abyssos** g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

### **aidios** g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

### **aiōn** g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

### **aiōnios** g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

### **eleēsē** g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See [ntgreek.org](http://ntgreek.org).

**Geenna** g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

**Hadēs** g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonomous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

**Limnē Pyr** g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

**Sheol** h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

**Tartaroō** g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

## শব্দকোষ +

[AionianBible.org/Bibles/Bengali--Contemporary/Noted](http://AionianBible.org/Bibles/Bengali--Contemporary/Noted)

Glossary references are below. Strong's Hebrew and Greek number notes are added to 64 Old Testament and 201 New Testament verses. Questioned verse translations do not contain Aionian Glossary words and may wrongly imply *eternal* or *Hell*. \* The note placement is skipped or adjusted for verses with non-standard numbering.

### **Abyssos**

লুক 8:31  
রোমীয় 10:7  
প্রকাশিত বাক্য 9:1  
প্রকাশিত বাক্য 9:2  
প্রকাশিত বাক্য 9:11  
প্রকাশিত বাক্য 11:7  
প্রকাশিত বাক্য 17:8  
প্রকাশিত বাক্য 20:1  
প্রকাশিত বাক্য 20:3

প্রেরিত 3:21  
প্রেরিত 15:18  
রোমীয় 1:25  
রোমীয় 9:5  
রোমীয় 11:36  
রোমীয় 12:2  
রোমীয় 16:27  
১ম করিথীয় 1:20  
১ম করিথীয় 2:6  
১ম করিথীয় 2:7  
১ম করিথীয় 2:8  
১ম করিথীয় 3:18  
১ম করিথীয় 8:13  
১ম করিথীয় 10:11  
২য় করিথীয় 4:4  
২য় করিথীয় 9:9  
২য় করিথীয় 11:31  
গালাতীয় 1:4  
গালাতীয় 1:5  
ইফিমীয় 1:21  
ইফিমীয় 2:2  
ইফিমীয় 2:7  
ইফিমীয় 3:9  
ইফিমীয় 3:11  
ইফিমীয় 3:21  
ইফিমীয় 6:12  
ফিলিপ্পীয় 4:20  
কলসায় 1:26  
১ম তাইমথি 1:17  
১ম তাইমথি 6:17  
২য় তাইমথি 4:10  
২য় তাইমথি 4:18  
তাইত 2:12  
ইন্দ্রীয় 1:2  
ইন্দ্রীয় 1:8  
ইন্দ্রীয় 5:6  
ইন্দ্রীয় 6:5  
ইন্দ্রীয় 6:20  
ইন্দ্রীয় 7:17  
ইন্দ্রীয় 7:21  
ইন্দ্রীয় 7:24  
ইন্দ্রীয় 7:28  
ইন্দ্রীয় 9:26  
ইন্দ্রীয় 11:3  
ইন্দ্রীয় 13:8  
ইন্দ্রীয় 13:21  
১ম পিতর 1:23

১ম পিতর 1:25  
১ম পিতর 4:11  
১ম পিতর 5:11  
২য় পিতর 3:18  
১ম যোহন 2:17  
২য় যোহন 1:2  
যিহূদা 1:13  
যিহূদা 1:25  
প্রকাশিত বাক্য 1:6  
প্রকাশিত বাক্য 1:18  
প্রকাশিত বাক্য 4:9  
প্রকাশিত বাক্য 4:10  
প্রকাশিত বাক্য 5:13  
প্রকাশিত বাক্য 7:12  
প্রকাশিত বাক্য 10:6  
প্রকাশিত বাক্য 11:15  
প্রকাশিত বাক্য 14:11  
প্রকাশিত বাক্য 15:7  
প্রকাশিত বাক্য 19:3  
প্রকাশিত বাক্য 20:10  
প্রকাশিত বাক্য 22:5

### **aīdios**

রোমীয় 1:20  
যিহূদা 1:6


প্রকাশিত বাক্য 1:13  
প্রকাশিত বাক্য 5:13  
প্রকাশিত বাক্য 7:12  
প্রকাশিত বাক্য 10:6  
প্রকাশিত বাক্য 11:15  
প্রকাশিত বাক্য 14:11  
প্রকাশিত বাক্য 15:7  
প্রকাশিত বাক্য 19:3  
প্রকাশিত বাক্য 20:10  
প্রকাশিত বাক্য 22:5

### **aiōn**

মাথি 12:32  
মাথি 13:22  
মাথি 13:39  
মাথি 13:40  
মাথি 13:49  
মাথি 21:19  
মাথি 24:3  
মাথি 28:20  
মার্ক 3:29  
মার্ক 4:19  
মার্ক 10:30  
মার্ক 11:14  
লুক 1:33  
লুক 1:55  
লুক 1:70  
লুক 16:8  
লুক 18:30  
লুক 20:34  
লুক 20:35  
যোহন 4:14  
যোহন 6:51  
যোহন 6:58  
যোহন 8:35  
যোহন 8:51  
যোহন 8:52  
যোহন 9:32  
যোহন 10:28  
যোহন 11:26  
যোহন 12:34  
যোহন 13:8  
যোহন 14:16

**aiōnios**  
মাথি 18:8  
মাথি 19:16  
মাথি 19:29  
মাথি 25:41  
মাথি 25:46  
মার্ক 3:29  
মার্ক 10:17  
মার্ক 10:30  
লুক 10:25  
লুক 16:9  
লুক 18:18  
লুক 18:30  
যোহন 3:15  
যোহন 3:16  
যোহন 3:36  
যোহন 4:14  
যোহন 4:36  
যোহন 5:24  
যোহন 5:39  
যোহন 6:27  
যোহন 6:40  
যোহন 6:47  
যোহন 6:54  
যোহন 6:68


যোহন 10:28	মার্ক 9:43	গীতসংহিতা 89:48
যোহন 12:25	মার্ক 9:45	গীতসংহিতা 116:3
যোহন 12:50	মার্ক 9:47	গীতসংহিতা 139:8
যোহন 17:2	লুক 12:5	গীতসংহিতা 141:7
যোহন 17:3	যাকোব 3:6	হিতোপদেশ 1:12
প্রেরিত 13:46		হিতোপদেশ 5:5
প্রেরিত 13:48		হিতোপদেশ 7:27
রোমায় 2:7	মথি 11:23	হিতোপদেশ 9:18
রোমায় 5:21	মথি 16:18	হিতোপদেশ 15:11
রোমায় 6:22	লুক 10:15	হিতোপদেশ 15:24
রোমায় 6:23	লুক 16:23	হিতোপদেশ 23:14
রোমায় 16:25	প্রেরিত 2:27	হিতোপদেশ 27:20
রোমায় 16:26	প্রেরিত 2:31	হিতোপদেশ 30:16
২য় করিখ্যীয় 4:17	১ম করিখ্যীয় 15:55	উপদেশক 9:10
২য় করিখ্যীয় 4:18	প্রকাশিত বাক্য 1:18	শলোমনের পরাগণীত 8:6
২য় করিখ্যীয় 5:1	প্রকাশিত বাক্য 6:8	যিশুইয়া ভাববাদীর বই 5:14
গালাতীয় 6:8	প্রকাশিত বাক্য 20:13	যিশুইয়া ভাববাদীর বই 7:11
২য় থিব্যানীকীয় 1:9	প্রকাশিত বাক্য 20:14	যিশুইয়া ভাববাদীর বই 14:9
২য় থিব্যানীকীয় 2:16		যিশুইয়া ভাববাদীর বই 14:11
১ম তামথি 1:16		যিশুইয়া ভাববাদীর বই 14:15
১ম তামথি 6:12	প্রকাশিত বাক্য 19:20	যিশুইয়া ভাববাদীর বই 28:15
১ম তামথি 6:16	প্রকাশিত বাক্য 20:10	যিশুইয়া ভাববাদীর বই 28:18
১ম তামথি 6:19	প্রকাশিত বাক্য 20:14	যিশুইয়া ভাববাদীর বই 38:10
২য় তামথি 1:9	প্রকাশিত বাক্য 20:15	যিশুইয়া ভাববাদীর বই 38:18
২য় তামথি 2:10	প্রকাশিত বাক্য 21:8	যিশুইয়া ভাববাদীর বই 57:9
তাত 1:2		যিহিস্কেল ভাববাদীর বই 31:15
তাত 3:7		যিহিস্কেল ভাববাদীর বই 31:16
ফিলীম 1:15	আদিপুস্তক 37:35	যিহিস্কেল ভাববাদীর বই 31:17
ইগ্রীয় 5:9	আদিপুস্তক 42:38	যিহিস্কেল ভাববাদীর বই 32:21
ইগ্রীয় 6:2	আদিপুস্তক 44:29	যিহিস্কেল ভাববাদীর বই 32:27
ইগ্রীয় 9:12	আদিপুস্তক 44:31	হোশেয় ভাববাদীর বই 13:14
ইগ্রীয় 9:14	গণনার বই 16:30	আমোষ ভাববাদীর বই 9:2
ইগ্রীয় 9:15	গণনার বই 16:33	যোনা ভাববাদীর বই 2:2
ইগ্রীয় 13:20	দ্বিতীয় বিবরণ 32:22	হবকৃক ভাববাদীর বই 2:5
১ম পিতর 5:10	শমূয়েলের প্রথম বই 2:6	
২য় পিতর 1:11	শমূয়েলের দ্বিতীয় বই 22:6	
১ম যোহন 1:2	প্রথম রাজাবলি 2:6	
১ম যোহন 2:25	প্রথম রাজাবলি 2:9	
১ম যোহন 3:15	ইয়োবের বিবরণ 7:9	
১ম যোহন 5:11	ইয়োবের বিবরণ 11:8	
১ম যোহন 5:13	ইয়োবের বিবরণ 14:13	
১ম যোহন 5:20	ইয়োবের বিবরণ 17:13	
যিহুদা 1:7	ইয়োবের বিবরণ 17:16	
যিহুদা 1:21	ইয়োবের বিবরণ 21:13	
প্রকাশিত বাক্য 14:6	ইয়োবের বিবরণ 24:19	
	ইয়োবের বিবরণ 26:6	
	গীতসংহিতা 6:5	
	গীতসংহিতা 9:17	
	গীতসংহিতা 16:10	
	গীতসংহিতা 18:5	
	গীতসংহিতা 30:3	
	গীতসংহিতা 31:17	
	গীতসংহিতা 49:14	
	গীতসংহিতা 49:15	
	গীতসংহিতা 55:15	
	গীতসংহিতা 86:13	
	গীতসংহিতা 88:3	




বিশাসেই অব্রাহাম, যে স্থান তিনি ভবিকালে উত্তরাধিকার হিসেবে লাভ করবেন, সেই স্থানে যা ওয়ার আছান পেয়ে গুরুত্বান্বন্ন করেই, বাধ্যতার সঙ্গে পেই স্থানে গোজেন। - ইরীয় 11:8

## Israel's Exodus


N ▲



ফরাইও যখন গোকুপদের হেতো দিলেন, ঈশ্বর তখন তাদের কিলিভিনাদের দেশের মধ্যে দিয়ে ঝলপ্পথ পথ দেখিয়ে নিয়ে যাননি, যদি ও সেটিই সংক্ষিপ্ত পথ।  
কারণ ঈশ্বর বললেন, “যদি তারা যুক্তের সমুদ্ধিল হয়, তবে তারা হয়তো তাদের মন পরিবর্তন করে ফেলাৰে এবং মিশ্রে কিৰে যাবে” - যাগাপুত্রক 13:17



কারণ, এমনকি, যখনপুরুষেরা প্রতে আসেননি, কিন্তু সেবা করতে ও অনন্দের পরিবর্তে নিজের প্রাণ মৃত্যুপর্যন্ত দিতে এসেছেন। - মার্ক 10:45



পেল, শৈষ্য একজন ত্রৈতাস, প্রেরিতশিক্ষকে আহুত ও ঈশ্বরের সুসমাচর প্রচারের জন্ম নিয়ন্ত - গোনীয় ১:১

## **Creation 4004 B.C.**

- Adam and Eve created  
Tubal-cain forges metal
- Enoch walks with God
- Methuselah dies at age 969
- God floods the Earth
- Tower of Babel thwarted
- Abraham sojourns to Canaan
- Jacob moves to Egypt
- Moses leads Exodus from Egypt
- Gideon judges Israel
- Ruth embraces the God of Israel
- David installed as King
- King Solomon builds the Temple
- Elijah defeats Baal's prophets
- Jonah preaches to Nineveh
- Assyrians conquer Israelites
- King Josiah reforms Judah
- Babylonians capture Judah
- Persians conquer Babylonians
- Cyrus frees Jews, rebuilds Temple
- Nehemiah rebuilds the wall
- Malachi prophesies the Messiah
- Greeks conquer Persians
- Seleucids conquer Greeks
- Hebrew Bible translated to Greek
- Maccabees defeat Seleucids
- Romans subject Judea
- Herod the Great rules Judea**

## **New Heavens and Earth**

- Christ returns for his people
- Jim Elliot martyrdom in Ecuador
- John Williams reaches Polynesia
- Zinzendorf leads Moravian mission
- Japanese kill 40,000 Christians
- Jesuits reach Mexico
- Martin Luther leads Reformation
- Gutenberg prints first Bible
- Franciscans reach Sumatra
- Ramon Llull trains missionaries
- Crusades tarnish the church
- The Great Schism
- Adalbert martyrdom in Prussia
- Bulgarian Prince Boris converts
- Boniface reaches Germany
- Alopen reaches China
- Longinus reaches Alodia / Sudan
- Saint Patrick reaches Ireland
- Carthage ratifies Bible Canon
- Ulfilas reaches Goth / Romania
- Nicæa proclaims God is Trinity
- Denis reaches Paris, France
- Tertullian writes Christian literature
- Titus destroys the Jewish Temple
- Paul imprisoned in Rome, Italy
- Thomas reaches Malabar, India
- Peter reaches Gentile Cornelius
- Holy Spirit empowers the Church**

**Jesus Christ born 4 B.C.**  
(The Annals of the World, James Usher)

(Wikipedia, Timeline of Christian missions)

**Resurrected 33 A.D.**

<b>What are we?</b>	▶ Genesis 1:26 - 2:3	Mankind is created in God's image, male and female He created us
<b>How are we sinful?</b>	▶ Romans 5:12-19	Sin entered the world through Adam and then death through sin
		<b>When are we?</b> ▼
<b>Where are we?</b>		Innocence Fallen Glory
	Eternity Past Creation 4004 B.C.	Fall to sin No Law 1500 B.C. Christ 33 A.D. Church Age Kingdom Age
God	Father John 10:30 God's perfect fellowship	1 Timothy 6:16 Living in unapproachable light John 8:58 Pre-incarnate Psalm 139:7 Everywhere John 1:14 Incarnate Luke 23:43 Paradise
	Son Genesis 1:31 God's perfect fellowship with Adam in The Garden of Eden	Ephesians 2:1-5 Serving the Savior or Satan on Earth Luke 16:22 Blessed in Paradise Luke 16:23, Revelation 20:5-13 Punished in Hades until the final judgment
Mankind	Living Deceased believing Deceased unbelieving	Hebrews 1:14 Serving mankind at God's command 2 Peter 2:4, Jude 6 Imprisoned in Tartarus
	Holy Genesis 1:1 Imprisoned No Creation No people	Revelation 20:13 Thalaasa
Who are we?	Fugitive Angels First Beast False Prophet Satan	Matthew 25:41 Revelation 20:10 Lake of Fire prepared for the Devil and his Angels
	Genesis 1:31 No Fall No unholy Angels	1 Peter 5:8, Revelation 12:10 Rebelling against Christ Accusing mankind
		Revelation 20:2 Abyss
<b>Why are we?</b>	▶ Romans 11:25-36, Ephesian 2:7	For God has bound all over to disobedience in order to show mercy to all

## ভবিতব্য

বাংলা at [AionianBible.org/Destiny](http://AionianBible.org/Destiny)

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, "*the gates of Hades will not prevail,*" Matthew 16:18. Paul asks, "*Hades where is your victory?*" 1 Corinthians 15:55. John wrote, "*Hades gives up,*" Revelation 20:13.

Jesus comforts us saying, "*Do not be afraid,*" because he holds the keys to *unlock* death and Hades, Revelation 1:18. Yet too often our *Good News* sounds like a warning to "*be afraid*" because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, "*out of the frying pan, into the fire?*" Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, "*Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'*" Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. Jesus said, "*You did not choose me, but I chose you,*" John 15:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



## World Nations

অতএব, তোমরাগুলি ও সমস্ত জাতিকে শিষ্য করো, পিতা ও পুত্র ও পরিবর্ত আত্মার নামে তাদের বাণিজ্য দাও। - মাথি 28:19